




R. B. ROSENTHAL  
LIVROS  
Lisboa 2 — Portugal



John Carter Brown  
Library  
Brown University


JOHN CARTER BROWN  
LIBRARY

Purchased from the  
Trust Fund of  
Lathrop Colgate Harper  
LITT. D.











# HISPANIAE ILLVSTRATÆ

SEV

RERVM IN HISPANIA ET  
præsertim in Aragonia gestarum Scripto-  
res varii.

*In Germania nunquam hætenus excusi.*

EX BIBLIOTHECA REVERENDISSIMI DOMINI  
IOANNIS PISTORII SS. Theologiæ Doctoris, Cathedralis  
Vratislaviensis Ecclesiæ Præpositi, S. Cæs.  
Maieſt. Conſilarii.

Tomus III.

*Librorum series post præfationem aſcripta: additæ regiarum Aragoniæ  
& aliarum Hiſpaniæ familiarum tabula genealogica: ſubiunctus ſub  
finem index copioſiſſimus.*



FRANCOFVRTI,

Apud Claudium Marnium, & Hæredes  
Iohannis Aubrii.

MDCVI.

*Cum Gratia & perpetuo Cæs. Maieſt. Privilegio.*



HISPA NIAE

ILLVSTRATV

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE

REVM IN HISPA NIAE


REVM IN HISPA NIAE



INDEX LIBRORVM, QVI IN  
HVNC TERTIVM TOMVM CON-  
ueniunt.

- I. INDICES rerum ab *Aragonia regibus gestarum Libri III.* pag. i.
- II. GAVFREDI MALATERRÆ monachi rerum gestarum a Rob. Viscardo Calabriae duce, & Rogerio &c. fratribus in Campania, Apulia, &c. Libri IV. p. 232.
- ALEXANDRI Cænobij S. Saluatoris Vallis Celesinae abbatis rerum gestarum a Rogerio Siciliae rege Libri IV. 344.
- Genealogia Rob. Viscardi, & alior. Siciliae regum, & PTOLEMÆI DE LVCA ordinis fratrum prædicatorum excerpta. 373.
- III. BERNARDINI GOMESII MIEDIS Archidiaconi Saguntini, canonicique Valentini, de vita & rebus gestis Iacobi I. regis Aragonum, cognomento Expugnatoris, Libri XX. 383.
- IV. HIERONYMI BLANCAE Cesaraugustani Commentarii rerum Aragonensium. 566.
- V. Genealogica tabula aliquot, inserenda post pag. 840.
- Primum regum *Aragonia*: & familiae *Aragonicae Lanuzarum*.  
Deinde *Nordmannicorum principum*, qui *Apuliam, Calabriam & Siciliam* rexere.  
Tertio *Gironum familiae*, & aliarum quæ ex iis propagata, tabulis 37.
- VI. Legum Wisigothorum Codicis libri XII. 847.
- Isidori Hispalensis Episcopi de Gothis, Wandalis & Suevis Chronicon. 847.
- Procopii Cesariensis Rhetoris ex lib. V III. Histor. locus de Gothorum origine. 843.









# INDICES RERVM AB ARAGONIÆ REGIBVS GESTARVM.

## *Liber Primus.*

20 **R**EGNI Gothorum initia ab Ataulfo in Hispania facta, AERA.  
cum huius gentis arma, maiestate primo Romani Impe- NAT.  
rij, mox opibus labentibus terra, mariq; late paterent, re- CHR.  
gio sanguine sunt polluta. Theudericus deuictis Sueuis,  
quorum furoris pars maxima Hispanias, vsque ad Ocea-  
ni Gallaici oras peruaserat, è Narbonensi Gallia, quam  
Gothiam ipsi appellauere regni sede Pyrenæum traducta,  
primus regnum constituit. Suintilla demum exactis Ro-  
manorum armis, vniuersæ dominationi fastigium impo-  
suit. Cum firmata iam, & stabilita in Hispania pace Go-  
thica gens floreret, neque externo premeretur hoste,  
30 bellicosissima natio desidîæ, atque ignauîæ dedita, armo-  
rum cessione, & inerti luxu bellis desuefacta, non ab horridis, vt antea, Scytharum  
gentibus, sed à toriens deuictis Afris, & Numidis, qui intra aliena Arabum arma com-  
migrauerant, posternitur, funditusque deletur.

SARRACENI, QVI Arabiæ partem, ab oriente in meridiem deflexi incolebant,  
Scenitæ Arabes antea nuncupati, vasto solitudinum recessu septi, & Mesopotamiæ ad-  
iuncti, altera totius Orbis perniciēs, atque calamitas, regni Heraclij Imperatoris An-  
no Septimo, quem verusta quædam monumenta in annum Incarnationis Christi  
DCCXXVI conferunt, Romanorum Imperio repugnantes stabili sede, ac propriis, cer- 664.626  
tisque domiciliis egressi, incursionibus vicinas regiones infestissime proterunt: adeo-  
40 que instant, vt Heracleus ad eos arcendos Theodorum germanum fratrem præmise-  
rit. Hi Mahmete duce, homine improbissimo, & perfidissimo, qui se se & genere,  
& prudentia suæ genti, vehementi plebis concitatione vsus fallacissimè vendita-  
ret, haud aliter, ac si sapientissimi viri animus multa in posterum præsentiret, & præ-  
sagittio eius menti diuinitus inclusa esset, cui vt veteratori, & callido duci eius belli  
administrandi dominatum, principatumq; detulerant, Arabiæ, Mesopotamiæ, Syriæ-  
que prouincias inuasert. Theodoro demum cum omni nobilitate, & militiæ robore  
ad Gabatham Syriæ oppidum ad internecionem redacto, omnium prouinciarum,  
quas inuasert, potiuntur: & Damascum splendidissimam Syriæ urbem regni sedem,  
atque arcem constituunt. Abubeccar Mahmetis locum, principatumque obtinuit:  
50 qui in Persas arma conuertit: & Hamer eius successor vires Orientis omnes commo-  
uens, magnam Ægypti partem, Alexandriamque metropolim Imperio subiicit: &  
cum post Hamerem Etheman Sarracenorum Imperio princeps admoueretur, Pen-  
tapolim, Libyam Marmaricam, & Æthiopiam, quæ supra Ægyptum vastis, ac desertis  
regionibus prætenditur, in suam potestatem, ditionemque redigunt. Mohabia tanti  
iam Imperij gubernacula tractans aduersus Constantem Augustum, qui ingentem  
classem ornat, rem feliciter gerit. Abdalla duce Africam, & Mauritania subigit: at-  
que decursionibus maritimam oram deuastat: cum Wamba, cui Gothi Hispaniarum,  
& Galliarum prouinciæ imperium detulerant, pie, ac sancte regnum administraret. Mo-  
habia Izit: huic vero eius filius Mohabia Sarracenorum imperio substituitur. Moha-



AERA.  
NAT.  
CHA.

bia iunioris vita functo, Sarracenorum exercitus duos ex cunctis sibi duces deligit: Abdallam, & Maroam, atque eorum opes, ac vires in contrarias distrahuntur partes: magnisque vltro, citroque inlatis cladibus Maroam nouem annorum indutiis cum Constantino Imperatore pactis, prouincias inter filios partitus, Abdebmec natu maximo Persidem, Armeniam, Mesopotamiam, Osdroenem, Arabiam, & Syriæ regiones dereliquit: Abdelaziz vero Ægyptū, Æthiopiam vltioris tractus, & Tripoleos, Africam, & reliquas ad Gaditanum fretum adiacentes prouincias attribuit: exercitibus, atque classibus Mahmetem filium præficit: Sed Vlii Abdelmec filius, cum à patre Abdelaziz frater Regno deturbatus esset, Sarracenorum vniuerso Imperio à patre præficitur: qui hostes, ac vicinas omnes gentes contudit: atque confregit: & India, vt vetustis eiusdem ætatis scriptor perhibet, dominatur: atque idem auctor ita subdit. In occiduis inquit partibus Regnum Gothorum antiqua soliditate firmatum apud Hispanias, per ducem sui exercitus nomine Muzam adgressus edomuit: & regno ablato vetustales fecit. Tam paucis res tanta, taleque, ac tantum, quantum alias nunquam ea celeritate confectum est bellum, à vetusto scriptore perstringitur: & magnis tenebris incredibilis, & inaudita clades inuoluitur. Hi omnes qui summo Arabum imperio sunt potiti, suæ gentis nomine, tanquam Regio, & imperatorio munere fungentes Miralmuminimi sunt cognominati. Satis constat repentinam eam calamitatem non fuisse: sed regno malis ciuilibus oppresso, Witiza Rege rerum potente, Zemam, quem 745.707 alii Seniam vocant, Arabum Ducem AERA DCCXLV ad irrupendas Hispaniæ oras classem comparasse: eoque anno Tariffium ingentium copiarum ductorem freto transmissio Baticam inuasisse. Tariffium autem Arabum itidem ducem vetustis monumentis Tarik vocatum comperio.

747.709 Ruderico regnante AERA DCCXLVII & Witizæ Regis filiis arma commouentibus, quos Rudericus, regni, quod ipse inuaserat, successionem deiecerat, & Iuliano Spathariorum Comite Witizæ consobrino, & Egicæ Regis genero acerbissimo animi sensu patrati à Ruderico adulterii dolore percito: quod Rex uxori, Faldrinam vocatam memoriæ proditur, probrum intulerat, siue Caiz filia illuserat, hostium vires concitate, ductoribus Muza militiæ principe Azuri filio, & Tariffio Arabes ad Calpem, non proedonum more, sed vt in propria emigrantes irrumpunt: ac tota se prouincia Bætica, & Lusitania repentinis incursionibus effundunt.

748.710 Cum misera, & calamitosa tempora instarent Rudericus totius regni copias, non iam illo Getico, & Martio furore truces, atque insultantes, sed molles, atque enervatas colligens, & inter Sericium, & Assidonam urbem in extremum rerum omnium certamen, atque discrimen deueniens, non gentem modo, sed regnum in interitum, & exitium dedit: imperii enim, vitæque eius finis idem fuit. Incredibili impetu Arabes Hispaniarum potiuntur: vt non tam rerum publicarum prodicione nefaria filiorum Witizæ aut Iuliani Comitum, vt ferunt, regni proditoris, extinctorisque patriæ scelere conciderit, quam cælesti ira regnum Hispaniæ ipsius exitio partum Gothicæ gentis internecione euersum sit. Hostes, quod ex Mauritaniis in Hispanias transmiserint, à nostris Mauri vocati: vt hoc quoque nomine vt, temporibus seruientes cogamur: omnes eiusdem sectæ homines Mauros appellando.

Annorum præterea ratio æræ nomine adscripto diuisa temporibus, & serie rerum connexa intermitteri non debuit: vt rei tot sæculis ab Hispanis usurpata sua exstaret vestigia: quoad eius nominis memoria apud nostros exoleuit. Octo, & triginta annorum interuallo Christi Saluatoris nostri natalem antecedit. Hispani enim Ægyptios imitati ex eo sua notare, & conseruare tempora voluerunt, quod eo anno in potestatem, ditionemque P. R. venerint: C. Cæsare, qui Augustum nomen adeptus est, rerum potente. Ciuitates enim quasdam Italiæ diem, quo primum ad se Augustus aduentasset, initium anni fecisse, alias vero Asiæ annorum origines ab eius nomine, & dignitate duxisse comperimus.

752.714 Maior scriptorum pars hoc anno de summa rerum à Ruderico Rege decertatum prodit: exstantque vetusti annales, qui AERA DCCCLII Mauros ante diem iij. Id. Nouemb. in Hispaniam appullos referant. Multo vetustiores prodidere eo ipso tempore Astures in Maurorum potestate, ac ditione fuisse: & eodem anno Pelagium filium Fasilani Ducis ex Regia progenie ortum cælesti vi, diuinoque numine ex spelunca Asseuæ montis egressum hostes profligasse: & regni initia in Asturum regione, inter ipsas gladii reliquias, & hostiles perfugas constituisse. Innumeri enim Christianorum populi Maurorum imperia perferentes, sub eorum dominatu graue seruitutis iugum perpe-



perpetiuntur. Mozarabes appellati: quod Christiani mixti Arabibus essent. Ingens enim Maurusiorum, Numidarum, & Afrorum, & earum gentium multitudo per Hispanias circumfusa immane quanta celeritate ad regiones quoque longinquas progredientes, populis ad internecionem p[ar]te deletis late peruagantur. Iique ex Christiano populo superfuere, qui captiui: aut dedititii manserant: aut quos refugia montium receperant, Nobilitas omnis ac Regio genere prognati ad Astures, & Francos confugiunt: Pyrenæique claustra obsident.

AERA.  
NAT.  
CHR.

Mauri Pyrenæi saltus transgressi Aquitaniam, & Narbonensem prouinciam eodem furore perciti adoriuntur. Ea tempestate Zema siue is Senia est Burdigalam, & 753. 715  
10 Pictonum urbem expugnat. Volcarum Testosagum, qui Gallia, quam nunc Gothiā vocant, continentur, potitur: & Francorum nationem bello laceffit. Cum Mauri Tolosam obsiderent, Zema interempto Dux Eudo magnam hostibus cladem intulit. Regio, quæ ad Aragonem amnē, vix tunc nisi indigenis cognitum, & Pyrenæi culmina pertinet, XVI. M. P. patens, & montium iugis anfractibusque conuallium septa, minima Vascitanæ portio miseris, & afflictis reliquiis incolitur. Hi ab impiis gentibus ad fastidium perdomiti, sprete, & in montium vastas solitudines repulsi, in militaria munera operas conferentes, in summa omnium rerum inopia diuinos cultus neque deferunt: neque intermittunt. Sacra, ac sanctorum veneranda corpora alia cauis montium, atq; humo cælantur: alia in finitimas vrbes, trans Pyrenæum, & in editissima castella  
20 arcentur: vt pie religio, ipsis etiam regionibus ab impiis possessis, coleretur. Ex eo Aragonia terra ab amne dicta. Nam nequis exquisitius reconditam nominis rationem indagare velit, id magis verisimile vetustas ipsa edocet: cum Indiæ, Ægypto, Hispaniæ vniuersæ, olim Hiberiæ dictæ, & insigni prouinciæ Baticæ à fluminib. imposita nomina appareant. Iam plures in iuga Pyrenæi abscefferant: & castella rupibus indita. Bellum inde impeditum, arduum, cruentum, atque perpetuum.

Inter tot excisas, & funditus deletas vrbes, atque ipsas in perpetuum euerfas prouincias Germanorum primo incursionibus, qui XI. annis sub imperatore Gallieno Hispanias peruastrauere, postea Wandalorum, Alanorum, Sueuorum, atque Gothorum, & Arabum bellis vastas, atque desertas, vnā legimus, inter ipsa euerfionis incendia, ab Aiubio Aboualibio Arabum Rege, supra Bilbilis vix relicta vestigia III. M. P. in  
30 Salonis amnis ripa conditam: Bilbilis enim Celtiberorū nobilis vrbs acri montis iugo sublata, atque suspensa, siue Gothorum, siue Maurorum incendiis conflagrauerit, præter nomen reliquiæ nullæ mansere. Oppidum vero ab Aiubio conditum, & molli cliuo situm, quod eius opus esset, & populo frequentatum Calataiubium dictum.

Quæ huic loco de Augerio Catalone, & magnis illis, siue Germanicæ, siue Francorum gentis proceribus in Cataloniam transcensis, iusto coacto exercitu sacrum bellum gesturis fabula inferitur, qua ferme res antiqua alia apud vulgus non est insignior, ne incertæ, vanæque rei auctor sim, reiici mihi digna visa est: cuius neque prius in annalibus, neque testatis rerum gestarum monumentis vlla vestigia apparent.  
40 Ne pro certo traderem, cum ipsius rei, de qua agitur dignitas, tum ipsi vetusti rerum Barcinonensium auctores efficiunt: qui nihil eorum gestum prodidere: propagatamque fabulam ex vana quadam Petri Tomichij ostentatione videmus. Scio homines prudentes, & graues, & rerum vetustarum gnaros his minime oblectari: & ab iis, qui earum fabularum lenociniis, & illecebris deliniantur mihi vitio verti non posse, aut calumniam adhiberi, si res eas inanes, & futes homines peregrinus reiecerim: quæ à Hieronymo Paullo Barcinonensi viro antiquitatis peritissimo, patrum nostrorum memoria, non sine conuitio exacte, & explosæ feruntur.

Cum æqualis illis temporibus scriptor nullus exstet, in summa obscuritate rerum gestarum versamur. Vetus rerum Aragonensium auctor, qui ante CC annos Regum facta composuit, in artificio, & opera quam tenui, & exili, quum alias nullam adhibuisse diligentiam videatur, in recensendis regni originibus longe se, & cæteros omnes superat: sed falso quæ sita propriæ gentis laus leuiorem auctorem facit: præsertim cum Rudericus Simenius Toletanus antistes propior temporibus harum rerum scriptor, & longe vetustior, apud quæ clariora, certioraque domi militiæq; gesta exponuntur, Reges, quos ille noster commemorat, silentio prætermiserit. Hic vero prodit Garciam Simenium cum vxore Innica primum, ex quo Mauri Hispaniarum potiti sunt, in Vasconum regione regnum constituisse: quod Nauarræ posterius vocarunt: & hoc anno Aznarium Comitem Aragonensibus præpositum fuisse: Osz vero regnum Abdurrahamenem Maurum obtinuisse. Tamen hunc Regem Garciam, & v. ex ordine



AERA.  
PAT.  
CHR.

sequentes, cum à nullo alio vetusto scriptore commemorentur, & illa commentatio rerum obscuritate penitus inclusa in veritatis lucem, aut rerum gestarum, aut certa temporum serie proferenda esset, cogimur nuda tantum nominum commemoratione recensere. Ipsa vero regni primordia in Vascitania cis Pyrenæum facta idem auctor, ut Regni à Pelagio inter Astures, & Cantabros constituti initijs adæquarentur, altius repetita hæc fuisse commemorat: ut Nauarræ regnum Garciz Simenio attribuat: Aragoniæ vero Comitatum Aznario.

796.758

Præterea, sicut ab eodem proditur, rem exponendam censeo: ne vetusto scriptori & sacris cœnobij vetustissimi Ioannis Pinnatensis additæ fides abrogetur. Mauris Hispanias debellantibus, qui eorum furori superstitēs fuerant, alios in Asturiam, 10 Ordoniam, & Viscaiam, in montosa alios Suprarbij Ripacirciæ, & Aragoniæ loca se abdidisse: arcesque, & castella exædificasse. Omnes eas regiones à Maurorum se dominatu, & imperio liberasse. Astures Pelagium sibi Regem adsciuisse. Tamen is auctor re ipsa & superiori, & inferiori sententia satis sibi constare videtur: ita enim subdit: Circiter ccc qui hostilia arma euaserant, prope urbem Vasconum Iaccam in deuos saltus recessisse: Vroelum montem obsedisse: vicinum collem obiicibus viarū difficillimo ascensu, atq; aduersus montiū arduū, & infestū Panon vocatum, vicatim habitasse: castellis, atq; arcibus cōmunisse: & omnes suas copias eo contraxisse. Ea tamē præsidia breui ab Abdemelico Abencatano Abderrahmenis Abenmōzauiz Cordubensis Regis duce diruta: atq; euerfa fuisse cōfirmat. Eo tempore virum in primis yene 20 rāndū nomine Iohannē in spelunca delubrū D. Iohanni Baptistæ sacrum construxisse cuius & viui, & mortui insignis sanctitatis fama ad oēs vicinas regiones fuerit peruagata. Eo se mox applicuisse Othonē, & Felicem fratres: Casaraugusta profectos: tanquā in regionē, q̄ in oēs partes solitudines clauderent: eosq; cōsecutos fuisse Benedictū, & Marcellū: oēs sanctitate insignes viros: eiusq; sacri secessus solitudinē Garcia Simenio regnante, propter religionē loci pie, sancteque ob omnibus fuisse habitam, cultamq;. Satis hæc fuerint manifesta indicia & hostilis furoris, & communis exitij: ut nihilo minus Aragonia Regio à crudeli dominatu oppressa fuerit, quam reliquæ optimæ, fertilesque nationes: & æquis, planisque locis expositæ. Inde certe, & singulorum gesta, & publica monumenta rerum, si quæ existerant, prorsus interiere: ut non desint, qui 30 propius fidem esse existiment, eos sex principes, quorum is vetustus scriptor meminerit, Regiæ dignitatis apicem in Suprarbiensi, & Pompelonensi regno minime fuisse adeptos: sed militari munere functos, earum regionū duces, & collectitiarum copiarū quasi signiferos fuisse: ut rerum maxime scitu dignarum memoria non modo vacillet, sed potius iaceat. Is rerum status erat: ut quicunque siue duces, siue Reges summæ rerum præfuerint, grauissima illa tempora, quæ diu perpeffi sunt, fortissime sustinerent: loca idonea opportunaq; præfidiis occuparent: ne hostes intrare ad se, atque interiora munire possent: oppidaque circummunire cœperunt.

GARCIAS SIMENIVS. GARCIAS INNICVS.  
FORTVNIVS GARCESIVS. SANCTIVS GARCESIVS.  
SIMON GARCESIVS. GARCIAS. SIM. F. GARCESIVS.

40

816.778

Simone Garcesio, & Garcia eius filio mortuis idem auctor est regnum diu custode, gubernatoreque Reip. caruisse: nulla ab eo Aragonensium Comitum mentione facta, præterq;, q̄ Fortunio regnante Aznarius Comes Aragoniæ decesserit: cui heres successerit filius Galindus. Ab eodē solo proditū est, penes quē fides sit, Sāctio regnū adepto, Mauros Gallaicis victoriis exultātes Pyrenæū transcendisse: ac Tolosā vsq; Galliam incurrisse, copias Christianorū, quæ ad S. Iohannis speluncā conuenerant, oc. virorum numerum compleuisse: & Innicum Aragonensem Episcopum cœnobii consecrassē. 50 Carolus Francorum Rex, qui rerum gestarum gloria, & Imperatoris, & Magni nomen est consecutus, Christianorum populis Pyrenæi saltus obsidentibus, à quibus primum montium claustra, iugaque ipsa sunt perdomita, ut quisque maxime opis indigeret, opitulatur: fidei hostes bello persequitur. Ad eam diem Maurorum imperiū, ac ditionem in Hispaniis Præsides obtinuisse, neque Regiam dignitatem antea fuisse consecutos a vetusto scriptore memoriæ proditum comperio: Cordubæ vrbe Patricia, ut prisca tempora tulerant, tunc vero iam Regia, regni sede constituta. His in diuersas factiones, & ditiones diffusis, atque dispersis, ut intra suam cuique patriam regnum finiretur, hoc anno Carolum in Hispaniam transgressum, inter antiquos rerum scriptores constare video. Pompelo vrbs Vasconum in primis nobilis, cum haud multum ab hostili expugnatione abesset, deditione irruptionem euasit. Cum Casaraugustam



augustam Aedetanorum celeberrimam urbem castris circumdedit, Mauri ingenti pecuniae vi collata, & obsidibus traditis urbem dedunt: Ibnabala regulo, qui sub Regijs signis meruerat, Caesaraugustanis praeposito. Cum in Aquitaniam Carolus regressus, Pompelonis muri euertuntur: atque diruuntur. Franci Pyrenaeum transcidentes à montanis male mutantur: eorum copiae funduntur: diripiunturque.

Mauri, qui Gerundae Ausetanorum urbis potiuntur, sub Caroli imperium, ditionemque deueniunt. Barcino Laetanorum ciuitas illo saeculo amplissima, atque ornatissima Francis obtemperat. Hostes continentibus bellis Barcinonenses adoriuntur: atque vi expugnant.

16 In eum statum Asturum Reges rempublicam adduxerant, ut in iis regionibus, quae ad Oceanum pertinent, usque ad Oeasonem Pyrenaei promontorium late dominarentur. Cum Cantabris, & Vardulis Vascitaniae finitimis qui in eorum ditione erant, Pompelonenses, & Iacetani adiungerentur, auxilia, & duces aduersus Mauros mutuo, vicissimque arcessuntur. Alfonso cui Casto cognomen perhibetur, ab Asturibus ad regnum deligitur.

20 Felix Virgellitanus Episcopus, ut in annalibus rerum à Carolo Magno gestarum perhibetur, haeretica prauitate imbutus, composito libro impium, & execrabile dogma prodente, cum eius erroris, atque haereseos, praesente Carolo Rege in Baioaria ab Episcoporum concilio esset conuictus, & Romam ad Hadrianum summum Pontificem reiectus, in eius conspectum productus in Basilica S. Petri haeresim abiurat: scelerisque detestationem deprecatur.

Cum Zaetus Maurorum regulus Barcinonem Caroli Regis Francorum ducibus tradidisset, Aquisgranum ad Carolum pergit: seque Regi addicit.

Ludouicus Caroli F. Oream Ilergetum urbem obsidet. Azenius regulus se illius legibus, & Imperio subiectum tradit.

Prædones Mauri classibus ex Hispaniae portibus in omnem oram maritimam peruagantes Baleares insulas incurrunt: & depopulantur.

30 Alfonso Rex Galleciae, & Asturiae regionibus Lusitaniam inuadens, & assiduo bello Mauros persequens, cum Olisiponem celebrem Lusitaniae urbem oppugnasset, diripissetque, ut Regino, & Annonius prodidere, Fruelem, & Basilicum Legatos ad Carolum, cum Regijs donis mittit: & tam longo locorum intervallo disiuncti, magna armorum societate aduersus impios hostes, & in republica gerenda coniunctione coiere.

Ludouicus Caroli F. Ausetanorum, & Ilergetum regionibus Mauris bellum infert. Euerfione, ac populatione agros, ac tecta vastans Ilerdam vi expugnat. Oream circumfudet: summaque virium obstinatione à ciuibus propugnatur.

Barcino biennium obsessa, quod Zaetus à Rege defecisset, in Ludouici potestatem redigitur. Barcinonensibus Bernardum Comitem praeficit. Is, quae comitum ratio, munusque praecipuum erat iuridicundo, & bello gerendo dux creatur.

40 Tarraco Cosetanorum urbs non modo primaria, sed totius prouinciae Hispaniae citerioris caput, firmamentum quondam imperij, dignitatisque ornamentum, Gothorum, & Maurorum bellis exinanita Ludouico deditur: qui bellum Ausetanorum, Ilergetum, & Ilergaonum regionibus promouens Hiberum traiecit: Dertosam urbem castris circumfessurus. Hisebardus, Hademarus, Bernardus, & Borellus, Ludouici copiarum ductores mediterraneis locis pugnas, & strages edunt. Villamrubeam Ilergaonum oppidum quod undique locorum natura continebatur, diripiunt. Nostri ex eo vastare, vrere, trahere praedas.

Wigebertus Caroli copiarum praefectus hostes acriter persequens bello, prope Dertosam signa conferens praelio cum hostibus decernat. Cum victor euaderet, urbis tamen non est potitus.

50 GALINDO Comes Aragonensis Aznarii Comitis F. Is, ut memorant, cum culmina Pyrenaei iam quasi perpetuae possessionis causa occupauisset, iugaque ac praerupta montium munisset, castellatimque firmasset, Ataresiam arcem, & aliquot eius regionis oppida, quae Vasconum, & Ilergetum confinijs continentur, condit. Acomueri S. Martini Cercitenfis coenobium construxit: alij D. Iohanni dicatum ferunt.

Pompelonenses, & Vasconum copiae, qui saltus Pyrenaei obsederant, ad quos omnis aditus, qui paeae solis patuit, obstructus erat, cum à Maurorum dominatu defecissent, Francorum regno se, suaeque subiiciunt. Annonius.

Mauri ex Hispania praedones, cum in sinus interni maris incursarent, in Sardinia praed-



AERA. das facientes profligantur. Cum in Corsicam traiecissent, deuiſtis, atq; in naues compul-  
NTA. sis magnam Corti cladem attulerunt.  
CHR. Ludouicus bellum in Ilergaonibus continenter gerens, cuius ductorum Heriberti,  
847.809 Luitardi, & Hiseimbardi virtus egregia enituit, Dertosam eius gentis primariam urbem  
vi expugnat.

Aurelius Comes, qui à Ludouico finibus præfectus Oſcensium, & Cæsaraugustano-  
rum ditionibus imminet, à Mauris eluditur. Fraudibus enim atque fallaciis tempus du-  
centes, magnam Carolo Imperatori spem afferunt, in eius se potestatem redactu-  
ros.

Vasconum populi, quorum fines ad summum Pyrenæum pertinent, qui ditioni se, &  
regno Caroli subiecerant, ab eo deficiunt. Iis turbantibus Ludouicus Pyrenæum tran-  
scendit: & Pompelonem aduentat: maiorque eorum pars in eius se potestatem tradit.  
Carolus Asturum regnum Bernardo nepoti appetit: & ut ab Alfonso Rege adoptetur,  
summopere contendit. Magno comparato exercitu cum Pyrenæum esset transgressus,  
Astures, Gallaicique proceres externum dominatum formidantes Bernardo Car-  
pio Regis Alfonso fororis F. ductore, & Marsilio Cæsaraugustani populi Rege adiuncto,  
obuiam Carolo prodeuntes, in ipso Pyrenæi transitu, ut prædicant, Francos calamitose  
illo, & nunquam satis decantato prælio, fundunt. In eo certamine fortissimos quosque  
duces, & primarios viros interisse, & Rhollonem in primis Britannæ Ducem, in cuius  
persona, veteres heroum fabulas, & mirifica gesta, fictosque luctus imitantur, constans  
est opinio: ad vulgarem, popularemque sensum mire accommodata.

851.813 Heribertus Caroli copiarum præfectus Oſcam obsidione premit, Mauri acerrime  
propugnant.

852.814 Carolus Imperator Aquis degens K. Februa, è vita excedit. Ludouicus Caroli Au-  
gusti patris morte ad Imperii gubernacula adscitus, rebus mox in Germania, & Gallia  
magnò seditionum motu, atque impetu ruentibus, à sacro bello inferendo, & à sperata  
gloria regni in Hispania constituendi desistit. Hispaniensibus bellis ductores in Septima-  
nia, & Catalonia, atque Vascitania præficit. Cataloniam prius Catteloniam à Cattelanis  
populis, siue ii Prolemæo Castellani sunt, dictam firma, & stabilis opinio mihi insita est: 30  
Gothalanorum nomine exploso: quo vsos non fuisse veteres auctores, certo scimus. Ea  
Cattelanorum regio ab oriente Ausetanis, A meridie Laletanis continetur: à septentrio-  
nibus vero, & occasu Lacetanis, & Ilergetibus terminatur: in cuius nomen vicinæ regio-  
nes paulatim cessere.

Aragonæ Comites, qui ea tempestate Aragonis, & Gallici fluminum ripis: & Py-  
renæi conuallibus ditionem sibi constituerant, castellaque munierant, & aditus omnes  
claustris, & præruptis montium obseptos tenuerant, incredibili virtute, Aspa, Suprarbio,  
& Ripacurcia auxiliaribus copiis cōtractis, & ciuitatibus sociis in spē prædæ traductis a-  
cre, & magnum bellum summa virium contentione Mauris inferunt: cum primo ne-  
glecti, & saxorum asperitate, atque impendentium montium altitudine, ac mox inculto- 40  
rum locorum sterilitate, & vasta solitudine freti terribiliores virtute hostibus esse cœpe-  
re. Breui ingens coalita multitudo Gallici fluminis conualles occupat. Fons eius ex sum-  
mo Pyrenæi cacumine aquarum diuortio defluens, & magno strepitu excurrens loco  
Salientis nomen indidit: & quasi ex ipsa Gallia maiore vi, ac mole agētem vndas, & Vas-  
citaniā ab Ilergetum regione terminantem Gallicum appellauere: qui summa tellure  
flexu deuius Cæsaraugustano in agro in Hiberum influit.

Bernardus Comes Dux, atque Marchio, ea enim cognomina rerum gestarum  
dignitate iure merito præfert, Ripacurciæ regione, quæ iugis montium cincta latis, & fer-  
tilibus agris culta atque referta est, dignus potestate, & dominatu habitus Theudam Ga-  
lindonis Comitissæ filiam ducit. Is, ut ex vetustis annalium monumentis eruimus, Caro- 50  
li Magni auium stirpe ortus, eo genus ducebat: cuius virtute, cum maiorem Suprarbii,  
Ripacurciæ, & trans Nochariam fluuium Paliariensis regionis partem Mauri poti-  
rentur, montosis, & præruptis munitionibus exturbantur: & longe, lateque eius regi-  
onis vrbes, oppidaque sub Imperium, ditionemque suam subiunxit. Suprarbia terra supra  
Arbrem montem, qui Vero, & Cinga fluminibus terminatur, ad Pyrenæi valles Ilergerum  
regione pertinet, & celi temperatione, & agrorum fecunditate, vbertateq; nobilis, me-  
rito his temporibus regni nomen sortitur. Eius regionis Ainsa est peruetus oppidum: &  
quodāmodo arx primaria ipso situ loci præcellēs. Quod supra Arbrem montē, Pyrenæum  
versus late patet, Suprarbium dictū. Nostri Calasancium vsque saltus, atq; aditus omnes à  
Gradu



Gradu, quem Aras vocabant, in eum tractum, qui S. Christophori Gradus vocatur, & à fluuio Isauena ad iugum, quod incolæ Ripacurciæ castellum vocant, & munitionibus, præfidiisque obstruunt, & regionis eius solitudinem incolarum cœtu frequentant. Plura à Bernhardò Castella atque arces construuntur. Sub Ripacurciæ montis crepidine, in ipsa Isauenæ ripa cœnobium quod Ouarram vocant, exædificat. Pallariensem in Lacetanis regionem, quæ Pyrenæo late funditur, & impendentium montium iugis continetur, ab impiorum dominatu vindicat.

AERÆ:  
NAT:  
CHR:

Eodem tempore Comes alter Bernardus prouinciæ Narbonensis, & Septimaniæ præses, earum regionum finibus rem bellicam administrat: Comes, & Marchio Barcinonensis sub Ludouici imperio, eius auspiciis militans cognominatur. Septimania id temporis vetus nomen retinuit: cuius quandam regionis caput Bliteræ exstiterant.

Frodoinum Episcopum Barcinonensem Ludouicus Imperator fouendum, atque ornandum in sua ditione suscipit. Ecclesia Barcinonensis sacrosanctæ Crucis inuentioni dicata, qua in æde D. Eulaliæ corpus conditum fuit, reficitur, consecraturque: carimonix sacre summa cum religione instaurantur.

Sexto regni Imperatoris Ludouici anno omnium Sanctorum festa celebritate Sisebutus Vrgellitanæ ecclesiæ Episcopus Vrgelleri templo sacram eius diocesis sedem consecrat, dedicatque: assidente Seniofredo Vrgellitano Comite: qui Vrgellitani Comitatus ditioni, potestatique ab Imperatore Ludouico præfectus erat. Diocesis iisdem finibus constituitur, qui Caroli regno attributi fuerant: & ecclesiæ Bergensis, Cæretana, Pallariensis, Cardonensis, Ripacurciensis, Anabiensis, Erbiensis, & Gestabiensis eidem contribuitur. Ea sanctio summorum aliquot Pontificum scito, atque decreto, & Ludouici ope firmatur.

858.820

Ermengaudus cis Pyrenæum Indigerum regione Emporitanus Comes classe adornata Mauros Hispaniarum prædones piraticam facientes Gallico, & Hiberico mari felici euentu est persecutus: & gloriosam victoriam ab Abdurrahmene Mauro ductore consequitur: qui Cataloniæ oras continuis incursionibus non destitit populari: & ferro, ignique agros vastauerat Barcinonensem, & Gerundenfium.

Berga, & Ausa incolis, atque habitatoribus frequentantur. Comites earum ditionibus Ludouici sacramento præficiuntur.

Cardona, aliæque arces earum regionum incolarum præsidio firmantur. His, ut Annonius est auctor, Borellus Comes præficitur: quem Vrgellitanum principem illa ætas cognominat. Is ex Engeltada vxore Ermengaudum, & Engelradam liberos habuit. Castrum vetus ecclesiæ Vrgellitanæ condonat: quod sibi Caroli Magni successione questum commemorat.

Res Aragoniæ à tam aduersis iniuriis, & exilibus profectæ, cum paullulum iam roboris, ac firmamenti in vastis, & desertis locis accessisset, fidei, & religionis constantia, diuino nomine omnium virtutum originem, & progressionem assequuntur.

Bernardus Barcinonensis Comes clam aula Regia Francorum aufugit: quod ij, qui Bernardi Caroli Augusti nepotis regno summæ rerum consulunt, vehementes accusatores essent, cum Augusta eum fuisse adulteratum. Neque memoriæ proditur quis Bernardo in ea præfectura successerit.

866.818

Cum Ludouicus Imperator Lotharium filium Wormaciensi conuentu dimisso, in Italiam cum Imperio præmisisset, Bernardum Comitem Barcinonensem, qui Hispano limiti, Marcham vocabant, præfuerat, Regio cubiculo præficit: scilicet uti Francorum annales membrant, camerarium in palatio suo constituit.

Idem Ludouicus Imperator Augustus Possidonio Episcopo Vrgellitano, quod hostili incursione improborum hominum audacia, aliquot Ecclesiarum ditiones, quæ ab Imperatore Carolo parente & à se Vrgellitanis Episcopis attributæ fuerant, auerterat & incuria superiorum Antistitum Cæretaniæ Comites parochiam Iulix Lybicæ inuasérant, ut amissam possessionem usurpet, auctor est, neue aliquid de earum possessione detraha-tur, aut decumas seu quas vocat, functiones aliquas ab eis extorqueat vel eripiant, edicit: Ecclesias Vrgellitanam, Bergitanam, Cæretanam, Pallariensem, Anabiensem, Turbientem cum S. Deodatæ oppido, Ripacurciensem quoque, & Gestabiensem Ecclesias circumscriptis regionibus D. Mariæ Vrgellitanæ Ecclesiæ dicatas, à Possidonio posterisque Episcopis perpetuo retinendas, irrogato priuilegio decernit atque constituit. Eam rem Lugduni A. D. xii. Cal. Ianuarij, anno xxi Imperii Ludouici piissimi Augusti Indictione xv gestam archetypo monumento apparet.

A. D. xii. k. lul. Ludouicus Imperator decessit. Lotharius F. ad imperium adsciscitur. Bello inter fratres coorto, Francorum regnum Carolo Caluo cedit.

878.840



AERA.

NAT.

CHR.

882.844

Carolus Caluus Francorum Rex Barcinonensibus siue Hispani, siue Gothi essent, immunitatem, libertatemque elargitur, qua Franci uti assueuerant: permittitque, ut Gothicis legibus iura inter se, foraque constituant. Immunitas ea à Francis in Hispania Frankitas dicta. Francorum enim nationem Germanicam Germanis reliquis & Frisiis comodiore immunitatis conditione antetulerat.

883.845

Barcinonensis, Emporitanus, Ruscinonensis, Cæretanus, Vrgellitanus, Paliariensis Bergitanus, & Ripacurciensis Comites Francorum Regi Carolo uti præfecti, copiarumque militarium ductores parent.

883.845

Ex Bigeronibus Aquitanix ciuitate Innicum cognomento Aristam Simonis filium adscitum, & ad militaris Imperii ductum ab iis, qui Pyrenæi claustra, præsidiaque firmauerant, euocatum, atque delectum vetus, & publica opinio est: quæ ex antiquissimis nostrorum litteris, atque monumentis constitit. Eum principem virum rebus præclare è dignitate Imperatoria gestis ad regnum merito arcessitum apparet: ut cui summa torius belli, omnium voluntate deferretur, is iure regnum obtineret: quod militari concursu, atque consensu ad eum delatum esset Imperium: ut certo iure, ac legibus militaribus, & ciuilibus in Maurorum perniciem sub vnus potestatem conuenirent. Nam non abnuerrim eos Principes, qui in Asturibus, & Vasconibus Hispaniarum euersione primi Regale munus, ac nomen usurpauere, maxime illis assimiles fuisse, quos perhibent, cum Regia dignitas primo constituta est, tanquam perpetuos militarium copiarum ductores, atque imperatores à populis delectos fuisse. Bene enim gerendæ rei, ut ferunt, & iustitiæ fouendæ causa bene morati Reges olim & cognominati sunt: & constituti: ut plane regnum Innici Aristæ concessu, & beneficio militum, non ciuitatum, quæ nullæ fere eo tempore cis Pyrenæum instituta, aut perdomitæ erant, constitutum esse videatur. Huius tamen initia regni, certaue tempora notare non ausim: quod vetusti scriptores ea minime posteris prodiderint: neque incorruptis, quod sciam, monumentis innotuerit. Coniecturam tamen facere possumus exitiosa coniuratione aduersus Ludouicum Imperatorem à filiis summa impietate facta, & patre ab Imperio deturbato, & in cœnobium incluso, postremo dissidentibus inter se filiis, & de regni ditionibus armis decertantibus additum ad pauperis regni nomen Innico & pugnaci, & strenuo in primis viro cis Pyrenæum fuisse patefactum: quod exhorridis iniuriis, & abditis, & montosis sedibus, atque speluncis, cum bella finitimis, non tuendi, sed proferendi imperii causa iam inferrentur, vi, & diuino numine mirabiliter in tantum fastigium euaserit. Pampelone Vasconum vrbe primaria sedem regni, atque Imperii domicilium collocatum memorant. Nostri in Suprarbia terra Ainsæ constitutum arbitrantur: ac leges tunc latas ferunt, quibus fori Suprarbii nomen inditum sit: quas rudibus hominum animis, & militaribus ingeniis, utpote bello viuere assuetis, montanis, atque agrestibus simplices, & militares fuisse apparet. His legibus & in Nauarræ Regno, & Guipuscoæ regione iura dici consueuisse vetustus scriptor refert. Iohannes præterea Simenius Cerdanus, qui Præfecturam, quam vocant iustitiæ Aragonum, plures annos auorum ætate gessit, cuius præstantissimi viri magna est apud omnes, & imprimis grauis auctoritas, prodite eundem magistratû, cui nostri summam rerum deferunt, initio regni constitutum: ut quemadmodum apud Lacedæmonios Ephori Regibus oppositi fuerant, sic apud Aragonios is magistratus vim maiorem, atque impotentiam Regiæ potestatis coerceret: & quodammodo præses, atque custos libertatis haberetur. Inde eum magistratum introductum ferunt: præsidia communi libertati suppeditatem: cuius vis in libertate retinenda emineat: ut nemo ius suum amittere posset, nisi qui eum gerat, auctor sit factus: & in posterum certum mansisse perfugium aut intermissæ, aut retentæ libertatis: adeoque integrum, purumque esse voluerunt, ut ipsius iustitiæ nomine insignitum produxerint. Aragonensium certe legum, atque institutorum serie liquido constat, magnis interdictionum præsiidiis eam præfecturam septam fuisse: atque communitam: cum regno latius patente, de libertate retinenda maiores paulatim cautum sibi decreuere: ne in posterum extraordinariis potestatibus libertas adimeretur: neue quid de eius magistratus dignitate minueretur. Huius principis præstanti virtute nostris animi adduntur: ac veluti è latebris, ac præruptis montium se eripiunt. Cum maiestatem quæsitæ dominationis firmasset, bellum aduersus hostes, qui Suprarbii, & Ripacurciæ arces obsederant, magna virium contentione infertur: & geritur. In plana Pompelonis loca, atque conualles, Nauarram incolæ vocauerunt, regni fines, terminique proferuntur: & regni nomen producitur. Nostri inaccessi primo motibus, & inuiis regionibus septi, mox veluti ex superioribus locis irruentes, tam turbine aliquo, aut subita tepestare hostes proterunt: atque peruertunt: neque Mauri inuiti planis,



nis, & irriguis conuallibus, delicijsq; affluentibus montosas, & horridas cautes commutant. Diuinum numen, caelestiaque signa Christianorum exercitu proeliante apparuisse, vetus opinio, iam vsque à priscis temporibus aucta Aragoniam oppleuit: indeque regia insignia exorta argentea cruce in summo scuti cyanei coloris umbone dextro apposita, & cuspidatim ab imo præacuta memorant. His insignibus prisci Reges militari, regioque ornatu decorari consueuerant: indeque defluxisse constanti fama, atque oranium sermone celebratur. Hinc enim perpetuum ornamentum regni effluxit: indicium verum, & insigne cœlestis numinis: cuius diuino munere tantæ res gestæ fuere. Inde generis, nominis, atq; decoris insignia, & ornamenta à principibus nostris præferuntur. Iam vero Innico Aristæ Regi Simonem parentem Regem effingere, res plena utilitatis, summæque leuitatis esse conuincitur. Aristæ præterea nomen inditum inde commemorant: quod is esset impetus animi, ea cupiditas manus cum hoste conferendi, vt veluti spicarum aristæ ardore flammæ confligaret.

AERA.  
NAT.  
CHR.

INNICVS ARISTA SIMONIS F. SVPRARBIENSIVM ET POMPELONENSIVM REX. WIFREDVS COMES BARCINONENSIS.

Vetustus auctor rerum à Comitibus Barcinonensibus gestarum perhibet Wifredum, qui hoc tempore Barcinonis gubernandæ, & finium tuendorum, & propagandorum munus obierat, castelli Arriæ Cæretanæ regionis ad confluentes Thelis amnis, eiusque ditionis dominatum possedisse.

Senior Cæsaraugustanus Episcopus.

Wilefendus Pompelonensis Episcopus firmo, & graui D. Eulogij testimonio præclari antistites.

Wifredus Barcinonensis Comes in regia Francorum aula Regi assidens à Salomone Cæretaniæ Comite interficitur.

Carolus Francorum Rex XIII Cal. Decembris Indictione IX, anno regni XXI Patagoni Guisado Vrgellitano Episcopo priuilegia à Carolo Magno & Ludwico Impp. irrogata firmat atque sancit. Decimas præterea Andorrensis pagi, ferri & picis debitas attribuit, & quemadmodum Ecclesiis septimanæ tertia pars telonij, siue id tributum, prætoriumue aut vectigal erat, quod ab iis, qui nundinarentur, conferebatur, Ecclesiæ quoque Vrgellitanæ contribuit.

Cum Innici Aristæ Regis obitus tempora mihi dubia sint, si pro certo, atque confuso sumerem, aut inanis operæ, aut confidentiæ crimen esset extimescendum. Eo fit, vt eius regni & aliquot posterorum Principum tempora, qui regnum auito iure sunt adepti, neque à me excutiantur, neque explicentur. Ad Saluatoris in Legitiensi cœnobio sepultum vetus rerum Aragonensium scriptor perhibet: & ex Theuda vxore Garciam Innicum filium susceptum patri successisse. Multo vetustior earum rerum auctor prodit anno Domini DC CCLXI Garciam Innici Aristæ filium mortuo parente regnum obtinuisse.

GARCIA INNICI F. II. SVPRARBIENSIVM ET POMPELONENSIVM REX.

FORTVNIVS SIMENIVS ARAGONIÆ COMES.

GALINDO AZNARIVS ARAGONIÆ COMES.

Mahomades Abdurrahamenis F. qui Hispaniarum prouinciarum Imperium sub sua ditione constituerat, & in suam potestatem redegerat, ac regale solium Cordubæ collocauerat, ea namque vrbs quondam florentissima, ac potentissima Mauris victoribus, & summo eorum dominatui domicilium, ac sedem præbuit, exitiale bellum Vasconibus infert: qui Pyrenæi iugis effusi Hiberum attingunt. Nauarri postea cognominari cepti. Pompelonensem tractû Mauri vastât: regionemq; circumcirca depopulantur. Tris insignes arces ea irruptione expugatas ferunt: quarum nomina auctor Arabicæ historiæ suppressit. Is eam rem prodit hoc anno gestam: qui in CCXLVI regni Mahmetis inciderit. Vna earum arce expugnata commemorat virum primarium Fortunium captum Cordubam perductum: & xx demum anno magnis cum donis, muneribusque dimissum: & adeo exacta ætate confectum, vt cxxvi annum compleuerit. Sunt qui arbitrentur eo tempore nostros se in speluncam ingenti montis crepidine, cui Pano nomen erat, abdidisse: atque in eo natiuæ specus antro, quod omni aditu circumcisum, atque diremptum erat, veluti in religioso, ac sacro loco deserto, & ab hominum accessu semoto, templum S. Iohannis fuisse constructum. Ad DC præterea cum vxoribus, &

906.863



AERA.  
NAT.  
CHR.

liberis in eum locum vltima desperatione perterritos profugisse: atque non modo in diuinarum rerum contemplationem versos, in assiduas preces, suppliciaque se effudisse, sed in propulsandis hostibus strenuam operam nauasse: & aliis aris admotis summam venerationem sacri secessus augmentibus rem publicam ex eo instaurari cœpisse: & regni initia fuisse deducta. Temporum ratio non discrepat ab ea re gesta, quam Rudericus Tole-  
tanus Antistes prodit, Ordonii Regis, eius nominis primi regno accidisse: sed in quem annum conferri possit, haudquaquam liquet: Muzam Gothicæ gentis virum domo, ac factione Mahmeticæ sectæ addictum à Rege Cordubensi defecisse: Toletum, Cæsaraugustam, Tudelam, & Oscam vi expugnasse: in Cataloniam, & Galliam Gothicam irrupisse: horribilesque cædes, ac strages factas: Carolum Francorum regem, ne in rerum omnium discrimen veniret, donis, ac muneribus hostes deliniuisse: & tam aduersam, & turbulentam auertisse tempestatem.

### WIFREDVS WIFR. F. COMES BARC.

912. 874

Wifredus Barcinonensis Comes Wifr. F. ut à plerisque traditum est, ditionem omnem, quam antea præfecturæ munere, & militaris imperii auctoramento, & dignitate Comites Barcinonenses obtinuerant, proprii iuris, ac dominatus functione sibi, posterisque pacto conuento quæsitam retinet. Suprema vero iura dominatus, ac potestas integra

926. 888

Francorum regibus excipiuntur. Garcias rex paterni decoris gloriam consecutus Innici patris regnum adipiscitur. Iam enim usu inoleuerat, ut continua regna stirpi traderentur. Is & laude paterna concitatus, & diuino instinctu, promouendorum finium cupidine Mauros bello persequitur: nec suos modo fines ab hostilibus excursionibus tueretur, sed suorum virtute regnum auget: & reipublicam in dies amplificat: cuius dignitatis augendæ rebus prospere gestis impulsus finitimos armis, aut metu sub imperiū, ac ditionē cogit. Vrracā, siue ut alii volūt Enengā Fortunii Simenii Aragoniæ Comitis F. vxorē ducit. Simillimū tamē veri apparet Endregoto Galindo patre, Galindi Aznarii Comitis F. fuisse genitā. Iā vero Aragonēses Comites nulla certa tēporū cōplexione à vetusto auctore prædūtur. Tamē tabulas extare videtur, non archetypo exemplari descriptas, quibus testatum accepi AERA DCCCXV Galindonem Aznarium Comitem pietatis causa aliquot prædia donasse Ecclesiæ beati Petri, quæ in pago, qui Siresia dicebatur, condita fuerat: regnante Carolo Rege in Francia, Aldefonso in Gallia Comata, & Garcia Ennecone Pompelone. Galliciam vero Galliarum Comatæ nomine designari, aut perridiculum, aut certe inauditum, reconditumue videri potest.

Cœnobium in Riupullensi pago ab Wifredo Comite Barcinonensi D. Mariæ dicatur. Dagus Abbas monachorum conuentui præficitur. Eo in cœnobio Wifredum seniore rem sepultum ferunt.

927. 889

Elleca Cæsaraugustanus Episcopus A. D. II. Non. Mai consecrationi Sifnandi Compostellani Episcopi cum Nauftio Conimbricensi, Argimiro Lamecensi, Recaredo Lucensi, Homado Egiditano, Theudemiro Vifensi, & Iacobo Auriensi Episcopis affidet. In ea enim conditione rerum respublica Christiana constituta fuerat, ex quo fidei hostes prouinciarum Hispaniarum potiebantur, ut in eum statum perueniret, quo etsi oppressos seruitute, atque afflictos piorum cœtus tenerent, in his tamen ciuitatibus, quibus Episcoporum sedes stabilitæ fuerant, & Archiepiscopi, & Episcopi præsiderent: & terminatas diœceses ab Wamba Gothorum Rege definitas obseruarent: pios, & sacros cultus retinerent: & piorum populi, quoad eius fieri posset, tametsi aliqui à propriis sedibus extorres in Gallias profugerent, aut apud immanes, & efferatos hostes in lautumiis, & ergastulis conficerentur, acerbissimumque seruitutis iugum perferrent, in religionis cultu tuendo, atque conseruando Maurorum conatibus obuiam ire niterentur. Quamuis septi, stipati semper, atque inclusi, & non quotannis modo, sed in dies tributa conferrent, & sanguinaria impiorum iuuentus inimicissima esset, Episcoporum tamen sanctitas, & Christiani populi pietas Deum opt. Max. placatum efficere nitebantur. Statim inde, solemnesque cœrimoniæ Pontificatu continebantur: & Christiana religio pio cultu à maiorum institutis non abhorrebat. Cæsaraugustæ satis constat, reliquis sacris ædibus, siue fartistectis, siue depopulatis sanctum, & religiosum templum D. Mariæ virginis dicatum, quod vulgus de Pilari nuncupat, miseris illis temporibus sanctitatis, religionis, & consilii publici tanquam sacram aram, & perfugii portum nostris fuisse. Vnde & Ellece, & Seniore, ac superioribus, posterioribusque Episcopis, Ecclesiasticoque cœtui sacrosancta ea ædes sedem, ac domicilium præbuit: atque inde amplissimos, & maximos hono-



honores eius fani antistitibus semper habitos, & vetustis tabulis, & memoria superiorum temporum pro certo firmare possumus.

Garcias Rex ad Larumbem Nauarræ oppidum signa cum hostibus conferens præli-  
ans interficitur. Eam pugnam in Aiuaria valle pugnata[m] vetus rerum Aragonensium  
scriptor memorat. Cum regina prægnans filium aluo contineret, siue eo prælio, siue vt  
idem perhibet, incurstantibus postea hostibus occisam ferunt: & infantem enecta paren-  
te genitum: & cæso vtero exectum. Is enim rerum status erat, vt inter horridas cautes,  
ac montium claustra, & perpetuas excubias è contuberniis hostis conspiceretur: & con-  
tinentibus bellis, assiduifq; incursionibus manus confererentur, cum non tyrocinia so-  
lum, verum etiam incunabula in ipsis castris ponerent: quorum pueritia inter varios bel-  
lorum conflictus militia videri poterat. Nutricium pueri tali sorte geniti, alii ex Gueua-  
ra, ex Abarca alii familia fuisse commemorant: cuius prouido, & sagaci consilio, & e-  
ducatus clam infans fuerit, & ad regni fastigium sit adscitus.

In peruetusto codice Conciliorum cænobii S. Emiliani Cogullensis nuncupati, quem AERA MXXXII à Belasco Sisebuti Episcopi iussu descriptum Gothicis litteris  
vidimus, qui nunc in Regia S. Laurentii bibliotheca magna vetustatis veneratione as-  
feruatur, memoriæ traditum eadem librarii manu comperimus, Sanctium Regem Gar-  
ciæ F. Pompelone AERA DCCCXLIII. regnum obtinuisse: eamque urbem suo subdidisse  
iuri: territoriisq; omnis Aragonensis dominatum tenuisse: ac regionis, quam Degensem  
nominat, cum oppidis potitum. Aliquot etiam monumentis testatum comperio in con-  
uentu procerum virtutis ergo ad Regiam dignitatem Sanctium fuisse euectum: ea vis  
animi, virtusq; egregia in eo enituit.

SANCTIVS GARCIAE F. III. SVPRARB.  
ET POMPELONEN. REX.

Sanctium Regem Garciae Regis F. Innici nepotem Garceanem cognominatum  
vetusta monumenta testantur. Galindi etiam cognomen habuisse S. Iohannis Cænobii  
Pinnatensis vetustis tabulis apparet: idq; nomen Galindi Aznarii proavi Aragoniæ Co-  
mitis videtur hereditaria ditione fuisse partum: quod Aragoniæ ditio Suprarbiensi, &  
Pompelonensi regno subiuncta esset. Nam Abarcae inditum cognomen non modo  
in castris, sed pæne profligata in acie genito, & in militum contubernio educato,  
militari vocabulo, siue ioco accidisse verisimile est: quod eo tegmine pedum, quod  
ex crudo perone Hispani Abarcas vocant, vteretur: quo pastores, rusticanique homi-  
nes montani niuib[us] maxime accommodato assuevere: neque eo nomine in litterarum  
monumentis fuisse appellatum quis non videat: haud aliter, atque priscis illis Imperato-  
ribus contigit: quos Caligula, & Caracalla nomina testatioribus posterioribus sæculis red-  
diderunt. Rudericus Toletanus antistes grauis in primis, & locuples auctor commemo-  
rat, quosdam qui Regio sanguine prognati fuere ab Abarca sua ætate cognomen retinu-  
isse. Regi Sanctio fere initio regni diuina spe, ac fiducia rei bene gerendæ non continens  
modo, sed naturale quoddam bellum, atque in animo insitum tantulis copiis cum Mau-  
ris fuit: quod magna contentione commotum, atque confirmatum calamitoso, & exiti-  
abili exitu hostes proterit. Oppida omnia, quæ paterna clade, & regno imperatore orba-  
to in Ripacuriæ, & Suprarbii regionibus à Mauris direpta, & vindicata fuerant, in liber-  
tatem, & regiam ditionem asseruntur. In tam secundis rerum prouentibus virtus eminuit  
egregia Centulli: qui de communi libertate optime meritis, nō virtute modo, atq; animi  
præstantia hostes perpetuo afflixit, sed ratione, & cōsilio incredibili inuestigandi, & perse-  
quēdi sagacitate peruerit: pluresq; ex primorib[us] homines barbaros, qui acerrime nostros  
laccessuerant, insidiis circumuentos in Regis potestatem tradidit. Rege tot bella versan-  
te, & operosis concursationibus distento, Mauri Pompelonem subita incursione op-  
pugnant: ipse vero accelerandum ratus, & exercitum eo conuertens, montium anfracti-  
bus discussa niue patefactis, in hostes irruens, gloriosam victoriam est consecutus: ad  
quem omnes vndique cis Hiberum copiae congeruntur: & proximi quique populi in-  
crescente multitudine fluxere.

SVPRARBII ET ARAGONIAE  
SVBIVNCTIO.

Berorum, & Autrigonum regiones, regni arce Naiaræ vrbe Regia, atque primaria,



AERA.  
NAT.  
CHR.

haud procul Tritij ruinis constituta, quæ Hiberno amne adluuntur, quas Cantabriz Duce-  
ces regere solebant, Rex in suam redigit potestatem. A Naiara enim, vti ex Belascone e-  
ius ætatis auctore, cuius supra mentionem fecimus, comperimus, in Tudelæ vsque fines,  
Vasconum ad Hiberi ripas oppidi, & Osce vrbis vnam tandem piorum populorum, re-  
gnique formam perficit. Pleræque arces, castellaque ab eo constructa, ex illa rerum te-  
nuitate in dies frequentantur: atque præfidiis tenentur. Neque inculto, atque horrido re-  
gno contentus, plura Celtiberiæ, & Carpetaniæ oppida armis subigit.

952.914 Wifredus Barcinonensis Comes è vita excedit: cuius sepulchri basim cum inscri-  
ptione neglectam, & humi ad D. Pauli in Barcinonensi suburbano iacentem inuenimus.  
Inscriptio tamen hæc est minime diserta: vtpote incondito illo dicendi genere, ac rudi ro-  
sæculo conscripta.

**I** SVB HAC TRIBVNA REQVIESCIT CORPVS CON DAM WIFREDI COMITI  
FILIVS WIFREDI SIMILI MODO COMITI BONÆ MEMORIÆ DIMITTAT  
EI DNS AM. QVI OBIIT VI. KL'S MADII SVB ER DCCCCLII ANNI DNI  
DCCCCXIII REG. KARVLO REGE POST ODONI.

Quattuor Wifredo liberi superstites fuere. Rodulfus ex monacho cœnobij Riupul-  
lensis Vrgellitanus anistes: Wifredus vi veneni, vt ferunt, sublati: Myro, qui in Barci-  
nonis, Besaluni, Ruscinonis, & Cæretaniæ ditionibus heres factus est: & Seniofredus Co-  
mes Vrgellitanus.

## MYRO COMES BARCIN.

20.

Abenhaia CæsarAugustani populi regulus Ramiro Legionensi Regi, cum Celtiberi-  
am, & Ædetaniam ingenti coacto exercitu inuasisset, & aliquot arces, & castella vi expu-  
gnasset, se subiicit. Postea vero rebellione facta ad Septimancas in Vaccæis memorabili  
prælio ab eodem Ramiro deuincitur.

964.926 In obruta, & confusa temporum serie, & rerum à Sanctio Rege gestarum eius mortis  
memoriam in vetustis litteris exstare video: quibus testatum accepimus magno ab hoc  
anno, temporis intervallo, nempe A. D. VIII K. Ian. AERAE MXXVIIII fato perfun-  
ctum: sepultumque in D. Ioannis Pinnatenfis cœnobio: atque in eius sepulchro Vrra-  
cam Reginam Ferdinandi F. vxorem fuisse conditam: quæ aliquot annos post mariti  
mortem vixit. Contra vero Belasco eius ætatis scriptor magnopere dissentit: cuius ver-  
ba in retam dubia, & controuersa operæpretium erit, ni fallor, referre. De rebus enim  
Sanctij Regis, & morte ita subiunxit.

„ De hinc expulsis omnibus Biotenatis, forte Biothanati cognomēto hostes designat,  
„ vicesimo regni sui anno migravit à seculo. Sepultus S. Stephani portico regnat cum  
„ Christo in polo. Obiit Sanctio Garceanis AERA DCCCCLXIII.

964.926 Cuius temporis ratio, si ab AERA DCCCCLXIII computes, quo anno regnum obti-  
nuisse reulit, mirifice congruit: quæ res cogit, vt ad eam controuersiam asserendam satis  
idoneus auctor videatur. Rudericus Toletanus Antistes Theudam Sanctij Regis vx-  
orem tantum commemorat: ex qua Garciam Sanctium filium sustulerat: & filias quat-  
tuor: Simenam, Mariam, Theresiam: quæ Ramiro secundo Legionensi Regi nupsit: si-  
liumque genuit Sanctium Crassum cognominatum regni heredem. Filiarum minima  
natum fuit Velasquita: quæ in matrimonium Munioni Vizcaie Comiti collocatur. Recta,  
& à prudentissimis viris tracta ea ratio mihi semper visa est, nec culpæ, nec coarguere  
quemquam ex iis, qui res gestas posteris tradidere. Fides inquit, penes auctorem esto.  
Pudenter sane, ac modeste. Sed eos potissimum præferri verum est, qui adhibita in rebus  
facta domestica, atque quodammodo vernacula, non externa, & ab vltimis repetita ter-  
ris commentantur. Gothifredus vetustus scriptor rerum illa ætate gestarum perhibet,  
Othonem III. Romanorum Imperatorem Mariam vxorem duxisse: mulierem adeo  
temerariam, & procacem, vt probri, atque flagitij insinulatam, atque conuictam vi-  
uam Imperator comburi iusserit. Eum auctorem Cuspinianus, & alij quos à me recense-  
ri non est necesse, ab Hiberno, & Aragonæ amnis longo terrarum tractu remotos, & se-  
iunctos sequuti, Mariam Augustam Aragoniam nuncupant. De ea tamen re ne verbum  
quidem à nostris auctoribus proditum comperio. Iam vero, si rem adeo miseram, & in-  
testabilem prætermitti nostræ gentis pudor cogeret, illud tamen silentio prætereundum  
minime videbatur, Aragoniam feminam Othoni Imperatori Max. Augusto nupsisse.  
Tempora tamen si Othonem, & Mariam Sanctii Regis filiam respicias, satis cōgruere vi-  
dentur: neque quid diffideat, apparet: præter ipsius facti atrocitatem: & nostrorum ho-  
minum incredibilem indiligentiam.

GARCIAS



GESTARVM LIB. I.  
GARCIAS SANCTII F. IV. SVPRARB.  
ET POMPELONEN. REX.

13

AERA:  
NAT.  
CHR.  
967.929

Moritur Myro Comes Barcinonensis. Tres filios reliquit: Seniofredum Barcinonensem Comitem: Oliuam cognomento Capretam Besaluni, & Caritania Comitem: & Myronem Comitem: qui Gerundensis Episcopus fuit. Omnes a patre in tutelam Seniofredi Vrgellitani Comitris patris traduntur: quorum ditiones, in eius virtutis bellicae praesidio xx annos mansere.

Cum Tarraconis urbis, quae olim Hispaniarum florentissima, potentissimaque fuerat, siue potius illius vestigiorum, & tenuium reliquiarum Mauri dominarentur, & Ecclesia, quae inter primarias excelluerat, pastore careret, Gothicae prouinciae Episcopi in conciliū conuocantur: & in aedē sacrae D. Iuliani martyris oppidi Fontis cooperti Narbonensis territorii conducuntur. Praesuit ei concilio Arnustus metropolitanus Narbonensis Ecclesiae Episcopus: & ex prouincia frequentes asserere Antigisus Vrgellitanus, Euderius Barcinonensis, Wigus Gerundensis, atque Adulfus Pallariensis Episcopi. In eo sacro cœtu summa contentio, quae inter Vrgellitanum, & Pallariensem, de tota diocesis ditione impendebat, deciditur. Erat enim inter eos non de terminis, sed de tota possessione certatio: quod Pallariensis XXIII annos Pallariam ditionem, ac diocesim inuasisset: 978.940  
constiteratque antea longo temporis spatio Vrgellitano fuisse attributam. De ea re patres decreuere, sanxereque: uti Adulfus, quamdiu uiueret, sacris Episcopi functionibus, atque muneribus defungeretur: eaque diocesis illi assignaretur: eo vero fato perfuncto Pallaria terra vetustae Vrgellitanae diocesi contribueretur.

SENIOFREDVS COMES BARC.

Seniofredus Myronis F. Barcinonensis Comes, Seniofredo Comite Vrgellitano patruo libente ditionis suae gubernacula, dignitatemque consequitur. 988.950

Seniofredus Comes Vrgellitanus moritur. In patris locum Borrellus F. succedit heres. 989.951

Bella inter Hugonem Ducem magnum Roberti F. & Ludouicum Francorum Regem de regno suscepta, & summa contentione decertata principes Francos a rebus Hispaniensibus aliquot annos auerterant. Tandem A.D. XIII. Apr. ut paci publicae consuleretur, res ad concordiam deducitur. 991.953

K. Decembris tertio Lotharii Francorum regni anno Raimundus Comes ditionis Ripacurciae potitur. Is ex Garfendi vxore Francorum gentis quatuor filios susceperat: Wifredum, qui patri succedit, Arnaldum, Isarnum, & Odissendum. Hic cum Rotae Ripacurciensi oppido ecclesiastica sedes constitueretur, in Basilica D. Vincentio martyri dicata eius ecclesiae Episcopus consecratur: & ab Aimerico Archiepiscopo ea diocesis Narbonensi prouinciae contribuitur: quod Tarraco acerbissimum seruitutis iugum non repulisset. 995.957

Garciae Regis strenui alioqui principis res gestae nullae magnopere illustri laude, vel summatim scriptorum incuria celebrantur: quem ferunt tremulum vocitatum: non animi mollicitia, aut lenitudine, sed quod bellico quodam furore incitato, cum proelia inirentur, eius artus tremere totius corporis perturbatione, & conuulsatione viderentur. Ne illud quidem praetermittendum. Cum Abdurrahamenus, qui Maurorum imperio terra, marique praepotens erat, adiunctis transmarinis militaribus copiis magnum exercitum conficiens, Ordonio Regi Legionensi bellum magno impetu intulisset, in Celtiberiam inde traiecit. Valcones quā tumultuosissime adoritur: & in eum penetrat regni Pompeionensis locum, qui Muezius Ruderici Tolerani antistitis aetate appellabatur. Noster vero Garcias, cui tenues opes, exiguaeque copiae erant, non diffidens, aut rebus suis desperans, bellum ducit: arcessitisque Ordonii auxiliaribus copiis, cum Ordonius satis magnas comparasset, & subsidio affectis rebus accurreret, Valle Iuncaria signis collatis exitioso proelio decertant. Nostri magna accepta clade funduntur: atque profligantur. Captiui in hostium potestatem venere Dulcidius Salmanticensis, & Hermoigius Tydensis Episcopi: & in Hermoigii patris locum Pelagius obses traditus, quod Christum Seruatorem Deum viuum, & verum detestari, & eiurare nolle, Cordubae morte cum ingenti cruciatu afficitur: & in diuorum numerum refertur. Pelagium Episcopum AERA DCCCCLXIV crudeli morte affectum quidam Annales testantur.

K. Septembris AERA MLIII Garciam Regem decessisse vetustis aliquot monumentis proditur: quod auctoritate Belasconis falsum coarguitur: & conuincitur. Illa enim ipsa aetate, ita ab eo memoriae traditum comperimus: Nam cum de Sanctii Regis eius patris morte tempus adnotasset, ita subdit. 1004. 966



# INDIC. RER. AB ARAGON. REGIB.

14

ALRA. „ Item filius eius Garsea Rex regnavit annis XL. Benignus fuit: & occisiones multas  
 PAT. „ egit contra Sarracenos: & sic decessit. Tumultus est in castro S. Stephani. Superfuit eius  
 CHR. „ filij in patria eius: videlicet Sanctio. Reliqua desiderantur in eo codice: at in peruetusto  
 1004. „ itidem codice Alueldensi, qui in Regia etiam S. Laurentij bibliotheca asseruatur, ita legi-  
 966 „ mus. Superfuit eius filij in patria: videlicet Sanctio, & frater eius Ranimirus: quos sal-  
 „ uet omnipotens per multa curricula annorum amen: discurrenti presentia æra (tempus  
 „ designat, quo hæc ab eo libratio memoriae prodebantur) MXIII. Si ab initio regni Gar-  
 „ cia Regis, æra nempe DCCCCLXIII, ut idem auctor scripto prodidit, conumeres, in æram  
 hanc M IV incidat necesse est: non MVIII: quod in codice Conciliorum S. Emiliani, e-  
 iusdem Belasconis manu designatum legimus: ac multo minus MLIII: facili notarum si- 10  
 militudine: ac depravatione. Ad D. Iohannis Pinnatensis sepultum nostri referunt: sol-  
 lenniq; Principū pōpa funeratū: & gentili Regū monumento conditū: q; futuris Regum  
 sepulchris dicatū fuerat. Simenā vxorē duxit: ex qua natus est Sancti F. qui regnū infans  
 adipiscitur: Maiorib; cognomen inuenit. Eū principē cū vxore Simena, & Varraca  
 Regina cōnobio Ciresiē Verdunū oppidū & salt<sup>9</sup>, q; Beraldo & Aragone fluuiis cōtinētur,  
 q; auorū Regū tēpore quesita fuerāt, cōdonasse vetustis tabulis apparet. Qui tres alios Re-  
 ges, ut superiorum Regū tēpora inter se cohæreant, inter Inniciū Aristā, & Sanctiū hūc Ma-  
 iorē comminisci ausus fuerit, nempe Fortuniū, Sanctiū, atque Garciam, & veluti in sce-  
 nam immiserit, atque produxerit, stuporis, ac quodammodo amētiæ vetustissimos quos- 20  
 que rerum scriptores, qui tot sæculis in Hispania vixerunt, coarctans: quasi tres Princi-  
 pes, qui regnum adepti fuerant, aut obliuione, aut ignorantia prætermiserint, nā ille vere  
 communi sensu carere videri potest. Ante hæc certe tempora, ne fando quidem est audi-  
 tum, ut qui sapiam qui se res vetustas penitus perscrutari profiteretur, in ea versaretur, i-  
 gnorantia, ut intra trecentos proximos annos, tres Principes domesticos, atque, ut ita  
 eloquar, vernaculos, qui summæ rerum præfuerint, ignarus, atque imprudens derelique-  
 rit: atque de statu regni deiecerit. Adde tot vetustissimorum, & grauissimorum scripto-  
 rum consensum: quem qui diuellere conetur, successiones, vitas, atque obitus Regum,  
 qui iure ciuili certi, atque constantes & ducuntur, & habentur, & rerum gestarum ordi-  
 nem omnē perturbabit: ac vetustati, cuius magnā esse vim apparet, insignē notā inflixerit.

## SANCTIVS MAIOR V. SVPRARB. ARAG. ET POMPELONEN. REX.

1005. „ Barcinonensium rerum veteres scriptores, quibus a me magna fides adhibetur, non  
 967 „ comperio tradidisse, quam nam vxorem Seniofredus Comes Barcinonensis duxerit. A-  
 licuius scriptis exstare video Mariam Regis Sanctij F. duxisse. Satis tamen constat nullis  
 superstitibus liberis decessisse. In eius locum Borellus patruelis frater Comes Vrgellita-  
 nus surrogatur: nam ut quidam tradidere Oliuam Capreiam legitimum successorē pro-  
 ceres ditione Barcinonensi euerterant: quem vii impium notatio, & animaduersio pru-  
 dentissimorum virorum & decoris, dignitatisq; splendore indignum decernit.

## BORELLVS COMES BARCINONEN.

1008. „ Raimundo Ripacurciæ Comite mortuo Wifredus F. Palliariensis, & Ripacurciensis 40  
 970 „ ditionis fit compos: nulla iuris summæ potestatis Sanctij Regis, aut supremi dominatus  
 habitatione: seque, ditionemque suam Francorum Regi Lothario subiicit: atque ad-  
 dicit: cuius ope, atque auxiliariis copiis, cum Sanctius regni iura nondum constituisset;  
 stabilissetue, siue ut alij volunt se sacro bello implicuisset, & in interiorē Celtiberiam  
 arma promouisset, totius fere Lacetaniæ, quæ montosis earum ditionum regionibus con-  
 tinetur, vi potitur: easq; posteri ex ipsius stirpe generati, non minore labore quam cōpa-  
 rauerat, tutati sunt: quoad Sanctius Rex ætate corroboratus, & Ramirus eius filius  
 Ripacurciæ regionem in suam rede gere potestatem: & Regali nomine cohonestauere:  
 I fuit annus, quo Wifredus earum ditionum potitur, Lotharij regni xv: qui in hunc an-  
 nū incidit. Sanctiā vxorē duxit: nullisq; superstitibus liberis mortuus est. Ad D. Mariæ Alao- 50  
 nis, Ripacurciæ regionis cōnobio sepelitur: cui monasterio multa donarāt more maiorū.

In Wifredi fratris locum succedit Isarnus: qui ad Montionem Ilgergetum oppidum  
 cum Mauris prælio decertans occumbit.

Palliariēsi ditioni antea præfuerat Comes Borellus, & Lupus eius F. Suniarius Comes  
 Lupi F. Theudam Wifredi, & Isarni Comitū sororē in matrimoniū ducit: qui & Comes,  
 & Marchio Palliariensis est cognominat<sup>9</sup>. Suniatio vita functo Theuda ex Catabris ad se  
 arcessit Isarnum Isarni fratris F. qui apud auunculum Regē Sanctium, ut quædam testan-  
 tur monumenta, degebat. Hic Ripacurciæ ditioni, & Comitatu præficitur: qui ab Ara-  
 nā vallis incolis, quam Garumna amnis interfuit, interficitur: quod eorum dominatum,  
 cuius



cuius pater atque auus, & Atho Episcopus Bernardi Comitis frater potiti fuerant, palam appeteret. Isarno minori Guilielmus F. Comes heres succedit.

Plures eadem tempestate ditionum Ripacurciae, & Palliatis potitos comperio: siue ij hereditario iure, siue militaris muneris imperio fungerentur. Vetera enim monumenta Athonem Ripacurciae Comitem ferme hoc ipso tempore, & Mariam eius vxorem commemorant.

Suniario Comiti, & Marchioni Palliariensi ex Theuda vxore Raimundus F. Comes heres fuit: qui Raimundum genuit: ex quo auita hereditati succedit Petrus F. Comes.

10 His temporibus alterum Guilielmum Palliariensem Comitem prisca monumenta testantur: Myri Comitis, & Gemmonis eius vxoris filium: qui Palliariensem, & Ripacurciensem ditiones inuasert: iugaque, ac culmina montium, & saltus à Gestabiensi, Lisarta, & Benasca vallibus ad Anabiensem vallem, quam Nocharia fluius intra Palliariensem ditionem, infra Petrae blancae, & Valentiae Anabienfis saltus interfuit, circumfederant. Conualles vero, quae claustris, faucibusque Pyrenaei continentur, & Broti, Bionis, Puertolarum, Bielsae, & Gistai cognomina sumpserunt, & supra Suprarbium ad Pyrenaei iugum pertinent, Suprarbieni regno subiiciuntur.

A. D. III. K. Iulias in vetustis tabulis Endregoti Galindij fit mentio: qui vna cum Rege Sanctio Garciae, quem prolem suam nominat, & Vrraca Ferdinandi Regina eius vxore Exaberium oppidum pietatis causa donasse fertur Sirasiensi Ecclesiae: eamque rem gestam memorant regnante Sanctio Garcia, & Vrraca Regina in Aragonae, & Pompelonensi ciuitate: & scribendo adfuisse Degium Episcopum Aragonensem, Blascum Episcopum Pompelonensem, & Benedictum Episcopum Naiarensem: sed ea temporum ratio mihi in suspicionem venit.

Borellus Barcinonensis Comes, & Marchio cum Ledgardi vxore, & Raimundo F. & Ermeruesae Vicecomitis, & Witardo Ermeruesae F. Salla Episcopo Vrgellitano, & Vicecomite Guilielmo Solsonae arcis, quae Seniofredi Comitis tempore constructa, & colonis frequentata fuerat, tamquam earum regionum propugnaculum, firmumque praesidium militaribus copiis confirmat.

30 Wifredus Ruscinonis Comes, à quo Ruscinonenses Comites fluxerunt, Lotharii Regis Francorum permissu Coliberim desertum, & dirutum oppidum, trans Pyrenaei promontorium maris litori impositum construendum, condendumque curat. Nomen ab Illiberis vetustae urbis reliquiis inuenit: quam etsi mediterraneam fuisse satis constet, cum urbs ea opulentia floreret, haud longe tamen à mari sitam fuisse, vestigia ipsa testantur. Neque mediterraneum nomen eam vim obtinet, ut longo à mari spatio disiungi conueniat. Satis enim constat Saguntum, & Valentiam insignes Aedetaniae urbes, quae pertenui à mari discrimine, nempe III. M. P. separabantur, & Olisiponem, quae pene Oceano ipso alluitur, mediterraneas à priscis vocatas.

40 Lotharius Coliberim oppidum Wifredo posterisque eius condonat: quod & situs accessu, & portus appulsu plurimas, & maximas commoditates Ruscinonensibus representat. In Archetypis tabulis à Lothario Wifredus Dux cognominatur, & rem eam Laudini vrbe regia Anno INCARNAT. DOM. 981. Indictione IX. VII Idus Iulij gestam regnante D. Lothario Augusto serenissimo Anno XXVI: filio vero eius. D. Ludwico adolescente egregio regnante Anno I. I.

Myro Episcopus, & idem Gerundensis Comes Myronis Barcinonensis Comitis F. moritur.

Borellus Barcinonensis, & idem Vrgellitanus Comes, cum Mauros insultantes coercere conatur, qui fines Laleraniae, & Cosetaniae depopulantur, coacto exercitu in Vallesia regione, haud longe à Moncada castello in patenti Matabouio Campo proelio decertat: magnaue accepta clade funditur. Ad D. nobiles viros occisos ferunt. Cum Barcinonem Comes ex proelio se reciperet, hostes urbem obsident.

50 K. Iulij IV. Feria Mauri, qui copias omnes commouerant, denuo Barcinonem castris circumfident. Copiis militaribus pene omnibus, oppidanisque longo bello vrbe exhausta, cum Comes obsidionis periculo ciues liberare non posset, propugnationem deserit: & in Montecanos montes sese abdidit.

A. D. II. Non. Iul. Mauri Barcinonem irrumpunt: propugnatores, ciuesque omnes ad vnum caduntur: capiunturque. Familiarum nobilium stirpes, quae ante CC. annos ea in vrbe floruerant, ac nominis Francici memoria delentur. Qui gladio non cōficiuntur, & de funesto patriae exitio superfuere, Cordubam delati, & in alia Maurorum regna dispersi.



AERA.  
NAT.  
CHR.

miserandæ seruitutis iugum perpetiuntur. Ea tam terribili, ac truculenta clade accepta, arces, castellaque omnia oræ maritimæ raptim atque turbate amittuntur: dedunturque hostibus: solæque Moncadæ, & Ceruilionis arces natura, ac situ munitissimæ, vt fertur, à nostris propugnantur.

Borellus incredibili virtute, atque animi magnitudine aduersis rebus incitatus copias omnes militares Manresæ colligens in hostes irruens, re felicissime celerrimeque gesta Barcinonem, ingenti suorum strage, & publica calamitate ereptam horribili impetu, admirabilique conatu recuperat. Eo bello immunitas data iis qui equo militaria stipendia merent. Ad nongentos fuisse traditur: quorum ex genere eorum effluerint familie, quos de Paratico nominauere: quod non capitecensi, aut relati in ærarios, sed tanquam bene peculiati pro ingenuis ciuibus se gererent: censerenturque.

1025.  
987

In donationum regiarum, & assignationum agrorum monumentis S. Petri Tabernæ, ex quibus minutatim rerum memoriam vetustarum decerpere cogimur, hoc anno K. Ian. Sanctii Regis, & Vrracæ eius vxoris, & trium liberorum Garcias, Ramiri, & Gonzalui fit mentio. Vrracæ vero nomen ad Sanctium Abarcam Regem, liberorum ad Sanctium eius nepotem rem referendam demonstrat: atque huius etiam anni ratio vitio non caret: cum nec dum nati ea tempestate esse videantur Garcias, Ramirus, & Gonzaluuus: qui Sanctio Maiore patre mortuo, quisque regnum adipiscitur suum: vt plane ea res in annum incarnationis domini MXXV, non æræ reicienda sit: adeo in fallaci, & ancipiti, ac lubrica temporum serie versamur.

1027.  
989

Sanctius Rex Cœnobio S. Iohannis Pinnatensis, quod loci religione permoti illius sæculi principes auguste, sancteque venerabantur, Matrem, Baguesium, & Huertolum oppida condonat.

1028.  
990

Moritur Oliua Besaluni, & Cæretaniæ Comes. Bernardus Taliaferrus F. quasi incisor ferri cognominatus, in Besalunensi succedit ditione. Minor natus Wifredus Cæretaniæ hereditario munere præficitur. Oliua eorum frater monachus ex Riuipulli Abbate Ausetanus fit Episcopus.

1031. 993

Borellus Comes Barcinonensis è vitâ excedit. Hunc principem primo Ledgardim vxorem duxisse, & filium ex ea Raimundum suscepisse comperimus. Secundis nuptiis in matrimonium Aimerudim adiunxerat. A. D. VIII. K. Oct. eius testamenti tabulæ obsignantur: quibus Raimundum Barcinonensis, & Gerundenis ditionis heredem scribit. Raimundum, Borellum, & Suniarium Comites fratris filios, & Guilelmum Vicecomitem: vnacum Raimundo filio exequendo testamento præficit. Ermengaudum natu minorem F. Vrgellitanæ ditionis heredem instituit: à quo Vrgellitani Comites fluxere, qui Ermengaudi sunt omnes nomine appellati: quod idem videtur, q̃ Erminigildi. Cœnobium Riuipulli Borellum anno DCCCXC instaurasse memorant: atque in eo conditum arbitrantur.

#### RAIMVNDVS BORELLVS COMES BARCINONENSIS.

1041.  
1003.

Mauri ad Albefam maximo, & memorabili prælio funduntur: & profligantur: magnaque clade illata ciuitates pæne omnes Laletanorum, Ilergetum, & Cosetanorum, quæ ab hostibus obtinebantur, & nunc Cataloniæ finibus continentur, Raimundo Borello Comiti tributa conferunt Berengarius Episcopus Helenensis eo in prælio occubuit.

1048.  
1010

Sacrum bellum Hispaniarum principes summa virium contentione gerunt. Barcinonensis magno exercitu instructo, & auxiliariis copiis Paliariensium, Ripacurciensium, Suprarbiensium, & Aragonensium adiunctis, Castellanorum, & Legionensium exercitus consequitur. In Bæticam prouinciam tanquam Imperii arcem, & propugnaculum inuadunt: ac Cordubensem agrum incurrentes, haud longe ab ea vrbe maximo, & cruento prælio configunt. In ea pugna Ermengaudus Vrgellitanus Comes, & Marchio, quem Cordubensem, ob eius cædem postera ætas nominat, & Arnulfus Ausetanus, Aëtius Barcinonensis, & Otho Gerundenis Episcopi mortem occumbunt.

1055.  
1016  
1018.  
1020

Raimundus Borellus Barcinonensis Comes moritur: in cuius locum BERENGARIUS RAIMVNDVS F. succedit Barcinonensis ditionis heres. Bernardus Taliaferrus Oliuæ Comitis F. Besalunensis Comes Rhodanum traiciens demerso nauigio perit. Is Guilelmum Bernardum cognomento Crassum filium reliquit Besalunensis ditionis heredem.

Wifredus Cæretaniæ comes Bernardi Taliaferri frater Raimundum Wifredum F. Cæretaniæ ditionis heredem instituit. Huius quattuor alios filios commemorant: Wifredum Narbonensem Archiepiscopum, Berengarium Gerundensem, & Guilelmum Vrgelli-



Vergellitanum Episcopos. Vetus auctor rerum Barcinonensium, qui eos recenset, vnam tantum vxorem Wifredi Comites Cæretaniæ commemorat: neque cuius gentis fuerit, traditur.

AERA.  
NAT.  
CHR.

A. D. VI. Id. Ian. Anno incarnationis Domini MXXV, AERA MLXIII. Indiæ. VIII. anno XXVIII. Regni Roberti Francorum regis Berengarius Raimundus Barcinonensis Comes libertatis tuendæ iura, possessiones, bonaq; ciuibus Barcinonensibus, & totius eius ditionis incolis confirmat: atq; sancit: vna cum vxore Sanctia: vt mos genti, & illorum temporum principibus fuit: vt is vxoribus honos adhiberetur: neq; sexum in imperiis discernere. Sanctiam Infantem nominat: & filiam potentissimi Comitis Sanctii esse asserit: vt Sanctii Castellæ Comitis filiam, aut Sanctii Guilielmi Vasconiæ Aquitanicæ Comitis fuerit: qui eadem vixere ætate. Verusta enim monumenta, & priuilegia exstare video à Sanctio Rege hoc ipso anno irrogata, quibus Simenæ Reginæ eius matris, & Maioris Reginæ vxoris, Garciz, Ramiri, Gonzalui, & Ferdinandi filiorum fit mentio: & Sanctius Guilielmus Vasconiæ, & Berengarius Barcinonensis Comites, qui scribendo adfuerunt, commemorantur: donationesq; a Rege factas auctoritate sanxere.

Sanctio Castellæ Comite, & Garcia Infante eius F. vita functis, Sanctius Rex hereditario vxoris iure, quæ Garciae Infantis soror fuit, quam alii Maiorem, Eluiram alii vocant, Castellæ dominatum ditionemque obtinuit. Infantes vero vocari, non regum tantum liberos iusto matrimonio genitis, sed Regio genere ortos, vti de Carrionis, & Laræ Infantibus Petrus Portugalensis Comes confirmat, mos Hispaniæ gentis fuit: quod vetusta consuetudine, & prisco more comprobatum comperio.

Regnum Suprarii, Aragoniæ, & Pompelonense tam exiguis initiis constitutum, ditione ea, quam Sanctius Regis auus vi expugnauerat, & Cantabriæ Ducatus decorauerat cognomine, iam iusti regni, non finibus modo, sed decore augetur. Sanctius Pyrenæum transgressus, vti quidam auctores prodidere, magnam Vasconiæ partem imperio subiicit: quam Pictonum Comiti pretio, vti ferunt, addixit. Ex Suprarii montosis locis Comitem quendam, siue is Ripacurciensis, siue Paliariensis erat, qui vi plura castella expugnauerat, auertit. Ad eam potentiam, & maiestatis amplitudinem, quæ illorum temporum erat conditio, euectus, nullam enim maiorem, à Gothici regni euersione meminerant, Imperatoris nomen usurpat. Plura bella cum Veremundo Legionensi Rege gessit: plura confecit: donec reconciliatione concordia Veremundus Sanctiam sororem Ferdinando Sanctii Regis F. non natu maximo in matrimonium tradit. Rex oppida omnia, atque arces, quas ultra Pisoracam amnem expugnauerat, & suo imperio adiecerat, Ferdinandi, & nurus ditioni attribuit. Pisoraca enim Castellæ ditionem à Legionensi regno diuidit. Rex præterea S. Victoriani cœnobium in Assanensi Ripacurciæ regione situm, quod Gesaleci Regis Gothorum regno, religione loci, summa veneratione cultum, & amplificatum, & à Mauris postea violatum, ac funditus dirutum fuerat, instaurat: atque exædificat. Id cœnobium Rex ipse & antiquissimum, & religiosissimum appellat. In S. Iohannis Pinnatensis sacra æde monachos, quos ex Cluniacensi cœnobio D. Benedicti instituto addictos arcesserat, collocat: & religioso cœtu ad piam communitatem consecrantur Paterno Abbate præposito: eaque res permissu Mancii Aragonensis, & Sanctii Pompelonensis Episcoporum constituitur. atq; sancitur.

10064.  
10024.

Filera, Ruesta, Vllum, Penna, Sos, Lobera, Vncastellum, Lucsa, Librana, Eliso, Castelmanco, Aguero, & Morillum oppida, atque arces & construuntur: & muniuntur: incolisque frequentantur.

Sanctius regnum sanguine maiorum traditum, & summa virtute, & gloria depulsis hostibus partum, vt inter filios stirpem, ac semina malorum omnium rescinderet, liberis diuidit. Grauiissima inter eos suborta fuere dissidia: quæ eo processerant, vt ipsius facti atrocitas, siue indignitas, aut omnino culpa augeri non posset. Garcias enim, & Ferdinandus domesticis furiis exagitati Reginam patrem probri, & adulterii insimulant: & heroica quadam virtute Ramiri priuigni, qui aduersus impios, & consccleratos fratres, matris eorum innocentiam armis tueri, ac defendere audebat: eiusque flagitii poena, quam præfenti morte, quasi in manifesto facinore deprehensam, patriis legibus, & constituto iure dependere erat necesse, liberat. Garciae natu maximo Pompelonense regnum, & eam ditionem, quam Cantabriæ Ducatum illa ætas nominare assueuerat, & Vadum Longum, ac tractum omnem, qui ab vi be Naiara ad Aucæ montes est interiectus, & Ruestam, atque Pitillam oppida, cum continenti vicorum ditione attribuit. Ferdinando Castellæ regnum, ac Comitatum condonat: fuitque is primus, qui eius dominatus regale nomen usurpat: nam Sanctius pater, non se Castellæ, & Aragoniæ Regem

10064.  
10026.



AERA.  
NAT.  
CHR.

nuncupauerat: sed in eis ditionibus regnare litterarum elogiis tradebatur. Ramiro, siue Ranimiro, ut tunc loquebantur, filio, quem ex primaria Aiuare veteris, & illustris familiae femina susceperat, Aragoniam terram tradit: aliquot vero castella eius ditionis Garciae contribuit: & Pompelonensis regni alia Ramiro: quae cum vterque, uti maioris coniunctionis pignora, & fraterni foederis, atque fiducia vincula sua haberet in potestate, magnae dissensionis inter fratres, atque exitialis dissidii causa fuit. Gonzaluo natu minimo Suprabiensem, & Ripacurciensem ditiones assignat: & a Troncedo Ripacurciae oppido, ad Martinorum continentem ditionem, & Loharii, & S. Emeterii arces contribuit. Ea omnia Comitis cognomine viuentis patre obtinet: eo vero mortuo, sunt qui testentur Regio cognomento fuisse usum: cum vetustis etiam tabulis constet, Gonzaluum viuente patre mortuum: & Regem Sanctium Ramirum filium in ditione Ripacurciensi Gonzaluo fratri substituisse. Reginam ferunt, ut insigni caritate maternum officium se priuigno praestaturam ostenderet, & filios ex se se genitos, tanquam degeneres, & maioribus dedecori fuisse, veluti grauissimo iudicio, quoad eius fieri poterat, testaretur, Ramirum adoptasse: & Garciae natu maximum auita Castellae ditione euertisse. Adoptionis ius, illorum temporum instituto more, rite sancitum tradunt: qui is inoleuerat, ut quae adoptaret, per stolae fluentes sinus eum, qui adoptaretur, traduceret. Inde dotalis Aragoniae hereditatem, nouercae indulgentia eam adoptionem fuisse secutam perhibent. Inde origo intestinorum inter fratres bellorum, & exitia rerum.

A.D. XV. K. Nou. Sanctius Rex summam, & perfectam gloriam consecutus illustri, & peruagata fama multorum in rempublicam meritorum, imperio, & dignitate, & maiestate amplificato e vita excedit. Ouerti vrbe Asturum regia sepelitur: & a Ferdinando F. Rege in D. Isidori coenobium ad Legionem vii. Geminam insignem Asturiae urbem constructum infertur: quod sepulchrum ipsius, liberorum, posterumque eius Regum esset. Rotensis coenobii monumenta sexagesimo quinto regni anno Sanctium Regem AERA MLXXIII decessisse testantur.

## RAMIRVS VI. AB IN- NICO ARISTA ARAGO- NIAE REX.

1073.  
1035.



X eo Aragonia Regni cognomentum obtinet. Rex finitimos omnes aut bello domuit: aut condicionibus sui iuris facit.

Berengarius Raimundus Barcinonensis moritur: cui succedit RAMIRVS BERENGARIVS F. Duos praeterea filios reliquit: Guilielmum Berengarium Manresanum Comitem, & Sanctium Berengarium: cui fratris

Manresana obuenit hereditas. Berengarium Comitem imbecillum, & valde pusillanimum fuisse veteres prodidere auctores: atque eo rerum potestate Mauros eas regiones incurrisse, atque vi expugnasse, quibus Cataloniae nouae cognomentum fuit: ea enim erant, quae cis Rubricatum fluminis pater, atque auus armis vindicauerant: & imperio, ac potestati suae subiecerant.

1074.  
1036

Ricardus Episcopus Bigeronensis, Garcias Ferto, & Guilielmus itidem Ferto ex proceribus Labadanae regionis Aquitaniae Augusto mense Ramiro Regi Gisbergam tradunt: Bernardi Rogerii Bigeronum Comitis filiam: & Garfendae eius uxoris. Eam Rex in matrimonium ducit. Vetus rerum Aragonensium scriptor Gisbergae nomen sacri fontis baptismate sortitam fuisse perhibet: & vocitatum Ermesendam: nomine tamen Ermesendae usum vetusta monumenta testantur.

Turbatis rebus malorum extremum discordia accessit: nam dum induci non possunt, ut intra praescriptam portionem se quisque contineat, initia ipsa regnorum inter fratres cruenta fuisse, & ad caedem, & internecionem inter se contendisse satis constat. Inter Garciae praesertim, & Ramirum non finium modo tuendorum, aut propagandorum causa, sed de tota ditione magna belli contentione est decertatum. Cum Garcias viuentis, ut ferunt, patre, pia peregrinatione Romam profectus esset, ut Apostolorum Petri, & Pauli basilicas videret, & sacra limina veneraretur, & Ramirus foedere Caesaris Augustanum, Tudelanum, & Oscensem regulos sibi adiunxisset, ut facile appareret bellum parari, nec ultra ad arma ire dilatatum: in regnum fratris irrumpit: & Tassalam oppugnat. Frater peregre reuersus coacto exercitu obuiam illi procedit: & proelio magna virium con-



contentione decertato, Ramirus turpi fuga, cum castra hostes diripuissent, magna AERÆ accepta clade profligatur. Aragoniæ pænetotius Garcias potitur: Ramirus in Suprar- NAT. bium, & Ripacurciam se abdidit: & destitutum se videns cæsis suorum cateruis in montes CHR. concessit.

Ermengaudus Vrgellitanus Comes, quem Peregrinum vocitauere, sacra peregrina- 1075. tione religionis causa obita, Hierosolymis decedit. Ermengaudus F. annos V. natus ex 1037 Constantia vxore in patris locum succedit heres.

Raimundus Barcinonensis erepta patris tempore armis vindicat: atque adeo felici- ter rem gerit, vt laudem, & gloriam bellis partam, & imperij fines propagatos summi de- 10 coris honoribus amplificauerit. Satis constat XII. Maurorum Reges ex latis Hispania- rum prouinciis tributarios, ac stipendiarios sibi reddidisse.

Raimundus Fulcho Vicecomes Cardonensis Guila matre genitus Cardonensē sacrā 1078. ædē D. Vincentio dedicat: Eribaldo Episcopo viro sanctitate insigni Vrgellitanæ Eccle- 1040 siæ præside. Eribaldo Ermengaudus succedit Episcopus: cuius religionis, & sancti- tatis splendor, quasi magnum lumen per omnes Hispaniarum oras nostris gentibus e- luxit.

Hugo S. R. E. nuntius Apostolicus in Hispanias legatus Barcinone prouinciale mu- nus rerum sacrarum administrat: eoque assidente Raimundus Barcinonensis, proceref- que Cataloniæ ex Gothicis legibus, quib⁹ fora, & iudicia in terra Catalonia indici, & con- 20 stitui superioribus sæculis consueuerant, & in Castellæ, & Legionis ditionibus Reges iura statuebant, quas Ferdinandus Rex Ramiri frater in sua ditione firmarat, aliquas tollunt: & exceptionibus leniores efficiunt: nouasque condunt: easque, quod vsu cotti- diano, commune consuetudine, quæ vim legis obtinet, collocarentur, ac sancirentur, Vfatice appellauere. Dignitatum, honorumque ordines Raimundum primum distinxif- se, atque in Vicecomitū, Baronum, & Valuasorum gradus collocasse, edita, & corroborata opinio est: eaque ex antiquissimis litteris, & monumentis constitit: quæ sola Petri To- michij de Augerio Cataloniæ, & nouem illis proceribus, cum innumerabilibus copiis A- rana, & Anabiensi valle in Cataloniā irrumpentibus commentum, & ea quæ tamquam veteri opinione, & omnium firmata consensu prodidit, nempe à Carolo Magno Impera- 30 tore nouem Comitum, Vicecomitum, & totidem Baronum ordines distinctos, atq; con- stitutos, plane conuellit. Nam quod persuadere nititur nouem etiam dioceses Episcopa- tum, Rotensi adiecta quæ Ilerdensi cesserit, ab eodem Carolo terminatas, quæ tot ante sæculis definitæ fuerant, incuriam hominis satis refellit: atque coarguit.

A. D. XV. K. Oct. Rege in arce Laquerensi assidente, cum Eribaldus Vrgellitanus antistes conquestus esset, Sanctio Rege Ramiri patre annitente Ripacurciensem, & Ge- stabiensem dioceses ab Vrgellitana ecclesia fuisse dirempas, quæ Ludouici Imperatoris regno illius Episcopo contributæ fuerant, vetustæ iurisdictioni restituuntur. Rota Ripa- curciensis, cuius Mauri longo tempore potiti fuerant, & Sanctius Ramiri pater ab eorum 40 dominatu vindicauerat, & Narbonensi prouinciæ contributa fuerat, Vrgellitanæ diocesi adiungitur.

#### RIPACURCIÆ SVPRARBII ET ARAGONIÆ SVBIVNCTIO.

Gonzaluo Suprarbiensi, & Ripacurciensi, siue Rege, siue Comite, vt supra memora- 1083. timus, interempto, quem Ramonetus Vasco ad Monclusi pontem insidiis circumuen- 1045 tum interfecerat, Ramirus fratris ditione potitur: & Regē se Ripacurciæ, Suprarbij, & A- ragoniæ appellat. Gonzaluus ad D. Victoriani sepelitur.

Hoc ipso anno Sanctij Ramiri Regis filij fit mentio: quem ex muliere suscepit, cui cōnubij cum eo ius, fasq; non erat: & alterius item Sanctij ex Ermesenda iusta vxore eo- dem hoc anno geniti: qui patri regni succedet heres. Vetustæ præterea tabulæ exstare in 50 cœnobio S. Iohannis Pinnatensis Gothicis litteris inscriptæ feruntur, quibus Ferriolus Bolea, qui se cum Nuennone fratre ei sacro cœtui addixerat, dum hostium feritatem, at- que immanitatem deuitat, & Paganos vocat, perhibet hoc anno Ramirum Regem in A- ragonia, Suprarbio, & Ripacurcia, Almugdadirium Cæsaraugustæ, & Almudafarem Iler- dæ regnare.

Sanctius Episcopus Iaccetanus. Paternus Abbas Pinnatensis:

K. Dec. obiit Ermesenda Regina: & ad D. Iohannis Pinnatensis sepelitur. Ex ea Rex 1087. alterum filium nomine Garciam habuit. Is Iaccetanus fuit Episcopus. Duas ex eo con- 1049 iugio filias suscepit: Sanctiam, quæ Tolosari Comiti nupsit: & Theresiam Guilielmi Ber- trandi Prouinciæ Comitis vxorem.



AERA.  
NAT.  
CHR.  
10091.  
10053.

Sanctium filium maiorem natu Aiuaris, Xabieris, & Latris heredem instituit: & vti ferunt Comitatus dignitate decorat: & Ripacurcia præterea dominatum attribuit.

Stabile, & perpetuum bellum inter Nauarræ, & Aragoniæ Reges fratres germanos permanerat: quod reprimi nisi alterius internecione non potuit. Cum tandem summa externarum virium contentione Garcias, & Ferdinandus armis decernerent, Ramirus ereptam Aragoniam recuperat. Cum enim non mitioribus furis Garcias, & Ferdinandus iactarentur, & Ferdinandus iam præpotens, & excellens Castellæ ditioni Legionense, & Gallaicum regnum adiecisset, de Riogiz, & Burueuæ ditione, quæ ad Hiberum pertinet, decertantes, Garcias, vt frater ultra Aucæ montes se reciperet, cogit. At Ataporcam, id vico nomen est, collatis signis prælio cum decertarent, Garcias contumacis, & superbi animi princeps, & qui iuniorem fratrem regnorum imperio superiorem sua inuadere equo animo pati non posset, in ea pugna mortem occumbit. Ex eo Ferdinandus regni fines Hiberi ripis terminat: & Pompelonense regnum: quod Hiberno, & Pyrenæi iugis contineretur, Sanctio Garciz fratris F. reliquum esse voluit. Aragonia, Suprarbium, & Ripacurcia Ramiro libera remanent. Non tamen his finibus Ramirus contentus, mense Ianuario non Aragoniæ modo, Suprarbij, & Ripacurciæ se Regem, sed Pompelonensis ditionis appellat. Tres filios Garciam Regem suscepisse veterum scriptorum testimonio apparet: Sanctium, quem regno destinatum ad Pennalenem Nauarræ vicum, viuentē patre interemptum tradunt: & alterum itidem nomine Sanctium: qui patri regni successit heres: tertium Raimundum: qui postea sibi regnum appetens Sanctium Regem fratrem interemit.

Mauris, qui Ripacurciæ penitus exacti nondum fuerant, acre bellum à Rege inferitur. Benatarrum ab eis receptum vi expugnat.

10092.  
10054.

In Commentarijs rerum à Ruderico, Biuario gestarum, quem Cidum sua ætas appellauit, & heroum veteres casus imitatum illa memorant carmina, quæ multis sæculis de clatorum virorum laudibus in conuiujs cantantur, scriptum reperimus summa contentione, & dissidio inter Ferdinandum, & Ramirum Reges de Calagurris vetustæ Vascconum vrbis ad Hiberum sitæ iure, ac dominatu fuisse concertatum: armorumq; discrimini eam controuersiam, vt gentis prisca mos fuit, commissam: vt Cidus Castellæ Regis, Martinus Gometius, quem totius Hispaniæ acerrimum, & fortissimum virum idem auctor gestorum commemorat, Aragoniæ Regis iura, & partes armis vindicent: & pro suo quisque regni decore ferro dimicet: vt qui certamine victor euaserit, eius nationis regnū vrbis imperitet. Martino ex prouocatione deuicto, atq; interempto de Calagurri Ferdinando Ramirum concessisse. Eum virum, qui in publica causa mortem oppetiit, cui tantus honos, etiam ab inimicis deferretur, regia Pompelonensium Regum stirpe ortum, & ab eo procures illos maiorum gentium, qui Lunæ cognomento agnationibus tot illustrium familiarum distinguuntur, generosa propagine profectos apud veterem scriptorem comperio.

Ramirus, & Sanctius Garciz Regis F. pactione arcium tradendarum fœdus faciunt: & ex arces veluti obsides vtrinq; acceptæ. Pacto eo conuenito Ruesta, & Pitilla à Ramiro Sanctio traduntur: arx vero Sanguesana, Lerda, & Onduesium pactione auxilij aduersus Ferdinandum Regem conferendi Ramiro, posterisque eius à Sanctio sunt attributa.

10093.  
10055.

Raimundus Berengarius Barcinonensis Comes, & Almodis eius vxor Senescaliam Cataloniæ Raimundo Myroni tradunt: quod genus imperii præcipua rerum bellicarum administratione adiuncta ad strenuos in primis viros, & virtute, potentiaque præstantes, & Comitum Barcinonensium propinquitate coniunctos deferri consuevit: summæq; rerum præficiantur: penes quos opes, & arcana regni in Gallia spectarent. In Aragonia vti in Galliæ regno Maiores domus appellabatur: quod aula Regiæ præfecti essent: quorum vis, ac potestas domi, militiæq; plurimum pollerent. xxv. anno regni Henrici Francorum Regis eam rem gestam vetusto monumento perhibetur.

10094.  
10056.

A.D. XVIII. K. Febr. AERA MXCIV. in concilij decretis à Cresconio Apostolicæ ecclesiæ Iriensis Episcopo, & Vistrasio Lucensi Metropolitano, & Suario Dumiensi Episcopo Compostellæ factis in Basilica beati Iacobi Apostoli apparet xxi. annum regni Ferdinandi connumerari: vt eadem temporis ratio Ramiri eius fratris regno adæquetur: & apposite conueniat.

10096.  
10058

Ali Sarracenus qui Dianii, & Balearium insularum dominio potitur, earum ditionum ecclesiastica iura hoc anno, vt in vetustis tabulis apparet, Ecclesiæ S. Crucis, & Sanctæ Eulaliæ Barcinonensis, & Guilaberto Episcopo. VII. K. Ian. contribuit. Guilabertum tamen



ramen Episcopum Barcinonensem VIII. Id. Octobris Anno domini MCXX. à Sarracenis in praelio interemptum vetusta quædam monumenta testantur.

Cum Ferdinandus Rex, qui gestarum rerum gloria Magni nomen est consecutus, Cæsaraugustum enim, Toletanum, Portugallensem, atque Hispalensem Maurorum Reges sibi parere, atque tributa quotannis pendere coegerat, immemor malorum, quæ tot per annos illa ætas fraternis dissidiis tulerat, regni ditionibus à patre disjunctis, & inter filios diuisis, ipse itidem Sanctio, Alfonso, & Garciz liberis regna & tradita, & bellis parta diuidit: & perpetuum odium, atque dissidium, summamque inuidiam, & infamiam opera sua illis conflauit, Sanctius adepto regno fratres inexpiabili odio persequitur: eius vero frater patrius Sanctius Pompelonensis Rex, quoad eius fieri poterat, fratribus implicitis bello, erepta vindicat.

Ramirus Rex paulatim proferendo fines, præsidaria castra extollens altius, & castella, turreaque frequentes opportunis locis construens Mauris bellum inferi: omniq; Suprabio, & Ripacurcia pellit: aut suo imperio subiicit. Almugdadiri Cæsaraugustanum, & Almudafarem Ilerdensem Reges, quotannis tributa conferre cogit. Bis signis collatis, ut erat acer, & pugnax, Olfensem Regem maximis praeliis deuincit. Pallariensem ditionem, cum sibi virum præpotentem, & nauum Regia cognatione adiunctum Rigolfum Florentium conciliaffet, ac fœdere deuinxisset, imperio adiungit. Rigolfus castellum ad Toris ripas obstructum opere, ac natura munitum Pallariensis regionis arcem, atque receptaculum constituit. Castellionem appellat. Ex Eincelina primaria femina Bernardum, & Amatium filios reliquit: qui arcem eam Regi, patre Rigolfo vita functo tradidere: & Eincelinæ Beranuium Castellum ad Ifauenæ ripas situm condonatur. Pallariensis regionis ex eo Rex se potiri sperat.

Hoc ipso anno Sanctius Ferd. F. in Pompelonis, Alauæ, & Castellæ ditione regnare raditur: Ramirum vero Sanctij patrum Aragoniæ regni potiri.

Sedes Episcopalis Rotæ constituitur: diœcesisque Pallariensis, & Ripacurciensis illi contribuuntur,

Sanctius Episcopus Aragonensis.

Paternus Episcopus Cæsaraugustanus.

Arnulfus Episcopus Rotensis.

Hi antistites, & Guilielmus Vrgellitanus Wifredi Cæretaniæ Comitis F. Heraclius Bigeronensis, Stephanus Olorensis, Gomecius Calaguritanus, Iohannes Lectorensis, Episcopi Austindo Auxitano Archiepiscopo assidentes Iaccæ vetusto Vasconum oppido concilium eius prouinciæ celebrant: quam & cis Pyrenæum, & ea Aquitaniæ regione, quæ Vasconia illis temporibus dicta est, nunc Gascunia vocatur, aut Regi Ramiro paruisse, aut fœdere fuisse adiunctam, non opinione solum, sed etiam plane ad veritatem hoc vno monumento mihi persuadeo. In primo Concilij consessu Rege vna cum filiis, ac regni proceribus assidente maxima frequentia, atque applausu in Dei opt. Max. laudes populus erumpit. Regem benignissimum, ac serenissimum principem compellat: prosperaque acclamatione diuinum implorat numen, ut hostium, ac gentium victor existeret. Summa religione, ac pietate eo in concilio cærimoniarum sacra, magna corruptela, propter assiduos bellorum tumultus inermis fandiuntur: deprauatique mores patrij in ordinem rediguntur: & perfecta instituta maiorem reuocantur. Ne quid ex sanctorum patrum ritu, negligentia, fraudeve prætermitteretur, sacra omnia pie, riteque ex Catholicis sanctæ Romanæ ecclesiæ decretis, atque sanctionibus instaurantur: ne inter ipsas clades, ac feros bellorum exitus aut continuum armorum usum, sacra religionis viderentur nostri negligentiores. Data Sacerdotibus lex, ne quo alio more, quam Romano præcarentur: neq; Gothica, utpote peregrina piacula, exsoluerentur. Ecclesiastica sedes Iaccæ constituitur: quæ priscis temporibus Osce collocata fuerat: decernuntque, ut quædoque diœcesis caput ab impiorum dominatu eriperetur, illi Iaccetana sedes subiiceretur: & tamquam filia parentem pie, sancteque coheret. Fines diœcesis terminantur: ac circumscribuntur. Paternus Cæsaraugustanus Episcopus permissu sacri concilij ecclesiasticam sanctarum Massarum Cæsaraugustæ vrbis, quæ innumerabiliū martyrum cineribus compactæ erant, ad Orbe, & Hiberi confluentes ripas vetustis temporibus constructam, quæ sacris reliquiis consecrata fuerat, & D. Enicratidicata, regio honori tribuens, atque gratificans Iaccetanae ecclesiæ contribuit: eamque semper, ac terminatos fines Gregorius VII. Pont. Max. decreto suo postea confirmat. Præter decumas tertiam tributorum portio, quæ Cæsaraugustani, & Tudèani populi reges Mauri pensitât, ecclesiasticis munerib. assignat. Ex eo Episcopi, quæ ad eam diem Aragoniæ cognomēto vti fuerât, Iaccetani etiam appellati sunt.



AERA.  
NAT.  
CHR.  
1101.  
1063

Sanctius Castellæ Rex cum Carpetaniæ, & Celtiberiæ regionibus bellum intulisset, quarum regulos Ferdinandus pater suo subiecerat imperio, Cæsaraugustam circumfideret: & eius fines incurrit: quoad Mauri se, suaque illi traderent: ea conditione, ut ab hostium incursionibus vindicerentur: nam eam urbem Rex Ferdinandus Sanctio F. & eius regno cum appendicibus attribuerat. Inde de regnorum finibus summa inter Reges contentio: dum hac fertilitate, atque amœnitate Cæsaraugustani agri uterque perfrui cupit: atque eo gradu terminos promouere, unde si porro anniterentur, ad oras maritimas, ac latas cultu regiones aspirare possent: & magnis Regibus tam decore, quam virtute æquarentur. Sanctius summa implacabilis iracundiæ acerbitate in patruum graue bellum conuertit: illata causa, quod Nauarris opitularetur: suasque ac Cæsaraugustanorum copias colligens in Suprabium improuisus, ac repentinus inuadit: circumcirca cuncta depopulatur, & vastat: patruo arcem Gradus obsidente: quam Mauri ad Eseræ ripas sitam muniuerant. Subita hostium irruptione nostri funduntur: & Ramirus Rex proelians interficitur. Vetustis annalibus perhibetur pugnam eam A.D. VIII. Id. Mai. fuisse pugnatam. Ad D. Ioannis Pinnatensis sepelitur: gentilitiique tumuli sepultura corpus humatur. Gregorius VII. Pont. Max. præclaro impertito testimonio regem summis laudibus extulit: Christianissimum appellans: & sedi Apostolicæ adeo deditum, atque addictum, ut una cum liberis sese, regnumque tributarium illi constituerit: eius pietatem, ac religionem collaudat: quod tanquam alter Moses primus post deuastatas à Mauris Hispanias Romana sacra, canonicaque instituta pie, sancteque adsciuerit: & Toletanâ superstitionem pergentes fusam, sunt qui his verbis Magorum portenta innui arbitrentur, cuius illusionem hominum mentes imbuebantur, amouerit: atque proiecerit. Quæ eo à summo Pontifice extolli, atque prædicari videntur, quod Rege annitente, atque instante vetustis sacrorum ritibus more Romano, rebus diuinis opera daretur: preces consecrarentur, sollemnia, stataque sacrificia rite peragerentur: ac vota persoluerentur. Magnas enim sollemnium preces dissimilitudo in Hispaniarum prouinciis turbas, ac contentiones excitauerat.

#### SANCTIVS VII. ARAGONIÆ ET SVPRARBII REX.

Sanctius duodeuicesimum annum agens patri succedit heres.

Arnaldus Myro Myronis F. in Palliaria, ac Ripacurcensi regione præpotens ea tempestate late ditionem continuat. Agerensi castello præsidio firmato regionem omnem, quæ Nocharia Ripacurcensi, & Palliariensi, ite Nocharia fluminibus, & à Septemtrionibus montis Sicci iugo, & meridie S. Liciniæ arce continetur, impiis expulsis hostibus armis vindicat.

Casteldasium castellum Maurorum irruptione, atque impetu vi expugnatur.

1102.  
1064

Initio regni Iaccam vetustum Vasconum oppidum, & ciuium frequentia, & situ, & Beneharnensi saltu, nunc Aspensem vocant, celebrem, Galliarum commercio, atque comæatu, externisque commoditatibus opportunum Rex urbis appellatione cohonestat. Habitari enim tanquam urbem, frequentarique, quod totius regni præsidium, atque propugnaculum esset, corpusque ei ciuitatis, senatus, & plebis concilium attribui, & magistratus ad iura reddenda quotannis creari è dignitate regia censuit. Leges ciuibuscant: militibus, incultis, atque horridis illis hominibus consentaneas: forumque indicit, Iaccetanum nuncupatum: quo & ciues, & regni incolæ, colonique firmum ius tenerent. Leges in iustum postea volumen, quod hodie exstat, referuntur: exque à Rege, in Nauarræ regni populorum institutis sciri fuisse.

Rex Sanctio Pompelonensi Regi patrueli fratri fœdere adiunctus, patris vlciscendi causa Sanctium Castellæ Regem patruelem itidem fratrem bello persequitur. Proelio ad Vianam commisso Castellæ Rex profligatur.

Hugo Candidus presbyter Cardinalis S. R. E. ad Hispaniarum Reges ab Alexandro II. P. M. de summa Christianæ reipublicæ legatus, quo de summo Pontificatu controuersia esset, maximaque impenderet contentio, summo cum honore à Rege excipitur. Verum Christi Vicarium Alexandrum tanquam rite ad eam dignitatem adscitum Rex, omnisque regia, ac populi profitentur: & legato Alexandri nomine parent: atque obedientiam adhibent. Cœnobîa, eorumque veltigalia, quod ab Episcopis vindicarentur, Rex potestati, atque arbitrio summi Pontificis subiicit: ut à sede Apostolica conferrentur.

1103.  
1065

Cum Aragoniæ, & Castellæ Reges ab armis recederent, & Sanctius Ferd. F. in fratres germanos omnem conatum, atque impetum vertisset, Aragonius Abdurrahamento Oscensi



Oscensi Regi bellum infert: Barbastrum nobile Illegetum oppidum ad Veri fluvii ripas situm vi expugnat. In ea obsidione occumbit Ermengaudus Vrgellitanus summæ potentie princeps: cuius filiam Feliciam Rex in matrimonium duxerat. Mauros tamen postea eius urbis potitos comperimus. Barbastrensem ecclesiam Salomoni Rotensi Episcopo attributam quædam monumenta testantur: cum satis constet Arnulfum Episcopum aliquot annos post urbem eam primo captam vitam perduxisse.

AERA.  
NAT.  
CHR.

Raimundus Berengarius Comes Barcinonensis, & Almodis eius vxor de controuersia, quam cum Vicecomite Raimundo Bernardo Trencauello habent hereditaria comitatus, ac ditionis Rhodensis Gallie prouinciæ, & vicecomitatus Conseranensis, & Conuenatis, & iurisdictionis ciuitatum Carcafonensis, & Narbonensis, Mineruinæ, ac Tolosatis transigunt: atque decidunt. Trencauellus Comitibus sese obstringit: supremumque eorum dominatum, & summam potestatem sancit. Ea pactione Carcafonis Comitatus Trencauello mancipatur: recipiuntque Comites Carcafonensem ciuitatem: & eas possessiones, quæ Episcopi iuriserant. His constitutis Raimundus Arnaldus Carcafonensis Vicecomes, & Raimundus Iazbertus Vicecomes Rhodensis Comitibus Barcinonensibus, posterisque eorum se, suosque subiiciunt: atque addieunt.

1106.  
1068

Raimundus Wifredus Carcetanæ Comes moritur.

Guinardus Ruscinonensis Comes Perpinianum oppidum, haud procul Ruscinonis vetustæ urbis vestigiis condit: eo in loco, ubi duæ tabernæ, & diuersoria erant, quæ Bernardi Perpiniani nuncupabantur.

Sanctius Regis frater Ripacuriæ ditioni præficitur.

Hoc ipso anno, qui regno Philippi Francorum Regis Henrici filii octauus fuit, Arnaldus Myro Monasterium S. Petri Agerensis condit. Hic clarus, ac præpotens vir prole virili orbatu Valentiam filiam Raimundo Raimundi F. Suniarii Comitis nepoti Comiti Palliariensi in matrimonium collocat: & Ledgardim alteram filiam Pontio Vicecomiti Caprariensi vxorem tradit: quorum filius Gerardus Capraria Agerensis item Vicecomitatus fit heres.

Sanctius Rex Ferdi. Regis F. cum non Alfonso modo, & Garciam fratres hereditariis regnis expulisset, sed sorores Vrracam, & Eluiram vlcisci, & persequi statueret, & Vrracam in Zamoranam arcem compulisset, atque eam obsidione premeret, & nulla spes esset diutius obsessos inopiam laturos, à Belidio Ataulphio Zamorensi optimato, qui ad stationes regias dolo peruenerat, perfidia, ac prodicione interceptus, crudeli morte mactatur. Certum auctorem eiusdem ætatis extare comperio, qui prodit, Vrracam summi consilii feminam cum Petro Ansurio Comite, & Zamorensi ciuitate ab Rege desciscuisse: ac rebellionem fecisse.

In aliquot annalibus, quibus memoriæ publicæ retinendæ causa, res insignes singulorum annorum litteris consignabantur, qui complures exstant, testatum comperio: Rudericum Biuarium Cidum cognominatum, postquam Sanctius Rex interemptus fuit, & Simonem Garcesium Torrelliam ex prouocatione singulari certamine armis decessasse: & Torrelliam virum in primis strenuum, atque primarium à Biuario deuictum: neque de qua controuersia conflixerint, memoriæ proditur: sed causam Alfonso Regis Castellæ Sanctii Regis fratris Biuarium tuendam eo certamine suscepisse. In iisdem præterea annalibus traditum est, eundem post ea Biuarium singulari itidem certamine Farizium Sarracenum vehementem bellatorem ad Medinam Zelimi nobile oppidum deuictum contrucidasse.

Rudericus Biuarius Cidi cognomentum sortitus, cuius animi magnitudinis, & rerum gestarum commemoratio ea est, ut supra hominis priuati fortunam esse videatur, ab Alfonso Castellæ Rege desciscens, qui in demortui Sanctii Regis fratris locum successerat, Celtiberiæ arces munitissimis locis à Mauris obstructas vi expugnat: & in Valentini regni fines irrumpens, firmissimo robore copiarum suarum acre bellum aduersus Mauros gerit: & suis, sociorumque viribus in hostes consurgens totam belli molem in eam regionem auertit. Eodem conatu in intimas hostium regiones penetrans plura oppida, castellaque expugnat: quorum excidiis militem Præda locupletat. Mauri deliciarum luxu fluentes à militaribus copiis externis, & armorum usu obduratis funduntur passim: cædunturque.

Gregorius VII. P. M. Regi nostro tota mente, atque omni animi impetu bellum sacrum meditati, atque molienti, gratificaturus, tribuit, atque condonat ut prouentus, ac decumas ex agris vectigalibus attributas ecclesiis, delubris, sacellis, & cœnobiiis quæ construerentur, atque à Maurorum dominatu vindicaretur, suo arbitratu ipsis ecclesiis,

1112.  
1074



AERA.  
NAT.  
CHR.  
1114.  
1076

24

## INDIC. RER. AB ARAGON. REGIB.

delubris, sacellis, & cœnobiis assignare, atque adnectere posset. Id ius à Gregorio firmatum Urbanus II. P. M. postea Aragonensibus Regibus, posterisque eorum firmum, ac ratum sancit.

Sanctius Rex Garcie Regis F. ad Rotam interficitur. An Rudericus Toletanus Antistes necis auctorem sciens, ac prudens reticuerit, affirmare non ausim: satis enim ex vetustis monumentis constat, à Raimundo fratre, seu dira regnandi cupidine, siue cæca, ac temeraria sui vlciscendi insania fuisse interemptum: & Raimundum regium nomen inuasisse.

Ea occupata tyrannide Raimundus non diu oppressum seruitute regnum obtinere potuit. A Pompelonensibus enim regni finibus est expulsus: Sanctiumque Aragonie Regem sibi deligunt, atque adsciscunt: qui ex eo tempore regni Pompelonensis, Naiaræ Regiæ Urbis, & totius eius ditionis, quæ Hiberiæ amne, & Aucensibus montibus continetur, coniuente Alfonso Castellæ Rege Ferdin. Regis filio potitur: cuius supremum potestatis ius, atque dominatum eidem Alfonso recipit: atque sancit. Raimundus frater, no sanguine pollutus extorris à Cæsaraugustano Rege Mauro excipitur: & in summa miseria, atque ærumna vixit. Neptem reliquit Marchesiam Aznarii Lupi vxorem. Regis Sanctii Pompelonensis F. Ramirus, ea in conuersione rerum, & perturbatione ad Cidum deducitur: cuius filiam in matrimonium duxit.

## ARAGONIÆ ET POMPELONEN. REGNI SVBIVNCTIO.

Bellum à Rege ad Ripacuriæ confinia geritur: Maurique cæduntur: & coercentur. Arcem munitissimam Munionem vocatam ad Secastellam oppidum 1111. M. P. à Gradibus magna virium contentione expugnat. Adfuisse eo in prælio Garcias Iaccetanus Regis frater, & Arnulfus Rotensis Episcopi traduntur. Insigni, & cruenta victoria parta, ad D. Victoriani principem aram mense Augusto, summa cū pietate Rex vota persoluit. Is rerum status erat, vt perpetuæ stationes agendæ continentibus bellis essent.

Raimundus Berengarius Barcinonensis exacta ætate, summa, & perfecta gloria perfunctus è vita excedit: & in æde maxima Barcinonensi sepelitur. Duos reliquit filios: Berengarium Raimundi: quem natu maiorem priscus auctor confirmat: & Raimundū Berengarii: quibus Cataloniam omnem, vt omnis controuersie dissensio tolleretur, diuidi voluit: finesque imperii singulis constitui. Carcasonensem ditionem Raimundo attributam comperimus. Hunc Guilielmi Tolosatis Comitis fratrem ex Almodi matre memorant.

## BERENGARIVS ET RAIMVNDVS COMI- TES BARCINONENSES.

Sanctia Regis soror, Tolosatis Comitis vxor D. Mariæ cœnobium in S. Crucis finibus constructum affluentibus copiis ditat. Sororum, id est feminarum pie, sancteque degentium receptaculum esse voluit: indeq; nomen inuenit. Sanctia in eo sacello sepelitur.

Aimericus Vicecomes Narbonensis Mahaltis F. Raimundo Barcinonensi, quæ germanum appellat, ego vterinum fratrem fuisse suspicor, iura potestatis arcis, ac ditionis Follenetæ, & Petræ Pertusæ recipit: atq; auctoramenti sacramento sancit. Huius egregia opera enituit, quod Raimundo opem, atq; auxilium tulerit, in eo bello, quod aduersus eos principes gessit, qui Rhodensem, & Carcasonensem ditionem inuaserant.

Couinum, & Pitilla arces à Rege vi expugnatur. Ad Cæsaraugustam prælio cū Mauris decertat. Pina oppidum situm ad Hiberi traiectum, Gradum vocant, incursione hostili deflagrat. Post finitima vi, vel metu subacta castrorum, & castellorum munimentis oppleta Aragonia est: & iam assuefacta terrori esse accolis omnibus, quos antea formidauerat: & deuicti paulatim in amplitudinem gentis concessere.

Rerum Barcinonensium vetus scriptor Raimundum Barcinonensem perhibet Roberti Viscardi Apuliæ, & Calabriæ Ducis potentissimi Principis filiam in matrimonium duxisse: neq; deesse video, qui vereatur, ne falso memoriæ proditum fuerit. Gaufredus enim monachus, qui eiusdem Roberti, & Rogerii Siciliæ Comitis eius fratris res gestas, ipsius Rogerii rogatu posteris tradidit, cum de ea re mentionem nullam fecerit, Mathildim tamen Rogerii F. Raimundo Prouinciarum Comiti nupsisse, commonstrat. Rem dignam cenfeo in qua animaduertenda eius verba apponantur.

» Anno dominicæ incarnationis MLXXX Raimundus famosissimus Comes Prouinciarū  
» famam Rogerii Siculorum Comitis audiens propter strenuitatem, quæ de ipso refereba-  
» tur, legatos dignos, qui à tanto ad tantum dirigerentur, mittens, Mathildam filiam suam,  
» quam de prima vxore, admodum honestæ faciei puellam habebat, sibi in matrimonium  
» copulandam expostulat.

Apponit



Apponit præterea, ne plura subtexam, Raimundum in Siciliam profectum, digno ex-  
 ceptum apparatu, pactiones renouatas, dotem dictam, sponsalia celebrata: & inconditis  
 etiam carminibus faces nuptiales decantat: vt qui in ea re præfens adfuerit: ac falli mini-  
 me potuerit. Iam vero, quod Prouinciæ Comitem appellet, & rerum status, & illarum  
 ditionum Galliæ prouinciæ conditio, & temporum ratio subinnuere videri poterant,  
 Raimundum Comitem Barcinonensem fuisse, cui Mathildis nupserit: cui & media Ca-  
 talonia, & Narbo, & Carcaso primariæ ciuitates Prouinciæ eâ tempestate parerent: atque  
 eius supremum sustinerent dominatum. Cum vero idem Gaufridus sexto postea trans-  
 acto anno, Raimundo Barcinonensi Comite interempto eiusdem Raimundi Prouincia-  
 10 rum Comitis mentionem fecerit, & Mathildis sororem ab eodem Raimundo Clara-  
 montio Comiti collocatam, quæ classe ad S. Egidium prouinciæ Galliæ oppidum appu-  
 lerat, vt Philippo Francorū Regi nuberet, cuius fuere diremptæ nuptiæ, haud absurdum  
 fuerit, si asserere auserim Mathildim Raimundo S. Egidii, & Tolosatium Comiti nupfisse:  
 qui Prouinciæ Comes ab eo auctore sit appellatus: vt vere Barcinonensis Raimun-  
 dus Viscardi filiam in matrimonium duxerit.

Garcia Iacetano Episcopo Regis fratre, & Raimundo Dalmatio Rotensi Episcopis  
 de diocesium finibus contendentibus certi limites terminantur: scribendo adfuisse San-  
 ctium Galindium Comitem, qui Boltagne, Ataresii, & Sosii dominabatur, & Centullum  
 Bigeronensem Comitem, & Sanctium itidem Ramiri Regis filium vetustis tabulis Ro-  
 20 tensibus comperimus.

Cum regni tenues opes, atq; exiles essent: ac virium, & armorum firmamento, ac ro-  
 bore constaret, atq; ea spe nostris animi adderentur, si ex mōtosis saltibus, & asperis, præ-  
 ruptisq; locis in vberes, ac fertiles regiones, quarum hostes potiebantur, arma transfer-  
 rent, ac bellum ipsos aleret, Rex, quod in decumas ecclesiarum, atque eos agrorum fru-  
 ctus, qui sacris functionibus assignabantur, primitias vocant, manus inieciſſet, atque in  
 militares vertisset vsus, magna se religione obſtrictum videt: tantaque vis fuit pœnitendi,  
 vt in D. Victoriani cœnobio, ad D. Vincentii aram, Raimundo Dalmatio Episcopo affi-  
 dente, eius noxæ religionem expiaret.

Bolea in Vasconum, & Illegetum confiniis sita, & opere munita, ac situ, à nostris vi-  
 30 expugnatur. De ea re Gonzalvus Garcias, cui Sanctæ Mariæ cognomen fuit, Cæsarau-  
 gustanus ciuis, & in primis iuris scientia clarus, qui de rebus gestis Regum Aragoniæ opus  
 latino sermone contexuit, hæc prodidit. Anno vero millesimo octogesimo primo debel-  
 lauit Boleam: vnde egressi sunt, originemq; duxerunt duo generosi viri: quorum cogno-  
 men ante nuncupabatur à Turribus: sed quia in expugnatione loci, ultra vires humanas  
 conflixerunt, cognomen eis mutatum: ac à villa expugnata sumptum. Hæc eadem, fer-  
 me totidem verbis, à Gauberto monacho, earum itidem rerum scriptore, qui eiusdem  
 Gonzalvi ætate opus suum concinnarat, traduntur.

A. D. VIII. Id. Dec. Raimundus Berengarius Comes Barcinonensis ad Astoris perti-  
 cam, is locus est inter Gerundam urbem, & S. Celedonii oppidum, ab impio, & conscele-  
 40 rato fratre Berengario trucidatur. Raimundo filius A. D. III. Id. Nouemb. natus fuerat: qui  
 patris nomen tulit. Is diuina ope seruatus, & patris, & patruſi ditione, qui meritis parrici-  
 dii pœnas dedit, potietur: & ad summum perueniet imperium.

Bernardus Guilielmus Comes Befalunensis.

Guilielmus Raimundus Comes Cæretanus.

Gradus Ripacurciæ oppidum vi expugnatur: quod cum Ramirus Rex, si eius esset  
 potitus, D. Victoriano se dicaturum vouisset, votum à patre nuncupatum pius Rex soluit:  
 & cœnobio D. Victoriani attribuit.

Magnam ab hostibus Christianorum stragem hoc anno editam ad Rotam oppidum,  
 prope Saloniæ ripas situ munitissimum memorant. Eam rem Alfonsi Castellæ Regis ope,  
 50 atque consilio gestam comperio: qui suas opes, atque copias Mauris adiunxisset, quod  
 cum Aragonio Rege de Pompelonensi, & Nauarræ regno certaret: fratrumque discordia  
 prope ad vltimum dimicationis ventum. Eo in prælio Ramirum Infantem Sanctii Na-  
 uarræ Regis filium occubuisse ferunt.

Aierbium oppidum à Rege conditur: & cōmunitur haud procul Gallici fluminis ripis:  
 eo situ quo Ebelinum vetus oppidum via consulari, quæ Cæsar Augusta Beneharnū ducit,  
 constitutum apparet. Proximis gentibus perdomitis, virium accessione robustior, aduer-  
 sus finitimos bellagerens, totius Vasconianæ populos, aut subigit, aut in fœdera cogit.

Festo natiuitatis Domini die Rex prælio cum impiis hostibus ad Petrampisadam  
 decertat.



AERA.  
NAT.  
CHR.  
1122.  
1084.

Non. Apr. sacro cœnæ domini die, & item postero v. l. Feria sancta corpora Indaletii & Iacobi eius discipuli Vrgitanæ Ecclesiæ Episcoporum, quos ex sacro illo collegio discipulorum beati Iacobi, & aliorum Apostolorum in Bæticæ oras appulisse comperimus, frequentissima celebritate à Rege, & Petro eius filio, in cœnobio S. Iohannis Pinnatenfis conduntur: quæ Almeria vrbe aduecta pie, sancteque à nostris coluntur.

Arguedas oppidum Rex paulo post vi expugnat.

A. D. X. K. Iun. Siecastellæ arcis Rex potitur. Eodem mense ad Tudelam cum Mauris signis collatis prælio dimicat. Nostri adeo fidenter bellagerunt, ut iam non prærupta tantum collum, montiumque ad dua occupauerint, sed in immensa, ac vasta camporum se effuderint.

Hoc anno A. D. VIII. Id. Febr. ab hora sexta, usque ad horam nonam, trium horarum spatio defectione solis facta, adeo obscurato fidere diem obductam memoriæ proditur, ut quasi nocte offusa, tetris in tenebris, & obscura caligine omnia iacerent. Commutationem rerum periculumque Principibus portendisse, morte trium maximorum Principum subsecuta, sæculum illud quodammodo agnouit. Eo enim ipso anno obiere Gregorius v. l. P. M. & Guilielmus, qui primus ex Normannorum ducibus regnum in Britannia, quam Angliam vocauere, multa virtute capeffuit: & Rob. Viscardus eiusdem gentis: qui Apulis, Calabris, Campanis, Brutiis, & Siculis à se, & Rogerio fratre perdomitis, cum Macedoniæ, & Græciæ arma intulisset & Constantinopolitano imperio cum Boamundo F. strenue immineret, summa, & perfecta gloria vitam amisit.

1123.  
1085

Rex, cuius victoriæ longe, lateque diffusa magnum hostibus terrorem iniecerant, Petro F. natu maximo Suprærbui, & Ripacuriæ ditiones attribuit: & regale nomen, dignitatemque impertit. Cum primogenitum Regii nominis appellatione dignatus esset, patria virtute, & maiestate pollentem, Sanctio Petri fratri Benauarri ditionem, & comitatum recipit: atque tradit.

PETRVS SANCTII REGIS F. SVPRARBII  
ET RIPACVRCIÆ REX.

A. D. VIII. K. Iun. D. Urbani festo die Toletum vrbs regia, & totius Hispaniarum imperii veluti arx, quam Alfonso Rex castris circumsederat, postquam imminentes colles firmis præfidiis occupasset, & hostes à comœatu, & reliquis copiis interclusisset, Regitraditur: quare feliciter gesta, maiorum suorum victorias ingenti laude superavit.

1124.  
1086.

A. D. VIII. K. Mai. Felicia Regina moritur. Tris ex ea Rex liberos suscepit: Petrum, Alfonso, & Ramirum. Omnes regiam dignitatem consequentur. Artallus Palliariensis Comes Artallis Comititis, & Lucie F. Luciam Almodis Barcinonensis Comititis F. memorant.

1125.  
1087

Mauri, qui Almorabides vocabantur, cum ab Abenhabeto Hispalensi Rege, vltro & Africæ, & Mauritanie prouinciis essent arcessiti, ut Alfonso Regi genero opitularentur, magnisque copiis ex delectu Africano comparatis fretum traiecissent, Abenhabetum ipsum regno deturbant: atque eo interempto, pæne totius Bæticæ potiuntur: & magno impetu per Hispaniarum oras effunduntur.

Bernardus Toletanus Archiepiscopus, quem rebus sacris in Hispaniarum prouinciis Gregorius v. l. P. M. præfecerat, & omnium antistitem primum constituerat, Tolosæ concilium celebrat: cui adsedere Narbonensis Archiepiscopus, & Gallie Gothice Episcopi. Mox ecclesiæ Tarraconensis instaurandæ præfuit: eoque administro Tarraconense, & Toletanum templum dedicatione consecrantur. Urbanus P. M. Tarraconensi Ecclesiæ Berengarium Austanum Episcopum præficit.

1126.  
1088

Mense Maio ad Moreliam cum Mauris à Rege dimicatum verus auctor memorat: & in eo prælio Cidum deuictum. In quibusdam annalibus. A. D. XIX. K. Sept. res gesta traditur.

1127.  
1089

Non iam repens bellum, sed acre, & magnum à Rege ad Cingæ fluminis ripas geritur. Festo S. Iohannis Baptistæ dominica die vna cum Petro F. Rege Montionem validum Ilergetum oppidum, & ad omnia opportunum, arce septum & situ munitum vi expugnat: præsidioque firmat. Rudericus Toletanus antistes insigni laude Titonis primarii iuri id oppidum irruptum fuisse, atque expugnatum commemorat: & mox dolo amissum Barcinonensi Comiti fuisse traditum.

1128.  
1090

Abderrahamensis Oscensis Rex tributarium se Regi, ac stipendiarium constituit. Alfonso Regi bellum aduersus Almorabides Mauros, qui in Hispanias irruerant, gerenti difficilimo tempore à Rege subuentum est: eiusque subsidii causa Toletum proficiscitur



ficiscitur. Stella oppidum intra Nauarræ regni fines constitutum populo, & ciuitate incolitur.

AERA.

NAT.

CHR.

1129.

1091

Castellare ad Hiberi ripas, XX. M. P. supra Cæsaraugustam loco præcelso, atque edito, velut arcem suis finibus impositam condi, atque muniri Rex iubet: vti eo munimento, crebris ad Hiberum dispositis præfidiis Cæsaraugustani, non incurfionibus modo, sed continenti veluti obsidione premerentur: cuius præsidium, vacuos per agros, cuncta infesta com meatibus hostium fecerat: idq; receptaculum nostris exercitibus patuit.

Ad Arbis montis radices S. Eulaliæ, Almenara, & Nauale oppida à nostris irrumpuntur. Collis supra Oscam vrbi imminens, quem Sanctii vocitauere, communitur: atq; obstruitur: & ad eius vrbs obsidionem animi omnium conuertuntur. Lohatri, Marcuelli, & Alquezaris munitissimæ arces in angustis montium præfidiis firmantur: vicinæq; & finitimæ regiones illis claustris continentur. Ex eo castella, quibus hostes in Hiberi, Gallici, Canadris, Veri, Guatazulemæ, ac Cingæ ripis præfidia suæ propugnationis constituerant, maiore vi, atq; incitatione expugnantur. Osea primaria vrbe circumfessa, omnia loca superiora, atq; itinera à nostris obsidentur.

Iunio mense Rex copias omnes dispersas in Montionis arcem cogit vti Ermengaudus Vrgellitano affini aduersus Mauros, qui Ilerdæ, Fragæ, & Dertosæ dominantur, bellum gerenti subsidium comparetur. Tot per idem tempus ciuitates propagate, conditeq; fuerunt, vt maxime auctum iuris communione Aragonium nomen sit.

20 Luna oppidum in Vascetania conditum, & cœtu incolarum frequentari cœptum. Eius oppidi ditio Bachallæ, ex proceribus primario viro à Rege attribuitur: vnde eius posterius Lunæ cognomen inuenere. Gens in primis longo stemmate insignis.

Berengarius Barcinonensis Comes, cum Cataloniæ partis dominaretur, & reliquam post fratris necem tyrannide appetere, totius ditionis potiundæ furore incitatus ingens bellum orsus fuerat: cuius Vrgellitanus & fautor, & adiutor exstitit.

Ermengaudus Comes Vrgellitanus summæ potentiæ princeps moritur. Is Gerpius 1130. est appellatus: quod ex Gerpo Castello Balaguerim urbem ad Sicoris ripas sitam, & arce, 1092. & vbertate agrorum in primis nobilem, aliaque plura Ilergetum oppida, & Maurorum præfidia ad deditionem compulisset. Ilerdensis, & Cæsaraugustanum Reges ingentem pecuniam quotannis pendere cogit. Ex Lucia vxore Ermengaudum filium genuit. Adalaidam præterea vxorem prouinciæ Galliarum Comitem, & Sanctiam filiam in testamenti tabulis commemorat.

30 Rex Ramirum F. minimum natu sacris, & diuino cultui dedicat: sacraque vota suscipere, eorumque sponsione apud Frotardum abbatem obstringi, & pie, sancteque profiteri curat: & Cœnobio S. Pontii Tomeriensis Galliarum prouinciæ, in territorio Narbonensi ad Iauri ripas, Araurium esse arbitramur, addicit: quem ex pueris non excessisse eo tempore arbitror. Res digna, quæ litteris consignaretur: mandareturque monumentis: atque ideo concepta literarum verba hoc loco adponere operæ pretium visum: vt Catholicum Principem maximis, & periculosissimis bellis vota victoriis suis nuncupantem audiamus.

1131.

1093

40 IN NOMINE summi, & æterni Dei omnipotentis Patris, & Filii, & Spiritus Sancti. Notum sit omnibus sanctæ Ecclesiæ filiis: præsentibus scilicet, & futuris: quod ego Sanctius gratia omnipotentis Dei Rex Aragonensium, necnon Pompelonensium Regis Raimiri filius: qui fuit quondam: memor verborum Domini nostri Iesu Christi Nazareni, quibus ipse dicit: Date eleemosynam: & ecce omnia munda sunt vobis: & quoniam eleemosyna à morte animam liberat: & sicut aqua extinguit ignem, ita eleemosyna extinguit peccatum: facio donationem ex alodibus meis propriis omnipotentissimo, ac clementissimo Deo: & almæ genitrici Dei Mariæ: atque gloriosissimo martyri Pontio: necnon Tomerienti cœnobio: quod est situm in pago Narbonensi super fluuium Iauri: & domno Abbati Frotardo: seu successoribus eius: & monachis: moderno tempore degentibus: & in antea futuris. Igitur ego volens præfatus Sanctius Rex placare in omnibus Diuinitatem, ob immensa beneficia à Deo conlata: quoniam debet felicitas hominis beneficiis respondere Creatoris: calore Sancti Spiritus succensus offero amabile mihi pignus scilicet Raimirum filium meum Deo: & gloriosissimæ semper Virgini Mariæ, & glorioso martyri Pontio cœnobii præscripti, atque Abbati præscripto, & monachis ibidem degentibus in perpetuum: ea videlicet fideli deuotione, quatenus sit Monachus secundum regulam sancti Benedicti præscripti cœnobii: & impleret Domini bonitatem pro me: & matre suâ: cunctisque propinquis suis. Post hanc itaque donationem, atque oblationem carissimi filii mei in primis dono prælibatis sanctis, ac præscripto cœnobio.



AERA.  
NAT.  
CHR.

monsterium Sancti Vrbicij de Serrauol: cum omnibus suis pertinentiis: & cum omnibus decimis suis: cum villis, & mansis, & palatiis suis, & possessionibus: & cum omnibus hominibus, & mischinis suis, & posteritate illorum: cum terris, vineis, pratis, pascuis, bo-  
scis, siluis, garricis, arboribus fructiferis, molendinis, aquis, aquarumque exitibus, & regressibus earum, viarum ductibus, & reductibus earum: tam urbanorum, quam rusticorum: montosum, siue decliuum: quicquid dici, vel nominari Romano ore potest: omnia, & in omnibus sicut ego vniquam habui: vel tenui, seu habere debui per qualescunque voces: sine vllare. Similiter dono illam Ecclesiam Apostolorum Christi Simonis, & Iudæ: de Castro, quod dicitur Lauatella: cum omnibus Ecclesiis: & capellanis suis: quæ ibidem fuerint cum decimis, & primiciis suis, & cœmeteriis: simulque alodibus suis: & pertinentiis suis. Simili tenore dono omnes primicias, & decimas, & oblationes, necnon alodia de ipsis Ecclesiis, & villis, quæ ad prædictum castrum transmigrarunt: idest Morraes, Bastares, & Banizi: cum omnibus suis pertinentiis. Dono & Ecclesiam Sanctæ Ciciliæ cum decimis, & primiciis: & cum oblationibus suis: siue cum omni Ecclesiastico suo: & cum cuncta medietate de suo termino, cum suis pertinentiis. Insuper dono Deo, & præscriptis Sanctis, ac cœnobio Tomerienti illud Castrum, quod vocatur Villelas: cum suo, & alodibus suis cunctis, siue affrontationibus, pertinentiis liberum, & ingenuum: cum Ecclesiis, & Capellaniis, quæ ibidem fuerint: si Deus concesserit: cum omni Ecclesiastico earum: sine vlla reservatione cum suis pertinentiis. Similiter dono ipsam pariam, & tributum, ac fabricam, quæ mihi soliti erant facere ipsi Imaelitz: cum omnibus seruitiis suis: quæ debent facere. Dono etiam casas in Iacca: quæ fuerunt de Garfia Arceiz: qui fuit Marinus de prædicta Iacca: & sunt in medio prædictæ ipsæ casæ. Adhuc etiam dono ipsam turrim cum ipsas casas de Castro, qui vocatur Mons Aragonum iuxta casas filij mei Petri: & ante casas caput Ecclesiæ cum ipso alodio, & molendino: quod dedi prædictis Sanctis: in campo qui vocatur Floren iuxta flumen inter Teirch, & Chiluert. Dono etiam capellam Zudæ de Osca: si Deus eam mihi dederit: vel filio meo. Sunt autem hæc omnia in territorio Oscensi. Adhuc etiam ego Sanctius præscriptus gratia Dei Rex amore Christi prouocatus dono Sanctæ Mariæ, & Sancto Pontio Tomerientis cœnobii prælibati, & monachis ibidem commanentibus Ecclesias, & Capellanas de Castro, quod vocatur Arguedas: quæ ibidem sunt modo: & in antea erunt: & in omni termino suo: cum decimis, & primiciis: simulque oblationibus suis: & cum omnibus pertinentiis suis: atque vniuersis, quæ ad prædictam Ecclesiam, vel Capellaniam pertinent: seu pertinere debent: vel aspicere videntur: totum ab integro sine vlla reservatione. Simili modo dono decimam de paria prædicti Castri: & de termino suo: & decimā, ac primiciā de Puliera: necnō de omni termino suo. Similiter dono ipsam decimam de illa paria de Castro, quod dicitur Valterra: & Quatrete: & de omni termino suo: cum Ecclesiis, & Capellaniis suis: quæ ibidem erunt: si voluntas Dei fuerit: cum decimis, & primiciis: simulque oblationibus: & pertinentiis suis: cum omni Ecclesiastico suo. Insuper dono Deo, & præscriptis Sanctis illud Castrum, quod nuncupatur Morel: iuxta Hiberum fluuium: cum suo termino: & alodibus omnibus: cunctisque affrontationibus: & vniuersis suis pertinentiis: ut sit liberum: & ingenuum: cum Ecclesiis, & Capellaniis: quæ ibidem fuerint: si Deus auxilium præbuerit: cum omni Ecclesiastico suo: & cunctis suis pertinentiis. Dono etiam Ecclesiam, & Capellaniam de Tutela: si Deus omnipotens eam mihi dederit: quæ ibidem sunt: aut erunt: vel in omni termino suo: vbicunque fuerint: intus aut foris: ut proprium alodem Sanctæ Mariæ: & Sancto Pontio: cum omni Ecclesiastico suo: vna cum omnibus pertinentiis suis. Sunt autē hæc superius iam dicta in termino de Tutela. Addo etiā, & dono Ecclesias, & Capellanas de Castro, quod vocatur Saloi: quod est iuxta Terragonam: cum omni Ecclesiastico suo: & pertinentiis suis. Oves vero S. Pontii, ceteræ bestię volo ut sint liberæ, & ingenuæ: scilicet ipsæ bestię, quæ in præscripto honore, quem ego dono Sanctæ Mariæ, & Sancto Pontio ob remedium animæ meæ, & aliorum propinquorum meorum. Dono etiam Ecclesiam & capellaniam de Tortosa ciuitate, si Deus omnipotens eam mihi dederit: scilicet ipsas Ecclesias: quæ ibidem sunt modo: & in antea erunt: cum capellania: vel Capellaniis: quæ ibidem sunt: aut erunt: cum omni Ecclesiastico suo: & cunctis suis pertinentiis. Hæc autē omnia dono Deo, & præscriptis Sanctis: & prælibato cœnobio: cum medietate insulæ, quæ vocatur Aiaceca: cū suis omnibus pertinentiis: & appendiciis. Hæc autē omnia iam dicta superius, ego Sanctius præfatus Rex vna cū carissimo filio meo Petro, qui est Rex in Suprarbio, & in Ripacurcia, & in Mōtesono, vno animo, vnaque bona voluntate, atque consensu nos ambo simul donamus, concedimus, atque confirmamus domino



mino Deo, & almæ genitrici Dei Mariæ, sanctissimoq; nostro Pontio, ac præscripto cœ- AERA.  
nobio Tomerienti: & monachis ibidem degentibus ad proprium alodem: & honorem NAT.  
possidendum in perpetuum. Amen. Igitur hæc omnia superius scripta ego Sanctius CHR.  
præfatus gratia Dei Rex bono animo, & voluntate dono Deo, ac prædictis Sanctis, cœ-  
nobioque præscripto pro remedio animæ meæ, patris, matrisue, ac filiorum meorum, "  
necnon aui mei Sanctij, omniumque propinquorum meorum, siue parentum: ut ipsi "  
monachi Sancti Pontij, quos speciali amore præ ceteris diligo, deprecentur Domini pie- "  
tatem pro statu regni mei: & pro peccaminum meorum absolutione: & hæc mea abla- "  
tio acceptabilis sit Deo: quatenus dei victoriam contra inimicos nominis Christiani: & "  
10 de isto regno transitorio valeam transire ad regni cælestis gaudia: & in die tremendi exa- "  
minis merear in electorum numero aggregari: atque audire illam desiderabilem, & o- "  
ptabilem vocem: venite benedicti patris mei: percipite regnum, quod vobis paratum "  
est ab origine mundi. Vos igitur confratres mei de S. Pontio miseremini amantif- "  
simo filio meo Raimiro: quem dono, & offero Deo: & prædicto cœnobio: ea videlicet "  
deuotione, & fide, qua obtulit Abraham filium suum Isaac Deo: & Anna Samuel fili- "  
um suum sacerdoti Heli: in conspectu Dei: quatenus in templo Dei semper deferuiat: "  
atque eius exemplo, & vita, ac doctrina prouocatus, necnon precibus prædicti filij mei, "  
ac vestris adiutus valeam peruenire ad virentis paradisi gaudia. Amen. Si quis vero "  
Regum, Imperatorum, Sacerdotum, Clericorum, ludicum, ac sæcularium personarum, "  
10 siue aliquis posteritatis meæ, aut aliqua persona viriusque sexus contra hanc chartam, "  
vel donationis scripturam meæ venerit ad dirumpendum, nō valeat hoc vindicare quod "  
requirit: sed componat ista omnia in duplo: & meliorata. Et in antea ista charta, "  
vel scriptura firma, & stabilis permaneat. Facta ista charta, vel scriptura V. Non. Maij "  
AERA M CXXXI: in anno Dominicæ incarnationis M X C I I I. Regnante me San- "  
ctio Dei gratia Rege in Aragon: & in Pompilona: Petro autem filio meo prælibato re- "  
gnante in Suprarbio: & in Ripacurcia: & in Montefono. Signum Sancti Regis: qui "  
hanc chartam fieri iussi: & manu mea propria firmaui: & testes rogavi firmare. Si "  
gnum Americi Abbatis: Signum Aldefonsi. Arnaldus monachus, & Sacerdos rogatus "  
scripsit.

30 Cui hæc perpendenti, atque æstimanti non vere admirabilis fama incredibilium vir- 1131.  
tutum huius Principis esse videatur: qui maiorum suorum exempla persequens, ita se 1093  
pro augenda, & amplificanda religionis causa deuouerat, & quodammodo in ipsas hosti-  
um armatas acies immiserat, ut Oscensibus continens bellum inferens, cui propinquis  
locis adesse celerrime poterat, quos tantæ molitionis opus erat sub imperium subigere,  
cum omnia inimica, & infesta essent, Dertosanis, & Tarraconensibus, satis longo à mari  
ad Pyrenæum tractu remotis, iam iamque se imminere arbitraretur: filium sacris, se vero  
pro religione, ac fide insigni pietate hostibus offerret.

Abderrahamenes Rex, qui Oscæ vrbs dominatur, cum nimia iam Regis potentia, & 1132.  
eius se premi victoriis videret, ab Alfonso Rege contra tantam vim longinquum subsidi- 1094  
um expetit. Comitem Sanctium magnis equitum, & peditum copiis præmittit. Huic  
cum longissime Rex Petro, & Alfonso filiis comitatus ad Biturim Vasconum oppidum  
obuiam processisset, Sanctius vnde venerat regreditur. Nulla interposita mora omni-  
bus circumquaque collibus occupatis, Rex Oscam vrbs circumfider: ab omniq; com-  
meatu se hostes interclusurum confidit: & noua auxilia arcere. Cum mœnia, & situm,  
descriptionemque vrbs obequitans exploraret, eoque progrediretur, vnde in omnes  
partes circumspetus esset, aditusque acri, & attento animo circumspiceret, sagitta latus  
configitur: letalique vulnere cum traiectus, exanimatusque concidisset, A. D. II. Non.  
Iun. occidit. Pulcherrimi iurisiurandi religione iam moriturus Petrum, & Alfonso filios  
deuincit: ne vrbs, nisi deditam obsidione eximerent. Corpus tandiu manet infe-  
50 pultum. Postea Montaragonis cœnobio, quod construi curauerat, tumulo infertur: atq;  
incurfionibus Maurorum vrgentibus ad S. Iohannis Pinnatensis conditur. Princeps  
vere magnus: & qui primus videri possit, firmissimis viribus contra hostium potentiam  
regnum constituisse: nec gloria magis rerum gestarum, quæ ingens erat, quam religione  
insignis.

PETRVS VIII. ARAG. ET POMPE-  
LON. REX.

Guilielmus Raimundus Cæretaniæ Comes moritur. Filium reliquit Guilielmū Ior- 1133.  
danem: qui eius disionis potitur. Is sacro Hieroso ymitano bello ordines duxit. 1095



AERA.  
NAT.  
CHR.  
1134.  
1096.

Gaufredus Ruscinonis Comes. Is stirpe ortus erat Wifredii qui Lotharii Franco-  
rum Regis ætate Cæretaniæ est dominatus.

Rege Sanctio interempto, Oſcenses adeo obstinatis animis urbem propugnant, ut omnia ferre, ac pati tolerabilius ducerent, quam se in nostrorum ditionem dedere. Cum neque externorum auxiliorum apparatus intermitteretur, vndique contractis viribus signa cum Rege conferre sperant: & præliis interdum laceſſentes nostros obſidione auertere conantur. Tamdiu propugnatum, ut vix à quibus obſideri vrbs cœperat, expugnari posset, crederetur: itaque iam nostris maior spes in obſidione, quam in oppugnationibus erat: & consilium fuit hiemando bellum ducere: nec obſidionis tædio victos abſcedere. Biennium obſidionem protraxere.

## PROELIUM

## ALCORACENSE.

Abderrahamenes Oſcensis Rex ad externa, & longinqua Christianorum auxilia profugiens, magnis, aduenticiisque copiis Gonzalui Comitis, & Garciae Ordonii Capræ Comitis Naiarensis est adiutus. Almozabenus præterea Cæſaraugustanus, siue præſes is erat, siue militiæ princeps, Almorabides enim omnem dominatum in suam ditionem verterant, cum de summa rerum deuictis Oſcensibus, conſigendum etiam sibi videret, innumerabiles copias ex Maurorum delectu cogit. Cum in auxilium Oſcensibus multæ, ac validæ gentes commearent, & in tanto rerum discrimine ad extrema ventum esset, atque summa reipublicæ in eum statum adduceretur, Rex magni, & excelsi animi Princeps suis animos addit: & potius in diuinæ virtutis auxiliis, quam in humana potentia spem sibi derelictam videt: & non aliunde petendum esse, quam à diuino numine præſidium. Rudericus certus in primis auctor firmat, D. Victoriani martyris corpore iussu Regis ad statiuæ castra perlato, diuinum numen cælestemque vim præſentem adfuisse. Rex itaque ad gloriam erectus, diuinam opem contestatus, ut eares sibi, regno, exercituique feliciter eueniret, vna cum Alfonso fratre inuicti animi adolescente, prope-  
rantibus hostium copiis, qui maximam victoriæ fiduciam in numero reposuerant, ad Alcoracium, id loco nomen est, quo magis festinantes videt, eo impensius retinet agmen: emissisque equitibus, libero cursu in hostes inuehitur: summaque contentione nostris decertantibus immensæ hostium copię funduntur: & proſligantur. Maximi, & summi discriminis dies: quo desperata ab hostibus victoria, in mortem dimicatur. Ad XL. M. hostium cæsa prisca, & incorrupta monumenta testantur: & Garciae Comitem mansisse captiuum. Nostri vix M. desiderati: ut omnibus apparuerit diuino numine hostium potentiam, & ferociam fuisse reuictam. A. D. XIII. K. Dec. sacro dedicationis basilicarum Petri, & Pauli Apostolorum die prælio hoc maximo, quod Alcoracense illa ætas appellat, dimicatum comperio. Tunc vere vinci pertinacia Maurorum cœpta à nostris est: ac longe auerti: quæ res tam recisi operis serie à vetusto auctore digne exprimi non potuit: cum nihil illa victoria mirabilius, magnificentius, clariusue fuerit. Insignem laudem eo in prælio sibi peperere præstantissimi Aragoniæ procures Gasto Bielius, à quo Corneliorum familia in primis ampla, & præpotens originem duxit: qui in vexillis, & militariibus paludamentis Cornicum insignibus decorari cœpere tempore, Barbatuerta, Ferricius Lizana, Bachalla, qui Thahuſti, & Lunæ oppidorum potitus est, Garcias Atroffilius, Lupus Ferrencius Luna, Gometius itidem Luna, Fortunius Maza, Latro, Simon Aznarius Oteicia, & Sanctius Penna.

Proſligatis, ac pæne ad exitium deductis externis hostibus, perditis rebus, ac spe omni dempta, & diuina à nostris victoria parta, Oſcenses munitionibus diffidetes, quod sola temeritate niti non possent, urbem dedunt: quam olim Romani exterarum nationum, & gentium victores VRBIS VICTRICIS cognomento cohonestauere. A. D. V. K. Dec. Regi Felici, Pio, Victori, Maximo deditur.

A. D. XVI. K. Ian. templum vetustate, & opere insigne, priscis etiam seculis sanctum apud Oſcenses, & religiosum, ex sacro à Mauris fero, atque impio cultui dicatum iisdem vestigiis expurgatum sistitur: atque restituitur: & reliquæ prioris delubri instaurantur. Christo Nazareno Deo, Opt. Max. D. Mariæ genitrici, Petro Apostolorum principi, Iohanni Baptista, & Iohanni Euangelistæ diuis præſidibus, quorum in tutela populus, ciuitasque Oſcensis esset, consecratur: Berengario Tarraconensi, & Amato Burdigalensi Archiepiscopis, Petro Iaccetano, Fulchone Barcinonensi, Petro Pompelonensi, Sanctio Lascarenſi Episcopis assidentibus. Petrus Iaccetanus Episcopus ex eo Oſcensis cognomentum habuit.

Remaxime memorabili, ac pæne cælesti à Rege gesta, insignia Regia, ornamentaque militaria vexillorum, quæ labaris adiungi consuevere, variantur: & tanquā perpetuæ felicitatis



felicitatis monumenta distinguuntur. Scuto argenteo punicea crux apposita index præ- AERÆ:  
sentis numinis, quattuor capitibus in quadrum reductis, & sanguine delibutis discerni- NAT:  
tur: capitaque ipsa fasciis cretatis, tamquam diademate deuincta satis indicant, quattuor CHR:  
coproelio Reges Maurorum mortem pugnantes oppetisse. Inde scuta, trabes, atq; cete-  
ri paludamentorum apparatus, & ornamenta regia nouis præfulgent insignibus.

Habuit hic annus insigne quiddam ad decus, & gloriam Christiani nominis: cum vi-  
res omnes, armaque occidentis aduersus impias gentes, non sine cœlesti quodam mentis  
instinctu commouentur: sacra Hierosolymitana expeditione suscepta: qua Guilielmus  
Ceretaniæ, & Guitardus Ruscinonensis Comes, & Guilielmus Canerius ductores nostri,  
10 ad non dubiam laudem ex vltimis gentibus cucurrerunt.

Post eam rem fauste, feliciterque gestam Rudericus Antistes confirmat, Regem à  
Cido proelio deuictum in eius potestatem fuisse reductum: sed continuo liberatum. Ne-  
que id semel scripto prodidit: adeo se certum auctorem eius rei profitetur. Inde Valenti-  
am urbem à Cido obsessam perhibet. In nostris annalibus tota ea res prætermissa est. No-  
ster enim varie rem differit: & Petrum Regem Cidum aduersus Alfonsum Regem enixe  
iuuisse: eiusque adeo industriæ, & gloriæ fauisse, vt Buchare cum transmarinis auxiliis  
aduentante, cum Valentia à Cido arcta obsidione premeretur, à Rege, & Alfonso fratre,  
magno Aragonensium, & Nauarrorum comparato exercitu, ex ipsius belli ore, ac fauci-  
bus fuerit Cidus ereptus. Ea pugnata pugna, ingentibus hostium copiis interemptis, Va-  
20 lentiam Cido traditam Rudericus perhibet. Neq; satis certis auctoribus asseruerim Re-  
gis filium Cidi filiam in matrimonium duxisse.

Artaldus, siue is est Arnaldus Comes Palliariensis, & Eissonzis eius vxor, cum præ-  
stanti, ac florenti rerum omnium statu pollerent, & incolarum negligentia delubra san-  
ctissimis religionibus antiquitus consecrata depeculata essent, funditusque interissent,  
dum in pristinum st. tum summa pietate redigi curant, præ cæteris nouere cœnobium  
vetustissimum D. Mariæ Deigenitrici, & Michaeli, Iohanni Baptistæ, & Vincentio Ger-  
fensi ad Nochariam fluium in Vrgellitana diœcesi dicatum nobile antea, & sacra supel-  
lectili abundans à regulari ordine ad sæculi conditionem omnino reiectum, atque deuo-  
lutum: & Richardi abbatis cœnobii S. Victoris ad Massiliam urbem in Gallia prouincia  
30 maxime celebris, & clari consilio ad pristinam formam, ac regulam redigunt reuocant-  
que. A. D. VI. Id. Iul. ædem sacram, & cœnobium cum sacello D. Petro dicato instaurant:  
& renouatas fani reliquias in amplitudinis fastigium postea promouet: & abbati, & cœ-  
nobio S. Victoris tradunt: informandumque conuentum perpetuo committunt: vt ab-  
bates D. Benedicti institutis & cœnobii S. Victoris regulis addictos deligant: sufficiant-  
que: & in ordinem redigant.

Noua à Rege continuo bella cum finitimis populis, & potentissimis suscipiuntur:  
gerunturque: & in Cæsaraugustanos omnis vis, tempestasq; belli vertitur. Ex quo Mau-  
rorum præsidibus, qui rebus præstiebantur, parere desitum est, primum ex Maurorum  
gente ferunt Mudirim Cæsaraugustanum regnum inuasisse Hyheia filium. Huic succes-  
40 sisse tradunt filiū Yram Almudafarē: atq; eo mortuo populos earū regionū, quæ Christia-  
norum finibus terminabantur, se, suaq; Zulemæ Abenhucio Hamatis filio subiecisse: qui  
Cæsaraugustanū regnū Hamati filio tradidit: cui filius succedit heres Iuceffius. Huius lu-  
cessii hereditariū regnum Hamat filius suscipit cognomento Almuzacimius: & huic suc-  
cessisse memorant filium Abdelmele: qui tradidit regnum Hamati filio cognomento Al-  
muzacayto: cui Almorabides Arabes adeo horrificum bellum intulere, vt tanta mole ma-  
li oppressus regno fuerit depulsus: & ditio ea omnis ducibus, & militarium copiarum præ-  
fectis traditur: quibus Sanctius Rex acre bellum intulit.

Calasancium castellum prope Boleam à Rege obsidetur. Acerrime Mauris repu- 1136:  
gnantibus, & desperatione accensis inceptam obsidionem deserit. Eodem anno. VIII. K. 1098  
50 Sept. vi expugnatum fuisse Rotensia monumenta testantur.

Cum Barbastrenses Mauri deuicti maiore conatu, quam alias vñquam defecissent, 1137.  
omne certamen eo vertitur: magnaue contentione id geritur bellum. Septembri men- 1099:  
se arcem obstrui Rex curat, quam Trabem appellauere.

Pertusa peruetus Ilergetum oppidum ad Canadris ripas situm, vi à nostris ex-  
pugnatur.

Rex Barbastrum castris circumfider. Mauri urbem dedunt. 1139:

Villulæ castellum prope Vallem Lupariam, ea oppidis nomina indita, à nostris 1101:  
recipitur.



AERA.  
NAT.  
CHR.

Cum Rex operam dedisset, ut Barbastrensi Ecclesiae Episcopus praeficeretur, eiusque honoris sedes, & dignitatis constitueretur, & ob eam rem Pontius Rotensis Episcopus Romam legaretur, re impetrata Barbastrensis Episcopi cognomen suscipit.

Quod Regis gloria victoriis non solum praclaris, sed perpetuis ingens esset, & Aragonia iam adulta viribus exultaret, Princeps se regnare a confiniis regni Castellae, ad ultimos Palliarienses fines testatur.

RAIMVNDVS BERENGARIVS COMES  
BARCINONENSIS.

1140.

1102

Berengario Raimundo fratricida imperium totius Cataloniae occupare conante, Catalanis veterem laudem, libertatemque asserentibus, quam a maioribus acceperant, & impotenti dominatui resistentibus, Raimundus fratris F. a patris tyrannide vindicatur: eiusque imperium suorum fide, ac iureiurando sancitur: rebus ingenti incremento auctis. Berengarius manifesto numine supplicia miserrima pertulit: nam vix mente consistens, lingua inhaerente, ut loqui non posset, intestabilis, & inuisus Hierosolymis per summum dedecus vitam sustentat. Raimundus princeps, validus, & praepotens, non tam precario, quam summa virtute imperium adeptus Dulciam Giberti Provinciae, & Aimiliani Comitis F. in matrimonium ducit: quae patri earum ditionum succedit heres.

Atho Carcafonensis Vicecomes, qui eius ciuitatis dominatum occupauerat, a ciuibus armis fugatus, pulsusque est. Urbem, arcesque Raimundo, uti iusto, & legitimo domino tradidere.

20

Ermengaudus cum equitibus, magnoque peditatu ad Mulieruciam decertans A. D. XVIII. K. Oct. mortem occumbit. Neque vetustis annalibus perhibetur Christiani, an impii hostes essent. Is Mariam Petri Ansurii Comitis, qui Vallisoleri in Vaccæis dominabatur, & Elonis eius uxoris filiam duxerat: ex qua genitus est Ermengaudus, qui in Castella ab auo est educatus. Huius soror Maior nomine Petro Fruela Filio Trauensi Comiti, viro in Galleciis primario nupsit.

1141.

1103

Guilielmus qui Iordani cognomentum sumpsit, Caetaniae Comes in sacro Hierosolymitano bello, cum fortem, & strenuam operam nauasset, & eximium consilii, animique specimen, & nequaquam vulgatae laudis dedisset, prope Tripolim urbem Syriae arcem obstruens sagitta ictus occumbit. Eius ditionis Bernardus Guilielmus frater succedit heres.

30

1142.

1104

K. Febr. siue ut aliis proditur annalibus A. D. XV. K. Sept. Sanctius Regis F. decessit nullis superstitionibus liberis. Vxores Petri Regis duae memorantur: Agnes: & Bertha: quam Tuscam fuisse coniectura ducimur: quod eiusdem nominis uxorem ex eadem gente, ea ipsa tempestate Alfonsus Castellae Rex duxerit: & Henrico Imperatori eodem ferme tempore Bertha Othonis Marchionis Italici filia nupsit: quae mater fuit Conradi Regis: & Henrici Imperatoris. Verus auctor memoriae prodit, eadem, qua Regis filius decesserit die, Isabellam eius sororem vita functam.

A. D. III. K. Oct. Rex amplissimis rebus perfunctus, omnia summa sperans, quo regnante, omnis, de republica cura, aut metus resederat, in cursu gloriae a vita decessit. Ad D. Iohannis Pinnatensis sepelitur. Regni frater Alfonsus succedit heres: sollemnique regni capeffit.

40

Cum Urbanus P. M. Regi, posterisque regibus, atque regni proceribus condonasset, uti in ditionibus a dominatu Maurorum vindicandis decumas perciperent, sedes dignitatesque Episcoporum excipit.

ALFONSVS VIII. ARAGONIAE ET POMPELO-  
NEN. REX. HISP. IMPERATOR.

1144.

1106

Initia regni Alfonsi Regis, cum alioqui acerrimum se, & acerbissimum hostem dum frater regnaret, Mauris praestitisset, & longae pacis insolens esset, pacata fuisse comperio: siue accisis Alcoracensi proelio hostium rebus, tamdiu indutiarum iura rite seruarentur, dum ad praesentis quietem status rebus publicis consulere: siue ad Castellanas res conuersus, propagandi imperii cupidine concitatus, nuptias Vrracae Alfonsi Regis F. ambiens, eo progressum est, ut grauiora mala, contra quam fas, iusque erat, vnde minime de-  
cui, exorirentur.

50

A. D. III. K. Iul. festo Apostolorum Petri, & Pauli die Iudaeus quidam, qui cognitione disciplinarum, & ingenii solertia in ea natione longe antecelluit, & Hebraeis, Chaldaicisque arcanis, atque institutis omnibus eiusdem aetatis praestitit, non sine diuino afflatu impiam sectam eiurans, sacrum baptismum in aede maxima Oscensi a Stephano Episcopo suscepit: sacroque fonte a Rege exceptus est. Petri Alfonsi nomen editum. Is meditato

com-



commentario edito Iudæorum perfidiam, vanissimæ nationis opinione, ob ingenium gentis, & superstitionis peruiaciam, penitus mentibus insitam, atq; comprehensam conuellit. Neq; Iudæorum modo fraudes ab intestino scelere vltus est, sed Sarracenorum impiam sectam, atq; institutionem labefactauit.

Alfonso Castellæ Rex exacta ætate filio Sanctio orbatus, Vrracam natu maiorem filiam quæ Raimundo Guilielmi Burgundiæ Comitis filio nupta fuerat, & in viduitate manserat, consilio primatis, & antistitem regni, Alfonso Aragoniæ Regi despondet: neq; ut Rudericus perhibet, viuo socero in Aragoniam ducitur. Nam Munio Alfonso, qui illa ætate res gestas D. daci Gelmirii primi compostellani Archiepiscopi composuit, sponsalia viuente patre minime data fuisse confirmat: qui mihi fidem facere videtur: nam regni proceres, ut ipse met testatur Rudericus, renuente, atque inuito rege, externas nuptias auertere nitebantur: contenderantque, uti potentissimi, clarissimiq; Regis filia Comiti Gometio homini subditicio enuberet.

Castellæ Rex Alfonso moritur: Vrraca filia regnorum hærede relicta: ea, ut ferunt conditione, ut si nuptura esset, Gallaicum regnum Alfonso nepoti traderetur: & parente mortua regnorum omnium hæreditatem cerneret. Procerum omnium vno consensu Aragoniæ Rex ad nuptias, & regnum adsciscitur. Sed quod legitimæ eæ nuptiæ non essent, cum sacris sanctionibus soluti non fuissent, res in contentionem venit. Proauus enim vtrique Sanctius Rex fuerat: cognomento Maior. At vero & Regi forti, & magnanimo latissimi, & opulentissimi regni possessione adepta, antiquiorem laudem, & gloriam quam regnum ipsum fuisse, casus, euentusque rerum docuit: cum procerum factionum insanas euerterit.

Regina vni nupta & Regi, & fortissimo viro, cum neque famæ pudore, neque timore viri detereretur, quin pluribus videretur proposita, & matrimonii vinculo, uti præ se ferebat, soluta, remota turpitudinis verecundia, & metu, suo tantum ingenio vteretur, & optionem suam esse conditiones quotidie legendi arbitraretur, Rex arcibus, atq; propugnaculis regni Castellæ, atq; præfidiis Aragonenses viros egregie fideles præficit.

Coloniam, atque veterani Bilforadum, Valeranicam, Soriā, & Almazanum deducuntur. Ea oppida à Rege in Castellæ regno populis, ac ciuibus frequentari, incolique iubentur: primum in Beronibus, reliqua in Areuacis: quod vasti, ac deserti earum regionum tractus essent.

Petrus Ansurius Comes, qui ex Castellanis proceribus in magna potentia erat, Balaguerim se, cum Elone vxore recipit: ut Ermengaudi pueri nepotis ditionem Mauris oppositam tueretur, ac sustineret. Balagueris arcem, Azudam nominant, ac tris vrbes regiones Regi condonati: & cum castella, propugnaculaque suæ ditionis Castellæ regni à Rege suscepisset, se Regi ea irato, aut pacato traditurum sacramento spondet.

Cum satis pacatæ foris res viderentur, acre bellum aduersus Mauros à Rege geritur. Exeam nobile Vasconum oppidum vi expugnat. Iulio mense, ut oppidum frequentissime coleretur habitareturq; ciuibus Frankitaris, id est, ingenuitatis ornamenta ab Imperatore præstantur, & ut ingenui ciues Exeani essent, priuilegio irrogatur, & ut commodiori conditione essent quam ceteri, qui stipe collata vectigalia pensitare consueuerant, domus atq; hæredia illis immunia traduntur. Ea re feliciter gesta, Exeæ Imperatoriæ maiestatis insignem titulum regiæ dignitati adiungit: quem socer rerum gestarum gloria sustinuerat: & gener eo dignissimus visus est. Francorum exercitus eo in bello regia stipendia meruit. Proceribus Gallis Imperator gratificaturus ecclesias, atq; sacella, quæ Exeæ construenda curauerat, monachis S. Benedicti monasterii Magnæ filuæ in Aquitania celeberrimo apostolico priuilegio Petro regi fratri irrogato attribuit.

Ad Valterram Rex cum Abuhazaleno Cæsaraugustano Rege configit: qua in pugna Maurus Rex occumbit.

Bernardus Guilielmus Besalunensis Comes senectute confectus, LX. enim annis eius ditionis potitus fuerat, nullis superstitionibus liberis decedit. Eam hereditatem Raimundus Barcinonensis adit.

Garcias Sanctii Comitis F. Ramiri Regis nepos, Alfonso Regis frater patruelis, qui se Infantem nominat, Ataresii, & Xabierii ditionū, paterni nominis patrimonii, dominatur.

Mense Iunio Rex cum Vrraca Regina vxore in Castella, & Legionensi ditione regnat: neq; dū dissidio, atq; dissensione facta eam in potestate habet. Paulo post vis improborū compresso odio collecta, ut iam iam prægrauæ Regis esset imperium, erumpit. Rege vxorem coercente, ac reprimente magnæ rerum commotiones excitantur: & Regina in intimam Castellæ arcem, cum à Rege abdita esset, clam euehitur.



AERA.  
NAT.  
CHR.

Gallaici proceres foedera inter se iiciunt: arma capiunt: ut Regem dotali dominatu pellant, conspirant: summoq; opere nituntur, ut Regina à viro diuertat. Paschalis Pont. Max. Didaco Gelmirio Còpostellano Episcopo còmittit, uti Reginā incesti flagitio obstrictam, quod propinquitate adiuncto Regi nuplisset, coërceat: & matrimonii ius, quod neque castum, neque legitimum esset, eo decreto sublatum iudicat. Contenderat enim Regina asseuerans, quamuis nuptiæ consensu procerum regni, patre fato functo, celebratæ fuissent, inuitam, atque abhorrentem nuplisse. Pontifex enim ita statuerat, atq; decreuerat: ut in Apostolicis apparet literis.

” PASCHALIS seruus seruorum Dei venerabili fratri D. Compostellano Episcopo salutem: & apostolicam benedictionem. Ad hoc te omnipotens Deus populo suo præselle  
” constituit, ut eorum peccata corrigas, & domini annunties voluntatem. Stude igitur, secundum datam tibi diuinitus facultatem, tantum incesti facinus, quod à Regis filia per-  
” petratum est debita ultione corrigere: ut vel à tanta præsumptione desistat, vel ecclesiæ consortio, & sæculari potestate priuetur. Huius rei noxa non in belli modo euentum, quod varie gestum est, sed in summam dedecoris infamiam Reginam peruerteret.

Siue fieri diuortium, & affinitatis diffidium Rex doleret, seu quod nouas res moliretur: satis constat Burgensem, & Legionensem Episcopos ab ecclesiis pulsos, Pallantinum captum, Archiepiscopum Toletanum sedis Apostolicæ legatum biennium extra diocesis fines exulasse: S. Facundi Abbatem de cœnobio deductum: & Ramirum Regis fratrem in eius locum suffectum. Cum hæc omnia Regina conquereretur, & deploraret, qua erat dementissima temeritate, & audacia etiam confirmat, Regem Alfonso priuigno necem struere, atque moliri.

1149.  
III.

Proceres regnorum Galleciæ, & Legionensis populi deliberant, an Alfonso puerum ad regnum adsciscant: quæ res non minus vehemens in matrem, & inuidiosa fuit, quam in vitricum.

Cum remoto pudore in dedecora prorumpens Regina procaciter sibi indulgeret, & in Gallecia palam omnia turbarentur, ac veluti pro republica proceres, populique arma cepissent, Rex magno comparato exercitu Aragonensem, & Nauarrorum in Galleciam irrumpit: arcem Monterosi vi expugnat: earum urbium, & arcium, quæ Pallantinis Campis continentur, & regionum, quæ Durii ripas, & extremas oras attingunt, potitur.

Interuentu Episcoporum, & aliquot procerum pugna non ciuiles modo, sed domesticæ, & vxoriæ sedantur: pacem inter virum, & vxorem conciliant. Regina enim ita abhorret, ne proceres, quibus filius in tutelam traditus erat, summæ rerum admoueantur: ut virum auersata fuerat: in cuius potestate diu esse non poterat. ea erat feminæ leuitas, & inconstantia.

Petrus Traua Comes Fruelæ filius summæ homo potentia, & magnæ cognationis Henricum Portugaliæ Comitem, qui Theresiam reginæ sororem in matrimonium duxerat, in Galleciam ultro arcessit: externarum copiarum ductorem: bellumque iis infert, qui Alfonso puerum, ad regnum adsciscere recusant. Traua Reginam commouet, ut à viri potestate secedat: & filium ad regnum euehat: atque ut id consequi possit, Regina Ferdinandum Comitem cognatione sibi propinquum, virum, cum potentia inter suos, tum factis clarum, & virtute præstantem ad se se allicit.

Alfonso puer Regis priuignus in Compostellana æde maxima more gentis leuatus, solemni apparatu Rex salutatur: & ab Episcopo Compostellano sacro oleo perungitur. Rex Vrracam, quam in Sorianam arcem abdiderat, liberat: nuntium remittit: & conditionem eius repudiat.

Castellani proceres Imperatoris dominatum, & regnum, ut iniquum eiurant: arces, & propugnacula Reginæ tradunt. Ea patrata re Castellani, & Legionenses, quasi natura, & genere disiuncti inter se dissident: & armis dimicant.

Gometius Comes, qui reginæ nuptias patre regnante ambierat, cum carior illi, quam filius esset, ac se iam pro marito palam gereret, Aragonios regno pellit. Petrus Gonzaluis Larenis Comes non inimicus tantum, sed rivalis, & competitor cum Gometio haud aliter, ac si certamen regiæ dignitatis esset, maximas turbas facit.

Imperator audaciam, & conatum furentis Gometii, & Petri Larenis compressurus, magno Aragonensem, & Nauarrorum coacto exercitu in Castellam inuadit. Immen- sum exarserat bellum, cum ad Sepuluegam Areuacum oppidum signis collatis, in campo, cui Spinæ nomen est, maximo proelio decertat. Vix ferrum, ac manus contulerant, & Larenis relicto vexillo, & insignibus Imperatoriis detractis, se ex acie eiecit: & Bur-  
gos, ad



gos, ad Reginae gremium citato equo contendit. Gometius fufis: ac profligatis Castella-  
norum copiis proeliâs mortem occumbit. Adfuit Imperatori eo in proelio Henricus Por-  
tugalliae Comes, non vt affini, fed vt patriæ perduellium vindici.

AERAT

NAT.

CHR.

II49.

IIII.

Temeritate Castellanos compressa, Imperator Legionenses, & Gallecos vltu-  
rus, Durio transmissio, per Pallantinos campos Legionem contendit. Arma iam, viresq;  
Aragoniae late pollebant: victore Aragonio exercitu omnia deuastante, atque diripiente.  
Ad fontem Anguium, id loco inter Asturicam, & Legionem nomen est, denuo contra  
hostium conſpirationem conſigitur: qui Alonſum puerum Regem adſciuerant: & ſuæ  
temeritati præfecerant: atque in caſtra pæne infantem perduxerant. Fufis, & fugatis ho-  
stibus, & interneſione deletis Comes Ferdinandus interficitur: & Petrus Trauenſis pu-  
eri Regis nutricius, ſummæ inter Gallecos exiſtimationis, & auctoritatis vir, qui Ermen-  
gaudi Vrgellitani Comitris filiam nomine Maiorem, in matrimonium duxerat in acie di-  
micanſ captiuus remanet. Didacus Gelmirus Compoſtellanus Antifteſ paruulum Re-  
gem ſecum ex acie educit: & ad parentem, quæ in Orzilonis arcem ſe abdiderat, perfert.  
Non alias illis temporibus pugna clarior fuit.

Regina magno comparato Legionenſium, & Aſturiæ exercitu, & eorum oppido-  
rum, quæ Pallantinis continentur campis, Aſturicæ bellum inſtaurat: quod Imperator  
Carpetanis iugis tranſcenſis, Toletanum regnum ſuæ ditioni ſubiiceret. Cum Carpetan-  
os in ſuam ditionem redegiſſet, A. D. XLIII. K. Mai vrbe regia triumphali pompa ex-  
cipitur.

Cum Imperator Tritienſes, Burgenſes, Pallantinos, Zamorenſes, atque Legionenſes,  
qui ſe illi addixerant, ſuis adiunxiſſet, Aſturicam caſtris circumſider. Martino Munione  
regiarû cû copiarû ductore, cû CCC. loricatis equitibus ex Aragonia in caſtra properante,  
inſidiis loci iniquitate circumuento, turmæ omnes funduntur: atq; ceduntur. Munio in-  
tercluſus in hoſtium poteſtatem venit. Ea re male geſta, Imperator intempeſta nocte ca-  
ſtra mouet: & Carrionem ſe recipit. Effuſis copijs, & præſidiorum collocandorum, &  
muniendorum cauſa diductis, plures dies Carrione obſidionem pertulit.

Abbatſ Cluſenſis ſedis Apoſtolice legati interuentu aliquot dierum indutiæ fuere  
pactæ. Cum indutiarum dies exiſſet, acce bellum in oppida, atq; arces Petri Larenſis ge-  
ritur. Vir minime bellicoſus amore, & deliciis flagrans ſeſe Montionis arce prope Pallan-  
tiam, vna cum Regina abdit: cum ea nihil, quod facere, aut pati turpiter femina poſſet,  
inauſum, inſectumque relinquit.

Vincenſium Ceſarauguſtanum Episcopum Lunenſe templum hoc anno conſecraſ-  
ſe Ferdinandus Aragonius eiſdem Eccleſiæ Archiepiſcopus memoria tradit: & eiſ  
conſecrationis monumenta vetuſtis, & exoleſcentibus literis inſculpta apparent: & ſu-  
premo Dominico die menſis Septembris huius anni rem geſtam fuiſſe proditur.

Reginæ exercitus Burgorum arcem circumſider: Caſtellani regni propugnaculum,  
atq; præſidium. Noſtri diuturna obſidionis perpeſſione conſecti, ac fame perdit, de ſe, &  
de auxilio deſperantes arcem Reginæ tradunt.

Cum Petrus Larenſis Comes Reginam multarum nuptiarum mulierem in matrimo-  
nium ducere ſperaret, à Guterio Ferdinando Caſtro captus, in Maſſillæ arcis regni Le-  
gionenſis cuſtodiam includitur.

Inſectum renatum bellum inter Reginam, & eos, qui filium ad regnum adſciuerant,  
geritur. Cum ſeſe Regina Legionem recepiſſet, & turribus, & propugnaculis vrbiſ ſe, ac  
fortunas ſuas tueretur, grauem obſidionem pertulit. Periculo obſidionis liberata, in So-  
beroſi arce à Thereſia Regina Portugalliae ſore, & Petro Fruelæ F. Trauenſi obſide-  
tur: & cum denuo erepta ex eo diſcrimine eſſet, Compoſtellam auſugit.

Summa omnium conſenſione Alonſus Reginæ F. ad regnum adſciſcitur. Petrus La-  
renſis Comes extorris ad Barcinonenſem profugit Comitem.

Gibertus Prouinciæ, & Aimiliani Comes decedit: cui earum ditionum ſuccedit hæ-  
res Dulcia filia: Raimundi Barcinonenſis vxor. Raimundus Marchionis prouinciæ co-  
gnomentum ſuſcipit.

Sanctum Franconem Præſectum iuſtitiae Aragonum in aula Regia hoc anno ius di-  
xiſſe, ſunt qui teſtificentur.

BELLVM BALEARICVM.

II51.

IIII.

Raimundus Barcinonenſis cum adiuncta ditione Prouinciæ imperium auxiſſet, bel-  
lum aduerſus Balearium incolas Mauros ſuſcipit. Tum primum Catalanæ claſſes noſtris  
in maribus pollere incipiunt: & in vltimos noſtri orbis terminos præteruehūt. Piſano-  
rum etiam claſſem arceſſit: quorum, & Genuenſium, & Arelatenſiumq; eo tempore late mari



AFRA.  
NAT.  
CHR.

patebat potestas. Mauri continentis Cataloniæ, qui sub eius imperio, atque tributo pacati erant, raptim arma capiunt: & in Barcinonensem tractum incurrunt: ut Raimundum à maritimo bello, & Balearium perniciæ auerterent.

Guitardus Comes Ruscinonensis, sororis Guilielmi Raimundi Cæretaniæ Comitis filius, qui Vallespiriæ ditionis, & Iliberitanæ arcis dominabatur, interficitur. Is Perpinianum oppidum iuxta Ruscinonis vetustæ urbis monumenta collapsa condiderat.

CAESAR AVGVSTANVM BELLVM.

1152.  
1114.

Imperator viro, citroque per longa spatia discurrens, dum bello, & armis rempublicam attollere nititur, vicinarum gentium crebris victoriis insignis, cum intestinorum bellorum pertaxum esset, regni Aragoniæ statui prospiciens, bellum aduersus Cæsaraugustanos gerit: qui opima, & fertili regione dominabantur. Ianuario mense Castellari oppido militares omnes manus cogit: veteranorum præcipue, quos Almogauares nuncupauerant: quod firmatus usu miles esset: & belli domitor externi. Ii enim in statione prope perpetua infestarum regionum stipendia merebantur. Ex Castellarensi arce Cæsaraugustanos incursionibus, & populationibus vexat: & diutina obsidione premit.

Tahustum nobile ad Hiberi ripas situm oppidum, virtute præstantis ducis, & proceris expugnatur Bachallæ: qui rem optime ductu suo gessit.

Magnæ ab Imperatore copiæ Francorum ex delectu Galliæ comparantur: ut veterano nostro, & externo milite cum præpotenti hoste bellaret. Duxere ordines in eius exercitu Gasto Bencharniæ ditionis dominus, Conuenarum Comes, Rotro Perticarum, & Centullus Bigeronum Comites: Gabarreti Vicecomes, Lescarenfis Episcopus, Augerius Miramonius, Arnaldus Vicecomes Labadenfis: qui Oriam Palliariensem Comitem in matrimonium duxit: ex qua Raimundum Rogerium suscepit.

1152.  
1114.

Magno ii consensu declarati externarum copiarum duces: qui hæud dubie tum primi omnium ductores habentur: omnesque inter se illustres viri notierant: & potentia inter suos præstantes. Proceres ex Aragonia, & Nauarra adfuere, qui ordines duxerant, Didacus Lopezius Latro, Simenius Fortunionius Lehetius, Simon Fortunionius ex Podio Castello, Petrus Momezius, Almorandius, Lupus Simenius Torrelas, Lupus Sanctius ex Ogabre, Caxal, Petrus Simenius Iustitiæ Aragonum Præfectus, Iohannes Galindius Anzilionius, Lupus Fortunius ex Albero, Titio, Berengarius Gombaldus, petrus Myr Entenza, & Raimundus Perefius Erilius.

Petrus Simenius Præfectus Iustitiæ Aragonum.

Is magistratus primo Maior iustitia appellatus fuit: quod supremum ius, ac potestatem à Regibus obtineret. Postea vero legibus ita septus fuit, atque munitus, ut libertatis, a supremo dominatu vindicandæ, atque tuendæ commune perfugium, atque prælidium esset.

Rotro Perticarum Comes ab Imperatore cum delecta militum manu præmissus Tudelam nobile Vasconum oppidum, ad Hiberi ripas munito loco situm Augusti mensis fine expugnat. Imperator supremo dominatu regio excepto, eius ditionis dominium Rotroni, posterisque eius attribuit.

Raimundus Barcinonensis magna suarum ditionum, Pisanorumque classe comparata, in Maiorem Balearium insulam opibus claram, copias è nauibus educens bellum infert: urbem operibus claudit: & comœatu priuat: atque obsidione premit. Raimundus Barcinonensis Episcopus in ea expeditione decedit.

1153.  
1115.

Cum Maioris Balearium insulæ coloni, atque indigenæ, militaresque manus se & vrbe, atque oppidis, aut montibus tenuissent, acriterque repugnassent, vrbs à nostris expugnatur: atque in arcem natura munitam nostri concessere.

Bernardus Atho Vicecomes à Carcafonensibus vrbe exactus Guilielmo Pictorum Comiti fœdere adiungitur: qui in Tolosatem ditionem inuaserat: cuius ope à Carcafonensibus recipitur. Cum Rogerius Bernardi F. in urbem introisset, in ciues summo supplicio excruciatos crudeliter animaduertit. Pater supremum eius ditionis ius, & dominium Raimundo Barcinonensi Comiti fidelitatis auctoramento cauet: atque recipit.

Oldegarius ex Barcinonensi Episcopo ad primam Tarraconensis Ecclesiæ dignitatem adsciscitur: vir pietate, & sanctimonia in diuorum numero venerandus.

Moreliæ arcem & natura, & situ munitissimam nostri expugnant.

1154.  
1116.

Bertrandus Tolosatium Comes Raimundi Comitis F. qui in Tripolitanæ Phœnicie nobilis urbis obsidione morrem occubuit, & Eluiræ Alfonsi Castellæ Regis filiæ, Maio mense Barbastri Imperatorem visit: & sub eius potestatem se, suæque tradit. Subiicite eius imperio, atque supremo dominio Comitatum Tolosatem, & Rhodensem, Narbonem præter-



præterea, Narbonensemque ditionem: & Bliterensem comitatum: Agathenses: Cadur- AERA.  
cios: Albenfes: & Carcaſonenſes: atque eam ditionem, honorem vocabant, quam a To- NAT.  
loſatibus Comitibus Fuxenſis obtinuerat Comes. Imperator ditiones eas omnes, atque CHR.  
ciuitates Comiti tradit: atq; addidit: ſupremo dominatus iure ſibi, poſterisq; ſuis recepto.

Bernardus Guilielmus Cæretaniæ Comes Guilielmi Iordanis frater germanus, nul- 115.  
lis ſuperſtitibus liberis decedit: cui Cæretanæ ditionis Raimundus Barcinonenſis ſucce- 117.  
dit heres.

Toletana ciuitas, quæ ab Imperatore defecerat, Alfonſo Regi Vrracæ F. ſe addidit.  
A.D. XVI. K. Dec. regio apparatu, vt iure legitimo ad regnum adſcitum excipit.

10 Imperatore cum Alfonſo Rege in Caſtellæ regno bello implicato, & armis decertan- 1156.  
te, neque parte ex altera ſacri belli curam remittente, Francorum exercitus, qui in Cæſar- 1118.  
auguſtana expeditione meruerat, Idibus Mai exactis ad Aierbii Lacunam venit: & eo  
loci caſtra metatur. Mox Almadeuarem Iltergetum oppidum, Burtinam veteres appel-  
lauere, traducitur. Cum ſatis firmo præſidio à Mauris teneretur, vi expugnatur. Eodem  
impetu, atque incurſu Sarinienam, Salcium, & Roboretum expugnant: & duo præterea  
ad Gallici fluminis ripas oppida in eorum poteſtatem deueniunt, Zuera, & Gurrea: quæ  
vetuſtis ſæculis Gallorum Fori nomen eſt adepta. Cum iam ipſi vrbi Rex terribilis ad-  
eſſet, intra octauum diem, ex quo noſtri Cæſarauguſtam circumſederant, regionem vr-  
bis trans flumen, Atabaſas appellabant, irrumpunt: & continentia omnia ædificia, extra  
20 vrbis mœnia expugnauere. Ad Mezimezeriū vicū caſtra metatur: & loco Dei voluntatis  
nomen imponitur. Cū aſpera montiū iuga, nudosque colles, & perpetuo gelu rigentes di-  
tibus Ædetanorum, & vberibus campis, agrisque mutarent, nihil veterano militi ad bel-  
la promptius fuit.

Cæſarauguſtani plures annos à noſtris exagitati, qui per tot antea annos imbelles  
egiffent, obſidione premuntur. Eius regni, vt Arabum annales memorant, Almorabi-  
des dominabantur: qui ex Mauritaniis in Hiſpaniam transmittentes diuiſa regna, & ſuæ  
ſectæ regulos crudeli dominatu oppreſſerant. Hi cum urbem totius Hiſpaniæ opulen-  
tiſſimam, beatiſſimamque ab Imperatore ſumma virium contentione circumſederi vi-  
derent, tranſmarina auxilia arceſſunt. Teminus Maurus Rex magno comparato exerci-  
30 tu, vt opem obſeſſis ferret, ad Orbæ fluminis ripas, ſupra urbem XII. M. P. ad Mariæ ar-  
cem, quam hoſtes loco edito præſidio munierant, caſtra metatur. Cum ſe robuſtiſſimo  
noſtrorum exercitui æquari, & rem confici Teminus diffideret, in intima Celtiberiæ lo-  
ca aſpera, & iniqua regreditur.

Anno circumacto Decembri menſe, cum magnas copias ex totius Hiſpaniæ Maurorū  
delectu hoſtes coëgiſſent, & Cordubeniſis Rex, cuius, imperio omnes parebant, filium  
præfeciffet, cuius patruum Teminum Regem fuiſſe vetuſtis monumentis proditur, idq;  
ſubſidium extremum, atque vltimum eſſet comparatum, Imperator eo intentior in ho-  
ſtes verſus, ad Curandam vicum prope Darocam obuiam progreſſus, ingenti certamine  
ſignis collatis conſigit. Hoſtes funduntur: & cum magna internecione cæduntur: e-  
40 orumque dux in Regis poteſtatem venit. Adſuit prælio Pictorum Comes: qui eo in bel-  
lo ſexcentorum equitum ductor militauit. Inſigni ea victoria parta, cum Imperator  
Cæſarauguſtæ toto animo impingeret, eam enim regnorum caput, eam omnium bello-  
rum originem eſſe videt, rem maxime vrget: conſiliis ab obſidenda vrbe ad oppugnan-  
dam verſis.

Alagonum, & Vrræarum familiæ nobiliſſimæ in primis, & potentia præſtantes ex  
honoraria oppidorum Alagonæ, & Vrrææ ditione primariis proceribus attributa no-  
men inuenere. Satis conſtat Artallum hoc tempore Alagonæ dominatum obtinuiſſe:  
qui ſe Artaurum cognominare aſſueuerat: feruntq; ex Vandrenſium clariffima gente, &  
in Aquitania præpotenti ortum. Poſteri Alagones dicti. Primariorum enim proce-  
50 rum familiæ eo tempore, tamquam maiorum gentium florere Corneliorum, Luna-  
rum, Azagrarum, Vrræarum, Alagonum, Romæorum, Fociorum, Entenزارum, &  
Lizanarum. His & nobilitate, & potentia pænæquales Verguæ, Mazæ, Tramacetii, qui  
ex Entenزارum gente in Tramacetiam familiam ſe inſeruere, Atroſſilii, Antilonii, Orti-  
cii, à quibus Atorella, qui Quinti dominabatur, originem duxit: Atareſii ſtirpe regia or-  
ti, Titiones, Caxales, S. Crucis, Pardi, Caſtellitoli, Hortæ, Podii, Peralta, Vidaurii, qui  
Podiorum hereditatē adiēre, Pennæ Rodenis, & aliorū oppidorum domini, Seſeſii, Aho-  
neſii, Naia, Beneuentani, Aierbii vetuſta nec tamen regia familia geniti, Stadæ, Calafan-  
ctii, Speſii, Alcalani, & Artuſellæ. Minorum vero gentium viri quos Meſnadarios vo-  
cauere, quod Regia in domo educati eſſent, eo tempore clari habebantur, atque illuſtres



AERA.  
NAT.  
CHR.

Fontouæ, Pinæ, Alberi, Gudales, Pomarii, Lirii, Vallimannæ, Gurreæ, Valtoreſii, Abarcæ, Embuni, Azlorii, Tobia, Rotæ, Vroſii, Funes, Lihorii. Hos poſtea conſequuntur Zapata, Vrieſii, Nuzæ, & Veræ.

Vt equitatus, copiasque externorum auxiliorum pulſas Cæſarauguſtani nouere, atq; deletas, & eum exercitum, cui maxime confidebant, fuſum, ac cæſum animaduertunt, aliis diſſiſi, oppreſſi, & ab omnibus deſperati, urbem A. D. X V. K. Ian. Imperatori dedunt: conditionibus, legibusque parent. Ea regio infeſta antea, breui pacata imperium accepit: regnique urbium princeps, & clariffima ſedes Cæſarauguſta, atque caput exſtitit. Ex eo urbs cum frequentia creſcere: tum tota ſimul ædificiis exurgere cœpit: ac poſtea in ſummam amplitudinem euehitur, Regibus impenſas adiuuantibus; & eo regni 10 faſtigium, atque arcem transferentibus.

Eccleſia Cæſarauguſtana primis propagatæ Chriſtianæ religionis ſæculis ſacra, & S. S. Valerii, & Braulii inſulis, ac Vincentii martyris illuſtrata doctrinis, ſacrorumq; conciliorum ſanctionibus orbis Chriſtiani celebratione commemorata, à nefariis impij cultus veſtigiis ſollemni cæremoniæ religionis expiatur: & Deo Opt. Max. Seruatori ex voto, quod Imperator pulcherrimæ, florentiſſimæ, potentiſſimæq; urbis eſſet potitus, feſtis laudibus inſtauratur: & conſecratur.

Petrus Librana Epicoſopus Cæſarauguſtanus: qui urbe nondum à Mauris erepta adſcitus, atque conſecratus fuerat.

Gaſtoni Beneharenſi Vicecomitiæ urbis regiones ab Imperatore ſunt attributæ, 20 quæ ſub impio etiam dominatu à Chriſtianis incolebantur: quas longo tempore, & Theſſaſia vxor, & Centullus Gaſtonis F. Honorario iure poſſedere: dominique Cæſarauguſtæ, vt priſcus mos tulerat, appellantur. Rotroni Perticarum Comiti alia urbis pars virtutis, atque honoris ergo condonatur: cuius regionis vici ab eo principe nomen inuenire.

1156.

1118.

Ad Villulam ſigna promota. Id in Ilergetibus oppida nomē eſt ad Hiberū flumē xxxvi. m. p. ab urbe ſito: quod Iuliæ quondam Ramanorum coloniæ, cognomento Celſæ tenue nūc exſtat veſtigium: vbi extinctæ, & funditus deletæ urbis ſolū nomen permanſit. Nam vicinum oppidum Mauri ſupra: ipſam Villulam, propius Cæſarauguſtam millia paſſuum tria Xelſam appellauere. Inde noſtri incurſione, atque impetu armorum Ilergetum, atque Ilergaonum regionibus hoſtes diuexant: qui terrore, & periculo repulſi, Dertofam 30 vſque, & Ilerdam, & ad ipſas interni maris oras fugantur, atque auertuntur.

1157.

1119.

K. Febr. Vido Archiepiſcopus Vienneniſis Raimundi Comitis, Alſonſi Caſtellæ Regis patris germanus frater, Guilielmi Burgundiæ Comitis F. Francorum Regum ſtirpe ortus Cluniaci, ab iis Cardinalibus, qui iuſtis funeribus Gelafii Papæ interſuerant, ad Pontificatum maximum Gelafii ſucceſſor adſciſcitur. Caliſtus ſecundus dictus: cuius reſpectu, fuit enim non minus religione, & ſanctitate venerandus, quam regio genere clarus, à bello, quod in fratris filium Caſtellæ Regem gerebatur, Imperator ſibi diſcedendum conſtituit: ab eoque, patrui dignitatis reuerentia, longo interuallo deſtitit.

## BELLVM CELTIBERVVM.

Cæſarauguſta dedita, & imperii ſede in eam tranſlata, non finitimi modo reguli animos ſummiſere, ſed longinqui etiam Reges: neque ad indutias tantum petendas, ſed ad fœdera magnis tributis ſancienda, vt Imperatori ſe ſubiiciant, conueniunt. Totam belli molem in Celtiberiam auertit aſperam, & montofam regionem. Ab Ædetania profecti in agros, atque oppida Celtiberum bellum inferunt. Tamen cum hoſtes, ne ſignis collatis de ſumma rerum decernerent, funeſtis ſucceſſibus deterrerentur, Imperator eam inferendi belli rationem inſtituit, idque ſuper-eſſe vidit bellandi genus urbium, arciumque expugnandarum: quarum irruptionibus, atque excidiis militem præda allicere, & hoſtem paulatim conficere poſſet, atque longius repellere. 50

Turiſo, quam Chalybs amnis ex Cauni montis radicibus ortus interluit, opima, & fertili regione, & amœnitate, vbertateque agrorum diues ab hoſtium dominatu eripitur. Ædes ſacra, eccleſiæque ſedes Gothicis temporibus clara inſtauratur. Michael Epicoſopus præficitur: eiſque diœceſis magna Celtiberiæ parte effunditur.

Rota, & Rieſa ad Salonis ripas ſitæ à noſtris expugnantur: olim Segontia, & Nerto-brige nominibus in Celtiberis urbes in primis nobiles, quarum incolæ, eſſi non latiffimos, feraciſſimos tamen agros poſſident: aquas enim Salone fluuio emiſſas per agros rigant: diſſipatasque magno prouentu riuis diducunt: quarum deductionibus mirabilem terris fœcunditatem impertiunt. Cum ea loca ſitu, & natura munita hoſtibus oppoſita



opposita essent, & velut claustra inde, angustique aditus arcerent, & illis recuperandi ea superioribus ex locis, & nostris, cum quid noui molirētur, propugnandi, tuendiq; ingens, & diuturnum certamen erat.

AERAI

NAT.

CHR.

1158.

1120

Cum ea bellandi ratio esset, vt ad singulas vrbes bellum circumferretur, & Mauri oppidis, arcibusque se tenerent, aut deficiendo saepius nostros sollicitarent, & publicis, priuatique consiliis, quo se verterent, hærerent: & complurum regulorum imperium diuisum inutile bello esset, disiecti, & dissipati, ad sua quisque tendendo consilia, opprimuntur.

10 Sacro D. Iohannis Baptistæ die Calataiubium nobile in primis Celtiberiæ oppidum Imperatori deditur: quod nostri, veluti propugnaculum, atque arcem, præsidiumque prouinciæ Maurorum incursionibus, & vicinis regni Castellæ regionibus opponunt.

Darocenses, qui ad Silocæ ripas angustis Celtiberiæ, & difficili aditu continentur, & imminentium collium castellis muniuntur, Imperatori se, arcesque suas dedunt. Is oppidum situm est, vt claustra earum regionum tenens aduersus Molinēses, & Conquenses, & Valentini regni opposita castella, magno nostris exercitibus præsidio, & ad rem bene gerendam adiumento fuerit. Quod agri coloni essent, milites veterani, eo deducti: & in his Auxiorum ex Aquitania nobilis familia effloruit.

20 Rex, quem iure, & merito summum, atque perfectum Imperatorem illa ætas appellare potuit, cum in magno nomine, & gloria esset, & omnem regni conatum in Maurorum perniciem comparasset, multorumq; annorum cladibus domiti essent, & imperii fines maris nostri litoribus terminare, & maritimas vrbes suo aditu, atque aduentu patefacere cuperet, & Aderanorum, Celtiberūque tractus Valentini regni finibus continentes, & bellis infesti, & assiduis incursionibus vasti vltra Sagunti vetustos muros essent, vulgo Moruedrum vocant: inexuperabili mœnium ambitu, munimentisque veteribus cognitum, vnde nomen inuenit, ad Silocæ amnis salientes edito loco urbem ædificat: cui Montis regalis nomen est inditum: & conuentui sacræ militiæ dedicat: illius instituto, quæ Hierosolymitano templo, sacro bello dicata fuerat. Magna vectigalia, & tributa huic ordini à Rege consignantur: Guiljelmo Auxitano Archiepiscopo ad sacram expeditionem Hispaniæ populos adhortante: & scelertum, atque impietatum, quarum pœnitissent, culpas expiante. Ex ea veluti communi earum regionum arce, recuperata pœne omni Celtiberia, quæ tot per annos in ditionem concesserat hostium, & præsidia defensionis regni constituuntur, & calamitas, perniciēsque longinquis etiam hostibus comparatur: qua regio deserta excipit.

30 Cum priscis sæculis in præstanti, atq; florenti Romani Imperii fortuna CÆSAR-AUGVSTA colonia immunis esset, merito iure cum ab impio dominatu erepta fuit, ciuibz immunitas data: & ingenuitatis ornamenta sunt attributa: & Infantiones: Ermunii, quasi immunes dicti. Priuilegium præterea ab Imperatore irrogatur, xx. virū à iuratis magistratibus, & decurionibus, quotiens vis maior vrgeret, creandorum quibus potestas à Cæsaraugustano concilio dari cōsuevit, vt videant operamque dent, ne quid detrimenti res publica capiat: ne plus paucorum vis atque impotentia, quam plebis libertas possit: & eorū virorum ductu, atque prouisione omnes in sua causa publicis commodis adsint: iusque datum eos, qui non paruerint, constringendi: atque comprimendi: quoad ciuitati cedant: seque submittant.

1159.

1121

40 Imperatore Morlanis in Aquitania commorante Maio mense Centullus Bigeronū, & Lorde Comes se illi subiicit: ditionēq; eam, & quæ acquirere posterum in tempus posset, Imperatori accepta refert. Rota oppido, & Rotensi arce, ad Salonis ripas munitissima, & media Turiafonis vrbs, eisque agri parte Imperator Centullum donat. Albarrazinum præterea nobilem urbem, in capite Celtiberiæ ad Turiam amnem sitam, simul à dominatu Maurorum liberasset, se illi attributurum spondet: stipendiaque c. c. equitum pollicetur: honoraria ex earū ciuitatum vectigalibus, quæ sacro bello vindicarentur. Beneficia ea militaria erant: quæ proceribus attribuebantur: proceresque ea suis equitibus partiri consueuerant: vnde nomen inuenere.

1160.

1122

50 Iunio mense Rex, qui se Hispaniæ Imperatorem appellat, ex Aquitania reuersus, cum in claustris Pyrenæi arcem exædificasset in ea regione, quæ Caput de Sobala nominat, in eo loco residens his, qui Vallem Eciam ex saltu, quem Angustum appellabant, versus culmina Pyrenæi incolebant, posterisque eorum tributa omnia remittit: modo sibi in incursionibus, & exercitibus assistant: ingenuitatisque munus condo-



AERA.  
NAT.  
CHR.

40

## INDIC. RER. AB ARAGON. REGIB.

nat : & scripturæ vestigal, herbaticum ea ætas appellabat, ne à Montione ad Caunum montem pensitent, elargitur. Quod eorum hominum maxime fideli opera ipse, superioresque Reges vsi fuissent, excubias, & custodias sui capitis & nocte, & die illis tradit.

## BELLVM

## ILERGETICVM.

1161.

1123

In Ilergetibus acre bellum ab Imperatore geritur : & nostris angustias omnes locis asperis, & montosis occupantibus, regiones eas depopulantur, quæ Cinga, & Sicori fluminibus continentur.

Alcolea oppidum vi expugnatur.

Septembri mense ad Ilerdæ vrbis muros Imperator castrametatur : tumulumque paulo editiorem occupat, communitque : qui vrbi, & flumini imminet : Almoaliam Gardeniensem illa ætas nuncupauerat : quem locum Cæsariana obsidio, & res placare à summo Imperatore aduersus Pompeianos duces gestæ in primis effecerant memorabilem.

Eodem tempore Imperator bellum ex Celtiberia in Ædetaniam, & Contestaniam conuertens, quod inde subministrata hostibus auxilia intelligebat, Valentini regni regiones percurrit. Sucrone amne transmissio Alcaracium nobile Contestanorum oppidum oppugnat. Ab eius oppidi expugnatione maiore conatu, ad perdomandas vicinas regiones exercitum circumducit. In Almeriense postremo regnum, & Bæticæ vberimos tractus inuadit : omnium gentium, locorumque, quos adierat, victor : Longius penetrata Bætica, quam quisquam priorum peruaserat. Nec quicquam, quod inimicum nostris crederetur, non euersum, atque vastatum reliquit. Finitimi populi ultro ad eum pacem petentes accurrere : ac ne vastarentur agri, tributum pacti dant fidem pacis : & ab Rege accipiunt.

Cum Cordubensis Rex ad Arinzolum, ingentibus copiis, tumultuario delectu coactis obuiam nostris processisset, & pro aris, & focis certamen esset : magna contentione utrimque decertatur. Hostes, cum omnibus copiis in campum descensum esset, & ingens hortamen, ad omnia pro republica audenda, animos accenderet, conferta pugna caduntur, sternunturque : & magna eorum iactura victoria constitit. Vetusis etiam rerum Castellanae monumentis memoriæ proditur, ingenti proelio Imperatorem ad Arinzolum cum XI. regulis Maurorum confluisse : eosque profligasse AERA CLXI. Ea in expeditione affuisse traditur vir singulari virtute Gasto Bencharnensis Vicecomes. Tot regionibus infestis signis peragratis, & hostilem in modum incurfis prædæ ingentes aguntur : & hostium multa millia trucidantur. Demum nullo accepto detrimento, & ingenti gloria parta, summa exercitus salua nostri in Celtiberiam reuertuntur. Eam Imperator ea expeditione laudem est consecutus, ut hostium non agros, sed regna victoribus copiis inceserit, & perlustrauerit : ac pæne subiecta, atque obnoxia sibi fecerit.

1162.

1124

Iulio mense Medina Zelimi, insigne in Celtiberum, & Carpetanorum confiniis oppidum maxime edito, & præcelso colle situm, ab Imperatore vi expugnatur.

Raimundus Barcinonensis Comes Alfonso Tolosati & S. Egidii Comiti bellum infert. Imperator pacificatorium interponens munus ad colloquia cum Barcinonensi congre-

1163.

1125

Mense Decembri Calistus P. M. Alfonsi Castellæ Regis patruus decedit.

Barcinonensis Tolosatem virgnet : & acri bello insectatur. Neque parua de re inter eos contentio vertitur. Tolosas oppidum, arcemque Belicadri, Argentia territorium, Prouinciæ Comitatum tamquam erepta repetit. Ad eam tandem pacem deuentum est. Barcinonensis, & Dulcia eius vxor Belicadri arcem, Argentia ditionem, & eam Prouinciæ Comitatus partem, quæ Druentia, & Ilara fluminibus continetur, & Valobregæ arcem Tolosati condonant. Mediam Auenionis vrbis partem, & castelli, oppidi que Pontis Sorgæ amnis, & eius vrbis territorii, aliquotque arces sibi recipiunt. Eo pacto conuenito Tolosas, & Faidida eius vxor Barcinonensibus Comitibus, posterisque eorum reliquam Auenionis partem, & Comitatum Prouinciæ, cum Melloagæ arce, iisdem finibus, quibus à Druentia fluminis ortu, qui ex Iano monte profluit, terminatur, & eius fluminis regione in eum locum, quo in Rhodanum influit, & in mare effunditur, remittunt. Paciscuntur uti alter in alterius locum, nullis relictis liberis, earum ditionum heres succedat. In ea pacta conuenta descensum est A. D. XVII. K. Septemb.

Honorius II. ad summi Pontificatus dignitatem adscitus Humbertum presbyterum Cardinalem s. r. e. legatum ex latere in Hispanias prouincias mittit. Is Legionem regiam



regiam Asturum Urbem concilium earum prouinciarum indicit: cui adfuere Alfonsus AERA.  
Castellæ Rex, & Didacus Gelmirus Compostellanus Archiepiscopus: cui à Calisto E- NAT.  
meritenfis prouincia contributa fuerat. Res in primis digna, quæ publica memoria reti- CHR.  
neatur, eo in conuentu accidisse fertur: nam cum Alfonsus Rex Berengariam Raimun-  
di Barcinonensis filiam in matrimonium duxisset, veritus fuit, nè in eo Episcoporum  
confessu decreto sanciretur, vt ab ea, tanquam non iusta vxore diuerteret: quod illi pro- 1163. ||  
pinqunitatis vinculo coniunctus esset. Ex paterno ne, ea propinqunitas Raimundi Comitis 1125  
Vrracæ mariti genere, an Constantiæ Reginæ Vrracæ matris, quam Alfonsus Rex ex  
10 Gallia terra in matrimoniū duxerat, aut ipsius Alfonsi Regis stirpe, qui Tolosatis auus e-  
rat, deducta fuerit, quum ab antiquis scriptoribus tacitum, prætermissumque sit, inter ce-  
tera vetustate incomperta, hoc quoque in incerto, & abdito positum. Berengariæ ma-  
trimonium stabile, ac certum permansit.

Sanctius Lopezius Præfectus Iustitiæ Aragonum.

Vrraca Regina, quam suum flagitium de sanitate, ac mente deturbauerat, cum gra- 1164.  
uida esset, ex partu filio edito, in Saldanienfi arce A. D. VI. Id. Mart. decessit: cum liberius 1126  
viueret, quam Reginam deceret.

Alfonsus Rex Vrracæ Farces, & oppida, quæ Imperatori parent, oppugnat: & Pe-  
tro Gonzaluo Larenfi Comiti bellum infert: se, exercitumque suum Imperatoris exer-  
20 citui opponit: statiuaque castra facit: ac res in vltimum venit discrimen.

Mense Iunio Imperatore ad Hiberum amnem iuxta Pharum oppidum castra me-  
tante, Christianis, qui sub Maurorum ditione, ac dominatu commorantur, quos Mozara-  
bes appellabant, & Aragoniæ urbium fines incolunt, quibus incolendi causa apud hostes  
remanere licebat, immunitas, & libertas data: pluresque ex diuersis locis, in Aragoniæ  
vrbes confluxere. Eatempestate Imperator se in castella regnare, publicis monumentis  
testatur. Nam cum neque Reginæ obitus concordiaæ fœdera conciliasset, prope ad vlti-  
mam dimicationem deuentum est: veteri inter se regnorum odio stimulante.

Cum castra Alfonsi Regis, Imperatoris castris collata essent, proceresque regni Ca-  
stellæ se in pacificationem interponerent, Rex demissa, & humili precatone ab Impera-  
tore deposcit, vt regnum à se hereditate partum, pro auita necessitudine, & coniunctio-  
30 ne, & singulari fide, ac religione deponat. Ea prece, & obsecratione, princeps animi ex-  
celsi, & inuicti commotus protinus arces, & propugnacula, quæ à nostris tenebatur, libe-  
ra tradi imperat. Tantum abfuit ab insolentia gloriæ, vt commiseratus sit fortunam Re-  
gis, qui suorum prauis consiliis pæne concidisset. Ex eo Imperator, ex tanti belli terrore  
illato, Castellæ Regem, quasi paterna necessitudine coniunctum semper habet: & præsi-  
dia ab urbibus deducit.

A. D. XI. K. Iul. moritur Raimundus Barbastrensis Episcopus sanctitate veneran-  
dus.

Hoc anno cum Mauris in Catalonia ad Coruini castellum cruento, & calamitoso  
prælio à nostris fuisse decertatum, magnæque clade accepta, in maximum periculum, &  
40 summum prope discrimen rem publicam fuisse perductam vetusta monumenta testan-  
tur. Imperator vt præsidium labantibus, & inclinatis rebus ferret, in Cataloniam ad Bar-  
cinonensem cum delectis militum copiis accurrit.

Stephanus Cæsaraugustanus Episcopus.

Imperator Castellano bello extincto, in tanto fastigio regni collocatus, rebus in- 1167.  
gentibus gestis, Molinensem ciuitatem tributa pendente ad deditionem redigit. Op- 1129  
pida enim omnia, aut vi capta, aut in deditionem recepta præsidii nostris tenentur: cun-  
ctaque ea Celtiberiæ regio Aragonio Imperio pareat: & stipendiaria efficitur.

Septembri mense cum Imperator Tassaliæ commemoraretur, in Pompelonis, quam 1168.  
Iruniam indigenæ illa ætate nominant, cōtinentes vicos, Burgum vocant, ad S. Saturnini 1130  
50 plana, & æquata suburbii loca veteranorum Francorum coloniam deduci imperat. Ea-  
dem iura sancit, ac leges describit, quæ à Sanctio Rege patre Iaccetanis promulgatae fue-  
rant: & forum indicit. Scribendo adfuere, auctoritateque deducendæ coloniae tribuere  
Stephanus Oscensis, Sanctius Irunienfis, Sanctius Naiarenfis, Michael Turiasonensis,  
Petrus Rotensis Episcopi: Rotro Perticarum Comes qui Tudelæ dominatum obtinet,  
Gasto Bencharnensis, Atorella, qui Rielæ, & Sanguessæ, & Francus Lupius, qui Sorix,  
& S. Stephani oppidi ad Durii ripas in Areuacis siti dominantur.

Vetustis annalium monumentis proditur Gastonem Bencharnensem & Sthepha-  
num Oscensem Episcopum, hoc ipso anno, cum prælium cum Mauris commisissent, fu-  
isse interemptos: neque quo loco conflixerint, commemoratur. Locus honorificus se-



AERA.  
NAT.  
CHR.  
1169.  
1131

pulchro in facello Ecclesiæ beatæ Mariæ Cæsaraugustæ designatur: quo Beneharnensis inferretur.

Moritur Raimundus Berengarius Barcinonensis: omnium, qui in eis ditionibus sunt dominati, longe princeps. Ex Dulcia vxore liberos suscepit maximum natu eiusdem nominis, & cognomenti. Huic Barcinonensis ciuitatis dominium, & iura ditionum, ac finium, quæ Hispaniensibus expeditionibus bello vindicarentur, attribuit. Tarraconensem præterea, & Ausetanum Comitatum illi addicit: & Ceruariensem ciuitatem, quæ Ausetanis erat contributa. Ad hæc Manresæ, Gerundæ, Besaluni, Vallespirii, Petræ Petrusæ, Cæretaniæ, Confluentis, & Bergæ Comitatus applicat: & Carcafonensem, & Rhodensem item Comitatus adiungit.

Berengario Raimundo natu minori F. Comitatum Galliarum provinciarum, & Aimiliani, maternæ hereditatis bona, atque iura condonat. Gabaldani præterea Comitatum, & Carladensem ditionem, ut in eius potestate esset attribuit.

Filiam natu maiorem Berengariam Alfonso Castellæ Regi desponderat: & Cæciliam Rogerio Bernardo Fuxensi Comiti in matrimonium collocauerat. Ex ea nascitur Raimundus Rogerius eius ditionis heres. Has duas filias, si filii nullis superstitibus liberis decederent, in eorum locum heredes earum ditionum substituit. Alias præterea reliquit filias: quas in tutelam Berengario Raimundo F. tradit. Ex in Gallia nupsere: & earum vna Aimerico Narbonensi Vicecomiti in matrimonium collocatur: quæ mater fuit Ermengaudæ Vicecomitis.

#### RAIMVNDVS BERENGARIVS COMES BARCINONEN.

Cum bellicosissima natio semper in armis esset, Imperator Pyrenæi saltu transcurso, Baionam in Tarbellis ad Oceanum situm oppidum, mense Octobri castris circumfider: neque quis eius obsidionis exitus contigerit, memoriæ proditur: etsi coniectura ducimur, id oppidum vi fuisse expugnatum, aut in deditionem acceptum: nam regnare paulo post vetustis monumentis traditur ab Bilforado Beronum oppido ad Palliariensem ditionem: & à Baiona Montem regalem usque: & iis finibus imperium eius terminari: atque is annus magis nouo, quam magno bello erit insignis.

Decembri mense Calataiubiensibus Imperator immunitatem, & libertatem largitur: propriumque forum irrogat. Decreto Apostolico ecclesiastica beneficia, ut indigenis conferantur, sancitur: eamque sanctionem Lucius II. P.M. confirmat. Haud parua regni accessio ea ciuitas fuit: quæ neque oppidi amplitudine, neque agri vbertate, vlli cederet populo.

Garcias Guerra Cæsaraugustanus Episcopus.

1170. Colonia ab Imperatore Malienium deducitur: quam militiarum sacræ Templariorum,  
1132 & eorum conuentui dedicat. Templarii id oppidum postea cum Hospitalariis Hierosolymitanæ militiarum Nouilliarum oppido permutauere.

1171. Martio mense classem longarum, atque actuariarum nauium ad ipsa vrbis Cæsaraugu-  
1133 stæ mœnia Hiberno amne deductam, in veteribus rerum vrbianarum monumentis inuenimus: rem, si hæc tempora spectentur, æque difficilem operosa concursatione, atque incredibilem: nec æstate alto satis amne, & pontium, moliumque substructionibus, riuorumque deductionibus artiore alueo. Desinemus tamen mirari, si perpenderit, Vespasianis principibus, eum amnem per CCLX. M.P. à Varia oppido nauium capacem fuisse. Secundo flumine Mequinenciam, ad confluentes Hiberi, & Sicoris, Etobisam, siue Octogesa ea est, vetus oppidum esse arbitramur, edito loco sitam Iunio mense nostri vi expugnant. Egregiam operam eo in bello nauarunt Perticarum Comes, Centullus Vicecomes Bigeronum, Garcias Ramirius qui Montione dominatur, Lupus Garcesius, Peregrinus Alagon, Sanctius Iohannius, qui honorariæ ditioni Oscensis ciuitatis præfectus erat, Caxal, Petrus Titio, Gasto Bielius, & Iohannes Galindius. In Mequinenciana vero expugnatione virtus egregia enituit Petri Biotæ, qui antecursorum copias ducere consueuerat, Adalides eos duces Hispano nomine vocat, & Innici Fortunionis, & Simonis Garcesii: quibus Rex oppidum Nonaspe, ad Mataraniæ ripas situm, & eius arcem attribuit.

Ea tempestate magna ex parte Africanis, & Mauritanis classibus maria obsidebantur: & extra Herculis columnas Lusitaniæ, & Galleciæ regiones depopulantur. Interno mari Arclatenfes, Genuenses, & Pisani nauticarum rerum scientia præstantes feruntur.

Imperator Mequinencia potitus, oppido ad bellum aduersus Ilgergetes, & Illegaones prosequendum, & comæatu, & reliquis copiis intercludendum maxime appposito, Scarpiu in Cingæ ripa situm, & opportunum oppidum exercitu tenet: atque inde Fragam Augusto mense circumfider.

Cum



Cum diuturna obsidione Fragam in declivi, & præcipiti loco sitam, & Cingæ flu-  
mini imposita imperator premeret, magnoq; viriû conatu propugnaretur, q̃ Mauri ex-  
ternis, & transmarinis auxiliis nûquam diffusi essent, & claustris, faucibus collium, & ex-  
cellis vndique anfractibus sepirentur, cum Abengama Ilerdensi Rege, qui obsessis opem  
tulerat, Iustæ, & Rufinæ festo die cruento prælio dimicat: magnaue clades nostris est  
allata.

Fragensem obsidionem nostris vrgentibus, cum ad famam eius, delectus haberi  
coceptus esset, & Imperator Soriæ finibus accurrisset, vt non modo ex propinquo, sed ex-  
terno delectu exercitum suppleret, & hostium palantes copiæ Montionem vique, regio-  
nem cum incurrissent, & ccc. equitum turmis Imperator subsidio suis aduentaret: cir-  
cumfusus immanibus copiis Maurorum equitum, tumultuario certamine pugnam con-  
ferens, & in acie dimicans mortem occumbit cum gloria oppetitam: haud aliter, atque  
pater, & auus oppetierant: vt vere familiare fatum illis principibus constitutum fuerit: vt  
luendis publicis cladibus piacula hostibus opponerentur. Nam dum acrius, quam cauti-  
us dimicat, confossus vndique obruitur. Vita omnis imperatorie acta æque venerandum  
ac ipsius regni maiestas effecerat. Ita per xl. annos bella gesserat, vt militaria opera sem-  
per obiret: & longa ætas inuidum Imperatorem vertenti fortunæ præbuerit. A. D. VII.  
Id. Sept. eam pugnam ante Sarinienæ oppidi muros decertatam ferunt. Periere vna Cen-  
tullus Bencharnensis, & Aimericus Narbonensis Vicecomites: Gometius Luna, & Lu-  
pus Caxal magni nominis ex nostris proceribus. Cum plurima bella ductu, ausuque suo  
& gesserit, & confecerit: nam cum hoste nouies, & vices signis collatis dimicasse, ve-  
tustus auctor confirmat: quasi desultorio certamine occubuit. Ad Montis Arago-  
num sepultum fuisse, quidam prodidere: alii vero eius cadauer nusquam comparuisse  
commemorant: siue obrutum superstratis cæforum tumulis, aut alio casu neglectum, aut  
dilaceratum inueniri non potuit, vt summus Imperator, atque animi vigore præstantissi-  
mus, principum illius sæculi maximus, & honore sepulturæ, & iustis funeribus caruerit.  
Pietate longe ceteris eius æui principibus excelluit: qua vna virtute, aut æquauit magho-  
rum superioris ætatis Regum gloriâ, aut excessit. Ad partem tot bellis, atque victoriis  
laudem acceperat, quod cum illo simul iusta, ac legitima regna ceciderant. Hierosoly-  
mitani sepulchri custodibus, & Hospitalis, atque Templariæ militiæ cõuentibus regnum  
testamento dedicat. Plura oppida, & ingentes vectigalium prouentus ecclesiis, & cœno-  
biis largitur. Iureiurando ea Regio iussu sanxerât Lupus Lupezius, qui Riclæ dominaba-  
tur, Rudericus Peresius Vrra, Lupus Garcesius, Peregrinus Fortunius, Orticius Focius,  
Lupus Sactius Bellitanæ ditioni præfectus, Artallus Alagon, Quadratus Prætor vrbani,  
Comes Fortunius Aznarius Turiasonensis, Petrus Myr Entenza, Petrus Gisbert<sup>9</sup>, Beren-  
garius Gombaldus, Petrus Raimundi F. Erilius, Arnaldus Myr Comes Pallariensis, Pe-  
trus Raimundi F. Stata, Titio, Iohannes Antilionius, Lupus Fortunius ex Albero, Fortu-  
nius Azlorius, Fortunius Lopezius Aierbius, Gasto Bielius: compluresque alii ex Nauar-  
rorum, & Aragonensium nobilitate viri.

Nauarri, & Aragonii super adsciscendo Rege, Borgiæ cum conuenissent, & consi-  
liis, & studiis dissident. Alfonso Castellæ Rege palam regnum armis, & castris, legitimo  
successionis iure appetente, Nauarri Garcia Ramiri filio, & Sanctii Regis, qui Rotæ oc-  
census fuerat, nepoti Pompelonenſe regnum deferunt.

Cum Aragonii Alfonso Castellæ Regem regno euertere conarentur, & quis nam  
deligeretur, perquirerent, atque omnium ore Petrus Ararésius Garcia Infantis, vt con-  
iectura ducimur, & Theresiæ Caxalis filius, Sanctii Comitæ nepos, & Ramiri Regis pro-  
nepos celebraretur, & se intempestiua superbia stolide elatû, atque insolentem in Bor-  
gienſi conuentu, haud aliter, ac si regnum esset adeptus, præbuiſſet, Petro Titioni, & Pe-  
regrino Castellitiolo, studio in partes discedentibus ludibrio fuit. Regem clam alium ef-  
flagitant: atque ordines Regni, ac conuentus arbitrium deligendi Principis sibi permit-  
tunt: quo lenius ea comperitorum contentio acciperetur. Plures ex proceribus occulta  
spe, prout quis fuator, amicus, aut cõtubernalis hunc, vel illum vulgi rumoribus antetu-  
lerant. Demum Montionem conuentu translati Titio, & Castellitiolus, ne Castellano  
subiiciantur imperio, si Alfonso ad Regnum, cui legitimo iure deferendum erat, adsci-  
siceretur, cõsilia exquirentes, quibus Regni status maxime contineretur, Ramirû Alfonso  
Imperatoris fratrem, qui instituto D. Benedicti, ac ctenobio Tomerienſi à patre patre in-  
fans puer dicatus fuerat, & sacerdotii, & Episcopi infulis honoratus ex Burgensi Pompelo-  
nensi, & Rotensi electo Episcopo ad Regnû euehere summopere adnituntur. Rē dignā admi-  
ratione gestā fuisse apparuit: quādo duo hi proceres suo pte cõsilio iura Regni trāsferēda



AERA.  
NAT.  
CHR.

suscepere: extra studia ordinum flagrantibus iam vulgi animis: summaque grauissimorum virorum auctoritate, alio, quam conuentus ordines primo destinarant. Regnum est translatum. Tam festinanter ea comitia & habentur, & geruntur, vt Ramirus Octobri mense Barbastri, se in regno paterno, & Cæsaraugustano, publicis tabulis regnare testificetur: & se Regem, & sacerdotem nuncupet.

RAMIRVS II. ARAGONIÆ X. REX.

Aragonij veriti, vt ferunt, ne deficiente Ramiri Regis stirpe, externo dominatui parendū esset: adnuntur, vt Ramirus à Pontif. Max. sanctionibus Canonicis solutus, quod pæne infans votorum damnatus esset, & ita è republica videretur, neue plura detrimenta publicis rebus, si ad arma descensum esset, importarentur, vxorem in matrimonium duceret. Ducit acta ferme ætate Agnem Guilielmi Pictonum Comitis, Aquitaniæ Ducis sororem: Leonoræ, quæ Ludouico iuniori Francorum Regi nupsit, & Petronillæ eius sororis, vt ego existimo amitam. Apud vetustum annalium auctorem comperio Mathildem vocatā: & matrē fuisse Vicecomitis Toarzensis: & Ramiro canonicis institutis à Pont. Max. soluto eam in matrimonium collocatam: quod cōfirmare liquido haud posū.

Nauarræ regnum ab Aragoniæ Regum ditione, quorum in potestate fuerat, disingitur. Sanctij enim Rosæ Pompelonensis Episcopi, & Latronis Innici Velæ filij, Guilielmi Aznaris Oteiciæ, Simonis Aznarii Torresii, & aliorum procerum consilio Garcie Ramiri Infantis filio, & Cidi nepoti Regnum deferunt: quem Montione Guilielmus Aznarius & Fortunonius Innici filius Lehetius in Nauarram deduxerant: & Pompelone Regiis insignibus decoratur.

Decembri mense Alfonsus Castellæ Rex, cum eis Hiberum amnem ditionum, & ciuitatum omnium esset potitus, Raimundo Barcinonensi affini, Ermengaudō Vrgellitano, Alfonso Iordane Tolosate, & Fuxensi, Palliariensi, Conuenate, & Ruderico Gonzaluo Comitibus, & Guilielmo Montis pesulani domino affectatoribus, regioque comitatu, vt iustus, & legitimus Rex Cæsaraugustam ouans introiit. Ramirus Cæsaraugustano regno exactus, ad montosa regna, & eos, qui iureiurando fidem fecerant, se recipit.

Garcias Cæsaraugustanus Episcopus in Ecclesia Beatæ Mariæ Conuentui canonicorum sæcularium præsidet.

1173.  
1135

Cum omnia infida, atque inimicæ nostris essent, nec ita multo post Ramirus in Suprabiensem regionem se recepisset, Monclusi arce, Februario mense Aragoniæ, Suprabii, & Ripacurciæ ditionibus se regnare contestatur: vt pacto conuento Cæsaraugustano regno cessisse præ se ferat. Garciam Ramirum Nauarræ Regem subditiciam, id est vt illa ætas consuevit, vassallum nuncupat.

Castellæ Rex Aragoniæ, & Cæsaraugustani populi Regem se peruulgari, atque edi imperat: atque ea tempestate Legione imperatoris insignibus decoratus sollempnia imperii cepisset: & Augustæ maiestatis cognomentum, quasi Hispaniarum prouinciarum supremum dominatum consecutus, suscipit.

A. D. V. K. Oct. Pradillæ oppido ad Hiberum amnem Alfonsus Imperator, & Garcias Nauarræ Rex congregiuntur. Cū Nauarrus fidelitatis iura Imperatori obstrinxisset, ac se illius dominationi deuinxisset, & Imperator statuisset incepto absistere, Cæsaraugustano regno ab Imperatore donatur. Ramirum bello persequi statuunt. Adfuit eo in congressu Berengaria Regina. Proceres Aragonii Caxal, Ferricius Oscensis, & Petrus Ataresius earum controuersiarum arbitri iudices dati: & ex Nauarræ regno Lattro, Guilielmus Aznarius Oteicia, & Simon Aznarius Torresius alienigenam Regem perhorrescentes, cum ad Vadum Longum, id vico nomen est, conuenissent, id subsidium contra maiorem vim comparauere, vt Garciam, & Ramirum inter se dissidentes ad colloquium deducerent. Pompelone congressi, regna iis regionibus terminare: quibus Sanctius Maior definierat. Ramirus Garciam, quoad viuat, ea regione, quæ Roncaualle Biozalem vsque continetur, donat: adiungitq; oppida Alafos, Quadreitam, & Valterram. Cum officia sua, quæ fuerant, omnia præstitisse viderentur, Ramirus occultas insidias indicio Innici Aiuarij veritus, quas ab inimico Rege paratas delatum est, cum Pompelone commutata persona noctu, ne captus, & comprehensus teneretur, Caxale, Ferricio, & Petro Ataresio Comitibus aufugisset, in eodem dissidio Reges mansere. Latronem Innici Velæ filium Comitistitulo, atque honore decorat.

1174.  
1136

Crudele, & inauditum facinus à Rege, & monacho, & sacerdote, & qui clandestinis consiliis, & pæne precario in pusilli regni possessionem venisset, consciscitur. Nam siue ludibrio, & despectui se omnibus esse videns illustre exemplum edi voluit, siue maior procerum pars ab eo defecisset, & ea lege obsides traditi essent, vt capite luerent, si pactis non



non staretur, in omnem ferme nobilitatem sauiit. In xv. enim primarios proceres, quo-  
rum peruulgata sunt nomina, summo iure agens, Oseæ adeo crudeliter exarsit, ut capitis  
omnes condemnarit: & præsentī morte, aut iuræ, aut alienæ perfidiæ pœnas dependerint.  
Vetus rerum Aragonensium auctor memoriæ prodit, consilio Abbatis S. Pontii Tome-  
riensis ad id faciendum facinus prorupisse. Nam cum plura oppida, atque arces proce-  
ribus regni condonasset, & contempti, & abiecti regni nomen illis esset, summaque eo-  
rum dissensione, atque audacia regni partes labefactarentur, & Abbatem Tomerien-  
em regnandi insolens consulisset, homo versutus, & veterator ad exemplum Thrasybuli  
Milesii Periandro Corinchi tyranno propositum, & à Tarquinio ultimo populi Romani  
10 Rege repetitum deuenit. Nullo namque responso nuntio reddito, hortulum ingressus,  
pragrandia, & luxuriosa proceritate diffuentia caulium cacumina decussit: ut ea imagi-  
ne admonitus Ramirus regnare disceret: & in eos, à quibus se contemptum videret, re-  
gio iure animaduerneret: ac desertores merita pœna afficeret. In xv. regni proceres cru-  
deliter animaduersum, & quinque primarios ex eadem gente viros, ultimo supplicio pu-  
nitos memorant: ex quib. diuersæ Lunarū familiæ in primis ample, & illustres distinguū-  
tur. Eos apud vetustū auctorē cōperio Bachallæ filios, & nepotes fuisse Lupū Ferrenciū,  
Rudericū Simeniū, Petrū Martiniū, Ferdinandū, & Gometiū Lunas. Reliquos cōmemo-  
rant Ferriciū Lizanā, Petrū Verguā, Egidium Atrosiliū, Peirū Corneliū, Garcīā Pinnā,  
Raimundum Fociū, Petrum Luesiā, Michaelē Azloriū, & Sanctiū Fontouā: viros gene-  
re atque auctoritate præstantes. Ne rē eam futilem, aut eius, vanum auctorem arbitre-  
mur, qui primus scripto prodiderit, vetustæ tabulæ efficiunt: quibus testatum comperio  
Ramirum Regem apud generum conquestum fuisse, se à proceribus contemptum, &  
delusum: & posteris traditur hoc ipso anno obsides ultimo supplicio Oseæ affectos fuisse.  
Nam quæ vulgo feruntur, Ramirum adeo rebus gerendis ineptum, & quodammodo  
stolidum fuisse: ut cum hostibus decertaturus clypeo, & hasta præpeditus, habenas mor-  
dicus tenēs, equum moderaretur, ac sustineret, ineptiis pœne anilibus simili videntur iis,  
qui nouere, illius ætatis viris, qui sacris præficiantur, quos domesticis insultibus hosti-  
um quotidie occurrere erat necesse, nullos potiores duces habitos: insignesq; ante mili-  
tes quam antistes fuisse: ne dum Reges: regumque filios: qui iam inde ab incunabulis  
30 bellis imbuti, atque assueti erant. Idem commenticiæ rei fidem adhibere cogunt, qui  
memorant, cum Ramirus Oseam conuentum indixisset, suos conuentos voluisse, quod  
cymbalum fundere vellet tam late, plenumque sonans, ut totius regni cymbalum habe-  
retur: atque in eam procerum carnificinam fuisse progressum: quæ per Hispaniæ regio-  
nes, haud inanes sonos effuderit.

Cum is rerum status esset, ut Ramirus Rex instituto potius pristino, & anteaetæ vitæ  
assentiri, quam præsentibus regni tumultibus conuenire posset, turbatis rebus, tempori  
succumbendum ratus, Raimundo Barcinonensi Alfonsi Castellæ Regis affini pacis au-  
ctore, & Caxali internuntio Alfonso Regi se suaque tradit. Paciscuntur, uti Ramirus tam-  
quam Alfonsi subditiciis vrbes, oppida, arcesque omnes, quæ Alfonso cis Hiberum tra-  
40 dita fuerant, honorario iure teneat, atque possideat. Alauonæ, ad Hiberiæ ripas xvi.  
m. p. supra Cæsaraugustam, ad colloquium sacro D. Bartholomæi die congressi Alfon-  
sus Cæsaraugustanum regnum Regi Ramiro tradit: atque noster Cæsaraugustani se regni  
compotem, Alfonsus vero Imperator Legionē, Toleti, Soriæ, Calataiubii, & illo ipso Ala-  
tionæ oppido regnare publicis monumentis testantur. Vt eæ fatæ, firmæque pactiones  
essent, Petronillam Ramiri R. obsidem Imperator accipit: deliberantque, uti Raimundo  
in matrimonium collocetur. In ea re transigenda Guilielmum Raimundum Cataloniæ  
Senescallum officia, & partes, pro dignitate Barcinonensis suscepisse, magna quod apud  
Ramirum gratia polleret, proditur.

Carrione Vaccæorum oppido inter Imperatorem Alfonsum, & Barcinonensem cō-  
50 uenit: pactioque fit, uti Cæsaraugustā, Turiaso, Calataiubium, & Daroca, aliaque oppida  
quæ cis Hiberum à Castellanis præsidiis tenebantur, fidelitatis sacramento, & hono-  
rario iure Barcinonensi tradantur. Iureiurando Barcinonensis obstringitur, supremum  
dominium earum ciuitatum, ac summam potestatem Imperatori liberam permanfuram.  
Præterea fœdus iussit traduntur, ut vna bellum Garcīæ Nauarræ Regi inferant.

Cum Garcias omnes, quæ in Nauarræ partibus erant, copias militares, & quas trans  
Pyrenæum arcessierat, collegisset, & Imperator propotenti exercitu eius regni fines esset  
inuasurus, & in Gallurē, & Cortes oppida signis collatis acies vtrunque concurrissent,  
Aprillis mensis dominico die, qui octauus celebrationis Resurrectionis Domini fuit, pu-  
gna destitit. Nauarræ dignitati, & honori Ludouicus Francorū Rex magno commodādi



AERA.  
NAT.  
CHR.

studio fauet. Garcias excelsi animi princeps Pompelone, Nataræ, Alauæ, Vizcaia, & Guipuzcoæ regionibus dominatur: & cum Margaritam Rotronis Perticarum Comitis F. duxisset, Tudelam dotalem tulit.

Non. Iul. Anno XXVIII. regni Ludouici Francorum Regis Raimundus Barcinonensis Guilielmo Raimundo Cataloniae senescallo Moncadæ ditionem, qua plures arces, & oppida continebantur, honorario iure condonat: dignam scilicet mercedem eorum spofalium, quæ eo arbitro, atq; auctore cum Petronilla Ramiri Regis F. fuere depacta. Hinc maxime illustres, & amplissimæ Moncadarum familiae fluxere.

A. D. III. Id. Aug. Ramirus Rex Raimundo Barcinonensi Petronillam F. quam in matrimonium ducat, vna cum regno tradit: eamq; regni conditionem, & statum illius constituit, quibus Sanctius pater, & Petrus, atq; Alfonsus fratres obtinuerant: liberum nempe: & immunem. Leges, quæ Aragonensibus promulgatae fuerant, iuraq; eadem, ac fora integræ, ac sancta permanere statuit: & certos regni fines terminat.

A. D. VI. K. Sept. cum Ramirus Rex Gerpiensi arce desideret, omnia, quæ infcio genero, ex quo ei filiam tradiderat, à se donata fuerant, rescindit: & irrita facit.

Mense Octobri Raimundus Barcinonensis Cæsaraugustam, regium dominatum, & principatum adeptus ouans introiit.

Id. Nou. cum Ramirus Rex ad urbem esset, edicit, uti ii, qui arces, castellaque praefidiis suo nomine tenent, à genero obtineant: & eius mandato repræsentent: illi pareant: atq; illum obseruent. Cum omnia tamen concessisset, excipit, & genero denuntiaturum esse voluit, uti regnum sub dominatu, potestate, ac fide sua obtineat: sua iussa, & vetita rata, atque firma habeat.

Ferunt iis omnibus collocatis, atq; constitutis ad pristinum vitæ institutum, & sacrorum ritus obeundos feretuisse: & religionis studia, quæ retenta animo, & totius vitæ constituto spatio, tam paruo temporis interuallo intermissa fuerant, reuocasse: & D. Petri sacra æde Oscensi abditum, regali tamen habitu latuisse. Ab vxore diuertisse similitum veri apparet: neq; cum longius ætate prouectus fuerit, ad publicas se res in posterum applicuisse, pro certo firmare possumus. Illud tamen omnibus dignum admiratione videri debet, tam celeri conuersione rerum peragi hæc potuisse: ut vix trium annorum spatio decurso, Ramirus & regnum hæreditarium adierit, vxorem duxerit, filiam ex eo matrimonio susceperit, genero nuptui tradiderit, & regni administratione cesserit.

#### CATALONIÆ PRINCIPATVS ARAGONIÆ REGNO ADIVNGITVR.

1175.  
1137

Explicatis ordinibus temporum, ad nostrorum annalium rationem satis apte, conuenienterque congruit series ea, quæ ex initiis regni Ramiri Regis eius nominis primi ad hæc tempora ducitur. Nam ut in veteribus rerum Barcinonensium commentariis scriptum est, quorum auctor æate tempestate est commentatus, CCCC. anni, ex quo Ramirus Ramiri auus regnare cœperat, ad hanc Cataloniae, cum Aragoniæ regno adiunctionem connumerantur.

#### RAIMVNDVS BERENGARIVS ARAGONIÆ PRIN- CEPS COMES BARCIN.

#### PETRONILLA XI. REGINA ARAG.

Ut satis constiterit Raimundum Barcinonensem Principis, non Regis cognomen tum vsurpasse, ita confirmare possumus Petronillam, quæ regio cognomine semper vsa fuit, nunquam se ad publicas pacis, aut belli rationes, siue domi, seu foris, marito viuente adiunxisse. Insignia vero militaria Comitum Barcinonensium, quæ aureo scuto, quattuor tæniis puniceis virgato præfulgent, regiis Aragoniæ insignibus ex eo prælata fuere: & Catalonia terra principatus nomen adipiscitur.

Pontius Hugo Emporitanus Comes Hugonis F. Raimundo Principi aduersus Roccabertinium Vicecomitem conciliata gratia adiungitur. Castra Carmenzonis, & Roccabertini oppidorum delentur: diruunturque.

Oldegarius Tarraconensis Archiepiscopus, cuius & illo, & posteris sæculis sancta religionis, & pietatis memoria fuit, è vita excedit. Huius sanctissimi viri commemoratio in diuorum numero consecratur.

Petrus Tarrogia Cæsaraugustanus Episcopus.

1177.  
1139

Alfonsus Henrici Portugalliæ Comitis F. qui Ducis cognomen suscepit, summis principibus, & animi magnitudine, & nominis, generisque splendore merito æquandus, Imperatoris Alfonsi frater, cuius animos ad regnum capeffendum Alfonsus Rex auus,



auus, & Héricus pater, nō modo exfuscat, sed maiores et faciūt, q̄ suis finib. cōtineri posset, AERA.  
cū regionē, q̄ Durio, & Minio fluminib. terminat, obtineret, sub imperiū, potestatēq; suā ma NAT.  
gnā Lusitanie partē redigit: & glorioso p̄celiorū exitu ad Vrichiū capū hoc an. cū Mauris de- CHR.  
certās diuina ope victor euadit. Pridie q̄ signis collatis decerneret, regio cognomēto ornat.  
Princeps maxime dign<sup>o</sup>, cui ab Eugenio III. P. M. s̄ctitas regia, regaliaq; insignia decerneret:  
eaq; posteris representaret: eiusq; nominis memoria amplissimis consecraretur monumentis.

A. D. IX. K. Mar. Carrione Imper. Alfonso, & Raimūdu Princeps ei<sup>9</sup> affinis Garcia regnū, 1178.  
ditionesq; oēs inter se partiūt: paciscūturq; vt Maranio, & oppida omnia, q̄ Alfonso Rex Im 1140  
peratoris auus cis Hiberū possederat, Imperatori tradat. Princeps ea, q̄ Garcias ex Aragonie

10 regno recepat, optimo iure, vt Sanctius, & Petrus Reges obtinuerāt, teneat: reliquorū vero  
oppidorū Nauarræ, q̄ Sancti<sup>9</sup>, & Petrus Reges ab Alfonso Imperatoris auo honorario iure obti  
nerāt, tertia pars Imperatori cū arce, & oppido Stella attribuit: reliq; vero Principi honorario iu  
re cū Pōpelonēsi ciuitate cedūt: iisdē cōditionib<sup>9</sup>, quib. Reges Sāctius, & Petrus ab Alfonso  
rege obtinuerāt. Sed virtus egregia Garciae puicit, ne vllō pactiōnū, aut cōspirationis genere,  
vi, fraudeue regno euerteret. In comitatu Principis adfuere Petrus Ataresius, q̄ Borgiæ do  
minabatur, Artallus Alagon, Bernardus Guilielmus Entenza Aragonii p̄ceres: Catalani ve  
ro Raimūdu Folchius Vicecomes Cardonēsis, Guilielmus Raimūdu Moncada, & Galce  
rādus Pinosius. A. D. VIII. K. Nou. Imper. & Berengaria, Augusta, atq; Garcias Rex ad Hi  
beri ripas inter Calagurrim & Pharū cōgressi spōsalia Sācti Imperatoris filii, & Blācē Garciae  
20 filia paciscūt: Garcia Rege, & Raimūdo Principe in pristina cōtentione, & diffidio pmanētib.

Chalamera & Alcolea oppida, ad Cingē amnis ripas, q̄ Mauri p̄sidiis munierāt, ab iis, quos 1179.  
Princeps, ppugnādis, & tuēdis regni finib. p̄fecerat, expugnāt. Guilielmo Hierosol. Patriar- 1141  
cha adnitēte, & Raimūdo Hospitaliorū ordinis magistro internūtio, sup̄ioris anni Sept. mē  
se, p̄missu Folchii Hierosol. Regis, & Andriū Comitis cū Aragonie Principe, sup̄ eo iure, ac di  
tione depactū est, q̄ Tēpli, & Hospitalis Hierosol. magistri in Aragonie regno, ex Imp. Alfonsi  
testamēto repetūt. A. D. III. K. Sept. Hierosolymis pacta cōuēta à Hierosol. Patriarcha rata  
fiunt. Ordo & cōuētus Sacerdotū Regularium S. Sepulchri Hierosol. in Aragonia, & Cata  
lonia à Gerardo S. Hierosol. Sepulchri canonico institutus: & Calataiubii bonis p̄dibus, fru  
ctuosiq; p̄diis, & nobilissimis possessionib. sana, cōuentusq; ditatur. Societas, & militia or  
30 dinis Tēplariorū in eisdē ditionib. cōstituitur. Eū ordinē Princeps Mōtione, & aliis oppidis,  
atq; arcib. donat: & affluentib. copiis, atq; vectigalibus ditat: haud indignū tantæ virtuti p̄e  
miū fore ratus. Lōge. n. nō initia modo regni, sed p̄gressus ipsos ea superat cōpēsatio. Sollēni  
præterea voti religione obstringitur, ad cōciliandā cū Mauris pacem, numq; operā, nisi Tē  
plariorū p̄missu nauaturū. Raimūdu Princeps Aragonēsis Darocā oppidū magnis mu- 1180.  
nitionibus firmat: & Aragoniæ ppugnaculū p̄sidiūq; regni exteris nationib. opponit: ob- 1142  
iicitq; Regio oppido cōtributa latius excitat: & certi fines à Principe, terminiq; cōstituūtur.

A. D. V. K. Dec. cū Princeps Raimūdu Gerūde cōuēta ageret, Vidone Cardinali S. R. E. A- 1181.  
postolico legato assidēte, pacta cū Tēplariis cōuēta iurifurādī sacramēto sancit: atq; confir- 1143  
mat: q̄ ab Hadriano III. P. M. postea stabiliūt. Ad sedere cōuētui, scribēdoq; adfuere Bernar  
40 dus Cēsaraugustan<sup>9</sup>, Dodo Oscēsis, & Guilielm<sup>9</sup> elect<sup>9</sup> Rotēsis Episcopi, Gregor. elect<sup>9</sup> Tar  
raconēsis Anistēs, Arnald<sup>9</sup> Myr Palliariēsis, Bernard<sup>9</sup> Cōuenarū, & Petrus Bigeronū Comi  
tes: Raimūdu Dapifer, Galcerādus Pinosius, Guilielm<sup>9</sup> Corbera, Raimūdu Tarrogia, Berēga  
rius Agerius, & Raimūdu Villademullius. Princeps id iurifurādū iurat interpositis iudicib<sup>9</sup>,  
testibusq; aliquot Tēplariorū militie primariis viris Eberardo, Ostano S. Ordonii, Hugone  
Borraio, Petro Anticho, & Bernardo Reginolio. Garcias Nauarrę Rex, cū Princeps in extre  
mis regni finib. cōmoraretur, vltro Cēsaraugustanū agrū incutiat: egressiq; hostes repētino,  
tāto tumultu inuasere fines, vt ad urbē quoq; terrorē ptulerit: late, lōgeq; oīa depopularētur.  
Garcias. n. dū hęc in hostico gerūt, nō solū fcedere, atq; amicitia, aut affinitate, sed gemina co  
gnatione Imp. adiūgitur: & mortua Mergellina vxore Rottonis Perticarū Comitis F. Vrracā  
50 Alfonsi Imperatoris F. vxorē ducit: ex Cōtruenda concubina & Didaci Aprici sorore natā.  
Ex eo matrimonio Garciae Sanctia F. suscipitur: quæ Petro Molinæ Comiti, Ermesendæ Vi  
cecomitis Narbonēsis F. nuber. Hi vero Aimericū Narbonensem Vicecomitē progenuere.

Bernardus Cēsaraugustanus Episcopus.

Cū acce & magnū bellū Berēgarius Raimūdu Prouinciæ Comes cū Raimūdo Baucio, q̄ Stephaniā Gi- 1182.  
berti Aimiliani Comitis natū minorē filiā duxerat, gerit, Princeps Raimūdu fratri cū exercitu subsidio ac- 1144  
currit: & Mōpelleriū expugnat. Baucius, & eius filii, Bauciorūq; gētis familia p̄potētes copiis, atq; opib. fir  
mā, & ample in terra Gallia, q̄ illustres clientelas splēdide p̄uinciē ad se traduxerāt, audacius, ex sultāt: ma  
gnosq; motus, & mutationes ciēt. Berēgarius Prouinciæ Comes in Melgoriēsi portu à p̄donib. interficit.  
Is Raimūdu Berēgariū F. heredē dereliquit: ex quā vero cōiuge nō prodiit: quē patruus Princeps summis af  
fectū difficultatib. tuet, ac sustinet: arceiq; oēs, ac p̄sidia tetinet: Prouinciæ Marchionis cognomētū patruus 1183.  
suscipit. Princeps Raimūdu ex Prouincia regressus Turiasonē urbē recuperat: q̄ Imperator Alfonso cuiusdā 1145  
proceris nomine Portolis fidei cōmiserat. Atho Sāctius Præfectus iustitiæ Aragonum.

Alfonso Imper. cū Raimundo Principe & Garcia Nauarrę Rege ad S. Stephani oppidū ad Durii ripas in 1184.  
Arenuacis Nouembri mēse cōgressus, cum ad pacis condiciones eos accessuros speraret, indutias fieri curat. 1146



AERA.  
CHR.  
NAT.  
1185.  
1147.

Expeditioni sacrae Imperator intentus magnum exercitum conficit: & auxiliariis Nauarra Regis copiis adiunctis in Bætica cum Mauris belligerat. Abengamia Rex Cordubensium in deditionem coactus urbem tradit. Beata vi expugnatur. Almeriam in Bastetanorum, & Contestanorum confiniis nobilem urbem, & regni veluti arcem mari impositam terra marique oppugnat. Princeps Raimundus classe comparata, maritimi belli partes sustinet, Genuensium classe adiuncta: qui Imperatoris stipendia meruere, A. D. XVI. K. Nou. ad motis machinis, & irruptione facta, urbem expugnant: & qua moliti erant aditum irrupere in arcem. xx. Maurorum m. qui in arcem confugerant, in deditionem rediguntur: & amplissima pecunia redimuntur.

Olisiponem celeberrimam Lusitaniae urbem Alfonso Rex Portugalliae XII. K. 10 Nouembris expugnat: ingenti classe Germanorum, Anglorum, & Flandrensium ad Portugalliae litus appulsa. A. D. XVII. K. Sept. Ramirus Rex e vita excedit. Oseae in D. Petri aede, S. Georgii sacello sepelitur.

1186.  
1148

Raimundus Princeps bellum in Illegonibus terra, marique aduersus Mauros gerit: magnaq; suorum comparata classe, & Genuensium adiuncta Barcinone A. D. III. K. Iul. ostio Hiberi aduersis fluctibus eos portus tenet, qui in fauces, aditumque fluminis proiciuntur: & castris Dertosam urbem circumfider. Cum milites urbem vetere fortuna opulentam sibi ad diripiendum tradi sperarent, xl. dierum cum hostibus pactae sunt indutiae: & in deditionem accipiuntur. Urbem, arcem, & propugnacula omnia A. D. II. K. Dec. dedunt. Interfuit huic bello Guilielmus, qui Mompellerii dominabatur: & virtus 20 enituit egregia Guilielmi Raimundi Moncadae Cataloniae Senescalli: cui a Principe Raimundo tertia urbis pars honorario iure est attributa: atque tertia item portio Genuensi populo condonatur. Sedes, & Episcopalis dignitas instaurantur. Ea victoria parta, & recepta urbe natura, & situ in primis nobili, & nauigabili commercio peropportuna magnum Raimundi nomen in principibus fuit: & Dertosani Marchionis cognomento decoratur.

Raimundo Illegonensi bello, & Dertosanae obsidioni intento Garcias Nauarra Rex bellum in Aragoniam infert: & magna concitatione Taustum, & Faios in Cauni montis radicibus situm oppidum vi expugnat.

1187.  
1149

Berengaria Augusta Alfonsi Hispaniarum Imperatoris vxor, & Raimundi principis 30 soror Februario mense decessit. Imperator Richam vxorem ducit: Boleslai Polonorum Ducis, & Frederici Imperatoris amicae filiam.

Princeps Raimundus, qui omnem sui regni conatum in Maurorum perniciem parauerat, Ilerdam Septembri mense castris circumfider.

A. D. V. Non. Oct. Princeps Raimundus cum Ilerdam obsidione premeret cœnobio D. Christine summi saltus Aspe, veteres summum Pyrenæum appellauere, & peregrinis hospitibus prouentus opportunos elargitur.

A. D. IX. K. Nou. Ilerda, & Fraga deduntur: illa nobilis, & præpotens vrbs: hæc situ natura septa, atque munita: & regia quoque clade insignis. Ilerdam honorario iure, & fidei sacramento Princeps Ermengaudus Vrgellitano Comiti attribuit: potestate, & supremo 40 dominatu recepto: & satis magno equitum, peditumque præsidio præficit: vti hostes præruptis Pratensium montibus præfidentes assiduis incurfionibus infestet. Sedes, & Episcopalis dignitas Ilerdensis instauratur: & in Guilielmum Peresium Rotensem Episcopum confertur.

1188.  
1150

Vetustis monumentis memoriae proditur AERA MCLXXXIIX: Ilerdæ Raimundum Barcinonensem Comitem, Principem Aragonum nuptias suas coniunxisse: nam Petronilla Ramiri Regis filia infans ei tradita fuerat: quæ cum iam nubilis esset, post mortem patris Raimundo Comiti nupsit.

A. D. XI. K. Dec. Garcias Nauarra Rex Lorca Nauarra vico repentina morte decessit. 50

1189.  
1151

Garcia Rege vita functo, Imperator foedere rupto, quod tot affinitatis, & cognationis vinculis iunctum erat, eius regno imminet. A. D. VI. K. Febr. Tudileni prope aquas cum Raimundo Principe ad colloquium congregitur: & novorum foederum pactione aduersus Sanctium Garciae F. coniunguntur. Denuo ad regni partitionem, quam Carrione constituerant, deueniunt. Quæ neque Alfonsi Regis Imperatoris aui, neque Principis possessione quæ sita fuerant ex Nauarra regno, & Sanctius, & Petrus Aragoniae Reges obtinuerat, pro rata portione inter se partiuntur. Stella oppido Imperatori & Pompelone vrbe Principi addictis. Princeps honorario iure, atque fidelitatis sacramento portionem illam sibi attribui agnoscit. Tudelam præterea urbem, atque eius fines, arcesque omnes, atque



atque oppida, quæ Garcias Rex cis Hiberum versus Caunum montem possederat, æquis partibus diuidunt: eaque excipiunt, quæ Principis iuris, potestatis, atque ditionis erant. Regiones etiam, quarum Mauri dominabantur, quas quisque iure belli repetere, & obtinere possit, ut cum iusto, & legitimo hoste res geratur, definiunt. Valentia, inter Hispaniarum vrbes celeberrima, & portio Ædetanorum, & Illeganon à Sucrone amne ad Dertofani regni fines, Dianium præterea, & Dianiensis ager, iisdem finibus, quibus à Mauris continebantur, eodem honorario fidelitatis iure Principi attribuuntur: quo Sanctius & Petrus Reges ab Alfonso Imperatoris auo Nauarræ regnum obtinuerant. Murtiensis etiam populi regnum eodem iure Principi. contribuitur. Ilorci, & Baram oppida, eorumque fines Imperator recipit: & earum pactiorum veluti obsides Alauonam, Riclamarum, & Bellitanam arcem, quæ in sua potestate, ex quo Aragoniæ regnum inuaserat, attinuerat, opponit. Ut vix credibile sit, eam illorum temporum fuisse malitiâ, ut à principe maximo per fidem religio violetur: eiusque regno insidiæ tendatur, qui gener fuerat, & filii focer. Nā Raimundus inimicitias hostiles deponere, reipublice nomine susceptas, quas insitas, & habere, & gerere decebat, minime poterat: quin totius regni ordinibus permissurus esset.

Princeps Narbonem contendit: quæ in vrbe Trencauellus Biterensium, & Carcafonensium Vicecomes, qui à principe defecerat, se illi Nouembri mense addicit: & ab eo Carcafonem, & Rhodam vrbes, & earum arces, atque ditiones, & Lauracensem arcem honorario fidelitatis iure retinet: uti Bernardo Athoni condonata fuerant.

10 Huius anni fine Princeps Raimundus Lupo Valentini populi Regi stipendiario, atque foedere sibi adiuncto, cum exercitu aduersus Mazmutes Mauros eius hostes, nimia potentia audacius exultantes proficiscitur.

Petrus Ataresius Garciae Infantis F. Sancti Comitis N. qui certus regni competitor fuerat, A. D. IX. K. Mart. nullis superstibus liberis decedit. Verolæ Cœnobio, quod ipse D. Bernardi monachis construxerat, sepelitur, Princeps Theresiam Caxalem Petri matrem Turiasone vrbe, & oppido Borgia donat.

A. D. II. Non. Apr. cum Petronilla Regina grauida esset, & iam partus appropinquaret, successioni, & statui regni prospiciens, regnū filio, si eo partu ederetur, hereditariū relinquit: ea scilicet conditione, qua Alfonso Imperator patruus obtinuerat: liberum nepem & nullius dominationi deuinctum, neque Castellæ Regibus obnoxium. Tradit enim Alfonso patrum numquam hereditaria regna, aut bello parta Castellæ Regibus accepta tulisse: uti Raimundo Principi viro suo acciderat: sed immunia, & libera vindicasse. Nascitur Regine filius, qui quoad pater vixit, Raimundi cognomentum tulit.

Petrus Villabeltranus Cæsarianus Episcopus.

Iohannes Diacius Præfectus Iustitiæ Aragonum.

Montani Pratenfes impendentium montium altitudine atque asperitate confisi, diutius repugnantes à comætu, & reliquis copiis interclusi Principi dedunt. Arx Siurana edito in loco & natura, & situ munitissima expugnatur: omni; ea Cosetanorum regione Mauri exterminantur.

A. D. XVI. K. Apr. Cœnobium Iuncariense Cisterciensis ordinis, & instituti Cæsariano in territorio situm fundatur: quod postea in amœnum locum è regione Scatronis oppidi, quod Hiberi amnis ripis adluitur, est translatus: & Rorense cognominatur.

A. D. IX. K. Sept. Mirabetana arx expugnatur: quam, cum tot sæculis Mauri aduersus nostrorum irruptiones retinuisent, & in ea regionis eius incolæ Ædetani suæ defensionis præsidia collocassent, Princeps Petro Roueiz Templariorum magistro tradit.

Populus, ciuitasque Genuensis Dertosæ vrbis, & territorii partem bello partam XVI. M. nummorum morabetinorum Marroquinorum, quos marinos illa ætas vocare consueuerat, pretio addictam Principi vendidit: Henrico Guerchio, Martino Moro, Guilielmo Nigro & Guilielmo Lusio rempublicam administrantibus. S. Laurentii insulam Genuenses excipiunt, ac retinent: ea conditione, qua antea obtinuerant: & uti quotannis festo natiuitatis domini die ecclesia S. Laurēti tapete decoretur. Ad hæc princeps illis condonat: ut nemo ex Genuensibus, qui eius ciuitatis loca, à portu Veneris ad Monœci portum incoheret, quoduis vectigal, portoriumue Dertosæ penderet. Nostris Dertosa potitis in Valentini fines aditus recluduntur: quæ res Alcaniciensium, & Peniscolensium animos vehementius fregit.

Pontius Hugo Emporiarum Comes decedit. Ad Populetum in Cosetanis cœnobium D. Mariæ Cisterciensis ordinis insigni, & Regia ædificiorum magnificentia dicatur: & præclaris, excelsis, & splendidissimis operibus adornatur à posteris Regibus. Princeps locum construendo cœnobio designatum, & terminatos fines A. D. VII. Id. Sept. Sanctio Abbati monasterii Fontisfrigidi Narbonensis diocesis donat: & Gerardus Abbas monachorum conuentui præficitur.



ASRA.  
NAT.  
CHR.  
1192.  
1154.

Ludouicus Francorum Rex sacram D. Iacobi ædem Compostellanam inuifit. Ab Imperatore Alfonso socero, cum Toleti conuentus ageret, magnificentissimo apparatu, & amplissimis muneribus, exquisitissimisque honoribus exceipitur. Adfuere in maxima illa congressus celebritate Princeps Raimundus, Reginę Francorum auunculus, & Sanctius, & Ferdinandus Reges fratres: quos Imperator pater ad regni dignitatem euexerat. Princeps Ludouicum domum regredientem laccam vsque urbem est profecutus.

A. D. IIII. K. Iul. Ermengaudus Vrgellitanus Comes Petri Anfurii Comitis N. in Castella moritur.

1193.  
1155.

Princeps magno comparato exercitu in Galliam Prouinciã inuadit: & Hugoni Baucio, & eius fratribus, qui rebellionem fecerāt, acre bellū infert. Hi eius ditionis dominari contendunt ex priuilegio, quod ab Imperatoribus Conrado, & Friderico Conradi fratris filio Hugoni irrogatum fuerat: quo ditionem omnem à Giberto Comite, & Gisberga Principis auis possessam concesserant. Contendit Hugo eo priuilegio Marcham, & Prouincię comitatum contineri. Baucium oppidum, pluresque arces expugnantur. Tre cataiarum castellum acerrimæ à nostris oppugnatum, hibernis tempestatibus ingrauescentibus in rebellionē permanet.

Mozarabes Aragonii, Gæsarauugustani præsertim, & Calataiubieneses ab Imperatore Alfonso in Zoritam oppidum, ad Celtiberię, & Carpetanię confinia, iuxta Tagum situm, coloni deducuntur.

1194.  
1156.

Raimundus Princeps Roncaualle potitus Nauarris bellum infert. Garciam Almoravidium primarium ex Nauarris proceribus virum, qui egregiam eo in bello operam nauauerat, Vrrizio, & Ouanis Roncauallis oppidis donat.

Pacta ad Tudilenias aquas aduersus Sanctium Nauarrę Regem conuenta à Principe Ilerdę firmantur. Sponsalia Raimundi Principis filii, & Sanctię Imperatoris, & Richę augustę eius coniugis filię sanciantur. Imperator, etsi pacta ea rata habuerat, clandestinis tamen consiliis Sanctii Regis partes fouet.

1195.  
1157.

Princeps Narbonem contendit: ut Hermengardam Aimerici Narbonensis ex sorore filiam patre vita functo, tueatur: atque sustineat. Ea se, ditionemque Narbonensem, arcesque omnes Februario mense auunculo committit.

Alfonfus Imperator, cuius memorię felicioris ad posteros nomē fuit, decessit: eoq; vita functo, princeps Raimundus, & Raimundus Berengarius Comes Melgoriēsis Berengarii Raimundi prouincię Comitis F. magno procerum comitatu in Carpetaniam proficiscuntur.

Petrus Monio Præfectus Iustitię Aragonum.

Berengarius Bardaxinus in Ripacurcia terra vir præpotens, atque primarius societati Monasterii D. Marię, & S. Victoriani addicit: possessionesque nobilissimas, & carissimas donat, quę in Bardaxina valle, & ad S. Maurę à rapinis, ferro, flammisq; latrocinatium, & grassantium hominum à se armis vindicari consueuerant. Ab eo Bardaxinorum splendida familia eo nunc robore, & his fulta radicibus effluxit.

1196.  
1158.

Februario mense Naxam Sanctius Castellę Rex, & Princeps Raimundus eius auunculus ad colloquia congressi, cū inter eos, non de finibus, sed de totius Cæsarauugustani Regni, cis Hiberum possessione, quod ab Imperatore Alfonso Ramiri Regis fratre bello partum fuerat, summa impenderet contentio, & iniquis conditionibus ex libero, & iusto regno subditiciū, & alienę fidei obnoxium à se constitutum fuisse Princeps obtenderet, de ea controuersia statuunt, atque decidunt: uti vrbes, oppida, atque arces, ditionesque cis Hiberum omnes Principi, posterisque eius addicerentur: supremum dñatum Castellę Regibus, uti subditicii deferrent. Excipiunt, ne iratis, aut pacatis castellę Regibus arces, castellaue tradantur: sed fidei sacramento obtineantur. Conuentum est, cum Castellę Reges diadema fuscipiāt, festo celebritatis eius die, si Princeps, posteriq; accessiti essent, gladium vagina vacuum in pompa præferant: ut ea summissio index sit, Castellę Reges summam imperii tenere.

1197.  
1159.

Princeps è Carpetanis regressus Nauarrę finibus acre bellum infert. Nostris Buretam, arcesque aliquot à Nauarris ereptas recuperant: adeoq; hostem commouent, ut Sanctius Rex ad colloquium ex ipsis castris cum Principe congressus sit: belloque sibi superfedendum constituerint.

Richam Augustam, & Sanctiam, nulum Princeps in Aragoniam deducit: eaque cognatione domus Aragonia Frederico Imperatori, & Austrię, & Sueuię principibus summo necessitudinis, & propinquitatis vinculo coniungitur.

Lupus Murtiensis populi Rex, & alii finitimi reguli Raimundo Principi tributa quotannis conferunt.

Augu-



Augusto mense Princeps Henrico Angliæ Regi amico, & affinitate coniuncto aduersus Raimundum Tolosatem auxiliares copias mittit. Bellum ambo vnagerunt: & Tolosam oppugnant.

Henricus Angliæ Rex, & Princeps Raimundus ad Blauizæ castellum congressi artibus fœderum vinculis adiungi cupientes constituunt, vti Ricardus Regis Henrici F. Principis filiam in matrimonium ducat. Anglus doti Aquitaniz Ducatum dicit. His collocatis in Normanniam bellum infert: Princeps vero, & Trencauellus Biterensis in Tolosatis belligerant.

Ordo sacræ militiæ Vclensis D. Iacobo dicatæ institutus. Princeps Montalbanum oppidum, atque arcem eius societati, atque conuentui dedicat.

Bellum aduersus Baucienses in Gallia Prouincia à Principe geritur. Hostes suis, sociorumque viribus ad id certamen confurgunt. Turres, & propugnacula Arelatis vrbis à nostris diruuntur: Trencataiarum castellum rebellium receptaculum, & totius Prouinciæ præsidium nostris obiectum, machinis Rhodano amne admotis expugnatur, & euer- titur. Baucienses copiæ, atque clientelæ comminuuntur: & dissipantur.

Frederici Imperatoris legati ad Principem missi nuptias Raimundi Berengarii, fratris Principis filii, & Riche Augustæ Castellæ Regine Frederici consanguineæ paciscuntur. Vtrique dominatus, & ditio Prouinciæ honorario fidelitatis iure ab Imperatore attribuitur. Statuit, vti ea obtineant condicione, qua maiores à Druentia flumine ad nostri maris oras, & Alpitum iugis ad Rhodanum possederant: iisdem finibus, quibus terminata fuerant, pacto cum Alfonso Iordane Tolosate Comite conuento. Ad hæc adiiciuntur eis Druentiæ arces: & quæ Auenione obtinuerat. Arelatē præterea urbē, eodē iure attribuit: receptis ecclesiæ Arelatēsi, & Archiepiscopo vectigalibus, & possessionibus, quas intra c. annos obtinuerat. Folcalquerii Comitatus prouinciæ Comitatu eadē subiicitur condicione: & qui eius ditionis dominatur, q. Imperatori non paruisset, neque eius dicto audiens esset, ea deiicitur. Quod Prouincia, & Regnum Arelatense in ditione Romani imperii essent, tributum XV. Marcharum auri ponderis Colonienfis in singulos annos indicitur: eæque vt Imperatori pendantur, paciscuntur. His constitutis conuentum est, vt A. D. K. Aug. proximas Fredericus, & Princeps, & Prouinciæ Comes Taurini in congressum, colloquiumque deueniant. Fredericum in Italiam ad ea colloquia proficiscentem comitantur Conradus electus Archiepiscopus Maguntinus, Hermannus Fardensis, Henricus Leodiensis, Vdo Licensis, Hermannus Hildenechumensis, & Vuicio Vercellitanus Episcopi: Hermannus Abbas Helisfeldensis, Fredericus Dux Sueuiæ Conradi Regis filius, Conradus Frederici item Imperatoris frater Comes Palatinus Rheni, Ladislaus Dux Polonie, Vdalricus Dux Bohemiæ, Albertus Saxoniz Marchio, Otho Palatinus Comes Wirtelinesbachius, Burchardus arcis Magdeburgensis præfectus, Vlricus Hurmingensis, Guilielmus Monferratensis Marchio, & Manfredus Vasti item Marchio. Cum summa id temporis in Ecclesia Dei, de Pontificatu maximo orta esset dissensio, pactio ea omnis eo spectat, vt Alexandrum 111. Pont. Max. rite ad summi sacerdotii fastigium euectum sacra apostolatus sede Fredericus deturbet: & Octauiano competitori obtemperetur.

Raimundus Princeps, & Raimundus eius fratris F. Prouinciæ Comes quod Taurinicum Frederico Imperatore congressuri erant, cum classis Ligustinam oram tene- ret, Genuæ commorantur. Princeps in grauem morbum cum iter faciens, incideret, ea egritudine confectus prope Taurinorum urbem, S. Dalmatii suburbio, Burgum appellat, A. D. VIII. Id. Aug. gloria ingenti naturæ concessit: cuius mortis, cum desiderio principis magni, tum incommoditate temporis, tristis nuntius fuit. Illa funera, quantum militaribus elogiis funus vllum celebrari potuit, decoratur: & Imperator luctu, non minus quam debitis laudibus, memorabilis principis mortem est profecutus.

A. D. XV. K. Sept. Fredericus Prouinciæ, & Folcalquerii ditiones, urbemque Arelatensem, priuilegio irrogato, Raimundo Prouinciæ Comiti, posterisque eius confirmat. Insigni, & alte petito procemio vsus testatur, se pro summis in Richam Reginatam consanguineam Principis eius patris meritis gratiam eam referre: perpetuæque illius virtutis esse præmium: qui Reginā singulari exemplo, & fouisset, & in honore habuisset. Verustis etiam monumentis proditur Raimundum Comitem Barcinonensem, & Aragoniz Principem ab Imperatore Comitatu Prouinciæ donatum: quod Augustam falsæ criminationis oblata suspicione heroica virtute liberauisset.

Raimundi Principis corpus in Cataloniam relatum, in Riupulli cenobio maiorum tumulo sepelitur.



AERA.  
NAT.  
CHR.

Petronilla Regina cum tutelam filii, & regni administrationem suscepisset Oscam conuentum indicit: vti vltima Principis voluntas, & testamentum propalam proferantur. Adfaere eo in conuentu Martinus Turiafonensis, & Petrus Cæsaraugustanus Episcopi: Arnaldus Myro Palliariensis Comes, Peregrinus Castellitiolus, Palazinus Alagon, Marcus Ferricius Lizana, Petrus Lupius Luna, Simon Vrrea, Blascus Maza, alique proceres. Ex Catalonia in eum conuentum aduenere Bernardus Tarraconensis Archiepiscopus, Guilielmus Barcinonensis, Petrus Ausetanus, Guilielmus Gerundenfis, Artallus Helenensis, Guilielmus Perefius Ilerdenfis, & Wifredus Dertofanus Episcopi. Proceres aut Catalani quos Barones ipsi vocat, adfuere Raimundus Pogii alti, Guilielmus Ceruera, Geraldus Iorba, Guilielmus Casteluellus, Raimundus Folchius Vicecomes Cardonen- 10  
fis, Bertrandus Castelletius, Arnaldus Lercius, Otho Bernardus Roccafortius, Raimundus Tarrogia, & Guilielmus qui Mompelleria ditionis dominabatur. Regina consensu publico de toto rerum statu consultat: vti certiora omnia de ciuitatum statu sciscantur: & rebus compositis, regni successio fundetur. A. D. II. Non. Aug. Princeps Raimundum Berengarium natum maximum ex liberis regni Aragonii, & Barcinonensis Comitatus, ditionumque omnium a se possessorum instituerat heredem. Carretaniam terram excipit: quam Petro filio attribui iubet: eo iure, quo Bernardus Guilielmus obtinuerat. Carcafonensem praterca ditionem, & quam Trencauellus Biteris a se fuerat consecutus, & Narbonensia iura, Ermengardæ Vicecomiti sororis filia a se addicta Petro filio contribuit, ea conditione, vti Raimundo fratri supremum earum ditionum do- 20  
miniū, fidelitatēq; deferat: cui ea omnia committuntur, quoad Petrus militiæ sacramento, atque auctoramento obstringatur. In Petri demortui locum Sanctium F. earum ditionum heredem supponit: & eos Raimundo, si fato perfungeretur, in hereditate regni, maiorem natu anteferens, substituit. Dulciæ F. mentio facta non est: quæ Sanctio Portugal-  
liæ Regi nupsit. Filios, regnum, ditionesque omnes Henrici Angliæ Regis tutelæ, atque presidio subiicit: & quod eius amicitia bona, atque honesta sibi permansisset, & Leonoram Petronillæ Reginæ consanguineam in matrimonium duxisset, eius fidei commit-  
tit. Petronillæ vero Reginæ præstantissimæ, & optimæ feminae consilio, cum puero tradere statim imperium ausa non esset, omnem regni molem æqua rerum gubernatio, atque procuratio consequitur: Cataloniæ rem publicam Raimundus Prouinciæ Comes 30  
gerit: atque administrat: quoad pueri Regis ætas rebus publicis subuenire possit: cui Raimundi nomine deposito, Alfonsi nomen imponitur.

Regina, vt regnum filio stabiliat, cum Sanctio Nauarræ Rege XIII. annorum induci-  
aspaciscitur.

Lararum, & Castrorum familiae magnas in Castellæ regno turbas mouent. Sanctio Rege Imperatoris F. fato perfuncto, Alfonsum Sanctii F. puerili ætate Malricus Comes, & Aluarus, & Nunnus Perefius eius fratres Larenfes Sorie afferunt: ne Ferdinandus Legionensis Rex patruus puerum in suam deducat potestatem: aut gubernaculis regni manus iniiciat.

Cū extitisset quidā longa peregrinatione transacta, qui in Imperatoris Alfonsi nomen 40  
inuaserat, quod proelio ad Fragam commisso, nusquam comparuisse ferebatur, & communi fama, atque sermone opinio ea percrebuisse, & clandestinis primo cœtibus celebraretur, mox pluribus, aut rerum nouarum cupidine, aut odio præsentium, ad celebritatem nominis erectis, summo Regine consilio de medio tollitur: & dementis, & turbulentæ temeritatis poenas reipublicæ luit.

Petrus Metallia Præfectus Iustitiæ Aragonum.

1201.

1163.

A. D. XVIII. K. Iul. Barcinone procerum consilio, Regina Alfonso F. qui XII. annu-  
matrigerat, Aragoniæ Regni gubernacula tradit. Principis vltimam voluntatem ratam, atq; firmam esse statuit. In Besalunensem Comitatum, & Ripensem tractum, quibus a viro donata fuerat, secedit. Regnum filio ad puberem ætatem Reginæ matris animi ma- 50  
gnitudine incolume mansit: vt plane eius consiliis res Aragonia, & paternum, auitumq; regnum puero Regi constiterit.

ALFONSVS II. REX XII. ARAGONIÆ.

Aragoniæ regni nomine Oscense, & Cæsaraugustanum regnum censentur: & regiones omnes, quæ cum in Maurorum ditione essent, continentibus finibus bello partæ fuer-  
re, Dertofani, & Valentini regni ditionibus terminantur.

Conuentus a Rege Cæsaraugustam, in festum D. Martini diem indicitur. Iureiuran-  
do sancit, se ex ea die, quoad militiæ auctoramentum profiteatur, quemcunq; qui arces, Castellane regni tradere renuerit, regno exterminaturum: & honorariis hereditatibus,  
& iuri-



& iuribus euerfurum. In eos præterea, qui pacis, aut indutiarum iura violarint, maiestatis lege animaduersurum, & bonis eos & honoribus multaturum edicit. Proceres omnes ut id ratum, firmumque maneat, pro virili parte operam duros spondent.

AERA.

NAT.

CHR.

Wifredus Ruscinonis Comes moritur. Guinardus Comes eius ditionis succedit heres.

Blasco Romæus aulae regiae præfectus.

Octobri mense Raimundus Prouinciæ Comes, & Raimundus Tolosæ, & S. Egidii Comes Belicadri congressi, consiliorum omnium, viriumque societate, ac federe, coniunguntur. Comitatum Folcalquerii, & quæ à Tolosæ in posterum bello parta fuerint, certis conditionibus partiuntur. Ditionem eam excipiunt, quam Comes Delfinas mortis tempore obtinuerat. Paciscuntur, uti filia Comitis Prouinciæ Tolosæ filio nubat: mediaque Folcalqueriæ, & Melgoriensis ditionis pars dotis nomine assignantur: cum ea portione, quæ in Auenionensi vrbe Folcalqueriæ ditioni contributa erat.

Guilielmus Despugnolus, bonaque Catalani equitatus pars, cum Murtiensis regni fines incurrissent, Id. Oct. cum hostibus prælio congressi funduntur: cædunturque. Equitatus robur, & Guilielmus ductor occumbunt.

Raimundus Prouinciæ Comes moritur. Vetus rerum Aragonensium auctor tradit, prælio cum Nicensibus commissæ, ex acie faucium elatum, accepti vulneris plaga fuisse confectum. Rex illico Marchionis Prouinciæ cognomentum procerum consilio suscipit, uti à patre, Berengario Raimundo fratre fato functo, factitatum fuerat: & in Prouinciæ proficiscitur.

A. D. XVI. K. Sept. Arelate Hualgerius Miliariensis arcem, propugnaculaque Miliariensia tradit. Proceres Prouinciæ se Regi addicunt: quod Raimundus, Tolosæ ditiones eas omnes inuadere, & uti sponsalia filia Comitis Prouinciæ, ex pacto conuento filio tradantur, summopere adnititur. Nuptias præterea Richæ Reginæ ambit. Ea spe commotus, magna belli contentione cum Rege dimicat.

Trencauellus Vicecomes Biterensis à suis proditus in æde D. Magdalene interficitur. Is Carcasonem urbem à principe Raimundo honorario iure fidelitatis obtinuerat. Rex, quod mortuo Petro fratre eam hereditatem adierat, Carcasonensem ditionem Rogerio Biterensi Vicecomiti eadem fidelitatis conditione tradit.

Iunio mense, Casaraugustæ priuilegia omnia Ecclesiis, proceribus & ciuitatibus, à superioribus principibus irrogata, à Rege sanciantur, atque firmentur.

Sanctius Garcesius S. Eulaliæ Præfectus iustitiæ Aragonum.

Magno conatu Rex bellum aduersus Mauros adornat: iisque infertur, qui properi- pas Algasii, Matarraniæ, Lupi, & Caladæ fluminum cōfœderat: & Illegaonū Ædetanorūq; regiones incolunt, Caspe nobile prope Hiberum amnem oppidum, aliquotq; castella expugnantur. Alcanicii præsidia, equitatusque firmentur: & fines ad Martini, & Alhambræ fluuium conualles promouentur.

Pelagius Perefius Vclensis magister Ædetano, & Illegaonensi sacro bello ordines ducit. Petrus Ferdinandus Montalbano præsidio præficitur: præsidiaque ciuitatibus iis deducuntur, quæ procul à finibus hostium aberant: & de regionibus hostium depopulandis agitari ceptum.

Rex statam K. Ian. religionem Rotensi cœnobio pro cultu suscipit: sollemniaque incipientis anni D. Vincentii sacello sacris precationibus celebrat. Ab Guilielmo Perefio Ilerdensi, & Rotensi Episcopo, sacerdotumque collegio impetrat, ut D. Valerii caput qui Diocletiani Imperatoris sæuiente furore, verus Christianæ fidei Antistes, & propugnator inuictus mortem pro Christo sæpe appetiuit, Casaraugustam, cuius ecclesiæ diuinus pastor, & Pontifex præfuerat, deueheretur: sacraque ea in æde eius præsens numen, atque auxilium ciues venerarentur: atque supplices implorarent. Eius voti religionem Rex obstrictus Rotense cœnobium Monterogo oppido donat.

S. Iohannis Apostoli, & Euangelistæ festo die Regis, & procerum precibus, & eiusdem Episcopi, collegiique consensu corpus beati Raimundi Rotensis Episcopi, cuius sanctitas viui, & mortui diuinitas, cum diuis enim memoria eius consecratur, quasi quoddam lumen eluxit, festa celebritate dicatum in locum transfertur.

Iaccam Maria Vicecomes Beneharnensis aduenit. A. D. II. K. Mai. eius ditionis, & terræ Gasconia iura, quarum Petrus Gauarretus pater, & Gasto frater obitus tempore potiti fuerant, Regi defert: & fidelitatis sacramento suo, posterumque nomine sancit: neque in ullam familiam nupturam, ni Regis permisso spondet. Rex se eam regis subsidiis sustentaturum pollicetur. Hereditatem, & honores quos Mariæ maiores in Hispania



AERA.  
NAT.  
CHR.

noſtris principibus obtinuerant, confirmat. Bernardus Oloronenſis, & Guilielmus Laſcarenſis Epifcopi, Beneharnenſesque aliquot proceres iureiurando Mariæ promiſſa, pactaque firman: eademque Oloronenſes, Morlanenſes, Aſpenſes, & Orſalenſes populos obſeruatuſ, & Gabarreriam, Mantietiam, & Cadeloniam arces, earum pactioſum veluti obſides tradituſ pollicentur.

Nondum sopitæ erant inter Castellanos, & Aragonios simultatum veteres offensa, & bellum inter Alfonso Reges Turralonis, & Phari finibus repente commouetur. Calagurrim cum noster castris circumfedisset, Guterius Ferdinandius Castro, cuius in tutelam Castellæ Rex venerat, obuiam magno comparato exercitu procedens, & Calagurritanis subsidio accurrens, prælio nostros cadit, funditque.

Et si bellum exitiosum a Regibus potentissimis susceptum videbatur, procerum tamen consilio ad S. Facundi festā pacē congressi summis foederum, & amicitiae vinculis coniunguntur. Cæsaraugustam Iunio mense Castellæ Rex contendit: eaq; in vrbe pacta conuenta sanciantur: obsidibusq; arcibus firmatur. Iura pacis, & belli aduersus principes omnes vna constituunt: & Henricum Angliæ Regem excipiunt: eumq; vnum obseruant.

Turiasone Septembri mense nuptiæ Alfonsi Castellæ Regis, & Leonoræ Henrici Angliæ Regis F. summo apparatu, ornatuque celebrantur. Nouam nuptiam ex Aquitanis comitantur Bernardus Archiepiscopus Burdigalensis, Elias Agennensis, & Pictaueſis, Engoliſmēſis, Sanctonensis Petrogorius, & Vafarenſis Episcopi: & cōplures proceres ex Anglia, & Aquitania, & Venetica regione, quā Britanniam vocant, & Normannia: quorum hi ceteris præstant. Rodolfus Faya Senescallus Aquitanix, Elias Comes Petrogorius, Guilielmus Vicecomes Caſtri Eraldi. Raimundus Vicecomes Tartaxienſis, Bertrandus Vicecomes Baionenſis, Rodolfus Mortinerius, & Ruellus, Vicecomites Caſtillonenſis, & Bedomenſis Folchus Engoliſmenſis, Amancus Lebretenſis, Arnaldus Guilielmi F. Marzanus, Petrus Motta, Thibaldus Cabotus, Guilielmus Maengotius, Iaufredus Tauna, & Fulcandus Archiacenſis.

Lupum Murienſem Regem, qui ſimulatq; in Prouinciã Galliam Princeps Raimundus profectus illo arma uenerat, ab eo defecerat, & Regi Caſtellæ ſe addixerat, tributum dependere renuentem ueterem pactionem obſeruaturum, & fœderum iuri pariturum Rex Caſtellæ repromittit: & ſtipendia repræſentaturum Guilielmi Raimundi Moncadæ, & Guilielmi Iorbæ procerum arbitrato: qui Principi Raimundi mandato, ea receperant, Rex, ſi Maurus pactis ſteſſet, Mazmutorum eius rebellium partes deſerturum, neque eis auxilium ſubmiſſurum pollicetur.

Petrus Ruizius Azagra à Lupo Maurorum Rege, cui magnis fœderum, & amicitia-  
vinculis coniunctus erat, Albarrazino vrbe, montosis locis, & situ præmunita, & eius di-  
tione, quæ Turia, & Tagi ripas attingit, donatur. Eam urbem, eiusque propugnacula fir-  
missimis præfidiis tenet: nullo eius ditionis supremo dominio, potestateue Regibus Ara-  
gonia, aut Castellæ recepta: seque summa confidentia, quod nullius imperio pateret,  
subditicium hominem D. Mariæ Albarrazini appellat. Auctore Hiacinto Cardinali S.  
R. E. apostolico legato; & Episcoporum Toletanæ prouinciæ consilio Episcopalis sedes  
ea in vrbe constituitur: quæ haud longe à Segobrigensis vetustæ sedis vestigiorum rui-  
nis disiungebatur.

Bellum aduersus Mauros Alhambræ, & Turix fluminum continentibus Celtiberum, & Aetananorum regionibus geritur. Multa castella aut deleta hostiliter, aut expugnatis præfidiis integra in Regis potestatem venerunt. His in fidem acceptis, ad alias deinde gentes peruentum est: & earum finibus in deditiorem redactis, arcibus præfidia imposita. Magnæ inde prædæ actæ sunt, pecorum, armentorumque. Turolium nobile in primis oppidum Turix flumini impositum Regi deditur.

Mauri Pratenses, qui montibus, & siluestribus locis dissipati, eorum asperitate freti rebellionem fecerant, cæduntur: atque pelluntur.

1209.  
1171

Guilielmus Aquilonius Roberti principis F. qui Oldegario, & Bernardo Archiepiscopis honorario fidelitatis iure Tarraconis vrbis, eiusque territorii principatum obtinuerat, quintā parte antistiti, & ecclesiæ recepta, cū ab Hugone Ceruilionio Archiepiscopo de principatus ditione, acri contentione diffideret, A. D. X. K. Mai consceleratus, & impius Hugonem obtruncat.

A. D. V. Id. Aug. cum subita cælo, & Cauni montis iugis imbrum tempestas coorta esset, sæuque procellarum turbines exstiterent, & continui inter bres campis omnibus inundarent, strages magna edita Turiasonēsi agro cladē intulit. Postero die D. Laurentio sacro à monachis Verolensibus nouum cœnobium à Petro Ataresio conditum incolæ cœptum.



Cum profligatum bellum esset, qua Aragonii regni finibus hostes continebantur, & alterius belli fama, & cura exoriretur, quo Valentini regni regiones nostri persequerentur, Turonium Aetnanorum regione, incurrendis hostium finibus, tamquam propugnaculum, praesidiumque eius provinciae a Rege constituitur: & veteranos milites, caloniisque eum in locum deduci imperat. Oppida Turoniarum ciuitati contributa Valentiam versus finem Aragonii imperii statuit. Berengario Entenzae de more Turonium honorario iure attribuit. Incolis vetustum Sepulchrum Aequacorum oppidi forum a Comitibus Castellae irrogatum sancit: easdemque leges condit. Victi omnes in ditionem, nomenque Aragonium concessere.

AERA.

NAT.

CHR.

10 Sanctius Garcesus S. Vincentii Praefectus iustitiae Aragonum.

Extrema cum hieme bellum Rex apparasset, & Lupus Murtiensis Rex decessisset, in eunte huius anni vere suscipit. Exercitum Caesar Augusta Februario mense in expeditionem educere parat.

1210.

1172

Mense Martio Caesar Auguste Guilielmus Moneada fidem suam Regi se praestaturum spondet, & supremi dominatus ius delaturum in Beneharnensibus ditionibus, quas suo, aut liberorum iure assequi posset. Rex Guilielmo repromittit in eis ditionibus adipiscendis opem laturum: & sub ditionem, potestatemque regiam Guilielmum suscipit.

Rex ad expeditionem paratus, cum exercitum Aetnanorum finibus eduxisset, Valentiam, cum aliquot oppida improviso nostrorum aduentu opprimerentur, circumfider.

20 Cum ante moenia Rex castris permunitis consedisset, equitatus opimam, & fertilem regionem, quae varietate fructuum, & amoenitate, & maritima, & mediterranea ab Pyrenaeis montibus ad Gaditanum fretum, fama sui nominis implet, igni ferroque depopulatur. Ciuibus se Regi addicentibus, urbs per pacationem integra, atque inuiolata ab omni clade belli manet. Stipendiis exercitui persolutis, tributa in singulos annos pedere pollicetur. Rex in Setabitanum agrum omnem belli molem transfert. Urbem Maio inito mense oppugnat.

Sanctius Nauarra Rex, cum copiae regiae omnes Aragoniae, & Rex ipse in intimam Contestanorum regionem penetrauisset, adductaque res publica in maximum periculum, & extremum perne discrimen videretur, induciarum iure violato, magno comparato exercitu, Aragoniae fines incurrit.

30 Rex pactis, cum Mauris indutiis, ac solutione tributorum Murtiensium non impedita, cum de ea re Murtiensium Rex cauisset, atque idem obsequium Regibus Aragoniae se praestaturum spondidisset, in Aragoniam regreditur. Catalanorum vexillis dimissis, quod Regis Nauarrae auxiliariis copiis bellum augeretur, militares omnes Aragoniae manus cogit: & hosti obuiam procedit. Nauarrus eo concursu cauet, ne praedium ineam: & dimisso exercitu praedia firmat. Nostri Tudela finibus incurantes, quacumque incedunt, vastitatem efficiunt: oppidum, arcemque Arguedarum expugnant: praedium illis, & confinibus oppidis relinquitur.

Petrus Ruizius Azagra bellator in primis dux, non apud suos solum, sed etiam apud exteros clarus, & in omni fortuna, pace, belloque princeps, Albarrazini oppidi, arciumque potitus, singulari, & incredibili virtute praestans, se, suaque inuitis Castellae, & Aragoniae Regibus tueretur: neque ulli eorum aut addicetur: aut obtemperat. Reges alioqui potentissimi, & maximi, ut eum ditione pellant obsidibus, castellisque traditis inter se comparant: & foederum pacatione adiunguntur: ac bellum vna priuato homini inferunt. Albarrazinum pacto inter eos conuenio, ditioni, & Aragonio regno contribuitur. Reliquae vero arces, atque oppida, Castellae dominatui addicuntur. Praeterea aduersus Nauarra Regem, qui Azagrae studet, foedere quoque vincuntur. Harum pacationum causa Farizam oppidum, atque arcem eorum finium munitissimam Rex Alfonso Castellae Regi tradit.

Hugo Emporitanus, & Guinardus Ruscinonensis Comites decessere. Guinaldo Gerardus Comes succedit heres: eoque fato perfuncto, ea ditio Regi obuenit.

30 Bertrandus Melgoriensis Comes Decembri mense fidelitatis sacramento se, ditionemque Melgoriensem, atque arcem Regi addicit: quae res magno adiumento Prouinciali bello fuit: quod Rex aduersus Raimundum Comitem Tolosatensem, super eius ditionis iure, atque hereditate gerit.

Petrus Ferdinandus Castrensis Praefectus iustitiae Aragonum.

A.D. III. Id. Octob. Petronilla Regina Barcinonae a vita excedit. In aede maxima Barcinonensi sepelitur.

1211.

1173

Raimundus Folchius Cardonensis Vicecomes subita defectione, & alienatione eorum, qui ab eius dominatu descenderant, interficitur.

Aragoniae, & Castellae Regibus disunctis, & animo, & voluntate dissidentibus, cum

1212.

E 4

1174



AERA.  
NAT.  
CHR.

conuentum esset, vt Rex Emmanuelis Constantinopolitani Imperatoris filiam in matrimonium duceret, & Mompellerium regio comitatu deducta esset, Rex ad pactas antea a patre Sanctiæ Alfonsi Imperatoris, & Richæ Augustæ filie nuptias deuoluitur: & Emmanuelis F. Guilielmo, qui Mompellerii dominabatur, nubit.

A. D. XV. K. Feb. Cæsaraugustæ sollemnia nuptiarum, quibus Rex Sanctiam Imperatoris Alfonsi & Richæ Augustæ F. duxerat, magnificentissimo apparatu, & gratulatione innumerabilium legationum celebrantur. Ea die militaribus insignibus, & militiæ sacramento, assidente Hiacintho Cardinali s. R. E. legato, qui in summi apostolatus principatum euectus Cælestini nomen edidit, auctoratur.

Cum lacesiti nostri causam belli haberent, aduersus Sanctium Nauarræ Regem Iulio mense geritur. Milagrum oppidum expugnatur: diruiturq;.

Simon Artufella Aulæ Regiæ Præfectus.

1213.

1175

Aragonæ, & Castellæ Reges, qui Pompelonensi regno imminet, cum aut ipsi bellum semper mouissent, aut inferentibus tulissent auxilia, aut causa armorum essent, delectu intentius, quam ad finitima bella habito, duraq; conquisitione cum exercitus conduxissent, Nauarræ fines inuadunt: omnia vastant, atq; diripiunt. Leguinam arcem munitissimam vi expugnant.

1214.

1176

Rex de procerum suorum sententia Manfredo Marchioni Buschæ, Mobilis Comitibus Buschæ filio Drolam, eiusque ditionis fines, & supra Drolam quidquid Longobardie finibus terminatur, honorario fidelitatis iure atq; sacramento attribuit. Manfredus se Regi pacis, ac belli iuribus subiciens, vti Prouinciæ Comiti addicit.

A. D. XIII. K. Mai Rex, & Raimundus Tolosatum Comes in insula Gernica Tarasconi, & Belicadro interiecta ad colloquia congregiuntur. Super eo iure Prouinciæ, quod Tolosas sibi dotis, ac nuptiarum filie Comitibus Prouinciæ nomine, quæ Tolosatis filio Regis permissa nuptura erat, sibi arrogauerat, inter se pepigere. Neq; de Prouinciæ tantum ditione, & Aimilianensis Comitatus iure contenderant: sed Gabaldanam etiam ditionem, & Carladensiam Tolosas repetit: quarum dominatum filie Prouinciæ Comitibus, & Richæ Augustæ matri attribui debere Rex contendit. Apud Hugonem Iaufredum Templariorum militiæ magistrum compromittunt: arbitris honorariis adiunctis Raimundo Moncada, & Arnaldo Vilademulio, qui regia iura tueantur: & Narbonensi Vicecomite, quæ Tolosatis partes sibi tuendas susceperat. Deciditur ea contentio: ac Tolosas ius omne Prouinciæ a se repetitum remittit: partitionisq; eius iura agnoscit, qua Alfonsus Comes Tolosas, & Raimundus Berengarius Comes Barcinonensis Regis auus vsi fuerant: recipiuntque Tolosas Gabaldanum terram, & Rex Comitatum Melgoriensem: vti ius suum quilibet repetere, & lite, atq; iudicio persequi possit. Huius concordie causa Rex se III. M. C. argenti marchas Tolosati persolutorum spondet. Dum pecuniæ dies venerit arcem Alberonis, atque Comargem insulam, quæ in vtriusque ostii Rhodani aditum proiecta est, pro pignore tradit. Neq; Tolosatis filius Comitibus Prouinciæ filiam ducit: sed Beatricem Trencabelli Biterensis Vicecomitis sororem in matrimonium sibi collocat.

Maior mense, vt in antiquis annalium monumentis inuenimus, Sanctia Regina, viro in Prouincia Gallia pacanda, ac moderanda distento, propugnacula, atque arces omnes Ripacuriæ terræ, in suam potestatem, ditionemque redigit.

1215.

1177

Castellæ, atque Aragoniæ Reges Concham Celtiberum nobilem urbem, excelsam, atque arduo colle sitam, ad Sucronis ripas obsident. Oppugnando, quod neque comitatus ex montibus inuecti, neque auxilia intromitterentur, & subsidia firma, ne qua eruptio fieri posset, opposuissent, ad ditionem subegere. Vrbs a Mauris Regi Castellæ traditur. Ex ea tempestate Aragoniæ regnum liberum, atque immune Regi, posterisque, ab eo dominatu, quem Raimundus Princeps Regis pater Sanctio Castellæ Regi derulerat, permansit: atque in sua potestate, ac ditione, & imperio versantur.

Cum super Molina oppido, summa inter Aragoniæ, & Castellæ Reges contentio suborta esset, atque Malricum Larensem Comitem, vtrique magna necessitudine coniunctum arbitrum delegissent, & is ex vtriusque regni finibus partes subduceret, atq; subtraheret, vtrumque, siue probroso, siue urbano iudicio illudens, urbem, ditionemque eam sibi adiudicat. Iura, leges, agri, libertas Molinensibus ciuibus relicta. Malricus, vt Petrus Portugalliæ Comes Dionysii Regis F. est auctor, Hermescendam Aimerici Vicecomitis Narbonensis filiam uxorem duxerat: liberosq; susceperat Petrum Molinæ Comitem: & Mosaldam, quæ Alfonso Portugalliæ Regi nupserrat.

Capta Concha pari subinde periculo, gloriæq; euentu Rex bellum in Contestanis intermissum aduersus Mauros gerit: & Ilorcitanum agrum incurrit. Octobri mense Turolium regreditur.

Comes



Comes Alfonsus Siculus Siciliensem classem Guilielmi Siciliae Regis nomine Regi pollicetur: qui Balearicum aduersus Mauros bellum parat. AERA:  
NAT:  
CHR:  
1216.  
1178.

Gerardus Ruscinonensis Comes nullis superstitibus liberis decessit. Rex Perpinianum Iulio mense contendens, omni iureiurando adactis, arcium eius ditionis potitur: & Aragoniae se Regem, Barcinonensem, & Ruscinonensem Comitem, & Marchionem Prouinciae appellat.

Cum bellum passim, & Aetananorum, & Contestanorum regionibus aduersus Mauros Rex circumferret, Moruiedrū oppidum, ad Sagunti veteres muros obsidet: validū in primis, & arcium propugnaculis, quo se regionis eius fusae copiae contulerant, munitissimū. Inde Contestanorum regionem incurrens in Baeticam traiecit. Cazola cum Castellae Rege Alfonso congredditur. Ne noui fines statuerentur, sed obseruarentur veteres bellicis in expeditionibus aduersus Mauros, A. D. XIII. K. Apr. eo in oppido, nouis foederum vinculis adiuncti, paciscuntur, uti Valentinum regnum, Serabis, Biarum, Dianienſeq; regnum Aragonio cedant: ultra Biarensem vero saltum oppida, atq; ditiones Regi Castellae attribuantur. Aduersus Nauarrae Regem, eius regni pacatione foedera iungunt. Ea foedera Regis Castellae nomine spondent Petrus Arazurius, Gomecius Garcias Regius signifer, & Tellus Peresius. Aragonii Regis iusiurandum sacramento sanciant. Sanctius Horta Aule Regiae Praefectus, Artallus Alagon regius itidem signifer, & Caesar Augustanus Episcopus. Castellani Logronium, Nauarretum, Granionem, Virouescam, aliaq; oppida, quae Navarus ad Aucenſes vsq; montes obtinuerat, expugnant.

Vix foedera iunxerant, cum pacta conuenta a Castellae Rege franguntur: & cum Aragonio acriter decertat.

Quod Castellae Rex Fariza inuito Rege retineret, & nomine pacis bellū inuolutū esset, & Osce conuentus ageretur, Berregarius Ilerdensis Episcopus, & Motis Aragonū idē Abbas Regis frater, & Raimundus Moncada ad Castellae Regē legantur: atq; id oppidū repetūt. Hortantur praeterea, ut ab inferendo bello Ferdinando Legionensi Regi patruo desistat: alioqui se bellum repetitis rebus denuntiare testantur: indicuntq; : atque prouocant. Legionensis non Aragonii modo Regis auxilia, sed Portugalensis, & confinium Maurorum vires, atq; arma concitat, Castellani finibus nostris excedunt. Fariza Regi in antiquum statum restituitur.

Sanctius Horta aule Regiae Praefectus.

Sanctius Tobias Praefectus iustitiae Aragonum.

Rogerus Biterensis Vicecomes Sauræ filius, qui Trencabello patre vita functo summa leuitate Carcaſonem urbem Raimundo Tolofati tradiderat, Regi se, ditionemque omnem dedit: atque addixit. Mineruae praeterea arcem tradit.

A. D. III. Non. Nou. Rex Carcaſone honorario fidelitatis iure Carcaſonem, & eius ditionis arces, Lauracum, & Lautacensem tractum, Rhodam, Linosum, Saltum & eius territorii propugnacula, Thermas, & Mineruae arcem Rogerio condonat. Si Rogerius nullis superstitibus liberis deccederet, Rex illi in his ditionibus Raimundum Trencabel- lum fratrem eidem conditionibus substituit.

Novembri mense nostri Bilielē arcē Turiae flumini impositā vi expugnant. Oppida omnia, atq; cōfinia, quae Aragoniae Regū imperio cōtinebatur, & Mauri ad eam diē armis rueri poterāt, ab impiis hostibus vindicātur: atq; in eos fines, quibus Rex imperiū protulerat, tractū omne a Pyrenaei iugis Aragoniae nomine cēſuere: cum regni initio Aragonia terra tā angustis finibus contineretur, ut vix XVI. M. P. ab Aragonis amnis ripis includatur.

Fariza Martio mense Rex Alcanicium militiae Calatrauensi, & Martino Ruizio Azagrae eius ordinis magistro donat: ea lege uti eius ordinis viri aduersus Mauros regiam militiam obeant: eiusq; pacem, atq; indutias obseruent. Ea res procerum regni Blasii Romæ, qui Caesar Augustae dominatur, Artalli Alagonis, Blasii Mazæ, Simonis Romæ, Petri Ortizii, Simonis Vrræ, Petri Castellitoli, Michaelis S. Crucis, Petri Latronis, Petri Soffi, Gombaldi Beneuentani, Marci Ferricii, Fortunii Stadæ, Peregrini Castellitoli, Sanctii Horta aule Regiae Praefecti consilio, ac consensu sancitur.

Rex ad externum bellum profectus, in prouincia Gallia, aduersus Arnaldū Athonem Nemaufensem Vicecomitem, vniuersam eam gentē ad arma concituit: quod supremum eius ciuitatis dominatum, & arcium eius ditionis potestatem Regi non deferret: uti maiores Barcinonensibus Comitibus detulerant: atque praestiterant. Is cum respuisset, Biteris Octobri mense Nemaufum urbem, & eius ditionis arces Regi tradit.

Sacro resurrectionis domini die Bertrandus Baucius ex insidiis, scelerate a suis interimitur: qui in terra Gallia praepotens, prouinciali bello Regi se, aduersus Raimundum



1222.  
1184.  
1223.  
1185.

Comitem Tolosatem, & S. Egidii addixerat: atque in afferenda, atque vindicanda ea ditione egregiam operam nauauerat. Nam cum Alberonenſi in arce Rex eſſet intercluſus, fidei, & præſtanti eius opera ex periculo eſt ereptus: bonamque eius ditionis partem Regi traderat. Eius vlcificendi cauſa, vti ſupplicium de ſceleratis proditoribus ſumat, Rex in Prouinciã proficiſcitur. Morullum caſtellum obſidet, atque expugnat. Acre bellum aduerſus Tolosatem geritur: pluraque oppida diruuntur.

Tertia Dertofæ vrbiſ pars à Rege Templariorum militiæ, & eius magiſtro condonatur.

A. D. III. Id. Aug. cum Ermengaudus Vrgellitanus Comes, & Galzerandus Salas eius frater Valentini regni oras, magno comparato equitatu incurſſent, neque præda 10  
parta, equitum turmas retinere poſſent, diſſipati, & palantes prope Requenã caſis, proſtigatiſque copiis à Chriſtianis interimuntur. Stephanã ſoror eorum, Arnaldo Myroni Palliarienſi Comiti nupſit.

Februario menſe Raimundus Tolofatium Comes pactionem eam firmat, quam Regi in inſula Gernica ſanxerat: adiicitque bona fide ei præſto adfuturum aduerſus omnes, qui ex ſaltu Blufenſi ad Alpes, & in Cadurcorum, ac Tolofatium regione rebellionem facerent. In proſequendo iure, quod ambo in Auenionenſem ditionem obtenderant, fœdere adiunguntur. In eo fœdere ita edicunt, vt Francorum, & Legionenſium Reges, & Folcalquerius Comes nominatim amici excipiantur.

Menſe Aprili Rex, & Ricardus Piſtonum Comes Angliæ Regis F. magno propin- 20  
quitatis vinculo coniuncti Naiaco ad colloquia congregiuntur. Sua aduerſus Tolosatem fœdera iungunt. Ricardus idius, quod in Carcaſonenſem ditionem prætenderat, & in eam regionem, quam Rogerius Biterenſis, ac Trencauellus eius frater obtinuerant, Regi remittit, atque condonat.

Alfonſus Portugalliæ Rex, cum ſupra nonageſimum annum vitam perduxiſſet, ſummam & bellicarum rerum laudem, & regni à ſe fundati gloriam conſecutus A. D. VIII. Id. Dec. è vita excedit.

Petrus Ruizius Azagra incredibili animi virtute, ac robore, & laudis gloria concitatus Alharrazinienſem ditionem, inuitis, & repugnantibus Aragoniæ, & Caſtellæ Regibus armis tueretur, ac ſuſtinet: neque in animum inducit, vt alterutri eorum, regii ſue imperiis, & poteſtatibus pareat: adeoque ſe in vtramque partem ſtrenue verſat, vt alterius ope, aduerſus alterum bellum gerat: & vtriuſque fœderatam potentiam inuiſto animo propulſet. Ianuario menſe Agredæ Reges congregiuntur: atque inter ſe comparant, ne auxilia Azagræ clam, palamue ſubmittantur: neque eum, fratres ſue eius recipi patiantur. & Gonzaluum Ruicium Azagram eius fratrem excipiunt, Caſtellæ Regi ſubditicium hominem.

Februarii menſis initio Gaſto Beneharnenſis Vicecomes Regem Oſcæ inuiſit: ſequē, ac Beneharnenſem, & Gaſconia ditionem Regi fidelitatis ſacramento ſubiicit: & ab eo 40  
dominatu aliquot oppida excipit, quæ Ricardo Piſtonum Comiti parent: qui Henrico patri Angliæ Regi paullo poſt ſuccedit heres.

A. D. VI. Non. Oct. Saladinus Vidone Luſiniano Hieroſolymitano Rege prælio deuictus, & capto, Sanctæ Hieroſolymorum ciuitatis potitur: nam cum hoſtis rerum omnium præpotens vndique vrgueret, pii circumuenti, cæſique ſunt.

Raimundus Caſtelliſolus Cæſarauguſtanus Epiſcopus.

Oſcæ conuentus à Rege anni initio peraguntur. Sancti Portugalliæ Regis legati Chæſarauguſtæ Regem conueniunt: vetuſtorumque fœderum, ac pactionum com- 1226.  
1188.  
monent.

Petrus Seſeſius Præfectus iuſtitia Aragonum.

A. D. VIII. Id. Sept. Aragoniæ, & Nauarræ Reges Borgiæ in congreſſum, colloquiumque deueniunt. Fœdera aduerſus Caſtellæ Regem oppidis, atque arcibus traditis 50  
iungunt: quæ Petro Ferdinando Azagræ committenda erant.

Montanianam Ripacurciæ arcem Rex obſidione ad deditionem cogit: coactique incolæ præſidia in loca munita accipere.

Legati Sancti Portugalliæ, & Alfonſi Legionenſis, & Galleciæ Regum Oſcæ Regem Sancti affinem conueniunt. Fœdus inter Reges iſtum Maio menſe iureiurando ſanxere: eorumque amicitia, ac ſocietate fides deuincitur. A quo pactionum iure aduerſus Alfonſum Caſtellæ Regem aſtringuntur.

Cum Rex Pontium Capreram, aduerſus Ermengaudum Vrgellitanum Comitem, in hereditaria controuerſia enixe fouiſſet, Comitem ad ſe pellicit. Tarracone Aprili men- 1230.  
1192.  
ſe di-



se ditionis Ilerdensis iura, & oppida à Principe Raimundo Comitis patri condonata sancit, atque confirmat.

AERA:  
NAT:  
CHR:

Septembri mense Rex Gastoni Beneharnensi, qui Bernardi Conuenarum Comitis filiam, Centulli Bigeronum Comitis neptem in matrimonium duxerat, ea Regis erat cōsobrina, Comitatum Bigeronum, ditionisque eius suprema iura dotalia, tradit. Ea conditio, ac lex constituitur, ut Regi integra restituantur, si Gastonem nullis superstitibus liberis decedere contingeret. Vallem præterea Aranam, suis terminis circumscriptam, quæ Garumna amnis præterfluit, quæ Pyrenæi iugis continetur, Rex sibi posterisque suis Regibus recipit, atque addicit. Lerdæ castelli potestas, ceterarumque Bigeronum arcium, à Vicecomitibus Beneharnensibus Regi, posterisque eius, siue irati, siue pacati sint, ut Hispano more tradantur, sanxit.

Rex Ofcæ Martio mense Caspe, ad Hiberiæ ripas nobile Ædetanorum oppidum Hospitalis Hierosolymitani militiæ, & Ermengaudò Aspæ eius ordinis Magistro donat.

1231.

1193.

A. D. XIII. K. Apr. Guilielmus Raimundus Moncada, sacrilega immanitate efferatus Berengarium Vilademulium Tarraconensem Antistitem interimat.

1232.

1194.

Sanctius Nauarræ Rex summa virtutis præstantia princeps, qui sapientis cognomen habuit, Iunio mense decedit.

Rem Hispanam nouus circumsteterat metus totius Maurusiæ, & Numidæ gentis Batricam licentius perumpentis. Iuceffus Mahozemutus Abdelmonis nepos, qui Al-mohadum Sarracenorum in Africa ductor totius gentis imperium obtinuerat, cum exactis Almoravidibus & ad internecionem redactis, expugnata Hispali, Batricæ provinciæ late, longèq; potiretur, Marianis montibus transcens in Oretanos, & Carpetanos bellum piis genibus infert. Alfonsus Castellæ Rex, magni alioqui animi princeps, cum se plures annos ignauitæ, atque desidii dedidisset, & luxu animû infecisset, omnibus imminentis periculi metu defixis, subito ad tantam belli molem confurgens, ut hostium impetus, ferociamque comprimeret, ad Larcurim vicum, urbem opulentam quondam, & nobilem prælio decertans, A. D. XV. K. Aug. victus, ac profligatus in extremum pæne discrimen seque, remque publicam deduxit.

1233.

1195.

Hoc anno cœnobium Cisterciensis ordinis in Celtiberis Petrinum nuncupatum summa loci amœnitate constitui, quo cataractæ fluuium insigni spectaculo excipiunt, qui per arduas, excisasq; rupes insurgit, à Ferdinando Aragonio Cæsaraugustano Archiepiscopo, qui se ei conuentui ex præfecto Alcaniciensi dicauerat, memoriæ traditur. Fluius inde Petrinus cognominatus infra Bilbilitanorum aquas in Salonem influit.

Ilerdæ Aprili mense Rex Gilberto Horallo Templariorum militiæ transmarinis in prouinciis Magistro, & Pontio Rigaldo Franciæ, Arnaldo Claramontio Galliæ prouinciæ, & aliquot Hispaniarum prouinciarû eius ordinis præfectis, & eorum militari conuentui Alhambræ, & Horreorum castella, & Cidi arcem, quam Pennâ Cidi vocabant, donat.

1234.

1196.

Cum superiores Reges ex minimo, tenuissimoque regno robustû, & valens, florentique reliquissent, Rex in Gallia Aragonum nomen & urbibus, & nationibus ingenti gloria propagauit. A. D. VII. K. Mai. Perpiniani moritur. Petrum ex liberis natu maximum Regni Aragoniæ, Cataloniæ principatus, Ruscinonensis, & Paliariensis ditionum heredem instituit: ciuitatesque eas omnes attribuit, quæ Biterensium finibus, & Aspeni saltu continentur. Alfonsum Prouinciæ, Aimiliano, Gabaldano, & Rhodensi Comitibus donat: atque idius contribuit, quod in Mompelleriensis ciuitatis ditione obtinuerat. Ferdinandum sacris initiari instituto D. Bernardi Cisterciensis ordinis, in Populeti cœnobio, sepulchris Regum dicato, quod ipse exædificauerat, & pater cōdiderat, iubet. Quatuor filias suscepit: Constantiam, quæ Emerico Hungariæ Regi collocauerat: Leonoram, & Sanctiam, quæ Raimundis Tolosatibus comitibus patri, ac filio nupsere: & Dulciam, quæ Xixenensi cœnobio, ad Canadris fluminis ripas constructo inter virginum cœtus colendis sacris præfuit. Petrum, quoad xx. annum ageret, Sanctiæ Reginæ parenti in tutelam tradit. Ad Populeti sepelitur.

1235.

1197.

Pestis, & fames funesta calamitosa hoc anno magnam in Catalonia vastitatē efficiunt.

#### PETRVS. II. REX XIII. ARAGONVM.

A. D. XVII. K. Iun. Cæsaraugustæ Petrus, & Regina mater exequias funeris Regii profecuntur: supremisque illius funeribus plures, exquisitique honores additi. Illo ipso die iustis funeribus confectis Petrus fora, vsus, mores patrios, institutaque maiorum, & irrogata priuilegia regni ab Imperatore Alfonsò, Ramiro Rege eius fratre, & Raimundo Principe sancit: atque confirmat.



AERA.  
NAT.  
CHR.

Septembri mense Darocam conuentus indicitur: cui Regina Sanctia cum Petro F. præsuit. Reginz, & totius conuentus permisso, maximoque applausu Petrus regiam hereditatem adit: & regale nomen suscipit. Denuo fora, mores, atque priuilegia iureiurando, de more sancit. Adfuere eo in conuentu Raimundus Castellitius Cæsaraugustanus, Garcias Frontinus Turiasonenfis, Gombaldus Ilerdensis, & Ricardus Oscensis Episcopi: & ex proceribus Ferdinandus Ruizius Azagra, Guilielmus Castellitius aulæ Regiæ Præfectus, Petrus Latio signifer, qui Turoli dominabatur, Artallus Alagon, Petrus Cornelius, Simon Cornelius, Berengarius Entenza, qui Calataiubij dominatum obtinuerat, Petrus Simenius Virea, Simon Rada, & alii proceres. Fortunio Capitoni Hospitalis Hierosolymitani in Aragonia magistro oppidi, atque arcis S. Petri prope Calandam donationem firmat: quæ ab Alfonso rege patre testamento sancita fuerat.

Rex honores, ac militaria beneficia, & arcium præsidia, ac potestates suscipit: & in manus sumit: ut in quos proceres deceret, quemadmodum sibi libitum erit, partiatur: cum propter ætatem alieni etiam tum arbitrii esset.

1234.  
1196.

Incessus Maurorum Imperator ad perniciem profligatis Larcuritano prælio, ac præne ad exitium deductis rebus, horribilem belli formidinem, atque impetum in Carpetanos infert. Cum plura Castella expugnasset, pluraque vastasset, & eam regionem depopulatus esset, Toletanique diutius obsidionis damna sustinuissent, in Celuberiam transgressus Concham obsidet. Obsidione omissa, depopulata Carpetania, & magna illata calamitate hostes finibus nostris excessere.

Rex copias omnes militares Darocæ cogit: ut affecta, & prostrata republica, cum exercitu subsidio accurrat. Ambo Reges pulsus Mauris Carpetanos montes transeuntes, bellum Alfonso Legionensi Regi inferunt: & Vertones, atque Astures incurrunt.

1235.  
1197.

Guilielmus Castellitius Regiæ aulæ præfectus.

Ermengaudus Vrgellitanus, & Raimundus Rogerius Fuxensis magna armorum cōtentione inter se decertant. Nō Pyrenæi impendentis vasti saltus obstiteret, quo minus Fuxensis Vrgelletum obsidione premat: ut expugnet: atque diripiat: quorum etiam factionibus Catalonia bello flagrat.

1238.  
1200.

Simon Cornelius aulæ regiæ præfectus.

Initio regni, cum magnæ inter Regē, cuius alioqui mirifica indoles virtutis apparebat, & 30 Reginam parentem & obtrectatio inuidiæ, & maleuolentia coorta esset, summeq; inter se diffiderent, A. D. II. K. Oct. Farizæ cum Castellæ Rege ad colloquium perueniunt. Paciscuntur, ut Regina Farizæ, Embiti, & Epilæ arces filio tradat: quæ cum externi regni finibus propinquæ essent, haud leuis causa suberat, ut inde grauis oriretur suspicio: & intestinum odium cum acri dissidio existeret. Apparebat enim Reginam liberos aditus, atq; exitus ex Castellanis regionibus comparauisse.

Leonora Regis soror Raimundo Tolosati nubit.

1239.  
1201.

Cum Rex pacta cum regina conuenta, fœderaque, siue mobilitate, & leuitate animi, seu iuuenili licentia, aut prauis cōsultoribus inductus, fregisset, & rursus intestinis seditionibus lacerarentur, interuentu Berengarii Entenzæ, Guilielmi Castellitii, Garciz Ro- 40 mæi, Guilielmi Cardonæ, Alberti Castelluelli, Raimundi Vilademulii, Raimundi Gurbii Tēplariorū Magistri, Simonis Labatæ Magistri Hospitalariorū Ampostæ præfecti, Simonis Corneli, Garciz Orticii, Artalli Alagonis, Petri Seseñi, Michaelis Luescæ, Arnaldi Palatini, Arnaldi Foxani Darocæ Nouēbri mense ad colloquiū cōgredientes, obsidibus ultro, citroque datis, fides reconciliationis firmata est: & in pristinā concordiam reducuntur. Iurisiurandi religione proceres ii obstringuntur, Regem, parentem, ut par erat, obseruantia, cultuque, & honore reueriturum: neque oppidorum, aut arcium, quæ à Rege viro traditæ illi fuerant, possessione exclusurum: atq; in ea regio præsidio permanfuram. Arcium earum præfecti Regine iussu, Regi se irato, aut pacato parituros, atque eius imperio obtemperaturos, fidelitatis sacramento obtestantur.

1240.  
1202.

A. D. XIII. K. Iul. Agramontensi campo Raimundus Ceruera, ex proceribus Catalanis vir primarius, & Agramontensis ciuitas armis configunt. Ceruera cum IIII. M. peditum ordines duceret, & aliquot equitum loricorum turmis decertaret, ab DCCC. peditibus profligatur: atque deuincitur.

K. Nou. monachi instituto D. Bernardi deuoti, qui prope Iuncariam, Cæsaraugustano in Agro Cœnobium condiderant, Rotam, adhiberi ripas è regione Scatronis oppidi, quo ab Alfonso Rege donati fuerant, emigrant.

A. D. IIII. Non. Nou. Guilielmus, qui Mompellerii dominabatur, decessit: Maria vnica filia herede relicta.

A. D.



A. D. III. K. Mart. Raimundus Rogerius Fuxensis, Arnaldus Castelbonus, & alii eius factionis Catalani proceres ab Ermengaudō Vrgellitano cāduntur: atque ex proelio ducuntur captiui.

AER. A.  
NAT.  
CHR.

Nondum perfunctum cura Regem rerum suarum, aut expeditionis bellicæ aduersus Mauros, tumultus Gallici fama atrox inuasit: quod Alfonsus Prouinciæ Comes frater & Guilielmus Folcalquerius Comes Garfendæ patruus, quam Alfonsus Rege patre adnitente vxorem duxerat, inter se magna armorum contentione præliarentur. Guilielmus Rege defuncto, aliquot oppida, atque iura ditionis Garfendæ interuerterat: ad seque transtulerat. Sanctius Regis patruus, cui Rex ditionem Ruscinonensem tradiderat, Alfonsum fratris filium deferens, Folcalquerii partes fouet: pluresque Franci proceres eas sustinent. Rex in Prouinciā profectus ad fossas Marianas, Aquas mortuas vocant, indutias fieri contendit: & uti se arbitro, & Narbonensi, & Tolosæ proceribus, Episcopisque aliquot adiunctis, res, quæ in disceptationem vocabantur, constituerentur, & collocarentur: impetrat. Cum de Sistarici oppidi, atque arcis ditione cōtrouerfarentur, Rex amborum nominæ in manus suscipit. Paciscuntur, uti Alfonso, & Garfendæ, nullis superstitibus liberis vita functis, Sistaricum, Sistaricique arx Guilielmo cedant. Salinæ, portusque Tarasconis Alfonso contribuuntur: & reliqui portus ad Longobardorum fines, amborum ditioni adiudicantur.

Ad Campillum, Susanum vocabant, quasi superiorem nomines, Agredæ, & Turia-  
sonis finibus interiectum vicum, Castellæ, & Aragoniæ Reges congressi, finium contro-  
uerfias componunt: eisque terminandis arbitros adiiciunt. Aragonii Garcias Romæus,  
& Petrus Seseñus dati. Communi sententia Caunum montem aquarum diuortiis Ara-  
goniæ regno attribui edicunt.

Haud parua expeditio hoc anno à Rege facta est: si regii apparatus, sumptusque spe-  
ctentur: frequentissima celebritate, & totius Italiæ clarissima luce expositi. Rex Gallia ex  
Prouincia soluens, classe Genuensem portum tenet. Nouembri mense Tiberis ostio in-  
uectus, ab aliquot Cardinalibus, & Senatore, populoq; Romano in urbem deductus, In-  
nocentium P. M. de more veneratur: & in Vaticano, Pontificiis in ædibus Regi paratur  
hospitium. Perendino die præsentationi D. Mariæ dicato, summus Pontifex in eadem D.  
Pancratii traductus Regem sollemni pompa urbis regionibus ouantem excipit: atque in  
ea æde à Petro Portuensi Episcopo sacro oleo perungitur. Regium diadema capiti Regis  
ab Innocentiō imponitur: atque regiis insignibus decoratur. Rex fidelitatis sacramento  
se Pontifici Maximo, atque sanctæ Romanæ Ecclesiæ addicit. In Vaticanum reuersus, in  
facello D. Petri regiis insignibus depositis, & gladio Pontificis manu accepto, militiæ au-  
ctoramentum proficitur. Regnum tributarium ecclesiæ constituit: & CCL. Mahozemu-  
tinorum aureorum nummorum tributum in singulos annos, ab Aragoniæ Regibus con-  
ferendū indicit: summa à se proposita mercede, q̃ Pontificis manu diadema sumpfisset.  
Ii numi à luceffio Mahozemuto iactati, nuncupatique, qui summum in Mauros imperi-  
um in Hispania obtinuerat, singuli sex solidis regaliū expendebantur: æstimabanturq;.  
Pontifex priuilegium irrogat, ut ab Archiepiscopis Tarraconensibus coronæ, in poste-  
rum Regibus Cæsaraugustæ imponantur: modo caueant, se id ecclesiæ præstituros, quod  
à Rege sancitum fuerat. Grauitur proceres mox, populiq; conqueruntur: q̃ ex libero  
Regno, & ab omni munere soluto, Rex stipendiarium cōstituerit. Res digna visa est, quæ  
uti vetustis monumentis gesta perhibetur, commemorari debeat. Anno VII. Pontifica-  
tus domini Innocentii Papæ III. Mense Nouembri Petrus Rex Aragonum ad Apostoli-  
cam sedem accessit: ut ab eodem domino Papa militare cingulum, & Regium acciperet  
diadema. Venit autem per mare cum V. galeis. Applicuit apud Insulam: inter portū, & O-  
stiam: adducens secum Archiepiscopum Arelatensem, & Præpositum Magalonensem:  
cum quibus interfuit electus Montis maris: & alii quidam clerici nobiles, & prudentes.  
Proceres quoque secum adduxit Sanctium patruū suum: Hugonē de Baucio, Trogelium  
de Massilia, Arnaldum de Fociano, & alios multos nobiles, & potentes. Missis autem ad il-  
lū equitaturis Romanis pæne CC, fecit eum apud S. Petrum ad præsentiam suam idē do-  
minus Papa venire: mittens in occursum ipsius quosdam Cardinales: Senatorem Urbis  
& multos alios nobiles: & magnates: fecitq; illū apud S. Petrum, in domo Canonorum  
honorifice hospitari. Tertio vero die: in festo videlicet S. Martini præfatus dominus Papa  
cum Episcopis, Presbyteris, & Diaconibus Cardinalibus, Primiceriis, & Cantoribus, Se-  
natore, Iustitiariis, & iudicibus, aduocatis, & scriniariis, multisque nobilibus, atque po-  
pulo copioso ad monasterium S. Pancratii martyris prope trans Tiberim est profectus:  
ibique præfatum Regem per manus Petri Portuensis Episcopi fecit inungi: quem post-



AERA. „modum ipse manu propria coronauit: largiens ei Regalia insignia vniuersa: mantum vi-  
 NAT. „delicet, & Colobium, sceptrum, & pomum, coronam, & mitram: corporale ab eo recipi-  
 CHR. „ens iuramentum: cuius tenor est talis.

„EGO PETRVS REX Aragonū profiteor, & polliceor q̄ semper ero fidelis, & obediens  
 „domino Papæ Innocentio: eiusque Catholicis successoribus & Ecclesiæ Romanæ: Re-  
 „gnumque meum in ipsius obedientia fideliter cōseruabo: defendens fidem Catholicam  
 „& persequens hæreticam prauitatē: libertatem, & immunitatem ecclesiæ custodiam: &  
 „earum iura defendam. In omni terra meę potestati subiecta pacem, & iustitiam seruare  
 „studebo: sic me deus adiuuet: & hæc sancta euangelia.

„Deinde Præfatus Rex cum multo laudis præconio, & fauoris applausu coronatus 10  
 „rediit iuxta dominum Papam: ad Basilicam S. Petri: super cuius altare sceptrum, & dia-  
 „demā deposuit: & de manu eiusdē domini Papæ militare ense accepit: Regnumq̄ suū S.  
 „Petro Apostolorū principi obtulit: illudq̄ sibi constituit censuale per priuilegii paginam:  
 „quam eidem domino Papæ tradidit super ipsum altare: cuius tenor est talis.

„Cum corde credam, & ore confitear, quod Romanus Pontifex, qui est beati Petri  
 „successor, vicarius sit illius, per quem Reges regnant, & Principes principantur, qui do-  
 „minatur in Regno hominum, & cui voluerit donabit illud: EGO PETRVS Dei gratia  
 „Rex Aragonum, Comes Barcinonensis, & dominus Montis Pefulani cupiens principa-  
 „liter postea beati Petri, & Apostolicæ sedis protectione muniti, tibi Reuerendissime pa-  
 „ter, & domine summe Pontifex INNOCENTI, & per te Sanctæ Romanæ ecclesiæ offero 20  
 „regnum meum: illudque tibi, & successoribus tuis in perpetuum diuini amoris intuitu,  
 „pro remedio animæ meæ, & progenitorum meorum constituo censuale: vt annuatim de  
 „camera Regis cc l. Macemutinæ Apostolicæ sedi reddantur: ac ego, sicut & successores  
 „mei specialiter ei fideles, & obnoxii teneamur: ac lege perpetua seruiendum fore decer-  
 „no: quia spero firmiter, & confido, quod tu, & successores tui me, ac successores meos, &  
 „Regnum prædictum auctoritate Apostolica defendetis: præsertim cum ex multo deuotio-  
 „tionis affectu, me ad sedem Apostolicam accedente, tuis, quasi beati Petri manibus, in  
 „Regem duxeris sollempniter coronandum. Vt autem hæc Regalis concessio inuiolabilem  
 „obtineat firmitatem, eam de consilio Procerum Curiæ meæ, præsentī venerabili patre  
 „meo Arelatenſi Archiepiscopo, & Sanctio patruo meo, & Hugone de Baucio, & Arnaldo, 30  
 „de Fociano Baronibus meis sigilli mei feci munimine roborari. Actum Romæ apud S.  
 „Petrum anno Dominicæ Incarnationis MCCIV. III. Id. Nouembris. Anno Regni mei IX.

„His omnibus rite peractis, fecit eum dominus Papa per urbē ad Ecclesiam S. Pauli  
 „deduci: ubi galeas inueniens præparatas intrauit: & Apostolica benedictione ad propria  
 „meruit cum prosperitate redire.

„Super coronatione vero Regum & Reginarum Aragonum in posterum facienda,  
 „tale sibi priuilegium dominus concessit.

„CVM quanta gloria, & honore, impendiis, & applausu Regium Romæ, de manu mea  
 „in monasterio B. Pancratii susceperis diadema, postquam per venerabilē fratrem nostrum  
 „Petrum Portuēsem Episcopum in Regem te fecimus coronari, tua sublimitas non igno- 40  
 „rat. Vt dilectionis autē affectum, quam ad tuam habemus personā, per exhibitionē operis  
 „euidētius monstraremus, Regalia insignia vniuersa, mantū videlicet, colobiū, sceptrum,  
 „& pomum, coronā, & mitram ad opus tuum non minus pretiosa, q̄ speciosa fecimus præ-  
 „parari: & ea liberaliter tibi donauimus: in signum gratiæ specialis. Tu vero tanquam prin-  
 „ceps, & Catholicus Rex super altare beati Petri Apostolorum principis Regnū tuū nobis  
 „& per nos sedi Apostolicæ, cū multo deuotionis affectu, per priuilegii paginam obtulisti:  
 „illud ei cōstituens in perpetuū censuale: firmiter promittēdo, q̄ iuramētum fidelitatis, &  
 „obedientiæ in coronatione tua nobis exhibitum inuiolabiliter obseruabis: & ad illud ex-  
 „hibendū, & obseruādum successores tuos obligari volebas. Nos igitur gratiā tuā nobis ex- 50  
 „hibitam ad successores deriuari volentes, præsentium auctoritate cōcedimus, vt cum ipsi  
 „decreuerint coronari, coronā à sede Apostolica requirentes, de speciali mādato per Tar-  
 „raconensem Archiepiscopum apud Cæsaraugustam sollempniter coronentur: præstita su-  
 „per prædictis idonea cautione. Et quoniam iure ciuili cautum est, vt mulieres maritorum  
 „honoribus decorentur, præsentī auctoritate concedimus, vt per manus eiusdem Archie-  
 „piscopi eis liceat coronari. Nulli ergo, &c. Nostræ concessionis, &c. Si quis autem, &c.

„Sollemnibus susceptæ coronæ Romæ celebratis, Rex in Prouinciā Galliam re-  
 „nauigans, aduersus Folcalquerium bellum gerit: quod fœdera cum Alfonso fratre ista  
 „neglexisset: atque violasset: & fratrem captiuum contra ius, fasque detinuisset: quem Rex  
 „in libertatem vindicat.

Cum



Cum Alfonsi Castellæ, & Legionensis Reges patruces fratres, nouo affinitatis vinculo adiungerentur, & Legionensis Berengariam Castellæ Regis F. duxisset, vna cum Aragonio Rege Sanctio Nauarræ Regi bellum inferunt. Roncauallem, & Aiuarum expugnant. Cum eas ciuitates Aragonius repeteret, atque suæ ditionis, ac iuris esse contenderet, nostris traduntur. Matrimonium postea Regis cum Nauarri sorore paciscuntur: sed cum eæ nuptiæ legitimæ esse nequirent, quod tercio consanguinitatis gradu adiungerentur, Innocentius eas tamquam incestas dirimi sancit.

Augusti mensis Kalendis Rex Iaccam exercitu coacto iniit: magnoque comitatu ad colloquia Regis Angli congregitur. Proficiscentem comitantur Raimundus Roccabertinus Archiepiscopus Tarraconensis, Gombaldus Dertosanus, Garcias Oñensis, & Raimundus Cæsaraugustanus Episcopi: Arnaldus Alascon aulæ Regiæ præfectus, Innicus Martinius Sobiza, qui Burgiæ dominabatur, Artallus Alagon, Garcia Romæus, cui Rex id temporis oppidum Pratellam, arque arcem tradiderat, Simon Cornelius, Petrus Pomarius, Assalitus Gudalis, Adam Alascon, Aznarius Pardus, Petrus Alcalanus, Artho Focius, Rudericus Stada, Bernardus Beneuentanus, Petrus Sefesius, & Simon Luesia. Oscæ Nouembris mensis fine, cum Rex large, & effuse regium patrimonium profunderet, & in sumptibus effundendis nimis esset, ac prodigus, eiusque benignitas in largiendo esset exhausta: nouum vectigal imponitur: cui monetatici nomen publicani inuenere.

Arnaldus Alascon Aulæ regiæ præfectus.

Sanctia Aragoniæ Regina adnitente, ac se in vtramque partem versante Hispaniæ Reges Lusitano dempto, Phari ad colloquium congregiuntur.

Didacus Lupius Lupi Naiarenis Comititis, qui Viscaïæ dominabatur, F. acre bellum aduersus Castellæ Regem gerit: quod Legionensis ab Vrraca Lupia sorore diuertisset. Is, regibus fœdere adiunctis, Valentiam properans, bellum Regi, Aragoniæ finibus infert: quem cū Valentia Rex inclusisset, & ad portas venisset, murumq; iaculo traiecisset, & urbem acerrime oppugnaret, suffosso equo, summum vitæ discrimen adit: ex quo ab ipso Didaco ereptum ferunt.

Cū magna celebritate famæ, Regis egregia virtus in vltimis regionibus percrebuisset, & Hierosolymitani regni vires summis difficultatibus affectæ atq; afflictæ esset, & à Turcis premeretur, Maria Amalrici Hierosolymitani Regis vxor, eiusq; regni proceres Mariam Amalrici neptem Conradi Monferratenis filiam regni heredem Regi collocari summo opere student. Prolemaide, recentior ætas nuncupauerat Aconem, A. D. XI. K. Oct. auia Regina, assidentibus Petro presbytero Cardinali tituli S. Marcelli, A. Patriarcha Hierosolymitano, Petro Cæsariensi, C. Tyrensi, A. Nazareno Archiepiscopis, & Aconensi, & Bethlehemi Episcopis, & S. sepulchri Priore, & Iosaphati, & Taboris Abbatibus, atque Hospitalis S. Iohannis Magistro, iurisiurandi religione obstricta sponderet. Mariam neptem in A. D. K. Nou. secundas nupturam modo conuentis Rex staret: & Pontifex Maximus id ratum haberet. Rex sibi in matrimonium adiunxerat Mariam, quæ Mompellerii dominabatur, filiam Guilielmi Mompelleriensis, & Mathildis Emmanuelis Constantinopolitani filia. Nuptiis celebratis Rex Mompellerii dominatus cognomentum suscipit. Cum insignem probitate, & sanctitate feminam duxisset, & quæ Constantinopolitani imperii ius materna hereditate repeteret, Mathildis enim Alexio fratre Andronico interempto, legitimo iure id regnum appetierat, ab vxore, pellicum amore flagrans diuertere nititur.

Cum Rex solutis, & vagis amoribus in concubinarum cupidinem, & contubernium se transfudisset, & connubii diuortium fieri contendens sanctissimam feminam exturbare, niteretur, clam, quasi cum alia concubiturus, ancillari dolo, furtim Regiæ admittitur. Ea nocte filius concipitur: quem diuino numine Christianæ reipublicæ, & religioni propagandæ genitum res ab eo gestæ testantur. Mompellerii K. Febr. nascitur: & sortito Iacobi nomen inuenit.

Octobri mense Castellæ, & Nauarræ reges in Carpetanis Guadalaiaræ congressi, de pactis in quinquennium indutiis, & vt earum iura seruarerentur, arcibus etiam traditis, Castellanus pollicetur, se in ea fœdera Aragoniæ Regem deducturum: vt fraterna vnanimitate, aduersus exultantes Maurorum conatus obuiam eatur. Quamuis magna contentione Aragonius, & Nauarrus dissident, & Rex Roncauallem, & Burgui arcem Gastoni Vicecomiti Beneharnensi, Bigeronensi Comiti pro pignore L. M. solidorum Morlanensium tradiderat, quæ belli præcipua causa fuerant, summo Regis Castellæ studio, ea Regum conspiratio, & concordia ad rempublicam tuendam, Regem ad se deduxit.



AERA.  
NAT.  
CHR.  
1246.  
1208

Constantia Regina Regis soror, quæ Emerico viro Hungariæ Rege vita functo, Leopoldi Austriæ Ducis ope, principis propinquitatis vinculo Aragoniæ domui adiuncti, ad fratrem reuersa fuerat, adnitente Sanctia Regina parente, Frederico Siciliæ Regi Cæsaraugustæ despondetur. Hæ nuptiæ ab Innocentio P. M. Frederici tutore sanciantur: qui enixe studuit, ut Fredericus pæne puer, & Siciliæ arces à Marchoaldo, Regina Constantia Frederici matre defuncta, oppressæ in libertatem vindicarentur. Ad hæc Pontifex, & Regina pactiorem fecerant, si Fredericus ante matrimonium initum decederet, Siciliæ regnum ab Ecclesia Ferdinando Constantiæ fratri, quem pater sacro ordini dicauerat, deferretur.

Nouembri mense Sanctia Regina, quæ se Xixenenfi virginum cœnobio, quæ cultui diuino sacratæ erant, Hierosolymitani instituti à se constructo, addixerat, & eo ritu sacris initiata fuerat, è vita excedit: & in ea sacra æde sepelitur.

Ermengaudus Vrgellitanus Comes decedit: eorum principum vltimus, qui à Borrello Barcinonensi Comite virili stirpe genus ducebant. Ex Eluira Sobiratenfi Comite vxore Aurembiaxim filiam susceperat. Super eius ditionis hereditate, quæ ampla, & præpotens erat, bellum inter Regem, & Gerardum Caprariam Vicecomitem exoritur. Aurembiaxis, quod mater Eluira verita esset, ne à Gerardo ditione ea euerteretur, qui consobrinus erat. Nam, Pontius pater Caprariæ Vicecomes Miraglum Ermengaudi sororem duxerat, hereditariis iuribus Regi cedit: atque ea condonat. Aurembiaxim Rex sub potestatem, manumque suscipit. Balaguerium Gerardum includit: eoque obsidione, & acri oppugnatione ad deditiorem compulso, totius pæne Vrgellitanæ ditionis potitur.

1247.  
1209

Alfonfus Prouinciæ Comes Barcinone soluens, Constantiam Reginam sororem ad ad Fredericum maritum Siciliæ Regem, magno prouincialium, & Catalanorum procerum comitatu deducens, in Siciliam Februario mense appellit. Funestæ eæ nuptiæ morte Alfonfi, & plurium procerum, qui magna vi morbi ingrauescente Panhormi decedunt, fuere. Ex Garfenda vxore Folcarquerii Comitis nepte Alfonso filium susceperat Raimundum Berengarium. Is Prouinciæ Galliæ dominabitur.

A. D. II. Non. Iun. ad Malienem Aragoniæ, & Nauarræ Reges ad colloquia conueniunt: Rex à Nauarro x x. m. nummorum aureorum, quos morabetinos vocabant, mutuatur: eorumque pignori arces, & oppida Pinæ, Esconis, Pitillæ, & Galluris opponit: adeo in summa difficultate nummaria non Rex modo, sed ea tempora versabantur.

1248.  
1210

Martii mensis exitu Montione Rex militares copias cogit: & in Valentini regni fines inuadit. Duces exercitui præbiti Simon Cornelius, Garcias Romæus, Artalius Alagon, Blascus Romæus, Petrus Sefesius, Atho Focius, Guilielmus Ceruilionius, Guilielmus Peralta, Arnaldus Palazinus, Arnaldus, & Adam Alafcones, Atorella, Sanctius Antilionius, Guilielmus Moncada, & Guilielmus Raimundi Moncada Cataloniæ Senescallus. Adamuzium, Castrum fauibium, & Sertella oppida, & eorum arces expugnantur. Eæ non Aragonio regno, sed Valentino contribuuntur: quæ ipsa propinquitate regionum in extremis finibus positæ, velut appendices essent maioris expeditionis. Vicina castella ad deditiorem fœdera recepta imperata faciunt. In Adamuziana oppugnatione Atorella qui Quinti dominabatur, Petri Oticii F. egregie operam nauauit: eoque ipso die Rege, & Cæsaraugustano Episcopo præsentibus Petro Montacuto Templariorum magistro, & eius ordini se addicit, vouetque. In eo bello ex proceribus præsto Regi adfuere Garcias Frontinus Turiasonenfis Episcopus, Garcias Romæus, Simon Cornelius, Michael Luesia, Simon Aiuarius, Arnaldus Alafcon, Latro, Aznarius Pardus aulæ Regiæ Præfectus, Atho Focius, Assalitus Gudalis, & Petrus Crexelius.

A. D. XIII. K. Oct. ad Villam, quam Felicem vocant, Rex Dertosam urbem, & arcem, quæ Azudæ cognomen habuit, & eius urbis propugnacula Petro Montacuto Templariorum Magistro, atq; eius militiæ ordini donat.

Aznarius Pardus Regiæ Aulæ Præfectus.

1249.  
1211

Bellum sacrum, quod Hispaniarum Reges, & præcipuus eius auctor, & concitator Castellæ Rex in vltima rerum desperatione, aduersus victorem Maurum moliti sunt, pro præsentiterrorre, ac rerum insigniter gestarum laude, & gentis Hispaniæ robore, ingenti gloriæ fuit. Confirmatis enim partibus, cum omni viniticœpissent, & Castellani exercitus licentia, luxuriaque corrupti, ad seuerissimam militiæ disciplinam reuocarentur, omniaque reciderentur deliciarum instrumenta, quasi de summa reipublicæ in certamen, atque discrimen deuenire parant. Pontifex Max. sacræ expeditionis præsidia, atque noxiarum expiationes indulget: & sacrosanctæ Crucis prædicatione



tione exterarum nationes, & gentes in ultimas terras pietatis ergo confluunt: præcipuo con- AERA.  
cionatore, & quodammodo sacri belli lituo Ruderico Simenio Toletano Antistite. NAT.

Castellæ Rex cum Ferdinando F. Valentini regni fines Serabim vsque incurrit. CHR.  
Maio mense in Carpetanos regreditur. Ferdinandus illico Lusitanorum Maurorum præ-  
sidia Trugilli, & Montanciis firmata oppugnat: & in ipso belli conatu A.D. II. Id. Octob.  
decedit: cuius morte vniuersa Hispania in luctu, & squalore fuit.

## P R O E L I V M V B E D E N S E.

Hispano robore aduersus Maurorum vires, qui extransmarinis prouinciis fretum 1250.  
transiiserant, & Bæticis, Contestanis, & Lusitanis se adiunxerant, maximo prælio, Ma- 1212  
10 riano in saltu, ad Tolosæ conualles Castellæ, Aragoniæ, & Nauarræ Reges decertant.  
Quantis nunquã ante alias simul copiis hostes conueniunt: castraq; saltuosos, ac siluestri-  
bus locis metantur. In comitatu Aragonii Regis ad bellũ proficiscuntur viri fortissimi no-  
bilissimiq; qui ordines duxerant Garcias Frontinus Turiasonensis, & Berengarius Bar-  
cinonensis Episcopi: Sanctius Comes Aragonii Regis patruus, Garcias Romæus, Simon  
Cornelius, Guilielmus Peralta, Michael Luesia regius vexillifer, Aznarius Pardus, Nun-  
nius Sanctii Comititis ex Sanctia Nunnia filia Nunnii Comititis Larenfis filius, Lupus Fer-  
rencius Luna, Artallus Focius, Petrus Maza, Atorella, Simon Aiuarius, Rudericus Liza-  
na, Petrus Ahonesius, Emporiarum Comes Gerardus Capraria, qui Vrgellitani Comita-  
tus hereditatem inuadere conatus fuerat: Raimundus Folchius, Guilielmus Cardona,  
20 Guilielmus Ceruera, Berengarius Petramola, Guilielmus Aquilonius Tarraconensis, &  
Arnaldus Alascon. Aragonius exercitui ductores præficit Garciam Romæum, Simonem  
Cornelium, Aznarium Pardum, Artallum Focium, Atorellam, & Petrum Mazam. Præ-  
terea Petrus Tomichius prodit, penes quem fides sit, Dalmatio Crexelio Catalano, qui  
inter omnes suæ ætatis duces rei militaris scientiam percalluisset, cum Reges de dirigen-  
dis, & ordine collocandis aciebus, inter se dissiderent, eam curationem, & distributio-  
nem traditam. Primo concursu, adeo æquis viribus gestares est, ac si pares acies vtrinque  
conflixissent: tantaque cæde nostri prorupere cuneos, turbatis hostium ordinibus, vt  
prælium deinde illis non constiterit: nec fuga explicari sine ingenti cæde potuerit. Diui-  
num numen pia arma respexisse visum. Nam cum de summa rerum eo in prælio certa-  
30 retur, facile inclinata res: pulsiq; hostes: capta castra: & Mauri à tergo circumuenti:  
nulla ex Christianorum parte cæde ostentata. Pugna Lunæ die, A.D. XVII. K. Aug.  
commissa est: qua nihil adhuc Hispanæ gentes nobilius videre. Nulla enim tam ex-  
igua tantas copias prostrasse fertur: vt vere, sicuti Innocentius summus Pont. in gra-  
tiarum actione testatur, Deus Optimus Maximus, qui superbis resistit, & humilibus,  
atque demissis commodat, antiqua innouando miracula, gloriosam tribuerit victoriam  
de perfidis gentibus. Insigni animorum præsentia adfuere Alfonso magni, & alti animi  
Principi eo in prælio Aragoniæ, & Nauarræ Reges: qui ingenti laude bellica opera exe-  
cuti, & pari in munere versati, ingenti gloria parta, dignos se maioribus suis præbuere.  
Summis enim conatibus, haud minore sua, quam militum virtute, imperatorisq; artibus  
40 ac muneribus magnam sibi gloriam, & laudem protulere. Ad c. m. armatorũ ex firmo ex-  
ercitus Maurorum robore interempta memoriæ proditur. Leopoldus Austriæ Dux, vt  
prælio interesset, in Hispaniam contenderat: & regio apparatus à Rege Aragoniæ, magna  
necessitudinis propinquitate sibi adiuncto excipitur.

Diuina victoria parta, præsens certe numẽ piis gẽtibus affuit, tot opibus, copiisq; vna  
die profligatis, vt nõ vinci modo barbarorũ pertinacia, & auerti cœperit, sed eius imperii  
maiestas in Hispania cõciderit, Beatia, & Vbeda in nostrorũ potestate venire. Expugna-  
tæ Vbedæ decoris pars maior ad Lupũ Ferencium Lunã defertur, ex Aragoniis proceri-  
bus primarium: q̃ eius milites, qua cõsederant, primi in mœnia euasissent: irrupissentque.

A.D. VII. Id. Nou. Thauſti Rex Constantiam F. ex concubina genitam Guilielmo  
50 Raimundo Moncadæ Catalonię Senescallo, ex proceribus primario viro, despondet. Illo  
ipso tempore Rex diuortii causam maxime vrguet.

Interim illa calamitas accidit apud Regem reipublicæ: cum Reginam eximia san- 1251.  
ctitate feminam connubio euertere nititur: exegitque. In causa matrimonii, quæ diutius 1213  
agitata fuerat, hæc Regem intendisse comperiõ: Hugonẽ Tarrogia Regis consanguineo  
apud Pont. Max. connubiũ conuellente. Matrimoniu Regi suspectum esse, quod Regina  
maritũ alium haberet superstitem Comitẽ Conuenarum: cui in Ecclesiæ facie copulata  
fuerat. Adhæc Regem se alteri feminæ commiscuisse, quæ Reginã cõsanguinitatis linea  
contingeret. Neque Regina abnuĩt patre viuente, ac procurate cum Conuenarum Co-  
mite contraxisse: sed id matrimonium maritali foedere fuisse irritum: quod Comes sibi



AERA.  
NAT.  
CHR.

esset consanguinitate pariter, & affinitate coniunctus: & cum id matrimonium cōtraxerat, duas haberet vxores: G. filiam A. Barcæ, & Comitis Bigeronum filiam: quæ Reginæ consanguinitate adiuncta erat. Præterea Rex contenderat Conuenarum Comitem consanguinitatis linea se contigisse: atque inde aliam affinitatem inter se, & Reginam fuisse subortam. Regina Romam profecta, Pontifex causam publico in confesso examinat: & ea cognita statuit: atque huiusmodi decreto interposito legitimum ius constituit.

» INNOCENTIVS Episcopus seruus seruorum Dei. Karissimo in Christo filio P. illustri Aragonum Regi Sal. & Apostolicam ben. Nouit ille, qui est testis in Cælo fidelis, cui  
» omne cor patet, & nullum latet secretum, quod in causa matrimonii, quæ inter te, & Karissimam in Christo filiam Mariam illustrem Reginam Aragonum coniugem tuam, diu-  
» tius noscitur agitata, via regia semper incessimus: neque ad dexteram declinauimus, vel  
» sinistram: quod teste conscientia, in causis fecimus vniuersis, quæ ad nostrum perferuntur  
» examen: cum illius vices disponente ipso, exerceamus in terris, qui iustus, & iustitiam  
» diligens, sine acceptione iudicat personarum: nec ignoramus legis diuinæ mandatum:  
» quo habere pondus, & pondus, mensuram, & mensuram, quorum vtrumq; apud Deum  
» est abominabile, prohibemur: & æqua lance causas, & merita pensare præcipimur singu-  
» lorum. Licet igitur inter alios Mundi Principes te sicut opera ipsa declarant, amplexemur  
» specialis dilectionis affectu, & ad personæ tuæ honorem, & commodum aspiremus,  
» vbi tamē ad iudicii peruenitur examen, in quo nec respicere pauperem, nec potentis vultum  
» honorare permittimur, nullam tibi, vel alii gratiam facere possumus, aut debemus:  
» & maxime vbi agitur de matrimonij sacramento: quod ante peccatum, in Paradiso à Domino  
» institutum, præter propagationis humani generis fructum, illud ineffabile sacramentum  
» cōiunctionis, Christi videlicet ad sanctam Ecclesiam Dei, ad fidelem animam,  
» & ipsius verbi, ad humanam naturam noscitur figurare: Apostolo attestante: qui de bono  
» matrimonij agens, inquit: Ego autem dico magnum in Christo, & Ecclesia sacramentum.  
» Dudum igitur: cum matrimonium contractum inter te, & eandem Reginam proponeres  
» te habere suspectum, pro eo, quod eadem ferebatur maritum alium habere superstitem  
» videlicet nobilem virum N. Comitem Conuenarum, tuque prius carnaliter mulierem  
» quamdam cognoueris, Reginam ipsam consanguinitatis, vt dicebatur, linea contingentem:  
» & super hoc conscientia, ac salutis tuæ consuli postulares, causam bonæ memorie  
» Pompilonensi Episcopo, & P. de Castronouo, & fratri Rodulpho monachis Fontis frigidi,  
» qui duo tunc erant Apostolicæ Sedis legati, meminimus commississe: coram quibus,  
» cum lis fuisset, super duobus præfatis articulis, per partium procuratores legitime  
» contestata, nobili virō Hugoni de Turre rubea consanguineo tuo, tunc matrimonium, vt  
» dicitur, accusante, legatis eisdem interim ab hac luce subtractis, & Pampilonensi Episcopo  
» pro suis, & Ecclesiæ suæ negotiis apud Sedem Apostolicam occupato, causam ipsam  
» venerabilibus fratribus nostris Narbonensi Archiepiscopo, tunc Cisterciensi Abbatī, ac  
» Vicensi Apostolicæ Sedis legatis, & Reginensi, tunc temporis officio legationis  
» fungenti Episcopis duximus committendam: sub ea forma, qua præfato Pampilonensi, &  
» suis coniudicibus fuerat ante commissa: nullo in posterioribus litteris addito, vel  
» mutato: vt videlicet si appareret legitimus accusator, causam conuocatis partibus  
» audientes, eam, si de partium voluntate procederet, sine Canonico terminarent: alioquin  
» gesta omnia fideliter conscribentes, ea nobis, sub suarum testimonio transmitterent  
» litterarum præfigentes partibus terminum competentem: quo per procuratores idoneus  
» nostro se conspectui præsentarent: iustum, Deo auctore, iudicium accepturi. Te igitur,  
» ac eadem Regina, sicut ex actis intelleximus, personaliter in ipsorum iudicium præsentia  
» cōstitutis, proponere curauisti, quod Regina ipsa tibi, de iure sociari non poterat fœdere  
» maritali: tum quia dicto Comiti Conuenarum adhuc superstites fuerat in Ecclesiæ facie  
» matrimonialiter copulata: per quod constabat, eam tecum contrahere nequiuisset: cum  
» ab eodē Comite separata per iudiciū Ecclesiæ nō fuisset. Regina vero ibidē fuit absolute  
» confessa: quod re vera, patre suo viuentē, ac procurante contraxerat cum Comite  
» memorato: sed ad iecit, quod huiusmodi matrimonium de facto contractum fuerat,  
» non deiure: cum idem Comes sibi esset consanguinitate pariter, & affinitate  
» coniunctus: & insuper duas haberet vxores: tempore, quo contraxerat cum eadem  
» ad quæ probanda sibi dari terminum postulauit. Et licet fuerit ex tua parte  
» responsum, quod eius, super his, exceptiones recipi non deberent, donec esset præfato  
» Comiti, cum quo se contraxisset confessa fuerat, restituta, nec tu exceptionibus  
» nebaris huiusmodi respondere, ad vltimum tamen ita fuit, de partiū voluntate prouisum  
» vt scilicet, salua tibi exceptione seu replicatione prædicta, vtriusq; partis probationes, super



per præmissis articulis audirentur. Postmodum B. Aimerii, quem procuratorem in ne-  
 gotio constitueras memorato, de consensu tuo, tria se obtulit probaturum: scilicet: matri-  
 monium prius fuisse contractum inter dictam Reginam, & Comitem Conuenarum: &  
 matrimonium, si quod fuit, inter eundem, Comitem, & G. filiam A. de Barca, fuisse iu-  
 dicio ecclesiæ separatum: ante quam cum Regina contraxisses eadem: & filiam Comitis  
 Bigoræ, uxorem Comitis ante dicti fuisse tibi consanguinitate coniunctam: & sic termi-  
 nus fuit partibus assignatus: facta promissione hinc inde, quod alias dilationes non pete-  
 rent, ad proponendum aliud: vel probandum. Cumque partes termino constituto, in  
 duorum Iudicum prædictorum præsentia, tertio litteratorie suam excusante absentiam,  
 conuenissent, Regina proponens se infirmitate grauata, testes suos medio tempore  
 10 producere nequiuisset, dilationes alias postulauit: quas licet dictus procurator tuus asse-  
 reret, sibi non esse vllatenus concedendas, pactionem factam de non petendis dila-  
 tionibus allegando, ac super hoc fuisset diutius disputatum, tandem de consensu par-  
 tium concessa fuit, sub præfata conditione seu pactione dilatio: & terminus assi-  
 gnatus R. procuratori sæpe dictæ Reginæ: ac rursus dilationes alias postulare, dicto  
 procuratore tuo eas sibi non debere concedi omnimodis contendente, Iudices ad  
 Montempefulanum, vna cum ipsis procuratoribus accesserunt: vt ibi præsentem Regi-  
 na negotium tractaretur: vbi cum super dandis, vel non dandis dilationibus fuisset à  
 partibus diutius litigatum, tandem dicto procuratore tuo adhibente consensum, Iu-  
 dices sub conditione præmissa dilationes alias concesserunt: locum & terminum parti-  
 20 bus assignantes. Porro partibus, præfixo termino, in Iudicum præsentia constitutis, ab-  
 sente Regina, eius tamen procuratore præsentem, procurator tuus de nouo proposuit:  
 quod dictus Comes te consanguinitatis linea contingebat: per hoc inter te, ac Reginam  
 probare aliam affinitatem intendens: super quo, quamquam lis minime contestata fuis-  
 set, & conuenisset, vt dictum est, inter partes, quod de nouo proponere aliquid non de-  
 berent, Iudices tamen testes, qui nequaquam iurauerant, nisi super illis dumtaxat articu-  
 lis super quibus lis fuerat contestata, recipere præsumpserunt: super quo, de ipsorum pru-  
 dentia non possumus non mirari: & si procurator tuus coram omnibus multipliciter  
 conatus fuerit demonstrare: in hoc articulo legitime fuisse processum. Demum cum  
 probationibus, & allegationibus, fuisset renuntiatum hinc inde, licet Regina, quod non  
 30 opponeret appellationis obstaculum iuramento præstito promississet, quia tamen facul-  
 tas à nobis sententiam audiendi si mallet, eidem in litteris nostris fuerat reseruata, vt vo-  
 lens beneficio earundem humiliter postulauit, vt ad nos causa remitteretur instructa:  
 præfixo partibus termino competentis: cuius petitione, sicut ius exigebat, admissa, dicti  
 Iudices acta omnia, pro vt à nobis in mādatis acceperāt, vt ad nos sub sigillis suis fideliter  
 transmiserunt. Cum ergo Regina, & dilectus filius magister Columbus procurator tuus,  
 vir vtrique litteratus, prouidus, & fidelis, ac de sollicita diligentia, & diligenti sollicitudine  
 in eodem negotio habita merito cōmendandus, propter hoc ad nostram præsentiam ac-  
 cessissent, causam in consistorio publico sollemniter examinatumus: & attente. His igi-  
 40 tur quæ à partibus prudenter, subtiliter, ac fideliter, tam super actis in præsentia Iudicum  
 prædictorum, quam coram nobis fuere proposita, diligenter auditis, & subtili examinati-  
 one discussis, quia nobis constituit euidenter, quod sæpe dicta Regina & Comes Conue-  
 narum prædictus se in distātia tertii, & quarti gradus consanguinitatis, & affinitatis con-  
 tingunt, & idem Comes prius in conspectu Ecclesiæ cum nobili muliere Beatrice con-  
 traxerat, à qua non est probatum, ipsum Ecclesiæ fuisse iudicio separatū, cum super  
 proposito affinitatis articulo, nihil legitime probatum fuerit contra eam, de communi  
 fratrum nostrorum consilio eandem ab impetitione tua super his, quæ in iudicium fuere  
 deducta, sententialiter duximus absoluendam: eandem, ex eo nequaquam ream esse  
 perituri decernentes: quod causam ad nos remitti postulauit instructam: cum id, sicut est  
 50 expressum superius, in nostris sibi fuisset litteris reseruatum. Monemus igitur serenita-  
 tem tuam, rogamus, & obsecramus in Domino, Celsitudinituæ nihilominus ex animo  
 consulentes, quatenus non moleste sustinens, nec admirans, quod tibi non detulimus  
 contra Deum: sed potius cogitans, quod non tam tuæ curauimus voluntati consulere,  
 quam salutis: ac ideo nostris acquiescens consiliis, quæ tibi semper vtilia exstiterunt, Re-  
 ginam eandem in plenitudinem gratiæ Regalis admissam benigne recipias: & maritali  
 affectione pertractes: præsertim cum filium susceperis ex eadem: & sic mulier Deum  
 timens: multa prædita honestate. Vnde pro certo speramus, multa ex ipsius consortio,  
 maxime si ad Deum respectum habeas, ipsam, sicut Reginam honorifice, ac decentet  
 tractaueris, Serenitati tuæ commoda prouentura: cum vir etiam infidelis, per fidelem



AERA. „ mulierem saluetur Apostolo attestante. Alioquin nec tu videreris à principio motæ litis  
 NAT. „ tuam, pro vt asserebas, voluisse sanare conscientiam, sed potius fauciare. Nec nos, quan-  
 CHR. „ tumque tuæ deferri sublimitati velimus, quos Deus coniunxit, humana sustineremus  
 „ præsumptione seiungi. Denique noueris nos venerabilibus fratribus nostris Carcasenē-  
 „ si, Auinionensi, Auralicensi Episcopis per nostras dedisse litteras in mādatis, vt si nostrum  
 „ super hoc, quod non credimus, neglexeris adimplere mandatum, ipsi te, ad id per censu-  
 „ ram Ecclesiasticam, sublato appellationis impedimento cōpellant. Dat. Laterani XIII.  
 „ K. Febr. Pontificatus nostri Anno XV.

Nouo subinde bello exorto, maior rerum moles Regi imponitur. Crucis fit expedi-  
 tio prædicatore beato Dominico Hispano: aduersus impiā Albigensum, Tolosatium, & 10  
 Carcasensem sectam: qui à sacris fidei institutis descuerant: & ab Ecclesia Catholica  
 defecerant: & bellum acre Simone Monforti Comite ductore in Gallia Prouincia ge-  
 ritur.

Rex in Prouinciā Galliam proficiscitur: vt Raimundo Tolosati opem ferat: non  
 vti impiæ gentis duci, & fautori, aut eorum scelerum labe contaminato, sed vt affini affi-  
 deat: & eius ditionem à bellicis incursionibus tueatur: cuius affinitas Regem paulatim in  
 tam perditam causam imposuit. Februarii mensis initio in Ruscinonem reuertitur. Re-  
 gem graui, externoq; bello implicitum, miserando casu fors suis subtrahit. Augusti men-  
 sis fine denuo in Galliam reuersus pro Tolosate aduersus Ecclesiæ exercitum bellum sus-  
 cipit. Tolosas, Conuenas, & Fuxensis Comites Regi adiuncti rem bellicam administrāt. 20  
 Proceres Aragonios, & Catalanos præfidiis præficit: in cohorte vero Prætoria Sanctiū An-  
 tilionem Blascum Alagonem, Rudericum Lizanā, Michaellem Luesiam, Larronem, Go-  
 meziū Lunam, Michaellem Radam, Guilielmum Podium, & Aznarium Pardum, re-  
 tinet. A. D. III. Id. Sept. Tolosa egressi, cum in Murelli castellum ad Garumnæ fluminis ri-  
 pas situm venissent, idque obsidione premerent, postero die Monfortius Rege inspectan-  
 te, opem suis laturus in arcem subit: & cum ad deditionem pæne esset impulsus, insequē-  
 ti die, eruptione facta, pugnam conserit. Nostris repentino tumultu cæsis, & profligatis  
 vniuersi in vnum Regem impetum faciunt. Magna cæde, multisque occisis, Rex, dum  
 cedere pudoris existimat, & in prælium ruit, à suis relictus, atque desertus, fortissime di-  
 micans mortem occumbit. Cum Aragonii strenue operam nauassent, Azarius Pardus, & 30  
 Petrus Pardus Aznarii Filius, Gomezius Luna, Michael Luesia, Michael Rada, & prima-  
 rii pæne omnes Aragonii mortem oppetunt.

Ea tempestate procerum auctoritas deminui cœpta: quod Rex honores, militariaque  
 munera dissipauisset: beneficiæque bellica interuertisset. Iurisdictio Præfecti Iustitiæ A-  
 ragonum, libertatis tuendæ, ac muniendæ causa, communi consensu magnis præfidiis  
 postea munita, ab iis iniitiis aucta, suarum virium originem, & progressionem persequi-  
 tur: ne quid de libertatis iure deminui possit. Publicis tamē procerum consiliis res admi-  
 nistrantur: neque pacem, bella, fœdera, societatesve illorum iniussu Reges inire contue-  
 uerant. Horum ea erat estimatio, atque auctoritas, & in suos imperium, vt cum publicis  
 pariter, ac priuatis Regni consiliis interessent, copiis etiam equestribus præficerentur, & 40  
 his beneficia militaria, ac stipendia tribuerentur: quibus oppidorum Regionum attribuo-  
 rum nominibus indita sunt cognomina: quorum prouentus ab eis in equitum turmas  
 erogabantur.

Cum inter Reginam, & Guilielmum eius fratrem super Mompellerii dominatu con-  
 trouersia orta esset, atq; eam ditionem Guilielmus repeteret, & lite, atque iudicio perse-  
 queretur, Pontifex Max. Reginæ adiudicat: atque eius fratrem ex non iusta, neque legi-  
 tima vxore genitum decernit.

#### IACOBVS XIII. REX ARAGONIÆ.

In regiis commentariis, qui ab ipso Iacobo Rege scripti feruntur, quibus nulla exstant  
 rerum nostrarum clariora, magisve insignia monumenta. Rex ipse perhibet se quantum 50  
 decimum in Aragonia regnare: vt & stirpis, & regni initia ab Innico Arista Regerite re-  
 petantur.

Petro Rege bellum pro Tolosate gerente, & Maria Regina Iacobi parente Romæ  
 commorante, puer filius Carcasone Simonis Monfortii cura, cui à Pontifice Maximo  
 commendatus fuerat, educatur. Profligatis Regiis copiis Nunnus Sancti Comitis filius,  
 Guilielmus Moncada, qui in acie non fuerant, Guilielmus Vicecomes Cardonensis, reli-  
 quiq; Aragonii, & Catalani proceres, cum exercitus reliquias collegissent, in Narbonen-  
 si regione bellum aduersus Vidonem Monfortium gerunt. Simon Cornelius, Guiliel-  
 mus Ceruera, & Templariorum magister, ac Petrus Ahohefius viri primarii Rege inter-  
 empto,



empto, rei publicæ causa ad Pontifi. Max. legantur: vt suis Rex puer tradatur. Regni ordines legatis in mandatis dederant, vt Monfortium, si puerum tradere recuset, ad singulare certamen, qui mos illorum temporum fuit, prouocent: & propter violatam fidem in iudicium armorum capitis arceffant. Hispanus Segorbiensis Episcopus, eius rei ergo Petro Ferdinando Azagra, qui Albarazini dominabatur, adnitente ad pontificem legatus, egregiam rei publicæ operam & studium nauat.

AERA.  
NAT.  
CHR.

Potentia, atq; factione procerū, quorū animi infecti partibus erant, regni vires, atque opes, per quā tenues illæ quidē, & exiles dilacerantur: quibusdā Sanctio Ruscinonēsi Comiti, aliis vero Ferdinando pueri patris opem, atq; operam tribuentibus: qui regni competitorēs legitimo iure puerum regno exturbare nituntur. Sunt qui pueri causam propugnant: & sub eius imperio fideliter, atq; obediēter futuros polliceantur: & reliquos, vt Regis fidem sequantur, hortari non desinunt.

Petrus Beneuetanus Diaconus Cardinalis s. R. E. legatus cōcilio Mōpellerii celebrato, 1252. in Cataloniā puerū Regē, ad suos regio comitatu deducit. Narbonē proceres Regni regi- 1214 arū partiū obuiā Regi procedūt. Cōuentus regio nomine Ilerdā indicitur. In eā urbē, legato affidēte assumptionis B. Mariæ festo die nondū inito, Rex, & Raimundus Berengarius eius frater Prouinciæ Comes deducuntur. Eo in cōuentu, quod infirma ætate Rex puer esset, septimū enim annū agebat, & regnū partiū dissidiis flagraret, legatus operā dat, vt in Regis verba omnes regni ordines iureiurādo adigantur: atq; se in fide mansuros obtestē- 20 tur: neq; eius incolumitatē, & salutē se deserturos recipiant. Iusiurandū enim poscit, vt q; ex vñ regni intelligāt, cōmuni cōsilio administrēt. Omnibus ad iusiurādū adactis, sanctissimā iurisiurandi religione confirmant. Magno id cōceptis verbis consensu factitatū: cū Spargus Tarraconensis Archiepiscopus ex Barcarū familia Mompelleriæ præfecturę Regis auunculus puerum in vñis gestaret. Ex eo in more patrio, institutoque maiorum positum, vt ordines regni, regnare incipientibus, fidei religione, ac iurisiurandi sacramento astringantur: modo ipsi principes in leges, atq; instituta maiorum prius iurent. Ab eo conuentu Sanctius, & Ferdinandus Regis patris aberant: quod incredibilis, & singularis bonorum consensus in puero ornando, & tuendo existeret.

Totius conuentus Ilerdensis consilio, atque consensu Rex Guilielmo Monredonio 30 Templariorum Magistro nutricao traditur: & Raimundus Berengarius Prouinciæ Comes nonum annum agens ei adiungitur: vt Montione regio præsidio asseruarentur: quod munitissima eius oppidi arx esset.

Sedis Apostolicæ legatus, id auxilium, spemque reliqui temporis satis futuram arbitratus, tris regni procuratores, atq; vicarios rebus gerendis præponit: quorum vnus Cataloniæ præficitur. Petrus Ahonesius in amicitia Petri Regis clarus, & præpotens ab Hiberno amne ad Pyrenæi iuga Aragoniæ admouetur procuratori: & Petrus Ferdinandus Azagra, qui Albarazini dominatur summo loco natus, & summæ domi potentia cis Hiberum in vñimos regni fines procurator constituitur. His collocatis, consensu ordinum Sanctius, qui Prouinciæ Comitis cognomentum vsurpauerat, vniuersę procuratori præ- 40 ficitur: vt eo munere delinitus, ab amenti rerum nouandarum consilio decedat.

A. D. III. Non. Oct. Alfonsus Castellæ Rex, & eiusdem mensis fine Leonora Regina eius vxore è vita excessere. Henricus F. puerili ætate regni gubernaculis admouetur.

Septembris mensis initio Oscæ conuentus ab Aragonensibus agitur. Guilielmus Cervera, & Petrus Ahonesius rei publicæ causa a Sanctio Comite ad Innocentium P. M. cui 1253. 1215 summæ rerum deferri consueuerant, legantur.

Innocentius Lateranensi concilio Raimundum Tolosatem maiestatis delatum, atq; conuictum, Tolosatium ditione multat. Simoni Monfortio, eius ius, & dominatum addicit. Biterenses eiusdem Simonis imperio subiiciuntur.

In eo concilio, quod summa totius orbis Antistitum frequentia celebratur, Rudericus 50 Simenius Toletanus Antistes Bracarensi, Compostellano, Tarraconensi, & Narbonensi Archiepiscopis, publico in confesso litem intendit: quod sibi, tamquam earum prouinciarum primario honos, & superior potestas priuilegiis ab Honorio, Gelasio, Lucio, Hadriano. & ipso Innocentio irrogatis non deferretur. Contestata lite Ausetanus Episcopus Spargi Tarraconensis absentis mandato, & sup, atque aliorum antistitum nomine, primariam eam dignitatem conuellere, atq; à Toletana sede auertere, iudicio eo contendit.

Simon Monfortius, cum Carcafonensium, Tolosatium, & Narbonensium urbium muros, & propugnacula dirui, ac funditus euertere imperasset, & earum ciuitates magis oneribus, & acerbissimis pecuniarum exactionibus premerentur, rebellionem faciunt. Tolosas ex Catalonia profectus bellum reintegrat. Raimundus Tolosatis F. Auenionen-



AERA.  
NAT.  
CHR.  
1254.  
1216

sibus adiunctis oppida omnia, atque arces cis Rhodanum amnem, & Belicadri castellum ditionis paternæ recipit. Graue aduersus Vidonem Simonis fratrem, & Aimericum F. bellum geritur. Tolosatis partes superiores euadunt.

Ad defectionem procerum nouum bellum accessit: summaque partium contentio in ipsis regni initiis, in republica versatur: Sanctio, & Ferdinando pueri Regis patris regnum palam appetentibus. Sanctii Comitis partes tuentur, ac sustinent Petrus Ahonessius, Atorella, Simon Vrra, Arnaldus Palazinus, Bernardus Beneuentanus, & Blascus Maza. Ferdinandum vero affectantur Petrus Ferdinandus Azagra, Petrus Ferricius Lizana, & Blascus Alagon. At Petrus Cornelius, & Valles Antilionius principes iuuentutis, atque alii, qui honorariis beneficiis à Rege nondum donati fuerant, modo harum, modo illarum partium fautores, adiutoresq; exstiterant. Vnus tamen Simon Cornelius vir, & consilii magni, & virtutis, & qui inter proceres omnes primarius exacta ætate, & sapientia ceteris optimatibus præstaret, ut tot malis afflictæ reipublicæ medeatur, optimates fœdere adiungit: qui Septembri mense Montione Regi operam suam aduersus impotentes aduersariorum conatus offerunt. Constituunt, uti Sanctius procuratori regni præsit: dum rebus publicis consultum velit: quod Aragonensium consuetudo hæc esset, à maioribus tradita. Ea res assensu procerum sancita Aldemari Claretii Gardenii præfecti, qui in Aragonia, & Catalonia Templariorum Magistri munus obit, Bernardi Aquilule Montionis præfecti, Aldemari Campani Mirabetis præfecti, Ruderici de Ayselis Ampostæ Magistri, & Fortunionis Pomarii, & Blasii Auerii Hierosolymitanam militiam professorum, Blasii Alagonis, Guilielmi Pogii, Petri Pomarii, Raimundi Moncadæ, & Guilielmi Raimundi Moncadæ, Iordanis Peralta, & Raimundi Castelli veteris.

Raimundus Berengarius Prouinciæ Comes suorum consilio, Petro Augerio Nutricio, & duobus ministris comitatus, clam Montionis arce egressus, in Tarraconis portum, Salonium vocant, profectus, actuariæ naui in prouinciæ Galliam nauigat. Is Beatricem Thomæ Mauriensis, & Sabaudie Comitis filiam in matrimonium ducet.

Sanctius Ahonessius Cæsaraugustanus Episcopus.

1255.  
1217

Annum agens decimum Rex, cuius mirifica indoles virtutis magnam rebus spem afferebat, animos optimatibus addidit, ut rem publicam capebant Montione mense Iunio Bouatici tributum Regi à Catalanis, à Sicori, ad Salsulas condonatur. Id nomen inuenit, quod pro bouum iugis, & capitum armentorum, & pecudum exactione pendetur: quod initio regni in Catalonia exigi consuevit. Primo Petro Regi pensitatum reperimus anno MCCXI. in sumptus bellicos aduersus Mauros: & sacra expeditione, qua Vbedensi prælio debellatum fuit, & in auxilium dotale, quum tris sorores in matrimonium collocasset. Rex summa spe & animi, & ingenii præditus Simonis Corneli consilio, qui sapiens habitus est, & eorum procerum opera, qui se Ferdinandianæ factioni addixerant, cum Montionensi arce xxx. menses asseruatus esset, Sanctio patruo inuito, ea excedit. Oscensem, & Cæsaraugustanam ciuitatem sibi adiungens, rem publicam gerere, atq; etiam bellicam ductu, imperioque suo exercere, vix decimo ætatis anno exeunte parat.

A.D. VIII. Id. Iun. Martis, ut ferunt, die, puerili in certamine ludicro puer Henricus Castellæ Rex Pallantiæ regulæ ictu saucius moritur: cui regni succedit heres Berengaria soror Alfonsi Legionensis Regis vxor: cum Blanca natum maxima Berengariæ soror Ludouico Philippi Francorum Regis filio nupsisset.

Petrus Ferdinandus Azagra Albarrazini dominans Aulae regiae præfectus.

1256.  
1218

Iulii mensis initio Rex Tarracone Catalanorum conuentum agit. Septembri Ilerdæ Catalanis, & Aragonensibus conuentus celebrat. Sanctium eo in conuentu aliquot oppidorum, honorario fidelitatis iure attributorum pactione ad se allicit: & Sanctius regni procuracionem eiurat. Ea pactio Ferdinandi Regis patris consensu sancitur. Regio consilio frequenter assedere Spargus Tarraconensis Archiepiscopus, Sanctius Ahonessius Cæsaraugustanus, Berengarius Ilerdensis simulque Rorensis, & Pontius Dertosanensis Episcopi, Garcias Artigua Ampostæ præfectus, Castellani nuncupant, Pontius Mariscalus Montionis præfectus, Sanctius Comes, & Ferdinandus Regis patris, Guilielmus Moncada Vicecomes Beneharnensis, & Castelbonius, Petrus Ferdinandus Azagra, Simon Cornelius, Petrus Ahonessius, Rudericus Lizana, Artallus Luna, Guilielmus Ceruera, & Raimundus Ceruera, Raimundus Galcerandus, Hugo Mataplana, Bernardus Portella, Lupus Forrencius Luna, Atorella, & Atho Focius.

Res nummaria eo in cōuentu, de cōmuni sententia constituitur: & Iaccetanus nūmus, à patre postremo iactatus firmatur. Iurifurandi religione Rex obstringitur, nō permitturum, ut alij nummi dissimili nota signentur: neue maiore, aut imminuto pondere, cū impensis respublica non sufficeret, feriantur.

Hoc



Hoc ipso anno à Rege sacrum ordinem institutum D. Mariæ Mercedis nomine di- AERAE  
catum perhibetur: eiusque antistites regis insignibus, argentea cruce D. Eulaliæ Barci- NAT.  
nonenſis variatis decorantur. CHR.

Summa sterilitate, atque siccitate non messes modo, sed ipsi saltus areſcunt: quod 1257.  
non cælestes tantum aquæ defuerint, sed montosa quoq; loca ingenito humore egentia, 1219.  
vix ad perennes amniū haustus sufficerent: magnaue fames, & pestilentia subsequitur.

Maria Regina sanctissima femina Romæ è vita excedit. Moriens sacra, piaq; religionis fœ-  
dera obtestas Honorii P.M. & Ecclesiæ præsidio filiū, atq; eius regnū tradit: atq; cōmēdat.  
In Vaticana D. Petri æde prope D. Petronillæ tumulū humatā ferūt. Mōpelleriæ ditionis.  
heredē filiū instituerat: cui Mathildim, & Petronā filias substituit: ex matrimonio, quo Cō-  
uenarū Comiti collocata fuerat, genitas. Filiis secūdos heredes instituit Raimūdū Gauceli-  
nū Luneli dominū, Raimūdiq; filios: atq; his Raimūdū Rocafulliū, & Arnaldū Rocafulliū  
fratres, & alios ex ea familia substituit: & fratres iusto matrimonio nō genitos exhere dat.

Sacri Prædicatorū, & Minorū, quos vocare cœperāt, pœnitentiæ Iesu Christi ordines à  
Dominico Hispano, & Francisco, viris summa religione, & sãctitate excellentib. instituti.  
Earū societātū templa, atq; cœnobia publice Barcinonæ, & Cæsaraugustæ primū ex ædifi-  
cātur. Adeo id diuino nutu puiſū, vt vere ii ordines Catholicę Ecclesię columē extiterint.

A.D. VII. K. Aug. Reate Honorius P.M. pōtificatus anno quarto Regē Aragoniæ regnū,  
Cataloniā terram, ac ditionem Mompelleriensem, & bona, quæ in posterū Rex adipisci  
posset, sub beati Petri, & sui præsidii tutela suscipit. Præterea B. tituli sanctōrū Iohannis, &  
Paulli presbytero Cardinali, Apostolicæ sedis legato cōmittit, quando indutias, inter eas  
ditiones, quæ Regi parēt, & eas regiones, q̄ in Narbonēsi, & Auxitana, puincia sedis Apo-  
stolicæ imperio cōtinebantur, obseruari p̄ceperat, Regē mandatis apostolicis obtēperan-  
tem tāquam præcipuum Ecclesiæ Romanæ filium foueat: neq; eius ditiones, cū infectæ  
hæretica prauitate nō essent, ab aliquo impugnari patiatur: sed eas tueretur: atq; defendē-  
ret. Earum litterarum Apostolicarum quod apponemus exemplum, exstat archetypū.

HONORIVS Episcopus seruus seruorū Dei. Dilecto filio B. tituli Sanctōrū Iohannis, &  
Paulli presbytero Cardinali, Apostolicæ Sedis legato salutē: & Apostolicā benedictionē. „  
Sacrosãcta Romana Ecclesia piā mater deuotos, & humiles filios ad pietatis suę gremiū re „  
cūtētes nō solū honorat amplexibus, verū etiā maternę cōsolationis nutrit vberib⁹ & ex- „  
altat: illos præcipue diligentiori studio refouens, quos magis suæ recreationis cernit sola- „  
tio indigere. Hac itaq; consideratione inductus Carissimus in Christo filius noster Iaco- „  
bus Aragonum Rex illustris nobis humiliter supplicauit, vt ipsum sub alatum nostrarum „  
vmbra dignaremur protegere: ac p̄tectionis Apostolicę clypeo communire. Nos igitur „  
præclarę deuotionis, & fidei puritatem quam ad Deum, & ipsam Ecclesiam progenito- „  
res suos habuisse didicimus, recolentes, attendentes quoque, quod eundem Regem in- „  
clitæ recordationis M. Regina Aragonum mater sua, cum terra, & aliis bonis suis eidem „  
Ecclesiæ commendauit: agens dudum apud Sedem Apostolicam in extremis, no- „  
stre sibi dilectionis præcordia dignum duximus aperire: quatinus, qui in ætate tenera esse „  
dignoscitur cōstitutus, dū fauoris Apostolici brachiis sustentatus fuerit, roborari adiuuante „  
domino valeat, & suscipere incrementū. Regis itaq; supplicationib. inclinati p̄sonā Regis „  
eiusdē Regnū Aragoniæ, Terrā Catalonię, Villā, & terrā Montis pessulani cū omnib. aliis „  
bonis suis, quę in p̄sentiarū rationabiliter possidet, vel in futurū iustis modis præstante „  
domino poterit adipisci, sub beati Petri, & nostra p̄tectione suscepimus. Sane quia de tua „  
deuotione fiduciā gerim⁹ specialē, sic te nobiscū credimus vnanimē, vt quos diligim⁹ in „  
Domino, diligas: illosq; foueas: cū ordo exigit rationis, vt & mēbra respōdeant capiti: & „  
partes cōueniant suo toti. Cū igit̄ inter terras ipsius Regis, & terras, quę in Narbonēsi, & „  
Auxitana prouinciis auctoritate Sedis Apostolicę detinētur, treugā firmari mādauerim⁹, „  
& seruari, discretionis tuę per Apostolica scripta mandam⁹, quatinus dictū Regē parentē „  
mādati Apostolicis, in hac parte, tāquā specialē Ecclesię Ro. filiū habēs, p̄pensius cōmē- „  
datū, terras suas, p̄sertim cū infectę nō sint hæretica prauitate, nō patiaris ab aliquo impu- „  
gnari: quin immo manuteneas eū taliter, & defendas, qđ idē Rex nostrā penes te sibi sen- „  
tiat gratiā efficaciter profuturā: & nos tuę sollicitudinis, & diligentię studiū dignis possim⁹ „  
in Domino laudib⁹ cōmendare. Dat. Reate VII. K. Aug. Pontificat⁹ nostri anno Quarto. „

Spargum p̄terea Tarraconensem Antistitē, Simonē Corneliū, Guilielmū Ceraeram,  
& Petrum Ahonēsiū consilio Regis primarios administratos, propter pueri ætatē, præficit.

Septembris mensis initio Oscæ conuentus à Rege Aragonensibus celebratur.

Rex puerili in ætate arma aduersus Rudericum Lizanam, & Petrum Ferdinandum 1258.  
Azagram dicto non parentes, qui sæpe, & sine causa tumultuarentur, sumere cogitur: vt 1210.  
turbatas seditione res, principibus eius tumultus procul amotis componat.



AERA.  
NAT.  
CHR.

Romæ denuo, turbatis in Aragonia rebus, & aliquot proceribus res novas molientibus, A. D. VIII. Id. Mai. Honorius Regem, & regnum, & ditiones regno contributas sub S. Petri, & suo præsidio, ac tutela suscipit: cum iam turbidi, concitatique procerum motus exorirentur.

Iulio mense Petrus Ferdinandus Azagra Albarrazino vrbe inclusus à Rege obsidetur. Regi assident Simon Cornelius, Guilielmus Ceruera, Petrus Cornelius, Valles Antilionius, Petrus Ahonesius, & Peregrinus Ahonesii frater, & Guilielmus Pogius: & Cæsaraugustanorum, Ilerdensium, Calataiubiensium, Darocensium, & Turolensium copiis præficiuntur. Urbem, arcemque regii admotis machinis oppugnant. Proceres, omnesque vicini populi communi animo, consilioque consenserant, ut ex obsidione Azagram eriperent. Cum se Rex à suis, Ahonesis, & Guilielmo Pogio demptis, ludificari videret, urbem obsidione liberat. Azagra se Regi submittit: & illius erratis ignoscitur.

Blasus Alagon Regiæ aulæ præfectus.

1259.

1221

Simon Cornelius, Guilielmus Ceruera, & Guilielmus Raimundus Moncada Cataloniæ Senescallus, qui Constantiam Regis sororem in matrimonium duxerat, quod Comes Sanctius, & Ferdinandus Regis patruus palam regnum appetere, nuptias Leonore Alfonso Castellæ Regis filiæ Regi conciliant. Regem Agredam proficiscentem, ut nouam nuptiam exciperet, comitantur Sanctius Cæsaraugustanus, & Garcias Oscensis Episcopi, Guilielmus Allaco Templariorum, & Fulcho Hospitalariorum Magistri, Nunnus Sanctii Comitatus filius, Guilielmus Raimundus Moncada Senescallus, Simon Cornelius, Blasus Alagon aulæ Regiæ præfectus, & Petrus Ahonesius.

A. D. VIII. Id. Febr. Agredæ nuptiæ celebrantur: tam tenera Regis ætate, ut illis ipsis diebus XIII. annum attingeret. Leonora à Berengaria Regina sorore, & Ferdinando Rege sororis F. Turiasonem regio comitatu deducitur: atque ea in vrbe Regi in matrimonium collocatur. Solemnibus nuptiarum celebratis, Rex de more, militaris auctoramenti splendore, atque dignitate decoratur.

Hoc ipso anno Fredericus Imperator, & Constantia Regina eius vxor, Regis Aragoniæ amita Romæ ab Honorio P. M. regium Imperii diadema suscipiunt.

Petrus Peresius Præfectus Iustitiæ Aragonum.

1260.

1222

Martio mense Darocæ frequentissimo in conuentu, qui in eo oppido peragitur, Gerardus Vrgellitanus Comes, Vicecomes Capraræ Regi se, suaque addicit, ac subiicit.

Constantia Augusta Regis amita Catanæ moritur: & in Panhormitana æde maxima sepelitur. Ex eo coniugio Fredericus Imperator Henricum filium susceperat: quem pater Romani regni successorem sufficit: & regio cognomento cohonestat.

Guilielmus Moncada, qui Garfendam Beneharnensem Vicecomitem duxerat, & eius ditionis dominabatur, summæ potentie adolescens, & Nunnus Sanctii Ruscinonensis Comitatus F. magna armorum contentione in Aragonia, & Catalonia inter se dimicant: repentinique eorum motus tranquillæ res commouent. Cum in dies maximas turbas facerent, Rex coacto exercitu, ut illorum conatus comprimat, obuiam procedit: in eum vindicaturus, qui ut tumultus sedentur, dicto non pareat. Augusto mense ad Castellionem prope Montionem castra metatur. Eo tempore Guilielmo Raimundo Moncadæ Cataloniæ Senescallo, qui Constantiam sororem duxerat, Serosii, Aitonæ, & Sosii oppidorum donationem à Rege Petro factam sancit: firmatque: atque ratam habet.

A. D. XII. K. Ian. Terrerii Regiæ Leonoræ, Sanctii Comitatus, & Ferdinandi patruus consilio Rex Gerardo Capraræ comitatum Vrgellitanum tradit: modo experiundi iuris gratia, ad constitutum cum Aurembiaxi Ermengaudi Comitatus filia regio iudicio se stitutum spondeat: ut de ea controuersia, iure apud se potius, quam inter se armis disceptent.

Metu grauioris in ea regione belli Rex in Catalonia aduersus Guilielmum Moncadam Beneharnensem copias ducit, & bellum gerit: neque segnius apparatur, quam si cum legitimo hoste res esset. Ætas vix tantis matura rebus, sed abunde sufficiens, omnia eius opera decorabat.

Artallus Luna Aulæ regiæ præfectus.

1261.

1223

Ferdinandus Regis patruus, & nouandarum rerum, & nouorum semper auctor consiliorum, Guilielmus Beneharnensis, & Petrus Ahonesius, qui Petri Regis amicitia ad summam dignitatem peruenerat, ut primum facultas data est honorum, atque dignitatum augendarum foedere inter se conciliati, atque adiuncti, ut Regem, & Reginam in sua potestate habeant, efficiunt. Rege inuito, & conquerente, atque indignantibus proceribus, Ferdinandus regni procuracionem usurpat.

1262.

1224

Proceres militaria regni beneficia, atque honores inuito, ac repugnante Rege, nullo decreto interposito, inter se partiuntur: & diuidunt.

Iohan.



Iohannes Brenna Hierosolymitanus Rex Non. Apr. Toletum regia pompa à Ferdinando Rege exceptus ingreditur. Compostellanum D. Iacobi sepulchrum inuisit. AERA.  
NAT.  
CHR. Sa-  
cra peregrinatione obita, Berengariam Ferdinandi sororem in matrimonum ducit. Is  
Constantinopolitani Imperij procuratori ab Ecclesia, Balduinoque imperatoris tutor  
admotus, Martham filiam, quam ex Berengaria vxore suscepit, Balduino collocauit.

A. D. II. Id. Mart. Cæsaraugustæ priuilegia ciuibus eius vrbe à Regibus irrogata 1263.  
Rex firmat. Gonzaluo Iohannio Calatrauensi magistro, atque illi societati Alcanicii di- 1225  
tionem, & eius donationem, & contributa oppida decreto suo sancit.

Proceribus ad arbitrium, libidinemque suam Regis ætatem eludentibus, spernen-  
10 tibusque, Rex cum Dertosam concessisset, inscio, nec opinante Ferdinando patruo, vrbe  
ea excedit: atque Hortæ substitit. Inde militari edicto proceres, & militares manus ad-  
uersus Mauros accitu suo arcessit: & Turolium in certam diem euocat: in Valentini regni  
fines incurfaturus.

Rex nondum parti bello sacro decoris audus, cum intestinorum etiam motuum, ci-  
uiliūq; armorum periculis esset, K. Octob. hostilem regionem incurrēs, Peniscolam,  
Ilergaonum oppidum obsidet. Is situs est, vt scopulo impositum, pæne mari cinctum sit: &  
è re vulgatum nomen inuenit. A Græcis apparet ob eam causam etiam Cherrhonesum  
dictum. Cum ex proceribus tantum Blascus Alagon, Artallus Luna, & Atho Focius or-  
dines ducerent, à suis desertus, eo expeditionis labore sibi supersedendū videt: & induti-  
20 as cum Zeitio Abuzeitio Valentiniorū Rege paciscitur. Quinta vestigalium pars, ac por-  
toriorum vrbiū Valentiz, & Murtiz in annos singulos, Regi contribuitur.

Bello sacro intermisso, quod Rex procerum consiliis traheretur, & Petrus Ahone-  
sius ambitione præcep, cum super fortunam animum gereret, in hostium fines inuasur-  
rus, suo ductu rem gerere cuperet, aut certe simularēt, neque Regi parendum, aut induti-  
arum, quæ cum hoste depactæ fuerant, iura seruanda præ se ferret, neque regiis præ-  
cibus bello abstinere in animum induceret, & Buruagenæ à Rege attineri iussu ma-  
nus iniicerentur, dum minax, atque insolens repugnaret, & valentem, ac repugnantem  
Rex demoraretur, seque eriperet, & facto à Regiis impetu in fugam se coniecisset,  
vt Curandæ castellum ditionis Cæsaraugustani Episcopi fratris concitato cursu conten-  
30 deret, à Sanctio Martinio Luna, qui fugientem persequeretur, hasta transfixus interimi-  
tur. Ahonesius summæ vir audaciæ magis præpotens: quam origine splendidus erat: &  
ob eius necem, in magna turba, & cōfusione rerum ciuitates, & proceres regni versantur.

Initium hoc defectionis, ac belli futurū Rex arbitratus in Suprabium, & Ripacurci-  
am militares copias traducit: quod in eis ditionibus Ahonesij opes, & splendida clientel-  
la late paterent. Arces, castellaque præfidiis Ahonensibus firmata oppugnat. Bolea in  
Oscensi tractu arcium præcipua à Ferdinando Regis patruo, & Petro Cornelio qui Aho-  
nensius se adiunxerant, propugnatur. Cum acciri copias Rex iussisset, & signa in oppidum  
inferri, oppugnare adorto, rebellandi causam inde alii obtendunt proceres.

Bellum à Rege, haud quaquam memorabile aduersus contumaces gestum est: eo-  
40 que Suprabienſi bello implicito, concitata omni iuuentute, & ad defectionem compul-  
sa, ciuitates omnes Aragoniæ, Calatrabiensiana excepta arma Ferdinandi, & Petri Cornelij 1264.  
ductu, tamquā pro communi libertate capiunt. Cum magnum exercitum confecissent, 1226  
Guilielmum quoque Moncadam Beneharnensem arcessunt. Rex Almudeuarem, &  
Pertusam præfidiis firmat. Alauonæ Blascus Alagon, & Artallus Luna copiis Regiis com-  
paratis bellum Cæsaraugustanis inferunt. Sanctius Ahonesius Cæsaraugustanus Episco-  
pus vrbe egressus Alcubierrenses diripit. Demum Cæsaraugustani à Blasco Alagone, &  
Artallo Luna male mutantur.

Et si crimen defectionis à publica fraude, in paucos auctores versum esset, tamē sum-  
ma vi à Rege aduersus Ferdinandum patruum, & ciuitates, quæ illi se addixerant, bellum  
50 geritur. Cum Oscenses Regem acciuisent, pollicentes se eius imperio obtemperaturos,  
ac nullis adiunctis militaribus copiis, eorum se fidei tradidisset, atque in vrbe recepisset,  
populari commotione, ac seditione tumultuantes arma capiunt: vrbe vicos obstru-  
unt: atque omnes aditus obsepunt. Rex inuitis ciuibus vrbe excedit: & Pertusæ substitit.

Atho Focius Regiæ Aulæ Præfectus.

Cum per aliquot dies incerti proceres rerum omnium, suspensiq; de statu reipubli-  
cæ agerent, & rem dies complures Rex tenuisset, & sicunctaretur, se omnia assequuturū  
videret, & dissidentes in suam sententiam perduciturum, dum se conari simulat, Raimun-  
dō Folchiū Vicecomitē Cardonensem, atq; eius factionē Guilielmo Beneharnensi, acerrimo  
Cardonensis factionis aduersario adiungit. Dissidia Ferdinandi patrui, & Nunnii Sactii



AERA.  
NAT.  
CHR.

ſua opera ſedantur. Optimates demum omnes ad ſe deducit: qui A. D. X. K. Iun. com-  
munem cauſam, ac propria iura in regia fide, ac religione deponunt. Fidei illuſ ſe, im-  
perioque deuinciunt: atque obnoxios ſtatuunt.

Cæſarauguſtana, Iaccetana, & Oſcenſis ciuitas conſortionem ſociabilem inter ſe, ſa-  
lutarem ſibi, reiſque publicæ futuram animaduertentes, Id. Nou. de republica tuenda, at-  
que conſeruanda, & aduerſus latronum, & graſſatorum vim, atque violentiam, ſocieta-  
tem, maieltate, & fidelitate regia integra, atque ſalua, cocunt. Vnionem ipſi appellauere.

1265.

1227

1266.

1228

Siccitate, & inopia frugum calamitoſus annus fuit. Februario, & Martio menſibus  
Barcinone, & vniuerſa ferme Catalonia miſerabili fame populi premuntur.

Aprili menſe Raimundus vltimus Tolofatium Comes, quod ab Eccleſia defecerat, 10  
dirarum obnuntiatione, per tot annos execrandus, & ſacris interdictus, Eccleſiæ Ca. ho-  
lica, Romano S. Angeli Diacono Cardinali, ſedis Apoſtolice Legato in æde maxima  
Lutetiæ Pariſiorum nudus publice commiſſorum poenitens reconciliatur. Cruce inſi-  
gnitus ſacramentum auctoramenti ſacri, & tranſmarini belli dicit: quo, ex Auguſti Ka-  
lendis proximis, intra verrentem annum, in quinquenium ſe militaturum ſpondet: atque  
adiurat. Conuenit præterea vti Iohannam, quam ex Sanctia Aragonia Regis amita v-  
nicam filiam ſuſceperat, Francorum Regi Ludouico tradat: quæ vni ex eius fratribus, ab  
Eccleſia ſacris ſanctionibus ſoluto nubat. Pars quædam Tolofatium ditionis, Raimun-  
do vita functo Francorum Regi cedit: reliqua Raimundi genero attribuitur. Tolofati  
ditioni Agenneſis, & Rhodenſis diœceſes contribuuntur: atque ea diœceſis Albigen- 20  
ſis pars, quæ vltra Becharum fluuium, ad Galiacum pertinet. Albigenſis ciuitas Regi  
Francorum excipitur: & tractus omnis, qui in ea diœceſi cis fluuium, Carcaſonem vſque  
continetur. Cadurcorum diœceſis Raimundo cedit: præter eam ciuitatem, & ea iura,  
quæ à Philippo Francorum Rege Ludouici auo poſſeſſa fuerant: atque ea ditio, vti pro-  
prij iuris Raimundo addicitur: quæ filios legitime natos heredes ſequatur. Ditiones o-  
mnes reliquæ, quas Tolofates Comites vltra Rhodanum in Francorum regno obtinue-  
rant, ac iura omnia Eccleſiæ cedunt. Pollicetur Raimundus ſe Tolofæ, & xxx. oppido-  
rum, aut arcium, quas designaret Legatus, muros, & propugnacula euerſurum. Vti hæc  
rata, ac firma in poſterum obſeruentur, Tolofatem arcem, quam Narbonenſem voca-  
bant, & Pennam Albigenſem, atque alia propugnacula tradit. His peractis Franco- 30  
rum Rex Raimundum feſta celebritate, militari ornatu accingit: Regioque aucto-  
ramento obſtringitur. Iohanna Raimundi F. Alſonſo Pictonum Comiti Regis fratri nubit.

Cum Aurembiaxis Gerardo Capræ hereditatis actionem intendiſſet, neque ille  
iudicio ſe liſteret, homo omnibus conſiliis præceps, & deuius, Rex Vrgellitanum comi-  
tatum Aurembiaxidi honorario fidelitatis iure attribuit: excipitque regio dominatui  
Ilerdam urbem. Gerardum ius ſuum armis tuentem Rex ditione omni exigit: & Aurem-  
biaxis in poſſeſſionem venit: & Petro Sanctii Regis Portugalliæ F. nubit: Raimundi Be-  
rengarii principis nepoti.

## BALEARICVM BELLV M.

Inde ab ſeditione, & bello ſedatis rebus inclinauit pars maior curarum in expeditio- 40  
nem Balearicam: vt maiora iam hinc bella, & longinquitate regionum, vel temporum  
ſpatio, quibus bellatum eſt, ſuſcipi cœperint. Ipſi Catalonia proceres Regem hortantur,  
vt bellum aduerſus Balears inſulas paret: quarum prædones, aliquot mercatorum na-  
ues euerterant: atque diripuerant. Abohihes Balearium Rex, cum pro ſuis opibus, & fa-  
cultatibus ſuperbiorem ſe, multa aduerſus noſtros hoſtiliter molitus, in ea fortuna præ-  
buiſſet, & legatum, qui res repetitum tranſmiſſus fuerat, per iocum irrideret, & vix ſe  
continuiſſet, quin eum pulſari, contra ius gentium iuberet, menſe Decembri Barcinone  
à Rege conuentus agitur: & de bello Balearicis inferendo refert. Cum res domeſtica  
cōmodiorem in ſtatum perueniſſent, pax, & indutiæ à Cinga flumine ad Salſulas, trans  
Pyrenæi promontoriū inter proceres cōſtituuntur. Bouatici veſtigal in ſumptus bellicos 50  
cōſeunt. Egrege in ea expeditione obeunda operā nauarunt Berengarius Palous Bar-  
cinonenſis Epicoſus genere, ac nobilitate ſuæ ciuitatis facile primus, Nunnus Sanctii  
Comitis filius, & Guilielmus Moncada Vicecomes Beneharnenſis. Epicoſi ſigna  
affectantur Guilielmus Raimundus Moncada eius conſobrinus, Raimundus Solſona,  
Raimundus Montaniana, & Arnaldus Dezuilarius. Ad Nunnii ductum ſe applicuere  
Gauſfredus Rocabertinius, Oliuerius Thermes, Raimundus Rogerius, Guilielmus Al-  
berti Barcinonenſis, Pontius Vernerius, Petrus Barbera, Bernardus Hiſpanus, Ber-  
nardus Oliues, Bernardus Montefquiuus, & Caſtelroſus: & duo Caſtellani proce-  
res: quorū nomina non eduntur. Beneharnenſis magnas copias ex ſuo delectu cōpararat:  
& ii



& ii duces illi paruere: Guilielmus S. Martini, Gerardus Ceruilionius, Raimundus Ale-  
manus, Guilielmus Claramontius, Huguetus Mataplana, Guilielmus S. Vincentij, Rai-  
mundus Bellocius, Bernardus Gentilias, Guilielmus Palafogius, & Berengarius S. Eu-  
genia.

AERA.  
NAT.  
CHR.

Iohannes Episcopus Sabinensis à Gregorio IX. P. M. in Hispaniam Legatus Calataiti-  
iubii Regem conuenit. Legatione obita renuntiat de dissidio connubii Leonoræ Regi-  
næ: quæ etsi Regis potentissimi filia, Reginarum soror, & probitate & fecunditate di-  
gna tanto matrimonio esset, cum tam diuturnæ nuptiæ iustæ non existissent, quod pro-  
pinqunitate adiungerentur cognationis, ut sine scelere dirimantur, siue non nolente, siue

1267.  
1229

10 inuito Rege Pontifex iudicio Legati committit.

Aprili mense Zeitius Abuzeitius Valentini populi Rex, regno exactus, suo, & Zeitii  
Abahometis filii nomine Regi fœdere adiungitur. Sex arces eius fœderis pignora se tra-  
diturum spondet: Peniscolum, Moreliam, Cullarim, oppidum ad Pontem vocatum Ex-  
ericam, & Segorbium. Rex religionis fide adstringitur, se illi opem laturum: & Castelfa-  
uibium, & Adamuzium oppida, earum pactio iure tradit. Is Pontifici Maximo, &  
ipsi Regi magnam spem iniecit, se Christianæ religioni, eiurata impietate Mahometica ad-  
dicturum: & sacrum baptismum suscepturum.

20 Turiasone à Sabinensi Episcopo Ecclesiæ Legato matrimonium Regis, & Leonoræ  
dirimitur: eiusque fit diuortium. Cum filium ex ea bona fide Rex suscepisset, antequam  
Legatus sententiam ferret, Regē conceptis verbis, hac formula expressa, atq; constituta,  
ne à me eius verba inuertantur, ita præfatum comperio.

Vobis domine Legate, & omnibus Archiepiscopis, & Episcopis, & aliis ecclesiasti-  
cis personis, qui hic assistunt, necnon & nobilibus, & popularibus innotescat, quod nos  
carissimæ uxori nostræ Alienor per Ecclesiam coniuncti fuimus: & credidimus nos ei-  
dem legitime fuisse coniunctos: & ex ea suscepimus carissimum filium nostrum domi-  
nium Alfonsum: quem nos arbitantes legitimum heredem, & successorem regni nostri  
iā pridē constituimus: & à vassallis, & nobilibus regni nostri eidem fecimus iurari, & asse-  
curari regnum nostrum: Nunc autem coram vobis constituti, & nescientes quid super  
nostra coniunctione decernere proponatis, in præsentia vestra, & omnium assistentium,  
30 quod de supra dicto filio nostro, sicut prædictum est, fecimus, confirmamus: & si legiti-  
matione aliquatenus indigere videatur, nos auctoritate, & potestate regia legitimamus  
ad omnia, ad quæ legitimari potest auctoritate regia: & heredem, & successorem regni  
nostri constituimus: & declaramus: præcipimus, quo sicut ei iuratum est regnum, tam-  
quam verus heres, post nos ab omnibus vassallis nostris, & à toto regno in dominum reci-  
piatur: & Regem. Petimus quoque à vobis, & supplicamus domine Legate, & ab omni-  
bus Archiepiscopis, & Episcopis, qui hic præsentibus sunt, ut hoc factum nostrum littera-  
rum vestrarum testimonio roboretis. Nos igitur, inquit Legatus, ad instantiam prædi-  
cti Regis, præsentibus annotari fecimus: in testimonium veritatis. Hæc autem acta sunt  
præsentibus domino R. Toletano Archiepiscopo, domino S. Archiepiscopo Tarraco-  
40 nensi, & venerabilibus patribus Burgen. Calagurritanen. Segouien. Seguntinen. Oxo-  
men. Ilerdensi, Ofsen. Tirasonen. & Baïonen. Episcopis. Apud Tirasenam III. K. Mai.  
Anno Domini. MCCXXIX.

Rex Turiasone concitato dispositorum equorum cursu Tarraconem contendit: atq;  
K. Mai. se sistit: ut Balearicam expeditionem maturet.

Ilerde à sedis Apostolicæ legato, in frequentissimo conuentu Rex, procuresque cruce  
insigniti, sacra militiæ auctoramento deuinciuntur.

Ingentibus, tam naualibus, quam terrestribus copiis contractis Salonio portu, classe  
c. l. v. nauium, quas maiores vocabant, Rex egreditur. Nocturna aura prouectus in Ba-  
learem maiorem nauigat. Ex alto tempestate iactati, reflatu relinuntur: sedatisque flucti-  
50 bus, & tempestate commutata c. c. x. l. stadiis ab vrbe descedentes Septembri mense in-  
sulæ portum tenent: quem Palumbariam incolæ appellant. Primus terram attigit hostiū  
Bernardus Argentona: qui vexillo sublato, ut se sequantur, nostros hortatur: & ex pro-  
ceribus primi copias exponunt. Nunnius Sancti Comititis filius Raimundus Moncada,  
Bernardus Sanctæ Eugeniæ, Gilabertus Cruillias, & Bernardus Campanus Templario-  
rum Magister. Dum Rex operitur, ut terrestres copię traicerentur, & onerariæ ex agmi-  
ne suo per altum dissipatæ consequerentur, cum raptim milites exponerentur, atque o-  
mnia agerentur turbare, conferta pugna nostri cadunt. Guilielmus Beneharnensis, &  
Raimundus Moncada, atque viri Moncadarum gentis procures, & Hugo Mataplana in-  
teriere: & in prima acie nostri profligantur: ac victi pelluntur. Inordinato exercitu co-



AERA.  
NAT.  
CHR.

acto, & in ordines deducto Rex urbem castris circumfidet. Cum Rex clade accepta, satis omnibus instructis, comparatisque ad hostes perrexisset, & locum idoneum statuis delegisset, ac nostri stationibus quieti tempus tererent, aliquot castella vicina expugnatur.

Castra cum castellis nostri praesidiisque firmassent, & hostes nulli extra moenia adorirentur, nec quisquam extra portas propellere auderet, aggerem, & vineas agens, turres quoque muro admouens Rex summa vi obsidionem virguit. Quamuis continuus labor, neque die neque nocte remissus hostes subegisset, locusque inuadendi urbe nostris datus esset, qui nulla eruptione impediri posset, in transmarinis auxiliis extremam spem repouentes, obstinatis obsessi animis obdurant. Rex acrius obsidioni insistens, ingenti militum alacritate moenia undique aggressus, diuiso exercitu, & in eam partem circumductis copiis, quam hostes tenent, incredibili virtute instat. Qui pro munitionibus pugnant, vix prima impressione sustentata, proiectis armis, se fugae dedunt: quibus veterani immixti, decliuem per locum, nullo ultra obistente, in urbem inuadunt. Miles tota urbe peruagatus, praedae cupiditate incensus magnam stragem edit. A. D. II. K. Ian. capta urbs, direptaque fuit. Abolihes, & eius filius xii. annorum in Regis potestatem venerunt. Arce, quam Almudenam Mauri vocant, summo virium conatu nostri potuerunt: immitti caede fugientium pariter, & repugnantium. Rex primo, & vicesimo aetatis anno vix exacto, & militari, & Imperatorio munere egregie perfungitur. Diuidenda, ac partienda praeda Berengarius Barcinonensis, & Lupus Ilerdensis Episcopi, Nunnus, & Pontius Hugo Emporitani Comes, Petrus Cornelius, & Simon Virea praeficiuntur: atque his Rex adiungit Raimundum Alemanum, & Raimundum Berengarium Agerem curatores datos Gastono Bencharnés Vicecomitis filio pupillo. Cum magna in castris super manubiarum partitione suborta esset seditio, aliquot tabernacula Episcoporum, & procerum sunt a militibus compilata: atque direpta. Plures ex proceribus morbo graui, & mortifero afficiuntur. Rebus Balearicis cum exercitu, subsidio ex Aragonia proficiscuntur Petrus Cornelius, Atho Focius, & Rudericus Lizana.

x. 68.  
1230

Post accisas hostium res, montani Maioris Balearum expugnantur: locisque montosis, & siluestribus expelluntur: & vniuersa insula in regiam potestatem redigitur. Quod Episcopi sedes propter eius insulae frequentissimam celebritatem, & summam frugum, fructuumque vbertatem constitueretur, ecclesiastica diocesis Episcopo, & ecclesiae Barcinonensi subiicitur.

A. D. V. K. Mai. Rex Palumbariae portu soluens, in Cataloniam transmittit. Festo omnium Sanctorum die, ad Populeti sacrorum celebrationi assidet. Regis nomen magna ad omnes gentes gloria fuit. Nuntii de Alfonsi Regis Legionensis morte Regi offeruntur: qui filiam Sanctiam natu maiorem, quam ex Theresia Sanctii Portugalliae Regis filia genuerat, nuptui Regi traditurum pollicitus fuerat, tamquam regni heredem: cum Ferdinando filio, quem ex Berengaria Regina iusta vxore, ac sanctissima femina susceperat, Legionensis regni hereditas veniret.

In controuersiam, & disceputationem Regi cum Berengario Episcopo Barcinonensi venerat super Ecclesia in Maiore insula constituenda: & Episcopo, qui illi praesideret, diligendo Id enim ius Episcopus, & Conuentus Ecclesiae Barcinonensis ad se spectare contenderant: eius donationis causa, quam olim Sarracenus, qui Balearum insularum, & Dianii dominabatur, fecerat: qua ditionem eam Episcopo Barcinonensi, & conuentui eius Ecclesiae detulerat: cui donationi & Comites Barcinonenses, & Archiepiscopi Episcopique consenserant: & a Sede Apostolica firmata, atque stabilita fuerat. Sed omni ope, & opera enitente Rege animaduertentes ecclesiastici ordines Barcinonenses, quod per frequentiam, atque cultu Maioris insulae aequum esset, ut Sedes pontificia eo in regno constitueretur, quam Rex pollicebatur, affluentibus copiis ditare, voluntati regiae paruerunt: & interuentu Abbatum Populeti, & S. S. Crucium, & aliorum, ad eam pacationem deuotum est: ut ea in insula Episcopus crearetur: & Sedes Pontificia constitueretur. Is vero eo tempore primus ad eam dignitatem adscisceretur, quem Rex praeficiendum videret: cautumque, ut ei nominationi assentirent: eo vero defuncto selectio eius, qui in demortui locum sufficeretur, a Barcinonensi Episcopo, & clero in posterum regio permissu e gremio Ecclesiae Barcinonensis, aut Maioris insulae: aut ex alia Ecclesia fieret: modo ne ultra duos menses ea selectio differatur. Ea res Populeti A. D. VIII. Id Nouemb. sancitur. Episcopi Maioricenses nuncupati. Primum ad eam dignitatem adscitum memorant Raimundum Torrelliam.

1269.  
1231

Sanctium Navarrae Regem, qui plures annos Tudelana arce abditus latuerat, Rex inuisit: adeoque inter se conciliantur, atque foedere coniunguntur, ut alter alterum, non sui



fuit tantum iuris, & decoris defenforem, atque ultorem, sed regni heredem, & successorem adoptet. A. D. III. Non. Febr. Dominico die, & Purificationis beatæ Mariæ sacro, sollemni stipulatione mutæ adoptionis Aragoniæ, & Nauarræ Reges alligantur: quam regnorum proceres, ciuitatesq; ratam, ac certam definiunt. Vter eorum vita supererit, ad eum alterius regnum perueniat, statuunt. Vt earum adoptionum iura obseruentur, qui se ex Aragonia, & Nauarra sponsione obstrinxerāt, hos fuisse comperimus. Sanctius Ferdinandus Montacutus, Iohannes Pereſius Baztanus, Petrus Martinus Subiza, Petrus Martinus Leherius, Simō Aiuarius, Petrus Iordanis, Garcias Garceſius Aoizius, Lupus Garceſius Arcius, Michael Guerrezius, Garcias Simenius Varaizius, Petrus Garceſius Arro-  
10 nius, Petrus Simenius Olleta, & ſeni procuratores ſingularum ciuitatum regni Nauarræ. Ex Aragonia fidem ſuam obſtringunt, Petrus Ferdinandus Azagra, qui Albarrazini dominatur, Artho Focius Aulæ Regiæ præfectus, Guilielmus Moncada, Rudericus Lizana, Artallus Luna, Simō Vreæ, Blaſcus Maza, Petrus Pereſius Iuſtitie Aragonum præfectus, & Petrus Sanctius regiæ epistolæ magiſter. Sanctum vt in officiōſus, ne dicam in-  
humanus appareret, Theobaldum Campaniæ Comitis ex ſore filium regno deturbās, & Regem vicinum robuſta ætate, & ſummæ ſpei iuuenem adoptans, maior vis vrguet: dum caſtellæ Regis impotentem, & exultantem conatum propulſet: à quo continenti, & inſtanti bello premitur. Noſter, niſi regnandi cupido allicit, & tranſuerſum agit, qua nā ratione compelli potuit, vt omnia iura diuina, & humana peruerſet? Adoptat tertium, &  
20 viceſimum annum agens externum, graui ſenectā, & diuturna, & deſperata valetudine conſectum: & vnicum filium, quē pæne infantem puerum innocentem iam odiſſe nō poterat, non modo nō coheredē adiungit, aut ſubſtituit, ſed plane exheredar. Aurembiaxis Petrum Portugalliæ Regis filium maritum, nullis ſuſceptis liberis heredē dicit: & Vrgellitanæ, & Valleoletanæ ditionis, Gallaicarumque hereditatum ſucceſſorem inſtituit. Petrum Rex Tarraconenſis territorii oppidis donauerat: & cum Balearibus inſulis, quarum dominatum, Pityuſis adiunctis Rex quoad viuat, attribuit, Vrgellitanam ditionem commutat. Almudenæ, Oloronis, & Pollentiæ propugnacula, Maioris Balearum arces regiæ poteſtati recipit. Mauri Balearici arcibus Pollentiæ, Santueris, & Oloronis, ſiue proditiis, ſiue expugnatis ſe in libertatem vindicant: & aſpera, & montuſa loca circumſident.  
30 Cum his Tunetanorum Rex ſubſidio magna comparata claſſe aduentare perhiberetur, Rex Salonio portu, ccc. equitum turmis coactis ſoluit: & in Maiorem inſulam traiecit. Expugnatis arcibus, incredibili celeritate, vnde proſectus fuit, reuertitur: vt Nauarrenſibus rebus occurrat: eo enim verſæ erant omnes regiæ curæ, proſperis eo anno bellis. Cum Rex operam, atque opes ſuas Sanctio Regi pollicitus eſſet, ac denuo Tudelæ cum inuiſſet, & expeditionem aduerſus Caſtellæ Regem pacto conuento properandam ac-  
crius cohortaretur, & Nauarræ ſenio, & veterno languens, & iners theſaurum circumplexus, bellicis ſumptibus deterreretur, ac diem, de die duceret, noſter ab ea cura abdu-  
ctus, ſe, atq; omnem regni pubem, & cuncta populorum arma tota mente in ſacrum ad-  
uerſus Mauros bellum conuertit.  
40 Balearici Mauri, cum ſe impendentium montium aſperitate, & reductis, atq; abditis ſpeluncarum cauernis obſtinatis animis, infinita altitudine tuerentur, ac conſecto bello, ſe miſere, ſerino ritu ſuſtentarent, atque omni cultu, & victu humano carerent, nec ſe dedere, niſi Regi vellent, eo traicere primo vere parat.



# INDICES RERVM AB ARAGONIÆ REGIBVS GESTARVM.

10

## Liber Secundus.

AERA.  
NAT.  
CHR.  
1270.  
1232



QUONIAM adoptionis consilia, & regni Nauarræ obtinendi euentus non satis ex sententia processerant, & ipsa per se res anceps esset, ita expediri posse visum: ne Alfonsi filii officere, & obstare successioni videantur. A. D. II. Non. Mai. Tarracone Rex filium denuo auctoritate regia, legitimis natalibus, quasi iusto connubio natum restituit: qui à Leonora matre, educabatur. Heredem præterea Aragonii, & Balearici regni, Barcinonensis, Vrgellitanæ, & Mompelleriæ ditionis, omniumque earum regionum, quæ sacro bello vindicarentur, renuntiat: & insignibus principatus ornat. Filio Raimundum Berengarium Prouinciæ Comitem, & eius liberos, & his Ferdinandum patrum, ac regia propinquitate affines substituit. Præterea filium tutelæ sedis Apostolicæ, & Spargo Tarraconensi Antistiti auunculo committit: tutoresque filii instituit Tarraconenses antistites, Templariorum, & Hierosolymitanorum magistros: & Guilielmum Cerueram, ex optimatibus Cataloniæ virum primarium: qui ad Populeti, monachorum instituto se addixerat. Ea res presentibus Guilielmo Montcada, Petro Cornelio, Bernardo Guilielmi F. Regis auunculo, Valle Vergua, Assalito Gudali, & Petro Perefio Iustitiæ Aragonum præfecto sponsione sancitur. Hoc potissimum prouidet, ut Montione filius à tutoribus educetur: si mater, & Castellæ Rex illis tradendum curent. Mirum quod his adiecit: si forte filius externarum copiarum vi regnum inuadere niteretur, proceres illi, ciuitatesve parere minime debeant: nisi pacatus, quemadmodum dominum ad subiectos venire decet, aduenter: ut iam semina malorum, quæ diffidio filii à patre, in contrarias partes se postea verterant, excitari videantur.

Salonio portu Rex classem soluit: ac tertio die vrbs portum Balearis Maioris tenet. In minorem insulam classem transmitti imperat: & eius ductoribus Mauri se, suaque dedunt. In ea expeditione ordines duxerant Ferdinandus Perefius Pinna, Atorella, Lupus Sanctius Rota, Sanctius Horta, & Garcias Horta eius frater: ac Petrus Lupius Pomarius.

Iulio, & Augusto mensibus ea expeditione confectis, Rex in continentem Cataloniæ renauigat. Balearici Regis filius cum cultum, puramque Christi religionem suscepisset, Jacobi nomine edito, Euam Martini Roldani filiam, & Roldani ex Alagonia gente neptem in matrimonium ducit. Rex Illüeciam, & Gotoriam hereditatem illis firmat: sancitque.

## VALENTINVM BELLVM.

Magno conatu suscipitur, nec in longum dilata est Valentini regni inuadendi expeditio. Omnis militaris ætas excitur: & intentior, quam vnquam antea muniendi, exercendiq; militem cura ducibus fuit: quod hostes aduersus maritimos, & terrestres apparatus, ingentibus animis suas copias educunt, armantque.

Rege regni finibus egresso, & hostilem regionem incurfante Morelia, & Aras munitissimæ Maurorum arces, atque earum regionum propugnacula regis deduntur: & pleraque tractus eius regiæ facta ditionis: Blasco Alagone primario ex Aragoniæ proceribus, incredibili virtute prostratos, ac perculsos Mauros proterente, atque profligante.

Novembris mensis initio Turolii Zeitius Abuzeitius Rex denuo in Regis verba adigitur: & sacro bello se militaturum aduersus Zaënem Regem, à quo regno exactus fuerat, palam profiteretur. Zaënes Modosi F. & Lupi Regis nepos erat.

Montio;



Montione crucis prædicatio promulgatur: quam Gregorius IX. P. M. sacro bello ob-  
 undo indulserat. Rex, proceresq; ac duces, & militares manus sacro insigni decorantur,  
 & mediterraneis, ac montosis à locis digressis mare versus Ædetana regione fines regni  
 proferuntur. AERAS  
NAT:  
CHR:

A. D. VII. Id. Decemb. Catalani Bouatici tributum in sumptus bellicos Regi con-  
 donant.

A. D. VIII. K. Mart. Calataiubii festo cathedræ beati Petri die Rex Blascum, Ala-  
 gonem, ex proceribus Aragonensibus primarium, ducem egregium, & naturæ, fortunæ-  
 que omnibus bonis instructum, & qui longe tum princeps Aragonii nominis esset, Sasta-  
 10 giarce, & oppido, ac Mariæ arce, posterosque eius donat: quod strenua eius opera Mo-  
 reliam, regionis eius propugnaculum, initio tam insignis expeditionis obtinuisset. De  
 consilii sententia ea res sancitur: cui interfuere Sanctius Ahonesius Cæsaraugustanus, &  
 Guilielmus Turiafonensis Episcopi: Atho Foëius Regiæ Aulæ præfectus, Sanctius Se-  
 sesius, Petrus Ferdinandus Azagra, Garcias Romæus, Atorella, Petrus Pereñius Pinna, Si-  
 mon Vrræa, Blascus Maza, Fortunius Aznarius, Latro, Roldanus Lainus, Galcerandus  
 Cornellanus, & Petrus Pereñius Iustitiæ Aragonum Præfectus.

Cum Valentini in se omnem belli molem vertissent, nostros, nec nouum bellum,  
 aut nouus hostis terret. Rex Turolii finibus cxx. equitibus, & Turolensi peditatu oppi-  
 danorum, tam exiguis copiis, in Valentinum regnum infertur: sperans propediem ma-  
 20 gnas copias in eam expeditionem conuenturas. Coacto exercitu, Exericæ nobilis Æde-  
 tanorum oppidi amœnum agrum depopulantur: & Segoniam vallem incurredō, Idibus  
 Mai confectis Burrianam, haud procul à mari situm oppidum castris circumfident. Non  
 alia vrbs fortius obsidionem tulit: cum in maiori discrimine res verterentur.

In ea obsidione permansere Ferdinandus Regis patrui, Berengarius Erilius Iler-  
 denfis, Sanctius Ahonesius Cæsaraugustanus, Petrus Dertofanus, & D. Segorbiensis E-  
 piscopi, Prior Sanctæ Christinæ summi Pyrenæi, Raimundus Patotius Templariorum  
 Magister Galliæ prouinciæ & Cataloniæ, atque Aragoniæ, Magister Hospitalariorum,  
 Blascus Alagon Aulæ regiæ præfectus, Rudericus Lizana, Petrus Ferdinandus Azagra,  
 qui Albarraziniensibus dominatur, Simon Vrræa, Blascus Maza, Petrus Cornelius, Ber-  
 30 nardus Guilielmi F. Regis auunculus, Berengarius Entenza, Assalitus Gudalis, Valles  
 Vergua, Rudericus Simenius Luesia, Ferdinandus Perezus Pinna, Sugerius Melendus,  
 Peregrinus Bolasius, Guilielmus Aquilonius, Præfecti Alcaniciensis, & Montalbanus,  
 Simon Pereñius Turiafonensis Petri Pereñi præfecti Iustitiæ Aragonum frater, & Ferdi-  
 nandus Diacius Aulæ regiæ itidem præfectus: & cohortes oppidanæ Darocensium, Tu-  
 rolenfium, & Calataiubiensium. Ex Catalonia ordines duxere Guilielmus Ceruera, qui  
 Iunedæ dominabatur, Guilielmus Cardona Raimundi Fulchonis Vicecomitis Cardo-  
 nensis frater, & Guilielmus Moncada, atque illi militiæ fidem suam præstitere Ilerdenses  
 & Dertofani.

Ferdinandus Diazus Aulæ regiæ præfectus.

40 Burrianenses castra, vallantemque Regem sæpe adorti, incredibili audacia effusi,  
 in nostra ruunt munimenta. Rex labore potius militum, quam periculo inceptum pera-  
 gens, magno apparatu, tormentis, machinisque mœnia aggredi iubet: ambulatoriisque  
 turribus, quas plurimum tabulatorum confecerant, vi, atque impressione irrumpere co-  
 nantur. Præsentis, & actis animi princeps, cum desperata expugnatione, propius temeri-  
 tatem multa crebro auderet, aliquando discincto thorace, diloricatoque amictu contra  
 difficultates omnes incedens, sagittarum ictibus occurrere visus est, ne obsidionem, nisi  
 cum vitæ discrimine deserere cogeretur. Vicittandem, & superior discessit mira Regis  
 constantia, & firmitas animi: & arietibus admotis munimenta concussit. Ductus ad  
 mœnia exercitus, completisque fossis, scalæ admotæ: & maximo impetu nostri in op-  
 50 pidum irrumpunt. Iulio mense expugnatur: qua in oppugnatione, & comprimendis  
 hostium eruptionibus Regis virtus egregia enituit. Obsidio non tam claritate vrbs,  
 quam oppidanorum virtute, & regio decore parto nobilitata. Acrius instante vi-  
 ctore Rege, Simonis Vrrææ opera, & interuentu plura oppida, castellaque oppugna-  
 ta: nec obfessa sunt. Peniscola, Chiuertum, Ceruera, & Polpes coactæ obsides dare,  
 & ciuitates suas iureiurando obstringere, regi deduntur. In his oppidis, quæ ad  
 Regem Zeitii opera defecerant, satisque munita loco, aut mœnibus erant, præsidia  
 imponit. Variæ à nostris excursiones in hostico sunt: expeditioneque ea Rex  
 aliquot populos, aut vi subigit, aut conditionibus in deditionem, pactionemque  
 accipit. Castellio Burrianensis, Burriolum, Cryptæ Vinromanenses, Cueuas



AERA.  
NAT.  
CHR.

vocant, & Villafames in deditiōem, potestatemque Regis rediguntur. Nam cum obsidionem tolerare non possent, traditis oppidis, pacti ut incolumibus, suis legibus uti liceret, in eis mansere.

Simon Virea ex primariis proceribus summæ dignitatis vir, bello strenuus, & consilio bonus, atq; insigni virtute præstans, ductu suo Alcalatenam arcem, deiectis Mauris, qui in præsidio erant, recipit. Nostri Rege ductore, expedito agmine ad populandos hostium agros incedentes omnia ferro, igniq; vastâtes, regiones eas, per quas Suero amnis defluit, effuse, lateq; depopulantur. Prædæ undique actæ.

Blasus Alagon Aulæ regiæ Præfectus.

1272.  
1234

Almazora à nostris expugnatur. Occupato oppido Rex ibi præsidium collocat. No- 10  
stris non animi tantum in dies, sed vires subministrantur.

Gregorii P. M. interuentu nuptiæ Regis, & Iolantis Andreæ Hungarorum Regis filiæ, & Iolantis Reginæ eius vxoris: quæ Petri Antisiodorensis Cōstātinopolitani Imperatoris filia erat, despondetur. Barcinonē ob eā causam legati ex Pannoniis aduenerāt Bartholomæus Quinqueecclesiensis Episcopus, & Comes Beraldus. Res ea Barcinone, A. D. X. K. Mart. trāligitur. Dotis nomine x. m. marcarum argenti dicuntur: ex materna dote debita, & cc. auri, quarū debitor Austriæ Dux erat: addiciturque certa Nemorensis comitatus in Flandria portio: atq; ea ditio, quam in Gallia puellæ aui obtinuerant: & ea oppida, quæ in Hungariæ regno Iolans ipsa possideret: & quæ in Burgūdia matris hereditate obuenerant.

Rex Montalbano in oppido Maio mense Blasus Alagoni, qui in eo bello strenue 20  
peram nauarat, Morelliam quoad viuat, fruendam attribuit: ac Celoquiam præcipuam arcis turrim recipit: quæ Ferdinando Diacio, aut Simoni Perefio Turiasonensi tradatur: ut veluti pignus retineatur à suis supremi dominatus.

A. D. VII. Id. Apr. Sanctius Nauarræ Rex Tudelæ decedit. Nauarri Theobaldum Campaniæ Comitem Sanctii sororis F. arcessunt: sibi que Regem adsciscunt: atq; in eius verba adiguntur: non tamen Rex hac de causa à sacro prosequendo bello sibi desistendū censet.

A. D. XV. K. Oct. Hortæ, in ipsis regnorum confiniis Iacobus Rex, & Ferdinandus Rex Castellæ congregiuntur: ad colloquiumque deueniunt: de controuersia sedanda, quæ inter regem, & Leonoram Reginam, à qua diuerterat, orta erat. Farizam oppidum, atque arcem Leonoræ Rex, quoad viuat, attribuit. Sacramento adigitur se, ea inuita Al- 30  
fonsum filium ab eius educatione, & gremio non abstracturum.

Mompellerii Rex omnium sanctorum diem festum concelebrat. In Prouinciam Galliam in Medio belli conflictu profectum apparet, quod Raimundus Berengarius Prouinciæ Comes frater Margaritam natu maximam filiam Ludouico Galliæ Regi ea tempestate desponderat. Is ex Beatrice Sabaudix Comitis F. quattuor filias susceperat: omnes magnis principibus nuptas. Leonora enim, & Sanctia Henrico Angliæ Regi, & Ricardo eius fratri collocantur: & Beatrix, patre vita functo, Carolo Ludouici Regis fratri, qui postea Sicilia regnum adipiscitur, nubit: & Prouinciæ ditionem natu minima tulit. Ita euenit: ut stirps Aragonia summa virtute firmata atque florens, maximorum totius orbis Regum familias generosa propagine inseuerit. 40

Concitato cursu Rex in Cataloniam regreditur. Ilerdæ confectum pæne Decembrem mensem commorans, & maritimam, & terrestrem expeditionem virgnet: cui cupide instat. Supplementa exercitibus scripta sunt: indictis per ciuitates tirociniis.

A. D. VII. Id. Decēb. Ilerdæ Rex Guilielmo Mongrino suffecto Archiepiscopo Tarraconensi, posterisque Pontificibus Ebusum, & Colubrariam insulas, à prisceis Pityusas dictas honoratio iure attribuit: modo arcem, atq; oppidum Ebusitanum suis copiis, & ductu expugnet.

1273.  
1235

Ad reparandas vires, bellumque de integro renouandum Rex intendit animum. Duo insignia Ædetanæ regionis oppida à Maurorum dominatu eripit, præsidisq; firmat Segorbium, & Moruiedrum: quibus claustra Valentini regni tenet. Primum Maurorum 50  
opus fuit: & cum rerum prisicarum memoria sua vetustate obsoleuisset, & Mauris incolis omnia inuerterentur, nostri Segobrigam, vetustam Celtiberiæ urbē se recepisse, simili appellatione literarum arbitantes, Ecclesiasticæ sedi addicunt: diocesisq; Valentini partem subtrahentes Albarraciniensi diocesi contribunt: conuulsisq; finibus, vix postea inter vicinos Episcopos rerum vetustarum inscientia, iudiciariæ controuersiæ finis fuit. Moruiedrum ex Sagunti urbis, illius fide, & ærumnis inclitæ parietinis, conditū, nomen, ut memorauimus, inuenit. Is situs est, & natura loci ut montes circa perpetuos, arduo, & præcipiti colle contineat: & facillimus aditus mare versus, & ad ipsa Valentini urbis in plano sitæ mœnia sit: cui velut prouinciæ totius communis arx imposita imminet.

Bellum



Bellum iam aduersus hostes, non continentibus finibus, sed intimis eorum regionibus geritur. Cullarim, quam Sucro amnis influit, nostri obsident. Obsidione ea desistentes Moncadam, & Museros expugnant: nobiles inter alias Valentini agri insignes turres: quas Valentia ocellos, propter summam orarum, & hortorum amenitatem Rex ipse appellare consueuerat.

AERÆ  
NAT.  
CHR:

Petrus Portugallia Regis F. & Nunnius Sanctius Sanctii Ruscinonenſis Comititis F. satis magna comparata classe maiorem ex Pityusis Ebusum insulam à Maurorum dominatu, & potestate eripiunt, Minor prisceis temporibus Colubraria dicta: à nostris Frumētaria: omni æuo deserta à populo, atque cultura hominum fuit.

10 Nunnius, quod Cæretanum Comitatum confluentem regionem, Carcaſonenſem, & Bergadanam ditionem, Trencauelli honorem, & Narbonenſem Vicecomitatum substitutione testamentaria Barcinonenſis Comititis aui, & donatione ab Alfonso Rege patruo, Sanctia Nunnia matri facta, quæ Nunnii Larenſis filia erat, repeteret, à Rege disſidet. Rex super Colliberis, Vallespirii, & Capſiris iure, & dominio, quæ ditiones Ruscinonenſibus finibus appendices ceſſerant, aduersus Nunnium actionem suscipit. Demum Rex Nunnium, & orbem, & regia stirpe sibi adiunctum in pristinam concordiam reducere curat. Colloquio dies constituitur A. D. III. Non. Mai. Apud Lupum Diacium Pharenſem Vizcaie dominum Nunnius, Rex apud Guilielmum Cerueram compromittunt: Hugone Monlauro Templariorum magistro honorario arbitro adiuncto. Pecunia  
20 Rex eam litem redimit. Ditiones Ruscinonenſi comitatu confines Nunnio, quoad uiuat, attribuit.

Iolans Regina ex Pannonia ad virum, regio comitatu deducta, Barcinonem appellit. Ea in vrbe nuptiarum ſolemnia A. D. VI. Id. Sept. celebrantur. Præſtantiffima omnium eius ſæculi feminatum: vere digna, quæ ex vltimis gentibus, conhubio principis post homines natos fortiffimi, & animi maxime excelsi, & inuicti adiungeretur: non modo conſiliorum, sed discriminum, periculorumque omnium ſocia, atque conſors. Reginam in Hispaniam proficiſcentem comitati fuerant Episcopus Quinqueeceſienſis, & Comes Dionysius: cui cognatio cum Regina erat: qui magnis præmiis à Rege donatur: & filios habuit Amorem Dionysium, & Gabrielem Dionysium, atque inde Dionysiorum familia exoritur maxime inſignis, atque illuſtris: quæ in Vrreas inſita fuit.

30 Huius anni initio Tarragæ Regi cum Pontio Capraria super Virgellitanæ ditionis contentione conuenit: eiusque compotem Rex, atque participem Pontium facit.

1274

1236

A. D. XIII. K. Iun. Calataiubii Petrus Portugallia Regis F. qui Balearium, & Pityurum insularum dominabatur, cum earum ditionis iura ad heredes non eſſet tranſmiſſurus, Regis imperio, ſummum dominium, quod Regi receptum fuerat, Iolanti Reginae, & eius liberis, iuriſiurandi religione, ac fidelitatis ſacramento ſancit. Scribendo adfuerit Petrus Ferdinandus Azagra, Petrus Cornelius, Atorella, Garcias Romæus, Marcus Ferrieus, Trencauellus Vicecomitis Biterenſis, Ferdinandus Pereſius Pinna, & Simo Pereſius Turiaſonenſis.

40 Iulij Turoli Maii menſis fine Rex Zeitio Abuzeitio Valentinarum Regi, qui Chriſtianam fidem profeſſus fuerat, & Vincentii nomen ediderat, vxoremque duxerat, Dominicam Lupiam Cæſarauguſtanam ciuē, Riclae, & Magalionis oppidorum donationem, quæ ei tradita fuerant, ratam, firmamque conſtituit. Is ex vxore Dominica Aldam Ferdinandiam ſuſceperat, quæ Blaſio Simenio Arenosio nupſit. Zeitius ſe Regi, eiusque liberis, & Iolantis Reginae perpetuo addicit: nulla Alphonſi Regis filii mentione facta: quem acerbè, & penitus pater oderat.

Rex aulico equitatu, & oppidanis Darocenſium, & Turolenſium copiis, Exerietum, & Torreſtorreſium agrum incurrit. Bellum deinde ab repentina maritimæ oræ populatione cœptum: quod omnis ea regio pluribus, ac frequentibus vicis habitaretur: nam  
50 ſumma tractus amenitas non indigenas modo detinet, ſed etiā aduenas inuitat: & Maurorum qui Ædetaniae, & Celtiberiae urbibus in ditionem redactis, a nouis incolis pulſi fuerant, receptaculum erat.

Cum Rex milites Ianuario menſe ex hibernis in expeditionem euocaſſet, eduxiſſetque, Eneſæ tumultum inter Moruiedrum, & Valentiam ſitum, qui mari alluitur, loco adiuuandam ſuorum paucitatem maxime appoſito, noſtri magnis operibus muniunt: & in eo caſtra locant. Valentini ex ea veluti arce premuntur: & excuſſionibus arcentur. Caſtris Rex ſummum, & ſingularem virum præſcit Bernardum Guilielmum atunculum. Is milites excuſſionibus ſufficiendo, & præliis leuibus oppidanis manibus experiendo aſſuefecerat: paruaq; certamina animos addunt: & in ſummam totius ſpei proſiciunt:



AERA.  
NAT.  
CHR.  
1275.  
1237

Octobri mense Montione, magna Aragonensium, & Catalanorum frequentia, & celebritate conuentus aguntur: & de prosequendo sacro bello, a Rege refertur. Ex ordinibus Regni, & Cataloniae interfuere Guilielmus Mongrinus Ecclesiae Tarraconensis procurator, & Barcinonensis, Caesaraugustanus, Vicensis, & Dertosanus Episcopi Templariorum, & Hospitalis Magistri, & aliquot praeterea religione praestantes viri: inter quos Raimundus Penafortius ex instituto praedicatorum singulari sanctitate, & praecipua doctrina excellebat. Ex proceribus Catalanis adfuere Ferdinandus Regis patruus, Rogerius Bernardus Fuxensis, Pontius Capraria Vrgellitanus, Petrus Vgo Emporitanus Comites: Nunnus Sancti Comitis F. Gerardus Vicecomes Caprerensis, Guilielmus Cardona, Raimundus Berengarius, Guilielmus, & Petrus Moncade, Berengarius Pucertius, Guilielmus, & Berengarius Anglesolae, Bernardus Portella, Hugo Mataplana, Galcerandus Pinosius, Guilielmus Aquilonius, Raimundus Peralta, Petrus Vicecomes Villamurius, Raimundus Guilielmus Odena, Berengarius Erilius, Guilielmus Ceruera, & plures alii viri nobiles. Ex Aragoniae proceribus conuentui adsedere Petrus Cornelius aulae Regiae praefectus, Bernardus Guilielmus Regis auunculus, Garcias Romaeus, Simon Virea, Atorella, Artallus Luna, Blascus Alagon, Rudericus Lizana, Blascus Maza, Berengarius, & Gombaldus Entenza, Simon Focius, Assallitus Gudalis, Fortunius Vergua, & Simon Luesia. Praesedit eo in conuentu Petrus Perefus Aragonum Iustitiae Praefectus.

Petrus Cornelius aulae regiae Praefectus.

Indutiae inter Aragonenses, qui factionibus dissidebant, firmantur. Nummi Iaccerani, uti eiusdem ponderis, rationis, atque notae in Aragonia, Ilerdensi, & Dertosana ditione adiunctis, perpetuo signentur, lege sancitur. Statuunt, ut ii, qui supra XI. annu aetate agunt, iurisiurandi sacramento adgantur, se opera duros, ut res ea nummaria firma, rataque sit. Ob eam rem Aragonenses tributum Regi, posterisque Regibus condonant: quod singulae familiae, quarum bona ex censu x. nummis aureis, aut pluris aestimentur, septimo quoque anno pendant. Id tributum Morabetinum appellant: & ex pecuniae summa, quae pendebatur, nomen inuenit: cuius collocandae ratio perpetuos, quanquam exiles Regibus sumptus suppeditet. Vix enim ex portorii circumuectionis, aut decumis, scripturae, conseruari vectigalia in rei militaris administrandae usus poterant.

Zaenes Valentini populi Rex firmissimo robore copiarum insultans, quas a Setabi ad Ondam praesidiis praefecerat, d. c. enim equites, xl. m. peditum coegerat, oriente sole ad Enesana castra oppugnanda irruit. Bernardus Guilielmus & Berengarius Entenza praestantissimi nostrorum ductores, cum animis magis, quam viribus resisterent, & omnis spes in virtute esse reposita, incredibili animorum constantia, & firmitate commoti, & ope diuina freti, non satis pro dignitate bellica, & imperatoria existimantes, se munitio- nibus septos castra propugnare, eruptione facta, cum Bernardus suos hortatus esset, meminissent hominis, generis: quorum maiores innumerabiles gentium copias parua manu saepe fuderint, quasi non periculi socios exigeret, sed consortes victoriae, & diuinam opem exposceret, efferatis militum animis, c. grauis armatura, & cc. leuis armatura equi- tibus, & ii. m. peditum in hostium acies inuehuntur. Hostes nulla interposita mora ca- dunt: atque profligantur: quos nostri ad rivulum, Siccum appellant, i. i. m. p. eis vr- bem insecuti magnam multitudinem fugientium conciderunt: ingentemque stragem ediderunt. Nam effusi immensis agminibus hostes, adeo praecipiti, & ruenti turba com- primuntur, ut potius illi, quam ferro interempti fuerint. Ex nostris Rudericus Simenius & filius Simonis Perefii Tierga, & signifer Bernardi Guilhelmi fortissime irrumpentes mortem occumbunt. Ad x. m. hostium nullo vulnere faucios concidisse memorant. Mense Augusto eam pugnatam pugnam accepimus: qua singularis Bernardi Aquilonis virtus enituit: qui conferto praelio, cum maiore in conflictu res verteretur, parte equita- tus irrumpens, suo impulsu ingentes hostium copias pepulit. Hic dies & nostris refecit animos & hostem summe perculit.

Cum in Batrica acre, eadem tempestate, aduersus impios hostes, bellum a Rege Fer- dinando gereretur, exploratorum ductores, quos Adalides Mauri vocare assueverant, die, ac nocte continuato itinere, ingens, & immane facinus ausi nocte interpesta scalis ad- motis, turrim & propuguacula Cordubae urbis adorti, ex improviso diu anceps praelium fecerant: & successu regiarum copiarum, celeberrima totius prouinciae vrbe poti- untur.

Bernardo Guilielmo vita functo, cuius morte magnam iacturam factam apparuit, quod ad eius maxime arbitrium, atque iudicium summa omnium consiliorum recide- rat,



rat, cum à militibus Enesana castra desererentur, regionum præfectorum imperio con- AERÆ:  
tempo, Rex palam in sacello eius arcis aram tenens, nuncupatis votis, iurifurandi reli- NAT.  
gione obstringitur, se eos fines non derelicturum: neque Vildeconium fluuium traiectu- CHR.  
rum, quoad urbis Valentia esset positus. Reginam, ac Iolanthem filiam, ne se à proposito  
declinare, aut à sententia deflectere, vnquam videre sperent, in castra deduci imperat.  
Regina vxore incurstantibus hostibus, aliquando comitatus, non degenerem ad pericu-  
la est expertus.

Postquam præpotentem armis Regem nec acies subsistere vllæ, nec arces, vrbesue  
poterant, Zaenes cum animaduertisset, nec maiori ratione bellum administrari posse,  
20 quam à nostris gerebatur, ac summis copiis, & com meatibus in dies exercitum sup-  
pleti, Regi pollicetur, se eas arces traditurum, quæ Dertosa, Turia flumine, Turolioque  
continentur. Arcem præterea in Zaidiensi suburbio ad urbem ex ædificaturum: quæ re-  
gio præsidio firmetur: & quotannis x. m. Besantiorum tributi nomine persolutorum re-  
cipit: modo præsidia, quibus Valentiam urbem obsederat, deducat. Cum proceres gra-  
uem legem ab hoste, & conditionem sibi constitui prædicarent, eamque præferendam  
censerent, a Rege reuicetur: quod simulatione deditiois, atque tributi tempus à Zaene  
extrahi videret, & obsidionem ferre Mauri obstinate decreuerant.

Bernardus Montacutus Cæsaraugustanus Episcopus.

Quia celeritate ad opprimendam obsidione urbem opus erat, regio circumcirca 1276  
20 ferro, ignique vastatur. Almenara, Vxo, Nules, Castrum, Alfandechum, Paterna, Betera, 1238  
& Bulla arces expertæ, quid arma regia in se pollerent, Regi deduntur. Valentia vrbs  
regia, & situ, & ciuitatis amplitudine, ac singulari opere, murorumque ambitu in pri-  
mis nobilis, tam exiguis copiis à Rege obsideri cæpta est, vt vix expugnandæ cuilibet  
arce pares esse viderentur. Cum Aragonenses, & Catalani exercitus se Regi adiungerent,  
castris primo leui munimento positis circumfideretur. Separatim oppidanæ singularum  
ciuitatum copiar, tentoriaque collocantur. Angli, Gallique operam suam vltro pollicen-  
tes, satis magnis cõparatis copiis, sacro bello militaturi, in castra conuenere. Petrus Ame-  
lius Narbonensis Archiepiscopus xl. equitû, & dc. peditû ductor, & Angli proceres, qui  
in Hispaniam, ab Henrico Rege missi fuerant, statim sibi castra faciunt, Barcinonenses  
30 proxime ad mœnia accedentes castra metantur.

Petrus Ferdinandus Azagra, & Simon Virea suorum equitatu, & peditum copiis  
adiunctis Ciliam, amœno præcedenti se stagno, Arabes Albuferam nominant, imposi-  
tam oppugnant: & machina percellunt. Cilienses, cum acriter vtrunque pugnatum  
esse, Regi deduntur.

Cum idonea nostri statui, loca delegissent, Valentia & rectis, & apertis cuniculis,  
summa tormentorum, & machinarum vi oppugnatur: quod Mauri iam, non assiduis  
eruptionibus, vt ante institutiones nostrorum, sed dispositi per muros, & propugnacula ex  
tuto pugnarent: & armati muris superstantes instar munimenti essent. Prælia ante vr-  
bem multa, & varia: sed nostris virtute, & ducum consilio, & principis præsentia præstan-  
40 tibus sepius prospera euenere.

Classem xii. longarum nauium, & vi. aliarum actuariatum, quas zabras illa ætas  
nominabat, ad Valentia stationis Gradum Tunetenses Africani appellant: vt Valentia  
mis obsessis animos adderent: seque præsentis auxilii cõpotes breui futuros sperarent.  
Sed cum inanis ea ostentationis species esset, litus relegentes Peniscolam adoriuntur. A  
nostris in naues repulsi, mutata velificatione in altum peruehuntur: & hostes ne ymbra  
quidem transmarini auxilii subleuari potuere: cuius spei moram cum obessorum for-  
tuna diutius pati nequiret, ex prope certa fiducia in magnam desperationem vertit. Lito-  
ra omnia à Pyrenæi promontorio ad Dianium nostrorum classibus tenentur: maritimos-  
que prædones confectando, mare tutum reddidere. Motus summæ rei, & postremo de-  
50 speratio incesserat: & spes reliquas omnes hosti abstulit.

Regia classis libero mari nauigans, ex omni prouincia magni com meatus, & pri-  
uati, & publici subsidii exercitum sustentat: qui adeo auctus, amplificatusque erat, vt  
Rex M. equitum, & LX. M. peditum copias comparat. Rege non modo imperatorium  
munus, sed gregarii militis operam obeunte, cum in repentinis eruptionibus, atq; cæta-  
minibus, propinquiore se discrimini obiceret, transfixa galea, sagitta frontem configitur.  
Sed breui eum conualuisset, in vno res publica ad comprimendos hostium conatus, &  
urbem expugnandam, fortior euadit.

Bellum diuturnum, ac frequens: variaq; victoria fuit. Ex eo cum tot bellorum fau-  
stis successibus, magnis semper accessionibus regni opes, viresque augerentur, tanta belli



AERA.  
NAT.  
CHR.

mole Regem implicitum, atque constrictum res Italicæ, præclara famæ rerum ab eo gestarum celebritate, ex ultimis terris, tamquam publicæ libertatis vindicem, cum eius nominis gloria, insigni laude, apud exterarum nationes vigeret, ad se vocant: ut maxime florentem, ac felicissimum Imperatorem sibi præficerent ducem. Gregorius IX. P. M. quod Fredericus Imperator, qui ab Ecclesia non modo altus, & educatus, sed regni stabilimentum, & Germaniæ imperium adeptus fuerat, summo impietatis scelere ab ea descivisset, & Cremonensibus, Mantuanis, & Ticinensibus finibus bellum inferret, quo motu Italia omnis concussa erat, Regem inuicti animi robore, & gloriæ laude præstantem magnis pollicitationibus commouet, ut laboranti Ecclesiæ, & labantibus Italiæ rebus opem ferat: sperans priuatas etiam iniurias ea expeditione Regem ulturum. 10  
Nam Fredericus, qui impius in sacrosanctam parentem Ecclesiam, & Christi sacerdotes iura diuina peruerterat, sæuus, & inhumanus in Henricum filium, cui inter fratres ætas prouectior, Regis consobrinum exitit: quem ad Germaniæ regnum adscitum, in carcerem intrusum, quod Pontificias partes foueret, non modo regno sed vita frui vetat. Mediolanensis ciuitas, & Placentina Othonem Cendatarium, Bononiensis, & Faentina Iulianum Leonardum legatos mittunt: qui summe sollicitent, uti Ecclesiæ, & communi omnium parenti Italiæ, quarum interitus ab impio tyranno pararetur, subueniant: ecclesiasticique status tutelam suscipiat. In eius expeditionis sumptus CLM. librarum imperialium, & in singulos annos, iura, atque annuos redditus, qui Imperatoribus in Cisalpina Gallia pendebantur, pollicentur: & Regem patroni, defensoris, ac gubernatoris loco adsciturum. Dere maxima Regi deliberanti, qui non modo nouum bellum, ubi virtus eius enitescere posset, sed externum, & Italicum exoptat, Regina, Vitalis Canelias Oscensis, Bernardus Montacutus Cæsaraugustanus, Bernardus Vicensis, Simon Segorbiensis Episcopi, Raimundus Berengarius Templariorum, & Petrus Exea Hospitaliariorum magistri, Rudericus Lizana, & Simon Vrrea, ne florenti, ac plaudenti fortunæ ad res magnas bene gerendas adiunctæ desit, consulunt. Hæc consultorum deliberatio cum regia fiducia summe consentiens, rem eo deduxit, ut Id. Iunii in ipsis castris Rex cum legatis pacisceretur. Recipit se in Italiam II. M. equitum ex nobilitate delectorum bellico apparatu transmissurum: & in Lombardia, Marcha Treuisana, aut Romandiola se bellum aduersus Fredericum, & Cremonensem, & Ticinensem ciuitatem gerentem commoraturum: & eas ciuitates bello persecuturum: quæ Frederici sectam sequuntur. Fredericus tamen homo versutus, & callidus, qui fidem sacrilegio, pietatē parricidio violasset, se falso Pontifici concilians, & Ecclesiam ludibrio, & despectui habet, & externum hostem à sua pernicie auertit.

Septembri mense inito Zaënes oppressus iam, desperatusque, non à transmarinis modo auxiliis, sed despectus etiam à propinquis Murtiensium, & Almeriensium regulis, urbem, & arces, oppidaque cis Sucronem omnia Regi tradere, ea conditione spondet, ut obsessi conseruati, & incolumes auro, argento, armis, bonisque exportatis Cullarim, & Dianium deducantur. Dianenses enim sub ditione, & potestate Zaënis esse consueuerant: in extrema eius regni regione maritima locati. Zaënes se ad Ruzasam pactis conuentis pariturum Regi offert. Deditur vrbs Valentia totius Hispaniæ pulcherrima, & ornatissima: statione, & naualibus, diti commercio peropportuna: cui tanti erant antiquitus omnium rerum ad bellum apparatus prouisi, tantaque machinarum, & propugnatorum multitudo, ut si virili animo hostes propugnationi institissent, in summo, & difficillimo tempore obsidionem longius protraxissent. Zaëne vrbe excedente, ad L. M. Maurorum egressos regis commentariis testatum inuenimus.

A. D. IIII. K. Octob. Rex cum assuetus victoriis omnia euicisset, & gloriosam palmam esset consecutus, ouans urbem, faustis laudum insignibus introiit.

III. Viri agris diuidendis, & partiendis, adiunctis finitoribus præficiuntur Berengarius Palatiolus Episcopus Barcinonensis, Vitalis Canelias Episcopus Oscensis, Petrus Ferdinandus Azagra, & Simon Vrrea ex proceribus primarii viri: ut de commodis procerum, atque militum, & præmiis tribuendis atque augendis equa ratio iniri posset. Ad CCCLXXX. nobiles viros, proceribus exceptis, ex Aragonia & Catalana nobilitate herediis donatos constitit: quorum familiæ, ex ea expeditione, bellica laude floruerint: & tamquam maiorum gentium agnationibus distinguantur. Vrbs præne tota Catalano, & Aragonio siue milite veterano, siue oppidano incolæ cœpta: agris virum diuisis. Valentinis suæ leges scribuntur: propriumque forum indicitur: & cum noui incolæ, & coloni expeterent, ne extra suum forum vadimonium promittere, sistereve cogerentur, nostri proceres Aragonio iure, ac foro se, suaque heredia, ac Valentinas possessiones censerī contendunt: maiorque inde domi exorta



exorta moles: gliscente in dies seditione inter plebeios, & egentes: atque proceres, & Aragonios optimates.

AERA.

NAT.

CHR.

Episcopi Sedes Valentina in vrbe constituitur: atque instauratur: cuius diocesis, etsi Vuambæ Gothorū Regis temporibus, Toletanæ prouinciæ contributa fuerat, Rex cum eius vrbs potitus esset, votireus Tarraconensi subiiciendam, attribuendamque curat. Ferrarius Sancti Martini cognomento Tarraconensis Ecclesiæ præpositus à Gregorio P. M. Valentini ecclesiæ præficitur: quem Rex, Archiepiscopus Tarraconensis, Magistri Templariorum, & Hierosolymitani Hospitalis, proceresque alii delegerant: summoque Pontifici sacrandum obtulerant.

10 Raimundus Fulcho Vicecomes Cardonensis, & Artallus Alagon Valentini, & Murtiensis regni fines incurrentes Vilienam, & Saxium, neq; operibus, aut tormentis admotis oppugnant. In Saxii oppugnatione, cum simul, & portæ refringerentur, & vis vndique in muros fieret, Alagon lapide percussus occumbit. Morte primarii ex proceribus viri, & Blasco patre memorabilis, insignis accepta clades.

Præfidiis Valentini regni dispositis, Rex Mompellerium contendit. A. D. IIII. Non. Iun. Iouis die urbem iniit. Postero die, ab hora sexta ad horam fere nonam sol obscurari cœpit: cuius defectu, adeo repentinæ tenebræ, obscurato, ac pene obruto sidere obducuntur, ut ostento simile fuerit. Cum incursione seditionis, vis multitudinis factiosorum partibus concitaretur, & populi impetus, Rege etiam præseente essent, seditiosi, & turbulenti ciues vrbe exacti, & bonis multati, eorumque domus dirutæ.

1277.

1239

20 Cœnobium ordinis Cisterciensis, cui Fontis Clari nomen est inditum prope Alcoleam, ad Cingæ amnis ripas, à Rege hoc anno conditum, & à conuentu monachorum frequentari cœpisse Ferdinandus Aragonius Cæsar-Augustanus Antistes, & eiusdem instituti monachus memoriæ prodidit: eumq; monachorum cœtum in suburbanum Cæsar-Augustanum postea ad Orbæ ripas traductum: & S. Fidi dicatum.

Fragensibus Oscense forum indicitur.

Rege in prouincia Gallia commorante cum defectio nulla timeri posset, & indutiæ iura à nostris violarentur, dediticiisque Mauris bellum inferretur, omnes se in libertatem vindicant. Chium castellum nostris obsidentibus, eruptione facta, hostes prælium 30 ineuntes cæduntur. Ea pugna sacrum numen Christiano populo affulxisse, cælestia monumenta testantur: quæ summa veneratione DAROCÆ visuntur. Diuino enim Eucharistiæ sacramenti mysterio linteum ex eo insignitum apparet.

1278.

1240

Zaënes Rex, qui Dianio se abdiderat, cum de compositione actum esset, Alicanti- nam arcem mari impositam se Regi traditurum pollicetur, si Minorem Balearium condonet. Rex etsi ad occupandas maritimas Contestanorum vrbes animum adiecerat, conditionem reiecit: quod arx ea terminatis finibus regnorum, Murtiensi regno, & Castellæ Regum ditioni iure belli esset contributa.

Bairena arx, bello aduersus tumultuantes Mauros sæuiente, Regi traditur.

40 Petrus Ferdinandus Azagra Albarrazini dominus, Petrus Cornelius aulæ regiæ præfectus, Artallus Luna, Garcias Romæus, & Simon Vrræa cum à Rege defecissent, Iulii mensis fine se illi addicunt.

Viliena Alcaniciensis præfecto, & Calatrauensibus militibus deditur. Rex cum in Catalonia proficisceretur, vicem regiam in Valentino Regno gubernando Ruderico Lizanæ committit. Cum Berengarius Entenza à Rege defecisset Setabitanis finibus in Turrolenses bellum infert: & decursionibus regionem vastat.

Setabis Contestanorum vrbs excelsa arce, & agri amœnitate nobilis, & prope firmissima earum regionum ciuitas à Rege castris circumfiderur. Cum caput ea Contestanorum longe ditissimum, atq; opulentissimum armis, virisq; esset, omnem conatum in eam obsidionem parat. Garcias Romæus tamquam, iniuria facta esset non ferenda à Rege, ab eo desciscit.

50 Aprili mense Petrus Ferdinandus Azagra, qui ex summis princeps inter Aragonios proceres censebatur, & suo, & Castellæ Regis equitatu Granatensi Regi bellum infert.

1279.

1241

Mompellerii Rex, Raimundus Berengarius Prouinciæ Comes Regis frater, & Raimundus Tolosatus Comes congressi ad turpē, & omni dedecore famosam pactionem deueniunt. Nam de communi sententiæ iudicio Rex, & Raimundus Gaucelinus Lunelli dominus, & Albefeselecti iudices decernunt, ut Comes Prouinciæ operam det Sancti- am Regis amitam Tolosatis vxorem, à delegatis à sede Apostolica iudicibus expostulat- ram de matrimonii diuortio sententiam ferant: & si renuat, ex Prouincia Gallia exter- minet. Ad hæc constituunt, uti Tolosæ, quoad eius fieri posset, ab vxore diuenerē con-



AERA.  
NAT.  
CHR.

tendat: & dotis nomine, quæ dicta fuerat, m. argenti marchæ, & centenæ singulis annis Sanctiæ condonentur. Id nempe eniticos apparuit, vti Tolosas conditione priore repudiata uxorem ducat: & Iohannam filiam, quam ex Sanctiâ suscepit, Alfonsi Pictorum Comitis coniugem; Tolosatium ditionis hereditate, & bonis patriis exturbent. Hæc Mompellerii Non. Iunii stipulantur.

Vincentius Cæsaraugustanus Episcopus.

1281.  
1243

Darocæ conuentus à Rege agitur: cui Ilerdenses Aragonensibus conuentibus interesse soliti, adfuere. Eo in cōuentu in Alfonsi Regis filii verba, vti regni iusti successoris adiguntur. Constituunt, vti regni fines Sicoris fluminis ripis terminentur: quod Petrum ex Iolante Regina genitum Rex Cataloniæ ditione, atque hereditate donare decreuerat. Hæc lege, huius anni fine stabiliuntur: quotidiana Catalanæ gentis querimonia. Ea enim natio paullo restrictior, & sui admodum iuris tenax; eum tractum, inter Sicorim, & Cingam interiectum suis finibus subtrahi dolet: & Ilerdensi ciuitatem, à Barcinonensi ditione immerito seiungi. Superiorum enim Regum edictis, quibus indutiæ Catalanis edebantur, à Cinga ad Salsulas, earum iura obseruanda promulgari consueisse cōtendunt. Lege ea recenti, rerum nouarum causa quæsitæ: mox graue odium in Regem exarsit.

In demortui Ferrarii Episcopi Valentini locum Arnaldus Peralta K. Mart. à Petro Albalatio Tarraconensi Antistite, & Valentini Sedis Canonicis deligitur. Eam electionem Innocentius III. P. M. Lugduni A. D. IX. K. Iul. eiusdem anni firmat.

1282.  
1244

Conuentu à Rege Catalanis Barcinonem indicto, acres publici iuris vindices se, eo tractu, qui Sicori, & Cinga fluminibus continetur, & Ilerda vrbe deiici, & possessione dimoueri conqueruntur: & in pristinum statum restitui exposcunt. A. D. XII. Febr. Rex edicit: Barcinonensem comitatum, & Cataloniæ terram à Cinga flumine, ad Salsulas contineri: Aragoniæ vero regni fines à Cinga Farizam vsque terminari. His finibus constitutis, Petrum filium Cataloniæ principatu donat: summaque de ea re dissensio exorta est: quod Aragonenses Ripacurcia, & Palliaria ditione iniquo iudicio se excludi contendunt: quarum Ramirus, & Sanctius, Sanctique filii Petrus, & Alfonsus Reges belli iure dominati fuerant.

Februarii mensis initio Calataiubii Alfonsus Regis F. cum à patre dissideret, magnæ equitatus copias sibi adiungit: & rem ad arma deduci nititur. Studia Aragonensium in Alfonsum accensa. Turbatis rebus Ferdinandus Regis patruus Cœnobii Montis Aragonum Abbas, Petrus Portugallensis, & Petrus Ferdinandus Azagra, & Iohannes Gonzalus Heredia, cuius spectata, & nobilitata virtus in Valentino bello enituit, viâ eâ, quæ & reipublicæ, & popularis habetur, sequuntur: clamantes Alfonsū inhumane, à patre auito regno, & recens parto expelli, atque exturbari. Ciuitates omnes Valentini, & Aragonenses partibus inficiuntur. Rebus in armorum exitum spectantibus, Alfonsus Castellæ Regis vires ad se se allicit: cuius causa à consobrino Rege summe defensa est. Portugallensis socius, & administer omnium consiliorum ab Alfonsō assumitur. Ex eo Rex inimicissime atque infestissime cum filio contendit: & immortale odium cum crudelissimo dissidio extitit: ac belli aduersus Regem suspicio primo, deinde inuidia exoritur.

Alfonsus Ferdinandi Regis F. Murtiensis regni potitus, eius limites transgredi parat: & Valentini regni fines inuadere. Alfonsum Regis Castellæ filium Murtiensium finibus copiarum ductores primarii assistunt Gonzalus Episcopus Conchensis, Pelagius Perefus Correa militiæ Sancti Iacobi Magister, Martinus Martinus Templariorum in Regno Castellæ, Portugalliæ, & Nauarræ itidem Magister, Gonzalus Ramirus Ramiri Fruelæ F. Ferdinandus Ruizius Manzanedo, Didacus Lupius Pharenensis, qui Viscaiz dominabatur Regis Castellæ signifer, Lupus Lupius Pharenensis Lupi Diacii Pharenensis F. Alfonsus Tellus, qui Cordubensem ciuitatem moderabatur, & Iohannes Alfonsus eius F. Petrus Nunnus Guzmanus Aluarus Egidius Egidii Amalrici F. & Petrus Lupius Franco. Eam verius Rex insolentiam, Aprili mense Hugone Folcalquerio Amposte præfecto, & Hierosolymitana manu comitatus, propter repentinos Castellanos motus fines incurfantium, Setabim urbem obsidione premit: & arcis præfectum certis conditionibus deuincit: deditioisque mora indutiæ agitantur. Petrus Vilaragutius ex Hierosolymitanis ductoribus, Simon Perefus Pinna, Garcias Aguero, & Guilielmus Pax Regi strenuam operam nauant.

1283.  
1245

Iunio mense in Aruernis, ad sacram D. Mariæ Podiensis ædem Aragoniæ, & Galliæ Reges ad colloquium congregiuntur.

Rudericus Ahonesius Cæsaraugustanus Episcopus.

Algezira Contestanorum oppidum cum propugnaculis Regi ea conditione deditur, ne here-



ne herediis incolæ Mauri deliciantur: eamve sectam eiurare cogantur, qua Almohadum regno initiati fuerant.

AERA.

Alfonfus Ferdinandi Regis F. cum Ilorcim, & Mulam oppida à Maurorum dominatu eripuisset, Valentinis finibus imminet.

NAT.

CHR.

Aragonix, & Castellæ Reges pactiones, ac noua fœdera nuptiis filiorum conciliant.

Alfonfus enim Castellæ Regis F. Iolanter Regis Iacobi filiam in matrimonium ducit.

1284.

Eæ nuptiæ Valleoleti Nouembri mense celebrantur.

1246

Sacro Epiphaniæ festo die, Rege conuentui Oſcæ affidente, procerum, & ciuita-

1285.

10 tum consilio leges, ac vetusta regni scita, atque instituta in vnum corpus rediguntur, promulgantur, atque sanciantur. Curauit is princeps inter armorum strepitum, legibus scri-

1247

ptis, iudiciisque constitutis Aragonenses denincere: cum antea patriis moribus, institutisque ciuilibus maiorum, facinorumque vſitatis exemplis de manu, in manum traditis, vterentur: & communi quodam in vſu versarentur.

A. D. III. Id. Iun. Rudericus Simenius Toleranus Antistes, cum Lugduni Pontificem Maximum inuississet, & Rhodano flumine in Hispaniam nauigaturus, nauis veheretur, è vita excedit. Hortæ cœnobio in ipsis regnorum Castellæ, & Aragoniæ confiniis sepelitur: cui Hispania summum beneficium debet, quod res à suorum temporum memoria, propter vetustatem abolitas atque remotas insigni opere posteris tradidit. Vere is Hispanos, Hispania in terra peregrinantes, errantesque, quod de M. Varrone Cicero commemorat tanquam hospites, quasi domum deduxit.

Rextotius regni dignitati, commodisque in posterum consuli sperans, & totum

1286.

eius statum in filiorum concordia positum esse, atque defixum autumans, regna libe-

1248

ris partitur: vt imperii fines singulis constituerentur. Ex Iolante vxore quattuor filios

susceperat: Petrum, Iacobum, Ferdinandum, & Sanctium. Filix totidem editæ hac

tempestate erant: Iolans, Constantia, Sanctia, & Maria. Valentix A. D. XIII. K.

Febr. publico testamento condito, Alfonso Aragonii regni instituit heredem: & ab

oriente sole, in occidentem Cinga flumine Farizam vsque, & à septentrionibus, D. Chri-

stinae summi Pyrenæi saltu, in meridiem ad Aluentosæ fluuium, finibus circumſcribit,

Cataloniam, adiuncta Ripacurcia terra, & his oppidis, quæ trans Cingam amnem de-

30 bellata fuerant, & Balearium, & insularum adiacentium regnum Petro filio attribuit.

Iacobum Valentini regni, & Ferdinandum Ruseinonenſis comitatus, Confluentinæ,

Cæretanæ, Mompelleriæ ditionis, Castelnoui, arcis Latensis, & Frontinianæ, Omela-

desii territorii, & iurium Melgorienſis, Monferenſis, Pailiani, Lupiniani, Carcaſo-

nenſis, Thermitani, Thodenſis, Fernoliadenſis, Gabaldani, & comitatus Aumilia-

nenſis heredes scribit. Sanctium sacris initiandum Ecclesiæ dicat. Secundos heredes

substituunt: neque in hereditatis partem filix ab eo vocantur: sed ex Iolante filia nepotes

substituuntur: modo regni Castellæ successor, Aragoniæ regni hereditatem non adeat: &

is qui regnum adeptus sit, Castellæ Regi subiici ne possit.

Alfonſus Regis F. & Petrus Portugallensis maiores in dies turbas cient: & quam ma-

40 ximas possunt, copias armant.

Cum oppugnationis diuturnitas negligentiores Setabitanos effecisset, & repetita

obsidione Aprilis mense à Rege premerentur, inuito, & contra tendente Alfonso Regis

genero, vrbs deditur: plenoque, atque opulento oppido Rex potitur: quod suæ ditioni, &

Murtienſi regno gener adiungere contendêrat. Oppida oræ maritimæ breui incolarum

frequentia aucta.

#### Fines Valentini, & Murtienſis regni terminantur.

Arnaldus Peralta ad Cæsaraugustanum Episcopatum ex Valentino Episcopo est

postulatus: eamque postulationem Innocentius IV. P. M. Neapoli A. D. IX. K. No-

50 uembris ratam habuit. Andreas Albalatius ex instituto Prædicatorum, Petri Albalatii

Tarraconenſis Archiepiscopi frater, dissidente Canonorum Valentinarum cœtu, P. M.

consensu, atque permissu ab Archiepiscopo Tarraconenſi, & Archidiacono, & præcen-

tore sedis Valentiniæ A. D. II. Non. Decembr. in Arnaldi locum sufficitur. Is magnæ reli-

gionis Antistes Cœnobium Carthusienſium monachorum in agro Valentino constru-

endum curauit: cui Portæ Celi nomen est inditum.

Hispalis celeberrima, & opulentissima Hispaniarum vrbs S. Clementis festo die Fer-

dinando Regi deditur.

A. D. V. K. Oct. Raimundus Tolosæ Aimiliani decedit: Iohanna vnica filia Al-

fonſi Pictonum Comitis coniuge herede relicta: nulla pactiois, quæ cum Apostolica

1287.

1249



AERA.  
NAT.  
CHR.  
1288.  
1250

fede inita fuit, mentione facta: ut sua iura integra, atque salua Aragoniæ regibus referuare visus sit.

Aragonenses & Catalani Alcanicii conuentui agendo, Februario mense concurrunt: & de sedandis seditionibus, quæ dissidio Regis, & Alfonsi filii subortæ fuerant, deliberant. Iudices à conuentu, qui de controuersis omnibus sententiâ ferant, cōstituuntur Petrus Albalatius Tarraconensis Archiepiscopus, Vitalis Canelias Oscanus, Guilielmus Ilerdensis, & Petrus Antilius Barcinonensis Episcopi, Guilielmus Cardona Templariorum Magister, Petrus Alcalanus Ampostæ præfectus, Comes Emporitanus, Raimundus Cardona, Raimundus Berengarius Agerensis, Iacobus Ceruera, Artallus Luna, Petrus Cornelius, Garcias Romæus, & Simon Focius: & aliquot ciuitatum procuratores. 10 XII. viri ex proceribus, & ciuitatibus dignitate præstantes ex delegatis iudicibus ad Alfonsum legati mittuntur. Hispali Alfonsus, & Petrus Portugallensis iurisiuradi religione adaçti pollicentur, se iudicum selectorum sententiæ parituros: sperantes fore, ut per colloquia controuersia omnes componantur: & Regnandi ius, & successione spes Alfonsi referuetur. Regi, & Iolanti Reginæ se aduersus Alfonsum fœdere adiungunt Guilielmus & Petrus Moncadæ, Petrus Cornelius, Guilielmus Entenza, Garcias Romæus, Simon Focius, Simon Pereſius Arenosius, Sanctius Antilionius, & Petrus Martinus Luna.

Iudices tamen de controuersia, quam Alfonsus cum Rege patre habet hereditaria, constituunt: ut patriæ voluntati pareat, atque obediat, & eius se potestati tradat. Pater filium regnorum Aragoniæ, & Valentini procuratori præficiat. Portugallensi Tarraconensis campus, & Ebusus Insula, aliaque bona restituuntur: excipiunturque Morelia, Segorbium, Moruiedrum, Almenara & Castelio: quæ oppida, atque arces iudicibus dedantur: quoad de omni controuersia definiant: quod ex iis arcibus, atque præſidiis Portugallensis bellum Regi contra ius, fasque intulisset. Rex pollicetur Rudericum Martinum, quem captiuum detinuerat, Portugallensis nepotem è custodia liberaturum. His constitutis Rex conuentum dimittit.

Martinus Pereſius Artallona Præfectus Iustitiæ  
Aragonum.

A. D. III. K. Iun. Cæsaraugustæ Iacobus Balearici Regis Abohihis F. Gotorio oppido, & arce iure hereditario à Rege donatur. Is, ut supra memorauimus, Euam Martini Rollandi Alagoniæ gentis filiam uxorem duxit: qua ex stirpe Gotoria familia exoritur. Ex eo matrimonio Blascus Gotorius nascitur Michaelis Pereſii Gotorii pater: eoque generis cognomine vetus, & illustris familia Gotoria vsa est. Hoc anno moritur Fredericus Imperator: fax quædam funesta, non Germaniæ modo patriæ, sed Italiæ communis parentis, & totius Ecclesiæ: illius enim sæculi malorum pernicies, eo opifice, atque machinatore, cum ecclesiastici ordinis, & sedis Apostolicæ calamitate coniuncta fuit. A. D. XVI. K. Ianua. Florentini, eius regionis vico, quam Capitinatam vocant, testamentum condit: morti propinquus. Conradum filium Hierosolymitani regni consortem adscitum, Imperii, ut ipsius verbis utar, heredem, & Siciliæ regni, omniumque quæ adeptus fuerat instituit. Huic Henricum, & Henrico Manfredum filios substituit. Manfredum Conradi absentis procuratorem, atque gubernatorem Italicis ditionibus, & Siciliæ præcipue regno præficit: & Tarentino principatu, & vrbe, atque honore S. Angeli donat. Frederico nepoti, Henrici Regis Germaniæ filio, Aragoniæ Regis consobrini, Ducatus Austriæ, & Stiria, quos à Conrado patruo teneat, attribuit. Arelatense præterea regnum condonat Henrico filio. Manfredus non iusto connubio genitus, neq; contentus in spem successionis tanti regni, à patre se fuisse euocatum, Conrado viuentem, Siciliæ regnum, Bruttios, Calabros, Apulos, Samnium atq; Campaniam omnem interuertit, ad seque transfert.

1289.  
1251

Cum Barcinonem Catalanis conuentus esset indictus, denuo A. D. VII. K. Apr. Rex, quod Ferdinandus F. decesserat, regna partitur. Petro Cataloniam à Cinga ad Salfulas eisdem finibus, quibus Pyrenæis montibus, Arana valle, & interno mari continetur, attribuit: eiusque vsufructu referuato, in possessionem mittit Pontius. Hugo Comes Emporitanus, Bernardus S. Eugeniæ, Guilielmus Aquilonius, Albertus Cruillius, Hugo Anglesola, Arnaldus Guilielmus Cartalla, Raimundus, & Calcerandus Durgii, Guilielmus Moncada, Guilielmus Ceruilionius, Iacobus Ceruera, Raimundus Moncada, Bernardus Raimundus Ribellias, & Raimundus Timorius, ciuitasque Barcinonensis, Rege adſidente, in Petri verba iureiurando adiguntur. Iacobum Valentino regno, Balearibus, & Ebuso insulis donat.

Iolans Regina Octobri mense Oſcæ obſignato testamento Petro, Iacobo, & Sanctio filiis



filiis Posanæ Comitatus, qui à Bela Hungariæ Rege fratre possidentur, legat: cuius se heredem Reginam matrem instituisse memorat. E vita hoc anno Reginam excessisse ad D. Mariæ Salensis sunt qui falso confirmant: alii Leonoram, cum qua Rex diuortium fecerat, fato perfunctam tradidere. Iolans ad Vallembonam, cœnobium id Sanctimonialium ordinis Cisterciensis est in Catalonia, humari se iubet.

AERA.  
NAT.  
CHR.

A. D. III. K. Iun. Ferdinandus Castellæ Rex, qui magnam Baticæ partem ab impio Maurorum dominatu eripuit, princeps in primis sanctus & religiosus Hispali decedit. 1290.

Septembri mente Rex Biarum, munitissimam Valentini regni arcem castris circumfider: nequē tota hieme obsidionem intermittit. 1252.

10 Februarii mensis initio Biarum à Muza Almorabidio arcis præfecto deditur. Nihilominus fœde dedito oppido, quam si captum foret, paucis data venia, qui inermes in deditionem venere. 1291. 1253

Serabi, & Biario in Regis potestatem traditis, arces omnes, & castella, quæ Sucrone amne, & Murtiensis regni finibus continentur, Regi deduntur:isque dies Valentini regni debellandi, & finium propagandorum finem intulit.

Alfonsus Castellæ Rex à dissidio fœderis Regis regni initiū ducit. Ab Iolante enim vxore diuertere nititur: & Christinam Regis Noruegiæ, Abroditas quidam existimant, filiam arcessendam curat futuram coniugem: quæ, cum Iolante Regina partum enixa aduentasset, qua erat animi leuitate, Philippo fratri sacris addicto, & Hispalensi Ecclesiæ præfecto Christinam despondet. Hinc indignatione, & odio concitato belli causæ interfo-  
cerum, & generum commouentur.

A. D. VIII. Id. Iul. Pompelone Theobaldus Nauarræ Rex decedit. Is Margaritam Archimbaudi principis F. vt Antistes Toletanus tradit, vxorem duxit. Quorum vero Archimbaudus hominum fuisset, nesciremus, nisi ex vetustis monumentis, vir doctissimus, & vetustatis obseruantissimus eruisset: quem honoris causa nominarem, si ea compellatione, qualiscunque dignitas clarissimo viro adiungi posset. Constitit enim Archimbaudum Dambetrensem ex Borbonia familia principem virum, Margaritæ Reginæ parentem fuisse. Ea viro demortuo, Regem Aragonum, vti vnicum regni, & Theobaldi, & Henrici liberos columnen ad se arcessit.

30 K. Augusti Tudelæ, Rex, & Margarita Regina ad renouanda fœdera, & confirmandam in colloquium veniunt. Paciscuntur, vti Theobaldus regni heres Constantiam, aut Sanctiam Regis F. vxorem ducat. Rex pollicetur, se Reginæ, atque Regi filio, aduersus Castellæ Regem, Nauarræ regnum appetentem opem laturum. Colloquio adfuere Alfonsus Regis F. Garcias Episcopus Turiasonensis: & pactio ea iurisiurandi sacramento à proceribus Aragoniis, & Nauarris sancitur. Hi fuere Garcias Romæus, Petrus Cornelius, Simon Focius, Simon Perecius Arenosius, Ferricius Lizana, Petrus Martinus Luna, Sanctius Antilionius, Palatinus, & Artallus Focii, Guilielmus Podius, Rudericus Perecius Turiasonensis, Martinus Perecius Artassona Iustitiæ Aragonum Præfectus: Garcias Almorabidius, Sanctius Ferdinandus Montacutus, Garcias Gomecius Agonci-  
40 lio, Gonzaluus Iohannius Bastanus, Corbaranus Lehetius, Martinus Garcesius Eusa, Petrus Gonzaluus Morentius, & Martinus Gonzaluus Morentius, Guerrerius Sirus, Simon Grossius, Petrus Simenius Valterra, & Lupus Arcezius Decanus Tudelensis.

Ætatis extremum erat cum copiæ ingentes à Castellæ Rege, Nauarræ regnum inuasuro coguntur: magnoque etiam à Rege adiunguntur: vt genero, extra fines regni resistat. Vt sint indutiæ Castellani ab Rege impetrant.

A. D. IX. K. Octob. Barcinone, coram Rege, frequenti conspectu, & consilii procerum confessu, Alfonsus Regis filius ratas, firmasque sancit donationes: & Assignmentes Petro, & Iacobo fratribus à Rege factas. Cavit se, neque primigenii iure, neque iurisiurandi religione, qua se Ilerdenses ciues illi obstrinxerant, atque in eius verba, tanquam veri heredis, & successoris Darocensi conuentu adegerant, vnquam Ilerdensem urbem, aut territorium repetiturum: & Iurisiurandi vinculo eos soluit. Patre Rege pollices eius de more, vinciente, atque manibus implicante, quod fœdus sacrum habetur, fidem suam obstringit. Scribendo adfuere Archiepiscopus Tarraconensis, Episcopus Barcinonensis, Hugo Comes Rhodensis Galliæ prouinciæ, Raimundus Fulco Vicecomes Cardonensis, Guilielmus, & Berengarius Anglesolæ, Bernardus Sanctæ Eugeniæ, Simon Perecius Arenosius, Galcerandus, & Raimundus Durgii, Guilielmus, & Berengarius Cardone, & Bernardus Centilias.

Aprilis mensis initio Rex, & Theobaldus Rex Nauarræ Montacuti oppido congressi, 1292.



# INDIC. RER. AB ARAGON. REGIB.

AERA.  
NAT.  
CHR.

concordi amicitia fœdere adiunguntur: mutuaque caritate inter se deuinciuntur. Non. Apr. arcibus traditis, tamquam obsidibus, aduersus omnes inimicos fœdus sanciunt. Mi- rum eo fœdere extitit: Regem, neminem suo nomine exceptum voluisse, præter Caro- lum Andium, & Prouinciæ Comitem: Francorum Regis fratrem germanum: qui post- ea Sicilia regnum adeptus, capitales inimicitias cum Petro Regis F. gessit. Nauarrus Francorum Regem, & eius fratres excipit: & indutias in A. D. III. K. Oct. cum Alfonso Castellæ Rege paciscuntur. Ea fœdera se obseruatu- ros pollicentur ex Aragoniæ regno Bernardus Guilielmus Entenza, Petrus Cornelius, Garcias Romæus, Aluarus Perefius Azagra Petri Ferdinandij Azagræ, qui Albarrazini dominabatur F. Guilielmus Podi- us. Bertrandus Ahonesius. Hi proceres erant: & ex militari auctoramento deuinctis 10 fœdus sanxere ex Aragonia Furratus Lihorius, Petrus Perefius Turiasonensis, Innicus Orizius, Petrus Iordanis ex Exea, Rudericus Simenius Luesia, Petrus Remirius Oria, & Pontius Cellius: & nouem primicius Turiasonenses. Ex proceribus Nauarris fidem suam obstringunt Sanctius Ferdinandus Montacutus Senescallus, Egidius Rada, Gar- cias Almorabitius, Ferdinandus Leratius, Gonzalvus Iohannius Baztanus, Martinus Simenius Aiuarus, Ramirus Perefius Aronizius, Corbaranus Lehetius, Artallus Luna, Petrus, & Sanctius Perefios Varillæ, qui in numero procerum censebantur. At ex mili- tari ordine se iureiurando deuinciunt Regis Nauarræ nomine Simon Sanctius Funes, Io- hannes Garcias Peralta, Roldanus Perefius Aransius, Martinus Inicius Orizius: & sex pri- micius Tudelani.

Mauri, qui Valentino in regno, confecto bello, Regi se subiecerant, quæ genti est a- nimis insita, atque innata infidelitas, Regi bello externo implicito, ab eo, Alazdraco du- ctore deficiunt: & magna conspiratione tumultuantur. Nostri magno tumultu, atq; pro- pinquo permoti, auxilium nusquam, nisi ab Rege petiuere.

Rex Calataiubio Valentiam properans, opera & consilio, affectis reipublicæ rebus præsto fuit. Edici imperat, vt intra mensem Mauri regni finibus excedant: quos neque maritima opportunitas, neque Almeriensium, & Granatensium vicinitas desperatis re- bus, & domum reditionis spe sublata, ab armis deducit. Cum magis dolo, quam virtute niterentur, & insidiis occultis in aperta latrocinia effunderentur, xii. castella expugnant. Ad lx. demum m. exceptis mulieribus, & pueris, qui per ætatem ad pugnam inutiles vi- 30 debantur, arma capiunt: ad omnia pericula subeunda paratiores. Rege bellum vrgu- ente, equitatus ex omni regno cogitur. Publica fide Vilienam hostium maior pars emi- grat: & Murtiensi, & Granatensi regno, & Spartario campo, quem Arabes Manxam vo- cant, & Oretanis, Carpetanisq; regionibus disijciuntur.

Alazdracus in rebellionem permanens, suis copiis bellum nostris infert: cui animos addidere Alfonso Castellæ Rex Emmanuel, & Fredericus eius fratres: vt supra bienni- um, cum animi obstinatione omnis spes salutis consisteret, nostris repugnaret.

Iunio mense Valentia Aluarus Perefius Azagra, qui mortuo Petro Ferdinandio pa- tre Albarrazini dominabatur, se Regi addicit.

Cum Alfonso à patre dissidere, in tanto rerum tumultu non intermitteret, Rex, vt 40 eius animum regnandi cupidine inflammatum leniat, Aragonij, & Valentini regni pro- curationi præficit. Biario Alfonso Regi pollicetur, se Alfonso Regis causam, quam in sum- mam expectationem perduxerat, deserturum: neq; cum eo societatem coiturum: aut fœ- dus facturum. Vt res componantur, & ab armis discedatur, Rex summo opere contendit.

Stellæ Nauarræ oppido, Augusto mense Didacus Lupius Pharenis, Vizcaia domi- nus, qui à Castellæ Rege descuerat, Iacobi Regis imperio se subijcit. Rex sacramentum apud se dicere iubet: & militaribus beneficiis ornat: quæ illi in d. equitum stipendia con- feruntur. Scribendo adfuere Andreas Valentinus Episcopus, Bertrandus Ahonesius, Sanctius Gonzalvus Heredia, Ortius Ortizius Stunica, Ferdinandus Ruicius Miancias, & Sanctius Martinus Bannarius. 50

Aragoniæ, & Castellæ Reges, cum ad id temporis facultas colloquendi non fuisset, & ea tempestate vtrobique res nouarentur, opera, & interuentu prudentissimi viri Ber- nardi Vitalis Besalunensis, ad colloquium inter Agredam, & Turiasonem deueniunt. De compositione agitur: constituuntque, vt Nauarræ regnum in tutelam, ac propugnatio- nem Regis tradatur. Magna generi inconstantia breui renouato bello, ad pristinam con- certationem recidunt.

Oscæ Decembris mensis initio Rex Alfonso filium iudicio Simonis Focij, Ber- nardi Guilielmi Entenzæ, & Simonis Perefij Arenosij iurisiurandi vinculo adstrictum subijcit: qui de controuersis omnibus sententiam ferant.

Huius



Huius anni initio Rex Calataiubium contendit: veritus ne gener, mobilitate ingenii pacem, atq; bellum mutare solitus: in Nauarræ fines inuadat.

A. D. VII. Id. Mai. Cæsaraugustæ Rex Exerica oppido, eiusque ditione omni Theresiam Egidii filiam Vidauriam nobilem feminam, & filium, qui ex ea nasceretur, donat: cum qua contubernii necessitudo plures annos intercessit: quæ postea Regi, cui conuubii ius fuit, enupistile traditur.

AERA.  
NAT.  
CHR.  
1293.  
1255

A. D. VIII. Id. Septemb. cum ab Alfonso Rege Nauarrensis oppidis, atque arcibus vis, atque arma inferenda denuntiarentur, & Rex, ut omnem eius conatum propellerat, Stellæ assideret, Henricus Alfonsi Regis frater, & Lupus Diazus Pharenensis, qui mortuo Didaco patre Viscariæ dominari cœpit, ab Rege Castellæ desciscientes, se Regi tradunt: atque eius imperio subiiciunt. Rexe eorum causam aduersus generum se propugnaturum spondet. Lupum Pharensem primarii, & præstantes viri cognatione illi adiuncti comitantur Sanctius Garcias Salzedius, Didacus Lupius Mendoza, Gonzaluus Ruicius Vega, Lupus Velascus, Gonzaluus Gomezius Aguero, Gonzaluus Gonzaluius Luzius, Innicus Simenius Lanclarius, Didacus Ruicius Tresponius, Lupus Diacius Mendoza, Michael Innicius Zuacius, Sanctius Gonzaluius Heredia, Lupus Garcias Salarzal, Didacus Gonzaluius Zuallius, Sanctius Martinus Bannarius, Ferdinandus Ruicius Miancias, Didacus Lupius Francus, Rudericus Sanctius Landa, Lupus Innicius Horoscus, Fortunius Sanctius Veraffurius, Iohannes Martinus Heredia, Sanctius Perefius Gazeus, Guterrius Gonzaluus Maia: & Gózaluuus Ruicius. Omnes fidem suam obstringunt Pharensem pactis conuentis mansurum: & sacramento adacturum, cum ad legitimam ætatem perueniret: neque cum Rege Castellæ pacis fœdera initurum: quoad ea controuersia, quæ Regi cum genere vertebatur, Sanctii Garcie Salzedi, & Lupi Valasci sententia decideretur.

Martio mense, cum Rex præsentibus reipublicæ temporibus potius conuenire videret, se placabilem genero præbere, quam pristinæ dissensionis indulgere, & gener ad maiores se res applicuisset, & animum ad Imperii Romani gubernacula capefcenda admouisset, ac se, statumque omnem rebus externis tradidisset, controuersias omnes, ad concordiam adduci posse sperantes, Soriciæ ad colloquium congregiuntur. Eo in oppido fœdera, quæ facta quondam à superioris ætatis Aragoniæ, & Castellæ Regibus fuerant, fanciuntur. Recipit Castellæ Rex, se arces, eius fœderis veluti obsides traditurum. In eam pactionem à Rege deuentum est: quod Mauri Valentini, qui in defectione perstiterant, Castellanis, & Carpetanis auxiliis adeo niterentur, ut Alazdracus eorum ductor venerator, & impiger, & qui in Valentinos fines ferociter incurfaret, in arcium propugnaculis vexilla Regis Alfonsi, & Emmanuelis eius fratris prætenderet.

1294.  
1256

A. D. II. Id. Apr. Margarita Nauarræ Regina Theobaldi maioris Regis vxor ad Priuignum obisse, & ad Claramuallem tumulo humata fuisse vetustis annalibus perhibetur.

Guilielmo Romanorum Rege perempto, assidentibus VII. Viris, Germanorum regni principibus, qui vetustis Othonis III. Imperatoris institutis electioni Regum, in Imperatoriam, & Augustam dignitatem sufficiendorum præficiuntur, cum in octauis Epiphaniæ Ricardus Cornubiensis Comes Regis Anglorum frater, à Coloniensi Archiepiscopo, qui suo, & Moguntini Antistitis nomine conuenerat, assidente, & consentiente Palatino Comite, Rex adscisceretur, & Aquisgrani coronatus, & inunctus fuisset, Archiepiscopus Treuerensis, Saxonie Dux, & Bohemie Regis procurator Palmarum Dominica die constituta, Alfonso Castellæ Regem, Philippi Imperatoris nepotem, in Imperii fastigium euehant. Ea principum distractione, Alfonso Rege ad Imperatoriam dignitatem euocato, ipsius Regis opes, & regna discerpuntur: & dilacerantur.

Iuuat me rem maxime occultam, præclaro monumento producta, in lucem proferre: ne aliquot virorum doctrina præstantium opinione, qui nostra ætate Iohannis Auentini excitandam animaduersionem, & diligentiam operæ pretium existimauerunt, in manifestum errorem rapiamur. Neque enim quemquam in re, quæ permagni momenti est, falsa opinione, aut errore duci oportet: ut arbitretur Gregorium V. Pont. Max. & ipsum natione Saxonem, non fuisse primum, qui ad creandi Imperatoris institutionem animum adiecerit: & lege perlata, assentiente Othone III. Imperatore, qui legitima prole careret, decreuerit, ne in posterum iure successionis Imperatoria dignitas traduceretur: sed tres primarii Germaniæ antistites, totidemque procures, adscito Rege Bohemie, ubi paria suffragia in Imperio mandando inirentur, Augustorum



AERA.  
NAT.  
CHR.

comitiorum auctores, atque sequestres constituerentur: sed Frederico II. ex humanis exempto, dissentientibus Germaniæ Principibus, formulam eam creandi Imperatoris prolatam. Ego illos, inquit Auentinus, post fata Frederici II. institutos, & a Gregorio X. Pont. Max. confirmatos esse compertum habeo. Tam fidenter ius Principum Electorum id temporis constitutum pro re comperta tradidit. At Urbanus III. qui & Gregorium ipsum, & Clementem itidem III. Pontificatu Maximo antecessit, cum Ricardum, & Alfonsum, quibus eius honoris, & dignitatis certamen erat, ad concordiam reducere conatur, hortaturque, uti se iudicio Apostolico sistant, sanctionem eam antiquiorem memoria omni fuisse commemorat. Literæ Apostolicæ dignæ maxime viæ sunt, quæ hoc in loco recenseantur.

VRBANVS Episcopus seruus seruorum Dei R. in Romanorum Regem electo. Qui  
 „ cælum terramque regit, is nimirum cæli nouit ordinem: & in terra potest cælestis pone-  
 „ re ordinis rationem. Is exempla de superis ad inferiora deriuans, sicut in firmamento  
 „ Cæli duo luminaria magna constituit, ut mundum vicibus suis illustraret, sic & in ter-  
 „ ris maxima dona sua, Sacerdotium videlicet, & Imperium ad plenum spirituum, mun-  
 „ danorumque regimen, ad firmamentum Ecclesiæ militantis instituens, vtriusque pote-  
 „ statis ita discreuit officia, ut eorum officiosa diuersitas nulla sibi aduersitate dissentiat: sed  
 „ in commissi executione regiminis, ex officii debito in voti vnitatem concordet: & ipsorum  
 „ proculdubio pro futura concordia alterutrius alternis fulta præsidii, ac vtriusque mutuis  
 „ fœderibus opus iustitiæ liberius operetur: pacem mundo pariens: tranquillitatem  
 „ inducens, & nutriendam vnitatem. Imperium si quidem ad salutem Sacerdotali auctoritate di-  
 „ rigitur: & ipsius adiutum suffragiis, sedatis procellosis interdum imminentium tempe-  
 „ statum turbinibus, tranquillum redditur, & quietum. Sacerdotium vero pium, & tutum  
 „ habere debet refugium: Imperialem mansuetudinem cum sua veneratione coniunctam:  
 „ ut Imperii Romani fastigium, & eius culmini præsidens, specialis aduocati, & defensoris  
 „ præcipui circa Ecclesiam gerat officium: & in ipsius fortitudine brachii defensentur Ec-  
 „ clesiæ libertates: & iura manu teneantur ipsarum: extirpentur hæreses: cultus Christianæ  
 „ fidei amplietur: & inimicis consternatis eiusdem, in pacis pulchritudine sedeant populus  
 „ Christianus: & in requie opulenta quiescat. Verum humani generis inimicus pacis im-  
 „ patiens, amator litium, discordiæ seminator vtriusque profectibus inuidens claræ me-  
 „ moriæ Wilhelmo Romanorum Rege rebus humanis erepto, inter te, & carissimum in  
 „ Christo filium nostrum Regem Castellæ, ac Legionis illustrem in Romanorum Regem  
 „ electum, circa obtinendam eiusdem Imperii dignitatem, contentionis materiam susci-  
 „ tauit: ut vobis circa hæc contendentibus, careret Imperialis regiminis commodis orbis  
 „ terræ: & tanti brachii, tam utilis, tam necessarij, tam cari carentiam, ex ipsius vacatione  
 „ diutina, molestam admodum, & nociuam damnosa experientia ecclesiæ prædicta sentiret.  
 „ Sentit itaque, sentit mater Ecclesiæ tam populi sibi commissi, quam suam grauem de hu-  
 „ iusmodi contentione iacturam. Creuit namque peruersorum audacia, & ipsorum abun-  
 „ dante malitia, dum eorundem vacante Imperio, ipsi ecclesiæ defensionis debitæ suffra-  
 „ giâ subtrahuntur: liberius peccatis insistitur: hæreses pullulant, scandala suscitantur, mul-  
 „ tiplicantur cædes, & strages, iniuriæ inualescunt: in persecutionum turbinibus Petri na-  
 „ uicula fluctuat: & interdum, qui fidelium ipsius censerî nomine gloriantur, in arcum  
 „ peruersum, fidei debitum non seruando, conuersi, tam in suis iuribus iniuriose impetunt,  
 „ & molestant: illa nunc denegando prohibito: nunc illicite occupando: propter quod ea-  
 „ dem ecclesiæ non immerito huiusmodi vacationem deplorat Imperii: & de animarum  
 „ periculis, quæ peccandi libertas ingerit, ex intimis longa trahens suspiria, ingemiscit. Ex  
 „ eo in super quam dure, quam grauiter materna eius viscera quatiuntur, quod ipsa tam ca-  
 „ ros filios, tam inclitos Principes in suo sentiens vtero collidentes, prudenter aduertit tu-  
 „ am, & prædicti Regis potentiam in Christi blasphemos, & inimicos nominis Christiani  
 „ potenter, & magnifice more solito exercendam, in proprium, & græde domesticorum fidei  
 „ detrimentum talibus contentionibus implicari. Hæc igitur, & alia incommoda dissen-  
 „ sionis huiusmodi eadem ecclesiæ materno pensans affectu, in his auxilij sui dextram non  
 „ subtrahit: sed vigilauit attentius: & attentione sollicita vigilanter intendit: multa-  
 „ que sollicitudine peruigil laborauit, ut discriminibus tantis occurreret: neque ac ipsum Regem à  
 „ discordiarum dispendiis præseruaret. Et licet inter vos iudicis partes assumere, non sine  
 „ causa distulerit, præsertim, cum tam tui, quam ipsius Regis nuntij, in recordationis felicitis  
 „ Alexandri Papæ prædecessoris nostri, nostra, & fratrum nostrorum præsentia constituti,  
 „ super prædictis, iudicium Apostolicæ Sedis examen expresse usque ad hæc tempora  
 „ declinarint, dilationem tamen huiusmodi, etiam illa utilitatis vtriusque partis conside-  
 „ ratio,



ratio, & paternæ pietatis cautela, pro vobis consilium capiens persuasit, vt vestris animis ad hoc habilitatis, interim ad reformanda inter vos amicitiaæ fœdera, congruentia tempora captarentur: vt remedia promptiora paterent: per quæ occasione discordiæ sublata, vos glutinum solitæ caritatis vniret: ac in vestræ soliditate concordia, quam tractatus, qui super hoc, inter vos dicebantur haberi, promittere videbantur, sub sui Principis ducatu pacifico daretur eidem sabathismus Imperio: & sedatis scandalis, quietis optatæ incunditas proueniret: pestis exterminaretur hæretica: animarum pericula vitarentur: Ecclesia Cæsareo munita præsidio, & ab hostilibus erepta persecutorum incurfibus respiraret: ac eorum, qui sub simulate fidelitatis audacia nocent fidentiis, temeraria nocendi confidentia refrænata, suorum iurium integritate gauderet. Hæc quidē hætenus expectauimus anxij, hæc desiderauimus anxie expectatione diutius: in his prædecessoris, nostra, & fratrum ipsorum sollicitudo non defuit: secundum Apostolicæ circumspeditionis iudicium, de contingentibus nihil omittens. Et quamquam, vt votis nostris satisfaceret in hac parte, huiusq; non fuerit ex alto cōcessum, tamen ad id nostra semper suspirauit intentio, ad id plenis desideriis anxiamur: non proponentes à cœptis desistere: quin circa negotiū huiusmodi, sub spe illius, qui facit magna, & inscrutabilia, qui facit concordiam in sublimibus, prosequi pacis semitas intēdimus: quidquid per nuntios, & procuratores partium, corā nobis nouissime his diebus propositum, petiitue fuerit, & responsum. Et quidem venerabilis frater noster Laur. Episcopus, & dilecti filii Guilielmus Archidiaconus Rofensis, ac Robertus de Baro, procuratores, & nuntii tui, à te plenariam potestatem habētes, vt in nostro consistorio tua proponerent negocia, & peterent cū sollemnitate, qua cōueniret, vocationē tuā sollemniter ad coronā, ac vniuersā, & singula circa hæc gererent fideliter: ac procurarent: quæ per veros nuntios, ac procuratores, ad hoc specialiter deputatos legitime possent agi: peti: & etiam procurari: coram nobis, & eisdem fratribus proponere curauerunt: quasdam consuetudines, circa electionem noui Regis Romanorum, in Imperatorem postea promouendi, apud Principes, vocem in huiusmodi electione habentes, qui sunt v. i. numero, pro iure feruari: & fuisse hætenus obseruatas: à tempore, cuius memoria non existit: secundum quas infra annum, & diem, postquam vacat Imperium, talis debet electio celebrari: quacumque parte ipsorum anni, & diei, q̄ ad hoc iidem Principes duxerint deputandam: & ad Archiepiscopum Maguntinum, & Comitem Palatinum Rheni, vel ipsorum alterum, altero nequeunte, vel forsitan non volente, pertinet ad electionem ipsam celebrandam, diem præfigere: acceteros electores Principes conuocare. Quibus omnibus, vel saltem duobus ex ipsis, die præfixa conuenientibus apud oppidum de Franckenford, intus, vel extra ipsum oppidum in terra, quæ dicitur Franckforde, loco quidem ad hoc deputato specialiter ab antiquo, ad electionem ipsam procedi potest, & debet: secundum morem ipsius Imperii approbatum: & electione taliter celebrata electus, si electioni consenserit, ante Aquisgrani per dies aliquos facta mora infra annum, & diem post celebratā electionem eandem, quando electus voluerit, per Coloniensem Archiepiscopum, ad quem id ex officio suo spectat, inungitur, consecratur, & etiam coronatur. Quo facto via præcluditur contra electionē, vel electum iam Regē Romanorū effectum dicendi aliquid: vel etiā opponendi: sed idem electus prædicto modo inunctus, consecratus, & coronatus pro Rege habetur: & ei tamquam Regi debet à subditis, & vassallis Imperii obedi: suo more homagia, & fidelitatis iuramenta præstari: assignari ciuitates: oppida: castra: & specialiter castrū de Treueris: ac alia iura Imperii infra annum, & diē, à tempore coronationis eiusdem: ita q̄, si qui de vassallis Imperii ea homagia non præstiterint cōsuetā, & nō reddiderint ciuitates, castra, & alia supradicta, illis, quæ ab imperio tenent eodem, sunt & ipsi priuandi. Et si votis Principum, ad quos spectat eligere, ad eligendū conuenientium, diuisis in plures, duo in discordia eligantur, vel alter electorum per potentiam obtinebit, ad prædictū Comitem Palatinum, tamquam ad huius discordiæ iudicem, est recursus habendus: ni forsan super electione, vel coronatione huiusmodi suborta discordia, per appellationem, vel querelam prædictorū Principū ad examen Sedis Apostolicæ, quo casu, ipsius est in tali casu cognitio, deferatur. Intelligitur autem is electus esse concorditer, in quem vota omnium electorum Principum, vel saltem duorum tantum modo in electione præsentium diriguntur. In discordia vero is etiam reputatur electus, de quo in loco non solito electio celebratur: & in termino, de communi consensu dictorum Principum non statuto, quē si forsan prædicti Principes infra annū, & diē, à die vacantis Imperii concorditer statuunt, licet non exprimāt, quod ipsum peremptoriū esse velint terminum, terminus tamē ab eis præfixus taliter, peremptoriū reputatur. Porro iidē procuratores his,



AERA. „ & aliis quibusdam prælibatis consuetudinibus adiecerunt, quod vacante Romano Im-  
 NAT. „ perio, die per omnes prædictos Principes, pro celebranda Regis Romani in Imperatorem  
 CHR. „ postea promouendi electione, statuto, in Octauis Epiphaniæ Anno Domini MCC LVI.  
 „ apud memoratum oppidum de Franckenford quinque tantum de dictis Principibus,  
 „ tum per se, tum per alios, videlicet bonæ memoriæ Maguntinus Archiepiscopus, qui le-  
 „ gitimo impedimento detentus, ipsi Colonienſi Archiepiscopo ea vice, in hoc commise-  
 „ rat vices suas, & dilectus filius nobilis vir Comes Palatinus apud Franckēford, bonæ me-  
 „ moriæ vero Treuerenſis Archiepiscopus, & dilectus filius nobilis vir Dux Saxoniz intra  
 „ dictum oppidum conuenerunt. Cumque idem Treuerenſis Archiepiscopus, & Dux  
 „ Saxoniz præfatos Archiepiscopum Colonienſem, & Comitem nec ipsum oppidum in- 10  
 „ trare permitterent, nec ad eos exire vellent, super hoc sæpius requisiti, dicti Archiepisco-  
 „ pus Colonienſis, & Comes attendentes, ex lapſu temporis periculum imminere, si forſan  
 „ non fieret electo illa die, quæ ad hoc fuerat peremptorie constituta, præsertim cum de  
 „ anno, & die, post vacationem Imperii quindecim dies solummodo superessent, infra  
 „ quos nullo modo potuissent, propter locorum distantiam, & alias facti circumſtantias  
 „ præfati Principes iterum conuenire, cum Prælatiſ, Ducibus, & aliis ibidem præſentibus  
 „ deliberatione præhabita, de ipſorum communi conſilio, & aſſenſu ad electionem proce-  
 „ dere decreuerunt. Et tandem præfatus Colonienſis pro ſe, & dictis Maguntino, cuius  
 „ vicem gerebat, & Comite præſente, ac conſentiente, Dei nomine inuocato, te in Regem  
 „ Romanorū elegit: & mox electionem huiusmodi, Magnatum, & aliorum aſtantium co- 20  
 „ pioſæ multitudini publicauit: cui electioni, per cariſſimum in Chriſto filium noſtrum  
 „ Regem Bohemiæ illuſtrem poſt paucos dies conſenſu præſtito, demum tu, ad tuorum e-  
 „ lectorum, & aliorum Imperii optimatum, qui propter hoc ad te, in Angliam acceſſerunt,  
 „ inſtantiam, & requiſitionem inſtantem eidem electioni, poſt diligentem ſuper hoc tra-  
 „ ctatum habitum, conſenſiſti: ac perſonaliter Alamaniz Regnum ingreſſus: & moram a-  
 „ pud Aquas Grani, quantum decuit, faciens, nec inueniens reſiſtentem, poſt modum fui-  
 „ ſti per ſæpe dictum Colonienſem Archiepiscopum, ad cuius id ſpectabat officium, con-  
 „ ſecratus, inunctus, coronatus, ac inthronizatus regio more, in ſede MAGNI CAROLI  
 „ nullo ſe inibi, coronationi tuæ re, aut verbaliter apponente. Recepſiſti quoque homagia  
 „ magnatum regni eiſdē: ac fidelitatis etiam iuramenta. Obtinuſti ornamenta, & inſignia 30  
 „ Imperialia, quibus Rex Romanorum ſolet ornari, cum Romæ inungitur: ac conſecratur  
 „ per manus ſummi Pontificis: & ſacrum Imperii ſuſcipit diadema: & ſine quibus aliquis ad  
 „ vnctionem, conſecrationem, & coronationem huiusmodi non ſolet, nec debet admitti.  
 „ Reddita in ſuper tibi fuerunt quam plurima oppida, caſtra, villæ & iura Imperii, tamquam  
 „ Regi: tuque ipſius regni poſſeſſionem adeptus ipſam tenes: & per ſex annos, & amplius te-  
 „ nuſti. Ex his autem procuratores tui arguere videbantur, quod cū memorati Treuerenſis  
 „ Archiepiscopus, & Dux Saxoniz recuſando dicta die procedere, reliqui vero non veni-  
 „ endo ad terminum concorditer aſſignatū, ſe alienos ab electione reddiderunt ea vice, tu  
 „ ab omnib⁹ Principibus, vel ſaltē ab iis, in quos totaliter ius eligēdi reciderat, cēſeri debes  
 „ elect⁹: pro certo, ac indubitato ponentes ius in regno, & Imperio ſupradictis, tibi electo, 40  
 „ prædictis conſuetudinibus obſeruatis vbi, & à quibus id fieri debuit, & nulli alii acquiſi-  
 „ tum: ac regium nomen, & Imperii diadema indubitato deberi. Supplicauerunt inſtanter,  
 „ & humiliter petierunt, tibi & huiusmodi nomen aſcribi: maxime cum antedictus præde-  
 „ ceſſor noſter id tibi, de fratrum ſuorum conſilio aſcripſiſſet: te in eiſdem regno, & Impe-  
 „ rio, quibuſlibet aliis præferendo: ſicut per ipſius litteras oſtendere nitebantur: teque per  
 „ nos inungendum, conſecrandum, & coronandum in Romanorum Imperatorem, aduo-  
 „ catum, ac deſenſorem Eccleſiæ, ad ipſum diadema, de noſtris ſuſcipiendum manibus, ſi-  
 „ ne deſpendio vlterius moræ, vocari, & Apoſtolicum tibi fauorē impendi, præſertim cum  
 „ non tātum maior pars Principum prædictorum, immo omnes, excepto nobili viro Mar-  
 „ chione Brandeburgenſi, qui etiam paratus eſt tibi obedire, vt iidem nuntii proponebant, 50  
 „ electioni de te factæ conſentiant: & tibi, tam ipſi, quam alii magnates Alamaniz genera-  
 „ liter, tamquam ſuo Regi obediunt: & intendunt: petitionem ſuam illa indubitata, ſicut  
 „ aſſerunt, in Imperio, & iure munita conſuetudine fulcientes, qua dicta electione in Ro-  
 „ manum Regem, ſecundum ſolitum morem Imperii, vbi, & à quibus debet, & poſtmo-  
 „ dum per ſupradictum Colonienſem Archiepiscopum inuncto, conſecrato, & coronato,  
 „ eo ipſo regiū nomen adquiri: & ſi electæ perſonæ impedimenta non obuiant, vocandum  
 „ ſine dilatione aliqua per ſumum Pontificē ad coronam: ad id non ſolum morē Imperii  
 „ approbatum, ſed etiam quamdā felicis recordationis INNOCENTII PAPÆ III.  
 „ prædeceſſoris noſtri decretalē epistolam allegantes ac dicentes: per contradictionem  
 memo-



memorati Regis, vel electionem, quæ de ipso facta dicitur, petitionem præmissam non  
 debere aliquatenus impediri: cum secundum prædictas consuetudines, & termino ad hoc  
 statuto, de communi Principum prædictorum consensu, transacto, & post electionem  
 tuam legitimam non cassatam, à solo nominato Treuerensi, qui propter noua pedagia,  
 quæ in terra sua imposuit, erat tunc excommunicatione ligatus, nulla omnino forma ser-  
 uata, in camera eiusdem Treuerensis Archiepiscopi, contemptis aliis principibus, clan-  
 destine acceptata: cum nullâ ab eisde Principibus, super hoc potestatem haberet: quam,  
 etiam si ab aliquibus habuisset, sicut quædam pro parte altera exhibita littera innuebât,  
 formam tamen ipsius, quæ secundum tenorem litterarum ipsarum, ad certam diem se-  
 tummodo extendebant, non eligendo ipsa die minime obseruauit. Ex parte vero su-  
 prædicti REGIS CASTELLÆ per venerabiles F. N. Garfiam Siluensem, & fratrem Domi-  
 nicum Abulensem Episcopos, ac dilectum filium magistrum Iohannem capellanum no-  
 strum Archidiaconum Compostellanum ipsius procuratores, actores, & negotiorum ge-  
 stores generales, & speciales omnes in solidum, ita quod occupantis non sit melior con-  
 ditio, mandatū habentes ab ipso, ad petendum pro eo, & suo nomine à nobis, & prædictis  
 fratribus nostris coronam Imperii: & assignari sibi diem ad recipiendam ipsam: & ad agē-  
 dum, respondendum, defendendum, & tractandum iura sua, & Imperii: & quidquid ho-  
 nori ei⁹ expedire viderent: siue in ordinario, siue in extraordinario iudicio ageretur, fuit  
 è contra propositum. Quob prædictus dies Octauarum Epiphaniæ non ad eligendum, sed  
 ad tractandum super electione futuri Regis, & Imperatoris, & ad assignandum diem ad ce-  
 lebrandam electionem eandem, non per omnes, sed per quosdam ex ipsis Principibus,  
 extitit assignatus: qua die prædicti Treuerensis Archiepiscopus, & Dux Saxonie per se, ac  
 dilectum filium nobilem virum Marchionem Brandeburgensem, qui eidem Treueren-  
 si Archiepiscopo, vices suas cōmiserat, nec non & procuratores memorati Regis Bohe-  
 mie, ad prædictum oppidum tamquā viri pacifici accesserunt. Supradicti vero Coloni-  
 ensis Archiepiscopus, & Comes cū ingenti armatorum multitudine, ad loca circa vicina ipsi op-  
 pido venientes, requisiti per Treuerensem Archiepiscopum, Ducē, & procuratores prædictos,  
 quicorum impressionē verisimiliter formidabant, ut idē oppidum intrarent cum societate  
 decenti, de assignando die ad electionē celebrandā, prout terminus exigebat, si ad hoc ef-  
 sent habiles, vna cū ipsis pacifice tractaturi, nō solū id facere contēpserunt, verū etiā pro-  
 prii persecutores arbitrii præsumpserunt te in Regē Alamanie, non sine multo contēptu a-  
 liorum Principū, nominare. Memorati autē Treuerensis Archiepiscopus, Dux, & procura-  
 tor nominationē huiusmodi attendentes penitus esse nullā, præsertim cū dicti Coloniē-  
 sis Archiepiscopus pro eo, q̄ bonæ memorię P. S. Georgii ad Velū aureum diaconū Cardi-  
 nalē tūc legatū in Alamanie partibus manus iniecerat: ac venerabilem F. N. Podebiunn.  
 Episcopum præsumebat detinere captiuum: propter, q̄ per eundem etiam legatū extitit  
 excommunicatus. Comes vero propter clericorum, & religiosorum cædes, & notorias  
 captiones, & quia contra sententiam felicitis recordationis INNOCENTII Papæ IV. præde-  
 cessoris nostri, quondam Frederico, olim Romanorum Imperatori, & Corrado nato eius  
 præstitit publice consilium, auxilium, & fauorem, erant ipsius electionis tempore tam  
 à Canone, quam ab homine variis excommunicationibus innodati: & Maguntinus Ar-  
 chiepiscopus, cuius idem Coloniensis Archiepiscopus se vices gerere asserebat, in vin-  
 culis teneretur: propter quod carens arbitrii libertate, præstare non potuit, prout iura ex-  
 igunt, liberū in electione consensum: nec etiam de futuro præstitit: ad electionē celebrā-  
 dam, certū terminum statuerant, subsequentem Dominicam passionis. Quo quidē ter-  
 mino, vsq; ad Dominicam proximam Palmarum, continuato de die, in diem, & memo-  
 tatis Maguntino, tunc à vinculis liberato, Coloniensi Archiepiscopo, & Comite requisi-  
 tis, & nolentib⁹ interesse, dict⁹ Treuerensis Archiepiscopus à prædictis Rege Bohemie, Duce, &  
 Marchione sibi, super hoc potestate cōmissa, dictū Regem Castellę suo, & aliorum nomine  
 publice, ac sollempniter in eodem oppido de Frankford, Dei nomine inuocato, in Ro-  
 manorum Regem, & Imperatorem elegit: & electionem ipsam, omnibus astantibus pu-  
 blicauit: ideoq; Rex Castellę ipsa electione sibi, per complures Magnates Imperii, ad i-  
 psum propter hoc in Hispaniā accedentes, postmodū presentata, electioni consensit eidē.  
 Ex præmissis sane iidem procuratores, & nuntii prælibati Regis Castellę dicentes electi-  
 onem ipsam, vbi, & à quibus debuit, celebratam legitime, allegabant electionem eam-  
 dem impediri non potuisse per tuam: quæ, sicut dicunt, nulla extitit ipso iure. Nam cum  
 prædictus dies octauarum, non ad eligendū, sed ad tractandum de statuenda die & ipsam  
 statuendum, ad electionem celebrandā noui Regis, fuerit nō per omnes prædictos Prin-  
 cipes, sed per aliquos ex eis, ut præmittitur assignat⁹, qui, etiā si ad eligendū statut⁹ fuisset,



AERA. „ per maiorem partem eorundem Principum, minoris partis non obstante contradic-  
 NAT. „ ne, mutari, & prorogari potuit, & exstitit prorogatus, constat electionē de te, maxime per  
 CHR. „ pauciores de ipsis Principibus excommunicatos, ipsa die octavarū factam nullam peni-  
 „ tus exstitisse. Excommunicationem etiam contra memoratum Archiepiscopum Treue-  
 „ rēsem obiectam, & consuetudinem, quæ de celebranda à tempore vacantis Imperii infra  
 „ annum, & diem, Regis Romanorum electione proponitur, ac alias omnes negantes alle-  
 „ gabant: quod si veritate huiusmodi propositio fulciretur, electio tua, quæ xv. diebus, de  
 „ ipso tempore tunc restantibus, celebrata fertur, ex hoc etiam nulla esset: cum non licue-  
 „ rit minori parti, maiori cōtempna, diem vltimam ipsius temporis præuenire. Per quæ ap-  
 „ parere dicebant, quod electores eiusdem Regis Castellæ, nolendo illo die eligere, non  
 „ fuerunt eligendi iure priuati: nec si etiā, vt pars aduersa proponit, ad minorē partē renui-  
 „ sent exire. Nam cum infra prædictum oppidum de Frankford Romani Regis, & Impe-  
 „ ratoris, & non alibi debeat electio celebrari, minor pars non poterat ad locum alium co-  
 „ arctare maiorem. Adiecerunt præterea inunctionem, consecrationem, ac possessionem  
 „ prædictas, quam quidem possessionem omnino negabant, & cetera pro parte tua, indu-  
 „ cta, cum ex electione tua, quæ, vt prædicitur, nulla exstiterat, secuta fuerint, tãquam nulla,  
 „ nullum potuisse tuo munimentum afferre: aut eiusdem Regis Castellæ iuri præiudicium  
 „ generare: subiungentes Coloniensem Archiepiscopum supra dictum consecrationē, vel  
 „ inunctionem, seu coronationem, quæ ius tribuant, dare non posse: nisi ei, qui à maiori, &  
 „ saniori parte prædictorum Principum est electus. Alioquin illa sequeretur absurditas, q̃  
 „ solus Colonienſis Archiepiscopus precibus inductus, vel corruptus pretio, cui vellet  
 „ Imperium dare posset. Quod autem de litteris supradicti prædecessoris Alexandri præ-  
 „ mittitur, in quibus tibi Regiū nomē dicebatur ascriptum, teq̃ in prædictis Regno, & Im-  
 „ perio fuisse prælatū, multipliciter cōfutabant: tū quia, quoties corā ipso prædecesore A-  
 „ lexandro, ac fratribus suis, de imperii negotio agebatur, idē prædecessor Alexāder publi-  
 „ ce afferebat, q̃ super eodem negotio, nihil in dicti Regis Castellæ præiudiciū attētare: q̃  
 „ etiam ipsi Regi Castellæ p litteras, & quondā A. de Ferentino suū capellanū, & nuntium  
 „ intimauit: propter q̃ prædictæ per te inductæ literæ merito sunt suspectæ: nec credendæ,  
 „ de eiusdē prædecessoris A. cōscientia emanasse: tū etiā, quia si de ipsius conscientia, & fra-  
 „ trum suorū consilio processissent, cum iniuriōsæ sint debēt merito reuocari. Vnde iidem  
 „ Regis Castellæ procuratores, & nūti electionē de ipso factā, electione tua prædicta & his  
 „ quæ pro te fuerunt obiecta, nō obſtatibus, fore legitimā, vt pote celebratā à maiori parte  
 „ ipſorū Principū, quos iidē pcuratores, & nuntii variare nō potuisse allegāt, & variasse nō  
 „ credūt: immo fictione iuris ab omnib⁹: cū alii, vt pote inhabiles, electioni nō potuerint, vel  
 „ saltē noluerint in loco solito, & tēpore debito interesse: ac ipsū potiorē in prædictis Regno,  
 „ & Imperio arguētes, cum instātia postularūt ipsi Regi Castellæ cōsuetū, fauorē & debitā in  
 „ huiusmodi negotio iustitiam exhiberi: apertius exprimētes hāc fore iustitiā debitā, hūc esse  
 „ fauorē in talibus cōsuetū: videlicet, q̃ quando aliqui ad Imperiū in discordia Principū eli-  
 „ guntur, Sedes Apostolica illū, qui electus est à parte maiori, personæ impedimētis cessan-  
 „ tibus, denuntiat, electū canonice: ac Regē nominat parte aliqua nō citata: & ei fauorem  
 „ præstat, illiq̃ terminū, ad recipiendā coronā assignat: etiā si alter taliter electorū Regni pos-  
 „ sessionē præsumpserit occupare: sicut in electionib⁹ LOTHARII, CORRADI, OTHONIS, &  
 „ PHILIPPI, & aliorū pluriū obseruatū fuisse dicebāt: ad hoc prædictā Decretalem episto-  
 „ lam inducentes. Eisdem autē præfati Regis Castellæ nuntiis petitioni prædictæ, super de-  
 „ bita iustitia exhibenda, porrextæ insistentibus, nos memoratum Rosenſem Episcopum,  
 „ & alios tuos procuratores, de prædictorum fratrum consilio duximus, requirēdos: si vel-  
 „ lent super præmissis subire tuo nomine nostrum, & Apostolicæ sedis examen: qui habito  
 „ consilio respōderunt, q̃ cum sis Princeps Catholicus, nobis, & Ecclesiæ Romanæ deuo-  
 „ tus, ipsam caput Christianitatis, & fidei, tuamq̃ matrem, & dominam recognoscens, nec  
 „ intēdas illius declinare iudicium, in quibus illud subire debes, & de iure teneris, & in Im-  
 „ perio ius habeas, ac Regni Alamanix, & eius iurium possessionem obtineas, parati erāt, in  
 „ quātum prædicti mandati, quod à te habebant, se vires extendunt, pro te, ac tuo nomine,  
 „ tanquam pro Regē vero, ac legitimo, priore, iudicium nostrū, & Ecclesiæ Romanæ subire  
 „ si quis appareret, qui te super præmissis velit impetere: aut aliquid, quocunq̃ modo pro-  
 „ ponere: propter quod tibi possit aliquod præiudicium generari saluis semper in omnibus,  
 „ & per omnia iurisdictione, potestate, officio, auctoritate, dignitate, honore, ac libertate  
 „ sacri Romani Imperii: eiusq̃ Principū: ad quos specialiter spectat Romani Regis electio:  
 „ & quibus præiudicare non intendebant: vel alias quomodolibet derogare: petitionē tuo  
 „ præmissam nomine nihilominus repetentes. Ecce fili carissime dum ad petitionem iusti-  
 tia,



tiæ, ab vna parte proceditur, nec ab altera iudicio ceditur, sed ipsius prosecutioni con-  
 stanter instatur, nos, qui sperabamus, quod per tuam, & ipsius Regis concordiam, &  
 concordem supradicti ordinationem Imperij, desideratæ quietis nobis serenitas affide-  
 ret, in iudiciorum inquietos anfractus ingerimur: & expeditæ iustitiæ constantia in  
 ipsorum nos fluctus impellit. Ecce pacem expectauimus, & non venit: requisuimus  
 bona, & turbatio strepitus iudicialis offertur. Profecto non id desiderabat Ecclesiæ, Im-  
 periali auxilio releuanda necessitas: non id exigebant laceræ partes Imperij: occupantibus  
 expositæ manibus direptorum: non id requirebat Christianitatis, maxime his temporibus,  
 miseranda conditio: quam & intrinseca, plusquam ciuilia bella concutiunt: & inhumā-  
 niter efferarum immanitates gentium: ac præcipue Tartariæ feritatis affligunt: quibus  
 potius debebatur, vt per tractatus pacificos, Cæsarei culminis acceleranda prouisio, in vni-  
 tate capitis, viribus reintegratis Imperij, contra tot discrimina prouideret. Nos itaq; pacis  
 cogitatus sollicitè cogitantes, ac de illius sperantes omnipotētia, & immensa virtute, sub quo  
 curuantur, qui portant orbē, qui ventis imperat: & ad eius nutū stat spiritus procellarum:  
 pacis tractatibus prouidimus insistendū: & ideo hinc inde propositis à nobis, & prædictis  
 fratribus nostris, in discussione exactæ deliberationis inductis, de ipsorum cōsilio, tā ad ma-  
 gnificentie tuæ præsentiam, quā ad dictum Regem Castellæ nuntios deliberauimus desti-  
 nandos: qui vos ad pacē inuitent: ad q; dilectū filium magistrum Guilielmum capellanū  
 nostrū Archidiaconū in Ecclesia Parisiensi, virum utiq; prouidū, consilij maturitate con-  
 spicuū, & nobis, ac eisdem fratribus plurimū merito sue probitatis acceptū, de cuius indu-  
 stria, & fidelitate nos, & ipsi fratres plene confidētes, ad tuā magnificentiā specialiter de-  
 stinamus. Et nihilominus, cū simus omnibus in iustitiā debitores, nec debeamus eā perso-  
 nis denegare sublimibus, qui super ipsa, etiā ab humilibus requisiti, nostri partes officij nō  
 negamus, te, & eundē Regē Castellæ citandos decreuimus: & te, de prædictorum fratrum  
 consilio, peremptorie præsentium tenore citamus: vt secundo die Mai proxime ventu-  
 ri Apostolico conspectui, per procuratores idoneos te præsentēs: qui tuæ conscientie cō-  
 scii legitimū, & plenum à te mandarum habeant: ad pacis tractatū, si Dominus dede-  
 rit, ineundū: & ad procedendum in ipso negotio: prout honori Ecclesiæ, ac pensata ta-  
 lis, & tanti conditione negotii, sine offensa iustitiæ, videbimus expedire.

Hęc fusius fortasse, latiusq; quā instituti mei tenendi ratio tulerat, sunt appositæ: ne his,  
 quæ ab Onufrio Panuinio, qui Auentinianam opinionem, tota mente penitus insitam  
 comprehenderat, in peculiare commentarium referuntur, in eundem errorem, qui se ve-  
 rustatis amatores profitentur, induci possint.

Valentini regni arces, quæ in defectione perstiterant, à Rege vindicantur. Indutiis cū  
 Alazdraco pactis, vt regni finibus excedat, constituitur.

Pontius Caprera Vrgellitanus Comes moritur: cui Ermengaudus F. succedit. Ermē-  
 gaudo breui fato functo Aluarus frater sufficitur.

Ilerdæ Augusto mense fœdera inter Aragoniæ, & Castellæ Reges Soriæ conuenta 1295  
 confirmantur: atque denuo sanciantur. Iudicium damnorum, & detrimentorum vtrim- 1257  
 que illatorum constituitur. De eare definienda à Rege mandatū habent Martinus Pe-  
 resius Artassona Præfectus Iustitiæ Aragonum, Rudericus Peresius Turiasonensis, Simon  
 Tobia Gonzaluus Lopesius Pomarius: & Valentino regno Rex Simonem Focium, virū  
 inter Aragonios procures primarium præficit.

Quod Nauarri Regis Imperio non parerent, & ab eo deficerent, neque pactis cum  
 Theobaldo Rege, conuentis assentirentur, regnorum finibus bellum commouetur. Id.  
 Nouemb. cum Gaufrido Beamontio Nauarræ Senescallo indutiæ fiunt.

Rex Mompellerium contendit. Carbolio cum Ludouico Francorum Rege ad col- 1296  
 loquium deuenit: quo in loco Maio mense summæ coniunctionis vinculis deuinciuntur. 1258  
 Constituunt, vti Isabella Regis filia natu minima Philippo Ludouici F. regni successor  
 nubat. Dotis, & arrarum nomine Isbellæ vetusto Galliarum more, & instituto, quinta regni  
 pars, arcibus, & propugnaculis receptis, assignatur.

A. D. V. Id. Mai Carbolio Reges actiones de controuersis omnibus vtrimq; cōstitutas  
 remittūt: iuraq; cōdonāt. Ludouicus enim Rex, Barcinonēsis, Vrgellitanæ, Ruscinonēsis,  
 Emporitane, Ceretane, Cōfluentine, Gerundensis, & Ausetane ditionū suprema iura, po-  
 testatem, & fidelitatis dominatū reperierat. Noster vero Carcasonensem, Rhodensem,  
 Lauracensem, Biterensem, Leocatensem, Albigensem, Rhuensēm, Fuxensem, Cadutcē-  
 sem, Narbonensem, Mineruensēm, Fonoliadensem, Saltuensēm, Petrapertusensem, Ai-  
 milianā, Crodonensem, Gabaldanam, Nemausensem, Solensem, & S. Egidii ditiones, &  
 earum iura, & potestates à capite arcessit. Vicissim alter alteri, iure suo cedit.



AERA.  
NAT.  
CHR.

1297.  
1259

Eo ipso tempore Rex id omne ius, quod repetere, in Gallia Prouincia Folcalqueriensi, Arelatenfi, Auenionensi, & Massiliensi ditione, aut obtinere poterat, Margaritæ Francorum Regina, Raimundi Berengarii Prouinciæ Comitis fratris filia attribuit: sed cum earum ditionum Carolus Ludouici Francorum Regis frater germanus, qui Beatricem Raimundi Berengarii Prouinciæ Comitis filiam natu minimam duxerat, esset positus, eas quo iure, quave iniuria, Ludouico Rege frater permittente, sibi vsurpat.

Cum Alfonsus Regis F. inhumane, & indigne à patre habitus, ab Aragonensibus, & Catalanis proceribus incitatus præcipiti motu, atq; impetu ruere videretur, Rex, vt commotionem sedet, Valentinum regnum Aragonio contribuit, & eorum heredem Alfonsum instituit.

Quod Bonifacium Sabaudie Comitem Taurini tumultuantes comprehenderant, qui ab eius imperio defecissent, Astenfes adhibito dolo, eum sibi subtrahunt. Mox liberis in custodiam Astenfis traditis Bonifacium dimiserant. A. III. K. Mart. Rex Mompellerii, ciuitati Astenfi bellum se inlatum minatur: prouocatque: nisi intra mensem Bonifacii filios qui misere in vinculis attinebantur, liberent: neue in Bonifacii ditionem irrumpat cõmonet. Ea Regis prouocatione deterritis, & subsidiariis copiis Petrus Bonifacii patruus cõsiliis, eius ditionis Bonifacio vita functo potitur.

Aluaro Caprera Vrgellitano Comite à Rege dissidente Raimundus Fulcho Cardonensis, & magna Catalanorum procerum pars patrio more, atq; instituto, quod lege permissum esset, a regio dominatu desciscunt.

1298.  
1260 Alfonsus Castellæ Rex pactis Sorie conuentis, Alfonso Lupio Pharenfi Ceruere, Agredæ, Aquilaris, Arnedi, & Autolis oppidorum arces earum pactiorum pignora tradit. Totidem arces Aragoniæ Bernardo Guilielmo Entenze à Rege traduntur.

Regis F. Alfonsus Constantiam Gastonis Bencharnensis filiam vxorem ducit. Breuiæ nuptiæ factis sponfalibus, morte Alfonsi funestantur: qui nullis superstitibus liberis decedit. Ad D. Mariæ in Cœnobio Verolensi tumulatur: princeps fortuna, cum sua, tum publica aduersa, adflictaque versatus.

A. D. V. K. Aug. Barcinone interuentu Guiroldi Postæ, Maioris Egnatiensis, & Iacobi Mostacii, Manfredi Sicilia Regis legatorum, Constantia Manfredi F. quam ex Beatrix Amadei Comitis Sabaudie filia vxore susceperat, Petro Regi filio despõdetur. Dos L. M. auri vnciarum Constantiæ à patre dicitur. Beatrix antea Marchioni Salasso nupsit.

Raimundus Penafortius ordinis Prædicatorum vir insigni sanctitate venerandus à Rege ad Urbanum III. Pont. Max. legatur: qui eius fidem obtestetur, vt Manfredum supplicem, misericordiamq; implorantem sibi, & Ecclesiæ cõciliet. Quæ Rex summis precibus contenderat, non modo obtenta non sunt, sed nihil Pontifex, quantum eniti potuit prætermittit: quin Regem à Manfredi coniunctione, & affinitate auocet: deterreatque: ne amicitiam cum Hanfredo Principe Tarentino cõeat: Ecclesiæ inimico, atque perduelli. Ex tamen nuptiæ diuino numine, atque prouidentia omnibus anteponuntur: quibus maximæ nostris principibus & fortunæ, & dignitatis accessiones fiunt.

Bellum maius in conspectu domi erat, quam à subita defectione, & alienatione procerum geri posse crederetur. Aluarius Vrgellitanus aliquot arces recuperat: & extra ditionis suæ fines incurrens Barbastrensis plura detrimenta infert.

Petrus Regis F. alti animi princeps, qui indulgentia paterna, hereditario regno Alfonsum fratrem natu maiorem pepulerat, nimis magna cupiditate Iacobum fratrem sua hereditate euertere cupiens, quod vereretur Valentino regno à patre donatum iri, Id. Oct. Barcinone clam ad motis aliquot familiaribus obtestatur, si firmum, ratumve testamentum patris, donationemve stipulatione sanciret, metu regio perterritum, inuitum, atq; maiore vi permotum fuisse: & se inuito, atq; repugnante factum.

Septembri mense vniuersæ ciuitates regni societatem, & communitatem inter se cõeunt. Vnionem vocant: quod durius, quam mores, & instituta maiorum ferunt, leges sciscunt: vt impotenti, & effrenatæ larocinantium, & grassantium audaciæ, & temeritati obuiam eatur. Cum ob eam causam, armis incitatæ ius suum exequi conarètur, consceleratorum manus grauissimas scelerum pœnas rei publicæ pendunt.

1297.  
1261

Id. Apr. Valentia Rex Ferdinandum Sanctum F. ex contubernio filia Sanctii Antilionis, ex proceribus Aragoniæ primarii genitum, quem naturalem filium appellat, & Guilielmum Torrelliam in Siciliam præmittit: vt iis arbitris nuptiæ Constantiæ Manfredi Regis filia sancirentur: & nurum ad se regio comitatu deducant.

Mur-



Murtienſes Mauri tumultuantes rebellionem vna die faciunt: & Regi Granatenſi adiuncti, a quo ſollicitati fuerant, proditione urbium, ingentem terrorem efficiunt: quod externi etiam illorum defectionem ſequerentur.

AERA.  
NAT.

Sacro Pentecoſtes die nuptiarum Philippi Francorum Regis F. & Iſabellæ Regis F. ſolemnia Claramontis Aruernorum oppido celebrantur.

CHR.  
1300.  
1262

Conſtantia Manfredi Regis F. in Prouinciã Galliam deuehitur: & Mompellerium à Bonifacio Anglano Montalbani Comite, Manfredi auunculo, aliſq; Siculis proceribus deducitur. A. D. XVII. K. Iul. Petro in matrimonium collocatur.

Petro, & Iacobo regiſ filijs de regnorum ſucceſſione contendentibus, atq; diſſidentibus, Rex exiſtimans ſe diſcordiarum, & ſeditionum omnium ſementem ſublaturum, ſi rato eorum aſſenſu regna partiretur, A. D. XII. K. Sept. Barcinone Aragoniæ regnum, & Barcinonenſem Comitatum à Cinga ad Pyrenæi promontoriũ, quod illa ætas Crucium caput vocat, & in Perilioſum, & Panizaſium ipſius Pyrenæi colles, Petro attribuit: & Valentiniũ regnum adneſcit. Iacobo Baleariũ, & Pityuſarum inſularum regnum, Ruſcinonenſi, Iliberitana, Conſluentina, Cæterana, & Vallespiria ditione adiuncta, & Mompellerienſi dominio contributo, condonat. Filios heredes alterum alteri ſubſtituit: Petro de paterna iniuria conquerente, quod ſe, immenſa donatione in fratrem collata, defraudaret: cum diuideret, quæ ſeparari re publica non eſſet. Præterea Rex minorem natum filium, eiſq; heredes, earum ditionum uſu contentos eſſe, dominium vero, & poteſtatem ſupremam penes primigenium, eiſq; poſteros redigi ſtatuit.

Cum de finibus, inter Caſtellæ, & Aragoniæ regna controuerſiæ orirentur, vi. viri eiſ terminandis præſciuntur. E regno Caſtellæ Paſchalis Epiſcopus Iaeneniſis, Egidius Garceſius Aza & Gonzalvus Rudericius Atienza: ex noſtris vero delegantur Andreas Albalarius Epiſcopus Valentiniſ, Sanctius Calatalubius, & Bernardus Vitalis Beſalunenſis. Conſtituunt, vii Reges damnorum vitro, citroq; illatorum æſtimationem ſuis dependant.

1301.  
1263

Non. Mart. Cæſarauguſtæ Petrus Iohanniſ Calatrauenſis militiæ Magiſter Regem conuenit: expoſcitq; uti regni finibus appropinquet: & labantibus generi rebus opem, auxiliareſq; copias admoueant. Mauri, qui ex Mauritaniis tranſmiſerant, Murtienſibus, & Granatenſibus adiuncti immanẽ tumultum, & vaſtitatem Bæticæ inferunt. Rex Catalanos Barcinone, Aragonenſes Cæſarauguſtæ ad conuentus agendos cogi imperat: ut videant, nequid in ancipiti cauſa, reſ publica detrimenti capiat.

1301  
1261

Ille dæ Pontius Peralta, & Bernardus Mauleo, Rege de more aſſidente, armorum iudicio inter ſe decertant. Præſuit ex maiorum inſtituto, ſingulari eorum certamini Petrus Montada Cataloniæ Senecaſcallus: cuius magiſtratus iura, & prouentus cum vetuſtate obſeuiſſent, & de ea re controuerſia cum Rege oborta eſſet, eiſ definiendæ iiii. viri deliguntur: Simon Peretiſ Arenofiſ, Thomas cognomento Sancti Clementis, Guilielmus Zafati, & Arnaldus Boſcantus militarium, & caſtrenſium legũ ſcientia præſtantes.

Guilielmus Rocafulliſ Mompellerii præcurator à Rege ea de cauſa ad Allobroges legatur, uti cum Petro Sabaudiæ Comite, de Beatrice Amadei Comitis eiſ fratris filia, Iacobo filio in matrimonium collocanda tranſigat.

Babyloniæ Soldanus præclara de Rege fama commotus, Alexandria legatos ad Regem mittit: voluntatis, & ſtudij erga eum indices. Rex Raimundum Ricartum, & Bernardum Porterium eo legat: qui magnificentiſſimo apparatu Alexandriæ excipiuntur. Honoris, & dignitatis cauſa Soldanus Aragonium vexillum propter ſe in Arſacitarum ſolio conſtitui imperat. Certum exſtare eiſdem ætatis auctorem comperio, qui prodiderit, Porterium, miſſarum ſolemniſ celebratis, Soldani filium, ipſius Soldani rogatu militaris cinctus auctoramento, Regis Aragoniæ nomine decoraffe.

A. D. II. Id. Feb. Cæſarauguſtæ Rex Arnaldo Barcinonenſi Epiſcopo, & Pontio Hugoni Comiti Emporiarum committit, uti de Maria filia in matrimonium filio Roberti Atrebateniſ Comitiſ, Ludouici Francorum Regis fratris, aut filio Ducis Burgundiæ tradenda partes ſuſcipiant. Deliberat etiam, uti Iacobus filius filiam eiſdem Burgundiæ Ducis vxorem ducat.

A. D. VI. K. Mart. cum Rex Cæſarauguſta Exeam contenderet, militaribus copiis quas Alfonſi Regis ſubſidio præmittit, Arnaldum Fontouã, Ferrizium Lizanã, Simonem Peretiſum Aierbium, Fortunium Ahenem, & Fortunium Peretiſum Iſuerrium duces præſcit: toti tamen officio maritimo Petrus Ferdinandus Regis filius præponitur. Cum magnos ſumptus Rex in eam claſſem comparandam feciſſet, a prædiuiti ludæo, & eiſ nationis in primis nobili Iahudano maximis facultatibus ſubleuatur.

1301.  
1264



AERA.  
NAT.  
CHR.

Catalani, qui Barcinone conuentui agendo interfunt, A.D. IX. K. Decemb. Bouatici tributum, quod Balearico, & Valentino bello dependerant, in sumptus bellicos Murtiensis expeditionis Regi condonant.

Cæsar Augustano in conuentu Rex, cum de subsidio Regi genero, tam affectis rebus inferendo referret, & Bouatici tributum in eos sumptus impendi æquum esse iacit, priuatas causas, publicis, & honestis rationibus nostris anteponentibus, magnæ turbæ, & noua mala miscentur: atq; concitantur: dum acerbissimam capitum exactionem, & externa, & numquam impensa, aut usurpata tributa reiciunt. Præcipuis suorum, & impulsoribus Ferdinando Sanctio Regis filio, & Simone Virrea eius socero adeo gravis excitatur tempestas: ut leges, & instituta maiorum intermissa, & violata vniuerse proceres conquerantur: ac de libertate retinenda, & vindicanda conspirent. Plures ex proceribus vrbe egressi Alauonam, cum fœdus inter se coiissent, & societatem iniissent, secedunt: & omnia raptim, atq; turbate aguntur.

Conuentu, non de more, cum celebrari, ac peragi rite desit, dimisso, sed pertumultuose dirempto, & proceribus ad arma conuolantibus, Rex suas copias, ut eorum conatus comprimat, Montione cogit. Cum proceres in eo eniterentur, ut controuersæ omnes, actionesq; litium Præfecti Iustitiæ Aragonum iudicio, atq; sententia transigerentur, deciderentq; Regi æquū visum fuit, ut omnes iudiciariæ controuersæ, & lites quæ inter se, & regni proceres, & ingenuitatis, & nobilitatis iure fungentes verterentur, a Præfecto constituerentur: easq; Præfectus, & regio, & procerum, nobiliumq; consilio, qui in regia aula commorarentur, decideret: modo ne partium cōpotes, aut participes essent. Ad hæc eū is magistratus Præfecti Iustitiæ Aragonum, & a se, & a superioribus Regibus renuntiari solet, se cum morem in posterum retenturum pollicetur: & eum magistratum viris militaris muneris auctoramento perfundis mandaturum. Indutiis depactis de controuersis omnibus Rex, & proceres apud Cæsar Augustanum, & Oscensem Episcopos compromittunt.

Rex Petro Sefesio primario, & nobili in primis viro Medianam, & vicis omnes, qui Medianæ erant contributi condonat: eo iure, quo à Petro Rege parente Petro Sefesio patri fuerant attributa.

1303.

1205

Aprili mense, peractis Exæ conuentibus, plures leges sciuntur. In primis faciunt: ne Rex, eiusve posterii Reges honores, & militaria beneficia condonent: nisi iis, qui cognatione paterna, & stirpis natura, ex procerum sanguine, & ortu procreatus sit: neue exteris hominibus tribuantur. Ne quis procerum, nobiliumve bouatici, aut scripturæ tributum herbaticum ipsi appellare consueuerant, dependat. In controuersis omnibus, quæ inter Regem, & nobilitatem subortæ sint, Præfectus Iustitiæ Aragonum iudex sit: easq; consilio procerum, & nobilium dirimat: reliquas vero procerum, & militaris ordinis virorum causas Præfectus Iustitiæ Aragonum, Regis, & procerum consilio dijudicet. Rex liberis iusto matrimonio genitis honores, militariave beneficia ne attribuat. His constitutis proceres ab seditione, ad bellum Murtiensibus inferendum versi.

Rege Alfonso aduersus Granatenses bellante, socer Murtiensibus bellum indicit.

#### MVRTIENSE BELLVM.

Nouus hostis veteri adiunctus animum Regis maxime commouit: ut omni virium conatu bellum gerat. Cum in procinctures esset, ex 11. M. equitum, quos sub signis stipendia mereri recensuerat, ad D. C. conuenisse comperit. Setabis, & Biarri finibus bellum infert.

Vilienenses, & Eldenses primi deduntur. Hos sequuntur Illicitani, Origuelenses, & Alicantenses: qui vastatis agris in deditionem venire, obsidesque dare coguntur. Traiecto Tadore flumine Alcaracii Rex cum genero ad colloquia congreditur. Cum bellum & suscipi, & geri pro dignitate regia, ac confici oporteret, Rex militares omnes copias, & veteranas, & oppidanus exciuit.

Manfredo Siciliæ Rege execrationibus ab Ecclesia interdicto, & potestate regia, atq; imperio abrogato, Clemens III. P. M. Perusii A.D. XI. K. Iul. Pontificatus anno 1. A. Basilicæ XII. Apostolorum presbytero, R. Sancti angeli. I. S. Nicolai in carcere Tulliano, & I. S. Mariæ in Cosmedin diaconis Cardinalibus committit, ut Carolo Andium, & Prouinciæ Comitil leges imponant: quibus ad Siciliense regnum ab Ecclesia adscisci debeat.

Delegati à summo Pont. Cardinales Romæ apud Lateranum in Basilica Saluatoris, quæ Constantiniana appellatur, ante sacratissimum altare ipsius Basilicæ, A.D. III. K. Iul. conditionibus Carolo Comiti propositis, regnū Siciliæ, & quam terrā citra Pharū vocabant, usq; ad confinia terrarū Romanæ Ecclesiæ, quæ regio Siciliensi regno cōtributa erat, vrbo



vrbe Beneuentana excepta, perpetuo eidem Carolo, & heredibus eius Pontificio man- AERA.  
dato conferunt: & de more, tradito Ecclesie vexillo, in possessionem mittunt. Ea re transf- NAT.  
acta Carolus, satis magno comparato exercitu in Samnium, & Campaniam inuadit: vt CHR.  
Manfredum regno derurber.

Ad summam Valentini regni felicitatem, eo tempore defuit, vt ingens, & perniciofa  
sentina reipublice exhauriretur: Maurorum natione ab eius finibus exterminata: atque  
expulsa. De eare Clementem IV. P. M. magnopere Regem voti reum admonuisse accepi-  
mus: dignaque ea cohortatio visa est, quae hoc in loco representaretur: quod non Regi  
modo, sed futuris etiam Regibus diuina ea communitio se penitus insinuari videatur.

- 10 CLEMENS Episcopus seruus seruorum Dei I. Regi Aragonum illustri. Agit, nec imme-  
rito, mater Ecclesia, dum lætanter tua magnifica gesta commemorat, dies festos iucun-  
ditatis, & lætitię cantica replicat: tui zeli feruorem, & strenuitatis merita, tã cari, & deuoti  
filii, quasi recenter quotidie delectabiliter recensendo. Exultat, & iubilat in tuorum fe-  
licium commemoratione successuum: per quos contra Sarracenos nominis sui blasphem-  
mos, & Catholicę fidei persecutores infestos, salutem populi Christiani dextera Domi-  
ni virtuose in tuis manibus, & data tibi ab ipso virtute direxit. Apud bonorum omnium  
largitorem preces deuote multiplicat: vt in hac zeli rectitudine, in hac fidei puritate, te  
in tempora longiora conseruet: quod nos eo postulamus auidius, eo instantius petimus,  
20 quod tibi vinculis caritatis solidioris adstringimur: ad honorem tuum soliditate sinceri-  
oris dilectionis afficimur: & salutem tuam sincerius affectamus. Hęc quidem nos mo-  
uent efficaciter, & inducunt: vt serenitatem tuam paternis adeamus commonitionibus:  
& attentis exhortationibus excitemus aduersus ea, quę grandia pericula temporaliter  
etiam tibi, & posteris tuis ingerere, tui nominis claritatem inficere, ac Creatorem tuum  
contra te possent grauitè prouocare. Considera igitur fili, considera: cum te tam expe-  
rientia cogat aduertere, quam familiaria etiam exempla ignorare non sinant: quam gra-  
uibus sit res plena periculis. Sarracenorum in terra tua retentio: qui licet ad tempus oc-  
cultent iniquitatis suę, necessitate cogente, propositum: illud tamen quam auide, quam  
ardenter, immo etiam quam inique captata opportunitate reuelant. Profecto nec discre-  
ti consilii est, nec tutum, tam perfidos, tam plenos nequitia inimicos habere domesticos:  
30 vel tenere vicinos: non magis quam nutrire serpentem in gremio: vel igne in sinu. Quod  
si te forsan ad huiusmodi retentionem ipsorum, aliqua ex illis proueniens inducit, immo  
vt verius dicamus, seducit utilitas, tanto præponderet in tuę magnanimitatis iudicio, &  
recto libramine rationis acerba tui contumelia Creatoris: quam assidue patitur: Sarrace-  
nis eisdem inter Christicolas diebus singulis, clamore publico, certis horis, nomen extol-  
lentibus Machometti: quanto proculdubio ferres, & re vera ferre deberes acerbius illa-  
tas, inter tuos subditos celsitudini tuę iniurias: quam inter eos, qui tuę non essent ditioni  
subiecti. O quam debet esse detestabile, quam amarum, tibi præcipue qui ab annis tene-  
ris illius cultores, & cultum infra fines ipsorum totis viribus persequendo, ad eorum ex-  
terminium laborasti: nunc ipsam in regnis tuis pati, per culturam huiusmodi taliter exal-  
40 tari. Nonne consideras, quod per hoc detractorum linguis exponeris: qui quasi verissimi-  
liter asserent, quod in omnibus tuis laboribus, quos nullis vitatis periculis, in ipsorum per-  
secutione, ab adolescentiæ tuę initiis pertulisti, non exaltationem fidei, sed tua venabaris  
commoda: tuis solummodo utilitatibus intendebas. Porro etiam amicorum forte alter-  
nabuntur iudicia: si propter utilitatē pecuniariã, sic tuis laudabilibus actibus detrahi, tantū  
superni Regis opprobriū, tãram Christianitatis infectionem, q̃ ex eorundem Sarraceno-  
rum cohabitatione horribili, detestandis horroribus & horrendis spurciitiis non est dubi-  
um prouenire, amplius patiaris. Et quidem vel huiusmodi obloquētium detractiōni con-  
sistens, vel ipse tibi contrarius videreris: si Sarracenos eosdē in suis partibus persequens  
in tuis ipsos sustines patienter. Hęc si discussa debite meditationis examine, in rationis  
50 consistorium introducas, ipsos, nec dubium, prout excellentiam tuam decet, prorsus ab-  
iiciens, & profugans, extra tuę ditionis terminos effugabis: ad quod magnificentiam re-  
giã, vt tuę saluti prouideas, vt tuę famę consulas, vt consultius periculis, quę tibi, &  
ipsis posteris, vt præmittitur, per eos imminere possunt, occurras: & paterno affectu, &  
omni, quo possumus studio inuitamus: præsertim, vt reddas altissimo votum tuum, quo  
ad id publice diceris obligatus: sicque oppilentur ora contra te inique loquentium: tu-  
que prout es, & fidei zelator præcipuus, & ad ipsius exaltationem labores dirigere cen-  
searis: ad quã cum feruenter intendas, regalem prudentiã oportet attendere, quod Ecclesię  
status, & fidei, earumque negotia, ea sunt indiuisibili vnione coniuncta, vt altera, reliquã  
in honore non habita, honorari non possit. Nec enim potest fidei derogari, quin nimis Ec-



ÆRA. „ clesix detrahatur: nec ipsius Ecclesix honori, ac libertati detrahi, quin & fidei, quantum  
 NAT. „ in detrahente fuerit, derogetur. Nec igitur tu, qui eiusdem fidei vacasti semper, & adhuc  
 CHR. „ vacas semper negotio, eidem si Ecclesix iniuriosus fueris, existas iniurius decet. Præterea  
 „ quod Iahudanum Iudæum quæstoriis muneribus præfecerat, pia etiam illa, quæ ad Iu-  
 „ dæorum peruicaciam coercendam, admonitio pertinet, minime tacita erat prætereunda:  
 „ ita enim subdit.

„ Vt autem Princeps inclite zelus tuus erga defensionem eiusdem orthodoxæ fidei,  
 „ quam, tamquam Christianissimus indefesse prosequeris, vndique contra ipsius hostes, &  
 „ æmulos aperte reluceat, in ipsius auxilium contra Iudæos, qui præ cæteris eandem fidem  
 „ persequentibus, & nomen blasphemantibus Christianum, & illud blasphemant amarius, 10  
 „ & illam nequissime persequuntur, fauor tuus apertissime inualecat: vt Iudæos de cætero  
 „ ad aliqua officia non admittens: ipsos in aliquo non extollas: sed in quantum concessa eis  
 „ à Sede Apostolica priuilegia patiuntur, ipsorum refrenando malitiam, deprimas: & con-  
 „ culces: nec prætereas illorum blasphemias incorrectas: sed illius præcipue castiges auda-  
 „ ciam: qui de disputatione, quam in tua præsentia cum dilecto filio religioso viro fratre  
 „ Paulo de ordine Prædicatorum habuerat, multis confictis, adiectisq; mendaciis, librum  
 „ composuisse dicitur, quem ad sui dilatationem erroris in varia exempla multiplicans, per  
 „ regiones varias destinauit: cuius ausum temerarium sic debite censura iustitiæ, absque ta-  
 „ men mortis periculo, & membrorum mutilatione castigetur, vt quod excessus meruerit,  
 „ districtiōis seueritas manifestet: & ipsius exemplo aliorum audacia compescatur. Super 20  
 „ his igitur serenitatem regiam monemus, &c.

Quod tamen ad Sarracenos attinet, ita diuino nutu, atque prouidentia omnia admi-  
 nistrante euenit, vt leuiore opera, cum inexpiabiles hostes essent, expugnarentur: & vir-  
 tute, victoriisque frangerentur, edomarenturq;: quam deuicti, & subiecti expellerentur.  
 Satis constat Regem, forte vt animos Sarracenorum, qui in Aragonia permanserant, mu-  
 neribus leniret, & commodorum compensatione ad pietatem traduceret, multa fuisse  
 largitum: priuilegiumq; illis, posterisq; eorum Exæ, A.D. VI. K. Mart. Anno MCCLXIII.  
 irrogauisse: quo à primiciarum tributis, quæ ex prædiorum fructibus pendere consue-  
 uerant, vindicauit.

1304. A.D. IV. Non. Ian. Rex Origuela egressus Murciam castris circumfidet. Obsidio in- 30  
 1266 de primariæ vrbs, & munitiones, & interdum per occasionem impetus oppidanorum in  
 regias stationes: præliaque haud parua fieri, & tempus teri, neutro inclinante spe:  
 videbaturque diuturnus futurus labor, si spatium ad opem ferendam, oppugnantes  
 dedissent.

Rege urbem primò impetu oppugnare adorto, postquam is conatus parum proce-  
 dit, opere ac vineis demum muro admotis, in Regis ditionem urbem, atque agros dedere  
 pollicentur. Pactis indutiis, paratos esse imperata facere, & certam ad diem nostros pro-  
 pugnaculis vrbs, atq; vicinis oppidis recipere, spondent.

Cum Manfredus bellum trahere posset: siue nimia confidentia, siue suos, ac regnum  
 desperans, Carolo regni fines inuadenti ad Beneuentum occurrit. Manum cum hostibus 40  
 ingenti prælio, A.D. III. K. Mart. conferens, suis pulsus, atq; in turpem fugam conuersis,  
 in acie prælians mortem occumbit. Carolus omnium cis fretum regionum, & Sicilien-  
 sis regni breui potitur.

Februarii mensis fine Murtienses Mauri Regi deduntur. Arces omnes ab hostibus  
 ereptæ, quæ inter Murtiam, & Ilorci rebellionem fecerant, recuperantur. Insignis à Re-  
 ge gloria parta: quod regnum sacro bello quæsitum, & Maurorum defectione ereptum,  
 profligatis hostibus, genero in veterem dignitatem vindicauerit. Vilienensibus, & Ali-  
 cantensibus finibus copiarum ductores præficiuntur Artallus Luna, Simon Vrrea, Beren-  
 garius Arnaldus Anglesola, & Galcerandus Pinofius.

Petrus Sanctius Præfectus Iustitiæ Aragonum.

1305. Quod æreus nummus lamina aurea perquam tenui obductus pro aureo iactaretur, 50  
 1267 atq; signaretur, & adulterini ii nummi passim tota Hispania, pro legitimis expendere-  
 ntur, & nobiles quidam viri eius criminis infamia affecti postularentur, & in eos crimen inten-  
 deretur, cum iudicio conuicti essent, Rex Turiasone, A.D. VII. K. Nou. more maiorum  
 in eos animaduerti imperat: eique maleficio supplicium constituitur: vt viui in flumen  
 mergantur.

1306. Rex Alcanicii festum natiuitatis Domini diem celebrat. Sollemnibus incipientis an-  
 1268 ni Dertosa peractis, Valentiam contendit.

Maria Regis F. Cæsaraugustæ moritur: & in æde Saluatoris sepelitur.

Martio



Martio mense Alvaro Caprera Vrgellitano Comite vita functo, magnæ in Catalo-  
nia turbæ miscetur à Rainundo Fulchone Cardonensi: qui eius ditionis potiri conten-  
dit: ut Ermengaudum Aluari, & Cæciliæ Fuxensis Comitissæ sororis filium, quem non iu-  
sto connubio natum constabat, in possessionem mittat: reiecta Leonora Aluari F. quam  
ex Constantia Moncada legitima vxore suscepserat. Rex in Cataloniam omni festinatio-  
ne properat. Cerueræ subsistens oppida Vrgellitanæ ditionis sibi addicta præfidiis muni-  
ri imperat: ac reliqua inuadere nititur.

AER.  
NAT.  
CHR.

Rex cum omnium sanctorum festum diem Cerueræ celebrasset, in Carpetaniam  
proficiscitur: quod à Sanctio filio Toletano Antistite Toletum arcesceretur: uti in Nati-  
uitatis festa celebrare, primis eius missarum sollempnibus mysteriis, sancto, augustoque  
regiæ urbis fano assideret. A genero Alfonso Rege Hortæ, in ipsis regnorum confiniis  
excipitur.

Regiæ maiestatis imperium eo reciderat, ut haud dubie virtute, ac rerum gestarum  
gloria, magnum apud ultimas gentes Regis nomen esset. Adhæc terminatis finibus, ma-  
ximis bellis confectis, cum votis nuncupatis, Rex eorum damnatus, sacrum bellum pro-  
fessus esset, classem, ut in Palæstinam nauigaret, comparauerat, & minus idoneam tem-  
pestatem nactus, in aliud tempus eam expeditionem reiecerat. Hæc cum orientis fini-  
bus peruulgarentur, à Michaële Rege, Romæorum Imperatore, Duca, Angelo, Comni-  
no, Palæologo, qui neque bello, neque pace antea Regi cognitus erat, & magno Chaa-  
mo Tartarorum Rege, quos non pia causa commotos apparuit, sed quod domesticos ho-  
stes, externo se bello auertere, & vlcisci posse arbitrarentur: Legati Valentiz Regem con-  
ueniunt & de expeditione sacra Hierosolymitana, à Rege obeunda transigunt. Olan ta-  
men Tartarorum Rex, quod Urbani III. P. M. litteris comperimus, Iohannem Hun-  
garum ad eundem urbanum legauerat, quod summe expeteret, secundum veram, Ca-  
tholicam, Euangelicamque doctrinam, quam sancta Romana Ecclesia fatetur, & præ-  
dicat, sacri baptismatis renasci vnda: & Christiani nominis titulo insigniri. Clemens præ-  
terea Urbani successor Regem asperioribus verbis commonefacit: ut votum altissimo  
reddat: quo dicitur obligatus. Rege se totum sacre expeditioni transmarinæ addi-  
cente, lecta nomina procerum, ducumque euocantur: & omne iuuentutis robur ex-  
citur.

1307.  
1269

A. D. II. Non. Sept. Barcinone Rex classem soluit: eaque pæne tempestate euerfa,  
eum ad aquas Mortuas portum caperet, iam grandis natu, si rerum gestarum primordia,  
& progressus, & ipsa regni initia spectentur, Hierosolymitana expeditione desistit. Petrus  
Ferdinandus classis præfectus, & Ferdinandus Sanctius Regis filii contentum nauium  
cursum tenentes, in Palæstinam appellunt. Classe in Hispaniam renauigantes, cum Si-  
ciliam præterueherentur, nec liberalius, aut honorificentius à Carolo Rege accipi, atq;  
tractari possent, & Ferdinandus regia manu militiæ auctoramento esset insignitus: ex eo  
Petrus frater in eum hostili odio fuit: & inimicitii incensa contentio exitum fœdum, &  
perniciosum tulit. Per mihi mirum visum est, quod à Bernardo Vidone, in Pontificia hi-  
storia memoriæ proditur: Regem cum classem, & insignem exercitum anno MCCLXIX.  
comparasset, ut sacram Hierosolymitanam expeditionem obiret, & eius classis pars cur-  
sum tenuisset, mulierculæ consilio, ut ferebatur, à tanto gloriæ cursu destitisse.

Burgis sollempnia nuptiarum Ferdinandi filii Castellæ Regis, & Blancæ Ludouici  
Francorum Regis filiz celebrantur. Eo Rex filiis comitatus accedit: Ferdinando nepo-  
ti gratificatur. Adfuere Philippus Francorum Regis, & Eduardus Anglorum Regis  
primigenii filii: & Martha Augusta Balduini Constantinopolitani Imperatoris vxor: quæ  
ut virum regno exactum restituat, & magno ære alieno oppressum in libertatem vindi-  
cet, eximia liberalitate ab Alfonso Rege consobрино, & præstanti beneficentia fuisse sub-  
leuatam, constanti fama, atque omnium sermone celebratur. Martha filium genuit Phi-  
lippum: qui Constantinopolitanum imperium asserere conatus, duxit vxorem Caroli  
primi Siciliæ Regis filiam: cui Catharina filia gignitur Constantinopolitani Imperii he-  
res: quæ Catolo Valesio Philippi Francorum Regis fratri nupsit: eaque filias habuit: Ca-  
tharinam, Philippi Tarentinorum Principis, & Roberti Siciliæ Regis fratris germani v-  
xorem: & Margaritam: quæ Vidoni Comiti Blesensi nupsit: Caroli Blesensis matrem.

Hoc eodem tempore in Aragoniam veniunt Constantia Augusta Manfredi Regis so-  
ror, Calo Iohannis Batazi Græcorum Imperatoris vxor, & Irene Lascaris, Theodori La-  
scaris Imperatoris F. Guilielmi Intemeliorem Comitissæ vxor: quæ à Rege eximia benigni-  
tate acceptæ, propter cognationem, qua Aragoniæ domui adiunguntur, Valentino in re-  
gno, ditione oppidorum, atq; aliis beneficiis donantur.



Rudericus Castellitius Præfectus Iustitiæ Aragonum.

ATRA.  
NAT.  
CHR.  
1308.  
1270

Philippus Regis Alfonsi frater, Nunnus Larenfis, Lupus Diazus Pharenfis Viscariæ dominus, pluresque alii proceres, & ciuitates à Rege Castellæ deficiunt: & Lermæ cōuenientes, multa in republica moliantur. Ingentes Maurorum manus fretum transmittunt: & aliquot arces ad traiectum sitas oppugnant.

Rege Valentia affidente, dum inter eum, qui regnum regio nomine moderatur, & Guilielmum Scribam opibus, & factione pollentem discordiarum, & seditionum semina dissipantur, inter Bunolium, & Requenam focer, & gener Reges congressi, & Iolans Regina Valentiam contendunt. Rex cum magnum ex pernicie reipublicæ discriminem trahi videret, Murcienfis regni prognationem suscipit. Maritima omnis ora, & Bætica provincia ingenti tumultu exarsere: aduentuque repentino transmarini hostis terror augeatur. Orimbloium prope Dianium, & Mons tabernarius in valle Albaida oppida nouis colonis frequentantur.

Iacobus Regis F. in Galliam proficiscitur: vt Niuernensis Comitis F. eius ditionis heredem in matrimonium ducat. Eorū sponsalium pactis diremptis, Solaramundam Rogerii Bernardi Comitis Fuxensis sororem ducit.

Augusto mense denuo Rex, & Alfonsus Rex gener ad colloquia congregiuntur: Alicantumque concessere. Confirmat Alfonsus aliquot Aragoniæ proceres, cum iis, qui, à se defecerant, cum Mauris cōsensisse: societatemque coisse: vt per dolum, atque infidias petita pace, vltro bellum inferant. Rex commonet, vt indutiarum iura, quæ cum Granatenfi Rege pactæ fuerant, à genero obseruentur: eique opem atque operam suam benigne pollicetur.

Petrus Cadreita, & Guilielmus Colonicus ex Prædicatorum instituto hereticæ prauitatis Inquisitores, à sede Apostolica delegati, in erroris Albigenfium, & aliarum hæresum suspectos, atque conuictos in diocesi Vrgellitana, assidente Aprili Vrgellitano Episcopo seuerè animaduertunt. Arnaldum Castelbonium Vicecomitem, & Ermesendam Fuxensem Comitem eius filiam, Rogerii Bernardi Fuxensis Comitis auiam impietatis condemnant: & eorum famam, memoriamque detestandam sanciunt. Offaerui, atque inuri iubent. Rogerium Ermesendæ nepotem, eodem crimine in iudicium arcessunt. Hæreticorum fautoribus, atque affectatoribus graues pœnæ infliguntur. Nam cum plures ex impiorum elluue, ex Tolosatibus, Biterensibus, & Carcalonenfibus in Cataloniā migrantes labem, atque perniciem provinciæ Hispaniæ Citeriori inferrent, Raimundus Pennafortius religione, & sanctitate venerandus summo opere cōnititur, vt Rex à sede Apostolica obineat, vt hæreticæ prauitatis iudicium in hereditariis regnis, & bello partis, seuerè animaduersione, ex sacrarum sanctionum Apostolicis decretis cōstituatur.

Ludouicus Francorum Rex, insigni sanctitate Princeps in sacra expeditione Tuneti, A. D. VIII. K. Sept. in Cælum migrat. Classe in Siciliam appulsa, Theobaldus Navarra Rex Drepani, & Isabella Regina eius vxor Ludouici Regis F. nullis superstitibus liberis excessere. Theobaldum Non. Decemb. obiisse vetustis monumentis apparet: & ad Prinignum sepulchro conditum honorifico.

Eo ipso anno Isabella Philippi Regis Francorum vxor, Regis Aragoniæ F. vita defungitur.

Octobri mense Guilielma Noncada Gastonis Vicecomitis Beneharnensis filia Sætio Castellæ Regis filio despondetur.

1309.  
1271

Augusto mense Sauonæ Alfonsus Pictonum Comes, & Tolosatum, & Iohanna eius vxor nullis superstitibus liberis decedunt. In cœnobio S. Mariæ Garfienfis ex instituto S. Augustini, diocesis Parisiensis Iohanna sepelitur, Galcerandæ Amalrici Vicecomitis Narbonensis consobrini filia arcem, & oppidum Insulæ Nauesiniæ legat: Margaritæ vero Galcerandæ sorori, quæ Arnaldo Athoni Leomanix Vicecomiti nupta fuerat, & eius successoribus Cauillonensem ciuitatē attribuit. Carolo Siciliæ Regi, & Provincia Comitæ, eiusque ex Beatrice consobrino Regina liberis Venexiniū Comitatu condonat. Ditionis Agennenfis, Cadurcensis, & Rhodensis heredem instituit Philippā Arnaldi Athonis, & Margaritæ filiam: quæ Archimbaudo Petrogoriorum Comiti nupsit: omneque id ius attribuit, quod à se & Raimundo Tolosate Comite patre quæsitum, atque adeptum fuerat.

Philippus Francorum Rex ex pacto cum Raimundo Comite Tolosate conuento, Tolosatis ditionis hereditatem adit. Ciuitas eius imperium, dominatumque detrectat: Petrum Regis F. tamquam iustum dominum arcessunt: qui cum magnas equitum, pedumque copias inuito patre, compararet, vt eam ditionem asserat, à Rege commonetur,

vtica



vt ea causa desistat. Expeditionem Petro virgente, & exercitum educere properante, Id. Octob. Cēsaraugustę Rex, proceres, atq; oppidanus, & veteranorum copias ab eius signis euocat, atq; deducit. A fratribus, & ab aliis, quorum auxilia implorauerat, deseritur. Ex eo summa dissidii contentio, quę inter Petrum, & Ferdinandum fratres intercesserat, acrius exardescit. Petrus fratri, tanquam hosti necem machinatur: quod sibi persuasum fuerat, cum proceribus conspirasse, vt se regno exturbent: spe à Carolo Sicilię Rege Ferdinando iniecta, se illi opitulaturum, vt ad regnum, fratre à gubernaculis dimoto, adsciscatur. Ferdinando Sanctio Simon Vrręa focer, qui in magna potentia erat, oppresso, desperatoq; ab omnibus opitulatur. Vnus namq; Vrręa non modo gentis suę vires, & Corneliorum, quorum Princeps Petrus Cornelius sororis filius illustres, & splendida clientelas Regni ad se traxerat, & proceres pene omnes Aragonios commouerat, sed & Catalanos continuata cognatione, & magnis necessitudinibus, ac foederibus sibi deuinxerat. Quo fit vt totius regni concursu, quem Ferdinandi Sanctii salus concitauerat, noua quędam miscerentur mala: atque vnus inuentus sit, qui ea adniteretur, atque auderet, quod omnium fugisset, & formidasset audacia.

AERAS  
NAT.  
CHR.

Regem tot bellis perfunctum acres, & hostiles filiorum concertationes exagitant. Palam armis dimicant: magnaq; à proceribus, distractione partium, turbę miscentur: præsertim quod Petrus, qui rem publicam pro Rege gerebat, ad summum imperiũ accendit: naturę adiungens, Guilielmum Raimundum Odenam antiquissima stirpe ortum in confluẽtem demergi iusserit. Rex conuentum Exeam indicit. K. Mart. eo in conuentu Palliariensi Comiti, & generatim Catalanis proceribus, ne Fuxensi bellum cum Francorum Rege gerenti opem ferant, interdicit. Petrum filium à regni procuratione, procerum consilio cum regię dignitatis, & imperii, primigenii iure, vicarius esset, subrahicęque iurisdictione primigenium deicit. Ruderici Castellitoli Præfecti Iustitię Aragonum sententia Artallus Luna, eiusque affectatores, quos Rex in ius vocauerat, quod ad constitutũ nõ venissent, contumaces pronuntiantur. Rex consilio procerũ Artallum relegat: & quinquennale exilium edicit. Lupus Orticius Sentia, Simon Ahenes, Didacus Gurrea, & Petrus Orticius, qui Artallum secuti Zuerenses bello persecuti fuerant, exilio decem annorum solum vertunt. Maiestatis crimen à Petro Ferdinando Sanctio fratri, iudice assidente patre, intēditur: eiusq; probri aliquot proceres arcessuntur: & in quęstionē venit utrũ patris patri insidię à filio foret. Algezira conuētus Aragonēsiũ, & Valētiõnũ peragitur: vt fraterna dissidia, & tumultus sedentur. Petrus, cũ patrē obtestat⁹ esset, ne qd de absente, incognita causa statuatur, summa animi summissione se Regi subicit: atq; tradit. A. D. XV. K. Iul. Narbone decedit Berengaria Alfonsi Comitis Molinę Castellę Regis patris filia, Regi, cum quo contubernii necessitudo ei fuerat, Gallaica aliquot oppida, eius hereditate veniunt.

1310.  
1272

Regi domesticis curis intento nouus hostis exoritur. Finitimum bellum concitur: & cum Henrico Theobaldi Nauarrę Regis fratre, de regni successionē concertat.

Philippus Regis Castellę frater, Nunnus Larenfis, & plures Castellani proceres ab Alfonso Rege desciscunt. Granatam secedunt. Rex cum genero Requenę congregatur. Mutua aduersus transmarinos hostes auxilia pollicetur: q; Abeniuceffius Maurusiorũ Rex Beticę prouincię immineret. Rex Mõpelleriũ proficiscitur. Gaufredo Vicecomite Rocabertinio, Bertrãdo Belpucio, Ermęgaudo Durgio, & aliis proceribus comitatus.

Philippo Francorum Rege bellum aduersus Rogerium Bernardum Fuxensem, & Gerardum Armeniacensem Comitem gerente, & Pamias obsidere parante, Rex & Beneharnensis Fuxensis focer obuiani accurrunt: exostulantes, vt ab armis discedat. Conuenit, vt Fuxensis se regię potestati tradat: quĩ in Carcasonensem arcem includitur.

Petrus Ianuas Cēsaraugustanus Episcopus.

A. D. III. K. Feb. Rex Mompelleri edicit, vt procerum copię omnes militares finibus regni Murtiensis appropinquent: ea enim regione nostros hostes adoriri parant: ingentemque terrorem intulere: cui Rex se opponere nititur: quod multiplex vndique bellum eodem tempore instaret.

1311  
1273

Ilerdę Regem expeditionem maturante, Cardonēsis, & alii proceres ab eo desciscunt.

K. Apr. Ilerdę, cum Rex in Beticę fines contendit, & suarum ditionum se finibus excessurum vider, Bernardum Oliueliam Tarraconensem Antistitem vniuersę procurationi regni Aragonię, & Catalonię præficit: & prouocationum cognitionem, regio iudicio referuatam committit, & delegat. Finibus hostium præsidiorum, & copiarum ductores præficit Iacobum, & Petrum filios: quos ex Theresia Vidauria, tanquam legitima vxore genuerat, Ferdinandum Sanctium, & Petrum Ferdinandum filios.



AERA.  
NAT.  
CHR.

non iusto matrimonio natos, Simonem Vream, Bernardum Guilielmum Entenzam, Garciam Orticium Azagram, Ferricium Lizanam, Corbaranum Vidaurium, Petrum Martinium Lunam, Peregrinum Montacutum, Blascum Mazam, Blascum Simenium Arenosium, & Petrum Simenium Simonis Perefii Arenosii filios: Simonem Perefium Orizium, Blascum Gothorium, Sanctium Martinium Oblitam, Petrum Iordanem Rodenium, Petrum Garcesium Nuezium, & Ogerium eius fratrem: Fortunium Verguam Podium, Egidium Radam, Blascum Atrossilium, Rudericum Sanctium Pomarium, qui Fraillæ, & Olsonis dominabatur, & Gonzalum Lupezium Pomarium, Petrum Lazanum, Athonem Focium, Artallum, Hortam, Simonem Perefium Zapatam, & Petrum Zapatam Calagurritanum.

Regis monumentis apparet, Regem eotempore cum Abeniuceffio Fecensi Rege foedus icisse. D. militum auxilia x. oneratis nauibus, & totidem actuariis, & aliorum xxx. nauigiorum classe in Mauritaniam, stipendiis Fecensis, qui Septam urbem obsederat, traiciunt.

1112.

1274

Anni noui initio Rex Murtiam introiit: vt incolis animos addat: & omnes militares copias regni finibus prætenduntur.

Februario mense Algeziræ Petrus Alcalanus à Gregorio X. P. M. legatus summi Pontificis hortatu, Regis officium requirit: vt Lugdunum contendat: quo totius orbis Concilium cogi edixerat. Rex nimia in Apostolicam sedem pietate, & summo amore, grato, liberalique animo iter eo conferre apparat.

A. D. VII. Id. Mart. Rex Raimundo Fulchoni Vicecomiti Cardonensi, Petro Berge Galcerado Pinofio, Guilielmo, & Maimono Castellauliniis, Berengario Cardonæ, & Guilielmo Ragiadelio Catalanis proceribus, qui se, in expeditionem sacram proficiscentem sequi recusauerant, vt eorum contumaciam, atque insolentiam puniat, militaria beneficia adimit: eosque honoribus priuat. Arcium potestatem, quæ illis, supremo iure fidelitatis recepto, commissa fuerat, tradi edicit. Ea enim lege, ex arces, Hispano more committi consueuerant, vt earum potestas Regibus iratis, aut pacatis tradi deberet. Cum Cardonensis aliquot arces traderet, & Cardonensem, Castellauliensem, & Zatalensem, Camarasensem, & Cubelliam, tamquam immunes, & regii iuris exortes retineret, ad arma cum primoribus Catalanis proceribus deuentum est.

Lugduni, quo Gregorius X. P. M. vniuersale Concilium orbi Christiano indixerat, magnificentissimo apparatu Rex excipitur. Pontifex Maxim. sacram expeditionem aduersus Soldanum, re cum Rege, virtutis bellicæ præstantissimo, militariumque rerum scientissimo, qui tot rerum gestarum gloria se, regnumque honorauisset, consulta, atque explorata, instaurare nititur. Frequentissimo enim illo totius orbis conuentu visus est omni bellica laude dignus: & animi vigoris excellentia, exacta ætate venerandus: atque omnis ætatis, ac memoriæ Regum clarissimus.

Michaël Palæologus cum Lascaram gentem, non modo funditus deleuisset, sed Balduinum Constantinopolitanum Imperatorem auito regno, & Philippum eius filium exturbasset, vt Gregorii, Francorum Regis Caroli Siculi, qui Philippi Imperatoris generi causam tuendam summo virium conatu susceperat, classes & ingentis molitionis apparatus à Bosphori faucibus, & ipsius Imperii, & Bizantinæ ciuitatis ceruicibus terræ, marique auertat, Pontificæ Maximum ludificans, vltro nobili illa, & præclara legatione Lugdunum missa, Ecclesiam Græcam, quæ à sacris Catholicæ Ecclesiæ, & sanctorum patrum institutis defecerat, & à maiorum sanctitate paulatim impie degenerauerat, se sacrosactæ Romanæ Ecclesiæ adiuncturum, & Canonicis sanctionibus obtemperaturum spondet. In eam rem summa ostentatione se, suamque, & Constantinopolitani Patriarchæ, & totius regni procerum fidem interponit. Libet in re memorabili, & quæ ad omnes pietatis causa maxime pertinet, diutius, quam nostri instituti ratio ferre visa est, immorari. Bona enim spes, vt ille inquit, cum omnium rerum desperatione confligit. Magna iure merito summis Pontificibus illorum temporum fiducia à Michael Palæologo, Græcorum Imperatore ostentata est: quæ summo opere Christianam rem publicam erexit: Græcorum scilicet Ecclesiam laceram, & à capite seiunctam, Romanæ Ecclesiæ Catholicæ aliquando adiungendam fore. Cum vero Ecclesia nec fallat, nec vniquam falli possit, quod corde firmiter credit, & ore simpliciter confitetur, Imperatori plene à Clemente I. I. I. summo Pontifice propositum fuit: & notam esse voluit descripto vniuersis professionem fidei: quam ab Imperatore, clero, & populo exigebat. In eo summa iudicij, causaque tota constitit: vt infinitæ, concertationumque plenæ disputationes tollerentur. Ipsius Pontificis ad Palæologum verba, omni memoria digna apponenda censeo.

PORRO



P O R R O præscriptam purdissimam, cerissimam, & solidissimam orthodoxæ fidei veritatē, Evangelicæ doctrinæ consonā, à sanctis patribus traditam, & Rom. Pontificum, in suis synodis definitione firmatā, sicut nec decet, sic nec volum⁹ nouē discussioni, ac definitioni subiicere: ipsam quasi per hoc, quomodolibet contra fas, & licitum, in dubium reuocando. Ideoque licet in præfata scriptura, de conuocatione Concilii ageretur, licet pertuas præfatas literas Concilium in terra tua conuocari petieris, nos tamen nullo modo proponimus Concilium ad discussionem, seu definitionem huiusmodi reuocare. Non quod cuiusquam faciem vereamur, vel eandem sacrosanctam Romanam Ecclesiam Græcorum superari prudentia timeamus: sed quia prorsus indecens foret, immo nec licet, nec expedit in dubium reuocari præmissam veræ fidei puritatem: tot sacræ paginæ auctoritatibus, tot sanctorum roboratam sententiis, tot Romanorum Pontificum stabili definitione firmatam: pro cuius defensione: si necesse foret, parati essemus subire martyrium, & morti etiam exponere corpus nostrum: quam ideo ad præfens nequaquam auctoritatibus, quarum tamen satis copia nobis pro voto suppetere, iuuare curabimus: sed in simplicitate veridica, sic pure, sic explicite, tam prædictis tuis exhibendam nuntiis, quam tibi decreuimus destinandam.

Pia ac sancta, & summo pastore omnibus visa digna sententia. Imperator vero, qui, vt postea apparuit, vt regnum stabiliret, per scelus partum, & ad se delatum, falso religionem obtenderat: Ludouicum Francorum Regem, cuius insignis sanctitas viri per cunctas orbis regiones se effuderat, obtestatus p nuntios suos fuerat, vt ipse Rex in tam pio, & vili negotio arbitrii partes assumens, ad ipsius confirmationem sollicita pietate intendere. Clemente P. M. vita functo Episcopi, presbyteri, & Diani Cardinales, qui Viterbi sede vacante conuenerant, Idib. Martii anni M C L X X: per singula insignia loca Imperii Græcorum, viros idoneos destinari præcipiunt: per quos fidei professio sollempnis celebrari posset. At Gregorius X. summam Apostolatus dignitatem adeptus generale conciliū in K. Mai anni hui⁹ Lugdunum indixit: & indutias inter Balduinū Constantinopolitanum Imperatorē, & Carolū Siciliæ Regē, & Palæologum fieri enixe studuit: quorum classem, & militares copias Palæologus, quoquomodo, à perniciē regni, quod inuaserat, auertere concupierat. Legantur Lugdunum Germanus ipsius Palæologi nutriticius, qui Patriarchali sedi Constantinopolitanæ præfuerat: & cœnobio monachorum se addixerat, Georgius Acropolita magnus Logotheta, & Theophanes Metropolitā Nicenus, Bithyniæ primas summæ auctoritatis viri. Georgius Imperatoris nomine schisma ea formula, præfente patrum conuentu abiurat:

E G O Georgius Acropolita, & magnus Logotheta nuntius domini nostri Imperatoris Græcorum Michaelis Angeli, Ducas Comnini, Palæologi habens ab eodem sufficiens, ad infra scripta, mandatū, omne schisma prorsus abiuro: & suscriptam fidei veritatē, prout plene lecta est, & fideliter exposita, nomine dicti domini nostri veram, sanctam, Catholicam, & Orthodoxam fidem esse cognosco: eam accepto, & corde, & ore profiteor: ipsamque prout eam veraciter tener, fideliter docet & prædicat sacrosancta Romana Ecclesia, ipsum inuolabiliter obseruaturum, nec ab ea, nullo vñquam tempore recessurum, quoquo modo deuiaturum, vel discrepaturum promitto: Primatum quoque ipsius sacrosanctæ Rom. Eccl. prout in præmissa serie continetur, ad ipsius Ecclesiæ obedientiam, nomine ipsius, & meo spontaneus veniens, pro ipso, & pro me fateor, recognosco, accepto, & sponte suscipio: & ipsum omnia præmissa, tam circa fidei veritatem, quam circa eiusdem Ecclesiæ Rom. primatum, & ipsorum recognitionem, acceptationem, susceptionem, obseruantiam, & perseverantiam seruaturum, præstito in animam ipsius, & meam corporaliter iuramento, promitto: & confirmo: sic ipsum, & me Deus adiuuet: & hæc sancta Euangelia. Cum ab Innocentio V. postulatum esset, vt publice idem Imperator schisma abiuraret, suum munus exequi minime reuic: nam cum Gregorio vita functo in eodem negotio summopere Innocentius idem, & Hadrianus V. Iohannes XX. & Nicolaus III. Pontifices Maximi eniterentur, vt Græcorū natio ad sacrosanctæ fidei Catholicæ rationes piis, æquisque conditionibus perduceretur, Palæologus in pristina sententia permansit: aut belle simulauit: ac schisma publice eiurauit: vt Nicolai ipsius testimonio didicimus: quod etiam apponere operæpretium visum est.

N I C O L A V S Episcopus seruorum Dei Carissimo in Christo filio M. Palæologo Græcorum Imperatori Illustri salutem, & Apostolicam benedictionem. Sicut ex literarum tuarū magnitudinis, sedi Apostolicæ nouissime directarum, grata lectione collegimus: illud ad laudem tui nominis magis claret, immo clari fidei instar irradiat: quod ad Catholicæ fidei veritatem, quam sedes eadem tenet, & prædicat, zelo deuotionis afficeris:



AERA. » ipsam deuotus complecteris, ad eius vnitatem cunctos tibi subditos adducere satagis, &  
 NAT. » debitam ei reuerentiam inuariabili proposito conseruare promittis. Quid enim puriore  
 CHR. » luce relucet in principe, quam fidei rectæ sinceritas, & vera religio? quæ cum in luminis  
 » & vitæ diriguntur auctorem, tenebras respuunt: subiungere defectui nesciunt: nec veren-  
 » tur occasum. Probant autem laudabilem tuam in his sinceritatis affectum, eiusdem veræ  
 » Catholicæq; fidei tua fidelis, clara, & aperta professio: primatus sacrosanctæ Rom. Eccl.  
 » deuota recognitio, spontaneaue susceptio, debitæ sibi obedientiæ prompta, & humilis  
 » sponsio corporaliter à te præstito iuramento firmata: schismatis abiuratio per te publice  
 » facta: ac in earundem litterarum serie, iuxta formam per eandem sedem traditam, plene,  
 » ac seriatim expressas, quas ipsi Sedi per tuos apocripharios præsentatas, non solum ad ve- 10  
 » ritatis testimonium, sed & ad memorabile tuæ laudis præconium, tam præsentibus, quam  
 » posteris memorandum in archiuo eiusdem Ecclesiæ facimus conseruari. Sane fili dum  
 » ardorem desiderii, quod ad Latinos, & Græcos antiquo schismate separatos, in caritatis  
 » mutæ vinculo, & vnitate fidei vniendos, per sanctos patres Romanos Pontifices præ-  
 » decessores nostros est suspiratum ardentius, & labores immensos, quibus est hinc inde di-  
 » utius laboratū, memori memoria recensemus, q̃ in præmissis actū esse ab excellentia tua  
 » cōperimus, tātō votis nostris cedit acceptius, quāto solet haberi gratius, & reputari p̃clari?  
 » q̃ anxie q̃ritur, & laboriosius obtinetur. Et quidē cunctis Christianæ religionis cōmunio-  
 » nē habētibus, in his, quæ de irrogatione religionis, eiusdē cōmunionis p̃stantur excitatiua  
 » lætitiæ: sed nobis eo maioris iocunditatis, & gaudii specialior causa succrescit, quo magis, 20  
 » dum minori fungebamur officio, eorundem fuimus laborum participes, & desiderii non  
 » expertes. Quo singularius hæc à nobis ad Apostolatus culmen assumptis diligentiam pro-  
 » motionis exposcunt, quæ prius cooperationis tantummodo commune nobis, & aliis mi-  
 » nisterium exigebant. Sed & tu Princeps magnifice te lætante in his considera prædu-  
 » cem: & lætare, per alios etiam tuum imitatuos exemplum, tibi retributionis præmium,  
 » aliis concurrentibus meritis adaugendum. Considera, quod fortes animo, nec debiles vi-  
 » ribus, qui prudenter sui operis afficiuntur ad exitum, quo plus fini propinquant, diligen-  
 » tius operantur. Sed & ii, qui in agone contendunt, quo minus restat de cursus instantia,  
 » eo currere nituntur instantius: & quo de victoria magis sperant, ad brauium plus aspirant.  
 » Eia igitur & tu fili, qui tantum in te, ac aliis, & præcipue in dilecto filio nobili viro Andro- 30  
 » nico nato tuo sic desideratum dedisti principium, tantum sic accepto vnionis perutilis o-  
 » pere processisti, cum præsto tibi fatearis potentiam virium, nec promptum diffitearis, aut  
 » differri te deceat animum, insta opportune, immo si opus fuerit, & importunus insiste: in-  
 » sta: vt quod in te ipso cœpisti feliciter, in prælatis, & aliis, & ore, & opere compleatur. Sup-  
 » pleantur omnino, quæ defunt: nec vltius prætermittantur, aut differantur omissa. Cum  
 » igitur, sicut non solum famæ, verum etiam missorum dudum ad te nuntiorum ipsius Ec-  
 » clesiæ relatio perhibet, & veritas, & tua nihilominus habet assertio, quod totaliter à te  
 » huiusmodi, eiusque dependet consummata perfectio, tuæ decet esse sollicitudinis, tuæ  
 » cutæ, vt idem negotium celerem desiderate, sed proculdubio prorogate consequatur ef-  
 » fectum. Ideoq; nos, qui ad hoc summo desiderio suspiramus, tibi singulariter innitentes, 40  
 » ad id, apud tuam excellētiā, & cum ea, quin potius & per eam, apud ceteros scilicet præ-  
 » latos, ac alios exacta diligentia procurandum, venerabilem fratrem nostrum Bartholo-  
 » mæum Episcopum Grossetanum, & dilectos filios fratrem Bartholomæum de Sena mi-  
 » nistrum Syriæ, Philippum Perusinum, & Angelum Vrbeuetanum lectores ordinis Mino-  
 » rum Catholicæ fidei zelatores, scientia præditos, obseruatores voluntariæ paupertatis, &  
 » veræ humilitatis amicos ad tuam præsentiam destinamus: Celsitudinem tuam rogantes  
 » in domino nostro Iesu Christo, quatenus ipsos, ob reuerentiam Apostolicæ sedis, & no-  
 » stram, ea, quæ tantum decet principem, benignitate recipiens, illa, quæ ad pleniorē eiuf-  
 » dem negotii consummationem, soliditatem, roburq; solidius, tam per te ipsum, quam per  
 » alios facienda suaserint, clementer audias: & vt efficaciter impleatur, ad augendum retri- 50  
 » butionis tuæ præmium, & ampliandum laudis titulum operosius intendas. Ceterum mo-  
 » ram Apocriphariorum tuorum apud Sedem eandem, quam ipsius sedis vacatio tibi, vt cre-  
 » dimus non ignota, & nostræ promotionis nouitas induxerunt, habeat tuæ mansuetudinis  
 » circūspectio excusatam. Ad petitionem autem per eos, coram felicis recordationis Gre-  
 » gorio, & Innocentio: V. Romanis Pontificibus prædecessoribus nostris propositam, &  
 » nouissime in nostra, & fratrum nostrorum præsentia repetitam, credimus per speciales lit-  
 » teras eiusdem prædecessoris Innocentii plene, prout suavit facti qualitas, fuisse responsum:  
 » quam quia nulla postmodum nouitas immutauit: nec nos responsum putauimus im-  
 » mutandam. Dat. Viterbii Non. Octob. Anno primo.



Is fuit annus incarnati Verbi MCCLXXVII: necessario enim huius anni metas tran- AERA.  
scendimus. Andronicus item Palæologus Michaelis Imperatoris F. Catholicæ E. fidem NAT.  
professus, primatum eius agnoscit: & sex & viginti Metropoles, si eiusdem Andronici lit- CHR.  
teris fidem adhibere par est, cuius perfidia, & scelere, immane quantum religio violata  
fuit, Catholicæ fidei sacris sanctionibus obtemperaturas spondet. Diuina demum quæ-  
dam, & inaudita virtus Imperatoris Palæologi omnibus videri: cum nihil simile, ex o-  
mnium sæculorum memoria, post imperium tot calamitatibus fractum, & afflictum piæ  
vidissent nationes. Dum tamen quæ sua sunt quærunt, & Palæologus expeditionis belli  
Hierosolymitani sacramentum se dicturum recipit, & uti pax ab omnibus Latinis princi-  
pibus sibi præstetur, efflagitat: ut Philippi Imperatoris Constantinopolitani, Balduini Im-  
peratoris filii, & Caroli Siciliæ Regis eius affinis vim arceat, qui præpotentes eius imperio  
nimis imminere videbantur, nefarie religionis causa proditur: & gentis leuitate, atque  
insigni inconstantia, & Iosephi Patriarchæ Constantinopolitani proteruitate, & fallaci-  
is, & summo Andronici scelere atque impietate, vnius omnium nequissimi, natio ad in-  
genium versa sacra omnia fœdera religionis violat, confundit, & perturbat: & tenebris  
sempiternæ noctis offusæ eorum mentes, imbutæ inueteratæ prauitatis erroribus inuol-  
uuntur: quos summa, & sacrosancta religionis necessitudo in officio retinere non potuit.

Rege à summo Pontifice exposcente, uti coronæ regiæ insignibus eius manu decore-  
tur, id renuit: nisi tributa à patre indicta, denuo Ecclesiæ sanciantur: & quæ perfolui in  
singulos annos desita erāt, pendātur. At Rex, cum potius gloriosam mercedem, à summo  
Pontifice, pro tantis rebus gestis, & tā insigni decore Christianæ reipublicæ parto ex pe-  
tendā, quam regni maiestatem, & immunitatem se auctore minui æquum censeret: ab ea  
re destitit: & Mompellerium regreditur.

Id. Iul. Barcinone Rex edicit, ut copiæ omnes militares aduersus Cardonensem co-  
gantur. Eius expeditionis causam obtendit, quod Cardonensis Bertrandum Canelliam  
foueret: qui immane facinus commiserat: cum Rudericum Castellitolum præfectum  
Iustitiæ Aragonū contrucidasset. Cardonensis arces omnes tradit. Cū Cardonēsi contra  
Regem Solsonæ coiere Hugo Emporitanus, Arnaldus Rogerius Paliariensis, Ermēgau-  
dus Aluari F. Vrgelitanus Comites, Guilielmus Anglesola, Berengarius Puduercius, Pe-  
trus Berga Berengarius Arnaldus Anglesola, & Raimundus Anglesola.

A. D. XI. K. August. Pompelone Henricus Rex decedit, Paulo ante Iohannam vni-  
cam filiam, quam ex Roberti Atrebatensis Comitis, Ludouici Francorum Regis fratris  
filia susceperat, à Nauarris regni heredem, iurisiurandi religione obstrictis, adiscisci im-  
perauerat.

Ex Nauarris, cum summa partium contentio in republica versaretur, alii Iohannam  
regni heredem, Henrici Regis F. Regi Castellæ tradendam, & eius consilio in matrimo-  
nium collocandam censent: alii in Galliam traducendam. Plures Regem Aragonium  
ad regnum adisciscendum contendunt: Regina Nauarris tumultuantibus in Aquitani-  
am cum filia traiecit: vel iniquissimam conditionem Gallicam, iustissimo connubio Hi-  
spano anteferebat.

Rodolfo Asburgeni, omnium principum electorum consensione, excepto Bohe-  
miæ Rege, ad Imperii gubernacula adscito, & Aquisgrani diadema adepti, Gregorius P.  
M. Alfonsum Castellæ Regem hortatur, uti ea causa desistat: quod illi, mortuo comperi-  
tore Ricardo, nullum præterea præcipuum ius quæsitum fuerit. Cum Alfonsus minus  
prouidenter recepisset, pollicitusque esset, se Pontificis Maximi iudicio obtemperatu-  
rum, Gregorius Lugduni A. D. VI. K. Oct. consulto, & summo Cardinalium collegii con-  
sensu, Rodolfi electionem ratam habet: titulo Regis Romanorum cohonestat: Imperii  
principibus, ut illi dicto audientes sint, imperat: & Rodolfum in Italiam arcessit.

Nauarris ad Reginæ Pontem, id oppidi nomen est, conuentum ineuntibus, Petrus  
Regis F. Turiasonem contendit: quod Rex eo iure, quo se Sanctius Rex in heredem fili-  
um adoptauerat, promissum Regnum reperit. A. D. XI. K. Oct. Garciam Orticium Aza-  
gram, Ferrerium Manresam, & Iohannem Egidium Tarinum Cæsaraugustanum Præ-  
torem, legatos ad Nauarrorum conuentum præmittit. Regia causa de successione Pom-  
pelonenis regni allata, frequenti conuentu Azagra perorante, inuidia eorum, qui alio  
transferebant, detecta, à quissimis propositis conditionibus obtineri visa. Nam Olitum  
conuentu traducto K. Nou. spondent, se operam daturus, uti Iohanna Henrici Regis F.  
Alfonso Petri filio collocetur. Si Iohanna in eam conditionem deduci non possit, cura-  
turos se pollicentur, uti filia Iohannis Britannici Ducis, & Blancæ eius vxoris, hæc Hen-  
rici Regis foror erat, aut ex aliis Henrici sororibus delecta, Alfonso nubat: ad quos regni



AERA.  
NAT.  
CHR.

hereditas perueniat: neque permissuros, ut ex puellæ aliis principibus adiungantur. Si id vero transigi nequiret, ut aliqua ex Henrici sororibus Alfonso, fratrive Alfonso nubat; CC. M. marcharum argenti persoluturos in eos sumptus, quos in regni Pompelonensis propugnatione Petrum expedere oporteret, recipiunt. Ex Nauarris proceribus, & primariis viris, qui se sponsione Petro Regis filio his conditionibus deuinxerant, hi feruntur: Petrus Sanctius Montacutus, qui Calcanti dominabatur Regni gubernator, Gonzaluus Iohannius Baztanus Regni signifer, Garcias Martinus Lupezus & Martinus Innicius Orisii, Aluarus Perefus Rada, Petrus Zapata, Roldanus Perefus Daranus, Martinus Valterra, Martinus Garcesius Eusa, Gomezus Perefus Arronizius, Simon, & Rudericus Simenius, & Iohannes Martini<sup>o</sup> Ollere, Aznarius Innici<sup>o</sup> Corellia, Petrus Martini<sup>o</sup> Mualua, 10 Didac<sup>o</sup> Martinus Morétius, Egidius Martinus Aiuar<sup>o</sup>, Martin<sup>o</sup> Diacius Mirafontius, Lupus Innicius, & Adā Sadā, Gōzaluus Perefus Azagra, Alfonso Diacius Morétius, Arnaldus Raimundus Mauleo, Rudericus Sanctius, & Didacus Perezus & Roldanus Perezus Sotefii, Rudericus Lupezus Marzilla: aliiq; plures ciuitatum procuratores. Hec & si iurisiurandi religione a Nauarris sanciantur, inania, & irrita euasere: quod Philippus Francorum Rex Iohannam Henrici F. nutum sibi adoptauerat: & breui Nauarrorum animis partibus infectis, & præcipuis arcibus a Regina Franco traditis, eius regni potitur. Petrus vero iam dudum tacita consilia alio deriuauerat.

Ferdinando Sanctio Regis F. qui coniurationem nobilitatis fecerat, & plebi maxime acceptus erat, Cardonensi, & aliis Catalanis, & Aragoniis proceribus adiuncto, ac 20 magnas turbas miscente, Petrus oppida fratris oppugnat: & militares aduersus eum copias cogit. Cardonensis, & Hugo Emporitanus, Arnaldus Rogerius Comes Paliariensis, ac pene vniuersi Cataloniæ proceres a regio dominatu se subtrahunt: atque Regem de more, prouocant: quos ad se æquis conditionibus perducere studet: ne ad grauiora supplicia progredi necesse habeat: non ignorans, quanta ex dissensionibus ciuilibus incommoda oriri consueuerint.

A. D. XIII. K. Dec. Barcinone x. dierum cum proceribus induciæ fuere pactæ.

A. D. VIII. K. Dec. Barcinone res eo deducitur, ut Ferdinandi Sancti, & eorum procerum, qui eius sectam sequuntur, nuntii a regio dominatu eos subtrahi, ipsi Regi contestentur. Inde inducias paciscuntur: & maioribus indies odiis aula regia exardescit, & fratrum dissidio cōcutitur. Cardonensi Vicecomiti, & reliquis proceribus a Rege dissidentibus, ut eos ad se alliciat, iudices dati Archiepiscopus Tarraconensis, Gerundensis, & Barcinonensis Episcopi: & Fontis frigidi Abbas: totidemq; proceres Raimundus Montcada, Petrus Vergua, Gaufridus Rocabertinius, & Petrus Queraltus: conuentuq; procerum Ilerdam indicto, de iudicum sententia controuersias omnes decidistatuit. 30

Rex acta ferme ætate, a pacto cum Theresia Egidia Vidauria nobilissima: femina connubio diuerit. Cū ecclesiastico iudicio ex nuptiæ legitimæ fuisse decerneretur, Rex Pontificē appellat. Satis cōstat Iacobū, & Petrū filios siue casto eo cōiugio siue cōtubernio genitos a Rege in testamēti tabulis, quæ Mōpellerii A. D. VII. K. Sep. anni MCCLXXXII. cōscrip. e fuerant, legitime susceptos ex domina Theresia Egidii de Vidaure commemorari: 40 & legitimis filiis, posterisque eorum virili pro legitime natis in hereditario regni iure substitui: & nepotibus Reginarum Castellæ, & Galliæ, & Constantiæ filiis anteponi. Iacobū F. Exerica, Tauro, Eßida, Beho, Ahino oppidis, atque arcibus donat: & alia oppida contribuit: Petrus vero Aierbio, Lusā, Ahuero, Liso, Artasso, Castellione, Sieftico, Borota, Azuere, Cabatraiis, & Binimiēna oppidis, arcibusq; donatur. Inde Exericarum, & Aierbio-orum admodum amplæ, & regales familiæ fluxere.

1313.  
1275

Alfonso Castellæ Rex in prouinciā Galliā ad Gregorium P. M. proficiscens, Barcinone festum natiuitatis Domini diem vna cum Rege socero celebrat: non tamen eius saluberrimis cōsiliis, atque monitionibus mouetur, quin re iam desperata, & præiudicata, imperii causam vrgueat: & summum Pontificem intempestiuus conueniat: præsertim 50 cum Regem Francorum adeo infestum, & inimicum vereretur, ut fide publica iter peragere, fuerit necesse.

Sacro Epiphaniæ die Raimundus Pennafortius Barcinone, in cōenobio Prædicatorum è vira excedit: cuius summæ religionis, & veteris sanctitatis nullum illustrius exemplum illa tempora in Hispania tulere. Eius funere Reges, & Regum filii, & ingēs principum turba, ad exequias cohonestandas conuenere.

A. D. VII. K. Feb. Barcinone Rex Ilerdam Catalanorum, & Aragonensium conuentum in A. D. II. quadragesimæ ieiunium indicit. Proceribus amicis, ac natu maioribus in consilium adhibitis insaniēti seditioforum procerum temeritati obuiam it: quarum 60 pri-



principes erant Vicecomes Cardonensis, Emporitanus, & Paliariensis Comites, Ferdinandus Sanctius Regis F. Artallus Luna, & Petrus Cornelius. Hi cum affectatoribus conuentus decreta subterfugientes Corbinū secedunt. Populos, qui trans Sicorim incolunt, ad suam sententiam, & in patem iuris, & libertatis conditionem, atq; ipsi versantur, perducere nituntur. Conuentus dirimitur. A. D. II. Id. Mai Ilerdæ Rex Hugoni Emporiarum Comiti se infersum, atque inimicum, de more denuntiari imperat: & à Iacobo F. illi bellum inferri. Petrus Regis F. patris imperio, aduersus Ferdinandum fratrem, & proceres tumultuantes bellum gerit. Cum Ferdinandus animo præruptus, & præceps, earum seditionum præcipuus stimulator, & concitator esset, & mobilitate, & leuitate animi nouis rebus studeret, neque indutiarum, eis per scelus violatis, iura seruarentur, à fratre in Pomarium castellum inclusus, cum commutata persona eripere se niteretur, ex insidiis capitur. Petrus in fratrem grauius statuens, poena postremæ desperationis, atque amentię constituta, in Cingam amnem demergi imperat: oppida, atque arces omnes Ferdinandianæ Petro deduntur. Ferdinandus ex Aldoncia Vireæ vxore Philippum Ferdinandum filium reliquit: qui paternam hereditatem redditam, atq; restitutam postea adiit: & ex ea stirpe Castrorum familia regia, & illustris propagatur.

10 Multiplex inde excitus terror, omnes Hispaniarum oras concussit: quod Abeniuceffius Maurusiorum Rex à Granatensi Rege arcessitus fratrum innumerabiles copias traiecisset, & Hispalensem tractum incurreret. Granatensis Iacensibus finibus bellum 20 infert Nunnius Larenis, adeo spectatæ virtutis dux, vt maximum munimentum rerum Regis peregre profecto, esset, ad Astigim cum Abeniuceffio dimicans interimitur: eiusq; copiarum occisione cæduntur. Maio mense eam pugnam commissam ferunt: qua plures bello, ac militiæ spectati viri, ducesque periire.

Dum hæc in Turdetanis geruntur, Sanctius Toletanus Antistes Regis Aragoniæ F. ex Carpetanis iuuentute excita, subsidiarias copias educens, Castulonensi saltu transscenso, Iacensibus bello occurrens, ac Larensi adiungi sperans, in victorem hostem incidit. Cum hostibus raptim, & turbate decertans, nostrorum copiis profligatis interceptus, dū hostes de opimis spoliis ferundis, & captiuo Imperatore ducendo, inter se dimicant, Sanctius tragula confixus cadit. Nec satis stolidæ crudelitati barbarorum visum: caput, & 30 manus pontificis annulis præfulgens præciduntur. Summo in discrimine, & incredibili rerum perturbatione omnia versantur.

Iunio mense Rex Hugonem Emporitanum Comitem in Indigetibus bello persequens, Rhodam inclusum obsidet: & ad deditionem compellit.

Tantīs subito difficultatibus subortis, Augusto mense, Villaregali Ferdinandus Regis Castellæ F. primigenius, omnis spei extremum & commune solatium, & regni columen, atq; subsidium e vita excedit. Omnia obrui visa ni vnus vir ingentis animi obstitisset, Sanctius Ferdinandi frater iuuenis acer, & expertæ virtutis: qui ruentibus rebus, patriæ opem ferens, vnicum præsidium fuit.

Ilerdæ Alfonso Petri F. Regis N. ab Aragonensibus, Catalanis, & Valentinis proceribus, & ciuitatibus iurisiurandi sacramento, vt legitimus heres, & regni successor futurus auo, & patre vita functis, renuntiatur: & in eius verba omnes adiguntur.

In hac tantarum commotione rerū Petrus Regis F. tot rebus aduersis, ad caput belli subsidio properans, M. equitum, & V. M. peditum coacto exercitu, Granatensis regni fines inuadit: & Almeriensem agrum incurrit. Granatenses copiarum primo quoq; tempore Malacensibus auxilium ferunt: & Abeniuceffius ab eis se deferi vicens, Algeziram freto adiacens oppidum regreditur.

Montefani, qui per se antea Regi infideles erant, Abeniuceffio bellante, & tot prosperis successibus elato, atque ruente, aperte bellum parare incipiunt: & aliquot castella 1314. 1276 præfidiis firman. Noui Maurorum exercitus exorti ad populandos fines, per Contestanos in Ædetanum agrum transcendunt.

Valentinis tam interno motu concussis, vt prope illatum mœnibus ipsis bellum videretur, repens hostis Regem ipsum exacta ætate ductorem quærebat: & quauis in morbum incidisset, & satis vehemeter, diuq; ægrotasset, multis bellis eius gentis infidelitatem expertus, cū etiā plures annos eorum vim, atq; audaciā sustinuisset, Valentini A. D. III. Id. Mart. militares omnes copias cogit: & Aprili mense Algeziram progressus, inde Setabim copias educit. Hostes Alcoium oppugnant: & in ea oppugnatione Alazdrachus ille primus defectionis auctor interimitur. Nostri non satis sibi facientes, quod virili animo oppidum propugnassent, hostes persecuti, cum primæ eorum turmæ insidias intrauissent, ad vnum omnes interimuntur. Is dies, Martis fuisse constitit: adeo nostris longe grauiissi-



AERA.  
NAT.  
CHR.

mus fuit, vt Setabitani eum, tanquam funestum reipublicæ obtestetur. Prælio equestri maxime aduerso facto, nostris magnæ hostiû multitudinis aditu perterritis, turmæ Maurorum equitum, perceleri cursu, vltro, citroque magnas strages edunt.

Petrus Moncada Templariorum Magister, Garcias Orticius Azagra, & alii proceres ad Lucentum cum hostium copiis D. equitum, & III. M. peditum pugnam conferunt. Nostri ceduntur: atq; ingens fit Setabitanorum cædes. Azagra interimitur: & Moncada in hostium potestatem recidit.

Rege Setabi Algeziram regresso, cum grauius morbo affligeretur, & mortis periculum instare videret, imperium deponere statuens, regno se abdicat: eo consilio, vt Populetensi cœnobio D. Bernardi institutis initiaretur. Regnum filio tradens, hortatur, ita rem publicam capeßat, vt quam in fortunam, & in quam amplitudinem regnum deduxerit, semper meminisse velit.

A. D. VI. K. Aug. Rex Valentiam delatus è vita excedit: cuius res gestæ, & gloriosa facta, si animi virtute, & robore expendantur, omnium iudicio haberi possit Rex vere principum maximus: cuius tanta vis animi fuit, vt nemo eo fortius, aut bella susceperit, aut pro regia dignitate gesserit: perfecitve. Eiusdem ætatis scriptor memoriæ prodit, regno tot bellis, atq; victoriis parto, religionis cultus adeo ab Rege propagatos fuisse, vt ad duo millia fanorum, & delubrorum fecerit. Triciens cum impiis hostibus signis collatis manum conferuit. Quatuor filiorum legitima prole deficiente, Iolantis, Constantiæ, & Isabellæ filiarum liberos ad regnum, exclusis matribus, arcessit. Ex nobili præterea muliere Berengaria Ferdinandia Petrum Ferdinandium filium susceperat: quem Ixeritana ditione donat: hinc Ixeritanæ stirpis splendida familia fluxit. Constantiam, & Sanctiam grandes, & nobiles filias suis conditionibus cû tradere vellet, Constantia Emmanueli Regis Alfonsi fratri nubit. Sanctia vero, cû se totâ diuino cultui addixisset, & ppetua cura sollertia sacra obiret, eadē regali psona deposita, nemini nota, aut manifesta, Hierosolymâ profecta, ad sacrosanctû domini sepulchrû, in peregrinos pauperes, & ægritudine cõfectos summe hospitalē se p̄buit: cuius obitu, insignia eius sanctitatis miracula eluxere.

Augusti mensis fine Petrus Regis F. trium mensium inducias cum rebellium Montefanorum ductoribus paciscitur. Ab earum induciarum iure plures arces excipit: quo hostes omnes suas fortunas contulerant. Valentie, rebus bellicis cõstituendis, atque collocandis tempus omne in Octobris mensis finem consumit: non tamen regium nomen vsurpat, quoad de more, coronatus regalibus insignib⁹ decoretur. Quod bellû cû Nauarris gereretur, Borgiæ Regni finibus primariû ductorē Lupum Ferrenciû Lunâ præficit.

Segouiz Areuacorum vrbe conuentu coacto, Alfonsus Castellæ Rex Emmanuelis fratris, & Lupi Diazii Pharenfis Viscari domini, & aliorum procerum consilio, & suasionē, Sanctium F. regnorum heredem renuntiare imperat: magna Petri eius affinis querela: quod Alfonsus Ferdinandi primigeni F. regni successionē exurbaretur: & ab aucto Sanctius nepotibus esset antepositus. Ob eam causam, cû Sugerius Calatrauensis Magister, & Iohannes Arias ab Alfonso Rege Valentiam ad Petrum legarentur, vt vetustorum fœderum iura, regnum adeptus sanciret, in id tempus reiicit, quo regni munia procerum consilio coronatus obiret.

A. D. XVI. K. Dec. Cæsaraugustæ in æde sacra Saluatoris Petrus, & Constantia eius vxor, regio apparatu, & ornatu, diadema suscipiunt: & sacro oleo à Bernardo Oliueliæ Tarraconensi Antistite peruncti regalibus insignibus decorantur. Cauet Rex posteris suis: & ante impositum diadema obtestatur se ab Archiepiscopo Tarraconensi, ea conditione coronam non suscepturum, vt Ecclesiæ adesse cogatur, aut vt illi oblit: ne se tanquam Ecclesiæ dediticiû, aut stipendiariû vltro profiteatur: quod à Petro Rege aucto vsurpatum, & inductum regni proceres conquesti fuerant. His sollempnibus publico in conuentu celebratis proceres, & ciuitates regni Alfonsum Regis F. iurfiurandi religione obstricti regni futurum heredem, & successorem profitentur.

Peracto conuentu Rex Decembri mense nondum decurso, Valentiam proficiscitur: vt belli rationibus consulat: aut sicubi esset, auertat.

PETRVS III. MAGNVS XV. REX  
ARAGONIÆ.

IACOBVS II. BALEARIVM REX.

Fortunius Ahenes Præfectus Iustitiæ Aragonum.

1315.  
1277

Iolans Regina Castellæ Petri Regis soror Guadalaiarum suę ditionis oppidû venire simulans, regni fines egressa Farizâ contendit: Blancâ nurum, & Alfonsum, ac Ferdinandû nepo-



nepotes secum educens: quorum se incolumitati consulere palam profitetur: quod Sanctius eorum patruus viuente patre suo, eorum auctorem rerum potiretur. Rex Valentia eo emigrat: ut sororem inuisat.

AERA.  
NAT.  
CHR.

A. D. VI. Id. Ian. Rex Segouienſi Episcopo, repentinæ sororis profectionis consiliū patefacit: seque operam dedisse, uti soror, sororis nurus, ac nepotes in potestate Alfonsi Regis ne essent: quod Sanctius regia iura, viuō parente inuasisset.

Alfonſus Rex ira, & furore percito commotus, Fredericum fratrem interimi, & Simonem Ruizium Camerensem, principem virum, Frederici generum viuū comburi imperat: consilii profectionis Reginae participes, & nouandarum rerum auctores: eoque patrato facinore, cum ingenti periculo, in vltimum rerum suarum discrimen ruit.

Auertit ab eis curis Aragonium Regem ingraueſcens bellum: & Aprili mense Mauris, qui defecerant, bellum infert: & eorum agros depopulatur. In Montefæ arcem munitissimam circiter xxx. M. virorum includuntur. Montefam castris circumſidet. Propugnatores virium numero confuſi, crebris eruptionibus nostros percellunt.

Montefani assiduis oppugnationibus compressi, cæteræq; rebelhū arces auxilium desperantes, Regi se obtemperaturos pollicentur: & in deditionem, potestatemq; A. D. III. K. Oct. rediguntur. Nam & si Rex tanta ira, odioq; bellum gerit, ut victis interitum minetur: bellum, quod instaret intuens, in deditionem accipit.

Vix dum depositis Montefanorum armis, nouus minime idoneo tempore tumultus exoritur. Rogerius Bernardus Fuxensis, Arnaldus Rogerius Pallariensis, & Ermengaudus Vrgellitanus, Aluarus Ermengaudi frater, Raimundus Fulcho Cardonensis, Bernardus Rogerius Erilius, Raimundus Anglesola: Guilielmus Raimundus Iossa: & alii Cataloniæ proceres, homines, nō tā parendi, quā bellandi cupidi, cū proximis ciuitatibus pacē, & amicitia cōciliant: cōfirmatq; ut Regi bellū denuntient: atq; inferant. Foedere ciuitatibus adiuncti, ut se sequantur pſuadēt: magna; Cataloniæ pars viriū, & armorū cōcitatione cōmouetur. Eā tumultus causam prætexūt, quod Rex adepto regno, cōuentū Barcinonē nō indixisset: neq; mores, atq; instituta maioriū à Barcinonēſib⁹ Comitib⁹ sancita, firmasset. Bernardus Dezclotius eiufdē ætatis scriptor memorat, Regē contendisse, ut aliquot instituta, quæ corruptela malæ consuetudinis deprauata fuerant, abrogarentur, tollerenturq;.

30 Rex festum natiuitatis Domini diem Valentia celebrat. Calataiubium proficiscitur. 1316.  
Arces, & castella finibus regnorū opposita præſidiis firmat. Farizæ arcis, insigni regni propugnaculo exteris nationibus obiecto Rudericus Gonzaluius Funes præſicitur. Vndiq; noui motus nuntiantur: omnia; inde suspecta erant. 1278.

Quod Sosenſes, & Filerenſes de finium limitibus cum Sagueſſanis decertant, Rex indutias cum Eustachio Belmacho regni Pompelonensis procuratore paciscitur.

Irene Lascaris Theodori Lascaris Græcorum Imperatoris F. Guilielmi Intemelii Comitissæ vxor Calataiubii Regem inuisit.

Id. Apr. Valentia Rex Episcoporum, procerumq; omnium conuentum à Resurrectionis festo die in tres hebdomadas Tarraconem indicit: ut inde Valentiam profecti, patris corpus Populetum tumulandum deuehant: magna; exequiarum, Pompæ, & laudationis celebritate translato, iusta funera apparatu regio magnifice peraguntur: & sepultura, cum ciuitatum legati supremo, erga memoriam Regis, munere fungerentur, de more perficitur. Summus memoriæ, ac nominis honos habetur.

Alfonſus Castellæ Rex summe enititur, ut Iolans Regina vxor, & Alfonſus, & Ferdinandus nepotes ad se deducantur. Legatis vltro, citroq; ea de re crebro commeantibus, cum tandem Emmanuel Regis Aragonii affinis, qui eam curam enixe susceperat, ut Sanctium in regni successionē stabiliret, & Alfonſum, & Ferdinandum Alfonſi Regis nepotes auita regni hereditate auerteret, Turiasone Regem conuenisset, in eam pactionem deuentum est, ut Iolans ad virum reuertatur: nepotes, Regis Petri custodia attineantur: 50 quod Sanctius summopere curat, ne in Galliam ad auunculum Regem deuehantur. Iolans ad virum ingratis decedit: quæ magnorum Regum filia, vxor, & parens, summo dedecore, impudiciæ famam effugere non potuit.

Rex inexpiabili bello proceres persequitur: nemini enim dubium erat, quin omnium consensu dux in eos destinaretur.

A. D. V. Id. Iun. cum Agramontem Ermengaudi Vrgellitani oppidum Rex obsideret, Henricum Rhodensem Comitem commoneri imperat, ut in aula Regia se sistat: atque Carladenſis ditionis suprema fidelitatis iura, & summam potestatem Regibus exceptam sanciat: & tributa persolui desita pendat.

Rex, ut Fuxensem ad se pelliciat, qui nobilitate, potentia, & virtute bellica omnibus



AERA.  
NAT.  
CHR.

præstat, & late in Catalonia potens pollensq; dominatur, operam dat, vt Constantia Comitiss filia natu maior Iacobo filio suo nubat.

A. D. III. K. Id. Dec. Agramonte cum Rex Ermengaudus, ad pacis condiciones ditionemq; spem non ademisset, & ad imperium demum redeisset, ditionem omnem Vrgellitanam, eiusque iura, interuentu Fuxensis attribuit.

A. D. XIX. K. Ian. Ilerdæ Rex ditione omni, quam in Ripacurensi, & Palliariensi regione obtinere potest, à Gessais montibus, qui Tamarito imminet, Pyrenæum versus, & quæ Cinga, & Nocharia Palliariensi fluminibus continetur, adiunctis castellis omnibus, atq; arcibus, regii domini Iacobum filium donat: si Fuxensis filia in matrimonium illi collocetur. Fuxensis filia Castellboni Vicecomitatû dotis nomine dicitur hereditateque Fuxensis ditionis instituere pollicetur. Sed ex pactioes quæ interuentu Pontii Hugonis Emporitani, & Arnaldi Rogerii Palliariensis Comitum, Raimundi Peraltæ, Pontii Rubeilæ & Petri Martini Artassonæ constitutæ fuerant, dirimuntur: & Fuxensis denuo a Rege dissidet.

1317.  
1279

Cum inueterata ira Rex Iacobum fratrem Balearium Regem prosequeretur quod immensa ditionum assignatione, quibus à patre donatus fuerat, indigne se priuari doleret & iuribus se fraudari egre ferret, quibus Fuxensis, & Emporitanus Aragoniis Regibus obstringebantur, & Perpinianum improuisus iniisset, in eam pactioem, A. D. XIII. K. Febr. deueniunt. Assidente Rege in regali folio, in cœnobio Prædicatorum Iacobus supremam regni Balearium potestatem, & adiacentium insularum, Ruscinonensis, Cæretanæ, Confluentiæ, Vallespiriæ, & Iliberitanæ ditionis, adhuc Vicecomitatum Omeladæsi, & Carladæsi, & arcium omnium potestates Mompelleriensis ditionis Regi addidit, atque attribuit. Melgoriensis Episcopi iura excipiuntur: & aliorum oppidorum recens quasitorum. Se, posterosque Balearium Reges fideles, subditicios, & dicto audientes Aragoniis Regibus constituit: traditurosque spondet iratis, aut pacatis Aragonum Regibus Maioris Balearium urbem, Cæretanam arcem, & Perpinianum. Obstringitur præterea sacramento, posteros Reges Balearium, conuentibus Cataloniæ indictis, si accesserentur, interfuturos: modo in Maiore insula, id temporis non commorentur, resideantve. Ruscinonensi in ditione nummos Barcinonensis notæ, nulla ponderis deminutione expendendos recipit. His constitutis conditionibus, Rex donationes à patre factas confirmat: Iacobo palam conquerente, & se indignum ducente: quod graues leges imponerentur à fratre: cum eas ditiones immunes, & nullius imperio, potestatiue addictas à patre suscepisset: vetusque ea suscepta simultas facti indignitate augetur: & plurium malorum causa existit: cum fraternum odium indies ingrauesceret. Balearici Regis nomine fidem suam sacramento obstringunt, curaturos se, vt Balearii Reges his legibus obtemperant, Fuxensis, & Emporitanus Comites, Dalmatius Rocabertinus Vicecomes Castellionoui, Raimundus Durgius, Guilielmus Canetius, Bernardus Hugo Serralonga, Dalmatius Castellinoui, Pontius Zagardia, Arnaldus Corsaius, & Guilielmus Sous: & procuratores Perpinianenses, & Balearici.

A. D. XVIII. K. Octob. inter Requenam, & Bupiolium Rex, & Sanctius sororis F. congressi, artiori fœderis vinculo adiunguntur. Inde Rex in Cataloniæ festinanter proficiscitur: vt tumultuantibus proceribus obuiam eat.

Conradus Lanza Regiæ Constantiæ propinquitate adiunctus, regiæ classis præfectus Mirabusacium, qui Tunetano regno exactus à fratre fuerat, distractis Africa viribus, fraudem hostium vlciscens, cum potior retinendo regno visus esset, nostrorum militum copiis, ad regium imperium regniq; possessionem deducit. Inde cum Africa, & Mauritaniæ oras 111. longis nauibus præteruehitur, ad Alhabibam insulam Mauritaniæ litori adiacentem cum x. longis Maurorum nauibus congressus, pugna commissa, profligatis, & deuictis hostibus, eorum nauium potitur.

A. D. XI. K. Decemb. Francorum, & Castellæ Regum legati Valentia Regem conueniunt. Hi principes super Castellæ regni successione dissidentes, vnusquisque Regem ad se trahere nititur.

Eadem die Rex Iacobum Peresum filium ex Maria Nicolosia concubina genitum Segorbiensi vrbe ac ditione donat: & Sanctiam Ferdinandi Diazii filiam in matrimonium illi collocat.

A. D. VII. Id. Dec. Tarracone Bernardus Tarraconensis Archiepiscopus, Arnaldus Barcinonensis, Bernardus Gerundensis, Raimundus Ausetanus, qui se Vicemsem cognominat, Guilielmus Ilerdensis, Petrus Vrgellitanus, Arnaldus Dertosanus, Petrus Cæsaraugustanus, Iacobus Oscensis, Iaspertus Valentianus Episcopi, ite Abbates & alii prælati, qui concilium

ea vr.



in vrbe celebrant, totiusque consilii vniuersitas enixe litteris Nicolaum P.M. deprecantur, uti Raimundi Pennafortii viri sanctissimi memoria sua certa, destinataque sententia, NAT: religione omnium consecratur: aræq; ei inter diuos rite sollempni precatione statuuntur: CHR: cuius sanctitas viri insigni splendore apud omnes nationes præfulgeat.

Dionysius Portugallæ Rex Alfonsi Castellæ Regis nepos, qui superiore anno patre 1318: vita functo regnum adeptus fuerat, legatos Iohannem Vellum, Iohannem Martinium, & 1288: Blascum Peretium ad Regem mittit: & Isabellam Regis F: maiorem natu, sibi in matrimonium collocari exposcit.

Quod Fuxensis Comes CCC. equitum, & VI. M. peditum copias coëgisset, & proceribus Cataloniæ adiunctis bellum virgueret, Rex cum longius eorum amentiam progredi videret, magno comparato exercitu, Iunio mense, repentinos eorum impetus coercens, Fuxensem, Palliariensem, Vergellitanum, & Cardonensem Balaguerium includit. Vna in oppido inclusi obsidentur primarii proceres Pontius Ribellias, Arnaldus Rogerius fratris Palliariensis Comitis F. Raimundus Abella, Petrus Iossa, & Guilielmus Cane-rius Rocafortius. Cum eam animorum concitationem Regis aduentus fregisset, & intentior in mœnia hostium versus, viis omnibus obsessis, haud procul iusto prælio res esset, ac vi maiore indies obsiderentur, Regi, qui obsessor restiterat, & castris urbem circumfederat, breui ad spem euentus respondet. Nec spe, nec animo certiore se, proceres suaque omnia in fidem, atq; potestatem regiam permittunt: quos cum Alfonso filio tradi imperasset, in Ilerdensi arcem contruduntur. Fuxensis seditionum auctor, & princeps valde pertinacis, & obstinati animi vir, in Siuranam arcem traductus, longo temporis spatio, dura vinculorum custodia continetur.

Cum Philippus Francorum Rex Alfonso Regi nulla ratione suadere posset, ut cum filio, ac nepote regna partiatur, neue nepotem regno exheredet, cum Aragonum, & Baleariū Regibus Tolosæ concreditur. Recipit Francus Mompellerii dominatus iura integra Regi reueruaturum: neque permutationis causa, cum Magalonensi Episcopo factæ, ius aliquod in eam ditionem quæsiturum: neque de liberandis Alfonso, & Ferdinando fratribus, Regis Castellæ nepotibus, quidquam eo in colloquio transigitur.

Sanctius Alfonsi Regis F. regni cupiditate inductus, quod viuentis patre appetierat, Gonzalum Ruizium Gironem Vicesum Magistrum, & Marchionem Monferratensem suum affinem ad Regem legatos mittit: qui operam dent, ad colloquium cum patre deueniat: sperans in eo congressu successionem regni, auunculi consiliis stabilire. Leuitatis enim paternæ, & inconstantia gnarus, magnopere veretur, ne aliquorum procerum suasu labefactus regna cum nepotibus parti vellet: quod proceres eum regni statum sibi apprimè accommodatum, atque obnoxium fore vident.

A. D. VI. K. Apr. facta colloquia, è rebus publicis, ut prætenderant, non incommoda, ab Aragoniæ, & Castellæ Regibus ad Campillum in ipsis regnorum finibus, loco inter Turiasonem, & Agredam interiecto Castellæ Regem ad colloquia proficiscentem comitantur. Emmanuele eius frater, Sanctius, & Iacobus Regis filii, Iohannes Alfonsus Pallatinus, Petrus Ciuitatensis, & Ferdinandus Gaditanus Episcopi: Guilielmus Marchio Monferratenis: qui Beatricem Regis Alfonsi F. uxorem duxerat, & Iacobum Affinem generum sibi adsciuerat, Alfonsus Alfonsi Infantis Molinæ F. Iohannes Alfonsus Pharenis, Iohannes Gonzaluus Baztanus, Munio Diacius Castaneda, Sanctius Martinus Leua, Gonzaluus Garcias Strada, Tellus Gutterrius iustitiæ domesticorum Regionum præfectus, Garcias Gaufridus Loaisa, & Garcias Perezus Dambrius. Aragonum Regem affectabantur Alfonsus, & Iacobus filii: Garcias Episcopus Turiasonensis, Bonanatus Nuntius Apostolicus, Petrus Costa electus Segorbiensis Episcopus, Hugo Meraplana Præpositus Massiliensis, Magister Arnaldus pro Cancellario Regis, Petrus Ferdinandus Ixeritanus, Iacobus Exerica, & Petrus Aierbius Regis fratres, Castellinoui Vicecomes, Guilielmus Raimundus Moncada, Artallus Luna, & Lupus Ferrencius Luna eius frater, Petrus Cornelius, Petrus Moncada, Bertrandus Belpucius, Sanctius Antilionius, Gilabertus Cruillas, & Rudericus Simenius Luna. Cōuenit, ut Nauarræ regnum inter se partiantur: & ad eam pactiōem consulto venit Sanctius: & Aragonio auunculo iure Nauarræ regni cedit. Pollicetur Alfonsus Rex, se non permissurum, ut Berengaria filia Philippo Balduini Constantinopolitani Imperatoris filio, Caroli Siciliæ Regis affini nubat. Sanctius Albarrazinum urbem, eiusque ditionem regni Aragonum iuris, potestatisq; esse, seorsim auunculo sancit: probatque. Ex eo pactiōum, colloquiūq; foredere ad id recisū est, ut Alfonsus, ac Ferdinandus Regis Castellæ nepotes in Setabitana arcis custodiā intrudantur. Arces Podiana, & Ferrelionia, & fines Puteolani, de quib. Reges



AERA.  
NAT.  
CHR.

controuerfabantur, iudicio Martini Romæ Veræ Prætoris Calataubienfis, & Sancti Martini Leuæ, & Gonzalui Pereſii Episcopi Segouienſis Aragonio regno adiunguntur. Pollicetur præterea Castellæ Rex ſe Aioram, Palatiolos, Thereſam, Xeram, & alia oppida cum Aiorenſi valle Regi poſteriſq; Regibus traditurum: quæ Emmanueli fratri condonauerat. Emmanuelem Eſcalonæ oppidi compensatione leniunt. Inde Reges Agredâ contendunt. Iohannes Nunnius, Larenſis, & Iohannes Nunnius, & Nunnius Gonzaluius eius filii, quos ex Thereſia Aluari Azagra vxore ſuſceperat, & Aluarus Nunnius, & Ferdinandus Perezus Pontius, quem Aragonius Rex affluentibus copiis locupletauerat, Alfonſi, & Ferdinandi Regis Castellæ nepotum iura, & cauſam palam tuentur: ac ſuſtinent.

Petrus Martinius Artaffona Præfectus Iuſtitie Aragonum.

Iſabella Regis F. Dionyſio Portugalliæ Regi nubit: quam Michael Palæologus Imperator Andronico filio collocari ambierat. Conradus Lanza, & Bertrandus Villafranca Eccleſiæ Tarraconenſis camerarius in Portugalliam legantur: vt Regis Aragoniæ nomine Dionyſium Regem, & Alfonſum fratrem eius germanum: qui in armis erant, & acerrime inter ſe præliabantur, ad concordiam deducant.

Cum Alfonſus Rex promiſſorum, ac pactorum, ad Campillum conuentorum immemor, Berengariam filiam Philippo Imperatori Balduini F. in matrimonium dare conſtitueret, Rex legatum ad eum mittit Andream Prochyram: vt à ſententia deterreat.

#### SICILIENSE BELLUM.

Maiores, & magis aſpera aggredi, Regi tempus viſum eſt. Nam ab anno MCCLXXVII. ad LXXX. aſſiduis internuntiis Iohanne, & Andrea Prochytiſ fratribus, tanti facinoris miniſtris, & ſatellitibus fœdus arcanò iſtum inter Nicolaum III. P. M. ex Vrſinorum gente præſtantis animi virum, & Michaellem Palæologum Imperatorem, ac Petrum Aragonum Regem, tam longe locorum interuallo diſiunctos aduerſus Carolum Regem, pactone regni Siciliæ ſancitur: ingenti, vt ferunt, pecunia Regi, ad neceſſarios belli ſumptus corrogata. Regem ad eam expeditionem obeundam cohortantur, ac de ſua opera prolixè pollicentur inter proceres Italos inſignes in Etruria, & Gallia Ciſalpina viri, Marchio Monferratenſis, Guido Nouellus Comes, Conradus Antiochenſis Frederici Imperatoris nepos: qui Galbani Comitſ F. duxerat: & Guido ex Monte Feretrio. Nicolao breui vita functo, Martinus IV. ſufficitur: qui ſe Carolo Regi addicit. Siculi obſtinate Caroli imperii iugum repellere nituntur: quod auare, ac ſuperbe imperitatum ſibi quereretur: cum Carolus pæne totius Italiæ imperium obtineret.

Rex Hugonem Mataplanam ſacri ordinis virum, in primis nobilem, & induſtrium ad Summum Pontificem legat: legationiſque cauſam præten dit, vt totius regni nomine expoſcat, vt Raimundum Penafortii ſanctiſſimi viri memoria conſecretur: & in diuorum numerum referatur: Pontificiſque Max. mentem exploret: à quo indigne, & accipitur, & reiicitur: cum Nicolaus de conſecratione anquirendum conſtituiſſet. Boqueron Conſtantini Africæ populi regulus, Bugienſis Regis F. auxilia regia aduerſus fratrem implorat: polliceturq; Conſtantinam urbem Regi traditurum.

A. D. VIII. K. Iun. Rex Cardonenſem, & Palliarienſem, reliquosque Cataloniæ proceres ſacramento alligatos, deuinctosque in poteſtate habet: vnaque complexione ſibi obſtringit: Fuxenſi, Vrgellitano, Aluaroque Capreræ Vrgellitani fratre exceptione reiectis: à quibus fidem ſæpius læſam viderat.

Siculi Carolum Regem regno exturbaturi auxilium, viresque Regis implorant. Vt expeditionem maturet, priuſquam clauſtina conſilia efferantur, obteſtari non ceſſant. Rex omnibus rebus anteuertendum videns, claſſem ingenti apparatu adornari imperat: magna famæ celebritate: tamquam Conſtantiniſ rebus opem, atque auxilium laturus.

Galcerandus Thimor à rege Romam legatus Pontifici Maximo denuntiat, regiam claſſem inſtructam, comparatamque, vt ſarracenſis Africæ prouinciæ bellum inferat. Depoſcit, vt ſacra ſubſidia in bellicos ſumptus conferantur: regnum abſentis, & bellum ſacrum gerentis de more defendat, ac protegat: decumarum pecuniis, ex Aragoniæ regno corrogatis in eos ſumptus opituletur. Pontifex palam teſtatur, Aragoniæ Regem, nō Chriſti hoſtibus, ſed Carolo Regi Eccleſiæ filio apprime caro, fœderatoque inſidias, periculumq; ſtruere, atq; moliri. Tantis de rebus legati reſponſum nullum aliud domum retulere.

Sanctius Alfonſi Castellæ Regis F. eos proceres, qui à patre defecerant, & ex quo Fredericum fratrem interim iuſſerat, extorres profugerant, ad ſe pellexit. Principes fue-



rex his Lup<sup>o</sup> Didacius Pharenfis, qui Vizcaie dominabatur, Didacus Lupezius eius fra-  
 ter, Ramir<sup>o</sup> Didacius, Petrus Aluarus Astur, Nunnius Larenfis, Ferdinandus Rudericus  
 Caprera, & Ferdinandus Rudericius Saldania. Inde crudeliffima diffidia inter patrē, & fili  
 um incredibili odio exarsere, Alfonsus Rex ab omni curatione, atque administratione  
 regni, ac statu regio omnium ordinum consensione, ab Emmanuele fratre sententia pro-  
 mulgara deicitur, atque amouetur. Causas tanti facinoris obtendunt, quod Fredericum  
 fratrem, & Simonem Ruizium virum primarium, indemnatos occidi imperasset immu-  
 nitatē, aciura sua nobilitati abrogasset: & publicas opes ærario regio exhausto, minutisq;  
 vectigalib. dilapidasset. Procuratori regni Sāctius, veluti legitimus successor præficitur.

10 A. D. III. K. Apr. Festo Dominicæ Resurrectionis die, Panhormitanus populus tu- 1320  
 multario, simul sine ducibus certis, sine imperio, pro communi salute, ac libertate ira 1282  
 exardescens atq; arma capiens, toti<sup>o</sup> nobilitatis, & iuuetutis signiferis Palmerio Abbate,  
 Alaimo Leontino, & Gualterio Calatagironio, consiliariis, & auctoribus in p̄sides præfe-  
 ctosque Regis Caroli, impotenti concursu concitatur: atque in Gallos omnes periculum  
 capitis infert. Neque illorum crudelitas ea calamitate satiatur: quin sæuus furoris turbo  
 Corelione insatiabilem sæuitiam exerceat: coniurationesque vniuersa insula palam fa-  
 ctæ: quod ab Carolo crudelissimo dominatū premerentur. Neque vmquam de Frederici  
 Imperatoris, & eius filii Manfredi sæua tyrannide Pontifices Maximi conquesti sunt æ-  
 grius, quam legimus Clementem ipsū, a quo Carolus ad regnū adscitus fuerat, graui-  
 20 simas querelas, iecisse, neq; tantorum vulnerum remedia, atque alleuamenta esse adhi-  
 bita: cuius litteræ libet hic adponere, quasi diuinantis prædicta.

CLEMENS Episcopus seruorum Dei K. Regi Siciliæ illustri. Frequenter antetua  
 cōsiderationis oculos ponentes nunc verbo, nunc litteris statum miserabilem regni tui,  
 sperabamus, quod ad reformationem illius, quod amare deplorat, & conqueritur, se mi-  
 nistrorum tuorum, non solum deformari malitia, verū etiam penit<sup>o</sup> dissipari, oportu-  
 30 prouisionis remedium adhiberes: tua in hoc, & subditorum tuorum indemnitati proui-  
 dens: & n̄ hilominus periculis, in quæ iidem tui ministri, te, ac regnum præfatum, quasi  
 scierunt ingerunt, prudenter occurreres. Cum autem sciamus adhuc huiusmodi non ces-  
 sasse malitiam, sed eam inualescere potius, validorum clamorum frequentia inualescen-  
 40 tium iugiter, & oppressionum, quas inibi cotidie tui officiales inculcant: & aggrauant,  
 euidencia manifestet: nec nostra penes tuam excellentiam cessabit instantia: quo mi-  
 nus te ad soliditatem status tui, quam in his specialiter quærimus, & ipsius regni ordi-  
 nario verisimiliter pollicetur: & ad releuandas eiusdem regni pressuras, prout nostrum  
 decet officium, inuitemus. Verum si forte id eo minus in his vana relatione quorum-  
 libet, aut æmulatorum suggestionibus forsitan arbitraris, regiæ serenitati consulimus, &  
 facto consilio suademus, ac nihilominus tuæ utilitatis obtentu, magnificentiam tuam  
 requirimus, & hortamur, quatenus a religioso viro fratre A. de Rupe domorum ordinis  
 militiæ Templi Hierosolymitani præceptore in Francia, quem nuper venientem de re-  
 gno prædicto, potuit in multis oculata fides, in pluribus vero fama communis, ne infami  
 50 am dicamus, instruere, quemque non dubitas, tuæ prosperitatis, & famæ zelatorem de  
 horribili desolatione regni eiusdem diligentius perconteris. Miramur quidem, si tuis  
 sæpe non insonet auribus, quantus est ibi afflictorum, gemitus, vlulatus, & clamor: quot,  
 & quanta Ecclesiarum, & personarum ecclesiasticarum grauamina: quot oppressiones,  
 non solum solutarum, sed etiam cōiugarum, & virginum, quot pauperum spoliaciones:  
 quot diuitum concussiones: quot iniuriæ: quot calumniæ omnium: quot postremo de-  
 prædationes vndique: ac rapinæ. Profecto fili hæc nimis periculose dissimulas: nec si-  
 ne multa indecentia, & tui detrimento nominis pateris prædictos officiales, & familiares  
 eorum, in præfatos tuos subditos sic lasciuiendo sæuire: vt eis abundantibus de subdito-  
 rum ipsorum iniuriis, tu per ipsos, tuis fraudatus iuribus, & odiosus reddaris omnibus: &  
 60 propter ipsorum excessus, ea etiam in sua interdum conuertentium commoda: quæ in  
 tuam deberent utilitatem cedere, non solum vris infamia, sed & paupertatis incom-  
 moditate premaris.

Quanto vero illa vehementiora, & grauiora, quæ ab eodem summo Pontifice Con-  
 sentino Archiepiscopo inculcantur: quum de eadem re, quanta potest contentione cla-  
 mat, atque testatur?

Vbi ergo nunc ille tunc Consentinus Archiepiscopus, qui de compassionē ad incolās  
 regni Siciliæ, iugo, vt dicebat, Pharaonicæ seruitutis oppressos, quæsito colore, de anima-  
 rum zelo titulo usurpato, non dubitauit sub vitæ discrimine, sub variis mortis euentibus  
 mundi lustare climata: & ad eiusdē regni negotium excitatē Franciam lacrimis, monere



AERA.  
NAT.  
CHR.

spiritibus, & gemitibus commouere? Tunc quidem defensorem gentis tuæ quærebas minus: & nunc etiam peculiari tuo proposito, ad defensionem eo minus positus, non assurgis contra eum, qui regis vices, & regni gubernacula, quamquam usurpator agebat. Laborare videbaris intrepidus: & nunc lates contra latrunculos, &c. Ita nempe euenit, ut tanto temporis intervallo, princeps alioqui maximus dignis remediis incolumitati regni subueniendum non putauerit: & humanam sortem neglexerit.

Herbertus Aurellianensis Caroli Regis vicarius incertus, quod malum repentinum, externum, an intestinum regiam urbem inuasisset, VII. longis nauibus adornatis Messana Panhormum nauigat: si qua auxilia tumultuantibus rebus afferri possent.

A. D. III. Id. Apr. Neapoli Carolus Rex initium defectionis à Panhormitanis ortum<sup>10</sup> videns, ne Siculi omnes ad præsentem terrorem deficerent, atque arma caperent, Mammertinorum fidem obtestatur: dum affectis rebus accurrat: & ingenti comparata classe, opem ferat.

Cum Panhormirani, aliquot ciuitatibus adiunctis, quando maxime poterant, cum tumultu aduersus Gallicam nationem pro republica, ad arma decurrerent, A. D. V. K. Mai Nicolaum Copulam, & Raimundum Portellam Catalanum legatos ad Petrum Regem mittunt: deprecatores publicæ salutis, ut supplicent, Siciliæ regnum in sua tutela suscipiat: & ab impotenti dominatu vindicet. Eius virtuti, fidei, ac felicitati seque remque publicam commendent. Quod delectus à Rege accuratior, quam ad domestica, aut propinqua bella haberetur, eiusque fama longinquis regionibus percrebuisse, A. D. XII. K. Iun. Alexander Loesa, & Iohannes Carcoaxius Philippi Regis Francorum legati Regem Dertosa, iam nauim conscendere parantem commonent, ut Regem fratrem, atque amicum de molitione sua, bellicarumque rerum apparatu certiore reddat: & quam nam expeditionem adornet. Fratris Regis opes, si sacrum bellum apparet, pollicentur. Iaciunt ad hæc, si ea classis aduersus Carolum Regem patrum rerum nouarum causam quæreret, Regem existimaturum sibi, regnoque suo insignem iniuriam impositam. Rex præsentis animi consilio usus, statim respondet: se summa ope, atque consilio operam daturum, ut id consequi possit, quo animum adiecerat: quod felix, faustumque Deus Opt. Max. verteret. Bellum enim suo consilio initum suis, suorumque viribus executurum. Dimissis legatis animo voluens, quanta sint in regno temporum momenta, cum<sup>30</sup> amplam occasionem esset nactus, non illi animus, non vires, non denique consilium defuere. Illo ipso tempore Imperatoris Michaelis Palæologi legati Regem conuenerant: de foederibus inter se sancendis: contenduntque, ut Iolans Regis F. Andronico Imperatoris F. hubat. Res memoria digna in procinctu accidisse traditur. Nam cum Arnaldus Rogerius Palliariensis Comes secreto, procerum omnium nomine ex Rege sciscitaretur quo arma descriptis ordinibus, ætatibus, classibusque vertenda essent, percunctanti, atque exequenti Rex ita respondisse fertur: se læuam manum abscissurum si dexteræ cõfilia, motus atque conatus exquirere, & perscrutari auderet.

A. D. IV. Non. Iun. Rex Alfonsus F. natu maximū regno Aragoniæ, Barcinonensi Comitatu, & supremo, proprioque iure, & potestate Balearici regni & Ruscinonensis, & Confluentinæ, ac Mompelleriæ ditionum donat: adfuere scribendo Regis amici Petrus Queraltius, Gilabertus Cruillias, Iohannes Prochyta, Blascus Perezus Azlorius, & Bernardus Mompahonius.<sup>40</sup>

Postera die idonea tempestate, ex portu Fangosio, ad Hiberi ostium soluens, in Magonis, Minoris Balearium insulæ portum classe appellit. Inde transfusus Alcollum Constantinienfis ditionis portum tenet. Exposito exercitu, decursionibus Constantiniensem agrum vastat. Regulis Africæ, & toti oræ maritimæ magnum terrorem, ac tumultum infert. Ductores nostri ad insignem laudem concurrunt maxime celebres, & præstantissimi viri Ermengaudus Vrgellitanus, & Arnaldus Rogerius Palliariensis Comites, Rudericus Simenius Luna, Petrus Queraltius, Simon Artieda, Pontius Ribellias, Petrus Ferdinandus Ixeritanus, Petrus Arnaldus Botonachius, Sanctius Antilionius, Bertrandus Belpucius, Blascus Alascia, & Gerardus Estorius. Inter omnes Arnaldi Rogerii Palliariensis Comitatus virtus egregia eminuit: quem, cum ferro decerneretur, tragula transuerberatum Vrgellitanus Comes, & Bernardus, & Vitalis Sarræ fratres præstanti virtute ab extremo pæne vitæ discrimine eripiunt.<sup>50</sup>

A. D. XVI. K. Iul. Carolus Rex paucis diebus magno, & forti conducto exercitu, superbo delectu, duraque conquisitione collecto, ingenti classe fretum traiciens Messanam castris circumfidet: & arcta obsidione oppugnat. Tam affectis Siciliæ rebus, bello publico vniuersæ gentis tuendi socii erant: omniq; exercitu ex Africa ad id bellū auocato,

Rex



Rex arma, classemque in Siciliam transfert: omnisque vis regiarum copiarum eo conuerfa est.

AERAS  
NAT:  
CHR:

A. D. II. K. Sept. classis Aragonia Drepanum appellitur. Panhormum transuecta, die tertio à Siculis Rex Sicilię, dominusque, Rex Petrus constituitur: atque illi regnum sacramento defertur. Obsidionis initio Mamertini cum supplices manus tenderent, & ut sibi ignosceretur à Rege Carolo, & Gerardo Parmensi S. Sabinę Episcopo, sedis Apostolicę legato postularent, singulari Regis intolerantia, & contumacia reiciuntur. Re pene iam desperata, ad perspicuam mortem se suosque deuouent. Demum pertinacia Mamertinorum perspecta, quorum obstinatior animos nulla vis potuit à repugnando depellere, Carolus Messana vehementer oppugnata, & summis obsidionis periculis liberata, de regni possessione pulsus, magno dolore impeditus, quod iam parua victoria è manibus eriperetur, fretum transmittit.

Petrus Rex Randacio antea progressus, ne per vim oppugnari Messanam, se pręsente diripiq; pateretur, subsidio festinans, prope vrbis muros castra facit. A. D. VI. Non. Octob. in urbem cum insigni laude recipitur.

PETRVS ARAGONIÆ ET SICILIÆ REX.

Carolus Regem, quod externum regnum dolo, ac fraude inuasisset, læsę, ac proditæ fidei arcessit. Ut cum centeno equite ad certamen prodeant, ad pugnam prouocat. Rex delegati certaminis discrimen se subiturum spondet: quod fidem non fefellerit.

Iacobus Perezus Regis F. classi præficitur. A. D. II. Id. Octobris in Siciliensi freto classes regiarum configunt: insignique victoria à nostris parua, Nicoterum oppidum irrum-punt: diripiuntque. Quod Sanctius Alonsum Regem parentem à gubernaculis regni, & rerum publicarum imperio deieciisset, & bellum partium factione intestinum gereretur, senex ab omni dominatu pulsus ab Hispalensibus recipitur. Miser, atque egeus fortunam suam deplorans, atque lamentans, cum Pont. Max. & piorum principum fidem, misericordiamque obtestaretur, à suis, & exteris destitutus Abeniuceffi opem implo-rat: & ab impio, & communi hoste principis maximi calamitas subleuatur. A. D. VI. Id. Nouemb. Hispali regali in solio sedens, frequentissimo populi conspectu Sanctium dira-rum obnuntiatione deuouet, & execratur: & iure regni priuat, tamquam impium, parri-cidam, & læsę maiestatis conuictum: & qui à perenni, contestataq; virtute maiorum de-generauerat. Nullum illustrius exstat exemplum seuerę animaduersionis in filium, non solum crudeliter ingratum, & summi beneficii immemorem, sed dignum qui impius co-gnominetur: quam ob rem merito iure ipsius læsę sententię formulam adiungemus.

UT DE VULTU DEI iudicium nostrum procedat, NOS ALFONSVS Dei gratia Castellę, Legionis, Toleti, Sibilę, Cordubę, Murtię, Gienii, atque Algarbii Rex per præsens scriptum, ad notitiam præsentium, & memoriam futurorum facimus omnibus manifestum: quod SANCTIVS filius noster maior nobis graues, & multiplices iniurias nequiter irrogauit. Nam tractauit, & fecit coniurationem contra nos: & contra nostrum dominium in Cordubensi ciuitate existens cum Baronibus, ac religiosis quibusdam: videlicet cum Magistris ordinis Calatrauę, & Vclesii: & cum Priore Hospitalis: ac cum Commendatore Templi, vices, & locum tenente Magistri Castellę, & Legionis: nec non etiam cum aliquibus ciuibus. In eodem etiam loco existentes, cum ad instantiam suam eidem cõcessum fuisset à nobis, ut cum Rege Granatę Sarraceno tractaret aliquam bonā viam treugę seu concordię, quę in Dei seruitiũ, & terrę vtilitatem, ac nostrum redundaret honorem, idem Sanctius cum dicto Sarraceno, & posteris suis amicitiam, & pacem iuramento, & instrumentis firmavit perpetuam contra nos, & nostrum dominium: & pecunias ac tributa à dicto Sarraceno nobis debita in semetipsũ retorfit: in hoc contra nos proditiose, ac falso procedens: eo quod nobis per suas scripsit litteras, quod ordinatum erat inter ipsum, & dictum Regem Granatę, quod ad nostram misericordiam veniens noster vassallus fieret: ac tributa certa nobis præstaret: contra omnes huius mundi fideliter nos iuuādo: & ad firmandũ prædicta, chartas albas sigillo nostro sigillatas petiit sibi mitti: quas cū peries se habuit, multa per eas operatus est redundātia in graue damnum nostri dominiũ, & honoris. Post hæc, cum sciuissemus eum de Corduba recessisse, sollemnes nuntios ad eum misimus: ut ad præsentiam nostram apud Hispalim accederet: volētes deliberare, ac prouidere cum ipsius, & aliorum bonorum virorum consilio, qualiter terra Vandalia haberet milites frontarios: & bellatores idoneos: & paratos ad tuitionem patrię contra Sarracenorum Africę impetum: quem verisimiliter timebamus: & ut etiam per salubre ipsius, & aliorum cõsiliũ, corda hominum nostri domini ad vnitatem,



AERA. „ & tranquillitatem reduceremus: eo quod significatū nobis fuerat, quod multi se reputa-  
 NAT. „ bant grauatos à nobis. Responsio autem ipsius, per suas litteras, & dictos nuntios nobis  
 CHR. „ missa fuit: quod propositū suum erat, ad Regna Castellæ, & Legionis accedere: pro se-  
 „ dan dis, & tranquillandis cordibus plurimorū: quæ in tantum erant commota, quod po-  
 „ terat inde contra nos, & nostrum dominium graue dispendium prouenire. Ad tran-  
 „ quillitatem autem terra inducta, & cordibus hominum pacificatis, ad nos rediret: factu-  
 „ rus, & dicturus nostra beneplacita: quia paratus erat, nobis in omnibus deservire. Qua  
 „ responsione data in dolo, prout postmodum rei probauit euentus, iuit in Castellam per  
 „ ciuitates, & p omnia loca populosa: transiens vsq; Burgos: conuocatis habitatoribus lo-  
 „ corum, vbilibet prædicabat: contra nos concitans populos: dicendo: quod nos foros, & li- 19  
 „ bertates, ac bonas consuetudines eis infregeramus: & collectis, ac variis angariis terra per  
 „ nos destructa fuerat: sed ipse volebat eos reducere ad foros, & libertates, & consuetudi-  
 „ nes: quas tempore Regis Ferrandi, & aliorum Regum præcedentium habuerunt. Exegit  
 „ etiā, & recepit ab eis iuramentū, & homagia publice, quod cū eo tenerent & iuuaret eū: &  
 „ versa vice ipse se eis, per iuramenta, & homagia obligauit: quod eos defenderet: & iuua-  
 „ ret: contra omnes homines huius mundi: & dabat, & concedebat eis ex tunc foros, con-  
 „ suetudines, libertates, & priuilegia olim habita: & obtenta: & hoc eis seruaturū perpetuo  
 „ se promisit. Prædicta autem omnia non solum per se fecit dictus Sanctius, sed etiam per  
 „ fratres suos: quibus chartas albas sigillatas sigillo suo tradidit: & sic omnes homines terræ  
 „ nostri domini per se, & alios concitauit. Nec omittendum censemus, quod dictus San- 20  
 „ ctius in suis prædicationibus, quibus contra nos populos concitabat, in multis locis mul-  
 „ ta indigna contra nos euomuit: inter alia frequenter dicens tam ipse, quam sui nuntii:  
 „ REX INSANVS EST: ATQVE LEPROSVS: ET IN MVLTIS FALSVS: ATQVE PERIV-  
 „ RVS: HOMINES INTERFICIENS SINE CAUSA: QVEMADMODVM FREDERICVM,  
 „ ET SIMONEM INTERFEC. Dictis autem iniquis facta peruersa continuans inuasie,  
 „ & vsurpauit sibi regnorum nostrorum dominium: ciuitates alcassares, castra, fortalicias: &  
 „ villas occupans: remouēdo iudices: & alcaldos nostros: & officiales à suis officiis: ponēs  
 „ suos: capiens nostros homines familiares: & alumnos: tam clericos: quam laicos: ac curso-  
 „ res: nec non & nuntios nostros: vel ad nos vndecunque venientes: thesauros nostros, pe-  
 „ cunias, ac iocalia tam in Toletum, quam alibi, vbicumque inuenit, rapuit violenter. Multis 30  
 „ etiam nostris familiaribus, seruatoribus, & alumniis, per diuersas regnorum nostrorum  
 „ partes, abstulit possessiones: & hereditates: & bona etiam mobilia: quæ omnia alii dedit:  
 „ & in omnibus, in quibus nobis, & nostris familiaribus, ac seruatoribus, & vassallis fide-  
 „ bus potuit grauamē, & displicentiam facere, nullatenus hoc omisit. Sciri etiam volumus,  
 „ quod nos audientes rumorem super præmissis, ex paterno affectu, à tanto eum reuocare  
 „ cupientes errore, ad ipsū nuntio: honorabiliores destinauimus: citando eū & vocādo p no-  
 „ stras litteras: vt ad nostrā præsentia veniret: & vt ea, quæ agenda erant, oportunius & cō-  
 „ modius possent fieri, locum, quem securiorem, & aptiorem, pēsata negotiorum, & tēpo-  
 „ ris qualitate iudicauimus, eidem assignauimus: Toletum videlicet: aut Villam regalem:  
 „ seu quemcunque alium locum eligeret: ad quem cum proceribus regnorum nostrorum, 40  
 „ & cum quibuscunque vellet, accederet: quos ad bonum statum terræ ordinandum, vi-  
 „ les & idoneos iudicaret. Nos enim parati eramus iuxta suum, & Prælatorū, ac Baronum,  
 „ & aliorum virorum bonorum consilium grauamina omnia, si qua erant, penitus reuoca-  
 „ re: & corrigere omnia corrigenda: & ad bonum statum pacem, & tranquillitatē reduce-  
 „ re vniuersa. Sibi etiam, si in aliquo dubitaret, quod honorem suum vellemus deminue-  
 „ re, securitatem præstaremus plenariam talem, ac tantam, quod cor suum non deberet  
 „ deinceps in aliquo vacillare. Præfatus autem Sanctius his auditis, respondit nuntiis su-  
 „ pradictis, q ipse nobis, per suos certos nuntios responderet: & dictos nostros nuntios, ne  
 „ redire possent ad nos, secum detinuit violenter. Post hæc autem omnia, conceptam cōtra  
 „ nos malitiam occultare non valens, ambitionis ardore cæcatus, missis litteris, ac nuntiis 50  
 „ per totū nostrum dominium, Prælatos sæculares, ac religiosos, Barones, ac milites, ciues,  
 „ & populares conuocans ad Vallem Oleti, curiam generalem, si tamen debet dici curia,  
 „ congregauit: in qua statim per publicum instrumētum homagio, & iuramēto vallatum,  
 „ coniurationem contra nos, & nostrum dominium prius factam in diuersis locis particula-  
 „ riter, tunc omnibus ad nostrum dominium pertinentibus vniuersaliter innouauit. Quo  
 „ facto ex iis, qui erant in dicta curia, si tamen, vt dictū est, curia dici debet, plures corruptis  
 „ promissionibus: alios datis pecuniis, alios, castris, villis, locis, hereditatibus, redditibus eis-  
 „ dem datis, & assignatis, in enormē regnorum nostrorum læsionem attraxit: reliquos mi-  
 „ nis, & terroribus grauibis confregit: & induxit: vt omnes, tam isti, quam illi contra nos, &  
 contra



contra nostrum dominium rebellarent: & in prædicta curia, nobis non citato, non moni-  
 to, non confesso, non conuicto pronuntiari fecit, non à iudice, immo per hostes, & con-  
 spiratores, quod nos deinceps non faceremus iustitiam: nec fortalicias teneremus: nec  
 pecunias, aut redditus aliquos ad regnum pertinentes reciperemus: nec in castro, ciuita-  
 te, aut villa aliqua reciperemur: & ulterius, quantum potuit, institit per se, & suos fami-  
 liares, ac complices, pro viribus laborando, quod ipsum Regem, aut dominum Castellæ,  
 ac Legionis, & Vandalæ deinceps nominarent: nos in omnibus exheredans: in se vsur-  
 pando honorem, & dominium non sibi debitum: quod nobis rapit: & rapuit violenter: &  
 vt ex supradictis patet, etiam fraudulenter. Ad cumulum autem malorum omnium, non  
 solum est viræ nostræ insidiatus, sed etiam contra nos se potenter armauit. Nam delibera-  
 to consilio, & per suos familiares, & complices publicato, adeo quod ad notitiam, non so-  
 lum præsentium, sed etiam multorum absentium longe, lateq; peruenit, de Castella Cor-  
 dubam veniens, vt nos caperet, congregauit, & conuocauit concilia de Giennio, & Bea-  
 tia, & Vbeta: nec nõ de Anduiar: vt simul cū eis, ac Cordubenlib, accederet hostiliter cō-  
 tra Hispalim: vt ibidē nos caperet mala, & impia captione: & in hoc conatū tantū ostēdit,  
 quod esset merito parricida cēsendus. Sed hunc tā crudelem conatū ipsius Dominus im-  
 pediuit: à ciuibz Hispalensibus, & aliis nostris fidelibus, nec nõ etiā, q̄ dictu mirabile est,  
 nostris, & nostræ fidei hostib, ad defensionē nostrā præstādo auxiliū opportunū. Et cum  
 Sanctius conceptionē impiā cōtra nos explere nõ posset (vt est in ipsi⁹ Alfōsi regis Arche-  
 typis litteris) cōtra Pacensē ciuitatē nobis fideliter adhærentē accessit, & cū eā capere non  
 posset, prout potuit, deuastauit: & ibidē plures homines interfecit. Ad ciuitatē vero Cor-  
 dubensem rediens, eā contra nos clausā tenuit: & muniuit: & cū nuper nos illuc personali-  
 ter accessissem⁹, ad ciuitatē appropinquantes, extēso, & explicato vexillo nostro Regali,  
 ipso Sanctio audiēte, ex nostra parte clamatū est, vt nos in ciuitate ipsa reciperē: & tā ipse,  
 quā loci illius habitatores hoc facere recusarunt: quin immo fuit contra vexillū nostrum  
 sagitta missa. Igitur cum prædictus Sanctius præmissas graues iniurias, ac multas alias,  
 quas longū esset scribere, vel referre, timore diuino postposito, ac paterna reuerētia peni-  
 tus abiecta, nobis irreuerēter intulit, ipsū paterna maledictione dignissimū, à Deo repro-  
 batū, & ab hominibus merito reprobandū maledicimus: & sit deinceps maledictioni di-  
 uinæ, & humanæ subiectus: & eundē nobis rebellē, inobediētē, & contumacē, tamquam  
 ingrātū, immo ingratisimū filiū, sic degenerē exheredamus: & omni iure successionis, q̄  
 ei cōpetebat in Regnis nostris, dominiis, ac terris, honoribus, & dignitatibus, vel quibuscū-  
 que rebus aliis, ad nos quoquo modo spectantib, ipsum priuamus: & vt, nec ipse, nec a-  
 liquis pro eo, vel descendens ab eo in posterū, in aliquo nobis succedere possit, sententia-  
 liter condēnamus. Hāc autē irrefragabilē sententiā in præsentia testiū infra scriptorū, &  
 multorū aliorū latā mandamus sigilli nostri appensione muniri. Actū est Octauo die mē-  
 sis Nouēbris intrantis Anno Domini Millesimo cclxxx. secundo: in Palatio Hispalensis  
 ciuitatis p̄dicto domino Rege sedēte pro tribunali. Præsentib, domino Raimūdo Archi-  
 ep̄o Hispalēsi, domino Suggestio Ep̄o Gadicensi, fratre Ademaro electo Abulensi, Pelagio  
 Petri Abbate Valleoleṡano, Petro Petri Archidiacono Hispalēsi &c. dōno Martino Egi-  
 dii de Portugallia, Suggestio Petri de Baruosa, dōno Iohāne de Auoyñ, Gūdifaluo Ferdinā,  
 di nūtio Regis Portugallię, Dominico Petri Cācellario Regine Portugallię, Iohāne Rai-  
 mūdi Maiordomo eiusdē Regine, Tello Guterrii Iustitia dom⁹ Regis, Petro Garfię de Har-  
 roniz, Garfia Gaufridi de Loaysa, Petro Roderici de Villiegas, Ferrādo Aluari Potestad,  
 Ferrādo Martini Curutello, Aria Martini de Roureda, Roderico Stephani maiori Iudice ci-  
 uitatis Hispalēsis, Didaco Alfōsi curię domini Regis, iudice Gomezio Petri Alguazillo ma-  
 iori ciuitatis Hispalēsis, &c. & astāte alia cleri, militū, ciuiū, & populi magna multitudine.

Martinus R.M. Montefascone A. D. V. Id. Nou. pro æde D. Fabiani Cardinalium  
 collegio assidente, Petrum Aragonium execratum, sacris interdictum esse attestatur: &  
 eos, qui eius arma sequantur, eandem noxam sustinere. Siculos omnes, qui à suo Rege de-  
 fecerant, eadem dirarum imprecatione detestatur. Inimicum, atq; Ecclesiæ hostem Re-  
 gem denuntiat: neque Regi modo, sed eius regnis sacris interdicatur.

Exitu prope anni Regi, cum Carolo conuenit, vt in terra Aquitania, quæ in ditione,  
 ac potestate Angliæ Regis erat, Burdigalensiumque finibus, in certamen centeno equito  
 comitati deueniant. Kalendæ proximæ Iuniæ discrimini eius pugnæ constitutæ Bertran-  
 do Canellia Catalano, & Reginaldo Lemouici Mamertino, & Simone Artieda Regis  
 legatis de ea re transigentibus: decidentibusq; & iudicio XII. virorum dies, & locus con-  
 stituitur conferendæ pugnæ. vi Galli fuere: totidemque ex nostris: Iordanis Insula, Iohā-  
 nes Vicecomes Temblaius, Iacobus Bufonus, Eustachius Ardicurtius, Iohannes Nisius,



AERA.  
NAT.  
CHR.

& Egidius Salsus: Guilielmus Castelnbuius, Rudericus Simenius Luna, quem Rex En-  
næ, & Galliani arcibus præfecerat: Petrus Queraltius, Simon Artieda, Rodolfus Emma-  
nuel Drepanitanus, & Reginaldus Lemouix: Quadrageni vero primarii viri sacramento  
obstringuntur, se daturos operâ, vt leges regibus ad id certamē deuenturis indictæ obser-  
uētur: alioqui vter eorū Regū legibus nō paruerit, is infamis, periurus, exlex, intestabilis,  
& regio nomine indignus cēseat: Ex nostris inter XL. viros deliguntur sex iudices loci,  
& tēporis designandi a Rege dati: & reliqui adiungūtur: Palliariensis, & Vrgellitanus Co-  
mites, Petrus Ferdinandus Ixeritanus, Regis frater, Iacobus Perezus Regis F. quem Rex  
socium obeūdo certamini delegerat: & classibus Rogeriū Lauriā præfecerat, Lupus Fer-  
rencius Luna, Pōrius Ribellias, Sanctius Antilionius, Petrus Arnaldus Botonachius, Ala-  
imus Leontin<sup>9</sup> Magister iudiciarius regni Sicilię, Balduinus Intemelius Isclę Maioris Co-  
mes, Fredericus Musca Modicensis Comes, Orlandus Apellius, Gualterius Calatagiro-  
nius, Bernard<sup>9</sup> Rogerius Erili<sup>9</sup>, Rogeri<sup>9</sup> Lauria, q̄ classi p̄erat, Lup<sup>9</sup> Ferrenci<sup>9</sup> Atroffilius,  
Bernard<sup>9</sup> Mōpahonius, Petr<sup>9</sup> Garcefi<sup>9</sup> Nuezus, Bertrānd<sup>9</sup> Belpucius, Guilielm<sup>9</sup> Bellera,  
Garcias Garcesius Arazuri<sup>9</sup>, Simon Lōpezi<sup>9</sup> Embunius, Raimūdu Molina, Simon Azlo-  
rius, Blascus Maza Canalurius, Egidius Rudericus Montuenga, Garcias Arnaldus Cil-  
lius, Berengarius Offigatus, Bertrāndus Villafranca, Raimūdu Cortada, Iacobus Oblit-  
tas, Geraldus Azconius, Stephanus Nunnus, & Blascus Alascia. Omnes sponponderant  
sui Regis imperio, & nomine, ac dignitate defecturos, si dictis legibus nō permanisset.  
His constitutis Rex acer in rebus gerendis bellum instruit: & in Bruttios infert: ac Rude-  
ricum Simeniū Lunā cū quattuor nauibus longis in Cataloniam præmittit: vt Constan-  
tia Regina eum Iacobo, & Frederico, & Iolante liberis in Siciliam deuehatur. Reginam  
vero eo consilio arcessit, vt se bellis implicito, summæ rerum Siculo in regno præficiatur.

1321.  
1283

Huius anni principia statim ingenti bello exarsere. Multi per eos dies motus, multi-  
que impetus hinc, atque illinc acti. Rex Siciliensi fratre transmissio Bruttios bellum infert.  
A.D. XVI. K. Mart. Rhegini urbem dedunt. Motra, S. Lucidi, & S. Agathę arces, Pantada-  
ctylos, atq; Hieracium idem cōsiliū sequuntur. Raimundus Baucius hostilium copiarū  
ductor primarius a veteranis militib. Gurusanz interclusus, & circūfessus interimitur. In  
Semenarā nostri oppugnatione irrūpunt: spectata, & nobilitata virtutē Petri Peretalladę  
Gilaberri Cruilliz filii: ex amicis Regis viri magni cōsili: primusq; filius in urbē irruperat.

A.D. XII. K. Apr. Martinus P. M. Vrbe veteri, de Collegii sententia, Petrum Ara-  
gonium, vti Ecclesię subditicium, & perduellionis conuictum regno, ac ditionibus o-  
mnibus multat: & Catholicis Principibus occupandas exponit. Peræterea Eduardo An-  
gliz Regi interdicit, ne Sicilię, & Aragoniz Reges Vasconiz fines ingredi patiatur: aut  
sui præsentis copiam faciat: locumve certamini bellico destinet: aut regni vicarios mini-  
steriū aliqđ adhibere permittat: q̄ pactionē certaminis obeūdi a Sicilię Rege factā, irritā  
Pontifex ipse fecisset. Litteræ ipse Pontificię dignæ visæ sunt, quæ hoc in loco, apponant.

MARTINVS Episcopus seruus seruorum Dei, E. Regi Angliz illustri. Decet excellē-  
tiam regiam, & saluti tuæ nihilominus congruit, quod in te semper vigeat sic ordinatus  
affectus, vt animum libetē ad promouenda Christi negotia dirigas: tranquillitatem pu-  
blicam votiuē promoueas: desideranter horum impedimenta præpedias: & prout ex al-  
to conceditur, incrementa procures. Ideoque conuentiones multa indecentia plenas,  
& temeritate non vacuas, reprobas quidem, & merito reprobandas inter carissimum in  
Christo filium nostrum Carolum Illustrem Sicilię Regem, & Petrum, exigentibus suis  
excessibus, per sedem Apostolicam vinculo excommunicationis astrictum, quondam Ara-  
gonum Regem, non absque nimis animositatis inordinatione habitas, circa quod ambo,  
cuilibet eorum comitiū centum militum assistēte, ad illud concurrant, altrinscūs in si-  
mul configant, celsitudini Regiæ confidenter exponimus: & vt tibi earum qualitas ple-  
nius pateat, sub bulla nostra, ipsarum, de verbo ad verbum seriem, prout eam a memorato  
Sicilię Rege recepimus, destinamus. Ex quarum inspectione manifeste circumspectio  
regalis aduerteret, quātum sint conuentiones eadem obuię Crucifixi negotiis, & præcipue  
terræ sanctæ: quantumque toti Christianitati damnosæ: cum illarum persecutio, non so-  
lum memoratum Regem, ab eisdem negotiis, & ipsius Christianitatis promouendis v-  
tilitatibus abstrahat, sed & alios Principes, & magnates ceterosque fideles, qui circa pro-  
secutionem eandem in se, vel in suis occupantur, auertat: & proinde manifesto exponat-  
ur terra præfata, discrimini: dum eius subsidium, multis excogitatum vigiliis, multisque  
sumptibus, & laborib. præparatū damnabiliter impeditur. Nec minus attendere poterit  
eiusdem tuæ circūspectionis industria, quam periculosa potest inter Christicolos, ex pro-  
secutione huiusmodi excitari cōmotio: quātāq; illis, corporū, & animarū pericula ingeris:  
ac quan-



ac quantum nobis, Ecclesiæ, tibi, cunctisque Catholicis, quibus est eis quomodolibet  
obuiare possibile, posset à Deo, & hominibus negligentia imputari: ad quantam notam  
adscribi, si talia procedere pateremur? Propter quæ, nec non & alia, non facile numeran-  
da discrimina, quæ dictarum conuentionum executio, Christiani proculdubio prodiga  
sanguinis, animarum inimica saluti, publicæq; pacis æmula, & quietis verisimiliter cõmi-  
natur, nos illis promptis remediis obstare volentes, promissionē factam à memorato Rege  
Sicilię, super dictis conuentionibus obseruandis prorsus illicitam, vtpotē rem prohibitam  
expressius continentem, cum non solum in principibus, similibusque personis, sed etiam  
in priuatis duellum non sit ab Ecclesia tolerandum: reprobendam, irritandamque duxi-  
mus, & penitus vacuandam, & iuramentum super eis præstitum, non solum temerarium  
declarantes, sed & carere viribus: ipsumq; Regem Siciliæ ad illorum decernentes obser-  
uantiam non teneri. Absoluendo eo nihilominus ab eisdem, quatenus processerunt de  
facto, sibi districte præcipimus: vt à prosecutione promissorum, & iuratorum taliter pro-  
sus abstineat, & omnino desistat: eidem nihilominus sub pœna excommunicationis, & com-  
minationis processus cuiuslibet, quā contra eum quomodolibet habere posset Ecclesia,  
ne ad executionem tam damnati certaminis, tam nefandi procedat: & vniuersis, & sin-  
gulis Christi fidelibus, ne illa sibi prosequenda suadeant: neue consilio, auxilio, vel fauo-  
re in illis prosequendis assistant, districtius inhibendo. Cum itaque impediendi tam de-  
testabilia, tam nociua tibi sit in promptu facultas, pro eo, quod sicut earumdem conuen-  
tionum docet inspectio, loci determinatio ad huiusmodi conflictus exercitiū deputandi,  
de arbitrio tuo dependet, & secundum earumdem conuentionum tenorem, idem con-  
flictus, nouo eorumdem Siciliæ, & olim Aragonum Regum non interueniente consen-  
su, absque tua præsentia non procedit: expedit, vt ad id te promptum exhibeas: solers,  
& operosus occurras, ne si, quod absit, perturbare tam peruersa negligeres, ea fouere,  
non immerito censereris: sicque pœnæ, & comminationis adiectæ in præmissa nostra  
prohibitione periculum, vt decet tam Catholicum principem, non vitares. Quocirca  
ferenitatem regiam monentes, rogantes, & hortantes, ac obsecrantes in Domino nostro  
Iesu Christo, & per asperisionem sui pretiosi sanguinis obtestantes, & nihilominus in re-  
missionem tibi peccatorum iniungentes: quatenus conflictum huiusmodi tam detesta-  
bilem, tam horrendum, eiusque præparatoria omni studio, quo potes, impendas: dicto-  
rum Siciliæ, & quondam Aragonum Regum aduentum ad ciuitatem Burdegalensem,  
eiusq; territorium, quin etiam ad partem quamcunq; Vasconia, omni quo poteris reme-  
dio præpeditiois impendas: apertius interdicas: tuam nihilominus in his præsentiam  
denegando: & tuis insuper in partibus illis vicariis, & officialibus acrius iniungendo, ne  
prædictorum Regum guardiam recipere, vel ad dictum locum deputare certamē, aut a-  
liquod aliud in his ministerium exhibere præsumas: super quibus eis omnem penitus adi-  
mas potestatem. Nos enim ad tam perniciofa, tam noxia omnimodis euitanda, ne dictos  
Siciliæ, ac dudum Aragonum Reges ciuitatem eandem, seu quamuis, vt prædicitur, Va-  
sconia partem, ad hæc ingredi patiaris, neue in his, tuæ præsentia copiam facias, aut pro-  
mittas, seu locum sæpe fato certamini deputes, aut dictos tuos in eisdem partibus vicari-  
os, siue officiales, in his aliquod ministerium exhibere permittas, districte subiicimus  
prohibitionis edicto: ac illa omnia, & singula, quantumcumq; in aliis, regio intendimus  
honori deferre, tibi, & eis, sub pœna excommunicationis expressius inhibemus: sub eadem  
pœna mandantes: vt si ad horum aliquod est processum, illud studeas cum celeritate, qua  
poteris, reuocare. Et nihilominus dilectum filium nostrum, tituli Sanctæ Cæcilie pres-  
byterum Cardinalem, virum vtiq; grandi scientia præditum, prudentia, & morum hone-  
stare decorum, quem suæ probitatis obtentu, grandi affectione prosequimur, cuiusque  
consiliis te in his adquiescere rogamus, & petimus, ad id inter cetera destinamus: vt tam-  
te, quam prædictos vicarios, & officiales tuos, per se, si facultas adfuerit, per suos nuntios,  
vel literas efficaciter moneat, & inducat ad parendum præmissis Apostolicis monitioni-  
bus, inhibitionibus, & mandatis. Alioquin per excommunicationis in personas, & interdicti  
sententias, si opus fuerit, in regnum tuum, & alias tuas, ac eorundem vicariorum, & offici-  
alium terras, Apostolica, prout expedire viderit, auctoritate compellat. Non obstan-  
tibus, aliquibus priuilegiis, vel indulgentiis tibi, vel eisdem vicariis, siue officialibus  
sub quacumq; verborum forma, seu expressione concessis: quod tu, vel iidem vicarii, &  
officiales excommunicari, vel interdicti non possitis: aut eadem regnum, & terræ neque-  
ant ecclesiastico interdicto supponi, per litteras Apostolicas, non facientes plenam, & ex-  
pressam, seu de verbo ad verbum de priuilegiis, & indulgentiis huiusmodi, siue obtinen-  
tium eadem, nōminibus mentionē: & qualibet alia eiusdem sedis indulgentia cuiuscunq;



AERA. „ formæ, vel tenoris existat: per quam præsentibus non expressam, aut totaliter non infer-  
 NAT. „ tam, effectus earum quomodolibet impediri valeat, vel differri. Dat. apud Urbem vete-  
 CHR. „ rem Non. Aprilis.

A. D. II. Id. Apr. Petrus Aierbuis Regis frater cum copiis militaribus Aragonensium,  
 & Catalanorum nauigans, in Siciliam appellit. Aliquot oppida præfidiis confirmat.

A. D. X. K. Mai. Constantia Aragoniæ Regina cum Iacobo, Frederico, ac Iolante li-  
 beris, quasi dijudicata iam belli fortuna, Messanam deuehitur: Alfonso vetustissimo libe-  
 rorum, & Petro natu minimo ad tutelam Aragoniæ regni relictis.

Iacobus Regis F. Panhormi à Siculis, vti Siculi regni heres, atq; successor iurifuran-  
 di religione adsciscitur. Rex consiliarios Reginæ de summa rerum amicissimos, & maxi- 10  
 me strenuos viros adiungit Guilielmum Galcerandum Catalanum generis nobilitate  
 præstantem, quem regni vicarium præficit: & Catanciarum comitatu, & militiæ auctora-  
 mento cohonestat: quo neq; fortiolem, neq; præstantiorem virum illa ætas tulit: Alaimū  
 Leontinum, regni iustitiarium, vti vocant Magistrum: Iohannem Prochytam, & Roge-  
 rium Lauriam. Alaimum, qui afferendæ à Gallico dominatu Siciliæ princeps pæne, &  
 auctor consilia versauerat, oppidis, atq; arcibus Bucheræ, Palatioli, & Odegrilli donat: &  
 tamquam pignora fidei, & consensus, ac societatis consiliorum, & voluntatum, & iustæ,  
 veræque amicitia equum, hastam, & gladium, galeam, & scutum, quibus in præliis vti as-  
 sueuerat, tradit: & summam rerum administrandam committit.

Rex ita rem nauticam constituerat, vt xxv. nauium longarum classis conficeretur: 20  
 cui Rogerium Lauriam, Regia aula Manfredi educatum præfecerat. Singulis nauibus  
 bini gubernatores, vnus Catalanæ nationis, alter Italicus admouentur: & quaterni Cata-  
 lani nauarchi, & totidem externi adiunguntur. Par ratione nautæ, qui proræ assident,  
 administrant. Remiges omnes Itali erant: sagittarii vero Catalani. Milites reliqui omnes  
 ex Hispano delectu scribuntur. Ea condicione omnes naues in posterum instrui edicit.

Gualterius Calatagironus res nouas in Sicilia molitur: & conspiratio ab eo conflata,  
 Gualterio, & iis qui eius coniurationis participes fuerant, captis, & summo supplicio af-  
 fectis, celeriter restincta est.

A. D. V. Id. Mai. Rex III. longis nauibus, & lembo quibus Raimundum Marquetium,  
 & Berengarium Maiolium ductores præfecerat, portu Drepanitano soluens, præterue- 30  
 ctus ex alto ad Sucronis Gradum, Cullaris vocant, A. D. XVII. K. Iun. appellit. Postero  
 die Valentiam contendit.

Alfonso Regis F. qui in procuratione erat regni, strenuos maxime ex procerum  
 nobilitate, & virtute præstantes viros, cogit: ex quibus ii deligi possent, qui in Burdigalen-  
 si certamine cum Rege confocientur. Res adeo fuit præclara ad gloriam capeffendam, vt  
 delectorum eorum virorum nomina in maxima laude sint ponenda: quod magni inter-  
 esse ad decus, & ornamentū regni iudico: tot primariis viris nomine, & memoria dignis,  
 ad pulcherrimum, & præclarissimum facinus selectis. Qui Ilerdæ Regem præstolari iussi  
 sunt, ii fuere: Pontius Hugo Comes Emporitanus, Dalmatius Rocabertinius, Bernardus  
 Centilias, & Aimericus, & Gilabertus Centiliae eius filii, Raimundus Moncada, qui Fra- 40  
 gæ, & Raimundus Moncada, qui Albalatis dominabantur: Petrus Moncada, Guilielmus  
 Peralta, Raimundus Villamurius, Arnaldus Corfauius, Bernardus Hugo Serralonga, Iaz-  
 bertus Castellinoui, Geraldus Ceruia, Pontius Sanctapacius, Berengarius Vriolius, Ar-  
 naldus Guilielmus Cartaia, Arnaldus Villademanus, Raimundus Capraria, Geraldus  
 Ceruilionius, Berengarius Entenza, Alamanus Ceruilionius, Berengarius Pucuertius,  
 Guilielmus Anglefolæ, Bernardus, & Galcerandus Anglefolæ, Raimundiolus, & Rai-  
 mundus Anglefolæ, Raimundus Ceruera, Marcus S. Eugenix, Iacobus Befora, Guiliel-  
 mus Caulerius, Arnaldus Foxanus, Raimundus Folchius, Raimundus Rogerius, Galce-  
 randus Pinofius, Raimundus Durgius, Guilielmus Raimundus Ioffa, Berengarius Mont-  
 senius, Guilielmus Almenara, Raimundus Alamanus, Gerardus Aquilonius, Petramo- 50  
 la, & Iacobus Petramola, Bernardus Mauleo, Petrus Metas, Bernardus Spesius, Guiliel-  
 mus S. Vincentii, Acartius Murius, & Gombaldus Beneuentanus. Constituerat Alfonso  
 Regis F. cum proceribus Aragoniæ, & reliquis, quos ex Aragonia nobilitate, & iuuentute  
 delegerat, quo die Osæ Regi in Galliam festinanti præsto essent: adfuereq; xl. præstan-  
 tes in primis proceres, & primarij viri Simon Vrræa, Petrus Cornelius, Artallus Alagon,  
 Guilielmus Podius, Petrus Iordanis ex Penna, Martinus Leherius, Lupus Simenius Agonius,  
 & Simon Garcesius Agonius, Garcias Lazanus, Rudericus Sanctius Pomarius, Petrus Po-  
 marius, Gonzaluus Lupius Pomarius, Rudericus Gonzaluius Pomarius, & Simon Gon-  
 zaluius Pomarius, Petrus S. Vincentii, Gonzaluus Vera ex Faiis, & Garcias Mathæus  
 eius



eius F. Didacus Garcias Vera, Garcias Lupius, & Simon Perezus Turiasonenses, Petrus AERAI: Momezus, Martinus Simenius Agonius, Blascus Maza ex Cellis, Egidius Atrossilius, NAT: Guilielmus Castellinoui, Lupus Guilielmus Oteicia, Aznarius ex Offera, Petrus Marti- CHR: nius Artassona, Fortunius Daheius, Gartias Perezus Lainus, Gonzalvus Vergua, Gasto Castellorius, Petrus Iordanis ex Alcolea, Blascus Horta, Iohannes Martinius Danduesius, Iohannes Perezus Ahonesius, Petrus Alamanus ex Gradibus, Aznarius Rada, Rudericus Simenius Luna, & Artallus Luna Lupi Ferrentii Lunæ F.

Rex mutatis ad celeritatem iumentis, comitatu trium ex intimis, commutata persona, nocte, dieq; itinere non intermisso, ad Burdigalæ muros se sistit. Comites vetusto  
10 quodā monumento fuisse comperio Blascum Alagonē Artalli fratrem, Bernardum Peratalladā, & Conradum Lanzam: Raimundus tamē Montanerius, & Bernardus Dezclotius eiusdem ætatis scriptores vnus Peratalladæ meminere: & vetustus quidē earū rerum scriptor Siculus fuisse commemorat Simonem Vrrcam, Gilbertū Cruilliā, & Peratalladā Gilaberti F. Omnes tamen consentiunt trium tantum procerū comitatu perceleri cursu eam viam in Aquitaniam perrexisse: & Dominicum Ficariam tanquam totius comitatus herū Regi, ac proceribus fuisse adiunctum: hominem in terra Gallia notum atque testatū, utpote qui venaliorum equorum in Galliam transmittēdorum domesticum mercatum instituisset. Hunc Montanerius Cæsaraugustanum, at rerum Aragonensium vetus scriptor, & is q̄ res gestas Alfonsi Castellæ Regis cōposuit, Calataiubiensē ciuē  
20 uē fuisse cōmemorat. Cū nullus Carolus hostis, aut Angliæ Rex adesset, q̄ Pontifex detestabile certamē sacro interdicto vetuisset, Rex p̄sentia suā Iohāni Greilio Aquitanix Præfidi, Senescallū vocabāt, denuntiat. Quasi pignora prætita fidei galeam, scutum, hastā, & gladium Præfidi tradit: & confestim alio iter faciens, Baiona in Aragoniam reuertitur.

Illo ipso tempore, quo Rex in Galliam perrexerat Turiasone Sanctius Regis Castellæ F. illi occurrit: quod Iacobus Sanctii frater, Iohannes Nunnus Lara, & Iohannes Alfonsus Pharenfis in Nauarræ regno militares copias cogerent: ut illius regni procuratori adiuncti Pharenfes, & Lucronienses fines aduersus Castellæ Regē & Sanctiū eius F. quantum tumultuosissime adorirētur. Rex Turiasonē reuersus, Lupo Garcia Salazari, & Michaëli Lupezio Lupariæ i. c. legatis committit, ut Iohannē Nunnium Larensem prouocēt: bellumq; illi indicāt: q̄ aduersus Castellæ Regē, & Sanctium sororis F. res nouas moliretur:  
30 Edicit præterea Martino Romæo Veræ Prætori Calataiubiensī, & Darocēsi ac Turolēsi Prætoribus, ut Larēsi, & Albarracinienfibus ciuibus, q̄ ea vrbs Larēsi, tāq̄ Theresiæ Azagre eius vxoris doti attributa pareret, cōmeatus publicos & priuos prohiberent: ut suscepto cū Larēsi bello à cōmeatu, & reliquis copiis intercluderetur. Vndiq; bellum apparatur. & domesticis copiis instruitur: nō ad Larēsis tantū p̄niciē: sed ut Nauarri inferri posset: q̄ Philippus Galliæ Rex, & Regis affinis, qui Nauarræ regni potiretur, inimicus, & hostis esset. Primarii duo Nauarri proceres Garcias Almorabidius, & Iohānes Gonzalvus Baztanus à Philippo Rege deficiūt: ac suas opes, operamq; Regi pollicētur: & Vela Nunnus Gueuara ex primariis itidē proceribus Nauatris, & cōplures alii ex eo regno antea se  
40 Regi addixerāt: q̄ Galliæ Rex Hérico Nauarræ Rege mortuo, eius ditionis iura atq; arces inuasisset: & Eustachiū Belmachii hominē Gallum moderatōrē, & ducē Nauarræ regno præfecisset: ac Pōpelonenses ob eā rē, & aliquot regni ciuitates maximas turbas facerent.

A. D. VI. Id. Iun. Rogeri<sup>9</sup> Lauria Regiē classis p̄fect<sup>9</sup> Gaulis, p̄gress<sup>9</sup> nauali pugna cū classe Caroli ad Melitā insulā dimicās, insigni laude victoriē x. hostiliū lōgarū nauīū potitur.

Rege Turiasone adfidēte, dū fines tueri, & Sāctio sororis F. opitulari, & subuenire studet, copix haud exigux Regis Frācorū Sāguessæ finibus, Nauarris adiunctis incursantes, cōtinētes agros depopulātur. Lerdā, Vllum, & Filerā oppida vastāt: atq; diripiunt. Cum Vllū Simō Artieda fortis in primis, & strenuus vir, qui oppido dominabatur, propugnandū suscepisset, in hostiū potestate venit: & in Narbonēsem Tolosæ vrbs arcē cōtruditur.  
50 Hostes inde ad Pinzanam vallem penetrantes Bailiū, atq; Arbuesium agrum inflammant & vallem quam Arago amnis interfecat, transgredientes Verdunum vsque perueniunt: Saluaterraque oppido potiti arcem exædificant: aggereque, ac præsidio muniunt.

Cū fœdus inter Eduardū Angliæ, & Petrū Aragoniæ Reges pactione cōnubii Alfonsi Aragoniæ Regis filii primigenii, & Leonoræ Angliæ Regis F. iūctum esset, Pōtifex Vrbeueteri Non. Iul. ab ea cōsociatione Anglum auertere nititur: incestasq; eas nuptias, & illicitū cōtuberniū, nō legitimū coniugiū fore prædicat: q̄ Leonora Regina Eduardi Regis mater, Amadei Sabaudix Comitissæ soror fuisset: & Amadei Māfredi Regis soceri Alfonsus p̄nepos esset. Seueris præterea cōmonitionibus Eduardū cohortatur, ne cū Petro Ecclesiæ hoste, & perduelli affinitate se se deuinciat: grauiusq; & vehemētius, nisi paruerit, minitatur.



GENERALIS ARAGONIÆ VNIO  
ATQVE COITIO.

Rege Turiasone conuentum celebrante, cum tam necessario tempore, tam propin-  
quis hostibus, à suis non modo non subleuaretur, sed graues, & assiduæ querelæ iactaren-  
tur, easque proceres, ac populi deplorarent, quotidianisque precibus nihil se proficere vi-  
derent, inter se fidem, ac iusiurandum dant: libertatis retinendæ, atque tuendæ causa.  
Primarij ex proceribus viri eo in conuentu adfuere Simon Vrrea maior, Petrus Ferdinā-  
dius Ixeritanus, & Petrus, qui Aierbii dominabatur Regis fratres, Petrus Cornelius, Ar-  
tallus Alagon, Lupus Ferrencius Luna, Atho Focius, Sanctius Antilionius, Gombaldus 10  
Beneuentanus, & Simon Vrreaminor. Hos adfectantur viri Regia domo educati Lupus  
Guilielmus Oteicia, Petrus Iordanis Penna, Gombaldus Tramacetius, Egidius Vidauri-  
us, Petrus Garcesius Nuezius: compluresque alii genere præstantes. Nisi Rex patriis legi-  
bus, & institutis, aut Alfonso eius F. obtemperandum duxerint, se ab eorum imperio  
defecturos pollicentur: & omnes bello persequuturos, qui ad eam rationem non adhæ-  
rescerent. In tam turbido, concitatoque animorum motu Rex conuentum transfert:  
Cæsaraugustamque indicit. Tanta vniuersi regni consensio fuit libertatis vindicandæ, vt  
neq; beneficiis, neq; regiæ amicitie memoria ab instituta coitione remouerentur: ea illata  
causa, ne iure, & legibus commutatis, regis satellitibus subiecti perpetua seruitute pre-  
merentur. Ad externū, longinquū & ppinquum bellū tumultu domestico collato, tumul- 20  
tuantibus procerib. Rex Cæsaraugustano in conuentu A. D. V. Non. Octob. priuilegiū,  
quod generale vocant, Aragonensibus sancit: quo in pristinum statum intermissa liber-  
tas vindicatur: vetusti mores patrii, atque instituta maiorum regno consentanea, non  
modo reuocantur, sed leges, quibus ipsi etiam Reges obtemperent, sancuntur. Cum gra-  
uis offensio à ciuitatibus in Regem concitaretur, quod sale inuecto promiscue vti vetuif-  
set, falsis commercium dedit. Sic compositis rebus proceres hortari non desinit, ciuiles  
iras in exitium hostibus vertant.

Coitio procerum, atque populorum Aragonensium libertatis tuendæ causa, Vnio-  
nem appellauere, seditiose, ac populariter stabilitur: addita licentia, quoquo vellent, po-  
pulum compellēdi. Neque initium repentini tumultus ciuitatum coactu, sed procerum, 30  
quorum nimia potentia, atque auctoritas erat, coortum est. Pacta iureiurando inter se cō-  
firmant: obsidibusq; cauent. Societate, ac fœdere, quos possunt, adiungunt, deuinciuntq;  
illata, atque interposita causa, quod de recuperanda communi libertate, commune regni  
consilium initum esset: & celeriora, quam tutiora consilia, Rege tot bellis implicato, atq;  
distento præferuntur. Tum enim primum reperta sunt, quæ per tot annos rempublicam  
pestum dedere. Rex Petrum Martinum Artassonam Iustitiæ præfectum reiectione in-  
terposita, tamquam suspectum, & infensum iudicem perhorrescit.

1322.

1284

Mense Ianuario, Catalanis proceribus turbantibus, cum de recuperanda itidem  
communi libertate Barcinone conuenissent, consiliaque inissent, morum vetustorum  
statuta, atque scita, Vatica vocant, Rex assensione, atque auctoritate sua confirmat. Cum 40  
Rex militares copias in Catalonia cogi imperasset, & in Nauarram profecturas assereret,  
à Coitionis concilio ad Regem cum procuratoribus ciuitatum legantur Lupus Ferren-  
cius Luna, Atho Focius, Lupus Gurtea, & Petrus Garcesius Nuezius: q. Regi, & Alfonso  
eius primigenio denuntient, se non permisso, vt externæ, & aduenticiæ copię in Ara-  
goniæ regnum traducantur. Ea legatione Regi Illerdæ A. D. XIII. K. Apr. renuntia-  
ta, adeo se lenem, & facilem præbuit, vt non modo cum legatis nihil de ea re expostulet,  
sed recipiat, polliceaturque se Cæsaraugustam aduenturum: & daturum operam, vt o-  
mnium querelæ, quæ apud Coitionis ordines de ipso habebantur, atq; iniurię vindicentur:  
Iacobus Exerica Regis frater, & Artallus Alagon gener Valentino in regno ad eam Coi-  
tionem, quos possunt, pelliciunt: magnæque ex eo turbæ, seditionesq; concitantur: quod 50  
Valentinæ ciuitates Aragonum forum reiicerent.

A. D. III. Non. Mai. Indict. xii. apud Urbem ueterem Martinus P. M. Carolo Phi-  
lippi Regis Francorum F. Aragonii, Valentinique populi regna, & principatum Catalo-  
niæ attribuit: non secus, ac si sub Ecclesiæ imperium ditionemque recidissent. In eius  
veluti sacre expeditionis subsidium, omnium ecclesiasticorum reddituum, prouentuum  
& obuentionum regni Galliæ decumam Regi Francorum in quadriennium largitur.

Iohannes Nunnius Larenis Albarrazini dominus à Rege, quod ab eo defecisset, ea  
in vrbe obsidetur. Obsidionis metu vrbē deserit. Cū Rex Ermégaudo Vrgellitano, & Rai-  
mūdo Folchio Vicecomite Cardonēsi, Raimūdo Anglesola, cui oppidanę Turolensium  
cohortes



cohortes traditæ fuerant, & Raimundo Moncada primariis ductoribus vehementissime oppugnaret, labefactaretque propugnacula natura, & situ in primis nobilis vrbis, quæ Turia torrens amnis præterfluebat, ciues seque, urbemq; dedunt. Rex Ferdinandum F. quem ex primaria femina Agne Zapata concubina susceperat, Albarraziniensi ditione donat.

Aprili mense Alfonso Rex Hispali decessit. Testamento denuo Sanctium F. exsecratur: ac diris exagitat, & imprecationibus. Proditoris labem filio aspergit, & ut crudeliter ingratum, & beneficii immemorem exheredat. Alfonso nepotem regni heredem dicit. Alfonso regni ditione spoliato, patruus regnat. Vclesii cum Aragoniæ Rege auunculo ad colloquia congregitur.

Quod Rex Petro Martinio Artassona Iustitiæ Aragonum præfecto magistratû abrogasset, eius magistratus iura præsidio legum muniuntur, atque vallantur. Eo fit ut leges in posterum ab ipsis Regibus, & regni ordinibus publicis in conuentibus sancitæ vim maiorem, quam ipsorum Regum imperium, obtineant. Petrus Martinus Luna, & Calatubienes à Coitione desciscunt. Rex ut iurisiurandi religione se Coitioni addicant, imperat: & sua auctoritate præscribit. Arnaldo Rexacho, & Bernardo Orle internuntiis, Rex de maiestate damnatus Martinum P. M. iniquum, & inexorabilem iudicem exhorrens, atque reformidans reiecit: & iniquo iudicio, pluribus latis sententiis agitatus à Pontifice Maximo appellat: Ecclesiæque se submittit: & ad summû Pont. minime suspectum, aut inuisum, infensum ve prouocat. A. D. X. K. Iul. Rogerius Lauria in sinu Stabiano Surrentini litoris, Castrum maris vocant, maximo prælio nauali commissio, Gallos hostes deuincit: quo capti fuere Carolus Salernitanus Princeps Caroli Regis F. Iacobus Bussonus Gallicæ classis præfectus, Reginaldus Gallardus, & Comites Aceranus, Brenensis, Monopolitanus, & Villagensis: & Guilielmus Estendardus: ac plures Itali, Gallique proceres. Vetus, ac certo auctore externo comperio, Aragoniam classem XLII. longis nauibus constituisse: & cum LXX. hostium tanto impetu, viriumque conatu decertasse, ut XLII. fuerint à nostris captæ. Rogerius Beatricem Constantiæ Reginæ Aragoniæ sororem, quæ diutius apud Carolum Regem captiua arcta custodia septa in arce S. Saluatoris Castelli, quod ad mare vocant, sibi reddi imperat. Princeps in Matagryphoniam Messanæ vrbis arcem detruditur: & in Ricardum Risum, & Henricum Nicænum summo supplicio tãquam in transfugas animaduertitur. Rogerius præclarissima victoria parta, magni ducis laudem consecutus, eius certe victoriis, bellicisque rebus auctum imperium fuit, protinus inde Bruttios terra, marique oppugnat: Scaleam, Citrarum, S. Lucidi oppidum, & Montiam in ditionem redigi curat: magnaque eorum ditione potitur. Aliquot oppida expugnat continentis regionis, quam Basilicatam nominant. Feruidi animi vir Rogerius ferox viribus, & armorum usu, in quo vno regimen omnium naualium rerum maritimorumque bellorum fuit, quotiens decoris, & laudis discrimina adeunda essent. A. D. II. Id. Sept. in Meningem clarissimam totius Africæ Insulam traiciens, in Regis eam potestatem, ditionemque redigit. Marganus Sarracenus qui Montanorum Tripolitanorum ditionis potitus, se Tuncetanum Regem cognominat, à prædonibus Catalanis interceptus in Regis potestatem deuenit: & in Matagryphoniam custodiam coniicitur.

Cum Siculis deliberatum, constitutumque publico conuētu esset, ut Carolus Salernitanus Princeps, eo mortis supplicio afficeretur, quo Carolus eius pater in Conradinum Conradi Regis F. Frederici Imperatoris N. tam acerbe, crudeliterque usus fuerat, ac totius regni nomine Principis testatum, manifestumque esset, Regina Constantia, Iacobusque F. insigni clementiæ laude, Siculorum animos temere cõcitatos retinent. Ut saluum, incolumemq; conferuent, ex Matagryphoniam Mamertinorum arce, in Cephaleditanam transferunt. Mamertini in captiuos Gallos, qui in custodias traditi fuerant, periculum capitis inferunt: & plures eorum ferro trucidantur. Rex reliquos à morte vindicari, liberariq; imperat: modo ne bellum aduersus se inferant: aut cum hoste consentiant: & vnus Reginaldi Gallardi Gallicæ classis præfecti, in ea se fides egregia enituit.

Citrix Castellæ oppido, in ipsis regni finibus colloquium inter Reges Petrum, ac Sanctium Petri sororis F. habitum. Inde Borouiam vicinum oppidum ineunt: vbi fœderum pactiones instaurantur: renouanturque. Sanctius auunculo pollicetur, se aduersus Francorum Regem comparaturum, si eius regnum inuaderet: atq; in ipsa acie, vna cum auunculo prælio decertaturum.

Raimundus Botonachius Regis legatus Rodulphum Imperatorem in amicitia, ac fœdere, quo Gibellinæ factionis à Rege partes in Italia deuinciebantur, confirmat. Permutationis pactio ea à legato obicitur: ut Rodulpho iura ditionis Allobrogû Sabaudiensium



AERA.  
NAT.  
CHR.

comitatus, quæ Rex liberis suis deuoluta contendit, tribuantur: eorum oppidorum commutatione, quæ Regiis in ditionibus Templatorum ordinis militiæ addicta erant. Pollicetur Rodolphus se Italiæ finibus Regi auxilium aduersus Carolum hostem laturum: breuique Alpes transcursum se sperare, vti diadema regni more suscipiat. Gisbertus præterea Botonachius Episcopus Valentinus ad Margaritam Reginam Ludouici Gallorum Regis vxorem legatur: quod Rex speraret eius interuentu Philippum Galliarum Regem filium, inimicitias contumaciæ nomine susceptas depositurum: sed vltra Parisios Episcopum progredi vetant: quod Reginæ cum Carolo Rege magna simultas intercederet: ex quo Prouinciæ dominatum vxoris nomine interuertisset: cum Margarita Regina natu maxima filiarum Raimundi Berengarii Prouinciæ Comitissæ fuisset.

Augusto mense Philippo Francorum Regis natu maiori F. Iohanna Henrici Nauarræ Regis F. atque regni heres in matrimonium collocatur. Regalibus insignibus Pompelone ornatur Philippus: & id temporis Rex Turiasone exercitu coacto, ad Tudelæ vrbis muros prope Hiberi ripas castra metatur: & Iohannes Nunnus Larésis, qui Tudelæ propugnationem susceperat, equitatu, & peditatu immisso, eas copias qui nondum Hiberum transmiserant, prælio tentat: atque laceffit. Rex Nauarræ finibus bellum infert: cum continua bella per biennium in Italia, & Sicilia gererentur: & maiora instarent. Exercitu dimisso, cum Cæsaraugustam Nouembri mense iniisset, & militaria stipendia inter proceres esset partitus, benigne suam operam Regi pollicentur: sed Petrus Ferdinandus Ixeritanus Regis frater, & Artallus Alagon gener, & Petrus Iordanis Pinna operam nauare abnuunt, atque recusant. Rex Magalionensis, & aliorum oppidorum decreta stipendia subtrahi illis imperat.

1323.  
1285

A. D. VII. Id. Ian. Rex Carolus Fogiæ mortem obit: princeps, cui, etsi haud dubie virtute, ac rerum gestarum gloria opulentissimum regnum tenuerit, cum vita suppeditauiisset, ad extremum, & consilium, & fortuna, & ipsius partæ gloriæ splendor defuit.

Complures Apuliæ, Calabriæ, atque Campaniæ ciuitates Carolo Rege defuncto, res nouas moluntur. Regis nepos Carolus Caroli Principis Salernitani F. regni res confestim administrat: geritque: cū in tutelam Roberti Atrebatensis Comitissæ, fratris patrue-  
lis Salernitani Principis traderetur. Gerardus Parmensis Sedis Apostolicæ legatus ducis munia Ecclesiæ nomine sustinet.

A. D. VII. Id. Mart. Rex Oscæ publico conuentui præfidet: & inde Zufariam in A. D. VI. K. Apr. transfertur. Cum ad eam diem Rex se non stitisset, qui coitionis regni partes sustinent, assueti quidem regio imperio, sed maiori libertatis præsidio, à Iohanne Egidio Tarino præfecto Iustitiæ Aragoniæ, tamquam legitimo conuentus iudice, qui iudex sedit, & causis præfuit, quas consilio ordinum decidere erat necesse, cum Rex contenderet, à se iudices dari oportere expostulant, vti absente Rege, secundum præsentis iudicet: in eis postulatis, quæ interposita erant: Regique intenta. Cum Rex citatus non ad fuisset, Magistratus secundum eorum causam iudicat. Eo tum statu res erant, vt qui se ad eorum procerum amicitiam aggregauerant, meliore condicione, atque æquiori imperio se vti arbitrarentur. Interfuere ei conuentui Bernardus Guilielmus Entenza, Simon Vrrea maior, & Simon eius F. Artallus Luna, Petrus Aierbius, Petrus Cornelius, Lupus Ferrencius Luna, Atho Focius, Sanctius Antulionius, Guilielmus Podius, Gombaldus Beneuentanus, Amor Dionysius, Petrus Martinus Luna. Ex his qui se Regis domesticos appellare consueuerant, adfuere Guilielmus Alcalanus Xarci dominus, Gombaldus Tramacetius, Egidus Vidaurius, Petrus Maza ex Cellis, Guilielmus Alcalanus Quinti dominus, Petrus Sefesius, Artallus Horta, Didacus Perezus Escoronus, Lupus Ferrencius Luna, qui Lurcenii dominabatur, Petrus Garcezius Nuezius, Lupus Gurrea, Rudericus Sanctius Pomarius, Simon Perezus Pinna, Alfonsus Castellinoui, Petrus Pomarius. Totius nobilitatis Valentini Regni nomine ad sedere Simon Sanctius Aradrius, & Ferdinandus Sanctius Aiuarius. Quod Rex pollicitus fuerat, se Præfectum Iustitiæ natione Aragonum, Valentino in regno creaturum, qui ciuitatibus, atque proceribus, quibus scita, priuilegia, & fora, quæ vocant, Aragonia facta, irrogata, & indicta fuerant, ius diceret, & in eius iudicium causæ controuersiæque omnes deducerentur, vniuersi regni magistratui præficeret militaris ordinis virum Aragonum Alfonsum Martinum: & ciuitatibus eius regni iudices dantur: qui ea obseruent, quæ scita erant in Aragoniæ regni legibus: atque institutis. Præterea decretum fuit, vt in posterum Rex Ripacurciensi ditioni proprium, & præcipuum iudicem daret: qui Gradibus, eius regionis oppido, pro tribunali sederet: atque pronuntiaret: & primarum reiectionum eius iudicia factarum aut Barbasti, aut apud Præfectum Iustitiæ Aragonum iudicia fierent: secundæ vero



vero appellationes ad Regem reicerentur: & eorum iudicum sententiis, quos Rex ele-  
gisset, litibus, & controuersis finis, & modus terminaretur. Regis etiam nomine coram  
Præfecto Iustitiæ Aragonum lites aliquot proceribus intenduntur: & cum lites contesta-  
tæ essent, & iudicium damni iniuria constitutum, Præfectus de consilii conuentus sen-  
tentia, de tribunali pronuntiat: eiusque iudicia, quod Rege absente, fierent, à Rege ipso  
firmantur: & stabiliuntur.

Iohannes Egidius Tarinus Præfectus Iustitiæ Aragonum:

Cum de vniuerso genere belli, quod à Francorum Rege, de regno Aragoniæ, filio as-  
ferendo parabatur, multa, & pæne incredibilia, ac de præfenti hostium apparatu fama ef-  
ferrentur: non vana magis specie, quam efficaci euentu extitissent, nisi vnus principis  
omnium fortissimi, & animi maximi virtus obstitisset. Namque non modo ab Hispa-  
niæ Regibus finitimis, & cognatione adiunctis, sed à suis turbantibus, & res nouas moli-  
entibus desertus, cum externorum principum in vnum, tamquam Ecclesiæ hostem, velu-  
ti sacra expeditione vires, atque arma concitarentur, verterenturque, illo robore animi  
fuit, vt labantibus rebus, aucta potius per eum, quam immunita regia maiestas dici vere  
posset. CXL. naues longæ, ac LX. quas taridas vocabant, transmittendis equis ido-  
neæ, præter innumeras alias minores naues, in prouincia Gallia, & Ligustinis litori-  
bus adornantur: armanturque. Maximus hostium, fortissimusque exercitus confici-  
tur. Bernardus Dezclotius, præclarus in primis auctor ætatis eius ad XLIX. MDC. equi-  
tum, C. L. M. peditum conscripta, ac centuriata fuisse, & lixarum, & calonum numerum  
L. M. perhibet: ac X. M. sagittariorum recenset eo in exercitu meruisse: & admirandam  
machinarum, ac tormentorum molitionem adhibitam. Philippus Rex, quod duce, &  
Imperatore bellum gerebatur, finibus regni appropinquans, Tolosæ substitit. Pyrenæi  
saltus à nostris occupantur. Petrus Rex Pyrenæo transens Perpinianum regiam fra-  
ctis Balearum Regis sedem, fratre pulso, occupat. Fratris filios retinet: quod belli faci-  
endi causa cum hoste consensisse iudicaretur: & Gallorum Rex summi Pontificis decre-  
to Valentini regnum Balearico Regi obtulisset: si aduersus fratrem maritima, & ter-  
restria auxilia adiunxisset. Dalmatium Rocabertinium Vicecomitem, Comitemque  
Emporitanum potentes in Indigetibus regulos cum reiecti, & relegati longe à se viderentur,  
Rex conciliare sibi, atque ad vsus belli adiungere, quod eorum ditiones, primos hostium  
aditus interclusuræ erant, studet. Gallorum exercitus Ruscinonis regionem inuadit  
eavia, quæ Salsulas vicum ducit. Castra in suburbano Perpinianensi faciunt: oppi-  
dumque circumfident. Philippus Rex duobus filiis comitatus Nauarræ Rege, & Ca-  
rolo, qui se Aragonum Regem nominabat, ad Castrum Zarochæ statium sibi præfi-  
dium collocat.

Sanctius Rex neglecto sacramento, obtentu proprii discriminis, quod sibi à Iuceffio  
Mauritanæ Rege, intra Baticæ fines intendebatur, rogatus auxilium ferre Regi auun-  
culo, propinquo, finitimoque, labantibus rebus, & pæne desperatis recusat. Res præ-  
terea memorabilis ab antiquo scriptore traditur: conterritis nostris, cum publicis, pri-  
uatisque deliberationibus trepidarent, neque consilium in tam affectis suppeteret re-  
bus: ex intimis consiliariis regis Petrum Martinium Boleam tutius, quam honestius  
cum dignitate consilium exquirentem, callide in fraudem vertisse. Nam cum Sanctius  
regni stabiliendi causa, cum Philippo Rege consensisse traderetur, Bolea callidum  
consilium tegens, & generale mandatum accipiens, eumentita legatione, Sanctio Ca-  
lataubium oppidum, ditionemque eam Regem condonaturum pollicetur: modo  
bellum ne inferat. Eo dono Sanctium illectum ab nefario scelere se cohibuisse. Dum  
vero ditionem eam ex pacto Sanctius repetit, Rex, qui in fide violanda, in expia-  
bilem eam fraudem conceptam fuisse nescierat, Boleam Sanctio dedi imperat: qui  
ab eo dimissus fuit: neque de dolo malo in iudicium adductus. Vt cumque ea res  
gesta sit, Regem alioqui animi inuictum, tot principum conspiratione, atque con-  
sensu grauiter eo tempore fortuna concussit: vt maioris splendoris, & gloriæ compotem  
redderet.

Simon Vrrea, Attallus, & Lupus Ferrencius Lunæ, Rudericus Simenius Luna, &  
Didacus Perezus Escoronus bellum aduersus Iohannem Nunnium Larensem, & in  
Castellæ fines inferunt. Michaël Perezus Isuerrius Baianæ arcis præfectus arcem fir-  
mo præsidio tueretur: & Solum, Thermæ, & Saluaterra aduersus finitimos Nauarros mu-  
niuntur.

A. D. XV II. K. Apr. Rex nominatim ex omnibus ciuitatibus nobilissimo, &  
fortissimo quoque euocato, in ipso Pyrenæi aditu, atque ascensu, acri, & veterano



AERA.  
NAT.  
CHR.

milite vsurus: & copias omnes, quod bellum trahendum videt, præstolaturus, Ficarias oppidum contendit. Cum exigua manu, & montanis, qui saltuosos locos incolunt, colles circumfidens, Iuncariam tenet. Inde Pyrenæi iugum, collem Panizasium vocant, supra viam, qua exercitus hostium montes transensurus erat, præsidio munit. Adeo vero per exiguæ copię conuenerant, vt vix ipsa montium culmina obsiderentur. A. D. VI. Id. Mai Galli Ruscinonensem tractum incurrentes, & Perpiniano potiti, Helenam urbem expugnant. Balearicus Philippum Regem, vt amicū, & eiusdem fœderis socium excipit. Gallis Pyrenæum traicientibus, dum nostri, & si montani, & asperi homines, in armis vitam degentes montium claustra obsedisse videntur, & hostium ingentes, immensæque copię iugis omnibus se effudissent, neque resistere, ac repugnare, tot, tamque valentibus cohortibus possent, saltu angusto superatis montibus, statim deliciuntur: fundunturque. Rex tamen, in quo vno omnis spes, ratioque vincendi collocata erat, quæ illius fuit animi magnitudo, & ætas militaribus laboribus exercita, copias auxiliares pusillas, atque oppidanæ dimittit: dum furentes, ac violenti impetus hostium comprimantur: eoque consilio vtiur, vt bellum in hiemem ducat, & Siciliensem classē arcescere possit: proceribus, & euocatis, ac veteranis militibus retentis.

Victa præsentī metu Indigerum oppida complura in deditionem concessere. Cardonensis Gerundam nobilem urbem hostibus subiectam, atque oppositam, tuendam suscipit: tribus strenuis viris Catalanis comitatus Guilielmo Castleaulinio, Guilielmo Anglesola, ac Bertrando Canellia. cxxx. equites, veteranique milites hastati, & sagittarii II. M. D. præsidio propugnaculorum collocantur. Hostes castrum Lerzium magna tormentorum vi oppugnant. Cum propugnatores non solum vires, sed spes omnis defecisset, seque, castrumque dedunt. Eo loci, ac si earum regionum primariam arcem expugnauissent, Carolus Philippi Regis F. legato auctore, Barcinonensis comitatus, principatusque Cataloniæ possessionem vsurpat. Amplissima dignitatis præmia beneficiariis suis constituit: & Cataloniæ terram inter eos partitur. Militaribus muneribus obeundis Imperator, castrorumque dux deligitur, quem Senescallum vocant.

Operibus ingentibus septa Gerunda est. Turres, vineæ, testudinesque, & alii oppugnandarum urbium apparatus admoventur: neque his intra muros nostri coercentur: cum agger promotus ad urbem, & vineæ iam iniunctæ mœnibus essent, vallo fossaque obsideri cœptum. Ita hostibus expugnandi pariter, cogenēdiq; ad deditionem spes iniecta, Nostri fortiter resistentibus, atque repugnantibus, diu nequicquam propugnata est.

Rex, quod equitum opera in montosis, & siluestribus locis non desideraretur: maiorem equitatus partem Ostalrico, & Besaluno collocat. Aliis locis strenuos duces admouet Albertum Medionam, Bernardum Anglesolam, Berengarium Puchuertium, & Berengarium Rosanem: qui incurstantes, & diffuentes hostium copias coercerent: ac male multarent. Copiæ, quæ maxime veteranæ erant, coguntur.

Vnionis, quam vocabant, societas Cæsaraugustæ ipsis Iulii K. lege sancit, vt Aragoniæ proceres, equites, militaresque manus in subsidium Regi ad bellum, aciemque præsto sint: iis exceptis, qui in Nauarræ finibus, & ad Albarrazinum, in propugnatione earum regionum stipendia merentur. Copiis auxiliariis Petrus Aierbius Regis frater præficitur.

Raimundus Marquetius, & Berengarius Maliolus strenui rerum nauticarum duces, à Rogerio Lauria regiæ classis præfecto, ex Siculis oris in Hispaniam præmissi, cum x. nauibus longis xxxiii. hostium longas naues, quæ ad Rhodam, & S. Felicis stationem commorantes, nostros portubus, atque omni ea maritima ora prohibebant, & suscepto bello, ne sui commeatu, & reliquis copiis intercluderentur effecerant, adoriuntur: & insigni prælio nautali superant. Cum victoriam stabilitate, atque constantia essent consecuti, naues iix. capiunt: & in iis prætoriam, cum ipso duce Gallo Guilielmo Lodena.

Rex Ostalrico, cum delecto nobilitatis, ac militiæ flore, ad D. equites, & V. M. veteranorum peditum fuisse constitit, eo consilio procedit, vt equitum Gallorum turmas, reliquasque manus, Ausetanorum, & indigerum regionibus incurstantes peruellat: atque coercet. Cum ingenti parte equitatus Gallici, & hostilium copiarum albente cœlo congressus proelium committit. Læti, atque ouantes hostes acceperere pugnam: quæ longa, atque anceps fuit. Magna dici parte pugnatum: magna vtriusque cæde. Strenue ab omni parte res geritur. Rex in primis stragem edens, pulcherrimi facti laudem tulit: qui cominus in acie pugnans, magno impulsu, atque conflictu obstitens, Niuernensem Comirem, & Claramontium sua manu occidit. Cum Niuernensis Regem eminens venabulo transuerberasse crederet, Rex eum persequens claua ictum equo deturbat: & Guilielmum Scribam, qui



qui Regiprelianti aderat, ut hostem obtruncet, imperat: atque Guilielmus, dum ensem illi detrahere nititur, una mortem occumbit. Pugna ea, A. D. XVIII. K. Septemb. pugnata constanti illorum temporum fama celebratur: quod clarissimus, qui unquam fuerunt Rex, duxque, maxima virtutis gloria præstans, & Gallica procerum nobilitas, atque ingens eorum equitatus robur, infestissimis animis conflixerint. Hostilis equitatus duces fuisse accepimus Iohannem Ancurum regionum Galliarum castrorum præfectum, Connestabulum vocat, Comitem Marchiarum, & Rullum Radium. Exteri omnes ad unum auctores Aragonium Regem eo prælio devictum, atque ex acie faucium elatum referunt: & breui defunctum: quod falso memoriæ proditum conuincitur.

Gerunda magnis vitro, citroque illatis detrimentis, incredibili constantia propugnatur. Cum extremo tempore obsessis subueniri non posset, urbem dedere paciscuntur: nisi intra xx. dierum inducias, nostris auxilia missarentur. Omne id tempus contrahendis auxiliis, & reficiendis veteranorum copiis consumitur.

Alaimus Leontinus regni Siciliae magister Iustitarius, quo auctore, & consiliorum primario administro, atque ductore Galli insula Sicilia exacti fuerant, maiestatis minutæ conuictus, quod ad Gallorum Regem cum Machalda vxore, & filiis, ac Proratio Augustano, & Matthæo Scalera affini, & Iohanne Mazarino, & Dinolfo Minço fratris filii defecisset, in Sicilianam arcem detrusus poenam suo scelere dignam suscipit.

Id. Iul. Rogerius Lauria Bruttiorum, & Apuliae oras classe præteruectus, expositis militibus Tarentum obsederat, atque irruperat. Delectis xxxvi. nauibus longis in Hispaniam nauigans, ad Barcinonensem stationem, A. D. V. K. Octob. appellit. Incredibili festinatione hostium classem consecutus, quæ xl. nauibus longis constiterat, A. D. VI. Non. Octob. cum quattuor acturias Siciliensis classis sibi adiunxisset, ad S. Felicis stationem in certamen deuenit. Galli in ipso impetu, atque conatu profligantur: xiii. naues intercipiuntur: & Iohannes Scotus Gallicæ classis præfectus captiuus remanet. Nostri reliquas naues perceleri cursu velificantes, ad Narbonensem stationem, Gradum vocabant, persequuntur: quibus Henricus Marius Genuensis præfuerat.

A. D. XV. K. Octob. Tiburi Honorius III. p. m. qui in Martini demortui locum successus fuerat, ob iniqua, & grauiora onera, quæ a Frederico Imperatore, eiusque filiis imposita fuisse obtendebatur, & a Martino ipso Caroli Regis consensu in ordinem redacta erant, Apostolico decreto sancit: ut tributorum onera, quæ prouincialibus Siculis intolerabilia imponebantur, tollerentur, sperans eo emolumento, Siculorum animos à se permulceri, atque allici posse: ut ab Rege Petro deficerent.

Castra Regis Francorum funesta peste in Indigetibus vastantur: atque in dies singulos deferuntur. Philippus Rex valetudinis vitio, atque ægritudine animi laborans, Castellionem vicum in ipsis Emporiarum vetustæ urbis vestigiis situm, recedit.

Gerunda hosti exactis indutiis, confecta paucitate propugnatorum opere, vigiliis, & vulneribus, quæ semper eosdem perculerant, ex pacto deditur. Vix per conditiones tradita fuerat, cum subito castra deferi cepta sunt: quod hostes inclusi montibus, firmiore se munimento à nostris circumvallatos, quam à se urbem viderant. Tantum enim terrorem Petrus Rex perpusillis copiis fecerat, ut vix credibile esset, tam affectis rebus, solos per se ad bellum suscipiendum coortos. Fugæ magis modo complures manus, manipulareque cohortes per inuios saltus funduntur: & occursum nostrorum militum recedentibus signa inferuntur. Cum obsepta culmina vidissent, in angustiis montium palantes hærent. Sed nostri cum saltus, per quos exercitus regressus erat, insedissent, versis signis, & vasis conclamatis, ægrè tot agminibus, aut regressus, aut effugium, periculosis saltibus superatis, patuit. Dum omnes hostium copiarum proximis montes cepissent, nec quidquam satis tuti loci regredientibus esset, & de iugis, quæ ceperant, funderentur, Almogauates, veteranorum manus irrupentes stragem fecere. A. D. II. K. Oct. exercitus hostium fusus, & ad fugam pronior, Panizasium Pyrenæi collem transcendit.

Philippus Rex Perpinianum moribundus lectica delatus, A. D. VI. Non. Octob. moritur.

Nostri Gerundam hostibus deditam oppugnant. Propugnatores xx. dierum inducias paciscuntur: quibus exactis urbem dederent, nisi subuentum esset. His constitutis Rex Barcinonem festinanter contendit: & in urbem A. D. IV. Id. Oct. cum ingentem sibi laudem, & gloriam peperisset, introit: haud quaquam tam insigni victoria lætus, quam quod præter exiguam Indigetum, & Ausetanorum partem incendiis, & incursionibus deformatam, cetera contra spem salua, sua virtute, aduersus ingentes copias fecisset.



AERA.  
NAT.  
CHR.

132

## INDIC. RER. AB ARAGON. REGIB.

Ea tempestate, dum hostis malis victus, subactusque bello esset, Simon Vrra, Lupus Ferrencius, Artallus, & Rudericus Simenius Lunæ Aragonii proceres, & Didacus Pereſius Eſcoronus, qui regni finibus in Celtiberis prætendebantur, cum ea manu, quæ Iohannis Nunnii Larenſis ductu Molinæ Præſidio collocata erat, in certamen, ancipiti pugna deueniunt.

Fuerat Carolus princeps Salernitanus à Iacobo Regis filio Cephaledi traditus tribus strenuis viris Catalanis Raimundo Alemano, Simoni Dezlorio, & Guilielmo Pontio: ea conditione, naui in Cataloniam deportandus, yti iureiurando atringerentur, quoduis potius mortis periculum se adituros, quam in aliorum potestatem Princeps veniat: aut priusquam dedere cogantur, in mare demersuros. Ad fœderum pactiones Salernitanus, & Iacobus Regis F. deuenierant: polliceturque Salernitanus se iure regni Siciliæ Iacobo cessurum: & insularum adiacentium: suo, & heredum nomine: & Blancam F. illi in matrimonium traditurum: & alteram, ex filiis Frederico Iacobi fratri collocaturum: & Tarentinum Principatum, atque Honorem S. Angeli, quemadmodum Manfredus Rex obtinuerat, dotis nomine adiecturum. Præterea sponsione cauet, vt Ludouicus F. Iolantæ Iacobi sororē vxorē ducat: & Bruttiorum ditionem dotalem dicit: seq; filios earum patrimonii obſides relicturum recipit: & eis adiecturum complures ex proceribus Galliz, & Prouinciæ, & regni Angliæ. Adhæc ingentem pecuniæ vim condonandam esse recipit: eiusq; periculum facturum, nisi intra biennium ea fœdera à Sede Apostolica, & Galliz Rege sancirentur: alioqui in Regis Aragoniæ potestatem venturum.

Dum Rex, omni celeritate, & studio incitatus operam dat, vt militares copiæ in Balearem Maiorem transportarentur fratrem bello, odio penitus infesto, persecuturus, A. D. VII. K. Nou. Barcinone, eo consilio proficiscitur, vt Salonio portu primo quoque tempore classem soluat. Iter Tarraconem faciens graui morbo, æstu, febrique iactatus, meridiana via, ita repentino concidit, vt humeris Villamfrancam reportaretur. Supremum diem adesse ab Arnaldo Villanoua nobilissimo, & optimo illius sæculi medico intelligens, Alfonsum filium, vt Balearicam expeditionem matura, hortatur. Dum animam agit, tertior redditur, Carolum Salernitanum Principem captiuum Barcinonem delatum: & Gerundam suis deditam.

Cum incredibili animi affectu Rex peccatorum confessionem, noxiarumque penitentiam esset testatus, & ad sacrosanctum Eucharistiæ sacramentum se proieciſſet, vntionisque sacræ extremo esset expiatus, præsentibus Bernardo Oliuella Tarraconensi Antistite, & Valentino, atque Oſcenſi Episcopis, & magna procerum turba insigni religionis pietate, A. D. IV. Id. Nou. vt Dezlorius perhibet, defungitur: sabbatho enim quod festum S. Martini diem antecessit, obiisse testatur: Princeps ad omnia summa natus: & verè magnus: cuius nominis splendore æternæ laudis gloriam est consecutus. In cœnobio SS. Crucium D. Bernardi sepelitur: cum more regio iusta magnifice feciſſet, Publicis enim exequiis ducitur ingens funeris pompa: qui supremus Regibus honorabatur.

Testamento regnorum, & ditionum paternarum Alfonsum filium heredem reliquerat: nulla Siciliæ regni mentione facta: quod illo ipso die, quo nauim conscenderat, in Africam nauigaturus testamentum in prociectu feciſſet. Iudices ab eo in testamenti tabulis designantur Archiepiscopus Tarraconensis, Episcopus Valentinus, Rudericus Pereſius Pontius Alcaniciensis præfectus, Artallus Alagon, qui Theresiam Pereſiæ Regis filiam in matrimonium duxerat, Artallus Focius, & Gilabertus Gruillias.

Fuit is annus trium præclarorum Regum, & Martini p. m. morte insignis.

### ALFONSVS III. ET XVI. REX ARAG.

Alfonsus Regis F. viuo, & spirante Rege, cum naues, quæ in Catalonia erant, reficerentur: expedirenturque, portu Salonio nauim conscendens classem soluit: patrum Iacobum regno exturbaturus. Ad Porrazam Maioris Insulæ stationem terram attigit: & expositis militibus ad urbem castra metatur. Præcipui eius expeditionis ductores Alfonsus à Rege adiuncti fuerant, Blascus Alagon Artalli frater, Sanctius Antilthonius, Petrus Garcesius Nuezius, Petrus Sefesius, Blascus Simenius Aierbius, Simon Pereſius Andofilla ex Aragoniæ regno. Catalani proceres eo in bello militauere Petrus Moncada, Raimundus Durgius, & Maimonus Plegamanus. Cū in ciuitate diuturnitate otii, multitudo insolens belli tumultuaretur, Conrado Lanza internuntio, ciuib; se, suæque deditibus, Rex Insula potitur: & in ea se Regem Aragonium, Maioricensem ex Insulæ nomine, & Valentinum, Comitēque Barcinonensem nominat Rogerius Lauria in Siciliam classe transmissurus, fœderum vinculis summæ coniunctionis, & amoris artissimis Alfonsum Regem



Regem astringit: uti Iacobo. Sicilię Regi fratri opituletur: & ad tuendum regnum, & vindicandas ditiones Campanię, & Apulię, & continentium regionum subueniat.

Iacobus Regis frater mortis paternę nuntio accepto, A. D. XVII. K. Ian. regium Sicilię nomen usurpat: ac se Regem Ducatus Apulię, ac Principatus Capuę nominat: eo-  
que titulo posteriores Reges Siculi Aragonię stirpis vti fuere: quamdiu cum Caroli Regis nepotibus bellagesserunt.

IACOBVS SICILIÆ REX DVCATVS APVLIÆ ET  
PRINCIPATVS CAPVÆ.

10 Anni initio Rex classe, ex Maiore Balearum insula in Ebusum transmittit. Arcem natura ac situ egregie munitam, armisque septem incolę dedunt. Ex Ebuso Alicantis portum tenet. Regi ad urbem Valentiam aduentanti obviam processere Iacobus Exerica patruus, Iacobus Perezus frater, Guilielmus Raimundus Moncada, Bernardus Belpucius, Amor, & Gabriel Dionysii fratres, Petrus Iordanis Penna, Rudericus Sanctus Calataiubien-  
20 sis, Petrus Zapata, qui Toui dominabatur, Carrocus Rebolleti dominus, Berengarius Laciolius, & Simon Romaninus: & omni auctoritate aulae regię communita regnū cum dignitate obtinet. A. D. III. K. Feb. S. Valerii festo die in eade maxima Saluatoris Cæsaraugustę ordines regni, qui eo loci conuenerant, Bernardum Guilielmum Entenzam, & Simonem Vream legatos ad Regem præmittunt orantes, expostulantesque, uti primo quoque tempore Cæsaraugustam adueniat: & iurifiurandi religione de more, leges, atq;  
30 instituta, & fora, ac priuilegia, & vetustos patrię mores sanciat: & regalibus insignibus, & militari auctoramento decoretur: nam dum ea comitia non peragerentur non esse a superioribus Principibus usurpatum, ut regio nomine, aut eius muneris functione uteretur. Ea legatione Regi ad Moruedrum renuntiata. Rex benignissime respondet: & non sibi e dignitate visum esse, cum ab Archiepiscopo Tarraconensi, & Episcopis, proceribus ac ciuitatibus Catalonię regali nomine compellaretur, Infantis nomen a se populo edi-  
40 atque peruulgari. Regii funeris exequias supremi diei celebritate prosequitur, Arnaldum Rogerium Palliariensem Comitem a Cinga ad Panizasium collem pro Rege Catalonię præficit.

A. D. III. Non. Feb. sacro D. Marię purificationis die Iacobus Rex Panhormi festa, ac sollemni cærimonia regium diadema suscipit. Insignia regia, aquila Regis Manfredi  
50 aui, argenteo scuto expansa, & tæniis puniceis Barcinonensibus in quadrum distincta variantur. Ea celebritate cccc. primarii ex Siculis viri militatibus insignibus decorantur.

Gibertus Castelletius Catalanus, & Bartholomæus Nicastrensis Siculi Regis legati Romam, eius rei causa proficiscuntur, uti de more Pontificis maximi voluntati, Iacobum Regem perpetuo paritum obtestentur. Spreti, ac repudiati continuo dimittuntur. Barcinonem legationis causa Regis Castellę nomine conueniunt Didacus Lupezus Pharen-  
60 sis, & Michael Simenius Aierbius Ecclesię Toletanę Archidiaconus, & Rudericus Perezus Pontius Calatrauensis militię Magister: fœderum initorum non tam sanctiendorum oratores, quam uti Alfonso, & Ferdinandus, qui Setabitanę arcis custodia attinebantur, Regi Castellę patruo tradantur: uti præsidia stabilitatis regni obtineat. Aragonius pacta ea renuit: quod Castellę Rex totum se Gallorum Regi dedidisset.

A. D. XIII. K. Apr. Petrus Cornelius inter primores Aragonios longo stemmate insignis, & virtute præstans, qui Iaccę earum regionum dux præsidebat, prælio Nauarros vincit: quo Iohannes Corbaranus Lehetius eorum dux capitur.

Rex Cæsaraugustam urbem die cænæ Domini sacro. A. D. II. Id. Apr. ingreditur. Festo paschatis, ad maximam Saluatoris aram regium diadema suscipit manu Iacobi Oscensis Episcopi: quod Tarraconensis Antistes aberat: & Cæsaraugustana Ecclesia pastoris curatione, administrationeque vacat et Maxima celebritate, militaribus summi imperii, atque honoris insignibus ornatur: uti priscus mos fuit Aragonię Regibus. Puncto eo  
70 temporis, obtestatione paterna utitur: se proprio, perenni, ac præcipuo suo, non adsciticio iure regnum esse adeptum. Cum Rex leges, priuilegia, fora, & immunitates omnes iure iurando sanxisset, & regni libertas stabilita esset, magna inter proceres dissensio, atq; concertatio suboritur: quod plures contēderent, ut deprauati mores aulae regię ordinū consilio, & totius conuentus in ordinem redigeretur: repugnantibus, & contratendentibus Petro Aierbio Regis patruo, Artallo Luna, & Lupo Ferrencio Luna, Ruderico Simenio Luna, & Sanctio Antilionio: & maiore parte regionum domesticorum: & aliorum, qui conuentui intererant. Rex neque lege, neq; priuilegio cautum vnquam fuisse contendit, uti Reges eorum hominum arbitrio, consiliove domesticas res componerent: aut gubernarent: moderarenturve. At proceres priuilegio generali cautum esse obtestantur, ut Rex



AERA.  
NAT.  
CHR.

domesticas res conuentus consilio in ordinem redigeret. Recipiente Rege, ac pollicente, se de consilii regii sententia domesticis, & priuatis rebus consulturum, neque assentientibus proceribus, Cæsaraugusta Alauonam iniit: & magna inde dissidia, inter eos, qui in conuentu adfederant, concitantur. Cum de censorio iudicio, & notione inter se controuerfarentur, & ut corruptelarum domus regiae modus imponeretur, complures, contenderent, ad eam pacitionem deuentum est: uti arbitrio XII. virorum earum gentium quas Mesnadas vocabant, ex vtraque factione selectorum, controuerfia ea decideretur: modo singuli proceres singulos militaris ordinis viros adiungerent: & Cæsaraugustani procuratores IIII. & aliarum ciuitatum singuli accederent: & omnium suffragio censorianotatio transigeretur.

Antonius Dunelinensis Episcopus, & Iohannes Vesseius Eduardi Regis Angliæ legati Oscæ Regem conueniunt. Vt ut pollicentur, offeruntq; Eduardum medium inter Aragoniæ, & Franciæ Reges interiectum, paci inter eos, & concordiae conciliandæ operam daturum: & ut Rex in sinum, & gremium P. M. & Ecclesiæ suscipiatur. Renuntiata legatione, Rex ad Eduardum, Petrum Martinium Artassonam, & Iohannem Zapatam præcipuos consiliarios, & administratos legat.

Aragonensis coitio consiliarios Regi constituit: ac deligit quattuor ex proceribus Petrum Aierbium Regis patrum, Petrum Cornelium, Artallum Alagonem, & Petrum Martinium Lunam. Ex his, qui domestici cognominabantur, selecti fuere Egidius Vidaurius, Rudericus Sanctius Pomarius, Alfonso Castelli noui, & Ferdinandus Perezus Pinna. Ex militari ingenuorum ordine deliguntur Fortunius Sanctius Vera, Simon Perezus Salanoua, Simon Perezus Vera, & Arnaldus Castrensis: & regni Valentini nomine adscribuntur duo qui ex militari ordine deligerentur: & Cæsaraugustani ciues duo: & singuli ex Oscensi, Turiasonensi, Iaccetana, Barbastrensi, Calataiubiensi, Turolensi, & Darocensi ciuitatibus. Ad hæc decreuere, ut quamdiu Rex in Aragonia, & Ripacurcia, aut Valentino in regno resideret, in regio aulæ comitatu comorarentur duo ex proceribus, & bini ex domesticis, & ordine militari regni Aragoniæ, & vnus ex Valentino regno, & quattuor procuratores ciuitatum Aragonensium. Nouis præterea sacramentis adstringuntur: ut ea rata, ac firma permaneant: & suorum consiliarios legatione Fortunii Sanctii Veræ & Sanctii Martinii Lacunellæ & procuratorum Cæsaraugustæ, Oscæ, & Tu-  
30  
roli Regem certiores faciunt: adduntq; se prouentus omnes Regios intercepturos, & beneficia militaria, & honoraria eorum procerum, qui his sanctionibus non assentirentur.

A. D. Non. Mai Oscæ Rex Philippo Castro fratri patrueli Pomarium castellum, ac ditiones alias, quas Petrus Rex Ferdinando Sanctio fratri inimico, & hostiles inimicitias gerenti Philippi patri interuerterat, restituit: cum in Philippi gratiam, & conciliationem Sanctius Antilionius, Petrus Aierbius, Rudericus Simenius Luna, Lupus Ferrensius Luna & Petrus Seseius suas partes interposuissent. Ex eo Castorum familia præpotens, & Regia cognatione insignis pristinae dignitatis, atque potentie robur adipiscitur.

Id. Aug. Barcinone nuntius Regi perfertur à legatis, quos ad Eduardum miserat, pat-  
40  
et as inter eum, ac Franciæ Regem Philippum fuisse indutias: quarum diem constituerat ex A. D. VI. Id. Sep. in A. D. III. K. Oct. & ex ea die toto vertente anno duraturas: uti eo temporis intervallo ad concordiam res adduci posset.

Rex Tarraconem properat: & custodiæ Caroli Principis Salernitani, qui in Siurana arce continebatur, ex Aragonia, & Catalana nobilitate XII. præficit. Hi erant Raimundus Perezus Naualis, Petrus Pucuertius, Gonzaluus Bertrandus Borgia, Bernardus Mopahonius, Petrus Garcesius Vroffius, Guilielmus Curtius, Michael Perezus Isuerius, Berengarius Espinelius, Garcias Lopezius Anzanus, Gerardus Comalatus, Arnaldus Torrellias, & Bernardus S. Ciliz.

Tarracone Augusto mense exacto, Rex legatos Romam mittit Gilabertum Cruilliam, Rudericum Sanctium Calataiubiensem, Raimundum Reusium Archidiaconum Ilerdensensem, & Petrum Costam: qui à Rege mandata habent, uti Honorio P. M. se obedi-  
50  
entem integro, ac libero animo perpetuo futurum more testificentur.

Oscæ & Horti conuentibus celebratis, de stabiliendo Aragonio foro Valentino in regno indicto decreta sanciantur. A. D. III. Id. Sept. Rex Valentiam urbem introit: quo eius regni conuentum indixerat. Valentinis iura, ac priuilegia irrogata sanciantur, atque firmantur.

Bernardus Sarria, & Berengarius Vilaragutius strenui, & prouidi Regis Siciliæ duces, ille XII. actuariis nauibus Campaniæ littoribus, hic XX. Calabris oris hostili in terra bellum  
Rex  
inferunt.



Rex classe instructa Nou. mensis fine Salonio portu classem soluit: bellum Sarrace. AER. A.  
nis Minoris Balearium insulae inlaturus. A. D. IIII. Non. Dec. Maioris terram attigit. NAT.  
Exercitui ducem praefecerat Petrum Cornelium: & tribunos militum deligit Garciam CHR.  
Garcesium Arazurium Aragonium, & Acartum Murium ex proceribus Catalanis vi-  
rum primum.

Natiuitatis Domini die festa celebritate exacto, Rex portum Magonis Minoris Ba- 1325.  
learium tenet. Sarraceni in receptaculum castelli S. Agaicis trudentur. 1287

Dux eorum Regi arcem, propugnaculaque A. D. XII. K. Febr. tradit. Rex liberum  
commearum Sarracenis in Africa transmissuris condonat: ductoribus Raimundo Mar-  
querio, & Berengario Maiolio.

A. D. IIII. Non. Febr. ex Magonis portu Rex soluens in Barcinonensem stationem  
transmittit.

Sanctius Castellae Rex cum Francorum Rege Philippo de pactus, pacis foedera, quae  
cum Rege Petro auunculo constituerat, rescindit. Iohannes eius frater, & Lupus Di-  
daci F. Pharenfis Viscarum dominus res nouas molientes, regia Sancti Regis aula ex-  
cedunt.

A. D. XIII. K. Apr. Barcinone Rex legatos ad Eduardum Regem mittit Gilaber-  
tum Cruilliam praepositum Solsonensem, Raimundum Reusium, Petrum Martinium Ar-  
rassonam, & Iohannem Zapatam: qui pactationibus faciendis interfint. Burdigalae cum  
Pontificis Maximi legatis, & Henrico Seyo Lincolienfi Gomite, Carolo Ludia questore,  
Dunelinensi Episcopo, & Iohanne Vesseio primariis Regis Angliae consiliariis, delibe-  
rationes de republica habent. Donationem Regni Aragoniae a Pont. M. Carolo Galliae  
Regis filio adeo iniustam, & vitiosam fuisse docent, & commonefaciunt, ut pro irrita, in-  
fectaque habenda esset: in qua causa omne certamen vertebatur. Cum inter eos minime  
conuenire posset, id initur consilium ut Reges Angliae, & Aragoniae ad colloquium, co-  
gressumque deueniant.

Olorone Aquitaniae oppido Angliae & Aragoniae Reges ad colloquium congregiuntur.  
Cōuenit, ut Carolus Salernitanus Princeps custodia liberetur: ut eo pactorum cōuentorum  
praecipuo sponse, & internuntio, publicae totius Christiani orbis paci, & quieti consuli  
possit. Principi, ut in libertatem tradi queat, ex leges dicuntur. Ne regni finibus e-  
gredi possit, quin tris filios Regi obsides tradat. Rex Anglo Petrum fratrem, Vergellita-  
num, & Palliariensem Comitem, & Cardonensem Vicecomitem tradet ea sponse, ut  
liberis Principis regi traditis, Princeps statim liberetur. LX. ex proceribus prouinciae  
Galliae a Rege Aragonio delecti ipsi obsides tradentur. Principe regni fines nondum  
egresso, praecipue Galliae prouinciae arces, & ciuitates regio se imperio, obstricta ciuium  
fide subiciant. Pollicetur Princeps, se libertatem consecuto, operam daturum, ut Ca-  
rolus natus maximus F. intra vertentem annum Regi obses tradatur: aut L.M. marcharum  
argenti persoluturum. Eius conditionis causa, ex L.M. argenti marchis, antequam Prin-  
ceps custodia dimittatur, xxx. m. praesentia pendet. Ad haec Princeps recipit: se curatu-  
rum, ut a sede Apostolica, Francorum Rege & Carolo Regis Francorum fratre, & eorum  
fautoribus trium annorum indutiae obtineantur: neue Regi, aut Iacobo Siciliae Regi fra-  
tri, & eorum ditionibus, eius temporis interuallo bellum inferatur. Si indutiarum con-  
stituto tempore Princeps tutam, tranquillamque pacem, cum Regibus fratribus, eorum  
arbitratu stabilire nequierit, c. m. marcharum argenti damnas esto: & filii Principis, &  
prouinciales obsides Regi nexu tradentur. Sponder praeterea se operam daturum, ne  
Ecclesia suas ipsius Principis partes suscipiat: tueaturve: neue permittat, ut Francorum Rex  
Carolusve eius frater, aut quiuis alius Aragoniae, & Siciliae Regibus damnum: detrimen-  
tumve inferat: moliaturve. Sin autem haec omnia vertente anno rata, certa, atque firma  
minime permanferint, Princeps in regiam custodiam se dedat. Obsidibus tradendis tem-  
pus statuitur.

Aragoniae proceres in summis affectibus reipublicae asperitatibus disuncti, ac dissiden-  
tes maximas turbas faciunt: & inter se proeliantur: dum Regi alii parent: alii vero rerum  
nouarum molitioni regnum misere laceranti obsequi student.

Dum pacis rationes, condicionesque vehementius apud Anglum agitantur, Gerar-  
dus Parmensis Cardinalis, & Attrebatensis Comes Campaniae, & Apuliae vicarij classem  
regio apparatu instructam in Siciliam transmitti imperant: Episcopo Marturanensi, Ri-  
cardo Murrono, & Riginaldo Apello classis praefecto ductoribus: quod aliquot insule  
populos clandestinis consiliis ad se pellegerant. Arcem Augustae urbis inuadunt, occu-  
pantque.



AERA.  
NAT.  
CHR.

Iacobus Siciliae Rex cum exercitu, incredibili celeritate subsidio accurrens Augustanam arcem obsidet: & A. D. IX. K. Iul. vi expugnat.

Ea ipsa die, qua Augustana arx à Rege recipitur, Rogerius Lauria maximo nauali proelio, in ipsius Neapolitanæ ciuitatis, celeberrimæ Cápantiæ vrbs cōspectu cū hostium classe configit. Dimicatum proelio vtrunque atroci, atque incerto euentu est: donec summa Lauriæ virtute, à nostris hostes cæduntur, pterunturq;. Gallicæ classi præfuere summæ nobilitatis duces Galli, Italique: Comes Brenna, Guido Comes Monfortius; qui Viterbii Henricum Ricardi Romanorum Regis F. immanitate efferatus à sacris pæne altaribus retractum interemerat, Raimundus Baucius Comes Auellini, Philippus Comititis Flandriæ F. Comes Iohannes Ianuilla, & Monopolitanus, Aquilanusque Comes. XLIV. hostium actuariæ naues captæ: & Comites omnes mansere captiui. Rogerius tam gloriosam victoriam consecutus, cum regni vicariis, Aragoniæ, & Siciliae Regum nomine in A. D. III. K. Oct. proximas, & ex ea die in A. D. III. K. Oct. sequentes indutias paciscitur: grauissima, ob id factum Iacobi Siculi Regis querela.

Id. Dec. Tarracone Rex secreto bonorum donationes, assignationesque quas largitus fuerat, ex quo regnare cœperat, Virgellitano, & Palliariensi Comitibus, Cardonensi Vicecomiti, Petro Ferdinandio Ixeritano, Blasco Alagoni, Petro Iordani Pennæ domino, & pluribus aliis primariis viris rescindit. Cæsaraugustanam etiam ciuitatem, Valentianam, Setabitanam, & Saguntinam, & alios Valentini regni populos, qui, ne extra Aragoniæ forum vadimonium promittere cogerentur, obtinuerant, eadem beneficio-  
rum assignationem multat.

1326.  
1288

Fortunius Vergua Cæsaraugustanus Episcopus.

Rex Cæsaraugustæ Natiuitatis Domini diem festum concelebrat. Cum conuentus, in quâ edictus erat diem, haberetur, & in curam Gallici belli, aut Castellani animos conuertissent, A. D. V. K. Ian. à Rege Aragonensibus duo priuilegia irrogantur: quæ vniuersi nomine censentur, nuncupanturque: quæ postea ab ultimo Rege Petro publico cōuentu rescinduntur: quod iis dignitas, maiestasque regia esset imminuta. Altero enim eorum cautum sibi voluere, si rex, eiusve heredes irrogatas leges abrogassent: ius fasque Aragonensibus esset, alium sibi Regem adsciscere: nulla læsæ fidei nota, ignominiaue. Cauebat etiam Rex se munita castella XVI. primariis vniuersi fautoribus traditurum: vt tamquam præcipua pignora, si pactis non steterit, retinerentur. Dum ea traduntur, Carolus Salerni, ac Peloponnesi Princeps ex Siurana arce extractus, Cæsaraugustanis XII. viris iuratis magistratibus, & Præfecto Iustitiæ Aragonum obfes traditur. Id summa conquestione eorum fit, qui castellis præfecti erant: asserentium neque fando apud Hispanos auditum, vt subditicii à Regibus obsides acciperent.

Iacobus Balearium Rex, qui & propria indignitate commotus, & Francorum Regis suasu adductus bellum aduersus Regem fratris F. susceperat, liberius, audaciusque per-uagatus, mense Apr. Emporitanum agrum incurrit: & Castellum Cortaunionem obsidet.

A. D. III. Id. Iul. Cardinalis S. Cæcilie Apostolicæ sedis legatus, ad nouas pacis conditiones ferendas à Nicolao I V. P. M. Honorio vita functo missus, Lugduni Reges Franciæ, & Castellæ inter se conciliat, coniungitque. Regnum Murtiensis populi Alfonso, & Ferdinando fratris filiis immune Rex Castellæ remittit: illique cauetur, pro iure successionis regnorum Castellæ, & Legionis: quod Francorum Reges obtendere assueuerant: ad se pertinere contententes hereditario iure Blanca Reginæ D. Ludouici Regis parente: quæ Berengaria Regina sorore maior natu fuerat. Quæ quidem facta, atque commissa per se præclara, atque ingentia: sed quæ sine maximo certamine à Sanctio Rege obtineri nō possent: Alfonso Rege Aragoniæ consobрино inimico: cuius imperio Alfonso, & Ferdinandus legitimi eorum regnorum heredes, Moreliana in arce cōtinebantur: quib⁹ dimissis, ingentes turbas suboriri erat necesse. Hinc statim nouum bellum conflatum.

Alfonso, & Ferdinandus Alfonsi Castellæ Regis nepotes ex Moreliana arce liberi dimittuntur: & Septembris mensis initio, Alfonso Iaccæ Rex Castellæ, & Legionensis populi à Didaco Lupio Pharenfi Lupi Comititis F. quem Sanctius Rex Phari occidi imperauerat, & pluribus aliis Castellanis proceribus renuntiat, salutaturque: & regis insignibus decoratur.

A. D. IV. Id. Sept. Veneris die Eduardus Angliæ Rex Iaccam urbem introiit. Postero die Montis regalis, & Rauennæ Archiepiscopi, sedis Apostolicæ legati de pace missi, eodem loco conuenientes, Regi notas Pontificis Maximi litteras efficiunt: quæ in ipso pontificatus initio ad Regem datæ fuerant: dignæ, quæ hoc etiam in loco recenseantur.

Nico-



NICOLAUS Episcopus seruus seruorum Dei nobili viro Alfonso nato quondam, Petri <sup>AERA.</sup> olim Regis Aragonum, spiritum consilii sanioris. Si graues, & enormes excessus, atro- <sup>NAT.</sup> ces iniurias, & offensas multiplices, quas quondam Petrus olim Rex Aragonum pater <sup>CHR.</sup> tuus diuina, & Apostolicæ sedis reuerentia prorsus abiecta, in salutis propriæ molitus dis- <sup>“</sup> pendium, sui que nominis, quod cautius custodiri debuerat, derogationem non modi- <sup>“</sup> cam animatus, contra Romanam Ecclesiam, matrem cunctorum fidelium, & magi- <sup>“</sup> stram, illicitis ausibus perpetrare, sibi que irrogare præsumpserat, insulam occupando <sup>“</sup> Siciliæ, ac partem regni Siciliæ alteram ad ius, & dominium eiusdem Ecclesiæ pertinentes, <sup>“</sup> quas claræ memoriæ Karolus Rex Siciliæ ab eadem Ecclesia tenebat in feudum, validis <sup>“</sup> 10 impugnando conatibus, & in diuersis aliis eiusdem regni partibus statum Ecclesiæ me- <sup>“</sup> moratæ pacificum, quam plurimum perturbando, quosque tu, & Iacobus frater, & <sup>“</sup> Constantia mater tui, iam dicto Petro sublato de medio, eius inconsulte sectando vesti- <sup>“</sup> gia, commisistis, prædictis fratre, ac matre insulam detinentibus, partemque alteram <sup>“</sup> impugnantibus supradictas, teque illis in his impendendo consilium, auxilium, & fauo- <sup>“</sup> rem, velimus innarrare per singula, & seriosis aperire sermonibus, longum esset: ingens- <sup>“</sup> que audientibus tædium generaret. Sed tu ex quo potissime iam dictam perturbas Ec- <sup>“</sup> clesiam, ipsius mentem vehementer amaricas, eamque in intimis dure pungis: quod ca- <sup>“</sup> rissimum in Christo filium nostrum Karolum claræ memoriæ K. Regis Siciliæ primoge- <sup>“</sup> nitum, magnum utique ipsius vassallum Ecclesiæ, suumque fidelissimum filium, & de- <sup>“</sup> 20 uotum virum, utique iniuste detentum, & quo ad eum, in prælio iusto captum, acre- <sup>“</sup> gnium, iuraque paterna debite, ac legitime defendentem: non inuadentem tuam, vel <sup>“</sup> tuorum terram, non occupantem aliqua tua, vel ipsorum iura, vel bona, nec alias tibi, vel <sup>“</sup> eis iniuriam inferentem: sed à quibusdam, more quasi piratico interceptum, carceralibus <sup>“</sup> vinculis detines alligatum: in diuinæ maiestatis offensam: grande tuæ famæ, salutisve dis- <sup>“</sup> pendium: & graue scandalum totius pæne populi Christiani. Quia igitur tot, & tantos <sup>“</sup> excessus pati æquanimiter, vrgente nos conscientia, non possumus, nec debemus, no- <sup>“</sup> bilitatem tuam præsentium tenore monemus, ut præfatum primogenitum, sublato diffi- <sup>“</sup> cultatis obstaculo, plenæ restituas libertati: nullumque præfato Iacobo fratri tuo, vel a- <sup>“</sup> 30 llii, seu aliis quibuscumque in insula, & regno prædictis, Ecclesiam quomodolibet im- <sup>“</sup> pugnantibus, vel turbantibus supradictam, impendas per te, vel alium, seu alios fauo- <sup>“</sup> rem, consilium, vel auxilium publicum, vel occultum. Et nihilominus infra sex menses <sup>“</sup> à receptione præsentium computandos, compareas peremptorie coram nobis: nostris, <sup>“</sup> & eiusdem Ecclesiæ mandatis, & beneplacitis, super præmissis humiliter, & efficaciter <sup>“</sup> pariturus. Alioquin non ignorare te volumus, quod contra te spiritualiter, & tempora- <sup>“</sup> liter, prout qualitas facti suaferit, & expedire viderimus, procedemus. Quodque propter <sup>“</sup> præmissam monitionem nostram, vel aliquam citationem emissam, seu etiam emitten- <sup>“</sup> dam, ut certo tempore coram nobis compareas, super præmissis nostris, & Ecclesiæ bene- <sup>“</sup> placitis pariturus, siue infra ipsum tempus curaueris, seu renueris, aut distuleris compare- <sup>“</sup> re, non intendimus contra te, tuosque fautores, seu adiutores processus spirituales, vel <sup>“</sup> 40 temporales omittere, vel differre, aut omitti facere vel differri, qui per nos, vel per alios <sup>“</sup> occurrerint, seu apparuerint faciendi. Dat. Romæ apud S. Petrum Id. Martii: Pontificatus <sup>“</sup> nostri Anno primo. <sup>“</sup>

Aragonix, & Angliæ Reges Campum francum ad vicum congregiuntur. Is locus, tamquam medius, ad ipsa Pyrenæi culmina, vtriusque colloquio deligitur: atque eo Salerni Princeps deuehitur: ut consilia erigendæ ex præsentibus ærumnis Christianæ reipublicæ Olorone agitata, explicentur. Istraclandis, de se liberando conditionibus, interest: quæ coram Regibus, eodem in vico, iureiurando A.D. IV. K. Nou. ab eo firmantur: fanciunturque. Ludouico, ac Roberto liberis pacis, & fidei obsidibus traditis: & xxxvi. proceribus, & xl. ciuibus Angliæ gentis in custodias adductis, qui ab Aragonix Rege obsides <sup>“</sup> 50 imperati fuerant, Princeps liber dimittitur. XXIII. M. marcharum argenti, præsentì pecunia Regi penduntur: & de vii. m. Princeps obsidibus cauet. Decernitur, ut Raimundus Berengarius Principis F. obses etiam dedatur. Ad hæc Rex sibi per Eduardum Regem cauet, ut Carolus Principis F. natu maximus intra x. menses obses tradatur: alioquin pater CXX. M. marcharum damnas esto. Indutiis vero trium annorum pactis, & ab Ecclesia, Rege Francorum, & Carolo eius fratre, atque eorum fautoribus minime firmatis, atque constitutis neque Principe in Regis custodiam reuerso, obsides nexu Regi tradentur: Prouincia Gallia ditioni, atque imperio Regis addicetur: cederetque: & L. M. marcharum multa irrogatur. His conditionibus Rex se, & priuatam, & publicam pacem perpetuo redimere posse arbitrat- <sup>“</sup> tur: quam Princeps se præstiturum intra trium annorum indutias pollicitus fuerat.



AERA.  
NAT.  
CHR.

A.D. VII. Id. Dec. Darocæ pacta inter Regem, & Alphonsum, qui se Castellæ Regem nominat, conuenta aduersus Sanctium Regem confirmantur: Gastone Beneharnensi, & Didaco Lupio Pharenfi, Lupi Comititis filio, & Didaco Lupio eius patruo præsentibus: qui Alphonfi partes tuentur.

Dec. Id. exactis Turolio Rex Petrum Aiuarium in Castellam legat. Is Pallantiæ coram Sanctio Rege fidem Regis liberat: atq; vinculo amicitiae solutum obtestatur: & tamquam hosti bellum intra xxx. dies inlaturum denuntiat: prouocatq;.

1327.

1289

Ludouicus, & Robertus Caroli Regis filii, regali enim nomine e custodia dimissus vti cœpit, obsides Regi traditi, in Siuranam arcem, quo pater in custodiam abditus fuerat, includuntur. Ex viginti obsidibus, ex Massiliensi nobilitate delectis, qui Barcinone traditi fuerant, ii qui quintum decimum annum non attigerant, custodia causa ciuibus Barcinonensibus distributi: reliqui vero in nouam arcem missi. Sexaginta ex Gallia prouincia in Ilerdenses, & Momblanquenses custodias inclusi continentur.

Valentia Rex Cæsaraugustam contendit: quod à factiosis proceribus multa turbarentur. Vnionis enim factio consiliarios Regi deligit, atq; imponit. Consilio, & domesticis officiis, ac muneribus eos præficiunt, qui in summa audacia & magna apud populum gratia, atque confidentia pollent: Regiis amicis conquerentibus, & in eo maiestatem regiam minui prædicantibus, obtestantibusque tantam mali labem numquam in republica fuisse: neq; ad plures pertinuisse. Consilarii vero hi selecti fuere. Petrus Aierbius, & Petrus Ferdinandus Ixeritanus Regis patruus, Bernardus Guilielmus Entenza, Petrus Cornelius, Simon Virea, Petrus Iordanis Penna Arenosius, Amor Dionysius, Simon Cornelius, Iohannes Vidaurius Iacobi Exericæ nomine, Petrus Simenius Irancius Iacobi Perezii Regis fratris loco. Ex domesticorum nobilitate deliguntur Guilielmus Alcalanus qui Quinti dominabatur, Egidius Vidaurius, & Simon Perefius Pina. Gubernationi regni, & Ripacurciensis ditionis, domesticisq; Regiæ aulæ functionibus suos etiam deligunt consiliarios, atq; administratos Michaëlem Simenium Viream ex proceribus pro Cancellario, Martinum Perefium Oscensem iudicem causarum domesticarum, Innicum Lopefium Iaccetanum quæstorem, & Iohannem Ficariam cubiculo, & Arnaldum Aimericum rationibus præficiunt: & reliquis muneribus, functionibusq; suos delegant administratos. Alterna præterea consilia constituunt: vt gubernationis munia ad alios transferantur: omnibusq; communicentur. Turiaso, Sosium, Thermæ, & arx Baiana nouis præfidiis, operibus, munitionibusq; aduersus Nauarros sepuntur: atq; firmantur.

A.D. VI. K. Iul. Calataiubii Alphonsum, qui Castellæ ius, ac nomen vsurpat, Murtienfis, populi regnum Regi condonat. Carthaginienfis, & Murtienfis ciuitas ei regno contribuitur. Secreto eares interuentu Petri Martinii Artassonæ, & Ferdinandi Perefii Pinæ transigitur: cum Alphonsum sua fœdera aduersus patrum cum Alamirio Mahomate Abennazario Granatensi Rege fecisset. Cum Rex nouo se Castellano bello onerauisset, & ingentes copias ea expeditione comparasset, quæ se Castellanis Alphonfi copiis adiungerant, Montacuti oppidi finibus magno exercitu Castellæ regni præfidia adoriuntur. Moronum vi expugnat: & Martinus Perefius Portucarrerius, qui propugnationi præfuerat, sagitta ictus occumbit. Sanctius cauens, ne prælium ineat, Turiasonenses fines incurrit.

Didacus Lupius Pharenfis Lupi Comititis frater Conchensibus, Optensibusq; finibus Sanctio Regi bellum infert. Turolensibus adiunctis Rudericum Paium Sotomaio-rem, ad Pagiaronem vicum prælio superat. Vexilla hostilia Turolii, tamquam tropæa statuta, eius victoriæ insignia fuere: donec à Petro Rege, qui Turolium cepit, & diripuit, sublata sunt.

Gilabertus Cruillias, & Bernardus Guilielmus Pinelius, qui ad Francorum Regem legati eius rei causa fuerant, vti de pacis condicionibus deliberent, ab Aimerico Narbonensi regulo indigne habiti, acceptiq; & per fidem circumuenti, cum hostium quoque iura, & fas gentium, & sacra legationis violarentur, in asperam, duramque custodiam trudentur.

Gallorum, Nauarrorumq; exercitus incurfiones in extrema finium Aragoniæ factæ. Saluaterram oppidum oppugnant. Submissis à Rege auxiliis Simon Virea, & Petrus Cornelius vi oppido potiti hostes fundunt: fugantq; Castellum vero penes hostes consistit.

A.D. IV. K. Iun. Pontifex rescissis, irritisque pactionibus, quæ cum Rege initæ, & constitutæ fuerant, Carolum Salernitanum Principem regiis insignibus decorat: & cognomen regni Siciliæ, Ducatum Apuliæ, & Calabriæ, Campanique Principatus attribuit.



Iacobus Siciliae Rex Bruttios, & Campaniam terra, mariq; diuexat. Caietam circum- AERA.  
fidel. Carolus subsidio aduentat. Cum castra castris collata essent, praecleara concertatio- NAT.  
num facinora a Regibus consciscuntur. Legati demum Apostolici interuentu indutias CHR.  
paciscuntur. Tertio die, A.D. III. K. Sept. Siculus nauim conscendens, Bruttiorum oram  
praeteruectus, turbulenta, vehementiq; tempestate iactatus, A.D. VII. Id. Sept. ex alto in  
Messanae portum transuehitur.

Conuentus Aragonensium, Valentini, & Catalanorum  
Mentionem indicuntur.

Ioannes Zapata Praefectus Iustitiae Aragonum.

Hugo Mataplana Caesaraugustanus Episcopus.

Guilielmus Galcerandus Catanzari Comes a Rege Siciliae ad Sanctum Regem le-  
gatus tractandis foederum pactionibus interuenit. Vt Isabella Alfonsi, & Blancae Molinae  
dominae filia Siciliae Regi nubat, deliberant: cuius proauus Rex Alfonsus fuerat.

Ptolemaide a Sultano obsessa, VII. actuariis nauibus Iacobus Rex obsessis auxiliares  
copias praemittit.

Rogerius Lauria Ptolemaeam Africae provinciae urbem vi expugnat, diripitque: &  
Marganum, qui eo se coniecerat, recuperat.

Carolus Rex inter Panizasium Pyrenaei collem, & Iuncariam, armatorum manu se-  
ptus, simulat se in potestatem, atq; custodiam Regis deditum: quod Ecclesiae, & Franco-  
rum Regis concordia, ac pacem, quam praestaturus erat, tribuere non posset, condicione,  
qua se obstrinxerat. Ea simulatione palam ludificari, calumniarique visus, Perpinianum  
statim reuertitur.

Bellum in Catalonia inter Moncadas, & Entencias acre,  
& magnum geritur.

Iam in exitu annus erat, cum Francorum, & Balearum Reges bellum aduersus Ara-  
gonium facere, atq; instruere adoriuntur.

Februario mense Rex Ilerdae ad summum Pont. legat Galcerandum Mirallium, Ber- 1328.  
nardum Fonollarium, Guilielmum Aimericum, & Guilielmum Iasserium de pace ora- 1290.  
tores: & de summis rebus mandata illis a Rege dantur. Iacobus praeterea Rex Iohannem  
Prochytae Romam legatum praemittit: qui suo nomine summum Pontificem obteste-  
tur, ut se Ecclesiae conciliet: & interdicta tollantur. Pontifex legatos Siciliensibus rebus  
Benedictum Columnam S. Nicolai, & Gerardum Parmensem S. Sabinae Cardinales pre-  
ficit. Carolus Rex denuo inter Panizasium collem, & Iuncariam cum Rege ad colloqui-  
um congregitur. Indutias suo, & Gallorum Regis nomine in K. Nou. quatum initium futurum  
erat, A.D. IX. K. Mai, paciscitur.

Iohannes Nunnus Larenensis ad Cinciliam Stephanum Ferdinandum Castrensem,  
copiarum Regis Castellae ductorem in primis strenuum, atq; primarium proelio deuincit.  
A.D. XI. K. Sept. Valentiam contendit: & iurisiurandi sacramento suo, filiorumq; nomi-  
ne, suam obstringit fidem: polliceturq; se Regi pariturum, militaturumque: neq; indutias  
cum hoste Sanctio, nisi Rege conscio, depacturum. Rex eadem se pactione obstringit: in-  
teruentu Lupi Ferrencii Luna, Raimundi Anglesolae, Gonzalui Ruderici Stunicae, Acar-  
ti Murii, Petri Martinii Artassonae, Alamani Gudalis, & Iohannis Zapatae Praefecti Iusti-  
tiae Aragonum: qui Larensem Regi conciliauerant: nisi summa hominis inconstantia, &  
mentis mutabilitate, irrita cum leuitate, tum etiam periurio mansissent.

Copiae militares, cum Castellani bellum lentius duceretur, & Regis stipendia  
mererent, Molinae finibus, Segontiae, Atientiaeq; loca, agrosq; decursionibus depopulan-  
tur, & Valeranicam usq; incurant. Cum hiems appeteret, haud secus, quam dignum erat,  
omnes infensi, bellum propalam minantes, ad suos reuertuntur. Nostri copias incolumes,  
praesidiis Castellis, in confiniis impositis, deducunt: adeoq; valida praesidia disposita erant;  
ut inde hostes leui opera auerterentur.

Totius Catalani conuentus consensu XL. viri deliguntur, qui de pacis condicioni-  
bus deliberent: & maximis consultationibus disputent.

Februario ineunte Hugo Mataplana Caesaraugustanus Episcopus, Raimundus An- 1329.  
glesola, Berengarius Puchuertius cancellarius, Ecclesiaeque Solsonensi praepositus, Gui- 1291  
lielmus Lunfortius, & Bernardus Guilielmus Pinelius iuris, & publici, & priuati peritif-  
simus, Regis legati Tarascone cum Apostolicis, & Francorum Regis legatis pactiones,  
ac pacis foederatis condicionibus iungunt, conficiuntq;. Martini p.m. donatio Carolo Fran-  
corum Regis fratri assignata rescinditur: ea lege, ut Rex, posterique Aragoniae Reges;  
quot annis uncias auri xxx. Ecclesiae pendant. Balearicum regnum regio Aragoniae Regum



AERA.  
NAT.  
CHR.

iuri addicitur. Proceres Aragonii, Catalaniq; ex Sicilia exigantur, amandenturque. Festo natiuitatis Domini proximo Rex se Romæ sistat: exercitum aduersus Ecclesiæ hostes conducat: Siciliam adeat: parenti, fratrique persuadeat, uti regnum Siculum occupare desistant: alioqui bellum illis indicat: inferatque. Non ea tamen pax nostris, sed turpis, infamisque pactio visa: quod Rex matris innocentissimæ sanctissimæque feminæ non eandem causam putauerit, paremve rationem duxerit: & à pacis condicionibus semouerit. Fratriscum germani quodammodo proditor, atque desertor habitus. Cæsar Augustanus, & Solsonensis Romam proficiscuntur: uti more, regio nomine, in Pont. Max. verba iusiurandum sanciantur. Guilielmus Casteluinius, & Bernardus Segalaris ad Sanctium Castellæ Regem legantur ad indutiarum iura, quæ Tarascone depactæ fuerant, 10 sancienda: quæ à Sanctio Rege refutantur: quamuis Irene Lascaris Theodori Lascaris Imperatoris F. de ea re instanti tempore Sanctium Regem commonefecisset.

Fide publica, ut ad colloquia, congressumque Rex, & Carolus perueniat, decernitur: & Priori S. Egidii suam fidem Regis nomine obstringunt iusiurandi religione, Raimundus Rogerius Comes Palliariensis, Berengarius Puchuertius, Iazbertus Vicecomes Castellinoui, Gaufridus Roccabertinus, Raimundus, & Galcerandus Anglesolæ, Petrus Queraltius, Arnaldus Corsanius, Berengarius Cardona, Galcerandus Cartella, Lupus Gurrea, Ioannes Zapata Præfectus Iustitiæ Aragonum, Guilielmus Durfortius, Berengarius Caprera, Galcerandus Mirallius, & Arnaldus Caprera. Adhæc Raimundus Collius Tarraconensis Archiepiscopus, Cæsar Augustanus Episcopus, Berengarius 20 Puchuertius Præpositus Solsonensis, & alii Antistites de dolo malo, & fraude Regi Carolo cauent.

A. D. VII. Id. Apr. Rex, Carolusq; cum duodenis proceribus, gladiis tantum succinctis, ad collem Iuncariæ, quem Podium speculæ vocitabant, qui inter Panizafium, ac Pertusum collem est interiectus, ad colloquium deueniunt. Certas, ratas, fixasq; pacis condiciones habent: approbantq;.

Ea tempestate Carolus Clementiam F. Carolo Francorum Regis fratri collocat: & Comitatum ditionis Valesiæ condonat: uti de suo iure, quo Aragoniæ regnum appetierat, decedat.

Regis, & Leonoræ Eduardi Regis F. nuptiæ plenæ dignitatis, & concordiæ constituuntur. 30 Ineunte Maio Berengarius Beluifius sanctioris ætatis Ausetani præfectus, Iohannes Zapata Præfectus Iustitiæ Aragonum, & Guilielmus Durfortius legantur ab Rege ob eam causam, uti doti dictam pecuniam redigant.

A. D. XIII. K. Iun. Raimundus Folchius Cardonensis, cum splendidissimo, ornatissimoq; nobilium virorum comitatu proficiscitur: uti nouam nuptam ex Aquitanie finibus, ad Regem virum deducat. Cum amplissimi, apparatissimiq; ludii maxima celebritate à nostris pararentur, repentinum, inopinatumq; malum, non modo regnum gaudiis exultans, sed publicam orbis pacem obturbat. Rex funesta peste correptus, tertio die, in ætatis flore, animi excelsi, atq; inuicti magnitudine, & robore præstans, vniuerso regno eripitur. Decedit Barcinone A. D. XIV. K. Iul. cum septimum, & vicesimum annum ageret. In cœno- 40 bio Barcinonensi fratrum Minorum sepelitur.

Petrus Regis frater, qui Darocensibus finibus belli gerendi curam susceperat, fratrem mortis conscius proceres regni Cæsar Augustæ cogit: uti videant, ne quid detrimenti respublica capiat. Conuenere Iul. K. Simon Virea, Bernardus Guilielmus Entenza, Petrus Cornelius, Philippus Ferdinandus Castrensis, Atho Focius, Iohannes Simenius Virea, Sanctius Antilionius, Artallus, & Blasus Alagones fratres germani, Lupus Ferrencius, Petrus Martinus, & Rudericus Simenius Lunæ, Gombaldus Entenza, Simon Cornelius Petri Cornelii F. Petrus Iordanis Penna, qui Arenosii, & Rodenis dominabatur, & Petrus Sefesius. Quod repentino pax erepta esset, rem bellicam administrant. 50

#### IACOBVS II. REX XVII. ARAGONVM.

Iacobus Siciliæ Rex, cum graues de fratris morte nuntii venissent, gubernaculis regni, summæque rerum Sicularum Fredericum fratrem admoet: præficitque. A. D. X. K. Aug. Drepanitano portu soluit. In Maiorem Balearium inuectus, & in Tarraconenselitus nauigans, Barcinonem A. D. XVII. K. Sept. applicat. Inde Cæsar Augustam, ad conuentus initio regni agendos contendens, A. D. XV. K. Octob. urbem introit. A. D. IIX. K. eadem in Saluatoris æde, conuentu assidente, Rex iureiurando sancit: ut rata, ac firma sint, quæ institutis maiorum, legibus, ac foris superiores Reges sciuerant, constituerantque. Regni diadema more suscipit: iisdem cærimoniis, quibus pater, ac fra-



ne frater coronati fuerant. Contestatur itidem se regni iura, non fraternæ hereditatis cre-  
 tione, aut adsciticio iure, sed paternæ, auitæque successionis, propinquitatisque vinculis  
 adeptum: quod natu maior esset: ut ius suum in Siciliæ regno retineret: quod ad Frederi-  
 cum fratrem Rex Alfonsus testamento transferri decreuerat. Inde fratres inter se grauif-  
 simè dissentiunt.

A. D. III. K. Dec. Montacuti Rex cum Sanctio Rege concreditur: summaque in-  
 ter eos consensio, & amicitia coniugatur: nuptiis inter Regem, ac Isabellam Sancti F.  
 pactis.

Kal. Dec. denuo Sorix Reges, ut res communi consilio collocentur, atque consti-  
 tuantur, ad colloquium deueniunt. Inde Calataiubium contendunt. Eo in oppido fœde-  
 rum pactiones, quas matrimonii sponsalibus icerant, confirmantur. Rex Isabellam spon-  
 sam in domū regiam ducit annos ix. natā Arcibus tanquā obsidibus traditis, & pacis fœ-  
 dera, & pactæ nuptiæ sancuntur: & regnorum proceres, ut ratæ, firmæque sint, iustis sacra-  
 mentis astringuntur. Cū proceres Aragonii infesti partibus essent, & armis decernerent,  
 Sanctius Rex pacis, & concordix, compositionisque auctor esse non desistit: Rogerius ta-  
 men Lauria, & Bernardus Sarria rerum omnium præstantia excellentes æmulatione pe-  
 nitus infesta, perpetua contentione inter se dissident.

Iniqua hæc omnibus pactio visa: & nouæ coniunctionis necessitas Regi iuueni mi-  
 nime callido imposita: quod in ditione, ac potestate Ecclesiæ, turbatis morte fratris fœ-  
 deribus, quibus etiam expulsus, atque exclusus fuerat, non permaneret: præsertim, quod  
 cum maior vis belli in Siciliam propendeat, nullum Rex sibi ex Castellæ regno auxilium,  
 transmarinumve subsidium adiungat. Inde pax ea multis suspecta est: atque inuisa.

Ea tempestate fœdus inter Regem, & Genuenses Guilielmi Dursfortii, & Bernardi  
 Ponollarii regionum legatorum interuentu sancitur: cum eius reipublicæ gubernator  
 esset Guilielmus Brunus Astensis: & externus copiarum ductor Alafranquinus Suargius  
 Bergomas: & primarii eius ciuitatis optimates Obertus Spinula, Obertus, & Conradus  
 Oriæ. Maiorum enim gentium eius ciuitatis familiæ Fliscorum scilicet, Spinularum, Ni-  
 grorum, Oriarum, Grimaldorum, atque Voltarum summis Imperatoris Frederici, & Con-  
 radi, & Manfredi filiorum beneficiis affectæ fuerant.

Blasus Alagon vir genere, factisque clarissimus, & consilio, & manu promptus in  
 Brutiis strenue rem gerit. Cum Montaltum obsidione liberasset, Guidonem Primeran-  
 num Caroli Regis copiarū ductorem prælio deuincit. Alagon Siculis in expeditionibus  
 omnium consiliorū non particeps solum, sed etiā princeps fuit: atque interim, dum frater-  
 næ seditiones conflantur, atque intestina bella, quæ ad internecionem getta sunt, exarsere,  
 vnus dignus habitus est, qui tot proceribus Siculis, & Catalanis, atque Aragoniis præf-  
 ferret: cum omnia in eo duce reposita esse viderentur.

Iunio mense Rogerius Lauria, in quo summa rei bellicæ terra, marique tum verte-  
 batur, iam eximio honoribus, simul atque virtutibus, tot victoriis partis, cuius ductu ac-  
 cisæ res hostium erant, ad Crotonem, vetustam Bruttiorum urbem, Guilielmum Esten-  
 dardum Caroli Regis copiarum præfectum, ac ducem, magna virtutis laude superat.

Sanctius Rex magno comparato exercitu Tarifam nobile oppidum, in ipsis Gadi-  
 tani freti faucibus situm, Carteiam quidam prisca sæculis nobilem fuisse autumant, ter-  
 ra, marique adritur. Aragonia classis Berengario Montoliuio ductore regiæ classi ad-  
 iungitur: & Septembri mense Tarifani vi expugnantur.

Artallus Alagon Petrus Cornelius, & Smon Vrræ à Rege dissidentes, quod solum  
 verterent, ut alii Regi se applicarent. Rex instituto more maiorum, ac lege, eorum coniu-  
 gum, liberorum, bonorum, subditiciorum, oppidorumque, atque arcium patrocinitium,  
 & propugnationem suscipit: ipsique recipiunt se ea, Regi præstatueros, quæ ea conditione  
 constituta, lex cauisset. Philippus Salassus Salassorum Marchionis F. Regis patruelis fra-  
 ter, qui se ei destinarat, atque omni obsequio addixerat, à Rege ditione oppidorum, atque  
 arcium Iusseï, Lasquaris, Laguaris, Luzasii, Stopiniani, & Viacampi donatur.

Fredericus Ralco, Rogerius Ieremias, Pandolfus Falcon Mamertinus, Hugo Ta-  
 lacus, Iohannes Calatagironus, & Thomas Grilus Panhormitatus à Siculis de re publica  
 ad Regem legantur: ut eum à Gallico fœdere, & amicitix pactione auertant.

Artallus Alagon Regis affinis Darocensibus, Turolensibus, Morellianis, & Oscan-  
 sibus finibus bellum infert. Rex Arcainum eum includit, obsidetque. Interuentu demum  
 Sancti Castellæ Regis, & Berengarii Cardonæ Templariorum in Aragonia, & Catalo-  
 nia Magistri, Petri Garcezii Nuezii, Petri Simenii Monebæ, Iohannis Zapata Præ-  
 fectionis Iustitiæ Aragonum, & Petri Sancti Prætoris Calataiubiensis Rex noxas omnes

AER  
 NAT:  
 CHR.

1330  
 1292



AERA.  
NAT.  
CHR.

remitte. Artallus Arcaini, Oletis, & Arisiure, ac ditione cedit: & Rex Pinam & Alcubierem illi condonat. Petrum præterea Cornelium, & Simonem Cornelium eius F. Rex ad se allicit: & Alfaiarinum, & Alfamenem oppida, permutatione ditionum, quæ in Pyrenæi conuallibus, proauorum hereditatibus obtinuerant, attribuit.

Tarinorum, & Tarbarum, & Bernardinorum factiones Cæsaraugustanorum ciuium tumultuantes, & ruentes omnia perturbant: & de magistratibus mandandis inter se dimicant: mœnia, & propugnacula urbis obstruunt.

1331.

1293

A.D. XIII. K. Sept. Rex cum socero Rege Logronii congreditur. Nonnullis Rex Sanctius in suspicionem venit, minas genero iactasse: ac fuisse demoratum: dum auxilium copiarum subsidio cedat: quod pactio initarum ratione sibi socer, aduersus 10 Francorum Regem obtulerat.

Nouembri mense Rex, & Carolus inter Panizafium collem, & Iuncariam, cum denis proceribus, ac duodenis consiliariis ad colloquium deueniunt. Nouas indutias paciscuntur: summaque consensione, ac spe recedunt, se ad pacis condiciones descensuros.

Simon Peresius Salanoua Præfectus iustitiæ Aragonum A.D. IV. Non. Mart. Barcinone in Iohannis Zapate locum sufficitur.

1332.

1294

A.D. XV. K. Aug. Rex Raimundum Villanouam primum ex intimis virum ad Reginam parentem in Siciliam legatum mittit. Eius legationis eam causam fuisse compertio: uti Reginæ, Frederico fratri, Siculisque proceribus persuadeat, ad pacis condiciones animos intendant. Maxime enim publicæ quieti interesse videt, eum Ecclesia sancta Dei 20 & potentissimis principibus, per ingens beneficium, perpetuam firmare pacem, amicitiamque.

A.D. XII. K. Dec. Raoulus Claramontius Comes, & Franciæ Connestabulus, & Petrus Flota Regis Francorum legati Regem Barcinone conueniunt.

Cum Nicolao P. M. defuncto, biennium sedes Apostolica summo pastore careret, & Non. Iul. Perusii Cælestinus v. insigni sanctitate venerandus, extra amplissimi sacerdotii collegium, ad summum Pontificatum euectus esset, primo quoque tempore Raimundum Pontium Valentinum Episcopum, & Bonifacium Calamandranam legatos ad Aragonum Regem de ea re præmittit: ut vna cum legatis Regis Francorum de pacis conditionibus deliberent. Nuptias inter Aragonum Regem, & Isabellam Sanctii Regis F. 30 pactas Cælestinus irritas facit: easque rescindit.

A.D. II. Id. Dec. Neapoli Cælestinus pontificatu maximo se abdicat. In eius locum A.D. IX. K. Ian. Bonifacius ixx. sufficitur.

1333.

1295

Februarii mensis initio Lutetiæ Parisiorum Philippus Rex suo, & Caroli Alanzonij, Valesij, & Andium Comitis fratris nomine Aurelianensem Episcopum, & Abbatem S. Germani Pratenfis legatos de communi pace Neapolim mittit. A Rege Gilbertus Cruillias, Guilielmus Lunfortius, Petrus Costa, & Guilielmus Galbanus, qui iuris ciuilibus intelligentia, atque omni prudentiæ genere præstabat, legantur.

A.D. VII. K. Mai Sanctius Rex Toleti moritur.

40

Bellum per tot annos, tot discriminibus, & tantis laboribus gestum non ante cepit finem. Bonifacius Pont. Max. & Carolus Rex Anagni conuenientes, legatorum Regis Aragonii interuentu, res inter dissidentes principes, in pristinam concordiam redigunt. Iacobi Regis nuptiæ cum Isabella Sanctii Regis F. pactæ rescinduntur: atque irritæ fiunt. Secreto paciscuntur: uti Rex de iure regni Sicilia decedat: & Sardinia, & Corsica insulæ Aragonum regno contribuantur: quas Pont. Max. Ecclesiæ nomine condonaturus erat. Balearico Regi, qui Gallico bello, Maiore Balearum insula exactus fuerat, de regni Balearici iure, eo fœdere seorsim cauetur.

Inter Francum, & Aragonum Reges amicitia fœdus secreto igitur: comparantque ne proceres alterius regni, suis maneant, militetve ditionibus. Pollicetur Rex se xl. actuariarum nauium classe, Franco auxilium Anglico bello laturum: quæ xl. m. librarum Turonensium à Franco in quattuor menses persolueendarum, stipendia mereant. Sin vero classis duos alios menses attineatur, xxx. m. persoluantur. Singulis nauibus deni nautæ totidemque, qui ad proram munus obeant: & centeni, atque octogeni milites assignantur: compensato numero, pro ratione maiorum, minorumve nauium. Ea lex dicitur: ut arces, oppidaque Anglico bello expugnata Franco cedant: prædæ vero, atque manubiæ à Regibus partirentur. Præfectus hostilis classis ab Aragonio captus, Rege Franco absente, ut Aragonio dediticius sit, constituunt. Sed intestina, & domestica bella regiam classem ab Anglico bello auertere.

Frede-



Fredericus Regis frater, regni Siciliae vicarius Pontificis Max. arcessitu in Italiam <sup>AERAM</sup> nauigat. Ad Velitras Iohanne Prochyta, & Rogerio Lauria prestantissimis viris comiti- <sup>NAT.</sup> bus summum Pontificem inuisit. Pollicetur Pontifex Catharinam Philippi Constanti- <sup>CHR.</sup> nopolitani Imperatoris filiam, & Balduini Imperatoris neptem, ad quam eius regni iura deuoluta erant, Frederico coniugio collocaturum. In sumptus bellicos C. M. vnciarum auri, quattuor proximis annis suppeditaturos, si Constantinopolitanam expeditionem capeisset, Pontifex, & Carolus Rex respondent.

A. D. IX. K. Iul. Reges pacis conditiones vltro, citroque accipiunt.

Inter eas pacis leges conuenit, ut Rex Blancam Caroli filiam vxorem ducat. Blan- <sup>10</sup> cam Rex pater, & S. Clementis Cardinalis Apostolicus legatus Perpinianum vsque co- mitantur: & transenso Pyrenæo Peraladam perducitur.

Siculi ad Regem legauerant Gualterium Fisaulam, Petrum Philosophum Panhor- mitanum, Sanctorem Bisalam, Cataldum Russum, & Gualterium Bonifacium Mamer- tinum: contēderantque ut Rex iureiurando astringeretur publicis in conuentibus, nun- <sup>20</sup> quam Siciliae Regnum, aut insulas Siciliae adiacentes ab Aragoniae ditione separaturum, atque eadem sacramenti religione Petrus Regis frater, & quinquagiuta primarii ex pro- teribus Aragoniis, Catalanis, & Valentinis obstringeretur, se daturos operam, ne ob eam causam à Rege Siculis bellum inferatur. Mandata præterea habent, ut ex filiis Caroli Re- <sup>30</sup> gis, qui obsides erant, aliquis illis à Rege traderetur: & media obsidum pars, qui in Catalo- nia priuatis, & publicis custodiis afferuabatur: in Siciliam transmitteretur: neque finibus regni Siciliae excedant: quoad pax Siculorum arbitrato conficeretur.

A. D. IV. K. Nou. in Villabeltrano vico Rex legatis Siculis renuntiat, se de iure re- gni Siciliae decessisse: iuraque suprema Ecclesiae agnouisse. Haud potuere legati grauio- ribus verbis vulnerari, si hostibus insulam dedere iuberentur: & Cataldo Russo peroran- <sup>te</sup>, legatis Siculi pacis conditiones lamentabili querimonia detestantur.

Die sequenti Dominico, sacra, sollemnesq; caerimoniae, quibus vniuerso regno, per <sup>40</sup> tot annos interdictum fuerat, noxis absolutis, repetuntur: stataque religione conficiun- tur: ut non solum in pristinum statum recidisse, sed omnium temporum dignitatē, & gra- tiam antecessisse res sacrae viderentur. Ea saeculi pietas, is cultus rerum diuinarum erat.

Rex Carolus Ficarias accedit: eoque oppidulo filiam Regi tradit.

A. D. II. K. Nou. qua die Carolus Regi filiam tradit, Ludouicus, Robertus, & Rai- <sup>50</sup> mundus Berengarius Caroli Regis liberi obsides liberantur: & Regina Blanca à patre Villabeltranum vsque deducitur. Postridie celebri omnium sanctorum festo die, eo loco regiae nuptiae concelebrantur.

Dum Carolus Rex Pertusio Pyrenæi saltu regreditur, Ludouicus, Robertus, & Rai- mundus Berengarius eius filii, quos obsides Alfonsus Rex imperauerat, quæ Francorum <sup>60</sup> Rex, fraterque eius Carolus promiserant, laudant, comprobantque: quibus iura Arago- nensis, & Valentini regni, & Cataloniae ditionis Regi, posterisque Regibus libera atque immunia remanent.

<sup>70</sup> Barcinone summa cunctorum lætitia, atque alacritate ludi, festique nuptiarum dies concelebrantur. Petrus Regis frater germanus Guilielmam Moncadam Gastonis Bene- harnensis F. vxorem ducit.

Pontifex Episcopum Vrgellitanum, & Bonifacium Calamandranam ordinis S. Io- <sup>80</sup> hannis Hierosolymitani in transmarinis ditionibus Magistrum in Siciliam legat: qui cum Regis legatis Siculos à desperato, & præcipiti consilio dehortentur: ut pacis constitutis conditionibus obtemperent. Sed quod magnopere desiderabat respublica Siciliensis <sup>90</sup> maturant: & A. D. III. Id. Dec. Panhormi conuentibus publice coactis, procures regni, & ciuitatum, municipiorumq; procuratores Fredericum Regis fratrem dominum sibi ad- fciunt: summeque rerum, ut eos tueatur, regatque præficiunt. Ex eo in publicas decre- torum sanctionumque tabulas, libellos, ac litteras refertur, dominante Frederico prepo- <sup>100</sup> tentis Regis Aragonum, ac Siciliae filio, & rerum potiente ea acta, gesta que fuisse. Ea re- gni deferendi initia fiunt.

Festum natiuitatis Domini diem, annique noui K. Ian. Rex Cæsar augustæ celebrat. <sup>1334.</sup> <sup>1296</sup>

Blanca Regina more coronam, regiaeque dignitatis insignia suscipit. Raimundus Ribellias ordinis Hospitalis D. Iohannis in Hispania præfectus, & Be- <sup>110</sup> rengarius Cardona Templariorum militiae in Aragonia Magister Daroca in Carpetani- am Isabellam deferunt: Sancti Regis F. quæ Regi nuptui tradita fuerat. Ea postea Iohan- ni Britanniae duci nubit.

A. D. XIIX K. Feb. Catanae procures Siculi Siciliensiumque ciuitatum procuratores



AERA.  
NAT.  
CHR.

& primarii, qui aderant, Aragonii, Catalaniq; viri, in maxima eius vrbs æde, de Frederico in Regem adsciscendo referunt: regioq; nomine Rogerius Lauria eum appellat: afferens id vi, nutuq; prouideri diuino: & testamento Regis Alfonsi fratris præiudicatum esse: atq; vniuersorum Siculorum consensu præcautum.

A.D. XIII. K. Febr. pontificatus Bonifacii 11x. anno secundo Romæ summus Pontifex Regem Aragonum vexilli ferum, ducem, & maritimarum rerum, classiumq; Ecclesiæ præfectum, ammiratum vocat, in terræ sanctæ subsidium, & aduersus Ecclesiæ hostes insigni laudis testimonio creat. Obstringitur Rex lx. nauium longarum classem Ecclesiæ sumptibus, in ditionum suarum portibus, atq; stationibus instructum. xxxv. M. solidorum Barcinonensium stipendia in singulas naues, in quattuor menses ab Ecclesia assignantur.

Rex edici imperat, vti Aragonii, & Catalani proceres, primariiq; viri Sicilia insula excedant. Qui secus faxit, in desertotum, ac proditorum numero ducatur.

A.D. XII. K. Febr. Rex, & Alfonsus Regis Castellæ nepos Bordaluz in prosequendo iure, quod in Castellano regno, atq; hereditate Alfonsus repetit, ad eam concordie rationem veniunt. Ob eam opem, atq; auxilia, quæ in inferendo bello Rex pollicetur, Regi Alfonsus pactione Murtiensis regni fœdera icit: & eius regni ditione, in Regis gratiam cedit. Paciscuntur præterea, vt Iohannes patruus Ferdinandi Regis Castellæ pueri, Legionense, Gallaicum, atq; Hispalense regnum obtineat: Alfonso Castellanium, Toletanum, Cordubense, Murriense, & Iannenense regna reliqua maneant. Ad eam pactiōem deueniunt Iolans Regina Alfonsi auia, Aragonum, Portugalliæ, & Granatenfis Reges. Constituunt, vti Alfonsus Iolantem Regis sororem ducat: quæ cum Regina matre in Sicilia ab erat. Petro Regis Aragonii fratri Concha, Alarcon, Moia, & Cannerum oppida attribuantur.

A.D. IIX. K. Apr. quo die resurrectio Domini, & annuntiatio B. Mariæ Deiparæ virginis festi dies concurrunt, Panhormi Fredericus, qui regni gubernaculis admotus fuerat, regis insignibus à Siculis decoratur. Ex ea die se Fredericum III. Siciliæ Regem, Ducatus Apuliæ & principatus Capuæ nuncupat.

### FREDERICVS III. SICILIÆ REX: ET DVCATVS APVLIÆ ET PRINCIP. CAPVÆ.

A.D. VI. Id. Apr. Fariza Alfonsus Ferdinandi Regis competitor: & Petrus Regis Aragonum frater maximo, fortissimoq; exercitu comparato Montacuti, Almazaniq; finibus in Castellam inuadentes, arma in Legionensis regni fines vertunt. Militant in eo exercitu ex Aragoniæ regno vti Montaneri auctor est, mille equites grauis armaturæ, & peditum l. m. Ingenti contentione exercitu ducto, non modo hostiles copias submouere, sed intra sua metipsum moenia sunt compulsi. Cum Legionem urbem peruenissent Iohannes Ferdinandi regis patruus Rex conclamatur. Alfonsus ad S. Facundi more gentis, in regni Castellæ fastigium subleuatus, expeditionem vrguens Maiorgam obsidet. Rem bellicam proceres ductoresq; Aragonii administruere Simon Virea, Petrus Cornelius, Petrus Ferdinandus Ixeritanus, Raimundus Anglesola, Lupus Gurtea, Petrus Garcesius Nuezius, Ferdinandus Perefus Pina, Bartholomæus Eslaua, Ludouicus Diazus Rada, Berengarius Tobias, Petrus Simenius Moneba, & Guilielmus Vergua.

Eadem tempestate Rex coacto exercitu, quem separatim confecerat, Murtiense regnū inuadit. Cum exterritè improviso malo vrbes ad arma concurrerent, fugaq; non modo agrestium, sed populorum passim fieret, plurimum terroris celeritas ipsa hostibus intulit: & quod classis regia eam oram præteruecta mare teneret, arces, castellaq; deduntur. Vrbs ante oppugnationem traditur. Hæc in A.D. IV. Non. Aug. gesta sunt. Perstant in armis Alcala, Ilorci, & Mula. Regi eo in bello suum munus præstiterit Iacobus Perefus eius frater, qui pro Rege Valentino Regno præfuit, Raimundus Folchius Vicecomes Cardonensis, Iacobus Exerica, Petrus Aierbius, Lupus Ferencius Luna, Petrus Martinius Luna, Sanctius Antilionius, Guilielmus Entenza, Atho Focius, Philippus Salassus, Simon Perefus Arenosius, Ferdinandus Lupezus Luna, Raimundus Alamanus, Galcerandus Anglesola, Iazbertus, & Dalmatius Castellinoui, Berengarius Villaragutius, Pontius Ribellias, Amatus Cardona, Guilielmus Lurfortius, Raimundus Villanoua, Egdius Ruizius Lihorius.

Petrus Regis frater in Maiorgæ obsidione æstu, febriq; iactatus Oterdefumos oppidum desleat. Inde incepta oppugnatione relicta, dum bellum maiore animo, quam consilio geritur: & magnas acerbitates perferunt, Castra vnde venerant, mouentur.

A.D.



A. D. III. K. Sept. Petrus Regis Aragonii frater Oterdefumis moritur acerbissimo o- AERA.  
mnium mœrore. Dispersis, dissipatisque nostris, hostes animos sustulere. Petri corpus mi- NAT.  
litares veteranorum copiarum Pallantinis Campis iter facientes, & ante ipsas Vallisoleti por- CHR.  
tas, quo in oppido Rex Ferdinandus, & Maria Regina mater, eius seculi feminarum præ-  
stantissima commorantur, remeantes Cæsaraugustam deferunt: Simonis Vireæ, & Rai-  
mundi Anglesolæ intimi Petri amici cadaueribus comitatum. In ctenobio fratrum Mi-  
norum sepelitur: & iustis exequiis, supremi diei celebritate, militari lustratione funus co-  
honestatur. Anglesola pone ipsius Petri sepulchrum situs est.

Vbi Murtiense quoque regnum Rex suo imperio adiunxit, quantus non vnquam  
10 antea exercitus, classisque comparatur. Acies omni arte bellica instruuntur, atque fir-  
mantur. Eximii, factisque nobiles, & veterani duces fortissimi deliguntur. Rex ipse tantæ  
expeditionis vnicus Imperator omnium votis destinatur: nec dum satis certus hostis ex-  
stiterat: nisi Fredericum fratrem regno euertere cupiat.

Fredericus Rex in Italia terra, marique in Brutiis bellum gerit. Scylacium Ca-  
tanzarum, Terra, quam vocant Iordanam, Croto, S. Seuerini, & Rossanum oppida Regi  
deduntur. Rocca Imperialis Rogerii insigni opera, obsidione liberatur: quam Iohannes  
Monfortius Comes obsederat.

Rogerus Lauria Frederici causam, armaque deferere, & ad Iacobi se Regis impe-  
rium, fidemque potissimum applicare constituit. Beatricem Lauriam F. Iacobo Exeri-  
20 cæ Iacobi F. & Iacobi Regis N. in matrimonium collocat: & Aragoniis classibus summo  
maritimarum rerum imperio à Rege commissio, præficitur.

Alfonso Peresius Guzmanus magnitudinis animi, & fortitudinis præclaris operi-  
bus insignis, & in bellica laude egregius, longeque omnibus præstans, Tariffam se Regi  
traditurum certis conditionibus pollicetur: vti à vi, & impressione Henrici Alfonsi Regis  
fratris, & Maurorum liberet: incolumemque, ac saluam, in ea rerum commotione, no-  
stris in societatem adscitis, Ferdinando Regi puero præstet: atque retineat.

Simon Luna Cæsaraugustanus Episcopus.

1335.

A. D. III. Id. Febr. Raimundus Pontius Valentinus Episcopus Regius Cancellarius 1297  
& Guilielmus Namontaguda Regis legati Messanæ Fredericum Regem cohortantur, ad  
30 colloquium cum Rege fratre in Aenaria, aut Prochyra insulis ineundum. Publico Siculo-  
rum concilio decernitur, ne Fredericus ad Regem fratrem adeat, ad colloquiumve de-  
ueniat: quod frater bellum impium suscipere non detrectet.

Rogerus Lauria Hadriano mari classe vectus Litium incredibili virtute oppugnat:  
Hydrunte potitur.

Constantia Regina cum Iolante F. quæ Roberto Caroli Regis F. despōsa fuerat, Iō-  
hanne Prochyta, & Rogerio Lauria fidissimis comitibus Mylis iv. actuariis nauibus sol-  
uens, Regis, Aragonum filii suasionem, atque consilio Romam deuehitur. Ea manifesta si-  
gna apparere inter fratres intestinis armis, & hostili odio bellandum esse.

Arnaldus Hispanus Rogerii Conuenatis F. in Pallariensem comitatum bellū infert:  
40 quantum conniti animo, viribusque poterat, contendens Fuxensis Comitatus auxiliariis  
copiis, ea ditione potiri: quam hereditaria contouersia repetit.

Martio mense exacto Rex classe Tiberina ostia præteruehitur. Eodem tempore cum  
Carolo Rege socero Romæ congregitur. Nuptiæ inter Robertum Calabria Ducem Ca-  
roli F. & Iolantem Regis sororem magna celebritate coniunguntur.

#### SARDINIÆ ET CORSICÆ REGNUM ARA- GONIÆ REGIBVS ATTRIBVTVM.

A. D. II. Non. Apr. pontificatus anno rri. Romæ apud S. Petrum Bonifacius P. M.  
50 Iacobo Regi Sardinia, & Corsicæ regnum, & eius heredibus vtriusque sexus legitimis  
perpetuo condonat: atque attribuit. Præsentī Regi donationem eam, crateræ aureæ pi-  
gnore, fœdere, ac fide sancit: supremūq; fidelitatis ius, & vim summę potestatis, sibi, & fu-  
turis Pontificibus recipit. Quibus temporibus, & quo militari siue terrestri, siue naturali  
auxilio subueniendum Ecclesiæ sit, eius donationis causa decernitur: caueturq; ii. mar-  
charum argenti Sterlingorum census, atq; tributum imponitur.

A. D. VII. Id. Apr. Gerardus Parmensis, Sabinensis Episcopus in Lateranensi aede Ro-  
gerium Lauriam, reliquosque, qui Siciliensi bello militauerant, ex perduellium numero  
eximit: & dirarum, ex curationumque obunciationibus soluuntur: ac liberantur. Rex per  
paucis diebus in Tartaconensi litus re nauigat.



AERA.  
NAT.  
CHR.

A. D. IIX. Id. Mai Rex Igualadæ fautorem se Sibyllæ Comiti Palliariensi præstat: quæ Arnaldi Rogerii Pallariensis Comitis, & Lascaris eius vxoris filia natu maior Hugoni Mataplanæ primario viro nupserat. Aduersus Fuxensem Comitem, Arnaldum Hispanum, & Rogerium Arnaldi F. opem laturum spondet: dum Pallariensis ditionis potiri queat.

A. D. III. Non. Iul. Rex Palliariensibus infestus castellum Leortium circumfidet: ut eam ditionem Sibyllæ vindicet.

Blasus Alagon cc. grauis armaturæ equitibus, & exiguis veteranorum copiis ad Catanzarum, cum Bruttios, in Frederici Regis potestatem redigere, ac retinere receptos cuperet, qui summum imperium inter præfectos regiones iam tum obtinet, vir cum claritate, tum belli vsu præstantissimus Rogerium Lauriam, Petrum Russum Comitem, & Reforciatum Regis Caroli duces, qui cc. grauis armaturæ equitibus præficiebantur, prælio fundit: cæditque: & ingentibus factis hostes persequitur.

1336.  
1298

Alfonfus qui Regis Castellæ nomen vsurpauerat, ne Rex partes suas deferat, Conchæ vrbs, & Moia, Alarconis, & Canneti oppidorum ditiones, & arces, quæ Petro Regis fratri condonatæ fuerant, Regi addicit. Molinæ præterea, & Requenæ ditiones attribuit.

A. D. VII. Id. Apr. Valentia Iohannes Nunnus Larenensis se imperio, ac potestati Regis, auctoramenti sacramento, dextris in fœdere, more implicatis, pollicibus inter se deuinctis, subiicit. Suo, ac posterum nomine fideliter Regi obtemperaturos spondet. Rex 20 Larenfi Albarrazinum urbem, & vrbs arcem, propugnaculaque tradi imperat. Larenfis sponsione obstringitur Alfonfi causam, & partes propugnaturum: & in suscepto bello suam operam nauaturum.

A. D. III. K. Iul. in Argiliensi Ruscinonensis ditionis castello Rex cum Iacobo Rege Balearico patruo congregitur. In amicitia, ac vetusto fœdere mansere. Maior, Minorque Baleares patruo restituuntur. Balearicus Regibus Aragonum supremæ potestatis propria iura, fidelitatis sacramento recipit: atque sancit.

Rex LXXX. actuariarum, pluriumque onerariarum classe instructa, bellum fratri, pro liberanda Sicilia inlaturus, ad Tiberina ostia classem appellat. Romam, & visendi & consulendi Pontificis causa properat. Pontifex sua manu Ecclesiæ vexillum Regi sollempni 30 religionem tradit.

Neapolim cum classem appulisset, Robertus Regis affinis Calabriae Dux, & Landolphus Volta Cardinalis sedis Apostolicæ legatus nauim conscendunt. Inde A. D. IX. K. Sepr. soluentes, Pactesem oram Siciliae attingunt: & insulam præteruecti terra, marique Syracusas Octobri mense exacto circumfident.

Bellum fraternum, atque ciuile inter duces, & militares manus lingua, moribus, armorum genere, insignibus, & institutis ante omnia militaribus congruentes crudeliter exarsit.

Ad Murtillam, stationem frentensem Mamertini XXI. t. actuariis, quas incredibili celeritate armauerant, instruxerantque, cum Iohanne Lauria Rogerii fratre XX. longa- 40 rum nauium ductore configunt. Hostes XVI. naues, cum victores euasissent, cum prætoriam capiunt: & insigni victoria insolentes Lauriam, Iacobumque Roccam ducem capite plectunt.

Diuturna rerum infestarum perpeffione Rex Syracusana in obsidione iactatur. Afflicta pestilentia castra erant, & vulgari contactu in militares manus morbi adeo ingruerant: ut ad XI. x. M. bellatorum interierint. Castra deseruntur: & regia classis fretum traiecit.

1337.  
1299

Funesta expeditio omnibus ea visa est: nam morbo exercitu implicito, cum Rex afflictas vires suas in vnum contulisset, aduersa tempestate nauigat: & graui hieme, aliquot naues ad Liparim insulam afflictæ eliduntur: reliqua classe in Neapolitanum portum 50 Februario mense transuehitur.

Blanca Regina in arce Neapolitana, Nouam appellant, filium parit: cui Alfonfi nomen est inditum. Is ad regium fastigium postea deuehitur. Neapoli Rex in Martii mensis finem permanet. Barcinonem inde transmittit.

Cum ea, quæ superiore anno bello gesta fuerant, pro fastigio rerum, & summa expectatione non respondissent, in sequenti hoc anno multiplex bellum excipit. Instaurata classe Rex denuo in Italiam nauigat: terra, marique fratrem ulturus.

Rex Maio mense Neapoli soluens, Roberto Calabriae Duce, & Philippo Tarentino Principe Roberti fraire comitatus ingenti classe, cum secuta exercitum effusa militum, proce-



procerumque multitudo esset: nullo, qui per ætatem operam nauare posset, militiam de-  
trectante, in Siciliam nauigat.

Fredericus Rex, cum spes vnica Siculi regni esset, plus enim in illo iuuenili animo,  
nō virtutis modo, sed consilii, quā in omnibus aliis ducibus Siculis visum est eo applausu,  
secundisq; rebus p̄sident, in extremū discrimē, ac dimicationē fortunę se, regnumq; de-  
ducit. Cū XL. actuaras naues egregie adornasset, & Rex A. D. Non. Iul. Veneris die Tyn-  
daritanam oram attingeret, ad promontorium, quod Orlandi vocāt, Fredericus obuiam  
fratri procedit: vltroque nostros laceffit. Pugnatum infestissimis animis: hinc ira stimu-  
lante aduersus rebellantes, illinc vincere asuētis, ab vltima iam dimicantibus spe. Cala-  
mitosum hoc p̄celium, postridie, quam nostri in litus appulerant, a Frederico cōmissum  
est: eiusque classes profligantur. Rogerius Lauria acerbe, crudeliterq; victoria vsus, fratris  
Iohannis Lauriæ vlciscendi ira incitatus, supplicium de victis generatim sumpsit. Naues  
xix. hostium capta: & ingens strages edita. Fredericus vix viuus ex medio ardore pugne  
euasit. Cum hostibus magno animo, & fortiter, excellenterq; eo in p̄celio ex nostris ma-  
nus conseruerunt Gilabertus Centillias, Gerardus, & Ferrarius Alamani, Petrus Sefesius  
Raimundus Captera, Guilielmus S. Vincentii, Petrus Montacutus, Simon Bellocius, Ri-  
ambaudus Dezfarius, Thomas Prochyra, & Petrus Montornesius. Rex cū in Sicilia Ca-  
labriæ Ducem bellicis rebus p̄fecisset, classe in Salernitanam oram traiecit: belloq; de-  
fistit. Neapoli soluens in Cataloniam, vna cum Constantia Regina parente deuehitur:  
Pontifice Maximo, socero, Gallisque omnibus reditionis improuissimam celeritatem ex-  
probrantibus, execrantibusq;: quod victoria vti nesciret: aut certe nolleret: cum etiam fra-  
tri, & Siculis in acerbissimum odium venisset.

Rex Albarrazinum, eiusque vrbis arcem & propugnacula recuperat: quod Larēsis  
pactis conuentis non maneret. Ex eo Regiæ diuioni Albarrazinenses contribuuntur.

Catana per summam ciuium fraudem à Frederico Rege deficientium, Roberto  
Calabriæ Duci traditur.

K. Dec. p̄celium atrox Drepani à Frederico Rege aduersus Gallos hostes cōmitti-  
tur, Regem ira, spes, ardor certaminis, audium hostium sanguinis in p̄celium rapit. Galli-  
cæ copię funduntur, cadunturque: Philippo Tarentino Principe earum copiarum im-  
peratore, & Rogerio Sanseuerinate Comite superatis, captisque.

Blanca Regina Cæsaraugustę Cœnobium sanctimonialium instituti Prædicatorum  
D. Agneti dicatum ex edificari, condi, constituiq; imperat.

Bonifacius P. M. sacrum Iubileum orbi Christiano, centesimo quoque anno cele-  
brandum iis, qui peccata confiterentur, delictorumque veniam p̄e, sanctęque depreca-  
rentur, indulget. Sacræ ædes, Romanaque templa, incredibili nationum, gentiumque  
frequentia visitantur.

Disciplinarum gymnasia, philosophorumque scholæ Ilerdæ explicantur: & artium,  
doctrinarumque ingenuarum, ac liberalium magistri, & p̄ceptores, vti in maxime ap-  
posito, & saluberrimo loco constituuntur. Ex eo domicilium in illa vrbe remansit studi-  
orum: ac veluti seminarium est habitum doctrinæ: ex quo plures studio, atque doctrina  
p̄stantes viri prodire.

Blasus Alagon, & Guilielmus Galcerandus Cartalla, rerum gestarum gloria p̄ne  
pares duces, quorum virtute Frederici regnum nititur, longe ante alios militum animis  
acceptissimi, pridie, quam quadragesimæ ieiunium iniretur, ad Galianū Gualteriū Bren-  
nē Comitem p̄celio superant: & deuictis Gallicis copiis Gualterius captiuus ducitur.

Æstate ineunte Rogerius Lauria, cuiuscunq; principis auspiciis imperio p̄æfesset,  
signaue inferret, fatalis dux ad excidium aduersę gentis, augendique Aragonii regni, ad  
Pontiam insulam nauali p̄celio commisso, Frederici Regis classem, Aragonia classe de-  
uincit. Capitur Conradus Oria hostilis classis p̄fectus. Rogerius nimis imperii, & ve-  
hemens, vitioque ingenii, immanitate efferatus Genuensibus militibus, qui in p̄ætoria  
naui scorpionibus vsi fuerant, manus auferri oculosque effodi imperat. xxix. hostium  
naues à nostris intercipiuntur.

Robertus Calabrię Dux Rhegium castra admouet: & terra, marique Messanam op-  
pugnat: cum Fredericus Rex Decembri ipso mense Aidonum castellum, quod in pote-  
state hostium erat, obsideret. Rhegio p̄æfuit Hugo Emporitanus Comes: & cum ea vrbs  
& Messana à Roberto oppugnarentur, Blasus Alagon, & Guilielmus Galcerandus sub-  
sidio Mamertinis accedentes Gallicas copias pellunt: fretumque traiciunt, quod nostri  
eorum castra oppugnare adorirentur. Cum fretum hostium classis teneret à mari oppu-  
gnationem ostendit.



ÆERA.  
NAT.  
CHR.

Blasus Alagon cum Mamertina propugnationi præfesset, è vita excedit: cuius obitu Siculorum res summum in discrimen recidiisse videtur: quod imperatorem clarissimum eagens amiserat.

Rex Murtiensi expeditioni intentus, cum Ilorci oppidum obsideret, A. D. XV. K. Ian. ciues paciscuntur, se oppidum, arcem, & propugnacula dedituros, nisi intra L. dierum indutias sibi subuentum esset.

1339.  
1301

Ilorci Rex festum natiuitatis Domini diem celebrat. Eo in oppido cum Mahomate Aboabdille Granatenfi Rege foedus igitur. Mauris spondet se, causam, armaq; Alfonsi, qui regni Castellæ iura inuaserat, suscepturum.

Murtia Ianuario exacto Rex milites copias cogi imperat. Omnes, qui arma ferre poterant, excitati: quod Ferdinandus Castellæ Rex suas copias Optem conduxisset. Vtriusque validi exercitus profecti.

Oppidum Regale nuncupatum, ad Nauarræ, & Aragoniæ confinia situm, ex Andusi, Vlli & Fileræ colonis incolitur, & præsidio firmatur.

Valentiæ Aprilis mensis fine, Rex legatos ad Philippum Francorum Regem mittit: opem Alfonsi Ferdinandi filii, Alfonsi Regis nepotis rebus affectis oraturos. Vt eius causam desertam, & abiectam armis subleuet, nulla cohortatione, miserationeue permouetur: cum æqualis propinquitatis, cognationisq; vinculis Francus Alfonso deuinctus esset: & tam parata, expeditaque auxilia Nauarræ regni finibus inferri possent: quod in eius potestate erat. Cum legationem renuntiassent, & orationem mandatis conuenientem adiecissent, tenui quadam excusationis venia Philippus est usus: se bello Belgico implicitum, quod in eius ditiones imperium expeteret, ad instaurandum Hispaniense bellum perpel- 20  
li non posse.

Sanctius Antilio Regiæ aulæ præfectus ea tempestate fuit: cuius magistratus iura paulatim exoleuere.

A. D. II. K. Mai proceres, nobilesque Aragonii homines, Cæsaraugustæ, in cœnobio fratrum Prædicatorum, quo conuentus agi consueuerant, coitionem faciunt: de Regis iniuriis, qui id temporis Ilerdæ commorabatur, expostulantes: Iacobo Exerica Regis fratre patrueli, & Lupo Ferrencio Luna primariis ducibus: & antesignanis: quos ferme nobilitas omnis secuta est. Coitionis, expostulationisq; æquitas hæc prætenditur: se stipendiis militari- 30  
bus, quæ merebantur, à Rege fraudari. Huius, & aliarum actionum susceptarum causa, non more, non iure cõcitati ad arma petulenter deueniunt. Rex uti ii motus conatusq; improvisi rite, iureq; prohibeantur, conuentus Cæsaraugustæ in A. D. K. Sept. indicit. Cõstituto die in æde Saluatoris maxima, iis, qui turbas fecerant, actionem perduellionis intendit: & de ea controuersia Iustitiæ Aragonum Præfectum iudicem sumit: qui ei quæstioni præfuit. Is magistratus, de consilii vniuersi sententia stauit: iusque esse decernit: ut ii, qui contra morem maiorum, de suo iure statuere conati fuerant, causa cadant. Eorum pacta, ac sacramenta infecta, irritaq; sint. Adhæc sancit, ut eorum fortunæ, ac bona regio nutui submittantur: modo ne capitis periculum irrogetur: custodiave contineantur: perpetuove exilio efficiantur extorres. Eo consilio à Rege inito, oppressi auctoritate publica, 40  
quod vi adoriri nituntur, iure passi sunt.

K. Octob. assidente conuentu Iacobus Regis F. natu maximus sacramento, uti legitimus regni futurus heres, ac successor adsciscitur.

Siciliensis belli fama, successusque effecerant, ne se Robertus pugna committeret: sed obsidione Messanam premeret. Exercitu, classeque diuisa, partim per finitimos populos prædari placuit: partim continenti oppugnatione Mamertinos obsideri. Cum urbem obsessam ex hostium manibus eripere Fredericus non posset, popularem turbam moribus egressam in tuta recipit: & confirmatis propugnatorum animis, inter hostium tela, ex arce digressus, consilio hostem peruertit: & ad indutiarum pactiorem, interuentu Iolantis sororis pellicit. 50

Robertus Calabriae Dux, ac Iolans eius vxor Syracusas ingrediuntur. Mox Iolans, & Fredericus Rex eius frater, ad Maniaci turrin, ad colloquium, pro re nata, congregi-  
tes, postea cum Duce sub dio congressi, indutias in aliquot menses paciscuntur.

1340.  
1302

Regina Maria Ferdinandi Regis mater, cum Bituri Vasconum oppido, publicis bellis, ac pacis rationibus animum intendit, singularis exempli femina Lupum Ferrencium Lunam, & Iohannem Simenium Vream ex primariis proceribus Aragoniæ, qui nouis se implicuerant rebus, summe incitat, ut ipsi, reliquique proceres, qui solum verterant, filii stipendia mereant: dum Murtiense regnum recuperet.

Carolus Valesius Andium Comes, Robertus Calabriae Dux, & Raimundus Berengarius eius



eius frater, magna comparata classe Thermitanam Siciliae stationem, A. D. V. K. Iun. ap-<sup>AERA.</sup> pellunt. Thermas expugnant. Corilionem, appositis machinis, obsidione premunt. In<sup>NAT.</sup> ea oppugnatione Ducis Brabantiae frater, Gallicarum copiarum praefectus pugnans mor-<sup>CHR.</sup> tem oppetit. Castra Xacam transferunt: urbemque eam circumfident.

Constantia Regina Regis mater Barcinone decedit: cuius sanctitas atque religio, quasi lumen quoddam illis temporibus eluxit. In coenobio fratrum Minorum eius urbis sepelitur.

Iolans Constantiae Reginae F. Roberti Ducis vxor, quae se in pacificationem inter vi- rum, & fratrem interposuerat, Thermis in Sicilia decedit.

10 A. D. XIV. K. Septemb. Caroli Valesii, qui pacificatoris partes susceperat, inter- uentu, inter Carolum, & Fredericum Reges, res ad concordiam deducitur: modo Frede- ricus in animum inducat, penes se Siciliae regnum, dum uiuat, maneat: & se fato functo, ad heredes Caroli perueniat, eosque sequatur. Paciscuntur, uti Fredericus Leonoram Caro- li Regis F. in matrimonium ducat.

Eodem mense Valesius, & Robertus inter Calatabellotam, & Xacam cum Frederi- co ad colloquia centenis equitibus comitati congregiuntur. Eo loci ad pacis condicio- nes deueniunt. Pollicentur, se operam duros, uti Sardiniae, aut Cypri regnum Frederico, eiusque posteris deferatur, attribuaturque. Fredericus quoad uiuat, Sicilia insula potiatur: & eo defuncto Caroli regno, Carolive heredibus adiungatur. Statim traduntur oppida,  
20 quae Frederico in Bruttis parent.

Interdictum, quo Siculi sacris arcebantur, tollitur.

Valesius, & Robertus mari Catanam proficiscuntur: & in eam urbem Philippus Prin- cepts Tarëtinus, & Gualterius Brenna Comes, qui custodiis atque nebulatur liberi deferuntur.

A. D. XIV. K. Nou. Sanctius Iacobi Regis Balearici F. Gerunda, quod Iacobus eius frater, natus maior vitam, actionesque omnes suas sacris addixerat, & instituta D. Franci- sci ordinis Minorum illi erant tenenda, iura, & supremum regni dominatum iurisiurandi religione Regi sancit: uti Balearici regni, & diuionum Ruscinonis, & Cæretaniae heres in- stitutus.

Bonifacius P. M. Philippum Francorum Regem edicto monet, uti Ecclesiae supre-  
30 mo iuri, potestati, & extra sacra, ac religionis scita obediat, obtemperetque. Dum Pon- tificis id iussum uti ratum, firmumque maneat, sacris interdictis contendit, magni in Gallia tumultus exoriuntur. Inde magnum Philippi Regis aduersus Pontificem odium cum acerbissimo, & crudelissimo dissidio existit: & concilium à Pontifice Romam indicitur. Verumtamen aliquot monumentis memoriae proditur decreuisse Pontificem regnum Galliae, uti alia regna, ditionesque Christianorum principum sub potestatem Romani Imperii sub- iici. Sed utcumque ea se res habeat, quod in Gallia incredibilis ordinum motus, con- cursumque concitaretur, Aragoniae Rex se in eam pacificationem interponit: & Pontifex Anagninae, A. D. VI. K. Iul. Pontificatus anno iix. ecclesiastico ordini regni Franciae te-  
40 statum esse voluit: se his, quae Philippo Regi suo nomine renuntiata, aut Apostolicis lute- ris proposita, promulgatae fuerant, nihil decreto suo sanxisse, quod iuri, libertati, aut ho- nori Regio, ditionumve eius derogaret: ac se velle uti iura, libertas, & honos Regi, ac Frã- cia regno incolumia, ac salua, & minime laesa permanerent.

Initio huius anni Alfonsus, qui in haereditatem regnorum Castellae auitam minime  
1341. faustis, felicibusque armis egerat, & exheres est vocitatus ex Gallia adueniens, Villafran-  
1303 cae Regem inuicit. Eodem tempore Henricus magnus Alfonsi patruus, & Iohannes Em- manuelis Henrici fratris filius, aliique Castellani proceres spondent, se Alfonso operam, auxiliumque laturos, & eius partium factionem, causamque defensuros: qui cum respe- ctum ad Alfonsum, & Alfonsi equam conditionem non haberent, eam sibi viam ad opes, viresque amplificandas patefaciunt.

30 Maio mense Iohannes Emmanuelis F. magnae potentiae adolescens Serabi Regem inuicit. Paciscuntur, uti Iohannes Constantiam Regis filiam intra constitutum iix. anno- rum spatium in matrimonium ducat.

A. D. V. Id. Iun. Caesaraugustae Iuuenus Vbertinus, & Apparicius Villanova Frede- ricus Regis legati, de foederum pactionibus initis Regem certiotem faciunt: quas ratas, firmasque à Bonifacio Pont. Max. habitas, vetus rerum à Frederico gestarum auctor per- hibet: & xv. m. florenorum tributum à Pontifice Frederico impositum in singulos an- nos Ecclesiae conferendum: proprii iuris ac dominatus Siciliae regni, & Insularum adiacen- tium causa. Cautum eo foedere à Pontifice fuisse, ne Fredericus Siciliae Rex, sed Trinacriae appelleretur, idem auctor firmat: & eam pactionem à Cardinalium collegio fuisse comprobata:



AERA.  
NAT.  
CHR.

Matthæo Russo Vrsino sanctæ Mariæ in portu Diacono Cardinali contratendente, atq[ue] repugnante.

A. D. XII. K. Iul. Rex, Henricus, Iohannes Emmanuelis F. Didacus Lupius Pharen-  
sis Vizcaïæ regulus, & Lupus eius F. Farrizæ ad colloquium congregiuntur. In eam pacti-  
onem ii procures fidem suam interponunt, se curaturos, vti Alfonso Iaennense regnum  
attribuatur. Vallem Cornegiam, Pedrazam, Almazanum, aliaque oppida, quæ illi heredi-  
tario iure relicta fuerant, retineat. Id etiam stipulantur, vti Ferdinando Alfonsi fratri ger-  
mano, eius ditionis, hereditatisque libera iura conferantur, quæ in Castellæ regno, ad re-  
gios liberos pertinere consueuerant. Infantaticum vocant.

#### CATALANI EXERCITVS EXPEDITIO.

Ex annalium nostrorum, & regionum commentariorum vetustate eruenda, fuit  
veteris memoriæ non satis antea, pro dignitate rerum gestarum, explicata recordatio.  
Cum dearmatus Frederici Regis exercitus esset, vt infulam, quæ tot mala, diuturno bel-  
lo perpeffa fuerat, colluie copiarum diffluentium releuaret, persuasum est Frederico,  
vt militares manus in Macedoniam, & Thraciam emitterentur. Hoc ipso anno Rogeri-  
us Florius Brundisius, qui Frederici auspiciis, Siculo in bello plura egregia facinora o-  
diderat, ad quem perdit omnes, & dissoluti adollescentes semper confugerant, & scele-  
re, & egestate profligati, instructa classe, collecticio veteranorum Catalanæ, & Aragoniæ  
gentis, quos Almogauares vocabant, exercitu, ad iv. m. fuisse traditur, ex Sicilia Constan-  
tinopolim nauigat: Andronici Romæorum Imperatoris Comnini Palæologi stipendiis, 20  
aduersus Turcarum incursiones militaturus: qui ex Asia tunc primum emigrantes, com-  
plures eius imperii regiones depopulabantur. Is totius exercitus imperator, copiarum  
ductores deligit Berengarium Entenzam: & primarios aliquot ex Aragonensibus, & Ca-  
talanis: qui Frederici stipendia meruerant. Rogerius benigne ab Andronico habitus, sta-  
tim Megaducis, magni nempe Imperatoris nomine, atque insignibus ornatur. Vxor in  
eius manum conuenit, Imperatoris, Zauræ, vt vetusta monumenta testantur, & Adro-  
nici sororis filia. Exercitus Catalanorum societas appellatur: quorum tanta ad vltimas  
gentes virtutis fama peruaferat, vt Constantinopolitani Imperii principes, opinione, &  
amicitia eorū, aduersus barbarorū, ex Asia insulantium inpetus, tutos se arbitrarentur.

1342.  
1304

Rogelio Florio, rebus in Asia, præclare aduersus Turcas gestis, Cæsaris nomen, per- 30  
petuæ virtutis præmium tribuitur. Sed acerbo Michaelis Palæologi Andronici Impera-  
toris filii odio excitato Hadrianopoli, inter sacra mensæ, cum iis, qui aderant, circumuen-  
tus, atque armis exutus impiæ neci traditur: & crudelissima morte mactatur. Inde socie-  
tas Catalanorum, quæ Rogerii Florii ductu, Andronici stipendia bello Turcico meruerat,  
Callipoli, ad ipsas Hellesponti fauces, vallo se, ac fossa cingit, munitque. Eius munitionis  
rebus institutis, atque collocatis Berengarium Entenzam ducem sibi præficiunt. Enten-  
zæ egregiam operam præstitere primarii duces Ferdinandus Ahonesius, Corbaranus Le-  
hetius tribunus militum, & alter item tribunus Bernardus Rocafortius, Raimundus  
Montanerijs, qui res eas memoriæ prodidit, & Guilielmus Siscarius, & Simon Alberus.  
Præterea Entenza in Siciliam præmittit Garciam Lupezium Luparium, Raimundum 40  
Marquetium, & Raimundum Coponium: qui à Frederico Rege subsidium transmar-  
inum efflagitent: & exercitum Catalanæ societatis in asserendo Constantinopolitano  
imperio, Frederico militaturum polliceantur. Michaelis Imperatoris F. in proelia po-  
scunt, prouocantque: tanquam in prodicionis crimen vocatum, Thraciæ oras assiduis in-  
cursionibus depopulantur.

Entenza inclitus ea tempestate dux, penes quem præcipua laus eius belli fuit, ea vir-  
tute, eoque consilio, rem gessit: vt benigno alloquio, & comitate alliciendo, & beneficiis,  
quos poterat, sibi conciliando, publicis pariter, ac priuatis consiliis dignus omni imperio  
videretur. Instructa classe decem actuariarum nauium ab Helesponto totam eam oram 50  
maritimam percurrentes, omnia loca vastat, quæ incurrit. Cum in ea trepidatione Calo Io-  
hannes Andronici F. cccc. equitibus, magnisque collecticio copijs obuiam aduen-  
taret, ad Pontem regium vi. m. p. à Constantinopoli A. D. II. K. Iun. profligatur: ceditur-  
que Ingenti præda parta, cum Entenza Callipolim reuertitur, insidiis interclusus, & sum-  
ma perfidia deceptus, ab Eduardo Oria, qui xvi. Genuensium actuariis nauibus præerat,  
intercipitur: nauesque omnes amittit. Peram deportatus Trapezuntem transmittitur. Ca-  
talanorum societas Callipoli continetur: quoad Entenza liber è custodia educitur.

Non. Iun. Perusii Vitalis Villanoua, & Guilielmus Ceria Regis legati, regio nomine  
fidei sacramentum interponentes, Benedicto XI. P. M. qui in Bonifacii locum ad sum-  
mum Apostolatum euectus fuerat, iura regi Sardinia, & Corsicæ, ab Ecclesia Regi collata  
reco-



recognoscunt. Pontifex Cardinalium collegio assidente iurisiurandi sanctionem, supre-  
mi domini ratione recipit. Die sequenti ecclesiasticas decumas Regi in eius regnis lar-  
gitur in triennium: & legationem Apostolicam in eas insulas constituit.

AER.  
NAT.  
CHR.

Idem legati, cum Neapolim se contulissent, nuptias inter Sanctium Balearici Regis  
F. & Mariam Caroli Regis filiam coniungunt: & sponsalia Sanctiæ, Sanctii sororis, & Ro-  
berti Calabria Ducis paciscuntur.

Ineunte Augusto mense Dionysius Portugallia Rex, Torellias oppidum, ad Cauni  
montis radices, inter Turiasonem, & Agredam interiectum, splendidissimo, ac vere re-  
gali ornatu, apparatuque ingreditur. Rex affinem, & Isabellam Reginam sororem, quæ  
cum marito, ad eum congressum conuenerat: sumptuoso, ac magnifico ornatu ac-  
cipit.

Torellis A. D. VI. Id. Augusti Dionysius Rex, Iohannes Castellæ Regis patruus &  
Simon Luna Cæsaraugustanus Episcopus iudices constituti super controuerso Murtien-  
sis regni iure, quæ causa inter Aragoniæ, & Castellæ Regis vertitur, sententiâ, iudiciumq;  
pronuntiant. Certi Murtiensis regni fines, & termini utrique assignantur, atque attribu-  
untur Didaco Garcia Toletæ Regni Castellæ Cancellario, & Gonzaluo Garcia Arago-  
nii Regis intimo consiliario arbitris, & iudicibus delectis: cum uterque Regi amicitia re-  
liquis omnibus longe antecellerent. Carthago noua, Gaurdamare, Alicantû, Illicis, cum  
Illicitano portu, & eorum oppidorum agri, finesque, qua Taderæ fluuiio dirimuntur, ver-  
sus Valentini regni fines, Aragonio cedunt. Villiena oppidum ditioni nostræ contri-  
butum, Iohanni Emmanuelis F. condonatur. Murtia, & Molina sicca Castellano ex-  
cipiuntur.

Eo metipso die multo maior controuersia deciditur: quæ inter Ferdinandû Castellæ  
Regem, & competitorem Alfonsum versatur: iudicesque accepti fuerant Aragoniæ, &  
Portugalliæ Reges. Decernunt, uti Alfonso aliquot oppida, condonentur, pro eo regnorû  
Castellæ, & Legionensis populi iure, quod sibi tanta bellorum commotione asserere  
contenderat: quorum spes iam diu erat frustrata. Regium nomen Alfonsus, regaliaq; insi-  
gnia amouet: quæ perexiguâ dignitatis, emolumentique commodis compensantur. In  
Gallia Alfonsus Hispanus vocatus: id à regia Philippi Francorum Regis liberalitate con-  
sequitur, ut Mosaldam, si coniectura duci ad prodendum licet, ex Narbonensium Vice-  
comitum familia in matrimonium ducat: & Lunellum, Narbonensis ditionis oppidum  
dotale accipiat.

Pôstero die Dominico Aragoniæ & Portugalliæ Reges cum Ferdinando Rege ad  
Campillum regis congressibus dicatum vicum, ad colloquium deueniunt: is enim præ-  
stituitur componendis fœderibus locus totiens expetitus.

A. D. XVI. K. Febr. Valentia decedit Rogerius Lauria dux omnium, quotquot ym-  
quam maritimis rebus, naualibusque bellis præfuerunt, præstantissimus. In cœnobio san-  
ctarum crucium pone Petri Regis sepulturam cadauer eius humatur.

A. D. IV. K. Mart. Hortæ, in ipsis regnorum confiniis, in cœnobio D. Mariæ Cisterci-  
ensis instituti Reges Aragoniæ, & Castellæ in colloquium, congressumq; veniunt. Eorum  
mandatis Didacus Garcias Tolleranus, & Gonzalvus Garcias, uterque suo Regi amicus,  
intimusque, controuersiam finium regni Murtiensis decidunt. Ex ea regione, quæ Ara-  
gonû Regû ditioni contribuitur, Rex Ferdinando Regi Carthaginem urbem remittit, at-  
que condonat: ut Alarcone Celtiberiæ oppido, & nobili, & natura, ac loco in primis præ-  
munito Iohanni Emmanueli genero cedat.

A. D. IV. K. Nou. Perpiniano Rex Gonzaluum Garciam legat, committitque: ut  
Clementi V. P. M. suo nomine suprema Sardinia, & Corsicæ regni iura recipiat: & fidei  
sacramento sanciat. Pontifex cum absentis Regis rationem habendam minime cœsuisset,  
mandatumque reiecisset, Regi persuadet, ut Mompellerium contendat.

A. D. XII. K. Ian. Genuensium legati Regem Cæsaraugustæ conueniunt: expetuntq;  
ut pacis, fœderisq; condiciones ferat. Verentur enim ne Sardinia obeunda causa, & ab  
externo dominatu vindicanda Genuensi ciuitati bellum à Rege inferatur.

A. D. X. K. Mai. Rex Valentia sanctioris ætatis Ecclesiæ Maioris Balearium præfe-  
ctum, & Petrum Martinum Gotorum oratores legat ob eam causam, ut Pontifici Maxi-  
mo de more iurium regni Sardinie, & eius ditionis ratione iurisiurandi fide obedientiam  
præstent. Cum Burdigalæ Pontificem Maximum conuenissent, A. D. V. K. Iun. honorifi-  
ce recepti iuramentum faciunt.

Octobri mense Barcinone Fraciscus, Conradinus, & Marcellus Malaspinæ Marchio-  
nes, & Brancha Oria, & Barnabas eius F. Theodoricusq; Turritanus Archiepiscopus recipiunt.



AERA.  
NAT.  
CHR.

Pollicenturque, se Regi in obeundo, vindicandoq; Sardiniae regno, si conditiones ferat, Parituros. Statuit etiam Rex, & molitur, quo Florentinam, Lucensemq; ciuitatem, & Rogerium Taliaferum, qui Populonii dominatur, foedere deuinciat, & in Sardiniam auxiliares cohortes transmittant. Lucenses exposcunt, ne Rex sinat, Iohannam Vgolini Galuræ Iudicis filiam, quæ ingentis ditionis hereditatem aditura erat, Caralitanique regni partem adepta fuerat, Barnabæ Oriæ Branchæ filio in matrimonium collocari. Maxime enim eam coniunctionem regio statui aduersaturam prouident. Rex ab Azone Marchione Estensi Iohannæ auunculo, cuius puellæ tradendæ optio, potestasque erat, ut ab Orriarum connubio eam diuertat, deprecatur.

1345.  
1307

Rex Oream adire properat: quod Ludouicus, qui Vtini cognomen inuenit, Francorum Regis F. in Nauarram traieciisset: & matre Regina defuncta eius regni legitima herede, regis insignibus esset ornatus. Multi enim, & varii timores: sed inter ceteros eminebat, tam propinqui hostis terror: ne Francus Regem ab Italicis rebus, & ab Sardoæ expeditione, aut Siciliensi bello, quod imminere omnes vererentur, auertere contendat.

A. D. III. Id. Oct. Philippi Francorum Regis edito omnes, qui auctoramento militiæ, ac sacrorum Templi Hierosolymitani deuincti erant, tota Gallia veneris die, vno nuntio, atque vna litterarum significatione intrecipiuntur. Comprehensi omnes in custodias includuntur: & in eos tanquam hæreticos, ac nefariorum, scelestorumq; facinorum reos anquiri coeptum.

A. D. XVII. K. Nou. nuntii à Francorum Rege in omnes Christianorum principum regiones deferuntur, expostulantes: uti in sua quisque ditione, fidei Catholicæ asserendæ causam, aduersus eos, qui Templi Hierosolymitani sacris addicti erant, suscipiat. Regi ea res nota, testataque fit, cum Valentie, in arce regia, K. Dec. degeret. A. D. III. Non. Decem. Rex capi omnes eius sectæ homines, bonaque conscribi imperat. Iohannes Lotgerius ex Prædicatorum instituto, de fide Catholica iudex, & generalis in Aragoniæ regnis quæsitator ab Apostolica sede constitutus, summa in iure dicendo seueritate vsus studiosos, & fautores reorum coercet. Bona eorum pars in munitissimas Carthaginis veteris Ilergaonum oppidi, Montionis, Miraueti, Villeli, atque Alfambræ arces confugiunt: quibus facile rapugnari, atque obsisti posse sperant: ne indicta causa in se animaduertatur. Eodem in Catalonia, cum spes reliqua non esset, vtuntur perfugio. Rex eos vi oppugnari imperat.

1346.  
1308

Valentia Decembri mense exacto, Rainerius Sampacius, Iohannes Russus Gualandius, & Ilerdinus Guascapa Pisanorum legati, reiectis iniquis conditionibus, quas de Sardinia iure retinendo, obtulerant, à Rege dimittuntur: quod neque è republica, neq; ex dignitate, aut Pontificia, aut Regia censerentur.

Rex Valentia festo celebritatis natalis Domini peracto, Bernardum Sarriam primarium virum regie classis præfectum in Siciliam legat: cui mandata deferuntur, ut nouam dissensionem, quæ inter Fredericum, & Carolum Reges commota fuerat, pacificet. Is Calanam, Mottam, Fumarium murum, atque Catonam Bruttiorum castella, de quibus inter se controuersabantur, Regis Aragonum nomine recipit. Præterea Carolus molleste præ se tulerat, Fredericum generum, non Trinacriæ, quod pacto conuenerat, sed simplici titulo Regem nuncupari: & à Tuncetano Rege tributum, quod sibi dependi deberet, à Frederico exigi.

Bellum aduersus Templarios, qui arcibus præfidentes in armis erant, maiore conatu apparatus, quod minore, quam Rex veritus fuerat, dimicatione perficitur.

Cum Hispanienses classes aduersus Granetenenses Mauros omnibus rebus ornate instruerentur, Castellæ Rex Didacum Garciam Toletum imperio maritimo præficit: & in eius locum substituit Gonzalum Zapatam Aragonum: atq; eo administro, Regis Aragonii permissu manus militares coguntur nostris in litoribus, atque armantur.

A. D. XVI. K. Iun. cum Artallus Alagon Aragoniæ regni procurator Montionis arcem magna ballistarum, ac tormentorum vi oppugnauiisset, cuius propugnationi Bartholomæus Beluissus Templariorum dux præerat, propugnaculum, quod ante arcem firmo præsidio munierant, Muelam vocabant, deditur. Paulo post arx etiam traditur. In postremis Castellotum, Carthagoque vetus munitissimæ arces deduntur.

Clemens P. M. decernit, uti Valentinus Episcopus regius Cancellarius de Templariis omnibus, qui inter reos relati erant, cognita causa statuatur.

Bernardo Sarria internuntio Rex Genuenses, & Branchalconem Oriam eius populi ductorē, & Barnabæ eius F. sibi adiungere studet: quod in Sardinia Turitani regni, & Lugudoriæ regionis, Luquidonesios vetustas appellauerat, potirētur. ccc. equitibus militaturos



turōs se regi in Sardoæ expeditione pollicentur. Florentinos, & Lucenses, & Welforum partes ad se etiam perlicere tentat: qui pecunias erogent, unde necessarii sumptus in classem, ac rem militarem suppedientur.

AER. A.  
NAT.  
CHR.

A. D. XIV. K. Ian. Alcala oppido ad Henarem fluuium præsentibus Bernardo Sarræ, & Gonzaluo Garcia Regis legatis, Ferdinandus Rex Almeriense regnum Regi attribuit: quod sexta Granatensis regni portio, illi pacto contributa esset: in eos sumptus, qui in Granatense bellum à Regibus susceptum, terra mariq; nostris classibus, & exercitibus, impendent. Iurisiurandi religione coram legatis Regi cauet.

Decembris mensis fine Reges Aragonum: & Castellæ Hortæ denuo colloquuntur. In eo congressu fœdus sancitur eius belli, quod Marrochensi, & Granatensi Regibus inlaturi erant. Paciscuntur, uti Iacobus Regis F. Leonoram Regis Ferdinandi F. uxorem ducat.

Reges Hortæ regressi Montregale Aragoniæ oppidum contendunt: & in eo loco pactionem, quæ cum Alfonso inita fuerat, stabilem, & in perpetuum ratam fore decernunt.

Michael Palæologus Andronici Imperatoris F. ad Apros vetustam Thraciæ urbem, à Bernardo Roccafortio, qui captor Entenza, ductoris munus obierat, societatemque Catalanorum ad se conuerterat, & aliis Catalanis ducibus, cum signis collatis valde pusillis copiis conflisissent, horribili strage profligatur: & summa cū ignominia, & dedecore, capitique periculo erumpens, euasit. Res in eo bello gestæ iusto volumine à Raimundo Montanerio posteris produntur: non modo eius ætatis scriptore, sed qui copiarum ductor Entenza imperatore eo in bello meruit: & ne fidem rebus commenticiis ad eum vnum, aut rei gestæ orationem adhibere videamur, & si Nicephorus Gregora earum rerum Græcus auctor, pæne eiusdem ætatis scriptor exstat, exterius aliquis auctor ad memoriam rerum nostrarum erit excitandus: cui nemo, tametsi breuiter, impoliteque dicenti maxima de re, valde assentiri non debeat. Is Brochardus est Teutonus ex instituto Prædicatorum: qui ad Philippum Francorum Regem anno MCCCXXXII. commentarium misit de Sacri belli expeditione aduersus Turcas obeunda: cuius oratio ad verbum, hoc in loco est à nobis expressa. Ita enim subdit.

Hæc quæ narro, cum in Constantinopoli, siue Pera, quod idem est, degerem, con-  
30 tigerunt. Catalani etiam, qui modo vocantur Societas, quæ nunc est in Ducatu, & domi-  
nio Athenarum, qui nō habebant duo millia, & quingentos equites ex quibus non erant  
ducenti homines de sanguine militari, eundem Michaellem cum quattuordecim milli-  
bus equitum exeuntem, & cum peditum multitudine copiosa aggressi fuerunt cum au-  
dacia desperata: & ipsius ordinatas acies destruxerunt: & fugauerunt: & de ipsius exerci-  
tū multitudinem maximam peremerunt: & ipsum Michaellem de equo turpiter deiece-  
runt: sed adiutus à suis, & in equum subleuatus fugit è prælio acriter vulneratus: Quem  
etiam fugientem insequentes in ciuitatem Andrinopolim includi fecerunt: & ibi obsef-  
sum diebus plurimis tenuerunt. Postmodum totam illi ciuitati adiacentem patriam cur-  
40 sitantes ferro, & incendiis vastauerunt: castra multa ceperunt: & ab illo loco, vsq; ad ter-  
ram, ubi nunc sedes detinent alienas, fere omnia destruentes nullum prælium inuene-  
runt: sed Græci miseri sunt facti pusillanimes, & excordes: ipsos diuina gratia deferente  
& ultione debita persequente. Paulo post idem memorat Catalanorum eam nationem  
Imperatorem Constantinopolitanum tributum quotannis ferre coegisse.

Andriolus Morus Genuensis vi. Byzantinorum, & ii. Genuensium longis nauibus præfectus cum Theodorum Palæologum Andronici Imperatoris F. in Italiam deduceret, qui Monferratenis ditionis heres, mortuo Guiljelmo Monferrateni Marchione auunculo successerat, & Opicini, Spinulæ F. ducturus erat, viri in republica Genuensi primarii, qui in magna potentia erat, Callipolim, quam Catalani inuadendis terra, marique hostium finibus, arcem sedemque delegerant, summa vi oppugnat. Dum à Raimundo  
30 Montanerio, qui propugnatori præfectus fuerat, & à nostris strenue repugnatur, Morus  
& dc. circiter milites cæduntur.

Rex festum natiuitatis Domini diem Cæsaraugustæ concelebrat.

1347.

Carolo, ac Frederico Regibus dissidentibus, quod Carolus Iaccitanam Siciliæ arcem retineret, & tributa à Tunetanis Regibus Frederico pensitata sibi impendi debere contenderet, Rex pacificatorio munere inter socerum, & fratrem functus, Fredericum socero conciliandum & adiungendum repetitis rebus curat.

1309

Ianuarii mensis fine Rex Barcinonem proficiscitur. Bellum instruere aduersus Mauros, & Almeriensibus finibus inferre maturat. In eos sumptus, sacrum bellum gesturo, Pontifex Maximus ecclesiasticas decumas elargitur.



AERA.  
NAT.  
CHR.

Henrico Lucemburgenſi ad Imperii gubernacula adſcito, Amadeus Sabaudia Com-  
meſius affinis, & Vido Nemurcius Flandrenſis Comitſ frater Auenione à Pontifice  
Maximo impetrant, vt Henrici creatio confirmetur. Duo Cardinales legantur qui Ro-  
mæ imponēdo diademati præſideant. Piſani Henricum in Italiam arceſſunt: & vt profe-  
ctionem maturet, adhortantur. Florētini, & Lucenſes, qui Henrico aduerſantur, Regem,  
vti expeditionem Sardoam vrgueat, magnis pollicitationibus ſuadent. Morroellus Man-  
fredi F. Francisquius Morroelli F. & Conradinus Opicini F. ex Malaſpinarum familia  
Marchiones Regi ſe addicere in ea rerum commotione ſtudent. Piſani vero omni cona-  
tu de Caralitana arce, & oppidis, quorum in Sardina potiuntur, retinendis ſeparatim ela-  
borant: & regiam expeditionem auertere conantur.

Iohanna Vgolini Galluræ Iudicis F. Ricardo Camino Treuiſi domino Gibellinarum  
partium primario nubit: qui ſe totum Regi addicit: quod Piſani Galluræ ditionem inter-  
uerterant: & præſidiis deuinxerant.

A. D. III. Non. Mai Carolus Ducatus Apuliae, & Principatus Capuæ, Hieroſolymo-  
rumque Rex è vita excedit.

#### ALMERIENSE BELLUM.

A. D. XV. K. Aug. Rex ora Valentina ſoluens, claſſe ad Conteſtanorum promonto-  
rium, quod illa ipſa atas Aliubii caput vocat, præteruchitur. Omiſſo enim Sardo Alme-  
riente ſacrum bellum ſuſcipit: cuius tam vicina expeditionis metu moti Mauri armati,  
paratique obuiam Regibus procedunt: ex diutino n. etu animis ferocioreſ. Omnes præ-  
cipuæ vires adueſus Aragonioſ, quod maritimis claſſibus pollerent concitantur. Copiæ  
noſtrorum omnes terreſtres ad Aliubium coguntur. Ferdinandus Rex alio ſuas vires  
verterat. Ex Catalonia egregii copiarum ductoreſ arceſſuntur Guilielmus, & Otho  
Moncada, Bernaldus Centulias, Guilielmus Angleſola, Gerardus Ceruilionius, Bernar-  
dus Cruilias, Berengarius Pucmultonius, Berengarius Portella, Pontius Ragiadelius,  
Petrus S. Vincenſii, Bernardus Speſius, Petrus Queraltius, Acartus Murius, & Dalma-  
tius Caſtellinoui &, Albertus Mediona. Cum numeri militares recenſerentur rex noſtris  
ordine duxere, militauereq; Petrus Ixeritanus nomine Aragonii Regis Eccleſia in ex-  
ercitu ſignifer, & princeps, Aluarus Ferdinandus Alcanicienſis Præſectus, Iohannes Si-  
menius Vrrea, qui Alcalaſenſis præſecturæ, & Montacuti dominabatur: inter proce-  
res primariuſ: & qui ſummum, & præſtantiffimum ſe ducem vniuerſo exercitui præbu-  
it: Petrus Martiniuſ Luna, Ferdinanduſ Lupeziuſ Luna, Petruſ Ferdinanduſ Vergua,  
Sanctiuſ Horta, Petruſ Guilielmuſ Caſtellonuſ, & Fortuniuſ Aznariuſ Caſtellonuſ,  
Gombalduſ Tramacetiuſ, Simon Fociuſ, Guilielmuſ Podiuſ, Iohanneſ Sanctiuſ Anti-  
lioniuſ Sanctii F. Simon Velazquiuſ Aierbiuſ, Lupuſ Gurrea, & Michaël Gurrea eiuf F.  
Petruſ Pomariuſ, Lupuſ Sanctiuſ Luna, Iohanneſ Vidauriuſ, qui Marianæ ditionis do-  
minabatur, & Petruſ Martiniuſ Vidauriuſ, Michaël Pereſiuſ Gotoriuſ, Rudericuſ Go-  
metiuſ Seſeſiuſ, Ferdinanduſ Lupeziuſ Heredia, Garciaſ Simeniuſ Embunuſ, Petruſ Si-  
meniuſ Iranciuſ tribunuſ militum, Berengariuſ, & Simon Tobia. Ex Valentino regno  
rem bellicam adminiſtrauere Iacobuſ Exerica, Iohanneſ Garceſiuſ Lihoriuſ, Petruſ Ior-  
danuſ Arenofiuſ Gonzalui Simenii Arenofii F. Simon Pereſiuſ Arenofiuſ, Berengariuſ  
Lancioliuſ, Gerarduſ Aquiloniuſ, Gonzaluſ Garciaſ Regi in primis caruſ: & Nobiliſ  
Carrocioſ: qui Rebolletia ditionis dominatuſ obtinuit.

Iulio meſe decurſo Iazbertuſ Caſtellinoui Vicecomeſ, quibuſ præſectuſ erat actu-  
ariuſ nauibuſ, & Mauriſiorum Rex terreſtri exercitu Septam Mauritanie, ad traiectum ſi-  
tam urbem adoriuntur: & vi expugnant: ingentique præda potiuntur.

K. Aug. Robertuſ Caroli Regiſ F. Hieroſolymorum Rex, & Sanctia Regina eiuf v-  
xor Auenione, magna celebritate à Pont. Max. diademate, & regiſ inſignibuſ decoran-  
tur. Arnalduſ Villanoua nobiliſſimuſ, atque optimuſ huiuſ ætatiſ medicuſ, & ſummo  
Pontifici caruſ, à Rege in Prouinciã Galliam ad Robertuſ legatur: qui ſuadeat, vt iuſ  
regiumque nomen Hieroſolymitani regni ad Fredericuſ tranſferat: quod belluſ ſa-  
crum ſuſcipere ſummopere cõcupierat: ſi Robertuſ eam erogat pecuniarum vim, quam  
ſibi cauerat, ſi Sicilia regno decedat: modo theſauri ſacro bello Hierolymitano dicati, de-  
cumq; Italiae, & adiacentium inſularum, in eam expeditionem conferat. Robertuſ,  
neque tanti decoriſ ſplendoreſ amittere, neq; Sicilia regno tot annos priuari, æquo ani-  
mo poteſt induci.

A. D. XII. K. Sept. Rex ad Almeriam caſtra meratur. Vallo & ſoſſa, maximo  
aggere, ac ſepimento vallatuſ contra aſcenſum, atque tranſgreſſioneſ, & eruptioneſ  
hoſtium munitur. Regina Blanca virum ad ſacruſ belluſ proficiſcentem proſequitur:  
& Gui-



& Guilielmus Rocabertinius Archiepiscopus Tarraconensis, Simon Luna Cæsaraugustanus, & Raimundus Pontius Valentinus Episcopi, & alii Antistites Reginam comitantur. Is enim mos penitus infederat, & inueterauerat, ut Reginæ viros ad bella proficiscentes comitarentur.

AERA.  
NAT.  
CHR.

Artallus Luna, qui Aragonii regni procuratori præfectus fuerat, & veteranorum militum agmina coegerat, magnosque sumptus in rem militarem fecerat, continuis itineribus, ultra contra hostes castra facit. Is Lupi Ferrencii Lunæ F. Constanziæ Perefiæ Iacobi Perefiæ F. Petri Regis neptem uxorem duxerat: & Segorbiensis ditionis, & aliorum oppidorum, quæ dotalia susceperat, dominabatur: & egregie fortem, & bonum imperatorem præstitit. Aimericus Beluchinus, Raimundus Marimonius, & Bernardus Marquetius x. actuariis nauibus, & v. lembis Gaditanum fretum obsidēt. Iazbertus Vicecomes Castelnouius apud Maurusiorum Regem tamdiu resederat, dum tertia pars portorii Mauritanix, quod Regi pendebatur, & Septenses manubiæ exigerebantur.

Ferdinandus Rex A. D. VI. K. Aug. exercitus corona Algeziram Alhadra in ipso freto sitam obsederat. x. nauibus longis freti traiectum tenet. Iazbertus Castelnouius Aragoniæ classis præfectus præsto Castellani classi coniungitur: ut hostium littoribus inuehantur.

Simul armis, simul operibus, machinisque oppugnari Almerienses cepti, A. D. X. K. Sept. Granatensis Rex, omni regni equitatu, qui ingentibus turmis contiterat, & vario peditatu ad Almeriæ urbis muros subsidia accelerat. Ingens, & tumultuosum certamen ab hostibus inferitur: qui quanta maxima vi poterant, in nostros, equites concitant. Insigni animo, extra vallum prouolat Rex: atque infestis ordinibus in medium agmen hostium ruit. Cum signa contulissent, & summa vi niterentur, decertarentque, Mauri funduntur, fuganturque: & montibus auertuntur. Dum manus conseritur, qui vrbe eruptionem fecerant, vallum inuaserunt: regionum castrorum partem conuellunt: & Ferdinandus Iacobi Balearici Regis F. excelso, & inuicti animi adolescens, qui obsessis repugnaturus, in castris manserat, præstanti militum fortitudine, & eximia sua virtute furentes eorum impetus, conatusque coercet: cum summis copiis castra oppugnarentur.

Cum regiæ classes fretum tenerent, & Iazbertus Ferdinadianæ classi præseslet, sinusque eos obsedissent, pars exercitus Castellani Gibraltari oppido, in Calpis radicibus sito potitur.

Rege Almeriam oppugnante, Petrus Marsilius ex instituto Prædicatorum expeditionis Almeriensis prosequendæ causa, ad Pont. Max. legatur: qui cum indigne, ne dicam temere, atque arroganter, legationis munus obiret, neque Pontificis imperium, uti parebat, reueritus esset, victus relegatur.

A. D. XIII. K. Octob. Pont. Max. nuntius Apostolicis litteris Regem cohortatur, uti Veneris omnibus in nostris regionibus comorantibus perduellionis actionem intédant: quod Ferrariam ecclesiastici iuris urbem, atque ditionis Dux, Venerusque senatus occupare niterentur: & in arcem Thebaldi, & alia urbis propugnacula copiarum eorum militares irrupissent: cum Ferrarienses ciues Ecclesiæ dominatui obtemperantes Freschum Azonis Estensis Marchionis filium, qui parentem in custodiam intrusum necauisset, vrbe exterminassent. Die namque sacro cænæ Domini Pontifex Auenione dirarum imprecatione Veneros eius sceleris noxa contaminatos deuouerat: & eorum bona publicarat: ac sacrum bellum aduersus eos indixerat. Rex se operam daturum respondet, ut Veneti regia ditione expellantur: modo nostri homines Venetiis, & eius ditionis finibus egrediantur. Hugo Pontius Emporitanus Comes piraticam faciens, aliquot Venetorum naues diripit: atque euertit.

Id. Octob. M. leuis armaturæ equitibus Mauris, ex ea militia quos illa ætas equitatum Granatensis domus appellare consueuerat, robur, ac firmamentum regni, æquatam agri planitiem ante Almeriæ muros obtinentibus, ingentes Maurorum peditatus copiarum, ad XL. M. fuisse feruntur, continenti collium tractu, quod res posita in celeritate esset, castra regia incredibili impetu adoriuntur: oppugnantque: ut subsidiariis copiis intritus in urbem pateat. Cum totam aciem nostri in hostes obuertissent, vniuersis viribus, primo impetu impulere: fusisque hostibus vniuersam eorum aciem auertere. In eo certamine Simon Peresius Arenosius, Garcias Simenius Embunus, & Martinus Baldouinus Cæsaraugustanarum copiarum ductor fortiter dimicantes mortem occumbunt. Rex memoria digna accidisse proditur: ut qualis ratio militaris disciplinæ, quam à maioribus acceperant cõstaret, intelligi possit. Nam cum Petrus Martinius Luna, qui Pole & Almonaziri dominabatur, Simonis Cæsaraugustani Episcopi frater, princeps inter pceres, & insignis



AERA.  
NAT.  
CHR.

virtutis præstantia excelleret, necesse ei fuit, Regi iurisiurandi sacramento obtestari publico in consessu, se eo in prælio, quo Simon Peresius Arenosius oppetierat, non interfuisse: neque vitæ consulentem locum deseruisse: ut quem tueri debuerat, desertum à se pateretur. Præterea Martino Simenio Aiuario maiestatis actionem constitutam satis constat: quod cum beneficio militari Simoni Peresio Arenosio obstrictus esset, è prælio aufugisset: & quod probatione firmasset, se in acie non fuisse, iudicio liberatum.

Cum perendino die A.D. scilicet XV. K. Nou. denuo hostium equitatus, adiunctis pedestribus copiis subsidio Almeriensibus aduentaret: dum auxilium supra vires suas præstare conantur, à nostris funduntur: qui tumultuantem equitatus partem deliciunt, deturbantq;.

Ferdinandi Regis exercitus in A.D. XVII. K. Dec. cum Algeziriensi obsidioni fortiter institisset, Iohannes Regis patruus, Alfonsus Iohannis F. & Iohannes Emmanuel cognatione regii sanguinis, & virium potentia præstantes, aliq; proceres, eorumq; affectatores, ad D. equites fuisse traduntur, cupiditatem suam potius, quam ignauiam simulantes castra deserunt. Rex à suis destitutus, cum Granatenfi Rege paciscitur, ut obsidione vrbe liberata, Quesada, Bedmariamq; oppida sibi tradantur.

Nuntio Algeziriensis pactionis allato: Rex aliquot dierum indutias cum hoste paciscitur: & de captiuis omnibus reddendis, qui ex ditione regia seruitutem perpetiuntur, cum Granatenfi Rege constituitur.

Rege Almeriensi bello implicito, Rogerius Conuenas Arnaldi Hispani Conseranensis Vicecomitis F. bellum aduersus Hugonem Mataplanam Palliariensem Comitem gerit: multaq; in Catalonia turbantur: hereditatis Guilielmæ Moncadæ obeundæ causa.

1348.  
1310.

Rex in Almeriensi obsidione in A.D. VII. K. Feb. permanet: & Alicanū regreditur: quo in loco Rex, & Iohannes Emmanuel gener congregiuntur. In eo bello Ferdinandi Balearici virtus egregia maxime enituit.

Maior mense decurso Rex Turolio Bernardum Fonollarium ad Clementem Pont. Max. legat: neq; leui de causa mandata perferuntur. Committit, ut vna cum Iohanne Nuntio Larenfi suo, ac Regis Castellæ nomine summis supplicet, ne permittat rem maxime atrocem, & indignam: ut in demortui Bonifacii Pont. Max. memoriam, famamq; iudicii periculum intendatur: aut acerba seueritate statuatur: quod enixe, atq; impie Francorum Rex contendit. Neq; enim id fieri ius, fasq; videri poterat.

A.D. II. Id. Octob. Blanca Aragoniæ Regina Barcinone decedit. In cœnobio sanctorum crucium sepelitur.

1349.  
1311.

Algeziræ Valentini regni oppido Rex diem festum natiuitatis Domini celebrat.

A.D. XIV. K. Iun. Cæsaraugstæ inito conuentu, Iacobus Regis F. natu maximus Aragonensibus irrogatas leges, regniq; scita, atq; instituta, patriosq; mores, & quas libertates vocant, ephebus iureiurando sancit.

Iulio mense nuptiæ inter Mariam Regis natu maximam filiam, & Petrum Ferdinandi Castellæ Regis fratrem coniunguntur.

Florentini, & Lucenses interuētū Gilaberti Cruillæ, qui à Roberto Rege munus præfecturæ Romandiolæ obtinet, Regem hortantur, suadentq; ut Sardinia regnum à tyrannorum dominatu vindicet. Ut aduersus Henricum Imperatorem Regis auxiliis se suaque tueantur amplissimam pecuniam in sumptus bellicos pollicentur. Ea tamen inferendo bello mora fuit, ut postea dubia, & ancipiti fortuna geratur.

Concilium sacrum œcumenicum Viennam Galliæ prouinciæ urbem indictum est, atq; coactum.

A.D. XVII. K. Nou. prima sit sacri conuentus assensio: referuntque de Templariorum ordine abrogando. De ea re, quid fieri è republica esset, deliberant.

Rex sedis Apostolicæ opem, operamq; precatur, atq; implorat: ut res maritimas, bellicasq; in asserendo Sardinia regno, & Granatenfi bello reuocando, obire possit: quod summa benignitate Bonifacius, & Benedictus, ecclesiasticas decumas in eos sumptus largiendo, præstiterant. Qualis rerū Granatensium status esset, Petrus Queraltus, Petrus Builius, & Guilielmus Aulomarius Regis legati, qui eius mādato sacro concilio interfunt, denunciant. Nam Pontifici Max. & sollempni patrū cœtui referunt, asseruntq; rem commemoratione posteritatis maxime dignam. Cum Granatensis ciuitas, eiusque vrbis populus, illo ipso tempore censeretur, ad CC. M. populum esse censum: vixq; quingentorum capitum numerum implese, qui Mauri stirpe essent, reliquos vero patre, aut auo Christianam fidem professis genitos. Præterea L. M. censei eorum hominum, qui fidem, pietatemq;



tatemq; Catholicā ciurassent: & supra xxx. m. Christianorum in ergastulis, atq; lautumiis in custodias includi: atq; iis mortem quotidie ob oculos versari.

AERA.

NAT.

CHR.

Darocæ Rex conuentus agit.

A. D. Id. Nou. in conuentu refertur: an Guilielmus Moncada Fragæ dominus ex proceribus Aragoniæ sit censendus. Simon Pereſius Salanoua Præfectus Iustitiæ Aragonum de consiliis Regis, & totius conuentus sententia statuit: ab eo conuentu alienigenam esse: quod Fraga intra Cingæ, & Sicoris ripas sita finibus Cataloniæ contineretur: quo in oppido, præcipuo iure sedem omnium rerum, & fortunatum suatum, domiciliumque Moncada collocauisset.

10 Ferdinandus Castellæ Rex, & Constantia Regina eius vxor, Iohannes Ferdinandi patruus, Petrusq; frater Calataiubii vna cum Rege festum natiuitatis Domini diem celebrant. Eo in oppido Petrus Mariam Regis filiam in matrimonium ducit: & Leonora Castellæ Regis F. Regi nurus traditur: quæ Iacobo primigenio nuptura erat.

1350.

1312

Cum Rex Turoli degeret, & dies ludorum festos, indictis filiæ, & nurus sponſalibus celebrasset, Februario mense Conradus Verhebangus Græcis in Germania præfectus, Frederici Austriæ Ducis, & Stiria, atq; Carniolæ domini, Roberti Romanorum Imperatoris F. natu maximi legatus Regem conuenit: & de Isabella Regis F. Frederico in matrimonium tradenda renuntiat. Rex Valentiam confestim contendens, Februario exacto de dimittendo legato, & his nuptiis collocandis, quæ dignitatis plenæ visæ sunt, deliberat.

20 Insigni enim Frederici virtute mouetur: principis iam pridem iuuentutis: & Franciscum Xarquium in Germaniam legat: vt Leopoldus, Albertus, Otho, & Henricus Frederici fratres legitimo iure ditionum auitarum, & hereditatis paternæ Frederico cedant.

Castellæ & Portugalliæ Regibus, super regnorum finibus dissidentibus, & præcipue de Serpa, & Mora, & Algarbiensi regno decertantibus, Rex tamquam honorarius arbiter statuitur. Satis constat re cognita, neque à Rege diiudicata, Algarbensem regionem, quæ Ana flumine continetur, in ius, ditionemq; Portugalliæ Regis concessisse.

A. D. XI. K. Apr. Viennæ Pontifex M. priuato consensu, & consilio, Templariorum societatem dirimit: & scita, atq; instituta eius ordinis abrogat.

30 A. D. IV. Id. Apr. in consensu sacri concilii, præsentibus Philippo Francorum Rege, Carolo Valesio eius fratre, Ludouico Nauarræ Rege, & Philippo, & Carolo Regis Francorum liberis, abrogationis Templariorum instituti decretum in tabulas publicas refertur.

A. D. II. Non. Mai tertia sacri conuentus assessio celebratur: & concilium dimittitur.

Iacobus Balearium Rex per uigilio festi Pentecostes è vita excedit: cui Sanctius filius regni succedit heres.

#### SANCTIVS BALEARIVM REX.

40 Meninx, Cercinaque insula ditioni, ac iuri Regum Siciliæ deduntur. Raimundus Montanerius eius sæculi rerum à nostris principibus gestarum certus auctor Meningi, & præsidio in ea insula collocato præficitur.

Arana vallis, quam vltra Pyrenæi saltum amnis Garumna permeat, castellumque Leon, quæ bello Gallico occupata, præſidiisque interclusa à Gallis fuerant, à Francorum Rege pristino iuri, & ditioni Regum Aragoniæ restituntur: Barcinonensiq; ciuitati contribuntur.

A. D. VII. Id. Iul. Barcinone Sanctius Balearium Rex Iacobi Regis F. propria regni iura, potestatemq; Ruscinonensis, & Cæretanæ regionum, aliarumq; ditionum Balearico regno contributarum, Aragoniæ Regibus parta iurisiurandi fide sancit.

50 Fredericus Rex foedus, quod cum Henrico Imperatore iecerat, sancit. Cum Cisalpina Gallia, Etruria, ac Latium in armis essent, & Italia omnis bello arderet, ex quo Henricus exercitu præpotens Alpes transenderat, bellum inter Fredericum, & Robertum diu præmeditatum commouetur: tantoque maiore, quam proximo conatu apparatus est, quanto plus simultatis inter affines Reges intercesserat: & peregrina iuuentus Germani, Galli, atq; Hispani vtriq; operam suam pollicentes ad id bellum confluunt: & ad partiū studia non Itali modo, sed exteræ nationes concitantur.

Iohannes Grauinæ Comes Regis Roberti frater, magnis Aragonensium, & Catalanorum copiis in Latium inuadens, & in urbem inuectus Capitolio, Hadriani mole, Crescentini turrim postera ætas, nunc S. Angeli vocant, & Vaticano potius, arces eas præſidiis obstruit: vt Henrici aduentū, perturbatis solemnibus coronæ Imperii capeſsenda indictis,



AERA.  
NAT.  
CHR.

coerceat. Pugnatur acriter ab iis cohortibus, & Columnensi factione, quæ Henrici partestuentur: & Lateranensem ædem, Titi Amphitheatrum, Coliseum vocant, & Pantheon, diuersaque alia templa, & domus obsederant: & prædiis seperant. Cum præcipiti furore, atque armorum impetu concertaretur, & utrimque magnæ concurrerent copię, K. Aug. Henricus Lateranensi in æde insignibus regijs decoratur. Ex eo Robertum sibi, & Imperio hostem pronuntiat. Fredericus Rex amplam occasionem nactus Roberto bellum infert.

A. D. VII. Id. Septemb. Ferdinandus Castellæ Rex moritur repentino.

1351.

1313

Exacto Decembri mense, Petrus Calataiubii Regem socerum conuenit. Exposcit uti suas partes in eo contentione tueatur, quæ illi super tutela legitima Alfonsi Regis Castellæ, qui infans remanserat, vertitur: in cuius tutelam deuenerat. Super ea controuersia, infentis animis decertant Petrus ipse, & Iohannes eius patruus. Ciuitates omnes partibus inficiuntur.

K. Aug. Fredericus Rex ingenti coacto exercitu fretum traiecit. Regium, quod circumfederat, aliaque Bruttiorum oppida deduntur. Quamuis initio magna auxiliorum spe arma ceperat, tamen bellum suo consilio initum, suis viribus exequitur. Huius motus causa Rex ab inuadenda Sardinia desistit: cuius adipiscendæ magna se obrulerat occasio.

A. D. IX. K. Sept. Henricus Imperator Bonconuento è vita excedit: cum Fredericus Rex magna adornata classe Pisas appulisset: ut Henricum principesque Gibellinæ factionis sibi deuinciat. Cum Imperii partium spes eum frustrata esset, & in Siciliam reuehitur: maximis subito coortis tempestatibus iactatus, A. D. III. Id. Nou. XXXIV. actuariis Drepani portum tenet. Robertus omnem sui regni conatum, & Welphæ factionis vires in Frederici perniciem parat.

A. D. II. Id. Octob. Barcinone sponsalia Ilbellæ Regis F. Rodolpho Lichtenstenio, & Henrico Balsio Frederici Austriæ Ducis legatis apparato regio dantur.

A. D. X V. K. Nou. Fredericus Austrius ab Archiepiscopo Colonensi, Rodolpho, & Ludouico, iuniore Baioariæ Ducibus, Waldemaro Bandamburgensi Marchione, & Alberto maiore Saxoniarum Duce in Romanorum Regem sufficitur. Reliqua electorum factio ab iis dissidens, & partibus infecta, Ludouicū Ducis Baioariæ fratrem deligit.

A. D. X VII. K. Dec. Ilabella noua nupta Gerundenſi Episcopo, & Philippo Salasſo Regis Iacobi consobрино comitata ad Fredericum virum Romanorum Regem proficiscitur. Prouincia Narbonensi Allobroges transgressi, in Tiroliam regionem iter faciunt.

Cum Fredericus Siciliæ Rex Ferdinandum Balearicum patruelem fratrem Societati Catalanorum, quæ Callipolim prædiis, armisque munierat, quorum res ad summam desperationem peruenerant, imperatorem præfecisset: indeque signa mouissent, summa inter Berengarium Entenzam, & Roccafortium duces, & eorum cohortes exoritur dissensio. Tumultuante exercitu, cum armis in eo esset turbatum, Entenza, cui inter duces, & virtutis laude, & generis primæ partes deferebantur, interimitur. Balearicus insaniens, ac temerariam militiam subterfugiens, cum in Siciliam iv. actuariis nauibus velicaretur, in Eubœa, quæ Caroli Valesii imperio parebat, interceptus Gaucherio Brennarum Athenarum Duce traditur: & in Atheniensem arcem, quam Santomerium vocant, includitur: donec ad Robertum Regem affinem perduceretur.

Bernardo Roccafortio, & Alberto eius fratre à Theobaldo Sipoisio Eubœæ præfecto interceptis, cum Catalana Societas imperatore castrorum, ac duce careret, Macedoniam que percurrissent, tanta celeritate vsi sunt: ut prius in Atticam cum copiis peruenerint: & in capite, atque ceruicibus eius gentis restiterint, quam alio sine certamine amoueri possent. Dum sperant Athenarum Ducis stipendia merere, is coacto exercitu, ut suis finibus insolentissimas, atque egentissimas copias à progressu arceat, obuiam festinus procedens, prælio commissis, occisione occiditur: & eius exercitus internecione profligatur. Catalani & Athenarum vrbe, & Attica terra potiuntur: & fortunis, diuitisque Francorum, per tot secula quæsitis locupletati, connubia, & affinitates nobilium Gallicæ gentis mulierum sequentes, quasi in domicilium suum peruenerint, neque regionibus exclusi intra aliena Arma recidiſſent, stabile sedem omnium rerum, & fortunarum suarum Athenis ipsis Atticis collocant.

1352.

1314

Id. Ian. Clemens P. M. cum Montellis ad Carpentoracum degere, nuntium ad Regem delegat: cohortans, ut Catalanorum copias ex terra Attica demoueat. Id vero temporis iam ea natio dominum, duceque sibi adsciuerat Manfredum Frederici Regis F. & Fredericus Alfonsum Fredericum F. cum x. actuariis nauibus, & auxiliariis cohortibus.



cohortibus in Atticam præmiserat: qui summe rerum præficitur. Libet litteras Pontificias adiungere.

AERA.

NAT.

CHR.

CLEMENS Episcopus servus servorum Dei carissimo in Christo filio Iacobo Regi Aragonum illustri salutem, & Apostolicam benedictionem. Ab olim clamor validus, & multiplicitas querelarum de partibus Ducatus Athenarum provenientes Apostolicum pulsarunt auditum: immo nos, qui sicut in cunctorum fidelium pace quiescimus, & tranquillitate lætamur, sic in eorum inquietudine, & oppressionibus, quas pestilentia inducit hostilitas, multum offendimur, grauissime in intimis perturbamur. Habet enim eiusdem clamoris iam pluribus annis præteritis continuata, & accumulans mala malis assertio: quod nonnulli, qui olim ad partes illas credebantur in fauorem fidelium accessisse, & a quibus spectabantur eorundem fidelium partes defendi, non exercentes eorum vires in externos, sed in Ecclesias, & personas ecclesiasticas, eosdemque fideles, pro dolor, conuer-  
 20 tentes, in propria catholicorum viscera immisericordi crudelitate desæuiunt: & in Ecclesias, ac fideles eosdem, eorum conatus illicitos exercentes, eisdem grauioris depopulationis iacturam, & crudelium hostilitatum insultus, non absque personarum excidiis, ac Ecclesiarum, & bonorum ecclesiasticorum, & fidelium illarum partium incendiis, spoliis, & deprædationibus inferunt: quã fuissent, quantũlibet peruersi hostes fidei eisde fidelibus illaturi: & quod horribilius est vt licetius possent mala huiusmodi perpetrare, societatem ad inuicem contraxerunt: ex quorum quidem consortio, quod horrenda  
 30 peruenerint, status illarum partium miserabilis manifestat. Nam inter innumerosa scelera, quæ in illis partibus perpetrarunt, quondam Gualterium de Brenna Ducem Athenarum, qui ad defensionem dictorum fidelium, tamquam Christi verus athleta, & fidelis pugil Ecclesiæ, aduersus græcos schismaticos laborabat, nequiter occiderunt: filios eius pupillos, & nobilem mulierem Iohannem de Castellione relictam eius viduam hostiliter impugnantes, bona eorum, & Ecclesiarum, ac personarum ecclesiasticarum, multorumq; aliorum fidelium illarum partium, data in prædã, & diripientium spolia occuparunt: ac in personas, tam ecclesiasticas, quã alios fideles innumeros funestis exercitis gladiis, strage data, eorum sanguinem immisericorditer effuderunt: à quibus horrendis sceleribus nondum cessant: sed clades cladibus continuando, hostilitatis execrandis incursum dicuntur  
 40 continue cumulare. Cum itaque maior pars societatis eiusdem de regno tuo traxisse dicatur originem, tibiq; ex eo, quod in dicto regno maiorem partem fortunarum suarum, ac filios, & propinquos, ac domicilia habere dicuntur, parituri sperentur, tamquam eorum domino temporali, & tam celsitudinis tuæ, quam vniuersorum fidelium quos fidei zelus angit, inter sit huiusmodi pestilenti sæuitiæ reprobos sollicitis studiis, celeribus, & opportunis remediis obuiare, Serenitatem Regiam rogamus, & obsecramus in Domino, tibi in remissionem peccaminum iniungentes, quatinus pie considerans, quam sit meritorium apud Deum, partes illas cultas fidelibus, ac tot sollemnes Ecclesias, & alia innumera pia loca, ecclesiasticasque personas partium earundem, ab huiusmodi peste, & exterminio libera-  
 50 re: vniuersis de regno, & terris tuis in dicta societate morantibus, sub certis temporalibus pœnis, prout celsitudo tua expedire cognouerit, des per tuas litteras in mandatis, ipsos alias salubribus monitionibus, & hortationibus inducendo, vt partes illas, castra, terras, & villas, ac loca quæcumque, quæ in dictis partibus fidelibus abstulerunt, & occuparunt, & detinent occupata, Ecclesiis, & nobilibus, aliisque fidelibus illarum partium, quorum esse noscuntur, libera, & expedita dimittant: nec deinceps in præiudicium partium illarum societati adhæreant supradictæ: sed partes ipsas omnino dimittant: ad illas, in præiudicium fidelium, eas habitantium, nullatenus reuersuri: preces huiusmodi quas magnitudi-  
 60 ni tuæ ex corde dirigimus, sic grato, & intento percepturus intellectu, sicque ad votiuæ exauditionis effectum sollicite, & efficaciter admissurus, quod præter retributionis æternæ præmium tibi exinde, absque dubio prouenturum, tuæ in hac parte, piæ, & perutilis interpositionis instantiam innumeris proculdubio fidelium populis profuturam, dignis in Domino possimus prosequi actionibus gratiarum. Dat. Montiliis Capentoractenn. diœc. XIX. K. Febr. Pontificatus nostri Anno Nono.

Tamen Alfonsus Frederici Regis F. cū Bonifacii Veronensis viri summæ in Euboæa insula potentia filiam duxisset, multa stabilitatis suæ præsidia, in ea ditioe asserenda, constituit.

Meninx, & Cercina insulæ in Frederici Regis ditioe, ac regno, Rogerio, & Carolo Rogerii Lauriæ filiis, & Rogerone nepote Caroli F. mortuis permanent. Buahia Zacharias Almiri Abulabesii F. Tunetensis Rex, qui ab Almiriis Raxendiis longe cognationem repetebat, in singulos annos v. m. aureorum nummorum, quos duplices vocant, Aragoniæ



AERA.  
NAT.  
CHR.

Regi pendere obstringitur. Guilielmus Raimundus Moncada, Siculis, & Catalanorum copiis, quæ Tunetenſia propugnacula conſtituerant, præſicitur.

Aprili menſe exacto Valentia Nimioſenſis Episcopus, & Hugo Baduinius Henrici Cyprii Regis legati paciſcuntur, ut Maria Cyprii Regis ſoror natu maior Regi nubat.

Sacro, feſtoque Pentecoſtes die Iſabella Aragonia Frederici Romanorum Regis vxor, Baſileæ inſignibus regia coronæ ornatur: atque vna Leopoldi Frederici fratris nuptiæ concelebrantur: qui Amadei Sabaudia Comitis Catharinam F. in matrimonium ducit.

Ermengaudus Caprera Vrgellitanus Comes Iulio menſe decedit. Teſtamento Theſiam Entenzam ſororis filiam heredem ſcribit, modo Alſonſo Regis F. nubat.

A. D. V. Id. Aug. Robertus Rex maximæ adornata, inſtructaque claſſe, oram Siciliae prope Panhormum, inter Carinim, & Caſtellum, quod maris ſinus vocant, interiectam tenet: matre, atq; vxore comitibus: & Philippo Tarentino, & Iohanne Achaia principibus fratribus ſociis, & bellicæ expeditionis conſortibus adiunctis. Fredericus Rex in intima Sicilia regione ad Ennam, Caſtrum Iohannis vocant, commorans, eadem die Regis Siciliae cognomen, quod depoſuerat, ſumit. Nec ſinem alium belli, quam victoriam videns, non imperu potius, quam perſeueranti gerit.

A. D. XVII. K. Septemb. Robertus terra, mariq; Drepanum obſidet.

Septembri menſe Ilerdæ Rex ad Soldanum Babylonie Guilielmum Caſanatalem, & Arnaldum Baſtidam legatos mittit: de Chriſtianis captiuis, ab hoſtibus, è ſeruitute redimendis: quorum magnum fuiſſe numerum conſtitit: noſtris commercii cauſa, tota Aſia, ac Syria, & Aegypto longe lateq; peregrinantibus. Rara dona ex vltimis terris, à Rege miſſa tyranni animum deliniuere. Pollicetur captiuos ſe dimiſſurum: poteſtaſq; permittitur iis, qui manſiſſent, templa, atque Eccleſias conſtruendi: & vti ſacra fierent, atque celebra-  
rentur.

Octobris menſis ſine Fredericus Rex, magno coacto exercitu, ex S. Georgii campis procedens, ad Erycinum montem, S. Iuliani vocant, Ferdinandi Balearici copiis coniungitur: ut terreſtri exercitu claſſeq; hoſtes adorian-  
gatur: ut terreſtri exercitu claſſeq; hoſtes adorian-  
gatur.

A. D. IV. Id. Nou. Ilerdæ nuptiæ Alſonſi Regis F. qui xiv. agebat annum, & Theſia Entenzæ Vrgellitanæ ditionis heredis celebrantur.

A. D. XVII. K. Ian. Regina Roberti Regis mater, & Sanctia vxor, pacis inter affines Reges conciliandæ adminiſtræ, indutias in K. Mai proximas, & ex ea die inuertentem annum paciſcuntur: quibus magnopere Fredericus releuatur: quod plures annos ab hoſtibus exagitatus, bello inſeſtino premitur. Indutiæ interuētū Thomæ Marzani Scylacenſis Comitis, Regis Roberti legati, & Comitis Richardi Paſaneti, quem Fredericus Rex legauerat, ſanciuntur.

1353.  
1315

Catanæ primo Apr. menſis ſabbatho naſcitur Iacobus Ferdinandi Balearici F. & intra alterum, & triceſimum diem Iſabella eius parens decedit. Ea heres legitima principatus Peloponneſi erat, Iacobus ad auitum Balearium perueniet regnum. Ferdinandus Balearicus claſſe inſtructa in Peloponneſum tranſmittens, Clarentiam primariam urbem vi expugnat. Auxiliariis Catalanorum ſocietatis copiis, qui Atticam præſidiis deuinxerāt, adiunctis, Peloponneſo omni potitur, Cyprii Regis ſobrinam vxorem ducit: quæ Ferdinandum filium genuit. Is Eſchiuam Hugonis Cyprii Regis filiam ducet. Ferdinandus vero pater, tot laboribus bellicis ſuſceptis, periculisq; aditis, cum rerum geſtarum præmium, gloriam ipſam eſſet conſecutus, breui in medio curſu, è vita excedit: princeps ad ſummam dignitatis gloriam natus: cuius obitu Peloponneſiacæ res peſſum iere.

A. D. V. K. Dec. Maria Cyprii Regis ſoror, quæ Regi nupta erat, Emporias appellit. Gerundæ & nuptiarum ſollemnia, & inſignium dignitatis regia capeſſendorum celebrantur. Reginam comitatu regio proſecuti ſunt Balduinus Famaguſtēſis Episcopus, Nicolaus ex S. Bertino Paphi ciuitatis gubernator, Robertus Ardianus Syrorum Cypriorum regulus, & Petrus Legaunus Cypriae claſſis præfectus.

1354.  
1316

Februarii menſis ſine iam indutiæ exierant: quæ pactæ inter affines Reges fuerant. K. Mart. Frederici copia caſtellum, quod maris vocant: in Panhormitano ſinu obſident: Bernardo Sarria ductore. Pertinaciter ab hoſtibus deſenſum A. D. XVIII. K. Mai vi expugnant.

A. D. IV. K. Mai Tarracone Rex Petrum Ferdinandum Ixaris dominum patruelem fratrem animi magnitudine, & rei militaris ſcientia præſtantem legat oratorem: de pacis conditionibus inter Robertum, & Fredericum Reges referendis.

A. D. VI. Id. Aug. Thomas Marzanus Scylacii Comes lxx. æſtuarum claſſem ad Drepa-



Drepanitanam oram appellit: & Gallico exercitu ad Lilybæum promontorium exposito, AERA. oppidum Marsalam vehementissime oppugnant: & Francisco Intemelio Giracensi Co- NAT. mite, & Gilaberto Apilia acerrime repugnantibus, per eos vrbs obsidione liberatur. Hor. CHR. ribili armorum strepitu tumultus, ac bellum tota Sicilia commouetur.

A. D. IIX. Id. Sept. Iohanne xx. ad Pontificiam dignitatem euecto, Rex Ilerdæ Pontium Barcinonensem Episcopum, & Vitalem Villanouam oratores præmittit, de iure regni Sardinia, & Corsica fidei sacramento, Ecclesie, vt mos est, subiciendo. Si transigi de pace, inter Robertum, & Fredericum posset, Regis partes, operamq; pollicerentur. Inter alias foederum conditiones regio mandato renuntiant: vti pro Sicilia possessione, ac iure, de Macedonia regno, Albaniam vocabant, & Peloponnesi principatu Frederico attribuentis Pontifex constituat: & vt Dyrrachium regni caput, aliæq; vrbes, quas Iohannes Roberti frater inuaserat, Frederico statim tradantur. Hæc Pontifex, tamquam vana afferrentur, aspernatur: firmatq; Burgundia Ducem in Peloponnesi ditionem ius sibi asserere: deq; ea re eius legatos mandata edidisse.

Petrus Luna Casaraugustanus Episcopus.

A. D. VII. Id. Apr. Auenione Iohannes P. M. Ludouicum Tolosatium Episcopum, Re. 1355. gis Roberti fratrem, inter diuos, cælestesq; viros colendum sancit: eiusq; nominis cōme- 1377 moratio, æternaq; memoria consecratur. Litteris Pontificiis ea res testata Regi est.

IOHANNES Episcopus seruus seruorum Dei carissimo in Christo filio Iacobo Regi Aragonum illustri salutem: & Apostolicam benedictionem. Habes fili carissime vnde Domino Deo tuo in vocem exultationis, & confessionis erumpas: exultes in eo: & fatearis humiliter tibi, & domui tuæ de immenso ipsius dono concessum, quod inclita domus Sicilia, cui & consanguinea propinquitate, & affinitate propinqua coniungeris, virum produxit Angelicum, consortem gloriæ Angelorum: cuius sperare potes in cælis patrocinio, fauore apud Homines, & apud Deum intercessionibus communiri. Etenim magnitudini tuæ ad gaudium intimamus, quod adueniente nuper Paschalis corporis purificatione, die Iouis videlicet, post festum resurrectionis Dominicæ venerandæ memoriæ LUDOVICVM Episcopum Tolosanum germanum claræ memoriæ Blanchæ Reginae Aragonum coniugis tuæ, quem omnipotens Dominus, propter illius merita gloriosa conciuem Sanctorum, domesticum suum, & æternæ beatitudinis possessorem effecit, de fratrum nostrorum, & nonnullorum prælatorum, tunc apud Sedem Apostolicam existentium consilio, & consensu canonizatione sollemni Sanctorum catalogo duximus adscribendum. Tu ergo fili gratias agens altissimo, qui in sublimatione confessoris eiusdem, tam immensis benedictionibus te præuenit, in odorem vnguentorum suorum currere propera: sicq; ad exemplar cōfessoris ipsius bonis operibus vacare procura, quod tandē vna cū eo fideas mansiones incolere merearis. Dat. Auenione xvi. K. Maii. Pont. nostri anno Primo.

Iunio mense Pontificis Maximi, & Regis, & Isabellæ eius sororis Portugallia Reginae interuentu, inducias à Roberto, & Frederico obeundas, atq; obseruandas in festum Natiuitatis Domini diem, & ex ea die in tris annos sequentes paciscuntur. Ex induciæ præcomis voce Paphorni A. D. X. K. Iul. prædicantur.

Fredericus interuentu Apostolicis, & legatis regis Rhegium, & arces, quæ in Brutis præsidij munierat, tradit. Hoc ipso tempore Henricus Cyprius Rex Constantia Frederici Regis naturam maximam filiam in matrimonium ducit. Ludouicus Francorum Rex actionem, licetq; Sanctio Balearium Regi de iure, ac ditione Mompelleri dominatus intendit: & iudicio in Parisiensi senatu, in diem certam sisti imperat. Interuentu Aragonum Regis mox ab ea causa desistit. Ordo, conuentusq; militum S. Mariz, & S. Georgii in Valentimo regno, à Pontifice Maximo Montesa institutus. Guilielmus Erilius ei ordini Magister præficitur.

Marchesia Theobaldi Nauarra Regis, & Marchesia Lupezia Radæ F. Petri Ferdinandi Ixeritani Regis Aragonum patruis vxor cœnobium Casaraugustæ, ad Hiberiæ ripas, S. Nicolai templo continens construendum, exædificandumq; curat: & Sanctimoniis ordinis Hierosolymitani Sepulchri dedicat.

A. D. II. Id. Iul. Pont. Max. Auenione Casaraugustanam Ecclesiam, quæ Episcopi iurisdictionis, munerisq; erat, primi Episcopatus honore, dignitateq; promouet. Oscensis, Turrissonensis, Pompelonensis, & Calagurritana Ecclesia primariæ attribuuntur: quæ antea Tarraconensi provincie contribuebantur. Ad hæc, quod inter Toletanum, & Tarraconensem Antistites, de Albarrazinensi diocesi controuersia esset, atq; suis vterq; limitibus contineri contenderet. Pontifex eorum iuris atq; ditionis exortem relinquit: & Casaraugustanæ metropoli attribuit.



AERA.  
NAT.  
CHR.

Petrus Luna Cæsaraugustanus Archiepiscopus.

A. D. IV. K. August. Gerardus Rocabertinius, & Vitalis Villanova Regis legati Auenionem obeunt: & in tractandis conditionibus pacis inter affines Reges, studium, & egregiam operam navant. Neq; adfuere Reges: uti convenerat. Franciscus Antiochenus Archiepiscopus Panormitanus, & Franciscus Intemelius Giracensis Comes Frederici oratores legationem renuntiantes, tanquam æquam condicionem iacerent, de Anconitana regione, quam Marcham vocabant, aut Romandiola Roberto, à sede Apostolica condonanda, atq; attribuenda, referunt: offeruntq; ultra vetus tributū, Fredericum in singulos annos IV. M. vnciarum Regni Siciliæ iure sibi reliquo, Ecclesiæ pensitaturum: aut ea conditione Sardinia, & Corsica regnum Regi Roberto tradatur: dum æqua commodorum, & honoris compensatio Aragonio Regi fieret. Confestim Roberto Genuam properante, & partium Welpharum robora ad se conducente, vniuersa Italia noui belli fremitu exardescit: discordiaque ira acerbior inter Reges excitatur: & in citiore ad bellum virguendum feruntur. Welphorum partes prosequuntur Grimaldi, Flischi, Saluagii, & Malaucelli. Frederico autem Regi se applicuere Oriarum, & Spinularum familia: & vniuersa Gibellinorum factio: & cum in vrbe armis decernerent, Conradus Oriæ eius factionis princeps, & Spinulæ, eorumque affectatores armis fugati, pulsiq; à ciuitate in exilium recipiuntur. Cum Artallus Alagon, & Simon Cornelius factione, & contentione partium, ancipiti certamine distracti regnum ipsum diuellerent, & maiorum instituto, ac lege Regi permissum esset, factionum hominum audaciam coercere, ut à bello gerendo abstinere: & Rex Simonem Peresum Salanouam Iustitiæ Aragonum Præfectum consulisset, quid sibi faciendum esse censeret, & ab eo responsum, atque decretum tulisset, Rex edicit, ut affectatores ab armis discedant. Quod ingens ubiq; tumultus esset, atq; trepidatio, datur opera, uti de ea re, qua controuerfantur, Regem iudicem sumant.

1357. Magnæ seditionis ineursiones, nobilium dissensione in Catalonia fiunt: Alfonso Regis F. Vrgellitano Comite vnius factionis principe auctore: alterius vero concitatoribus Raimundo Fulchone Vicecomite Cardonensi, & Raimundiolo, & Guilhelmo eius filiis, ac Raimundo Cardona Vicecomitis consobрино, qui Torani dominabatur, & Malgaulino Comite Emporitano. Res ad compositionem deuenit: Iohanne Alfonso fratre, qui Archiepiscopus Toletanus creatus fuerat, se in eam pacificationem interponente. Ex A. 30 D. XII. K. Sept. in induitiis res fuit.

1319. Non. Sept. Balaguerii nascitur Petrus Alfonso, & Theresia Entenza Vrgellitanæ Comitissæ F. Regis N. Quamuis septimo mense genitus, & corpore esset, & natura imbecillior, patri succedens, ultra quinquagesimum annum regnat: cuius ingenium ad ostentationem suauitatis præferox inuisum fuit.

A. D. XII. K. Dec. Barbastri Simon Peresus, Salanoua Præfectus Iustitiæ Aragonum cum Rex per litteras eum consulisset, an lege, moreve, & instituto maiorum Raimundo Cardone Torani domino, ex Cataloniæ proceribus alterius principis auspiciis, stipendiisq; militare se inuito, & recusante ius, fasq; esset, quod in Italiam profectus, & Roberto Regi se addicens eius classi, exercituiq; præfectus esset, responsum tulit, militaria iura, atq; beneficia, stipendiaq; equestria legitimis causis, à Rege abrogari proceribus posse.

A. D. XIX. K. Ian. Tarracone publico in conuentu Rex decernit, sancitque, uti dominatus, atque imperium, iura, vectigalia regia regnorum Aragonensis, & Valentini, & Barcinonensis comitatus ita inter se cohereant communi regno, ut dissolui, separare, aut seiungi nullo pacto possint.

Cum Iacobus Regis F. in procuratione regni rem publicam non comiter, sed horridius, & plerumq; formidatus administrasset, & natura non moderata, & miti, sed asperior, & durior haberetur seuerissimi imperii iuuenis, paucis ante diebus factis sponsalibus, non præceptis solum patris, sed precibus contumaciter resistentis, tamen nuptiarum fœdera sancirentur, patri denuntiatur: se voti reum esse, ne rem publicam gerat: regnumve administret. Religione etiam obstringi confirmat, ne uxorem adiungat. Abhorrente & tergierante patre, tandem cum A. D. X. K. Ianuar. emancipatus esset, Tarracone, in cœnobio fratrum Minorum, Rege conuentibus assidente, hereditariam regni successionem abrogat: & ordines regni iurisjuradi sanctione, ac vinculo, quo illi, ut primigenio regnorum heredi deuincti erant, soluit. Eodem temporis momento vestitus societatis Hierosolymitanæ mutatione, regalem ornatum deponens, coram Bernardo Solerio, qui eum vestitu Hierosolymitano cinxit, eius ordinis sacram militiam solemnibus carimoniis proficitur: præsentibus Iohanne fratre Toletano, Simone Luna Tarraconensi Archiepiscopo, Berengario Ausetano Episcopo, & Raimundo Emporitano Cataloniæ Priore

Hiero-



Hierosolymitanæ militiæ præfecto, aliisque primariis eius societatis viris. Post aliquot <sup>AERA.</sup> menses ex Hierosolymitano habitu, atque vestitu in Montefanę societatis sacra descendit: <sup>NAT.</sup> atque deflectit: cuius instituto, reliquo vitæ tempore inservit: & regia dignitate, & <sup>CHR.</sup> capite deminutus. Vidit hæc ætas, quod ex omnium sæculorum memoria aliquando commemorari mirificum esset: tris regios adolentes religioni deditos hereditaria regna abieciisse. Sed Ludouicus Caroli Regis, & Iacobus Iacobi Balearici filii ex instituto D. Francisci se perpetuo acerba, atque austeræ vitæ addixere: hic, noster voluptatibus, quæ prima ætate compressæ, atque contrictæ fuerant, cum vitam suam, veluti quibusdam vinculis solutus omni intemperantiæ dedidisset, subito se profundens, ignavia, atque desidæ plenus in turpissima inertia delituit.

Eo actu transacto tam re, quam dictu inopinato, atque mirabili, illo ipso temporis intervallo Alfonsus Regis F. tamquam legitimus heres, atque regnorum successor adsciscitur: & fratres germani, aliique proceres manus osculo dominationem, ac principatum hereditarium illi deferunt: & in futuri Regis verba patre vita functo adiguntur.

Varia in aliis principibus hoc ipso tempore ratio, ac dispar condicio rerum novarum causa existit. Dionysius Portugalliæ Rex, & Alfonsus eius F. qui patrem regno euertere summe concupiuit, capitali odio ita inter se dissident, ut armis, & castris dimicent, Rex Sanctium fratrem pacificatoria legatione ad affinem Regem præmittit: neque Alfonso persuaderi potuit, ut ius suum impietate, & scelere quæsitum armis <sup>20</sup> persequi desistat.

A.D. VII. K. Iul. Cum Petrus Regis Castellæ patruus, & Iohannes Sanctii Regis frater <sup>1358.</sup> germanus, satis magno comparato exercitu Granatensium fines incurrisent, & Solorii <sup>1320.</sup> montis radicibus Granatam urbem obsidione premere, & vastitate terrere niterentur, Ozminius strenuus hostium dux, & ea tempestate inclitus, qui omnibus præsens periculis semper nostros lacefferat, regio Granatensis domus equitatu obuiam procedens, ingenti impetu prælium conferit. Nostri signa, ac manus continenti spiritu conferentibus, regii ductores, neque pulsis, aut dissipatis suorum copiis, æstu, & solis feruore exanimati, neque villis vulneribus confecti, aut faucibus mortem occumbunt. Insignis ea clades fuit: quod ipsorum ducum tam præclara edidit funera.

<sup>30</sup> Oriatum, & Spinularum familiæ, omnisque Gibellinorum factio, qui Genua extorres profugerant, dominatui, & patrocinio Regis Frederici se dedunt, subiiciuntque.

A.D. XVI. K. Aug. Fredericus Rex Messanæ conuentum agit. Neque iam bellum suis finibus excipere, aut finitimis populis indicare, sed maiore inde mole cum longinquis hostibus gerere parat: ut non modo arcere, sed ultro etiam inferre posse videatur. XL. actuarias naues in sinum Ligustinum nauigare imperat: ut sociis opem ferant: extorresque domum deducant. Siciliensem classem XI. Genuenses naues sequuntur. Conrado Oria præfecto. Summus Pontifex, & Robertus Rex, quiq; Welpham partem, causamque sequuntur in prouincia Gallia, Neapolitaniq; regni littoribus LV. actuariarum classem ædificant, ornantque: eaque celeriter effecta, Raimundo Cardona præfecto ad Italiæ litora appulsa <sup>40</sup> Genuensibus rebus subsidio adcurrere nituntur.

Septembris mensis initio, cum Frederici classis Genuensem portum appulisset, terra, mariq; Siculi, & Genuenses extorres urbem oppugnant. Castrucius Antelminellius, qui Lucensibus dominatur, & Frederici partes susceperat, vir bellica laude, & rerum gestarum gloria insignis, subsidio oppugnatribus terrestri itinere adueniat. Cum ab obsessis insigni virtute propugnaretur, non operum iactura, magno molimento factorum, non tædium longinquæ oppugnationis, non hiemis vis ab urbe circumfessa classem regiam amouere poterant. Vicit tandem obessorum virtus: & dubia oppugnandi spe classis Sicula Ligustinam oram hostiliter populatur: Vulturum oppidum vi expugnat: & Nouembris mensis initio in Siciliam nauigat.

<sup>50</sup> A.D. XVII. K. Octob. Cæsaraugusta, Rege Aragonensibus conuentum celebrante, Alfonsus F. uti heres legitimus regni successor renuntiatur. Conuentu dimisso Rex Leonoram, quæ Iacobo filio in matrimonium collocata fuerat, diremptis sponalibus Calatitubium deducit. Inde ad Mariam Castellæ Reginam auiam referunt: quæ Alfonso ipsi postea nubet.

Hoc anno Iohannes Regis F. qui ad Archiepiscopi Toletani dignitatem euectus fuerat, Herdæ Simione Luna Tarraconensi, & Petro Luna Cæsaraugustano Archiepiscopis assistentibus consecratur. Cum in eorum Antistitem prouinciis, Hispaniarum primarii munere fungi Iohannes contenderet, Tarraconensis, & Cæsaraugustanus in dignitate ea commoti Iohannem ecclesiastica censura execrantur: & populos qua commicaret,



AERA.  
NAT.  
CHR.

sacris interdicitur. Rege ipso Iohannis patre Cæsaraugustæ conuentus agente, Iohannem urbem Labari insignibus obeuntem Petrus Cæsaraugustanus Antistes tui muneris, religionisq; pietate defunctus, priscarum sanctionum exempla persequens ecclesiastica exeratione deuouet. Cum Rex insignem iniuriam, & ignominiam se præsentem, filio impostam Pontifici Maximo conquestus fuisset, de ea re id responsum Pontifex reddit: quod non alienum visum est hoc in loco apponere.

IOHANNES Episcopus seruus seruorum Dei Carissimo in Christo filio Iacobo Regi Aragonum illustri salutem: & Apost. ben. Personam tuam fili carissime a gratiarum distributore omnium adeo gratiis variis nouimus illustrari, quod dicta, & facta hominum ex personis ipsorum, & aliis circumstantiis debitis nostri pensare debite: ac de illis recto iudicio iudicare. Sane fili si personas venerabilium fratrum nostrorum Tarraconensis, & Cæsaraugustani Archiepiscoporum attenderis diligenter, si causam, quare venerabili fratri nostro Iohanni Archiepiscopo Toletano nato tuo, infra ipsorum prouincias crucem deferenti, Apostolico priuilegio nõ ostenso, se opposuerint, & processus aliquos fecerint, contra ipsum, profecto, quoad personas, reperies ipsas tibi multiplici vinculo obligatas, propitias, & deuotas: quæ in tuam, vel in Archiepiscopi nati tui prædicti iniuriam, nihil ex proposito, præsumendum est attentasse. Causam autem reperies zelum quendam Ecclesiarum iura tuendi, & ipsa illibata seruandi. Ideoque in istis supponere debet prudentia regia iniuriandi prorsus animum exulasse. Quamquam autem gratum nostris accessisset affectibus, & acceptum, quod fuisset inter ipsos Archiepiscopos de portanda, vel non portanda cruce concorditer ante ordinatum, tamen ex quo sic processum exstitit, cum tam ex parte portantis, quam ex parte resistentium zelus conseruandi ius Ecclesiarum sibi commissarum fuerit, non iniuriam alicui irrogandi, serenitatem regiam deprecamur, attente vt factum istud deducens in rectæ considerationis examinem, ex hoc animus regius non turbetur: nec affectum immutet solitum erga ipsos. Si enim præfatam resistentiam attenderit, ipsam reperiet ad honorem regium pertinere. Et nos processibus factis contra præfatum Toletanum Archiepiscopum intellectis, de fratrum nostrorum consilio in eodem consistorio ipsum a sententiis contra ipsum latis, ad cautelam, cum de iuribus nobis partium non constaret, de potestatis plenitudine duximus absoluendum: dispensantes cum eo super irregularitate si quam contraxerat, se, vt prius sic ligatus diuinis officiis immiscendo. Sibi nihilominus licentiam concedentes, vt suos familiares possit absolvere, & cum ipsis similiter dispensare. Quæstionem autem prædictam ad nostram duximus audientiam reuocandam: partibus, vt occurratur scandalis, interdicere intendentes, quod pendente quæstione huiusmodi, nec Toletanus in dictis prouinciis crucem ante se deferri facere debeat, nec alii contra ipsum sententias persequens promulgare, nisi mandatum sedes Apostolica aliud duceret ordinandum. Per hoc autem neutri partium in possessione, seu proprietate volumus, nec intendimus præiudicium aliquod generari. Dat. Auenione II. Id. Nouemb. Pontificatus nostri anno Quinto.

1359.

Siciliæ regno sacris interdicitur: secundoque eo interdicto Siculi plures annos sacris

1321

arcentur.

Hugo Sera, qui in Arbonensi Sardinia ditione Iudex succedit, in primis clarus, ac præpotens vir, & Branchaleo Oria Hugoni fœdere adiunctus Regem aduersus Pisanos, ad Sardoam expeditionem adhortantur: omnesque opes suas ad Regem deferre pollicentur.

Mense Martio Alfonsus magnis ex delectu Cataloniæ comparatis copiis, aduersus Raimundum Folchium Cardonæ Vicecomitem, aliosq; proceres, qui Mantefanam ciuitatem bello persequuntur, aciem struit. Castellum Orpinium Raimundi Tortii oppugnat. Deditum dirui imperat.

Barcinone Apr. mense se ditione inter Iudæorum nationem, & reginæ Mariæ ministros coorta armis decernitur. Regina breui decedit: & Dertosa in cœnobio prædicatorum sepelitur.

## SARDOM. BELLV.M.

Æstate progressa Rex Gerundæ Catalanorum conuentum agit. Singulati obsequentia portoria, vectigalq; sua in sumptus bellicos Sardoæ expeditionis pollicentur, institunt, exiguntq; Ea pecunia classis longarum, onerariarumq; nauium instruitur. Alfonsus Regis F. animo, ac viribus par, regiq; ac paterni decoris heres tantæ expeditioni præficiatur. Sanctius Balearium Rex, xx. longas naues suis stipendiis, in quattuor proximos menses adornat.

Tarra-



Tartacone Rex festum natiuitatis domini diem concelebrat. Eo ipso die Elicendim <sup>AERA</sup>  
 Othonis Moncadæ sororem grandis natu in matrimonium ducit: & Alfonsus F. regium <sup>NAT.</sup>  
 vexillum Sardoi belli signum magna adhibita pompa, in arce proponit. <sup>CHR.</sup>

Petrus Frederici Regis F. patre adnidente, omnibus Siciliæ regni ordinibus vna men <sup>1360.</sup>  
 te, magnoque applausu assentientibus, atque è republica fore censentibus, in regnum, re- <sup>1322</sup>  
 giumque nomen adsciscitur: vt vna imperii consortes regnum administrent. A. D. XIII.  
 K. Mai sacro resurrectionis Domini die à patre regalibus, sollempnibusque cærimoniis  
 Panhormi coronatur: & sacro oleo perungitur: quibus Siculi antistites interdicti causa  
 non interfuere. Ea consociatio stabiliendo regno in tam ancipiti rerum statu maxime  
 consentanea Frederico visa est. Petrus altero vertente anno Isabellam Henrici II. Carina-  
 thiæ Ducis F. qui Bohemiæ regnum appetiuit, in matrimonium ducet.

FREDERICVS, ET PETRVS FRED. F.

SICILIÆ REGES.

A. D. XIII. K. Iun. sacro Ascensionis Domini die Rex Ilerdæ Petro F. Comitatum  
 Ripacuriæ condonat. Dignitatis supremæ iura, & summam ditionis potestatem sibi,  
 posterisque Regibus cauens, recipit: sollempniq; cærimonia, in sacra maxima & de vestitu,  
 insignibusque Comitatus exornat. Veteribus, communibusque Barcinonensium consue-  
 tudinibus, assiduisque vsibus, Cataloniæque institutis, imperio, potestatique Ripacurci-  
 am terram subiicit. Emporitano etiam comitatu, quod Malgaulinus nullis superstitionibus  
 liberis è vita excefferat, Petrum F. donat.

A. D. II. Non. Iul. Raimundus Cardona copiarum Ecclesiæ, & Regis Roberti in Cis-  
 alpina Gallia præfectus castellum in Padi ripa situm, Roccam Bisagni vocabant, obsidet.  
 Cum subsidium obsessis vndique comparatur, Marcus Vicecomes Mediolanensis II. M.  
 cc. equitatu, & peditatu ingenti, atq; ex alia regione Gerardinus Spinula collecticio ex-  
 exercitu vno impetu Cardonensia castra adoriantur: oppugnantq;. Cum bis irruptionibus  
 Mediolanenses repulisset, demum Raimundus maxima proelii commotione deuin-  
 citur.

A. D. IV. K. Octob. Martis die calamitosum, funestumque proelium inter Fredericum  
 Romanorum Regem, & Ludouicum Baiouarium eius competitorem committitur. In eo  
 certamine, discessu eorum ducum, qui Frederico consociati fuerant, siue eorum culpa,  
 siue infelicitate Imperatoris ignominiosa clades accepta. Fredericus victus, captusque  
 in hostis potestatem venit.

Rex Tarracone festum natiuitatis Domini diem concelebrat.

Res nautica mira festinatione, atque industria expeditur. Classes Barcinonensibus, <sup>1361.</sup>  
 Tarraconensibus, Dertosanis, Valentinis, & ad Sucronis Gradum naualibus constitutis, <sup>1323</sup>  
 exadificantur, adornanturq;. Nam cum portibus nostri neque accommodis, neque ma-  
 gnis vterentur, dempto Fangosio, qui ad ostium, aditumque Hiberi proiectus classibus  
 nostris maxime tutum recessum præbuit, & inuersionibus, exportationibusque plurimas  
 illis sæculis, & maximas commoditates, mirabilisque vtilitatis fructum præstitit, summo  
 consilio, atque vigilantia in stationibus, atque ipso Sucronis ostio rem naualem admini-  
 strant.

Vitalis Villanoua Regis legatus, A. D. XII. K. Febr. Auenionem auxilia aduersus  
 Pisanos hostes petens contendit: breuem occasionem ferendi auxilii, & inuadendæ, asse-  
 rendæque Sardinia memorans. Haud enim segnius, quam è re publica dignum erat, ex-  
 exercitus ductus, comparatæque classes erant. Pontifex interuentu Cardinalis Tusculani,  
 Neapolionis, Lucæ Flisici, & Petri Columnæ Cardinaliū, qui ad eā diē regiæ expeditionis  
 causam promouerāt, ab ea Regem deterret. Iacobus præterea Caietanus Cardinalis, alii-  
 que eius collegæ operam dant, ne bello, de asserendo Sardinia regno, sed iure contendat.  
 Rex vana spe auxilii elusus Gibellinorū, & Welphorum factiones sibi conciliare, & præ-  
 cipue Florentinos, Senenses, Bononienses, Pistorienses, ac Perusinos partium Welpha-  
 rum, internuntiis Marco, & Angaraimo Biserni Comitibus adiungere nititur. Sed cum  
 Florentini Pisanorum perpetui hostes, ne Rex pactio-um fœdera cum ciuitate Pisan-  
 na adiungat, exposcunt, & ea res Sardois rebus maxime officeret, à Regis amicitia auer-  
 tuntur.

Id. Apr. Hugo Bassi Vicecomes, Iudex Arborensis bellum Pisanis, qui in Sardinia at-  
 ces retinent, infert: magnamque stragem edit. Proeliis compluribus secundis factis, Pi-  
 sanorum ciuitatis partes deserit: causam enim Regis se suscepturum, eiusque dignitati,  
 & gloriæ enixe fauturum, Auenione, Neapolionis Cardinalis, & Vidonis Archiepiscopi  
 Arborensis interuentu Vitali Villanouæ Regis Legato sponponderat: cuius promissi, &



AERA.  
NAT.  
CHR.

fidei mira constantia fuit, Hugoni Rex ditiones omnes, quibus in Sardinia potitur, pro regio iure condonat.

Rex Welfum Donoratici Comitem, Lucę Flisci Cardinalis consobrinum sibi adiungere studet: quod is possessiones aliquod nobilissimas carissimasque in Sardinia sibi vindicare exoptat.

Proceres, iuuentusque omnis ex tota Citeriore Hispania in externum hostem, & longinquum excitur: & fortissimus quisque & maxime strenuus accitu Regis arcessitur: euacuatorum firmę manus comparantur: imperia ascribuntur nouę inuentuti: & delectus sublatus vacationibus habentur. Neque Italici Principes Sardinie afferendę causę tantam belli molitione parari existimant: sed prępotentes terra, marique Principes Aragonios Italia imperio imminere verentur: & Genuensibus pręcipue rebus prospiciendum vident.

Dalmatius Rocabertinius Vicecomes, Geraldus Rocabertinius eius patruus, Bertrandus Castelletius, Hugo Sanctapacius Catalani proceres cum imperio in Sardiniam pręmittuntur: uti Hugoni Arborensi, ad Pisanorum copias euertendas, subsidiarias manus adiungant. Cum tris onerarias naues adornassent, A. D. II. Non. Mai. Barcinonensi statione anchoras soluunt. Eę naues CLXXX equites, & aliquot veteranorum cohortes transportauere. Montanerius ad 11. M. peditum, & CC. equites pręmissos commemorat.

A. D. III. K. Iun. Alfonsus portu Fangosio classem soluit. LX. actuariarum, & XX. onerariarum fuisse satis constat. Inter minora nauigia ad CCC. naues paratas, instructasque ferunt. Classi Franciscus Carrozius pręficitur. Cum commode magis quam festinanter nauigarent, Id. Iun. ad promontorium Sulcitanum, S. Marci vocant, classem appellant: & Sulcitanę Palmę portum tenent: id loco nomen est, ex Sulcorum vetustę vrbis, Carthaginiensiumque colonię parietinarum vestigiis.

Exposito exercitu Alfonsus ad urbem, quam Ecclesiarum villam vocant. A. D. IV. K. Iul. castra facit: & aliquot oppugnationibus oppidum insigni opere munitum adortur. Bellum mari, terrestribusque copiis acri, vehementique incitatione infertur. Barnabas Oria Brancaleonis F. & alii ex ea gente illustres viri, cum Alfonsus ad urbem castra haberet, se illi dedunt: addicuntque: & Sacerensis ciuitas eos prosequitur. Caralitani, Ecclesienses, Aquafredenses, Ioiosaguardenses, Orgullosii, Oleastrenses, Quirrani, Patrenses: & Terranouenses tuendorum Pisanorum causa bellum suscipiunt, & gerunt.

Eodem temporis interuallo primariam eius insulę urbem, ac veluti arcem nostri obsident. Castrum Caralitanum vocant. Maior oppugnationis vis ab eo colle imminet, quem Boni aeris appellant. Huic obsidioni Dalmatius Rocabertinius pręficitur: & Caralitano portu, quem Franciscus Carrozius XX. longarum nauium classe tenuit, obsidionem vrguent.

Alfonsus mari, æstuque iactatus cum corpus defatigatione ingrauescit, nihil ab vlla parte curę, aut laboris remittens, A. D. XI. K. Octob. in grauem morbum, & periculosum incidit. Omnis pręterea exercitus ex saluberrimis Hispanię regionibus conductus, calamitosi cęli grauitate, valetudine tētatus, grauibis morbis implicitus afflicatur: & morbi, contagio in omnes vulgatur.

Die Martis, quę natiuitatis Domini festum diem antecessit, xxv. actuarię Pisanorum naues Terram nouam appellant. Manfredus Reinerii Comitis Donoratici F. & Aragonii Regis consobrinus expositis copiis, CCC. Tautoni equites, & CC. sagittarii fuisse produntur, obsessis Caralitanis, contra tantam vim auxilium tulit.

Olzinarum, & Soleriorum factiones, quarum contentio plures annos Valentino in regno versata fuerat, & intestino tumultu, ac motu, proceres cōcitabantur, interuentu Arnaldi Solerii Montefani ordinis Magistri, qui se in pacificationem interposuerat, sedantur: & ab armis discedunt.

Rex Iacobum non modo degenerem, & religionis metas egressum, sed turpi, & flagitiosa vita flagrantem coercet: cum se totum libidini, & ignauię adiecisset.

Ecclesienses, cum ab Alfonso circumfessi plures dies oppugnationem sustinuissent, & omnium rerum amissione, desperationeque conflixissent, ac vires victusque deficerent, A. D. VII. Id. Febr. oppidum, propugnaculaque Alfonso dedunt. Propugnatores, quos fors reliquos fecerat, & quę supererat militaris iuuentus, in Caralitanam arcem emigrant.

Præclari in Ecclesiensi obsidione viri mortem obiere Artallus Luna, & Artallus eius F. Gombaldus Beneuentanus, Dalmatius Castellinoui, Gerardus Rocabertinius, Gila-

1362.

1324



Gilabertus Centillias, Petrus Queraltus, Raimundus Berengarius Ceruilionius, Raimundus Alamanus, Galcerandus Sanctapacius, & Raimundus Cardona. Sed cum tot procerum morte victoria constiterit, Artalli Lunæ, & Artalli eius filii funeribus, magna facta est iactura.

A. D. VI. K. Mart. Alfonsus signa, castraque mouet: & Caralitanam arcem circumfudet.

A. D. II. K. Mart. Pisanorum exercitus nauibus expositus ad Decimum, id vico ad decimum à Caroli lapidem nomen est, collecticiis Sardorum copiis, quas sibi adiunxerant, Caralitanis subsidio aduentat. Alfonsus obsidionem deserens, postero die Boniæ colle egressus, hostem præueniens, & longe procedens signa confert. Commisso prælio hostes funduntur: cædunturq; Manfredus Pisanorum ductor, ex acie saucius elatus, in Caralitanam arcem se abdit. Ad Lucocisternam res ea memorabilis insigni nostrorum laude, Mercurii die, quadragesimalis ieiunii initio geritur: quæ magnam hostibus cladem inuexit. Alamanus Lunæ Petri Martinii Lunæ, Simonis Lunæ Tarraconensis Archiepiscopi fratris F. fortiter dimicans eo in prælio mortem occumbit.

Castrucius Antelminellus, qui se Lucæ partiumq; Pistoriensium Germanici imperii dominum appellabat, eo rerum prouentu Regi recipit, se Pisanum ciuitati bellum inditurum: illaturumq; Cum ad Regem mandata à Castrucio exponerentur, Rex eam pollicitationem reiicit, Pontificis Maximi causa: quod Castrucio infestus, inimicusque esset.

Eo ipso die, quo Alfonsus cum hostibus in Sardinia feliciter conflixit, Raimundus Cardona partium Welpharum Imperator minime faustus à Galeacio, & Marco Vicecomitibus ad Pontem Nauri, non sine magno reipublicæ & detrimento profligatur: atq; vna cum filio in hostium potestatem venit. Cardonæ postea Florentinis adiuncti cum prælio cum Castrucio decertarent profligati, & deuicti in Castrucii potestatem veniunt: & Raimundus à Castrucio Azoni Vicecomiti Galeacii F. captiuus traditur.

A. D. VI. K. Apr. Barcinonensi statione xix. actuariis nauibus Alfonso in Sardiniam supplementa submittuntur: & quod in eiusdem ætatis Catalanorum nauali disciplina memorabile est, adeo ex naues instructæ armis, virisq; & ad bellandum paratæ erant, ut institutum esset, si ita casus tulisset, ut in hostium classis conspectum venirent, quæ xxiv. longis nauibus constiterat, eas adorirentur: neue certamen detrectarent, aut subterfugerent.

Cum continentibus oppugnationibus Caralitani premerentur, nec nostros satis cohibere intra munitiones, nec suis munimentis arcere vim, ac tueri ab externis irruptionibus possent, Aprilis mēsis fine sabbathi die, Manfredus Donoraticus arce Caralitana omnē equitatū educens, ad D. Teutonos fuisse cōstitit, firmissimis veteranorū cohortibus adiunctis improviso in Alfonsianam erumpit castra. Acerrime utrimq; pugna commissa, hostiū cohortes funduntur: & Manfredus magno accepto detrimento, intra Caralitana prælidia pellitur: & paucis intermissis diebus moritur. Ad ccc. equites occisione occisos memorant.

A. D. II. Non. Mai. Rex Barcinone Raimundum Berengarium F. Comitatu Prætenis, Montanorumq; ditione, eorumque oppidorum, quæ Guilielmo Entenzæ paruerant, donat.

Afflictis, & desperatis Caralitanorum rebus, Barnaba Oria pacis interprete, & interuentio adhibito, cum Pisanis amicitiam petentibus ictum est fœdus.

A. D. XIII. K. Iul. ad concordiaæ pactiōnem res deducitur. Arcem, urbemq; Caralitanam Alfonso dedunt: illque traditis Sardiniam omnem, & Pisanorum reipublicam, sub Regis imperium, ditionemq; redactas apparebat: quod Pisanorum res funditus deleri viderentur: si Sardinia insula exacti essent. Fide data, & captiuis receptis Alfonsus urbem, arcemque Pisanorum Senatui tradit: supremi iuris, ditionisque dominatu Regibus Aragoniæ recepto. Conuenit ea fœderum pactiōne, ut arces Aquafredæ, Terræ nouæ, Quiræ, Fabæ, Opposadæ, & Gucoiteili, & Petresæ oppidum à Pisanis Regi tradantur: & Pisanorum ciuitas se Regis imperio, ac potestati subiicit. Reinerio vero, & Bonifacio eius filio Donoratici Comitibus Rex Ioiosam guardam, arx ea Caralitani regni est, reliquaq; oppida, & portionem eam, quam in argentariis metallis Ecclesiensibus, Pisanis rerum potentibus possederant, attribuit: suprema potestate Regi futurisque principibus itidem salua.

Alfonsus bene gesta reipublica, & Catalanorum, Aragonensiumq; gentibus, cognationibusque eorum, qui vna militauerant, oppidis, certisq; agrorum modis, ac finibus



AERA.  
NAT.  
CHR.

æqualiter, aut forte assignatis, Philippum Salassum Sardiniae præficit: & Berengarium Carrozum, Francisci classium ducis F. militaribus numeris ducem delegat, & ei præsidio insidet, quod in arce Boni aeris collis: Caralitanae arci propinquum, atque oppositum muniti Alfonso placuerat. Franciscus Carrozius toti muneri maritimo præponitur: ad quem imperii summa respicit.

A. D. XV. K. Aug. Alfonso classem ex Caralitano portu educit. Secundum terram prouectus, cum ad S. Macarii stationem, equitatus omnis in naues conscendisset, biduo anchoras soluit. Barcinonem A. D. IV. Non. Aug. appellit: insigni gloria victorem exercitum reducens: gemina victoria duobus proeliis parta, profligatisq; hostium copiis, atque clavis facinoribus editis inlustis. Rem memoria dignam Gonzalvus Garcias, & Gauber-<sup>10</sup> tus monachus referunt. Cum pater filio ouanti occurreret, & Sardorum mastruca indutum videret, fuisse auersatum: & eius sermonem, congressumq; aspernatum esse: quoad paludatus se patri obtulit. Tunc honorificentissime exceptum memorant: quod victoris, non deuictæ gentis cultu esset ornatus: qui à victoris insignibus, in deuicti habitum transisset. Castrucius, vt Genuensium aduersariorum iniurias vlisci queat, acrius incumbit, Regem, Alfonsoq; filium cohortando de Corsicæ regno ab eorum dominatu vindicando: & Corso bello suscipiendo. At contra Barnabas Oria, de primariis eius insulæ viris regis ditioni deuinciendis, & vt Regis stipendia mereant, operam nauare simulat.

Francisquinus Mastinus, Brancha Oria, Vinciguerra Oria, pluresque aliæ ex Oriarum gente familie earum factionum principes, qui Saceris in signis Sardiniae ciuitatis dominantur, rerumq; potiri affectant, nouis rebus studentes, aduersus regios ministros arma capiunt. Præsidium Sarcenensi vrbe deicere nituntur. Postremo aperte deficiunt.

A. D. II. Non. Sept. Formicariis Cæretanæ oppido moritur Sanctius Balearium Rex. Cum id regnum à Rege affectaretur, quod Sanctius ex Maria Regina vxore, quæ soror Roberti Regis erat, liberos non suscepisset, Alfonso Regis F. Ruscinonensem, & Cæretanam ditionem exercitu immisso, vi occupat. Sed Philippo Sanctii fratre, qui Cæsaraugustæ Regem conuenerat, adnite, atq; deprecante Rex de sententia desistit: & Iacobo puero Ferdinandi Sanctii fratris F. agnationis iure, regno Balearico, & reliquis ditionibus illi contributis, suprema potestate recepta, cedit.

### IACOBVS III. BALEARIVM REX.

K. Oct. Rex Barcinone Petrum F. Ripacurciæ Comitum ad Pontificem Maximum, tributum, quod 11. M. Marcharum sterlingorum, Sardiniae, & Corsicæ regni Ecclesiæ pendebatur, minuendi, & ad D. redigendi mittit. Adhæc legatur cohortium auxilium, quæ sub Ecclesiæ signis militaturæ erant, ex parte dimidia deducendarum, & tributum eius regni remittendi causa. Petrus regio apparatu benigne Auenione excipitur. In biennium Pontifex ecclesiasticorum fructuum decumas Regi elargitur: & in decem proximos annos dimidiam Sardi census partem, ac militarium copiarum stipendia, quæ pontificiis signis militaturæ erant, pro dimidia itidem parte remittit.

1363.  
1325

Robertus Rex cxiii. actuariarum nauium classem cum adornasset, Carolum Calabriæ Ducem F. Siciliensi expeditioni præficit.

Martio mense Bernardus Cespuiades Catalanus classis xii. actuariarum dux, præfectusq; in Sardiniam præmittitur: quod Pisani, qui arcis Caralitanae præsidium obtinebant, simulac eis primum occasio visa esset, defectionem facturi viderentur. Barnabæ Oria, qui iam decesserat, Regiq; firmus, & fidelissima gratia coniunctus fuerat, filii Cassianus, Galeotus, Gaufredus, & Branchaleo nouis rebus student. Fredericus præterea, Azo, & Iohannes Malaspinæ Marchiones, quorum opes in Sardinia late, longeq; dispersæ, ac diffusæ erant, arma capiunt. Horum auunculus Christianus Spinula Regi in primis carus erat.

A. D. VII. K. Iun. Carolus Calabriæ Dux in Panhormitanam stationem classem appellit: cui neque æqualem illa sæcula ad Italiæ litora appulsam viderant. Exposito exercitu Panhormum urbem castris circumsidet: cuius propugnationi à Frederico Rege Iohannes Claramontius præficitur. Desperata expugnatione Dux A. D. XIII. K. Iul. castra mouet. Cum aliquot loca incurrisset, A. D. XV. K. Sept. inglorius in Bruttiorum oras nauigat.

Gaspar Oria xxii. actuariarum nauium Genuensis factionis ductor, eorum qui Saronæ assidentes Germanici Imperii partes prosequuntur, cum Frederico Regi subsidio affuturus videretur, quo tempore Calabriæ Dux ex Sicilia regreditur, Frederici causam deferens, Rege Aragonum illuso, ac pæne prodito, cum Pisano senatu paciscitur: & eius ciuitatis classis præfecturam suscipit. Nec illud saltem reueretur, quod xxii. illæ naues, quibus



quibus praefectus fuerat, stipendiis à Frederico Rege persolutis instructæ, armatæque fuerant.

AERA.

NAT.

CHR.

Pisani Genuensibus factionis Gibellinæ adiuncti bellum nostris in Sardinia inferunt. Franciscus Carrozius regiarum classium praefectus, expeditis veteranorum cohortibus in naues conscensis, Caralitanae arcem circumsidet. Crudele, & exitiosum bellum aduersus Genuenses, in fortunas nostrorum incurstantes, suscipit.

K. Sept. Cæsaraugustæ conuentus Rege celebrante, Priuilegium, quod Generale vocant, Aragonensibus à Petro Rege patre irrogatum, nouo decreto sancitur. In eo conuentu legem rogant, conduntq; ne in cuiusquam caput quaestio habeatur: nisi nummorum adulterinorum delatione: Romanorum prudentissimorum hominum instituta imitari: qui cum de seruis in dominos quaeri noluisent, de incestu tamen, & coniuratione quaerendum putauerunt. Nam instituta Atheniensium, & Rhodiorum nimis acerba visa sunt: quod apud eos liberi, ciuesq; torquerentur. Cautum præterea lege atq; sancitum est: ne cuiuspiam bona, nisi proditoris conuictorum publicentur. Scribendis legibus adfuerit Petrus Luna Cæsaraugustanus Archiepiscopus, Sanctius Aragonius Regis frater pro Magistro ordinis Hierosolymitani, Iacobus Exerica, Simon Cornelius, Petrus Martinus Luna, Iohannes Simenius Vrra, Simon Focius, Raimundus Peralta, Petrus Cornelius, & Raimundus Cornelius Simonis Corneli filii, Petrus Luna, Blascus Maza ex Vergua, Martinus Egidius Atrossilius, Petrus Ferdinandus Vergua, Atho Focius, Iohannes Martinus Luna, Gombaldus Tramacetius, Guilielmus Entenza: & procuratores Blasci Aragonis, Lupi Lunæ, & Alfonsi Ferdinandi Ixeritani: Michael Perecius Gotorius, Egidius Garcecius Atrossilius, Michael Gurra, Thomas Perecius Focius, Blascus Maza ex Cellis, Simon Perecius Pinna, Atorella Orticius, Garcias Perecius Penacuta, Sanctius Lopezius Valimania, Simon Tobia, Petrus Ruizius Azagra, Pontius Hugo Entenza, Lupus Sime-nius Luna, Petrus Lainius, Rudericus Orticius Vesimbrius, Michael Perecius Zapata.

A. D. XVII. K. Oct. Cæsaraugustano in conuentu Petrus Alfonsi F. Regis N. iurifiurandi religione, omnium ordinum consensu, regnorum heres, & auo, patreq; vita functis futurus Rex adsciscitur. Id summo cōsilio constitutum: quod Petrus eius patruus Ripacur-ciae comes, si Alfonsus frater, Rege patre viuente, è vita excederet ad se agnationis iure, regnorum dominatum, iuraq; obuenerit contenderet: atq; deuolui: & Simone Cornelio partes Petri Regis N. suscipiente, magna procerum contentio in regno versata fuerat. Petrus in fratris filii verba iurare renuens, vertente anno eius iurifiurandi fide deuincitur.

Iacobo Balearico Regi x. annum agenti sponsalia dantur Constantiæ Alfonsi F. Regis neptis: quæ v. annorum puella erat.

A. D. IV. K. Ian. Franciscus Carrozius cum Pisānorum classe, cuius Gaspar Oria ductor erat, in Caralitano sinu configit. De hostibus victoria est parta.

1364.

1326

Stampacium oppidum, nauali certamine profligatis hostibus, à Francisco Carrozio, & Raimundo Peralta terrestribus exercitiis ductore circumfessum vi expugnatur.

Magna seditione in castris, à Francisci Carrozii, & Peralte copiis facta, incursione, atque impetu militum, & ducum ipsorum, cum castra sanguine infecta tanto scelere contaminarentur, ut vix nisi ipsorum ducem supplicio expiari possent, paullum abfuit, quin magnam cladem Sardoæ expeditioni attulerint.

A. D. IIX. K. Mai. Regi, Alfonsi F. & Pisano senatui res ad concordiam adducitur: qua Pisani Sardiniae dominatu arcentur, pellunturque.

A. D. V. Id. Iun. Arcis Caralitanae propugnacula regiis ducibus deduntur.

Azo Malaspinæ Marchio, & Fredericus ac Iohannes, eiusq; fratres, Sacerdotesq; ciuitas Regi se subiiciunt: eiusq; obtemperant, obediuntq; magistratibus.

Bertrandus Baucius Andriæ Comes Neapolitana classe in Siciliam transmittens, A. D. VII. Id. Iun. stationem maritimam tenet, quæ inter Panhormum, & Thermas interiacet. Omnes eas oras bellicis incursionibus oppugnat.

Cum inter Iohannem Regis F. Toletanum Antistitem, & Iohannem Emmanuelem eius affinem graues essent inimicitiae susceptæ, Alfonsus Castellæ Rex Toletano regia signa, quibus tabulae publicæ, litteræq; obsignantur, adimit: quæ Toletanis Archiepiscopis tradi, moris vetusti fuit: & eius muneris functione, Cancellarios se Castellæ nominat. Antistes ea indignitate vehementer commotus Archiepiscopatum Toletanum resignat: & administratione Tarraconensis Ecclesiæ & eius prouinciæ attributa, in Alexandrini Patriarchatus gradum euehitur. Simon Luna ex Tarraconensi Ecclesia in Toletanam arcessitur.

A. D. IV. K. Dec. Alfonsus Castellæ Rex sollemni regioq; apparatu, Constantia Io-



AERA.  
NAT.  
CHR.

hannis Emmanuelis filia, Regis Aragonum nepte in matrimonium ducta, Vallicoleti sponsalia celebrat: quæ paullo post rescinduntur: magnæq; seditionum incursiones, & procerum dissidia ob eam causam concitantur.

Arnaldus Rogerius Palliariensis Comes Hugonis Mataplanæ Comitis F. & Raimundus Folchius Vicecomes Cardonensis bellum gerunt. Vniuersa Catalonia eo tumultu concitata, Alfonsus Regis F. Palliariensis affinis, qui Vrracam Entenzâ Theresiæ Entêzæ vxoris sororem duxerat, partes fouet. Earum seditionū originem, & molitionē Cordonensis quærit: quod Palliariensis Guilielmum Queraltum, ex proceribus virum maxime illustrem interemisse diceretur.

Præterea Valentino in Regno Iacobus Exerica ita ruit atque turbatur, vt parentem 10 Beatricem Lauriam arcium possessione armis euertere tentet. Neq; ea vis comprimi potuit, quin Rex Beatricis partes tuendas susciperet: & Alfonsus Regis F. Iacobo Exericae fautor, & adiutor existeret. Mox datur opera, vt Bernardus Sarria gubernationis Valentini Regni vicarius Egidium Ruizium Lihorium, qui arma pro Exerica sumpserat, è custodia liberet: atq; Rex pacis, & concordia auctor esse destitit. Exerica Mariâ Balearium Reginâ Roberti Regis sororē, quæ pudicitia suæ parum pepercit, in matrimonium ducit. 1365. K. Sep. Iohannes Regis F. qui ex Ecclesia Toletana, ad Tarraconensem traductus fuerat, ad Patriarchatum Alexandrinum auocatur. 1327

K. Oct. Barcinone Iacobus Balearium Rex iura Balearici regni, & Ruscinonis, Cæretaniæ, Vallespirii, & Colliberis, Mompelerii dominatus, & Vicecomitatuū Omelade- 20 fii & Carladesi ditionū regno cōtributarū, quæ potestatis summæ Regū Aragoniæ censebatur, Regi iurisiurandi fide agnoscit: sancitq; patruo Philippo tutore, & Petro, ac Berengario regis liberis, Gastone Moncada Ocsensi Episcopo, Sanctio Aragonio Regis fratre Ampostæ Præfecto, Raimundo Emporitano, Raimundo Ceruilionio Azconensi præfecto, Othone Moncada, Bernardo Capraria, Geraldone Anglesola, Berengario Villaragutio Aldemaro Mossatio, Pōtio Caramanio, Raimundo Melanio, Simone Tobia & proceribus aliis assidentibus. Res ea formula sancitur, quam Sanctio Regi patruo, & Iacobo auo Baleariū Reges Regibus Aragonii constituerāt. A. D. XV. K. Nou. Laurentius Gomezius Abreus Alfonsi Portugalliæ Regis legatus Regi denuntiat, de Maria F. Alfonso Castellæ 30 Regi in matrimonium collocanda, Regem pacisci velle: quod Castellæ Rex Constantiæ Regis Aragonii nepti nuntium remittere deliberaret. Ea renūtiata legatione Constantiæ sponsalia, non sine aliquorum scelere dirimuntur. Maria vxor ex Lusitania ab Alfonso Rege arcessitur.

A. D. V. K. Nou. Cæsaraugustæ moritur Theresia Alfonsi vxor: Regis nurus: Petro, Iacobo, & Constantia liberis relictis. In cœnobio fratrum Minorum eius vrbs sepelitur.

A. D. IV. Non. Nou. Barcinone Rex è vita excedit: cum sextum, & sexagesimum annum ageret. In cœnobio Sanctarum Crucium regia funebri pompa tumulo humatur. Huius Principis mores adeo iusti, integri, & religiosi fuisse feruntur: vt æquabilitatē publici iuris, præstatiæ regis dignitatis minime transgrederetur: moris patrii, veterum consuetudinum, & priuilegiorum irrogatorū scita, atq; instituta rite, ac more, institutoq; maiorū 40 ab eo non obseruarentur modo: sed quodāmodo colerentur: neq; cōmunis libertas tradita vnquam intermitteretur: aut immutaretur vetustus vsus Aragonii fori: & pristinus mos iudiciorum. Memoriz proditur insignē eius fuisse notationem, animaduersionemque censoriam. Nam cum Simonis Aluari Radę ingenio, & corruptela plerumq; iudicia præuaticata essent, & eorum, qui in eius clientela erant propositis mercedibus, & quæstuosis damnis patrimonia exhaurirentur, vidit sæculum illud eum, tanquam scelèratum exilio fuisse affectum: atq; multatum: vt incorrupta quædam iudiciorum integritas tunc maxime vigeret.

#### ALFONSVS IV. ARAGON. XIX. REX.

1366.  
1328

Barcinone Alfonsus Rex festum Natiuitatis Domini diem celebrat: neq; Conuentu in eam urbem indicto, à patris regno tranquillo, & leni exorsus instituta, & quos vocant vsus Cataloniae, libertatesq; sancit: quoad coronæ insignibus decoretur. Sacramento in eius verba Catalani adiguntur.

A. D. III. Id. Ian. Barcinone perpetuæ possessionis iura, ac potestas ciuitatis, & ditionis Segorbiensis, quæ Artallo Luna Artalli F. vita functo, regio imperio deuoluta fuerant Lupo Lunæ Artalli fratria Rege traduntur, atq; condonantur. Raimundus Gasto Valentinus Episcopus cum Albarraziniensi & Segorbiensi Episcopo, quod vterq; suam diocessim, sineque tueretur, acriter, & vehementer decertat. Albarraziniensis suam diocesim à XII. M. P. prope Valentiam terminari, & ab eis finibus propagatam contenderat: atque ea re;



ea regione constare, quæ Puteolana, Moruedriensi & Lirienſi ciuitate, Caſtelfauibiũ vſ-  
que continetur: & ditiones, quarum Iacobus Exerica, & Gonzaluus Simenius Arenofius  
dominabantur, ſuæ diœceſi eſſe contributas. Rerum vetuſtarum ignoratio litigatoribus,  
& iudicibus mirationem intulit: & omnes in eo hallucinantur, dum Segobrigenſis diœ-  
ceſis finibus vetuſtate intermiſſis, atq; interceptis, Segorbienſem ciuitatem collatione,  
& ſimilitudine nominis contineri autumant: & Segorbienſem tractum, qui Aedetano-  
rum finibus includitur Segobrigæ vetuſtæ vrbiſ in capite Celtiberiæ ſitæ territorio ad-  
nectunt: tam longo locorum interuallo diſtento. Barnabas Oria in Sardinia res nouas  
molitus, arcem natura muniſſimam, Caſtellum Genuenſe nuncupauerant, inuaditi  
10 quam Caſſanus, & Galeacius Oriæ patrui præſidiis obſtruxerant. Dum Azo Malaſpinæ  
Marchio ſubſidio Barnabæ accurrit, ab iis copiis, quas Caſſanus, & Galeacius præmiſe-  
rant, circumuentus in hoſtium poteſtatem incidit. Petrus Arborea Iudicis Arboren-  
ſis F. Conſtantiam Philippi Salaffi F. Raimundi Peraltæ ſororem in matrimonium  
ducit.

A. D. X. K. Mart. Ilerdæ Rex Blaſcum Mazam Verguam ad Regem Caſtellæ orato-  
rem de retinenda Conſtantia ſponſa ſororis F. monitoremq; præmittit: quando id matri-  
monium è re, dignitateq; ſua conſtituerat: & iura omnia diuina, atque humana coge-  
bant. Iohannes Emmanuelis F. dimiſſa à Rege Alphonſo Conſtantia F. pro rei indignitate ſuas  
vlturus iniurias bellum Caſtellæ Regi inferit. Iacobus Exerica, & Petrus eius frater regia  
20 ſtirpe orti, ſummæque potentia, Emmanueli fœdere adiuncti Almanſæ, & Cincillæ,  
quæ oppida in Oretanis Emmanueli parent, copias cogunt: & fines Requenæ incurrunt.  
Alcaracitanum agrum deuſtant. Adeoque effuſe peruagantur, vt in Areuacos tranſ-  
greſſi, Atienſæ, Ailionis, & Sepuluegæ populos, & eorum agros diuexent, atque diri-  
pian. Pinnam fidelem natura munitum oppidum, quod in Vaccæis Emmanuelis di-  
tionis erat, contendunt. Emmanuel exercitu coaſto Optem obſidere aſoritur. Caſtellæ  
Rex Scalonom circumſider: neque tumultuario eo bello deterretur, quin à Conſtantia  
diuertat.

A. D. III. Non. Apr. ſacro reſurrectionis Domini die Rex magnificentiſſimo, ſum-  
meque exquiſito, ſumptuoſoq; apparatu Cæſaravguſtæ, in maxima Saluatoris æde coro-  
natur: & à Petro Luna Antiftite ſacro oleo perungitur. Ab eadē ſacra funali equo ouantem  
30 & in arcē aſcendentē regalibus inſignibus ornatū apparatiſſimi ludi proſequitur. Fuit is  
annus maxime inſignis harum ceremoniarum pompa: nam Ludouicus Baioarius Romæ  
Ianuario menſe Philippus Eburouix Nauarræ Rex, qui Iohannam Ludouici Vtini Fran-  
corum Regis F. in matrimoniū duxerat, menſe Martio Pompelone, & Philippus Valeſius  
Francorum Rex in octauis ſacri diei Pentecoſtes coronantur. Militari auctoramento à  
Rege in maxima illa celebritate honoribus, præmiis, atq; ſummo ſplendore hi proceres  
decorantur: Iacobus Exerica, Petrus Arboreſis, Raimundus Folchius Cardonenſis Vi-  
cecomes, Arnaldus Rogerius Comes Palliarienſis, Lupus Luna, Alphonſus Ferdinandus  
Iixeritanus, Guilielmus, & Berengarius Angleſolæ, Iohannes Simenius Vrrea, Petrus  
40 Cornelius, Guilielmus Ceruilionius, Otho Moncada: & Atho Focius. Celebrata perui-  
gilatione ſinguli eorum procerum militari auctoramento ad clxxx. alios virtute, & no-  
bilitate præſtantes viros cohoneſtauer. Præterea Petrus Regis frater Caſtellinoui, &  
Villamuri Vicecomites Guilielmum Erilium, & Gilbertum Cruilliam, & Raimundus  
Berengarius Regis itidem frater alios eiſdem inſignibus iuris, legumq; militariū ſocietate  
deuinxere: & à Raimundo Folchio Vicecomite Raimundus Cardonacius frater, Amo-  
roſius Ribellias, & Petrus Aragall eodē auctoramento obſtringuntur. Ad ccl. auctoratos  
Montaneriſ memorat: & ad cantus, tibicineſq; inſigni pompa, quæ ſummā ſpeciem &  
dignitatem lychnuchorum frequentia prætulit, ex arce regia Aliaferiæ in ædē maximam  
Saluatoris Regem fuiſſe proſecutos. In frequentiſſima horum regionum ludorum cele-  
50 britate adfuit Henricus Bomallia Iohannis Bohemiæ, & Poloniæ Regis, Comitſq; Lu-  
cemburgenſis legatus: vltro ſe offerentis, pollicentiſq; in Hispaniam aduenturum: vt ſa-  
cro aduerſus Mauros bello, vna cum Aragonum Rege Chriſtianæ reipublicæ operā na-  
uer. Sed ea pollicitatio in inſignis cuiuſdā impudentiæ ludibrium recidit. Poſtea enim ex-  
cuſatione militiæ aduerſus Duces Brabantis, & Lotharingiæ, Comitēq; Barenſem obe-  
undæ, ſacro bello prætermiſſo, ac neglecto eſt vſus.

Eo ſollemni perfectō A. D. XVII. K. Iun. Rex Iacobum F. natum in ore Vrgellitano  
Comitatu, & Vicecomitatu Agerenſi donat.

A. D. III. K. Iul. Rex Ilerdæ Guilielmum Coſtam Barcinonenſis conuentus Prædica-  
torum Priorem ad Fredericum patrum Sicilia Regem legatum mittit: cōmonefacitq;



AERA.  
NAT.  
CHR.

à fœdere, quod cum Ludouico Baioario Ecclesiæ inimico ierat, abstat. Cuius hortatione, precibusque fraternis adeo Siculus non commouetur, ut Isabellam filiam Stephano Baioariæ Duci, natu minori Ludouici F. in matrimonium collocet.

A. D. VI. Id. Aug. Rex ad oppidum Carinienam accedit: & cum legatis Abubacaris Mirabuzecri filii Tunetensis, & Bugiensis Regis, & Abdurrahamenis Benmuzæ Tremezenii Regis inducias paciscitur: & ab externis ferme bellis orium fuit.

Petrus Siciliæ Rex l. actuanis nauibus, & xxx. ex Gibellinorum Sauoneptium delectu freto Siciliensi nauigans A. D. XIX. K. Sept. Aenariam insulam traicit. Campaniæ oram præteruectus loca, quæ incurrit, depopulatur. A. D. XI. K. Sept. Herculis portus ostium aditumque tenet. Eo loci Dux Branzuichius, & Comes Iohannes Claramontius Regem adeuntes, Ludouicum Baioarium, qui Germanici Imperii iura inuaserat, in Neapolitanam oram, ad colloquium, congressumque descensurum confirmant: & in Neapolitanum regnum inuasurum. Orbitellum, Liliū, & Telamon deduntur. In eo Regum conspectu, congressuque, cum omnibus in rebus satis eorum coniunctioni, amorique esset factum, A. D. IV. Id. Sept. digressis, Petrus Rex Pisas contendit: & A. D. IV. K. Octob. classe in Siciliam deuehitur.

A. D. XIII. K. Sept. Darocæ Rex statuit, decernitque: ne intra x. proximos annos vrbes, oppidave, aut præfecturæ, arcesue à regia ditione aut dominatu separentur: aut externo iuri deferantur: propriumue ius, aut iurisdicatio, vectigaliue regia pretio, aut dono alienentur. Eo interposito decreto, cum ei Rex postea derogatum voluisset, magnæ inter liberos turbæ, seditionesque concitantur.

A. D. IX. K. Nou. Barcinone Iacobus Balearium Rex suprema iura Balearici regni & ditionum contributarum potestatem Regi cauet: saluaque, & propria posteris Regibus mansura, fidei sacramento recipit atque sancit.

A. D. III. Id. Nou. moritur Carolus Calabriae Dux: Roberti Regis, & Iolantis Aragonum Regis amicitia F. Hic princeps vxorem primo duxit Catharinam Frederici Romanorum Regis, Aragonii Regis Iacobi generi sororem: ex qua nulla proles exorta est. Postea duxit Mariam Caroli Valesii F. & filias ex eo matrimonio genuit Iohannam, quæ Roberto Regi auctore regni heres successit: & Mariam posthumam.

1367.  
1329  
A. D. II. K. Febr. Agredæ Aragonum, & Castellæ Reges pacta, quæ Mediæ Vaccæ orum oppido, Octobri mense, à Rege Castellæ constituta fuerant, in æde D. Michaelis sacra sanciant: atque confirmant. In ea pactatione Alfonsi etiam Portugalliæ Regis fides deuincitur. Fœdera, quæ à Iacobo, Ferdinando, & Dionysio Regibus facta fuerant, reuocantur, atque repetuntur.

Postero die Reges Turiasonem ineunt: & in ea vrbe nuptiæ Regis, & Leonoræ, Castellæ Regis sororis, quæ à Iacobo sponso Regis fratre diuererat, celebrantur. Castellæ Regem comitantur Petrus Tolerus Episcopus Carthaginensis, Iohannes Episcopus Vixamenis, Vascus Ramirius militiæ S. Iacobi Magister, Iohannes Nunnius Calatrauensis, & Suggestus Peresius Alcantarensis militiæ Magistri, Petrus Ferdinandus Castrensis, Iohannes Alfonsus Pharenensis, qui Camerionum dominabatur. Rudericus Aluarus Astur, cui Noronienensis dominatus subiicitur, Ferdinandus Ruicius ex Villaluporum, Didacus Gometius Castaneda, Iohannes Martinius Leua regni finium præfectus, & Alfonsus Gaufredus Tenorius: cui maritimum imperium à Rege Castellæ delatum fuerat.

Turiasone Reges sponsalia Plançæ Petri Castellæ Regis patrui, & Mariæ Regis sororis filiæ, & Petri Alfonsi Portugalliæ Regis filii pepigere. Constantia Castellæ Regina Blancam secum in Castellam ducit. Hæ tamen nuptiæ postea dirimuntur: quod Blanca sensus stupore mentis compos non esset.

A. D. IIX. Id. Febr. Turiasone, nulla ad id tempus belli suspitione interposita, ne imbellem agerent annum, de inferendo Granatensibus bello, fœdera à Regibus sanciantur.

Bernardus Caprera Murtiensis regni finibus acre, & magnum bellum Mauris infert. Rex Valentini lunio mense, Valentini regni conuentus agit. Summo odio, atque dissidio ordines, quibus regnum constituitur ecclesiasticorum, optimatum, & popularium inter se, magna partium contentione cōcertant: de iis oppidis, quæ legibus, institutisque Aragonensis fori constituta erant. Magna enim suborta est controuersia: an in eorum ditione, extra Valentina, municipaliaque iura, ac fora, Aragonensia iura exerceantur.

In vetustis monumentis inuenio Fredericum Austriam, qui cum Ludouico Baioario, de Imperii successione armis contēderat, Septembri huius anni mense demortuum Iohannes Cuspinianus, cui fidem derogare non ausim, Id. Ian. proximis vita functum perhi-



perhibet. Isabella Regina vxor, Regis Aragonum soror sanctissima femina, calamitosa vi-  
 ri sorte iactata, in miserabili luctu, & inaudito squalore, quoad vir triennium custodia cō-  
 tinetur, permanens, angore se animi dedens, oculorum etiam lumina amisit. Frederico fi-  
 lio infante vita functo, ex Anna, & Isabella filiis, quæ viris adiunctæ sunt, nulla superstes  
 soboles relicta est.

A. D. IV. Non. Nou. Valentina in arce concordia, & pacis, quæ Agredæ constituta  
 fuerat, pacta conuenta à Lupo Ferdinando Pacico Alfonsi Regis Portugalliæ legato cō-  
 firmantur.

Valentiæ Ferdinandus F. Regi, ex Leonora Regina vxore nascitur: cui Derrosana di-  
 tio, Marchionatum vocant, & Albarrazinienfis dominatus statim subiiciuntur. Rex san-  
 ctione ea, quæ de non alienando, separando, aut effundendo regio patrimonio lata fu-  
 erat: cum lator ipse legis esset, filium soluit. Ea re constituta, quod Rex vxorio arbitrio  
 deuinctus, plures alias ditiones è patrimonio regio diuellere conaretur, adeo magnæ  
 turbæ miscentur, vt Petrus primigenius metu noueræ, aditum sibi in Aquitaniam pa-  
 refaciens ad Iacetas, iuxta Pyrenæi claustra, suorum consilio, se contulerit. Petro o-  
 pera, & consilio adfident Petrus Luna Cæsaraugustanus Archiepiscopus, in quo summa  
 apud omnes auctoritas, & amplitudo erat, Michaël Guérrea Petri nutricius, qui procu-  
 ratoris regni munus sustinet, Simon Gurrea eius frater Montaragonensis Abbas, Vitalis  
 Villanoua, Garcias Lorizius, & Michaël Perezus Zapata. Sed breui Petrus patri conci-  
 liatus procuratori regni præficitur: quæ primigeniis lege est attributa.

Franciscus Oria Leonardi F. suo, & Alionis, Mariani, Fabiani, Dignanini, & Ni-  
 colosii Oriarum nomine Regi se sistit: Regemque deprecans, supplices omnes Regi  
 esse, & obnoxios profitetur: si oppida, quæ ex regii iuris proprietate receperant, con-  
 donet: & eorum fidem recipiat. Rex vt eos in suam potestatem redigat, neue Sacce-  
 renses, qui defecerant, & insula exacti fuerant, foueant, benigne pollicetur. Permittit  
 etiam eos, qui in minima fuerant culpa, Sacerem reuerti: modo ne quis ex Cathonum,  
 Paliumve familiis, eorumve factione, aut ex Oriarum numero, qui à Berengario Car-  
 rozio maiestatis crimine condemnati fuerant, in Sardinia commoretur. Sacerensibus  
 locus, qui eorum cœtu frequenter, extra vrbs mœnia assignatur: modo ne turres ædi-  
 ficient, aut domorum aditus obstruant. Ea vero nationis leuitas fuit, & amentia, vt si vnus,  
 aut alter in fidelitate permanet, reliqui pæne omnes perfidiæ infamia flagrent: & omnes  
 insidias aduersus nostros intendant.

Aitonus Oria ix. longis nauibus & i. r. pristibus, quas sagittias vocant, & aliarum na-  
 uium classe, ex delectu militum Genuensium Gibellinorum instructa, qui Sauonæ com-  
 morabantur, Sardinia oras præteruehitur. Ad promontorium, quod Caput terræ appel-  
 lant, nouem Catalanorum nauigia intercipit: atque euertit, Arcem Caralitanam, ac pæ-  
 ne insulam omnem obsessam tenet. Sardi etiam hac impulsu occasione, qui iam ante se re-  
 gio imperio subiectos dolerent, ex eo adeo tumultuose tota insula peruagantur, vt nostri  
 omni exitu, & commercio intercludantur: & nostris in Sardinia ingens bellum, multis  
 ex gentibus concitur.

A. D. XII. K. Mai. Barcinone Rex Raimundum Cardonam, qui magnum  
 in republica, & militari vsum habuit, vt male affectis rebus prouideat, Sardinia  
 præficit.

Quod Aitonus Oria classem suppleuerat, & xv. longas naues instruxerat, æsta-  
 rem omnem in depopulandis Sardinia maritimis locis confecit. In Corsicam traiciens,  
 & Bonifacii portum tenens, aliquot dies castellum Cinerchæ, quod eius præsidium regia  
 stipendia mereret, & eius ditioni præfectus Lopatxellus, Iudicis Cinerchæ fratris filius  
 Regi fidus, carusq; esset, summa vi oppugnat.

Cum acre bellum inter Genuenses, qui Sardinia dominatum affectant, Welfæ, &  
 Gibellinæ factionis, & Sauonæ commorantur, & eos, qui regi in Sardinia parent, qui vno  
 nomine Catalani nuncupantur, commoueretur, & omnes classarii regii in oppugnatio-  
 ne præsidiorum Sardoniorum, & Corforum attinerentur, & ex Pisano Sardinia castel-  
 lo, quod præcipuum receptaculum hostium classibus pateret, plurima nostris detrimen-  
 ta afferuntur, Barcinonensem, Balearicamq; classem Rex armis, virisque instrui imperat.  
 Præterea mense Decembri Valentia Guilhelmus, & Ombertus Azlorii acturias aliquot  
 naues adornant.

Brenna Comes, qui Athenarum Ducis cognomen gerit, magna comparata classe,  
 dccc. equites ex Gallico delectu, & d. ex Tuscia milites, ac plures ex Apulia, & Calabria  
 litoribus peditum cohortes educens, Brundisino portu soluens, Peloponnesum præter-



AERA.  
NAT.  
CHR.

174

INDIC. RER. AB ARAGON. REGIB.

uectus Atheniensium portus tenet. Catalanis terra, marique bellum infert. Breui Dux dissipatis copiis magno dedecore rem deserit.

Cum suos pacatos Castellanus Rex reddidisset, Aragonio in societatem armorum assumpto, summa vi Granatenses adoritur. Omnis hostilis iuuentus aduersus tanti belli terrorem, tuendorum finium causa arma capit. Montefani ordinis Magister, Ampostæ, Montalbani, & Alcanicii præfecti, & Capreræ Vicecomes equitatu ex familia aulaq; regia coacti, Aprilis mensis fine Origuela Illici concedunt: hostilesque agros depopulantur. x. actuariæ naues ad Herculeum vsque fretum, Granatensis regni maritimam oram tenent: & appulsus Maurusiorum auxiliorum obseruant.

Alfonſus Castellæ Rex, insignis animi princeps, intimis Baticæ regionibus copias deducens Vrsone exercitum conficit: cui Magister ordinis Auſii D. equitum delectorum turmis, ex Lusitania aduectis adiungitur. Cum castra Rex inde mouisset, Thebam oppidum obsidet. Ozminius singularis præstantissimæque virtutis dux vi. m. Mauris equitibus, obsessis auxilium, opemq; adiungere festinans, in mediū rerū certamen deuenit. Vincitur, & profligatur Ozminius maiore equitatus parte deleta. Fuit hæc victoria Augusto mēse parata. Theba, & Cannetum, & aliæ arces deduntur. Granatensis domitui Regis Castellæ se subiicit: & vnius anni indutiæ cum eo sunt pactæ.

Sanctius Simenius Aierbius Præfectus Iustitiæ Aragonum.

Constantia Regina Cypri, Frederici Siciliæ Regis F. Armeniæ Regi nubit.

Petrus Ripacurciæ, & Emporiarum Comes Regis frater Iohannam Fuxensis Comitis sororem vxorem ducit.

Ianuarii mensis initio Valentia, cum Rex arma, & Sardoum bellum spectaret, adeoq; immineret, vt periculossimo tempore hostes in Sardinia nostrorū mœnibus insisterent, eiusque defectionis indies crescente cura, naualeque opus nostris maxime vrgentibus, Raoulus Roccafortius Philippi Francorum Regis legatus, de inferendo Granatensibus bello Regem commonet. Pollicetur, Francorum, & Angliæ Reges, qui in pacis conditiones descenderant, Scotiæ præterea, Bohemiæ, & Nauarræ Reges, Burgundiæ, Britannia, & Borbonis Duces, Carolum Comitem Alanzonium Regis Francorum fratrem, & Annoniæ, Flandriæ & Beamontis Comites, atque alios insignes Gallia proceres sacro eo bello militaturos. Delphinum Vienne, & Sabaudie Comitem, qui bellum gerūt, depositis armis infesta in Granatenses signa illaturos. Cum Francus in communi causa maximam sui expectationem concitasset, Rex super tantâ, ac tam immensa re deliberaturus, conuentus Dertosam in K. Iul. indicit. Petrum fratrem & Iohannē Simenium Vream ad Francum mittit: legationem eius eludens. Ab Rege enim responsum attulerant; Castellæ Regem non siturū externos principes sua bellagerere: & ab ingressione suarum ditionū omnes, qui se inuito arma in Granatenses inferant, armis propulsaturum: quod pactæ cum Granatensi indutiæ essent. Francorum tamen Rex, qui alio animum intenderrat, Hispaniensem expeditionem immensa quadam cupiditate obtendens, Lutetia Parisiorum publico in congressu sacram militam se professurum testatur. Ea simulatione, & impudenti fraude ad turpissimum quæstum inuenta, aurum, argentumque sacrum omne Gallicum a summo Pontifice efflagitat. Decumas omnes ecclesiasticas Christiana republica in vi. annos sibi attribui exposcit: & vt à se ecclesiastica beneficia cōferantur. Ad hæc etiam contendit: vt Arelatensis, & Viennensis ditionis regium nomen natu maiori F. & dominatus Italiae Carolo fratri assignentur. Pontifex intolerabilia postulata a Franco interposita detestatus, & pro rei indignitate summe commotus, eum aspernatur, ac reiicit: afferens exactos annos xl. esse, ex quo Francorum Regibus Gallicæ decumæ in sacrum Hierosolymitanum bellum attributæ fuerant: earumq; quæstum in prophanos vsus, ac motus aduersus Christianos principes fuisse conuersum.

Aprilis mensis initio Rege Valentie assidente, Lucas Fliscus Genuensium qui Genuæ commorantur, vir primarius internuntio Francisco S. Eulaliæ Regi pollicetur, si pacisci cum ciuibus suis velit, & damna, quæ nostris data erant, condonare, aduersus Gibellinos Sauonenses, qui Sardoum bellum commouent, se regia signa secuturum: & regis auspiciis, classē xv. longarum nauium deducturum. Rege promissionē Flisci, ac pactiōem accipiente, interim cum regia classis xl. actuariarum nauium, & xxx. lemborum Catalonia litoribus egressa esset, mense Augusto Ligustinam oram præteruecta ighi ferroque licentius peruagata, hostiliter culta, atque amœna Genuensium prædia populatur.

Dertosa Rex hiemis initio Valentiam adit: nuptias celebraturus, quibus Petrus Exerica, & Bonauentura Hugonis Iudicis Arborensis filia adiunguntur. Cum ludis intentus esset, qui fuere apparatissimi, Granatensis Rex violatis indutiis, omnibus coactis copiis,



piis, & magno comparato exercitu, equitatus roborâ in Valentini regni fines immittit: AERA.  
 Roduano eorum confinium præfidiis præfecto: & Abucebetio Ozminii filio, & Mach- NAT.  
 liffio, qui Antiquariæ præerat, ductoribus. Ad v. m. equitum, & xv. m. peditum, v. m. sagit- CHR.  
 ratorum in eriectis, fuisse traduntur. Origuelensem agrum depopulantur: ac vastant.  
 Guardamare oppidum circumfident. Festo D. Lucæ die, acerrima, & fortissima conten-  
 tione oppugnant, & in oppidum irruunt.

Gaufredus Gilabertus Cruillas equitatu, peditatuq; omni delecto, Octobris mensis  
 fine, Rege Dertofam regresso, Illicim procedit. In eo oppido præfidia collocantur: quod  
 vniuersa ea regio maritima vasta, ac deserta esset.

10 Genuenses, qui se Internos vocant, quod vrbis Genuæ propugnacula obtinerent, e-  
 iusq; potirentur, clade à nostris illata afflictæ, & Gibellini Sauonenses, qui ex ciuilibus dis-  
 fidiis, ac domesticis seditionibus inimici in armis erant, aduersus Aragonia conspirantes  
 arma Roberto Rege in eam se pacificationem interponente, in pristinam concordiam  
 rediguntur. Pactione ea inita, Oriæ, & Spinulæ excipiunt, vt Siciliensi bello, quas velint  
 partes prosequi liceat: Spinulæ enim Roberto, Oriæ Frederico Regi se adiunxerant.

A. D. V. Id. Apr. Roduanus x. m. equitum, & xxx. m. peditum fines Illicitanos adortus 1370.  
 Illicim obsidet: & die Dominica Palmarum sequenti magna vi oppugnat. Quod nostro- 1332.  
 rum copiarum militares conuenissent, A. D. XII. K. Mai Illicitani obsidionis periculo libe-  
 rantur.

20 A. D. IV. Non. Iul. Isabella Regina Dionysii Lusitanæ Regis vxor, & Alfonsi Regis  
 amita, sanctissima femina moritur: cuius insignem religionem, ac pietatem, & sua tempo-  
 ra venerata sunt: & eius commemoratio consecrata à posteris colitur.

Genuenses cum partium contentio esse desisset, classem ex lx. nauibus longis, aliisq;  
 adiunctis conficiunt: & Cataloniæ oras depopulantur: magno maritimarum regionum  
 detrimento. In Barcinonensi statione v. actuarias naues oppugnant: quæ cum in litus defe-  
 runt, & nauibus, & remigibus sunt potiti. Magna præda parta, Octobri mense Genuam  
 appellant.

A. D. XII. K. Nou. Raimundo Cardona Sacerim profecto, xlii. actuariæ Genuen-  
 sium naues in Caralitanum portum deuehuntur: nauesque nostras, quæ anchoras iecer-  
 rant adorti, acri conferto prælio Genuenses magno accepto detrimento portu pelluntur.

#### EXPLICIT LIBER SECVNDVS.



# INDICES RERVM AB ARAGONIÆ REGIBVS GESTARVM.

*Liber Tertius.*

AERA.  
NAT.  
CHR.



**C**UM ad eum Regni statum Principes nostri peruenissent, ut condicio melior externarum victoriarum à iusto hoste pat-  
tarum, quam domesticarum proponeretur: dum certos fines re-  
gnorum, iam à priscis temporibus ipsi Hispaniarum Reges sibi con-  
stituissent, inde Aragoniis Regibus consilium fuit, eos hostes bello  
persequi, cum quibus nulla pacis ratio esse posset. Bellum erat para-  
tum eiusmodi, ut nostri alacres, & erecti, quasi ad tutandam repu-  
blicam, ad decus labore partum, & laudem excitarentur: & eas copias, quas promo-  
uendis finibus maiores comparauerant, ad eorum perniciem conuerterent, qui classi-  
bus, & naualibus copiis, virtute, & victoria edomandi essent: & comprimendi. Res  
tamen Sicilienses, & Sardoꝝ eos de cursu suo in posterum demouerunt: & Catalano-  
rum, usque ad aorum nostrorum memoriam, disciplina naualis omni ex parte perfe-  
cta, cumulatque laude remansit. Iam enim his temporibus, eorum tanta fuit indu-  
stria, tantumque excelluerunt in studio, & scientia rerum nauticarum, ut Indigetum,  
Aufetanorum, Ilergetum, Cosetanorum, & Ilergaonum litoribus, omnes namque  
ex ciuitates mare secutæ sunt, magnis institutis classibus, atque ornatis, ultimas interni  
maris oras perlustrantes Syriæ, Palæstinæ, Ægypti, & Africæ extremas regiones perue-  
stigarent: atque Arelatensibus primo, plurimum enim ea ciuitas & infero, & supero  
mari pollebat, & mox Pisanis, & Genuensibus, qui maria omnia sibi patefecerant, &  
Africanis prædonibus insigni laude opponerentur: & ab exteris gentibus mediterranei  
Cataloniæ populi immensa lucra aucuparentur: ac veluti è ludo, & pueritiæ disciplina  
ad externos exercitus, & in militaria munera delecti soli, ex nostris nationibus, gene-  
ratim duces, milites, nauarchi, classiarii que exteris gentibus vim, terrorem, calamita-  
temque importarent. Eademum hoc tempore euenit tempestas, ut Pisanorum respu-  
blica, quæ & disciplina, & potentia nauali omnes excelluerat, quorum maiores nauti-  
cis exuuiis, & hostilium classium spoliis urbem ornatam reliquissent, non Sardinia mo-  
do, sed maris etiam possessione decederet. Catalanis vero cum acerrima Genuensium  
ciuitate, summa contentione decertantibus, vtrique natio, non de victoria tantum, sed  
pæne de exitio alterius acerbissime, & maxime crudeliter bellum gerit: & tamquam  
certamen honoris, & dignitatis etiam constitutum esset, in eo visi sunt summa vi, & im-  
petu contendisse, ne maris possessione pellerentur: cum alternis præliis, grauissimæ  
inter eos clades intorquerentur. Adeo tamen restitit, & peruicit Catalanorum con-  
stantia, & stabilitas, ut ea illo sæculo exterarum gentium opinio, & existimatio maneret,  
nullos hostes eis naualium rerum usu, & scientia, aut virtute, & animorum firmitate an-  
teferendos esse: & Aragoniæ, & Siculiæ classes late, longeque diffusa laude peruagaren-  
tur: Catalanique ductores dignissimi potestate, atque dominatu rerum maritimarum  
existimarentur. Eam laudem præmio, & pœna constitutis, Principes nostri consecu-  
ti fuerant: quibus duabus rebus rempublicam contineri, non frustra præstantissimum  
sapientiæ firmare solitum ferunt. Nam eam seueritatem in nauali disciplina, illa ætate  
à Regibus adhibitam memoriæ proditur, ut lege capitis pœnam repeterent à nauium du-  
ctoribus, nautis, & gubernatoribus, quasi in manifesto facinore deprehensis, qui actua-  
riam nauim, ut hostium impressionem subterfugerent, in litus eiecissent. Brochardus  
certe Teutonus monachus, in cuius mentionem supra incidimus, eius ætatis scriptor  
ad Philippum Francorum Regem, de excellenti Catalanorum præstantia hæc scripto  
prodidit.

” Super alias gentes maris, quæ maiori personarum præminent probitate, armorum  
” fortitudine, & vigore, industria in factis maris, & experientia certiori, fidelitate, atque  
constan-



constantia firmitiori sunt Catalani, & Ianuenses: qui de vasis maris, & gente melius, facilius <sup>AER.</sup>  
& commodius administrare, & exhibere possunt copiam abundantem. Inter istos tamen <sup>NAT.</sup>  
nunc est actualis guerra grauis: & quia ista guerra sic stante, passagium in his defectum <sup>CHR.</sup>  
non modicum pateretur: nam omnes aliae gentes, quae mare nauigant, quantum ad pro-  
bitatem, & industriam nauigandi, nihil sunt penitus respectue: omnino expedit: quod  
inter istos pax, & concordia componatur: quae quidem pax faciliter obtinebitur: si maie-  
stas regia voluerit interponere partes suas: cum Catalanis Rex Aragoniae, & Ianuensibus  
Rex Siciliae domineatur: qui in tanto, ac tali negotio pacem facere tanto domino non ne-  
gabunt. Vt in ea re hoc maxime admirari soleam: cum summam in amplitudinem po-  
tentiae, & maiestatis postea Aragonii Reges peruenerint, & sub eorum imperium, ditio-  
nemque tot regna ceciderint, qui fieri potuit, ut in praestanti, ac florenti eorum fortuna  
Catalanorum ditioni iam desuetae a maritimis, & naualibus rebus, vix commercium  
vllis rei cum exteris nationibus permaneret?

Marianus, & Iohannes Arborenses Hugonis Arboreae Iudicis filii aulae se regiae addi-  
cunt: cum inter Orias in Sardinia armorum vi omnia agitantur: turbanturque. Ga-  
leotus, & Barnabas Oriae arcem ipsam Oriam oppugnant: & Cassanus Oria cum par illis  
nullo modo esse posset, ditionem sibi attributam Sardoniorum oppidorum Regi addi-  
cere tentat. Marianus Arborensis Timborem Rocabertiniam Vicecomitis Rocaberti-  
nii F. in matrimonium ducit.

Magna dissidia, seditionesque in ditionibus regis suboriuntur: atque commouentur:  
de ciuitatum iure, quas Rex Ferdinando filio condonauerat: conquereute Petro primi-  
genio, verante lege, privilegium fuisse irrogatum: & Leonora Regina nouerca acerbum  
in priuignum odium struente: & excitante. Rex tamen, ut bonus in primis auctor Oldra-  
dus asserit, iurifutandi religione obstrictus testatur, se ea sanctione, quam de non sepa-  
rando regio patrimonio condiderat, noluisse vxorem Reginam, aut liberos, ex eo matri-  
monio genitos deuinciri. Reginae tamen in priuigni amicos, & administratos acerbum o-  
dium excitatur. Hi fuere Michael Gurrea regni procuratori admotus ipsius primigenij  
nutricius ex proceribus, Simon Gurrea Abbas Montaeagonius eius frater, Garcias Lori-  
zias, Michael Peresius Zapata. Lupus Concurius epistolarum magister cum in eculeo,  
in caput aliorum torqueretur mox turpi morte afficitur: quasi Reginam beneficiis infe-  
cisset. Petrus Luna Archiepiscopus Caesaraugustanus cum Regina de priuigno suspecta  
esset, ne illi traderetur, procul amandandum curat: & in intimos Iaccetanorum saltus ab-  
legandum.

Cum de appellationum intercessione eorum oppidorum, quae iurisdictionis Praefe-  
cti Ampostae erant, controuersia suboriretur, Praefectus Iustitiae Aragonum causa cog-  
nita statuit: ut Hortani ciues Regem appellent: quod ea ciuitas ex foro Aragonio censere-  
tur: & Aragonium tributum, quod Moraberinum vocant, penderet: neque Catalanis indi-  
ctionibus subiiceretur.

Ianuario mense Henricus, & Fredericus fratres gemini ex Leonora Nunnia Guzmanae  
concupina, nobilissima femina Alfonso Castellae Regi filii nascuntur: tam dispari fortis <sup>1371.</sup>  
caetu, ut alter a Petro Rege fratre crudeli morte sit affectus: alter ipso Petro Rege a se in- <sup>1333</sup>  
terempto, regnum inuasit: quod filio, posterisque tradidit.

Castellum, quod in Panormitano sinu Maris vocant, Roberti Regis classis nauibus  
aliquot submissis, insidiis factis, deditur hostibus: & a Frederico Rege statim recipitur.

Albuhacenus Maurusiorum Rex ingentes, immensasque copias Mahomati Granatae  
si Regi subsidio mittit. Ad v. r. m. equitum fretum traiecisse commemorant. Anni ini-  
tio transmisere: quibus Abulmelichius Maurusiorum Regis F. praefuit imperator. Ad Al-  
geziram, in ipso freto sitam urbem consistunt. Gibraltarium oppidum Calpi monti sup-  
positum Februario mense obsident: summaque vi adoriuntur. Rex veterno languens,  
& Aragoniis classibus Sardoo bello intentis, difficilimis rebus affini fratri adesse non po-  
test. Iacobus Exeteca collecticiis copiis, Constantine Castellono Regi adiungitur. Vtrim-  
que vrguentur oblessi: nec impetus hostium, ex superiore montis iugo decurrentium su-  
stinent: & Iunio mense Gibraltarium hostibus traditur: multorum annorum cladibus  
domitum.

A. D. X. K. Iun. Barbastri Petrus, & Guilielmus Lupezii fratris germani cum Enneco,  
& Sanctio Lopezii itidem germanis fratribus, propinquitatis vinculo sibi coniunctis ar-  
morum discrimini, atque iudicio se subiicientes, & mutuo ad pugnam prouocantes fer-  
rum, ac manus conferentes configunt. Adfuit de more, eorum certamini Petrus Regis  
F. regni procurator. Cum praecipiti, & efferuescenti infania, & furore vtrunque decer-



AERA.  
NAT.  
CHR.

taretur, paresque in diutina belligerandi contentione viderentur, Petrus eos gladiatoria illa pugna educti imperat. Othonis Moncadae consilio strenui, & praestantis viri, & de consilii sententia, opere, & munere suo functos decernit, ac praedicat. Ex Aragonum enim moribus, militaribusque regni institutis, re non diiudicata, in posterum diem certamen reiici poterat: ut in deuictos more maiorum animaduertetur.

Petrus, cuius promptum ad asperiora ingenium erat, patre Rege graui, & mortifero morbo affecto, in suspicionem venit, clam, & adhibito dolo, in Setabitanam arcem, quam Reginae nouerca Rex attribuerat, irrupturum. Omnis ea regio partium factione commouetur. Priuignus ingenio, & natura vehemens & qui summam imperii seueritatem addidisset, opinionum prauitate, & nouercalibus odiis imbutus, donationi Ferdinando fratri factae, uti immensae assentiri, libere proteruis denegat.

1373.  
1334

A. D. X. K. Febr. Darocæ Rex nuptias Petri filii, & Iohannæ Nauarræ regis filiae constitutas iureiurando confirmat. Dos à parentibus filiae dicta est c. m. librarum: eorum nummorum, qui Sanctietes appellantur: qui nummus Turonensium librarum lege appendebatur. Castella utrimque, & arces veluti obsides traduntur. Cum ea dos dicta esset, cautum, ut l. x. tantum millia dissoluantur.

Iohannes Emmanuelis F. Castelfauibio, ad ipsa Valentini regni confinia, Regem asinum conuenit: quorum congressui Leonora Regina interfuit. Artioribus foederibus obstringuntur: paciscunturque ut Iohannis filia Ferdinando Regis F. nubat. Rex principatus Viliensæ titulo Iohannem donat: decernitque uti Viliensæ, & alia oppida Viliensæ contributa, quæ Valentini regni finibus continebantur, & eorum ditio Principatus nomine cessantur. Non. Mart. eo in oppido, eius honoris Iohanni, posterisque eius priuilegium irrogatur. Excipit Rex, ne nummus in ea ditio excudatur, iacteturve.

Vetustis monumentis traditur, Iacobum Regis fratrem, qui hereditarium Regni ius abrogarat, hoc anno, Iulio mense Tarracone vita functum.

A. D. XV. K. Sept. ad Populum vicum moritur Iohannes Patriarcha Alexandrinus, Archiepiscopus Tarraconensis Regis frater: vir insigni pietate, sanctitate, summaque factorum librorum litteratura praeditus. Corpus Tarraconem defertur: & D. Augustini festo die sepelitur. Huic Antistiti vere magno, apud posteros maximæ gloriæ fuit: quod cœnobium monachis Carthusiensibus ab Alfonso Rege anno Domini MCLXVII. in paupertatis patientia dicatum, ornatumque, & à Petro eius F. Scalæ Dei nomine indito, & Iacobo nepote Regibus, honoribus, & præmiis amplissimis decoratum, & ædem continentem ample, magnificeque exornarit. Ex eo enim cœnobio in solitudine, & sacro quodam recessu, ad Cosetanorum, & Ilergaonum confinia sito, quasi cœlesti cœtu, sacræ religionis fontes hausere ceteri Hispaniarum conuentus: qui eisdem sacris institutis se addixerant: & ad similem laudem, supra quadringentesimum annum sunt propagati.

A. D. III. K. Sept. Burgis nascitur Petrus Castellæ Regis F. fax quædam funesta Hispaniarum: ut aliqui obfirmauerint, quod à Petro Aragonum Rege eius inimico proditum accepimus, non ex Rege Alfonso procreatum: sed à Regina Maria, quæ liberos ex sese non pareret, propter fecundum Leonoræ Nunniæ Guzmanæ pellicatū, fuisse suppositum.

Leonora Regina intimo in priuignum odio, siue metu concitata, Attecæ Alfonso Regem fratrem conuenit. Iacobus, & Petrus Exericæ fratres, se Reginae opitulaturos, qui à Petri amicitia, eius causâ se remouerant, pollicentur. Priuignus, ut erat æstuantis, & flagrantis animi, in sui iuris, commodique iacturam conuentum videns, ægre se tenet, quin viuo patre, de regio iure, armis decernat.

Oriarum familiæ, qui Sardiniam incolunt, & à Rege defecerant, reliquique Genuenses bellum in Sardinia permouent. Cum ipsi nullo duce, communiter bellum gererent, & pararent, Quiræ castellum armatis septum, & natura munitum, atque in ora maritima situm adoriuntur: cui regio ea omnis paret, quam Barbariam vocant: totiusque Caralitani regni propugnaculum erat. Sed cum is labor frustra esset susceptus: quingenti equites agrum Galluritanum incurrentes, Terramnouam vi expugnant. Maritima oppida, ex Olbiæ vetustæ urbis reliquiis constructa, quæ aliquando florens, potensque nunc ita diruta iacet, funditusque deleta, ut vix ipsa vestigia appareant, circumcirca depopulantur.

Iohannes F. Regi ex Leonora Regina nascitur.

1373.  
1335

Fredericus Rex Iohanne Pont. Max. vita functo, Episcopus omnes regni Siciliae, & viros dignitate, religione, atque doctrina praestantes vnum in locum coactos consulit: an sacro interdicto parendum esset. Communi consensu decernunt, tolli debere: quod summus Pontifex moriturus execrationes omnes, atque interdicta, quæ à se promulgata fuerant, consilio rescit.



reſciſſet. Ingenti animorum alacritate, & lætitia Id. Ian. pie, ſanctęque à Siculis rebus AERA.  
ſacris opera datur. Sed Benedictus XII. qui in Iohannis locum ſucceſſus eſt, execrationes NAT.  
eaſdem, atque interdicta in Baioarium, & eius fautores, & affectatores, vti in Catholicę CHR.  
Eccleſię hoſtes redintegrat.

Ingraueſcente indies Regis morbo, Fuxenſis Comes, interuentu Balearici Regis, &  
Petri Regis fratris, qui Fuxenſis erat affinis Regem commonent, quod tempus monebat,  
veterno enim Rex conficiebatur, de teſtamento videat: & ſibi de Vrgellitano comitatu  
caucat: ſatisfaciatque: nam eam ditionem Fuxenſis iure repetit. Rex congreſſum Fuxen-  
ſis ſumme exoptat: quod veretur, ne Rogerio Cōuenate adiuncto, externo milite Vrgel-  
10 litaniam ditionem inuadat.

Menſe Februario Rex Valentia Raimundum Berengarium fratrem ad Benedictum  
Pont. M. oratorem mittit: de poteſtate ſupremi iuris regni Sardinie, & Corſicę, fidelita-  
tis ſactamento Eccleſię ſancienda: & cenſus remittendi cauſa. Sumptus enim bellici ob  
deſectionem Oriarum, & Genuenſium in propugnanda Sardinia, & Corſica, regiis the-  
ſauris ſuſtineri non poterant. Iure ſe id poſtulare Rex confirmat: quod Bonifacii decre-  
to Iudex Arboreniſis, Oriarum familię, Marchiones Malaspinę, & Donoratici Comites,  
pręter eos Aragonenſes, & Catalanos, quorum fructui plurima oppida fuerant condo-  
nata, Sardinia omni potirentur: & regię ditioni manſerant reliqui Caralitani, Eccleſien-  
ſes, Sacerenſes, & ex arces quę Piſanorum iuris, atq; ditionis fuerant. Regio enim quę  
20 Banahyra vocabatur, inculta, atq; horrida nōdum noſtrorum armis domita fuerat: quod  
aſpera eſſet, & montoſa. Neq; regia vectigalia xxxvi. m. librarum, nummorum Alfon-  
ſinorum pluris erant: quę bellici ſumptus longe ſuperant.

Petrus Alfonſi Portugallię Regis F. Blancę ſponſę, Marię Aragonum Regis ſororis  
filie nuntium remittit: quod vecordi, atq; amenti ingenio eſſet. Conſtantiam Iohannis  
Emanuelis F. Blancę conſobrinam in matrimonium poſtea duxit.

Iacobus Exerica, & coniugio, & ſtirpe regię domui coniunctus ē vita excedit. Is, vti  
ſupra memorauimus, Mariam Reginam, Roberti Regis ſororem, quę Sanctio Balearico  
Rege deſuncto vidua manſerat, vxorē duxerat. Cum procax ea, & temeraria mulier, non  
matrimonii conſortione, ſed ſceleris ſocietate alterius ſe contubernio adiungeret, Rex  
30 impudentiam eius cohiberi: & ad fratrem deduci imperat.

Henricus Guliacus regni Nauarrę procurator bellum in finitimos Guipuzcoanos  
inferit. Petrus Regis F. Nauarro quingentorum equitum auxilia ſubſidio præmittit: qui-  
bus Michaël Gurra ex Aragonię proceribus longe ætate prouectus, præſicitur. Michael  
Pereſius Zapata cc. equitum ductor in primis fortis, ac ſtrenuus Nauarrorum cohortibus  
aliquot adiunctis, cum Caſtellanos fines incurriſſet, ad Tudelam certamen cōmittit. Ho-  
ſtes ſuperiores diſcedunt. Noſtris ſuſis, ac fugatis Zapata in hoſtium poteſtatem deuenit.

Iohannes Claramontius Modiceniſis Comes rebellionē facta, à Frederici Regis cau-  
ſa deſciſcens, Roberti claſſi præſicitur: & Sicilię oras depopulatur. Raimundo Peralta  
xvi. longarum nauium Catalanarum præſecto Drepanitanum portum tenente, & in Sar-  
40 diniam nauigaturo, ea regio ab incurſione hoſtium liberatur.

Sarraceni Meningiſiſulę, qui Frederico Regi paruerant, xxi. longarum nauium  
Genuenſium, & iiii. Roberti Regis appulſu arma capiunt: propugnatoribus ad vnum in-  
terfectis, Sarraceni arce potiuntur.

A. D. II. Non. Iun. Rex in Valentina arce cum Abulhaceno Abencomixa, & Paſchali  
Cirera legatis Iuceſſij Granatenſis Regis, iſdem conditionibus pacem, indutiasque pa-  
ciſcitur, quibus à Rege Caſtellę depactę fuerant. Publicę rei cauſa Granatam Raimun-  
dus Boilius, & Guilielmus Auguſtinus legantur.

Leonora Regina facinus adorta, Verdegium, & Sometium Aragonię caſtella, in ipſis 1374.  
regnorum confiniis ſita, Regi fratri tradere parat: vt facillimos aditus ad fratrem ſibi pa- 1336.

50 reſaciat. Petrus priuignus, qui attente inſidiatur, & omnia nouerę cōſilia obſeruat, Idib.  
Ian. operam dat, vt præſidiis firmetur. Eodem temporis interuallo, Rege animam agēte,  
Regina Barcinone ſe in fugam conferens, traiecto Sicori amne Fragę ſubſtitit. Arces, op-  
pidaq; filiorum Ferdinandi, & Iohannis præſidiis, munitionibusque obſtrui imperat.

Rex ægra, & diuturna valetudine conflictatus, A. D. IX. K. Febr. Barcinone regiis in  
ædibus Mercurii die hora matutina decedit. In cœnobio fratrum Minorum eiſdem vr-  
bis ſepelitur: cum ſepulturę locum in Ilerdenſi cœnobio eiſdem inſtituti ſibi delegiſſet.

Paucis ante obitum Regis intermiſſis diebus, nuptiæ Iacobi eius F. & Cæcilie Con-  
uenatum Comitis, & Mathę eius vxoris F. ſunt depactę. Raimundus Peralta regiarum  
claſſiū præſectus, eā ob cauſam in Galliā legatur. Petrus F. regium nomen ſtatim vſurpat.



AERA.  
NAT.  
CHR.

A. D. VI. K. Febr. Rex iustis paterno funeri nondum indi&is, Cæsaraugustæ magna cum inuidia noui principatus, cuius hoc primum specimē edebatur, Ferrerium Apiliam Iacobi fratris nutricium præmittit, qui Reginam, quæ viuentē adhuc Rege Barcinone excefferat, in Castellam properantem, & ingentes thesauros, vti ferebant, secum auhentem anteuertat. Ea vero nimia festinatione montes transgressa, Dertosa Hiberum traiciens Turolium, atque Albarrazinium contendens Burgenſi Episcopo, & Petro Exerica comitantibus in Carpetanos emigrans priuigni manus euasit. Hinc non simultas modo, sed apertum bellum inter Alfonsum, & Petrum Reges suscipitur. 10

Arcis Setabitanæ præsidium, quod Reginæ nomine occupatum fuerat, Regi deditur.

Ciuitates Catalonia Regem commonent, priusquam de more regis insignibus ornatus coronam suscipiat, Barcinonem adeat: instituta, atque vsus principatus iureiurando sanciat. Contra vero Aragoniæ proceres coiere, ne qua ex summa indignitate labes regni dignitati aspergeretur: si in earum celebritate, & decore Catalani Aragoniis anteferrentur. In eo potissimum enituntur, & summo cum studio instant Iacobus Comes Vrgellitanus Regis frater, Simon Gurrea Abbas Montaragonius, Iohannes Simenius Vrrera, qui Biotensium dominabatur, Petrus Cornelius suo, & Simonis Cornelii patris nomine, Lupus Luna qui Segorbiensem ditionem obtinuerat, Artho Focius, Raimundus Peralta, Raimundus, & Thomas Cornelii Simonis Cornelii filii, Gonzalus Diazus Arenosius, Philippus Castrensis, Iohannes Ferdinandus Luna: quibus se adiunxerant ex domesticis regis viri genere, & dignitate præstantes Gombaldus Tramacetius, Thomas Pereſius Focius, Simon Pereſius Pina, Sanctius Pereſius Pomarius, Lupus Gurrea maior, Michaël Gurrea, qui S. Encratis oppidi dominabatur, Garcias Ferdinandus Castrensis, & Garcias Lorizius: & aliquot primarii ex Cæsaraugustanis ciuibus. A. D. XVI. K. Apr. obtestantur, vti primo quoque tempore à Rege Aragoniæ leges sanciantur, atque irrogentur. Maxima de re deliberanti placuit regis insignibus primum decorari. Petrus, & Raimundus Berengarius patrum, Regi dignitate proximi ægre id ferentes, & Arnaldus Celcomius Tarraconensis Antistes Cæsaraugusta excedunt: neque ex proceribus Catalanis celebritati regi decoris adfuit quispiam præter Orthonem Moncadam, & Raimundum Peraltam. Mox publico in conuentu leges iureiurando sanciantur. 20 30

Dominica die, quæ resurrectionis Domini diem festū subsecuta est, Cæsaraugustæ in Saluatoris maxima æde Rex dignitatis regiæ, potestatisque insignibus, magno apparatus splendore decoratur, coronaturque. Ludos Rex magnificentissimos apparauerat: sic, vt nemo ex superioribus principibus sumptuosiores populari lætitia ediderit. Ouans ex æde maxima in Regiam funali equo vectus muneribus, & congiariis, epulisque publicis regni ordines, & cunctum populum deliniuit. Ferunt Robertum Regem peritos cœlestium admouisse, qui penitus siderum motus dimensi, eorum positus, ac spatia perscrutarentur: quibus Regi diadema imponeretur: vt properum, tardumve regni finem coniectando eliceret: sic enim est traditum. 40

Calatrauensis militiæ præfecti aliquot, à Magistro, qui ei ordini præpositus erat, secedentes cum Garcia Lupio Magistro, cui eius ordinis conuentus magistratū abrogarat, ex Oretanis Alcanicium perfugerant: & iis, qui eo in loco commorabantur, eiusdem instituti adiuncti in Garcia Lupii demortui locum Alfonsum Perezium Taurinum Magistrū deligunt: & in secessione plures annos permanent.

A. D. IV. Id. Iun. Ilerdæ in arce regia leges constitutiones, & scita Barcinonensia, & priuilegia à Rege Catalonis sanciantur: atque irrogantur: neque donationes, aut assignationes à Rege patre ex A. D. XIII. K. Sept. factas, ratas habet. Ea re coustituta Catalani more, in regis verba fidei sacramento adiguntur. 50

Iohannes Emmanuelis F. fœdere cum Alfonso Portugalliæ Rege inito, bellum Castellæ Regi illaturus, quod filiæ Constantiæ conditionem repudiasset, amicitia societate, & pactioum complexione Aragonum Regi se addicit: mutuoque fœderis vinculo adiunguntur. Id. Mai Cæsaraugustæ Rex principatum Vilienæ, qui regni sui finibus continebatur, Iohanni confirmat. Eo fœdere, quod Iohannis præpotentis viri longe paterent vires, & dominatus in Castella late esset effusus, Rex aduersus Alfonsum Regem, & Reginam nouercam, suas vires satis muniri existimat.

Prosperæ ea tempestate res in Sardina multæ consecutæ sunt. Azo, & Iohannes Opicini filii Malaspinæ Marchiones, Donoratici Comites, & ciuitas Pisanorum, cui aliquot in ea



in ea insula oppida, omni propugnaculorum vi disiecta, neq; munita patebant, Petrusq; <sup>AERAS</sup> Arborēsis Iudex, & Marianus, & Iohannes fratres Regi obsequuntur. Oriæ ad Ardēnam <sup>NAT.</sup> à Raimundo Cardona cæduntur. Adhæc Pont. Max. Francorum, & Siciliæ Reges, <sup>CHR.</sup> Stephanus Columna internuntio nituntur, ut compositis, & constitutis conditionibus Oriæ qui a Rege defecerant, pacificentur: Regiq; pareant.

Pax cum Francorum, & Balearum Rege, & Genuensi ciuitate conficitur: Castani, & Galcoti Oriarum filii: aliiq; qui obsides traditi erant, a Rege dimissis. Oriæ sub specie infide pacis, quieti tam diu manent, dum intestinis seditionibus distrahuntur. Quod vi, & impressione Rex nouercam euertere studet, & regni initia inde ducerentur, Castellæ <sup>10</sup> Regis legati Mendius Lupius Tolertanus, & Iohannes Ruizius Gaona de pluribus iniuriis Reginæ, & eius filiis illatis, repetitis rebus graues querelas iaciunt.

Alfonso Portugalliæ Rex Alfonso Regi genero bellum indicit: quod Mariam F. quæ in eius manu conuenerat, & in matrimonium ducta fuerat, repudiaret: atq; ei nuntium remittere veller. Fama enim percrebuerat eo tēpore, quo regis insignibus Burgis adornari summa celebritate constituerat, de ducenda Leonora Nunnia Guzmanæ concubina, & coronanda deliberaſſe: & ab eo consilio deſtitisse, quod id temporis Maria vxor prægnans fieret.

Iohannes Emmanuelis F. a dominatu, atque ditione Castellæ Regis testimonii denuntiatione se aſſerit. Ex tabulæ A. D. XIX. K. Sept. in arce regia Valentina Regi profe- <sup>20</sup> runtur.

Rex aduersus Petrum Exericam summa vi bellum gerit. In oppida eius, atque arces inuadit: quod Reginæ Leonoræ omnes suas opes, auxiliumq; detulisset. Didacus Lupius Pharenſis, Iohannes Martinus Leua, Lupus Didacius Rogius, & alii ex domesticis Regis Castellæ proceres magno equitatu, atq; pediatu, quem, uti Exericæ subuenirent, coegerant, bellum Regi inferunt. Exerica Setabitanis finibus Engueram vsque, suas copias in expeditionem educit.

Anetenſi in arce diœceſis Carnutenſis, quo in oppido Philippus Rex Nauarræ, & Iohanna eius vxor refederant, Epiphaniæ feſto die ſponſalia Regis Petri, & Mariæ Na- <sup>1375.</sup> uarræ Regis F. contrahuntur: cum antea cum Iohanna natu maxima filia de pacta fuiſſent. <sup>1337</sup> Fidem suam obſtringunt, omni opera curaturos, uti Nauarræ regni ordines ſpondeant, demortua Nauarræ Regina ad quam regni iura peruenerant, liberis virili prole non ſuperſtitibus, in Mariæ verba ſe fidei ſacramento adaſturos: & eorum liberos in parentum locum ſucceſſuros. Iohanna poſtea nubit Vicecomiti Rhotomagenſi: & Blanca natu mi- <sup>30</sup> nima Philippo Valeſio Francorum Regi adiungitur: ex qua prognata eſt Iohanna quæ Iohanni Gerundenſi Duci Petri Regis F. primigenio nupſit. Dos eadem LX. M. libratum dicitur: quæ ſorori Iohannæ dicta fuerat. Rex fœdus cum ſocero icit: ut ſibi mutuo opitu- lentur.

A. D. VII. Id. Ian. Bernardus Villaragutius, Arnaldus Morera, & Azbertus Galiaza Valentia a Rege ad Benedictum Pont. Max. legantur: qui iura regni Sardinia & Corſicæ <sup>40</sup> Eccleſiæ addicta, regio nomine ſummo Pontifici ſanciunt.

Bonifacius Nouellus Donoratici Comes dux Copiarum militarium, & cuſtodia vrbis Piſarum Regi fidem ſuam præſtat, eorum oppidorum cauſa, quæ in Sardinia regno a Rege poſſidet.

Beltraminus electus Epiſcopus Theatinus, & Henricus Aſtenſis ſacri palatii Auditor Pontificiarum cauſarum, nuntii Apoſtolici ad Regem mittuntur: de bello amouendo quod Castellæ Rex, ſororis Reginæ cauſa inferre parat.

A. D. VII. K. Iul. Fredericus Rex LXV. annum agens, morbo oppreſſus, morti appropinquans Paternione Catanam proficiſcitur. Iter faciens in ædícula D. Iohannis Hieroſo- <sup>50</sup> lymitani moritur: longe omnium in re bellica princeps: virtutumq; Rege dignarum præſtantia excellens: & omnis laudis genere præclariffimus. Cum Barcinonem corpus defe- rendum decreuiſſet, iuxta matris, & fratris, Alſonſi ſepulchra ſepeliendum: Catanæ in æ- de maxima ſepelitur. Petrum regni heredem, ditione Apulia, & Campaniæ principatu adiunctis inſtituit. Athenarum, & Neopatriæ ditiones, quas Ducatus vocat, Guilielmo filio attribuit.

#### PETRVS II. SICILIÆ REX.

Cum A'fonſus Castellæ Rex potius oſtendaret, quam gereret bellum, & Aragonius Darocæ, exacto Iulio in A. D. XIII. K. Decemb. veluti hoſtibus oppoſitus ſubſtituiſſet, om- nem contentionem, quæ cum Regina, & Exerica interceſſerat, Petro patruo Ripacur- <sup>Q</sup> ciæ Comiti, & Iohanni Emmanuelis F. dirimendam remittit.



AERA.  
NAT.  
CHR.

Albuhacenus, Bellamarinius Maurusiorum, & Tremecensis Rex, qui in Mauritaniis ad summum barbararum gentium imperium peruaferat, nec Africano regno contentus, Hispaniæ regnis, angusto freto diremptæ imminet, cuius tam late terra marique præpotentis imperium patet, ut ad vniuersas Africæ nationes Babylonix Soldano præferretur, ingentes copias, fretum transmissurus comparat. Abomelichius eius F. cum Algeziram Gibraltarumq; præfidiis contineret, Barcæ oppidum diuisionis Granatenfis vi expugnat. Valentino regno id bellum, propter propinquitatem inferri, Rex veritus, quod ex Contestanorum, Aedetanorumq; regiones à dediticiis Mauris incoherentur, vires omnes suas in eam expeditionem intendit. xxx. actuariæ naues adornantur: quæ ex regio, & Balearico delectu conficiuntur: quibus à Rege Gaufridus Gilabertus Cruillias præficitur: quod Raimundus Peralta Siculi Regis auspiciis classem duceret.

Simon Luna Toleranus Antistes moritur: & in eius locum Egidius Aluarus Albornozius cognatione ei adiunctus, matre enim Theresia Luna genitus erat, sufficitur.

Peregrinus Anzanus Præfectus Iustitiæ Aragonum.

1376.  
1338

Cum Rex Valentix sacrum natiuitatis Domini diem celebrasset, Guilielmus Orgolius, & Bernardus Petraleuada Prædicatorum instituti, ab Eduardo III. Angliæ Rege legati, vetustorum fœderum commonent: quæ reintegrari expetunt. Quod bellum à Philippo Francorum Rege aduersus Eduardum permotum esset, eius belli Regem participem, socium, & adiutorem exposcunt. Sed turbatis domi rebus, neutram in partem mouetur: & A.D. III. Id. Febr. Garciam Lorizium ad Francum pacificatoria legatione mittit: si qua indutiarum inter eos principes spes esset.

A.D. II. Non. Febr. Catanæ nascitur Ludouicus Petri Siciliæ Regis F.

Febr. mensis finæ Rex Auenionem ad summum Pont. legat Sanctium Lopefium Aierbium ex ordine Minorum virum religione insignem: qui sacre confessioni Regi adsidet: & Tarraconensi Ecclesiæ postea præficitur. Is operam dat, ut pacto Mariæ Nauaræ Regis F. matrimonio, Rex sanctione ea canonica soluat, quæ propinquos, & affines matrimonio adiungi vetat. Exposcit præterea Magistri, à societate Calatrauensi Alcanicii creati electionem iussam, ratam, atq; firmam habeat. Sed ea res impetrari nequit: quod partium factione concitati Alcanicienses, contra eius ordinis instituta Magistrum sibi delegissent: & diutina ea seditio inter Calatrauenses socios viguit.

Martio mense Rex Barcinone Petro Ruizio Azagræ Villæ felicitis domino in mandatis dat, ut controuersias finium componat. Is Conchæ Castellæ Regem conueniens, qui A.D. X. K. Iun. in eam urbem aduenerat, de fœdere aduersus Mauros ineundo paciscitur.

Iulio mense Maria Regina Alauonam ingreditur: Philippo Cabilonenfi Episcopo patruo, & aliis proceribus viris comitata. Cui eo in oppido valetudinis curatione attineretur, sollemnia nuptiarum celebrantur A.D. IIX. K. Aug.

Intemeliorum & Antiochenorum familiarum factiones ductoribus Francisco Intemelio Comite, & Comite Frederico Antiocheno rempublicam Siciliensem armis commouent: atque perturbant. Claramontii & Palicii eis adiuncti aduersus Petrum Regem, belli faciendi causa, cum Roberto Rege consentiunt.

Carolus Atrebatensis, Sanseuerini, & Carinulæ Comites, Comes Fredericus Antiochenus, & Aldoinus Francisci Intemelii Comitis F. classis Roberti Regis ductores Sicilienses oras incurrentes, Rochellæ statione, A.D. V. Id. Mai. copias exponunt. Tercio die Golisanum, Graterium, Brucatum, & Montis S. Angeli castellum Neapolitano Regi traduntur. I. nauium actuariarum, quas Taridas vocant, ea classis erat. Atrebatensis Neapolim regressus, A.D. XIII. K. Iul. Mylas denue traiciens, ea statione decc. equites exponit.

A.D. XI. K. Sept. Thermæ Roberti Regis ductoribus deduntur: quibus magna Siciliæ parte diuexata, atq; direpta, in Campaniæ litora reuersus, Graterium, Golisanum, & Brucatum Petro Siciliæ Regi deduntur.

Ea ipsa die, qua arces hostibus tradebantur, Guilielmus Petri Regis frater Dux Athenarum, & Neopatriæ, cuius præcipue virtute, atque consiliis Siculi regni fundamenta constituebantur, è vita excedit.

Tercio Siciliæ regnum sacris interdicitur.

Rex Marianum Petri Arborensis Iudicis fratrem, tituli Gothiani comitatus Sardogæ ditionis splendore cohonestat.

Res in Sardinia suspensæ, & incertæ obscura spe pacis, aut belli timore vacillant. His præfidiis respublica fulta erat, quod arces Caralitana Aquæ frigidæ, Ioisaguardensis, Quirrensis, Castelliorgullofi, Gallicellienfis Castelpedresienfis, Fabensis ad Olbientem tra-



tractum, Ofolienfis, Sacerenfis, Sorritanumq; propugnaculum, cui Baftidæ nomen im- AERA.  
posuerant, à nostris tenerentur. Omni prouinciæ Raimundus Ribellias præfideat: arcir- NAT.  
men Caralitane Jacobus Aragonius Jacobi Regis F. præfectus fuerat, quæ tamquam cō- CHR.  
mune nostrorum receptaculum communita: & obstructa erat. Neq; tam nostrorum vigi-  
lantia, aut virtute res sustentantur, quam ciuilibus dissensionibus Genuensium: & discor-  
dia, quæ inter Oriarum familias flagrat. Malaspinæ suis etiam seditionibus scinduntur.  
Donoratici Comites, Damianus, Barnabas, & Brancaleo Oriæ in regia fide se permanfu-  
ros pollicentur: & spes iniecta est Bernardi Boxadosii legati interuentu, in rerum nouan-  
darum metu perutilem eorum operam, & fidelitatem futuram.

20 A. D. XIII. K. Sept. Cæsar Augustæ Rex Michaëlem Lehetium ad Alfonsum Portu-  
gallie Regem, in summo Africani belli terrore, & tumultu, verustorum fœderum confir-  
mandorum causa delegat.

Rex Valentiam profectus militares ordines, manusque recenset: præsidiaque medi-  
terranea Pinnaguilæ, Madronæ, Castallæ, Pinnacadelli, Saxonæ, Guadalesti, Castelfau-  
bii, Adamuzii, & oppidi, cui ad Pontem cognomen est inditum, firmantur.

Octobri mense Petrus Ripacurciæ Comes, Regis patruus in Castellam ad Alfonsum  
Regem legatur: concordie initæ cum Regina nouerca firmandæ causa. Madriti condi-  
tionibus modum finiuit. Dotalia vestigalia ciuitatum Oscæ, Calataiubii, Setabis, Castel-  
lionis, Morelie, Moruedri, Algeziræ, Momblanchi, & Tarragæ à Rege marito constituta  
20 restituuntur. Regina Valentiam remigrat.

Madriti, de consilii sententia Iohannes Emmanuelis F. Iohannes Nunnus Larenfis, 1377.  
Iohannes Alfonsi F. qui Iohannis Sanctii Regis fratris nepos erat, Egidius Aluari Albor- 1339.  
nozius Toletanus Antistes, Gonzaluus Martinius Ouiedus Alcantarenfis militia Magi-  
ster, qui Castellani regni consiliorum summæ præfunt, ad fœderum pactiorem cum Gõ-  
zalu Garcia, & Lupo Perezio Fontecia Valentino Decano, & Archidiacono Burgenfi  
Regis legatis, quos eam ob causam, A. D. III. Non. Apr. Valentie legauerat, deueniunt.  
Constituitur, uti classes regie maritimam oram ad fretum vsque, ab excursionibus Mau-  
rusiorum tueantur: & eorum appulsus, atque transmissiones reprimant: atque coërceant:  
stationes, litora que omnia, & portus fretenses longe, lateque classibus occupent. Arago-  
30 nie classi, & imperio maritimo Gilbertus Cruillas præficitur. Rex, omni bello in Ba-  
stulorum regionem ad traiectum, aduersus Mauros compulso, Setabisistit: præsidia fir-  
mat: & regni procures eis præficit. Cocentaine Alfonsum Rogerium Lauriam Petri Ex-  
ericæ fratrem, Gonzaluum Garciam Moxenti, Bernardum Villaragutium Albaidæ, Ol-  
phum Prochytam Lucenti, Francifium Carroziū Oliuæ, Petrum Zapatam Thoi, Ar-  
naldum, & Matthæum Lanzolios Villælongæ, Bernardum Boxadosium Ondaræ, Iohan-  
nem Ruizium Coreliam regni finibus præesse imperat: Vitalem, & Raimundum Villa-  
nouas Mensæ, & Popi: Petrum Scribam Arnaldi F. Rafali. Hi delecti duces cum firmissi-  
mo copiarum robore rem bellicam administrant: quod in omnium rerum certamen sa-  
cro bello suscepto, deueniendum esse omnes arbitrantur.

40 Condicio ea status Aragonii regni fuit, & communium rerum in sacro obeundo bel-  
lo inclinatio eo reciderat, quando intestinæ discordie, & nouercalium dissidia sedata vide-  
bantur, & restincta, nec reliquus, nisi impius, & transmarinus hostis apparetet, ut fraterna  
odia excitarentur: exitialesque exitus haberent. Nam quod Iacobus Balearicus Rex, qui  
Constantiam Regis sororem duxerat, diem de die ducendo, Regi iura regia, potestatem-  
que supremam iurisiurandi religione sancire, in cursu bonorum consiliorum cunctare-  
tur, tergiuersareturque, & nihil ab eo longius abesse videretur, quam ea iura agnoscere,  
quæ patruus, auusque non distulerant, sancire, & ipse Alfonso, & Iacobo Regibus stabi-  
liuerat, pæne inuitus, & recusans Barcinone, A. D. VI. K. Aug. se pacta conuenta  
obseruaturum, genibus Regis aduolutus, conceptis verbis adiurat: seque in Balearico re-  
50 gno, & insularum adiacentium, & Ruscinonensi, & Cæretana ditione, atq; Omeladesia,  
& Carladesia continentiumq; oppidorū, & Mompellerii dominatu, honorario, & pre-  
cario imperio defungi contestatur. Scribendæ sponsioni adfuere Petrus, & Raimun-  
dus Berengarius Regis patruus, Iacobus Vrgellitanus Comes, & Vicecomes Agerensis  
Regis frater, Arnaldus Cescomius Tarraconensis Antistes, Ferrarius Barcinonensis, &  
Helenensis Episcopi, Raimundus Emporitani Hierosolymitani ordinis Præfectus, Pe-  
trus Fenolletius Insulanus, Bernardus Caprerienfis, & Iohannes Sous Ebolesensis Vice-  
comes, Berengarius Villaragutius, Bernardus Sous, Pontius Lupianus domesticis  
Regis rebus Præfectus, Arnaldus Lordatius pro Cancellario Regis Baleariū, Bernardus  
Boxadosius, Petrus Mompahonius, Raimundus Boilius regius Quæstor, Lupus Gurra



AERA.  
NAT.  
CHR.

ianitoribus regiis Praefectus, Iohannes Ferdinandus Munionius, & Dominicus Tatba, qui pro Cancellario Regis munus obeunt: & Iacobus S. Clementis, Guilielmus Naiarenfis, Simon Olzetus, & Bernardus Rouira confilarii Barcinonenses. Excipiuntur iura Episcopi, & Ecclesiae Magalonensis. Iacobus ea se deminutione multari existimans incredibili dolore, & ira exardescens, quasi de suo iure, Regis iniquitate, & iniuria decidisset, Perpinianum reuertit.

Iulio mense Barcinone, cum Archiepiscopus Tarraconensis, & omnes eius puinciae Episcopi puinciali concilio adfideret, ut de subsidiis ecclesiasticis Regi conferendis deliberaret, Regique, & Aragonum, & Balearium Reginae, & Eliesendis Regina vidua, Cardinalis Rhodensis Hispaniarum a sede Apostolica legatus, Petrus, & Raimundus Berengarius Regis patrum, Iacobus Vrgellitanus Comes, & Ferdinandus Balearici Regis frater germanus in ea celebritate comparerent: corpus S. Eulaliae sacra pompa, sollemniq; religione, sub maxima ara, in sanctius sepulchrum transfertur, conditurque.

Barcinone Rex Ilerdam proficiscitur: & in ea vrbe Iolantem amitam, quae Philippo Romaniae Principi, Despotum vocabat, Philippi Tarentini Principis, Regis Roberti fratris filio primo nupserat, Lupo Lunae Segorbiensis ditionis domino, homini nobilissimo, & potentissimo, regio genere orto, & disciplinis regiis educato collocat. Is namque, ex quo Artallus pater, fraterque Artallus natu maior in Sardinia, expeditione bellica obita mortem obierant, ab Iacobo, & Alfonso Regibus, eodem cultu, atque liberi regii domi altus, habitusque est. Harum nuptiarum adiunctio plena concordiae fuit. Nam cum Petrus Ripacurcie Comes Iolantis frater, & Petrus Luna Caesarangustanus Antistes Lupi patruus animo, & voluntate partibusque, de summa regni administratione, & curatione rerum, cum Rex ex pueris vix excessisset, diffiderent, quam maxime ea coniunctione ad beniuolentiam conciliantur.

Rex comitatu Petri patrum, & Tarraconensis Archiepiscopi, Iohannis Simenii Vrex, qui Biotensium ditionis dominabatur, & Petri Queralti, & aliorum procerum, ut Pontificem Maximum inuisat, Auenionem contendit. D. Martini festo die, Tarracone egressus, ad Druentiae transitum a xxii. Cardinalibus excipitur: & Balearico Rege comitatus Neapolioni collegii Decano, ex Ursinorum gente, & Conuenati Cardinalibus mediis interiectus regio apparatu urbem introiit. Postero die, dum per urbem regia pompa transuehitur, insolenti ministerio stratoris, qui funali equo Balearici Regis praest, ira commotus, paulum affuit: quin in ipsum Regem affinem gladium vibrarit: ut series futuri in Balearicum exitii iam oriretur. In sequenti die Pontifici Max. iura regni Sardiniae: & Corsicae sacramento recipit, atque sancit. Quod summum Pontificem in se ingratum esset expertus, neque in postulatis a se interpositis, benigne sibi ab eo esset factum, eodem die Villanouam regreditur.

Petrus Regis patruus rerum diuinarum contemplationi deditus, cuius vita iam diu a splendore populari, & ambitione remota erat, paulatim a consuetudine rerum publicarum abstrahitur: & Nicolaus Ianuilla Gallus summæ potentiae vir, qui in Brutiis Comitatu Terrēnouæ dominabatur, & Margaritam Rogerii Lauriae F. in matrimonium duxerat, summæ consiliorum a Rege admouetur.

Iunio mense Gaufredus Marzanus Scylacii Comes classis Regis Roberti praefectus quæ xxv. actuariarum erat nauium, & vnus onerariæ viris, armisque apprime instructæ in Æolias insulas transmittens, Liparim urbem oppugnat: & in Nouembrem mensē circumfidet. Petrus Siciliae Rex vix vnus, & viginti nauium longarum classē Catalanorum, & Genuensium militum conficiens, Iohannem Claramontium Modicæ Comitē, Imperii Germanici Marescallum, qui Petri sororem duxerat, & Orlandum Aragonum fratrem Liparæis subsidio mittit. Cum commeatus, & integra militum manus fauciorum loco summitti possent, obsessi desperata, & inaudita animorum obstinatione subsidariam opem reiciunt: nisi obsidione omnino liberentur: & hostes insula auerrantur. Siculi desperatione eorum commoti, pares se esse hostibus posse, nimium confidentes, dum praesidio obsessis, ut essent, citati feruntur, simul est concursus, ingens fuit cum hoste certamen: Siculi que profligati, atque deuicti internecione cæduntur. A. D. X. K. Dec. pugnatum memoriæ proditur. Cum Marzanus Neapolim transmitteret, subitoque tempestates maximæ essent ortæ, vii. Siculis nauibus ab hoste interceptis, in Siciliam ap- pulsis, & vna Pisas traiecta nautæ, vectoresque ad ii. m. liberantur. Claramontius, & Orlandus, reliquique proceres capti Neapolitanis arcibus, & Nuceria, Calabrisque Castellis, & Narbonensis puinciae custodiis traduntur.

Castellæ Rex Hispali exercitu coacto Rodensibus finibus, Arcidionensibus, & Antiquariis



quariis hostiles Maurorum regiones circumcirca depopulatur: & primariis ductoribus AERA.  
 Iohanne Emmanuele, Egidio Albornozio Toletano Antistite, Alfonso Mendio Guzman NAT.  
 no ordinis S. Iacobi Magistro, Leonora Nunnia, quæ Regi in concubina locum duce CHR.  
 batur, penes quæ omnis potestas erat fratre germano, Iohanne Nunnio Larenfi, Iohanne Al-  
 fonso Alburquerque, magna propinquitate Portugallia Regi coniuncto, Petro Ferdi-  
 nandio Castrenfi, Petro Pontio Legionensi, qui Marcienæ dominabatur: & Beatricem  
 Petri Exericæ sororem in matrimonium duxerat, incendio, & incursionibus vastat. Cum  
 Rex hiberna legatis, præfectisque tradidisset, Abulmelichius Maurusiorum Regis F. Alge-  
 ziris egressus vi. m. equitum turmis Xericiensem, Assidonensem, & Nebrissensem agrum  
 10 incurfat. Gonzalvus Martinus Ouiedus Alcantaræ Magister prædæ onustis obuiam  
 procedens acie decertat. Hostes profligantur, & occisione caduntur: Perit in eo præ-  
 lio Abulmelichius clarissimaque pugna multis sæculis fuit. Nullo enim vnquam prælio  
 fugæ minus hostium, nec plus cædis fuisse meminerant.

K. Sept. Tauromenii nascitur Fredericus Petri Sici-  
 liæ Regis F.

A. D. IIX. Id. Sept. Gaufridus Gilbertus Cruillias, cuius singularis opera omnibus  
 bellis enituit, 11 x. actuariis nauibus Septæ Mauritaniae portum ad traiectum tenens, ali-  
 quot Maurusiorum acturias deprimit, capitque. Ea classe maritimam eam oram incur-  
 sionibus præteruectus, refertus spoliis, ingenti gloria parta, Algeziras reuertitur: quod  
 20 gaudium duci neque proprium neque diuturnum fuit. Paucis enim intermissis diebus, dum  
 naualia terrestribus certamina terrestria classicis miscentur, ne deseruisse victoriam, sed  
 præripuisse videretur, cum ex classe naualibus copiis eductis, terrestri certamini se im-  
 miscuisset, sagitta ictus mortem occumbit. In eius locum, cum fretum nostri classibus oc-  
 cupauissent, regis classi præficitur Petrus Moncada Othonis F. Rogerii Lauria ex  
 Constantia F. nepos: iuuenis patre, auoque, & vltu, exercitationeque militari in-  
 signis.

Rex Cæsaraugustæ festum Natiuitatis Domini

1378.

diem celebrat.

1340

Iohanne Conuenate Comite vita functo, Bernardi Conuenarum Comitis filio, Ia-  
 30 cobus Vrgellianus Comes Regis frater, actionem hereditariam intendit: quæ Cæciliae uxori  
 successionis ius deuolutum esset: atque eam pro herede se gerere æquum videret: quæ soror  
 Iohannis esset. Cæciliae causam Rex tuetur: interuentu Iohannis Normannia Ducis, Phi-  
 lippi Valesii Francorum Regis filii, Caroli Alanzonii Comitis Regis fratris, Ludouici Hi-  
 spani Claramontii Comitis Alfonsi Castellæ exheredis filii: qui summæ consiliorum, re-  
 rum in Gallia gerendarum præsunt. Francus Petrus Raimundum Conuenatem, exclu-  
 sa Cæcilia, in possessionem mittit.

Garcias Ferdinandus Castrensis præfectus Iustitiæ Aragonum.

Huius à Iohanne Simenio Cerdano, qui eundem Magistratum

gessit, facta mentio non est: sed Peregrino Anzano Peregrinum

Oblitam in eo munere substituit.

40 Fredericus, Azo, & Iohannes Malaspinæ Marchiones Opizini Marchionis filii, qui  
 Malaspinæ, & Villafrancæ, & aliorum oppidorum Ligustinae oræ dominabantur, ita inter  
 se comparant, ditionesque omnes partiuntur, ut Iohanni Sardoæ hereditates cedant: qui  
 cum Iohanne, & Moroello consobrinis, Francis, Opicini fratris, filiis de hereditaria suc-  
 cessione decertat.

Genuentis, & Pisanorum senatus, & Luchinus Vicecomes, qui Mediolanensis do-  
 minatus, mortuo Azone Vicecomite, is vnicam filiam reliquerat, potitur, ut nostros in  
 Sardinia bello persequantur, mutuis foederibus adiunguntur. Rebus nouis, & incertum  
 quo vergerent, Arborenses ea tempestate, Iohannes Malaspinæ Marchio, & Donoratici  
 50 Comites Regi obsequuntur. Missi qui foedus in easdem leges renouarent, quibus pacem  
 à Rege acceperant. Oriæ in quattuor factiones diuisi, graui partium contentione decer-  
 tant, Sardinia à Rege Bernardus Boxadofus præficitur. Aleriensis Episcopus ab Hugone  
 Cortingo, à Petra Allerata, & Lupo Cinercha Ornano Corsicæ primariis viris ad Regem  
 missus legatus, de Corsica à Rege asserenda atque vindicanda, & regiis viribus in eam ex-  
 peditionem intendendis commonet. Sed Rege eo bello implicito, quod Maurusiorum  
 Rex Hispania Regibus, collectis Africa viribus commouet, ab ea molitione sibi omnino  
 superfedendum censet.

P R O E L I V M T A R T E S S I V M.

Cum vero non vnus potentissimi Regis, aut Imperatoris, sed totius Africæ regnorum

Tomus III.

Q 3



AERA  
NAT.  
CHR.

& prouinciarum bellum Hispaniæ Regibus immineret, & pæne repentino omnia plena hostium transmarinorum essent, ad LX. M. equitum, & cccc. M. peditum fretum traie-  
cisse commemorant, vt in vno, aut altero certamine ad exitum experiunda res esset, sum-  
ma vi, nō Reges modo, sed vniuersi populi cooriuntur: vt nemo pro tā iusta causa, donec  
quidquā virium superesset, aut sibi, aut liberis, aut sanguini suo parcēdum, nedū fortunis  
existimaret; ac de suo quisq; militari munere ita defungitur, vt omnes corpora addicta,  
atq; operata reipublicæ præstent. Garcias Ferdinandus Barrosus ab Alfonso Rege Ca-  
stellæ Barcinonem legatus, vt Aragonia classis expeditionem maturet, enititur. Petrus  
Moncada, & Galcerandus Marquetius xii. actuariis nauibus, & lembo, vt ad fretum  
præsto sint, prima nauigatione transmittunt. Equestres, pedestresq; nostrorum copię 10  
Regni Granatensis finibus opponuntur. & Setabi suas collocant Sanctius Aragonius Am-  
postæ Præfectus, Alfonso Peresius Calatrauens Magister, Vitalis Villanoua Montalba-  
ni Præfectus, Petrus Alquerius, qui Prioris S. Iohannis Cataloniæ vicem gerit: Petrus ve-  
ro Thousius Montefanus Magister equitatum Montese finibus educit: & Petrus Exerica,  
qui gubernationi Valentini regni, & exercitui imperator præpositus erat, castra Origue-  
lanis & Alicantensibus finibus promouet: & vii. actuariæ naues nostrorum delectu insti-  
tutæ Aragoniam classem consequuntur. A. D. IV. K. Dec. Alfonsi Castellæ, & Portugalliæ  
Reges prope Carteiam, Tartessum à Græcis dictam, ad fretum situm oppidum iuxta Sal-  
sum fluuium, maximo illo, præclarissimoque prælio Abulhacenum Maurusiorum Re-  
gem, & Belamarinium, & Granatensem Reges deuincunt. Res memorabilis gesta est: & 20  
pæne celestis. Sempiternis enim sæculorum ætatibus, diuina ope victoriam fuisse partam  
memorabitur Regis Castellæ in eo conflictu prope inaudita virtus enituit. cc. M. hostium  
cæsis, & ingenti gloria parta victoria incruenta fuit.

Rex sacri belli causam prætexens, vt militum animos spe prædæ deliniat, finibus  
Almeriensis regni bellum inferre minatur. Barcinone eo ipso tempore, Raimundum  
Cornelium, mox Valentia A. D. X. K. Ian. Sanctium Aragonium patrum, & Ferrerium  
Cannetium ad Benedictum Pontific. Maxim. decumarum ecclesiasticarum in tres an-  
nos conferendarum, & tributi Sardinia regni in quinquennium remittendi causa, ora-  
tores mittit.

1379.  
1341

Valentia Rex festum natiuitatis Domini diem celebrat: & Castellæ Regi non de 30  
bene gesta modo, sed conseruata republica, internuntio Iohanne Scriba, ex consiliariis  
viro primario gratulatur.

Francorum, & Balearium Reges, de Mompellerii, & vicecomitatum Omeladesii,  
& Carladesii ditione asserenda, cum eorum summum dominatum, potestatemque Fran-  
cus sibi vindicaret, in magnam contentionem veniunt. Adhæc Francus earum ditionum  
arces, & propugnacula suis præfidiis occupat. Communi ea causa Balearicus antestatur,  
Aragoniumque commonet, vti sibi, si arma inferantur, opituletur. Magnam inde Rex  
turpitudinis, & auaritiæ labem sustinet: cum se, eo vinculo vinctum, atque obstrictum, in-  
digna Rege fraude, exsoluit: & affinem Regem percellit. Eodem enim temporis momen-  
to Balearicum compellat, citatque: & Barcinone conuentibus agendis, pro instituto fœ- 40  
dere, sibi ab eo assideri imperat. Actionem præterea maiestatis intendit: quod nummi ab  
eo, in Ruscinonensi ditione excuderentur. Inde consilia futuri exitii in Balearicum Rex  
meditatur: seminaque sparguntur.

Multis eodem tempore, Regia familia Balearica in fausti generis vexatur cōtumeliis:  
multis iniuriis iactatur. Hugo Cyprii Rex Ferdinandum generum, Balearici Regis fra-  
trem bello persequitur: & interuentu legatorum regionum res ad concordiam deducun-  
tur. Sed adeo breui Ferdinandus vita defungitur, vt ferro, aut veneno e medio sublatum  
plures suspicentur.

Sanctius Aragonius Regis patruus, & Iohannes Ferdinandus Heredia de iure præ-  
fecturæ Ampostanæ armis inter se decertant. Heredia Azconensem, Mirabetanam, Hor- 50  
tanam, & Vldeconensem arces inuadit: occupatque. Rex veritus, ne Heredia Ferdinan-  
di fratris Dertosani Marchionis partes tuendas suscipiat, cui Rex aliquid calamitatis sem-  
per moliri, & struere destinarat, Herediam magni consilii virum ad sese allicit: & Sanctio  
Aragonio mortuo eam præfecturam adipiscitur.

Rege Alfonso bellum in Bastulis aduersus Mauros, magna contentione gerente,  
xx. actuariæ naues classis Aragoniæ, & iix. Balearicæ freti Herculei angustias obsident:  
cum ex pacto conuento in Alfonsiana classe LV i. esse oporteret. Permansere tamen ex  
Hispaniensi delectu Alfonso Regi vii. & xx. Ligustina, quæ eius Regis stipendia mere-  
rent.

Guiliel-



Guilielmus Cernilionius Sardinia praefectus Brancaleonis Orię partes armis tuetur. AERA.  
 Is mortuo Barnaba fratre, à Cassano, & Nicoloso Cassani F. & Fabiano, & Damiano Cas- NAT.  
 san. fratribus, & Morroello, ac Valerano, cum omnes ex Oria gente genus ducerent, bel- CHR.  
 lo exagitur.

Mathaeus Palicius Noharę Comes, quod cum Iohanne Athenarum, & Neopatria  
 Duce Sicilia Regis fratre summa contentione diffideret, & Damianus Palicius eius fra-  
 ter, quique eam factionem studio partium prosequuntur, à Petro Rege in Sicilia defici-  
 unt, hos Comes Escalor Vbertinus magnę potentia vir affectatur: & omnes Roberto  
 Regi se addicunt. Fredericus Antiochenus classis Roberti Regis praefectus xl. actuariis  
 nauibus ad stationem S. Nicolai Blerensis A. D. XVI. K. Iul. appellit. dccc. equitibus ex-  
 positis, & omni peditatu Mylas obsident.

A. D. XIV. K. Sept. Leonora Regina Frederici Regis coniux, & eiusdem Roberti so-  
 ror in aede S. Nicolai ad Catanam urbem à vita excedit. Catanę sepelitur.

Hoc anno Cœnobium ordinis Cisterciensis D. Mariae, & S. Fidi ad Orbam fluuium,  
 in suburbano Cæsaraugustano dicatum, à Michaële Perefio Zapata condi, construique  
 cepit: quod ex Fonteclaro prope Cingę ripas regionis Ilgergetum translatus fuisse, supra  
 commemoratum est.

Valentia Rex festum Natiuitatis Domini diem celebrat.

Petrus Sicilia Rex ad i. i. m. c. c. equitum, & magnis peditum copiis vnum in locum 1380.  
 coactis, Martio mense Mylis obsessis subsidio procedit. Hostes certamen detrectantes, se 1342  
 fitu loci continent, tuenturque. Rex infecta re regreditur.

Calataxibetę A. D. XV. K. Sep. Petrus Sicilia Rex decedit. In aede maxima Panhor-  
 mitana sepelitur: & sepulchro prophytis marmoris Imperatoris Frederici atavi in-  
 fertur.

### L V D O V I C V S S I C I L I Æ R E X.

A. D. XIII. K. Sept. qui Mylarum arce obsidetur, cum xxx. dierum essent cum ho-  
 stibus pactę indutię, Roberto Regi deduntur. In ea obsidione Comes Fredericus Anti-  
 ochenus, qui Roberto Regi se addixerat, in leui pugna ferrum, manumque conferens  
 mortem occumbit: & Escalor Vbertinus, & aliquot primarii viri captiui mansere. Mes-  
 sanę Theopaldus Pipinellus, & eius filius, & gener rei capitalis damnati morte afflicun-  
 tur. Robertus Rex vlciscendi libidine cōcitatus, in Guilielmum Dezlorium Catalanum,  
 & Luchum Grisaphium, & in duos alios viros nobiles, qui in nauali pugna ad Liparim  
 insulam in hostium potestatem venerāt, Neapoli summo supplicio animaduerti imperat.

Ludouicus Petri Sicilia Regis F. quintum annum agens annitente Iohanne patruo,  
 qui tutor pueri Regis institutus fuerat, Panhormi, Talamonis regia A. D. XVII. K. Oct.  
 coronatur: & sacro oleo à Iohanne Tolone, ex instituto Minorum Andreuillensi Episco-  
 po Catalano perungitur: quod Panhormitanus, & Siculi Antistites sacro interdicto, eius  
 functionis munere arcerentur. Simon Claramontius Manfredi Comitis Claramontii F.  
 à Rege militari auctoramento decoratur. Eo ipso tempore Messanę aliquot ex Palicio-  
 rum factione à Rege deficiunt: & Mamertinorum Pratorem interimunt: & cum arcem  
 S. Saluatoris ad freti fauces firam inuasisent, munissentque, Roberti Regis vexillum per-  
 ditis ciuibus proponunt. Eo facinore patrato, arcem Carolo Saluacossę Petri Saluacof-  
 sę Aenariensis F. qui Rhegiu. a praesidio tenet, tradunt. Iohannes vero dux Athenarum  
 summa celeritate vrsus arcem oppugnat: irrumpitque.

Factiones Tarinorū, & Bernardinorum, qui in Cæsaraugustana ciuitate populariter  
 concitabantur, incursione seditionis, & yi, impetuque multitudinis reipublicę statum  
 conuellunt. Rex Lupo Lunę summę potentia viro, & Iuratis Magistratibus, & aliquot  
 primariis ciuibus committit, vt illorum furor, atque temeritas coerceatur.

Petrus Moncada regia classis praefectus cum Regis Castellę classi ad fretum adiun-  
 gi maturaret: xx. actuariis nauibus xlii. Maurusiorum occurrit: & certamine inito quat-  
 tuor eorum naues intercipit: & duę ad Steponam in litus depelluntur. Mai mensis fine  
 pugnam eam pugnatam vetustis monumentis proditur.

### B E L L V M F R A T E R N V M B A - L E A R I C V M.

Omne sacrum, Sardoumque bellum in Balearicum Regem, nihil minus quam vim,  
 aut arma extimescentem versum, atque compulsus, Rege eius machinatore, cum causę  
 iustę inter propinquos, & affines Reges non exstissent, ex indignitate, & fraterna iniu-  
 ria exoritur: cum Aragonius in regnum Balearicum animum intendisset. Clementis  
 p. m. qui in Benedicti locum suffectus est, interuentu, nam Regem horrari non destiterat,



AERA.  
NAT.  
CHR.

ut de controuersis suis, iure potius cum fratre, quam bello disceptet, Balearicus vna cum Constantia vxore iv. actuariis nauibus, fide publica Barcinonem proficiscitur. Rex calido quodam consilio, causas eius exitii struens, aut forte oblatas, arripiens, primo spe pactionis perpulit. Mox Regem, & sororis virum, & maximis præterea propinquitatis & necessitudinis vinculis sibi coniunctum in inuidiam falsi criminis adducit: & calamitatem hospiti machinatur. Simulat enim, & affingit, tunc Balearicum operam nauare, ut ipse, & Petrus patruus, ac Iacobus frater sublicio ponte, qui ex æde sacra Minorum stationi maritimæ adiungitur, contineturque, auherentur: & actuariis nauibus in Maiorem Balearium deportarentur: atque attinerentur Alaronis arce: quoad fœderum vinculis, quibus Aragoniæ Regibus astrictus erat, solueretur. Rex Constantiam forem, cum missum eius virum fecisset, demoratur. Balearicus, cum generis præsidia omnia extincta essent, domum regreditur: haud aliter, ac si sibi bellum esset indictum.

Arnaldus Erilius, & Guilielmus Bellera regiarum copiarum ductores, Catalonia omni in Balearicum commota, fines Ruscinonenses, cum magna manu ex improviso inuadunt: & cum prædatorio equitatu in Cæretaniam bellum inferunt: ac ducibus pluribus, & exercitibus res administratur.

1381.

1343

A. D. XII. K. Febr. moritur Neapoli Robertus Rex: princeps maximis rebus gestis memorabilis: summa auctoritate, & prudentia præditus. Iohanna ex Carolo filio neptis regnum obtinet. Sanctia Regina Balearici Regis amita, & Roberti vxor Antonium Episcopum Casetanum, & Raimundum Flotam legatos ad Regem mittit: ut conatus bellicos à Balearici pernicie auerrat.

Cum bellum Balearicum in expectatione esset prius quam à Rege susciperetur, Petrum Moncadam xx. actuariarum ductorem è freto Gaditano ad se arcessit: & vii. longis nauibus, quæ in ostio Sucronis amnis, & Valentina in statione institutæ fuerant, Iacobum Scribam præficit: & naualem, & terrestrem expeditionem aduersus Iacobum Regem vrguet. A. D. IX. K. Mart. Barcinone præcepti animi ad explendam cupidinem, cum in solio, ornatu regali sederet, more patrio, dum populo iura statuit, quippe qui Balearicum regnum animo iam inuaserat, sententia sua Iacobum Balearium Regem, quod edicto regio euocatus, neque iussus, neque citatus adesset, ut contumacem condemnat. Regia iura, vectigalia, bona, fortunas, possessionesque omnes Balearici regni, & reliquarum ditionum regno contributarum describi, notariq; imperat. Si verrente anno adesse iussus, atq; citatus non stiterit, & de impositis criminibus se non purgauerit, regnum, ditionesq; omnes, bona, fortunæ, & possessiones publicentur: in fiscumq; conuertantur, decernit. Balearicus ea necessitate adductus auxilii petendi causa, ad Francum primo, mox ad Pontificem Maximum profectus re infecta rediit: cum tantum ex improviso malum accidisset.

Rex classe cv. nauium Rubricati fluminis ostio, A. D. XV. K. Iun. soluit: & in Balearem Maiorem nauigans A. D. X. K. ad Palumbariæ stationem appellit: & Porra-cio portu anchoras iacit. Ordines in ea expeditione duxere Petrus Regis patruus, qui Senescalli Cataloniæ functus munere, rerum militarium imperium obtinuit: Petrus Moncada maritimo imperio præpositus, Petrus Exerica, Blasus Alagon vexilli Regii ductor, Iohannes Simenius Vrræa, Philippus Castrensis, Iohannes Arborensis, Petri Iudicis Arborensis frater, Alfonsus Rogerius Lauria frater Petri Exericæ, Galbanus, & Raimundus Anglesolæ, Acartius Murius, Arnaldus Erilius, Gonzaluus Diazus Arenosius, Gonzaluus Garcias, Iohannes Ferdinandus Luna, Artallus Focius, Michael Perezus Zapata, vir bellica laude præstantissimus, Petrus Iordanis Vrries, & Iordanis Vrries, Gonzaluus Simenius Arenosius, Galcerandus Belpucius, Gilabertus Centillias, Olphus Prochyta, Sanctius Perezus Pomarius, Petrus Pardus ex Casta. Balearicus ccc. equitibus, & xv. m. peditum obuiam procedens, ut hostium expositas copias à progressu arceat, atque prohibeat, dum signa conferre parat, summa suorum ignauia desertus, turpi fuga insula cedit.

A. D. II. K. Iun. Rex in urbem receptus regium Balearium nomen assumit.

A. D. X. K. Iul. Rex apparatu, insignibusque regiis ouanti similis per urbem magna pompa vectus, eius regni possessionem usurpat. A. D. VI. K. Iul. nauim conscendens Barcinonem nauigat. Arnaldum Erilium Balearico regno gubernatorem præficit. Numeris militaribus Gilabertum Centilliam ducem constituit. Minoris Balearium gubernationi Gilabertus Ceruera, & Ebusi Michael Martinus Arbes admoventur.

A. D.



A. D. IV. K. August. Rex, quasi materia quærendæ bello gloriæ præbita, affinem vl- AERA.  
 turus, cum id bellum non incidisset, sed eius causa vltro esset illata, Iuncaria excedens, NAT.  
 iusto exercitu coacto, Pyrenæi saltum transgressus in Ruscinonensem agrum inuadit. CHR.  
 Canneti, & aliarum arcium potitur.

Cardinalis Rhodensis tituli S. Cyriaci Thermis, Balearici belli causa in Hispaniâ legat<sup>9</sup>,  
 cum Ruscinonensis ager incurritur, deuastaturq<sup>3</sup>, A. D. XVII. K. Sept. ad Clairanum in  
 regia castra descēdens, Bernardo Oliuero Valētino ex instituto ordinis S. Augustini O-  
 scēsi Episcopo eius legationis administro, & aliquot Antistitibus comitatus Regē cōue-  
 nit: habitusque est illi à Rege honos: & bellum intermittitur. Rex ita pacem dari pro-  
 nuntiat: si Balearicus de summa rerum liberum de se, & de vniuerso regno statuendi ius  
 permittat.

Quod Rogerius Conuenas, & Gallicarum copiarum ductores Arana valle minarētur  
 se in Pallariensem tractum transcensuros, vt Balearico Regi opitularentur, Rex Tho-  
 mæ Pereſio Focio, qui gubernationi Arana vallis præfectus fuerat, & Leonis arcis præſi-  
 dio præfuit, committit vt claustra, saltusq<sup>3</sup>; omnes obſepiat. Is ex Aragoniis procerib. erat.

A. D. XI. K. Sept. maiore equitatus parte Rex Panizatio colle regressus, Pyrenæum  
 transcendit. Reliquæ equitum turmæ, & impedimenta Clusa, & Peruſio saltu transgre-  
 diuntur.

Augusto mense Cerueræ nobili agri Ilergetani oppido nascitur infans immane, ac  
 20 foedum mōstrum: biceps, facieque gemina: & quattuor cruribus. Viuis parentibus faci-  
 nori consciis defoditur; & in eos vti in parricidas more maiorum est animaduersum.

Cum Rex Balearico maiestatis actionem intendisset, crimenque obiectaret clande- 1382.  
 stina, & infidelia aduersus se consilia cum Franco, & Castellano Rege, ac Regina nouer- 1344  
 ca, eiusq<sup>3</sup>; liberis, & Genuensium, & Pisanorum ciuitatibus consociasse, A. D. IV. K. Apr.  
 in sacello maioris regiæ Barcinonensis sollemni cærimonia regnum Balearicum, & ditio-  
 nes regno contributas regiæ potestati, ditioni, & iuri veluti in fiscum conuersa addicit: at-  
 que adiungit.

Cum Rex in ea regione esset, quæ rebus à se aduersus affinem Regem gestis, impe-  
 rium regno suo, definiret, magnæ seditiones Cæsaraugustæ à turbulentis, & perniciosis  
 30 ciuib. concitantur: & aliquot proceribus per vim, & factionem ruentibus, ius, & fas o-  
 mne intercidit. Iohannes Simenius Vrræ Alcalatensis arcis præfectus, Blasci Alagonis  
 frater, qui Sastagi, & Pinæ dominabatur, & in magna potentia erat, & Martinus Egidius  
 Atroſſilius, & Lupus Ferrencius Atroſſilius eius frater proceres factiosi, & primarii de E-  
 ſtercuelensi ditione, quæ Mariæ Simeniz Atroſſiliz Iohannis Simenii Vrræ vxori attri-  
 buta fuerat, & actione hæreditaria armis decertant. Garcias præterea Lorizius, regni gu-  
 bernationi admotus, aduersus Sanctium Turiaſonensem Episcopum, qui illo ipso tempo-  
 re pontifex sacratuſ fuerat, belligerare non intermittit: & eius militares copiz in Sam-  
 manem Episcopi ditionis oppidum irumpunt: Hominesque ad vim, & facinus delecti  
 Concilios, eius oppidi Lorizius dominabatur, se abdidere. Maiori tamen Athonis Focii  
 40 impressione, omnes regni partes acerbo dissidio commouentur. Is enim parato equita-  
 tu, & peditatu, copiisque instructus Arinium oppidum machinis, & telorum tormentis  
 admotis percellit: irrumpitque: cum in eo Maria Pomaria Athonis Azlorii vxor cōmora-  
 retur: quæ Iohannis Azlorii F. nomine in eius possessionem venerat. Rex ea indignitate  
 commotus prouetus omnes, & vectigalia Athonis Focii, militariaq<sup>3</sup>; beneficia notari, de-  
 scribique decernit: & Focius Garciz Ferdinandii Castrensis Iustitiæ Aragonum Præfecti  
 intercessionem, atq<sup>3</sup>; interdicto notationē eam abrogandā contendit: summaq<sup>3</sup>; de iurisdic-  
 tione cōtrouersia suboritur. Regii enim aduocati eo actionē intenderāt, vt Præfectū Iu-  
 stitiæ Aragonum reiectione interposita, iudicem aspernentur: atque repudient: id ius esse  
 asseuerantes, vt in generali cōuentu, de iis controuersis diiudicet, atq<sup>3</sup>; definiat, quæ cum  
 50 Rege haberētur: neq<sup>3</sup>; illi ius, fasq<sup>3</sup>; esse, extra conuentum, Regem in iudicium deducere:  
 neq<sup>3</sup>; aduersus regiam dignitatem, pro aliquo iudiciū accipere: nisi in ingenuitatis actio-  
 nibus: aut in eis litibus, quibus Rex, tamquam auctor obſtrictus esset: & in his quæstio-  
 nibus, quæ aduersus regios magistratus, & iudices constituerentur. Quod Regii admini-  
 stri vererentur, ne Præfectus, qui Athoni Focio cognatione coniunctus erat, notationem  
 bonorum, & militarium beneficiorum abrogaret, Rex Michaeli Pereſio Zapata, qui in  
 Garciz Lorizii locum, regni procuratori admotus fuerat, & Præfecto cōmittit, vt Fo-  
 cium in carcerem mittant: qui regia vetita, & iussa contemnens, & pro nihilo ducens, fa-  
 cinororum, & Tarinorum factioſorum hominum manus colligens, Cæsaraugustæ ma-  
 ximas turbas facit: & cum Aznario Pardo Petri Pardi Castæ fratre pugnam conferunt.



AERA.  
NAT.  
CHR.

Cum multos, & præpotentes viros Rex videret Focio fautores esse, neq; à Gubernatore, & Præfecto eam seditionum labem, atque perniciem arceri è ciuitate posse, ad illud extremum, & vltimum perflugium decurrit, quo superioribus temporibus à Principibus nostris, in dissensionibus ciuilibus discessum est: contra turbulentissimorum & præpotentium virorum audaciam: vt Iuratis magistratibus Cæsaraugustanis eas partes, ac legem imponeret, vt viderent, ne quid detrimenti respublica caperet.

Regi bello Ruscinonensi maxime intento, transacto Resurrectionis Domini die festo, nuntius aduenit, Algeziram Alhadra, longinqua obsidione à Rege Castellæ circumfessam: in cuius propugnationem omnes Maurorum, atque transmarinorum auxiliorum copiz, atq; vires conuenerant, conspirauerantq; cum res in magnū discrimen recidisset, in deditionem coactam. Iacobus Scriba, & Matthæus Mercerius xx. actuariis nauibus nostrarum classium maritimos Maurusiorum hostium appulsus arcētes, & propulsantes insignem laudem, eo in bello sunt consecuti. Ea re prospere gesta, Matthæus Mercerius, v. actuariis nauibus hostiles naues, quæ ex Monæci, & Illiberis naualibus, Balearici stipendiis maritimas Cataloniæ oras incurfauerant, persequitur.

Clemens Pont. Maxim. Armandum Auxitanum Archiepiscopum ad Regem legatum mittit: pactarum inter Reges indutiarum, in S. Michaëlis festum diem, prorogandarum causa. Cum Rex legati precibus non assentiret, A. D. II. Id. Mai Ficariis Iuncariam procedit. Postero die instructis aciebus, Panizasium Pyrenæi saltum transcendit: & Ruscinonensem agrum incurrit: adeoq; incitatus fertur, vt crudele, & exitiosum bellum suscepisse videatur. Helena vrbs deditur.

Pollicetur Armandus cum liberis Balearicum in Regis potestatem venturum: arces, & propugnacula traditurum: modo in iudicium capitis ne vocetur: aut in custodiam tradatur.

Balearicus ad vrbs Helenæ muros, se Regi offerens, animo demisso, atque humili, Regis ad pedes, Rex ipse prouolutus, eius fidem, ac misericordiam obtestatur, atque implorat: & præsens se, regnumque ditioni eius permittit. Petrus Exerica Balearicum Helenam deducit.

A. D. XVII. K. Aug. Rex Perpinianum Ruscinonensis ditionis arcem, & propugnaculum ingreditur: & summa lætitia à ciuibus excipitur.

Reges equitantes II. M. P. à Perpiniano, comitantibus eos Iacobo Regis fratre, & Petro Exerica, congregiuntur. Summis Balearicus supplicat, per Regem sibi liceat, suum ius persequi: neue summo iure Rex secum contendat. Ad hæc expostulat, Ferdinandi fratris germani liberis, tamquam legitimis heredibus, sua iura salua, & incolumia remaneant. Quamuis æqua, honestaque postulatio videri poterat, summa perfidia, & iniquitate præferox Regis animus, & implacabilis, & inexorabilis iracundia, ac demum ipsa vitit: & cæca, ac temeraria cupido.

Perpiniani A. D. XI. K. Aug. festo D. Magdalenz die, in æde D. Iohannis, id decretum, quo Rex Balearicum Regnum, & ditiones illi contributas Aragonio Regno subiunxerat, peruulgat: atque edi populo imperat: firmatq;.

#### BALEARICI REGNI SVB ARAGONIAM DITIONEM SVBIVNCTIO.

Hugo Vicecomes Cardonensis, & Galcerandus Pinosius adeo inter se dissident, vt armis dimicent.

A. D. XVI. K. Sept. Balearicus, nullo comi à Rege accepto responso, Ruscinonensi regione excedit: ac Bergæ subsistit: quem locum sibi assignari petierat: vti in eo demoraretur.

A. D. IV. Id. Sept. Rex Barcinonem properans, apparatu regio, magnoque applausu, veluti de hostibus victoria iusto bello parta, acclamante & assentiente populo excipitur. Celeberrimo consiliarium congressu, quod se respectum ad Balearicum Regem habiturum sponderat, de consilii sententia iniquam illi legem, & miseram conditionem constituit: & de regni possessione deturbat: neque honos imperii seruatus: & regno multat. Statuit, vti x. m. librarum quotannis Balearico in sumptus assignentur: quoad illi extra regni fines ditio, aut dominatus attribuat: remittitque regalia iura, si quæ sibi obrigerant, Omeladesiæ, Carladesiæ, & Mompelleriæ ciuitatis: atq; earum ditionum supremam potestatem: modo regio titulo, regiisque insignibus Balearicus cedat. Tamen is cum internuntiis Petro Moncada, Philippo Boilio, & Garcia Lorizio Regio nomine eę leges imponerentur, condicionum iniquitatē perspicuens, omnes reiicit: consilio enim suorum præstare visum est, omnes difficultates extorrem perpeti, quam tanta indi-



indignitate, & contumelia affectum impotentis tyrannidi Regis affinis. atq; propinquas AERA.  
sentiri. Bellum de integro à Rege, ut eum regno exterminet, comparatur: & arces præsi- NAT.  
diis muniantur. Balearicus Petrum Exericam ad certamen prouocat: quod in ferendis CHR.  
condicionibus fidem sciens fefellerit: & per simulationem amicitiae nefarie prodiderit.  
Artallus Palliarius, Iohannes Balearicus, Petrus Raimundus Codoletius, Berengarius,  
Vlmus, Gaufridus Estendardus, Raimundus Villarnaldus, Perrinus Balma, Dalmatius  
Dezbolius, & alii Ruscinonenses, & Gallici viri Exericam eodem crimine, in summum  
certaminis discrimen accessunt. Exerica omnibus satisfecisse visus est: & fidem suam li-  
berasse. Petr<sup>9</sup> Cornelius, & Raimundus Corneli<sup>9</sup> eius frater, Petrus Moncada regiae classis  
præfectus, Michael Peresius Zapata, qui gubernationi regni Aragonii præpositus erat,  
Philippus Boilius, Garcias Lorizius, & Egidius Ruizius Lihorius ab Exerica fidem Bale-  
arico, summa promissi constantia, præstitam obtestantes, se Gallicis, & Ruscinonen-  
sibus viris contrahentibus, & certaminis discrimini opponunt.

Balearicus armis, & infami iudicio de regno, ac pæne fortunis omnibus extermina-  
tus, atque expulsus ad Cæretanos recedens, Gaufridi Stendardi Galli, qui Puicerdanæ  
urbis præsidio præfectus fuerat, ope, atque consilio eius regionis potiri sperat: sed à suis  
desertus, & proditus, à Cæretanis miserabiliter elicitur. A. D. II. K. Decemb. Pyre-  
næum transcendens Pimórentio saltu, qui Cæretanos ab Aquitanis separat, cum montes  
niue obriguissent, frigore, ac fame pæne enectus, tanta animi desperatione erupit: ut co-  
natus fuerit, sibi mortem consciscere. Postremo odiis, atque fraternis dissidiis euersum,  
diuina, & humana iura obtestantē, in abiecta, & contempta fortuna, cum spes omnis in  
armis reliqua esset, intestino scelere paulatim externa auxilia destituunt: statuq; derudic.

Balearico Ruscinonen-  
si ditione, & Balearibus insulis expulso Rex A. D. II. K. De-  
cemb. Perpinianum introit: quo Ruscinonen-  
sibus conuentum edixerat. Aimericus Vi-  
cecomes Narbonensis bene gestæ reipublice gratulaturus Regem inuisit. Maria Regina,  
Constantia, & Iohanna, quæ A. D. VII. Id. Nouemb. Barcinone nata fuerat, filiis secum  
deductis, eodem contendit.

Guilielmus Roccauallus, Orlandus Ornanus, Henricus Cortingus, & Strambii, qui  
in Corsica insula regias partes prosequuntur, atque tuentur, Regem, ad eam asserendam  
hortantur. Aliquot actuariæ naues, & Catalanorum lembi eius insulæ oras incurfant: &  
in Syracusanum portum, Bonifacii appellant, inferuntur.

Raimundus Villaragutius Ludouici Siciliae Regis legatus, de Constantia Aragonia  
Regis F. Ludouico Regi in matrimonium tradenda, legationem renuntiat.

Ea tempestate xv. actuariæ, ex nostrorum etiam hominum delectu adornantur: quæ  
Iohannis Athenarum, & Neopatriæ Ducis, Marchionis Randacii, Ludouici Siciliae Regis  
patruis signa sequuntur. Is in Atticam nauigaturus erat.

Festo natiuitatis Domini die Rex insignibus regis, apparatuque regali ornatus, vel- 1384.  
uti iusto bello prostratis, deuictisque hostibus, triumpho exultans, victoria, non opimis 1345  
spoliis, sed fraternis exuviis parat, Perpiniano transuehitur: scæda tamen imbrium subito  
coorta tempestate, in gloria ea pompa difficitur. Didacus Garcias Toletanus Regis Ca-  
stellæ legatus, de controuersia, inter Regem, & Ferdinandum, & Iohannem eius fratres  
distinguenta Regem conuenit: numquam enim Rex se mitem, ac placatum fratribus præ-  
bere poterat.

Ferdinandus Iohannis Emmanuelis F. Iohannam Raimundi Berengarii Regis pa-  
trui, & Blanca Romanæ Despinæ, Philippi Principis Tarentini filia matrimonio geni-  
tam vxorem ducit.

Nicolaus Ianuilla, is Comes Terrenoux inter regios consiliarios principem locum  
obtinet, Gallicæ gentis, & summæ potentia vir, qui Margaritam Rogerii Lauria F. du-  
xerat, cui pro pluribus in rem reipublicam meritis, & honores à Rege habentur, & gratia  
referuntur, Michael Peresius Zapata, Iohannes Ferdinandus Munionius regis ratio-  
nibus, & Bernardus Olzinelias æratio præpositi insignem legationem ad Pontificem Ma-  
ximum obeunt: à quo benigne, comiterque Auenione, A. D. II. Id. Mart. accipiuntur.  
Hi quasi publici regni nuntii iuste, ac de more legati commonent, ne Pontifex de resti-  
tutione Balearici regni amplius laboret: contendatve. Nihilo secius Pontifex honorificus  
in Regem fuit: decumasque ecclesiasticas horum regnorum in x. annos, in sumptus clas-  
sium, quæ ad Herculeum fretum Maurusiorum appulsibus restiterant, largitur. Dimidia  
ex parte Sardoum tributum, in totidem etiam annos remittit.

Constantia Balearici vxor iussu summi Pontificis à fratre Rege dimittitur: quam Lo-  
strensis Episcopus nuntius Apostolicus ad virum deducit.



AERA.  
NAT.  
CHR.

Quod Balearicus sortem omnem fortunæ, regniq; sui cum Gallicis rebus inuoluisset, ne Francorum Rex de Balearico in regnum restituendo, operam infumat, Rex Iohannam Nauarræ Reginam socrum interponit. Vt anterioribus præterea fœderibus concilietur, curat: & altera ex filiis Carolo natu maiori Iohannis Normanniæ Ducis filio, & Bonæ eius vxoris nubat: & earum rerum obtinendarum causa Rex sibi amicitia deuinctos habet Ludouicum Hispanum Fortunatarum insularum Principem Claramontium Comitem, qui & Telamonis Comitis cognomen suscipit, Carolum Alanzonium Comitem, Borbonium, & Burgundium Duces, Armeniacensem Comitem: & Arnaldum Roccafium, qui summæ consiliorum apud Francum præponuntur.

Infidias Regi à Ruscinonensibus parari, collocariq; ad eum interficiendum, mulierculæ fides adhibetur. Franciscus Vlmius, Richelmus Vernetius, & Guillotus Clair, qui deferuntur coniurationis principes, vincti Barcinonem mittuntur. In fontes animaduersum. Petrus Galcerandus Pinofius Perpinianensis arcis præfectus, aliquot equitum turmis, & peditum copiis coactis, Puicerdanum contendit: quod coniurationem à ciuibus haberi Rex vereretur. Arnaldus Saga Cæretanis præfectus Querolis, & Liuiæ castellis præsidia collocat.

Perpiniani Andreæ Danduli Venetiarum Ducis legati Septembri mense Regem conueniunt: cuius ciuitatis ita late patebat dominatus, vt Dalmatia, & Croatia prouinciæ in eius ditione essent: quartæque partis, & dimidiæ Romæorum Imperii se dominari Dux attestetur. Hi à Rege impetrant, vt pacem à Guilhelmo Ceruilionio Sardinia præside, cum Venetorum senatu pactam confirmet: veretur enim ne Genuenses Regis Balearici impulsu, nouas res moliantur. Eo metu præcipuo Rex sollicitus, atque suspensus Galeazium, & Brancalonem Orias, qui à se defecerant, largitione ditionum Sardonicarum conciliare studet.

Gaufredus Marzanus Scylacenus Comes, qui XL. actuariis nauibus fretum transmisserat, Non. Iul. ad stationem S. Stephani Mamertini litoris copias nauales exponit. Messanam obsidet: cuius propugnationi Orlandus Aragonius cum institisset, & xxx. actuariis nauibus, & terrestri exercitu Iohannes Athenarum Dux subsidio aduentaret, postero die A. D. IV. Id. Augusti Marzanus Rhegium remeat.

A. D. XV II. K. Oct. cum Rhegii Marzani classis in anchoris esset, Andreas Ludouici Hungariæ Regis frater, qui Iohannam consobrinam Reginam vxorem duxerat, domesticis insidiis, & intestino scelere circumuentus, fœda morte, Auerfæ laqueo est interemptus. Iohanna Ludouico Tarentino nubit, Philippi Tarentini principis filio, & Catharinæ Caroli Valesii filia, & secundæ eius vxoris: quæ Philippi Constantinopolitani Imperatoris filia fuit, & Balduini neptis. Eo patrato facinore, rebus Neapolitani regni perturbatis, Siculi regni status vicino, & præpotenti hoste implicito, respirare libere, & adquiescere cœpit.

1384.  
1346

Tarracone Martii mensis initio Rex classem aduersus Genuenses hostes institui, & adornari imperat. Rege Populetenſi in cœnobio Augusto mense degente, Ludouicus Hispanus Alfonsi, quem ex heredem illa ætas cognominauerat, F. & Alfonsi Castellæ Regis pronepos Claramontius, & Telamonius Comes, in eam expeditionem, quam de asserendis Fortunatis insulis, & à barbaro, & fero dominatu vindicandis susceperat, quæ à summo Pontifice fuerat illi commissa, & titulo Fortunæ Principis est cohonestatus, auxiliares à Rege copias exposcit. Summus pontifex de ea re Archiepiscopum Neopatreſem, & Rodolphum Lofeiram nuntios ad Regem legat. Cum large, & honorifice Rex pollicitus esset, ab ea expeditione, ob funestam cladem ad Cresiacum ab Anglis hoc ipso tempore Philippo Francorum Regi illatam, cui Ludouicus maxime acceptus, & carus erat, desitum est. Alfonsus exheres, silentio enim prætermittendum non erat, Mōfal-dam vxorem duxerat: vti coniectura ducimur, stirpe Narbonensium Vicecomitum genitam: cui Lunellum oppidum dotale est attributum. Ex eo matrimonio Alfonsus filios suscipit Ludouicum hunc Claramontium Comitem Iohannis Cerdæ parentem, à quo Cerdarum familia effluxit, & Carolum Hispanum Connestabulum Franciæ.

Turbatis Neapoli, Regis Andreæ morte, rebus, Iohannes Ludouici Siciliæ Regis patruus Dux Athenarum Mylarum arcem, quæ in hostium potestate manserat, obsidet. A. D. II. Non. Aug. Mylæ deduntur. Qui in eo præsidio reliqui fuerant, cum bonis in Brutios Tropæam, Rhegiumq; dimittuntur.

1385.  
1347.

Valentiæ Rex festum natiuitatis Domini diem celebrat. Expeditis Balearicis rebus, atq; eo bello confecto, cum de hereditaria regni successione Constantiæ F. asserenda Rex deliberasset, quod liberos virilis sexus non suscepisset, superque ea re dissensio cum



cum Iacobo germano fratre commota esset, & regnum filiae affectans non procerum modo, sed popularium libertatem aduersam habuisset, animo iniquus, & suapte natura, & ingenio deuus, ad vim promptus, & ad seditionem paratus sensim fratrem in fraudem, & infidias induxit: impulitque: cum se ius suum persequi, grauissimorum iuris prudentum aduocatione confirmat: in quorum numero celebre Iacobi Butrigatii iuris ciuilis peritissimi nomen fuit. In ipso dissensionis initio fratrem, cuius non dubia eo tempore successio ut qui facili capeffendis inimicitis esset, procuratione regni, quae legitimo heredi deferri consuevit, priuat: ac deicit. Iacobus Alonsus Castellae Regem, Ferdinandum fratrem, Valentinum populum, & regni Aragonii ordines ad se perlicit: ut se in regia procuratione tueantur. Intra breue deinde spatium belli ciuilis initia exarsere.

Maria Aragoniae Regina Valentiae filium enixa, qui, quo die editus fuerat, moritur, quinto die e vita excedit: Constantia, Iohanna, & Maria filiis superstitibus. In D. Vincentii cenobio eius urbis sepelitur.

Belamarinus Maurusiorum Rex naualem rem magno apparatu adornat: & Valentino regno, & Balearibus insulis exitiosum bellum minitatur. Riffio flumine, quod inter Velezum, & Targam maritimas Tingitaniae prouinciae vrbes in mare effunditur, Tamudam esse arbitror, xl. actuariae naues adornantur.

Lupus Gurra, & Petrus Guilielmus Estaimbosius a Rege ad Alonsum Regem Portugalliae, de Leonora Portugalli F. in matrimonium Regi collocanda, legati mittuntur. Alonsus Castellae Rex Ferdinando Pereſio Aiala, & Iohanne Alfonso Alburquerque interuentis, summopere enititur eas nuptias auertere: ut Ferdinando sororis F. Regis Aragonii fratri nubat: quod eo pacto matrimonio, Aragonium ab amicitia Portugalli seungi sperat. Cum in eo enixe elaborat, & legatos finibus Lusitaniae intercludit, obita tamen legatione, annitentibus Iohanne Emmanuelis F. & Constantia Iohannis Emmanuelis filia quae Petro Portugalliae Regis filio nupserat, & Maria, Simenia Cornelia Petri Portugalliae Comitis Dionysii Regis filii vxore, & duobus magnis Portugalliae Regis amicis Ferdinando Gonzaluo Cogomino, & Lupo Ferdinandio Pacieco Ferrariae domino, nuptiae sunt pactae.

#### VNIO ATQVE COITIO VLTIMA ARAGONENSIVM.

A. D. IV. K. April. Rex gubernationis regnorum magistratus iis, qui Iacobi Vrgellitani Comitis fratris nomine id munus obierant, abrogat: & Valentini regni procurationi Petrum Exericam praeficit: & A. D. VII. Id. Apr. emancipata Constantia F. gubernationis munus, quae primigeniis attribui consuevit, filiae tanquam legitime regnorum heredi deferit. Ea res Hugonis Ausetani Episcopi, Petri Thousii Montefani Magistri, Petri Exericæ, Petri Fenolletii Insulensis Vicecomitis, Aldemari Mossetii, Gonzalui Diacii Arenosii, & Galcerandi Belpucii procerum consilio sancitur. Petrus Regis patruus Constantiae tutor constitutus, in eius verba iurifurandi sacramento adigitur: ea lege, ut si Rege viuentem decerneretur, Iacobo eius fratri, aut alteri successionis ius deferendum esse, pro irritum, & infectum id iurandum duceretur. Magna procerum turba consentiens, & pæne conspirans Regi se addicit.

Iacobo Vrgellitano Comite a Rege dissidente, & populos concitante, ut procurationis regni munus sustineat, ingens in Aragonio, & Valentino, regno, de libertate vindicanda, atque retinenda fit seditio: vnionisque vetustae, quae colluio, atque eversio ciuitatum erat, denuo nomen, & partes excitantur: profanaeque, & sacra armorum licentia permiscetur. Pluribus seditionum ducibus delectis cum eius mali contagio per clara nomina vigeret, & inde ad perditam atque infamam populi faecem labi coepisset, Caesar Augustae conuentus agunt. Conuentu discussio, omnium rerum ius ac potestas ad seditionum concilium peruenit. Tanta plerosque labes audaciae, & confidentiae oppressit, ut noua insignia in vexillis appinxerint: & signa caelauerint Regis effigie, ornatu regali in solio sedentis: & populi astantis: manus ad Cælum tollentis supplices. Crebrae inde continuis diebus, ex concursu multitudinis concitationes factae.

Primo vere Balearicus dissidentibus, tumultuantibusque populis occasione captata, classem adornans, Gallicae classi adiunctus, cuius Carolus Grimaldus, qui portum Herculis Monæci praesidio obsederat, ductor, ac praefectus erat, Maioris Balearum portum tenens, urbem adoritur. Cum eius insulae spes eum esset frustrata, Illiberim renauigans Confluentem, quam vocant regionem incurrens, Vinzam obsidet, vique expugnat. Iunii mensis initio, Rex obuiam illi anteuertens cum prodiret, Confluenti omni tractu elicit: atque excludit.



AERA.  
NAT.  
CHR.

Rege Perpiniani contra Balearici conatus assistente, ac simul seditionum intestinarum causa, quibus regna flagrare cœperant, infesta eorum consilia præcauente, qui amentia præcipites feruntur, A. D. V. Id. Iunias amicis, & consiliariis Episcopo Ausertano, Petro Fenolletio Iusulæ Vicecomite, & Galcerando Anglesola Belpucii domino arbitris, & auctoribus, callida quædam ratio initur. Secreto enim Rex contestatur, si quæ instituta in posterum à se sanciantur, aut priuilegia irrogentur, quæ è republica non essent, aut lege, ac foro, sanctionibusve patriis conditi æquum non sit, minimeve oporteat sanciri, ea omnia rescissa, irrita, infectaque sunt. Quod Iohannes Vrræa Biotæ dominus, & Iohannes eius F. ac Petrus Cornelius ex Aragoniæ proceribus earum secessionum, seditionumque auctores, & principes essent, fœderis eius commonet, atque appellat, quo initio regni eos sibi deuinxerat. Hi enim seorsum, ad Regis pedes genibus innixi, pollicibusque apprehensis in Regis verba iurauerant: more à priscis temporibus instituto, quando subditicii se imperiis Regum deuinciunt, atque obnoxios constituunt. Sed cum eos ad se venire Ilerdam imperasset, & ut in fide manerent, obtestatur, dicto minime obtemperant: & ad voluntarium interitum ruere non desistunt.

Quod Balearici tumultus occasione quæsitæ, Cæsaraugustæ palam à proceribus, qui facem belli extulerant, in republica magno motu, atque imperu omnia turbarentur, Rex proceres oēs, atque optimates Catalanos euocat: & optimū quæque ex ciuitatibus ad se elicit.

K. Iul. Granolesio Barcinonensis agri vico, in summo rerum tumultu, atque trepidatione Rex sibi, ac suis diffidens, quod earum seditionum incurfusio, ac labes cunctorum animos infecisset, & communis libertatis causa arma caperent, viuendi que licentiam, atque impunitam omnium rerum libertatem amplexarentur, amicos, ac domesticos iurisiurandi fide obstringit: ne se deserant: neue quid de maiestate, dignitateve regia diminui patiantur. Hi inter primos sacramento adiguntur: Michael Gurrea Aragonii regni gubernationi admotus, Garcias Lorizius, qui Torrelliarum ditionis dominabatur, Petrus Iordanis Vrriesius Cubiculo regio præfectus, & Iordanis Peresius Vrriesius, Petrus Simenius Pomarius, Lupus Gurrea minor, Iohannes Scriba, Mathæus Mercerius, & Nicolaus Peresius Oteicia. Rex dum videt seditionem Valentino in regno gliscere in dies, Cæsaraugustæ Turolium oppidum V. H. Id. Sept. vrbis cognomine donat, atque cohonestat: quod ea ciuitas in primis fidelis iura regalia, iurisdictionemque, ac regiones omnes nutus obseruet. Haud ferme vlla ciuitas intacta labe eius motus fuit: sed post Cæsaraugustanos primi Valentini erupere: apud quos maior moles exorta: quanto ciuitas opulentissima externis armorum incursionibus magis opportuna. Valentini seditionis auctores cum aperte bellum parare cœpissent, Ferdinandū Regis fratrem ex Carpetanis euocatum ducem sibi adsciscunt. Petrus Exerica populi partium maxime aduersus, ceterique proceres regiarum, optimatumque partium vindices Villaregali conueniunt: ut popularium furori, atque præfidenti, & indomitæ violentiæ resisti possit.

Seditiosorum factiones, manusque Valentiniæ, & Aragonenses, dato ab omnibus iurareiurando, de bello consilia inire incipiunt audacius: fœderibus facinorumque societate implicantur: & ad arma concurrunt. Ferdinandus, & Iohannes Regis fratres D. equitibus Castellanis delectis stipati, septique Cæsaraugustanæ seditioni se addicunt: cuius coitionis, quam Vnionem vocant, instituta fœdere, ac sacramento sanciant.

Cum eò prorupisset seditiosorum hominum audacia, ut palā omnia ruere viderentur, Rex Cæsaraugustam properans conuentum in A. D. XII. K. Sept. indicit, agitque: cum ab inito regno ad eam diem, & tumultu domestico, & Balearico bello præpeditus, conuentus Aragoniis indicare intermisisset. Conuentus in cœnobio Prædicatorum coguntur: quo cum omnes, qui coitionem fecerant, armis tecti impotenti audacia concurrerent, Rex Ruderico Diacio pro Cancellario committit, ut conuentus in posterum diem prorogentur: & Garcia Ferdinandio Castrensi Præfecto Iustitiæ ad se accessio contestatur, se vrbe discessurum, nisi vis, atque arma seditiosorum hominum, & facinorosorum comprimantur. Præfecto de ea ipsa re conquerente, & nihil à se prætermisum esse obtestante, quod aut pro tumultu, & vi sedanda deplorandum esset, Ferdinandus, & Iohannis Regis fratrum excusationem fuisse indicat: se instituto more armis tectos conuentui agendo interesse: non in cuiuspiam perniciem: sed ut sine motu, ac tumultu rixæ dirimerentur. Rex, ut satis præsidii prouisum esset, Iuratis magistratibus Cæsaraugustanis edicit, ut videant, ne quid detrimenti respublica capiat: qui de vi, hominibus armatis interdiciunt: & eorum iussu prædicatur, ne quis armis tectus conuentui interfuit: & si secus faxit, grauissimæ pœnæ sunt ab eis constitutæ. Aliquot præterea turmis equitū peditumque cohortibus per urbem dispositis, cum pacatæ res viderentur, & conuentus celebrari cœpissent,



pissent, neq; de republica referretur, sed vt Catalani omnes Regis consiliarii è conuentu AERA.  
expellerentur: communi ordinum consensu pelluntur. Incredibili inde, & exitioso ru- NAT.  
multu, atque impetu ab conuentu disceditur: & omnia turbantur: & infima summis CHR.  
permiscentur. Inuitus, & recusans Rex consiliarios, quorum fideli, & perutili opera

tam affectis rebus vitur, domo, atque curia exigit: & seditiosorum coitio alios in eo-  
rum locum substituit. Qui consiliarii Regi eo inuito, admoventur ij fuere: Iohan-  
nes Simenius Vrrea, qui Biotensium dominabatur, Petrus Cornelius, Simon Perefius  
Pina, Arnaldus ex Francia, Michael Simenius Gurdas Cæsaraugustanæ ciuitatis procu-  
rator: & Gilabertus Redonius Oscensis, & Guilielm<sup>9</sup> Perefius Xixena Barbastrensis pro-  
curatores. Bernardus Caprera princeps in consiliis de republica capiendis Galatianum  
Tarbam, & Aluarum Tarinum factionis Tarinorum duces in regias partes traducit: &  
eorum interuentu Rex ad se allicit Lupum Lunam: qui Segorbienfium dominabatur:  
præpotentem virum. Hunc sequuntur Petrus Luna & Iohannes Martinius Luna, Tho-  
mas Cornelius, Petri Cornelij frater, & Iohannes Simenius Vrrea Alcalatenfium præfe-  
ctus, & Blascus Alagon eius frater.

In ea rerum commotione, republica tantis difficultatibus domi affecta, & ciuilibus  
seditionibus prostrata, res Sardoæ in summum discrimen decidunt: Matthæo, Nicoloso,  
Iohanne, Antonio, & Iuliano Oriis, & aliis duobus eorum fratribus arma fuscipientibus:  
& Alguerium, & alia regia propugnacula Oriæ genti opposita inuadentibus: vsurpanti-  
busque. Oriæ Alguerio, & arce, quam Genuensem vocant, Sardiniam omnem incur-  
fant. Inde Sardi dissipati vertunt imperum in nostrorum stationes: atque præsidia: & libe-  
re per campos funduntur hostiles copię.

A. D. X. K. Aug. Huguetus Ceruilionius fratris Guilielmi Sardinie præsidis F. Gom-  
baldus Ribellias, Berengarius Erilius, Raimundus Thimorius, Raimundus Corbera, Be-  
rengarius Ragiadelius, Dalmatius Auenionius, Gerardus, & Raimundus Clarianæ, Ia-  
cobus, & Alamanus Carrozii, Agradas Moncada, & Franciscus Villarafa statione Bar-  
cinonensi classem soluentes viris, atque armis optime instructam Sardoo bello cõcitato  
nostris subsidio appropierant: quod prope serum auxilium, iam pæne circumuentis oc-  
curreret. His constitutis, Guilielmus Ceruilionius Sardinie præpositus, quod nuntiis  
acceperat Genuæ classem adornari, vt Oriis subsidio nauiget, & ipsi Oriæ propugnacu-  
lum Sorra, Bastidam vocabant, regio præsidio munitum continenti die, ac nocte prælio  
oppugnarent, ad famam hostium intentus, cum accidere visa esset facultas bene geren-  
dæ rei, eam accelerans, coacto exercitu, hostibus obuiam procedens, signis collatis præ-  
lium conferit. Nostris profligatis, hostes magnum eorum numerum, qui signa deserunt,  
cæcidere. Cadunt Huguetus, atque vna Gerardus, & Monicus Guilielmi filii: cursu, ac  
lassitudine exanimati: vulneribusque confecti: & magna equitatus pars deletur. Ipse  
Guilielmus præstantis ducis munere functus, strenuus, peritusque militiæ, ad ancipitem,  
maxime pugnam equo aduectus, perditis rebus quando in apertum discrimen res euase-  
rat, acie excedens, nemore abditus, æstu, sitique enectus, mortuus concidit. Magna in  
eo conflictu à nostris clades accepta: tot præcipue illustrium virorum amissione Cerui-  
lionie gentis. Sardois rebus Riambaudus Corbera præficitur, & Pontius Sanctapacius  
toti imperio maritimo præponitur. Præterea Rex Gerardum, & Barnabam Donoratici  
Comites ad sese allicit: eo emolumento captans, quod ditiones omnes Thomæ Donora-  
tici Comitit, eorum fratris, qui nullis superstitionibus liberis decesserat, illis attribuit: cum  
nulli Bonifacii Donoratici, & Rainerii eius filii heredes reliqui essent. Ad eam diem Ma-  
rianus iudex Arborensis in fide manserat: & Iohannes, & Nicolaus Arborenses eius fra-  
tres omni opera, Regi se penitus dediderant.

In Aragonia cum partium contentio, in ciuili diffensione acriter versaretur, & maio-  
ri dissidio indies distraherentur, pluresque ex optimatibus eum rerum statum odissent,  
Lupus Luna, qui Segorbii dominatur, Petrus Exerica, Blascus Alagon, Petrus Luna,  
Petrus Ferdinandus Ixeritanus, Thomas Cornelius, Iohannes Simenius Vrrea Alca-  
latenæ arcis præfectus, & Iohannes Martinius Luna summæ potentie procures, ma-  
gno consensu, aduersus Iacobum Regis fratrem, ad liberandam rempublicam con-  
spirant. Rex reconciliatis sibi optimatibus, Bernardi Caprera monitu, viri, & summi  
consilii, & maximi animi Petrum Ripacurcie Comitem patruum summæ consilio-  
rum præficit: sed Caprera inter regios amicos primum obtinet gradum: omnes enim  
ad eum honores, omnia imperia, omnes opes, copię denique omnes conferuntur:  
vir omnium æstimatione optimus: & omni fortunæ dignissimus iudicatus. Qui cum  
commeatum à Rege ad quiescendū à publicis, & militaribus muneribus petiisset, ac se in



AERA.  
NAT.  
CHR.

cœnobio Saluatoris ad Bream vicum, sacrorum cultui addicere, tamquam emeritis ambitionis stipendiis, sperat, misero suo, funestoq; casu, ad rem publicam est compulsus: cuius insignis virtus priuatæ gratiæ aditum apud Regem patefecit: ut regis arcanis admo- ueretur.

A. D. IIX. Id. Septemb. tumultuoso, & seditioso conuentui Rex Cæsaraugustæ assidens, priuilegium ab Alfonso III. Rege Aragonensibus irrogatum, quo xvi. castella, atq; arces, veluti pignora dedi imperantur, quæ alii Regi tradi possent, nisi ea rite obseruarentur, quæ ipso cauentur priuilegio, palam confirmat: quo maxime seditiosam eam coitionem stabili- liri arbitrantur.

A. D. IX. K. Nouemb. Rex publico in conuentu Cæsaraugustæ, in æde maxima Sal- uatoris suggestum ascendens, concione habita, conuentum dimittit: & Iacobo fratri re- gni procurationem restituit: cuius perceleri interitu, & quod vinculis frater eum attine- ri constituerat, veneno necatum, omnibus est persuasum. Moritur Barcinone: Rege in eam urbem profecto.

Ea ipsa die, qua Iacobus Regis frater è vita excedit, classis Portugalliæ Regis, qua Le- onora eius F. aduehitur, Barcinonem applicat: quam Rex summe concupierat, sibi in matrimonium collocari, insigni pulchritudine feminam: sed ob eam præcipue causam, ut à Ferdinandi fratris connubio separet. Eæ tamen nuptiæ nulla alacritate, aut lætitiæ voluptate populum afficiunt: quod acerbissimis odiis, & intestinis seditionibus, atque ar- mis ciuilibus regnum arderet.

Quod seditiosorum manus Valentino in regno, sæpe prælio nostros lacefferent, A. D. II. Non. Decemb. obuiam itum hosti: & ad Setabim ancipiti primo prælio, dimicatum est: Gilaberto Scintillia, & Alfonso Rogerio Lauria Petri Exericiæ fratre, regiarum copia- rum ductoribus. Regii à collecticia popularium equitum, militumque colluie cædun- tur, atque fugantur. Andreas Guilielmus Scriba, qui Valentini Regni procurationi Petri Exericiæ loco, admotus fuerat, & eius filius mortem occumbunt.

Cum Aragonia bello arderet, & veluti inter ciues calamitosum, & exitiabile ma- lum indies ingrauesceret, A. D. V. Id. Decemb. Cæsaraugustani vexillum sollempni cæri- monia, in Ecclesiam beatæ Mariæ Maioris sacrandum traducunt: publiceque proponunt. Militares seditiosorum copiæ coguntur: & Valentiam subsidio fœderatorum festinanter appropierant: Lupo Luna, & Iohanne Simenio Vrrea, Iohannis Simentii F. ductoribus: sed Lupus & optimates, qui se Regi addixerant, coitionis partes palam deserunt: & Daro- cæ intercludere omnes seditionum vias, & regni præsidia munire adnituntur.

Paucis post Setabitanum prælium intermissis diebus, cum infensis apimis Valentini vtriusque concurrunt, & quotidie signa in aciem proferunt, Petrus Exerica, & Alfonso Rogerius eius frater, Petrus Thoufius Montezæ Magister, Gonzalvus Diacius Are- nosius, & Raimundus Ruifecius regiarum copiarum ductores ad Beteram, cum Valen- tinis ciuibus configunt. Proceres, eorumque copiæ fusæ, fugatæq; cæduntur. Occum- bunt ea pugna Arenosius, & Petrus Munionius qui Turoli quæsitore, ac iudicis munere fungebatur. Respublica Valentini regni in maximum periculum, & extremum pæne dis- crimen deducitur. Nulla pax, nulla concordia: bello ciuili publice sæuiente.

Raimundus Peralta Siculæ classis præfectus Liparim urbem, quæ in Iohannæ Re- ginæ ditione erat, terra, mariq; circumlidet. Liparæ Ludouico Siciliæ Regi se dedunt: at- que eius imperio addicunt.

Iohanna Regina seditione Neapolitanorum commota, & à Ludouico Hungariæ Rege obfessa, pacem cum Siculo conficit. Condiciones has paciscuntur. Siculus Siciliæ regni titulo dempto, & Trinacriæ suscepto spondet, si Hungarico bello Regina, prematur, se classe xv. actuariarum nauium subsidio aduenturum: & cl. grauis armaturæ equitum auxilia missurum. Præterea pollicetur, se in singulos annos III. M. vnciarum tributum Reginæ, posterisq; Neapolitanis Regibus conlaturum: quod Regina, auus, ac proauus fe- sto Sanctorum Petri, & Paulli die Ecclesiæ pendere consueuerant. Recipit præterea ix. M. vnciarum persolutorum debitorum Ecclesiæ tributum ratione. Regina iure Siciliæ regni, & adiacentium insularum cedit: & ab Apostolica sede se impetraturam pollicetur, ut dirarum, execrationumq; noxæ, & sacra interdicta tollantur.

Ludouicus Hungariæ Rex Apulæ, Calabriæ, & Campaniæ ditionum potitur.

1386.  
1348.

Exitiosum bellum in Valentino, & Aragonio regno Leonora Regina nouerca, & eius liberis coitionis principibus, atq; fautoribus commouetur. Ferdinandus Regis frater ci- uitates Valentini regni partim vi, alias voluntate imperio suo adiungit.

Iohannes



Iohannes Simenius Vrrea minor Morelia, cum iis copiis proficiscitur, quas ex dele- AERA.  
ctu Aragonio, & seditioforum, & confcleratorum colluue comparauerat. Ad D. equi- NAT.  
tes, & XIX.M. peditum conuenisse proditur: & Valentia Ferdinando Regis fratri adiun- CHR.  
gitur.

Cum belli ciuilis summa Valentino in regno, à seditiosis ciuibus Ferdinando Regis  
fratri delata esset, neque dubitaret ipsum caput, atque opes regni adoriri, optimatum par-  
tium procures, regiarumq; copiarum ductores, qui aduersus Iacobum Regis fratrem con-  
iurationem habuerant, Ixeritano dempto, qui a Rege denuo defecerat, Darocam, extre-  
mum Celtiberum oppidum in primis nobile, proximumq; Aderanorum finibus vallo,  
10 ac fossa, aggereque muniunt. Copiis coactis, Casaraugustanis, reliquisq; fœderatis coi-  
tionis ciuitatibus bellum inferunt.

Abbas Merensis Pont. Max. Apostolicus nuntius pacificatoria legatione functus,  
si res vlla pacis, ac fœderum condicione sedari possent Regi, ac Regina Leonoræ nouer-  
ez, & eius liberis tolerabiles condiciones fert: conaturque, vel iniquis rationibus Regem  
ad eas perducere: modo exercitus dimittant, & præsidia remoueantur. Seditioforum ta-  
men viribus, atque armis maxime vigentibus, Rex hereditaria iura Ferdinando fratri de-  
fert: cum Moruiedri haud aliter, atq; in libera custodia attineretur. Statuit regni succeffi-  
onem fratrem aditurum, si ipse liberis maribus non superstitis decedat.

Rex Moruiedri coactus, ac recusans, Valentiam contendit. In ea vrbe indigne, atq;  
20 inhonorate, neque pro regia maiestatis decore Rege habito, incursione seditionum, &  
vi, atque impetu populari nouæ turbæ concitantur: & duces plus inter se irarum, par-  
tium factione, quam aduersus impior hostes animi gerunt: & supplicia ciuium a ci-  
uibus sunt exacta. Intus multi mortales cæsi, & facis obuoluti, in profluentem de-  
iecti.

Bernardus Capreragnarus, & prudens independentium malorum, qui ex Regis ami-  
cis ad intima eius consilia peruenerat, principemque locum obtinebat, cum è Valentina  
colluue Regem vi, atq; armis oppressum educere n. quit, procures, ciuitatisque Catalo-  
niae commonet: earum seditionum pœnas expetant: & armis reipublicæ hostes perse-  
quantur: vt dignitas, maiestasq; regia conseruetur. Nihil per eos dies inausum, intenta-  
30 tumve seditioforum, & perniciosorum ciuium duces relinquunt.

Contagio pestis funestæ pæne omnes orbis regiones peruagatur: & simul belli ter-  
ror in Aragonia infremuit: & pestifera vis incubuit.

Iniquæ leges, grauesq; condiciones Regi sunt à Ferdinando fratre, & Valentinis ci-  
uibus, seditionumq; auctoribus per vim, iuris, ac fidei oppressione constitutæ. Cum re-  
gni status conuersionem omnem, in illo temporis vestigio repositam boni, & innocentes  
viri arbitrarentur, Rex Valentia, Valentinoq; regno, vt se in libertatem vindiceret, Iunio  
mense egreditur.

Quod crebris belli ciuilis Valentini, & Aragonii rumoribus Sardi animos sustulif-  
sent, Oriis nostros graui bello prementibus, Riambaudus Corbera egregia animi virtute  
40 rebus labantibus subuenit. Sacerim diuturno tempore ab hostibus circumfessam obsidi-  
onem liberat: quo in bello virtus enituit egregia Mariani Iudicis Arborensis: & Iohannis  
eius fratris: cuius fidelia, & maxime opportuna auxilia fuere.

Cum Oriæ exacti Sardinia insula essent, Brancaleonis opera ciuitas Genuensis pa-  
eis fœderibus violatis, bellum nostris infert, Iohanne Murta Genuensi reipublicæ præfi-  
dence, & Ducis nomen obrinente. Eo tempore tum fidelitas, tum ipsa potentia enituit  
Gerardi, & Barnabæ Comitum Donoratici: quibus ditionem, oppidaque Nouelli Rai-  
nerii Donoratici Comitum patris, magni Pisanorum, & Lucenium ductoris Rex attribu-  
erat. Gerardus tamen, & Barnabas, & Roccharum familia à Pisano populo ciuitate pel-  
luntur: cum in suspicionem venissent appetendi dominatus. Sed neque eorum exilio  
50 contenti Lonius Monterchius, quem potestatem vocabant, & Rainerius Merula copia-  
rum ductor, & vniuersus Pisanorum senatus summo opere nituntur, vt ab Rege Sardinia  
pellantur: & bona eorum publicentur: eorum ditio, & oppida Vgolino attribuantur,  
Guidonis Gonzagæ Mantuæ domini filio. Is Æmiliam eo tempore vxorem duxerat: Rai-  
nerii Comitum sororem, Bonifacii Comitum filiam. Maxime in eo elaborant, & enituntur  
Ludouicus Gonzaga Mantuæ, & Regii dominus, & Guido, Philippus, & Phelcenius e-  
ius filii: & Mastinus Scala, qui Veronæ, & Vicentiæ dominabatur.

A. D. II. Non. Apr. Iohannes Athenarum, & Neopatriæ Dux, Ludouici Siciliæ Regis  
patruus Catanæ moritur: Frederico F. ex Casaria vxore herede relicto. Dum Siculæ vires  
ab externo hoste premi non possent, Iohanne Ludouici Regis patruo vita functo, penes



AERA.  
NAT.  
CHR.

quem regni regendi gubernacula manserant, intestinis seditionibus diuexata, in ultimum decidunt discrimen. Isabellam Reginam Regis parentem causam omnium malorum subministrasse satis constat: dum Claramontium, & Paliciorum partes fouet: & inter eas familias, & Blascum Alagonem Mistretæ Comitem summæ potentia virum, & Catalanos, & Aragonios, qui Blasco adhærent, acerrimæ pugnae concitantur.

Grauius bellum à Rege inter suos, quam aduersus externos geritur: & domesticis malis nostri affliguntur: dum ipsa seditio & bello aleretur, & bellum aleret. Cum regiae vires ad omnia ea bella minime suffecturae viderentur, accitis ex Castellæ regno de equitibus Aluaro Garcia Albornozio duce, qui propinquitatis necessitudine Lupo Lunæ erat coniunctus, præsidii dispositis, & communis arcibus Lupus Turiasonensibus, coitionis labe infectis bellum infert: & cum plura oppida sub ditione hostium essent, neque ad ea circumferri bellum posset, auxilia regia præstolatur: neque huic spei, & expectationi diffusus manus conferere distulit. Ferdinandus Regis frater disiectis, & interclusis regis copiis, cum depopularis agris, haud facile ab oppidis vim regiarum copiarum prohibet, accelerandum ratus, A. D. XII. K. Aug. Cæsaraugusta egressus Epilam regio præsidio munitam oppugnare adortur: sed popularis turba militiæ insolens, rixæ, quam pugnae aptior erat. Constitutis haud procul porta signis, Lupo subsidium Epilensibus maturante, prælium inter leua mœnium & dextrum fluuium Salonem committitur. Lupus in laude bellica in primis dux egregius transgressos hostes felici rerum euentu fugauit, ac fudit: nec dubia, nec difficili victoria dimicat. Regius equitatus ordines perumpit: quacumq; impetum dedit: & populares fugantur: cædunturque. Ferdinandus, cum in nostrorum potestate venisset, ex acie saucius effertur, atq; dimittitur. Iohannes Simenius Vrrea Bioræ dominus, ex proceribus aduersarum partium princeps, & Gombaldus Tramacetius, Simon Peresius Pina, & Galbanus Anglesola mortem oppetunt. Iohannes Vrrea, Iohannis Simenii filius, & Petrus Ferdinandus Ixeritanus captiui remanent: sed in Iohannem grauiore pronuntia sententia, non palam est animaduersum: sed intra tabernaculum ducis obrutum fuisse paulo post apparuit. Non alias magis anxia, & pauens ciuitas Regi victori, & externo militi obnoxia, expositaque: neque acerbe, pro ingenio Rex victoriam in plebem exercuit. Nonnulli proceres iudicium veriti profugerunt. Ixeritanus cum in Castellanos manus incidisset, LXXX. M. solidorum pecunia calamitatem redemit. Huius pugnae victoria libertate affluens dominationis metum iniecit.

Insignem adeo calamitatem Lupus Luna eo prælio, interneccione exercitus hostibus intulit, ut in Aragonia bellum confectum sit: in quo duce vis animi, consiliiq; maxime viguit.

A. D. III. Non. Aug. copiis à Rege Carinienæ coactis, victoria Epilensi prælio parta, Cæsaraugustam init. Cæsaraugustani legatos sui purgandi gratia ad Regem miserant: & ut rem omnem publicam, & fortunas in eius potestatem redigant. Cum prauis consiliis à regia fide defecissent, & veluti frenis exsoluti proruperant, proiectis armis mortem deprecantur.

Galatianus Tarba Præfectus Iustitiæ Aragonum.

A. D. X. K. Octob. Rex Lupum Lunam Comitem Lunæ appellat: atque eius oppidi ditione donat: successoribusque attribuit: quamcum precario teneret, hereditario iure obtinuit: quo dignitatis decore, numquam antea quispiam à superioribus Regibus, in Aragonia cohonestatus fuerat, nisi filius, aut regia stirpe generatus.

A. D. IV. Non. Octob. cum Rex conuentum Cæsaraugustæ ageret, ut obliuione præteritorum discordiæ ciuiles finirentur, scita, institutaque popularia, coitionis impressione facta, & singillatim duo illa priuilegia ab Alfonso Rege I. I. Aragonensibus irrogata, & quod ipse turbatis rebus constituerat, & confirmauerat, rescinduntur. Noua a ciuitate in seditionum capita instituta sanciantur: & aliquot ciuibus factiosis, & turbulentis rei capitalis damnatis, generatim eo instituto à ciuitatibus pœnæ, multæque irrogantur: & ut quisque præcipuus turbator, conquiritur: atque ita merito euenit, ac iure: ut priuilegia, quæ commotione, atque populi impressione quæsitæ fuerant, atque parta, & quæ armis tuebantur ciuilibus: armis amitterentur: Aragonia bellis dilacerata, & intestino malo pressa. Cum in eo conuentu iudiciorum causa suscepta esset, nihil antiquius duxerunt summo ordinum consensu, quam ut Gubernationis regni magistratum, qui reliquos omnes antecellit, perturbatione rationis, atque ordinis diffluentem coercerent: & in ordinem redigerent: & modum quendam adhibentes, iudiciorum seueram honestatem, & decus sincerum conseruarent. Nam cum ad eam diem eius magistratus muneri plerumque proceres regni, & in veteri nobilitatis dignitate, fortuna,



fortunaque nati præpotentes viri præficerentur, corruptaque ab eorum ministris, con- AERA.  
taminataque iudicia essent, & leges ac iura communisque regni libertas labefactaren NAT.  
tur, & tradita, atque inueterata consuetudine, in nobiles viros præsentis mortis pœna a CHR.  
nimaduerti non posset, neque in iudicium capitis vocarentur, rerumve capitalium con-  
demnarentur, cautum est in posterum, & diligenter lex perscripta est: ne proceres, no-  
bilitatisque decore insignes viri Gubernationis magistratum gerant: sed indigenis regni  
mandaretur, qui simplici auctoramento militiæ decorati essent: ut par, & æqua pœna in  
eum, qui iura violaret, & traditam libertatem conuelleret, constitui posset: & sine inuidia  
culpa capite etiam plecteretur.

### V N I O N I S N O M E N, E T V I R E S D E L E T Æ.

Coitionis, & vnionis nomine, atque memoria viribusque rogatione deletis, bella in-  
testina in Aragonia perpetuo sedantur. Sublatis enim vnionis privilegiis, de vnione per-  
petuo abroganda lex promulgatur. Ex eo magistratus, & Præfectura iustitiæ Aragonum  
stabiliendæ communis libertatis causa antiquitus legibus septa, atque munita, in eo vires  
suas exercere cœpit, ne quis contra regionum ministrorum extraordinariam potesta-  
tem, iussa, atque imperia auxili egeret: aut potentiorum iniuria premeretur: ac fere de  
omnibus controuersis publicis, priuatisque ne vis inferatur, constituit. Siquis aut pri-  
uatus, aut populus eius decreto non steterit, grauissima pœna afficitur: neque petenti ius  
redditur: aut ullus honos communicatur: eiusque auctoritas è ciuitate exterminatur: idque  
legibus habent sancitum. Institutum vero eius Præfecturæ interdictis tale tempera-  
mentum fuit, ut tenuiores, & qui locum ciuitatis infimum tenent, cum principibus viris  
æquari se arbitrentur: & eam sciscendarum legum rationem nostri secuti videntur, in eo  
magistratu muniendo, ut regis iudicibus opponeretur: quemadmodum Lacedæmone  
Ephori à Theopompo Spartanis Regibus oppositi fuerant: & apud Romanos Consuli-  
bus Tribuni plebis. Sed ne existimatio, atque auctoritas eius magistratus vniquam  
imminui posset, aut popularis fieret, atque omnes iussi supremæ legis obtemperarent,  
& cum omnibus ea lex semper vna, atque eadem voce personaret, ut vere populi salus  
suprema lex esset, ac vinculum, & firmamentum libertatis, atque omnes, quod dici so-  
let, quasi sacræ legis cathenis constringerentur, ea cautio adhibita est, ne ex infimo or-  
dine, aut populari suffragio, quispiam eum magistratum adipisceretur: sed militari deco-  
re cohonestatus: & à Rege adscitus: atque suffectus. Moderatione quoque ea Præfectu-  
ra, non ad popularem auram profecta, sed temperatior à maioribus instituta est, quam E-  
phorum magistratus à Lacedæmoniis fertur introductus: qui se adeo insolenter effe-  
re consueuerant, ut in more, institutoque positum esset, ut in tribunali sedentes Regibus  
ne assurgerent: neque eos venerarentur: & singulis mensibus iurisiurandi religione ob-  
stringerentur: Reges se patriis legibus obtemperaturos: Ephori vero se Regum imperio  
obedientes fore: dum leges, ac scita, institutaque maiorum ab illis obseruarentur. Inde  
euenit, ut non dissensione, ac dissidio, sed more instituto in vnus Præfecturæ magistratu  
respublica Regis magistratibus opposita non imbecilla esset: sed magnum applausum  
assentiente populo consequeretur: & turbidi, concitatiue morus in posterum compri-  
merentur: atque intestinæ dissensiones sine vilo tumultu, aut motu sedarentur.

Octobris mensis initio, adeo pestifera vis morborum Cæsaraugustæ in cubuit, ut eius  
contagionis vitis magna ciuitatis pars infecta sit: & conuentus dirimerentur. In A. D.  
III. Id. Nouemb. prorogantur: & Turolium transferuntur.

Leonora Regina eodem mense Exericæ, nullis superstitionibus  
liberis è vita excedit.

Valentini in seditione permanentes, cum suo nomine, & sua sponte bellarent, fem-  
perque spes victoriæ redintegraretur hostibus, & publicæ mallent ruine succumbere: quam  
sua proteri: & plerique, quos ad bellum spes rapinarum, aut nouarum rerum studium il-  
lexerat, dilaberentur, A. D. II. Non. Decemb. Rex Moruiedro exercitum ducit: & ca-  
strorum munitione ad Mizlatam Valentiam obsidet, & oppugnare adoritur. Tamdiu  
ab oppugnatione desistit, dum spem deditionis ciuibus non adimat. Sed cum à suscepta  
causa, obstinataque sententia nulla vis, aut periculum depellere posset, & leuiore qua-  
dam incuriione inita, prælium ad Mizlatam collatis signis committeretur, quod insigni  
virtute, & præstantia fortissimorum ducum Michaëlis Zapatæ, & Raimundi Riufeciali-  
quot equitum turmæ improviso in munitiones hostium Mizlatenses irrupissent, Valen-  
tinis profligatis, atque cæsis vrbs deditur.



AERA.  
NAT.  
CHR.

Rex vrbe Valentia potitus, vt erat acris, & vehementis animi, feroxque natura, vt pro tali facinore, stirps, nomenque ciuitatis funditus tolleretur, urbem inflammandam, & aratrum, sparso quod aiunt sale, circumducendum constituerat: vetusti moris exemplum secutus: quod euerfis vrbibus aratrum imprimeretur hostile: & Carthagini euenisse memoriz proditum est. Cum eruendam, delendamq; urbem opulentissimam censuisset, ab immani tamen, & fera sententia, suorum consilio deterretur. Nihilominus tam superbe, atque elato animo initam urbem apparuit, quam si capta foret. In ciues lenius vindicatum, quam criminum magnitudo poscebat. Instructis aciebus urbem A.D. IV. Id. Decemb. introiit. Vt acerba Principis seueritas ad remissionem animi contorqueretur, in Iohannem Ruizium Corelliam, Raimundum Scornam, Iacobum Romaninum, & Pontium Solerium nobiles viros, more maiorum animaduersum. Ab impunitate excipiuntur Berengarius Villaragutius, Bartholomæus Machoses, Gerardus Fabra, Garcias Lupefius Peralta, Petrus Esplugas, Franciscus Esquerrius, Iohannes Ceruatonus, & Petrus Zapata Thousius. Damnorum à seditiosis ciuibz illatorum iudicio, à Rege præficiuntur Iohannes Lupefius Sefesius, Garcias Lorizius, Thomas Marzanus, Blasus Ferdinandus Heredia, Egidius Ruizius Lihorius, Arnaldus Iohannius, & Munionius Lupefius Tahustius. Cum Ferdinandus Regis frater illo temporis puncto Reque-næ finibus exercitum cogeret, tamquam in Aragoniam inuasurus, magnus terror de eare Cæsaraugustanæ ciuitati iniicitur. Michael Gurrea regni procurator arcessitis proceribus Blasus Alagone, Thoma Cornelio, Petro Luna, Iohanne Simenio Vrrera, Petro Fer-  
dinandio Ixeritano, Iohanne Martinio Luna, & Athone Focio, & ciuitatum procurato-  
ribus, huic sollicitudini subuenit: & propinquis oppidis opitulatur. Pontius Sanctapaci-  
us Valentini regni finibus Ferdinando opponitur.

Guilielmus electus Cæsaraugustanus Archiepiscopus, & à sancta sede  
Apostolica confirmatus, & sacrari iussus.

1387.  
1349.

Iacobus Balearicus multis, magnisque præfidiis nequicquam perditis, vt de integro bellum sumat, Mompellerii iura, ditionem, ac dominatum cxx. m. nummis aureis, quos scutatos vocant, Philippo Francorum Regi addicit. Ex eo, regno, & auitis ditionibus, & fortunis omnibus paternis euerfus; Clarentii cognomen sortitur. Magnam in Galliz prouinciæ litoribus classem adornat: & caput ipsum regni adoriri parat: magnisque equi-  
tum, peditumque copiis auxiliariis à Francorum Rege, & Iohanna Regina arcessitis, expeditionem maturat. Rex Valentinis rebus componendis implicitus, Raimundum Berengarium patrum Catalanis exercitibus præficit: vt Ruscinonenfibus, & Cæretanis subsidio accurrat. Clarentio Animus accessit: & Regi timor iniectus est: non auxiliis tantum externis hostem excitari, sed ope, & arcessitu fautorum Valentinarum & Aragonen-  
sium seditionum commoueri.

Mense Maio cum in procinctu Ferdinandus Regis frater rem accelerare videretur, & omnes vererentur eum in Valentini regni fines incursum, Rex obuiam illi procedere statuit: atque eius accitu euocantur Petrus Moncada, Galcerandus Pinofius, Insulensis, & Cannetenfis Vicecomites, Berengarius Castellinoui, Raimundus Rogerius  
Comes Palliariensis & Artallus Palliariensis eius frater. Petrus Gonzalus Heredia ex proceribus, turmis equitum grauis armaturæ aduersus Balearicum præficitur.

Videbantur finita ciuiliū bellorum mala, cum longinqui hostis infidelitate aucta sunt. Nam pace domi parta, compositisq; intestinis seditionibus arma intentantur: & Sardinia bello flagrat. Oriæ, Malaspinæq; conspirantes Sacerim obsidione premunt. Cum soluendæ obsidionis causa Huguetus Corbera, Riambaudi Corberæ præfidis frater, qui in Cataloniam nauigarat, Sacerensibus, qui in diutina conclusionē, plures menses obsidionis mala pertulissent, opem ferens, cum Oriis confligit. Nostri cæduntur: maleque multantur.

Abohanenus Albohaceni Benamarinii Regis F. patrem regno pellit. Rondam, Zahara-  
ram, Gibraltarum, Ximenam, Marbellam, & Streponam, à patre possessa oppida præfidiis occupat. Alfonsus Castellæ Rex generosi, & bellicosi animi princeps, quod ea oppida ab Albohaceno, qui cum pactæ erant ab Aragonio Rege indutiæ, defecissent, bellū Aboha-  
neno illaturus, nouæ pacis condiciones Regi offert: & Gibraltarum terra, mariq; obsidet.

Rex Bernardum Capreram Vicecomitem ad Alfonsum Regem legatum præmittit: de Iohanna filia in matrimonium Henrico Alfonsi Regis F. Trastamaræ Comiti tradenda. A. D. IV. K. Sept. Giblartari Caprera, & Iohannes Alfonsus Benauidius condiciones fœderum paciscuntur. IV. actuarias naues Raimundo Villanoua ductore Rex ad Herculeum fretum nauigare imperat: cccc. sagittariorum præsidio munitas: quod in præcipiti,  
amico



amico Regi magna cura subuentum esse cupit. Paulo post Caprera totidem longis nauibus Villanovæ adiunctus fretum tenet.

AERA.  
NAT.  
CHR.

Cum ad inuadendam Maiorem Balearium insulam Clarentius classem compa-  
rasset, suam Rex, si qua vis externa ingrueret, adornat: cui Petrum Moncadam præfi-  
cit. Is in Siciliam militibus copiis coactis nauigaturus erat: Frederico Randacen-  
si Marchioni Iohannis Athenarum, & Neopatriæ Ducis F. & Catalanis, atque Arago-  
nensibus, aduersus Claramontios, & Palicios, qui intestinis seditionibus Siciliam ar-  
mis diuexant, auxilium laturus. Clarentius tamen xiv. actuariis nauibus & iix. onerariis,  
quibus cccc. equites, & iiii. m. peditum cohortes imposuerat, anteuertit. Earum copia-  
rum ductores Carolum Grimaldum Monæci dominum, & Aitonem Grimaldum, Genu-  
ensesq; aliquot primarios viros, quibus Maiorem insulam addixerat, attribueratq; præfi-  
cit. Armatus vindex fortunæ, dignitatisq; suæ, ut viro forti dignum erat, quodcumq; belli  
casus tulerit, pati cōstituit: ne priuatus superstes regno suo in contemptu, atq; inopi dede-  
core vitam perducatur. His copiis expositis cum signa in urbē inferrentur, Gilabertus Cru-  
illias, Balearico regno præfectus, cum Minori Balearium Vmbertum Siscarium præfecif-  
set, & Riambaudus Corbera, qui commodum in Maiorem ingentibus copiis appulerat,  
ad dccc. equites, & xx. m. peditum conuenisse, vetustis monumentis proditur, obusam  
Clarentio prodeuntes, prælium committunt: & magno impetu deturbatur hostis. Pa-  
riter resistentes, fusiq; inermes, atq; armati cæduntur. Occumbit Clarentius fortiter  
dimicans: neq; aliam laudem ei defuisse, præterquam fortis successum apparuit: cui à ve-  
terano milite, ceruicibus caput est abscissum. Iacobus filius pugnans, ne spes reliqua af-  
flicte miserabiliter genti superesset, faucibus in nostrorū venit potestatem. Erū nosi princi-  
pes, & misera, afflictaq; fortuna ad perniciem, & exitium semper iactati. Pugnata est ea  
pugna Dominico die A. D. IIX. K. Nou. & in ea virtus enituit egregia Riambaudi Corberæ.

Vetusta fœdera à Rege, & Iohanna Nauarræ Regina, & Carolo, & Philippo Regina  
liberis renouantur: & terminandorum finium causa Michael Gurrea, & vnus ex Nauarris  
proceribus præficiuntur: neq; diu Regina viuit: & Carolus in regnum adsciscitur.

Claramontii, & Palicii, qui Ludouicum Regem puerum oppressum tenent, nostros in  
Sicilia atroci bello persequuntur: neq; modus Aragonensium, & Catalanorum interno-  
cioni paratur. Classes Genuensis, & Monæcia Constantino, & Emmanuele Oriis ducto-  
ribus, qui in Sardinia de fecerant, hostibus adiunguntur. Præcipui hostium ductores rem  
bellicam administrant Comes Matthæus Palicius, & Franciscus Palicius Mamertinus,  
Scalor ex Vbertis Florentinus, Fredericus Claramontius Agrigentinus, Ottobonus, &  
Conradus Oriæ Genuenses, Ludouicus Incisari & plures alii proceres: qui ad delen-  
dum Aragonium, & Catalanum nomen pæne omnium generum, atque ordinum con-  
sensu conspirauerant. Hi Messanam præfidiis tenent. Blasus Alagon Mistretensis Co-  
mes, & regni vicarius, Fredericum Iohannis Athenarum ducis F. cui tutor datus fuerat,  
secum educens Catanam se recipit: eoque ex nostris includuntur Guilielmus Peralta  
Calatabolletæ Comes regni Cancellarius, Guilielmus Raimundus Moncada Augusta-  
nus Comes regii vexilli præfectus, Henricus Russus Aidonensis Comes præfectus, rati-  
ocinatoribus, Orlandus Aragonius Frederici Regis F. Franciscus Valguarnera, & Tho-  
mas Spathasora: atq; omnes Aragonii, & Catalanii proceres, ducesq; qui maximo furore,  
& scelere inflammatos hostes euaserant. Bonanato Iafferio Catalano in Cataloniam præ-  
misso, contra tantam vim transmarinum subsidium exposcunt: atq; is ad opem afflictis re-  
bus ferendam, nationes nostras concitauit.

Leonora Ludouici Siciliæ Regis soror, quæ Regi in matrimonium collocata fuerat,  
Valentiâ classe aduehitur: atq; in ea vrbe, sollemni cærimonia nuptiæ à Rege celebrantur.

Petrus Moncada ix. actuariis nauibus præfectus, optime instructis, paratisq; Sicili-  
ensi bello intestino nostris opem laturus ad Catanensem stationem Decembris mensis fi-  
ne appellit: & copias exponit. Cum soluta esset obsidio, & signis collatis nostri superiores  
eualissent, arces, & propugnacula ab hostibus intercepta Genuensibus fautoribus tra-  
duntur. Cum hostilis Genuensium classis Messanæ portum teneret, nec Moncada naua-  
li prælio rem in discrimen deducere veller, in Cataloniam renauigat. Variis, diuersisque  
pugnis summa Blasus Alagonis virtute certatur: & ad Catanæ muros conferta pugna Gui-  
lielmus Peralta Comes Calatabolletæ Raimundi Peralte F. occumbit. Orlandus Arago-  
nius, & Franciscus Valguarnera strenuam in ea reipublicæ miseria operam nauant: & v-  
nius Blasus Alagonis præstanti virtute, & consiliis, labantibus rebus, fide, atq; opibus, mi-  
seros reipublicæ casus sustentat.

Clemens Pont. Max. cum Iubilei sacri expiationes centesimo quoque anno celebrari 1388:



NAT.  
CHR.

Bonifacius IX. statuisse, ad quinquagenalis celebritatis decursum pietatis, & religionis ergo redigit: vetustæ legis ritum imitatus: quæ quinquagesimum quemq; annum, ob remissionem noxarum sacrare sanxerat.

Valentiæ Rex festum Natiuitatis Domini diem concelebrat.

Profligato iam, & ad exitum deducto Balearico bello, Petro Fenolletio Insulæ & Canneti Vicecomite legationem ad Fræcorum Regem obeunte, super Mompelleria ditione, & Omeladesii, & Carladesii dominatus iure, quæ Balearicus Franco addixerat, Rex cum eo paciscitur. Decidunt, ut rata sit emptio à Franco facta: modo reliqua pretii summa Regi dissoluatur. Præterea cū de collocanda Constantia maiore natu Regis F. Carolo Iohannis Normanniæ Ducis F. Philippi Francorū Regis nepoti, cui hoc ipso tempore Viennensis Delphinatus attributus fuerat, antea in deliberationē venisset: paciscuntur, ut Ludouico Caroli fratri Andegauenſi Comiti nubat. Eo fœdere, q; Rex ici primo quoq; tēpore sperat, Ferdinandi, & Iohannis fratrum consilia præuenit: quos male oderat, quod in successionē regni Constantiæ filiæ se antetulerant: & in eadem iuris contentione permanent: & armis, si ita ferat occasio, ius suum persecuturos Rex maxime veretur.

Iohannes Lupius Seseſius Præfectus Iustitiæ Aragonum.

Dies festi magna celebritate, cum recentibus beneficiis Bernardi Capreræ viri & potetia, & regia amicitia præclari, tū generi, nomini, & familiis Caprerarū & Lunarū debiti CæsarAugustæ agitantur: quod nuptiæ matrimonii dignitate splendoris plenæ coniungerentur. Bernardinus Caprera Bernardi Capreræ F. Margaritam Fuxensem ducit: Vicecomitis Castelbonii, & Constantiæ Lupi Lunensis Comitis sororis F. Constantia vero Artalli Lunæ F. ex Constantia Peresia genita fuerat: quæ filia fuit Iacobi Peresii Regis Petri filii. Bernardus Caprera filium Vicecomitatu Caprerensī donat. A. D. V. K. Iul. Pompelone Carolus Nauarræ Rex cum XVII. annum ageret, regium diadema suscipit.

Quod diuturna obsidione Sacerensium, Sardoæ res in summum periculum essent adductæ, Rex Brancaleonem Oriam, & Manfredum, & Matthæum eius fratres sibi conciliat: atque ut Oriarum aduersam Brancaleoni factionem, & Malaspinæ Marchiones ad se pelliciant, curat.

Iacobus Erecius Pisanorum legatus, eorum senatus, & Gerardi, & Barnabæ Donoratiei Comitum nomine pollicetur, eos in Sardoo bello regias partes suscepturos.

Rex Iohannem Valutem Genuensem Ducem, qui se defensorem Genuensis populi appellat, & Genuensem senatum, populumque commoneri imperat, ut ab propugnatione Algueris vrbis, & Oriarum perduellium desistant.

Vi pestilentiæ toto orbe, omne mortaliū genus depopulante A. D. VII. K. Apr. Alfonsus Castellæ Rex, cum Gibraltari arcem acri obsidione premeret, eius contagione affectus interiit.

A. D. VII. K. Sep. CæsarAugustæ, cum conuentus celebrarentur, omnium ordinum consensu Turrolensi oppido vrbis appellatio, dignitas, auctoritasque virtutis ciuium ergo sancitur.

A. D. XVII. K. Ian. Perpiniani Rex decretum interponit, quo in posterum tabularum, litterarumque publicarum monumenta, non Æræ, quod Hispaniarum prouinciis, ex Gothorum regno in hæc sæcula vsurpatum fuerat, aut Incarnationis Domini annorum ratione, atque interuallo obſignentur: sed Natiuitatis Domini annorum series connumeretur: ut statuta, sibiq; congruens annorum ratio, non variata, ac discrepanti, sed certa constantiq; conuersione, simpliciq; obseruetur.

1351.

Perpiniani Rex festum Natiuitatis Domini diem sollempni cærimonia concelebrat.

A. D. VI. K. Ian. D. Iohannis Apostoli, & Euangelistæ festo die filius ex Leonora Regina vxore Regi nascitur: cui Iohannis est inditum nomen: quæ res maxima lætitia populos omnes affecit: quasi stirpem, ac semen malorum omnium sustulisset genitus infans.

A. D. XII. K. Febr. Rege in Perpinianensi arce residente, Iohannes F. Gerundensis ciuitatis ditione, & dominatu donatur: & Ducis nomine, ac titulo decoratur: cuius cognomine in posterum Regum liberi primigenii, regniq; heredes nuncupentur. Paucis intermissis diebus, ut mos fuit illius sæculi Hispaniæ Regibus, ut natis liberis nutricios statim imponent, qui ab ipsis crepūdiis teneram infantium ætatem informarent, regerentq; Rex Bernardum Capreram prudentissimum, & sapientissimum virum, & genere, ac nobilitate præstantem, assiduū comitem, moderatorem, educatoremque filio adiungit.

Cum



Cum Rex in filii verba iurari à Ruscinonenſibus concupiſceret, Petro Exetico Iohāne NAT. Ferdinandio Heredia Hieroſolymitanæ militiæ in Aragonia pro Magiſtro, & Iohāne Lu- CHA. pio Seſelio Iuſtitix Aragonū Preſecto, & aliis primariis cōſiliariis ſuaſoribus ab eo propoſito deſiſtit: quod Reges ad ea vīq; tempora Regumq; primigenii filii ab Aragonenſibus Caſarauguſtæ more primum iurifiurandi ſacramento in regiam dignitatem, atque legitimam ſucceſſionem adſciſcerentur: euehetenturque. Viſus namque eſt Rex de- poſita iam domini, & regii iuris acerbitate adſueſcere æquum ſe præſtare ſuis: & paren- tem, atque auum Reges imitari, qui caritate potius, quam metu ſuos ſibi adiungere malu- erant.

10 A. D. XI. K. Apr. Perpiniani Rex Valentini regni militares copias cōgi imperat, quod Ferdinandus frater, noui principatus Petri Caſtellæ Regis cōfidentia, magnas equi- tum turmas, & armatorum manus inſtruxerat: ininitareturq; ſc Valentinum regnum in- ualuſum: ſœdusq; cum Mauris iciffet.

Philippo Francorum Rege vita functo, cum Iohanne eius F. qui ad regnum eſte- uectus, de pacis conditionibus agitur. Vltro à Iohanne Perpinianum legantur Raimun- dus Salga Pariſienſis Eccleſiæ Decanus, Guilielmus Durantius, Iohannes Leuiſius Ma- riſcallus Miralpexis dominus, & Robertus Balhadartus. Rex Bernardo Capreræ, & Pe- tro Fenolletio Canneti, & Inſulæ Vicecomiti, ſc Capreræ affinis erat, vti de pacis, ac ſœ- derum conditionibus vna cum legatis tranſigant, committit. A. D. VI. Id. Febr. paciſcun- 20 tur: quod conſtitutum fuerat cum Philippo Rege, vti Conſtantia Regis F. Ludouico An- degauenſi Comiti Iohannis F. nuberet, nata pactiōe ſtatuunt: Ludouicus Iohannam natu minorem Regis F. ducat. Francus Ludouicum F. Mompellerio dominatu, Latenſi arce, atque omni ditione, quam Balearicus adiunxerat, donec Rex filiæ dotem L. M. flore- norum conſciat: Mompelleria, & Latenſi ditione cedat: & Omeladeſio, & Frontiniano, ac ſummo Carladeſii iure. Præterea vti artiori ſœderis vinculo aſtringantur, Francus L. M. florenorum Regi numeret: quæ liberis Ludouici, & Iohannæ aſſignentur. Matri- monio, nullis ſuperſtitibus liberis ſoluto, aut minime adiuncto, Francus Regi CL. M. flo- renorum intra tres annos diſſoluat: ex quo nuptiæ coniungi deſierint. Eorum pactorum confirmandorum cauſa Francus Cameracenſem Episcopum ad Regem legatum mittit.

30 Is A. D. V. Id. Mai in ſacello regiæ Barcinonenſis, iurifiurandi religione ſpondet: Francum Ludouici filii nomine ſolemnia nuptiarum, deducta Iohāna celebraturum: modo nexu propinquitatis ſanctionibus canonicis à ſummo Pontifi. ſoluantur. Id pactum Galceran- dus Angleſola Belpucii dominus regio nomine confirmat: & Iunio menſe proximo Fran- cus ad S. Audoenē, prope ſanū S. Dionyſii, & Rex Valentiæ ſacramento rata, atq; firma fu- tura ſpondent. Pecuniæ pignore, q̄ Regi aſſignatur Miralpexis, & Roccaſulli domini obſi- des tradūtur: quæ cum tot vinculis aſtriſta eſſent inania, atq; irrita, ſc horum Regum mos fuit, euafere. Rex Genuenſi bello intentus Iohannam Reginam, & Ludouicum eius vi- rum, qui in prouincia Gallia commorantur, amicitiaæ ſœdere ſibi deuincit. Paciſcuntur, vti Iohannes Gerundæ Dux Catharinam natu maiorem Reginæ filiam, nec dum nubilem 40 in matrimonium ducat: qui hoc ipſo anno genitus fuerat. Contendit præterea Rex, vti prouinci Gallia, & Folcalquerii Comitatus Catharinæ doti addicantur: ſolutoque ma- trimonio, aut nullis eius matrimonii liberis ſuperſtitibus, ii Comitatus regno Aragoniæ cedant, atq; contribuantur. Ob eam cauſam in prouinciā Galliam legantur Abbas Ri- pollus, Bernardus Caprera, Lupus Gurrea, & Bernardus Oizinellus i. c. quibus legatio ad ſumum Pontificem data fuerat. Margarita tamen, & Francisca Iohannæ Reginæ filiiſ pueris infantibus mortuis, pactiōes eæ dirimuntur.

Quod Rex Ferdinandum fratrem calamitatem ſibi moliri, & externis Caſtellæ Re- gis auxiliis aliquando erupturum, bellique fortunam periclitaturum timeret, Carolum Nauarræ Regem ab amicitia Regis Caſtellæ auertere conatur. Curat præterea ne ſinat 50 Blancam ſororem, quæ vidua puella, ex Philippi Francorum Regis connubio manſerat Caſtellæ Regi in matrimonium collocari. Nauarrus in ea rerum commutatione Regem ea ſuſpiciōe ſollicitum, metuq; ſuſpenſum liberat: confirmans veteri Gallia conſuetu- dine obſeruatum, ne viduæ Reginæ, quamuis in pueliari ætate conſtitutæ denuo nubant. Eo ipſo tempore Nauarrus, quod magna mobilitate, & leuitate animi nouis ſemper rebus ſtuderet, amicitiaæ, ac ſœderis neceſſitudine Petrum Caſtellæ Regem ſibi deuincit. Men- ſe Maio Nauarrus, & Aragonius Momblanco congregiuntur: & cum in eo ſumme Rex elaborat, vti Nauarrus Leonoræ Reginæ vxoris ſororem ducat, matrimonio ſibi adiungit Iohannam Iohannis Francorum Regis natu maiorem filiam.

Gaſto Fuxenſis Comes, Soi, & Queraguti arcium ſummu dominatum, ac iuri Oneſan



oppidorum, atq; aliarum ditionum potestatem supremam A. D. II. Non. Mai Barcinone Regi iureiurando sancit. Pollicetur Rex, se opem illi laturum, si Anglus ditione ea euertere conetur: & manu quod aiunt, tenere: atq; sub sua potestate recipit.

Bello inter Genuenses, & Venetos acri, & magno commoto, Iohannes Gradonicus Venetorum ad Regem legatus summe contendit, uti Rex cum Venetis aduersus Genuenses fœdus pactione sanciat. Magna de ea re inter Regis consiliarios dissensio suboritur: aliis Genuensium amicitiam, rebus Sardois pessime affectis, præferentibus: quorum ea tempestate erant vires, opesque in re nauali præstantes: aliis vero contratendentibus, suadentibusq; insignem eorum perfidiam, atq; exultantem audaciam contundendam, atq; armis esse vindicandam. Huius consilii princeps, & auctor fuit Caprera. Bonifacius primo Camulius, & mox Christophorus Paullus Genuensium legatus instat, atq; virgnet: & à Rege requirit: suam de pace cum Genuensibus ineunda, aut bello indicendo, sententiam proferat. Demum Gerundæ A. D. XIII. K. Mai Genuensibus spes pacis præciditur. Consiliis & publicis, & priuatis hi præcipue admouebantur: Nicolaus Ianuilla Terranovæ Comes, Petrus Moncada, Petrus Fenolletius vicecomes Insulensis, Bernardus Caprera, Aldemarus Mosetius, Galcerandus Anglesola, qui Belpucii dominabatur, Raimundus Riusetius, Bernardus Sous, Garcias Lorizius, Thomas Marzanus, Rudericus Diazus pro Cancellario, Bernardus Codinachus ratiocinatorum præfectus, Ferrarius Mantesa, Bernardus Olzinellias, & Iacobus Ezfarius.

Fœdere cum Venetis icto, Barcinone A. D. III. Non. Augusti missis Genuam fœtialibus, Duci, Senatui, populoq; Genuensi bellum indicitur. Legati Genuenses dimissi minaces, atq; insolentes, arrogantia iactantia verborum efferuntur. Res nauticæ consilio Ferrarii Mantese, Bonanati Dezcollii, Francisci Fenestris, Guilielmi Morei, Andreæ Oliuellæ, & Iacobi Boscani prouidentur: & expediuntur.

Pontius Sanctapacius, ex Catalanis proceribus vir singulari virtute, & generis nobilitate præstans, regis classis præfectus Septembris mensis initio, Magonis portu, xxv. actuariis nauibus soluit: Thoma Gradonico, & Blasio Marionio Venetis Quæstoribus comitatus. Hæ naues apprime paratæ, atque omni genere armorum instructæ erant. Cum Caralitanum portum tenuisset, & in Siciliam plenissimis velis nauigaret. Siciliensi freto Pancratius Iustinianus xx. actuariarum Venetarum ductor, regis classi Mamertino in portu adiungitur. Quod hostilis classis in Thraciam nauigaret, de ea Peram vsq; persequenda deliberant: cuius oppidi Genuenses, ad vrbis Constantinopolis mœnia potiuntur: fretensiq; portu prouehuntur. Perinus Grimaldus Genuensis classis ductor, quam lxx. actuariarum confecerant, cum Chalcidem nobilem Eubœæ insulæ urbem quæ in ditione Venetorum erat, circumfideret, oppugnatione relicta, Constantinopolim versus vela facit. Regis, Venetæq; classibus Nicolaus Pisanus Venetus, qui xv. actuariis nauibus subsidio Chalcidenfibus processerat, & Bernardus Ripollius Catalanus iv. actuariis, ex Valentino delectu instructis, summa hieme adiunguntur.

1352.

Id. Febr. in ipsis Ponti faucibus, ac Bosphoro Thracio, cum ix. actuariæ naues Iohannis Palæologi Constantinopolitani Imperatoris, qui aduersus Genuenses bellum gerit, nostris adiungerentur, ad ipsius Constantinopolis vrbis conspectum, prælium nauale committitur: celebritate famę maxime memorabile. Neq; enim erat quisquam omnium, aut Genuensium, aut Venetorum, qui non in eius pugnae successu, rerum publicarum statum contineri arbitraretur: ut nullum aliud tempus ad conandum habituri viderentur. Cum diu, atq; supra humanas vires, pugnatum esset, tanta virtute regii, Venetiq; enituntur, ut quamuis grauissima hieme omnes & cæli, & maris sæuiente tempestate afflictarentur, superiores pugnando euaderent. Præter eas hostium naues, quæ vi tempestatis in litus incitatæ deprimuntur, xxiii. à nostris sunt interceptæ: maiorq; militum, & nautarum pars in mare demersa perit: reliqui occisione sunt occisi. Ex regia classe xii. naues tempestate depulsæ in litus detruduntur: milites, nautæq; Constantinopolitana ora euasere. Duæ ex nostris nauibus, in quas hostes impetum fecerant, capiuntur: & in earum propugnatione Ripollius occubuit. Pontius summa & animi, & corporis defatigatione oppressus, Martio mense Constantinopoli moritur. Ex Venetis mortem in eo prælio oppetiisse Stephanum Contarenum, Iohannem Stenum, & Bonanatum Bembum M. Antonius Sabellicus in Veneta historia prodidit: & Pancratium Iustinianum vulneribus exceptis paucis interpositis diebus interisse: ut pæne pari euentu regis, & Venetæ classis ductores corruerint.

Primo vere Aragoniæ, Cataloniæq; proceres, copiarumque militares ad regni confinia præsto occurrunt: ut Ferdinando Regis fratri minitanti, & res novas molienti resistent. Sed Ferdinandus, quod in Castellares nouarentur, Leonora Nunnia Guzmanà à Rege Petro,



gro, fratrum Leonoræ filiorum incredibili odio interempta, quos Alfonso Rex pater <sup>NAT.</sup> affluentibus fortunarum copiis ditauerat, ab armis desistit: magnæq; seditionum turbæ <sup>CHR.</sup> inter Henricum, & Regem fratrem concitantur.

Maio mense, cum Ilerdæ Rex naualibus expeditionibus instaret, is enim locus, & commetatum exportatione, & vicinis stationibus ad eam rem maxime appositus videbatur, & Genuenses x. actuarias naues, aut refecissent, aut magna industria armassent, & Andreas Dandulus Dux Venetiarum totidem à Rege exposceret, xii, instrui, armari-que imperat: quibus Matthæum Mercerium nauum, & industrium virum, & rei naualis scientissimum præficit. Is classem soluens xi. actuatibus, quæ Byzantino litore regiarum <sup>20</sup> classis reliquias collegerant, & Venetæ classi ad Eubæam adiungitur.

Pontifex Max. ut Venetorum, & Genuensium paci consulatur, & terra, marique omnia pacata reddantur, è republica esse censens, Regem summo opere ad compositionem ineundam, ut animum adiciat, hortatur. Imperator præterea Carolus, & Iohannes Francorum Rex, ut ab armis recedatur, se in eam pacificationem interponunt. Rege expostulante, ut Genuenses Corsica insula excedant: & quæ in Sardinia eorum armis expugnata fuerant, tradantur, pristina bellandi sententia non desistitur.

Non. Sept. Cæsaraugustæ in æde maxima Saluatoris, Rege conuentibus assidente, Iohanni F. Gerundæ Duci legitima regnorum successio, sacramenti fide uti primigenio sancitur.

<sup>20</sup> Raimundus Coponius, & Franciscus Romanus Regis legati Auenione, de conditionibus pacis cum Venetorum legatis deliberant. Pontifex sedis Apostolicæ nomine, rei tam arduæ consultationi Prænestinū, & Talairandum Episcopum Albanensem, & Sabinensem Episcopum, & Guilielmum tituli S. Stephani in monte Caelio, & Egidium Aluarum Albornoziū tituli S. Praxedis S. R. E. Cardinales præficit.

A. D. IV. Non. Octob. interuentu Iohannis Alfonsi Alburquerquei regia cognatione Portugalliæ domus illustris, Metellinensium domini, & Bernardi Capreræ, ab Aragoniæ, & Castellæ Regibus legationem obeuntium, cum aliquot Regum consiliariis, qui in Turiasonenfibus finibus conuenerant, concordie fœdera faciuntur.

A. D. XIII. K. Decemb. Valentia Rex Raimundum Lullium ad Andream Dandum Venetiarum Ducem de apparanda, atq; instruenda classe aduersus Genuenses communes hostes, legatum mittit. Nam Iohannes Gradonicus, & Nicolaus Quirinus Veneti legati, eandem ob causam Regem conuenerant.

Genuensibus conditionibus pacis, quibus Corsicæ propugnaculis cedere cogebantur, non consentientibus, breui Pontifex è vitâ excedit: qui Auenione A. D. IIX. Id. Dec. moritur. Intra diem vndecimum in eius locum sufficitur Stephanus Albertus Cardinalis Ostiensis, maior pœnitentiarius Lemouix: Innocentius nūcupatus: cuius suasu, in ipso Pontificatus initio induciæ inter Genuenses, & Venetos sunt de pactæ: ut se arbitro, perpetuæ paci consuli posset.

<sup>40</sup> Cum Genuenses Algerii, & arcis, quam Genuensem vocant, in Sardinia potirentur, & bellum aduersus nostros gererent; Marianus Arborensis Iudex, qui nihil prorsus intactum, neq; quietum patitur, capto Iohanne fratre, quem vnum eius nationis expertus Rex fidelissimum fuerat, ne farie res novas molitur. Fredericus, & Azo fratres Malaspinæ Marchiones, qui Sardo bello à Rege defecerant, Regi parent: seq; ac sua in Mariani defectione Regi dedunt. Osolum castellum, & alia oppida, quæ ab Alfonso patre, victoria de Sardis parva Malaspinis fuerant attributa, Malaspinarum familiis condonantur: & Iunio mense Ilerdæ rex Fredericum earum ditionum honorario iure donat.

<sup>50</sup> Riambaudus Corbera Sardinia præses Montisleonis castellum, quod Matthæi Origionis erat, & Terrænouæ arcem, quæ Iohanni Arboreæ Mariani fratri parebat, præsidii firmat: & Roccaforti propugnaculum construit, munitq; ut Mariani insolenti audaciæ obuiam eam: qua indignitate Mariano commoto, magno in Riambaudum odio, & in regium imperium graui offensione concitatur, neque ex insidiis, sed aperte rem gerit: & bellum vtrinq; summa ope paratur.

Rex dum naualem aduersus Genuenses apparatus virgureret, aliquot naues excipit, quas & equitum turmis, & sagittariorum cohortibus armat: quibus Stephanum Aragonium Guilielmi Athenarum Ducis F. & Frederici Siciliæ Regis nepotem præficit: ut difficilimo tempore Sardois rebus subueniat.

Cum Neapolitani Reges ab Hungarico bello Innocentii Pont. Max. ope, atq; auxilio liberati, atq; soluti essent: arma ad excidium Siciliensium rerum, & Ludouici Regis conuertunt. Claramontii, & Palicii, qui antea aduersus Alagonios, & Aragoniam, &



NAT.  
CHR.

Catalanam nationem bellauerant, Neapolitanorum copiis freti, aduersus Ludouicum aperte deficiunt.

A. D. II. Non. Nou. Rege in arce Peniscolæ oppidi adfidente, & formidoloso bello externo, & longinquo & maritimo instante, de consilii sententia decernitur, vti l. actuariæ naues in litoribus, stationibusque Catalanis, & Valentinis Genuensi bello adornentur. Classi, quæ in Barcinonensibus naualibus construitur, ex Pratenfibus montibus, ad Siuranæ castellum longe à mari sitis, quæ res maxime memorabilis visa est, siluæ cæduntur.

1353.

Valentiæ Rex Natiuitatis Domini diem festum concelebrat.

Valentini regni ciuitates, atque oppida, sacrique, & militares ordines in apparatus bellicos magnos sumptus conficiunt.

Matthæus, & Manfredus Oriæ fratres cum à Rege defecissent, denuo in eius verba adiguntur. A. D. II. K. Febr. Valentie Monteleone, & Claromonte, & aliorum oppidorum ditione donantur.

Rex K. Febr. Valentie Cerueræ oppidum Comitatus iure, & ditione cohonestat: & Iohanni filio attribuit.

Adornata classe xlv. actuariarum, quas vxeres vocabant, & i v. lemborum, & v. onerariarum à Rege Villafrancæ Penedensium oppido conuentum agente, Catalani in sumptus nauales benigne operam, opesque suas pollicentur: modo Rex Bernardum Capreram classi præficiat: quo neque præstantiorem neque fortiozem, aut ad pericula constantiorem illa ætas tulit: omnes enim ad vnum, Capreram Imperatorem expetunt. Id munus obeunti Rex Vicecomitatum Basensem donat.

Classis regia ad Magonis portum vniuersa conuenit.

Rege Valentie expeditionem naualem maturante, Iohannes Vicedomus Arretinus Caroli Imperatoris Regis Bohemie epistularum magister Regem deprecatur ad conditiones, pactionesque accedat: quæ inter Genuenses, ac Venetos, pacificatorio Imperatoris interuentu proponuntur. Rex se Innocentii, & Clementis summorum Pontificum reuerentia pacem concupiuisse, atque pollicitum esse asseuerat: dum Corsica insula Genuenses decedant: se ratunc lege, quamuis ingenti pecunia in classem erogata, arma depositurum confirmat.

A. D. XV. K. Sept. Caprera Magonis portu classem soluit. Minus idoneam tempestatem nactus ad Alguerensem stationem octauo die appellit. Vrbs ea à nostris obidebatur: quod arcis hostes essent potiri. Cum terra, marique Alguerenses premerentur, & Riambaudus Corbera oppugnationem vrgeret, Nicolaus Pisanus xx. actuariarum Venetarum ductor regie classi adiungitur. Genuensium classi præsto aduenat: quæ l. actuariis, & v. onerariis nauibus constiterat Antonio Grimaldo ductore. Caprera, penes quæ summa imperii redigitur, spei bonæ plenus, atque animi hostili classi occurrit: & acerrimū virimque certamē conferitur. Connisi omnes vno animo hostem adoritur: xxxi. hostium nauibus captis, nostri gloriosam victoriā sunt consecuti: quæ Martis die ad portum, quæ vulgo Comitis vocant, A. D. VI. K. Sept. parata fuit. Ad iix. m. hostium occisione occisis, iiii. m. cc. captiui remanent.

Alguerenses profligata hostium classe, cum ad vrbs defensionem spes nulla reliqua esset, Oriis dimissis, in deditionem rediguntur. A. D. III. K. Sept. urbem inuit Caprera: & ingenti applausu in arce regium vexillum collocatur. Postero die, medio in foro Fabianus Ruffus Oriæ, qui captus in nauali proelio fuerat, & perpetuam defectionem fecerat, capitis supplicio pœnas luit.

Alguerensi præsidio Caprera Gisbertum Castellerium præficit. Nec dum naues conscēderat, cum Alguerenses ad seditionem commoti, cum proelio nauali bellum confectum videretur, subito Mariano iudice Arborensi qui Sardinie regnum, regiumque nomen appetiuerat, & consilia cum Iohanne Vicecomite Mediolanensi Archiepiscopo, & Mediolani domino consociarat, Sardorum nationem concitante, suscepto scelere, arma rapiunt. Marianum in ea defectione asseclantur non Genuenses modo, & Oriarum factio, sed maior Sardorum nobilitatis pars: qui ad ea tempora Regi fideles perstiterant: atque ii præcipue, qui in Caralitano regno nimia potentia dominantur: adeo hoc malum in eas vrbes inuaserat. Timbor Rocabertinia Mariani vxor, impotens animi femina, & regni, supra quam credibile sit, appetens, tanquam furia virum præcipitem agitat.

Cum Caprera Caralitanum portum classe teneret, & Sardi armis ad Caralitanos usque muros nostros persequeretur, in vico, quem quarto ab vrbe lapide Quartum vocant, signis collatis configit: magnumque hostium numerum cecidit.

Sardoo



Sardoo bello suscepto, ne Sacerenses reliquis copiis intercludantur, aliquot militum <sup>NAT.</sup> cohortes Caprera submittit: & in eius urbis praesidio collocat: Caralitanam arcem, & re- <sup>CHR.</sup> liqua castella com meatu, praesidiisque firmat: & in Cataloniam navigat: Riambaudo Sardiniae praeside, & Arnaldo Palliariensi rebus bellicis praefecto delectis, praebitisque.

Nouembri mense Rege Valentie commorante, Lupus Gurrea, Bernardus Thou-  
sius, & Franciscus Romanus legati ad Innocentium Pont. Max. mittuntur. Hi de more Pontifici, atque sedi Apostolicae Regem subiectum, atque obedientem futurum iurifurandi fide sanciunt: & iura regni Sardiniae suprema, Ecclesiae stipulatione addicunt. Cum Pontifex summo opere niteretur, ut Rex, Genuenses, Venetique bello districti rursus in pristina concordiam reducerentur, quod nisi res ad pacem veniret longius videret bellum futurum, regii legati conditiones omnes reiciunt, nisi Bonifaciana arce, & Corsica omni Genuenses permissu Mediolanensis Archiepiscopi cedant: & cuius se imperio, remque publicam nimis demisse, ac suppliciter addixerant, ab eius se dominatu in libertatem vindicent.

Zacharias Contarenus Venetorum legatus, cum Valentiam venisset, magnopereque contenderet, ut bellum aduersus Genuenses, summa virium contentione, omni-  
que conatu geratur, quod ope, auxilioque Mediolanensis Archiepiscopi, cui res suas omnes tradiderant, magnam adificarent, ornarentque classem: Rex ea mente bellum suscipit, ut primo quoque tempore in Sardiniam se transmissurum confirmet: quod ut faciat, idque maturet, Decembri mense Barcinonem contendit: & expectatione hominum maiore, quam spe, Sardo bellum molem suscipere statuit.

Barcinone Rex festum Natiuitatis Domini diem celebrat.

1354.

Michael Peresius Zapata, dux ea aetate prouectus, & rei militaris scientia, & consilio ceteris praestans ductoribus. XII. actuariis nauibus in Sardiniam LXXX. grauis armaturae & XX. leuis armaturae equitibus, & D. sagittariis impositis, ut Riambaudo Corberae, & Artallo Pallasio subueniat, praemittitur: quod Sardonum furiosis conatibus obiecti, & oppositi in maximis periculis, insidiisque versantur.

Ianuarii mensis initio Barcinone sollempni celebritate, atque caerimonia vexillum in arce proponitur: regiae expeditionis insigne.

50 A. D. II. Id. Apr. Alcanicii Rex Oseam, quae vetustis Romanorum temporibus a Q. Sortorio maximo duce, uti disciplinarum omnium, & humanitatis aptius receptaculum, Hispaniae nobilitati constituta fuit, sanctione publicis litterarum gymnasiis praeficit: ut in ea urbe disciplinarum omnium scholae explicentur: honorariaque priuilegia artium liberalium magistris, viuendi-  
que praceptoribus irrogantur.

Lupus Ferdinandus Luna Caesar Augustanus Archiepiscopus.

Quod atrox in Sardinia bellum, omnibus eius gentis viribus in arma accensis ortum esset, classem L. actuariarum, & XX. onerariarum nauium Rex adificandam, armandamque curauerat: copiasque militares mille grauis armaturae, equitum, & D. leuis armaturae, & militum partim mercenariorum, partim imperio, aut gratia comparatorum ad X. 40 M. numerum expleuerat. Nauilibus, ac bellicis rebus Bernardus Caprera praepositus: ad quem summa imperii recidit. Cum tot annos varie in Sardinia bellatum esset, multaeque clades acceptae, & bellum numero hostium ingens exoriretur, socii etiam principes, & externi duces excitati regia signa sequuntur. Regis Poloniae patruus, nomen non editur, & Robertum Baiohariae Ducem fuisse arbitror: qui Leonorae Aragoniae Reginae sororem duxerat: Roberti Ducis parentem: qui ad imperium, Venceslao Imperatore ab Imperii gubernaculis deiecto, est adscitus, cum aliquot equitum turmis, militumque cohortibus, ut Regi operam nauet, Barcinonem, mutatis ad celeritatem equis properat: & Iohannes Grellius, Buchi capdalem vocant, & Sparrae dominus ex Aquitania ad Regis exercitum, atque in eius militiae disciplinam proficiscuntur. Proceres, ac duces belli 50 gerendi administratores Rex secum in expeditionem educit in rebus bellicis administrandis maxime acres, & industrios: quorum nomina hoc loco adscribuntur. Lupus Lunensis Comes, qui Segorbiensis ciuitatis dominabatur, Philippus Castrensis, Iohannes Simenius Virea, Iohannes Martinus Luna, Ferdinandus Ruizius Tahustius Montalbani Praefectus, Blasus Ferdinandus Heredia, Lupus Gurrea, Stephanus Aragonius Ducis Athenarum F. Petrus Iordanis Vriescius, & Iordanis Peresius Vriescius, Didacus Gonzaluis Cetina, Raimundus Peresius Pisa, Emmanuel Entenza, Simon Gurrea, Iohannes Zapata, Petrus Gilbertius, Garcias Lupeus Cetena, Raimundus Linianus. Hi ex Aragoniae regno ordines duxerant. Valentia vero turmis, atque cohortibus praeficiuntur Petrus Exerica, Gilabertus Scintillas, Olfus Prochyta,



NAT.  
CHR.

Alfonſus Rogerius Lauria, Petrus Maza, Raimundus Ruiſecius, Giſbertus Caſtellerius, Matthæus Mercerius, Gonzaluus Caſteluiſius, Petrus Lupelius Oreicia, Rogerius Ra-  
uenachius, & Petrus Boilius Præfectus ſtabuli. Catalani ex proceribus hi ordines duxe-  
re: Hugo Vicecomes Cardonenſis Bernardus Caprera maritimo imperio Præfectus, &  
Bernardinus Vicecomes Caprerentis eius F. Andreas Vicecomes Cannetenſis, Otho  
Môcada, qui Serofii, & Mequinenciæ dominabatur, & Rogerius Bernardus Vicecomes  
Caſtri boni. Sacramento obſtringuntur, ſe in ea expeditione militaturos Iohannes Fer-  
dinandus Heredia Ampoſtæ Præfectus, Arnaldus Rogerius, & Raimundus Palliarien-  
ſes, Artallus Focius, Guilielmus Bellera, Bernardus Cruillias prouecta ætate vir: qui in  
Italia bellicæ laudis inſigne nomen eſt conſecutus: & alter Bernardus Cruillias, qui tyro  
in eo exercitu fuit: Gilabertus Cruillias, Pontius Fenolletius, Franciſcus Cernua, Galce-  
randus Pinofius, & Galbanus Angleſola.

Rege nauim conſenſuro Mariani Arboreniſis nuntius pollicetur oppida, quæ inua-  
ferat, omnia traditurum: & magnam pecuniæ vim, quæ in nauales, bellicoſque ſumptus  
erogata fuerat, curaturum: & Marianum ſe cuſtodix Petri Regis patru commiſſurum:  
quoad promiſſa, pactaque ſeruentur. Rex, quod veretur Marianum interpoſitam fi-  
dem habiturum ludibrio, mandata reiicit. Petrû patrum procuratori regnorû præſcit.

Eccleſienſes, quorum oppidum munitionibus, operibusque, inter omnes Sardinæ  
arces maxime ſeptum, atque à noſtris præſidio firmatum erat, hoſtibus deduntur: arce in  
noſtrorum poteſtate remanente. Eo fit, vt pæne vniuerſa inſula hoſti pareat. Regiis e-  
nim præſidiis, munitionibusque tantum continentur arcis Catalitanæ propugnacula,  
Ioioſaguarda, Aquæ frigida, & Eccleſienſium arces, Saceris vrbs, & eius arx, Orię, Oſoli-  
que caſtella: in quæ Aragonenſes, Catalaniq; omnes ſe abdiderant.

A. D. XVII. K. Iul. Rhodæ percelebris olim Indigetum vrbs portu Rex claſſem ſol-  
uit. Minus idonea tempeſtate vſus Sardinæ portum, xx i v. ab Alguerio ſtadiis, quem  
Comitis vocant, tenet: & A. D. X. K. Iul. exercitus, magna que tormentorum vis educi-  
tur. Beati Iohannis Baptiſtæ feſto die Alguerienſes terra, mariq; arta obſidione circum-  
ſidentur. Portæ ſtationibus, muriq; præſidiis firmantur: magna auxilii intromiſſionis in  
vrbem ſpe.

Quattuor Sieulæ actuariæ naues, Orlando Aragonio Ludouici Regis patruo ductore, 30  
regiam conſequuntur claſſem: & Rege obſidionem vrgente xxx. actuariæ Venetorum  
noſtris adiunguntur. Sed Orlandus magis à Rege auxilia expoſtulat venerat, vt inte-  
ſtino Sicilienſi bello claſſe ſubueniat, quam vt noſtris opem ferat. Genuenſes x. longa-  
rum nauium claſſem inſtituunt, vt Alguerienſibus auxilia ſubminiſtrentur. Rege terra,  
marique oppugnationem vrgente, Iohannes Contarenus patricius Venetus ab An-  
drea Dandulo Venetiarum Duce legatus Regem hortari non deſtitit: vt mandata legatis,  
quos Auenionem præmiſerat, det: de pacis fœderibus, & conditionibus, cum Genuen-  
ſibus, & eo principe, qui Mediolanenſibus dominabatur, ineundis. Rex enim id man-  
datum legatis dare renuerat: niſi primo Genuenſes Archiepiſcopo Mediolanenſi qui e-  
ius ciuitatis dominatum inuaſerat, opitulari deſiſtant. Curat præterea, vt Archiepiſco- 40  
pum fœdere deuinciat ſpe earum ditionum, quas in Gallurenſi regione, tamquam legi-  
timo ſucceſſionis iure appetierat: atq; eo munere à Genuenſium amicitia auertere. Is a-  
deo inſenſo an mo ſe Regi oppoſuerat, vt Raimundum Lullium Regis legatû captiuum  
attineret: in quo vno Marianus Arborëſis Iudex ſpē ſibi omnē, & firmamentû repoſuiſſet.

A. D. V. K. Nouemb. Oterdeſillis Caſtellæ Rex à Petro Regis patruo procuratori  
regnorum præpoſito expoſcit, vt Ferdinando Regis fratri bellum indicat, inferatq; quod  
aduerſus ſe, vna cum Iohanne fratre, & Henrico, & Tellio, ii Caſtellæ Regis fratres erant,  
& Iohanne Alſonſo Alburquerqueio, & Ferdinando Caſtrenſi magnæ potentia proceri-  
bus nouas res molitus eſſet: magnoque ii factionis conſenſu aduerſus Regem conſpi-  
rauerant: quod Blancam Borboniam vxorem exegerat: atque de matrimonio detur- 50  
bauerat. Sed cum paulo poſt, conſtanti rumore perferretur, Ferdinandum ipſum ma-  
gnas procerum Caſtellæ copias coëgiſſe, & amicitia fœdere Caſtellæ Regi ſe adiunxiſ-  
ſe, vt inuadenti Aragoniæ regnum auxilia deferantur, Michael Gurrea, qui regni Ara-  
goniæ gubernationi præpoſitus erat, & Iohannes Lupius Seſeſius Iuſtitia Aragonum  
Præfectus crebris ad regni conſinia diſpoſitis præſidiis, omnia firmant: & nobilitatem o-  
mnem commouent, vt in eo tumultu Ferdinandi molitionibus, qui mobilitate, & inſigni  
leuitate animi, Rege longinquo, & extero hoſte diſtrato, & acri bello terra, marique im-  
plicito, nouis rebus ſtudet, obuiâ iri poſſit: cui⁹ audaciæ, ni mature ſubuentû foret, diſcor-  
diarum, armorumq; ciuiliû reliquiis collectis tempub. percuſiſſet. Satis conſtitit mortuo  
Iohan-



Iohanne Alfonso Alburquerque, quem procures Castellani, qui coitionem fecerant, si- NAT.  
bi delegerant ducem, sacro foedere aduersus Aragonium Regem eos procures fuisse de- CHR.  
uinctos: qui Ferdinando eius fratri regnum inuasuro opem laturos polliciti fuerant: & se  
sacra Eucharistię cōmunionē ad ea fœdera obstrinxerant: & hi fuisse perhibentur. Ferdi-  
nandus, & Iohannes Regis Aragonii fratres germani, Henricus Comes Trastamarensis  
Regis Castellę frater, Iohannes Cerda Ludouici Comitis Claramontii, & Telamonis, &  
Fortunatarum Principis F. Fredericus Vclensis ordinis Magister, & Tellius, qui Larę, &  
Viscaiz dominabatur Regis Castellę fratres, Ferdināus Castrensis, & alter Ferdinandus  
eiusdem Castrorum gentis Petri Guerrę Castrensis F. & Iohannes Alfonsus Benauidius.  
10 Ad hæc Ferdinandus Petri Aragoniæ Regis frater summę coniunctionis vinculo, Alfon-  
so Portugallię Regi, ac Petro eius filio adiungitur: pactis sponsalibus Marię Petri filię, &  
Constantiæ eius vxoris, Iohannis Emmanuels filiæ. Regi ad odium, quod in fratrem cō-  
ceperat, nihil acerbius accidere potuit. Solemnia nuptiarum Eborę magno apparatu  
celebrantur.

Cum Genuensibus, qui Algeriæ propugnationem, summa animorum contentione  
susceperant, res nulla ad virtutem deesset, & à nostris vehementissime oppugnarentur,  
Marianus, qui vniuersę Sardinie potiri posse sperans, Mathæum Oriam sibi adiunxe-  
rat, ac Iohannem fratrem, reliquosque Regi fideles, contra ius, fasque in custodias tradi-  
derat, & frater, fratrisque F. in vinculis mortem obierant, 11. M. equitum, & xv. M. pedi-  
20 tatu, ad quartum ab Algerio lapidem signa proferens, inter Sacerim, & regia castra con-  
sistit: cuius auxilium, in re trepida ab obsessis imploratum erat. Petrus Exerica Mariani  
affinis Marianum à temerario armorum conflictu auertere nititur: & vt Regi pareat, sum-  
mopere elaborat. Exacto Octobri mense cum Marianus, Exerica, & Caprera congrede-  
rentur, ad conditiones, pactionesque cum ignominia, ac dedecore est accessum. Cum  
eodem tempore Marianus Quirranam arcem obsedisset, ab oppugnatione non desistit,  
quo ad Rex, qui in grauem morbum inciderat, satisque vehementer, diuque ægrotarat,  
pacta conuenta confirmet.

Deditur Regi Algerium: & quod cæli grauitate exercitus magna parte deminutus,  
atque infirmatus esset, A. D. V. Id. Nou. urbem equitatu omni comitatus inir.

30 Algerium Catalano, & Aragonensi ciue, ac populo constituitur: fundiq; & agrorum  
modi singulis in eius territorio definiuntur.

Abrahamus Tunetensis, & Bugiensis Rex imperio, potestatiq; Regis se subiicit, atque  
addicit: polliceturq; 11. M. nummorum, duplices vocant, tributum, in singulos annos, ex  
regni portorio collaturum.

A. D. VII. Id. Dec. Algerio Rex VII. actuariis nauibus, Reginam secum educens, Ca-  
ralim versus nauigat: & insulam, quam Rossam vocant, tenens, quę à Caralitano promon-  
torio cccc. distat stadiis, in terram egressus, inde terrestri itinere Caralim proficiscitur:  
cum Genuenses xl. actuariarum classe, & aliquot onerariarum Hadriaticum sinum præ-  
teruecti essent.

40 A. D. IIX. Id. Ianuar. sacro Epiphanię Domini die Rex Caralitanam arcem ingredi- 1355.  
tur. Classis in Malfatę portum ex alto inuehitur.

Febr. mense Rex cum Gerardo Donoratici Comiti vita fundito actionem perduelli-  
onis intendisset, quod Mariani consiliorum auctor, defectionisq; fautor fuerat, in ar-  
ce Caralitana, regali in solio, ornatu regio sedens, cum sceptro, & insignibus regiis, ma-  
iestatis lege condemnat. Ex eo Donoratica familia, inter Italicas nobilissima, Sardois o-  
pibus expulsa ad interitum redigitur. Malaspinę etiam Marchiones Sardinia exacti, Ni-  
cæ Massiliensium dominio ad continentem incumbunt.

Cum eodem tempore Rex conuentui præfideret: quem Sardis, & iis, qui à Regibus pa-  
tre, & auo, atq; à se possessionibus donati fuerant, Caralim indixerat, Marianus, quem Rex  
50 non in se contumacem modo, sed nefarium hominem cognouerat, adesse renuit: neq;  
Caralim Regis salutandi, aut visendi causa accedit: aut militares copias dimittit: adeoq;  
palam regnum appetit, vt suis condicionibus stare noluerit.

Marianus nō expectata Regis in Hispaniam profectione, animo magno, & elato, quod  
Rex Galluram terram, pacto conuento non tradidisset, bonorum direptiones, iniqua no-  
strorum iudicia, vim deniq; & contumelias, quibus Sardos oppresserant, publica periculi  
denuntiatione conquestus, & minis, ac barbaro, atq; immani terrore infectatus, veluti pro  
communi salute arma capit.

Petrus Exerica, & Bernardus Caprera exercitu coacto, insultanti Mariano obuiam  
egressi, D. Iohannis Baptistę sacro die, cum hoste leui certamine configunt: qua pugna



NAT.  
CHR.

Africæ regulus quidam regia signa secutus, siue is Tuncetensis Regis legationem obierat, occumbit. Quoad debellatum cum hostibus esset, passim manus conferuntur: alia enim regione Artallus Palliarius Pisanorum oppida oppugnat: atq; alii duces Matthæum Oriam bello persequuntur. Marianus ipse belli modo, modo pacis mora Regem ludificari non desistit.

Innocentius P. M. qui magno conatu paci semper consuluerat, atque eam inter Venetos, ac Genuenses conciliarat, de compositione tantum confecit, ut ab armis recederent: atque in perpetua pace, ut ex nationes esse possent, Rege ab ea reiecto, Auenione prouiderit: Venetorum Duce Marino Fallero ad eam pacem traducto, qui eodem tempore, occupato tyrannidis dominatu, de opprimenda republica conspirarat. Veneti legatos ad Regem mittunt: atque secreto confirmant, pollicenturque, si exploratam cum Genuensibus pacem tam diu obtinere cupiat, dum foederis vinculo inuiolata Regi cum Venetis concordia maneat, firmam, stabilemque futuram. Quod si eam conciliari nolit, se quam constituerant concordiam non confirmaturos. Rex quod se in scio pacem confecissent, & Marianus, Matthæusque Oria suo obtemperaturos imperio pollicerentur, tractandis pacis condicionibus animum conuertit.

A. D. V. Id. Iul. quod Rex iustis legibus, & æquis condicionibus bellum componere cupit, Sanlurij oppido pax Mariano datur: confirmaturque. Iurifurandi religione Marianus obstringitur, se fidelem Regi perpetuo mansurum: & vna eum Matthæo Oria supplicem se profiteretur: & ad Regis pedes iacuit. Sed Oriæ insigni scelere, atque perfidia pax ea, paucis interiectis diebus violatur: & rebellionem facta Mariano animos addidit: ut ope, atq; auxilio Oriarum totius insulæ ditionem, & propugnacula obtinere speret.

Compositis, quoquo modo Rex se expedire potuit, transmarinis rebus, A. D. VII. K. Sept. Caralitano portu nauim conscendit: & vniuersa classe Alguerium versus præteruehitur. Comitum portum ingresso, cum classem soluturus esset, certi à Mariano nuntii referunt, Vrisenses Galluræ oppidanos, Regis imperio non parere, neq; arcem tradere: quod Marianum præstare debere, ex pacto conuenerat: ut quo in statu res collocatæ essent, appareret: qui deterior esse non poterat. Nihil enim se absente, pro fide Marianum facturum Rex arbitratur: cū præsentis, & victoris imperium neglexisset: vir animi, belliq; obstinatissimus: & qui belli moram redimere tantummodo videbatur: & insita pertinacia æqua semper aspernaretur. Cessit itaq; Rex ei, quem bello deuicerat.

A. D. IIX. Id. Sept. Rex Comitum portu egressus imposito exercitu naues soluit. Idonea tempestate vsus, A. D. II. Id. easdem terram attingit Laletanorum. Ad Betulonem, haud procul Barcinone quietam naetus stationem anchoras iacit.

Iulio mense Fredericus Dux Athenarum, & Neopatriæ Iohannis Athenarum Ducis F. Frederici Regis N. Blascus Alagon Comes, quorum virtute, atq; potentia Catalani, quibus Siciliensis respublica sustinenda tradita fuerat, sustentabantur, mortem obiere. Ludouicus Rex Artica, & Neopatriæ ditione Fredericum fratrem donat. Cum nihil mali esset, quod nostri in ea expectatione rerum non sustinerent, Artallus Alagon Blasci F. Mistretæ Comes insigni laude suas opes, viresq; omnes Claramontiis opponit.

A. D. XIIX. K. Nou. Ludouicus Siciliæ Rex annum agens XVI. iacii moritur. Catane sepelitur: in cuius locum Fredericus frater sufficitur: annos natus XII. Ludouicus ex concubina Antonium & Ludouicum Aragonios filios reliquit: & Antonius Beatricem Petri Exericæ natu maximam filiam in matrimonium duxit: & successionis Exericensium ditionum spes eum est frustrata.

#### FREDERICVS PETRI II. F. SICILIÆ REX DVX ATHENARVM ET NEO- PATRIÆ.

Erat in procuratione regni Siciliæ, propter Frederici pueri ætatem Euphemia soror & cum intestinarum seditionum vi, belloq; externo omnia turbarentur, non quod antea acciderat, inter Catalanos, & Claramontios dissidia modo vigent, sed inter eiusdem nationis familias, earumq; cognatos, atq; propinquos. Neque ad regalia statim insignia, nomenve regium adsciscitur Fredericus: quoad cum Artallo Alagonio, aliisque proceribus paciscatur. Ea tempestate res Siculæ in vltimum decidunt discrimen: sacris ab Ecclesia interdictis: bello acerrimo à Iohanna regina inlato: deficientibus etiam ab imperio, ac regio nomine Claramontiis: ac Rege demum ipso puero recordi, ac pene amenti, & femina regni gubernacula moderante. Primus ex Siculis Regibus Fredericus ditionis Athenarum, & Neopatriæ titulum vsurpat: & posteris Regibus tradit.

Caroli



Caroli Nauarræ Regis iussu Carolus Hispanus Alfonsi F. Ferdinandi nepos, Regis Alfonsi Castellæ pronepos Franciæ Connestabulus Aigle oppido, in lecto iacens interimitur. A Francorum Rege socero Nauarrus dissidens Ducatus Burgundiæ ditionem repetit tamquam maternam hereditatem. Regina enim Iohanna Nauarri mater Ludouici Hutini Francorum Regis F. erat: & Margaritæ filæ primigeniæ Roberti Ducis Burgundiæ. Præterea Campaniæ, & Briæ Comitatus repetit.

Decembri mense Rege Perpiniani commorante Nauarrus, qui à Rege Francorum socero defecerat, Iohanne Cruzatæ Tudelenfi Decano internuntio, vt Rex Eduardo Angliæ Regi, aduersus Francum fœdere adiungatur, summo opere contendit: & Constantia Mariæ Aragoniæ Reginæ sororis filia Eduardo Waliz Principi Angliæ Regis filio nubat. Rex, qui Franci amicitiam complexus fuerat, artiorique fœderis vinculo ei adiungi concupierat, ea fœdera pactione nuptiarum Constantiæ filæ, quæ mox Frederico Siciliæ Regi nupsit, recusat. Quin in ea sententia perstat: vt Iohanna natu minor filia Ludouico Francorū Regis filio nubat: interuentu Iohannis Armeniacensis Comititis regni Galliæ procuratoris: & ob eam causam Carcaſonenſis Senescallus ad Regem Perpinianum legatus fuerat.

Rex Auenionem, summi Pontificis conueniendi causa proficiscitur.

Festo Natiuitatis Domini die, Auenione Rege assidente, sacra à Pontifice Maxim. 1356. summa religione, sollempniq; cærimonia conficiuntur. Peractis sacris, in eodem sacello Dianium Contestanorum oppidum, vetustate antiquissimum, ac portu insignem, Comitatus honore, tituloq; à Rege decoratur: quo Alfonsum Petri Ripacuriæ Comititis filium patruelem fratrem a Rege donatum, Regis commentariis proditur.

Pontifex de tradenda à Rege, condonandaque Genuensi ciuitati Corsica insula consultat: de re publica deliberationem suscipiens: quod potestatis Ecclesiæ, ac supremæ ditionis esset: modo Regi ius propriū supremūq; dominatū Genuenses excipiant, sanciantq; & tributū quotannis pendant. In se magno opere exposcere Pontifex testatur: quod Genuenses, mediæ eius insulæ partis, quæ ante cc. annos à summo Pontifice, se fuisse donatos contendūt, certum sibi ius prætenderent. Rex L.M. florenorum annuum tributum sibi pensitari postulat. Inter eas conditiones Mediolanensis princeps ius suū persequitur: quod Vicecomites, qui Mediolani dominati fuerant, in Galluræ ditione ex successione, atq; agnatione filæ Nini Galluræ Iudicis ex Vicecomitum gente prognati, quæ Ricardo Camino Treuifi domino nupserat, sibi vsurpauerant. Sed ex controuersia, neque tolluntur Pontificis interuentu, neque sedantur. Pontifex aliqua in re gratificari Regi cupiens, canonicis sanctionibus Constantiam Regis filiam, quæ Frederico Siciliæ Regi consanguinitate propinquo nuptura erat, soluit: contentionemque omnem, quæ Siculo Regi cum Ecclesia vertitur, Bononiensi, Prænestino, & Magalonensi Cardinalibus committit.

Ianuarii mensis initio Rex Auenione Perpinianum reuertitur.

Franciscus Perilioſius Ianuario mense Perpiniani legatione ad Francorum Regem suscepta, de matrimonio Iohannis Gerundæ Ducis, vni ex Regis Francorum filiis adiungendo, & Euphemia item Reginæ sorore, Petri Siciliæ Regis filia Alanzonio Comiti in matrimoniū tradenda, mandata retulit. Præterea Rex deliberat, vt Blanca, & Iolans Euphemiæ sorores matrimonii Francorum procerum Regis propinquorum, aut affinium collocentur. Retulit etiam de Isabella Balearici Regis filia Iohannis Comititis Armeniacensis filio in matrimoniū collocanda: adeo Rex omni fœdere, atque cognatione regiam Francorum stirpem sibi deuincire studet. Isabellæ à Rege dos ex ea summa dicitur, quæ Iacobo fratri Balearici filio pretii Mompellerii dominatus, à Francorum Rege constituta fuerat.

Quod Francorum Rex Carolus Nauarræ Regem captum in custodiam tradidisset, Gasto Fuxēſis Nauarri affinis Perpinianū Iulio mense contendit: summoq; opere adniti-  
tur, vt Rex à Gallico fœdere defleſcat: & Nauarro affini, atque oppresso opituletur. Aragonius summa stabilitate, atque constantia, in amicitia Franci permanet. Francorum enim Rex Iohannem Thalemardem consiliarium, & Petrum Statillem quæstorem ad Regem legauerat, vr de iniuriis à Nauarro sibi inlatis, & cum ignominia regi decoris impositis Regem perdocerent.

Martii K. Rex Ausam nobilem quondam urbem, quæ Ausetanis prouinciæ Hispaniæ Citerioris populis nomen indiderat, & calamitosorum bellorum euentu, Maurorum in Hispanias irruptione, ad Vici nomen, & miseram conditionem redacta fuerat, comitatus titulo, atq; honorario munere donat. Regionē IV.M.P. vrbi continentē cōtribuit: atq;



NAT.  
CHR.

eo honore, ac ditione Bernardinum Capreram Bernardi Capreræ ex Timbore Fenolletia primaria femina F. donat: Comitemq; Aufonensem appellat.

Cum biennio pacis condicionibus tractandis Regis legati Auenione adsedissent, neque Rex æquitatem reiiceret, Genuenses ius, fasque omne insolentius aspernantur: quod Mathæus Oria foedere violato Oriam arcem occupasset: & plane hoc spectant: ut eo duce bellum geratur. Sardis contra foedus auxilia missa.

Classe comparata, ut Sardois rebus subueniri possit, summis difficultatibus affectis, Rex Gilabertum Scintilliam exercitui præficit: armatura varia peditatus, & equitatus, instructo. Cum Barcinonensi statione classis ea soluisset, & ad Illiberitanum portum militares copiae Mai mensis fine naues conscendissent, Iulii K. alto prouehuntur. Galcerandus Fenolletius Lugudoriae regioni præficitur.

BELLVM CRVDELE ET EXITIABILE A CASTELLÆ ET ARAGONIÆ REGIBVS VTRIMQVE SVSCEPTVM.

Atrox & intestinum bellum inter Aragoniæ, & Castellæ Reges, utriusque non grauissimum modo inter se motuum, sed pæne exitii causa fuit. Franciscus Periliosus rex. a-  
Quariis nauibus præfectus, quæ Francorum Regis stipendiis, in Cataloniæ stationibus armatae, instructaeq; fuerant, & in Veneticum Oceani litus nauigaturæ erant, Herculeum fretum præteruectus, cum Gaditanum portum subire veller, naues duas Placentinorum, qui mercaturas fecerant, inuadit: & coram ipso Castellæ Rege: ludicra forte exerci- 20  
tatione, & thynnorum captura ludibundo litus incurfante, intercipit: diripitq; neq; Gut-  
terio Gomezio Toletano internuntio, ut liberarentur Regi præfenti, & roganti honos, aut respectus habitus: quod Genuensium hostium esse dicerentur. Præda accumulata, non satis  
ducens Periliosus Regis præfentis imperium sibi ludibrio esse, ostio Bætis fluminis inuectus xv. i. m. p. apertissime prædatus, nauigationi intentus, in Gallaicis portibus piraticam facit. Petrus Castellæ Rex sæui alias, & præferocis animi ira exardescens, & pro rei indignitate concitatus, cum Egidium Velazquium Segouiensem, aulae regiae Praetorem Barcinonem res repetitum legasset, & is quod ius, ac pacta foedera Rex imminuisset, atq; violasset conquestus esset, & Regem commonuisset, ut Gonzalum Messiam, & Gomezium Carillium, qui in Castellares nouas moliti fuerant, ex Aragonia pellerentur: atque 30  
Episcopus Segontinus, qui se in Aragoniam receperat, captus attineretur, & Rex pollicitus esset, se eos proceres regni finibus exacturum, Catalanos, Aragonensesq; mercatores, quotquot Hispali, aut aliis in locis fide publica commorantur, cum bellum indictum non esset, in vincula coniici, & eorum bona publicari imperat. Præterea expostulat, Periliosum sibi constrictum dedi. Regi Aragonio, se ius, iudiciumque in Periliosum, si iuris actio cōstituatur, seuere administraturum recipienti, pollicentiq; bellum indicit: prouocatq; Mirum inde quanta rerum moles: quotiens in extrema summi discriminis ventum. Acerbissimo enim bello res cum grauissimo, & præpotenti hoste fuit.

Cum Rex omnibus rebus imparatissimus necessarium, ac subitum bellum suscepisset, Murtiensis regni, & Molinæ confiniis geri cœptum est: atq; eo impotentius concurr- 40  
tur utrimq; quod proximi regionibus concitantur. Deseruerant Aragonii incolæ finitimas sedes: & in munitiora loca, aut in auios, siluestresq; montes confugerant: & desperata plurium oppidorum propugnatione, in arces concessere: multaq; ignobilia oppida deserta à suis, in hostis venere potestatem.

Castellæ Rege mentis insania, atque furore, & ira efferato, atque præcipite, vires omnes regni concitantur. Aragonius acerbitate itidem morum, & animi pertinacia, atque obstinatione, cum laceffitus esset, inimici vlciscendi causa acrius, grauiusq; in id bellum incumbit.

Didacus Garcias Padillia Calatrauensium Magister, magnis equitatus, peditatusq; copiis in Valentinum agrum inuadit. Chinofam, & Montem Noueriū vi expugnat. Reque- 50  
nenses vii. Aquas, id Valentino oppido nomen est, irrumpunt. Molinenses Darocenſibus finibus incurfantes eius ditionis agrum deuastant: aliquot vicos depopulantur: & Oculi nigri, & Blancae oppida exuruntur. Gallicantinum campum, & Fusetios fines incurrunt.

Vniuerso regno in bellum instincto, Lupus Lunensis Comes, Blascus Alagon, Petrus Luna, Iohannes Martinius Luna, Petrus Ferdinandus Ixeritanus, & Iordanes Pereſius Vriesius Gubernationis regni procurator regni Aragoniæ confiniis duces præficiuntur. Valentini regni ductores Alfonsus Dianienſis Comes, & Petrus Exerica: ille ultra Sucronem amnem, hic citerioris prouinciæ præfectus constituuntur. Valentiniæ ciuitati imperatoria dignitate Raimundus Berengarius Regis patruus præficitur. In Aragonia rebus



bus bellicis administrandis præcipui consilarii admoventur Michaël Pereñius Zapata, NAT.  
Iohannes Lupus Sefesius Iultitæ Aragonum Præfectus, Michaël Gurrea, Petrus Iorda- CHR.  
nis Vriesius, Lupus Gurrea ex procerum familia, regio cubiculo præfectus, & Lupus  
Gurrea: qui Gurree oppidi dominabatur.

Quod Rex vereretur maiorem belli impetum in Aragoniæ fines irrupturum, con-  
tentionemq; omnem armorum eo incursum, ut furentes, ac violenti hostium conatus  
comprimantur, Calataiubii, atq; Darocæ emunito situ, præsidiorum apparatu arces, ca-  
stellaq; eorum confiniorum obstrui imperat. Nam Almanzæ aditus, & ea regio, quæ Ara-  
bum lingua, quod Spartarii campi aquæ egentissimi sint, Montaragonis Manxæ nomen  
inuenit, nunc vero interuerso cognomine Aragoniæ Manciam vocant, ad ducendum  
bellum minime apta visa sunt: neq; diuturno tempore exercitum alere posse: quod quorum  
in finibus bellum geratur, eorum opibus hostes subleuari sit necesse.

Lupus Lunæ Comes, signis collatis cum Guterio Ferdinando Toletæ Molinen-  
sum confiniorum duce configit. In eo certamine Gomezius Carilius Guterii F. occum-  
bit. Vici supra L. & Requenæ suburbana nostrorum incurfione conflagrauerunt. Dire-  
ptis, & incensis proximus vicis, vagi, palantesq; circumiecta populantur. Vterque ita bel-  
lum gerit, ut neq; inferre differat, & intra fines suos accipiat: neq; aliud vniuersis regioni-  
bus agi, quam bellum apparari.

Cum vero nuptiæ Ludouici Andegauensis Comitis Francorum Regis filii, & Io-  
hannæ Regis natu minoris filie in Septembrem mensem reiectæ essent, & eam ob cau-  
sam bello intestino sequente, Rex Perpiniani resideret, maximum illud prælium inter  
Francos, & Anglos in Pictonibus est commissum: quo & exercitus Gallicus funditus  
deletur, & Iohannes Francorum Rex in Eduardi Walie Principis potestate captiuus re-  
manet. Ea calamitate res Gallicæ in summum discrimen decidunt: & Ludouicus, quod  
ita e republica esse exstimeret, Iohannæ conditione repudiata, Mariam Britannicæ Ducis  
F. in matrimonium ducit.

Constantiæ natu maiori F. sponsalia parum fauste, feliciterq; Perpiniani, A. D. XI. K.  
Octob. celebrantur. Nam cum in Sardiniam profectura esset, ut inde ad Fredericum  
sponsum Siciliæ Regem transmitteret, nuntius Regi aduenit, Mamertinorum ciuitatem  
30 a Rege defecisse: & Ludouico Regi, & Iohannæ Reginæ eius uxori se dedidisse. Id prodii-  
tione Nicolai Cæsariæ A. D. V. K. Decemb. patratum: cum Messanæ Blanca, & Iolans  
Frederici Regis sorores, & Conradus Oria Siculorum classis præfectus demoraren-  
tur. Claramontiorum præterea factione vigente maioris insulæ partis hostes poti-  
untur.

A. D. VI. Id. Nouemb. Pinæ oppido, ad Hiberi amnis traiectum Henricus Trasta-  
maræ Comes, qui Castellæ Regi fratri perpetuus hostis semper fuit, & eius arma dese-  
rens, belli adoriandi nostris auctor erat, Regi Aragoniæ se vii subditicium addicit: & iu-  
risiurandi religione fidem suam astringit, se Regi operam, in fraterno bello nauaturum:  
& regis auspiciis militaturum: cuius expeditionis causa ex Gallia, in quam extorris pro-  
40 fugerat, aduentarat. Complures arces, atq; oppida in Aragonio, & Valentino regno, &  
Cataloniæ Principatu Henrico traduntur: atq; eæ ditiones præcipuæ illi attribuuntur,  
quæ Leonoræ Reginæ, & Ferdinando, & Iohanni Regis Aragonii fratribus dotis nomine  
& hereditario iure obuenerant. Iurisiurandi fide Henrico obstringuntur, Regem fœde-  
ra cum eo pacta obseruaturum, Lupus Ferdinandus Luna Cæsaraugustanus Archiepi-  
scopus, Petrus Ofsensis Episcopus regius Cancellarius, Episcopus Turiasonensis, Ber-  
nardus Caprera, Blasus Alagon, Petrus Ferdinandus Ixeritanus, Lupus, & Michael  
Gurree, qui inter proceres censebantur, & Gonzalvus Ferdinandus Heredia. Ex eo Ara-  
goniis exercitibus ductores præficiuntur Lupus Luna, & Henricus Comites. Exitiosa in-  
de Regibus odia, & immania excitantur.

30 Valentino finibus Castellæ Rex ad bellum incumbens, quod Ferdinandus Regis  
Aragonii frater Alicantum, & Origuelam oppida sibi tradidisset, Murtiæ copias omnes  
militares cogit. Sed Dianensis Comes, & Petrus Exerica Alicantensem arcem, & situ, &  
opere muniissimam à Castellanis ereptam recuperant. Cardonensis Vicecomes, Dal-  
matius Queraltus, Ramundus Alamanus Ceruilionius, & Petrus Galcerandus Pino-  
lius Catalanarum copiarum ductores subsidio Valentinis rebus accurrunt. Exteras Gal-  
liarum copias Fuxensi Comite, & Narbonensi, & Conseranensi Vicecomitibus, & Ro-  
gerio Bernardo Fuxensi Vicecomite Castelliboni Lupi Lunensis Comitis sororis filio, &  
Montesano Comite ductoribus Rex ad se arcessendas curat, ut præpotenti hosti resiste-  
re posset.



NAT.  
CHR.

A. D. IX. K. Ian. Ludouicus, & Iohanna Regina eius vxor Messanæ regio apparatu excipiuntur. Blanca, & Iolans Frederici Regis sorores Neapolim ablegantur.

Cum Frederico Regi, præter Catanam urbem & aliquot arces, aduersa eius fortuna nihil reliquum esse, ea tempestate voluisset, Siculique pæne omnes in Regina Iohannæ fide manerent, Constantia Regis F. triennium demoratur: quod ad virum tuto perferri nequit: quoad Sicularum res, & totus Frederici status in vnus Artalli Alagonii Comitis virtute, atq; præstantia defixus, mirabili rerum conuersione instaurari potuit.

Anni huius fine cum Innocentius P. M. in Cardinalium collegium sex insigni religione, & doctrina præstantes viros cooptasset, Nicolaus Rossellius Maioris Balearium insulæ cuius amplissimo eo sacerdotio collega adsciscitur. Is Aragoniæ prouinciæ, Prædicatorum instituto, multos annos præfuerat: & causis fidei quæsitore, iudexque præfederalat.

1357.

Graue bellum ad Molinæ confinia à Castellæ Rege conuertitur: maximoque conatu, atque impetu infertur. Rex obuiam hosti processurus Cariniensæ festum Natiuitatis Domini diem concelebrat. Darocam, ad conuentus agendos, finibus appropinquans, statim commigrat: sed Castellæ Rege Molina egresso, & II. M. CC. equitum copias ducēte, iam prope hieme confecta, ne prælium inuitus committat: quoad externis auxiliis exercitus suppleri possit: quorum ductores erant Fuxensis Comes, Narbonensis, & Conseranensis Vicecomites, & Rogerius Bernardus Fuxensis Castellboni Vicecomes: Lupi Lunensis Comitis sororis F. Casaraugustam regreditur. Cum præcipuæ arces in regni finibus firmarentur, Turiasonensem tractum, & ea oppida, quæ ad Borgiensem fluuium sita sunt, tuenda, & propugnanda Petrus Peresius Caluillius Turiasonensis Episcopus, Lupus Gurrea ex proceribus, qui Gurree dominabatur, & Michaël Gurrea, ac Iohannes Peresius Caluillius egregii, & præstantes ductores suscipiunt.

Ingenti, ac terribili bello conflato, auxiliis ex vniuersa Hispania vtrimque confluentibus, Ferdinandus, & Iohannes Regis fratres M. equitum, & II. M. peditum ductores, cum Valentini regni fines incurrerent, Benilupam oppugnare adorti, omissa spe, per vim, atque arma irrumpendi, detrimento accepto reiiciuntur. Alicantensem inde agrum, hortosque vastantes regni finibus excessere. Iohannes Regi Castellæ adiungitur: qui Sisamonem castris obsidet: & altera exercitus parte Cubellum circumfidetur. Hæc omnia celeritate ingenti acta, omnisque vis belli in Celtiberiam vertitur.

Præfidiis arces cum firmarentur, neque regiæ copię, quamuis distractæ non essent, præpotenti aduersario pares esse possent, Rex bellum sibi ducendum ratus, & ad callida consilia conuersus enititur, vt Fredericus S. Iacobi ordinis Magister, & Tellius qui Viscariæ dominabatur, Regis Castellæ fratres, Iohannes Cerda Ludouici Telamonis Comitis, & Fortunatarum Principis F. Aluarus Peresius Guzmanus, atque alii Castellani proceres à suo Rege deficientes, transitione facta, sua signa sequantur. Cerda, & Guzmanus, quos priuatæ accendunt iniuriæ, domesticasque contumelias vlciisci concupierant, quod Alfonso Ferdinandum Cornelium socerum Rex morte affecisset, & Aldonciam Corneliam Guzmani vxorem contubernii necessitudine sibi coniungeret, cōfiniorum præfidia deferentes, & in Baticam properantes, intestinū bellum tanta confidentia, & temeritate inferūt, vt prouinciā pæne omnem cum Aragoniæ Rege partiti sperent: & Regi Hispalim, Cordubam, Algeziram, Gades, Iacenum, Tariffam, & alias insignes vrbes suo pte ingenio attribuant: reliqua omnia sibi vindicent.

Februario mense, cum Celtiberiæ finibus omnem belli molem inclinaturam hostis censeret, denuo in Aragoniam ea regione irrumpit. Bordaluam vi expugnat: castellum, cum spes omnis in mœnibus, non in viribus esset, præfecti ignauia deditur. Cum Embitum oppidum ipse Rex irrupisset, & castellum ingenti balistarum, & tormentorum molitione labefactaretur, summa vi propugnacula defensa sunt: & locus erat munimento, naturaque tutus: quoad Simon Lupezus Tolon præfectus sagitta confixus mortem optavit: cuius stabilis virtus arcem tutata erat.

Guilielmus S. Mariæ in Cosmedin S. R. E. Cardinalis pacificatoriam legationem obiturus, A. D. V. Id. Febr. Casaraugustam aduenit. Recta Deciam ad Regem Castellæ pergit: quo in loco ingentes copię militares conuenerant, xv. dierum indutias paciscitur.

Indutiis violatis, præcipiti furore Castellæ Rex Turiasonem circumfidet. A. D. VII. Id. Mart. in urbem irrumpit. Ciuitatem diripiendam militi tradit: dediturq; arx, quā Cinctum vocant: Rege nullis militaribus copiis coactis Casaraugustæ adsidente: quod arces, castellaque præfidiis firmare constituisset. Sed quod neque eo in loco se tuto esse arbitra-

retur,



retur, tantis subito difficultatibus obiectis, Cæsaraugustanam arcem Regiam, Aliaferiam <sup>NAT.</sup> vocant, & omnia urbis propugnacula obstrui, munitique imperat, præsidisque maiori- <sup>CHR.</sup> bus firmat.

Exitioso, intestinoque bello, non modo domi in Aragonio, & Valentino regno, sed in Sardinia, & Sicilia aduersus nostros sæuiente, quam misera, & calamitosa sit Galliarum condicio, hinc perpendi potest: quod Iohannes Armeniacensis Comes Gothicæ prouinciæ procurator, summopere à Rege contendit, ut militares manus ex Aragonia, & Catalonia ducere sibi liceat: quæ Regis Francorum stipendia, Anglico bello mereri velint. Cum Cæsaraugustam Garinum Abchiri dominum eam ob causam delegasset, Rex Ca-  
 10 stellæ norum copiis, quæ suis merent stipendii, libens si abire malint, permittit: modo neis stipendiis militent, quæ Trastamaræ Comes Henricus, Iohannes Ludouici Telamoni Comitæ F. & Aluarus Perezus Guzmanus à Rege promereantur.

Tum Aragonia maximis concussa est motibus. Martio mense exacto, hostis Borgiam circumfider. Fuxensis regiis auspiciis militaturus in Aragoniam venit, Magalione-  
 que contendit: quò Rex obuiam hosti processerat, ut obsessi Borgiensibus subueniat. Altera vero ex parte Alebretius eiusque fratres Turiasone hosti adiunguntur: qui vii. m.  
 equitum Hispanæ armaturæ, & ii. m. leuis armaturæ, quos Ginetes vocant, & maxi-  
 mo peditatu exercitum confecerat. Rex copiis multo inferior insigni virtutis præstan-  
 tia, parem se belligerando præstat: atque hosti occurrens, prope Borgiam, collem occu-  
 20 pat: loco situque munitum: Molam appellant. Hostis cum proelio signa inferret, aciem-  
 que instrueret, & leuia certamina confererentur, nostri hostem insultantem, atque acriter  
 irrupientem supprimunt: neque certamen loco confili, signis collatis detrectant. Hoste Turiasonem regresso, ac Rege Magalione demorante, cum Legatus Apostolicus  
 conditionibus pacis tractandis animum intenderet, eo rem deducit: ut omnibus in re-  
 bus, quæ in controuersiam vocantur, Reges aliquot arbitris, atque disceptatoribus, suo  
 interpositu viantur. A Rege Castellæ Iohannes Ferdinandus Finestrola regio cubicu-  
 lo præpositus, Iohannes Alfonsus Benauidius, & Innicus Lupus Horoseius, & nostra-  
 rum partium Petrus Exerica, Bernardus Caprera, & Aluarus Garias Albornozius arbitri  
 dati. Legatus inducias ex A.D. VI. Id. Mai in festum D. Iohannis proximum, atque ex ea  
 30 die in vententem annum paciscitur: alique lx. dies adiciuntur: qui induciæ appellantur  
 redditæ.

Turiaso, quæ pacto conuento, xv. dierum spatio Legato tradenda erat, non libera,  
 præsidioque vacua, sed Castellanis habitatoribus, atque equitum turmis obsepta relin-  
 quitur. Traditis à Rege, ut conuenerat, Alicanto, & eius arce, atque Aquis Alicantensis  
 agri, Legatus ea fraude violatas inducias diiudicans, A.D. VI. K. Iul. Tudelæ in æde beatæ  
 Mariæ, coram Conuenate, & Turiasonensi Episcopis, Garcia Perezio Regis Castellæ  
 procuratore, Berengario Apilia, Francisco Romano pro Cancellario, Iacobo Ezfario, &  
 Iacobo Hospitali Regis Aragonii consiliariis, lata sententia Castellæ Regem in dirarum  
 obnuntiationem incidisse, & eius regna sacrorum interdicto subiici pronuntiat. Eo ma-  
 40 gis hostis excitata immanitas.

Reges in bellū tota mēte, atq; animi impetu incūbentes externa auxilia arcessūt. Hostis  
 Eduardi Normanorū Ducis, & Angliæ Regis ei⁹ patris opera suas fortunas fulciri sperat.

Carinicham Rex conuentum indicit, agitque. Equitatus grauis, leuisque armaturæ tu-  
 endis regni finibus instituitur: & Petrus Regis patruus ductor præficitur. Petrus Luna  
 Borgienti regione, Iohannes Martinus Luna Calataiubiensi, Petrus Ferdinandus Ixerita-  
 nus Dardcensi, & Iohannes Simenius Vrræa Montalbani præfectus Turolensi eque-  
 stribus copiis hostibus opponuntur. Cæsaraugustani muni, & propugnacula fossa, vallo-  
 que muniuntur: ac duces præsidii, consiniisque præficiuntur. Iohanni Lupio Sefesio lu-  
 sititiæ Aragonum Præfecto militaris imperii munus committitur: & omnes ciuitatis vires  
 50 se ad eius ductum applicauerunt: vicariusq; succedit in eo munere, eiusq; partes suscipit  
 Ferrarius Nuza. In ea trepidatione, actumultu res versabantur, ac si ad portas hostes ca-  
 stra metatus esset: & omnibus urbis regionibus tributim, & centuriatim desertis or-  
 dinibus, duces delecti: ut quisque eis tuendis, conseruandisque apud præesse posse visus  
 est. D. Paulli regio, qua magna urbis pars continetur, ad Innici, & Bartholomæi Lisonum  
 ductum traditur: & D. Mariæ regio, quæ plena erat virorum præpotensium sic, ut nulla  
 tota urbe frequentior haberi posset, Martino Lupefio Nuza Ferrarii F. est attributa. S.  
 Iacobi Saluatoris, S. Nicolai, S. Iohannis, & S. Michaelis regionibus duces delegati Fer-  
 dinandus Lupefius Sefesius, Simon Gurdus, Raimundus Tarba, Nicolaus Hospitalis, &  
 Sanctus Paternueius Cypresii Paternueii F.



NAT.  
CHR.

Rex Ludouicum Caroli Nauarræ Regis fratrem pacto fœdere deuincit: ne Castellæ Rex eum ad se traducat. Ea re constituta, Turolium A. D. VII. K. Nou. ingressus Bernardum Capreram, Bernardum Thousium, Bernardum Olzinellam, Franciscum Romanum pro Cancellario & Petrum Iordanem Vriesium domus regis præfectum Oscam ad Apostolicum legatum nuntios præmittit.

A. D. XII. K. Decemb. Oscæ Legatus Apostolicus sententiam pronuntiat: qua Castellæ Regem ob violata pacta c. m. marcharum argenti pœna multat: a fidelium communionem arceat: & diras grauiori obnuntiatione infligit. Decretis Apostolicis edicit, vt Eduardus Angliæ & Petrus Portugalliæ Reges Leonora Regina, Regis Aragoniæ nouerca, & Ferdinandus eius F. Princeps Walliæ, Lancastriæ Dux, Ludouicus Nauarræ Regis frater Armeniacensis, & Leguni Comites, Alebretius, eiusque filii, ac nepotes coniunctione, communicationeque Regis Castellæ, quod execrationibus deuinctus esset, arceantur: neue illi opitulentur.

A. D. VII. Id. Decemb. in silua conuallis, quæ Callis Puteoli vocatur, territorii Albarraziniensis, vasta quadam in solitudine, Berengario primum Apilia, mox Acarto Murio, & Petro Cima, demum Bernatdo Caprera internuntio, ac fœderis interprete Rex, & Ferdinandus eius frater, ad colloquia, secretosque congressus perueniunt. Ferdinandus Regi se addicit: procurationeque regni donatur. Cum Rex Turolii commoraretur, Suggestus Garcias Garciz Suggestii Toleti F. cuius consilio Tellus Henrici Trastamarentis frater se ad Aragonium Regem traduxerat, & ad eius partes, & arma conuerterat, pollicetur, se daturum operâ, vt Gonzaluus Gonzaluius Luzius, quem Castellæ Rex Turiasonis vrbs propugnationi ducem primum præfecerat, urbem Regi dedat. Rex sponte, si vrbs propugnacula sibi tradantur Luzium x l. m. nummorum aureorum, quos Florenos nuncupabant, donaturus: & x. m. Suggestio representaturum. Ea res interuentu Bernardi Capræ, Gilaberti Scintilliæ, Petri Iordanis Vriesii, & Matthæi Mercerii sancitur: quæ minime irrita euasit.

Rex, vt vitia Sardorum toriens deficientium, ac fraudes ignominia notet, ac multet: Galluritanam regionem, & præfecturam, quæ antea in Sardinia regni, Iudicatusque nomine censebatur, in posterum regio decreto Luquidonesij, & Caralitani promontorii cognomine appellari, vsurparique imperat. Bernardum Guimeranum ei regioni gubernatorem, procuratoremque præficit. Caralitaniæ regionis gubernatio Olfo Prochytae traditur: & copiarum ductores Berengarius Carrozius, Iohannes Carrozius, Emmanuel Entenza, Vmbertus Dezgatellius, Raimundus Emporitanus, & Franciscus S. Clementis rem bellicam administrant. Procuratori Luquidonesiæ Alguerensis, & Sacerensis ciuitas contribuuntur.

Matthæo Oria, qui diu in defectionem reciderat, vita functo, datur opera, vt Branca Oria Brancaloni Matthei fratris filius, ad quem hereditas peruenerat, Regi se dedat, addicatque. Oppida, ac possessiones publicatæ illi tradantur, liberenturque. Sed summa inconstantia, atque animi mobilitate, & perfidia, modo se obeundæ hereditatis causa Regi dedendo, modo ab eo deficiendo Mathæum patrum infidelitate, longe prætergreditur. Arborensis Iudex tributa Arborensis ditionis nomine peditari solita Regi peditare renuit.

Maiores Siciliæ pars à Claramontia familia, quæ à Rege defecerat, opprimitur: & Neapolitanis regibus Messanæ vrbs potitis, cuius ex Italia non solum introitu, sed omnis aditu Siculi arcentur, intercludunturque, Fredericus Rex summo in discrimine versatur: neque ullum aduersæ eius fortunæ perfugium, nisi in fœderis Regis auxiliis relinquitur, tam infirmis ac longe remotis. Pactorum tamen sponsalium conditionibus initis, Rex summo opere elaborat, vt generum Pontifici, Ecclesiæque conciliet. Neapolitani Reges veriti, ne Aragonia classis labantibus rebus opem ferat, Messanæ bellum, quod instat, gerere appropinquant. Iacim oppidum Catanæ propinquum obsident: sed constantia, ac virtute Artalli Alagonii Mistretæ Comitis, Francisci Intemelii Comitis Golifani & Guilielmi Peraltæ Calatabelloræ Comitis, qui circiter ii. m. cc. equites delectos coegerant, & duabus Catalanorum actuariis nauibus, quæ forte ad Catanensem stationem appulerant, & tumultuaria alia classe adiuncta, noctu v. hostium acturias adoriuntur, dissipantque: quarum tris intercipiunt. Obsidio Iaccitana deseritur: & hostes fugantur, atque caduntur. Raimundus Baucius, qui & vetustate generis, & maiorum gloria, & sua virtute floreret, in Siculorum potestate captiuus remanet.

Fredericus Rex, summa omnium rerum amissione, & desperatione recuperandi, aut stabiliendi regni Leonoræ sororem Aragoniæ Reginam Siciliæ regno, donat: & Athenarum, & Neopatriæ ditionibus, & Comitatu Carinthiæ: qui hereditate materna illi obue-



obuenerat Isabellæ Reginæ Henrici II. Carinthiæ Ducis filiæ: qui, vti supra docuimus, NAT.  
Bohemiæ regnum appetiuit.

Festus Natiuitatis Domini dies à Rege Valentini celebratur. Belamarinio, Maurusio CHR.  
rumque Regi aduersus Castellæ Regem hostem nimis ferum, atque capitale in amicitia 1358.  
adiungitur. Cum ea fœdera Innocentius maxime detestaretur, & hortaretur, vt ad pa-  
ctiōem cum vicino, & præpotenti Rege ineundam animum inducat: Rex, quod sibi  
tam crudeliter inimicus esset, & Ferdinandus frater auxiliis Granatensibus exitiosum  
bellum Valentino regno intulisset, externam opem, aduersus Mauros communes hostes,  
tam propinquos necessario arcessiuisse causatur.

10 A. D. X. K. Mart. S. Mariæ Poggio Valentini agri nascitur Leonora Regis F.

Castellæ Rex, quod Ferdinandus fratri Aragonio Regi se adiunxisset, animo irato, &  
percito, per ipsum indutiarum tempus, contra ius gentium acerrimum bellum Valenti-  
nis finibus infert. Fredericus S. Iacobi magister, Henrici Trastamaræ Comitis frater Iu-  
millam oppidum, nostrorum præsidio munitum obsidet, quod paulo post vi expugnat: &  
in arcem irrumpit.

20 Turiasonenfibus finibus Castellani Ferrelionio oppido, in Cauni montis tumulo  
sito potiuntur: neque tam sæuo animo præcepit in nostros hostis concitatur, atque in ipsos  
fratres: in quos infensum eius odium cum funesto dissidio erupit: cuius imperio Frederi-  
cus eius frater, non tam perspicax ad cauendas fraudes, quā virtute cognitus, & bellandi  
arte in primis spectatus, & Iohannes Regis Aragoniæ frater crudelissima morte ma-  
ctantur. Leonora Aragoniæ Regina amita, Iohannis mater, & Isabella Larenfis Iohannis vxor  
Castri Xericienfis arcæ morituræ contruduntur.

Violatis indutiis Rex, cum Gerundæ Mai mensis initio adfideret, Henrico Trastama-  
renfi imperat, vt coacto exercitu in Castellam inuadat. Alcarracii Ilergetum oppido mi-  
litarium copiarum recensione facta, Soriæ finibus bellum infert. Duxere in eo exercitu  
militares numeros Tellus Trastamarenfis frater, Lupus Comes Lunensis, Blasus A-  
lagon, Simon Vrra, Petrus Ferdinandus Ixeritanus, Petrus & Iohannes Martinus Lu-  
næ, Philippus Castrensis, Raimundus, & Gombaldus Anglesolæ, Raimundus Spesius,  
Martinus Ruicius Focius, Petrus S. Vincentii, Gombaldus Tramacetius, Iohannes Ferdinā-  
30 dius Vergua, Ludouic<sup>9</sup> Cornelius, Iohannes Diazus Latro, Iohannes Remirius Arellianus,  
Atho Focius, Guilielmus Raimundus Mōcada, Augerius Monfalconius, Petrus Mōcada,  
Petrus Ferdinandus Vergua, & Rudericus Diazus Latro. Seronē oppidū expugnant: &  
cum Alcazarensem arcem natura, ac loco munitissimam ad moris machinis oppugna-  
rent, obsidione liberata est. Rege omne id tempus Gerundæ commorante subsidia  
militarium copiarum ex Gallico delectu, Aimerico Narbonensi Vicecomite, Iohanne  
Greillio, quem Buchii Capdalem vocant, Arnaldo, & Bertrando Hispanis, Naique-  
no Guilielmo Sparræ domino, Guilielmo Pomerio, Arnaldo Rocafullio, & Hortæ Vice-  
comite fœderatis, amicisq; & aliis Gallis proceribus ductorib. cōparat: vt externi militis  
robore vernaculas copias fulciar. Rex perfidiæ probrum hosti obiectans, quod pactam  
40 indutiarum fidem rupisset, ad pugnam prouocat: & hostem in proelium deposcit: ea le-  
ge vt vicenis, aut quinquagenis, centenisve equitibus sociati, vno armorum iudicio, li-  
tem discernat: & proprio sanguine publicis damnis parentent: ac de fortunis omnib. fer-  
ro dimicent. Petrus Tomichius auctor est, Franciscum Romanum pro Cancellario à Re-  
ge Auenionem ad Innocentium P. M. legatum: vt Castellæ Regi læsæ fidei actionem in-  
tenderet. Ita constitutum memorat: vt Bernardus Galcerandus Pinofius, qui id temporis  
Auenione resederat, quod solum exilii causa vertisset, ex Catalanis proceribus insigni  
virtute, & generis nobilitate præstans, coram summo Pontifice singulis diebus in fre-  
quenti confessu Castellæ Regem proditæ fidei arcesceret: & ad certamen prouocaret.  
Vt Rex, & Pinofius in eo discrimine, & dimicatione consociati Castellæ Regi, &  
50 alteri eius compari opponerentur: & ne Pinofius à Castellæ Rege reici, aut repu-  
diari posset, Regem decreuisse eum dignitate Balearici regni decorare: quod vere ne  
acciderit, an inaniter fuerit confictum penes auctorem fides sit. Satis certe constat,  
eam prouocationem, qualiscumque ea fuerit, ludibrio, ac despectui inimico Regi fuisse.

Cum bellum atrox, atque intestinum Regis ceruicibus immineret: hostis non terra  
modo se superiorem, sed nauali classe præstare posse iactans, Bæti flumine x i i. acturias  
naues optimo delectu instructas deducit: & vi. alias Genuensium adiungit. Contestano-  
rum oram præteruectus, Guardamarem terrā, marique circumfidet: & A. D. XVI. K.  
Septemb. vi expugnat. Cum arcem, cui Bernardus Cruillias præerat, magna cōtentione,  
machinarumque impulsu oppugnaret, subito maxima tempestate coorta, classis in litora



NAT.  
CHR.

depellitur, dissipaturque. Naues adeo tempestas afflixit, ut xvi. nautis, vectoribusque vacuæ eliderentur: & naufragio interirent. Duæ reliquæ naues in Carthaginis portum refugiant. Desperata arcis oppugnatione soluta obsidio est. Cum oppidum, disiectasque naues incendiasset, & ab obsidione recessisset, magno accepto detrimento, atque ignominia Murtiam sese recipit.

A. D. IX. K. Sept. Epilæ, siue ut alii malunt, Tamaritio Litterensis regionis oppido nascitur Iohannes Henrici Trastamaræ Comitis F. patris in Castellæ regno futurus heres: cuius liberis, is fuit temporum motus, & tanta rerum conuersio, & Castellæ, & Aragoniæ regna subiiciuntur: cum hoc ipso tempore Henricus pater regis Aragonii stipendia mereret.

Vix dato spatio ad comparandum de integro bellum, Lupus Lunæ Comes, Henricus, & Tellius fratres Farizæ, & Darocæ finibus gerunt. Mensam, & Vilielam oppida vi expugnant. Hostis ex Contestanis ad Celtiberos conuersus Almazano, ad Aragoniæ confinia substitit. Biliuiscam, & Torrigios vi expugnat.

A. D. II. Non. Sept. Barcinone Isabellam Balearici Regis F. Rex auunculus in matrimonium Iohanni Monferratensi Marchioni tradit. L. M. florenorum dotem dicit. Ea Balearico iuri, & Ruscinonensis, & Cæretanæ ditioni, & Mompellerio dominatu Regi cedit. Iohannes Coconati Comes, & Bonifacius Coconatus, ac Iohannes Ceresetus Trāalpini procures nouam nupram domum deducunt: & Franciscus Periliōsius ad virum proficiscentem apparatu regio comitatur.

Almunia Rex festum Natiuitatis Domini diem

concelebrat.

A. D. XVII. K. Apr. Rex Alauesio campo hostium fines aggressus, Pharum castellum obsidet, atque vi expugnat. Scoparium vicinum oppidum adortus: castra prope Medinam Zelimensem metatur: oppidumque circumfider: & natura, situque, ac præsidio munitissimum. Commeatu exercitum deficiente, ab obsidione desistit: igni ferroque regionem vastat: ut hosti solitudinem faciat: & in maritimas Cataloniæ oras subsidio accurrit: quod hostis magna comparata classe, in Laletanos circumuehi ferretur: ut maritimam eam oram tutari, & inimicum Regem à litoribus arcere posset.

Rex A. D. V. K. Apr. Cæsaraugustam introit: & rebus bellicis administrandis summæ auctoritatis, & singularis industriæ viros Archiepiscopum Cæsaraugustanum Iohannem Ferdinandum Herediam Ampostæ præfectum, Lunensem, & Trastamarensem comites, Petrum Exericam, & Petrum Lunam præficit. Quod viri ingenuitatis immunitate fungentes, quos Ermunios appellare consueuerant, lege, atque instituto more maiorum, Regi expeditionem bellicam capeffenti adesse, non obstringerentur, nisi prælium signis cum hoste collatis commissuro, aut arcem, castellumve obsessuro: & signa militaria prosequi non consueffent, nisi trium dierum cibario pane conuecto: Rex Cæsaraugustanis ciuibus, qui se eo bello in Castellam inuadenti prosecuti fuerat: quod ea immunitate, & militiæ vacatione perfungerentur, agnoscit, ac præ se fert, rem minime præiudicatam esse: & priuilegiis irrogatis statutum: consensurumque.

Guido Bononiensis Portuensis Episcopus s. r. e. Cardinalis regio genere ortus, cui & summa auctoritas, & amplitudo erat, à summo Pontifice in Hispaniam legatus, ut inter Reges conueniat, si ad pacem contentio deduci posset, magnopere adnititur: quod tam atroci bello omnia in Hispaniarum regnis ruerent, atque turbarentur. Sed hoste impetu animi, vincendique cupiditate raptim, turbateque ruente, cum contra immanem eius potentiam æquis conditionibus se muniri Rex sperat, iræ perucax, & scelerum ferox spem omnem pacis perpetuo eripit: Ferdinandum Regis fratrem, & Henricum, Henricique fratres, & omnes, qui in Aragoniam refugerant, maiestatis crimine, insigni quadam nota, & ignominia condemnans: & quod immanitatem omnem superat, effera vi animi Leonoram Reginam amitam, ac Iohannem Larensem stirpis regiæ feminam Tellii fratris uxorem crudeli morte afficit. Isabellam præterea Iohannæ sororem, quæ Iohanni Regis 50 fratri nupserat, eius iussu veneno necatam ferunt.

Ne vnumquam quieti, aut liberi à bello essent, ipsi etiam Reges propinqui, fœderatique passim fidem, iuramentumque negligunt: cum nulla apud eos summæ amicitiae, nulla coniunctionis esset reuerentia. Petrus Portugalliæ Rex nouis pacificationibus Castellæ Regi sororis filio addictus, & cui in maritima expeditione classe opitulatur, hoc ipso tempore interuentu generi sui Ferdinandi, aduersus eum cum Aragonio amicitiae fœdera inire contendit.

Ferdinando Murtiense regnum inuadere conante, & copiis omnibus Valentini regni comparatis, ix. hostium actuariæ naues, & lembus subsidio accurrentes Carthaginis portum tenent,



tenent: & Alicantum prouehuntur. Hostis Algeziris egressus, XXIIX. actuariis, & IV. lem- NAT.  
bis, & x. item longis nauibus Mahomatis Granatenfis Regis, & LXXX. onerariis, Cartha- CHR.  
ginienfem portum subit. Guardamarem terra, mariq; oblider, viq; potitur: & arcem ex-  
pugnat: cursumq; ad Hiberi vsque ostium perficit. Garcias Gautredus Loaisa Iohannis  
Garcie Loaisæ F. qui Petterii oppidi dominabatur, hostiles partes deferens se, atque ar-  
cem Regi cum Aluaro Nunnio fratre addicit. Legatus Apostolicus, qui Dertofam ma-  
gna festinatione, secundo flumine iter præripuerat, vt Castellæ Regem ad induciarum pa-  
ctionem pelliceret, in ipso ostii Hiberi aditu ventis, remisque in Cataloniæ oras prope-  
rantem à contento cursu cohibere nequit. Ad ipsas fluminis fauces Lanzarotus Pezania  
10 Genuensis Portugallie classis præfectus x. actuariis nauibus, quas Portugallus Castellæ  
Regi in subsidium miserat, Castellaniæ classi adiungitur.

Rex, quod in Sardoam, Sicilienfemque expeditionem magnam classis partem con-  
uerterat, incredibili celeritate classem adornat: instruitq;: cui Bernardinum Capreram  
Aufonenfem Comitem, & Huguetum Cardonenfem Vicecomitem ductores præficit.  
Vetusta ratio naualis disciplinæ magna seueritate à Bernardo Caprera, Iacobo Boscano,  
& Iohanne Lombarda est instituta. Sed hostis anteuertens xxx. actuariis, & aliquot lem-  
bis, & xl. onerariis nauibus A. D. V. Id. Iun. in Barcinonenfem stationem subito, impro-  
uifq; prælio irrupit. x. acturias, quæ moli adhærent, & onerarias adortus summa vi  
oppugnat. Neq; nostri, aut Rex ipse animi præsentia in repentino vrbs terrore, minore  
20 animo, aut fiducia decertat: & copiis per litus prætenfis, & nauibus, quas sagittariis, tor-  
mentisq; compleuerant, cum acre prælium confereretur, magnæque animorum obsti-  
natione vtrinq; certaretur, multi mortales, nequicquam opem ferentes ferro, ignique  
absumuntur: & magno afficiuntur hostes detrimento. Vt aqua eos prohibeant, ad Ru-  
bricati amnis vada certamen conferitur. Nostri compulsi, cæsisque hostes in Laler-  
nam, Cosetanamq; oram incurfantes in Ebusum insulam transmittunt: urbemque obfi-  
dent. Aufonenfis, Gilabertus, & Berengarius Cruillæ, Bernardus Margaritus, & Petrus  
Albertus nauibus, quibus præerant, in Illiberitanum portum ex alto inuehuntur. Mouit  
ea res præsentem Regem haud secus, quam si Barcino ipsa capta nuntiaretur: & A. D. IX.  
K. Iul. Barcinonenfi statione, classe L. actuariarum vela faciens, A. D. V. Non. Iul. in  
30 Maiorem Balearium appellit: vt Ebusitanis difficillimo tempore subueniat. Hostis, cum  
Aragonia classis præsto adesset: omniaq; raptim turbarentur: tormentis, munitionibusq;  
derelictis obfessionem omittit: & perceleri cursu Carthaginis portum inuehitur: neq; eo  
portu omnis classis cursum conficit. Caprera Comitis Aufonenfis pater, tanta auctoritate  
dux xv. longis nauibus partem hostilis classis Almeriam vsq; insequitur: & Castellæ Rex  
omni postea classe collecta Alicantum prouehitur.

Cum bellum summa vigeretur, & in Valentini regni ciuitates eius vis omnis, tem-  
pestaq; terra, mariq; conuersa esset, Celtiberum prælium cœptis interuenit. Quod Ara-  
gonii cum Castellanis ducibus, & eorum militaribus copiis dissiderent, & Rex eam sibi re  
maxime cauendam, & prouidendam videret, Iordanem Peresium Vrriesium regni gu-  
40 bernatorē consilio Henrici Trastamarenfis admouet. Præterea quod Henricus Impera-  
torio munere in Aragonia defungeretur, Cæsar augustanū Antistitē Iohannē Ferdinandū  
Heredia, Lunensem Comitē, Petrum Exericam, & Petrū Lunam cōsiliarios, ad eas deli-  
berationes, quæ de re publica, & bellica habiturus erat, applicat. Henricus, & Tellius fra-  
tres, Petrus Luna, Iohānes Martinus Luna, Iohannes Ferdinandus Heredia Hierosoly-  
mitani ordinis in Aragonia præfectus dccc. equitum turmis, & peditatu Agredæ fines in-  
currunt: & cum Castellanis eorum confiniorum ductoribus, qui m. cc. equites sub signis  
coegerant, acri prælio ad Cauni montis radices, in æquata agri planitie, Arauianæ cam-  
pum appellant, configunt. Hostes funduntur: cædunturq;. Pugnata est ea pugna A. D. X.  
K. Octob. qua Iohannes Ferdinandus Finestrosa, eorum confiniorum primarius ductor  
50 vir egregii animi, atq; consilii, Ferdinandus Garcias Ducius, Petrus Ruizius Ofores, &  
Gomezus Suggestus Figueria ordinis S. Iacobi in Legionensi regione præfectus oc-  
cumbunt. Interclusi, captique sunt Innicus Lupius Horoscus, Ferdinandus Ruicius  
Villalupius, Iohannes Gomezus Bahabon, Furtatus Diacius Mendoza, & Didacus San-  
ctius Porras: illustris gentis viri: & inclitæ famæ, virtuteque præstantes: qui præclaram,  
insignemque nostrorum ducum victoriam efficiunt. Gonzalvus Sanctius Vlloa Ferdi-  
nandi Castrensis signifer signum prætendens fortissime dimicans interficitur.

Ille dæ festus Natiuitatis Domini dies à Rege con-  
celebratur.

1360.

Non præsentī modo bello, sed etiam reliquo tempore, victoria ad Arauianam à nostris



NAT.  
CHR.

parta, ferociore hoste reddito, cum bellum in dies singulos vehementius ingrauesceret, Rex A. D. III. Non. Ian. Cæsar augustam init: & conuētus peragit. Stipendia M. CC. equitum contribuuntur: magna industria officinis armorum institutis bellum apparatus: & quo studiosius armarentur, ornarenturque insignius, præmia sunt à Rege proposita: atque constituta. Præterea quod Gonzaluus Gonzaluius Luzius Turiasonenfis præsidii à Castellæ Rege præfectus transiit, uti memorauimus pacta, urbem Regi traditurus erat, Rex Magalionem procedit: & A. D. IV. K. Mart. præsidio dedito Turiasonem urbem ingreditur. Luzius Iolantem Iohannis Simenii Vrræ, qui Epilensi prælio occubuit, & Eluiræ Cornelie F. uxorem ducit: & Biotæ, Baii, & Asinii oppidorum iura, ac ditiones dotis nomine attribuuntur. Urbis, & arci Turiasonenfi Petrus Simenius Samperius spectatæ, & nobilitatæ virtutis dux præficitur. Illo ipso tempore Petrus Ferdinandus Velasus hostilium copiarum regni Murtienfis ductor à Rege Castellæ deficiens Aragonio se addicit.

Aluarus Vazquius Petralzada, & Gonzaluus Iohannius Begia Petri Portugalliæ Regis legati Regem ad pacis condiciones deducere nituntur: sed secreto fœdere Reges aduersus Castellæ Regem adiungere student: quod à Ferdinando Regis fratre relatum fuerat. Impetrant, ut fœdus detur: & ob eam causam Petrus Boilius à Rege in Portugalliam legatur.

Traстамarenfis, & Ausonenfis Comites Turiasonenfis finibus M. D. equitum, & III. M. peditum exercitu coacti, in Castellam inuadentes Pharam castellum vi expugnant. Sanctius Traстамarenfis frater Pharenfi præsidio præficitur: Ad Naiaræ urbis muros, cum magis nostri inferrent, quam arcerent pugnam, & communis adhuc Mars belli esset, nec dum discrimen fors fecisset, prælium cum Rege inimico conferunt. Hostis cum acie multo esset superior, clade suorum victor euasit.

Quod Rex, Simonq; Buccanigra Genuensium dux controuersiarum omnium iudicem Iohannem Monferratensem Marchionem, qui Isabellam Balearici Regis F. in matrimonium duxerat, constituissent, Astæ A. D. VI. K. Apr. pacis condiciones statuit. Rex Alguerium, Genuenses Bonifacium Corsicæ primariam arcem concordie pignora, in quinquennium Monferratenfi tradant. Edicit præterea A. D. XI. K. Iul. uti Oriis, qui à Rege defecerant, si eise addixerint, paruerintq; bona, possessionesq; omnes Sardoæ ea conditione reddantur, qua anno trigésimo supra millesimum, & trecentésimum obtinuerant. Caralis, Alguerium, & Saceris urbes, Ecelesienseque oppidum excipiuntur.

Lupus Lunæ Comes fato perfungitur: vir & auctoritate, & potentia præstans: qui longe princeps inter Aragonios proceres: primarias & insignes regni familias auita nobilitate fuerat complexus. Rex Egidii Aluari Albornozi Cardinalis S. Sabine Episcopi, sedis Apostolicæ in Italia legati permissu, & interuentu Briandæ Agaoutæ Comitissæ uxoris, Bertrandi Agaouti Comitissæ filie, qui Clementis V. Pont. M. fratris filius erat, Martinum filium natu minorem maiori natu Lupi Comitissæ filie Mariæ matrimonio adiungit. Maria omnium Lupi patris ditionum, & possessionum ditissimarum, latissimarumque heres existit.

Matthæus Mercerius IV. actuariis nauibus Onensem Tingitanæ portum ingressus Bohamonis Abdaliæ Muzæ Tremezenii Regis partes secutus, qui cum Algarbii Rege inimico, quod Tremezenium vi eripuerat, bellum gerebat, à Georgio Tartaro V. actuariarum Regis Castellæ ductore interclusus cum prælium iniret, nostrorum naues expugnantur, & intercipiuntur. Mercerius in continentem delatus in hostium potestatem venit: & in eum, & complures alios Castellæ Rex supplicium constituit: Hispaliq; capite plectuntur. Pontius Altaripa à Rege aliquot actuariis nauibus præficitur, ut à prima ora Granatenfis regni, usq; ad Oceani fretum armata classe instationes omnes incurrat. A. D. II. K. Aug. Rex Barcinonem introit: ut classem adornet: quæ in Sardiniam nauigatura erat.

A. D. II. Non. Nou. Olfus Prochyta Sardinie præses classe IV. actuariarum, & II. onerariarum nauium Barcinonensi statione Constantiam Regis filiam, quæ Frederico Siciliæ Regi nuptura erat, in Sardiniam educit. Caralim classe præteruecta, quod hiberna nauigatio Reginæ molesta esset, Carali hiemali tempore residet.

Ludouicus Andegauensis Comes Iohannis Francorum Regis F. qui Iohannam Regis F. ducturus erat, Mariæ Caroli Blefensis, qui Britanniæ ditionem appetierat, filie matrimonio adiungitur. Innocentius Pont. Maxim. & ipse Rex Iohanne Regi confirmant, patre inuito, atq; Calete ad Itium portum arta custodia incluso, sponsalia ea depacta fuisse.

Anni



Anni fine duæ Cypriæ actuariæ naues Barcinonem appellant : quibus a Petro Lusiniæ Cypri Rege, qui Hugoni patri regni heres successit, & Leonoram Petri Regis patris, Ripacurciæ Comitissæ filiam uxorem duxerat, inter alia regalia dona mittuntur pardus inaudita celeritate, vna cum venatoribus, aliarum ferarum venationi alluetus: vestesque Tartarorum Regum: arcusque cum pharetris Tartaricis, & sagittis veneno tinctis: quibus præliari consueuerant.

NAT.  
CHR.

Blasus Ferdinandus Heredia Iustitiæ Aragonum, in demortui Iohannis Lupi Sefeli locum a Rege præficitur. Is Iohannis Ferdinandi Herediæ Ampostæ Præfecti, cuius magna apud Regem, & in primis grauis auctoritas fuit, frater germanus erat.

Barcinone Rex Natiuitatis Domini diem festum concelebrat.

Castellæ Rex homo propalam ferus, trucidatis insignibus viris, cum virtutis ipsius ornamentum, & decus, hac ipsa tempestate excindere concupisset, Guterio Ferdinando Tolero interfecto, cui infensum, ac præter animum ad flagitia præcipitem, se inimicum præstat, quod in dando consilio, summa & fide, & religione rationes omnes exquirens vir pius in primis, & sanctus vteretur, haud aliter, ac si tyrannidem occupasset, sit odiosior. Proceres Castellani pene omnes ad Ferdinandum Regis Aragonii fratrem, regni Castellæ legitimum heredem se vertunt: quod Rex iusta vxore Blanca viuentis, ex Maria Padillia concubina liberos tulisset: quibus regnum destinaret.

1361

Cum animi Castellanorum procerum indies, ad Regis odium renouarentur, & Ferdinando iam primas partes in expeditione bellica, tamquam herede legitimo assumente, Barcinone Ianuarii mensis exitu Leonoræ Reginæ interuentu, & Iohannis Ferdinandi Herediæ, & Bernardi Capreræ, & Francisci Romani pro Cancellario, penes quos summa consiliorum vertitur, ad eam pacationem, Rex, & Ferdinandus frater veniunt. Rex II. M. D. equitum auxiliariis copiis, in quatuor menses fratrem prosequi, quæ Ferdinandi stipendia mereant, spondet. & D. equitum & totidem sagittariorum Aragonia stipendia pollicetur. Ferdinandus paciscitur regno tyrannum exigat, Murciense regnum, atque vrbes omnes, & insignia oppida in confiniis regnorum sita Regi contributurum: aut omnem ditionem addicturum, quæ armis vindicaretur. Secreto ea pactio conuenit interuentu Acartii Murii & Arnaldi Franciæ, qui ad intima Ferdinandi consilia peruenerant: quod Henricus Trastamarensis Comes cum Ferdinando graues inimicitias gerens, magnas Aragoniæ procerum factiones, & clientelas, & præcipue Lunensem, quæ Ferdinando palam aduersabatur, sibi deuinxerat: quæ res haud multo post Ferdinando exitio fuit.

A. D. XIV. K. Mart. Rex Barcinone Ilerdam incitato cursu proficiscitur. Cum eo in Iocce mensem integrum rem bellicam administrans, commoraretur, Armeniacensis Comes, & Iohannes eius F. hostilium partium fautores Ruscinonenses fines incurere adoriuntur. Rex Raimundum Berengarium patruum Comitem Emporitanum summæ Ruscinonensium rerum præfecit: Francisco Ceruia primario ex Catalanis proceribus viro gubernationis munus obeit: qui militares copias cogit: ut in eo tumultu obuiam hostili incurfioni eat.

A. D. III. Id. Apr. nuptiæ Frederici Siciliæ Regis, & Constantiæ Aragoniæ Cataneæ regali apparatu celebrantur.

Iohanna Regina, & Ludouicus eius vir Artalli Alagonii Mistretenfis Comitissæ virtute, & insigni animi præstantia terra, marique prope Catanam profligati, Messana egressi, desperatis Siciliensibus rebus, domum regrediuntur. Præter Messanam, & Liparim insulam, nihil ex tanto conatu illis sit reliqui, Claramontii desciscences, ubi, se desertos ab eis videre, quorum fiducia arma sumpserant, Frederico Regi adiungi, addicique student.

Rex Terrerium, satis magno comparato exercitu, uti affectu vires, opesque regni ferebant, cum hoste signa collaturus, contendit. Cum Cardinalis Bononiensis legatus summopere institisset, ut ab acerrima armorum contentione discederetur, Non. Mai. Calataiubium regreditur: quoad pacis, bellicque liberum arbitrium esset.

Tractandis pacis condicionibus, fide indutiarum interposita, qui auctores paciscendæ amicitiae fuerant, Bernardus Caprera, & Mendus Rudericius Biedma sequestribus, atque arbitris Petro S. Benigni Digunensis, & Iohanne Fiscampensi Abbatibus Apostolicis internuntiis congregiuntur. Pace interuentu legati facta, ab armis recedunt. In primis paciscuntur, ut Ferdinandus Regis frater, & omnes Castellani proceres, & eorum militares copiae, quæ stipendia Aragonii Regis auspiciis merentur, spatio dierum III. Hiberum transeant: neue quisquam ex Castellanis proceribus ordines



NAT.  
CHR.

ducat. Arces, & Castella capta, ut restituantur, obsidesque dentur, pactis  
conuentis cauetur. Conuenerat ad hæc, ut Ferdinandus regnorum procuratio-  
ne amoueretur. Pax ea a Rege Calataiubii A. D. II. Id. Mai sancitur: quã pridie eius diei  
hostis, cum apud Deciam maximo, & fortissimo comparato exercitu castra haberet, fi-  
dei religione stabiliuerat. Ex Aragonio regno se eas pacis, ac fœderum, conuentio-  
rumque condiciones obseruaturi, præstaturi, erant iurisiurandi sponfione Iohânes Dux  
Gerundensis, Tarraconensis, & Cæsaraugustanus Archiepiscopi, Valentinus, Dorto-  
fanus, & Turiasonensis Episcopi, Petrus Exerica, Dianiensis, & Ausonensis Comites,  
Gilbertus Scintillas, Petrus Luna, & Bernardus Olzinellias: ac Tarraconensis, Cæsar-  
augustanæ, Valentinæ, Maioris Balearum, Turiasonensis, Calataiubiensis, Darocensis,  
Turolensis, & Setabinæ ciuitatum procuratores. At ex Castellæ regno ea se iurisiuran-  
di fide obstringendi erant Carthaginensis, Burgenfis, Ouetensis, & Calagurritanus E-  
piscopi. Ferdinandus Castrensis, Iohannes Põtius, Alfonso Peresius Guzmanus, Hen-  
ricus Henricius, Bertrandus Gueuata, Iohannes Alfonso Benauidius, Mendus Rude-  
ricus Biedma, Egidius Buccanigra classis regiæ præfectus, Martinus Lupius, & Marti-  
nus Iohannius: ac ciuitates Burgensis, Toletana, Hispalensis, Cordubensis, Murtiensis, &  
Conchenfis atque oppidani Molinenses, Sorienses, Medinazelinenses, & Almazanen-  
ses. Ad hæc constituunt, uti Aragonius earum pactio-  
num obsides tradat Ausonensem  
Comitem, & Petrum Lunam: Castellanus vero Ferdinandum Castrensem, & Martinum  
Egidium Alburquerquium Iohannis Alfonsi Alburquerqui F. qui Nauarræ Re-  
gis, aut Ludouici eius fratris custodiæ committendi erant, ea condicione constituta, ut  
obsides eius Principis, qui intra quattuor menses pactis conuentis non stetisset, ad-  
uersario Regi nexui traderentur: & in eos vitæ, ac necis potestate vteretur. Ar-  
ces præterea tamquam obsides eorum fœderum à Rege Aragonio tradendæ erant  
Ferizensis, Verdegiensis, & Alhamensis & à Castellano Rege Deciesis, Alcazarenfis, &  
Ciguelensis. Nominatim ab ea pace excipiuntur qui à Castellæ Rege defecerat, & in A-  
ragoniam emigrauerant, & Ferdinandi: & Henrici partes prosecuti fuerant Petrus &  
Gomecius Carilli, Petr<sup>o</sup> Lupius Padillia, Suggestus Peresius Quinionis, Didacus Peresius  
Sarmentus, Spongulus Gonzalvus Gonzaluius, Luzius, Garcias Lassus Carillius, Al-  
uarus Peresius Guzmanus & Petrus Rudericus Saudoual.

Bononiensis Legatus latam à Castellæ Rege sententiam, qua Ferdinandum  
Regis fratrem, Henricum Trastamarensem comitem Petrum & Gomecium Carillios  
proseresque alios regni Castellæ maiestatis condemnauerat, rescindit: in pristinamque  
condicionem, & statum restituit: quod indicium adeo Castellanus afflixit, ut quasi re-  
pentina aliqua vis atque tempestas perculisset, pauculis intermissis diebus horribilis ar-  
morum fremitus repentino sit exauditus: maximæque ex eo bello vtrinque calami-  
tates sint acceptæ.

Pace superiore anno inter Eduardum Anglorum & Iohannem Francorum Reges  
composita cum exercitus dimitterentur ad xxv m. numero, ut hominum fama erat fu-  
si per oppida ac dispersi Malandrinorum nomē in vulgus retinuerant, passim tota Gal-  
lia vagantur maximasque prædas faciunt: & oppida hostiliter irrumpunt. Cum bona  
eorum pars in Ruscinonensem tractum inuasisset Rex Barcinone d. xi. k. Sept. Gerun-  
dam contendit: eas prædonum manus bello finibus euersurus Gerunda signis promo-  
tis egresso nec dum transcenso Pyrenæi saltum hostiles copiæ in Galliam repelluntur.  
Bernardin<sup>o</sup> Caprera Comes Ansonensis, Dalmatius, Rocabertinius vicecomes, Gilbertus  
Cruillias, & Bernardus Palous res repetitum in Castellâ legantur. Conuenerat enim  
ut arces Villedia & Iumalliensis, quarum altera Aragonii Valentini, altera regni finib.  
continebantur. nostris traderentur, obita præterea legatio ea est ut iurisiurandi Antistitū  
& procerum stipulationibus scribendis adessent. Rege vero Castellæ cunctante tergi-  
uerfante & conquerente quod Rex pactis cōuentis non stetisset, quod ante præfinitum  
ix. dierum spatium Ferdinandus Hiberum amnem non transisset quamuis Cæsar-  
augustæ grauiter ægrotare cœpisset, & Hiberum & Cingam traiecit: & Fragam dicionis  
suz oppidum emigrat, eumque Rex ut regnorum procuratore abstraheretur cōmo-  
nuerat. Nec tamen his constitutis arces, quæ à rege Castellæ veluti eorum conuen-  
torum obsides tradendæ erant, deduntur, cum Rex suas Iohanni Reminco Arelliano  
tradi imperasset. In tam ancipiti & incerto rerum exitu Bernardus Caprera Decembri  
mense de tradenda in matrimonium Castellæ Regi quod pacto conuenerat, Iohanna  
Regis filia in Castellâ legatur. Rex Barcinone festū Natiuitatis Domini diē concelebrat.

1362.

Cum opera daretur ut firma & perpetua amicitia Reges adiungerentur, ac de ma-  
trimonio



trimonio Iohānæ Regi Castellæ collocāda & de Alfonsi, Regis Castellæ & Mariæ Padillæ filii & Leonoræ Regis filiæ sponſalibus condiciones ferrentur, vt beneficiis parta gratia pax perpetuo obtineretur contra religionem iurisiurandi bellum subitum atque improuisum non nascitur aut sensim inferitur, sed repente exardescit atque erūpit: Rege Castellæ præpotenti exercitu fines inuadente: & pactiones omnes bellicas & hostiles interuertente ac perturbante.

NAT.  
CHR.

Petrus Exerica regia cognatione & insigni virtutis laude vir præstantissimus cum bello sacro aduersus Granatenses Mauros expeditionē adornaret, vt Castellæ regis honori inferuaret, ad castrum Graciæ Munionis id oppido nomen est, vita perſungitur, & in sacello regio Ecclesiæ Cordubensis post Alfonsum Regē se humari iubet. Exerica illustris gloria magnorum in patriam meritorum constanti fama peruiagata est. Sanctiū & Iohannem Alfonsum atque Henricum filios ex iniusto connubio reliquit. Ex eo Exericarum regia familia deficere cœpit.

Mai. K. Iacobus Balearici Regis F. qui custodia durissima septus in arce noua Barcinonensi continebatur, cum ferrea cauea noctu includeretur, adulterinis clauibus castra refringens excubiis necatis & Nicolao Rouira arcis præfecto iugulato, è vinculis emittitur. Adeo opportune id effectum est facinus: vt non libertatem modo consequatur, sed ex vinculis & ipso pæne tormentorum aspectu, ad opulentum, & magnum regnum capeſſendum excitatus videatur: cum illis ipsis diebus, A. D. vii. K. Iun. Ludouico Neapoli fato perfuncto eius regni possessio vertente anno Balearico offerretur Iohanna Regina in matrimonium ducta: si insigni leuitate fœminæ, & impudenti audacia coercita viris parere didicisset.

Quod hostis suo maxime tēpore, & nostris alieno adoritur bellum, & omnia opportuna loca præoccupata ante ab eo fuerant, quam nostri obuiam procedere possent, Castellæ, & Nauarræ Reges, Aragonio in vltimis Ruscimonis finibus externo bello implicito, & pacis fœderibus deuincto, repentinum bellum inferunt. Nauarrus Sosium oppidum confine caſtrorum obsidione oppugnat. Fariza, Arteca, Terrerium, Mori, Cetina, Bilbilitanorum Aquæ, cui oppido, è re, a Mauris Alhamæ nomen est inditum: quod calidi in eo fontes scaturiant, vi a Castellæ Rege expugnantur. A. D. iiii. Id. Iun. Calataiubium nobile in primis oppidum caſtris circūfidel. In Perpinianensi arce A. D. vii. K. Iul. Mahometus Abenedrizius, & Inceſſus Abenabdalla Bohamonis Abdalla Tremezenii Regis legati pactionem, & Indutiæ fœdera cum Rege in quinquennium ineunt. Scribendo fœderi adſuere Petrus Tarraconensis Archiepiſcopus, Bernardus Caprera, Reimundus Alamanus Ceruilionius, Artallus Focius, & Franciscus Ceruia. Qui in Mercerianis nauibus, in Mauritaniæ litis delatis intercepti fuerant, & in Algarbiorum ergastulis continentur, liberantur. Quod equorum summa eſſet inopia, qui pacis tempore, & Contestanis Alcaraciorum saltibus, & Turdetanis Bæticæ regionibus ad nostros importabantur, neq; eorum commercium eſſet, aut educendi potestas fieret, mille equi in vſus bellicos ex Mauris aduehuntur.

Calataiubium fossa, ac vallo seprum, caſtris circumſeſſum summa vi hostes oppugnant, & mœnia ipsa adoriuntur: vineis, aliisque operibus percellunt. Nostri stratis arietem muris, summis obsidionis periculis deturbantur. Tantæ enim hostium copię conuenerant, vt xi. M. equitum, & xxx. peditum constiterint: cum hostis ad murum castra posuisset. Guilielmus Domirius Prætor vrbæ, ex primariis ciuibus, ne patriæ superesset, se ipsum deuouens, & in armatas hostium copias immittens, inter intenta tela fortiter dimicans occumbit. Sunt, qui ferant, cum ex prouocatione cum hoste supra fontem confligeret, vna in flumen demersos. A. D. iv. Id. Iul. Regi Filius nascitur Perpiniani: cui Alfonsi nomen est inditum.

Bernardinus Caprera Aufonensis Comes, Petrus Luna, & Artallus eius frater, Guterius Diacius Sandoual, & Raimundus, & Vitalis Blanii fratres cum Calataiubiensibus obsessis, quocumq; capitis periculo subuenire, quod prætor, dūce, & imperatore ciues carerent, & furtim in vrbem euadere nituntur, ad oppidum Miedesium à Rege Castellæ intercluſi. A. D. xvi. K. Sept. hosti deduntur. Nam cum arcem, in quam confugerant, oppugnare Rex eſſet adortus in deditionem cogit. Miedesi Guilielmo Estorio dūce singulari virtute repugnante hostili furori obſiſtunt: quoad pactis indutiis, Estorio internuntio regio iuſſu oppidum dedunt: & Barocam fide publica emigrant.

A. D. IV. K. Sept. cum eſſent depactæ cum hoste à Calataiubiensibus xi. dierum indutiæ, & rerum desperatio omnium animos occupauisset, neque subsidii spes reliqua eſſet, quod crebris præliis, quibus mœnia tutabantur, & opera hostium impediabant, ac munere quodam necessitatis, & graui opere eſſent perfuncti: Rege con-



NAT.  
CHR.

scio & assentiente, ostium hosti. Regi ea condicione dedunt; ut iura municipalia pristinaque libertatem retineant. Omnis ea regio hosti paret.

Rex cum Mahomate Granatensi, & Mahomate Abdurrahamenis filio Fecensi, & Algarbensi Regibus concordiae foedera sancit.

Conuentus Montionem in A. D. iix. Id. Nonemb. a Rege indicitur: quod ex acri, & vicino bello maius, & crudelius exoriretur: Anglicis & Aquitanicis auxiliis ab hoste arcessitis: eo enim subsidio se aduersus Francum Regem inimicum, Blanca vxore Francorum Regis fratris filia crudeli morte interempta, muniri sperat.

1363.

A. D. V. K. Feb. Rex Iohannem primigenium F. dominationis omnium regnorum, & ditionem regiarum vicarium constituit: ac lege eum liberat: nam aetas eius muneris obeundi legitima non erat: quod xiii. annum ageret: & iuris dictionem eam absoluit.

Februario ineunte Rex Turolio, Monregali, & illius ditionis oppidis, atque confiniis Petrum Vrgellitanum Comitem fratris F. militaribus copiis, atque praefidiis praeficit: Darocensibus vero Petrum Municipium Gothorum Calatrauensis militiae Magistrum: qui se totum Trastamarensi addixerat. Cubellum, Abantum, Fontes Silorenses, Monterdum, Pardi, Sometum, & Nueuali, & eorum oppidorum arces, & castella muniuntur. Darocensium rerum gubernationi a Rege praeficiuntur Petrus Gilbertus Brunus, Petrus Martinus Turrianus, Egidius Garlon, Sanctius Manies, Lupus, Atenza & Iohannes Simenius Algarada Carinienensibus. satis magno equitatu in praesidio collocato Ludouicus Cornelius praefuit. Hostis anni huius initio ex Baetica festinater magno comparato exercitu Calataiubium contenderat: & cum militares copiae ad Aragoniam aduentare diceretur; eius exercitus pars Sometiam arcem obsidet: & quod polliciti essent qui eius propugnationi impositi fuerant, se Regi Castellae in ditionem redacturos nisi intra aliquot dierum spatium subuentum foret, pactis induciis Munitius Gothoius & Petrus Gilabertus Brunus Darocensis arcis praefectus incredibili celeritate & praestanti virtute opem & salutem obsessis intulere: & obsidione liberantur Fontani. Silocenses strenue operam nauantes oppidum & castellorum receptacula ab expugnationibus tuentur summis viribus tanti belli discrimen aditurus, quo maiore animo capefferet bellum, vndique copias contrahit.

Cum Magalionis oppidi propugnationi praefecti fuissent praestantes in primis Andreas Fenoletius Cametensis & Insulensis vice comes & Aimericus Scintillas, oppidum hosti deditur: & in eius potestate duces traduntur. Borgianis itidem oppressis iam & ab omnibus desperatis oppidum hosti deditur: & Beringarius Carrozius & Petrus Simenius Samperius, qui equitatus praesidio id oppidum firmauerat, in hostis quoque potestatem veniunt. Turiaso denuo in victoris manus recidit, tantoque violentiae praepotentis impetu nostrorum vires opprimuntur Rege tot incommodis conflictatoque, ut inexpugnabilia castella arcesque omnes aut dedantur aut complanentur.

Iohannes Ferdinandus Heredia & Franciscus Periliosus Regis legati Villanovae Auenionensi vico urbano v. in demortui Innocentii locum suffecto Aprilis mensis initio in pacis foedera cum Franciae & Navarrae Regibus conueniunt. Francus contentionem eam quae cum Nauarro de Burgundiae successionis iure vertitur, ad Regis arbitrium reuocat. Horum legatorum opera magna Gallicarum copiarum pars, quae confectis stipendiis in Gallia tumultuabantur, ad Regis stipendia perlicitur.

Henricus Trastamarensis ingentes copias ex Gallia in expeditionem aduersus fratrem educens A. D. vi. K. Apr. Montionem ingreditur. Eius aduentu, facta commutatione rerum admirabili & prope incredibili confidentia regnum appetens, Rege fratre praepotenti & rebus feliciter gestis victore, & rerum potestate, & Ferdinando iusto ac legitimo regni haerede in aetatis flore proceres praene omnes Castellae in suas partes omni cautione & foedere deuinciente, Regis fidem in eam diem & stipendia secutus A. D. ii. K. Apr. cum Rege transigit: suadetque, ut se regali solio deturbantem fratrem regnumque urbium, ditionum, atque oppidorum partem, quae bello vindicentur Regi addicturum traditurumque: quae Regis arbitrio Aragonio regno contribuantur. Ex quo ea pactio inita fuit, quae tantum dedecus est admissum, fratres fratribus perniciose exitiumque molitur.

Buretae Aragoniae oppido cum procerum suorum conuentum in eum locum Castellae Rex indixisset, aliquot ciuitatum defectione maxime permotus Beatricem, Constantiam, & Isabellam ex Maria Padillia filias regni haeredes pronuntiat: quod Alfonso F. fato esset perfunctus. Darocae confiniis atrox, cruentumque bellum infert: & in Valentinum regnum maiorem



maiores belli moles transfert. Vaguenæ castellum vi expugnat: in cuius arcis propu- NAT.  
gnatione Michael Barnabas præfectus fortissime dimicans, ne arcem dedat, crudelissima CHR.  
morte turpitudini anteposita, flammæ incendio viuis comburitur. Ob id facinus à  
Rege ordinum frequentia communi consensu deposcen- Michaeli Barnabæ filio puero,  
pueri sororibus & eius posteris, non modo viris, sed & feminis, agnatis, atq; gentilibus in-  
genuitatis ornamenta sunt constituta. Cum fines regni ad Carinienam vsque, & Epilam  
hostis non modo peruassisset, sed vindicasset, vrbes, oppidaq; muniuntur capta: & arcibus  
præsidia imponuntur.

A. D. XVI. K. Mai hostis Carinienam, Care oppidum vetustis sæculis nuncupa-  
tum, obsidione premit: atque vi expugnat. Crudeliter in victos exardescens, excruciatos  
necari imperat: suppliciaq; morte miseriora constituens pedes, manus, atque nares plerif-  
que abscinduntur.

Cum Cariniena in intima regni regione obsideretur, adductaque esset publica res in  
summum discrimen, & inexpiabile bellum cum immani, ac præpotenti Rege sibi susce-  
ptum Rex videret, in vnius procelli exitu victoriâ terminari destinauerat, quippe exter-  
na auxilia operiri, & trahere bellum, exitiosum omnibus videri: & in populos perquam  
grauē. Sed à temerario consilio deterretur: quod Ferdinandus, & Henricus Castellana-  
rum copiarum, quas suis stipendiis adiunxerat, ductores, grauioribus inimiciis susce-  
ptis exagitati, adeo inter se dissident, vt Rex magnopere vereretur, ne armis decernerent.  
20 Maior earum copiarum Castellana pars, quæ Henrici ductu militat, ab eo deficiēs  
Ferdinando, quem iam vti Regem suscipiant, atque obseruant, se adiungit.

Afflictis, ac pæne eueris calamitate regis viribus, in tanto impetu, cursuque rerum,  
omnis ferme nobilitas, atque iuuentus ex Catalonia excitur. Præclara opera, atque omni  
laude digna commonet, vt insignium virorum nomina recenseantur: qui pæne occiden-  
ti regno opem tulerant: hi enim fuisse comperiuntur: Raimundus Berengarius Regis pa-  
truus Emporitanus Comes, & Iohannes Emporitanus eius F. Iohannes Comes Praten-  
sis Regis cōsobrinus, Raimundus Rogerius Comes Pallariensis, Hugo Cardonensis, Roge-  
rius Bernardus Fuxensis Castelloni, Dalmatius Rocabertinius, Petrus Villamuren-  
sis, & Bernardus Sous Ebolesensis Vicecomites, Gasto Moncada, & Guilielmus Raimundus  
30 Moncada, Raimundus Ribellias, Berengarius Apilia, Berengarius Cruillas, Arnaldus E-  
rilius, Petrus Galcerandus Pinofius, Guilielmus Raimundus Ceruilionius, Guilielmus  
Galcerandus Rocabertinius, qui Caprencii dominabatur, Raimundus Arnaldus Belle-  
ra, Raimundus Anglesola Berengarii Anglesolæ F. Berengarius Castellinoui, Sicartus  
Lordatius, Huguetus Sanctapacius, Franciscus Ceruia, Iaspertus Castelletius, Pontius  
Caramanius, Gilabertus Cruillas, Petrus Melanius, Berengarius, & Petrus Cardonæ,  
Dalmatius Muris, & Acartus Talamus: omnes ex procerum familiis orti. At ex reliqua  
nobilitate hi memorantur: Raimundus Alamanus Vrriolius, Petrus Raimundus Copo-  
nius, Guilielmus Palafogius Berengarii Palafogii F. & filius Berengarii Castellaulinii, Gui-  
lielmus Barbara, Iacobus Cornelianus, Bernardus Gerardus Boxadosius, Bartholomæus  
40 Villafranca, Bernardus Senesterra, Gaufridus Castelaulinus, Petrus Casteluinius, Be-  
rengarius Besora, Guilielmus Crexelius, Guilielmus Montoliuius, Berengarius Vlmus,  
Franciscus Viues, Bartholomæus Falchius, Galcerandus Villarixius, Bernardus Sortius,  
Guilielmus Togores, Gerardus Vlugia, Iohannes Berengarius Ragiadelius, Raimundus  
Peguera, Iacobus M. tchius, Bernardus Tagamanentius, Pontius Lupianus, Petrus Mō-  
tornesius, & Guilielmus Zacirera. Cum Rex, vt labantibus rebus subueniat, L. M. flo-  
renorum Fuxensi Comiti expendi imperasset, vt externis auxillis stipendia persoluantur,  
Fuxensis Armeniacensi bellum inferens Hispanam expeditionem omittit: cum in eam  
rem se, suamque fidem interposuisset.

Quando pares nostrorum copiarum non essent, quæ signis collatis dimicarent, vnum  
50 hosti superest belli genus urbium expugnandarum. Turolium, Segorbium, & Morue-  
drum nobilia, & valida in primis oppida in foedam, & ignominiosam deditionem cogun-  
tur: cum obsidione liberari non possent.

A. D. XII. K. Iun. Valentia ab hoste summa vi tamquam ipsam rerum caput, obside-  
ri cepta. Hostis primo ad Zaidiense ecenobium, inde ad arcem regiam prope vrbs mu-  
ro castra metatur. Urbis opulentissimæ, & pulcherrimæ propugnationi Alfonsus Dianii,  
& Ripacorcæ Comes, Regis frater patruelis præficitur: qui potentissimo Regi, & ma-  
ximo, & fortissimo exercitui oppositus, hostium conatus omnes, & acerrimos im-  
perus, insigni animi virtute, & robore propellit: & exsultantis hostis audaciam con-  
tundit.



NAT.  
CHR.

Ad D. Matthæi fanum Illegionum oppidum Rex copias omnes recensens aduersus hostem exercitum ducit: qui Valentina obsidione relicta, ne signis collatis dimiceret, suis diffusis, Moruiedrum, tamquam munitissimam arcem se recipit.

A. D. II. Id. Iun. iuxta Moruiedrum regia castra in conspectum hostibus data. Explicatis in Nulensi campo aciebus, Rex prope Losæ fontem intento, atq; infesto exercitu, in spem victoriæ deductus hostem proelio lacessit. Cum se murorum, munimentorumque propugnaculis contineret, nostri in Burrianensia plana regrediuntur.

Cum Rex in Burrianensibus campis castra metatus esset, & tentandas sibi hostis vires proelio, atque ulterius procedendum constituisset, Fiscam pensis Abbas Apostolicus nuntius nimia perseuerantia instat: debere Regem suarum virium rationem inire: & iracundia acerbiter deponere: ac pertinaciæ finem facere: neq; amplius tot iacturis, atque incommodis acceptis fortunam periclitari. Demum Ludouici Nauarræ Regis fratris interuentu, qui in Castellæ comitatu aderat, Regem ad spem concordia deducit. Reges enim ipsi, quia traheretur diutius spe ipsorum bellum, à finienda tam difficili, ac terribili armorum conflictione, & concursu non abhorrent. Nec recusandam pacem Rex statuit: nec committendum, ut in discrimen tanti casus se, regnumq; obiciat. Alfonso Dianensis Comes, Bernardus Caprera, Raimundus Alamanus Ceruilionius, & Berengarius Paus ad Regem Castellæ Moruiedrum legati de compositione A. D. VI. Non. Iul. mittuntur. Cum tractandis condicionibus utrimque conuenissent, in eam pacem deuentum est. Vrbes, oppidaque Aragoniæ omnia, atque arces, quæ ab hoste bello expugnata, aut dedita fuerant, dotis nomine Iohannæ regis F. addicuntur: quam Castellæ Rex uxorem ducet. Isabella Castellæ Regis F. Alfonso Regis F. nuberet: & vrbes, arces, atq; oppida Valentino in regno capta, deditaue dotalia accipiet. Ut pacta conuenta à Regibus confirmarentur indutia in A. D. XIII. K. Sept. sunt pacta: quibus condicionibus Rex magnam indignitatis iacturam, atq; honoris se facturum animaduertit. Neq; dubium fuit, ea fœdera per summum dedecus, atq; ignominiam fuisse sancita: nam postea palam hostis testatus est, ea se illico diremississe: quod sacramento Caprera obstrictus esset, Regem Aragonum operam daturum, ut Ferdinandus, & Henricus trucidarentur: & pactis non staretur.

A. D. XVII. K. Aug. Rex Iohannem F. cum XIII. annum ageret vniuersæ gubernationi regnorum præfuit: cum antea vicariæ potestatis partes tradidisset. Satis constat siue Ducis, siue Vicarii, siue gubernatoris munere fungeretur, iurisdictionem ab eo fuisse absolutam.

Iulio mense Catanæ à vita excedit Constantia Regina: Maria vnica filia relicta.

Rege Castellionem Burrianensis agri Castris metatis regresso, & Ferdinando fratre, ob pacta fœdera, copiis omnibus militaribus, quæ illius signis merebant, in Galliam proficisci nitente, Henrici eius inimici fraude, atq; fallaciis facinus iam diu præmeditantis, Castellionem ad prandium inuitato, cum ab immiti fratre conuiuio exceptus esset, & atterierum imperasset, ne Castellanis copiis destitutus, hostis furori, potestatiq; obiceretur, neq; sibi vim magni animi princeps inferri sineret, fratris Regis imperio obtruncatur. Insigni Henrici confidentia, quem inimicum infestum Ferdinando palam omnes cognouerant, id flagitium patratum fuit: qui Rege conscio, & administro Castellorum regnum viuentem Ferdinando legitimo herede appetierat.

Dertosæ A. D. XIII. K. Aug. Rex Berengarium Carrozum & virtute, & generis nobilitate præstantem comitatus Quirrensis titulo, atq; insignibus donat. Is ab ineunte adolescentia Sardo, & Siciliensi, & mox Castellano bello mirabilia facinora ediderat. Petro Lupesio Bolea ductore militares copiarum in Sardiniam transmittuntur: qui egregiam itidem operam in Sardois, & Genuensibus expeditionibus Imperatoribus nauauerat.

Castellæ Rex hostis nimis ferus, & immanis condiciones, pactionesq; omnes Moruiedri initas, atq; conuentas periurio perturbat, violatq; & princeps inferendi belli nefarium, & omni odio imbutum bellum redintegrat. Semper eo in statu res erant, ut longe superiores hostes haberentur.

Carolus Nauarræ Rex fecerat potius cur Regi suspectus esset, quam satis statuerat, utram foueret partem: consilioque magis, & perfidia, quam impetu his, aut illis se adiuturus videbatur. Eum omni ratione Rex ad se perlicere studet: apud quem honestate utilitas semper erat antiquior: prætexta per dolum amicitia fide. A. D. II. X. K. Sept. Vncastelli oppidi arce, ad concordia colloquium peruenientes, interuentu Henrici Trastamarenensis fœderum vinculis se mutuo astringunt: seorsimq; deuincientes Castellæ regna secreto inter se partiuntur. Ad turpem præterea, & infamem, atque iniquam pactionem deuen-



deuentum est: Rege pollicente, se urbem Iaccam, & Iaccetanam conuallem, quam Cana-  
 lem vocant, Solium, Vncastellum, Exeam, & Thermas oppida, & cc. m. nummorum flo-  
 renorum Nauarro condonaturum, si Castellæ Rex interemptus, aut captiuus sibi trade-  
 retur. Castellæ quoque Rex simili odio incitatus, atq; incensus recipit, se bello parta Re-  
 gi traditurum, si Trastamarenfem nex afferretur: anti hostiles inimicitias susceptas æsti-  
 mant. Eo ipso tempore Ludouicus Regis Nauarræ frater, cum Aragonenses fines hostili-  
 ter incurreret, sciens, ac prudens in Alfonsi Ripacurciensis Comitis potestatem deferretur  
 captiuus.

Castellani Castelfauibiam arcem vi expugnant.

10 Henricum Trastamarensem, insidias sibi à Rege paratas, mortemq; imminere ex-  
 istimantem, simulantem ve, quod Rex, vt belli damna redimat, hosti eius exitium polli-  
 citus esse traderetur, omni cautione, fœdere, atque execratione eum vt deuinciat, sum-  
 mopere curat. A. D. II. Non. Oct. Castellione, ad Cingæ fluminis ripas congressi, Rex vt  
 omni metu liberet, Henrico Alfonsum F. obsidem tradit. Petrus Clafquerinus Archiepi-  
 scopus Tarraconensis Regem iurisiurandi religione obstringit, liberos Comitis Auso-  
 nensis, Bernardi Capreræ nepotes, cum quo Henricus immortales inimicitias susceperat,  
 & regionum amicorum & inimicorum consiliatorum filios Raimundi Alamani Cerui-  
 lionii, Francisci Periliosii Petri Iordanis Vriesii regiarum domus præfecti, Iordanis Pere-  
 siii Vriesii Aragoniæ gubernatoris, & Lupi Gurree earum quoque pactio-  
 20 nitum obsides tra-  
 diturum. At contra Henricus Iohannem F. & Rudericum Municipium Gonzalui Messæ  
 consobrinum, & natu maiores liberos Iohannis Gonzalui Bastani, Suggestii Pere-  
 sionii, Gonzalui Gonzalui Luzii, Gomezii Carilii, Ruderici Gonzalui Transmerensis,  
 & Gonzalui Messæ Pontani, & Iohannis Ferdinandii Grigialux fratrem, & Petri Ferdi-  
 nandii Velaschi, & Petri Gonzalui Carilii filias Iohanni Raimiro Arelliano, aut Iohanni  
 Martinio Lunæ se obsides traditurum pollicetur. Ea omnia secreto perniciose, & pesti-  
 fere in vnus Bernardi Capreræ exitium à Rege, & Henrico faciuntur: & inde multo  
 grauius de integro, & atrocius bellum exarsit.

Decembri mense Castellæ Rex, cum tot bellorum faustis successibus, maximis sem-  
 per auctibus efferretur, Alicatum, Illicim, Creuillenum, & eius arces vi expugnat. Mola,  
 30 Callosa, Monfortium, Dianium, Gallinaria, Rebolletum, Gandia, Oliua, aliaq; castella  
 initis conditionibus deduntur. Saxoniæ dolo potitur: & Valentiam denuo castris cir-  
 cumfidet. Bellum atrox, & exitiosum vtriusque ingenti rerum commotione susci-  
 pitur.

Rex Ilerdæ Natiuitatis Domini festum diem concelebrat.

Ludouicus Regis Nauarræ frater, & Iohannes Honacurcius Montione Regem con-  
 ueniunt: & legationem de pactio-  
 1364.  
 num fœderibus cum Nauarro ictis, faciendis, atque  
 confirmandis obeunt. Sarinienæ transigunt, vti Reges denuo ad colloquium congredi-  
 antur: & sacro Epiphaniæ Domini die Bernardus Capreræ summæ pactorum omnium  
 constituendæ, & loci congressus, & colloqui assignandi causa ad Nauarrum legatur.

40 Cum regii auxilii aduentu, & Rege ipso imperatore Valentiniæ resegerent, neque in  
 præsentia rem, non inclinatum modo, sed pæne desperatam obsessi sustinerent, quandiu  
 Rex ad exitiosa colloquia cum Nauarro congre-  
 ditur, Iohannem F. quem summæ rerum  
 xiv. annos natum præfecerat, præmittit: comitesq; illi adiungit Petrum patrum, qui  
 instituta sacra D. Francisci professus, se religioni addixerat: & Petrum Vrgellitanum Co-  
 mitem fratris F. & Cardonensem Vicecomitem: quibus summa imperii, bellique ad-  
 ministrandi permissa est: consilii vero principes, bellicæ laudis præstantes viros Catala-  
 nos delegat: Berengarium Apiliam, Bernardum Soum, Guilielmum Guimeranum, &  
 Thomam Marzanum: quorum consiliis adeo Rex innititur, vt nihil geri imperet, nisi  
 quod tribus, aut duobus ex iv. viris placeret: modo Marzanus vnus eorum assentiatur. A-  
 50 deo Marzani consilia in ea rerum confusione, tanquam clarissimum lumen, omnibus  
 anteferuntur.

A. D. VII. K. Mart. Aragoniæ, & Nauarræ Reges dum inter se captantes fraude, &  
 avaritia certant, occulta colloquia expetunt, & legationes infames commeant, Sanguisq;  
 congregiuntur: & post biduum Solium ineunt: quo in loco K. Mart. pacta inter eos con-  
 tinenta denuo firmantur Rex Martinum F. eorum conuentorum obsidem se traditurum  
 pollicetur: & vt artior ea colligatio esset, non propinqui modo, cognatiq; regii, sed maior  
 procerum pars sacramenti religione, ad ea fœdera conseruanda deuincitur.

Mortuo ad Londinum urbem Iohanne Francorū Rege, & Carolo eius filio Norman-  
 niæ Duce, & Viennensi Delphino ad regni gubernacula adscito Rex Franciscus Periliosus,



NAT.  
CHR.

& Franciscum Romanum pro Cancellario ad Carolum legatos mittit: veterum pactio-  
num, & foederum sancientium, & confirmandorum causa. Hi Iohanni Ferdinando  
Heredia Hierosolymitani ordinis in Aragonia praefecto adiuncti Tolosae A.D. VII. Idus  
Martias, cum Ludouico Andegauensi Duce, Regis fratre, & Marefcallo Audenensi, Pe-  
tro Dauoirio Cancellario regio, Petro Statiffe, & Iohanne Hospitali quæstoribus regiis,  
& vetusta foedera confirmant: & noua aduersus Nauarræ Regem icunt: Ludouico reci-  
piente, atque obtestante, se Nauarræ regnum inuasurum, & Regi attributurum: eoque  
ipso temporis momento & Francus, & Nauarrus concordiae foedere deuinciuntur:  
& Rex se ad Nauarri amicitiam applicat: omnium foederum, & pactio-  
num fide con-  
tempta.

10

Dominicus Cerdanus Praefectus Iustitiæ Aragonum.

Regina Aragoniæ, Nauarræ Rex, & Henricus Trastamarenfis Alfonsi Ripacurci-  
ensis Comitis, Berengarii Apiliæ, & Iohannis Ramirii Arelliani interuentu scelesti, & ne-  
farii facinoris consilia in Capreræ falsis criminationibus insinulati exitium ineunt: quod  
Almudefari à Regibus sacro passionis Domini die, conspirante eorum consensu confla-  
tur: Caprera in proditiõis crimen vocato. Cum veritati, & innocentiae nusquam perfu-  
gium esset, & vndiq; circumuentus, & exitii certus acerbam temporis procellam coitio-  
ne inimicorum, & inuidia falsi criminis oppressus insidias subterfugere niteretur: Rex  
sæuus, immitis ira, atq; impotentia præceps elabi conantem intercipi iubet: Nauarro Re-  
ge administro, cuius imperio, in Noualesium castellum includitur: cum ad Nauarrum  
vicinum Regem, quasi fidissimum subsidium, perfugisset: & paulo post Cæsaraug-  
ustam retrahitur: vir omni decore, & laude ornatus, & nullius ante flagitii com-  
pertus.

Aprili mense exacto, ingentes Gallorum copiarum militares, quæ tumultuosa emerito-  
rum stipendiorum licentia, & temerario impetu, tota se Gallia effuderant, in Confluentis  
Cæretanæ regionis confinia, ad ipsa Pyrenæi iuga procedunt: quarum incurfatione Ca-  
stellæ, Aragoniæ, & Nauarræ Regibus magna bellici tumultus trepidatio incutitur: solli-  
cite respectantibus populis quanta à veterano, & extero milite impendeat tempestas: siue  
hostis is sit, siue hospes.

In tanta temporis atrocitate tot, tantisq; difficultatibus afflicta, ac pæne eneecta re-  
publica, & præpotenti hoste totius ferme prouinciæ cis Hiberum, & Valentini regni po-  
tiente, neq; Rege modo, sed ciuitatibus rebus omnibus exhaustis, & hominibus exinani-  
tis, quanquã Urbanus, ex quo in pontificatum euectus fuerat summa in Regē benignitate  
vñsus fuisset, & beneficia omnia ecclesiastica Cardinalium, & aliorum morte vacantium  
indigenis elargitus esset, decumasq; eorum in aliquot annos Regi contulisset, manus in  
uestigalia, ac fructus omnes sacros Cardinalium, & absentium Pontifice Maximo in scio  
& obfistente, edictis publicis propositis iniecit. Cum de ea re, ad senatum summus Pon-  
tifex rerulisset, censent, Regem imprecationum, & interdictorum pœna coercendum: &  
Sardinia regno, Arborensi Iudice Rege constituto, multandum. Earum pœnarum, quæ  
proponuntur, terrore commotus Rex Petrum patrum, & rerum gestarum decore, &  
religione & prouecta ætate venerandum, & Gasparem Treguram iuris & publici, & pon-  
tificii scientissimum oratores deprecandi causa, datis mandatis, per quæ Pontificem le-  
nirent, ad summum Pontificem delegat. Cum excusatione peruulgata vterentur, Re-  
gem inuitum, ad ea subsidiorum remedia, grauissimorum virorum, & doctrina præstan-  
tium consilio descendisse, qui extremæ necessitati, quæ res premebantur, & funditus pes-  
sum ibant, parendum, & consulendum decreuissent, eoque rerum conflictu, cum aræ, &  
foci, & penates ipsi hostili furori subiicerentur, licere non uestigalia modo ecclesiastica,  
sed aurum, & argentum omne sacrum, ex sanctioribus ærariis, & dona præterea fanis, at-  
que delubrorum sacrariis propter religionem dicata, auferre: dum in necessarios propu-  
gnationum vñsus conuertantur: quibus & sacri, & profani ordines, rei publicæ tuendæ  
causa æque astringuntur: modo Ecclesiis cautum sit, vti in certum tempus ablata repo-  
nantur: Pontifex de consilii sententiâ amplius pronuntiat: & iudicium in posterum differt.  
Verum quod sedes Apostolica exsecuta ad extremum non est, id Arborensis Iudex su-  
apte perfidia adnititur: vti Regem Sardinie regno vi atq; impressione euertat: Tum in ore  
vulgi, & in communi prouerbio dictum antea versatum, sæpissime à nostris hominibus  
vsurpatur: Regi, quantumuis præstanti, atq; præpotenti satis, superque haberi: si vñicum  
tantum bellum gerat.

A.D. V. K. Mai Rex cum tanta se belli mole vrgueri videt, & Henricum Trastama-  
rensem, & Henrici copias, infami capitis Capreræ pactione, & obsidibus traditis, suis ad-  
iunxisset,



iunxisset, Burrianensibus campis castra promouens III. M. equitum, & iusto exercitu co- NAT.  
actis, hosti obuiam procedit: signa postero die conterturus. Hostis, cum totius oræ ma- CHR.  
ritimæ potiretur, & miseras ciuitates euerteret, Ilergaonum regionem, qui ad Hiberum  
amnem se effundunt, & Dertosam urbem eius regionis arcem irrumpere conatus, in-  
ter Valentinum Gradum, & urbem Valentiam confederat: ut maritimis com meatibus  
interclusis, desperatisque auxiliis, Valentini in deditiōem redigerentur. Petrus Boi-  
lius urbis præfectus, cum ciuitas in opere, ac labore assiduo reficiendorum propugnacu-  
lorum teneretur, cunctis in partes muneris sui benigne operam pollicentibus, & seniori-  
bus, qui per ætatem, ac valetudinem sufficere poterant, per se munus vigiliarum obeun-  
tibus, cum urbi præesset, armata iuuentute, dispositisque præsiidiis, singulari virtute, tuta  
omnia atq; tranquilla, in tanta belliei tumultus commotione facit: & insultantem hosti-  
um ferociam coercet: cum anno na Valentinis, in Aprilis tantum finem suppeteret.

Hostis repentino Regis aduentu, Valentiam obsidionem deferens Moruedriensi  
arce includitur. Postero die Rex insigni laude parata, & magno triumpho exultans Va-  
lentiam urbem iniit: cum pro explorato haberet, hostem proelio non esse concertatu-  
rum.

Rex denuo castra deducit: ut proelio cum hoste signis collatis dimiceret. Cum ad D.  
Mariæ Podium castra fecisset, & Pureolano in agro biduo hostem, ut proelium ineat, ar-  
mis laceffit, Saguntina se hostis arce continet, Noster, postquam satis, diuq; aduersarium  
20 a se ad dimicandum prouocatum super sedere pugnae animaduertit, copias reducit.

Interea hostilis classis, quæ XXIV. actuariis, & LVI. onerariis, & aliis minoribus naui-  
bus constiterat, ad Moruedriensem Gradum adiuncta nostrorum com meatus inter-  
cludit. Cardonensis Vicecomes XI. actuariatum ductor Sucronem amnem classe subit:  
ut hostium incurfus deuiter.

Castellæ Rex Moruedriensi Gradu nauium conscendens classe A. D. XIII. K. Iun.  
Sucronis ostium occupat: & XII. depressis nauibus, fluminis fauces obstruit: actuariisq;  
scaphis annectens, & anchoris distinens aditus, atque incurfus nostrorum propugnatio-  
ni accurrentium impediens Cardonenses naues oppugnat. Cum riparum fluminis agge-  
re magnis sagittariorum cohortibus dispositis hostium impetus reprimeretur, neque no-  
30 strorum nauibus detrimentum aliquod afferri posset, breui sua tempestate coorta, cum  
in extremum discrimen hostilis classis deuenisset, hostis vniuersa classe in Moruedrien-  
sem Gradum reuehitur: & morbo conflictatus Turolium recedit. Tam duris, & impe-  
ditis regni temporibus, Maria Petri Portugalliæ Regis F. Ferdinandi Regis fratris vxor,  
quod Rege inuito, & repugnante ad patrem proficisci decreuerat, Oscæ continetur: &  
custodiæ Elfæ Gurreæ, & Theudæ ex Rigulis vxoris Petri Iordonanis Vriesii maioris  
quæstoris matronarum optimatum committitur. Rex ut eius parentem ab amicitia Ca-  
stellæ Regis reuocet, Cardonensem Vicecomitem, & Olsum Prochyta classe ad Lusita-  
num de nuptiis Iohannæ filia, & Ferdinandi Mariæ fratris collocandis delegat.

A. D. VII. K. Aug. Cæsaraugustæ, cum accusatio aceruo criminum in Capreram  
40 congesta esset, proditiōis insinulatum, & nullius flagitii conuictum, sed consilii sus-  
pectum, ex quo filium dolo hosti obsidem tradidisse arguebatur, Iohannes Regis F. in solio,  
ornatu regali sedens maiestatis, & nefariorum scelerum crimine, lata sententia, capitis  
condemnat. Summum supplicium, cum tormentorum cruciatu constituitur: Iohanne i-  
pso iudicii præside, & in nutrium animaduertente: Præfectoque Iustitiæ Aragonum  
Dominico Cerdano libertatis custode, ac vindice assessore. Cæsaraugustæ, in ipso foro  
illuie, & pedore oblitus, squalensque, vir exacta ætate, virtute, & consilio præstantissi-  
mus, atque nobilissimus, summa rerum gestarum gloria parata, capite obtruncatur. Caput  
eius Barcinonem ad Regem, Regis ipsius iussu defertur: qui eo patrato facinore, verum  
proverbium effecit: Aragonio foro cautum, usurpatumq; esse, ut pro magnis meritis, ac-  
50 ceptisq; beneficiis, non præmia, sed supplicia rependantur. Commentariis regis, quibus  
earum rerum memoriam Rex breuiter complexus est, res memorabilis traditur: cum im-  
minens mors supplicii causa constituta à Berengario Apilia, & Iacobo Monelio pro Can-  
cellario Capreræ denuntiaretur, & se maiestatis, & rei capitalis delato, indicta causa, non  
iudicium modo de factis, fama que sua fieri, sed capitis condemnari diceret, & postularer,  
ut sine inuidia, neque præiudicata causa, culpa plecteretur, Apiliam respondisse: vera ea,  
atq; testata esse. Sed illius facti in mentem veniret: quod eum morem primo ab eo suaso-  
re, & impulsore introductum viderant: quando Iohannes Simenius Vrræa, qui Epilensi  
proelio captus fuerat, ex Aragoniis proceribus vir primarius, & Raimundus Marquerius  
Barcinonensis ciuis, qui demersus regio iussu in mare fuit, quod Raimundum S. Vincen-



tij interemisset, indicta causa, capitis pœnas pependissent. Cæde Capreræ patrata, Regi tali facinore incredibile odium execratione procerum omnium contrahitur. Hic exitus viri militiæ, domiq; præclarissimi fuit. Magna sine Rege strenue, ac feliciter gesserat: Rex sine illo nihil magnæ rei opere, aut cōsilio aggredi ausus. Ita vir optimus, regi; antea maxime acceptus, & carus, cuius neq; cōsiliū vīquā, neq; virtus frustra fuerat, à quibus minime debuit, circumuentus, indigna principibus viris fraude interiit. Neq; Ferdinandi fratris cedes maiorem Regi excitauit inuidiam. Ditiones omnes, ac bona Capreræ, quod Regis furor omnibus eius fortunis immineret, publicatur: & in regium fiscū conuertuntur.

A. D. III. Non. Aug. Iohannes Emporiarum Comes Raimundi Berengarii F. Regis frater patruelis Blancam Frederici Regis Siciliæ sororem in matrimonium ducit.

Castellæ Rex Castelfaubianam arcem irato, & percito animo obsidet: quod iterum à se ciues defecissent: vt in his regionibus vsu venit, in quibus acerbum, diuturnumque bellum versatur. Quod Rex tum Cæsaraugustæ conuentui præsideret, & de republica retulisset, contenderetq; vt Iohannes F. regni gubernationi præficeretur, causam obtinere non potuit: quod filius quatuordecimum annum non haberet. Vt consentaneæ leges eo in conuentu imponerentur, promulgarenturq; & aliæ dissoluerentur & abrogarentur xv. r. viris munus delegatur. Quaterni ex singulis ordinib. deliguntur Lupus Ferdinandus Luna Cæsaraugustanus Antistes, Simon Episcopus Ofsensis, Abbas S. Iohannis Pinnatensis, Guilielmus Apilia pro Præfecto Ampostæ, Alfonsus Ripacurciensis, & Petrus Vrgellitanus Comites, Ludouic<sup>9</sup> Cornelius, Philippus Luna, Petrus Iordanis Vrrie-  
fius, Raimundus Tarba, Garcias Perezus Casuanus, Simon Perezus Salanoua: & duo Cæsaraugustani ciues Garcias Perezus Nagia, & Fortunius Liso: Martinus Anzanus Ofsensis, & Guilielmu Crexencianus Barbastrensis ciues. Rex cum Castelfaubianis obsessis opē ferre destinasset, ne conuentus rescindatur, Dominico Cerdano Iustitiæ præfecto, regiam omnem decernendi, & stabiliendi publico in cōuentu potestatem permutit.

A. D. XVI. K. Nou. Rex Montalbanū emigrans, eo loci sex dies militaribus copiis cōgēdis cōmoratus Morā XII. M. P. à Castelfaubio procedit: cuius propugnationi militariū copiarum ducem præfecerat Sanctium Lupeium Orunium. Obsessi, cum indutias cū hoste pepigissent, neq; earū tempus exisset, inter ipsas indutias deficientes arcem hosti tradunt.

Castelfaubio in deditionē coactō, hostis Aiorā vi irrupit. Castris Origuelā circūfessurus Illicim contendit. Origuelam omni tormentorum, machinarumque vi oppugnat.

A. D. VI. K. Dec. Rex Villaregali castra promouet: Algezirāq; cōtendit: vt Origuelana obsidione suos liberet: cū hoste cōcertaturus. Sed hostis ipsis copiarū suarū ductorib. diffidēs, quorū animos exploratos, & alienos habere veretur, præliū refugit. Noster, cū in Origuelanā cōuallē, A. D. III. Id. Dec. descēdisset, eo loci sex dies cōmorat: vti p̄sūd o, & cōmeatu Origuelanos muniat. Regia hostiū castra Illici p̄mota Calpē maritimū oppidū circūfidēt. Guterius Gomezus Toletus Alcātarēsis militiæ Magister, cū Moruiedrū p̄sidio, & cōmeatu cōfirmare nitere, & Alfonsus Ripacurciēsis Comes Petrus Municius Gothoius Calatrauēsis Magister, & Valētiū vrbis militaris manus obuā egredere, cōserta prope Alcublas pugna, victus mortē occūbit. Iohānes Martinus Rogius, & cōplures alii nobiles viri in nostrorū potestate deueniūt. Ea clade accepta, hostis Calpis obsidione abssistit. Hispalimq; proficisci statuit. Cardonēsis Vicecomes classe Calpēsis subuenire cōtendēs, cū hostili classe cōfligit. Nostris prælio p̄fligatis hostes v. actuariis nauib. potiūt: & Rege ipso Carthaginē introeūte, & in milites nostros, atq; remiges doloris iracūdia erūpēte, oēs contrucidantur: his tantum cōseruatis, qui recōcinnādis remis operā nauare cōsueuerāt.

1365.

K. Ian. Rex Valentia Dertosam, q̄ in vrbē cōuērus agēdos Catalanis indixerat, p̄ficiscitur. Ingentē, vt illa ferebāt tēpora, pecūniæ vim pollicetur: curatq; Ad DCCC. L. M. librarū Barcinonēsiū fuisse cōperio: vnde sumptus necessarij in rē militari in bienniū suppeditantur: atq; eo stipendiorū, & cōmeatuū auxilio aduersus p̄potentē hostē adeo subleuatur, vt magnā Aragoniæ, & Valēti regni partē ab hostib. interceptā, quæ, vti Rex ipse testatur, ipsius Valēti regni fines superaret, eriperit. Ad Lusitanū Regē Guilielmū Coniliū cōnobii Barcinonēsis Prædicatorū Priorē delegat: de dimissa Maria Regis Lusitanie F. Ferdinandi fratris vxore certiorē faciēs. Frāciscus p̄terea Periliosus, & Frāciscus Romanus de inito fœdere Tolosē cū Andegauēsi, & vetustis fœderib. sanciedis ad Frācorū Regē legāt. A. D. X. K. Mar. Rex S. Matthei fanū cōtēdit, & Castra Moruiedro admovent, oppidūq; circūfidet: cū Origuelā ipso tēporis spatio hostis fortiter oppugnaret. A. D. XIII. K. Iū. hoste Origuelā oppugnate Alfons<sup>9</sup> Perez<sup>9</sup> Guzman<sup>9</sup>, ex Castellanis p̄cerib. primari<sup>9</sup>, hostilia signa inferēs moenib<sup>9</sup>, eo in certamine occūbit. Intra octauū diē ciues vrbē hosti, atq; ēq; dedūt: Ioāne Martinio Essaua ex p̄cerib. arcis p̄fecto sagitta cōfixo: q̄ venenata plaga cōfect<sup>9</sup> est.

Quod



Quod Moruiedrum à nostris vehementissime oppugnaretur, & obsessi summa vi preme-  
rentur, neque hostis periculo obsidionis suos liberare, aut nostros inde arcere aggredere-  
tur, Hispalim proficiscitur. Summam imperii discedens nulli tradit. NAT.  
CHR.

Militares Castellorum copias, quæ in Moruiedrensi præsidio permanserant ducto-  
ribus Gomecio Peresio Porriano S. Iohannis Hierosolymitani Priore, Petro Manrico Ca-  
stellorum limitum præfecto, Alvaro Peresio Castro, & Alfonso Ferdinandio Monte-  
maiorio, post Regis sui discessum diffidentes, & rebus desperantes oppidum Regi tradunt.  
A.D. XII. K. Octob. Rex Moruiedrum introit. Dediticii, quod Regis Castellæ sum-  
mum, & crudele imperium vererentur, ad Henrici se ductum, Regis Aragoniæ auspiciis  
applicauerunt.

A.D. XIII. K. Nou. Valentini regni parte pacata, Moruiedro Rex Barcinonem con-  
tendit. Cum conuentum in A.D. VII. K. Decemb. Cæsaraugustam indixisset, & Barcino-  
ne res bellicas administrat, neq; ad constitutam diem venire posset, conueniendi tempus  
prorogat. Quod vero Gallicas militum copias, ad sua stipendia aduentantes excepturus  
esset, neque conuentui agendo interesse tot, tantisq; rebus implicito facultas esset, Duci  
Gerundæ filio committit, uti conuentum & agat, & transferat. Duce vero ordines regni  
in curiam cogente, obtestantur, ne eius coitionis causa præiudicium, libertatis diminu-  
tione in posterum fiat: quod is conuentus, neq; dici Rege absente, saluis legibus, neque a-  
gi, peragere posset: perindeque esset, ac si singillatim, nulla potestate, mandato ve con-  
uenissent.

Iohanne Alfonso Benauidio Segorbiensis præsidii, & arcis præfecto, Hispalim ad  
Regem Castellæ proficiscente expositularum, ut suis obsessis, & præpotenti vi circum-  
uentis subueniat, in vincula à Rege coniecto, & Petro Vrgellitano Comitè obsessos vr-  
guente, qui vrbi, arcisq; præfecti fuerant, in deditiorem rediguntur.

Cum Gallia pene totius oras, quacumq; militares copias, diuturno bello confecto di-  
missa iter fecissent, quasi calamitas quædam peruasisset, vagisq; discursibus raptarentur:

Vrbani Pont. Max. & Carolus Francorum Rex summopere sunt adnisi, ut ex suis pro-  
uinciis tam magna, & perniciofa reipublicæ sentina exhauriretur. Rege vero Aragoniæ

pro virili parte ad se, eas copias deducere conante, ut eorū auxiliis tam diuturna belli ma-  
la finiantur: Petrus Regis patruo, & Francisco Periliosio internuntiis conuenit: uti Ponti-

fex, Regesq; Aragonum, & Francorum centena m. florenorum dependant: cuius summe  
subsidio in Hispaniam emigrent. Præter id viæ auxilium iusta stipendia à Rege, & Henri-

co Trastamarenfi decernuntur. Neq; minoribus Henrici pollicitationibus, atq; promissis  
eanaatio pellicitur: quod eius impotenti fortitudine, atque audacia innixus fratrem regali

solio, ac fortunis omnibus se deturbaturum in animum induxerat. Exciti fuere, ad eas  
copias in Hispaniam deducendas viri bellicæ laudis virtute, & decore in primis præstan-

tes Bertrandus Gesquinas Longauillæ Comes Britto, Audenani dominus Gallia Mari-  
scallus, Clareuallis dominus, Hugo Caluileius Anglus, & Marcia Comes. Ad x. m. equitū

Ruscinonis, & Carétaniæ regionibus Pyrenæum transgressos, memoriæ proditur: neque  
maiores exterarum gentium copias in Hispaniam ex Vbedensi prælio aduentasse consti-

tit. Ian. K. Barcinone Gallici duces à Rege magnifico, & splendido apparatu, tempestiuo  
conuiuio accipiuntur.

A.D. V. Id. Ian. Rex Bertrandum Gesquinam Borgia, Elda, & Nouelda oppidis hono-  
ratio Comititis titulo donat. Barcinone A.D. XII. K. Febr. Tarraconem contendit: & Cæ-

saraugustam venire properat: ut decreta stipendia militaribus numeris persoluerentur.  
Id. Febr. in urbem introiuit. Trastamarensis Tamarito Litterensiter faciens, eo loci Io-

hannam sororem Regis Alfonsi F. Philippo Castrensi, qui Castri, & Peralta ditionum  
dominabatur, collocat: & Gonzaluo Messia, Gomezia Catillio, & Didaco Lupeio Paci-

eco comitatus, & urbem ingressus capeffendi regni consilia inire cœpit.

Henricus Trastamarensis, cum inuictum exercitum ex militibus Gallis superbissimo  
delectu conduxisset, & ipso anni tempore ad gerendum bellum vocaretur, Phari oppidi

finibus Calagurrim contendit: & in ea vrbe cum purpura, & sceptro, & insignibus regiis,  
regale Castellæ, & Legionis nomen faustis acclamationibus suscipit. Ea rerum inclinatio,

minimo temporis momento facta est: ut vrbes, arcesque omnes, atq; oppida, quæ in Ara-  
gonio, & Valentino regno hosti parebant, quibus Nouæ Castellæ nomen indiderat, repē-

tinò ab hostibus deferantur: tradanturq; Rege Cæsaraugustæ conuentui præsidente. Eo  
in conuentu A.D. III. K. Apr. Rex Franciscum Periliosum consilio, & manu præstantem

virum, virtutis ergo, nobilitatis decore cohonestat: & Vicecomitē Rotæ appellat. Rotam  
atq; Epilam oppida Salonii flumini imposita, eius iuri, atq; ditioni attribuit.



NAT.  
CHR.

CæsarAugustano contentu Calataiubium prorogato, atque traducto Calataiubium, & Daroca urbium cognomine, & amplissimis honoribus, atq; præmiis, ob egregiam in eo bello à ciuibus nauatam operā à Rege decoratur. Omnium ordinum consensu Rex præclarū iudicii testimoniū Calataiubiensibus ciuibus, mortuis ac uiuis, ut nec ludæos quidem, aut Sarracenos exciperet, virtutis, & fidelitatis summę erga patriam tribuit: Dominico Cerdano Iustitiæ Aragonum Præfecto Conuentui iudice assidente.

Cum Burgis Henrico, veluti legitimam regnorum possessionem vsurpanti, sollemni cærimoniarum pompa regium diadema esset impositum, Iohanna eius vxor CæsarAugustæ A. D. VII. K. Iul. in sacrario Cœnobii Minorum iurisiurandi fidem interponit, se enixe operam daturam, atque omni conatu curaturam, ut pacta à viro conuenta incolumia, ac salua, integraque retinerentur: eaque pars regni Castellæ traderetur: quam Aragonio regno contribuendam pepigerant: Episcopo Gerundenſi sacrum Domini corpus præseferente. Eisanctioni scribendæ obtestatione, ac pœna sacratæ adfuerunt Iacobus Alfonsi Ripacurcię Comitiss frater Dertosanus, & Innicus Gerundenſis, Episcopi, Vicecomes Cardonenſis, Gonzalvus Gonzalvus Luzius, & Aluarus Garcias Albornocius. Iulio mense ineunte, Leonoram Regis filiam secum ducens ad virum proficiscitur. Leonoræ enim, & Iohannis Henrici filii nuptiæ depactæ fuerant. CæsarAugustanus Antistes, & Bernardus Thousius, & Dominicus Lupeſius Sarnes, qui à Rege ad Henricum legati fuerant, Leonoram magno comitatu prosequuntur.

Petrus Castellæ Rex imminentem fratris, & Gallicarum copiarum tumultus furorē deuitans, & ad externa etiam, & aduenticia auxilia decurrens Lusitaniam, & Galleciæ regionibus Baionam Aquitaniam urbem, & inde ad Eduardum Angliæ Regem cum thesauris, quorum cautior, quam regni custos fuerat, contendit.

Bugienſis, Constantinensis, & Tunetanus Reges tributa quotannis Regi conferre assueti, cum ob intestina bella dependere intermisset, novorum fœderum pactiōibus, conditionibusque alliciuntur. Cacinus Abuhalmalius Zahabenus Babylonius Imperator, Sultanum vocabant, Christianos omnes in Asia, & Ægypto negotiantes, commorantesque, cum comprehendi imperasset, quod Petrus Lusitanus Cypri Rex subita incursione Ægypti oras incurisset, & Alexandriæ partem diripisset, Omberio Fonollario, & Iasberto Camplongio à Rege in Ægyptum legatis, respectu ad Regem habito, Catalanos omnes, & Aragonios dimitti iubet. Isque Regi honos est habitus, ut D. Barbaræ corpus, quod Ægyptio quodam fano pie, religioſeque asseruabatur, & Rex ad se deduci summo opere postulasset, quod etiam Alfonsum Regem, Ferdinandi Regis, qui magnam Bæticæ prouinciæ partem à Maurorum dominio vindicauerat, filium maxime concupuisse memoriæ proditur, Sultanus ad Regem asportari permiserit. Summa tamen siue pietate siue obstinatione Christianorum, qui vastas Ægypti solitudines, atq; recessus incolunt & Diuæ reliquias sancte venerari, colereq; ac fauorem deprecari consueuerant, ne ad nostros deuehantur, occulantur.

Marianus Arborensis Iudex, & Salebroſus Oria bellum in Sardinia, quod cum Genuensibus pace, & otio refederat, nostris inferunt. Olfus Prochyta classe in Sardiniam transfuchitur: & Hugo Santapacius aliquot militares copias comparans Sardois rebus Octobri mense subuenit: & Berengario Carrocio Quirrenſi Comiti adiuncti bellum hostibus inferunt: cum Arborensis superior esset. Santapacius Galluritana regione copiis coactis se reficiens, fortiter hosti resistit: ac Fabanam arcem communito præsidio obstruit: & Oliuerium Togorem nauum, & strenuum virum arci præficit. Iohannes Carrocus Alguerienſibus dux delegatur. Quod Pisani Regis permissu denuo aliquorum oppidorum, atque arcium Sardinia possessionem vsurpauerant, atq; ii omnes Mariano potissime opitularentur, Rex Iohannem Agnellum Ducem Pisarum, ac senatum cohortari, ac commonere non intermittit, quo ab eo consilio desistant: neue Francus, aut Aimericus Vicecomes Narbonensis sinant, ut in portubus, stationibusve suis Mariani classes instruantur: aut arment. Pisani vero, ut à Rege imperia quoquo modo perferat, grauissime dolent.

Rogerus Bernardus Fuxensis Castelloni, & Franciscus Periliosus Rotæ Vicecomites Septembri mense exacto Tolosæ, cum Ludouico Andegauenſi Duce Regis mandato, aduersus Nauarrum fœdera icunt: qui se Anglis, & Petro Castellæ Regi addixerat. Eo in colloquio paciscuntur: ut Francorum, & Aragonum Reges, & Henricus Trastamarenſis fœderibus adiuncti Eduardo Angliæ Regi, Walizæ principi eius filio, & Nauarræ Regi bellum inferant.

Rudericus Oricius ex intimis Nauarræ Regis, & Egidius Garcias Dianizius copiarum militarium Nauarrorum, & Anglorū ductores Aragoniæ fines incurretes Septembri mense



menſe Iaccam urbem circumſident: oppugnantque. Garcias Latraſius Iaccetanarum co. NAT. hortium præfectus in ea propugnatione mortē occumbit. Cum fruſtra obſidio ſuſcepta CHR. eſſet, regionem eam depreſdantes, vaſtantesque in Nauarram regrediuntur.

Petrus Portugalliæ Rex, qui artiori fœderis vinculo, ad Henrici ſe Traſtamarenſis 1367. partes applicuerat, moritur. Ferdinandus eius F. in regnum adſciſcitur: qui magnis propinquitatis, & affinitatis vinculis Regi erat adiunctus. Cum eo, & Iohanne, ac Dionyſio fratribus A. D. IV. Non. Mart. Alphonſo Caſtelnouo Regis legato internuntio, vetuſtorum fœderum pactiones firmantur: Ferdinando in S. Irenes finibus, regia Alcannaharum villa reſidente.

10 A. D. VI. Id. Mart. Ilerdæ in arce regia, cum Abiceno Galipo Alcapelli Mahomatis Granatenſis Regis legato pacis fœdera aduerſus Petrum Caſtellæ Regem ſanciuntur. His pactionibus ora omnis maritima à promontorio Conteſtanorum Ceruerio nuncupato, ad Leucatam ſupra Salſulas Narbonenſis prouinciæ oppidum, & adiacentes inſulæ continentur.

A. D. III. Non. Apr. ad Naiaram urbem Petrus, & Henricus fratres de ſua potentia, atq; imperio externis auxiliis, exitioſo proelio dimicant: quo vires Henrici omnes delentur, atq; proſternuntur. Eduardi Waliz Principis virtute, atque excellenti præſtantia, & Angli militis robore victoria ea conſtitit. Henricus acie proſtigatus, ac pæne ad exitium deductus, pernici equo impoſitus euasit: atque erupit: & dum non maiore equitum præſidio, quam quibus vitam committere audeat, in fugam ſe coniicit, ſummum vitæ diſcrimen adit. Demum latebris, ac ſaltibus ſe eripiens, & in Illüecam Iohannis Martinii Lunæ oppidum ſe conferens, comite Petro Luna Iohannis fratre, tranſuerſis itineribus, & commutatis perſonis Aragoniæ Regem, haud aliter, atq; hoſtem deuitans, Iaccetano ſaltu in Eluſares, Fuxenſes vocant, tranſgreditur. Capti memorabili eo proelio fuere Sanctius Henrici frater, Alphonſus Ripacurciæ Comes, & Bertrandus Geſquinas Gallicarum copiarum primarius ductor, conſilio, & virtute in eo bello inſignis. Walus tantæ ferocitatis victorem, ne in ſuos ſæuiret, comprimere non potuit. Nuntio eius cladi accepto Toletanus, & Cæſarauguſtanus Antiſtites, qui Burgis cum Iohanna Henrici vxore perſtiterant, contento curſu Reginam, & Leonoram nurum deducentes in Aragoniam perfugiunt: 20 & ex victoris hoſtis manibus elabuntur.

Tam inſperato rerum euentu Rex, poſtquam extenuari ſpem ſuam, atq; euaneſcere videt, præſertim Henrico, qui in ipſo regni aditu Murtienſe regnum, atque ingentem aliam regionis ditionem, quæ cum Aragoniæ regno continens eſt, ſi regnum adeptus eſſet, attributurum ſponſederat, tradere renuente, ad noua ſe conſilia traducit: & Regi victori, & Waliz Principi fœderum pactione adiungi nititur. Tantum momenti in vna victoria fuit: vt plane Henrici res non acciſæ modo, ſed deſperatæ omnibus viderentur. Præcipui conſiliarii Regis ad Angli amicitiam traducendi fuere Romæus Ilerdenſis Episcopus, Petrus Vrgellitanus Comes, Vicecomes Cardonenſis, Iohannes Ferdinandus Heredia Ampoſtæ præfectus ordinis S. Iohannis Hieroſolymitani in Caſtellæ & Legionis 40 regnis Prior: quorum ſuaſu Rex ad Petrum Caſtellæ Regem de fœdere ineundo Sanctiū Gonzaluium Herediam legauerat: & ad Waliz principem, ob eam rem, Burgos à Rege legati fuerant Raimundus Peguera, & Iacobus Ezfarius. Walus Armeniacenſem Comittem, vt de ea re tranſigeretur, Deciam præmittit: & Ilerdenſis Episcopus, Vrgellitanus, Cardonenſis, Prior Hieroſolymitanus, Lupus Gurrea, & Iacobus Ezfarius Moris oppido ſubſiſtunt: vt conſilia cum Armeniacenſi propius communicentur. Eo colloquia reciderant, vt iam legatorum conſilio Aragonius, & Walus cum Nauarræ, & Portugalliæ Regibus Caſtellæ, & Legionis regna partirentur.

Henricus ſingulari, & incredibili virtute, admirabiliq; feſtinatione uſus, vndiq; periculis cinctus celeritate conſilii, atq; ope Caroli Francorum Regis, & Ludouici eius fratris ſe, ſuaſque res ex innumeris difficultatibus & incommodis explicat. Copias militares repentino delectu conducens Arana valle, & Ripacurciënſi Pyrenæi ſaltu in Aragoniam Rege inuito, atq; repugnante accelerans, cum à tranſitu arceri non poſſet A. D. VIII. K. Oct. II. M. P. ab Oſca ſubſiſtit. Rege conuentum Cæſarauguſtæ agente, equitatus omnis educitur, vt Henrici copiz intercludantur: ſed itineribus deuſis antecedens, & ad Azagram oppidum Hiberum traiciens Calagurrim contendit. Cum fratris immanis dominatus eo erupiſſet, vt vix iam reliquum eſſet, vnde ſe reficeret, aut vbi lapſus reſiſteret, in tanto mortalium odio, ciuitates pæne omnes aditum ad regnum capeſſendum Henrico patefaciunt. Burgenſi caſtello, totius regni arce, & Iacobo Balearico Neapolitano Rege, qui in eius arcis cuſtodiam à Petro Rege inclufus fuerat, Henrico traditis, tâta ſtatuſ, atq; 50



NAT.  
CHR.

imperii conuersio subito fit, vt præter vtriusq; spem, ad alterum species victoriæ peruenit, fructus alteri partus sit: & Henricus pæne vrbes omnes, atq; arces transcenso Pyrenæo ad se traduxerit: fratre in vltimis terris commorante.

A. D. III. K. Nouemb. Barcinone Rex Albarazinensem ciuitatē sub regale imperium subiungit: & in regiam ditionem, potestatemq; redigit.

Rex, & Walia Princeps, & Nauarrus haud aliter, ac si regnorum Castellæ, & Legionensis populi hereditariam auctiōem constituerent, quasi ea dare alterutri fratrum, aut adimere possent, Tarbam Aquitanix urbem legatos mittunt: quem in locum Petri ipsius Castellæ Regis legati concesserant. Nouembri mense, de auxiliis Petro mittendis deliberant: pactione urbium, & oppidorum, quæ vnusquisq; eorum Principum iam spe, & opinatione obduxerat. Eo ipso tempore Rex interuentu Cardonensis Vicecomitis Anglo, & Petro adiungi, & cum Ferdinando Portugalliæ Rege, & Nauarro concordia fœdera sancire, vt regna Castellæ, & Legionensis populi inter se partiantur, constituit. Seorsim sua Henrico fœdera, præcipiti cupiditate regni, imperiiq; dilatandi sanciuntur.

Urbanus P. M. hoc anno Cardinalium collegio dolente, ac bene coacto Auenione Romam nauigat.

1368.

Cum Rex Anglo, & Walia Principi eius F. pactione fœderum adiungi constituisset, magnæ Gallorum manus turbulenta, & temeraria incursione vagantes, Februario ineunte Arana valle erumpentes, aliquot oppida diripiunt, atque incendunt. Rege suspicante, id facinus Regis Francorum consilio patratum, vt se ab Angli amicitia reuocet, Franciscum Periliosum, & Iacobum Ezfarum in Galliam, C. M. florenorum, ex Mompellerii pretio exigendorum causa, & damnorum, eruptione earum copiarum illata, resarciendorum, quod regiis stipendiis aduentasse fama percerebuerat, legatos mittit: Paciscuntur, vti Francus Regi, aduersus Petrum Regem, & Arborensē Iudicem opituletur: & Henrico bellum inferat: nisi suo iudicio dirimendam eam controuersiam statuatur, quæ illi cum Rege, de Murtiensis regni donatione, ab eo postremo facta, vertitur. Francus Periliosum rebus maritimis præficit: & classibus, bello cum Anglo redintegrato, viri præstantiâ, & virtute cognita, penitusq; perspecta, ducem præbuit.

Sardistotiēns vinci assuetis, & nunquam pacatis, aut omni ex parte perdomitis, Mariano Arborensi omnium defectionum principi, & regnum appetenti, qui tot oppida, atque arces vi expugnasset, postremo Sanlarienses, & Ecclesienses deduntur. Rex difficillimo tempore, vt suis subuentum sit, classi, quam comparauerat, Petrum Lunam, qui Almonczirii, & Polæ dominabatur, virum ex Aragoniis proceribus primarium præficit. Copiis expositis, & bello illato, cum Arborensis nostrorum impressione se in Oristanam arcem abdidisset, atque in eum locum compulsus, castris circumfederetur, Luna rei bene gerendæ studio ad dimicandum impellitur. Deminutis paullo post copiis, & excubiis, vigiliisque desidia, atque nostrorum ignauia intermissis, eruptione facta, obsessi castra adoriantur. Nostri cæduntur, atque profligantur. Luna, & Philippus eius frater mortem in certamine occumbunt. Cum ea accepta clade, maximo in discrimine res Sardoæ versarentur, tot detrimentis acceptis, Rex in Sardiniam se traiecturum, vt suis omni ratione subueniat, palam denuntiat.

A. D. X. K. Iul. Rex Martinum F. Besalunensi ditione, honorario Comitibus titulo, atq; cognomine donat.

A. D. XII. K. Aug. indutiæ cum Petro Castellæ Rege pactæ in A. D. K. Sept. prorogantur.

Henrico bellum in Vaccæis gerente, cum Oterdefumos oppugnat, Bernardinus Caprera Ausonensis Comes, qui se Henrico, patris alioqui extinctori addixerat, in oppugnatione fortiter dimicans occumbit.

Cum Henricus arta obsidione Toletum circumfedisset, Francorum Regis legati obtestantur, vt de controuersis omnibus, quæ in disceptationem, cum Aragonum Rege vocantur, Francum iudicem sumat: & in certam diem dirimantur. Iurisiurandi religione, præsentibus Petro Regis patruo, Toletano Antistite, Petro Ferdinandio Velasco, Ferdinando Perefio Aiala, Didaco Gomezio Toletano, Gonzaluo Messia Pontano, & Petro Tenorio Archidiacono Cauriensis in tabernaculo obstringitur, se in Francorum Regis iudicium controuersias eas reiecturum.

Copiæ per Gallias prouincias in fortunas omnium temere incurstantes, Decembri mense Pyrenæi saltu in Palliariensem tractum inuadunt. Trempim Lacetanorum oppidum vi expugnant, diripiuntque: & regionem eam omnem depopulantur. Eo tumultu nuntiato,



nuntiato, cum improviso oppressis, nec animi satis ad resistendum, nec virium esset, Rex  
Decembri mense ferme decurso, Ceruicem properat: hostiles copias montosis locis ex-  
trahens. Iohannes F. in Aragoniam accelerans equitatum, peditatumq; omnem in eam.  
expeditionem exciuit.

Francisco Sanclemente, & Berengario Dezprato legatis inter Aragonium, & An-  
glum Reges conuenit: ut Portugallia, & Nauarra Regibus adiunctis Petrum, & Henri-  
cum ad foedera a se pacta cohortentur: & eis renuentibus: & tergiuersantibus ad regno-  
rum Castellae, & Legionensis populi partitionem, atq; irruptionem congregiantur. Sed  
in eam pactionem deueniunt, quod neq; Rege Sardoo bello implicito, ab Henrici con-  
cordia secedere iusta, aut utilis videtur causa, si pacta conuenta seruentur: neq; Waliae  
Princeps honeste foederi cum Petro inito deesse potest, si Viscaya, & aliae ditiones pro-  
missae tradantur.

Barcinone a Rege Kalendae Ianuariæ, sollemnia incipientis anni, vetusta religione,  
moreque celebrantur.

A. D. XVI. K. Febr. Rex, quod in Sardinia regiae opes contuse, hostiumq; auctae erant,  
Berengarium Carrozzium Quirra Comitem Sardoi belli gerendi administratorem, &  
imperatorem creat. Arborensis capitalis hostis oppidis, praesidiisq; regis exitiosum bel-  
lum infert. Brancaleo Oria ex perduellium numero definitus, quod Arborensis imperio  
se addixisset, voluntarii facinoris veniam consecutus, & in fidem receptus, regio se im-  
perio committit. Rex ut maius fidei testimonium illi tribuere videatur, insigni regio mi-  
litari anchorae, quo uti assueuerat, eum decorat: ac veluti auctoramento deuincit.

Sardoo bello tam acerbo, atq; diuturno nostros opprimente, simulatum proficiscen-  
di in in Sardiniam consilium a Rege refertur: & denuo se traiecturum confirmat. Vexil-  
lum regiae expeditionis insigne, postridie festi diei resurrectionis Domini in Barcino-  
nensi arce, sollemni caerimonia proponitur. Cum Rex totus mente, ut apparet, & animo  
in bello Sardorum insistit, atq; ei bello gerendo imperator destinatur, dum naues ador-  
nantur, atq; impedimenta conquiruntur, exilio aut morte damnati restituuntur, & pecu-  
niae creditae tabulis nouis, debitoribus prorogantur, labantes res, spe profectionis diutius  
sulsit, atque sustinuit.

Arborensi Sacerdotes se dedunt: & nostri in arcem confugiunt: quam hostes cum  
vehementer oppugnarent, Sanctius Simenius Aierbius Sanctii Simenii Aierbii Iustitiae  
Aragonum Praefecti nepos in propugnatione occumbit.

A. D. II. Id. Mart. Petrus, & Henricus fratres de summa regni ad Montielem in Ore-  
tanis dimicant: quo in proelio, cum Petri acies funderentur, eo in arcem Montielanam  
refugiente, atque compulso, & muro, ne elabi posset, & corona militum septo, cum fide &  
pollicitationibus Bertrandi Gesquinae inductus se illi tradere constituisset, & fraude, ac  
fallaciis impulsus in Bertrandi tentorium descendisset, quod ab hostis manibus se eum e-  
repturum sponderat, in fratrem incidens cum ferro, in tenebris dimicant, atque lu-  
tantur, Petrus miserandum in modum contrucidatur. Nam ad pedes prostrati, nisi Hen-  
ricus a suis subleuatus esset, mutuis se ictibus, quod de Thebanis Regibus fratribus fabu-  
le ferunt, concidissent. Henrico, non tam impotenti ambitu, & armorum impressione  
regnum adepto, quam saeva fratris tyrannide a cunctis ordinibus euocato, atque adscito  
in ipsis regni primordiis, dum maxime imperium fundet, atq; stabiliat, se Gothicae gen-  
tis more, atq; instituto electum, & ad regnum vocatum testatur: ut adscitus potius, electusq;  
a re publica, quam armorum vi, & fraterna nece principatum consecutus videatur: aut  
regnum scelere partum.

Molinenfis, Requenensis, Canetana, Fonsaliciensis, & Algariensis arces in tam ce-  
leri rerum commutatione Regi Aragonio deduntur: qui pactis cum Henrico Rege con-  
uentis, se & Murtiensis regni, & plurium aliarum ditionum Aragoniae finibus continen-  
tium potius sperat. His in fidem acceptis Henricus bellum aduersus Regem parat: quo ar-  
ces eas, & Molinensem tractum vindicet. Rex Molinensibus praesidiis Ferdinandum  
Lupium Seseium, atci Garciam Veram, & ducem Ferdinandum Aluarum Cueuam  
praeficit. Albarrazinensibus finibus Ferdinandus Lupius Heredia, & Farizienfis San-  
ctius Gonzaluis Herediae questres copias cogunt: & vniuersi Episcopi Turiasonensis,  
& Martini Lihorii ductui, & imperio parent.

Iacobus Balearicus, qui in potestatem Henrici venerat, a Iohanna Regina uxore Lxx.  
M. nummum aureorum, quos duplices vocant, Rege inuito, & contra dicente, redimitur.

A. D. XV. K. Mai. Alfonsi Regis corpus Barcinonensi tumulo ad D. Francisci humatum,  
Ilerdam in coenobium fratrum Minorum Regis filii iussu, & iustis funeribus assidentis  
transfertur.



NAT.  
CHR.

Molinæ, & Requenæ finibus nouum bellum excipit: quod Henricus Bertrando Gesquinæ Molinam, & eius oppidi ditionem addixisset: & pactiones omnes confectas, atque conflatas, conditionesque perturbasset. Requenensis arx à nostris deditur.

Rex, quod omne ad se bellum translatum videt, Ferdinando Portugalliæ, Mahometo Granatensi, & Abaiferio Abdelazizio Algarbiensi, & Fecensi Regibus, & Walliæ Principi aduersus Henricum pacta conuenta rescindentem foederum vinculis adiungitur.

Rege conuentui agendo Valentiz affidente Aragonensibus conuentum in A.D.K. Iul. Rubiolos oppidum indicit. Sed Præfecto Iustitiæ Aragonum, & Garcia Lupefio Sefefio Regni gubernatore, & his, qui conuocati fuerant, non comparentibus, quod Præfectus non adesset, conuentus in eam diem, quam Rex destinarat, prorogari non potuit: & necessario in aliam indicationem reicitur.

Petrus Lusinianus Rex Cypri ex Leonora Regis consobrina, Petro filio puero relicto, infidiis, & proditione suorum necatur. Leonora Regina, & Iacobus Lusinianus Cypri Connestabulus demortui Regis frater, & Ianus Lusinianus Iacobi F. Antiochenus Princeps gubernaculis regni præficiuntur. Rex Francisco Vilarasæ, & Iacobo Fibellerio Cypriam legationem committit: vt suis verbis Reginam consolentur: & regno pueri stabilendo, atque confirmando operam impendant.

A.D.IX. K. Iul. Valentiz Rex Martino filio Senescaliæ Cataloniæ munere, atque imperio iniuncto, rerum militarium, & bellicarium notionem, ac summum iudicium attribuit: adiungitq; atque adnectit proprium officium, & munus Connestabuli: & instituit, vt regnorum cis mare, & ultra Connestabuli cognomen vsurpet: & ei muneri in posterum, aut liberi regii, aut regio sanguine orti præficiantur.

1370.

Ianuario mense Dertosæ Rege ad Sardoum bellum animum intendente, nondum hieme confecta in demortui Petri Lunæ locum rebus bellicis Berengarius Carrozius Quirensis Comes præficitur imperator: & Rex maturius de bello sibi cogitandum statuit. Benuentus Graphæus Partanæ dominus ex Sicilia classe in Sardiniam præteruectus Caralitaniæ, & Algueriemsem ciuitatem, arcesque, cum celeri opus esset auxilio & à comœatu & reliquis copiis intercluderentur, extranea vi subleuat. Ioioseguardæ, Aquefrigidæ, S. Michaelis, & Quiræ oppidorum arces muniuntur.

Primo vere ineunte Brancaleo Oria Arborensi bellum infert. Commisso certamine Arborenses ab Oriis profligantur. Rex, tamen post id factum paulo quietiorem Sardiniam habet, tamen profectiois suæ famam semper adaugens, quasi propinquo tempore profecturus, diutissime suorum expectationem decipit.

Cum Saluaterra, & Regale oppida Nauarræ finibus sita, & à Nauarris intercepta restituerentur, foederum factiones cum Carolo Rege firmanantur: eaq; concordia aduersus Henricum, ambo reges conciliantur.

Dertosa Barcinonem Rege profecto, Martinus Eborensis, & Iohannes Siluenfis Episcopi, Martinus Alcobaciensis cœnobii Abbas, & Iohannes Alfonsus Barcelorum Comes Ferdinandi Portugalliæ Regis legati, nauium actuariarum classe in eam oram Iunii mensis fine appulsi vetusta foedera renouant. Rege maiorem Lusitaniæ motum expectante, cum à proximis impetrare non posset, vltiorem temptandum sibi, & alliciendum Lusitanum arbitratu regnorum Castellæ, & Legionensis populi pactione, cum vndique à Lusitana bellum parari videret, cum eo consilia communicat: & hæc prius Henrico detrahenda auxilia existimat: quam ipsum aperto bello laceffit. Hoc inito consilio, deliberat de Leonora filia Lusitano in matrimonium tradenda. Rex fidem suam obstringit, se Septembri mense proximo ineunte Henrico bellum illaturum: Murtiensi regno, & Molinæ, plurimumque aliarum urbium, & oppidorum ditione sibi attributis. Cum sponsalia, Regis Ferdinandi mandata, Barcinone celebrarentur, & Ferdinandi fratre, & Vianæ Comite, Barcelorum Comitis filio obsidibus postea traditis firmarentur, pacta omnia breui dirimuntur.

Nuptiis Iohannis Gerundæ Ducis, & Iohannæ Philippi Valesii Francorum Regis filiz ex Blanca eius vxore, Philippi Eburouicis Nauerræ Regis filia, Lupi Gurrez, & Berengarii Apiliz Regis legatorum interuentu pactis, quibus Rex adiungere sibi Gallorum gentem sperat, cum cœuenisset, vt reliqua summa ex pretio Mompelleriæ urbis ditionesq; Regi dependeretur, & Iohanna ad maritum cum magno comitatu, apparatuq; regio aduentaret: graui morbo Bliteris afflictata, vehementiusq; ingrauescente, magno omnium mœrore, puella excellenti formæ pulchritudine, Decembris mensis fine moritur.

Magna ea tempestate contentio, ciuilesque motus, Caralonia in partes diuisa oriuntur:



tur: Rege ipso maximas turbas concitate. Nobilitas enim pæne omnis Regis consilio, atq; NAT. consensu, aduersus Petrum Vrgellitanum, & Iohannem Emporitanum Comites & Vicecomites CHR. Cardonæ Castellboni coitit: q; nobiles omnes suæ iurisdictioni subiicere tanq; subditicios conarētur. Cū ad Noix amnis ripas, ppe Martorellū, Comites copiis coactis cōsedissent, pæne ad arma res deducitur: ingētesq; tumultus, Rege nobiliū factioni fauente, atq; opitulante excitantur. Vulgo ea nobiliū coitio, Cōuenientiæ nomē sortitur: & Rege Comitēs coercēte, omnes in ditionē, potestatemq; regiā paulatim rediguntur. Imperio, ac ditione Comitum imminuta, & in ordinem redacta, inter Regem, & Petrum Vrgellitanum ex ea cōtentione, summa de iurisdictione dissensio fuit: quod Petrus Cōnitatus Vrgellitani, & Vicecomitatus Agerensis supremum ius, potestatemq; summam sibi vindicaret.

Urbanus Pont. Maxim. reipublicæ Christianæ pro virili parte consulens summo opere adnititur, vt Hērico Regi cæteros Hispaniæ Reges cōcordiæ fœdere deuinciat. Eius rei causa Bertrandum Conuenatē, & Agapetum Brixiensem primo, & post Olisiponensem Episcopos legat: sed Massiliæ Decembri mense re infecta moritur. Nam cum bellum sacrum, tot per annos in Hispania intermissum esset, nulla, nisi in Regum concordia spes reliqua, ducebatur: & eam per equa, & iniqua reconciliandam esse vniuersæ Christianæ reipublicæ constituerat.

Sardois rebus summis difficultatibus affectis, & Arborensi indies imperium, arma- 1371. que promouente, & Rege profectionem, & expeditionem, non modo desperante, sed neque auxiliorum ratione vlla omnino domi apparente, ea spes fit reliqua, vt Brancaleo Oria in Aprilem indutias cum hoste paciscatur. Eo temporis interuallo Berengarius Ripolius vi. actuariarum nauium ductor Caralitana, Algueriensemq; arces præsiidiis, com meatuq; firmat. Arborensis rempublicam ægram, labantemq; adeo vrguet, premitque, vt omni ex parte bellum in Sardiniam peruaserit: & nisi Dominicus Campofregosus Genuensium Dux, & maior Genuensis senatus pars in fide permansissent, & pactis conuentis stetissent, funditus omnia euerterentur: & Aragonium nomen in Sardinia deletum esset.

Berengarius Carrozius Comes Quirrensis Auenione exercitum externo milite 30 conducit. Is exercitus M. equitum turmis, quorum singuli ternis equis merent, & D. hipopotoxotis binos equos ducentibus, & M. peditum cohortibus, quibus Gualterius Benedictus Anglus excellenti virtute ductor præerat, constitit: conuenitq; vt externa ea auxilia Liburno portu conscenderent: quo commodissimus in Sardiniam traiectus est: vt equitatus, & impedimenta vectoriis, grauioribusque nauigiis expeditius transportarentur. Cum à nostris in Sardoos sumptus intolerabilia tributa exigerentur, nec ferri æqualiter possent, aut continentia bella finē afferrent tributorum, & quotidie raptaretur, lacerareturq; populus, clamitare omnes, vt Sardiniam vastam, ac desertam, exloque, & loco calamitosam, & pestilentem, perpetuis paludibus, siluisq; munitam, varie possessam, & sæpe amissam partibus, Rex mastrucatis Sardis, vilissimæ, vanissimæ, & sordidissimæ nationi relinquat: & internis discordiis Genuensium tradat: si Aragoniæ vltioni consultum 40 velit. Sed quamuis ea ab iis, qui deponendi belli auctores erant, passim iactarentur, & damna bellorum deslerent, atque assidua expeditionum pericula exsecrarentur, magno tamē Rex conatu, rebus afflictis, ac perditis subuenire constituit. Rege Caspe oppido ad Hiberum, cōuentum Nouembri ex acto agente, Gualterius Benedictus Anglicarum copiarum ductor honorario Arborensis comitatus titulo, & ditione donatur. Adornata classe Olfus Prochytaei præficitur, & in onerarias naues equitum nostrorum turmx Berengario Garrozio ductore imponuntur. Ex Gallia item prouincia aliquot copię in Sardinia transportantur: quibus Philippus Lambertus Villafausæ dominus, Ludouicus Rosus, & Raimūdu Augerius Pōtis Sorge delecti sunt duces: sub quibus stipēdia faciunt.

Ea ipsa tempestate Iacobus Balearicus Auenione, ex Narbonensis item prouinciæ 50 delectu copias cogit: vt in Ruscinonensem tractum, Cæretanumq; bellum inferat: quorum finibus Rex Vicecomitem insulæ & Canneti præficit.

Philippus Castrensis regia Aragoniæ domus prosapia ortus, & Parietensi ditione ab Henrico Rege affini in Vacceis donatus, ab oppidanis rusticanis hominibus, eius imperium detrectantibus interficitur: Leonora filia, ex vxore Iohanna Henrici sorore relicta.

Gregorio XI. Pont. Max. iu summum Pontificatum euecto, qua erat in rempublicā 1372. Christianam pietate, summo opere adnitente vt pia, æternaq; pax Hispaniæ Regibus sanciretur, in ipso summi Apostolatus aditu, iisdem internuntiis, quos Urbanus legauerat, etiā atque etiam id ipsum vrguet, instatque. Eo adnitente, atque cohortante Henricus Rex



NAT.  
CHR.

Burgensi Episcopo, & Alvaro Garcia Albornoio, Rex vero Ilerdensi Episcopo, & Raimundo Alamano Ceruilionio, ut de controuersis omnibus deliberent, atque consultant, commendant: atque contredunt. Castelfauibij Conuenati Episcopo, qui in Cardinalium collegium cooptatus fuerat, adiuncti statuunt: ut concordia, pactionumque summam tractandam, conficiendamque Reges ad Pont. Max. & amplissimum ordinem, in proximos iix. menses decidendam reiiciant.

Cum A. D. II. Non. Ian. Alcanicij Conuenate Cardinali assidente pacta conuenta firmarentur, & A. D. III. Non. Febr. Petro Lupio Padillia Henrici legato praesente denuo sancirentur, summo Henricus opere adnititur, ut controuersiae omnes, suo potius ipsorum Regum consilio, & arbitrio, quam alieno iudicio componantur: & bello finem auctoritate sua imponant: cui in nouo principatu stabiliendo summa inerat ad praecauendum, consulendi astutia. Demum omnia polliceri: modo integris suis finibus bellum compositum foret. Federibus enim ab Henrico violatis, cuius filio Rex filiam suam collocare, pactione ditionum sibi tradendarum sponderat, quod Rex affinitate ea se se ei deuincire renuit, summam pecuniae augendo sperat Henricus pretio pacem, & amicitiam Regis coemere: & ditiones regias retinere.

Summo Pontifice insigni sanctitate praedito principes omnes pacatos reddere adnitente, grauissimoque ad instituendam pacem auctore, & ad confirmandam virtute animi, atque iustitiae, & innocentiae exemplo maxime idoneo, summa perpetuae concordiae Frederico Siciliae Regi, & Iohannae Neapolitanae Reginae continenti bello implicitis constituitur: & A. D. V. I. K. Septemb. Villanovae ad Auenionem confirmatur. Vt artioribus coniunctionis vinculis astringantur, cum summam consiliorum praesent, Guilielmus Peralta Calatabellorae, Artallus Alagon Mistretae, Matthaeus Moncada Augustae, & Adorni Comites, Iohannes Claramontius, & Franciscus Intemelius a quibus conditionibus pace composita conuenit, ut Fredericus Antoniam Francisci Baucii Andriae Ducis filiam ex Margarita uxore, ea Philippi Tarentini Principis, & Catharinae Constantinopolitanae Augustae filia fuit, Iohannae consobrinam in matrimonium ducat. Ea constituta pace, interdicta, quibus tot per annos Ecclesia Siculos execratur, & sacrorum aditu arcentur, tolluntur: & ob eam causam Salernitanus Episcopus in Siciliam legatur: piaculisque Siculi omnes soluantur. Iohannae, liberisque eius, posterisque eorum legitimis summa supremaque regni Trinacriae potestas, & adiacentium insularum a Frederico attribuitur: & eius mandato sacramento sanciri decernunt. Fredericus x. actuariis nauibus, & c. grauis armaturae equitibus, auxilia Iohannae, si hostes eius regnum adoriantur, ferat. Quotannis Sanctorum Petri, & Paulli festo die, Neapoli III. M. vnciarum auri, quae xv. M. florenorum summam conficiunt, dependet: eius tributum habita ratione, quod Iohanna ex Siciliae insulae regni iure quaesita Ecclesiae in singulos annos pendit. Praetertorum annorum tributa remittuntur: atque condonantur. Liparis insula Iohanna mortua Frederici regno contribui debere censetur. Cum ea pacta conuenta a summo Pontifice sancirentur, decretum interponit, quo cauetur: uti feminae Trinacriae Regum filiae, virorum prole non superstiti, regia iura adipiscantur: nominatimque Maria Frederici Regis F. Aragonum Regis neptis ea conditione ad paternum regnum hereditarium adsciscitur, arcessiturque. Aragonius nimis graue praepudicium in se a Pontifice factum conqueritur: quod feminis ad regni Siculi hereditatem obeundam, aditus daretur: quas Fredericus Rex maior patruus in partem hereditatis minime vocasset: & ad se eius regni hereditas a propinquis Regibus veniret: & eius rei causa Raimundum Alamanum Ceruilionem ad Pontificem legat: ut obtestetur: se suo tempore ius suum armis persecuturum: quamuis primum eo ipso tempore a Sede Apostolica Aragoniis principibus legitima iura Siciliae regni sunt quodammodo constituta: quae tot bellorum discriminibus quaesita, ac parta fuerant.

Iunio mense Barcinone Iohannes Gerundae Dux Matham Iohannis Armeniacensis Comitis sororem in matrimonium ducit, Dos cl. M. Francorum dicitur. Illo ipso tempore nuptiae Martini Regis filii, & Mariae Lupi Lunae Comitis filiae sollemni caerimonia celebrantur.

A. D. II. Non. Iul. Barcinone Exericiensis ditio Martinio Regis filio comitatus honorario titulo attribuitur. Ex eo Comes Exericae, & Lunae, & ciuitatis Segorbii dominus appellatur.

Bernardino Capreræ Bernardini Capreræ Ausonensis Comitis F. qui in Timboris Fenolletiae auiæ, & Margaritae Fuxensis matris potestate erat, paterna, auique bona, & possessiones, ditionesque omnes, honestasque, ac dignitas restituuntur. Agnoscit enim Rex, atque pro-



proficetur, se peruersis, preposterisq; cōsiliis inductum, in Bernardum auum animaduerti imperasse: ut iam res minime dubia esset, qua gratia pressus, quibus inimicitis circumuentus, & in exitum actus fuerit. Ab ea restitutione Rex sibi, posterisq; principibus Ausam urbem, comitatumque excipit.

Februario mense, nocte concubia in Laceranis, & Ilergetibus adeo magnos terre motus factos memoriæ proditur, ut ingentia ex Pyrenæis iugis saxa, crepidinesq; Ripacurciæ regione conuulsæ, prostratæq; sint: & multi mortales in montosis, atque æquis, & planis locis perierint: multæq; turres, atque arces corruerint: pluribusque in locis labe facta sit: magna que edita strages.

10 A. D. XI. K. Apr. Olisipone pacis fœdera inter Hêricum, & Ferdinandum Reges palam aduersus Angliæ, Aragoniæ, & Nauarræ Reges prædicantur: quorum conditiones Bononiensis Cardinalis interuentu sunt depactæ.

Franciscus Periliosus Rotæ Vicecomes, cum ad Iohannem Lancastriæ Ducem Eduardi Angliæ Regis F. qui regnum Castellæ, vxorio Constantiæ Petri Regis F. iure appetierat, à Rege legatus missus esset, & legatione obita, Bastulorum oram præteruehitur, à Mauris interceptus, ad Mahomatem Granatensem Regem protrahitur. Valentini præterea, Catalaniq; mercatores, qui in Granatensi regno negotiantur, in vincula coniiciuntur: quod Petrus Bernardus actuariarum nauium ductor, qui Sardoo bello merebat, nauim Mahumatis Regis, in Carthaginienſi Africæ litore irrupisset euertissetque.

20 Rex Barcinone toto ferme verrente anno, rebus bellicis consulens demoratur. Nam Genuenses, quamuis pactiōum fœdere deuincti, primo se vere, magna comparata classe in Sardiniam transmissuros, & Arborensi opitulaturos minantur. Supplementum rebus Sardois, Gilaberto Cruillia ductore Luquidonesiæ regionis præside adicitur.

Balearicus Ruscinonensibus finibus, & Henricus Rex Lusitano adiunctus suis confiniis, magnis comparatis exercitibus adoriri minitantur: & duplex inde terror nostris illatus. Cum Angliæ, Franciæ, Nauarræ Aragoniæ, & Castellæ Reges exitiis bellis concitarentur, & eorum regna communi arderent incendio, noster deteriore ut statu sit, externa Sardinie bella efficiunt.

30 Henricus Rex, qui interuentu summi Pontificis pacem prætenderat, & priuato consilio summo semper opere Regi adiungi curauerat: Ludouico Andegauenſi Duce administro, & sequestre pollicetur, æquis cōditionibus obtemperaturum, Bernardo Soo à Rege eam ob causam Carcaſonem ad Ludouicum legato, recipit Ludouicus Henricum Molinæ comitatum ea conditione, qua Regi hoc ipso tempore subiicitur, attributurum: Murtienſe regnum condonaturum: & mediam earum urbium, oppidorumq; partem, quæ Henricus continentibus Aragoniæ finibus se contributurum sponderat, addicturum. Sin vero Henricus vrbes eas, ac ditones à Castellæ regno seiungi, separarive renuat, curaturum, uti pecunia compensentur: modo pactæ nuptiæ sanciantur. Neq; multo post euenit, ut Ludouicum ex arbitro pacificatore hostem Rex & grauem, acremque inimicum sentiat.

40 Iunio mense Rex Dominico Cerdano Iustitiæ Aragonum, Arnaldo Orcao Ruscinonis præfidi, & Bernardo Bonastrio epistularum magistro committit, ut transigendis cum Henrico Rege conditionibus interfint. Postea verò Reges decidendas controuersias omnes Guidoni Porruensi, & S. Rufinæ Episcopo Cardinali S. R. E. legato deferunt: adiunctis Regis Aragoni nomine Cæsaraugustano Archiepiscopo, & Raimundo Alamano Ceruilionio: & Henrici legatis Salmanticensi Episcopo, & Iohāne Remirio Arelliano Camerorum domino. Interuentu præterea Iohannis Emporiarum Comitis, qui Iohānam Regis filiam in matrimonium duxerat, & eiusdem Iohannis Remirii indutiæ sunt pactæ.

50 Octobri mense Balthasar Spinula Angliæ Regis, & Iohannis eius F. Lancastriæ Ducis legatus Barcinone, de fœdere aduersus Henricum, cum Rege ineundo, legationem renuntiat. Pollicetur Rex se Lancastrio aduersus Henricum opem, auxiliaque laturum si eæ ditones attribuantur, quas Henricus sponderat, adeo pro regno, delaturum. Inania vero ea promissa Rex parui esse ducenda videns, nec satis firmitatis habere, ab Henrico iam præpotenti, & vicino, finitimoq; seiungi veretur: nisi magnis pignoribus ab Anglo retineatur.

Cum Ilerdæ Catalane copiæ conuenissent, quas transuectione K. Sept. facta, ad decc. equites grauis armaturæ fuisse constitit, quod ex iis regionibus militum, & veteranorum, & tyronum manus quotidianis delectibus exhaurirentur, Nouembri mense in Cæretaniæ, & Ruscinonis fines transcendent. Nam Balearicus Henrici Regis arcessitu, &



NAT.  
CHR.

pollicitationibus inductus, magnas armatorum copias coegerat. Eo enim actum Hêricus magni & animi, & consilii princeps, modo minas iactando, & pericula intendo, modo pacis foedera prætendendo, id se consecuturum sperat: uti pactiones, quibus Regi astrictus, regnum appetierat, & inuaserat, rescindantur: aut Regem ad suas condiciones deducat.

Henricus, & Carolus Nauarræ Rex legati Apostolici interuentu foedere deuinciuntur. Nauarrus Biturim, & Lucronium oppida Henrico restituit: paciscunturq; ut Carolus Nauarri F. Leonoram Henrici F. in matrimonium ducat. Ea pactione inita, nihil magis aduersum Regi euenire potuit: qui ope externa Henricum ad se traducere sperat: ut pactis conuentis pateat.

1374.

Genuenses pace erepta, quam Montisferratenfis Marchio pepigerat, ab Arborensi in Sardiniam arcessiti, ut Caralim artiori obsidione premant, Polæ præsidium oppugnant. Ingenti Gilaberti Cruillæ virtute, qui Berengario Carrocio Quirrensi Comite mortuo, copiis præpositus fuerat, propugnatur. Brancaleo Oria in magno rerum discrimine Alguerensibus subuenit.

Iohannes Lancastriæ Dux magno comparato exercitu Castellæ regnum adoriri parat. Rex ad eum Raimundum Alamanum Ceruilionem ad renouanda foedera, & ut hostilia arma inferre properet, legatum mittit. Hæc legatione in Aquitaniam relata Lancastrius Burdigalæ Ianuario mense, amicitiam Regis omniconatu expetens, Rogerio Bernardo Fuxensi Castelboni Vicecomite, Garcia Ferdinandio Viliodre, Guiljelmo Helmano, & Gualterio Benedicto ad Regem missis oratoribus, Regi foederum pactione adiungi nititur.

Res Aragoniæ ea tempestate pessime afficiuntur: & in magnum decidunt discrimen: reputante Rege publicum sibi odium concitari: magisq; fama, quam vi regnum, & res suas stabiliri: tot exteris nationibus armata vi, vndiq; Hispaniam interno bello consumptam cingentibus, inuadentibusq; & Henrico Rege Molinæ confiniis arma intente: regis classibus, copiisq; mari longinquo bello distentis: ad summam Rege adnitante consiliis, & actu res externas moliri: arma procul habere.

Ianuario mense, Comes Henricus Russus arma, & seditionem spectans à Frederico Rege desciscit: & Messana vrbe potitur. Rege duabus longis nauibus, aliisq; actuariis Mazara cum Antonia Regina vxore Messanæ portum præteruecto, quod Mamertinos, & Russum ipsum ad se deducere consideret, nocte, quæ consecuta est, Russus Fredericum, nihil minus opinantem, excubiasq; & vigilas intermittentem naui vna longa, & myoparonibus aliquot naues regias, quæ in Rhegina statione anchoras iecerant, repentino incursu adoritur. Cum nauis, quam Regina conscenderat, oppugnaretur, propugnareturque à nautis, & vectoribus, animus Reginam liquit: eaque in continentem transmissa, sequenti die pestilenti, & mortifero morbo affecta, postero è vita excedit. Fredericus actaria euadens Catanam deuehitur.

Augusto mense ineunte, turme m. grauis armaturæ equitum, fratre Bertrandi Gesquinæ ductore, qui Balearici stipendia meret, Ruscinonis comitatum adoriantur, incurrunq;. Cum eorum equitatus liberius prædandi, vastandiq; causa, se in agros eiecisset, Perpinianum & opere, & præsidio egregie munitum transgressis, ducente secum Balearico Isabellam sororem Monferratenfi viro orbatam Panizasio colle arcentur: quod Pertusii saltus, & Indigetum regionis arces validis præfidiis continerentur. Balearici expeditionem & Henricus, & Francus, & Ludouicus Andegauenfis magno auxiliorum supplemento iuuerant.

Eadem ferme tempestate Bernardus Fuxensis, quem vulgo Bencharni bastardum vocabant, Medinæ Zelimi Comes, qui Isabellam Ludouici Hispani Telamonis Comitis filiam in matrimonium duxerat, & Gaufridus Rechonus Brito, aliquot collecticiis copiis adiunctis Sometum, & Nueualos confiniorum Celtiberiæ oppida scalis ad motus irrumpere adoriantur: prædicantq; se id bellum auspiciis, & stipendiis Balearici gerere.

Barcinone in regia ad Templariorum ædem, moritur Leonora Regina. Ad Populetum, in D. Mariæ cœnobio regio sepulchro conditur. A. D. II. Id. Iun. testamento heredem Iohannem filium reliquit.

Cum Balearicus aditu, ascensuq; Pyrenæi, armorum vi ab impediendo, ac lædendo, earum regionum finibus repulsus esset, omnesq; nostrorum copiarum eo se conuertissent, Cæretano saltu Vrgellitanam Sedem contendens, Sicoris fluminis conuallibus, montium faucibus superatis in Lacetaniam irrumpit. Septembri mense exacto Rex, domestici belli causa obuiam Balearico processurus, Ceruæræ substitit: atque eo in loco copiarum omnes coguntur. Iohannes Dux Gerundensis in eo rerum motu, atq; tumultu Aragoniæ regno pro



pro Rege præfici Blasum Alagonem: & consiliarios illi proxime adiungit Cæsaraugu-  
itanum Antistitem, Dominicum Cerdanum Iustitiæ Aragonum Præfectum, Domini-  
cum Lupesium Sarnem quæstorem primum Blasum Azlorium: & viii. Cæsaraugusta-  
nos ciues Michaëlem Capellam, Dominicum Palumbarium, Fortunium Lifonem, Mar-  
tinum Lorbem, Iohannem Aldeguerium, Iacobum Hospitalem, Petrum Simenium Am-  
belem, & Simonem Gurdum: vt in constituendis, & collocandis, obeundisq; rebus belli-  
cis, & militaribus Imperatorio munere, eorum consilio defungi posset: quod ingruenti-  
bus bellis apud maiores factitatum erat.

Huius animi initio, ea fuit in Aragonia agrorum vastitas, atq; sterilitas, messis enim  
10 nulla præterito anno fuerat, & siccitate adeo laboratum est, vt inopia frugum, quibus in  
locis sementem facere consueuerant, frumento ex Mauritania, & Africa importato, im-  
penso pretio vtantur.

Balearico Caralonia expulso, cum Henricus omni ratione eum aduersus Aragoni-  
um, & Lencastrium ad se deducere nititur, Rechonum Britonem ccl. grauis armaturæ  
equitum ductorem, cuius in Aragoniam irruptione, aliquot oppida expugnata, & præsi-  
diis munita, & magna accepta detrimenta fuerant, & Petrum Manricum, vt Balearicum  
Nauarræ finibus excipiant, præmittit. Ea Balearici irruptione, in tanto motu armorum,  
atq; tumultu à Rege satis præsidii prouisum est. Copiæ externæ, quas fama ingentes esse  
prædicabat, cum per extremos Elufatium fines iter facerent, quo facilius montes tran-  
scenderent, & subsidium Henrico ferri posset, Pyrenæi faucibus superatis, in Vasconum  
conualles irruentes, Ianuario mense, è regione Gallici fluminis, præcipiti via, plana loca  
deuastant. Cum ex omni prouincia cōmeatu & publico, & priuato prohiberentur, & re-  
liquis copiis, præsidiorum vi intercluderentur, & à nostris à repentina incursione peruel-  
lerentur, in Castellanos fines, & eorum pacata loca triduntur. Confiniis Sorix, & Alma-  
zani fusis, ac dispersis, neque cum finitimis prælio congressis Balearicus decedit. Sorix,  
ad D. Francisci humatur. Isabella soror, & Iohannes Malestitus earum copiarum ductor,  
aliique dūces Iohannis Henrici Regis F. ope, atq; prouisione in Aquitaniam concessere.  
Concurfio vero ea adeo turbulenta fuit, & ratio rei gerendæ, temporaq; periculosa ex-  
stiterant, vt plures ex intimis familiaribus, domesticisque Regis in suspicionem venerint,  
30 Balearici expeditionem fouisse: aditusq; ex Catalonia, & Aquitania in Aragoniam clam  
patefecisse: & de ea re anquiri cœptum.

Depulsis, dissipatisque externis Balearici copiis, & Lancastrio Hispaniense bellum  
urgente, Henricus alterutram ad condicionem descendere cogitur: vt ditiones, quæ  
deperdite fuerant, Regi attribuantur: aut pecunia eas redimat. A. D. X. K. Mai Almazani in  
D. Francisci cœnobio Iohanna Regina Henrici vxore, & Iohanne F. adfidentibus, Cæsar-  
augustani Antistitis, & Raimundi Alamani Ceruilionii regionum legatorum interuentu  
summæ rerum consulitur. Pace inter Reges pacta Iohannis Henrici filii, & Leonoræ A-  
ragonix nuptias paciscuntur. Dos cc. m. florenorum dicitur: quam pecuniam Henricus,  
cum in Castellam inuaserat, Regi dinumerauerat. Rex Molinam Henrico restituit: &  
40 bellicorum sumptuum impenforum ratione clxxx. m. florenorum Regi numerantur. Id  
vero magnâ est admiratione dignum: Regem inuitum, & recusantem ad earum nuptia-  
rum fœdera esse protractum: diuinoque id nutu ac prouidentia constitutum: vt non  
modo ex Regis nepotibus maior natu Castellæ regnorum potiatur, sed vt minor etiam a-  
uita Aragonix regna adipisci queat: & ab nepotibus omnia Hispaniarum regna, Portu-  
galliæ regno dempto, cedant.

A. D. XIV. K. Iul. cum Leonora Regis F. Soriam à Cæsaraugustano Antistite, & Rai-  
mundo Alamano Ceruilionio regio comitatu deducta esset, nuptiæ sollemni cærimonia  
celebrantur: Iohanne Henrici F. puellam ducente.

Ludouicus Andegauensis Dux bellum primo quoq; tempore nouo regni iure adepto  
illaturus Regem prouocat. Nam Isabella Balearici soror Balearicum regnum, ditiones-  
que omnes regno contributas Ludouico detulit. Insperata, nec opinata res Regem cum  
perculisset, conuentus Montionem Aragoniis, Valentinis, & Catalanis, & Balearicis  
indicit.

A. D. II. Non. Dec. Barcinone Rex Hugonem Cardonam Comitatus Cardonæ co-  
gnomine, & eius honoris splendore decorat.

A. D. XVI. K. Apr. Rege Montionem ingresso, & in eius oppidi arce conuentum a-  
gente, de bello à Ludouico Andegauensi indicto refertur. Exposcit Rex, vt conuentus  
ipfius scito factò pecunia numerata in stipendia m. grauis armaturæ equitum decernatur.  
Conuentus nomine Regi de ea re responsum latum est: se in eam diem, maioresque suos,  
Tomus III.



NAT.  
CHR.

Regibus, bellis vrguentibus præsto adfuisse. Iudæorum vero, & Maurorum conuenticula consueſſe, ſtipe conlata bellicis ſumptibus inferuire. Adeo enim in ſumma nummaria difficultate regnum conſtitutum erat, vt vix in eorum militum ſtipendia exigi poſſet, qui periculum, quod à Ludouico in omnes intenditur, propulſent. Nam nihil æque plebem ea tempeſtate diuexat, quam pecuniarum exactio: & conquiſitio: quæ neceſſitate armorum excuſata, intermiſſoque bellorum conſictu, pacata etiam tempora comitantur.

Repulſo externo Gallici hoſtis motu, Sardois rebus tranſmarinum ſubſidium efflagitantibus, in tantis periculis noſtri verſantur, vt communes omnium calamitates Rex nequiret, non modo iuuare, ſed nec miſerari: Caralitanaq; arcis præfectus fame compulſus deſtinauerit fuga, & maritima opportunitate, deſperatione quaſita, arcem vrbiſ incendio, & flammis conflagrandam relinquere.

Mariano Arboreniſi hoc ipſo tempore vita functo, Hugo F. in patris locum heres ſuccedit. Hic & in ſuos intoleranda tyrannide, & in Regem inſigni perfidia, omni diritate, atque immanitate teterrimus, longe patri antecellit. Iohanne Arboreniſi Mariani fratre, & Petro eius F. qui acta cuſtodia, tot annos diuexati fuerant, mortuis, Rex Benedicte Arboreniſi Iohannis Arboreniſis, & Sybillæ Moncada F. quæ Iohanni Carrozio nupſit, Boſam vrbeſ, quæ Iohannis Arboreniſis ditionis fuerat, propter multa patris in rem publicam merita, & eius poſteris condonat. Benedicte libri Berengarii Carrocii hereditate Comitatum Quirrenſem iure repetunt.

Iohannes Ferdinandus Heredia ſummus, & ſingularis vir, qui uſum in republica magnum, auctoritatemq; erat conſecutus, ordinis Hieroſolymitani Magiſter, cum aliquot aduariis nauibus ex Italia in Rhodum nauigat, in prædonum Turcarum manus de improuiſo incidit: diutiuſq; manet captiuus.

Septembri meſe Gregorius Pont. Max. Auenione egreſſus, ampliſſimi ordinis collegio comitatus Rhodano flumine in Italiam nauigat: vt ſacroſanctum pontificium tribunal Romę auguſta, conſecrataque in ſede, ex diuturno exilio, & ſumma indignitatum, & rerum difficilium perpeſſione, in communi omnium terrarum, & gentium patria collocet: & ſacræ, religioſæq; ſedes, ac ſana, delubraq; diuina ope conſtituta, & fundata, & Principum tot ſæculorum magnificentia & pietate amplificata, & ornata, totius orbis terrarum concurſu pie, ſanctęque adirentur, & colerentur.

1377. Februario meſe, de Antonia Barnabouis Vicecomitis Vicarii Imperii, & Gallia Cifalpinæ, & Mediolani domini filia Frederico Sicilia Regi in matrimonium collocanda, Arahone Spinula Lucullo Comite Palatino, & Balthaſare Puſterla Barnauobis in Siciliam legatis miſſis tranſigitur. cxx. m. florenorum dos dicta eſt. Nuptiis vero nondum celebratis, neque Antonia in Siciliam tranſmiſſa, A. D. VI. K. Auguſt. Fredericus è vita excedit. In teſtamento Frederici patris Maria filia Sicilia regni & ditionum Athenarum, & Neopatriæ, & inſularum Sicilia adiacentium heres ſcripta erat: Melita, & Gaulis exceptis: quas Comiti Guilielmo Aragonio F. & eas Germaniæ vrbes, quæ materno Carinthiæ domus iure ſibi obuenerant, relinquit. Guilielmum F. quem naturalem filium vocat, Mariæ F. ſecundum heredē inſtituit: & in eius locum, nullis ſuperſtitibus liberis Aragonii Regis filios heredes ſcribit: quib. duas filias Guilielmi Peraltæ Calatabellotenſis Comitſ, & Leonoræ eius vxoris, quæ Iohannis Athenarum Ducis patrui filia erat, ſubſtituit. Summæ rerum, in procuratione regni Artallum Alagonem Miſtretæ Comitē præſcit. Vetera diſſidia inter Artallum Alagonem & Manfredum Claramontium, & eorum factiones denuo excitantur: & Sicilia bello, & ciuilibus ſeditionibus ardet. Manfredi partes Fraciſcus Intemelius Comes & eius fratres, Comes Henricus Ruſſus, & Guilielmus Raimundus Moncada ſuſcipiunt.

MARIA TRINACRIÆ REGINA DVX  
ATHENARVM ET NEOPA-  
TRIAE.

Rex Episcopum Segorbiensem, & Andream Valterram eius fratrem mittit legatos ad Gregorium P. M. de Sicilia regno à se, hereditaria Regis Frederici maioris patrui actione vindicando, & repetendo: ne ſinat, vt ius ſuum armis perſequi neceſſe habeat: pollicenturque Regem ſupremum eius regni dominium Eccleſiæ excepturum: quæ à Pontifice reiiciuntur: qui legitimam excuſationem habuit: quod Petrus Rex Re-



gis proavus nullo tempore ab Ecclesia ad regnum fuisset adscitus: & vetustatum dona-  
tionum lege, quas Ecclesia concessu suo sanxerat, feminae etiam ad hereditarium regnum  
arcesserentur: uti Reginae Constantiae Frederici Imperatoris parenti obuenerat. NAT. CHR.

Præfectorum Arcium Athenarum, & Neopatriæ, ducesque, atque earum ditionum pro-  
curatores, militaresque manus, Frederico Siciliae Rege vita functo, & femina vacuæ re-  
gni possessionis herede, cum de principatu, inter Mariam, & Aragoniæ Regem eius auum  
controversia orta esset, à Maria, & eius regni procuratoribus deficiunt: & Regi se ad-  
dicunt: vexilla, insigniaque regia Aragonum Principum Athenarum arce extol-  
luntur.

10 Iohannes Hugonis Cardonæ Comitis F. natu maximus Iulio mense Iohannam A-  
ragoniam Alfonsi Ripacurciæ Comitis, & Vilienæ Marchionis filiam uxorem ducit.

Bonanatus Zapera ad Babylonium Imperatorem, quem ipsi Sultanum vocant, de Rege,  
& Regina Armeniæ, eorumque filiis captiuis redimendis legatur. Hi à superiore Sultano,  
cum Armeniæ minoris potitus esset, capti fuerant: & Hierosolymis regiis custodiis asser-  
uabantur. Præcipue vero à Rege datur opera, ut Maria Regina Armeniæ senior, quæ Si-  
culis Regibus, maximis propinquitatis vinculis adiuncta erat, primo quoque tempore li-  
beretur.

Gregorio Pont. Maxim. decedente, exitiosum dissidium in Eccle-  
sia Dei exoritur.

1378.

20 Urbanus VI.

Clemens VII.

Rex quæ erat prudentia, & calliditate, & alta quadam mente præditus, in summo  
religionis discrimine, lacerataque Christiana republica, duobus de Pontificatu maximo  
dissidentibus, & infestissime contendentibus, de grauissimorum, & sapientium virorum,  
procerumque sententia Episcopis suarum ditionum interdicat, ne in suis diocesis ius alterutrius  
competitorum aut fulciatur, aut refutetur: atque vnus ex Christianis principibus neu-  
tram in partem mouetur. His constitutis ad eos, quorum honoris, & dignitatis pontifi-  
ciæ certamen erat, legati à Rege mittuntur: si tanto accepto incommodo, ad veram con-  
cordiam deduci possent. Rationes omnes earum rerum, quæ in controversiam, discepta-  
tionemque ducebantur, conquiri, explicarique iubet. Ad Urbanum legatur Matthæus Cle-  
mens regius consiliarius iuris sacri, ciuilibusque peritissimus.

30 Regnum Siculum à Rege hereditaria Frederici Regis maioris patris substitutione  
expetitur: quod in ea femina à regno reiicerentur: legitimumque se successorem asse-  
rit: repulsa ea pactione, quam Gregorius inter Fredericum minorem, & Iohannam Re-  
ginam sanxerat: cuius decreti sanctioni feminae ad regni hereditatem arcessuntur. Sed  
Urbanus Pisano auo generatus, maxime infestus Regi visus est: & Sardoæ, & Siculae ex-  
peditioni aduersarius. Cum sermo ea de re multis audientibus esset institutus, Urbanus  
iacit, Regem Sardiniae regno ab Ecclesia fuisse multatum: seque operam daturum, ut ea  
res palam denuntiatur: & regnum Arborensi Iudici attributurum. Sin autem Siculorum  
republicam iniquo imperio misceat, regnumque inuadat, Aragoniæ regno euerfurum,  
40 multaturumque. Sed tacitum absuit, ut earum minarum terrore Rex commoueretur, ut ma-  
gna classe adornari iussu, quæ in Sardiniam traiciat, & Siculis rebus accurrat, ea se trans-  
missurum confirmet.

Valor Ligius Arborensi propinquitate coniunctus Regi se addicit: & Gothianum,  
& alia oppida Arborensis ditionis illi attribuuntur.

Damianus Catanæus Nicolai Goarcii Genuensis Ducis legatus, & consilium x i r.  
virorum, quibus seniorum nomen indiderant, qua appellatione antiquitus, ii etiam cœ-  
lebantur, qui potestate insignes erant, pactionum earum, quæ cum Genuensibus à Mar-  
chione Monferrateni constitutæ fuerant, fœdera renouat.

Arrigus Rocca in Corsica regiarum partium fautor aduersus Genuenses bellum  
50 gerit.

Alfonsus Ripacurciæ Comes, quem Henricus Rex, pro tantis in se meritis, amplissi-  
mo, & opulentissimo Vilienæ ditionis beneficio, Marchionis cognomine donauerat, Si-  
ciliæ regnum suo iure repetit: cuius actioni Rex se, & Mariam neptem, & postremo Iohannem,  
& Martinum filios Ludouici, & Frederici Regum sobrinos, propinquitatis iure antetu-  
lit: & Alfonsus ab ea mente destitit. Petrus Alfonsi F. Iohannam Henrici Regis, Et Elu-  
iræ Inniciæ Vegæ filiam in matrimonium ducit. Ex eo connubio Henricus Vilienæ co-  
gnomine, & Leonora liberi nascuntur.

Urbanus Iohannam Reginam Neapolitano regno multat: & Carolo Dyrrhachii  
Duci supremo Ecclesiæ iure attribuit: quæ res exitio Regiæ fuit. Carolus Ludouici



NAT.  
CHR.

Dyrrhachini, & Margaritę Săseuerinatis Roberti Săseuerinatis filię erat fili<sup>9</sup>: q̃ Margaritā consobrinam vxorem duxit: Caroli Dyrrhachini Ducis, & Marię Iohannę Reginę sororis filiam Ludouicus Pannoniæ Rex, & Carolus Dyrrhachinius, & maior Italię pars Urbano obtemperant: obediuntq̃: Gallus vero Rex Clemētem, tanquam verum Christi vicarium denuntiari imperat.

Anni huius initio Episcopi, Ecclesiasticiq̃; ordinis viri primarii, & prudentię, doctriņęq̃; laude pręstantes Regis iussu Barcinone congregantur. Fructus, & annui redditus, ac bona Apostolico ærario debita, & quę in posterum eius iuris futura erant, sequestro committuntur.

Clemente in Galliam prouinciam concitata nauigatione remeante, itineretoto Gallię ciuitates aduentus eius festos, atque sollemnes dies celebrant. A. D. XII. K. Iul. Auenionem ingreditur. Ex eo ingrauescens dissidium, non modo ægre opprimitur, sed pene infinitum malum in Ecclesia Dei serpere cępit.

Cum Artailus Alagon Mariam Sicilię Reginam, quam in sua potestate habet, Iohanni Galeatio Virtutū Comiti, Barnabouis Mediolani domini fratris filio in matrimoniū collocandam pacto conuento spondet: & classe adornata Iohannes Pisano ē sinu in Siciliam traiecturus esset: Gilabertus Cruillias repentino v. actuariis nauibus classē adoritur: eaque incensa, milites nauisq̃; ad interuersionem cęduntur. Consumpta, & exhausta classe, Iohannes de suo cursu, & mox a matrimonio obeundo reuocatur.

Guilielmus Raimundus Moncada Augustę Comes Aragonum Regis copiarum pręsidio, quibus Rogerius Moncada pręfectus fuerat, Mariam Reginam, quę sub Artalli potestate manserat, ex Catanensi arce furtim, oppressis custodibus extrahit: & actuaria nauī deducens in Augustę arcem includit: & paulo post Licatam, Manfredi Claramontii oppidum transfert. Sunt, qui eam rem gestam superiore anno A. D. IX. K. Febr. testificantur: & Urbanum P. M. oculos adieciſſe, vt Maria Regina Francisco Pręgnano fratris F. desponderetur.

Philippus Dalmatius Vicecomes Roccabertinius Athenarum, & Neopatrię ditionibus a Rege prępositus, comparata classe, propugnationi arcium Sardinie occurrit: & vrbes, quę in Regis ditione erant, pręsidiis munit. Aduersus Bulahabesium Regem, cui Tunerana, Bugiensis, & Constantina ciuitates parebāt, quod tributum in singulos annos debitum conferre recusat, bellum gerit: & inde in Atticam traiecit.

A. D. XIII. K. Iun. Henricus Rex ad S. Dominici sanum, quod vię Traianę imminet, ē vita excedit: patre Rege, maioribusq̃; suis dignissimus: & qui non nefario fratris patricidio obstrictus regnum inuaderet, sed qui iuste, & legitime regnaret.

Iohannę Neapolitanę Reginę legati Barcinonem, ad Regem missi de Regina Regi ipsi, aut Iohanni eius F. in matrimonium collocanda legationē renuntiant. Nā Mathalohannis vxor Armeniacensis Comitis F. mortem obierat. Quod in magna rerum desperatione verferetur, pollicentur Neapolitanum regnum Aragonio contributuram. Rex nuptias reiicit: quod Sibyllam Fortianam, quę Artallo Focio nupta fuerat, ducere decreuisset. Laurentius Valla, qui ex antiquorum annalium monumētis, ac Regum cōmentariis, & plura conquisiuisse & Ferdinandi Aragoniæ Regis, Petri Regis nepotis historiam concinnasse videtur, a Sibylla haud honeste, & laudate, antequam Regi nuberet, actam vitam innuit: & Isabellam filiam, quam ex ea suscepit, ante nuptiarum sollemnia genitam. Iohanna reiectis ab Aragonio nuptiis, Othoni ex Pransuiciensibus Ducibus enubit.

Huius anni initio Hiberus magnis, & assiduis auctus imbribus æqua, & plana Cæsaraugustę vrbis loca stagnans, in aliū cursum adeo contortus est, & deflexus, vt relabentem secuta sit ædificiorum, & prędiorum, hominumq̃; strages. Coercendo flumini extraripas disfluenti immensi sumptus impensi.

A. D. III. Id. Iun. Barcinone Rex Martinum filium Siculo regno donat: quod eius regni ius Frederici Regis senioris testamento ad se peruenerat.

A. D. III. K. Iul. Neapoli in Oui arce Iohanna Regina Ludouicum Andegauensem Ducem filium sibi adoptat: ditionumq̃; cis fretum Siciliense, futurum Regem instituit: Prouincię, Folcalquerii, & Pedemontis ditionum heredem scribit: Calabrię Ducatum vti legitimo successorī attribuit. Ludouicus tanto dono Reginę addictus, & fœdere obstrictus, sacramento adactus obtestatur, se pro regno, & Reginę incolumitate, & Othone Pransuiciensi Duce Principe Tarentino, aduersus Franciscum Andrię Ducem acerrimum Reginę hostem, tanq̃ pro cōmuni salute, arma capturū & Reginę iniurias vlturum, persecuturumq̃. Clemēs Auenione XI. K. Aug. iussa carata atq̃; firma futura sancit: vt Ca-



ut Carolum Dyrrhachinum inimicum, atq; hostem, & Urbano competitori addictum de regno deturbet.

Cæsar Augustæ Ianuario mense conuentus à Rege aguntur. Petrus Luna qui in Cardinalium collegium à Gregorio Pont. max. cooptatus fuerat, à Clemente legatus Hispaniarum regna obit.

CHR.

1381.

Ianuarii mensis exitu, tanto apparatu Cæsar Augustæ Sibyllæ Reginæ diadema impositum est, & tam frequenti ludorum celebritate popularis lætitiâ exiit, ut maiore splendore fieri nequiret, si Rex tunc primum nouus sponsus prodiret: aut regnum adipisceretur.

In Cæsar Augustano conuentu Aragoniæ proceres, & ii, qui hominibus subditiis dominantur, summo in eos, & supremo iure uti posse, & consueſſe, summumque imperii dominatum in caput, & fortunas eorum obtinere: quos ditioni suæ, ac potestati subiectos habent: & à se premi posse atque in eos vires, necisque potestatem habere contendunt. Nam cum Anzanegi oppidani malæ tractationis actionem, aduersus Petrum Sanctium Latrasiū, eius oppidi dominū intendissent, iudiciūq; de ea re constitutum à Rege esset contratendentibus proceribus, & libertatem imminui conquerentibus, eius actionis iudiciū rescinditur: eiūq; rei nullam esse actionē, & nullum experiundi ius constitutum, in posterum obtinent. Deinceps aliis traditum: ut q; nec communi gētium, nec legitimo iure perscriptum, aut sancitum erat, publicave, aut priuata lege, aut priuilegio irrogatum, in sua possessione frequenti vsu, & diuturna obseruatione retineant: ut nec Regibus ipsis eius actionis iudiciū constituere aduersus impotentem eorum dominatum permissum sit: & maior ea vis, & eius pœna nō humano, sed diuino iudicio pro maleficiis, ad extremum puniendā referueretur: & quod præclare à prudentissimis viris vsurpatū dici solet, vnum Deum ultorem, & vindicem habeant.

Dissidentibus inter se potentibus, & factiosis proceribus Lupo Simenio Vrrea, & Ludouico Cornelio, & armis dimicantibus, quod Brianda Luna, Mariæ Lunensis Comitissæ soror, quæ Lupo Simenio Vrreæ nupta fuerat, & ab eo diuerterat, Ludouico nupsisset: seditione, & armis ciuilibus Aragoniæ ordines perturbantur.

Iohannes Castellæ Rex Salmanticæ A. D. XIV. K. Iun. consilii mandatiq; paterni immemor, quasi diiudicata Urbani, & Clementis cōtrouersia, quæ Christianorum Principum distractione Ecclesiam ipsam dilacerat, se Clementem tanquam verum Christi Vicarium suscipere, atq; agnoscere proficitur: suisq; edicit, uti ab vniuerso regno, generatimq; à singulis obseruetur: obtempereturq;: quæ in re Regem parum honeste Franco gratificatum apparuit.

A. D. II. Non. Iun. Iohanna Regina vi armorum à Carolo Dyrrhachino hoste oppressa, Ludouicum Andegauensem, quem sibi legitimum filium, & heredem adoptauerat, tumultu Gallico implicitum, in regni societatem adscituram spondet: dum eius præsentia & aspectu frui liceat: sperans ea pollicitatione contra tantam vim, auxilium primo quoq; tempore miseræ matri laturum.

Qui Athenarum, Neopatriæq; ditionum potiebantur, ex acerrima Catalanorum gente prognati, cum Ludouici Nauarri, Caroli Regis Nauarræ fratris, Dyrrhachii Ducis, qui Iohannam Caroli Ducis Dyrrhachii, & Mariæ, Iohannæ Reginæ sororis filiam duxerat, copiis coactis prælio deuicti essent, & hostes victoriæ compotes Athenas irrupissent, magna virtute resistunt: & eorum populorum auxilio, qui Helladem incolebant, & Catalanis Atticam ditionem obtinentibus se, suaq; subiecerant, Lebadeam urbem, quam Nauarri inuaserant, & eius arcem vi expugnant: & ereptæ arces recuperantur: & præsidis maioribus muniuntur: ac magnis munitionibus firmantur. Classe, auxiliariisq; copiis, Rocabertino Vicecomite ductore, eorum reliquæ, dissipatis, perterritisq; hostibus instaurantur. Rocabertinus ex Augustæ arce Mariam Siciliæ Reginam eripit: & in Caralitanam arcem transfert. Regis iussu haud multo post in Cataloniam deuehitur. Ludouicus Andegauenſis Auenione à Clemente regni Siciliæ insignibus decoratur: regaleq; nomen suscipit: & eo regno Iohannam, ab Urbano ditione multatam, & Ludouicum Clementis donat: atq; illis, posterisque eorum A. D. III. K. Iun. attribuit. Sed eo ipso tempore Iohanna in Caroli Dyrrhachini Ducis, qui Neapolitanum regnum inuaserat, potestatem venit: & Ludouici Pannoniæ Regis iussu strangulatur.

Petrus Lusitanus Cyprii Rex, Petri Regis filius & Petri Ripacurciæ Comitissæ nepos, ut Bernardinus Corius Mediolanensium rerum scriptor perhibet, hoc anno moritur: quem tradit ex Valentia Barnabouis Vicecomitis Mediolani domini filia, filiam progenuisse, quæ patri successit. In nostrarum tamen rerum commentariis apparet Iaco-



NAT.  
CHR.

bum Petri iunioris patrum Cypri Connestabulum regno fuisse potitum. Iohannes Castellæ, & Ferdinandus Portugalliæ Reges summæ virium conatu bellum gerunt. Cum Ferdinandus Edmundum Cantabrigiæ Comitem Angliæ Regis F. in belli partes adsciuisset, Iohannes fines Lusitaniz incurrens Alfonso Vilienæ Marchionem exercitus duxit, & stris ad Mirobrigam, Ciuitatē Ruderici vocant, admotis, A. D. II. Non. Iul. Connestabulum regni creat: fuitque is primus, qui in eo regno eius magistratus imperium, dignitatem, ac decus est consecutus. Cum exercitus vtrinq; conuenissent, signis in Caia-no campo inter Pacem Augustā & Ielues oppidum conlatis: ad pacis fœdera Petri Lunæ Cardinalis pacificatoris suasu deuentum est: pactumq; vt Ferdinandus Iohannis F. natu maior Beatricem Ferdinandi Regis F. in matrimonium ducat. 10

Leonora Regina Iohannis Regis vxor, Regis Aragonum filia Idib. Augusti Cuellari appropinquante partu, è vita excedit. Iohannes Beatricem, quæ Ferdinando filio de pœta fuerat, vxorem ducit: vnde semina malorum in contrarias partes se vertere.

1383.

Hugone Arborensi Iudice, cuius mores feri, immanisq; natura erat, à suis acerbissima morte affecto, omnibus enim crucianbus confectus necatur, & dignum meritis suis vitæ exitum tulit, Sardinia ad spem libertatis erecta est. Classem Rex institui imperat: vt Sardois rebus accurrat. Vt in Sardiniam cum classe adornata nauiget, Pontio Senesterræ ex proceribus Catalanis, qui Violantem Berengarii Carroci Quirrensis Comitis F. duxerat, committit: & Violanti Quirrensis ditionis, & Comitatus iura, honorario titulo attribuit. Brancalco Oria, qui Leonoram Hugonis sororem in matrimonium duxerat, Mō- 20  
tione a Rege conuentus agente benigne excipitur: & in celeberrima frequentia militari-  
bus insignibus: & Montis leonis honorario Comitis titulo decoratur: Marmilæq; oppido,  
ac diuione donatur. Sardi, quod ea maxime tempestate iugum seruire deiicere, aut Genu-  
ensi ciuitati se addicere nituntur, portus omnes occupant, tuenturque.

Rex ab Urbano, si in se aut promerendi, aut proferendi beneficii locum habere ve-  
lit, facile impe. rare sperat, dum res publica Christiana tanto dilaceratur diffidio, vt Siciliæ  
regnum iisdem conditionibus, pactisq; sibi attribuitur, quibus ab Urbano item iv. P. M.  
Carolo primo delatum fuerat. Sardoum etiam tributum, Ecclesiæ debitum cum conti-  
nentibus bellis, ob eius insulæ propugnationem, ingenti suorum strage atq; internecio- 30  
ne Aragoniæ regna exhausta, ciuitatesque exinanitæ essent, condonari, ac remitti expo-  
scit. Decumarum ecclesiasticarum fructus in decennium in sumptus bellicos redigi, &  
vti Montis magistratus, Ampostæ Hierosolymitanæ militiæ præfectura, & Cataloniæ  
eiusdem instituti prioratus à se conferri possint, & vectigalia militiæ D. Iacobi, & Cala-  
traux suorum regnorum, nouo ordini à se instituendo contribuantur: & plura alia digni-  
tatis, supremi q; Pontificii iuris postulat: Darocamq; & Setabim vrbes Episcopalis  
sedibus decorari: & vt dioceses illis assignentur deposcit. Tam multis de rebus, atque  
tantis ad Urbanum à Rege Petrus Guilielmus Estamboisius, & Mathæus Clemens Apo-  
stolicarum causarum iudex, Regis consiliarius legantur: atque eorum legationi comites  
admoventur Guilielmus Valsicca, & Petrus Zacalmus iuris, & Canonicarū sanctionum  
consultissimi viri: qui penitus naturam, rationemque iuris, & rei gestæ à competitoribus 40  
perscrutentur.

Dertosa A. D. IIX. K. Mai. Rex conuentus Montionem indicit. Cum Aragonii, Va-  
lentini, Catalani, Balearique cum in locum conuenissent, de summa maiorum suorum  
Aragoniæ Regum, & Barcinonensium Comitum, & perfecta gloria multorum, & ma-  
gnorum in patriam meritorum concionatur. Summatim eorum commemoratione re-  
petita recenset, à Vulturis monte, qui supra Oscam, inter Pyrenæi iuga eminet ad Origue-  
lam Contestanorum urbē, & Tamarito, maritimo ad Tarracōnē oppido ad Turiasonem  
celebrem Celtiberū urbem, insignia videlicet regna, maxime fideli, & opportuna suo-  
rum opera armis subacta: & à Maurorū crudeli dominatu vindicata. Eo vsus exēplo, ad si-  
mitem virtutē, & simile factum eorū stirpē excitans, Sardois rebus ope, atq; consilio auxi- 50  
liisq; suorū subueniri oportere prædicat. Conuētus de re publica referendū censent. Mar-  
tinus ipse Regis F. q; admirationem magis mouet, totius conuentus nomine refert, in au-  
la regia, & Ducis Gerundæ fratris domo contra ius, f. s. q; perniciofa, & iniusta iussa vige-  
re: acerbissimis exactionibus imperatas pecunias cogi: remiges, arma, tormenta, vectu-  
rasq; imperari: regium statum deminui, atq; conuelli. Ea omnia Regis, ac Ducis Gerundæ  
consiliariorū culpa induci: atq; irrogari. Eos esse, qui arcana regni, summæq; rerum Petro,  
& Henrico Castellæ Regibus, atq; Arborensi, & Ludouico Andegauenfi, & Genuensi  
senatui, Siculisque proceribus turbantibus protulerint: & qui Balearicum arma inferen-  
tem, exteræque nationes subita, atque improuisa formidine incursantes pellexerint,  
atque



atque ad nos traduxerint: quibus, pro tantis flagitiis, atque sceleribus magna essent præ- NAT: mia persoluta. Cum Rex in eos studiose inquiri imperaret, aliquot procures, primari- CHR: que viri & aula, & Ducis domo exiguntur. Magna mox contentio toto conuentu exoritur: quod ex eo confesso, Rex Vicecomitem Rotensem, procuresque alios depellere imperasset. Hi fuere Gasto Moncada, Aimericus Scintillas, Iohannes Bellera, & Garcias Ferdinandus Heredia Aufetanus Episcopus. Magnæ inde seditionum incursiones vi, atque impetu procerum concitantur.

Leonora Arborensis ductu petulantis, & ad facinus audacis feminæ magnum in 1384: Sardinia bellum concitatur. Cum ducis munia per eos dies obisset, plurimarum arcium, & oppidorum Hugonis fratris potitur. Brancaleo eius vir, apud Regem commorans, cum in suspicionem venisset, protectionem suam in Sardiniam maturare, ut arma caperet, totius conuentus consilio, quamuis fide publica in Cataloniam venerat, domi seprus, liberali custodia retinetur. Cum pollicetur Fredericum Oriam filium, quem Sardi ludicem sibi adsciuerant, atque in eius verba iurauerant, obsidem traditurum, huius anni initio Bartholomæo Togori, & Lupo Aluaro Speculo à Rege traditus in Sardiniam deuehitur. In Caralitanam arcem inclusus, in ea custodia, quoad Rex decedit, retinetur. Nam Leonora eius vxor impotentis, & effrænatæ animi femina, non minore impetu, atque conatu, quam pater, fraterve occupare tyrannidem adnititur: Genuensique ciuitate nixa Sardoregno imminet.

Conuentu Montione in Februarium mensem producto, Tamaritum Litterensis regionis oppidum, & inde Fragam transfertur. Eo in conuentu ditiones, oppidaque à Rege Sibyllæ Fortianæ Regine vxori, & Isabellæ filie, Bernardoque Fortiano Regine fratri donata rata, firmaque fiunt. Hinc acres contentiones, atque dissidia, non modo Iohanni priuigno cum nouerca, sed patri cum filio exstiterunt: Rege perpetua obliuione obruto, quæ in ipso regni adipiscendi aditu, aduersus nouercam, eandem ob causam molitus fuerat.

Iohannes Gerundæ Dux patre inuito, & refutante, qui Mariam Siciliæ Reginam neptem in matrimonium filio collocare statuerat, Iolantem filiam Roberti Barenis Ducis, & Mariæ Iohannis Francorum Regis filie ducit: magnaue inter eos seditio, atque discordia concitatur. Eo feminarum æmulatio eruperat, ut in partes domum regiam distraxerit: & procuratione regni paulatim filius, ad quem lege peruenerat, amouetur.

Rex Iohannem Emporiarum Comitem patruelem fratrem, & primo affinem, ac mox generum, quod Iohanni primigenio à se dissidenti se addixerat, bello persequitur: eumque Castellionem, in ipsis vestigiis Emporiarum vetustæ vrbis, pluribus ante sæculis prostratæ, atque dirutæ situm oppidum includit: obsidetque. Totius Emporitani tractus celeberris, & amœni loca oppugnat: atque incursionibus vastat.

Vitta, alique Galli ductores c. c. equitum galeatorum turmis præfecti stipendia Emporitani Comitibus merentes, qui suum auxilium Iohanni Gerundensi pollicitus fuerat, 40 omni que festinatione suafore, atque impulsore Iohanne ipso regis F. Comiti subuenire properantes, in Ruscinonensem comitatum Marzano Pyrenæi saltu transgrediuntur. Eiusdem Iohannis suasu, atque consilio, qui Emporitani pelsundedit, m. equitum Gallorum turmas provinciam Galliam incurstantes, atque deuastantes Comes mercede conducit: quibus omni Catalano equitatu, peditatuque Rex vna cum Iohanne ipso filio ad Pyrenæi radices occurrit: totaque hieme in armis permanet: quo facilius subsidium provincie ferri posset.

Martio mense Bernardus Armeniacensis Comitibus Armeniacensis frater, qui Iohanni Emporitano Comiti, contra tantam Regis vim, auxilium se laturum pollicitus fue- 1385: rat, viro bellum inferens Narbonis vrbis finibus appropinquans, Isabellæ Balearici sororis causam, bellumque suscepisse prædicat. Rex Gastonem Mōcadam ad Riupulli tractum bellicis copiis præficit: uti externarum copiarum aditum, atque incursum arceat.

Iohannes Gerundæ Dux, qui & auctor, & concitator eius tumultus fuerat, exploratis hostium rationibus, Pyrenæi saltu transceso, c. c. tantum equitibus comitatus cōcubia nocte, incredibili festinatione accelerans, albente cælo, Durbanum oppidum Ruscinonensi regioni finitimum, quo se exultantes Gallorum copiarum receperant, tanto impetu adoritur, atque oppugnat, ut capti pæne imbelles, direptique fuerint.

Externo hoste in terra Gallia male multato, ac pæne deleta, cuius timore antea diuidere præsidia, & oppida munitione circumdare Rex cogebatur, Vitta, alique Gallici ductores, qui in Ruscinonensem regionem inuaserant. A.D. I X. K. Iul. fide publica



NAT.  
CHR.

Carmencionem regrediuntur: vt in Galliam prouinciam inde reuertantur. Emporitanus propugnationis Castellionensis diffusus actuaria naui Vrgellitani Comitis Auenionem Rhodano subuectus, eo consilio, atq; animi obstinatione contendit, vt bellum nouo delectu, aduersus Regem cuncta affinitatis iura proterentē atq; conculcantē redintegret.

Rex Ficariis repentinæ incurfionis timore sublato, cum bellum, aut illatum defendit, aut Emporitano infert, in æstiuis rem militarem collocans, Augusto mense in grauem morbum incidit: adeoque vehementer ægrotat, vt eius desperaretur salus. Breui conualefcens bellum Emporitana regione promouet: & genero infensus, exacta ætate nihil antiquius Castellionensi obsidione ducit: nullum sibi inexpugnabilem locum arbitratus.

A. D. XIX. K. Sept. ad Aliubarotam Iohannes Castellæ Rex funesto, & calamitoso prælio cum Iohanne Dauisii Magistro, Ferdinandi Regis fratre, penes quem regimen summæ rerum ceciderat, de Portugalliæ regni successione, ac iure decertans profligatur. Cecidere ex Castellana nobilitate, captique fuere maxime splendidi, atque inlustres viri. Petrus Alfonsi Comitis Ripacurciæ, & Marchionis Vilienæ F. mortem occumbit.

Cum Regi, & Sibyllæ Reginæ cum Iohanne Gerundæ Duce summa esset dissensio, diuisa namque, & discors aula erat, vehementibus in Fortianam, aut Iolantem studiis, Iunio mense Iohannes Castelfollium cum Iolante vxore se recipit: Garcia Ferdinandio Heredia Auserano Episcopo, & Insule, & Rocabertini Vicecomitibus, ex primariis consiliariis eos affectantibus. Rex summa vi nititur, vt Constantiam, quæ Francisco Periliosio viro vita functo, Petro Fenolletio nupserat, & Iolantis Iohannis Ducis Gerundenfis vxoris arcanorum compos, atque quodammodo moderatrix erat, summēq; consiliorum eius factionis præficietur, è nurus domo exigat: eiusque bona publicat.

Rex aduersus Emporitanum, summo cum studio, de bello instat, atque virget.

Regina Fortiana operam dat, vt primores regni ciuitates sponfione, pro sua salute, ac defensione, aduersus priuignum obligentur: ditionesque ac bona tueantur.

Castellio Emporitanus Regi deditur. Comes nimium pertinaciter Regi infensus, & obstinatione bellum alere cupiens, Iohannem Bononiensem Bononiæ Comitem, DCCC. grauis armaturæ equitum ductorem, ex vltimis Morinis deducendum curat, vt Emporitanam ditionem ereptam recuperet.

1386.

Barcinone sacrum Resurrectionis Domini diem Rex festa, sollemnique pompa, regioque apparatu celebrat: quod quinquagesimus regni adepti annus conuersus esset. Eam ob causam, quod nē fando quidem erat auditum, ab Episcopis, & ecclesiastico ordine, in suæ quinquagenariæ lætitiæ sacra celebranda, pecuniarum subsidia appetit: atq; deposcit: vniuerseque à regnorum incolis ea collatio indicitur.

Aprili mense Iohannes Gerundæ Dux, & Carolus Caroli Nauarræ Regis F. Cæsaraugustæ magnis fœderum vinculis deuinciuntur: paciscunturq; vti Iohanna Caroli F. Iacobo Iohannis primigenio filio nubat: & regni Nauarræ, & ditionum Galliæ, Castellæ, & Gothicæ prouinciæ, hereditatem, si nulli superstites liberi prolis virilis Carolo fuerint, adeat. Iohanni non spes modo propinquæ successionis, sed ipsa patris alienatio gratiam, dignationemque apud ceteros auxerat.

Rex Barcinone A. D. X. K. Mart. Dominici Cerdani Iustitiæ Aragonum magistratum gerentis, quod Primigenii causam iuris præsidio fouet, neq; eum inauditum de procuratione regni deiici permittit vitæ, bonis, ac familiæ vniuersæ perniciem minatur: nisi Constantiam Periliosiam in carcerem detrudat.

Iohannes Bononiensis Gallicarum copiarum ductor ad Ruscinonis fines aduentat: & Emporitanus se illi adiungens Emporitanam ditionem vindicaturus Citgiæ subsistit. Maior exercitus pars Cabestani finibus Vittam, & Bruniqueli Vicecomitem cc. galeatorum equitum ductores præstolantur. Copiis tamen suis diffusi, neque ad Emporitanam ditionem recuperandam se pares arbitantes, præsertim cum intra impendentium montium altitudines castra metaturi essent, omnesq; aditus septos pertimescentes, repugnante Emporitano Pyrenæi iuga, saltusq; non modo conscendere, sed Ruscinonensem regionem adire recusant: & in Aruernos regrediuntur.

Rex Iohannem filium procuratione regni priuat: imperatque atque edicit, ne quis primigenio pareat. Iohannes anxius exploratis in se patris, noueræque odiis, vt aduersus regiam potestatem iuris imploraret auxilium, Dominicum Cerdanum summo Iustitiæ Aragonum magistratui Præfectum appellat: ad eumq; prouocat: eoq; perfugio, & legum præsidio aduersus maiorem vim regiæ potestatis munitur. Præfectus, vt est consuetudo, de vi interdicit. Tantum communi libertati tribuitur: vt princeps de suo iure, & delegibus



gibus disceptaturus ad eum potius magistratum venire, necesse habuerit: cum is magi- NAT.  
stratum gerat, qui à Rege creatus sit. Eius namque magistratus interdictis oppositis, ni- CHR.  
hil regii imperii, aut summæ potestatis sit reliqui: quoad magistratus suum, de interdicti  
iure iudicium pronuntiet: & sententiam ferat: ne dignitatis regiæ præstantia, æquabilita-  
tem cōmunis iuris transeat: aut vi oppressos extraordinario imperio coërceat. Cerdanus  
in causa populari, maximeque plausibili perpetua constantia in proposito, susceptoque  
consilio permanfit. Eam enim vim intercessionum, inhibitionumque Præfecturæ Iusti-  
tiæ Aragonum maiores esse voluerunt, ut nihil inuiolabilius, sanctiusve durant: & ad eam  
summam omnia referri velint: ut ii restituantur, qui vi compressi, constricti, aut depul-  
si, deiective fuerint: eaque religione obseruant, & in ea positum fuit semper ratione, at-  
que sententia, ut eius Magistratus ea vis sit, ut præscribat regiis iudicibus, ne quid aduer-  
sus interdicta, intercessionemque attentent: molianturve. Inde id perfugium, quasi præsi-  
dium communis salutis, legum, & institutorum venerantur: obseruant arte tenent: accu-  
rateq; tuentur: ac primigenium regni heredem ad ea legis præsidia decurrisse, ciuitates  
omnes gloriantur.

Augusto mense exacto Leonora Arborensi, & Sardis, qui à Rege defecerant, certæ  
pacis conditiones dicuntur. Ditio omnis à Mariano Iudice patre, ante defectionem pos-  
sessa filix attribuitur, Brancaleo Oria maritus ex Caralitana arce emittitur.

Conditionibus Sardoæ pacis institutis, cum Antonioto Adorno Duce, Senatuque  
20 Genuensi à Berengario Apilia Aragonii Regis mandato, & Lucino Escaramupio Anto-  
notti Adorni Genuensis Ducis nomine legatis pactum est: ne actuariæ naues in Ligusti-  
na ora, à Monœci portu, ad Coruum vsque, nisi Genuæ, Sauonæ, Albigauni, Albintimilii  
& Veneris portu ædificentur, instruantur, armenturve. In reliquis maribus Peræ, Caphe,  
Famaugustæ, & in Chio insula instituuntur, ornenturque. A nostris ædificandarum, ar-  
mandarumque nauium stationes, portusque designantur Barcinonensis, & Valentina  
statio: Maioris, Minorisque Balearium, Ebusitanus, Caralitanus, & Alguerensis portus:  
institutaq; Rhodiorum imitati nauigationi, commercioq; maritimo consulunt. Pacta ea  
Barcinone A. D. IV. Non. Nouemb. confirmantur.

Iohannes Lancastrus magna adornata classe, in Galleciam nauigat: & Castellæ re-  
30 gnum vxorio Constantiæ Petri Regis filix iure adoriri conatur.

Philippo Dalmatio Roccabertinio classe Aragonia Siciliensibus, & Sardois rebus  
implicito, Rogerius, & Antonius Lauriæ fratres Rogerii Lauriæ nepotes rebus Atticis, &  
Neopatreisibus præficiuntur: ditionesque eas ab hostilibus incursionibus tuentur. Lu-  
douico vero Frederici filio Aragonio Solensi Comite vitæ functo, Helena Cantacuzina  
primaria, & præpotens femina eius vxor, quæ à vicinis iam Turcis bello premitur, à Rai-  
nerio Acciaolo vrgetur: ut filiam Petro Sarracino, is erat Rainerii affinis, & primarum  
in Eubœa partium, in matrimonium collocet. Sed Helena Rainerii audaciam, atque arma  
vltura, filiam Xuro Simeoni Imperatoris Valachiæ filio Græcis, & Francis inuitis de spon-  
der. Ex eo, laceratis intestino dissidio ditionibus Atticis, Catalanorum stirpis natio in me-  
40 dium rerum omnium certamen, atque discrimen decedit.

Regi cum Petro Clasquerino Tarraconensi Antistite, pro absoluenda eius ciuitatis  
iurisdictione, ac re certamen suboritur, Raimundus Alamanus Ceruilionius oppidis ec-  
clesiasticæ ditionis, ac iuris bellum infert.

Quod Rex Cum Margarita Regina Caroli Dyrrhachini Regis vxore, qui libere Ne-  
apolitano regno potiuntur, plurima summæ coniunctionis vincula constituere decreuif-  
set, Octobri mense Regina Antonium Carletam ad Regem legatum præmittit: de Isabel-  
la Regis filia Ladislao filio in matrimonium tradenda.

Cum Gerundæ Iohannes Dux diuturno, & iam desperato morbo conficeretur, ut  
vim beneficii vicina iam morte in se grassari sentiret, ea enim fama emanarat, Rex A. D.  
y6 XI. K. Nou. imperat, ut iurati magistratus Gerundenses Iacobum Iohannis natu maio-  
rem filium in suâ potestatem recipiant: ne patre vitæ functo, aut Iolans mater, aut ii proce-  
res, qui Iohanni se addixerant, nepotem intercipient. Accedebant muliebres offensiones:  
nouercalibus Regiæ in Iolantem stimulis.

A. D. IV. K. Ian. Barcinone Rege animam agente, Sibylla Regina media nocte, Io- 1387  
hannis priuigni intimum, & inueteratum odium pethorrescens è regia cum sorore aufu-  
git. Reginam in tanta rerum perturbatione Hugo Palliariensis Comes, & Regiæ domus  
administri comitatur. Iohāne eius rei cōscio, Martinus frater regiæ pcuratori præficatur:  
& Barcinonē cū imperio pmitit. Iolās vxor omnib. Regiæ, eiusq; affectatorū ditionib⁹,  
possessionib⁹, atq; fortunis, quasi lēse, & deminutē maiestatis, rei atq; cōiuncti esset, donat.



NAT.  
CHR.

Carolus Nauarræ Rex K. Ian. decedit.

Martinus Barcinone copias educens Reginam, atque eos, qui in fugam se contulerant, persequens, A. D. III. Non. Ian. Zarocæ castellum obsidet: quo Regi-  
nam incluserant: qui eam fuerant persecuti. Vere, ac libere, ut institutum nostrum  
postulat, hoc dici potest: eo vno facinore Iohannem nondum exploratis regni primor-  
diis, patrem imitari atque exprimere visum: si in extremo patris spiritu, & ipse præterea  
grauissimè ægrotans, sui vlciscendi causa, supplicium de nouerca sumat: cum parentis a-  
lioqui laus magna ex parte fuerit: quod se dignum maioribus suis præbuerat: nisi in fra-  
trum sanguinem delæuisset.

Non. Ian. Barcinone, in minore regia Rex ætate prouecta, & variis, diuersisque ge-  
neribus bellorum & intestinorum malorum perfuncta, cum vehementer pœnituis-  
set, quod in ditionem ecclesiastici iuris Tarraconensis irruisset, è vita excedit. Ea opini-  
one tota Tarraconensis ciuitas obstricta est, tantaque religio mentes illorum inuasit, ut  
nulla frequentior fama sit, quam cuius Gonzaluus Garcias S. Mariæ, & Gaubertus mo-  
nachus auctores sunt: Regem vlticibus furiis, & recentis facinoris, ac sceleris vin-  
dicibus agitatum mortem obiisse. Nam cum superiore anno in iura, & ditionem Tarra-  
conensis Ecclesiæ inuasisset, & sacerdotes immisis copias diuexasset, & ecclesiastica diti-  
one euertisset, neq; vllò iuris præsidio, humano imperio regia vis coerceri posset, eum  
ordinem D. Teclæ tutelaris numen implorasse memorant: & Regem reum citasse: ut an-  
te Dei Opt. Maxim. tribunal sexagesimo die adesset. Præstituta die, manu percutientis  
diuæ, acris sui numinis vindicis ore stimulat, commissi sceleris cruciatu incitatum, ere-  
ptarestitui iussisse: & graui, & manifesta pœna exacta, morte fuisse multatum. Ad Popu-  
leti regio tumulo sepelitur: neq; funeris sollemne, in tanto noui principatus tumultu, per-  
inde, ac superioris ætatis Regibus celebratur. Nam Regine fuga, & obsessio, plus quam  
alia vlla ex re terroris ortum: interna dissidia, & externam vim, Rege morbo confecto,  
circumspectantibus.

## IOHANNES XX. ARAGONVM REX.

Fortiana Regina, & qui se in Zarocæ castellum abdiderant, A. D. IIX. Id. Ian. Mar-  
tino Regis fratri deduntur.

A. D. XVII. K. Februar. Granoleño vico, Rege Barcinonem contendente, & animi  
vires graui corporis infirmitate retardante, Martinus frater Momblanci oppidi ditione,  
& Ducatus honorario cognomine decoratur.

Cum Barcinone Rex adeo graui, & desperato morbo esset affectus, ut ei mors appro-  
pinquare visa esset, beneficiisq; & cantationibus confici contenderent, de beneficio con-  
stituitur questio: & seruilem in modum habetur. Fortiana Regina ceteriq; qui cū ea capti  
fuerant, in questionem postulantur: & tormentorum cruciatibus nouerca à priuigno Re-  
ge subiicitur: erudelesq; inde questiones in propinquos, clientesq; Regine habite: & quod  
positas Regi insidias deferrentur, graues aduersus eos, seueræq; sententiæ feruntur.

A. D. II. Non. Febr. Barcinone Rex Petro Luna Cardinale legato assidente, quasi pro  
suo iure edicit, atque decernit, prima Cardinalium comitia quibus Romæ Urbanus Pont.  
Max. renuntiatus fuerat, vi, atq; impressione habita: ea vero, quibus Clemens creatus erat,  
legitima, iusta, sanctaq; fuisse: eiq; obedire, & parere omnes, uti vero Christi vicario ius,  
fasq; esse. Consilio muliebri, ut aiunt deteriori, tanta res gesta est. Nam Frossardus, grauis  
in primis eiusdem ætatis auctor perhibet, Regem à lolante regina eius vxore, Barenfi Du-  
ce suatore, atq; impulsore inductum, ut in Clementis verba adigeretur: cum pater consul-  
to neutram in partem moueretur: maximoque id populi applausu, acclamationeque ac-  
ceptum: ut est nouarum rerum cupiens, præposterusq;

A. D. IIX. Id. Mart. Barcinone, in minori arce, constituta, & seita Barcinonensis, &  
priuilegia more à Rege iureiurando fanciuntur. Donationes à patre ex A. D. XIII. K. Ian.  
anni MCCCLXV. in eam diem factas reiicit. Catalani fidei sacramento in eius verba iurant.

Cum Lancastris in Gallaicis bellum aduersus Iohannem Castellæ Regem molire-  
tur, ac de inuito fœdere cum Eduardo fratre Waliz Principe, & equitum, peditumque  
auxiliis mittendis Aragoniæ Regem compellasset, deque ea re Archiepiscopum Burdiga-  
lensem legatum misisset, isque Regem patre fato functo, pertinaci, & nimis acerba lo-  
cutione, atque minaci perculisset, Rex indignitate permotus legatum in ordinem redi-  
git: liberaliq; custodia detineri iubet. Anglorum copias, quod legatus indignissime atti-  
neretur, transceso Pyrenæo bellum inferunt: & Castellum Rossanum subita irruptione  
expugnant. Burdigalensis Pontifex è custodia emittitur, Frossardum vnum auctorem  
eius rei exstare comperio.

A. D.



A. D. XV. K. Apr. Barcinonensi statione Philippus Dalmatius Vicecomes Rocca- NAT.  
bertinius classe in Peloponnesum nauigat: qui Athenarum, & Neopatrię ditionibus à Re- CHR.  
ge præfectus fuerat. Arces, propugnaculaq; omnia earum ditionum, quæ in potestatem  
Petri Paui redacta fuerant, à Rege Rocabertinio tradi imperantur.

Ianuario mense Rex Leonoræ Arborensi ditionem paternam, quæ in fiscum con- 1388.  
uerfa fuerat, recepto supremo regio iure, ac potestate attribuit. Sardinia, & Corsicę insu-  
lis Simonem Perezium Arenosium præfidein, ac propugnatorem præficit.

A. D. VI. Id. Apr. Barcinone in cœnobio Valdoncellensi pacta cum Leonora Arbo-  
rensi & eius filio inita, rata, & firma Regi fiunt. Simon Arenosius cum ccc. galeatis equi-  
tibus, in Sardiniam nauigat.

Iulio mense Robertus Praga Venceslai Romanorum Regis legatus Regem salutat.  
Benigna is oratione retulit: Venceslaum conciliari Regi ad beneuolentiam, quam maxi-  
mè cupere: & ut Iohannam filiam illi in matrimonium collocet. Similitudo magna mo-  
rum illicere, atq; attrahere hos maxime Principes visa est. Ambo aucupio, atq; venationi  
supra modum dediti, belli studia deposuerant. Symphonia, & cantu vocum, neruorum,  
& tiliarum totæ regiæ personabant: intempestiua semper conuiuia, multarumq; delicia-  
rum comes extrema, ut ille inquit, saltatio: & molli, & effeminata copia omnia ad volu-  
ptatem referebantur. Adeoq; more, & instituto id vsurpatum, ut Henricus Viliena, non  
minus multiplici, & recondita litteratura, quam antiquissima Regum Aragoniæ, & Co-  
mitum Barcinonensium stirpe, & Henrico Castellæ Rege auo materno clarus, referat,  
haud secus, ac de suis rebus maximis Regem legatos ad Francorum Regem, sollemni,  
publicaq; legatione misisse, ut vernaculæ linguæ celebres poëtæ in Hispaniam ex Narbo-  
nensis prouinciæ scholis traducerentur: & studia poetices, quam Gaiam scientiam voca-  
bant, instituerentur. His vero, quorum ingenium in eo artificio elucere videbatur, magna  
præmia industriæ, & honoris insignia, monumentaq; laudis esse cõstituta. Postremo Rex  
desidiæ, atq; inertia deditus, non modo patris, flagrantis animi Principis, & regio plane  
spiritu præditi, sed ceterorum Regum omnium longe dissimilis comessationibus & volu-  
ptatibus affluens, vxorio arbitrio se, & gubernacula regni, & rempublicam tradiderat.

Rex suorum regnorum, & adiacentium insularum conuentus Montionem: in A.  
D. III. Non. Nou. indicit. In eo conuentu, cum morum, & veteris disciplinæ seueritas, &  
frugalitas desiderarentur, ac quodam modo nostri patriam virtutem proiecisse videren-  
tur, & molles cultus, muliebriaq; imperia viri fortes detestaretur, exposcerentq; ut disci-  
plina militaris ad priscos mores redigeretur, de conformandis moribus, & Regis, Regi-  
næque aula ad pristinam temperantiam communienda, & in ordinem redigenda refe-  
runt: & ut certi dissoluti, profligataque vitæ homines domibus regiis exigantur. Ali-  
quot præterea capita exponuntur, explicanturque aduersus Carrociæ Villaragutæ  
primariam feminam: cui se Regina toto animo dediderat, addixeratque: & in cuius sinu  
status regni mysteria reponerentur: cuius arbitrio, cum omnium Regis consiliorum,  
aut conscia, aut particeps esset, honores, dignitatesque, præmia, & beneficia inconsulte,  
& temere, nulloque adhibito modo, conferebantur. Harum se partium veluti censores,  
& morum magistri, profitentur Alfonsus Vilienæ Marchio, Iacobus Dertofanus Episco-  
pus eius frater, Iacobus Pratenfis, Bernardus Caprera, Insulæ, & Rotæ Vicecomites,  
Petrus Queraltus, Iohannes Belleræ, & Raimundus Bagius: qui magnis coactis copiis,  
cum Calasancium recessissent, seditioque magna concitaretur, aliquot ex regiis intimis  
eos ad pugnam prouocant. Res eo deuenit, ut contractis vndique auxiliis, armis decer-  
neretur: nisi Regis mansuetudo, & lenitas ab his longe abhorreret.

A. D. VI. Non. Mart. Cæsaraugustæ ad Orbæ fluiui ripas, in æde D. Eueratiis tumuli 1389.  
eius diuæ, & S. Lupercii martyris, effodiuntur, cum fundamenta rudibus reiectis iace-  
rentur, quibus sacra corpora condita fuerant: summaque veneratione ac religione eo-  
rum sacrarium constituitur: quos præcipue diuos nostri precari, venerariq; consuevere:  
quod iis populus, ciuitasq; Cæsaraugustana in tutela sit. Eadem eam sacram à D. Braulio  
Cæsaraugustano Episcopo insigni sanctitate illustri, & non solum amicitia, sed studiorum  
communione D. Isidoro coniuncto exædificatam, sunt, qui non sine certa ratione opi-  
nentur. Illud satis apparet, Isidorum ipsum, Cæsaraugustam urbem, non modo loci amœ-  
nitate, & deliciis affluentem cunctis Hispaniæ urbibus præstitisse, asserere, sed sanctorum  
martyrum sepulchris. Cœnobium consecratæ ædi continens priscis temporibus mona-  
chis D. Benedicti dicatum, & patrum memoria sumptu, ornatuq; regali constructum sub  
D. Hieronymi tutela, & instituto incolitur.

Cum corruptelæ omnis generis inoleuissent, & ob eā causam magna partiū contentio



secessione procerum in regno versaretur, A.D. VI. K. Sept. fides publica à Rege Alfonso Viliens Marchioni datur: vt cum Martino fratre Binefari, vna cum affectatoribus ad colloquium, congressumq; veniat.

A.D. VII. Id. Septemb. vti fide publica Montionis conuentui Marchio, eiusque partium affectatores assideant, à Rege est permissum: sigillatimq; Lupus Simenius Vrrea, Iohannes Simenius Vrrea Atrossilius, Alfonsus Ferdinandus Ixeritanus, & Garcias Sefesius, qui Marchioni, eiusq; expostulationi diffluentium regiarum domus morum coercendorum se applicuerant, fide publica in conuentum veniunt.

Garcias Ferdinandus Heredia Cæsaraugustanus  
Archiepiscopus.

Regio edicto Carrocia Villaraguta domo regia exigitur. Consuetudine præterea, & familiaritate Reginæ, Gerundæ Ducis Regis primigenii, Martini Regis fratris, regiarumque stirpis procerum interdicitur: ab omniq; fungendo munere amouetur: conuentusq; decreto sancitur. Decernitur etiam: vti diffuentes regiarum mores in ordinem redigantur, coercerenturq; & dum notio, opusq; id censorium conficitur, Archiepiscopus Cæsaraugustanus Montione excedat.

Urbano vita functo, qui Romæ A.D. VI. Id. Oct. obierat, Perinus Thomacellus Neapolitanus S. Georgii Cardinalis, nuncupatus Bonifacius IX. in eius locum sufficitur.

Bernardus Armeniacensis Comitatus Armeniacensis frater, magna Anglorum, & Gallorum collecta colluie, quamuis initio latrocinantium more grassarentur, iusto exercitu coacto, traiecto Pyrenæo, in Emporitano agrum incurrit. Eæ copiarum ita ruunt, atq; turbantur, vt earum motus, atq; impetus quo pertineat, vix à Rege prouideri posset: horribilibusque strages toto eo tractu edita.

Hoc anno in Montioniana arce decedit Ferdinandus Regis, & Iolantis Reginæ filius.

Barcinone Rex festum Natiuitatis Domini diem celebrat.

Bernardus Armeniacensis nimius animi, Reges contemnere, & odisse visus, bello gerendo dux creatus in intimam Cataloniam bellum infert, & strenue gerit. Neq; alia bellandi potior causa visa est, quam vt eæ copiarum temerario cursu insultantes bello se alant.

Id. Februar. Dominico die Carolus Nauarræ Rex Comes Eburouix in Pompelonensi Ecclesia regium diadema suscipit: & à Martino Zalba Pompelonensi Episcopo, Petro Luna Cardinali legato Apostolico assidente corona imponitur.

Februario mense externarum copiarum exercitus Armeniacensi ductore Bisuldu-num nobile oppidum ad ipsa Ausetanorum, & Indigetum confinia obsidet. Omnes, qui per ætatem arma ferre possint, æreo sonitu more gentis, ad bellum coguntur: concitanturq;. Bernardus Caprera, quo in adolescente magna indoles virtutis fulgebat, cum in tam præcipitem casum res publica recidisset, anteuertens, ne nostri oppido desperarent, cum in eo præcipua defensionis præsidia constituissent, obsidionem subit.

Armeniacensis Comes magnas militum copias ex Armoriceis ciuitatibus Ducatus Britanniarum, & Comitatus Monfortis cogit: vt fratri opem, auxiliumq; ferat: neque ea res obstitit, quod Britanniarum Dux Iolantis Aragoniarum Reginæ auunculus esset. Vt mirum videri debeat, quod à Petro Tomichio Catalanarum rerum scriptore, cuius ætas in hæc tempora incidit, memoriæ proditur, earum hostilium copiarum manus XLIX. M. leuis armaturæ equitum numerum compleuisse.

Mense Martio, Rege Gerundæ assidente, cum Galli, non Emporitano modo tractu, sed Indigetum, & Ausetanorum regionibus se effudissent circiter I V. M. equitum, ingentique peditatu, graui delectu collecto, Bernardus Caprera, quod in omnes partes Gallici equites quam latissime peruagarentur, celeritate præcurrens, ad Nauatam, cum hostilis equitatus parte configit: acerrimæque pugna summo conatu pugnata hostes caduntur, atq; delentur.

Raimundus Bagius ex Catalanis proceribus dux præstantissimus cum Mastino externarum copiarum ductore primario, ad Cabanias in certamen deuenit. Hostes funduntur, & Mastinus à Berengario Villamarino Emporitano strenuo duce in acie capitur.

Cum hostes ferocius primo insultantes male multati repulsi essent, Rex, qui suos à prælio continuisset, atque in præsentia satis habuisset hostem rapinis, pabulationibus, populationibusque prohibere, cum exercitum confecisset, K. Apr. sacro Cænæ domini die, Gerunda magno impetu egreditur: cum hoste prælio dimicaturus. Galli cognito Regis aduentu, subito terrore percussi prælium deuittantes, ad montes se conuertunt: & Pyrenæum conceitato cursu transcendunt. Ea ipsa die instructis aciebus, cum ea manus mirabili



rabili pugnandi alacritate flagraret, Rex Petrum Latronem Villanouam insigni virtute, NAT.  
& nobilitate præstantem virum, Vicecomitatus Villænouæ, & Cieluæ honorario cognomine decorat. CHR.  
Eo etiam tempore, vt Petrus Tomichius perhibet, Rex nobilitatis ornamenta tribuit Castellariis, Calataiubiis, Villanouis, Corelliis, & Beluifiis: & aliis generosæ stirpis Valentini regni viris, quorum familiæ, à partu à Mauris regno propagatæ fuerant. Satis constat ab eodem Rege inlustri Scribarum familiæ eadem ornamenta fuisse attributa.

A. D. VI. Non. Mai Ladislaus Caroli Dyrrhachini Regis F. Siciliæ, & Hierosolymorum Rex, qui superiore anno totius Neapolitani regni potitus fuerat, cum Constantia Regina vxore Manfredi Claramontii F. à Florentino Cardinale, qui à Bonifacio Pont. M. legatus fuerat, Caietæ festa celebritate coronatur.

A. D. XV. K. Iun. Rex, & Maria Regina Ludouici Regis, Andegauenfis Ducis, qui mortem obierat, vxor paciscuntur de Iolante Regis F. in matrimonium Ludouico iuniori Ludouici Regis F. Hierosolymorum, & Siciliæ Regi tradenda.

Eo ipso tempore Maria Siciliæ Regina Frederici Regis F. Martino Exerica Comiti, Martini Momplanci Ducis F. despondetur. Earum nuptiarum pactio diu, ac multum consultata fuerat: vt Martinus pater Siciliæ à tyrannis afferendæ expeditionem susciperet.

Iohannes Simenius Cerdanus Præfectus Iustitiæ Aragonum.

20 Is in Dominici patris locum sufficitur: cuius constans, & perpetua defensio libertatis in interdictionum, intercessionumq; præsidio ferendo, proponendoq; his iudicibus, quos Cæsar Augustani aliquot ciues horrebant, adeo fuit insignis, vt contra vim regiæ potestatis Zueriæ vitam pro libertate regni in discrimen adduceret: iix. viris procuratoribus regni communi libertati opem subsidiumq; comparantibus.

Andreas Claramontius, Manfredus Alagon, & Artallus Manfredi F. Artallo Alagone Comite vita functo, fœdera inter se artissima sanciunt: quibus eorum fides deuincitur: vt Martino Momplanci Duci, qui magna comparata classe regnum Siculum filio, ac nurui in libertatem vindicare nititur, summa vi repugnet.

30 Armeniacenses aduersus nostros in Ruscinonenfi regione, & Marigotus Marxes Aruernus Regis Aragoniæ auspiciis aduersus Francorum Regem bella gerunt: isque status rerum erat, vt gregales duces potentissimis Regibus bellum inferrent. Mariogotus præterea in Aruernis, & Roërge, ac Lemouicibus Armeniacensem Comitem bello persequitur.

Septembri mense ineunte, Barcinone Vlricus Herbessel Venceslai Imperatoris legatus, de Iohanna natu maiore Regis filia Procopio Marchioni Morauia Principi collocanda, legationem renunciat: sed is Isabellam Regis consobrinam, Ruperti Bahariæ Ducis Comitis Rheni Palatini sororem, Petri Siciliæ Regis neptem in matrimonium ducet.

40 Rex in Aragoniam omni festinatione properat: quod Mahomates Abulhagis F. Granatenfis Rex copias ingentes colligens, Valentini regni fines adoriri minatur: qui cū Petrus Rex pater pacis fœdera corroborauerat: confirmaueratq;.

A. D. VII. Id. Octob. Iohannes Castellæ Rex Dominico die Alcala Carpetanorum ad Henarem fluuium oppido, admissio equo deturbatus, cum latus vehementer offendisset, fractis, & comminutis ceruicibus interiit: Henrico, & Ferdinando ex Leonora Regina Regis sorore, liberis relictis.

A Brancalione Oria, & Sardis, arma, veluti pro communi salute capiuntur. Urbem, 1391. arcemq; Sacerensem, & alia castella aut occupant, aut vi expugnant. Omnis tractus, ac ditionis Galluræ iuuentus ad eam defectionis insaniam a Brancalione excitur. Cum sæpe alias, tum ea re nuntiata, tumultus hostium præcipuus terror omnium mentes inuasisset, & Aragonensis, Catalanaque natio continentibus duorum, & viginti annorum bellis in Sardinia esset exinanita, & copiæ militares imminutæ essent, Rex Cæsar Augustæ, A. D. V. Id. Febr. ex Hispano delectu suppleri imperat: & ii, quibus bona, ditionesue Sardoæ hereditate venerant, intra quattuor menses in Sardiniam proficisci coguntur.

Id. Febr. Cæsar Augustæ Rex Raimundum Periliosum Rotensem Vicecomitem Periliosii Vicecomitatus cognomine cohonestat: eoque titulo, virtutis ergo donare prædicat.

Non. Aug. festo Dedicationis D. Mariæ ad Niues die, Barcinone Iudæorum synagoga à Christiano populo diripitur. Eo ipso die, in celeberrimis Hispaniæ urbibus, & oppidis conuenticula eius nationis omnia expilantur, vastanturque: & ex immensa, & inter-



NAT.  
CHR.

minata in omnes regionum partes eius gentis multitudine, innumera eorum vis occidione est occisa.

Quod Henricus Castellæ Rex, ob ætatis imbecillitatem, grauitatemq; rerum, gubernandi munus, & summi imperii procurationem sustinere nō posset, & seditionum, & discordiarum vi regni status conuelleretur, omniaque turbarentur: auunculus Rex in pacificationem se interponens, Gerardum Queraltum summi consilii virum, qui Iohanni Castellæ Regi in priuatis rebus conscius fuerat, & S. Felicis oppido Gallicorum nuncupato, ab eo donatus erat, in Castellam legatum mittit: neq; compositionis auctor esse desistit.

A. D. XIV. K. Dec. Auenione Pontificatus Clementis anno xiv. Martino Duce expeditionem Siciliensem maturante, Clemens collegii permisso, Mariæ Trinaciæ Regina, cum Martino Exerica Comite libere contrahendi facultatem elargitur: quod Gregorius Pont. Max. decreto cautum esset, si forte contingeret feminam, nec dum nuptam in Trinaciæ regno succedere, ea summi Pontificis explorato consilio, viro Catholico, ad regni propugnationem idoneo, & Ecclesiæ Romanæ non suspecto, aut Iohannæ Reginae, & eius successoribus inimico nuberet.

### REX MARTINVS, ET MARIA TRINACRIÆ REGINA.

### DVCES ATHENARVM ET NEOPATRIÆ.

K. Decemb. Citgiis Tarraconensis territorii vico, Martinus Dux Berengarium Ctruilliam, & Gerardum Queraltum Sicilia regni procuratores creat: præmittitq; operam daturos, vt Siculos proceres, ciuitatesque, de illa animorum prauitate, qua defece- rant, deducant: & Martini Regis filii, & Mariæ Reginae nurus partes suscipiant: & ad sanæ mentis consilia desciscientes reuocent.

1392.

Ineunte Martio Martinus Dux Sicilia à tyrannorum dominatu vindicandæ, & filiis in libertatem asserendæ expeditionem adornans, magnum, & in primis validum exercitum conficit. Cum procerum omne nomen, militumq; robur concitaretur, lustrato exercitu, Fangosio portu classem soluit. C. actuariis, onerariisq; nauibus constitit. Ad in. m. grauis armaturæ equitum, & ingentis peditatus copias conuenisse memorant. Edificandis nauibus, contrahendoque militi, ac remigi, naualibusq; adfuescendo certaminibus, atque exercitationibus, ac demum vniuersæ classis imperio vnus Bernardus Caprera præficitur.

Cum A. D. IX. K. Apr. Classis ad Faninianam insulam appulisset, postridie Drepanitano portu copiarum omnes exponuntur. Quod Panhormitanorum, eiusque insulæ partitis Andreas Claramontius Modicæ Comes potiretur, & in superbissimo dominatu esset, Dux itinere terrestri, infesto exercitu, castra apud Panhormum facit: Vrbe obfessa muros labefactare, & obfessos vrguere non intermittit. Inde inter eruptionem sepius temptatam compulso in urbem hoste, cum occasio data esset nostris irrumpendi, sponsione in ditionem accepti.

A. D. XV. K. Iun. Panhormus Duci deditur. Andreas Claramontius, Manfredus Alagon, & Iacobus Manfredi F. ac ferme omnes primarii domus, ac stirpis Claramontiarum in Ducis arbitrium, potestatemq; veniunt.

Ladislavus Rex Constantiam Claramontiam vxorem exegit: ea illata causa, quod socrum ad se Martinus Momblanci Dux pellexisset. Neque contentus iustæ vxoris conditionem repudiassse, inuitam pæne, ac reluctante Andreæ Campano Altauillæ Comiti in matrimonium collocat. Mox Ladislavus Mariam Cypri Regis sororem ducit: quæ breui nullis superstitibus liberis decessit.

A. D. IIX. K. Iun. Barcinone sollemnia nuptiarum Iolantis Regis filiarum celebrantur: quæ Ludouico Andegauenfi Hierosolymitano, & Siculo Regi, præsentibus Ludouici legatis, despondetur.

K. Iunii Andreas Claramontius Modicensis Comes, Panhormitano in foro, maiestatis lege, capitis pœna afficitur: & Claramontia familia vetus admodum, atque illustis, quam satis constat maiorum fuisse in ea insula gentium, extinguitur, & funditus deletur.

A. D. II. Non. Iun. Mathæus Fuxi Comes, qui Barcinonem concesserat, Iohannam Regis ex Matha Armeniacensi filiam in matrimonium ducit.

A. D. XII. K. Iul. Dux Martinus, Rex filius, & Maria Regina urbem Panhormum inuehantur. Filius rebus communiter gestis cum patre insigni victoriæ laurea triumphat.

Dux



Dux Momblanci, vtilegitimus filii tutor, ac procurator Bernardum Capreram, qui NAT. exercitui, & classi præpositus fuerat, vt pro magnis in rem publicam meritis honos ei ha- CHR. beretur, Modicæ comitatu, & opulentissima eius ditione donat: qui eius expeditionis consiliarius princeps, ac pæne auctor fuerat: & in eo bello egregia eius virtus quam maxime enituit.

Artallus Alagon Manfredi F. procuresq; omnes Alagonii, cuius gentis familiæ in eo regno maxima in laude floruerant, Catanam, & eius vrbis arcem præsidio, & classe, vti vnicum perfugium munire nituntur: sed veriti ne commeatu, & reliquis copiis intercludantur, cum affectatorum auxilia implorant, urbem deserunt.

10 Rege Sardoum bellum animo moliente, & in Sardiniam primo quoq; tempore transmissurum præ se ferente, ac significante, Iulio mense, Barcinone vexillum regium, futuræ expeditionis insigne, in arce proponitur: ac more, ex ea die stipendium, tabulis quæstoriis palam propositis, militibus numeratur: classique regiæ Gilabertus Cruillias præficitur. Nobilissimus quisque, & fortissimus ad eam expeditionem obeundam accitu regio euocantur: atque ii in primis suam operam, opesque antetulerant: Artallus, & Franciscus Alagones, Iohannes Simenius Virea Arroffilius: qui Biotæ, & Baii dominabatur, Alfonsus Ferdinandus Ixeritanus, Antonius Luna Petri Lunæ F. qui Almonczirii, & Polæ hereditariam ditionem obtinuerat: Lupus Gurra Regiæ domus præfectus, Iohannes Pere-  
20 sius Caluillius fratris Petri Turiasonensis Episcopi F. cubiculo regio præpositus, Marti- nus Lupezus Nuza, & Petrus, & Ferrarius Nuza, Galacianus Tarba, Arnaldus, & Berengarius Bardaxini, Lupus Hospitalis, Arnaldus Francia, Rudericus Perecius Abarca, Blasus Azlorius, Martinus Pomarius, Gonzalus Perecius Pomarius, Petrus Sanctius La-  
30 trasius, Sanctius Perecius Pomarius, Raimundus Turrellias Ferdinandus Gallocius, Ber- trandus Cosconius, Petrus Murius, Petrus Casseda, & Iohannes Donelfia. Raimundus Vicesomes Perilliosus, & Rotensis, Rogerius Moncada Valentini regni gubernator, & Raimundus Roccafullius, qui se Regis Castellæ ditioni addixerat, magnis compa-  
ratis copiis Regi eam expeditionem molienti inseruiunt: eique maxime se ostentant. Quod Granatenfis Rex belli denuntiatione nostros terret, & magna coacta manu in Cõ-  
30 testanos, Valentiam versus omni impetu, per concitatos equites irruere contendit, Rex profectionem in Octobrem mensem distulit: & actuariis nauibus, quæ Sardinia oras tue-  
rentur, Pontius Ribellias à Rege præponitur. Caralitana, Aquafrigidensis, Longofarda, & Alguerensis arces præsidii à nostris firman-  
tur. Longofarda à Brancalcione Oria, & aliquot actuariis, quæ ex Corsica traiecerant, oppugnantur.

Procerum Siculorum in Regem proditione, ac perfidia, res in vltimum pæne discrimen decidunt. Comes Guilielmus Peralta, Guilielmus Raimundus Moncada Comes Augustæ, Magister, vt vocant, Iustitiarius, & regni Connestabulus, Antonius Intemeli-  
40 Golifani Comes, pluresq; alii proceres, atque optimates aduersus Sicilia Regem defici- unt: subitoq; ea fit rerum conuersio, vt Dux, Rex eius filius, & Regina Maria in Catanen- sem arcem includantur: obsideanturq;.

Rege profectionem suam in Sardiniam prædicante, & vt apparet, vrguente, & fra-  
40 tri se subuenturum, & Sardois rebus oppressis, ac pæne iam desperatis, opem laturum pol-  
1393. licente, cū cunctatione ficta ludificaretur, Bernardus Caprera, profectionis regiæ lentum negotium iudicans, & regiis auxiliis subdiffidere incipiens, adductasque res Sicilienses in maximum periculum, & extremum discrimen videns, oppigneratis paternis, auitisque ditionibus, ac fortunis omnibus, incredibili celeritate ex Catalanis, Aquitanis, & Morin-  
is militibus exercitum conficit: & priuatis vt opibus, ita consiliis magna ausus, & singu-  
lari virtute conata executus, in Siciliam traiciens, Ducem, ac Regem F. obsidionis peri-  
culo liberauit. Catanensi arce egressi urbem obsident.

Cum Ampostæ interea, & Dertosæ Rex commoraretur, intermissa profectione  
50 Chersonesum vicinum oppidum inita hieme contendit: & A. D. XII. K. Ian. Comitem Arrigum Roccam Sardinia, & Corsica præsidem creat. Is ex Corsica, vt Alguerensi ar-  
ce obsessis subueniat, traiecit.

Valentia festi Natiuitatis Domini dies à Rege  
celebrantur.

1394.

Rex profectionis Sardoæ consilio, ac fama abfistens, quod frater legatos subsidium  
rogatum misisset, classis regiæ parti, xxv. nauibus longis constitisse ferunt, Petrum Ma-  
zam Lizanam præficit: & ad eius ductum insignes, & præstantes viri, vt Petrus Tomichi-  
us commemorat, se adiungere Raimundus Apilia, Olfus Prochyta, & Gilabertus, ac Tho-  
mas Prochyta eius fratres, & Villaragutorum familia, Petrus Marradas, Petrus Andreas



NAT.  
CHR.

Castella, & Franciscus Castella eius frater, Petrus Marzillia, Garcias Saias, Petrus Luxanus, Ferdinandus Munionius, & Petrus, & Michael Arinii. Cum Lilybei portum tenerent: oppidum vi expugnant, diripiuntq;. Classe Pachynum promontorium præteruecta, Catanam appellit: quæ a Duce Momblanci obsidione premebatur: adeoque res in extremum periculum deuenierant, ut non minus nostris, quam obsessis clades, atque calamitas impendere videretur. Idem Tomichius auctor est, eo ipso temporis momento, quo clas-  
sis appulerat, Ducem, cum in actuariam se recepisset, à Mamertinis interceptum: & cum Messanam auheretur, suorum repentino appulsu, incursumq; liberatum.

Februarii mense exacto, Rogerius Moncada aliquot nauium classem adornat: & copiis, suis stipendiis instruit: quod Momblanci Ducem, & Martinum Regem à domesti-  
cis hostibus oppressos, constanti rumore, ex Sicilia perferebatur.

Brancaleo Oria Alguerium arta obsidione premit. Caralitana, & Longofarda arces, earumq; præsidia maximo in discrimine versantur.

Catana castris circumfiderur: & A. D. III. Non. Iun. in ea obsidione Martinus Siciliae Rex Ferdinandum Lupesum Lunam auunculum Hieraciensi Comitatus ditione donat: qui ob Henrici Intemelii Comitis defectionem publicatus fuerat. Cum Antonius Intemelius Golifani Comes, Francisci Intemelii Comitæ F. nostros vi irritaret, ferroq; lace-  
feret, & repentinus semper occurreret, prope Ennam Gerardum Alamanum Ceruilionem, & Raimundum Basium primarios proceres prælio deuincit, captiuosque retinet. Mox ipse in insidias Hugonis Sanctapacii delatus, à Ruderico Zapata strenuo viro in-  
tercipitur: quæ res, ad hostes proterèdos, & adipiscendam victoriam, permagni momen-  
ti fuit.

A. D. V. Id. Aug. Catana Duci deditur. Comes Artallus Alagon Manfredi F. qui maioris Arralli Comitæ frater fuerat, & Fredericus Aragonius, pluresque alii proceres, qui vrbi propugnandæ præfuerant, aliquot actuariis nauibus in Ligustinum litus navi-  
gant. In ea obsidione Petrus Maza Lizana summa virtute, fideque, & animo singulari, inter illius sæculi proceres insignis, cui nihil solidæ laudis, ac veræ dignitatis præstantius accidere potuit, quam Ducem, ac Regem, & Reginam, cunctumque exercitum extre-  
mo periculo eripere, è vita excedit.

Dux tota Sicilia, infestis signis exitiosum bellum, vastitatemque perduellibus  
infert.

Artallus Alagon Comes, ceterique proceres, qui ex Sicilia extorres profugerant Iohanni Galeacii Virtutum Comitæ, qui Mediolani, non modo auctoritatem, sed etiam imperium in suos obtinet, auxilia implorant.

A. D. XVI. K. Octob. Auenione Clemens Pontifex  
Max. decessit.

Vnius, & viginti Cardinalium collegium Auenione in cōclauē ascenderant: & nunti-  
ti à Carolo Francorum Rege missi hortabantur, ne palam, clamve suffragia in Pontifica-  
tu mandando inirentur: quoad aduersarii voluntas, in concordia Ecclesiæ procuranda,  
exploretur. Patres, cum comitiis supersederet, è republica esse, minime censeret, satis futu-  
ræ concordia caueri, prouiderique existimant, si iusiurandum omnes iurent: daturos  
se operam, ut quisquis Pontifex Maximus renuntiatus sit, si ita è republica videatur, ma-  
ximo se sacerdotio abdicet. Pæne inuitus, ac recusans Petrus Luna tituli Sanctæ Mariæ  
in Cosmedin Diaconus Cardinalis Aragonius eo iureiurando obstringitur. Conceptis  
verbis eam rem sic spondent.

Nos OMNES, & singuli S. R. E. Cardinalis congregati pro electione futura in con-  
clauē, ante altare, in quo missa communis celebrari consuevit, pro Dei seruitio, vnitatē  
Ecclesiæ suæ sanctæ, ac salute animarum fidelium omnium promittimus, & iuramus ad  
sancta Dei euangelia corporaliter per nos tacta, quod absque dolo, fraude, & machina-  
tione quibusque, ad vñionem Ecclesiæ, & finem imponendo schismati pro dolor, in Ec-  
clesia nunc vigenti, quatenus in nobis erit, laborabimus fideliter, & diligenter, quatenus  
ad nos pertinet: seu etiam pertinebit: & dabimus pastori nostro, & gregis dominici, ac vi-  
cario Iesu Christi Domino nostro futuro, qui erit pro tempore, auxilium, consilium, &  
fauorem: nec ad impediendum præmissa dabimus cōsilium, vel fauorem directe, vel in-  
directe, publice, vel occulte. Et ista omnia, & singula, & alia ultra præmissa omnes vias  
vtilis, & accommodas ad vtilitatem Ecclesiæ, & vñionem prædictam eiusdem sane, &  
veraciter, sine machinatione, seu excusatione, vel dilatione quacumq; seruabit: & procu-  
rabit: posse tenus, quilibet nostrum: etiam si assumptus fuerit ad Apostolatū: etiam vsq;  
ad cel-



ad cessionem inclusiue per ipsum de Papatu faciendam : si dominis Cardinalibus, qui NAT:  
nunc sunt, vel erunt in futurum, de iis, qui sunt, nunc vel maiori parti eorundem, hoc, pro CHR:  
bono Ecclesiæ, & vnionis prædictæ videatur expedire.

Libentibus animis ad illius iurisiurandi formulam accommodatis, A. D. IV. K. O.  
ctob. omnibus suffragia ferentibus, & ea, vt mos est, scrutantibus, atque executentibus, in  
demortui Clementis locum Petrus Luna Cardinalis Aragonius, aduersās, atq; repugnās,  
quod ipse litteris ad Regem missis obtestatus est, creatur: atq; sufficitur. Benedicti XIII.  
nomen edidit. Litteræ dignæ visæ sunt, quæ hoc in loco adponantur.

BENEDICTVS Episcopus seruus seruorū Dei carissimo in Christo filio Iohanni Regi  
10 Aragonum illustri Salutem: & Apostolicā benedictionem. Mirabiles elationes maris hu-  
ius sæculi: magni quidem, & spatiosi: illic enim reptilia, quorum non est numerus, spiri-  
tualis videlicet monstra nequitia, quæ cum ipsum mare nauigantibus, portūq; salutis, re-  
mige fido petentibus formidabili congressione luctantur: densis nempe surgentibus,  
vndiq; ventis, horrida sælit tempestas: & exaltantur terribiliter fluctus eius: quod etsi  
semper sit turbidum, semper penitus inquietum, his tamen infauis temporibus, supera-  
bundantibus, ac exigentibus demeritis peccatorum, & dissensionum exitiosa discrimina,  
quibus inter se dissident, ac nō sine grauibus humanorum corporum stragibus, miseran-  
disq; cædibus debacchantur omnes fere Reges, & populi Christiani: præterque mala ce-  
tera vix enarrabilia, quibus miserabiliter conecitur totus Orbis, schismaticæ diuisionis  
20 in Dei Ecclesia superuenit discordia: cuius perniciosissimum diluuium catholica clima-  
ta nunc inundans nō modicam fidelium absorbit portionem. Mirabilior tamen in altis  
Dominus dominans potestati maris: ac motum fluctuum eius mitigans, & tranquillans  
Petri nauiculam, ipsius maris fluctuagis agitatam procellis, & variarum persecutionum  
allisam scopulis, timentemque cum Christi fidelibus, qui præfati diluuii clade territi, ad  
saluificum ipsius præsidium confugerant, tam seuis inundationibus prorsus obrui, tantaq;  
tempestate demergi semper à naufragii perditione liberat: & dum magis de suprema  
periclitatione formidat, tunc eam mirabilius, præter mortalium spem, erigit in sublime.  
Dumque naucleri sui, eidem pro tempore præfidentis ab hac luce migratio, pro mortali-  
tatis humanæ necessitate contingit, ne pro rectoris defectu periculum submersionis sub-  
30 eat, secundum exigentiam temporum, & inferiorum merita, ex ineffabili suæ bonitatis  
clementia prouidet successorem: nec semper ad tanti supportationem oneris satis ido-  
neum, sed infirma mundi eligens, vt fortia quæque confundat, vtque liquide pateat,  
quod ipse nauiculam ipsam per se constructam, suoq; sanguine pretioso redemptā per se  
ipsum regit: protegit, & gubernat. Et ne dictæ nauiculæ, inter tanta pericula, saluatio  
humanis adscribatur suffragiis, nonnunquam eius regimini præficit imbecillem: sicut  
nos homuncionem viribus debilem, ac insufficientē meritis, ad ipsius nauis clauum, suæ  
videlicet Ecclesiæ regimē sua dignitate vocando, fecisse noscitur his diebus. Felicis liqui-  
dem recordationis Clemente Papa VII. prædecessore nostro, ab huius terrestri incolatu  
miseriæ, nuper ad supera, sicut pie credimus, Christo vocante, translato, corporeq; suo,  
40 prout mos, & debitum exposcebant, honorifice tradito sepulture, Venerabiles fratres no-  
stri S. R. E. Cardinales, inter quos, & de quorum numero tunc eramus, in palatio Apo-  
polico Auinionenn. vbi dictus prædecessor vitā temporalem finierat, pro electione futu-  
ri Romani Pontificis congregati in humilitatem nostram, vtinam non exorbitante iu-  
dicio, concorditer, & vnanimiter, per viam scrutinii concordantes: nos tunc Petrum S.  
Mariæ in Cosmedin Diaconum Cardinalem ad summi Pontificii cathedram euexerunt.  
Verum nos gradus altitudinem, & oneris imminenti tantæ celsitudinis ascensori mo-  
lem, præsertim huius descendendi schismatis procelloso tempore, nobis in Cardinalatus di-  
uersarum legationum officio, experientia longē participio non ignotam attenta medita-  
tione pensantes, eligentium, & offerentium instantiæ, insufficientiæ nostræ imparitatem  
50 obiecimur: debilitatem nostram dictante conscientia, cum repetita multotiens relaxa-  
tionis supplicatione humiliter allegantes. Cum nec sic cessaret instans fratrum impor-  
tunitas eorundem, sed vim inferens nostro proposito Collegii iussus vrgeret, nos ex de-  
fectuum nostrorum conscientia diffidentes, de illius tamen confidentes omnipotente  
clementia, qui pacis, & vnitatis amator vtraque fecit vnum: ac diuersos parietes in se ipso  
angulari lapide copulauit: sperantesq; quod operi manum suarum dexteram porrigens,  
nos in tam profunda maris altitudine positum non relinquet, nostris, per fratres eosdem  
multiplicibus excusationibus non admissis, nec lacrimosis deprecationibus exauditis, ne  
mundi, graui bellorum multiplicatione diuulsi, potissime tamen Ecclesiæ sacrosanctæ  
schismaticæ pestis, nunc miserabiliter laceratæ dissidio, nostrum electioni prædictæ



NAT  
CHR.

„denegando consensum discrimina negligere cēseremur, quanquam iniuncti onerismo-  
 „lem insufficientia nostra diffugeret, de superabundanti tamen plenitudine misericordiæ  
 „Dei nostri consili, & nostræ imbecillitatis subiecimus imperfectum: ac debiles humeros  
 „Apostolicæ superposuimus seruituti. Incussum vero menti nostræ, de tantæ molis graui-  
 „tate formidinem non mediocriter minuit, & ad eam subeundam minus timidos nos effi-  
 „cit ea, quam de sublimitatis tuæ, ceterorumque Catholicorum Principum potenti iuu-  
 „mine, circa præacti totalem extirpationem schismatis, & procurandam ecclesiasticam  
 „vniionem: opportunosque fauores nouis in his, & aliis impendendos principaliter post  
 „Deum gerimus, firma spes, ac confidentia specialis. Nos enim ad sedationem schismatis,  
 „& procurandam pacis, ac vniionis huiusmodi animum regium, non modo relatibus, tu- 10  
 „isque, & alienis scriptionibus, sed ex colloquutione seriosa inter nos, & te, dum in paribus  
 „regni tui, legationis Apostolicæ fungeremur officio, super hoc sepius habita, à certo sci-  
 „mus voluntarium, & intentum: ad quæ nos etiam, sicut officium vrguet assumptum, mo-  
 „dis omnibus possibilibus intendere, ceteris omisissis proponimus, ac toto conamine labo-  
 „rare. Quare serenitatem tuam attente rogamus, ac per Dei misericordiam obsecramus,  
 „quatinus pensato perpensus, quantum supernæ retributionis præmium, quantum etiam  
 „humanæ laudis acquires præconium, si Ecclesiam, tam dubie nunc nutantem, nosque  
 „ipsius ministrum, qui de præfato regno tuo traximus originem, adiuues: & ad ipsius vni-  
 „onem, cum fidei sinceritate labores: cor nostrum filialis affectionis exhibitione lætifices: &  
 „ad instar claræ memoriæ progenitorum tuorum, per quorum potentiam, ac operam effi- 20  
 „cacem Ecclesia semper hætenus fuit in suis necessitatibus mirifice releuata, nunc accin-  
 „gatis ad opus: ac tuum præfatum, sanctum vtiq; piūq; propositum, prout Deus permise-  
 „rit, ad executionē deducere non postponas. Nunc itaq; carissime fili exurgens miserearis  
 „Sion: quia tēpus miserendi eius: quia nunc, ut credimus, opitulante Domino venit tempus.  
 „Insuper etiam amantissime fili potentie tuæ subsidio, in his quæ ad robur sunt ecclesiasti-  
 „cæ libertatis, impositi nobis oneris quæsumus alleues grauitatem: ut per hæc, apud Regē  
 „æternum, & temporalis prosperitatis augmentum, & perennis coronam gloriæ merearis:  
 „nosque in te gaudentes, benedictionis filiū, & salutis reperisse ministrum: eaq; quæ ad ho-  
 „nozem, commodumq; gloriosi sceptri tui redundare censuerimus, fauorabilius prosequi  
 „teneamur. Dat. Auenion. V. Id. Oct. Pontificatus nostri anno primo. De curia, Siffredus. 30

Illo ipso die Auenione Benedicto Pontificium diadema imponitur: nullaq; ab Ara-  
 goniz, & Castellæ Regibus fit mora, quin illi pareant: & eius obtēperent, obediantq; san-  
 ctionibus. Vt Ecclesiæ partes distractæ capiti cohæreant, & in pristinam concordiam re-  
 ducantur, Auenionensis, & Ferdinandus Peresius Caluillius Turiasonensis Episcopi à  
 Benedicto ad Francorum Regem, & Marchionis Salassorum filius, Cardinalis Salassi fra-  
 ter, frater itidem Cardinalis Agrifolii, & Gaufridus Boillius, qui Auenione legationem Re-  
 giam obierat, ad Aragonium Regem legantur.

Turbidis procerum Castellæ, concitatisq; motibus, cum ex pueris Henricus Rex non  
 excessisset, neq; gubernacula regni prenidisset, Alfonsus Ripacurciæ Comes, cuius Hē-  
 ricus Rex auus tot, & tanta merita habuit, Connestabuli magistratu, & Viliens ditionis 40  
 statu deiicitur: ea ab aduersariis causa illata, è republica non esse, tam opulentam, & late  
 parentem ditionem à præpotenti viro, & ex stirpe Aragoniz Regum prognato possi-  
 deri.

Iohannes Biturigum, & Aruernorum, & Philippus Burgundiz Duces Caroli vi.  
 Francorum Regis patrui, & Ludouicus Aurelianensis Dux frater germanus Auenionem  
 contententes à Benedicto vehementer expostulant, vt summo Pontificatu se abdicet:  
 magna; ob eam rem commotio in vrbe est facta. Iohannes Cambrillacus ex intimis  
 Francorum Regis administer ad Regem missus, de vetustis foederibus confirmandis, &  
 Christiana republica dilacerata in antiquum statum restituenda, vt in vnum, & idem sa-  
 crum corpus confluat, ac redigatur, legationem renuntiat. Ad hæc retulit, cum magno-  
 pere matrimoniorum vinculis, Regum amicitiz artius obstringantur, & ea inita ratione 50  
 data opera fuerat, vt Iohanna Iohannis Francorum Regis soror, quæ in via è vita excess-  
 rat, Regi nuberet, cupere Regem Francorum, vti Carolus Lebrelius eius consobrinus  
 Lebreti domini F. cuius ampla ditio, dominatusq; in Aquitania pollens, potensq; erat, quē  
 vnice diligeret, quod vna alti, educatiq; essent, Isabellam Sibyllæ Reginæ F. Regis sororē  
 ducat. Amice, ac beneuole ad ea responsum: sed de Isabella Lebretio in matrimoniū tra-  
 denda, illud in præfenti obstiterat: q; antea de ea Iano Lusiniā Antiochiæ Principi Ia-  
 cobi Cypri Regis F. collocanda, Rex pepigisset. Hęc tamen legatio vni tantum Benedicto  
 maxime infensa & aduersa erat: nam illo ipso tempore Villænsis Vicarius, homo Gallus  
 Riba-



Ribadésis Comes, & Thibaudus quidam ad Regem Castellæ, de Benedicto, ad summum Pontificatum abdicandum compellendo, legantur.

NAT.  
CHR.

Benedictus Ducibus patris Francorum regis, & fratri, qui ut abdicet, enixe contendunt, pollicetur: si quis congressus sibi cum aduersario fiat, operam daturum, ut certis viris, dignitate præstantibus totam eam controuersiam decidendam committant: qui verum Christi vicarium denuntient: eaque via, iurisiurandi vinculo, quo se, antequam designaretur, obstrinxerat, piam, æternamque pacem Christiano populo præstaturum. Duces in sententia perstant: ac sponderi contendunt, si Imperator, Angliæ, & Hungariæ Reges, aliique principes, & potentatus, qui alteri parti se addixerant, ita animati sint, ut ius, fasque alia via agnoscere nolint, nisi vterque abdicet, Benedictum abrogaturum.

Biturigum, Burgundiæ, & Aurelianensis Duces Auenione, Benedicto non salutato excedunt.

Dioscorus Patriarcha Alexandrinus Carcasonensis Ecclesiæ administrator, & S. Michaelis Abbas, aliquotque Parisiensis scholæ viri doctrina præstantes ad Regem legati Perpinianum concedunt. Summo illo opere Regem hortari non desinunt, si veram concordiam orbi Christiano constituere velit, resignationis ratio præferatur: quam Rex palam reiicit. Legatione obita in Castellam proficiscuntur. Dissidii præterea quædam haud levis inter Aragonium, & Francum Reges causa interuenit. Ricardo enim Angliæ Rege nuptias filię Regis, & Iolantis Reginæ atbiente, cum Regina parens, nisi Francorum Regis consobrinæ permissu Anglo collocandam renueret, & Francus iniquum esse iactaret, si consobrinæ filia hosti suo nubat, nuptiæque, eam ob causam disungerentur, Francus nulla interposita mora, impudentiæ ludibrio Isabellam filiam, nec dum nubilem Ricardo desponderet: paciscunturque, ut Aquitaniam ditio eius matrimonii filio, natu maiori cedat: condonaturque.

Pestifer, & funestus is annus ætare in Catalonia, & Valentino regno fuit. A Setabi ad Alcollum maior pestilentię vis, vulgarique contactu in homines morbi ingruunt. Rex in Bailem Maiorem insulam nobilem, & amœnam emigrat: atque in ea insula in Nouembrem mensem exactum residet: amœnitatem, & salubritatem secutus.

Rogerus Moncada à Rege, cum in Baleari Maiore assideret, Sardinia & Corsicæ præficitur. Cum is non exiguas copias traiecisset, Longosardum oppidum, quod Brancaleo xxxv. dies terra, marique oppugnauerat, obsidionis periculo liberat.

Iohannes Lusinianus Baruti dominus, Iacobi Cypri Regis fratris filius de nuptiis Iani Lusiniani Antiochię Principis, Regis Cypri natu maioris filii, & Isabelle, Regis sororis, quas iam collocauerat, coniungendis, ad Regem in Cataloniam legatur: quarum faciendarum causa Raimundus Periliosus Rotensis Vicecomes, & Raimundus Alamanus Ceruilionius in Cyprum legati missi fuerant.

A. D. V. Non. Mai. Ficariis Regina Iolans, penes quam summa rerum vertebatur, & cuius arbitrio omnia constituebantur, Guilielmum Coponium ad Regem Francorum, & Duces patruos, ac fratrem germanum legatum mittit. Is denuntiat, exposcitque ne sinant, ut copię, grauisque armaturæ equitatus, qui in Comitatu Valentino Viennensis regionis in æstiuis erant, in Ruscinonsem tractum transcendant. Periliosii, & Rotæ Vicecomes, quod ea manus fines appeteret, tumultuareturque, Benedicti, & Regis nomine, ne iter id suscipiant, potioribus donis, muneribusque auertere alio nititur: ne eius belli moles in Cataloniam transferatur: cum superiorum Regū virtute, & fortuna geri non posset.

Cum Rex in Foxano nemore, pomeridiana lustratione agrorum, ante Vrriolium Castellū in luporū venationem animū intederet, & immani excitata, & agitata lupa, cum eam insequitur, cohorruiisset, equo deturbatus mortuus est inuentus. Siue, quod vetustas credidit, eius ferę visus noxius sit, vocemque homini, quem Lupi priores intueantur, adimi: seu quod credibile est, immodica exercitatione, & graui, immoderatoque cibo obstupescita mente contraxerit animum, & letale, funestumque malum oppresserit: satis constitit, repentina morte, in ea venatione, Veneris die, A. D. XIV. K. Jun. interiisse. Is princeps summæ rerum parum consulens desidie, atque ignauie deditus, & vxorio imperio addictus, inglorius vixit: & acerbissimo casu morte est affectus. Ad Populeti sepelitur: & iusta regio funeri soluuntur.

Martino Momblanci Duci, cum hostes esset tota Sicilia insegurus, rem bene, & feliciter gerenti, & filium Regem perduellium Siculorum armis vindicati, Aragonię regna legitimo successionis iure deferuntur. Maria enim eius vxore præstantissima femina Barcinone assidente, atque adnitente Cataloniæ ordines, eorumque delecti viri regale nomen Martino Duci, magno assentientis populi applausu impartunt: iureque ad regnum asciscunt: fratre nullis superstitionibus liberis virilis stirpis, vita functo.



AT.  
CHR.

A. D. VI. K. Iun. Maria Momblanci Dux, quæ Iohanne Rege mortem obeunte, regale statim nomen vsurpat, commune, summumq; consilium cogit. Consiliis interfuere innicus Valterra Tarraconensis Antistes, Bernardus Pinosius, Hugo Anglesola, Rogerius Moncada, Michael Gurrea, Franciscus Aranda: qui illis temporibus prudentissimus, & sapientissimus habitus est, Bernardus Michael, Guilielmus Puiadas, Gerardus Palolius & Bernardus Zatrilla: ac de consilii sententia summæ rerum, & procuratori regni consulit, prouidetq;. Quod Iolans Regina prægnantem se esse relictam omni asseueratione confirmat, & obseruari partum decreuissent, quattuor assignantur ex ciuitate primariæ, optimatesque matronæ: quæ adhibeantur ad partum. Sed simulatione ea Reginam fuisse vltim statim apparuit.

19

## MARTINVS XXI. REX ARAGONVM.

Hugo Bagius Dertosanus Episcopus, Iohannes Folchius Cardona Cardonæ Comitis F. Emanuel Ragiadellus, Raimundus Zaua Barcinonensis ciuis, & Petrus Grimaldus ex Perpiniana ciuitate in Siciliam eius rei causa legantur, vt à Rege celerem eius redditum deprecantur.

K. Iun. Barcinone, de consilii communis sententia, libentissimis omnibus, plures procures, iurisque prudentes viri Regis Iohannis consilarii in arcem nouam includuntur: libetalibusque, & priuatis custodiis continentur: quod regnante Iohanne regia amicitia, legibusque, & iudicum maiestate ad quæstum, & libidinem abusi traderentur.

Tabulæ testamenti Iohannis Regis obsignatæ proferuntur: quo Martinus frater 29 Rex scriptus est: si nullis virilis stirps liberis superstitibus decedat. Iolans enim Regina conditionem spei, quam in aluo contineri ediderat, palam renuntiat. Iohanna Regis Iohannis natu maior filia Matthæi Fuxensis vxor, legitimo successionis iure prætento, se regni competitoricem proficitur: & armis ius persecuturam.

## FUXENSE

## BELLVM.

Antistites, procures, vniuersaq; Aragoniæ ciuitates propugnationi finium regni consulentes, Iulio mense Cæsaraugustam conueniunt. Martinum Momblanci Ducem, vt legitimum regni successorem agnosci, suscipique debere Olorensi Episcopo, & Proayro Matthæi Comitis Fuxi, & Iohannæ eius vxoris, qui regnum appetunt, legatis pronuntiant. Regalem potestatem, nomenq; Martino deferunt,

30

Iohannes Emporitanus Comes quod belli faciendi causa cum Fuxensi consensisse iudicaretur, captus in Casteluiniæ Rosanensis ditionis arcem contruditur: sed innocentia liberationem culpæ statim impetrauit. Omnium generum, atque ordinum consensu, qui Cæsaraugustæ mortuo Iohanne Rege conuenerat rerum stabiliendarum causa, A. D. VI. Non. Oct. in æde D. Francisci cōuenientes primo attestantur: quod qualicumque cautione & præparatione ad tuendam, & conseruandam ab hostilibus Fuxensis incursionibus rempublicam à se adhibita, præiudicium in posterum nolle fieri: quin comitate, liberalitate, & beneficentia sua id factum, gestum, prouisumque appareat: neue ob eam curationem admouendam, vsus, & instituta maiorum, aut leges, & communis libertas patriæ imminuta esse videantur. Omnes ordines Regni in A. D. Id. Oct. vt Cæsaraugustæ conueniant, hortantur: alioqui publicis regni rationibus, & eius incolumitati se, quibuscumque rebus possent, consulturos commonent. Eorum officiorum momenta, in ea conuersione rerum adeo insignia, & inlustria fuere, vt digni habiti sint qui eo in conuentu adfuere, vt eorum nomina hoc etiam in loco recenseantur: nam hi adfuisse regis commentariis traduntur: Garcias Ferdinādius Heredia Cæsaraugustanus Antistes, Iohannes Martinus Murillius Abbas Montaragonius, Petrus Ferdinandus Ixeritanus Montalbani, & Guilielmus Raimundus Alamanus Ceruilionius Alcanicii Præfecti, Petrus Ruicius Morius pro Ampostæ præfecto, Prior Rotensis, Abbas S. Fidis, Petrus Latro Vicecomes Villanouensis, qui Mancianeræ dominabatur, Lupus Simenius Vrræa, Ferdinandus Lupefius Luna, Iohannes Martinus Luna, Alfonsus Ferdinandus Ixeritanus, Petrus Ferdinandus Vergua, Franciscus Alagon, Petrus Simenius Vrræa Lupi F. Ludouici Cornelii, Artalli Alagonis, Iohannis Simenii Vrræa Atrosilii, Petri Galsarandi Castrensis, & Antonii Lunæ procuratores: nam absentium etiam ratio, non horum tantum procerum, sed & aliorum habita est. Ex militari, & ingenuorum ordine adfuere præsentibus Iohannes Simenius Cerdanus Iustitiæ Aragonum Præfectus, Guilielmus Palafoxius, Michael Gurrea, Garcias Lupefius Sefesius, Martinus Lupefius Nuza, & Ferrarius Nuza, Sanctius Gonzaluius Heredia, & Blascus Ferdinandus Heredia, Lupus Sanctius Ahüerius, Iohannes Perefius Lumbierius, Iohannes Perefius Casseda, Ferdinandus Simenius Gallucius, Raimundus Francia, Petrus Sanctius Latrasius, Iohannes, & Gutterius Veræ, Galacianus

50



cianus Tarba, Iohannes Lainius, Sanctius Orunius Sancti F. Gonzaluus Linianus, Fer- NAT.  
dinandus Sefelius, Berengarius Bardaxinus, Ferdinandus Diacius Pomarius, Andreas CHR.  
Martinus Peralta, Simo Arbea, Rudericus Lacunula, Iohanes Mercerius, Iohanes Ar-  
cainus, Iohannes Diazus Comina, Galceradus Castellaus, Aluarus Medranus, Ar-  
naldus Bardaxinus, Petr<sup>o</sup> Linianus, Gilbertus Rotundus, Raimundus Castanus, & Garcias  
Lupesi Pitillas. Ex Ciuitate Cesaraugustana, totius ciuitatis nomine interfuere 1x. Ciues  
Petrus Cerdan<sup>o</sup>, Iohanes Martinus Alfocea, Petr<sup>o</sup> Simenius Ambel, Martinus Sunienus,  
Dominicus Nagia, Antonius Palumbarius, Iohannes Tarba, Iohannes Artus, & Iohan-  
nes Capalbus: atq; ita comparauerant, vt tres Iurati Magistratus Cesaraugustani, & toti-  
dem procuratores, ac ciues adessent: & his ciuitatum, & oppidorum regionum procura-  
tores adiungerentur.

Matthæus Fuxensis, & Iohanna eius vxor, regnum ad se delatum contendentes, quod  
ita consentiente Petro Rege couenerat: vt Iohanne absq; liberis virilis stirpis vita functo  
eius natu maior filia regni heres esset: idq; appetere, atq; occupare conantes, auxiliis Ar-  
meniacensium, & Iohannis Biturigum Ducis Francorum Regis patru, & aliorum Gal-  
liæ procerum, magno comparato exercitu, A. D. V. Non. Oct., Arenensi Pyrenæi saltu m.  
grauis armaturæ equitū, & III. M. leuis armaturæ, quibus illa ætas Pilartorum cognomen  
dedit, copiis coactis, in Castella Vicecomitatū transgrediuntur. Ferraria valle in Villa-  
muri conuallem traiciunt: per saltuosa loca, & tramites exercitum ducentes. Eo ipso tem-  
poris momento variū impetus, & incursiones armorum ditione Castella, Cæretana,  
& Capfiri regione fiunt.

A. D. XVII. K. Dec. Fuxenses Camarasam vi expugnant. In eo certamine Raimun-  
dus Spesius, qui eius oppidi propugnationi præpositus fuerat, fortiter dimicans in hosti-  
um potestatem deuenit. Sub ipsis radicibus montium consedere: qua illis descensus erat  
in Aragoniam properantibus.

Martorellum, Castellum Rosanense, & arces, quæ Fuxensi, in ditione Castella  
parebant, quæ iuris erat Geraldæ Fuxensis matris, Regine Mariæ deduntur.

A. D. V. K. Dec. Cum Fuxensis exercitus Pyrenæi faucibus emerisset, & Sicoris flu-  
minis ripis inhæreret: & equitatus optimam llergetum, & fertilem regionem, atq; vberes  
campos incurreret, maleque à Catalano equitatu peditatq; esset multatus, inter Alguai-  
rum, & Almenaram eo consilio hostis substitit, vt Montionem, aut Barbastrum insignia  
regni Aragoniæ oppida castris obsideret: alteroq; eorum oppidorum expugnato, & com-  
munito, quasi arcem, ac receptaculum belli constitueret: quod ea regione Gallicis subsidii  
prope esset occursum. Inde ad Castellionem Farfaniæ castra facit. Petrus Vrgellitanus  
Comes ab Aragoniæ ordinibus, qui Cesaraugustæ conuenerant, bellicis, militaribusq;  
functionibus, & coactis copiis imperator præficitur. Nouembris mensis fine Fuxenses A-  
ragoniæ fines ingressi regale nomen, regiaq; insignia vsurpantes Barbastrum obsident:  
acerrimeq; oppugnant. Cum in vrbe partem irrupissent, arcem propugnatores singulari,  
& præstanti virtute retinent.

A. D. XV. K. Ian. magni terremotus in Valentino regno, & Castellæ confiniis, &  
montosis locis Dertosa usque fiunt: satisque constat plures turres, templaque, & Val-  
dignæ cœnobium Cisterciensis ordinis corruisse: terrasq; desedisse. Martinus Alpartilius  
eiusdem ætatis scriptor, in rebus à Benedicto gestis perhibet, in Algeziriensi Valentini  
regni agro, duos fontes putiscentes, cinerei coloris profluxisse: cælestesq; faces vias mi-  
roscq; terrores sereno iniectos.

Cum viz, aditusq; omnes à nostris obsiderentur, & Fuxenses, ex omni prouincia, &  
publico, & priuato comœatu prohiberentur, ac vi, ferro, & formidine opprimerentur,  
Barbastrum obsidionem destituunt. Postquā vident montibus, atq; hostiū copiis se vni-  
diq; clausos, Oscensi via, Montaragone, Bolea, & Aierbio montium lateribus commu-  
niti, cum ab Vrgellitano Comite peruellerentur, maleque multarentur, Luesia via pro-  
perantes, A. D. IX. K. Ian. Caparrosum Nauarræ oppidum contendunt. Inde desperata  
fuga Pyrenæo transcensu in Bencharnum traiciunt.

Insulæ Comes, & Vicecomes Caramanius Fuxensi addicti, Leonachi dominus, Ar-  
naldus Guilielmus Barca copiarum Galliarum ductores, & manus domini Fontinellis  
Fuxensium stipēdia merentes, cum in Palliarienses fines irruere niterentur, à Palliariensi  
Comite, & Rogerio eius F. Arnaldo Guilielmo Bellera, Francisco Erillio, & Vrgellitano  
Episcopo, ac Gerardo Guimerano præstantibus viris, qui ingentes armatorum copias, vt  
eos fines tueantur, coegerant, arcentur, & propulsantur.

Maria Martini Ducis vxore nondum regnum adeptæ, Gilaberto Scintillia ductore,



NAT.  
CHR.

ex Valentino regno, satis magnę equitum copiæ in Siciliam transmiserant. Petrus præterea Galcerandus Castrensis, ex primariis Aragoniæ proceribus auxilias Aragonensium militum cohortes adeo commode, & peropportune tulit, ut Drepanum urbem, pæne ex hostium manibus eripuerit: & eo subsidio Martinus Leontinum, Calatagironem, Plateam, & Ennam vi expugnauerit: & Nicolaus Peralta Comes Guilielmi Comitis F. & Leonoræ Iohannis Athenarum Ducis filiæ Regi se dediderit. Postremo cum Hugo Sanctapacius de equites transmississet, hostes, non ut antea insultantes, passim tota insula vagari: sed in castellorum, & montium, siluarumq; receptacula compelluntur: primariæq; omnes arces expugnantur.

Cum Artallus Alagon se pariturum Regi pollicitus esset, & Melitæ insulæ comitatu<sup>10</sup> donaretur, donumq; reiiceret, in vetere defectione perseverans insula exigitur. Ex eo gens Alagonia, quorum maiores in perdomanda, & armis subigenda Sicilia, & in ditionem stirpis Aragoniæ redigenda tam strenue operam nauauerant: quiq; tam late patentem ditionem, ac dominatū eo in regno sibi stabiliuerant, ad interitū, exitiumq; peruenit.

Bartholomæus Aragonius, & Fredericus eius frater Vinciguerræ Aragonii filii, summæ potentię, atq; auctoritatis viri in defectione permanentes, adeo is furor omnium animos infecerat, Camaratæ comitatu, & plurium oppidorum ditione eiiciuntur.

1396.

Et si Regis Iohannis mortis nuntio ad fratrem perlato, bellum Siculum confici visum est, tamen cum haud levis operæ esset, Siciliam tyrannorum armis vindicare, qui diu oppressas seruitute ciuitates tenuerant, reliquosq; imperio coercere: Rex cunctandum sibi<sup>20</sup> censet: dum regnum non modo armis, sed consiliis, & institutis filio stabiliat.

Rex Guilielmum Raimundum Moncadam Augustæ Comitem Melita insula donat: & Marchionis cognomine decorat: reputansq; magna in eum beneficia à se esse collata, regni gubernationi, & summi imperii procurationi vicarium præficit. Consilarii summæ rerum filio Regi admoventur, Petrus Serra Catanensis Episcopus, Franciscus Zagarriga, Hugo Sanctapacius, aliiq; ex Catalonia, & Aragonia viri optimates.

Id. Decemb. classe comparata, Rex Messanæ portu soluens in Sardiniam traiecit.

1397.

Caralitana arce, cum Rex Sardois rebus consulens, & rempublicam, militaremque expediens, diutius commoratus esset, Alguerium transuehitur: & pacatis, ut videbatur, rebus, de totius regni statu, dignitate, commodisq; omnibus sententiam ferens, in ea<sup>30</sup> vrbe, in A. D. II. Id. Feb. remanet.

Rege in Corsicam transmittente, ut suos in fide contineat, foueatque, Vicentellum Istriam Cinerchæ Comitem, & Iohannem Istriam eius fratrem, ceterosque eiusdem factionis, & Rocharum gentem, quorum perutilis opera, & insignis fidelitas fuerat, plurimis beneficiis afficit. Oppida, & arces, quæ in regia potestate erant, præfidiis, commeatq; muniuntur.

Ex Allatenfi Corsicæ portu, quo Rex in A. D. X. K. Mart. commoratus est, in Segonensem eiusdem insulæ portum traiecit: & in eo in A. D. V. K. eisdem primam navigationem præstolatur. Idoneam nauigandi tempestatem nactus in Galliam prouinciam classe appellit. Ex alto in ostium Rhodani inuectus Arelatem, & inde Auenionem A. D. 40 II. K. Apr. VII. actuariis nauibus præteruehitur. Magnifica, & gloriosa aulæ pontificiæ, ciuitatisq; ostentatione excipitur.

K. Apr. die Dominico, qui dies rosæ à summo Pontifice principi alicui Catholico donandæ dicatus est, eo sacro, & religioso munere, pietatis ergo Rex est impartitus: & de more manu gestans tota vrbe, sollemni pompa, summa specie, ac dignitate transuehitur.

Festo Dominicæ Resurrectionis die sollemnibus celebratis sacris, in maiori Pontificii palatii sacello, Rex à Benedicto suprema regni Sardinia, & Corsicæ iura, & summum dominatum recipit: sacramentoq; sancit.

Cum is congressus Regis cum Benedicto, colloquiaq; eo spectarent, ut pia, æternaq; pax sacrosanctæ Ecclesiæ, amplissimiq; sacerdotii consensus, & status priuatis commodis potiora ducantur: Rex Auenione ad Bonifacium Petrum Queraltum, & S. Cucufatis Abbatem legatos eius rei causa mittit: ut eum commonefiant, interesse reipublice communiq; salutis, ut æquis condicionibus, à tam funesto dissidio discedatur. Præterea ad Regem Francorum, cum iisdem mandatis Albertum Zatriliam delegat. Legationi tantis de rebus renuntiata Francus non aliud responsum dedit: quam aliam se pacti rationem non initurum, nisi qui de summo Pontificatu contendunt, abdicent: atq; resignent. Legati tum ab eodem Franco ad Benedictum mittuntur: diemq; statuunt, intra quam de suo iure decedat.

Cum



Cum Venceslaus Romanorum, & Bohemiæ Rex Benedicto se addixisset, & ei parere cœpisset: Francorum Rex in Germaniæ confiniis cum eo concreditur: ut à Benedicto obedientia auertat. Sed cum compositio tanti dissidii, sine summa difficultate, magnoque temporis interuallo constitui non posset, data Regi à Benedicto venia, A. D. V. Id. Mai Auenione soluit. Ligni sacrosanctæ crucis haud modica portione à Pontifice, amplissimi collegii permisso, pluribusq; aliis sanctorum reliquiis donatur. Ad Betulonem, haud procul Barcinonensi statione appellit.

Febr. mense proximo confessus ordinum regni Cæsaraugustæ rex, legatos ad Regem miserat. Insignes, & præstantes viri legationem obiere Garcias Ferdinandus Heredia Cæsaraugustanus Antistes, Petrus Ferdinandus Ixeritanus Montalbani Vclensis militiæ Præfectus, Lupus Simenius Virea, Ferdinandus Lupius Luna Mariæ Aragoniæ Reginæ frater, Garcias Lupius Sefesius: Iohannes Ferdinandus Heredia, Iacobus Hospitalis, & Stephanus Pentinas. Hi vniuersi regni nomine: ex Cæsaraugustana vero ciuitate tres iurati magistratus, & III. alii ciues seorsim legantur. Tam insignis legatio eam ob causam constituitur: quæ Regem commonefaciat, ut in Cataloniam appulsus, primo quoque tempore, nulla in loca diuertens, recta Cæsaraugustam contendat: neque regni negotia administret: quoad more, maxima in æde sacra Cæsaraugustana leges, fora, liberratemque suis legibus viuendi sanciat. Betulone A. D. II. X. K. Iun. hæc legatis agēribus, quamuis is mos insitus magis prisca institutis, & horrida initiorum regni seueritate, quam tot nationes, quæ in regis imperium, ac ditionem confluxerant, aut rerum status pati possent, neque visa esset, aut æqua, aut comis postulatio: præsertim, quod ante iurificandi sanctionem, & diadema susceptum necesse esset, complura munia à Rege & obiri, & administrari: benigne tamen ad ea, comiterq; responsum. Regem iactatione maris defessum, cum Barcinone paullum interquieuisset, profectionem maturaturum.

A. D. VII. K. Iun. Rex auito regno hereditate adepto, & altero opulentissimo, pluribus victoriis filio parto, Barcinonem ouans, & prope triumphans init.

Rex Barcinone in folio, regali ornatu sedens A. D. IV. K. Iul. publica sententia Mathæum Fuxensem Comitem, & Iohannam eius uxorem fratris filiam maiestatis condēnat. Castellboni Vicecomitatus, & alia oppida, atq; ditiones, quæ illis in Catalonia hereditate obuenerant, publicantur, fiscoque addicuntur. Id. Aug. S. Felicis vico ad Rubricati ripas sito, quo Rex amœnitate ad delectationē reuocatus secesserat, omni ratione Sardois rebus pessime affectis subueniendum vidēs, Rogerium Moncadam præstantis virtutis virum classi præficit: ut in Sardiniam primo quoque tempore nauiget: & Caraliatana, Polensis, S. Michaëlis, & Aqua frigidensis arces muniri imperantur. Cum Branca Leone Montileonis Comite, & Leonora eius uxore, & Mariano Arborensi Iudice filio indutias ut paciscatur, Francisco Iohannio S. Columbæ delegat.

Augusto mense Parisiensis scholæ confessus Auenionem nuntios mittit: qui Palatinis foribus libello affixo, Benedictum reiicientes, ad futurum, certum, & minime dubium Pontificem maximum prouocant.

Septembri mense Vitalis Blanius, & Raimundus Francia Pontificii iuris, sacrarumque sanctionum apprime peritus, Regis legati Salmanticæ, quo plures religione, & doctrina præstantes viri de dissidio ab Ecclesia extirpando consultaturi conuenerant: Hæc cum Castellæ Regem, à consilio cum Rege Francorum, ea de re ineundo, auertere conantur. Nam Francus summe sollicitus, ut abdicandi ratione suscepta, pacem Ecclesiæ conciliant. Salmanticensis confessus patres, delectique viri censent, è Christiana republica esse, si Benedictus, & Bonifacius ad colloquia, cōgressumque perueniant: ut inter se comparent, prouideantque, uti funditus tam exitiale dissidium ab Ecclesia Dei tollatur: diemque statuant, intra quam verus, & vnicus pastor Christi vicarius Catholicæ ecclesiæ constituatur. Sin vero id consequi nequeant, vterq; sibi summum Pontificatum abroget.

Cum Afri, Maurique prædones, regis classibus Sardo bello intentis, Hispaniæ oras depopularentur, & Torralbam, & Orpesam Dertosanæ diocesis oppida diripuisent: Benedictus prædicationem crucis, & sacri belli in triennium, in Aragonensi, Valentino, & Balearico regno, & Cataloniæ principatu indulget.

A. D. XII. K. Octob. Ferdinandus Peresius Caluillius Turiasone oriundus: & insigni literatura præditus Turiasonensis, Petrus Serra Catanensis Episcopi, Gaufredus Boilius Valentini in Cardinalium collegium à Benedicto cooptantur.

Quod vniuersa maritima ora Barcinone Auenionem vsq; magna pestilentia vis ingrueret, maiorq; collegii pars ea calamitate p̄mota, ab Auenione recessisset Benedictus in



NAT.  
CHR.

Sorgæ pontis vicum emigrat: & D. Luciz sacris peruigilationibus Berengarius Anglesola Gerundenfis Episcopus, Ludouicus Roberti Ducis Barenfis F. Iolantis Aragoniz Reginæ frater germanus Gallorum Reginæ consobrinus, & Bonifacius de Amannatis ex Pistorienfi ciuitate genus ducens iuris prudentiæ consultissimus in amplissimi sacerdotii numerum aggregantur.

Cardinales Galli, qui Auenione pestilentiz causa recesserant, à Benedicti imperio, ac nomine, quod abdicare renuit, deficiunt. Benedictus Auenionem regreditur.

Raimundus Bagius cum delecta militum manu subsidio à Rege in Siciliam mittitur: quod Siculi proceres multa turbantes seditionum vi agitantur.

Subita inundatione Hiberi, & Orbæ, qui immenso auctu refusi plana, ac iacentia stagnauerant, Cæsaraugustæ suburbanis magna ædificiorum, & hominum strages edita. Pons publicus Hiberi impositus est interruptus: & turris in medio fluminis aluo lapidea mole compacta diruitur.

Non. Octob. die Dominica Rex Cæsaraugustam regia pompa init. Illa ipsa die Iohanne Simenio Cerdano Præfecto Iustitiæ Aragonum assidente, Rex leges, fora, veterumque instituta, & mores patrios iurisiurandi sacramento firmat, atque sancit.

1398.

Rex festum Natiuitatis Domini diem Cæsaraugustæ concelebrat. Benedictus in Castro Pontis Sorgæ eisdem sollemnibus celebratis, A. D. XIV. Febr. Auenionem contendit: cuius faustum, felicem, fortunatumque aduentum dolose ordines omnes Auenionenses præfabantur: & ingenti honoris specie, & insigni pompa adhibita tamquam verum Christi vicarium innumeris laudibus prosequuntur.

A. D. II. Non. Mart. Cæsaraugustæ, conuentus in ipsam urbem in A. D. III. Id. Apr. à Rege indicitur. Quod die, quam ad conueniendum edixerat, præsidere nequit, in A. D. III. K. Mai conuentus dies producta est.

Constituta conuentus agendi die, Rex è solio regio, pro ara maxima Saluatoris, concione celeberrima, & grauissima nostrorum hominum optimam, & spectatissimam fidem suminis laudibus ad cælum effert: eorumque fidelitate, innumerabiles superiorum Regum victorias constituisse: & tot bellicæ laudis insignia, monumentaque fuisse parta prædicat: qui non minus fidei opera, quam armis imperium stabilierint. Postremo ad fidelitatis iurandum sancendum compellat: postulatque: ut in Martini filii Siciliæ Regis absentis verba iurent: eumque, & pro legitimo regnorum herede, & futuro Rege suscipiant. Libentissimis omnibus A. D. VI. K. Iun. ius iurandum patri, ac filio sancitur: cum antea Siciliæ Regis mandato eius nuntii spondissent, regnorum coniunctionem, copulationemque confirmaturum, conseruaturumque: & leges, fora, veterumque instituta, patriosque mores, illa ipsa in æde, assensione, & auctoritate sua comprobaturum, sciturumque. CXXX. M. florenorum eo in conuentu Rex donatur: ut ære alieno oppressum regum patrimonium, & effusum liberetur, retineaturque: & XXX. M. in sumptus regio condonatur.

Rege conuentum agente, aliquot Fuxensis equitum, peditumque copiz, Tardenensi Notho ductore, Sarazalio Pyrenzi saltu irruentes Aragoniz fines incurrunt: & improviso Thermas Vasconum oppidum irrumpunt: & arcem vi expugnant. Egidius Ruizius Lihorius regni procurator CC. grauis armaturæ equitibus, quos galeatos vocare assueuerat, & CCCC. sagittariis obuiam hosti occurrit.

Cum Ferdinandus Lupius Luna Regis affinis, magnis comparatis copiis, montosa Iaccetanorum loca, & aditus obsideret, hostes Thermarum oppido, arceque deserta, in Aquitaniam regrediuntur: neque multo post Fuxensis, nullis superstitibus liberis decedit.

Alfonfus Ferdinandus Ixeritanus, & Iohannes Martinus Luna Aragonii proceres factionibus partium inter se dissidentes maximas turbas faciunt.

Augustæ, & Intemelii Comites, aliique Siculi proceres defectionem struentes intestinum bellum moliuntur. Bernardus Caprera classe adornata, rebus pessime affectis subuenit: adeo in tempore subsidio externa auxilia adueniunt. Re prospere gesta Connestabuli Siciliæ imperatoria dignitas Iacobo Pratenfi, summæ virtutis, & regii sanguinis viro defertur.

Comite Augustæ vita functo, Antonius Intemelius, qui in Golisani comitatu Francisco patri successerat, & à Rege defecerat, Regi se addicit. Gerardus Carretus Sauonenfis Marchio in eo bello, Martino Rege imperatore meret. Carolus Francorum Rex consilio, & impulsu Biturigum, & Burgundiæ Ducum patruorum, & Ducis Aurelianensis fratris germani, & decreto, ac cohortatione vniuersitatis Parisiensis A. D. V. K. Aug. à Benedicti nomine, imperio, & dignitate, reiectione ad futurum indubitatum summum Pontificem interposita, deficit.

Augusto



Augusto mense Philippus Dalmatius Rocabertini Vicecomes Valentina, & Balea- NAT.  
rica classe actuariarum navium comparata, Tedelicium Bugiensis regni oppidum expu- CHR.  
gnat: diripitq;. Dum præda onusti raptim, turbateq; in naues se recipiunt, Hugo Angleso-  
la Balearicarum copiarum ductor mortem oppetit.

K. Sept. Dominica die Villanovæ diocesis Auenionensis oppido, Carolo Francorum  
Rege Benedicti causam deferente, & eius imperium ejurante, edictis regis promulgatur  
Antistites Galliarum, & ecclesiasticum ordinem à Benedicto descivisse. Postero die Car-  
dinales Galli, & eius nationis comitatus Auenione decedunt. Cardinales hi vrbe excessere:  
Petrus de Corfinis Florentinus Episcopus Portuensis, Guido de Maloesso Lemouix  
10 Prænestinus, Iohannes de Grangia Burgundio Ambianensis, Nicolaus Brancatius Nea-  
politanus Albanensis, Iohannes de Nouocastro Burgundio Ostiensis, Bertrandus Lemo-  
uix Episcopus Sabinensis Hierosolymitanus nuncupatus Episcopi: Guilielmus de Agri-  
folio Lemouix collegii Decanus, Leonadus de Giffono Siculus ex instituto Minorum,  
Iohannes Viuariensis Auxitanus tituli Sanctorum Iohannis, & Paulli, Petrus de Turreio  
Lugdunensis, Iohannes de Parma natione Longobardus Venetiarum, Iohannes Geben-  
nensis tituli S. Anastasie Vicecancellarius Viuariensis, Iohannes de Murolio Aruernus,  
Petrus Lugdunensis tituli S. Petri ad Vincula maior poenitentiarius Aniciensis, Guiliel-  
mus de Verzeio Burgundio Presbyteri: Hugo de S. Martiali Lemouix, Petrus ex Vernio  
20 Lemouix, Amadeus Salassus ex Salassorum Marchionibus, & Petrus Blauii S. Angeli Di-  
aconi Cardinales. Benedicto parentes, atq; obedientes permanent Martinus Zalua Na-  
uarrus tituli S. Laurentii in Lucina doctissimis studiis, atq; artibus præditus, Ferdinandus  
Pereus Caluillius Turiasonensis, Berengarius Anglesola Gerundensis Presbyteri, Gau-  
fredus Boilius, & Bonifacius de Amannatis tituli S. Hadriani Diaconi Cardinales. Busi-  
caudus Gallicarum copiarum ductor, Venexinio comitatu potitus, ad urbem properat: &  
A. D. VI. Id. Sept. festo die Natiuitatis beatæ Mariæ Auenionensi plebe concitata, & armis  
irrupente, Benedictus vrbe expulsus, in arcem compellitur: & à Busicaudo obsidetur:  
oppugnaturq;. Dum Benedictum ad deditionem cogant, omni tormentorum vi circum-  
labefactare, & cuniculos agere non desistunt. Cardinales, qui Auenione secesserant, ab  
obedientia Benedicti se subtrahunt: quorum defectioni Prænestinus, S. Martialis, & Au-  
30 xitanus Cardinales minime consensere: & S. Martialis, & Auxitanus ab eorū consortione  
desciscunt. Præsidio turris pontis Auenionensis duces à Benedicto Simon Saias, & Anto-  
nius Zorita præficiuntur: qua ingenti tormentorum oppugnatione labefacta pacto à pro-  
pugnatoribus deditur: cum illo ipso tempore Palatium Auenionense, quo se Benedictus  
abdiderat, vehementissime à Busicaudo, & Auenionensibus ciuibz oppugnaretur. Qui  
acerrime pro salute, & incolumitate Benedicti propugnantes fortem, ac strenuam ope-  
ram nauauerunt, ii fuisse foruntur: Ferdinandus Pereus Caluillius Cardinalis Turiaso-  
nensis, Petrus abbas S. Iohannis Pinnatensis, Gonzaluus Forcenius Bornales, Iohannes  
Romanus, & Hieronymus Ochon Benedicti cubicularii, Petrus Garcesius Cariniena,  
Simon Saias, Simon Lupus Embunus, Garcias Vera, Iulianus Loba, & Martinus Alparti-  
40 lius. Ex Cataloniæ Principatu cum Cardinale Gerundensi plures adfuere viri excellenti  
virtute præstantes: & Valentini regni Gaufredo Boilio Cardinali egregii propugnatores  
astitere Didacus Heredia Episcopus Segorbienis, Iohannes Prochyta, Gerardus Lanzo-  
lius, & Iacobus Coponius: inter quos Vincentii Ferrarii ordinis Prædicatorum, qui Bene-  
dicti sacris confessionibus admouebatur, insignis pietatis, & religionis sanctitas splendi-  
dissimo fulgore eluxit. A. D. IIX. K. Dec. festo S. Chrysogoni die indutiæ trium mensium  
inter Auenionenses: & Apostolici Palatii propugnatores sunt pactæ. Cum Aragonia clas-  
sis subsidio Benedicti rebus accederet, & in Rhodani ostium, atq; aditum proliceretur,  
adeo flumen exaruerat, vt actuariæ naues supra insulâ Valobregam, summa hieme trans-  
mittere non possent: adeoq; magnis tempestatibus hiberna nauigatione ad magnitudinē  
50 frigorum milites, & nautæ sunt conflictati, vt magna eorum pars fœde perierit.

A. D. XV. K. Decemb. Martino Siciliæ Regi ex Maria Regina filius nascitur: cui Pe-  
tri nomen editur.

Id. Apr. Cæsaraugustæ, in sacra æde maxima Saluatoris, Rex magnificentissimo ap- 1399  
paratu, ornatuque, & sollempni cærimoniarum pompa regium diadema suscipit: & sa-  
cro oleo à Garcia Ferdinandio Heredia Cæsaraugustano Antistite perungitur. Corona-  
to Rege, vexillum eius manu Alfonso Marchioni Villienæ, insignibus regis familiæ  
Ripacurciæ decoratum traditur: & pileo eius capiti imposito, Rex Gandiæ Ducem  
creat: eiusque decoris cognomine, atque dignitate, rerum gestarum gloria præstan-  
tem cohonestat.



D. Georgii die festo Reginae Mariae corona imponitur:

& sacro oleo inungitur.

NAT.  
CHR.

Cum hi ludi magna celebratione omnis generis hominum florent, & hilaritatis, & exultantis laetitiae omnia plena essent, ac summae voluptatis gaudiis ciues, peregrini, atque aduenae baccharentur, praepostero tempore, & perturbato ordine ferme miscentur: atque permutantur. Nam quod in Petrum Latronem Vicecomitem Villanouanum, qui Mancianerae, & Cieluae vallis regni Valentini dominabatur, cuius ditiones Aragonio foro, atque institutis nostris, ac legibus censebantur, & in eius homines subditicios Valentini regni Gubernator, & eius ciuitatis Iurati magistratus actionem extra id forum intendissent, & iniquo iudicio pressus Latro interdicto, & intercessione Praefecti Iustitiae Aragonum vsus, per ea interdicta se iudicio sili, & in dicto foro restitui oportere contendisset, & non modo ea interdicta respuerentur reuicerenturque, sed Valentini magistratus a Praefecto citati non adessent, aut in iudiciu venirent, quin immo iuris actiones, & locu Latroni reo constituerent, & eum, eiusque subditicios homines damnis, & poena multassent, & Praefecti apparitorem, qui ab eo missus erat, ut Latronis ditiones in regia potestate haberet, comprehendissent, & in custodiam tradidissent. Iohannes Simenius Cerdanus Praefectus, cum haec Iohannis regno accidissent, & dolentius conquererentur regni ordines, pro rei indignitate decreuit: ut Valentini regni legati, qui ad eam celebritatem conuenerant, pignoribus ablatis coercerentur: & non modo patiente, sed libente Rege, communis libertatis beneficio Latro ius suum obtinuit.

Rex cum Arcimbaudo Graiio Matthaei Foxi Comitis sororis viro, ad quam Fuxensis ditionis, & Beneharni dominatus hereditas peruenerat, ad pacis condicionem venit: & Vicecomitatum Castellboni tradi, restituique imperat.

Foedera cum Castellae, & Nauarrae Regibus superioribus temporibus inita sancuntur.

Legati Philippi Burgundiae Ducis, Francorum Regis patrui, sponsalia Ducis filiae natu minoris, & Petri Siciliae Regis filii paciscuntur. Ob eam causam in Burgundiam a Rege Gerardus Alamanus Ceruilionius est missus.

Benedicto circumfesso, & tam hostiliter in Auenionensi palatio oppugnato, afflicto, atque paene euerso Rex legatos ad eum, & Francorum Regem praemittit Abbatem Riuipullensem, Gerardum Alamanum Ceruilionium, Petrum Zaquam iuris publici, & Pontificii consultissimum, Petrum Marinum ex instituto Minorum Aragoniae provinciae ministrum sacris studiis, ac doctrinis, & canonicis institutionibus apprime eruditum, & Petrum Pontanum regiarum epistularum magistrum: Hi A. D. IIX. K. Dec. superioris anni Auenionem applicuerant: & Cardinalium, qui a Benedicto defecerant, & Auenionensium ciuium fide publica arcem ingressi Benedictum cohortantur, ut rerum omnium decertationem, omnem partem existimationis, ac spem dignitatis suae, & suscepta negotia concordiae, & coniunctionis Ecclesiae vnus Philippi Burgundiae Ducis Caroli Francorum Regis patrui fidei, potestatique, si publicae Orbis Christiani paci consultum velit, committat. Ea renuntiata legatione Benedictus anxio, & sollicito animo dubitatione aestuat: quod ad Aurelianensem Ducem de concordiae ineunda conditionibus Vicecomitem Rotensem legauerat: animaduertens eorum Principum, qui ei se addixerant, tantam incuriam esse, ut summa indignitate salutem, & incolumitatem suam deseruerint: & re perspecta Aurelianensis, ut se ab obsidione liberaret, iter ad Auenionem vna cum Rotensi Vicecomite direxerat. Suscepta tandem cum legatis difficili deliberatione, eo Benedictus recidit: ut causam Ecclesiae, ac suam potestati Regum, qui suarum partium obedientiam non abiecerant, committat: & si duorum Regum iudicio res transigenda erat, Francorum & Aragoniae Regum sententia decideretur. Sin autem Regis Francorum aegritudine, in insaniam enim dementia deprauatus inciderat, sententiam non ferret, vnus ex Ducibus Regis patrui, aut Aurelianensis ei frater germanus Regis nomine sententiam pronuntiet. Ea re constituta, legatis Lutetiam Parisiorum contendentibus, ac rem in iudicium deducere properantibus, Aurelianensis ex itinere rediit: & in eam pacem a consilio Regis Francorum deuentum est: quam ad verbum exprimere libet.

Primo: si propter reuerentiam Dei, & saluationem gregis Christi Benedictus praedictus velit acceptare viam cessionis, & promittere, quod intruso cedente, mortuo, vel aegroto ipse renuntiabit Papatu ad finem, quod eligatur vnicus, verus pastor, & vicarius Iesu Christi. & penitus dimittere viam facti, & abiicere a se gentem armigeram, quam secum habet in palatio, & alibi: tam in terra, quam in aqua, Rex procurabit, & faciet cum effectu, quod domini Cardinales sacri collegii, ciuesque, & habitatores ville Auenionensis a quacumque via facti cessabunt penitus: & omnino.

Item



Item etiam idem Benedictus teneatur promittere, & promittat, quod ipse directe, NAT. vel indirecte quouis modo non faciet, nec procurabit aliquid, per quod vnio Eccle- CHR, siæ valeat retardari: nec via cessionis quomodolibet impediti: & hoc etiam iurabunt per- sonæ quæ apud ipsum manebunt: quodque eidem Benedicto, si contrarium facere veller, non consentient: nec dabunt consilium: aut fauorem.

Item similiter promittet: quod quotiens expedierit, ipse ibit ad conuentum, seu cōgregationem: quæ fiet pro vnione sanctæ matris Ecclesiæ: vna cum illis, qui ad eundem ad conuentum, seu congregationem prædictam sunt, vel erunt ordinati: de parte, quæ obediuit felicitis recordationis domino Clementi VII. & eidem Benedicto.

10 Item mediantibus prædictis, quia dicti Ambaxatores præfati domini Regis Aragonum satis approbauerunt, quod ante quam aliquis pro parte domini Regis Aragonum reciperet ipsum Benedictum in sua regia, & speciali protectione, etiam cum domino nostro Rege Francorum prædicto oporteret primitus ipsum dominum Regem Aragonum adire: & per hoc bonum huiusmodi negotii posset multum differri, dictus dominus noster Rex obtulit eis: quod ipse recipiet personam ipsius Benedicti, & illorum, qui secum erunt, vsq; ad numerum centum personarum sine armis, cum eorum bonis omnibus in sua speciali custodia: seu protectione. Et ex nunc deputabit sibi personas notabiles ecclesiasticas, & seculares: qui ipsum custodient: associabunt: & honorabiliter tractabunt: in palatio: in quo nunc est: vel alibi: vbi eius mansio expediens, & honorabilis videbitur. De quo tamen loco promittet non recedere sine consensu Regum: qui sibi obediuerunt: & sacri collegii: & ad hoc dabunt operam de consensu suo, deputandi ex parte Regis: quantum fieri poterit honestius.

Item quod personæ, quæ cum ipso Benedicto, & ad eius seruitia manebunt, iurabunt, & promittent similiter: quod ipsum Benedictum non permittent à dicto loco recedere: nec ad hoc sibi dabunt directe, vel indirecte: auxilium, consilium, vel fauorem.

Item faciet Rex sibi, & illis, qui cum illo erunt, vsq; ad numerum centum personarum sine armis ministrare victualia: & alia necessaria eorum expensis honeste, sicut decet: & vna cum Regibus Castellæ, Aragoniæ, Nauarræ, & Scotiæ ad pacem, & vnionem Ecclesiæ habendam incessanter, quantum plus poterit, laborabit sic: quod per Dei gratiam in breui idem Benedictus, & ceteri omnes Christicolæ pacem Ecclesiæ se videre gaudebunt. Per prædicta tamen in nullo intendit Rex prædictus à conclusionem denegationis obedientiæ nuper per Ecclesiam regni sui, & Delphinatus recepta, in aliquo recedere: seu ab ea aliquo modo deuiare.

Item si Benedictus prædictus suprascripta facere velit, Ambaxatores dicti domini nostri Regis intrabunt palatium, ad loquendum cum eo super prædictis: & faciendam circa prædicta, quæ videbuntur necessaria: seu etiam opportuna: prouiso tamen: quod sibi reuerentiam Papalem non exhibebunt. Si vero concordare, & promittere noluerit prædicta, ingressus, & collocutio Ambaxatorum domini nostri Regis non videtur necessaria, nec honesta: & vt breuius prædicti Ambaxatores possint esse expediti, ex nunc Rex tradidit gentibus suis litteras suas super securitate prædicti Benedicti: & litteras etiam, per quas committet effectum dictæ securitatis: guardiamq; seu custodiam gentium, & bonorum suorum Archiepiscopo Narbonensi: & tribus Baronibus suis: videlicet Senescallo Bellicadri, & dominis de Casenatico, & de Volta: & etiam domino Georgio de Marle: Senescallo Prouinciæ: vel eorum tribus: aut duobus. Et ne ista causa Dei ducatur per dilationes frustratorias, prædicti Ambaxatores promittent, & iurabunt in ingressu palatii, non remanere ibidem ultra tres, vel quattuor dies.

10 Cum A. D. II. Non. Apr. Abbas S. Michaelis in Periculo, vt vocant, Maris, Guillelmus Tignouillæ, & Egidius de Campis sacre litteraturæ magister Francorum Regis legati cum legatis Aragonii Regis Auenionense palatium introissent, Benedicto responsum Regis Francorum obtulere: atque eo secessionem, vim, & contumelias, quibus oppressus erat, conquerente, neque lege, aut instituto more, sanctionibusve canonicis de rebus sacris iniquas legum condiciones à Principibus profanis sibi imponi: forti, & cōstanti animo respondit, vel mori satius esse, quam æternam maculam, ac labem suæ senectutis, & Pontificiæ dignitati inurere: sed vt rata ea haberet, auctoribus Cardinalibus Palatinis, suisoribus, & impulsoribus in animum induxit: & Pompelonensis, & S. Hadriani Cardinales, qui à ciuib; Auenionensibus attinebantur, captiui dimittuntur. Nihilo tamen minus arcta custodia in eodem palatio Benedictus circumuallatus continebatur.

Iohannis Galeacii Vicecomitis Ducis Mediolanensis legatus, de fœdere cum Rege sanciendo instat: idque Rex reiecit: nisi Siculi procures, qui à se defecerant, eius ditione



NAT.  
CHR.

expellantur: exterminenturq; Aragonia classis LXX. longarum, & oneratarum nauium, quæ sacro obeundo bello adornata fuerat, in Siciliam præmittitur: quod Ladislai Regis qui Neapolitano regno potitus est, vires maxime pollerent: & eius præstanti, florentique fortunæ ita plausum erat, ut Siciliæ regno imminere videretur: procuresq; omnes Siculi, quos Martinus Siciliæ Rex ultimo bello profligauerat, in Bruttios profugerat. Huic classi Petrus Marradas Valentinus, & Berengarius Tagamanentius Balearicus cum imperio præficiuntur. Ea classe in Siciliam appulsa, bellum conficitur: & vniuersum regnum Martinus Rex præstanti virtute, in suam ditionem, potestatemq; redigit.

Natio ex Allobrogibus religionis causa excita, & Alpes transgressa, lineo vestitu, capitibus obuolutis, ad talos amicti, faciem ciuitatum ex tota Italia commouent: poenitentiumq; modo vagantes Siciliensi freto non continentur: quin ingentem terrorem pacatis Siciliæ rebus incutiant.

1400.

Iolans Iohannis Regis F. in Galliam prouinciam à Raimundo Agaouto Reginae Mariae Aragoniæ auunculo Saltus domino, & Iohanne Maironio Ludouici Andegauensis Hierosolymitani, & Siculi Regis legatis Barcinone ad virum Regem deducitur. Proficiscentem Iacobus Pratenfis regio comitatu affectatur. Dos CLX. M. florenorum dicta est: & ne in patris locum hereditatem regnorum, se vlllo tempore adituram sperare audeat, aliorumve bonorum, quæ hereditario iure obuenire poterant, A. D. IV. Id. Octob. hereditatis obeundæ ius abrogat: atq; de suo iure decedere contestatur.

Robertus Baiohariæ Dux Palatinus Comes Rheni, Roberti Adolphi Baioariæ ducis filius, Adolphi Palatini nepos, & Rudolphi senioris, qui frater Ludwici III. Cæsaris erat, pronepos (iste Cuspiniano) matre Beatrice Fridrici Regis Siciliæ filii genitus fuit. Ego Petri secundi Siciliæ Regis Robertum hunc nepotem fuisse arbitror. Is igitur, Venceslao Imperatore & Bohemiæ Rege ob ignauiam, atq; socordiam in quo omnia ad præcipiè perfligata, atq; perditæ erant, ab Imperii gubernaculis reiecto, atq; demoto, ad Imperium adsciscit. Mense enim Augusto Maguntin<sup>9</sup>, Treuirësis, & Coloniësis Archiepiscopi, ac Baiohariæ Dux societare vel pmi, vel sceleris coeuntes Venceslao stabili, & certa possessione Imperii deturbat: & Baioharius in Venceslao locum sufficitur. Rex cõsobrino, nepotes enim ambo Petri II. Siciliæ Regis erant, q; eum ad Imperium euectum summa laus, & summa Germaniæ principum gratia profecuta esset, insigni proposita legatione, congratulatur. Virearum, & Lunarum factiones in Aragonia potentia, & viribus præstantes, magna partium coitione, seditioneq; concitata, principibus, atq; auctoribus Petro Sinenio Virea, & Antonio Luna, regnum diuexant: & amorum seditionibus perturbant.

Raimundus Agaoutus Saltus dominus, & Refortiatus Agaoutus fratris eius filius, Refortiatiq; fratres, quorum in Gallia prouincia late, longeq; potetia, ditioq; diffusa erat, Benedicto in arce Auenionensi incluso, plura oppida in eius verba adegere: & in Venetianum comitatum, magnis comparatis copiis bellum inferunt: & à mœnibus, & arce Auenionensi, ad vicinas, & Benedicto infestas vrbes bellum transferunt.

Henricus Castellæ Rex, qui à Benedicti imperio, & nomine, quod abdicare renueret, defecerat, Antistitesq; omnes & religione, & doctrina præstantes viros vnum in locum congregauerat, cum in consultationem res veniret: eorum consilio statuitur: sacrosanctæ Catholicæ Ecclesiæ dissidium vniuersali concilio indicto tollendum.

Rubinus Bracamontius Normannus Regis Castellæ legatus qui in Castellæ regno uxorem duxerat, & Guilielmus Molo Delphinus ex Regis Francorum intima familia, ut Benedicti incolumitati, & propugnationi consulant, fide publica à Rege Francorum, & Ludouico Aurelianensi Duce eius fratre tradita, Auenionensi arce incluso admouentur. Parent ea tempestate Benedicto, & eum obseruant inclusum alioqui, & constrictum Aragoniæ, Scotiæ, & Cypri Reges, & Allobroges. Andegauensis itidem, & Aurelianensis Franciæ Rege publico in consilio assidente obtestantur, & profitentur, se Benedicti imperio obtemperaturos.

A. D. IIX. K. Iun. Maria Siciliæ Regina: cum aliquot antea diebus Petrus eius filius spei extremum, & commune solatium mortem obiisset, è vita excedit. Ex eo Martinus Rex quem Maria testamento heredem fecerat, & suo iure, & patris Regis mandato regni Siciliæ gubernacula tractat.

1401.

Martinus Siciliæ Rex Iohannæ Ladislai Regis sororis nuptias expetit: dignitatis, & cõiunctionis plenas fore persuasus: eiusq; rei causa Ludouicum Ragiadellum Neapolim legat. Rex ab eo consilio filium deterret: constanti præsertim fama, Iohannæ sponsalia, cum Guilielmo Austriæ Duce Leopoldi Ducis filio esse contracta: & Ladislao, & Ludouico Andegauensi de regno inter se contendentibus.

Franco-



Francorum, Angliæ, & Nauarræ Regum Martinum Siciliæ Regem generum ex- NAT.  
poscentium legati Regem conueniunt: & Alturæ Segorbienſis agri oppido, Nouembris CHR.  
menſis fine nuptiæ Blanca Nauarri filiæ ſunt pactæ. Dos c. m. florenorum Aragonenſium  
dicitur: & a Benedicto affinitatis vinculo ſoluuntur. Earum nuptiarum cauſa Petrus Ser-  
ra Cardinalis Catanenſis à Martino Siciliæ Rege in Aragoniam præmittitur.

A. D. II. Id. Sept. Alſonſus Ruderici Salmanticenſis t. c. & Alſonſus Erguellus ordi-  
nis fratrum Minorum miniſter, Regis Caſtellæ ad Benedictum legati Auenionenſe Pa-  
latium ineunt: ac bonam ſpem Pontifici iniiciunt Henricum Regem, qui à Benedicto in-  
ductus, atq; impuſione Petri Frię Cardinalis Hiſpani deſciuerat, eius ſe nomini, ac ditioni,  
10 & poteſtati, ſacrisq; ſanctionibus addicturum: pariturumque.

A. D. XIII. K. Feb. Martinus, & Carolus Aragoniæ, & Nauarræ Reges confiniis re-  
gnorum inter Mallienem, & Cortes oppida congregiuntur. Rex Cortes Nauarræ op- 1402.  
pidum introit. Poſtero die in iſtis ſinibus Blanca nurus Regi traditur: & in Valentinum  
regnum deducitur.

A. D. VII. K. Sept. Ludouicus Antegauenſis Siciliæ Rex Auenionem veſperi con-  
tendens, Benedictum obſeſſione oppreſſum inuiſit: & in palatio vna ſunt prænſi: in quo  
Rex pernoctauit. Cum ſe Pontifici ſupplicem profiteretur, ad pedes iacens iurifiurandi  
ſacramento Neapolitani regni iura propria, ac legitima vti Eccleſiæ ſubditicius, reuinctis,  
& conſtrictis more pollicibus, fideliter ſancit: ſeq; ac Carolum Principem Tarentinum  
20 fratrem germanum Benedicti nomini, atq; poteſtati addicit.

Septembri meſe Bernardus Caprera claſſi regiæ præfectus Blancam Reginam ad  
virum, in Siciliam deducit.

Cum diſſidia, factioneſque Lunarum, & Vrræarum, Gurrearumque in Aragonia  
magno motu vigerent, & armis decerneretur: vt pacatæ, tranquillæque ciuitates graſſa-  
torum conatibus obuiam ire poſſent, earum coitio, populorum libertate abrogata, fit: at-  
que inter ſe comparant: qua ratione graſſatores, ſicarios, atq; latrocinantes armis perfe-  
quantur. Sed quod tot incommodis, id vnum remedium leue videretur: & maiore impe-  
rii vi coercendi eſſent, Rex Valentia A. D. VII. Id. Sept. Alſonſum Dianienſem Comi-  
tem, Alſonſi Gandiæ Ducis filium regia cognatione ſibi coniunctum procuratorem re-  
30 gno præponit: & vicarium: vt quoad Valentino in regno demoratur, imperatorio ducis  
munere deſungi poſſet. Ea res plurimum Aragonenſes excitat, atq; commouet: liberta-  
tem in eo minui arbitantes: & ad Iuſtitia Præfectum prouocant. Ad id munus exteræ  
nationis virum neq; in Aragonia natum, creari non poſſe contendunt: & nobilium diſ-  
ſenſione, & motu populi, armorumq; imperu maius excitatur incendium: ſeminaq; ma-  
lorum, quæ Martino Rege mortuo, illa ætas tulit, ſparguntur.

A. D. II. K. Oct. Iacobus Pratenſis regni Aragoniæ Conneſtabulus, Iohannes Val-  
terra iuris ciuiliſ, & Franciſcus Blanius ſanctionum Canonicarum cōſulti, & Vitalis Bla-  
nius Aragonii Regis legati Auenionenſe Palatium ineunt: & cum & Prænſtino, & Salaf-  
ſo Cardinalibus, qui à Benedicto ſeceſſerant, coniunctionis conditiones feruntur.

Conſiliariis Regis Siciliæ, cum partium magna contentio in regno verſaretur, inter 1403.  
ſe diſſidentibus, & Bernardo Caprera Modicę Comite Margaritæ Peralta Calatabellotę  
Comitis nuptias filio ambiente, cum Siciliæ Rex Artallo Lunæ Ferdinandi Lupii auun-  
culi filio Margaritam tradidiſſet, Bernardus à Rege ſecedit. Vniuerſo regno in duas factio-  
nes diſciſſo, cum omnia armis miſcentur, atq; turbantur, ſatis conſtat Capreram à iuue-  
ne Rege, & amicis addicto pernicioſis conſiliis infectatum, exagitatumq; fuiſſe.

A. D. IV. Id. Mart. S. Gregorii feſto die, albente cælo Benedictus ex Auenionenſi  
arce, Iacobi Pratenſis, & aliorum legatorum conſilio, & Pompelonenſis Cardinalis, qui  
Arelate commorabatur, à Iacobo Pratenſi obſeſſionis, & oppreſſionis periculo ereptus,  
comitatu Pratenſis, & Franciſci Pacis, Iohannis Valterræ, & Franciſci Blanii, parata in-  
50 fra Rhodani pontem ſcapha in Reginaldi caſtellum, ad Druentia ripam IV. M. p. ab Aue-  
nionem ſitum emigrat. Ludouicus Siciliæ Rex eo loci A. D. II. Id. eaſdem Benedicto accur-  
rit. A. D. II. K. Apr. Auenionenſis ciuitas imperio ſe, ac poteſtati Benedicti, fauſtis ſignis e-  
ius laudis addicit.

A. D. III. Non. Maii Benedictus Carpentora cte ſe transfert.

A. D. IV. K. Maii Henricus Caſtellæ Rex ſollēni cærimonia Valleoleti Benedicto ſe  
pariturum pñuntiat: & eius ſacris ſanctionibus, nomini, ac ditioni ſe, regnaq; ſua ſubiicit.

Benedicto ex Auenionenſi obſidione erepto ea ſubito fit in Gallia rerum conuerſio,  
vt A. D. VII. K. Iun. Rex Carolus patruorum, & fratris conſilio, & de communis conſilii  
ſententia, omnes Benedicto obediētes, audientesque eſſe imperet.



NAT.  
CHR.

Cum Benedictus Carpentoracte in Sorgæ pontem regressus esset, A. D. III. K. Aug. Petro Lunæ Iohannis Marrinii Lunæ fratris filio Dertosanæ Ecclesiæ administratori Toletanam Ecclesiam, Petri Tenorii Antistitis obitu vacantem confert. Alfonso Exea ex Obilenfi Episcopo in Archiepiscopum Hispalensem promouetur.

A. D. VI. K. Nou. Martinus Zalua Cardinalis Pompelonensis, qui in Cardinalium collegium à Clemente cooptatus fuerat, ad Sellonem, quo Benedictus pestilentiz causa secesserat, decedit: & in cœnobio Bonipassus Carthusiensis ordinis sepelitur. Benedictus A. D. VI. Id. Nou. ex Sellonis castro Massiliam proficiscitur: primo vere in Italiam nauigaturus: ac præ se fert, se operam daturum, ut ecclesiastici ordines distracti in pristinam concordiam reducantur. In cœnobio S. Victoris magnificentissimo hospitio accipitur. Ludouicus Aurelianensis Dux Caroli Francorum Regis frater Benedictum Nouembri ex-  
acto, Tarascone inuisit.

Iohanna Iohannis Regis F. quæ Mathæo Fuxensi vita functo, nullis superstitiis liberis in viduitate, ac solitudine, in Elusatum ditione, manserat, à Rege honorifice, benigneque interuentu Iacobi Scribæ, qui eius rei ergo in Galliam legatus fuerat, recipitur: & Valentino in regno III. M. florenorum in singulos annos, in eius victum, cultumque à Rege suppeditantur. Neque vberiores redditus ei, quæ tot regna appetierat, assignantur.

Partium contentione, & potentium, ac factionum hominum audacia Valentina respublica conuellitur. Hinc Scintillarum, & Soleriorum nomina per vim, & factionem exultant: atque concitantur.

1404.

Iulio mense Petrus Rabanus S. Pontii Tomerensis Episcopus, Petrus Zagarriga Ecclesiæ Ilerdensis electus Antistes, qui ex Ilerdensi Episcopo in Innici Valterræ Tarracoenensis Archiepiscopi locum postea susceptus est, S. Facundi cœnobii Abbas, & Bertrandus Rodolfus ordinis fratrum Minorum minister, à Benedicto legati rei publicæ causa ad Bonifacium mittuntur: ut Ecclesiæ sanctæ negotium procurent.

Martino Siciliæ Rege bellum in Bernardi Capreræ Modicæ Comitissæ oppida, arcesque inferente, Caprera in Regis potestatem se, suaque tradit.

Vicentellus Istria Comitissæ Arrigi Roccæ sobrinus, cuius opes, copiarumque in Corsica insula late patebant, magnam eius insulæ partem in Regis ditionem potestatemque redigit. Cinerchæ arcis Garcias Latrasius præficitur.

Martino Lupio Nuza, & Petro Cerdano potentibus, & factionis viris armis dissidentibus, intra Cæsaraugustana mœnia crebræ cædes, & occisiones fiunt: eaque sit rerum commotio, ut Valentia Rex Maëlliam in A. D. VI. Iul. conuentum Aragonensibus indicare cogatur. De intestinis malis sine vilo tumultu, aut motu sedandis, à Rege refertur. In eo confesso, vnam in orbe terrarum Aragonensium nationum regio imperio fidelissimam haberi prædicatur: atque in omni fortuna perutilem semper Regibus eius gentis operam, atque fidelitatem fuisse: eosque veros esse Celtiberos: qui superesse prælio nefas ducerent, cum is occidisset, pro cuius salute spiritum deuouerant. Demum pollicetur accitu suo, se Siciliæ Regem filium arcessiturum: ut prouideat, præsensque animum intendat, qua ratione leges, institutaque maiorum facta testata ab omni vi, impressioneque conseruentur. Nam adepto, aditoque regno, graue id nimis regnandi impotentia, principibus visum iri: quod cetera regna, non ratione legibus parendi, sed repentina, maiore ex parte voluntatum inclinatione, gubernentur. Recte, atque ordine, exque republica tumultuantibus hominibus obuiam itum est. Iustitiæ Aragonum Præfecto priuatarum rerum cognitio, iudiciumque defertur: eoque administro, & cognitore ab armis discessum Factionum coitiones, seditionesque dirimuntur.

A. D. X. K. Oct. Romæ Benedicti internuntii, assidente IX. Cardinalium collegio, Bonifacium cohortantur, ut inter se comparent, prouideant que, ne quid detrimenti respublica Christiana patiatur: & eius rei causa, tutum in locum conueniant, congregianturque. Neque satis commodo, ut illis visum est, accepto responso, denuo ad congressum, colloquiaque cohortantur: Biduo tamen post Bonifacius moritur. Benedictus Massilia Nicæam nauigat.

A. D. IV. Id. Octob. nuntii Benedicti Cardinalium collegium in conclaue inclusum ab electione dehortantur: & paucis interiectis diebus Cosmatus Sulmonensis Cardinalis sufficitur. Innocentii VII. nomen edidit. Nuntii Benedicti à Præfecto molis Hadriani in arcem captiui traduntur. & v. M. nummorum aureorum redimi coguntur. Quemadmodum ea res acciderit Benedicti ad Venceslaum Imperatorem, qui se Benedicti obedientiam dicarat, exstant litteræ. Nam Robertus ad Imperium adscitus totum se Bonifacio addixerat. Visusque est Benedictus difficilem, & operosam concordiam viam polliceri:  
sim.



simplici abrogationis spe reiecta: nisi primo ipsi ad colloquia congregarentur: in qua NAT.  
sententia nimium pertinaciter quoad vixit, permansit. CHR.

Ianuario mense, Martinus Siciliae Rex Drepanitano portu soluens, in Sardiniam, 1405.  
& Corsicam nauigat. Contento cursu mox in prouinciam Galliam vela faciens, aduersa  
tempestate in alto iactatus, A. D. VI. K. Febr. ad Ramatuellam Galliae prouinciae statio-  
nem appellit. Benedicto mox annitente, cum eo, & Ludouico Rege, in Nicæensi portu  
congregitur. Martinus, & Ludouicus foedere adiunguntur. Sed cum ea pactio Galliae, &  
Aragonie Regibus insciis, neque re consulta, aut explorata, constituta esset, statim rescin-  
ditur.

10 A. D. III. Non. Apr. Martinus Siciliae Rex ad Barcinonensem stationem classem  
applicat.

Gerundensis, & Catanensis Cardinales A. D. VI. Id. Apr. duabus maximis actua-  
riis nauibus triremium instar Barcinone ædificatis, & instructis, quarum ductores, & nau-  
archi erant Galcerandus Marchetius, Antiochus Almogauar Barcinonensis ciuis Bar-  
cinone soluentes, Maii K. Nicæam applicauerunt. Nonis Maii Benedictus VI. actuariis  
nauibus, tribus Genuensium, & totidem Barcinonensium Genuam nauigat: & ex Cardi-  
nalibus Auxitanus, Viuariensis, Aniciensis, Catanensis, & Gerundensis presbyteri, &  
Xalantius, & Pompelonensis iunior diaconi ad eius comitatum accesserunt: nam reliqui  
Cardinales Gallici defectionis vitis infecti tenuis excusationis veniam impetrauerunt.

20 Ea die quod Nicæa classe in altum inuectus crebri, & vehementes fulgores, & tonitrua,  
iactusque fulminum, & maximi imbres effluxissent, portum Villafrancæ tenuit: & ad Mo-  
neciarcem, & Album Ingaunum, & Sauonam summo honore, ex Pontificia dignitate  
afficitur. Sauonæ Flisei Cardinalem, qui se Bonifacio bellum nostris inferens addixerat,  
eiurato schismate, offensionis, & inuidie venia data sibi conciliat. A. D. VII. Id. Maii Bar-  
cinone in veteri regia arce, constituta iura, scita, & priuilegia Barcinonensia à Rege Ca-  
talanis fanciuntur.

A. D. XVII. K. Iun. Benedictus Genuam, magna à ciuibus adhibita pompa introit.  
Prædicatio Beati Vincentii Ferrarii Valentini, ex instituto Prædicatorum Apostolici vi-  
rii & insigni sanctitate præditi ad omnes gentes celebratur. Complures impiarum gen-  
tium, & Iudeorum, Sarracenorumque nationes Christi fidem, pietatemque co perorante,  
30 profitentur. Neque diuinitate modo concionandi, sed multa diuinitus prouidendo san-  
cta apud omnes eius nominis veneratio fuit. Satis constat multa miracula edita: quibus  
caelestis fauor ostenditur. Cum sermocinaretur, Valentinum sermonem Græcis, barba-  
risque nationibus, & vltimis gentibus, tamquam patrium habitum, & expositum: & o-  
culorum tabe notis, manibus, pedibusque ægris, debilibusque, humana ope insuperabili-  
bus salubrem vim, integramque diuino nutu adhibitam: furibundis, & vesano dæmo-  
num spiritu concitatis placidam quietem restitutam. Neque conuersos tantum ad vsum  
artus, aut cæcis diem reluxisse, sed exanimes, & elatos feretro ad vitam reuocatos. Boni-  
facii quoque Ferrarii eius fratris ordini Carthusiensi præpositi ea, illo ipso tempore fuit  
40 summæ religionis sanctimonia, ac rerum diuinarum, & sanctionum Apostolicarum, iu-  
risque ciuilis scientia, ut nec illius virtutum aciem splendor fraterni nominis præstingue-  
ret: aut eius luminibus officeret sanctitatis altitudo, & gloria.

Cum procures Sicilia extorres absente Rege multa molirentur, neque cum Ladislao  
Rege satis firma, rataque amicitia esset: eadem classe Siciliae Rex A. D. XIX. Id. Augusti in  
Siciliae regnum renauigat.

A. D. XIX. Id. Octob. quod Genuæ pestilentia grassaretur, Benedictus Sauonam re-  
greditur. Petrus Serra Catanensis Cardinalis ea contagione infectus Genuæ decedit.

50 Nouembris mensis initio, longa naui Barcinonem appulsa, quattuor argenteæ statuæ  
auro gemmis, margaritisque interstinctæ, summoque artificio factæ, Benedicti dono in-  
uehuntur, Cæsaraugustamque perferuntur: quibus sanctorum Valerii, Laurentii, Vin-  
centiique, & D. Encratis reliquæ includuntur: quas hodieque sacris litaniarum lustratio-  
nibus, magnæque celebritatis festis diebus sollempni pompa, thesaurum vehiculis gesta-  
ri summa religione, pietateque videmus: & commertam tutelaribus diuis gratiam iustis  
honoribus, integra, incorruptaque mente, & voce persolui.

Petri Simenii Vireæ, & Antonii Lunæ magnorum procerum dissidentium, & con-  
certantium factionibus nobilitas omnis in partes scinditur: nouaque semper mala miscē-  
tur: & concitantur. Iurati magistratus Cæsaraugustani facinorosos è ciuitate exturbant:  
urbem muniunt: aditus, perugiaque factionum obstruunt. Iohannes Luxanus Vireana-  
rum copiarum ductor è ciuitate exigitur.



NAT.  
CHR.

Cum grauis, inimicitiiſque incenſa ſine intermiſſione contentio Bernardo Capre-  
ræ Modicæ Comiti, cum Sanctio Ruizio Lihorio impenderet, incurſionibusque ſeditio-  
num, & vi, impetuq; multitudinis Siciliæ regnum euerteretur, ipſiq; Regi periculum in-  
tenderetur, Caprera aulæ, & paulo poſt inſula pellitur. Lihorius, & Iohannes Ferdinandi-  
us Heredia, & Archiepiſcopus Panormitanus aulæ quoq; regia demouentur.

1406.

Martinus Alpartilius Dertofanæ Eccleſiæ Camerarius, & Innicus Pharenſis ordinis  
militiæ Hoſpitalis S. Iohannis Hieroſolymitani à Benediſto Sauonæ ad Martinum Sici-  
liæ Regem Februarii menſis initio Apoſtolici nuntii legantur: & Martio menſe Arago-  
niæ, & Nauarræ Reges Ilerdæ congregiuntur.

Benediſtus Sauonæ in ſacris feſti Pentecoſtes diebus Berengarium Angleſolam Ge-  
rundenſem Cardinalem Portuenſem Epiſcopum creat.

Vniuerſa Pariſienſis ſchola denuo à Benediſto Iunio menſe ſecedit: deſicitq; Bene-  
diſtus pedestri itinere Sauona vrbe Nolim proficiſcitur: & in Caſtellū Finarium ditionis  
Marchionis Carreti Cardinalis Flischi fratris filii Monæcumq; & inde Nicæam emigrat.  
Nicæa in Nouembrem menſem ſubſiſtit.

A. D. IX. K. Sept. Monæci arce Michaël tituli S. Georgii ad Velum aureum Pompe-  
lonenſis Cardinalis, ſenioris Cardinalis Pompelonenſis ſobriniſ moritur: & Nicæa in  
fratrum Minorum cœnobio ſepelitur.

Non. Nou. Innocentius Romæ moritur, Pontificiis comitiis pie, ac ſanctè à ſacro  
collegio Chriſtianæ reipublicæ paci, ac tranquillitati conſulitur: in eam enim ſententi-  
am prolata formula, in poſterum cautum eſſe voluerunt.

In nomine ſanctę, & indiuiduę Trinitatis Amen. Anno à natiuitate Domini noſtri  
„ Ieſu Chriſti MCCCXVI. indiſt. xiv. die Martiſ xxiii. menſis Nouembris in die S. Clemen-  
„ tis, Apoſtolica ſede vacante per obitum feliciſ recordationis domini Innocentii Papæ  
„ vii. congregati, & ad inuicem collegialiter coadunati pro futura electione futuri Ponti-  
„ ficis celebranda, inſcripti Reuerendiſſimi patres, & domini dominus Angelus Epiſco-  
„ pus Oſtienſis Epiſcopus Florentinus, Henricus Tuſculanus Neapolitanus, & Antonius  
„ Præneſtinus Aquileienſis Epiſcopi: Angelus tituli S. Potentianæ Laudenſis, Vulradus  
„ tituli S. Chryſogoni Melitenſis, Angelus S. Marci Conſtantinopolitanus, Iordanus tituli  
„ S. Martini in montibus de Vrſinis, Iohannes tituli S. Crucis in Hieruſalem Rauennas, &  
„ Antonius tituli S. Præxedis Tudertinus, præbyteri: Rainaldus tituli S. Viti in  
„ Macello de Brancatiis, Landolphus S. Nicolai in Carcere Tulliano Barrenſis, Odo  
„ tituli S. Georgii ad Velum aureum de Columna, Petrus S. Angeli, & Iohannes S.  
„ Coſmæ, & Damiani Leodiienſis vulgariter nuncupati diaconi S. R. E. Cardinales  
„ in capella comuni S. Nicolai ſacri Apoſtolici Palatii Romæ apud S. Petrum in-  
„ tra conclauem conſuetum, quam pro loco ad inſcripta idoneo elegerunt: & etiam de-  
„ putarunt, in præſentia mei Barronci de Piſtorio, & aliorum notariorum inſcriptorum  
„ & teſtium: Conſiderantes Chriſtianæ religionis infamiam, detrimenta, & graues fide-  
„ um moleſtias, ac pericula, quæ hætenus emerſerunt: & emergere verifiſimiliter eſt cen-  
„ ſendum, niſi ſalubriori remedio, ac in tempore diuina fauente clementia, cuius res agi-  
„ tur, occurratur, ex peſtifero, & damnabili ſchiſmate, quod tantis, pro dolor, temporibus  
„ in ciſſuram Chriſtianæ fidelitatis grauiffime perdurauit: & durat: nec per prouiſiones a-  
„ lias, pro eiufdem ſchiſmatis remotione per eos factas, effectum aliquem produxiſſe, ac in-  
„ tendentes ad remedia fortiora, non quidem iure pro parte ipſorum, iuſtitia ſuadente, q;  
„ ius veriſſimum eſt, & plena veritate fulcitum, ſed quod pro integratione, & vnitæ Chri-  
„ ſtianorum, ex malitia temporis de facto, & ſi non de iure eligentes, & in ſpeculam eorum  
„ cōſiderationē extollētes, quāti poſſet eſſe diſcriminis, ſi dilatio in electione futuri ſummi  
„ Pontificis fieret: temporum malignitate penſata vniuerſaliter ſinguli, & ſingulariter vni-  
„ uerſi vnanimiter, & concorditer nemine diſcrepante, ex certa ſcientia conuenerunt, vo-  
„ uerunt Deo, ac eius matri Virgini glorioſæ, ac ſanctis Apoſtolis Petro, & Paulo, toti; cæ-  
„ leſti curiæ iurauerunt: & ad inuicem vnus alteri, & è conuerſo ſe obligando ſollemniter  
„ promiſerunt: Quod ſi quis eorum aſſumptus fuerit ad apicem ſummi Apoſtolatus, pro  
„ integratione Chriſtianorum vnitatis renuntiabit effectualiter iuri ſuo, & Papatui: pure,  
„ libere, & ſimpliciter: ſi, & quando Antipapa, qui eſt, & pro tempore fuerit, conſimiliter  
„ renuntiabit: & ceder prætenſi iuri ſuo: & Papatui: ſiue decedat: dummodo Anticardina-  
„ les effectualiter velint cum eiſdem dominis ſacri collegii ſic conuenire: & concordare:  
„ quod ex hoc ſacro collegio ſequatur iuſte canonica electio vni ſummi Romani Ponti-  
„ ficis. Ac etiam ſe promittentes facturos, & curaturos omni dolo, fraude, ac mali-  
„ gna interpretatione ceſſantibus pro poſſe, quod ſi quis ex dominis abſentibus, vel  
„ de extra



de extra collegium per eos assumetur in Papam: eandem faciet obligationem. Ac quod <sup>NAT.</sup> infra mensem à die suæ inronizationis numerandum, per suas extensas, & Apostolicas <sup>CHR.</sup> litteras Regi Romanorum, Antipapæ, eius prætenso collegio, Regi Franciæ, & omnibus aliis Regibus illustribus, ac Principibus, Prælatibus, & Vniuersitatibus, & comunitatibus Christianitatis, secundum videre præfatorum dominorum de collegio, præmissa omnia indicabit: & ea omnia se offeret impleturum: & paratum ad cessionem modo prædicto: & ad omnem aliam viam rationabilem: per quā prædictum schisma tollatur: & vnionis sequatur integritas in Ecclesia Christianorum. Et quod super omnibus supradictis ultra præmissa suos sollemnes destinabit oratores, infra tres menses à die inronizationis prædictæ computandos, illis, quibus de consilio præfatorum dominorum sacri collegii sui videbitur. Et ipsis ambaxatoribus cum effectu imponet cum consilio eorum dominorum, de loco, seu locis decentibus eligendi ab vtraque parte: eisque potestatem plenariam dabit de loco conueniendi habili, & decenti. Ac etiam promittet similiter, ut præfertur, quod pendente tractatu vnionis huiusmodi effectualiter, & realiter ex vtraque parte, non creabit, nec faciet aliquem Cardinalem: nisi causa cœquandi numerum sui sacri collegii cum numero prætensi collegii Anticardinalium prædictorum: nisi ex defectu steterit aduersæ patris: quod vnionis præfatæ conclusio infra annum, à fine dictorum trium mensium computandum, non fuerit subsecuta. Quo casu eidem liceat Cardinales eligere: & creare: prout, pro statu sanctæ matris Ecclesiæ eidem videbitur conuenire. Et hoc de non creando Cardinales in forma congrua insinuabit Antipapæ: & eius prætensi collegio prædictis: ut ipse similiter sic faciat: necnon, quod omnia præmissa inchoata, & inchoanda mediabit, prosequetur, & sine debito terminabit: nihil de contingentibus, necessariis, & vtilibus, vel quomodolibet opportunis omittendo: quantum in eo fuerit. Eademque statim post eius electionem, & ante ipsius publicationem omnia, & singula supradicta confirmabit: approbabit autentico modo: & denovo similem promissionem faciet in omnibus: & per omnia: coram dictis dominis de collegio: testibus: & notariis: & subscriptionem faciet manu propria in instrumentis: prout infra de Cardinalibus continetur. Et consimiliter huiusmodi ratificationem, approbationem, votum, & promissum effectualiter faciet in primo consistorio publico, vel generali: quod post coronationem suam, ad hoc commodum, consueto, & congruo tempore celebrabit. Insuper præfati domini Cardinales fouerunt, iurarunt, & ad inuicem promiserunt: quod per suas litteras, infra mensem à die inronizationis prædictæ collegialiter insinuabunt de electione facta: & de voluntate, & promissione quo ad vnionem prosequendam: & omnia supradicta omnibus præfatis dominis prout, & sicut facere tenetur, qui erit electus. Ac etiam inchoata mediabunt, prosequentur, & finient quantum in eis fuerit: nihil de contingentibus, necessariis, & opportunis quomodolibet, vel vtilibus omittendo. Quæ omnia, & singula promiserunt inter se, ad inuicem, & vicissim: ut supra attendere, obseruare, facere, exsequi, & effectualiter adimplere: bona, pura, & sincera fide: omni dolo, & fraude cessantibus: & sic quilibet ipsorum iurauit corporaliter manu tactis sacrosanctis Euāgeliis corā eis præsentialiter positis seruare, adimplere, ac exsequi: prout superius continetur: quodque à prædictis promissione, voto, iuramenti præstatione, & obligatione, ac eius obseruatione, & omnibus, & singulis supradictis nullus eorum absolutionem petet: seu impetrabit: per se, vel alios: & impetratis, seu impetrandis utetur: & sibi concessa nullatenus acceptabit: nec data potestate per ipsum alteri, se faciet absolui: seu etiam secum in aliquo dispensabit: sed vellet perpetuo dicto vinculo remanere obligatus. Et nihilominus ad maiorem certitudinē, & firmitatē præmissorum, quilibet ex dominis de collegio supradicto teneatur se subscribere manu propria in omnibus, & singulis instrumentis cōficiendis exinde: quorū instrumentorum quilibet ex ipsis dominis de collegio vnum, vel plura habere valeat, pro eius arbitrio voluntatis. Actum in Capella præfata præsentibus venerabilibus, & circūspectis viris dominis Frācisco de Duce Apostolicæ cameræ clerico, Iacobo de Caluis, & Petro de Sacco Canonicis Basilicæ Principis Apostolorū de vrbe: & multis aliis in instrumentis cōtētis. Ego Banotus Philippi de Pistorio litterarum Apostolicarum scriptor, & abbreviator publica, & Apostolica auctoritate notarius, &c. Et sic omnes alii notarii. Ego Angelus Episcopus Ostiensis Cardinalis Florentinus sicut præmittitur voui, promisi, iuraui, & in testimonium me manu propria subscripsi. Et sic reliqui successiue duodecim Cardinales nominati se subscripserunt. A. D. II. K. Dec. Angelus Corrarius Constantinopolitanus Patriarcha Venetus Cardinalis, vir insigni doctrina, & religione venerandus, & ab amplissimi sacerdotii collegio



optimus, & selectissimus vir iudicatus, & qui in Bonifacii Pontificatu in Ecclesia con-  
iunctione, ut prodesset, summe elaborauit, in Innocentii locum sufficitur. Gregorii XII.  
nomen edidit: & decretum ab vniuerso collegio constitutum hac formula stabilivit.

» Anno Domini mccccvi. Indict. xiv. die Mercurii prima die mensis Decembris,  
» hora xii. noctis eiusdem diei Sanctissimus in Christo pater, & dominus noster dominus  
» Gregorius diuina prouidentia Papa XII. secunda die creationis suæ sua spontanea, & li-  
» bera voluntate, in præsentia Reuerendissimorum patrum dominorum Cardinalium,  
» notariorum, & testium intus in isto instrumento contentorum, & in Palatio, ac Capella  
» præfatis, & intra dictum conclaue ratificauit, approbavit, & firmavit, ac de nouo vouit,  
» iuravit, & promisit omnia, & singula, quæ in isto instrumento continentur, tenere, serua- 19  
» re, prosequi, & effectualiter adimplere, & finire: nec in aliqua sui parte contrahere. De  
» quibus omnibus, & singulis præfati domini Cardinales, & ipsorum quilibet petierunt  
» per me Stephanum notarium, & quemlibet aliorum notariorum rogatorum fieri vnum,  
» & plura publica instrumenta.

» Ego Gregorius XII. hodie vltima die Nouembris mccccvi. assumptus in Romanum  
» Pontificem, hic ut præmittitur, iuro, voueo, promitto, ac confirmo omnia supradicta.

Eare constituta, litteris ad Benedictum missis recipit, polliceturque se Pontificatu ab-  
dicaturum, si Benedictus eiuret: neque quemquam in Cardinalium collegium coopratu-  
rum: ut duobus collegiis æquo numero aggregatis verus, ac minime dubius Christi Vica-  
rius deligatur. Litteræ Pontificiæ maxime dignæ visæ sunt, quæ palam vniuersis, & ge- 20  
neratim singulis proponantur.

» GREGORIUS Episcopus seruus seruorum Dei Petro de Luna, quem nonnullæ  
» gentes in hoc miserabili schismate Benedictum xiii. appellant, pacis, & vnionis affectu.  
» Qui se humiliat, inquit veritas, exaltabitur: & qui se exaltat, humiliabitur: cuius saluber-  
» rimam monitionem, quanto nobis ex alto permittitur, obedienter secuti, decreuimus  
» per litteras nostras, omni contentione seposita, benigne te affari: & ad redintegrationem  
» Ecclesiæ cohortari: immo te inuitare ad id consilium capeendum: quod nos ipsi pro pa-  
» ce Christianorum accepimus. Vides quanta mala: quanta pericula, quanta incommoda,  
» quanta denique Christianæ religionis infamia iam per triginta annos, ex hac pestilenti, &  
» nefaria seditione, in populo Dei peruenerint: quantaque, nisi prouideatur, sint quotidie 30  
» prouentura. Horum omnium malorum qui causa ab initio fuerint, certum videtur: qui-  
» bus rigor iustitiæ non cessit: nec forsitan æquitas persuasit. Nihilominus tamen graues  
» molestias Christianam religionem perpeßam non dubitatur. Si ergo quoque nunc eodẽ  
» modo fiat, debius est remedii locus: quominus Ecclesia in solis remaneat angustiis:  
» in qua retu, de te ipso, ac de conscientia tua videris. Nos mentem nostram, atque inten-  
» tionem apertissime profitebimur. Non est consilii nostri tempus aliquo modo terere:  
» sed quo validiora, certiora, & firmitiora sunt iura nostra, tanto laudabilius ducimus ea pro  
» pace, & redintegratione Christianorum relinquere. Non enim semper de summo  
» iure disputandum est: sæpe rigor ipse vtilitati, & tempori cedit. Nam si mulier illa & iuri  
» suo renuntiare, & proprio filio spoliari se voluit, ne sectionem vnus pueri videret: quanto 40  
» magis nobis, si malicia operante, ad optatam vnitatem venire non possumus, per iustitiæ  
» vias pie cedendum videatur. Quare exurgamus ambo in vnum vnionis affectum: con-  
» curramus: feramus salutem Ecclesiæ hoc diuturno morbo afflicta. Ad hoc te hortamur:  
» ad hoc te inuitamus: paratique sumus, & offerimus nostro verissimo iuri, & Papatui cede-  
» re: & renuntiare: & efficaciter faciemus, si, & quando tu renuntiabis, & cedes præten-  
» sis iuri, & Papatui tuo: vel decedes vel quicumque successor tuus renuntiabit: & cedit præ-  
» tensis iuri, & Papatui suo: vel de cedit: dummodo illi, qui apud partem tuam, pro Cardina-  
» libus se gerunt, sic conuenire, & concordare cum venerabilibus fratribus nostris S. R. E.  
» Cardinalibus velint cum effectu: ut exinde canonica vnici Romani Pontificis sequatur 50  
» electio. Itaque, ut prædicta expeditiorem sequantur effectum: celeriter mittemus oratores  
» nostros: qui tecum de loco habili, & decenti ad huiusmodi rei confectionem disponant.  
» Et insuper pendente huiusmodi vnionis tractatu, non faciemus, neque creabimus ali-  
» quem Cardinalem: nisi forte causa ad æquandi numerum fratrum nostrorum: cum  
» numero illorum, qui apud te pro Cardinalibus se gerunt: ut sic pares ex utraque parte ad  
» sollemnem, & canonicam electionem vnici Romani Pontificis deuenire possint. Extra  
» hunc autem coarctationis casum nullum, ut dictum est, Cardinalem creare decerni-  
» mus: nisi ex defectu tuo, vel partis tuæ exstiterit: quominus vnionis præfatæ conclusio in-  
» fra annum, & tres menses, à die inthronizationis nostræ computandos, fuerit subsecuta.  
» Hoc autem quod de non creandis Cardinalibus, tractatu huiusmodi pendente diximus,  
ita lo-



ita locum habere intendimus: si tu quoque idem obseruaberis. Hanc vero oblationem, " NAT.  
& insinuationem de Cardinalibus non fiendis, ac superiorem oblationem renuntia: " CHR.  
tionis, modo prædicto, ut strictiori vinculo fierent, iurauimus, vouimus & promissimus "  
ante electionem nostram: eodem vinculo efficaciter implendas cum singulis ex nostris "  
fratribus antedictis, in casu, quo aliquis nostrum ad apicem Apostolatus esset assumptus, "  
post ipsam assumptionem, id ipsum, ad firmiorem constantiam, denuo iurantes, vouentes, "  
promittentes, atque ratificantes. De hoc autem, quod bulla sine impressione nostri "  
nominis est appensa, præsentium nullus debeat admirari: nam ante nostræ coronationis "  
sollemnia, vsus præfatæ bullæ cum huiusmodi impressione nominis non habetur. Da- "  
tum Romæ apud S. Petrum die XII. ab assumptione nostra: XI. vero Decembris Anno à "  
Natiuitate Domini MCCCVI. Zucarus.

A. D. IIX. K. Decemb. Sibylla Fortiana Regina Barcinone mortem obit. In D. Fran-  
cisci cœnobio regio tumulo infertur.

Rege Francorum annitente, ut Benedictus Pontificio, palatinoq; comitatu in Gal-  
liam regrediatur, quod Italiæ ciuitates, potentatusque magnis pollicitationibus ad se se  
eum pellicerent, Massiliam A. D. II. Non. Dec. appellit. Adeo magnæ Valentino Baleari-  
coque regno tempestates sunt coortæ, ut nunquam illis locis maiores aquas fuisse con-  
staret.

Festo Natiuitatis Domini die Henricus Castellæ Rex, qui semper infirma, atque 1407.  
ægra valetudine vixit, Toleti moritur.

A. D. III. K. Ian. Maria Aragoniæ Regina Villa regali Valentini agri oppido mor-  
tem obit. Ad Populeti sepelitur.

Benedictus Massiliæ ad D. Victoris A. D. II. K. Febr. Pontificatus anno XIII. easdem  
concordiæ conditiones, quas Gregorius tulerat, perfert. modo antea, tuto in loco ambo  
primo congregiantur.

A. D. XII. K. Apr. sacra in hebdomade Raimūdu Boilius Valentini regni gubernator,  
cum Valentini regia arce egreditur, per insidias interficitur. Quod Philippus Boilius  
eius frater in turpissimo flagitio particeps factus esset, manus est illi abscissa: alique capite  
plectuntur.

30 A. D. XI. K. Maii Methonensis sororis Gregorii F. & Tudertinus Episcopi, & An-  
tonius Butrius iuris scientia clarus Bononiensis Gregorii legati, qui Massiliæ Benedictum  
A. D. II. K. Apr. conuenerant, & Petrus Zagarriga Ilerdensis Episcopus, & Franciscus A-  
randa, qui illo sæculo vir admodum prudens, ac prouidus habitus est, & se ex intimis ar-  
canorum regni consiliis Carthusiensis religionis institutis dederat, tractandis condi-  
tionibus adiuncti, ex pacto & conuentu Sauonam urbem colloquio competitorum deli-  
gunt: & S. Michaelis dies, quo conueniant, edicitur.

A. D. III. K. Iul. Valentini Jacobi Aragonii Petri Vrgellitani Comititis filii, & Isabellæ  
Regis sororis nuptiæ celebrantur.

40 A. D. II. Non. Aug. Benedictus Massiliensi portu soluens Sauonam ex pacto con-  
uento, ut cum Gregorio congregiatur, nauigat: & in D. Honorati insula, commoratur,  
atque inde Non. Sept. Nicæam applicat. Eo in loco à Patriarcha Alexandrino, quem  
Francorum Rex Romam legauerat, certior fit, Sauonem, ut minime tutum conueniendi  
locum à Gregorio reici. A. D. XII. K. Octob. Benedictus Sauonam contendens Villa-  
francæ portum tenet: & A. D. IIX. K. easdem Sauonam applicat: neq; Gregorius constitutis  
S. Michaelis, & omnium Sanctorum diebus, ut conuenerat, eo loci se sistit.

50 Augusto mense filius Martino Siciliæ Regi ex Blanca Regina vxore genitus decedit.  
Exequiæ magna funeris pompa, tanquam primigenii celebrantur. Rex vxoris, & nepotis  
morte summo animi dolore affectus in Vallis Christi Cœnobium Carthusiensis ordinis  
secedit: quod ipse construi, exædificarique laxè, & splendide fecerat: & Alturæ, & Alcu-  
blarum ditione, ac prouentibus, & omnium rerum affluentibus copiis ditauerat.

Iohanna Regis Iohannis F. Fuxi Comes hoc ipso anno  
Valentini moritur.

Benedictus, & Gregorius paciscuntur, ut in consiniis suarum ditionum ad colloqui- 1408.  
um congregiantur. Benedictus A. D. II. Non. Ian. Mercurii die portum Veneris tenet: &  
Gregorius Lucam A. D. VI. K. Febr. contendit: ad quem à Benedicto Rhotomagensis  
& Tarraconensis Archiepiscopi, & Generalis minister ordinis Prædicatorum, & Tori-  
bius auditor sacri Palatii legantur. Cardinales fere omnes Gregoriani causa illata, quod  
Gregorius pactis non steterat, & inuito, ac repugnante collegio in amplissimum ordinem  
tres Cardinales, & in his Methonensē Episcopū sororis F. cooptasset, vt rentesq; vt ferebāt,



NAT.  
CHR.

ne sibi vincula iniicerentur, cum Gallicis Cardinalibus, qui Benedicto parebant Pisas cōmigrant: & à suis partibus deficiunt: secernuntq;. Qui à Benedicto defecere hi fuisse literis Benedicti traduntur: Guido de Maloëffo Prænestinus, Nicolaus de Brancaciis Albanensis, Iohannes de Brunitia Ostiensis, Petrus Gerardus Tusculanus Episcopi: Petrus de Torreio tituli S. Sufannæ, Petrus Frias tituli S. Prædis Hispanus presbyteri: Amadeus de Saluciis S. Mariæ nouæ, Petrus Blauii S. Angeli, Ludonicus de Barro S. Agathæ, Antonius de Xalanto S. Mariæ in via lata Diaconi S. R. E. Cardinales.

Ladislau Rex Imperii vicarius, & perpetuus vrbis Romæ senator à Gregorio creatus, maximo comparato exercitu, ad XII. M. equitum coëgisse Martinus Alpartilius est auctor, urbem obsidet: & A. D. IX. K. Maii in eam irrumpit.

Conuenerat inter Benedictum, & Gregorium, ut inter Lucam, & Portum Veneris quædam loca ad eorum congressum deligerentur: quæ Gregorii ditioni parebant: & internuntiis duobus Venetorum legatis, qui Benedictum in Veneris portu conuenerant, Benedictus obtulit, se libet animo Liburnum accessurum: modo Gregorius Pisas cōmigraret: cum ea oppida in ditione Gregorii essent. Ea re denegata, neque publica fide tradita, Cardinales Gregoriani eum, ut supra docuimus, deseruerunt: ac se Luca vrbe Pisas transtulerant: & Benedictum deprecati fuerant, ut eo proficisceretur: & Liburnum accederet: sed dum legatos præmittit, ut à Lucensibus, & Florentinis fide publica in eorum ditionibus sibi, ac suis liberi commeatus traderentur, & Benedicto denuntiatum esset, Francorum Regem, cuius fide publica in Genuensi ditione tuto se commorari arbitrabatur, & tam periculoso itineri commiserat, studiosissime curasse, ut in eum, & aliquot Episcopos manus iniicerentur, inexpectata, & repentina fuga in Galliam prouinciam celerem reditum dirigit. Portu Veneris vela facturum A. D. XVII. K. Iul. Pontificatus anno XIV. Concilium Perpinianum Helenensis diœcesis oppidum indicit. Cardinales Benedictini, Gregorianique, qui Pisas secesserant, & eo se concessurum Benedictum spondisse prædicant, seorsim Concilium Pisas indicunt: & inde à religiosissima concordie pactione Benedicto, & Gregorio resilientibus, in se non rite, nec pure, sed sacrilego more abrogationis actionem intendi obtestantur. Benedictus tota Ligustina ora, & Gallia prouincia expulsus ad Illiberitanum portum A. D. VI. Non. Iul. appellit: & Ecclesia tot calamitatibus affecta, atq; conuulsa, malorum semina in contrarias partes se vertunt.

Petrus Vrgellitanus Comes Iunio mense à vita excedit. Margaritam Marchionis Monferrati filiam vxorem duxerat: & ex ea liberos susceperat Iacobum Vrgellitanæ, & Agerensis ditionis heredem; Thadæum, qui ante obierat: & Iohannem: quem ditionis Entenzæ Barbastrensis, & aliorum oppidorum heredem scripserat. Filias tris reliquit: Leonoram, & Iohannam, quam Iohanni Cardonæ Comitis filio desponderat: & Isabel-lam, quæ se sacro cœtui addixit.

A. D. X. K. Aug. Benedictus Helenam urbem, & postero die Perpinianum introiit. A. D. VI. K. eisdem Carolus Nauarræ Rex Iacobo Borbonio Marcie Comite, & Fuxensis Comitis filio generis comitatus Cæsaraugustam aduentat. Barcinone Regem, Perpiniani Benedictum inuifit.

Benedictus à Cardinalibus, qui à se descuerant, & Pisas secesserant, destitutus, A. D. X. K. Oct. Iohannem Armeniacensem, Rhotomagensem, & Petrum Rauatium Tolosatem Archiepiscopos, Iohannem Martinum Murilium Abbatem Montis Aragonis, Carolum Vrric, & Alfonsum Carilium Gomecii Carilii filium in Cardinalium collegium cooptat.

Cum Brancaleo Oria, Mariano Arborensi Iudice filio vita functo, totius pæne Sardinie esset potitus, & Caralim, Alguerium, Longosardum, aliquotq; arces, quæ in fidelitate regia permanserant, vehementer oppugnet, & Genuensium auxiliis regnum appetet, Sardi quod crudeli Oriarum dominatu premerentur, Aimericum Narbonensem Vicecomitem, qui Bearricem Leonoræ Arborensis Brancaleonis vxoris sororem duxerat, ultro arcessunt: quod is, ex quo iunctus Mariano affinitate fuerat, in omnia belli, pacisque se consociauerat consilia: magnoq; comparato exercitu, ut in Sardiniam transmittat, Sardi summo conatu ad arma irruunt.

Martinus Siciliæ Rex excelsi, alti q; animi princeps Sardoo bello occursum, & actuarum nauium classe, cui Sanctium Ruizium Lihorium præfecerat, quod Iacobus Prætenis mortem obierat, Octobris mensis fine Drepanitano portu soluit. Ad Alguerensem stationem copias exponit.

Alguerio Bernardum Capreram Modicæ Comitem, & Egidium Ruizium Lihorium Aragoniæ regni procuratorem insignem omnibus laudis, & consilii notis virum ad patrem oratores mittit de classe, & exercitu ad se primo quoq; tempore transmittendo. De-

creuisse



creuisse enim se testatur, Sardinia non excedere, nisi in suam, patrisque ditionem, & imperium redigat: & tyrannorum dominatu liberet.

NAT.

CHR.

A. D. V. Id. Nou. secunda noctis hora Aena maximis conuassatur terræ motibus: tantoq; flagrat incendio, imensos flammæ globos eructans, ut Catane dies illuxisse, nubesq; ac facies ardentes cælo volitare viderentur. II. M. P. supra D. Nicolai templū, quod Reginæ incolæ vocant, quinq; ignei crateres XII. dies continenti incendio conflagrauerunt: sulphureas proicientes flammæ. Cinis egestus pruinis immixtus pæne Messanam, aliquotq; Bruttiorum oppida obruerat: cum Blanca Regina præstantissima femina Catana non excessisset: sed cum D. Agathæ sacro corpore mœnia perlustrarentur, diuina ope vrbs tanto incendio minime conflagrasse visa est.

K. Nouembris Omnium Sanctorum festo die Benedictus Perpiniani sollemni cœtu, & frequentissima celebritate concilium habet: & sacris in aula regia Maioricensi arcis Perpinianensis a Pontifice peractis, Alfonso Exea Patriarcha Cōstantinopolitanus Hispanensis Ecclesiæ administrator celeberrimam, & gratissimam cōcionem habuit: & absentium ratione sacris comitiis habita, in A. D. XVII. K. Decemb. concilium prorogatur. A. D. II. Id. Nouemb. Benedictus sanctioris ætatis Magalonensis præfectum Ecclesiæ Astensis administratorem Patriarcham Antiochenum, & Franciscum Simenium ordinis Minorum Valentinum virum insigni sanctitate, & magna, & multiplici doctrina, ac diffusæ scriptorum copia clarissimum Hierosolymitanum Patriarcham creat: qui ab Auxitano Episcopo Cardinale A. D. XIX. K. Decemb. sunt consecrati. Postero die Benedictus ex arce regia in ædem beatæ Mariæ Regalis sacrorum ordinum cœtu comitatus procedit: & peractis ab eo Missæ sollemnibus, concilium haberi cœpit. Sabattho A. D. XV. K. Dec. secunda Concilii assessio celebratur: & concione, ut mos est, habita, & professione recitata fidei Catholice Benedictus responso dato, se illam fidem firmissime tenere, & simpliciter confiteri assueuerat. Mercurii die A. D. XI. K. Decemb. cum tertia concilii assessio celebraretur, præmissa, ut moris est, concione, series, & continuatio rerum à Benedicto gestarum, ex quo in summam Pontificatus dignitatem est euectus, vniuerso cœtui recitatur: atque proponitur: & quot, & quantas, & quam incredibiles calamitates haussisset: quantisque in discrimibus versatus esset, ut summæ pacis coniunctio Ecclesiæ Dei conciliaretur. Demum quinque aliis assessionibus varii actus, actionesque consiliorum, & euentorum in procurandis ecclesiasticæ concordie negotiis recensentur: & quemadmodum inter Benedictum, & Gregorium legatorum interuentu cōuenerat, ut Saonæ cum suis collegiis festo S. Michaelis, aut Omnium Sanctorum die congregarentur. Concilio interfuere Prælati pæne omnes Regnorum Castellæ, Aragoniæ, & Nauarræ: & nonnulli Franciæ, Prouinciæ Galliæ, Vascitaniæ, & Sabaudia: omnes circiter cxx. Præter eos, quorum supra mentio facta est, Patriarcha Alexandrinus, Petrus Luna Toleranus, Garcias Ferdinandus Heredia Cæsaraugustanus, & Petrus Zagarriga Tarraconensis Archiepiscopi concilii decretis adsedere. Cum patres Benedictus consulisset quid e republica Christiana esse censeret: ne in progressionem rerum, & noua molitione ad reliquias Ecclesiæ lacerandas, & distrahendas prauis consiliis conuerteretur: summa dissensione, atque dissidio in contrarias partes patrum opiniones in deliberando distrahuntur: quibusdam consentibus à Benedicto legatis mandata danda esse: ut eius nomine pontificiam dignitatem nulla interposita mora abrogent: aliis vero tempus ducentibus: & maxime disiuncta, atque contraria afferentibus. Ea opinionum, & sententiarum discrepantia eo rem deduxit: ut Perpiniano pæne omnes discesserint: & XIX. in sententia permanentibus, tandem ab eis tanta de re dignum eo cœtu responsum tulit: quod hoc in loco adnectere operæ præmium duxi.

Sanctissime Pater: ac beatissime: hoc sacrum Concilium generale supplicat & consultit humiliter, & deuote V. S. quod nō obstantibus quibuscumq; tribulationibus, persecutionibus, & impedimentis vobis datis, dignemini propter Deum, & bonū Christianitatis prosequi efficaciter factū vñionis Sanctæ matris Ecclesiæ: per viam renuntiationis: ipsam viam aliis viis præmittendo: nulla alia tamen via exclusa.

Item supplicat, & consultit præfatum sacrum Concilium V. S. quatenus oblationem per eandem V. S. factam intruso de renuntiatione, in casu renuntiationis, vel mortis dicti intrusi dignemini extendere ad casum deiectionis eiusdem intrusi: si fiat de iure: secū dum fidem, & obedientiam partis suæ: ac etiam effectualiter: & de facto.

Item supplicat, & consultit præfatum concilium V. S. quatenus pro celeri, & debita expeditione, & conclusione præmissorum obtinenda, dignemini certos nuntios, probos viros, Deum timentes, & ad hoc idoneos pro parte V. S. & vestri collegii, ac totius sacri



NAT.  
CHR.

„ Concilii mittere ad intrusum: & suos Anticardinales cum ipso, vel Pisis, aut alibi degen-  
 „ tes: nec non & ad illos dominos Cardinales Pisis existentes: & ad alios, qui in hoc sancto  
 „ vnionis negotio proficere poterunt: cum plena, libera, ac sufficienti potestate tractandi,  
 „ concordandi, firmandi & obligandi omnia & singula necessaria, vtilia, seu opportuna ad  
 „ præmissa: & ut eis videbitur tempus breue, & congruum: & locum idoneum, & securum:  
 „ & de securitatibus, & libertatibus in eundo, stando, & redeundo recipiendi, concordan-  
 „ di, & obligandi. In quo S. V. omnia illa, quæ concordata fuerint per ipsos efficaciter exse-  
 „ quatur personaliter: vel si personaliter ire noluerit, vel infirmitate corporali impeditus nõ  
 „ poterit, per alium, seu alios habentes plenariam, & liberam potestatem ad omnia, quæ  
 „ S. V. facere potest: & posset vsq; ad renuntiationem inclusiue.

„ Item supplicat, & consulit præfatum sacrum Concilium quatenus dignemini tales  
 „ constitutiones, & prouisiones adhibere: quod si ante optatam vnionem, quod absit, con-  
 „ tingat V. S. ab hac vita ad aliam euocari, posset ad vnionem debite, & canonice procedi:  
 „ taliter, quod post obitum V. S. propter defectum prouisionum, non differretur, seu impe-  
 „ diretur vnio: aut, quod absit, scandala, seu schismata sequerentur.

„ Item supplicat, & consulit præfatum sacrum Concilium: quod in casu, quo aliqui,  
 „ quod absit, præmissis spretis scandala, seu schismata suscitare vellent, dignetur V. S.  
 „ per debitas constitutiones, & remedia prohibere: ne ad similia perpetranda procedant:  
 „ sub pœnis, decretis, & prohibitionibus ad hoc necessariis, & opportunis.

Sanctam eius congregationis commonitionem, & Benedicti ipsius pollicitationem  
 aduersari postea in Pisi. nõ primum, ac de muni in Constantiensi Concilio in durissimum  
 eius os iure merito retorserunt: quamvis Benedictus se viam cessionis Sauonæ amplexum  
 fuisse contenderit: & in Portu Veneris Gregorium per nuntios, & litteras ad eam pactio-  
 nem fuisse cohortatum: ac tuta conueniendi loca obtulisse, quæ omnia fuerint ab aduer-  
 sario refutata: atq; repulsa: neq; sibi posset obiectari negligentia: aut contumacia.

1409.

K. Febr. Alfonsus Exea Patriarcha Constantinopolitanus Benedicto in Concilii con-  
 fessum responsum à patribus decretum offert.

A. D. VII. K. Apr. XIV. Sessio Concilii Perpinianensi arce, cum maior pars prælato-  
 rum à Perpiniano recessisset, & per paucos res transigerentur, celebratur. Eo in confes-  
 su a Benedicto vii. legati Pisas mittuntur: ut perscrutentur, quibus conditionibus res ad  
 concordia prætionem deduci possint. Ad spem obtinendæ rei, grauissimi viri deliguntur  
 Petrus Zagarriga Archiepiscopus Tarraconensis, Seguntinus, Mimacensis, & Senensis  
 Episcopi, Bonifacius Ferrarius Dominus Carthusiensis, Prior Cæsaraugustanus, & Minister  
 prouinciæ Galleciæ: sed Tarraconensi, ut Benedicti nomine ad Francum Regem legati-  
 onem obiret, in Catalonia remanente, reliquos oratores Nemausi, cum illis iter longum  
 conficiendum instaret, Francorum Regis ministri detinent: ac demorantur: & mandata  
 quæ Benedictus legatis dederat, intercipiuntur: quæ res spem omnem adipiscendæ con-  
 cordiæ, & Benedictum ad abrogationem deducendi contudit: atq; confregit.

A. D. XI. K. Iun. Archiepiscopus Tarraconensis Benedicti nomine, & Gerardus Cer-  
 uilionius Catalonia gubernationi præfectus, Sperandus Cardona pro Cancellario re-  
 gio, Vitalis Blanius, & Petrus Bassetus L. C. ab Aragoniæ Rege ad Francum legantur: ec-  
 clesiastici dissidii dirimendi causa.

Quod Americus Narbonensis Vicecomes cum Brancalione affini societatem  
 coiisset, & nostros Sardinia pellere niterentur, Narbonensisq; magna comparata classe,  
 in Sardiniam traiecisset, summæq; spei, & expectationi, quæ proponebatur, magna Ge-  
 nuensis ciuitatis auxilia præstolarentur, Rex nobilitatem, atq; iuuentutem omnem toto  
 regno exciuit. Classem cl. nauium omnibus copiis, & opibus ornatam, & instructam  
 suo subsidio præmittendâ curat. Petrû Torrelliâ, ex intimis maxime carû classi præficit.  
 Iohânes Fuxius Vicecomes Castelboni, & Arcimbaudus eius frater Arcimbaudi Grailii  
 Comitis Fuxi & Isabelle Matthei Comitis sororis filii, Lusæ dominus, aliq; ex Aquitania  
 pceres, ad Regis exercitiû, atq; in militiæ disciplinâ proficiscuntur: & militari auctorameto  
 adiguntur. Copiis militaribus ex Aquitania excitis Gerardus Maulco præficitur. Castelbo-  
 nio Galcerâdus Pinofius, Petr⁹ Galcerâdus eius frater, & Hortensius Vicecomes adiungun-  
 tur. Ex Catalanis proceribus Comes Cardonensis, & Antoni⁹ Cardona eius frater, Comes  
 Quirrens, Bernardus Sous Ebolesius Vicecomes, Berégarius Arnaldus Ceruilionius, Gal-  
 cerâdus Sactapacius, Acartus Murius, Galcerâdus Cruillias, & Bernardus Spesius re bel-  
 licâ administrant. Benedictus Iohannē Martiniû Lunâ, & Rudericû Lunâ fratres germa-  
 nos fratris filios cû insigni equitatu in eâ expeditionē delegat: quos Iohânes Bardaxin⁹, &  
 cōplures viri nobiles comitantur. Modicēsis, Augustanus, & Intemelius Comites, Comes  
 Henri-



Henricus Ruffus Mamertinus, Artallus Luna Calatabellotæ Comes, Gilabertus, & Iacobus Scintillie, Bernardus Anglesola, Augerotus Larta Siciliensium copiarum ductores ad similem laudem proficiscuntur. Inter omnes maximam laudem consequuntur Egidius Ruizius Lihorius Aragonii Regni gubernator: & Sanctius Ruizius Lihorius classis Siculæ præfectus, & Iohannes Ferdinandus Heredia Egidii filii, Gerardus Queraltus, & Iohannes Cruillias: cuius singularis virtus, & animi præstantia, & consilia prudentiæ, & fidelitatis plena magnis in rebus enituere. Vni tamen Petro Torrelliæ, ea conditione extraordinarium imperium defertur, vt sine eo res militaris administrari non posset: atq; ita & classibus, & exercitibus præfuit: vt procures omnes, & regia propinquitate coniuncti ei parerent: & dicto audientes essent: ac regia amicitia, & firmissimis opibus adeo munitus erat, si Tomichio fides adhibenda est, vt tamquam regulus, aut dynastes illis temporibus haberetur. Statione Barcinonensi ea classis A.D. XIV. K. Iun. soluit: quæ longe ceteris omnibus antecellere visa est.

Siciliæ Rege Alguerio Caralim classe præterueto, cum Sardi ad præsentem obtinendam libertatem, mira animorum obstinatione, & magna rerum commotione rueret, equitatu, quem satis magnum, optimumque ex Sicilia Rex traiecerat, & eo adiuncto, quem ex Hispano delectu arcessierat, acre bellum æternis hostibus infert: quo in bello, & virtus, & præstantia, & fortuna Regis enituit: quæ pæne ab inconstantia, & temeritate se iungi non potuit. Vnum omnibus, idemque votum: ferro, ignique, atque omni dehinc vi passim hostes persequendi. Caralis, Alguerium, & Longosardum vrbes solæ impetum, atque incursionem hostium, belli que curam sustinuerant: cum xl. annos obsidionem, perpetuumque bellum pertulissent.

Classe regia nondum in Sardinia appulsa, vi. Genuensium actuariæ naues, partim mercenarias, partim imperio, aut gratia comparatas copias subsidio hostium in Sardinia transportant: quibus cum Rex suas obuiam præmisisset, quarum Franciscus Coloma ductor erat, cum ad Linairæ stationem, ad certamen concurrissent, nostri in hostium naues irrumpunt: vique expugnant. Capti fuere Guilielmus Mollo hostilis classis præfectus, Carolus Lomelinus, Simon Marius, Ambrosius Grimaldus, & eius frater: earum nauium ductores.

A.D. IX. K. Iul. Petrus Philaretus Cretenensis, ex instituto fratrum Minorum Mediolanensis Archiepiscopus, ab iis, qui Pisano conuenticulo assederant, Pontifex Maximus creatur: cui Alexandri V. nomen est inditum. Pisani concilii decreto interposito Benedictus, & Gregorius Ecclesiæ inimici, & hostes censentur. Benedictus A.D. V. Id. Iul. Perpinianensi concilio instituto dimisso, & Pyrenæo transceso cœnobium Rhodense prope Emporiarum vetustæ vrbis vestigia emigrat: quo communi fama, atque omnium sermone inter omnes constabat, priscis temporibus summum quendam Pontificem relegatum se contulisse. Inde Benedictus Barcinonem, vt de summa Christianæ reipublicæ cum Rege deliberet, cõtendit: & graui, ac pestilenti anno in turri regia diuturno tempore permanet. Quod Aimericus Narbonensis ad Sanlurium & suas, & Sardorum copias omnes collegisset, A.D. VI. K. Iul. Rex obuiam illi procedit: proelio decertaturus: cuius exercitus expositis copiis III. M. equitum, & IX. M. peditum robore instructus erat. Hostes circiter XI. IX. M. numerum confecerant. Dominica die, A.D. II. K. Iul. collatis signis proelium à Rege committitur. Hostes magna edita strage cæduntur: atque profligantur. Hortensis Vicecomes, Petrus Galcerandus Pinofius, & Iohannes Villasaufa in acie, cum proeliarentur, mortem occumbunt. Aimericus cum acie excessisset, citato equo Montem regalem contendit: & in arcem se abdit. Nostri Sanlurium, eiusque arcem irrumpunt: expugnantque. Cum irruptione copiarum Comitum Modicensis, & Bernardi Galcerandi Pinofii arcis potirentur Genuenses, & Sardi, propugnantes occisione cæduntur. Insigni ea victoria parta, cum in ore omnium summis laudibus Siciliæ Regis nomen ad cælum effertur, Caralim se recipit felix: vt æstiuus habitus, Septembris mensis initio Oristanum urbem obsideat: quam veluti belli arcem Aimericus delegerat.

Id. Iul. Ecclesienses Iohanne Sena internuntio, & administro Regi deduntur: munitoque oppido Gantinus Sena arci præficitur.

Siciliæ Rex, cum ex diutino labore, & grauissimo, & maxime calamitoso cælo in febrem incidisset, grauius, vehementiusque ea afflictatus, A.D. IIX. K. Aug. in præstanti, plaudenti que fortuna, cum omni genere virtutis, & rerum gestarum gloria floreret, Carali è vita excedit: nullis ex Blanca vxore superstitibus liberis. Ex Tharsia Fredericum Aragonium, & ex Agathuza Siculis concubinis Iolantem suscepit: quæ Henrico Nebulensi Comiti postea nupsit. In æde maxima Caralitana sepelitur. Ea calamitas tantusque moeror Regi parenti graui morbo affecto à Benedicto, & Vincentio Ferrario nuntiatur. Miseran-



NAT.  
CHR.

de nempetam immatura fortissimi, & maximi animi Principis mors omnibus visa est: quae tot undique ærumnarum premunt: eaque fit subito rerum conuersio: ut non Sicilia modo, & Sardiniae regna armis quaesita, & tot victoris parta, tantisque cladibus retenta: sed hereditaria, tot sæculorum ætatibus pacata, atque stabilita in extremum discrimen deciderint.

MARTINVS ARAGONIÆ ET SICILIÆ REX  
DVX ATHENAR. ET NEOPATRIÆ.

A. D. XVI. K. Sept. Petrus Torrellias, & Iohannes, ac Petrus Moncadæ in Oristanum agrum irrumpunt. Hostes dum vrbe egressi, insidiis redeuntes intercludere conantur, prælium committunt. Aduersus incitatas hostium turmas stetit immota nostrorum acies: nec parte vlla pelli, aut petrumpi potuit. Postquæ irritum inceptum erat, & recepti hostes post signa prælio excedere conantur, funduntur: cædunturq; ad IV. M. eorum occisis.

Iacobus Vrgellitanus Comes controuersia regni, viuo Martino Rege constituta, regia virilis stirpis cognatione, tanquam haud dubius regni heres regnum appetens, uti iustus, legitimusque successor, ad procurationem regni, quæ primigeniis deferri consueuerat, aspirat. Eo munere à Rege A. D. IIX. K. Sept. commisso, atque concessio delinitur: & Connestabuli magistratus potestas, quæ regia stirpe ortis conferri assueuerat, attribuitur. Sed clam à Rege ipso, dum secum voluit, quo nam modo Vrgellitanum peruertat, opera datur, ne procuratione, ut præiudicium factum esse videatur, defungi possit: & ab Virearum factione, & Lihoria, Herediaque gente, per interdictum præfecti Iustitiæ Aragonum, Vrgellitanum procuratione euertere contendit. Concita ad rixam Cæsaraugustana plebe, Vrgellitanus præruptæ audaciæ Princeps vrbe turpi fuga expellitur.

Rex casum, & orbitatem regiae domus deplorans, & ærumnam, ac solitudinem deflens, cum uxorem ducere deireuisset, Margaritam Petri Pratenfis, ex Iohanna Caprera filiam, Iohannis Comitissæ Pratenfis neptem regia stirpe ortam, veterino prope confectus puellam excellentis pulchritudinis A. D. XV. K. Octob. in matrimonium ducit.

Ludouicus Siciliae Rex, qui Iolantem Iohannis Aragoniae Regis filiam duxerat, & Ferdinandus Petri regis Aragonum ex Leonora filia nepos, à Rege interuentu legatorum expetunt: ut palam enuntiet, quis in eius locum regni heres sit successurus. A Ferdinando, cum Antiquariam celebrem Bæticæ prouinciæ urbem Maurorum dominatu oppressam obsidione premeret, Ferdinandus Gutierrez Vega, & Iohannes Gonzaluius Azeuedus iuris prudentia clarus, summæ industriæ viri eam ob causam ad Martinum Regem legantur: & ut procerum, & ciuitatum animos, atque consilia, cum omnia factionibus, atque seditionibus excitarentur, secrete explorent. Rege tergiversante, & renuente, quod Frederico nepoti, Siciliae Regis filio regnum Siculum appeteret: maior successio nis perturbatio, atque confusio subsequitur: ac palam Rex visus est, odio in superbiam, atque arrogantiam Iacobi Comitissæ Vrgellitani, Petri patruelis fratris filii concitato, popularem iactationem, & gratiam nepoti conciliauisse: ut magnis iam tum Aragonii nominis rebus, nondum tamen ad summum elatis, validis per Hispaniam finitimis Castellani regni opib; in posterum regnorum subiunctionis, & summæ imperii fundamenta strueret.

Quod Sardi noua auxilia ab Aimerico Narbonensi arcessiuisent, Rex Emporitano comitatu, atque ditione L. M. florenorum pignore Barcinonensi ciuitati opposita, atque addicta, classem parari iubet: quæ K. Octob. Barcinonensi statione in Sardiniam transmissura soluit.

Octobri mense decurso, cum in suburbano Barcinonensi, Belesguardum vocant, Rex assideret, & à Bernardo Caprera Modicæ Comite res in Sicilia turbarentur, quod Rege inuito Panhormum urbem introisset, Catanamq; occupare niteretur, quæ in vrbe Blanca Regina commorabatur, Rex classem adornari imperat: denuntiatq; primo quoq; tempore se in Siciliam traiecturum.

Benedictus Barcinone A. D. XII. K. Nou. Pontificatus anno XVI. X. Cardinales, qui à se defecerant, & Pisas secesserant execrationibus publicis, & ecclesiasticis interdictis condemnati: & contra se, ac Romanam Ecclesiam conspirantes, sacrilegos, schismaticos, & nouorum, ut nominat, sub schismatum fautores, læsæ maiestatis, perduellionis, & parricidii conuictos lata sententia denuntiat.

1410.

Festum Natiuitatis Domini diem Benedictum, Anno MCCCCIX. exacto Cæsaraugustæ celebrasse, ex epistola illa Iohannis Simenii Cerdani Iustitiæ Aragonum Præfecti clarissimarum rerum, & antiquitatis plena elicimus. In ea enim commemorat in æde maxima Saluatoris, nataliciis sacris, cum horis matutinis Pontifex, Martino Rege viuente assideret, quintam lectionem, quæ Ecclesiæ more instituta, coram summo Pontifice à nobili



nobili quodam viro itristo gladio palam vniuersis recitari consuevit, Pontificis iussu Iohanni p[ro] Suenio Cerdano recitandam fuisse commissam: tamquam primario viro eum Magistratum gerentis: cui similis, aut æqualis in terris non sit: quam rem sequenti anno geitam arbitror: & Cerdanum in eam tradenda, memoria vacillasse. Satis enim constat ex commentariis Martini Alpartili Operarii Cæsaraugustani, qui in intimis ipsius Benedicti erat, & eius varios actus, act. onesq; ferme omnes consiliorum, & temporum, ex quo in summum Pontificatum est euectus, diffuse complexus est: Benedictum post adeptam Pontificiam dignitatem Cæsaraugustam minime introisse: nisi mortuo Martino Aragoniæ Rege.

10 A. D. XIV. K. Apr. Petrus Torrellias Sardoo bello redintegrato omni pecunia ex manubiis, & ea, quam in prædæ dissipatione milites coegerant, disturbata cum innumerabiles sumptus in rem militarem fierent, Oristanam urbem, & eius urbis ditionem Marchionatus cognomine: & Gotiani Comitatum Leonardo Cubello, posterisque eius regio mandato, ingenti pretio addidit: bellumque trahitur.

Aprili ferme exacto, aliquot Cardinales, qui Benedicti imperio, nominiq; ad eam diem parebant, & ciues Auenionenses ductoribus Bellicadri Senescallo, & Desphinatus gubernatore, ac Vicario Venexinii Comitatus, qui expulso Roderico Luna ei ditioni prepositus fuerat, repentina defectione Auenionense palatium circumfident: ac omni machinarum vi, & rectis, & apertis cuniculis, aggere, vineis, & turribus oppugnant. Cum ei  
20 propugnationi Bernardus Sous Vicecomes Ebolenfis, Martinus Alpartilius, & Petrus Bertrandi arcis Palatinæ maioris præfectus ccc. propugnatoribus præessent: Benedicti ipsius mandato propugnacula dedunt: & Narbonem fide publica, cum omnes salui conseruarentur, deducuntur. Eadem tempestate Antonius Cardona Cardonæ Comitis frater, & Petrus Moncada instructa classe, Barcinonensi statione soluentes, ad Aquas Mortuas præteruehuntur: maritimamq; oram incurrentes, ac depopulantes, aliquot naues euertunt, deprimuntq;: quibus Americi Narbonensis copiarum in Sardiniam transportabantur.

A. D. V. Non. Maii Alexander Bononiæ vita fungitur. In eius locum Baltassar Coffa Cardinalis sufficitur: & Iohannis xxiii. nomen edit.

30 A. D. II. K. Iun. Rex in cœnobio Sanctimonialium Barcinonensi muro adiuncto, vulgus Vallis puellarum cognominat, morbo, verernoq; oppressus è vita excedit: qui siue odio occulto in Iacobum Vrgellitanum Comitem incitatus, siue nimia in Fredericum nepotem Lunensem Comitem indulgentia inductus, cui Siculum regnum appetierat, cum regnum perpetua pace, successore constituto, libentibus omnibus stabilire posset, in exitium pæne, atq; interitum, nullis superstitibus liberis deduxit. Inde malorum initia: cum Regi successor quæreretur: non constitueretur. Regii funeris iustæ exequiæ vix persoluntur: & ad D. Mariæ Populeti sepelitur: vltimus Aragoniæ Regem ex virili Barcinonensium Comitum prosapia: qui stirpem antiquissimam in dc. annum, admirabili quadam continuatione, regnorumq; serie propagauerant: cum repentino tantæ  
molis gubernacula ita diuulsa essent, vt vix in pristinam

speciem redigi posse viderentur.

EXPLICIT LIBER TERTIVS.

Tomus III.

Aa 3

V. C. C. M. m. m. m. m. m.



# ROBERTI VISCARDI CA- LABRIÆ DVCIS, ET

ROGERII EIVS FRATRIS CALABRIÆ, ET  
Siciliæ Ducis Principum Normannorum, & eorum fratrum rerum in Cam-  
pania, Apulia, Bruttiis, Calabris, & in Sicilia gestarum Libri IV.

Auctore GAVFREDO MALATERRA monacho  
Rogerii ipsius hortatu.

*ROGERII SICILIÆ REGIS RERVM  
gestarum, quibus Sicilia regnum in Campania, Calabris, Bruttiis, &  
Apulia usq; ad ecclesiasticæ ditionis fines constituit: Libri IV. Aucto-  
re ALEXANDRO COENOBII S. Salvatoris Vallis Celestina  
Abbate: qui & hortatione Mathildis eiusdem Rogerii  
sororis eam historiam conscripsit.*

GENEALOGIA ROBERTI VISCAR-  
DI, ET EORVM PRINCIPVM, QVI SICILIÆ  
regnum adepti sunt: ex Ptolemæi Lucensis Chronicis decerpta: qua Dyrrhachinæ  
domus Principum propagines certa, & constanti  
complexione appinguntur.



---

Anno Domini M. DC. V.



ANTONIO AVGVSTINO  
ARCHIEPISCOPO TARRA-  
CONENSI OPTIMO AN-  
TISTITI.



VANTVM prisca vetustati ad magnas res conficien-  
das, iustissimis de causis in omni artium, doctrinarumque  
studio semper detuleris optime Antistes, summo huius sa-  
culi beneficio, perpetua tua lucubrationes, sine ulla inter-  
missione testantur. Hanc te unam venerari, & colere,  
supraq; oblectationem omnem, & humanarum curarum  
requiem suspicere nouimus: quam semper admirari, & in  
omnium prospectum, cum maximas legationes reipublicae  
causa obieris, producere merito iure concupiuisti: cum eius  
affluentibus opibus, atque ornamentis locupletatus, ad ea,  
quae in tantis horum temporum calamitatibus, quibus tot terrores, periculaq; iam ad-  
esse, atque imminere videntur, uniuersae Christianae reipublicae maxime conducunt,  
summe profeceris: & aduersus impiam haereticorum contumaciam, qui Ecclesiam  
sanctam Catholicam, quam diuina providentia afflictam semper excipit, corruiere  
nunquam sinit, perfidia violare, & reliquas piorum gentes sacrilego scelere contami-  
nare nituntur, in eo officio, quod praecipue tuum fuit, enixe ad Dei gloriam prouideris,  
atque consulueris. Illud certe maiorum vigiliarum munus quod ad summam virorum  
doctrina praestantium existimationem dimanauit, à te grauisimi, & litteratissimi vi-  
ri requirunt: atq; efflagitant: quo innumerabilia Sanctorum Patrum, & summorum  
Pontificum scita, atq; decreta, & sacras synodos oblitteratas in tot volumina retulisti,  
ut singulari tua assiduitate, & vigilantia, cum te totum ad sacrarum constitutionum  
seriem, & veritatem illustrandam traduxeris, quam maximus Canonicis sanctioni-  
bus, atq; decretis cumulus accesserit. In eo praeterea te vehementer omnes admirantur:  
quod in grauisima, & perpetua sacrarum sanctionum commentatione doctrinarum  
omnium studia promouere, & assidua, ac vehementi occupatione omnem conatum in  
contemplatione rerum, & liberalium disciplinarum scientia collocare, & non ludis, &  
feriis, quod studiosissimi viri solent, aut, quod aiunt, subseciuis horis, sed omne id tempus  
quo vitam viuimus, & maxime expeti, & sustentari consuevit, & communi spiritu  
frui, remissioris litteraturae studiis, tamquam alleuamento quodam, & laxamento  
tribuere numquam intermittis. Hinc illae diuitiae, atque ornamenta ingenii: quorum  
fructus adeo vberes, & secundos es consecutus, ut cum ad haec nostra studia, tamquam  
in leuiorem ludum, & popularem latitiam ad animi remissionem descenderis, maiores  
omnis doctrinae thesauros expleres, ac propalam colloques, quam ceteri, qui omne otium,  
ac tempus in communium litterarum, aut politioris humanitatis meditationibus cōtri-  
uerunt. Sed quoniam neque instituti, aut iudicii mei erat, tuas laudes, quae grauisimo-  
rum virorum ingeniis omnium mortalium fama celebrantur, perstringere: tamen hanc  
me occasionem, te grauisimo vetustatis vindice, custode, atque antistite non diffitebor  
arripuisse: ut vetustissimi hi rerum scriptores, qui Principum Normannorum in Italiam  
aduentum, & res ab eis in Campania, Apulia, Calabria, & Bruttis, & in insula Sici-  
lia gestas ante quadringentos annos posteris tradiderunt, in tui primum nominis prae-



sidio in lucem exeant. Neque inculta eorum, & derelicta oratio, & inops series rerum  
 & inconditi Gaufredi monachi versus, quamuis hebetes, ac rudes, aut præposteræ, per-  
 uersique numeri de sententia demouerunt: quin res ipsa à nemine auctorum, quod ego  
 sciam, ad hanc diem tradita in publicum proferrentur. Tantum enim me in ea editio-  
 ne à reprehensione ineptiæ abesse arbitrabar, ut propius nihil sit factum, quam ut his  
 Normannicarum rerum scriptoribus Bartholomæi Neocastrensis Siculi vetusti scri-  
 ptoris poeticum opus, cui Messana nomen indidit, & XV. libris hexametris versibus  
 composuit, adnecterem: tametsi non aliquo sagacis, aut bonæ mentis instinctu, aut ar-  
 tificiosa constructione, sed enormi, & pingui contextu de rebus à Petro Aragoniæ Re-  
 ge in Sicilia, aduersus Carolum eius nominis primum Siciliæ Regem opus id fuerit cō-  
 stitutum: adeo mihi prorsus persuasum est, verborum iacturam tolerabilem esse: co-  
 gnitionis vero rerum, causarum, & euentorum inestimabilem. Perspicuum enim hoc  
 est, & in vulgari prudentia situm principem, & primariam esse illam sapientiam, qua  
 maiore voluptate afficimur ex rerum ipsarum scientia: vel vilissima compositione tra-  
 ditarum: quas in animis insitas, & quasi consignatas notiones inherere oportet: quam  
 ex superuacanea, & diffuente oratione: cum præsertim eam maxime ex rerum ipsarum  
 traditione efflorescere, & redundare conueniat. Quam obrem cum tibi in vniuersa  
 rerum sacrarum functione, & Pontificalis auctoritatis, & reliquæ iurisdictionis ab-  
 soluendæ prouincia, atq; in tanto officio, tantoque munere incredibilis cura numquam  
 defuerit, quin doctrinarum studiosis undiq; prosis: magna spe ducor, cum tua summa  
 grauitas cum singulari comitate cōiuncta sit, & qua es lenitate munitus minimum hoc  
 munusculum, ac si insignita cuiusdam notæ esset, te non aspernaturum, aut refutatu-  
 rum: si cuiusvis vel tenuissimæ utilitatis, & emolumentum fructum præbere, & ve-  
 tustarum rerum memoriam, quas diligentissimi antiquitatis inuestigatores omni inqui-  
 sitione veri indagare nituntur, possit patefacere. Ut eos tamen scriptores indicibus re-  
 rum ab Aragoniæ Regibus gestarum adiungerem, ea me ratio, & consilium impulit:  
 quod, ut omittam Aragoniæ Reges abhinc tercentum annis in Normannicam stirpem  
 gemina cognatione se inseruisse, ditiones omnes, quæ à Normannis, & mox Sueuis  
 Principibus tot victoriis quæsita, & parta fuerant, Aragoniis postea Regibus & he-  
 reditario, & belli iure, & ab Ecclesia publicis consiliis beneficii loco delato munere,  
 celesti, diuinaque sorte obuenerunt. Ad D. Encratis ex suburbano Casaraugustano  
 A. D. XVI. K. Maii. MDLXXIIX.

Amplitudinis tuæ obseruantissimus.

Hic. Surita.

INCI-



# INCIPIT LIBER DE AC- QUISITIONE REGNI SICILIÆ,

CALABRIÆ, APULIÆ ET INSVLÆ SICILIÆ PER  
gloriosum Principem Robertum Guiscardum: & fratres de Normannia venientes: com-  
pilatus à Gaufrido religioso, & honesto viro beati Benedicti Monacho: ad petitionem  
Illustris Principis Rogerii Trinacriæ Comitis: quam de infida tyrannide  
Sarracenorum ad deuotionem Christi  
reduxit.

*Incipit Liber Primus.*

## HIC SUNT CAPITULA PRIMI LIBRI.

**L**IBRI huius sunt diuersa distincta capi-  
tula:

Quæ passim subtitulare nostra debet pa-  
gina.

Vt quæ voles perscrutando citius inuenias.

I. Primū sonat, quæ pars est Franciæ Nor-  
mannia.

Rhodo Duce dat piratas p mare Noerueia.

II. Hanc peruadunt: Rex occurrit: vt abin-  
de arceat.

Bellū differt: scedus init: fit eorū dominus.

Patria quibus claudatur adnotatur finibus.

Rhythmus cesset: prosa dicat, si quid est vl-  
terius.

III. De more Normannicæ gentis ab Al-  
tauilla.

IV. De Tancredo: & prima, vel secunda  
vxore sua: & liberis.

V. Qualiter primi filii Tancredi Guiliel-  
mus, & Drogo, & Hunifredus à Nor-  
mannia digredientes Apuliam venerūt.

VI. Qualiter primum Principi Capuano  
seruientes, ab ipso ad Salernitanum trās-  
ierunt.

VII. Qualiter cum Maniaco Græco ad Si-  
ciliam debellandam primo transierunt.

IIIX. Qualiter Arduinus à Maniaco cæ-  
sus fit.

IX. Qualiter Melfa à Normannis ædifica-  
ta fit: & de legato à Græcis misso: & de  
primo congressu, quem cum Græcis ha-  
buerunt.

X. De secundo prælio sub Montepiloso.

XI. De iunioribus filiis Tācredi: qui præ-  
cedētes fratres in Apulia subsecuti sunt.

XII. De morte Guilielmi Comitis.

XIII. De morte Comitis Drogonis.

XIV. De Leone Apostolico: qualiter à  
Normannis captus fit.

XV. Qualiter Leo Papa à Normannis cū  
honore dimissus fit.

XVI. De Roberto Guiscardo qualiter ca-  
strum S. Marci firmavit: & qualiter cum

Sclauis pedes prædatum iuit.

XVII. De Roberto Guiscardo, & Petro de  
Turra.

XIIIX. Qualiter Robertus Guiscardus  
Comes Apuliæ factus fit.

XIX. De Rogerio iuniore filio Tancredi.

XX. De Rogerio qui à Rob. Guiscardo in-  
uitatus à Calabria in Apuliam vadit.

XXI. Rob. Guiscardus, & Rogerius cum  
exercitu Rhegium vadunt.

XXII. Roge. cū maxima pda Rhegiū venit.

XXIII. Rogerius irato animo à Rob. Guif-  
cardo recedit.

XXIV. Rogerius à Guilielmo fratre beni-  
gne suscipitur: & Scalea conceditur.

XXV. Rogerius Comes equos furatur.

XXVI. A Rogerio Malfitani capiuntur.

XXVII. Fames in Calabria fit.

XXIIIX. Calabri rebellantes castrum Leu-  
castrense in dolo capiunt: pluribus ibi  
interfectis.

XXIX. De pace facta inter Rob. Guiscar-  
dum, & Rogerium fratrem suum.

XXX. Rob. Guiscardus vxorem Alber-  
dam repudiās Sigelgutam ducit: & Ro-  
gerius, & Guiscardus reconciliantur.

XXXI. Rob. Guiscardus super Guilielmū  
fratrem suum, antequam nuptias cele-  
bret, vadit.

XXXII. Bellum apud S. Martinum cum  
Græcis à Rogerio fit.

XXXIII. In adiutorium Gaufredi fratris  
Rob. Guiscardus, & Rogerius vadunt.

XXXIV. Guillamato debellato vtriq; fra-  
tres Calabriam vadunt.

XXXV. Rob. Guiscardus Dux efficitur.

XXXVI. Guiscardo apud Rhegiū rema-  
nēte, Rogerius castra Calabriæ expugnat.

XXXVII. Qualiter Scyllacium captū fuit.

XXXIIIX. Qualiter Serlo Tancredi filius à  
Normannia in Britanniā pulsus fit.

XXXIX. De militia eiusdem Serlonis.

XL. De Tancredo, & Apro.



# INCIPIT EPISTOLA RELIGIOSI VIRI GAUFREDI BEATI BENEDICTI MONACHI DESTINATA

AB EODEM AD VENERABILEM PATREM DOMINUM CATANENSEM EPISCOPUM.



**B**EATÆ Memoriz Georgio Catanensi Episcopo frater Gaufridus ab antecessoribus Malaterra agonem trahens, infelici cursu munda-  
no cum Martha habito, ad felicitatem quietis Mariæ cum Lazaro  
fratre resuscitari. Quandoquidem sanctissime pater quadam pecu-  
lari familiaritate, à ceteris Episcopis, qui quantum ad habitum, al-  
terius institutionis esse præfigurantur, habitu religionis, quo concin-  
gimur, quamuis indignus, vobis me vniri cognosco, peculiari etiam  
spe, à ceteris de vobis præsumens fruor: & vos mihi in omnibus negotiis tutorem exposco.  
Per vos itaq; aut saltē vestra præsentia librū hunc reputari expostulo: vt vestræ auctoritatis  
fauore Principi gratiosior fiat: vel ab æmulis, si forte aliqui insurgāt, ob reuerētiā vestri,  
minus remorderi psumatur. Sciendū tamen vobis est, siue alteri, quicūq; libri huius reci-  
tator, vel certe interpret accesserit, si seriatim, minus ordinate secūdū tēpora, quibus facta  
sunt, quæ adnotātur, vel certe aliqua obliuione prætergressa repereritis, nō hæc tā mihi, quā  
relatoribus, culpando adscribantur: præsertim cū de ipsis temporibus, quibus fiebāt, præ-  
sentialiter non interfuissem: sed à transmontanis partibus venientē, nouiter Apulū factū,  
vel certe Siculum ad plenum cognoscatis. Si autem de incultiori poetria quæstio fuerit,  
sciendum est, quoniam etiam si esset vnde limpidius, aut certe pomposius eructare potu-  
issem, ipsa Principis iussio ad hoc hortata est, vt plano sermone, & facili ad intelligēdum,  
quo vt omnibus facilius quidquid diceretur, patefceret, exararē. Ego igitur siue istud siue  
illud opponatur, sub vmbraculo vestri tutaminis refugiū expeto: vt tāto auxilio innixus,  
inimico dēte mordere attētantes min⁹ ptimescam⁹: & Principis nostri sustētamine fruar.

**O**MNIBVS, quibus per vniuersam Siciliam Episcopale, vel clericale nomen assi-  
gnatur, Gaufridus Malaterra cum assignatione nominis, & significatum. Antiquo-  
rum philosophorum traditione futuræ propaginis humanæ mos inoleuit, fortium facta  
virorum, apicibus adnotata ad posteros transmittere: ne facta memoranda, cum ipsis, à  
quibus fiunt, silentio depereant: sed potius ita litteris commendata, & à futuris lecta, vel  
cognita, ipsos, à quibus facta sunt, quadam vitæ memoria, quodammodo quasi viuere  
faciat. Quod commendat Sallustius ille inter historiographos laudabilis rhetor: qui in  
„ principio sui libri scripsit dicens: Omnis hominis, qui se se student præstare animalibus,  
„ summa openiti decet, ne vitam silentio transeant: quomodo pecora: quæ natura prona,  
ventrique obedientia finxit. Talibus edoctus auctoribus, sibi veterum historias recitan-  
tibus, famosissimus Princeps Rogerius laboriosos, & non sine magno discrimine trium-  
phos suos, qualiter videlicet primo Calabriam, deinde vero Siciliam armata manu sub-  
iugauerit, posteris, consilio suorum mandare decernens, mihi, vt ad huius operis labo-  
rem dictandum accingar, iniunxit. Sed quia præcedente in me beneficio suo, quidquid  
iniunxit negare nequeo, minus erudito stylo, & enerui poetria, quasi lacum profundissi-  
mum natandi nescius, timidus ingredior: vosque, vestramque aduersum me indignati-  
onem plurimum pertimescens, præsertim cum vos limpidissimo fonte grammaticæ artis  
debriatos, non autem me, talis scientiæ pane ieiunum ad tale opus accingi oportuit. Sed  
prædictus Princeps vos maioribus vtilitatibus occupatos, interdum, videlicet Ecclesia-  
rum curis cum Martha, interdum vero beatæ contemplationi, cum Maria insudantes co-  
gnosces, vobis, ne à meliori proposito vos reuocet, parcit. Me vero, quasi vacantem, &  
nulli exercitio deditum, quadam manu pulsationis vigilantiorē reddere satagit. Rogo  
itaque vos, vt memores scripturæ dicentis: Inuicem onera vestra portate: & sic adimple-  
bitis legem Christi: & quod alibi dicitur: frater fratrem adiuvans ambo consolantur: ad  
debile carmen meum sustentandum pedem vestri fauoris porrigatis: vt clypeo vestræ  
auctoritatis munitus incursus detrahentium, & inimico dente aliorum dicta, vel fa-  
cta rodere tentantium minus pertimescam. Sunt enim quidam, qui cum alicuius  
scientiæ gradus vtrumque attigerint, & exinde humanæ laudis fauorem adepti fue-  
rint, tumentis supericlio, tanta inuidia superfluunt, vt neminem sibi litteris æquipollen-  
tem



tem ex proximo habere velint. Sin autem eos habere contigerit opus alienum, detrahendo mordaci dente appetere non desistunt: alterius laude suam minuitimentes. His competeret assignari potest illud scripturæ: qua dicitur. Scientia inflat: sed non subsequitur in eis: caritas ædificat. Ad sunt alii e contra, quorum scientia, & mores ipsos in tantum nobilitant, ut quantum plus philosophico fonte debriantur, tanto minori extollentia rapiantur: gressum mentis semper in humilitate figentes: aliorum dicta, vel facta non remordentes: sed quod minus ornate dictum ab eis audierunt, cum mansuetudine intra se ipsos, non autem in publico, ne forte scandalizentur, corrigunt. Et ut eos apud potentes huius sæculi gratiosos verbis faciant, extollere nituntur: eorum laudem, vel lucrum, quasi suum æstimant. Horum affectuosam benevolentiam aduersum me inuitari exposco. Ego vero quæcunque dictauero vobis corrigenda, & rosis vestre scientiæ exornanda reputabo: ut vinea à vobis exarata, cultu vestre scientiæ putata vberiores fructus reddens, in maiorem laudem, & gratiam pueniat Principis.

I. NORMANNIA patria quædam est in partibus Galliarum, quæ quidem non semper Normannia dicta fuit: sed regalis quondam Francorum Regum filius, cum toto suo, cuius pars erat generali nomine Francia nuncupabatur: usque Rhododux fortissimus pirata à Dacia, vel Noruegia, coadunata sibi plurima fortium manu militum, nauali exercitu se pelago credentium Frisiâ, & quæque maritima loca, versus occidentem deuastans, tandem in portu, quo Sequana fluuius in mare defluens intrat, appulsus est: cuius per aluicem maxima classe profundiores partes Franciæ penetrans, amœnitatem locorum inspecta, præceteris, quas pertransierat regiones, hæc amore amplecti, & sibi adoptare fecit. Est enim piscosis fluminibus, & feralibus siluis abundantissima: accipitrum exercitio aptissima: frumenti, & ceterarum segetum fertilis: piscinis vberissima: pecorum nutritrix. Quamobrem ex utraque ripa prosilientes incolæ illius regionis imperio subiugare cœperunt.

II. REX autem, qui tunc temporis Franciæ præerat Ludouicus, ut credimus secundus, comperiens hostes fores imperii sui inuasisse, primo quidem indignatus commoto exercitu, hostibus occurrendum, & Ducem, & eos à finibus arcere instituit. Sed cum hoc non sine magno detrimento suorum, se agere posse cognosceret, varios enatus belli pertimescens, suorum sanguini parcens, seniorum usus consilio, fœdera pacis, & seruitium, quod ab ipsis, sibi offerrebat, accepit: eisque maximam partem terræ quam peruaserant, in beneficium concessit. Itaque terra illa concessa à pago Pontiniensi, quæ ab orientali parte sui habet, secus mare Anglicum, quod ab Aquilonari parte adiacet, usque in Britanniam: quæ fines eius occidentales claudit, ab occidentali vero, & meridiano cornu, pago Cenomanico terminatur: usque in Carnotensē, & à Carnotensi clauditur Velcastino, & Beluacensi usque Pontinū. Hanc terram sibi determinatam à Rege Francorum Rhododux hereditariæ feudo suscipiens, inter suos, prout conuenire cognoscebat, distribuit: pretiosiora quæque pro suis vñibus reseruans. Quia vero procinctus terræ paucis perstrinximus, de more quoque gentis aliqua dicere vtile videtur.

III. EST quippe gens astutissima, iniuriarum vltrix, spe alias plus lucrandi, patrios agros vilipendens: quæstus, & dominationis auida: cuiuslibet rei simulatrix: intet largitatem, & auaritiam quoddam medium habens. Principes vero delectatione bonæ famæ largissimi: gens adulari sciens: eloquentiis studiis inseruiens: in tantum, ut etiam ipsos pueros quasi rhetores attendas: quæ quidem nisi iugo iustitiæ prematur, effrenatissima est. Laboris, inedia, alioris, ubi fortuna expedit, patiens. Venationi, accipitrum exercitio inseruiens. Equorum, ceterorumque militiæ instrumentorum, & vestium luxuria delectatur. Ex nomine itaque suo, terræ nomen indiderunt. North quippe Anglica lingua, aquilonaris plaga dicitur. Et quia ipsi ab aquilone venerant, terram ipsam etiam Normanniam appellarunt. In cuius quidem prouincia ciuitas est, quæ Constantinum dicitur: in cuius territorio villa est, quæ Altauilla nuncupatur: non quidem tantum pro excellentia alicuius montis, in quo sita sit: sed quoniam, ut credimus, aliquo auspicio ad considerationem prænotantis euentum: & prosperos successus eiusdem villæ futurorum heredum, Dei adiutorio, & sua strenuitate gradatim altioris honoris culmen scandentium. Nam nescimus utrum in præcedentibus partibus, vel certe in postea futuris heredibus, aut etiam in vtrisque diuina prouidentia quod sibi placeret inspicere, heredes ipsos in tantum prouexit, ut sicut Abraham repromissum est, in gentem magnam crescentes, & suum Imperium armis dilatantes, multarum gentium sibi cœlla subdiderint: quod paulatim perstringendo stylo prosequemur.

IV. ERAT miles quidam præclari admodum generis, qui ab antecessoribus suis hereditario iure sibi hæc villam relictam possidens, Tâcredus nomine duxit uxorem moribus, & genere splendidam mulierem: nomine . . . Ex qua legali successione annorum, quinque filios postea futuros Comites suscepit: Guilielmum videlicet cognomine Ferrea brachia, Drogonem,



Hunifredum, Gauftredum, & Serlonem. Horum matre defuncta, cum ipsa ætas adhuc viridis patri continentiam denegaret, honestus inhonestos coitus abhorrens, secundas nuptias celebrauit: malens vna, & legitima esse contentus, quam fœdo concubinarum amplexu maculari: memor illius Apostolici dicti: vnusquisque accipiat vxorem propter fornicationem deuitandam. Et quod sequitur: Fornicatores, & adulteros iudicabit Deus. Ducta vero Fransendis vocabatur: generositate, & moribus priore non inferior: quæ legitimis terminis marito septem peperit filios: non minoris pretii, vel dignitatis, à prædictis fratribus futuros: quorum nomina subtitulamur hic. Primus Robertus Guiscardus: postea totius Apuliæ Princeps, & Calabriæ Dux: vir magni consilii, ingenii, largitatis, & audaciæ. Secundus Malgerius. Tertius Guilielmus, Quartus Alueredus, Quintus Humbertus, Sextus Tancredus, Septimus Rogerius minor: postea Siciliæ debellator, & Comes. Mater vero accuratissime, & materno affectu filios suos nutriens, tanto amore ipsos, qui non sui, sed mariti sui, ex præcedenti vxore erant, amplectebatur, vt vix discernere posses, nisi ex aliqua causa didicisses, quis filius vel quis non filius esset. Vnde & à marito plus amabatur: & à circummanentibus plurimum adpretiabatur. Infantes verò, vt ætas illis ministrabat, pueriles annos transcidentes, cum iam adolescentiam vnus post alium attingissent, cœperunt militaribus disciplinis adhærere: equorum, & armorum studia frequentare: discennes se ipsos tueri: & hostem impugnare.

V. SED cum viderent vicinis senibus deficientibus, heredes eorum pro hereditate inter se altercari, & sortem, quæ vni cesserat, inter plures diuisam singulis minus sufficere, ne simile quid sibi in posterum eueniret, consilium inter se habere cœperunt: sicque communi consilio prima ætas, præ ceteris adhuc minoribus magis roborata, primo patria digressi, per diuersa loca militariter lucrum quærentes, tandem apud Apuliam Italiæ provinciam, Deo se ducente perueniunt.

VI. AUDIENTES itaq; inter duos famosissimos principes, Capuanum videlicet, & Salernitanum, quibusdam controuersis insurgentibus, inimicitias efferbuisse, causa militariter aliquid lucrandi, quia viciniorem, via qua veniebant, viam inuenerunt, Capuano sese obtulerunt: vbi aliquantisper commorati, cum multa strenue, remuneratione accepta, peregrissent, tenacitate Capuani cognita, illo spreto, ad Gaimarii Salerni Principem transiuerunt: à quo decenter suscepti, propter militarem laudem, quæ iam ipsos per vniuersam Apuliam famosissimos effecerat, & maxime quia ab inimicante sibi Principe, ad se transferant, multis donariis ad fidelitatem eius inflammati diuersis, & crebris incurSIONIBUS Capuanos laceffentes, totam provinciam, ac si pestilens calamitas detonaret, adtribuunt circumquaque: & Salernitani passim iniurias Principis vlciscentes, indefessi idē facere adiuerunt: in tantumq; rebellantes antea Principi compescuerunt, vt omnia circumquaque se pacata silerent. Longobardorum vero gens inuidiosissima, & semper quemcunque probum suspectum habens, ipsos apud eundem Principem inimico dente mordente, occulto detrahebant: suggerentes quatenus eos à se repelleret: quod ni faceret, facile futurum, vt gens tantæ astutiæ, tantæ strenuitatis, addentes etiam, ex sui cordis malitia, tantæ perfidiæ, vt Principe exheredato, ipsi sua calliditate, hereditate eius potirentur. Vnde & cor principis eisdem artibus imbutum facile in deterius procliuē peruertunt. Sed Princeps quamuis prauis consiliis suorum assentiens, quod hortabantur facere moliretur, tamen strenuitatem illorum timens, quod animo occulte agebat, minus in propatulo aperire præsumebat.

VII. MANIACVS autem quidam natione Græcus, à Constantinopolitano Imperatore his, quæ apud Calabriam, vel certe Apuliam erant sui iuris, præfectus, Siciliam, ad utilitatem debellandi applicare disponens, vndecumq; sibi auxilia conduxit: vnde & ex parte Imperatoris Salernitano Principi, vt amico imperii mandat, quatenus ipsos, per quos inimicos suos debellauisse fama erat, in auxilium sui imperii mittat: promittens etiā multis præmiis remunerandos. Princeps autē nactus occasionē, qua honeste eos à se dimittat vocat: arcessitos, ad quod hæc rogatus erat, hortatur: præmia, quæ pollicebatur, vt eos ad id facilius impellat, verbis enumerans, etiam de suis pollicetur. Porro illi non tam imperio Principis, quam spe eorum, quæ pollicebantur, illecti, apparatis, quæ necessaria erant, ad Maniacum vsq; perueniunt. De quorum aduentu Maniacus nō minimum gauisus, plurimum eorum auxilio fidens, nauigio aptato, Siciliam numerofo exercitu inuadunt. Primoq; Messanam, quia ripæ applicuit, contiguam oppugnans, deditione fœdus secum inire coegit. Nam quamuis apud Messanam strenuissimi suæ gentis milites essent qui ab vrbe progredientes, in congressu Græcos plurimum collidebant, sed tamen Græcis cedentibus, nostris congregiendi locus patuit. Messanenses, nostrorum strenuitate non-



nondū experta, primo quidē acriter instare cœperunt. At vbi vident se, plus solito vexari, quasi nouæ gentis militiam abhorrentes, terga præbuerunt nostris: vsq; in proximum vrbis, extremos quosque cædentibus. Maniacus nostrorum causa nactus urbem, in pretio eos habere cœpit: donisque, & promissionibus corrigere ad militiam. Inde ergo profundiores partes Siciliæ attentando, & omnia subiugando progredientes, Syracusam vsque peruenerunt. Arcadius quidam, qui vrbi principabatur, nostris infestus, multas strages dabat: quo Guilielmus Tancredi filius, qui Ferreabrachia nuncupatur, plurimum indignatus, impetu facto, super eum irruit: fortiterque congregiens hastili robore deiectū interfecit: vnde & maxima laudis admiratione deinceps apud Græcos & apud Siculos

10 fuit. Siculi itaque vsq; ad sexaginta millia congregati Maniaci o: & suis, in partibus Trainæ vrbis bellum offerre tentant. Porro Guilielmus filius Tancredi laude militiæ ferox, armis strenuus, Græcos ad certamen præueniens, certamine inito, cū suæ gentis tantum militibus cum hoste congregitur: antequam Græci ad locum certaminis perueniant. Fortiter agendo plures strauit: reliquos fugat: victor efficitur. Græci ad locum, quo certatum fuerat, peruenientes, nostris hostes insequentibus, spolia diripiunt: inter se diuidūt nulla portione nostris, qui ab hoste excusserant, reſeruata.

19. Qvov cum nostri, à persequendo hostes redeuntes, cognouissent, iniuriam rati, per Arduinum quendam Italum, qui ex nostris erat, quia Græci sermonis peritiam habebat, Maniacum vtique improuisse, an ex deliberatione industriæ spolia diuiderit, ad rationem ponunt. Porro ille indignatus, quasi potestati suæ contradicere præsumpserint, cum liceat de eisdem spoliis sibi, pro libito suo agere, per spatia castrorum fustibus cædendo, ad ignominiam gentis nostræ conumeliis affici præcepit. Arduinus rediens cū talia nuntiat, nostri graue ferentes, in Græcos insurgere deliberant. Sed Arduinus vix eos cōpescens, vtilius consilium dedit: scilicet vt ira dissimulata, ipse cultioribus vestibus in præsentiam Maniaci procedat: donec illis minus suspicantibus, ipse à notario Maniaci, cuius amicitia fruebatur, chirographum, quo liberius tranſeant Pharum, quouis actu accipiant. Quod cum sic machinatur, Maniacus his, quæ agebantur ignarus, beniuolentiam militis laudare, munera promittere, subsannando tamen cum suis ridere. Vt autem chartulam à notario, quasi aliquod negotium versus Calabriam habens, Arduinus accepit, nostri clam, de nocte Messanam vsque progressi, Pharum impune tranſeunt: sicque

30 versus Apuliam tendentes, Calabriam, & quæcunque Græcorum iuris esse sciebant, vastant percurrentes. Sicq; faciendo vsq; in Apuliam peruenerunt: sed doloſitatem Gaimarii principis cognoscentes, ad ipsum minime tranſierunt: verum prouinciam inuastando sibi eam subiugandi consilium accipiunt.

IX. SED cum sine castro, quo setuerentur, patriæ illius incolæ essent, castrum, quod Melfa dicitur, construxerunt: vbi cum quingenti tantum milites essent, Græci, qui terræ illi principabantur, maxima multitudine ex Calabria, & Apulia sibi coadunata, vsque ad sexaginta millia armatorum, vt eos à finibus suis propellerent, versus illos ire cœperunt: legatoque præmisso mandant, vt quod maluerint eligant: aut certamen in crastino

40 secum habere, aut pace sibi indulta, incolumes à perualis finibus recedere. Legatus vero, qui ad hæc missus fuerat, cum pulcherrimo equo insideret, quidam Normannus Hugo, cognomento Tudexsem, equum manu attrectare cœpit. Vt autem mirabile aliquid de se, sociisque suis, vnde terrerentur, Græcis mandaretur, nudo pugno equum in ceruice percutiens vno ictu, quasi mortuum deiecit. Reliqui vero Normanni profiliantes Græcum, qui cum equo deiectus fuerat, & solo timore læsus, quasi exanimis humi iacebat, erigunt: equum autem vsque ad quoddam præcipitium pertrahentes deiciunt. Porro Græcus, cum vix consolatione Normannorum ad mentem rediisset, meliori equo ab eis accepto, certamen paratum sociis refert. Sed cum quod acciderat, principibus populi sui tantū retulisset, illi admiratione, & metu percussi, verbum inter se comprimebant: ne si forte in propatulo diceretur, exercitus territus refugeret. Mane itaque

50 facto, summo diluculo à Normannis occurritur fortiterque congregientes acerrime vtrimque pugnatur. Intererant huic certamini de filiis Tancredi Guilielmus Ferreabrachia, & Comes Dragon: nec dum quisquam fratrum eos subsecutus fuerat. Isti vero, vt fortissimi milites socios animantes, sed & ipsimet fortiter agentes, multis ex hostibus prostratis, tandem in fugam reliquos dederunt: quos insequentes, & posteriores quosque cædentes victoriam obtinuerunt: multis hostibus in flumine, quod Oliuetum dicitur, dum transnatare cupiunt, submersis.

X. VICTI, nec dum autem defatigati, sed se ipsos inuicem animantes, multo ampliori exercitu congregato, duce Annone, qui ad hoc ab Imperatore Constantinopolitano



missus fuerat, iterum bellum parant. Quibus Normanni bello non segnes, sub Montepiloso occurrentes, fortiter congressi, ostendentes se bellum nolle refugere, sed potius quasi ex delectatione appetere, in congressu Græcis contra ipsos fortiter agentibus, cum iam Normanni fatigari præ nimia cæde cœpissent, Guilielmus quartanæ febris typolaborabat: & præ nimia infirmitate, qua premebatur, certamini interesse non poterat: sed procul iacens exitum rei expectabat: cum videret iam suos minus fortiter agere, & pæne deficere indignatione, & ira, infirmitatis, qua premebatur oblitus, arma corripiens se se, quasi leo furibundus hostibus medium dedit: suosque verbis exhortatoriis recreans, fortiter agendo hostes in fugam vertit: duce Anno, duce exercitus, qui caudatus erat, quasi boue interfecto. Viribus itaque suis diffidentes, & fortunæ minus credentes, castra sua munientes, ultra decertare cum Normannis, nisi muris interpositis, non præsumebant: sed neque ipsi muri contra Normannos tueri poterant. Nam crebris incurfionibus eos lacerantes vineta, & oliueta eorum extirpabant: armenta, & pecora, & cetera, quæ ad usum necessaria sunt, nihil extra castra relinquentes, diripiebant. Sed & ipsa castra, ipsis intra reclusis, exercitu vallantes oppugnabant: machinamentisque, quibus doctissimi artifices erant, ad id officij agendum, necessariis apratis, muros, & turres crebris ictibus impingendo, funditus diruebant. Ruptis muris, aditis patentibus irrumpentes, omnia sibi diripiebant: unde & reliqua circumquaque castra, id sibi inuicem cernentes, ultro se se eorum ditioni subdebant.

XI. IUNIORES vero fratres, quos ætas adhuc domi immorari cogebat, præcedentes seniores fratres apud Apuliam fortiter agendo, altioris culmen honoris, & dominationis ascendisse, fama referente cognoscentes, quam cito ætas permisit, ipsi quoque subsecuti, duobus tantum in patria relictis, ne hereditas, vel competēs stirpe alienaretur. Abeuntes vero remanentibus, ut remanerent, vix persuaserunt: sed in hoc potius præualuerunt: quod heredibus eorum, si se sequerentur, de his, quæ adquisituri erant, se se benefacturos polliciti sunt. Sed per longum est huic operi, per singula perstringendo inferere qualiter apud Apuliam egerunt. Hoc tantum summam non solum nos, sed etiam res ipsa testatur, quod omnem patriam armis domantes sibi subiugauerunt. Subsequente enim se suorum, & parentum, & compatriotarum, sed & reliquarum circum adiacentium regionum spe questus, maxima multitudine, ipsi impigri largitores, quasi fratres suscipientes equis, armis, & vestibus, ac diuersis muneribus ditabant. Quibusdam etiam terrarum loca largissime impertiebantur: omnibus diuitiis huius mundi, auxilia fortium militum præponentes. Quamobrem nihil incepti in cassum illis præteribat. Unde & illud Euangelicum illis prouenit: ubi dicitur: Date: & dabitur vobis. Quanto enim ampliora largiebantur, tanto maiora lucrabantur.

XII. IGITUR seniore fratre Guilielmo videlicet Comite infirmitate præueniente, defuncto, magnus dolor omnes Normannos inuasit. Quippe qui tanti consilii virum, tam armis strenuum, tam sibi munificum, affabilem, morigeratum ulterius se habere diffidebant. Sed exequiis, ex more accuratissime, & cum maximo planctu, non immerito celebratis, secundus frater Drogo totius Apuliæ dominatū suscepit: vir quidem, ut succinte dicamus, per cuncta laudabilis. Hic fratrem suum Hunifredum Abagelardo Comitem, apud castrum, quod Lauel dicitur, virum prudentissimum, consilio Apuleiensem, & Normannorum ordinavit: Robertum vero Guiscardum in Calabria posuit: firmans ei Castrum in valle Cratenfis: loco, qui Seribla dicitur: ad debellandum Consentinis: & eos, qui adhuc in Calabria erant rebelles.

XIII. LONGOBARDI igitur Apuleienses, genus semper perfidissimum, traditione per uniuersam Apuliam silenter ordinata, ut omnes Normanni vna die occiderentur, determinato die, cum Comes Drogo apud Castrum Montis olei, quod corrupte ab incolis Montolium dicitur, moraretur, summo diluculo, ad Ecclesiam, ut sibi mos erat, properans, cum iam Ecclesiam intraret, quidam Ritus nomine, eius Comititis compater, & sacramentis foederatus, post ianuam latens, foedere rupto, ferro eum suscepit: qui cum pluribus suorum, paucis aufugientibus, occisus est. Sed per diuersa Apuliæ loca plures hac traditione occubuerunt. Porro Hunifredus Abagelardo nece fratris turbatus, honorem sibi vindicans castra, quæ frater possederat, insiluit: Normannosque, qui periculum traditionis euaserant, sibi alligans, in vindictam fraternæ necis insurgit: multoque tempore castrum, quo frater suus occisus fuerat, oppugnans, tandem deuicit: fratrisque interemptorem, cum sibi assentientibus, diuersis cruciatibus afficiens, eorum sanguine iram, & dolorem cordis sui aliquantulum extinxit.

XIV. APULIENSES vero nec dum traditionibus exhausti, per occultos legatos IX. Leonem Apostolicum, ut in Apuliam cum exercitu veniat, inuitant: dicentes Apuli-



Apuliani sibi iure competere: & prædecessorum suorum temporibus iuris Ecclesiæ Romanæ fuisse. Se illi auxilium laturos: Normannos imbelles, viribus enerues, numero paucos. Ille, ut affolet, quamvis prudentissimus esset, ambitione captus. Alamanorum exercitu, ab imperatore sibi in adiutorio recepto, confidens in auxilio Longobardorum Apuliam intrat. Comes vero honestius ducens cum honore vitam finire, quam cum dedecore vita comite, suscepto honore priuari, commoto exercitu, audacter hostibus occurrit: ordinataque acie suorum certamen iniens, cum primo congressu fortiter, ut solitus erat, agere cœpisset, Longobardi terri fugam se ipsos tueri nituntur: Alamanis in prælio relictis. Qui cum fortiter dimicarent, nullum refugium, nisi in armis habentes, Normannis vincenibus, pene omnes occubuerunt. Apostolicus fuga vitæ asylum expetens, intra urbem provincie Capitinatæ, quæ Cimitata dicitur, se se profugus recepit. Quem hostes insequentes armato milite obsident: aggeres portant: machinamenta ad urbem capiendam parant: intolas minis terrent: ut Apostolicum reddant. Illi vero semper perfidissimi, nulla pactione ad utilitatem Apostolici, nisi ut se ipsos tuerentur, adquisita, eum per portas eiciunt: quem hostes suscipientes, ob reuerentiam sanctæ Romanæ Ecclesiæ, cum magna deuotione, eius prouoluuntur pedibus: veniam, & benedictionem eius postulantes. Sed & usque ad loca, quo exercitus castra, & tentoria fixerat, cum omni humilitate illi seruire executi sunt. Quorum legitimam beneuolentiam vir Apostolicus gratanter suscipiens, de offensis indulgentiam, & benedictionem contulit: & omnem terram, quam peruaferat, & quam ulterius versus Calabriam, & Siciliam lucrari possent, de S. Petro, hereditariis fendo sibi, & heredibus suis possidendam concessit: circa annos M.LII.

XV. APOSTOLICVM itaque Romam regredientem Comes Hunifredus, quousque sibi placuit, cum honore conduxit. Vbi vero licentiam redeundi concessit, in Apuliam reuersus omnem terram placidam, & sibi obedientem inuenit, quam longo tempore in pace rexit: ut vix in aliquo loco suæ dominationis latro, vel qui suis imperiis contradicere auderet, posset inueniri. Duos itaque fratres suos comites fecit: Malgerium Capitinatæ: Guilielmum vero in Principatu. Sed Malgerius moriens cum omnem Comitatum suum Guilielmo fratri suo reliquisset, Guilielmus Gaufredum fratrem suum diligens sibi concessit.

30 XVI. ROBERTVS vero Guiscardus cum apud Scriblam moraretur, Calabros fortiter impugnans, cum videret suos, propter infirmitatem loci, & aeris diuersitatem languescere, saniores locum expetens, non quidem hostes deuitando, ut timidus retrorsum vadens, longius recessit: sed potius quasi in hostem hians, in viciniorem se conferens, castrum, quod S. Marci dicitur, firmavit. Sed cum firmato castro, quid motus introduceret, non inueniret, abstraxerant enim circum manentes ad proxima castra quæque habebant, ne ab ipsis diriperentur, quodam vespere dapifer, qui omni domui suæ præerat, requisivit ab ipso, quid in crastinū comesturiræt ipse, vel milites sui: dicēs se neque victū, neque pretium ad emendum habere. Quod si pretium haberet, nusquam, ubi cum pace adiri posset, inueniri posse. Guiscardus usque ad sexaginta, quos Sclauos appellant, totius Calabrie gnaros secum habens, quos quasi fratres fidelissimos sibi beneficiis, & muneribus missis effecerat, sciscitatus est ab eis, utrum locum adibilem scirent: quo præda posset capi. Quibus respondentibus se ultra montes, via præruptissima, in profundissimis vallibus, per maximam scire: sed sine magno discrimine extrahi non posse, Robertus tale fertur dedisse responsum. Eia tutissimi vitæ meæ fautores, ita ne patiemini Guiscardum, sed & ne vos fame affici? Causa victus acquirendi, dubia fortuna, usque in periculo vitæ temptanda est. Nam & temptantes sæpe triumphaliter euasisse audiui: neminem vero, qui fame interierit, laudari. Ite inquit nocturni prædones: ebrietas Calabros minus vigilantes esse permittit. Nam & hunc diem celebrem habentes, ex more cōuiuuiis, & potationibus studuerint. Præite: subsequar militibus armatis. Sicque lecto parato, cum iam collocatus esset, 30 de nocte, nullo sciente consurgens vili veste, & scarpis, quibus pro calciariis vtuntur, ad similitudinem abeuntium sese aptans, illis medius adiungitur. Sicque per totam noctem ignotus comes illis factus, nulli eorum verbum effecit. Nam neque excreare volebat, ne forte ita quis esset deprehenderetur. Quia enim eiusdem gentis erant, non ex toto sese credebant illis. Porro ubi ad locum prædæ ventum est, quidquid ibi inuenerunt ante se colligentes, ipse crebris saltibus, & vibrante hastili, ut reditum accelerent, socios hortabatur. Sed antequam illucesceret, ii quibus damnum illatum fuerat, sua ablata perpendentes, cum ducerent, militibus ut prædam excutiant, profecuntur. At Guiscardus insequentes appropere videns, & socios, ne præda priuari patiantur, se se inuicem audacter cohortari audiens, ut audaciores redderet, iam quis esset, aperuit. Guiscardus inquit ad-



sum particeps laboris vestri. Sine me nil periculi patiemini. Forti animo estote: & insur-  
gamus hostibus. Nam Deo fortunam prosperante, facile præualebimus. Hæc dixit: &  
hostibus cum maximo furore occurrens, dum certat, multos perimit: plures capit: reli-  
quos fugat: victor efficitur. Sicq; triumphalibus spoliis acceptis, de peditibus suis equites  
fecit: deniq; iâ securus, captiuos secū deducens, præcedit: paucis, qui prædam post se mi-  
nent, relictis. Milites vero sui, cum iam lux esset orta, eos armatos versus castrū aduenire  
cognoscerēt: hostes suspicati, dominum suū vbi esset, nescientes, per totum castrum cla-  
more requirunt. Non inuenientes turbantur: audacter tamen castrō prosilientes illis,  
quos hostes suspicabantur, occurrere accelerant. Porro Guiscardus equum in quo sede-  
bat, calcariis vrguens, alta voce Guiscardum ingeminando, occurrit: sicq; agnitus ab illis, 10  
de præsentia sua, & de felicitate fortunæ omnes hilares reddit. Redarguitur tamen pluri-  
mum ab ipsis, quod talia præsumpserit: & ne ulterius præsumat, admonetur: ne fortuna  
quæ nunc arripit, post modum si tempretur, in peius cedat. Sic castrum præda, & redem-  
ptione captiuorum ditans, Calabros crebris incurfionibus plurimum laceffuit.

XVII. QVALITER vero Petrum de Turra, qui apud Bisinianum morabatur, accepe-  
rit, silentio prætermittendum non est. Erat quippe idem Petrus ditissimus ciuis Bisinianē-  
sis: sed & consilio, & virtute ceteris pollens, omnibus principabatur. Soliti autem erant  
multotiens conuenire hic, & Rober. Guiscardus: quasi ad placitum, de pluribus contro-  
uersis, quæ inter suos eueniebant. Porro Guiscardus cum sciret eū maxima pecunia ab-  
undare, & præ ceteris castrō dominari, cœpit animo tractare, qualiter per eū & castrō po- 20  
tiri posset: & pecuniam, quam possidebat abstraheret. Quod secum diu reuoluens, tandē  
cōsilio cum suis habito, quadam die, nullo fœdere interposito: extra castrū Bisinianense,  
in campo, in quo colloqui consueuerant, cum venissent, Guiscardus videns maximam  
multitudinē cum Petro venisse, nuntio præmisso mandat: se illi multitudini intermisceri  
nolle: ne forte inter ipsos, tumultus ex aliqua re fieret: sed lōgius promotis vtriusq; partis  
sociis, ipsi duo in mediū collocaturi conuenirent. Prædixerat tamen suis, quid facere dis-  
ponebat: & cum necesse foret, sibi citius auxiliaturi occurrerent. Assentiente itaq; Petro  
his, quæ à Guiscardo mandata sunt, sibi minus prospiciens, sociis à longe dimissis, ipse me-  
dio loco Guiscardo obuianti accelerat. Confidentes ergo, & diu sibi ad inuicem loquen-  
tes, cum iam discessuri assurgerent, Guiscardus enormitate, & mole corporis illius inspe- 30  
cta, viribus suis minus diffidens, erat enim in omnibus præsumptuosissimus, & magna-  
rum rerum audacissimus attentator, Petrum medium corripiciens, collo suppositum ver-  
sus suos asportare cœpit. Accurrentibus itaq; vtriusq; sociis, Bisinianensibus, vt Petrum  
eruerent, Normannis vero, vt dominum suum iuuarent, Guiscardus Petrum eneruiter  
reluctantem interdum portando, interdum volutando, interdum trahendo vsque ad  
suos perduxit. Calabrenses vero de Petro iam desperantes, & pro ipso cum Normannis  
minime certare prænitentes, fugiendo se se in castrum Bisinianense receperunt. Nor-  
manni vero gaudentes quasi de triumpho, vsque ad castrum S. Marci Petrum secum ad-  
ducunt: vbi aliquandiu in captione detentus, pecuniam mirabilem persoluens, se ipsum  
à captione liberauit: sed ciuibus non assentientibus, castrum minime reddere potuit. Ta- 40  
li calliditate, & huic similibus Calabrenses de Guiscardo cōpertis, genus formidolosissi-  
mum, omnes ante eum tremebant: quippe cui neminem assimilari posse armis, & inge-  
nio, sed neque viribus dicebant.

XIX. TANTA itaq; pecunia Guiscardus accepta suos abundanter remunerando, in  
sui fidelitate roborat: Calabrensesque infestiores reddit: quotidiano impetu laceffens Bi-  
sinianenses, & Consentinos, Marturianenses, & his adiacentem provinciam secum fœ-  
dus inire cōegit: tali videlicet pacto, vt castra sua retinentes, seruitium tantummodo, &  
tributum persoluerent: & hoc sacramentis, & obsidibus sponderunt. Hunifredus igitur  
Comes Apuliam gloriosissime, & laudabili pace gubernans, infirmitate præuentus,  
quod dolor est dicere, mortuus est: quod Guiscardus, qui tunc temporis, apud S. Marcum 50  
morabatur, audiens, versus Apuliam magno cum dolore animi accelerat: susceptusque à  
patriæ primatibus, omnium dominus, & Comes in loco fratris efficitur: ordinatisq; rebus  
suis, & tota Apulia sibi in pace conciliata, quod primum animo cōceperat, minime obli-  
uisci potuit: sed iam ampliori imperio dilatatus, & maioribus viribus, militum videlicet  
copia auctus, ad quod cœperat peragendum, iterū intendit. Exercitu itaq; cōmoto, & his,  
quæ ad expeditionē necessaria erant, versus partes Calabriae aciē dirigit: pertransiensq; Cō-  
sentinos fines, & Marturianēses, iuxta calidas aquas, super flumine, quod Nocato dicitur,  
biduo permansit: vt exercitū itineris asperitate fatigatū recrearet: & terrā certius explo-  
raret. Inde pertransiens vsq; ad castrum, quod Scyllatium dicitur, iuxta litus maris iter  
inten-



intendens, Rhegium vsque peruenit: vbi triduo situ loci inspecto, cum videret se ciues vr̄bis, nec minis, nec blandimentis flectere posse, quibusdam negotiis versus Apuliam se reuocantibus reditum parat. Decedenti Leucastrum, & Maia, & Canalda pacem facientes se se dediderunt.

XIX. ROGERIVS vero minor frater, quem adhuc domi iuuenilis ætas, & amor parentum detinuerat, subsecutus in Apuliam venit: de cuius aduentu Guiscardus non minimum gauisus, honore, quo decebat, eum suscepit. Erat enim iuuenis pulcherrimus, proceræ staturæ, eleganti corpore, lingua facundissimus, consilio callidus, in ordinatione agendarum rerum prouidus, omnibus iocundus, & affabilis, viribus fortis, militia ferox: quibus artibus, breui tempore omnem gratiam meruit. Quia vero factiosus erat, & laudis, vt in tali ætate assolet, appetens, factiosos quosque sibi alligans, quæq; habere poterat, libenter, & largissime illis imperiebatur. Porro Guiscardus fratris constantiam, & militarem audaciam certius experiri volens, cum sexaginta tantum militibus plurima millia hostium debellaturus, in Calabriam dirigit: qui audacter pergens, in altiori cacumine montium Vibonensium castrametatus tentoria fixit: vt longe, lateque visus, incolas circumquaq; facilius deterreret. Quod cum compertum fuisset per omnes ciuitates, & castra illius prouinciæ, & totius vallis Salinarum, territi omnes, legatos, qui pacem postulēt, dirigunt: munera plurima dantes fortissima castra eneruiter reddunt: in seruitutem iuramentis, & obsidibus fœderantur.

XX. SIC terra ad suam, & fratris fidelitatem pro libito ordinata, plurimum pecuniæ, quam acceperat, in Apuliam fratri per legatos misit: euentus suos, qualiter egerit, mandās. Ipse vero castrum, quod Incisola dicitur, studiosissime turribus, & propugnaculis firmās, armatis militibus muniuit: omnibus, quæ ad victum necessaria erant, sufficienter introductis. Guiscardus vero pecunia, quæ sibi à fratre directæ est, accepta, & strenuitate eius agnita plurimum gauisus est: eiusque colloquium desiderans, vt ad se venire acceleret, mandat. Ille sex tantummodo milites secum ducens, reliquis ad tuendum castrum, quod fecerat, & prouinciā premendam, ne fraudes præsumerent, relictis, in Apuliam, ad fratrem venit: à quo cum decenter fuisset susceptus, euentus suos alternatim conferentes, mutua colloquutione locuti sunt.

XXI. SICQUE cum moratus est, donec communi consilio paratis his, quæ ad expeditionem necessaria erant, maxima manu equitum, & peditum iuga montium Calabriae transcendentis, versus Rhegiū incedunt. At cū in vallem Salinarū ventū est, Guiscardus audiens Rhegienses omnia circumquaq; quæ ad victum necessaria erant, secum infra urbem clausisse, & nihil relictum, quod exercitui contiguum foret, prouidens ne obsidenda ur̄be famis angustia exercitum propelleret, Rogerium fratrem, cum trecētis militibus, versus castrum, quod Geracium dicitur, in prædam dirigit: summopere admonens, vt quidquid ad victus necessaria rapere posset, apud Rhegium exercitui deferat: ipse recto itinere gradiens, urbem obsidere accelerat.

XXII. ROGERIVS vero studens ad gratiā fratris, & totius exercitus, quod sibi iniunctū erat, peragere, altissimos colles, cum profundissimis vallibus perlustrans, vt fidelis, & studiosus apes onustissimus ad exercitum, cum maxima præda rediit: iamq; pæne deficientes omnes abundantia recreauit. Guiscardus vero videns se versus ciuitatem minus proficere, & exercitum hiemis asperitate turbari, obsessionem soluens, discessionisq; dans licentiam, ipse apud Maiam hiemandi gratia, cum paucis secessit.

XXIII. ROGERIVS itaque cum, quod militibus suis largiretur, minus abundaret, & ipsi sibi in exigendo importuniores essent, a fratre expetit. Ille vero prauorum cōsilio versus, cum ceteris largus esset, illi strictior quam oportebat, esse cœpit. Videbat deniq; propter strenuitatem, quam habebat, militiam iuuentum totius Apuliæ ei potius, quā sibi adherere: vnde, & ne contra se insoleceret, metuebat: & vt paucis contentus secum moraretur, penuria cogere volebat. Porro ille, vt magni animi erat, sciens se à fratre recedens, in Apuliam iuit.

XXIV. QUOD audiens frater suus Guilielmus Comes videlicet totius Principatus legatos mittit: vt ad se veniat inuitat: quæ habet simul accipiat: nihil se excepta vxore, & liberis, ab illo proprium habere velle repromittens. Veniens itaq; honore, quo decebat, susceptus est: aliquandiuque cum ipso moratur. Tandem castrum, quod Scalea dicitur, ab ipso accepit: per quod multas incursiones versus Guiscardum faciens, circumquaque lacerauit. Quod cum Guiscardo relatum fuisset, exercitu moto dictum castrum obsessum vadit. Guiscardus quidem oliueta, & vineta ur̄bi contigua deuastabat. Guilielmus autem milites eius crebris congressibus, & hastili robore militariter deiiciens, numero minue-



bat. Ille vero cernens se versus urbem minus proficere, & numerum suorum diatim magis, ac magis minui, ne maiori damno grauaretur consilio habito à loco recessit.

XXV. NON multo post per internuntios pace, ad tempus, inter ipsos facta, inuitatus à fratre Rogerius cum quadraginta militibus fidis sibi seruitum vadit: vbi quidem plurimum penuriarum passus est: sed latrocinio armigerorum suorum in multis sustentabatur: quod quidem ad eius ignominiam non dicimus: sed ipso ita præcipiente, adhuc viliora, & reprehensibiliora de ipso scripturi sumus: vt pluribus pateſcat, quam laboriose, & cum quanta angustia, à profunda paupertate, ad summum culmen diuitiarum, vel honoris attingerit. Habebat siquidem armigerum quendam Blettia nomine coram, quo nil tuebatur, ad quod furadum intendebat. Hic ipse penuriosus adhuc iuuenis, post modum <sup>10</sup>ditissimus futurus Comes, cū esset cupiens quosdam equos, quos apud Melfam in eiusdem domo viderat, ad hæc persuasit, vt secum vadens, nocturno furto abstractos abduceret.

XXVI. CURRICULO itaque mensium duorum fratris seruitium studiose peragens, cum ab ipso, nil inter se, & omnes suos, causa remunerationis, vno tantum equo excepto, accepisset, quamuis non legerat, tamen quasi naturaliter sciens illud Sallustianum prouerbum: frustra niti, & ad extremum nil, nisi odium fatigando quærere, iam demum extrema dementia est: & quod bene seruienti fortuna necessaria est, sibi vero eam minus fauere, cum fratre plurimum verbis altercatus, fœdere quod inter se, ad tempus habebant, reddito, Scaleam reuersus est: statimq; in eodem vespere, apud castrum, quod Narentium dicitur, milites suos super Guiscardum prædatum mittēs, prouinciam spoliauit. <sup>20</sup>At dum illos, quos prædari miserat, apud Scaleam præstolatur, Bernerquidam à Melfa veniens nuntiat Melfitanos negotiatores à Melfa versus Melfam, haud procul à castro trāsire. Quo audito non minimum gauisus, equum insiliens Gifenualdum, & Carbonariam cum octo tantum militibus mercatoribus occurrit: captosq; Scaleam deduxit: omniaq; quæ secum habebant diripiens, ipsos etiam redimere fecit. Hac pecunia roboratus largus distributor centū sibi milites allegauit: quibus totam Apuliam crebris, & diuersis incursionibus lacerans, Guiscardum in tantum sollicitum reddebat, vt adquirendæ Calabriae oblitus, iam quod adquisierat pæne amitteret.

XXVII. ANNO MLIX. clades permaxima, & flagellum iræ Dei, vt credimus, peccatis exigentibus diuinitus immissum totam Calabriae prouinciam curriculo trium mensium, Martii videlicet, Aprilis, & Maii in tantum attriuit, vt trino morbo mortem sibi imminerent cernentes, cum vnum ad vitæ periculum sufficere posset, vix ad quod vis horum, nedum tria simul furiosissime detonantia pericula se euadere posse existimarent. Nam vna ex parte gladius à Normannis, vix alicui parcens desæniebat. Ex alia vero fames viribus exhaustis per languida æstuabat. Tertia vero pruina mortalitatis horribiliter defluēs, vix intactum percutiens, vt in arenti arundineti laxis habenis furens incendium percurrebat. Pecunias habentes, quid emerent non habentes, atque ipsos liberos ex ingenuitate procreatos vili pretio in seruitium venundantes, dum vbi illud ad victus vtilitatem expenderetur, non inueniebant, ad augmentū doloris sui, amissionem in cassa venditione liberorum, quasi quarta calamitate cruciabantur. Vescantibus carnibus, absque pane <sup>40</sup>comestio, quibusdam vinum non habentibus, vbi aquæ potu condiebatur dysenteriem faciens, multos deliciebat: quosdam autem spleneticos faciebat. Vbi vero vino fortiori imtemperate superfundebatur calor naturalis, eiusdem perniciem lueri cor, quod panis non confirmabat: internis quadam æstuatione concedens debilitari cogebat. Quadragesimæ sanctam obseruantiam, à sanctis, & religiosis patribus catholice contraditam angustia dissoluit in tantū, vt nō solum lactis, vel casei, verum etiā carnis comestione, reliquis temporibus concessæ, etiam ab ipsis, qui alicuius honestatis antea videbantur, violaretur. Sic herbarum virentia olera, quibus pulmentaria fieri solent, terræ sterilitas subtraxerat. Vbi vero inueniebantur, quadam pruina vitiati aëris decocta post obesse, quam prodesse degustata videbantur. Fluvialibus carectis, & quarundam arborum corticibus, cum <sup>50</sup>castaneis, & quercinis, siue ilicinis nucibus, quas glâdes dicimus, porcis subtractis, & molita, post exsiccationem tritis, panes facere, modico milii admixto tentabant. Crudæ radices cum solo sale degustatæ ventris tumorem, cum pallore vultus excitantes vitalia intercludebant. Matres pietate astu ab ipso librorum ore cibum rapere potius, quam administrare, impudenti violentia saragebant. Sic trino flagello vsque ad nouas fruges attriti sunt: sed nouis frugibus superuenientibus fames quidem propulsa est: gladius vero mortalitatis, acutior factus est. Nam corpora famis penuria vacuata, & cibo insueta, quanto abundantiori cibo, contra vsum intemperanter reficiebantur, tanto citius periclitabantur.



XXIIX. CALABRENSES deniq; genus perfidissimum, cum viderent fratribus inter se dissidentibus, se se à nemine suscitari, cœperunt iugum Normannorum à se excutere, & seruitium, quod iurauerant, vel tributum minime persolvere: vnde & simulatione fidelitatis traditione composita, castrum Leucastrum accipientes, sexaginta Normannos qui ad tuendum ibi castrum relictī erant, vna die peremerunt.

XXIX. QVOD cum Guiscardo nuntiatum fuisset, videns se versus in Calabriam perdere, & Apuliam totam turbari, fratrem per legatos accersiens, pacem cum eo fecit: concedens ei medietatem Calabriae à iugo montis Intefoli, montis Scyllatii: quod acquisitum erat: vel vsq; Rhegium essent acquisituri.

XXX. POST hæc Rob. Guiscardus vxorem habens suæ gentis honestam: & præclari generis Alberadam nomine, ex qua habebat filium nomine Marcum, quem alio nomine dicebant BOAMVNDVM, consanguinitate adnumerata, Canonicis sanctionibus contrarius esse nolens, coniugium soluit: filiamq; Gaimari Salernitani Principis Sigelgaytam nomine sibi in matrimonium copulauit.

XXXI. ANNO ab incarnatione Domini MLIX. hanc apud Salernum desponsatam, antequam conuenirent, Rogerio fratri procurandam committens, ipse vt Gisulphum fratrem suum Comitem Principatus in hereditate illius firmauerat, quibus ipsi plurimū infestus erat, dirutum vadit: inde Melfam regressus, sollemnes nuptias celebrauit.

XXXII. QVIBVS expletis, Rogerius Guilielmo fratri, cum gratiarum actione Scalam reddens, rogatus à Guiscardo in Calabriam veni: Castrumq; Melitense à fratre sibi hereditate deliberatum habens, rebelles Calabros circumquaque impugnare cœpit. Quadam vero die cum Oppidum castrum obsideret, Episcopus Cassinianensis, & Giracii Præfopos, quem nos præpositum dicimus, maximo exercitu concitato, castrum, quod S. Martini dicitur, in valle Salinarum oppugnatum vadunt anno Dominicæ incarnationis MLIX. Quod cum rogerio nuntiatum fuisset, ab obfesso recedēs, citato cursu, vbi eos esse audiuit, aduolat. Impetu facto, indeque quasi circumcingens, vix vnum euadere permittit: de quorum spoliis, & equis, & armis omnes suos abundantes fecit. Quam ob rem Calabria, & si non ex toto obediens, tamen à vicinitate eius tremula, minus eum prior irritare præsumebat.

XXXIII. Rob. igitur Guiscardus rogatus à fratre suo Capitinatae Comite Gaufredo vt contra sibi reluctantes auxilium laturus in terra, quæ Gitium dicitur, quam vt suos fines dilaret, debellare cœperat, veniret, in fratris sui Rogerii strenuitate plurimum fidens, vt ad se, secum illuc iturus, quam citissime veniat, inuitat. Ille autem inuitatione suscepta, & necessitate fratris sui cognita, quamuis suis vtilitatibus disponendis occupatus esset, tamen quia sibi semper mos fuit, amicorum vtilitatibus, vt suis subuenire, accuratissime versus fratris auxilium subuenire accelerat: sicq; exercitu commoto, vtriq; in auxilium fratris aciem dirigentes, Guillamatum castrum oppugnantes capiunt: Galterio, qui castro principabatur, in Apuliam captiuū ducentes, oculos effodiunt: ne si oculos habens captione quandoq; liberaretur, fratri iterum molestus fieret. Hic sororē quandam habebat, quæ cū ipso in captione abducta est: quæ etiam tantę pulchritudinis esse testatur, vt si aliquando ad mare balneatum venisset, vel causa experiētē crura in aliquo piscoso flumine deponeret, pisces albedine eius delectati adnatabāt: vt etiam manu capi possent.

XXXIV. TVNC Comes Gaufredus Guillamatum castrum adiutorio fratris adeptus, totam Teacinam prouinciam debellare fortiter cœpit. Robertus vero Guiscardus cum Rogerio fratre in Calabriam secessit: vbi ad vtilitatem suam, & fratris plurima disponēs, & vsq; Rhegium prædatum vadens, Rogerio in Calabria remanente, ipse in Apuliam hiematurus regressus est.

XXXV. HIEME vero transacta, magno desiderio Rhegium adipiscendi ardens, cōmeatu, & reliquis, quæ necessaria erant, magno studio præparatis, plurimoq; exercitu anno Domini incarnationis MLX. congregato, Calabriam venit: fratremq; secum accipiens tempore, quo messes colligi incipiebant: Rhegium præoccupans obsedit. Porro illis, quasi pro vita tuenda se se fortiter defendentibus, vtriq; fratres certatim suos cohortantes, ad oppugnationem castri excitant: vnde cum hostes interdum profiliunt, multa militariter ab ipsis perpetrata sunt. Nam Rogerius ne, alios ad militiam arrigens, ipse refugere diceretur, in omni congressu se se sociis præponens, quendam fortissimum, & enormi corpore virum, exercitui Normannorum multis contumeliis exprobrantem, quem omnes quasi giganteum extollebant, impetu facto, hastili robore deiiciens interfecit. Hoc itaque taliter interfecto, reliqui, qui infra castrum erant, territi, cum viderent machinamenta ad urbem capiendam parata, eamq; vsq; perducī, viribus suis diffidentes, pactione



facta, ut duobus, qui ceteris principari videbantur, cum omnibus suis abire liceret, ceteri omnes, vrbe dedita, ditioni Normannorum se se subdiderunt. Abeuntes vero se se in ca- stro, quod Scillacium dicitur, receperunt.

XXXVI. Igitur Rob. Guiscardus accepta vrbe, diuturni desiderii sui compos effectus cum triumphali gloria Dux efficitur: magnasque gratias cum meritorum recom- pensatione fratri, & reliquo exercitui, quorum auxilio, tanti culmen honoris attigerat, re- ferens, fratrem cum exercitu per vrbes, & castra totius prouincię, ut suo imperio subdan- tur, dirigit: ipse interim a labore se, apud Rhegium recreans. Rogerius vero huius artis non ignarus, sapienter exercitum ducens, breui spatio temporis, nunc minis terrendo, nunc blandimentis mulcendo undecim famosissima castella lucratus est: in tantum, ut iam in tota Calabria nec vnum castrum reluctari pręsumeret: excepto solo Xillano: quod illi tenebant, qui a Rhegio exierant.

XXXVII. Quod Rogerius obsidens, cum videret celeriter non posse capi, exerci- tum vero suum laboris tædio affici, castellum quoddam ante portam firmavit: militibus qui Scillacium sollicitarent, & his, quę militibus necessaria erant, muniens, exercitum ad expeditionem soluit. Porro illi, qui a Rhegio Scillacium ingressi fuerant, cum viderent se nimium ab illis infestari, quos Rogerius in nouo castro posuerat, nec diu ferre posse, de nocte nauem ingressi, Constantinopolim aufugiunt. Scillacenses autem Rogerio arcessi- to, pacem Anno Domini MLX. facientes, castrum dedunt: sicque tota Calabria in conspe- ctu Guiscardi Ducis, & Rogerii fratris sui sedata filuit.

XXXVIII. Sed ne aliquis existimet illos qui in Apuliam cum aliis fratribus non venerunt, minoris valentię a reliquis fratribus fuisse, & ideo in Normannia remansisse, de Serlone pauca dicenda sunt. Hic denique cum in Normannia inter militię laudabilio- res appareretur, a quodam potente iniuriam passus, dum vindicari studet, illum interfici- cit. Unde iram Roberti Comitis, filii Ricardi secundi, patris vero famosissimi Regis An- glorum Guilielmi ferre non valens, in Britanniam declinauit: vbi aliquandiu commora- tus, omnium gratiam strenuitate sua obtinuit: perque legatos pacem a Comite Roberto ex- petens, nec obtinens, multis incursionibus Normanniam lacecessit.

XXXIX. Et cum quodam tempore idem Comes Robertus in confini Francię & Normannię castrum, quod Taulerias dicitur, obsedisset, miles quidam Francigena a ca- stro diatim exiens, & singulare certamen, ab exercitu Normannorum expetens, multos prosternebat. Comes vero damnum suorum timens, omnibus interdixerat, ne aliquis illi ob- uiaret: sic suis excusationem tribuens: ut, cum quod periculosum erat, refugerent, non hoc iam timori, sed principis interdictioni ascriberent. Quod cum Serloni in Britannia, vbi tunc temporis morabatur relatum fuisset, ignominiam populi sui non ferens, duobus tantum armigeris comitatus Taulerias venit: summo diluculo ante portam singulare cer- tamen offerens, de equo hasta innixus expectat. Porro ille, qui alios deicere solitus erat, indignatus, cum maximo furore splendidus in armis, feruēti equo aduolat: quis sit, re qui- rit: ut a loco recedat, vitam tuendo hortatur. Illo nomen reuelante, sed a loco recedere nolente, dum fortiter concreditur, aliorum prostrator forti hastili prosternitur. Serlo plu- ribus vtriusque partis aspicientibus, non tamē quis esset, scientibus victor ad gloriam Nor- mannorum efficitur. Sicque caput abscissum lanceę supponens, per medium suę gentis castrorum, nulli verbum faciens, in Britanniam redire accelerat. Comes ergo legatum mittens, quis nam sit, perscrutari iubet: & ut ad se veniat pręcipit. Sed cum renuntiatum fuisset hunc Serlonem filium Tancredi esse, & a Britania causa imperii a populo suo pro- pellendi venisse, se autem iram principis, quia insensus erat, declinare: & patria, quamuis penuriosum, libenter, donec Principis ira sedetur, dum ipse iusserit, exulare. Comes pie- tate motus, & tato viro ulterius carere nolens, ad se iubet arcessiri. Venienti occurrit: gra- tiam suam indulget: osculo secure reddit: quę habita amiserat, restituit: vxori, cui plures possessiones competeabant, augere inter sibi familiares retinet.

XL. De Tancredo vero tantorum filiorum patre, aliquid memoria dignum dicere nec absurdum est. Tempore quippe iuuentutis suę, militariibus exercitiis deditus, & di- uersarum regionum, & Principum curias perlustrans, multa strenuę laudis audis agen- do, cum ipsa laude & plurima lucratus est. Cum autem esset in familia Comitis Nor- mannorum Ricardi secundi, qui quartus a Rhollo Duce fuit, quadam die idem Prin- ceptis venatum pergens, tali enim exercitio, ut mos est diuitibus, non minimum delecta- batur, aprum mirę enormitatis, quem Singlare dicunt, inuit. Erat autem sibi mos, sicut & pluribus aliis potentibus est, ut venationem, quam ipse moueret, nullus præter ipsum occidere pręsumeret. Porro canibus aprum velocius insequentibus, cum Comes præpaca densi-



densitate, spinosis saltibus tardius insequeretur, canibus infestioribus aper timens à fine lacerari, tupe quadam inuenta, ipsa pro muro à cauda vitur: & dentosum caput, ad letu-  
endum canibus offert. Sicque canibus venatoris auxilio destitutis, cum iam aper de ipsis  
spumante dente multas strages faceret, casu Tancredus superuenit: visaque strage mo-  
lossorum, quamuis morem Principis non ignoraret, tamen succurrendum canibus ac-  
celerat. Aper vero ipso viso, canibus spretis firmo impetu super eum irruit. Sed Tan-  
credus cum esset fortis viribus: audaci ense illum suscipiens, non quidem illum ictu feri-  
endo, sed acuto mucrone per durissimam frontem, usque ad præcordia impingendo,  
capulum fronti adiunxit: nihil ex longissimo ense præter capulum extra corpus apri re-  
manente. Sicque deiecto ense in fronte linquens, ipse ne à Comite hoc fecisse de-  
prehenderetur, longius auulsus est. Comes vero veniens apri mortuum miratus, v-  
trum vulnus aliquod habeat, socios lustrare iubet: deprehensoque ense adhuc in fronte  
defixo, impulsus miratur: cuius ensi sit requirit: ne se huius facti actor celet, ira con-  
donatur. At cum à Tancredo factum deprehensum fuisset, à Comite, & ceteris omni-  
bus plurima laude extollitur: & cum antea in pretio fuerit, maiori deinceps habitus est:  
& dudum postea in curia Comitis decem milites sub se habens seruiuit. Nunc vero quia  
non quidem omnia, quæ memoranda forent, sed pauca, quæ fama didicimus ab ipsis fra-  
tribus in Apulia, vel certe Calabria facta, quamuis rustico stylo exarauimus, ad ea, quæ  
apud incredulam Siciliam gesta sunt, qualiterue diu rebellis subiugata sit, intentionem  
vertamus. Ita tamen, ut cum opportunitas expetierit, illa, quæ postea in Apulia,  
vel Roma, siue Græcia facta sunt, suo in loco obliuione  
non prætereantur.

EXPLICIT LIBER PRIMVS.

## INCIPIUNT CAPITVLA

*Libri Secundi.*

- |  |   |
|--|---|
| I. COMES Rogerius primum Siciliam intrat.  | XIV. Christiani de Valle Deminæ Comiti, & Duci munera offerunt.                                   |
| II. Dux Robertus Rhegium, & totam Calabriam procurandam delegat: ipse in Apuliam vadit.  | XV. Dux, & Comes Centurbiam oppugnant.  |
| III. Becumen Almirdus Siciliæ à suis expulsus apud Rhegium Comitem conuenit.             | XVI. Nostri à planicie Paternionis super fluuium Guedetam castra metati sunt.                     |
| IV. Consilio Becumini Comes Rogerius iterum in Siciliam vadit.                           | XVII. A nostris cum Sarracenis prælium efficitur.   |
| V. Comes Rogerius cum Messanenibus præliatur.  | XVIII. Propter vicinam hiemem expeditio soluitur: & Christiani Trainam dedunt.                    |
| VI. Mare turbatum sedari, Comes Rogerius voto obtinuit.                                  | XIX. Comes Rogerius uxorem ducit.   |
| VII. Quod præda super paganos accepta Deo in sacrificium ingrata non sit.                | XX. Comes ergo nuptiis celebratis in Siciliam vadit.  |
| VIII. Panhormitani ut nostris transire volentibus prohibeant, in Pharum nauigio veniunt. | XXI. Comes à Duce irato animo recedit.  |
| IX. Nostri transitum sibi turbari videntes, adiutorem implorant.                         | XXII. Becumen in Sicilia occiditur.   |
| X. Comes nescientibus hostibus, de nocte transiens Messanam capit.                       | XXIII. Dux fratrem Comitem apud Miletum obsessum vadit.   |
| XI. Sarracenus quidam sororem fugientem deficientem interfecit.                          | XXIV. Comes Geracium traditione capit: & Dux apud Giracium capitur.                               |
| XII. Panhormitani seclusos cognoscentes recedunt: dux liber transit.                     | XXV. A militibus Ducis Comes, ut fratri succurrat, inuitatur.                                     |
| XIII. Dux, & Comes pro libito suo Messanam ordinâtes, Rametâ obsessû vadunt.             | XXVI. Comes Giracium obsidens Ducem à captione liberat.   |
|  | XXVII. Castrum quod Dux apud Melitum firmauerat militibus Comitis fractum. Ducis Tropæam aufugit. |
|  | XXVIII. Dux Comiti Calabriam partit.  |



XXIX. Græci apud Trainam Comiti fraudem machinantur.  
 XXX. Comes à Sarracenis captus seipsum ense liberat.  
 XXXI. Comes in Calabriam vadit.  
 XXXII. Comes cum Arabicis Castri Iohannis præliatur.  
 XXXIII. Bellum Cerami ubi S. Georgius apparuit.  
 XXXIV. Pisani Comitem, ut Panhormum obsessum vadant, inuitant.  
 XXXV. Milites Comitis hostibus territis Toronem, qui postea Gatzonis dictus est, ascendunt.

XXXVI. Nostri à Tarrantis vexantur.  
 XXXVII. Agellum à Duce oppugnatur.  
 XXXVIII. Castrum apud Petrelegium fit.  
 XXXIX. Dux Montem pilosum obsidet.  
 XL. Dux Barum obsidens.  
 XLI. Comes Rogerius cum Sarracenis præliatur.  
 XLII. Columbæ Panhormi suos victos nuntiant.  
 XLIII. Dux auxilio Comitis Rogerii Barum capit.  
 XLIV. Scyllum Duci reconciliatur.  
 XLV. Panhormus capitur.  
 XLVI. Serlo occiditur.

## INCIPIT LIBER SECVNDVS.



**S**I QVÆRITVR quod Calabria, vel Apulia iam ex parte, non autem ex toto quantum ad ea, quæ in eis facta sunt, descriptis apud Siciliam describentes transeamus, iterum quasi digressionem facientes describendo suum locum, quantum ad tempus, quo facta sunt, exigit ut rationis series recto tramite texatur: ut quæ priora facta sunt, præcedant: quæ vero posteriora subsequendo scribantur. Comes enim Rogerius, cum primum Siciliam debellaturus aggressus est, quæ apud Calabriam habebat non deseruit: sed cum opportunitas exigebat, exercitu in Siciliam interim dimisso, ipse ad sua negotia disponenda redibat: multotiens etiam Duci fratri auxilium laturus: vel certe in maioribus, & dubiis rebus consilium daturus, ut strenuus miles, & vir magni consilii, in Apuliam usque transibat.

**I. E**LEGANTISSIMVS igitur iuuenis Comes Calabriae, cum apud Rhegium cum fratre Duce, tota Calabria debellata moraretur, Siciliam incredulam audiens, & breuissimo mari interposito, ex proximo intuens, ut semper dominationis audax erat, ambitione adipiscendi eam captus est: duo sibi proficua deputans: animæ scilicet, & corporis: si terram idolis deditam ad cultum diuinum reuocaret: & fructus, vel redditus terræ, quos gens Deo ingrata sibi usurpauerat, ipse in Dei seruitio dispensaturus, temporaliter possideret. Hæc secum animo reuoluens, eorum, ad quæ animum intendebat, non tardus executor, cum sexaginta tantum militibus, periculossimo, quamuis breui pelago inter Scyllam, & Charybdim naualiter se se committens, Siciliam explorat: & gentis suæ militiam tentatum transmeando vadit. Est portui, quo applicuerunt, populosa ciuitas proxima: quæ à messe vocabulum trahens, eo quod totius regionis messes, quantum Romanis in tributum antiquitus persoluebatur, illuc congregari solebat, Messana vocata est. Huius vrbs ciues, quorum plurima multitudo erat, hostes suos fines peruasisse cognoscentes, plurimum indignati, maxime quod paucos numero videbant, vrbs portas maximo impetu profilientes, ipsos occupatum vadunt. Porro Comes, ut semper astutissimus, & militia callens, primo timore simulato, cum eos longius ab vrbe seduxisset, impetu facto, acerrime super eos irruens, in fugam vertit. Sicque extremos quosque cædendo, usque in portam ciuitatis, longo reditu fugientibus visus odibilis comminator, reduxit. Spoliis itaque, & equis illorum, quos deiecerat, acceptis, naues suas ingressus, Rhegium remeat, ad ducem fratrem suum.

**II. D**UX deinde Robertus cum Comite Rogerio fratre suo in Apuliam hiematurus, regressus est: ubi quia iam aliquantulum temporis transierat, ex quo abinde recesserat, res suas quasi ab acumine obtusas, & minus ordinatas inueniens, tota hieme consilio prudentiæ suæ refortiens, ad integrum reparauit: Apulienfque Principes de nouiter adempto ducatu sibi congaudentes pluribus donans, de expeditione versus Siciliam in proxima futura æstate facienda permonuit.

III. ROGE-



III. ROGERIVS vero Comes Duce relicto in Apulia, Rhegium in prima septimana ante quadragesimam remeavit: ad quem Becumen Admiraldus Siciliæ à Belcamendo quodam principe prælio fugatus, eo quod maritum sororis suæ, honestum suæ gentis iuuenem, vocabulo Benneclerum occiderat, apud Rhegium profugus venit, Comitem versus: impugnationem Siciliæ multis exhortationibus incitans.

IV. DE cuius aduentu Comes, non minimum gaudius, eum honorifice suscepit: cuiusq; consilio, nec dum hieme transacta, hebdomada videlicet proxima ante quadragesimā cū ceterum sexaginta militibus, ipsum Becumen secum ducens, Pharumq; ad Clibana regularum transiens, Siciliam inuadit. Dumq; Becumene, qui ad se transfugerat, ductore, versus Melacium iturus, de nocte, haud longe à ciuitate Messana transiret, obuium habuit quendam Saracenum, militia inter suos nominatissimum fratrem scilicet Bennecleri: pro cuius occasione Becumen à Sicilia eiectus fuerat. Hic nempe cum in præcedenti vespere per sensisset, Comitem armata manu Siciliam intrasse, militia sua plus necessario præsumens, à Messana progressus nocturnus hostis, ut sibi aliquod militare nomen, in damno hostium acquireret, tentatum ibat. Comes vero Rogerius inermis excepto clypeo solo, & ense, quo accinctus erat, armiger namq; cum armis subsequēbatur, socios præcedebat: oculos intentissime circumquaq; ducens. Dumq; illum aduentantem sub pallore Lunæ deprehendisset, per longum ducens ab armigero arma recipere, ne forte, si etiam ille sub vmbra videret, aufugeret, impetu facto, solo ense super eum irruens, vnoq; ictu medium corripuens, secavit: de corpore duabus partibus factis: equumq; & spolia cuiusdam suorum dedit. Inde Melacium, & Rametam vsq; pertransiens, plurimum prædæ accepro, ad tres batus, iuxta Pharum, qui Praroli dicitur, hospitaturus rediit: in crastinum ad vltimas aquas vsq; prodiens prædā, quam acceperat, Rhegium deferenda nauibus.

V. PORRO Messanenses putantes iam, quibusdam naues, ingressis, se illos, quasi semipartitos posse facilius occupare, equitatu, & peditatu omnes vrbe egressi, inuadere vadunt. Verum quia ventus contrarius erat, nullus armatorum naues intrauerat. Comes vero cognoscens eos versus se aduentare, Serlonem nepotem suum, videlicet Serlonis fratris sui filium: cuius superius in fine primi libri mentionem fecimus: ne si fugere, sicut & fecerunt, vellēt, liberius possent, sic præmissum, ipse velocius subsequutus, dum fugere nituntur, ita interceptit, ut vix ex tanta multitudine euaserit.

VI. MESSANENSIBVS suorum vulnera flentibus, Comes penes ciuitatem transiens, in insula S. Hyacinthi, haud longe ab vrbe, hospitatum vadit: summoq; diluculo Messanam quasi viribus exhaustam oppugnare vadit. Sed Messanensibus, quamuis paucis, qui adhuc supererant, cum ipsis mulieribus armatis, turres, & propugnacula, seseque certatim, ut pro vita, defendentibus, Comes, ne Sicilia tali facto excitata super eum irruat, ad tentoria sua rediens, de transitu versus Rhegium tractare coepit. Mare vero turbatum cum periculosum transitum ostentaret, Comes sapienti vsus consilio, totam prædā, quam ceperat, S. Andronio, ad Ecclesiam suam reedificandam iuxta Rhegium, dandam proposuerat. Destructa quippe erat nouiter. Sicque meritis eiusdem sancti, ut credimus, aura prospere flante, mare sedatum sese transmeabile præbens, impune transire permisit.

VII. NE videatur hoc factum, quod prædā Deo obtulerunt, contrarium Canonis sanctionibus, propter illud, quod dicitur, qui immolat victimam ex rapina, vel ex substantia pauperis, quasi qui victimat filium in conspectu patris: cum hoc potissimum accipiendum sit dictum de substantia pauperis Christi: de quibus & alibi dictum est, Beati pauperes spiritu: quoniam ipsorum est regnum cælorum, non esse scimus: qui Deum nec ore, nec corpore confitetur. Sed quod aufertur, Deo offerre, haud absurdum videtur: nam acceptis ingrati vtuntur: à quibus ipse largitor non cognoscitur.

VIII. COMES igitur Rogerius toto mense Martio, & Aprili per Calabriam utilitates prudenter ordinans nauibus, & reliquis necessariis com meatibus expeditionem iterum versus Siciliam certatim parat. Maio itaq; intrante Dux ab Apulia cum maximo equitatu Rhegium veniens, etiam naualem exercitum per mare venire fecit. Belcamuer vero Admiraldus Siciliæ audiens expeditionem versus Siciliam apparari, naues, quas Cattos appellant, quæ hostium transitum impediunt, à Panhormo in Pharum mittens, per aliquot dies hostes transire impediunt. Nam quamuis noster naualis exercitus plurimus esset, eorum tamen amplior, & fortioribus nauibus erat. Nostri deniq; tantummodo abundantior Germundos, & Galeas, Sicilienses vero Cattos, & Golafros, & Dormundos, sed & diuersæ fabricæ naues habebant.

IX. DVX ita sibi transitum turbati videns, cū fratre Comite, & sapientibus accepto



confilio, diuinum inuitat auxilium. Exercitui, vt sacerdotibus confiteantur, & pœnitentia accepta omnes communicent, indicit. Ipse cum fratre, si terra diuino auxilio illis tribuatur, se se deinceps Deo deuotiores futuros, voto promittunt: certa fide in mente retinentes quod scriptum est: In omnibus negotiis tuis Deum adiutorem tibi assume: & habebis prosperos effectus: & Quia non est consilium contra dominum: & quod nulla proficiendi difficultas est, vbi spiritus sanctus cooperatur adest: in omnibus quæ facere disponebant, Deum ordinatorem, fortiozem gubernatorem lachrymabili compunctione cordis implorant.

X. COMES itaque Rogerius videns hostes, ex altera ripa contra suum exercitum adiacere, & nusquam promoueri, ad callida argumenta, vt solitus erat, ac si legisset, Quid 10 adiacere, & nusquam promoueri, ad callida argumenta, vt solitus erat, ac si legisset, Quid refert, armis contingat palma, dolisve, conuertitur: consiliumq; Duci dedit, vt ibidem cum exercitu remanens se se hostibus ostentaret: ipse interim cū centū, & quinquaginta militibus Rhegiū vsq; progrediens, nauibusq; sibi abinde, sub nocturna vmbra, contraduētis, mare, nescientibus hostibus trāsiens, Sicilia inuaderet. Duce vero timore amittendi fratrem, hoc negante, & dicente se nil per fratris mortē lucrari velle, sed potius fratris vitam omni lucro pponere, Rhegiū pmissis nauibus ipse Comes cū trecētis militibus subsecutus vt semper militia psumptuosus, & magnarum rerum attentator, mare incautus hostibus impune trāsiens, ad locum, qui communiter Monasterium dicitur, applicuit: nauibusq; remittens, ne forte aliquis suorum ad illas refugeret, Messanam oppugnatum va- 20 dit: quam inermem inueniens, nam iam dudum defensores eius peremerat, vrbe capta, turres: & propugnacula eius diruit. quos inuenerunt interfectis, quibusdam vero ad Panhormitanas naues trāsfugientibus: anno ab incarnatione Domini millesimo sexagesimo.

XI. INTER quos & quidam iuuenis, de nobilioribus Messanæ vrbis ciuibus sororem habens pulcherrimam, dum fugiens secum adducere nititur puella, vt tenuis virguncula, & debilis naturæ, laboris experts, timore, & insolito cursu deficere cœpit. Frater ad fugam dulcissime verbis excitans, dum minime proficit, viribus exhaustam videns, ne inter Normannos remanens, ab aliquo eorum corrumpetur, gladio appetens interficit. Et quamuis præ dulcedine, langoris sororis lachrymis perfunderetur, vnica enim erat, maluit sororis interemptor fieri, & mortuam flere, quam soror legis suæ præuaricatrix fieret: & ab aliquo lege sua non contento stupraretur. 30

XII. PORRO Panhormitani vrbe capta, se delusos ab hostibus cognoscentes, timētes ne forte tū mare turbatū, si illic diutius morarentur, eos ad terram cogeret, & ab hostibus opprimerentur, confusi, vela vnde venerant, direxerunt. Ipsi vero vrbis capte clauus Comes Rogerius ad Ducem transmisit: mandans ei, quatenus secure nauigando acceleret ad se. Sicq; mari hostibus purgato, patenti absq; periculo transitu, Dux cum omni exercitu placito cursu transmeans, Messanam venit: fratremq; sanum inueniens, non minimum congauisi sunt.

XIII. REBUS itaq; suis per octo dies sapienter dispositis, & vrbe pro velle suo firmata custodibus diuersis, equestri exercitu apud Messanam relicto, versus Rametam v- 40 triq; fratres intendunt. Rametenses autem dudum cognito, in parua manu hostium eorundem, maximam multitudinem Messanensium bellatorum occubuisse, ne quid simile sibi accidat, aduenientibus hostibus, obuiam terri legatos, qui pacem postulent, mittunt: urbemq;, & se ipsos ditioni dantes, libris superstitionis legis suæ coram positis, iuramento fidelitatis firman. 50

XIV. INDE de prospero euentu, cum maxima lætitia recedentes, & debilitate gentis cognita, audaciores sub Scabatri poli hospitium sumunt. Inde in crastinum ad Fraxinos perueniunt: ab Fraxinis ad Maniaci pratum. Hic Christiani in valle Demina manentes, sub Sarracenis tributarii erant. De Christianorum aduentu gauisi illis occurrerunt: multa; exxenia, & donaria obtulerunt. Hoc excusationis contra Sarracenos assumentes: non quod causa amoris, sed vt se ipsos, & quæ sua erant, tuerentur, hoc facerent: fidelitatem 50 vero suam illis inuiolabilem se seruatuos. Fratres vero utiq; eos, cum maxima dulcedine suscipientes, multa beneficia se illis collatuos: si terra à Deo sibi concedatur, promittunt. Sic in pace dimissis, ipsi Centurbium vsq; pertendunt.

XV. SED Centurbientes quamuis strenuitatem eorum non ignorarent, mori non abhorrentes, cum nullo modo seruire volunt, in defensione vrbis, & sua, propugnacula armant. Nostri vero fortiter oppugnantes ciuitatem, cum viderent suos à fundibulariis, & sagittariis vexari, & sine detrimento suorum, versus urbē nil se posse plicere, ab oppugnatione desistunt: maxime cum in proximo sibi à Sarracenis bellū imminere audiebant: cōtra quos suos, ne vexarentur, vel numero diminuere, reseruabant.

XVI. SIC



XVI. Sic Centurbio relicto, in planicie Paternionis castrametati, tentoria figunt. Vifq; planicie spatiosa, aptum locum ad præliandum iudicantes, per octo dies illuc morati sunt: volentes, vt à Sarracenis inibi sibi prælium dispositum offerretur. Sed cum à speculatoribus Becuminis Sarraceni, qui apud Rhegium ad Comitem transfugerat, & illos fidus comes, & ductor comitabatur, didicissent bellum nec dum in promptu haberi, interius progredientes, apud S. Felicem, iuxta cryptas subterraneas hospitati sunt: quas oppugnantes maxima ex parte ceperunt: pluribus ex inhabitantibus interemptis. Inde progressi ad molendina, ante Castrum Iohannis, in ripa fluminis quod lingua eorum Guedeta dicitur, quod Latine resolutum fluminis paludis interpretatur, castra metati sunt.

XVII. BECHAMET igitur numerosa Africanorum multitudine, & Siciliensium coadunata, bellum, quod diu disposuerat, hostibus offert: anno ab incarnatione Domini millesimo sexagesimo primo. Porro Dux exercitum semipartiens, erant enim tantummodo septingenti, & ex ipsis duas acies ordinans, vnam fratri, vt priori: sicuti sibi moris erat, vt hostem feriat, delegat: ipse cum altera suos alacriter verbis exhortando, subsequi non tardat. Similiter Bechamet, cum quindecim millia armatorum haberet, tres acies instituit: cum quibus primo quidem audacissime hostibus occurrens, certamen iniit. Porro nostri in primo, ex more, congressu fortiter agendo, plurimos sternentes, reliquos in fugam vertunt: quos cædendo, versus Castrum Iohannis persequentes, vsque ad decem millia occiderunt. Sicq; victoriam adepti, spoliis quidam sunt ditati in tantum, vt qui equum vnum in prælio perdidit, pro vno decem recipiens, consimili lucro, ad similem exercitum accedere non dubitaret. In crastino enim propius castrum progredientes, ad lacum, qui est inter Castrum Iohannis, & Irancuum sola nocte hospitati, die sequenti, in monte qui Calataxibet dicitur, tentoria figunt. Sed quia mons strictior erat, & minus ad hospitandum exercitui sufficiens, ad planiciem Fontium transierunt. Comes vero Rogerius quietis impatiens, & laboris assiduus, trecentos iuuenes secum ducens, vsque Grigentum prædatum, & terram inspectum vadit: totam provinciam, incendio concremando devastans. Cum redit spoliis, & præda totum exercitum abundanter repleuit. Per mensem itaq; ibi perdurantes, totam provinciam diuersis incursionibus lacerantes, afflixerunt: sed castrum Iohannis minime præualuerunt. In ipso anno Dux castrum Marci fecit.

XVIII. HIEMEM itaq; vicinam prævidentes expeditionem solvunt: Becuminem vero in sua fidelitate apud Catanam, sui enim iuris, dimittentes, qui Siciliam interim laceſſat, ipsi Messanam, militibus, qui eam custodiant, & his, quæ militibus necessaria forerunt munientes, Pharo transmeato, Dux quidem in Apuliam hiemædi gratia, secessit: Comes vero in Calabria remanet. Media vero hieme, intra natale Domini, cum ducentis quinquaginta militibus iterum mare transiens, vsque ad Grigentinam urbem totam patriam sollicitans, prædatum vadit. Christiani vero provinciarum sibi cum maxima læticia occurrentes, in multis obsecuti sunt: Inde Trainam adueniens, à Christianis ciuibus, qui eam incolabant, cum gaudio susceptus urbem intrat: pro velleg; suo ordinans, ibidem natale Domini celebrant.

XIX. Sic legatus quidam à Calabria veniens nuntiavit Abbatem Robertum S. Euphemie a Normannia à Delicia sorore sua, nepti Normannorum Comitum ad nita mandare sibi, vt acceleret versus nuptias celebrandas. Quod Comes audiens, multum exhilaratus erat. Deniq; ex multo tempore eam cupiens, speciosa quippe, & præclari generis erat, quanto celerius potuit, versus Calabriam repedans, diu cupitam puellam visum ne accelerat. Veniensq; in vallem Salinarum, apud S. Martinum puellam legitime desponsatam Melitum cum maximo musicorum cœctu deducens, illuc sollenes nuptias celebrauit.

XX. QUIBUS consummatis, aliquandiu cum vxore commoratus, quo animum intenderat, obliuisci minime potuit: sed exercitu apparato, Rogerium armigerum secum ex parte ducens, iuuenula in Calabria dimissa, iterum Siciliam inuadit: nullis persuasionebus lachrymantis vxoris detentus. A Catana itaq; Becumine Sarraceno per legatum arcessito, secum ducens Petrelegium obsessum vadit. Porro ciues ex parte Christiani, & ex parte Sarraceni, consilio inuicem habito, pacem cum Comite facientes, castrum, se seq; ditioni suæ dederunt. Comes vero castrum pro libito suo firmans, militibus, & stipendiariis muniens Trainam venit: quam similiter muniens, Becuminem, vt Siciliam laceſſitum, & ad suam vtilitatem applicatum vadat, exhortatus, in Calabria, se desideranti, & de salute ipsius sollicitæ vxori se se repræsentans, de aduentu suo non minimè lætificauit.

XXI. CASTRUM itaq; nullum in sua, à fratre potestate, excepto solo Melito, habens, à fratre, vt quod sibi promiserat, quando ab Scalea ab ipso inuitatus ad inuicem reconciliati sunt, medietatē videlicet totius Calabriae impertiatur, maxime quia iuuenula



uxorem exinde, ut pote puellam, tam præclaris ortam natalibus, decenter dotare volebat, requirit. Dux autem quamvis pecunia largus, in distributione quidem terrarum aliquantulum parcior erat: fratremque per ambages differendo protrahebat. Porro Comes fratris calliditatem animum aduertens, ne diutius fallaciis passi sustinens, per meliores totius Apuliæ ad rationem ponit, quod sibi promissum fuerat expetens: atque nec ita proficit: fœdereque inter se rupto, irato animo à fratre recedit: Militumque veniens castrum viriliter firmavit: optimosque milites vndecumque sibi, in fratris damnum ducens. Sed quāvis erga se fratrem suum agere patulum esset, legalitatem tamē suam seruans, per quadraginta dies à fratris iniuria abstinuit: ne si forte infra hunc terminum erga se respiceret, ipse, qui de iniuria conquerebatur, potius iniurius haberi vindicaretur: malens huius dissensionis iniuriosam culpam in fratrem potius, quam in se retorqueri.

XXII. BECVMEN vero per Siciliam vadens, sicuti à Comitē rogatus, quosque poterat, ad fidelitatem nostræ gentis applicat: quibus vero minus persuadere poterat, ipsos impugnationibus vexare non desisteat. At cum versus castrum Antulium, quod quondam suum fuerat, debellandum properaret, Nichel quidam potentior, castri quondam eiusdem Becuminis miles, in dolo verba pacifica mandans: ut cum paucis à suis semotus, Antulienibus, quasi reconciliari volentibus, loco determinato locutum veniat, mandat. Ille vero, quia iam plurima beneficia illis iam dudum, cum secum bene erant, contulerat, minus fraudem suspicatus, quo, & qualiter sibi mandabatur, venire non distulit. Antulienenses itaque consilium venenoso corde Duce Nichele conceptum reperientes, equum eius primitus spiculo transfigunt: ne fessor, ut sibi primo vulnus datum foret, fraude intercepta, equo sano liberius cum vulnere aufugeret. Sicque equo deiecto ipsum etiam in terra confodientes, cum sanguine vltimum vitæ flatum exhalare fecerunt. Quod audientes Normanni, qui apud Trainam, & Petrelaiam ad castra, à Comite deputati erant, maxime turbati, eius enim nomine præsidia quam maxime tuebantur, castris relictis, Messanam, ad tuendum vadunt.

XXIII. DVX vero fratrem à se recessisse iratus, exercitum congregato, cum apud Melitum obsessum vadit: anno incarnationis Dñi MLXII. Comes autem, quamvis tunc temporis typo febrium grauaretur, apud Geracium enim quibusdam negotiis se illuc vocantibus erat, ubi insolito aëre corrupto, ipse nihilominus infirmatus, quosdam suorum amiserat, tamen fratri, ut hosti venienti, in monte, qui S. Angeli dicitur, acerrime occurrit: multisque ex fraterna acie hastili robore, militari congressu deiectis, ne in ipso monte, vel certe in adiacenti, qui Mons viridis dicitur, castrum, sicut disposuerant, figant, imperu facto longius arcet. Vrbe itaque obsessa, ex utraque parte ambitio laudis, & iuuenilis ætas plures ad militiam exercendam impellebat: vnde cum plures militariter progrediuntur, iuuenis quidam Arnaldus nomine, ex parte Comitum, gener quippe suus, & frater iuuenulæ uxoris erat, vir militaribus exercitiis aptus, dum deiicere tentat, deiectus, quod dolor est dicere, occubuit. Vnde per maximus dolor, & planctus non solum his, quibus adiutor erat, verum tamen his, qui à foris impugnabant, excreuit. Ac dum soror cum multa lamentatione exequias celebrans, funus, ut decebat, exequitur; Comes, qui cum multa lamentatione exequias celebrans, funus, ut decebat, exequitur; Comes, qui non minus sorore dolebat, in vindictam exardescens iuuenis, congressu in hostem, facto, multos militariter sternens interimit. Dux itaque videns talibus congressionibus suos quotidie vexari, & minus proficere, duo castella ante urbem firmavit: putans tædio, & fame sic eos facilius posse affici. Comes vero ipsa castella quotidie laceffens, cum Ducem in vno esse sciebat, alterum oppugnabat: cum vero ad id succurrendum venire videbat, illo relicto per medium ciuitatis ad aliud transibat: sic assidue certamen localiter alternans.

XXIV. NOCTE vero quadam Melitum cum centum militibus exiens Geracium venit: urbemque sibi ab incolis traditam ingressus, in suos usus aptauit. Quod Dux audiens, maxima ira repletus, castella, quæ ante Melitum firmauerat, militibus muniens, cum toto exercitu versus Geracium, extra urbem tentoria fixit. Geracenses quidem sibi iam dudum fidelitatem iurauerant: non tamen urbem, ut pro libitu suo vteretur, reddiderunt: ne si forte castellum in ipsa firmaret, pro velle suo omnes prorsus subiugatos haberet. Dux vero quendam de potentioribus vrbis notum habens, nomine Basilium, ab ipso ad prandium inuitatus, capucio capite cooperto, ne forte quis esset, perciperetur, urbem ingressus, ad palatium illius solus comestum vadit. Quo ingresso, dum nil mali suspicans, nec dum cibo parato, colloquiis Melitæ uxoris illius, qui se inuitauerat, vteretur, vrbicenses per quendam famulum domus, Ducem infra urbem esse cognoscentes, traditionem suspicati, non minimum turbantur. Vndique concurrentibus tota vrbs



vrbs tumultuatur: omnesq; in arma ruentes, ad domū in qua erat, cū furenti impetu illum extrahere vadunt. Ille vero, qui Ducē inuitauerat, impietatem cōciuium suorum cognoscens, & viribus ad resistendum diffidens, dum versus Ecclesiam profugus, vitam tueri nititur, patrio ense confossus occubuit. Vxor quoque eius, cum tanta impietate à suis ciuibus attractata est, vt stipite, ab ipso ano, vsque ad præcordia transfixa inhonesta morte vitam terminare cogeretur. Quo viso si Dux de vita desperauit, mirandum non est: præsertim cum videbat ciuem, à ciuibus, amicum, ab amicis, prælatos, à subditis absque recordatione alicuius præcedentis beneficii, cum tanto furore, crudeli ense perimi. Stat inter furentium hostium minantia tela miles inermis: quondam multorum millium hostium debellator: leoninam ferocitatem, quæ sibi quali quodammodo innata erat, in agninam transferens mansuetudinem. At cum videret sapientiores quosque ita qui exitum rei prænotabant, ad hoc inniti, vt inordinatum furorem indoctioris vulgi, & minus prospicientis quid damni, quid velucris, si occideretur, proueniret, animo aliquantulum resumpto, talibus eos verbis alloqui adorsus est. Nolite inquit, nolite superabundantiori læritia fallaciter extolli: ne rotalis fortuna vobis ad præsens arridens, mihi autem aduersa, arrisione sua vobis indicium prænotet, in futurum habendæ aduersitatis: cum nulla potestas absque diuina dispositione nemini attribuat. Quo iudicio in me potestatem habeatis, apud vos ipsos reputando conferte. Nec enim vestris viribus præsens esse perductus sum: sed neq; ego, vt vobis aliquid mali machinaretur, ingressus sum. Vos quidē mihi fidelitatem fecistis: ego vero q; pactum vobis promisi, in nullo me violasse cognosco. Sed forte istud vobis ad vtilitatem vestram, aut experientiam contigit: vt vestra fidelitas, cuius stabilitatis sit, à nobiscognitavos nobisgratiosiores, & præmio digniores præsentet. Tot millibus hominum vni soli casualiter, nō autē militariter circūueniendo, intercepto federe, mentito, & absque dissensione vitam auferre, nulla laus est. Sed neque vt reor, quantum de me vobis aliquid proficuum. Mors enim mea iugum gentis meæ non auferret, sed in vindictam meam vobis infestiores exardescerent. Sunt denique mihi fidelissimi milites, sunt fratres, sunt consanguinei: quibus, si periurando, vos manus vestras meo sanguine pollueritis, nulla ratio reconciliare poterit: sed & ubicumq; terrarum hoc à vobis factum personuerit, opprobrium sempiternum, propter periuria, cum omni successione generis vestri incurreris: præsertim si sine discussione, aliquod præiudicium perpessus fuero à vobis. Talibus verbis, fauentibus sibi sapientioribus vrbs, ignobile vulgus tumultu sedato, Ducem in catione, donec quid de ipso faciendū sit, consiliū capiūt, ponūt.

XXV. EXERCITVS itaque Ducis, qui extra portam tentoria fixerat, audito Ducem tali infortunio in cationem detrusum, vndique turbati, dum quid faciendum sit, dubitantes inter se disputant, tandem meliori consilio accepto, per legatos Comiti rei euentum intimare accelerant. Sciebant quippe legalitatem animi eius: & quamuis contentionem suam, expetendo versus fratrem aliquam controuersiam, ostenderet, tamen in consideratione consanguinitatis, fratrem suum, vt fratrem diligere: & fraternam vitam in tanto discrimine positam ereptum ite omni sibi illata iniuria oblita, quouis lucro præponere, inuitabit fratrem, vt fratri in angustias posito, auxiliū ferendo subueniat: de controuersia, q; inter ipsos erat, Duce erepto, ius teneatur: se se auxiliū illaturos pmitūt.

XXVI. COMES itaque sinistro rumore de fratris infortunio turbatus, fraterni sanguinis affectu, totus lachrymis perfusus, suos supplex exorat, vt fratrem ereptum secum accelerent. Sicque arma corripens Geracium citissimus aduolat: vrbicenses, vt sibi extramuros, federe interposito securi locutum veniant, inuitat: quos & ita alloquitur. Eia, inquit, amici, & fideles mei, inimicari, & germanum me obsessum venientem cognouistis captum, & mea fidelitate teneris gratissimum habeo. Et quia versus me in tantum vestra fidelitas progressa est, vestro consilio, non autem vestris vel manibus, vel armis de ipso vlcisci volo. In tantum enim me ad iram prouocauit, vt nullo modo mihi sufficiat, si aliterius armis, quam meis intereat: quod ne vestra fidelitas, quasi mihi gratum obsequium se præstare predens faciat, omnimode sibi interdictum sciat. Accelerare igitur inimicū meū mihi reddendo. Sufficiet, vt de suppliciis eius primo sciatis. Vestro cōsilio satiat, faciā cū tormētis vitā finire. Nulla in reddēdo dilatio sit: nā nulla vtilitas me auellet ab obfessione huius vrbs, donec vlciscar mihi ab ipso illatis iniuriis. Ecce omnis exercitus suus iniurias eius vltra non ferens, ipso spreto, in meā fidelitatem transiens, me ducem elegerunt. Ecce, vel modicum terræ sub ipso habere, indignus iudicabar: eo perempto, omnia, quæ iuris sui hactenus fuerunt, fortuna fauente suscipiam. Non sum, quem per ambages protrahere possis: si diutius differre tentatis, ecce ad præsens vineta, & oliueta vestra extirpabuntur. Vrbe vestra à nobis obfessa, machinamentis apparatus, nulla contra nos præ-



fidia tuebuntur. Vos si inuiti capiamini, pœnz quæ hosti repromittuntur, & vobis, in ipso repromittentur. Hac oratione habita Geracenses territi, licentia accepta in urbem, con-  
tribus suis relaturi, & consilium pariter accepturi vadunt. Sicq; consilio accepto, dubii  
vtrum ne ea, quæ à Comite audierant, ex industria, vt fratrem eripiat, aut certe ex vero  
odio dicerentur, iuramentum à Duce expetunt, ne si ab ipsis dimissus, fraternas minas e-  
uadat, dum sibi vna comes fuerit, castellum aliquod infra ciuitatem suam firmare faciat.  
Quo sacramento minus discernentes calliditatem Ducis, decepti sunt: nam quod Dux  
se non structurum iurauit, Comes non iurans, non multo post illis dolentibus perfecit.  
Sacramento itaque accepto, Ducem extra urbem adducen-tes, multis Normannorum  
præ gaudio flentibus reddunt: se se deinceps fideles vtrique futuros multis assertionibus  
promittunt.

XXVII. Dux igitur, & Comes se se mutuo conspicientes, vt quodam Ioseph Benia-  
min iuuiso, præ dulcedine in aspero, in prosperum cedentis fortunæ in lachrymas pro-  
rumpentes, mutuis amplexibus fruuntur. Dux Comiti, quæ promiserat, se amodo non  
retenturum promittit. Comes Ducem vsq; S. Martinum profecutus, inde Melitum va-  
dit. Milites vero Comitis, qui apud Melitum erant, audito, Ducem in captione detineri,  
castella eius, quæ ante Melitum firmauerat, oppugnantes capiunt: milites, quos inuene-  
rant, in captione retinentes, suis militibus castellum, quod apud S. Angelum firmauerat,  
muniunt: aliud vero, quod forte videbatur, diruunt. Vxor vero viduationem suspicata  
Tropeam aufugit.

XXVIII. Dux itaque hoc audiens, maleficii, quam beneficii memor, maxima indi-  
gnatione permotus conueni-entem, quam fratri promiserat, exequi denegat: donec sibi,  
& castellum S. Angeli, & milites, qui in captione tenebantur, restituantur: & de illa in-  
iuria ius teneatur. Porro Comes fratri Duci omnem occasionem, eius velle exequendo  
auferre volens, milites reddit: castellum, & quæ in ipso retenta sunt, restituit. Sed cum  
nec sic animum fratris, vt sibi ius teneat, moliri videt, traditione in habitantium, castrum  
Messinum ingressus, Duci inimicitias mandat. Dux itaque videns castra, quæ ante Me-  
litum in ipsa prouincia habebat, sibi ablata, sciens totam Calabriam per illud facile posse  
turbari, in valle Gratenfi, fratri sibi conueni-entem executo Calabriam partiuit: sicque  
in Apuliam vadit. Comes vero in Calabriam, portionem suam recepturus redit. At cum  
videret suos, propter seditionem, quæ inter se, & fratrem hætenus fuerat, equis, vestibus,  
& armis minus sufficientes per totam Calabriam, post quidem eis tributa expetitum va-  
dit: veniensque Geracium, quia eos, quasi infideliores, ceteris exosiores, habebat, vt plus  
ab ipsis extorqueat, castellum extra urbem, procul se se figit. Geracensibus vero iuramen-  
tum sibi à Duce factum obicientibus: Comes respondit, Cum medietas Geracii mea sit,  
Dux in sua parte iuramenti sui ordinem, ne violetur, seruare poterit: me vero, qui in mea  
parte quodlibet faciam, nec votû, nec promissio aliqua redarguit. Geracenses ergo cogno-  
scentes se callide à Duce iuramento delusos, insipientiæ suæ deputarunt. Pacto cum Co-  
mite facto, à castello, quod fœdere cœperat, pecunia, potiusquam armis illum auertunt.

XXIX. Comes vero suos abundanter armis, & equis, ceterisq; quæ necessaria erant,  
remunerans, & terram, quæ sibi sorte cesserat, fidelibus suis prudenter ordinans, iterum  
Siciliam cum trecentis debellaturus aggreditur: vxorem iuuenulam, quamuis audiebat  
renitentem secum ducens. Veniens itaq; apud Trainam, à Christianis Græcis, qui eum  
iam altera vice susceperant iterum, & si non cum tanta, vt prius, tamen alacritate susci-  
pitur: urbemque, quamuis natura montis, in quo sita est, satis defensabilis foret, ad votû  
suum aptando, fortio-rem reddens, vxore ibi cum paucis dimissa, circumquaque vicina  
castra lacescitum vadit. Græci vero, semper genus perfidissimum hoc solo offensi, quod  
milites Comitis in domibus suis hospitabantur, de vxoribus, & filiabus timentes, quadâ  
die, cum Comes apud Nicolinum oppugnandi gratia moraretur, videntes paucos cum  
Comitissa remansisse suspicati se in eodem facile præualere, vt eos ab urbe expellendo,  
vel certe occidendo, iugum eorum à se excutiât, oppugnare cœperunt. Sed nostri, quam-  
uis pauci, animo tamen, & armis promptissimi dolo cognito, in arma citius ruunt: domi-  
nam suam se seq; pro vita alacriter defendentes, acerrime resistunt: donec nox certamen  
diremit. Comes vero quod acciderat, per legatum cognoscens, citissimus aduolat: Græ-  
cosque, qui iam urbe ad medietatem recisa, inter se, & Normannos quandam munitio-  
nem ad se defendendum fecerant, minus ad præsens proficiens, expugnabat Sarraceni  
deniq; de vicinis castris quinq; millia promptiores, audientes Græcos à nostris dissentire,  
non minimum gauisi, auxilium laturi se iam ad illos contulerant: quorum præsidio  
Græci per plurimum tuebantur. Nam cum diu taliter impugnando, nunc autem  
se ipsos



se ipsos defendendo, iugi incursione detenti, dum per diuersa loca prædando, victum quærere, vt soliti erant, impediuntur, famis angustia, & assidui certaminis, & vigiliarum æstu, quæ minime sibi pariter conueniunt, per plurimum deficiebant. In tantum enim quisq; sibi met intentus erat, vt etiam ipse Comes vix aliquem haberet, qui sibi cibum, excepta vxore, & armigeris appararet. Nam cum infra urbem, ne extra prædatum irer, iugi defensione interim detinerentur, extra autem omnium oculi ad hoc intenderent, vt si cū paucis latrocinari tentaret, deprehenderetur: quod vis horum agere, imminens periculum dehortabatur. Vnde & tanta penuria inter eos fuit, vt neq; rapere, neq; gratia largiente, alter ab altero impetrare, vel mutuo aliquid accipere possent: omnibus pæne ab ipso Comite, vsq; ad vltimum clientem, æquo pondere indigentibus. Vestium etiam tanta penuria illis erat, vt inter Comitem, & Comitissam non nisi vnam capam habentes, alternatim, prout vnicuiq; maior necessitas incumbere, ea utebantur. Græci vero, & Saraceni, quibus omnis patria fauens pro libito patebat, plurima replebantur abundantia. Neq; enim illis necesse erat victum quærere, aliquorsum vagari, quippe quibus omnis Sicilia, quæq; necessaria erant, certatim deferens vltro suppeditabat. Nostri autem, quamvis tanta penuria affecti famis, & laboris, vigiliarumq; æstu inter se ipsos flebiliore anhelarent, viriles animo, alter alteri flebilitatem suam, ne ad inuicem dehortarentur, occultantes, quadam hilaritate, vultu, & verbis simulare tentabant. Sed iuencula Comitissa sitim quidem aqua exinguebat: famem vero non nisi lachrymis, & somno aliquid vnde non habens, refrenare sciebat. Cerramen assiduū quod cibus nō cibus suppeditabat, hostilis impugnatio abesse prohibebat. Sed interdum ne ab hostibus diffiterentur, si non nisi impugnati in arma ruerent, ipsa animis eorum innata ferocitas, sagaciter etiam volentibus viribus repræsentabat.

XXX. QVADAM itaq; die certamine inito, Comes equo insidens, vt suis succurrat, se se hostibus medium dedit. Hostes vero eo cognito, versus eum fortiori impetu grassantes, equum eius spiculis confodiunt: ipsum cum equo humi deiectum, manibus corripunt: quasi taurum ad victimam reluctantem: vsq; ad sibi tutiorem locum nituntur pertrahere puniendum. Porro Comes in tanto discrimine positus, pristinarum rerū haud immemor, extrahere ensē, quo accinctus erat, expetens, & in modum falcis, vires pratum refecantis, circumquaq; impiger vibrando ducens, pluribus interemptis, sola dextra, & Dei adiutorio liberatur: tanta strage de inimicis facta, vt sicut in condensis saltibus iaceret à vento diruta ligna, sic circumquaq; sibi adiacerent hostium ab ipso perempta cadauera. Hostes reliqui se se in suam munitionem recipiunt: ipse equo amisso, sellam, ne quasi timidus accelerare videretur, asportans, versus suos pedes regreditur. Nostri igitur, per quattuor menses in tam laborioso discrimine positus, hiems asperrima, quæ ipso anno, ipsis in partibus fuit, occasio liberationis, hostibus autē damnationis exstitit. Nam & à ciuitate Etnæ, quæ in eadem prouincia haud procul exterminat, vrbs certis temporibus, ab æstuanti incendio sulphurei montis ætas acerrima. Itaq; certis temporibus inundatio tempestatis procellarum, niuis & grandinis asperrima solet fieri. Quam ob rem hostes balnearum æstuationibus æstuari assueti, frigidiori aura flante, dum vini potationibus naturalem calorem intra se excitare nituntur, somno vinum, vt assolet, subsequente tardiores ad excubias vigiliarum urbis esse cœperunt. Quod cum nostri cognouissent, cœperunt & ipsi ex industria tardiores apparere: & quamuis attentissime vigilarent, clamoribus tamen obmissis, vt illos dolose securiores redderent, fingebant se quasi non vigiles essent. Quadam ergo nocte cum Comes, vt semper, nullo labore deficiens, excubias noctis cum suis armatis sub argenti bruma, suis utilitatibus accuratissime intentis rebraret, hostes somno grauatō intra suas munitiones, & neminem eorum, ex tanta multitudine vigilare deprehendisset, castra eorum silenter irrumpit: armataq; manu incautos occupans, pluribus interfectis, munitionem accipit: plures capiuntur: ex aduenticiis reliqui fugæ refugium petunt. Porinus, qui caput traditionis exstiterat, cum sibi principaliter assentientibus laqueo suspensus, ad exemplum aliorum, vita priuatur: plures diuersis pœnis afficiuntur. Spoliis itaque triumphali more acceptis, nostri hactenus egentes, tanta abundantia frumenti, vini, & olei, ceterorumq; quæ ad vsum necessaria erant, sunt repleti, vt merito à consimili argumento recordari possent illius, quod apud Samariā in sperato à Deo subito datae abundantia ad verbū Elisei dicentis: Cras hora ista in porta Samariæ modius similæ vno statere erit: cum in præcedenti die, nullo quamuis magno pretio posset inueniri.

XXXI. ORDINATIS itaq; rebus suis, & vrbe melius ad suum libitum firmata, vt suis equos, quos amiserant, restituat, versus Calabriam, & Apuliam adquisitum vadit: vxore, & militibus suis apud Trainam dimissis: quæ quamuis iuencula, tanta strenuitate



cœpit esse sollicita circa castrum tuendum, ut diatim circueus, ubi meliorandum videbatur, studeret, ut fierent vigiliæ: reliquos omnes, quos sibi dominus suus abiens dimiserat, blande alloquens: ut sollicitè quæ seruanda erant, prouiderent, hortabatur: multa in reditu domini sui repromittens: sed & transactum periculum, ne segniter agendo, quid simile incurrerent, ad memoriam reducit.

XXXII. COMES vero à Calabria, & Apulia, ut apes studiosissima, his, quæ militibus suis necessaria erant, onustus rediens, omnes suos suo aduentu lætificauit: equos, & cetera, quibus opus habebant, illis impertiens. Aliquantis ergo diebus equis, quos adduxerat, à labore itineris recreatis, comperto quod Arabici, & Africani, qui Arabia, & Africa, quasi auxilium latenti Siciliensibus, causa lucrandi aduenerant, apud castrum Iohannis, usque ad quingentos morarentur, cupiens experiri cuius valentiæ eorum militia esset, illuc versus aciem dirigit: præmittens Serlonem nepotem suum cum triginta militibus: qui se ante castrum ostendentes, extractos ad certamen excitarent: ipse cum ceteris, in quodam loco, in insidiis latens occultatur: ut dum suos ex industria, simulato timore fugientes illi acrius persequerentur, ipse insperato, à loco insidiarum prorumpens, hostes longius à castro substractos facilius occuparet. Quos Arabici, qui in castro erant, eminus aduentare videntes, maximo impetu prorumpentes obuui sunt: fugientes persecuntur: accingentes diruunt in tantum, ut ad locum insidiarum non nisi duo ex nostris illæsi peruenirent. Porro Comes suos, quos præmiserat, ex parte captos, ex parte deiectos videns, leonino impetu ab insidiis prorumpens hostibus occurrit: certamen iniit: fortiter virimque congreditur: sed à longo, & acri certamine tandem Comes, Deo sibi propicio, pagennis fugientibus victor efficitur. Hostes extremos quosque, cædendo plus milliario insequitur. Spoliis onustus lætus apud Trainam reuertitur. Vrbs gaudio repletur. Volensque Siculos vndique læcescere, Calabrorum prædatum vadit: vnde rediens versus Roccas Castri Iohannis, si forte Arabicos à castro extrahere posset, attentans maximam prædam reduxit. Profundiores itaque partes Siciliæ cognoscere volens, longius progressus, usque Buterum venit: ubi non minima præda pecorum accepta, captiuos plurimos secum reducens, apud Auator hospitium sumpsit. In crastinum autem, quia pro longitudine itineris, & calore nimii æstus, sed & aquæ penuria plures equos amiserat, apud S. Felicem pernôtans, inde Trainam venit.

XXXIII. AFRICANI ergo, & Arabici cum Siciliensibus plurimo exercitu congregati, ut bellum Comiti inferant, aduenire nuntiantur: anno verbi incarnati millesimo sexagesimo tertio: quibus Comes cum suis alacriter occurrens in cacumen eiusdem montis super fluuium Cerami, ut eos plenius prospiceret, ascendit: vidensque eos trans flumen in supercilio alterius montis, diutius alternatim intuiti, nec his versus illos, nec illis versus hos transeuntibus, Sarraceni priores locum mutant, ad sua castra, quibus hospitati erant, regrediuntur: Comes vero apud Trainam reuertitur. Sic triduo flumine interposito, sese mutuo conspicientes, nec illi versus istos transire flumen præsumebant. In quarto vero die Sarraceni castra commouentes, ne ulterius, quasi ad tergum retrogradi viderentur, in monte, quo se iam triduo ostentauerant, castra metati sunt. Nostri vero hostilem animatem diutius impugnatam ferre nolentes, cum magna deuotione, presbyteris testibus Deo confessi, poenitentia accepta, Dei miserationi sese commendantes, & de eius auxilio confisi, bellum hostibus inferre vadunt. Sed media via nuntio accepto, quod Ceramium ab hostibus impugnaretur, illuc Comes aciem dirigit: Serlonemque nepotem suum cum triginta militibus prætermittit, ut castrum intrans, defendendo donec ipse veniat, sustineat. Cum centum militibus, non enim amplius habebat, ipse subsequitur. Serlo vero castrum ingressus, aduentum subsequenteris auunculi minime sustinuit: sed per portas, ut leo furibundus in hostes prorumpens, multas strages dando, cum triginta millia essent exceptis pedibus, quorum infinita erat multitudo, quod mirum dictu est, ipse triginta sex milites habens omnes in fugam vertit. Hoc facto patenter cognoscere possumus, Deum nostris fauorē fuisse. Nam humanæ vires, tam magnum quid, tamque nostris temporibus inauditum, nec præsumere quidem, nedum perficere potuissent. Si autem cum Propheta admirantes requiramus, quomodo persequeretur vnus mille? nam hoc istis, ut quondam filiis Israel prouenisse cognoscimus, profecto nobis metipsis, ex eiusdem Prophetæ verbis, absque mendacio respondere possumus: quia Deus suus vindicat eos: & Dominus in profundo iniquitatum suarum clauis iræ suæ concluderat illos. Deus suus dico, non quod eum colendo cognoscebant: Sed quia quamuis indigni factori suo ingrati existendo, tamē eius creatura erant. Deus suus inquam dico secundum illud, quod ab Apostolo instruimur ubi ait: Nā idē Deus omnium: diues in omnes, qui inuocant illum. Quod si aliquis hanc sententiam



dialectizando commutabilem astruere tentauerit, dicens, Si diues est Deus in eos, qui inuocant illum, consequi oportet, vt pauper sit in eos, qui non inuocant illum: respondendum est, quia Deitas ipsa augmentum, vel detrimentum non patitur: nec in natura sua recipit magis, vel minus: sed semper in eodem statu permanens sui, peræque omnia potest. Si autem pauperem dicere concludimur, non tamen quantum ad ipsum: sed quantum ad illos, qui se indignos exhibent, quibus misericordiae suae diuitias Deus impertitur. Comes itaque nepotem subsecutus cum centum militibus Ceramium veniens, hostesque à nepote deuictos cognoscens, dum subsequi, vt plenius deuincat, deliberat, quibusdam ex timore dehortantibus, & sufficere sibi victoriam à Deo per nepotem factam dicentibus, ne forte ultra insequendo, progrediatur fortuna rotabilis, & in deterius cedat. Vrsellus de Baliol exploranti Comiti interminatus est, se numque vel ibi, vel alias sibi auxilium laturum, nisi certamen cum hostibus inerat. Quod Comes audiens dehortantibus quidem multa conuitia iratus intulit: citiusque hostibus, versus castra eorum, illuc enim aufugerunt, bellum offerre vadit. Porro illi viribus resumptis, duas acies ex sese facientes nostris audacter occurrere accelerant. Comes etiam similiter duos cuneos faciens ex suis, vnum nepoti, & Vrsello, & Arisgoto de Puteolis, vt praecedentes primo feriant, delegauit: ipse cum altero subsequens, bellatum, Deum sibi adiutorem inuocans, vadit. Prima autem acies eorum Serlonem cum prima acie nostra declinando, montem super nostros praeripere volens, vltimae aciei, nostrae, quam Comes ducebat, occurrit. Comes ergo, & Vrsellus de Baliol suos solito formidolosiores praer nimia multitudine hostium, quam incurrebant, videntes talibus exhortationibus timorem ab ipsis excutere nitebantur. Arrigite animos vestros o fortissimi Christianae militiae tyrones. Omnes Christi titulo insigniti sumus: qui non deseret signaculum, nisi offensus. Deus noster, Deus Deorum omnipotens est: & ab ipso omnis qui de Deo diffidens, confidit in homine: & ponit carnem brachium suum. Omnia regna mundi Dei nostri sunt: & quibus volet ipse impertietur. Gens ista Deo rebellis est: & vires, quae à Deo non reguntur, ocyus exhauriuntur: ipsi in virtute sua gloriantur: nos autem de Dei praesidio securi sumus. Nam neque honestum est dubitari, quos certum est, Deo nos praecedente, ante faciem nostram non posse subsistere. Gedeon, quia de Dei auxilio non dubitauit, in paucis multa millia hostium strauit. Dum talia versus certamen properando perorantur, apparuit quidam eques splendidus in armis: equo albo insidens, album vexillum in summitate hastilis alligatum ferens, & desuper splendidam crucem: & quasi à nostra acie progrediens, vt nostros ad certamen promptiores redderet, fortissimo impetu hostes, vt densiores erant, irrumpens. Quo viso nostri hilariores effecti Deum, sanctumque Georgium ingeminando, & praer gaudio tantae visionis compuncti, lachrymas fundendo, ipsum praecedentem promptissime sunt secuti. Visum etiam à pluribus in summitate hastilis Comitis vexillum dependens, crucem contingens: à nullo, nisi diuinitus appositum. Comes ergo aciei suae primos exhortatus, Arcadium de Palerna, suam aciem, nostris exprobrando, promptissime antecedentem, & splendenti clamucio, quo pro lorica vtimur, armatum certamine inito, fortissimo congressu, hastili robore deiectum, ceteris metum incutiens interfecit. Erat enim inter suos militia praeclearissimus: cui etiam neminem armis resistere posse putabant: & clamucium, quo indutus erat, nullis armis poterat violari: nisi ab imo in superius impingendo inter duo ferrea, quae per iuncturas catenata sunt, ingenio potius, quam vi vitaretur. Dum itaque vtrimque fortiter dimicatur, nostri numeri paucitate multitudini intermixti ita concludebantur, vt vix aliquis nostrorum nisi armis sibi faciendo tumultum interrompere posset. Videns autem nostros condensitatem circumdantium se hostium sternendo: vt à furendi vento solet condensitas nebularum dirumpi: & sicut velocissimi accipitres imbecillem turbam auium disruptam sternere. Sed cum longo certamine grassati, diutius nostrorum infestationem ferre non praualentes, fugam peti potius, quam armis nituntur, nostri audacter insequentes, extremos quosque cedendo perimunt. Sicque victores effecti, ad quindecim millia ex hostibus occubuerunt. Nostri itaque triumphalibus spoliis onusti, usque ad hostium castra regredientes, in eorum tentoriis hospitantur: camelos & reliqua omnia, quae inuenerunt, sibi vindicantes. In crastinum vero pedites ad viginti millia, qui fugientes scopulos, & praerupta montis occupauerant, oppugnantes, plurima ex parte perimunt: reliquos vero debellatos vendentes, pecuniam infinitam accipiunt. Sed cum aliquandiu commorati foetore putrentium cadaverum occisorum hostium grauarentur, foetorem abhorrentes Trainam reuersi sunt. Comes Deo, & S. Petro cuius patrocinio tantam victoriam se adeptum recognoscebat, decollaro sibi beneficio non ingratus existens in testimonium victoriae suae, per quendam suorum, nomine Meledium camelos quattuor,



quos inter reliqua spolia, hoste triumphato, acceperat, Alexandro Papæ, qui tunc temporis vice beati Petri prudenter, & Catholice exsequebatur, apud Romam representat. Apostolicus vero plus de victoria à Deo de Paganis concessa, quam de sibi transmissis donariis gauisus benedictione Apostolica, & potestate, qua utebatur, absolutionem de offensis, si resipiscerent in futurum caueant, Comiti, & omnibus, qui in lucranda de Paganis Sicilia, & lucratam in perpetuum ad fidem Christi retinendo auxiliarentur, mandat: vexillumque à Romana Sede Apostolica auctoritate consignatum: quo præmio, de Beati Petri filii præsidio, tutius in Sarracenos debellaturi insurgerent.

XXXIV. PISANI ergo mercatores, qui sæpius nauali commercio Panhormum lucratum venire soliti erant, quasdam iniurias ab ipsis Panhormitanis passi, vindicari cupientes, nauali exercitu vndique conflato, vela per mare ventis committentes, apud Siciliam, in portu vallis Deminæ applicuerunt: legatumque Comiti Trainam, ubi tunc morabatur, mittentes, mandant, ut equestri exercitu Panhormi illis occurrat: se illi in urbem capiendam auxilium laturos: vitalis præmii, acceptam vindictam illatæ sibi iniuriæ expectantes. Comes vero quibusdam negotiis se detinentibus, ad præsens ire distulit: mandans illis, ut modicum temporis sustinerent: donec hæc, quibus ad præsens intentus erat, expedirentur. Porro illi commercialibus lucris, plusquam bellicis exercitiis, ex consuetudine dediti, sustinere, ne lucris assuetis diutius priuarentur, nolentes, Panhormumque per se in casum aggredi disponentes, vela in portum eiusdem urbis dirigunt: sed plurimam multitudinem hostium exhorrentes, & ob hoc à paucibus progredi minime præsumentes, ca-  
renam tantummodo, quæ portum ab vna parte, in alteram claudebat, abscissa, & hoc sibi, more suæ gentis, pro proximo reputantes, Pisam reuersi sunt. Comes itaque videns æstatem proximam, quæ præ nimio calore, à vicinitate solis feruētis caniculæ plurius equitatus in prædali exercitio fieri prohiberet, fratri Duci in Apuliam interim, dum importuna æstas pertranseat, ire disponens, ne uxorem suam, & milites cum ipsa remanentes absque stipendiis derelinquat, Gulosam vna die, secunda Brocatum, tertia Cephaludum prædatum acie dirigit. Sicque Trainam multa abundantia replens, militibus suis, ut urbem attentissime peruigilantes, incursum hostium prudenter caueant, & ne aliquorsum longius ab urbe, aliqua occasione intercurrente, progrediantur, multis exhortationibus communitis, ipse versus Apuliam cum fratre, quid ulterius agendum sit, tractaturus vadit: plurimæque adin-  
uicem conferentes, tandem refrigerante calore, centum militibus sibi ab eo in auxilium acceptis, versus provinciam Agrigentinam cum ducentis militibus prædatum vadit.

XXXV. Vnde cum maxima præda inde rediret militum suorum prædam præcedere præcipiens, ipse cum reliquis inter duos cuneos minatur ne à fronte, vel certe à tergo aliquo hostili incursum excuteretur. Porro Africani, & Arabici cum essent cupientes vicisci de victoria in Ceramensi prælio sibi ablata, & laudem quam ibi amiserant, aliquando sibi fauente fortuna recuperare, cognoscentes per nuntium, ita eos prædatum isse, cum septingentis electis militibus, via qua redire habebant, insidiantes occultantur. Nostri autem, qui præcedebant, ad locum usque peruenientes, illis ex improviso exsurgentibus, audaciæ, qua hætenus assueti erant, obliti, eneruiter agentes, cum fuga potius, quam animis mortis periculum declinare cœperunt. Montem quendam, quem ex omni parte præcipitium cingebat, solo, & arto aditu patente, pro auxilio expectantes ascendunt. Hostes vero parte armigerum, qui prædam minabant, perempta, ipsam etiam prædam excutunt. Comes autem, qui subsequēbatur, tumultum audiens, dum citius aduolat, quæ acciderant cognoscens, maxima indignatione, & ira repletus, ut secum de hostibus ultionem expectant, suos immensis clamoribus, à monte, quem ascenderant, in casum reuocare nititur: donec ipse metum ascendens, & suos quemque nomine vocans, ne se in posterum fuisse excusarent, talibus verbis aggressus est. Ita ne inquit o fortissimi hætenus, viribus exhausti estis, ut absque recordatione alicuius militaris laudis, in profundum putribundæ defectionis submersi, ulterius respirare nequeatis? Recordamini antecessorum: sed & gentis nostræ, nostræque hætenus habitæ strenuitatis præconizata: deuitantes notas futuri vituperii. Recordamini quot millia hostium apud Ceramiū pauciores quam nunc debellatores extinxistis. Fortuna tunc vobis arridens ab eodem, quo & nunc adhuc regitur. Resumite pristinas vires: victoria post fugam fortiter agentibus laudis reparatio est. Hæc, & alia exprobrando, plura locutus, vix eis exhortationibus recreatis, ad certamen properans cum hoste congreditur. Fortiter agendo gens Deo rebellis debellatur: præda excussa recuperatur. Nostri victores effecti triumphalibus spoliis ditantur. Trainam cum gaudio remeantes: excepto, quod de solo Galterio de Simula, qui inter omnes militari laude dignus, in congressu fortiter agendo, quod dolor dicere est, iuuentutis florem ab hostibus confossus amiserat, plurimum tristabantur.



XXXVI. Dux vero Robertus cum in Apulia esset, sciens fratrem suum apud Siciliam multiplici incurfione ab hostibus laceffiri, plurimò exercitum ab Apulia, & Calabria congregato, nolens expers esse quæstus, laboris etiam particeps fieri, versus Siciliam intendit. Comes vero fratrem aduētare audiens, cum gaudio magno festinus illi apud Cusentum Calabriae urbem occurrit. Sicque progredientes anno Dominicæ incarnationis M L X I V. cum quingētis, tantummodo militibus apud Pharum mare transmeantes, tota Sicilia, nullo aduersus eos aliquid præsumente impune peragrata, Panhormum usque perueniunt: atque in monte, qui postea Tarantinus; ab abundantia Tarantarum, à quibus ibidem exercitus eorum plurimum vexatus est, iubente Duce, quem postea pœnituit, tentoria fixa sunt. Nam mons totus insitus Tarantis, viris, & mulieribus inhonestum, quamuis iis euaserint, ridiculosum hospitium præbuit. Taranta quidem vermis est, araneæ speciem habens: sed aculeum veneni feræ punctiois: omnesque quos punxerit, multa venenifica ventositate replet: in tantumque angustiantur, ut ipsam ventositatem, quæ per anum inhoneste crepitando emergit, nullo modo restinguere præualeat: & nisi clibanica, vel alia quæuis feruentior æstuatio citius adhibita fuerit, vitæ periculum incurrere dicuntur. Tali inhonestate nonnulli nostrorum vexati, tandem locum mutare coguntur: vicinū vrbi locum tutiorem, quo tabernacula figant, expectantes: ubi per tres menses commorati, Panhormitanis fortiter repugnātibz, versus urbē quidem minime profecerūt: sed viciniora circumquaq; loca plurima depopulatione vexauerunt. At cum vident se versus urbem minime tunc temporis præualere posse, castra mouentes Bugamum oppugnare vadunt: ciuibzque eiusdem castrī eneruiter reluctātibz, funditus diruunt: incolas omnes cum mulieribus, & liberis, omniq; suppellectili sua captiuos adducunt: sicque versus Calabriam remeare volentes haud procul ab Agrigentina vrbe, sic enim illis directior adiacebat via, tentoria figunt. Porro ciues eiusdem vrbs, viribus suis plus necessario confidentes, per portas prorumpendo, forti strepitu super illos prouunt: incautosque hostium taceo dum fingunt, usque in portas suæ ciuitatis persequuntur. Dux itaq; digressus, in Calabriam veniēs, expeditionem soluit: Bugamensesq; quos captiuos adduxerat, Scriblam, quam desertauerat, restaurans, ibi hospitari fecit.

XXXVII. ANNO vero Dominicæ incarnationis M L X V. Policastrum castrum destruens, incolas omnes apud Nicotrum, quod ipso anno fundauit, adducens, ibi hospitari fecit. Antequam iret versus Panhormum Dux Robertus, & in monte Tarantarum tentoria fixisset, Dux, & Comes Rogerius prius in prouinciā Cusentii Castrum quidem Regile expugnauerant: & pro libitu ordinauerūt. Eodem anno castrum quoddam, quod Agellense dicitur in prouincia Cusentii Dux oppugnare vadens, per quattuor menses obfedit. Agellenses autem extra castrum progredientes, cum vicinīs tentoria hostes figerent, fundibz, & sagittis longius propellere nituntur: sicque ex vtraque parte mutua exde fortiter congregiuntur. At dum nostri maxima indignatione commoti, impetum in hostes facientes, ubi densiores erant, prorumpere nituntur, Rogerius filius Scoclandi iaculo confossus equo deiicitur: cum etiam Gissibertus nepos eius eum releuare tentaret, deiectus vtrique occiduntur: de quorum nece Dux cum omni exercitu non minimum turbati, erant enim inter familiares sibi carissimi, eorum corpora apud Sanctam Euphemiam, ubi tunc Abbatia in honore sanctæ Dei genitricis Mariæ nouiter incepta instituebatur, humanda mandauit: equos, & cetera quæ habebant, eidem Ecclesiæ, pro ipsorum saluatione contulit. Agellenses itaque cognoscentes pro tali, & similibus factis Ducem se se grauitè offendisse, pacem ab ipso expetunt: ne si rebelles persistendo viderentur, ab ira eius, absq; recordatione alicuius pietatis, ut meriti erant, omnes pariter perimerentur. Dux vero quamuis anhelans esset cum suppliciis, de ipsis ultionem expetere, tamen ne diutius perendinādo, alias intendens, demoraretur, pacem cum ipsis fecit: castrumque ab eis deliberatum, in sua virtute accipi, pro libitu suo disposuit.

XXXVIII. COMES vero Rogerius adquirendæ Siciliae intentus, quietis impatiens erat: omnia perlustrans crebris incurfionibus deterrebat: in tantumque ex consuetudine labori continuus erat, ut hinc ne, hincve infestior esset, nec cæcitas obscuræ noctis dehorari posset: quin de loco ad locum transiliens, per se ipsum omnia attentaret: eiusque præsentiam, plusquam omnia hostes exhorrebant: in tantumque eius veloci frequentia deterrebantur, ut nusquam absens putaretur. Sed quia ubi suis præsentibus, ipse absens ab hostibus deprehendebatur, sui hostili incurfione interdum gravabatur, castrum, quo se si forte necessitas incumberet, facilius tuerentur, & à cuius vicinitate quæque proxima loca attentius subiugata sibi concite foederarentur, apud Petrelegium, anno Dominicæ incarnationis M L X V I. turribz, & propugnaculis extra portam accuratissime



firmavit: per quod maximam partem Siciliae, ad suae dominationis iugum ferendum perdomuit. Filiis denique Tancredi naturaliter hic mos inolitus fuit, ut semper dominationis auidi, prout illis vires suppetebant, neminem terras, vel possessiones habentes ex proximo sibi absque æmulatione habere paterentur, quin vel ab ipsis confestim subiecti deseruerentur, vel certe ipsi omnia in sua virtute potirentur.

XXXIX. INDE & Robertus Dux, qui præ ceteris hunc morem sibi vindicauerat, Gaufridum de Conuersana, nepotem videlicet suum, filius quippe sororis suae erat, ut de Montepiloso sibi seruitium, sicut & de ceteris castris, quae plurima sub ipso habebat, exhiberet, adorsus est: quodque ab ipso, sicut & cetera, minime acceperat: sed sua strenuitate, Duce sibi auxilium non ferente, per se ab hoste lucratus fuerat. Id facere renuente Dux admoto exercitu idem castrum obsessum vadit: multisque militariter ex utraque parte perpetratis, tandem, ut de eodem castro, sicut & de ceteris sibi seruitium promittens exhiberet, compulit.

XL. Dux itaque videns omnia, quae solo inceptu attentabat, fortuna fauorabiliter arri-dente, sibi in prosperum cedere, famosissimam urbem, quae Barum dicitur, adhuc Constantinopolitano Imperatori ex fidelitate adhærentem, sibi vero rebellem, ex proximo, haud longe à Montepiloso habens, quibuscumque Imperator præerat pactionibus, & ut sibi fauentiores redderet, ad impugnationem eiusdem urbis secum instans anno Verbi incarnati MCLXVII. equitatu, & nauali exercitu eam obsessum vadit. Et quia ipsa ciuitas, quasi in quodam angulo sita in mare porrigitur, ipse cum equestri exercitu ipsam partem, qua ciuitas versus terram patebat, quasi ab uno mari in aliud claudens, nauibus per mare extensis, una ad alteram firmiter ferreis catenis, ac si sepe faciendo, compaginatis, ita totam urbem cinxit, ut nullo latere exitus ab urbe progrediendi pateret. Duos quoque pontes, unum videlicet ab unaquaque ripa constituens, qui longius in mare usque nauium funes, ab utraque parte attingebant, porrexit: ut si forte Barenenses aliquem incursum, versus naues attentaret, directo cursu à militibus nauibus expeditius subueniretur. Barenenses autem primo quae agebantur despectui habentes omnia vilipendere: ornamenta sua, thesaurumque pretiosa dependètia ostentare: Guiscardum plura conuitia inferre: turribus suis fidentes rerum exitus minus metiri coeperunt. Quae res Guiscardum ab incepto quidem non deterrebat: sed animus ambitionis cupidine feruens, quanto pretiosiora infra muros contineri dicebant, tanto ardentius spe ea lucrandi, ad quod coeperat persistendum, mentis instantiam figebat: subridendo illis respondens. Quae inquit ostentatis mea sunt: & quia à vobis voluntarie mihi praesentantur, habeo gratum. Estote fideles ad tempus in conseruando. Vobis quippe de amissione dolentibus fiam quandoque largus in distribuendo. Sicque suos ad urbem debellandam exhortationibus, & promissis inflammans, laboris sui renuntiationisque praemium infra murum testatur esse. Ipse moenia circumire, aggeres comportare, urbem vallare, arietes facere, ceteraque machinamenta, quae usus capiendae urbis necessaria erant, componere, suos instruere, hostes infestare, metum iugiter instantia studebat incutere. Barenenses ergo videntes constantiam Ducis ultra quam rati erant, in diuulsam persistere, victumque infra urbem, nullo ad introducendum hostibus circumferti, aditu patente, à multitudine inermis vulgi, mulierum scilicet, & puerorum inutiliter deuastari, quod vi nequibant, dolo vitæ Ducis periculum parant: pretioque composito, à quodam leuitatis viro, ut urbe digrediens illum spiculo corripere attentet mercantur. Amerinus ergo auaritia captionis cupidine captus, appetendum tam nobile, ut sibi videbatur, facinus accelerat: spiculoque venenis infecto ab edocentibus se tantae versutiae fraudem accepto, urbe digressus, quasi vnus ex nostris, lapides funda versus hostes, supra muros iaciendo, aduersus castra nostrorum dolose speculatum circumuenit. Sicque vesperscente die, nox intercludere Solis radios properat: cumque coenae hora instaret Dux in tabernaculo suo, ex foliosis arborum ramis composito sedisset, ille à tergo veniens, ramoso pariete interposito, Ducem prauius oculo, deinde aure per vocem, bene visum credens spiculum, quod ad hoc acceperat, fortiter impingendo, parte vestitus correpta, sed Deo protegente, ipso illeso permanente in terram defixit: sicque Ducem laesum credens in casto vulnere spiculo amisso, nihil sibi fuga utilius credens, quam velocius potuit, cursu se se infra urbem recepit. Ducis vero ministri tali facto expauescens ex tra profiliētes, dolo cognito, noctis excubias solito attentius, vigileque circa Ducem deputat: cæmetarios ex eius edicto conducētes summo diluculo primum domum breui perficiunt.

XLI. EA tempestate Comes Rogerius in Sicilia morabatur: crebris incurSIONIBUS omnia hostiliter perlustrans: ad sibi subdendum nunc praemiis pulsans, modo minis terris iugi exercitatione plerumque alios damnis afficiens: intantumque quietis impatiens hostes laesendo deterrebat, ut vix in ipsis munitionibus, nusquam autem alias securi essent. Nox, vel



vel dies, vesper, & aurora, aura lenis, & aspera æquo pondere infesta timori erant. Vnde & Sicilienses consilio intra se habito, mori potius, quam cum tanta inquietudine infelicem vitam diutius protelare deliberantes, belli fortunam contra Comitem tentare parant. Denique versus Panhormum prædatum proficiscenti exercitu innumerabili vndique conflato, ex improviso apud Michelmir occurrunt anno incarnati verbi MLXIIIX. Porro eos eminus conspiciens totus infremuit: omnesq; suos in vnum coercens subridendo ait suis. Eia inquit nobilium prædecessorum nobilitas Fortuna vobis fauens prædam, quam longius disposueratis quærere, labori vestro parcens, vltro vobis obuiam, ne plus in conficiendo itinere fatigemini adducit. Ecce præda à Deo vobis concessa. Auferte iis, quæ ea indigni sunt. Utamur ea diuidentes Apostolico more, prout cuiq; opus est. Ne exhorrescatis iam dudum, multotiesq; à vobis deuictos. Si ducem mutauerunt animo, nõ quo ducem id præsumunt: eiusdem nationis, qualitatis, sed & regionis est: cuius & ceteri sunt. Deus autem noster immutabilis est. Si à vobis non mutatur integritas fidelis spei, nec ab ipso mutabitur sententia triumphalis auxilii. His dictis, acieq; suorum prudenter ordinata, cum hoste congreditur. Fortiter nostris agentibus gens inimica in tantum debellatur, vt vix ex tanta multitudine superesset, per quem rei euentus Panhormi renuntiaretur. Nostri vero triumphalibus spoliis multum ditantur.

XLII. MORIS vero Sarracenis est, vt columbas frumento, & melle infuso domi nutrientes, cum aliquorsum longius digrediuntur, masculos sportulis inclusos secum ferant: vt cum aliquid noui fortuna illis administrauerit, quod domi scitum velint, chartulis euentus suos notantes, & collo auis, vel certe sub ala suspendentes, auibus dimissis per aëra, familiarum domi sollicitæ, vtum prospere erga peregrinos amicos omnia agantur, notificare acceperant. Auicula enim dulcedine grani melliti, quam domi gustare sæpius assueuerat, illecta, reditum accelerat: chartulas, morem suum scientibus repræsentat. Huiusmodi sportulas cum auibus Comes inter reliqua spolia accipiens, auibus cum infectis sanguine chartulis dimissis, tristis fortunæ euentus Panhormitanis repræsentat. Vrbs tota concutitur: lachrymosæ voces liberorum, & mulierum per aëra cælum attolluntur. Gaudium nostris, illis tristitia parturitur.

XLIII. PRINCIPABATVR tunc temporis vrbi Barenfi sub Imperatore Græcus quidam Argerius nomine: qui cum ceteris ciuibus pro tempore, & loco cõsilio habito, chartulis ærumnas vrbis, ciuiumq; sed & hostium infestationem adnotans clam, de nocte per quendam ab vrbe digredientem Diogeno Constantinopolitano Imperatori dirigit: vrbe, quæ sola in eius fidelitate persistens vndiq; hostili incurfione quatiebatur, nisi citius subueniat, se amissuros victus penuria. Seiã tertio anno instante hostibus circumseptos: cuius diuturno certamine deficientes deditionem parare. Nisi ipsam retineat, spem nullam de recuperatione peruasæ ab hostibus patriæ vltius referuari. Legatus quod instructus erat, fideliter adimplere satagens, breui magnum conficiens iter Byzantium venit. Acceptas epistolas Imperatori repræsentare vadit. Epistolis orationem exhortatoriã, vt subueniat, addit. Imperator vero susceptis epistolis, ac perlectis Duracium mittens, classem parare facit: cui Gocelinum de Orëncho quendam natione Normannum & in palatio post Imperatorem secundum, paucis, quia strenuus armis, & consilio callens erat, Ducem præponens, cum multis copiis Barenfibus succurrendum disponit. Porro qui missus fuerat, iussus ab Imperat. Barum regrediens, clam hostes vrbe, vt exierat intrat. Acta refert: signumq; quo auxilium veniens eminus cognoscant, edocer: vt simile signum de vnoquoq; propugnaculo contra aduenientes faciant, fasces scilicet accendant, ne à certo portu deuiant, admonet. Barenfes hoc nuntio exhilarati, plus necessario festinantes, animo enim cupienti nihil satis festinatur, in proximam noctem fasces accendunt: clamoribus, & laudis plus solito letitiam ostendunt. Quid nam in hoc facto prætendant, inter nostros quæstio oritur. Fit de pluribus rebus coniectura: vndiq; argumetur à prudentioribus: rei veritas deprehenditur: auxilium videlicet per mare illis aduenire. Adueniat in auxilium Ducis fratris plurimo remige Comes Siciliæ Rogerius nouiter à fratre inuitatus: leoninam in omni certamine habes ferocitatem: quem tamen prudentia regebat: & fortuna fauens comitabatur. Hic callide in hoc negotio agens, singulis noctibus speculatum ire iubet: si forte eminus per mare aduentantes naues aspiciantur. Cum ecce quadam iam nocte mediante, quasi stellæ lanternæ ardentes in summitate mali vniuscuiusq; nauis eminus apparere conspiciuntur. Quod cū à Comite compertū fuisset, acceleratissime armata manu, plurimo se se remigi credens, obuiã hostibus ire accelerat: quos hostes eminus aspicientes, Barēses q; supra p̄ gaudio occurrerēt rati minus se se ad defensionē aptant. Comes vero nauem Gocelini, qui dux hostium erat, duabus lanternis à ceteris



distinctam eminus cognoscens illam versus impetu suorum intendere iubet. Dumque fortiter congregiuntur tanta vi quædam ex nostris, super nauem illorum grassata est, ut ex vno latere cum pondere armorum incaute decurrente, centum quinquaginta loricati ex nostris submergerentur. Comes vero Gocelinum oppugnans superat: quem in suam nauem exarmatam recipiens, cum triumpho gloriosus ad fratrem remeat. Dux vero amittendi timore in certamine fratris, plurimumangebatur: quippe nec succurrere poterat, nec alium, excepto illo, ceteris defunctis habebat. Attamen victor, & incolumis redire nuntiatur: nulli credulus fieri asserit, donec visu sibi satisfaciente. Virum sanus esset scrutando ingeminat cum lachrymis. Comes vero Gocelinum mirifice Græco more præparatum Duci, ad honorem repræsentat captiuium. Barenenses itaque se sua spe frustrati vltius hostes ferre non valentes, deditioe facta, Duci fœderantur. Anno Domini M.LXX. Dux voti compos effectus fratri, & cuncto exercitui gratias referens, vrbe pro velle suo ordinata, fratrem in Siciliam præmittens, solito exercitu breui iterum expeditionem versus Pâhormum summouet. Toto Iunio, & Iulio mense apud Hydruntum moratus montem, quo facilius descensus ad mare, equos nauibus introducens, fieret, rescindere facit: vnde & Duracenses maxime sunt territi ne mare cum exercitu transmeans, eos impugnatum veniret: mulumq; & equum ei, quasi ad honorem mandantes, hac occasione rem speculatum mittunt.

XLIV. EA TEMPESTATE Costa Condomicita, qui Scyllum iam dudum Duci fraudulenter abstulerat, veritus ne cum Dux versus Siciliam nauigio transitum simularet, Scyllum obsessum diuerteret, Duci reconciliatus castrum reddit: tali iniuria se, ad quod fecerat compulsum dicens. Dux Costam Pelogam quendam Stratigotum statuerat: qui nimia insolentia defluens quosque ingenuos viros vel mulieres, nec etiam suæ consanguinitati parcens contumeliis afficiebat. Hic inter cetera quandam ingenuâ matronam nomine Reginam, auiam Costæ Condomicitæ gallinam auream cum pullis, quam habere dicebatur, ab ea extorquere volens, verberibus laniatam captione retruserat. Costa Condomicita in famulatu Ducis apud Insulam Crotone detinebatur: cui cum quod acciderat, relatum fuisset, iniuriam auix reputans suam, infirmitate simulata, licentiam, domi causa curationis à Duce exposcēs, vigilia Natalis Domini Scyllum ingressus est: quem Stratigotus venisse audiens, piscium sibi exenia per famulum mittit: qualiter se res erga Ducem habebat, requirit. Ille ac si nihil mali machinans ira dissimulata, gratias remandat: sed quod animo conceperat minime oblitus, postquam comestum est, potentioribus vrbs secreto circumuentis, de sibi illata, auixq; iniuria querimoniam ostentat: quibus respondentibus merito sibi talia accidisse, excusationibus minime usus, facti se poenitere asserens, vti contulerat, auferre tentaturum promittit: si tantummodo ipsi potiantur auxiliariis. Sicque à pluribus fide accepta, totam noctem insomnem ducens, quoscunque potest sibi allegat: summoque diluculo, cum omnes, qui huius rei ignari erant, ut dices ipsa monebat, in Ecclesia Dei laudibus inseruirēt, ipse cum tredecim viris, gladiis cum capis accinctis, reliquis signo dato, & à foribus expectantibus, ad portam castelli accedēs, ianitor nil suspicatus quasi noto aperit. Ille cum sociis ingressus hospitium Stratigoti intrat: arma, quæ inuenit, corripit: versus Ecclesiam, Stratigotum præoccupare volens, citissimus currit. Vndiq; ergo insurgente clamore, Stratigotus insidiis compertis, per fenestram profiliens, præcipitio delapsus, dū fuga refugiū perit, à ciuibz omnibus exosus erat, comprehensus reducitur. Costa Condomicita, quia consanguineus eius erat, volente ei parcere, à populo cōdemnatur: sicq; cum suppliciis pœnas luens, à quibus mala intulerat, perimitur: quos religauerat liberantur: à fidelitate Ducis palam auertuntur. Sicq; per sex fere annos Duci rebelles per diuersa loca Calabriæ ab ipsis turbatio plurima facta est. Istud hic inscribim⁹, ut caueat prælati sibi subditos prauis ministris à sua fidelitate diuell.

XLV. Dux igitur com meatibus, & ceteris, quæ expeditioni congruebant apparatis, fratrem, quem præmiserat, subsecutus, apud Catanam, vbi Comes erat, venit: fingens se Maltam debellatum ire: quasi de Panhormo diffidens: sed à fratre cohortatus, magno equitatu, cum naualibus, pedumque copiis abinde progrediens Panhormum venit: ab oceano urbem nauibus obsidens, fratremque Comitē ab vno latere statuens, ipse ab altero cornu Calabrensibus, & Apulis muros ambit. Sicque quinque mensium circulo hostes vrbs defensionis attentissime peruigiles, ipse nihilominus impugnationi cum fratre intentus inquietare perstuduit. Vtriq; pari ardore inflammati omnia circumire, suos instruere, omnia ordinare, hostibus interminari, suis plura largiri, ampliora promittere: Primus, & frequentior adesse, nihil intentatum relinquere. Machinamentis itaque, & scalis ad muros transcendendos artificiosissime compaginis, Dux hortos cum trecētis mili-



10 *is militibus latenter ingressus, ex altera parte, qua videlicet naualis exercitus adiacebat, urbem infestare, fratremq; a parte qua erat, haud secus agere perdocuerat. Illi signo dato, quæ edocti erant, haud perficere segnes magno fonitu irruunt. Vrbs tota in arma ruens, quæ strepitu tumultuantium accurrebat defensionem, acceleranter grassatur. A parte qua minus cauebant, vacillatur. A Guiscardensibus scalis apposis murus transcenditur. Vrbs exterior capitur: portæ ferro sociis ad ingrediendum aperiuntur. Dux, & Comes cum omni exercitu infra muros hospitantur. Panormitani delusi hostes à tergo infra muros cognoscentes, interiori vrbe refugium petendo se se recipiunt. Nox tumultum diremit. Proximo mane primores fœdere interposito, vtrisque fratribus locutum accedunt: legem suam nullatenus se violari, vel relinquere velle dicentes: scilicet si certi sint, quod non cogantur: vel iniustis, & nouis legibus non atterantur. Quandoquidem fortuna præsentis sic hortabantur, vrbs deditionem facere, se in famulando fideles persistere, tributa soluere: & hoc iuramento legis suæ firmare spondunt. Dux, Comesque gaudentes, quod offerebatur libenter suscipiunt anno Dominicæ incarnationis millesimo septuagesimo primo. Adepti primo omnium, scripturæ fideles imitatores dicentis: Primum quærite regnum Dei: & omnia adiicientur vobis: Ecclesiam sanctissimæ Dei genitricis Mariæ, quæ antiquitus Archiepiscopatus fuerat, sed tunc ab impiis Sarracenis violata templum superstitionis eorum facta erat, cum magna deuotione catholice reconciliatâ dote, & ornamentis ecclesiasticis augent. Archiepiscopum, qui ab impiis deiectus in paupere Ecclesia S. Cyriaci, quamuis timidus natione Græcus cultum christianæ religionis proposse exequabatur, reuocantes restitunt. Deinde vero castello firmato, & vrbe pro velle suo, Dux eam in suam proprietatem retinens, & vallem Deminæ, ceteramq; omnem Siciliam adquisitam, & suo adiutorio, vt promittebat, nec falso adquirendam, fratri de se habendam concessit.*

XLVI. CVM ista geruntur Serlo filius Serlonis, nepos videlicet vtrorumque Principum istorum, cuius in præcedentibus mentionem fecimus, apud Ceramum morabatur: ad tuendam prouinciam ab incursum Arabicorum, qui apud castrum Iohannis ea tempestate morari dicebatur, à Duce, & Comite sic iussus. Nam & medietas totius Siciliæ ex cōsensu Ducis, & Comitum suæ sorti, Arisgoti; de Puteolis, inter se diuidēda cesserat: eo q; hic consanguineus eorum erat: vterq; autem consilio, & armis probissimi viri erant. Arabici autem, qui apud castrum Iohannis morabantur, strenuitate Serlonis, quia eis in multis infestus erat, plurimum inimicabantur: iugique intentione dolo, vel armis ruinam eius meditari nitebantur. Sarracenus autem de potentioribus castris Iohannis nomine Brahen cum Serlone, vt cum facilius deciperet, fœdus inierat: eorumque more per aurem adoptiuum fratrem, alter alterum factum vicissim susceperat. Hic cum traditione cum suis composita, Serloni salutaria munuscula cum amicabilibus verbis mandat: inter quæ etiam intulit ista. Sciat fraternitas adoptiui mei, quod tali vel tali die septem tantummodo Arabici ex deliberatione iactantiæ terram tuam debent prædatum adire. Quod Serlo audiens ridiculo habere cœpit: minusq; sibi prospiciens, ex vicinis castris neminem sibi in auxilium arcessiuit: sed terminato die inconsultus venatum secessit. Porro Arabici, qui dolum composuerant, cum septingentis militibus, & duobus millibus peditum de castro Iohannis digressi, haud procul à Ceramo in abditis locis insidias ordināt: septē tantummodo, vt Brahen Serloni mandauerat, milites mandantes: qui Ceramo, præda capta Serlonem extrahunt. Insurgit clamor: ab incolis prouinciæ tumultuatur: à Serlone, vbi venatum ierat, tumultuantes ciues audiuntur: sed quia inermis processerat, nuntium apud Ceramum, ad deferenda sibi arma, suorumq; inuitandos mittens, ipse quo clamor infestius urgebat, sciscitaturus quid nam esset, progreditur. At dum à septem militibus præda abduci dicitur, arma sibi delata cortipiens adoptiui fraudi plus necessario credulus improvide subsequens, vltra insidias progreditur. Illis autem ab insidiis prorumpentibus, cum hostes à tergo horribili armorum turbine deprehenduntur, Serlo decertandi copiis, sed & fugæ præsidio diffidens, cum paucis, qui secum erant, petram, quæ ab ipso die Serlonis dicta est, cursu experit: quæ ascensâ, à dorso pro muro eius vsus, diu fortiter, sed nullo aliunde auxilio aduentante, in cassum dimicatur: nam tandem confossus occubuit: nullusque ex omnibus, qui cum ipso erant, exceptis duobus, qui inter cadauera mortuorum latitauerant, euasit. Serlone exenterato Sarraceni cor extrahunt. Vt audaciam eius, quæ multa fuerat, conciperent, comedisse dicuntur. Capita vero occisorum in Africam Regi ad honorem mittūt: & caput Serlonis stipiti impositum, & per plateas vrbs delatum à clamatē est præconizatum, eius esse, à quo præ ceteris Sicilia impugnabatur: hostes deuictos nullo simili superstitē. Siciliam suæ sorti amodo facere cessuram. Cum ista apud Panhor-



mum Principibus nostris nuntiantur, exercitus totus turbatur. Comes amissione nepotis intolerabili dolore angebatur: Dux vero alamentis fratrem suum coërcere volens dolorem suum virili more occultare nitebatur. Feminis inquit lamenta permittantur: nos autem in vindictam armis accingamur. Igitur, quia seiunctim ad inuicem utriq; fratres quisq; suis vtilitatibus lucrari studebant, excepto, quod cum necessitatibus in eum berent, alter ab altero inuitatus vicissim sibi ad inuicem succurrendū venirent, huic libro alium incepturi finem ponamus: ut in sequenti de vnoquoq; nunc seiunctim, iterumque coniunctim, prout ipsa res expostulauerit, stylum alternemus.

EXPLICIT LIBER SECVNDVS.

## INCIPIVNT CAPITVLA

Libri Tertii.

- |   |   |
|---|---|
| I. Apud Paternionem, & Mazariam Castella fiunt.                           | XXIII. Castum coniugium laudatur.   |
| II. Guiscardus Salernum obsidet.  | XXIV. Dux Romaniam vadit.   |
| III. Malfetani cum Duce pacem faciunt.                                    | XXV. Dux Duracium obsidet.  |
| IV. Salernum deditur.   | XXVI. Dux cum Venetianis bellatur.  |
| V. Comes Rogerius Abagelardum apud S. Seuerinam obsidet.                  | XXVII. Dux cum Imperatore proeliatur.   |
| VI. Dux S. Seuerinam recuperat. Castro S. Agadii Dux Abagelardum obsidet. | XXVIII. Dux Duracium capit.   |
| VII. Comes Rogerius in monte Calatixibet castellum facit.                 | XXIX. Dux Castoriam capit.  |
| VIII. Africani Nicotrum destruunt.  | XXX. Bennauet traditione Catanam intrat: & paullo post a nostris recuperatur. |
| IX. Africani apud Mazariam vincuntur.                                     | XXXI. Angelmartus apud Geracium contra Comitem insurgit.                      |
| X. Hugo de Gircea apud Catanam occiditur.                                 | XXXII. Turribus Messana firmatur.   |
| XI. Trablas obfessione ad deditionē cogit.                                | XXXIII. Dux a Gregorio Papa a Romania reuocatur.                              |
| XII. Castrum nouum Comiti foederatur.                                     | XXXIV. Duce reuertente fratris populorum premitur.                            |
| XIII. Michael Imperator ad Ducem venit.                                   | XXXV. Dux fratre arcesso super Capuanum Principem vadit.                      |
| XIV. Dux classem aptat versus Græciam.                                    | XXXVI. Iordanus contra patrem insurgit.                                       |
| XV. Comes Tauromenium obsidet.  | XXXVII. Dux Romam vadit: & capit.   |
| XVI. Euisandus pro Comite occiditur.                                      | XXXVIII. Romani reprehenduntur.   |
| XVII. Golasfri ab Africa sub Tauromenio visi sunt.                        | XXXIX. Boamvndvs Imperatorem suum perat certando.                             |
| XVIII. Tauromenium capitur.   | XL. Dux Romaniam iterum vadit.  |
| XIX. Ecclesia Trainæ fundatur.  | XLI. Eclipsis Solis fit. Papa moritur: & Dux, & Rex Anglorum.                 |
| XX. Iacenses, & Cinenfes Comes obsidet.                                   | XLII. Rogerius Dux efficitur.   |
| XXI. Eisdem capit.  |   |
| XXII. Comes filiam suam Comiti Prouinciz dedit.                           |   |

## INCIPIT LIBER TERTIVS.



QUONIAM quidem arduas res, clarosq; triumphos duorum procerum Guiscardi videlicet Ducis, Siciliæq; Comitis Rogerii, nunc seiunctim, nunc vero gregatim, prout facere nos scripturas repromissimus: limpidior poetria si esset vndæ, æstuandum foret, ut res quæ in ipso nobili memoria clarent, nobilioris philosophi penna chirographizarent. ne limpidissimus liquor, dum ad hauriendum porrigitur, fetore incultioris vasis etiam ab ipsis sitientibus abhorreatur. Sed quoniam nos aureis fistulis paupertate prohibemur, ad potandum: utimur interdum plumbea fistula: dulces liquores vsque degustaturi. Vnde & lector quisquis historie seriem perferutari temptat



temptat, non fallentia verborum commenta, sed pompales triumphos memorandorum virorum attēdat. Quæ enim inferuntur non meæ, vel tuæ laudi, sed illorum, qui faciendo meruere, subtitulantur. Quoniam ex edicto Principis tempus scribendi imminet, quod neglegendo hætenus minus potatum est, ad fontem, quo hauriam, vnde limpidius eructetur, recurrere ipsius Principis vrguens festinantia prohibet.

I. Igitur famosissimus Sicilia Princeps Rôgerius Duce fratre expeditione, postquam Panhormum adeptus est, solita, à Sicilia versus Calabriam, & Apuliam, vt suas vtilitates exsequeretur, digrediente, in Sicilia remanens, exercitus recedentis fratris minimam partem premiis, & promissionibus illiciens, ex consensu eiusdem Ducis sibi retinuit. Siciliamq; debellare ex omni parte aggrediens, iugi incurfione non minimum laceffiuit: & quamuis hætenus dum in his, quæ adquirebat cum fratre participaturus, ad plenū strenue egerit, nunc cuncta quæ adquireret, suæ sorti cedere certus, quasi leo esuriens, prædæ quæ avidus, quietis impatiens omnia circumire, periculosioribus inceptis primus adesse, nihil intentatum relinquere patiebatur. Anno Dominicæ incarnationis MLXXIII. duo castella, vnum apud Paternionem ad infestandam Catanam, aliud vero Mazariam ad debellandam adiacentem prouinciam firmauerat: Dux vero à Sicilia in Calabriam veniens, apud Russinum eiusdem prouinciæ urbem dolentibus vrbicolis castellum firmavit.

II. GISVLVS ergo Salernitanus Princeps frater Sigelgutæ vxoris Guiscardi Ducis omnes maritimos fines à Salerno, vsq; ad portum, qui Fici dicitur, Arcumq; & S. Euphemiam sui iuris esse volens & partem à Guiscardo dietim peruadi audiens, versus Ducem inimicitias iniecit: omnesq; ei adherentes, quos capere poterat, contumeliis deturpans, nostræ genti se se inimicari non abscondebatur. Dux autem Guiscardus, qui amicitiam sibi promiserat, primum quidem patienter ferens, legatis ait ab incepto resipiscat, conuenire. At vbi videt, conceptam animo Principis malitiam, quanto plus lenire tentabat, eo amplius in deterius excrefcere, foedere, quod inter eos erat, renuntiato, inimicanti sibi etiam ipse infedabiles inimicitias parat. Sed quia inter se, & Ricardum Principem Aversæ inimicitia efferbuerant, veritus ne ab ipso Gisulfo aduersum se succurreretur, pacem cum ipso fecit: quo in sui adiutorium, quibusdam pactioibus conducto, Salernum multis copiis obsessum vadit.

III. MASFETANI vero Gisulfum exosum habentes, timebant quippe ab ipso puniri, eo quod interfectores patris ipsius, dum eos ad subiugandum sibi impugnaret, exstiterant, à Duce inuirari, vt sibi ad obsidendum urbem nauigio seruitum veniant, potentiores Ducis locutum, ex consensu aliquorum accelerant. Dux itaq; callidis pactioibus si assentiant, si autem dissentiant minister terrendo attentans, tandem ad confederationem compulit: vt si contra Gisulfum tuerentur, tota Malfa illi subiugata hereditate foederaretur. Duce vero omnia vt expetebant promittente, parte exercitus ad obsidendum urbem relicta, reliquam secum ducens, cum ipsis, qui inde venerant apud Malfam vadit. Urbem sibi à ciuib; deliberatam suscipit. Quattuor castella in ea fecit. Militibus suis munit. Inde cum multis Malfanorum copiis Salernum redit. Sic deterrebat Malfanos, si manus Guiscardi quoquo modo euaderet timor Gisulfi.

IV. Dux vero naualibus, peditumq; copiis, sed & equestri exercitu Salernum vallans, frequenti incurfione congregiendū vndiq; deterrebat: in tantumq; attriuit, vt nullo aditu ad victum introducendum, se, suisq; negantibus, patente, tantam famem inesse coegerit, vt etiā vel mares, sicut relatione eorum, qui præsentés adfuerunt, didicimus, à quibusdam in torrum reclusi, comessi sint. Abegelardus vero filius Hunifredi Comitis, nepos videlicet Ducis, qui Salernum, propter inimicitias, quas cum Duce habebat, propter hereditatem, quæ ab ipso detinebatur sibi, in adiutorium Gisulfi introierat, ingruente fame, Salerno etiam de nocte digressus apud S. Seuerinam Calabriae urbem Duci infestus fieri secessit. Dux autem in Siciliam ad fratrem mittens, vt Abegelardum nepotem apud S. Seuerinam obsessum vadat, non in cassum mandauit. Ipse vero vrbis Salernitanæ infestationi indiuisse persistens, tandem ad deditionem coegit: Gisulfo vero, quia frater erat suæ collateralis, liberorū fratrum auunculo, quocumq; veller abeundi libertatem dedit: urbem autem suam in virtute retinens, castellis, & munitionibus pro libitu suo aptauit.

V. INDE quietis impatiens, nulloq; labore, vbi aliqua spes cuiusq; lucri designabatur, deficiens, apud S. Seuerinam, vbi fratrem præuenire inuitauerat, nepotem Abegelardum obsessum vadit: fratremq; quem ad hoc inuitauerat, ab vno latere urbem obsedisse inueniens, ab altero latere ipse confedit. Abegelardus autem diatim vrbe digrediens, nostros ad certamen prouocando, dum alternatim fortiter, sæpeq; cōgreditur, multa mi-







X. COMES vero quibusdam necessitatibus se auocantibus à Sicilia versus Calabriam digrediens, Hugonem de Gircæa, cui propter strenuitatem, quam habebat, nam & præclari generis à Cenomanensi prouincia erat, totam seruandam Siciliam delegauit: interdicens, ne si Bernaruet, quia vicinus sibi Syracusi morabatur, aliquem incursum versus se faceret, callidas eius versutias cauens, nusquam vrbe digrediens, hostem persequeretur. Sed iuuenilis animus militia feruens, & laudis audax, quod sibi interdictum erat minus seruans, ad hoc niti cœpit, vt ante reditum Comitum aliquod nobile facinus, vnde militarem laudem mereretur, perpetraret. Vnde & Trainam vsque progrediens, Iordanum Comitum filium cum familiari militia Comitum secum Catanam adduxit. Porro Bernaruet magno electorum militum exercitu congregato de nocte accedens, haud procul à Catana in abditis locis insidiis occultatur: triginta militibus Catanam vsq; præmissis, qui eos ad certamen excitatos longius ab vrbe protraherent. Hugo vero, & Iordanus militia feruentes, suos ad certamen cohortando, vrbe cum magno impetu digrediuntur: trigintaq; electos milites insidias speculatum mittentes, ipsi incautius insequi accelerant. Porro speculatum præcedentibus locum insidiarum transgressis, dum à subsequenteribus vsque peruentum est, illi ab insidiis prorumpentes, hostibus horribili turbine insurgunt. Itaque qui præcesserant, insidias à tergo videntes, nec ad suos, hostibus interpositis regredi posse, Paternionem fugientes euadunt. Nostri vero dum fortiter congregari nituntur, Hugo Comitum generum cum pluribus occiditur: Iordanus autem hostes ferre non valens, cum paucis Catanam elabitur. Bernaruet lætus cum spoliis Syracusiam regreditur. Comes itaque rumorem huiusce modi per legatum cognoscens reditum accelerat: exercituq; aduersus Bernaruet commoto, castrum, quod Zotica dicebatur, oppugnans, funditus diruit: viros perimit: feminas cum pueris in Calabriam venditū mittit: anno incarnati Verbi MLXXVI. 1076. Sed quia animus Principis: dolore generi interfecti, ad mentis debilitationem pæne infectus nisi maiori vindicta sanari minime poterat, ampliorem vindictam expetens, vsque ad prouinciam Notensem profectus, ita omnia exterminauit, vt etiam ipsas messes, tempus enim trituræ instabat, quia asportari nō poterāt, penitus igne cōbussit: q; etiā passim per diuersa loca Siciliæ facere addens maximā egestatem ipso anno eidem insulæ incussit.

*Nascitur ergo fames quia sustulit ultio panes.*

XI. ANNO Verbi incarnati transacto millesimo:

1077.

*Adiectoq; super mille septies undecimo:*

*Expeditionem mouet Comes mense Madio.*

*Nauis vela dant per equor suffragante Zephyro.*

*Era sonant: buccinando pontus plaudit inbilo.*

*Classis magni Alexandri non hac pulchrior.*

*Aura ridet cum fortuna: pubes gaudet bellica.*

*Citharizant: ad hoc docti resonant tympana.*

*Trablas ergo oppugnatum nil tumescunt equora.*

*Sed transcendit equitatu Comes fronte bellica,*

*Montium scopulorum ima, siue ardua,*

*Bellicosa iuuentutis multa fultus copia.*

*Clypeos auro fulgentes, & splendentes galeas.*

*Solcum tangit, intuentum aciem reuerberat.*

*Montes omnes resplendescunt super clara sidera.*

*Equi fremunt, dant hinnitus, eque montes resonant.*

*Mille flante aura leui vexilla subuentilant.*

*Horrido aspectu satis versus Trablas properant.*

*Hostes vident: exhorrescunt hanc armorum nebulam.*

*Terra, ponto sonant tuba, vt metum incutiant.*

*Clamor vsq; calum pulsat: hostes infra trepidant:*

*Vrbem vallant circumquaq; equore, vel arida.*

*Nautæ velis obumbrantur: terra figunt anchoras.*

*Equitum pars frondes cedit, pars figunt tentoria,*

*Crebro currunt ad certamen: fortiter congredduntur.*

*Hostis visus repugnare, plurimum concluditur.*

*Castro luctus post certamen, nostris lyra additur.*

*Hostes viribus diffisi tandem pacem expetunt,*

*Cedit Comes: castrum reddunt: ditionem subeunt.*

*Fæderantur more suo: sed dolentes faciunt.*



AB HAC eadem vrbe strictior sinus terræ ab utroque latere mari vrgente, longius in mare porrigitur: pascuis vberimis abundans. Ibi armenta, & cetera vrbis animalia hostili tempore pasci consueuerant: quo cum ex more, propter instantes hostes diatim exirent, nostri breui sinu interposito, conspicientes, coeperunt, vt in tali gente assoleret, auaritate, si aliquo astu queant, adipiscendi agitari. Iordanus filius Comitis, ad id negotii peragendi intentionem certius apponens, vt hanc sibi famam militariter præ ceteris acquireret, agebat. Tandem itaque, vt erat vir præsumptuosissimus, & laudis audus, cum sibi familiaribus consilio habito, quodam vespere centum sibi milites eligens, patre inconsulto naues ascendit: de nocte insulam peruadit: applicans nauibus digreditur: in concauitate quadam eius insulæ, antequam illucescat, occultatur insidiis. At vbi nocte recedente sol irradians terris illuxit, tota ciuitas prædicta ex more, vrbe digrediens pascendi gratia ipsam insulam sparsim præoccupat. Porro Iordanus vbi in insidiis occultabatur, prædam longius ab vrbe progressam conspiciens, impetu leonino à loco prorupit: vsque in portam vrbis prædam colligens profilit: nauibus introducendam illorsum minare accelerat. Ciues itaque insulam suam in sperato hostibus peruasam videntes in armatuunt. Maximo impetu vsque ad decem millia ab vrbe prorumpunt: hostes, vt prædam excutiant, inconsulte prosequuntur. Nam vbi Iordanus longius ab vrbe eos progressos videt, præda, hostibus leonina ferocitate occurrit: congressuq; facto, acerrime vtrinque pugnatur. Sed Iordanus, vt erat in congressibus fecundissimus suos verbis exhortatoriis promptiores reddens, fortiter agendo plures sternit: reliquos fugat: victor efficitur: quosque cædendo vsque in portam vrbis prosequitur: sicque ad naues regrediens maxima præda lætanter introducta, ad patrem impune cum triumphali laude redit. Hac re vrbs quasi maxime territa ad deditiorem, vt diximus, compulsa est. Comes itaque urbem nactus pro libitu suo castro, & ceteris munitionibus ordinat: militibus, & quæ iis necessaria erant, munit: turribus, & propugnaculis vndiq; vallans. Sed vndiq; adiacens prouincia firmissime circumsepta, munitissima erat: & ideo adhuc recalcitrans rebellat. Comes laboris indeficiens crebris incursionibus, vt sibi omnia substernat, infestare aggreditur: breuique termino vsque ad duodecim famosissima castra suo dominio obediendo subire coëgit: quæ militibus suis distribuens, cum omnibus appendiciis suis de se habenda delegauit. Sic exercitum, omnibus pro exhibito sibi seruitio gratias agendo, soluens, ipse Bricam à labore pausatam secessit.

XII. Ea quidem tempestate quidam Sarracenus Bechus nomine Castrum Nouum possidens, illic morabatur. Erat autem idem vir magnæ superfluitatis, & arrogas: vnde & ipsos suos fideles leuitate sua interdum diuersis, contumeliis afficiens, sibi infeliores reddebat. Hic quadam die cum molendinario suo iratus, ante se inuitans verbibus deturpauit. Porro ille se adeo graue ferre dissimulans, in vindicta tantæ de honestationis animu intedens, secum tacitus agebat: quibus artibus: vel damno reru suaru, aut certe lesione corporis vicissitudinem recopensaret. Vnde accidit, vt quodam vespere, de subiacentibus coplices sibi alligans, petram quandam, quæ omni castro supereminebat, & dominabatur, irrumpens peruadere, legatumq; apud Bricam Comiti mittens, in sua fidelitate se ita egisse, & vt sibi succurrere acceleret, mandat. Hoc nuntio Comes accepto, plurimu exhilaratus, cum quantis habere poterat, citissimus illorsum intendit. Porro Bechus molendinarius blanditiis, & promissionibus, vt ab incepto resipiscat, sibi reconciliare dum manus præuallet, frustra oppugnare nittebatur. Comes vero aduentans propius accedit molendinarius amplissimis promissionibus in sui fidelitate arrigit. Ille cum nulla ex parte aditus ad se accedendi nostris pateret, fune oblato demisso, quosdam nostrorum ad se pertrahit. Bechus itaque videns nostros à Molendinario infra petram susceptos, spe retinendi castri amissa territus, castro spreto, omnia quæ poterat, asportans aufugit: ciues cum Comite pacem facientes infra castrum recipiunt. Comes vero sic castro potitus pro velle suo muniens ordinat: molendinarius, vt ceteris, ad similes actus exequendos exemplum tribuat, pluribus benefactis, libertate etiam concessa remunerat.

XIII. EODEM anno Græcus quidam sub nomine Michaelis Imperatoris Constantinopolitani ad Ducem in Apuliam venit: auxilium expetens ad palatium, à quo, vt dicebat, fraude suorum, in die sancto Parasceue deiectus fuerat: monachusq; violenter fieri compellus hoc solo crimine obiecto, quod filiam Ducis filio suo nuptui acceperat. Ipse quoque filius, ne spe aliqua recuperandi palatii, vel deductæ vxoris procurandæ propaginis reseruaretur, turpiter eunuchizatus, vsque ad exitum vitæ exilio relegatus est: alio in locum expulsi in palatio subrogati: quem nec aliqua, vel extrema antiquorum Imperatorum linea ad id hereditatis iure gentium inuitauerat. Timebant denique Græci, ne



si ex nostræ gentis vxore heredes procreati in palatio successerant, occasio liberius illuc accedendi nostræ genti daretur: & gens deliciis, & voluptatibus, potiusquam belli studiis ex more dedita, nostrorum strenuitate subiugata conculcicaretur. Ipsam Ducis filiam reclusam diligenti custodia obseruabant: ne forte si alicui potenti nuberet, quia hereditari Imperatori semel in palatio coronata fuerat, ab ipso cui nuberet, aliqua hereditas per ipsum in palatio proclamaretur. Michael itaque à monasterio, in quo monachus coactus erat, habitu eiecto, vt dicebat, profugus, in Apuliam veniens à Duce Imperiali honore susceptus, per omnes ciuitates Apuliæ, siue Calabriæ processionebus, & Imperialibus pompis ex edicto eiusdem Ducis accuratissime obsecundatur. Et hoc quidem totum ex industria Dux faciebat: quandoquidem animum eum in palatio restituendi haberet. Audierat nempe generum suum eunuchizatum: vnde spe suscipiendæ de filia prolis, cui palatium iure hereditari competeret, amissa, ad hoc inter se nitens tutius agebat, vt sub nomine Michaelis, quibusdam sibi fauentibus, Græcis facilius debellatis, cum ad palatium vltq; peruentum foret, vi coronam cum sceptro, & Imperialibus ornamentis peruadens, ipse Imperator fieret. Promittens tantum se sibi auxiliū laturum, per duos ferme, & amplius annos honore, quo cœperat, eum secum detinuit: donec ea, quæ tanto inceptui necessaria forent, apparabantur. Erant autem tunc etiam quidam cum Duce, qui in palatio tempore Michaelis Imperatoris seruientes faciem eius se nouisse, & hunc similem minime velin modico assimilari dicèrent: sed fraudulentè hunc spe alicuius à Duce accipiendi muneris aduenisse. Porro Dux vterne, an pro certo esset æquipendens, cum multus futurus inter suos super tali negotio fieret, ab incepto minime deterrebatur: sed potius quod cœperat exequēs, cum ipse nō esse hunc dubitaret, nil de hac re dubitare asseribat: & hoc ex industria quidem laudans suos faciebat: ne ab ipsis ab incepto dehortaretur.

## XIV. TALIA disponens, tacita sed mente reponens:

*Sumptibus infusat: quo Byzantium sibi ludat.*

*Vndiq; terrarum quarit spem materiarum.*

*Nulla remittantur: nec rustica despiciuntur.*

*Sed prodesse queunt, quæ iam despecta fuerunt.*

*Ligni cafores mandantur in arte priores.*

*Vndiq; terrarum conducitur ars tabularum.*

*Robora caesa cadunt, ressecantur, sectæque radunt.*

*Artifices ligati. Ferrum faber applicat igni.*

*Anchora conflatur: clauorum forma paratur.*

*Compago nauiis textitur superaddita clauis.*

*Obducunt inæas alii lanugine rimas.*

*Atq; picem liquidam properant superaddere quidam.*

*Vela suunt isti: studium dant funibus isti.*

*Classis adaptatur: non naui sola paratur.*

*Crescat vt in numeros studiosus imminet heros*

*Omnibus aptatis, & nauius arte paratis.*

*Per liquidum pontum classis conflatur Hydruntum.*

XV. INTERIM dum ista aguntur anno instante MLXXIX. Comes Tauromenium obsidens viginti duobus castellis vallauit: ita ab vno in alterum sepibus, & stropibus claudens, sed & naualibus copiis à procinctu maris cingēs, vt nullo latere pateret aditus ad castrū volentibus hostibus aliquid introducendi: veleducēdi. At dū quadā die de castro in castrū per præcipitia scopulosi montis Comes visum transiret cum paucis, pars quædam Sclauorum inter myrterica virgulta latitans in quodam artioris transitus loco prorumpens irruit. Et nisi Euifandus quidam natione Brito, audito strepitu armorum sese Comitē, & hostibus interposuisset, de ipso Comite, vt aiunt, hostibus triumphus cessisset. Sed cordium solus inspector Deus bonam intentionem Principis in præcedentia, siue subsequētia per eum futura bene prænotans aliter, quam illi moliebantur, rē transtulit. Scripsum quippe est: Non est sapientia, non est prudentia, non est consiliū contra Dominū.

XVI. EVISANDO itaq; in domini fidelitate taliter interfecto, dum nostri in arma ruunt, hostes per præcipitia scopulosi montis elapsi sunt. Sic mors Euifandi vice Comitē sub Dei præsidio fuit. Comes autē fidelitatem eius honeste remunerans, corpore humato decenter, multa beneficia egenis, & sacris locis pro redemptione animæ eius, nec immerito contulit. Montium autem cacumina cum ipsis vallibus perlustrans, peditum copiis iter faciens, à monte, qui ab incolis Gibel appellatur, quem nos Etnam dicimus, vltq; Trainam, neminem eiusdem superstitionis impunitum dimisit.



## GAVFREDI MONACHI

*Militibus multus planctus fuit, iste sepultus.  
 Nam suo merito carus fuit undique Brito.  
 Pro merito fidei sortem capiat requiei.  
 Cui cum sit ita mors, est Comiti data vita.  
 A Iuda discat, quem tanta fides sibi dicat.  
 Ille Deum vendens, laqueo se postea pendens  
 Mortem mercatur, cum traditione notatur:  
 Hostili cultro spes huius se dedit ultro:  
 Ut dominum seruet: meritumque sibi coaceruet.  
 Non virtute pari debent ii substitulari.  
 Traditor alter erat: ut saluet & alter anhelat.  
 Angelicam pennam capiet hic: ille gehennam.*

XVII. QVATTORDECIM ergo naues, quas Golafros appellant ab Africa regis Tunicii piratarum more per mare palantes sub Tauromenio appulsæ, quodam diluculo à nostris in mari haud longe anchoris fixis conspiciuntur. Nostræ autē naues armatis expositis, minus erāt ad exequendū paratæ. Comes autē latronē, qui nā sint, quæ de causa, vel vnde hostes ne, an pacem portantes aduenerint, sciscitatum mittit. Interminādo subiunxit: si in tanto sui iuris vel modicum quid iniuriæ vel fecissent, vel facere, attentare præsumerēt, nusquā impunitos à se euadere posse. Ac dū nil mali aduersus ea, quæ eius iuris erant, sub excusatione, & obtestatione legis suæ machinari reuuntantur, sed potius ex edicto Regis Tunicii, ut infestos piratas à mari, si inuenirentur, propellerent, missos, eius famulatui, si necesse foret, inferuire paratos: primi cuiusq; nauis ad amicum colloquium inuitantur: ut si vel victu, vel aliis quibuslibet rebus minus sufficientes essent, eius munificentia supplerentur: qui dum inuitationi assentientes fœdere suscepto aduenire apparerent, aura contraria insurgente, naues cum ipsis per equora pulsæ ab intuitu nostrorum protinus sunt auulsæ.

*Sic quos inuitat, boreas accedere vitat.  
 Et quod promissit dare, ne daret aura recisit.*

XIIX. AT Comes intentus fuerat quibus ante retentus: Obsidet: & pugnat: castrum pro posse repugnat. Certamen datur, Comes huc persistere conatur. Quamuis cura ligat, tamen hunc res nulla fatigat. Instat, & hortatur, hostes virtute minatur. Dat: dare promittit: nil, non tentando remittit. Ad quod adhortatur socios, prior esse probatur. Cum sit certamen: & fratribus esse leuamen, Ante suos fertur: cum posteriore refertur. Primus ad excubias Othonus, alter Elias: Tertius Arisgotus: Iordanus abinde remotus. Esse recusauit: socios hac ars animauit. Exiit edictum, liceat ne querere victum. Sicque deuincuntur: nostri statione fruuntur. A montis magno prohibentur abundig, stagno. A nullo subduntur: post addita deminuuntur. Vnde fames creuit, congressus ab hoste quieuit. Decrescit virtus, hebet hostis iam prope victus. Solo securus, quod cingit abundig, murus. Ut det congressum, canet extra figere gressum. Deficit ut panis, populus superatur inanis. Sic Comes accitur: castra pro velle potitur. Arbore sub lauri curuantur mœnia Tauri. Fœdere confecto, dolet hostis in hoste recepto. Sed quamuis doleat, non dissimulando reuelat. Cur doleat nostis: quia latus erat suus hostis. Si sic fortuna diuersa sit, est tamen vna. Illis sit tristis: gaudens cognoscitur istis. Sextus erat mensis quo feruidus eminet ensis. Piscibus obsedit: feruente Leone recedit.

TANTO



XIX. TANTO sibi adiumento collato diuinitus,  
 Ne appareat ingratus vilipendens Rogerius,  
 Secum cepit deputare quid litaret potius.  
 Cementarios conducens undecumq; aggregat.  
 Templi iacis fundamenta in vrbe Trainica.  
 Ad quod perstant auro breui superat.  
 Laquearia tectorum ligantur Ecclesia.  
 Parietes depinguntur diuerso bitumine.  
 Consecratur in honore Virginis Puerpera.  
 Multa dote augmentatur, terris, siue decimis.  
 Ornamentis palliatur, & diuersis copiis.  
 Cathedra Pontificatus sublimatur insulis.  
 Sacerdotes augmentatur, prout sumptus suppetit.  
 Altaris vasa vel vestis plusquam clero sufficit:  
 Candelabra, cruces, textus, ac cerasumbuli.  
 Ex metallo signa fiunt plebem inuistantia.  
 Melodiam dulcem reddunt: pulchre consonantia.  
 Melodizat sacer clerus hymnos sacris laudibus.  
 Praesul verba sacrae legis seminat in gentibus.  
 Diuinus cultus arcescit pluribus credentibus.  
 Cui debent hac ascribi nisi tanto Principi?  
 Qui reduxit sacram legem, unde prius corruit.  
 Cuius ope fit hoc totum: & hanc legem edidit.  
 Textum libri persequamur: nam ista sufficiunt.  
 Sermo nimis inculcatus interdum fit iadium.  
 Subsequens stilus narrabit, si quid est residuum.  
 Vrbs Traina felix gaude: da dignas laudes titulo.  
 In te primo reparatur diuina legio.  
 Messana confociata pare seruit clypeo.

30 XX. INCARNATI Verbi anno Millesimo septuagesimo nono Iacenses natura mon- 1079.  
 tis in quo habitabant, numerosa multitudine suorum filii, erant enim usque ad tredecim millia  
 familiarum, iugum nostrae gentis abhorrentes statutum seruitium, & censum persolvere  
 renuntiant. Comes vero per legatos eos conueniens, nunc blandimentis eos mulcendo,  
 nunc minis attentando, ne contra se insurgerent, neue per vitium incurrerent, neue eum  
 irritando contra se excitarent, ab incepto detrahere nitebatur. At ubi minus proficit ex-  
 exercitu admoto, quos blanditiis, vel minis nequit, virtute attentando flectere aggreditur.  
 Mons autem, quem inhabitabant, ita ab omni latere, scopuloso praecipitio erat munitus,  
 ut ex nulla parte ascensus pateret: excepto vno solo arto, arteque exciso aditu: quo ciuibus  
 egrediendi, & ingrediendi iter porrigebatur: & hoc in excelsiori cacumine eiusdem a-  
 40 scensus porta, murusque ex utroque latere in longum porrectus munibat. At quia mons hic  
 spaciosi ambitus minus claudi obsidendo poterat, illis potissimum in locis, ubi infestio-  
 rem se hostibus fieri posse existimat, sedes ponit. Porro Iacenses ac si pro vita certare, in-  
 stare, omnia circumire, nihil remittere: quibus partibus plus timebant loca munire, inde  
 fatigabiles adesse vigilanti cura studebant. Et quia armenta sua, & pecora secum in abdi-  
 tis eiusdem montis, cauetis nosque locis a peruatione hostili tuta aggeriebant, & minus  
 ab hostibus ea diripi metuentes, obduratiores erant. Comes autem quanto eos in sui de-  
 fensione attentius instare videbat, tanto altiori ira inflamabatur, quo se eos minus laedere  
 posse cognoscebat. Non ab incepto deterrebat: sed eo instantius quo preualeret omnia  
 conando nitebatur. Sicilienses ergo milites suos, quibus iam impertierat possessiones in-  
 50 sulae, quantum subiugauerat, apud Parthenicum, & Corticum dimittens, Iacensibus infe-  
 stos fieri precepit: ipse cum Calabrensis Cinisum, qui similiter contra se recalcitrabat,  
 obsessum vadit. Sicque vno, eodemque tempore vno in confinio duas obsessiones, & a se di-  
 uisas ponens, utraque fortissime tenuit: atque de vna ad aliam sepiissime migrans hortari, in-  
 stare, per se ipsum omnia attentare, hostibus infestus adesse: nunc minis, nunc incurso-  
 nibus terrere: suis blandiri, plurima largiri ampliora largire in sui fidelitatem attrigere, ho-  
 stibus infestos reddere non desisteat.

XXI. MENSIS erat sextus Sextilem denotat astus:  
 Hic studet ut ladat, studet aliter ut ille recedat.  
 Ladiunt, ladiuntur: sic alternando premuntur.



## GAVFREDI MONACHI

*Sic paribus votis non deficit hostibus hostis.  
 Tempus erat messis: armis macerat ita fessis.  
 Fruuntur messes: turbat res ista tacenses.  
 Quodque iam lœdit Cimensibus hand bene cedit.  
 Consilium capiant: succurrere messibus aptant.  
 Sed cum vi nequeunt, hoc artibus addere quarunt.  
 Conueniunt Comitem: tentant sibi reddere mitem.  
 Fœdere componunt: fraudis munimenta reponunt.  
 Fruges saluantur: Comitig; reconciliantur.*

1080.

XXII. IGITUR anno Dominicæ incarnationis MLXXX. Raimundus famosissimus Comes Prouinciarum famam Rogerii Siculorum Comitis audiens, propter strenuitatem, quæ de ipso referebatur, legatos dignos, qui a tanto, ad tantum dirigerentur, mitens Mathildem filiam suam, quæ de prima vxore admodum honeste faciei puellam habebat, sibi in matrimonium copulandam exposulat: quod cum à Comite concessum renuntiât, qua de re ille non minimum gauisus, erat enim propter formositatem, quam de ipsa audierat, illam ardentissimo amore cupiens, audito termino nuptiarum: per se ipsum in Siciliam accedendo, diem præuenire accelerat venientem. Comes honore condigno excipit: pactiones renouantur: dos puellæ sub testamento chirographizatur: sponsalia, præsentibus vtriusque partibus, precibus ab Episcopis, & sacris ordinibus catholice celebrantur. Qui iam dudum inter iuuenem, & puellam palatim adoleuerat, prima nocte, ut assollet, immentum excrescit. Celebratis itaque, & non sine magnarum expensarum sumptibus nuptiis, socer generum suum aliquandiu secum retinens, tandem munificentis beneuolium, ut res ipsa exposulabat, factum, sed & iis, qui cum ipso aduenerant, singulis singula, prout quemque esse sciebat, largiens, nauibus apparatis placido equore à se cum filia dimisit. Illi autem vela ventis accuratissime committentes zephyro suffragante, breui tempore vnde venerant, cum sponsa reducunt.

XXIII. SPERNIT nata patrem: pudit nec relinquere matrem.

\* Externo Comiti sociatur delectari  
 A quo nutritur caret hic: alteroque potitur.  
 Pœna quidem multa cum nutritur: cum sit adulta.  
 Nec quæ nutritur lasciuo fratre potitur.  
 \* Plus externum quam quem sit iure paternum.  
 Nec nimis hoc culpo, quamuis hic talia sculpo.  
 Nec prohibens viro: cum fiat inuita marito.  
 Diligat & iuste fœdus seruando venuste.  
 Nam quos lex iungit, sententia nulla repungit.  
 Ut soboles crescat, ne deficiendo tabescat.  
 Prima virago datur: primaque viro sociatur.  
 Tali fortuna duo sint ut carne sub vna.  
 Lex ita diuina praecepit: non peregrina.  
 Pinxit scriptura quæ sunt facienda futura.  
 Postponat patrem, postponat denique matrem  
 Quisquis & uxori iungatur amore priori:  
 Iure maritali seruetur linea tali.

1081.

XXIV. IGITUR famosissimus Apulorum, & Calabriae Dux Robertus dietim instigante se Michaële qui ad se transfugerat, ut cœperat versus Romaniam animū intendēs, anno Dominicæ incarnationis MLXXXI. Mense Maio apud Hydruntū venit: apparatisque pro processu sumptibus tanto inceptui dignis, quindecim naues trans mare aliquam urbem præoccupatū mittit: ut cum ipse cum reliquo exercitu subsequeretur imbecille vulgus cuius pars maxima in expeditione erat, quo se ab hostili incurſu, si necesse foret, tueret, haberet. Illi vero vela ventis committentes de nocte apud Coroson applicant. Insulaque de mari eminus inspecta, multitudinem hostium, quam inuenerunt abhorrentes, minime à nauibus progredi præsumunt: sed reditum accelerantes, Duci placidum, etiam si maior esset exercitus, renuntiant. Dux itaque plurimum exhilaratus copiis nauibus introductis festinus cum omni classe transfretare accelerat: pluribus ex remanentibus amicis, quibus Apuliam, Calabriamque procuratum delegauerat, timore eum, & qui cum ipso abibant, amittendi, usque ad ipsa lachrymarum indicia, quas affectus pietatis exprimebat, dolentibus: quibusdam vero ex iis, qui cum ipso proficiscebantur timore tam horribili, ad quod intendebat inceptus, ac si febrium typo grauarentur, militibus demisse



misſe tremantibus. Nam quantæ audaciæ, cuiusve militaris ſtrenuitatis Dux iſte fuerit, cum per multa exercitia ſatis abunde; clareat, etiam ſi reliqua omnia ſileant, ex hoc po-  
tiſſimum indubitanter annotari poteſt, quod cum tam populolum imperium, tamq; co-  
pioſum Imperatorem, totve millia hoſtium pauca manu ſpe ſubiugandi bello laceſſere tē-  
ratum ire præſumebat, ipſe armatæ militiæ non pluſquam mille trecentos milites ſecum  
habuiſſe, ab eis qui eidem negotio interfuerunt, atteſtatur. Porro copias ei, viresq; quas  
res ipſa, tempuſq; quantum ad numerum, oculorum intuitu minus ſufficienter admini-  
ſtrabat, ipſa eius animo innata militaris ferocitas, ac ſi pluſ ipſis hoſtibus neceſſariis copiis  
abundaret ſufficienter, ſupraque eum habere in mente repræſentabat: ſuorumq; animos  
10 præ timore minus hilares, lætum vultum oſtendendo, largis eiſdem regionis poſſeſſio-  
num, theſaurorumq; ac ſi iam debellauifſet promiſſionibus recreando, ſpe ea in poſte-  
rum recipiendi, ſi ſtrenue ſecum agere volunt, ad militaris exercitus pericula tentanda,  
quæ formidolola æſtimatio dehortabatur, promptiores reddebat. Copiis itaq; tanto in-  
ceptui dignis pro ſpe apparatis, dum naues per equora prudente remige reguntur, aura  
leni proſperante ventola carbafa, vſq; ad portum placidæ applicationis impune recipiuntur:  
parſque claſſis applicat in portum, qui Herico dicitur. Poſt autem vbi fluuius Baiosæ  
in mare deſluit, placido litori tranſfertur. Dux ergo pro libitu ſuo placido litore potitus  
nauib; digrediens, mox vt terram pedibus attingit, inſpecta amœnitate, ſituq; locorum  
ſuis dixiſſe fertur. O fortiffimi milites, & honoris prædeceſſorum non degeneres heredes:  
20 hæc eſt enim hereditas vobis competens: pro hæc adipiſcenda armis decertandum eſt.  
Non vos deterreat ignobilis vulgi, & imbecillis, quamuis numeroſæ multitudinis ſtrepitus  
hoſtium: ſed adhortetur ſpecies, & fecunditas hoſtilis adipiſcendi hereditate agri:  
ſpeciesq; & abundantia poſt certamen, ſi ſtrenue agitis, vobis debitarum rerum. Hæc di-  
cens caſtrum, quod Caſopolis dicitur in inſula Carofi oppugnans capit: & aliud caſtrum,  
quod ex nomine inſulæ Carofi nomen accepit, cum tota inſula ſuæ mancipat ſeruituti.  
Inde progrediens vrbe, quæ Auolucia dicitur, iuxta Pemachios cāpos, quia conſinio  
quo applicuerat, adiacens erat, mox oppugnatum vadit. Porro ciues Ducis aduentu au-  
dito, præſentiaq; nimium territi, viribus ſuis ignauiter diffidentes, deditione à ſe ipſis fa-  
cta, eiſ; ditioni cum ipſa vrbe ſubdantur. Caſtrum etiam quoddam vrbe haud procul  
30 ſitum, quod Canna dicebatur, à præſentia Ducis timore languidum, & eo maxime quod  
Aualonem, quæ bellicis copiis ſe abundantiore erat, deditione fecerat, haud ſecus ſubditur.

XXV. FORTVNAM ſibi Dux ſatis bene cedere

Cognoſcens, adiicit plurima viſere.

Duraci mœnia obſidet, undique

Armat a populi manu.

Sic vrbs contremuit hoſtibus obſita:

Diffidunt ſibi iam fortia mœnia:

Inſiſtunt ciuib; tela minantia:

Alternant ſibi funera.

40 Sed pluſ atteritur aſperitatibus

Græcorum populus territus hoſtibus:

Nec reddit timidus aſpera vulnera:

Vires abſtulerat timor.

Conſtantinopolim Chartula mittitur.

Hoſtes in prælio adfore dicitur.

Ereptum veniant cum pretio queritur.

Ne ſubdantur ab hoſtibus.

XXVI. IMPERATOR itaq; de præſentia hoſtium ſiniſtro nuntio accepto Chartulis  
expeditionem ſubmonens, totum imperium ſollicitat: multiſq; millibus, paucis numero  
50 hoſtibus, ſed ſtrenuitate abundantioribus occurrere parat. Credensq; à multitudine ſuo-  
rum eos facile occupari poſſe, Venetianis mandat, vt plurima claſſe apud Duracium ſibi  
occurrant: vt ſi ibi forte noſtri bello ab ipſo deuicti, fugientes per mare euadere niterentur  
ab ipſis nauali certamine præuenti, facilius intercepti perimerentur. Qui iuſſa fideliter  
complentes claſſem accelerant: triduoq; ante ſibi præfixum ab Imperatore terminum,  
verſus Duracium aduentare à noſtris eminus in mari conſpiciuntur. Ad quorum intuitu  
noſtri in arma ruentes, nauali congreſſu dimicaturi hoſtib; promptiffime occurrere ac-  
celerant. Sicq; per totā diem vtrinq; acerrime cōgreſſum eſt. At cū iam die refrigeratē ſol  
ad occaſum vergens liquidas vndas Oceani quaſi ſubintrare videretur, præualente ho-  
ſtib; ſtrenuitate noſtrorū, Venetiani virib; exhausti deditione pollicētes pacē, induciaſq;



vsque in crastinum, quo Duci, pro libitu suo fœderentur expostulant. Sicq; nostris, quod expetebant, inconsulte concedentibus, certamen hac vice inciditur: nostri in portum suum reuertuntur. Nostri itaque deditionis falsa pollicitatione delusi, per totam noctem, quasi iam hostes triumphauissent, gloriantes, dum vsque in crastinum securius sustinent, Venetiani naues suas pluribus com meatibus aggregatas, nocturno silentio exonerando leuigantes, & in summitate mali vniuscuiusq; nauis solium duorum, vel trium hominum arte componentes, lapidibusq; & pilis ad iaciendum munientes se se ad defensionem potius, quam ad deditionem aptant. Dux vero doli ignarus, summo diluculo potentiores exercitus sui, qui eos se ipsos sicut promiserant dedentes susciperēt, mittens, saluis omnibus quæ ipsorum erant, vsque ad se deducere præcipit. Sed aduenientibus Venetiani 10 arma potius, quam deditionem ostentantes, dum magno impetu versus ipsos grassantur, nostris, quia imparatiores processerant, certamen declinantibus, ipsi in portum Duracensem ad ignominiam, damnumq; nostrorum impune applicant: sicque facultatem liberam urbem ingrediendi habentes, vicissim nautæ urbicensibus, & urbicenses nautis consociantur: inuicemq; per totam noctem, & diem consilium captantes plus minus à medietate noctis transacta sub pallore lunæ armantur: nauibusque litore ocyus amotis, buccinis concrepando nostris certamen offerre progrediuntur: quibus nostri certatim occurrentes acerrime utrimq; congreditur. Sed illi artificiose ignem, quem Græcum appellant, qui nec aqua extinguitur, oculis fistularum meatibus sub vndas perflantes quandam nauem de nostris, quam Cattum nominant, dolose inter ipsas liquidi equoris 20 vndas comburunt. Sed nostri dolo cognito, facto impetu aliam nauem de suis non minoris pretii penitus in mare submergunt: sicq; damno contra damnum composito, pari ultione facilius fertur: nostrisq; exhorrescentibus dolum ipsorum, ipsis autem strenuitatē nostrorum, certamen utrimq; direptum quieuit: Ipsi in portum urbis vnde exierant, regrediuntur: nostri vero ubi prius applicuerant persistunt.

XXVII. PORRO in crastino summo diluculo illucescente, mense Octobri instante, dum pars exercitus nostri pabulum quæsitum ire appararent, Imperatorem cum innumerabilibus copiis aduentare per signa in summitatibus hastilium eminens euentilantia deprehendunt. Fit concursus, & strepitus in castris: alii terrentur: alii animo promptiores minus fottes exhortantes, recreando robustiores fiunt. Dux vero videns sibi belli 30 certamen imminere, vt suis omnem spem fugæ auferendo, ad defensionem sui ardentius inflammaret, naues suas à mari protectas omnes combussit: ne forte cum acrius proelium nostris immineret, timidi certamen declinando spe transmeandi illorum aufugerent. Imperator vero appropinquans haud procul à castris nostrorum, sed quasi stadiis quatuor interpositis, castra metatur: exercitus abundiq; ipse facit: nemine ipsorum aduersum nostros, sed neque ex nostris aduersum ipsos ipsa die aliquid præsumente. Sequenti nocte Dux primas noctis facit excubias. Secundas videlicet à media nocte donec diescat, Boamundus filius Ducis. Mane autem facto, Dux ipse lucis crepusculo, omnesque nostri surgentes cum summa deuotione hymnos Dei, cum missarum celebratione audiunt: presbyteris compunctiue confitentes peccata, muniunt sacri viatici ministeriis. Sicq; ordinatis aciebus ad certamen gradatim, & coniunctissime progrediuntur. Imperator vero sibi occurrens tanta multitudine vndique conspicatur, vt nullius montis ascensus ad superuidendum extremitatem eius sufficere videretur. Angli vero, quos Waringos appellant, ab Imperatore primitias congressus expetentes, certamine inito, caudatis bidentibus, quibus hoc genus hominum potissimum utitur, infestissime instantes, nostris admodum importuni primo esse cœperunt: cum ecce quædam acies nostra ex aduerso illis sub nudo latere prorumpens, forti congressu sauciatos, & ab incepto deterritos in fugam cogit: qui versus Ecclesiam S. Nicolai, quæ ibi conigua erat, vitæ auxilium expetentes, dum alii quantum capacitas permittebat, subintrabant, alii tanta multitudine tecta superscandunt, vt pondere ipsa tecta dissoluta consubruantur: illos qui subintrauerant, oppri- 40 mentes, conclusi pariter suffocarentur. Porro Imperator videns Waringos, in quibus sibi maxima spes victoriæ fuerat, eneruiter superatos, & nostros insequentes aduersum se aduentare, territus fugam potius, quam certamen eligit: omnisq; exercitus Græcorum, tentoriis cum omni supellectili sua relictis, quisque prior fugæ fieri accelerat. Nostri itaque victoriam adepti. Duce eos reprimente, haud longe fugientes persecuti sunt: sed ad castra eorum regressi, Dux in tentoriis Imperatoris hospitatur: ceteri qui priores accedebant, pretiosiora hospitia cum spoliis usurpant. Dux ergo videns hiemem sibi imminere, mensis enim erat Octobris, inde progressus, super fluuiū Dæmoniorum castrum ad æstiuandum construxit: quod ex suo agnomine vocans, Montem Guiscardi appellauit: à quo etiam diatim



diatim vsque Duracium armata manu progrediens, diuersis incurſionibus crebro laceſcebat. Caſtra vero diuerſa eiſdem prouinciæ eiſe inſeſtationem ferre non valentes, ſcedere cum ipſo composito, deditiōem facientes ſibi conciliantur.

XXIIX. ERAT autem ea tempeſtate apud Duracium Venetianus quidam nomine Dominicus nobili genere: cuius prouidētiæ maior turris ad tuendum delegata erat. Huius animum Dux quadam colloctione habita inter ſe friuola, quantisper dignoſcens, aliquando, ſed rarius per ſe, aliquando per alios, ne forte fraus ab aliis inter ipſos componi deprehenderetur, attentans diuerſis in conuentionibus, de traditione vrbiſ ſollicitare cœpit. Animus vero cupidine æger, vt à promittentibus auaritiæ luxuria admisceſtur, facile corruptus, à bono, honeſtoque propoſito procius in deterius dilapſus eſt. Dux denique neptem ſpecioſæ formæ habens, filiam videlicet fratris ſui Guilielmi Principatus Comitis, vt ei in matrimoniū cum hereditate puellæ competenti ſociandam ſe dare ſpondit, pro libitu ſuo fauore vſus, ſacramentis ab vtriſq; partibus datis, illo vt urbē tradat, iſto vt neptem conferat iurante, nox per traditionem urbem ſubintrādi terminatur. Dux de nanciſcenda vrbe certus ſcalas ad trāſcendendum muros ex ligno componit. Venerianus autem in adiutorium Ducis ex funibus per leſas adueniētib; hoſtibus de muro dependētes porrigit. Et quia ſic ſcriptū eſt: nullus pernicioſior hoſtis eſt ad nocendum, quā familiaris inimicus: ab ipſo qui vītueri debuērat, libera facultate urbem prorumpendi hoſtibus conceſſa, ſub nomine Guiſcardi, ſiniſtro clamore ſæpius ingeminato, buccinis concrepantibus vrbs tota turbatur. Ciues in arma ruentes ignari, quod hoſtes iam ſecum infra muros, & in altiori turri eſſent, in caſſum repugnare nituntur. Triduo tamen poſſe, ſed fruſtra renitentes, tandem vi coacti, ſcedere composito, deditiōem ipſis facientibus, ditioni Ducis colla ſubmittunt.

XXIX. IGITUR Dux urbē potitus pro velle ſuo ordinans Fortino de Roſana procurandam delegauit. Ipſe cum exercitu ultra progrediens, totam prouinciā debellando ſibi ſubiugatum vadit. Vnde & apud urbem, quæ Caſtoria dicitur, veniens, quia ditionē eiſe ſubire recuſauit, obſidione compoſita, eam vndique vallauit: miniſque terrendo, & interdū blandimentis mulcendo, aliquanto tēpore inſeſtus perſiſtens, plurimū laceſſiuit. Trecenti. n. Waringi in eadē vrbe habitabant: cuſtodes ab Imperatore deputati: quorum præſidio, & opere nō minimū deſenſabatur. At cū noſtros in oppugnādo pſiſtentes vidē, machinamenta quibus vrbs facilius debeat debellari & debeat apparere timentes, & capta vrbe peius ſcœdus inire, ſibi in futurum præcauentes, ſcedere conſeſto, deditiōem faciunt: ſicq; vrbe ſubiugata, omnes circumquaq; prouinciæ cū finitimis caſtris eiſe ditioni ſubiugantur. Ipſe quippe oēs qui ad ſe conuerſebātur, cū ſumma honorificentia habebat: muneribus augebat: eorum conſilio in iis, quæ facienda erant plurimum utebatur. Et hoc ex induſtria: vt alii cum iſta audirent, facilius ſibi applicarentur, agebat. Timor autē eiſe totum Imperium, vsq; ad ipſam Regiā Urbem tremere faciebat.

XXX. CVM iſta apud Romaniam à Duce agerentur, Sicilienſi Comite Rogerio apud Calabriam, & Apuliam fraternis negotiis vt ſuis intēto, Benaruet apud Siciliā Chriſtiano nomini inſeſtus multa incommoda inferebat. Erat callidiſſimus: & militari exercitio deditus: audax, ſubdolus: aliud lingua proferens, aliud tacito pectore occultando gerens: Syracuſi, & Noti princeps: cuius conſilio omnes Sarraceni, qui adhuc in Sicilia rebelles erant, innitebantur. Hic quendam paganum nomine Bencimine, quem Comes apud Catanā maiorem vrbi præfecerat, callidis circumuentionibus aggrediens, ad tradendam urbem multis munerum, poſſeſſionumve pactiōibus ſollicitabat. Paganus vero nominis ſui competens imitator, auaritia cæcatus fidei, ſacramentorumque, quæ Comiti dederat oblitus, ſtatuto termino, infra urbem illum cum maxima multitudine ſuorum fraudulenter de nocte accipiens, traditionis nomen ſibi perpetualiter vindicauit. Quod factum cum per totam inſulam perſonuiſſet, Chriſtiani quidem eo quod tam nefanda fraus inter ipſos reperta ſit, plurimum erubeſcebant: Sarraceni autem paſſim de tanta Chriſtiani nominis ignominia ſubſannando exhilarabantur. Porro Iordanus filius Comitis, & Robertus de Surda valle, & Elias Cartomenſis, qui ex Sarracenis ad fidem Chriſti conuerſus, poſtea apud caſtrum Iohannis à ſua gente hoſtiliter interceptus, quia negando apoſtata fieri noluit, martyrio vitā laudabiliter finiuit: exercitu admoto, verſus Catanā iter intendunt. Benaruet vero eos aduenire, per ſpeculatores ſuos, quos vndiq; omnia viſum præmittebat, audiens, extra urbem copiā ſuorum ad præliandum ordinās dimicaturus occurrit. Pedites quidem vsque ad viginti millia, dextro latere ſuo in occurſum hoſtium paulisper anteponens, ipſe cum equeſtri legione in ſiniſtro cornu fixus manens: hoſtes præſtolatur. Noſtri autem cum cētum ſexaginta tantummodo milites eſſent,



nil remorati certamen, Deum sibi propitiū inuocātes ineunt. Tercioq; super pedites impetu facto, cū immobiliter persistentes flectere nequeunt, declinantes eos super equites irruunt: fortiterq; congregientes multa strage facta, in fugā vertunt: quos insequentes, & extremos quoq; cædentes, vsque in portam ciuitatis impellunt. Benaruet vero sic per fugam vix elapso, de peditibus maxima strages facta est. Nostri vero ante urbem tentoria figentes obsessionem prægrauabant. Sed Benaruet clam de nocte urbe digrediens cum pagano traditore fugiens Siracusi se recepit. Sicq; vrbs à nostris recuperatur. Paganus traditor à Benaruet, ne Syracusam, sicut Catanam fecerat, tradat, dum præmia pollicita requirit, truncatur.

XXXI. GREGARIUS autem miles quidam nomine Angelmarus Comiti diu serui-  
erat: cui ipse Comes, quamuis infirmioris generis esset, propter militarem tamen strenuitatem, quam in eo videbat, volens seruitium suum honeste, vt sibi semper mos fuit, remunerare, vxorem nepotis sui Serlonis, videlicet apud Siciliam à Sarracenis interceptus fuerat, cum omni sibi competenti, ipsa multum renitente, in matrimonium sibi concessit: vt præclari generis muliere, erat enim filia Radulfi Baianenſis Comitis, militis generositas inter sodales clarior fieret. Ille vero apud Geracium, cuius quadrans ex dote mulieris sibi compete-  
bat, nuptiis sollemniter celebratis, non iam humilitatis honorem seruans, ad sui generis debilitatem mentem reducebat, sed vxoris generositatem in animo sibi vindicans, æqualem se & genere, & dignitate illi, cuius antea vxor fuerat, iactans proterue appetebat. Hic apud Geracium, vbi Comes turrim firmauerat, demum defensabilem incipientis, paulatim prouehendo, & interdum dissimulando fortissimam turrim effecit: Geracenses omnes suis adulationibus, & fauoribus sibi attrahens: & sacramentis datis, & acceptis in amicitia confederans. Quod cum Comiti renuntiatum fuisset, insolentiam eius animaduertens, & in futurum timens, ne forte fiducia turris, in aliquod deterius consilium reuerteretur, turrim in modum domus habitabilis deponere humiliter iubens increpans eum, quod se inconsulto tale quid præsumpisset. Ille vero cum Geracensibus consilium habens prauè definito ipsis se sibi laturos promittentibus, beneficii sibi collati, vt assolet inter degeneres, oblitus, contra Comitem recalcitrare, potiusquam obedire indecenter elegit. Quod cum Comiti compertum fuisset, Geracensibus, vt turrim destruant, & Angelmarum captioni suæ mandent, imperat: quibus non tam fidelitate Angelmari, sed quia omne genus nostræ gentis illis inuisum erat, & magis discordias inter nostros, quam pacem fieri exoptabant, ad id recusantibus, Comes legalitatem suam seruans, hætenus homini suo diffidentiam in posterum mandat: sicq; admoto exercitu, versus Geracium obsessum pergit. Angelmarus vero astu Geracensium animos demulcens, aliquanto tempore suæ ineptiæ complices detinuit. At dum vident se à Comite exterius, interiusq; prægruari, cœperunt & ipsi à stulto proposito deficere: & fatigari. Quod Angelmarus aduertens, territus ne ab ipsis Comiti traderetur, & ipsi reconciliarentur, profugus euagans discessit. Vxor autem eius ad misericordiam Comitis veniens, pia recordatione nepotis, cuius vxor fuerat, saluis omnibus, quæ habebat, ad maritum conductum meruit: Comes vero reconciliantibus Græcis Geracium recepit.

XXXII. EODEM anno idem Comes sumptibus pluribus apparatis, vndecumq; terrarum artificiosis cæmentariis conductis, fundamenta, castella, turreſq; apud Messanam urbem iaciens, ædificare cœpit: cui operi studiosos magistratus, qui operariis non desissent, deputans, interdum ipse visum veniens, ipsos per semetipsum cohortando, festinantiores reddens, breui tempore turribus, & propugnaculis immensæ altitudinis mirifico opere consummauit: & quia hanc, quasi clauem Siciliæ æstimabat præ ceteris urbibus, quas habebat, fidelibus tutoribus deputatis artiori custodia obseruabat. Ecclesiam etiam in honore S. Nicolai in eadem vrbe cum summa honorificentia construens, & diuersis possessionibus augendo dotans, clericis ad seruendum deputatis, Pontificali sede aptauit: sed eam cum Trainensi cathedra vniuit.

XXXIII. IGITUR famosissimus Dux Calabria, Apulorumq; Princeps Robertus Guiscardus apud Bulgaros fortiter omnia sibi subiugando, agens, anno incarnati Verbi MLXXXII à Romanæ sedis Apostolico viro Gregorio litteris continentibus angustiam suam acceptis, vt in adiutoriū S. Romanæ Ecclesiæ reditum acceleret, multis precibus cohortatur. Imperator namq; Alamanorum Henricus, quibusdam controuersis inter se ortis, Romam cum exercitu veniens, obsessa diutius vrbe, eandem fortuna suffragante irruperat: Romanisq; potentioribus sibi iniungendo confederatis, ipsum Apostolicum virum in turri quadam, quæ Crescentii dicitur, reclusum obsederat: aliumq; in loco eius, Archiepiscopum videlicet Rauennatem Vmbertum nomine, re indiscussa, cōtra sanctos Canones



Canones, quod nefas est dicere, Cathedræ Beati Petri subrogauerat. Ipse vero tanta obsidione pregrauabatur, ut neq; sibi, vsquam progrediendi liber transitus pateret. Dux vero quauis ad id quod cœperat, intendere omnibus vtilitatibus in animo præfert, tamē calamitatem Sanctæ Romanæ Ecclesiæ audiens, & dominum suum sub quo omnia, quæ habebat, possidere se cognoscebat, in tātum angustiari, fidem datam, & legalitatem suam seruans maluit sua, quamuis cara, ad tempus ponere, & Sanctæ Dei Ecclesiæ, vel domini sui necessitatibus inferuire. Sicq; filio suo Boatundo strenuissimo militi, quæ cœperat exequenda committens, copiis omnibus sibi delegatis, ipse cum paucis placido remige versus Apuliam, versus Hydruntum applicat.

10 XXXIV. EA TEMPESTATE plures apud Apuliam propter absentiam Ducis insolentes, aduersus eum conspirauerant: volentes ea, quæ eius iuris erant, vsurpare: putantes eum altioribus negotiis intentum vltius regrediendi illuc non curare. Vnde & Gaudfridus de Conuersana apud urbem, quæ Oria dicitur, haud longe à prouincia Tarentina obsidionem ponens, plurimum laceffendo infestissimus erat. Dux vero apud Hydruntū applicans, audito vrbi obsidionem imminere, illorsum cum paucis appropriare accelerat. Porro illi qui obsidionis primarii erant, per legatum Ducem aduentantem cognoscentes, præsentiam eius exhorrescentes abincepto deterriti, cum plures essent, obsidione soluta quisq; fugam accelerans in sua dilabatur. Ciues autem sic obsessione, qua pregrauabantur eruti aduenienti Duci occurrere accelerant: cum gaudio, & omni obsequio excipiunt. Sed per vniuersam Apuliam seditiones, quas infidelitas turbauerat, à præsentia eius sedatæ in conspectu eius, acsi nunquam fuissent, siluerunt.

20 XXXV. PORRO Dux fratre Comite à Sicilia arcessito, admoto plurimo exercitu, super Iordanum nepotem suum Principem Auerse messes vastatum vadit. Nam cum antea inter ipsos diuersis controuersis inimiciæ efferbuissent, hoc ira in Principem plurimum incalecebat, quod nouiter in damnum Apostolici, imperatoris hominem ipsum effectum, & terram suam sub ipso deferuendam suscepisse audierat. Veniens itaq; cum exercitu ante urbem Capuanam, & castrum, quod Auerfa dicitur, ipso inuito, nec propulsare valente, per octo, & eo amplius dies commorans, multa depopulatione totam prouinciam laceffuit. Sed quia ipse Iordanus elegantissimus miles erat, & elegantissimos se-  
30 cum habebat, multa militariter diuersis congressibus vtrinq; perpetrata sunt. Inde itaq; rediens per totam Apuliam, & Calabriam exercitum perscribens submonet: vt proxima ventura æstate secum Romam super Imperatorē ituri expensas siue cōmeatus aptarent.

XXXVI. COMES à fratre nouiter à Bulgaria reuertente inuitatus, sibi occurrere versus Apuliam intendens, Iordano filio suo Siciliam procurandam delegat: interdicens omnibus, ne quis in iis, quæ præciperet, sibi contrarius esse præsumeret. Erat autem Iordanus ex concubina: tamen magnæ viris animi, & corporis: & magnarum rerum gloriæ, suæ dominationis appetitor: & iam dudum consilio prauorum sibi adhærentium iuuenum tacito sub pectore vsus, insurgendi conspirationem versans, sic discedente patre, locum suæ prauæ dispositionis, vt sibi dicebatur, nactus, plures callide circumueniendo,  
40 fidem illorum, nec dum negotio aperto, astu abstrahit: vt quæcumq; ipse prior inciperet ipsi complices in perficiendo persisterent. Talibus itaq; deceptis, tandem dolum diu dispositum aperit. Cum quibusdam displicuerit, pluribus placet. Quibus quisq; talibus assentire renitens improbe hortatur, ne fidem datam mentiri velit. Sacramenta patri exhibita in hoc salua fore, quod proficiscens quidquid Iordanus vellet, vel præciperet omnibus obedire debere imperauerat. Iordano plura promittente, sic prauī consilii assensus inter plures à Iordano in iis quæ patris erant, vltra quam deceret, vel ab ipso patre concessum erat, præsumitur. Nam castrum Sancti Marci, & Mistreram sibi vsurpans, detecta fraude prædas per totā prouinciam ibidem introducit. Sed & versus Trainam hostiliter accedens, patris thesauros, qui illuc seruabantur, asportare nisus, dispositione sua frustra-  
50 tus, vacuus redit. Nam fideles Comitis fraude comperta simul conuenientes, hostiliter accedentem ab ipsis finibus arcant. Quod cum patri renuntiatum fuisset, reditum accelerat: atq; vt vir sapiens, prouide agens, ne filius territus ad Sarracenos, qui adhuc rebelles erant transiret, versus eum hostiliter ire dissimulat: sed omnia, quæ fecerat filius, iuuenili ætate, & indulgentia digna ascribit. At cum filio, quæ fecerat patrem leuiter ferre nuntiatur, minus iis, qui secum erant, prospiciens, flebili fœdere interposito ad patrem accedit. Pater ad tempus iram dissimulans, aduenienti filio lætum vultum ostendit. Sed paucis diebus inrepositis pater in futurum prospiciens, ne si ii, qui tale consilium, filio complices facti dederant, impune transirent, alii ad simile aliquid præsumentes raperentur, nesciente filio, duodecim priores huius erroris, vnum post alium arcessens, oculis priuari



fecit. Quo facto filium etiam tali incepto ulterius compescere terrendo volens arcessitum, idem causa iustitiæ facere fingens minatur. Sed a fidelibus suis quibus ex industria idem agere prædixerat, retentus: territo filio, de cetero libitu suo, ut decuit usus est: nam disciplina, & rigor iustitiæ cum pace communionem habent: Psalmista attestante: qui ait. Misericordia, & veritas obuiaverunt sibi: iustitia, & pax oscultatae sunt. Sic enim misericordia sectanda est, ut iustitia remissior in ultra quam decet, non sit: ne vitia nimium inolecant. Vnde & prouidus pater, ut sapiens medicus, hunc ipsum filium suum, ut à prauitate compesceret, tanto rigore territum attriuit.

XXXVII. ANNO itaque Dominicæ incarnationis MLXXXIII. omnibus accuratissime apparatis, equestri plurimo exercitu, sed & peditum copiis Dux versus Romam ad obsequium Imperatoris, infideliumque Romanorum Papam Gregorium, qui & Ildebrandus ante susceptum papatum dicebatur, contra Cæsarem si necesse sit, & nisi cedat, dimicatum leonina ferocitate iter intendit. At cum iam prope ventum est, incaute incedere nolens, ordinatis aciebus, mille electos milites, cum totidem vexillis præmittens, aliam aciem cum tribus millibus pedetentim subsequi præcipit. Ipse cum reliquo exercitu: peditum copias, & quæque infirmiora ante se ponens prouide subsequitur. Audierat quippe milites Imperatoris sibi in occursum, Romani ex parte aquæ duct<sup>9</sup> exisse: sed hoc sibi falso relatum erat. Nam ipse Imperator iamdudum multa ex parte exercitum suum à se dimiserat: & cum minori militia quam accesserat, Romæ nil tale suspicatus morabatur: dumque hostes aduentare præsentit, suis viribus minus sufficiens, & Romanorum fraudem, quamuis indeficientes illi adesse promitterent, pertimescens, cum maximo dolore animi cedens, vrbe digressus iam ante triduum recesserat. Dux itaque neminem sibi, ut suspicabatur, occursum hostiliter offendens, libero ad urbem accessu usus, ante portam, qua via Tusculana porrigitur, iuxta aquæ ductus castra metatur: vbi triduo commoratus, vrbe vndique circumconspecta, quodam diluculo cum mille & trecetis militibus ad portam, quæ S. Laurentii dicitur, sub aquæ ductu iuxta Tiberim, vbi minorem custodiâ, nemine in illa parte aliquid suspicante, per sensit, accedens, scalis silenter appositis muros transcendit: portisq; ferro apertis suos introducens per plateas vrbis, usque ad pontem, in quo suus exercitus præstolabatur Guiscardum clamoribus ingeminando, ciuesq; terrendo, portaq; vi potius fracta, quam resecrata suos intromittens urbem irrumpit. Sicq; directo impetu usq; ad turrin Crescentii percurrrens Papam eripit: e ductumq; honore, quo decebat abducens palatio Lateranensi restituit: vbi Dux prior, & omnis exercitus subsequenter cum oblationibus ad pedes eius, debito more prouoluti plurimum thesaurum contulerint. Porro Romani viribus resumptis, conspiratione inuicem facta, tertia die post congregari, per medias plateas vrbis impetu facto super nostros irruere conantur. Fit clamor, & strepitus in vrbe. Nostri à mensis quibus assidebant, prorumpentes, ocyus in arma ruunt: hostibus hostes corruunt: dura frons ab dura fronte obuiatur. Rogerius filius Ducis cum mille equitibus nesciente patre extra urbem à Romanis infestari citissimus cum impetu aduolat. Sed Romanis fortiter insistentibus nullus impetus præualebat: donec Dux ignem exclamans, vrbe accensa, ferro, & flamma insistit. Tunc demum Romani incendium ferre non valentes in fugam vertuntur. Dux fugientes extremos quosque cadendo, usque ad pontem persequitur. Vrbs maxima ex parte incendio, vento admixto accrescente consumitur: nostri victores apud Lateranum reuertuntur. Romani itaq; hostes infra muros sibi imminere cernentes, & eorum infestationibus prægruari, ulterius ferre non valentes, consilio inter se prudentiores vrbis habito, eligunt sanius Apostolico suo confederando reconciliari, quâ diutius in incepta ineptia persistendo hostili gladio, nullo quæstu ventilari. Sicque pace expedita allocutum accedentes pluribus circumventionibus de excusatione fraudis usi, tandem venia impetrata reconciliantur. Sacramentis pro libito Papæ, & Ducis obligati fœderantur. Nostri recedentibus vrbs à calamitate hostili absoluitur. At vir Apostolicus perfidiam Romanorum cognoscens, & ulterius obsequio circumueniri cauens, consilio fidelium suorum usus, ad tempus vrbe digrediendo, Romanorum fraudem declinare, quam ibi persistendo, & libera facultate eis concessa de se ipso periculum faciendo vtrum ea quæ promittebant, fideliter, an non seruarentur tentare, sed cum Duce in Apuliam secedens apud Beneuentum venit: sicq; in Apuliæ partibus usque ad extremum vitæ Roma inuisa permansit.

XXXIIX. *Roma quondam bellipotens toto orbe florida:  
Colla superborum domans perlustrabas climata.  
Leges dabas: & habenis temperabas omnia.  
Ante te tremebant Duces: Principes Imperia.*



Curabantur colla Regum loris tuis domita.  
 Nil superba resistebant: ense tuo territa.  
 Ordinabas quod volebas Duces, siue Principes.  
 Deponebas quos volebas seruos dans humiles.  
 Artibus exercuisti in istos habens iudices.  
 Dumq; iusta sectabar, fruebaris prosperis.  
 Leges à te requirebant omnes reges saculi.  
 Sententia per te data indiuisa perstitit.  
 Tempore haud longo talibus studiis  
 Implicaris fraude tua turpibus negotiis  
 Fraude tua clarescente mares despicabilis.  
 Te iam nulli pertimescunt: terga præbes omnibus.  
 Arma tua hebetata carent acuminibus.

(...)  
 (...)  
 (...)  
 (...)  
 (...)

Non sufficit Papa vnus: binis gaudes infulis  
 Fides tua solidatur sumptibus exhibitis.  
 Dum dat iste, pulsas illum, hoc cessante reuocas:

(...)  
 Cuncto orbi dans errorem hac miscendo schismata.  
 Ne cessassent bona artis in te prima studia,  
 Nulli Regi de te cessisset victoria.

Miles quidem iste Normannus, qui te victam superat.  
 Non terret te Apostolorum sacra presentia?  
 Nec reuocant ab inceptis te sanctorum pignora?

(...)  
 (...)  
 (...)

Surge Petre summe pastor finem pone talibus.

XXXIX. Duce itaq; apud Romam Apostolicis necessitatibus inseruiente BOAMVNDVS filius eius apud Bulgaros, vbi à patre relictus erat, strenue gerens, patris vices haud grauitur exequabatur: urbemq; quæ Atta dicitur, obsidens plurimum infestus persistendo, capere omnibus artibus nitebatur. Porro Imperator audiens urbem sui iuris hostibus prægrauari, Ducemq; quem plurimum pertimescebat, recessisse, absentia eius viribus resumptis, exercitu admoto, urbi succurrendum multis copiis parat. Sed venienti BOAMVNDVS occurrens, certamine inito, bellum comperit. In primo congressu, qui primum accesserant, collisi sternuntur: subsequentes visu terrentur: fuga iniur. Imperator cum primis fugientibus esse vile ducit. Imperatore fugato BOAMVNDVS victor efficitur.

XL. Quod cum Duci cum triumphali gloria à Roma reuertenti renunciatum fuisset, filium à se non degenerare cognoscens, & in hoc maxime, quod vno in tempore duorum Imperatorum fuga triumphali gloria laus sibi, suisq; concessa sit, veniens in Apuliam ministros suos vndecumq; conuocans omnibus suis ordinatissime dispositis, plurimo exercitu versus Græciam quæ cœperat, executum accelerare disponit. Nauibus deniq; mense Septembri à tota Apulia, Calabria, siue Sicilia apud Hidruntum conflat, copiisq; necessariis introductis, prospera aura suffragante, optato portu applicans filium, & quos cum ipso apud extremas partes dimiserat, de reditu suo sollicitando anhelos, plurimum letitiæ se ipsum repræsentando reddidit. Sicq; ad quod venerat exequens, omnem patriam suo reditu turbabat: urbibus infestus, obsessionibus assiduus & indefessus: congressibus prior: excubiis nusquam absens: nunc minis terrendo, nunc blandimentis mulcendo Imperium sollicitum reddens ante se tremere faciebat.

XLI. MIRABILE quoddam præsagium, quod per totam Apuliam, Calabriam, siue Siciliam visum est, huic operi inferere dignum duximus. Maxime quod ea, quæ tale signum portendebat, nos ex parte non ignorare putamus. Anno denique incarnati Saluatoris MLXXXIV. sexto die Februarii inter sextam, & nonā Sol obscuratus est per spatiū triū horarum: in tantum, vt qui infra domos alicui operi insudabant, non nisi luminibus accensis, interim quæ cœperant, exequi possent: qui vero de domo ad domum transmigrare



volebant lanternis, & facibus vterentur. Sed antequam annus pertransisset significatio talis eclipsis, in quantum nos putamus pluribus cum maximo damno præclaruit. Nam eodem anno venerabilis Papa Gregorius, cuius superius mentio facta est, infirmitatis suæ à medicis medicamentum expetens, frustratis medicaminibus obiit. Dux Iulio mense: & famosissimus Rex Anglorum, & Normannorum Dux Guilielmus nono die Septembris moriuntur. Ducis vero exequias vxor Gayta cum filio Rogerio, qui tunc cum ipso apud Bulgaros morabatur, & ceteri Barones eius debito honore, non tamen sine iustitia exequentes funus transmeatum Venusium humatum perferunt. Græcia hostibus recedentibus libera, læta quieuit: Apulia tota, siue Calabria turbatur.

XLII. Iam fratribus Rogerio, & Boamundo, utroque Ducatum appetente, inter se dissidentibus, & pluribus nunc ab isto, nunc ab illo incrementa expetendo, lucrum sum quærentibus, multorum Apulorum fides quanti fuerit, experimento claruit. Rogerius tandem adiutorio auunculi sui Siculorum Comitis Rogerii, qui viuentis fratre, idem sibi promiserat, Dux efficitur. Omnia castella Calabria, quorum necdum nisi medietatis cuiusquam Comes Rogerius habebat, à nepote ad plenum sibi concessa consignantur. Nunc itaque quia suprema dies tanti Principis loquendi de ipso, quantum ad librum finem facit, finis quoque, ut mihi videtur huius hic ponendus est libri: ut de nouo Duce mixtum cum Comite loquentes nouum librum obsequamur.

EXPLICIT LIBER TERTIUS.

## INCIPIUNT CAPITULA

Libri Quarti.

- |  |  |
|--|--|
| I. Benarvet Nicotrum vastat.                                 | XII. Jordanus obiit.   |
| II. Comes cum Benarvet congregitur.                          | XIX. Simon nascitur.   |
| III. Pisani Africam oppugnant: & Comiti retinendam offerunt. | XX. Dux Rogerius infirmatur.   |
| IV. Rogerius Dux, & Boamundus eius frater reconcilantur.     | XXI. Guilielmus de Grantauul Rossanā intrat.                         |
| V. Comes Agrigentum obsidet: & capit.                        | XXII. Dux, & Comes Castri villam obsident.                           |
| VI. Chamut Christianus fit: Castrum Iohannis redditur.       | XXIII. Comes filiam filio Imperatoris Alamanorum dedit.              |
| VII. Comes Episcopos per Siciliā ordinat.                    | XXIV. Dux, & Comes Melfam obsessum vadunt.                           |
| II. Rex Francorum Philippus filiam Comitis vxorem expetit.   | XXV. Rex Vngarorum filiam Comitis in vxorem capit.                   |
| IX. Mihera Maiam intrat.                                     | XXVI. Comes Capuam obsidet cum Duce Rogerio, & principe Ricardo.     |
| X. Boamundus Cusentum peruadit.                              | XXVII. Urbanus Papa ad ipsos tendens pacem componere nititur.        |
| XI. Mihera monachus fit.                                     | XXIX. Capua capitur, & Principi Ricardo restituitur.                 |
| XII. Buteram Comes obsidet.                                  | XXIX. Urbanus Papa legationem Siciliae, & Calabriae Comiti concedit. |
| XIII. Papa Urbanus Comiti locutum in Siciliam venit.         |  |
| XIV. Comes Adelaidam in vxorem ducit.                        |  |
| XV. Notenses Comiti reconcilantur.                           |  |
| XVI. Comes Maltam vadit.                                     |  |
| XVII. Dux, & Comes Cusentum capiunt.                         |  |

## INCIPIUNT GESTA

Quarti libri.



ESSET vnde, noua, & elegantior poëtria, nouo Duci adhibenda esset: ut facundior sermo à iuvene nouorum, ut in tali ætate assolet, appetitore, nouo stylo, nouos fauores, suo merito extorqueret. Sed ne stylum mutando hoc quasi adulatione facere dicamur, prioris poëtrix ordine seruato, orationis seriem exequamur.



I. **I**GITUR Rogerio Comite nepotis vtilitatibus, vt eum plenius in Ducatu Calabrien-  
 si, vel certe in Principatu, & dominatione Apuliz contra voluntatem æmulorum  
 suorum solidaret, intendendo præoccupato, Benaruet Syracusi nauigio apparato, naua-  
 li exercitu apud Nicotrum veniens, à radice destruendo deuastat. Direptis omnibus quę  
 potuit, viros, & mulieres captiuos asportat. Sicque ante Rhegium veniens, Ecclesiā haud  
 longe in honore beati Nicolai, & aliam in beati Georgii sitam depopulat: sacras imagines  
 deturpando conculcat: sacras vestes, vel vasa, suorum vñbus aptando asportat. Inde pro-  
 gressus quādam sanctimonialium Abbatiam in honore Sanctę Dei genitricis, & virginis  
 Marię in confinio Scyllatiensi, loco qui Roca asini dicitur, consecratam aggrediens de-  
 uastat: sanctimoniales abductas turpi stupro dehonestatas abducit.

II. **Q**VA de re Comes diuinitus ira plus solito inspiratus: in vltionem tantę Deo illatę  
 iniurię ardentissime insurgit: classemque, qua illum facilius circumueniendo opprimat,  
 primo die Octobris aptare incipiens, vicesimo die Madii perficit: sicque sese affligendo,  
 summa deuotione in litanis, nudis pedibus, per diuersas Ecclesias processiones exe-  
 quens, multa beneficia indigis largitus, nauali periculo sese committens, versus Syracu-  
 sam vela dirigit: Iordanum vero filium suum cum equestri exercitu illuc sibi obuium fie-  
 ri præcipit: videns naues nutu Dei agi: & nulla aura, vel remige impingente, rapidas e-  
 quorum vñdas è recto sulcare: vt facile perpenderet hanc expeditionem Dei fauorem  
 comitari: & hostibus præualere debere. Comes igitur hostione de obtinenda victoria  
 certior factus, prima nocte Turoneum applicat: secunda vero apud Longeuam, tertia  
 Resfalix. Hic Iordanus filius suus cum exercitu equestri sibi obuius factus, multa inter  
 se, de iis, quę facienda erant, consilio habito conferentes, Philippum filium Geor-  
 gi patris cum velocissima sagetia versus Syracusam omnem rem exploratum man-  
 dant. Qui iussa fideliter complens, de nocte inter classem Saracenorum, ac si vnus  
 ex ipsis esset, circumnauigat: nam & lingua eorum ipse, & nautę omnes qui cum i-  
 pso processerant, peritissimi erant: omnibusque prudenter circumspectis, rediens cer-  
 tamen paratum renuntiat: Deo propitio nihil periculi imminere: hostibus audacter  
 occurrendum hortatur. Erat autem sabbathum. Comes autem suos commonens,  
 prima luce illucescente hymnos matutinos, cum missarum sacra executione audiuit:  
 presbyteris consentitur: sacris mysteriis initiantur: per totam diem ibidem morantur.  
 Sequenti nocte mediante, equoris anchoris extractis, cum silentio procedentes, lu-  
 na illucescente Syracusam, vbi Benaruet acerrime cum classe sua præstolabatur, vene-  
 runt: certamen ineunt: vtrinq; congregitur. Benaruet instinctu diaboli, qui vitam eius  
 iam misera morte terminare volebat, quo nauem Comitum eminus agnouit, magno impe-  
 tu grassans illorsum irruit: acriter bellatur: sed acrius excipitur. Nam à Lupino quodam  
 primum iaculo confossus, dum à Comite, qui nauim eius insilierat, minaci ense persequi-  
 tur, ipse proximam nauem de suis ad fugiendum saltu appetens, in mare cum pōdere ferri  
 demergitur. Sicque iniuriam, quam Deo arroganter intulit, diuino iudicio condigna vl-  
 tione multatur pœnas luendo perpeffus. Reliqui vero dum fugere nituntur, à nostris ci-  
 tato remige persecuti truncantur. Si Iordanus interim urbem oppugnasset, profecto fa-  
 cile debellata succubisset: sed pater minus prouide interdixerat sibi ne fieret. A Maio  
 igitur vsque in Octobrem obsessione vrbi dedita, ipsa multum recalcitrante, plurima in-  
 festatio vtrinq; facta est. Ciues vero Christianos plurimos in captione infra urbem ha-  
 bentes solutos ab vrbe eiciunt: rati nostros sic facile ab vrbe processuros. At dum nihilo-  
 minus persistere vident, vxor Benaruet cum filio, & melioribus vrbis, nauibus duabus  
 de nocte, per medias naues nostras rapidissimo remige euadentes se se Notum recipiunt.  
 Reliqui fœdere composito, deditione se, & urbem reddunt: anno Dominicę incarna-  
 tionis Millesimo octogesimo quinto.

III. **C**UM ista geruntur, Pisani, qui apud Africam negotiando proficiscebantur, quas-  
 dam iniurias passi, exercitu congregato, urbem Regiam Regis Tunitii oppugnantes, vsq;  
 ad maiorem turrim, qua Rex defendebatur, capiunt. Sed quia sua virtute vrbe expugna-  
 ta, patriam retinere minus sufficientes erant, Comiti Siciliensi, quem talibus præualidum  
 cognoscebant, eam si recipere velit, per legatos inuitantes offerunt. Porro ille quia regi  
 Tunitii amicitiam se seruaturum direxerat, legalitatem suam seruans in damno illius as-  
 sentire distulit. Rex vero Tunitius cum certando resistere nequit, pretio pacem merca-  
 tus, quo armis minus sufficebat, pecunia classe fines Christiani nominis peruasum vlti-  
 us tentare: & quos eiusdem religionis captiuos tenebat, coactus est absoluer.

IV. **D**UX autem Rogerius apud Apuliam, & Calabriam sua sapienter disponens,  
 in omnibus strenue, & prouide agebat: & quamuis iuuenili ætate esset, secundum quod



agebat, eum non iam iuuenem, sed moribus senissimum iudicare posses. Militie assiduus, infrequentium militum amans: colloquio affabilis: muneribus largus: labori, vigiliisq; indeficiens: Ecclesiarum defensor: pauperum & morientium consolator: suis clypeus: hostibus aculeus: iuste iudicans omnia: excepto quod pietatis affectu obuiante, in rigore iustitiae aliquantulum remissior erat. His artibus in se accrescentibus omnium bonorum fauorem breui obtinuit. Hic Boamundum fratrem suum ambitione Ducatus a se disciscientem, qui iam urbem, quae Oria dicitur, traditione ciuium adeptus erat, per quam prouinciam Tarentinam, & Hydruntinam spe praedae, complicitibus vndeque sibi alligatis infestabat, minus aduersum se proficere videns, non quod miles elegantissimus non fuerit, sed quia sumptus ad id negotii necessarii minus suppetebant, fraterna pietate commotus, arcessito ad se, & reconciliato partem paternae hereditatis contulit: annuens ei ipsam Oriam urbem, quam peruaserat: adiiciens Tarentum, & Hydruntum, siue Galipolim cum omnibus appendiciis: & quidquid Gaufridus de Conuersana sub ipso habebat cum famulatu eiusdem. Reliquos vero, si qui aduersarii erant, sua strenuitate sternebat: vbi vero minus per se sufficebat, Siciliensi Comite, quasi pro verbere ad alios subiugandos utebatur: cuius virtute pluribus territis, minus resistere praesumebant.

V. COMES ergo Rogerius omnes potentiores Siciliae a se debellatos gaudens, & nemine, excepto Chamuto superstiti, ad hoc assidua deliberatione intendit, ut ipso circūueniendo debellato, omnem sibi de cetero Siciliam subdat. Vnde exercitu admoto, ipso apud castrum Iohannis immorante, uxorem eius, ac liberos apud Agrigentinam urbem obsessum vadit anno Dominicæ incarnationis millesimo octogesimo sexto prima die Aprilis: quam vndique exercitu vallans, diutina oppressione laceffuit: studioq; machinamentis ad urbem capiendam apparatus, tandem vicesima quinta die Iulii viribus exhausta imminentibus hostibus patuit: vxor Chamuti cum liberis, Comitis inuenta est capti-  
onis. Comes itaque in vrbe pro libitu suo positus uxorem Chamuti omni dehonestatione prohibita, suis custodiendam deliberat: sciens Chamutum sibi facilius reconciliari, si eam absque dehonestatione cognouerit attractari. Urbem itaque pro velle suo ordinans, castello firmissimo munit: vallo gyrat: turribus & propugnaculis ad defensionem aptat: finitima castra incurfionibus laceffens ad deditionem cogit: vnde & vsq; ad vndecim duo breui subiugata sibi alligat: quorum ista sunt nomina Platono, Missor, Gastatel, Satuti, Racel, Bifar, Muclofe, Garo, Calatenissa, quod nostra lingua interpretatum resoluitur, Castra feminarum: Lerata, Remise.

VI. COMES itaque sibi omnia prospere cedere Dei miseratione cognoscens, adiecit castrum Iohannis: sibi aut oppressione, aut certe astu, aliqua composita confederatione sibi applicare. Vnde & quodam diluculo cum centum militibus versus Castrum Iohannis properans, Chamutum foedere interposito, locutum inuitat. Quem diuersis verborum circumfessionibus attemptans deditione Castrum, & conuersione ad Christi baptismatis regenerationem pulsat. Porro ille cognoscens, experimento de aliis sumpto, Comitem ad quodcumq; intenderet, fortuna fauente, nihil frustra niti, aliquantulum etiam de conuersione ad fidem tacito sub pectore inspiratus, clam suis agit, ut statuto termino Comes cum exercitu ante castrum veniens, ipsum cum omni suppellectili sua ad se transfugientem suscipiat. Timebat enim ne si in propatulo fieret, quod castrum reddere, vel ad fidem Catholicam transire niteretur, a suis met perimeretur. Comes a tali promissione latus apud Agrigentum redit: statuto termino silenter exercitu conflato, haud procul a castro Iohannis, loco inter se praenotato insidiis occultatur. Chamut omnibus suis mulis, & equis superpositis, quasi aliquorsum processurus vrbe digreditur: ex industria super insidias nostrorum incidit: a nostris excipitur. Comperto Castrum Iohannis a nostris oppugnatur. Porro ciues tali facto viribus exhausti terrentur: pro re, atque tempore consilium aptant. Foedere composito Comiti reconciliantur: Castrum deditione adiecit. Comes Castrum adeptus: latus efficitur: nostrae genti ad tuendum fortiores turres assignantur. Chamut cum vxore, & liberis Christianus efficitur: hoc solo conuentioni interposito quod vxor sua, quae sibi quadam consanguinitatis linea coniungebatur, in posterum sibi non interdiceretur. Chamut inter suos vltimus commorari vel differens, vel diffidens ne Comiti, quasi aliquam fallaciam miscens, suspectus fieret, vel minus crederetur, apud Calabriam in prouincia Melitana a Comite terram suis vsibus sufficientem expegit: quod Comes sibi libenter annuens, illuc secessit: sicque postea longo tempore viuens, ab omni fraude versus nostram gentem sese irreprehensibilem deinceps exhibuit.

VII. COMES videns propiciatione Dei omnem Siciliam, excepta Butera, & Noto suae ditioni subeundo cessisse, ne ingratus tanti beneficii sibi a Deo collati existeret, cepit Deo deuotus



deuotus existere: iusta iudicia amare: iustitiam exequi: veritatem amplecti: Ecclesiam frequenterate cum deuotione: sacris hymnis aditare: decimationes omnium reddituum suorum sacris Ecclesiis attribuire: viduarum, & orphanorum, sed & merentium cum ratione consolator. Ecclesias passim per vniuersam Siciliam reparat: ipse pluribus in locis de suo sumptus, quibus facilius fiant, attribuit. In vrbe Agrigentina Pontificalibus infulis cathedram sublimat: terris, decimis, & diuersis copiis, quæ Pontifici, & clero competenter designata sufficiant, hereditatiter chirographis suis dotat: ornamentis, & sacri altaris vrensilibus ad plenum consignatis. Huic Ecclesie Gerlandum quendam natione Allobrogum, virum, vt aiunt magnæ caritatis, & ecclesiasticis disciplinis eruditum Episcopum ordinans, præfecit. Haud secus apud Mazaram facere addens, omnibus quæ rite sufficerent Prælato, & clericis ad plenum designatis Stephanum quendam Rothomagensis, honestæ viræ virum Episcopum ordinat. Apud Syracusam vero idem adiciens Rogerium Decanum Ecclesie Trainensis honestæ eruditionis clericum, & boni moris & affabilitatis virum in Prouincia ortum Pontificalibus infulis sublimauit: Trainensibus non minimum de eius amissione dolentibus: quippe cuius doctrina, & exemplo ad meliora semper hortabatur: & consilio, & eloquentia etiam in ipsis secularibus negotiis, quasi pro baculo sustentationis utebantur: nam & absente Episcopo vices sibi delegatas cum omni prudentia, & moderatione exquebatur. Apud S. Euphemiam vero monachum quendam, natione Britonem, virum religiosum, post Abbatem totam Ecclesiam prudenti moderamine audiens, vt hunc Ecclesie Catanensi impetrare queat, Episcopum ordinare intendit. Quare & per se metipsum illuc accedens, vix tandem monachis hoc carere volentibus, ipso etiam præ ceteris amplius reluctantante obtinuit. Sicq; sollemniter Episcopatum concedens, quod nulli Episcoporum fecisse cognoscitur, totam urbem sedi sue cum omnibus appendiciis suis sub chirographo, & testibus hereditatiter possidendam assignauit. Porro ille Ecclesiam minus cultam, vt pote a faucibus incredulæ gentis eruiâ suscipiens, iuris studiis primo studiosius in hærens, breui Ecclesiam omnibus necessariis prouehens, ad Mariæ vices cum Martha exequendum transiit: monachorum turbam non modicam sibi coadunans, districtæ regulæ iugo, verbo, & exemplo subesse, vt fidelis pastor coegit.

IIIX. EA tempestate Philippus Rex Francorum vxorem habens legitimam, & præclarigenis Bertam nomine, ex qua suscepit filium nomine Leudouisium, cui etiam ab omnibus curialibus regnum post se habere designauerat, contra ius legitimæ coniunctionis exosam habere fecit: & a se contra Canonum statuta libello repudii conatur repellere: nihil criminis obiecto: excepto q; sanguinitatem falso adnumerare tentabat: nec poterat. Hic legatos apud Siciliam ad Comitem dirigens, filiam eius nomine Eminam, quam de prima vxore speciosam puellam habebat, sibi in matrimonium copulandam expetit. Comes vero fraudis, quam versus legitimam vxorem habebat, ignarus cum multis sponsalibus se sibi daturum concessit: statutoq; termino, nauibus apparatus eam usq; ad S. Egidium cum pluribus thesaurorum enxeniis, quo Rex se obuium fieri dixerat, maritimo cursu transfinit. Habebatq; fiduciam in Comite eiusdem prouinciæ Raimundo, quod eam Regi honeste consignaret: nam & ipse aliam filiam Comitis iam dudum duxerat. Rex vero prauorum consilio usus, ad hæc nitebatur, vt thesauris susceptis, Comitem de filia, non ducendo ludificaret. Porro Comes Raimundus regia fraude comperta, cœpit & ipse nihilominus aliam fraudem coniecturare: videlicet vt puellam dissimulata fraude cum honore suscipiens, alteri probo viro in matrimonium consignaret: ipse vero omnem pecuniam vsurparet. Sed prudentes viri, quos Comes cum familia miserat, prece puellæ pecunia exportata, fraudem quæ agebatur comperientes, anchoris extractis, vela ventis committentes, puella cum sororis marito relicta, placida aura sufflante, cum pretiosioribus thesauris ad Comitem in Siciliam reuertuntur. Comes vero Raimundus fraude, quæ machinabatur, ex parte frustratus, puellam Comiti Claramontis legalibus nuptiis copulauit: sicq; sola Dei dispensatione sollemniter maritata, & pater opprobrio, quod rex machinabatur, & filia inordinata, & contra ius quauis legali copulatione liberatur.

IX. MIHERA vero filius Hugonis Foloch vir magnæ leuitatis, sed elegantissimus miles, læua, pro dextera utens, Roberto Duce defuncto in insolentiam prorumpens, vicinos circumquaq; prædis, & diuersis incursionibus laceffendo appetere cœpit. Possidebat enim tunc temporis castra sibi à patre hereditatiter relicta Catantiarum, & Roccam: plus vero armis ambiens, in ipso etiam Duce præsumens, castrum, quod Maia dicitur, traditione ciuium sibi vsurpans irrumpit. Sed suis viribus auxilia addere volens, Boamundi fratris Ducis, qui iam fœdere rupto aduersus fratrem conspirauerat, homo efficitur.



Maïam, quam peruaferat, & omnem terram, quam hereditatiter à patre sibi relictam sub Duce possidebat, ipso Duce renuntiato, & sacramentis confœderatus Boamundus ab ipso recipitur.

X. At Boamundus ambitione nanciscendarum, peruatione super fratrem urbium auidus, cum Consentinis secreto, de traditione urbis agit: promittens se castellum, quod Dux illis inuisum in eadem vrbe firmauerat, si eorum auxilio capere possit, funditus dirutum iri. Qua promissione illi ad fraudem proclive illecti, Boamundo assentientes, illum infra urbem cum sua virtute suscipiunt. Sacramentis sibi confœderantur. Castellum vallantes oppugnatum vadunt. Quod cum Duci in Apuliam, ubi tunc morabatur, nuntiatum fuisset, exercitum admouens illorsum accelerat: auunculumque sibi in auxilium inuitans, ut sibi apud Cusentum obuius fieri non differat, mandat. Nam ut diximus, contra omnes sibi aduersantes illo, quasi pro flagello ad terrendum alios, utebatur. Comes vero militaribus, & peditum copiis apparatus inuitanti se nepoti obuius fieri accelerat. Sed antequam ab utroque exercitu, Ducis videlicet, siue Comitis illuc peruentum est, castrum quod oppugnabatur, dum pro posse repugnat, machinamentis apposis, viribus exhaustum hostibus cessit: funditusque, ut à Boamundo promissum erat, dirutum fit. Porro Dux sibi Comitem obuiam habens, Rossanam, quæ Consentinis in fraude assentiebat, oppugnans capit: incendio omnia percurrens. Boamundus itaque, ne obsidione infra urbem clauderetur, deuitans Hugonem Claramontis, qui Consentinos in sua fidelitate retineat, apud Cusentum relinquens, Roccam secessit. Dux vero, & Comes putantes, eum apud Maïam digressum, illuc præoccupare volentes accedunt. Sed cum non ibi esse comperiunt, versus Roccam properantes, loco, qui Lucus Calupnii dicitur, tentoria figunt: ubi per internuntios pace quidem ab utrisque partibus, interposita: apud Sanctam Euphemiam conueniendi, & plenius reconciliandi terminum statuunt. Sed Mihera huic termino assensit: nõ autem Boamundus. Ipse enim reconciliari differens, iam Tarentum recesserat. Instante itaque die præfixo, Mihera conductum, quo fœdere accedere, vel recedere liceat, expetit. Conceditur: accedit. Boamundo inconsulto, Duci reconciliatur. Maïa redditâ, Duci, cui iure competeat, reconfignatur. Fratres itaque post biennii dissensionem consilio utrorumque fidelium reconciliantur. A Duce, ut semper viro largissimo Boamundo Cusentum, & Maïa conceditur: sed breuissimo interuallo, quia Boamundus Consentinis iurauerat, castrum ibi se non facturum, & Dux idẽ se Barenisibus, cambio inter se facto, Dux Cusentum recipit: Barum fratri mutua vicissitudine concedit: ut saluo quisque in suo iure libera potestate quod volet faciendi utatur. Sicque amicitiam suam restibus, & chirographo confirmantes, deinceps indiuisam tenuerunt.

XI. MIHERA ergo Comiti Rogerio, & Radulfo Loracelli sibi infestantibus diu rebellis, videns offensas suas modum reconciliationis excessisse, vterius ferre non valens Adæ filio suo omnem terram suam assignat: putans eum auxilio ex parte matris parentum facilius resistere hostibus, aut certe reconciliari: ipse vero Beneuentum secedens monachice consociatus habitum induit. Nam neque Dux, neque Boamundus, quia vicissim utrumque fœdere rupto ludificauerat, amici erant: ob quam rem Comes, & Robertus Loracelli iam à Duce terram eius sibi datam iri expetentes, facilius obtinuerant. Comes vero milites suos Rodulfo Loracelli ductore super Adam mittens, diutinis incursionibus aliquanto tempore repugnantem, tandem penuria afficit: qui cum videt se vterius ferre nequire, palatium suum, & omnes meliores domos nocte ubi oppugnabatur incendio destruens, castro relicto hostibus, recessit anno Verbi incarnati Millesimo Octogesimo sexto. Comes vero, & Rodulfus Loracelli terram eius, ut à Duce concessum erat, inter se diuidentes deinceps ut pote sua sunt.

XII. IGITUR Comes Rogerius omni Sicilia aduersum se fœdere composito sedata, excepto quod Notenses, quo vxor Benaruet cum filio transfugerat, & Buterenses adhuc pro posse in cassum recalcitrabant, exercitu admoto Buteram obsessam vadit: anno Domini minicæ incarnationis Millesimo octogesimo octauo: inchoante Aprili.

XIII. PRVDENTERQUE armata manu, hostiliter vndique vallans, aliquanto tempore inclusos diuersis calamitatibus afflixit. Sed dum machinamentis ad castrum affligendum apparatus attentius insudaret, Legatus Papæ Urbani cum litteris ab ipso sigillatis adueniens nuntiat eundem Apostolicum virum Siciliam intrasse: eique, ut apud Trainam sibi locutum accedat, mandare: eum longo itinere fatigatum, à Terracina enim digrediens adueniebat, prælassitudine corporis, & montosis saltibus adhuc interpositi itineris progredi nolle. Comes vero quid potissimum ageret sollicitus, nam sedẽ belli deferere dānosum ducebat, Papæ vero, quæ à tanto interuallo locorum ad se veniebat, nõ occurrere, modico itinere inter-



interposito indignum, vt Catholicus vir æstimabat. Tandem consilio vir prudens accepto, agit, vt neque sedem belli deferat, neq; Apostolico non occurrendo inobediens existat. Exercitu nempe fidelibus suis prudentibus viris, & talibus negotiis peritis delegato, hostes infestare instruit: ipse cum paucis se inuitanti Apostolico obuius apud Trainam occurrit: latiq; ad inuicem alter ab altero cum summa veneratione excipitur. Hic a billo Apostolica benedictione sub vice Mariæ, ille ab isto in his, quæ corpori necessaria erant, obsequiis Marthæ: in crastinumque summo diluculo conuenientes agunt ad inuicem de negotio, quod Apostolicum accessisse compulerat. Nam idem Apostolicus ante paucos dies Alexium Imperatorem Constantinopolitanum per Nicolaum abbatem Cryptæ ferratæ, & Rogerium diaconum conueniens paternæ increpatione commonuerat: quod Christianis Latinis, qui in sua prouincia morabantur, azymo immolari interdixerat: præcipiens in sacrificiis more Græcorum fermentato vti: quod nostra religio omnino non habet. Imperator vero increpationem eius humiliter suscipiens, inuitat eum per eosdem legatos chartulis, aureis litteris scriptis, vt veniens eum eruditis catholicis viris Latinis, Constantinopolitano Concilio congregato, disputatio fieret inter Græcos, & Latinos: vt communi definitione, in Ecclesia Dei illud scinderetur: quod Græci fermentato, Latini vero azymo immolabant: vnaque Ecclesia Dei vnum morem teneret: dicens se libenter Catholicæ discussioni assentire: & quod authenticis sententiis, præsentibus Græcis, & Latinis assentiri definiretur, siue azymo, siue fermentato immolandum esset, se deinceps obseruare velle. Terminum etiam, quo Papa accedere deberet, statuit: anni videlicet, & dimidii. Comes vero, vt tantum schisma ab Ecclesia Dei amputetur, eundi consilium dedit. Sed impredientibus inimicis sanctæ Dei Ecclesiæ, qui Romæ sibi infesti perflitebant, iter prohibitum est. Comes itaq; Papam pluribus donariis honoratum à se dimisit: ipse vero Buteram rediens, hostibus infestus tandem ad deditionem coegit: sicq; castro potius pro libitu suo disponit: potioresq; in Calabriam mansuros mittit: ne sibi ibidem manentes, aliquam fraudem machinando, commotionem facerent.

XIV. ANNO igitur incarnati Saluatoris M L X X I X. Comes Rogerius vxore Elemburga filia Guilielmi Comitis Mortonensis defuncta, aliam duxit Adalaidem nomine, neptem Bonifacii famosissimi Itatorum Marchionis: filiâ videlicet fratris eius iuuenulam honeste admodum faciei: dualq; sorores eiusdē puellæ, duobus filiis suis Gofredo videlicet, & Iordano in matrimonium copulauit: sed Gofredus antequam nobiles annos attigisset, quod dolor est dicere, morbo prohibere minime eam cognouit: Iordanus autem sollemnibus nuptiis duxit.

XV. PORRO Notenses videntes omnem Siciliam sub Comite curuatam, seseq; vltterius in cassum resistere, consilio inter se habito, Comiti reconciliari vtile ducunt. Denique de se ipsis legatos eligentes ad Comitem dirigunt: qui apud Melitum, vbi tunc Comes morabatur, accedentes, pacē faciūt anno Dominicę incarnationis M X C. Februario mense. Comes itaq; censum duorum annorum illis condonans, Iordanum filium suum, cui etiam terram, & vxorem dederat, vt urbem ipsis deditibus recipiat, cum ipsis mittit: qui à patre edoctus, vrbe suscepta castello munit: proque libitu suo in patris fidelitate disponit: vxor autem Benaruet cum filio in Africam transfugit. Sedata itaque omni Sicilia, Comes Rogerius collati sibi à Deo beneficii non ingratus existēs, omnimode secundum quod mundiales curæ, quibus occupabatur, permittebant, Deo cœpit se se deuotum exhibere: & quanto ampliori honore terreno se à Deo prouectum cognoscebat, tanto ampliori studio agebat: vt in perfectæ humilitatis statu persistens gressum mentis figat. Militibus itaque suis, quorum auxilio tanti honoris culmen adeptus fuerat, arcessitis, gratias cum omni mansuetudine referens, quibusdam terris, & largis possessionibus, quibusdam vero aliis diuersis præmiis laboris sui sudores re compensat.

XVI. Sic itaq; omni Sicilia pro libitu suo sapienter composita, Comes militatibus exercitiis assuetus, quietis impatiens, laboris appetens, lucris inhians, corpus ab assuetis exercitiis minime desuescere passus est: sed quæ transmarina regna prima potissimum sibi subiuganda attento animo, iugi meditatione tractat. Vnde & Melitam insulam, à referentibus viciniorem ceteris sibi cognoscēs, classem, qua eam attenter, accelerare imperat: militibus suis, vt se ad id exercitiū aptent, præcipiendo denuntiat. Dum ista geruntur, Mainetherius Gerentia à Comite, vt sibi locutum veniat inuitatus accedere differt: cum arrogatione præsentē adhuc legato Comitis respondēs: se nunquam ipsum, nisi vt damnum si possit, inferat, visum velle. Quod referente legato, qui missus fuerat, Comes audiens, plurimum indignatus, festinus mari transmeato, à Sicilia in Calabriam venit: Petrum Moritonensem, cui vices suas plurimum commiserat, vt per Siciliam exercitum commouens post



se acceleret, mittit: qui prudenter iniuncta perficiens, infra octo dies ab omni Sicilia copioso exercitu congregato in Maio ad Comitem adduxit. Sicq; Comes versus Gerentiam accelerans, castrum terribili obsidione vallauit. Qua de re Mainerius territus se stulte, & fecisse, & locutum cognoscens, supplex ad misericordiam Comitis venit: equos, mulos, thesauros, & omnia quæ habebat, veniam petens in eius dispositione ponit. Comes super his, quæ fecerat, eum poenitere videns, vt semper pii cordis omnia condonauit: excepto quod, quasi pro disciplina, potiusquam ambitione, mille aureos solidos de suo accepit: vt eum à tali præsumptione coerceat: sicq; per ardua adiacentium montium inde digrediens Cusentum venit: & quia incolæ prouinciæ illius Duei recalcitrabant, tri-  
 duo vinea, & oliueta eorum extirpans, inde aratam secessit: vbi cum suis consilium ca-  
 \* ptans exercitum breui tempore soluit: præcipiens, vt vnusquisq; ad expeditionem versus Melitam domi aptatum recedat: termino quindecim dierum interposito: quo sibi apud  
 \* Refacrambam, illuc enim classem suam conuenire fecerat, obuui fiant. Porro autem in  
 \* ariditate naturæ à ceteris differt: ita vt si quis experientiz causa cannam: vel aliquid con-  
 \* cauum accipiens, cubita duo à ripa in mare terræ tenus palmo tantummodo profundita-  
 tis figat, tantæ longitudinis, vt desuper vndas concaua summitas quantum volet attingat: cum mare salissimum sit, dulcissimas, & potabiles aquas per concauitatem in altum ebullire vident. Hic die terminato ab omni Sicilia, & Calabria plurimo exercitu Iulio mense conflato, quodam vespere Comes naues aggredi accelerat. Porro Iordanus filius Comitis cum classis aptatur, semper suspicans erat, Comitem quidem versus Melitam  
 non iturum: sed sibi, vt ipse exercitum illorsum conduceret, cõmissurum: Comes autem  
 in ipso ingressu nauium arcessito imperat, vt cum designatis, quos sibi placuerit, Siciliam procuratum remaneat. Vrbem nullam, vel castrum ingredi, donec ipse à Melita reuertatur, præsumat: sed in tentoriis habitans, vbicumq; per Siciliam ad succurrendum necesse sit, paratus eius regressum sustineat. Porro ille aliter quam ratus erat, patrem præcipientem audiens, totus admiratione attonitus fit: patremq; ab iis: quæ dicebat dehortari nisus, cum lachrymis proclamat: dignum potius, si placeat patri esse, se iuuenem tanto labori ascribi: patrem iam quasi emeriti stipendii virum à laboribus plurimum passum corpus recreando quietis oblectamentis vri. Minus damnosum si ipse minoris pretii iuuenis in tanto discrimine pereat, quam vir tantæ auctoritatis, tantique consilii. Comes vero ad ver-  
 ba filii indignatus eum, quamplurimum conuiuiatus in audientia omnium retulit, se nun-  
 quam vel filium, vel aliquem, quo ipse primus esse non audeat, missurum: & sicut primus esset in possidendis, vel distribuendis, ita conueniens esse, vt prior fieret in acquirendis. Sic pluribus remeantibus pietate abeuntis, deinde lachrymantibus Comes naues ingres-  
 sus buccinis ex eius edicto concrepantibus, & diuersi generis musicæ artis pluribus, vt quisq; doctus erat, instrumentis modulantibus, anchoris extractis vela ventis plurimo apparatu committunt: auræq; prospera suffragante, secundo die applicant apud Miletum. Nauis vero Comitis ceteras velocitate præcedens, vt primum terram attingit, Comes nauis digressus, cum tredecim tantum militibus equos ascendens plurimam incolarum mul-  
 titudinem, quæ vt impedirent, ad ripam obuuiam fuerat, aggrediens multos sternit: reli-  
 quos fugat: extremos quosque cædendo per longum insequitur. Vespere autem ab insequendo regrediens in litore maris cum omni exercitu suo illa nocte hospitium sumpsit. Crastino vero illucescente propius urbem accedens obsidione vallauit, circumquaque per insulam suos prædatum mittens. Porro Gaytus, qui vrbi, & insulæ principabatur, ceterique ciues bellicis exercitationibus minus assueti, præsentia hostium deterriti, pacem libere, ad colloquium cum Comite accedendi expetunt: qua à Comite concessa, ad tentorium Comitis sibi locutum, vt pacem faciat, accedunt. Diuersisq; circumlocutionibus vsi, tandem cum calliditatem Principis minus se fallere posse perpendunt, pro libitu Comitis, primo captiuos Christianos, quorum plurimam multitudinem infra urbem tenebant, reddunt: & equos, mulos, & arma omnia, quæ habebant, cum infinita pecunia Comiti offerunt, Datam vnoquoque anno persoluendo determinantes, urbem de Comite se seruiendam promittunt: sicque more legis suæ sacramentis datis Comiti confœderati sunt. Videns autem captiuos Christianos ab vrbe progredientes, præ gaudio suæ insperatæ liberationis ab vno quoque cordis lachrymis profundi, ligno, vel calamis, prout quisque primo inueniebat compositas cruces in dextris ferentes Chyrieleison proclamando, ad  
 \* pedes Comitis prouolui, nostros vero ad talem intuitum pietatis affectu lachrymoso rore perfundi. Comes ergo taliter vrbe sibi confœderata, captiuos, vt asportet, per naues ordinans, reditum cum magno timore, præ nimio pondere captiuorum submersionem veritus, accelerat: sed dextera Dei, vt credimus ex euentu patuit naues per vndas subleuans, cubitu



cubicu vno liberiores super mare ferebat, quam in aditu suo: cum eas minus onus grauabat. At cum mare sic reditum accelerat, eminus insulam, quæ Golfani dicitur, intruens, illorsum, vt debellet, vela dirigi imperat. Quo applicans prædis aggrediens deuastat: sicque secum fœdas inire cognoscens suæ ditioni assignat. Vndiq; impune per equora vela dirigens, Siciliam reuersus desiderantibus se fidelibus suis plurima præda onustus representat. Captiuos autē, quos captione erutos secū reduxerat, omnes cōuocās liberos facit: offerēs eis si secum in Sicilia remanere velint, villā vnā suis sumptibus, loco, quo eligerēt, cōstruere debere: & de suis sumptibus necessaria ad lucrādū subministrare: villā etiā eandē Francā, id est liberā villā, eo q; omni vectigali, vel seruili exactione libera in ppetuū foret subtitulare: sed & illis desiderantibus proprios agros, amicosq; visere, liberā facultatē quo vellent, abeundi concessit: per totam terram suam necessaria, & absq; pretio Phari transitum tribuens. Porro ipsi cum gaudio, & Comiti de sua liberatione gratias referentes quisq; in loca sua recedunt: per diuersa regnorum spacia, prout nationis erant, nomen Comitis magnificando dilatantes.

XVII. ANNO ergo Millesimo nonagesimo primo, Rogerius Dux contra Consenti- 1091.  
nos diu rebelles indignatus, exercitu ab omni Apulia coadunato, fratre Boamundo secū acepto ipsos mense Maio obfessum ire disponens, auunculum Comitem à Sicilia, vt sibi auxilium ferendo illuc occurrere non differat, inuitat. Ille amore nepotis ab omni Sicilia multa Sarraçenorum millia excitans, sed & militum copias conducens, quo inuitabatur haud segniter accelerat. Consentini, hostes versum se accelerare audientes, se ipsos vallo, & muris muniunt: arma, & quæ defensionis necessaria erant, aptant: sumptus naturæ necessarios infra urbem comportant: defendere, potiusquam succumbere inuicem cohortantur. Dux, & Comes se se inuicem apud Cusentum obuiantes urbem vndiq; vallant. Dux planiciem obsidione occupat. Comes montana conscendens, quo maior labor, & hostis infestior imminabat, castris suorum urbem gyrare imperat. Consentinis itaq; ex cōsilio, & edicto Principis vallo, & sepibus vndiq; clausis, ingrediendi, vel egrediendi, vel quidlibet introducēdi facultate sublata, plurimū deterrentur. Sic iugis decertatio: certamen assiduum. Sed Consentinis maior spes defensionis in fundibulis, & sagittis erat. Propius accedere, vt ensatenus cum nostris decertarent, periculosum ducebant. Porro Comes interdum ad deditionem mulcendo blandiri, frequentius interminando deterrere, suos instare, hortari, omnia circumire, nil intentatum relinquere: quæ facienda erant, prior adire, ad certamen suos præcedere, in recedendo subsequi: omnia prudenti ordinatione providere studebat: exemplo sui, ad quæ facienda erant, omnes vigilantiores reddens. Consentini itaq; cōstātiā Comitis iam pridem cognoscentes, & hostes à finibus suis spe arcendi decidentes, consilio inter se habito, urbis deditionem, si forte de offensione suæ rebellionis veniam à Duce, & Comite mereantur, aptant. Primo quod Comitem prudentioris consilii virum sciebant, & cuius ordinatione omnia regebantur, conventiones, se, suumq; consilium supplices ei committunt: sine ipso nihil acturi: à quo sciebant, postquam promitteret sine fraude, vel sui detrimento, vbi vitari posset, sibi consilium dari. Ille vero eorum verba, vt semper pius, & pacis amator suscipiens, ita prudenter rem ordinauit, vt & Dux pro libitū suo vrbe potiretur: & Consentini Ducis gratia reconciliari non fraudarentur. Dux auunculi sui strenuitate vrbe potitus, antequam expeditio solueretur, arte cæmentaria castrum ad urbem, à tali præsumptione vltius prohibenda, in altiori urbis iugo firmit. Comiti autem pro recompensatione seruitii sibi exhibiti medietatem Pausemitanæ urbis assignat: sicq; expeditione mense Iulio soluta, Dux in Apuliam, Comes vero in Siciliam digrediuntur. Comes autem in sua parte castrum firmit: urbemq; cum iam communis esset, ita ordinat, vt plus ex medietate postmodum Duci perveniret, quam primo cum sine comparticipē, totius urbis redditus possideret.

XIX. His itaque peractis, quia per successionem temporum ea, quæ gesta sunt, vel acciderunt, prout fuerunt, nos scripturos repromissimus, ordo temporis damnosum dolorem Siciliæ, & Calabriae, nos quin huic libro inferamus prætergredi vetat: quamuis pluribus in præsentia sui, hoc idem ad memoriam reuocare, onerosum, quasi dolorem renouando, videatur. Nam sunt nonnulli, qui præ nimio affectu, quem erga ipsum, de quo sermo fit, habuerunt, vt si in eorum præsentia quod accidit, recitatur, à lachrymis minime se possunt continere: ac si recens sit quod narratur. Iordanus enim filius Comitis propter strenuitatem suam omnibus amabilis, quem plures, quia iam Gaufredum, quod dolorem non minuit, morbus Elephantinus peruaserat, Comitis heredem futurum suspicabantur, nā neq; alium masculū habebat apud Syracusam sui iuris urbem febris typo percussus est. Quod cum patri nuntiatum fuisset, illorsum præuenire mortem accelerat:



sed morbo ingrauescente, vltima determinatio vitæ Iordani patre velocior fuit. Comes autem urbem ingressus, ut funus filii conspexit, intolerabili dolore corripitur: omnesque, qui cum ipso aduenerant, doloris participes facti lachrymoso planctu rapiuntur: pluresque patris dolor, quam Iordani mors ad lachrymas pertraherat. Urbs tota lachrymoso ululatu ventilatur: in tantum, ut ipsos Sarracenos nostro generi inuisos, non quidem ex amore, sed ex mæore, quo nostros affici videbant, pietatis affectus peruens ad lachrymas usque pertraheret. Comes itaque funus decenter ordinans, Trainam per portam S. Nicolai sollempniter humandum deducit. Multa beneficia eidem Ecclesiæ, sed & aliis pro redemptione animæ eius conferens anno Dominicæ incarnationis millesimo nonagesimo secundo. Porro ciues urbis Peutargæ, quæ iuris Iordani hætenus fuerat, mortem Iordani, quem plurimum pertimescebant, audientes, casto gaudio rapiuntur: atque in insolentiam prorumpentes iugum nostræ gentis, rebellando à se excutere nituntur. Nam Comes filio humato nil remoratus, cum sola familia sua illos obsessum vadit: expeditionem ab omni Sicilia se illuc subsequi imperans. Sicque vi superans, illos, qui tam inepti consilii auctores fuerant suspensos extinxit: reliquos tormentis diuersis afficiens, urbis stultitiam sedat.

XIX. PATRE orbo, graui morbo sic sublato filio.

Vnde doleret, quod careret hereditali gaudio,  
Ditat prole, quasi flore superna prouiso.  
Imprægnatur, ac grauat: matris gaudens utero  
Intumescit. Infans crescit natura succibus.  
Orat pater: sed & mater Deum, ut sit masculus.  
Implet vota forma tota, dum semen coagulat.  
Fiat natura iam secunda: infra matris viscera.  
Nonus mensis spe suspensis. Sic partus accelerat.  
Infans prodit. Nullus odit. Fit cunctis lætitia.  
Obstetrices sunt felices à matris lætitia.  
Nuntiat puer natus noua præstat gaudia.  
Mater audit, vnde plaudis sit doloris nescia.  
Festinetur: nuntiat hanc patri lætitia.  
Qui congaudens, atque plaudens iura precum calitus  
Supplex litat: atque, dum dat legatum muneribus.  
Plura iubet, prout lubet largiri pauperibus.  
Dolor mortis grauis sortis iam sublato filii  
Fit lucis: & obliuio spe nascentis gaudium.  
Simon fonte, pictus fronte inunctione chrismatie  
Heredatur: solidatur Dux futurus Siculus.  
Calabrenses suos enses sibi optant adiici.  
Pater totum implet votum. Dux concessit fieri.

1093

XX. Porro Dux Rogerius uxorem habens præclare nobilitatis, neptem videlicet Francorum Regis Philippi, filiam Flandrensi Marchionis Roberti, quem Frisium appellabant, Adalam nomine, de qua duarum sobolum pater existerat, apud Melfam Apuliæ urbem febre correptus acriter torquebatur anno Verbi incarnati millesimo nonagesimo tertio. Morbo itaque ingrauescente, iam pæne vitalibus interclusis, cum ipsi in partibus pitissimi sic medici attestatur, natura contra vsum attonita oberrabat: ut ab ipsis medicis nec pulsu nec vrina, sed neque aliis prognosticorum indicii in finitimas determinate posset comprehendere. Qua de re cum de ipso etiam ab ipsis medicis desperari videretur, fama, quasi iam obisset, totam Apuliam, sed & Calabriam turbauit. Ea tempestate Boamundus apud Calabriam morabatur: qui cum fratrem, fama referente iam obisse audisset, credulus castra, quæ iuris fratris fuerant irrumpens, sacramentis sibi confederare persuadet: ita tamen discernens, ut si frater, quod se nolle protestabatur, iam obisset, salua fidelitate legalium heredum suorum, videlicet fratris, sibi quasi fidei eorum hereditatem patrum, usque ad intelligibile ætatem, qua ipsi legitime terram regere cognosceret, fideles persisteret. Comes autem Rogerius cum talia facere audire indignatione commotus, quod talia se in consilio præsumperet, venit etiam quis hæc fidelitatem honeste discernens susciperet, pictis verbis fraudem occultam in posterum contra nepotes ambitione capto aliquid fraudis machinaret, à suis insequens præcipiens à tota Calabria arceret.

XXI. PLURES etiam audita fama mortis Ducis in insolentiam prorumpentes, de iis quæ Duci competeabant, diltrahendo sibi usurpare moliebantur. Vnde & Guilielmus de Grantemaniol, summa cupidine correptus, in insolentiam procliuis declinans, Rossanæ Calabriæ



Calabriæ urbem peruadens intrat: dicens sibi iure competere: ut qui sororem Ducis filiam Guiscardi Mabiliam nomine uxorem habebat: hereditariisq; particeps fieret. Sic quæ Ducis fuerant, propter imbecillitatem heredum quisq; quantæ fidei erga ipsos heredes fieret, ostentans sibi distrahendo usurpabat. Sed natura, quæ iam diu peregrina oberrauerat, in sui iuris proprietatem reuersa, contra spem medicorum conualere incipit. Sicq; sanitate diatim excrecente, ad integrum pristinæ restitutus est sanitati. Quod Boamundus audiens magna mentis alacritate Melfi, ubi fratrem esse sciebat, de eius sanitatis recuperatione congauisurus occurrit: castra quæ sibi confœderauerat reddens, quæ fecerat, non iam dolose fecisse ostendit. Porro Guilielmus de Grantamanil turpi illectus auaritia, nec de domini sui recuperatione sanitatis congauisurus, nec, ut urbem quam peruaserat reddens accedere curauit: sed impudenti fronte fraudem ostentans, eandem urbem pro posse muniens, contra ipsum Ducem, si forte impugnare attentaret, armauit. Comes autem Rogerius super hac re plurimum indignatus, tamen ut sapiens vir, quia neptis maritus erat, legato ad ipsum misso, ad reconciliationem contra dominum suum urbem reddendo hortatur. At dum blandimentis minus præualeat, in iram totus prorumpens, iurat se, & urbem, quam nequiter peruaserat, ablaturum: & omnia, quæ ex licentia Ducis ante tenuerant, exheredito sublaturum.

XXII. SICQVE potius ipse Ducem ad expeditionem super Guilielmum virguens, quam ipse à Duce ad iniuriam vlciscendam submoueretur, exercitu admoto, ab utrisque  
 10 Castri villam obsessum itur anno incarnati Saluatoris Millesimo nonagesimo quarto. Hoc autem operimentum fraudis suæ Guilielmus sibi adaptarat, quod cum ab vrbiculis primo infra urbem susceptus est, illis improuisa determinatione iureiurando firmauerat, se nunquam alicui urbem redditurum: excepto Ludouiso filio Ducis: & hoc quia paruulus erat, post decem annos futuros: fidelitatem quam Duci iurauerat, soluere, minoris offensæ, vel opprobrii ducens, quam quod periuris, & fraudatoribus iurauerat. Sic auara ambitio, sed & uxoris praua persuasio mentem iuuenis à bono, honestoq; discernendo procliuè cæcatum sibi illexerat. Dux ab omni Apulia equitum, peditumq; copiis, fratre Boamundo sibi in auxilium cum Hydruntinis, & Tarentinis, & reliquis, qui sui iuris erant assumpto, Vallem Gratensem, versus Castri villam occupat. Comes vero multa millia Saracenorum à Sicilia, & Apulia conduens, equitum quoq; siue peditum Christianorum  
 30 copias illorum nepoti occurrere acceleranter non relaxat. Porro Guilielmus de Cratemul auctoritatis viros aduersum se conspirasse, & obsidionem sibi imminere cognoscens, sese ad defendendum pro posse aptat. Dumq; sibi auxilia vndecumq; ducere nititur, quamuis mos sit iuuenibus, talibus exercitiis causa militaris laudis, sed & quæstus libenter interesse, tam iram Comitum, quam Ducis veriti minime sibi, cum multa promitteret, associari præsumebant: maxime quia fortunam sibi aduersam, propter quod ipsum cum aliqua inhonestate retorquebant, prænotantes metuebant. Dux autem in valle Gratenli Comitum, dum veniat sustinet: castrum quod S. Mauri dicitur, usq; properans, deditione ciuium tali pactione suscipit: ut in perpetuum, dum via comes fuerit, illud Guilielmo non reddant. Inde Rossanam usq; pertransiens, quia Guilielmus filios potentiorum  
 40 ciuium sibi obfides adduxerat, minus sibi assentientes offendit. Sed quia ipse Dux iam ante annum, cõtra voluntatem Græcorum, qui eidem maxima ex parte principabantur, Græco Archiepiscopo eiusdem sedis defuncto, successorem Latinum eligendo, subrogauerat, sed nec dum sacramento, aut sacra vñctione firmatus erat electione Latini frustrata, dum à Duce cõceditur, ut de sua gente Archiepiscopum sibi Græci pro libitu eligerent, fauorem illorum adeptus, urbem quoq; illorum deditione obtinuit: sed castrum oppugnans, fidelibus Guilielmi renitentibus minime præualuit. Porro Comes cum exercitu  
 50 veniens, de Duce, qui iam tantum profecerat, gauisus iuxta castrum Tarsæ super fluuium qui à S. Marco defluit, quo iam Dux tentoria fixerat, castrametatus est. Hic Guilielmus à Comite inuitatus, ut securus ad colloquendum veniat, accessit. Multisq; circumuentionibus usus dū & fraudē suam operiret, quæ peruaserat, Duci restituit. Dux autem iussum expetendo, Guilielmum exequens reconciliari sibi, ut iudicio Comitum, ceterorumque prudentum, qui intererant virorum ius teneat, quod sibi tandiu iniurius extiterat, sacramento, & fide promissa obtestatur. Qui sui reatus conscius, & iudicio prægrauari timens, dum renuit, licentia abeundi accepta, Castri villam impune redit. Quem Dux, & Comes in crastinum cum omni exercitu subsequenti castrum obsidione vallant: sicq; ligno, & armatorum copiis sepiendo cingentes, ut nulla ex parte aditus ingrediendi, vel aliquid  
 60 introducendi Castri villæ sibi esset: sed infra muros modicum victus habentes, dum per tres hebdomadas imminente hoste premuntur: exhaustisq;, quæ ad victum habebant,







Porro iuuentus bellica totius exercitus, tam Ducis, quam Comitis, nouarum rerum, vt in tali ætate affolet, appetens, visa cruce Boamundi, & ab ipso submoniti ad id faciendum certatim concurrunt: sicque crucibus sumptis, fines Christiani nominis vltterius non attentare, donec paganorum fines peruadant, absque contatione voto obligantur. Dux autem, & Comes exercitum suum maxima ex parte sibi taliter defecisse videntes, tristes expeditionem soluunt. Sicque vrbe, pæne vsque ad deditionem vexata, tali infortunio priuantur. Boamundus mare transiit. Dux in Apuliam secedit. Comes Siciliam reuertitur. Vrbs oppressione gaudens liberatur.

XXV. ALAMANVS autem Rex Vngarorum audiens famam Siculorum gloriosi Comitis Rogerii, legatos dirigens filiam suam in matrimonium concedi expostulat. Ille vero quamuis honesti viri, qui ad hoc venerant, essent, tamen illos honeste à se dimittens, de suis etiam, ne fallatur, cum ipsis dirigens remandat: vt si executum, quod cœperat vellet, alicuius auctoritatis gradus, vel ordinis personas, quibus facilius credatur, ad id confirmandum mittat. Qui anhelus exequi Arduinum Iouensem Episcopum, & Thomam Comitem idem expostulatum mittit. Comes autem eos honeste accipiens, secum detinuit: de suis honestos, & callidos viros apud Pannoniam mittens, in eorum præsentia à potentioribus regionis illius exequenda postulabatur iuramento firmare cogi. Quod Rex libenter annuens per suum Ducem nomine Alium, & reliquos non minoris dignitatis viros, omnia, quæ mandauerat, exequenda iuramento firmavit. Sicque legatos Comitis, vt pactum firmatum renuntiant, munificatos à se dimittit. Comes autem relatione suorum accepta, haud secus & ipse legatos Regis à se dimittens, pluribus honoribus à se compilauit: Regi terminum, quo sibi filiam suam mitrat, statuit. Anno itaque incarnationis Millesimo Nonagesimo septimo, apparatis, quæ necessaria erant, mense Maio cum trecentis militibus vsque Thermas conducere facit Henricum Lescastrensem Episcopum: & quosdam de fidelibus suis abinde, maritimo cursu vsque Pannoniam, eum puella procedere faciens: qui nauibus apparatis, puellam cum multis sponsalibus intromittentes, velis vento commissis, prospera aura flante per equora feruntur: vsque dum in portum Albæ, qui iuris Regis Vngarorum est, impune applicant. Hic Vincurius Comes Bellegratæ missus cum quinque millibus armatorum obuius fuit: eamque cum his, qui cum ea venerunt, decenter excipiens, vsque ad Regem perduxit. Per totam Pannoniam nuptiarum Regis præconizantur. Undique cum enxeniis concurritur. Et cum semper frequens, & numerosa manus ex more cum Rege innumerabilem turbam plus solito nuptiarum, & nouæ Reginæ visendæ appetitis conflauit, die terminato, præsentibus Archiepiscopis, & Episcopis, & diuersis ordinibus dos puellæ legati more in publico protestatur. Rex, & Regina catholice pariter desponsantur: sollemnesque nuptiæ in tentoriis, & ex virentibus ramis tabernaculis factis celebrantur. Nam nullæ domus tantæ multitudini sufficiebant. Nuptiis itaque regalibus expletis, Rex Episcopum Lescastrensem, & qui cum ipso reuersuri aduenerant aliquanti per secum commorari faciens, vt videt de egressione festinos, legaliter munificatos à se dimisit. Illi ad portum venientes, maritimo cursu regressi accelerant. Iamque nostræ gentis fines appropiantes, cum terram eminus conspiciunt, nauicula, in qua Episcopus erat, sociis armis carentibus, à duabus piratarum nauibus, quas galeas appellant, hostiliter aggreditur. Nauclerus qui nauim regebat, iaculo confossus colliditur: nauis remige carens submersionem minatur. Episcopus nullum refugium armorum habens, sed neque hostibus deditionem subire volens, Dei auxilium implorans, socios hortatur. Ipse idem faciēs inter alia subiungit. Deus inquit, si meis peccatis exigentibus minus mereor exaudiri, exaudiar saltem per gratiam, quam erga progeniem Tancredite habere, multotiens ostentasti. Hic enim interceptus sum pro seruitio filii sui. Nondum dixerat: & ecce aura intercurrente, nauis in qua erat, ab hostibus a uulsa securiores reddit: videns nauim absque remige directo cursu, ad iacentem insulam tanta velocitate, per rapidas equoris vndas ferri, vt hostiles naues remige, & velis insequentibus minus aduersus illam velocitatem præualerent. Sicque directo cursu diuinitus, vt credimus, regebatur: vt cum idem portus condensis syrtibus insitus atto, & periculoso aditu, nisi à peritis nautis attentetur ad insulam pateat, impune scopulosas vndas placito portu applicarent. Hostibus itaque frustratis recedentibus, ipsi prospero equore, in quo disponebant applicantes ad Comitē perueniunt: ordinem actionis suæ exponentes. Quis dubitet progeniem hanc diuinitus quadam felicitate denotatam: cum in suis utilitatibus ubi (·:·) putes fuisse narrantur tot felicibus successibus: fortuna etiam in suis fidelibus, ubi sua negotia exequabatur, defuisse passa non sit. Ad nominationem quippe gratiosæ fortunæ eorum, nauis hæc erepta est ab impugnatione hostium.



XXVI. COMES ergo totius progeniei suæ sustentator, citra Romam versus Siciliam, sicuti maria ab undique cingunt, abundantia rerum, & industria callentis sapientis confilii præcellebat: unde & omnes sua negotia ad ipsum conferebant: ut sua prudentia, ut ferrum core à Comite resumpto ad sua disponenda prudentius callerent: & eius, ubi necesse foret, auxilio potirentur. Porro ipse omnes, quemadmodum gallina pullos sub alas, clypeo suæ protectionis, & consilii fouens, ut pius patronus re, & consilio, pro ut poterat, omnibus omnimode fauebat. Unde accidit, ut Ricardus Iuuenis, Iordanis Principis filius, Princeps & ipse Aversæ defuncto patre orbis pusillus superstes, fraude Longobardorum vrbe Capuana iniuste iam dudum priuatus, cum iam ad intelligibilem ætatem peruenisset, damnum sibi illatum videns, & dolens, ac de auctoribus ultionem petere dis-  
ponens, ad sibi consanguineum Comitem prudentes viros supplex illorsum, ut sibi auxilium laturus accelerare nō differat, cum seruitio suo: vice recompensationis NEAPOLIM, quæ sibi similiter recalcitrabat, si præualere posset, fiducialiter concedens. Dux ut qui parti consanguinei Principis fauebat, non viliori legato, quam laterali coniuge Adala, videlicet Marthionis Flandrensis filia, ne cū exercitu venire differat, ac sibi met auxilium laturus summo opere inuitat. Princeps causa auxilii, quod ab ipso sperabat, homo Ducis factus fuerat: quod nunquam Guiscardus, cum multarum artium, & virium esset, a Iordano Principe, quamuis hic auunculus, ille autem nepos, sororis videlicet filius esset, vel vel blandimentis extorquere potuit: cū sæpissime attentatus fuerit. Comes autem pietate consanguinei Principis, & multis verbis Ducissæ sibi à Duce delegatæ, legatione deprecatoris, & humilitate exponentis illectus, & persuasus, exercitu, qualem nunquam antea habuisse dignoscitur, ab omni Sicilia, & Calabria forti imperio conflato, prima hebdomada Aprilis, secunda pace Pharus transiens, illorsum accelerat: sed in prato Marco aliquantisper cōmoratus, exercitum maris tranimeatione, & arto scopulorum montium transitu tardantem, dum veniat, sustinet: videns iugam montium Calabria gregibus armentorum, & pecotū, sed & caprarum in usus Sarracenorum, quorum maxima pars exercitui intererat, occupati: ut merito à collatione similis argumenti, gregum Laban, & Iacob, si legisles, vel certo deferente, didicisses, recordari poteras. Congregato exercitu, quis armatorum millia enumeret? cum ipsa tentoria bitumine palliata vix vlllo numero concludi potuerunt. Tam pomposo plus solito exercitu Comes Apulos fines visum intendit: maxime quia Apuli expeditionibus aliquo annorum curriculo defuerti, corpus nullis plagis, & diutinis laboribus fatigando, quin recreādo, sibi potius indulgere, quam expeditionibus iterum assuescendo inuadere nitebantur: unde & ipsum Ducem, quasi Principis præsentiaiter auxilio destitutum minus verebantur: sed per loca aduersus eum insurgendo, in insolentiam prorumpentes eius iussa minus exequiebantur. Dux quoque simili argumento, de eius versus Apuliam expeditionaliter aduentu minus credulus, nam cūli argumento, de eius versus Apuliam expeditionaliter aduentu minus credulus, nam cūli argumento, de eius versus Apuliam proficiscenti apud Liscum iuxta castrum Orioli occurrit: Multumque ad inuicem lætati, Dux quidem versus Melfam exercitum submouendo accelerat: Comes autem ne greges sui deficerent, iter conficiens Beneuentum venit: ibique in planicie super fluminis ripam Calorii, ad pontem S. Valenini castrametatus est. Beneuentani autem eius aduentum pertimescentes, pacem exostulantes iam triduo occurrunt. Comes autem sciens urbem iuri Apostolici Urbani, & Sanctæ Romanæ Ecclesiæ competere, susceptis mille quingentis aureis, & sex ambulatoriis vrbi, & messibus suis parcendum indicit: indeque pertransiens super fluuium, quod Sabbatum dicitur, tentoria figens Pētecosten celebrauit. Ipse quidē legatos iam pridem Capuanis honestos viros præmiserat, submonendis hortando, ut ab inepto incepto desisterent. Se illis nil mali inferre velle: sed potius, si cum Principe suo ius exequi velint, eorum parti cum iustitia sustentata tutamēto esse. At ubi legatis regredientibus eos nil moliri, sed potius in malicia sua superbe per-  
sistere audit, inde commouens Capuanos fines peruadit: quo diluculo cum mille armatis exercitum præcedens ad urbem accedit: extractos plurimos militariter deiectos damnose ludificauit: multosq; amplius læsisset, ni pulvis equorum pedibus excitatus, & a vento condensissime agitur intercessisset. Sic ad castra sua reuersus in crastinum cum toto exercitu, vrbi se viciniorē conferens à meridiana plaga obsidione vallando, à ripa orientali vsq; in occidentālē cingit. Dux autē, & Princeps cū suo exercitu ab Aquilonari parte obsidentes urbē tendūt prægrauari. Porro Comes, cuius cōsilio omnes incedebāt, quate sollicitior, quia prudētor in omnib; agēdis vigilāti cura erat, pontē ex lignis erigēs, ita ut rās flumē ordinauit, ut suo exercitui, & Ducis, libero aditu parētē, fieret transitus. Sic q; vrbs ab utroq; exercitu in tantum oppressa est, ut nulla ex parte arida, vel liquida egrediendi tuto,



vel ingrediendi aditus pateret: ipse autem omni diluculo ante lucem surgens, vtrumque exercitum, pontem transeundo inuisens, vtrum attēti essent ad excubias visum ibat: Duxque, & Principem adhuc somno oppressos inueniens, ludibrio habebat. Porro ipsi rubore perfundebantur: quod iuvenes ipsi, & ad quos peculiarius negotium attinebat, segniores forent: Comite prouectioris etatis, & corporis plagarū, laborumque asperitatis viro vigilantiori existente. Nam & ab omni exercitu eius vigilantia admirationi erat: omnesque in eius exemplo vigilantiores reddebantur.

Anno Dominice incarnationis MXCVII. ibi se imprægnauit Comitissa Adalasia de Comite Rogerio.

XXVII. CVM ista aguntur Papa Urbanus colloquium Ducis & Comitis desiderans, à Roma progrediens, apud Capuam, vbi obsessionem tenebant, venit: Comesque sex tentoria illi deliberans ad hospitandum, sumptus necessarios abundantissime ministravit. Porro ipse sciens scriptum, Beati pedes euangelizanum pacem, & Beati pacifici, quoniam filii Dei vocabuntur, & alibi scriptum est, pacem habete, & Deus pacis, & dilectionis erit vobiscum: & maxime quia sciebat, se totius Christianitatis curam suæ prouisioni delegatā, de pace inter ipsos reformanda primo Ducē & Comitē, Principēque pariter cōueniens attentare cœpit. Qui consilio Comitis prudenti responsione vsi, in præsentia Apostolici, copia beati Petri dicunt se ius iniresi à Capuanis pari discrimine idem exequatur concedunt. Papa infra urbem idem de Capuanis rescitum vadens, dum ab vtriusque partibus conceditur, spe conficiendæ pacis frustra gaudens, renuntiat. Dies disputandi statuitur. His opponentibus, & illis, prout se se res habebat, respondentibus, graui syllogismo Capuanis, a iudicibus legaliter conclusio determinatur. Capuani audientes se iudicio prægrauari, vel oppositione, vel rationabili contradictione contra iudices vsi, publice se iniuriosos ostentantes, exequi vel nolle, vel non posse denuntiant. Quod audiens vir Apostolicus, & quia hæc ab illis exequendi internuntius fuerat, aliquantulum erubescens, gladio beati Petri animaduertens interminatur: parti nestrorum ex toto fauendo se consulti: constantiam Comitis in fortia exercenda per plurimum laudans: vitamque eius omni cura Romæ, & Italiæ per necessariam asserens. Nam timor eius plures ab insolentia, plusquam zelus honestatis compefecerat. Apostolicus itaque ecclesiasticis negotiis, plusquam expeditionibus exercitiis intentus, totalibus tumultibus mente declinatis, his tribus Principibus, sed, & omni exercitui Apostolica benedictione concessa, Beneuentum secessit.

XXIIX. COMES autem cum Duce, & Principe in oppugnatione urbis attentissime persistente, machinamenta ab urbem capiendam artificiosissime aprant. Capuani primo ludibrio habere, continere, ad defensionem se se ad inuicem cohortari. Duci tamen, vel Comiti se, si retinendo recipere velint, urbem reddere attentant. Sed nobilissimi Principes hæc fraudem sibi nullatenus assumere volentes, nisi ut Principi reddantur, ad quiescere passi non sunt. At vbi Capuani machinamenta apparatus versus urbem appropriare vident, quæ prius ludibrio habebant, exhorrescentes, deditione urbis se se, consilio Comitis committunt. Sicque ipsi mediatore vsi, vix suæ fraudis impunitas impetratur. Principi pro libitu suo urbs Capuana restituitur. A principe Duci, & Comiti gratiæ referuntur. Dux, & Comes apud Salernum pariter digrediuntur. Princeps urbem suo libitu vindicans, in altiori turri triumphaliter hospitatur.

XXIX. PAPA urbem redditam, & pacem inter ipsos factam audiens, & gaudet de fraude compressa & de pace confecta: sed quia Ducem, & Comitem Salernum secessisse audiuit, nolens Comitem, donec sibi loquatur, versus Siciliam remeare, illorsum accelerat. Veniensque cum Archiepiscopis apud Sanctum Mattheum, ut cum debito honore eum acciperet, cum processione præstolatur: & tamen propter amabilem venerationem, quam versus Comitem habebat, primum ad eius hospitium eum amabiliter visum vadit: diuque eius colloquio vsus, ad processionem, quæ præstolabatur, suscipiendus accessit: in crastinumque conuenientes, alter alterius colloquio cum maxima dilectione fruuntur. Sed quia ipse Apostolicus iam dudum Robertum Episcopum Trainensem, Comitem Inconsulo, legatum in Sicilia, ad exequendum ius sanctæ Romanæ Ecclesiæ posuerat, perpendens hoc Comitem graue ferre, & nullo modo, ut stabile permaneat, assentire: cognoscens etiam ipsum Comitem in omnibus negotiis ecclesiasticis exequendis zelo diuini ardoris exferuere, cassato, quod de Episcopo Trainensi fecerat, Legationem beati Petri super Comitem per totam Siciliam, vel habendam hereditasiter ponit: ea discretionē, ut dū ipse Comes aduixerit, vel aliquis heredum suorum zeli paterni ecclesiastici executor superstes fuerit, legatus alius à Romana sede, ipsis inuitis nullus superponatur;



sed si qua Romanæ Ecclesiæ iuris exequenda fuerint, chartulis à Romana sedē in Sicilia, vel Calabriam directis, per ipsos consilio Episcoporum earūdem prouinciarum authenticè definiantur. Quod si Episcopi ad Concilium inuitati fuerint, quot, & quos ipsi Comiti, vel suis futuris heredibus visum fuerit, illuc dirigant: nisi forte de aliquo ipsorum in Concilio agendum sit, in Sicilia, vel Calabria in præsentia sua authenticè definiri nequiverit: & ad hoc commissum perpetualiter permanendum, priuilegio suæ auctoritatis firmavit: cuius sententiam subtrulamus.

**V**RBANVS Episcopus seruus seruorum Dei carissimo filio R. Comiti Calabriae, & Siciliae salutem, & Apostolicam benedictionem. Quia prudentiam tuam supernæ maiestatis dignatio multis triumphis, & honoribus exaltauit: & probitas tua in Sarraceno-  
rum finibus Ecclesiam Dei plurimum dilatauit, sanctæque sedi Apostolicæ deuotam se multis modis semper exhibuit, nos in specialem, atque carissimum filium eiusdem vniuersalis Ecclesiæ assumpsimus, idcirco de tuæ probitatis sinceritate plurimum confidentes, sicut verbis promissimus, ita etiam litterarum auctoritate firmamus: quod omni vitæ tuæ tempore, vel filii tui Simonis, aut alterius, qui legitimus tui heres extiterit, nullum in terra potestatis vestræ, præter voluntatem, aut consilium vestrum legatum Romanæ Ecclesiæ statuemus: quinimmo, quæ per legatum acturi sumus, per vestram industriam legati vice exhiberi volumus: quando ad vos ex latere nostro miserimus ad salutem videlicet Ecclesiarum, quæ sub vestra potestate existant, ad honorem beati Petri, sanctæque eius sedis Apostolicæ, cui deuote hæcenus obedisti: quamque in opportunitatibus suis strenue, ac fideliter adiuuisti. Si vero celebrabitur concilium tibi mandauero, quatenus Episcopos, & Abbates tuæ terræ mihi mittas: quot, & quos volueris mittas: alios ad seruitium Ecclesiarum & tutelam retineas. Omnipotens Dominus actus tuos in beneplacito suo dirigat: & te à peccatis absolutum ad vitam æternam perducatur. Dat. Salerni per manum Iohannis Sanctæ Romanæ Ecclesiæ Diaconi III. Nonas Iulii. Indictione VII. Pontificatus Domini Urbani Secundi XI.

EXPLICIT OPVS GAUFREDI MONACHI.

## ROGERII SICILIÆ REGIS RERVM GESTARVM LIBRI QUATTVOR: ALEXANDRO Celestini Cœnobii Abbate auctore.



**A**LXANDER Celestini cœnobii immeritus Abbas vniuersis in Christo positis salutem. Non ab re esse reor, si res olim gestæ, in memoria scripto habeantur. Nam in eis plurimum fertur commodum: in quibus quid tenendum, quidve sit cauendum satis agnoscitur. Si quidem ipsa bellica acta, cum bona non esse cernantur, ideo tamen conscribuntur, quia, vt non fiant, quodammodo innuunt: immo iubent: vt & pacis vinculum desiderabilius deinceps perseueranter in nobis vigeat: faciliusque non queat dissolui. Quam ob rem merito me quis culpare non debet, si militaria gesta, quæ modernis temporibus acciderunt, ad posterorum notitiam stylo comprehensa monachus retulerim: cum etiam in sacris veteribus historiis, videlicet Saul, & David, ceterorumque Regum multa his similia narrantur: quæ in eunctis per orbem Ecclesiis ad proficuum audientium legi non prohibentur. Malui igitur à Cœnobialibus ad tempus curis, & sine quolibet segregari damno, quæ ea inutiles suppressa silentio, taliter infructuosa manerent. Ad perficiendum tamen opusculum istud importuna me valde Comitissæ Mathildis sororis Regis Rogerii, coniugisque Ranulphi Comitis precatio impulit: cuius quidem petitionem, etiam si primo propter ordinis rigorem, subterfugere volui, postmodum vero me ei non assensisse pœnituit. Consciebam



bam enim futuris temporibus, quod ab ea poscebatur, indubitanter profuturum non de-  
esse. Nunc igitur eiusdem Regis gesta ad perpetuam conscribenda memoriam assuman-  
tur: qui primo quales pueriles gesserit actus, quiq; post Siciliensis Comitatus honorem,  
qualiter ad Ducalem apicem, deinde quomodo ad Regiam prouectus fuerit dignitatem:  
seu quanta diebus nostris in hoc sæculo excelluerit potentia: quantoque etiam terrore  
prouincias omnes à Sicilia, Romam usq; conterens in breui sibi subdiderit: summa tan-  
tum carpendo in hoc propaletur volumine. Cuius quoq; præcellentissima virtus, etsi in  
vindican-  
dis tot regionibus sibi satis facere gestiuit, tamen, ut quæ in ipsis multum super-  
fluebat iniquitas, iam finem acciperet, huius quoq; erat occulto Dei iudicio conterenda  
10 flagello. Nam sicut ipso Deo disponente, vel permittente, vicens Longobardorum ne-  
quitia superuenientium Normannorum violentia olim comprimenda fuit, ita & nunc  
certum est Rogerio cælitus datum, vel permissum fuisse, harum scilicet regionum im-  
mensam gladio suo coerceri malitiam. Quid enim tunc mali non in ipsis exercebatur?  
Quippe omni timore abiecto, cædes hominum, furta, rapinæ, sacrilegia, adulteria, periuri-  
a, necnō Ecclesiarū, manasteriorum oppressiones, virorum Dei contemptus: pluraquē  
his similia fieri non desinebant. Peregrinorum quoq; pro Deo itinerantium alii præda-  
bantur, alii vero, pro rebus eorum diripiendis, in abditis locis perimebantur: quibus faci-  
noribus plurimum Deus offensus idcirco Rogerium de vagina prouinciæ Siciliæ extraxit,  
ut eundem quali gladium acutum, in manu tenēs, harum perpetratores iniquitatum, per  
20 eum percutiendo comprimeret: atq; ad viam iustitiæ, quos incorrigibiles valde diu susti-  
nuerat, eius conterriti terrore reuocarentur. His ergo in præfatione paululum prælibatis,  
ad narrandum eius initium iam veniamus.

IGITUR Wilielmus Dux Apuliæ postquam humanis rebus morte interceptus ex-  
cessit, qui nepos Roberti Viscardi robustissimi fuerat Ducis, videlicet genitus à filio ipsi-  
us Rogerio, qui secundus ei ad suscipiendum Ducatus successerat apicem, contigit: ut  
hæc ipsa iam facta prouincia, aliæq; circumquaque positæ regiones ingenti possiderentur  
calamitate: ut pote quæ absq; regiminis Ducalis habena fuerant postpositæ. Quippe Dux  
ipse legitima carens prole, heredem iure sibi succedentem moriens non reliquerat: unde  
accidit, ut & ipsarum Ducalium urbium scilicet Salerni, Troiæ, Melfiæ, Venusii, cete-  
30 rarumq; quæ sine domino, & Duce relictæ fuerant, quædam istius, quædam illius  
tyrannica ambitione surriperentur. Sed & singulis quibusque, quod placitum erat  
in oculis ipsorum, nemine contradicente agere liceret. Nemo quippe tunc vlla cor-  
poris punitate exterrebatur: ideoque ad malum operandum magis ac magis vniuersi ef-  
frenabantur: ita ut non solum viatoribus iugis fieret metus, verum etiam agricolis ad ex-  
colendum agrum exire cupientibus securitatis quies deesset. Quid plura? nisi Deus Guis-  
cardinæ pertinens prosapiæ reliquisset semen, per quod cito Ducatus recuperaretur mo-  
narchia, omnis pæne siquidem terra nequissimis inuoluta facinoribus in humanæ mentis  
præcipitiū ruitura periret. Quis itaq; illud fuerit semen nunc subiungēdo manifestetur. Se-  
men inq; illud fuit Rogerius filius Rogerii Siculorū Comitis: fratris prædicti Guiscardii  
40 qui tēpore, quo supra memorata gerebant, Siciliensiu degebat Comitatu: cuius quidē q,  
& quales in se pueriles fuerint actus, hic primo, licet summatim, recollere dignissimū duxi.

Hic quippe vnicus erat frater primogenitus nomine Simon: qui patri obituro ad  
suscipiendum ipsius prouinciæ dominium successurus erat: quem quidem, ut moris est  
puerorum, nummo ad bellum ludendo prouocabat. Hic namq; ludus ei præ ceteris ludis  
specialissimus inerat. Cum ergo vterq; cum singulis puerorum cateruis ad hoc accitis  
præliarentur, superabat minimus Rogerius: unde deridens fratrem suum Simonem  
aiebat. Me quidem sic triumphare domina-<sup>9</sup> honore post funera patris potius condecet,  
quam te. Quapropter cum id potitus fuero, te aut Episcopum, aut vel Romę Papam, quod  
magis tibi cōpetit, cōstitutur<sup>9</sup> ero. Cūq; crebro sic superando talia in eū insultātius verba  
proferret, iam in se portēdebat, quod vere dominus ipse post patrem futurus esset: quod-  
que nonnullas ut in sequentibus apparebit, pluribus longe, lateque terris subactis, conse-  
cuturus esset victorias.

FACTVM est autem dum Simon genitorq; Rogerius vi huminis ad extrema perue-  
nissent, Rogerius minimus ad potiendum prouinciæ ipsius Comitatum heres succedit.  
Sed quia adhuc tenera cōprimebatur ætate, nec poterat hac præpeditus, dominatus exer-  
cere curas genetrix illius Adalesia nomine mulier prudentissima, quousque ad ætatem  
ipse pertingeret legitimam, regimen sub se peragendum ipsius Comitatus accepit. Hic  
namq; dum adhuc puer sub matris tutela degeret, persæpetanta mouebatur pietatis gra-  
tia, ut non pauper, vel peregrinus ab eo vix sine stipe recederet. Plerumque enim cum



quid dare non haberet, genitricem adiens petebat, quatinus sibi conferret, quod inopi largiturus esset: cui etiam, quatinus à se ad ipsum fieret, magnopere fufis precibus fuggerbat.

CVM autem adoleuisset, factusque miles dominatus iura per se agere deberet, tanta vtebatur industria, tantaque virtutis fulciebatur gratia, vt totam Siciliae prouinciam optime, strenueque regens sub omni terrore constringeret: adeo vt non fur, non latro, aut raptor, siue quislibet malefactorum ex latebris suis prodiens apparere auderet. Auro vero, vel argento, ceterisque rebus ita opulentissimus erat, vt cunctis prægrandem ex hoc ipso stuporem ingereret: vnde non solum à suis, verum etiam ab alienis, seu longe positis quam maxime timeretur. Inuaserat enim & alias insulas: quarum vna Malta vocabatur: cumque ad alias iterum occupandas insulas, terrasque attentius persisteret, repente audiuit præfatum Ducem Guilielmum ab hac luce Salerni decessisse: qui doluit valde, quod se ignorante defunctus sit: quodque se, vt sibi viuens statuerat, si filium non haberet, heredem non fecisset. Vnde moram non patitur: sed præparato nauali itinere, quantocyus Salernum terendit.

CVM QVE non procul ab vrbe, nauibus infra mare fixis constitisset, delegatis nuntiis Salernitanis ciuibus misit: quatinus eidem subderentur: nam potius sibi, quam alteri dominatus eiusdem ciuitatis, generis successionem competeat: quod & Guilielmus Dux si ex coniuge nato cariturus esset herede, viuens ei cōcesserat. Quibus illi respondentes, Nos nullo modo inquit, nullave ratione ei subdemur: quoniam plura malorum à Guilielmo Duce, eiusque prædecessoribus perpeffi sumus: quæ etiam ab eodem ipso nobis inferri, si dominatus culmen super nos suscepit, formidamus. Cumque hæc, & his similia ab eis superbo ore proferretur, atque magnas quidam Sarolus nomine, vnus ex illis, qui ex parte Comitum verba detulerant, dura cōtra eos pro hoc ipso verba reddidisset, mox illis in eum furore concitatis, dum fugam euadendi infelix ageret, ferro ab ipsis suffusus interiit.

QVÆ VIDELICET cum Rogerio relata fuissent, licet cordis dolore intrinsecus quam plurimum tangeretur, animi sui impetum pro tempore grauitate obuoluens, rursus mittebat exorans eos, quatinus, quod sibi iustum ad habendum erat, non denegarent. At illi super hoc iterū atq; iterū multipliciter secū cōferentes, tandē talia respondentes dixerunt. Concedatur nobis munitio turris maioris ad custodiendum: sicque post dominio ipsi subdemur. Quo audito ille, quamquam super hoc pernium aggrauaretur, subdicionem tamen ciuium accepturus, prædictam arcem eis pro nutu ipsorum conseruandam annuit.

*Comes Ranulphus  
fit vassallus  
Rogerii  
Sicilie ducis.  
Rogerius  
Orianensis  
Comitis  
fit vassallus  
Raynulfii  
Comitis.*

INTEREA Comes Ranulphus, qui eius iam sororem nomine Mathildim in coniugium duxerat, audiens illum Salernum aduenisse, continuo pergens inuenit eum in mari, in eodē adhuc loco quo prius subliterat, persistentē: vbi cū post multa verborū Rogerius eius hominum subdendum postulasset, illeque, nisi forte quid sibi ab eo daretur, pro quo id fieri deberet, recusaret, percūctatur mox quid sibi per hoc ab eo conferri gestiret. At ille volo inquit, quatinus si mei submissione hominii honorem consequeris, sic versa vice Rogerii Orianensis Comitum me subdicionem honores: quod cum audisset grauitate accepit: abnuens parem pari submitti. Vnde dum vterque post inter se vicaria duorum prolatione verborum alterearentur, Comesque deinceps Ranulphus animi indignatione motus penitus recedere veller, tandem Rogerius eum abire non passus, tam pro coniugali Mathildis copula, qua ei propinquus existeret, quam pro strenuitatis suæ nomine, quam sibi in acquirendo Apuliam omnino profuturam sperabat, eius suscepto hominio, subdidit ei præfatum quem poposcerat Comitem: deinde cum accepta fidelitate Salernum ingreditur. Amalfitani deinde videntes Salernitanos Comiti colla subdidisse, & ipsi itidem ei retentis munitionibus subiiciuntur.

*Dux  
Rogerius  
excommunicatur.*

PER idem tempus Romanæ Ecclesiæ Pontificium Honorius Papa secundus administrabat: qui Romæ obitum Guilielmi Ducis percipiens, nec nō Siciliensem Comitem Ducale iam ambire regimen cognoscens, doluit valde: atque sine dilatione urbem egressus, Beneuentum properat: deinde missarum celebrans sollempnia, ipsum publica voce anathematis iaculo perculit: si Ducale obtinere culmen vltius conaretur: vel quisquis ei ad id nanciscendum, consilium, auxiliūve tribueret. Vnde factum est, vt & ipse Ranulphus Comes ab eo, quamquam male consultus, penitus auerteretur: modis omnibus nitens præpedire eum, ne Ducatus quireret conscendere apicem.

VERVM Rogerius Salerni commorans cum audisset, quod Papa Beneuentum petisset, atque in se excommunicationis intorsisset iaculum, misit ad eum orans, vt non ab Ec-



ab Ecclesia dominatum, Ducalemque honorem generis iure sibi competentem conscēdere prohiberetur: nam ei, prout, æquitas imperaret, de eiusdem Ducatus culmine libenter ipse obsecundaturus esset. Papa vero iis perceptis, nulla, ratione, nullove pacto eius precationibus flectitur: immo amplius illum excommunicando feriens expellebat. Porro Rogerius indignationem adhuc illius patienter sustinens, misit iterum, atque iterum, quatinus cum suscipiens, quod se habere iure decebat, non denegaret. At contra Papa eodem modo quo supra in eum, obstinatissimum gerens animum, nullo modo desiderio ipsius assensum præbere volebat.

10 Post hæc autem prædictus Præsul à Troianis ciuibus accitus, eorum hominum, flagitantibus ipsis accepit: ubi quidem vniuersi Apuliæ ad se venientes Magnates aduersum Rogerium ita, eodem sollicitante, fœdere ei vniuntur, vt non, nisi aut illum penitus expellerent, aut in bello si possent, de terra necando delerent. Ex quibus fuerunt Grimoaldus Barensum Princeps, Gofridus Comes Andrensis, Tancredus de Conuersano, atq; Rogerius Orianensis Comes; aliiq; complures: quorum scilicet vnanimi & Robertus Capuanorum Princeps eiusdem Papæ hortatu, Comitisque Ranulphi instigatione confociatur. Nec mora: præfatus Apostolicus Beneuentum repedit: ibique non longa intercedente mora rursus Troiam reuertitur: qui ibidem Episcoporum celebrans concilium Rogerium iterum, vel quisquis ei ad adipiscendum Ducatum consensurus, seu opem collaturus esset, ab Ecclesia excommunicando eliminauit: cumque hi peractis de-  
20 nuo Beneuentum remeasset, Rogerius rursus legatione ad eum directâ suppliciter precatur: quatinus anathematis sententia remota, Ducaliq; sibi dignitate concessa, seruitium eius susciperet. At ille rursus in eodem ipso quo supra, immobili mente persistens, petitioni suæ nullatenus adquiescit.

ROGERIVS tantam ipsius insolentiam, animumque eius ita inflexibilem spectans ad Siciliam transuectus nauigio redit: quatinus quod humilibus verbis obtinere non poterat, armorum violentia reuertens adipisceretur. Cuius abscessu cognito Papa & ipse Romanam quantocyus potuit, reperit: vt inde bellicam aciem ducens aduersus eum, simul cum præmemoratis Principibus obsistere deberet: si forte cum hostili manu Ducatum inuasurus rediret. Multa quidem præterii: quoniam summa tantum, atq; extrema, sicut  
30 in proemio iam dictum est, enarrare proposui.

ICITVR Rogerius cum apud Siciliam, quousque ad bella solitum est procedi, demoratos fuisset, coacto nimium immenso exercitu fretum Pharense transuaduit. Qui inde mouens ad turrin, que Humfredi dicitur, constringendam properat: quam quidem cito comprehensam ad solum vsque subuertit. Deinde Tarentum perueniens ciuibus se se dedentibus, mox eam obtinuit. Cuius post obsidionem Hydruntini ciues pertimescentes, ciuitatem & ipsi, seseque ei submitunt. Hæ quippe vrbes Boamundi iuris fuerant: quas ipse, omnemque terram suam, cum ad potiendum Principatum Antiochiæ, transmari-  
40 num peteret, er, Apostolicæ prius fertur tutelæ commississe. Verum ille eiusdem ciuitatis decoratus Principali insula, breui intercapedine posita, in loco, quo se tutum omnino cū suis fore putabat, subito à Turcorum interclusus acie, cum multis aliis digladiatus finem vitæ dedit. Deinde super Brundisium urbem prædicti Tancredi veniens, eam nimio ob-  
sisionis rigore tamdiu oppressit donec vrbicolæ non diu tolerantes, ciuitatem ei seseque dedere: quo facto ad oppidum, quod nominatur Castrum, obsessurus festinat: quod quidem sine dilatione capitur. Post hæc autem oppidum, quod nuncupatur Oira adiens, continuo illud aggreditur. Præterea, & alia eiusdem castra capiuntur: quorum nunc nomina nequaquam recoli ignorantis necessitas cogit.

HONORIVS itaque Papa cognoscens Siculorum Comitem mare transmeasse, terrasq; Boamundi, atque Tancredi ex parte iam occupasse, cum militibus ferme trecentis reuertitur: mandans Principi Ruberto, Comitique Ranulpho, ceterisque per Apuliam præmemoratis Principibus quatenus militaribus collectis agminibus, secum hosti Rogerio iam imminenti armis obuiaturi procederent. Comes igitur Rogerius comperiens præfatam expeditionem ad se debellandum properare, mouens se ad fluuium Bradanum, ubi vadus Petrosus dicitur, castra figi præcepit. E contra vero Papa cum omnibus suis appropinquat: in tantum, vt medius inter eos fluuius ipse diffunderet. At Rogerius cum dominum Papam expeditioni illi interesse percepisset, reuerentiam illi ita exhibebat, vt vitare eum contingere: ne contra Deum, spreto ipsius vicario, repugnare videretur. Quin etiam ad eum legatione semel, ac iterum facta flagitabat, vt ei anathematis vinculo absoluto, Ducatum etiam iure generis sibi succedentem liceret accipere.

*Grimoaldus Princeps Barensum. Gofridus Comes Andrensis. Tancredus de Conuersano Comes. Rogerius Orianensis Comes. Robertus Capuanorum Princeps.*



CUMQUE sic hi, & illi sine rerum effectu diutius permansissent, Magnates Principis Roberti, deficientibus sumptuum stipendiis, egere incipiunt adeo, ut & plures illorum chlamydes suas distrahentes, cibos sibi mercari compellerentur. Vnde factum est, ut quidam eorum in ediam non ultra ferentes, latenter recederent. Apostolicus vero cognito quod Baronum, militumque murmur instaret, eo quod multum temporis militare sustinentes exercitium, egestatem pati cogerentur, vellentque se se dimisso, recedere, fultos consilio ad Rogerium clam, festinanter præmisit: pollicens illi Ducatum annuendum: ita tamen ut prius Beneuentum petens, suum ei ibi hominum subderet: sicque postea ipsum à se Ducatum ex more acciperet. Hoc quoque illo annuente, simulque ab utraque parte firmato, Apulenses heroes comperto hoc, mox dissolutis papilionibus, ad sua cum decore reuertuntur: culpantes pernimum Papam, quod sine eorum consensu, cum hoste Rogerio concordatus fuisset.

CUM ergo Præsul Beneuentum redisset, ecce Rogerius adueniens in montem S. Felicis, haud longe à Beneuento positum ascendit: militari eius cuneo in deuexum eiusdem collocato montis. Post diem vero tertium præfatus Pontifex ab eo accitus paululum ab vrbe progreditur: ipsiusque, ut moris est, hominio suscepto, cum vexillo Ducale eidem tradidit regimē. At Rogerius Apostolica roboratione Dux constitutus, secundū quod inter se iam propoli. um fuerat, sacramentum ei fidelitatis per omnia seruandum exhibuit: quibus peractis Papa ad palatium reuertitur: Dux Troiam festinus obsessurus pergit: quæ quidem & si strictius ab eo obsessa teneretur, tamē ei à ciuibus omnino resistebatur. Nam Troiani præcipientes obsidionem ipsam super se venturam, urbem nimium præmunierant: unde eum obsidentem audacesiores paruipendebant. Cum ergo Dux ibi aliquandiu moratus ciuitatem etiam munitissimam fore conspiceret, nilque tunc ad capiendum eam, ob hiemem iam imminentē se proficere posse præiuderet, remota obsidione, interim ad recipiendum Melfam, aliasque Ducales vrbes festinat: quæ iam legatis præmissis, ultro se se ei subdendas mandauerant: quibus receptis expeditionem bellicam ad propria redire iubet: sicque Salernum reuersus, ibique parumper moratus, ad Siciliam cum multo iterum inde reuersurus exercitu, remeat. Qui dum apud eandem prouinciam moras, Apuliz absentaretur, Tancredus suis interim persuasionibus Brundisium ciuitatem, & oppida, quæ inuadente eo amiserat, recuperauit.

FACTVM est autem, cum tempus egrediendi in hostem opportunum successisset, Dux Rogerius collecta rursus militari expeditione fretum, quod Pharium dicitur, transmeauit. Exinde moto exercitu cepit huc, illucque terras sibi omnes militari violentia occupare. Cum ergo ex parte recuperasset oppida, quæ iam Tancredus eo absente resumpserat, tandem iterum Brundisium, ut eam recuperet, obsessurus vadit: qui cum longa in obsidendo mora traheretur, nilque tunc ad obtinendum eam posse proficere præiudicaret, dimittens eam ad tempus, ad alia interim aggrediendum oppida accelerat.

Robertus  
de Granti-  
mania red-  
dit prouin-  
cia suam.  
Rogerio  
duci & re-  
dit in Gal-  
liam.

VENIENS itaque super Castrum superius iam memoratum, continuo, quod se ab eo auertens Tancredo adhaererat, illud euertit. Deinde cum Montis alti oppidum ab eo obsideretur, Robertus interim de Grantimania se ei præsentans rogabat eum, ut ei iam ad sua redeundi licentiam largiretur. At ille, quare inquit hoc flagitas? Cui ille respondit: ideo recedere quæro, quoniam inedia constrictus exercitus huius, laborem ultra perferre non valeo: nam feudum, quod videor habere, modicum quidem valde est: nec ad sustinendum diu militare sufficit exercitium. Sciatur itaque, quoniam si illud non mihi modo aduictum fuerit, ipsum militare opus non amplius tibi seruiens exerciturus ero: sed trans Alpes, ad terram consanguineorum meorum pergam: quo quidem sine inopia ero mansurus. Cui Dux noli inquit, precor rem hanc agere: sed parumper attendere: quousque vniuersa mihi subiiciatur Apulia: sicque postmodum quod quæris tibi proculdubio adimplendum erit. At ille videns differri quod petebatur, mox more suo, ira succensus ait: Si nunc quod peto non dabitur, iam ultra à te mihi illud dari non præstolabor: nec etiam quæ nunc à me tenetur, terram, eo quod modica sit, amodo tenere cupiam. Cumque hæc, & his similia affatus ei se absentasset, protinus sine ipsius nutu, male consultus ab hoste discessit: quod quidem Duci quantum displicuerit, in sequentibus aperietur.

Alexan-  
der Comes.

CAPITO itaque Monte alto, Rubeam præfati Tancredi urbem inuasurus properat: qua deuicta Alexander Comes, Tancredus, Grimoaldus Barenfis Princeps, nec non Godofredus Comes Andrensis tantam ipsius potentiam experti, saniori consilio inter se habitato, mox ei subiiciuntur: unde Tancredo ipsi Dux animo iam sedatus terras quas eumque abstulerat, reddidit: quibus deinde præcepit, ut post ipsum ad obsidendum secum Troiam celer-



celeriter accessuri essent. Porro Troiani percipientes præfatos Magnates Duci colla iam subdidisse, confusi sunt valde: qui etiam ne sine tutore existerent, miserunt ad Robertum Capuanorum Principem, quatinus cito veniens dominium super se suscipere: atque a Duce, qui iam instare cernebatur, protegeret. At ille nolebat ad eos ire: verens certa pro incertis negligere. Ad hæc Comes Ranulphus iratus respondit: Ego inquit, si tu non vadis, nullo modo agam, quin eis auxiliaturus pergam: qui cum Troiam ingressus fuisset, ciues alloquitur: mutuoq; firmata fidelitate, eos se contra Rogerium protecturum firmissime spondet.

*Robertus  
Capuano-  
rum prin-  
ceps eligi-  
tur & domi-  
nus Troie  
sed recusat.  
Sic urbem  
recipit Ra-  
nulphus Co-  
mes.*

VERVM Dux appropinquans venit super Salpin: moxque eam obtinuit: qui au-  
diens Ranulphum Comitem contra se Troianos velle tueri, indignatur valde, dicens: Si  
Comes Ranulphus terram meam abstulit, ego vadam, relicta interim Troia suam ei abla-  
turus. Cumq; prætergrediens Troiam, ad castrum, quod dicitur Grentium peruenisset,  
Comes Ranulphus putans eum ad terram suam inuadendam, sicut dixerat, velle ire, ve-  
rensq; eam amittere, præmisit legatos suos post eum: per quos cito concordia ipsius se-  
cum habenda flagitetur. Cumq; Dux cum eodem, si Troiam de se tenere vellet, se con-  
cordaturum promississet, confestim ille Troianis, dimissis, ad castra ipsius, qui in prædicto  
adhuc loco morabatur, concitus iuit. Deinde seorsum habito vicissim colloquio, pactoq;  
alterutrum cõcordiæ constituto, Comes ad propria regreditur. Dux autem Troiam ob-  
sessurus rediit: ad quam videlicet obsidionem supradicti Proceres, vt eis imperatum fue-  
rat, accelerarunt. Quid longius moror? Vrbs quippe obsessa in tantum constringitur, vt  
infra paucos dies vellent, nollent Duci subderentur. Troia itaq; capta, ceteræ vrbes Du-  
cales tumore mentis magis deposito, humiliter eidem subiiciuntur: atq; ita omnis ei Apu-  
lia sine vlla contradictione submittitur.

POST hæc autem Rogerius agens exercitum vadit ad oppidum, quod vulgo nomi-  
natur Lacupesulum: in quo videlicet loco Robertum de Grantimania reperiens, coram  
omnibus super eo querimoniam egit: quod sine ipsius nutu cum Montem altum obside-  
ret, ab exercitu abscesserit: profitens id ad damnum sui, ab eo actum fuisse. At ille, absit in-  
quit hoc à me: sed vt trans montes ad terram parentum meorum pergerem, recessi. At  
Dux: si ergo inquit ad Transalpinas terras festinare desideras, terras quas modo possides,  
qualque etiam te vltra non velle tenere confessus es, nunc coram omnibus renunties: cui  
ille respondit: accipe eas cito: eo duntaxat tenore, vt mihi securi er liceat abire. Quid plu-  
ra? Dux statim terris ipsius receptis, continuo ei abeundi licentiam dedit.

*Rogerius  
Dux tota  
Apulia po-  
nitur.*

HIS quoque peractis Dux Melisiam properans, cunctos Apuliæ Optimates ad  
se conuenire iussit: quibus etiam inter cetera edictum dedit: vt in pace permanentes alter  
utrum non aduersarentur. Simulque eos iurare compulit, vt ab ipsa hora, & in antea iu-  
stitiam, & pacem tenerent: & adiuuarent tenere: nec manutenerent homines, qui latro-  
cinium, aut rapinâ facerent in terris suis: nec esse consentirent. Et si aliquis ibi huiusmodi  
malefactor reperiretur, sine fraude, curiæ suæ, in loco à se constituto, vt iustitia ex eo fie-  
ret, præsentarent: & quod ecclesiasticis personis, & rebus earum, videlicet Archiepis-  
copis, Episcopis Abbatibus, monachis, omnibusque clericis, laboratoribus, villanis, & cun-  
cto populo terre suæ dominationis cū rebus eorū, nec nō peregrinis, viatoribus, mercato-  
ribus pacē tenerent: & obseruarent: nec eos inquietarent: nec inquietare ad suū posse per-  
mitterent. Vnde non mirum si terras sibi omnes Deo cooperante subiicere poterat: quo-  
niam quidem in omni dominationis loco huiusmodi iustitiæ assiduo rigore promulgato,  
pax continua, in qua secundum Psalmistam factus est locus eius, perseverare videbatur.  
Quomodo enim pacis bonum deesse poterat, vbi nullus quidem malefactor, terrore ipsi-  
us coercitus prodire auderet? Cum ergo ibi Dux aliquandiu moratus hæc, & his similia  
ad commune proficuum disposuisset, Baronibus ad sua redeuntibus, Tarentum ipse re-  
greditur: qui verens, ne Robertus supradictus recedens aliquando quidquam ei aduersi  
moliri satageret: iurare eum ante discessum compulit quatinus vltra montes abiens, ibi in  
perpetuum degeret: neque iam amplius Apuliam ad inhabitandum requireret. Quod  
cum ille iuramento firmasset, hoc modo liber abcessit. Dux post hæc ad Siciliam  
retrat.

IBI cum ad tempus vsque opportunum moratus fuisset, audiens præfatum Rober-  
tum violato sacramento reuersum, atque oppidum Orgeolum, nec non Costrum villæ  
contra se pugnaturum recepisse, iratus fretum Pharense, Siculorum exercitum agens  
transmeauit. Deinde Calabrorum, Apulorumque etiam bellicis adscitis agminibus, cum  
impressa animi indignatione super illum iuit: quem quidem omnimodis ita obsidione  
sauiissima constrinxit: vt intra paucos dies sese ei vellet, noller, subiiciens, oppida etiā ipsa



cogeretur dimittere. Deinde Salernum adiens, eam acerrima circumcinxit obsidione: quatinus ei à ciuibus munitio turris maioris, quam eis custodiendam, petentibus ipsis, non corde annuerat, redderetur. Non enim se vrbis illius dominari arbitrabatur: quādiu arx illa non ei subesse cerneretur. At illi videntes se nullatenus posse obsistere, sine dilatione concesserunt quod ad ipso flagitabatur.

QVIBVS ita finitis, non diu post cum ipso exercitu mouens, se in terram Rogerii Orianensis Comititis tendit: secus oppidum, quod nominatur Apitium, castrametatus: ibique tam diu ex industria moratur, quo vsque terra eiusdem Comititis pæne omnis à suis circumquaque frumentatoribus depopularetur. In magna namque Dux simultate prædictum Comitem tunc habebat: quem quidem cum erga se non recta fide iam incessisse relatione didicerat. Quade re coram omnibus post impetiturus, cum se à noxa per iudicium excusari non posse cerneret, Padulum ei propter hoc atque Montemfiscum, duo scilicet ingentia castra conselitur vltro dimittere. Quod cum factum fuisset, mox ab animo Ducis sic exclusa simultas cessauit.

VND E progrediens Troiam iterum obsidione circumfedit durissima: cuius ciues, sicut & Salernitani egerant, & ipsi nihilominus egere. Nam castrum, quod ab eisdem, Guilielmo Duce ab hac decedente luce, destructum fuerat, reedificari etiam volentes concedunt. Dux ergo tot, tantisque successibus potitus, Troia lætus continuo recessit: Melfiam petiturus. Vbi etiam munitionem, quæ à ciuibus, iubente eodem Duce, subuersa fuerat, restitui compellit. Tunc temporis & Robertus Capuanorum Princeps solo nominis sui terrore constrictus suo subditur dominio. Nec multo post Salernum rediens ad Siciliam inde remeauit. Nunc itaque in hoc loco primus de Ducatu claudatur libellus: quatinus ad ea, quæ iam Rex constitutus gessit, commemoranda stylus vertatur.

EXPLICIT LIBER PRIMVS.

## INCIPIT LIBER SECVNDVS.



Henricus  
Comes a-  
nunculus  
Rogerii  
ducis.

CUM Dux Rogerius per omnia lætis potitus successibus, totas Boamundi terras, omnemque Ducatum in integrum potentissime obtinere videretur, nec non Capuanorum Princeps, Magisterque militum NEAPOLITANVS, omnisq; terra, quæ erat vsq; pæne fines Anconitanæ vrbis, bellorū cunctis contrarietatibus sopitis sibi subderetur, læpissima sibi ac familiari quorundā maximeq; Hærici Comititis auctuli sui, à quo plus aliis diligebatur, cœpit suggeri colloquutione: videlicet, vt ipse, qui tot prouinciis Siciliæ, Calabriæ, Apuliæ, ceterisq; regionibus, quæ pæne Romā vsque habentur, Domino cooperante dominabatur, nequaquā vti Ducalis, sed Regii illustrari culminis honore deberet. Qui etiam addebant, quod regni ipsius principium, & caput Panhormus Siciliæ metropolis fieri deceret: quæ olim sub præcis temporibus, super hanc ipsam prouinciam Reges nonnullos habuisse traditur: quæ postea pluribus euolutis annis, occulto Dei disponente iudicio nunc vsq; sine Regibus mansit.

HORVM itaq; amica, atque laudanda suggestio, cum infra semet ipsum multifarie tractando versaretur, vellentq; exinde certum, ratumque habere consilium, Salernum regreditur: extra quam non longe conuocatis ad se aliquibus ecclesiasticis peritissimis, atq; competentioribus personis, nec non quibusdam Principibus, Comitibus Baronibus, simulq; aliis, qui sibi sunt visi, probatoribus viris, patefecit eis examinandum secretum: & inopinatum negotium: ac illi rem ipsam sollicitè perscrutantes vnanimiter tandem vno ore laudant: concedunt: decernunt: immo magnopere precibus insistunt: vt Rogerius Dux in Regiam dignitatem apud Panhormum Siciliæ metropolim promoueri debeat: qui non tantum Siciliæ paterna hereditate, verum etiam Calabriæ, Apuliæ, ceterarumq; terrarum, quæ non solum ab eo bellica obtinetur virtute, sed & propinquitate generis antecessentium Ducum iure sibi succedere debent. Nam si regni solum in eadem quondā ciuitate, ad regendum tantum Siciliam certum est exstis-  
tempus



tempus defecisse videtur, valde dignum, & iustum est, vt in capite Rogerii diademate posito, regnum ipsum non solum ibi modo restituatur: sed in ceteras etiam regiones, quibus iam dominari cernitur, dilatari debeat.

ISTORVM itaq; Dux consiliis, atque veridicis assertionibus roboratus, Siciliam repetit: mandans suarum prouinciis vbiq; terrarum, quatinus omnes cuiuscumq; dignitatis vel potestatis, seu honoris essent in die susceptionis eius coronæ, quem Dominici Natalis primo aduenientis sollempnitas susceptura erat, Panhormi omnes conuenientes adessent. Cum ergo ad diem constitutum vniuersi illi, simulq; & de populis pusilli, & magni absque numero confluxissent, huiusmodi iterum causa sollempniter, diuigenterque inuestigata, atq; tractata ab omnibus eodē modo, quo & supra, ad gloriam Dei, eiusdemq; Ecclesiæ augmentum regia in vrbe Panhormitana fieri omnino decernitur promotio: cui etiam adeo tanta concessa est virtutis potentia, vt ad exercendam malorum vindictam, & ad conseruationem iustitiæ ipsum genus suum ampliori terrarum acquisitione iam superexcedere videatur.

*Rogerius coronatus Rex Sicilia in Festo natalitio Domini.*

CVM ergo Dux ad Ecclesiam Archiepiscopalem mōre regio ductus, ibiq; vnctione sacra linitus regiam sumpsisset dignitatem, non potest litteris exprimi, immo mente æstimari, quæ, & qualis, quantave eius tunc esset gloria: quam magnus in regni decore: quam que etiam in diuitiarum affluentis admirabilis. Nempe aspicientibus tunc vniuersis ita videbatur, ac si omnes huius mundi opes, honoresque adessent. Inæstimabiliter quidem tota coronabatur ciuitas: in qua non nisi gaudium, & lux erat.

PALATIVM quoq; regium vndiq; interius circa parietem palliatum glorifice totum rutilabat. Solarium vero eius multicoloris stratum tapetis terentium pedibus largifluam præstabat suauitatem. Euntem vero Regem ad Ecclesiam sacrandum, vniuersis cum dignitatibus comitantibus, immensus etiam equorum numerus ex parte altera ordinate procedens sellis, frenisque aureis, vel argenteis decoratus secum comitabantur.

AD regiam discumbentibus mensam ciborum, potuumque multimodus, atque affluentissimus apparatus habebatur: vbi quidem non nisi in pateris, seu catinis aureis, vel argenteis ministratum fuit. Seruitor ibi nullus nisi quem serica tegeter vestis: adeo vt ipsi etiam parobsidum reportitores sericis operirentur indumentis. Quid plura? gloria, & diuitiæ in domo Regis tot, & tales, tantæque tunc visæ sunt, vt omnibus & miraculum ingens, & stupor vehementissimus fieret: in tantum, vt timor etiam non modicus vniuersis, qui de longe venerant, incuteretur. Etenim multo plura in eo conspiciebantur: quam rumor non fuit: quem audierant.

CVMQUE peractis Regiæ coronationis celebritatibus, ad propria singuli redissent, cœpit Rex sollicitus intra mentis suæ voluere arcanum, qualiter deinde regnum suum, quod multum desiderabat, perpetua solidaretur pace: nullusq; aduersum se resistendi facultatem posset habere. Vnde ab Amalfitanis vehementius, instantiq; cœpit exigere, quatinus cunctas suas dimittentes munitiones sibi eas custodiendas traderent: alioquin nullo modo, nulloq; pacto vltius pateretur, vt ipsi eas sibi seruandas tenerent: qui cum omnes vno id ei animo consentiendum contradixissent, atq; in hoc ipso obstinatissimo peristerent corde, Rex indignatus illos à fidei suæ consortio dissociavit.

ARCESSENS itaq; Ammiratum nomine Iohannem, virum scilicet in rebus bellicis prudentissimum, atq; strenuissimum præcepit, vt quantocyus pergens, cunctos iussu eius sollicitaret, quatinus ad obsidendum Amalfiam accelerarent rebellem: qui fretum pertransiens Phari, dum vniuersos Calabrorum, Apulorumq; bellatores sum mouere intendet, interim Georgius maximus Ammiratus, vir quidem Regi fidissimus, atq; in negotiis secularibus exercitissimus mare iussu eiusdem Regis sollicitus Amalfiam circumgyrando obseruare studet: si forte Amalfitanorum aliquos pelagus peragrans capere posset: & ne forte quilibet alii vndecumq; perequora accedentes, eis opitulari succurrerent.

QVI dum sic marinas excubaret semitas contigit, vt oppidulum Amalfitanorum quoddam, quod Gualum nominatur, videlicet infra mare positum violenti caperet manu. Deinde oppidum aliud, quod Capris dicitur, similiter infra mare situm, nauigiis eius circumdatum sine dilatione strage facta multorum aggreditur. In quibus quidem regiis dispositis excubiis, mox Triuentum Amalfiæ oppidum obsessurus vadit: quod iam præfatus Iohannes, regio quem acciuerat, obsidente exercitu, immaniter constringebat.

CONTRA quos Iohannes cognomento Sclauus, qui castro eidem præerat, omni studio, omnibusque viribus eis contrastare satagebat. Verum bellatores regii videntes



10

2

Sergius  
magister  
militum  
Neapoli, se  
& urbem  
subiicit Ro  
gi Rogerio  
Ricardus  
Ranulphi  
Comitis  
frater Do  
minus A  
uellini &  
Mercuri  
ani.

*Mathilda  
soror Regis  
deserit ma-  
ritum.*

50



consentire videbatur. Attamen veniat ipse Salernum ad me cum proceribus, quos voluerit suis: & quidquid à me recti exigendum fuerit, libenter paratus ero eidem persolurus: eo tamen interposito pacto, ut & ipse mihi, de quibus iuste eum causatus fuero, iustitiam faciat.

REDEVNTES itaq; nuntii Comitris, quæq; perceperant retulerunt. At ille more suo, male consultus, ad eum, sicut mandauerat, ire neglexit: magis eligens mittere ad eum, per quos sibi, quæ videbantur ablata deposceret reddi. Verum Rex grauius indignatus, quod se ita contempto noluerit venire, Mathildim sororem suam post eum, filio suo Roberto, quem tunc secum habebat, ad Siciliam nauigio transuectam secum perduxit.

*Robertus  
filius Ra-  
nulphi Co-  
mitis.*

COMES ergo coniugem, filiumq; suum tam longe abscessisse audiens maioris doloris stimulo perurgueri cœpit: certus existens, quod cor Regis vere iam totum contra se versum esset: quodque etiam æstiuo tempore redeunte, super se absque dubio manu belligera irruiturus foret. Quam ob causam munitiones interim suas omnes magis præmunire studuit: regiæque pugnae, si forte se aduersus consurgeret, obuiare prorsus accingitur.

IGITUR Rogerius Rex postquam ad Siculorum reuersus est regionem, ibi tamdiu moratur, quousq; tempus, quo proceditur in hostem, opportunum redisset: qui transito freto, quod Pharium dicitur, cum viginti bellatrice manu Tarentum peruenit: ubi cum Comes Andrensis Gofridus, in eius, ex more curiam aduentum fecisset, Rex de quibusdameum facinoribus impetens, iusticiam ex eis fieri magnopere exigebat. At ille perpendens se per iudicium excusare non posse clarescentibus culpis, magnam per hoc terrarum suarum partem ei quietam dimittere censetur.

*Gofridus  
Comes An-  
drensis ce-  
dit bonam  
partem Co-  
mitatus Ro-  
gerio regi.  
Grimoal-  
dus Baren-  
sum prin-  
ceps captus  
mittitur in  
Siciliam.*

POST hæc Rex, eo quod Grimoaldus Barensum Princeps, contempta eius fidelitate inimicis suis consenserat, super Barim veniens terra mariq; obsedit. Ceterum Comes Ranulphus, ut cognouit Regem Barim obsidione circumfedis, zelo ipsius ductus collecta equitum multitudine, præfato cupit Grimoaldo subuenire: quem mox Princeps dominus suus accersiens vix ei persuasit, ut à militia ipsa quiescens, terram Regis hac vice, pro quauiscumque causa non præliaturus introiret: nisi prius per legatos conueniret eum: si forte sibi direpta restituerentur. Cum ergo ad Regem pro hoc ipso mitteretur, Comes equites, quos sibi coadunauerat, adpropiare, sibi que interim quiescere iussit.

IGITUR Grimoaldus omni studio, omniq; belli conamine ciuitatem contra Regem obsidentem protegere satagebat: sed frustra: nam in tanta agilitate vrbs ipsa, eius obtinente iustitia, capitur, ut non plusquam tres fere in eadem obsidione hebdomades complerentur: quam scilicet Robertus Guiscardus robustissimus Dux per tres continuos annos obsidens, vix aggredi valuit. Captus itaq; Grimoaldus vinculis mancipandus in Siciliam dirigitur.

TANCREDVS ergo de Conuersano, vnus ex magnis Apuliæ Magnatibus, cum Grimoaldum iam victum teneri, magnamque Gofridum terrarum partem suarum, ut iam factum est amisisse comperisset, cœpit eo magis sibi timere: quo contra Regem eisdem ipsis se male confœderatum fuisse sentiebat. Qui ante quam, in curia super hoc impetrus iudicaretur, consultitur, ut potius transmarinum petendi iter, occasionem prætendens, Brundisium, ceterasque vrbes atq; oppida quorum tunc ipse dominabatur, Regi sponte distraheret: sicq; eius cauens iudicium, ab eo hoc modo liberaretur. Quid amplius? Tancredus viginti stipatorum numero à Rege accepto, terris suis omnibus renuntiavit: Hierosolymam, ad terminum statutum properaturus.

*Tancredus  
Comes Tra-  
uersani ce-  
dit Regi de  
omnibus  
ditionibus,  
acceptaq;  
pecunia  
minima  
abit in Syri-  
am.*

CVM ERGO supradicti legati Principis ad Regem, iam Bari aggressa, peruenissent, preces, quas per eos Princeps mandauerat, intulere: videlicet ut Ranulpho Comiti Baroni suo Auellinum, & Merculianum, in super & vxorem, filiumq; suum restitueret: alioquin seruitium suum ei indubitanter esset prohibiturus. Qui audito hoc indignans ait eis. Miror valde quod Princeps de his, quæ sibi non attinent, me sollicitare audeat. Ideo namque, talia mituit, ut occasione inuenta mihi seruire non debeat. Reuertimini ergo ad eum primitus prænuntiantes ei, legatos à me sine mora sibi esse dirigendos: per quos verba mea verbis suis responsura deferenda erunt. Hoc tamen solum vobis referentibus illum pro certo volumus scire, quoniam si pro hoc, vel quolibet alio seruitium meum abstulerit, periurii crimine incunctanter denotandus erit.

*Ranulphus  
Comes va-  
sallus prin-  
cipis Capu-  
anorum  
Roberti.*

NEC MORA illis redeuntibus Rex ad præfatum misit Principem, quatinus ipse militari collecto agmine Romam, in hostem, in adiutorium Romanæ Ecclesiæ pergeret:



quibus ipse huiusmodi responsum dedit. Ego nullo modo iussis regiis obtemperaturus ero, nisi homini meo Ranulpho Comiti sua reddantur. Quo audito nuntii celeri ad Regem reuersi sunt reditu: nuntiaturi omnia quæq; præceperat.

INTEREA Princeps, Comesq; Ranulphus verentes ne forte displicitis sibi verbis, quæ ei remissa fuerant, super se armis irruiturus esset, immenso equestri coadunato agmine vallem anticipant Caudinam: ibiq; interim morari decernunt: quatenus Rex, si forte contra se insurrecturus esset, eos ad prælium imparatos non inueniret. Rex ergo responsis Principis perceptis, non æquo animo ea suscepit: qui etiam comperiens, quod & ipse Comes collecto pedestri, militarique non modico cuneo, contra se ad bellum præpararetur, indignatur valde: mouensq; exercitum, ad quoddam oppidum, quod dicitur Crepacorum, venit: ibiq; castra figi præcepit. At Princeps, Comesq; Ranulphus cognoscens illum tam propinquum adesse, animaduertebant, quod vere contra se properaturus esset: vnde toto animo, totisq; viribus se defensuri præparantur.

VERVM Rex iterum castra mouens, ea subitus oppidum Montis calui fixit: indeq; ad Principem, qui iam relicta memorata valle, in loco, qui Cressanta dicitur, cum Comite morabatur, direxit: quatinus per terram suam Romam in hostem sibi ire permitteretur: simulq; & ipse secum veniret. At ille tale fertur dedisse responsum. Neque per terram meam Romam ire patiar: neq; cum eo simul veniam: nisi Baroni meo, quæ sua sunt, reddantur. Reuertentes itaq; nuntii Regii quæq; viderant, & audierant, referunt. Rex quoq; audito hoc, graue accepit: motisque castris subitus Padulum oppidum, per deuexum montis metatur. Tunc ad eundem Principem iterum misit: vt consentiret ei prius transire per terram suam: vt Romam in hostem pergeret. Sicque post quindecim dies, postquam reditum fecisset, sibi quid faciendum esset, apud pontem S. Valentini exhiberet. Ceterum ille animo mox indignatus, atque vili pendens, quod sibi fecerat fidelitatis iurandum remisit ei: quia nisi ante Comiti Ranulpho Auellinum, & Merculianum, adhuc autem & uxorem suam, & filium reddiderit, nulla ratione, nullove pacto ei adhæream: nec etiam iussis obauditurus ero: neque Romam, quo ire cupit, per terram meam abire patiar.

REX ergo Rogerius Principis animum ita obstinatissimum contra se haberi considerans, misit Beneuentano rectori nomine Crescentino, atque Archiepiscopo, qui Landulphus dicebatur, quatinus omnem ciuitatis populum, salua tamen fidelitate Apostolici, fidum sibi iuramento statuerent: qui cum nonnullis Regis fautoribus eos ad iusiurandum cōpellere cœpissent, oritur propter hoc in vrbe ingēs seditio: ita vt pæne cōtra eos vniuersa plebs concitaretur: nolentes sacramentum fidelitatis Regi persolvere. Pontifex vero, & Rector seditionem populi metuentes, fuga coacti sunt urbem deferere.

TUNC ciues ad Principem, Comitemq;, qui in prænominato adhuc loco cum expeditione bellica commanebant, legationem fecerunt: quatinus inuicem fidissimi iureiurando facto Regi vnanimiter aduersarentur. Verum Rex percipiens Beneuentanos omnino nolle sibi cohærere, Principisque animum, vt iam dictum est, in se obstinatissimum stare, misit ad eundem Principem: arguens eum valde: quod aduersus se dominum suum, nil se lædentem arma mouisset: Sed & ad Ranulphum Comitem, quem contra se Principem ipsum irritasse compererat, diffidando mandauit.

PORRO Princeps, Comesq; Regis minas contemnentes consilium habuere: quatinus exercitum illinc mouentes, Beneuentanæ vrbi appropinquarent: vt vicinior positi, quod à ciuibus promissum fuerat, facilius consequerentur. Itaque ab eo illo digressi venerunt: castrametaturi secus castellum Poconis: non longe à flumine, quod dicitur Calorius: ita vt vterq; exercitus ciuitate interposita, alterutrum sese conspicerentur. Deinde Princeps, Comesq; Beneuentum ingressi, ciuesq; allocuti, quædam inter se posita seruari pacta, itaq; se ipsos fieri adinuicem fideles aduersus Regem iureiurando statuunt.

CETERVM Rex cum eos alterutrum confœderatos, Principemq; ipsam seruitum penitus iam denegasse comperisset, ira permotus iussit signo dato castra moueri: petensq; Nuceriam, ingentissimum videlicet eiusdem Principis oppidum, obsidione circumdedit. Porro Princeps, Comesque ignorantes quo Rex secesserat, consuluntur tandem ibi stare, donec quo ipse abscesserat, cognosceretur: & ecce altero die subito percipiunt Regem castrum circumsedere: atque ad ipsum crebris assultibus iam infestare: qui mox moto exercitu abscedunt: succursum obsessis celeriter daturi. Cum ergo ad fluuium Sarni, vbi Scaphatum dicitur, peruenissent, putantes se cito transituros, quoniam aliunde transeundi non erat possibile, inuenerunt pontem ipsum ligneum à Regis exploratoribus iam pridie destructum: cuius etiam ligna in vndis proiecta natando fuerant delapsa: qui



qui quoque dolentes quod transuadare nequirent, coacti sunt tamdiu ibi commorari, quousq; eodem ponte aliis lignis restituto, facultas eis transmeandi daretur. Ponte itaq; reparato, cum Rex hostes se ad transuendum iam præparare comperisset, castrum oblidere desistens iussit suos omnes armari: quatinus celeriter occurrentes cum eisdem prælium inirent.

VERVM Princeps, & Comes audito, quod Rex ad irruendum iam super se accinctus fuisset, coeperunt tanto celerius cum suis fluuium transire: quanto intuebantur sibi hostium prælium imminere. Cum ergo & ipsi transeuntes armis primitus induti fuissent, dispositis in suis locis more bellico singulis cuneis, ad bellum præparantur. Cumq; iam hinc inde moroso gressu appropinquatum fuisset, anterior Regis acies mox primo cuspidibus dimissis, equisq; calcaribus punctis, contra anteriorem aduersæ partis aciem concurrêdo, acriter insurgunt: quorû rigido concursu prædicta cohors exterrita terga continuo vertunt. Quod videntes retropositi custodes, & ipsi quidem perterriti per medium hinc inde diuerentes, spatium fugientibus præbent. Quo viso pedites, qui in ordine suo retro pro munitione statuti fuerant, & ipsi eodem timore concussi, nihilominus diueruntur. Cum ergo qui primo terga verterant, à Regiis militibus insequerentur, pars illorû dum euasione succellus fugitando petitur, in aquas ipsas fluuiales ruentes, vndis morituri intercipiuntur: pars vero per campum longum, amnem deuittantes diffugiunt: pleriq; autem lanceis ipsorum impulsu ab equorum sellis in terram deliciuntur. Peditum autem supradictorum, qui territi fuerant, pars maxima, dum præ timore, ereptionis quæritur locus, cum multis aliis super ripam fluminis consistentibus, in fluuium ipsam suffocandi coriunt.

COMES ERGO Ranulphus, vt erat acerrimus, qui in dextro habebatur cornu, vbi vidit suos ita repullos, hastam manutenens in Regiam aciem antestantem primus profilit: quod videntes sui, qui de dextri, sinistrique lateris erant custodia, eius mox animo prouocati, cum eodem ipso pariter aduersarios obsistendo premunt: cumque cuspidibus alterutrum impulsu hastas rupissent, enses capiunt: hinc inde feriuntur. Dum ergo Comes fortiter pulsando hastam confregisset, mox, & ipse manum mittens ad pugionem, in capite cuiusdam obstantis sibi equitis ita terribilem super galeam ictum dedit, vt miles ipse ferrea obtusione hebefactus statim dorsum cædenti præbuerit. Quem cum ceteri, qui hinc, illincq; astantes erant, vertentem vidissent, continuo vnus post alium versi illum sequuntur: deinde alii, qui in dextro, sinistroque latere positi erant custodes, cum suos terga dare cernerent, mox exterriti, & ipsi statim cum eisdem terga verterunt.

PERPENDAT itaque in hoc loco apud se prudens lector, quo nam Dei iudicio actum sit: vt Rex Rogerius, qui ante in omnibus victor exstiterat, nunc sibi victoria attributa non fuerit. Verum quod mihi videtur, etiam si Regi ipsi durum videatur, ad conceptionem tamen eius, cum dilectione dicam: quia idcirco forte in hac parte voluntatem suam ipse inuenire inuitus non est permixsus: eo quod secundis semper successibus potitus, supra modum animus eius elatus sit: cum magis ipse humiliari debuerit: hortante scriptura, quæ dicit: Quanto magnus es tanto magis te humilia. Nam sicut postea relatum est, Rex etiam ipse interdum proprio inde scripto, ore accusans, merito tale contigisse humili voce confitebatur. Qui tamen Salerni commorans ita vultu hilaris, menteque constans cernebatur, ac si nil sinistri sibi accidisse videretur: sciens pro certo malum euentum illum feliciori quandoq; fortuna, Deo donante penitus euacuandum.

PORRO prænominatus Tancredus, cognito quod Rex cum Principe Roberto, Comiteq; Ranulpho in plano Nuceriæ territorio conflictum habuerit, ibiq; non dignos ei successus fortuna bellando prouiderit, transmarinum iter appetisse, terrasq; suas distinxisse, atque abiurasse se pœnitet. Qui etiam vt sua omnino resumere possit, in Montepuloso, quo monitis indigenarum cõtra Regem susceptus fuerat, milites coadunare præsumit: quibus terras Regis huc, illucque discurrendo immaniter infestaret. Erat & ciuitas quædam nomine Gilentia non solum opere, sed & natura præcipue munitissima cuius ciues domino suo nomine Polutino, eo quod Regi vltra votum illorum subderetur, expulso, Tancredum etiã ipsum, vt eis dominaretur, atq; cõtra Regem tueretur, suscipiunt. Post hæc vero considerans quod tempus sese ad recuperandum sua valde opportunum sequeretur, ad Gofridum Andrensem Comitem, & Alexandrum perrexit. Qui simul in Regem committentes aperta periuria, iniquum societatis fœdus, cõtra eundem pugnaturi inierunt: qui etiam ad Robertum Capuanorum Principem, Comitemque Ranulphum



direxit: quatinus cum Rege nullum sine eo pactum, nullamve concordiam agerent: quoniam & ipse sine eorum assensu nullam quid foederis, vel pacis cum eodem esset acturus.

PORRO Regi inter hæc Salerni moranti nuntiatur, quod Barenfes ciues ab eo se auersuros iam præpararent: eo quod nonnullos Sarracenos, quos ibi ad ædificium munitio-  
nis suæ delegauerat, ira commoti necauerant: quoniã cuiusdã nobilis fili⁹ ab eisdem  
ipsis Sarracenis fuerat interemptus. Vnde & opus ipsum, quo castrum regium semotum  
ab vrbe perficiendum erat, ciuib⁹ ipsis contradicentibus iam dimissum fuerat. Rex au-  
tem huiusmodi rumore sollicitatus sinistro, præmunitis oppidis suis, quæ circa Beneuen-  
tum erant, Barim petiit: qui pro eo, quod Tancredi, seu ceterorum hostilitas immineret, 19  
Barensem ad præsens nolens exacerbare populum, quibusdam eorū petitionibus, pru-  
denti consilio vsus, consensit: sicque eos pro tempore quietos dimisit.

POST HÆC autem Rex militibus dispositis contra Tancredum, eiusdemq; coniura-  
tionis complices præliaturus, eiusdem omnibus in Apulia vrbibus, oppidisque præmuni-  
tis, Salernum iterum reuertitur. Qui dein in Montefusco, atque Padulo oppidis amplio-  
rem militum custodiam delegans, iussit vt ipsi Beneuentanos ciues, quod Principi, Co-  
mitique, magis quam sibi adhæserant, de foris huc, illucq; debacchantes indefinenter ar-  
cerent: quibus etiam vt nullum quid de Apulia delatum Beneuenti venundaretur, prohi-  
buit. Post hæc autem non diu post in Siciliam reuertitur: cum expeditione bellica ad suos  
iterum expugnandum, sibi que subdendum rebelles, oportuno succedente tempore pro- 20  
culdubio reuersurus.

DVM ERGO moras in eadem prouincia ageret, corde sedulo, quibus modis hostes  
sui contèrerentur præmeditari non desinebat. E contra vero Robertus Capuanorū Prin-  
ceps. Comesque præcipue Ranulphus quomodo, qualiterque contra ipsum essent acturi  
mente cautissima exquirere non desistebant: qui quoque ad hoc vsque inhiabant, vt  
Regi culminis illum honore priuatum, funditus etiam si possent de terra delerent. Vnde  
factum est, vt Comes ipse Principis consultu in Apuliam pergens cum Tancredo, Comi-  
teque Gofrido, atque Alexandro Comite, ceterisque Magnatibus, Regis scilicet iam ma-  
nifeste periuris colloquium haberet: quatinus inuicem foedere vniti in Regem eundem  
pariter omnino sæuirent. Dumque factam adinuicem conspirationem iureiurando fir- 30  
massent, audiuit Regem Teutonicum Lotharium nomine Romam aduenisse. Qua de re  
lætus effectus ad sua festinus reuertitur. Dein cum Principe inito consilio, ambo pariter  
summa cum festinatione eum adire: auxilium ab eo aduersum Regem Rogerium expe-  
tituri: qui licet ab ipso honorifice suscepti fuissent, adiutorium tamen ipsius, vt speraue-  
rant, contra Regem Rogerium nequaquam obtinere potuerunt.

QVI DVM Romæ adhuc apud Regem commorarentur, audientes Regem Roge-  
rium cum immenso militari, pedestrique exercitu fretum Pharense iam transmeasse, pe-  
tita à Rege, atque accepta, quamquam non grata licentia, quantocyus ad propria rede-  
unt. Verum Rex Rogerius, eo quod supradictorum aduersum se Principum compererat  
cum periurio factam conspirationem, tanta quidem contra eos rapitur indignatione, 40  
tantoque mentis erupit furore, vt non Comiti, non Magnati, non etiam cui libet militi

*Godfridus  
filius A-  
lexandri  
Comitis  
dominus  
Materæ  
urbis.* qui ita periurantes in eum colla erexerant, penitus parceret. Alexander vero Comes  
dum ob periurium perpetratum Regem valde pertimesceret, relicto quodam munitissi-  
mo oppido nomine Matera filio suo, cui nomen erat Gofridus, ad Comitem Ranulphum  
profugus aduenit. Interea Princeps Robertus cernens se Teutonico frustratum fuisse  
auxilio, Pisam citissimo nauigio aduectus perrexit: quatinus inde bellicam manum ac-  
citam ad sui contra Regem auxilium secum adduceret.

CVM ergo Rex terras Gofridi Andrensis Comitis, atque præfati Alexandri suorum  
periurorum passim occupasset, videlicet Aquam bellam, Coretum, Barulum, Milerbi- 50  
num, Gruttulam, aliasque nonnullas, tandem ad prænominatum castrum, quo Gofri-  
dus filius prædicti Alexandri Comitis inerat, obsidendum se contulit: illudque tam diu  
obsidione coercuit, quousque Gofridum pro suo velle subiiciens sibi, ipsum etiam cape-  
ret oppidum. Quo audito Comes Alexander, qui præ timore illius an fugerat, immenso  
nimi mærore diutissime consternatus est: deinde in Dalmatiam profugus iens, non  
solum exheredatus, verum etiam patria extorris cogitur manere: qui nō longe post, vt ad  
Imperatorem pergeret secedens, cum ad quendam nemorosum peruenisset locum, inci-  
dens in latrones, omnino cum suis omnibus deprædatus est: qui dein Auellone positus,  
ab iis, qui hæc ipsa cius ab ore audita nobis nuntiauerunt, egenus valde, & pauper visus est  
manere.



DEICTA itaq; Matera Rex super Armentum munitissimum oppidum, quo Robertus frater prædicti Gofridi inerat, venit: cui Robertus regia compulsus obsidione statim se, & castrum Regi subegit. Dein cum obsidem, qualem Rex poscebat, pro se dare re-  
 nuisset, Siciliam vinculis mancipandus dirigitur.

Robertus  
frater Gofridi  
Comitis Andrensis  
captus mittitur in Siciliam.

POST HÆC vero Rex castra mouens super quoddam arduum, & munitissimum castrum nomine Ausum, quo Gofridus Comes aderat, accelerauit: illudq; tamdiu obsidione sæuissima circumfedit, quousq; comprehensus in Siciliam exilii retrusionis poena, periurii culpam luiturus destinatur.

Gofridus Andrensis  
Comes captus abducitur in Siciliam.

HIS ITAQVE peractis ad obsidendum Montempilosum festinat. Ceterum Tancredus audiens subito Regem super se venturum, mox relicto quodam municipio nomine Vrsio, quod ab eo tunc obsidebatur, sub omni celeritate percurrrens urbem prædictam tuiturus reuertitur: ad quem iam Ranulphus Comes ducente Rogerio de Plenco acerrimo milite, Regique inimicissimo quadraginta, & eo amplius milites in adiutorium sui direxerat. Monte itaq; piloso Regis obsidione circumdato, Tancredus ei ad resistendum totis viribus præparatur. Nam ante eiusdem urbis barbicanum quidam locus, qui Catuella dicebatur, non paruo terræ aggere munitus erat: in quo pæne tota ciuitas ad repugnandum collecta consistebat. Quem videlicet locum, dum regia cohors illis repulsi, violenter irrupisset, Tancredus post cum suis eos per nimium opprimens, terga, relicto aggere, præbere compellit. Deinde Regii bellatores animum resumentes, rursus in Tancredum, suosque impetum facientes, aggerem illis repulsi recuperant. Tancredus ergo, suiq; à loco illo funditus reiecti, intra barbicanum recipiuntur.

CETERVM REX perpendens urbem munitissimam, manumque in ea bellatricem consistere, ad ingenium vertitur: videlicet, oppidum, quod præliando adiri non poterat, artis peritia aggredere. Itaque molimine constructo, Rex illud paulatim ducendo, quo minus ciuitas muni conspiciebatur, approximari iubet: quo ita pacto exterius cum ciuibus cominus per eam bellabant: iacula alterutrum intorquentes. Interim autem dum ita utrimque pugnaretur, Sarraceni per illud instrumentum ligna, quibus fossatus repleteretur, instanter iactabant: alii autem ferreis rastris ab aggere summo nisu terram trahentes, ligna ipsa eius iactatione superplanare conabantur.

TANCREDVVS ergo dum fossatum impleri conspiceret, mox ignem, atque fomentum, quo facilius accederetur intus immittendum ad comburendum ligna accelerat. Contra autem dum per canalem ligneum aqua deriuata intus deflueret, ignis immixtus exstinguitur: quo extincto, iterum qui erant in machina cum longissima pertica, in cuius summo vncinus ingens ferreus erat, ipsum antemurale, quod & vulgo barbicanus dicitur, diuellere incipiunt. At illi qui barbicanum defendebant, videntes perticam barbicanum diruentem, eam violenter tenentes succidunt. Cumq; sic tertio alia pertica ad diuellendum extensa, tertio etiam ab eis succisæ fuissent, postremo acriter iterum extendentes partem ex eo non modicam diruerunt.

CVMQVE hoc viso ciues exterrerentur, vniuersi terga dederunt: portamque ingressi in aliam partem urbis, quæ munitione tutior erat, se se recipiunt. Euestigio autem phalanx regia continuo porta introeuntes, dum eos insequuntur, quosq; ante se inveniunt, vnanimiter feriendo prosternunt. Ciues ergo qui in præfata se parte ciuitatis receperant, dum viderent se nullum euadendi vestigium posse reperire, hostibus negligenter resistentes, ipsam eos partem urbis intrare consentiunt.

CVM ergo ciuitas sic ingressa à regiis bellatoribus huc, illucque debacchantibus depopularetur, Rogerius de Plenco, qui supra memoratus est, cum aliis comprehensus ad Regem mortuus perducitur. Cumq; Tancredus latens Rege summopere iubente quereretur, tandem à quodam proditus, ante conspectum ipsius præsentatur: quo Rex viso, super ipsius inuentione quam maxime lætatus est.

Rogerius de Plenco miles suspectus penditur.

PORRO infelix præfatus Rogerius, qui in Regem tamdiu amarissimo effrenatus animo fuerat, nulla ipsius miseratione præuentus horrenda laquei strictione necatus est. Deniq; Tancredus licet sit ei mortis indulta sententia, vinculis tamen constringendus ad Siciliam transmittitur. Ex militibus autem pars, ne putarentur equites, vilioribus indumentis transformati, armis, equisq; relictis, per deuia quæq; fugitantes euaserunt: pars vero ad Gentiliæ ciuitatem, quæ Tancredo adhæserat, utcumque fuga adnisi peruenientes, ibi se captionem ipsius euitari recipiunt: alii quoq; qui erant comprehensi quidam huc, quidam vero illuc vinculis tenendi mādantur. Deinde vero ciuitas ipsa rebus funditus

Tancredus Comes conuersi in Siciliam captiuus ablegatur.



exinanita, atque igne succensa, nouissime autem subuertitur. Nunc itaque in hoc prudens lector diligenter consideret, quantum sceleris sit, periurii crimen committere: maximeque illud, cum quis vitam, & membra, seu honorem domini iuramento sui, vel ei captiōem nō inferendam assecurat: & non custoditur, vt iurat. Vnde Grimoaldus, & Godfridus, Tancredus, atque Alexander Comes, nec non & alii quoque Rogerii dominatum super se suscipientes, erga eundē fidelitatis sacramentū non seruauerunt, me rito vlciscēte diuina iustitia, digna pro hoc malorum retributione feriuntur. Etenim ipsis ita accidit sicut & Sedeciae Regi demurato constat accidisse. Nā cum ipse quoddam pactum Nabuchodonosor Regi iurasset, ipsumque pactum irritum periurio fecisset, venit Nabuchodonosor Hierusalē: qua erat Sedecias: & obsedit eam: qui videns se nullatenus ab eodem posse euadere, dum fugam euadendi egrediens ciuitatem expeteret, à militibus eius exercitus mox insecutus, cum filiis suis, qui se concomitabantur, captus est. Cumq; pater, & filii Regi Nabuchodonosor præsentiati fuissent, continuo aspiciēte patre ipso filii eius iubentur interfici: sicq; demum ipse oculorum priuatus lumine, compedibus constringendus Babylone cum multis aliis concaptiuis transducitur. Pater itaq; miserrima istorum dictante ruina periurium omnino esse cauendum: quandoquidem, qui illud contemnit vitandum, condemnatur à Deo ita, vt dignam proinde, sicut, & istis contigit, sine dubio quandoque excepturus sit pœnam. Nunc itaque ad narrationis seriem, in qua paullulum digressi sumus, redeamus.

*Polutinus  
dominus  
Gilentia  
eiectus re-  
stituitur.*

IGITUR Rex Rogerius Montepiloso succenso, atq; subuerso Gilentiam obsessurus properat: qui deinde considerans se nec tunc eam capiendi facultatem posse habere, cōcordiam eo pacto cum eis habendam spondit: vt præsatus, quem abiecerant, Polutinus in eorum restitueretur dominio: ipsius videlicet dominatui se subditurus.

*Sergius  
magister  
militum  
deficit à  
Rege.  
Hugo Bo-  
ianensis  
Comes.*

VERVM Comes Ranulphus comperta Tancredi captione simulque Rogerii nefanda suspensione, immenso animi mœrore afficitur, non tantum pro illorum tristi fortuna, quantum etiam, quia ipso magno destitueretur auxilio. Qui quoque perpendens, quod Rex illis deuictis super se sine dubio irruiturus esset, tristitia tandem solatio sopita, ad se tuendum prorsus conuertitur. Pergens itaque Beneuentum, ibique inter se, & ciues vñanimitate, quam iam ad inuicem compacti fuerant, renouata, sine mora reuertitur. Deinde collecto ad vallem Caudinam peditum, equitumq; non paruo agmine, Regem, quem super se venturum putabat, ad bellum expectat: cuius etiam expeditioni Sergius Magister militum, Hugoq; Boianensis Comes consentiebant.

IGITUR Rex super Bissilium maritimum oppidum veniens, eam sine dilatione aggredditur: cuius muris per gyrum eius dirutis, mouens inde castra super Tranum metatur: quæ videlicet ciuitas tanto ipsius terrore percellitur, vt statim sibi subdita, turres etiam omnes, ipso iubente subuerterentur. Exinde veniens Barim, quam ciuibus, sicut supra expressum est, pro velle ipso dimiserat, cunctis turribus eorum euerfis, castrum etiam in ea, quod iam intermissum fuerat, reedificari instituit. Deinde agens exercitum repetit Troiam: quam videlicet ciuitatem, eo quod ipsa munitissima sæpe rebellior ei existerat, magna ex parte in plures dispertitam cauales, communit.

*Neapolis  
à Rege de-  
ficit.*

ET COMES Ranulphus audiens tam propinquum Regis aduentum, suspicans illum ocyus pergit: ibique Magistrum militum, ciuesque allocutus, in adiutorium sui cunctos sollicitauit: deinde Auerfam reuersus cunctos, qui arma ferre possent, in hostem venire hortatus est. Exinde ad vallem Caudinam, qua exercitum dimiserat, rediit: Magistrum militum, omnesq; qui deerant, præstolans.

*Richar-  
dus Roelis  
filius ca-  
strū suū  
S. Agatha  
tradit Re-  
gi.*

INTEREA dum Rex Troiæ moraretur, Ricardus Rohelis filius oppidum suum, quod dicitur S. Agathæ, accepto pro eodem cambio, volenti ei contradidit. Siquidem castrum ipsum plutimum optabat: eo quod in arduo posito monte omni pæne Apuliæ supereminēbat: quam sibi per illud ex maxima parte posset tueri.

TROIA itaq; debilitata, Rex illinc recedēs dum Melfiam pergeret, in ipso itinere ciuitatis itidem Afculensis superbiam deposuit: nam illam omnino euerfam plano in cāpo manere instituit: in tres videlicet dispertitam caales. Cum Comes itaque inaduerteter, quod Rex tunc super se venire non esset intentus, sed apud Melfiam demoraretur, cum suo exercitu ad propria recessit.

VERVM Rex Melfia discedens Grauinam urbem petiit: ibique aliquantulum commoratus, Salernum post remeauit: gaudens, & exsultans, quod tota Apulia funditus deuicta, solum sibi Beneuentum, ac Princeps Robertus, Comesq; Ranulphus, atq; NEAPOLIS ad expugnandum supererant. Quam ob rem Rex ipse militibus circa Beneuentū, Capua-



Capuamque constitutis diligenter præcepit, ut quousque à Sicilia cum hostili manu reuerteretur, eas ipsi de foris incessanter deprædari non desisterent. Post hæc autem, ante quam hiemis importunitas subintraret, nauigio transuectus Siciliam repetit.

CVMQUE illic ad tempus vsque progrediendum in hostem moratus fuisset, nauali rursus tramite Salernum aduenit: qui innumeram vndique confluentem armatorum manum ad se accitam prope Apitium oppidum congregari iussit. Cum ergo ipse Beneuentum obsessurus putaretur, repente mota expeditione bellica, quoddam castellum nomine Pratum affiliens ignis incendio dedit: penitusque euerit. Deinde tria alia castella eius timore perterrita, vnum post aliud sese ei deditentia comprehendit: quibustamen, *Radulphus de Frameto vasallus Comitis Ranulphi.* quod se vltro dediderant, pepetuit: horum siquidem castellorum Radulphus de Frameto sub Ranulphi Comitis dominio dominatus fuerat: quorum vni nomen erat Grintla, alii Simontum, alii vero Alzacunda.

INTEREA Ranulphus Comes in loco, vbi nominatur Cressanta, cum paucis, qui secum erant, commorabatur: cuius spiritus immenso cruciabatur mærore, quod paruo cum bellatorum numero constipatus illum pro velle suo adire non poterat: vnde suis Principibus, Baronibusque instatè omnibus mittens, ad se eos sub nomine prælii festinare hortatur. Dūque eorum successus attonitus expectaret, ecce Rex, cum iterum putaretur ad obsidendum Beneuentum rediturus, subito motis castris, oppidum cuiusdā magnæ Principis Annonii nomine, quod dicitur Palma, sub omni celeritate aggreditur. Post hæc autem repente ad aliud, quod nominatur Sarnum super sedendum castra coegit: cuius quidem optimas eiusdem Principis Henricus nomine dominabatur: quibus Comes perceptis tristitiam cordis animositate contegens, mox ad Marilianum oppidum Roberti de Medana cum suis, qui tunc secum erant, reuertitur: vbi quidem Principem Robertum, qui iam Pisa reuersus Pisanorum auxilium expectabat, Sergiumque Magistrum militum, omnesque magnates eiusdem Principis, & suos inhianter præstolari cepit: quatenus cum eiusdem omnibus Sarni fluuii, Regem ab eiusdem captione castris, ad bellum prouocando, amouerent. *Annonius dominus Palma. & Henricus dominus Sarni vasallus Campani principis.*

CVM ergo magna iam pars illic coadunata, nihilominus & ipsi prorsus paucitate alios inhianter præstolarentur, ecce præmemoratum oppidum à Rege comprehensum nūtiatur. Deinde turris, quæ erat in præfato flumine, quod Scaphatum dicitur, cōtinuo turricolis, eius solo terrore contritis eam deditentibus capitur: sicque pons ligneus, qui ibidem erat, lignis in vndis proiectis totus destruitur: ne per eundem aqua ipsa à quoquam contra Regem acturo transmeare posset: per quem videlicet pontem, quia aliunde transeundi facultas non erat, Laboratus exercitus, ut iam supra expressum est, ad obsistendum Regi se transturos putauerant. Vnde quoque non modico afficiebantur dolore: non tantum pro oppidi captione, quantum, quod præfata turris à Rege potita fluminis meatum amiserant. Porro Princeps vbi turrim comperit præfatam aggressam, cernensque Pisanorum auxilium, quod sibi sperabat cito adesse, diu differri, iterum puppim ingressus Pisam festinus rediit: eos ad præsidium sui quantocyus secum minaturus: quos iam multarum millium marcarum argenti emolumentis, quas illis promiserat, sibi acciuerat.

SARNO itaque inuaso euestigio Rex Nucerię ingentissimum Principis oppidum obsidione circumdedit: arce quidem præfata, ad coercendum fluuialem transitum, custodibus iam præmunita: quod videlicet oppidum non solum loci situ, munitione roboretur, verum etiam expugnantium animo, viribusque mirifice extollebatur. Cum ergo ab exteris tentatum acerrimo fuisset assultu, econtra ab iis, qui intus erant, opitulante etiam loci ipsius ardua positione, summis nitiis defensabatur.

VERVM Laborata expeditio in loco adhuc præfato commorans expectabat: si quomodocumque, vel vndecumque fluuiali transitu, an ne posset Regi obuiare: eumque ab obsidione oppidi prælio prouocatum remouere. Quam ob rem Comes Ranulphus non paucis constipatus numero galearum, ad præmemoratum Scaphatum pergit: exploraturus si illuc sibi, ceterisque omnibus libera transeundi præberetur facultas. Sed quia Regis iam meatus omnes custodiis præmuniti erant, nec posset ipsis vlla transuadio fieri, mox ad suos reuersus commilitones, cum eisdem multa cordis agebatur mæstitia: quod sine repugnationis effectu sic cogerentur manere.

INTEREA Rex Rogerius perpendens per nimiam aggrediendi oppidum difficultatem, ingenii armatur solertia: quatenus quod vi certaminis potiri non poterat moliminis adipisceretur peritiam. Ligneam ergo parari machinam iubens, loco quo aptius, minusque vicinior prospiciebatur approximiari statuit. Cumque iam prope esset, ut per eam lapidibus iactis oppidi moenia feriri inciperent, mox oppidicolis animo dissolu-



*Nucerin* tis timor incutitur: regiaque pax desideratur. Quocirca quidam ex primoribus eorum vno  
*Roberti* vniti consilio, ad Regem egressi sunt: postulantes vt sibi, ceterisque indigenis, simulque  
*Capuani* castrensibus impunitatem, oppidiq; integritatem conseruandam promitteret: sicq; de-  
*Principis* inde absq; dolo ipsi cum eodem oppido ei subiicerentur.

*oppidum* FACTA itaque regia super hoc pollicitatione redemit intus adnotantumq; Tribu-  
*capitur a* num militum nomine Rogerium de Surrento, cum aliis castrensibus deditio oppidi  
*Rege.* facienda mox consulunt, praesertim Comitis: quod non eis succursus adesse videretur.  
 Nam melius inquit erat eis, vt Regi potius subderentur, quam vt oppido aggresso, atq;  
 subuerso & ipsi periclitarentur. Quibus auditis, omnes primo quidē id fieri contradicunt:  
 postmodum verum terrore regio constricti: loci deditioem consentiunt. Oppido itaque  
 hoc modo à Rege accepto, praenominatus Rogerius, ceterisq; omnes, qui ad illud defen-  
 sationis gratia confluerant, impunitate eis, vt Rex promiserat, indulta capiuntur: sicque  
 postea fide constricti abire dimittuntur.

*Baldwinus* CAPTA itaque Nuceria, militariq; in ea delegata custodia, ad inuadendum Ranul-  
*Ponti do-* phi Comitis terram Rex prorsus animum figit. Quapropter coacto in vnum exercitu  
*minus va-* Padulum proficiscitur: indeq; motus ad obtinendum oppidum nomine Pontum accele-  
*sallus Ra-* rat: quod quidam Magnas Baldwinus nomine sub Ranulphi Comitis dominio tenebat:  
*nulphi Co-* cuius immensam Pontisfii eminus cernentes expeditionē, mox terrore percussi acceden-  
*mitis.* tem illam sine vlla repugnatione intrare permittunt. Quo capto die ipsa continuo ad ca-  
*Rodulfus* strum, quod nominatur Limata, aggrediendum properat: quod cito comprehensum, si-  
*de Bernia* mulque depopulatum, nouissime vero ignis crematione omnino deletur. Erat enim & il-  
*dominus* lud alterius praedicti Comitis Optimatis: cuius vocabulum Radulfus de Bernia dicebat.  
*Limata,* INTEREA Ranulphus Comes in praefato Mariliano adhuc morabatur: cumq; rela-  
*vasallus* tione tot terras ablatas sibi comperisset, cum multo animi maerore ad sua recuperanda  
*Ranulphi* galeis comitantibus festinanter egreditur: qui dum secus municipium, quod dicitur Du-  
*Comitis.* centa, figeret gressum, à suis ibi omni consulitur instantia, quatinus priusquam omnibus  
 suis exueretur, regia pace summo opere praeniri studeret. Facta itaque propera ad Regē  
 legatione, rogat ea quae pacis sunt: eiq; pro velle suo se penitus subdendū promittit. Qui-  
 bus Rex auditis, mox furori suo frenum imposuit: terras suas vltius praecoccupare desi-  
 stens: deniq; describens concordiae pactum, misit ad eum, vt secundum, quod ab eo cala-  
 mo praenotatum erat, ita illum in pace suscepturus esset: restituens & sibi vxorem suam, &  
 filium: eo tamen interposito tenore, vt dotalia, pro quibus ipsi ab eo discesserant, ei resti-  
 tueret: terrasque omnes, quas vi certaminis super eum obtinuerat, omnino quietas sibi  
 dimitteret. Verum ille quamquam de his omnibus plurimum aggrauaretur, tamē ne suo-  
 rum omnium amissionem incurreret, ad subiiciendum se ei prout ipse mandauerat, poti-  
 us animatur.

*Ranulfus* VENIENS itaque ad eum genibus flexis, pedes eius osculari voluit: quem cum ille  
*Comes in* propriis manibus ab osculatione pedum subleuasset, orisque sui osculo vellet suscipere,  
*gratiam re-* Comes prius precatur, vt ex corde indignationem funditus abiceret. Cui Rex, ex corde  
*capitur re-* inquit, abiicio. Et ille volo iterum, vt sicut deinceps tibi famulatus fuero, ita me diligas.  
*cepta vxor-* Cui ille, & ego concedo. Iterum ait, istarum sponsionum, quas alternatim fecimus, volo  
*re & filio.* vt testis sit Deus: inter me, & te. At ille, ita inquit fiat. Quibus dictis Rex eum statim oscu-  
 lo suscepit: diuq; in amplexu ipsius delectari visus est ita, vt ex oculis quorundam circum-  
 stantium vt praegaudio lachrymae effundi viderentur.

*Robertus* PRINCIPEM vero in sua pace hoc tenore suscipiendum pepigit: videlicet, vt si vsq;  
*filius Ro-* ad dimidium mensis Augusti reditum faceret, suo non priuaretur honore: si tamen iuxta  
*berti Capu-* lo suscepit: diuq; in amplexu ipsius delectari visus est ita, vt ex oculis quorundam circum-  
*ani princi-* stantium vt praegaudio lachrymae effundi viderentur.  
*pis parun-* PRINCIPEM vero in sua pace hoc tenore suscipiendum pepigit: videlicet, vt si vsq;  
*lus designa-* ad dimidium mensis Augusti reditum faceret, suo non priuaretur honore: si tamen iuxta  
*tur prin-* quod in capitulari scripto statutum erat, subditus ei vellet parere: retentis siquidem sub  
*ceps Capua* proprio dominio, quaecumque vi guerra obtinuisset. Si autem forte ei animus redeundi  
*sed nisi va-* deesset, eius filio paruulo nomine Roberto Principatum concederet: eo tamen interpo-  
*sallus Re-* sito pacto, vt ipse eius tamdiu regimen teneret, quousque legitimam idem consecutus es-  
*gis sit, pri-* tatem exercere militiam posset. Quod si & ipse praefatum absentatione sui, terminum  
*nandus* praeteriret, Rex deinceps Principatu Capuano, eundemque heroum hominio incul-  
*decernitur* pabiliter sub proprio potiretur dominio. At Hugo Boianensis Comes prauidens Regis ira  
*Hugo Bo-* super se mouendam, quod aduersus illum Principi, Comitiq; adhæserat, cum multis  
*ianensis* precibus veniam ipsius postulaturus aduenit: quam quidem impetrare nullatenus va-  
*Comes ter-* luit: nisi primo terras suas vniuersas, quas Bifernus fluuius orientem versus praeterfluit, ei  
*ras suas v-* reliquisset: nec non Castellum maris: situm scilicet, quo fluuius Volturnus cursus sui fi-  
*niuersas* nem designat. Verum Sergius Magister militum, secundum quod à Rege exigebatur, e-  
*Biferno flu-* ius tunc super se dominatum suscipere, atque seruire abnuebat: ad quē postea Raimporus  
*uio com-* Tribu-  
*prehensas*  
*Rege cedit.*



Tribunus militum Beneuentanus audita Comitum concordia, præ timore continuo ciuitatem deferens, centum, vel ferme constipatus loriceis aufugit.

INTEREA Rex Celestinum cœnobium fore sibi vicinum comperiens, voluit visere illud: fratrumque se orationibus commendare. Cum ergo ad monasterium venisset, honorifice, vt illum decebat, à fratribus obuiâ ei progredientibus, cum hymnis, & laudibus suscipitur: qui cum completa ante altare oratione capitulum intrasset, osculatis sigillatim fratribus, sanctam postmodum eorum fraternitatis societatem per manum Alexandri eiusdem congregationis Abbatis humiliter, reuerenterque accepit: qui etiam bona se collaturum deuote eidem monasterio spondens, ad exercitum, quo venerat, valefaciens fratribus, latus abscessit.

POST tertium vero diem, summo mane secedens Capuam illustrissimam urbem, cuius ciuibus eius, cunctisq; terræ Laboris Magnatibus sese dedentibus recepit: quæ videlicet *Rex potitur Capua* vrbs metropolis existens, idcirco, vt ab antiquis traditur, tale sortita est vocabulum, vel quia caput Campaniæ est: vel quia campi planitie longa, lataque gyratur: seu, vt quibusdam videtur, à Capy conditore suo Capua dicitur. Est quidem ampliori situ capacissima: mœnibus, turribusque in circuitu munitissima: cuius quoq; muralem ambitum Volturnû flumen medium præterfluit: intra cuius fluentia plurima in aquis supernatantia molendina funibus cannabineis innexa consistunt. Pons quoque miræ magnitudinis, miroque opere constructus in ipso amne exstat fundatus: qui intrantibus, & exeuntibus meatû præbens, ab vna parte vrbe, ab alia vero burgo valde prolixo obuiatur. Sed & Cerere, Baccho, carnisque edulio, nec non diuersis commerciis ciuitas vberissima, populofo nihilominus frequentatur accessu: & quod maius est, Principali constat dignitate præcellens.

CVM ergo ciuitatē ipsam iam sibi subditam Rex introiturus esset, à præordinata clericorum, totiusq; populi processione honorifice, prout decebat, suscipitur: atque ad Archiepiscopium vsq; cum hymnis, & laudibus perducitur. Deinde continuo foras ad expeditionem egressus Sergium Magistrum militum præstolabatur: quatenus cito veniens sibi subderetur: alioquin sciret, se sine dubio obsidione constringendum. Verum ille veritus, ne Rex ab eo contemptus super se irrueret, ciuitatemque eius aggrediretur, deposita mentis ceruice, venit ad eum: qui genibus flexis, manusque suas manibus suis immittens, suum ei hominum subdidit: fidelitatemq; iurauit. Rex inquam valde stupenda: nam vt iam in secundo expressum est libro, NEAPOLIS, quæ post Romanum imperium vix vnquam ferro potuit subdi, hanc quoq; verbo tantum visa est constringi.

Nec mora post hæc Rogerius cogens exercitum, castra inter Morconium, Pontemque Laudulsi metaturus reducit: daturus vniuersas terras Roberto Ricardi filio: *Robertus Ricardi filius à Rege obtinet terras oēs quas regi a Boianensē Comite ob uenerant.* quas ei Boianensis Comes dimisisse supra dictus est: nam dum ipsius, aliorumq; irritaretur guerris præmemoratas ei terras, cum eas adepto triumpho, potiturus esset, pollicitus fuerat: si tamen, dum guerras suas ageret, non infidelis reperiretur.

DVM à Rege mora ibidem fieret, Burrelenses domini eius super se aduentum futurum formidantes, accelerant illum præuenire: vt suum ei hominum quantocyus subdentes illum placarēt. Exin Beneuentum reuersus, ibique extra urbem defixis tentoriis, ciues eius sibi fideles iuramento, salua Apostolici fidelitate instituit.

CETERVM supradictus Raimpotus Neapolitanum Magistrum militum cum Rege concordaturum præsciens, mox puppe ascensa, dum fuga vellet petere Pisam, equorea interceptus procella, cum filio suo marinis fluctibus suffocatus interiit. Denique Rex *Erat autē is Ricardus Comitum Ranulphus frater.* suæ subegisse, suam illic dispartiens expeditionem, singulos ad propria redire permisit: retenta sibi sola militia, quam ex proprio sustentabat ærario. Deinde repetens Salernum, ibique paullulum moratus ad Siciliam post triumphali redimitus gloria, ouanter reuertitur. Hic secundus compleatur libellus: quatenus paullulum dato silentio, ad inchoandum, & perficiendum tertium, vires loquendi reparentur.

EXPLICIT LIBER SECVNDVS.



# INCIPIT LIBER TERTIVS.

*Alberia  
Regis uxor  
moritur.*



ACTVM est autem cum Rex ROGERIVS Siciliam repetisset, eodē anno, non multo post corporis langore cortipitur. Sed cum Deo tribuente citius conualuisset, ALBERIA Regina coniux ipsius, mox infirmitatis tacta incommodo, ad extrema peruenit: quæ videlicet mulier dum vixit, religionis gratia, atque eleemosynarum largitione fertur plurimum enituisse. Quæ defuncta Rex ipse ita mæroris contritus est amaritudine, vt multis se diebus intra cameram recludens, exceptis eius priuatis obsecutoribus non apparuerit: vnde accidit, vt fama paulatim diffusa, non solum iis, qui longe, verum etiam, qui prope erāt, vere obiisse existimaretur. Quo videlicet rumore Princeps Robertus, qui Pisam aufugerat, sollicitatus, cum immensa belligerorum Pisanorum manu nauigio aduectus in NEAPOLIS vrbe excipitur: fauente sibi Sergio eiusdem ciuitatis Magistro militum: qui iam cum eo, præmissis alterutrum nuntiis contra Regem conspirauerat.

COMES autem Ranulphus & ipse eodem rumore deceptus, Regis obitum vere contigisse credebat: qui cum Principem cum ingenti armatorum multitudine reuersum comperisset, corde respirans, lætabatur valde: quod Rege defuncto, tempus iam accidisse opportunum videretur, quo & idem Princeps Capuam, Principatus amissi honorem, & ipse terras, quibus deminutus fuerat, recuperare possent. Periurium itaq; contra Regem Rogerium perpetrare non timens, sine vlla dierum dilatione, donatiuo suo milites circiter quadringentos collegit: atq; cum eisdem ipsis non longe extra muros Capuæ progressus est: expectans si forte, quoquomodo ciuitas ipsa Principi restituenda ab iis, qui ampliori eiusdem amore connecti videbātur, sibi redderetur: cuius quoq; prodicionem, cum post ad effectum non euenisse comperisset, immenso animi mærore contritus est. Deinde aurora illucescente, per campos passim discurrens copiosam animalium, diuersarumq; rerum rapinam in suburbanis eius exercuit: sicq; Capaciam munitissimum eius oppidum, quo iter assumpserat, timido corde regreditur. Guerra itaq; hoc modo aduersus Regem incepta est: cui quoq; Comiti quidam suorum Baronum clam, quidam vero manifeste consentientes in Regem periurauere: qui ei vniquē hoc iusiurandum egerant: videlicet, vt si quando Comes ipse contra eundem Regem vellet insurgere, dierum quadraginta præstolaretur spatio: quo eorum hortationibus ad regiam reuocaretur subdicionem: alioquin exinde tam diu ab eisdem instanter debellaretur, quousq; ei nolens etiam subiiceretur.

EODEM namq; tempore Cancellarius Regis Vuarinus nomine, vir quidem litteris apprime eruditus, & in secularibus negotiis prudentissimus, & Iohannes Ammiratus, cuius iam superius summam memini strenuitatem, cunctam Laboris terram tunc temporis procurantes, custodiebant: qui comperto Principis reditu, nec nō & Comitis subita rebellionē, diligentiori protinus sollertia Capuam urbem, Matalonum, Cicalam, Nuceriam, ceterasq; terras, ipsam terram Laboris, castra belligerorum viribus munire cœperunt.

ERAT autem in eadem terra Laboris ciuitas quædam nomine Auerſa: quam Normanni cum Apuliā aggredierentur, primitus condiderunt: quæ licet duodecim Magnatibus, militibus atq; immenso populo in se cohabitantibus gloriaretur, tamen, potius agere, quam murali circumcingebatur ambitu: quo contra hostes, si necesse esset, resistere possent: ad quam cum Iohannes Ammiratus, & Vuarinus Cancellarius venissent, cœperunt ipsos Primates, & equites, omnesq; in ea cohabitantes, diligenter præmonere, quatenus nullo vnquam amore, seu timore concussi regiam fidelitatem relinquerent: sed & bonum nomen, quo tunc vsq; in summa legalitatis obseruatione fideiq; puritate vigenti enituerant, qualibet ignominia tempore necessitatis instante obfascari non paterentur. Cumq; iis, & aliis exhortationibus eos sufficienter allocuti fuissent, Iohannes in Apuliam etiam misit sollicitas omnes regio iussu, vt ad tuendum terram Laboris, quam citius possent, accurrerent.

IGITVR Princeps Robertus de Regis adhuc obitu incertus, non definebat intra mentis suæ voluere arcanum quomodo, qualiterve Principalem adeptum apicem resumere



sumere posset. Misit itaq; ad Ranulfum Comitem, uti ad se quantocyus festinaret: quoniam quidem quod erat acturus, absente eius strenuitate agere nullatenus quiret. Verum & ille cum de Regis morte, ut iam dictum est, nequaquam cunctaretur, mox cum ipsa militari, quam collegerat acie, ad illum NEAPOLIM sitienter properavit: cuius quoq; adventu Princeps ipse, Sergiusq; Magister militum ad maiorem resumendum audaciam, vehementer sunt vegetati: putantes per eum, eo quod vir bellicosissimus esset, ad effectum rei, quam desiderabant, feliciter pertingere. Firmata itaq; ad inuicem conspiratione, hoc tandem apud se firmiter proposuerunt: ut & princeps, & Comes sua ablata ad integrum sibi restituerent: & magister militum NEAPOLIM & cetera, quæ iure sibi suppetebant, securiter possideret. At Rex sicut & prius, ita & tunc extinctus credebatur: de cuius quoq; vita nonnulli etiam fidelium suorum hæsitabant: præsertim cum instantibus hostibus plus solito venire moraretur: sed & si quis veniens eum vivere, vel venire afferret, iam audiri contemnebatur: cum multis aliis anteuenientibus, atq; id ipsum afferentibus in vacuum sit creditum: iam enim Madius mensis cursus sui metam attingebat.

AVERSANI heroes, simulq; vniuersus populus quamq; certificantibus quibusdam Regem vere viuum, vereq; venturum audissent, in tantam tamē deuoluti sunt insaniam, ut oblitis, quæ à Iohanne, & Warino præmoniti fuerant, sine vlla præcedente repugnatione, abiecta Regis subditiōe, eiusq; contempto dominatu, Principis dominio subderentur. Cæterum Cancellarius Warinus, & Iohannes Ammiratus præsciētes hoc ipsum ab eis agendū, Capuam iam, ne ab ipsis capti, hostibus traderentur, recesserant: ubi cum ad tutandū urbem ipsam cum pluribus equitibus idem Cancellarius remansisset, Iohannes ad præmuniendum Matalonum, Cicalam, ceteraq; oppida continuo vadit: ad quem cum Apulienſis militum, peditumq; exercitus copiosus, sicut ipse mandauerat, Cicalam conuenisset, morantur ibi: tuituri terram Laboris: præſidente eodem Iohanne, vsq; dum Rex adueniret: inter quos erat Robertus filius Ricardi: fidissimus Regis: qui in superiori proximo bello præscriptus est: & Rogerius Orianenſis Comes: aliq; quamplures: unde factum est, ut tam ipse exercitus, quam milites, qui intra Capuam habebantur, præter pedites, fere duo millia supputarentur.

AVERSA itaq; vrbe à Principe recepta, Pisanus exercitus, qui cum eo venerat, quorum numerus circiter octo millia ferebantur, eidem Principi, & Ranulpho Comiti, Sergioq; Magistro militum omnimodis instant, uti ad aggrediendum Capuam quantocyus festinarent. Afferbant enim illam sine dubio quantocyus fore inuadendam. Sed illi cognoscentes urbem militari plurimum protectione fore munitam, impetum eorum, prudentiori consilio cohibent: quatenus circa Clanum flumē, in loco, qui Pons Silicis nuncupatur, castrametentur: paullulū attendentes, utrum ab iis, qui plus aliis diligebant Principem, vrbs ipsa ei quoquomodo proderetur. Verum Cancellarius, ut erat cautus, & sollicitus, antequam ipsi ad eundem accessissent locum, quosq; Principem plus aliis diligenter perceperat, & in quibus tradendi ciuitatem maior haberetur suspicio, vniuersos comprehendens Salernum custodiendos direxerat.

DVM ergo Princeps in illo loco moratus spem prodendæ sibi vrbis amisisset, motus inde, iterum in alium locum, secus eiusdem fluminis decursus aquarum tentoria fixit: stante ex altera parte regio, cui Iohānes prædictus præſidebat, exercitu. Comes vero Ranulphus nimio mentis ardore æstuabat, eo quod in illos ad feriendum, medio stante flumine, furtiuo, subitoq; euentu irrumperere non posset. At Iohānes Ammiratus vir sagacissimus è contra, sinistros præcauens euentus, caute agebat exercitum: videlicet ab irruptione inutilis audaciæ eos coercens. Cumq; sic ab utraq; parte aliquantisper ibi moratū fuisset, Principis expeditio panis inopia coangustari cœpit: quam non iam sustinere valebat. Tanta namque in eodem loco egestas habebatur, ut vnus panis pusillus vix iam Rothomagenſi nummo mercaretur: quam ob rem derelicta Princeps cum Magistro militum NEAPOLI, recedunt: Comes autem Ranulphus ad custodiendum Auerſam delegatur.

DVM ergo res ita haberetur, ecce subito Rex Rogerius, quem omnes sui sitienter expectabant, quemq; inimici eius non viuum credebant equoreis vndis aduectus, quinto die intrante Iunio Salernum ingreditur: cui cum de naui exeunti, vniuersus ciuitatis populus vnanimis occurrissent, tanto excepti sunt gaudio, ut pro eo Deo gratias omnes exclamarent: cuius aduentum, & Beneuentani audientes, ita ipsi immenso sunt exhilarati tripudio, ut in vrbe, mē ipso præſente, & audiente Ecclesiarum signa simul pulsarentur: & ab Archiepiscopo, ad monasterium vsque S. Sophiæ cum hymnis, & laudibus clericalis ordo processerit. Rex denique à præsentibus rerum easus seriatim sciscitans, at-



que prænoscens, per omnes mox ditionis suæ terras dirigens, ad se omnes, qui arma gere-  
re, eisq; ad prælium exerceri possent, accelerare imperat.

CVM ergo vndiq; adueniens exercitus coadunaretur, Rex interim super Auerfa-  
nis, quos de legalitate multa, fideiq; sinceritate iam laudibus suis extulerat, plurimū con-  
querabatur: quandoquidem, quod in eis laudauerat, necessitatis tempore ingruente, in  
ipsis non est inuentum. Contristabatur etiam præcipue super Ranulpho Comite: con-  
querensque aiebat: quomodo Ranulphus Comes à me vltra suscipiendus sit, vel creden-  
dus: quem semper ad malum mihi inferendum, nec propinqui sanguinis copula, nec  
postquam eius hominium accepi, sacramentum fidelitatis cohibuit? Quocirca merito  
postquam ab eo violatum est iusiurandum, si des ei non est amplius adhibenda: amorque  
propinquitatis, quo ob coniugium sororinum, vnitusq; cum eo ligatus tenebar, penitus  
dissoluatur. Qui quidem si in mei nunc fidelitate positus gloriam meam, & honorem  
quæsisset, oblitis omnibus, quæ mihi intulerat, malis, multum à me honorem sine dubio  
consecuturus foret. Magister vero militum, qui fidelitatem meam, inimicis meis adhæ-  
rendo dereliquit, nulla vtiq; super hoc venia dignus habeatur: NEAPOLITANAM  
quippe dignitatem amittens. Princeps autem, qui iram meam magis delitescendo fu-  
git, quoniam in hoc non multum deliquit, vtiq; miserendum est ei: suoque ex toto non  
priuetur honore: si tamen ab inimicis meis, videlicet Magistro militum, Comiteq; Ra-  
nulpho discedere velit. Vnde mittatur cito ad eum: & experiamur, vtrum verbum istud  
sibi placuerit: videlicet, vt ab illis discedat. Verum Princeps, Comesq; ex quo aduentum  
perceperunt, in tantam animi tristitiam corruerunt: vt mori magis, quam viuere vellent:  
videntes se rumore falso fuisse delusos.

CVM ergo Princeps hoc, quod ab eo mandatum fuerat, contemnendum elegisset,  
Rex illico coacta in vnum, quam collegerat, militum, peditumq; innumera expeditione,  
qua maior nulla alia antea ab eo habita est, ad aggrediendum Auerfam, qua Comes Ra-  
nulphus ad custodiendum remanserat, toto animo tendit: cuius aggressionem asperrimā  
Auerfani formidantes, cœperunt omnes, quicumq; citius poterant, fugam arripere: atq;  
NEAPOLIM, ad se ibi tuendum properare. Comes autem cernens se, ita fugiendo, ab o-  
mnibus præ timore derelinqui, bellum sine dubio Regi inferendum sæpe comminatus  
fuerat, vix tandem cum paucissimis fuga ab eo elapsus est: atque Neapolitanis mœnibus,  
quibus tunc Princeps, Magisterq; militum adhæserāt, se nimis confusus recepit: qui cum  
ibi intrusus ciuitatis claustra non egredi auderet, intra mentis suæ viscera immaniter tor-  
quebatur: pœnitens valde, quod male consultus guerram cœperit: sibi que ea, quæ pacis  
sunt, consulentibus nequaquam crediderit. Quid ergo ageret? cum se, etiam terras in  
proximo iam amissurum cerneret: ad quas tuendum, & fratrem suum Richardū dimise-  
rat. Sed ille similiter regio perterritus aduentu, etiam filio suo, quem Regi obsidem dede-  
rat, derelicto, cum ad fratrem suum Comitem redire nequisset, per occulta tramitū con-  
tinuo fugam iniuit.

CVM ergo Rex super Auerfam irruens Comitem fuga euasisse comperisset, doluit  
valde, quod captionis suæ retia euadens, vltionem ipsius meritam nō fuerit expertus: qui  
deinde tanto mentis furore accenditur, vt tota vrbs prius omnino depopulata, ignis post  
incendio tradèretur: quæ videlicet ciuitas non solum intus, sed etiam de foris abundan-  
tissimo fuerat inhabitata populo: omnibusq; inuiduis ita fertilis fuerat, vt etiam Capuæ,  
seu NEAPOLI, quæ circa se erant, non inuideret. Frumento, & vino, carnisque edulio ita  
feracior exstiterat, vt fere nullus in ea habitantium inuictu egeret: vnde contigit, vt pœ-  
ne omnes in ea effrenatius turpi libidini subderentur: ob cuius piaculum, quo se mode-  
rari neglexerūt, Deus magis offensus, sic eam, vt æstimo, per Rogerium delere decreuit.

CVM ergo sic Auerfa deleta fuisset, Rex postmodum suburbana ipsius concrema-  
ri iussit. Deinde appropinquans NEAPOLIM, inter oppidum, quod dicitur Cuculū, Pa-  
triazq; lacum castra defixit: ibiq; tamdiu moratur, quousq; & cuncta suburbana NEAPOLIS  
in partibus illis ignis incendium consumeret: segetesq; vniuersæ à frumentatoribus  
suæ expeditionis depopularentur. At Princeps Robertus, Comesq; Ranulphus, Sergius-  
que Magister militum ita præ formidine ipsius intra urbem intruduntur, vt nec de porta  
bellaturi exire auderent. Cumq; omnia ibi consumpta fuissent, iterum Rex Auerfam de-  
structum reperit: qui etiam illic diligentius iubet, vt si quid inter Auerfam, NEAPOLIM-  
QUE, quod comburendum esset, incombustum remansisset, omnino combureretur: vbi  
quippe moram tamdiu facit, donec & rebus agrariis, quæ superfuerant, vniuersis con-  
sumptis, solum telluris omnino vacuum dimitteretur.

DVM hæc ita gererentur, Rex habito consilio præmisit Cancellariū suum Warinū  
cum



cum multitudine militari: quatenus ciuitates, quas Comes Ranulphus sub proprio dominio tenuerat, sponte sibi subiicerentur: alioquin si ipse super eas irrueret, sine vllō mitigationis intuitu depopulata, ignis quoque concrematione funditus exinanirentur. Veniente itaque Cancellario ad urbem, quæ dicitur Allifa, ipso die quo venit, vniuersus eius populus Regi, sine vlla refragatione succipitur: quo facto, postera die ad oppidum S. Angeli cognomento Rabicannum suscipiendum tendit: cuius videlicet Ricardus frater eiusdem Comitis dominatus fuerat: quique etiam regio, vt iam fatum est, aduentu perterritus, dimisso eodem castro, in Campaniam aufugerat.

*Oppida  
Ranulphi  
Comitis,  
Allifa Op-  
pidum S.  
Angeli vel  
Rabican-  
num.*

Post hæc autem Cancellarius recessit Caiaciam: remotus tamen ab ea tertio miliario secus Volturri fluenta. Mandatur exinde Caiacianis, & præcipue illis, qui castro eius præerant, vt & ipsi Regis super se quantocumque suscipiant demaniū. At illi sentientes inexpugnabili se castro muniri, audacius recusant id fieri: immo si necesse fuerit, se ei repugnatos prænuntiant. Quam ob rem Cancellarius motus inde, castra super Sanctam Agatham urbem metatus est: exhortans ciues Regi se vltro subdendos. Verum illi, sicut & Caiaciani id fieri renuentes, ad resistendum potius se parant. Nuntiantur itaque Regi, qui tunc Aversæ morabatur, hæc omnia: & quia utræque vrbes munitissimæ erant, necesse erat, vt Rex ipse ad expugnandum super eas irrueret.

PORRO Rex audiens illorum superbiam, graue accepit: vnde magna expeditionis suæ parte ad custodiendam Capuam, ceteraque oppida circa terram Laboris sita, delegata, ad obsidendum præfatas vrbes iratus festinat. Veniens ergo super S. Agatham eam vndique artissime circumfedit: atque machinas, quibus citius caperetur, fieri iussit. Quo viso ciuitatis habitatores immenso consternantur timore. Vnde nonnulli eorum cito exeuntes Regem præuenire satagunt: pedibusque eius prouoluti precibus instant, vt eorum subdicionem suscipere iam dignaretur: & ne ipsi cum vxoribus, & liberis, rebusque eorum in prædam darentur: essentque in ignominiam cunctis audientibus. Rex itaque post tertium diem ad habendum Caiaciam properat: sicque eiusdem vrbis positio ita stare cernitur, vt orientem versus ingens in ea castrum, nō solum humano opere, verum etiam montis excellentia naturaliter munitissimum habeatur. Quod quidem castrum ita ab vrbe distat, vt etiam ciues ipsi in nullo quomodolibet contra illud penitus præualere possint. Ceterum & obsidionem ab eo non formidare videtur: vt si virtus alimoniarum, qua tutores eius sustententur, non defuerit, vix vnumquam possit captione subdi.

VENIENS itaque Rogerius super illam, mirabile dictu, ita castrenses in primo exterriti sunt, assultu, vt nil aliud, nisi quæ pacis sunt, cogitantes eidem subdi quantocumque cuperent. Quippe tantum percubuerat in eodem assultu, spiculorum iactura, vt vix cuiuslibet manus castrensis ad repellendum instantes hostes contrahendi fuerit ausa. Nam defensionis gratia quicumque inermis positus brachium extenderet, ictum deforis venientis iaculi statim in se ipso excipiebat. Sic itaque castrum ipsum semel oppugnatum, atque deuictum à Rege accipitur: quod cum postea visendi causa fuisset ingressus, illud quam maxime, pro ipsius ardua, ingentique munitione commendasse fertur: multumque sibi prodesse ad eius defensionem coronæ testatus est.

POST hæc autem quendam ibi heroem Nicolaum nomine, eo quod inimicis suis consentiens periurus eius fuerit, iusto exheredauit examine: qui deinde cupiens in perpetuum solidare pacis bonum, dedit edictum, vt cuncta in terra Comitis subuerterentur oppida: præter munitiora castra: quæ ei sub proprio dominio ad eiusdem pacis tutelam retineri placerent. Post hæc venit Allifam: vt videret eam: qua visa, de ipsius amœnitate loci, Lympharumque circumcurrentium magna abundantia fertur valde sibi complacuisse. Quarum videlicet Lympharum tanta erat obsecundationis facilitas, vt quandoque prius vellet, riuum ex eis productum, in hortum suum ubicumque esset, posset transducere: eiusque ad irrigandum holera, pro velle suo famularetur.

POST hæc coacto in vnum exercitu, quem secus fluenta Volturri reliquerat, NEAPOLIM, qua hostes eius contra se suscepti rebellabant, obsessurus properat. Erat autem ciuitas ipsa antiquissima: quam Æneas, cum illuc nauigio transuectus applicuisset, primus fertur condidisse: cuius quoque magnitudo prægrādis erat: quæ à parte meridiana non solum murorum altitudine, veram etiam Tyrrheno mari munitur. A ceteris vero partibus, excelsis moenibus roboratur. Quam ob rem adeo ipsa inexpugnabilis constat, vt nisi famis periculo coartata nullatenus comprehendi queat. Nempe huiusmodi vrbis dominus, olim Octauiano Augusto annuente, Virgilius maximus poetarum existit: in qua etiam ipse volumen suum ingens hexametris composuit versibus.



IGITUR cum Rex Rogerius à parte Orientis vrbe hac obfessa, eiusdem captionem diu differendam prauideret, accidit in cor eius, ut innumeris accitis fossoribus, castrum ingens aggeris circumductione munitissimum super eam firmaret: quatinus ibi incessanter, militaribus excubijs sufficienter expositis, ipso quoque absente NEAPOLIS vicinior indefinenter ab ipsis constringeretur. Cum ergo posita super NEAPOLIM obsidione agger, pro extruendo castro ipso, terram effodiendo surrigeretur, coepit agger idem, eo quod ex cemento arido terra egesta labilis esset, huc, illucque submergi: propter quod opus ipsum in vacuum assumptum fuisse videbatur: nec poterat castrum ipsum incœptum, dū agger sic submergeretur, ad effectum pertinere. Quo viso Proceres ad Regē mox venientes submissis vocibus conqueruntur. Incassum inquit, ad construendum castrum labor iste assumptus est: quoniam quotidie terram effodiendo, agger circumducitur: qui tamen ad expletionem eiusdem castri non proficit: quoniam quod pro aggeris erectione fodiendo egeritur, dilabi pro sui instabilitate non cessat: quapropter dimisso hoc opere, aliud inueniatur consilium: quo ad vrguendam rebellis vrbs superbia congruentior præstetur facultas. Item est & aliud omnino lugendum: quoniam sunt nō nulli ex hac expeditione, qui in loco isto, dierum æstus Caniculariū non ferentes, incipiunt iam infirmari: alij vero intolerabili equorum, qui præ multa aquæ inopia siti moriuntur, cadauerum foetore tabescere. Sed etiam tellus ipsa, qua consistimus, eo quod cæmentum siccum sit, impurum à se prodeuntem calorem. Horum quippe malorum vitia valde veremur: ne forte in tantum procedant, ut totus ab eis exercitus infirmatus, penitus, quod absit, labefacteretur. Vnde hinc, si tuæ non displicet pietati, cito remouendi sumus: ut non morientes, cum salute etiam nostra NEAPOLIM non solum diebus æstiuis, verum etiam in hieme, si necesse fuerit, coercere possimus. Quibus Rex auditis, mox eorum misertus, iussit obsidionem remoueri: cogitans qualiter alio modo, absque suorum discrimine, hostibus suis resistendum esset: quamobrem magnam eiusdem expeditionis partem disperdens, per singula oppida, quæ NEAPOLI viciniora erant, instituit: ut eam, ipso quoque discedente instanter comprimerent: sui que rebelles, si quando forte vquam armati progredierentur, vicinior ab ipsis possent restringi.

QUIBUS ita dispositis perrexit Cuculum: quod dum ipse à Sicilia moram redeundi faceret, à Pisanis, quos secum Princeps duxerat incassum, eo quod Neapolitanis iubente ipso aduersaretur, ex parte etiam fuerat subuersum. Quod videlicet oppidum quoniam NEAPOLI propinquissimum existeret, ad artandum eam quantocyus reedificans, melius etiam quam antea fuerat, opere firmari præcepit: deinde prauidens magis Aueris restitutione, rebellis NEAPOLIS posse restringi superbiam, perrexit illuc: atque eodem, quo prius fuerat, iussit restaurari situ: atque ad eam inhabitandum, cunctos, qui prius illam inhabitauerant, redire permisit.

INTERIM autem dum Rege ipso cum suo exercitu præsentē, eiusdem ciuitatis instanter reparatio fieret, Princeps, & Comes, Magisterque militum Sergius intra mœniū NEAPOLI septa conclusi nesciebant quid agerent: videntes se omnes iam in proximo fore superandos: ni forte vnde cumque adueniens succursus citius adesset. Nam & victus inopia indefinenterangebantur: nilque quo ad vitam, cum suis sustentarentur, de foris per terram aduectum, ad eos intrare minime poterat. Militum vero, qui ad stipendia ipsorum militare videbantur, alij verentes plurimum regiam captionem, urbem quandoque poterant, latenter exeuntes abscedebant: alij autem possessiones proprias nolentes amittere, ad eas resumendū, qui tamē Regis licentiā accipere possent, reuertebantur.

CUM ergo prædicti Principes ciuitatis conclusionē ita coercerentur, horum sollertia prouideretur consilium, ut ocyus Pisam dirigentes ciuium aures missis precibus pulsarent: quatenus eorum miserrimes, ingentem per mare venientium belligerorum copiam transmitterent: eis que celerrimum in extremo iam positis opitulationis succursum impenderent. Cum ergo immensa acies ab eis directā cum ratibus equorū fulcando NEAPOLIM tendissent, istiusmodi præfirmantur consilio: ut urbem Amalfiam inchoante auroræ ortu subito aggredientes aut prædarentur: aut Regi, si fortuna sinistra non eis impedimentum ferret, eriperent.

ERAT autem tunc Amalfia omnibus pæne euacuata belligeris viris: quorum iam pars iubente Rege, cum liburnis quatuor armatorum refertis copia, per marinas prædaturi aquas recesserant: pars vero in hostem euntes cum Rege aderant: alij autem Pisanorum tunc nauigia intuentes, quoniam eos putarunt Salernum aggressuros, cito illuc præeuntes eam tuituri, ibi remanserunt. Venientes itaque ipsi Pisani subito inchoante auroræ luce inuasērunt urbem: nulloque resistente eam funditus, impieque depopulantur.



tur. Cumque vrbe tota depopulata, vniuersa ad classem spolia transportata fuissent, mox Scala oppido, ceterisque Amalficæ munitionibus inuasit, nouissime quoddam munimen, quod dicitur Fracta, oppugnare nituntur.

Dum ergo Rex Rogerius, vt iam fatum est, ad reparandū Auerfam, bellica constipatus expeditione sedulus intenderet, intimatum est sibi, quod naualis præliantium manus Pisa adueniens Amalfiam proculdubio inuaserat. At ille cognito hoc concitus, ipsam Auerfæ restitutionem pro tempore dimittēs, castra mouit: Amalfiam violenter de manu excussurus. Quid multa? Dum ergo præfatum munimen, sicut iam dictum est, expugnaretur, ecce regius exercitus ex improviso irrumpens, partem ipsorum cæde prosternunt: partem vero captionis violentia subdunt: quorum videlicet numerus inter necatos, & captos mille quingenti fuisse referuntur. Ex Consulibus aut ipsorum duo capti sunt: tertius vero percussus interijt: qui autem ad puppes remanserant, vel timore coacti ad eas fuerant reuersi, innumeris, quibus onustati fuerant spolijs, fugam arripiendo euaserunt. Liburnarum vero numerū quidam asserunt fuisse quadraginta tres: alij vero plures: captiuorum autem multitudinem per diuersa Rex dispersiēs loca, vinculis mancipandos direxit.

CETERVM piratæ ipsi NEAPOLIM redeuntēs cum Pisanis, quos Princeps secum duxerat, relictis ibi ad custodiam nonnullis ipsorū simulque etiam cū eodem Principe Pisam ingressi sunt: veris tempore in adiutorium Neapolitanorū denuo reuersuri. Verū Sergius Magister militum, Comesque Ranulphus cum filio suo Roberto in vrbe defensionis eius causa remanserunt. Ipse autem Robertus in primis adolescentiæ annis miles constitutus maxime tunc temporis, vt erat adolescens, optimam audaciæ, virtutisq; laudem iam consequi incipiebat.

REX denique in vnum rursus collecto immenso exercitu, Neapolitanorum vitiferas arbores, in quantum propius accedere potuit, omnes succisurus regreditur. Successione itaque eadem circumquaque perpetrata, Auerfam, quam pro tempore, vt iam dictum est, reedificatione inconsummata dimiserat, consummaturus reuertitur. Qui postea videns se imminente iam hieme, non vltra diu secum posse retinere exercitum, sibi que quantocius repetendi Siciliam necessarium fore, eius mox disposita, quæ fienda erat, restitutione, ordinatisq; vsq; quaq; per oppida ad tuitionē pedestribus, ac militaribus excubijs, Beneuentum regreditur: figens castra subtus Padulum oppidum: non longe à flumine Caloris: ad quem mox pro parte omnium ciuium nonnulli ex primoribus Beneuentanæ vrbis cum Archiepiscopo exeuntes benigno, ac familiari famine ab eo commoti sunt, vt de eius penitus amoris nil hæsitarent æquitate: diligenter pacis vinculo cōnecti studerent: ita vt nullum dissensionis ciuilis adinuentorem sine iustæ animaduersionis censura dimitterent: simulque fidelitatem ipsius, salua Apostolica fidelitate, deuotissime contra omnes custodirent. Nam animus eius in hoc vere perseverabat intentus: vt eos semper diligere, benefacere, atque tueri paratus esset: si tamen in ipsa eius fidelitate, vt cœperint, pure deinceps perseveraturi essent. Hæc, & his similia illi ab ei<sup>9</sup> ore audientes, hilariores reddititalia responderunt. Nos inquit, domine Rex cuncta, quæ iubes libenter faciemus: tibi que toto corde adhærebimus: nec quidquam, quod sit cōtra fidelitatem tuam, machinabimur: immo eam illibatam indefinēter seruātes à tuo obsequio, post dominum Papam nullo deficiemus tempore: tantum amor tuus, tuaque dignatione auertatur à nobis. Hæc vbi verba darent, recesserunt. Postera die Rex Rogerius filiū suum nomine ANFVSVM, bonæ indolis puerum, cum fauore Optimatum, militumque omnium, Capuani per vexillum sublimauit Principatus honore. Deinde continuo ipso die generum suum nomine Adam Comitā dignitate, qua illustratus fuerat Alexander Comes, cui<sup>9</sup> superius memoriam egi, magnificauit: virū scilicet iuuenilis ætatis decore fulgētē: affabilem: militemq; strenuissimum. Habebat autem Rex & alios duos liberos adolescentiores forma speciosissimos: morumq; honestate præclarissimos: nec nō ad suscipiendū militiæ cingulū iā vtrosq; adultos: quorū vnū, qui erat primogenitus omnium fratrum Rogeriū nomine iā Ducali honore, aliū autē Principatu Barēsi prouexerat. Erāt autē & ei duo filij minimi: q; sub tenera adhuc pueritiæ ætate degētes sic in regia aula manebāt.

Rex deniq; quos familiariores habebat, secum retentis, ceteros omnes illic ad propria remeare permisit. Post hæc motus inde regreditur: visurus quoddam municipiū, q; nūcupatur Gardia: nec non arcē quandā, quæ dicitur Draconū: q; erat in supremo mōtis valde ardui sita: vt sciret, quali, quantoue, vtrique præstarent muniminis robore. Ad quam tamen arcem antequam accessisset, dum iter ageret, dominum oraturus ad monasterium Sancti Saluatoris Celestini diuertitur: cui cum Abbas Alexander præ-



nominatus, omnisque congregatio fratrum obuiam processissent, honorifice, ut decuit, ab eisdem susceptus, Deo laudes concinendo in Ecclesiam usque introducit. Qui cum genibus positus ante altare orationem consummasset, ad capitulum ipsorum perges, breui tunc allocutione Abbatem, omnesque fratres familiariter ibidem excepit. Post hæc filius eius præfatus ANFVSVS sanctam eorundem fraternitatem per manus ipsius Abbatis præfente Rege accepit: quam Rex ipse, ut supra memoratum est, altera vice veniens susceperat.

DEINDE Rex cameram expetens, atque relictus, supplicante eodem Abbate montem ipsum monasterio supereminentem, qui per multa annorum curricula amissus fuerat, ei restituendum promisit: nec non argenti tantum, quo calix, duoque turibula fierent: quibus tunc fratres ad seruitium Dei præcipue indigere videbantur, pollicitus est: quibus etiam vicissim dedit, ut ex his promissionibus, Salernicum esset, requiretur. Itaque indigentia, quam ob causam contigerit, breuiter hic referatur: Quippe Cænobium ipsum Comes Ranulphus, ut cum Rege guerram continuam agere posset, post multas diuersarum rerum eiusdem oblationes ita constrinxerat, ut & altare ipsum, vniuerso eius substracto ornamento, denudare non timuerit. Vnde factum est, ut ex hoc & Deum offendisset, & Rogerio, peccato ipso præpediente, prauallere non potuisset. Male itaque usus est consilio: cum putaret, diuina surripiendo vasa, contra Rogerium sibi diuinitus subueniri.

REX igitur præfata Guardia, arceque Draconi curiosissimo intuitu perspectis, simulque quantum, vel ubi magis in eisdem roborandum esset præsignans, Caiaciam regreditur: qui castrum ipsius ascendens, totum in circuitu perspicacius considerat: atque ubicunque in eo amplius muniendum esset præuidens, absque temporis dilatione præmuniri instituit: itemque disposuit, ut cuncti Proceres, qui in vicino positi erant, degentes, cum vniuersis subiectiuis suis militibus, qui terrestres erant, Caiacia circa castrum domibus suis constructis perpetuas haberent mansiones: videlicet ut castrum ipsum, quod naturali, & humano opere fortissimum cernebatur, cohabitationis etiam militatis numerositate roboraretur: ubi etiam nonnulli tunc de clero Capuanæ ciuitatis, & de ciuibus laicis aliqui aduenientes cum consilio Regis quendam clericum nomine Guilielmum, virum utique in diuinis, & humanis rebus scientia præditum, ad Archiepiscopatus officium elegerunt: nam antecessor eius in Simoniaca repertus prauitate, depositaria fuerat plexus censura.

POST hæc autem Rege Capuam redeunte primitus eidem electo, deinde eiusdem Regis filio, qui supradictus est ANFVS O clerus, & populus singulas processiones facientes in urbem introduxerunt: ubi scilicet omnes Principatus Capuani proceres conuenientes nouo Principi submissi, hominio suo fidelitatem iurauere: salua tamen sua, filijque eius Rogerij fidelitate: qui ei in regnum successurus erat. Deinde, ut omnibus iniusta patientibus exhiberetur iustitia, præfato electo, simulque Magnati euidam, qui vocabatur Haymon de Argentia, imposuit. Verum & super vniuersam terram, quæ sub proprio erat dominio, quendam strenuum, cui nomen erat Gaucellinus, virum utique in secularibus sollertissimum, rebus procuratorem constituit. Militiæ vero, quæ pro defensione terræ laboris delegata fuerat, quosdam, in quibus magis confidebat, Comites, dum ipse à Sicilia reuerneretur, per vices statutas sibi successuros, iam antea, cum esset Auerse, præposuerat.

EX quibus videlicet vicibus primo accepit agendam præfatus gener Regis Adam. Secundam vero post eum acturus erat Comes Robertus filius Ricardi: tertiam autem post illum Simon Comes S. Angeli Montis Gargani: sicque ceteri per ordinem: qui Simon consobrinus frater regis erat: scilicet valentissimus miles: filiusque Henrici Comitis: eiusdem Regis auunculi. Hic quoque Henricus omni tunc probitate decoris, totiusque affabilitatis dulcedine splendidus, in consilio prouidus, rebusque bellicis strenuissimus: immensæ laudis gratia, ex hoc quam maxime efferebatur, quod etiam Regi ipsi, ut Ducalem denique coronam regni consequeretur, consilij prudentia, seu facto, præ omnibus affuisse fertur.

CVM ERGO hæc, & alia ab eo statuta fuissent, motus est inde: Siciliam quantocys repetiturus: dumque iter agens Argentium appropinquasset, viso eo placuit sibi subuerti: quando quidem non admodum idoneum pro defensione fore cernebatur. Post hæc quoque gradiens, Vallem Caudinam expetit: eius cupiens qualiter se haberent oppida, videre: Appadium scilicet: Montemque Sartium: nam cetera iubente ipso iam fuerant subuersa: à qua videlicet Mathildam sororem suam remotam, in Siciliam, saniori usus consilio, elogauerat: ne quando forte vir eius quolibet modo eam seducens, per eius consensum aditum inueniret: quo contrarium sibi in futurum ingerere posset.



IGITUR prædictis oppidis præiis, ordinatisq; , quæ ibidem videbantur ordinanda, ad Castrum, quod dicitur Coteum præiisurus festinat: quod cum præiisum amplius præmuniri iussisset, Cippatunum etiam oppidum præuidendum properat: qui & ipsum quomodo, qualiterve fortius muniendum esset, instituens, Salernum tandem peruenit.

VERVM præfatus Alexander Abbas audiens Regem Salernum aduenisse, promissionis eius non immemor, misit continuo Priorem Cœnobii sui Stephanum nomine, aliumq; fratrem cum eo: qui ei quæ promiserat, ad mentem reuocarent. At ille mox aduenientibus eis lætanti animo, tantum argenti, quo calix, duoque turibularia fierent, dedit: scriptoq; Gaucellino eius Vicedomino direxit: quatenus montem præfatum Celefino Abbati, quod iuris monasterii esset, assignaret. Gaucellinus ergo cum mandatum ipsius accepisset, illico montem ipsum, sicut per litteras mandauerat, per Minanum Vicecomitem eidem Abbati assignari fecit: de cuius quoq; assignatione Abbas ipse, eiusdemque congregatio gauisi sunt gaudio magno valde: gratias agentes Deo, qui ipsum eundem montem, per tot tempora amissum monasterio per Rogerium recuperari fecit. Vnde mox prænominatus Abbas ad Missam matutinalem pro salute, & vita ipsius, filiorumq; eius sollemnem orationem in conuentu quotidie fieri instituit. Quoniam itaque bona semper sunt recolenda, idcirco hanc ipsam Regis beneficentiam conscribi dignum duximus: vt aut ipse Rex reminiscens ad melius peragendum prouocetur: aut alius eius exemplo, ad simile quid exercendum excitetur. Rex itaque postea mare ingressus Siciliam, cum immensa expeditione, veris tempore ad expugnandum rursus NEAPOLIM reuersurus repetit. Tertius in hoc loco finiatur libellus: vt paullulū mente refoti, vires dicendi, ad inchoandum quartum resumamus.

EXPLICIT LIBER TERTIVS.

## INCIPIIT LIBER QVARTVS.

**P**OST discessum Regis in Siciliam, secundum vices, sicut iam dictum est, quæ ab eo constitutæ fuerant, præmemoratus Comes Adam ad regendum Auerfam, militiam primus ingreditur: qui dum se in eadem viriliter, optimeque ageret, magnam de se, in militati strenuitate famam tunc diuulgauit. Nam sæpissima discursione, eiusdem vrbis exteriora ita circumquaq; militando coercuit, vt non iam ad portam eius vsque vereretur accedere: verum ciuitas ipsa tanta panis inopia iam angebatur, vt vix duo valde pusilli panes de milio Rothomagensi nummo mercarentur. Porro milites, quibus Adam ipse præerat, circiter mille erant: ex quibus ad arcendum NEAPOLIM, alii in oppido, quod dicitur Suma, alii Acerris, nonnulli in munitione Cuculi, quam plures Auerfæ excubare iubentur.

NEAPOLI vero tam præ timore Regis, quam pro cibi penuria, militū post non paucum numero abscedente, vix trecenti remanserant: qui interdū, & si pro paucitate sui aperte resistere non poterant, per noctis tamen silentium exeuntes, ignorantibus illis incendia, prædæque agebant. Cum ergo huiusmodi infestationibus & illi præliando alternarentur, Comes Adam appropinquante vicis suæ termino, ad sua repedauit: cui successit Comes Robertus filius Ricardi: scilicet fidelissimus Regis: virque bellicosissimus: qui pro summa, quam erga eundem Regem habuit, fidei sinceritate, tanto ab eo donatus est munere: vt Boianensis Comitatus sit magnificatus honore. Habebat namque Rex hanc laude dignam consuetudinem: vt quemcunq; penes se potiori, atq; sinceriori fide præditum cerneret, non solum ampliori circa se dilectione haberetur, verum etiam eiusdem gratia non frustraretur. Infidum vero si quemlibet semel reperiret, ei pro huiusmodi nota, ad ipsius amoris dulcedinem pertingere, aut vix, aut nunquam possibile erat.

SED quoniam se in hoc loco occasio præbuit, eius boni mores qui, & quales in eo exstiterint significare, ad laudem, & memoriam ipsius prætereundum non est. Erat quippe amator iustitiæ: atq; defensor: vltorq; malorū seuerissimus. Mendaciū autem loquentem per omnia ita exosum habebat, vt si quis, cū verū dicturus esset, falsum protulisset, ei



vltra ad credendum animus eius aut vix, aut nunquam flecteretur. Ecclesiarum quoque, seu monasteriorum munificus: atq; protector erat. Otio, vel vacationi vix vnquam subdebatur: in tantum, vt si quādo à cæteris vtilioribus occupationibus sibi vacare contingeret, aut publicis exactionibus inuigilaret: aut datorum, siue dandorum, seu eorum, quæ accipiendæ erant, reminisci, vel quæ recensenda erant, recensere satageret: quatenus melius de suo tribuendum ærario, vel vbi adeundum esset, sub chirographorum ratiociniis semper habebatur: & vt amplius dicam: nullum quid sibi erat, quod non sub scripti ratione seruaretur: aut erogaretur: nil tamen cuiquam per inanem largitatem tribuebat: vnde in nullo vnquam egere poterat: qui tanta sollertia, tantaque cautelæ diligentia sua curabat: verens in illud, quod vulgo dicitur, incidere: qui non viuit ad numerum, victurus erit ad dedecus.

STIPENDIA vero militaria, vel quidquid ex conuentione, seu promissione dandum esset, incunctanter persoluebat. Nunquam vero quod daturus, vel dandum non esset, polliceri volebat. In faciendis non præceps existerat: sed priusquam eorum quid inchoaretur, semper prouidentia oculo præmuniri studebat. Neminem quoq; ex præiudicio puniri, vel sua auferri quærebat. Cui vero aliquid pro merito bonum, vel malum promitteret, seu comminaretur, firmum, ratumq; erat. Sed & hoc in eo erat valde mirabile, quia cum in hostem positus esset, ita prouide bellica acta disponebat, vt semper, & vbiq; sine sanguinis effusione superans, exercitus etiam sui vitaret discrimen. Erat autem & in loquela velox, prudentia pollens, consilii grauitate præditus, sermone luculentus: atq; re-  
pentinis responsionibus semper sapienter respondere paratus. Sed quia familiaritas solet parere contemptum, ita ipse publicè, & priuatim in familiaritate, vel affabilitate, seu iucunditate habebatur modestus, vt nunquā etiam desisteret timeri. In tantum enim profuit metus ipsius, vt de cunctis, Deo cooperante, regni sui finibus, omni penitus eliminata iniquitate, non nisi quæ iustitiæ, & pacis erant, sectarentur: ita vt illud Psalmistæ in eo videretur compleri: iustitia, & pax osculatæ sunt.

QVONIAM ergo egregios Regis mores differentes paullo longius euagati sumus, nunc ad narrationis ordinem stylus reuertatur. Robertus itaque præmemoratus Comes, cum recedente Adam, militiæ Regis apud Auerfam regimen suscepisset, ita omni militaris virtutis, & strenuitatis instantia Neapolitanos constringebat fines, vt numquam per eos, ad malum inferendum hostibus exire daretur: nisi forte in nocte: cum videri nō possent. Sergius vero Magister militum, ex quo Rex in Siciliā discessit, Pisam nauigio transuectus abiit: si forte inde sibi, ceterisque suis excussionis opem collaturus esset: cum Rex ipse NEAPOLIM obsessurus rediret. Ipse autem Rex Natalis Dominici subsequenter die adueniente, duos liberos suos ad militiam promouit: Rogerium scilicet Ducem: & Tancredum Barensem Principem: ad quorum videlicet laudem, & honorem quadraginta equites cum eisdem ipsis militari cingulo decorauit. At Robertus Comes, qui toties iam supradictus est, completis in sorte vicis suæ apud Auerfam, duobus mensibus, Nouembri scilicet, & Decembri ad sua reuertitur: cui successit Simon Comes S. Angeli: cuius superius memoria habita est: vir scilicet, vt iam dictum est, potens in armis: sollertisq; ingenii.

## A L L O Q V I V M A D R E G E M R O G E R I V M.

ECCE Domine, mi Rex R O G E R I, libellum istum nemini potius destinandum putauimus, quam tibi ipsi: ad cuius quoque gloriam, & honorem editus constat. Quod quidem idcirco fieri volumus, quatenus gesta famosissimæ victoriæ tuæ sapissime relegendis, memor sis Domini Saluatoris tui Regis æterni: eique placere studeas: cuius beneficii munere te triumphasse, regnumque obtinuisse non dubitamus. Cuius etiam propter hoc gratias agere non cesses: atque cum Psalmista decantes dicens: Non nobis: sed nomini tuo da gloriam. Tanto namque perseuerantius, firmitusque te regnaturum, non ambigimus: quanto ab ipso & triumpho gratiam, & regni decorem te accepisse cognoueris: quantoque etiam eius imperiis, mente te ipsum subdideris. Præterea tuam precamur magnificentiam, vt labor noster, quem huic, pro honore tuo, impendimus opusculo, huiusmodi muneris recompensatione subleuetur: quatenus, videlicet nobis in Dei seruitio iugiter existentibus, sustentationem, quietem, pacem, seu libertatem continuo præstes: quibus amplius, liberius, securiusque diuinum exequentes famulatum, pro tua, tuorumque filiorum capeffenda salute, attentius, deuotius-



deuotiusq; orate debeamus. Nam si Virgilius maximus poetarum, apud Octavianū Imperatorem tantum promeruit, ut pro duobus, quos ad laudem sui ediderat, versibus, Neapolis ciuitatis, simulq; prouinciæ Calabriæ dominatus caducam ab eo receperit retributionem: multo melius credimus nos apud te, his recompenſari, quæ ad diuinum peragendum obsequium poscimus: non tantum quidem pro opusculo hoc, quantum etiam pro mercede animæ tuæ: nec non & pro Domino Salvatore nostro: in cuius quoque nomine, hic congregati sumus: & per quem tu ipse huc vsque saluus factus præſens consecutus es regnum. Oramus præterea ipsum Saluatorem nostrum, ut illud in te modo regnante efficiatur operis, per quod & præſens, & futurum promerearis possidere regnum: quorum alterum, id est futurum, sine dubio quandoque adipisceris, si bene, recteque administraueris istud. Quid enim profuit Sauli Israeliticum diuina voluntate possedisse regnum, cum postea contemptis eius imperiis, vtrumque amiserit regnum? Aut quid etiam profuit Romanis Imperatoribus, Octauiano scilicet Augusto, Domitiano, & Maximino, cæterisque, vniuerso imperasse Mundo: cum modo in inferno sepulti in æternum cruciantur? Ut igitur generalia cauere valeant tormenta, de regni honore, quo nunc inlustratus es, Deum ipsum magnificare, ipsique seruire, eidemque placere studeas, qui dedit. Nam sicut condecet, ut quis tibi seruitutis debitum soluat, ex iis, quæ a te tenere videtur: ita & oportet, ut & tu domino Deo pro iis, quæ tibi contulit, immo commisit, placitum ei exhibeas famulatum. Quod si forsitan quaeretur, quæ sint ea, quibus bene, & recte præſens administrari debeat regnum, Domino concedente breuiter aperiemus. Regnum igitur bene, recteque administrare est, cum vtrumque tempus & belli, & pacis recte gubernatur: dum & per legum tramites rerum iniquitates expellas, atque armis, victis hostibus sis triumphator. Memento itaque te idcirco Regis nomine censeri, ut omnes sub ditione tua positi, & iustitiæ censura, & pacis vinculo regantur. Vt ergo huiusmodi pacis, atque iustitiæ bonum in regno tuo perpetuari valeat, multum prodest, si tu solas munitiores, & inexpugnabiles vrbes, ac fortiora, & inexpugnabilia oppida proprio subdideris dominio. Reuocetur itaque ad mentem tuam laudabilis Constantinopolitani Imperatoris prudentia: qui pro conseruatione eiusdem pacis, atque iustitiæ, validioribus terris sibi retentis, cæteris vero, quæ sub eo sunt planiores, immo debiliores terras ad sibi subdendum, & obsequendum dimittit. Dum itaque ad ipsum simili cautione prouidendum studueris: eris, sicut dicit Salomon, tamquam leo fortissimus bestiarum: qui ad nullius pauēbit occursum: siquidem innocentium dormieris securus: quiesces in die anteuigilans: ipsas etiam vigilas sine trepidatione pertransies. Huiusmodi ergo saluberrimum consilium omni a te desiderio amplectetur: & caue ne vniquam ipsius oblitus prætereas: quoniam scio illud Deo omnino esse placitum: & ab eius voluntate non discrepare. Præterea votis omnibus suademus Serenitati tuæ, ut memor conditionis tuæ, in mente habeas Dominum conditorem tuum: ipsumque Regem tuum fore cognosceas: qui est Rex Regum omnium: Dominus dominantium: in cuius etiam manu omnes fines terræ, & corda Regum constituit: cuius solius est disponere tempora: regna distribuere: eaque auferre quando voluerit: vnde solus ipse est colendus: metuendus: & adorandus: a quo nimirum præueniente nos eius gratia, cum non essemus: habemus esse, viuere, & intelligere: atque moueri. Vnde dicit Apostolus: Quid enim habes, quod non accepisti? aut quid gloriaris tamquam non accepisti? Caue ergo, ne quando in corde tuo cogitatio subrepens persuadeat tibi: aliquid sine eo posse haberi: ipse enim, qui dedit corpus, & animam, te nil operante, nec etiam sciente, ipse quippe dedit & cætera quæcunque habes: etiam si quid in eis visus es operari. Vnde in Euangelio discipulis suis Veritas dicit: Sine me nihil potestis facere. Si ergo discipuli Petrus, & Paulus, Andreas, cæterique Apostoli sine ipso nil potuisse facere credendi sunt: quanto magis omnes nos, qui ad comparisonem illorum pœne nihil sumus? Multi quippe Deo volente, aut permittente pro suo velle, in hoc sæculo prosperati sunt: qui postmodum euanescentes in cogitationibus suis, hoc ipsum non Deo, sed sibi impuantes altius corrauerunt. Ex quibus existit vnus Nabuchodonosor Rex Babylonis: qui dum ambularet in aula regia, subito eleuatum est cor eius valde dicens: Nonne hæc est Babylon magna? quam ædificauit in domum regni: in robore fortitudinis: & in gloria decoris mei? His itaque verbis satis manifestum est, illum nimis, contra Deum superbisse: cum Babylonem non in eius robore, atq; fortitudine, sed in sua ædificatam fuisse virtute asseruit. Vnde merito statim ipse in amentiam versus, de regno suo eiectus est. Atque per septem annos cum bestiis agri, ad instar ipsarum permansit degens. Postea vero Deo volente ad sensum suum reuersus, se seque per superbiam errasse cognoscens, tandem



honori prædicto restituitur: atq; Regem Cæli laudavit: glorificavit: atque magnificavit: quia omnia opera eius vera: & viæ eius iudicia: & omnes ambulantes in superbia potest humiliare. Vt possit igitur superbiæ lapsus præcaueri, omnem gloriam, & honorem, regnum, virtutem, diuitias, sapientiam, prudentiã, & cætera omnia ab ipso te accepisse non dubites: & vt breuius totum comprehendam, nullus omnino Angelus in Cælo, neque homo in terra exstitit, qui sine eius datione nõ solum aliquid, sed nec ipsum esse aliquando, habere potuerit. Ipse namque solus Deus à se habet, quidquid habet: quia à se, & non ab alio est. Veniat denique ad memoriam David sanctus Rex: eiusque imitator fieri studeas: qui dum Israeliticũ regnum sine vlla contradictione possideret, in cunctis se tamen despicit: suisque in oculis humilem esse confitetur: dum coram arca Domini saltando dicebat: Ludam: & vilior fiam: plusquam factus sum: & ero humilis in oculis meis. Constat itaque, quia dum Rex David se primum conspicit per humilitatem, à Deo quippe magnus æstimatur: atque in regno, quo exaltatus fuerat, magis meruit confirmari. Sic etiam Constantinus Imperator, dum post baptismatis perceptionem, per vniuersum imperaret Orbem, tantæ subiectionis erga Deum exstitit, vt eius non defereret imperium: & idcirco cum David de Regno, ad Regnum, & Imperio, ad Imperium cæleste meruit transferri: ad quod videlicet regnum, & imperium suo tempore, & tu transferaris cum eisdem regnaturus præstante Domino nostro Iesu Christo: qui cum Patre, & Spiritu Sancto vivit, & regnat in sæcula sæculorum. Amen.

EXPLICIT OPVS ALEXANDRI ABBATIS.

## DOMINICVS A PORTO-

### NARIIS DE VRSINIS

Lectori.



**I**n editione horum librorum Gaufredi Monachi, & Alexandri Abbatis vetustorum auctorum, qui Normannorum Principum res gestas conscripserunt, vt Indicibus rerum ab Aragoniæ Regibus gestarum adicerentur, in eo potissimum hasimus, & ab initio cœpimus subdiffidere, quod unicum exemplar nactis alterius codicis præsidium deerat: quod maxime consuevit esse adiumento: vt inuestigatione certa, ac veluti quadam indagine menda librariorum tollantur. Nam qui corrigendorum librorum operam rite nauare instituunt, accurata consideratione permoti summopere abhorrent: ne coniecturis, partim ingenio, & confidentia quadam impulsus in varias non modo partes, sed in contrarias plerumq; dilabantur: neve fœde auctores, quos corrigere contendunt, misere dilacerentur. Propterea, ne hac corruptela his auctoribus grauiores plagæ infligerentur, qui tamen si minime videbantur vetustatem habituri, digni tamen fuerant, compensatione rerum posteris traditarum, vt debitus eis honos haberetur, satius duximus ad deprauatos locos notam adponere: vt pro se quisq;, quo ingeniosior, & sollertior, quo ad eius fieri possit, vitiosis particulis, & corruptis incisis exectis, ac reliqua structura apposite interpuncta medeatur. Peraquum enim visum est: ne vulnera, quæ ad incorruptam sanitatem à nobis redigi nequeunt, non modo exulcerentur: sed ne attrectentur quidem: vt suum munus, pensumque ius relinquatur incolume, qui faciliiori, & commodiori iudicio, desperatis etiam ulceribus opem, & incolumitatem ferre valent: & nobis satis, superq; sit, lucis vsurâ his auctoribus attulisse: qui nostra opera consecuti sumus, vt eis salus, atq; pristina valetudo ab aliis quandoq; reddi, restituique posset. Præterea rem minime dubiam arbitramur: eos rerum scriptores in sua patria priuatis beneficiis, & eorum Principum amicitia decore floruisse: qui eorum hortatione res gestas posteris tradiderunt; quorum neq;



neq; veterum quempiam, neq; recentiore memoria Abbatem Trithemium, qui bibliothecas omnes incredibili diligentia excussit: mentionem fecisse mirum videri debet: & cum supra quadringentos annos delituerint, sartos tectos pane ab omni periculo fuisse conseruatos. Gaufridus magna cum cura, & diligentia in notandis certis temporū interuallis, quod magnopere non solum delectat, sed sine fastidio, & satietate res plena oblectamenti est, in ea laude creber fuit: Alexander vero Abbas adeo in eo negligens est, ut seriem ipsam rerum gestarum cum arbitrio interfuerit, & viderit præsens ferme labefecerit. Illud vero nolim à me esse omissum: Alberiam Reginam Rogerii Regis uxorem, quam insignis religionis feminam, digna laudis commendatione idem scriptor extulit: Alfonsi Regis maximi Hispaniarum Principis filiam fuisse; qui Toletum regiam urbem, & Carpetanorum, Oretanorumq; ciuitates ab impio Sarracenorum dominatu eripuit: quam Rudericus Simenius, Toletanus Antistes, Geloiram, nostri Eluiram nominant; ut filius eius, quem Alexander Ansumum vocat, cui Campani Principatus honos est attributus, Alfonsi Regis aui materni nomen ediderit.

EXTRACTA  
DE CHRONICA FRATRIS PTOLEMÆI DE LVCA ORDINIS FRATRVM PRÆDICATORVM: QVAM scripsit de gestis summorum Pontificum: & occurrentibus tempore eorundem super genealogia ROBERTI GVISCARDI: & successorum suorum: ac aliorum Regum Sicilia vsq; ad tempora ista: per alios scientes generationem ipsorum.



ANNO Domini M LXXII. tempore Domini Victoris Papæ II. ut scribit N. Archiepiscopus Cusentinus historiographus, Capua obsideretur à Sarracenis: contra quos vadit Robertus Guiscardus: & ipsos fugat abinde. Quis autem fuerit iste Robertus Guiscardus diuersi diuersa dicunt. Ricardus enim Monachus Cluniacensis, sed origine Pictauiensis historiographus dicit ipsum fuisse militem de Normannia: tamē sua sapientia, & probitate factus est magnus. Vnde adiuncta sibi militia Normannorum venit in Apuliam: ipsamq; subiugauit: expulsis inde Græcis, qui ipsam occupauerant: pro Imperatore Constantinopolitano; qui tunc erat, vocato Nicephoro Buranich. Martinus autem historiographus scribit ipsum Robertum fuisse de genere Ducis Normannorum; qui primus baptismum suscepit; qui vocatus est Robertus. Robertus autem genuit Guilielmum; Guilielmus Ricardum, Ricardus autem Ricardum secundum, & Robertum Guiscardus; de quo agitur nunc ad præsens; vnde quartus fuit à primo Duce Normannorum; quando videlicet Normanni concordauerunt cum Karolo Grasso y. i. ab Imperatore Karolo Magno; & baptismum receperunt, cum primum per longa tempora totam Galliam vexauerunt. Quid autem fecerit dictus Robertus, infra dicetur: quia gloriose operatus est, sicut virtuosus Princeps, & non sicut pauper miles.

TEMPORE Alexii Imperatoris Constantinopolitani prædictus Robertus Guiscardus totam occupauit Apuliam, expulsis inde Græcis. Tradunt etiam historiæ, quod in pugna dictum Alexium deuicit. Postmodum autem dictus Imperator mortuus est. Robertus vero magnam stragem fecit de Sarracenis, & magnas pugnas habuit cum diuersis, semper tamen virtuosus.



ANNO Domini MLXXV. tempore domini Benedicti Papæ X. prædictus Robertus Guiscardi suam virtutem dilatat: & in magna forma crescit. Expulsis enim Græcis de Apulia, totam Apuliam, & Calabriam sibi subiugat: transit in Siciliam cum fratre suo Rogerio: ibiq; pugnat cum Sarracenis: qui ipsam occupauerant: magnamq; de ipsis stragem facit. Sicq; ipsis inde fugatis, Siciliam occupat: cumq; iam dictam insulam pacifice possiderent ambo fratres, Robertus inde recessit eum aliqua parte suæ gentis: reliqua dicto suo dimissa germano: vocaturq; dictus Rogerius Comes in Sicilia: & Robertus Dux in Apulia. Nondum enim Sicilia fortiebatur nomen regni.

VENIENS autem prædictus Robertus Lucaniam cum suo exercitu, ipsam vigla-<sup>10</sup> dii subiecit sibi. Deinde venit Salernum: pugnatq; cum Principe eiusdem loci nomine Gisulpho: ipsumq; in bello vincit: & captiuat: ac ciuitatem sibi quasi peculiarem facit: ubi & Ecclesiam fabricauit sub honore S. Matthei: quæ est metropolitana: & mater omnium Ecclesiarum ibidem. Deinde ad alias ciuitates Campaniæ antiquæ: quæ modo vocatur terra Laboris, accedit: ipsasq; occupat summorum Pontificum beneplacito, & mandato. In dicta autem Campania erant duo Principes: videlicet prædictus Salernitanus, & Capuanus: quos deuicit: & eorum terras occupauit: ac etiam Ducem Beneuentanum: & suam prouinciam: quæ alias Samnia vocabatur: quibus deuictis prædictus Robertus suo motu proprio, totam terram per eum adquisitam à Romana Ecclesia recognouit: sciens ipsam ad eandem Ecclesiam iuridice pertinere: & Nicolaus Secundus Romanus Ponti-<sup>20</sup> fex dictum Robertum de eisdem terris pro se, & pro dicto Rogerio fratre suo, eorumque heredibus inuestiuit.

ANNO Domini MLXXVII. Gregorius VII. in Papam eligitur: cuius tempore Henricus III. Imperator, qui coronatus fuerat per dictum Nicolaum Papam II. venit in Italiam: & apud Brixiam congregans Episcopos Lombardiæ, fecit eligi in Antipapam Archiepiscopum Rauennatem: qui vocabatur Gilbertus: & postea vocatus est Clemens: & accedens idem Imperator Romam fecit ibidem dictum Antipapam consecrare: & ab eo coronâ Imperii iterato suscepit: & capto prædicto Papa Gregorio cum collegio Cardinalium ipsos in castro S. Angeli incarcerationi. Hæc autem sciens præfatus Robertus Guiscardi cum esset in Romania ad expugnandas regiones Græciæ, relicto ibidem suo maiore filio, nomine Boamundo, ipse cum parte sui exercitus venit in Apuliam: indeq; assumpta maiore militia venit versus Romam: quod audiens Imperator, recedit ab vrbe cum suo Antipapa, suisq; secacibus cognoscens se odiosum Romanis: destructa tamen prius parte Capitolii: ac ciuitate Leonina. Prædictus autem Robertus ipsa die veniens Romam cum militia Comitissæ Mathildis ipsam capit: ac ferro, & igne fautores Henrici Imperatoris persequitur: & Gregorium Papam in sua sede reponit: cum suo collegio Cardinalium.

Hic autem Robertus tres filios habuit: videlicet Boamundum de prima vxore: & Robertum: ac Rogerium: de secunda vxore: quæ fuit filia Principis Salerni. Robertus autem parum patri superuixit: Rogerius vero remansit solus in Ducatu Apuliæ.

DE prædicto autem Roberto Guiscardi historiæ magna dicunt: videlicet, quod intendebat ad Imperium pro præfato filio suo Boamundo: cum fauore, & adiutorio prædicti Papæ Gregorii: & ipse adspirabat ad regnum Persarum. Sed cum ex cogitationes essent fixæ in corde suo, zelo tamen fidei, & honore, in isto medio peragrato suo dominio, & dispositis iis, quæ pertinebant ad animæ suæ salutem, moritur apud Salernum, anno vitæ suæ LX. anno Domini MLXXXIIX. tempore domini Victoris Papæ III. sepeliturq; apud Venusium in Apulia in monasterio monachorum nomine Sanctæ Trinitatis: quod nunc est Hospitalarium: quod quidem monasterium ædificauerat ipse Guilielmus. Tanti autem dicitur fuisse zeli in fide Christi, tantæ reuerentiæ ad Romanam Ecclesiam, tantæq; pietatis ad pauperes, & ad pia loca, vt post mortem suam etiam miraculis coruscauerit.

PRÆDICTVS autem Boamundus præfati Roberti filius transiit vna cum Gottifrido de Buillon, & aliis Principibus Franciæ in terram sanctam: & propter suam strenuitatem Princeps Antiochenus est factus: habuitq; filiam Philippi Regis Franciæ in vxorem. Moritur autem, & sepelitur in Apulia: in Canusio: in sollemnissimo sepulchro.

PRÆDICTVS vero Rogerius præfati Roberti filius, & qui sibi successit in Ducatu Apuliæ in concilio celebrato Melfiæ, tempore domini Urbani Papæ Secundi, eidem Pa-<sup>pæ</sup>



pæ præstitit fidelitatis iuramentum pro terris Apuliæ: & se hominem ligium Ecclesiæ cōfiteretur. Hic autem Rogerius filium habuit nomine Guilielmum: qui sibi successit in dicto Ducatu Apuliæ.

ANNO Domini M C I. Paschalis Papa II. in summum Pontificem assumitur: cui prædictus Guilielmus Dux Apuliæ fidelitatem iuravit: & ab ipso per vexillum recepit totam terram Apuliæ: & antiquæ Campaniæ: quæ dicitur Terra Laboris apud pontem Ceperani.

ANNO Domini M C XIX. Gelasius Papa II. in summum Pontificem est assumptus: cui prædictus Guilielmus Dux Apuliæ audiens ipsum Papam aduenisse in Apuliam, more solito suorum prædecessorum fidelitatem iuravit: & omnia fecit, quæ ad bonam fidelitatem pertinebant.

ANNO Domini M C XX Calixtus II. sedit in cathedra Beati Petri: cui existenti in Benevento, præfatus Guilielmus Dux Apuliæ eandem renouat fidelitatem. Tempore autem istius Pontificis prædictus Guilielmus moritur: nullis filiis ab eo relictis.

ANNO Domini M C XX V I. Honorius II. natione Bononiensis in summum Pontificem est assumptus. Hic ad requisitionem Baronum Apuliæ scribentium sibi, ut se opponeret ad defensionem dicti Ducatus, quem occupare volebat Rogerius Comes Siciliæ, filius Rogerij fratris Roberti Guiscardi: quia prædictus Guilielmus filius Rogerij filij Roberti Guiscardi sine filiis decesserat, venit in Aquilam. Tandem idem Papa dictorum Baronum fraudem cognoscens, prædictum Rogerium recepit ad gratiam: & facto homagio per eundem Rogerium prædicto summo Pont. ac fidelitate cum iuramento firmata, ipsum Rogerium idem Pontifex de dicto Ducatu Apuliæ inuestiuit: & sic factum est de Sicilia, & Apulia vnum dominiū: licet sub duobus nominibus dignitatum: videlicet Comitatus, & Ducatus: nondum enim nomen Regis erat sortitus: sed coniuncto dominio: tunc prædictus Rogerius se Regem vocari mandauit. Et quia suum proprium dominium erat Sicilia, inde motus est, ut nomen regni ipsa Sicilia obtineret: Apulia in suo antiquo nomine, & Principatibus remanente.

ANNO Domini M C XXX I. Innocentius II. natione Romanus in summum Pont. est electus. Hic perrexit contra prædictum Rogerium Regem Siciliæ, & Ducem Apuliæ: eo quod fauisset Petro Leonis: qui se Papam faciebat: cum tamen esset electus à minore parte: Innocentius vero à maiore: & saniore: sed non bene sibi cessit: quia prædictus Rogerius præualuit.

ANNO IV. Pontificatus dicti Innocentij Lotharius coronatus in Imperatorem, per eundem Pontificem, tamquam verus Catholicus, & aduocatus vires Imperij excitauit: & contra prædictum Rogerium Regem Siciliæ, occasione prædictæ fautoriæ guerram mouet. Vnde congregato exercitu, vna cum præfato Innocentio Apuliam potenter intravit: & fugato abinde dicto Rogerio in Siciliam, dictum Ducatum Apuliæ auferunt ab eodem.

ANNO Domini M C XL IV. tempore Cælestini Papæ II. prædictus Rogerius Rex est reconciliatus Ecclesiæ: & restitutus eidem præfatus Ducatus Apuliæ: congregantque naualem exercitum, vadit in Africam contra Sarracenos: & Regem Tunicij tributarium sibi facit. Dictus autem Rex Rogerius filium habuit nomine Guilielmum: qui sibi in prædicto regno successit.

ANNO Domini M C LV. Hadrianus III. in summum Pontificem est assumptus: cui prædictus Guilielmus homagium faciens, regnum prædictum Siciliæ ab eo sub fidelitatis iuramento recepit. Hic autem Guilielmus filium habuit nomine etiam Guilielmum: qui sibi in regno præfato successit: ac filiam dominam Constantiam: quam dictus Guilielmus Rex pater suus in Panhormo monialem effecit: ex certa visione, quam super hoc dicitur habuisse.

Hic vero Rex Guilielmus Secundus mortuus est sine liberis: quo mortuo consobrinus eius, & naturalis Tancredus, cuius tamen filius fuerit, non scribitur: tempore domini Clementis Papæ III. qui incepit Anno Domini M C L XXX I X. & sedit annis tribus, & diebus sedecim, occupauit sibi regnum prædictum: quod tenuit sua vita durante: mortuusque est per eum liberis non relictis. Et sic ex genere supra dictorum Roberti Guiscardi, & Rogerii fratris sui non remansit, nisi solum dicta domina Constantia monialis.

Tunc Barones supradicti regni Siciliæ supplicauerunt prædicto Clementi III. tunc summo Pontifici, ut cum dicta domina Constantia, contemplatione suorum progeni-



torum dispensaret: ut nuptui traderetur: quod factum est: copulataque est in matrimonio Henrico V. Imperatori: filio Frederici Imperatoris: dicti Babarossæ: qui ipsam in uxorem recepit.

Ex prædictis autem Henrico, & domina Constantia natus est Fredericus I. Anno Domini MCXCI: & nullus alius: quia dicta domina Constantia quasi in senectute sua quodammodo concepit eundem. Hic autem Henricus suo tempore multa fecit: & cum Ecclesia se bene non gessit: immo aliquando est ipsam grauer persecutus: moriturque Panhormi anno Domini MCXCII.

MORTVO vero prædicto Henrico eligitur in Imperatorem Otho IV. filius Ducis Saxonie: qui male se habuit cum Ecclesia: propter quod dictus Fredericus II. missus est in Alamaniam contra ipsum: fuitque idem Otho suis exigentibus demeritis, per Innocentium Papam III. depositus ab Imperio anno Domini MCCXI. & sequenti anno, videlicet MCCXII. prædictus Fredericus II. in Imperatorem est electus: & tempore Honorii Papæ III. qui incepit sedere anno Domini MCCXVI. & sedit usque ad annos XI. menses II. dies XII. fuit idem Fredericus per ipsum Papam in Imperatorem coronatus anno Domini MCCXX. Pontificatus dicti Honorii anno V. & ætatis ipsius Frederici XXII.

Hic autem Fredericus quattuor filios habuit: videlicet Henricum primogenitum: quem in carcerem posuit: & hoc ut aliqui dicunt, quia ipse Henricus fauebat Ecclesie: quam dictus Fredericus persequabatur: in quo carcere Henricus ipse decessit: Secundogenitum vero habuit Conradum: tertio genitum autem Entium: qui captus fuit à Bononiensibus: & ab eis in carcere toto tempore suæ vitæ detentus: qui omnes ex filia Regis Iohannis Hierosolymitani, quam dictus Fredericus accepit uxorem, procreati fuerunt. Quartogenitum vero habuit Manfredum: quem ex filia Principis Antiocheni suscepit. Idem enim Fredericus prædictam suam uxorem fingens mortuam, prædictam filiam Principis sibi in matrimonio copulauit: constituitque ipse Fredericus prædictum Conradum filium suum Regem Alamanie: de facto potius quam de iure: cum tam dicto regno, quam Imperio, & regno Sicilie priuatus fuerat: exigentibus demeritis suis: & delictis per eum commissis.

MORTVO præfatus Fredericus in Fogia in Apulia anno Domini MCCL. Modum autem mortis suæ tradit Martinus: quia sine sacramentis, & poenitentia, & in vinculo anathematis. Quem infirmantem prædictus Manfredus filius ipsius naturalis ambiens regni Sicilie dominium, & thesauros. vno secretario eiusdem Frederici conscio, timens ne conualesceret, cussino super faciem ipsius posito, suffocauit: sicque idem Manfredus assumit dominium sub quibusdam causis: & rationibus simulatis: sed non in toto: propter prædictum Regem Conradum fratrem suum.

Post mortem autem prædicti Frederici Imperatoris Conradus filius eius Rex Alamanie intrat regnum Apulie anno Domini MCCLI.

SEQUENTI vero anno, videlicet MCCLII. dictus Conradus Rex moritur. Reliquit autem vnum filium paruulum nomine Conradinum: qui erat cum matre sua in Teutonia: & tempore mortis dicti Conradi, erat duorum annorum. Tradunt autem aliquæ historiæ dictum Conradum fuisse venenatum: in quadam venatione per prædictum fratrem suum Manfredum. Hic autem Manfredus post mortem prædicti Regis Conradi, curam gessit regni Sicilie: pro prædicto Conradino pupillo: & sub isto prætextu assumpsit sibi dominium ipsius regni.

ANNO Domini MCCLIV. tempore domini Alexandri Papæ III. prædictus Manfredus simulata morte præfati Conradini, factoque super hoc planctu, accepit coronam supradicti regni Sicilie: & tamquam ipsius Regem se gerit: ac se Regem vocari mandauit: quod durauit à dicto anno LIV. usque ad LXV.

PRÆDICTVS autem Manfredus primo fuit Princeps Tarentinus: & uxorem habuit N. sororem N. Comitis Sabaudie: ex qua filiam habuit nomine Constantiam: quæ post modum Petro Regi Aragonum fuit matrimonio copulata.

ANNO Domini MCCLXIII. Pontificatus Domini Urbani Papæ III. anno Secundo, idem Papa videns partem Ecclesie in Italia deficere, & prædictum Manfredum in suis peruersis actibus prosperari, de consilio Cardinalium Comitem Prouincie nomine Karolum, fratrem Ludouici Regis Francorum, in suum aduocat auxilium: & ut ad adiuvandum



adiuandam Ecclesiam esset feruentior, prædictum regnum Siciliae, à quo præfatum Manfredum antea priuauerat, sibi contulit: cum suis annexis.

ANNO Domini MCC LX V. Clemens Papa IV. existens Viterbii, Pontificatus sui anno primo prædictum Karolum in Ecclesia Sancti Iohannis de Laterano in Regem Siciliae coronare mandauit.

EODEM anno præfatus Rex Karolus in planicie Beneuenti bellum habuit cum prædicto Manfredus: in quo bello idem Manfredus succubuit: & fuit occisus: cuius habitæ victoriæ causa, præfatus Rex Karolus fecit ædificari monasterium ordinis Cisterciensis quod vocatur S. Maria Regali valle in diocesi Nolana: quæ coniuncta est diocesi Beneuentanæ. Non enim ædificari fecit in loco ubi habuit victoriam: quia territorium non erat suum: sed Ecclesiæ Romanæ.

ANNO Domini MCC LXX I. Pontificatus prædicti Domini Clementis anno III. prædictus Conradinus filius præfati Regis Conradi cum militia Teutonicorum, & Lombardorum subito intrat Italiã: & deinde confinia regni Siciliae: cum quo tunc erat Henricus frater Regis Castellæ: & nepos Regis Karoli supradicti: qui quidem Henricus occupauerat Urbis senatum. Contra quos venit præfatus Rex Karolus cum magna gentium armorum comitiua: diuque pugnato per ambas partes in die S. Bartholomæi in introitu prædicti regni prope castrum, quod dicitur Talliacocgium, tandem gentes prædicti Conradini succumbunt: & idem Conradinus aufugiens captus fuit in Astura: in plagia Romana: & in plagis Neapolitanis: postmodum decapitatus. Fuit etiam in dicto bello captus prædictus Henricus frater Regis Castellæ: & per præfatum Regem Karolum in Apulia carceri mancipatus. In eo autem loco ubi idem Rex Karolus prædictum Conradinum deiecit, fecit idem Rex ædificari sollempne monasterium monachorum ordinis Cisterciensis: vocatum S. Maria de Victoria: quod hodie propter terræmotum quasi totaliter est destructum. In ipso vero monasterio, & alio supradicto de Regali valle, monachi nulli nisi Gallici existere possunt. Decapitato igitur, ut præfertur Conradino prædicto, de genere supradicti Frederici Imperatoris nullus remansit superstes.

PRAEDICTVS autem Rex Karolus vxorem habuit filiam Raimundi Berengarii Comitis Prouinciæ, nomine Beatricem: quæ fuit vltima filia, & heres dicti Comitis: & habuit dictum Comitatum Prouinciæ: ex qua vxore prædictus Rex filium habuit nomine etiam Karolū: qui in vita dicti sui patris vocabatur Princeps Salernitanus. Ipsa autem domina sepulta est Aquis: in Prouincia vna cum patre: & sorore Regina Franciæ in Ecclesia Hospitalariorum.

ANNO Domini MCC LXXX III. prædictus Rex Karolus moritur: & in maiori Neapolitana Ecclesia sepelitur: cui in dicto regno, & Comitatu Prouinciæ successit præfatus Karolus filius suus: vocatus postea Rex Karolus Secundus.

Hic Rex Karolus Secundus vxorem duxit dominam Mariam filiam Regis Vngariæ: quæ suo patri successit in regno Vngariæ: ex qua prædictus Rex Karolus multos filios & filias habuit: quorum primogenitus fuit Karolus cognominatus Martellus Princeps Salernitanus: qui viuentibus suis patre, & matre, est in Regem Vngariæ coronatus: Præmortuus est autem dictis suis patre, & matre. Secundogenitus vero dicti Regis Karoli fuit S. Ludouicus Episcopus Tolosanus. Ternogenitus Robertus Dux Calabriae: qui patri successit in dicto regno Siciliae. Quartogenitus Philippus Princeps Tarentinus. Vltimogenitus dominus Iohannes Princeps Achaiae: deinde Dux Duracii. De aliis vero filiis per dictum Regem Karolum habitis, hic non fit mentio, quia sine prole decesserunt.

PRAEDICTVS autem Karolus Martellus Rex Vngariæ, & Princeps Salernitanus vxorem duxit filiam Rodulphi Regis Alamaniae: ex qua duos filium, & filiam habuit: videlicet Karolum, qui patri successit in regno Vngariæ: & dominam Clementiam, quæ copulata fuit matrimonio Regi Ludouico filio Philippi pulchri Regis Francorum. Ex prædicta autem domina Clementia natus est filius eius primogenitus vocatus Iohannes anno Domini MCC LXX VI. sed parum vixit: nam VII. die à natiuitate sua migravit ad Dominum: regnumque Franciæ existit postmodum ad collaterales translatus.

PRAEDICTVS præterea Karolus II. Rex & dicta Maria eius vxor Regina Siciliae



miserunt in Vngariam Karolum Principem prædictum Principem Salernitanum filium prædicti karoli Martelli Regis Vngariæ: & ei dictum regnum conferunt: & titulum ipsius, ut suo patri concedunt. Dictum enim regnum Vngariæ tunc ab infidelibus multum vexabatur: & Barones ipsius regni pro maiori parte tunc inobedientes erant prædictæ Reginæ Mariæ: aliqui tamen fideles, licet pauci venerunt in Apuliam pro dicto Rege Karolo: qui tunc erat nouem annorum: ipsumque secum in Vngariam conduxerunt: qui infra plures annos dictum regnum Vngariæ recuperat & augmentat.

SVPRADICTVS autem Rex Karolus II. Rex Siciliae pater dicti Roberti Ducis Calabriae, & auus præfati Karoli pupilli Regis Vngariæ petiit a domino Bonifacio Papa IIX. declarari, quis post mortem suam esset sibi in prædicto regno Siciliae successurus: an videlicet prædictus Robertus filius suus, vel dictus Karolus Rex Vngariæ nepos eius. Præfatus autem summus Pontifex declarauit in breuibus: dictum Robertum esse prædicto suo patri, in præfato regno Siciliae successurum. De S. autem Ludouico tunc primogenito non fit mentio, quia iam effectus erat frater Minor: & Episcopus Tolosanus.

ANNO vero Domini MCCCIX. v. die introitus Maii obiit supradictus Karolus II. Rex Siciliae: anno regni sui computando ab obitu patris XXV.

ANNO Domini MCCCIX. Dominica prima mensis Augusti coronatus est prædictus Robertus Dux Calabriae in Regem Siciliae per dominum Clementem Papam V. in Auenione.

Hic autem Robertus duas uxores habuit: primam cum adhuc esset Dux: dominam Violantem filiam Regis Aragonum: ex qua habuit filium Karolum Ducem Calabriae: aliam vero dominam Sanctiam filiam Regis Maioricarum: ex qua nullus ei heres superuixit.

SVPRADICTVS Carolus II. Rex Vngariæ uxorem duxit Elizabeth sororem n. Ducis Poloniae: qui postmodum factus est Rex: & vocatus Rex Poloniae, seu Cracouiae: ex qua uxore tres filios habuit: primogenitum Ludouicum: præsentem Regem Vngariæ: Andream Secundogenitum: & Stephanum tertio genitum.

ANTEDICTVS Karolus Dux Calabriae, filius prædicti Roberti Regis Siciliae duas uxores habuit: primam n. sororem n. Ducis Austriae: ex qua nullam prolem procreauit: secundam dominam Mariam filiam Domini Karoli de Valoys: ex tertia uxore: quæ fuit filia Comitis S. Paulli: ex qua dictus Dux duas filias habuit: primam dominam Ioannam: præsentem Reginam Siciliae: & dominam Mariam: quæ nata est post mortem dicti sui patris.

PRÆDICTVS autem Dux Calabriae mortuus est anno Domini MCCCXXXIX. in die beati Martini: viuentem adhuc patre suo Roberto Rege prædicto.

VIVENTIBVS vero prædictis Roberto Siciliae, & Karolo Vngariæ regibus contractum est matrimonium, inter præfatum Andream secundogenitum supradicti Karoli Regis Vngariæ, & prædictam dominam Iohannam filiam suprascripti Ducis Calabriae: Duxque, & Ducissa Calabriae nuncupantur: & ordinatum est contrahi matrimonium inter præfatum Ludouicum primogenitum Regis Vngariæ, & prædictam dominam Mariam secundogenitam Ducis Calabriae supradicti: ad hoc, quod omnino prænominatum regnum Siciliae ad heredes Regis Vngariæ deueniret.

ANNO Domini MCCCXLII. in festo beatæ Agnetis obiit præfatus Robertus Rex Siciliae: anno regni sui XXXIII: cui successit in regno prædicta domina Iohanna filia Ducis Calabriae: & fuit vocata Regina: & dictus Andreas maritus suus vocatus Rex Siciliae: ipsa vero domina Iohanna tunc coronata non fuit.

ANNO Domini MCCCXLV. interemptus fuit prædictus Rex Andreas in Aversa: de mense Septembri: dicta domina Iohanna Regina eius uxore prægnata: ex qua natus est postmodum filius dictus Karolus Martellus.

PRÆDICTVS Stephanus tertio genitus Regis Vngariæ uxorem duxit n. filiam Ducis Bauariæ: ex qua vnicam filiam habuit nomine Elizabeth. Ipse autem Stephanus post hæc modicum superuixit.

SVPRADICTVS Philippus Princeps Tarentinus filius Caroli II. Regis Siciliae duas uxores habuit: primam filiam, & heredem n. Despoti Romaniae: ex qua vnicum filium habuit: qui intitulabatur Despotus. Hic autem Despotus uxorem duxit n. filiam Regis Maioricarum: neptemque Reginæ Sanctiæ uxoris supradicti Regis Roberti: qui Despo-



tus suo præmortuus est patri: liberis nullis ab eo relictis. Secunda vxor dicti Principis vocata est Catharina filia supradicti Karoli de Valoys: quam habuit ex secunda vxore sua: quæ fuit filia Balduini Imperatoris Constantinopolitani: & dicto Balduino in titulo dicti Imperii successit: dictaq; Catharina præfata suæ matri successit: & vocata est Imperatrix Constantinopolitana. Ex dicta autem Catharina Imperatrice prædictus Princeps tres filios, & vnam filiam habuit: videlicet Robertum, Ludouicum, & Philippum, & Margaritam.

Dictus autem Robertus successit suis patri, & matri: vocatusque est Imperator Constantinopolitanus: & Princeps Tarentinus: qui recepit in vxorem dominam Mariam filiam Ducis Borbonii: quæ antea vxor fuerat Conestabuli primogeniti n. Regis Cypri. Ex ipsis autem Roberto, & domina Maria nulli filii superuixerunt.

Supradictus dominus Iohannes Dux Duracii filius prænominati Karoli II. Regis Siciliae vxorem duxit dominam Agnetem filiam n. Comitis Petragoricensis: ex qua tres filios habuit: videlicet Karolum: qui sibi successit in Ducatu Duracii: & Ludouicum, ac Robertum: mortuusque est idem Dux eius vxore, & filiis relictis.

Cum vero tractaretur matrimonium inter prænominatum Ludouicum, tunc primogenitum Regis Vngariæ, & de perficiendo ipsum inter eundem Ludouicum, & dominam Mariam secundogenitam supradicti Karoli Ducis Calabriae, ipsa domina Maria operante quadam domina, quæ erat in societate ipsius, absque consensu prædictæ dominæ Iohannæ Reginae sororis suæ, contraxit matrimonium cum præfato Karolo Duce Duracii: & repente vna cum matre dicti Ducis recedens de Castro regio Neapolis, ubi cum prædicta domina Regina sua sorore manebat, & accedens ad domum ipsius Ducis ibidem vicinam, dispensatione super hoc à domino Clemente Papa VI. obtenta, & per dominum Talayrandum Cardinalem Petragoricensem fratrem matris dicti Ducis procurata, illico matrimonium consummauit.

De ipsis autem karolo, & domina Maria natæ fuerunt quattuor filia: videlicet Iohanna primogenita, quæ in dicto Ducatu successit, Agnes, Clementia, & Margarita.

Anno Domini MCCCXLVII. prædictus Ludouicus Rex Vngariæ intrauit prædictum regnum Siciliae: pro exercenda vindicta Regis Andreæ fratri sui: ut præmittitur interempti: ad quem cum esset in ciuitate Auerse accesserunt prædicti Robertus Imperator Constantinopolitanus, & Princeps Tarenti: ac Philippus frater suus: nec non Karolus Dux Duracii, & Ludouicus, ac Robertus fratres sui: qui per dictum Regem Vngariæ fuerunt in principio satis bene tractati: & accepti: non tamen multum honorati: nec fraternaliter pertractati: nam ultimo fuerunt carcerati: & prædictus Karolus Dux Duracii decapitatus: in loco, ubi prælibatus Rex Andreas fuerat interemptus: non tamen tamquam idem Dux fuisset conscius mortis dicti Regis Andreæ: sed tamquam ille, qui receperat in vxorem supradictam dominam Mariam: quæ debebat contrahere cum ipso Rege Vngariæ, ut præfertur: anhelans idem Dux posse ad sæpe dictum regnum Siciliae, ratione dictæ dominæ Mariæ suæ vxoris deuenire.

Prædictus autem Ludouicus Rex, & domina Iohanna Regina Siciliae, cum præfatus Rex Vngariæ esset in Aversa, cum diuersis nauigiis recesserunt per mare de Neapoli: & venerunt in Prouinciam: & deinde Auenionem: ubi præfatus dominus Clementis Papa VI. cum sua curia residebat: & ibi per ipsum Papam fuit facta dispensatio inter ipsum Regem, & Reginam. Ibidem autem prædicta Regina peperit quandam filiam nomine Katharinam, quæ infantula est defuncta: aliam vero filiam post dictam factam dispensationem habuit vocatam Franciscam.

Præfata vero domina Maria vxor prænominati quondam Karoli Ducis Duracii, sciens mortem dicti sui mariti, recessit pregnas de Neapoli in habitu fratris Minoris: & transiens prope Auersam, ubi tunc erat prædictus Rex Vngariæ, per terram venit usque Tusciam: deinde per mare in Prouinciam: stetitq; in castro Bocacii: ubi peperit prædictam suam filiam Margaritam. Aliæ vero filia suæ remanserunt in prædicto regno Siciliae: ubi per suas nutrices fuerunt in diuersis locis secrete, & salubriter conseruatæ.

Supradictis Roberto, & Philippo de Tarento, ac Ludouico, & Roberto de Duracio per prædictum Regem Vngariæ captis, ut præfertur, ipsi per eundem Regem, vna cum prædicto Karolo Martello filio prænominati Regis Andreæ, quem præfata domina Iohanna Regina dimiserat Neapoli in Castro Nouo ut assignaretur dicto Regi Vngariæ, missi sunt in Vngariam: ubi dictus Karolus Martellus modicum superuixit: Dicti autem quattuor regales in satis arto carcere fuerunt per plures annos detenti.

Quamuis in  
veteri codi-  
ce continens  
scriptio sit, et  
men deesse  
videtur: Io-  
hannam  
Reginam  
Ludouico  
Tarentino  
nupsisse.



ANNO domini MCCCXLIX. supradictus Rex Vngariæ à prædicto regno Siciliae repente recessit: dimissis tam in castris Neapolitanis, quam in quibusdam aliis locis dicti regni, qui ipsa castra sui nomine custodirent: & gentibus aliis armigeris, tam Vngaris, quam Teutonicis, in numero satis magnò: qui dictum regnum pro ipso Rege tenerent.

EODEM anno prædicti Ludouicus Rex, & domina Iohanna Regina Siciliae à Prouincia Neapolim sunt reuersi: ac præfata domina Maria Ducissa Duracii: qui Rex, & Regina statim fuerunt in regno recepti, vt domini: & in satis breui tempore, quasi totum ipsum regnum recuperauerunt.

ANNO Domini MCCCCL. supradictus Rex Vngariæ in sæpe dictum regnum Siciliae est reuersus: & obsedit ciuitatem Auerfæ distantem à Neapoli per octo milliaria: operante illo, qui custodiebat castrum ciuitatis ipsius: qui quidem proditorie segerens tam castrum, quam ciuitatem dicto Regi dedit. In dicto autem regno tunc prædictus Rex resistantiam magnam reperit: & de perditis pauca recuperauit. Fuerunt tandem habita pacta inter prædictos Ludouicum Vngariæ, & Ludouicum Siciliae Reges: ac dominam Iohannam Reginam de accedendo ad Curiam Romanam: & stando de iure successionis dicti regni Siciliae declarationi summi Pont. dictusque Rex Vngariæ his pactis habitis iuit ad Urbem: & prædicti Rex, & Regina Siciliae Caietam: ex certis autem causis nullus ipforum ad prædictam Curiam dicta de causa accessit.

DVRAVIT autē guerra inter prædictos Reges Vngariæ, & Siciliae à prædicto anno MCCCXLVII. vsque ad annum MCCCCLI: quo anno de mandato prædicti domini Clementis Papæ VI. fuerunt supradicti Ludouicus Rex, & domina Iohanna Regina Siciliae die xxv. mensis Maii in festo Pentecostes Neapoli sollemniter coronati: & declarata ipsa domina Regina esse vera domina dicti regni. Fuitque ordinatum per eundem Papam, quod omnia loca, quæ tenebantur in prædicto regno per præfatum Regem Vngariæ assignarentur domino Petro de S. Marciali nuntio Apostolico: qui ipsa restituit dictis Ludouico Regi, & dominæ Iohannæ Regine: & etiam procurauit dominus summus Pontif. quod prædicti quattuor regales, qui detinebantur captiui in Vngaria facerent liberari: & magna summa pecuniar, quam pro sui redemptione dicto Regi Vngariæ dare promiserant, fuit eis contemplatione dicti summi Pontif. per eundem Regem remissa. Infra vero sex dies post coronationem prædictam mortua est prædicta Franeisca filia ipforum Regis, & Reginæ: & ex tunc ipsa Regina non concepit.

PRAEDICTI quattuor regales ab Vngaria de carcere liberantur: & tres ex eis videlicet Robertus Imperator Constantinopolitanus, & Philippus frater suus, ac Ludouicus de Duracio in regnū Siciliae reuertuntur. Dictus vero Robertus de Duracio vadit in Franciam: & coram N. Rege Franciæ præfatum Regem Vngariæ de duello inuitat: dicens ipsum Regem Vngariæ non fecisse iuridice, decapitari faciendo prædictum Karolum Ducem Duracii fratrem suum: quod duellum effectum non habuit: & prædictus Robertus postea mortuus est in bello: in territorio Pictauiensi: in quo, & præfatus Rex Franciæ per Principem Waliz captus fuit.

ALIQUO præcedente tractatu prædictus Philippus de Tarento repente rapit prædictam dominam Mariam, olim Ducissam Duracii consobrinam suam: atque in triplici consanguinitatis gradu coniunctam: & de facto matrimonium contrahit cum eadem. Pro habendo vero super hoc dispensatione idem Philippus venit ad curiam: & per plures annos laborauit, antequam posset eam habere. Ex ipsius autem Philippo, & Maria ante, & post dictam dispensationem fuerunt multi filii, & filiae procreati: aliqui ex eis nati mortui: qui autem superuixerunt, omnes muti fuere, & claudi: absque dentibus, & capillis: ex quo apparuit, quod dictum matrimonium Deo gratum non fuit.

ANNO Domini MCCCCLXII. die xxv. mensis Maii, qua die fuit festum Ascensionis Domini, obiit prædictus Ludouicus Rex Siciliae Neapoli: completis x. annis integris à die suæ coronationis.

ANNO Domini MCCCCLXIII. completo anno obitus prædicti Regis Ludouici supradicti, domina Iohanna Regina contraxit matrimonium cum domino Iacobo Rege Maioricarum: cum quo nupta manet ad præsens.

PRAEDICTVS Ludouicus de Duracio uxorem duxit dominam Margaritam de S. Seuerino: natam domini Roberti de S. Seuerino: de genere Comitris S. Seuerini nobilis de re-



de regno Siciliæ: ex qua vnicum filium habuit nomine Karolum: quæ domina Margarita postquam dictum filium peperit, per modicum tempus superuixit.

ANNO Domini MCCCLXII. dictus Ludouicus obiit Neapoli in castro Ovi: in quo ex certa causa detinebatur arrestatus infra duos menses post mortem supradicti Regis Ludouici.

ANNO Domini MCCCLXIV. obiit Neapoli supradictus Robertus Imperator Constantinopolitanus, & Princeps Tarenti absque liberis: cui successit in dictis Imperio, & Principatu prænominatus Philippus frater suus.

ANNO Domini MCCCLXVII. dominus Ludouicus de Navarra recepit in vxorem dominam Iohannam Ducissam Duracii primogenitam Karoli Ducis præfati. Agnes vero soror dictæ Ducissæ antea contraxerat cum Canesignore domino Veronæ. Clementia autem tertiogenita soror dictæ Ducissæ obiit virgo Neapoli anno Domini MCCCLXIII.

ANNO Domini MCCCLXIX. obiit Neapoli prædicta domina Maria vxor supradicta Philippi Principis Tarentini: & post modum Imperatoris Constantinopolitani.

ANNO Domini MCCCLXX. prædictus Philippus Imperator Constantinopolitanus, & Princeps Tarenti accessit Vngariam: & matrimonium contraxit cum domina Elizabeth filia Stephani fratris Regis Vngariæ: & secum duxit prædictam dominam Margaritam filiam prænominati Ducis Duracii: quæ cum dispensatione domini Urbani Papæ V. contraxit cum Karolo filio prælibati Ludouici de Duracio consobrino suo: qui cum supradicto Rege Vngariæ commoratur.

SUPRADICTA Margarita filia supra nominati Philippi Principis Tarentini filii Karoli II. Regis Siciliæ, & domine Catharinæ Imperatricis Constantinopolitanæ vxoris eius, matrimonium ex se ipsa contraxit cum Francisco de Baucio Duce Andriæ: absque consensu tamen fratrum suorum: ex qua filium, & filiam habuit: dominum Iacobum: & dominam Antoniam.

HÆC est generatio Roberti Guiscardii: & descendentium ab eo Regum Siciliæ: & aliorum Regum: ac regaliū: qui à dicto tempore, vsque modo in dicto regno successerunt: prout in chronicis inueniuntur: & à scientibus, & videntibus declaratur.

## AQVILÆ VRBIS ORIGO.



QUANTA in ignoratione ferunt à Principib. Normānis fratrib. in Apulia, Calabria, & Cāpania gestarū versati fuerint veteres auctores, nō Ptolemæus modo Lucensis, sed & Martinus multo vetustior, quē Ptolemæus ipse laudat auctore, liquido testatur: quæ me res impulit, vt vetustissimis illis auctoribus, ex Ptolemæo decerpta adiunxerim: præsertim cum qualicumque ea sint, alicuius utilitatis fructum præbeant: si Dyrrhachinorum Principum stirpis seriem respicias: in qua deducenda, plures sunt alucinati. Præterea cum idem Ptolemæus prodiderit Honorium II. Pont. Max. Aquilam venisse, vt procerum Apuliæ consilio, Rogerio Siciliæ Comiti, qui postea regalem dignitatem est assecutus, eam prouinciā ductu suo asserere conanti obuiam iret: ea res aperte indicat Alexandrum eius rei certum auctorem minime legisse: qui Beneuentum, non Aquilam Pontificem aduentasse memoriæ prodidit. Neque intra centum proximos annos Aquilam urbem conditam fuisse satis constat: de cuius origine cum disiunctissima, maximeque diuersa Io. Iouianus Pontanus vir vndecumque doctissimus Neapolitani belli libro v. tradiderit, & de nomine fontis Aquulæ factam esse Aquilam urbem ciuib. & opibus claram asserat, libet certam eius urbis originem adponere: ex literis Clementis III. Pont. Max. erutam: ne tanti viri auctoritas rem gestam à veritate demoueat: aut vetustate obruta in posterum oblitteretur.



„ CLEMENS Episcopus seruus seruorum Dei: K. Siciliæ Regi illustri. Clamant ad aures  
 „ maiestatis Regiæ variæ regni tui, & partium vicinarum Ecclesiæ: clamat multitudo  
 „ nobilium de imminentis oppressionis incurfu, eo grauius stupida, quo dudum maiora i-  
 „ pſius grauamina est experta: thronum tuæ gratiæ suppliciter adeunt: ad auxiliū miseri-  
 „ cordiæ tuæ recurrunt: opem tuæ pietatis implorant: & vt ipſorum pia petitio promptius  
 „ ad gratiam exauditionis inuocat: de innata tibi fili carissime ad Ecclesias, ecclesiasticas  
 „ personas, & nobiles, & à progenitoribus tuis in te propagatione laudabili radicata cle-  
 „ mentia concipientes non indigne fiduciam tibi confidenter veritatem instantis, & vr-  
 „ guentis ad hoc necessitatis exponunt. Dudum siquidem multitudinis hominum eiſdem  
 „ Ecclesiis, & nobilibus ſubditorum de diœceſi Reatina, & aliis vicinis partibus, ex diuer- 10  
 „ ſis caſtris, villis, & locis conſpirantis in vnum factioſa præſumptio, in eam ſpirauit, & tan-  
 „ dem prorupit temeritatis audaciam, quod iidem ſatagentes iugum originariæ condicio-  
 „ nis abiicere, & Ecclesias, & nobiles prædictos, quibus tenebantur ad varia, non ſolum  
 „ debitis defraudare ſeruitiis, verum etiam de multitudine confidentes, ſicut euident in-  
 „ dicauit effectus, opprimere: illiſque præſſe: quibus & diu ſubfuerant: & ſubefſe, de ſuæ  
 „ condicionis debito tenebātur: à quondam Conrado nato quondam Frederici olim Ro-  
 „ manorum Imperatoris, qui regnum Siciliæ poſt ſententiam deſolutionis, & priuationis  
 „ latam in Imperatorem eundem, occupatum tunc temporis detinebat, iniquis, & frau-  
 „ dulentis perſuaſionibus obtenta licentia, ciuitatē conſtruere præſumpſerūt: cui A Q V I L A 20  
 „ impoſito nomine, ſe pullos Aquilæ operibus exhibentes, lamberunt Eccleſiarum, & no-  
 „ bilium ſanguinem: non ſolum Ecclesias, & nobiles ipſos ſpoliantes, & ad pauperiem de-  
 „ ducentes extremam: immo ſacerdotes, & alios varios clericos, nobiles quoq; ſuos etiam  
 „ dominos immaniter, vt multorum habet aſſertio, trucidantes. Hæc fili tantæ iniquitatis  
 „ congregatio, tam iniquis vacabat operibus, tam ſceleſtis negotiationibus intēdebat, pro-  
 „ pter quod colligationes impietatis, vt firmiter creditur, potentia diuina diſſoluit: & ciui-  
 „ tas eadem redacta eſt in cinerem, & fauillam. Nunc autem pro ipſius reparatione, ſicut  
 „ aſſeritur, apud tuam ſerenitatem inſtatur. Inſtant quidem ipſius olim incolæ, vt in Eccle-  
 „ ſias, & nobiles eoſdē, eo truculentius inſurgant: quo auidius ſumerent, vel manifeſtam,  
 „ ſi facultas concederet, vel ſaltem occultam de prædicta diſſolutione vindictam. Ad tuam  
 „ igitur clementiam Eccleſiæ, & nobiles memorati conſugiant: te ſolum conſugium, in 30  
 „ articulo tantæ neceſſitatis agnoſcunt. Sperant proculdubio, quod non deſit Eccleſiis, &  
 „ nobilibus tua protectio: cū de illis Chriſtianiffimis, & illuſtribus ſis progenitoribus edi-  
 „ tus, qui præ cunctis dignitatis Regiæ participibus, trabea Chriſtianitatis, & nobilitatis  
 „ ornati, & ſingulari fauore manu tenuerunt Ecclesias: & nobiles fauorabiliter protexe-  
 „ runt. Nos itaque, qui prædicta referimus, ſed non aſſerimus, ſerenitatem Regiam pio, &  
 „ paterno rogamus affectu, quatenus circumſtantiis tanti diſcriminis prouida deliberati-  
 „ one diſcuſſis, quod animæ tuæ ſalubrius, famæ conſultius, & patriæ vtilius  
 „ fore putaueris, prudentia Regia proſequatur.



383  
BERNARDINI  
GOMESII MIEDIS  
ARCHIDIACONI SAGVN-

TINI, CANONICIQVE VALENTINI,  
de Vita & Rebus gestis IACOBI I. Regis Aragonum,  
cognomento expugnatoris,

*Libri XX.*

AD

JACOBUM AUSTRIUM


Hispaniæ ac Indiarum Principem  
Philippi F.



*Anno Domini MDCV.*



## AUCTOR LECTORI S.



QVOD olim Apelli pictorum nobilissimo honori fuit, atq;  
 summae ascriptae prudentiae: id ipsum imitaturum mihi haud  
 omnino fore puto indecorum. Ille etenim (auctore Plinio) 10  
 perfecta opera proponebat in pergula transeuntibus, atq;  
 post ipsam tabulam latens, vitia, quae notarentur ausculta-  
 bat. Vnde à conspectante sutore reprehensus, quod in cre-  
 pidis una intus pauciores fecisset ansas: statim artifice de  
 artificio suo credens, erratumq; agnoscens, emendavit. rur-  
 sumq; postero die, eidem circa crus cauillanti indignatus, è  
 latibulo respondit: Ne supra crepidam sutor indices. Per simili equidem exemplo fre-  
 tus, Iacobi Regis historiam breui, ut fateor, spatio temporis à me confectam, cum ali-  
 qua nominis mei iactura, nec sine multorum efflagitatione, properè in vulgus edendam 20  
 permisi: planè ut vitia, quae in ea non defutura credo, & quae, ut patri in filio, sic aucto-  
 ri in opere, nimius quandoq; amor non sinit animaduertere, integro, ingenuoq; Lectori  
 notanda proponerè, deq; his à multis absens, quod à paucis vox datur coràm, liberè ad-  
 monerè: plura quippe vitia scriptori proderet, vel uno mēse euulgatus liber, quàm si in-  
 tegra annorum, ut vult Flaccus, enneade domi prematur: quae enim in edito posita  
 sunt, multò curiosius, contentiusq; quàm quae sub obscuro, defiguntur. ut scilicet notata  
 illa, in altera editione diligenter animaduerti possint: ea praesertim, quae ad verita-  
 tem historiae pertinent. Nam sicuti nulla fere est historia (sacram semper excipio) quae 30  
 non aliquibus sit, aut imbuta erroribus, aut discrepantiis subiecta: Ita neque ulla rur-  
 sum verisimilior, quàm quae multorum simul consensu, atq; constanti fama approbatur;  
 ut errare quidem cum excusatione nunquam melius possit scriptor, quàm cum Anna-  
 les suos, non ex lectione modò librorum, sed ex memoria viuorum, in qua mortuorum,  
 ut aiunt, vita spectatur, curiosè, nec sine delectu expressos confecerit: quosq; dum vi-  
 xerit, retractationi semper paratos habuerit. Atq; utinam fieret, ut unusquisq; scri-  
 ptor solerter sibi hac in parte consuleret innatamq; philantiam comprimeret; neq; ante  
 sui victoriam, quae in operis communicatione, emendationeq; sita cernitur, triumphum 40  
 appeteret: & qui in animum induceret, longè esse feliciores artis, ingeniiq; quàm na-  
 turæ partus; quod hi, quales ipsa attulit, excipiendi sunt: neque si vitiosi fuerint, facile  
 emendari possunt: illi vero, etsi eduntur deformes, tamen eodem ingenio auctore cultore,  
 potissimum adhibita multorum communicatione, perficiuntur. Nam perinde ut ea,  
 quae ex ære conflantur, multa licet rubigine, & quasi scabritie obducta, deformia pro-  
 dierint, tamen accedente lima expoliuntur, & splendidiora fiunt: sic ipsos ingenii fœtus,  
 si multorum animaduersorum cum vellicatio excitauerit: tum erudita quoq; castiga-  
 tio limauerit, haud dubiè, decenter hæc eos, & quàm venustè perpolient. Dummodò  
 animaduersores ingenue potius, quàm fastidiosè de quaq; re iudicent: neq; pro uno, aut  
 altero inuento errato, vel si plura sint, illicò absentem auctorem in reos referant: ac mo-  
 dò opus in vniuersum minimè, antequam perlegerint, reiiciant; minusq; singula, nisi qui  
 fuerint eiusdem musæ amuli, improbent: ne una cum sutore in Apellis reprehensionem  
 incurrant. Meminerint etiam naturam nihil magnum (ut inquit Plinius) genuisse ci-  
 to; neque ipsius imitatricem artem, nisi aut diu multumq; versando: aut potissimè com-  
 municando, rem ullam perfecisse. Auxilium enim sibi magnum se adiunxisse putat, qui  
 cum



cum altero, maiusque si cum multis, rem communicauit. Quod ipsum ego, Lector candidissime, à te lubens expecto, qui nec admoneri grauabor unquam, nec corripì, emendari in quoquomodo erubescam; quoad tanta, tamque excelles inchoata à me historia, animaduersione tua repurgata, perfectaue, ad posteros transmittatur. Non enim dubito illos (quæ summa est, atque innata bonis omnibus, tum veri intelligendi, tum falsi reiiciendi cupiditas, studiumque) & animaduerti tibi, & emendenti mihi, magnam, perpetuamque gratiam habituros. Quapropter prudendam tuam inuoco, imploroque; ut dum alios cauillantes, alios obrectantes, ausculto; tu demum, non tam eorum, quæ ineleganter, quàm quæ imprudenter scripta inueneris, futura editionis gratia, me admonere non desinas. Vale.

AD

## IACOBVM AVSTRIVM

PHILIPPI F. HISPANIÆ, ATQVE INDIA-

RVM PRINCIPEM, BERNARDINI GOMESII MIEDISIN Libros de vita, &amp; rebus gestis IACOBI primi

• Regis Aragonum,

PRÆFATIO.

**V**ETVS & illustris fama de Iacobo primo Rege Aragonum, cognomento expugnatore, cum toto orbe, tum apud Aragonensium Regna, ubi potissimum sua ille vestigia impressit, ad hanc usque ætatem tanta percrebuit (Iacobe Princeps) ut ex his nulli sint populi, nullique homines, qui non cum charitate aliqua, & beneuolentiâ, illius memoriam usurpent; eiusque pergrauæ, ac persanctum nomen in Regibus, summo cum honore colant. Pro certo enim habet, hoc ipsum nomen, quod ab huius ortu Regis, tot, tantisque clarum miraculis, sequuta sunt vitæ facta præclarissima; paria, similiaque cuius nostrorum Principum, qui illud præ se tulerit, allaturum. Id, quod nascenti tibi ausi sunt præfagire: nam dici non potest, quanta omnes in suis urbibus & municipiis exultarint lætitia, quantoque triumphare gaudio cœperint, ut primum auditum est, Iacobi nomen, nutu Philippi patris, in illius Regis gratiam tibi impositum fuisse. Aureum quippe illud sub ferro sæculum, quod idem, tum armis prudentiæ, tum bellicis, atque imperatoris virtutibus condiderat, à te, sub tanto exemplo ac nomine, orbi restitutum iri putant. Nec vero mirandum est, quod illius nomini, ac exemplo vitæ tantum tribuant, ut iisdem te insignitum, alterum Iacobum euasurum existiment. Nam ut ipsius quidem Regis expressa imitatione pietas, imitatores diuino quodam quasi afflauit numine, & ad summa erexit; sic eius bellica virtus, rei que militaris, vel adubrata scientia, permultos non modo laudum æmulos, ac sectatores effecit, verum ad eas etiam literis, ac sempiternæ memoria mandandas, historicos non paucos pellexit. Quibus ne exaggeratione orationis à veritate historiæ discreparent, neve hanc in posterum ullo obscurare commento possent, Commentarios rerum suarum ipse fidelissimè conscriptos, tanquam normam, ad quam sua illi scripta dirigeret, reliquit, eosque; ut vir bonus, atque simplicis veritatis amicus non tam verbis, comptaque oratione ornare, quam rebus, atque nuda factorum enumeratione persequi curauit. Hæc enim tanta; tamque præclara extiterunt, adeoque illustra & gloriosa, ut iure quidem cum omnibus tam superioris, quam inferioris, quam etiam suæ ætatis factis comparari posse videantur.

Tomus III.

Kk



Nam si antiqua respexeris, atq; inuictū animi robur, & magnitudinē, quib. se Iacobus in Regiis, Imperatoriisq; munerib. ab ipsa prope infantia susceptis, atq; annis plus sexaginta administratis, cum prioribus conferas; nullos ante ipsum Reges, nec Imperatores eo superiores inuenies: Si suae aetatis Principibus opponas, non solum usu, tractatione armorum, consilio, felicitque rerū exitu, cunctos superauit; verū pietate ac religione (uno excepto Ludouico per sancto Francorum Rege) reliquis excelluisse cognosces: Si ad nostros referas, is demū fuit qui nō Aragonensis tantummodò, sed totius Hispaniensis Imperii solus fundamēta posuit, eaq; tā veris, solidisq; iustitiā, ac religionis tanquā firmamenti fixit, ut tantū abest, ut illud suis unquam sedibus conuelli potuerit, ut amplius, atq; adeò in immensum semper accreuerit. Tria enim Regna, Baleariū, Valentiniū, & Murcienſe, ē regione Africa, ē farracenorū manib. eripiens, ac non solū armis, sed optimis legib. atq; vera religione prāmuniēs, Afros à quib. antea Aragonensium, & Castellani cēpta, magniq; conatus infringi, ac impediri consueuerāt, repressit penitus, strenueq; coērcuit. Tā frequētes siquidē in Valentiniā, & Catalanam orā, Afrorū cū magnis classib. & exercitib. transgressiones fieri, totq; incendiis, rapinis, ac depopulationib. cuncta p̄p̄inqua Regna vastari solebāt, ut tā Aragonēses cū Afris, quā cum Sarracenis Granatensib. Castellani, cōtinuis implicati bellis, nullas extra Hispaniā expeditiones antea suscipere, nihil se dignū foris gerere potuerint. Reges autē, qui successere Iacobo, ipsius militari disciplina & exēplis instructi, nec nō et̄iſce ab eo expugnatis Regnis, domiq; firmato p̄sidio, freti, cōpressis Afris, plures in exteros expeditiones susceptas, p̄spere & quā glorioſe cōfecerunt. Nā ut Regū Aragonēſium Annales vere colligunt, ipsaq; res testatur, & Siciliā illico Rex Petrus, cognomēto magnus, Iacobi filius obtinuit; & Sardiniā Iacobus II. illius nepos, duce Alfonso cepit; & Calabriā, totumq; Neapolitanū Regnū Alfonsus primus illis adiunxit. & Ferdinādus abauus tuus, cognomento catholicus, illud à Gallis interceptū, Ferdinādo Gonſaluo duce, recuperauit: ac demū Carolus V. Caesar, tuus auus, Mediolanēſes in suā, Imperiūq; Hispaniēſis potestātē redegit. Accesserat, q̄ idē Ferdinādus paulo ante, matrimonio Isabellā Reginaē Castellā, copulatis utriſq; Regnis, atq; iunctis viribus, Granatensē Regnū potentissimum, & octingētis annis in medio ferē Hispania Sarraceni retinuerāt, armis subegit tandem atq; Imperio adiecit. Quinetiā ipsius sumptib. & auspiciis, nonne nouus ad Occidentē orbis repertus est: ac protinus ab eodē Carolo, maiori quā credi potest, cōpendio & gloria expugnatus? Siquidē imperāte ipso, classeq; ac exercitus mittēte, an nō ausa est sola Hispana gēs p̄ immensū ac nunquā antea tranatū Oceanū ad Occidentales Indos nauigare? atq; Aequinoctiali traiecta linea, alterū orbis axē à Romanis vix olim conspēctū, tenere? ibiq; maiora & opulētiora, q̄ usquā, Regna vicapere? victosq; ipsorū Reges cū interimere: tum vna, aut altera cēturiā militū, innumerabiles exercitus p̄fligare? quoad ea tandē in puincias q̄ magnitudine, duas, vel tres aequāt Europas, redegit: In quas, & colonias multas deduxit, & diuino aspirāte numine, vniuersas ad Christi religionē traduxit? Ut appareat Hispaniēſe Imperiū ex eo quod iisdē, quib. à Iacobo initum, ac fixū firmamētis, à successorib. amplificatū quoq; fuit, atq; glorioſe p̄ductum; in ampliōrē quā vbiūſ gentiū, magnitudinē dilatātū fuisse, ac in sempiternam Christi gloriam propagatū. Adde, nullo unquā pratermittenda silentio, quā tui etiam abauis clarissimi Lusitanorū Reges tertiā ferē Hispania partem tenentes, virtute ac religione ducib. similia p̄ id tēpus facta quā praeclarissima gesserant. Ad Australes enim Afros, & Oriētales à leua Indos, aureā usq; Chernosenesū nauigantes, incredibiles, mireq; glorioſas inde victorias cū amplissimis spoliis, subactis populis, retulerūt. Vt mihi sane pares, aut certē maiores triūphos, victoriasq; illustriores, quā olim sua Romanis aetas, nostra nobis attulisse videatur. Neq; video p̄fecto, cur Philippus pater tuus superiorib. nō sit omnino praeferendus, ac etiā Augusto logē felicior habendus. Ille etenim tra-



ditum sibi à C. Iulio Casare Romanorum Imperium, in huius umbilico positus, atque extrema quaquaversum omnia ex æquo regens, conseruauit quidem, summique inde conseruatoris nomen iure promeruit: At verò Philippus Indicum Occidentale Hispaniensi adiunctum, quod ei Carolus pater longè latius, quàm fuit olim Romanū tradidit, quamuis immenso prope maris interuallo dissitum, non conseruat modò, acerrimeq; defendit, sed in eo nunc totus est, ut & augeat, & noua Lusitani accessione Imperii, conduplicet: donec illud ad te tandem, latius, opulentiussque quàm accepit, transferat. Quamquàm equidem, Iacobe Princeps, tantis augendo ditionibus, totque in Regna successuro tibi, neque plura certe, neque ampliora iis, ullo modo desidero; numē autem: & sapientiam ad ea omnia optime, feliciterque administranda, & regenda, sicuti Solomoni diuinitus concessa sunt, neque Iacobo, tuisque maioribus negata, quàm maxime tibi, inquam, exopto; immò verò ad futura spero. Siquidem mirifica, ac suavis illa, quæ hac tua sub ætacula in te indoles elucet, magnam plane omnibus spem affert, fore aliquando, ut in te uno, eiusdem Iacobi, ut nomen, & fama, sic res, sic exitus, sic felicitas, & consecuta gloria consentiāt. Huius ergo herois vitam & res gestas, viginti à nobis comprehensas libris, iccirco tibi despondimus, ut omnium, qui ante fuerunt, Regū, maximorumque Principum virtutes, & præclara facinora, in uno Iacobo, tanquam in speculo contemplanda, atque imitanda proponeremus; ut ex iis perinde ac ex infinita sylua quadam, virtutum omnium, atque actionum præclarissimarum, uberrimos, amplissimosque possis fructus colligere; quibus tam pace, quàm bello, tam domi, quàm foris, hæreditarium Imperium, cum bene fausteque regas, tum tuorum sequutus exemplum, longius, latiusque propages, atque cum vera religione defendas. Vale.



# BERNARDINI GOMESII

## MIEDIS, ARCHIDIACONI SAGVNTINI, DE

VITA ET REBVS GESTIS IACOBI PRIMI REGIS

*Aragonum, cognomento expugnatoris.*

LIBER I.

AD IACOBVM AVSTRIVM, HISPANIAE,  
atque Indiarum Principem, Philippi F.



IACOBI primi Regis Aragonum, cognomento expugnatoris, res gestas breuiter, summatimque scribere aggredior: vt cuius diuina viri virtus, quantum se, duce gloria, in eazlū tollit, ac ceteris Hispanis longe ante it rebus; tantum facta etiam prodantur in apertum, atque in vniuersas gentes, ad quas eiusdem fama peruenit, stylo peruehatur. Operæ pretium enim me nostris facturum puto, si præcipuas virtutes bellicas, quas in Alexandro, in Pyrrho, & Cesare, summis olim Imperatoribus, sigillatim admirari mortales solent; easdem simul in Iacobo, cum mire expressas, tum ab eodem præclare orbi redditas fuisse ostendero. Nam & triginta ipsum prælia, quibus interfuit, commisisse; & totidem ex eisdem victorias gloriasse reportasse; & tam sæpe conspirantes in se populos, supplices admisisse; neque demum anno integro ex sexaginta, quibus regnavit, à bello vacasse; an non hæc superant, aut certe exquant ea, quæ de superioribus conscripta leguntur? Vnde tot eius, tamque præclara facta, quæ hætenus sermone duntaxat Hispano donata, domi quasi delitescabant, vt communicare exteris, Latino conscribenda duxi. A quo planè cœpto, quamuis ingenii mei valdè me retraheret imbecillitas, atque ipsa potissimum rei magnitudo terreret, & quasi à via deduceret; reduxit tamen, atque in proposito, susceptoque consilio permanere fecit eiusdem pulchritudo; qua tantopere ad huius vitam & acta Regis commemoranda afficior; vt amore, quo nihil est ingeniosius, sperem me quidem, aut victurum expectationem; aut si minus rei perfectionem; at conatum & adumbrationem expressurum: quandoquidem longè maiora sunt, & grauiora, quæ me ad progrediendum inducunt, quàm quæ ab incepto deterrent. In primis quidem historia, cuius præcipuus ad perennitatem genius est veritas, ab ipsomet Rege non modo per diligentem dictata, verum etiam inter arma, ne quippiam excideret, hasta quandoque in læuam conuersa, dextra arrepto calamo exarata; & quamuis ineleganter, duroque stylo, pro iniuria temporum; summa fide tamen, atque accuratè perscripta; ideoque calcaria mihi certè fuere acrius ad hæc conscribendam adhibita. Quid enim, veritate duce, ipsaque Regis mente comite, in præsentem mihi non conandū, atque socia quoque diligentia, non aggrediendū existimem? Nam vt in legibus, quarum anima, vt optimè dicunt, est ipsa ratio; hacque inuenta, perfacilis est illarū interpretatio: sic in historia, si Dux occultas interdū, aut incundi, aut differendi prælii causas & rationes, quæ multū habent momēti, quasque is solus mente tenet, explanauerit; profectò Annales suos, cum summè illustrabit, tū aliis, etsi elegantiore, multo veriores, atque cōmendabiliore conficiet. Præterea adauget institutū illorū veluti puritas temporum, eorumque hominū non lubrica; sed bona ubique fides, atque vnicè in bello, cū fama honos propositus. Quin neque vllis prope dolis, nō fraude, aut insidiis; sed vera quidē virtute, atque aperto Marte, ab illis frequentata militia: vt facilè, ac in promptu sit scribenti, ex factis, quæ cernuntur, mentem, quæ non videtur, colligere, eandemque simul currenti calamo suggerere. Præterquā quòd illa ipsa militia, neque maioribus ad sui vsum machinis, tormētisve muniebatur, quàm quibus, summo licet labore fabricatis; ingenio tamē haud valde magno obfisti posset. Nam cominus vt gladio, ipsoque impulsu scutorū, seu cōflictu corporū, quā eminens telorū coniectione, atque admotione tormentorū pugnare, longè habebatur valētius. Fecit igitur tam frequēs hic, vt opinor, pugnandi vsus, & exercitatio atque in armis eorū mēs omnis, & cogitatio defixa; vt facultate ac



copia dicendi parum præstarent; cum sermonis non solum latini, sed neque natiui vix vllus tunc fuerit cultus, nō nitor, nec obseruatio: quin potius permistione linguarū, confusa esset, peneq; barbara eorum locutio. Ex quo in subeundis præliis, ad augendos militum animos, breuib; tametsi sententiosis, concionibus duces vsos fuisse comperimus: vsque adeo spretis verbis, in res omnia propendebant. Nam & prouocati ad bellum, ea erat in præueniendo hoste tarditati prælata celeritas; vt neq; matura cunctatione vti sci-  
 10 rent; neq; verbis prius, quā armis omnino agere, sapientius ducerent. Sed hæc tanta verborū inopia maiori alia rerū parsimonia commendabatur, vtpotē qua, nō magnis, prope-  
 que infinitis, vt nunc sumptibus, sed vel exiguis permagna tunc bella conficerētur: more  
 Lacedæmoniorum, quorum spectata, & nobilitata bello virtus, eo magis accrescebat in-  
 dies; quo plūs eorum castra, tum frugalitate victus, tum maxime verborum parsimonia  
 continebantur. Vt facile affirmare ausim, hoc tempore, ab ipsa quidē procacitate, luxu-  
 rieque verborum; nec non auri etiam, atque commeatus redundantia in castris, non  
 modo eneruari militum vires, hostilesque temerē contemni; sed ducum quoque auari-  
 tiam excrefcere; indeque & scienter differri prælia: & discrimina, certaminaque per-  
 quam fœdē vitari: ac neque tam certū confecti, seu turpiter interrupti belli signum mili-  
 tibus, quā ipsam ærarii consumptionem dari. Postremò mouet quā maximē perinfi-  
 gnis tanti viri pietas, atque innata religio, eiusq; persancto studio quodam inflammatus  
 animus, non solum ad impios Christianæ fidei hostes proterendos; sed ad diuinum  
 20 Christi nomen vbique propagandum, adeo intentus, vt tria nobilissima Regna è Sarra-  
 cenorum manibus eripuerit; & ad duo millia templa exædificari, eaque Christo, eiusque  
 matri & Virgini dicari curauerit. Quæ sola pietas vsque adeo sanctissimum ac probatissi-  
 mū quemque virum prouocare debet ad illius conscriptionem historię; vt & religioso  
 quouis dignam eam auctore; & à me humili sacerdote non alienam putarim. Nam Re-  
 ges quidem, officii munerisque sui admonere; & præstantissimorum exemplo Regum  
 proposito, ad optimam Reipublicæ administrationem traducere, nonne id bonum per  
 se est, honestum & commemorandum? Illorum igitur temporum, atque hominum in-  
 stitutis, & præliandi vsu, leuiter perstrictis; immo & necessario præmissis; vt pote quæ ad  
 dilucidam explanationem historię non parum sunt luminis allatura; lectorem præmo-  
 30 nitum volo, me quæcunque hac tota commentatione de Rege, eiusque factis, atque di-  
 ctis expressero, non ab obuiio quoque illa temerē, ac sine delectu; sed ab ipsamet Regis  
 atque eorum, qui viuenti ab epistolis, seu à commentariis fuerunt, conseruata historia,  
 excepisse omnia; eaque diligenter etiam cum historiis, qui ætate nostra in suos Annales  
 ipsius res gestas Regis retulerunt, fideliter contulisse. Tametsi autographum, siue pro-  
 priam ab ipso Rege conscriptam historiam, tanquam reliquis longē veriore, frequen-  
 tius mihi insequendam propono. Eam enim non quibus diximus rationibus tantum-  
 modò; sed hac potissimum reputo veriore, quod longe sit, atque à decore, & maiestate  
 Regia alienum, Principem, coram quo lege vetitum est mentiri, ipsum publicē, perpe-  
 tuoque sibi ac posteris mentitum fuisse: seu quoquomodo permisisse, Commentarios su-  
 40 os, in quibus perpetuæ suæ commendationis ac famæ fundamenta posuit, edi commen-  
 titios. Quapropter, vt ad rem veniamus: quoniam breuitas in dicendo satis nobis curæ  
 est: perspicuitatem oratio conabitur, veritati præcipuam operam dabimus. Sed antequā  
 Regis ortum ab admirabili, ac inexpectato eius conceptu incamus, præmittenda sunt,  
 quæ de clarissimis eius auis, Guillermo Mompellerii Principe, in Narbonensi Gallia; &  
 eius coniuge Mathilda Imperatoris Græcorum filia, deque amborum nuptiis explanan-  
 da occurrunt: quandoquidem ab eo ipso connubio, quasi à venusto quodam, atque ho-  
 nesto pellicatu, historiam suam Rex fuit exorsus.

Alfonfus II. ab Arista primo, XII. Rex Aragonum, ac etiam Cataloniæ Princeps  
 (qui duo potentatus magnam citerioris Hispaniæ partem continent) vt primū in eos  
 50 patri successit, inclyto, se, matrimonio illustrare cupiens, legatos cum litteris Constanti-  
 nopolim ad Emanuelem Imperatorem misit, cui nunciarent, se cupere illius filiam, no-  
 mine Mathildam, nulla constituta dote, dari sibi in matrimonium. Annuente Imperato-  
 re, cui iam diu nota erant Regis, illiusque maiorum nobilitatæ bello virtutes, atq; poten-  
 tia Regnorum: sponsalium fide mutuo hinc inde data: curaque omni deducendæ in  
 Hispaniam sponsæ Imperatori relicta: legati protinus ad Alfonso remigrarunt. Interea  
 Alfonso Castellæ Rex, Imperator Hispaniarum dictus, intellecta legatione matrimonii  
 causa expedita, Alfonso simili legatione, & litteris sollicitauit, vt Sanctiā filiam, genere  
 & pulchritudine nulli secundam, vxorem duceret, eamq; vt cuius præferret, cū multis  
 de causis, tum hac potissimū impetrauit, quod hoc idem matrimoniu à Raimundo Prin-



cipe longè antea fuerit initum, sed interuentu belli, infectum illud, non reiectum; ideoque consecutam concordiam, esse quoque eiusmodi matrimonio stabiliendam, postulauit. Vnde Sanctia ad Alfonso deducta, publico atque celebri matrimonio cum illo coniuncta fuit; cuius rei illico fama in omnes partes dimanauit. Interim Emanuel Imperator, nulla de pellicatu re intellecta, præparatâ filiâ vni ex præstantioribus Antistitibus. Ecclesiasticis, ac duobus magnis Imperii proceribus, deducendâ commisit. Iamque iter ingressi longissimū, atque difficillimū, decem prouinciis peragrat, tandem superata Gallia, in Narbonensem, ad urbem Nitiobrigū regiā, nunc Mompelleriū vocatam, peruenerunt, quæ triginta dumtaxat passuum millibus, ab Hispaniæ finibus determinatur. Vbi à Guillermo eius urbis, ditionisque Principe, qui aduenientes hospitio exceperat honorifico, atque tanti itineris caulam suspicabatur, de prærepto à Sanctia matrimonio facti sunt certiores. Quo pertristi audito nuntio, stupor inuasit omnes: & tanquam peregrini, & deserti, non consilii modò, sed cōsolationis omnino inopes, Principi ut fidei hospiti, itineris sui causas, & inanes progressus exposuerūt; ab eoque obnixè petierūt, ut in tam subita, aduersaque permutatione rerum, quid facto ipsis opus esset, consuleret: pgerentne atque prioris sponsæ præsentia Regiū os turpis inconstantiæ, ac perfidiæ labe suffunderet; an potius intermissis omnibus ad Imperatorem remigraret: quandoquidē iureiurando sese omnes obstrinxerant, ut quoquomodo matrimonio filiæ impedito, eandē hospitem ad ipsū reducerent. His auditis Guillelmus tantæ Principis contumeliā, atque iniquā miseratus sortem, consolari primò ipsam, post verò mentē & oculos in eandē cœpit iniicere: atque ex mala illius fortuna, fortunā sibi bonā elicere cogitauit. Vnde cautè dolere se quā maxime respōdit, atque iniquo ferre animo eius vicē Principis, non extorris modò patria, sed desertæ, & ludificatæ: eoque mirari magis humanarū rerū inconstantiā, cuius vis tāta esset; ut ad Reges etiā, quorum summa est virtus constātia, & peruenire illa, & regiā dolo malo fidē oppugnare possit. Verū angī quidem multò vehemētius, ob negotiū ita plane inenodabile, ac implicatū, ut vix, explicari posse illud, quispiā credat. Sed quoniā multa, quæ natura impedita sunt, consilio expediūtur: dari sibi tēpus petiit ad illud meditandū, atque cum suis urbis proceribus consulendū. Itaque Guillelmus cōuocato Senatu, in quē patricios iuuenes nonnullos, quos mētis suæ fecerat participes, intrare iussit, ipsisque ea, quæ cum Principe hospita, & suis egerat, exposuit: quantisque ipsa angoribus atque difficultatibus rerū, quamque miserabiliter premeretur, tā ex repudio Regis quam ex peregrinatione, atque immensa longinquitate à suis: quodque non opes, sed consiliū dūtaxat, quo se ab iis explicet angustiis, implorauerit, & se illi daturū promiserit. Proindeque hospitaū utile, sibi autē honorificū esset consiliū, ab ipsis reposcere: non enim prætermittendū quicquā, quoad se, suaque omnia pro tanta Principe impederet. Quod si & ex re, & ex tempore, & loco, nata sibi esset occasio, quam eorū consilio & ope fretus ipse captare deberet: neque amittendū illam, neque se sibi defuturū vnquā conclusit. Quo tante, quamquā de re grauissima diutius in varias partes disputaretur; tamen iuuenibus prius dicere iussis, horū sententia fuit, ut consiliū, quod hospita daturus erat Guillelmus, sibi caperet: ac quoniā diuinitus videretur factum, quod à patre eā longinquo missa virgo Regia ab Alfonso autē spreta, apud ipsum domi haberetur, stabili sibi eā connubio iungeret: non enim eū, tam inæquali prognatū sorte, neque genere & sanguine tam esse infimū: quin atavis etiā Gallorū Regibus sit editus: quin recens ex ephæbis excedens adolescens, tum viribus & præstantia corporis, tum dignitate & maiestate oris, heroē referat: atque dotibus quoque animi perquam multis, Principes, ac Reges quosuis exequet. Nec dispar admodum Imperium est, quando illud non vastitate, sed situ, & amœnitate terrarum, quale Mompelleriense est, & fertilitate agri, & vicinia ac commercio maris, & cœli, solique benignitate præcellēs, commetiendū sit. Ac si tandem cogitet ipsa, se derelictam, indoratā, ac repudiatam mansisse: inueniet profecto, huiusmodi connubio, sortē sibi bonā ex iniuncta contigisse. Nullā igitur ei optionē dandā esse, sed indicendum, in solo connubio salutem repositam, eiusque consensum, aut prece, aut honesta vi tandē esse procurandū. Quam sententiam, quæ ab vno ex iuuenibus dicta est, cum reliqui eiusdem ordinis approbarent, atque ad viriliter exequendā illam, se, suaque omnia impensuros promitterent: quidā ex Senatoribus grandæuus, atque omnium experientissimus, non tam refellendi, quam illorum dicta confirmandi gratia, sic est loquutus. Non equidē putaram, Princeps Guillelme, celerem iuuenum deliberationem cum maturo senum consilio tam facile conuenire posse, ut ab illorum sententia, ne discedere quidē, tantum abest, ut eam nunc refutare velim; vique adeo facinus hoc, quod ex sententia iuuenū machinari videris, tametsi anceps, ac audacissimū: maiori tamen in parte, & perinsigne est, & quidē præclarissimum: nosque ad suscipiendum ipsum, multis nominibus: ad declinandum, perquam paucis, adhortatur.

Nam



Nam et si vnica tantum, atq; efficax ratio sit, quæ te ab eo detertere potest, utpote qua, & diuino, & humano teneris iure, ho spitem dimittere qualem acceperis; neq; liberū est, ho spitiū ius cuiq; violare: at illius quidē violandi occasio nunc rāta est, ut quæ regnādi causa datur, maior esse nō possit. Ea. n. ex hisce nuptiis ad futura tibi bona prælagire audeo; ut si ex mediocri in summū euehi Principē, atq; cum Regio, Imperatoriove Principatu tuū adæquare cupis; profecto nulla se tibi occasio præsentī offeret vnquā commodior. Si enim Imperatoris filiā vxorē ducis, spē quoq; Imperii tanquam sponsam, haud dubiē, tē puta ducturum. Nam vnico vxoris fratre germano Alexiō Imperii successore decedēte, ut facile est, vxoris quoque iure, te ad Imperii successionem vocari; ita ille interim viuēte, affinitatis gratia, per dignus es, qui vnus ex summis Principibus habearis; quique per susceptos ab vxore filios vtriusque sexus, regias etiam affinitates ambire possis. Quod si illatam inde Emanueli patri contumeliam pertimescis; bono te animo esse volo: ea enim mihi crede, nulla est, si cum insigni iniuria, quam eidem fecit Alphonsus Rex, comparatur. Siquidem inter spretum, & acceptum coniugium, tantum quidem interest, ut qui ab alio spretam sponsam duxerit, non tam sponsæ famæ, quam eius parentum honori consulere, beneque de ipsis mereri videatur. Quibus de causis nedum beneuolam coniugii approbationem; sed maiorem, quā iniuria sit, gratiam cum socero te iniurum puta. Vnde, magis te virtute, animosior esto; atque facinus felix prosequere. Nam si audaces cæca sæpe iuuare fortuna solet, num tam vnanimi omnium consensu, atque cōfilio duce, quasi numine à cœpto desistes? Quæ cum ardore plusquam iuuenili prosequeretur senex, vniuerso acclamante Senatu, interruptus est eius sermo; atq; vno ore cuncti, se, Guillelmo ad omnia paratos obtulerunt. Verū non per Guillelmū, sed per duos destinatos ad id optimates, hospites, atq; suis Senatus decretū denuntiare statuerunt. Id cum illi exposuissent, tandem subiunxerunt, tam esse id iam à Guillelmo Principe, eiusque Senatu diffinitum; ut nulla reliqua esset eis, tanquam è cauea elabendi spes, nisi connubio dominæ iter aperirent. Cum igitur reclamantes illi, ac rem tam fœdam, barbaram, & iniquam, iusque omne hospitii, atque humanitatis violatum obicientes, ne quicquam proficerent; ac neque vllus cum Imperatore consultandi locus dareretur; consilio inter se habito decreuerunt; maius cū minore malo cōmutare: quin & cōsensu Principis ac Dominæ suæ pacisci cum Guillelmo (quem iam propter huiusmodi facinus, alioqui audax, virum quidē non ignobilem, sed strenuum, atq; magnanimum reputabant) ut si cōnubio decernēda res esset, promitteret, vna cum vniuerso Senatu populoq; Mompelleriēsi, perpetua sanctione fieret: ut proles quæcunq; ex coniugio nasceretur, seu mas, seu foemina, in Principatum hæres succederet. Quæ conditio à Guillelmo accepta, à Senatu verò approbata, ab vniuerso populo sanctione quoque perpetua, fuit comprobata. Itaque depulso mœrore, & lachrymis, nuptiæ plenæ dignitatis atque concordie, plenæque splendoris ac mysterii, diuino copulante hymenæo, coniunctæ fuere: nec non remigrantibus Constantinopolim sponsæ comitibus; totq; ærumnas, & discrimina, cum optimo rerum euentu, Imperatori enarrantibus, ab eodem quoque approbatæ. Ac non multo post concipiente Mathilda, partu edidit foeminā, cum singulari populorū læticia & effuso gaudio, quæ Christo nomen dedit, ac vocata est Maria, de qua postea ortus est Iacobus. Sub hæc autē, quæ gesserit Guillelmus, quātumq; à seipso defecerit: ac q; pessimū ingrati animi vitiū cum libidine cōmiscuerit, ostendamus. Namq; ut est hominum ingenium in libidine, quo magis rem quamque concupiscunt; quo ve audius in eam feruntur, cō quidē magis obtentam, aut spernant protinus; aut præ satietate, quam capiunt, varietatem, vel in peius quærant: sic quoque Guillelmus, cui non satis fuit cum tam paruo Imperio, & opibus, interceptam Imperatoris filiā, Regi destinatam sponsam, nullo negotio, in matrimonium duxisse; ab eaq; clarissimam prolem suscepisse: nisi quod, imperāte luxuria; cum ab vxore secesserit, tum ea viuente, aliam nomine Agnetem Hispanam duxerit: talesque ex ea filios habuerit, ut ausus sit nati maior Mariam legitimam vniuersorum hæredem ab hæreditate expellere. Nam ea de re, lite, & controuersia, inter eos orta, ac coram summo Pontifice contestata, vniuersa Mompelleriensis hæreditas, iusque omne, Mariæ, eius quoque rei causa, Romam postea abeunt, ab eodem Pontifice adiudicata sunt, ac Iacobo, ut dicemus, successionē relicta. Ad quem autem, quoniam festinat oratio, quæ acta sunt interim dicamus. Mortuo Perpiniani, quod est oppidum Comitatus Rusciniensis florentissimum, ex graui morbo, Alfonso Rege, quē propter heroicas virtutes, præsertim vitæ continētiam, castum appellarunt; corpus eius honorificè, regieque elatum est ad cœnobium beatæ Mariæ Populeri nuncupatum, ordinis Cisterciensis, nō longè ab vrbe Tarracone, interq; ipsam & Illerdā situm: quod Principes Raymū-



dus, Alfonsi pater, magnificentissimè crexerat; Alfonsus autem multis attributis prædiis locupletauerat, atque muneribus amplissimis exornauerat. In quo, non modo ipse; sed qui postea sequuti sunt Reges Aragonum, quoad in Regna Castellæ successerunt, ferè omnes consepulti fuerunt. Demum illius exequiæ, iustaq; funeris, cum nouédiali sacro; cum magna pompa, imaginibus, cantu, lamentis, & laudationibus, in vrbe Cæsaraugusta Aragonum metropoli celebratæ sunt. Itaque tribus ab Alfonso ex Sanctia Regina relictis filiis, Petro, Alfonso, & Ferdinando, cum quatuor fœminis; Petrus in Regnum Aragonum, vna cum Principatu Cataloniæ successit; adiunctis Ruscinonensi, & Pallariensi comitatibus: in quibus non à principio, sed pro tempore, atque ex testamento Reges successerunt. Alfonsus autem, comitatum Prouincialem in Aquitania, cum nonnullis propinquis oppidis, testamento obtinuit. Ferdinandus verò, à patre destinatus monachus, religioni consecratus est in eodem cœnobio Populetano. Quin etiam fœminæ, quarum natu maior Constantia, cum Emerico Rege Vngariæ, ipsoque mortuo, cum Federico Imperatore, ac Rege Siciliæ, matrimonio iuncta fuit. Elionora & Sanctia consequentes, parenti ac filio Tolosanis comitibus, collocatæ fuerunt. Vltima verò Dulcis dicta, cœlibem cum religione vitam coluit apud cœnobium Xixenense monialium ordinis sancti Ioannis Hierosolymitani, quod ab eisdem Alfonso & Sanctia Regibus amplissimè structum, & dotatum fuit, propè insigne oppidū Sarinienæ Oscensis diœcesis. Quorum fœminarum mentio necessario habenda est in historiis, vt successiones Regnorum, quæ sæpè affinitate per illas contracta euenire solent, melius innotescant. Petro igitur in Regna succedente, atque vniuersis subditis, magno omnium consensu, salutato Rege, & sacramento adactò, ab eoque plebiscitis (foros nostri vocant) moribus, institutisque maiorum, & Regni Priuilegiis confirmatis, nunciatum est, Mauros eruptionem in Carpetaniam fecisse, ibique parua quædam oppida Regis Castellæ, Aragoniæ fines attingentia cepisse. Vnde protinus adiunctis copiis cum Rege Castellæ, ambo impetum fecerunt in Mauros: quibus repressis, fugatisque, atque ab illis erepta Valeria Carpetanorum vrbe antiquissima, nunc Cuenca dicta, Rex cum magna victoriæ laude Cæsaraugustam reuersus est. Vbi cum ex peruersa domesticorum prauitate, magnæ inter Regem, & Sanctiam matrem discordiæ concitarentur; adeoque inter se dissiderent, vt nisi pro ea sæpè proceres intercessissent, è Regno penitus Rex illam expulset; capta inde occasione, in Aquitaniam se contulit, ad Alfonsum fratrem Prouinciæ comitem, vt quas habebat cum comite Folchalcherio controuersias, componeret. Quibus pacatis, Rex & Alfonsus, florentis adhuc ætatis adolēcentes, moribusque, & ingenio similes; ac in libidinem proniores, ex fœminis, quas habet Prouincia eximiè pulchras, singulas sibi elegerunt, formosissimas quidem illas; sed neque stemmate inclytas, neque Regia ex stirpe (quales decent Reges) ortas: nihilominus tamen easdem in matrimonium propè clandestinum duxerunt. Qua de causa Rex, ac etiam quòd matrè, & proceribus Regni non consultis, id fecerit, nuptias neque publicè, neque cum splendore, & sumptu coniunxit. Ex his nuptiis singulos quoque filios habuerunt; priorem Rex, cui Raimundi Berengarii, auitum nomen imposuit, qui protinus vna cum matre mortuus est. Alfonsus autem habuit alterum, quem simili Raimundi Berengarii nomine donauit. Is patri postea in comitatu successit. Itaque Rex, vxore mortua, cum strenuus, valdeque honoris cupidus esset, quin & diues admodum, ob ingentem ex vectigalibus Regiis tunc asportatam pecuniam, Romam proficisci decreuit: quod magno cum apparatu, & sumptibus, multisq; ipsum proceribus comitantibus perfecit. Nam ex Prouincia soluens, classe Genuensem portum tenuit; indeque Ostiam veniens, fluuio Tiberi inuectus, ab aliquot Cardinalibus, & Senatore, populoque Romano in vrbem deductus fuit, atque Innocentium Pont. de more veneratus, in Vaticano, magnificentissimo hospitio etiam fuit à Pontifice acceptus. Perendino die, Præsentationi D. Mariæ dicato, summus Pont. in ædem D. Pancratii traductus, Regem solenni pompa vrbis à regionibus ouatè excepit. In ea Aede à Petro Portuensi Episcopo, & Cardinali, sacro oleo perunctus, Regium illius capiti diadema fuit à Pontifice impositum, ac regiis insignibus decoratus. Ex quo simul fidelitatis sacramento se, Pont. Max. atque sanctæ Romanæ Ecclesiæ addixit. Inde verò in Vaticanum reuersus, in sacello D. Petri, regiis insignibus depositis, & gladio Pontificis manu accepto, militiæ auctoramentum est professus. Hac ergo causa Regnum tributarium Ecclesiæ constituit, & ccl. Mahozemutinorum aureorum nummorum tributum in singulos annos ab Aragoniæ Regibus conferendum indixit: summa à se proposita mercede, quod Pont. manu diadema sumpisset. Ii nummi à Iucephio Mahozumeto iactati, nuncupatique, qui summum in Mauros Imperium in Hispania obtinuerat, singuli sex solidis regaliū expendeban-



pendebantur & aestimabantur. Hinc Pont. priuilegium Aragonensibus irrogauit, vt ab Archiepiscopis Tarraconensibus coronæ in posterum Regibus Cæsaraugustæ imponerentur: modo cauerent, se id Ecclesiæ præstituros, quod à Rege sancitum fuerat. De qua re, mox proceres, populi que conquesti sunt, quod ex libero Regno, & ab omni onere soluto, Rex stipendiarium constituerit. Quemadmodum hæc, aliaque pereleganter à Hieronymo Surita scriptore diligentissimo, in suis Annalibus Hispanis, & Indicibus Latinis, vnde sumptimus, latius fusiisque perscribuntur. Itaque solennibus coronationis celebratis, Rex in Prouinciam reuigauit; atque Alfonso fratrem, iterum à comite Folchalcherio, renouatis controuersis, oppressum liberauit; rebusque ibi compositis, in Aragoniam se contulit: vbi, sed Cæsaraugustæ potissimum, exceptus est cum triumpho. Interim verò à proceribus admonitus fuit, vt pro beneficio, & quiete Regnorum, de successione cogitaret; animaduertereque, ne amplius nuptias, nisi cum æquali, & se digna vxore coniungeret. Quæ cura Sanctiam matrē maximè omnium angebat: nam etsi Reges vndique filias illi Principes, vna cum successione Regnorum collocandas offerrent, at illa tamē recusare cunctas atq; vnicā Mariam Mōpellerii Principem, nuper mortuo Guillermo eius patre, legitimam Principatus hæredem relictam, exoptare sibi nūrum, ac filio vxorem adiungere nitebatur. Idque non modò propter tot illius coniunctas cum pulchritudine virtutes, vt fama erat; atque Imperatorio quoque sanguine perfusam stirpem; sed maximè omnium, propter nonnullum conscientie angorem, ob præcepta olim matri sponsalia; atque illatam tanti Imperatoris filie iniuriam; quam eiusmodi filiorum connubio compensandam, seu abolendam sperabat. Tamen si non defuerint, qui ad aurem Sanctiam admonuerint; suspicionis famam peruenisse de Maria, teneri eam alteri viro, secreto coniugio, duplicique partu filios illi edidisse. At Sanctia, vt erat magnanima, pertinaxque mulier, atque imperiosa nimis; ac inchoato operi vehementer intenta, non modò admonentibus nullam dare fidem voluit, sed rem regi silentio imperauit, magisque instare cœpit, atque ipsos Regni proceres, ne rumore oborto, Regem à matrimonio auerterent, miris modis in suam sententiam pertraxit; disseminatis in vulgus rationibus, atque commoditatibus, quæ pro matrimonio facerent. Quamquam non multò post Sanctia, suæ quoque pertinaciæ, atque maturati coniugii Regis, non minimas pœnas dedit; renouatis pristinis odiis, atque dissidiis cum Rege; quæ tandem sola morte Sanctiæ dirimi potuerunt. Itaq; annuente Rege, proceres, vt Sanctiæ morem gererent, approbabant cuncta, atque pro matrimonio rationes, quas poterant, suggerebant: nēpe quòd Mompelleriensis potentatus Regi ex matrimonio obueniens, magno foret vsui, atq; præsidio non solum Ruscinonensi Comitatu; sed etiam finitimis Alfonso fratris populis Prouincialibus. Ac insuper, quòd non parū splendoris Regio nomini Aragonū ex matrimonio accederet, ob Mariæ matrem, ad quam, mortuo Emanuele Imperatore, illiusq; fratre Alexio successore, ab Andronico interfecto, ius omne Imperii fuerat deuolutum; ipsoque iure posse Mariam Aragonum Reginam, dici Augustam, tanquam Augusti Imperatoris Constantinopolitani filiam, ac hæredem legitimam. Quamobrem consensu omnium, Petrus Mompellerium deductus, ibique ab effusa populi multitudine cum triumpho excoctus, celeberrimo matrimonio fuit cum Maria coniunctus. Vt iam non humano, sed diuino, quo geruntur nutu omnia, secutum fuerit, vt & Imperatoris iniuria; & eius filie contumelia, & Alfonso inconstantia, eiusmodi regalibus communium filiorum inter se nuptiis, omnino compensatæ fuerint, atq; in integrū honos vndiq; restitutus. Sed quoniam nuptiarum fructus est soboles: iam de insperato, inopinatoque Iacobi conceptu dicamus. De quo profecto, inter illius & nostri temporis scriptores, varius est sensus, scriptioque satis confusa: aliis pauca, eaque succinctè nimis, honestatis causa, vt historia Regis: aliis plura, variaq; ne quid intactū relinquāt asserentibus, in re quidē, cum Rege conuenientibus omnibus, in modo tamen, atq; ordine, quo hæc gesta sunt, non nihil inter se discrepantibus. Quapropter, quæ ex omnibus probabiliora, ac inter se conuenientiora visa sunt, sic in vnum contulimus. Maria igitur nō multò post nuptiarum solemnitas: vel quòd Rex de priori suspicato illius matrimonio aliquid deprehendisset: vel quòd communis Mariæ cum matre fors fuerit; vel potius quòd Petrus virgo, quo fuit libidinis notatus, laboraret: passa est cum illo grauissima. Nam eam quidem Rex, sceminam alioqui pulcherrimam, & honestissimam, non modo spernebat, sed alienas effrænatè concupiscens, sic auersabatur, vt ne cum ea concumberet, loca sæpè mutare consue-sceret: ac si aliquando simul esse, atque sermones inter se palam conferre contingeret, à pulchrioribus Reginæ adolescentulis, siue matronis, oculos nunquam deliceret. Ex



quibus in vnus potissimum perpulchræ, atque spectabilis viduæ personam, mentem, aspectumque omnem infixerat, quæ nuper, mortuo viro, à suis Regina cõmendata fuerat. Id præsentiens Maria, tristis admodum, ac valde anxia futurorum; seque videns sensim marito, & filiis orbari, ac vt matri olim, sic repudium sibi; necnon vnã ex suis pellicem parari; in oppidulum Mirauallum, secus Garumnam fluuium, paruo distans spatio à Mompellerio secesserat, ibique loci amœnitate, patientius solitudinem ferebat. Sed cum absentia Regis indies sibi tendi ad repudium insidias pertimesceret; prius quidem Regem iocoso dolo capere, atque in iis ipsis insidiis, quæ sibi à Rege parabantur, eundem intercludere curauit: occasione ad id oblata quàm commodissima, ab vno ex intimis Regis, qui eius nomine, viduam sollicitabat. Hunc, quem cum vidua clanculum in angulo triclinii colloquentem Regina deprehendisset adorta, submissa, sed adirata voce, sic est alloquuta. Sceleratissime omnium, vsque adeò tui me tædet, vt si scelus, quod nunc moliris, non plus in me, quàm in Regem committeres: profectò occubuisses iamdiu, atque in ipsius Regis oculis, in quibus scio te esse, debitas mihi pœnas expendisses. Sed esto; placere Regi potius, quam mihi vis, quanquam inique facis, placere quoque & ipsa Regi cupio, atque vt vult, ita morem gerere. Licere quippe mihi quod & Racheli vxori Iacob sanctæ licuit existimo; vt perinde atque hæc, præ amore viri, quos non poterat ex se à viro liberos, saltem ex ancilla suscipiebat; sic ego regios, quos ex me non datur, ex mea quidem, tanquam ancilla, & perlibenter suscipiam, & cooptabo susceptos: modò verè cundia, atque honori viduæ, vt scis, nobilissimæ consulatur: sicque in obscuro res geratur, vt neque ea Regem videre, neque à Rege videri vilo pacto possit: ac modo hæc à me dicta, tu, inquam, omnino supprimas, neque me huius facti auctorem facias. Proinde cura, vt Rex ad nos veniat: nam si per te voti compos euasero, do fidem, maiorem te à me, quàm à Rege gratiam initurum. Quæ audiens ille intus, qui Regi erat à cubiculis, gaudensque vehementer, tam subito ex adirata propitiam sibi fieri Reginam; necnon negotium Regi exoptatissimum ex voto confici; properè contendit ad pagum, Latefium dictum vbi Rex aderat, non procul à Miruallo, eique omnia renuntiat ordine, quo instructus, & subornatus à Regina fuerat. Rex verò hæc perquam lætus accepit: ac vel à cubiculario sollicitatus, vel à quodam optimato, quem historia Regis Guillelmum Alcalaensem vocat, multum rogatus, vt Mirauallum Reginam visurus concederet, sub nocturnum crepusculum eò venit. Vbi à Regina latissimè exceptus, eandem quoque ipse placido ac sereno vultu, dissimulandi gratia, allocutus est, & cum ea cœnauit. Verum à cœna quidem, huc atque illuc Rex circumspectans; minimeque viduam adesse videns, eò magis sibi præparari illam credens, ficto somno, eidem dari se velle, cubiculario indicauit. Vnde ingressus cubiculum, post multam noctem, vt primum somnus eum complexus est, Regina vera eius, atque iusta vxor, viduam se simulans, conjugalem thorum vna cum viro suo castissimè ascendit: ac vbi diem esse sensit, antequam è lecto Rex surgeret, atque è pago, vt festinabat, discederet, aperiri fenestras, ac expectantem foris optimatem cubiculum intrare iussit, nempe testem huiusmodi conjugalis congressus sibi affuturum accersens. At Rex inde abiens, nihilominus auerso semper fuit animo à Regina, vsque adeò, vt diuortium nò multò post, vt dicemus, cum ipsa fecerit. Sed interim diuino factum est munere, vt, ob præstitum matrimonio honorem, quamprimum Petrus ab vno ad aliud obeundum munus vocaretur, quod omnium ab eo gestorum, & præclarissimum fuit, & supra quàm dici potest, gloriosum ac commemorandum. Nam è Miruallo veniens Barcinonem, literas accepit à Castellæ & Nauarræ Regibus significantes, innumera- biles Maurorum copias ex Africa in Hispaniam traiecisse, quæ Bætieis, Lusitanis, ac Cõtestanis adiunctæ Mauris, numerum ducetorum millium excederent; animo vt ferebatur, vniuersam Hispaniam denuo subigendi. Proinde quanta maxima posset celeritate, & copiis Toletum veniret, vt communi calamitati occurreret. Tum Petrus proceribus populisque omnibus, præsertim Catalanis cum tributo Bonatici sese illi ad prosequendum bellum offerentibus, exercitum ex Aragonia, Catalonia, & Aquitania, fortissimum comparauit, peditum ad viginti millia, equitum ad tria millia & quingenta; & cum eo Toletum venit: ibique exercitibus Castellano & Nauarrensi adiunctis, fama est, peditum ad centum millia, equitum verò ad decem millia, censa fuisse. Vniuersi ergo simul Maurorum exercitum petentes, Mariano in saltu, ad conualles Tolosæ dictas, quo in loco se hostes continebant, acerrimum cum ipsis prælium commiserunt, tandiu planè dubium, atque anceps, quoad opera, & virtute Aragonensis exercitus, qui fuerat in postremis (vt Archiepiscopi Toletani historia refert) ex dubia, certa parta est victoria; Petro Rege vulnere, non tamen mortifero, affecto. In quo prælio, constans est scriptorum opi-



nio, cæsa fuisse centum millia Maurorum, fugatis reliquis, eorumque captis ac direptis castris, cum opulentissimis Imperatoris Miramamolini tabernaculis. Quæ omnia liberalitate & magnificentia Regis Castellæ, inter socios Reges diuisa fuere: indeque vniuersa Hispania, diuina ope, è Maurorum tanquam faucibus erepta. Reges igitur in Aragoniam, & Nauarram remigrantes, summo cum triumpho excepti fuerunt. Interea Maria Regiam spem illam, quam in aluo commendatam à viro continebat, promoueri studens; Deo in primis, eiusque matri & virgini beatissimæ, ac per sanctis Apostolis, se suumque foetum tota mente commendabat: ac non minus pietate erga illos, quam charitate erga Christi pauperes proluxa, & liberalis erat, Regisque acerbitem, atque alienatam à se metem, patientia euincens, seque ipsa consolans, spem suam omnem in nascitura prole collocabat: donec expletis ad pariendum mensibus, multa, quæ ad fidem partus faciendam necessaria erant, præparauit. Itaque Mompellerium ingressa, in præclara Tornamirensium domo, ipso tempore partus, cunctos ciuitatis optimates cum vxoribus sibi adesse iussit. Vbi diuino opem ferente numine, natus est Infans, faustus ac perelegans, ipsa nocte Kalendarum Februarii, anno à virgineo partu, (vt historia fert Regis) supra octauum. M. C. C. qui dies vigilia & ieiunio celebratur, propter consequentem beatissimæ Mariæ Virginis matris festum Purificationis, quando commune est vbi-que Ecclesiarum, cereas candelas, ad sacra collustranda, benedictione consecrare. Itaque vniuersa acclamante, atque comitante ciuitate, infans illico iussu matris, pro summa gratiarum actione, ad Virginis Aedem deductus est; quo tempore sacræ peruigilationes, matutinæ preces dictæ, fiebant; & ab vniuerso choro, magna & alta voce, hymnus, TE DEVM LAUDAMVS, cantari cœperat. Quo peracto, ad aliud ciuitatis Templum sancti Firmini portatus infans, similiter dum eadem preces fierent, diuina quoque sorte contigit, vt limen ingresso puero, canticum, BENEDICTVS DOMINVS DEVS ISRAEL, summa voce decantaretur. Quare vt eo ipso Purificationis festo die Christo nomen daret puer, dubitante Regina, cui nam ex Apostolis Domini, illius nomen imponendum commendaret; duodecim candelas cereas, æqualis ponderis atque magnitudinis, ex voto offerri Apostolis curauit; vnicuique illarum proprium cuiusque Apostoli nomen adscribens; vt quibus simul succensisset, candela quæ diutius aliis præluceret, designatum huc Apostoli nomen puero imponeretur. Vnde aliis omnibus consumptis ac extinctis, prælucente Iacobe dicta, protinus in templum remeatum est, atque Iacobi nomen puero, tanquam à Deo impositum. Vt scilicet eius Apostoli Hispaniarum patroni nomine potiretur puer, qui Hispaniense Imperium, atque Christi nomen, tam longè lateque erat propagaturus. Quæ magni profectò Regis signa, Mariæ matri ac Reginæ in causa fuerunt, ad imitationem celestis Mariæ Angelorum Dominæ, vt obseruaret omnia mysteria hæc, atque mente secum conferret. Neque enim ab eiusmodi collatione aberat, imo Herodianam quodammodo tyrannidem adumbrabat; quod sub ipsis crepundiis, atque in cunis vagienti puero, lapis valde magnus vnde uis excisus, siue manu proiectus (fortasse ab aliquo qui regnare cupiebat) tamen diuina ope illæso puero, vt regia fert historia, cunas confregerit: quodque ex successione, orta paulò post persecutione in matrem, eaque subinde Romam, vt in Ægyptum, abire coacta, nihil illa sibi atrocius vnquam duxerit, quam infantem tenerum, quadrimum, dimittere; & tanquam expositum, aliis educandum relinquere. Siquidem ab eo tempore, quo è Miravallo discessit Rex, amplius vidisse Reginam non inuenimus: quem neque felicissimæ Reginæ partus, neque inuidia eius patientia, emollire potuerint, quominus simultates, quas ille eatenus cum Regina occultas gerebat, apertas susciperet; atque cum ea tandè diuortium faceret. Nā eo usque prouecta res est, vt eius causa diuortii, ad summum Pontificem Innocentium III. delata fuerit: submissis à Rege causis: & quòd Mariæ, antequam sibi nubere, Conuenarum comiti in Aquitania nupsisset, ab eoque duas filias suscepisset: & quòd eodem viro viuo, neque auctoritate Ecclesiastica à Maria separato, secum illa contraxisset. Quibus adiecit etiam, Rex ipse, quòd ante matrimonium cognouisset quandam Mariæ cognatam. Cuius causæ cognitionem Pontifex, grauissimis viris Ecclesiasticis in Aquitania, re integra sibi reseruata, mandauit. Sed præponderante Regis potentia, atque in Mariæ detrimentum inclinante causa, Maria Pontificis auxilium implorare, eique iustas facti sui causas exponere decreuit; se videlicet, omnino coactam; atque parentis Guillelmi minis territam, clandestino matrimonio cum Conuenarum comite fuisse iunctam; cum quo ipsa etiam cognatione coniuncta erat; neque ad contrahendum legitime, vltra fuit ab eis vnquam à Pontifice facultas obtenta. Quin, & esse etiam compertum, eun-



dem comitem, tempore contractus, duas publicè ductas vxores viuas retinuisse; alteram Guilleram Barcentem; alteram comitis Bigeronum filiam, ex quibus & filios quoque habuisse. Qua facti veritate missa Romam: vt iustiores etiam denegandi diuortii causas Maria Pontifici ad aurem suggereret; dimisso filiolo charissimo, Romam profecta est. Quam honorificentissimè, atque vt Reginam excepiens Pontifex, benigneque audiens: re ad vnguem perpensa, & examinata, de consilio sacri coetus Cardinalium, sententia lata est; Petrum Aragonum Regē teneri matrimonio legitimo & indissolubili, cum Maria Guillermi Mompelleriensis Principis filia, publicè, atque in facie Ecclesiæ contracto: ac neque dissolui illud posse, occasione obiectæ affinitatis cum cognata Mariæ, quæ minime probata fuit, neque etiam obiectione prioris matrimonii Conuenarum comitis cum Maria olim contracti, quod quidem nullum fuit; non modo ex eo quod idem Comes, tertio cognationis gradu Mariā attinebat; sed iccirco maximè quod tacitis nuptiis, quas cum filia comitis Bigeronum ille iunxerat, ex qua & prolem susceperat, secundas, illa superstitite, cum Maria horum ignara iunxerit; ac neq; vltimis, quas cū Rege coniunxit Maria, illa sese opposuerit. Quæ sententia Romæ, mense Februario, Anni M. CC. XII. lata, atque in libris Decretalium (vt historia Regis affirmat) posita: ad Regem ab eodem Pontificè missa fuit, vna cum benigno Rescripto; ipsum pie adhortans, vt sententiā à se, cum consilio & matura deliberatione sanctæ Romanæ Ecclesiæ Cardinalium, adhibitis præstantissimorum totius Italiæ Doctorum suffragiis, latam; deq; matrimonio Mariæ Reginæ pronunciatam; ipse firmam, maximeque ratam haberet, bonique consuleret. Quandoquidem ad eius animum & conscientiam pacandam, omnino prolata illa fuerit: totq; etiam sedandas populorum commotiones, quæ facile ad perturbanda ipsius Regna inde exoriri possent: maximè verò ob honorem Mariæ fœminæ Christianissimæ restituendū; & vtriusque pignus charissimum, prolem scilicet inclytam Iacobi Infantis cohonestandam: cuius certè successione, magna in Regno illius pax & tranquillitas consecutura videantur. Nec dubitandum, diuini fuisse numinis, eiusque nutu factum, ex tot perturbatis, varieque distractis rerum negotiis, optimum atque inexpectatum finem subiecisse, & tanquam ex malo bonum elicuisse. Cui sententiæ, Pontifex dubitans, ne forte Rex obedire recusaret: Carcassonenfi, & Auinnonensi Episcopis commisit, vt Regem per censuras Ecclesiasticas, appellatione quauis remota, ad obediendum compellerent. Verum Rex, inueterata obdurescens pertinacia, in proposito permansit. Quamobrem Maria, ne forte quid detrimenti à Rege acciperet, atque vt rei exitum tutius inde videret, Romæ se continere decreuit, quoad alterutrius obitu, tot, tantisque malis finis imponeretur: necnon vt contestata cum Guillermo fratre Romæ lis de successione, & hereditate Principatus Mompelleriēsis, de quo paulò supra diximus, Pontificis quoque decreto finiretur: prout idem Innocentius Pontifex, de eo sententiā protulit; esse Guillerum Guillermi Mompelleriensis Principis filium, tanquam spurium, neque ex iusta, legitimaque vxore natū, ab vniuersa successione & hereditate paterna repellendum; eiusque sororem Mariam tanquam vnicam ipsius Guillermi filiam, ex iusta, legitimaque vxore natam, hæredem vniuersorum; atque in primis in Principatu succedere: Ideoque Iacobo Principi, vti vero filio, legitimoque hæredi Mariæ Reginæ Aragonum, eundem Principatum successione adiudicari. Quæ sententia Romæ prolata fuit, atque ita liti finis impositus. Dum hæc geruntur Romæ, Petrus quorundam impulsu, atq; furis agitatus, tanta flagrabat ira in Reginam, vt Iacobum puerum communem filium, illius causa despiceret, neque regio ipsum more educari curaret: sed quasi alienum, neque haberi coram permitteret. Tamen ea sub ætacula puer, tum specie ac dignitate oris, tum habitudine & statura corporis, mirificam, atque permagnam Regiæ magnanimitatis spem afferebat: cumq; cunctis mire conspiciendus, atque amabilis esset: Regi tamen minime erat in oculis, sed in odio propemodum. Ne quis existimet naturæ affectum adeò dominari in parentibus, quin possit ille præoccupari odio & ira, ex falsa animi etiam persuasione conceptis. Quod intelligens Symon Monfortius comes Carcassæi atque Bessiani oppidorum eiusdem Aquitanix, non longe à Mompellerio, vir etiā bello, & pace strenuus ac perinsignis: necnon Regi intimus, satiq; obligatus, propterea quod gratia & precibus Regis, idē Pontifex ipsum comitatum cum aliis oppidis, beneficiario iure (fœdū vocant,) Mōfortio concesserat, puerum commiseratus, Regem precatus est, vt illum apud se manere, ac educari sineret: curaturus omnino, vt Regiis moribus, honestisq; institutis imbueretur ille: atque vt talem decebat Principem, ab infimis atque sordidis abstineret. At Rex fortasse cogitans velle Mōfortium adoptare sibi filium, eumque iunctis nuptiis sua cum filiola successorē relinquere, facile ab se abduci permisit. Sed proh Deus bone, ei pater filium



lium educandum commisit, qui se breui, intraque annum, commisso prælio, in acie erat oppressurus. Erat autem Monfortius bellator maximus; atque Dux magni nominis, ab eo tempore potissimum, quo idem Pontifex coactis copiis, magnum exercitum comparauit, eique Monfortium præfecit, ad inferendum bellum comitibus Tolosano, Foxensi, & Conuenarum, tanquam fautoribus hæreticæ factionis Albigenis, quæ nuper orta ex Albi vrbe Aquitanica, Manichæorum, Arrianorumque simul, & Waldensium turpissimos ac nefandos errores suscitabat. Quam hæresim indies accrescentem, impugnavit summa concionum contentione beatus Dominicus Hispanus, tunc Canonicus regularis sancti Augustini, post verò clarissimi, religiosissimi que ordinis Prædicatorum parens & conditor; quoad in celeberrimo Concilio Lateranensi, ab ipso Innocentio Pontifice, Romæ anno Domini 1215. congregato, concurrentibus duobus Patriarchis, Constantinopolitano, & Hierosolymitano, quadringentis Episcopis, septuaginta Archiepiscopis, vna cum vndecim Generalibus ordinum, necnon octingentis Abbatibus, & Prioribus Monasteriorum; præter Legatos omnium Principum, & Regum Christianorum, hæc ipsa hæresis damnata est, vna cum comitibus Tolosano, & Foxensi eiusdem hæreseos fautoribus. Quos etiam suis comitatibus, & oppidis omnibus priuari voluit sancta Synodus, ac Fisco Ecclesiastico applicari: id eoque Monfortio strenuo in debellandis illis duci, atque protectori fidei præstantissimo, potentatus illos regendos & gubernandos tradidit. Quibus in potestatem redactis, Monfortius omnium Aquitanicæ Principum potentissimus haberi, atque idcirco non modotimeri; sed Regi etiam, ex eo quod Tolosanum eius affinis comitatum occuparet, infensus esse cœpit. Quibus accessit, quod à Carcasonen-sibus, & Besianis populis, quos obtinebat Monfortius, in Regis contumeliam, siue ludificationem est gestum. Vtpotè qui fraudulenter de Monfortio conquesti sunt apud Regem, quòd eos ille acerbè nimis, atque tyrânice tractaret; precarique subinde Regem, vt ipsos in suam tutelam acciperet; atque ab illius manibus eriperet: se enim illico in eius potestatem abituros. Id creditum est, arte fuisse à Monfortio factum, vt tentaret Regis animum, an fortè postulatis populorum annueret: vt oblata sibi inde occasione, à Regis amicitia discederet; quem intelligebat, Tolosano comiti, ac sorori, auxili-um ad recuperandum comitatum implorantibus, suppetias ferre velle. Nam adueniente Rege, vt populorum arces, atque munita loca caperet ad ea protegendenda, occurrebat vulgus promiscuum, temereque iactabat, se, suaque omnia pro eo impensurum: idque sufficere ad eorundem suscipiendam defensionem: Iamq; huiusmodi simulatis verbis, simul etiam occursum foeminarum pulcherrimarum, quarum consuetudine delectari Regem sentiebant, cum tympanis & sistris, tempus, ne se illi darent, conterebant; sicque Regem à proposito, & progressu deducebant. Quæ populorum cognita ignominia, & ludificatione; atque Monfortii industria id factum Rex existimans; iam non occultas, sed apertas cum Monfortio inimicitias suscipere decreuit. Quibus occurrens Monfortius (vt Regis historia significat) ad oppidum Murellanum agri Carcasonen-sis, cui propinquus erat Regis exercitus, se cõtulit; mille secum lectissimis leuioris armaturæ equitibus adductis. Id Rex intelligens, sua quoque castra mouit; exercitu quidem, non tamen bellandi arte superior Monfortio; quem vbi in oppido se continere intellexit, obsidere illud, atque Monfortium vi capere statuit. Id animaduertens Monfortius, atque magno in periculo versari se vident, inducias à Rege petiit, seseque ei honestis conditionibus tradere tentauit; Regiam potius experiri clementiam deditione, quam armis suam, Regisque fortunam prouocare malens. Sed pacta & conditiones abnegante Rege, ac præ ira exercitum ad expugnationem oppidi, celerius quàm par erat, admovente; neque expectatis quibusdam optimatibus Catalanis, qui cum magna militum manu, sequenti die in castra venturi erant, impetum facere decreuit. At verò Monfortius non tam ira, quàm desperatione rerum succensus, seque minime obsideri passus, suos benè cohortans milites, protestatus est etiam, se Regi sum-mis-isse, atque omnia pacis compendia pertentasse, ne armis cum illo pugnaret. Verum neque profecisse quicquam cum obstinato Rege, neque sine summo sui dedecore à prælio abstinere posse. Idcirco Deo, & sanctis, se, suosque commendans, atque vt erat solitus in aggrediendis hostibus, sanctissimum Christi corpus in alimētum animi, vna cum aliis sumens, oppido egressus, cum vniuerso equiratu petit Regis exercitum, qui obses-surus oppidum sese in alas extenderat, eamque partem vbi versabatur Rex, apertam, & quasi desertam reliquerat. Vnde cognito Regis vexillo, quocunque Rex graditur præ-ferri solito, Monfortius acie instruens, conglobato agmine, vexillum petit: suis antea da-



to signo; ut nullos, vel supplices, vita donarent; ac nedum proceribus, aliisque exercitus primoribus; sed ne Regi quidem parcerent. Ex quo antequam Regii, qui dispersi erant, in eam partem, in quam Monfortius impetum fecerat, sese ad propugnandum præ Rege colligerent; vniuersos, qui in custodia Regia erant, vna cum ipso Rege, ad vnum interfecit. Sed ubi increbuit rumor in castris, Regem occubuisse: illico se omnes fugæ dederunt. Quo facto, Monfortius receptui canens, intactis castris, atque à direptione abstinens, cum vniuerso integro ferè equitatu, in sua se oppida recepit, inæstitiamque præ Regis obitu, victoriæ gloria superauit.

BERNARDINI GOMESII MIEDIS, ARCHIDIACONI SAGVNTINI, DE VITA ET REBUS GESTIS IACOBI PRIMI REGIS

*Aragonum, cognomento expugnatoris.*

LIBER II.



MORTVO Rege, proceres atque reliquæ exercitus in castra reuertentes, illius cadauer planctu & ciulatu magno, humo sustulerunt; illudque Hospitalariis equitibus sancti Iohannis Hierosolymitani, quorum ordini Rex castra, oppidaque multa dono dederat, honorificè, regioque more, sepeliendum tradiderunt. Quod ipsi magna pompa humeris gestantes, in cœnobium Xixenense, quo Sanctia mater ingressa olim, & sacris initiata, non multò antea obierat, magnifico structo sepulchro condiderunt; iusta illi, cū sacro nouendiali, sumptuosa nimis, & lamētabilia reddentes. Itaque intestato Rege, cū perturbata & cōfusa essent omnia, Nunnius Sanctius, vnus ex primatibus Aragonensibus, prudētia & virtute præstans; vna cum Guillermo Moncada Vicecomite Cardonensi, penes quos summa exercitus erat; ac nonnullis aliis Aragoniæ, Cataloniæque proceribus, ne ex interregno maior oriretur rerum perturbatio, cresceretque subinde Regnorum in partes distractio, successionem Iacobi filii maturandam curarunt. Nam etsi secessio illa Regis à Maria Regina sententia Pontificis damnata erat, atque pronunciatum, nuptias à Rege iure contractas esse, ipso tamen sententiæ minime obtemperante, plerique adhuc de ea re ambigebant. Qua de causa, ac etiam quòd Rege intestato, Sanctius qui Alfonsi Regis frater natus minor erat, ac testamento Raimundi Principis patris, decedente Alfonsio, ad successionem in Regna vocatus; quique huius rei causa, se comitem Ruscinonensem appellauerat: tum & Ferdinandus Petri Regis frater germanus, qui monachatu, regnandi spe, abdicato, in magnam ambo occupandi Regni spem venerant; iam non obscurè, sed palam machinari multa cœperant; quibus rebus plerosque populos ad se pelliciebant. Vnde proceres, consilio habito, protinus Iacobo puero Regnum deferre statuerunt; maioribus coactis copiis, bellum in Symonem Monfortium renouare parantes. Idque non tam vlciscendi Regis, quam Iacobi recipiendi gratia, quem Monfortius, & Pontificis iussu, & permissu Regis, educandum susceperat. Quod præsentiens ille, paulò ex victoria iam factus insolentior, maiori comparato exercitu, sese defendere, vnaque Iacobum retinere cogitauit. Sed proceres lento eum bello incessere statuerunt; quoad à Pontifice, precibus Mariæ Romæ agentis, legatione missa, impetrarent, Monfortio tam multis ei beneficiis obstricto præstiperet, ut Iacobum paternis Regnis præficiendum proceribus restitueret. Hanc legationem libenter suscep-  
runt Simenius Cornelius, Guillermus Ceruera, & Petrus Ahonesius, Aragoniæ, & Cataloniæ primates, ac etiam Guillermus Monredonius magister equitum Templariorum; potestate data, ut si Monfortius Pontificis imperata facere recusaret, bellum grauissimum, audiente Pontifice, in illum promulgarent: ac, ut moris erat, pro belli se-  
mente iaciendo, à Petro Ahonesio, vno ex legatis, ad singulare certamen ille, proditi-  
onis, perfidiæque nomine inculandus prouocaretur. Verum qui legationem hanc impē-  
sus, quam alii sollicitarunt, fuere Hispanus Pontifex Albarrazinensis, & Petrus Alla-  
gra eiusdem vrbis dominus; ut Sanctii, & Ferdinandi factionibus, Iacobi restitutione fe-  
stinata,



stinata, occurrerent; quas illi, cupiditate regnandi, maximas excitabant, Regnaque in partes diuiserant. Itaque legati multorum dierum viam progressi, ac cum amplissimo comitatu Romam peruenientes; statim lugubribus induti vestibus, honorifice (ut agi solet cum legatis) ab vniuerso populo excepti fuerunt. Ac primo quidem ad Mariam Reginam, perinde ut dominam, Regios ei honores exhibentes venerunt, cui legationis suae causam exponentes, deque Rege viro funestissima, de Iacobo filiolo, saluo & incolumi prospera; de cæteris verò rebus multa imminetia Regnis mala, nisi e Monfortio recuperetur puer, nunciarunt. Vnde, intercedente Maria, ad Pontificem introducti sunt, ad quem valde mœsti, & lugubres cum venissent, Senato ipsis dato, ac potestate dicendi facta, Templariorum magister eloquentia præstans, ac notus antea Pontifici, legationem suam sic renuntiavit. Funestum atque lamentabilem Petri Regis nostri fortissimi, inuictissimi que interitum, atque adhibitam in eum scimitram, nunc sigillatim enarrare, diuine Pontifex, neque lachrymarum, lugubresque lamentationes nostræ sinunt; neque beatitudini tuæ, cui nota antea, acerbaque fuere omnia, honestum est, infandum modo dolorem renouare: nisi quod, ut paucis accipias, Symon ille Monfortius, cui Rex tot, tantaque bona, rogatu suo, à beatitudine tua impetrauit; adeoque carus ei fuit, ut Iacobum filium Principem nostrum eidem educandum commiserit; ex familiari & intimo, subito factus hostis, & perduellis crudelissimus, collatis signis, non solum Regium exercitum aggredi ausus est; sed ipsummet Regem à te olim, cum Regio diademate insignitum; tum tuis sacrosanctis quasi consecratum manibus, furore plusquam effrenato, interemit. Cuius, atque multorum procerum internecione, ita vniuersa res est perturbata; atque ob intestatum Regem, dubiamque inde successionem, Regna in partes diuisa; ut nisi occurratur protinus, nullum non ex interregno detrimentum sit Respub. acceptura. Idque partim Sanctio patruo, & Ferdinando fratre Regis, ab intestato successionem sibi arrogantibus; partim proceribus cum exercitu, & maiore parte Regni, Iacobum successorem sibi deposcentibus: cum Regis olim secessio à Maria felicissima Regina nostra, quam illi obiciunt, iustissima beatitudinis tuæ sententia damnata fuerit, atque pro matrimonio pronunciatum. Caput igitur atque legationis nostræ summa, hæc est: ut Iacobum Principem nostrum paruulum, à Monfortio retentum, statim restitui iubeas proceribus Regni, Regno præficiendum, antequam ille bello à nostris lecessitus; ac timens fore sibi à Iacobo, & proceribus Regii sanguinis ultionem parandam, in partes Sanctii & Ferdinandi ad perdendum puerum secedat. Scimus enim Monfortium tot, tantisque à beatitudine tua fuisse muneribus, beneficiisque deuinctum; ut dubium non sit, quin statim ille iussis tuis obtemperet: alioqui communis est procerum sententia, ut non modo atrocissimum eius oppidis bellum inferatur: verum ut à Petro Ahonessio Aragonensi optimato, qui præsens, ac collega noster est, ad singulare certamen prouocetur, ut perfidia, ac rebellionis redarguatur. Sed quoniam multo maiora mala, adeoque manifestam regni euerfionem, cum detrimento Iacobi, ex bello sequi posse putamus: tuum erit pater beatissime, pro ea, quæ tibi à Christo iniuncta est pacis in Christianum gregem inuectio, restitutione Iacobi, tot imminetia incommoda & detrimenta à nostra Republica auertere; ut pro tuis maximis collatis in gentem nostram beneficiis; & perpetuam beatitudini tuæ felicitatem preceamus; & sacrosanctæ huic Sedi fidelissimam regnorum obedientiam, nunquam defutura, exhibeamus. Peracta oratione, legatos benigne consolatus est Pontifex, vehementer, se condoluisse asserens, audito pertristi nuntio de miserando Regis interitu, viri utique strenui, ac fortissimi; ut qui ab hostibus circumuentus, à suis verò derelictus, mori potius, quam turpi fugæ, se dare decreuerit: non nihil tamen culpæ illius contumaciæ, atque secessioni à Maria coniuge per sancta, attribuens. Sed honorem mortuo, quem viuo forte negasset, se omnino facturum, atque Iacobi Principis restituendi, summam curam gesturum promisit. Quin & regni proceres commendauit, ob præstitam Iacobo obedientiam: bonoque illos animo esse iussit. Non enim se illis, re, & opibus defuturum, quoad Iacobus in pacificam regni paterni possessionem veniat. Tandem commendato regnorum obsequio erga Romanam sedem, atque legatorum patientia & labore itineris multum collaudatis; ipsos paululum Romæ, quoad mandata acciperent, iussit consistere. Interea Petrus Beneuentanus Diaconus Cardinalis à Pontifice antea missus, in Aquitaniā venerat, ad tot illius Prouinciæ turbines ac tempestates pacis sedandas, quæ nuper exortæ fuerant ex calamitoso, & exitiali bello, quod Albigensibus hæreseos sectatoribus, horumque fautoribus, illatum fuit à Symone Monfortio Pontificii exercitus duce: vel potius ad ea, quæ in Concilio Lateranensi, de quo supra diximus, contra dictam hæresim deliberata



sunt, legationis munere exequenda. Qua de causa Cardinalis, Concilium Mompellerii prouinciale indixit: conuenientibus Narbonensi, Auxitano, Ebrunensi, Arelateni, & Aquenti, Archiepiscopis, viginti octo Episcopis, aliisque quamplurimis Abbatibus, & Prælati Ecclesiarum totius Prouinciæ. In quo inter alia decreuit Synodus, vt ciuitas Tolosana, vniuersusque eius comitatus, & iura, quæ paulò antea, damnato illius comite in Lateranensi Concilio, tanquam fauore hærescos Albigenis, Ecclesiæ adjudicata fuerant; atque strenua Symonis Monfortii exercitus Ecclesiastici præfecti opera, in illius potestatem redactæ eidem Monfortio, pro tantis erga Romanam sedem promeritis, beneficiario iure donarentur, & modò summi Pontificis, atque Sedis Apostolicæ id decreto confirmaretur: cuius stabiliendi gratia, Archiepiscopus Ebrunensis Romam à Synodo missus est. Vnde Pontifex audito decreto Concilii Prouincialis, atque donatione comitatus Tolosani, tam iustis causis Monfortio facta, eandem confirmauit, & ratam habuit; modò mandato Synodi Iacobus Princeps, Petri Regis Aragonum filius, qui à Monfortio in custodia tenebatur, proceribus ac exercitui Aragonensium & Catalanorum liberè restitueretur. Promittente Ebrunensi Archiepiscopo, illico Pontifex legatis procerum venire iussis, literas dedit, eosque cum Archiepiscopo dimisit. Quibus Mompellerium regressis, pacto & confirmatione renunciatis, Monfortius obtemperare se velle dixit, ac prorsus vna cum Legato Cardinale Carcaſsonem profecti sunt, vbi biennio retentus fuerat Iacobus; indeque ab eisdem honorifice deductus Narbonem: quo iam multi proceres cum vniuersi legatis ciuitatum & oppidorum Catalonia conuenerant: à quibus legatus, fide publica accepta, de fidei custodia, & tutela præstanda, Iacobum eis tradidit, annum iam sextum habentem. Venit etiam vna cum Iacobo eius patruelis Raimundus Berengarius filius Alfonsi, relictus hæres comitatus prouincialis; cuius hæreditatis gratia Berengarii nomen habuit: cumque sex fere annos ambo nati essent, simul educati sunt. Itaque Iacobo vna cum legato Cataloniam ingressi, per oppida & vrbes lætissime, atque cum magna acclamatione & applausu deuectus est. Vbi multa, quæ pacificum Iacobi ingressum impedire poterant, consilio & auctoritate Legati expedita sunt, & prudenter composita. Iamque Barcinonem venientibus, nobilissima & potentissima ciuitas, splendore & magnificentia, quibus solet Reges, Iacobum excepit. Quo etiam ab extremis Aragoniæ finibus promiscua multitudo hominum venerat, Principis visendi gratia. Vbi consilium fuit Legato & proceribus, vt pro commune, ac commoditate Aragonensium & Catalanorum, conuentus publici à Iacobo indiceretur in Ilerdæ, vrbe antiqua, & illustri Catalonia, quam Sycoris aurifer alluit fluuius, atque feracitate propinqui Vrgellitani agri, frumento abundantissima. Quam ingrediens Iacobus, ab effusa multitudine magnificè exceptus fuit: atque in primis, sigillis, bullisque ad consignanda diplomata & tabellas mutatis, vt moris est regnare incipientibus, conuentus initi sunt; præsentibus Legato, & Aspargo Barcino, Archiepiscopo Tarracoenſi, Regis etiam cognato, cum aliis vtriusque Regni Antistitibus; quin & proceribus, & regulis, ac oppidorum procuratoribus; exceptis Sanctio & Ferdinando, qui in dissensionibus procerum, atque inde ortis discordiis, omnem spem collocabant, ad ea, quæ de successionem inter se moliebantur exequenda. Sed Legato modis omnibus procurante, in conuentibus id potissimum obseruatum fuit; vt elata voce, nec non sublati in altum dextris, omnes iusiurandum, fidemque publicam, Iacobo, quem ipse Asparcus Archiepiscopus vnus sustentabat, tanquam vero Principi, ac domino darent, neque ab eo discessionem facturos se vnquam promitterent. Quod iusiurandum nunquam antea dari solitum, lege sancitum fuit, vt Regibus in possessionem Regnorum venientibus, ab omnibus præstaretur. Deinde perspecta tenera, nec ad regendum apta ætate Iacobi, & ad eius maxime tutandam & conseruandam vitam curarunt, vt Guillermo Monredonio Promagistro equitum Templariorum vtriusque Regni, quem paulò ante ostendimus legationem Pontifici renunciasse, Iacobus custodiendus daretur: viro vique optimo ac prudentissimo, vsque & exercitatione maximarum rerum prædito: à quo & generosis imbui moribus Iacobus, & armis potissimum belli; rebus instrui posset; quod omnia tunc essent posita in tutela & præsidio bellicæ virtutis. Neque Sanctio, & Ferdinando id munus ad se spectare contendentibus, à Legato, maioriq; parte procerum permissum est: quinimo eò magis Regis excubia, eiusque custodiæ capitis, eidem Monredonio, data fide, commissæ fuerunt: atque in arce Montionis amplissima, munitissimaque, Iacobus Regio præsidio custodiendus positus; vna cum eius patruale Raimundo, annum etiam nonum agente. Demum custodia durante, Sanctius Regni Vicarius constitutus est. Interea Romæ Maria Regina



tot antea conflictata malis, atque à Rege viro, & à fratribus in eius rem, honorem, & famam impiè conspirantibus, inique diuexata; diuina tamen ope, atque innocentia præsidio defensa, cum esset ætate prouecta, mortua est, Honorio Pontifice, cui valdè commendauit Iacobum Principem filium; quem Mompellerii Principatus hæredem instituit; eique, intestato mortuo, Mathildam, & Petronam filias, ex comite Conuenerum antea susceptas, nulla de spuris fratribus mentione facta, testamento substituit; & quia viuens, ob insignem eius pietatem, religionem, vitæque integritatem, magno, regioque semper in honore fuit apud Pontifices; mortuæ ab eisdem honores quoque regii facti sunt: iustaq; funeris, cum sacro nouendiali honorificentissime per soluta; eiusque corpus in Vaticano, maximo Diui Petri templo, prope sepulchrum beatæ Petronillæ (regia testante historia) conditum fuit. Deinde Pontifex annuens votis Mariæ, Iacobum eius filium Regē, Aragoniæ Regnum, atque Cataloniæ, & Mompellerii Principatus, ac quæcunq; Regi bona in posterum accresceret, sub beati Petri, suiq; præsidii tutela suscepit. Ac insuper Bernardo Cardinali, Apostolicæ Sedis in Aquitania Legato, per literas mandauit, vt Iacobum Apostolicæ Sedis clientē, ipsiusq; Regna & bona omnia defenderet. Ex quo ille Consilio Regis, ætate pueri, primarios administratos præfecit, Aspargum Tarraconensem Antistitem, Symonem Cornelium, Guillelmum Cerueram, & Petrum Ahonensem primates tum Aragonenses, tum Catalanos. Cæterum, Iacobo Principe Mentionis in arce retento, magna indies sequebatur, non regnorum modo, sed populorum, vulgatumque hominum in partes diuisio. Quin & ærarii consumptio tanta erat, vt ne Iacobo quidem illud alendo sufficeret: quod Petrus olim suis profusissimis sumptibus, atque largitionibus, regium prope patrimonium, ac ærarium consumpserat: ipsaque vectigalia regia, Iudæis, atque Publicanis magna ex parte oppignerata erant. Ex quo Magistratus, alique à Regibus constituti Iudices, stipendiis, suisque honorariis fraudati, munera sequi omnes, atque venalia omnia habere cœperant. Quo animaduerso, Catalani optimates facile populis persuaserunt; vt Bouaticum tributum à Regibus initio Regni exigi solitum, penderetur, sic dictum, quod pro bouum iugis, singulisque pecudum & armentorum capitibus soluebatur: quale fuit ter Petro Regi pensitatum: primo in sumptus bellicos aduersus Mauros Carpetaniæ; atque iterum in expeditionem sacram contra eodem, ad Tolosæ conualles, Vbedensi prælio: Tertio in auxilium dotale, quo idem Rex tres sorores in matrimonium collocauit: quorum tamen nullum fuit cum præsentī necessitate, atque exigendi causa comparandum; utpote quod Regi quasi redimendo, impendendum esset. Nam & ipse Sanctius præfectus, atque Regni Vicarius, cuius animus totus erat in accumulanda re, & perdendo Iacobo; quācumque Regni iacturam, suam ad illud occupandum occasionem putabat. Sed quāquā Sanctius, & diuturna custodia Iacobi, & largitionibus, multos ex proceribus in suam partem pertraxerat; eiusque fratris filius Ferdinandus, similia per se quoque moliretur vsque adeo, vt in eos maior iam procerum pars, seu factio contentius ferretur: non defuere tamen, qui Iacobi partes constantissime tuerentur; atque Bouatici in alimentum Regis exacti subsidio freri, arma pro eo sumerent: In primis Petrus Cornelius, & Vallesius Antilloniensis Aragonenses, satis spectatæ fidei iuuenes, atque nobilitatæ bello virtutis. Quos Simenius Cornelius prouectæ ætatis homo, atque inter optimates consilio & opibus mīrè præstans, cum videret tam bono erga Regem animo affectos esse; diligenter admonuit, vt in proposito susceptoque consilio præficiendi Iacobum Regno permanerent: verumq; ac legitimū Regni successorē ipsum reciperet: vt Regnū ab impendenti tyrannide, sua dextra liberarent. Nam ex factis, vitæque vsu Sanctii, atque Ferdinandi, facile poterant colligere, alterutro ex ipsis Regnum occupante, etiam suam inde subito tyrannidem intolerabilem. Vnde necesse omnino esse Iacobum e custodia educere; antequam altera ex factionibus illum ad perdendum præriperet: quod tacite iam iamq; à Sanctiana procurari sentiebat; ideoque Rege in libertatem asserto, atque oblato populis, factiones, quasi nebulas occurrente Sole, facile dissipari posse. Idque haud dubium fore concludit, recenti exemplo Raimundi patrui Iacobi, e custodia erepti, atque in prouinciā, ubi perturbata erant omnia, feliciter ingressi. Quippe per id temporis eadem prouincia, quidam e proceribus inde ad Raimundum cum Iacobo in arce detentum scripserat, perditā esse omnia; atque funditus pessundari eius Reipub. nisi aduentum maturaret. Proinde acceptis literis, illico sese e custodia eripere, atque eodem nuntio ducere, Tarraconem petere; esse namque Salonio in portu paratā ei nauem actuariā, quæ prope ipsum in prouinciā deduceret. Quo nuntio lætatur Raimundus, quem malè etiam habebat custodia, Iacobo literas ostēdit, de quæ iūone sua consiliū petit. Cui Iaco-



bus, qui simili quoque abeundi desiderio flagrabat, ipsum animare cœpit, proque illius meliori statu rerum, ac Reipub. incolumitate, nihil non tentandum esse consuluit. Nam & consuetudinem, inquit, quæ mihi tecum iucundissima intercedit; cuius & priuatione angor vehementissimè, publico prouinciæ tuæ bono posthabendam puto. Itaque ante duos menses, quàm Iacobus educeretur, Raimundus sub noctis crepusculum, mutatis vestibus, vna cum Petro Angerio eius alumno, præeunte nuntio, Ilerdam prætereuntes, in portum deuenere; vbi conscendentes nauim, secundo vento, Massiliam apulerunt: cuius præsentia Principis protinus pacata fuere omnia, & in possessionem Comitatus magno omnium consensu venit ipse. Quæ Raimundi fuga, vt primum Sanctio innotuit, illico eius animum vehementer percussit, quod crederet Iacobum similiter è custodia erupturum: ideoque paruo comparato exercitu, hunc in insidiis prope Montionem collocavit. Itaque Simenius Cornelius cum ipsis Petro, & Vallesio, atque meliore, & saniore parte procerum Fernandinz factionis, quæ odio Sanctianæ insolentiæ, paulatim in partes Regias abire cœperat, Monredonium Templariorum Promagistro equitum conuenerunt Montioni; eique tot in dies pullulantia Reipub. mala, atque excrescentem Sanctianæ factionis potentiam ad perdendum Regem intentam, renuntiarent; neque euitari tot posse pericula, nisi oblata populis præsentia, atque amabili vultu Regis. Proinde Regem è custodia educeret; paratam enim, se, magnam militum manum habere, ad ipsum non solum excipiendum, & defendendum; sed vel per medios hostes inuehendum, ac in Oscensem, & Cæsaraugustanam vrbes incolumem deducendum; vbi populi imperiosa procuratione Sanctii offensi, ac rursum præsentia Regis confirmati, cum eo faciliè consentirent. Hæc vbi à Monredonio audita, Regi relata fuerunt, animose respondit Rex, se promptum esse ad ea omnia, quæ à proceribus deliberarentur perficienda. Itaque eductus è custodia & arce, vbi triginta menses continuos exegerat; cum bonam puerilis ætatis suæ partem in labore, inopiaq; ac patientia & animi & corporis maximè exercuisset. Sed postquam Sanctio renunciatum est, opera & industria procerum, atque Fernandinz factionis, quæ interim ad Regem defecerat, eius exitum è custodia fuisse procuratum; non amplius obscura, sed aperta in Regem similitudine & odio fuit, atque multis coram astantibus, de Rege, deque ipsum sequentibus proceribus loquens, in hæc magnifica de se verba prorupit. Audio Regem, me inuito, atque inconsulto, contrariaq; factione iuuante, è custodia 30  
 educi, iamque Cinga fluuiio trajecto, Aragoniam intrare velle; do fidem futurum, vt quacunque ierit, per constratum panno murice tincto iter, ipsum cum suis asseclis abiturum: significans scilicet, à se illos enecandos, eorumque sanguine viam, qua irent perfundendam. Quæ verba, vt primum egredienti Regi Montione, & fluuium trananti relata fuere: ac etiam quod Sanctius paruo inde spatio, in oppido Selga, magna militum manu munitus, pugnaturus expectaret; subito quasi furore percitus, cum annum dumtaxat nonum haberet; sed proceriore quàm ferret ætas corpore esset, ab equo desiliens, militare sagulum ab vno ex equitibus accepit; tantaque animi magnitudine sese ad pugnam composuit, vt protinus ad hostes pergere iusserit. Verum Sanctius, seu conscientia, seu regia reuerentia motus, à proposito, & insidiarum loco diuertit, Regemque incolumem 40  
 pertransire sinit. Qui oppidum Beruegalium præteriens, Oscam peruenit: atq; magna cum lætitia ab vniuerso populo est exceptus. Vbi cum paululum constitisset, Cæsaraugustam contendit; quo iam Prælati Ecclesiarum, Regnique proceres, & oppidorum Legati, qui erant regiarum partium, secreto conuenerant; atque vt ea vrbs est, & natura, & situ, & ædificiorum descriptione in primis nobilis, ac concursu etiā totius Regni frequentissima & potentissima, nouum Regis aduentum honorificentissime celebrauit; atque pro ætate Regis, ludos ei, & spectacula festiua & magnifica dedit. Deinde Rex magnis se Regni negotiis, quæ potissimum ad tranquillum Reipub. statum facerent, immiscere voluit: atque vt fuerat institutione Monredonii, nunc ad palæstram, nunc ad litteras, nunc ad negotia effectus: sic dum in his versaretur, virili quadam sedulitate animum ad pertractanda ista intendebat. Vnde procerum discordias, quæ tunc multæ erant, disquirens; Prælatorum consilio & ope adiutus, non paucas sedauit: atque ab eo tempore rem ipse, non modo publicam gerere, verum militarem etiam administrare cœpit. Itaque Tarraconem profectus, Catalanorum conuentibus breui peractis, Ilerdam progressus est: vbi Catalanorum simul & Aragonensium conuentus indicti fuerant; ad quos Sanctius & Ferdinandus cum magna vtriusque procerum factionis turba conuenere: alter procurationis suæ; vterque verò, iuris quoq; sui ad Regnum, compensationem reposcentes. Sed Sanctii postulatis sic fuit satisfactum, nempe, vt eiurata ab eo



ab eo denuò vniuersa Regnorum procuratione, honorario fidelitatis iure, aliquot ei oppida non longè à Cæsaraugustano agro sita attribuerentur; ea lege, vt is de iure suo, si quod in petendo regno haberet, decederet. Qua compensatione contentus ille fuit: tametsi oppida ea omnia vix octingentorum aureorum tributum quotannis domino penderent: vt hinc mirari liceat, atque animo perpendere, illorum temporum, non solum felicem rei nummarie inopiam; sed procerum quidem, cum tam paruis censibus, bello paceque sustentatam magnificentiam: Quam profecto, si cum ea, quam proceres nostri temporis præferunt, conferamus; non dubium est (si cum virtute & natura rem comparemus) quin hanc illi posthabeamus. Nam vt maiora nunc sunt, quæ luxur & ambitio, quam quæ contenta paucis naturæ petit: ita & suffecisse quidem, quàm superfuisse, tum honestius optimo cuique semper visum est, tum frugi naturæ quoque magis consentaneum. Præterea Ferdinandum religiosam vitam professum, Abbatem nobilissimi cœnobii Montis Aragonum nominauit, atque vt luculentius in eo viueret, loca vicina pleræque Abbatia applicauit, quibus amplissimi sacerdotii collegium honorificum & locupletissimum constituit. Sed ipsa regnandi ambitio semel imbuta, vix vlla compensatione expleri potuit. Postremò in eisdem conuentibus effectum est, vt moneta de communi sententia cuderetur. Vtque Iaccetanus nummus à Petro primum percussus à Rege confirmaretur; iureque iurando seipse astringeret ad illum toto Regno Aragonum, eodem pondere & signo semper & probandum, & æstimandum. Quæ moneta ære & argento conflata, omnium quidem infima; sed quæ in continuo & cotidiano vsu posita, ad nos vsque dimanauit, apertè demonstrat, quanta fuerit illius temporis, tum auri; tum argenti inopia: quandoquidem, tametsi auream & argenteam monetam tunc in vsu fuisse comperimus; nulla tamen de eius percussione, sicuti de Iaccetana, mentio fit in historia Regis. Demum conuentibus dimissis, Rex veniens Barcinonem, vt per insignis pietatis suæ, quàm omni vita coluit, primordia Deo offerret, sacrum ibi ordinem fratrum beatæ Mariæ Mercedis nuncupatum, institui curauit. Cuius instituti ea ratio est, captiuos homines Christianos ab hostibus infidelibus redimere, non solum eos, qui mari à Piratis; sed qui terra etiam à Sarracenis Valentini Regni, frequentibus in Aragoniam & Cataloniam excursionibus capiebantur: ne tormentis, seu diuturna seruitute oppressi Christianam religionem & fidem abnegarent. Ideoque non solum Barcinone, præcipua ac principali societatis sede constituta: sed in vtroque regno, iussu Regis, cœnobio plura, tum ex ædificata, tum prædiis, amplissimisque censibus sic ditata fuere; vt sumptis inde, quæ ad sustentandos fratres sat essent, reliqua pecunia captiuos redimerent; vtque ex ipsismet religiosi electi quidam, singulis annis, fide publica à Sarracenis accepta, ad illos nauigarēt; vt pauperiores quacunq; sorte captos prius redimerent; atq; vt sanctius id, & religiosius conficerēt, præter tria solennia vota illa, continentia, paupertatis, & obedientia, ab aliis religionib. fieri solita, quartum sponsionis, vt sic dicam, susciperēt: Nempe, vt si in captiuorum redemptione pecunia alicui deficeret, cuius desperatio, seu abnegatio fidei timeretur, is redimeretur primus; ac Redemptor apud Barbaros manens, præses esset, donec pecunia ad se redimendum exportaretur. Cui etiam sacra sodalitati nomen dantibus, more aliarum, & cuculla pro sacco daretur, & vestimenta alba pro indumento; vt & religiosam vitam agerent, & in eo redemptionis mercimonio, puritatem, atque ab omni prorsus ambitione & avaritia mundam conscientiam præferrent. Qua causa, Mercedis vocata illa fuit; quæ vox Hispanis, non præmium, non pretium, aut fructum laboris, sed latinè reddita, idem quod donum, siue gratiam significat: quoniam vt postremum malorum est seruitus, maximè verò, quæ in carcere, aut vinculis fertur: ita neque maior seruo beneficium, siue donum impendi posse videatur, quàm ipsum è vinculis exceptum à seruitute in libertatem vindicare. Qualem ferè seruitutem tenera adhuc ætate expertus Rex fuerat, mensibus amplius quadraginta, tum à Symone Monfortio, magno cum vitæ periculo, Carcassone; tum à magistro Templariorum, vt Sanctii, & aliorum insidias euaderet, in arce Montionis retentus: seque propterea vt tanto è malo eriperet, beatissimæ Virginis Deigenitrici, cui semper se deuouit, valdè commendans, hanc ipsam sodalitatem redimendis captiuis, vt primum è custodia exiret, erigendam vouit. Quo etiam tempore, duæ similiter nobilissimæ, sanctissimæque sodalitates Domini-



cana, & Franciscana, ab earum Patriarchis, siue institutoribus, Dominico Hispano, & Francisco Italo, viris vndecunque sanctissimis, ac veris discipulorum Christi imitatoribus, institutæ fuerunt: & à summis Pontificibus acceptæ & approbatæ. Idque ea ætate, qua Christianus populus, non tam spinosis hæresibus, quam densissimis superstitionum, atque superbiam, & auaritiæ sentib: tantopere squallebat, vt Christiana religio, cum penitus languescere, tum titulo ferè tenus coli videretur. Quamobrem, diuina miserante clementia, quæ perditis ac desperatis rebus opportune medicinam fecit, eiusq; cœlesti dono, hæc ipsa duo splendidissima prodire lumina; quæ luce sua, tenebricosum, valdeque languidum Christianum populum, non modò collustrarunt; verum à tot subinde ignorantia, atque effrenatæ libidinis malis, suo diuino tum verbi, tum exempli medicamento sanarunt. Ambò quippe spiritu Dei acti, morbos, qui tunc præcipuè ingrauescebant, inter se partientes, curandos susceperunt. Dominicus enim pestilentissimas ignorantiam, atque edacitatem; hanc, quæ carnem semper incitat aduersus spiritum, interdicto sibi esu carnium; illam, quæ mater est cunctorum errorum; lectione, atque vocali diuini verbi prædicatione sanari docuit. Franciscus verò, pestilentiores auaritiæ, & vitæ superbiam; hanc, quæ nihil est Deo odiosius; perhumilis, innocentisque vitæ exemplo; illam, quæ radix est omnium malorum, paterna hæreditate spreta, domandam ostendit. Quibus accedens sacra illa Iacobi societas, quæ extremo, ac desperatissimo abnegationis fidei morbo occurrit, eum maxima meriti parte, eximiaque Iacobi laude, illis annumeranda est, atq; in præcipuis habenda. Sicuti in vniuersa Hispania hæc tres sacræ societates, præ cæteris, cum summo fidei prouentu, atque diuini verbi propagatione, sanctissimè excultæ sunt, ac diuinè fructificantur. Nam Barcino, & Cæsaraugusta, præstantissimæ totius Hispaniæ ciuitates, primæ fuerunt, quæ suadente Rege, eiusmodi Dominicanam, & Franciscanam sodalitates, earumque ad se missos primates pientissimè receperunt, eisque vbique cœnobis amplissima, Regia liberalitate exædificarunt. Quin & aliis postea variis in Hispaniæ locis similiter constructis cœnobiis, eorundem fratres, tam magnos in religione progressus fecerunt, vt in eisdem ipsis, quibus ab initio, pietate, doctrina, patientia, paupertate, & exemplo vitæ, hæcenus benedicente domino perseuerarint. Per id tempus, vixdum exactis sex mensibus, ex quo tempore Ilerdæ conuentus celebrati sunt, alii indicti fuere Oſcæ. Quæ vrbs antiqua nobilisque ad radices, siue inter ramenta Pyreneorum posita est, ac proxima duobus contentis sub Aragonio Regnis, Sobrarbio, ac Ripagurcia, & Aspenſi saltu. Quæ cum sint Galliæ Regnis finitima, atque in tam asperis, horridisque sita locis, agrestes etiam, locisque similes alunt homines: qui Gallorum vicinia frèti, ad nouandas sæpè res, cæteris propensiores existunt. Audent enim minitari, quoties acerbum aliquod in eos est Regis Imperium, se omnes, aut in Galliam transuolatuſos, aut ad se Gallos aduocatuſos, & in regnum ad sui opem, & defensionem immisſuros. Apud quos, cum turbare res, maleque habere inciperent; protinus Rex versus eos se contulit; ipsorumque procuratores ad conuentus accersitos audiens, pacatos dimisit. Sapièter quidem regendi modum instituit: quoniam vt medicum necesse est ad ægrotum accedere: ita etiam turbata vbiuis, atque male habente Repub. oportet Regem protinus eò loci conuenire; suaque præsentia, lites, odia, discidiaq; mota, antequàm longius serpant, sedare, compescereq;. Nam principiis obſtare, adeoque in tempore malis occurrere, non minus quam oculati medici, prouidi quoque opus est, atque munus Regis. Accedit eo, quod frequentibus comitiis, seu conuentibus vbiuis ex occasione à Rege celebratis, Regia Maiestas, eiusque summa auctoritas, mirè extollitur; ac, si natura dominus ipse Rex fuerit; idque præsentia, & suauitate oris præ se tulerit, cum mirè à multitudine colitur; tum indies magis magisque in omnium est oculis, & venerandus: Quod si is austerus, si seuerus nimis, & ab oculis populi sese abducens comitia distulerit; idè, aut sensim despicitur, aut timeatur magis, quam amatur. Vnde compositis rebus, atque conuentibus dimissis, Regi decimum vix annum habenti, oblata est occasio, vt ea ætate primum belli tyrociniū feliciter exerceſſet: quæſtione orta inter duos procures Aragonenses, Rodericum Licianam, & Lupum Alberium; quorum Rodericus in Lupum malè affectus, indicta causa, ac neq; ad singulare certamen antea prouocatum illum, vt mos erat inter procures, ex improviso armata manu comprehenderat, & in castrum Licianū ductum in vincula coniecerat: ac simul etiam eiusdem Lupi arcem capiēs cum oppido Alberio, Christianorum, & Saracenorum bona diripuerat. Quo audito, à Rege protinus accito procerum consilio, delibatum est, bellum Roderico esse inferendum, quoad Lupus e custodia & vinculis educeretur, atque damnorum integra ei fieret restitutio, seu compensatio. Quare coactis vndique militaribus Regni copiis, paratisque omnibus ad aggressionem necessariis: compo-



comportatum fuit etiam Oscâ magnum illud tormentum bellicum, fundibulum nuncupatum: quali olim machina primo bello Punico (auctore Livio) usus est M. Regulus Romanus consul prope Carthaginem, ad interimendum immanissimum, atque venenatum serpentem, qui non modo arreptos deglutiebat homines; verum suo afflato halitu conficiebat; quo ipsum fundibulo emissis saxis obruerunt. Rege ergo Alberium oppidum, quod Rodericus munitum reliquerat, cum exercitu perueniente, admotis machinis, statim sine armis illud intra biduum Regi se dedit. Inde verò ad Licianum oppidum, ubi Lupus tenebatur, castra posuit, illudque undique obsedit. Erat autem oppidum non minus fossa, & muro, quam oppidanis simul, & paganis, qui se intro receperant, bellicosae gentis munitum, cui praeerat Petrus Gomezius Roderici praefectus, strenuus loci propugnator. Verum ab exercitu, admoto fundibulo, quo immania, multaue saxa unoquoque iactu, certoque ictu iaciebantur; mille videlicet interdiu, noctuque quingenta, tandem perforatus murus fuit; atque illico magna contentione a militibus irruptio intentata: Rege illos animosius quam exposcebat aetas virgente, seseque una periculis obiciente. Sed oppidanis strenue propugnantibus, cruentissima sequuta est confectio; quoad suppositis scalis, Petrus Garcesius dux Regius, primus, multis subsequens, sese in oppidum immisit, atque impetu facto, Gomezium ducem fortiter resistentem impulsu hastae ab alto deturbavit, & viuum cepit, simulque oppido positi milites cuncta diripere. Quibus in arcem ire iussis, statim expugnata illa fuit: ibique inuentus Lupus e custodia & vinculis liberatus. Interim Rodericus Regiam potentiam pertimescens, consideransque libertatem Lupi, capitalem sibi induci perniciem; ad Petrum Ferdinandum Azagiam, Dominum Albarradini confugit; non minus munito loci propugnaculo, quam Petri fide, ad sese defendendum confisus. Erat autem Petrus unus omnium Aragoniae procerum praestantissimus, valdeque strenuus & bellicosus; ut qui suae urbis propugnaculo natura munito fretus, olim tum Petro Aragoniae, tum Alfonso Castellae Regibus resistere. Nam cum esset orta controversia inter eos de Albarradini territorio, utroque ad se illud pertinere contendente, ac bellum eadem causa contra Albarradinum mouente; sic se Petrus in sui defensione gessit, ut pactum inter Reges fuerit sanctione definitum: Albarradinum, eiusque territorium, ad neutrum Regem pertinere, sed omnino esse exemptum. Verum quoniam non licet cuiquam neutritus esse partis, si in utraque inimicos habeat, mortuo utroque Rege, in Iacobum tunc a Monfortio retentum propensior fuit, atque, ut supra ostendimus, in mouenda legatione Romam ad Pontificem, ad Iacobum liberandum, quam plurimam ipse una cum Hispano Episcopo Albarradiniensi, operam nauauit. Quod magis fuit admirandum, Petrum, fugientem a Rege Rodericum recepisse, huiusque inauspicatam amicitiam Regiae praetulisse: Sed in quibusdam illis, & nostri temporis proceribus, tanta est cum amicitia coniuncta iniustitia, & impietas, ut vel iniustum & facinorosum quemuis ad ipsos confugientem, modo si amicus, confidenter recipiant, liberalissimeque alant, ac vel contra pietatem defendant: non alia profecto causa, ut credi potest, quam ut ipse quoque amicus & iniustus defensor, pari gratia, ab iniusto amico defendatur; huiusque nefarii Asyli fiducia, maior in unoquoque regnet peccandi libido: cum nulla omnino excusatio peccati sit, si amici causa peccaueris. Igitur Rex, ubi intellexit Rodericum Albarradinum confugisse, a Petroque, eius protegendae causa, exceptum fuisse; ratione plusquam senili inductus, ad expugnandum Petrum abire decreuit. Erat enim tunc, Rege puero, tam insolens procerum praesidendi ambitio, unoquoque Regem ad se, inque rem suam, falso quodam boni consilii splendore obiecto, abducere nitente; ut Regia, ac communis res pessundari penitus, & Rex quoque sensim despici inciperet: ac neque quibus se, suaeque tuto committeret, praeterquam paucos, haberet. Quae secum ipse animo reuoluens, tacitus contra proceres machinari coepit; ideoque tam honestam, ac iustam nactus occasionem, Petrum primo illorum potentissimum bello persequi statuit: ut eo deuicto, ceteris terrori esset. Quocirca rectis copiis, Casaraugusta, Ilerda, Calataiubio, quin etiam Daroca, & Turolis, cum ipsis proceribus Simeonio Cornelio, Guillermo Ceruera, Petro etiam Cornelio, Valesio Antulonio, Petro & Pelegrino Ahonesiis fratribus, & Guillermo Poiano cum iis, qui sequuti sunt equitum numero centum quinquaginta: peditum verò quingentis, Albarradi-



num peruenit: atque in monte quodam castra posuit, vnde magna quædam turris, in excelso vrbis loco tanquam specula eminebat: eoque machinas, ipsumque fundibulum direxerat; natura & situ loci cæteras vrbis partes ab expugnatione defendentibus, atque omnem obsidendi viam præcludentibus. Est enim Albarrazinum (vt admirabilem eius situm, quem fama fert inexpugnabilem, describamus) parua quædam vrbs, inter Contestaniæ & Celtiberiæ fines, prope Turolium insignem Aragoniæ urbem sita; atque in decliui monte à parte supera excelsi & acuminati posita: ab infera verò, vndique perpetuo etiam celsissimoque, introrsus prærupto monte, quasi muro, circumsepta: quem Turia fluuius, angusto, sed profundo inuectus alueo, ab vrbe diuidit, ac totam penè cingit: & quæ ab obiectis hinc inde montibus vsque adeò occupatur, vt eius tam introitum, quam exitum, solus profluens inuenerit; sic vt neque alicunde introspecti possit ipsa, neque incolis aliud quam immanissimas rupes sibi tanquam centauris, vt est in fabula, impendentes, liceat ex vrbe inspicere. Vnde quidam, horribilem illius situm, contemplatus, Tigrium speluncam esse dixit. At verò Petrus cum primum, vt defenderet Rodericum, Regi obistere in animum induxit, amicos conuocauit, atque lectissimos ex Castella, Aragonia, & Nauarra equites centum quinquaginta in urbem intromisit: commeatu, ac omni re ad propugnandum necessaria bene munitus. Ac collustrato interim tenui Regis exercitu, eiusque procerum in partes diuisione, iam non tam de protegenda vrbe, quam de parandis Regi insidiis cogitauit: quas facile intendere poterat, tot sibi ex exercitu Regis sanguine coniunctis proceribus clanculum fauentibus; ac & Regis mentem, & machinarum admotiones, & expugnationis tempus, prænunciantibus: quin & ipso etiam Rege spectante, multis passim urbem intrantibus, atque exeuntibus hostibus, qui Regium exercitum paruifacere videbantur. Ceterum ex proceribus suspectos ferè cunctos Rex habens, ipsisque omnino diffidens, exceptis Petro & Pelegrino Ahonensiis, nec non Guilhermo Poiano, quos semper habuit fidissimos, iis tum capitis sui excubias, tum machinarum, atque tormentorum custodiam commiserat. Id proceres ægre ferentes, & quasi in ipsorum contemptum factum putantes, valde alienato à Rege animo esse cœperunt. De qua re Petrus ab eisdem proceribus certior factus, cum expedita manu equitum noctu vrbe egressus, ad secundam vigiliam, machinarum custodes ex improviso est adortus: sed fugientibus omnibus, & machinas deferentibus, soli præfecti custodiæ Pelegrinus, & Guilhermus hostium impetum primum sustinentes, tandem ceciderunt: ac protinus succensis machinis, salui hostes in urbem reuersi sunt: nullo interim ex proceribus, præter Petrum Ahonensem, exercitum ad arma vocante: sed stertentibus, aut conuiuentibus illis, hoste de Regis custodia & machinis triumphante. Quæ omnia Rex considerans, ac non occultas, sed apertas omnino insidias à suis, & ab hostibus, parari sibi intelligens, sensim ab obsidione recessit. Quo abeunte, Petrus factum dolens, ac, vel procerum infidelitatem, quæ est usus, erubescens: vel Regis indignationem in posterum pertimescens, in eiusdem gratiam se quoquomodo reduci, restituique procurauit. Quam ei Rex, illius perspecta potentia, & militaris rei peritia, quas magno sibi aliquando vsui fore sperabat, humanissime, liberalissimeque restituit: sicque ille in posterum Regi ad omnia, ac etiam ad procerum contundendam insolentiam, præsto fuit.

BERNARDINI GOMESII  
MIEDIS, ARCHIDIACONI SAGVNTINI, DE  
VITA ET REBUS GESTIS IACOBI PRIMI REGIS

*Aragonum, cognomento expugnatoris.*

LIBER III.



ELLVM Albarrazinense, de quo proximo libro est actum, quanquam aliis in feliciter: mihi planè felicissime gestum, confectumque fuisse iudicatur. Nam vt nulla tam valde præstans est, quæ ex deuictis corporibus, aut expugnatis vrbibus, quam quæ ex superatis animis, præsertim generosis, victoria reportatur: Ita Rex quidem, cum inuictum Petri animum flexisset, ad seque totum pellexisset, mihi visus est profecto; non minus nobilem de Imperio, ac de Imperante triumphum egisse. Sic enim sensisse ferunt Fabricium olim Romanum consulem: atque Legatis Pyrrhi Regis, qui ad illius animum auro tentandum venerant, respondisse: Romanos nō tam



tam autum, quam auri possessores captare consueuisse. Accediteo, quod non solum Petri, sed Roderici quoque profugi deditio; tum utrique liberalissime regia restituta gratia fuit; tum Regi etiam apud eos auctoritas, atque potestas stabilita. At verò proceres, qui se antea Iacobo puero, non tam ut regnaret ipse, quam ut ad eorum arbitrium cuncta gereret, addixerant, ad se reuersi cognouere, magno sibi malo fore; si suis inter se odiis, atque discordiis, quid de regia pueri maiestate minueretur: nondum videlicet extinctis, sed reuiviscentibus indies Sanctiana & Fernandina factionibus, quæ Regiam administrationem tanquam puerilem deridebant, ac sibi exitium, Regi verò insidias, nunquam non struebant. Nam quò maior in puero spes erat summæ probitatis, bellicæque virtutis, atque nihil non regium præ se ferentis in eo indolis, quæ Sanctium ac Ferdinandum à concepta animo regnandi spe deliciebant: eò quidem maius à desperatione crescebat in eis odium; maiorque indies inuidia ardere cœperant in proceres; quòd si Sanctium, tamen Regni Vicarium ac procuratorem ab ipsis constitutum, tanquam Regi suspectum, ab eius consilio atque consuetudine arcebat. De qua re illis grauius cum populis conque- rentibus, atque eo ipso consanguinitatis iure, Regio consilio se præfici debere, repositibus, magnam ex in proceres populi inuidiam in se concitari sentiebant. Quamobrem sibi ac Regi præcauentes, consilio inter se habito, id optimum visum est, tot crescentibus in Repub. malis, maturato Regis coniugio occurrere: ut facta per affinitatem potentiæ accessione, Regnum illi stabilirent. Nam etsi reclamaret ætas, ea tamen erat Regis staturæ proceritas, ac elegans corporis habitudo; ea suauitudo oris, atque viriles, temperatique mores; ut à nemine coniugio ineptus reputaretur: cum ætatem etiam multa alia supplerent. Quam sententiam cum Ximenius Cornelius, & Guillelmus Ceruera, procerum, & consilio, & fidelitate primi proposuissent, atque Guillelmus Raimundus Moncada Cataloniæ Senescalus, idemque Regis cognatus approbasset; reliqui in eandem ierunt. Itaque proposita inter alias, Leonora Alfonsi Regis Castellæ filia, sorore Berengariæ Reginæ Legionis & Galletiæ, quæ nuper fatali Enrici Regis eius fratris germani interitu, in Regnis Castellæ ab intestato successerat, illam Regi uxorem elegerunt. Vnde Legati missi Agredam, celebre id Castellæ oppidum est, quod Aragoniæ & Nauarræ fines attingit, ubi tunc erat Berengaria, eidem renunciarunt, Iacobum Regem suum cupere Leonoram eius sororem matrimonio sibi iungere: atque cum tot, tantorumque Regnorum dominus ipse ac Rex esset, solis Leonoræ corporis, atque animi dotibus contentum esse, neque non eidem insignia oppida, nempe Darocam, Epilam, Pinam, Vndecastellum, Barbastrium, Tamaritium de sancto Stephano, Montalbanum, & Ceruerram, Regni Aragonum: cum his, quæ in montibus Siurana & Pratenfi sita sunt in Catalonia, dotem confecturam. Qua legatione audita, approbatæque à Regio consilio, quæ à Rege Aragoniæ oblata sunt, pactis & conditionibus, propterea quòd multis causis Castellæ res, amicitia & societate Aragonensium, magnopere firmarentur contra communes hostes: consentientibus omnibus, Berengaria annuentem Leonoram in matrimonium Regi se daturam promisit. Quæ ubi per Legatos Rex intellexit, magna, splendidaque procerum caterua comitatus Agredam venit, ubi annum vix tum habens xiv. factis sponsalibus, Leonoram, & Berengariam cum Principe Ferdinando filio (his matri postea successit, ac Hispalis, & Cordubæ Regni à Sarracenorum manibus eripuit, atque persanctus est habitus) Regio stipatas comitatu, Turiasonem deduxit. Quæ vrbs pernobilis & antiqua, ad radices bicipitis, altissimique montis, qui Caunus dicitur, non longè ab Ibero flumine posita est: Ibi nuptiæ dignitatis, concordiæ, atque lætitiæ plenæ, magno in templo celebratæ fuerunt: quas nouum etiam auctorandi Regis institutum, celebriores fecit. Mos enim erat proceribus ad vnumquemque militari auctoramento decorandum, ut in templo ensen sacro in altari positum dignior quispiam ex militari ordine, caperet, eoque auctorandum præcingeret. Vnde pro more, cum Rex nullum se dignior rem haberet, idem ipse, ense de sacro altari sumpto, sese præcinxit: atque eius dignitate & decore militaris auctoramenti potitus est. Nec referri possunt, quæ in utraque celebritate, tum pompæ, spectacula, & ludi facti sunt: tum cœnæ, & congiaria data: cum de hisce, neque Regis historia, neque scriptores alii quicquā attigerint: fortasse, quòd tanta fuerit illius temporis frugalitas, ut hæc cum œconomia Regum conuenerit: tamen si frugalitatis verbo laudari Reges vix dignum videretur. Sed neque rursus indignum existimo, ut quòd Rex sua ipse in historia taceri noluit, minime



prætereatur: fuisse videlicet illum tam imbecilli ætate matrimonio iunctum; ut vel intra decem & octo menses uxorem non cognouerit. Iam vero peractis solennibus nuptiarum, Rex administrationi rerum intentus; ut in quem vnum iam tum omnis stabiliendi Regni cura incubuerat: ut primum à consilio fuit admonitus, conuentus indici iussit Aragonensibus Oscæ, ubi principibus Regni proceribus assistentibus, Aragonensium querelæ plures de illis auditæ sunt; ac etiam unicuique pro debito satisfactum. Inde vero Cæsaraugustam Rex & Leonora Regina venientes, honorificentissime, regioque more & apparatu, ab vniuerso populo excepti fuere; ludisque ac spectaculis eorum ingressus cohonestatus. Postmodum ex occasione, Darocam, celebre & antiquum Aragoniæ oppidum simul venire; ubi & conuentus celebrati fuere: ac neque memoria dignum quid ibi est gestum, præterquam quod eò venit Gerardus Cabrera, comes Vrgellitanus, ac etiam Cabrera Vicecomes, vnus ex potentissimis Cataloniæ proceribus, qui antea à Regis obsequio discesserat: sed aduentu, & obedientia sua, humanissime excipi à Rege, eique reconciliari meruit. Qui planè aduentus Regiarum nuptiarum quasi fructus habitus est à proceribus. Sed de controuersis, & iure comitatus, in præsentem iudicare Rex noluit; nisi quod breui se in Cataloniæ venturum; ibique de iis plenè cogniturum promissit. Demum Rex Daroca profectus, oppida, & vrbes Aragoniæ ferè omnes lustrauit: in quibus magnates, atque Regni proceres, præcipuè qui Regis curam gerebant, multa Regio sub nomine in illarum administratione innouasse, immutasseque, atque in proprium ipsorum commodum & vtilitatem conuertisse inuenit: ideoque querelarum vbique omnia plena erant. Quæ Rex damna prudenter, quæ propria erant, dissimulauit; quæ verò aliena, quanto potuit cum honore procerum resarciuit: Quin etiam de honorariis stipendiis, quæ proceres, iure belli, sibi ultra modum auxerant, detractionem fecit. Quibus tam piis iustitiæ & æquitatis muneribus Rege fungente, indies gratia eius apud populos magis magisque augebatur. Interim accidit ut inter sequentes Regem proceres, Nunnium comitis Sanctii filium, & Guillelmum Moncadam Vicecomitem Benearniensem, quam minima ex occasione, ut sæpè fit, magna fuerit orta dissensio, ob accipitrem alteri ab altero non commodatum. Qua discordia paulatim, iniqua verborum commentatione, ab iis qui aderant, aucta (res enim interdum verbo deteriores fiunt) commata subinde, atque ex iis contumeliæ eruperunt; qualia ferè solet aulica æmulatio, quæ tacita quædam est, atque perpetua inter aulicos ex ambitione orta animi contentio. Ii ergo præcisa amicitia, quæ arcta inter ipsos intercesserat, in partes diuisi sunt. Ex quibus Moncada socium sibi adiunxit Petrum Albarrazini dominum, virum, ut dictum est, bellicosissimum. Nunnius autem Petrum Ahonesium; magnum Regis consiliarium. Quo tempore conuentus Montione à Rege indicti fuerant, eoque Rex cum Regina libentiùs accedebat, ut & arcem olim sui custodiam reuideret, & præteritæ oppressiōis recordatione, suauiore frueretur præsentis status iucunditate. Sed antequam Rex Montionem veniret, Moncada, & Petrus Albarraziniensis, adductis secum trecentis leuis armaturæ equitibus, ad Valcarciam Templariorum oppidum, Montioni proximum, constituerunt; animo aggrediendi Nunnium ad conuentus proficiscentem. Quod sciens Nunnius, Ahonesio, & paucis comitatus equitibus, Regi Montionem aduentanti occurrit, eique nuntiat, quantam Moncada equitum manum ad Valcarciam conduxerit, ut se improuisum ac inermem opprimat; proinde precari obnixè, ut Sanctiano honori consulere, atque Guillelmum multitudinem, non virtute superiorem, procul arceret; deberi hoc sibi regia cognatione coniuncto. Id Rex cum intellexisset, virilem quasi assumens spiritum, bono ipsum animo esse iussit, promissitque, se, & Guillelmum propulsaturum inde; & honorem Nunnii, perinde ut regium, defensurum. Itaque Montionem ingressus, magistratibus præcepit, ut portas & turres oppidi armatis militibus complerent: neque quenquam ex proceribus sineret iniussu suo ingredi oppidum, nisi vno aut altero dumtaxat socio comitatum. Quod ubi Guillelmus rescivit, fremebundus se inde recepit; sicque Nunnio tum vitam, tum honorem ope sua Rex conseruauit. Cæterum peractis, atque dimissis conuentibus, Rex copiis Ilerda, aliisque ex oppidis accitis, vnâ cum iis, quas Nunnius contra Guillelmum coegit, Montione profectus, bello persecutus est Regulos quosdam, qui vocati Montionem venire renuerant, atque ab obsequio, & obedientia Regis defecterant: quorum oppida & arces expugnare Rex cœpit, atque in potestatem suam redigere, quoad venit Terrosium oppidulum Ilerdæ, & Balaguerio vrbi proximum. In quo fama est, tantam inesse salubritatem, vel ex subtilitate aeris, vel ex peculiari quodam terræ halitu, qui haustus cerebrum expurgat, ut insanos homines, vel furiosos, vel potius à dæmone correptos, eo perducant sanandos: estque in vniuersa ferè Cataloniâ peruul-



peruulgato illud prouerbio receptum, vbi quispiam insanire, furereue cœpit, Terror-  
sum mittatur curandus. Ibi ergo Rex duo sagacis, & egregii penè animi documenta  
exhibuit. Alterum quòd donationem olim à Petro Rege in fauorem Guillelmi Rai-  
mundi Moncadæ Cataloniæ Senescali factam, Aytonæ, Serosi, & Sosefi oppido-  
rum in finibus Aragoniæ, & Cataloniæ, vbi Sycoris influit in Iberum, positorum, Rex  
ratam habuit, & confirmauit; iisdemque oppidis, ad hæc vsque tempora per illustres  
Moncadarum familiæ proceres potiti sunt. Alterum quòd, vt paulo supra diximus,  
de aduentu Gerardi comitis Vrgellitani Darocam, Rex controuersias, quas ille cum  
aliis gerebat super comitatu, hucusque distulit pertractandas, & componendas; quod  
hæ ortæ fuerint tempore Petri Regis, qui bellum Gerardo intulerat, propterea quòd  
Armengolio comite Vrgellitano mortuo, Gerardus cum exercitu impetum faciens in  
eius comitatum, pulsaque inde Aurembaxide illius filia & hærede, totum occupauit.  
Qua de causa ipsum insectatus est Petrus, atque prælio captum in custodiam & vincula  
coniecerat; ac bonam subinde comitatus partem recuperauerat. Sed Rege mortuo,  
Gerardus è vinculis solutus, cum per interregnum turbata essent omnia; vniuersa  
oppida & castella, quæ Rex ceperat, quamprimum recuperauit; strages fecit, op-  
pida diripuit, aliasque quam plurimas clades illis intulit, qui à se ad Petrum defecerant.  
Itaque ibi REX, assidentibus Sanctio & Ferdinando patruis, multisque proceribus, at-  
que Regni magnatibus, supplici Gerardo, & factum deprecanti, veniam dedit; Quin  
etiam comitatus eidem stabilitus hac conditione fuit: vt illa ipsa oppida & castella co-  
mitatus, eandem quam olim Comitibus Barcinonensibus, Regi successoribus obedientiam  
præstarent: necnon & Aurembaxidi Armengolii filia integrum ius ad comitatum re-  
petendum, Rege iudice, maneret. Interea Guillelmus Moncada, qui Montione  
cum equitum turmis furibundus in Nunnium discesserat, maioribus iunctis copiis, quas  
cognatorum, atque amicorum ope adiutus adauxit, comitatum Ruscinonensem, quæ  
Sanctius Nunnii pater obtinebat ingressus, magnam eius partem depopulatus est.  
Quod Sanctius indignè ferens, neque ei valens resistere, Regem adiit, eius auxilium  
contra Guillelmum agros sibi vastantem, implorans; seque illi submittere, atque orans,  
vt de querelis, quas Guillelmus contra Nunnium haberet, Rex ipse iudicaret: se enim,  
ac Nunnium paratos esse, siquid intersit iniuriæ, Guillelmo compensare. Qua re  
audita, Rex quanquam animo male affecto esset in Sanctium, ob insidias toties ab eo  
sibi paratas: tamen eius necessitudinem, canitiemque reueritus, coacto consilio, quan-  
tum auxilii necesse esset, se illi daturum promisit; ratus oportere quidem Guillelmum  
potentissimum Cataloniæ magnatem, totque procerum cognationibus confisum, ne  
maiora moliretur, in tempore cohibere. Ad quem primum mandata dedit, vt à vastatio-  
ne desisteret, atque è toto comitatu excederet. Quæ ille paruipendens, arces nonnullas  
expugnauit, & ad Perpinianum nobilissimum, ac præstantissimum comitatus oppidum  
castra posuit. Vbi Perpinianensibus in eum, duce Gilberto Barberano, impetum de  
improviso facientibus, vsque adeò se strenuè Guillelmus gessit, vt duce interfecto, re-  
liquos cum magna eorum strage intra mœnia compulerit. Ex quo vniuerso turbato  
comitatu, Rex copias eduxit, illumque aperto bello persequi decreuit. Quem sequu-  
tus est Raimundus Folchius Vicecomes Cardonensis, cum magna suorum manu mi-  
litum; tum vt Guillelmum, quem male oderat, insectaretur; tum vt Regi, ac Sanctio  
morem getens, auxilio esset. Itaque ex Aragonia profectus Rex quo venerat ad sup-  
plendas copias, Cataloniam repetiit, ac versus Perpinianum progressus, in ipso iti-  
nere centum & triginta oppida, castra, & pagos, non solum ipsius Moncadæ, sed cogna-  
torum quoque & amicorum, partim deditione, partim vi, atque armis subegit; eaque  
omnia fuere Regiæ ditioni, fiscoque attributa; quoad ventum est ad oppidum Cerbel-  
lonium prope Barcinonem; quod tamen si arce munitissima, fossaque, & mœniis circum-  
septum: tamen ad motis machinis, intra quartum supra decimum diem à Rege fuit expu-  
gnatū. Cui obsidioni intererant duntaxat Sanctius, Ferdinandus, & Nunnus, cum aliis  
proceribus, & equitibus non plus quadringētis: ne maior, quam pro hoste exercitus fie-  
ret. Nam Folchius Cardonensis, paucis relictis, cum maiori parte suorum in Comitatum  
ad sedandos tumultus quosdam secesserat. Sed capto Ceruellonio, exercitus deductus est  
Moncadam, quod oppidum caput est totius Moncadæ potentatus, arce, & mœniis  
prope inexpugnabilibus munitum; seseque in illud Guillelmus receperat. Ad quem  
Rex per legatos nuntiari iussit, velle se in arcem ab eo excipi hospitem. Quibus  
Guillelmus respondit, se Regem libenter excepturum: sed nullum sibi esse ius hospi-  
tium cum hospite tot mala hospiti inferenti. Quo audito, Rex arcem obsidione, tamen si



diutina capere decreuit. Iamque machinis atque tormentis expositis, tutiora ad oppugnandum loca hinc inde disquiritens, in colle arce imminente castra posuit. Sed ea ut erat munitissima, multoque milite & armis completa; quin & amplissima etiam Moncadarum familia plena, machinas, & quemuis armatorum impetum facile sustinebat: ac quoniam aquatione prohiberi non poterat, fonte pone muros profluente, oppugnantorum in hoc vno sita spes erat, quod famēs Moncadas, non minus quam exercitus obsidebat: nec dubium, quod præ fame in deditionem venissent illi, nisi conuiuentibus, ac consentientibus Regii exercitus ducibus, clanculum ab amicis cibaria in arcem inuecta fuissent. Ea enim erat Guillermi cum proceribus necessitudo; adeoque eorundem rursus in Sancium & Nunnium, quorum causa, non Regis bellum gerebatur, commu-<sup>10</sup> ne odium & maleuolentia; ut non deessent qui obsidionem palam Regi exprobrarent: sensimque inter Aragonenses & Catalanos, ea suboriretur dissensio; ut conspirationis voces nonnullæ auditæ fuerint, bellum iniustum, impium, ac deprædatorium, succlamantium, Regique maledicentium; ut cui non satis fuisset, tot oppida & arces Guillermi, eiusque familiae, & amicorum diripuisse, sibi que applicasse, nisi etiam caperet, atque de medio tolleretur Guillerum, ut perdat vniuersa. Ac quoniam Rege puero, certum erat, Sanctii & Ahonesii consiliis geri omnia: usque adeo eis ab omnibus maledici ceptum est; ut iidem coniurationem timentes, Regi persuaserint, ab obsidione arcis, alioqui inexpugnabilis, discederet. Quod Rex, quauquam ægre tulit; videns tamen id a Sanctio & Nunnio, quorum causa motum bellum erat, tantopere peti, concessit quasi<sup>20</sup> quod factum ipsis iam satis esset, libenter ab obsidione bimestri discessit: atque dimisso exercitu, in Aragoniam rediit. Quo abeunte, protinus Guillelmus cum expedita manu equitum, Sanctii, atque Nunnii oppida, & pagos iterum, longeque acerbius quam antea, vastare ac diripere incepit; quæ ubi primi omnium rescuere Ferdinandus Abbas, qui Osca Regi obuiam, adhuc regnandi cupidus, venerat, & Ahonesius inter quos arcta tunc, sed suspecta quidem, iniebat amicitia; ne subinde bellum redintegraretur, consilio inter se habito, statuerunt, ut antequam Regi hæc nuntiarentur, secreto Guillerum accerferent; facturi cum Rege, ut ei veniam daret, simulque restitueret sublata ab eo oppida, & arces; indeque Guillelmus depositis veteribus quas gerebat, cum Sanctio & Nunnio inimicitias, notias cum eisdem amicitias susceperet. De quare<sup>30</sup> ad Guillerum scripserunt; data ei fide publica, in Aragoniam veniret, in oppidum Thautium, quod pro honorario Ahonesio cesserat, ac proximum est Alauonæ, ubi Rex tunc agebat. Quod, perueniente Guillermo, Ferdinandus, qui spe regnandi, à religione, qua fuerat initiatus, alienato semper animo fuit; neque profana miscere sacris graue vnuquam duxit, iuncto Ahonesio, magno, ut dictum est, Regis consiliario, nihil non denuo sibi commolendum putauit, ut Regnum tantopere à se affectatum, quod occupare non poterat, occupato Rege subigeret. Quare consilio inter ipsos habito, atque mutuo data fide, Regis custodiam pessimè machinati sunt, quo liberius ac pro libidine cuncta gererent. Quam in hunc modum aggressi fuere; præmissis duobus equitum, peditumque cohortibus Casaraugustam, atque per urbem distribui iussis, Ferdinandus multis<sup>40</sup> comitatus proceribus, Thautio exiens, vnum ex ipsis Alauonam ad Regem mittit, cui reuertenti, se cum vniuersis Regni proceribus venire, ut Regiam eius Maiestatem, & Reginam clarissimam, Casaraugustam deducant. At Rex tametsi ficto officio, ac simulata sedulitate, id fieri cognosceret: tamen libenter se illum excepturum dixit: atque interim Nunnio, & Azagræ Aulæ præfectis præcepit, ne quemquam cum Ferdinando oppidum intrare permitterent, præter quatuor, aut quinque ad summum proceres: reliquis per suburbia distributis: ipse verò ad excipiendum illum oppido est egressus. Sed deinde siue incuria, siue consilio præfecti fecerint, equites ducenti, inscio Rege, cum eo ingredi oppidum permixti sunt. Sequenti verò die Ferdinandus eadem caterua procerum comitatus, in Aulam venit: atque omnibus præsentibus, sermonem breuem, sed assenta-<sup>50</sup> toris omnino confectum verbis, cum Rege habuit. Inquiens, neque sibi, neque vtriusque Regni proceribus, qui aderat, tam quicquam esse cordi, quam regiam eius maiestatem, cuius nutu tam feliciter cuncta gerebantur, colere, venerarique, ac se, suaque omnia pro eo liberalissimè impendere: ideoque, ut parta iam bello pace frueretur, Casaraugustam, tot affectantibus proceribus cum reliquiis exercitus ouans, & quasi triumphans intraret: ut publicam & communem rem ibi melius commodiusque administrare posset. Quæ Rex audiens, ac interim circumspectans, proculque inter confertos proceres dignoscens Guillerum Moncadam, se inscio & inconsulto, coram venisse: ac insuper, neque Nunnium, neque Ahonesium, neque alium quemuis ex intimis ad autem accessisse, qui summa.



summatim, quæ respondenda essent, uti solebant, suggererent: iam quod paulò ante suspicione odorabatur, pro certo habuit; se, à suis omnino consiliariis proditum esse. Ac quoniam vnitterfi commurmurantes, responsum à Rege quasi reposcere videbantur; placido ac sereno vultu, se libenter, quo ipsi vellent abiturum respondit: existimans, quocunque in statu res essent; quouè denique propenderent, satius esse intra urbem, quam extra consistere; atque fidissimos Cæsaraugustanos ciues sibi non defuturos sperare. Igitur urbem, nulla admissa pompa, Rex & Regina ingressi, ad Sudam veterem Regum Aulam, portam Toletanam dictam, venere. Verùm Ferdinandus, qui tunc consentiente, ac simul conspirante Sanctio, omnem gerendarum rerum curam susceperat, vocatis ducibus regis cohortis, Guillermo Boyno, & Petro Sanctio Martello, arcanum quid cōfingens, quod ita patrari, tum regno commodum, tum Regi honorificum ac prosperum futurum esset; alterum personæ regis, à qua nusquam oculos deiceret, custodem præfecit: alteri totius Aulæ, atque ianuarum asservandarum curam dedit. Ac protinus eadem nocte, semotis omnibus Regis & Reginae seruitiis, ac binis vnicuique tantum cubiculariis relictis, cunctas Aulæ ianuas & fenestras, præterquam lumini recipiendo necessarias, clauibus, vectibusque obserarunt; sic ut neque videri Rex, neque videre quemquam, neque alloqui, ad aliquemue scribere posset, nisi sciente Ferdinando, ac permitte: eoque ipso interim per schedulas Regi proponere, inter alia, ut omnia oppida, arces, & pagos, quæ à Guillermo Moncada, eiusque cognatis, & necessariis, vi sustulerat, restitui iuberet: quin & pro damnis etiam, quæ ille bello passus est, morabatinos viginti mille eidem persolueret; alioqui ipsum, neque custodia, neque rerum suarum, vllum vnquam exitum habiturum. Quibus respondere differēbat Rex, postulans dari sibi aliquē ex consiliariis non suspectis, quo cum re communicaret, atque consuleret. Cumque ex iis vnus Atho Focius intimus, ac fidissimus, ipsum alloqui vehemēter contēderet, ut consilio iuuaret, à Regeque idē peteretur; sic fuit à Ferdinando reiectus, ut præbili Oscan ille abierit. Vnde Rex, cū amissa libertate, tum suorum alloquio (quod multo ægrius ferebat) penitus interdicto, ac neque à ciuibus educi se, sed ab omnibus destitui videns; Ahonesium, tamen si alterum coniurationis caput, non tam rogandi quam obiurgandi causa, ad se accersi iussit: quē intrantem placidē, sedateque Rex excipiens, apprehensa manu, cū eo in partē aulæ secessit; ibique se-  
30 uero iam, atque mutato vultu, sic est locutus. Non possum equidē, Ahonesi, stuporē tuum, seu permistam potius cum animi languore perfidiam, tibi non vehementer exprobrare; quod tu in primis tam immemor, quam fueris de meo patre, ac de me, pro tantis tuis in nos officii muneribus benemeritis, atque ab utroque rursus, quot ipse beneficia acceperis, in me tamen vnum nunc tot simul maleficia contuleris. Quod pergrauē malum, non tam quodd ratione mala facias, quam quod nulla facis, in te est longe grauius. Cum neque timore maioris vitandi mali; neque spe maioris consequēdi boni, iam illud facere possis. Neque enim me puerum, quem tu ingenuē educaisti, tam immitti ingenio, crudeliuē natura præditum esse vides, ut præfagire possis, me virum, quod Nero Senecæ, hoc idem tibi facturum; neque rursus sperare, supremo, quē tenes, dignitatis gradu, melius  
40 quam me Rege, te vnquam potiturum. Cū non aulæ modo primus, atque liberalitate mea procerum potentissimus euaseris, sed summus mihi semper consiliarius assēderis; sicque pro arbitrio tuo cuncta gesseris, ut non consulere, sed peræque mecum regnare videaris. A quo te gradu cū tam multi conati fuerint deicere, atque perdere, nonne ego solus contra omnes defendi? num opis non fuit nostræ, quod de Artalo Luna, tuo grani & acerbo inimico, tam honorificē triumpharis? Sed hæc tu nunc, consilii plus quam quisquam hominum inops paruiducens, Ferdinandi factionem, quam infestissimē infestabaris, modò studiose sequeris, ut tyrannū, cui seruias, pro Rege, quē tu regebas commutes; scilicet ut honoribus, atque amplioribus Regni beneficiis cum illo implearis: ac me, quem Regno tantopere præfici curasti, ex Rege ac domino captiuum contempleris.  
50 Sed estò, vicisti tandē Ahonesi, deque Rege, ac Regno triumphasti. Veruntamen caue interrim, ne de victoria insolens gloriaris. Nā curabo sedulò, ne tu meorum in te beneficiorum tam sis immemor, quam tuorum rursus in me maleficiorum ego semper ero memor. Is dictis Rex, ne iusta ipsum ira vinceret, ut in Ahonesium irrueret, relicto illo, alio diuertit. At vero senex à puero conuictus, vsque aded obstupuit, ut ne mutire quidē coram potuerit: atque inde abiens ad Ferdinandum, quæ secum Rex egerit narrauerit: sed nihilominus custodiā Regis ambo libertatem, ac Regnum suū putantes, in proposita, obstinataque sententia perstiterunt: eoque magis Regni honores, aliaque emolumenta & vetustigalia Regia, haud quaquam in ærarium cōferre: sed inter se, amicos, & familiares profusissimē diuidere curarūt. Quæ omnia Rex facillē ex ipsa Ahonesii obstinatione coniici-



ens, atque suæ procrastinatione custodiæ augeri indies Ferdinandityrannidem videns; quibus se modis inde eriperet, ac populo ostenderet, die nocteque animo versabat; seq; tandem vnâ cum Regina, si sequi vellet, per fenestram demittere decreuerat. Verum Regina, vt erat prudens, & magnanima, meliorem rerû exitum sperans, ac non tam demittendi periculum, quam Regis ex fuga ignominiam perhorrescens, consilium minimè probauit; sed pie potius, viriliterque Regem admonuit, vt almæ Dei genitrici Mariæ, cui se ipse à puero deuouerat, nunc totum commendaret: fore namque, vt eadem ipsius ope Virgînis, qua fuit à Monfortio, & arce Montionis liberatus, à præsentiquoque custodia honorifice eriperetur. Ia cuius dictis Rex acquiescens, prudentissimæ consilio Regina, periculum simul & ignominiam vitauit. Quamobrem instante 10 denuò Ferdinando, vt Moncadæ damna reuocarentur; atque ablata ad vnum restituerentur, Rex postulatis annuere deliberauit; exinque paulatim relaxari cœpit e custodiâ, ab eaq; tandem, in qua dies amplius viginti fuit, exiit; Ferdinando tamen Regni procuratorem retinente; ac perquam multis etiam reclamantibus, omnia gubernante. At verò Rex protinus Cæsaraugusta excedens, quæ ob custodiæ in ea perpeffionem, ac ciuiû dissimulatione, fastidio ei erat, Montionem cum Ferdinando, & aliis Curiam sequentibus, proceribus, & Ecclesiarum Prælatibus venit. Vbi de statu Reipub. & administratione Regni agentes, multa vtrò citroq; singuli proposuere, quæ prætextu publicæ, atq; communis utilitatis, in propriam cuiusq; vergebant: neque tamen Rex ea poterat, per ætatem, annum non excedens decimum sextû, conglomerantibus sese in contrarium plerisque proceribus 20 auctoritate sua impedire. Vnde neque proceribus satis inter se convenientibus, dimissis comitiis, necesse fuit Regem Cæsaraugustam remigrare. Vbi, repositis ciuib; regiam fortassis iram, ob dissimulatam custodiam, in posterum timentibus, priuilegia & plebiscita à maioribus irrogata, liberalissimè, qua ille semper vsus fuit magnanimitate, confirmauit: nec non Gonsaluo Ioannio magno magistro equitum Calatrauensi, Alcantarii oppidi florentissimi in Aragonia, eiusque ditionis donationem ab Alfonso Rege auo eisdem magistratui, ac societati factam, & à Petro parente approbatam, Rex sua quoque auctoritate sanxit & confirmauit. Inde verò Dertosam concessit, quæ vrbs maritima (Neque enim ultra sex milliaria à mari, in quod influit Iberus fluuius, distat) non longè ab 30 Illeguonum finibus posita est: ab Aquilone quidem excelso protecta monte; ab occasu autem, eodem Ibero fluuio, vbi altissimus est, alluitur. Apud quam (neque de ea commemoratione digna sunt reticemus) lampetrarum, mugilum, strutionum, trissarû, & aliorum delicatissimorum piscium, è mari aduerso flumine ascendētium, tanta est foetura & piscatus; vt in hisce, neq; varietate, neq; suauitate, vlla sit maritima totius Europæ ora cû Dertosana comparanda. Quam sibi oblatam piscium vbertatem mirè Dertosanorum ars effert, mercemque ex ea efficit satis quæstuosam. Nam capti subinde pisces, tum sale puteali, quo ager abundat conditi; tum subacti, atque ocreato contexti pane, eoque pistorum arte, ductili ex massa filo, quasi vermiculato adornati emblématique, atq; in furnis excocti, in tanta quidem copia & multitudine apparantur; vt non Dertosanis ac vicinis modò sufficiant: sed ad vniuersam Aragoniæ, Cataloniæque, & Valentiniæ oppida magna 40 cum quæstu compendioque deferantur. Quorum tam suavis est esca & pabulum; sacram præsertim carniû interdictionem patientibus: vt hanc ipsi leuius ferant: quinimo ad carnes reuerfi, propter pisces suspirent. Itaque per id temporis Rex Dertosa abire statuit, vt à se parumper abigeret importunam procerum frequentiam; maximè verò Ferdinandi, atque Ahonesti procacem ambitionem, & insolentiam, quæ ipsos, ob impunitam custodiæ iniuriam, intolerabiliore usque adeò reddiderant: vt non solum Regni administrationem, reclamante Sanctio, sibi totam arrogarent; sed quosuis Regis conatus superbe nimis infringere: Sanctiumq; vt senem capularem: Regem verò vt puerum, à Reipub. gubernatione amoliri, neq; tam occultam, quàm apertam iam dominationem 50 exercere conarentur. Inde igitur Hortam (Templariorum id erat oppidum) Rex concessit: vbi militari edicto præcepit vniuersis vtriusque Regni proceribus, iis etiâ, qui honorum nomine, stipendiis regali munere donati erant: vt quantis possent copiis, in certam diem, Turonium urbem, vt diximus, finitimam Regno Valentino conuenirent. Bellum enim sacrum à se strui significauit, pro Christiani nominis propagatione, aduersus Valentinos Mauros: eorumque reprimendas excursiones in vicina oppida Christianorum. Cui edicto neque Ferdinandus, neque Ahonestus, quod inconsultis se, prodississet, non solum obedire noluerunt: sed & floccipendere, atque alias Aragoniæ ciuitates ab ea expeditione reuocare procurarunt: quin & relicto Rege, Cæsaraugustam venerunt: scilicet, vt conatus Regis pueriles, vt dicebant, inde melius contemplarentur, ac deriderent.



rent: quos ne impedire quidem tentarunt, haud dubia spe sinistri alicuius belli euentus, & occasionis rerum nouarum, quam illi oblatam libenter arripere. Quæ omnia tamen Regi nota erant, eique iniurias ab vtroque acceptas augebant: at ea in præfens-  
 ti premere commodius duxit: sperans non defuturam sibi idoneam occasionem aliquan-  
 do, ut de Ahonesii saltem insolentia pœnas sumeret. Itaque illis non expectatis, cum  
 iis tantum copiis, quæ à Catalonia sibi præsto fuere, & quas ex Aragonia duxere Blacus  
 Alago procerum potentissimus; nec non Artallus Luna, & Atho Focius (si namque ante  
 præstitutam diem, non Turolium, sed Hortam, Regem præuenire) ingressus est fines  
 Valentini Regni, secundum oram maritimam, regionis Ilergaonum; ibique omnem de-  
 populatus agrum, prædaque facta, ad Peninsulæ promontorium caltrameratus est: quod  
 illud totius oræ, terra marique specula sit, & quasi custodia confinium à natura sita: ideo-  
 que à Rege Valentia, tanquam præcipuum Regni propugnaculum summa cura custo-  
 ditum; eoque ipso magis etiam à Iacobo expetitum. Est enim illud magnus quidam mons,  
 seu potius saxum quoddam & immane monstrum, ex rebus inter se, quasi contrariis co-  
 gestum: quale ex præfenti descriptione, quam nos ibidem commentati sumus, atque ob-  
 rarum, neque alibi vsquam repertum similem eius situm, aliquanto fufius hic explana-  
 tum, facile erit colligere. Siquidem moles ipsa, quæ mari prominet, atque Balearium  
 maiorem, ad Orientem Solem, directò respicit; ambitu quidem mille, diametro verò,  
 quod inæquale sit solum, quingentis passibus constat. Estque altissima & acuminata pau-  
 lulum, atque omni ex parte, nisi qua domicilia continentur, prærupta, quamque totam  
 penè mare cingit: indeque Peninsulam vocant: tam paruo enim terræ spacio cum conti-  
 nenti committitur, ut sæpius, ex crescentibus fluctibus, protus abeat in Insulam; talisque  
 nunc quoque manu facta est. Montis præterea tanta est excelitas, ut præter amœnissimū  
 inde aperti maris prospectum, facile sit, aduentantes naues, ad tringinta ferè milliaria, à  
 summo iugo prospicere. In cuius vertice area tam lata est, ut in ea potuerit arx amplissima,  
 atque inexpugnabilis extrui; oppidanis quidem, sola ea parte montis, qua continens a-  
 spicitur, quæ quodammodo decliuus est, ad habitandum relicta; per hanc enim vnicus est  
 in oppidum ingressus, vnaque porta validissimo aggere munita; suaque fossa & ponte ab ea-  
 dem continenti distincta. Quin & utrobique maris, læua dextraque, tanta est altitudo, ut mi-  
 noribus nauibus portus fiat; ex eo quod, dempto Subsolano, cui est apertus, à reliquis  
 ventis etiam terrestribus tutus sit; nauibus hinc inde, commutato mari, obiectu mon-  
 tis, à tempestate protectis: atque ab hostilium quoque incurfu nauium, beneficio ar-  
 cis, defensis. Sed quæ in ea monstrosa apparent, sunt duo in primis. Alterum, cauernarū  
 ad radices montis frequentia, quæ mari ita peruiæ sunt: ac penetrabiles, ut fluctus ma-  
 ximo cum fremitu & æstu, ac etiam infinito saxatiliu congestu piscium, subitus per  
 excauata foramina erumpant; utpotè quibus tantopere intus contusæ rupes ne hiscant  
 quidem, sed constipante salsugine, multo magis obdurescant. Alterum est fons magnus  
 aquarum maxime dulcium, & limpidissimarum; qui ab ima quoque mole è rupibus,  
 mari interfluente, emanat ad solius arcis, ac oppidanorum vsus enatus: cum sese protinus  
 effundat in mare: ut appareat naturam, in muniendo loco, artificio quasi vsam fuisse.  
 Cuius profectò inexpugnabilis molis natura haud incomperta fuisse creditur Benedicto  
 Papæ, cognomento Lunæ, Aragonensi. Quo maxime tempore (nota est historia, sed bre-  
 ui nunc percurrenda) Apostolica Pedri Sede Pastore carente, & Cardinalibus in partes  
 diuisis, ac varias inter se electiones commolientibus; ab eorum parte Auinione congre-  
 gata, electus ille fuit, ac Pontifex renuntiatus: qui protinus pro tali se gerens, solaque  
 Hispaniæ, & Aquitaniæ obedientia contentus: quod posset tutius Pontificio fungi mu-  
 nere, in Peninsulam se recepit. Vbi Palatium cum templo magno, ex secto lapide (qualo  
 extat) tam magnificè ædificauit, ut & dignitati summæ, & Cardinalibus ad habitandum  
 sufficeret. Sed cum ex tribus electis, duo alii cesserint; seq. decreto Constantiensis Conci-  
 lii, Pontificatu abdicauerint: Luna, neque Concilii exhortationibus, neque anathemate,  
 seu minis; neque demum Sigismundi Imperatoris rogatu, qui è Germania Perpinianum;  
 eius abolendi scismatis causa venerat, à proposito dimoueri potuit. Nec dubium, quin  
 situs loci inexpugnabilis, atque inde secuta animi securitas, in tanta eum pertinacia con-  
 firmauerit. Vrgitur redeamus vnde diuertimus, eiusdem loci situm optime conspica-  
 tus Iacobus, postquam totum circum vastauit agrum; atque Peninsulam obsidere parat,  
 acerbus de iis nuntius Valentiam allatus est: atque ut res solent fama crescere, non modo  
 expugnatam Peninsulam à Iacobo; sed eius quoque exercitū iam vrbi imminere perla-  
 tum fuit. Hoc nuntio Zeitius Abuzetius Rex Valentia, atque ciuitatis primates cum vni-  
 uerso populo, tam cōsternato fuere animo; tantusque ab eis clamor, & eiulatus commotus,



ut postquam sequenti nuntio inuentum est, neque Iacobum, neque eius exercitum Peninsule fi-  
 nes pertransisse; sed in eius obsidione esse, statim legatos misit, qui inducias cum Iacobo fa-  
 cerent: ac modò ab obsidione recederet, quintam partem Regionum portiorum Valen-  
 tiæ & Muriæ quotannis eidem pendendam promitteret. Quibus postulatis annuere Ia-  
 cobo visum est non modò commodum, sed perquam honorificum: propterea quod opinione  
 potius quam ferro, tam prospere bellum vix ceptum confecerit; atque hostem, quem aliquā-  
 do inuasurus esset, animo iam consternatum haberet. Sed hæc, quod felicius gesta sunt, eo æ-  
 quius est ea procul à fabulis abesse. Nam quanquam in historia Regis, quam nostra sequitur,  
 nulla de hoc Peninsulano bello fit mentio, nisi de portoriis, ut diximus, Iacobo à Rege Va-  
 lentis concessis, ob factas inducias; eaque res non minimam parere possit dubitationem; mihi  
 tamen gestum illud, atque armis confectum fuisse multis de causis persuadeo. Tum quod illius,  
 nostrique temporis scriptores, qui Iacobi res gestas accuratè conscripserunt, huius quidè  
 belli, atque excursionis in Peninsulam expresse meminerunt: neque delendum est in multis, quod  
 ab uno fuit præmissum. Tum quod bellum tantum modò apparatus, seu ostentatum, etsi indu-  
 ciarum causa esse potuit: at pendendorum portiorum, quod à solis victis dari solent, illud ni-  
 si illatum gestumque, causa esse non potuit: ac nisi ob redimendam Peninsulam, aut maximè  
 aliquem exercitum à cervicibus auertendum, Iacobo concedi illa non debuerunt. Nec obstat  
 quod Rex affirmat, ipsum venisse Turolium, quo proceres ad apparandum bellum commea-  
 turi fuerant, eorumque cunctationem, & commeatus consumptionem, induciarum, atque  
 differendi belli causam fuisse. Nam ut breue admodum est iter à Dertosa in Peninsulam, 20  
 ab eaque in Turolium; sic potuit utrunque maturissime effici: ac inducias, de quibus ad  
 Peninsulam ceptum est, Turolii pangi: quod in ea urbe permulti essent viri graues, potentes,  
 atque bellicarum rerum experientissimi, qui Regem non modo opibus, sed consilio iu-  
 uare possent. Est enim Turolium urbs celebris in montanis Aedetanorum locis sita, atque  
 Valentis est regione ad Aquilonem posita: quæ iam tum annis prope centum ab Aragonensibus.  
 & Nauarris à Sarracenorum manibus erepta, ab eisdem colli cepta fuerat. Cuius ubertate  
 agri, ac pecuaria re, & lanificio, præcipue verò assidua è Valentino Regno parta præda, au-  
 cticiues, urbem sibi tum ædificiorum splendore, tum magnifica Templorum structione,  
 tum robore & amplitudine murorum, pulcherrimam, ac munitissimam construxerunt, eamque gene-  
 ris atque familiarum claritate nobilissimam reddiderunt. Ex quo multa circum oppidula & pagi, 30  
 horumque municipales & rustici homines, ciuium in administranda, beneque gerenda Re-  
 pub. prudentiam & magnanimitatem admirati, voluntariam cum ipsis societatem coierunt:  
 eisque res suas gubernandas tradiderunt. Hoc igitur federe municipiorum aduerti Turo-  
 lenses, usque adeo viribus, armisque valuerunt, ut subinde eorum Reges præsertim Iacobus, ut  
 ipse attestatur, ad omnes in Valentinos susceptas excursiones, nullis, siue equestribus, siue  
 pedestribus ordinis militibus, quam Turoleis usi fuerint bellicosioribus, & fideliori-  
 bus: atque hinc est, quod ipsos amplioribus, quam ceteros Aragonis populos, priuilegiis, im-  
 munitatibusque donatos inuenimus. ac non modò in commeatu, & frumentaria re suppe-  
 ditanda ad bellum, eosdem fuisse largos, sed consilio & prudentia in deliberationibus. Reges  
 multum iuasse comperimus. Meminit quippe Rex cuiusdam nobilissimi ciuis Pas- 40  
 chasii Muniocii, olim Petri Regis alumni, adeo diuitis, magnanimitique ac libera-  
 lis, ut ex propria re & opibus, Regi multam vim auri accommodauerit; nec non comestum, &  
 cibaria Regio exercitui ad dies amplius viginti præparauerit. Cuius etiam Paschasii (ut  
 in præclaris eius est monumentis) pronepos fuit Aegidius ille Sanctius Muniocius, siue  
 Munionis, ut dicunt, Canonicus Barcinonensis, qui in eadem Peninsula, ab illo ipso Be-  
 nedicto Pontifice creatus Cardinalis, illo vita functo, à Collegio Cardinalium electus ac  
 summus quoque Pontifex renunciatus fuit. quo Pontificatu, ut se pro sedando schisma-  
 re, abdicaret; à Romano Pontifice Balearum Episcopatu fuit præfectus. Rex igitur  
 siue Peninsule, siue Turolii, induciis cum ipso Valentis pactis, exactis iam diebus  
 viginti, quod fuerat tempus præstitutum proceribus, Paschasio, aliisque Turoliis  
 primatibus in gratiam receptis, Casaraugustam petere decreuit. Vbi Ferdinandus  
 & Ahonesius constiterant: ad quos fama etiam peruenierat de rebus à Rege puero, viri-  
 liter feliciterque gestis; deque induciis à Rege Valentis tanto cum honore Iacobi fa-  
 ctis; atque portoriis una datis; nec non de obstrictis illi Turoleis animis ad omnem  
 contra Mauros expeditionem suscipiendam. Quæ res utrumque vehementer exul-  
 sit: contra verò, Casaraugustanorum animos mirè erexit, affectique fuere omnes pieta-  
 tem maxima erga Regem; tædereque ipsos valde cepit eorum, quæ à Ferdinando & A-  
 honese in Regem patrata sunt: quos iam populus maledictis incessere, & quasi inue-  
 hi in ipsos tentauit. Vnde Ahonesius licet conscientia conuictus, populi tamen furorem  
 ac Regis



ac Regis iram volens eludere, cum expeditis equitibus sexaginta, ut potentiam ostēteret, iuncto sibi Sanctio fratre Episcopo Cæsaraugustano, Turolium ad Regem profectus est, cunctationis suæ causas redditurus. Quo ipso tempore Rex Turolio profectus, Calamociā eiusdem itineris oppidum ingrediens, Ahonesium venisse intellexit: statimq; Rex accedentem illum, qua solitus erat humanitate excipit, atque interrogavit, quonam tā valde bene armatus, confecto bello, atq; induciis factis, procederet? Cui Ahonesius graviter atq; severe respondit, se, vna cum Sanctio fratre, & equitatu petere Valentiam, ut excursionibus Mauros infestaret. At Rex præcepit ei, ut vna secum repeteret Burbaguenam oppidum duob. fere inde distans passuum millibus: quod multa sibi cum eo cōmunicanda essent, atq; in præsentia procerum, qui secum aderāt, pertractanda. Quo audito Sanctius Episcopus, salutato Rege, abiit Cutandā oppidum suum, prope Turolium sitū. Sequebatur autē Regem Blascus Alago, Artalus Luna, Ahonesii æmulus, Atho Focius, Ladronius, Assalidius Gudalius, & Peregrinus Bolasius, proceres fidelissimi, quos Rex secum manere iusserat, animo, ut rei exitus indicavit, capiendi tantum, atque in custodiā & vincula coniiciendi Ahonesium, quem constans fama erat, fuisse caput totius coniurationis Alagoni, cōtra Regem initæ, atq; Cæsaraugustæ factæ. Itaq; ingressi Burbaguenam, in palatio Templariorum, quorum id oppidum erat, subistere. Vbi relictis in atrio equitibus Ahonesii, quasi quod breui à Rege esset expediendus ille, qui ense duntaxat, atq; militari sagodutus erat, cū Rege simul in palatii tricliniū ascendit. Vbi confidentibus ipsis, atque procerib. in altera triclinii parte consistentibus, Rex conqueri de Ahonesio, ipsumque duriusculē increpare cœpit, quod eius culpa & exemplo malo factum sit, ut neque ipse, neq; alii conuocati proceres Turolium conuenerint, ad bellum Mauris inferendum: ideoque amissa ampla illius conficiendi occasione, ob illorum moram, coactus, ipse fecerit inducias: quibus illum stare quidem, non rumpere deceret. Rogavit ideoque, ut ab incepto desisteret, neq; ius à se datum, vllō pacto tēteret violare. At Ahonesius regredi recusabat, affirmās multos cū Sanctio fratre fecisse sumptus ad eiusmodi expeditionē suscipiendam, neq; haberet unde posset illos, præterquā præda facta ex Mauris reficere: cui respōdit Rex subirarus, induciarū fœdus nullo fieri posse modo irritū; idcirco à protervia discederet. Sed renitente adhuc Ahonesio, cui Rex statura corporis fere par erat, quāvis annum nōdum natus decimum octauum, manibus illum apprehendit, atque à Rege captum ipsum esse, teneriq; dixit. Verum Ahonesio illico capuloensem tenente, eundem quoq; Rex simulprehendit, neq; è vagina, aut balteo educere permisit. Quos cum inter se quasi colluctantes vidissent qui astabāt proceres, sinistras sagis inuoluunt, gladiosq; dstringūt, atq; relictis illis, è triclinio exeuntes, pro ianuis cōsistunt; ne quis ex Ahonesianis impetum faceret in Regē. Sed audito clamore, req; intellecta, quadraginta ex ipsis ab equis descendentes, ac per medios irrumpentes proceres, triclinium intrarunt: iamque Ahonesium de manibus Regis, quadā cum reuerentia eripere conabantur: ipsis interim procerib. rem intuentibus, neque se Regi adiungentibus; utpote inermibus cōtra armatos parum profecturis. Tandem ab equitibus Ahonesius à Rege fuit exemptus, qui protinus ascenso equo, è Burbaguena cum suis abiit. At verò Rex maiori succensus ira, inuentū equum cuiusdam equitis Alauonensis ascendit, atq; ut erat armatus Ahonesium secutus est: quē subsequenti fuerūt, Gudalius, Pomari⁹, & Focius, cū quatuor equitibus; ac postea Blascus Alago, reliquiq; proceres, cumq; anteisset Focius, duo ex Ahonesianis impetum in eum facientes, sauciātum ab equo decurbarunt. Cui adfuerunt Blascus, & Artalus, Ahonesianis vltius procedentibus. Rex verò cum Gudalio, & Pomario tantum persecutus est Ahonesium, quem breui spatio ante se viderat cum viginti equitibus per accliuem mōtem pergere iter ad Cutandam oppidum, quo paulo ante venerat Episcopus, & in quod se ille recipere festinabat. Interim Blascus & Artalus, citatis equis, cum imminerent Ahonesio, idemque respiciens eos, magnam post, sequi, se, equitum manū autumans, ac neque fugæ, fesso equo, esse locum, in collem proximum sese recipere decreuit: cui vnus ex suis ab equo defiliens, hunc Ahonesio tradebat ut se fugæ daret. Sed occurrētibus Blasco & Artalo, impeditus est. Iāque Ahonesianis saxorū cōiectu, Regiis ascensum prohibētibus, ipse Rex à tergo collem conscendit, ac ut primum sese Ahonesio in conspectum dedit, is protinus à suis derelictus est, vno duntaxat Perezio Mezquita consistente, ac rei exitum expectante. Interim Sanctius Luna, vnus ex regiis equitibus, lancea latus dextrum Ahonesii perfodit: quo lethali vulnere saucius ille, statim collum equi amplexus, ab eo sese in sinistram partem demittens semianimus in terram cecidit. Quod Regi valde graue fuit, capi illū, nō occidi cupienti. Vnde ab equo defiliens, ac procumbēs cum lachrymis eum cōplexus est, eidem ex animo condolens, ac leniter increpās, id sua ipsius culpa



factum fuisse, quod euasisset, si dictis monitisq; suis paruisset. Quo tunc perueniens Blas-  
scus, clamore magno Regem alloquens, permitte, inquit, ne sis leonem hunc lacerare, tot  
Regis iniurias illius interemptione vindicturis: iamq; illum hasta configere nitenti Bla-  
sco sese Rex opposuit: inquit, contine te, Alago, non enim Ahonesium, sed me feries.  
At verò Ahonesius Deo primum, deinde Regi, se, suaq; omnia commendans, debilita-  
tus ex profluuiis sanguinis conticuit. Tunc Rex illum, obligato vulnere, equo insidere,  
atq; tenente ipsum confessore, Burbaguenam vehi iussit: sed cum sanguine deficiente  
spiritu, mortuus est in itinere. Vnde Rex cadauere allato, Darocam venit, ibiq; illud ma-  
iore in templo Virginis honorifice sepeliri curauit.

BERNARDINI GOMESII  
MIEDIS, ARCHIDIACONI SAGVNTINI, DE  
VITA ET REBUS GESTIS IACOBI PRIMI REGIS

*Aragonum, cognomento expugnatoris.*

LIBER IV.



INFELICI Ahonesii nece, ad quam propria ipse culpa duci visus est, triplex illa coniuratorum in Regem machina, tum Sanctii inuidia fa-  
bricata: tum Ferdinandi ardore promota, tum denique Ahonesii sa-  
gacitate absoluta, funditus euersa fuit; atque vnicuique ipsorum sua  
quoq; poena, & ignominia indidit. Nam & Sanctius vehementer A-  
honesii exemplo commotus, perpetuo sese a praesentia, & conspectu  
Regis abduxit: & Ferdinandus illius etiam gratia priuatus, populo-  
rum simul & amicorum fide destitui se vidit: & nisi Regi demum sanguinis intercessisset  
cognatio, haud dubium quin acerbiores quam Ahonesius poenas ipse pertulisset. Quam-  
uis cautum hinc fuerit a Rege, cui semper idem suspectus, ac insensus extitit; vt neque  
abdicare se sacerdotio, neque ad aliud aliquod amplissimum accedere eidem permitte-  
retur. Sed ipsius patientia & benignitate Regis factum est, vt non ab aula, non a consilio,  
nec a Regia consuetudine dimoueretur. Quinimò Rex quamdiu instabilem ipsum, at-  
que animo fluctuare vidit, bello paceq; se semper sequi iussit: atque suorum etiam consi-  
liorum, simul & bonorum participem effecit. Itaque Ahonesio mortuo, posteaquam Rex  
(vt diximus) cadauer eius deferri Darocam, ibiq; sepeliri, ac iusta ei fieri iussit: iam nul-  
lo illius legitimo haerede relicto, iure ad se omnia eius oppida pertinere decernente con-  
silio, in eorum possessionem venire statuit. Quapropter Boleam inprimis insigne oppi-  
dum, Osca propinquum, quod erat Ahonesii, capere, illudq; antequam quispiam ex pro-  
ceribus dari sibi peteret, aut Ahonesii vxor, seu illius frater, Antistes Casaraugustanus,  
occuparent, Regno adiungere decreuit: quin & recuperare etiam duo illa Regna So-  
brarbi, & Ripagurtia, quae Ahonesius partim oppignerata sibi a Petro Rege quondam,  
ad Idubedense bellum proficiscente; partim iure stipendiariorum equestrium retine-  
rat: Stultum esse, inquit, se, nondum stabilito Regno, neque pacatis rebus, aliis Regna  
concedere. Ac quoniam in hisce duobus Regnis, multa quoque oppida seu vrbes conti-  
nebantur, quibus olim confusus Ahonesius magnis spiritibus assumptis in Regem coniu-  
rarat, non amplius alienanda illa, sed ad ditionem Regiam redigenda, eique in posterum  
applicanda esse constituit. Paruo igitur collecto exercitu, Boleam haud multum de eius  
deditione dubitans contedit; Legatosq; ad tentandum oppidanorum animos praemissit:  
Verum multo aliter res successit. Nam Ferdinandus, audita Ahonesii nece, prouinus Re-  
gis mentem suspicatus, cum magna militum manu, compectu, & re frumentaria, sese in  
oppidum immisit: sperans, suscepta eius defensione, ac nullo in Ahonesii locum legitimo  
succedente haerede, se, non modo omnia illius oppida, & duo Regna occupaturum, sed  
Regias quoque vires oppugnaturum; fretum ope, & auxilio Casaraugustani Antistitis,  
qui potens erat, atque fraternae vlciscendae caedis desiderio flagrabat; ac etiam Monca-  
darum, aliorumq; vtriusque Regni procerum, quos beneficiis sibi deuinxerat. Vnde  
cum non modo Bolea; sed vniuersorum Ripagurtia, & Sobrarbi oppidorum auxilia  
imploraret; ea omnia sese pro eo contra Regem munierunt. Cum igitur Rex oppidum,  
propugnatore Ferdinando, bene munitum inuenisset, ultra progredi statuit; ipsas Ripa-  
gurtia, & Sobrarbi arces, & munitiora loca inprimis expugnaturus: quo tempore duo-  
deuige-



deingessim vixdum annum habebat. Verum Ferdinandus ira adhuc exardescens  
 in Regem, ob Ahonessii necem: ac non nihil sibi ab illo metuens, apertissimo iam o-  
 dio & armis ipsum persequi deliberavit: neque se destitutum à cœpto interminari au-  
 sus fuit: quoad illum Regno expelleret. Quod facile fore factu putavit, & quod nihili  
 præ se duceret Regem, ætate sibi, astutia, & sagacitate longè inferiorem: & quod ex su-  
 periore Regni procuratione, plerosque proceres sibi non defuturos certò scisset. Un-  
 de facillè machinatus est Cæsaraugustanorum, & reliquorum fere totius Regni oppido-  
 rum, à Rege defectionem, excepta vrbe Calataiubio, ut historia fert Regis, atque vtrius-  
 que scribunt, Albarrazino, & Turolio, aliisque. Iamque ut Catalanos tentaret  
 Ferdinandus, scripsit ad Guillelmum Moncadam, ex superiori bello à Rege vehemèter  
 offensum, ut ad se quantis posset armatorum copiis veniret, nec interposita mora fuit, quin  
 aduentum is maturavit. Quo audito, Rex expeditione montana relicta, in planitiem de-  
 scendit, ad oppidum Almudevarum, indeque Pertusam concessit. Eo tempore Raimun-  
 dus Folchius Vicecomes Cardonæ una cum Guillelmo fratre, ac sexaginta cataphra-  
 tis, ad Regem venit, eique sese ad omnia paratissimum obtulit. Huius aduentus Regi  
 valde gratus fuit, propterea quod Raimundus tanti esset apud Catalanos, ut multocius  
 exemplo Regem sequerentur. Inde præcepit Rex, ut Blasus Alago, & Artalus Luna,  
 manerent in præsidio Alauonæ oppidi contra Cæsaraugustanos; cum Rege verò man-  
 sere ex proceribus Atho Focius, Rodericus Liciana, & Ladronius, omnium fidelissi-  
 mi. Per id tempus Sanctus Ahonessius Pontifex Cæsaraugustanus, magnâ militum ma-  
 num coegerat ex his, qui ex fraterna factione supererant: qui neque sacri sui muneris, ne-  
 que debitæ Regi obseruantia memor, armatus ipse, ac noctu Cæsaraugustâ profectus, ad  
 oppidum Aleubierrum, quod noluerat se antea Cæsaraugustanis adiungere, contendit;  
 illudque vi captum diripuit: ac quoniam quadragesimale ieiunii sacrum tunc agebatur,  
 ira furens, tam iustum, se, contra Regem, perinde ac cõtra Turcas, bellum facere publicè  
 profitebatur, ut milites ab omni direptionis culpa absolueret; adeoque ipsis licere omnia,  
 ut ne esu carniū, vel diebus prohibitis, interdici, tam sanctam contra Tyrannum,  
 pro salute Reipublicæ operam nauantibus, constanter assueraret; quinimo cœlestia se  
 in eo bello sequentibus promittebat. Adhæc Cæsaraugustani, ut conspiracy suæ si-  
 gnum aliquod præberent, armati iterum vrbe exeuntes, Castellarium oppidum non lō-  
 gè ab Alauona situm petiere: seq; in insidiis collocarunt; præmissis paucis, qui sese Al-  
 auonensibus ostenderent; ut quibus prouocati illi oppido exirent, atque in insidias inci-  
 derent. Quos ut primum Blasus, & Artalus conspexere, rem, ut fuit, suspicantes, pau-  
 cis in præsidio oppidi relictis, cum vniuerso equitatu noctu de tertia vigilia egressi, tra-  
 iecto Ibero fluuio, sub auroram somno oppressos Cæsaraugustanos de improviso ag-  
 grediuntur. Vbi adeo valide à Regiis pugnatum est, ut reportata victoria, partim capti,  
 partimque occisi fuerint ex illis plusquam trecenti, reliquis sese in fugam conicienti-  
 bus. Quæ victoria Regi admodum grata fuit, eo quod reliqua municipia & ciuitates tan-  
 quam membra deuicti capite, male sibi ominaturæ essent. At interim Rex, quan-  
 tum se Pertusæ continuit, balistas, aliaque magna tormenta bellica construxit; eaque  
 imponi plaustris ad circumuehendum iussit; quod magno sibi illa vsui fore, ac necessa-  
 ria dignosceret ad tantum, tamque diuturnum indictum sibi à coniuratis bellum ge-  
 rendum: ad quod plane sustinendum adeò incitabatur Rex, ut tanquam palma, quæ in-  
 iungit oneri, quo maius atque atrocius illud erat, eo magis inuictio esset, atque præparato a-  
 nimo ad sese defendendum. Itaque Pertusam profectus, unâ cum Folchio Vicecomite ac  
 aliis, Pontianum oppidum propinquum aggreditur, quod breui fuit expugnatum. Inde ve-  
 nit Cellas oppidum cum arce munitum, Pertusæ etiam proximum. Vbi prolatis ma-  
 ioribus balistis, aliisque tormentis in debiliores muri partes, & in arcem directis, die ter-  
 tium arce & oppido dediturum illi, si intra octauum diem subsidium sibi non mit-  
 teretur. Conditione accepta, Rex pridie eius diei, quod deditio constituta fuerat, di-  
 missis ibi exercitu, cum paucis reuersus est Pertusam, ut Pertusanis una cū peditibus oppi-  
 dorum Barbastrii, & Beruegalii, quos colligi iusserat, insequenti die ad oppugnandas  
 Cellas properarent. Quo ipso articulo temporis, Rege in æde Virginis orante, duo ar-  
 mati equites, citato cursu, Pertusam veniebant: utpote Peregrinus Atrosillus, & e-  
 us frater germanus Egidius, qui Regem adeuntes renunciarunt, Ferdinandum & Pe-  
 trum Cornelium iunctis copiis, cum Oscensibus, & Cæsaraugustanis, venire festinan-  
 ter suppetias Cellanis afferentes, neque procul abesse. Qua re intellecta, continuo Rex  
 quatuor dumtaxat adiunctis sibi equitibus, Cellas ire parat, Pertusanis se sequi iussis cum



iis, qui à Beruegalio & Barbastrio tunc Pertusam venerant. Itaque in castra Rex veniens, ubi Folchius, eiusque frater Guillelmus, & Liciana cum reliquo exercitu ante Cellas substiterant, cum equitibus non plus octingentis, peditibus vix mille & sexcentis, Ferdinandum, & Cæsaraugustanos expectare decreuit; neque quadruplo maiores, adeoque scutatas, ut ferebatur, ciuitatum phalanges extimescebat. Sed Petrus Pomarius, summus Regis consiliarius, homo grandævus, ac belli experientissimus, considerans Ferdinandi exercitum esse Regio, & numero, & armorum genere longe superiorem, impendereque Regiæ personæ manifestum periculum, eundem est adhortatus, ut quam citissime in propinquum montem conscenderet, ubi natura loci tutus, sese ab exercitu, & ira Ferdinandi defenderet; donec supplementum copiarum ex oppidis accederet. Cui Rex viriliter animoseque respondit. Verus, ac legitimus Aragonum Rex ego sum, Petre, ac in eos iustum, & legitimum meum exerceo Imperium, qui cum veri mei subditi sint, tamē iniuste contra me arma sumunt: vel potius tanquam serui nequam, contra dominum conspirant. Quapropter iustiore quàm illi causa fretus ipse, non dubito, quin diuina ope fiat, ut cum tam paucis, multitudini, atque exercitui ex seruis perfidis collecto facile resistere possim. Proinde stat sententia, me hodie, aut expugnare oppidum; aut ante eius mœnia occumbere. Quare tuum, alioqui fidele, ac prudens consilium, in aliud tempus magis profuturum asserua: Hæc cum dixisset Rex, animosior quàm vnquam, aciem ad oppugnandum, perinde ac si præsentesset hostes, instruxit; quibus non comparentibus, labente die, oppidum vna cum arce, ex pacto ab eius præfecto fuit Regi traditum, atque à direptione seruatum. Captis Cellis, Rex Pertusam reuersus est, quo iam peruenerat Aspargus Pontifex Tarraconensis, vir pius, & sapiens, Regique ut diximus, cognatione coniunctus: qui auditis controuersis inter Ferdinandum, & Regem, ex quibus tanta indies sequebatur rerum perturbatio, atque populorum in partes distractio; subindeque apud Catalanos, Regia quoque autoritas magna ex parte minuebatur, de componendis rebus agere tentauit. Verumtamen cum tam exulcerato inter sese uterque animo esset, ac Ferdinando tam persuasum regnare, quam Regi nihil de iure suo, ac possessione Regni amittere; re infecta, Tarraconem remigravit. Interim Oscenses amissis Cellis in partes diuisi erant; atque in Regiam abire multi conabantur; sed in plerisque Fernandina vincebat: propterea quod Ferdinandus ab eo tempore, quo Montaragonii Abbas religiosus agebat, Oscensium animos largitionibus, milleque promissis ad se pertraxerat; meditas iam tum animo, quæ postea re fuit executus. Vnde, ut in conuentibus sæpè fit, maiore parte meliorem vincente, Fernandina superauit: ideoque nouas res in Regem Oscenses machinari cœperunt. Itaque consilio habito, subdole tractatum est cum Martino Perexolo Regio ciuitatis Prætoris, & aliis Regiarum partium, ut Regi renunciarent, se esse veros, ac fideles illius subditos; cupereque ipsum venire ad se, recepturos magno planè cum honore & applausu; & quæ vellet facturos sine cunctatione. Hæc ubi rescivit Rex, ut ingenio erat facili, atque summo animi candore præditus, nihil mali de Oscensibus suspicatus, illico, dimisso exercitu, ne cum eo timorem populo iniiceret, quàm paucissimis comitatus, Oscam profectus est. Cui viginti vrbis magnates extra portam, ad eremitorum Salasium obuiam processere, ab eisque honorifice exceptus Rex fuit; atque ab eodem illi rursus benignissime admissi: idemque, quo illos tanquam subditos fidissimos amore prosequeretur, humanissimis quoque verbis expressit; atque iunctis sibi Roderico Liciano, & Blasco Maza proceribus, nechon Assalidio Gudalio, & Peregrino Bolasio Aulæ præfectis, urbem intrauit. Quo die populus lætitiæ effusus fidelitatis clara signa dedit: verum nocte ad arma est conclamatum, atque ex popularibus armati centum ante Palatii fores pernôctantes, & quasi excubias agentes substitere. Horum perfidiam Rex intelligens, atque magno se in periculo esse animaduertens; dum dies fuit, dissimulans, ac sereno vultu, ciuitatis magnates ad se venire, atque Senatûm conuocari iussit. Ad quæ vniuersa ciuitas, & promiscua multitudo conuenit in atrium palatii, ubi Rex, ascenso quo, indicto silentio, sic est allocutus: Viri Oscenses, neminem vestrum ignorare arbitror, me verum, atque legitimum Regem vestrum esse: vosque, vestraque omnia hæreditario iure possidere: quandoquidem decima quarta iam ætas agitur, ex quo maiores nostri, rectè, nunquàmque intercisâ serie, hoc Regno potiti sunt; per quam, longissima temporis præscriptione intercedente, tam arcta Imperii nostri cum obsequio vestro secuta est germanitatis colligatio; ut ea tanquam naturalis, atque innata animis, cuius consanguinitatis connexioni sit longè præferenda: quod hæc dirimi tempore possit, illa verò natura sit indissolubilis, ac solet indies magis magisque crescere. Quamobrem vehementer, ac semper desideravi, ex meo erga vos amore elici vestram, atque totius populi placationem,



tionem, & cum honore vtilitatem; ad easque parandas & confirmandas, iura & priuilegia vobis à maioribus nostris concessa, à nobis augeri; si modò expectatam nunc inhi-fidelitatem pariant vestra inuiolata haecenus erga eosdem maiores & fides & obedientia. Quo planè minus debuissetis vos tam pacatum Regis vestri ingressum, quem tot tantisque lætitiæ, atque pacis indicis excepistis; rursus nunc armis, & apparatu bellico deformare; ne de vestra erga me fidelitate vllam mihi diffidendi occasionem daretis, maxime verò cum ad vos ipse non inuocatus, sed rogatus omnino venerim; atq; vestro debito, & promisso obsequio confusus, dimisso exercitu, urbem hanc non diruturus, sed amplificaturus intrauerim. Hæc cum dixisset, breui à magnatibus responsum fuit; se, Regium, atque propitium eius animum erga Oscenses magni semper habuisse; eoque magis nunc, atque in posterum habituros, quòd claro suæ erga Oscenses charitativargumento, tam lenibus ad eos locutus sit verbis; proinde cōsilio habito, voluntati eius satisfacturos. Vnde in ædes Abbatias Montaragonii ingressi, lōgo se ibi spatio tēporis, expectante Rege continuērunt: fuerq; inter eos, tū varii, satiq; pugnautes habitus sermones contradicentium, tum Regias partes defendentium auditi clamores: Fernādina factione tantæ, cuius nutu omnia tunc gerebantur, superante. Ac neque interim desuere, qui rumores spargerent, & cum contentione assererent, Raimundum Folchium Vicecomitem, aucto Regis exercitu, venire prætextu liberandi Regis, ad urbem diripiendam. Vnde tumultu orto in populo, ac conclamatis armis, Rex pacatos eos esse; atque se præsentem, nihil tale à suo exercitu timere iussit: iamque ad comitia redierunt; sed cōmotis subinde animis, atq; ad retinendum Regē, ut subornati à Ferdinando erāt, intentis disputare consiliū, quod oportunitas tūc nō esset ad respondēdum; atq; comitia dimiserunt; Rexq; iterū sese in palatiū recepit, dispositis qui ante Palatium, atq; cubiculi fores, custodias & excubias agerent. Erant autē cum Rege Rodericus, Licianus, Blasus Mazer, Gudalius, & Rabaza vir prudētissimus, qui Regi erat à secretis. Quo tum aduenere Bernardus & Raimundus, Regis auunculus, & Raimundus Mompellerius, Regis quoq; ex matre frater, & Lupus Ximenius Luesanus, qui cum satis bene armato paucorum equitatu, vtrinq; nullo prohibēte, ingressi sunt. Ex quo denuo orta est in populo seditio, atque armorum strepitus auditus; idque apertum iam animo retinēdi Regē. Nam protinus vicatim catenas, & armamenta disposuerunt, ne equitibus vllus pateret exitus; fuerq; vrbis portæ simul oclusa omnes. Id Rex intelligens, insigni in eos usu, est stratagemate. Parari quippe conuiuium opulentissimū, atque epulas, & cibaria multa vndiq; cōquiri iussit, ad illudq; agnatos aliquot inuitauit; ut de ipsius præpropero abscessu suspicionem populares depōneret. Interim Rex, sago arrepto, & ascēso equo, atq; Rodericus & Blasus, aliiq; tres equites, per secretos, ac decliues vrbis calles, ad portā Isuelā, qua iter Boleā, descēderunt. Quam iam clausam: at præsidio tamen vacuā inueniētes, coactus est custos eam aperire, qui patēte, continuit se ibi Rex, donec reliqui aduenere equites, qui foras egressi sub meridie, in ipso feruore Solis inspectante populo, lēto cursu, viā ingressi sunt, quoad Raimundum Vicecomitem, cū vniuerso exercitu properanti facti obuiā, Pertusam remigrarunt. Id tempus, nunciatum est Regi, Honorium Romanum Pōtificē à vita migrasse, quoniam Rex valdè mœstus fuit: propterea quod suæ, atq; Mariæ matris res illi maxime curæ semper fuerint: ac nisi impedire bello fuisset, haud dubie, iusta eidem perquam solennia fecisset. Interim successori Pontifici, se, suaque omnia multum per literas commēdauit, omnemq; obedientiam, suorum quoque Regnorum nomine, amplissimè exhibiturum promisit. Cæterum cum tanti sibi esset, res Regni componere, atque tā immoderate agitatum, & fluctuantem Ferdinandi animum pacare (is. n. iam solus erat, qui communem rem perturbabat) controuersias exortas denuò inter ipsum & Nunniū consobrinum Sanctii nuper mortui filium, sedare curauit. Neq; n. aptioribus armis deuincere se posse inuenit, contumaces, totiesq; in se conspirantes Ferdinādī, aliorumque maleuolorum animos, quam patientia & magnanimitate: quibus summis ad regēdum virtutibus, ipsum adolescentiæ ardorem, cui maxima inest consilii imbecillitas, ita temperabat: ut præcox in eo ratio omnia suppleret: ac quanquam Ferdinādo, ob ætatem despectui Rex erat, tamē ob ingeniū, admirationē simul & timorē afferebat. Tamen Rex eiusmodi cōtemptū Ferdinandi, totiesq; exprobratā sibi pueritiam, cum iam esset adolescens, nimis egreferebat: verum quemadmodum Ferdinandus ludibrio habebat puerilem ætatem, quanquam ad regendum ineptam: sic rursus Rex sperabat fore aliquando, ut Ferdinādo apularem, ut probrum obiceret, similique ratione, qua olim Sanctium, ab omni ipsum Regni procuratione amoueret. Nam ad eundem modum illius etiam affeclas, Aragoniæ & Cataloniæ procures, quibus olim despectui quoque Rex fuerat, extrema iam æta-



te affectos ab se abiecerat. Quamobrem ne ea quidē ætate, à senili, & maturo officio desisteret, vna cum superioribus controuersis, alias longè maiores, quæ inter Folchium Vicecomitem, & Guillelmum Benearnensem inueterauerāt; & quas iidem apud ipsam deposuerant, sibi dirimendas assumpsit. Hæc namque in causa fuerant, vt vniuersa Catalonia, cum maxima Regiæ autoritatis diminutione, in duas factiones esset diuisa. Itaque Folchius, eiusque frater Germanus Guillelmus, vna cum iis, qui eorum partes sequuti, damna acceperant, atque maximam suarum rerum iacturam fecerant, iubente Rege, inducias ad decem annos cum Benearnensi, & suis fecerunt; vt tam diuturna cessatione bellipax confirmaretur: datis tamen à Folchio castellis quinque, cum totidem filiis optimatum obsidibus: ea lege, ac conditione, vt intra quinquennium, seruata pace, quotannis vnus cum Castello obses liberaretur. Quod si quinquennii tempore, rupto fœdere, fuisset aliquid à Folchio, aut à suis in Benearnensem, suosue commissum; castella Folchii, vna cum obsidibus, amissa censerentur: nulla item damnorum compensandorum ratione habita; quod communia, fereque æqualia vtrinque passi fuissent: cum aliis etiam variis conditionibus, quas longum esset, ac superuacaneum recensere: nisi quod recisa omnino, atque reuocata fuere omnia hinc inde inita ante pacta, iura, ac de inferendo bello promissiones; saluis tamen Regis iuribus; ac denuo eidem ab omnibus publica fide præstita. Quibus sedatis controuersis, quæ antea Ferdinando adiumento fuerant ad tranquillum Regis Imperium perturbandum; exin deprimi Ferdinanda factio; Regia verò pars vincere, atque extolli cœpit. Ac demum ipse Ferdinandus non minus tolerantia Regis, quam sua ipsius conscientia conuictus, professus est, se Regi publicè fidem dare vellet: atque commissorum omnium veniam petere. Tamen hoc ipso tempore, Cæsaraugustani, atque Oscenses, & Iaccenses, qui Ferdinandi partes sequebantur, solenni inter se inito fœdere, conuenere Iaccæ, quæ vrbs est vltior, & Aquitanix proxima, in mediis Pyrenæi montibus, tamen in planitie sita, vbi multò data fide publica, inter alia promissum fuit, se, sibi nunquam defuturos; sed pro communi peculiariq; vniuscuiusq; ipsorum bono, omnes simul propugnatueros contra quoscunq; cuiusvis ordinis, aut conditionis existerent, qui eorundem Rempub. quoq; modo perturbare tentarent. Cuius conspirationis caput Cæsaraugusta fuit: causæ verò feruntur, in primis tam diuturna Regnorum in partes diuisio: tamq; insolens subinde, atq; acerba nimis, cuiusq; partis in contrariam interruptio, ab omniq; non modo iure & iustitia, sed honestate & religione discessio. At verò Rex, qui tum agebat Pertusæ, audiens eiusmodi conuentus, se non consultò agi, suspectos habuit, quod intellexit illos, non tam sua sponte, & bono publico ciuitatum, quam occulta Ferdinandi, & suorum machinatione, ac neq; vt sese defenderent ab excursionibus: sed vt paratiores inde, atq; expeditiores ad offendendum essent, initos fuisse. Verum Ferdinandus iam ætate grauis adeoque labore, & itinere ambitionis defessus, multa secum animo versans, ac videns se, cum superior factus esset ordine, tamen fortuna semper esse inferiorem: ac rursus Regis res, non fortuna, sed cum summa animi virtute, diuinitate quadam regi ac defendi, mentem, suarumque rerum quasi proram alio dirigendam putauit: neque deinde tam quicquam cordi habere cœpit, quam omni regnandi spe abiecta, sese Regi subdere ac reconciliari. Quæ plane omnia cum Guillelmo Moncada, & Petro Cornelio, qui eius partes sequuti, à Rege etiam alienato erant animo, communicauit: facileque ipsis, qui similibus etiam laboribus fracti erant, persuasit, vt de reconciliatione cum Rege agerent: ad idque tractandum Oscam simul petiere: indeque legatos Pertusam ad Regem misere, qui renuntiarent, se Oscam venisse, esseque concordēs, & paratissimos, vt verè, & ex animo, eius Regiæ voluntati, & arbitrio sese omnino submitterent, atque commissorum, quorum vehementer eos pœnituerat, veniam ab eo deprecarentur: modò extra Pertusam, quam sibi habebant suspectam, liceret ipsum adire, paucis comitantibus equitibus, dum non pluitibus quoque ipse eo perueniret. Proinde data facultate, se illico ad eum concessuros. Quæ legatione publicè renunciata, ab vniuersis proceribus faustè, feliciterque acclamatum est, propterea quod ex huiusmodi reconciliatione Ferdinandi, summa totius Regni pax, atque tranquillitas consequeretur. Ac protinus de consilio procerum, permisit Rex Ferdinando cum sociis venire ad se, in proximum, atque imminens Pertusæ montem Alcalatensem, septem dumtaxat comitato equitibus: Rege cum totidem illo ascensuro. Itaque cum Rege venere Folchius, & eius frater Guillelmus, Athofocius, Rodericus Liciana, Ladronius, quem Rex in historia, nobilissima stirpe ortum affirmat: tum & Assalidius, Gudalius, & Peregrinus Bolasius, cum alio, cuius nomen non extat. Ferdinandum verò cum Benearnensi, & Petro Cornelio, sequuti sunt Ferdinandus Perezus Pina, alique ad eundem numerum.



Igitur accedens Ferdinandus, supplex, ac demisso vultu, cum sociis, à Rege exceptus est humanissime; ac quo magis Rex eos familiariter ad colloquendum prouocaret festiuos sermones interposuit, similibusque ab eisdem responsum, est. Tamen si vniuersa demum consuetudo, à Ferdinando eò deuoluta fuit; vt supplex à Rege peteret dari sibi veniam, ac commissa à se, suisque, obliuioni mandari, atque in pristinam ipsius gratiam omnino restitui. Deberi hoc sibi, vt patruo, vt alumno, vt supplici, Regiæque eius Maiestati vehementer, atq; ex animo addicto. Id ipsum deprecatus est pro Guillermo Moncada, supplice, ac eandem simul veniam poscenti, cuius subditi, alioqui omniū Hispaniæ procerum potentissimi, fidei opera perpetuò vteretur. Quibus idem Guillelmus simili quoq; vsus animi demissione, subiecit, notum esse Regi, quāta, quāq; coniuncta generis cognatione eius maiores attingerent Comites Barcinonenses, Regis quoque maiores, illiusque Principatus conditores; deberique sibi ex eo maiorem gratiam, ac vel propterea maximè restituendam, quod accessione potentatus Benearnensis, totius Vasconix primatus, maiori potentia & facultate rerum inseruire Regi possit. Se enim hactenus, quæcunque fecerit, non lædendi, sed sese potius ab eius ira defendendi causa fecisse. Quod si aliorum accepta illa fuerint, ac vitio data sibi, veniam tamen ab eo pro se, suisque deprecari; promittereque, se, nullo vnquam tempore bellum, quantumuis prouocatum, contra eundem moturum, talemq; operam, inseruiendo illi, perpetuò nauaturum; vt singularē sibi ab eo gratiam & commendationem promereretur. Hæc cum plurib. verbis ingemiscētes à Rege peterēt, sese cum sociis Regiis pedibus prouoluere nitebantur. Sed Rex iis subtilis, consilio habito, responsum se dixit. Itaque concordie omnium sententia, hæc à consilio deliberata sunt; Primum, vt Ferdinandus, & Benearnensis, cum reliquis, in gratiam Regis restituerentur, deinde vt de cōtrouersis, negotium alioqui grauissimum, iudicib. committeretur; postremo de nouis ciuitatum molitionibus, id Regis arbitrio declarandum reseruaretur. Iis deliberatis, atq; Ferdinando expositis, Rex magna cum alacritate, Ferdinandum, Guillelmū, & Ximenium, aliosq; proceres, cum Regiā ipsi manum prius fuissent reuerenter osculati, omnes amplexus est: ac protinus vniuersas totius Regni partes læta concordie fama peruagata, supplicationes decreta, gratulationesq; ad omnia Dei tēpla habitæ fuerunt, miraq; pōpuli exultare lætitia cœperunt. Nā et si cōtrouersia populares erāt, et si dāna permulta & cōpensationes difficillimæ; pacis tamē studiū, & cupiditas tāta erat, vt facilia factu fuerint, quæ olim intolerabilia, & quā difficilima videbātur. Quamobrē Tarraconēsi, & Ilerdēsi Antistitibus, ac Mompensatio magno tēpli magistro, omnes controuersias dirimēdas remiserunt; eorumq; sentētiæ, publica atq; cōmuni fide præstita, stare promiserunt. Earum potissima, omniumq; difficilima fuit, compēsatio damnorum, quæ Rex passus est ob coniurationē Ferdinādi, ac etiā Sancti Ahonesii Antistitis Cæsaraugustani, suo, atq; Sanctiæ Perizæ relictæ Petri Ahonesii; necnō & Petri Cornelii, Petri Iordani, & G. Atorellæ nomine. Quæ dāna, vrgēte fisco, rescindenda erant: quin & mutua eorundē inter se data fides, promissiones, & iureiurando confirmata pacta ad coniurationē, ante omnia rescindēda penitus, & abolenda. Iis obiciebat Sanctius, oportere quoq; restitui Ahonesianis oppida & castella, quæ Rex, mortuo Ahonesio, quāpriūm viceperat; ac etiā magnam pecuniæ vim, quam ab eo mutuò acceperat; proque ea, oppida & castella quædam oppignerata illi fuerant. Quibus auditis, iidē ipsi iudices maturē deliberarunt: scilicet, vt in primis traderētur Regi à Ferdinando, & aliis, omnia coniurationis instrumenta, tam à proceribus, quam à ciuitatibus, quā à priuatis ciuib. vbiuis stipulata: ac etiā Ferdinandus & alii, publicam fidem vna cum obedientia denuò Regi præstarent: Rexque rursus Ferdinādo, quo nullus illi erat cognatione propior, honoris gratia, triginta equestris Regni stipendia, ad annum dono daret: ab omni que ipsum læsē Maiestatis crimine, aliaque ob coniurationem culpa, libēter, atque ex animo absolueret: ac daret fidem posse in posterum Ferdinandum, sese illius Imperio commendare. Simili etiā pacto sancitum est, Sanctium Antistitem esse in Regiam quoque gratiā recipiendū: ac propterea quod iusto fraternæ mortis dolore pressus fecerit q. fecit, extra omnē culpam ponendum: sequē vna, & sacrosanctam Cæsaraugustanam Ecclesiam, suo subsidio & tutela Rex tenendam & defendendam promitteret. Quin etiam vt castella, quæ Ahonesius olim ex Regio munere viuens obtinebat, Regiæ ditioni restituerentur: Quæ verò hæreditario iure Ahonesii erant, ea Sanctio fratri remanerent: cui & erogaretur quæcunque pecuniarum summa olim Ahonesio à Rege debita. Eandem Regis clementiā experti fuerunt antedicti, Cornelius, Atorella, & Iordanus, cæterique alii, qui Ferdinandi partes secuti contra Regē coniurarant. Adhæc vniuersi vtrinque in custodiam & in cula coniecti homines liberati, atque castella etiam & oppida occupata, suis quoque







salanum, allegaturum obrui videretur: innuens, eiusmodi litem non esse coram literario, sed coram armigero Iudice, quod in armis ius esset, contestandum. Quod Rex intelligens, atque obstinatam Gerardi duritiem, non amplius verbis, sed armis esse potius molliendam decernens, protinus scripsit ad Tamaritum Literanum, oppidum Aragonie inclytum, paruo distans ab Ilerda interuallo, precipiens magistratibus, ut cum magna oppidanorum manu, & commeatu triduo, Albesam comitatus oppidum conuenirent: ac etiam literas ad Guillelmum, & Raimundum Moncadam, & Guillelmum Cerueram, Catalonie proceres dedit, exhortans, ut quantis possent propriis, & amicorum copiis coactis sibi adessent ad eius belli subsidium, cui ipsemet praesse decreuerat. Itaque subsidiorum spectatus, tam paucis comitatus ad bellum Ilerda profectus est: ut cum Petro Cornelio antesignano vix tredecim equites sequerentur. Unde perueniens Albesam, quo tamen non dum Tamaritani venerant, ibi tamen inuento Bertrando Calasanzio cum expeditis militibus septuaginta, Albesanos obsidere, ac conterere statuit: sua enim conspicienda praesentia & aspectu, non minus formidolosus, quam amabilis ubique erat. Dum igitur oppidum expugnari incipitur; oppidani quamuis a maiori exercitu sese potuissent defendere, tamen conspecto Rege defecisse animo visi sunt; quandoquidem postero die, vix conspectis Tamaritanis in castra venientibus, oppidum una cum arce Regi tradiderunt. Quo peracto, atque direptione prohibita, Monarguesium par Albesano oppidum transiit; illudque statim Regi sese sponte tradidit. Eo loci deuenere copiae ex delectu Aragoniae, & Cataloniae comparatae, equitum trecentorum, cum expeditis mille peditibus; quibus, tanquam iusto exercitu, reliqua comitatus oppida lustrare, atque expugnare constituit. Nam profectus est inde in oppidum Limerolam a Gerardo munitum, satisque ad sese defendendum paratum: sed celeritate Regis praeventum, ac deditioem detrectas, animosum a Regis est oppugnatum, atque vi caput; una cum iis, qui sese in praeterea, valloque & fossa munitam turrim receperant. Inde se in urbem Balaguerium contulit, quae Sykori alluitur fluuiio, & tanquam totius comitatus caput habetur: ubi se Vicecomes Cabrera continuerat, eamque multo milite & commeatu compleuerat. Unde Rex, trajecto flumine, qua parte monticulus, Almatan dictus, urbi imminet castra posuit; cui loco magna pars urbis sese aperiebat: neque a pilorum coniectione, atque tormentorum emissionibus domus defendi poterant. Eo tempore adueniente Guillelmo Benearnensi, & Cerbera, cum cohortibus iussu Regis coactis, exercitus fuit auctus ad numerum quadringentorum equitum; peditum vero bis mille. Ac quoniam fossa & muro oppidum munitum erat, neque cominus oppugnari poterat, duas immanes machinas fundibulares instruxit, quibus, coiectu lapidum, murus & domus intus infestissime quatiebantur: quarum custodiae praefecit Raimundum Moncadam, cum aliis tribus proceribus, paucis tamen adhibitis militibus, quod non longe essent a castris. Id sciens Guillelmus Cardona, qui urbi praerat, cum expeditis equitibus viginti quinque, ac ducentis peditibus, sub ipsum matutinum crepusculum per muri ostiolum secreto exeuntes, equites intentis hastis, in custodes irruerunt; pedites autem, accensis facibus, machinas petierunt. Quem impetum Pomarius unus ex custodibus, aut quod sustinere non poterat; aut, ut Regem suscitarer (viderat. n. diuisos pedites, partim in machinas, partim in tentoria ad utraque succendendum intentos) relicto Raimundo, illo properauit. Unde Guillelmus directa acie in Raimundum, feroxque in eum prorumpens, ipsi, ut dederet sese, quasi victo imperabat. Cui viriliter resistente Raimundo, occurrit Rex, qui dispositis, qui tentoria ab igne defenderent, de machinis sollicitior, ad eas cum vniuersa turma equitum procurrit: iamque commisso praelio, superantibus regis: & machinae, & tentoria ab igne erepta fuere, & Guillelmus cum nonnulla suorum iactura in oppidum abire compulsus. Itaque perspecta Balagueriensium pertinacia, Rex amoenissimos illorum hortos, & suburbana aedificia vastari permisit: ex quo magna ciuium consecuta est in Gerardum indignatio: atque ab eo tempore ab ipsis deliberatum, dedere se Aurembaxidi verum ipsorum dominum, quae nuper venerat in castra Regis. Unde secreto Legatos ad eam miserunt de deditioe acturos. At vero interim, cum quidam ex urbe, qui per murum dispositi erant, cum nonnullis de exercitu Regis colloquerentur, conspecti ab iis, qui arcem custodiebant, sagittis configebantur. Quare denuo commoti ciues, iam non clanculum, sed aperte indignati contra Gerardum, noua legatione, se Regi & Aurembaxidi, urbem cum arce tradituros obtulerunt. Quod sentiens Gerardus, illico Regi scripsit se esse promptum arcem ei tradere, modo eidem praeficeretur Raimundus Berengarius Agerius, qui utriusque nominis teneret commendatam illam, quoad decerneretur ad quem Comitatus iure spectaret. At Rex, quae accuratius ciues sollicitabant, Gerardum oblata pacta & condiciones placere sibi, sed cum consilio, se responsurum dixit:



424  
remq; differebat. Sed Gerardus, siue stulte, siue consultò id fecerit, dissimulans, quasiq; igno-  
rans ciuium negotiationem, perinde ac si Rex pactum acceperat, solus vrbe exiit, ac-  
cipitrem manu gestans, atq; Berengarium Finestratum, vnum ex suis ad Regem mittit:  
vt qui iuberet Raimundum Agerium in arcem ex pacto venire; sed dum is quæritur, ci-  
ues vexillum Regis in prospectu omnium in arce collocarunt. Quod intuens, eius rei in-  
scius Finestratus, confusus ac derisus inde abiit. Balaguerio capto, Gerardoq; Monma-  
gastrum cum suis abeunte, protinus Aurembaxis à Rege in possessionem vrbis immissa  
est. Inde verò ambo cum exercitu Agramontium perinsigne comitatus oppidum contē-  
dunt, in quod se Guillelmus Cardona defensus intulit. Sed exercitus collocatus est in  
accliu montis Almenarenfis, in prospectu oppidi, loco superiore ac commodiore ad op-  
pugnandum. Id conspicatus Guillelmus, noctu, antequam oppugnaretur oppidum, reli-  
cto eo & arce, occulte cum suis abiit: quæ protinus sequenti die in potestatem Auremba-  
xididis venere. Id ipsum & Pontianenses decreuerunt, occultè misso Legato, qui renuntia-  
uit, illos venienti Regi se illico tradituros. Verum Rex eo venire noluit, quod rescisset op-  
pidum à Folchio Vicecomite defendi; quem nōdum, vt moris erat, prouocarat, neq; ini-  
micitias indixerat antequam bellum in eundem mouisset. Vnde Agramontii sistens, Au-  
rembaxidem cum Guillermo & Raimundo Moncada, atq; cum omni exercitu eo mit-  
tit; quindecim dumtaxat secum relictis equitibus. Accedēte Pontium exercitu, neq; cō-  
parente Rege, indignati Pontiani, oppido exeuntes, instructa acie, Regios magno animo  
aggressi sunt: qui ab illis vinliter excepti, commisso prælio, oppidanorum acies à regia tā-  
dem in fugam conuerti cœpit; atq; cum magna ipsorum strage in oppidum cōpulsā fuit.  
Cumq; Aurembaxis locum ad deditionem faceret oppidanis; at ii constanter responde-  
runt, nulli præterquam eidē ipsi Regi, se dedituros. Quo intellecto, Rex protin⁹ eo abiit,  
cui vna cum oppido arx, quam Folchius reliquerat munitissimā, in potestatem venit:  
saluo tamen Vicecomitis iure, si quod ad oppidum haberet, Rege & Aurembaxide, pa-  
cto, atq; iureiurando id confirmantibus. Capto Pontio, Vliana, aliq; montana oppida,  
& arces, quæ interluit Sycoris, se, Regi, & Aurembaxidi dederunt, sicq; Aurembaxis,  
subsidio & ope Regis, totius comitatus domina & Princeps effecta est. Quam Rex illico  
Petro Portugalensi Principi, consobрино suo, qui eo tempore Portugalia exul in Ara-  
goniam ad Regem venerat, in matrimonium collocauit. Demum Gerardus Cabrera,  
Vergelitano comitatu pulsus, Templariorum societatem ingressus est; cuius filius Pōtius,  
Aurembaxide sine filiis decedente, postea antiquo repetito iure, comitatum recupera-  
uit. Quo finito bello, actum procerum Cataloniæ; tum ciuitatum Aragoniæ, commotio-  
nibus sedatis dimisso exercitu, Rex abiit Tarraconem. Vbi ostium ei magnum apertum  
est, diuina referante manu, Ad permagna foris suscipienda facinora, factisq; famam glo-  
riossimè extendendam.

**BERNARDINI GOMESII MIE-**  
**DIS, ARCHIDIACONI SAGVNTINI, DE VITA**  
**ET REBVS GESTIS IACOBI PRIMI REGIS**

*Aragonum, cognomento expugnatoris.*

## LIBER V.



**A** N N V S Christianæ salutis ducētissimus vigesimus octauus supra mil-  
lesimum, Iacobi verò vigesimus erat, quo idem multis antea Arago-  
niæ, Cataloniæq; procerum cum cōtrouerſiis dirimēdis implicatus,  
tum eorundē ac ciuitarū conspirationib. cōprimendis præpeditus;  
atq; in habiliendo sibi Regno, tredecim circiter annos domi reten-  
tus; nullum adhuc foris bellum gesserat; nullas præterquam pau-  
cas extra Regnum excursions fecerat. Ex quo angi quidem ille,  
premiq; vehementer solebat; quod ætatem tam aptam attingens ad gerenda bel-  
la, nondum tamen ipsos præsertim Christianæ fidei hostes Mauros, maiorum suorum  
exemplo, magno aliquo persequutus bello fuerat: non arces, non oppida, neque vrbes, in  
quas Christianam religionem induceret, ab eis vi & armis sustulerat. Id, quod à princi-  
pio Regni sibi suscipiendū proposuerat, tum maxime, cū ad redimendos Christianos ho-  
mines è potestate Maurorum, societatem illam religiosorum, de qua supra diximus, insti-  
tuit. Ab eo quippe tempore eiusmodi belli motionem pro summa ipsius animi magnitu-  
dine commoliri cœperat. Verum enim cum eius rei maturitas nondum venisset; neque  
ætatē,



atatis, neque consilii, neque autoritatis demum, quorum summa in externis ducendis bellis ratio haberi solet, tepestiuitas accessisset; matura fuit ei cunctatione opus, sequi potius, quam foris versatum fuisse, ac vel cum paucis, tenuibusque exercitibus tyrocinium suum egisse, magis quoque consentaneum: propterea quod necesse subinde fuerit eundem, tametsi paucorum ducem, ac vniuersorum curam gerere: ac non per alios (quod in maximis sit exercitibus) sed per seipsum ordines ducere, praeliis ac dimicationibus quibus suis interesse; militum laboriosissimis operibus sese immiscere; consilia pro tempore ac pro re capere; quin etiam maturare, cunctari, insidias timere & facere; sicque ab strenuo & valenti milite paulatim & quasi per gradus, ad magni quoque ducis, atque Imperatoris munus obeundum peruenire. Qua occasione, in tam continuis sese ille corporis & animi laboribus exercuit; adeoque militaribus simul & Imperatoriis virtutibus profecit: ut quo magis tunc fuit domesticis intentus armis, atque foras abire cohibitus; eo quidem ad inferenda bella exteris euasit multa paratio: Haud secus quam in expugnatione urbium, ad earumque diruenda moenia euenire olim solebat: dum adhibiti ardetes & formeta, quod fuerant contenta & adducta vehementius, eodem maiores emissiones habebant: Perinde ut etiam de Africano fertur: qui cum in Sicilia, Syracusis dies multos egisset, ibique preclarissimam illam Carthaginis euersionem per otium meditatus fuisset; ad idque tacitus tum multas extruxisset machinas, tum ad eas commoliendas, se toto animo applicuisset, in illam postea felicissimè prorupit. Ex quo appositissimè de illo hæc referens Valerius, conclusit, Strenua & illustria ingenia, quo plus recessus sumunt, eo maiores impetus edunt. Quod igitur in Sicilia Syracusana urbs, tot terræ marisque commoditatibus opportuna, Africano profuit ad euersionem Carthaginis machinandam: id ipsum Iacobo ad Balearicum suscipiendum bellum, non minoribus quam illa opportunitatibus aucta præstitit Tarraco, urbs antiqua & pernobilis Romanorum Colonia: ac non modo conuētus & Prouinciæ Tarraconensis; sed totius ferè citerioris Hispaniæ caput olim atque Princeps habita. Quæ in edito monte posita, tametsi nunc parua est, atque ab ea, quæ fuit quondam plano etiam in loco explicata magnitudine, & ciuium frequentia, ad paucos redacta, tamè multorum operum splendore ac molibus, nunc quoque conspicua est, satisque frequens, & amœna; atque ad colligendos exercitus, omnique ornandas reclassés commodissima. Idque oportunitate potissimum tum subiecti ad ortum maris; tum celeberrimi ad meridiem portus Salonii; quibus non solum piscatu copiosissimo; sed omni mercimonio & comœatu rerum abundat: præter optimam pastio-rem, atque sylvarum magnitudinem, qua versus Aquilonem eius ager exuberat: maximeque tandem, oblatissimum urbi adiacentem campum, ad occasum; hinc mari; illinc montibus undique septum: qui & fertilissimus est, & multis aquarum deriuationibus irriguus; quibus fit, ut & cultissimus, & ad omnis generis propagandos fructus aliis longè aptior sit atque confitor. In quem ciuitas tot, adeoque præclara oppida & municipia tanquam colonias deduxit; ut ciuitatis illæ cum pars magna sint, tum eidem perinde ut membra capiti pareant atque assistant. Eiusce ergo adducti commoditatibus Romani olim, militares in ea stationes posuerunt, & ad defendendam prouinciā, ac terræ marique profligandos Carthaginenses, præsidia collocarunt. Ideoque urbem & cinxere moenibus, & iugarunt aquæductibus, & naualibus ad ædificandas classes muniunt: ac etiam ut Romanorum memoria perdignam ostenderent, duo in primis Scipiones, non modo iure la-rii donarunt: verum theatris, tropheis, sepulchris, aliisque magnificis structuris operum & monumentis, quorum præclara adhuc manent vestigia, mirè ornarunt & amplificarunt. Qui igitur situs urbis, atque amplitudo portus, cæteræque expressæ loci commoditates effecere, ut quæuis ab Aragoniæ Regibus susceptæ maritimæ expeditiones, Tarracone tanquam opportuniore totius oræ loco iniretur. Quamobrè quæ sese in ea ad Balearicam susci- piendā occasio Iacobo obtulerit, quā iusta ad huiusmodi commouendum & prosequendum bellum causa etiam se dederit, ordine dicamus. Pacatis omnibus Regnorum tumultibus, atque Aurembaxide, ut dictum est, in potestate Comitatus restituta, Iacobus dimisso exercitu Tarraconem venit, adiunctis sibi Nunnio Sanctio Ruscinonensi atque Vgone etiam Emporitano Comitibus, necnon Guillermo Moncada Vicecomite Benearnensi, aliisque nobilissimis Cataloniæ proceribus. Quo etiam inuocati confluxere, Regem visendi gratia, plerique ciuitatum optimates, aliorumque ordinum homines, qui per sedatis tot Cataloniæ discordiis, maximè vero Vrgelitana re composita, communem Regnorum pacem & concupitam diu tranquillitatem, ad eum gratulaturi conuenerant. Itaque magno undique in urbem concursu facto, cum omnia ludis & spectaculis, Regem recreandi gratia, plena essent: Petrus Marcellus ciuis locupletissimus & in numero optimatum descriptus, Regem cum vniuersis Aulæ proscriptis conuiuio excepit opulentissimo, illudque Catalano, ut vulgò di-



cunt, more celebrauit. Solent quippe Catalani, quos omnium maximè frugi homines, atque Lacones Hispaniæ vocant, conuiuari raro; sed perquam magnificè ac splendide. Unde triclinio magnificentissimè structo in editiore locovrbis, qua subiectum est ei mare, ut longè lateque eius in omnes partes pateret inde prospectus; post secundam mensam, quæ peruariis atque conquitissimis dapibus fuerat extracta; ubi depulsa fame, ac recreato gustu, reliqui sensus suos quoque pastus quærent: mare, quod nunquam non pascit oculos, contemplantibus omnibus, Rex percontari cœpit; quænam insulæ Tarraconi propius adiacerent. Tum Martelius, naualium rerum peritissimus, qui Mediterranei maris Insulas omnes sæpius collustrarat, Baleares duas, maiorem & minorem, una cum Ebuso, & Frumentaria, propiores ei continenti esse dixit: Quarum alteram, præsertim maiorem, reliquis Ibericis insulis latiore fertilioremque esse asseruit. Quin & adiecit etiam, deuictis illis, non solum Christianis omnibus toto mari reddi à piratis tutam nauigationem; sed paucis ibidem extractis triremibus, facile esse transiui prohibere Afros, ne Cataloniam infestarent. Demum tantam illis vbertatem, cum incredibili pecudum & armentorum copia ac multitudine inesse subiunxit; ut eas, non frumentaria remodò, atque omni comœatu abundare; sed lignis, ferramentisque etiam sufficere ad maximas ædificandas classes, ac inuolandum vltro citroque in Africam, & Valentinum Regnum; ipsosque Mauros terra marique infestandum. Quæ cum dixisset Martelius, assensu sunt ei vniuersi conuiuæ, eiusque sententiam variis argumentis & rationibus confirmarunt; quibus plane Regem ad eiusmodi suscipiendum bellum, toties à maioribus suis initum, sed ei fortasse diuinitus concessum ac relictum, vehementer inflammant: eoque magis, quòd impia Mahometana secta ab Insulis pulsa, sua quoque manu sacrosancta Christi religio in eas esset inuehenda. Interea verò, occasione magna sese eiusdem belli mouendi causa subiecit. Nam sub id tempus, nuntius è Maiori Balearium allatus est, fuisse ab eius Rege omnino negatas onerarias naues illas Catalanorum, quæ onustæ mercimonio fuerant à Balearicis interceptæ, cuius rei causa, cum paulo antea Iacobus Legatum ad Insulam misisset, qui Regem Retaboygum rogaret, ut eiusmodi naues restitui, atque consecuta damna compensare curaret; Legato idem superbissimè respondit: Cuiusnam Regis hæc sunt, quæ deferis mandata? Ad hæc Legatus, Iacobi, filii ac successoris illius magni Petri Regis Aragonum, qui olim præclarissimo illo Idubedensi prælio, cæsis ac fugatis Mauris, amplissimam de illis victoriam reportauit. Quod ille audiens, tanta fuit ira succensus, ut in Legatum contumeliosis emissis vocibus, parum affuerit, quin inuolarit, & per cancellos ipsum deturbarit: sed suorum consilio repressus, Legatum, re infecta, breui tota Insula iussit excedere. Quo tandem Tarraconem remigrante; & quæ cum Rege Balearico ipse gesserit, ordine exponente; cõmuni Regis, omniumque procerum consilio ac deliberatione, conclusum fuit: Bellum Balearicum, & adiacentium Insularum esse suscipiendum: tum ut in posterum tot continui Catalanorum damnis occurreretur, tum etiam ut Christiana religione inducta, sanctissimum Christi nomen, eiusque Catholica fides, in ipsis Insulis propagaretur. Fuerat enim in eisdem à multis annis à Sarracenis exercita tyrannis, quæ Christianis Hispaniæ non minus ignominiosa, quam vehementer pernitiola extitit. Maximè verò Catalanis, & Aragonensibus: ob tam paruum illarum à continenti distantiam. Tametsi excusari hi poterant, continuis Valentini Regni, aliorumque Hispaniæ Sarracenorum bellis impediti. Quarum ergo tranquillia, diuturna que Insularum possessione, & affluentiarum vbertate, ac diuitiis potiti Sarraceni Reges: amplissimas, munitissimasque in eis arces, & oppida, condiderunt: ac præ cæteris eiusce maris Insulis, Balearium maiorem, quæ omnium rerum copia affluit, & à Cosmographis simili ratione, qua illa Asix Chersonesus, aurea quoque depingitur, habitationi accommodatissimam, atque amœnissimam reddiderunt. In hac quippe Regia erat, cætera que Insulæ adiacentes huic subditæ, per præfectos regebantur: qui & piraticam exercebant, & eius maris Imperium omnino tenebant. Itaque remature deliberata, atque ab omnibus, diuino inuocato numine, concordissime conclusa, Rex conuentus magnos Barcinone in proximum mensem Decembrem indicit. Quo protinus conuenere omnes Regni Antistites ac proceres, necnon Barones, atque nobiliores equites, una cum procuratoribus ciuitatum & oppidorum, cum amplissimis mandatis, ad faciendum ea, quæ pro tam utili atque honesto sustentando bello, à Rege imperarentur. Quibus in antiquum vrbis palatium congregatis, ac debitum Regi obsequium ordine exhibentibus, Rex solio regali ornatu insidens, cum purpura & sceptro, aliisque insignibus Regiis, ad eos sic verba fecit. Ex tam frequenti conuentu, ac lato conspectu vestro, facile deprehendo, grata fore vobis quæcunque, licet graui-



grauissima, proposuero: cum maxime compertum habeatis, me, nec maiora vnquam quam quæ potestis; nec nisi quæ honorifica mihi, vobis autem vtilia futura sint, semper imperare solitum fuisse: ac neque alia potissimum, quam quæ tum ad sanctissimum Christi nomen, eiusque veram religionem disseminandam; tum ad communem Reipub. vtilitatem, cum aliqua Imperii nostri dilatazione, procurandam conducunt. Hæc quippe mihi ab exordio Regni facienda proposui; ac nisi tot, tantisque in stabilendo illo negotiis hætenus præpeditus fuisset, haud dubie, prouexissem. Verum quoniam optata sese mihi iam occasio ad illa perficienda offert, necesse est, ut diuina in primis ope duce, vestroque simul auxilio comite, ad hoc, quod animo commolior facinus persequendum, vna mecum accingamini: nempe ad Sarracenos, tam æcerbos gentis ac religionis nostræ hostes, non modo terra prosterndos; sed mari etiam à Balearibus, proximis, atque adiacentibus huic regno Insulis, ad vnum propulsandos: ut ipsas quidem Insulas, cum eius maris Imperio, Christo primùm consecrare, ac nostro deinde Principatui adiungere possimus. Insulares enim eiusmodi Sarraceni hostes, quam qui ex continenti nobis imminet, vobis infensiores sunt; vestrique mercaturis ac nundinationibus, quas mari conuehi necesse est, multo perniciosiores existunt. Non solum enim vos accessione & portu prohibent earum Insularum, quarum incredibilis vbertas, ac summa comestus copia, vobis supplemento esse possunt; sed quæ alimento etiam, atque affluentia rerum omnium: ut quibus in potestatem redactis, præterquam quod liberi eritis ab eorum, atque Afrorum, qui se illis adiungunt, vastatione & excursionibus; facillima etiam inde nobis fiet progressio in Valentinos hostes, quibus tantopere terra infestamur; ut subinde cum terra marique tuti omnino sitis; tum secure domi, & cum tranquillitate viuatis. Quod plane bellum tame si, ut f. temur, magni sit negotii, summi que impendii & laboris; ac vel ex eo quod maritimum, inexperto mihi subuereri licet; tamen quoniam & nauali disciplina, atque bellandi arte valde præstatis; & facultate; omni que armorum genere, mire polletis; & pro communi vestra vtilitate pugnaturi estis, meque in ea pugna antesignanum habebitis; non dubito, annuente Christo, notabili felicissimoque esse illud exitu concludendum. Quapropter, ut equidem confido, vos illico, vestramque operam & auxilium; aliaque ad eiusmodi expeditionem necessaria, nobis liberalissimè præstituros: ita promitto etiam, vos rursus, præter æterna, quæ de cælo præmia speratis, à præda quoque & spoliis hostium, iustam atque perdignam laborum & impensarum vestrarum mercedem percepturos. Veruntamen quoniam parum sunt foris arma; nisi sit domi pax; dare quamprimùm operam oportet; ut quicquid discordiarum, seu controuersiarum, priuatim, aut publicè toto Regno inest; id brevi, auctoritate nostra componatur: ut pacatis nostrorum animis, eorum in se inuicem effervescentes ira omnis in Sarracenos contorqueatur. Non enim contra illos poterit bellum feliciter adolefcere, quod non Christiana pax pepererit; bonorumque concordia nutruerit, atque diuinum Christi numen denique confirmauerit. Hæc ipso dicente, magnus repente à cuncto confessu, atque multiplex datus est plausus; illiusque proposita & postulata, incredibili fuere collaudata & comprobata clamore. In primis Ecclesiarum Prælati Tarracōensis, Barcinonensis, & Gerundensis, (neque enim aliæ tum erant in Catalonia primariæ Ecclesiæ, neque ciuitates) singuli ordine amplissimis verbis maximas Regi gratias egerunt, pro tempore, Regnoque commoda, belli susceptione proposita. Cui, aut numerata pecunia, aut auxiliariis copiis, se non defuuros promiserunt. Ac protinus, ut Regi mos gereretur, utque in bellum omnia propenderent, ab vniuerso conuentu deliberatum est, fieri inducias & communem pacem toto Regno; quas singuli sub poenis grauissimis habere, seruareque cogerentur: præcone misso à Cinga fluuio, quæ propè influit in Iberam, ad Salsulas Gallie Narbonensi confines, indeque secus oram maritimam, ad ostia paulò ultra Iberis; ab hisque aduerso flumine, ad Cingam, reuertente. Hoc enim triangulo vniuersa Catalonia describitur, cuius scilicet duo latera, duæ lineæ sunt ab eodem Cinga ductæ; altera in Salsulas per radices, seu ramenta Pyrenæorum; altera verò, secundo flumine Ibero, in eius ostia; à quibus rursus ducta, per Tarracōensem, Barcinonensem, Gerundensem, & Ruscinonensem oram in Salsulas basis, est mare. Deinde conclusum, ut ad eam expeditionem, Bo-uaticum, de quo supra, quod Regibus semel tantum primo Imperii anno dari consuevit, datamque fuerat Iacobo Montionis à custodia exeunti; eidem secundo pendere-tur. Hoc enim tanti erat, ut eo tempore, quo ducū, atq; Imperatorū, vincendi, non cumu-landæ pecuniæ, ac neque iccirco belli protrahendi mens erat, sufficeret ad tot militares sumptus. Præterea singuli Regni procures & magnates, multa ad id bellum liberaliter



prolixèque promiserunt. Siquidem Guillelmus Moncada Comes Benearnensis, sese præ-  
 sto huic bello adfuturum Regi obtulit, cum quadringentis equitibus, suis stipendiis con-  
 ductis. Item Nunnus Sanctius, communi pace, aut induciis, nec non Bouatico in suo  
 Comitatu Ruscinonis, Confluentia, & Ceretaniz, admissis, cum certo quoque levis ar-  
 maturæ equitum numero, se iuuaturum pollicitus fuit. Nec non cæteri proceres, & Ba-  
 rones Regni, Ciuitates, & oppida certatim, pro cuiusque facultate, aut numero militum;  
 aut numerata pecunia, se, Regem adiuturos obtulerunt. Itaque milites vbique in Arago-  
 nia, Catalonia, Aquitania, & Castella etiam conscribi cœperunt; qui constituta die Idu-  
 um sequentis mensis Maii, Tarraconem ad portum Salonium, quo terrestres copiaz, at-  
 que ex omni ora classis confluxura erat, conuenirent. Insuper Rex litteris publicis, siue  
 diplomatis, quæ sequuntur pacta, & conditiones adimplere, eisque omnino stare pro-  
 misit. Inprimis, se, iis, qui suis stipendiis Regium exercitum, peditatu, aut equitatu, si-  
 ue nauibus, aut nauali apparatu sequerentur, prædam, & spolia hostium diuisurum, atq;  
 unicuique pro ratione laborum & impensarum, iustam quoque partem traditurum to-  
 tius acquisiti bello territorii, ac locorum, & oppidorum; referuatis tamen, Regiæque di-  
 tioni applicatis iis, quæ pro Regia, & potiore exercitus summa sibi obuenirent: nec non  
 Regiis, & basilicis, atque etiam pascuis regalibus, pratiq; pomariis & hortis, in urbibus,  
 ac oppidis, aliisque locis, inuentis. Quin & vniuersas quoque arces; & alia quæuis mu-  
 nita loca, tanquam necessaria Regi ad collocanda Insulæ præsidia, sibi retinenda sanxit.  
 Adhæc ad tot sedandas lites, atque controuersias, quæ ex diuisione rerum, maxime bello  
 partarum, exoriri solent, iure sæpe armis succumbente, se autoritate Regia, atque grauif-  
 simorum hominum iudicio, res decreturum. Idcirco diuisioni tam spoliiorum, atque  
 manubiarum, quàm territorii, oppidorum, seu aliorum locorum ab hostibus exceptorū,  
 designauit futuros arbitros, Berengarium Palouium, Episcopum Barcinonensem, vi-  
 rum eximia sanctitatis; atque Comites Nunnium Sanctium Ruscinonensem; Pontium  
 Vgonem Emporitani, Guillelmum Moncadam Benearnensem, Raimundum Fol-  
 chium Cardonensem, & Guillelmum Cerueram, qui licet Vrgelitano Comitatu priua-  
 tus, tamen magni semper erat nominis apud Regem, & proceres, neque facultas ei dee-  
 rat ad Regem, bello paceque, summo honore prosequendum. Adiecit etiam, vt Prælati  
 Ecclesiarum, suis sumptibus Regem iuuantibus, præter decumas, & primitias eisdem iu-  
 re diuino debitas, sua quoque territoria & spolia; nec non oppida, & pagos atque pro-  
 rigendis templis & sacellis, competentes census eorundem Iudicum arbitrato assigna-  
 rentur. Postremò ne debellatas Insulas deferi contingeret, sancitum etiam, vt proceres,  
 quibus prædia, siue oppida, & territorii partes obtingerent, tenerentur in eis residere,  
 aut alios suo loco dimittere; alioqui ditioni, ac potestati Regiæ applicarentur. Hæc igitur  
 à Rege, & proceribus Barcinone ad id bellum inferendum, pacta & constituta fuere. Vn-  
 de publica fide data, numero militum, quibus proceres alique ad bellum profecturi e-  
 rant; atque Bouatici collectione, designatis, Rex conuentus dimisit. Dum hæc geruntur  
 Barcinone, Rexque in bellum totus incumbit, intellexit venisse Turiasonem, lo. Cardi-  
 nalem Sabinensem Legatum à Pontifice ad se missum. Estque ad eum illico profe-  
 ctus: cumque ad oppidum Calataiubium venisset, quod nobilitate, atque tum ciuium  
 amplitudine, tum societate municipiorum, secundas tenet in Aragoniæ Regno; nuntia-  
 tum est ei Zeitium Abuzeitium Valentia Regem cum paucis intrasse oppidum, magno-  
 que opere petere ipsius congressum. Quo audito, stupentibus omnibus, Rex qui eius  
 aduentum præsciuerat, bono animo omnes esse iussit. Etenim adueniente illo, aditum si-  
 bi ad Valentinum Regnum patere significauit: quod literas iam diu secretò ab ipso Abu-  
 zeitio accepisset, quibus ille suo, atque Principis Abohamati filii nomine scripserat, velle  
 foedus, atque amicitiam cum eo inire, cupereque vnà esse, atque arcana quædam com-  
 municare: hac enim de causa in suspicionem suorum veniens, ac præsentiens illorum  
 conpirationem, se aduentum maturasse. Hanc autem Rex illius aduentus occasionem  
 fuisse tunc reulit, eandemque sua in historia expressit. Verum Burgenfis ille Episcopus,  
 qui generalem Castellæ historiam Latine conscripsit, alia de causa Abuzeitium ad Re-  
 gem venisse dixit: quod scilicet Legatos ille, tum Romam ad Pontificem; tum in Arago-  
 niam ad Iacobum cum litteris misisset; quibus, se, promptum obtulerat ad profitendam  
 Christianam religionem: testimonioque esse, quod & à sarracenis, & ab excursionibus in  
 Christianos iam diu temperasset. Qua patefacta legatione, quidam ex Regni primatibus  
 Zaen dictus, multorum simul conpiratione adiutus, ipsum à Regno deiecit. Igitur ad Ia-  
 cobum intromissus ille, Regio exceptus more fuit à Rege, & proceribus, atque explana-  
 ta mente, & animo, quo erat affectus in Regem & Christianos; quodque suum nomen  
 daturus



daturus Christo esset, quumprimùm Regnum recuperasset; implorare cœpit summum ad id eius auxilium; fore etenim, ut & Christo, & Iacobo illud acquireret: quandoquidem Abohamatus eius filius, & in Regno successor, similiter esset erga Christianam religionem animatus: ac demum, se certum esse, bonam Regni partem, ut primum videret Iacobum sibi esse auxilio, in ipsius partes abituram. Quæ cum audisset Iacobus, consilio cum suis inito, breui conclusum fuit, Abuzeitium, animaduersa eius causa aduentus, & affectu erga religionem Christianam, audiendum esse; ac dictis eius fidem adhibendam: neque negandum ei auxilium: sed omni re, atque armis iuuandum. Sicenim tum iniri, quamuis lentè, Valentiam expeditionem: tum magnum quoque fieri ad Balearicam, progressum: propterea quod eiusmodi bello præpediti Valentini, nullo esse possent auxilio Balearicis; immo impedimento potius, ne à Murcienfibus, aliisue Hispaniæ Sarracenis Valentini defensionem intentis, iuuarentur. Itaque vocato Abuzeitio, Rex se se ei cum omni re milite, & armis atque com meatu liberalissime obtulit: pacto, & conuentione facta, ut ex omnibus oppidis, & castellis, quæ Abuzeitius recuperaret, quæ maximè ex antiqua diuisione ad Aragonensium ditionem pertinerent, quarta pars Iacobo Regi cum omni iure perpetuò cederet: quodque eorundem arcibus equites Aragonenses præficerentur: quæ verò Abuzeitius extra dictam diuisionem caperet, ipsius essent. Quare ut hæc rata fierent, promisit obsidum loco dare oppida sex, cum suis arcibus omnium munitissima, Catalonia, atque Aragoniæ confinia, utpotè Peninsulam, de qua supra diximus, Morellam, Cullarim, Alponcium, Exericam, Segorbium. Ac rursus Iacobus sese ad Abuzeitium defendendum, omni ope iuuandum astringens, Castellabonium, & Adamuzium oppida suis arcibus munita, Aragoniæ vicina, quæ olim Petrus eius pater in Valentino Regno armis acquisierat, obsidum quoque loco obtulit: modò duo Aragonenses equites eisdem præficerentur, qui fide data, pro Abuzeitio illa tenerent. Igitur ab eo tempore Abuzeitius Iacobi exercitu, ducibusque Petro Azagra domino Albarrazini, necnon Blasco Alagone procerum Aragoniæ præstantissimo, cum Turolensi equitatu, recuperando Regno, vna cum Abohamatio filio, operam nauauit. Atque hæc quidem mihi videtur longè verior & honorificentior causa fuisse Blasco Alagoni ingressus Valentini Regni, quam quæ à nonnullis fœda satis, atque tanto indigna viro appingitur; nempe indignatum Blascum, ob magnam pecuniæ summam, quam ei Rex debuerat, cuius solutionem procrastinabatur & protrahebat: cum magna militum manu Leonoræ Reginæ in Castellam, ob diuortium (de quo paulò infra dicemus) abeunti obuiam venisse, eamque multis à Rege cumulatam opibus diripuisse omnino ac præda parta in Valentium Regnum profugisse. Id quippe tam audax facinus, si minus potuit supplicio Blasci expiari; debuit tamen restitutione rerum, Reginæ damnum compensari: de qua re, horrenda satis, atque de honore Regis non parum detrahente, cum nulla facta sit eius in historia mentio, à vero quidem illam alienam putamus. Cæterum Rex bello in Valentium Regnum, duce Abuzeitio, suscepto, quasi semente facta, ad bonam inde victoriæ frugem aliquando colligendam; ut expeditior esset ad Balearicum ineundum: à domesticis negotiis sese quamprimùm explicare curauit; ac quoniam dubii, atque incerti sunt belli exitus, antequam proficisceretur, de stabiliendo Regno, successoreque sibi diligendo cogitauit: nempe Alfonso Principe, ex Leonora Regina suscepto. Sed huic obstabat quammaximè diuortium, quod paulò ante Iacobus cum illa fecerat, tametsi diuortii causas nullas expresserat, præter impedimentum cognationis quarti gradus, quo se attingebant: utriusque enim Alfonso Hispaniarum Imperator proauus erat: inopi sane causa, neque digna satis, qua matrimonium alioqui castum, & inuiolatum, tantaque cum dignitate iunctum, tum prole coonestatum, dirimeretur: præsertim cum tam facile potuisset illud Pontificio confirmari diplomate. Quo minus vera esse potest, quæ de Legati aduentu causa à Petro Antonio Beuterio Valentino, satis curioso rerum scriptore (quod pace tanti viri, olim magistri mei dixerim) affertur secundo historiæ suæ libro, quæ ille Hispano sermone, de Iacobo edidit. Ait enim in Catalonia nobilissimam quandam fœminam fuisse, Tereciam Egidiam Bidauram nuncupatam, quæ sese matrimonio Regis & Leonoræ, antequam nuptiæ fierent opposuit: obbiiciens, se antea clandestino cum Rege fuisse coniugatam, ab eoque duos filios suscepisse: sed à Rege quidem repudiatam, adiisse Romam atque summo Pontifici libellum contra Regem obtulisse: hincque factum, ut Pontifex Sabiniensem Cardinalem Legatum ad Regem mitteret, cum Rex diuortium cum Leo-



nora fecit, ut tam de diuortio, quàm de matrimonio Teresiae cognosceret. Sed hæc cum multis causis, tum his potissimum constare non possunt; quòd tam ex Regia, quàm aliorum quorumque sui temporis scriptorum historia deprehenditur; Iacobum ante ætatem legitimam anno vix duodecimo exacto, Leonoram duxisse uxorem; adeoque ipsum imbecilla tunc facultate fuisse ad gignendum, ut per decem & octo menses, ne illam quidem cognoscere potuerit, tantum abest, ut alteram prius duxerit; multo etiam minus ut ex ea filios susceperit. Quod si demus, Teresiam adiisse ea de causa Romam, ipsaque instanti, venisse Legatum ad Regem, de priori matrimonio acturum, num usque adeò stultus Rex fuit, ut hoc ipso tempore, quo tantopere Teresiae matrimonium auerfabatur, diuortium cum Leonora faceret; quò maiorem Teresiae locum ad se repetendum daret? Vnde tametsi vera sunt, quæ de Teresia narrantur, scilicet Regem duos ab ea filios suscepisse Iacobum & Petrum, oppidis Xerica in Valentino Regno & Ayerbio in Oscensi agro donatos; & Teresiam Valentiae amplissimis censibus locupletasse; ibidemque ipsam cœnobium Monialium, in Valentiae suburbis, in loco Saydiæ dicto, erexisse: ubi vitam cum summa religione coluit: tamen, ut à vero discrepat omnino, Teresiam se matrimonio Leonoræ antequam fieret opposuisse; ita rursus cum illo conuenire potest, illam, alterum coniugium, quo secundæ uxori se Rex iunxit, impugnasse. Ut igitur reuertamur eo, unde diuertimus; cum nulla ferè à Rege fuerit diuortii causa expressa contra Leonoram, foeminam alioqui Regiam, perpulchram, foecundam, & castam; ac nihilominus diuortium tantopere ab eo repeteretur, creditum planè fuit, tam insanabilem plagam; non aliunde, quàm ab insito penitus, atque inusto menti odio erupisse, quod ex maturato eorundem matrimonio fuit mutuo conceptum; Iacobo tunc puero, ac duodecimum vixdum annum attingente, seseque inculante, ut est in eius historia, quod per XVIII. menses cum Regina corpus commiscere nequiuert. Vnde ex hisce præmaturis nuptiis tantum odii, fastidique concipi solet inter coniunctos, adeoque libidinis foemes, præ imbecillitate accendi magis; ut hinc ambo, non modo variis distrahi cogitationibus, à seque mentem alienare incipiant: verum neque sese amplius contingere, neque simul viuere: quinimmo connubii vinculum, quo astringuntur, quàm maxime solui cupiant. Vnde colligere est eiusmodi præcocia atque maturata matrimonia, tanquam instabilia & caduca, esse quidem vitanda: nullisque humanis quibusuis commoditatibus priuatis maturitatem, atque tempestiuitatem naturæ esse præponderandas. Namque ut non potest eius arboris esse succus diuturnus, quæ nimis celeriter est maturitatem affecta: ita præpropera matrimonia, quibus dictum est causis, cum infructuosa sæpe sunt; tum mutui odii, diuortiique periculum subire solita. Interea Legatus de diuortio pronuntiaturus, re graui adhòdum, atque Leonoræ non parum iniuriosa, tametsi neque reclamasse illam inuenimus; indicto Concilio Turiasioni, præstantissimos quosque Hispaniæ Antistites ad illud aduocauit, Rodericum Archiepiscopum Toletanum, Aspargum Archiepiscopum Tarraconensem: nec non Episcopos nouem, Burgensem, Calagurritanum, Segouientem, Siguntinum, Oxomensem, Ilerdensem, Oscensem, Baionensem, & Turiasonensem. Qui omnes, præter vitæ, ac religionis integritatem, omnium literatissimi, atque prudentissimi erant: à quibus perspecta satis, atque explorata causa, Rex tamè ante constitutam diem sententiæ pronuntiationis in concilium venit, ibique in medio Antistitum, ac etiam procerum, quos secum adduxerat, constitutus: ad eos sic verba fecit. Amplissime Legate, ac religiosissimi sacrorum Antistites, fateri cogor, me iam diu Leonoram Reginam duxisse in matrimonium, sanctæ matris Ecclesiæ auctoritate interueniente: neque dubitasse vnquam, verum inter nos, ac legitimum fuisse illud, eoque persistente, Alfonso Principem filium ex ea suscepisse: quem ut proprium, ac legitimum semper habui, huncque ad regna successorem mihi delegi, ac me vita functo regnaturum illum omnes toto Regno iurarunt. Quamobrem præmonitos vos esse volo, eiusmodi successionem in Alfonso filio, me omnino ratam, & firmam habere; & si opus fuerit, de nudo Regia auctoritate ipsum legitimum mihi successorem deserno. Quibus expositis, surrexit discessurus: confurgentibus autem Antistitibus ad comitandum ipsum, manere eos, atque maturè rem cogitare rogauit: successionem Alfonso, de qua valde erat sollicitus, Iudicibus impense commendata. Nam de hac ipsa dubitans, ob diuortium: nuper cõuentu Ilerdæ acto, ac conuocatis Aragonensibus, Alfonso successorem declarauit Regni Aragonum tantummodo, ac etiam Ilerdæ ciuitatis, quam sub Aragonensi ditione comprehendi voluit: nempe ut in reliquis, tum Cataloniæ, tum Mompellerii ditionibus qui nascerentur ex alia uxore filii succederent. Quam Regnorum diuisionem Catalani nimis ægrè tulerunt. Veruntamen iudices, vel quòd eos occulta potius quandoque, quàm



quam publica, atque tabellis expressa causa moueat; vel quod in causis regiis, pro maiori bono Regni, arbitrato, quam legibus vti magis expediat; quando certum est, ipsos minime, indicta causa, iudicatos; tandem inserta sententia Regis confessione, siue protestatione, pronunciarunt esse locum diuortio, eoque non obstante, Alfonsum I. comiti & Leonoræ filium, verum ac legitimum patris esse iuccesorem. Qualata, atque ab omnibus comprobata sententia, confirmatisque Leonoræ oppidis, atque vrbibus, quæ in dotem illi antea constituta fuerunt; eandem in Castellam pretiosa suppellectile, auroque & gemmis donatam ad suos remiserunt. At vero Rex Tarraconem reuersus est præstituto die Kalendarum Maii, quo omnes terra marique conuenturi erant ad Balearicum bellum ineundum. Cui rei magnam operam nauauit Rex, ibique mansit vsque ad mensem Septembrem, quoad vniuersa classis in portum conueniret. Igitur exercitu atque proceribus Tarracone congregatis, Rex denuo, Antistitesque & proceres, quæcunque in conuentu Barcinonensi acta & pacta fuerant de diuisione spoliolum, oppidorumque, ac territorii, ab hostibus acquirendorum, approbarunt; modò qui ex Aragonia sequebantur Regis exercitum proceres, similibus fultis auxiliis, paribus quoque præmiis, ac spoliolum diuisionibus potirentur. Fuerunt quoque superioribus arbitris additi Barcinonensis & Gerundensis Episcopi; nec non Bernardus Campanius præfectus Mirauetensis, qui erat in his Regnis magni Magistri Templariorum Vicarius. Postremò quoniam parum erat Christianos milites, præsertim contra infideles hostes, secutis, telisque paratos ac armatos esse nisi animis armarentur; sacratæ crucis insigni, Christiano more, cunctos Rex insigniri curauit. Idque vt solennius fieret, Ilerdam cum magna parte procerum concessit: vbi in frequentissimo conuentu, Rex, & proceres cruce insigniti, atque sacræ militiæ auctoramento deuincti fuere ab eodem Sabinensi Legato, qui Turiasona tunc Romam reuertebatur. Quibus peractis Rex Tarraconem ad Balearicam maturandam expeditionem remigravit.

BERNARDINI GOMESII  
MIEDIS, ARCHIDIACONI SAGVNTINI, DE  
VITA ET REBUS GESTIS IACOBI PRIMI REGIS  
*Aragonum, cognomento expugnatoris.*

LIBER VI.



**C**LASSE clv. nauium partim in portum Salonium congregata, partim aperto mari è regione Tarraconis, & Cambrilii oppidi distributa: eaque simul & frumentaria referta re, & commeatu, omniue armamentorum genere munita: quod ea, quæ vsui sunt, non ædificandis modo; sed armandis & muniendis classibus abunde Catalonia suppeditet, Rex protinus vniuersâ recenseri, ac prout ordine disposita ad nauigandû esset, vnâ & exercitû lustrari iussit. Erant autem nauium magnæ onerariæ viginti quinque, longæ duodecim; reliquæ, & speculatoriæ, & actuariæ, ad celeritatē nauigandi: aliæque paulò latiores & humiles ad onera, & multitudinē iumentorum transportandâ per plures, quæ omnes eundem numerum confecere, præter lintres, & scaphas innumerabiles, quæ longis, atque magnis nauibus subseruire solent. Militum vero vtriusque armaturæ multitudo, quamquam nullibi expressa; tamen, vt conici potest, ex eius in Insulas appulsu & recensione, peditum ad quindecim millia; equitum ad mille quingentos peruenisse creditur; exceptis auxiliariis, qui è Genua, èque Massilia, & vniuersa Prouincia, cum nauis maxima, atque munitissima Narbonensi, aliisque circum maritimis gentibus sese, exercitui adiunxerant. Cuius gubernadæ classis præfectura, Raimundo Plicamano Barcinonensi, viro cum pernobili, strenuoque, rum naualium rerum peritissimo, demandata fuit. Qui autem primarii viri Regem sequuti sunt, eique multam vtilemque operam præbuere, vt refert Aclotius, alique scriptores, numerantur in primis Episcopus Barcinonensis, vir non minus splendore generis, quam pietate, litterarum scientia, & sanctitate morum insignis, cû Guillermo Raimundo Montcada, & aliis sui quoque generis. Tum & Nunnius Sanctius Ruscinonis, Confluentis, ac Ceretanæ Comes; & cum eo plerique alii Cataloniæ Barones: quin &



Raimundus Moneada Comes Benearnensis, cum lectissima quadringentorum equitū cohorte, cæterique vtriusque Regni ex ipso iuuentutis flore delecti nobiles. Itaque paratis omnibus præstituto die, sacris de more confectis, ac ut Christiana pietas, tamque sancta expeditio postulabat, eodem ministrante Episcopo, Regi ac proceribus diuino Christi corpore communicato, cuncti naues conscenderunt. Iamque signo dato, sic è portu soluerunt, ut scilicet naus Nicolai Bonetii Barcinonensis, quæ armamentis, atq; celeritate cæteris præstabat, qua & vehebatur Benearnensis, antecederet; altera Carrocii, (de quo postea) postrema sequeretur: triremibus in medio constitutis, ut nauibus ante & post sequentibus, subsidio esse possent. Itaque leni flante vento, tametsi nondum satis confirmato; tamen præ proficiscendi cupiditate, sub ipsum matutinum crepusculum vela ventis data fuere. Rege quidem, qui expeditissima Mompelleriensium triremi vehebatur, ultimò è portu soluente; ut mille tunc è mediterraneis aduentantes milites ætuariis exceptos nauigiis secum afferret. Quem protinus sequuntur sunt, quæ aperto mari resedisse nauigia diximus. Igitur magna cum alacritate, atque optima de euentu spe, nauigantibus illis, contentoque cursu Balearium maiorem petentibus; cum iamiamque in eius conspectu essent, subito sese ventus Euronotus, qui sæpe in eo transitu flare consuevit, magno impetu classi opposuit, eamque in diuersa distraxit, atque cursum institutum inhibuit. Vnde commotum mare naues, ipsosque potissimum vectores usque adeo conflauit; ut nonnulli de progressu; deque vita desperarent; atque triste profectionis omne ex tempestate accipientes, de reditu in continentem cogitarent. Quin etiam milites, qui mare nunquam intrarant, atque tempestatum insolentes erant, fluctuum agitatione & conflictu expauescentes admodum, Deo & Virgini matri sese verè, & ex animo commendabant: mireque recordatione scelerum compuncti, prostrato & afflicto animo, Deo (quod nunquam sic tota mente fecerant) litabant: non enim à sacrificio abest (Regio testante Vate) spiritus conflictatus; quod fractum, atque contritum cor Deus nunquam despicit. Is quippe sacer, atque omnino salutaris est fructus, qui excipitur ex marina tempestate; nam ea quidem, non modò sanando corpori utilis est, vomitione, ut solet, omnem è ventriculo bilem excernens: sed ab intimo quoque animo impietatem omnem expectorat; meliusque subinde quisque in utroque, quod aiunt, homine, beneficio tempestatum, mari quàm terra curatur. Non ergo triste, atque infaustum, sed quàm optimum capiendum est omen ex marina tempestate: quæ omnibus cū corporis, tum animi morbis profligatis, nauigantes & Deo gratiores, & ad susceptum prosequendum facinus longe animosiores reddit. Itaque impediende vento, ne portum tenerent; nauarchi & naucleri triremis Regiæ consilium fuit, ut tempestatum cederent; atque in continentem remigarent: esse quidem, ineunte hyeme, tempestatum maxime timendam, & securam post eam tranquillitatem ad nauigandum constantiorem existere. At verò Rex nequaquam reditum probauit; consideratè animaduertens, milites in terram emissos fastidio maris illico in diuersa abituros, ideoque esse progrediendum; atque à Deo profectionis suæ Duce, breui tranquillitatem sperandam. Vnde triremi sua plenissimis intenta velis, prætoriam Benearnensis nauem consecutus, eique præcurrens, seipse ducem classis præbuit. Verum tempestate inualecente usque adeò, ut Regis triremis, quæ sua antecessione maiores maris impetus sustinebat, sæpe tota penè fluctibus operiretur: tandè ad occasum solis, tum Euronoto remittente, tum Circio prospere ad portum tenendum flante; nubilosa dissipata procella est, ac sese classis vno ferè tempore in conspectum vniuersæ Insulæ dedit: fuereque portus Pollentiæ, Sollaris, & Almarauichi, ut inquit Rex, distinctè cogniti. Est enim vniuersa Insula in formam quadrati redacta: quatuor constans angulis, totidem præcipuis cœli partibus respondentibus. Quorum primum efficit Palumbariæ portus, eique Calubrarum obiecta Insula parua, non quia colubros gignat; paucos enim alit, sed quia serpentis speciem præ se fert, sic dicta: qua quidem occasus respicitur. Alterum est, caput Salinarum: cui obiciuntur Capraria, & Cunilaria Insulæ, ac vergunt ad meridiem. Inter quod & Palumbariam, medio fere in cursu vrbs maior amplissimò portu patens interponitur. Tertium conficit caput petræ ad Orientem situm. Quartum verò turri sancti Vincentii designatur, cui Septentrionalis plaga opponitur. Estque altera ferè totius Insulæ pars, tametsi montosa admodum, & asperrima, pastionibus atq; sponte nascentibus oliuetis fertilissima. Altera verò, in latissimum, planissimumq; campum explicata: permultisque oppidis, pagis, & villis, ac suburbanis culta: cuius ager natura perbonus, diligentia etiam & cultura melior, omnium mundi feracissimus habetur: de quo mox plura dicemus. Cum igitur in portum Pollentiæ, quæ paululum ad ortum declinat, proræ nauium intenderent; subito sese ventus Aquilo, prouincialem dicunt, ingessit,



gessit, qui denuò classis cursum inhibuit: & quia Pollentiam, illo flante, minime tenere poterant, necesse fuit classem in portum Palumbariæ longe tutiorem reflectere. Qui portus vergit ad occasum, & ab vrbe, Maiorica vulgo dicta, quæ Insulæ Metropolis est, triginta distat passuum millibus. Itaque secundo vento, Regia triremis, plenis velis in illum deducta est: ac vniuersa etiam classis paulò post ingressa: Rege quidem feliciter die Veneris, qui erat ad Kalendas Septembris, vt eius refert historia, in Insula pedem ponente. Vbi pro incolumitate classis (ne vna quidem in tanta tempestate amissa nauicula) immortales immortalis Deo, eiusque sacrosanctæ Mariæ matri, gratiæ ab illo actæ fuere, aliaque sacra per Antistitem Barcinonensem fieri decreta. Insequenti die, iussu Regis, Nunnius Sanctius, & Raimundus Moncada cum singulis triremibus urbem versus littora omnia legerunt, & portus collustrarunt, sicubi tutus esset militibus è nauibus egressus. Verum neque securius, quàm in proximum portum sanctæ Pontix, qui tametsi occasum respicit, paulo tamen versus meridiem inclinat; visum est classem posse inuehi: propterea quòd in Palumbariam valde magna Sarracenorum, & armata manus confluerat, quæ militum egressum omnino impediabat. Interea cum dies esset dominica, iussu Regis, in anchoris fuere, ad radices Pantaleonis excelsi montis, qui præruptus est, atque è regione Insulæ Colubrarix positus: quæ Insula suo quidem obiectu, Palumbariæ portum tutiorem efficit; curauitque Rex vt quam primùm ex labore tempestatis omnes reficerentur. Ibi ergo de his, quæ à sarracenis in vrbe fierent, quæue præpararentur ad eius propugnationem, certior est factus à sarraceno quodam, qui è Palumbaria, sese in mare proiecerat; ac versus classem enatans, magna contentione vocis, mari adhuc fluctuante, Regis colloquium petebat; quo protinus scapha in Regiam triremem subuecto, cum esset Catalanæ linguæ gnarus renunciauit, sarracenùm decem millia in vltiore parte montis prope Palumbarium esse collocata, vt Christianis occurrerent, atque egressu eos & portu prohiberent: ac insuper in Regem oculos intendens adiecit. Bono te animo Rex esse volo; ventura enim est Insula in tuam potestatem: Ita quippe fore augurata est mea mater, quæ magicis instructa artibus omnium Insularium habetur sapientissima: quin & attestor etiã sarracenorū armatorum triginta septem millia in Insula contineri: equitum verò levis armaturæ quinque millia. Proinde adhortor, vt quàm possis citissimè portum teneas, exercitumque in terram emittas: in maturatione quippe tibi sita victoria est; antequam subsidium Tunetanum tibi, tuisque illam è manibus eripiat. Quem Rex ob lætum nuncium, euangeliiis datis, manere quidem apud se iussit: quo postea in bello fuit exploratore, atque interprete vsus fidelissimo. Igitur noctu de secunda vigilia, cum naues in anchoris essent, Rex cum duodecim triremibus littori appropinquauit; præparatis litribus & scaphis ad excipiendos milites, equosque & iumenta in littus emittenda. Qui cum à Sarracenis, qui erant in montibus conspecti fuere, quamprimùm quinque millia eorum magno, vt solent, clamore edito, in nostros impetum facientes, egressum impediabant. Sed triremium tanta fuit proras in hostes dirigendi contentio; atque missilibus inde tormentis illorum impetum sustinendi vis, vt locus fuerit Christianis in littus exeundi. Ex quibus primipilus quidam Bernardus Ruidemaius primus tertiam tenuit, prolatoque vexillo, signum dedit: quæ secuta multitudo militum, viriliter sese in littus effudit, illiusque iussu, opponentibus sese agmini hostium cohortibus, equi & armamenta impune educta fuere. Hunc ergo secuti milites sexcenti in hostes irruerunt, adeoque strenue pugnatum est, vt illos in fugam coniecerint, atque toto Pantaleonino monte, qui portui imminet, potiti fuerint, locumque diligenter munierunt, vt in eo tanquam in specula collocati, terra marique oculis collustrarent vniuersa. Quo facto mirè exhilaratus Rex primipilum collaudauit, qui postea Bernardus Argentona dictus est, atque ob felices eius militares progressus, finito bello, oppido & territorio sanctæ Pontix ipsum, & successores donauit. Quo simul tempore, Nunnius & Raimundus Moncada; quin etiam templi magister, cum Gilaberto Cruillo, & cl. equitibus in terram exierè, conspectantibus ipsos eminè sarracenis, nec tamen exitu prohibentibus. Quorum stuporem admiratus Raimundus, cum ad eos propius accederet: neque tamen dimoueri loco ipsos, neque instrui ad pugnandum videret, signo dato suis, paucos illos esse, atque fugitiuos, exclamans, impetum in eos fecit, acerrimeque insectatus est. Sarraceni verò Raimundi vim ferre non valentes sese fugæ mandarunt. Quos insequentes Christiani, ex eis mille & quingentos, vt historia refert, occiderunt, eaque singulari victoria ouantes in portum rediere. De qua retametsi vehementer lætatus Rex fuit, eosque mirè laudauit; tamen ægre ferens, quòd primo, ac tam insigni prælio minimè interfuisset ipse; dum iubet eos cibum capere, ac curare corpora, sequenti die sub auroram, ta-



citus cum viginti Aragonensibus equitibus interiora Insulæ petens, in eam partem  
 deductus est, ubi fuerat paulò ante prælium commissum: indeque prospectis quadrin-  
 gentis sarracenis peditibus, qui in acclivitate montis constiterant, aciem in eos dire-  
 xit. Qui ubi cognouere, se esse visos, in eminentiorem collem traicere cœperunt. Sed  
 protinus, quasi venatione conspecta, Rex ad suos; maturate, inquit, commilitones, ut ab-  
 euntes feras illas intercludamus. In quos illo duce inuecti, octuaginta ex eis trucidatũ.  
 Verum ne ex leni sarracenorum fuga, nullæ repugnantia, ignavos, atque inertes Ba-  
 leares fuisse colligamus; commemorandum profectò valentissimi Balearis sarra-  
 ceni, hoc ipso in conflictu, factum enarremus. Cum enim Rex seorsum cum tri-  
 bus dumtaxat equitibus in saltum quendam incidisset, occurrit vnus sarracenus pedes, re-  
 lancea scutoque, ac Cæsaraugustana casside armatus. Cui Rex, ut sese dederet  
 imperans, conuersus ille, in Regem vibrare lanceam, ac cum omnibus acerrime pu-  
 gnare cœpit. Ex quibus Ioannes Lobera Aragonensis, ad eũ propius accedens, à sarrace-  
 no lancea transfixo equo deturbatus est: verum subito erigens se Lobera, districto ense,  
 imminenti sarraceno restitit; atque à sociis accurrentibus, nolens se ille Regi vllò modo  
 dedere, contrucidatus fuit, eiusque cernicibus abscissum caput in castra allatũ. Itaque obe-  
 unte Sole Rex ad suos reuersus, summa cum alacritate & acclamatione ab omnibus ex-  
 ceptus fuit: atque intellecta interemptione sarracenorum, illius præsertim, cuius caput  
 hastæ infixum, in vultu robur indicabat; propter paræ hesternæ victoriæ, magna illi gra-  
 tulatio facta est. Interea Rex, cuius iuuenilis animi impetus, ipsaque vincendi cupiditas, 20  
 ardorem mentis ad gloriam vehementer inflammabant, audiens Retaboigum Regem,  
 vrbe cum exercitu excessisse, atque in montibus versari; mirè gestiebat prælium cum  
 illo committere: ut potè quo superato, aut fuso, extenuatis vrbano viribus, facile si-  
 bi foret breui vrbem cum vniuersa Insula expugnare. Quamobrem ut suis iter ad vr-  
 bem aperiret, tumultuantibus castris, neq; se ad horam ferè vno certo in loco continen-  
 tibus, pugnas hinc inde cum obuiis quibusque Sarracenis committens, victorias quoq;  
 quasi venari videbatur: adeoque in has erat intentus, ut nulla neq; de frumentaria re, ne-  
 que de com meatu esset cura pressus: ex quo exercitus subita opprimi fame cœpit: donec  
 idem classis præfectus Plicamanius, cui frumentandi cura demandata erat, cibariis, q̃ ma-  
 ri conuecta supererant, exercitum eousque aluit, quoad pagani Insulæ, ut depopulatio- 30  
 nem agrorum redimerent, frumentum, aliaque omnia spontè, atque in magna copia ex-  
 ercitu suppeditarunt. Cæterum de nauibus, quæ in anchoris erant, prope promontori-  
 um Porraciæ, Austro expositum, trecenti equites exierant: fuereque ab eorum explora-  
 tionibus conspecta agmina, iustusque exercitus Balearici Regis, qui Sole occidente, in  
 monte Portopineo, qui mari prominet, atque vrbi, ut diximus, proximus est, apparue-  
 rant. De qua re Latro nobilissimus Aragonensis eques, alæque equitum præfectus,  
 Regem certior fecit. Quo audito, Rex Benearnensem, & Nunnium, alios-  
 que procures, præsto esse, aciemque instrui iussit. Sequenti vero die, confectis sa-  
 cris, quibus quotidie manè Rex intererat, atque curatis corporibus, consilium habitum  
 est, magnaue super ducendis agminibus orta dissensio inter Benearnensem, Raimundũ 40  
 Moncadam, & ipsum Nunnium: vnoquoque tanquam pugnandi percipiendo, se in primo  
 agmine collocari exposcente. Quæ controuersia diutius protracta, in causa fuit ut ex  
 feruis, & calonibus legio collecta, nullo ordine, neque duce expectato, magno impetu in  
 hostes ferretur: Quibus abeuntibus, Rex equa vectus, vnoque tantum equite Rocafor-  
 tio Catalano comitante, præcurrens, eos iussit consistere, donec Benearnensis & Rai-  
 mundus, tum & Emporitani Comes, cū lectissimis suæ, cognationis equitib; vna irent.  
 Qui non expectato Nunnio, dũ præcipites feruntur; ac dũ ex eo, quod in monte hostium  
 castra collocata vident, nequaquam ipsos tam propinquos sibi adesse putant; ex insidiis  
 ab vltiore parte montis prodeũtes illi, elato clamore, nostros ex improviso adoriuntur;  
 fuitque cruenta vtrinq; pugna commissa. Sed Emporitano, & Tẽplariis militibus in ca- 50  
 stra, aciem dirigentib; ut hostes diuiderent: Benearnensi autem & Raimundo, sinistrum  
 cornu hostium, quod valde confertum erat, aggredientibus, vsq; adeo vtrinq; conten-  
 tiose pugnatum est, ut ter à nostris illorum acies repressa fuerit; totiesque ab ipsis etiam  
 repulsa nostra: propterea quod ii, præ multitudine hostium sparsi diuisique pugnaret, ne-  
 que alii aliis subsidio esse possent. Sed rursus, Christianorũ acie inclinante, Benearnensis  
 & Raimundus, conglobato agmine, impetum in eam partem fecerunt, ubi acrius pugna-  
 batur: quo protinus eorum animoso aggressu, redintegratum prælium fuit. Verum  
 cum integri milites sarracenis fessis succederent, nullumque nostris contra mitteretur  
 subsidium.



subsidium, perturbatis ordinibus, tanta fuit hostium in ipsos concursio, ut cum magna illorum strage gloriolissime dimicantes, tandem ambo conciderint; una cum Vgonibus Metaplanio, & Dezario bellicosissimis proceribus Catalanis, necnon & octo aliis strenuis equitibus ex perinsigni Moncadarum familia, cum plerisque aliis, partim occisis, partim in fugam versis. Quos minime secuti fuere sarraceni, sed præda facta, atque sublati Christianorum vexillis, sese montem ubi castra posuerant, cum magna suorum amissione receperunt. Sed Benearnensis, & Raimundi interitus nostris perquam fuit acerbus. Interea Rex veniens in eum locum, quo se tenebat Nunnius, eiusque agmen ingressus, ad Petrum Cornelium, Simenium Vream, & Oliueriū Thermensem Gallū, equitem nobilissimū, qui tum Gallia exulabat, atque equitatu præerat, mandata dedit, ut cum vniuerso equitatu, primo agmini, quod Balearici exercitus impetum sustinebat, sese immiscerent; quod visa propè esset Christianorū acies inclinare. Quo peracto, Rex paucis sibi iunctis equitibus, cum in eum locum ubi pugna inita fuerat primus peruenisset, obuiam ei fuit Guillelmus Mediona Catalanus e pugna excedens, rescis labiis, ac vultu suffuso sanguine, ictu lapidis aduersum os funda vulneratus: quē ubi cognouit Rex, obligato eius vulnere, hoc non tanti esse, dixit, quin eius inclita virtus tali potius vulnere reuiresceret; quod audiens Guillelmus, ut erat forti ac excelso animo, illico in confertos hostes sese pugnans immisit, neque amplius visus fuit. At verò Rex iuuenili exardescens bili, ignorato penitus tristi prælii successu eorum, qui primi agminis erant, cum eisdem equitibus per accliuem montem, ubi commissa pugna fuerat ascendit; quem protinus secuti fuere sub vexillo Nunnii, Roldanus Lainus, & Guillelmus Regis Nauarræ nothus, cum septuaginta leuis armaturæ equitibus; qui cum in verticem montis peruenissent, conspecta ibi lati campi planitie, hostes partim fusos, dispersosque, partim intra tentoria contentos, minimè tamen pugnae intentos viderunt: nisi quod ex apice Regii, ut apparebat, tabernaculi, vexillum candido purpureoque, colore distinctum pendebat, de quo regii equites, qui de sinistro successu prælii primi agminis non nihil præferant, neque Regi indicauerāt, male suspicati sunt. Igitur in hostium conspectum Rex veniens, videntque ipsos dispersos, ac imparatos, aggredi gestiebat; atque impetum fecisset, nisi eum Nunnius, & alii, apprehensis equi habentis continuissent: eique vehementer exprobrassent tam ardentem animi impetū, cæcamque vincendi cupiditatē, quibus necesse erat, se, suosque cum vniuerso exercitu in summas angustias, ruinasque, si temperaret, adducere. Interea Gisbertus Barberanus machinarum præfectus cum octoginta equitibus ad Regem venit, eique iniunxit Nunnius, ut signū in eam partem castrorum, ubi tentoria fixa erant, cum promiscuis peditum, atque equitum cohortibus inferret: sed antequam eo peruenirent, sarraceni sese iam ad pugnandum collegerant, atque sono prius barbarico & vociferatione emissa, multitudine ac coniectu lapidū, quos fundis circumactos, ad miram distantiam, certumque ictū Baleares iaciunt, eosque Nunnii cohortes persecuti sunt, ut illum lapidum imbrem ferre non valentes nostri terga vertent: quos sarraceni insequentes, deque monte, seruatō ordine descendentes, in dextrum cornu, ubi Rex erat, compulerunt. Verum fugiētes animaduersa Regis præsentia, quodque in tanto relicto illo periculo perfide diffugerent, animose conuersa in persequentes acie constitērunt; neque sarraceni ultra progressi sunt, quinimodò sese in montē receperent. Quo tempore regia cohors cum equitibus grauis armaturæ centū Regi adfuit; quibus summum ille montem conscendēs, sarracenos magno impetu aggressus, inde expulit, atque castris potitus terga vertere coegit: quos tamen, lassos ac defatigatos equis, persequi destitit. Hæc autem acta sunt Rege adhuc ignaro eorum, quæ in prima acie obtigerant, neque de illius clade, atque interitu Benearnensis & Raimūdi, quicquam ad ipsum fuerat perlatum. Quamobrem eo impensius ad urbem venire festinabat; facile factū existimans, nō modo ipsam capere, absente illius Rege; sed hunc etiam, qui montibus se continebat, intercludere; atque sarracenos omni ex parte aggredi; adiūcto sibi primo agmine, quod antea Benearnensis, & Raimundus ducebant. Cumque de monte Rex festinus descenderet, occurrit ei pernobilis Raimundus Alamanus, vir fortis ac bellicosus, qui properantem illum, ac in pericula ruentem, constantissime detinuit; ipsumque tanquam militaris disciplinæ ignarum reprehendit: quod in loco ubi hostes deuicisset, minime se contineret; quoad suorum iacturam recognosceret, eamque reportata de hostibus victoria compensaret. Verum tamen grauib. Alamanii monitis vix se continere Rex poterat, quin ultra, citato gradu, ad urbem contenderet; quoad mille passuum itinere confecto, Episcopus Barcinonensis factus obuiam, eundem grauissime increpauit; propterea quod amissa meliori parte exercitus, atque conduplicato



periculo, imprudēs vltra pcederet; vt, se, suosq; omnino perditū iret: palamq; significauit ei, cohortes, q̄ primi agminis erāt, cū fortissimis Benearnēsi, & Raimūdo ducib. hostiū manib. cōcidisse. Quo nuncio cōtristatus Rex valde, paululū demoratus est, quoad lamentabilē suorū casum & interitū ordine intelligeret, atq; vniuersū agmen cū cohorte Regia eo cōuenirent. Quib. congregatis, vrbis iter primi cū equitatu prosequuti sunt, vsq; ad montē Portopineū, ē quo paulō ante Rex Sarracenos profligauerat, illoq; potitus fuerat. Inde enim prospectus erat vrbis apertissimus, amoenissimūq; in eaq; parte mōtis castra posuit, in qua planities erat, quā riuulus, aqua limpidissimā ē summo deriuatus, atq; in orbē ductus, totā ferē cingebat: tāta inter sese Catalanorū & Aragonensiu cōcordia, quāta aliās nunquā. Itaq; dispositis custodib., & vigilibus, qui excubias agerēt ea nocte, quā Rex prope duxit in somnē; lamentabilē suorū Ducū interitū, quāto cū silentio potuit, ne suos exanimaret, animo premēs: simulata alacritate, cibariis appositis, postquā exercitū ab labore diurno refici curauit, ipse quidē secessit in tentoriū Oliuerii Thermentis, vt se ab labore & inedia, quā integro die passus fuerat, recrearet. Ac vbi dies fuit in iugū mōtis ascēdit, vt obiectā vrbē inde melius cōtemplaretur, q̄ vt erat omnīū Hispaniā pulcherrima, ita etiā perāpla fossa, & muro munita, atq; expugnata difficilis visa est. Inde verō reuersus in tabernaculū, pradio opulētissimo ab eodē Oliuerio exceptus fuit; adeo vt Regi, tū ex amēnitate loci, tū ab optimo condimento, & hesternā fame, non aliud fuisse sibi vnquā suauius, sapius professus fuerit. Nā ex edificata postea ibi villa sumptuosissima, villā boni pradii inde dictā fuisse, ipsa Regis historia testatur. Deinde occidente Sole, Rex sumpto Nunnio, aliisq; procerib. in tabernaculū vbi Benearnensis & Raimundi corpora iacebāt, est ingressus; eaque accensis funalibus, atq; sacerdotib. orantib. circumdata, tecta tenebantur. Quā vt primū Regi ac proceribus reiecta fuere, magnus cū eiulatu & plangore clamor ab omnib. sublatus est, ab iis prāsertim, qui erant illorū cliētela & cognationis; quiq; se miseros, orbos, atq; omni destitutos refugio lamentantes, adeo de crudelitate Regis nōnullā inter fletus & lamēta miscuerūt; vt necesse fuerit Regē, hos seorsum consolari, maiore se quā p̄sos, illorū interitu iacturā fecisse, ostendēdo. Vt potē quos prācipuos, ac summos belli duces, fidissimosq; omnīū rerū suarū administratos habuisset: adeoq; de se illos fuisse bene meritos, vt eorū familiā & cliētelā rationē ipse semper esset habiturus, debitamq; mortuis mercedē, illis largē persolaturū. Quo dicto vehemēter recreati omnes, ad persequendū bellū, regi q; perpetuū inserviendū, mire animati fuerunt. Se quēti die, castris positis, cōgregati proceres; iusta defunctis facere volēs; es, linteis, stragulisque toralibus expansis, atq; vbi oppositis, ne ab ea discerni possent, quā in castris agebātur; magna cū pompa & ornatu cadauera sublata ab eis; humeris elata fuerūt: praeuntib. vexillis, cū illorū insignibus: ipsosq; Barcinonēsi Anūstii sacru exequiarū munus, cū nō paruo sacerdotū numero celebrante; ac Rege, & procerib. cū vniuersā atrata familia subsequētib; totis demū castris circūlata illa, in oculis condita, atq; sacro in loco deponi iussa sunt; quoad finito bello, in Cataloniā in op̄ida ipsorū translata atq; inter suos reposita fuerunt. Quib. peractis, protinus oppugnationi vrbis operā nauare statuerūt, atq; exercitu & copiis, de monte in planitiē ante vrbē eductis, eandē terra circumqua; obsiderūt. Iamq; prelatis machinis, q̄ ē nauib. in castra asportata fuerant, atq; ex tā multo apparatu quatuor dūtaxat maximas construxerunt; prāter eam, q̄ a naucleris quinq; nauiū, quas Comes Prouinciē ad Regem miserat munitissimas, ex antenis & ferramentis substructa est. Fuere quoq; in vrbe a sarracenis similia nostris obiecta tormēta & ballistae. Sed a Regiis tormentū illud maximum Fundibulū, de quo supra diximus, paratū fuit maiori quā antea substructione, aciores enim illud in ea expugnatione emissiones habuit. Nec dubitandū, fuisse quidē tunc tēporis hāc ipsa tormēta tanti momēti, ad prosternendas arces, & diruēda mœnia: vt eisde perinde antiq̄, atq; nostri metallicis, q̄ nūc sunt, tormētis vrbes, arcesq; expugnarint. Tame si expeditiora hāc sunt ad intorquendū; atq; ad perterebrandū durissima quāq; lōgē aptiora. At verō sarraceni ex vrbe viriliter sese defendētes varia, cōtinuāq; ballistrarū, & tormentorū contortionē acerrime Regiis evertēdis machinis, vim omnē inferebāt: crudelitātēque inter alias, plus quā barbarā, atq; immanissimā in nostros exercebāt. Nam captiuos Christianos, quos Rex anathemata sibi fecerat, cōprehendi viuos, ac in globū religari, machinisq; ballistariis imponi iubebat; indeq; excussos in media Christianorū castra iaciebāt. Quā Regis immanitatē tantopere execratus est Iacobus, vt iureiurādo se adstiterit, nō cessaturū ab expugnatione, donec Regē barba caperet, atq; p̄ tam dira immanitate omni cōtumelia atq; ignominia afficeret. Vnde Gilbertus Barberanus tormentorū p̄fectus, materia ex nauibus asportata, immanissimū quoddā tormentū nouū construi fecit, libratum ad maiora vrbis eludenda tormēta, quo securius nostri possent fossā vrbis appropinquare; paulatimque agere & fossa castra munire. Tantus enim terror, ex superioribus sarracenorū confidationibus nostros inuaserat; vt plerique noctu sese in proximos montes reciperent; nauitā erō, in naues pernoctatum abirent. Fuit igitur prima illa machina, testudo dicta ex



triplistabulis, quæ trabalibus fixæ clavis erant, multoque ramorum, ac terræ congestu intextæ, tectoque etiam acuminato, & in utramque partem ad expellendas pluuias inclinante cōfecta, ac plaustris imposita, ut circumuehi posset; sic à Romanis olim ad urbium expugnationem adhiberi solita. Quæ tandem immenso militum labore paulatim fossæ urbis admota fuit; ac totum illud spatium, quod machina post se liquerat, nostris acquisitum. Quin etiam ad diuertendos hostes, Emporitanus similem machinam construxit: fuitque tertia huiusmodi à Rege exædificata; ac propterea quod magnitudine præstaret aliis, munitiori parti urbis obiecta. Quibus factum est machinis, ut & appropinquare urbi posset exercitus, & vallo, fossa, atque aggere castra circumdari, in eisque perinde ac in munitissima urbe, tutè contineri. Quo in opere magna profecto erant militum ad suum cuique munus obeundum, studium & contentio; præclara item procerum, noctu diuque in eo perficiendo, diligentia & attentio, sed mira in illis omnibus Regis vigilia, ubique præsens conspectus, & sollicitudo. Verum, testimonio Regis, longe fuit ardentior ad inflammandos totius exercitus animos, & persequendum cœptum, assidua cuiusdam fratris Michaelis concionatoris eloquentissimi, sanctissimique exhortatio. Qui primus totius ordinis Prædicatorum Lector deputatus erat, & à beato Dominico Tolosæ in sacram eius instituti societatem cooptatus: quiq; incliti cœnobii Prædicatorum Valentini primus fundamenta iecerat. Is igitur diuini verbi concione ac virtute, usque adeo in ea expeditione profecit, tantamque sanctimoniam opinionem apud milites consecutus fuerat; ut non solum auctoritate, sed etiam Imperio quodam gubernaret. Nam sæpe quidem milites, quos neque Rex neque Duces, ad subeunda pericula commouere poterant; eosdem Michael præsentia & adhortatione sua, nullo negotio permouebat. Neque sane Regis alia in eo bello mens erat, quam Michaelis: scilicet, ut deleta sarracenorum superstitione, & vanitate; sanctissimum Christi nomen, eiusque sacrosancta religio in tota Insula propagaretur. Ac neque ab eo profecto militum mores, non procerum facta, neque Ducum Imperia, discrepabant. Quippe diuino tunc Duce numine, eoque confiso Rege, bellum gerebatur. Ideoque aperte, non tectè, aut simulatè cum hoste agebatur: non fraude virtus, non anro fides (quorum armorum frequens nunc usus) oppugnabatur. Itaque nullo tempore oppugnatione intermissa, ne tamen Sarracenorum ex urbe eruptionibus machinæ & tormenta magna quid detrimenti caperent, à Rege iussu est, ut singulis noctibus centum leuis armaturæ equites excubias & custodias agerent. Cum interim Infantillus eius Insulæ præpotens sarracenus, collectitio exercitu ex rusticis & paganis, qui se ex suburbanis in montanas criptas, & inaccessas speluncas, quales ibi sunt, metu exercitus receperant, peditum numero quinque millium, equitum verò centum, in collem quendam ascēderat: ibique tentoria fixerat, unde fons oriebatur, eiusque aqua per media Christianorum castra ducebatur, sed fonte ab illis partim obturato, partim per alia loca, & alueos, illius deriuata aqua, exercitum vehementer commouit. Quæ graui iactura, turbatis omnibus, eiusque causam suspicantibus: Nunnius, iussu Regis, cum trecentis leuis armaturæ equitibus, aduersum riuuli alueum secutus, eo peruenit ubi Infantillum cum suis impetratum inueniens ex improvisio est adortus; ac cum eis viriliter pugnavit, dum interfectis quingentis, reliquos in fugam coniecit: capto Infantillo duce qui grauius vulneratus fuerat: direptisque castris; necnon fonte, eodem quo amissus die fuerat, recuperato, atque in natium alueum reducto. Demum graui vulnere exanimato Infantillo, cum in castra deduci viuis non posset, abscissum eius caput ad Regem delatum est. Quæ victoria vehementer delectatus Rex fuit, ac collaudato Nunnio, & suis, protinus Infantilli non viuum corpus, ne sarracenorum immanitatem imitaretur, sed mortuum caput pro saxo, maiori machinæ apponi iussit, & in urbem proiici: quo ab urbanis cognito, tamque portentoso expauescentibus iactu: magnus ortus est plangor, atque illico desperari cœptum. Dum hæc à nostris prosperè geruntur, atque debellato Infantillo cum suis, in quibus nonnulla spes erat Insularibus: ii protinus animaduertentes, nostros cum admodum paucis magnas passim victorias reportare; ac rursum Afrorum auxilia ex Tunetano Regno nulla sibi comparere: consilium fuit, illis præcipue Sarracenis, primatibus, qui oppida & pagos in altera Insulæ parte tenebant, cum Rege, ac Christianis pacisci: antequam urbe capta, exercitus in vniuersam Insulam depopulaturus mitteretur. Quamobrem Legatos miserunt ad Regem, qui dicerent, se suaque omnia in fidem atque potestatem Regis permissuros, neque se cum Retaboigo Rege consensisse; neque contra Christianorum exercitum omnino coniurasse, nec arma cœpisse, paratosque esse, & imperata facere, & oppidis suis recipere, & frumento, cæterisque rebus iuuare. Quæ sane ex animo Insulani dicebant: erat enim eorum Princeps Benahabetus, qui ab eo tempore, quo Rex in Insulam



appulerat, cellas, & horrea sua liberè pabulatoribus patefecit, magnoque fuerat subsidio nostris ad sustinendum bellum. Hunc ergo cæteris Insulæ regulis sequentibus, factum est, ut ea omnia oppida, quæ citra urbem, versus oram alterius Insulæ minoris, ad ortum sita sunt, ad decimum quintum diem, sese Regi dederent. A quo benignè exceptis illis, ac tota penè Insula, præter urbem, in eius potestatem redacta; duos constituit Insulæ præfectos Berengarium Durforcium Barcinonensem, equitem nobilissimum; & Iacobum Sanctium Mompelleriensem, a puero Regis domesticum, & familiarem; qui partiti provinciam, cum ius dicerent, tum exercitui frumentum, & alia necessaria suggererent: quod frugum, fructuumque reliquorum copia, præ cæteris totius orbis, Insula redundet. Est enim maior Balearis valde ferax, atque omni prope copia rerum referta, neque alia ubiuis inuenta est Insula, quæ tam breui, & angusto spacio contenta (centum M. passuum in longitudinem, in circuitum verò cccclxxx. M. distat) tam variam, tamque excellentem fructuum, atque animalium, non ad usum modò, & alimentum, sed etiam ad delicias mortalium, abundantiam, atque illa suppeditet. Nam præterquam quod tribus urbibus, tum oppidis ac pagis multis, & portubus undique frequens est; frumento etiam, sale, oleo, vino, caseoque, pecude, & armentis, atque ferina carne, tantopere abundat, ut non solum incolis; verum exteris copiose sufficiat. Nam & Balearica vina, auctore Plinio, Italici nota satis, atque approbata fuere: & oleum, caseumque non modo proximis Valentiæ, Cataloniæque Regnis, sed Gallicæ quoque, atque Ligusticæ oræ, magno esse usus ac nutrimento comperitum est. Præterea cuniculorum, ceruorum atque damarum tanta est multitudo, tam certa venatio, ut hac una profecto posset quotidianus carniū esus in Insula suppleri: præter porcinas, tum domesticorum, tum sylvestrium aprorum carnes, quarum tanta est copia, ut in frusta sectæ, & foras missæ, apud externos redundant. Quibus addi potest, summo deliciarum loco, perutilis, salutaris, atque delitiosa myrthus, e cuius flore liquor omni thure Sabæo odorator elicitur, per loca sylvestria, ipsam sponte, atque in magnam copiam Insula proferente. Demum vniuersam Insulam, quindecim tunc oppidis constitisse, refert Regis historia, quorum nomina, præter urbem maiorem, tum Pontiam, & Polentiam, quæ Romanorum Coloniarum fuerunt, barbara sunt, atque à sarracenis imposita. Igitur capta atque in potestatem Christianorum redacta Insula, ad urbis expugnationem transeamus, ubi de moribus & ingeniis Balearium nonnulla dicemus.

## BERNARDINI GOMESII MIEDIS, ARCHIDIACONI SAGVNTINI, DE VITA

ET REBUS GESTIS IACOBI PRIMI REGIS

*Aragonum, cognomento expugnationis.*

### LIBER VII.



VNIERSA Insula præter urbem in potestatem Regis redacta, atque præfidiis, commodioribus in locis, præsertim qua portubus illa patet, dispositis; totius exercitus, atque cura Regis, in urbis oppugnationem incubuit, eoque totum belli pondus conuersum est, obsidione enim Rex illam capere decreuit. Est autem urbs, ut dicebamus, quæ respicit meridiem, in medio ferè Insulæ posita mari sese inter caput Figueranum, & Capendoracatum, quæ quindecim miliaribus inter se distat, totidem ad urbem usque sinuante. Qui sinus alioqui permagnus, portus efficitur celeberrimus; tantumque non à Libonoto vento tutus: sed quò interior, eò sit longè tutior, ob constructam, atque manu factam molem, quæ in mare ex urbe prominet, eique e regione respondet promontorium Portopini; inde dictum, quod ab altera promontorii parte versus occasum, maris sinus exiguus sese terræ ingerat, ac paruum portum efficiat, Portopineum nuncupatum. Id ergo promontorium cum ipsamet manufacta mole, tranquillum, atque ab omni prorsus vento tutum urbis portum reddunt. In quæ, ob incredibilia Insulæ mercimonia, tam magnus esse solet nauium concursus, ut ex eis aliquando octuaginta numero simul ibidem conspectæ fuerint. Itaque urbs partim in excelsio colle, partim in planitie, explicata est, & per accliuatam coniuncta. Tamen si in colle, qui mari ac portui imminet, & præruptus est, expugnationis tempore, arx sola sita erat, postea verò, templum maximum, & Episcopalis



Scopalis domus cum speculatorio deambulacro, unde prospectus est maris amœnus, ac pericundus, iussu Regis exstructa fuisse. Adhuc fluuius non longe à fontibus derivatus, qui sese illico in mare præcipitat, mediam interluit, magnoque illi est usus, non modo ad eius salubrem purgationem, & hortorum quibus maximè decoratur ipsa, irrigationem: verum ad nauium etiam aquationem, & portus commoditatem. Denique urbis ambitus, qui muro satis amplo munitur, ac collem una cum planitie comprehendit, tam latus est, ut præter hortos; domiciliorum sex millia contineat: quæ cum aliis operibus, tum magnificentissimè extructa sunt; tum urbem, quæ decem nunc patet portis, omnium Europæ pulcherrimam, & conspiciendam efficiunt. Quamquam Iacobi tempore, dempta arce, tota ferè in planitie sita urbs erat, neque tot, quibus nunc, portis patebat. Ideoque Rex non supra collem, quem arx custodiebat; sed in planitie castra posuit, indeque totam visus est obsedisse. Itaque vallo, aggereque ductis, paulatim urbi admotis machinis, sarracenisque in eas frequenter, sed frustra erumpentibus, eousque peruentum est; ut machinæ, & qui agebantur cuniculi, muros attingerent, atque cuiusdam fundamenta turris excuari inciperent: iamque naphthico supposito igni turris hisceret. Quo simul tempore tres aliæ turres similibus oppugnatae machinis corruerunt. Verum quæ nostros ab ingressu urbis prohibebat, peramplacrat, atque alta fossa, qua cingebantur mœnia: tametsi siccata illa esset, atque ad agendos cuniculos importuna. Quamobrem duorum Ilerdensium militum consilio & industria, fossa in locis magis irruptioni aptis, terra, ramis, lignisque, & lapidibus oppleta, superoæquata solo fuit, simul & peditibus peruia ad irrumpendum reddita. At verò urbani, re intellecta, per cuniculos intus actos ignem clam summiserunt, cœpitque materia illa comburi, & aperiri fossa. Sed occurrentibus nostris, riuulo aquæ in eam partem deducto, extinctus ignis fuit: rursumque conduplicata materia, ac machinarum iactibus in eam partem contra urbanos directis, ne nostros impedirêt, fossa denuò repleta fuit. Quæ cum minimè successissent sarracenis, cuniculos ipsi etiam in nostras machinas agere decreuerunt. Idque ut tutius, magisque simulatè perficerent, nouas quotidie eruptiones in partem, qua cuniculi agebantur, ex urbe faciebant: usque adeo viriliter, ac strenue pugnantes, ut nostros semel propè deuicerint, ac profligarint: sed protinus redintegrata pugna; Iacobo præeunte tam validè dimicatum est; ut sarraceni cum maxima sui strage in urbem compulsi fuerint: quorum permulti in ipso quoque ingressu occubuerunt, frequentibus ictibus magnorum lapidum ballistæ, vnius ex tormentis maximis, quod in eam partem, ubi erat concursus, scitè fuerat intentum. Quapropter sarracenorum Duces, Regique Retaboigi consilarii, impendentem urbi ruinam, tot illam conuassatam locis, nonnullis etiam perterebratam videntes, ac neque machinis, neque eruptionibus, quicquam aduersus Christianos se proficere considerantes, communi consilio, Retaboigum adierunt, eique exposuerunt, quanto, quamque aperto in periculo ipse cum suis versaretur: dirutis iam, propeque conuulsis urbis mœnibus, oppleta fossa, pluribusque locis aperto ingressu hostibus nulla cum urbanis commiseratione visuris, sed ferro, & igne, ut sæpius minati fuere, cuncta vastaturis, quodque maxime urgebat, nullam ipsis spem salutis superesse, non in fuga, interclusis cunctis elabendi locis, Christianis tum exercitu terrarum classe mari in ipsis prope faucibus portus sese obiciendis, non in externorum auxiliis, nusquam apparente Tunetana classe, ac neque vllò ei portu ad appellendum in Insula, præter urbanum, relicto; non denique in subsidio Insulanorum, quos fere omnes Christianus Rex, aut cōtumaces, ut Infantillum cum eius affeclis ferro & armis cōtrierat; aut reliquos, qui sese sponte dederunt, benigne susceptos in potestatem redegerat, quique iuuenis, gloriæque percipidus, neque destitutus à cœpto sit, donec excidio & incendio urbis, clarissimos suos enectos duces crudelissime vlciscatur, neque aliud machinaturus, quàm ut suo demum cuncta subigat imperio. Quibus de causis, aut conditiones pacis Christiano Regi offerendas esse; aut quasunque ipse dederit accipiendas; daturus enim ille honestas, haud dubie, propterea quod & pius idem, & maximus suæ habetur cultor religionis, quæ subiectis parere præcipit, ac nisi in superbos, & contumaces, ferro agere non permittit. Quæ audien, Retaboigus Rex; ac plusquam manifesta sibi à ducibus proponi agnoscens, à cunctisque consiliariis quasvis pacis conditiones accipiendas esse approbari vicens, Legatos ad Iacobum misit, qui pactis trium dierum induciis ab eo peterent, ut viros probatæ fidei ad se mitteret, quibus cū tute posset de concordia agere. Quos Iacobus benigne audiens, annuensque postulatis, protinus Nunnium cū equitibus decē, & Hebræo quodā Cæsaraugustano, nomine



Bachiel linguæ Arabicæ perito, ad illum ire iussit. Qui urbem ingressi, quam de industria ab ipsis collustrari totam permissum fuit; ut eius ad propugnandum apparatus, beneque armatam multitudinem, nostris referrent: tandem ad Regem intromissi sunt: sed quam longo spatio temporis cum eo collocuti; tamen, aut dissimulante ipso, aut eiusdem dicta Hebræo malè interpretante, nihil quidem certi ab eo, sed ambigua ferè omnia ex eius sermonibus percipi potuerunt. Vnde cunctante Nunnio, Iacobus Petrum Cornelium eò summisit: cui adfuit quidam Egidius Alago Aragonensis, qui olim nauigans, à Balearicis piratis captus, ac Retaboigo dono datus, ad Machometanam sectam descuerat. Is mentem sui Regis intelligens, palam Cornelio illius sermones hos esse dixit: nempe ipsum compensaturum Iacobo omnes sumptus ab eo, & à proceribus factos, in eius expeditione belli, & transitu in Insulam; modo illico Iacobus cum exercitu, & omni classe, ab Insula Barcinonem abscederet, Quibus ad Iacobum perlatis, responderi iussit; definiret ille talia frustra iactare, atque inanibus conditionibus oblatis, sese à libera & vera deditione redimere: curaret potius urbem suam ab impendenti vastatione defendere; secum, castra iccirco aduersa ei parti urbis, qua Barcino respicitur, posuisse; ut debellata post se iam vniuersa Insula, sua in Barcinonem reuersio, recta fieret per medià eius urbem. Quæ Retaboigus mente perpendens, sequenti die urbe exiens, porta Portopinea, tabernaculum magnificum, purpureis auroque intextis velis, in campo, Christianorum inspectante exercitu, collocari iussit; eoque Nunnius accersuit, ut cum eo denuo de honestis deditionis conditionibus pacificeretur: eas tum petens paulò tolerabiliore. Ad quem Nunnius apertè locutus est, falsò sibi ipsum persuadere, Iacobum, qui nihil tam in ea expugnatione, quam suorum interfectorum ducum ultionem anhelet: ac ut rerum potiatur, quicquam præter nudam, atque absolutam deditionem admissurum. Non enim Baleares Insulæ duos Reges magis quam terra duos Soles habere posse. Quæ dicta Retaboigus protinus, vel sine interprete, percipiens, Nunnum abire nitentem iussit consistere: eique pactiones longè æquiores, atque Iacobo gratiores, se facturum promisit: videlicet, liberè relicturum urbem simul cum Insula & adiacentibus Iacobo: classe tamen ipsius sibi accommodata, qua tute posset ipse, cum tota domo & familia, atque vniuersa re, in Africam traicere; ac vna deferre secum omnes, qui se sequi vellent sarracenos: pro vnoquoque ipsorum quinque Bisantios (quorum singuli tribus victoriaris, solidos Barcinonenses appellant, æstimabantur) erogaturum promittens: modò qui remanerent ad culturam Insulæ, humane tractarentur. Quæ Nunnius ad Iacobum deferens, conuocato consilio Antistitem, simul & procerum, atque primorum exercitus, ea omnia ordine, quo enarrata sunt, exposuit: subiungens se in eam sententiam pedibus omnino iturum, quæ de pactis & conditionibus diceretur: ne si vi, & armis oppugnanda urbs esset, cum tam valde magna exercitus iactura, atque Christiani sanguinis effusione id fieret, quanta ex tam armata, atque pro aris, focisque propugnatura Balearica expectari gente poterat: quandoquidem innumerabilis prope esset in urbe multitudo militum ad propugnandum, ut ipse viderat, expeditissima. Cuius sententiæ vehementer ab omnibus reclamatum est, maximè verò ab Emporitano Comite, tum Raimundo Alamanio, necnon Cerbellonio, & Claramuntio, Cataloniæ proceribus, qui Benearnensi, & Moncadæ consanguinei erant; adhucque lamentabilem eorum interitum lugebant. Vnde ne vehementius inclamarent, indicto silentio, vnus ex eis Alamanius pro omnibus ad Regem, sic verba fecit. Difficilis profectò est, ac sæpe quidem intolerabilis, optime Rex, ultionis cum benignitate societas; quòd illa iustitiæ, hæc autem fatum cuiusdam æquitatis vices gerat: illius enim leges perpetuæ sunt, atque natura immutabiles; huius verò vis omnis in humano, vario mutabilique sita est arbitrio, quod quidè si in bello potissimum, quod semper ultionis causa suscipi debet, iustitiæ præferatur, præuerti sane omnia, atque pessunda-ri necesse est: propterea quòd bellatoribus nihil obuenire possit perniciosius, quam benignitatis gratia, quid impunitum relinquere. Ergo ne, Benearnensis, Moncadæ, aliorumque sui clarissimi generis, sanguinis adhuc efferuescentis, atque pro te effusi ultio, iniquissima effundentium hostium pactione præponderabitur? Tam parui tibi erit, tuorum obita pro te mors necessariorum, ut ne ultione quidem cupias illam redimere? An non æquius multo est: atque pro lege vindictæ iustius: ut istorum canum sanguine, amicorum sanguis, quem linxerunt illi, ipsius ante ora exercitus expietur? ut pro eo quòd tuorum oppetitas pro te mortes, tam bellè vindices: multorum quoque vitas arctius tibi ad oppetendum addicas? sicque quo teneris ultionis debito absoluaris: & iustitiæ vindicis, & magni expugnationis cognomento decoreris? Age igitur, hostili sanguine permitte nobis dextras perfundere: nullaque ætatis, nulla sexus ratio habeatur: ac nisi sese tibi hostis liberè,



liberè, ac pro arbitrio dediderit, nullas omnino cōditiones pacis ab eo accipe. In fraudē enim Regia illa vulpecula deducere vult regium leonem. Quid enim commoliri ipsum putas? dum se, suaque omnia, & quotquot velit militum, secum asportare posse petit; quàm ut auro, & pretiosissima quaque re ciuitatem expoliet? ut & vacuam capias, & tuos milites illius direptione, tanquam laborum præmio, defraudes? Quid, quos velit milites, ut possit adducere, quàm ut lectissimo quoque perducto secum, iuncto Afro, inuictissimum inde exercitum reducat, quo facile tum Insulam recuperet: tum te omnino Regno pellat? Quare ipsum abscinde caput Insulæ, si tota cupis perfrui tranquillè, urbemque tot perforatā locis, tantisque diuitiis, & spoliis affluentem, tuis milibus pro meritissima laborum mercede, intrandam & diripiendam concede. Neque enim commiseratione digna est, quæ tibi tuisque tot, tantaque ultionis atque vindictæ pœnas debet. Quæ cum dixisset Alamanius, Regi ac vniuersis consiliariis grata omnino fuere ea, ac vno excepto Nunnio, illius sententiam sequuti omnes. Itaque protinus deliberata expugnatione, Retabogum Regem ab omni spe pacis deiecerunt. Quod urbani tam inique tulerunt, ut ex desperata salute, acerrime aut ad sese defendendum, aut cum maxima Christianorum strage, ante sua mœnia oppetendum coniurarent: adeoque ab ea desperatione magnas sibi vires auxerunt, animati ad nihili vitam ducendam, modo Christianis auferrent; ut à nostris quodammodo non desierit detractari expugnatio; ac, ut in ipso prope conflictu deprehensum fuit, nonnulli ex his, qui Nannio de pace agenti nimis animose resistiterant, ingemuerint, vehementerque, quod ab eis sententia discesserant, pœnituerint. Verum, quod sarrapenis ab desperatione, id nostris ab spe certa potiundæ, atque diripiendæ urbis, excreuit animi, viriumque: ac multo plus in Iacobo, cuius mens diuino freta numine omnis in eo erat, ut capta vrbe, impiaque Mahometanorum secta extirpata, Christiana prorsus induceretur religio: ex quo maiori quàm cæteri spe erectus ille, de potiunda vrbe minime dubitabat. Vnde continuata obsidione, atque tormentis & machinis vrbi propius admotis, sese omnes ad oppugnationem præpararunt. Atque ut maiori contentione iniretur oppugnatio, Antistitum, procerum sententia fuit, ut congregato in vnum locum exercitu, ad id sese omnes iureiurando obstringerent; ut oppugnatione durante, nullos locum, quem tenuisset defereret: seu pedem referret; nisi letali percussus vulnere fuisset: secus facientes, proditoris, seu conspirationis infimularentur. Fuitque tum illud maximè commemorandū, quod primus omnium Rex, extenta manu in tabellas Euangeliorum, iuramento se voluerit obstringere: quod neque ab Antistitibus, neque à proceribus fuit illi permittum. Quæ gesta fuere ipsomet die festo Natalis Christi domini nostri solenniter, & quàm deuotissimè à Rege & vniuerso exercitu celebrato. Quo die, quidam nobilissimus eques, nomine Carrocus (ut autor est Asclotius Catalanus, antiquus huius historiarum scriptor) è magnis Germaniarum proceribus oriundus, qui Regem in eo bello suis stipendiis sequebatur, militari auctoramento, publice, accum magna pōpa à Rege fuit insignitus. Cui deinde propter eximia ab eo, tam in Balearico, quàm in Valentino paulò post consecuto bello, exhibita, terra marique, militaria officia, tum illi maris præfectura delata est, tum amplissimis à Rege prædiis in Valentino Regno idem cumulat. Nam insigni tunc Rebolledano oppido, eique proximo Carroci fonte nuncupato, donatus fuit. Cuius postea filii, & successores, sub eodem Iacobo, aliisque Aragoniarum Regibus militantes, tam propriis, quàm paternis promeritis, non in Valentino Regno solū, sed in Catalonia & Sardinia, cum perampla ac perillustri familia, quæ nunc extrat, tum prædiis, oppidisque, tam valde ditati fuerunt: ut magnatum quoque titulo & insignibus decoratos esse inueniamus. Cæterum nullis acceptis à Iacobo conditionibus à Balearibus oblati: cum desperata omnino res esset, tam obstinato illi animo esse cœperunt, ut nulli usquam ciues ad occumbendum pro defensione patriæ inuenti fuerint paratiores. Nam & frumentaria re, & commeatu, & armis, & multo munita milite vrbs erat, & studio propugnandi, propter desperatam salutem, mirum in modum firmata: quin & præter urbanos, magna Insulanorum manus sese paulatim collegerat, atque in montanas cryptas, & inaccessas speluncas, abdiderat: ut & se defendere, & oportune urbanis subsidio esse posset. Nam si quidem, si urbem ingredi potuissent, haud dubie, inexpugabilem fecissent. Vnde timeri iam à nostris, non contemni, ut antea cœpit hostis: ut qui à tergo furtim: à fronte manifestè premere posset. Quæ causa Rex accuratius munire castra, ac nisi ex lectissimis exercitus præsidia collocare: ideoque tres cohortes, centum quamque equitum præparari iussit, quæ pro castris exubias agerent. Quarum vna præsidio esset machinis & tormentis: altera è regione Barboletanæ portæ, quæ arci urbis coniuncta est, staret: tertia contra portam Protopineam,



ut eruptionibus urbanorum occurrerent. Verum eo maximè anno, rigente bruma, ne-  
 que tantam vim frigoris noctu sustinētes milites, vno, aut altero relicto in statione equi-  
 te, qui de eruptione nunciaret, reliqui sese in tabernacula recipiebant. Id Rex animad-  
 uertens, ægreque ferens, non amplius fidens illis, ex cohorte regia, quam habebat lectis-  
 simam, fidissimamque totidem elegit, quibus eiusmodi excubias commisit. Cui rei vf-  
 que adeo intentus erat, deque incolumitate exercitus tam graui, nocte dieque, cura an-  
 gebatur; vt vel quinque diebus, quibus præparandæ oppugnationi nauata est opera, à  
 nemine visus fuerit somnum capere, vixque cibum sumere: eoque magis; quod per id  
 temporis, tam ingens fuit nummaria rei inopia, vt necesse Regi fuerit, ad sustentandum  
 exercitum, Bisantiorum sexaginta millia, aureorum nummorum vix decem millia con- 10  
 stituentium, mutuo accipere à mercatoribus, qui è Catalonia venerant cum ingenti  
 summa auri, vt direptioni vrbis interessent, ad redimenda parui, vt solent, à militibus  
 spolia. Itaque sequenti nocte, nempe tertio Kalendas Ianuarii, publico denunciatum e-  
 dicto fuit: vt sacris sub auroram factis, atque sacratissimo Christi corpore ab vnoquo-  
 que deuotè sumpto, ad vrbis oppugnationem, sua quisque in statione armatus con-  
 sisteret. Qui dum præsto sunt, ac pugnae signum expectant; ecce Lupus Ximenius Lue-  
 sanus nobilis Aragonensis; atque regiae cohortis præfectus, ad Regem, qui intra vallum  
 acies ad pugnam disponebat, venit; significans, se à duobus scutiferis secretò in urbem  
 missis accepisse, per paucos in vrbe esse, qui excubias, & custodias noctu agerent; atque  
 toto eo interuallo, à quinta vsque ad sextam turrin, ducto à summa arce, ad laeuam nu- 20  
 mero, nullas omnino fieri: inesseque præterea vicatim, & per plateas vrbis, magnum ca-  
 dauorum numerum; atque vniuersam ciuitatem, etsi plenam multitudine, tamen timo-  
 re, mœroreque pleniorē esse. Proinde oportere statim concubia nocte, intrare urbem,  
 ac rerum potiri. At Rex prudentissimè consideratis omnibus, quæ pro honore, & inco-  
 lumitate exercitus facerent; noctu rem tantam periclitari se nolle respondit: ingenium  
 illi militum à Leonis natura minime diuersum agnoscens. Nam quemadmodum, in-  
 quiens, dum is à nemine se videri putat, venatores præsentens fugit, seseque timidissimè  
 occultat: si verò aliquem præsentem habuerit; sistit gradum, atque ad nullius occursum  
 expauescit; imo strenuè cum fortissimo quoque dimicat: sic miles per pugnam licet, no-  
 ctu, cum neque ducem, à quo laudetur, neque commilitonem, cuius fortitudinem æ- 30  
 muletur, neque decurionem, quem vereatur, videat: neque se à quoquam videri sentiat:  
 timore obscuritate aucto; & pericula diffugit, & vmbra potius, quam hostem petit, &  
 militari cuius iureiurando, & honori, vnam sui tantum incolumitatem præfert. Quam-  
 obrem crastino die, luce palam esse confligendum censuit. Cum igitur dies esset, dimis-  
 sis cohortibus duabus; quæ castra, & impedimenta custodirent; si fortè montani hostes  
 in ea irrumperent: Rex medio in campo, agminibus inter urbem & castra instructis, lo-  
 cum paulo eminentiorem conscendens, vidensque maiorem partem procerum,  
 atque exercitus, non tam ad vrbis direptionem, quam ad suorum vltionem esse in-  
 tentos, breui vniuersos, sic est ad pugnam cohortatus. Etsi scio milites, pro laboribus,  
 quos mecum ipsi pertulistis, proque victoriis, quas manu mihi vestra peperistis, vniuer- 40  
 sa Regna mea, si dederò, parem adhuc vestris meritis gratiam, me non esse relaturum: ta-  
 men ne interim, voluntate tantum, aut verbis pascere vos videar, ecce urbem vobis offe-  
 ro omnium regnorum meorum opulentissimam; vt & extremum de ipsa supplicium,  
 quod cupitis, amissos bello socios vlciscendi gratia sumatis: & spoliis, atque manu-  
 biarum copia referti, diuites ac felices ad vestros, atque in patriam remigretis. Proinde  
 pergite, atque omni studio & viribus, ad hanc oppugnationem incumbite. Nam & pro-  
 pitium habebitis Deum, de cuius inimicis vindictam sumitis: & me vobis maxime de-  
 uinctum reddetis, cui hodie manu vestra Balearicum triumphum decernitis: & vobis  
 strenue demum pugnantibus, terra famam, cœlo gloriam immortalem comparabit.  
 Hæc dicens, signo ter dato, in urbem impetum fieri iussit. Tum peditatus, quem illico 50  
 sequutus est equitatus, vrbis ac fossæ appropinquarunt: atque magna vociferatione edi-  
 ta, qua murus antea, impleta fossa, perterebratus fuerat, ipsam intrarunt: quingentis præ-  
 missis peditibus, quibus totidem ex lectissimis sarracenis obuia fuerunt: verum ob an-  
 gustiam vicorum, ad tricenos hinc inde deducta est cōcertatio: quanquam anceps qui-  
 dem illa, donec per transversos calles inuolans equitatus, sarracenorum confertam ma-  
 num perripuit. Quo die, non Christianorum modò, sed sarracenorum, qui aderant, testi-  
 monio comprobata fama fuit: in prima equestri Christianorum acie, equitem quendam  
 fulgentibus indutum armis, equoque, & ephippiis splendentem albis, conspectum fuisse,  
 eiusque aspectu, & pugnandi ardore, sarracenorum animos maximo cōsternari ti-  
 more



more cœpisse: quem creditum est (regia testante historia) beatum Georgium fuisse, qui patronus ac defensor Regnorum Aragonum, in eo conflictu, suis contra sarracenos adfuit militibus: iis præsertim, qui eius insigne, purpuream scilicet crucem Domini gerebant: ea quippe cataphracti specie & figura, cum in hac pugna: tum aliis multis in præliis, cum in prima acie, sæpe cum illo insigni victoriæ fuit visus. Itaque magna cum Aragonensium, & Catalanorum æmulatione commissa cum sarracenis pugna extitit: multis vtrinque cadentibus: sarracenis quidem, nihil non in sui defensionem commolientibus, perque vicus & domos, lapides, saxa, fustes, regulas, ignem, sagittas, ministrante furore, in nostros iacientibus: nostris vero, scutis telorum vim tantam sustinentibus, atque testudine facta, in eam partem, ubi hostes magis conferti essent, impetum facientibus. Verum sarracenorum vis omnis, cum in multitudine, tum in conspectu, & præsentia Regis sui posita erat. Nam idem ipse Rex armatus albo insidens equo, primus erat in acie suos animose ad se, urbemque defendendam exhortans: adeoque cunctos eius vrgebat præsentia, ut gloriosius ducerent coram, pugnante ipso, vitam profundere: quam eo victo, vinere ac superesse. Quamobrem conglobato agmine, sic se defendebant, ut ne quicquam in eos nostri proficerent: imo pedem quandoque cogerentur referre. Sed interim, vniuerso equitatu sese in urbem immittente, atque in pedestres sarracenorum acies vicatim irrumpente, clamata à nostris victoria, protinus consternato illi animo fuere, ac neque resistere valentes, per Barthotelanam & Portopineam portas, cum vxoribus cuncti sese fugæ mandarunt: tanta vero fuit fugientium multitudo, ut omnibus illius ætatis scriptoribus, & historia Regis attestantibus, compertum fuerit, triginta millium numerum vtriusque sexus hominum expleuisse, qui sese in montana loca recepere. quos tamē nulli ex nostris insequi voluere, adeo sese prædæ omnes, atque direptioni urbis deditere. Quæ militum auaritia, atque in persequendo hoste socordia, in causa fuit, ut bellum longè acrius cum montanis postea fuerit gestum. Itaque fugientibus ex urbe sarracenis, ac Regem suum secum abducere nitentibus, abire ille noluit, neque urbem deserere: seseque potius in vetus quoddam palatium recepit, tribus, vel quatuor suis intimis comitatus. Quo tempore Iacobus cum equitibus Regiæ cohortis urbem intrauit, atque ipsis in direptionem abeuntibus, cum paucis arcem petiit, in quam se receperant nonnulli ciuitatis primates, qui conspecto, atque agnito Rege, continuo se ei cum arce dedituros dixerunt: modò ipse relinqueret aliquot ex suis, pro foribus arcis, qui præsidio eis essent contra direptores. Sed cum intellexisset illorum Regem ab arce abesse, relicto vno ex proceribus cum aliquot militibus in custodia, iuncto Nunnio, Regem cœpit conquirere: quem tandem in eo, quo dictum est, palatio inueniens, atque ex fulgentibus armis, & optima corporis habitudine eum esse dignoscens, manu illius barbam apprehendens (se enim apprehensurum multò ante prædixerat) noli, inquit, timere, captus à me es, viues. Eoque in custodia relicto, Iacobus arcem repetiit: quæ protinus ei fuit tradita: inuento ibidem, atque capto filio Regis puero annos nato tredecim. Is postea Christo nomen dedit, & Iacobus vocatus est, atque in Aragoniam à Rege in triumphum ductus, donisque, ac prædiis multis fuit cumulat. Tamen si de eius parente Retaboygo nulla sit amplius in historia Regis, aliorum vè historicorum mentio: cum à Iacobo, neque in Hispaniam translatus fuerit, neque in triumphum ductus: quinimo creditum est, illum in urbe in vinculis fuisse relictum: ibique situ & squalore, atque mœrore confectum interiisse. Demum sarracenorum tanta fuit in urbe strages & occisio, ut ad viginti millia occubuisse compertum fuerit: nec inulta quidem, quandoquidem ex nostris quam multi perierunt. Hunc ergo in modum insula maior eiusque urbs gloriosissime à Iacobo expugnata fuere, pridie Kalendas Ianuarii, anni Christianæ salutis M. CC. XXX. Ergo urbe capta, atque eius præda militibus cōcessa, tanta fuit eorum in colligenda cupiditas: tanta rapacitas: ut vel exacto triduo, vix ab ea reprimi potuerit exercitus: tamen diuina certè cautum prouidentia fuit, ut minori cum ipsius offensione direptio fieret: elabentibus vna cum viris, atque in montana fugientibus, teneræ ac iuuenilis ætatis, & feminis. Vnde direptio, quæ sæpe ob captas feminas, exardescere libidine, bilem, atque execrabiles contentiones, in ipsamet direptione commouere solet, illis absentibus, longè fuit pacatior, atque ad eam, quæ postea sequuta est manubiarum diuisionem faciendam, multo facillior. Quæ autem in urbe fuerit auri numerati, & argenti facti, atque signati, summa: quæ vasorum, tum vestium, ac etiam equorum, & omnis generis iumentorum innumerabilitas comparata: quæ denique manubiarum, in Regia, & in templis copia, vix credi potest. At verò spolia, dempto auro, item argento, & gemmis, quæ facile abscondi, atque negari poterant: neque extorquere à militibus tutum erat: vniuersa in vnum coaceruari, atque in ita olim pacta de diuidendis spoliis Rex



obseruari iussit, statimque ea publicè sub hasta vendi cœpere: ac pro vniuscuiusque me-  
 rito, & in bello factis impendiis, ita cuique diuidi. Quæ ut fidelius, ac sine querela fieret,  
 eius rei cura demandata fuit Barcinonensi, ac Ilerdensi Episcopis; & Nunnio Sanctio, &  
 Emporitano, necnon Raimundo Alamanio, & Berengario Agerensi, qui adiunctis sibi  
 Petro Cornelio, & Simenio Vrræa, spolia diuiserunt. Tamen, ut fieri solet in diuisione re-  
 rum, neminem fere sua contentum sorte esse, subita contra diuisores exorta est rebellio à  
 militibus; fuereque ex eo nonnullæ procerum domus direptæ. Cui rei protinus Rex oc-  
 currens, nonnullos ex compalatoribus comprehendit iussit; atque illico tumultus & con-  
 spiratio sedata fuerunt. Sed in ea spoliolum diuisione Rex magnam haberi voluit ratio-  
 nem fratris Bernardi Campanii præfecti Mirauetensis, atque in Regnis Aragonum, Ma-  
 gistri Templariorum, ut diximus, vicarii; ob strenua, præstantissimaque eius, ac multorum  
 equitum sui ordinis facta, impendiaque. Qua causa eidem, & prædia, & pagi, & locus et-  
 iam ad condendum templum, & milites quadraginta ipsius ordinis sustentandos, libera-  
 litate Regis in Insula concessa fuere. Ea igitur communi manubiarum diuisione, tamq-  
 liberali bonorum communicatione, Rex multum sibi apud omnes, & auctoritatis, & no-  
 minis, atque beneuolentiæ comparauit. Interea Nunnus, ut tuta essent omnia vndique,  
 parari fecit expeditam, atque celeritate præstantem nauem vnā, duabus iunctis trire-  
 mibus, ut iis Africanam oram percurreret, videretque, num quispiam ex finitimis Insulæ  
 Regibus, aut re, aut copiis, Balearibus subsidio esse, aut exercitum eo mittere curaret.  
 Verum subito à cœpto destitit, occasione pestis crudelissimæ, quæ ab infecto, & conta-  
 minato aere, tot projectione cadaverum in sepulchrorum, perniciosissimè orta fuit: quæq-  
 vniuersam Insulam, maximè verò ciuitatem, sic inuasit, ut non solum plebeios, atque in-  
 fimos quosque homines, ad infinitum prope numerū; sed primarios exercitus viros, mi-  
 serabiliter interemerit. Nam vno mense, Claramontius Alamanus, Perezus Mirtatus  
 Aragonensis nobilissimus, quin & Cerbellonius, vna cum bellicosissimo Emporitano  
 Comite, cum maximo Regis, atque totius exercitus dolore, de medio sublatis fuere: cum  
 nulli magis quam ii, & qui antea cum Benearnesi & Moncada occubuerunt proceres, Re-  
 gem tum re, & armis, tum consilio & fidelitate iuuerint: & in occupanda Insula pars ma-  
 gna fuerint. Quorum interitu Rex, societate & comitatu procerum imminui, se, ac dese-  
 ri videns, Petro Cornelio Magistro equitum mandauit, ut capta ex regio ærario summa  
 centum mille victoriarum, in Aragoniam proficisceretur; indeque conscripta cohors  
 te centum quinquaginta equitum cataphractorum, maturatò ad se, cum ea remearet: ac  
 præ cæteris Athum Focium, & Rodericum Licianam, Barones præstantissimos, qui re-  
 giis etiam stipendiis, & honorariis potiebantur, secum adduceret; propterea quod cre-  
 scentibus Regnis, necesse esset ad ea conseruanda, augeri quoque copias & exercitum.  
 Quæ cum diligenter à Cornelio perficerentur, ac præter illos, multi etiam cum Corne-  
 lio in Insulam venirent, exercitus magna ex parte suppleri cœpit, atque à duplici refici iac-  
 tura, quæ consecuta fuit, tum ex pestilentia; tum ex discessu multorum, qui capta, atque  
 direpta vrbe, spoliis opimis, protinus in Cataloniam remigarunt. Itaque suppletis copiis,  
 atque aucto exercitu, Rex in sarracenos, qui sese in montana loca receperant, atque Sol-  
 larium, Almarauichum, & Baialbaharium oppida munire cœperant, bellum commo-  
 uit; propterea quod eruptiones ab eis multæ, ad vsque vrbis portas, prædaque ingens,  
 cum maxima nostrorum iactura fierent: atque impedimento essent; ne à ciuitate in Pol-  
 lentiam parua vrbe, sed commercio idoneam, tutus esset transitus. Vnde cum exer-  
 citu viam Buniolanæ vallis ingressus, à dextra arce in Olerianam omnium Insulæ muni-  
 tissimam præteriens, paululumq; ab exercitu secedens, cum in montem ascendisset, ex-  
 oppidum petere. Id Rex prospiciens, dimisso Guillermo Moncada Raimundi filio, (qui  
 postea Fraga oppido Aragonensi in confinibus Cataloniæ potitus est) in postrema acie,  
 cum paucis traducto monte, ac citatis equis, exercitum ut retineret, properabat attingere:  
 sed is ultra procedens, in vallem descenderat: adeoque propinquus oppido erat, in  
 quem refocillandi gratia, turbato ordine tendebat: ut retrahere illum minime Rex po-  
 tuerit. Vnde sarraceni videntes Christianorum agmina diuidi, & quasi vagantia disper-  
 gi, idoneam occasionem nacti, sexcenti numero postremam aciem tentare conati sunt:  
 quæ tamen satis parata ad pugnandum inuenta, viriliter ab ipsa repressi fuere, ac per ac-  
 cliuitatem montis fugere coacti. Tum Rex consilium iniit cum eodem Moncada, Nun-  
 nio, & Cornelio, placuitque ea sententia, ne se Rex contineret loco tam propinquo ho-  
 stibus, qui numerum trium millium efficiebant: vel ex eo maxime, quod commearus, &  
 impedimenta in ipso pago Inca, vbi & exercitus, constiterant. Quare per medios fere  
 hostes



hostes pagum petiit, non amplius quam quadraginta comitantibus equitibus, tam bene instructo agmine, ut ne aggredi eos Sarraceni ausi fuerint: tametsi audacia potius, quam fortitudini fuerit Regi datum, cum tam paucis, per medios, atque tam multos hostes progredi: quos nihilominus tamen, cognita eorum timiditate, atque armamentorum inopia, oppugnasset Rex illico, si in aperto & campestri loco fuissent. verum ea erat asperitas montium, adeoque munita natura loca, ubi se hostis continebat, nouis ut contra eos machinationibus esset vradum, quas in yrbe meditaretur. Itaque tunc Incam peruenit, ubi exprobrato torpore & socordia Ducum, qui sibi clamitanti minimè paruissent, in urbem reuersus est cum exercitu, deferens secum comitatum & impedimenta pagi. Eo tempore Vgo Follalcherius Magister equitum ordinis Hospitalium triremi in urbem appulit, qui decem comitatus equitibus sui ordinis. Hunc Rex excepit benignissimè, eo amore, & honore ipsum, eiusque ordinem prosequutus, ut tametsi prædiorum omnium facta fuerat diuisio, vixque reliqua esset portio; nihilominus sua quoque Hospitalariis equitibus triginta, saluis aliorum portionibus, pars contingerit, perinde ac Templariis patens ante fuerat concessa. Hæc autem portio magni fuit habita ab Hospitalariis, qui tametsi aduissimi ad Insulâ venissent, nec oppugnationi urbis interfuissent; pari tamen cum Templariis præmio a Rege donati fuerint. permisit etiâ eisdem antiquum portus nauale, ubi domos sibi illi, atque Xenodochium ædificarent. Caterum ciuitatis, atque totius oræ maritimæ compositis, ac sedatis rebus, montanarum cura Regem maxime angebat; quod hæc impedimento ei essent, ne in continentem illic remearet; tot ipsum, eiusque præsentiam deposcentibus Catalonia, Aragoniæque negociis, quæ minimè nisi præsentem ipso confici poterant. Ex quo non tantum de deuictis hostibus gaudebat ille, quantum de non victis dolebat; ideoque moræ impatiens, iunctis copiis, duce Nunnio, vna cum Episcopo Barcinonensi, atque Simenio Vireo, & promagistro equitum, eiusque equitibus Hospitalariis, Incam oppidum reuenerunt, ubi se Sarraceni continebant. Indeque excelsum conscendentes collem Darranæ, ab exploratoribus didicerunt, Sarracenos in intinas quasdam maiorum montium speluncas sese abdidisse, in eam potissimum, quæ extrinsecus omnium asperrima, eminentissimaque, intus verò mirè profunda & capacissima erat; per plures siquidem concameratas cauernas continebat: in quibus consistentes facile se à quouis saxorum ictu defendebant; faciliusque ad se descendere conantes, in ipso ingressu interimebant: quin etiam rursus rupem ascendentes, per secreta quoque foramina frequenti sagittarum coniectione configebant. Itaque rupem obsidente exercitu, ut primum milites, qui vix bini, aut terni admittebantur, sese latenti- bus in conspectum dabant, tam sagittis per foramina confixi, quam lapidibus ab alto obtuti, decidebant. Quo in conflictu, cum dies aliquot exercitus magno suo damno contriuisset, ac nihil profecisset, statim illorum tuguria, quæ pro foraminibus locata habebant, incendere statuerunt. de quo maxime dolentes illi, atque cum infestatione fumigum situ & squallore ex reclusionem, male habentes, de deditioe egerunt; ea conditione & pacto, ut si intra octo dies socii montani minime subsidio eis essent, se dederent. Interim proceres, dimissa ibi parte exercitus, cum altera per montes excurrentes, ut subsidia, si qua obsessis venirent, interciperent, prædas non paucas faciebant: maximè verò Petrus Massa Dux clarissimus, qui aliam similem rupem arte & vi cepit, quingentis in ea captis, & ad Regem adductis Sarracenis. Tandem elapso deditiois die, nullo occurrente subsidio, spelunca in Regis potestatem venit: è qua prodire mille quingenti Sarraceni, qui se Regi ad pedes prouoluêtes, obtulerunt bouum x. ouium verò xxx. millia. Tanta enim est insulæ feracitas & vberitas, ut in ei⁹ quasi angulo teneri ac pasci illa potuerint. Quæ præda capta, Rex cum exercitu reuersus, urbem quâs intrauit: ubi conuocato consilio, de Insulæ Sarracenis fuit actum. Consultius nè esset illos in continentem transferre, ne manna cum esset eorum multitudo, aduentantibus Afris, conspirationem facerent, atque Christianorum Resp. detrimentum caperet? An potius manere eos fieret utilius, ut essent, qui- us Christiani uterentur ut seruis ad excolendum agrum, & alias nauandum operas; ne- b paucitatem colonorum terra quoque cultione vacans syluesceret, ac redigeretur in solitudinem. In quam partem ferè omnes incubuerunt: maximè verò qui prædiis, atque oppidis à Rege in Insula donati fuere, sicque relinquendos esse pronuntiarunt. Quæ sententia non multo post, consecuta illorum rebellionem, visa fuit perniciosior. Hoc tempore, Rodericus Licià in Insulam venit, triginta secum cataphractos, ac duas cohortes adducens; Athone quoque Focio, & Blasco Massa Aragonensibus sequentibus; qui etiam um altera manu militum nauigantes, tempestate coacti sunt in continentem remeare, & Tarraconem appellare. Itaque rerum potitus Rex, compositis nonnullis querelis: de diuisioni-



bus agrorum, deque areis ad ædificandas in vrbe domos magis opportunis egit. Qua in re, liberalissimè, sed magna quidè cum arte & prudentia se gessit, vt nimis, petulantissimisq; multorum efflagitationib. occurreret. Denum custodia & munitione totius oræ maritimæ optimè dispositis, in Cataloniam decimoquarto mēse, ex quo ab eius ora cum classe soluerat, atque Insulæ oppugnationem inierat, remigare statuit. Quamobrem Bernardum Sentaugenianum nobilissimum, fidissimumque Catalanum, totius Insulæ præfectum reliquit; ei que mandauit, vt expeditionem in Insulam minorem, & alias adiacentes pararet; quas ipse breui reueniens, diuino concedente numine, oppugnare decreuerat. Cui etiam præfecto, præter Torrelanum oppidum, quod ei ex diuisione obtigerat, nonnulla alia coniuncta oppida, dum vinceret, concessa fuere. Prouidit etiam Rex, ne arma, equi, & tormenta bellica, quæ ad propugnationem Insulæ necessaria essent, alio asportarentur. Non enim minor eum premebat sollicitudo & cura tuendæ Insulæ, quàm pressit debellandæ. Nam præterquam quod capta illa, opulentissimum dittoni suæ Regnum adiecit; visus est etiam superioribus Hispaniarum Regibus longius latiusque præcurrisse, vt qui Baleares præstantissimas Iberici maris Insulas omnium primus expugnaverit; ac neq; minorem inde laudem affecutus fuerit, quàm sibi meruisse amplissimam, celeberrimāq; omni ex parte arbitraus est Q. Cecilius Merellus Consul Romanus, qui eiusmodi Insulas Romano Imperio subiiciens, reportatam inde victoriam, ob quam triumpho donatus est, tanti habuit, vt à denictis Balearibus, Balæaricus cognominari studuerit. Quale profecto cognomentum, hoc ipso potius Iacobo deberi constat, quòd eas non modò ceperit, sed captas cum conseruauerit, tum Mahometana extirpata inde impietate, ad verum Dei cultum traduxerit. Quem planè religionis cultum Baleares adeò piè, continenterque obseruarunt, vt ab eo tempore nulla in eos Christianæ defectionis labes inciderit, nullum fidei factum fuerit naufragium. Sed vt sunt optimo, atque excellenti ingenio præditi; ita neque à vera vnquam religione desciuerunt. Vnde fit, vt in ipsos Christianæ fidei hostes Mahometanos, nulli sint Balearibus truculentiores: vndeprehendere est ex continuis pugnis, quas cum Africanis piratis agunt. Qua sanè armorum exercitatione, gens bellicosa admodum, rigida, atque vltionis percupida euasit. Nam licet in communes hostes ad defendendam patriam nulli sint illis concordiores; tamen in se ipsos, nulli quandoque feriores, neque acerbiores. Siquidem præbili, qua redundant, facili in subita iurgia, mutuasque rixas erumpunt, ac subinde odia exoptatæ vindictæ, in quam natura propendunt, recondunt; eamq; vel hoc solo nomine ipsis innatam esse ferunt; quòd cum sit in situm animalib. vltionē appetere, ipsamq; potius dentibus, qui propiores sunt cordi, vbi irarum ardor existit, quàm vel manu, vel armis conficere (diducto enim ore, atque exertis dētib. illam significamus.) Sic etiam Baleares olim, vltionis gratia, inter alias pugnandi artes, canes (molossos dicunt) alebant ferocissimos, atque in homines plus quàm in feras sæuientes; nempe vt ipsorum dentibus dilaceratis hostibus, vindictæ sitim explerent. Nam constat hanc ipsam tam effera- tam canum aggressionem, atque fundarum etiam vsum, quo in iaciendis ac librandis lapidibus tantopere Baleares præstant; non tam in priuatos, ac domesticos hostes, quàm in piratas frequentissimè depredantes Insulam, captiuosq; ducentes Insulanos, à maioribus inductum fuisse. Nemo enim egrediebatur foras, qui non secum gestaret fundam, sociumque canem vocaret; vt si obuium piratam iacularis funda lapidibus fugare non posset, incitato cane, aut dilaceraret, aut remoraretur donec sese in tuta loca reciperet. Vnde non abs re Græci, auctore Aristotele, has insulas *γυναικας* vocarunt, quasi exercitatorias, propter crebras, vt dictum est, pugnas, quibus incolæ cum piratis sese continenter exercebant. nam ob feracitatem, multarumque rerum vbertatem, frequentibus direptionibus subiectæ erant. Quanquam magis adducor, vt credam, ab eisdem Græcis dictas fuisse proprio nomine Baleares. Cerniorum lingua, quasi exsulares. nam exsules Cerni appellant balaros, Pausania auctore. quòd in eas relegarentur à Romanis, aut ab Hispanis, qui ob delicta exilio multarentur: iique vt perditii ac desides laborem agriculturæ fugientes, cum ex venatione viuerent, ac sine lare essent, sua, se, atque Insulas, tum feritate tum funda & canibus à piratis defendebant. Qui & mulierosi, eodem auctore, vsque adeo erant, vt si ex pacto daretur commercium cum piratis, nihil aliud ab eis, præterquam mulieres mercarentur, aut cælo, aut situ terre, seu pinguis ferinæ, porcinae, vè carnis esu, quo abundant. Venerem excitante. Fuere igitur hæc Insulæ multis ante Iacobum annis, dum à sarracenis tenebantur, non solum à Barcinonensibus Comitibus, sed à Pisaniis, ac etiam à piratis Normanis, ab occidentali Gallia, per Herculeum fretum, in nostrum mare illabentibus, sæpe quidem magna ex parte vastatæ: verum eaptè penitus à



tus à nemine vnquam præterquam à Iacobo, qui non modò debellauit eas, sed suis quoque posteris perpetuò possidendas reliquit. Tandem Insulæ negotiis compositis, præter ea, quæ ad instituendam ibi religionem, & diuinum inducendum cultum, atque Mahometanum prorsus propulsandum pertinerent (hæc enim quoniã cum Episcopo Barcinonensi, & aliis, in continenti pertractanda erant, eousque peragenda distulit) e portu soluens, secundo vento post diem tertium, portum non longè ab ostio Iberi tenuit. Verum tempestate subito exorta, non mari Tarraconem, sed terrestri via cœnobium Populeranum adiit, vt gratias Virgini & matri sanctissimæ immortales ageret, eique supplicationes per vniuersa Regna sua, ob tam felicem rerum euentum, decerneret. Conuocatis igitur Episcopo Barcinonensi, & aliis Antistitibus, de constituendo Ecclesiæ Balearicæ Episcopo, deque idoneo illius Antistite eligendo protinus, est actum. Quibus obiecit Barcinonensis Ecclesiæ Antistes, eiusque Canoniorum Collegium, Balearicæ Ecclesiæ ad se, suamque ditionem, seu dioccesim pertinere, ex eo quòd olim quidam Balearum Rex Sarracenus, Dianii quoque dominus, illam Barcinonensi Ecclesiæ concesserat: idque, consentientibus Comite Barcinonensi, & Archiepiscopo Tarraconensi, Sedes Apostolica confirmauerat. Veruntamen perspecta Insulæ maioris magnitudine, ac etiam ciuitatis frequentia & amplitudine, necesse videbatur, vt proprium ac præsentem haberet illa Antistitem & Pastorem animarum, qui Sarracenos Insulæ ab impia secta ad veram Christi religionem traducendos, sua cum aspectabili Pontificia præsentia recrearet, tum doctrina, & exemplo vitæ illorum animos informaret; ad idque idoneos verbi Dei ministros aleret, atque toti etiam Ecclesiastico ordini præesset: ne proprii pastoris absentia, illius Christianus grex dilaberetur, atque Tarrareis lupis denudò præda fieret. maximè verò Rege Ecclesiæ amplissimis censibus, ac decimis locupletante, atque pinguibus decòrante sacerdotiis. Idcirco Abbatum cœnobiorum Populerani, & Sanctarum crucium, ordinis vniusmodi, quos Rex arbitros constituerat, sententia fuit, vt Apostolicæ Sedis decreto, Episcopatus in Insula constitueretur, eique Ecclesiæ proprius Pontifex præficeretur: cuius prima electio ad Regem spectaret; sequentium verò, perpetuò ad Episcopum & Canonicos Barcinonenses: modò tamen degremio eiusdem collegii illa fieret: aut nullo ibi inuento idoneo, de Balearico eligeretur dignior: idemque seruaretur ordo in Ecclesiis minoris Insulæ & Ebusi, si contingeret aliquam erigi in Episcopatum. Adhæc literis suis Rex mandauit præfecto Insulæ, vt quamprimum Templum maximum in vrbe, in aliis autem oppidis permultas ædes sacras; atq; in pagis facella, Regiis sumptibus ædificare curaret. Quibus peractis, Rex è Populetano cœnobio proficiscens, Ilerdamque præteriens, in Aragoniam peruenit, vbi maximo applausu ab omnibus Aragonensibus, sed à Cæsaraugustanis potissimum cum triumpho exceptus fuit.

## BERNARDINI GOMESII MIEDIS, ARCHIDIACONI SAGVNTINI, DE VITA

ET REBUS GESTIS IACOBI PRIMI REGIS

*Aragonum, cognomento expugnatoris.*

### LIBER VIII.



**B**ALEARIVM Maiore, eiusque vrbe expugnatis, Iacobi nomen, gestarumque ab eo rerum longè lateque peruagata fama, eousque increbuerit; vt quò magis sarracenis Regibus odio ille, atque terrori esse cœpit; eò quidem gloriosius à Christianis Principibus, non in amicitia modo & auxiliū, sed in adoptiua vocari meruerit. Nā & Tunetanus Rex, Afrorum potentissimus, bellum toties ad recuperandā Insulā indictum, inferre nunquā est ausus: & Romanus Pōtifex, ac vniuersa ferè Italia, à Federico Imperatore, vt mox dicemus, oppressa, eius auxilium, præsidiumque implorauit: & Sanctius Nauarræ quoque Rex eundem, adoptandi gratia, ad se vltro accersiuir: vt vno simul tempore Iacobus, & triumphum ex sarracenis: & beneuolentiam à Christianis, & gloriam denique ex omnibus reportarit. Verum de adoptiōe in primis, quibus de causis à Sanctio procurata ea fuerit, quemque exitum habuerit, dicamus. Siquidem Sanctius, quo omnium superiorum Regum Nauarra nullum me-



liorem habuerat: ut qui ob singularem in bello constantiam fortissimi cognomentum meruerat: post illud Idubedenſe praelium cum ſarracenis habitum, cui, ut primo libro oſtendimus, vna ipſe cum Caſtellæ & Aragoniæ Regibus victor interfuit, ſeſe in Nauarram recipiens, tam pingui & obæſo fuit corpore, atque ob podagræ morbum, quo miſerè laborabat, debili ac effræto; ut vix ſe loco dimouere poſſet; ſed perpetuò in lecto iacere neceſſe eſſet. Hunc igitur ſenem orbem, totque impeditum morbis Caſtellæ Rex, non aperto, ſed occulto bello infeſtabat: ad idque inferendum Didacum Lope-  
zium Phaenſem dominum Vizcæ quæ maritimos Cantabros continet, ſollicitabat; ipſoque adiutore Didacus Nauarrenſem agrum depopulabatur: & in eodem caſtel-  
la quædam diripuerat. Vnde Sanctius cum neutri valeret reſiſtere, atque honeſtas  
quas offerebat conditiones pacis ambo repudiarent; cum Aragoniæ Rege paciſci, ei-  
uſque ope ab utroque hoſte ſeſe defendere curauit. Cumq; Tudelæ ageret, quæ Regni  
vrbs eſt munita ſatis & peramœna, & quæ Ibero amne alluitur, atque in confiniis Ara-  
goniæ, non longè à Cauho permagno monte poſita eſt, legatos miſit ad Iacobum Cæſar-  
auguſtam, quò tum iſe Balearico bello venerat: cui ſignificarent, ſe velle cum eo inire  
ſocietatem, & pactiones facere quàm commodiſſimas. Quo audito, atque de impedi-  
mento & morbis Sanctii factus certior Iacobus, ad eundem ire ſtatuit: adductis ſecum  
primariis Aragoniæ proceribus, Athone Focio Regiæ aula præfecto, Roderico Licia-  
na, Guillermo Moncada, & Petro Perezio Iuſtitæ Aragonum præfecto, Blaſco item  
Maſſa, non Alagone, quo agnomine deprauata fuit hiſtoria Regis, cum iſ Blaſcus Ala-  
gotum abeſſet, ac cum Abuzethio Rege, ut diximus, in Valentinum Regnum eſſet  
profectus. Itaque Tudelam veniens, a Sanctio tot præpedito malis, neque extra, ne-  
que intra ciuitatem decenter excipi potuit: cum eum Iacobus in ipſomet cubiculo ia-  
centem inuiſerit. Sequenti verò die, cum ad eum Iacobus reuerteretur, Sanctius amo-  
ris, ſummæque beneuolentiæ magnitudinem, eiſque viſendi cupiditatem, potiores cau-  
ſas, cur illum accerſierit, eſſe prætexuit; quas feliciffimus eiſ rerum ſucceſſus, quo ce-  
teros Hiſpaniæ Reges virtute & fama adæquarat, mirè augebant: ac vel maxime ob co-  
gnationem & propinquitatem, quæ inter ipſos tanta intercede-  
bat, ut quocumq; arctiori affinitatis vinculo aſtringeretur eſſet ferè nullus, vno excepto Tibaldo ipſius ex ſore  
nepote: tametiſ iſ ob ingrati animi vitium, atque multorum acceptorum beneficio-  
rum conemptum, in cauſa fuerat, ut de expellendo illo ab ſpe Regni, deque ipſo potius  
ad eam vocando, cum Senatu & populo Nauarrenſi egerit. quodque inuenerit nulla alia  
id poſſe via confici ſtabilius, quàm mutua inter eos adoptione, cum mutuo quoque  
iure ad ſucceſſionem Regnorum: poſſeque ipſum meliore quam ſe conditione aſciſci  
ad illam: ut qui cum ſenex valde eſſet, annos iam natus ſeptuaginta octo, iuueni, qui vix  
vigefimum quintum attingebat, nequaquam fieri poſſet ſuperſtes. Quæ audiens Iaco-  
bus, quod eam de ſe concepiffet opinionem & beneuolentiam, ingentes ei gratias egit:  
ſeque daturum operam, ut in amore, omnique gratiæ animi officio reſponderet; ſignifi-  
cavit. De oblato verò adoptionis iure, cum ſuis breui ſe acturum, ac deliberatu-  
rum reſpondit. Quibus conuocatis, quæ ſecum Rex communicaffet aperuit; fuitque  
multis ſubinde, atque variis de propoſita adoptione inter eos ſermo. Nam etſi Iaco-  
bo valde expediebat adoptari ſe, ad ſtabiliendum ius olim à maioribus ſuis ad Regnum  
Nauarræ acquiſitum; tamen adoptare ipſe Regem nequaquam poterat, Alfonſo filio v-  
nico ſuperſtite, atque ſalutato Principe à proceribus, Ciuitatibus, & oppidis totius Re-  
gni Aragonum; ac etiam ab Illdenſibus. Eſſe præterea monſtri ſimile, octuagenarium  
propè ſenem à iuuenē adoptari, & periniquum, excluſo legitimo hærede, alium vocari  
ad Regni ſucceſſionem. Hæc cum inter ſe egiſſent, & tanquam rationi minimè con-  
ſentanea, dubia reliquiſſent; ea vtcunque Sanctio retulerunt per Blaſcum, Athonem  
Focium, & Rodericum Licianam. Quæ intelligens Sanctius, atque cum ſuis conſiliariis,  
& Nauarræ primatibus communicans; tandem, cum nō tam adoptari, quàm iuuari à Iaco-  
bo curaret, in ea ſemper ſentētia fuit, ut pacta fierent, tametiſ per adoptionem nullum  
ſibi ius eſſet ad ſucceſſionem, niſi Iacobo & Alfonſo ſine liberis decedentibus. Ut pri-  
mum igitur Nauarrenſium decreta Iacobo fuere renuntiata, adeò ſibi illa vtilia & hono-  
rifica eſſe inuenit, atq; Aragoniæ Regno profutura, ut approbantibus proceribus, modò  
ſucceſſione potiretur; & Regi ſubſidio ac deſenſioni futurum; & quæcunque de hiſ pa-  
cta & conditiones fierent, diligentiffimè ſe præſtiturum promiſerit. Alter ergo alte-  
rum adoptauit: præſentes verò vtriuſq; Regni proceres, & ciuitatum procuratores fue-  
runt: qui magno conſenſu, omnia ſeſe firma, rata, ac perpetua habituros iure iurando af-  
firmarunt. Quæ adoptio à Regibus ſtipulata, atque diplomate ſigno Regio munito cōfi-  
gnata,



gnata, non contemnenda quidem fuit Regibus Aragoniis: propterea quod per eam non minimum ius fuerit ipsis ad Nauarræ Regnum acquisitum. Quid enim sibi voluit adoptio, quid à Rege, eiusque Regni proceribus iuramento confirmata pactio, quam obeunti Regi Iacobum successorem relinqui? Quæ pactio Hispano conscripta sermone, de verbo ad verbum refertur à Hieronymo Surita lib. 3. de Annalibus Regum Aragoniæ. Cæterum adoptiuorum obsignatis tabulis, de bello ad propulsandum hostem est actum: de quo multa Reges, eorumque vtrunque proceres pertractarunt: ipse in primis Sanctius egregie de his, quæ facienda essent differebat, innitens tum optimo iuri suo, tum societati Iacobi, qua sperabat, se posse, iunctis vtriusque Regni viribus, non modò tueri sua, sed hostem Regem in amittendi sui Regni discrimen adducere. Quibus assentiens Iacobus, se præsto esse, accerta die cum duobus equitum millibus venturum obtulit; modò Nauarrenses cum mille equitibus adessent. Id se illi facturos promptissime sponderunt: tamen neque modum, neque ordinem, quo hæc fierent vllum adhibuerunt: propterea quod Rex non tantum podagra, sed multa etiam in dando chiragra, quod aiunt, laboraret: fama que erat, magnam incommodorum bello acceptorum partem ex auaritia illi fuisse natam. Vnde vel ob vtrumque morbum, vel potius quòd pœnituisset iam ipsum, priuasse Regno Tibaldum, repente conuerso studio, non solum frigide, languideque, sed cum stomacho, ad ea, quæ à Iacobo in rem bellicam agitabantur, respondebat. Nihilominus tamen Iacobus in his sapienter conuiuens pacto ad-

hæsit, quo conuenerat, ut ipse ad proximum diem festum Paschæ Resurrectionis Dominicæ, cum equitibus levis armaturæ mille; & ad diem festum sancti Michaelis mensis Septembris consequentis, cum aliis mille, in fines Nauarræ conueniret: si tamen Rex sub id temporis mille quoque equites paratos haberet. Denique cum placuisset iterum ipso die Paschæ conuenire Tudelæ; seque secundo videre, de discessione egit; atque dum hanc parat, à Rege petiit dari sibi mutuò victoriorum centum millia: quæ dedit Sanctius; oppositis ei nomini & pecuniæ, quasi hypothecis, à Iacobo quatuor Aragoniæ oppidis, quorum nomina sunt, Herrera, Pinnarotunda, Ferrello, & Faxina, in ipsis confiniis Aragoniæ sitis. Mutuò igitur accepta pecunia, Iacobus illico non in suam illam, sed in Sanctii usum impendit. Nam conductas à se antea cohortes misit, ut præsidio essent oppidis Nauarræ, in quæ Lopezius irrumpebat. Itaque Iacobus rebus sic confectis, Tudela Cæsaraugustam venit. Quo tempore graues sparsi fuerant rumores de maximo belli apparatu Tunetani Regis, & expeditione ad expugnandas Baleares: argumento esse, naues quasdam Ligurum, atque Pisanorum ab eo in Hipponensi portu occupatas, cuius rei fama confirmata fuit literis Santaugeniani maioris Insulæ præfecti, quibus actuariolo missis, Iacobum de ea re certiores faciebat. Quo nuntio, Iacobus protinus Tarraconem profectus est, vbi conuentus agi curauit, vocatis Aragonensibus simul & Catalanis, iis præcipue, qui equestribus stipendiis potiebantur: potissimum qui in Insula prædiis atque oppidis donati fuerant, ut constituta die in portum Salonium conuenirēt, è quo, exercitu congregato, ac Rege duce, irent in Insulam subsidio. Ea quippe ipse præ-

sentia, & manu, quibus Insulam expugnauerat, eripueratque ab impiis Sarracenis, contra eosdem tueri decreuerat. Dum hæc in portu aguntur, venit ad Regem, ab eoque fuit regiè, honorificentissimeque exceptus Petrus Portugalenis, quem Rex antea, ut diximus, cognationis gratia, oppidis aliquot in Tarraconensi campo donauerat. Necnō illius vxor Aurembaxis nuper sine liberis decedens vniuersorum hæredem, atq; Vrgelitani Comitatus dominum pleno iure, testamento reliquerat. Hunc ergo Rex cupiens amplissimis, atque Regiis bonis cumulare; simulque Regiam Cataloniæ ditionem sibi posterisq; suis amplificare, quæ cōmodissima vtriq; essent, sapientissime comeditatus fuit. Nā vt eundē Vrgelitanum Comitatum omnium Cataloniæ, & vbertate agri, & bellica gentis laude primum, Regno adiungeret, veniretque in eius possessionem antequam Pontius Cabrera, obeunte Petro, illum repeteret, Baleares Insulas Petro tradere decreuit. Cui rei annuit Petrus, ut Regi potius morem gereret, quam ut mediterraneam cum maritima stationem commutare vellet: atque ita conuenit inter eos, ut translato in Regem Comitatus iure omni, quod Petro ex testamento competeret, Regnum Balearicum Petrus, & Insularum adiunctarum dominatum, dum viueret, more Barcinonensium, acciperet: retenta tamen Almudeua arce vrbs, cum oppidis & arcibus Oloronis, & Pollentiæ: utque in reliqua Insulæ munita loca Rex, cum opus esset, admitteretur; ac quos amicos haberet, eosdem Petrus agnosceret. Demum ut mortuo Petro, eius hæredes tertiam partem tantummodo Insularum, eodem beneficiario iure, à Rege, & successoribus acciperent. Quas sanè pactiones Petrus,



præsentibus eodem Petro Perezio, & plerisque aliis vtriusque Regni proceribus, iure-  
 iurando se observaturum promisit. Id igitur iuris habuit Petrus Portugalsis ad In-  
 sulas Baleares; ut fictum, ac inane sit, quod à quodam antiquo historico refertur, Pe-  
 trum scilicet, proprio Marte expugnasse illas; cum exul ipse, neque opibus, neque re va-  
 leret; ac nisi à Iacobo exceptus, & locupletatus fuisset, minime in eum rerum statum  
 peruenisset. neque enim tam iners alioqui, atque ignavus homo, tam arduam expugna-  
 tionem suscepisset unquam. Nam à Rege sollicitatus, ut se illico navigationi ad defen-  
 dedas suas Insulas accingeret, in eaque expeditione, classis præfectus fieret, ultimus pro-  
 cerum accessit; quatuor tantummodo comitantibus equitibus, cum iam Rex naum  
 conscendisset, in quam ille fuit exceptus: cognatione quidem Regi propinquus, sed  
 magnanimitate impar, virtute longè inferior. Itaque in portum trecenti numero con-  
 uenere equites selectissimi, cum novem cohortibus; comæatus verò, reique frumen-  
 tariae, & armamentorum magna quoque fuit comparata copia. Quibus omnibus in na-  
 ues impositis, dum idonea ad navigandum tempestas expectatur, Alpargus Tarraconensis  
 Pontifex, & Guillelmus Ceruera monachus Populetanus, Regem vehementer roga-  
 runt, ne se tunc navigationi daret: non enim esset toties periclitandam fortunam, ac neque  
 cum tam potenti Tunicano Rege, tam paucis copiis conflegendum: satius sanè fore, si  
 Nunnium ducem bellicosissimum, atque omnium experientissimum, cum exercitu eò mitteret  
 ad urbem defendendam, quoad ipse maioribus coactis copiis, subsidio iret in Insulam.  
 Sed nihil profecerunt: quin potius, se illis, eorumque piis sacrificiis valde commendans,  
 vela dedit, atque secundo vento, triduo ad Insulam appellens, Sollarium portum tenuit;  
 indeque celeriter urbem est ingressus: ad quam etiam post triduum reliqua classis ap-  
 pulsa fuit. Quo subito adventu Regis Insulani vehementer excitati fuere, & ad defen-  
 sionem Insulae mire parati inveniunt. sed vix quindecim exactis diebus, nuntius alla-  
 tus est, Tunicanum Regem, neque armatum esse, neque eo anno expeditionem Bala-  
 ricam suscepturum. Hæc enim per exploratores, quos Iacobus veniens in Insulam,  
 Tunicum miserat, patefacta sunt. Unde ab ea liberatus cura, bellum denuò redinte-  
 grauit contra tria Sarracenorum millia, qui expedito agmine, occupatis arcibus Pollen-  
 tia, Santuerii, & Oloronis, sese viriliter defendebant. Cuius conspirationis caput erat stre-  
 nuus quidam Sarracenus nomine Xuarpius, qui ut primum Regem cum exercitu adue-  
 rare intellexit, noluit, qua soliti alii fuerant pertinacia, Regis iracundiam in se irritare; sed  
 illico sub honestis conditionibus in potestatem Regis cum suis devenit, eique occu-  
 patas arces tradidit. Quibus recuperatis, atque Xuarpii liberalitate Rex ductus, eidem,  
 aliisque quatuor decurionibus eiusdem generis & cognationis, prædia, & honores in In-  
 sula diuisit. Præter hos, alia quoque duo millia conspiratorum fuere, qui se Regi dede-  
 re noluerunt, atque asperrima montium culmina occuparunt. Quos Rex interim ne-  
 glexit: ne tam grauibus eum alio vocantibus negotiis, tempus in debellandis fugiti-  
 uis contereret: maxime verò tot iam Christianis Insulam incolentibus, qui facile pos-  
 sent novas res molientibus occurrere, atque proteruos compescere. Urgebat enim Re-  
 gem constituta dies Paschæ, qua Tudela Regem Navarrae, se conuenturum promiserat:  
 sed cum elapsa esset, ægre subinde illum traditatem laturum sciebat: ac, ut ingenium est  
 Navarrensem, subitum, suspiciosum, suisque deditum Regibus hac sola moræ occasione  
 capta, à pactis eos discessuro credebat. Sunt enim Navarræses, & eorum propinqui Viz-  
 caini (utrosque Plinius Cantabros appellat, atque in angulo Hispaniæ septentriones  
 versus constituit) non modo in communibus ac frequentibus præliis; sed in singularibus  
 concertationibus, valentes, industrii, ac perpugnaces; ab insitagenti natura vi, non à  
 Gothiis Hispaniæ, ut quidam suspicantur, enata: cum & multis sæculis virtutis fama Cā-  
 tabri illos antecesserint. Siquidem Augusti tempore, Horatius Poeta Cantabros belli-  
 cosos vocat: fateturque idem Augustus in Suetonio, nullum sibi fuisse bellum Canta-  
 brico periculosius, neque difficilius. Quos etiam constat esse inter se coniunctissimos, & in  
 ruenda patria constantissimos: quin & ingenio pares: adeoque vni ferè semper mori-  
 bus viuentes, ut ægre externos inducant: & quorum lingua à primo ipsorum terræ cul-  
 tu coepisse creditur, ac neque à Gothiis, neque à Romanis fluxisse. Nam & à sermone  
 cæteris Hispanis familiari ac vtitato, qui è Romano manavit, longissime ea distat: &  
 tam obscura, atque à communi eloquio remota est, ut neque Romano efferri ore, ne-  
 que commodè, auctore Mela, conscribi possit. Suntque in colloquendo adeo verborum,  
 præsertim priorum, inopes, ut sæpe quidem, aut inepta uti periphrasi, aut in medio  
 sermonis obmutescere cogatur. atque hinc est, ut cum incidit eis sermo cum alienigenis,  
 subito inopia vocum iratiores fiant, præque iracundia, linguæ tarditate, impetu corporis  
 atque



atque celeritate manuum compensent : perinde ut faciunt præclari rerum scriptores, qui mentem ac sensa sua , quo minus celeriter explicare lingua possunt, eo felicius per manus quidem orationis fluxum stillantes , literis illa grauissimè consignare soleant. Ita quippe Nauarri continuis olim, tum Romanorum, tum Sarracenorum præliis assueti, breuitateque ac inopia sermonis repressi, fortiores, atque in bellum propensiores semper fuerunt. Quo fit, ut fidelitate, cui proprium est silentium, ii valde præstent; ideoque à loquacibus, tanquam fallacibus, caueant summopere, neque quid ipsi comminiscantur, attendant: ac quoniam eorum incorruptus est animus, tanta ipsis inest ingenuitatis ratio & opinio; ut mortē citius quàm ut à suis degenerent , cum vita commutēt.

10 Sed quanquam eorum Regnum non admodum latum est, plusque robore, quàm numero vincunt; adeò tamen res maximas totque præclara domi forisque facinora ediderūt; deque deuictis toties hostibus amplissimè triumpharunt ; ut non in postremis quidem illud collocandum sit , quòd proprias ipsi sedes, montanas saltem; tam strenuè tutati sunt, ut ab eis nunquam depulsi fuerint. Hæc igitur secum meditatus Iacobus, deque Nauarriorum facultatibus, & constantia Regis, nonnihil dubitans, profectio-

20 nem suam ad eos maturabat. Quamobrem pacatis Insulæ rebus, auctisque præsidiis, Petrum Massam nobilissimum eius alumnum, quem dominum sancti Gaireni fecerat, præfectum reliquit. ut enim domos in vrbe, atque prædia in suburbiis militibus : sic & proceribus Rex in Insula ditiones, ac Principatus diuiserat. Quinetiam Sentaugenia-

30 num strenuum virum Catalanum Petro præfecturæ consortem dedit ; simulque vtrisque iniunxit, ut bellum in minorem Insulam appararent, breui ad illud conficiendum rediturus ipse. Tribus ergo triremibus ab Insula profectus, tertio die Tarraconem appulit, inde Cæsaraugustam peruenit : vbi nonnullis grauib; Regni negotiis expeditis, ut primum intellexit Sanctium Tudelæ adhuc esse, ad eum venit. Cui occurrit in itinere Petrus Simenius Valterra nobilissimus Nauarrus, Iacobo antea notus, significans Sanctium esse grauiter affectum in eum ; propterea quod ad constitutam diem Paschæ minimè cum equitatu venisset. Quo magis Iacobus Regem alloqui cupiens, ad eum ingressus, honestas moræ suæ causas, quantoque periculo Insulam præsentia sua eripuerit, exposuit; seque moram, quam fecisset, bene

40 compensaturum dixit, additis ducentis equitibus, præter eos, quos antea in subsidium belli promiserat: iamq; se esse promptum ad exequenda pacta; modò equites mille, quos Rex fuerat pollicitus, præstare essent. Nam iunctis vtriusque copiis, statim se, cum exercitu petiturum Castellam, eiusque Regem à vastatione Nauarrensis agri cum prohibiturum, tum ad pugnam prouocaturum affirmavit. Hæc dicens, ac Regem fatigari quodammodo agnoscens, paullulum secessit foras, vbi strenuum quendam militem moestum, ac meditabundum, pro foribus agentem, interrogauit, quænam ipsum negotia aulica à bello distrahissent? aut quoniam ab exercitu dimissus venisset? Venio, inquit miles, missus à duce cohortium, quæ sunt in præsidio Regni, ut Regi significem, offerri occasionem ad configendum cum Lopezio, & Castellanis, ac peruincendum; modo sibi

50 submittantur ducenti leuis armaturæ equites : sed ecce quartus est dies ex quo veni, neque tamen permissum mihi fuit ad Regem intromitti. Tum Iacobus vehementer commotus, vna cum milite ad Regem iterum intrauit, & conquestus est, quòd tam idoneam ad profligandos hostes occasionem nactus amitteret. Verum, si quatuordecim tantum dierum cibaria suggereret, se illuc protinus cum suo exercitu conuolaturum. At vero Sanctius, aut languore & morbo obtorpescens, aut Tibaldi, qui iam in eius gratiam redierat, causa motus, eam Iacobi orationem iniucundam sibi esse significauit, & grauem. Quare cum intellexisset Iacobus Sanctium neque suis rebus consulere, neq; sibi ulli vsui futurum esse: paratum se ad omnia, quæ promiserit Sanctio præstanda ostendit: indeque se ad reprimendos Valentini Regis impetus, atque continua excursiones in Catalonia, & Aragoniæ fines, totum conuertere decreuit. Quamobrem Tudela abiens, Thaustium venit, vbi intellexit Sarracenos, qui conspirant in Insula, seque in montana loca receperant, multis licet laceratis, atque fatigati præliis essent à Præfectis; tamen asperitate montium, atque profunditate cauernarum confisos, sese adhuc pertinaciter cum magno Christianorum damno & iactura defendere: tametsi nouissimè quidem, vastatis agris, quos in ipsis montium cacuminib; cultissimos, & fructuosissimos habebant, è speluncis compulso exisse, tantaque oppressos fuisse fame, ut more pecudum solo herbarum pastu se ipsi alerent. Idcirco de ditione agentes dixerunt, libenter se Regi tradituros, modò ille præsens, pacta & conditiones approbaret. Qui rumor confirmatus fuit aduentu ipsorummet Præfectorum, qui de Sarracenorum deliberatione facti certiores,



triginta dierum pactis cum ipsis induciis, obsidibusque acceptis, non per legatos, neque per litteras, sed ipsimet Regem ad Insulam se pellekturos sperantes, duabus actuariis nauibus Barcinonem appulerunt, indeque admissis equis, Thauftium peruenerunt. Quos admiratus Rex, ac neque sine magna aliqua causa venisse ambos, & Insulam reliquisse suspicatus; posteaquā benigne excepit eos; magnanimitate quidē timorem superāte, percontatus est, Nunquid de Insula actum iam est? num mari, aut tota summerſa est; aut à Sarracenis prorsus, vobis elapsis, occupata? Nauem gubernatores deseruistis? capta illa est. Cui occurrens Petrus, atque profluentem eius ex suspicione orationem interpellans, sic respondit. Noli quæso, mi Rex, & te fallaci amplius suspicione torquere; & nos honorifica, qua semper apud te fuimus, opinione priuare. Quin potius opinare de insula, nisi 10 salua ea tibi, & incolumis mansisset, ac nisi tanquam nauis in portu, & anchoris tuta esset, gubernatores ab eius gubernaculo, & transtris nunquam discessuros fuisse. Cum igitur in tuto sint omnia, rem tibi lætam, ac gloriosam, nobis autem honorificam, atque toti Insulæ commodissimam afferimus: quam tamen, ne vti ignotam negligas, vtque minus te dignam respuas, & occasionem prætermittas; eandem per nos ipsos tibi persuasuri accessimus. Scito namque reliquias Sarracenorum, quos ab Insula nuper proficiscens in montanis repressos potius, quam victos reliqueras, eousque malorum adactos fuisse, vt iterum vniuersam Insulam in summum discrimen adduxerint. Ex quo necesse fuit, iunctis copiis, bellum denuo illis inferre: quorum ad configendum copiam, cum nullam, ipsis sese intra speluncas abdentibus, habere possemus, vastatis eorum agris, quos in 20 summis montibus habebant cultissimos, atque pecoribus abactis, tandem eos ad agendum de deditione compulimus: quam neque admisimus omnino, ne quid te non consulto statueremus; neque rursus detrectandam putauimus, ne tanquam desperati illi, quos timere licet, in nos ruerent. Sese enim pertinacissimè iureiurando obstrinxerunt, aut nulli se præterquam tibi ipsi præſenti dedituros, aut sin minus, mortem cum gloria magno nostro malo oppetituros. Proinde aut matura, atque hanc toties ad insulæ incendium reuiuiscientem scintillam extingue penitus; aut si cuncteris, te Insula intra paucos annos priuari posse puta: quando hinc Tunetanus Rex: illinc minor Insula cum adiacentibus, hisce confidentes sarracenorum reliquiis, sese ad recuperandam maiorem magna contentione comparabunt. Hæc à Petro relata, & à Santaugeniano confirma- 30 ta dicta, Regem ad proficiscendum tertio in Insulam vehementer inflammant. Ac protinus sumptis nonnullis cohortibus, quas ad expugnationem minoris Insulæ conscribi iusserat, Tarraconem venit, vt profectionem maturaret. Qui tamen futuris prudentissimè prospiciens, deque successionem Regnorum cogitans, Alfonso filium vnicum, quem eius mater Leonora in Castella aiebat, secundò suum instituit heredem, ac successorẽ ad Regna omnia tam Aragoniæ, quàm Balearium, post Petri Portugalensis obitũ, ac etiam comitatus Barcinonensis, & Vrgelitani, quibus vniuersa ferè Catalonia comprehenditur; nec non Principatus Mompelleriensis, aliarumque ditionum, quas in posterum debellari contingeret: præcipiens proceribus ac ciuitatibus & oppidis omnibus, vt eum legitimum vniuersorum hæredem haberent, atque vt verum dominum colerent 40 & obseruarent. quo sine liberis decedente, Raimundum Berengarium patruem suum, Prouinciæ comitem, eiusque filios successores constituebat. quibus de medio sublati, Ferdinandum patrum, vt eius regnandi cupiditatem expleret, dum vita superesset (erat enim vt dictum est monachus, quamuis se nondum solemni religionis voto obstrinxerat) ad successionem vocauit. Post hunc verò eos hæredes instituit, qui essent regio sanguini coniunctiores. Adhæc de ingenua Alfonsi educatione, atque institutione sollicitus, postquam eum Apostolicæ Sedi commendauit, Aspargo Archiepiscopo Tarraconensi, & successoribus, quin & Magistris equitum Templario, & Hospitali in suis Regnis agentibus, ac demum Guillermo Cerueræ monacho Populetano, educandum commisit. Ac insuper expressit, vt certo tempore maneret ille in oppido & arce Montionis, vbi 50 Rex olim custoditus fuerat, ac prima rudimenta à Monredonio felicissimè acceperat. Tandem voluit, huiusmodi successionem validam fore, si Leonora, & Castellæ Rex, penes quos erat Alfonso, eundem tutorum manibus liberè traderent: ac modo Alfonso pacificus, non vi, neque cum exterorum armata manu in possessionem irrueret. cuius successionis tabulæ obſignatæ fuere Tarracone, in præſentia eiusdem Tarraconensis Antistitis, Abbatis Populetani, & fratris Petri Cendræ sapientissimi, ac per sancti viri, qui tum præerat cœnobio Dominicani ordinis Barcinone: quin & Guillermi Moncadæ, & aliorum vtriusque Regni procerum; magna quoque consecuta populorum acclamatione & applausu. Quibus ex Regis sententia peractis, protinus duabus triremibus, cum aliquot



quot actuariis ad exportandas cohortes in Insula mansuras, una cum proceribus e  
 portu soluens, secundo vento nauigauit; estque post triduum maiorem Insulam ingres-  
 sus. Ac illico maximo in templo, quod exedificare iussit, immensas Christo ac Virgi-  
 ni gratias pro tam felici terra marique successu rerum agens, conuocato consilio pri-  
 mariorum exercitus, Raimundi scilicet Serani Templarii, Petri Massæ, Assalidii,  
 Gudalii, & Sentaugeniani, de oppugnatione Minoris Insulæ consilium iniit. In primis  
 que auditis sententiis placuit, ut relictis in vrbe tyronibus, veterani duabus triremibus  
 impositi in eam pergerent: in quam celeriter com meatu & armamentis muniti traiece-  
 re. Est autem ea versus ortum Maiori opposita, distatque ab illa, Plinio, & Rege atte-  
 stantibus, xxx. milliariibus; cuique ab occasu e regione respondet portus parue vrbs, quæ  
 Citadella appellatur, ac portui imminet, & amoenissima est, eiusque ager multis frequēs  
 suburbiiis multisque oleribus & arboribus confusus: & quamuis Marfilio Cosmographo,  
 alendis pecoribus tantummodo, non ad rem frumentariam commodus sit; Tito ta-  
 men Liuius & experientia, ad ea omnia, quæ maior profert, inuentus est habilis & fœ-  
 cundus. Præterea in media Insula excelli sunt montes, humiliores tamen ac leniores  
 iis, qui in Maiori, neque perinde latebrofi. In horum igitur præcelso arx erat Sanctague-  
 thæ dicta, eminentissima cum latissimo prospectu in quamcunque Insulæ partem. Quæ  
 etiam Balearico Regi inuisenti Insulam ad summas erat delitias. Adhæc quatuor portu-  
 bus vniuersa illa distinguitur, Citadella, ut diximus, Serinao, Fornelio, & Magone, quo-  
 rum hic est omnium capacissimus, tutissimus, & munitissimus: à Magone fratre Anni-  
 balis Carthaginensium Duce sic vocatus. Nam insula ab ipsis Carthaginensibus, quibus est  
 à Septentrione, culta & habitata fuit; extantque nunc vestigia nonnulla: nec desunt, qui  
 scribant, natum in ea fuisse Annibalem. Vnde Mago, & Citadella, tanquam tutiora in-  
 sulæ loca, in præsidio erant. Itaque veterani exercitus ad Insulam appellentes, portum  
 Citadellæ, nullo impediante tenuerunt; ac protinus in terram expositi, & Christianos  
 se esse, & à Iacobo maioris insulæ Rege missos profitentes, cum præfecto, fidelibus vsu  
 interpretibus, egerunt; ut quoniam eorum Rex à Iacobo victus & subactus fuit, eiusque  
 ciuitas maioris Insulæ; ex eo quod liberè se dedere noluerat, capta & direpta, multaque  
 mala miserabiliter passa esset; idcirco ipsi liberè in potestatem Regis benignissimi ve-  
 nirent, alioqui passuri longè acerbiora. At iidem tempus sibi dari ad respondendum  
 petentes, arcem ingrediuntur; ac dum de deditione consultant, Rex qui in maiori substi-  
 terat cum parte exercitus, in monte mari imminente, Caput Petræ dicto, atque in pro-  
 spectu Citadellæ posito, tribus Aragonensibus proceribus comitatus, sub vespertinū cre-  
 pusculum, hoc vsus est strategemate, quod ex voto etiā successit. Nam plures vno simul  
 tempore faces toto sparsas monte accendi iussit: quæ procul inspectantibus, permagni a-  
 licuius exercitus, siue splendentium castrorum speciem referebant. Ad quæ ora simul & o-  
 culos Citadellani conuertentes; coniecerunt, non aliud portendere ostentū illud, quàm  
 Christianorū exercitum paratū ad ipsos aggrediendos, quum primum præsenferint ob-  
 latas condiciones pacis minime fuisse ab ipsis acceptas, sed recusatam Insulæ deditionē.  
 Vnde fracti animo, atque debilitati metu, protinus sese liberè Regi ac suis dedere sta-  
 tuerunt. Quare vocatis Regiis ducibus, se eis cum Insula tradiderunt: hoc vnum de-  
 precantes, liceret omnibus in Insula manere: seque propterea perpetuam Regis seruitu-  
 tem subituros. Quo reddito responso, simulque arce cum reliquis castellis à veteranis in  
 potestatem reductis, atque à direptione protectis; frater germanus præfecti, alii que In-  
 sulæ primates, actuariolo ad Regem perducti fuere; eique se, suo ritu, totius Insulæ nomi-  
 ne, ut Regi ac domino subdiderunt. Hunc ergo in modum oppugnata Insula minor in  
 potestatem Iacobi venit. Qua peruulgata deditione atque benignitate Regis in ex-  
 cipiendis dedititiis intellecta, sarraceni maioris Insulæ, qui montana tenebant, non ex-  
 pectata Regis præsentia, è cauernis exire atque obuio cuique Christiano militi sese dare, ac  
 veniam obnixè petere cœperunt. Ex quibus per plures perpetuæ seruituti mancipati  
 sunt, ac in continentem transducti: aliis, Regis indulgentia, suburbia & pagi ad inhabi-  
 tandum concessi: ad publicas verò operas, & onera Insulæ; alii quoque multi in seruitutē  
 dati. Itaque confecto montanorum bello, duobus adhuc mensibus Rex in Insula fuit;  
 mandauitque illius præfectis, ut eorum alter cum vna cohorte militum in præsidio  
 Citadellæ esset; nempe ut cum breuior sit inde transitus in maiorem, sibi mutuo au-  
 xilia ferrent; atque nocturnis facibus belli pacisque signa darent. His peractis, in  
 hoc vnum maxime Rex incubuit, ut maior Insula vndique muniretur, utque in portibus  
 præcipue arces reficerentur, & vbi non essent, exedificarentur; in eisque præsidia collocarē-  
 tur ad vniuersos tam Afros, quam Hispanos sarracenos, & quosuis alios piratas, portu &



Insula prohibendos: inde quippe ipsa tot speculatoriis turribus circumsepta conspicitur. cuius rei proceres, quibus prædia atque oppida donarat, maximè admonuit, graues multasque, qui eam curam negligerent interminatus, in Petrum Portugalensem, cui Rex Insulas tradiderat, animum intendens. Sed is eousque ignauia, atque inertia processerat, ut omnem publicæ gerendæ rei curam à se abiiceret, minimeque manere in Insula, sed in continentem redire conaretur. Qua causa Rex, expugnato non multò post Valentino Regno, oppida quædam in eo, ut dicemus, Petro dedit; quæ is perlibenter accipiens, eaque compensatione contentus, de iure suo decessit, atque Baleares liberè, sineque exceptione Regi restituit. Ut primùm igitur recuperatis illis, atque omnino in potestatem Regis reductis, earum maior à bello conqueuit, eiusque natiui agri fertilitati cultio addita est, & humana consilio, adeò magna ipsam consecuta est rerum omnium atque fructuum vbertas, ut frequentissimus subinde fuerit ex omni Europa in eam gentium concursus. Vnde tam mercium vndique conquisitarum, atque rerum, quibus egent, inuentione; quàm Insularium, quibus abundant, exportatione, locupletissimo emporio nobilitata, cum omnium Europæ urbium euasit opulentissima, tum continuis Afrorum piratarum propulsationibus, bello quoque exercitatissima.

## BERNARDINI GOMESII<sup>20</sup> MIEDIS, ARCHIDIACONI SAGVNTINI, DE

VITA ET REBUS GESTIS IACOBI PRIMI REGIS

*Aragonum, cognomento expugnatoris.*

### LIBER IX.



T verò Iacobus, cui nullum in omni vita vacuum tempus fuit, neque otium non negotiosum concessum; sed ab vno præclaro facto, ad aliud longè præclarioris continuus transitus, atque firmus progressus: 30  
vix quidem Balearicum bellum confecerat; quod vnum satis illi fuisset ad perillustre nomen, & perpetuam famam condendam: cum statim ad Valentinum multò difficilius suscipiendum accessit. arduum sanè illud, multisque nominibus dubium, ac periculosum: tot cõiunctis Sarracenorum Regibus, qui mediam ferè Hispaniam occupabant, suppetias Valentino allaturis: tot etiam Afris, præcipuè Tunetanis, subsidio eidem affuturis: ipsoque Regno demum latissimo, totque circumfuso populis, atque armis præmunito: eoque magis quod Iacobus solus cum suis, nullo aliorum Regum aduocato auxilio, cceptum persequi decreuisset. Nam cum ei pia illa mens esset in Valentino, quæ in Balearico bello fuit, cum euellendi stirpitus Mahometanam sectam; tum veram Christi religionem in- 40  
ducendi; nihil diuino duce numine, non animose sibi aggrediendum, nihil non præclare conficiendum putabat. Verum, ne intermissis primis, ad vltima procedamus, narrare prius oportet, quam ex opportunitate, quibusue consilio & rationibus permotus ille, ad tantum, tamque præclarum suscipiendum facinus animum induxerit. Nam ex Rege, aliisque sui temporis scriptoribus, rem ita se habuisse colligimus. Siquidem ex Balearibus in Cataloniam reuersus Rex, ad ostia Iberi è triremi exiens cum Nunnio & aliis, Dertosanum præteruectus agrum peruenit Alcanitium perinsigne Aragonensium oppidum, in Cataloniæ ab ortu, in Valentiniæ verò confiniis, à meridie situm. In monte quippe leniter accliu, perpolitum mille domorum constructione, exædificatum est, atque muro vndique, & turribus secto ex lapide munitum: quin & à superiore parte, arce, quæ oppido 50  
imminet, propè inexpugnabili protectum; inferiore autem, Gadalo fluuiio profundo septum, adeoque copiosa riuorum deductione fœcundandis agris apto, ut fructus inibi non vberes modò, peruariique; sed suaves, ac perdelicati proferantur. Ibi demum ciues (è quibus historiarum scriptor oriundus) tam pia & ingenua inter se concordia agunt, atque prudenti cum Reipub. administratione pietatem colunt, ut non immeritò diuinitus factum fuerit, ut Iacobus ad sacrum hoc commeditandum, atque deliberandum bellum, eò loci conuenerit. Cum igitur tranquillitate simul & amœnitate oppidi adductus ille, ibi dies aliquot, arcem tenens, consumpsisset; eo quoque venit Blascus Alago, qui bien-  
nio in Regno Valentino egerat, ab eo die, quo illud ingressus fuit vnà cum Abuzethio Rege



Rege à Zaene pulso, vt diximus: quo tempore Blascus, toto ferè lustrato Regno, diligenter eius situm, arces, munita loca, & incolarum vires inspexit, & quæ ad eiusmodi oppugnationem facerent curiose didicit; necnon amicos ex Sarracenis plures sibi parauit, quib. postea in commodum, & rem Regis est usus Itaq; Rege vna cū Blasco & Nunio, ac Follalcherio Promagistro Hospitalario: in præcellam arcis turrin ascendit, vt amoenissimo, atque pulcherrimo inde loci prospectu fruerentur: Follalcherius proceram, atque speciosam Regii corporis habitudinem, staturamque (quatuor enim cubitorum & dimidii fuisse compertum est) contemplatus, cum tanta oris venustate, atque maiestate coniunctam; simulque admiratus iuuenem annos vix natum XXVI. cum multis aliis, tum Balearica victoria, & triumpho decoratum; diuino actus impulsu, ipsum sic est allocutus. Enimvero Rex quo magiste, tuaque ab ineunte ætate, cœpta, & præclaras res gestas contemplor, easque felicissimo successu semper conclusas fuisse considero, ac neque sine diuino id nutu fieri posse animaduerto; dignum te profecto existimo, qui maiora tandem, multoque præclariora semper facta moliaris. Ac quoniam transmarinum bellum tam arduum, tam difficile, atque periculosum, tam bellè, feliciterque, te ra marique susceptum perfecisti; iam nunc Valentinum, quod & intimum ac domesticum est; & quamplurimis causis, tibi, tuisque vtile & honorificum, multo ardentius vt suscipias, vehementer exopto. Nempe, vt hoc ipsum, quod à maioribus tuis Regibus toties frustra cœptum bellum fuit, tu, qui potentia, & nouis Imperii accessionibus vniuersos superas, huiusmodi confecturus, persequaris. Quandoquidem Blasco ductore, qui nuper tenues Valentinorum vires & facultates explorauit, nihil non tentandum, immò diuino fauente numine, in hoc vnum bellum maximè tibi esse incumbendum existimo. Quibus Follalcherii dictis assentienti Blascus, vera omnino prædicasse illum affirmavit; atq; ad oppugnationem Regni commodissimè exordendam Burrianam oppidum in extremis Ilergaonum campis, ad meridiem ultra flumini Idubem propeque mare situm, multis nominibus aptissimum designauit. Hæc vtriusque dicta, cum Regi grata fuissent; atq; ad sacrum huiusmodi bellum suscipiendum diuinitus agi sibi ipse videretur, omnibus neruis eidem intendendū statuit. Tametsi de causis iustis, atq; honestis ad inferendum illud, prius differi, ad idque alios quoque proceres conuocari curauit. Quorum vltro citroque agitaris rationibus, in summa decretum fuit, iuste Zaeno tyranno ac Regni occupatori bellum inferri, propterea quod Iacobum multis modis offenderit. Ac primum, quod Abuzethium verum Regem, indicta causa, Regno expulerit; ex eo quod ille ab excursionibus, & vastatione agrorum in Christianos, sibi temperasset, atque cū captiuis mitius agere cœpisset. Deinde quod Iacobo Balearico bello implicito, idem excursiones multas fecisset Dertosam vsque, & Ampostam arcem Christianorum munitissimam, vastatisque agris, atque cum ingenti præda regrediens, Videconam insigne Hospitalarium oppidū aggressus fuerit; tametsi ab oppidanis validissime repulsus. Adde quod Iacobo de his apud ipsum per legatos modestissime conquirente, neque detrectante pacem, modò quintam partem Portoriorū Valentini, & Morciae, sibi quotannis pendi solitam, quæ superiore anno soluta non fuerat, numeraret; legatos, & oblatas pacis condiciones spreuerit, ac de portoriis mediā partem se in posterum singulis annis detracturum responderitis auditis, omnium quidem suffragiis damnatus ille fuit, & de commouendo in eum bello terra marique deliberatum. Quare Montionem conuocatis omnibus, tam Catalonia, quam Aragonia primoribus, atque Ciuitatum legatis, Valentinum bellum, pro vtriusque Regni commoditatibus, & incolumitate suscipiendum, ingentemque ac pernecessarium ad illud faciendum esse sumptum ostendit. Cui postquā assensu fuere omnes, Catalanis imperatum fuit Bonaticū, ab eisdemque libentissime promissum, & quam breuissime Regi adnumeratum. Similiter Aragonensibus imperata pecunia fuit, illi maximè, qui remouerāt à confiniis Valentini Regni; quod finitimi vitium bello interessent. Iamque Rex, & conscribendis copiis, & comineatui, rei que frumentariæ parandis, atque vniuerso bellico operi diligentius instabat: propterea quod opportunitissimam tunc occasionem suam putabat, seditiones & discordias, quæ Sarracenos in Hispania Reges, non in mutuam modo perniciem, sed etiam in Zaenam irritabant: verum quæ inter Abuzethium & Zaenem, summa Regni capira, intercesserāt, longè commodiores fuere: quod hæc Regnum in partes diuiderent, vsuque appareat, diuisa fieri debiliora coniunctis. De quibus omnibus antea consultus Gregorius IX. Pont. Max. Iacobum ad hoc ineundum bellum vehementer incitauit: ad eumque sacrosanctū insigne crucis mittens, Pontificis quoque diplomate, cœlestis Ecclesiæ thesauro aperto omnib. cruciferis, sacro eius-



modi bello militantibus, criminum expiationem, & remissionem concessit. Quæ Montione, dum conuentus agebantur, edita, per concionatores exponebantur. Vnde Rex diuinis muneribus sibi & exercitui concessis, proceres omnes, ac reliquam multitudinem, sanctissimo crucis signo insigniri fecit. Itaque dimisso conuentu, Rex Alcanitium reuersus, frequenter cum Blasco de inferendo bello colloquebatur, ab eoq; de locis Regni munitioribus curiose, quæ, quantaque illa essent inquirebat, & quanquā Burrianæ oppugnationem aliis Blascus præferebat; tamē Iacobus à Morella, oppido Valentinorum munitissimo ac citiore, bellum auspiciandū censebat. Ac putans fore commodum, si Blascus cum suis expeditionem contra Sarracenos, maximè verò Morellanos susciperet, quod ab utroque fuerat agitatū, decreuit tandem celeri pactio-  
ne transigere. Vt enim magis Blascum ad bellum in Sarracenos inflammaret, li-  
benter se ei permissurum dixit, quæcunque ille oppida, & Castella, ab illis eriperet. Sic-  
que dimisso Blasco Morellam, quæ non longè ab Alcanicio sita est, atq; ad eam capien-  
dam iam tum ab eo tentæ insidiæ fuerant, Rex inde profectus est Turolium; ut in oppidu-  
lum Exeam vltius situm, quod interluit Turia fluius, atque Albarrazino est propin-  
quum, concederet: ut venatione aprorum, quorum ibi magna est multitudo, animum à  
bellicis laboribus, curamque laxaret. Quem Petrus Assagra Albarrazini dominus hospiti-  
o excepit magnificentissimo, atque felici venatione recreauit. Cui dum Rex intendit,  
allatus est ei nuntius, cohortem peditum Turolensium, qui in finibus Regni præsidio erant,  
oppidum Ares Valentinorum munitissimum intrasse, eoque potitam fuisse, atque ad re-  
tinendum illud præsidium petere. Quo nuntio mirè oblectatus Rex fuit. Est enim Ares  
oppidum in eminentissimo totius Regni monte, ab ortu, meridieque prærupto, situm  
tanquam specula ad remotissima quæque Regni loca oculis collustranda, indeque  
cum præsidiariis, non modò Sarracenorum eruptiones cohibendas; sed in eos quoque à  
nostris faciendas. Itaque Rex eò misit, qui militibus bono esse animo, atque oppidum  
viriliter defendere iuberent: ipsumque in eorum subsidium iam iam venturum dicerent.  
Vnde Turolenses, se sequi iussit, cum magna equitum atque peditum manu, quos Ferdi-  
nandus Diazus & Rodericus Ortizius duxere in Alfambram oppidum, quod etiam flu-  
uio Alfambra, qui paulo infra, prope Turolium influit in Turiam, alluitur. Inde enim Rex  
vnà cum illis erat iter ingressurus: ad quos sub vespertinum crepusculum venit, ibidem-  
que pernoctauit. Verum de secunda vigilia exurgēs, citato cursu, portū Montis acuti sub  
auroram tenuit, atque Poueanum præteruectus agrum, Villarogam ordinis Hospitaliū  
oppidum peruenit. Vbi Fullalcherii opera, cibo potuque refectionis, atq; paululum somno  
recreatus, summo mane iter fuit persecutus: dumq; summa montiū tenet; ecce sagittari-  
us eques deuils ad eum itineribus præproperus veniebat, à Blasco missus, ut Regi renun-  
ciaret, captam fuisse Morellam à suis, atque in potestatem redactam. Quo nuntio, quantū  
voluptatis hilari fronte præ se tulit, tantum mœstitiæ animo sensit; propterea quod ex  
pacto & conuentione, Blasco Morella cederet; doleretque in ipso Valentini belli exor-  
dio, tam insignis oppidi expugnationem, non sibi, sed Blasco obtigisse. Vnde meditati  
ipsi, atque eo peruenienti, ubi erat flexus ad iter Morellam, Diazus occurrit, inquit, 40  
ne, quæso, Rex oppidū Ares nunc peras, posthabita Morella, quod hæc sit arcium totius  
Regni munitissima, & ad consternandos Sarracenorum animos aptissima: sed hanc pete  
ocyus antequam eandem Blascus ingrediatur. Noui enim ingenium hominis superbi ac  
tenacis; putoque fore tibi difficilius Morellam ab illius, quàm è Sarracenorum mani-  
bus extorquere. Tunc Rex vocatis Assagra, & Atorella proceribus, ab eisque, vtrum  
itinerum consultius esset ingredi, quæ res; Diazus denuò sententiam suā constantissimè  
defendit; adiiciens in celeritate positū esse felicem rei exitum, ideoq; Turolensibus præ-  
cipiendum, ut depositis sarcinis, atque impedimentis signa sequerentur. Quo facto, cita-  
tis equis, fluuio Calderano traiecto, tandem per auiā, perque nimis aspera & deserta lo-  
ca iter faciens, ad flumen quod aluit radices montis, in quo sita est Morella, peruenit, in  
eumque festinanter conscendit, & in vertice castra posuit: qui postea vocatus est tumu-  
lus Regis oppido adeo propinquus, ut ingressu egressuque oppidani faciliè inde prohi-  
beri possent. Vnde militibus in eum ascendentibus locum præcipit Rex, ut in sta-  
tione essent; ac neminem, iniussu suo, oppidum ingredi, aut egredi sinerent: hunc  
locum ideo tam pertinaciter retinuit, à Morella nusquam oculos deiiciens; ne qui tene-  
bant arcem mitterent, qui aduentum ipsius Blasco nuntiarent; sic ut ingruente nocte pas-  
sus fuerit grauissima, ob multam niuem, & intolerabiles frigoris morsus: accessit etiam  
fames & vigilia, quibus acerbè vexatus exercitus fuit, propterea quod ob loci asperitatē,  
iumenta comineatu & cibariis onusta montem superare nequiverint: compertumque  
fuit,



fuit, Regem ad tertium propè diem, ex quo apud Villarroiam coenauit, integram famem sustinuisse; quæ in causa esse non potuit, ut locus ab ipso defereretur. Verum sequenti die, Sole illucescente, Blascus cum nonnullis equitibus eo peruenit; atque ignorato Regis præsidio, Morellam intrare volens, à Ferdinando Perezio Pina, qui præsidii dux erat, comprehensus est, & ad Regem delatus: quem ille benignè excipiens, rogauit, ut oppidum vna cum arce sibi tradere vellet, promittens, se id beneficium compensaturum; at verò Blascus meditari secum, qualique renuere cœpit. Sed Rege rursus & proceribus instantibus, iamiamque manum in eum conicientibus, tandem de iure suo decedens ille, oppidum cum arce Regi liberalissimè tradidit; ipseque primus, fide præstita, Morellam cum Rege eo die est ingressus, suisque ab arce detractis præsidariis militibus; Regios eorum loco posuit: oppidanique cum paganis, se illico Regi submisere. Iamque ex proceribus vno ibi relicto præfecto cum vna cohorte, Rex inde abiens, duodecimo ferè milliario confecto, Ares oppidum peruenit; inde, ut fama est, dictum, quod præcelsitate loci, ab antiquis Aræ ibi constitutæ fuerint Diis ad litandum. Quod Rex ingressus, collaudatis Turolensibus peditibus, qui oppugnant illud, collocato ibi præsidio, gratias immortalis Christo ac Virgini ad sacrosanctam aram egit; atque munitissima duo illa parta oppida sine effusione sanguinis, tanquam Valentiniæ expeditionis primitias illis obtulit. deinde Turolium vna cum Abuzethio reuertitur, qui & expugnationi Morellæ interfuerat; & denuò se Iacobo subdiderat; præstita fide, astitutum se ei perpetuò in eo bello, atque omni ope, ac re adiuturum. Demum abiens Turolio, confinia Castellæ loca lustrauit. Sed cum Calataiubii esset, ac memoria retineret commemorandum illud, ac liberalissimum Blasci factum, quo ille Morellam, eiusque arcem magnifica sibi donatione concesserat; compensatione cum eo usus est iusta, atq; honorifica. Nā Sastagum insigne Aragoniæ oppidum, cum arce, suburbiis, & agro latissimo, Ibero amni propinquis; quæ Petrus Rex Artalo Alagoni Blasci parenti oppigneratus fuerat, Blasco perpetuo donauit, vna & oppidum cum arce Mariæ, non longè ab illo sitis. A quo tempore Alagonia gens, quæ ætate Iacobi, & Regio stemmate, & antiquitate, & rerum magnitudine floruit, accessione Sastagenfis Comitatus, facta est Aragonensium, post Regiam, nulli secunda. Fuit igitur eiusmodi donatio, seu compensatio Blasco facta de consilio procerum, admodum grata Aragonensibus, qui præsentibus erant, atque cum maximo consensu & applausu omniū à Rege sancita. Ceterum Morella, & Ares oppidis captis, atque præsidiiis utrobique positis: ut tuta essent omnia à tergo relicta loca, tutiorque fieret in vltiora progressus, ac designata à Blasco Burriana obsideretur, conuentus denuò Turolii Rex agere curauit: quod est oppidum celebre, ut diximus, atque Valentini propinquum, ut inde commodius susciperetur in illos expeditio. Quo conuenere Promagistri equitum Hispaniæ, Templarius, & Hospitalis; quin & Vclensis, & Calatrauensis: harum quippe duarum equestrium societatum, tametsi apud Castellam essent primariæ sedes, multique conuentus & præfecturæ, nonnullæ tamen eiusmodi in Aragonia erant à Regibus etiam ad quoduis contra Saracenos bellum inferendum institutæ: quatum Calatrauensis summa Alcanitii sita erat; Vclensis vero Montalbano in oppido clarissimo, de quo mox dicemus, non longè ab Alcanitio versus ortum posito. Fuere quoque præstò Regi Bernardus Mondecutus Pontifex Cæsaraugustanus, Petrus Fernandus Assagra, & Simenius Tarasona, qui postea donatus fuit ditione, seu Baronia Arenosia nuncupata; cum plerisque aliis Aragoniæ proceribus. Quæ tunc, cum inita expeditio fuit, centum & viginti laeuis armaturæ equitum, milleque peditum numerum non excefferant: præter eos, quos Turolensis Ciuitas cōscripserat, ac etiam Calataiubienses & Daraconenses populi miserant; quibus cum exercitus ad numerum ducentorum quinquaginta equitum peruenerat, peditum verò mille octingentorum. Iis ergo copiis bellum Rex fuit exorsus, fretus quidem Catalanorum, atque Prouincialium, quas breui ad futuras sperabat: ac quoniam animus ei erat, quacunque pergeret, ut terrorem hostibus incuteret, depopulari agros, & cuncta vastare: commeatum vndique, rem vero frumentariam, ex Poucano & Visiedano Turolensium campis comportare imperauit. Itaq; Turolio egressus, ac per Populetanum, & Sarrionensem agrum prætereunte exercitu, ouium atq; bouum, quibus idem ager abundat, quantum fuit opus inde iustum est asportari: ac protinus Iaquesiam extremum Aragoniæ pagum, aridumque præteruecti torrentem quo Aragonia terminatur, Valentini ingressi Regnum excursions in pagos quosdam fecerunt, mitius tamen, quoniam maiori ex parte colebantur à Christianis. Fuit itaque descensus per Lacouanum montem, vnde prospiciebatur Exerica, nobile Aedetanorum oppidum, situ & natura munitum. erat enim illud septum muro



& arce cum primis inexpugnabili, in altissima, saxeaque rupe, quæ à posteriore parte prærupta est posita, atque præterlabente fluuio obuallata: ab anteriore verò, oppido dechui, perpetuoque muro, & gente bellicosa protecto; qualis esse, exerceri in armis sæpè solet, quæ finitimos populos, quod alterius dominationis sint, tanquam hostes habet. Miserat etiam Zaen Rex quatuor expeditorum militum cohortes Exericam ut in præsidio essent; veritus ne simili casu, quo Morella, ob non missum opportunè subsidium, caperetur. Ex quibus octingenti pedites protinus obuiam venere, ut nostros à cultorum agrorum, horrorumque vastatione impedirent. At verò Rex suos ab illa prohibuit, atque distulit in diem crastinum, ne lassæ itinere manus confererent. Sed in descensu montis ad tertium lapidem, oppidulum est, dictum Viuarium, à quo non longè versus Exericam, interluente fluuio Pallantia, qui decurrit in Saguntinos, castra locati iussit. Sequenti verò die cœpta est depopulatio agrorum, qui oppidum inter & Viuarium erant: triginta equitibus, cum peditibus mille à tergo depopulantium in subsidium positus. Quæ depopulatio agris illata est, nullo impediendo cominus, metu equitum, à quibus Sarraceni strenuè hastis configebantur; tametsi eminus, & ab occulto loco nostri à sagittariis fauciarentur. Sed iis sequenti die sic est occursum: equitibus scilicet partim in monte, partim in agris consistentibus, quorum scuta pedites primæ gminis deferentes, iisque protecti, se à Sarracenorum sagittis defendebant, ac primum sustinentes impetum, incedebant: deinde sequebatur sagittarii: postremi depopulatores, qui agros liberè atque impunè vastabant. Dum hæc in Exericanos fiunt; promagistri equitum Templarius, & Hospitalarius, ac magni Calatrauens & Vclensis magistri, cum magna manu equitum, & septingentis peditibus prætergressi Exericam, & Segorbium, secundo flumine, ad intima Regni penetrarunt, quoad in prospectu Sagunti venerunt, ad duodecimū vsque milliæ ab vrbe Valentia, ubi à læna flexus est ad iter in vallem Segoniam, olim Saguntinam, quam multis pagis, fructuosissimisq; agris cultam, ingressi sunt, ac depopulati. Quibus ultra progredientibus occurrerunt innumerabiles Sarraceni, ex oppidanis & rusticis & collectitiis Saguntinorum, ut à progressu nostros prohiberent. Quod ubi intellexit Rex, eò profectus est cum reliquo exercitu, ut subsidio suis esset; atque in itinere obuium habuit oppidulum Turristorresium, cuius agrum quoque vastari iussit, ab expugnatione oppiduli abstinens, ne Burrianensem differret, in quam suos integros perducere decreuerat. Itaque progressus per eam Vallem cum vniuerso exercitu, in planitiem deductus est, ubi se latissimus prospectuque amœnissimus atque fructuosissimus aperiebat campus: hinc montibus ab Almenara oppido mari proximo, vsque ad promontorium Oropesæ, ad semicirculi speciem cum ambientibus; atque fontes, aurasque salubres, in vniuersam planitiem deriuantibus; illinc mari, quasi basi, girum obtendente, piscatu atque mercimonio multos in ea populos locupletante: cum & cultura, & fertilitate agri reliquo Regni agro minimè sit inferior; & præter frumenti, vini, & olei ingentem vim, qua præstat, proferre etiam solita fuerit, orizam & saccharum; & ad bombicum alendum, & perficiendum opus, mire nunc quoque consentanea existat. In qua item planitie cum conuallibus, quæ à propinquis & ambientibus montibus in eam decurrunt pagi, & oppida ferè triginta sita sunt, quorum Burriana cæteris excellebat; & fertiliore agro & mari propinquiore, quod etiam magno suo ambitu, atque murorum altitudine propugnaculum, & quasi acropolis erat totius eius regionis; abundabatque omni comineatu rerum, & milite bellicoso: eoque magis, quod Zaen, ut primum aduentum Iacobi rescivit, lectissimos mille quingentos milites ad eam custodiendam miserat; plures indies missurus, adeo ab eius defensione vniuersam Regni salutem pendere sibi persuaserat. Itaque Iacobus eo cum exercitu veniens, castra circum oppidum metatus est, & per exploratores certior factus, de magnitudine & munitione oppidi, deque oppidanorum, & eorum qui præsidio venerant, numero & virtute; tum de munitionibus ac etiam debilioribus moeniorum locis: & in quam partem tormenta, & machinæ melius intenderentur. At verò intus, neque oppidani quidem otio tempus conterebant, nec deerant illis sui exploratores, per quos consilia, & machinationes Regis intelligerent. Iamque ut suarum virium, atque munitionum specimen aliquod ederent, ac bello initium darent, singulis prope diebus, antequam nostri vallo castra munirent, quadringenti ex eis, in eam partem castrorum, quæ videbatur desertior, irruere solebant, ac aliquid nostris semper inferre damni. Quo animaduerso Rex, tribus locis in castris stationes centum quinquaginta militum locauit, qui signum aliis darent, ut saltim audito tubæ clagore, omnes in armis essent; atque altera pars militum in statione maneret, altera in locum pugnæ curreret, huncque in modum alii aliis præsto, atque subsidio essent.

Eorum



Eorum autem praeliorum semen erat, ouium, atque armentorum à nostris, inter castra & oppidum pastio: in hæc quippe suis illi repentinis excursionibus irruerant, prædasque sibi faciebant: sæpe quoque nostri easdem à manibus eripiebant; atque in hunc modum coersitis manibus, cruentas vicissim victorias reportabant. Quo tempore multorum probrum, atque ciuitatum, & oppidorum Cataloniæ, & Aragoniæ turmæ equitum, atque pluriorum cohortes peditum, ad Regem confluxere, peruenitque peditatus ad viginti quinque hominum millia; equitatus verò ad duo millia. Quamobrem oppugnatio deinceps acior multo fuit. Nā mari aduectis à Balearibus, & à Catalonia machinis, tormentisque magis, cum iis, in naualibus dissoluta interim iacuerant, construi ea denuò, ac oppugnatio aptari curauit: atque inter alia, turrim mobilem ex eadem materia crexit, quam plurimum abularum contextu, & contignatione compositam; ac non labore modò, sed magno quoque studio, atque contentione militum hinc inde compulsam, mœnibus admouit. Quæ tamen humiliora oppidi mœnia adæquabat, facileque pila, sagittas, lapides aliaque missilia in oppidanos emittebat; ac nec ex mœnibus prohibebatur, quo minus multis detrimento propugnatores afficeret: tamen tanta erat, tum oppidanorum, tum maximè selectorum militum, quos Zaen miserat, virtus, alacrisque ad resistendum multitudo, ut & machinatores reprimere, & machinas deiicere, & studia, ardentesque vincendi conatus Regis infringere & retardare possent: expertusque Rex fuit, Valentinos Sarracenos longè ex Balearicis robore, & pugnandi arte præstantiores. Tanta enim in turrim mobilem sagittarum, lapidumque multitudo iacta est; ut neque Rex pedes & scutatus sua præsentia cunctos vrgens; neque alii similiter circum turrim scutis sagittas excipientes, atque magna animi contentione eos, qui in turri erant adhortantes, efficere potuerint, quin turris, aliaque machinæ defererentur, atque nocte pugna dirimeretur: Rege quidem quatuor in pugna confixo sagittis, leuiter tamen, diuino opitulante numine, sauciatus. Itaque relictis, qui noctu machinas custodirent, statim sub auroram nauata est opera reducenda turri; adeò quippe diruta illa, perfossaque erat lapidum ictibus, ut nostris impedimento magis, quam hostibus damno esse posset. Quare conuocato concilio, alia via oppugnationem tentandam esse statuerunt: nempe aggeribus, valloque perducto, eoque paulatim muro admoto; simulque machinis & tormentis maioribus, eam partem muri, quò tendebat vallum, quatentibus: quandoquidem cuniculos agere non dabatur, terra vda, vliginosaque admodum, atque ob maris viciniam, passim saturiente aquis. Interea nostris omnem circum regionem diripientibus, com meatu, & re frumentaria castra abundabant: sed tot indies confluentibus ex omnibus Christianorum Regnis militibus, augefcente exercitu, fames esse cœpit; atque inopia potissimum rei frumentariæ tanta fuit, ut de relinquenda obsidione ageretur. Quæ res cum sollicitum, nimisque anxium Regem haberet; ægreque se defenderet ab eorum importunitate, qui discessionem insistebant, nuntiatum est in castris, duas in conspectum Burrianæ biremes appulisse: alteram Bernardi Sentaugeniani, alteram Petri Martelli, quæ tum à Balearibus, tum à Tarraconensi & Dertusano agro exercitui, frumenti, & com meatu magnam copiam afferebant. Propter quas, tanquam à cœlo missas, Rex gratias Deo agens recipi omnia iussit, proque eis victoriarum sexaginta millia annumerari. Quamquam cum inopia rei frumentariæ tanta erat ærarii consumptio consecuta, ut neque haberet unde soluere; neque qui pro eo sponderet, præter Templarium, & Hospitalē promagistros: sed neque ii spondissent, nisi ex oppidis, quæ Rex caperet, aliqua suis cessura societatibus sperassent. Demum biremes ibi consistere, atque in anchoris esse præcepit; ut tuta esset ora maritima, ac com meatu & cibaria tutè undique conueherentur: quod tam feliciter cessit, ut protinus ex vniuersis hinc inde locis abunde cibaria, aliaque necessaria, nauigiolis in castra perferrentur. Cæterum ad expugnandum oppidum maiores indies oriebantur difficultates. Ex quo Ferdinandus Regis patruus, alique, qui consilio Regis præerant, Blasus Alago, Simon Vrrea Liciana, Massa, & Tarrassona, inter se consentientes, fortassis id melius esse putantes, Regem à prosequenda oppidi expugnatione omnino conati sunt auertere. Cum enim audiuisent, Regem ob labefactatas machinas, & laceratam turrim, valde mœstum euasisse; conquestumque fuisse, se maioribus suis fortuna longè inferiorem; ut quibus in bello pro voto omnia cessissent: sibi verò in vnius quidem oppiduli oppugnatione, præter opinionem; capta occasione, Regem conuenerunt; quem Ferdinandus omnium nomine, sic est allocutus: Quæ tibi Rex in bello secundæ res semper acciderunt, faciunt, ut his nunc perinde ut nimis aduersis frangaris; ac vel ex eo quòd omnibus ante te Imperatoribus felicius non sis, te putes infelicem. quod longè aliter, ac te decet, facis, qui res



bellicas non vtraque fortuna, sed felici tantum commetiendas existimas: indeque est ut dignissime conqueras maiores tuos rerum gestarum gloria fuisse te clariores; cur & habuerint illorum quidem tempora incommoda sua; sicut & hæc nostra suis nec caruerunt. Nam & victorias illi suas, non cum ancipiti modo fortuna, & cruore mistas, sed procrastinatas diutius, sed retardatas, atque cum summo labore & patientia partas reportarunt: & quas, ne reportassent quidem, nisi temporis seruire, ac rerum vicissitudinibus obtemperare didicissent. Eiusmodi ergo, quæ cordati, atque sapientis sunt Imperatoris munia; tu quoque in presenti obire debes, qui bellum arduum magis, difficiliusque ac periculosius quam rebamur, suscepisti, quod te, tuosque indies in tantas angustias educit, ut timere inde possis longè grauiora mala, nisi & temporum, & rerum conditioni cedas; ac, quod sapientis est, mutato consilio, rebus, ut sese offerunt, ita te accommodes. Nam & temporis cedere, & necessitati parere, sapientis semper est habitum. Expertus quippe es hostium sese validissime defendentium, præsertim recentium, vires & fortitudinem: inuenisti oppidum adeò munitum, ut illius contra te erecta munimenta & propugnacula, non modo nulla deieceris; verum tuas inde machinas ab illis multatatas retraheris. ex quo tantum hostibus creuit animi; quantum nostris profectò indies imminutum est; qui nobis summisso murmure obiciunt, ac exprobrant, te nequaquam salutaribus consiliis inniti, qui tot huius belli laboribus fractus, ac depressus, nihil tamè de intermittendo illo, aut in aliud tempus differendo agas; qui cum in intimum hostilis soli te conieceris, nihil iam præterquam ab hostibus circumfideri expectas. Accedit ei nummaria difficultas, ac neque duratura diutius quæ nunc est, frumentaria copia. Vix præterea temporis, aerisque incommoditas, tum solo ob situm terræ calidissimo, tum cælo carculæ ortu feruentissimo, magisque ad inducendos morbos, quam ad pugnandum parato. Ut illud interim omittam, subsidia ciuitatum quotidie vehementer inclamantia; messes adultas iam esse, ac maturascere, idcirco ad demetendas illas exercitum dimitti oportere. Quibus de causis, ac vel eo maxime, à bello cessandum est, quod Zaë prius quam armis, pecunia te oppugnare cupit: scimusque ingentem promississe, modo ab expugnatione discedas; neque non illam à tam barbaro & iniquo hoste capere consulimus, ut ea ipsa pecunia, cum maiore contra ipsum copias comparare, tum opportuno expectato anni tempore, cum florētissimo exercitu, non Burrianam modo, sed ipsam urbem Valentiam gloriosissime expugnare possis. Quibus auditis, Rex se ei responsurum dixit: atque ut erat excelso ac diuino animo, multum fuit secum meditatus: considerans in primis de honore suo detrahi sibi multum, à Burrianensi prima obsidione; quæ vnum, aut alterum vix mensem durauerat, discederet; cum à Balearica, remotiore, arduaque magis, in qua annum & eo plus insumpserat, neque à suis retrahi potuerit, neque iustioribus de causis à cæpto deterreri. Quin & perturpe esse, discessu suo animum hostibus addere; multoque turpius, in hostilem pecuniam triumphum commutare; ac vel eo magis, quod vereretur Ferdinandi (cuius animus semper fuerat à Rege auersus) & aliorum consilium venale quoque esse, ut quos Zaenes, ut probabile erat, pecunia corrupisset. Quamobrè dimissis illis voluit de re tam graui alios consulere, in primis Tarraconensem, Cæsaraugustanum, & alios Antistites, nec non promagistros ordinum, & reliquos proceres, bellicque duces, & præfectos: quod de deserenda obsidione sententiam dicere rogati, fideliter tamè expositis, quæcunque Ferdinandus contra obsidionem obiecerat: omnes, vnum, atque idem sentientes, responderunt. Non solum regii honoris, sed Ducum, atque vniuersi exercitus, qui iustus ac potens erat, interesse in obsidione persistere. Quæ sententia ad Ferdinandum, & socios delata, responsioni fuit: statimque Guillelmus Aquitanus Regis auunculus, qui fuerat huius sententiæ author, perducendi valli, & machinarum ad portam usque oppidi, earumque defendendi curam suscepit, eo animo, ut locum nequaquam desereret, quoad repleta fossa esset, earum ope cohortium, quas secum ex Aquitania duxerat; simulque Rex suis fidelissimis cohortis prætoriarum militibus, quos Arabica voce Almugauaros vocabant, de quibus postea dicemus præcepit, ut auxilio Guillelmo essent si forte ex oppido in eum irruerent. Igitur Guillelmi, & Simonis Perezii Tarazonæ, suorumque opera ad motis machinis, quæ tantummodo per scuto erant iis, qui oppellendæ fossæ, & perterrando muro operam dabant; res feliciter procedere, atque oppidanos vrere visa est, & ad demoliendas machinas incitare. Nam noctu, de secunda vigilia, cum primum ab oppugnatione discessere machinatores, ducenti oppidani, accessis facibus, magnoque impetu foras eruperunt, ad succedendas machinas; dispositis sagittariis per murum, qui impediētes confugerēt. Id tanto cum silentio fieri non potuit, quin Guillelmus, qui intēris oculis, & auribus hostium motus obseruabat, præsenferit: atque cum suis cunctos, magna cum strage in oppidum compulerit. Quo in conflictu, Guillelmus sagitta infixâ cruri grauius vulneratus fuit; qui

intelligens



intelligens Rex, Guillelmum in tabernaculum Regium deduci iussit: ibique ipse, sua manu, infixum ferrum è vulnere euulsit, ac vulnus lauit, & obligauit. Exquò protinus Guillelmus sanitatem sibi restitutam sentiens, à Rege contineri non potuit, quin noctu in statione maneret. Interim oppidani singulis noctibus ad succendendas machinas excursiones faciebant. Quibus nostri ad eorum infringendos, & deludendos conatus occurrebant. Sed cum Rex interim noctu lustrans castra, minimè eos, quibus commissà custodia erat, pro machinis excubias agere inuenisset; cum equitibus nouem excubare decreuit; ac Regium scutum, tanquam decurio, qui præst excubantibus, machinis appendi iussit. Id ab explorantibus scientes oppidani, protinus centum septuaginta cum facibus prodire foras: quorū quadraginta tantū scutati, ac faces præferentes: reliqui sagittarii erant: iamiamq; ignē admoturi, à duob. Regis scutiferis, ex facibus cogniti fuere; statimq; conclamantibus illis ad arma, Rex cū suis ab statione exiens, animosè oppidanos aggreditur; tantoq; fuit iis terrore, vt illico terga verterint: quos Rex insequēs adeo conferto agmine tenebris processit, vt portā oppidi hasta confixerit, sed cum hostiū sagittis obrueretur, repulsus est, & coactus scuto post terga reiecto, atq; seruato ordine pedem referre. Neq; prætereundum est profecto facinus præclarissimū, quod in eo bello Rex edidit, ab omnibusq; historicis de eo refertur, quo planè non alios modò Reges, sed seipsum superauit, & tanquam tertius in orbe Decius in medios sese hostes pro salute exercitus iniecit. Aiunt enim ipsum tanto fuisse mœrore, atq; pudore affectū, si forte contingeret obsidionē, re infecta, ac sine honesta aliqua causa soluere; vt modò honori suo, atq; exercitus incolumitati consulere, desperata expugnatione oppidi, multa in seipsum fuerit acerba patrat. Nam in præliis, quandoq; discincto thorace, apertoq; pectore, ac diloricata tunica, nullū vitæ periculum recusans, sagittarū ictibus occurrere visus est: ne ab obsidione, nisi cū manifesto vitæ discrimine decedere cogeretur; eiusq; exercitus abiens, honesta de causa, Regis salutē oppugnationi prætulisse videri posset: sed diuina ope seruātū fuit corpus, cuius animus ad pericula promptus, abundè confixus est, seq; pro salute exercitus morti deuouere non dubitauit. Cæterū nocte, dieq; machinatorum opera instante, admotisq; muro, summa vi, tormentis omnib. turris quædā diruta est, & æquata solo, per quam nostris ad irrumpendū patuit aditus: qui subinde multo facti animosiores, sequenti die oppleta fossa non solū per dirutā turrim, sed admotis scalis per varias muri partes irruerunt. Verū oppidanorum virtus tanta fuit, vt quamuis tot conflictati incommodis, tamē nostros ab ingressu prohibuerint. Qui tamē paulo post vidētes regiam potentiam augeri indies, suamq; imminui, atque posteriores oppugnationes longe esse acriores prioribus; cum Rege de deditione egerunt: si cuncti cū vxoribus, & domestica suppellectili, in propinquū oppidum Nulesiū incolumes abire possent. Quod vt placuit vniuerso concilio Procerum, sic à Rege quoq; fuit oppidanis, tanquā strenuis patriæ defensoribus liberalissimè cōcessum. Itaq; pridie eius diei, qui sancto Iacobo Apostolo dictus est, & eius memoria more maiorū colitur, duobus exactis in obsidione mensib. celebri Burianensi oppido potitus Rex fuit, illudq; cedentibus oppidanis cum magnotriumpho ingressus. Vbi insequens dies cū maxima Regis atq; exercitus alacritate, Deo, Virginiq; matri, & Apostolo solennis & celeberrimus extitit; ac etiam de more Regis, aliquibus liberalissimus, & magnificentissimus. Nam Templariis, qui sese in expugnatione aliiis prætulerant, certam partem oppidi, ac prædiorū perpetuò donauit. Demū intermisso bello, vt necesse erat, multis Regem vrgentibus, atq; alio auocantibus Regnorū negotiis, Blascum Alagonem, & Simonē Vrream in præsidio oppidi ad duos duntaxat menses reliquit, quoad Petrus Cornelius, quē oppido præfecerat, eo veniret. Nec verò oppidum deferere Rex voluit, quamuis id ei persuadere rationib. Antistes Ilerdēsis, & Guillelmus Ceruera conarentur, Petro Sanctio, atq; Bernardo Rabassa, qui erat illi à secretis, præsentibus. Quibus Rex pluribus verbis satis faciens, conclusit tandem, se eodē animo, & viribus, quibus Burrianam ceperat, seruaturum; neq; tantam loci opportunitatē ad commotum persequendū bellum neglecturum. Itaq; profectus inde venit Dertosum; post verò Turolīū; vbi collaudatis Turolensib. pro strenua nauata sibi opera in ea expeditione; dū componēdis Regni rebus animū intendit, nuntius è Burriana ab S. Vrrea venit, significans, se Peninsulanos ad deditionē inuitasse; quod si facere recusarent, cruentum bellum illis indixisse, atque vt exemplo aliis essent, non modo agrorū depopulationem, sed truculentam oppidanorum internecionem tandem minatum fuisse, eos autem illico respondisse, si Rex adesset imperata facturos. Quē Rex intelligens, protinus equitibus septem, atq; domesticis suis comitatus, illud idē profectus est iter, quo antea ductus fuerat Ares & Morellā; iisq; ad læuam relictis, Peninsulam ad quartū diem obeunte so-



le peruenit; atque exploratis oppidanorum animis, ne tamen obscurus, clandestinus-  
 ve esset ipſius in oppidum ingreſſus, tentoria in campo figere, ibique ſub dio perno-  
 ctare voluit; cibariis, & ſtragulis Regi ſtatim ab oppidanis officioſe delatis. Sequenti ve-  
 rò die magiſtratus oppidi, præfectus arcis, & vniuerſa plebs prodeuntes, oblatiſ Regi cla-  
 uibus, ipſum cum pompa exceperunt, & tanquam domino arcem & oppidum tradide-  
 runt. Quod Rex ingreſſus, atque cum admiratione contemplatus incredibilem loci ſi-  
 tum, qualem libro quarto deſcripſimus; ac præficiens ei vnum ex ſuis equitibus cum  
 paruo præſidio, cum locus natura munitus eſſet, Burrianam rediit. Dum hæc Peninſulæ  
 geruntur, Templarius & Hospitalis Promagiſtri cum ſuis Dertosa proſecti, Chiuertum,  
 & Cerueram, eiſdem Illeganum regionis oppida Sarracenorum munitiſſima, oppu-  
 gnare ceperunt: quod hæc ipſis, eorumque ſocietatibus dono data fuerint à Iacobi maio-  
 ribus, nimirum Alſonſo & Petro Regibus. Verum oppidani oppugnationem timentes,  
 ſe cum oppidis, & eorum arcibus dederunt; fuereque oppida perpetuò iis ſocietatibus  
 addicta. Interim Rex Burrianam abiens, Polpetanos in itinere cepit, ibique ipſum con-  
 ſecutus eſt exercitus veniens Turolio, ex aliſque propinquis oppidis: cui Simonem Vr-  
 ream ducem præfecit, iſque vniuerſa regionis oppida aut vi, aut honeſtis conditionibus  
 in poteſtatem reduxit: qualia fuerunt Caſtulo Burrianenſis, quod oppidum nunc eſt  
 totius planitie celeſtimum, tum Burriolum, Cryptæ Vinromanenſes, Cucuas  
 vocant, & Vilafameſium, quæ omnium tunc erant munitiſſima, atque bellicoſa gente  
 & armis protecta; præſertim oppidū, & arx Alcalana: cuius præfectura Rex Vrrcam, po-  
 ſteroſque ſuos perpetuo donauit. Quo tēpore Rex Burrianam venit, duobus nondū elapſis  
 menſibus, ex quo promiſerat Alagoni, & Vrræ venturum P. Cornelium vt oppido præ-  
 ficeretur, manſitque ibi quoad veniret ille; atque interim cum Petro Aſſagra animi recrea-  
 di gratia, venationi aporū & aucupio gruū intentus; dum earum ordinē in volando per-  
 turbat, viſus eſt ab eiſdem admoneri, hoſtili in terra Regem, non gruū, ſed hoſtiū ordines  
 perturbare debere. Iccirco regionem, quam interluit Sucro fluuius, vltra Valentiam vr-  
 bem perluſtrare Rex cupiens, atque omnem circa ipſam agrū vaſtare, exercitum congre-  
 gari iuſſit, qui in vicinos hinc inde pagos erat diſtributus: è quo delectis centum triginta  
 equitibus nobilibus; ac ceterum quinquaginta Almugauaris, nec non ſeptingentis pediti-  
 bus expeditiſſimis, de ſecunda vigilia iter ingreditur: dumque Almenaram oppidū (Alci-  
 mene nonnulli vocant) præteruehitur, ab oppidanis deprehenſum eſt, hoſtilem gentem  
 in fines ſuos excurrere, continuoque in eminentiſſima arce oppidi, accenſis facibus ſi-  
 gnum datū eſt propinquis Saguntinis, adueſtare hoſtes, ac per diſpoſitas ſpeculas Puſo-  
 lium, Valentiamque, ad ipſos vſque Sucronenſes, fama de illorū aduentu intra horam per-  
 uenit. Quod ſentiens Iacobus, eo animoſius ſarcinas & impedimenta, citatis iumentis,  
 præire iuſſit. Iamque Paterna, & Maniza oppidulis à tergo relictis, tantum fuit itineris e-  
 menſus, vt non ante dies illuxerit, quam Turia, qua tranſitur vado, exercitum traduxerit.  
 Inde verò per Spiochenſem turrim, Regi verſus Alcocerium oppidum, quod Sucrone  
 alluitur, agmen dirigendi, Mazalaueſiū in itinere occurrit, amœnum quidem, ſolique fer-  
 tilitate præſtans quoque oppidum: quod poſtea à Rege fuit dono datum cuidam perno-  
 bili Milano dicto, à quo perilluſtris Milanorū familia propagata fuit. Situm quidē illud  
 ſecus citeriorem ripam fluuii oculorū, ſic nuncupati, propterea quod paſſim terra dehiſ-  
 cat multis quaſi effeſtis oculis, è quibus erumpentes aquæ & in vnum decurrentes alue-  
 um, flumen illud efficiant, quod paulo infra Algeziram inſluit in Sucronem. Cum igitur  
 totum illud Algeziræ territoriū, quod citra Sucronem eſt, Rex inde eſſet contemplatus,  
 ac non modò planū apertumque, ſed præpingue natura eſſe, ac fertiliſſimū animadu-  
 ſiſſet: quodque cultura & irrigatione adiutum, multarum ſegetum, ac cuiuſuis generis  
 fructuum fieret feraciſſimum: magnum ſubinde opus in gratiam Algeziranorum naua-  
 re decreuit, illudque paulo poſt, Algezira capta, ſuis ipſe ſumptibus perfecit. Nem-  
 pe per magnam à Sucrone ſoſſam, ſive alueum aquæ, ſecundum Antellam oppidum,  
 ad tertium ſupra Argeziram lapidem perducens, Regiam inde dictam; quæ in modum  
 ſemicirculi, totum ſerè ab ea parte Algeziranum territorium complectitur, quoad in  
 flumen ea reuertitur: per quam ſcilicet decurrēs aqua, tametſi aliquibus in locis perme-  
 andi difficultate impeditur; tamen architectorū ingenio, & difficultati occurſum fuit;  
 & aquæ per uia ſoſſa facta. Nam cum decurrenti ſeſe opponeret fluuius profundus, ſive  
 torrens ſatis amplus Algemezini oppidi, inſignis nunc quidem, ac prædiuitis; atque repu-  
 gnantibus ſoſſæ profunditate, tum pōdere aquæ, minimè poſſet ea per tubos, ſeu aquæ du-  
 ctus ſupra torrentem tranſmitti; conſilium fuit, excauata terra ſubtrās, per concamera-  
 tum quidem opus, vno ſerè ſtadio aquam deducere, tam firma, ac ſolida machinatione,  
 vt à qua-



ut à quadringentis propè annis hucusque, neque obrutaynquā fossa fuerit, neque decurrentis suprà impetu torrētis deleta: quin potius suo quasi felici decursu, perpetuum triginta propè pagorum simul & oppidorum agrum irrigandum suscipit: partim per se, partim per inciles fossas à maiore ad vniuscuiusque oppidi agrum derivatas. Ex quo citerius Algerizæ territorium, ab eò maximè tēpore cultum, ac irriguum, eò fertilitatis peruenit, ut cum aliis omnifariam fructibus; tum oriza, & moris ad sericum bombicum opus perficiendum, reliqua regni superet. Est què admirabile in tam exiguo, angustoq; terræ spatio, hac vna, architecto Rege, perducta aquæ fossa, tot pagos, atque oppida constructa fuisse; ac non modò ali ipsa; sed eorundem fructuum exportato mercimonio, totius Regni ditissima, ac locupletissima fieri. Cum igitur Rex, oculorum flumen traiecisset, ducēti pedites, qui sarcinas & impedimenta comitabantur, in primum, quod sese offerebat Alcoceriū oppidum irruerunt, eoque direpto, ac præda facta, ad sarcinas redierunt, quo tempore equites reuertebantur vastata vniuersa regione, quam interluit Sucro, ab Algizra ad vsque Cullarim. Rex verò ad laxam deflētens, continuit se apud oppidulum Albalatum citra Sucronem, donec in prædas dispersos milites colligeret: captisque in itinere sexaginta Sarracenis, domum regredi statuit. Quare traiecto Turia, per pontem Quartii oppiduli, tertio ab vrbe milliario, nullo impediēte, passu tardiore quàm venerat iter profecutus est, ac Burrianam reuersus, vbi diem natalem domini solenniter celebrauit: quo die Petrus Cornelius cum centenaria turma equitum intrauit Burrianam; huiusq;, ac vniuersæ finitimæ regione præfectura ei delata est, ac præter equitatum, sexcenti quoque pedites additi; quibus sæpe ex improviso irruerat in vicina oppida, Ondam, Nulesium, Vxonitanam Vallem, & Almenaram; omnesq; agros depopulabatur, atque ingentem ex iis prædam reportabat. Per id temporis, quidam Petri Cornelii scutifer Michael Perezus, cui consuetudo erat cum quibusdā Sarracenis oppidi Almazoræ tribus à Burriana distantis milliariis; eos ad oppidi deditionem est adhortatus, antequā ab exercitu obfessi, & vi capti ad vnum iugularentur: quæ periculi denuntiatione territi, promissere, se in certam noctem, militibus numero paucis à præfecto missis tutum ingressum in oppidum duros, quæ parte muri lucerna præluceret, atque in tres turres eos diuisuros. Quibus annuens Perezus, atque ipsis multa promittēns, Præfecto rem ordine exposuit: qui protinus, annuente Rege, collocata prope oppidum in insidiis magna manu militum, numero quingentorum, alios delectos viginti, beneque armatos misit, qui noctu, duce Perezio, sese in oppidum immitterent; vbi conspecto signo, ad motisque scalis, ascendētib; occurrerunt noti oppidani, eosque in quandam domum clam deduxerunt, vbi sigillatim à multis comprehensi, ligatis manibus, in carcerem retrudebantur: quorum tres vltimi proditione intellecta, sese eripientes, in turrim quandam receperunt, atque summotis scalis, se in insidias præcipitatos esse magna cum vociferatione clamantes, protinus auditi sunt ab iis, qui substitant: qui subito in oppidum conuolarunt, atque scalis in ea parte positis, in quam ingressi confugerant, ascenso muro, deturbatisque defensoribus, in vicos sese demiserunt; à quibus oppidum antequā illucesceret, captum atque direptum fuit; occisis, aut fuga elapsis oppidanis omnibus, sicq; in potestatem redactum. Quod Rex ingrediens, collocatis ibi præfidiis, atq; illud præfecturæ Cornelii adiiciēns, Burrianā reuertitur, inde circumiens vniuersos eius subactæ regionis populos, duos alios in ea lustratione menses egit, ut præfectum, & præfidiarios magis sua præsentia confirmaret. Tandem in Aragoniam profectus est, mense Maio, assumptis Alagone, & Vrræa secum; atque ut in æstiuis paululum sese recrearet, Montalbanum nobile, & antiquum oppidum, vbi summa sancti Iacobi præfectura in Aragoniæ Regno sita est, venit, sic dictum, ex eo quòd ad radices albi montis positum est in medio latissimæ conuallis, quæ Martino fluuiò abluta, altissimis, & albensibus circumdatur montibus. Albescit enim eorum superficies, cum tamen in imis eorum visceribus obscurissimus, valdeque niger lapis ille Gagates gignatur, ex quo vix credibile est, quam pulchra, quamq; varia rerum simulachra oppidani artifices conficiant: quæ in omnes mūdi partes, ut quæstuosas merces transmittūt. Tamen si fuere nonnulli, qui ab densitate & multitudine vinetorum, oppidū, non Montalbanum, sed Montemuineum nuncupandum dixerunt: siquidē montes, tametsi aliis frugib; parum apti, valdeq; accliuēs sint, vsque adeò tamen viniferi existunt, atq; pampinis circumquaque frondēt: ut Serra quædā Bacchi esse videatur. Vtrū est, certè vinum ibi, & multum, & suauissimum, atque ita natura temperatum est ut licet largè sumptum, potorem quidem exhilaret, non tamen temulentum reddat. In causa sunt specus mire profundæ, ex rupe molli sub vnaquaq; domo excavata, ac manu factæ, adeoq; frigescentes, ob calorē frigus ad intima retrudentē, ut per foramina, quæ ab specub; in vicis,



admittendæ lucis causa patent, frigidissimam etiam, in ipso Solis feruore, auram emittant. Nam perinde, ut qui subito in profluentem delabuntur, horrescere solent: sic improviso frigidi illius aeris afflatu, prætereuntes cohorrent. Idque tribus potissimum æstuosissimis anni mensibus: nam reliquo tempore, tepescunt specus, atque languescit vinum. Quo fit, ut potulenta in hisce vinariis cellis, sæuiente æstu, reposita, ipsius niuis frigus exequare videatur, eaque epota ebrietatē, cōpressis in vētriculo vaporibus, impediāt; neque potoris mēs quidē immoderato potu obtupefiat. Ex quo humana ibi corpora æstate, cum ambiēte aere refrigerata: tū intus potionib. attemperata, ostēdunt, nulla usquā æstiuæ esse quā Montalbani suauiora, atque commodiora. Ibi ergo memoria Rex tenēs commemorāda Blasci Alagonis facta: ac quod proprio ipsius Marte partam ille Morellam petēti sibi liberalissimē tradidisset; quodque proximo Burrianensi bello, & re, & armis maximē iuuisset; eidē Morellam, dum viueret, tenendam & possidendam concessit, referuata sibi tantum suprema arcis turri Celozia dicta; quam aut Ferdinandus Diazus, aut Simon Tarassona cum præsidio teneret. Quod munus Blasceus libenter accipiens, magnique habens, singularibus verbis Regi pro eo gratias & habuit, & egit immortales; & vna cum Artalo filio, qui iam exilio solutus erat, fide data de restitutione Morellæ, vita functo Blasce, publicē promisit: Rexque denuò Sastagi antea factam donationem eidem, posterisque suis in perpetuum confirmauit. Cæterum cum per otium de variis bello gestis rebus vna cum Vireæ esset inter eos sermo, de Balearibus est actum. Quarum quidem expugnationem, tametsi admodum cruentam; ex eo tamē sibi placuisse demonstraui Rex, quod earū accessione, suis Regnis non minima consecuta fuerit vtilitas, & amplificatio. Vtpotē cum ex illis non solum comæatus, atque omnis generis mercimonii in Cataloniā, & Valentia copiosa futura esset inuectio; verum toti etiam oræ ad coercendas Afrorum excursions, multum quoque præsidii, ac defensionis accessurum: quodque, nisi occupatis illis, prorsus fuisset inanis Valentini belli susceptio: eoque maior de illarum custodia sibi impenderet cura & studium. Ad quod Vireæ, qui Balearico bello præfuerat; quātique Insulæ momenti essent compertum haberet; interrupto sermone Regio, Enimvero, inquit, mi Rex, quanquam tu consilio non eges, vel abundas potius, consilium tamen à me, si minus prudentiæ, at fidelitatis plenum accipies. Existimo equidē, te dignum esse, qui Insulas amittas: quandoquidem quantum in oppugnandis illis studii ac diligentia impendisti; tantundem in conseruandis, defendendisque, ignauia, atque inertia ostēdis. ut qui illarum habenas, & præsidium, omnium ignauissimo homini (quod eius pace dicam) Petro Portugalsi commiseris. Quæ audiens Rex Viream silere iussit, visurum enim breui, quantam errati sui emendationem subierit: cum iam à Petro in continentem translato, quibusdam traditis oppidis compensatas Baleares recepisset. Quibus peractis, Montalbano Cæsaraugustam, indeque Oscam abierunt.

## BERNARDINI GOMESII MIEDIS, ARCHIDIACONI SAGVNTINI, DE VITA

ET REBUS GESTIS IACOBI PRIMI REGIS

*Aragonum, cognomento expugnatoris.*

### LIBER X.



At verò Iacobus, per id tempus, tanta celebritate famæ gentibus, vel exteris notus erat; eiusque admiranda facta per vniuersum orbem, cōmuni sermone, adeoque magna cum amplitudine & gloria disseminabantur, ut ea remotissimos quosque Principes commouerint, ad amicitias cum ipso, affinitate, quæ maxima est illarum conciliatrix, coniungendas. Nam cum neque in Castella, neque in Gallia, & Anglia, vllæ essent maturæ viro Regiæ virgines, quib. cum Aragonii Reges matrimonio iungi solebant; & si quæ essent, fama tamen de Leonore repudio, illarum mentem à Iacobo prorsus alienasset; occasione planè fuere hæc Duci Austriæ prædiuiti, ut ab ultimis Germaniæ finibus Legatos ad Iacobū mitteret, qui amplissima oblata dote, ad contrahendum cum filia matrimonium, inuitarent. De qua re Iacobus secum, diu multumque cogitans, ac neque cum maiestate Regia pecuniā adæquare, Regale esse ducēs Legatos donis auctos, sed re infecta, dimisit. Quod grauiter tulere omnes Regis domestici,



fici, & qui cum eo tum erant Regnorum proceres; existimantes illum, non tam indignitate nuptiarum, vel quòd impar esset ei virgo proposita, quàm quòd aut occulta aliqua promissione teneretur alteri, aut q̄ reuera nullo se amplius matrimonio astringi vellet, recusasse oblatum. Quamobrè cœlibem in Rege vitā, quē nō virtuti, sed vitio potius ei dāda esset, vehementer exprobrarunt: propterea quod ea contra communem vtilitatem Regni tenderet: neque honestum esset tantorum successionem Regnorum in vnico Alfonso filio periclitari: quinimo oportere ipsum plures ex se Iacobos procreare: cū magnorum exemplo Regum, nihil pulchrius esse possit, quàm multos Regno dignos progignere. Illud Priami Troianorum Regis obiiciētes, quē dilaudat historia, propterea quod quinquaginta filios, ex iisq; decem & septem, iusta vxore natos habuerit: quòd totidem Regiarum propeq; diuinarum virtutum quasi propagines orbi retulisset. Exquò videri per absurdum, ipsum annos iam natum viginti septem, atque septennio ab eo tēpore exacto, quo Leonorā repudiarat, nullis interim auctum fuisse filiis, qui Alfonso, si quid humanitus accideret, succederent. Quos Rex audiens benignē, ac volens mētis suæ facere participes, Nolite, inquit, me praposteris vestris exēplis ab honesto proposito deducere: quādoquidem neque huius recusatione matrimonii, à matrimonio auocor: neque quòd toto fuerim cœlebs septennio, æquum est, vt potius mihi vitio, quàm virtuti detis: cum apertē videatis me Regias, atq; Imperatorias virtutes omnes, neq; melius vñquam, quā cœlibem exercuisse, neque maiores de hostib. triumphos, quàm cum ab vxoris cura fui vacuus, egisse. Tamen si, vt exemplis quoque vobiscum agam: nō desunt etiam, maximorum Imperatorum, magni scilicet Alexādi, atque Cæsaris exempla, quæ me in hanc mentē impellant: quorum alter, quātum à matrimonio abstinuit, tantum in suscepto bello totus incubuit, atq; magnā partem orbis sibi subiecit: alter verò post repudiatam vxorem, virtute bellandi vsque adeò præstitit: vt Romani Imperii metam, quam sibi constituit, vno prope cursu tenuerit. Namq; vxoris, ac filiorum, amor, eosque augēdi, & cohonestandi cura, tamet si vehementer parentem angunt; & ad præclarissima obeunda facta generose impellunt: sæpe ramen ipsum aut nimia erga eos indulgentia eneruat: aut ipsi quoque filii abutentes illa, heroicis progenitorum conatus retardare, sæpe etiā turpi labe inficere solent. Damus enim Priamum Regē optimum, ac præcellentem quinquaginta natos habuisse (quod opus illi commune cum natura fuit) verum ex tot, tantisq; vnus, cui pater fuerat quā cæteris indulgentior, nōne fuit is, cuius luxuria, atq; libidine, non modò Regni opes euersæ funditus, vrbsque totius Asiæ florentissima, direpta & succensa fuere: sed omnes quoq; fratres, parentes etiam cum ipso simul perierunt? Præstare enim Regē orbem esse, quàm profusos ad perdendum Regnum liberos procreare, nemo sanè mentis est, qui inficietur. Cæterum oblatum ab Austriaco matrimonium filix cum magna dote, me iustē recusasse puto. Iustum enim sit, nuptias non Regias, Regiis anteferre; atque additamento pecuniæ, cum Regia dignitate pares illas facere, vos ipsi iudicete. Nam si puer cum essem, neque maiore, quàm qua à patre fui fortuna locupletatus Regias nuptias coniunxi: quæ causa est, cur nunc, ætate, potentia, atque Regnis auctus, inferiores appetam? Equidem non faciam; sed ab iis tã ero semper alienus, quàm ad Regias, vbi sese obtulerint, coniungēdas paratus. Hæc cū dixisset Rex, approbata fuit ab omnib. eius instituti ratio, ac constans sententia, mireq; ipsius animi magnitudo cōmendata. Quo magis fuit creditum euenisse diuinitus, quod in eo ipso tēporis articulo, industria, & auctoritate Gregorii ix. Pont. Max. matrimoniū Iolantis filix Andreæ Regis Vngariæ, ac Petri Altiliodorēsis Imperatoris Græci neptis, cum Iacobo fuerit contractum; deq; eo paucis ante diebus secretò per literas inter Pontificem & Iacobum tractatum; ad idq; nuntiatum est, venisse Barcinonem Bartholomeum Episcopum Quinqueecclesiensem, & Beraldum præstantissimum Vngariæ comitē; qui dotis nomine obtulerunt librarum argenti duodecim millia; cum aliis decem millibus ex materna dote Iolanti accessuris; ac etiam cum aliis ducentis auri libris à Duce Austriæ debitis, necnō certam Nemuracēsis Comitatus partem in Flādria; cum nonnullis oppidis, tam in Gallia, quàm in Vngaria, & in Burgundia; etiam eidem à matre relictis; præter alias longè maiores cū corporis, tum animi dotes, quibus Iolans vniuersas sui tēporis fœminas superabat, vt tanto dignam viro fœminam decebat. Itaq; sponsonibus, ac repromissionibus nuptiarum Barcinone factis octauo Kalendas Martij, anno Christianæ salutis m. cc. xxxiv. Iacobi autem xxvii. antequam tamen Iolans ad Regē deduceretur, necesse fuit controuersias cum Leonora ortas de suppeditandis vitæ alimentis componere; idque fuit, præsentē Ferdinando Castellæ Rege Leonoræ fratre. Quare conueniēte ambo vna cum ipsa apud cœnobium Hortæ ordinis Cisterciensis, in confiniis Aragoniæ & Castellæ situm, itaq; conuenit in-



ter ipsos, ut Fariza oppido cum arce, & agro, Leonora viua, nulloq; iuncta viro potiretur: ac neq; propterea quidquam eorum, quæ antea assignata fuerunt, nomine dotis, & alimentorum, ab ea detraheretur. Præterea, ut Alfonso filius cum ea esset, neque contra eius mentem, ante tempus cuiquā matrimonio coniungeretur: necnō ut Leonora ut Regine honos haberetur. Iis ergo pactis, & conditionib. acceptis, Fariza fuit tradita Leonora: quæ cum in gratiam Regis omnē redeundi spem à se abieciisset, cœnobium Præmonstratensis ordinis in oppido Almasano, in confiniis Aragoniæ exædificauit, ibique perpetuam, atque piam cum religione vitam coluit. Concluso Leonoræ diuortio, antequā matrimonio Iolantis daretur locus, Teresa Vidauria Egidii filia, fœmina, de qua antea diximus, pernobilis, venustissimaque, ac prudentissima, cum qua Regi aliquot annos contra bernii necessitudo intercesserat, duabus ex ea susceptis filiis: Iolanti sese opponere, suoq; matrimonio, alterius impedire decreuit: propterea quod conscia sibi, diceret, se non cōtubernii modō; sed stabilis ac certi matrimonii iure esse Regi coniunctam: ideoque nuptialibus facibus illud cohonestare velle. Quod planē iam non occulte, sed palam moliebatur, ac neque blandis Regis verbis à cœpto discedere; neque minis rursus, ac indignatione deterri poterat, quominus procaciter in Regem debaccharetur, constāterq; ipsum perfidiæ argueret: quoad venit Iolans, præsentique huius matrimonio, Teresiæ futurum fuit explosum; ac nihilominus ipsa in maximum Iolantis odium incurrit. Quare huius timens insidias, sese ac filios, ab eius præsentia & consuetudine subduxit: interim tamen ad summum Pontif. Romam, aut abiit, aut misit illa, qui ipsius nomine Regem in ius vocarent, totumq; matrimonii iudicium ad Pontificem deferrent: promittēs, se quidem non ante causæ cessuram, quā mors alterutrum causa cedere coegisset. Itaq; contestata lite, diutius res in cōtrouersia fuit, quoad Teresa grauissimo pro se dato testimonio, non modō rē, sed Regē ipsum in summum atq; extrēmū penē discrimen, ut dicemus, adduxit. Itaq; Rex ab oppido Horta, Leonoram dimittēs, in Aquitaniam Mompellerium profectus est, ibique diē festum omnium sanctorum celebrans, illius potentatus controuersiis compositis, protinus in Cataloniam reuersus, Ilerdam venit. Sed paulō antequam hæc fierent; cum Balearicum bellum, Rege in Valentinum incumbente, nondum cōfectum fuisset: minimeq; Pytiuse Insulæ, Ebusus scilicet, cum adiacente Frumentaria ad Balearicum Regnum spectantes debellatæ fuissent, Guillelmus Mongrius pernobilis Catalanus, Sacrista & Canonicus Gerundensis Ecclesiæ, iam tum electus Archiepiscopus Tarraconensis, vna cum Bernardo Santaugeniano Balearium maioris antea præfecto, à Rege petierunt, ut eas Insulas debellandi prouincia Guillelmo demāderetur, atq; expugnatæ, Archiepiscopo, Ecclesiæq; Tarraconensi, beneficiario iure, contribueretur: ut ea occasione, frequētiore in eis essent diuini verbi cōciones, atq; facilius Mahometanæ sectæ extirpatio. Quibus Rex annuit libentissimē, atque Ebusi oppidum cū eius arce, se Ecclesiæ donaturum respondit: modō intra decē mēses susciperetur in eas expeditio; alioqui eandem suscepturum se, Valentino bello cōfecto. Fuere autem hæ Insulæ dictæ Pytiuse, Gracis, quod multis sponte natis pinetis abundant: quarū maior Ebusus notissima est toti Mediterraneæ orę maris, non modō ob eius portū tutissimum, amplissimūq; oppido, & arce natura, & manu munitis: verum ob salis cōmercium, quo vniuersa prope Italiæ ora alitur: & cuius tanta est copia, quanta in nostris de Sale Commētariis, descriptione illius salinarum lib. 2. esse ostenditur. Et quæ licet frumento parum, pecude tamen & ferina, aliisq; reb. multum exuberat: quin & Iberici maris quasi clauicula est, & tanquā specula ē Regione Dianii, siue Ferrariæ promontorii constituta, ad recensendas, & quasi hospitio excipiendas naues, quæ ab Occidentali Hispania ortum versus, aut contra nauigant. Altera quidem minor, vulgō Frumentaria, paruo maris tractu ab Ebuso distat, inculta & deserta est, quamuis frumenti sit feracissima, indeque dicta Frumentaria, estque feris animalibus præsertim onagris referta: hi enim gregatim incedunt, atque perceriores sunt, longeque speciosiores cicurib⁹: ac licet nullis noxiis: tamē adeo agrestes, & feri, ut nullo vnquam tempore assuescere ad homines, neque arte mansuescieri soleant. Quinimo vsque adeo attrabili laborant, ut extrahi ab Insula, atque à suo grege separari tã ægrè ferant, ut encari se potius fame, quā quicquam comedere, aduri, quam loco dimoueri, aut operis quicquam sibi imponi patiantur. Quæ tandem Insula, cum portubus, & fontibus, & nemoribus constet, & natura apta sit ad quasuis maiores fruges ferendas, tamen ob continuos piratarum vndique in eam appulsus, & excursions, inculta omnino, atq; deserta manet. Estque mirabile de vtraque Insula, quod earum terra serpentes fuget, neque venenatum quippiam admittat: sed illud multò mirabilius, quod non lōgē ab eis versus ostia Sucronis, parua sit Insula Colubraria dicta, ex eo quod innumera-



merabiles colubros pariat, infestos nauigantibus, Græci vocant Ophiufam: in quam, attestantibus Plinio, & experientia, illata terra Ebuso colubros aut fuget, aut enecet: si verò ii asportentur Ebusum, protinus odore terræ commoriantur. Inhas igitur fuit Electo Tarraconensi concessa expeditio, cum classe, ut putatur, Regia, eaque omni re munita, & cui præfuit Nunnius Sanctius, qui quâvis annis iam grauis, atq; ætate affecta esset, tamē, ut belli omnium sui temporis experientissimus, Electo deesse noluit. Hi, ut primum Ebusi maiorem portum tenuerunt, ac fama emanauit, Iacobū Regem, qui Baleares expugnauerat, venire Ebusum, tam consternato subinde animo facie oppidani, ut vno tantum milite Ilerdensi murū ascendente, atque inde victoriam conclamante, subito oppidum cum arce Electo dederint; indeq; vniuersa Insula capta fuerit. Itaque ædificato ibi templo, & Christi religione inducta; oppidum, paucis dimissis in Insula Sarracenis, a Christianis habitari cœpit, illudque ac tota Insula cum adiacenti, patrimonio Regis fuit addicta, tametsi decumæ Salis, alique redditus, Archiepiscopo cesserint: ideoque religionis, & animarum cura eidem perpetuò commissa fuit. Postremo exercitus in Frumentariam transiens, eam nullo negotio cepit, & tanquam desertam, & incultam dereliquit. Dum hæc apud Ebusum gerebantur, Iacobus in subigendo Valentino Regno nullum tempus intermittebat. Nam superiore in Sucronenses excursionem, tentatis Zaenis, & Sarracenorū animis, neq; cum exercitu ad sese defendendum prodeuntibus; similē in eos excursionem iterum facere decreuit. Vnde conuocatis Fernando patruo, Blasco Alagone, P. Cornelio, Simone Vrræa, atque promagistris ordinum, se denuo in Valentinis excurre-re velle indicauit. Cumque assentirentur omnes, iam non in pagos, sed in præcipuas Sucronensis agri arces, Algeziram, & Cullarim, bellum commouere decreuerunt; ad easque expugnandas, duæ machinæ, siue tormenta maxima, mari ad ostia Sucronis deferri iussa sunt. Itaq; Rex iusto cum exercitu, præmissis commeatu, Burriana proficiscens, secundum mare, non longè ab vrbe præteruectus, Cullarim bidui itinere confecto peruenit; cuius oppugnationi machinas, & alia adducta instrumenta præparauit. Sed cum lapidibus & magnis saxis opus esset librandis machinis, ac neque ager ille cum fabulosus sit, vltos sponte ferat lapides, neque ad excindendos erupibus instrumenta suppeterent, ostensum est à machinatoribus impediri oppugnationem, atque alio esse intendendum: præualuitq; nonnullorum obstinatio sententia, in dissuadenda tam leuem ob causam, expugnatione. Profectus Rex inde ad Cilliam oppidum venit, sexto ab vrbe milliario, ac Valentini paludi proximum. Cumque iratus quodāmodo ibi Rex esset, propterea quòd cum tanto exercitu nihil strenuum, neque se dignum confecisset, id quod versabat animo, secreto cum promagistro Templario, P. Cornelio, & Simone Vrræa communicauit; se scilicet, oppugnare velle vnam ex turribus, quæ sunt in agro vrbis, vno, aut altero ab illa milliario; & munitæ usque adeò, ut vrbis oculi dicerentur, eiq; quasi pro muro essent, ad hostium primos quosque impetus sustinendos. Quarum præcipua, longeque munitior tunc erat Moncada: ideoque hanc esse aggrediendam censuerunt. Id, ut primum à Ferdinando resecutum est, quòd is Regem à quouis strenuo facinore semper solitus esset dehortari; nequaquam illam oppugnandam affirmavit: propterea quòd commeatus, & alia necessaria deficerent, ad alendum exercitum, essetque longè munitior Turris, quam ut breui posset expugnari, neque prudentis esset hostem adeò propinquum irritare. Tum & Templarius, non Moncadam, sed Torrestorresium oppidum tutius oppugnari posse clamabat. Vnde controuersia orta, aliis varia sentientibus; tandem deliberatione Regis conclusum est, ut Moncadam peterent. Erat autem eius Turris permagna, tum omni armamento, & commeatu, tum vrbano milite, ut putabatur, munita: atque frequenti pago circumdata, qui sua etiam macerie cingebatur, quem ingressi nostri, paganos omnes in turrim, quæ capacissima erat, recipi compulerunt. Sed ea post quintum diē, quo cœpit oppugnari, Regi tradita fuit, amplissima ibi facta præda: Sarracenorū enim plus mille in ea fuere, prædaque omnis ad besantium centum millia, quæ summā efficiunt aureorum viginti millium, peruenisse fertur. At verò turris à Rege funditus euerti iussa fuit: ne denuo ipsam muniret Zaenas; inde ad turrim proximam Museriorū, quæ similiter & quasi ab vrbe spatio distat, & pago quoq; circumsepta est, abiit exercitus: vbi pagani cœpi cespitibus ex palma & spartho contextis, terraq; oppletis, à machinarū ictibus sese defendebant. Quibus illico à nostris fuit occursum, nempe ballistarum spiculis stupa & pice oblitis. Quæ ut primum igne succensa in cespites missa fuere, arserunt illi, atque conuerso in paganos, & in turrim fumo, protinus aperta illa, atque ingruētibus nostris, capta fuit, cū sexaginta Sarracenis, quos omnes Rex dono dedit Guiliarmo Sagardiz, vni ex ducibus exercitus, quibus Guiliermum Aguilonē sororis filium redime-



ret, Valentia tunc captiuum: fuitque statim redemptus ille magno Sarracenorum malo, ut paulo post dicemus. Qua parva victoria, atque præda facta, Rex, integro cum exercitu Turolia viam est ingressus, veniensque Aluentosam, quæ primum est Aragoniæ oppidum, tanta illum nummaria rei preffit inopia, ut centum Sarracenos, quibus redimendis mercatores impense instabant, bisantiorum xvi. millibus redimi permiserit. Inde Cæsaraugustam, post verò Oscā progressus est. Eodem tempore Sanctius Rex Navarra mortuus est Tudela, statimque Regni proceres immemores adoptionis, & successione Iacobi, fideique publicæ, ac iurisiurandi ab eisdem præstitis, Tibaldum Campaniæ comitem, sororis Sanctii filium, Regem elegerunt. Quæ interim placuit Iacobo tantis præpedito negotiis bellicis, dissimulare, atque in posterum differre. cuius obtinendi gratia Regni, magna inter Iacobum, eiusque successores Aragoniæ Reges cum Navarra, & Castellanis consecuta sunt bella & contentiones. Hoc ipso anno, qui fuit Christianæ salutis M. ccxxxiv. Gregorius Pont. i. x. Pontificatus sui anno octavo Dominicum Hispanum totius ordinis, siue sacræ societatis Dominicanæ, ac Prædicatorum dictæ, Patriarcham & conditorum clarum miraculis in numerum sanctorum retulit; à Iacobo & Hispanis in magna semper veneratione habitum, nec multò post idem Gregorius Franciscum Italum, totius quoque ordinis ac sodalitates Franciscanorum, ut vocant minoritarum, miraculis quoque insignem, similiter sanctorum numero ascripsit. Quæ duæ per sanctæ sodalitates, Iacobi tempore, ut li. 2. retulimus, obortæ; atque ab earum exordio, tanta cum veneratione ac pietate ab illo suis in Regnis admissæ, suoque favore, & ope auctæ, & amplificatæ, clarè ostendunt, Iacobum de vtraque valde bene meritum fuisse: eoque magis apud earum auctores, quos ille suo quoque tempore inter diuos adnumerari vidit, in magna etiam gratia extitisse: habuisseque eosdem inter cœlites, propositos sui patronos, atque tutelares: ut quibus exorantibus felicissimum rerum suarum exitum ab omnipotenti Christo obtinuerit. Cæterum eo tempore magnæ Regierant cum Nunnio Sanctio controuersiæ & dissensiones, super Comitibus Ceretaniæ & Confluentis, ac iure etiam ad alia Cataloniæ & Aquitaniæ oppida, ad quæ vocabatur Sanctius, tam substitutione testamentaria Raimundi Comitis Barcinonensis, quam donatione facta ab Alfonso Regis auo, Sanctiæ Nunnii matri & eius filiis ex Sanctio Comite suscipiendis. A quo rursus Rex oppida quædam Portui Veneris, & Comitatus Ruscinonensi coniuncta, quæ Nunnius vsurpauerat, repetebat. Verum ut erat natura benignus ac beneficus, atque tantorum Nunnii promeritorum, rerumque ab eo bello gestarum memor; voluit conuenire cum eo; & eas controuersiæ, & contentiones, arbitris componendas committere: Nunnio, Lopezium Pharæsem Vizciæ dominum; Rege verò, Guillelmum Cerueram monachum, arbitrum statuente: illis autem dissidentibus, neque sententiam ferentibus, Vgo Monlauretanus Templariorum Hispaniæ Magister tertius accederet. Re igitur ab utroque perspecta arbitro, non expectata tamen sententiæ pronuntiatione, placuit Regi relinquere Nunnio ditiones illas Ruscinonensi propinquas, eique pecunia refarcire damna, quod Nunnio eiusque vxore iam senibus, amissaque filiorum spe, decedentibus, Regno accessura omnia essent. Is autem fuit ille Nuntius, qui apud Balearium maiorem, cuius expugnationi præerat, urbano in agro, optimo, amenissimoque totius Insulæ loco, cœnobium grande, amplissimo cum templo exædificauit, illudque prædiis & magnis censibus ornauit, atque beatissimæ virgini dicatum, ordini Circesterciensium addixit. Quod Regiam, (vulgò la Real) nuncupauit: nec immerito. Nam cum Regia stirpe Nunnius esset ortus, suisque præclarissimis, ac commemorandis factis, Regio quoque dignus esset diademate, quamcunque ipse ædem, extrueret; quid ni Regiam, siue Basilicam nuncupare poterat? Hoc tempore Iolans ab Vngaria, matrimonio cum Iacobo iungenda, Barcinonem venit: eodem Antistite quinquecclesiensi, atque nobilissimo illius Regni Comite Dionysio, & familia multa comitata. fuitque à Barcinonensibus, totoque Principatu honorificentissime excepta, Virgo pulcherrima, annos viginti nata, & quæ sub tanta suauitate, & honestate oris, maiestatis, admistamque cum grauitate humanitatem præseferbat. Unde grata omnibus, satisque officiosa & prudens, non minus solatio Iacobo fuit, ad bene feliciterque ducendam vitam, quam consilio, subsidioque etiam ad regendam rem publicam. De cuius aduentu factus certior Iacobus, statim Osca Barcinonem perrexit, nuptiasque cum ea dignitatis, atque lætitiæ plenas coniunxit. Nam Rex Iolatis pulchritudinem cum tanta animi magnitudine coniunctam contemplan, laborum sociam, sibi; ad regnandum consensaneam sperans, mire dilexit, vicissimque amatus fuit. Quorum mutuam charitatem tanta consecuta est concordia, ut suo quoque exemplo populi cum tranquillitate vixerint; atque ut est fructus concordie, Regiæ res, Regnaque ipsa indies aucta accreuerint. Per id tempus Pon-



pus Pontius Cabrera, qui olim Comitatu Vrgelitano pulsus fuerat, conquestus est apud Regem, quod cum ipse ex pacto, Regio diplomate confirmato, Aurembaxidi Comiti sine liberis decedenti succederet, & ad comitatum vocaretur, iniquas tamen quasdam in sui fraudē donationes, tam quæ Petro ab Aurembaxide vxore contra priorem conuentionem facta fuit, quam quæ postea à Petro in fauorem Regis consecuta est, admiserit. Quæ omnia cum Regi nota essent cum Pontio transegit, vt reseruata sibi ciuitate Vrgelitana, omniq; iure ad ciuitates Ilerdæ, & Balaguerii ad Pontium vndecunq; pertinenti, Regi concessio, reliqua quæcunq; oppida, & prædia ad comitatum spectantia, Pontio, eiusq; filiis & successoribus in perpetuum beneficiario iure concederetur. Inde q; factum est, vt & Rex, & Pontius, per se quisq; Vrgelitanus Comes nuncuparetur. Posthæc Rex, coniunctis nuptiis, occasione oblata, Sarinienam Aragoniæ oppidum antiquum venit: vbi cum esset ei in animo initum Valentinum bellum cōficere, in ipsumq; totus incumberet, conuocatis Antistitibus, cum nonnullis vtriusq; Regni proceribus, ac etiam belli ducibus, qui eum sequebantur, consilia & mentem suam eisdem cōmunicauit. Nempe habere se in animo, sceleriter cœptum Valentinum bellum persequi, quoad vniuerso Regno potiretur. Iamq; occupata Burriana præcipua Regni arce, alteram ad inuadendam urbem, eiusq; agros impunè depopulandos, longè commodiorem occurrere; eam esse arcem dictam à sarracenis Enessam, siue Cepollam, quæ media ferè est inter Saguntum, & Valentiam, ab eaq; sexto milliario distat: quæq; mari proxima, in monte quodā, aliis circumdato, vnde prospectus est in urbem, sita. Facileq; erat mari comitatum, terra verò præsidia Burriana secus oram maritimam ad eam mittere. Nam eiusmodi expugnata arce, tutò poterat ibi contineri exercitus, atque continuas excursiones in Valentinum facere, eorumq; cultissimos agros vastare: actandem urbem ita opprimere, vt Zaenem Regem, aut ad deditionem, aut ad pugnam, quam ille metu Abuzethiæ partis omnino detrectabat, compelleret. Quæ cum à Rege proposita placuissent omnibus, ad eaq; exequenda illum singuli adhortarentur, decretum fuit, ineunte vere, eò proficisci, exercitumq; ad id parare. Quo peracto Turolium Rex abiit, vbi Pascha Resurrectionis Domini celebrauit, exercitumq; nonnullis cohortibus suppleri fecit: ac protinus Calataiubium concessit, vbi Petrus Portugalsis, cui Baleares Insulæ dum viueret donatæ fuerant, tametsi breui eas esset dimissurus, nihilominus, denuò publicè fide data iurauit, se Iolanti Regi, & filiis, quos ex ea Rex susciperet obeunte Rege, eandem, quam Regi fidem, præstiturum. Fuitq; hæc ipsa data fides in præsentia multorum vtriusq; regni procerum, ac etiam Antistitum, vt ratum perpetuo id haberetur. Insuper Turolium reuersus Rex, donationem Ricle, & Magalionis oppidorum Aragoniæ, olim Abuzethio, dum viueret factam confirmauit: præstita sibi etiam, ac Iolanti, & liberis, eorumq; natis, fide publica, nulla tamen de Alfonso mentione facta; quod iam tum discordiæ subortæ Regi essent cum Alfonso. Demum Abuzethius, qui multò antea Christo nomen dederat, idque secretò, ne sarraceni suæ factionis à fide deficerent; vt qui multum in eo bello Iacobo prodesse; quia dissolute admodum vivebat; multa minime à Mahometano ritu aliena committens; ac neq; à multitudine vxorum abstinēs, quæ animos Christianorum offendeant; opera Sancti Ahonessii Antistitis Cæsaraugustani, ad meliorem vitæ frugē reuocatus est: atq; illius industria honorifice cum honestissima Cæsaraugustana scemina matrimonium contraxit: ex qua filiam suscepit Aldam nomine, quæ postea Blasco Simoni Aragonensi viro strenuo nupsit, domino Baronis Arenosiæ dictæ: quiq; in oppida Regni, quæ fuerant Abuzethii successit. Iacobus igitur multis vtriusq; Regni proceribus comitantibus, aliisq; qui honorariis stipendiis equestribus obstricti Regem sequebantur: dum vnà cum cohortibus, quas ciuitates Turolium & Daroca miserunt profectiōem parat, nuncium accepit, Zaenem suspicatum Iacobi mentem, venisse cum magna manu militum in arcem veterem Enessæ, siue Cepollæ, illamq; à fundamentis fuisse demolitum, ne Christianis subsidio esse posset contra urbem. Qua causâ Rex, cuius animus totus erat in illa denuò exædificanda, iussit instrumenta ad parietes ducendos, e Turolio iumentis conuehi, atq; in Regnum profectus est: iamq; Exericam secundo vastato eius agro præteruectus, Segorbium urbem intactam reliquit: quod ea Abuzethii partes contra Zaenem agens, liberum dedisset Regi ingressum. Inde ad Torrestorresiū venit, similiq; ibi depeculatione facta, Saguntum secundum arcem præterit, sic abeuntibus ordinibus. Primum enim agmen ducebat Simon Vrra vir egregie fortis, & sapiēs dux belli, atq; Aragoniæ procerum præstantissimus: In medio consistebat peditatus: nouissimum agmen Rex cum equitatu clandeabat. Sed antequam in montem Enessam peruenissent, rumor sparsus est, atq; ab exploratoribus comprobatus, Zaenem cum magno



exercitu venisse Pusolium, quod oppidulum ab Enessa vno distat milliario. Vnde equites sese ad pugnam expediente; pedite vero cum impedimentis in vicinum collem recipiente, intellectum est, non Zaenis, sed Hospitalis Promagistri, & praefectorum Alcanitii, & Castellorii esse agmen; centum videlicet equitum, atque bis mille peditum, cum aliis triginta equitibus in Burrianæ praesidio constitutis, qui intellecta deliberatione Iacobi, eo venerant. Quare arce diruta inuenta, protinus Rex eo ipso in loco aliam multo munitiorem exaedificare curavit. Itaque figura triangulari data, tanta fuit contentio & studium procerum, atque militum praesertim à ciuitatibus missorum, in erigendo opere, pro distributa cuique sua aedificii parte, ut intra duos menses arx fuerit condita, atque inexpugnabilis effecta. In quam commeatu, & cibariis quattuor mensium illatis, fueret etiam collocata ibi armamenta omnia, atque defensioni arx praeparata, e qua prodeuntes milites continuas in Valentinos agros excursiones faciebant; tanto cum emolumento, & opima praeda militum, ut ea spe lucri contineri non possent, quin vel magno cum periculo, frequenter in sarracenos irruerent. Dum igitur opportunitas, magisque idoneum tempus ad aggrediendam urbem expectatur, Rexque in Cataloniam esset abiturus anxie perquirebat, quisnam ex proceribus praesidio praeficeretur ad defendendam arcem; cum praclare copertum haberet, se abeunte, illico Zaenem magno cum exercitu ad demolendam illam venturum. Sed in ea cura & cogitatione defixo, vnus occurrit Bernardus Guillermus Entensa, sic dictus, ab oppido Entensa in Catalonia, quod Regis beneficio obtinebat. Erat autem is Regis auunculus quem cum in omni re militari, tum ad custodiam arcis consilio, & fidelitate praestare multum Rex sciebat. In ipsa quippe expugnatione Burrianæ, ut ostendimus, in qua saucius ille fuit, magnum roboris atque fortitudinis specimen ediderat: cumque abesset ipse, tribus mensibus donec veniret, continuit se ibi Rex vallandæ, atque praefulciendæ arcis, omnique commeatu, & armamentis muniendæ intentus: quoad Guillermus, adductis secum centum lectissimis levis armaturæ equitibus, venit. Cui Rex magno cum equitatu obuiam exit, ipsum praeter ceteris valde honorans, & quod tanta se propinquitate sanguinis attingeret; & cui tam arduum praefectura negotium esset commissurus. Itaque seorsum cum eo collocutus est, ac postquam exprobrauit ei cunctationem, ut refert Regis Historia, & quod adducta secum manu illa equitum, comeatû & cibaria minime conuexisset ad eos sustentandos, propterea quod annona ibi tum cara esset; exaedificatam à se arcem, eiusque munitionem, & armamenta ad eius defensionem demonstrauit: & quanquam in monte sicco constructam, tamen cisternam in ea quinquaginta mille cadis aquæ oppleram ostendit; seque velle dixit ibi erigere propugnaculum in oculis urbis, ad defendenda omnia, quæ in eam usque diem Regni oppida expugnauerat: atque ad excursiones tam à suis in urbanos agros tutius faciendas, quam ad hostiles promptius reprimendas. Idque tantisper dum exercitum magnum ipse compararet ad urbem oppugnandam. Adhuc praesidia, quæ ibi relicturus erat exposuit. Sed de arcis, ac praesidiorum praefecto, secreto quid haberet in animo indicauit: significans, se, cognitionis causa, quæ tanta sibi cum eo erat, atque eius tum probata fide, tum bellica virtute fretum, deliberasse, ipsum arcis, & exercitui praeficere. Neque enim habere se quemquam alium ex proceribus, cui tutius mandare illam posset, neque honorem, qui ex praefectura reportandus esset, alteri, quam ei tribuere. Quod si perdifficilis videretur, & quæ iuste tanquam periculosissima timeri posset propugnatio, quod eam cruentis admodum, atque continuis necesse esset praeliis, atque conflictibus sustentare; eò quidem videri sibi animosius eandem subeundam ab ipso esse, propterea quod nulla quidem ex parte posset ipsa, sua quoque victoria, atque triumpho carere. Nam illa ad Christi nomen propugnandum; impiosque eius hostes debellandos suscepta; non aliud ex conflictibus, quam aut superstitionibus, gloriam & æternum nomen, aut occumbentibus, cœlestem ac gloriosum cum martyrio triumphum esset allatura. Quæ audiens Guillermus, ut erat pio, excelso, & generoso animo, pro ostentandæ virtutis occasione sibi oblata, immensas Regi gratias egit: libentissimeque defendendæ arcis onus suscepit; vnà cum Berengario Entensa cognato, necnon Guillermo Aguilone, nobilissimo Catalano: quod is nuper Regia liberalitate à sarracenis redemptus, atque eorum ignauiam expertus, magno sibi foret consilio & auxilio ad optime feliciterque dimicandum. Quæ Guillermi liberalissima responsio adeò Regi grata fuit, ut in eius amplexum irruerit, ipsumque pro tantis meritis, alterum sibi fore Regni consortem promissit. Itaque arce cum praesidiariis, & exercitu Guillermo traditis, illud praetereundum non est, quod exigua in re licet, magnam tamen Regis benignitatem, ac fidem tum maxime portendit, ut eius historia continet. Siquidem profecturo Rege, iam motis castris, dum



dum tabernacula & vasa colliguntur, inuenta est hirundo in tabernaculi Regii fastigio (scutellā vocant) nidū construxisse. Id autem per iocū famulis Regi annunciantibus; prohibuit ille, ne tabernaculū inde dimoueretur, neq; abiiceretur nidus; Dimittite, inquiēs, illā; victorię quippe nūcia est auicula: & quia fudit vmbra nostrę, eadē quoq; protegetur, quoad exclusos pullos educauerit: mansitq; ibi tabernaculum vnā cum custodiēte illud, donec auicula cū pullis euolauit. Ceterum reuersus Rex Burrianā, inde Dertosā, & in Salonium portū inuectus: nauiculas cōmeatu, & re frumētaria onustas in Baleariū maiore abire paratas inueniens emptis mercimoniis, ad Guillerμū ire iussit Enessā. Iis expeditis, venit Oscā, ac deinde Montionē, quo generales cōuentus indixerat: fuereq; omnium frequentissimi; propterea q; tam egregiis, tamq; vtilibus religionis, Regniq; rebus propagandis intentus Rex esse videbatur; vt nihil quod nō vtriq; esset vtile proponeret. Iccirco neq; Antistitū, neq; procerum quispiam, non oppidi vllius, nō ciuitatis Legatus defuit, quin eo conueniret; atq; omnibus, quæ à Rege petita sunt, libenter annueret. Cū neque alia eis proponeret, quā se, bellū in Valētinis sarracenos cōmotum, tantoq; cū labore, sumptu, & sui periculo, pro cōmuni bono susceptū, velle conficere; quādoquidem couisq; peruentum esset, vt quicquid à Morella ad ipsas ferē vsq; vrbis Valentie portas interesset, amplius scilicet dimidia Regni parte, aut viā cōpisset, aut depopulatus fuisset; iustumq; exercitū ad urbē reliquisset. Quamobrēm necesse esse urbē vndique obsidere, atq; diuino, vt sperabat, annuente numine, capere. Nā expugnata illa nō dubitabat, se facile vniuerso Regnō breui potiturū, simulq; cū ipso omnes, & amēniore, & fructuosiore, quā vsquam sit, agro fructuros. Quare omnib. vnū & idem cū Rege sentientibus, atq; re, gente, & armis, se omnino adiuturos offerentibus, deliberatum est, vt cū Aragonē sib. montanis alioqui inter se diuisis, induciā fierent, vt in sarracenos cōmunes hostes, suam illi bilē & arma conuerterent. Vtq; Rex æstimationē, ac iustum monetē laccēsis pondus, toto Aragonēsi regno, & eiuitatib. Ilerdē, & Dertosē, & earū territoriis perpetuaret: vtq; oēs ab ætatis anno 14. illā omnino valiturā iuraret: propterea q; tanta cū esset illius copia, reprobari nō poterat, nisi cum maxima omnium, grauiq; iactura. Hinc factum est, atq; in eisdem conuentibus perpetuo iure decretū, vt à quaq; domo, & inquilino populorum totius Regni, cuius census esset, ad centum dragmas monetæ laccensis, septimō quoque anno morabatinus vnus Regi penderetur. Post hæc omnes, qui ob honoraria stipendia equestria, Regi belli tempore præsto esse tenebantur, nisi amittere illa mallent, adessent. Dum hæc aguntur Montioni, Zaenes audito Iacobi discessū ab Enessa; ingentes comparauit copias, atque lustrato exercitū, à Serabi vrbe vsque Ondam, quod est insigne oppidum, non longe à Burriana situm versus montana loca, adnumerata sunt, peditum quadraginta millia; equites vero sexcenti numero: quibus congregatis Enessā adire, eiusq; recenter erectā arcē demoliri decreuit. Itaq; certo die, iunctis Valentie copiis, noctu, sic eo properauit, vt diluculo arcis propinquus esse cōperit. Vnde per exploratores certior de illius aduentu factus Guillermus, conuocatis primoribus exercitus, expositoq; imminenti periculo, visum est, præstare exire obuiam hostib. atq; in campo viriliter dimicare, quam intra infirmos, ac recentes arcis parietes à tanta innumerabilitate hostium concludi, angustoque loco contineri. Quare diuino Christi, eiusque matris sanctissimæ confisi numine, quo facile est à paucis pemultos deuinci, sese omnes magno animo ad pugnam extra arcem ineundam præpararunt. Quod facinus tanquā monstri simile, atq; incredibile, parum fidei profecto, minusq; glorię obtinuisset futuris sæculis, nisi ipsa Regis historia, atq; Asclotii, aliorumq; illius temporis Scriptorū, qui prælio interfuerunt, monumenta, illud diserte scripssent, & quam concordissimē probassent. Itaque sacris peractis, atque sanctissimo Christi corpore singulis communicato militibus, qui, perinde ac mari solent tempestate iactati instante naufragio, se toto pectore ac mente Deo commendabant; protinus sumpto cibo aciem instruxit Guillermus. Ac cum à summo iugo montis contemplaretur tantam, tamque sparsam tota planitie hostium multitudinem; suorumque animos quodammodo perturbari, ad eos sic verba fecit. Etsi scio, viri fortissimi, humanum esse, pericula & morte ipsam quemque pertimescere; ac neq; à ratione alienū, paucos hostium multitudinem reformidare; hāc tamen à paucis, ordine, consilioque & viribus, sæpius superatam fuisse, atque superari nunc quoque posse, permultis antiquorum, nostrorumque ostendere est exemplis. Quid enim aliud Xerxem cum millibus nongentorum millium hominum in Europam transeuntem, amissis prælio omnibus, solum ipsum scapha elapsū in Asiam remeare; nisi vnus Themistoclis Græci Ducis cum decem tantum millibus occurrentis, consilium in propugnatione compulit? Quid Darium decies centena millia quoque ducen-



tem, ut Alexander non amplius quam quadraginta stipatus millibus vinceret, effecit; nisi bene ordinata paucitas, quavis confusa multitudine, viribus & arte longe superior? Ad nostra veniamus. Nonne vniuersam Afrorum simul; & Hispaniæ Maurorum, haud superioribus inferiorem multitudinem, nostri, tum nuper Idubedenſi prælio superarunt; tum & alias sæpe per quã pauci vicerunt, & ad internecionem vsq; deleuerunt? Conſimilis, atq; par est illis, non numero, sed confusione, quæ vobis sese nunc offert ad dimicandum multitudo; cuius timidissimus Dux est vecors ille Zaenes tyrannus, qui nuper Regi nostro, cum admodum paucis, bis Valentinũ agrum ante eius oculos depopulanti, ne cũ tanto quidẽ exercitu exire obuiã est ausus; quinimmo turres atq; oppida Moncadæ, & Museriorum, quæ hinc perspicitis, amittere potius, ne cõfligeret, atq; sibi eripi est passus. 10 Vnde cum vilem eius, ac collectitium exercitũ, cum strenua, exercitatusq; vestra pugnandi arte, ac victrice manu confero; profecto deierare ausim, neminẽ esse vestrũ, qui aperto in campo, cum decem ex illis depugnare non audeat, neq; plures etiã detrectet. Accedit caussa belli iustissima, sanctissimaq; quam ad impiũ tyrannum propulsandũ, proque illo Regem nostrum pium, optimumq; inducendum suscepistis; cumq; pro Christi nomine ad impiam Mahometanorum sectam extirpandam penitus pugnetis; quid ni victores vos inde fore, atq; ipsas cœlitum acies, vestrorum non modo spectatrices factorũ, sed in pugnam etiã adiutrices speratis? Adeste igitur Christiani cõmitones, animisq; ac viribus in hoc sacrum prælium, cuius nullus esse potest infelix exitus, incumbite. Nãque hodie aut vincẽtes, nobilissimum Valentinum Regnum pro mercede rēportabitis; 20 aut occumbentes, æternum atq; cœleste Imperium, inuicta cum fama & gloria, in præmium accipietis. His dictis, adhortari se inuicem omnes, atq; ad pugnam animose fortiterq; componere cœperunt. Iamq; ut superiores essent hostibus, neq; arcem deserere viderentur, in ipsa accliuitate montis illos expectarunt; quorum Exerici, Saguntini, Liriani, & Ondenses, tanquam bellicarum rerum peritiores, primũ agmen ducebant. Qui congressu primo, tum à fronte pedites, tum à tergo equites, nostros adorientes profligare eos atq; in summum montem compellere incipiebant. Quod animaduertens Guillelmus, cum ala equitum, magno quoq; impetu, ab iugo montis, sese in ascendentes sarracenos immisit: adeoque prostratis multis, terrori fuit omnibus, ut ea parte redintegrari prælium atque victoriæ spes nostris aperiri visã fuerit. Verum à sinistro cornu, sarraceni 30 conferti, tanta vi, atque vociferatione, nostrorum postremum agmen inuasit: ut necesse fuerit ipsos iterum in celsiorem montem secundum arcem sese colligere: cum subito elata vox quædam è summa arce à dispersis vndique Christianis audita est, perforans, Sarracenos fugere. Qua caussa sese in vnum recipientes nostri, ac gloriosum sanctę Mariæ nomen inuocantes, in locũ pugne, in quo paulò post fuit Virgini templũ exedificatum, intenderunt oculos, videruntque à sarracenis nouissimi agminis initium fugę Valentiam versus fieri. Qua perspecta fuga Guillelmus adiuncto sibi equitatu, in obuios quosque magna vi delatus est: perq; eos iter ad perpendendã hostium aciem apertum, donec in tumultum, vbi cœpta est fuga, peruenisse fugientibus insistens. Quod animaduertentes sarraceni toto fusi campo, cum & fugientes suos, & nostros insequentes vidissent: simili se præcipitatione omnes in fugam coniecerunt. Quos nostri secuti vsq; ad 40 Torrentem, milliario ab vrbe peruenere: innumerabilib. Sarracenis desideratis; qui partim gladio iugulati, partim à suis in fuga compressi, conculcati; ceciderunt: ex nostris vero tametsi fauciati permulti, tamen perquam pauci interfecti fuere. Quod plane non humanis viribus, sed diuinitus fuisse factum à multis fuit assertum. Nam multorum tunc temporis fide dignorum testimonio comprobatur, ac etiam literis consignatum inuenitur, beatum Georgium in eo prælio Christianis simul & Sarracenis armatum apparuisse, iisque ademisse animum ad pugnandum, nostris vero ad vincendum addidisse. Nec dubium, quin tanta, tamq; continuata in vniuersa Aragonensium Regnorum ditio- 50 ne in eundem martyrem pietas & religio, à diuino aliquo illius aut munere, aut aspectabili auxilio & ope promanarint. tametsi mirum sit, nullam in historia Regis de hoc tam contestato martyris apud Enesam auxilio lato, mentionem factam fuisse: cum de primo illo apud Balearium maiorem, maximã fecerit: forte quoniam illi interfuerit: ab hoc vero abfuerit: sed vnius silentium, multorum attestationibus fidem derogare non debet. Ac neque in super prætermittendum est, quod Asclotius, verus ac peculiaris huius historię scriptor, de hoc ipso prælio & victoria retulit: quam plane, vno excepto summo Duce Guillelmo, magna ex parte attribuit nobilissimo illi Catalano equiti Guillelmo Aguiloni, quem paulo ante à Sarracenis redemptum fuisse diximus. Ut qui cum sua turma equitum, in eam partem vbi prælium truculentius committebatur irruerit, atque



atque dirempto illo, totoque armorum impetu in ipsum conuerso, sic à nostris sumptis viribus, pugna redintegrata fuit, atque animose sustentata, ut hostium consecuta illico fuga fuerit. Quin etiam affirmat idem, inuenta fuisse decem millia Sarracenorum intercepta, quorum cadauera nullo apparebant sauciata fuisse, neque perfoffa vulnere. Ac insuper asserit, Christianorum exercitum non amplius centum cataphractis, cum aliis centum leuis armaturæ equitibus, atque peditibus bis mille constitisse: Sarracenorum verò, quadraginta millium, cum sexcentis leuis armaturæ equitibus fuisse. Cæterum fama de tam insigni Christianorum victoria quaquauersum peruagata, Turulenses primi cum centum leuis armaturæ equitibus, magnis itineribus Enesam conuolant, Rexque, qui tum erat Osæ, audito nuncio lætissimo, maximas Christo, eiusque virgini & matri gratias egit; totoque Regno datis ad Antistites, atque oppidorum magistratus literis, supplicationes fieri iniunxit. Deinde conuocatis Regni proceribus, Darocam profectus est, unde Enesianos commeatu, milite, & armis omnique ope reficere curauit: venitque Turulium, ubi nobilis quidam eques cum literis à Guillermo Duce missus Regem conuenit; deque prælio, eiusque felicissimo successu, & victoria, fufissime omnia ordine retulit: quæ magna cum voluptate Rex audiuit: ac denuo commeatum, remque frumentariam, per miliones Turulii, & Darocæ eodem comportari imperauit: ipseque centum iunctis equitibus leuis armaturæ Regnum ingressus, ad Cupulas oppidulum Segorbio propinquum, viginti quinque ab vrbe distans miliaribus, venit. Quo allatus est nuntius, Zaenem cum magno copiarum supplemento venisse Liriam, celebre nunc oppidum, quod in latissima planitie, copiosissimo aquarum ibi nato fonte irrigata, inter Valentiam & Cupulas situm est. Ibi ergo Zaenes magno exercitu cum Iacobo pugnaturus constiterat. Verum Iacobus neque regredi propterea, neque non progredi decreuit: imo præmissis sarcinis, atque impedimentis, relicta à dextra Liria, ipseque Zaene prospectante, infestis signis, recta Enesam petiit: eoque perueniens, à Guillermo Duce, & Berengario Entensa, atque Guillermo Aguilone, aliisque nobilissimis equitibus, qui ad viam publicam, qua flexus est ad iter Enesam, obuiam exierant, more bellico, regioque exceptus fuit, atque obortis præ gaudio lachrymis, amantissime amplexatus est Guillelmum, aliosque Duces, atque ab vniuerso exercitu adiri, sermones secum conferri, a seque munera & dona peti, permisit quam humanissime. Ac protinus locum pugnae, militum stationes, Sarracenorum irruptiones, præliique redintegrationes, & à quo tandem loco illorum inita fuga fuerat, ostendi, atque enarrari sibi omnia voluit. Vnde collaudatis omnibus, ad supplendum equitatum, octuaginta sex equos lectissimos, Ducibus, & equitibus, se diuisurum promisit, eisque quintam totius prædæ partem ad se pertinentem condonauit: ac statim literas Cæsaraugustam ad Simonem Perezium Tarasonam dedit, præcipiens coemi, mittique ad se equos lectissimos quadraginta: quos protinus emit, atque remisit. ac ubi intellexit Rex eos venisse Turulium, profectus est Segorbiū, quæ ciuitas peramœna, latissima in conualle posita est, adeoque aquis irrigua, ut permultis subinde, ac omnis generis messibus, ac fructibus abundet, quæque Abuzetii partes contra Zaenem sequebatur. Hanc igitur intranti Regi agasones præsto fuere, suum unusquisque equum loris pertrahens: quibus conspectis, mire delectatus Rex fuit, atque ad alios quoque equos, quos ab Aragonia quidam, qui sese aggregauerant Regiis agasonibus, venales adduxerant, oculos iniecit; eisque iniunxit, ut honesto illos pretio sibi venderet: placuit dominis, atque accepto, quod inter eos conuenerat, equos tradiderunt quadraginta sex: quos cum aliis quadraginta coniungens, secumque adducens, quatuordecim duntaxat sumptis equitibus, Enesam reuertebatur. Cumque Sagunto oppido, quod Zaenis partes agebat, eiusque tenebatur præsidio, appropinquaret, dubitatum fuit, à sociis num recta secundum arcem transirent: an ad leuam, per vallem Segoniam deflecentes, iter potius maritimum ingrederentur. hærentibus illis, occurrit vnus ex equitibus, sic inquires; Satius erit secundum arcem pertransire, quandoquidem antequam cōspiciamur ab speculatoribus, in tuto erimus, si modo, quod occurrit stratagemata comprobare velitis. Ut ergo turmam equitum integram præferre videamur, iubete singulis seruis, qui equos vehunt, singulas prælongas arundines, ex arundineto, quod sese nunc offert, sumere; atque vni tanquam hastæ linteum ex his, quibus equi cooperiuntur, ut pro vexillo ducant, affigere; ac etiam vnicuique suum equum ascendere: ita quippe fiet, ut equestris apparens è longinquo acies, decepto hoste, pertransseat. Placuit Regi, ac omnibus equitis solertia, quæ ei prorsus ex sententia successit. Nam quinque tantummodo ex oppido exeuntes equites, cum mille fere peditibus, eminus aspectarunt Regios, eosque cum sibilis & vociferatione irrisere; aggredi vero, aut insequi minime ausi fuerunt. Vnde Rex Enesam perueniens, octuaginta sex



equos iis, qui sacro praelio interfuerant, equitibus diuisit, ac protinus in eo ipso tumultu, unde Sarracenorum fuga inita est, atque a nostris victoriæ nomen ingeminatum, celeberrimum ab eo templum exædificatum; simulque cœnobium constructum; ubi ordinem, siue societatem beatæ Mariæ Mercedis, cuius, ut diximus, autor extiterat, collocari mandauit; ut pro immortalis eius praelii, atq; victoriæ memoria, perpetuæ apud ipsum, atq; immortales gratiarum actiones Christo, eiusq; matri Mariæ redderentur. Tamen si aliam quoq; in loco exædificandi causam adduxerunt quidam satis graues huius historię scriptores; fuisse scilicet, ex arce ab iis, qui noctu excubias agebant, conspecta multa lumina accensorum instar cereorum, quæ cœlitus in eam partem, quæ fuerat ad templum erigendum designata, descendebant; ac sese in terram magno cum splendore immittebant. Quibus Duci, & aliis custodibus patefactis: dum opera excauandis templi fundamentis nauatur, sonitus valde cinniens auditus est; atq; conspectu defossum, quoad contactis parietibus, templum, ut apparebat, magnum, sed terra obrutum fuit inuentum. In quo dum profundius excauatur, ligone es ictu personuit. Unde rastris purgato loco, magnum quoddam tintinnabulum reiectum est; quo elato, reperta quoq; subitus marmorea quædam tabula altitudine duorum cubitorum, latitudine vero sesquialtero, in qua inculpta erat imago sacre Virginis Dei matris, vltis filiolū gestantis. Qua tabula & tintinnabulo, aliisq; annotatis vestigiis, pro comperto est habitum, fuisse olim Gothorum tempore, constructum ibi templum, in honorem Virginis, eiusque diuinum cultum frequentatum à religiosis Benedictinis, qui eo tempore floruerunt. Postea vero Sarracenorum in vniuersam Hispaniam irruptione, templum dirutum, atq; à religiosis imaginem cum tintinnabulo in profundo templi relictam, delituisse quingentis & decem annis, usq; ad Iacobi tempora, qui imaginem in nouo supra vetus erecto templo, ad altare maius reponi curauit. Vbi & miraculis claret, & magna vrbs, totiusque Valentini Regni ab omnibus veneratione colitur. Cæterum, compositis Enesæ rebus, distributisq; prædiis, dum Rex Burrianam ire parat, Ferdinandus patruus, qui aut egregius cunctator, aut serus adiutor semper accedebat, Enesam venit, cum Petro Cornelio, nonnullis equitibus comitantibus: quos Rex excepit benignissime, relictisque ibidem illis ipsis Ducibus, cum parte copiarum, ac etiam cōmeatu, & omni apparatu bellico munita arce, cum Ferdinando, & Cornelio Burrianam profectus est, quam vix erat ingressus, cum Aguilone mari scapha venit ad eum nuncians, Zaenem, ubi rescivit ipsum Enesæ discessisse, statim vniuersum equitatum, quem in Castellæ, & Cocentaniæ oppidis continebat, collegisse, venireq; iterum arcem demoliturum. Quare Guillelmum petere subsidium, nosq; ad illud implorandū misisse: sufficereq; ad id, si P. Cornelius cum ala equitū mitteretur. Quo audito, Rex nō alio, quā se duce, subsidia Guillelmo mitti permisit. Itaq; nocte de secunda vigilia, cum proceribus, atque Turolensibus equitibus, iter ingressus est: iamque Almenaram præteruectus, tam parato ad confligendum animo properabat, ut occurrētī cuidam Aragonensī equiti, Lopezio nomine, & ab eo querenti, ecquid de nobis fiet hodie: respondisse feratur: Enimvero Lopezī, hodie à sui fure farinam secerni videbis. Innuens fore, ut ea pugna quantum ignauo præstet strenuus patefieret. Cumque pone Saguntum esset, misit equitem, qui exploraret nū Zaenes venisset, & arcem obsideret: qui illico reuersus nunciavit, Zaenem neque venisse Enesam: neque Valentiam exercitum eduxisse, esseq; tuta omnia, nec Enesianos villo egere subsidio. Id audiens Rex, gratias Deo agens, Burrianam reuertitur, decē & septem tantum equitib. comitatus: nā reliquos Enesam transire iussit, ut adderent Enesianis animum, in eorumq; salutem Regem semper esse intentum, ostenderent. Iamque transducto Palancia Sagunti fluuio, non longe ab itinere, Sarracenos equites numero centū & triginta conspexit, ad quos Artalus Alago, Blasii filius, Regno Aragonio tum exulans, se receperat. In eos igitur Garcesius Aragonensis, qui paucis cum equitibus Regē antecedebar, temere, nec consulto Rege impetum faciēs, protinus fuit ab illis septus, atq; cū sociis captus, quē secutus fuisset Cornelius, nisi in eius equi habenas Rex manum iniecisset, ac coegisset subsistere. Ex quo, cū paucis relictus, in maiori, quam vnquā, fuit vitæ periculo. Vtpote quem si Sarraceni tunc inuasissent, haud dubie cepissent. Id conspiciatus Cornelius, vnum equitē citato cursu ad Guillelmum misit, ut quam citissime Regem adiutus veniret. Sed interim in tā atroci periculo Regii se versari videntes, persuadere Regi tentarunt, ut dum pugnantes ipsi hostes distinent, sese cum paucis Enesam reciperet, subsidiaq; pugnatibus mitteret. Sed quo magis id fuit conatus Perezus Pina, eo maiori cum stomacho ille respondit: Frustra profecto niteris, Perezī, dum me abire suades: constitui enim (diuina licet voluntati me totum permitto) nulla ratione hinc pedem referre; sed belli fortunam periclitari etiam



etiam cum discrimine vitæ, hæc siquidem nunc, morte potius quam fuga redimenda est. Tunc equites, conglobato agmine, Regem in medio constituentes, animoseq; illius latera claudentes, sarracenos expectarunt. Verum illi, tametsi bis se ad inuadendum Regios composuerunt: tamen, aut quod insidias nostrorum timuerunt; aut quod agnito Rege Artalus eos auerterit; seu potius quod Berengarium Entensam appropinquare iam cum equitatu crediderint, prælio abstinuerunt: paulatimq; inde digressi, per vallem Segoniam, se Almenaram contulerunt. Itaq; Berengario aduentante, eoq; comite, Rex Burrianam ingressus est; indeq; proxima nocte, traiecto Idubeda fluuio, qui Castulonē in signe eius Burrianensis planities oppidum alluit, secus mare Oropesam ire perrexit: neq; tamē deterreri ab itinere potuit, tametsi intellexerit, Regulum quendam sarracenum nomine Auenlopezium, paucis ante horis, cepisse vi præfectum Oropesæ, in eius pineto mari proximo, & captiuum abduxisse. Sed nihilominus collectis in vnum se sequentibus, pinetum ingressus est, atque Oropesæ, quæ ordinis Hospitalium tunc erat, ea nocte conquiscescens; sequenti die, Vldeconam, inde Dertosam venit, vbi paucis diebus fuit.

BERNARDINI GOMESII MIEDIS, ARCHIDIACONI SAGVNTINI, DE VITA ET REBUS GESTIS IACOBI PRIMI REGIS

*Aragonum, cognomento expugnatoris.*

LIBER XI.

**I**NTEREA Iacobus de Enesiana arcē, quam vrbi proximam, atque infestam reliquerat, vehementer sollicitus, curas omnes, & cogitationes in defendendam illam, eiusque terra, marique augendum præsidium conferebat. Sciebat enim, post memorabilem illam Guillelmi victoriam, Zaenem fuisse tantopere irritatum, tamque vehementi prouocatum ira ad ipsam denuo evertendam, vt maiores indies ad id copias pararet, atque subsidium etiam transmarinum breui, vt terebatur, affuturū expectaret: & subuerendū etiam erat, ne reliqui sarraceni Hispaniæ Reges, gratiā cōmunis tuendæ libertatis, cōtra Christianos, Zaeni tandē subsidio venirent. Quibus de causis maturandam esse expeditionem considerans, cōuentus Cæsaraugustæ agi curauit, vt aperte diligenterq; cum Regni primoribus, & Ciuitatibus de acceleranda expeditione tractaret. Interim vniuersos proceres, & quos Barones dicunt, qui oppida, prædiq; beneficiario iure à Regibus acceperant, quiq; honorariis stipendiis, ac equestribus, ac etiam oppidis, & vrbibus donati erant, iussit, proximo Resurrectionis Dominicæ Paschate, ad Valentinum prosequendum bellum, cum armis præstō sibi ad Enesam esse. Itaque Cæsaraugustam ingrediēti, continuo Ferdinandus, & qui Regni consilii erant, Blascus Alago, Simō Verrea, Rodericus Lizana, Petrus Cornelius, qui Burriana venerat, Garcias Romæus, & Ferdinādus Assagra, aliiq; Regni Barones, ac legati Ciuitatum, magno cum comitatu adfuerē; existimantes conuentus agi debere dies multos. Veruntamen vix octo elapsis, nuntius Enesa venit, quo Rex factus est certior de obitu Guillelmi Ducis, auunculi, qui tot, tantisque in defendenda arce excubiis, vigiliisq; ac belli laboribus fractus, tandem febri correptus interierat. Quo nuntio vehementer, ac supra quam dici potest, tristis & conturbatus Rex fuit, conquerens, se, vno die, & auunculum sui amantissimum, & ducem totius exercitus præstantissimum, tam commemoranda, propeq; celesti de Zaene reportata victoria decoratum, amisisse. eoque magis, quod nullus ei par armis, ac fidelitate, neque ad defendendam arcem, neque ad vrbis obsidionem prosequendam sibi relinqueretur. Quod intelligentes consilarii, Regem consolandi gratia adierunt: idque tanto æquiore animo, quanto certius iam erat, eorum in Guillelmum inuidiam, morte illius extinctam fuisse penitus, ex eaque, vt fieri solet, sequutum dolorē. Cumq; plurimum ab omnibus, cōmendato Guillelmo, Regiāq; ei funeri iusta deberi sentientibus, de sufficiendo duce, deq; prosequēdo bello ageretur: Ferdinandus cū primis Regionū inceptorū importunus semper interpellator,



in ea cum reliquis consiliariis sententia fuit; ut multis de causis Enesæ arx defereretur, ab eaque exercitus deduceretur; ne is, amisso Guillermo Duce fortissimo, adeoque in profigandis Sarracenis hostibus exercitato, ab ipsis maiori cum multitudine reuenientibus, contrucidaretur. Ac insuper ad vitandos tot, tamque immodicos sumptus, qui in eam sustentandam fiebant; præcipue vero ad tollendam de medio occasionem, qua toties persona Regia incaute periclitari solebat; cum in tantum vitæ discrimen venisset cum sarracenis; ut sæpe quidem cum paucis, ac vel ex iniquo loco, illorum multitudinem aggredi non perhorresceret; timendumque esset, ne in illorum insidias aliquando incideret, indeque omnia illius Regna turbarentur. Quam Ferdinandi sententiam cum approbarent omnes, ac Regi ne ab ea dissentiret, quasi obstrepere velle viderentur: iratus ille vniuersos circumspectans, ac præclara magnanimiratis suæ signa tunc edens, respondit: se, inceptum præclarum, a quo non antea destinisset, nunc minime intermissurum; ac neque deserturum vniquam arcem, cum a se ex ædificatam, tum suorum sanguine hætenus gloriosissime defensam; eoque minus, quod custodiæ assurgentis iam ibi templi sacratæ Virginis, cognomento Mercedis, eiusque fratrum societati, fuerit dicata. Adduci præterea loci, non opportunitate solum, sed existimatione, & opinione; cum in eo ingentes Valentinorum vires sui perhonorifice perfregerint; atque opinione hominum suas longe maiores in debellandis illis ostenderint: ac etiam quod ad premendam indies urbem, eiusque consitum agrum depopulandum; talesque, ac tantas ex eo prædas capiendas, quibus exercitus affatim ali possit, nullum in toto Regno, eo ipso loco opportuniorem inuenerit. Proinde Regii honoris esse, arcem, & comætu, & armis sustentare; & iustum in ea exercitum collocare: oportereque demum, non solum tueri parta, sed ulterius quoque progredi. Quæ cum dixisset, ardentibusque consiliarios inspectasset oculis; nemo amplius ausus est ei obistere, neque repugnare. Apparuit nihilominus eo die, Valentinam expeditionem in magnum fuisse discrimen adductam; paruique honorem, & incepta Regis a consiliariis habita, quorum ignauia & timiditas, nisi constantia & magnanimirate Regis victa fuisset bellum, haud dubie, non modo magna cum ignominia cessasset; verum ex illorum quoque sententia, Rex partis iam oppidis, atque toto Regno excessisset. Quo maior est profecto Regum labe, in consultationibus, de sua sententia nihil, de aliena, omnia peragere; sibi que persuadere, Regias res, qualicunque occasione oblata, melius alieno, quam suo posse consilio administrari; cum videantur quidem Reges diuinum quid cum sceptro hausisse; atque, quod Reges sint, præfagire posse, ac præuidere multa. Neque enim a sapiente frustra prædictum fuit, Regium cor diuinum in manu versari: quod scilicet, regendi, moderandique Regis potestatem, quasi habenas quasdam teneat diuina manus: eiusque ope fiat, ut suum cuique Regno ad sit numen, ut auditis hinc inde sententiis, quid facto opus sit, Rex ipse vel contra aliorum mentem, deliberet. Cuiusmodi deliberandi vestigia, mire impressit Iacobus, cuius multas expeditiones bellicas, tametsi a consiliariis improbatas, damnatasque sæpe quoque derisas, suo tamen consilio susceptas, atque diuino promotas, feliciter cessisse viderimus. Itaque solis ex vniuerso consilio Ferdinando Perezio Pina Aragonensi, & Bernardo Vitali Besalúcho, Catalano, viris strenuis, atque usu belli exercitatis, Regis sententiam approbantibus, Rex protinus cum iis, atque vno ex proceribus Simone Vrra, necnon quinquaginta equitibus domesticis profectus, Enesam peruenit, ingressusque Aedem Virginis, locum ubi Guillermi cadaver erat repositum visit, ei que acerbissime illachrimatus fuit; ac illud honorificentiori loco recondi iussit, quoad deferretur in cœnobium Scarpense ordinis Cisterciensis, quod in Catalonia non longe ab Ilerda, Sicori fluuio alluitur; ubi se ille sepeliri testamento iusserat. Postero die Bernardum Entensam Guillermi filium, annos natum vndecim, quem secum Rex habebat, atque amore, quo illius patrem prosequabatur, de more, militaris auctoramenti splendore, atque dignitate decorauit; ipsumque in omne territorium, & prædia, quibus pater fuerat potitus, succedere voluit. Deinde Berengario Entensæ Guillermi cognato, armis exercitatis, atque commemorandi illius Enesani prælii socio, arcis totiusque exercitus præfectum, & Ducem constituit, ei que socium adiunxit Guillelmum Aguilonem, eiusdem quoque victoriæ consortem, cum cohortibus præmagistrorum Templi & Hospitalis, ac etiam præfectorum Velensis, & Calatravæ ordinem, qui in præsidio antea ibi esse consueuerant; re frumentaria, comætu, & armamenti necessaria exercitui in ver usque proximum relictis; quo tempore Rex magno cum exercitu venturus erat, urbem expugnaturus. Verum enim, ut primum rumor sparsus est Regem abiturum inde, neque tam citò rediturum, protinus bona præsidiorum pars com-  
murmurans



murmurās de discessione cogitare cœpit. Nam ex equitibus, quadraginta numero con-  
 spirauerāt, ac religioso cuidam Ilerdensis, dominicani instituti, Petro nomine, qui sacra  
 facturus, sequebatur exercitum, significarant se abeunte Rege & proceribus, quam  
 primum euolatu-  
 10 ros, & arcem deserturos. Id autem intelligens Petrus illico detulit ad  
 Regem, qui quā grauissimē tulit; iamque secum animo versans, derelicta Enesa, actum  
 omnino esse de tota expeditione: statimque Sarracenos Burrianā, & reliquā a se de-  
 bellatā Regni gentes, Dertosam vsque, armā, donec amissa recuperarent, illaturos; seq;  
 tantorum laborum & impensarum, magna cum ignominia iacturam facturum: ac quod  
 intelligeret, quā militum solet esse contumacia & insolentia, superuacaneum esse ver-  
 20 bis, seu minis eos coercere velle; conuocari iussit omnem militum vtriusque armaturæ  
 multitudinem in Ædem Virginis, vbi palam aram tenens sacramento contendit; se non  
 derelicturum eos fines, ac neque Aragoniam versus, Turolium vsq; peruenturum; neq;  
 in Cataloniam Vldeconæ fluuium traiecturum, donec prorsus vrbe Valentia esset poti-  
 tus. Quod ne fictē agi putarent, quam primum Reginam cum sua recentē nata Iolante  
 filiola, quē postea Regi Castellę nupsit, ad se perducī curauit. Quo Regis iureiurādo cō-  
 firmatus exercitus in præsidio mansit; ac sese deinde ei facilem, & fidelem exhibuit. Itaq;  
 paucis post diebus venit Peninsulam, vt munitissimam eam regni arcem reuideret; inde-  
 que Ferdinandum patrum Dertosam misit; vt Reginam cum filiola ad se deduceret.  
 Quæ veniens Peninsulā, admirabili arcis situ valde delectata est, ac protinus Burrianam  
 30 deducta, vbi eam Rex amœnitate, ac munitione loci cōfusus, manere voluit. Sed Regina  
 Ferdinandi verbis persuasa, summa ope nitebatur Regem a Valentina expeditione  
 deducere; difficultates permagnas, vt fuerat edocta, obiciens; sed neque profecit hi-  
 lum, neque Regem a proposito dimouere potuit; eaque Burrianæ relicta, ipse petit  
 Enesam. Interea Zaenes memor Enesiani prælii, quō ipse cum quadraginta millibus ho-  
 minum a tam paruo Christianorum numero, vel absente Iacobo, fuit superatus; vidensq;  
 indies copiis, ipsaque Regis præsentia, augeri contra se exercitum, adeoque Iacobum  
 huic bello dare opera, vt modo illud conficeret, Nauarrense Regnū, quod ei hæreditate  
 debebatur, videretur contemnere; timere cœpit; atque idcirco cum eo agere decreuit:  
 ac modo se, & urbem a tam impendenti malo eriperet; qualibet etiam minus tolerabili  
 40 conditione transigere tentauit. Quamobrem Sarracenum quendā, Aliabatanum dictū,  
 misit Enesam, qui secreto cum Ferdinando Diazio nobili Turolensi, Regis alumno, &  
 Zaeni noto, de eiusmodi pacis conditionibus ageret; traditurum scilicet se Regia omnia  
 Castella cum oppidis, quæ sita sunt inter Dertosanum, & Turolensem agrum, quā ver-  
 sus mare fluit Turia; quin & suis impensis exædificaturum Iacobo arcem in Saidia amœ-  
 nissimo Valentia suburbano, Regio Iacobi firmandam præsidio; necnon Besantium X.  
 M. tributū nomine quotannis persolaturū; modo præsidia, quibus urbem obsidebat, de-  
 duceret. Quibus conditionibus cum intelligeret Iacobus, nihil aliud quā diem ex die  
 duci a Zaene, simulatione quadam, vt interim & auxilia, quæ expectabantur venirent,  
 50 Valentinique ab obsidione, quā pertinaciter perferre decreuerant, liberarentur; eas om-  
 nino reiecit. Quæ res proceribus, quos hæc latebant, maximæ admirationi fuit, obicien-  
 tibus, Reges eius maiores similes condiciones pacis nunquam respuisse. Dum hæc En-  
 esa geruntur, Sarracenus quidā, Almenaræ præfectus, vnā cū magnæ potentię oppidano,  
 qui Zaenem oderat, & Abuzetii partes sequebatur, occultē cum Rege agebat de dedi-  
 tione oppidi, eiusq; arcis, quæ in eminentissimo monte sita erat; cumque ii duo oppida-  
 nos aliquot, qui Zaenem quoq; oderant, in suam sententiam pertraxissent; Regē Burria-  
 næ contenerunt: quō is sæpe veniebat Reginam inuisurus, eique ad certam diem se op-  
 pidum dedituros promiserunt. Regis igitur eō, præstituta die, venientibus, illico tradi-  
 tum fuit oppidum; indeque, cū arcem vnā cum oppidanis peterent, immania in eos-  
 dem saxa deuolui cœpta fuere. Verum animaduertentes qui in arce erant, oppidanos  
 60 permistos Christianis, ac Regem in oppugnatione esse; illico se, cum arce Regi, seruatis  
 pactis, dedidere. Simili quoq; pacto, & conditionibus tradita fuere Castella Vallis Vxo-  
 nis, & Nulesium oppidum, Castellumque Alfandechi. Quæ cum propinqua essent Bur-  
 rianæ, facilē vno præsidio defendi poterant. Vnde Iacobus rediit Enesam, atque post fe-  
 stum diem Resurrectionis dominicæ excurrentibus militibus in agrum Valentinū, simi-  
 libus quoque pactis arces Paternæ, Beteræ, & Bullæ, vrbi ad tertium vsque sitæ lapidem,  
 sese tradidere. Itaq; omnibus propē Urbem turribus, atque Castellis captis, non amplius  
 oppida, castellave, sed ipsam urbem Rex obsidere, atq; omnes eius aditus occludere vr-  
 banis, sibiq; aperire instituit. In quo egregium illud magnanimitatis, opus Regis con-  
 templari licet, qui Valentiam urbem Regiam, peramplo mœniorum ambitu, atq; viribus



munitam; ac non solum ciuium, sed totius Regni infinita propè multitudine, & copia rerum abundatam, cum tam exiguo exercitu, & apparatu bellico, obsidere cœperit, ut vix vni expugnandę arci pares esse viderentur. Nam exercitus, qui ad Enesam egregie vice-  
 rat: tam tenuis fuit, ut non excederet summam trecentorum sexaginta trium equitum: connumeratis Vgone Fulcalcherio Hospitalium magistro, ac vno Templariorum, qui  
 xx. equites sui ordinis ducebat: & quodam alio Alcanitii, præfecto, & alio ordinis Calatraviensis, & præterea Roderico Lizana cum xxx. equitibus; Guilielmo Aguilone cum  
 equitibus xv. Simone Perezio Tarasona præfecto equitum Regionum cxxx. & militibus Regiæ cohortis, quos Almugauares tum vocabant; in quibus tumerat robur exercitus, qui erant centum quinquaginta. Sed de iis, quoniam in historia Regis sæpe fit mentio, 10  
 habebanturque omnium fidissimi, fortissimiq; de eorum origine, ac bellandi arte, vsuq; viuendi, nonnulla dicamus, quæ partim ex Montanerio & aliis, partim coniectura accepimus. Dicebantur enim Almogauares, ex ipsa vi nominis à sarracenis impositi, scilicet à puluere, quasi quod à rastris, & à gleba terræ ad militiam translati, puluerulenti essent; aut ab eo potius, quod virtute & viribus præstantes, hostes protererent, atque, ut phrasis est Arabica, in puluerem redigerent. Sed neque veterani fuere, ut quidam existimarunt, cum tyrones etiam inter eos essent; quin potius pedites quidam erant robustissimi, pugnacissimi-  
 mique, ex montana & agresti, neruosaque & lacertosa iuuentute delecti, qui ruri nati, ac educati, agrique laboribus ab infantia assueti, in bello etiam, sub dio humi cubabant, frigorisque, perinde ac caloris, inedia potissimum, patientissimi fiebant; quique ut rudes 20  
 & imperiti, utque & moribus, & ingenio feri, ac immanes, cum sermone parci erant, tum minime sese aliis, præterquam sui ordinis adiungebant; ideoque ad pugnam alacres & erecti prodibant. Quos vnus simplex, ætate, hyemeque, vestitus supra amiculum tegebat; sparteo sæpe fune, ad renes restrictus: isq; ex thorace constans, & femoralibus, ocreis-  
 que & pera, ac etiã pileo ex animalium corio confectis, vnã cum sacco, qui vix vnus diei viaticum capiebat. Et qui non aliis, quam quibus offenderent, armis protecti erant; hasta videlicet, gladio, & pugione, quibuscum in arenam descendentes, non pedestres modo  
 acies, sed equestres impetus sustinere auderent: extrema siquidem hastæ parte humi defixa, & pede dextro firmata, cuspide vero in aduersum incurrentis equi pectus inclinata, equitis impetum sustinere, ac parua quadã declinatione corporis effugere didicerant. Is 30  
 enim eorum in præliis vsus erat, & in hoc tota cura incumbere, ut sese equestri pugna immiscerent, atq; hostiles equos suffoderent, ac protinus deturbatos equites iugularent; primi-  
 q; omnium expoliaret; indeq; diuites, ac emeriti, ad suos rediret: vereq; fuit aliquando à cataphractis Gallis, tempore Petri Regis Iacobi filii auditum; se cataphractos Hispanos nihili pendere; pedites verò Almugauares supramodum timere. Illud quoq; verum est, Almugauares non modò pedestres acies, sed etiam equestres per se constituisse; atq; in exercitu Regis vtroque sub ordine militasse: strenuo quoq; pedite ex ipsis in equitem leuis armaturæ transeunte; ac neque minora, quam antea, roboris, bellicæque virtutis monumenta edente. Itaq; equitatus omnis ad 360. peditatus verò ad mille dumtaxat milites peruenierat. Cū tã paucis igitur ausus est Iacobus obsidionem instituere, diuina in pri- 40  
 mis fretus Christi, eiusque Virginis matris ope, ac noua quoq; copiarum accessione, tam eorum qui ab vtroque Regno aduentabant, quam multorum etiam auxiliatorum ex Aquitania, Anglia, & Italia, quos expectabat, atq; ut dicemus, obsidione interfuere. Itaq; lustrato exercitu, eoq; armato satis, beneq; ad pugnam expedito, ac incitato, inuento, placuit iam tum in agrum inter mare & urbem excurrere; sicque diluculo, militibus corpora curare iussis, Enessa profectus, secundum litus, ad oppidulum venit, quod in ipso litore situm ab urbe distat bis mille passibus, Graum id nunc appellant, vbi apertum est mare, & statio male fida carinis: dictum quidem à gradu, propter latentes, & inæquales quosdam arenæ gradus, & quasi descensus in profundum; ideoque, concitato mari, ac tempestate exorta, naues nisi se inde in alios portus recipiant, in illos impingere, allidiq; 50  
 soleant: fiunt autem eiusmodi gradus siue tumuli, congestu arenæ, quæ Turic propinqui fluminis inundationibus collecta acervatim subsidet, tantaq; est, ut id ipsum oppidulum, quod tunc alluebatur mari, nunc ad sagittę iactum ab eo determinetur. Itaq; Rex transducto amnem vniuerso exercitu, ad casulas quasdam, vix vno milliari ab urbe sitas, castra poni iussit, atq; figi tentoria, ibi ut esset, donec supplementum copiarum ex Catalonia & Aragonia accederet. Quo die magna sarracenorum turma equitum, exisse urbe visa est, vel-  
 leq; nostros ad pugnam excire: sed prohibuit Rex, ne quispiam ab statione sua, nisi dato signo, decederet; ac neque manus cum hoste cōfereret, priusquam regio cognita ac explorata esset. Verum postera die Almugauares, inscio Rege, summo mane, statione relicta,

Russapham



Russapham suburbanum amœnissimum, vix quingentis passibus ab vrbe distans, petierunt, capere ipsum volentes. Quod Rex intelligens, reliquum exercitum in armis esse, eoque properare iussit; veritus ne è muro, viso Almugauare, multitudo urbanorum irrueret, & illum opprimeret; & certè in eo discrimine fuerunt Almugauares, vt, nisi Regis consilio, iis subuentum opportunè esset sue temeritatis poenas daturi fuissent. Nam Zaenes illico, cum magna suorum parte, cum equitibus scilicet quadringentis, & peditum decem millibus aciem contra eos ditexit. Ex quibus quadraginta pedites, sese in agros fabas proferentes, aliquando ab exercitu auulsi immiserunt; forte vt occasione essent, ad conferendas manus, illas decerpentes. Quibus conspectis, Raimundus Auellanus Hospitalarius præfectus Aliagæ oppidi in montanis locis, non longè à Turolio siti, quod etiam munitissima, ac perampla arce in monte locata nobilitatur; nec non Lopezus Luesianus, impetum in eos quadraginta faciendum esse, & capiendos consulebant; vt ex iis perdiscerent Zaenis mentem, eiusque militum numerum ad pugnandum: quibus assentiri Rex noluit; propterea quod exercitus nullum sibi adhuc vallum tulerat, neque propugnaculum cōfecerat, quò se reciperet, si hostis superior euaderet; ac etiam vereretur, agros à sarracenis consulto rigatos fuisse, esseque periculosum, in lubrico solo, paucos contra multos inire pugnam, & recessum ab ea difficilem, tot interpositis riuibus, qui peditibus simul, & equitibus, magno impedimento essent. Quo toto die vterque exercitus, ad sagittarum iactum in conspectu fuit: neutro tamen neque signum, neque occasione pugnae alteri dante. Quinimmo Zaenes sub ipso noctis crepusculo receptui canere iubens, in urbem cum suis regressus est. Iacobus vero sese cum exercitu in suburbanum recepit; quod peramplum erat, valloque circumduci Rex fecerat, atque in extremis vicis, lignis, stragulisque obduci: destinauitque ex equitibus quinquaginta fidiissimos, qui excubias ea nocte agerent. Verum de cōmeatu, & cibariis exercitui cōparandis non magna cura erat; sarracenis ipsis, ex suburbiis, vndique necessaria abunde in castra cōportantibus; præter ea, quæ mari quotidie Enesa, & Burriana, tam ad frumentariam rem, quam ad armamenta, & construendas machinas asportabantur. At vero Zaenes, neque postero die, neque aliis quinque sequentibus, se dedit in conspectum: neque ullum pugnandi locum fecit: demirati que fuere illum permulti, quod cum esset strenuus, ac bello exercitatus, tantisque copiis Christianos superaret, à pugna tamè fœdè abstineret: Sed rescitum fuit, id non tam ignauia, quam metu suorum, quibus se non facile credebat, fecisse. Nam cum esset tyrannus, vique expulso Abuzethio, urbem cum Regno occupasset, multorum Valentinorum animos, maxime vero eorum qui Abuzethii partes sequebantur, à se alienatos habebat; neque fidebat ipsis: quinimmo timebat, ne commissio prælio, inter confertos iam hostes, ipse trucidaretur à suis, aut Iacobo viuus traderetur. Qua de causa sese à pugna, quoad poterat continebat; ideoque pacto urbem Iacobo, vt diximus, dedere tētauerat. Interea omnes fere vtriusque Regni Antistites Ecclesiarum, vt pote Cæsaraugustanus, Turiasonensis, Oscensis, tum & Tarraconensis, Ilerdensis, Dertofanus, & Barcinonensis; quanto quisque poterat cum apparatu bellico, Regi adfuere. Magni quoque procures, & Barones; singuli cum equitatu, aut peditatu fuere subsidio; necnon ex Castella plerique ex militaribus Vclensis, & Calatrauensis ordinibus præfecti, cum primoribus eorundem ordinum, Montalbanensi, & Alcanitiensi in Aragonia, cum bona equitum manu, in castra venerunt. Adhæc ciuitates Turolium, Daroca, Turiaso, Calataiubium, Cæsaraugusta, Osca, Ilerda, Dertosa, & Barcino, singulæ, æmulatione quadam, quanto maiori apparatu poterant, ad hoc sacrum bellum accedebant. Quin & Antistes Narbonensis, Petrus Aimillus nobilissimus Aquitanus, cum equitibus quadraginta, & sexcentis peditibus eo venit, gratissimusque Regi fuit. Is enim singula quorumque Aragoniæ, atque Cataloniæ procerum subsidia superauit. Affuere quoque alii ex Gallia, Anglia, & Italia magnates, qui fama Regis, huiusque sacri belli opinione commoti venerunt. Nam ex historiis Anglorum deprehenditur, illorum Regem Henricum tertium, magnam militum manum in hoc bellum misisse; idemque comprobatur de Francis. Vnde augescētes indies exercitu, iam non in suburbano consistere: sed appropinquare urbi, eandemque cominus Regii cœperunt obsidere. Ex quo irruptiones, quæ in nostros antea fieri solebant, & leuia prælia, quæ magno sarracenorum malo committebantur decrepcentibus quotidie illorum viribus, nostris autem accrescentibus, cessarunt, seque illi ad miserabiles obsidionis ærumnas tolerandas in urbem compulerunt. Itaque ex omnibus vtriusque Regni ciuitatibus aduenientia auxilia, quo tardius accesserant, eo versus urbem, ordine propinquius collocabatur. Siquidem Barcinonenses, qui mari cum maximo armorum apparatu, & machinis ultimi venerant, in statione urbi propinquiore locati fuere. Quibus ita urbem obsidentibus, magna fuit disceptatio inter procures, atque militaris



disciplinæ peritiores, de commodiore loco exercitus ad urbem oppugnandam: quod ea, præ eius ambitu, minime posset ab exercitu, qui tunc erat, tota obsideri. Erat quippe urbs in plano posita, fereq; rotunda, milliario paulò plus ambitu circumducta, atq; præter alias, quatuor maioribus portis patebat. Prima Boatellana dicta, inter meridiem & occasum posita; altera Baldina à læua in dextram, ad septentriones obiecta. Tertia ortum Solis, sub magna & præclara turri, respiciebat, quæ Templi nunc quoque dicitur, ob palatium, & parvam Virginis ædem, ibidem à Templariis exædificatam. Quarta versus meridiem Xareana; inter quam & Boatellanam, in medio fiebat muri angulus ad meridiem exporrectus, qui turri magna (vbi nunc est percelebris Academia) compingitur, ac versus mare prominet, in eam partem, vbi posita erant castra: atque ob magnam inter utrâque portam, distantiam, nullis interpositis turribus, desertior erat illa pars muri, neque defensionî commoda. Itaque varie de oppugnationis loco contendentibus: in primis Narbonensis Antistes, oppugnationem & machinas, in portam Boatellanam intendendas esse dicebat; propterea quod oppugnantibus facilius esset ligneas portas, quam saxum murum quaterere, ac demoliri, atque eruptiones hostium, in ipso statim egressu præoccupare, quam alibi insperato ab eisdem castra oppugnari. In quam sententiam cum fere omnes inclinarent, contra Rex rationibus validioribus vniuersos in suam pertraxit; ostendens commodius oppugnari posse eam partem muri angularem, quam Boatellanam portam: tum quod pars illa desertior esset, atque à portis vtrinq; remotior; ex quo nullæ fieri poterant subitæ, atque insperatæ ex urbe in machinas & cuniculos eruptiones, quin multo ante ab exploratoribus detegerentur, & præcauerentur: tum quod nullis ea ipsa muri pars muniretur turribus, ex quibus, non in rectum modo, sed oblique, sagittæ etiam, aliæque machinæ in nostros contorquerentur; cum ab exporrecto angulo diuidi ipsos à sese propugnatores necesse esset, atque impediri, ne plures vtrinq; essent, neve distracti in suam quisq; partem, alterna sibi inuicem subsidia afferre possent. Insuper cum exercitus esset ea parte mari propinquior, fore subinde, vt cōmeatus, & necessaria, quæ ab eo adducebantur in castra, tutius defendi possent, ne ab erumpentibus interciperentur. Demum inde etiam melius impediri posse, ne transmarina subsidia, quæ ab urbanis expectabantur, cum eis coniungerentur. Quibus de causis omnium consensu conclusum fuit, vt ea parte urbis, quæ visa Regi fuerat, oppugnatio inciperetur. Cui rei protinus ab omnibus diligentissime nauata est opera; atque fundibulares machinæ admotæ, præcūtib; testudinibus, quarum vsus in obsidione urbis maioris Balearium feliciter cesserat; protegendas illas à frequentissimis ballistarum, aliorumque tormentorum è muro ictibus; quoad paulatim ducto vallo, ad fossam vsque urbis perductæ fuere. Vnde fossa illico lignis, sarmentis, lapidibus, atque omni congesta materia oppleta, & æquata solo est, atque virtute & industria Ilerdensium quorundam militum, admotæ quoque testudines muro fuere, isque vectibus, malleisque ferreis tribus locis pterebratus, quoad vni, aut alteri militi fuit aditus patefactus. Idq; cum tanta animi contentione, diligentia, & æmulatione Ilerdensium confectum, vt modo præsentî Regi placerent, pericula, & hostes nihilipendere viderentur. Dum hæc in urbis obsidione fiunt, 40 Petrus Fernandus Aslagra, & Simón Vrrera, cum equitatu suo, & quattuor peditum cohortibus, duabus etiam sumptis machinis, Cilliam oppidum perierunt, quinto ab urbe milliario distans contra portâ Boatellanâ: quod etiâ stagno magno adiacet ab Arabibus Albufera, de quo dicemus, nuncupato. Vbi positis machinis ad lapidum emissionem, magna vi vndique oppugnari illud cœpit. Quod sane ab oppidanis, diebus octo, urbani spe auxilii, validissime fuit defensum, quibus exactis, suaque spe deiectionis oppidani, iis conditionibus, ne diriperentur, neque oppido pellerentur, persolutis obsessionis impensis, atque sponte oblato tributo, Regi, eiusque Ducibus se dederunt: deque eo statim nuntius allatus est Regi lætus. Interim accurrentibus urbanis in eam partem muri, quæ fuerat perforata, aggere, & tabulatis paries restructus est, atque varia constipatus materia: tota quippe urbanorum multitudo in eam partem protegendam incubuit; eoque valētius vtrinq; pugnatum est. Sed quamquam urbanorum magna erat vis, mireque intentia ad demoliendas machinas; non tamen moueri hæ loco, neque repelli potuerunt. Interea Afri Tunetani cum classe duodecim longarum nauium, & aliarum sex actuariarum, quas vulgo Zabras appellant, ab eorum Rege missi, ad Valentiam oram appulerunt, atque è regione Gradus oppiduli in anchoris substiterunt; vt Zaeni, & obsessis animos adderent, nostrisque imminuerent. De quo ab speculatoribus maritimis, qui ad Gradum excubabant, media nocte certior Rex factus, protinus cum quinquaginta equitibus, & peditibus ducentis, mare versus properauit, atque peditatu in insidiis inter arbuta mari proxima



proxima posito, cum equitatu procul speculabatur; si fortè ex classe illi in terrâ descēderent, ut eos ex improviso adoriretur. simulq; Tarracōnē, & Dertosam nuncios misit, qui classis aduentum significarent, essentque in promptu cum classe Regia, ad loca maritima defendēda. Itaq; noctu classis ignibus, & ingenti sonitu tympanorum, & clangore tubarum, aduentus sui notitiam fecit Valentinis: qui protinus sonitum, atq; ignes percipiētes, ac Tunetanos illos esse cum colligentes; tū se eo subsidio posse ab obsidione liberari cōfidentes, magno perfusi gaudio, ut nostris terrori quoque essent, similib. ignitis facibus, atq; tympanorum & tubarum sonis, Tunetanis responderunt; obedientiæ signa Tunetano Regi, tanquam verò domino, atque patriæ liberatori se in eo dare significātes. Quæ omnia contemplatus Iacobus, similia in castris fieri, totaque nocte, ignes, & lumina præferri, ac circumduci iussit, ut etiam vrbānis innotesceret, obsessores ignaros non esse trāsmarini auxilii, ac neque eius aduentu terri. Ferunt ea nocte, in castris parua quædam tormenta ignea, in modum æneorum, dipalmi longitudine, inuenta fuisse, ex quaduplicibus papyraceis, siue membranaceis chartis, oreque angusto confecta. Quæ sulfureo puluere plena, iuncisque alligata, ut primum succensa proiciebantur, usque adeo radiantis, atque cum stridore erumpentis vi ignis, efferebantur in altum, ut qua irent, halonum, caprarum ve, seu crinitorum potius Cometarum instar phænomenum, viam inflammarent: quæq; eousq; cōruscarent, donec ruptis eodem impetu chartis, in horrida tonitrua desinerent. Quibus ignitis prope monstris (vulgò coheres, seu verius cometes appellabatur) in urbem supra muros iniectis, vrbānos mirè conterritos fuisse atq; malè sibi ominantis auspicii loco illa habuisse, fama tulit. Indeque fuit vrbe capta, hucusque seruatum, ut pridie diei festi beati Dionysii Areopagitæ, vesp̄ri, huius noctis, qua Tunetana auxilia propulsata fuerunt, memoria eiusmodi ignitis facibus, & cometis, cum magno tintinnabulorum, ac tympanorum sonitu, clangoreque tubarum celebraretur. Itaq; vrbānorum spes subsidii, quæ Tunetanorum ostentatione tantopere erecta fuerat, solertia Regis, ne sese cū vrbānis coniungerēt, quāprimum abiecta fuit; atq; illorū subito discessu euauit. Quippe qui post biduū, ex quo appulerant, littora relegētes, Peninsulam venerunt, in ipsamq; è nauib. descēdentes, ut primum adoriri incipiunt, ab oppidanis illico, Ferdinādo Perezio Pina, & Fernando Ahonesio ducibus, & arcis præfectis, reiecti fuerunt, atque in naues regredi compulsi. Post verò à Dertosanis, & Tarracōnensibus, qui mandato Regis fuerant cum classe præstō, terra, mariq; repulsi sunt, & decem & septem ex eis occisi. Vnde Tunetani mutata velificatione, in altum prouecti, non amplius visi sunt. Quibus peractis, libero mari nauigantes Dertosani, re frumentaria, atque omni commeatu, & cibariis castra replerunt. Creuerat autem exercitus, ac bellatorum numerus eousque, ut equites vtriusque armaturæ mille fuerint; pedites verò sexaginta mille; ac nihilominus, tanta erat rerum in castris affluentia, quanta in optima Republica beneq; morata ciuitate vsquam potuisset inueniri. Quamobrem oppugnatio inferebatur tormentis, atque machinis, die ac nocte, muros quatientibus, ac etiam vrbānis in Regios, ad eos à continua oppugnatione diuertendos, irrumpentibus; nihilque vtrinque intentatum relinquentibus, quod aut oppugnationi, aut propugnationi esset necessarium. sed factū est, ut ex nostris centum equites, qui in erumpentes impetū fecerāt, ac per portam eos Xerecanam, quæ fuerat à custodibus derelicta, in urbem compulerant, cum illis permitti in illam irruerint; ac quindecim interemptis Sarracenis, incolumes in castra redierint. Postridie idipsum tentarunt Aquitani Narbonensis Antistitis, Sarracenorum pugnandi vsus ignari; quorum mos est primò, magna cum vociferatione impetum in hostes facere; deinde subitò, quasi terga vertentes, se recipere, ut irruentes in se hostes, aut in insidias deducant, aut sese demum in alas, atque in orbem extendentes, illos circumcludant. Vnde Aquitani eos tanquam fugientes insecuti, muro appropinquantes, infinitis fuere sagittis confixi, magnoque accepto damno in castra reuersi. Ac non multò post, repētini frequentatis eruptionibus, forte dum ab exercitu nostro Sarraceni in urbem compelluntur, atq; Iacobus suos ne ardore pugnæ admitti hostibus, sese in urbē immitterēt, remoratur, muro appropinquans; sagitta ictus in frōte vuln⁹ accepit, nō admodū periculosum: tātū necesse ei fuerit, sese in tabernaculū recipere: ibiq; se continere diebus aliquot, propter consecutum ex vulnere faciei tumorem, eoq; aspectu impeditū oculum. Sed post diē quintum conualescēs, minime se continere potuit, quin prodiret in publicum, ut & suis animos adderet; & hostibus ob illatum vulnus elatis, detraheret: nihil enim ei magis in deliciis erat, quàm cum commilitonibus suis (eo enim loco strenuissimum quēque militem habebat) versari: usque adeo assuetus armis erat, atque ut magnanimus, utq; perdiligens, sic omnibus militaribus functio-



nibus sese immiscebat; ut non summi modo Imperatoris, sed gregarii quoque militis mu-  
 nus impleret: per sepeque acciderit ad subitum, repentinumque armorum strepitum, ut no-  
 ctu electo confurgens, arma, & militare sagum supra interulam indueret, arripensque gla-  
 dium, cui Tiso nomen erat, Montione missus, qui fortissimus habebatur, in hostes irue-  
 ret. Interea Petrus Cornelius, & Simon Virea, aliquid se dignum edere cupientes, in-  
 scio Rege, aliisque proceribus conuenientes, turrim quandam portæ Boatellanæ proximam  
 oppugnare statuerunt: in eamque ad tertium diem, de tertia vigilia surgentes, iuncta suo-  
 rum cohorte, impetum fecerunt: sed qui propugnabant Sarraceni, quavis numero pau-  
 ci, tamen oportunitate loci, atque telorum copia, eatenus se, turrimque validissime defen-  
 derunt, quoad subito aperta porta illa, tantus erupit Sarracenorum numerus, ut proceres  
 cum suis, accepto damno, ab oppugnatione cesserint: quod iniquissime Rex tulit, non tam  
 ob acceptum damnum (id enim illos commeruisse dicebat) quam quod iniussu suo, tur-  
 rim aggressi fuerint: statuitque ut postero die turris oppugnaretur. Quare diluculo cum equi-  
 tibus ducetis, & quatuor peditum cohortibus, tum una ex machinis, concursu facto, atque  
 sagittariis incomparentes propugnatores intectis, turris concuti cœpta fuit: quæ adeo o-  
 mni ex parte munita erat, ut vniuerso ferè exercitu oppugnante illa, à decem tantummo-  
 do præfidiariis militibus defenderetur. Ex quo elato illi animo usque adeo atque securo e-  
 rat, ut & nostros deriderent, & socios, qui se adiuuarent, nullos admitterent, quinimo in  
 nostros, qui ad deditionem eos inuitabant, intentius collinearēt. Quamobrem ignita naphtha  
 à Regiis immissa, obuia quæque corripuens, magnum excitauit incendium, quo turris us-  
 que adeo ardere cœpit, ut tota cum propugnatoribus, quos ingens sublati fumus suffoca-  
 uerat, combusta corruerit: tanta celeritate flammæ, ut omnem sociorum diligentiam & opem  
 præuenterit. Quapropter urbani videntes, se, omni defensione, auxilioque destitutos, atque  
 comæatum & alimenta deficere; cum nullas earum state fruges collegissent (fuerat enim  
 eorum ager ab exercitu, antequam essent maturæ illæ vastatus) in deditionem omnes  
 inclinarunt: ad eamque Zaeni persuadendam mittere urbis primarios; aut si renueret, i-  
 psum cogere, statuerunt. Per id temporis cum Iacobi fama, eiusque gestarum rerum gloria  
 vniuersum orbem peruagaretur, atque optimi, & bellicosissimi Imperatoris nomine cele-  
 braretur, superiorque potentia, & armis cæteris Christianis Regibus haberetur, ab Italis o-  
 lim orbis domitoribus, ipsoque summo capite ac Romanæ urbis Rectore accersitus est,  
 ut afflictæ tandem, propeque prostratæ Italiæ, maximè verò sacrosanctæ Romanæ Sedi,  
 opem ferret: quas Federicus Imperator eo tempore, iniquo bello, & contumeliis, summa  
 cum impietate affligebat, multisque calamitatibus, & cladibus persequabatur atrocissi-  
 mum Cremonensi, Mantuanæ, & Ticinensi, nobilissimis ciuitatibus. bellum inferens, quo  
 Italia omnis concussa erat, totique interminat⁹ ille fuerat, se sub acerbissimum eam missurum  
 iugum. Ad quam rem suscipiendam sapius à Gregorio IX. Pont. Max. rogatus est Iacobus,  
 Federicum impium omnino esse, atque anathemate dignum, doctus: propterea quod non  
 modo in suam matrem Ecclesiam, & Christi sacerdotes conspirauerat, sed ut saeuus & in-  
 humanus in Henricum natum maiorem filium, Iacobi consobrinum, ad Regnum Germa-  
 niæ adscitum, manus iniecerat, ipsumque in carcerem intruserat: ac propterea quod Pō-  
 tificias partes foueret, non solum Regno, sed vita priuauerat. Vnde Mediolanensis, Bo-  
 noniensis, & Placentina, præstantissimæ Italiæ ciuitates, quibus eiusmodi bellum iam im-  
 minebat, legatos cum literis Pontificiis ad Iacobum miserunt, qui summis precibus ab  
 eo peterent, ut Ecclesiæ sacrosanctæ, atque vniuersæ Italiæ, quibus ab impio tyranno vl-  
 timum excidium parabatur, subueniret, Ecclesiasticique præcipue ordinis, & Imperii tu-  
 relam susciperet. In eius autem expeditionis sumptus CL. millium librarum Imperialium  
 (sic loquebantur) & in singulos annos, iura atque annuos redditus, qui Imperatoribus in Cis-  
 alpina Gallia pēdebantur, promittebāt: seq; patroni, defensoris, ac gubernatoris loco i-  
 psum; Romanam verò Ecclesiam, protectoris habituram; ac totam demum Italiam, patris,  
 patrieque liberatoris nomine perpetuò donaturam. Legatis auditis, atque magnificè exce-  
 ptis, dum respondere parat, eos deduci iussit per castra; ipse vero conuocato consilio, ex  
 Regina femina prudentissima, & Oselesi, Cæsaraugustano, Vicensi, & Segobricensi Antisti-  
 tibus, una cum Tēplario, & Hospitali promagistris, aliisque Aragonensibus & Catalanis  
 proceribus, proposuit quam breuissimè. Expeditionem Italicam offerri sibi, quo tempo-  
 re in Valentina oppugnatione esset: proinde utram utri præferret, ab ipsis exposcere.  
 De qua re ardua sanè, difficilique, postquam in utramque partem satis disputatum est;  
 tandem communi omnium sententia deliberatum fuit, ne fauenti, aspirantisque fortu-  
 næ, atque ad permagnas, & grauissimas res bene gerendas sese offerenti desisset; diuini  
 quippe esse numinis, ad tantum negotium vocari, quo & Ecclesiæ sanctæ subueniret, &



Italix succurreret, ut Catholici Regis inde nomen tantopere à maioribus suis expetitur, ipse forti dextra acquireret. Valentinas enim res, in eas esse angustias adductas, ut cum tanto exercitu, facile possent earum intra paucos dies potiri; atque conduplicato victoris nomine Italicam expeditionem obire. Quæ deliberatio cum Regis magnanimitate valde conueniens, rem eò deduxit: ut in ipsis castris Rex cum Legatis pacisceretur. Atque in primis, ipse recepit, se in Italiam duo millia equitum ex nobilitate electorum bellico cum apparatu transmissurum; & in Lombardia, Marcha, Treuisana, aut Romandiola, ut petebatur, bellum cum Federico Imperatore, eumque sequentibus ciuitatibus, usque ad internecionem gesturum. Quibus rebus constitutis, Legati, qui Regias res, & potentiam longè esse maiores fama apprimè recognouerant; atque Regis erga se liberalitatem experti fuerant, læti cum illius mandatis in Italiam reuertuntur. Verum non multò post, aut versutia, & calliditate Federici, qui aduentum Iacobi extimescens, cum Pontifice, vel fictè in gratiam redierit: aut quòd ciuitates lentius, multoque remissius in apparando bello se gesserint; vel potius, quod minimè diuini numinis fuerit; ut pro subeundo, & sustinendo alieno bello, id, quod domi gerebat, desereret, & Regnorum res turbarentur; iccirco cum ab illo abstinuit, tum Valentinum felicissimè confecit. Itaque Septembri mense cum esset in iugo Sol, iamque non vna parte tantum; sed crescente exercitu, vndique obsessa vrbs, non fame solum, sed armorum inopia vehementer premeretur: ac neque à transmarinis, neque à propinquis Marciensium, & Almeriensium Regibus, vlla auxilii spes Zaeni relicta esset; de deditione cum Iacobo agere decreuerit. Quare Halialbatanum nobilissimum Sarracenum ad eum misit; qui secretò Zaenis mentè, & pacta, quibus erat urbem traditurus, exposuit; tametsi qualia ea fuerint nemini tunc communicandum Rex duxit; sed legatum protinus in urbem remisit, quo ingressò, statim Abulamatetis Regulus, Zaenis sororis filius, in castra venit; quem iussu Regis, Nunnius Sanctius, & Raimundus Berengarius Agerensis, procerum primi, in ipso urbis egressu exceperunt, atque dum ad Regem deducitur, ecce duo Sarraceni equites (ne omnino ex obsessione succubuisse animo urbani, atque viribus concidisse putarentur) vrbe exeuntes, intentis hastis, atque exultantibus equis, ad Regia usque tabernacula decurrere, duos ex nostris ad singulare certamen prouocantes; cumque illico plerique sese ad illud accingerent, Simon Perezus Tarassona Regis domesticus nobilissimus, ab eo petiit, ut sibi atque alteri nobili socio daretur, cum prouocatoribus in certamen descendere: quod Rex prohibere voluit, Simoni obiciens peccata, & vitia quædam, quorum foeditate, & pondere pressus ab ephippio excussus, haud dubiè, succumberet: sed eo factus importunior Simon exire permissus est; quare infestis hastis concurrentes, ictu Sarraceni Simon præceps est datus. At verò Sarracenus alter, cum nobilem Petrum Clarianam Catalanum à Rege aduersarium illi assignatum, alacriter irruentem, contento cursu peteret, media in arena, equum in ciuitatem flexit, ictumque vitauit: tanta celeritate, ut fugientem, & flumen transgressum, frustra fuerit insequutus Clariana. Itaque Abuamatus, qui certamen spectaturus substiterat, iuncto sibi Sarraceno victore, atque Nunnio & Raimundo comitantibus, in castra venit, à Regeque honorificè exceptus fuit, ac dimissis foras omnibus Antistitibus, & proceribus, soli ambo, Regina tantum præsentem, per interpretem, inter se egerunt; multisque vtrinque deditionis propositis, conditionibus, quarum etiam Zaen factus est certior; tandem urbem & arces, oppidaque cis Sucronem (quamuis pleraque iam Rex ceperat) Regi se traditurum, ea conditioe spondit Zaen; ut urbani incolumes, auro, argento, armis, bonisque exportatis, Cullarim, & Dianium oppida deducerentur: utque post quintum diem exire inciperent. Placere Regi, & Reginx conditiones: ac statim Rex, conuocatis Antistitibus, & vniuersis proceribus, tradi sibi urbem, quibus dictum est pactis, & conditionibus significauit. Quæ cum à Nunnio, Vrra, Affagra, & Cornelio audita fuerit, mirè inter se fremere, atque immutato vultu, animo conturbari coeperunt: aut quòd dum ageretur de conditionibus deditionis, eos Rex non conuocauit: aut quòd vniuersus exercitus tantæ prædæ, atque direptionis spe fraudaretur. Vnde commurantes, de præcipiti, peneque inuidiosa Regis deliberatione conqueri coepere: obicientes oppugnationem, & prædam Balearicæ urbis: quòd ea, cum non amplius, quam mensibus quatuordecim absoluta fuisset; tamè direptionis potestate facta, milites locupletissima onusti præda abiire: At verò quòd in Valentina, in qua annos quinque exegerant, tot tantosque simul in expugnanda vrbe labores impenderant, qui sola direptione urbis compensari poterant, ea defraudati fuissent: non ut illiberale modò, & iniustum: sed iniurium, atque ab veteri Regis liberalitate alienissimum, & tanquam indignissimum



damnabant. Sunt autem qui scribunt, hæc ad Regis aures peruenisse, ipsumque statim adnoctasse ad se Nannium, & eos, qui comparatione Balearicæ direptionis, Valentiniam multo magis deberi militibus asserabant. Ad quos Rex, Admirari, inquit, satis non possum, iniquum vestrum, ac præposterum iudicium; qui Balearicam expeditionem, eisque direptæ urbis occasionem, cum Valentina conferatis; similibusque rationibus vtramque niti velitis. Nam etsi quinquennio, & eo plus Valentina oppugnatio confecta fuit; Balearica verò mensibus duntaxat quatuordecim: adeò tamen hæc, & periculosa & difficilis, atque laboriosa, & sanguinaria euasit (Guillermo Bencarnensi Comite, & Raimundo Moncada, cum aliis decem Moncadis principibus viris, à Sarracenis interemptis) ut neque horum, qui totius exercitus primates erant, effusus sanguis; neque qui mortuorum familiarum & clientelæ fuerant, permiserint, ipsos inultos relinqui. Verum in Valentina, tam Regni, quam urbis expeditione, vix vnum quidem ex vniuersis proceribus interisse conspexistis: sed in congressionibus, & eruptionibus, Christianos Sarracenis longè superiores semper fuisse: atque Enefiano prælio, non modò paucos de tam multis triumphasse; sed parta etiam victoria prædam & spolia amplissima, locupletissimaque à deuictis reportasse comperistis. Quæ si cum tot, tamque frequentibus Valentini agri vastationibus, & direptionibus, quas Christiani fecerunt, coniungatis; facile profectò, quamlibet opimam urbis direptionem exæquasse intelligetis. Ad hæc, ipsa aggressio, atque direptio urbis, ubi adhuc militum triginta millia sunt, adeò non à periculo immunis futura est, & ut sine nostrorum sanguine, & laments, sineque multorum interitu bonorum confici possit? Quod si obicitis, sufficere incolumes illos dimittere; id, aut dabitur illorum inuictò animo, qui sine vita citius, quam sinere discedere cogitant; aut nostræ potius liberalitati, ac clementiæ; non vacuos, & sinere, dimittere, nonne tacita esset eos morte, quam fert inopia damnare? Satis ergo præde loco cessurum sperate, tum ditione, ac potentatus, toto Regno proceribus diuidendos, tum prædia & suburbana, præcipuis belli administris à decurione ad ipsos usque duces exercitus distribuenda; tum proprias quoque domos militibus viritum in tam excellenti vrbe tradendas. Qua Regis oratione Nannius, alique proceres, cum vniuerso exercitu pacati, sed denuo ad ipsius imperata exequenda paratissimos esse responderunt: fuereque nonnulli, qui Regis verbis ac promissionibus excitati, ab eo petiere, pro laboribus, totque impensis in bello factis, tantundem, vrbe capta, ratione mercedis assignari sibi ex prædiis, in eorum diuisione faciendâ, quibus Rex liberalissimè concessit petita, atque diplomate obsignauit. At verò hæc donationes, tot, tantæque fuerunt, ut postea in diuisione agrorum, controuersias, & lites quamplurimas, ut dicemus, mouerint. Postero die, ut pactionis ordo cunctis innotesceret: atque auidæ militum manus à direptione continerentur: conuentum fuit, ut misso in urbem vexillo Iacobi, præstituta hora insequentis diei, urbani illud, in signum deditiois, in præcelsa tutri, quæ supra portam templi sita est, extollerent. Fuit enim eo die, nouum à Rege insigne datum, atque in summo vexillo Regio collocari iussum, argentei scilicet vespertilionis simulachrum. Cuius quidem insignis, eiusque propositi causam, tametsi neque in cõmentariis Regis, neque apud scriptores alios plene expressam inuenimus: tam ex ipsius vespertilionis natura, cū Regiis comparata factis, sic inuestigandâ, atque ad Regis mentem accommodandâ duximus. Est siquidem vespertilio, avis, quam vulgò quoque murem pēnatum, aut cæcū appellat, ab eo dicta, quòd lucis impatiens, sub vespertini modò crepusculum volare incipiat, & duabus membranaceis, ut inquit Plinius, pinnis conhitatur: & geminos filios pariat: & māmīs lacte nutriat, atque vtrumque amplexa, secum, quo vult deportet: quin & dentes etiam excarnificandis culicibus exertos habet: hamatisque ac vncinatis manibus rapit, tenetque rapta mordicus, ac licet aspectum præfert horribilem, in vnam tamen lenem, atque longam definit coxendicem. Ad quem sanè modum Rex oppugnationi urbis intentus, visus est in tenebris vespertilionis more volare: dum secretò, nec consultis suis, de deditioe urbis eum Zaene egit, eaque non antea, quam perfecta, diuulgata fuit. Vnde ut vespertiloni non pennæ leues, præpetesue, sed membranaceæ, graues videlicet, & ponderosæ ad volandum datæ sunt: sic in exequendis consiliis Rex, & peragendis negotiis, se, non subitum, ac præcipitem, sed graue & maturum præbuit: quique & geminos, quos progeniuit filios, Petrum & Iacobum circumquaque secum belligerans deportauit: ut paterno suo illos exēplo & gloria, quasi lacte enutrirer: vel potius, quòd per id temporis, duo potētissima strenuè debellata Regna, Balearicum, & Valentinum, quasi gemellos pepererit: eaque dum perpetuò circumcursat, suoque sanguine & armis protēgit, tanquam lacte nutriuit: quòdque iisdem armis, quasi dentibus, non tam in Christianos, quam in ipsos Christianorum culices, & torto-



res sarracenos, assidue vsus fuerit. Ex quo hamatas, ac vncinatas manus ad capiendum, oppugnandumque, & capta retinendum, semper habuit: quoniā quæ semel bello Regna cepit, mordicus atque tenacissime conseruauit: ac neque ex partis, neque ex successione sibi relictis ditionibus, quicquam vnquam amisit. Quin etiam cum & aspectu, & moribus facilis, ac conspiciendus esset, hostibus tamen vsque adeo horribilis ac formidolosus erat: vt viso eo, vel audito modò eius nomine, omnes contremiscerent. Denique qui more vesperilionis, in longam, lenem, atque attrectabilem coxedicem defineret; prælongam scilicet, atque immortalem sui gloriosi nominis, ac famæ memoriam: quam non asperam, disparilemve, sed æquabilem, sui que semper similem, omnibus superioribus Regibus contrectandam atque imitandam reliquerit. Cum igitur illuxisset dies, Rex è Regiâ domo, quæ magnificentissimo extructâ opere, extra urbem nunc quoque extat, atque ab ea sagittæ iactu distat, in campum exiens, quo vniuersus exercitus, quasi ad pugnam conuenerat, ad præterfluentis fluminis ripam è regione turris substitit: ac dum in eam oculos & mentem defigit; ecce Iacobi vexillum in ipsa, in deditionis signum, ab urbanis elatum est: quod vt primum Rex vidit, illico se ex equo demittens, flexis genibus, ac inclinato capite, terrâ deosculatus est; seque ad Orientem conuertens, gratias immortales Domino, Deoque exercituum egit, profusus præ gaudio lachrimis, pro tam immenso in se cælitus collato beneficio: ac protinus præconio publico denunciari iussit, urbanis abire volentibus licere intra quintum diem, atque sua secum arma, & reliqua bona asportare: modo intra xx. dies, Cullarim, & Dianium oppida; cum suo Zaene Rege, se reciperent: cum quo pactæ quoque fuerunt induciæ annorum octo: quo tempore nullum contra eum Rex commoturum se bellum, imò ab aliis commotum, compressurum promisit. Quæ omnia obseruaturum se, non modò iurauit ipse, verum omnes vtriusque Regni Põtifices, tum proceres, atque ciuitates, ad id ipsum iureiurandum compulit. Zaen etiam omnia cis Sucronem oppida, & arces, dempta Cullari, & Dianio, intra eundem terminum, se Regi traditurum obtulit: ad eaque stipulanda, Zaen Russafam ad Regem venit, fuitque ab eo regiè exceptus. Igitur antequam quintus dies elaberetur, urbani præstò fuerunt cum omni re sua ad commigrandum: iussitque Rex vniuersum equitatum iungi, ac toto eo spatio inter urbem & Russafam, qua etiam secus oram maritimam iter est Cullarim, disponi, vt incolumes urbani abirent; Rege præsentem, adeoque eorum saluti intento, vt quosdam de exercitu in fœminas, & paruulos inuectos, manu sua lætali vulnere affecerit. Fuit autem vtriusque sexus urbanorum discedentium, vt Regis historia refert, numerus quinquaginta millium, quibuscum partem equitatus dimisit, qui eos incolumes Cullarim vsque deducerent. Quibus abeuntibus, Rex cum vniuerso exercitu & proceribus urbem meritissimo cum triumpho intrauit, mense Septembri pridie festi sancti Michaelis Archangeli, anno Christianæ salutis M. CC. XXXVII. vt tabulis concordie Zaenis & Regis, ac multorum etiam historicorum testimonio confirmatur. Nec refert, apud historiam Regis & Marfilii inueniri, sequenti anno fuisse Regem in urbem ingressum: is enim error cum manifestus est, tum Typographo adscribendus. Vtpote cum eadem referatur historia, anno vertente, qui fuit 1239. Regem venisse Mompellerium, atque hoc ipso anno ad quartum nonas Iulii vidisse magnâ illam Solis defectionem, quam describit ipse, vt lib. 13. subiiciemus.

## BERNARDINI GOMESII MIEDIS, ARCHIDIACONI SAGVNTINI, DE VITA

ET REBUS GESTIS IACOBI PRIMI REGIS

*Aragonum, cognomento expugnatoris.*

### LIBER XII.



VALENTIA capta, eaque vti capite, vniuersis Regni oppidis, tanquã membris, similem quoque casum, atque euentum protendente; dum ad ea, quæ urbis essent componenda, Rex animû intendit, noua sese ei obtulit maiora moliendi occasio. Nã vt ipsi quidẽ gradus subinde fieret ad Murcienſe sarracenorum Regnum oppugnandum, statimque semen ad id belli iaceretur, Raimûdus Folchius Vicecomes Cardonẽsis, qui expugnationi urbis interesse nõ potuerat, è Catalonia profectus, altero



ab ingressione die ad Regē venit, cū expeditissimis quinquaginta ē familia sua delectis le-  
 uis armaturæ equitibus, atque à Rege petit; vt quando grauibz suorum negotiis distē-  
 tus, à tam inclyta vr̄bis oppugnatione absuit, sibi permitteret, cum suis tantū erumpe-  
 re in prima quæque Regni Murcienſis oppida; vt strenuum aliquod sui erga ipsum obse-  
 quii & obseruantiz testimonium ederet. Quem Rex excipiens amantissimē atque i-  
 psius animi magnitudinis, bellicæque virtutis memor, se moræ excusationem perliben-  
 ter, dixit, admittere; mirari tamen ipsum, quod facinus tam valdē arduum, cum tam par-  
 ua, benè licet armata, manu equitum aggredieretur: verū oblata ei pedestri, quam ille  
 renuit, adire quo vellet permisit, commeatum, omniaque ad expeditionem necessaria,  
 de castris suppeditari iubens. Cui abeunti Artalus Alago Blasci filius, se comitem obtu-  
 lit; iuuenis bellicosus admodum, & cui pernota erant Murcienſis Regni loca omnia, quæ  
 ipse Aragonia exulans, vt diximus, diebus non paucis collustrauerat. Quare de omni re  
 factus certior Raimundus, Vilienam insigne oppidum, quod primum sese ex Murcien-  
 sibus offerebat, diripere decreuit: idque intempeſta nocte, & ex improviso intrantes e-  
 quites, ac nihil tale sperantibus, neque excubias agentibus oppidanis, antequam hi arma  
 capere possent, maiorem partem oppidi diripuerunt. Sed dum totum prædari conan-  
 tur, Sarracenorum ex suburbanis tanta fuit concursio, atque impeditis vicis, tam acriter  
 cum Folchiis dimicatum, vt coacti ii fuerint, seruata atque acta ante se præda, op-  
 pido excedere, perque agros vagari, quoad in proximum oppidum, Saixum voca-  
 tum, incurrerent: quod etiam inuaserunt equitibus partim ad dimicandum, partim ad  
 diripiendum vicatim iam missis. Sed dum vrgentibus oppidanis, sese ordine in vnum re-  
 cipiunt, Artalus caput lapide acerbe ictus, equo deturbatus est, ac illico mortuus. Quæ de  
 causa Folchius cum suis oppido abiit, atque summo cum labore & difficultate, conser-  
 uata præda, cadauer Artali sustulit, Valentiamque deduxit: de quo vehementer Rex do-  
 luit, ibique honorificè, sine tamen cantu, & lamētis, exiguo elatum funere sepeliri cura-  
 uit. Cuius ossa postea in Aragoniam translata, in sepulchris maiorum illius condita fue-  
 runt. Itaq; collaudatus à Rege Folchius, quod iter sibi ad Murciēsem expeditionem tam  
 strenuè aperuisset, multis ab eo muneribus donatus abire permissus est. Sed insitēte Fol-  
 chio, vt sibi, suisque manere liceret, Regem ad conficiendam reliquā Regni expugnatio-  
 nem iuuaturis: gratam, acceptamq; eius mentem Rex se habere dixit, sed operā interim  
 fore superuacaneam, propterea quod ad ea, quæ pacis essent, non quæ belli, tunc esset o-  
 mnem mentem adhibiturus: Vt tamen occasio ferret, ita illius pollicitationibus & ope  
 pro tempore se vsurum. Itaq; abeunte Folchio, Rex ad componendas res ciuitatis, reli-  
 gionem scilicet inducendam, leges ferendas; ac domos, prædiaque, & suburbana duci-  
 bus, & militibus diuidenda, se totum conuertit. Nam primum quidem vr̄bem ingressus,  
 assistentibus Antistitibus Ecclesiarum Aragoniæ & Cataloniæ, qui Valentinum secuti  
 bellum fuerant, maiorem vr̄bis Aedem Mahometo dictam, vbi Sarraceni solennia im-  
 piæ suæ sectæ celebrare solebant, petit. Ibique à Tarraconensi Antistite, suffimentis, lu-  
 stralisque aquæ asperſione, atque sacrorum prolatione verborum, cum multiplici crucis  
 signo, expiata impuritate loci, sacrum solemne, cōstructo altari, ab electo primo Valētino  
 Episcopo fuit celebratum. Iamq; Rege, & aliis maximas Christo gratias ob expiatam in  
 ea vr̄be impietatem Mahometanam, & veram Christi religionem inductam, reddenti-  
 bus; ipsamet Aedes in honorem, & nomen beatissimæ Virginis, & matris consecra-  
 ta fuit; post tot illius mutatas olim appellationes: quarū prima Romanorum tempore, vt  
 ex lapidibus incisis, aliisque vestigiis, & monumentis literarum colligere est, Dia-  
 næ fuit: deinde occupantibus Hispaniam Gotris, & religionem Christi suscipientibus,  
 Seruatoris, vt creditur. Post Sarracenis Regnum cū reliqua Hispania inuadentibus, Ma-  
 hometi. Rursum Ruizio Diazio, cognomento Cidi, strenuo Castellæ Regulo, qui ean-  
 dem vr̄bem ē Sarracenorum manibus eripuit, ac Christianis restituit, Diui Petri: sed bre-  
 ui recuperantib. postea vr̄bem Sarracenis, iterum cōtaminata, Mahometo cessit: quoad  
 Iacobus denuò expiata illa, sacra Virgini in perpetuum dicauit. Tanta enim se, pieta-  
 te, ac religione sacrosanctæ Virgini obstrictum putabat; vt eidem omnia sua vota nun-  
 cuparet; templa atque sacella vbiuis à se exedificari iussa, eius omnino nomini dedicaret.  
 Nec aliunde quàm huius exemplo Regis emanasse creditur, tam frequens ille Valenti-  
 norum, tamq; pius ac religiosus erga eandem Virginem cultus, ac maior, quàm Christia-  
 narum vbiuis gentium deuotio; & cōsecratio. At verò, ne in Aede illa veteri, aut structu-  
 ra, aut parietibus, horumque emblematis, turpis aliqua Mahometi memoria renouare-  
 tur; Iacobus eadem pietate, ac religione motus, cum Antistitibus, proceribus, & omni  
 populo, magna cum pompa sacerdotum ad illam venit: ipseque primus; sumpto malleo;  
 ædem



ædem cœpit diruere, quem sequentes Antistites, post procures, militesque & populares, breui tempore complanarunt; quoad omnino æquata solo, atque purgato loco, simili ordine templum cœpit erigi amplissimum, ac sumptuosissimum, quale nunc videmus, suis sacellis, altaribus, diuorumque simulachris ornatum: quodque Asylo etiam Rex esse voluit, atque multis immunitatibus donauit. In quo item Gregorii IX. Pontifici Max. concessione, Principem ac Episcopiam Sedem, ut vocant, Cathedralem erigi curauit, & antiquam diocesim instaurauit. Quæ tamen temporibus Bambæ Gotthorum Regis Tolentanz contributa fuerat, Rextamen, cum esset vrbe potitus, votireus, Tarraconensi subiici, attribuique decreuit. Quæ planè instauratio, siue restitutio Episcopii, quoniam concessio diplomate, & à Pontifice misso, ad septimum Idus Octobris sequentis anni, qui dies festus beati Dionysii martyris celebratur, facta fuit: idcirco eodem festo die, perpetua, anniuersariaque Episcopi, atque omnium sacerdotum pompa, subsequenter Magistratibus, cum vexillo regio, & vna cohorte militati, omnique genere Musicorum, lustratio per urbem fit, ac supplicatio ad diui Georgii martyris Regni patroni, in illius diei, atque restitutæ Pontificiæ dignitatis memoriam. Huic ergo Ecclesiæ electum à Rege, & à Tarraconensi Antistite, Ferrarium sancti Martini, Tarraconensis Ecclesiæ præpositum, virum doctum ac persanctum, magno cum applausu populi, idem summus Pontifex præfecit: eamque aliarum Ecclesiarum instar, Canonicorum collegio, distinctisque præfecturis, quas vocant Dignitates, ad præcipua in Ecclesia obeunda munera decorauit. Quin & diuino animaduerso Ecclesiarum iure, decumis omnibus totius dioceseos dotauit, easque Antistiti, Canonicis, atque Dignitatibus diuidendas tradidit. Reseruata regi tamen suisque successoribus Regibus, indulgentia Pontificis, tertia decumarum parte in compensatione & supplementum infinitorum prope sumptuum, qui tam in debellando Regno à Rege facti fuere; quam qui postea faciendi essent in ipso conferuando. Sed illud quidem permittit, quot, quamque piis propitiisque legibus, ac plebiscitis (foros nostri vocant) Ecclesiasticas res, & census, ad Ecclesiasticorum commodum & immunitatem sanxerit. Deinde alia sacra urbis loca inuisit, præcipue verò carceres & ergastula, in quibus acerbissima quæque tormenta & ignes passus est inuictus Christi athleta Vincentius Oscanus, tam intra urbem, quam extra, & in quæ mortuus fuerat proiectus: in cuius honorem cœnobium cum amplissimo templo exædificari fecit; quod etiam Asylo esse voluit, iisque immunitatibus, quibus urbis templum maximum, donauit, atque Cisterciensi ordini addixit, simulque prædiis, aliisque censibus magnifice ornauit: Xenodochio pauperum peregrinorum adiuncto; ad cuius valuas, siue in eius porticu, accuratissima, expressissimaque ipsius imago Regis ad viuum depicta, post trecentos & quadraginta annos, adhuc ferè tempora inuoluta conspiciuntur. Tandem ad domos, prædia, & suburbana militibus diuidenda animum intendit. Quæ in re labores incredibiles sustinuit, vel ob id maxime, quod ante urbis oppugnationem plures ipse ædium donationes, agrorumque assignationes fecerit, quam ædes, agrique postea fuere ad diuidendum inuenti. Unde à ciuitatibus, quæ bellum secutæ fuerant, incipiens, vicos eis in urbe distribuit, in quibus illæ veteribus dirutis domibus, nouas atque præcellas ædificarunt. Extant eim adhuc, & vicus Cæsaraugustanus, & vicus Barcinonensis etiam in noua urbe extra muros veteres constructus, nouæque murorum ambitu comprehensus. Quin & Turolensibus cum eorum montana ditione, portam urbis principalem assignauit, quæ Turolium respicit, mediâ inter duas præcellas turres, quæ Serranorum, id est, montanorum quorum caput est Turolium, cognominata fuit. At vero ex ciuitatibus Aragoniæ Calataiubio, Iacca, Osca, Tirafona, Daroca, Borgia, Albarrazino, Barbastrio, & Montione: Quin & Cataloniæ Perpiniano, Gerunda, Tarracone, & Dertosa, viros per celebres, cum illarum agnominibus excepit: quorum ab egregiè factis propagatum nomen, nobilesque familiæ, adhuc usque tempora peruenerunt. Quamquam Ilerdensibus quidem, eo quod fuere primi, qui murum urbis in expugnatione perforarunt, atque aditum ad eam tribus locis exercitui dederunt, perinde ac si murum ascendissent, quæ pollicitus Rex fuit, concessit. Promiserat enim obsidionem instituens, Ciuitati, cuius ciuis in oppugnatione primus murum ascenderet; quod is tanto sese periculo exponens, vitæ suæ quasi trutinam Fortunæ ad obtinendam victoriam committeret; nec non & suam carnem pro Rege despiceret; illam, tunc libram & mensuram urbi daturam: tum etiam trecentas indotatas puellas in urbem missuram, à Rege cum dotandas, tum strenuis exercitus viris collocandas. Præterea non ex Catalonia modo, & Aragonia, sed ex Aquitania etiâ permultæ familiæ inchoatæ fuerunt ab iis, qui cum Archiepiscopo Narbonensi expugnationi interfuerunt: ut Narbonii, Carcassonii, & Tolosæ. Nec defuerunt, qui nobilissimam Romanorum familiam, vnam cum cohorte



auxiliaria, ea ipsa in expugnatione, Valentiam inuexerunt, Vocati quidem Romani, ac  
 cuncti in vltima, sic Aquitanis pronunciantibus, atque tum copiis; prædiisque afflu-  
 entes; tum factis præclari, in alias licet familias, seu cognationes translati eorum po-  
 sitis, tamen Romanorum cognomentum nunquam amiserunt: eoque cognomento se-  
 se permixtae familiae illustrarunt. Cuius rei causa, atque nobilitandæ vrbis gratia, eam di-  
 latam valde, ac extra murum veterem Rex permultum extendi iussit. Iamque Roma-  
 norum more, qui colonias deducebant, circumducto aratro, noua erigi mœnia fecit,  
 atque vniuersam urbem duodecim magnis portis patere voluit: fortassis, quæ illius  
 erga diuina semper omnibus in rebus intenta mens erat, vt conspectam, descriptamque  
 ab Ezechiele diuino vate ciuitatem Dei duodecim patentem portis adumbraret. 19  
 Nam eius quidem instar Valentina, tres ad Orientem portas habet, tres ad Me-  
 ridiem, totidemque ad occasum, ac tres demum ad Septentriones, cum quinque per-  
 magnis pontibus, qua parte alluit eam Turia, in Suburbia, & vias publicas decur-  
 rentibus. Sanè vt vniuersis totius orbis nationibus in ipsam, non modò pateret aditus,  
 sed receptus etiam per hospitalis, ac quàm commodissimus: atque vt in communi quadam  
 patria, si modò frugis sint aduenæ & victus, & vitæ cum virtute cultus affatim inueni-  
 rentur. Inde quippe peregrinorum matrem eam, ciuium autem nouercam vulgò appel-  
 lare solent: quod ii copiam, in qua nascuntur, despiciunt, facileque amittunt: illi verò  
 ab inopia ad copiam translati pluris habent, ac ne deperdant, curiosius conseruant. No-  
 uis igitur erectis mœnibus, munitissimoque cincta muro vrbs, continuo frequentibus 20  
 domibus, Templis, ecenobiis, vicis, plateis, xenodochiis, xistis, gymnasiisque, & aliis  
 publicis molibus & operibus repleta, nihil demum in ea vacuum relictum fuit, nihil-  
 que otiosum. ex quo muldò planè maior illa, quàm antea euasit. Posthæc Rex plebiscita, &  
 municipales leges Valentinis dedit, vulgari, patrio scilicet Regis conscriptas sermone,  
 vt populo melius innotescerent: vtque perspicuitate, à variis eas, confusa sæpe, inter-  
 pretatione iuris, & captionibus assereret. Adeo quippe Rex, tum ex bellica experientia,  
 tum ex Regni à puero gubernatione, excellenti ac confirmato iudicio erat; ac non  
 literis (quamquam neque earum planè rudis erat) ad rei militaris scientiam; sed re-  
 bus gestis, & victoriis eruditus euaserat, vt ea in ætate non minus bello gerendo, Ale-  
 xandro, quam ferendis legibus, Lyeurgo similis videretur. Sed grauis interim ab Arago- 30  
 nensibus querela habita fuisse fertur; propterea quod plebiscita Catalano, adeoque Lemo-  
 uicensi sermone, barbaro & obscuro, minusque noto Hispanis, quàm aut latino, aut sal-  
 tim Aragonensi, qui clarior est illo, conscribi Rex iusserit: ex eo quod plebiscita com-  
 muni iuri, atque Romanis legibus tantopere niterentur, vt ad planiorem ipsarum intelli-  
 gentiam, necesse esset ea Romano, quo leges scriptæ sunt, aut Aragonensi tradi sermo-  
 ne, quicum reliquo Hispano non solum communis est, verum inter cæteros totius  
 Europæ, Romano longè propior, & affinior, fereque idem. Is ergo, aliisque de cau-  
 sis, quas mox subiiciemus, Aragonenses linguam suam enulgandis plebiscitis conue-  
 nientiore afferebant. Cum quibus consentire, qui tum aderant Castellani, ac reli-  
 qui Hispani negotiatores, qui eiusdem linguæ societate Aragonensibus, cum coniun- 40  
 ctierant; tum à Catalana & Lemonicensi plurimum abhorrebant. Cui conquestio-  
 ni antequam à Rege satisfiat, minimè fore puto inopportunum, ad cohonestandam  
 præsertim Aragonensium querelam, atque susceptam de vulgato eorum sermone  
 commentationem explanandam, nonnulla de origine Hispanæ linguæ, quam vocant  
 Romancium, percensere. Quoniam in primis pacto illa è Latîo à Romanis deuocata, in  
 omnibus ferè Hispaniæ vrbibus, præcipuè Oscæ, ad Aragonenses erudiendos colloca-  
 ta fuerit, atque ab eisdem purius, incorruptiusque, quàm à cæteris Hispaniæ popu-  
 lis hucusque retenta & conseruata. Id, quod in primis licet colligere ex tempore  
 Q. Sertorii strenui Romanorum Ducis. Is namque Marii partes secutus, cogente Sylla,  
 apud Hispanos exulabat; hosque quamuis barbaros, tamen arte condocens faciens, non 50  
 solum armis, atque bellandi vsa Romanis ferè pares effecerat; verum modum etiam, quo  
 eos in officio contineret, ac dociliores, sibi que beneuolentiores redderet, inuenerat. Si-  
 quidem nobilissimorum Hispaniæ adolescentulorum eruditionem meditatus, Scho-  
 las Oscæ institui, in eamque urbem conuocari permultos, atque à præceptoribus Latinas  
 simul & Græcas litteras edoceri curauit, vtiis artibus, re quidem obsides haberet, spe-  
 cie autem erudiret: donec ætate virili, eos sibi lingua & eruditione instructos, in partem  
 administrationis & imperii reciperet, vti Plutarchus in eius vita Ducis refert. Verum  
 etsi Osa, de qua Plutarchus, reuera diuersa est ab Aragonensi Osa; quod illa Bxtica sit,  
 atque in extremis Turdetanorū finibus, apud quos Sertorius bella gessit (vulgo Huescar)  
 constituta



constituta; hæc verò interramenta Pyrinæorū; osita: tamen à vetustate, atque ab ipsa A-  
cademiæ diuturnitate habet, ut hæc similiter tunc tēporis erecta ibi fuerit, atq; lectione  
perpetrata. Nihil enim prohibet, alios ante, vel post Sertor. ū, Romanos Duces, ut Cato-  
nem, & duos Scipiones, tum & Pompeiū, maximè vero Augustū, qui in Hispania citerio-  
re diutius cum exercitu commorati fuerunt; ea ipsa de causa, similem Osæ Aragonensiū  
ludum aperuisse: propterea quod ad hunc condendum, nullum opportuniorem ea vrbe  
locum inuenerint: quod eadem; tum situ communito, & ad aspectum præclaro semper  
fuerit; tum etiam opibus; & agri fertilitate præstaret; necnon maximè mediterranea ex-  
isteret ad retinendos obsides; quin & ab exterorum quoque commercio separata, ne à  
continenti studio, & cultu linguæ, studiosi distraherentur: ut iis linguam edōctis, Roma-  
ni postea, non modò fidelioribus vterētur interpretibus, & exploratoribus ad exquiren-  
da Hispanorum consilia; ac toties tentatis eorum conspirationibus occurrendum; ve-  
rum etiam ut in ea proficientes, Magistratibus, aliisque militaribus muneribus præfice-  
rentur. Ex quo Hispani tam assiduo se, studio ad perdiscendam Romanam linguam ap-  
plicuerunt; ut à pueris ab scholis domum reuertentibus, parentes, fratres, ac etiam sorores,  
eius dictata sermonis audiffime exciperent: vsque adeo quidem, ut sint, qui perhibeant,  
neque alium tum ludum Hispanis pueris, neque aliam, proposito honorario, per-  
missam contentionem fuisse, quàm latinè loquendi, quàm etiam vicatim decla-  
mandi; seseque omnes in dicendo exercendi. Vnde non solum vtrique in Osca,  
sed in plerisque aliis Hispaniæ oppidis, credi par est, eiusmodi Scholas institutas fuisse;  
ut in eis non modò verba, sed disciplinæ, ac res, quibus verba inhærent, traderentur.  
Neque enim aliter Hispani omnes Romanum sermonem sic prorsum imbibissent;  
eoque tam familiari, ac quotidiano vsu fuissent, ut proprium, ac vernaculum, qui  
ab eo tempore obsoleuit, non solum antiquarint, sed Romanum quidem cum doctri-  
na coniunctum, in quotidianum vsum conuerterint; & quem sic mordicus retinuerint,  
ut neque noua Gothorum, neque barbara Maurorum, consecuta linguarum in Hispani-  
am inuentione, Romanam vnquam abiecerint: nisi quòd progressu temporis, Roma-  
norum ab Hispania discessu, deficientibus vocabulis, Bælici pleraque ex Arabica Gra-  
natenſium vicina lingua nomina vsurpantes, cum latinis permiscuerint. At verò Arago-  
nenses, ut aliarum rerum, sic & optimi sermonis omnino tenaces, purum, quem ex Os-  
censi præsertim schola sermonem hauserunt, longe fidelius, quam reliqui Hispani,  
conseruauerunt. Non enim alias, quàm aut latinas, aut ab eis deriuatas voces fere omnes,  
Græcas autem per plures, si harum etymon inquiras, vulgò resonare inuenias. Nam &  
epistolas aliquod latina simul & Aragonensi conscriptas lingua, voce & sensu idem red-  
dentes, legimus; & Græca pariter, & Hispana vocabula obseruata in ea, plus octoginta,  
notauius. Adde, quòd neque ex vicinia & commercio aliorum circumstantium, at-  
que barbarè loquentium Regnorum, quicquam peregrinum in quotidiano vsu sermo-  
nis Aragonenses contraxisse comperias: cum à meridie Valentinos Sarracenos Arabi-  
cè loquentes habuerint; ab ortu Catalanos Aquitana, seu lemoica verba vsurpantes  
audierint: ab Aquilone tandem, Cantabricam, nempe Vizcainam, & Nauatrenſem,  
vtramque barbaram & difficilem linguam, à primis Hispanis, ut plerique autumant, aut  
à Gothis relictam, vitarint: ac demum ab occasu, Castellanorum commercio, & com-  
munitate linguæ adiuti propriam retinuerint. Tandem, quod fuit omnium præclarif-  
simum, vniuersos intra Regnum relictos Sarracenorum populos non paucos compule-  
runt, ut Arabica desuefacti lingua, Aragonensi pro vernacula vterentur, ut iam nulla  
in parte barbara dici possit Aragonensis lingua, quæ tum latinæ coniunctior est cæ-  
teris; tum inter tam barbaras integra ferè tot seculis, ac incorrupta permansit. Quæ  
planè de ipsius origine, cultu, & constantia linguæ, eatenus dicta fuere, ut ostendere-  
mus Aragonensium querimoniam de plebiscitis, minime intempestiuam fuisse: neque  
ipſos indignos, quibus Rex morem hac in parte gessisset: cum & Valentini Regni ex-  
pugnatio ex antiqua diuisione Castellæ, & Aragoniæ Regum, ad Aragonenses  
spectaret; & ipsorum iustus exercitus ad expugnandum illud, suoque sudore, san-  
guine, & sumptibus acquirendum, Regnum defuerit: ideoque iustè promeruerint,  
ut suo, atque Aragonensis Regni nomine, & sermone, Valentini leges & plebiscita  
traderentur. At verò Rex in proposito susceptoque consilio permanens, causam de-  
negandi postulata non modò iustam habuit: sed sapientem quoque excusationem.  
Cum imprimis ad expugnatorem spectet, populis leges pro arbitrio, propria, natua-  
que conscriptas lingua ferre: ac modo populis planæ, & apertæ hæ fiant, nihil am-  
plius ornamenti querere. Planum enim, atque compertum plebi esse oportet, quod



ipsius est, aut admonendæ, aut castigandæ gratia latum. Quamobrem capta Valentia, atque vniuersis ab ea tum profligatis Mauris, tum Christianis vndique ad incolendum deductis, necesse fuit expugnatorem Regem in eam, tanquam desertam, vnâ cum nouis cultoribus, nouam quoque linguâ patriam, atque genuinâ potius, quàm alienam, inuehere: Vt scilicet, per eam tum gloriosius tanti expugnatoris memoria populis increbesceret; tum potiori cultorum parti eiusdem linguæ societate coniunctæ, satis, vt par erat, fieret. Duplo enim maior Catalanorum, & Aquitanorum pars exercitus, qui secuti bellum Valentiam incoluerunt, quàm Aragonensium fuit: neque consentaneum erat, Valentinos frequentissimo terræ, marisque commercio Catalanis, & Aquitanis coniunctos, sermone alio, quàm qui communis esset vtriusque vti; neque alieno conscriptis legibus, quàm proprio, regi, ac iudicari. Quominus necesse erat plebiscita latino sermone, aut huic affini, idcirco tradere, quòd illa iuri communi niterentur, perque ipsum exponi, siue quod eodem socio, siue assessore, iudicia fieri pronuntiarie deberent. Id quippe longè fuit à Regis mente remotissimum, qui hæc vna de causa, plebiscita communi, atque vsitato sermone edi voluit; vt varias, subtiles, atque spinosas sub alieno sermone sæpe ortas iuris interpretationes, cum earum interpretibus de medio tolleret: sed vbi accideret dubitatio iuris, quæ tardos semper facit doctores in iudicando, non ad ipsos, sed ad proborum hominum iudicium, qui nudam rei veritatem dignoscerent, declarandam, remisit. Neque enim quicquam est imperitæ plebi gratius, quàm à iudicibus de media plebe sumptis, quasi fociis, iudicari. iis enim maximè credit; doctores suspectos, atque inuisos habet. Ne igitur à proposito dilabamur; talibus profecto legibus Iacobus Valentiam Rempub. fundauit, testimonio omnium, qui Respub. multas per orbem collustrarunt; vt nulla planè alia vbiuis terrarum. neque vtatur melioribus, neque fruatur sanctioribus: argumento est vrbs ipsa frequentissima, opulentissimaque ab eotempore hucusque triplo ferè maior, quàm olim effecta. Vnde tot inter vrbes Valentias in Europa sitas, non iniuria, hæc fuit magna à Gallis appellata. Duodecim enim milibus domiciliorum constat, præter suburbana & hortensia, quæ numero urbana prope exequant. Iam verò sancitis legibus, ad diuisionem prædiorum venire necesse fuit: huic quippe omnes vehementer inhiabant; maximè verò qui ante obsidionem & ingressum vrbs donationes sibi immodicas à Rege extorserant: quas quidem spe iam diu deuorauerant, ideoque importunitate vincebant. Quare vicorum, atque domorum diuisione per Aediles à Rege designatos facta, creati etiâ fuere duumviri agris diuidendis Assalidius Gudalius Regius consiliarius, & Simon Perezus Tarassona, in Regno Aragonum supremus etiam consiliarius. ambo viri nobiles ac bello & pace præstantissimi, & qui non modò rerum experientia; sed legum quoque scientia aliis excelebant (vtraque enim re præstare tunc erat vel nobilissimis perhonorificum) scilicet vt ab iis facta agrorum mensura & modo, vnicuique quantum ex donatione contingeret, assignaretur. Sed de horum electione arbitrorum, ortum est inter procures murmur, atque cum Rege nata ex postulatio. Videri quippe dicebant, ne decere quidem eiusmodi homines alioqui probos, & literatos, ad tam graue, tantique ponderis conficiendum negotium, arbitros nominari: præstare namque alios ex primis Antistitibus, atque exercitus primoribus ei rei præficere. Quod tamen Regi displicuit; tamen sperans ipsosmet procures, tanquam rudes, eiusque muneris ignaros, breui sententiam mutatuos, in scis Gudalio & Simone; statim quos vellent, se creaturum respondit. Fuere igitur oblatis Regi, ex Episcopis Berégarius Balazuelus, & Vitalis Canellanus Barcinonensis, & Oscensis, Antistites. Ex proceribus verò Petrus Fernandus Assagra Albarrazini dominus, & Simon Vrra Magister equitum, ii etiam nobilissimi, atque rei militaris scientia clarissimi. De quare conquerentibus apud Regem, Assalidio, & Simone; quòd exclusis se, ac contemptis, alios nominasset: bono eos animo Rex esse iussit: se enim pro certo habere, earum rerum implicatos in scitia procures, non modò negotium abiecturos à se; sed ad ipsosmet illud magno cum honore relatuos: vt illud interim omittam, inquiens; me scilicet, habere iam in animo quid sequar in eare, quod vos facientes, istiusmodi tot diuisionis difficultatibus quàm facillimè occurrere possitis. Itaque IIII. viris diuisioni operam nauantibus, cum tot sese difficultates offerrent, quas minimè explicare poterant, ac proinde diuisionem procrastinarent, siue differrent; magisque subinde esset contra eos, quàm contra priores commurmuratum: sponte, se ipsi magistratu abdicarunt, isque omnium consensu, ad Assalidium, & Simonem denuò delatus delatus est. Quos Rex ad se vocans, mentem suam eis ad omnem diuisionis



diuisionis difficultatem tollendam aperuit; duo potissimum consulens, ac etiam decretis firmans. Vnum, ut quemadmodum apud Balearium maiorem in simili praediorum diuisione tacite fuit actum; iugera agrorum, quae antea singula duodenos senfens eos capiebant, in posterum lege sanciretur, ut ex senis constarent (iure quippe possessiones agrorum antea factae recenserentur, ipsaeque pro vniuscuiusque reposcentis sumptu, & tempore, quibus ab eodem nauata fuit opera militiae, atque armorum exercitationi, definirentur. Fore etenim, ut compendium inde magnum ad diuidendum sequeretur. Quas iugerum diuisiones, atque donationum recensiones, ad vnguem obseruantibus II. viris, agri non modo donationibus inuenti sunt pares; verum superfuerunt quidem, ex inque ecc. lxxx. viri militares, ex Aragonensi & Catalana nobilitate delecti, exceptis proceribus, praediis in Valentino agro donati fuerunt. Nam proceribus vtriusque Regni, oppida, castella, & pagos, beneficiario iure, prout expugnata erant, a Rege concedebantur. Quorum omnium familiae, ex ea expeditione bellica, summa cum laude a populi tribus distinctae, hucusque floruerunt, earumque permulta nunc clarent. Inde si quidem ciuitas caererarum Hispaniae nobilissima dicta est, quod & Aragonio, & Catalano milite, sua ipsius manu & armis nobilitato, incolitae praefuit, adeoque ad posteros idem animi robur, bellicaque ingenerata virtus dimanauit, ut Valentino milite, Hispanorum nemo sit, neque ad aggrediendum animosior, neque ad quoduis committendum facinus promptior & paratior. Vtpote quibus atauorum Saturnia Catalanorum melancholia, quarecoquitur ira, in Mariam, subitam ac exardentem bilem conuersa est. Quae tamen ne rursus in pertinacem, ac obfirmatam eorundem in vlciscendo iracundiam abiret; sed post bellum rursus, pax fieret, Iacobus singulare certamen, atque monomachiam permisit; tum ut pari concertatione sedata bilis concordiae locum daret; tum ut honoris & victoriae cupiditate, viribus atque animo augerentur certantes, ad patriae hostes aggrediendos. Inde quippe est, ut nulla gens sit, quae vel feruore sanguinis, vel ardore mentis ad gloriam, id genus certaminis minus delectetur; seu potius in illud feratur magis, quam Valentina. Cuius profecto robusta, tamque valentis iuuentutis gratia, (quid enim prohibet Valentinos olim finitimis Saguntinis virtute ac robore pares fuisse?) minimè fabulosum putarim, quod antiquitate auctore, de Valentina hac urbe vulgo fertur; fuisse quidem ipsam antiquitus Romanam dictam, *απο το ρωμην*, quod est robur: indeque a Romanis in Coloniam redactam, retenta significatione vocis, Valentiam nuncupatam, si uti in commentariis de Sale haec fusius annotauimus. Fuerunt igitur Valentini suae scriptae leges, ac propria indicta plebiscita. Sed haec cum longè arctiora essent, atque seueriora Aragoniis, ab ipsiusmet colonis Aragonensibus, qui se ab eis eximi, atque Aragoniis summitti cupiebant, frustra impugnata fuere: respondentibus legumlatoribus, bicipiti fore monstro simili ciuitatem contrariis inter se legibus gubernari: cum in tanto hominum ex vniueris terrarum orbe in eam concursu, nisi vniis, atque peculiaribus ipsa legibus, sed permissis gubernaretur; necesse esset discordiis, quae maximè ex legum discrepantia oriuntur, eandem euertere. Quamquam eorundem Aragonensium peruinacia, atque libertatis proclamatione, factum est, ut Valentini latae fuerint leges mitiores, quam propter ingentis, & offensa natura, nunc ferrentur. Adeo enim illarum benignitatem, procedente tempore, creuit abusus; ut controuersiis, deceptionibus, dilationibus, atque perpetuandis, nunquam tamen finiendis, litibus; nullibi, quam in ea fuerit amplior locus datus. Quod si emendationem ista subirent, abususque tollerentur, profecto ciuitas, quae tot alioqui, tantisque opibus, facultatibus, ac omnium rerum excellentia praestit, toto terrarum orbe vnica, & perquam sancta esset. Quominus omittenda sunt, quae in eius maxima laude poni solent, locique situm, temperiem & amentem, cum tam vberem, variaque fertilitate agri, mire commendant. Quae singula, ut mox subiiciemus, ab ipsismet primis expugnatoribus perspecta, beneque cognita causa fuerunt, ut Valentinum solum, tanquam patrium, proprio posthabito, per se sibi colendum susceperent. Nam Valentiam ingressi milites, non modo Aragonenses & Catalani finitimi; sed remotissimi quique, tum Aquitani, tum etiam Romani, qui, ut diximus, expugnationi interfuerunt, quasi fata quiescente eis sedes Valentiae ostendissent, domorum, praediorumque diuisionem sibi quoque fieri, studiose impotissimeque petierunt. Nec mirum quidem. Viderunt enim urbem (ut cuius admiranda praedicemus) sub felici sita sydere, ac quod ad salubritatem aeris, terrae amenitatem pertinet, in optimo atque herbescenti solo locatam, ab ortu



quidem mari apertam, ut illico ab exoriente sole, crassi humidique vapores, quibus notu terra circumfunditur, antequam diluculo surgentes ciues inficiant, absumantur & euanescent: ab Aquilone verò, ad decimum propè lapidem, perpetuo septa monte, ut Borealibus, siue Etesis purgato subinde flatibus, iisque herbarum florumque odoribus perfusis ipsa fruatur: Sunt enim Etesis venti tempestiui & salutare non modò hominibus, sed etiam pecudibus & stirpibus, quorum quoque flatibus nimii temperantur calores: quin & ab occasu imbriferis Castellæ ventis perflatur, eadem, ut commodiore cæli irrigatione prædiorum fructus maturescant. Demum à meridie lenissimis Austri ventis æstus in ea temperatur. nam licet à temperie in calidum æstate semper declinet, veruntamen marinis auris omnibus diebus, dum sol ardentior esse solet, flantibus mitescit æstus. Quo fit ut concurrentibus in eam vndeunque mortalibus, nullus cuiquam sit visquam Valentino aere benignior, aut salubrior. Insuper & aquæ non minus quidem in ea, quam vbiuis gentium, & salubres, & copiosæ fluunt. Quandoquidem Turia fluius magnus à quo ipsa alluitur, ab eius longinquo ortu rapidus, perque saxosa sese loca præcipitans, usque adeò colliquatur; ut & purissimis, & medicorū attestatone, saluberrimis excellat aquis. Quamuis neque puteales præterquam insuetis, noxiæ quoquomodo fiunt: quibus ad omnes quidem vsus tantoperè abundat, ut triginta millia puteorum iugium in ea sint cum suburbanis; ac neque ii quidem à continenda terræ soliditate, atque salubritate vacant: quod à terræmotibus, aliisque pestilentibus hiatibus, solum defendant, perque puteos sensim spirantes terræ exhalationes, lenius erumpant. Accedit illud, quod ad salubritatem vrbs valde conducit, sitque puteorum beneficio, ut vrbiū Europæ lautissima sit, habeatque rarum illud ac propè singulare cloacarum opus, tam miræ arte constructum, ut ad cunctas domus cuiusque sordes eluendas, forasque sine fœtore expellendas, Romanorū cloacis longè præster: tamen si à Romanis, ut constans est fama, Gne. Scipione proconsule, exædificatæ, atque constructæ illæ fuerint. Est enim vrbs ita disposita, ut qua parte paulo accliuior est ad occasum, magnus in eam riuus influat è Turia deriuatus, à quo postea subitus in tres præcipuos alueos dispergitur aquæ, ac per concameratas, satisque amplas cloacas deductæ, non modo pluuias cum vicorum sordibus excipiunt (quod Romanorum tantum est opus cloacarum) verum in se etiam domorum omnium, atque latrinatum feces quotidie per alueolos manu factos recipiunt, atque extra urbem emittunt. Quippe vnaquæque domus sic est constituta, ut puteum & culinam habeat, è quibus emissæ, ac suffusæ aquæ in eum alueolum concurrunt, in quem conflunt sordes, & feces domus; quæ humore molliente, per aquæductus in alueos maiusculos, qui sub terram per medios vicos dispositi sunt, excurrunt: iique singulas domos prætereuntes, eodem adiuti humore, in magnos tres illos influunt, atque in hunc modum omnes feces vrbs extra deducunt. Quod si contingat, aut intra domū, aut in vicis obstrui alueolos: id quamprimū dignosci potest, restagnatione; sed aperta ea parte alueoli, repurgari protinus. Nam elatæ inde sordes, neque intolerandæ sunt, neque aerem inficiunt: propterea quòd diutius retentæ non fuerint: haud secusquam in humano corpore experiri est. Etenim in eo, ut summa ratio salutis ab excernente feces aluo, pauloque laxiore ventre, sumitur; mox ubi verò, à restricto nimis illo emanat: quid totius quoque vrbs corpus? nonne illuue & sentina retenta, perquam fiet morbosum? perinde ac rursum eiectionis illis, salute quoque fruetur: ut potissima urbanæ salubritatis ratio inde sumatur. Cæterum neque lacus ille magnus, Arabice Albufera, (paruum mare significat) qui ab vrbe ad tertium lapidem abest, obiciendus est, ac eo, quod ad meridiem expositus, stagnantibus ibi aquis, urbem inficere existimandus. Nempe cum coniungatur illæ aquæ marinæ, quæ vna quidem palustres aquas à corruptione tuetur; lacumque tot è mari pisciculis replet, qui gustu subdulcis aquæ inescati, in eum intrant, ut ex quibus crescentibus neque ad mare regredi permissis, permagnus quæstus piscatoribus, atque vrbi copia obuenerit; præter alias aquatiles aues, quæ aucupibus tantum voluptatis afferunt, ut ipse lacus in summis vrbs delitiis habeatur: quando sæpè in eo contingat, ut vno simul tempore nauigantes, dum alii piscantur; alii aues capiant, alii apros tranantes confectentur, & sese diuerso voluptatis genere oblectent: quemadmodū in eisdem de Sale, lib. 2. abunde descripsimus. Adhæc salubritate inuenta, vbertatem agri considerantibus, alteram inuenire fuit Aegyptum; cuius, ut serenum semper cælum est, solum verò natura pingue, adeoque ad omnem proferendum fructum, aptum, atque habile, ut inundante Nilo, incredibili varietate frugum ipsa exuberet: sic vrbs, cuius cælum, ut plurimum apertum est, neque nimis eius ager infestatur imbris; non præcellentes modo res, sed sexcenta prope genera fructuum proferre solet, idque opera Turia fecundi fluminis, quod



quod non inundatione; sed leni, artificiosaque riuorum deductione agros irrigans, non solum lætificat; verum pingues reddit vsque adeo, vt omnes, quos fert orbis fructus, confitus Valentinus emittat. Agricolarum enim labore, atque industria fit, vt nunquam otiosus ille sit neque fructu careat: vtque vnus idem, terque quaterque varios intra annū fructus ferat. Cuius etiam non modo confitiones, variæque agricultorum insitiones miredelectant: sed horrorū diuersæ & artificiosæ constructiones vehementer alliciunt. Ad decommodissimam Regni positionem, & figuram ita dispositam, vt ea ferè trianguli formam efficiat: cuius summum angulum suo quasi gremio Aragonia excipiat: duoque latera hinc Castilla, illinc claudat Catalonia; mare autem subtendat basim, quæ duplo maior est diametro, qui à summo angulo in mediam basim vbi locatur vrbs, incidit. Quantum enim vrbs secundum mare Aquilonem versus à Catalonia distat; tantundem rursum, versus meridiem, pone mare à Castilla differt; maiorique ex parte Regnum cū mari committitur, fitque propterea illud locupletius; quod maiorum illi causa bonorum sit mare, quàm vicina Regna. Idque non ob assiduum tantummodò, ac locupletissimum piscatum, cuius ope vniuersa ora, & Regnum non minus illo, quàm carnibus sustentatur; sed ob quæstuosissimum navigationis vsum, quo fit, vt cū variæ merces vndique in Regnum inuehantur; tum quæ Regni sunt, magno etiam cum compendio; & quæstu exportentur. Nec vero, propterea quod vrbs portum non habeat, sed aperto, minusque tuto nauibus mari obliatur, quodque coniuncta ei non sit, immo duobus distincta miliaribus, quicquam de summa eius laude detrahitur. Hæc enim duplici de causa vrbi sunt longè commodiora. Nam quid obsecro, boni, tanquam studii, doctrinæque pabulū colligi, excerptiue potest ex præsentī, continuoque aperti maris, quod ferè nunquā tranquillatur, obtutu & contemplatione? cū semper ad illius motum, aut vacillēt oculi, aut nutet animus, neque hunc quicquam perattente meditari sinat: sed ingenium potius pene videatur obtundi? An vllum est genus hominum piscatoribus à mari oculos nufquam deficientibus obtusius? Insuper ad patriæ securitatem, quid, quàm longè à mari esse tutius? Hæc enim de causa Liuius vrbs Romæ distantiam à mari, duodecim vsque miliaribus, in magna quasi ponit ipsius utilitate. Nam dubium non est, vrbs oram portu carentem, tutiorem esse, minusque infestari solitam repentino magnarum classium impetu & incursionibus; ex eo quod tam infido ibi mari vix sese, vnquam classis committat. Quapropter vt Regno subinde vile est non multis portubus patere mari: ita paucos illud, eosque præmunitos habere, vti habet, longe præstat. Præterea habet quoque Regnum suos peculiare fructuum redditus in magna copia, quibus non solum, se, ac urbem, sed transmarinos etiam populos sustentet: vt cuius oppida & loca quædam sint, quæ frumento abundant: alia quæ vino, tum alia Sacharo: quin & oriza non pauca; spartho pleraque serico bombicino omnia circumfluant. At verò quidam incite, vt puto, urbanos insimulant, asserentes, eos de copia, & vbertate rerum falso gloriari; cum ea frumenti, atque carniū saltem veruecinarum inopia laborent; vt quotannis ad se illa aliunde importare necesse habeant: propterea quod Regnum neque sibi, neque vrbi alterutra re sufficiat. Sed errant toto cœlo, qui de his ita iudicant, vt putent Regnum minime posse suis sufficere. Nam tolle exterorum, aut commeantium, aut in vrbe & Regno degentium, plus quadraginta milium hominum multitudinem, quos alit Regnum: tolle immensam, vt diximus, aliorum fructuum varietatem, quibus occupantur agri; hosque frumento, atque pastionibus relinque: demum incredibilem vrbs frequentiam; vagosque & egenos expelle, atque relicto ab urbanis abdomine, Læconica eos vti frugalitate compelle: haud dubium, quin horrea, & macella etiam ad vilitatem vsque abundant. Verum si miserum quidē fuit Midam Regem, multo alioqui abundantem auro, tamen esculentorum inopia & fame premi: nonne longe esset miserius? Valentinum Regnum, vni duntaxat pecuariæ atque frumentariæ rei excolendum dari: aliorum verò fructuum affluentia copia, grataque varietate priuari; Licet enim magnus in Repub. nodus sit inopia rei frumentariæ; tanta tamen in eo dissoluendo, patrum atque Senatus cura inest, tam ingens sollicitudo, ac tanta diligentia, vt caritati annonæ in tempore vndecunque mirabiliter occurratur. argumento est, quod in summis, atque tristissimis famis temporibus, esurientibus cæteris Hispaniæ Regnis, Valentinum abundasse compertum fuit: præterquam quod à vicinis Castellæ Regnis tam vsitata est, ac quotidiana frumenti inuectio, vt ea perinde ac propria Regni messis habenda sit, & tanquam seges nunquam defutura Valentiniæ affluentia ad numeranda. Id ipsum in pecuaria re quoque seruatur: cum in ipsis Aragoniæ, & Castellæ Regnis tanta sit pecorum procreatio & fecunditas; vt quia redundant, necesse





fit ea, compendii ac quæstus gratia, continuè in Valentinum macellum transmittere. Quapropter Valentini, tum frumentariæ, pecuariæque inopia liberati; tum reliquis cumulati rebus; ut in tanta urbis amœnitate hilarem, ac periucundam vitam agant, utque festiui, iouiales, ac effusi sint, est necesse. Sed vitiosa rursus æmulatione illis obtruncare solent exteri, atque eos leuitatis arguere; propterea quod usque adeo præsentium rerum capiantur iucunditate, ut ipsos neque præteritarum recordatio vlla premat, neque futurarum cura & anxietas sollicitet: & qui neque vicinorum Regnorum constantiam & frugalitatem imitari velint, sed ab illis diuerso vsu vitæ discrepent. Vnde non parum profecto admirationem mouent hæc tria, Aragoniæ, Cataloniæ & Valentiniæ vicina Regna, quod tam dissimilibus inter se naturis sint, tamque diuersa sequentibus, ut illa quidem moribus, perinde ut temporibus, distinguantur. Tria enim tempora inter se partiantur, Aragoniæ namque Regno, eiusque indigenis, quod de maiorum suorum factis semper gloriantur, præque illis præsentia despiciant; atque ideo lasas prisca leges, & plebiscita perquam constanter defendant, tempus obigit præteritum. Cataloniæ autem, aut propter sterilitatem soli pluribus inculti locis, aut quia natura frugales sunt Catalani, adeoque de futuris solliciti ut præsentibus vix frui videantur; futuri data est fors temporis. At verò Valentini, quibus ex vbertate, & redundantia ferè præsentia sunt omnia, atque suæ potius, quam maiorum virtuti connituntur, nec sibi quicquam in posterum defuturum putant, ac neque præteriti memores sunt, neque futurum timent, præsentibus uti, fruique solent; præsens tempus peculiare sibi ducunt. indeque ceteris largiores existunt: quandoquidem, ut vera prædicem, in Christi pauperes, ad eiusque extollendam religionem, & diuinum amplificandum cultum; in quo Christianos fere alios superant; benefici, ac perquam prolixi fiunt: vereque hilares datores sunt, ac lætantur cum benefecerint. Hinc est, ut quemadmodum tempora; sic & bona, quæ ex utili, honesto, & delectabili constant, hæc ipsa Regna inter se partiantur. ut enim, iisdem ipsis de causis temporis accommodatis, honestum Aragoniis; utile verò Catalanis obigit: sic quoque Valentinis cessit delectabile, quod etiam cum vtrisque potest quam facile congruere: non enim ab humano conuictu abhorret, Salomone teste, bene viuere, & lætari. At verò si eximia demum, suauiaque ingenia ciuium disquiramus, hæc quidem exteri, etsi singularia, excellentiaque esse fatentur, quia tamen volubilia sunt, & arguta nimis, quandam animi mobilitatem & inconstantiam præ se ferre existimant, quæ ipsos ciues in crebras tanquam tempestatum, sic dictorum, atque factorum commutationes temerè detrudunt: ideoque hoc ipsum ingenii acumen, quod eos in lubrico, parumque fido statu rerum cum versari cogit, tum sæpe quidem in Reipub. perniciem detorqueri solet, vehementer reprehendunt. Idcirco haud ineptè quidam, Valentini ingenium contulit cum Argento viuo (Mercurium vocant, quasi quod volubilitate sua contrectantes eludat) quo sanè Physici non modò ad reliqua coagmentanda, & concinnanda metalla mirè vtuntur; verum etiam affirmant, illud idem, purum putum argentum esse, si modò consisteret: namque id, ut consequerentur Chymici, diu multumque laborarunt. Sed hac illi similitudine profecto laudare potius id genus ingenii omni ex parte, quam ex vlla mihi videntur vituperare; quod instar scilicet, argenti viui illud tum velox, ac promptum sit; tum ad omnes etiam apprehendendas & concinnandas artes aptissimum. Ex quo, ut propria est argento viuo volubilitas, ac neque idcirco ipsum innatam veri argenti naturam amittit; ita sanè, quoniam tarditati ingeniorum semper fuit prælata celeritas, hæc Valentinos mira ingenii bonitate commendat: propterea quod sub ea celeritate, immensum ab eis ratiocinationis, atque indagatoris iter confici, ac percurri demonstrat. Quod si verum est etiam, talia ingenia præcipientes, atque periculosas deliberationes elicere, ac varios, lubricos, minusque sibi constantes deliberantes efficere: Sed ut Chymicis suus utcumque argenti viui sistendi modus inuentus est; sic Valentinis, sua quoque ratio, & ars non defuit, ad celeres ipsorum animi motus, argutamque ingenii mobilitatem cohibendam; eamque ad honestas, æquabiles, ac singulari constantia præditas deliberationes traducendam. Nam dum patres ab indulgenti matrum educatione abstractos puerulos, pia, Christianaque disciplina instituendos curant: dum literis & humanitate imbutos ad ciuiles mores, vitæque elegantioris cultum traducunt; facile consequuntur, ut in illis adolescens iam ratio, & rerum vsus, contrahere, sedareque nimios ingenii impetus doceat: præsertim cū aetiuosa admodum, atque negotiosa ciuitas, eisdem ad aliquid agendum, & otia fugiendum semper impellat. Adde seueras leges, rigidaque lata in effusos & vagos plebiscita: subde multorum grauissimorum ciuium probatissimum vitæ, morumque ad imitandum

exem-



exemplum: denique tam insitam vrbi religionem, quæ maximè omnium ad pietatem, socialque virtutes vnumquemque hortatur. Quibus planè artibus, haud est difficile eiusmodi ingeniorum volubilitatem, animique mobilitatem, quas sequi solent inconstantia & temeritas, ad meliorem vitæ frugem, grauitatem, & perseuerantiam redigere. Facilius enim est, hæc ipsa, tanquam blanda & suauia ingenia, quàm obtusa & tarda, ad optimam Reipub. administrationem traducere. Qua in re Valentinos ciues, qui Rempub. gubernant summopere proficere, ac præstare videmus. Nam mirum quidem, quantacum constantia & frugalitate, tum gratia, & commoditate populi, se in eius administratione gerant. Neque enim tam esse possent, ut sunt, iucunda omnia in ciuitate, nisi rerum affluentia, qui fructus est optimæ gubernationis, abundaret. Sic ergo Iacobus, tum Aragonensis constantiæ, tum Catalanæ frugalitatis: tum iucundæ demum Valentiniæ liberalitatis consors ac particeps, & constantissimi, & frugalissimi, & liberalissimi, qualis erga Valentinos fuit, nomen est assecutus.

## BERNARDINI GOMESII MIEDIS, ARCHIDIACONI SAGVNTINI, DE

VITA ET REBUS GESTIS IACOBI PRIMI REGIS

*Aragonum, cognomento expugnatoris.*

### LIBER XIII.

**G**loriosum Iacobi sine direptione vrbis ingressum; ædiumque, ac prædiorum diuisionem; nec non legum atque scitorum sanctionem, cum solerti ciuitatis, eiusque morum descriptione, duobus superioribus libris enarrauimus; ac quoniam duarum Regni partiū, quæ Illegiones, atq; Aedetanos continent, expugnatio, antea explanata fuit; superest ut de tertia, quæ Contestanorū est, quāto ipsa, quāque difficili acquisita bello fuerit, dicamus. Est enim ea regio ultra Sucronē posita ab ortu, mari, à meridie, Murcienſi Regno, ab occasu Castella, atq; à septentrionibus tandē, vrbe, cæteroque Valentino Regno conclusa: ferax admodū, atque bellicosa gente defensa, quin & multis frequens populis pernobilibus: munitissimisque, quorū pleriq; vi & armis, nonnulli patientia & labore, quidā industria & arte; multi demū, sola ipsius fama & opinione victoris Regis, in potestatem redacti fuere. Omnium igitur primum, Setabis oppidum præstantissimum, totius regionis caput, quod vnus diei itinere ab vrbe distat, atque ipsum secuta permulta ultra Sucronē oppida, legatos ad Regem oratum misere; ut se, aut stipendiarios, ac tributarios haberet; aut inducias, quoad velleret, cum ipsis faceret. Vtrumque Rex fecit: tamen cum iis, qui citra Sucronem erant, id ipsum licet obnixè petierint, nequaquam fieri permisit: sapienter quidem ille reliquam Regni expugnationem instituens. ut potè quam, non vniuersam simul neque à remotioribus; sed sigillatim, atque à propinquiore incipere destinauit. Nam inducias ultra Sucronem faciens; citra verò bellum indicens aditum sibi ad utrosque feliciorē aperiebat; propterea quod in citeriores hostes, qui vrbi coniunctiores erant, facile esset, iisdem ipsis vrbis præsidis, atque cum paucis irrumpere, & quæ semel acquisita essent, paruo negotio retinere, ac defendere, potius quam relictum à tergo hostem timere, indeque regredi, quàm progredi magis esset necesse. Quod plane callidi, ac sapientis Imperatoris fuit, vltiores hostes, pactis induciis, quasi vinculis, ne citerioribus auxilio esse possent, astrictos tenere: atque in hunc modum, immoto ferè altero ab vrbe pede, tutò cum citimis pugnare. Ipsos igitur trecentos octuaginta equites, quibus Rex prædia diuiserat, eaque lege & onere contulerat; ut in singulos quatuor menses, centum ex eis in præsidium vrbis, ac Regni essent, denuò promissi, ac fidei datæ admonens, in vrbe, aliisque propinquis locis, & arcibus apud Almenaram, Saguntum, Enesam, Graum maritimum, Ciliam, Liriam, atque Chiuam cum prædiariis collocauit. Quorum præfectos esse voluit Nasturtium Belmontium Templariorum Promagistrum, Berengarium Entensam, Guiller mum Aguilonem, & Simonem Petrum Tarassonam, procures nobilissimos, reique militaris peritissimos. Quibus sua quoque in statione collocatis, atque tum vrbis, Regni que



defensione, tum pactio-  
 ne, ac induciarum fide, & conseruatione commendatis  
 neque interim eisdem quicquam innouare iussis, ipse Monpellerium profectus est;  
 tam ut pecuniam reparandis tot belli sumptibus curaret, ac breui ad redintegrandum  
 illud reuerteretur; quam ut turbatas eius res vrbs componeret. Acceperat e-  
 nim litteras, quibus docebatur populum esse in partes diuisum, hasque adeo in se  
 inuicem male affectas, ut ni venire maturaret, futura illico esset eius Reipub. ruina,  
 indeque in ipsum conspiratio merito timeri posset. Quamobrem Rex protinus cum  
 Petro Fernando Assagra, & Assalidio Gudalio, aliisque triginta equitibus triremem  
 conscendens eò se contulit, breuique secundo vento, in portum vrbi proximum ap-  
 pulit; è quo deductus est in Castrum Latefium, vbi ab urbanis, qui eò confluxerant, ma- 10  
 gno cum applausu fuit exceptus. Quanquam in ipso quidem ingressu Castrum, quidam  
 vrbs primates inique ferentes, quod Rex minime se illis medium præbuisset, præ-  
 fertim Petrus Bonifacius Urbanorum nobilissimus, qui factionis Barcenfis caput erat;  
 ad Assagram, & Gudalium, quos sibi Rex iunxerat, accedens, fastidiosè petiit ab eis,  
 ut sibi, alterique socio, latere Regis cederent, more patrio, id ad se spectare conten-  
 dens. Repugnantibus illis, Rex Bonifacio morem geri iussit. Viderat enim illum  
 cum permultis suæ factionis commurmurari, ac neque iniquum petere. At vbi pa-  
 latium ingressus Rex fuit, continuo Bonifacius apud eum conquestus est de magistra-  
 tibus, Regisque ministris, Narbanum innuens, qui Regis vicarius erat; propterea  
 quod cum eius sectatore populo odio nobilitatem prosequeretur, Regiamque sub- 20  
 inde potentiam, & quasi lacertos belli nobiles, labefactaret. Quare se esse cum su-  
 is præsto Regi, modò pro bono Reipub. & auctoritate nobilitatis, tam impotentem  
 hominis, atque plebis insolentiam retunderet. Cui Rex, gratam habere eius, atque  
 nobilitatis promissionem, & propensum erga se animum, breuique curaturum omnia,  
 respondit. Sed abeunte Bonifacio, accessit Narbanus, Regique simulata Bonifacii pro-  
 missa, tacitasque nobilium sociorum coniurationes in Regem, atque populi op-  
 pressionem patefecit. Iamque, ut fidem faceret eorum, armatos populares turma-  
 tim, seu per centurias ad Regem noctu venire fecit; qui de Bonifacio, Gerardo Bareen-  
 si (is erat factionis etiam caput) Bernardo Reguardana, & Raimundo Besseda, ciui-  
 tatis primoribus conquerentes, grauius eis crimina, & inter ea, maiestatis obiecerunt; 30  
 ad ipsosque puniendos, se ad futuros Regi cum integra armatorum legione promise-  
 runt, modo eiusmodi Monpelleriensis Reipub. perduelles de medio tolleret. Quibus po-  
 puli clamoribus, atque delationibus compulsus Rex, Bonifacium, & alios à præcone  
 vocari iussit; non comparentes, quoniam culpæ fortassis sibi conscii vrbe excesse-  
 rant, tanquam perduelles maiestatis damnari, eorumque bona publicari, ac do-  
 mos dirui, complanarique fecit. Quo peracto, imperata paulo ante ciuibus pe-  
 cunia, libenter numerata fuit, atque accessione proscriptorum auctum ærarium, ditissi-  
 mi enim erant. Dum hæc fiunt, nunciatum est Regi, Prouincialem, & Tolosanum  
 Comites, aliosque vniuersæ Aquitanie Regulos & Barones venire ipsius visendi gratia.  
 Quos ut magnificè ac splendide exciperet, è Latefio urbem ingressus est. Verum poste- 40  
 ro die, nempe quarto nonas Iulii, anni M. cc. xxxix. ut in Commentariis Regis de-  
 scribitur, secunda pomeridiana hora, ingens ad duodecesimum vsque gradum fuit So-  
 lis defectio, quam Græci vocant eclipsim; indeque tanta secuta obscuratio, quanta alias  
 nunquam visa, comparentibus in cælo stellis, perinde ac si media nox esset. Id ipsum at-  
 testatur Bernardus Guidonus Episcopus Lodonensis in sua Historia addens, in festo di-  
 ui Iacobi Apostoli, octauo Calendas Iulii eiusdem anni, media luce, atque sereno  
 cælo, similiter defecisse solem, non tamen quot antea gradibus, obscuratum fuisse.  
 Quæ duæ defectiones, num sinistri aliquid portenderint, quod postea sequutum  
 fuerit, scripsit, quod sciam, nemo: nisi, quod Principes illi Regis hospites in magno  
 timore fuerint; autumantes, similes defectiones, Principum, atque magnorum viro- 50  
 rum interitus prædicere. Quanquam equidem (ut paululum oratione digrediamur,  
 ac ne opinione vulgi in errorem rapiamur) eiusmodi Solis, atque Lunæ defectiones, non  
 tam futuros Regum obitus, sinistrosue, atque inopinatos rerum euentus prædicere,  
 quam efficere, ac eorum causa esse solent. Nam ut Sol, vi, radiisque suis in hæc  
 inferiora influens, non modò propagationis rerum; sed earum etiam fomenti ac con-  
 seruationis summa est causa: ita oppositu quidem Lunæ, sua quasi impeditus fa-  
 cultate & impressione, subiectas res deserens, occasione est, ut ipsæ sui quasi matura-  
 to occasu, deficiant. Ideoque tam Luna Soli obiecta, quàm Lunæ terra, illam obscurans,  
 multarum mundi defectionum, atque animantium occasuum, non tam prædictio-  
 nes, quam



nes, quàm causæ sunt. Ex quo ad alia Phænomena, eiusmodi defectionum prædictiones; seu futurarum rerum præsentiones, non causæ, sunt referendæ. Quarum præcipuæ, magisque peculiare sunt Cometis, crassa calidaque ab exhalatione actis, ac in altum sublatis. Hi namque, haud dubiè, futura ostendunt, atque multarum sæpe calamitatum prænuntii, seu potius muta quædam diuini numinis missa de cælo prodigia, & quasi oracula existunt. ut quibus Reges, ac Principes, maximorum impendentium ipsis, populisque suis periculorum admoneantur. De quibus sanè Cometarum prædictionibus olim dubitanti mihi, easque in meras fabulas, & conficta somnia referenti, occurrit Cometa vnus hoc tempore, qui ex tot consentaneis eius figuræ, ac situi, rerum euentis, magnam profectò prædictionis suæ fidem omnibus, ac mihi fecit. Ac quoniam euanescente illo, multa iam calamitosissima Regum, exercituumque excidia, & interitus vno die euenire: haud puto me præter rem facturum; si tantummodo, Reges admonendi gratia, Cometam hunc cum suo ostento, quasi somnium cum interpretatione, huic Regiæ historiæ quàm breuissimè attexuero. Vtpote cum illius iam ortum, situm, figuram, & causas, variasque motiones, Astronomis, qui de eo abunde scripserunt, disputandas relinquam; quoniam ad lamentabilem tot Regum interitum subiiciendum, nostra festinat oratio. Siquidem apparuit temporibus nostris, quarto abhinc anno, qui fuit M.D.Lxxvii. Septimo Idus Nouembris, stella quædam crinita in Occidentali parte, non supero in cælo, sed summa, ut videbatur, in regione aeris constituta. Tametsi ex eo, quod non ab Europea gente solum; sed ab Occidentalibus Indis, eodem ipso tempore, loco, positione & figura, fuit etiam conspecta: creditur ea cælo citima fuisse. Cuius situs, Ortum inter, & Septentriones, sub Sagittario indeque oriens, radios, siue crines suos fumoso quodam, atque cineritio micantes candore, Africam versus extendebat: ac ut ex eius lineamentis, & figura deprehendi poterat, sua quasi aduncitate buccinam: capillamento verò, flagellum adumbrabat. Quæ duo spectra, siue figuræ sub Sagittario ortæ, Astronomorum obseruatione, bellorum, atque inclytarum cædium successus, toti manifestandos orbi, solent portendere. Postquam igitur stella, variante cauda, tribus prope mensibus in eodem cæli situ & positione permansit, ac mala, quæ obuentura erant, diutius duratura præsignificauit, elapsis illis ipsis, protinus euanescere cœpit, nec amplius visa fuit. Quæ autem illam sequuta portenta fuerint; quodque ab ea quidem clarissimè extiterint prænunciata, breui quadam historiæ narratione exponuntur. In Africa, apud Mauritaniam, & Numidarum Regiones, duo potentissima Fecensium, & Maurusiorum coniuncta Regna continentur, quæ paucis ante annis Habdalla Rex possidebat. Is quatuor habuit filios, Habdallam, Habdalmelicum, aliàs Maluchum, Muleahametum, & Muleamumium. Mortuo Habdalla patre, regnauit Habdalla filius fratrum natu maximus, qui filium habuit Muleamahemetum, cognomento Nigrum, quoniam eum ex Regina, ut ferunt, Aetiopissa suscepit. Verum Maluchus, ut primum fratris Regi filius Niger adoleuit, veritus vtriusque insidias, ad Selymum Imperatorem Turcarum abiit, sub eoque aliquot annis militauit, ac in magna eius gratia fuit. Nam ex eo quod Habdalla Rex Selymo subdi, eiusque partes sequi noluerat, Maluchus illius nutu, & ope, veniens Algerium, Regis filiam, sola Maurusiorum spe Regni dotatam, uxorem accepit: indeque secretò Habdallæ Regi fratri insidias posuit, qui tandem in Mahometana Aedicula, dum impias suæ sectæ ceremonias agit, discolo, ut vocant, sclopeto interemptus fuit. Atqui Maurusii atrocitate rei commoti contra Maluchum, Regnum Nigro Habdallæ filio detulerunt. vnde Maluchus iure ad se Regnum pertinere contendens, foci Regis, atque Selymi copiis apud Algerium inuentis adiutus, cum potentissimo exercitu Maurusium venit, vbi commisso prælio, superatoque Nigri exercitu, Maluchus ipsum Regno expulit, atque in montes, ut vocant, Claros, in extrema Regni parte sitos, compulit: sicque libere Regno potitus fuit. Interim Niger, dum legatos in varias Africæ partes mittit, auxilium à paternis amicis implorans, ipse in Hispaniam venit, ad Philippum II. Hispaniarum: & Sebastianum IX. Lusitanorum, Reges, ut etiam auxilio sibi essent deprecaturus. Sed Philippus iustis de haussis iuuare renuit: Sebastianus verò, pro bono & conseruatione ciuitatum, quas maritima in ora Africæ Maurusii vicinas ac confines obtinebat; non modò eum classe, & exercitu iuuaturum: sed cum esset iuuenis magnanimus, strenuus, gloriæque percupidus, se quoque cum suis adfuturum promisit: neque de suo itionis proposito à Philippo auunculo, quamuis enixè conanti, deduci po-



tuit. Vnde contigit, ut quo temporis articulo, Sebastianus eo ire in animum induxit, Cometa apparuerit: isque tandiu omnibus emicuerit, quandiu (ut curiose obseruatum fuit) Sebastianus mente tenuit, atque animo versauit profectionem. Nam ut primum preparari ea, atque omni re, milite & armamenti classis instrui, ac exornari coepit, Cometa euauit: significans se, ostento suo: non modo futura omnibus praedixisse; sed Regi etiam tempus ad deliberandum dedisse, quasque edixisse, ut ab incepto desisteret. Neque enim credi par est, Astronomos, siue Magos, ut dicunt, Regis, in tam manifesto coelesti signo, quod in Africam, quo erat eundum, caudam tendebat, turpiter connixisse, neque praemonuisse Regem, aut contempsisse prodigium. Quinimmo verum est, per id tempus, fuisse editum prognosticon, quod etiam perlegimus, a peritissimo Astronomo, aperte asserenti, quas Cometa calamitates praenunciabat, in Portugalliam, & Africam intendere; autemque utramque prouinciam his verbis admonuisse. Caueat sibi Portugallia: caueat Africa. Itaque nihil proficiente Cometa, Sebastianus Italo simul & Germano milite comparato, totaque nobilitate Lusitania sequente, cum classe florentissima profectus, in Africam peruenit, atque portum Alarachium, non longe a Gadibus, ad Oceanum tenuit: ubi exposito in terram exercitu, protinus venit ei obuiam Rex Niger, qui Sebastianum cum vniuersis copiis, inter duos amnes, loco tutissimo ad sese defendendum, non longe ab hostibus, collocauit: impenseque rogauit, ne se loco, quantumuis ab hoste laceffit, dimoueret, ne flumen traiceret, quoad ipse suo cum exercitu veniret. Verum abeunte Nigro, Sebastianus nullam pugnandi interponendam moram ratus, praemissis aliquot velinibus, qui omnem circumcirca Regionem explorarent, neque comparere quenquam referentibus; hostem quoquoersum querere decreuit. At vero Maluchus sagax, & astutus, innumerabilibus equitum copiis congregatis, quibus praerat Mulezhametus frater, eas interim a conspectu Sebastiani, Punico cum eo dolo vsurus, abduxerat: ut ipsum e tam opportuno defensionem, atque natura munito loco eliceret. Et quamuis idem grauissimo tunc, mortiferoque conflictaretur morbo, voluit tamen praelio interesse; seque inter arma lectica circumuehi iussit, quod suis utcumque praesentia vires adderet, eosque a transfugio, quod timebat, contineret. At Sebastianus pugnandi cupidus, atque suis copiis tantummodo, nulli communicata gloria, vincendi hostem desiderio flagrans, flumen, non expectato Nigro traiecit: vixque illud media fere pars exercitus tranarat: cum subito hostilis acies equitum plus quinquaginta millium, se in Sebastianum immisit, atque cruentissima commissa pugna, eundem strenue sese licet defendentem superauit. Quo miserabiliter interempto, eius quoque exercitus caesus, atque omnino captus fuit. Hac ipsa hora Maluchus e lectica exiliens, admissis equis, arreptam hastam, quanta vi potuit, acutissimo clamore edito, in hostes iaculatus fuit: statimque in lecticam reuersus, superante morbo expirauit. Sub haec, eodem quoque tempore, vix dum finito praelio, adueniens cum exercitu Niger, inueniensque tum Sebastianum flumen transgressum, & interemptum; tum eius exercitum fuscum ac profulgatum: atque conuersos hostes in se vnum irruere; trans flumen, in locum ubi Sebastianum locauerat, ire properabit. Verum in ipso traiectu fluminis, cum sitiens equus cursum ad bibendum silteret; atque adductis a Nigro habenis; acriusque calcaribus adhibitis, sese derepente erigeret, sessorem resupinum in profundum iecit: qui pressus armorum pondere, neque enatare valens, misere suffocatus fuit. Sicque vno die, vnoque fere loco, & praelio, tres potentissimi Reges, praenunciante Cometa, & cecidere simul, & vario licet genere mortis, tamen extincti fuere. Demum, diuino sic ferente nutu, qui non malorum praenuncius, ut Cometa, sed bonorum omnium auctor est, ac distributor; quo disponente, vniuersa Regna & Imperia orbis, & dantur, & adimuntur; & prout vult, atque expedit, ab aliis in alios transferuntur: factum fuit, ut Muleahameto fraterni exercitus ductori, proque fratre strenue, fortissimeque pugnantem, fratrum ex victoria imperium obtigerit. Philippo vero, cum Sebastiano optime consulenti, tum de Christiana Republica benemerenti, haereditario etiam iure, Lusitania Regnum cum Orientali eius ditione cesserit: sicque in eius possessionem felici Albani, praestantissimi, totque victoriis, trophaeis, atque triumphis illustrati Ducis consilio ductu & industria venerit. Et quid obsecro euenire potuit felicius? quid beatius, aut gloriosius? quam Philippo 2. Rege, ac Gregorio XIII. Pont. Max. quod fuerat a Gothicis usque temporibus desideratum nostris obtigisset. Nempe huius tanti Regni accessione, vniuersam Hispaniam, non modo in vnam domina-



dominationem coaluisse; sed adiectione Regnorum, quæ in continenti, & Insulis Europæ tenet; vna cum Occidentali & Orientali nouum orbem constituentib. Imperiis, in maiorem, quam fuit vnquam Monarchiam euasisse. Sed quid tandem diuinius; quam huic rapinæ moli rerum, & immenso Imperio, perinde vt indemito, ac intractato equo, Philippum Regem sapientissimum, & Iacobum filium Principem, dominos ac domitores obtigisse? Quanquam, vt cum Cometa concludamus, qui mala, quæ prædicebat, maiora indies obuentura esse significabat: superioribus immaniora adhuc monstrasse. Nam per id tempus, Ferdinandus Hispaniarum Princeps Philippi F. fratrum natu maximus, vix septimum attingens annū de medio sublatus est: & Ioannes Austrius Caroli Quinti Imperatoris filius Philippi frater, tantis rebus gestis, qui bello contra Belgas præerat, morbo interiit: Quin & paulo post, vt primum Philippus cum Anna Austria Regina, ingressus est Lusitaniam, in grauissimum & periculosissimum morbum incidit; cuius tanta vis fuit, vt prorsus de ipsius vita & salute fuerit desperatum: sed diuina bonitatis infinitatē miserante, auersus est furor, ne alienissimo Reipub. tempore, Rex optimus & maximus, è vita cederet; neve tantus ipsius gloriæ cursus immatura morte interciperetur: cum satis quidem ei acerbissimæ mortis loco fuerit, Annam conjugem charissimam, scēminam lectissimam, & prudentissimā, eodem tum morbo correptā, ante quam ille conualesceret, interiisse. Atq; ita constat sanguinarium (vt sic dicam) Cometam, tam inclytis in Africa, & Hispania cædibus, ac illustrioribus, quam de quoquam alio legatur, præfensionem suam nobilitasse. Vt igitur eo, vnde diuertimus, ad ipsos scilicet Iacobi hospites, duabus Solis defectionibus conterritos redeamus; fuere hi quidem à Rege honorificentissimè excepti, longeque lautius, atq; opulentiùs tractati. Quibus, id vnum ab eo efflagitantibus, Rex gestas a se res in expugnatione Regnorum, ac etiam agrorum diuisione, modestissime, atque ordine enarrauit: indeque multis eos muneribus cumulos dimisit. Iamque ciuitatis, ac totius Principatus rebus compositis, nauem longam octoginta remorum, quam paulo ante ciuitas construxerat, Busam vocatam, conscendit, atque in Cataloniam nauigans, cum Portum Veneris tenuisset, inde terra Gerundam venit. Cæterum vt primum Rex Valentia profectus Mompellerium petierat, Guillelmus Aguilo, vnus ex ducibus, qui in præsidio vrbs, atque Regni, relictū fuerant, simul cum equitibus & Almugauare, ac bona peditum manu, sociis in statione & præsidio vrbs manentibus, eruptionē in Sarracenos fecit, nō modo in eos, qui nondum expugnati fuerant; sed etiā quibuscum induciæ pactæ, atque ex pacto Rege tributarii erant. Quos ille adortus ex improviso, magnas ex ipsis prædas retulit; obseditque oppidum Rebolledum; quod vi captum, postea dono Regis Petri Simoni Carrocio filio illius præfecti maris, de quo egimus, cessit, vna cum oppido Fontis Carrocii, ab eodem forte condito, aut denominato: quin etiam aliorum quoque oppidorum agros vastauit Aguilo, aliorumque domos, & armenta depeculatus est. Qua fama prædæ, permulati alii, ex præfidiariis, dimissa vrbe, se Aguiloni adiunxerunt, simulque exercitus & præda augeri cœpit. Cumque in montanis locis supra Setabim versarentur, in magna præcipue conualle Albaidensi, quæ omnium Regni cultissima est, atque olei præsertim feracissima, populisque perquam multis frequens & habitata, prædas agere tentarunt. Sed ne liberè in eam excurrerent, cum impedirentur Castello quodam, Chio nuncupato, quod in faucibus conuallis situm erat, multoque præsidio munitum, ad illud oppugnandum accesserunt. Vtpotè quo capto, magnum facebatur negotium, non toti conualli modò, sed etiam Setabitanis, ad mutuum hinc inde transitum præcludendum. Quod autumnantes Chionenses, ignibus per Castella accensis, signo dato, totius conuallis Sarracenos commouerunt, qui sese congregantes, Chionenses ab obsidione liberare, atq; Castellum nouo præsidio munire statuerunt. Erat autē illud medium, ac proximum duob. vetustissimis populis, Lucento, & Pineto; in quorum priori, Christiani sarcinas & impedimenta reposuerant. Vnde Chionenses existimantes auxilia iam iam ex conualle sibi affutura, vt initium victoriæ à se facerent, è Castello in Christianos irruerunt: à quibus tamen victi, fugatique fuerunt. Quare nostri Castellum occupare volentes sequenti die, viderunt Sarracenorum plus viginti millia petere Chium obsessione liberandum, ac castra non longè posuisse, quoad confluentes ab vniuersa conualle populos reciperent: adeoq; maturare aduentum, vt facile esset eis breui intrare Chium. Quocirca Christiani in montis verticē, vbi nunc insigne cœnobium fratrum ordinis Dominicanorum exædificatum est, Lucento & Chio proximū, se receperunt. At verò Sarraceni qui subsidio venerant Chionensibus, intellecta eorum fuga, deserto Castello vniuersam conuallem circunseptam montibus occupantes, portusq; illius, ne quā Christiani



elaberentur, præfidiis firmantes, aciem contra Lucentum direxerunt. Christiani verò qui se in tanto esse discrimine viderunt, consilio habito, minime se in eo loco, quamvis inaccessso, atque naturâ munito continere; quin potius obuiam Sarracenis exire, atque antequam illorum copiarum augerentur, impetum in eos facere decreuerunt. Igitur, ut ex Beuterio, aliisque scriptoribus, non tamen ex Regiis Commentariis, colligere est, reliqui quinque Duces, qui ad Aguilonem ex variis Regni locis confluxerunt, Berengarius Entenza, Fernandus Sanctius Aierbes, Petrus Simon Carocius, Petrus & Raimundus Luna Aragonenses, se se cum exercitu ad pugnam præpararunt. Quorum primus Berengarius, qui prælio, & victoriæ Enesianæ, sub Guillermo cognato militans interfuerat, Sarracenorum ignauiam, atque inertiam in præliando compertas habens; & quia bellicosus erat, sociis, ac exercitui non nihil subimentibus, Bono, inquit, animo vos esse iubeo ad dimicandum commilitones, quandoquidem exploratū habetis, multo maiores, quam hæ sunt, Sarracenorum copias a minori Christianorum exercitu, sæpè quidem cæsas, & fugatas fuisse. Idque maximè paulo ante, apud Enesæ arcem, ducibus Guillermo cognato meo, & Aguilone, quem nunc magno vestro commodò, ac certa cum spe victoriæ, ducem & antesignanum habetis: modò quibus se illi præliaturi, patronis Christo, ac virgini matri, toto pectore commendarunt; vos nunc similiter, vestrosque animos vehementi studio commendetis. Est enim ea turba ex tumultuario, imbellicque milite collecta; quæque nullo seruato ordine venit ad vos, qui vestra industria, & summa bellandi arte, cum paucis maximos eiusmodi canū exercitus sæpè fugastis, vicistisq;. Ex quo hunc, eodè implorato numine, ne dubitate, profligabitis. Hæc cum dixisset Berengarius; & Aguilonius grauissimis quoque verbis comprobasset, constanti, ac confirmato ad optendam mortem animo omnes esse cœperunt. Itaque summo mane dum sacrum fieri, sibi quæ Christi corpus communicari expectant sex illi duces, & totidem hostias sacerdotes consecratos habet, ac communicare parat; tam ingens clamor è castris exortus est, Sarracenis in nostros ex improviso irruentibus; ut intermisso sacro, necesse fuerit duces arma arripere, atque pro se, arisque pugnare. Vnde in hostes magno sese impetu illis immittentibus, atque suos milites ad pugnam animose adhortantibus, commisso prælio, usque ad vesperum fortissimè vtrinque dimicatum est, diutiusque anceps pugna fuit. Dum interim sacerdos, qui hostias consecrarat, vehementer de illis sollicitus, diuino instinctu concitatus, eas intra pannos lineos (sacros corporales vocant) distinctas inuoluens, sub lapide reposuit: ipseque genibus flexis, ac sublati in ecclum manibus, flens & orans substitit; quoad fugatis Sarracenis, duces in eum locum regressi sunt, acturi Christo gratias pro tam insigni parata victoria, atque sacratas hostias adoraturi. Cumque sacerdos sublato lapide, ac euolutis pannis illas inquirat, sanguine resperfas, & ipsis pannis affixas, & hæretes reperit. Cui pro tanto rei miraculo, obortis lachrymis, ac in sacramenti laudem voce magna erumpenti, accurrere duces, conspectoque diuino in terris prodigio, singulares Christo gratias cum vniuerso accurrenti exercitu egerunt. Ac protinus de transportandis sacris illis linteis, atque in tuto & venerabili loco reponendis cogitauerunt. Itaque eodem sacerdote duce, panni ad Darocam insigne Aragoniæ oppidum deducti fuere, & in maiori Templo repositi: vbi magna non modò populi, sed totius etiam Christiani orbis veneratione coluntur. Sicuti latius peculiari historia, quæ de re tam valde miranda composita est, ita idem continetur. Igitur exercitus ad prædam conuersus amplissima inde spolia retulit, atque illico Chium, diruto muro, igni succendit, ne Sarracenis denuò præsidio esse posset. Interea Regi Valentiam ab Aquitania reuerso, à tributariis, siue stipendiariis sarracenis magnæ habitæ sunt quærimoniæ de Aguilonis, & sociorum direptionibus, agrorumque vastationibus: quodque sarracenos ille denuò commouerit, & ad conspirandum irritauerit: iccirco ut de illatis iniuriis satisfaceret, petierunt. Sed cum reliqui, qui cum Aguilone deliquerant, partim in Aragoniam, aut Cataloniam abiissent: partim sese excusassent, quòd gratia defendendi exercitus, quem Aguilo ducebat, ad eum venissent; in eundem culpa omnis collata fuit, isque regia accepta fide, comparuit, atque oppidorum Algerressi, & Rascaix, quibus à Rege paulo ante donatus fuerat, redditus Sarracenis tribui iussit, quoad vastationes agrorum, & illata damna, quæ passus est, Sarracenis compensarentur. Sed cum Aguilo ea iam creditoribus dedisset, quod magno esset alieno obstrictus ære, præcepit ei Rex, ut omnes, quos duxerat ex præda captiuos, manubias, & spolia, quæ domi haberet, dominis restitueret. Qua prompta Regis iudicatione, Sarraceni tributarii pacati fuere: maximè verò, quòd sibi persuaferunt, Rege præseente, non amplius se molestia fore afficiendos. Post hæc Rex, cui nullum erat otium, nouam expeditionem in Sarracenos, quibus cum ad tempus fuerat pactus inducias, quòd elapsè iam



iam essent, ultra Sucronem statuit suscipere, cum equitibus levis armaturæ centum, atque octingentis peditibus; relictis totidem, qui postea sequerentur. Iamque vrbe exiens ad Albalatum pagum inter Cullarim & Algeziram venit: atque in Bairenam vallem contra Gandianos signa dirigens, in latissimam planitiem cœpit excurrere, mare inter & perpetuum montem interpositam, ac ob stagnantes ibi aquas incultam. Qui mons tum Bairena à læua, & Corberana à dextra arcibus; tum duabus conuallibus in eandem planitiem decurrentibus terminatur. Quarum quidem conuallium citerior altissimis circumclusa montibus, Sarracenis Alfandecha, hoc est, profunda, aut deserta, nostris verò Valdigna nuncupatur. Cuius longitudo quatuor milliaribus, latitudo vix vno protenditur. Sed hæc tunc à Rege, quoniam à paucis culta habitataque erat, prætermissa fuit, quæ tamen nunc est omnium cultissima, & fructuosissima, ac satis digna, ut eius nunc situm & feracitatem breuiter describamus. Est enim ea à capite, altissimis ab occasu protecta montibus, ad quorum radices, quinque paululum inter se discriminati fontes scaturiunt, vnde flumen oritur, quo tota conualis irrigatur: quæ quidem fructus non modò vberes, ac varios, sed omnium suauissimos, ac delicatissimos profert. Tota enim ea saccharea circumfluit messe, atque vbi in apertam planitiem decurrit, earundem defluxu aquarum, alterius præcellentis messis, orizæ videlicet (frumento par est hoc alimentum) extat feracissima. Ex quo propter vtriusque messis, eiusque perboni agri culturam, non paucis frequens est pagis, atque oppidulis, in extrema eius, atque inferiore parte sitis. Qua causa Iacobus 1. Regis nepos, ac Regni successor, admirabilem conualis positionem, & fertilitatem, atque loci calique naturam contemplatus; superiore parte, quæ à populorum frequentia remotior esset, situm commodiorem ibi fore ratus, amplissimum, sumptuosissimumque cœnobium cum ornatissimo fano exædificauit, ac sub ordine Cisterciensium monachorum, Christo, ac Virgini matri dedicauit: quod etiam tota conualle, cum prædiis, & oppidulis tam decenter ornavit, excoluitque, ut annuus inde census ad decem & octo millia; ex iisque cœnobio & monachis, ad septem millium aureorum summam ascendat. At verò conualis vltior Bairena iam dicta, vbi mons desinit, priore multò est amœnior; & quia varietate, atque multitudine frugum, fructuumque curiosius, frequentiusque confertur, longè etiam fructuosior. Nam fluuius eam interluens, totam ad mare vsque læua, dextraque irrigat; ac neq; iisdem tantummodo sacchareis messibus, quibus mirè excellit, ipsaque potissimum bonitate, ac excellentia sacchari, toti Europæ præstat: verum frumento, vino, oleo, sparrho, atque moris ad sericum bombycinum conficiendum mirè affluit. Sunt enim in ea conualle duo florentissima oppida, alterum Bairenæ arci proximum, Gandiam id vocant, munitissimum, ornatissimumque, atque saccharei mercimonii causa frequentissimum; totiusque Gandiani Ducatus caput, perillustri Borgia-rum familiæ subiectum: Alterum Oliua nuncupatum, in extrema conualle situm ad meridiem; quod etiam arce & muro inexpugnabili protectum, caput est Oliuani Comitatus: ac non amplius quàm tribus milliaribus à Gandia distat. Qui tamen breuissimus terræ tractus, forma quadrata, ab ortu quidem mari, à meridie Oliua, ab occasu montibus, à septentrione Gandia finitus, totusq; saccharea ferè segete cõsitus, tam est miræ feracitatis, ut vix sit credibile, quod alioqui curiosè inquirentibus nobis fuit perquam cõpertum, annuam scilicet frugum, fructuumque inde perceptorum æstimationem, ducetorum quadraginta millium aureorum summam efficere. Cùm igitur Rex Corberæ fluuium, vbi è superiore conualle in mare influit, traiecisset, misit nuncios in castella, & arces Bairenæ, Villælongæ, Borronis, Vileliæ, & Palmæ, eiusdem prope conualis, quæ in excelsis, atque præruptis rupibus constructæ, atque munitæ erant, ut se se dederent, alioqui cultissimos se eorum agros depopulaturum, & fame ipsos oppressurum interminatus. Dum responsio spectatur, Zaenes olim Valentis Rex è Dianio propinquo oppido, cum paucis ad Regem venit, à quo fuit quidem acceptus beneuole. Aduentus causa fuerat, ut à Rege peteret Balearium minorem sibi, suisque: se enim in compensationem daturum ei arcem Alicantinam, ad Alonem portum: esse namque sibi integrum illam tradere, si tamen besantiùm quinque millia Rex adderet, ut permutationem exæquaret. fuitque mirandum, non plura petiisse, adeo Sarracenorum inueteratus mos est, impudenter, ac vel iniquum petere. Sed Zaenis postulatis annuere Rex distulit; se excusans pactioibus, quas in diuisione prouinciarum, Regnorumq; Hispaniæ olim Petrus pater cum Alfonso Castellæ Rege fecerant: ideoque Alicantina ciuitas, eiusque territorium, cum ad Castellanorum Regnum spectaret, sibi non licere fallacem, quod aiunt, in alienam messem immittere. Quo responso Zaenes Regiam ad-



miratus constantiam & integritatem, eique beneuolentior effectus, Dianium reuersus est. At vero ex castellis, ad quæ Rex nuncios, ut sese dederent, miserat, primus Bairenz arcis præfectus respondit; se, modo agri minimè vastarentur, ad hanc pactionem venturum; ut, si intra menses septem nullum alicundè adesset ei subsidium, Regi arcem traderet; atque interim obsidem daret turrim Albarranam, quæ ab arcis muro parum abest; interq; illam & arcem per ampla est fossa. Quæ pactio iure quoque iurando ab ipso præfecto, vna cum aliis viginti primoribus oppidi confirmata fuit, ac protinus turris tradita, & in potestate Peregrini Atrosilli relicta: quam ille statim aggere circummuniuit, ipsis etiam Sarracenis operi manum admouentibus. Interim Rex venit Cullarim, quam paulo ante Templariorum promagister, Rege in Aquitania agente, eidem acquisierat. Quæ causa Rex Sucronem oppidum insigne Cullari propinquum, ob signato diplomate, illius societati adiecit: quod postea abolito Templariorum ordine, Montesano sancti Georgii fuit traditum. Regi igitur intranti Cullarim Legati oppidulorum Bairenz conuallis venire cum mandatis acturi de deditione; quos Rex, ut alios stipendiarios effectos, recepit; ac deinde septem mensium termino, quo frustra subsidium fuit expectatum, elapso, in eam contendit, traditamq; accepit. Quo in loco, reconciliationes etiam Petri Fernandi Affagraz, Petri Cornelii, Artali Lunæ, Garcie Romæui, & Simenii Vrræ, procerum Aragonensium, qui à Rege descuerant, cum ipso factæ sunt, ac mutuo promissæ amoris & beneuolentiæ pactiones. Dum hæc apud Bairenam fiunt, Ferdinandus Regis patruus, & nonnulli proceres, ac præfecti ordinis Calatraue, cum magna militum manu, Raimundum Vicecomitem Cardonensem imitari cupientes, Vilienam profecti sunt, eamque obsidentes, tentata oppugnatione, ab oppidanis viriliter repulsi fuere: atque ex eo magis recedere coacti, quod Vilienses noctu ex oppido eruptione facta, structas machinas succenderunt igni, earumque custodes non paucos occiderunt. Sed recurrentes præfectus Alcanitii, & sui ordinis equites, & Almugauares, atq; oppidum nouis constructis machinis oppugnantes, coegerunt oppidanos, legatos ad Regem mittere, orantes, ut sese in potestatem reciperet; ad quos Rex, ut Præfecto, & aliis sui ordinis se dederent, respondit, clementia & benignitate cum ipsis vsuros illos promittens. Quo tempore Rex, vrgentibus Cataloniæ negotiis, in eam ire coactus, Rodericum Licianam Valentie, atque toti Regno præfecit; rebusque in Catalonia compositis, in Aragoniam venit; ubi matrimonia duarum ex Iolante filiarum conclusit, maior enim nupsit Alfonso Castellæ Regi, qui nuncupatus est sapiens, eo quod multiplici doctrina instructus esset, præcipue Astronomia (huius enim scientiæ tabulas ille longè vtilissimas composuit, à quo dictæ sunt Alfonso, ac leges etiam, scitaque Castellanorum, in quadripartitum opus redegit.) Huic igitur promisit Iacobus daturum se omnem opem ad Mureiense Regnum debellandum, quam postea præstitit. Altera verò Constantia Emanueli Alfonsi fratri germano locata est. Iam verò absente Rege, Petrus Alcalanus consobrinus Licianæ præfecti, cum bona præfidiariorum manu ex vrbe Serabim profectus est, excursions in eius agrum facturus. Sed dum Serabitanos adoriri parat, in eorum insidias incidit, captusque ab eis in custodiam est datus. Per id quoque temporis Berengarius Entensa, qui ob excursions vna cum Aguilone in Sarracenos tributarios factas, à gratia Regis fuerat dilapsus, se cum suis Serabim receperat, atque Serabitanorum ope eruptiones in oppida stipendiariorum faciebat, eorum agros depopulando, maxime verò in tuguria Turulensium, qui quotannis pecuaria sua in hyberna ad Regnum agebāt, idque adeo superba, ac potenti manu, ut neque à præfecto vrbis, neque ab Hospitalem promagistro, neque ab vniuerso vrbis præsidio obsisti ei posset. Quæ causa Rex cū xxv. equitib. levis armaturæ Cezaraugusta in Regnum conuolauit, veniensque Alturam oppidulum Segorbio confine, pactione traditum cepit. Cuius aduentum ut primùm rescivit Berengarius ab excursionibus destitit, atque in Regis gratiam redire nitebatur, ad eumque data fide venit: à quo licet benigne receptus, tamen duriusculè reprehensus fuit, quod tantopere de ipsius amore ad sese reconciliandum dubitauerit; promisitque Berengarius, se nunquam non fidelissimè Regi adfuturum: ac neque Chiuam oppidum, cum eius arce munitissimum, atque limpidissimo fonte inclutum, quod paulo ante Rex ei dono dederat, ad illudque tunc vna accesserant, ab eius obsequio & imperio vnquam recessurum. Quo etiam conuenerunt Petrus Albalatius Antistes Tarracoenfis, & Rodericus Licianæ præfectus, à quibus Valentiam deductus est, atque in itinere rogatus, ut Petrum Alcalanum à Serabitanis captum eriperet: quod facturum promisit. Itaque Valentiam ingrediens cum magna sacri cœtus pompa, ac Senatus populiq; lætitia & occurratione exceptus fuit: breuique conscribi exercitum, ac Serabitanis indici bellum curauit. Itaque Valentia profectus, in eo itinere Barraguan



guam oppidum cum maiori parte exercitus venit, reliquam ibi præstolaturus. Fama igitur indicti Serabitanis belli, Iacobo Duce, ad eos peruenerat, timorque cunctos inuaserat, Regis bellicosissimi impetum perhorrescentes. Quorum præfectus videns maximum sibi periculum imminere, antequam Rex obsidione oppidanos terreret, Legatum misit, qui Regi obliiceret pactas inducias, & foedera cum Serabitanis ab eo icta, nequaquam à serupta fuisse, sed ab Alcano & suis, qui spretis induciis, Serabitanorum agros hostiliter depopulati fuerant, indeque in seruitutem perquam multos ex eis abduxerāt, se tantum vim vi repulisse. Cui respondit Rex, peræquum esse, ut à suis illata damna Serabitanis compensarentur: idque se protinus curaturum promisit: modò interim Al-  
 10 calanum, & eius socios ad se remitteret, sicque Legatos dimisit. Posthæc Rex, studio videndi oppidum florentissimum, quod Contestanorum, ut diximus, caput erat; iunctis triginta equitibus, eidem appropinquauit: ac ut liberius illud contemplaretur, in collem excelsum, cuidam propinquum Castello conscendit: indeq; oculis collustrato situ oppidi, cum eius territorio, frequentibus suburbanis ornato, quæ coniuncta, toterant, ut alterum æquale ei fere oppidum constituerent; vehementer est ea admiratus. Tametsi admirationem admodum augebat peruaria, atq; exuberans agri fertilitas: quæ duorum fluuiorum confluentia, & deriuatione, atque irrigatione, alta, propagataque, tanta erat, ut reliquum totius Regni agrum, haud dubiè videretur antecedere. Adde sumptuosissimos à fonte aquæ ductus, præcellas, mireque structas domos, quæ facillè erat, ob decliuitatem oppidi, vniuersas sigillatim inspicere. Quin & admirabiles vtriusq;  
 20 arcis positiones, quæ in excelsis, ac præruptis rupibus collocatæ, totq; communitæ turribus, perpulchrum simul & munitissimum sui spectaculum præbebant; cum peramplis demum earum atris, ad præsidia, machinas, & alia quæuis armamenta bellica ad defensionem collocanda. Ut nihil planè defecisse videretur, quod ad maximam oppidi, atq; arcium munitionem, & ornamentum pertineret. Qua causa deliberauit Rex minimè inde abicedere; donec oppidum, aut vi, aut pactione in suam potestatem veniret. Ac positis castris in ea parte agri & hortorum, qui sunt propinquiore arcis, lustrari etiam iussit colles è regione sitos, ut oportunitate inuenta ad oppugnandum machinis summas arces, castra eò transferret. Verum à lustrantibus relatum est, rupes illas exercitui, & machinis  
 tum inaccessas esse, tum aquæ penuria incommodas, præterquam quòd media pars  
 30 exercitus, necessum esset, ut in planitie consisteret, ad tutandos lixas, & calones, alioque commeatum & cibaria in castra deferentes, ne à Sarracenis interciperentur; facileque tum esset illis, exercitum fame plusquam ferro opprimere. Vnde Rege per se collustrante omnia, inuentus est locus commodior ad oppugnandum, ad radices cuiusdam montis, prope suburbanum Sallentii, ubi erat aquarum copia proximo ex Annensi fonte, riuo deducto, ibique castra poni, fossaque & vallo, vndique obduci, atque milite muniti iussit. Quibus dispositis, depopulari agros, frumentarias rumpi molas, atque olearia trapeta euertere, aliaque damna, quanta ab infestissimo hoste time-  
 40 ri possunt, Serabitanis inferri præcepit: alia quoque parte exercitus in vniuersum territorium excurrente, atque ingentes prædas in castra agente. Porro Rege castra lustrante, quidam ex antesignanis exercitus cum altero contendens milite, Regisque præsentiam minimè reueritus, in eius oculos audacter illum atq; grauiter vulnerauit; seq; protinus recepit in tabernaculum Garcie Romæui, vnius ex primis Aragoniæ proceribus, qui cum centum equitibus Regi in eo bello inferniebat. Sed in percussorè Rex irruit, ipsumque è tabernaculo vi extrahens, custodiæ tradidit, ut digna postea delicti pœna plecteretur. Vnde grauiter offensus Romæus, perinde, ac fuisset inde ille in sui contemptum extractus, Garciam Veram Aragonensem equitem ad Regem misit, qui suo nomine diceret; se non ideo venisse cum sua manu equitum auxilio ad bellum, ut ignominiam præmii loco, ab illo referret. Nam si antiquo ex priuilegio nemo, quantumuis facinorosus, non tamen maiestatis reus, è domo, non procerum modò, sed quorumuis equitum,  
 50 aut nobilium, in quam se reciperet, ut Asylū, educi poterat; minus quoq; è sua, qui ex nobilissimo procerum numero erat, ac neque Regi inutilis, aut infensus. Cui Rex, grauius esse respondit, in bello, quam pace delinquere; eoq; ipso necessarium, delinquentem atrocius puniri. Quanquam non è domo Romæui facinorosus, sed à Regia extractus fuit: quandoquidem militaria castra, non plures, neque diuersorum, sed vnam tantum perpetuam Imperatoris domum efficiant; cui ut militent omnes, ita & pareant oportet. Quid, quòd neque è propria ille Romæui domoeductus dici potest; quando barbaricū illud tabernaculum, quo confugerat audax ille, ac temerarius percussor, non Romæui, sed Regis proprium erat, Romæuo tunc accommodatum. Demum in delicto, cum



Rege præsente, tum eo spreto, perpetrato, nequaquã esse conniuendum dixit. Iccirco rogare ipsum, ne quam apud se, ob præstitã in bello operam, gratiam commeruisset, tam læui de causa corrumpere vellet. Quinimo veniret ad se, plura coram, quàm per nuncios, confecturus. Verùm Romæus inani inductus persuasione, tantum abest vt regiis dictis acquieuerit; vt etiam peiora machinari cœperit. Nam fuit Rex illicò à Serabitanis certior factus, Romæum tentasse vna cum suis ad illos transfugere. Quod parui duxisse visus Rex fuit, parem, inquiens, rationem illius habiturum, secum, aut cum hoste permanentis. Sed tempore factum est, vt Romæus in tantam Regis gratiam redierit, vt eius filius Teresiam Regis neptem, ac Petri Principis filiam, quamuis non iusta vxore natam, in matrimonium duxerit. Cæterum in obsidione Rex persistens, Serabitanos compul-  
lit, vt nouis secum pactionibus agerent, tria promittentes; primum, se liberè tradituros ei Castulonem ipsorum propinquum oppidum: alterum sese iureiurando obstricturos, nulli alteri, præterquam Regi, Serabim dedituros; tertium, Alcalanum, & alios Christianos captos liberos ad Regem remissuros. Hæ igitur fuere pactiones, quas in prima obsidione Rex cum Serabitanis fecit, iisq; contentus tum fuit, ne vi, & armis tentata oppidi egregiè muniti obuallatique oppugnatione, detrimenti multum oppugnatores acciperent; nève direptione rursum tam præclarum vastaretur oppidum, quod ille alterum Regni oculum appellabat. Itaque Castulone accepto, præfectoque & primoribus iuramento adactis, ac etiam Alcalano, & aliis in libertatè assertis, Rex illicò, dimisso exercitu, atque in præsidia distributo, Valentiam venit, de rebus Aquitanix sollicitus, num forte Bonifacii, aliorumque eius factionis exulum, quorum bona publicata fuerunt, molitionibus, denuò Mompelleriensis Respub. perturbaretur: statuitque se eò conferre: relictis in vrbis, ac Regni præsidio, iisdem primis equitibus, quibus prædia diuiserat, eisque præfecit Simonem Perezium Tarosonam, quem tum in amplissimum procerum ordinem cooptauit, atque Baroniam Arenosiam, quæ ultra Exericanum agrum in montanis locis Aragonix confinibus continetur, ipsi, suisque in perpetuum concessit: à qua idem ipse, atq; successores Arenosii nuncupati fuerunt: ac non ad præsidia modò, sed ad omnia, tam vrbis, quàm totius Regni negotia transigenda, illum Vicarium constituit. Ipse verò in Cataloniam venit, cuius Prouinciæ negotiis breui confectis, inde citatis equis in Aquitaniam transiit: vbi intelligens, urbanas res bene se habere, mire delectatus fuit, ac  
subinde gloriatus, quòd patriam saltim semel pacatam inuenerit; eaque, se, tum verè potitum asseruit. Itaque ingressus urbem, ab effuso populo magna fuit cum lætitia exceptus. Ad quem protinus conuenerunt Prouincialis, & Tolosanus Comites, precantes, vt sententiæ de diuortio Tolosani & vxoris Sanctiz, Regis amitæ, vna cum arbitris Raimundo Gaucelino domino Lunellii, & Albefa Barone nobilissimo, subscriberet: cui Rex, tametsi iniq; & iniustæ, tamen importunissima illorum deprecatione compulsus; vel potius, quòd alioqui de amitæ vita pertimesceret, inuitus subscripsit, ipsisque dimissis, Aragoniam repetiit.

BERNARDINI GOMESII  
MIEDIS, ARCHIDIACONI SAGVNTINI, DE  
VITA ET REBUS GESTIS IACOBI PRIMI REGIS

*Aragonum, cognomento expugnatoris.*

LIBER XIV.



**A**ETATE mediam Iacobus ingressus erat annos iam natus triginta quinque; quo tempore post tot debellata regna, tantaque apud eos, qui sub ipso militauerant, munera, atq; beneficia collocata; ita se totum ad Rempub. & amplificandum Imperium contulerat; vt domesticas & familiares res, tot indies enascentibus domi hæredibus, quam minimè curaret. Susceperat enim ex Leonora vxore prima Alfonso filium vnicum; ac licet diuortium cum illa fecerat; causis tamen adnumeratis, non modo legitimum Regnorum successorem sibi fore declarauerat; sed eodem hæreditario iure Alfonso iam omnia reperi-  
tere incipiebat. Quamobrem Iolans secunda vxor, ex qua Rex filios mares, ac feminas iam tum quinque susceperat, de ipsorum successione, & hæreditate sollicita;  
ac non



ac non tam ob Regis ætatem, quam ob ipsius vitæ discrimen, tam multis sese belli periculis quotidie obliuientis, suspensa, die nocteque apud eum lamentabatur, se miseram, atque omnino deceptam vocans; cum non aliam ob causam, è sinu patris, tamque remotis locis ducta fuerit, quam ut, aut alterius specte locum subiret, aut cuiusdam quoque pellicis iniurias pateretur: quin, ut priuigno superbo, ac insolenti pareret, atque multorum exheredum liberorum mater calamitosa fieret. Verumenim Regem, non modo Reginæ, vera plane dicentis, verba cruciabant; sed Petri quoque Principis ex ea annos iam octo nati, quem summe diligebat, mirifica virtutis indoles; atque præclarissima quædam puero innata dignitas, vehementer commouebant: quod hæc heroicarum illius virtutum certam spem afferrent, vnusque videretur, qui posset paternas laudes eiusque præclarissimas res gestas in multa sæcula propagare. Qualium sanè virtutum in Alfonso iuvene, nunquam à materno gremio diuulso, nullum apparere vestigium videbat. Quin etiam, & reliquos liberos, quos singulis fere annis è Regina procreabat, exheredes relinqui, tam male ipsum habebat, ut nulla cura maior exederet ipsius animum, nullus etiā angor conficeret acerbius. Vnde sæpe quidem ille, Reipub. labores, seu pace, seu bello, domesticis longe esse tolerabiliores dicebat: quod illi suas, utcumque intermissiones, quibus refici, atque respirare possit animus, habent: ii vero, nullas. Sicque inter tam multas curas domesticas, se penumero risum tenere non poterat, eo quod se, tot licet auctum, atque amplificatum Regnis, tamen in filiis duntaxat quinque quos tunc habebat, collocandis, maior quàm pauperrimū quemque hominem multo plures habentem, premeret anxietas. Quibus de causis naturæ potius, quam suæ gentis iure uti volens, Regna quæ vni tantum primo nato, dū esset is vnicus, adscribi fecerat, nascentibus ei fratribus diuidenda, atque ratione seruata, partienda esse decreuit. Igitur hæc diu secum meditatus, conuentus Aragonensium Darocæ egit: ad quos Ilerdensis quoque ciuitas Legatos misit. In quibus Alfonso, Regis ex Leonora filius vnicus, ad Regnum Aragoniæ successor est declaratus, atque ab omnibus Aragonensibus, etiam ab Ilerdensibus Princeps constitutus. Nam ut Cataloniæ principatum Petro primo ex Iolante nato cum maiori gratia Alfonso, & Aragonensium tradi posset, Rex prolatari illud voluit ultra Cingam fluiuium, ad ripas vsque Sicoris, ac Ilerdenses sub illo comprehendi. Itaque conuentibus ibi actis, Barcinonem se contulit: vbi similes quoque Catalanorum acti fuerunt, atque ad eundem modum in eis Petrus Princeps, & successor ad Comitatum Barcinonensem, & Cataloniæ Principatum, decedente Rege, fuit quoque declaratus: conquerentibus subinde Catalanis, atque dubiam ei fidem præstare significantibus; ob constitutionē paulo ante Darocæ editam, quia Ilerdensis ciuitas cum toto interiecto tractu, inter Sicorim, & Cingam fluuios, è Catalonia, atque Barcinonensi Comitatu discriminabatur. Ex quo fraudari se maxime sentientes, apud Regem conquesti sunt, ostendentes, maiorū ipsius Regum constitutionibus constare, inducias Catalanis fieri solitas fuisse quidem; à Cinga ad Salsulas, incluso Ilerdensi territorio. Quamobrem iidem, qui sui admodum iuris tenaces sunt, Regi palam dixerunt; se, nisi abrogato prius edicto, atque conseruato antiquo sibi iure, & possessione ciuitatis ac ditionis Ilerdensis, nequaquam eam Regnorum diuisionem comprobaturus. Quibus ut morem Rex gereret, eoque facilius ipsos in suam sententiā pertraheret, priore abrogata, altera constitutione sanxit, Barcinonensem Comitatum, & Cataloniæ terram à Cinga flumine ad salsulas contineri; Aragoniæ vero fines, ut prius, à Cinga Farizā vsque terminari. Qua antiquata cōstitutione pacati Catalani, Petrum libentissime, ut suum Principem, & ad Regnum successorem complexi sunt. His constitutis finibus, maior est orta dissensio Aragonensibus ob Ripagurtiæ & Palliariæ ditiones, quæ sunt ultra Cingam: quas Ramirus & Sanctius, Sanctique filii, Petrus & Alfonso Aragoniæ Reges, belli iure acquisierant, atque Regno adiunxerant; ideoque ipsi, in quo iudicio, se ab illis excludi, conquesti fuerunt. Vnde iisdem sollicitantibus, Alfonso Princeps à Rege dissidere, atque ab eius amore & voluntate paulatim alienari cepit adeo insolenter, ut studiis Aragonensium in Alfonso accensis, res ad arma deduceretur. Cum igitur Calataiubii esset Alfonso, conuenere ad eum non pauci ex Regni proceribus, sese ei ad omnia paratos offerentes: populariter id quidem, atque ingrato animo; prò nouo, & nondum cognito, neque perspecto Rege, veterem bello, parceque probatissimum, & sapientissimum asperantes. Quorum Ferdinandus patruus, qui senio, atque ætate ingrauescente, iam se abbatem montis Aragonum nominari permiserat, atque à Rege alienato semper animo, nunc autem aperto in eum odio fuit, primus Alfonso contra patrem, se nunquam defuturum promisit. Deinde alii, quos Rex non solum perquam multis muneribus affecerat; sed etiam oppidis, & Principatibus



donauerat, in Alfonsi partes abierunt. Quas etiam secutus est petulantissime omnium Petrus Portugallensis, qui dimissis Balearibus, ut diximus, se in continentem transfugerat. Itaque diuisa inter se erant omnia, atque ciuitates, & oppida Aragonii & Valentini Regni in bellum intenta erant, & ad arma conclamabant: nullis quidem in neutram; sed singulis in alterutram partium propensis. Ex quibus, utriusque Regno magnum portendebatur excidium, & execranda ruina: eoque certius, si Rex Castellae Ferdinandus, ut timebatur, in Alfonsum inclinaret, cum illius Principe Alfonso successore, qui tum in armis erat, atque cum magno exercitu multisque Castellae proceribus comitatus, auxilio venerat Murcienfibus; qui captis armis à Granatensi Rege descuerant: ideoque oppida & loca quaedam tanquam obsides, Principi tradiderant: quibus occupatis, bellum ille finitimis Valentini Regni oppidis inferre coeperat, praeiens pertinere ad se illorum expugnationem ex antiqua diuisione Regnorum, atque ex pacto inter Aragoniae & Castellae Reges. Accedebat quod Sanctius Mazuelus Cantorio praesidiarius illorum finium, cui Princeps Alcapdetum, & alia oppida ex Murcienfibus dono dederat, cum praefecto oppidi Algezire Contestanorum, quod, ut diximus, interluit Suero, atque omnium Regni munitissimum est, interque Setabim & Valentiam positum, aliquid de deditioe Alfonso facienda egerat: ex quo Regi omnia suspecta esse coeperant. Quamobrem ductis secum Vngone Folcalquerio promagistro praefecto Ampostae, cum equitatu sui ordinis, & parte exercitus, qui in praesidiis erat, Setabim profectus est, ubi castra posuit: non tam ut Setabitanos obsideret, atque suo conterreret aduentu; quam ut Algeziranos commercio & communicatione Castellanos prohiberet, utque propior esset illorum agris depopulandis. Interim dum oppugnationi, atque ad mouendis machinis datur opera, Setabitani equites quotidie in Regia castra erumpentes, viritimque, aut turmatim, praecleara utrinque committebantur minata praelia: intentis tamen à Rege insidiis in Algeziranos, si quos posset, aut intrantes, aut exeuntes Castellanos comprehendere, de quibus suspectis consiliis certior fieri. Quod intelligens praefectus, sibi quoque persuadens Regi iam nota esse, quae ipse cum Castellanis machinaretur, totamque Regis iram & obsidione, in se, ac oppidum conuertendas, triginta sumptis equitibus, sub ipso noctis conticinio, oppido excessit, seque ad Murcienfes contulit. Oppidani vero à Praefecto destituti, continuo Regi se libenter dedituros significarunt, modo praedia retinerent, ac etiam sectam Almohadum, qua initiati fuerant: erat enim superstitionior quamdam Mahometanorum disciplina; Quibus concessis, oppidum omnium munitissimum Regi traditum fuit. Est enim illud in loco plano situm, muro atque turribus circumdatum; Superiore magno fluuio feraces usque adeo illius agros reddente, ut omnibus prope fructibus, quibus Valentinus ager, praesertim moretis ad bombycum conficiendum opus, abundet: eodem quoque fluuio se se bifariam diuidente, & quasi in duo brachia apertente; ac quo ad Insulam tantum oppidi capacem efficiat, iterum in vnum coniungente; indeque oppido Arabice Algezirae, Insularis scilicet, fuit nomen imposuit. sunt quoque praeterea duo hinc inde pontes ex secto lapide extructi, per quos in oppidum tantum est aditus; ut sit in oppidanorum arbitrio & potestate, quibus velint in Regnum, aut ingressum aperire, aut exitum praeccludere: fuitque idcirco id oppidum ab antiquis clauis Regni appellatum, eamque pro insigni gerit. Quod ingressus Rex ex tribus praecelsis turribus, quae ad portam Valentiam sitae erant, arcem constituit, eamque fossa cinxit, atque omni armamentorum genere muniuit: ibique demum praedia cum praefecto fidissimo posuit, atque Christianos à sarracenis separatos, intra arcem se continere iussit. Quo peracto, pactisque cum Serabitano praefecto initis, ab obsidione recessit, occasione literarum, quae ad eum Luteria Parisiorum à Gallorum Rege datae fuerunt, quibus rogabat Regem, ut veniret in Aquitaniam, conuicturos enim ambos, atque de arduis Regnorum utriusque negotiis acturos, in Aruernis, sub ipsis Pyrenaeorum iugis, ad sacram diuinae Mariae Podiensis Aedem. Quo Rex honorifice, Regieque comitatus perueniens, mire laetatus est occasione eius visitandae aedis celeberrimae. A Gallis igitur magnifice exceptus, confectis negotiis (de quibus nulla est in Commentariis Regis peculiaris facta mentio) in Cataloniam remigravit. Inde vero Caesaraugustam progressus, diuino factum est numine, ut sedandis tot inter Castellae, & Aragoniae Regna dissensionibus, ac etiam inter Reges simulacibus restringendis; nec non sarracenis communi consensu, bello persequendis pacationes, ac noua foedera inirentur eaque matrimonio Iolantis, filiarum Regis natu maioris, & Alfonsi Castellae Principis conciliarentur. Valeoletum igitur quae Pintia esse plerisque iam videtur, per honorifice deducta Iolans, nuptiis concordiae & alacritatis plenis, cum Alfonso coniuncta



coniuncta fuit. Post hæc Rex ad compescendos insolentes quorundam Aragonensium procerum conatus, qui Alfonso Principem filium ab ipsius voluntate & obedientia deducere nitebantur, ex quo Regnum in partes diuidi cœperat, atq; tranquillitas Reipub. status perturbari; dies multos in Aragonia manere voluit; suaq; præsentia & affabilitate, flectere ac moderari animos; & Alfonso æquiores sibi reddere. Qua causa conuētus generales Oscæ agi voluit; vt Aragonenses, quos tot annis in armis secum esse fecerat, ipsoq; efferati bello, atq; victoriis insolētes, in iis, quæ pacis erant, sese superbe, atq; immoderate gerebant, disciplina quoq; pacis erudire, sanareq; & ad meliorem vitæ frugem reducere curaret. Ac vt illorum animos, quorum corpora armis munierat, legibus, sanctisq; institutis imbueret, procerum atq; ciuitatum consilio, accitis ab ipsa Oscensi, ac etiam Ilerdensi inclytis & antiquis Academiis, viris vndequaq; peritissimis, leges, ac vetusta Regni plebs scita, institutaq; maiorum, in vnum corpus redigi fecit: quorum quæ obscura erāt, explanari; quæ diminuta suppleri, mendosa corrigi; & ad peripicuitatem, claramq; rerum, atq; verborum intelligentiam omnia reduci curauit; vt secundum id ius emendatum, causæ, & controuersie omnes dirimi, ac iudicari possent. Præterea ad vitandos tot litium anfractus, & controuersiarum, quæ ex aliarum legum discrepantia, ac variis, & detortis interpretationibus quotidie oriri solent, per sancta appendice lœxit, vt in his, quæ dubia essent, neq; huiusmodi institutis decisa, iudices, non ad alias scriptas leges, sed ad arbitriū boni viri confugerent. Adeo is summus Princeps, nullo armorū strepitu, sed inter arma, legib. scriptis, iudiciisq; cōstitutis, Aragonēses gloriosissimè subegit. Nam antea, patriis duntaxat moribus, institutisq; ciuilibus maiorum, facinorūq; vitiis exēplis, iisq; per manus traditis, vti fuerant; ideoq; sæpe quod iustū erat ignorantes, ius cum iniuria confundebant. Quæ postquam expediuit Rex, atq; vt rata diuulgari fecit, non nihil otii; & a negotiis Reipub. & a bellicis nactus, ad domestica, solante procurante, conuersus, Regna sua denuo liberis diuidere decreuit: certissime sciens nullo posse arctiori vinculo, tam a maiorib. accepta, q̃ a se parua Regna, integra, ne dilaberentur, retineri, q̃ cōstabilita liberorū inter se cōcordia. Quamobrē, vt Imperii fines singulis cōstitueret, Regna per designata oppida, tū pagos, montes, & saltus partitius est. Quæ partitione, quoniā a Hieron. Surita in suis tum annalib. Hispanis, tum Indicib. Latinis, speculum & accurate per scripta est, eā hīc ad verbū subiiciendā duximus. Iacobus ex Iolante secundo quatuor filios suscepit, Petrū, Iacobum, Ferdinandū, & Sanctiū: filias totidē, Iolantem, Constantiam, Sanctiam, & Mariam. Valentiz ad xiiij. Kalend. Februarii, Alfonso Aragoni Regni instituit heredem, & ab Oriente Sole in Occidentem, Cingā fluminē, Farizā vsq; & a Septentrionibus, diuæ Christinæ summi Pyriæi saltu: in Mediū, ad Aluētōz fluium, finibus circumseribit. Cataloniā, adiuncta Ripagurta terra, & his oppidis, quæ trans Cingā annem debellata fuerant: & Balearicum, Insularumq; adiacentium Regnum, Petro filio attribuit, Iacobum Valentini Regni, & Ferdinandum Ruscinonensis Comitatus, Confluentiz, Ceretaniz, Mompellerii ciuitatis, atq; ditionis, Castelnoui, Arcislatensis, Frontinianæ, Omeladesii territorii, & iurium Melgoriensis, Pailiani, Lupiniani, Carcafonēsis, Thermitani, Rodensis, Fenoliadēsis, Gualdani, & Comitatus Aimilianēsis, hæredes scribit. Sanctiū sacris initiandū Ecclesiæ dicat. Secundos hæredes substituit, neq; in hæreditatis partem filia ab eo vocantur. Sed ex Iolante filia nepotes substituuntur; modò Regni Castellæ successor, Aragoniæ Regni hæreditatem non adeat: & is qui Regnum adeptus sit, Castellæ Regi subiici non possit. hæc ille. Ex qua Regnorum diuisione maiores consequutæ fuerunt inter Alfonso & Regem discordiæ, ac dissensiones: non tam ob discriminatos a Regno Ilerdenses quam ob interceptam vniuersorum hæreditatem: quam Alfonso, cum esset natus, spe iam deuorauerat. Qua causa idem, cū Petro Portugalsi, ac proceribus suæ factionis, armorum subsidia a Rege Castellæ poscere, atque ciuitates, & oppida Regni commouere tentauit, obiciens ad tuendum sui Principatus atq; Regni ius, in Regem, vel parentem, conspirari posse. Verum Rex, qui prudentia & magnanimitate cunctos superabat, machinas, & noua contra se consilia, sua conspicienda, ac decoris splendorisq; plena præsentia, perinde vt Sol nebulas, dissipabat; suaq; suauis affabilitate, auersos animos, aut vrebant, aut mire ad se pelliciebat. Quamquam in eum neque præsentem, neq; absentem, quicquam aperte vnquam ausus est moliri Alfonso. Interim perlatus fuit ad Regem, Rodericum Lizanam, quem Valentini præsidii præfectum, atque totius Regni Vicarium reliquerat, cum quinque cohortibus, & vnâ Almugauarum, quos in præsidio Regni Rex dimiserat, excursions fecisse in eas Regni partes, & oppida, quibuscum neque pactæ induciæ fuerant, neq; ad Serabitanos



spectabant; sed ad eos potissimum, qui hostiliter bellum in Christianos mouebant. Vnde  
 excursione facta, dum in urbem cum ampla reuertuntur præda, atq; collem quendam,  
 quâ in Albaidensem conuallem est iter, non longe à Setabi pertranseunt, vicini sarraceni  
 Oleariz vallis, quæ cum Albaidensi committitur, vnâ cum electo Setabitano equitatu in  
 eos impetum facientes, fauciato Almugauare, aliisq; fugatis, prædam è manibus eripue-  
 runt. De qua re litteris Lizanz factus Rex certior, letari visus est; eò quòd rupto à Setabi-  
 tano præfecto fcedere, legitima sese causa obtulerit, ad obsidendâ denuò, atq; omnino  
 oppugnandam Setabim. Quare præmonitis proceribus, quos sibi fidissimos habebat,  
 eisq; Regnum commendans, ac rursus sumptis aliis secum, qui secretò Alfonso  
 sequebantur, in primis Ferdinãdo patruo, præcipuo illius fautore, vt factione diuideret,  
 in Valètinus se cõsulit, atq; in itinere Saguntâ sese ei dedit; quod oppidû ingressus, illius  
 Theatrum, ac vetusta sepulchra, cum vestigiis Hippodromorum vehementer admira-  
 tus; audito etiam antiquorum ciuium excidio miserabili, vix se continere potuit, quia  
 eis illachrymatus fuerit. Sequenti verò die, abiit Valentiam, ibiq; Regio more exceptus;  
 atque à præfecto factus omnium certior, quinque peditum cohortibus, cum equitibus  
 centum, ac totidem se postea sequi iussis, Setabim profectus est. Sed dum esset Algezira,  
 quæ paulò ante capta fuerat, misit ad illius præfectum, vt continuò, fide data, veniret ad  
 se. Quo veniente, petiit, vt oppidum cum vtraque arce, nulla pacta conditione, sibi tra-  
 deret, præfixo ei octo dierum termino; alioqui se flamma & ferro omnia ad ciuium vs-  
 que internecionem vastaturum. Abeunte præfecto, Rex etiam cum Regina, Ferdinan-  
 do, & proceribus, cum nonnullis equitum, atque peditum cohortibus, Castulonem op-  
 pidum antea sibi à Setabitanis traditum, abiit. Quò protinus venere, legati à præfecto,  
 per quos se ille excusauit; inquit, non tanti fuisse excursionem in Licianam factam, vt  
 ob eam esset ad deditiõem compellendus. Procurante Rege, vt iuri, ac iudicio Ferdi-  
 nandi staretur, legati, recusato iudice, abierunt. Miratus Rex illorum indies accrescen-  
 tes spiritus, & insolentiam, ab exploratoribus didicit, in causa esse Castellanos, qui ab  
 Alfonso eorum Principe, apud Murcienfes cum exercitu agente, missi quotidie, secretò  
 intrabant Setabim, ac præfectum, Alfonsi nomine, ad deditiõem sollicitabant; data fi-  
 de, se illicò venturos ad oppidum obsidiõne liberandum. Id quod re ipsa comproba-  
 tum fuit. Nam erumpentibus Setabitanis equitibus, ac parua prælia cum nostris com-  
 mittentibus, captus ex illis fuit à Petro Loberano Aragonensi nobili miles quidam co-  
 gnitus Christianus, & Castellanus, atq; in castra ad Regē deductus. Qui tortus fassus est,  
 se esse Christianum, ac fratrem Antistitis Conchenfis: venisseque sæpè Setabim ab Al-  
 fonso Murcia missum, mercatorem se simulantem tentoriis barbarici magni precii, ibi  
 confecti; vt ea simulata occasione cum præfecto ageret, ad futuram ei defensionem Al-  
 fonsi contra Aragonenses promittens; modò Setabis Alfonso traderetur. Quo audito,  
 statim damnatus est, ac morte multatus; propterea quòd Rex, pridie eius diei, quo ca-  
 ptus ille fuit, præcone edixerit, capitis pœnam interminatus; ne quispiam Christianus,  
 in scio Rege, Setabim intraret, nè congressum, aut sermones cum Setabitanis haberet;  
 secus facientes, caperentur, & ad Regem deducerentur, eandem pœnam subituri. Per  
 id temporis oppidum Enguera ditionis Setabitanz, sponte sese dedit cohorti militum  
 ab Alfonso missæ ad Setabitanos. Id omnium grauissimum Regi fuit; generum suum  
 eò insolentiz processisse, vt se presente, & obsidente Setabim, oppida, quæ eius essent  
 ditionis, occuparet. Quapropter missi equites fuerunt cum bona parte peditum, vt ex-  
 cursiones in Engueranos facerent: iamque in insidiis locati, decem & septem ex illis op-  
 pido exeuntes ceperunt: statimque Rex affuit, atque oppidanos per legatos hortatus est,  
 vt se illicò dederent: quibus reuocantibus, atque Alfonsi auxilio fretis, conuictaq; in Re-  
 gem iactantibus, iratus Rex, in eorum conspectu, ex arboribus suspendi iussit paulò ante  
 captos ex eis: se simili supplicio ipsos affecturum comminatus; quoad oppidum deser-  
 tum, ac solo esset æquatum. Quæ cum Alfonso nota fuere, misit legatos ad Regem, roga-  
 tum, vt colloquio inter se agerent: se enim huius rei gratia venturum Algeziram. Quibus  
 respondit Rex, se, nequaquam cum illo conuenturum vsquam, quin prius damna, quæ  
 sibi intulisset, compensaret. At Rex interim cum equite sui amicissimo, ordinis Calatra-  
 uæ, qui Vilienam, & Saixium, pro Alfonso in præsidio habebat, egit, vt conseruatis oppi-  
 dis, saltim castella sibi traderet, atque Aragonensium præsidia in eis poneret; quibus ille  
 consensit. Quare misso equitatu, non solum castella, antequam subueniret Alfonso,  
 occupauit: sed obiter, eadem opera, Capdetanos, & Bugarram, oppida sarracenorum,  
 quæ ditionis Castellanos erant, ex improviso cepit. Quo nuncio obstupescens Al-  
 fonsus, denuò legatos misit ad Regem, ne grauaretur, medio in itinere, inter Almiziram,



vbi Rex castra posuerat, & Capdetanos, vbi Alfonsus tētoria fixerat, in colloquiū venire: annuit Rex; eōq; processit cum Regina, comitantibus Guillermo Moncada, & Hospitalis ordinis Promagistro; Simone Perezio Arenosio, Carrocio, aliisque nō paucis equitibus. Cū Alfonso autem venēre Magister Templariorum, & Vclensis, Lopezius Pharenfis, dominus Vizaie, aliiq; proceres Castellæ, & Galletiæ. Postquam conuēnere, atq; in campo, præter præcipuum negotium, nullum collocuti fuere, Alfonsus Reginam socrū visurus, in Regia castra se cōtulit; quæ in ipso Almiziræ egressu posita erāt: procurante verò Alfonso, vt in Regium tabernaculum, quod ipsi fuerat apparatus, Iacobus migraret, in suum maluit: quod illicō prope Regium fixit. Vbi magna cum lætitia, diem cum nocte traduxerūt; tamen in conuitia protinus illa versā fuerit. Nam sequenti die; Vclensis, & Lopezius tabernaculum Regis ingressi, ab eo petierunt, vt Setabim oppidum cum eius ditione, Alfonso traderet: quandoquidem nulla nuper debellati Valentini Regni oppida, filia Alfonso nuptæ, in partem dotis cōstitueret, quamuis se ille constituturum promiserat. Quod Rex cū risu excipiens; atque obiectum commētum promissionis, illorū poti- us sophismati (si forte audita promissione hæreret ipse) quā quod ita sentirent, attribu- ens: Reginæ, atque procerum consilio, illis respondit: Alfonso renuntiate; curam à se omnem abiiciat Setabis, eiusque ditionis obtinendæ; cum longè sit, atq; ab Aragonēsiū Regum consuetudine alienum, ad Regias collocandas filias, quicquam dotis nomine adiungere: quō magis à vero abest, me filia oppida dote dixisse. Neque enim ipse cum Leonora eius amita quicquam dotis nomine accepi, tantū ergo abest, vt Setabim; quæ expugnationis iure ad me pertinet, pro debitione dotis ei, aut alia de causā, cuiquā hominum tradam. Instantibus denuō Legatis, atque cum precibus minas quoque iactantibus: tandem Regi palam dixerunt, præstare quidem oppidum ab ipso Alfonso, quam ab illius præfecto (quod certum atque in manu erat) accipere. Ad quæ Rex subi- ratus, multo sibi certius esse, respondit, neque Alfonso capturū oppidum; neque præfectum ei tradere ausurū; neque quenquam nisi se ianitore illud vniquam in- gressurū. Quo dicto ne ira magis exardesceret, procaci, insolentique Legatorum proteruia commotus, eos dimisit, animo quamprimum inde, insalutato Alfonso, ex- cedendi. Sed iisdem Legatis cum Regina denuō rem pertractantibus; in eam pactionē veniū est, vt statetur anti- quæ finis vtriusq; Regni diuisioni; atq; Murciensē Alfonso, Valē- tinum Iacobo cederet. Vtque Viliena, & Saxium, Capdetes, & Mugarra oppida, à Rege capta; Alfonso restituerēt. Rursum Enguera: & Moxentium Setabitanæ ditionis oppi- da, quæ se Alfonso dederāt, Regi traderentur. Itaq; confirmata pactione, atq; pacatis ani- mis, post multos amplexus, suum vnusquisque arripuit: inde iter Rexque tertio Seta- bim obsidere statuit; accitis vndique è Valentia, & toto Regno præfidiariis militibus, atque machinis, vt oppugnationi extrema opera nauaretur. Quæ tanto fuit studio & contentione militum, spe prædæ, iniūta, vt die nocteque oppidum circumsiderent, & comparentem quemuis in muro, aut turribus, sagittis configerent; atque aditu oppidi cunctos prohiberent. Ex quo oppidani consternati animo, de deditione in- ter se egerunt: vidensque præfectus oppidum, etsi muro, milite & armis vndique muni- tum; tamen duorum mensium obsidione tolerata, commeatu & cibariis consum- ptis, fame opprimi; quin & deserente Alfonso, subsidii spem omnem tolli; Simo- nem Tobiam nobilem Argonensem sibi notum, qui illum iamdiu ad deditionem ad- hortabatur, ac benignitatem Regis populo fore vtilem promittebat, ad colloquiū admi- sit. Iamq; pactione facta, Præfectus oppidum cum arce minori, in biennium retenta ma- iore, ac vita & re saluis, necnon facultate manēdi oppidanis in secta Algeziranis permis- sa, se dediturum promisit: ac modò Montelsæ, & Valladæ, propinquæ arces, sibi concede- rentur. Quæ pacta Rex audiens, ac cum Regina & proceribus communicans, visa sunt om- nibus digna, quæ non respuerentur; ne tam insignis oppidi possessio amplius differre- tur. Itaq; Rex & Regina, cum libetis & exercitu Setabim ouantes ingressi sunt: statimq; Rex captam arcem muniri iussit, eique Tobiam præfecit, cuius opera & industria eo fuit potius oppido, structura & natura loci, vt diximus, munitissimo, necnon priscis tempo- ribus, propter bellicosissimam eius gentem fama noto. Sequenti die Rex cum Regina, & vniuersis proceribus in magnam, atque profanam Mahometanam ædem ascenderūt: qua expiata ab Oscensi Episcopo (vacabat enim tum Valentina Sedes Antistite, vt dice- mus) & altari in ea constructo, sacrum ibi solenne celebratum est, atque à Rege, & om- nibus, immortales Christo & Virgini matri gratiæ actæ, de tam felici successu rerum, & incremento Christianæ Religionis. Deinde curante Rege, vt ædes dirueretur, atque il- lius loco templum erigeretur; lustrata tamen illa, atque inuenta perampla, & sumptuo-



sa, quin & tecto & parietibus, emblematis ac vermiculato opere mirè contexta, rogatus Rex fuit à Regina, atque ab Episcopo & proceribus, ut templum esset, neq; dirueretur: propterea maximè, quòd oppidanorum facultates, tot obsidionibus, atque diutino bello conflictatae; vix reparandis tunc publicis ruinis sufficerent: tantum aberat, ut nouo exaedificando templo suppetere. Quod Regi placuit, sicq; expiata ædes illa, consecrata fuit, atque Virgini Matri nuncupata. Quo tempore Arnaldus Peralta Episcopus Valentinus ad Cæsaraugustanum Episcopatum euectus fuit, simulq; Valentino designatus Andreas Albalatus instituti Dominicanorum, Petri Albalatii Tarraconensis Archiepiscopi frater germanus: nam dissidente Canonicorum Valentinorum collegio, atq; diuersa sequente, dum agitur de electione, Pontificis Maximi concessu, Archiepisc. 10 Tarraconens. & Archidiaconi & præcætoris Ecclesiæ Valentinæ, in Arnaldi locum suffectus fuit. Qui summæ religionis Antistes, iuuantibus Canonicis, cœnobium Cartusienfium monachorum in agro Valentino construendum curauit, cui Porra Cœli nomen est inditum, decimo ab vrbe milliario, in loco contemplationi diuinorum aptissimo situm, à septentrione & occasu altissimis septem montibus, ab ortu vero, & meridie apertum, ut per æquatam agri planitiem pulcherrimus eius esset ad urbem mare usq; prospectus. Iam vero Setabi capta, subindeque tota Contestanorum regione, quæ tertia est Regni pars, subacta, Rex Alfonsi filii molitionibus instigatus, Cæsaraugustam contendit; atque, ut tot obortis Alphonsi querimoniis, & controuersis super diuisione Regni- 20 rum satisfaceret, generales conuentus Aragonensium, & Catalanorum Alcanitii e- git. Quò conuenientibus cunctis Regnorum proceribus, ac Ecclesiarum Antistitibus haud grauatus est Rex æquali iudicio cum Alfonso contendere. Verum illo absente, querelis à Rege, & à Legatis Alfonsi propositis, auditisque, Iudices, qui de controuersis omnibus sententiam ferrent, à conuentu constituti fuere, Petrus Albalatus Antistes Tarraconensis, ac Oscensis, Ilerdensis & Barcinonensis Episcopi; tum & Templarius Promagister Ampostæ præfectus, & Emporitanus Comes, alique septem principes Aragoniæ & Cataloniæ viri; nec non Legati duodecim ciuitatum, quorum deliberationi ac iudicio Rex stare voluit. Quòd si horum iudicium Alfonso, & Petrus Portugalensis sequi recusarent, se deliberationi summus Pontif. obtemperaturum spondit: modò tam fœda dissidia sedarentur. Quare ex eis iudicibus protinus missi 30 nonnulli fuerunt ad Alfonso, & Petrum Hispalitum agentes: qui audita legatione, iurisiurandi religione adacti, polliciti fuere, se iudicum selectorum sententiæ parituros: non dubitantes fore, ut & regnandi ius, & successionis spes, Alfonso reseruarentur. Interim Regi, ac Iolanti Reginæ multi ex proceribus Aragonensibus, ex Catalanis verò omnes, se aduersus Alfonso adiunxerunt, quorum præcipui fuerunt Guillelmus, & Petrus Moncadæ, Petrus Cornelius, Guillelmus Entença, Garcias Romanus, Simon Focius, Simon Perezus Arenosius, Sanctius Antilonius, & Petrus Martinus Luna; qui cum plerisque aliis iureiurando polliciti sunt, se vitam, remq; omnem pro Regis & Reginæ salute, pro filiis, proq; regio statu impensuros. Quibus Rex gratias egit, seq; aliquando illos remuneraturum promisit. Itaq; cum primum Rex Legatos Hispali 40 reuerti, atque Alfonso & Petrum iudicum selectorum sententiæ parituros intellexit, continuo proceribus, ac quibuscunque aliis, qui Alfonsi partes sequebantur, publica fide data, ad se venire permisit, ipsisque erepta bona restitui iussit, ac inducias cum eis pactus est, ut liberè iudicum sententiam quisque audiret. Legatis igitur in consilium reuersis, atque Petri & Alfonsi tabellis expositis, iudices de controuersis sic pronuntiarunt. Vt paternæ voluntati filius pareret: ut pater filium Regni Aragoniæ, & Valentini procuratori præficeret, reseruato Cataloniæ Principatu Petro ex Iolante primogenito: utque Portugalensi campus Tarraconensis, & Ebusus Insula, aliaque bona restituerentur, exceptis Morella, Segorbio, Sagunto, Almenara & Castulonè, cis Valentiam: quæ oppida, & arces iudicibus traderentur, quo ad omnis cōtrouersia finiretur: propter- 50 ea quòd his arcibus, & præfidiis munitus Portugalensis bellum Regi contra ius fasq; intulerat. Demum, ut Rodericus Martinus Portugalensis ex sorore nepos custodia liberaretur. His constitutis, Rex conuentum dimisit; venitque Cæsaraugustam, ubi Gothorium oppidum cū arce, Iacobo Balearici Regis Abohitis filio, qui antea, ut diximus, Christo nomen dederat, ac eius posteris, iure hæreditario donauit. Deinde confirmatis suorum animis, ex quibus, industria Alfonsi, non admodum multos Cæsaraugustæ obtinebat, in Cataloniam se contulit; Regina quoque uersum comite, atque continuo pro communibus liberis Regem sollicitante, ut de excipiendo Petro Catalani, quod cœperant, perficerent. Nam ex filiis Iolantis Ferdinandus natus minor obierat; ideoque noua erat



erat Regnorum diuisione opus inter superstites. Conuentus igitur Catalanis Barcinone Rex indixit, in quibus Regna partitus fuit, Petro Cataloniam à Cinga ad Salfulas, eisdem finibus, quibus illa Pyrenæis montibus, Arana Valle, & interno mari cōtinetur, attribuit; eiusque v̄sfructu sibi reservato, in possessionem illum immisit; ac protinus Barcino, aliæque Cataloniæ ciuitates, per Legatos solenni iureiurando adictæ fuerunt. Simili iureiurando proceres, atque Barones, eiusmodi Regni assignationem substitutionemq; qua, Petro decedente sine liberis, Iacobum alterum ex Iolâte filium, hæredem & successorem substituebat, tenendam & obseruandam, Petroq; omnē obedientiā præstandam, præsentē Rege, promiserūt. Verū neq; defuerūt, qui Regē quodammodo crudelitatis, atq; perfidiæ arguerent, propter hanc Petro factam assignationē tanto cum detrimento Alfonsi, quem Rex antea vniuersorum hæredem, atque ad omnia Regna successorem legitimum declarauerat; cuique Regna ipsa, & ciuitates in signum obedientiæ, fidem antea dederant: eoq; grauius, quod Petro decedente sine liberis, non Alfonsum, sed alterum ex secunda vxore filium illius hæredem & successorem substituebat. Verum enimuero, neq; sua legitima excusatione vacat, noua Regnorū à Rege facta diuisio; neq; omnino crudeliter & perfide cum Alfonso actum putandum est, quod relicto illi Aragonio Regno duntaxat, à cæteris fuerit exclusus. Quin potius videtur redarguendus Alfonsus, vt ingratus, atque impietatis, & maiestatis dānandus; si profectō meminerimus, ex diuortio Regis cum Leonora Alfonsi matre facto, & à delegatis à sede Apostolica Iudicibus comprobato, quā facilis, atque honesta fuisset Alfonsi ab vniuersa hæreditate depulsio; sed rursus quā libera, ingenuaque Regis, ac nullo iure coacta Alfonsi ad Regnum vocatio; cum neq; naturæ, neq; legib. neq; rationi etiā consentaneum esset, vt qui ex legitima & iusta vxore nati erant liberi, ei, qui ex dubia, incerta, atq; publico diuortio seiuncta, procreatus erat, in hæreditate succumberent: cum eam potius ipsi contra ius sibi ablatam potuissent iure repetere: ac non ex aliis tantummodo Regnis, sed ex Aragonio etiā illum expellere. Vnde cum neque se, neque bona sua nosset Alfonsus, sed nimia regnandi cupiditate accensus; & exhæredari fratres procurasset; & à paterna se destitui gratia, & amore neglexisset; neque omnibus potitus Regnis fuit vnquam; neque Aragonio diutius; quoniam ferè cœlebs, & sine liberis, in ipso flore iuuentutis, è vita, vt dicemus, discessit. Præterea Rex alteram subiunxit assignationem; quam fecit Iacobo alteri filio, Regni Balearici, ac Ebusi Insulæ; quin vr̄bis etiā, ac vniuersi territorii Mompelleriensis: nec non alteram, qua eidem Iacobo Regnum Valentini cum omnibus Castellis concessit, eosdēque Regni proceres, & arcium præfectos similiter ad præstandam illi obedientiam iuramento adegit. Quapropter actis gratis proceribus, atque ciuitatibus, conuentum dimisit. Interea Rex adhuc Iolante viua deuotō diuexari cœpit à Teresa Vidauria; cuius, vt lib. 10. ostendimus, matrimonii catissa ad Romanum Pontificem delata, & in ius vocato Rege, lis contestata fuerat. Quæ mansit quidem integra; propterea quod nulla pro Teresa firma & graui testimonia dicentur, donec recurrens ipsa ad Episcopum Gerundensem, quem matrimonii consciū esse sciebat, ab eo obtinuit, vt clam per schedulam ille testimonium ad Pontificem mitteret; quo dicto, matrimonium Teresiæ reuiuiscere, paulatimq; diuulgari cœpit. De qua relitteris suorum factus certior Iacobus, maxime verò de Pontificis animo in Teresiam propenso, tanta fuit ira succensus, suspicatus id non aliō, quā Gerundensis testimonio, cui soli confitens enunciauerat, fuisse patefactum; vt protinus, non tam pro iniutiosa perfidia, quam pro violato sacro confessionis mysterio, Episcopum ad se accersi iusserit, cui Regiam ingressō, atque in conclauē admissō, subito, vt fama fuit, à cubiculariis, à quibus fuerat comprehensus, lingua excissa fuit, indeque Gerundam remissus. Quod facinus sacrilegum, & atrocissimum, vt primum intellexit Pontifex, Regi diras omnes, & execrationes obnunciare; atque vniuersa eius Regna Ecclesiastico supponi interdicto fecit: neque vllas excusationis causas à Rege propositas admisit; donec Andreā Albalatū Episcopū Valentini, Legatū Rex misit ad Pontificē, cū litteris summisionis, & obsecrationis plenis; quibus suam ille culpam agnoscens, nō solum liberationē ab ea, sed etiā errati veniam cum lachrymis deprecabatur. Qua legationē audita, continuō Pontifex humilibus Regis votis annuens, Legatos duos, Episcopum Camerinensem, & quendam magni nominis monachū, Desiderium, Pœnitentiariū, vt vocāt, Apostolicū Ilerdam misit, amplissima potestate data, tum Regem à crimine expiandi, tum iusta quoque pœna mulctandi. Quare præsentibus Tarraconensi Archiepiscopō, & Cæsaraugustano, Vrgelitano, Oseni, & Elnensi Episcopis, aliisque Abbatibus, & proceribus



utriusq; Regni, cum promiscua populi multitudine, Rex de crimine & flagitio sacrilego in Gerundensem commissio acerbissime, atq; ex animo dolens, illudq; publicè confitens & ex tradita formula detestans, à Legatis plenissimè absolutus fuit: modo cœnobium Benefacianum in montanis Dertosani agri situm locis, quod ante annos quattuordecim, post captam Morellam, in honorem sacratissimæ Virginis inchoarat, sumptuosissimè exædificaret, & perficeret: illudq; dote ducentarum marcharum, ut dicebant, rgenti, in annuos redditus locupletaret, & ornaret. Quin Hospitali etiam ac Xenodichio beati Vincentii extra muros Valentiz posito, quod capta vrbe ab eo erigi incœperat, sustentandis pauperibus & peregrinis, sexcentas argenti marchas in perpetuum erogaret; cum certo sacerdotum numero ibidem instituto, qui & diuina curarent & pauperibus assisterent. Demum vnum sacerdotem presbyterum in Ecclesia Gerundenſi constitueret, qui similiter diuinis officiis interesset, continueque Dominum pro Rege deprecaretur. Diploma verò absolutionis datum fuit Lugduni X. Kalendas Octobris anni MCCXLVI. Pontificatus Innocētii Papæ IIII. anno 4. qui tum agebat Lugduni, atque priori Lugdunensi Concilio generali præerat. Absolutus verò Rex fuit à Legatis, Ilerdæ, decimo quarto Kalendas Nouembris eiusdem anni. Id enim significant Epistolæ duæ Regis ad Pontificem; quarum alteram dedit per Legatum Valentinum Episcopum: alteram gratiarum actionis plenam misit ad eundem, impetrata venia. Harum Latine conscriptarum exemplar vnà cum tota absolutionis serie, ex ipso Benefaciani cœnobii archiuio fideliter translatus, perlegimus. Quæ eo quidem fufus hic explananda duximus, ut tam sparso, alioqui vulgi rumori de commissio Regis in Gerundensem crimine occurremus; demonstrata, tum occasione ad illud patrandum oblata, tum absolutione à Pontifice obtenta, tum demum satisfactione publica à Rege expleta; ne tacita expiatione criminis, iniusta Regi nota ad ignominiam perpetuam inueterasceret: sed cum Dauidæ Rege per sancto, qui grauiora fortè commiserat, ac quia eum pœnituit & veniam à Deo consequutus est, & in illius gratiam, populiq; famam restitutus: sic etiam Iacobus aliqui Rex optimus, & pius, quemque sui facti maxime pœnituerat; non solum absolui ab illo meruit, sed miserante Domino; & eiùs reconciliari obtinuit, & bonum nomen, quod tantis suis rebus gestis assecutus est, perpetuæ posteritati propagauit. Cæterum quod ad Tereſiam attinet, nihil amplius eandem, Iolante viua, commolitam fuisse comperimus, ac neque eius ex Rege filios Iacobum & Petrum cum aliis ex Iolante fratribus, consuetudinem vllam habuisse legimus: donec mortua Iolante denuò, quæ in causſa acta fuerint, decimo nono libro ostēdemus. Quamquam Iolans paucos post annos, cum esset Barcinone, atque ad Regem tum Valentiz agentem proficisci pararet, lenta quadam febricula correpta à medicis fuit prohibita, ne se viæ daret: sed ingrauescente morbo, cum adhuc media ætate esset, de eius tamen vita fuit desperari cœptum: quod ea tot fracta laboribus, tot exhausta partibus, tot denique animi angoribus confecta, ob dissipatos præsertim de prosperis apud Pontificem Tereſiæ conatibus rumores, ac etiam sibi persuadens, non defuturâ Petro, & Iacobo filiis magnam rerum perturbationem, mœsta semper esset, atque acerbam sibi vitam putaret. Itaque obſignato Osce testamento, quo Petro, Iacobo, & Sanctio filiis Comitatum Poſaniæ in Vngaria, Regi fratri commendatum, legarat, pio tandem, atque æquissimo animo, se totam Deo, Virginiq; matri commendans, è vita cessit; magno sanè sui desiderio relicto: quod ea quidem sanctissima, prudentissimaq; fœmina, multis, excellentissimisque virtutibus ornata fuerit. Quam Rex ex animi sui sententia vxorem habuit charissimam, & fecundissimam: ac non modò sobolis verum omnium etiam consiliorum, laborumq; participem & sociam. Vtpotè quæ ipsum bello paceq; semper secuta fuerit; & quam neque continuæ grauiditates; neq; frequentes partus (nouem enim edidit annis quindecim) impedierint, quominus quandoq; in tabernaculis, interq; armorum strepitum pareret: ideoq; perdigna, quæ à Rege tenetè redamaretur; & filios videret, tot, tantisq; Regnis decoratos. Vnde à mœsta, atq; puilata ciuitate, in quam illa semper officiosa fuerat, perhonorificè, Regioq; mote, iusta ei facta fuere; atq; ad Vallem bonam, quò ipsa voluerat (cœnobium id est sacrarum virginum ordinis Cisterciensium in Catalonia) cum magna funeris pompa lata fuit, atque ibidem humata: cuius obitum Rex tulit, ut par erat, quam acerbissimè; ac denuò iusta ei Valentiz fieri curauit; multisque diebus tristis, ac lachrymabundus fuit. Iam verò idem Valentiz agens, cum in eo totus esset, ut susceptam tot ante annis expeditionem Valentini ad finem perduceret; ac pauca quædam vltro Suconem oppida expugnanda essent; duo ad eum Sarraceni venerunt ex oppido Biario,



Biario, quod in extremis Regni finibus versus Murcienses situm est, atque arce in primis munita protectum. Ii ex primatibus oppidi se esse professi sunt, atque cognatione, affinibus, & familia potentes, ut mediam ferè partem oppidi comprehenderent; esseque in ea sententia oppidanos significarunt, ut oppidum cum nullus esset, neque ex Valentinis, neque ex Murciensibus, qui defenderet, Regi tradere vellent: freti iisdem conditionibus, quibus Setabitanos, Regem ipsos admissurum. Sed facta prius fide, vera esse, quæ de se illi prædicarant, Rex illico Setabim cum magna manu peditum profectus est; indeque sumpto equitatu, Biarianis se postridie in oppidum venturum, per alterum eorum, qui ad se venerant, nunciari, fecit; retento altero, tanquam obside, ac futuro etiam itineris duce. Vbi verò in conspectum oppidi Rex venit, oppidanos permultos in armis esse, atque ad dimicandum, potius quam ad pacatè excipiendum, paratos inuenit. Tum Rex Sarracenum ad eos permisit ire; at illi intentis in eum hastis, Regios appropinquare prohibebant. Admiratus Rex, suamque fuisse deceptam expectationem ratus, castra in itinere Moxentii oppidi, citra fluuium poni iussit; ibique se ille triduo sarracenos exspectans continuit. Vbi verò eos frustra præstolatur, collustrari omnia circum oppidum loca iubet, atque in collem quendam oppido propinquum qui arci imminet, interiecta conualle, castra mutauit; eaque vallo circummuniri fecit; animo non abscedendi inde, nisi capta arce, atque diruto oppido; ad idque reliquum equitatum ab vrbe eò venire iussit; propterea quod ex paucis interim commissis præliis cum oppidanis intellexit, strenuos sexcentos equites inueniri inter eos, qui fortissimè dimicarent. Quo tempore rigente bruma, atque frigore sequente, inopportuna erat in monte castrorum collocatio: ideoque Rex breui oppidanos oppugnare statuit, adhibitis machinis in eam partem collis, quæ arci è regione imminet; quin & vniuersum equitatum media in conualle spaciari iussit, ut præsidio esset peditibus in montem, ubi arx posita erat, secretò ascendentes; scilicet ut & debiliora arcis loca explorarent, & rimas, quas machinæ, & balistæ facerent, inspicerent; irruptionemque, si qua fieri posset, tentarent: ac etiam ut è summo iugo oppidum, eiusque, ad oppugnandum, aptiora loca deligerent. Noctū igitur de tertia vigilia, emissio equitatu, vno simul tempore, à machinis, atque à peditibus cœpta est oppugnatio. Verum ut primum audita tormenta, & machinæ fuere, tam repentina fuit oppidanorum equitum in nostros irruptio, ut turbatis equitibus, necesse, fuerit plerosque sauciatos, sese recipere, peditesque interim, qui in montem ascenderant, dubia adhuc luce, cognito periculo, dilabi, & per diuersa loca in castra reuerti. Sed iterum ac sæpe, contendente Rege, atque continuis eiusmodi irruptionibus oppidanos vexate; neque permittente eos pecuaria, & apiaria, quibus maxime viuunt, exercere, factio, quæ sarracenos ad Regem miserat, prædicata eius clementia, & liberalitate erga Setabitanos, ausa est deditionem populo suadere. Quo annuente, præfectus arcis non parum conuassata, eosdem illos sarracenos ad Regem remisit, ut dicerent, Biarienses cum eorum oppido sese ei dedituros, si iisdem, quibus Setabitanos conditionibus, reciperet. Placuit Regi conditio, eamque ratam se habiturum promissit; ac protinus oppidum, cum magno omnium applausu, ingressus est: quo potitus, oppugnationi Regni finem imposuit. Ac propterea quod illud extremum Regni esset, & proximum Murciensibus; resectam arcem Christianorum præsidio firmavit; in quam ascendens, mire delectatus fuit apertissimo, latissimoque camporum benecultorum prospectu, sese versus Murcienses extendente: multoque magis gustato suauissimo liquore mellis, cuius vberissima est in eo oppido copia, eaque ob illius excellentiam, existimatio, ut Romanis etiam notum olim, magnique habitum in eis fuerit. Albescit enim illud usque adeò, atque in vrceis frigore quasi concrescens sic cogitur, ut saccharum non modò colore, & sapore mire referat; sed ut illud tanquam glarea dispergatur: nec dubito fuisse olim oppidum ab ipsis Romanis Apiarium, ab apibus mellis conditricibus vocatum, sed inueniente vulgo, nuncupatum Biarium. Regi igitur inde Valentiam reuertenti traditum fuit oppidum in itinere, Castalia dictum, munitissimum illud, satisque bellicosa gente defensum, atque inuandis Biariensibus necessarium: tametsi ipsum quidem, non iure belli, sed dono Arenosii generi, & heredis Abuzethii, cuius fuerat oppidum, venit in potestatem Regis: quod quia propinquum Murciensibus, atque in eo Regia necesse erat collocare præsidia; data sunt Abuzethio oppidula Chestiū, & Villamartiana, vrbi propinqua, Castalia autè Regi celsit. Demum cum primum reliqui totius Regni sarraceni, qui debellati non fuerant, intellexerent Regem, & Setabi, & Biario esse potitum; illico, se, suaque oppida, & arces, à Sucrone usque ad Murcienses sita, similibus pactionibus, illi tradiderunt: atque in hunc modum vniuersa Valentini Regni expugnatio gloriosa sapientissimi Regis



constantia, & armis, felicissimè confecta fuit; tribus cum ipso Regno subactis Regionibus: Contestanorum, ut diximus, ultra Sueronem, vsq; ad Mureienses. Aedetanorū citra Sueronem, ad flumen vsq; Idubedam. Illeganum verò, ab ipso Idubeda vsq; ad Catalaniz limites.

## BERNARDINI GOMESII MIEDIS, ARCHIDIACONI SAGVNTINI, DE VITA ET REBUS GESTIS IACOBI PRIMI REGIS ARAGONUM, cognomento expugnatoris.

### LIBER XV.



Vo tempore, Valentino confecto bello, Rex se se in urbem ad ea, quæ pacis essent, reuocarat, ut illius augescentis indies amplificationi operam daret, allatus est ei nuncius e Castella, Regem Ferdinandum III. post deuictam, suoque Regno adiunctam maiorem Beticæ Prouinciæ partem, Hispali febri correptum obiisse. Quo nuncio tam grauius, acerbeq; affectus fuit, ut sese illico in interius conclaue abdiderit, ac à publico multos dies abstinuerit, atq; illius confoceri, tanquam fratris germani interitum, tristitia & lachrymis vehementer profecutus fuerit. Hanc Iacobi singularem charitatem proceres, præsertim, qui cum eo e Murcienfi Regno venerant, & Alfonsi excursions in Valentinos represserāt, summo opere mirati sunt, quod illius interitu tantopere angeretur, qui in expeditione contra Valentinos, non modo nullum laboranti Regi auxilium miserit; sed illius etiam hostibus, submissis clā subsidiis, animos cōtra ipsum addiderit: atq; inter alia maxime, Setabitanorum deditionem longo tempore impedierit. Quos ille sermones à domesticis relatos, his verbis refutauit. Non possum equidem non mirari tarditatem, ac stuporem vestrum; quod de ea quæ mihi semper cum Ferdinando Rege inuictissimo intercessit, charitate & necessitudine, periniquè, atq; aliter quàm res est, iudicetis: quodque eum, quem ego perpetuò, ut debeo, colui tanquam fratrem, cuiusque ope & armis omnia contra sarracenos bella confeci, auerso, atq; alienato, dum vixit, à me animo fuisse existimetis. Quæ enim ille bella Beticæ Prouinciæ sarracenis intulit; ea quidem nobistum victoriæ, tum etiam triumpho de Valentinis fuerunt. Nam dum Cordubense, atque Hispalense, duo potentissima Regna, à Mauris idem vi cepit, adeoque Granatenses omnium bellicosissimos repressit, ut in suum illos quasi angulum compulerit; an non hostium prope infinitorum multitudinem, alioqui ad Valentinos conuolaturam à nostris ipse ceruicibus depulit? Nonne in sustinendis, atq; auertendis illis, talem se erga nos præstitit, quales & nos erga illum? qui Baleares, & Valentinos, nostro implicatos bello, ne mari terraque Baticis auxilia ferrent, continuimus? nec dubium, quod depositis in communi periculo odiis, sarraceni sese mutuo adiuuassent auxilio, iunctisque viribus, nostras penitus protriussent, & labefactassent. Sed diuino plane factum est munere, ut vno simul tempore ille Beticam, nos verò Balearicam, & Valentynam expeditione, non ad profligandam modò Mahometicam perfidiam; sed ad veram quidem Christi religionem inducendam susceperimus. Atq; utinam eadem in Alfonso filio, quæ in illo mens esset; idem in persequendis Sarracenis studium & contentio: non enim dubito, ambos, communibus armis, breui posse cunctos illos ab vniuersa Hispania pellere. Quos igitur Deus, ætate moribus, animis, atq; pia mente coniunxit, quorumq; pari armorum impetu, contra impios suos hostes acies direxit; eos, ne quæso, dispari, atq; auerso inter nos animo fuisse arbitremini: quin potius me, & illius gloriæ ac famæ emulum, ac imitatore; & illum, quibus dixi de causis, mearum victoriarum, atq; triumphorum participem, & quasi auctorem habete: neque quicquam tam ex animo, quàm illius profecto mortem dolere me existimate. Quæ audientes proceres, non admirari modo; sed propter eius animi moderatione, quasi e cælo delapsam, obstupere cœperunt. qui oratione non minus subtili, quàm eleganti, & urbana, partas à se victorias Ferdinando, reuera æmulo; generosissimè attribuerit. Ac insuper exequias, & iusta ei cū magna pōpa, canu,



tantu, & laudibus fieri curauerit. Quin etiam Legatos ad Alfonsum generum eius  
 successorem consolandum miserit; seseque eidem nunquam non astiturum, atque in  
 sarracenos semper adfuturum obtulerit. Veruntamen Alfonsus, suscepto Regno, quā-  
 uis strenuus ac bellicosus esset, varius tamen, atque a suorum ingenuitate deflectens,  
 hæc aliorum, atque a Iacobo socero facta, dictaque sunt accipiens, simulata beneuolen-  
 tia, gratias se illi habere respondit, ac paratum esse referre. Sed paulò post ex quo Hispalì  
 Regia insignitus corona fuit, non amplius persequi bellum, quod socio Iacobo Valenti-  
 no bello expedito, facile confecisset, sed inducias cum Rege Granatæ, reliquo sarrace-  
 norum Hispaniæ Rege, festinanter, nihilque consulto Iacobo fecit. Quin & eiusdem  
 quoque soceri odio, lolantem vxorem dimittere, atque prætextu sterilitatis, diuortium  
 cum ea facere tentauit. Nec mora, Legatos nonnullis misit ad Regem Noruegiæ, qui sibi  
 Christinam eius filiam peterent ducendam vxorem. Quò etiam tempore bellum ab eo  
 contra Iacobum renouatum est, atque in his locis, quæ in finibus Murcensis, & Valenti-  
 ni Regni sita sunt, congregato undique exercitu redintegratum, missus à Iacobo magna  
 manu peditum, ac turma equitum ad Regni dūtaxat fines tutandos, atque hostes non  
 prouocandos; sed arcendos. Verum intercedentibus quibusdam vtriusque Regni Anti-  
 stitibus, & proceribus, in eam concordia pactionem a Regibus est deuentum, vt dama-  
 na, prædæ, atque virinque factæ direptiones compensarentur; vtque antiqui expugnati-  
 onis termini, & diuisiones denuo definirentur; ac iura super iis ad vnumquemque spe-  
 ctantia renouarentur. Quibus sancitis, atque in finibus dispositis vtrubiq; præliis, b  
 aperto quidem bello cessatum est, non tamen à recta similitate. Ceterum veniens è Nor-  
 uegia Christina nuptura Regi, sua fuit spe deturbata. Nam interim diuina ope factū est,  
 vt lolas iam grauida, Alfonsum à diuortio deduxerit. Vnde anxius, ac dubius Alfonsus,  
 quid de Christina ageret; ne turpiter eam cum tā illustri Noruegiensium procerum co-  
 mitatu delulisse videretur, Philippū fratrem germanum Abbatem Pintiensem, ac nuper  
 electum Antistitem Hispalensem, non tamen sacris initiatum, Christinæ spōsum obtulit.  
 Sed displicuit Christinæ suppositio, eiusque comitibus summopere; qui veluti furorē  
 correpti, Christinam Regiam virginem è tam longinquis, atque vltimis prope terris  
 deductam, ac deceptā, seque vna cum illa delulos, cōquerentes, totam aulam clamoti-  
 bur, lamentis, & eiularu, barbaro suo more expressis, compleuerunt. Verum occurrerunt  
 Antistites, & summi Castellæ proceres nomineq; Regis, Christinæ pmissere, Philippū esse  
 magno quodam Principatu a Rege donandum, ac toti Galitiæ Regno præficiendum; nec  
 non Rege sine liberis decedente, illum Regnorum, atque vnicersorum hæredem  
 declarandum. Placuit Christinæ sui q; conditio, ac protinus sponsalibus factis, Philippo  
 Christinā nupsit, fuitque in regia tibiis facibusque nuptialibus matrimonium celebra-  
 rum, atque Christinæ comite. læti in Noruegiam reuersi. Quamquam procedente tem-  
 pore, ignauia, & tergiuersione Regis, neque Philippo demandata præfectura fuit,  
 neque Christinæ Regius honos habitus, neque necessaria suppeditata. Indeque dis-  
 cordia orta, atque factum, vt Philippus à Rege ad Nauarrensem, vt dicemus, descuerit.  
 Post hæc nunciatum est Iacobo, Tibaldum Regem Nauarræ Sancti Regis ex sorore filiū  
 obisse Pompelone, quæ est Regni caput, duobus paruis filiis Theobaldo & Entico cū  
 eorum parente Margarita Regina ipsorum nutrice relictis. Vnde Iacobus de Tibaldi  
 obitu certior, iunctis sibi nonnullis proceribus Aragonensibus, cum exiguo equitatu  
 Tudelam venit, Margaritam visurus, vbi tum ea mœsta, & magno dolore affecta cum  
 liberis agebat; cuius aduentu valde fuit recreata: quoniam in ea sententia erat, vt Regnū  
 sub tutela & patrocinio Iacobi poneret, qui à perpetuo, potentissimoque Nauarræ  
 & mulo Castellæ Rege, illud defenderet. Quod Rex libentissime suscepit; ac conuenien-  
 tibus Alfonso Principe filio, Antistite Turiafonensi, ac compluribus tam Aragoniæ, quam  
 Nauarræ proceribus, cum nonnullarū ciuitatum Legatis, loquuti inter se Rex & Regina,  
 in summa hæc pacta fecerūt. Nepe vt Theobaldus Regni hæres Constantiā, aut Sanctiā  
 Regis filiā, vt primū esset nubilus, vxorē duceret. Rex verò Theobaldo ac Reginæ omnē  
 opem cōtra Regē Castellæ Nauarræ Regnū affectantē fertet: ad eaq; promissa, vere &  
 ex animo præstada, Rex & Regina, cunctiq; vtrinq; Antistites & proceres, ipseq; Alfon-  
 sus Princeps, se iureiurando obstrinxerūt. Quæ pacta vbi audiuit Alfonsus Castellæ Rex,  
 eaq; in sui contumeliā facta existimās, cōtinuè cōscripto exercitu, cū magno belli appa-  
 ratu ad fines Nauarræ veniens, progredi vltra, ac Regnum tanq̃ ad se pertineas, non mo-  
 do occupate; sed Margaritam & Theobaldum ab eo expellere tentauit. Quod plane  
 perfecisset, nisi à Iacobo pari cum exercitu occurrēte prohibitus fuisset. Nam iunctæ co-  
 piæ ex Oscensi, Iaccensi, & Cæsaraugustana ciuitatibus, sese illicò in Nauarram, eius



defendendæ gratia immisere. Quare deterriti Castellani, pactis cum Rege induciis, dimissoque exercitu abierunt. At vero Iacobus & Alfonsus Princeps, pacatis tum inter se animis, Barcinonem profecti sunt, vbi congregatis in Palatio proceribus & Baronibus Regni; assistentibus Tarracónensi, & Barcinonensi Antistitibus, publice & solenniter Alfonsus donationes, siue assignationes à rege factas Petro & Iacobo filiis, tam Principatus Cataloniæ, quam Regni Valentini, ratas habuit, nullo iure excepto; ac Regi manus deosculans, amantissimeque fratres amplexans, in amore & gratiam eorum restitui visus est. Insuper rarum habere voluit, quod de Ilerdensibus ab Aragonensi Regno separandis egerat; atque illico vniuersos Cataloniæ proceres cum ciuitatibus à data fide priorum finium tuendorum penitus liberauit: seseq; iureiurando ad illa seruanda addixit, ex vetustissimo Regni more; Rege videlicet, suis manibus pollices Alfonsi funiculo vinciente. Quo sacro foedere fidem suam obstrinxit Alfonsus; scribendo adfuere, qui supra scripti sunt Antistites, Vgo etiã Comes Rhodensis, Raimundus Falco Vicecomes Cardonensis, cum aliis nouem Cataloniæ primatibus. Quibus peractis Rex, cum cognouisset Castellanos denuo animum intendere in Nauarræ Regnum, nouasque ad illud occupandum copias & exercitum parare, eò properauit, atq; in oppido Môracuto Theobaldum Regem conuenit, vbi renouatum fuit amicitie foedus aduersus communes hostes, atq; arces vtrinq; tanquam obsides traditæ. A quo foedere Rex neminem voluit exceptum, præter Carolum Andium Prouinciæ Comitem, Francorū Regis fratrem, qui postea Siciliæ Regnum adeptus, capitales inimicitias cum Petro Principe gessit. Theobaldus vero Francorum Regem, & eius fratres tantummodo excepit. Quæ fœdera, & proceres Aragonenses, & optimates Nauarrenses, pro virili se obseruatuos promiserunt. Cumque ambo Reges commoto admodum essent animo in Castellanos, eosque bello persequi cogitarent; induciæ tamen cum iis factæ sunt, atque ab armis, annis plurimis Nauarra conqueuit. Interea sarraceni Valentini, qui sese Regi subiecerant, pactis ac conditionibus, vt more suo viuere, atque in Mohemetana secta manere possent, pro innata ipsis infidelitate, vt primum viderunt Regem extra Regnum alienis implicatum bellis, occulta parare arma cœperunt: iamq; vocato clam Alazaracho sarraceno magni apud eos nominis, qui paulo ante à Rege perpetuo exilio multatus, ad Granatenses abierat, ipsoq; ductore, in Regem conspirarunt. Hic Alazarachus patre Afro, in finibus Regni versus Murcienses natus, & cum eis educatus, licet colore fusco & vultu fero, tamen procero, ac præstanti corpore, & ad bellandum expedito erat: quin mediocri etiã fortuna & opibus præditus, Castellani perinde vt Arabicam linguã callebat, eruditusq; in vtraq; & eloquens erat; ac perquam callidus habebatur, neq; non valde fictus ac simulatus. Nam in expugnatione Regni, se antea Regi adiunxerat, familiaritate sermonis, eiq; suam omnem operam & fidelitatem promiserat, atq; sarracenorum consilia & deliberationes sæpe retexerat: Rexque sua illi quoque communicauerat: ac etiam vt Christo nomen daret suaserat, multa pollicitus. Ad quæ subridens dicebat, se facturum id quidem, modo sibi soror Carroci domini Rebolledi (erat enim fœmina omnium pulcherrima) vxor daretur. Qua ille consuetudine, atque familiaritate regia vtens, magni æstimabatur à suis, consiliaque nostra ac belligerandi artem & administrationem callens, magnos sibi spiritus sumpserat, maioraque indies in Christianos facinorosa moliebatur: parumque abfuit, quin Rex nimis ei fidens, aliquando in eius manus inciderit. Nam dum Bairenam vallem olim Rex de bellaret, ac summa ope niteretur castrum Reguardianum, quod valde munitum erat, ac impedimento transeuntibus in intimam vallem, expugnare, Alazarachus occurrit, atq; castrum se ei daturum promissu: modo ipse noctu, de secunda vigilia, cum paucis veniret. Vnde Rex familiaritate fretus: cum ad præstitutam horam venisset, viginti quinque equitibus comitatus; totidemq; præmissis scutiferis versus castrum, subito Alazarachus ex insidiis, quas tribus in locis collocauerat, profiliens, in agno, cum tympanorum sonitu, & clangore tubarum, clamoreq; solito, cum trecentis in Regem sarracenis erupit, qui dum scutiferos primo sibi occurrentes inuadunt; atque inter ipsos Regem diligentissime exquirunt; diuertendi locus datus est Regi, quoad sese tuto in castra recepit. Verum postero die aduentu exercitus, destitutum ab Alazaracho castrum Rex cepit. A quo tempore ille profugus ad Murcienses abiit, publicatisque eius bonis, atque maiestatis damnatus, perpetuo fuit etiam exilio multatus. Itaq; absente Rege, atq; in Nauarrensi negotia intento, Alazarachus eorum, qui conspirauerant, dux effectus, oppida & Castella quædam in valle Gallinifana, non longe à Bairena sita, in quibus Rex præsidia habebat, non tam vi quam dolo cepit. Quæ cum ad Regem perlata sunt, qui Calataiubii tū agebat, protinus cū vniuerso comitatu,



comitatu, ac nouo etiam exercitu conscribi iusso, Burrianam profectus est, vbi intellexit Alazarachum, meridie, scalis admotis, in arcem Penaguilæ munitissimam conscendere tentasse, sed à præfidiariis repulsum fuisse. Quo nuncio Rex citius Valentiam peruenit: vbi explorata conspiratione, inuentum est, vltra Sucronem omnia fere oppida, ducē Alazaracho, conspirasse; citrà verò, occultè idipsum tentasse. Qua de causa de expellendis è Regno sarracenis omnibus cogitauit: prius tamen suis in consilium adhibitis; atque conuocato in urbem concilio, cui interfuere Arnaldus Peralta vrbis Antistes, Petrus Fernandus Aslagra, Petrus Cornelius, Guillermus Moncada, Artalus Luna, Rodericus Liciana & Simon Vrræa, illius Simonis filius, qui Balearicæ, & Valentiniæ oppugnationi præfuit, ac inclytæ, clarissimæque Vrræanorum familiæ, sanguine, fama, & factis propagator fuit, atque Arandenfi Principatu, apud Aragonenses, quos & posteri eius potiuntur, à Rege, vt fama est, donatus. Ii ergo primi procerum, atque assidui bello paceque Regis comites, cum aliis litteratis, per sanctisque viris Ecclesiasticis, atque ciuitatis optimatibus, in templum maximum conuenerunt. Vbi sacro in primis facto, ac Deo se totos commédantes, Regis verba facientem audierunt: Viri prudentissimi, vos omnes testes, atque socios habemus nostrorum grauissimorum laborum, quos in oppugnanda hac vrbe & Regno, toto bello pertulimus; & adhuc perpetimur: non tam vt arces, oppidaque, & hominum corpora nobis subiiceremus, quàm vt pretiosas illorum animas Christo, eiusque religioni sanctæ lucrifaceremus. Quod tamen in vrbe, cum eius suburbanis, vtcumq; præstitimus; dum retentos ibi sarracenos, aut Christo nomen dare; aut inde excedere coegimus: in aliis tamen Regni locis efficere non potuimus: sed vt libentius in deditionem venirent, in sua ipsos secta relinquere necessum fuit: nesci ad abiurandam illam ante deditionem compelleremus, prouocati subinde ad pugnandum pro aris focisque, vel expugnationem nobis retardarent; vel dubiam quidem magisque cruentam redderent. Nana quamuis certū esset, nos in hisce præliis, vitam nostram Deo, atque æternitati consecratos; illorum tamen animas, quas forte liberare potuissemus, simul cum corporibus perdidisse, nefas duximus: vt aliquid interim fuerit cum illis necessario dissimulandum. Ac verò confecto iam bello, pacatisque omnibus, quod in suis oppidis, vicis, domibus, atq; prædiis, sua etiam in secta relictis; maiore denique libertate, atque tolerabiliore, quàm antea, iugo, terram colentes, tam apertè defecerint: quodque conspirarint, & aduersum nos arma sumpserint; id innatam profecto perfidiam, atque natura insitam eorum animis infidelitatem arguit: ac neque Deo, neque nobis eos futuros vnquam fideles prænunciat: quinimò manifestè indicat, numinis, ac voluntatis diuinæ esse, vt eiusmodi infidelitatis zizania radicitus euellatur, atque in fasciculos colligata, aut emittatur foras, aut edocente nos Christo, comburatur; quo purius, atque fecundius natiuorum Christianorum, quasi triticum ex solo in cælum crescat. Proinde vt tot, tantisque, quæ attigimus, malis occurramus, vtque tot, tantaque prouenientia inde bona amplexemur; visum est nobis, munita in primis vtraque Setabitana arce, & Algezirano Sucronis transfretum impedito, cum aliis præcipuis Regni castellis, præsertim vrbi propinquis, Sagunti, Almenaræ, Chiuræ, atque Enesæ, ad defensionem præparatis; nec non vrbi suis quoque præfidiis relictis, collocatisque: perfidiam eiusmodi Sarracenorum gentem è Regno expellere; eamque à consuetudine, atque frequenti congressu nostrorum penitus fecernere, iamque illorum loco, Christianos vndique euocatos, ad ipsum incolendum, & inhabitandum deducere: cum tale quidem sit illud, eiusque fertilissimi, atque amoenissimi agri tanta vbique terrarum fama peruulgata, vt nemo sit, qui non per libenter suum natale solum cum Valentino commutet. Quæ cum dixisset Rex, magna confecta est procerum, & Baronum, quibus sarracenorum oppidula dono Regis obtigerant, vociferatio, atque ab Regia sententia discessio: propterea quod sibi persuaferant, colonos Christianos, minus fore culturæ agri, atque sibi vtilis, quàm sarracenos; neque se in illos, vt in hos, Imperio & dominatione abuti posse. Verum enim Rex, cum Antistites, totumque Ecclesiasticum ordinem, & Valentinos ciues, in eadem sententia esse videret, consilium minime murandum duxit. Maxime verò accepto per id tempus diplomate Clementis III. Pont. quo ipse Regem vehementer adhortabatur ad sarracenos è Regno exterminandos; atque iustissimis, sanctissimisque de causis Mahometanos impios à Christianorum consuetudine & societate omnino arcendos esse suadebat. Sicuti in eisde Surritæ Indicibus, de verbo ad verbum relatum illud videre est. Itaque Rex quam primum munitis arcibus, atque exercitu oppidatim distributo, generali edicto iussit, omnes tam foeminas, quam mares sarracenos, capitali poena intra mensem, cum omni re sua, aut quantum vellent, Regno excedere. Quo edicto vix est credibile, quanta fuerit



vbique consecuta rerum perturbatio. Nam videbatur nonnullis, sarracenorum depul-  
sione, Regnum ad maximam solitudinem redigendum : quod intermissa cultura agri,  
necesse esset omnia squallere, ac terram syluescere, indeque tanquam depopulatam  
deseri oportere. Contra alii, conuolaturos esse potius ex vniuersa Hispania in id  
Regnum homines, dicebant, præcipue quidem ex montanis, asperrimisque Aragoniæ &  
Cataloniæ locis; cum ii pro vna tantum domi segete, seu messe relicta, tot, atque tam va-  
rias in Regno essent omnis generis fruges percepturi: ac neque amplius cum duriore ter-  
ra illa, quæ vomeres & rastros excutit, pugnaturi; sed cum ea potius acturi, quæ omnisio  
fertilis, & benigna est, neque vllum agricolæ recusat imperium: præterquæ id addebant,  
neque culturæ arte sarracenos Christianis præstare compertum esse; cum ab ipsa expu-  
gnatione vrbis, pulsus inde sarracenis, illius ager Christianis datus excolendus, ceteris to-  
tius Regni, quos sarraceni colunt, non modo vberior ac fructuosior; sed diligentius con-  
situs, speciosior euaserit. Verum de edicto Regis factus certior Petrus Portugalensis,  
qui multis, vt diximus, in continenti imperabat sarracenis, actum Sagunti agebat, in vr-  
bem venit, atque in edictum palam inuectus est. Quamobrem proceres & Barones,  
ductore Petro, sarracenorum causam defendere statuerunt; quam ille suscepit liben-  
tissimè, atque vt suam agebat. Nam cum quatuor præstantissimis Regni oppi-  
dis, Sagunto, Almenara, Segorbio, & Castulone, Burrianæ proximo potiretur  
(hæc enim illi cesserant compenlandis Balearibus, quas dimiserat) quæ à permultis, ac  
bellicosissimis sarracenis colebantur; animosiores eos Petrus ad sese defendendum ef-  
fecerat. Indeque ceteri totius Regni, propugnatore illo arma sumpserant. Id autem  
Regi molestum ac pergrauis fuit, aperteque intellexit, nisi desistente Petro, mini-  
mè se vori compotem euasurum. A quo accersitus ille cum venisset, multa Rex  
queri cœpit, quorum summa hæc. Data illum opera omnes Regios conatus, qui pro  
incremento & conseruatione Regni suscipiantur, infringere conati; remque nunc val-  
dè publicæ tranquillitati necessariam, priuatis irretitum commodis impedire. Itaque  
pro communi Reipublicæ commodo rogare illum, vt siquid aduersum haberet,  
quod esset resarciendum, id Antistitem, atque procerum iudicio relinqueret; fa-  
cturum se quidem omnia, quæcunque illi iudicarent. Vnde designati ab utroque  
iudices, Rege, Petroque auditis, duo decreuerunt; vnum, vt Rex certam pecu-  
niæ summam, Petro statim numeraret; alterum, vt quandiu commotum à sarrace-  
nis bellum gereretur Rex ea ipsa oppida Sagunti, aliæque dicta, munire, suisque sum-  
ptibus, præfidiarios in eis milites à Petro deligendos, collocare teneretur. Quæ iudi-  
cium sententia, cum utriusque placuisset, rursus eodem fuit Rex Petro duce vsus ad insti-  
tutum susceptumque expulsionis edictum exequendum. Quapropter atrocissimum à  
Sarracenis commotum est bellum in ea oppida & arces, quæ à Rege tenebantur, in-  
tactis aliis, quibus dominabantur proceres: quod fama esset, iis reclamantibus,  
soloque nutu Regis, decretam fuisse expulsionem. Vnde Regiis ducibus, qui velle  
dissensione procerum, vel ignauia & insolentia, quæ ex partis antea victoriis euenire  
solent, rem bellicam malè gerentibus victoribus, discordiis sæpè inter eos ortis; sarrace-  
ni indies pleraque oppida, & arces, ad duodecim ex Regiis occuparunt; atque in præfi-  
diarios illorum milites crudelitatem barbaram exercuerunt. Ex illis Alazarachus, re-  
pente ex duce iam factus Imperator, exercitum sarracenorum sexaginta millium com-  
parauit. Sed res quidem in miracula referenda, atque diuino prorsus ascribenda  
numini, contigit: quod tam immensus cum esset coniuratorum numerus, vt, cum  
fœminis ac paruulis, centum quinquaginta millium excederet; tanta tamen socordia,  
& timiditas inuaserit eos, vt quo die expellendi erant, Simoni Perezio Archosio,  
magno Regis cubiculario, timide pollicerentur, daturus se Regi dimidiam bonorum  
suorum partem, modo à Rege, publica data fide, liceret eis tutò Regni fines exce-  
dere. Verum enim Rex nihil ab eis accipi permisit; sed cum omni re incolumes ad  
Murtienses vsque deduci iussit. Fuit multitudo eorum penè innumerabilis; adeò vt  
sit à Rege in Commentariis relatum, à primo ipsorum agmine ad extremum, fuisse  
quindecim millia passuum; ac etiam fama proditum, ab Idubedensi præliò, ad eam  
diem, tantum numerum sarracenorum vnum in locum nunquam conuenisse. Ideo-  
que hoc tam insigne expulsionis facinus meritò inter summa, præclarissimaque Iaco-  
bi facta numeratur. Qui tandem sarraceni extra Regnum positi, atque Viliham  
vsque deducti, à Federico Regis Castellæ fratre, qui tum erat Vilienæ coacti sunt,  
singulis besantiis, singula capita redimere: atque inde transeuntes, partim in Mur-  
ciensi, & Granatensi, Regnis confederunt; partim in Spartharium campum, quem  
Arabes



Arabes Manxam vocant, disiecti fuerunt; partim in Africam cum vxoribus & omnire traiecerunt. Verum ex ipsis, qui Regno excedere noluerunt, plerique, Duce Alazaracho, sese in montana Contestaniz regionis receperunt, ubi permultis commissis praeliis cum Christianis & exercitu Regis, triennio se se strenue tutati sunt: eodem Federico, & Manuele Regis Castellæ fratribus, qui Vilienæ agebant, clam subsidia Alazaracho submittentibus; ipsoque Rege, posthabitis induciis, cum illis consentiente. Nam simulato officio, ut Alazarachum perpetuum hostem Iacobo obiceret, legatos Valentiam misit, ut induciæ annuæ cum illo iam fierent. Quas Iacobus tametsi, quo illæ consilio peterentur, intelligeret, ut tamen ei morem gereret, fecit. Quæ causæ elatus animo Alazarachus multo sese insolentius habere, atque favore Castellianorum magnifice iactare, deque Iacobo fastidiosè loqui cœpit: quin & vexilla Regis sui, ut dicebat, Castellæ in arcibus se collocaturum comminabatur. Quæ omnia Iacobus tunc premebat, iram recoquens, quousque induciæ finirentur. Vnde cum dolo, simulque glorioso & ignauo hoste, dolo se itidem agere decreuit. Nam cum sarraceno quodam Alazarachi amicissimo egit, ut illi persuaderet, frumentum venderet, quo abundabat, ingentem inde pecuniam coacturus, quoniam per id tempus carè illud vendi solebat. Neque enim dubium erat, deposcante Castellæ Rege, novas cum eo, non modo inducias, sed pacem facturum Iacobum. Interim Rex Raimundo Cardonæ, & Guillermo Anglesolæ, aliisque Aragoniæ, & Cataloniæ proceribus iniunxit, ut in consequentem Dominicæ Resurrectionis diem festum, quierat induciarum terminus, præsto essent cum copiis, & exercitu vndique collecto ad urbem. At verò Alazarachus credulus, frumento diuendito, diues effectus ignobili cupiens frui otio, vix dimidio mense ante completum induciarum annum scripsit ad Regem Castellæ, petens, ut iterum annuas sibi inducias impetraret à Iacobo. Ad quem protinus Rex Legatos misit, rogans ut renouarentur illæ cum Alazaracho. Quibus mirari se valde, respondit Iacobus, Regem generum suum tam esse propitium illi barbaro, qui toties vitæ suæ fuerat infidatus, atque castella & oppida occupauerat, ut intra proprium Regnum tueri illum, ac prohibere niteretur, quominus dominus de seruo pœnas repereret. His dimissi verbis legati, re infecta, abierunt; Rex verò celebrato Paschate Valentiz, ultimo eius festo die profectus est Setabim, quinquaginta tantummodò sumptis equitibus: indeque adaucto equitatu Cocentaneam, illustre Contestanorum oppidum in montanis situm venit. Ibi nunciatum est exercitum ab Aragonia & Catalonia Valentiam peruenisse. Itaque Rex arcibus Planesii, Castellæ, & Pegi oppidorum in itinere receptis, postero die, audito sacro, in oppidum Alcalanum, ubi Alazarachus frequentius erat, contendit. Sed nihil minus quam decertare cupiens Alazarachus (vendito enim frumento exercitum dimiserat) indeque abiens cum paucis, & Gallineriam pertransiens, ex vno in alium locum insequentem Regem diffugiebat. Ex quo Rex parte Gallineriæ conuallis cum Alcalano, & arcibus recuperatis, reliqua sexdecim castella eodem itinere in potestatem redegit. Sentiens igitur Alazarachus Regem non cessaturum, quoad ipsum caperet, pactum cum eo facere procurauit, promittens se toto Regno perpetuò excessurum, modo ipsius familiæ & consanguineis Rex parceret, neque eos Regno expelleret. Quod, ut primum perfecit ille; sic Rex cum eius fratris filio se gessit liberaliter; ut castellum cum oppido Polopeni paulò ultra Calpetanum promontorium, Iphax dictum, dum viueret, concesserit. Rebus ita compositis, Alfonsi Regis artes & consilia conciderunt. Ad quem Iacobus, tanquam redditurus rationem nuper confecti belli, legatos misit, qui dicerent, Regem suum hisce proximis diebus venationi fuisse, & aucupio intentum, atque intra dies octo castella sexdecim aucupatum. Quo dicto alludere visi sunt ad illud, de quo paucis ante diebus, Alazarachus cum ipso Rege Castellæ agens, fuerat gloriatus. Nam interrogatus, cum aucupio, aut venationi ferarum esset assuetus: minimè verò, dixit ille, sed hominum: nisi etià maus castella tibi me aucupari Regis Aragonensis. Hoc dicto, Regi, suisque multis iam fuerat risus excitatus. Per id tempus Alfonsus Princeps, nondum ab incensa cupiditate regnandi liber, sed iniquorum hominum stimulis, fortassis Alfonsi Castellæ eius consobrini, adactus, nouas contra Regem querelas spargebat: quod Rex non contentus donatione Cataloniæ, Petro, consensu ipsius, paulo ante facta, etiam Valentinum Regnum, & Balearicum, alioqui ad Aragonensium expugnationem spectantia, eoque ipso, primo nato iure sibi debita, Iacobo fratri tanquam successorì declarato, dono dederat. Cuius importunis querelis Rex occurrens, consilio suorum Alfonsum vniuersæ procurationi Regnorum Aragonii, & Valentini præfecit. Hæc autem procu-



ratio tamen si antiquis legibus primo filio deberetur, nulli tamen unquam fuerat, præterquam Alfonso, tradita: licque fuit ad tempus querimonia sedata. Eodem tempore Aluarius Perezus Astagra ad Regem venit, ut, mortuo Ferdinando patre, viro strenuo, multisque victoriis claro, cohæres ad Principatum Albarrazini successerat, se Regi addiceret: a quo fuit humanissime exceptus, eiusque demortui parentis nomen commemorandum lachrymis, atque laudationibus Rex fuit prosecutus: ac totidem illum, quibus patrem, militaribus beneficiis ornauit: quinquaginta enim equitum stipendia eidem fuere collata. Post hæc Rex Valentia Biarum profectus fuit: audierat enim Alfonso generum misisse copias in Murcienfium fines: ideoque veritus eius repentinas excursions, sese illi in confiniis cum exercitu obiecit. Quo in oppido Alfonso filius pollicitus Regi fuit se cum Rege Castellæ, neque societatem, neque fœdus unquam initurum: Castellanis autem, Iacobi aduentu intellecto, inde abeuntibus, Rex quoque Cæsaraugustam concessit, paucosque ibi dies commoratus, Stellam nobile Navarra oppidum venit: sequutique fuit ipsum Arnaldus Peralta, & Andreas Ferrarius Cæsaraugustanus, & Valentinus Antistites, cum aliis sex magnatibus Aragonensibus, & copioso equitatu. Eo etiam peruenit Didacus Lupus Pharenfis Vizcaïæ dominus. Nam cum à Rege Castellæ, causis nunquam expressis, descivisset, Iacobo Regi se suaque subiicere decrevit. Quem Rex lætè admodum recepit; sacramentoque apud se dicto, multis quoque beneficiis cumulavit: quinquaginta siquidem equitum stipendia ei conferri iussit; affuere scribendo, ipsi Antistites, & proceres, cum aliis multis nobilissimis viris, quos secum Didacus attulerat; quique se etiam Regi addixerant. Nec verò id novum erat Vizcaïæ dominis quoties à Regibus Castellæ, aut desciscabant, aut relegabantur. Nusquam enim, præterquam apud Aragoniæ Reges, receptum habere tutiorem, ac honorificentiorum. Nam Didacus, Didaci huius pater, qui Alfonso eius nominis octauum Regis Castellæ avum secutus, strenuè se in Idubedensi prælio gesserat, paulò post ab eodem Rege relegatus, apud Petrum Iacobi patrem exularat. Neque præter institutum admodum me facturum existimo, si præclaram eius religionis causam hic exprefferò, quæ ab illis usque ducta temporibus, magnum raræ profecto virtutis, atque defensæ nobilitatis exemplum posteris est allatura. Proditum enim est Castellanos historia, eundem Alfonso, post incredibilem illam partam eodem ipso Idubedensi prælio victoriam, tanta fuisse usum liberalitate, & magnificentia cum Aragoniæ, & Navarra Regibus triumpho fociis, ut prædam, & uniuersa ex hostibus detracta spolia, eisdem, totique exercitui diuiderit: ipse verò victoriæ gloria contentus, domum repetens, ærarium exhaustum, atque omnia consumpta inuenerit. Quæ de causa deliberavit, noua imperare populo tributa. Iamque ut à capite inciperet, à proceribus morabatinos duntaxat quinque viritum exigere decrevit: non tam ut grande ab eis tributum penderetur, quam ut eos tributarios sibi efficeret: sperans inde minimè futura esse grauiora, quæcunque inferioribus imponerentur onera. Cuius instituti, consillique participem fecit, supra memoratum Didacum cognomento Pharensem: ac, quoniam id pacto fieret, ab eo petiit, Cui Pharenfis rem sanè arduam, ac perdifficilem, inquit, suscipis Rex; dum eos, qui aut liberi natura sunt, aut sua dextra, immunitatem sibi, suisque, perpetuam pepererunt, tu vestigales facere conaris. Verum ut amoris in te mei periculum facias, iam ego, qui procerum sum princeps, presentibus ipsis, perenti tibi morabatinos primus polliceor daturum. Vnde conuentibus Burgis indictis, eoque conuenientibus omnibus Regni proceribus: Rex iustissimas inopiæ suæ causas proponens, nihilque sibi, consumpto ærario, relictum affirmans, quo posset Mauris denuò bellum mouentibus occurrere, necessarium docuit esse pro communi salute, noua tributa populo, atque adeò omnibus imperare. Proinde ut leuia ea fierent inferioribus, iique facilius superiorum exemplo ad pensitandum adducerentur, decreuisse à proceribus, quinque tantummodo morabatinos viritum exigere. Ad quæ Pharenfis primus, ut conuenerat, respondit; per æquum est, o proceres, ut Regi, cui multa petenti, negare esset indignum, pauca libenter concedamus. Quare morabatinos meos, ecce do libentissime: Quibus ab ærarii præfecto receptis, proceres obstupuerunt omnes: atque eorum, qui inter primos habebatur Nunnus Comes Laræ, vnus ex clarissimis maioribus Naiarenfium Ducum, in Pharensem oculos coniiciens, neque Regis rationem habens vllam, indeque ad proceres conuersus sic est allocutus: Viri proceres, & Regni Barones, qui maioribus vestris, neque virtute, neque gloria inferiores estis; sed longè etiam, potentia, atque armis superiores: quique pro Rege vestro, non vile tributum, sed pro tributo sanguinem, vestra-



vestraque omnia, quoties opus habet, liberè, ingenueque impenditis; libertatem, quam ab illis naturà, & manu partam accepistis, vos, nequæso, turpiter amittatis; sed eam potius conseruatam, & quasi sartam tectam ad vestros minores transmittite: neque omnino, quod absit, tributo vectigales vos fieri finite. Siquis aliter, atque ego senserit, ac, ob Regiam aucupandam gratiam, suam immunitatem tributo populari contaminandam duxerit; hunc, ut rusticum & illiberalem hominem, neque sua ingenuitate dignum, hic iubeo manere: qui vero, quod in suis fuit nunc esse vult, atque pro ingenua libertate, mori potius quam seruitutem pati; me sequatur. Quo abeunte, tribus tantummodo ex procerum, atque nobilium numero; quorum Pharenfis vnus erat, apud Regem manentibus, tria millia eorundem Nunnium secuti sunt; atque in campo Glareano, vrbi propinquo, cum armati circumdederunt: simulque tributo morabaturum hastarum mucronibus appenso, Regi denunciarunt; tributum paratum esse, si modo eos præcipuè exactores mitteret ad colligendum, qui eius imponendi vectigalis autores, & consilarii fuissent. Quod audiens Rex, seque ab omnibus desertum conspiciens, ad Pharensem conuersus, quid facto opus esset, interrogat. Cui protinus sagax, ac prudens ille; me inquit, Rex tanquam reum, huiusque consilii autorem exilio multato: atque ad hunc modum, procerum conuersa in me ira, fideliori tibi eos gratia coniunges. Ad illos igitur Rex misit, qui significarent, prauo se inductum consilio, petiisse tributum; sed substituisse quidem, ac non solum duxisse nefas, generosos Castellæ viros vectigales fieri; verum consiliarios quantumuis licet potentissimos, tanquam sceleris reos digna pœna multasse. Quo responso, missoque simul in exilium Pharenfi, pacati omnes, denuò se Regi addixerunt. Quanquam non multo post, iisdem rogantibus, Pharenfis de exilio, quo in Aragonia apud Petrum Regem exulabat, fuit reductus. Interea induciæ à Regibus factæ, cum breui finirentur, atque ob Alfonsi artes, Iacobus controuersias bello decerni cuperet: in idque impense incumberet: operam tamen Antistitum, virorumque religiosorum, maximè vero prudentissimi Bernardi Vitalis Besalunensis, qui vtrumque Regem inter Agredam & Turiasonem in congressum venire procurauit, de concordia fuit inter eos actum, constitutumque, ut Navarra Regnum tuendum Iacobo traderetur. Sed inconstantia Alfonsi breui fuere renouatæ controuersia, atque ad pristinam concertationem, & dissidia, non tamen ad manus & pugnas ventum. Adhæc cum paulo ante rex ageret Stel-læ, Enricus frater Alfonsi Regis Castellæ, & Lupus Diazus Pharenfis Didaci filius, Vizcayæ dominus, venire ad Regem, quos excepit benignissimè, honore regio Enricum afficiens, eique se offerens, re, & armis promptissimum, donec controuersia cum Rege fratre finiretur. Pharenfi quoque se obtulit libentissimè, gratumque habuit adolescentis aduentum, qui patrem imitatus, perpetua, constantique voluntate, Aragonensium partes sequeretur, ac se Regi traderet simul cum viginti tribus primariis Vizcayæ viris, cognatione illi coniunctis: qui omnes fidem suam ei obstrinxerunt pro Pharenfi adolescentulo: adiectum quoque, non cum Rege Castellæ Pharensem de pace acturum: donec controuersia inter Regem & generum decideretur Sanctii Salzedi, & Lupi Velaschi sententia; quibus tanquam primariis viris, atque omnium Hispaniæ literatissimis, eius causæ cognitio commissæ fuerat. Post hæc venire quoque Castaraguitam duo Castellæ primates à Rege ad Iacobum desciscientes, Ramirus Rodriguez, & Ramirus Diazus, ei similiter fidem suam obstringentes: & quia fuere ipsi ab Alfonso spoliati patrimonio; à Iacobo quidem, & prædiis, & centum equitum stipendiis donati sunt: totque indies ex Castella, & Nauarra nobiles audita Regis liberalitate, ad eum deficiebant: ut in ditandis illis, ærarium, & Regium patrimonium consumeret. Tanta præterea fuit huius Principis cum liberalitate coniuncta iustitia, utquam liberalissimè, cuique quod suum esset, restitueret. Nam eodem tempore, Guilelmo Moncadæ Raimundi filio, eiusque ex fratre filio etiam Raimundo, Fragam insigne oppidum, quod alluit Cinga fluuius, cum eius arce, iure beneficiario dedit, in compensationem censuum & prædiorum, quæ illorum maiores ad Ilerdam possederant, ac temporum, & rerum turbatione amiserant: modò defectu legitimorum, amisso iure, Fraga Regno restitueretur: quemadmodum postea restituta fuit. Tandem procurante Alfonso Castellæ, qui maiora quædam animo moliebatur de Imperio Germanico (fuerat enim à dimidia electorum parte nominatus Rex Romanorum) idem ipse cum Iacobo venit in colloquium, in oppido Soria Celtiberorum, ubi fœdera quondam à superioris ætatis Aragoniæ & Castellæ Regibus facta, renouata fuerunt: indeque recepit Alfonsus, se arces eius veluti obsides fœderis traditurum: atque ita paca-



tis animis longo tempore ab armis cessarunt. Ea tempestate mortua fuit Margarita  
 Tibaldi Regis Nauarræ vxor, materque Theobaldi iunioris, & in Claraualle amplissi-  
 mo Nauarræ cœnobio sepulta. Quæ dum vixit, Rege adulescentulo, sua prudentia,  
 pacatè, quieteque Regnum gubernauit. Sed ea mortua tumultus illico excitati fuere:  
 paulatimque sedati etiam, factis cū Gaufrido Beamontio Nauarræ Senescalo induciis,  
 qui tandem procurante Iacobo, in concordiam cum Theobaldo Rege venit, illoque  
 adiutore Theobaldus Regno potitus est quietissime. Quibus confectis, Iacobo  
 nunciatum est, Ludouicum Galliar Regem intra mensem in Aquitaniam venturum,  
 atque in nobili oppido Carbolio, quod est propinquum Mompellerio, ipsum expecta-  
 turum. Ad negotia igitur vtrique Regi tractanda Rex Mompellerium ire decreuit: 10  
 relictoque Simone Focio, viro prudentissimo, ac inter Aragonenses proceres ad-  
 numerato, Valentiar præfecto, iter ingressus est. Cui occurrit Dertosæ Petrus Al-  
 fonſus, Petri Portugalensis filius, Alcanitii præfectus, ibique confirmata prædio-  
 rum, siue locorum ad eum spectantium donatione, Mompellerium contendit, vbi  
 intellexit Ludouicum fuisse iam Corbolum ingressum. Quo illico Rex petens, ipsum-  
 que mutuo complexus, antequam de componendis maiorum suorum inter se contro-  
 uersis agerent, in eo conuenerunt, vti Isabella Iacobi filia natiu minima Philippo Lu-  
 douici filio ad Regnum successoris nuberet: atque dotis nomine, vetusto Galliar more &  
 instituto, Quinta Regni pars, arcibus & propugnaculis receptis, assignaretur. Quo per-  
 acto Reges controuersias omnes vtrinque remiserunt. Ludouicus enim Barcinonen- 20  
 sem, Vrgelitanam, Ruscinonensem, Emporitana, Ceretanianam, Confluentinam,  
 Gerundensem, & Ausetanam ditiones repetierat. Noster verò Carcaſonensem, Rho-  
 densensem, Lauracensem, Birensensem, Leocatenensem, Albigensem, Rhuensensem, Fuxen-  
 sem, Cadurcensem, Narbonensem, Mineruensensem, Fonoliadensem, Saltuensensem, Petra-  
 pertusensem, Aimilianam, Crodouensem, Gualdanam, Nemausensem, Solonensem,  
 & sancti Aegidi, ditiones sibi vendicabat. Itaque vicissim ambo mutuo iure suo cesserunt.  
 Eo ipso tempore, Iacobus omne id ius, quo etiam repetere in Prouincia Fol-  
 chalcheriensem, Arelatensem, Auenionensem, & Massiliensem ditiones poterat, Margari-  
 tæ Francorum Regina Raimundi Berengarii Prouinciæ Comitissæ fratris filia attribuit.  
 Sed cum iis Carolus Ludouici Regis frater germanus, qui Beatricem eiusdem Rai- 30  
 mundi Comitissæ filiam natiu minimam vxorem duxerat, esset potitus, eas, siue iusta,  
 siue iniusta possessione, Ludouico permittente, retinuit. Id quod postea maioris odii  
 causa fuit, & quasi belli semen annis plurimis inter Aragonenses & Gallos, quod nul-  
 lum fuit quandiu Ludouicus vixit. fuit enim is Rex mirè pacificus, religiosus, & pius,  
 atque ab armis in Christianos semper abhorruit: neque in alios, quàm contra impios  
 Christiani nominis insectatores Mahometanos arma tulit: maximè verò de recupe-  
 randa possessione Hierosolymorum cogitans, mare cum ingenti exercitu traiecit,  
 primoque prælio sarracenos multos profligauit: sed cum pestilentia morbo magna  
 militum multitudo periisset, victus, captusque fuit, vt eius historia refert. Rebus  
 ramen breui cum sarracenis compositis, liber cum exercitu fuit dimissus. Indeque Aco- 40  
 nem Afix urbem profectus, cum in ea reficiendo exercitui dies aliquot substitisset, suo  
 exemplo & exhortationibus primarios Agarenorum, ac subinde totam ciuitatem ad  
 Christi fidem conuertit. Quia aliquot Christianorum ciuitates in ea prouincia suis  
 sumptibus refecit. Vnde mortua eius matre, domum redire coactus, nullis Reipub.  
 officiis intermissis, in omnibus pietatis, ac religionis muneribus, & studiis, se ve-  
 hementer exercuit: quoad denuo, cum transmississet in Africam bellum, sarracenis  
 Tunetanis illaturus, iamque castra in eorum conspectu posuisset, pestilentia discessit:  
 eiusque corpus Lutetiam Parisiorum translatus fuit, ipseque miraculis clarus à  
 Bonifacio octauo Pont. in sanctorum numerum est relatus. Hunc plane Iacobus in ex-  
 tirpandis sarracenis feliciter imitatus fuit, fuissetq; multo felicius, nisi à perpetuo Castel- 50  
 lano amulo impeditus à conatu destitisset. Itaque compositis rebus, ac Regibus Carbo-  
 lio abeuntibus, Iacobus Mompelleriam veniens, intellexit Alfonso Principem de-  
 nuo turbare omnia, non tam sua, quam Aragonensium pertinacia, qui sibi iniuriam fa-  
 ctam existimabant, quod à patre tam indignè tractaretur, vt penitus ab aliorum Re-  
 gnotum hereditate arceretur, quodque non modo Catalonia separata à reliqua di-  
 tione regia, Petro collata fuisset, verum Valentia etiam, & Baleares, quæ Arago-  
 nensis expugnationis erant, quasi excisa ab stipite, Iacobo ultimo fratri, cessissent.  
 Vnde noui quotidie tumultus ab Aragoniæ proceribus, ac nonnullis Catalanis conci-  
 tari ceperunt: necesseque fuit, reuiuiscentem indies conspiracyonem sic preoccupare  
 vt Valen-



ut Valentinum Regnum Aragonio contribueret, & utriusque heredem Alfonsum constitueret. Id, ut inuitus Rex fecit, sic deinde alienato semper, atque auerso animo ab Alfonsus fuit: ut neque videre eum, neque communicare cum eo quicquam amplius voluerit, ac non nisi obscure, dissimulanterque cum eo agere. Nam concessio eidem in Oscensi agro, Luna oppido insigni, missoque ab Alfonsus ad oppidum praefecto, Artalus Alago vnus ex Aragonensibus proceribus, qui tenebat illud, datumque sibi à Rege, beneficiario iure, putabat, praefectum iam ingressum, ex oppido ignominiose eiecit; neque Regii diplomatis, neque Alfonsi, qui generalis Regni Gubernator esset, rationem ullam habuit. Quae de causa Alfonsus Legatum ad Regem Mompellerium misit, qui apud eum grauiterde Artali iniuria, & contemptu conquereretur. Cui Rex, se libenter in Artalum animaduersurum, atque curaturum omnia respondit: Legatoque dedit litteras ad Alfonsum, in quibus dubie, obscureque, querelis satis faciebat: imo iubebat, ne quippiam faceret; rediturum se breui, & Artalum grauitur puniturum dicens. Verum neque venit citò, neque Artalum ad tradendum Alfonsus oppidum compulit. Interim Rex, dum se Mompellerii continet, audiit Taurinos cis Padum tumultuantes, Bonifacium Sabaudiae comitem comprehendisse, atque in custodiam tradidisse. Quod sentientes Astenses vicini populi, dolo malo, Bonifacium à Taurinis ereptum ad se transfulerunt, atque in vincula coniecerunt. Sed statim Sabaudienfes, ut Bonifacium liberarent, ipsius filios, cum aliis Sabaudiae proceribus, quos Astenses petierant, dediderunt: quibus apud se retentis, Astenses, antequam Bonifacium restituerunt, nonnulla oppida & arces Sabaudiae ceperunt, ipsique optime munitis, tum Bonifacium & proceres, retentis filiis, custodialiberarunt. Sed Bonifacius tot fractus laboribus, quos in vinculis tam Taurinorum, quam Astensium pertulerat, breui mortuus est. Ex quo Astenses in Sabaudienfes oppressos denuò bellum commouerunt. Quae cum Regi narrata fuissent, tanta ille ira in Astenses exarsit, ut protinus nulla interposita mora, Legatos ad illos miserit, qui ciuitati Astensium bellum suo nomine indicerent, ac etiam prouocarent eos, nisi intra mensem Bonifacii filios, quos in vinculis retinebant, liberarent. Hac prouocatione, detentis Astensibus, atque quid responderent ambigentibus; minusque dimittentibus Legatos, Petrus Bonifacii patruus subsidiariis Regis copiis confusus, bellum in illos mouit, atque oppida & arces recepit, eque vinculis Bonifacii filios liberauit. Vnde magna à Sabaudienfibus gratia Regi & Aragonensibus habita aliquando etiam relata fuit. Haec cum ex sententia Petri successisse omnia Rex intellexit, mirè latatus est, propterea quòd in eo bello, tantum fama & opinione, quantum potuisset manu, confecisset. Inde protinus in Aragoniam venit, quam ingressus, in itinere controuersias in Artalum Lunam, & Gosaluum Fernandum Astagrum ortas super oppido Chodensi in finibus Albarrazini posito diremit, Artalo, quod multis iam annis possederat, illud adiudicans. Posthac veniens Casaraugustam, Legatos Regis Castellae inuenit, qui ab eo petierunt, ut quoniam commotum iam à se bellum esset contra Granatenses; permitteret nobiles Aragonenses venire sibi subsidio. Sic enim paulò ante in Soriano Conuentu inter eos steterat. Cōcessit postulata Rex; eos sarracenos tantummodo excipiens, qui vel praediis, vel militaribus stipendiis, ei essent oblati: hos enim excepit pactum, & conuentio. permisit tamen, ut bello interessent nobiles, qui non Regi, sed proceribus inserviebant, aut tanquam comites sequebantur: modò bellum, non Miramamolino, nec Tunetano Regi inferretur, quibus cum inducias fecerat, in gratiam mercatorum Cataloniae, & Valentiae, qui ad illos frequenter mercimoni causa nauigabant. Ceterum Alfonsus Princeps magnam omnibus admirationem mouebat, ut cui longè diuersa, atque paterna fuit, fors obuenerat: nulla ei matrimonii cōditione oblata, cum aetate firmata iam esset, annos natus duos & triginta; ac Princeps salutatus: cum tamen Iacobo annos vix nato duodecim, Regnoque nondum stabilito, nupsisset Leonora: nullaque tam imbecillae aetati subesset proxima spes prolis. Vnde Alfonsi res apud Regem in magna obliuione semper fuerunt. Nec mirum id quidem, cum fortassis, & nouerca antiquum odium, & nimius Regis in Petrum amor, & statum liuor obstiterint, quominus ullis Regiis, atque potentissimis affinitatibus ad firmandum Regnum iuaretur: quoad Rege permittente, proposita fuit Constantia prima filia Castonis Moncadae, Vicecomitis Beneartensis, inelyti illius Guillermi filii, qui Balearico bello praefuerat, atque, ut fusillimè libro sexto explanatum est, post tot ab eo prostratos, ac profligatos Sarracenos, gloriosissimè dimicans, interierat. Itaque sponsalibus factis, & sponsa magno Moncadarum, eiusque perillustri familiae comitatu & pompa deducta, Calataiubii, breui iunctae nuptiae, breuius disiunctae fuerunt. Nam intra paucos dies, fractus, ac debilitatus Alfonsus, tum odio, & contemptu patris; tum inuidia



& maleuolentia fratrum, qui ad nuptias venire recusarunt; morbo correptus, non sine multorum dolore, & lachrymis interiit; nullis neque natis, neq; posthumis relictis: neq; testamēto obsignato; ita ut vi ereptus potius, quam morbo extinctus videri potuerit. Qui tandem Regiis iustis redditis, sepultus est in cœnobio Verolensi ordinis Cisterciensium. Princeps satis quidem moderatus, commodus, sui que cognoscens, sed suorum deprauatis consiliis, aduersaque fortuna, semper conflictatus.

## BERNARDINI GOMESII

MIEDIS, ARCHIDIACONI SAGVNTINI, DE

VITA ET REBUS GESTIS IACOBI PRIMI REGIS

*Aragonum, cognomento expugnatoris.*

### LIBER XVI.



ALFONSO mortuo, eiusque inimicorum odio & liuore supremo funere extinctis; Petrus & Iacobus fratres, honorem mortuo, cui viuo iniuriam intulerant, facere decreuerunt, ut qui ad fraternas nuptiarum faces, tibiaeque accedere noluerant, ad eius exequias, cantu, la-  
mentis, & laudationibus celebrandas libentissimè cōuenerint. Hoc funere, quasi funesta quadam attracti peste, eodem odio & inuidia, quibus in mortuum olim, in se ipsi exarserunt; quinimo prae regnandi cupiditate, adeo multa in sese machinari mutuo cœperunt; ut ni paterna simul Regia-  
que autoritas & potestas intercessissent, parum abfuisset; quin breui utroque orbaretur filio pater; eiusq; odium olim in Alfonso, funestissimis superstitionum dissensionibus ex-  
piaretur. Itaque iustis Alfonso factis Valentiae, in cuius templum maximum illius cada-  
uer è Verolensi cœnobio translatum fuit, atque in sacello Regis honorifico tumulo re-  
positum; iamq; libera Regnorum Aragoniae, & Valentiae potestate Regi restituta; protin-  
us de vxore Petro deligenda cogitauit. Neq; enim quantum in Alfonso, in Petro rem  
distulit. Nam inter alias, proposita ei fuit Constantia, filia vnica Manfredi Siciliae Regis,  
Federici Imperatoris filii, qui sex ante annis, tempore Alexandri I V. Pontif. Max. Regio  
insignitus titulo, in Italiam traiciens, Calabriam cum vniuersa Apulia in potestatem re-  
degerat, idque inuito Pontifice, & Conradino Principe, filio Conradi Imperatoris, & so-  
roris Manfredi, ad quem Regnum Neapolitanum cum iis prouinciis spectabat. Cupiens  
igitur Manfredus sese cum Aragonio Rege affinitate coniungere, Legatos è Sicilia Bar-  
cinonem misit, Girolandum Postam, Maiorem Egnatiensem, & Iacobum Mostacium, vi-  
ros prudentissimos, qui de matrimonio Petri Aragoniae, & Cataloniae Principis, & Con-  
stantiae agerent, quam Manfredus ex vxore Beatrice, Amadæi Comitis Subaudiae filia  
susceperat, dotem illi L. M. auri vnciarum nomine patris dicerent: propter ingentes alias  
cum corporis, tum animi dotes, quibus prae ditam esse Constantiam, non solum Legati,  
sed plerique probatae fidei mercatores Barcinonenses, qui è Sicilia venerant, pleno ore  
referebant. Placuit Regi, atque omnibus propositum cum dicta dote matrimonium (ne-  
que enim antea dos tanta accepta fuerat ab Aragoniae Regibus) ac etiam Manfredi af-  
finitas: iis quippe patere sibi, suisque in posterum, magnum in Italia ostium; Siciliae Im-  
perio, aperiri quoque horreum refertissimum ad hæc sustentanda Regna, prospexit.  
Quamobrem statim ad deducendam sponsam misit Fernandum Sanctum filium, quem  
ex nobilissima Aragonensi femina Antilonia susceperat, vna cum pernobili Aragonensi  
Guillermo Torrellia, viro prudentissimo, ut iis arbitris sponsalia fierent, & Constantiam  
cum magno Comitatu deducerent. Quibus proficiscentibus, auditum est, Urbanum IV.  
Pontificem Alexandri successorem, in Manfredum tam male esse affectum, ut non mo-  
dò diras, atque omnes Ecclesiasticas censuras imprecatus ei fuerit: verum omnium ferè  
Christianorum Principum auxilia imploraret, magnumq; coegerit exercitum; ut illum  
ab omnibus Ecclesiae ditionibus, quas tenebat, expelleret. Qua de causa Rex anticipi dis-  
tractus cogitatione, dolensque tam commodum sibi, filioque impediri matrimonium,  
& affinitatem, Legatos Romam misit ad Urbanum, inter alios, F. Raimundum Penafor-  
tium ordinis Dominicani, virum insigni sanctitate, atq; doctrina nobilem, ut honestis ra-  
tionibus, & quantis posset precibus, à Pontifice impetraret, uti Manfredum, supplicem,  
resipiscētem, ac misericordiam implorantem, sibi & Ecclesiae sanctae cōciliaret. Verum  
enina



enim tantum abfuit, ut Pontifex veniam illi daret, ut eo magis obduruerit; in idque rursum incubuerit, ut Iacobum auocaret à coniunctione & affinitate Manfredi, Tarentini, ut dicebat, Principis, impii acerbissimique Ecclesie hostis ac perduellis: quin & recenseret, alios inueniri Principes Catholicos, ac Deum timentes, qui filias suas Manfredinæ, virtute, ac dote pares, Petro filio nuptui traderent libentissimè. Sed neque Regis preces apud Pontificem, neque ipsius monita apud Regem quicquam profuerunt: creditumque est, diuina factum prouidentia, & numine, ut ex nuptiæ aliis omnibus præferrentur; quod iis maximæ fuerint fortunarum, atque dignitatis accessiones factæ Aragoniæ Regnis. Porro Rege Cæsaraugustam repente, dum esset Bernegalii, quod oppidum non longe distat à Cinga flumine, intellexit, Aluarum Cabreram Pontii olim Vrgelitani Comititis filium, paternis aduocatis amicis, eorumque auxilio & ope, arces & oppida Comitatus, quæ à Rege tenebantur, vi cepisse; atque extra suæ ditionis fines excurrisse: quin & Barbastrensis vicinis plura detrimenta intulisse. Unde omnibus circumcirca populis, iis maximè, qui ab Aluaro, vastatis agris, direpti fuerant, conuocatis Barbastri (quæ insignis est, tametsi parua ciuitas, nostro tamen tempore in Episcopatum erecta; cuius ager fertilis, frumento, oleo, & vino, necnon cocco, atque aucupio, & venatione abundans) Martino Perezio Arraxonæ Iustitiæ Aragonum præfecto iniunxit, ut mediocri collecto exercitu, in Cabreranos insurgeret, eisque quanta posset detrimenta inferret. Datu enim se operam, ut breui Aluarum, ni ab excursio- nibus, & vastationibus abstinere, de medio tollat. Interea Petrus Princeps paterna ab- utens indulgentia, qua Alfonso fratrem hæreditario Regno depulerat, regnandi cupiditate semper exarsuans, similiter Iacobum fratrem à reliqua, quæ ei obtigerat, hæ- reditate conabatur deicere. Audierat enim patrem indicasse quibusdam, quæ ipse Re- gna debellasset, Iacobo velle tradere; quod causa maioris odii inter eos fuit. Quan- quam Petrus illud, quoad poterat, tunc premebat; quod timeret, ne manifesto in fratrem odio declarato, in patrum incurreret: ac ne ea de causa Rex testamentum denuò con- deret, in quo Iacobo nouam aliquam donationem, quæ sibi detrimento esset, faceret: se- que ad eam iureiurando confirmandam compelleret. Huic rei ut occurreret, claculum grauiissimos viros Ecclesiasticos cum proceribus conuocauit, Raimundum Penafortium, Magistrum Berengarium Turrensensem, Archidiaconum Barcinonensem, Simonem Focensem, Guillelmum Torrelliam, & Stephanum, & Ioannem Aegidium Tarinos, ciues Cæsaraugustanos sibi fidissimos, ante quos obtestatus est; si firmum, ratum vè testa- mentum patris, seu donationem aliquam ab eo factam, stipulatione, seu iureiurando san- ciret ipse: se id metu eius perterritum, ac inuito & repugnantem animo facturum: ne, si for- tè roganti Regi coram resisteret, indignatione commotus ille, innouaret aliquid, ex quo non modò ipse, sed Aragoniæ Regnum detrimentum caperent: haud immemor eius incommodi, quod Alfonso frater simili de causa olim fuerat perpeffus. Quo etiam tempore occasione dissensionis fraternæ, ab ipsa regnandi libidine orta, non solum pro- cerum, verum infimæ etiam plebis in partes secuta est armorum simul & animorum dis- tractio; aliis in Petrum, aliis in Iacobum fratres, aliis in Regem studia dirigentibus: in tā- ta veniendi ad arma licentia; ut magna vbique locorum subinde fuerit grassandi, atque la- trocinandi audacia subsecuta, viis omnibus, atque saltibus occupatis, ac non nisi armata multitudine oppidanis ex vno in alium locum pergere audētibus. Hac de causa vniuer- se montanæ Aragoniæ ciuitates, & maiora oppida, societate inter se inierunt, quam vo- carunt vnionē, ex qua leges prodierunt lōge duriores, quā mores & instituta maiorū vn- quā pertulerant; quasi vti, secarive necesse esset, quo medicamentis sanari non posset; ut tam immoderata, atque effrenata grassandi libidini obuiā iretur. Quibus breui effe- ctum est, ut consceleratorum hominum ingens capta manus, grauiissimas pœnas exqui- sitissimis suppliciis Reipub. pependere. Eodē anno sacro Pēthecostes die, Isabella Iacobi & Iolantis filia deducta est in Aquitaniam, ad insigne oppidum Claramontium in Ar- uernis, ubi celeberrimis nuptiis iuncta fuit Philippo primo filio Ludouici sancti Fran- corum Regis, qui postea in numero sanctorum, ut suprà diximus, relatus fuit. Eo etiam tempore Constantia Manfredi Regis filia in eandem Prouinciam deuecta fuit ac comi- tantibus Bonifacio Anglano Montalbani comite, Manfredi auunculo, cum aliis Siculis, & Neapolitanis proceribus, ipsiq; Sanctio, & Torrellia; Mompellerium ingressa. Cui Iaco- bus Princeps, patris nomine, dotem dixit, Comitatum Ruscinonensem cum Ceretania, Confluente, & Vallespiria, ac etiam Besalunensi, & Prulensi Comitatibus: cumque Cal- dis, & Lagostera oppidis; tametsi earundem ditionum donatio, paulò ante à Rege facta fuerat eidem Iacobo, qui retenta possessione, tamen obligata omnia pro dote esse vo-



luit. Itaq; conscriptis pactis, eoque Petro Barcinone veniente, nuptiæ cum magna pompa & celebritate iunctæ fuerunt. Iis Mompellerii celebratis, Rex cum vniuersa curia Barcinonem remigravit: vbi rescivit Petrum & Iacobum infatigabiliore indies torqueri regnandi cupiditate, atque iecirco maximè inter se dissidere. Ex quo existimans, se ab eis discordiæ, ac seditionum omnium sementem radicitus auulsurum, si voluntate eorum denuò Regna diuideret: præsentibus Barcinonensi, & Vicensi Episcopis, aliisque totius ferè Cataloniæ, cum nonnullis Aragoniæ proceribus, & ciuitatum Legatis, sic inter eos vniuersa partitus est. Aragoniæ Regnum, & Barcinonensem Comitatum, à Cinga flumine ad Pyrinæi promontorium, illa, nostraque ætate, Caput crucium nuncupatum, vique in Periliosum, & Panizatum, ipsius Pyrinæi colles, Petro attribuit: quibus & Valé- 10  
tinum Regnum adiunxit, iisdem ipsis, quibus antea diuisum fuit terminis ac limitibus, cum Regnis Aragonum & Castellæ, atque Cataloniæ Principatu. Iacobo vero Balearium Regnum, cum ea parte Pytuifarum Insularum, quam sibi retinuerat Rex: altera scilicet Antistiti Tarraconensi ex oppugnatione relicta, adiunctis Ruscinonensi, Iliberitana, Confluentina, Ceretana, & Vallepiria ditionibus, vna cum Mompelleriensi, quas Iacobo etiam condonauit. Quin & ambos filios orbatos liberis, heredes alterum alteri substituit. Petro nihilominus de paterna iniuria conquerente, quòd se, immensa donatione in fratrem collata, defraudasset, diuidens quæ à Principatus Cataloniæ patrimonio se- 20  
iungi non poterant. Demum eadem partitione cauit, vt minor natu filius, eiusque hæredes, earum ditionum, quæ ipsis obtigerant, vsu, & dominatu contenti essent; dum tamen Regia & suprema potestas, penes natu maiorem, eiusque posteros perpetuò maneret. Ià verò ad tollendas controuersias, quæ in confinibus Regni Aragonensis & Valétini cum Castellano per hos dies obortæ fuerant; indeque inter vicina oppida, & pagos, multa vtrinque damna & depeculationes consecutæ; necesse fuit Reges inter se conuenire, atq; fines Regnorum denuò definire. Qua de causa Sex viri finibus regendis sunt designati: è Regno Castellæ, Paschalis Episcopus Ginnensis, Aegidius Garcesius Aza, & Gonsaluis Rodericus Arienza: ex nostris verò, Andreas Albalatius Episcopus Valentinus, Sanctius Calataiubius, & Bernardus Vitalis Besalunensis; qui collustratis, ac designatis finibus, de damnis constituerunt; vti Reges ea vltro citroque, facta æstimatione, vnusquisq; sua de- 30  
penderet. Sed quia tarda est Regum compensatio, adeò magna semper accumulans, ne soluant; ipsa inter se oppida damna mutuo, aut refecerunt, aut, vt controuersis finem imponerent, condonarunt. Post hæc Rex veniens Ilerdam, duos nobiles Catalanos, Pontium Peraltam, & Bernardum Mauleonem, ex controuersia inter eos orta, armorum iudicio paratos ad decertandum inuenit: quibus, tametsi de more Rex assisteret, atq; ex patria lege certamen permetteret; tamen ex instituto maiorum, eidem præfuit Petrus Mòcada Cataloniæ Senescalus. Cuius magistratus iura, cum ex vetustate obsoleuissent; & de ea re controuersia cum Rege oborta esset; eius definiendæ gratia, quatuor viri delecti fue- 40  
re, Simon Perezus Arenosius, Thomas Senclementius, Guillelmus Sazala, & Arnaldus Boscanus, iuris militaris scientia præstantes. Quorum sententia hæc fuit; Vt Senescalo, tanquam summo Regni magistratui ius suum, quod nulla officii desuetudine potuit antiquari, restitueretur. Huius autem certaminis quisnam fuerit exitus proditu non inuenio. Inde verò Rex Barcinonem veniens, de virgine Iacobo filio in matrimonium ducenda sollicitus, Mompellerium ad Guillelmum Rocafullium præfectum scripsit, vt cum mandatis ad Allobroges iret, ibique cum Petro Sabaudia comite, de Beatrice Amadei Comitis eius fratris filia, Iacobo in matrimonium collocanda ageret. Sed illud an fuerit confectum, necne; seu puellæ obitu, quauè alia de causa impeditum, nulla in Commentariis Regis, neque alibi fit mentio. Ac neque propterea, quod à Rege hæc, aliaque intermitteri soleant, prætermittendum est illud, quod ab scriptore antiquo, qui Iacobi vitam conscripsit, narratur de Rege Persiæ, magnoque Babylonis Sultano nuncupato, qui per id tempus apud Ægyptum agens, præclara Iacobi fama commotus, mireque eius amicitiam affectans, Legatos ad eum miserit, qui sui erga ipsum studii & amoris testimo- 50  
nium redderët. Hos Rex Barcinone excipiens splendidissimè, multis locupletatos donis remisit; ac statim ad Sultanum, Raimundum Richardum, & Bernardum Porterium, viros singulari prudètia; quique magnam partem orbis peragrarant, Legatos misit. Qui in Ægyptum nauigantes, cum primum Alexandriam, vbi tum agebat Sultanus, appulere, ipsius iussu, magna cum celebritate & pompa excepti fuere. Cumque Bernardus Porterius Iacobi vexillum protulisset; hoc illico honoris, atque dignitatis gratia, Sultanus in Arfacidarum folio constitui imperauit. Renunciavit præterea Bernardus legationem amoris simul & officii plenam, quam Sultanus beneuolè, ac studiosè audiens, eundem rogauit,



gavit, ut more patrio, nomineque Iacobi Regis, filium suum natu maiorem, militaris honoris auctoramento cinctum decoraret (perinde enim se habiturum, ac si ab ipso met Iacobo Rege esset auctorandus, dixit.) Id audiens Porterius se illi ad pedes demittens, quod tanti ipsum auctorandi Principis honore dignum duceret, obtemperaturum dixit. Quare celebrato solenni sacro apud ædiculam Virginis, à Christianis Alexandria degentibus cultam duobus sacerdotibus, quos secum Legati attulerant, rem bene administrantibus, solita cum ceremonia & pōpa, atque incredibili Sultani, totiusque ciuitatis lætitia, auctoramentum perfecit. Vnde Legati, magnis à Sultano ditati muneribus, atque nauibus preciosissimis aromatibus refertis, cum maxima Sultani gratia, in Hispaniam renaugarunt. <sup>10</sup> Barcinonem autem appulsi, atque renunciare legationem iussi, de sua felici nauigatione, deque gratia & magnificentia, qua ab humanissimo Sultano excepti fuere, multa retulerunt, addētes se ab eo, de omnibus Iacobi rebus gestis accuratè rogatos fuisse; illisq; auditis, tanto erga Regem amore & studio arsisse, ut vexillum, eiusque insigne mirè contēplatus, illud in Arfacidarum folio collocatum penes se retinuerit. Additū & de auctoramento à Legato Regis nomine rite celebrato; deque illius maximis opibus Legatis magnificè expositis, & muneribus, quibus eos affectos dimiserit. Quæ audiēs Iacobus, collaudatis Legatis, magnaq; ex eorū oratione voluptate capta, summas Deo gratias egit, quod talē ac tantum sibi amicū parasset, cuius auxilio, si quando daretur expeditio ad Hierosolymitanam terram è Turcarum manibus eripiendam, se multum inuari posse speraret. Ceterum ne vllum Iacobo tempus daretur vacuum ab officio & munere militati, in ipso temporis articulo, quo Legatos audiuit, ad eum venit Petrus Ioannes Calatrauensis militiae magnus magister, ab Alfonso è Castella missus, qui exposuit, Maurorum ex Africa incredibilem numerum in Bæticam traiecisse, seque cum Murciensibus, & Granatensibus adiunxisse, ut similem superiori cladem toti Hispaniæ inferrent. Proinde Regis sui nomine rogare ipsum obnixè, ut è Regni Valentini finibus versus Murcienses appropinquet; & labantibus generi & filia rebus opem ferat: ac neque minores mari, quam terra copias parari iubeat, ut illorum ex Africa transitus impediatur. Protulit quoque epistolam Lolantis filia ad eundem, orantis ne se, ac virum in tam manifesta suarum rerum perturbatione desereret. Ad quæ respondit Rex, se nullo vnquam tempore deserturum suis, sed quanto maximè posset exercitu, terra marique pro comuni salute, se ducem subsidio iturum. Quo dimisso, protinus mari classem strui, terraque exercitum conscribi, atque ciuitatibus, & oppidis pecuniam impetrari; ipsumque Bouaticum tam iustis de causis imponi procurauit. Hæc ubi Catalanis Barcinonē conuocatis indixit, docuitq; innumerabiles in Hispaniam ad Granatenses ex Africa Mauros confluisse, facile persuasit, tutius esse hostes in alieno, atque longinquo oppugnare solo, quam è proprio depellere. Vnde non solum Bouaticum cōcedi Regi; verum classem quoq; ei extrui curarunt, ut Mauros transitu in continentem prohiberent: propterea quod occupata ab eis Bætica prouincia, maxime verò Murciensi Regno, quod properabāt, illicō conuolatueros illos in Valentiniū, & Cataloniā subinde infestatueros, credi par erat. Verum & petitioni Regis, & concessioni conuentus, sese opponens Raimundus Folchius Vicecomes Cardonensis, non esse vllō modo consentiendū, dixit, quin prius de more conuentus, & antiquo Regni iure, querelis illorum, qui iniuria, damno, aut fraude aliqua opprimebantur, satisfieret, atque illata damna refarcirētur. Quod Rex intelligens atq; tristissimo, difficilimoque Reipub. tempore priuatas iniurias communi damno à conuentu præferri videns; vsque adeo acerbe rem tulit, atq; ira succensus est, ut protinus dimitti conuentus, atque vrbe excedere, turbataque omnia relinquere decreuerit. Sed vniuerso occurrente conuentu, atque Folchio à conquestione desistente, quæ concesserant, comprobata fuerunt, atque conuentus cum magna Regis gratia dimissi. Verū quod Regi tunc in Reipub. à summo discrimine liberādā quā maximè intēro nihilominus Folchius sese opposuerit, postulata spreuerit, concessaq; illi à conuentu tributa impederit; ac nisi ab vniuerso demum exoratus conuentu, minimè à impeditione destitit; apertè edocet à nostri temporis Principibus boni esse consulenda similia, quæ in conuentibus ab vno, aut altero ex proceribus, aut Baronibus, aut Legatis ciuitatū, ipsis opponi solent; donec oppressorū quereli satisfiat, ac Reipub. debita repēdantur. Quandoquidem non tam maioris acquitendæ libertatis, quam iustitiæ (quā vna virtute sustentantur Respub.) exequendæ grātia, id ipsum opponēdi ius sui populi ex plebiscito concessum. Minus enim decet, imò perniciosissimo sit exemplo Principum, ipsos, quā priuatū quemque hominem, suū cuique non reddere: præsertim si eiusmodi sit, ut ob inermis scelerum punitionem aliquam, Respub. suo quasi iustitiæ debito defraudata



Hæc quippe vna, aut altera dissimulata, permissæ malorum impunitate, sequi sæ-  
 pe solent, diuino reposcente iudicio, ut Principum conatus, & magna incœpta, quantum-  
 uis præclara & heroica, irrita fiant, ac veluti euanescant: ceu tanquam instructa, beneq;  
 ornata nauis, quæ fertur secundo vento; tenui subtus contempta rima, sensim penetran-  
 te aqua demergitur. Cuius profecto rei, si Rempub. licet cum nauî quàm aptissimè com-  
 parare, exemplum nobis natura proposuit præclarissimum; in vno pisciculo Echenei, si-  
 ue Remora nuncupato; quem nostrum mare fert, atque pedali torpedini, qui piscis pe-  
 tris affigi solet, persimili. Illius siquidem tanta est virtus, robur, atque à natura innata ad-  
 sistendum facultas, ut Plinio, & experimento comprobantibus, medio in mari nauim,  
 suum velis plenissimis cursum tenentem, carinæ affixus contineat, ac remoretur: quoad  
 vrinatorum indagine, tentante manu inuentus, è carina euellatur; sicque nauis tanquam  
 ferreis soluta vinculis cursum prosequatur. Quid enim Regii conuentus sunt, in quibus  
 totius Reipub. summa continetur, quàm nauis maxima, seu Bucentaurus quædam, Re-  
 gem tanquam nauarchum, proceres, Baronesque tanquam vectores, simul & nauicula-  
 rios vehens? Et horum, quod præcipuum institutum? quisve scopus? quam Rempub. tã-  
 quam nauim è maximis procellis, vitæque tempestatibus ereptam, saluam, & incolumè  
 in portum, vbi tranquille viui possit, deducere? Quid tum Echeneis tantillus piscis, carinæ  
 adhærens, ac stupentibus omnibus, nauim retinens, quàm occultum sæpè malum, atq;  
 inopinatū innuit? quod, quia initio, ut leue negligitur, neque animaduersione dignum  
 putatur, ideo quidem paulatim, ab innata vi malis, robur, ac nervos sumens, postquam  
 inueterauit, Rempub. non modò inficere; sed felices eius progressus sæpissimè retardare  
 potest? Quid demum vrinatore? quàm aut seueros legum ministros magistratus, aut, qui  
 populi moribus præsumunt, censes, significant? utpote quibus est proprium, mala Rei-  
 pub. linceis, quod aiunt, oculis inspicere, indagareq;, ac non solum coercere, sed præca-  
 uere equidem, atque illico enascentibus illis, cum occurrere, tum illa ipsa, ferrea quasi  
 admota manu, tollere & auerruncare? cum scilicet ab iis maxime quæ parua videntur  
 esse delicta, quia neglecta crescunt, sit diligentius declinandum? Quamobrem, ut in ma-  
 gnis tempestatibus, summi nauis gubernatores nonnunquam à vectoribus admoneri,  
 horumque monita ab illis non omnino reiici, sed libenter admitti quandoque solent,  
 sic planè in magnis quoque Regiis conuentibus, vbi propositis oppressorum querelis, ob  
 multorum inter se dissentientium contentiones, quæ sæpè, Principum, qui adulari se si-  
 nunt, aucupandæ gratiæ causa, tanquam tempestates commouentur, proborum homi-  
 num oppositiones, siue procerum, siue aliorum de conuentu, vti optima, salutariaq; Rei-  
 pub. monita à Principibus audienda sunt, nec aspernanda; sed boni, ut dictum est, consu-  
 lenda. Sanè, ut per ea, tum Principes officii sui admoneantur; tum Reipub. necessitatibus  
 occurratur; tum denique conuentus, pari cum illorum, tum populorum gratia dimittan-  
 tur. Vt igitur redeamus, vnde diuertimus, concesso Regi Bouatico, classique nauata ope-  
 ra, eidem Petrum Fernandum filium præfecit, strenuum, ac bellicosum iuuenem, quem  
 susceperat Rex ex Berengaria Fernandia Aragonensi scemina nobilissima; altera ab illa,  
 inquam, Berengaria Alfonsi domini Molinæ filia, quam post Murcienſe bellum, eontu-  
 bernii quoque necessitudine Rex diu cognoscens, nullum tamen ex ea filium habuit, de  
 qua mox agemus. Hic Petrus postea oppido & ditione Ixarenſi donatus à Rege fuit, ab  
 eaque ipse, & eius in hanc vsque diem successores nuncupati, qui Beleitano comitatu  
 adiuncto, procerum Aragoniæ, & Regio splendore generis, & perampla populorum di-  
 tione habentur præstantissimi. Porro quoniam instabat bellum, Mauritanis continenter  
 traicientibus, ac sese in Granatæ, & Murcia Regna diuidentibus, quin arces & oppida  
 in Regno Castellæ capere incipientibus; nec tamen Bouatici pecunia collecta erat, nec  
 quæ expectabatur ab Aragonia, imperata; Hebræus quidam nomine laudanus, omnium  
 Hispaniæ ditissimus, Regiique ærarii præfectus, tantam ex suo obtulit præsentem auri  
 summam, ut & classi, & colligendo exercitui, & disponendis præsidiis sufficeret; Boua-  
 tici, & aliorum Regionum censuum ei exactione mandata. Iis actis, Rex Cæsaraugustam  
 venit; ibique procerum bellicosiores, tumultuario inde collecto exercitui duces præfe-  
 cit: ut vno simul tempore, cum iis, qui è Catalonia exierant, in finibus Valentini & Mur-  
 cienſis Regni præstò essent Castellæ Regi. Cum igitur tot illi sumptibus faciendis pecu-  
 niæ quoque essent Aragonensibus imperandæ, conuentus Cæsaraugustæ egit, ad quos  
 vniuersi Regni proceres, Barones & Magistratus ciuitatis, cum aliarum ciuitatum, ma-  
 gnorumque oppidorum Legatis conuenerunt. Quibus in cœnobio maximo fratrum  
 Dominicanorum congregatis, suam mentem Rex iis verbis expressit: Scio equidem, ne-  
 quaquam ignorare vos, me ab ipsis incunabilis, omnem vitam, siue domi, siue foris, per-  
 petua



petua militia traduxisse; fuisseque diuina fortassis mihi sorte datum, ut nullam plane ætatem in otio, & tranquillitate; sed pro communi Regnorum salute, & amplificatione, in continuo labore & vitæ discrimine exegerim. Nam & totum tyrocinium adolescentulus, cum in vitandis domesticis insidiis; tum Regnorum sedandis discordiis insumpsi; & florentem adhuc ætatem, in Balearico bello; & mediam in Valentino transegi; neque hæcenus ingerendis rebus à perenni, contestataque maiorum meorum virtute degenerasse, quin potius eorum laudibus permultum addidisse me puto: cum reuera duobus Regnis, quæ ab illis variis parta sæculis hæreditario iure accepi; alia duo quoque mea, vestraque simul parta manu adiecerim; neque restat aliud ad ea omnia conseruanda & stabilienda vndique, quàm tertium, quod est Murciense, adiungere: propterea quòd neque Valentinum sine illo, neque Balearicum sine utroque defendi potest. Cui rei Catalani socii vestri, prouidi ac frugi homines, maturè, solerterque occurrerunt, animaduertentes à tot indies ex Africa traicientibus Mauritanis, atque se Murcienfibus adiungentibus, non modò hisce propinquis Regnis; sed toti etiam Hispaniæ commune, quale fuit olim, excidium impendere. Quapropter satius esse ducentes, malum ex longinquo loco, quàm ex propinquo vitare: non solum se, suaque omnia obtulere, sed tributum quoque Bouaticum ad propulsandum hoc bellum, nobis, ut scitis, concesserunt. Neque video profectò, cur hoc etiam Regnum, quod eisdem, vel propinquieribus Mauro-rum excursionibus, quàm Catalonia subiectum est, simile quoque auxilium pro sui defensione non pendat. Est enim illud non aliis vñibus, quàm sacro huic bello, meisque genero & filia, à tam manifesto eripiendis periculo impendendum. Vnde per æquum est, ubi de communi bello pro defensione patriæ suscepto agitur, sociis tam largè necessaria suppeditantibus, vos, qui & Regnorum primi debellatores fuistis, & eorundem semper estis propugnatores, nò parcè, sed largissimè, ut vos decet, aut saltem paria conferre. Hæc cum dixisset Rex, quidam Franciscani instituti monachus, à seipso impulsus, repente in suggestum ascendit, atque ad sacrum hoc ipsum adhortans bellum, postquàm Regiam tributi petitionem multis cohonestauit verbis & exemplis, adiecit, religioso cuidam sui ordinis diuinum obiectum fuisse visum, quo intellexit, instaurandam à Iacobo Rege Hispaniam, & à Sarracenorum incursionibus liberandam. Hæc proceres tanquam conficta somnia rejicientes, ægrius tulere ea, quæ à Rege petebantur: quin etià & ab eo diuertere ceperunt, Bouatici nomē ut execrabile detestantes. Hæc audiēs Rex, octo ex eorum principibus viris ad se vocauit, quorum vnus erat Fernādus Sanctius filius, qui à patre, præ cæteris, hæc in parte dissentiebat. Is enim olim Alfonsi fratris partes secutus, multa cum aliis eiusdem factionis indigna, illius causa, contra patrē machinatus fuerat. Ex quò dissentienti à patre noua occasione oblata, quasi pugnaturus pro libertate patriæ, insolētius se gerebat; sicque ad impediendū Bouaticum, cuius nomine, ut ferebat ille, pater Aragonēses in boues ad aratra ferēda cōuertere volebat, caput eius defensionis seipse constituit, adhærentib. illi Simone Virea, focero, & Bernardo Guillermo Entensa, qui cum aliis vocatis ad Regem venientes, nullis ab eo rationibus ad subeundum illud adduci potuerunt, neque necessitate belli, neque exemplo Catalanorum, neque fide ac iureiurando à Rege dato, se ratam partem proceribus, ac nobilibus restitutum; & constitutum, ne vllò deinde tempore id imponeretur. Quin potius nouas de Rege querelas habentes, atque priuatas suas quisque causas publicis ac communibus præferētes, non modò petita negarunt; verum permulta, quæ antea in damnum suum, & iniuriam facta interpretabantur, compenari sibi à Rege petebant: imò ea ex præscripto legum, ac patriæ libertatis, iudicari poposcerunt. Est enim populus Aragonēsis, natura tenax; adeoque acer vindex, etius præsertim libertatis, quæ maiorum suorum sanguine parta fuit; ut eodem quoque, illorum exemplo, cum defendere illam; tum pro ea mori non dubiter. Sine libertate enim nullam sibi vitā relictam putat. Indeque est, ut antiqua sua plebiscita & priuilegia (foros vocant) tanquam eius libertatis vindices & custodes mordicūs, nimisque præfractè defendat. Quò fit, ut neque aliorum quidem populorum, præsertim vicinorum, effugiat inuidiā, Regum autem in auersum quandoque animum incurrat. Quorum querela de Aragonēsis deque eorum plebiscitis ea summa est, quod nullam illi tēporum rationem habere volunt, ac neque illud potissimum animaduertere; non esse æquum, eorum plebiscita, quæ plerumque priuatis de causis, atque populorum importunitate, à Regibus, tanquam vi expressa, atque extorta fuerunt, perinde ut sacratas leges, quæ summo Imperatorum, atque peritissimorum Iureconsultorum cōsilio, pro communi bono latæ sunt; perpetuitatis, siue immutabilitatis naturā obtinere. Cum potius aut pro vicissitudine, malitiaque tēporum, mutanda essent; aut pro atrocitate criminum, ut leges etiam, exasperanda; atque,



ut morbis, pro natura, usu, & consuetudine ægroti adhibenda est medicina; sic intabescencia Reipub. membra, ne proxima corrumpant, non lenientis, sed igne, aut ferro nonnunquam sint præurenda. Fit enim obiectu plebiscitorum indulgentiorum, ut pleraque delicta, sceleraque sæpius remaneant impunita. Verum respondent Aragonenses, atque pro se non insulse dicunt; iisdem ipsis plebiscitis, tanquam legibus, auctam potius, quam imminutam suam Rempub. fuisse; immò cum vera religione quidem, hætenus multò melius conseruatū. Esse præterea se, mitiore quam alios natura, atq; ingenio tardum, potius, quam præcipiti ad mala perpetranda, ideoque quib. non est acceleratus delinquendi usus; tardā quoq; atque procrastinatā esse debere punitionem, atq; ad continēdos in officio ipsos, tanquā lenientis, nō incisione opus esse. Nec obstat, quod bona Regni pars plana, satisque culta, atq; amœna appareat, & ad inhabitandum, & ferendum iugum apta; cum maior quidem perfrigida, horrida, & montosa sit, ac licet cultura vacans, propeque inhabitabilis; solius tamē libertatis dulcedine allecta, cum mirè frequens est; tum paucis contenta: quæ si, aut maioribus, quam ferre potest, oneribus grauaretur, aut truculentioribus, quam solent, pœnis, multisve puniretur; planē, aut omnino defereretur illa; aut durior quam usquam paupertate, ac seruitute cultores premerentur. Vnde Reges, pro illorum hætenus, Regia simul & diuina inuiolata fide, quarum hi fuere semper obseruantissimi: sic in eorum libertate, liberisque scitis connuent, ut iisdem modo absit abusus, ad eius regionis tum incolumitatem, tum publicam commoditatem, facile iudicari res permittant. Id, quod Iacobus tunc temporis prudentissimè animaduertit: neque enim tanta oblata occasione, plebiscita ipsa abrogauit; sed ipsis abutentes proceres, ut dicemus, mirè persequutus est, atque acerbè puniuit. Igitur proposito à Rege tributo, magnæ illic seditiones in populo concitatae fuere. Neq; enim in tanta rerum perturbatione defuerunt, qui, vel procerum causam aduersus Regem, vel Regis aduersus proceres tuerentur: tametsi hæc quidem pars præponderaretur eā, quæ pro libertate pugnabat: eaque vna libertatis vox à populo emittebatur. Hanc igitur acerrimè defendere studentes proceres, Sanctio, & Vireo ducibus, Alauonem exceßerunt; ubi percusso fœdere, societatem inierunt; indeque omnia raptim, turbatimq; agi cœperunt. Vnde conuētu non de more dimisso, sed pertumultuosè dirempto, proceribus cum populo ad arma conclamantibus, Rex Montionem profectus est: ibique copias coegit, accersitis è Catalonia militibus, ac nonnullis proceribus, qui præstò Regi fuerunt: quibus accesserūt Tamaritani, eoque paruo exercitu, breui aliquot Aragonensium procerum oppida & arces, tam Petri Massæ, quam Sanctii filii cœpit: promulgauitq; vniuersa oppida & pagos procerum, se, ferro & igni vastaturum. Quæ audientes proceres, depositis armis, iure agere maluerunt. Sciebāt enim Regem non tam contrario, quantumuis licet potentissimo, armorum impetu, quam audito iustitiæ nomine, ab armis discessurum. Jamque connitebantur summopere, ut de querelis, deque controuersis, ac quibusuis litibus, iudicaret Iustitiæ Aragonum præfectus, omnesq; iudiciarias controuersias, quæ Regem inter & Regni proceres, nobilesque viros orirentur, Præfectus constitueret, easque ipse & Regio, & procerum, nobiliumque consilio, qui Regia in aula versarentur, decidere. Insuper cum is Magistratus, seu præfectura, à se, & à superioribus Regibus demandari cui uellent, soleret, in posterum promisit, non aliis, quam viris, qui equestri ordinis essent, eam mandaturum. Placuit igitur Regi, ac per æquum visum est, ut cum honesta iuris intercessione, tum ab armis discederetur, tum etiam Magistratui, ac præfecturæ suum quodāmodo abrogatum ius, & imminuta iurisdictio, restitueretur. Erat enim hæc publica Regni dignitas, atque potestas præfecturæ (ut de ipsius origine & facultate, pauca quæ ad rem pertinent dicamus) in præsidium & custodiam publicæ Regni libertatis constituta: cæterisque eius, siue regiis, siue ordinariis ciuitatum, oppidorumque magistratibus, præferri solita. Ac, vel ex eo maximè præstans, magnique semper habita, quod in tanto sibi iure, ac præsidendi potestate collata, nulli fuit vnquam Tyrannidi, neque perturbationi rerum obnoxia, utpote cum non solum, pro æquo & bono, quibus ex plebiscito modis solet ipsa: verum pro summo quoque iure, deque consilii sententia, cuncta decernerat. Neq; enim querit quæ sua sunt: sed tria potissimum contendit. Primum ut suum cuique tribuatur: alterum, ne cui vis inferatur, tertium, ut Regni plebiscitis steretur. Similis illa quidem tribunitiæ potestati: quem Magistratum Romani olim, defensorem, ac custodem populi esse voluerunt, atque auxilii causa, contra illatam vim constituerunt. Vnde sicuti apud Lacedæmones Ephori Regibus, apud Romanos Tribuni Consulibus opponerentur: sic apud Aragonenses, ne aut vis veritati adhiberetur, neve furor, ac impetus aliquando Iudicum, ius opprimerent: & Regibus, & Consulibus, & cuiusunque Regni potesta-



potestati, ut se opponeret, creatus is fuit magistratus. Cuius tanta vis est, tam constans, & iusta quasi dictatura, ut ab eius hucusque origine, & creatione, nullo fuerit unquam tempore, aut occasione abrogata. Quo maior est profecto admiratio; eaque nos vehementer ad inquirendum incitat; quoniam potissimum tempore, aut Imperante Rege, ac quibus etiam de causis, primi, tam Reges, quam proceres Aragonenses, tantam, adeoque maiorem, quam singuli potestatem haberent, quasi abdicarint à se, atque uni soli contulerint. Idque non solum ad iudicandum de summis, gravissimisque Regni rebus, ceterasque infra se habendas iudicationes; verum in plerisque ipsarum, illius unico, ac definito iudicio standum. Sed de tempore, ac Regibus, & proceribus, quibus fuit conditus magistratus, non admodum expressa est, neque literis, neque diplomate consignata memoria: seu neque esse permittitur; fortassis, ut eo plus autoritatis, plus fidei, ac iuris eidem ab antiquitate, & inueterato, siue præscripto præsidendi usu accedat. Occasionem verò, siue causam, haud alias fuisse credunt; quam par olim primorum Regni, atque procerum Imperium; atque ab his profectam Regiam dominationem: indeque frequentes inter eos, super diuisione rerum, hostilium præsertim spoliolum, controuersias, & contentiones: quasi quod par pari noller iudicio succumbere: hincque necesse esset ius in armis, quæ semper gestabant, ponere. Ex quo, ne cruenta pugna & ferro differetias dirimerent; neve vlla subinde in Regem conspirandi occasio daretur; tam Rex, quam proceres, de suo detrahentes, atque magistratui conferentes, ipsum omnium consensu crearunt: atque ex eo maximè, quod is in suo cuique tribuendo versatur: totique Regno præest, Iustitiam Aragonum nuncuparunt. Ab ea quippe virtute, quæ omnium Reipub. basis est ac fundamentum, iuste fuerat denominandus Magistratus, qui omnibus Regni iudicationibus, tanquam Iustitia iusticiarum, erat præponendus. Per hunc enim Reipub. Aragonensis salus non modò fuit perpetuò retenta, ac vera illius etiam erga Reges fidelitas conseruata: verum ipsamet Regia dominatio, aut aucta quidem extitit per illum, aut magna saltem ex parte releuata. Siquidem ad subitas tum populorum commotiones sedandas; tum ciuium inter se discordias componendas: tum insolentium quodoque procerum libidines refræmandas (quæ propria sunt Regis munia) num commodiore alio, promptioreve, quam hoc ipso magistratu, tanquam unico instrumento pacis, ipsum sibi Regnum consuevit accurrere? nonne, quod in ea re, sua maximè præsentia fecisset Rex, id ipsum deputatus ab eo magistratus solitus est efficere? An non hinc est, quod Aragoniæ res minus premant Reges; minusque ipsis negotii facebant, atque in comitiis generalibus minus quoque querelarum ab Aragonensibus, quam ab aliis sociis Regnis habeantur? Inde quippe superiores Reges huiusmodi magistratus vim satis cõpertam habentes; necnon & proceres non esse alienam à commodis suis, ac neque contrariam ei potestati, rigidæ, nimisque seueræ, quam ipsi in subiectos sibi populos, sine pro- uocatione habent, perspicientes: eodem, quo ab utrisque consensu creatus est magistratus, à consequentibus, progressu temporis, fuit etiam auctus, atque & potestate, & iurisdictione amplificatus. Ita quippe Iacobus audiens velle proceres, exposcereque, ut controuersias, quas tam secum, quam inter se illi haberent, Iustitiæ Aragonum præfectus iudicaret; per æquum id esse ducens, prouidit in posterum, ut illud de iurisdictione præfecti, quod antea usu tantummodo & consuetudine receptum erat, deinceps scripta lege sanciretur. Demum induciis factis, de reliquis controuersis omnibus, Rex, & proceres apud Cæsaraugustanum, & Oscensem Episcopum compromissum fecerunt. Quibus peractis, proceres, se Regi ad Murciense bellum adfuturos promiserunt. Sed ob- eunte interim Oscensi Episcopo; Cæsaraugustano verò à pronuntiatione abstinente, iudicatio ipsa penes Regem fuit, neque manus iis bonis iuncta, quæ facto compromisso tenebantur. Prætereapaulò post, comitiis à Rege, Exæ habitis (inclytū id Aragoniæ oppidum est, cognomēto equitum, ob eorum frequentiam) plures leges proximis conuerti- bus scriptæ tantum, ibi scitæ, ac promulgatæ fuerunt. In primis ne Rex, quique alii postea Reges essent, honores, & militaria officia condonarēt, nisi iis qui agnati procerum essent, nō modò iure, sed natura quidem, ac neque exteris, illa tribuerent. Ne quis procerum, nobiliumve; Bouatici, aut scripturæ tributū (Herbaticum ipsi appellare consueuerunt) depēderet. In omnibus controuersis, quæ inter Regem, & nobilitatem orirentur, præfectus Iustitiæ Aragonum iudex esset, easque procerum, atque nobilium, quorum nihil interesset, cōsilio dirimeret: reliquas verò procerum, & equestriis ordinis causas, idem præfectus, Regis ac procerum cōsilio diiudicaret. Rex liberis iustis nuptiis procreatis honores, militariæ officia, ne attribueret. His constitutis, atque induciis cum proceribus factis, literas à Castella accepit, quibus intellexit, Alfonso expeditionem contra Granatenses suscepisse.



Quamobrem ipse quoque Murciensibus bellum indixit; ad quod Clemens IV. Pontif. sacrae expeditionis praesidia, & nozarum expiationem indulgit; atque sacrosanctae Crucis praedicatione, è tota ferè Hispania multorum fuit militum concursus, Tarracoenfi, & Valentino Anistitibus, concionatoribus, & sacri huius belli lituis. Itaque Cæsar-Augusta primum renunciatis Ducibus, & Signiferis, exercitum ad duo millia equitum conscribi iussit. Duces exercitus fuere Petrus & Iacobus filii; & Raimundi duo, Cardonæ Vicecomes, & Moncada, aliis Aragoniæ proceribus, quod alienato adhuc animo à Rege essent, militiam detrectantibus, præter vnum Blascum Alagonem, qui Regi semper adfuit: tametsi Aragonenses postea manipulatim Regem sequuti fuerunt. Sed recensitis equitibus, sexcenti dumtaxat præstò fuere ex bis mille conscriptis, quibuscum collecto passim in itinere peditatu, Valentiam properatum est. Cumque venirent Turolium, crescente indies exercitu, ac deficiente commeatu, reque frumentaria, ingressus est Rex urbem; quæ nunc intercedente Philippo II. Rege, concessione Gregorii XIII. Pontif. in Episcopatum erecta est; ubi conuocato Senatu, itineris, atque expeditionis suæ causas aperuit: seque fuisse coactum ad sacrum hoc contra Murcienses suscipiendum bellum; non solum ut Regnum, ob conspirationem Granatensibus deditum, eisdem inde pulsus, genero, ac filia recuperaret: verum ut impediret, ne sese illi cum Murciensibus iungentes, in Valentinum conuolarèt, unde Aragonense Regnum detrimentum acciperet. Atque ideo, instante expeditione, ipse, non tam de cogendo exercitu, quam de sustentando sollicitus, carere se in primis re frumentaria, & pecuaria, alioque necessario bellico comeatu, ostendit. Proinde rogare, ut quæ ad manus haberèt, suggererèt: habituri breui ex Regiis censibus compensationem. Ad quem vnus ex primoribus, Ægidius Sanctius Munotius, filius quodam Paschasii, de quo antea diximus, qui senatus mentem compertam habebat, respondit: Non ignorare te, Rex, credimus, ciuitatem hanc nulli ex suis Regibus tuis maioribus defuisse vnquam; neque nos quæcunque imperata fuerunt, facere recusasse. Quamobrem, quod maiora sunt, quæ tu pro communi re facis, quam quæ illi, eò maiora deberi tibi fatemur: & quæ pro aliis nunquam, pro te nunc facere decreuimus. Offerimus enim tibi nos Valentiam ituros obuiam, cum mille tritici coris, & tribus mille farinae arietum xx. millibus, bouum verò duobus millibus: ac si opus erit, plura duros. Te autem interim, & exercitum, hospitio excipiemus honestissimo. Hoc Turolensium tam magnificum, atque splendidum sponte oblatum munus, Rex admiratus, Cæsar-Augustanæ non immemor iniuriæ, ad suos conuersus; Nū, inquit, Cæsar-Augusta plus viderisset, quam Turolium sponte obtulit? Itaque gratias eis habens, maximeque ipsos de munere amans, petentibus Turolensibus, duos vel tres dimisit satellites, qui per suburbana & pagos, Regio nomine, quæ mittenda essent, colligerent. ipseque, quamuis illi renuerent, ex Regiis censibus, persolui omnia præcepit. Cum igitur Valentiam venisset, Turolenses cum omnibus præstò fuere. Quæ cum pergrata, atque accepta haberet, optimis, variisque Valentini agri fructibus oneratos remisit.

## BERNARDINI GOMESII MIEDIS, ARCHIDIACONI SAGVNTINI, DE

VITA ET REBUS GESTIS IACOBI PRIMI REGIS

*Aragonum, cognomento expugnatoris.*

### LIBER XVII.



VM Iacobus Valentiaë commeatum & arma parat, ac reliquas ex Catalonia, & Aragonia ad Murciense bellum conscriptas copias operitur; graues subinde, atque constantes rumores per urbem spargebatur, de innumerabili Afrorum, qui in Beticam traiecerat, multitudine, ut qui Granatensibus adiuncti centum quinquaginta millium numerum perhiberetur excedere; eorumque omnium mens esset, sese in Murciense Regnum immittere; eoque comparato, protinus in Valentinum conuolare: ut non amissum modò Regnum è Iacobi manibus eriperet, ac Zaeni, suisque recuperaret: sed Iacobum etià è propriis sedibus, ac Regnis expelleret. Erat. n. iam ab omnibus Hispaniæ Sarracenis & Afris, conflata conspiratio in Iacobum: cuius tam florens dominatio & Imperium, vniuersis Sarracenis, præcipue Afris, in magno erat ex inuidia concepto odio: nec tam-



men tam ingens ira, & potentia hostis contemnenda erant. Compertum etiam Rex habebat, ex omnibus à se antea susceptis bellis, nullum fuisse unquam cum hoc Murcienfi comparandum, ac neque sibi magis reformidandum. Nam quamquam tot ipse numero, tamq; paratos ad dimicandum contra se, hostes habuerat; nunquam tamen minoribus facultatibus, atque copiis, iisque inter se diuisis, ad illis resistendum prodierat: nullus denique hoc ipso, belli exitus magis portendebatur exitiosus: propterea quod non solum Afros & Granatenses ante se haberet, sed Valentinus etiam domesticos hostes post se relinqueret: neque timendum non erat, ipsum vel præliantem, ab utrisq; intercludi posse; seque eis victimam præberi. Quæ omnia à proceribus, & populo, vltro citroq; relata, tantum a Rege perpenderentur; nec paruiderentur, ut potè quæ virum quamlibet constantem honestè possent ab incepto detertere; tanta tamen erat ipsius cum animi magnitudine coniuncta fortitudo, ut hoc vno in bello non modò hostes, sed seipsum superarit, eoque alacrius in eos inuectus fuerit. Quamobrem contemptis rumoribus, com meatum & armamenta præmittens, cum vniuerso exercitu profectus est Setabim: ibiq; equites leuis armaturæ trecentos assumens, Biarum progressus fuit, vbi congregatis Ducibus exercitus, totius nauandæ operæ, atque bellicæ expeditionis rationem eis significauit: fuitque deliberatum, ut debellatis primùm Murcienfis Regni oppidis citra Vilienam, quæ sunt prope Oriolam, & Alicantum, vltima esset vrbs expugnatio. Vnde missa parte exercitus in leuam, ipse cum altera dextram tenens, Viliensibus, qui contra Manuelem

10 Regis Castellæ generum conspirant, per præconem ad mœnia denunciauit, nisi resipiscerent, atque Manueli se dederent, depopulaturum se eorum agros, ac oppidum complanaturum. Ad quem Vilienses, se, certis conditionibus in potestatem Manuelis redituros dixerunt, modò ratas illas habiturum Manuelem ipse promitteret: promittente Rege, Manueli se dedidere. Quorum exemplum Eldenses sequuti, sese Manuelis potestati permiserunt. Id ipsum imitati Petrecenses, Neupotenses, Illicitani, qui nunc Elgienses, fidem Iacobi sequentes in potestatem Regulorum suorum redierunt: simulq; audita Regis benignitate erga spontè se dedentes populos, tradita quoque fuit illi Calagurria turris magna, valdeque munita, quæ præcipua erat Illicitanorum arx, antequam exercitus eò conueniret. Ea fuit enim Iacobus sapientia & opinione famæ præditus, ut non

30 minus arte, quam ferro vinceret. Misso igitur in eius arcis præsidium Barcinonensi Antistite, ne ab exercitu illorum ager vastaretur, ipse concessit Orcelim, vulgò Oriolam; quo statim venit præfectus Criuilleni oppidi munitissimi, ut illud, & duas eius arces præmunitas in potestatem redigeret, vna tantum missa cohorte: qua ad eos perueniente, præstitit præfectus quod promiserat. Sicque ab ea parte omnia oppida cum arcibus se Regi, ac suis veris dominis, quos dispulerant, tradiderunt. Iam verò egredienti Oriola Regi, ut in Murcienfes pergeret cum equitatu, occurrerunt Almugauares prætoriani milites, quos Rex dudum præmiserat, ut excursiones in ea oppida, quæ intra Ilorcim & Murciam continebantur, facerent, prædæque in castra mitterent; quin & per captiuos, quos comprehendissent, consilia hostium inquirerent: ac tandem lustrato, atq; explorato

40 vtriusque vrbs agro, ad ipsum reuerterentur. Hi redeuntes renunciarunt, ante horas viginti, sub ipso noctis crepusculo, vidisse prope Ilorcim prætereuntes octingentos leuis armaturæ equites, cum duobus millibus peditum Regni Granatensis, qui duo mille iumenta, omni com meatu & armorum genere onusta versus Murcienfes agebant; quippe dissoluto ordine, ac nihil hostile timentes incedebant; facileque esse eos cum vniuersis sarcinis & impedimentis intercipere, si quàm celerrimè, nullaq; mora interposita, cum exercitu in loco à se explorato, satisque ad dimicandum expedito, eos præuenirent. Quo ipso tempore Manuel, equitesq; ordinis Templarii, Hospitalis, & Vclensis, vna cum Alfonso Garcia strenuo, ac bellicoso viro à Rege Castellæ ad bellum missi, sese Regi adiunxerant: erantq; simul omnes equitum ad mille ducentos, peditum verò ad viginti

50 millia, itaq; omnibus se, sequi iussis, præeunte Almugauarum cohorte, qui hostium stationes præuenirent, traiecto Secura flumine, ut primum illuxit dies, in pagum quendam fortè deueniunt, ad radices parui montis, qua illi cum iumentis transitori erant, secundum tumultum non longè ab vrbe; vbi antiquorum Murciæ Regum sepulchra sita erant. Ibi ergo Rex Almugauarum consilio, exercitum quiescere, sumptoque cibo, se ad pugnam comparare iussit; eumq; protinus ita disposuit. In primo agmine Petrum & Iacobum Principes cum suis à Catalonia copiis collocauit; alterum verò agmen, vbi Aragonensium & Castellanos permixtæ legiones erant, tenuere Vclensis, cum Petro Nunio Guthmano, & Alfonso Garcia Castellæ proceribus, & Alago cum Aragonensibus; postremum cum Manuele & Almugauare, Regi obtigit, lectissimis centum cataphractis



cinctum, præter magnam aliam velutum manum, quos extra ordinem cum amētatis ha-  
 stis Rex miserat, Duce Roçcafullio, pernobili Oriolensi equite, ad exploranda hostium  
 consilia & iter. In quos descendentes iam per decliuitatem montis, Vclensis, & alii  
 sui agminis vehementer instabant, vt impetus fieret. Verum Rex prohibuit omnino,  
 quoad vniuersi illorum equites in planitiem descenderent, vt in præeuntes tunc nostri  
 irruerent, seseque inter eos, & montem interponerent, vt à peditibus, atque à sarcinis  
 & impedimentis separarent: sicque equitatus in equitatum, reliqui in pedites conuersi,  
 prælium committerent: & tamē cum Rex, non tam præsentēs hostes, quàm propinquos  
 urbanos pertimesceret milites, quos sciebat multos, atque omnium lectissimos in vrbe  
 esse; nec dubitaret, inito prælio, illorum subsidio venturos, ideò aciem sic instruxit, ac si  
 cum urbanis etiam esset dimicaturus. Prodiens ab nouissimo agmine è medio Cataphra-  
 ctorum fulgentibus tectus armis, lustratoque primum exercitu, atque omnibus circum-  
 spectis, venit ad primos ordines, quos ducebant Principes filii, ac, vt animosiores ad di-  
 micandum redderet, graui, ac contenta voce cohortatus est, vt meminissent, quò ipsi  
 patre geniti, ac procreati essent, quem simul Ducem & commilitonem haberent, atque  
 facinorum spectatorem: quò magis cœlestem omniumque communem patrem respi-  
 cerent, gratiasque ei immortales haberent, quò dimicationis suæ primitias, non contra  
 Christianos, sed contra impios Christiani nominis hostes offerri dederit: eique se to-  
 ta mente deuouerent, daturò sine dubitatione, & vim suis ad peruincendum, & hosti-  
 bus ignauiam ad resistendum. Ab his illico ad milites conuersus, propositam, atque oculis  
 subiectam eis prædam, sarcinas & com meatum, si benè strenueque pugnarent, ipsis  
 diuidendum ostendit: neque dubitare se dixit, ipsos tam assuetos alioqui, hostes numero  
 superiores vincere, inferiores, tametsi non contemnendos, deuicturos. Iis dictis, in lo-  
 cum suum secessit, ac protinus, dato signo, nostri equites in hostium equitatum primum  
 impetum fecerunt, quem illi minimè sustinere valentes, in eam partem qua venerant,  
 sese fugæ mandarunt: hos pedites secuti, in turpē fugā coniecerunt. Quare ad persequē-  
 dos eos maximè cohortantibus Vclensi, & Castellanis, Rex iussit canere receptui, veri-  
 tus ne, aut à tergo eos urbani adorirentur, aut in insidias, pluresve hostes, si persequerē-  
 tur, inciderent: propterea quòd fugientes tenderent in oppidum Alfamā propinquum,  
 in quo arx erat munitissima, multoq; plena milite, qui nostros prædæ inhiantes, & di-  
 sperfos facile superare, ac perdere possent. Itaq; direptionem Rege prohibente sarcinæ &  
 impedimenta capta sunt, omniaque manu ipsius distributa Ducibus & militibus, præ-  
 ter iumenta & cibaria, tanquam exercitui & castris necessaria. Sed stupor omnes  
 inuaserat, qua causa urbani, præliantibus prope urbem Granatensibus, qui subsi-  
 dio illis venerant, non opem tulerint: latere enim ea pugna minimè potuit urbanos,  
 cum non longè ab vrbe commissa fuerit. Verum à captiuis deprehensum fuit, esse à  
 Granatensibus certiores factos, opemque ab iis ferri petitam; non tamen ausos vr-  
 banos eam ferre, propterea quòd graues rumores sparsi in vrbe essent, Alfonsum scilicet;  
 & Iacobum Reges, cum magnis exercitibus venire ad urbem obsidendam, ideoque ini-  
 tum à Iacobo prælium, stratagema fuisse ad eliciendos ab vrbe Murcienses, vt à propu-  
 gnatore destitutam Alfonsus inuaderet. Neque profectò vna omninò fuit eorum opi-  
 nio: quandoquidem Alfonsus per id tempus venerat Iacobum visurus, atq; ad præstitu-  
 tam diem in oppido Alcarracio, non longè ab vrbe, conuenere, vna veniens Iolans filia,  
 eiusque liberi Castellæ Principes, vna etiam Berengaria Alfonsina, filia Alfonsi domi-  
 ni Molinæ, & Mesæ, insignium Castellæ oppidorum, in confiniis Aragoniæ. Quæ cum  
 esset perpulchra, atque cum venustate dignitatem quandā vultu præ se ferret, adeò eius  
 amore captus Rex fuit, vt matrimonii fide data in posterum eam in contubernium ac-  
 ciuerit. Neque mirandum quidem, in tam continuo, prosperoque ac triumphanti  
 bello, Martem subito in procreatricem Venerem incurrisse: procliue enim est ad eam, ab  
 labore, omnium hominum ingenium, maximè verò sollicitante communi rerum parète  
 natura, cuius non parum interfuerat, multos orbi Iacobos edidisse. Itaque postquam  
 de oppugnatione Murciensi inter Reges est actum, atque à Iacobo illius cura suscepta,  
 Alfonsus & Iolans, cum liberis reuersi sunt in Granatensia castra; Iacobus verò, vt non-  
 nulla oppugnationi necessaria præpararet, Oriolam regressus. Quò venientes Vilienēses  
 Regi dixerunt, se Manueli dedidisse, vt esset promissi memor; statimque Rex, consen-  
 tiente Manuele, in illorum arce præsidia collocauit; profectusq; in oppida Nonpotiū, &  
 Elgium, ea cum turri Calagurria Manueli tradi fecit; atque iterum reuersus Oriolā, na-  
 talitia Christi ibidem celebrauit. Inde Alicantum venit, vbi exercitu congregato, Mur-  
 ciam contendit, in eius conspectum castra positurus. Ipse quippe primus cum  
 specula-



speculatore anteibat regionis situm exploraturus, aptioremque ab obsidendam, & oppugnandam urbem, locum inuenturus. Mos enim erat Regibus praelium commissuris, Regia id referente historia, in postremo esse agmine, loca tamen ad obsidendum indagaturis, omnibus anteire. Sed cum in locum, qui fuerat speculatori visus aptior, ante lucem ambo venissent: neque ob circumfusas tenebras, quantum ab vrbe distarent, agnoscerent; ut primum illuxit dies subito sese in conspectum vrbis dedere: tam proximè, ut ad iactum ferè balistæ ea esset. Iumenta enim & pecudes urbanorum propè oberrabant. Quo animaduerso Rex ad speculatorem ait; Temere profecto tu quasi loci ignarus, ad designandam obsessionem, me in tam propinquum vrbi locum conduxisti: verum ut lubet, iacta est alea, tenendus est locus, ac ne digitum quidem pes referendus. Statimque positis ibi castris, ea vndique fossa & vallo cingi iussit: quin & machinas, & tormenta disponi, ac in loco, & ordine suo quemque manere constituit. Nostros igitur operi instantibus, Murcienfes irruptiones facere coeperunt, atque frequentibus sagittarum ictibus, saxorumque iactibus exercitum vexare. At verò Rex sagittarios Dertosanos, & funditores Baleares, à læua posuit, ut irrumpentes sarracenos, ac sese protinus in urbem recipientes icerent: missa simul Cataphractorum manu, qui suo impetu aggredientium agmen turbarent; nostrisque contra Sagittarios hostes pro muro essent: quò tutius ferire illos possent, atque sagittarum & saxorum imbrem similiter in eos contorquere. Hunc ergo in modum eorum audacia adeò repressa fuit, ut totum mensem ab eruptionibus temperarint: nostro interim exercitu, machinas & tormenta muris ad mouente, ac Rege etiam nihil non, quod strenui ducis esset, machinante, quoad Murcienfes ad deditionem cogeret. Eius enim spe fretus, omnino prohibuit vastari agrum: quo beneficio, plerosque urbanorum animos ad se pelliciebat. Interim ipse ad notos suos, quos in vrbe habebat, clam submittebat fidos aliquos ex Valentinis sarracenis, qui ad deditionem illos inducerent, benignitatem Regiam, suauemque morem in excipiendis, humanissimeque tractandis iis, qui sese ei sponte dedebant; atque in eos, qui obsisterent, pœnas & supplicia prædicantes. Addebant etiam, recipere illum in se, Alonsum generum, quæ ipse ageret cum iis, omnia probaturum: posseque, eodem deprecatore, in gratiam Regis sui, nullo suo iure imminuto, redire.

Quæ cum ad primores vrbis relata essent, deque dedenda ipsa Regem perinde agere vidissent, ac si propugnatoræ vacua, atque fame oppressa omnino esset; tantus vniuersos inuasit timor, ut pro oblatis conditionibus placuerit deditio: maximè verò, augecente indies Regis exercitu, illorum verò auxilii spe, Granatensi Rege Alfonsi bello impedito, penitus abiecta. Vnde placuit primoribus, sese, ac urbem Regi dedere; iamque pulso inde præfecto à Rege Granatensi missa, cum eius militibus, qui urbanis numero inferiores erant, neque arcem tenebant; Regi significarunt, sed ad certam diem, vrbis portas patefacturos. Ex quo Rex protinus quinquaginta cataphractus, ac totidem leuiss armaturæ equites, cum centum viginti sagittariis Dertosanis præmisit, qui urbem intrarent; ipse vero ad ripam Securæ amnis, quæ arcem alluit, constitit; quoad illi vniuersas vrbis turres & propugnacula, in primisque arcem tenerent; atque in editiore eius turri vexillum Regium locarent. Quo inspecto Rex illico cum dimidia exercitus parte urbem ingressus est. Sequenti verò die in arcem ascendens, munire eam præsidiaque in ipsa disponi iussit. Deinde totam peruagatus urbem, comitantibus antiquo præfecto, cum aliis quinque ciuitatis primatibus, eam in duas partes diuisit: quarum alteram, quæ arcem, & Mahometi ædem magnam comprehendebat, castris propinquiorem, Christianis habitandam dedit, alteram verò sarracenis reliquit, in qua decem aliæ Mahometanæ ædes erant, satisque amplius ad habitandum locus sarracenis relictus. Verum sarraceni de Rege conquesti sunt, quod magnam ædem illam, quæ erat omnium princeps, ac frequentissima, sustulisset. Tunc iratus Rex, vniuersum exercitum urbem ingredi, atque in armis, & quasi paratum ad eam diripiendam esse iussit. Quod pertimescentes sarraceni, Regem supplices obsecrarunt ut sibi ignosceret, atque ædem cum omni re, pro libito acciperet. Pacatus Rex, ædem à Carthaginensi Antistite expiari, atque sacræ Virgini matri Mariæ dedicari curauit. Ei enim ex voto omnia templa in locis sarracenorum consecrare solebat. Erant autem iam tum permulti permixti sarracenis Christiani, tota ea diœcesi Carthaginensi, christiane viuentes, atque sacella vnà & Episcopum habentes, qui pietatis, ac religionis iura in eos exercebat. Itaque expiato atque sacrato templo, Rex, & Barcinonensis, & Carthaginensis Antistites, atque vniuersi, qui inuenti sunt sacerdotes, alique Dei ministri è tota confluentes diœcesi, cum vniuerso Christiano populo è castris exeuntes,



& cum magna pompa, & hymnis, urbem ingredienti, illud adierunt: ubi pro victoria sine cruore parata, maximas Christo, eiusque sacrosactæ matri gratias egerunt. Post verò Rex ad exercitum conuersus, collaudatis omnibus, tanquam bene de se meritis, atque victoriarum participibus, eis gratias egit humanissime, singulos Duces, signiferos, primique pilos & centuriones, summa excipiens affabilitate, eorum virtuti ac dextris tribuens, quoniam non vno, aut altero, sed quatuor potius Regnis fuerit. Qui autem ex proceribus, præcipui interfuerunt huic bello, fuere Petrus & Iacobus filii, magnus Magister equitum Velésis, Arnaldus Episcopus Barcinonensis, vna cum Carthaginensi, ac etiam Petrus Gerardus Templariorum promagister, Petrus Fernandus Regis filius, Guido Vespa promagister Hospitalis, Huguetius Comes Emporitanus, Raimundus Moncada, Blascus Alago, Iaufridus Comes Rocabertinus, Guillelmus Rocafullius, & Carrocus Rebolledi dominus: quibus cum Rex diebus multis egit Murcia; ubi tanquam verus Rex, ac dominus debellatæ à se urbis, domos & prædia veteranis liberalissime diuisit, eis præsertim, qui ibidem commorari, ac in perpetuo urbis præsidio, & conseruatione Christianæ religionis remanere promiserunt. Postremò Legatos ad generum misit, qui nunciarent, se urbem Murciam cum vniuersis eius Regni arcibus, & oppidis viginti octo, quæ ab eo ad Granatæ Regem defecerant, vi & armis recuperasse, eaque omnia cum reliquo Regno subegisse, atque ut totum tanquam factum tectum reddat, præsto esse. Proinde præsidia mitteret, ad excipiendum illud, & defendendum. Factum profecto insigne ac commemorandum, atque cum maxima Regis laude & gloria concelebrandum. Potentissimum scilicet Maurorum Regnum, defectione amissum, atque à sociis protectum; quod sua dextra, suis sumptibus, & milite, oppugnat, & recuperauerat, genero magnificentissime contulisse; perinde ac si hoc ipsum antea filiae dotis nomine promississet. Demum arcem cum urbe Alfonso Garcia Præfecto, ab Alfonso delecto liberè tradidit, relictis decem milibus Christianorum militum, qui Regnum, eiusque tutiora ad defendendum loca incolerent, religionem inducerent, sectamque Mahometanam propulserent; atque potirentur agro amoenissimo, pinguisimoque. Nam ubi ager est irriguus, non modo frumento, vino, & oleo, sed motetis ad sericum conficiendum bombycinum, supraquam dici potest, abundat: ubi verò irriguus non est, qualis Carthaginensis propinquus ei campus versus mare spartho, & palmis est refertus, atque magnitudine passionis mirè fertilis, qui etiam urbe, & portu Carthaginensi propinquis valde nobilitatur. Rebus igitur Murcienfium compositis, Rex Oriolam venit, quæ urbs Valentini Regni extrema est, Murcia è regione ad ortum posita, nobilis admodum, atque ingenitis præstans, bellicisque olim assueta rebus. Eius ager latissimus, atque irriguus, frequentibus Secura fluminis inundationibus, inuenitur longè fertilissimus, atque frumenti, ob irrigationem, feracissimus, adeo ut prouerbio vulgatissimo fuerit locus, Pluat, aut non, frumentum dat Oriola. Ibi Rex cum esset hyems, summe delectatus tepore aeris, atque amenitate agri, dies aliquot fuit. Inde cum iam ver esset, Alicantum cum exercitu venit. Quæ urbs amplissimum, non tamen vndique tutum portum habet, in quem magnus ac frequentissimus est nauium è toto Mediterraneo, atque Athlantico etiam mari concursus, ac magna simul mercimoniorum conuectio. ubi Rex retento exercitu, vocatis Ducibus, bellum contra Almerienses Regni Granatæ prosequi se velle dixit, ac iuuare generum, bello aduersus eos implicatum. Sed obstitentibus proceribus, & admonentibus, tutum non esse tam diu à propriis abesse Regnis, & aliena querere; maxime verò ob componendas res Iacobi filii, præsertim de adiungenda ei uxore, quæ res Regiam omnino præsentiam requirebant; relictis præsidiis apud Alicantenses, Vilienses fines, ut Murcienfibus, dum opus esset, occurrerent; ipse Valentiam cum parte exercitus reuenit; atque collustrata urbe, mirè delectatus est eius amplificatione, atque magnificorum ædificiorum, præsertim templorum, ornatu & constructione: nec non validissimo muro in orbem perducto, turriumque frequentia, & distinctione. Iamque legibus & plebiscitis denuò confirmatis, Barcinonem progressus est, paucisque ibi diebus commoratus, Gerundam venit, ubi controuersias inter Emporitanum Comitem, & Pontium Gerardum Torrellam, de diuidendis agris, breui composuit: indeque Mompellerium concedens, intellexit, matrimonium Beatricis Amadæi Sabaudia Comitissæ filia, cum Iacobo, de quo Roccafullius egerat, aut Beatricis obitu, aut aliis de causis, perfectum non esse; ideoque de Escaramunda Foxensis Comitissæ sorore Iacobo iungenda egit. Cum igitur matrimonium placuisset omnibus, Escaramunda à suis honorifice Barcinonem deducta est, ibique celeberrimis nuptiis, Iacobo iuncta. Rex verò Mompellerio Perpiniarum reuersus, inuenit præstolantem se nuncium cum epistola, qua Ferrentius Liciana, vnus ex proceribus Aragonia, Regem ob nonnullas acceptas iniurias



iniurias ad certamen prouocabat: Quo die contigit, vt legatus à magno Tartarorum Imperatore missus, cum grandi comitatu Perpinianum ingrederetur ad Regem, oratum in summa, ne expeditionem ad Hierosolymitanam regionem debellandam detrectaret: se enim, & copiis, & armis iuuaturum; modò ipse bello præflet. Has duas, adedò inter se, & genere, & proposito dissidentes, vno die acceptas legationes Rex perpendens: altera, quam à summo Rege ad Imperatoriam tantæ expeditionis bellicæ potestatem vocabatur, alteram, qua à subiecto sibi Regulo prouocabatur, risum vix continere potuit. Vnde Tartaris lautissimè exceptis, atque in patriam iucundissimè remissis; ad Licianæ nuncium conuersus, respondit; Se hætenus delectatum fuisse aucupio gruum, aut tardarum auium; at nunc, vt ei morem gerat, picarum, seu columbarum vsurum; eius inferiorem ordinem, præ Regio, atque sequenturam fugam prænuncians. Inde profectus venit Ilerdam, vbi tumultuario comparato exercitu, atque Tamaritano populo se sequi iussu, Licianam oppidum, cum aliis Ferrentii arcibus, in potestatem redegit, ac ob læsæ Maiestatis crimen, Regno adiecit, ipso quoque Ferrentio profugo, nulloque certo in loco, metu Regis, consistente. Posthæc Rex Turiasonem venit, vbi denunciatum est ei, per plures passim deprehendi nummos adulterinos, Aragoniæ forma, & Castellæ percussos: è quib. allati fuere nonnulli morabatini ex ære confecti, extrinsecus inaurati, tanta artis subtilitate, vt à veris vix discerni possent. Erant autem morabatini aurei nummi, qui dimidium coronatum pendebant. In huius criminis suspicionem quidam Regulus venit, nomine Petrus Iordanus, dominus oppidi Sanctæulaliæ, in confinibus Aragoniæ & Nauarræ sitæ, vnà cum Elfa vxore illius, & libetis, & præterea operis ministris. Sed mortuo Iordano, liberisque profugis, Elfa cum ministris capta, atque iudicio conuicta, à Rege damnata est. Mortis autem genus hoc fuit; ore folliculo inuoluto, saccoque insuta, atque in profluentem Iberum viua proiecta: quæ etiam poëna fuit ministrorum, & cæterorum, qui postea eo fuere crimine conuicti; vno excepto Canonico & Sacrista Ecclesiæ Turiasonensis, qui etiam conuictus, sacerdotis priuatus fuit; & quia sacrorum minister erat, non capite damnatus, sed in perpetuum carcerem detrusus. Quibus Turiasone actis, inde Rex abiit Cæsaraugustam, vbi Mariam filiam inuisit; quæ febricula lacescente, male habebat. Sed medicis morbum eleuantibus, breuique conualitutam asserentibus, ipse profecturus Valentiam, Alcanitium, quâ in illam rectius est iter, venit: ibique diem domini natalem celebravit; ineuntis verò anni primo die, Dertosa egit: inde Valentiam perueniens, nuncium accepit Cæsaraugusta, Mariam post ipsius discessum, ingrauescente morbo, mortuam fuisse. De cuius obitu vehementer Rex doluit; ita vt cogitaret regredi Cæsaraugustam, vt eius saltem nouendialibus sacris, & exequiis interesset. Deceuerat enim, vt Valbonam, vbi Reginæ matris sepulchrum erat, Maria deduceretur, ibique humaretur. Verum altero consequenti nuncio intellexit, ciues Cæsaraugustanos, inuitis proceribus, qui in vrbe constiterunt, cadauer in templum maximum diui Saluatoris intulisse, illudque sepultura honorificentissima affecisse. Quod Rex haut omnino ægrè tulit, ac Valentia substitit. Posthæc literas à Petro Principe Barzino accepit, quibus factus est certior, Raimundum Folchium Vicecomitē Cardonensem, aliosque nonnullos Cataloniæ Barones, mortuo Aluaro Cabrera Comite, mouisse bellū contra oppida Comitatus Vrgelitani, in ea præcipuè, quæ à Rege tenebantur. Verum Rex, noua facta iuris accessione Comitatus Foxensis, quod ad Vrgelitanū, & Vicecomitatum Castellboni, & Agerensis habebat: rursum bellum in vniuersos commouit, in primis contra eos, quicunque Vrgelitanum inuadebant, cuius dominatus titulo semper insignitus Rex fuerat. Itaque cum exercitu veniens Cerueram, in pagis atque oppidis, quæ se Regi subiecerant, præsidia disposuit, copiasque adduxit ad prosequendum bellum, & Comitatum defendendū, dumque expectat, quid Vicecomes, alique faciant: relictis interim Petro & Iacobo filiis, altero qui exercitui præflet, altero, qui Mompellerium certa de causa abiret: ipse Toletū à Sanctio filio vocatus, causis, quas mox subiiciemus, proficisci parauit. Quo tēpore rumor percrebuit, ac paulo post litteris è Sicilia ad Petrum confirmatus est, Manfredum Regem Petri socerum occubuisse, in agro Beneuentano Neapoli vrbi proximo commisso prælio cum Gallis, Duce Carolo Ludouici Regis fratre. Hunc enim antea Urbanus III. Pont. magno in Manfredum odio & indignatione commotus, vocauerat ad se: qui veniens Romam cum maximo & fortissimo exercitu, certis conditionibus, Regno Sicilia & totò terræ tractu, qui est citra Pharrum, ad fines vsque ditionis Ecclesiæ Romanæ, vrbe Beneuento excepta, à Pont. perpetuo beneficiario iure donatus fuerat, traditoque de more vexillo Regio, in possessionem missus. Vnde facta donatione, Carolus in Manfredum profectus, quo dictum, est,



praelio deuicit, pulsus scilicet, atque in fugam conuersis Manfredi copiis; à quibus deser-  
 tus ipse in medios hostes irruens, non agnitus, telis confixus occubuit: simulque vita fu-  
 it, atque Regno priuatus. Verum ab exuentibus eum in campo, inter mortuos cognitus  
 ac elatus, consulto Pont. Ecclesiastica fuit sepultura prohibita. Quo nuncio Petrus, e-  
 iusque vxor Manfredi filia, vehementer dolere: ipseque Petrus, cui intestati Manfre-  
 di omnia bona iure obuenerant; ad ea quoque armis repetenda, atque in potestatem, vt  
 fecit, redigenda, non inaniter se iam inde animo præparare cepit. Cæterum causas, cur  
 Iacobus à Sanctio filio vocatus, protinus intermisso Vrgelitano bello, Toletum perre-  
 xerit, eiusque felicissimum itineris successum, enarremus. Fuerat enim Sanctius à Ro-  
 mano Pont. Archiepiscopatui Toletano, summo totius Hispaniæ sacerdotio, præfectus: 10  
 ideoque sacris initiatus, patrem per literas rogauit, vt vnà cum Petro, & Iacobo fratrib.  
 ad natalem Christi diem, Toletum in sui, Alfonsiq; ac Iolantis sororis gratiam venirent:  
 vt ipsius primis Missæ solennibus, in sancto augustoque Regiæ vrbs fano interessent.  
 Cui Rex annuens libentissimè, gaudensque illius vrbs visendæ iam diu desideratam si-  
 bi offerri occasionem, ac vt vnà etiam Iolantem filiam & nepotes reuideret, se iturum re-  
 spondit. Petrum verò & Iacobum, quibus dictum est causis, excusatos voluit. Vnde  
 profectus, Ilerdam, & Calataiubium præteriens, cœnobium Hortam venit: vbi ab Al-  
 fonso genero magnificè exceptus, cum eo Toletum petiit. Cuius præclarissimæ, antiquis-  
 simæ, maximeque mediterraneæ vrbs situm, quo fuit ea olim, esseque nunc posset inex-  
 pugnabilis, sub aspectum subiicere, non erit ab instituto alienum. Est enim ambitu per- 20  
 magna; decem quippe domiciliorum millia continet, atque præaltis, & præruptis mon-  
 tibus tota ferè circumcluditur; iisque adeo propinquis, ac eidem impendentibus, vt in-  
 clusus tumulus, siue mons, in quo ipsa residet, quemque totum implet, ab illis non am-  
 plius balistæ iactu, quantum amnis interluit, separatur. Hic mons ab ea parte, qua Oriens  
 respicitur, altissimus est, ac præruptus; Tago permagno Hispaniæ fluuio, qui auriferis, vt  
 fama est, aquis præstat, magno quodam impetu in illum incurrente: indeque sinistror-  
 sum, tortuoso flexu, totam ferè urbem circumfluente, & à montibus discriminante. Ab  
 altera verò parte, Septentiones versus, qua in planitiem vergit ipsa, à summo illo fastigio,  
 in quo est arx, haud æqualiter sit decliuus, atque sumptuosissima ædificiorum frequen-  
 tia circumfunditur. Quæ tota cum monte vrbs munitissimo cincta muro, quatuor patefit 30  
 portis: sed in primis ea, quæ ad ortum Solis, arci subiecta est, quæ excipit Alcantaræ pons  
 (sic illum vocant) ex secto lapide, tanta cum magnitudine, tum arte constructus, vt vnico  
 tantum arcu, & flumini, ibi licet altissimo, & infinito ferè concursanti populo, præbeat  
 transitum. Sed illud profecto mirabilius, quod incredibili artificum ingenio, maximo-  
 que sumptu ciuium tracta ab amne aqua, sui quasi oblita ponderis & naturæ, supra quin-  
 gentos cubitos in montis fastigium ascendit, arcemque amplissimam Philippi II. Regis  
 iussu instauratam, perenni & amœnissimo fonte ornat. Hic ergo situs natura munitus,  
 sicuti superioribus sæculis, urbem oppugnantibus cominùs, fecit inexpugnabilem; ita  
 rursum eminus inuadentibus, pandente se vrbe montibus, machinarum, atque tormen-  
 torum præsertim æneorum emissionibus, atque ædificiorum subinde ruinis, eandem 40  
 valde subiecit. Verum cum tam potens sit ciuitas, vt quæ, & bellum per se facere, & in-  
 struere possit, huic etiam malo potest diligenter occurrere: aut hostes, antequam sit ob-  
 sessioni locus, præueniendo; aut munitissimis hinc inde arcibus, vicinos montes præoc-  
 cupando. Igitur accedente Rege, tamen idem in Commentariis, de suo aduentu, in-  
 gressuque in urbem parè scribit; neque aliud quippiam, quam venisse, vidisse, sacris in-  
 terfuisse, & alia quædam memorat: mihi tamen credibile non est, ad tanti aduentum Re-  
 gis, tum Archiepiscopi & Reginæ parentis; tum Alfonsi quoque foceri, de quo ille nuper  
 fuerat benemeritus, ob recuperatum ab ipso Murciense Regnum, atque liberalissimè  
 Alfonso restitutum: quin triumphalis etiam ingressus ei à Toletano Senatu fuerit decre-  
 tus. Ex iis enim, quæ nunc faceret Toletum, quæ tum fecerit, libet colligere; ac persua- 50  
 deri quidem, ciuitatem in excipiendo Iacobo, cunctas suas opes, & facultates ostentasse,  
 ipsumque tandem ouanti similem, quanta potuit cum ostentatione & apparatu, cum sa-  
 cra etiam pompa, qualis fieri solet in publicis supplicationibus, & triumphis, in templum  
 maximum deduxisse. Vbi post patefactam inæstimabilem sacrarum, adeoque pretio-  
 sarum rerum in ea copiam repositam; verisimile est, fuisse ostensa etiā trophæa, insignia-  
 que victoriarum Castellæ Regum, quæ tolis, atque laquearibus templi appensa essent;  
 interque ea, inclyta quoque Petri parentis monumenta inuenta, quæ memoriam reno-  
 uarent illius præclarissimi Idubedensis prælii, quod Mariano in saltu, ad Conualles To-  
 losæ dictas, felicissimè cum Mauris commissum est, indeque Petrus cum Aragonensi, &  
 Catalano



Catalano exercitu, ut primo libro retulimus, insignem victoriæ laudem perquam gloriose consecutus. Ac neque dubitandum præterea, fuisse Iacobum, sacrum idem templum supra modum admiratum; ac veneratum etiam amplissimum illius, Antistitis, Dignitatum, ut dicunt, & Canonicorum collegium; aliosque per plures publicos Dei ministros, qui veram Christi fidem & religionem, nullis unquam contaminatam erroribus, ab ipsis propè Apostolorum temporibus hucusque conseruauerunt. Cum neque Arriana perfidia, quæ in Hispaniam cum Gothis irrepsit, neque communis illa, & vniuersalis, Roderico Rege, à Mauritanis illata clades, & religionis perturbatio impedierint, quominus sacra Toletana sedes constiterit, atque Musarabico saltem Gothorum ritu, sacra perpetuò fecerit; quin & aliis etiam oppressis Hispaniæ Ecclesiis, non modò exemplo, & doctrina, oraculi vice: sed facultate & opibus, solatio etiam atque subsidio fuerit. Adde quòd diuina largiente manu, tam ingens, propeque incredibilis eidem facta fuit Decumarum aliorumque censuum accessio, & incrementum; ut cunctas totius orbis Ecclesias, vna ipsa superet, Archiepiscopo scilicet, Dignitatibus, Canonicis, aliisque sacerdotibus, & sacrorum ministris, hoc vnū in templum oratū & ad sacra facienda conuenientibus, ad sexcentorū milliū nummū aureorū summam quotannis inter se, pro cuiusque muneris ratione, diuidentibus. Ex quo in eum dignitatis, atque amplitudinis gradū peruenit, adeoque splendore simul, & religione præstare solita fuit, ut iure quidē non Hispaniensium modo Ecclesiarum principum obtinere, sed reliquarū totius Christianæ ditionis, nulli præterquam Romanæ, haberi debeat secunda. Die igitur præstituta, primū solenne sacrū summa cum religione & cerimonia celebratum est, atque ab viroque Rege, Regina, Ferdinando Principe, totque Castellæ proceribus, illustratū & cohonestatū amplissimè. In quo populus præsentia, & studio Iacobi inductus, haud dubium, quin ludos etiā apparatissimos, magnificentissimosque ac tantis dignos spectatoribus fecerit. Quo ipso tempore, ut in Iacobi triumphum omnia cecisse viderentur, nouorū hominum species, & formæ Toletum inuectæ sunt. Ab oris enim vsque Scythicis, ut refert historia, Legati Tartarorum Imperatoris Barcinonem appulerant, vnà cū Ioanne Alarico nobili Perpinianensi, quē Rex superioribus diebus, Perpiniano, quo venerat alius Tartarorū legatus, miserat ad illorū Imperatorē, ut perciperet illius mentē deque iis, quæ per legatū promittebantur, certior fieret. Itaque reuersus ille cū duobus illius Imperii Principibus viris legatis, Barcinone relictis, Toletum cū nonnullis eorū famulis, Tartarico more indutis, ingressus est, magna totius populi ad eos videndos facta concursatione, ut mediterranei solēt, noua quæque præsertim transmarina, vehementer admirari. Itaque Alaricus à Rege latissimè exceptus, præsentibus Alfonso Rege, & Regina, & Ferdinando Principe, ac etiā Archiepiscopo, multisque proceribus, sic legationē suam renunciavit. Posteaquam Perpiniano, me, Rex, legatione ad Tartarorum Principem, magnum Cham, adire iussisti, nihil tam mihi curæ fuit, quàm ut sedulo, superatis tot, tantisque longissimi itineris laboribus, & viæ difficultatibus, quæ mihi in mādatis data fuere rectē obirem: factumque est, diuino duce numine, ut & legationis meæ finem feliciter consecutus fuerim, & magnum quoque tibi honorem ex illa, ut nunc audies, attulerim. Perueni namque ad ipsos prope Hyperboreos Scytharum fines, quos nunc Tartarorum appellant, vbi tuo audito nomine, Cuillanus illorum Princeps, cum suis, deposita innata barbarie, humanissimè me exceperunt, atque ut primum de animo, & voluntate tua erga se factus est certior; teque sacram expeditionem Hierosolymitanam libenter suscepturum, modò quæ per legatos tibi promissa sunt, ac ipse tuo nomine, illò sancienda veneram, præstitissent, nimio opere lætati fuerunt; atque triginta diebus manerem ibi, rogarunt, quoad de omnibus certor iam fierem. Quo toto tempore per interpretem nihil tam curarunt, quàm ut Imperatoris, sui que exercitus potentiam, opes, propeque infinitatē mihi ostentarent, ac ut re vera esse comperirem, quæcunque legati de Imperatore suo prædicarunt. Inueni sanè posse illum ducenta millia peditum, equitum verò, ad centum millia in campum proferre: esseque gentem pugnacissimam; sed multitudine potius, quàm pugnandi arte præstantem. Frigoris quidem patientissimam, ut potè Borealibus assuetam rigoribus; sed tanquam bello semper intentam, non tam domi intra muros, quàm foris in tentoriis subdio agentē. Præterea Christianam illos profiteri religionem, sed eam tot inuolutam erroribus; vixque vllis culturæ præceptis, adeò ut prope faciant ridiculā. Causam autē tam efflagitatæ ab eis expeditionis ad Hierosolymitanam terram recuperandam, non tam pietatem aut religionem esse, quàm liuorē & æmulationem Tartarum gentis, quæ Hierosolymas cum tota Palestina occupat: ac non modò Tartarorum, sed Armeniorum, atque Græcorum magnos contra ipsam missos exercitus, tenuioribus validissimè profligarat. Propterea quòd ea



non multitudine, sed strenua bellandi arte cæteris gentibus, quæ sunt ad orientem præstet. Verum cur à te potius, quam ab aliis Christianis Europæ Principibus, Tartarus auxilium nunc perat, faciunt infelices illorum conatus, atque inanes hæcenus susceptæ Hierosolymitanæ expeditiones, ut qui neque sese Tartaris adiungere, neque ab eis consilium, auxiliumve capere in aggrediendis Turcis voluerint. Proinde audita fama, & magno rerum à te gestarum nomine, & quod copiis, & exercitatissimo ad bellandū præstas milite, præliandique arte superas, atque studio tandem & affectu magno in hanc eura intendis: iccirco te ad eam prosequendam, adhortatur, promittitque se, & milite & armamentis, & frumentaria re, & com meatu, te, quandiu bellum in Turcas fuerit, adiuturum. Ac non modo Tartaros Armeniosque; sed Græcos, horumque Imperatorem Paleologum, similia præstituros, modò huius communis, & sacri belli Dux fias, atque auctor; ut etiam ex Græcis intellexi. Finita Alarici oratione, Rex illicò collaudato illo, atque pro tantis legationis suæ, qua fuerat egregiè functus, laboribus, se illi, cum primū in Aragoniam veniret, largè bene facturum promisit: deinde ostendit, velle se, Deo fauente, id bellum suscipere. Quod ut primum Alfonsus & Regina audiere, commoti valde, precibus, multisque rationibus, ipsum conati sunt ab instituto deducere, inprimis tot eius annos, affectamque ætatem, atque tam longam & periculosam navigationem obiiicientes, quin & Turcarum potentiam, atque immanitatem: nec non Græcam gentem esse infidam & fallacem; neque Tartarorum, tanquam barbarorum hominum promissa magni ducenda. Demum sufficere exemplatot Christianorum Principum, quibus, suo ferè tempore, tam male cesserit eiusmodi susceptum bellum. Cumque Rex ad ea omnia rationibus quoque satisfaceret, neque se ab incepto deterri sineret: tum Alfonsus diuina quasi religione tactus, se totum ad approbandum Regis cœptum conuertit; promisitque in eius auxilium centum missurum equites, ac morabatinorum aureorum centum millia erogaturum. Magnus etiam Magister equitum Vclensis, cum aliis centū equitibus, se Regem sequuturum obtulit: Idem à promagistro Hospitalis Hispaniæ Gonzalo Pereira Lusitano, aliisque permultis Castellæ proceribus, pro cuiusque facultate te promissum fuit. Celebrato igitur natali Christi die, Rex salute multa Archiepiscopo dicta, atque Regiæ & nepotibus fausta, feliciaque omnia precatus: quin & proceribus, atque senatui populoque. Toletano relatis gratiis, Toletum profectus est, Alfonso comitante, atque in ipso itinere, multa à rege ad bene administrandum Regnum, & continendos in officio populos documenta accipiente. Itaque dum in via essent, Alfonsus tributum beffantiū sexaginta miliū, tunc à Rege Granatæ sibi missum, in partem morabatinorum Iacobo tradidit, reliquam breui in Aragoniam missurus. Vbi autem ad confinia Regnorum est deueniū, Alfonsus Toletum, Iacobus Valentiam perrexit. Quo tempore legati Tartari qui Barcinone remanserant, cum alio Legato, tunc à Paleologo Imperatore Græcorum ad Regem misso, Ioanne Alarico Duce, urbem intrarunt. A quibus per Alaricum similis superiori legatio, præsentī populo, renunciata, in summa fuit: Magnum Cham optare, ut Hierosolyma terra sancta è Turcarum manibus eriperetur, atque ob honorem Christi, Christianis restitueretur: seque ad id præstiturum omnia: ac non modò in Turcas per se commoturum bellum, sed Regiam classem frumento, & omni com meatu adiuturum: modò Rex cum classe portum Aialazi, aut alium quemuis minoris Asiæ ad ortum teneret, & cursum Hierosolymam dirigeret. Legati verò Paleologi, milites nullos; com meatum, & rem frumentariam ipsum mari abundè missurum Regio exercitui, promiserunt. Quibus auditis, Rex susceptam belli expeditionem promulgari fecit, ac deinde se totum in eam dedit; permultosque exemplo suo, ad se insequendum pellexit. Itaque Valentia imperata pecunia ad eius sumptus belli: ne milite eam expoliaret, Barcinonem profectus fuit, ut instruendæ classi operam daret: Interea litteras à Iolante filia accepit, quibus orabat, ut antequam expeditionem susceperet, se inuiseret, apud cœnobium Hortam ipsum expectaturam. Ei ut morem Rex gereret, ac etiam ut Aragoniæ res præteriens componeret, eo perrexit: iamque ingressus Cæsaraugustam Petrum Principem, toti Regno, se absente, præfecit; eumque donauit omni iure, quod ad Regnum Nauarræ habebat, à Theobaldo Rege & parente eius Margarita Regina, quo vteretur contra eundem Theobaldum, & tam multos Nauarræ proceres, qui pacti simul, & stipulati fuerant, ac sese ad ea tenenda iuramento similiter obstrinxerant. Cæterum Aragonensibus nulla denuo ad expeditionē Hierosolymitanam fuit imperata pecunia, quoniam paulò ante, cum primū illa promulgata fuit; sponte ipsi & Illderenses, alique populi, in quibus erat vsus monetæ Iaccensis, Regi permiserant, ut posset quindecim millia argentearum librarum ad eius monetæ vsū cudere, numū aureorum prope



prope quindecim millia constituentia. Vt inde planè quicquid possit facillè Regias illius temporis opes æstimare: ac colligere non tam earum multitudinem, quàm militum viribus, & parsimonia, consueuisse victorias reportari. Itaque Cæsar augusta Rex venit Hortam, vbi Regina filia cum Petro & Iacobo, quos Rex adduxerat, item Sanctio Archiepiscopo, filiis cum nepotibus Regis conuenerunt: qui omnes, quasi conspiratione facta, Regem circumfidentes, nepotes collum amplexantes, cæteri verò sese illius pedibus prouoluentes, magnis cum lamentis & lachrymis ipsum deprecabantur, vt à tam longinqua, periculosissima, maximeque dubia profectioe desisteret, neque se omni ope, & auxilio destitutos relinqueret; vt cuius faciem non amplius visuri essent. Ad quos Rex, postquam  
 10 vniuersos amantissimè cõplexus est; Frustra inquit, lachrymis & eiulatu vestro, me, vosque ipsos affligitis, atque ab expeditione hac sancta auocare tentatis: quandoquidè quæ cœlesti ac communi parenti Deo debentur munia, longe præferenda sunt iis, quæ vobis, tametsi filiis charissimis, quauis humana ratione debentur. Præstiti enim hæcenus quæ potui pro vobis, vt quibus longè maiora, quam quæ accepi à parentibus, bona relinquo; ac virtutis, & rerum gestarum gloria, quæ optima, atque omni patrimonio præstantior est hæreditas, vniuersos vos omnes cohonestauit. Nunc alio me vocat idem cœlestis pater, qui non alia, quam sua bella me gerere vult. Quæ enim magis illius sunt, quam quæ suscipiuntur ad Iesu Christi filii sui amantissimi sepulchrum, eiusque vestigiis impressam, & peragratam terram sanctam, recuperandam: vt pote quæ ab impiis eius sacri nominis  
 20 hostibus occupata, tanquam è canum, atque porcorum faucibus eripienda sit; ac Christo & suis restituenda? Deberi enim me huic expeditioni multis de causis animaduerto. In primis, ob animi mei desiderium, & quasi votum, ab ipso prope Regni exordio factum. Deinde, ob inchoatam toties ab omnibus ferè Christianis Regibus, præter Hispanos, nunquam tamen perfectam expeditionem, si forte mihi primò detur, vt viam aperiam. Postremò, ob occasionem commodiorem nunc, quàm vnquàm, oblatam; duobus scilicet summis Imperatoribus ad eam non modò cohortantibus, sed terra, marique re, copiis, com meatu, & armis tam abunde iuuantibus. Quibus in re tam valde pia & honesta, non morem gerere, non solum Hispano certè nomini ignominiosum; sed impium profectò esset, & perquam detestabile. Quo ergo magis nostra ingrauescens ætas tempus mortis  
 30 nobis affert maturius, eò quoque suadet magis, vt quod reliquum est vitæ, pro Christo profundamus. Proinde quod ille non recusauit pro me, pro ipso mori non recusabo. Quæ cum dixisset, augescentibus lamentis, eiulatu, & lachrymis filiorum, paternæ quoque eruperunt: neque amplius loqui valens, salute dicta omnibus, tenerosque suauitatus nepotes; ab eis diuulsus est, & Barcinonem reuersus.

## BERNARDINI GOMESII 40 MIEDIS, ARCHIDIACONI SAGVNTINI, DE VITA ET REBUS GESTIS IACOBI PRIMI REGIS

*Aragonum, cognomento expugnatoris.*

### LIBER XVIII.

**I**NGRESSVS itaque Rex Barcinonè, præclarissimam Hispaniæ urbem, quæ olim Fauentia dicta fuit, atque ad ortum in plano explicata, ad semicirculi formam mari adiacet; continuò classem, quæ extrui fecerat, lustrauit; eaque & frumentaria re, & omni com meatu, atque armamentis munita inuenta, cum præfecti diligentiam commendauit; tum opes, atque facultates ciuitatis ad ædificandas & exornandas classes vehemèter admiratus fuit: nec iniuria quidè: cum in naualibus, maritimeque apparatu belli, nulla totius Hispaniæ urbs eum eam esset cõparanda: nullæ ad nouas tanquam condendas vrbes, magis quam ipsa, Romanæ ciuitati assimilanda. Quot enim illa classes ædificauit; easque tum com meatu, milite, & armamentis; tum nauiculario & remige, aliisque tot, tantisque necessariis rebus compleuit: tot profectò, quasi vrbes extruxisse, ac veluti colonias deduxisse; in eoque potentiam, & magnas suas opes ostentasse, videri debet. Iis, aliisque de causis, non immeritò totius Cataloniæ Principatus caput est constituta; vtpotè cum nauali non modò re, terreque situ, & descriptione ædificiorum, mœniorumque amplitudine & armamentis, aliis præstet urbibus, (vt in nostris Com-



mentariis de Sale fusius de ea diximus) sed maximè omnium, frugalitate, & concordia civium, ac potissimum charitate patriæ, pro qua se, suaque omnia, oblata occasione, sic liberalissimè deuouere solent; ut exëplo sint omnibus. In eâ igitur Antistitibus, ac nonnullis vtriusq; Regni proceribus, ad certâ diē conuocatis, dū copias ex Aragonia & Catalonia conscriptas Rex expectat; longam nauē, vnâ cū actuaria conscendens, cū paucis secundissimè in Baleariū maiorem nauigauit. Iamq; portum & urbem tenens, mirè delectatus fuit illius ornatu & amplificatione, præsertim arcis, maximiq; assurgentis templi, & portus munitione. Illud etiam multo magis admiratus est, nunquam Tuncetanum, aliosque Africæ Reges, ex tam multis sæpè ab eis in Hispaniam expeditionibus susceptis, neque totius Insulæ, neque maioris vrbs expugnationem tentasse: ut inde appareat, quanta fuerit huius pii, ac sapientis, egregieque fortis Imperatoris existimatio, quantūque ab eo Afris iniectus timor: ut qui non armis quidem, sed sola opinione & fama belli, suos omnino fines, & Imperium a quorumuis hostium incursionibus tueri potuerit. Itaque lustrata vrbe, cum aliqua parte Insulæ, atque imperata pecunia; quinquaginta millia victoriarum argenti accepit, pro eisque perinde ac si aurei essent, senatui, populoque gratias egit; eorumque tam fidelitatem erga se, quam accuratam Regni custodiam & defensionem mirè laudauit. Cui etiam Minoris insulæ præfectus, & magistratus Citadelæ, cum mille bobus occurrere: quos tribus nauibus imponens, cum eo com meatu Barcinonem remeauit. Itaque classe triginta magnarum nauium, cū nonnullis triremibus, ac plerisque actuariis, comparata, octingentos in eis cataphractos imposuit; atque cum Almugauare, & vniuerso peditatu, exercitum ad viginti millia hominum peruenisse, fama fuit. Proceres verò, atque insignes equites, fuere trecenti. Vnde, sacris de more factis, atque Rege, & proceribus, quorum priuata nulla sit mentio, sanctissimum Christi corpus sumentibus, naues conscenderunt, simulque Barcinonensi Antistite, cū Sacrista Ilerdensi, qui postea Oscensi præfuit Ecclesiæ, aliisque multis sacerdotibus ad sacra ministranda, conscendentibus. Iamque ineunte autumnō, Rex præstituta die, summo mane vela ventis dari iusserat, sed quadraginta passuum millibus confectis, cum aduersa seceret, fieretque resstante Subsolano, ne vniuersæ sequerentur naues; consilio Raimundi Marquetii summi nauarchi, reuersus est Barcinonem, ut classem colligeret, ac præ se ageret; quæ aduersante vento, dextrorsum in proximum Cigen- se litus depulsa fuerat: vna tantū triremi in Barcinonensi reperta; cum qua, sequentibus aliis, postera die nauigans, triduo in Balearium minorē peruenit. Sed dum portum se putat tenere, tam subita exorta ventorum vis fuit, atque immoderata tempestas, Africo se secum Boreali conuolvente, ut in altum regressis, Regi, ac classi horribile naufragii periculum impenderit: quatuor totos dies, noctesque, non modo concertantibus inter se ventis, sed neque Sole, Luna, neque stellis, perpetua quasi circumfusa nocte, vsquam apparentibus. Vnde Regem, qui coorientem tempestate, ipsius Marcherii nauem è triremi conscenderat, & qui in ea erant, atque aliarum etiam iactatarum nauium gubernatores, Ducesque militares, quibus ad eum dabatur accedere, omnes multis, supplicibusque verbis orabant, ne contra tantam, tamque turbulentam tempestatem niteretur. Fieri enim eandem indies turbulentiorē, ac non ventos, sed diuos nauigantibus iratos apparere: neque insuper posse plerasque naues, remone iam, atque gubernaculo amisso, contractisque malis, ac rescissis velis ultra progredi, maximè verò equis naui Regia vectis quindecim; ex aliis verò nauibus plus centum, iam in mare deiectis. Cum igitur, persistente Rege, iam iam naufragium fieret, Barcinonensis Antistes, alique Theologi, pii, ac literati viri, qui eadem naui vehebantur, Regem in puppim conuenerunt; vbi Barcinonensis, non exprobrandi causa; sed commonendi gratia, sic est eum allocutus; Enimvero Rex, neque Christianæ virtutis, neque heroicæ constantiæ, sed inhumanæ potius crudelitatis videtur esse; tot tantisque impendentibus naufragii periculis, tam pertinacem te reddi in nauigando, ut non modo totius quasi Reipub. classis, sed neque nostri, neque tui demum miserearis: ac neque mari, vbi summum rei gerendæ Imperium nauarcho datum est, tui vllum ei permittas: neque demum quā sit dispar terra aut mari gubernandiratio, quamque diuersus pugnandi vsus, considerare velis. Non enim armatorum in nos exercitus; non homo in hominem: sed imbres, nimbi, turbines, procellæ, & fulmina, atque omnes in vnum tempestates coactæ sunt, quæ in nos irruunt: quibus nō ferro, aut armis; sed solius fuga tempestatis licet quā honestissimè occurrere. Quid enim maioris sæpè artis in nauigando est, si portum tenere nequeas, quā tempestati obsequi? Quid prouidentioris naturæ, quā resstantibus omnino ventis, quibus imperare non possis, cum obtemperare; tum quod impellant, ma-



lant, maximè verò si in patriam, remigare? Neque profectò est; quòd de incœpto, aut expeditione intermissa sollicitus, atque suspensò sis animo: diuina illa potius, quàm tua est; neque à te, nisi pro Christi nomine, eiusque propaganda fide suscepta. Sed cum tot eam horribilibus cœli, marisque tēpestatibus, quæ haudquaquam sine supremo numine excitantur, tantopere impediri videas, fortassis, aut grata ea Christo non est, aut in aliud quidem tempus, tibi commodius, reseruatur suscipienda. Proinde non quæ euentura, sed quæ in præsentia sunt, cura: ac ne tot clarissimorum Ducum, interitus, miserrimique naufragii, solus culpam sustineas: teque inprimis, ac nos cum vniuersa classe serues incolumes, primum, quæ diuina fors portum dederit, nauarchos tenere iube, vt terra potius, quàm mari, libero, ac tranquillo animo, quæ agenda fuerint, deliberes. Hæc Barcinonensi admonente, cæterisque illud idem cum lachrymis deprecantibus, mirandum accidit. Nam vt primum flecti, sedarique Regis animus, sedari quoque tempestas cœpit; atq; sub ipso meridiano tempore, densissimis dissipatis tenebris, Sol illucescere: simulque cœlum & terra repentino aperiri visæ sunt; ac etiam Regia nauis cum nonnullis actuariis, diuino munere, in Galliam Narbonensem, ad Aquas mortuas appulit. Quanquàm terræ vento reflante, in Agathensem paulò citra sinum coacta fuit remigare, vbi sequenti die portum est consecuta: ipseque Rex terram tenens, templum beatissimæ Virginis, Vallis viridis nuncupatum, adiit, eique summas egit gratias, cuius ope è tanto fuerit naufragio ereptus. Deinde oculos in mare conuertens, tamerli pacatum conspexit: videns tamen ex vniuersa classe, vix dimidiam secum appulisse; eamque tam aduersa agitatam, atque conflictatam tempestate, vt ægrè vna esset nauis, quæ non, aut discissis velis, aut antennis fractis, aut malo & temone pessundatis, labefactaretur; quæque ad alleuanda onera, non solum equos, sed machinas & armamenta bellica, in profundum iecisset: neque de altera parte classis, præterquam, aut naufragium, aut vagam dispersionem suspicaretur; tempori cedere; necessitati que parere decreuit: ac neque renauigandum; sed in aliud tempus, resecta classe, expeditionem renouandam censuit. Ad eum autem protinus confluxere Episcopus Magalonensis, & filius Raimundi Gaucelini Reguli, qui laute, abundeque Regi, suisque comitatibus & necessaria suggesserunt. Inde verò Mompellerium concessit, vbi paucos moratus dies, atq; ex tempestate recreatus, quoad naues & armamenta reficerentur in Cataloniam abiit. At verò pars classis, quæ cursum tenere potuit, ac naues Fernadi maris præfecti, & Ferdinandi Sanctii filii Regis, & Simonis Vireæ secuta est, sese à tempestate eripuit. Hi namque ad oram Africæ interq; eam, & Sardiniam, Siciliamq; tum Cretam, & Cyprum legentes, nauigarunt: atq; ad Acræ Palestinæ oppidum maritimum peruenientes, maxima cum alacritate excepti fuere à magno Hospitalis Magistro, aliisque Christianis ab Hierosolymis eo statim concurrentibus; quàmuis extrema ipsi paterentur in medio Turcarum positi, atq; omni auxilio destituti. Verùm quoniam oppidum immunitum erat, ac proximum alteri munitissimo, quod paulò ante à Turcis fuerat captum; neque cum tam exigua parte classis manere ibi tutum erat, vndique totiam hostibus ad portum conuolantibus; idè remigare, atque in itinere Regem quærere decreuerunt. Itaque frumenti, & commeatus partem, magno magistro, & aliis Christianis diuidentes, confirmatis eorum animis, vtpotè quos aduentus Regis breui esset subleuaturus, è portu soluerunt, nullis vsquam, neque Palæologi, neque Tartarorum Principis, auxiliis comparentibus. Atque ita Cyprum, & Rhodum, tum Cretam, qua venerant, & Corcyram prætereûtes, in Siciliam appulsi, Panormitanum portum tenuerunt: vbi Carolus Rex, qui Manfredum interemerat, intelligens Sanctium Iacobi Regis filium eo venisse, honorificè excepit ipsum, atque diebus aliquot splendidissimè tractauit. Ex quo Sanctius ita fuit Caroli erga se humanitate affectus; vt petierit, militaris auctoramenti dignitate ab illo decorari. quod fecit Carolus libentissimè: & quanto potuit apparatu ac splendore auctoramenti diem celebrauit. At hæc tanta amoris, atque subito conflata amicitiæ pignora mutuò data, Petro Principi, Siciliæ Regnum affectanti, magnarum cum Sanctio discordiarum, ac simultatum, occasione postea, vt dicemus, fuerunt. Cæterum Rege Mompellerio in Cataloniam, indeque Cæsaraugustam aduentante, Legati Alfonsi Castellæ ad eum, venerunt, orantis, vt ad nuptias Ferdinandi filii, eius quoque nepotis, quas in vrbe Burgenli facturus erat cum Blanca filia Ludouici Francorum Regis, venire dignaretur. Siquidem conuenturi ad eas erant Philippus Blancæ frater germanus, qui eam deducebat, vnà cum permultis Antistitibus, & proceribus Galliarum: nec non Eduardus Angliæ Princeps, qui Leonoram sororem Alfonsi duxerat uxorem: quin & Marchio Monferratii Italus, ac etiam Legati ab electoribus Imperii tunc missi ad Alfonsum, vt renunciarent fuisse eum Regem Romanorum electum. Quæ audiens



Iacobus mirelatus est, ac se protinus viæ dedit: venitque Turiasonem, deinde Agredam, ibique ab Alfonso expectatus, Burgim deductus est; ubi nuptiæ celeberrimæ, plenæque splendoris, & magnificentiæ, cum summo omnium gaudio & alacritate coniunctæ fuerunt: tanta cum pompa, & rerum affluentia, ut nusquam visæ fuerint splendidiore, & honorificentiores: cum præter iam dictos, conuenerint etiam Alfonso Molinae dominus, Alfonso Regis auunculus, una cum Federico, Manuele, & Philippo, qui Christinam Noruegiæ duxerat vxorē, Regis Alfonso fratribus: tum etiam Iacobus Rex cum Petro Principe, eiusque fratribus, Ferdinādo, Sanctio, item Iacobo, & Petro, ex Vidauria (hos vix alio in loco cum patre conuenisse antea legimus) ac demum Sanctio Archiepiscopo Tolerano Iacobi Regis filius, quin & cum omnibus ferè Antistitibus, & proceribus Castellæ. Vbi Eduardus Angliæ Princeps militaris auctoramenti dignitatem ab Alfonso accepit, huiusque filius Ferdinandus; ab eodem verò Principe, Ferdinandi fratres, cum Lupo Diazio Pharenfi Yizcaix domino. Hæ nuptiæ magna parte anni, militaribus ludis, spectaculis, scenis, atque iocis fuerunt celebratæ. Fuit enim Alfonso, ibi non modo in suos, sed etiam in externos largus & munificus, atq; cum summa mutuaque gratia, omnes domum remisit. Verum interim dū nuptiæ fierent, nonnulli ex Principibus Castellæ proceribus, apud Iacobum secretò de Alfonso conuesti sunt: quod is se in gerenda Repub. & administrandò Regno, iniquum præberet, atq; cum procerib. tam immoderate, fastidiosèq; ageret, ut eos non modo à se totos abalienasset; sed in irā, & quandam quasi conspirationem, præ odio, prouocasset. De qua re multa speciatim retulerunt, quæ Iacobo satis digna visa sunt, non admonitione solum, sed prompta emendatione. Erat enim Alfonso omnium superiorum Regum, variis scientiis, Astronomiæ potissimum, ut diximus, deditissimus, ut cuius summa cura & obseruatione factum sit, ut tabulæ ab eo Alfonso, ad maximū Astronomorum profectum, & artis vsum ederentur. Verū enim quò magis se ille, Solis, Lunæque & septem Signorum cursibus indagandis implicuerat; quouè mentem & oculos in illis intentius defixerat, eo quidem minus terrestria, & quæ ante oculos erant, cernebat; minusque de regenda Repub. à qua semper abalienato erat animo, cogitabat, indeque inconstans, difficilis, atque impatiens euaserat. Nec mirum: quoniam animus nimium auocatus ad sublimium contemplationem, necesse est, ut in fetiora despiciat, atque ad negotia difficulter, & quasi hospes ac peregrinus accedat: neque dignoscatur quibuscum agat, neque rationem cuiusquam habeat: sed cum negotia oderit suo quasi contraria otio; sic à negotiatoribus abhorreat, ut ab ipso quoq; omnes abhorreant. Fitque subinde, ut non minus in Rege tyrannis, quam in subditis conspiratio latenter succrescant. Hæc omnia animaduertens Iacobus, neque contemnenda esse, quæ de Alfonso deferebantur, intelligens, proceres meliora sperare iubens, Burgis profectus, Turiasonem vsque comitem habuit Alfonso. Vnde occasione itineris, pro amore, quo illum prosequabatur, tanto affinitatis vinculo coniunctū, dolens ex animo ob eiusmodi iacturam Principum, quam faciunt negotia publica subterfugientes, de multis, quæ ad optimam Regnorum gubernationem necessaria sibi videbantur, Alfonso admonuit: ac cum in eo quatuor potissimum vitia notarentur; paria ei consilia & admonitiones, tanquam consentanea morbis remedia adhibuit. Primum, ne à populis mutuo dissideret odio. Nam odisse eos, à quibus amari oportet, prouocare in se est; cum nulla re magis in officio, & amore contineri populi soleant, quam Regum humanitate, benignitate, & continentia. Nihil enim est negotii continere eos, quibus præsis, si te ipse contineas. Alterum, ex triplici, procerum, popularium, & Ecclesiasticorum ordine, si minus, quod est maximè optandum, cum vniuersis, saltem cum Antistitibus & sacerdotibus conueniret; quibus & res suas cohonestaret; & per eos facilius populares ad se alliceret; perque hos procerum, atq; magnatum insolentiam comprimeret, arrogantiamque compesceret. Tertium, procerum, atque equitum insolentium ordines, esse quidem, aut increpandos, aut castigandos; nulla re tamen dedecorandos: quoniam & ornamenta Reipub. sunt, & lacerti belli, & firmamenta pacis, per quos timor semper est hostibus iniectus. Postremum, ne quemquam clam, ac neque indicta causa puniret. Id enim non modò præcipitem, atque temerarium arguit Principem; sed legibus & magistratibus fidem, atque honorē detrahit. Quæ quidem consilia libenter, atque æquo animo excipere visus est, Alfonso, eaquē diligenter se obseruaturum promisit: attamen ut catapotia facile sumpta, ab inueterato malis ventriculo minimè retenta euomuntur; sic Alfonso præceptorum oblitus, peiora postea commisit, & in causa fuit, ut Enricus, alique fratres, adiunctis proceribus, sensim ab eo deficerent, peneque, dum viueret, Regno priuaretur. Itaq; Iacobus dimisso Alfonso, Aragoniam ingressus est. Cum autem proce-



procedente tempore Iacobi monita parum valuissent apud Alfonsum, isque pro libidine  
 cuncta gereret; Philippus eius frater, vnà cum Nunnio Gonsalio Laræ domino, ac  
 plerique proceres, nonnullis etiam ciuitatum legatis adhaerentibus, Lerma in oppido  
 coierunt, atque communi consensu, honestis obiectis causis, ab Alfonso se defec-  
 tos iurarunt: si minus ab illis scitis exequendis abstineret, quæ neque in sui honore,  
 neque in vtilitatem populorum; sed in manifestum ordinem, & procerum contem-  
 ptum, edi curauerat. Et quanquam Philippo magna intercesserat cum Rege Granatæ  
 necessitudo, ad quem ab Alfonso deficeret: tamen quia Nauarræ Rex magnas cum Al-  
 fonso inimicitias gerebat, consilio procerum, qui se Philippo nunquam defuturos obtu-  
 lerunt, ad eum abiit. Hoc tempore auditum est, permultas Mauritanorum copias in Ba-  
 ticam transfretasse, appulisseque Algeziram illius provinciae, atque munitissimam  
 Beierii oppidi arcem oppugnare. Vnde Alfonso consilii inops, ac perturbatus, hinc  
 Mauritanis ingruentibus, illinc Philippo & proceribus defectionem tentantibus, in Ia-  
 cobo socero perfugium ac spem omnem collocauit; ideoque, ut si quo pacto illos sedare  
 posset, ac bellum Granatensibus Mauritanorum receptatoribus inferre, consilii capen-  
 di causa, venire vnà cum Regina ad Iacobum statuit Valentie agentem; qui tum, ut in su-  
 is Commentariis refert, subortas controuersias inter pernobilem Guillelmum Scribanū  
 magnum Regnorum Protonotarium; & generalem Regis quæstorem, Bailiuium vulgo  
 nominatum, de iure vtriusque officii, seu dignitatis publicæ, ut creditur, agentes; lata pro  
 20 Guillelmo contra Quæstore sententia, composuit. Alfonso igitur obuiam Rex Buriohū  
 vsque iuit, quem vna cum Regina & nepotibus lætissimè excipiens Valentiam deduxit,  
 inquam magna cum alacritate & pompa à senatu populoque Valentino excepti fuere:  
 atque iustrata vrbe, & indicto iustitio, quot se ibi diebus continere, Regina gratia, ludis  
 atque spectaculis plena omnia fuere. Sed vrgentibus Mauritanis, oportuit Alfonsū  
 breui in Castellam redire; quem Iacobus comitatus est versus Murcienses, Vilienam vs-  
 que: inde reuersus Serabim, eo in itinere duo parua oppidula condi iussit, alterum Mon-  
 tabernarium in Albaidensi conualle, alterum Orimbloinum prope Dianium, eaque suo  
 agro, & limitibus circumscripsit. Atque dum esset Fontiniani, quod est nunc oppidum  
 florentissimum Batio propinquum, nuncio Cæsaraugusta missio intellexit, Artalum Lu-  
 30 nam pernobilem Aragonensem, controuersis ortis inter ipsum, & Zuerenses Cæsaraug-  
 ustæ propinquos, prælium cum eis cōmisisse, & viginti septem ex illis in eo concidisse.  
 Ad quos statim Rex iter ingressus est: cumque prope Turolium venisset, Iacobus filius  
 obuiam ei exiit, petiitque ab eo liceret sibi in Aquitaniam proficisci, ut de matrimonio  
 antea proposito cum Principe Niuerniensi agere posset. Permisit Rex, atque pecuni-  
 am & familiam, quibuscum honestè, ac decenter iret, concessit. Inde Cæsaraugustam  
 ingressus, Artalum citari iussit. Interim litteras ab Alfonso accepit, denuò in colloqui-  
 um venire studente, ut ea coram referret, quæ litteris tutò committi non poterant, ef-  
 sentque vtrique communia. Vnde Rex illicò venit Alicantum, ibique inuentus Alfon-  
 sus, in summa, confirmauit, aliquot Aragonenses proceres, vnà cum iis, qui à se defece-  
 40 rāt, cum Mauris consensisse, ut bellū clam contra se ambos struāt: ideoque quid in tanta rei  
 nouitate facturi sint, exquirere. Præterea num bellum contra præfectos Malacitanæ, &  
 Guadicensis ciuitatū, moueret; qui quoque Mauritanos receperant; an potius simulata  
 cū eis amicitia, cū Granatæ Rege, autore omnī, illud iniret. Cui consuluit Rex, ne quo-  
 quo modo induciarū iura, quæ cum Granatensi Rege pactus fuerat, violaret. Quod verò  
 ad conspirationē attinebat, proceribus omnē conspirandi occasionē tolleret: ac docu-  
 mentorum, quæ olim in itinere dederat, recordaretur; proque certo sciret, penes se vnū  
 esse ignē & gladium, sed interim sibi quisque prospiceret, ac mutuo alter alteri subsidio ef-  
 set. Posthæc abeunte Alfonso, miratus est eū Rex cū tanto scientiarum vsu, tanta labora-  
 re consilii inopia, adeoque timidū, ac suspiciosum effectum, ut non suis modò, sed alienis  
 50 conspirationis suspicionē iniiceret: ideoque de illius rebus subtimere cœpit, venitque  
 Oseam, vbi conuentus indixit, ut propter causas ibi relatas, aduersus Artalum, tum ob  
 facinus ab eo contra Zuerenses perpetratum, tum quia citatus venire recusaret, bellum  
 mouerent, ad idque sibi adessent Regii stipendiarii equites. Hoc promulgato bello, pro-  
 tinus, non minus in Catalonia, quam in Aragonia seditiones ortæ fuere, ac tumultuari  
 cœptum, non tam Artali causa, quam Petri Principis, qui Fernandum Sanctium fratrem,  
 iam non occulto, aut simulato; sed aperto prosequeretur odio, post reditum è Palesti-  
 na, Siciliaque, & initam ab eo cum Carolo amicitiam: eoque res progressa iam erat, ut sæ-  
 pius illum occidere tentarit: potissimum cum Burrianæ vterque ageret. Ibi namque qui-  
 dam Petri famuli districtis gladiis tota domo discurrere, atque Sanctium quærere ausi



sunt, illum confossari haud dubiè, ni se Sanctius foras cum vxore subduxisset. Porro, referente Asclotio, Petri odium creuit in Sanctium, non solum quod amicitias inierit eum Carolo; sed quod sibi ipse persuaferit, Sanctium ope & instinctu Caroli commoliri sibi necem, ut libere is Regno potiretur. Verum Sanctius cognito Petri furore; neque quieturum vnquam nisi se, quoquomodo sublato, ad eos Cataloniæ Barones, seu Regulos recurrit, qui gubernante Petro, acerbè ab eo tractati fuissent, eoq; magis in eum mare affecti, quod Guillerum Odenam virum nobilissimum, atque ex perillustri stirpe ortum, in confluentem, acerbiorè, quàm par erat, pœna, demergi iussisset. Quin ope etiam & auxilio Simonis Vrræ soceri, vnus ex potentissimis Aragoniæ proceribus, qui olim Alfonsi Principis partes sequentes, suis fuere à Rege possessionibus orbat, præsidium sibi contra Petrum impetrauit; qui omnes mutuo sese iureiurando obstringentes, Sanctii partes secuti fuerunt. Itaque Sanctius, ut primùm se ab insequentium manibus eripuit, confugit ad Regem, eique denunciauit, quæcunque à Petro tentata fuerant; ipsum obsecrans, ut se ab iniuria, & imminenti interitu liberaret: suppliciaque de sicariis sumeret: quibus demum adiecit, si te viuo patre, frater insurgit in fratrem, quid quæro, te mortuo faciet? quid non erepto à te Regno, quod, fortè machinatur, in vtrumque molietur? Debet igitur præceps, atque execrabilis fratris iracundia in fratrem, te communi patre, reprimi; ni vtroque simul, atque vno die, orbari vis filio. Timendus est enim desperatus magis, quàm fortis animus: facile quippe contemnam meam ipse vitam, modo illi suam eripiam. Quamobrem te supplex oro, ut & qua debes pater clementia, & qua potes Rex iustitia, hæc tã impediencia filiis, & Regno mala de medio tollas. Hæc Rex intelligens, ingemuit, tulitque nimium acerbè tam diram inter filios ortam discordiam; q̃ planè procerum inter se dissidium, atque vtriusque Regni in partes diuisionem, portendebat: occurrendumque malo esse, quàm citissimè duxit. Vnde Sagunto profectus in Aragoniam, conuentus in oppido Exea equitum indixit. In magnis enim Reipub. malis, tanquam morbis medendis, hæc vna erat à conuentibus, consilii capiendi causa, sumpta medicina. Petrum ergo Principem, & vniuersos Regni proceres eò conuenire præcepit. In quibus inter alia, edixit comiti Pallariensi, & reliquis Cataloniæ proceribus, ne quis comitè Foxensem, tū contra Regem Galliæ bellum gerentem, re, milite, aut armis iuuaret: idē non tã odio Comititis, quàm ut motum, & strepitū armorū, eius occasione belligifcentē, è Catalonia tolleret. Adhæc Petrū generalem Regni procurationē deponere iussit consilio multorum procerum, qui Regni tranquillitatem optabant. Præterea in causa Artali, & Zuerensium, à præfecto Iustitiæ Aragonum sic est pronunciatum. Ut in compensationem damnorum ab Artalo inflictorum, priuaretur omnibus bonis, eorumque possessio, iure dominatus, Zuerensibus traderetur. Verum antequam conuentus dimitterentur, Artalus, interuentu Petri Cornelii soceri sui, & amicorum, Exeam veniens, Regem orauit supplex, ut sibi ignosceretur, aut saltem sententiæ seueritas benignitate Regia leniretur. Cuius oratione permotus Rex, consilio procerum, atque Baronum vtriusque Regni, nec non litteratorum hominum iudicio, commutata sententia, Artalū sic condemnauit: ut is xx. millia solidū monetæ laccensis, pro impensis solueret: atque ad quinquennium ab omnibus Regnis & dominatione Regia relegaretur: criminis verò consortes, Lupus Diazus Sentia, Simon Alanus, Didacus Gurrea, & Petrus Ortizius, ad decennium. Dimissis conuentibus, Rex Valentiam venire statuit; ingressusque iter venit Turolium, vbi simili, quo antea hospitio à ciuibz magnificè exceptus fuit: tenuitque memoria amplissimum illud, ac commemorandum, sibi ad Murcienſe bellum proficiscenti oblatum munus: proque eo, atque ipsorum satis eomperta fidelitate, se perpetuam eis gratiam habiturum, expressit. Itaque perueniens Valentiam, ad certam diem Conuentus Algeziræ indici iussit, Petro interim iniquo semper animo in fratrem affecto, ac tories exhortanti, atque præcanti Regi, ut illi reconciliaretur, morem gerere recusante. Vnde Rex præsentibus Valentino Episcopo, Iacobo Sarroca Ilerdæ Sacrista, ac etiam Petro Granatenſi religiosissimo Franciscano, quin & Thomasio Iunquera Iurisconsultissimo, denuò Petrum exhortatus est, ut quas gerebat cum fratre inimicitias deponeret; ni paternas veller subire; alioqui, iam se, non ut patrem blandè; sed ut Regem, & iudicem, seuerè in illum animaduersurum. Verum Petrus nihilominus factus iracundior, neque ad ea respondēs, è confessu abiit, eaq̃ nocte clam, tribus solum comitatus equitibus, Valentia exiit, fraternas omnino iniurias vindicaturus. Tunc Rex decreuit modis omnibus Sanctium à quouis damno & iniuria defendere, atque in Petrum, à quo valde alienato animo ob eam rem esse videbatur, animaduertere. Quâ occasione Sanctius, socio Simone Vrræ socero, venit Valentiam, vbi maximis Regi gratiis actis,



iis actis, pro suscepta sui causa, & defensione: rursus ipsius consilio Cæsaraugustam re-  
 uersus est. Non enim erat ei tutum Valentiz sese Petri libidini committere. At Pe-  
 trus suæ conscius insolentiz, amplius paterna erga se indulgentia non esse abutendum ra-  
 tus, causam suā apud Regem, ut eunq; cohonestare decreuit. Quare Ruicium Simonem  
 Lunam, & Thomam Iunqueram, cum mandatis ad illum misit, atq; præsentibus Ber-  
 nardo Guillermo Entensa, Ferruzio Lizana, & Petro Martino Luna, Thomas, ut erat in-  
 structus, Petri mandatum sic exposuit: Nunquam fuisse Petri animum, Regi, quæ de  
 Fernando Sanctio turpia & acerba sibi nota erant, prodere, sed habuisse illa diutius sup-  
 pressa, quod talia essent, ut sine maxima fratrum ignominia, impunita remanere non  
 possent. Verum quoniam ea patefieri sibi tam anxie peteret; cerio sciret, Sanctium in  
 hæc verba prorupisse. Regem omnino indignum Regno esse: quin & illum procuras-  
 se veneno Petrum de medio tollere, ut ipse Regno potiretur: esseq; plerosque Aragoniæ  
 proceres huius consilii, atque prodicionis consortes: seq; ea omnia non ficta, sed tanquā  
 verissima, suo loco, & tempore, probaturum. Quibus auditis, Rex nonnullam iis fi-  
 dem habens, quod ea consonare quodammodo viderentur, cum iis, quæ paulò ante ab  
 Alfonso Castellæ sibi fuere enunciata; unde grauitè cōmotus fuit, propterea quod seu  
 vera seu falsa, infamiz non parum suis inferrent. Quare cum eisdem proceribus in partē  
 Aulæ secedens, dixit, non suā, sed illorum interesse, eiusmodi criminationibus satisfac-  
 cere: cum per eas ipsi nonnulla etiam perfidiæ macula notarentur. Ad quæ Simon Vrrea,  
 nequaquam satisfactioni locum esse respondit: cum is, qui talia proferret, sacerdos infimi  
 ordinis esset, deque suo ea omnia confingeret: aut si reuera de mente Petri referret; eò,  
 se minus obligatos esse ad reuincendum illum, cui, ut successuro in Regna fidem suam  
 obstrinxerant, neque licebat ipsum redarguere. Tum Rex legatis respondit, se breui fa-  
 cturum, ut Sanctius obiectis criminibus satisfaceret, alioqui puniturum illum. At verò  
 Petrus Algezire, eo se animo continebat, ut, Sanctio bellū illaturus, secretò copias cōpa-  
 raret. Quapropter Rex eò ire statuens, Antistites, & proceres convocari iussit: ut eis præ-  
 sentibus Petrum ab impotenti proteruitate deduceret: cumque flumini proximus per  
 palustria ibi loca venatūm iret, Petrus non longè ab eo cū triginta equitibus vada Segar-  
 rensia præteruectus, Corberam oppidum ingressus fuit. Itaq; conuentibus inchoatis  
 ad quos venerat Iacobus Regis filius ex Vidauria, Bernardus Oliuellanus Archiepisco-  
 pus Tarraconensis, tum & Barcinonensis, Ilderdensis, & Valentinus Antistites, cū aliis p-  
 ceribus Regnorum, atq; legatis Cæsaraugustæ, Turolii, Calaraiubii, & Ilerdæ ciuitatum:  
 proposuit Rex insolentem Petri Principis pertinaciā, maleq; affectum animum in San-  
 ctium fratrem, quem bello persequi statuerat: quodq; se inuito, copias cogeret, oppidaq;  
 & arces, quæ ab ipso acceperat, milite & armis munire non desisteret; ac neque veller iu-  
 re contendere; neq; fraternas cōtrouersias patris iudicio, sed bello mallet dirimere. Quæ  
 cū audissent Antistites, & plerique ex proceribus, Corberā petierunt, ut Petrum à com-  
 mouendo bello, contra patrem magis, quàm contra fratrem, deterrent. Repugnāte Pe-  
 tro, ac neq; quicquam in ea re illis proficientib. (tam alte infederat in animo odii virus in  
 fratrē) Rex ira motus, Algezira exiens, Setabim abiit; deque persequendo Petro cogita-  
 uit. Id sentiens Antistes Valentinus, vidensq;, irato Rege, conduplicari Petro hostem, ma-  
 leque cessura ei omnia, ni resipisceret; Petrum iā non blandè, sed acerbè monere cœpit;  
 desineret utiq; patri repugnare, qui tā propèso in eum animo fuerit, ut reliquos filios præ  
 ipso contēperit: quo magis caueret, ne in summi cælestis patris iram incurreret, qui filios  
 parentibus minus obsequentes acerrimè punire sit solitus. Proinde se totum patri, nulla  
 conditione, traderet, nihil non ab eo eum veniz, tum gratiæ & amoris inpetraturus. Iis  
 Antistitis dictis permotus Petrus, se toto animo patri dedere decreuit; qui iam ante Chri-  
 stinalem Setabim profectus erat, adducto secum Hospitalis ordinis promagistro, quē  
 in vinculis iusta de causa retinuerat. Ingressus ergo regiam, illicò se ad regis pedes pro-  
 uoluit, ac dextram pedem osculatus, supplicis animi verba protulit; nec à lachrymis tē-  
 perauit: fuitq; à Rege benignè acceptus; tantus enim amor in eum erat ut nulla neq; ex-  
 hauriti iniuria, neque debilitari repugnantia potuerit. Quæ reconciliatio Petri, non mi-  
 nus suspecta omnibus, quam Sanctio postea perniciosa fuit: propterea quod Rex ab eo  
 tempore, quasi afflatus veneno Petri, pedibus omnino in eius sententiā contra Sanctium  
 abiit: præsertim cū animo reuolueret quæcunq; Sanctius Cæsaraugustæ vna cū procerib.  
 fuerat machinatus; quo tēpore fuit propositum Bouaticum ad sumptus Murcienfis belli:  
 quantisq; modis regiam Maiestatem contēperit, eamque insolētibus, ac odiosis verbis  
 deluserit; seque totius factionis, siue initæ cōspirationis procerū, caput cōstituerit: ac non  
 Aragonenses modò, sed Catalanos Regulos ad conspirandū concitauerit, quodque in



eo tandem, non filium, sed perduellem habuerit; quæ quidem nullo modo impunita dimittere decreuit. Per id tempus Theobaldo Rege Nauarræ sine liberis decedente, Enricus eius frater in Regnum successit, qui pactis & conditionibus olim à Margarita, & Theobaldo Rege cum Iacobo initis, stare nolens, ius ad Regnum Iacobo auxit: sed illud tunc armis repetere intermisit Rex, filiorum dissensionibus impeditus. Quo etiam tempore, Narbonæ mortua est, atque ibidem sepulta Berengaria Alfonsi Comitis Molinæ filia, cum qua aliquot annis, matrimonii fide data nunquam tamen præstita, contubernii necessitudo Regi cœlibi fuit, tam liberè id quidem, ut ipsemet Rex (quod de se testatur) sæpenumero, nullius sibi conscium peccati, præterquam Berengariæ, esse diceret: neque aliud sibi, cum hostibus prælium commissuro, confitenti peccatum occurreret; 10  
 quanquam sub spe coniugii, non condemnandum putaret. Sed decedente illa, cum ingrauesceret ætas, non amplius visus Rex fuit simile quidquā commississe. Constat etiam nullos ex illa filios suscepisse, tamen Regem ipsa hæredem constituerit oppidorum Feltgoffi & Caldelæ, quæ in Regno Galletiæ sita possidebat. Eodem vertente anno, nonnullis Castellæ proceribus indignitate Alfonsi commotis, ad Regem Granatæ deficientibus, auditoque rumore de Auenisepho Maurusiorum Rege, quod is in Baticam prouinciam breui, ac cum innumerabilibus copiis esset traiecturus, Alfonsus, & Iacobus Requenam conuenerunt, quod nunc celebre oppidum in finibus Valentini Regni positum est: ibique auxilia sibi mutua aduersus transmarinos aduētantes hostes polliciti fuerat: adiecitque Iacobus, se in prælium cum illis descensurum, neque defuturum vnquam 20  
 Alfonso, & suis. Vnde missis præfidiis ad fines Valentini, & Murciensis Regni, Iacobus cum nonnullis proceribus in Cataloniam reuersus, Mompellerium petiit. Vbi pacto inito cum Philippo Francorum Rege, qui Foxensem Comitem tenebat in vinculis, liberatus comes fuit, & in gratiam Philippi restitutus: ad idque Iacobus nonnulla oppidula, pro Foxensi, Philippo concessit. Porro per Mompelleriensem, & Catalanam ditionem, bellum aduersus Granatensem, & Maurusiorum Reges in subsidium Alfonsi promulgauit: procereque omnes, quorum ditiones & loca, beneficiario iure, à Regibus ipsorum maiores acceperant, ea lege, ut belli tempore Regi præstò essent, accersi iussit, atque indici, se dūce, fore id bellum prosequendum, ne se quispiam excusasset. Ex quo Gerundæ Vgoni Sentapauio Iustitiæ præfecto, viro pernobili, bellique experto mandauit, ut con- 30  
 scriptas copias quamprimum Valentiam deduci curaret. Inde verò Ilerdam perueniēs, inuentum Vicecomitem Cardonensem rogauit, ut se, ac exercitum sequeretur. Cumque Cardonensis se excusaret, ut qui sibi manere, perinde ac sequi, liberum esse arbitraretur; teneri eum ad sequendum se, Rex ostendit tam iure, quam stipendio militari. Sed reuertente Cardonensi, cum aliis sex Baronibus Cataloniæ, simili iure, atque stipendiis Regi addictis, dissimulare tamen hæc in præsentī decreuit, ne à proposito itinere impediretur; quandoquidem intellexerat Granatenses, aduentantis spe auxilii Maurusiorum, ardentius persequi bellum cœpisse contra Alfonsum; ideoque magnam illorum partem exercitus oppugnandis Murciensibus destinarat. Quare Bernardum Oliueliam Archiepiscopum Tarraconensem vniuersæ procuratori Aragoniæ, & Cataloniæ præfecit: tamen 40  
 etsi prouocationum cognitionem, Regio iudicio reseruata commisit, ac delegauit: indeque Valentiam se contulit, vbi collectis Aragonensis exercitus reliquiis, cum vniuersis copiis Setabim, inde Biarum peruenit: quò Iacobus & Petrus ex Viduaria filii, cum aliis quoque fratribus, ac multis Aragoniæ proceribus, conuenerant ad Regni præsidium. Cum igitur ad eos Rex venisset, vehementer lætatus est, ipsisque collaudatis, cum omni exercitu Murciam se contulit; vbi ab vniuerso Christiano simul & Sarraceno populo, lætissimè exceptus fuit: ei que tanquam vero Regni expugnatori, patriæque liberatori, ac domino, Regius omnino honos delatus. Verum neque Granatensibus, neque Maurusius bellum in eam partem mouentibus, diebus non amplius quatuordecim, ibi substitit; quos tamen partim lustrandæ vrbi, arcique reuifendæ, ac muniendæ; partim aucu- 50  
 pio, & venationi impendit; confirmatisque vrbiorum animis, atque præfidiis in finibus dispositis, Valentiam, dimisso exercitu, remigrauit. Sed iam Rege Algeziram ingressus, venit eò Petrus Alcalanamus, vir sanè venerandus, atque Dominicani instituti religiosissimus: quem Gregorius X. Pont. cum litteris & mandatis ad Regem legauerat: eius legationis, summa hæc erat; Hortari Pont. Max. ac precari Regem, ut Lugdunum contenderet, vbi totius orbis Concilium cogi edixisset; atque maiora, quam vnquam Christianæ Reipub. negotia agenda essent: nempe de Hierosolymitana recuperanda terra: & de Græcorum Ecclesia ad gremium, & sensum Romanæ traducenda. de quibus multis ante annis, quamuis frustra actum fuisset, in præsentī tamen esse summam spem: propterea



propterea quod Palæologus Imperator Græcorum, ac etiam magnus Cham Tartarorum, frequentibus legationibus ad se, illa cupidissime expeterent: instarentque, ne tanta diuinitus oblata rei occasio prætermitteretur: altero, se, cum vniuersa Græcorum Ecclesia, in gremium Romanæ rediturum; & errores depositurum: altero, milite, & armis, classe, comæatuque, quandiu esset expeditio, Christianum exercitum iuuaturum, promittentibus. Quo audito Rex, egregia, qua semper fuit in Apostolicam sedem pietate, & amore, grato, liberalique animo iter eò se facturum promisit: ac protinus Valentiam introiit: vbi confirmato præfecto, & aliis Regiis magistratibus, acceptaq; mutuo pecunia ad iter tam honorificum pro dignitate faciendum, Tarraconem profectus est. Eo conuenire iussit Raimundum Folchium Vicecomitem, Petrum Bergam, Galcerandum Pinosium, Guillelmum, & Matmonum Catalaunos, Berengarium Cardonam, & Guillelmum Ragiadellum, proceres; qui paulò ante, in expeditionem sacram proficiscetem, sequi recusauerant; ut eorum contumaciam, & insolentiam puniret; quibus militaria beneficia ademit, eosque honoribus priuauit: deniq; arces, quæ illis iure fidelitatis commissæ fuerant, restitui sibi imperauit. Ea quippe conditione ac lege, Aragonensi more, arces committi consueuerant, ut hæ Regibus iratis, aut pacatis, cum ii vellent, pro libito traderentur. Cum autem Cardonensis primus aliquot arces traderet, aliquot retineret, tanquam communes, aliiq; similiter facerent, ad arma cum reliquis Catalanis proceribus vetum fuit. Quamquam interim eo bello Rex supersedendum censuit, ne cœpto itinere Pontifici promissio prohiberetur.

## BERNARDINI GOMESII MIEDIS, ARCHIDIACONI SAGVNTINI, DE VITA ET REBUS GESTIS IACOBI PRIMI REGIS

*Aragonum, cognomento expugnatoris.*

### LIBER XIX.

**L**ITERIS à Pontifice denuò rogatus Rex, multisq; totius ferè Hispaniæ Antistitibus, qui ad concilium vocabatur, sese illi adiungentibus, perfectionem suam Lugdunum maturandam duxit. Itaque Barcinone, nonnullis vtriusq; Regni proceribus comitantibus, Perpinianum præteruectus, Mompellerium venit: ibiq; octo commoratus dies, quoad nonnulla imperata pecunia, Regio sese apparatu ad iter muniret, ingressus illud, Vienam oppidum peruenit valde insigne, quod aluit Rhodanus magnus Europæ amnis, atque Lugduno vnius diei distat itinere. Adfuereque illi protinus Legati à Pontifice missi, rogantes, ut in oppidulo sancti Saphorini, quod est in via, ac non amplius quam passuum vndecim millia Lugduno abest, se contineret: propterea quod non solum ab amplissimo Cardinalium collegio, & vniuerso cœtu Antistitum; sed etiam à senatu populoque Lugdunensi, mandato Philippi Regis eius generi, Regiè, magnificentissimeque esset excipiendus. Est enim Lugdunum vrbs, totius Galliæ potentissima, florentissima, atque ipso naturali situ loci munitissima, hinc monte cum propugnaculo ad occasum, illinc Rhodano ad ortum, aquarum multitudine protecta; circunquaque verò, non inexpugnabili modò muro cincta sed Arari quoque fluuiio, qui à Septentrionibus per mediâ fluit, omni comæatu referta. Is enim in vnum ibi confluens cum Rhodano, eiusque impetu cohibitus, adeò lentus, ac segnis decurrit, ut æquè facilis aduerso illo, atque secundo fiat nauigatio. Quo fit, ut non minus per eum à supera vrbs parte, quàm per Rhodanum ab infera, & mari, commodissima sit in vrbe, comæatus, atque mercesimoniorum omnium, tum inuectio, tum rursus exportatio. Sed eius demum ager cultissimus, ac fructuosissimus, iunctis opibus, cum tam frequenti commercio & expeditione rerum, satis ostendunt, urbem tunc fuisse, qualis, quantaq; nunc est, omnium Europæ abundantissimam, atque opulentissimam. Vtpotè cum & Pontificem, Cardinalesque, cum vniuersa Romana curia, & tot vndecumque concurrentes Antistites, eorumq; innumerabilem familiam: & ipsum denique Regem, totque Principes, proceresque Galliæ, cum incredibili ac promiscua multitudine, biennio, & eo plus sustentauerit, præter alias varias quoque gentes, & nationes, quæ non concilii modò, sed ipsius Regis moræ fama, atque visendi gratia, ab vniuersa Gallia, Italia, & Anglia, conuenerunt. In hac vrbe à Cardinalibus, Antistitibus, &



populo, quanto maximo potuit cum honore, pompa, & cerimonia exceptus Rex fuit: cunctis eius præstantiam, atque conspiciendam corporis habitudinem, tum barbam promissam, cum veneranda canitie; adeoque plenum maiestate aspectum admirantibus, minimeque eius personam, quanta erat fama, & nomine, indignam reputantibus. Is ad palatium Pontificium deductus, tametsi ei Pontifex assurrexit; nihilominus ad huius pedes se Rex prouoluens, dextrum deosculatus fuit: atque postera die, quod Sessio esset, in Concilium admissus. Quo summo in spectaculo, tria Regem in maximam admirationem, ut ferunt, traduxere. Primum, nunquam ipsi antea conspecta Pontificia maiestas, alterum, Cardinalium purpuratorum, quasi multorum simul Regum confessus; tertium, Antistitum maior quam usquam vidisset, aut credidisset congregatio. Nam, sicuti in suis ipse refert Commentariis, Cardinalium, Patriarcharum, Antistitum, atque Abbatum numerus, quingentorum & eo maior fuit: ac quoniam vix aliud toto Christiano orbe concilium celebrius, ac frequentius eo inuenitur coactum, consentaneum erit congregationis causas, maximè verò, quæ ad reductionem Græcorum, & consensionem eorundem Ecclesiæ cum Latina (id enim fuit totum eius Concilii opus) declarandas pertinent, hic breuiter enarrare. Cum Michael Palæologus strenuus Dux Lascaram gentem, ad quæ Græcorum Imperium iure peruenire poterat, profligasset; ac Balduinum Constantinopolitanum Imperatorem, auito Regno, & Philippum eius filium exturbasset; ut tamen Gregorii Pont. Francorum Regis; quin etiam Caroli Siciliæ Regis, qui Philippi Imperatoris generis sui causam contra Palæologum tuendam susceperat, classes, & ingentes apparatus à Bosphori faucibus, & Bizantiæ ciuitatis ceruicibus, terra, marique auerteret; mira est usus arte, Græcæque, quod aiunt, permixta fide, cum religionis prætextu, cunctos sic ausus est ludificare. Siquidem nonnullos Imperii Principes, atque Græcæ Ecclesiæ primates, sumptuosissima cum legatione Romam ad Clementem Papam I V. misit, qui nomine suo illi renunciarent, Græcorum Ecclesiam, quæ à sacris Catholicæ Ecclesiæ, & sanctorum institutis defecerat, & à maiorum pietate degenerauerat, se, sacrosanctæ Romanæ Ecclesiæ adiuncturum, & eius canonicis sanctionibus obtemperaturum; atque in eam rem, non modò se, suamque, sed Constantinopolitani Antistitis, ac totius Imperii procerum fidem interpositurum. Quæ promissio summopere Christianam Rempub. crexit: Græcorum videlicet Ecclesiam tamdiu à capite seiunctam, Romanæ tandem adiungi. Quamobrem idem Clemens Pont. notam esse volens scriptis professionem fidei, qualis ab Imperatore, clero, & populo Græcorum exigebatur; in eo summam iudicii, causamque totam constituit, ut infinitæ, concertationumque plenæ de religione disputationes tollerentur; sed nuda tantum, atque expressa ei traderetur fidei professio. Nec prætermittenda est, quæ una cum professionis formula, excepta è diplomate illo aureo, missa est à Pöt. ad Palæologum his verbis præmonitio. Porro præscriptam purissimam, certissimam, solidissimamque orthodoxæ fidei veritatem Euangelicæ doctrinæ consonam, à sanctis patribus traditam, & Romæ Pontificum in suis Synodis definitione firmatam: sicut nec decet; sic nec volumus, nouæ discussioni, ac definitioni subiicere, ipsam quasi per hoc quomodolibet contra fas, & licitum in dubium reuocando. Ideoque licet in præfata scriptura de conuocatione Concilii ageretur; licet per tuas litteras concilium in terra tua conuocari petieris, nos tamè nullo modo proponimus Concilium ad discussionem, seu definitionem huiusmodi reuocare. Non quod cuiusquæ faciem vereamur: vel eandem sacrosanctam Romanam Ecclesiam Græcorum superari potentia timeamus: sed quia prorsus indecens foret, imò nec licet, nec expedit, in dubium reuocare præmissam veræ fidei puritatem, tot sacræ paginæ auctoritatibus, tot sanctorum sententiis, roboratam, tot Romæ Pont. stabili definitione firmatam; pro cuius defensione si necesse foret, parati essemus, subire martyrium, & morti etiam exponere corpus nostrum. Quam ideo ad præsens nequaquam auctoritatibus, quarum satis copia nobis pro voto suppeteret, iuuare curauimus: sed in simplicitate veridica, sic purè, sic explicatè, tam prædictis tuis, quam tibi decreuimus destinandam. Dum igitur clemens præmonitionem una cum formula professionis fidei, quam mox subiiciemus, ad Imperatorem mittit, vita functus est; atque à prosequendo negotio cessatum. Verùm Palæologus, continuato dolo cum ipso religionis prætextu, ut Imperium sibi stabiliret, Ludouicum Francorum Regem, cuius insignis erat, per id tempus, cum pietate, & religione sanctitas, per legatos obtestatus est, ut ipse, in tam pio, & vtili negotio, utramque, Græcam scilicet, & Latinam Ecclesiā iuaret; & exceptam à Clemente Pont. Græcorum reductionem perficiendam curaret. Quare Ludouicus Palæologi, non tam mentem, quam orationem præcipiens, Cardinales, qui per interregnum Viterbii agebāt, rogauit, effecitque, ut ipsi Clementis ceptum prosequeretur. Itaque protin-



protinus viros doctissimos, & religiosissimos Constantinopolim legarunt, per quos fidei professio solennis celebrari posset, ex formula à Clemente tradita. Interea verò Gregorius X. Pont. renunciatus, eiusmodi Lugdunense Concilium indixit; animaduersaque Palæologi, ut apparebat, constantia & pietate, inducias inter Balduinum, Regemque Siciliae Carolum, & Palæologum, fieri quàm maximè studuit: cum interim Palæologus classem, ac militares etiam copias, ut concupierat, à se pelleret. Itaque Legati quatuor summae autoritatis viri ab eo Lugdunum venerunt; quorum vnus, tum Imperatoris, tum eius filii Andronici successoris; tum etiam sex & viginti Ecclesiarum Metropolitanarum Patriarchatui Constantinopolitano, subiectarum, cum earum permultis suffraganeis; ac totius demum Graeci Ecclesiastici ordinis nomine, publicè in medio concilio, Schisma ex tradita sibi formula, his verbis abiurauit. Ego Gregorius Acropolita, & magnus Logotheta, nuncius Domini nostri Imperatoris Graecorum, Michaelis Angeli, Ducas Connini Palæologi, habens ab eodem sufficiens ad infra scripta mandatum, omne schisma prorsus abiuro, & subscriptam fidei veritatem, prout plenè lecta est, & fideliter exposita, nomine dicti domini nostri, veram, sanctam, catholicam, & orthodoxam fidem esse cognosco; eam accepto, & corde, & ore profiteor, ipsamque, prout eam veraciter tenet, fideliter docet, & praedicat sacrosancta Romana Ecclesia, ipsum inuiolabiliter obseruaturum; nec ab vilo vnquam tempore recessurum, quoquomodo deuiaturum, vel discrepaturum, promitto. Primatum quoque ipsius sacrosanctae Romanae Ecclesiae, prout in praemissa serie continetur, ad ipsius Ecclesiae obedientiam, nomine ipsius, & meo spontaneus veniens, pro ipso, & pro me fateor, recognosco, accepto, & sponte suscipio: & ipsum omnia praemissa, tam circa fidei veritatem, quàm circa eiusdem Ecclesiae Romanae primatum, & ipsorum recognitionem, acceptionem, suscepcionem, obseruantiam, & perseverantiam seruaturum, praestito in animam ipsius, & meam corporaliter iuramento, promitto: & confirmo: sic ipsum, & me Deus adiuuet, & haec sancta Euangelia. Cum autè Gregorio vita functo, Innocentius V. postularet, ut idem ipse Palæologus Imperator cum Andronico filio, per se, atque ore proprio abjurarent; in idque tres alii consequentes Pontif. maximè incumberent, Palæologus in eadem sententia permansit, seu bellè simulauit: quippe qui, non in concilio praesens, ut nonnulli autumant scriptores, cui nunquam interfuit; sed Constantinopoli, publicè, praesentibus Pontificiis Legatis, & Antistitibus Graecis, iisdem, quibus Legati sui, verbis antea in concilio, abiurauit. Promisitque praeterea se, & milite, & armis, cum classe, omni que comitatu, adiuturum expeditionem contra Turcas, ad recuperandam terram sanctam, & gloriosum Christi sepulchrum. Abiurantibus deinde cæteris Antistitibus, atque vniuerso Ecclesiastico ordine, solus Patriarcha Constantinopolitanus abiurare renuit; tametsi abiurasse postea, feratur. Verum Palæologus abiurato schismate, multa in Concilio proponi fecit, quæ nisi praestarentur sibi, iam tum se, contra facturum, quàm professus, pollicitusque fuerat, significauit. Nā in primis, quæ sua essent quaerens, petiit, ut pax ab omnibus Latinis Principibus sibi promitteretur; atque Philippi Imperatoris, Balduini filii, & Caroli Siciliae Regis eius affinis, vim arceret; quod ii praepotentes ipsius imperio nimis imminere viderentur; alioquin iura omnia, ut fecit, se violaturum dixit. Vnde nefariae eius mentis, atque simulatae religionis causa prodita; neque aliò, quàm ut Imperium sibi stabiliret, atque in tyrannide permaneret, relata; accedente etiam Iosephi Patriarchae Constantinopolitani proteruitate; quin & summo quoque Andronici scelere ac impietate adiuncta, natio Graeca ad suum tandem ingenium versa, sacra omnia religionis foedera in Concilio facta, violare coepit. Ex quo erroribus inueteratae prauitatis denuò inuoluta, totque subinde impurissimis carnis, atque concupiscetiae vitis immerfa, diuina manu vindice factum est, ut grauissimas impietatis suae poenas expenderit. Vtpotè quæ & Palæologorum non multò post excisa stirpe, & Graecorum simul amisso Imperio, Mahometanis omnium hominum impurissimis, Christianique nominis sempiternis hostibus, turpiter in seruitutem, atque vti nam non perpetuam, data fuerit. Cæterum per id tempus, nonnulli ex Principibus Tartarorum viris Lugdunum venere, qui coram Pontifice & patribus, in Concilio fidem orthodoxam, suo, & nationis nomine professi fuerunt; atque magno etiam gaudio & alacritate omnium, sacro baptismatis fonte abluti. Cum igitur eò venisset Rex, antequam mala mens & animus Palæologi reiectus fuisset, deque expeditione contra Turcas ageretur, se ad eam promptum, expeditumque, ut primò omnia essent parata obtulit; & ad ineundam illam, consilium, quod Pontifici, aliisque optimum, ac consentaneum visum est, dedit: adiecitque, se, vel senem, non defuturum summo Pontifici, si eò, ut dicebatur, is pergeret; atque vna cum exercitu, ipsum sequeretur; sin minus, mille lectissimos in expeditione equites cum



classe missurum. Adhuc confiteri peccata sua Pontifici deliberavit, ut à summo sacerdote  
 eorum expiationem, & veniam obtineret: quæ ubi genibus flexis confessus fuit, tum Pon-  
 tificem vice animadversionis, seu satisfactionis, ut dicunt, duo ipsi maximè seruanda, ut hi-  
 storia refert, documenta iniunxit; vnum, ut à malo recederet; alterum, ut amplecteretur  
 bonum, in eoque & constans, & perseverans esset. Demum de suo reditu in Cataloniam  
 agens, à Pontifice petiit, ut quoniā non minus ipse, quàm maiores sui Reges, de Aposto-  
 lica, & Romana Sede benemeritus esset, daretur Regiæ coronæ insignibus, se ab eius  
 sacratis manibus decorari. Quod Pontifex libenter se facturum respondit, modò  
 prius Aragoniæ Regna, simili de causa, eidem Sedi obærata redimeret; nempe si tribu-  
 ta à Petro Rege eius patente olim imposita, dum Romæ coronatus fuit, denuò sanc-  
 rentur; & quæ persolui in singulos annos desierant, ante omnia penderentur, indignum  
 esse, inquiens, heroica tanti Regis magnitudine, & conscientia, Sedem Apostolicam,  
 quæ tanto eius patrem honore, atq; insignibus decoravit, iure suo, ac debito, permitten-  
 te filio, fraudari. At Rex cum potius gratiosam mercedem à Pontifice expectaret, pro tot  
 Saracenorum Regnis cum debellatis, tum Christianæ fidei, atque Apostolicæ Sedis obe-  
 dientiæ traditis; quàm ut à maiorib. suis partam Regnis immunitatē imminui permitte-  
 ret; ab incœpto destitit: Ac tandem pro libertate Enrici, Regis Castellæ fratris, quem Ca-  
 rolus Siciliæ Princeps in vinculis tenebat, Pontificem, cuius causa tenebatur, rogavit:  
 cui Pontifex se id curaturū promisit. Iamq; elapsis viginti tribus diebus, ex quo Rex Lug-  
 dunum ingressus fuerat, infecta prope re omni, Mompellerium reuersus fuit: indeque  
 Perpinianum venit, ubi denuò Cardonensi Vicecomiti edici iussit, ut præcipuam Car-  
 donæ arcem sibi traderet; crepturo alioqui armata manu. Id, ut primum Cataloniæ pro-  
 ceres, & Barones intellexere, congregati Solsonæ in oppido, non minus suas, quàm Car-  
 donensis partes agentes, Regis edicto responderunt; non Cardonensis tantummodo, sed  
 omnium Cataloniæ procerum interesse, illius arcem, perinde ac proprias cuiusq; defen-  
 dere. Proinde ipsum rogare omnes, ut ab ea vi desisteret, neque summa ipsorum, adeoq;  
 probata fide, abuteretur. Tum Rex Barcinonem veniens, bellum Cardonensi, & eius par-  
 tes sequentib. indici curavit, eo prætextu, quòd Cardonensis apud se reciperet, suisque in  
 oppidis defenderet quendā Bertrandum Caneliā, qui immane facinus, & quasi maiesta-  
 tis, cōmiserat, ut qui Rodericum Castelletiolum, præfectum Iustitiæ Aragonū, nulla eius  
 Regiæ quasi dignitatis ratione habita, contrucidarit: atque, quòd magis Rex bello instaret,  
 in oppidum Terraciam migravit: eò confluentes illicò Berengarius Almenara Pro-  
 mager Hospitalis, & Maumolius Castelauius, Regem rogarunt; ut diem Cardonensi,  
 & aliis ad comparandum prorogaret. quod Rex in eorum gratiam, libenter concessit.  
 Verum elapso die, non comparentibus illis, sed diem ex die differentibus, quoad vna  
 cum Ferdinando Sanctio conspirarent; apertè iam tum Petrus Princeps aduersus eos, &  
 Sanctium fratrem bellum suscepit. Tamen interim, noua ex occasione, necesse fuit eo  
 bello supersedere, nuncio allato de obitu Enrici Regis Nauarræ, qui iam iam moritu-  
 rus, Ioannam vnicam filiolum vel bimam, quam ex Roberti Atrebatensis Comitis Lu-  
 douici Francorum Regis fratris, filia susceperat, à Nauarris iurisiurandi religione ob-  
 strictis, Regni hæredem constituerat. Itaque illo mortuo, cum inter Nauarros summa  
 partium contentio in Repub. versaretur, aliis Ioannam Regni hæredem, Regi Castellæ  
 tradendam, aliis in Galliam deducendam, pluribus Regem Aragonum ad Regnum ascen-  
 dendū esse contendentibus. cum igitur tumultuarentur omnes, Regina, ne quid detri-  
 menti Ioanna filia caperet, in Aquitaniā ad Regem Galliar, vna cum illa contendit. Vnde  
 Nauarris in Regiæ ponte (id oppidi nomē est) Conuētus ineuntibus, de pacadis Regni  
 tumultib. acturis Petrus Regis filius Turiasonē cum parte exercitus venit: indeque lega-  
 tos ad conuentus misit, qui renunciarent, Iacobum Regem, id ius, quo Sanctius illorum  
 Rex olim ipsum filium adoptauerat, ac Regnum promiserat, nunc venire repetitum, ac-  
 cedentibus aliis quoque pactis cum Margarita Regina vxore Tibaldi Regis, Sanctii so-  
 roris filii relicta bidua, atque Enrici nuper defuncti matre factis: & ea de causa potissi-  
 mum, quòd Castellanis sæpè Nauarram inuadentibus, ac Reginam, eiusque filium  
 Theobaldum è Regno expellere nitentibus, continuò Iacobus cum exercitu occurreret,  
 ipsosque vna cum Regno strenuè conseruauerit, atq; omni posthabita ratione Alfon-  
 si Castellæ Regis, generi sui: pro defensione Nauarræ, illum semper vi & armis hostiliter  
 repulerit; quique demum pro eis sexaginta millia marcharum argenti impenderit. Nec  
 verò ipsum aliud petere, quàm ut Ioanna Enrici filia Alfonso filio Iacobi nepoti nubat.  
 Quibus auditis, Conuentus cum Petro consenserunt, responderuntque, se duros ope-  
 ram, ut Alfonso Ioannam vorem ducat: quòd si ad eam conditionem adduci illa non  
 possit



posse; cum sit voluntati matris, & potestati Francorum Regis, apud quem versabatur, subiecta; curaturos, ut una ex aliis puellis Enrici Regis ex sorore filiis eidem nubat. Quin & pro defensione Pompelonensis Regni cc. millia marcharum argenti, se ei soluturos sponderunt; atque ex Nauarris proceribus, & primariis Regni, viri plus triginta, præter alios ciuitatum, atque oppidorum Regni legatos, se illic ad ea omnia præstanda, Petro sponsione deuinxerunt. Quæ tamen pacta, inania, atque irrita fuere: quandoquidem, industria interim, & arte Philippi Francorum Regis, apud quem sese Regina, & Ioanna filia receperant, factum est, ut præcipuis Nauarræ arcibus Philippo à Regina traditis, in easque præsidii missis, Ioanna quoque præmaturis nuptiis illius Principi filio traderetur; si-  
10 que paulatim toto Regno potiretur. Vnde Petrus hæc in præsentia premens, atque gratissimam se habere Nauarrorum voluntatem ostendens, abiit in Cataloniam, ut Sanctio fratri, & Cardonensi, aliisque proceribus Catalanis, simul in se, & Regem conspirantibus, occurreret. Sanctius enim in Aragonia coniurationem nobilitatis fecerat, eratque plebi præterea maximè acceptus; cuique se addixerant omnes olim Alfonsi fratris sectatores, qui de Petro malè sentiebant: ac sese illi etiam adiunxerant Cardonensis, aliique Catalani & Aragonenses proceres, quos noua Petri dominatio, ac Regis quoque nimia illius locupletandi, & adaugendi cupiditas, malè habebant. Velle quippe videbatur Rex, ut dicebant, omnes procerum ditiones, & oppida Regno adiungere, ideoque turbari valde omnia cœperant. Quamobrem Petrus aduersus fratrem aperto iam Marte pu-  
20 gnaturus, militares copias coegit, atque ad oppugnanda quædam eius oppida contendit. Quæ quidem Petro Cornelio Aragonensium procerum, ut diximus, potentissimo, qui Sanctii partes accuratè tuebatur, adiutore, se ad defensionem pararunt. Tum Cardonensis, & Vgo Emporitanus Comites, ac pene omnes Cataloniæ proceres, à Regio se subtrahere imperio, ausique sunt Regem, more patriæ, ad certamen prouocare. Sed eos Rex, æquis, ac honestis conditionibus, ad se perducere studebat, ne ad grauiora contra eos supplicia progredi, necesse haberet; haud ignarus, quanta ex eiusmodi dissensionibus incommoda, & rerum perturbationes oriri consueuerint: nihilominus tamen in proposito, susceptoque illi consilio permanserunt. Ac quoniam Catalanorum longe maior in Petrum, quàm in Regem odium & ira erant; Comes Emporitanus Castulonè  
30 oppidum Emporiis proximum, quod habebat, muro, milite, & armis munitissimum, adiit, ibique iunctis cohortibus, cum iis, quas secum attulerat, Figueras oppidum, quod Petrus magno studio colebat, atque eius amplificandi causa, colonos multos conduxerat, oppugnauit, diripuitque, eiusque solo æquata arce, atque vastato agro, tandem oppidum igni succendi iussit, tanta celeritate, ut Regi cum copiis aduentanti Gerundam, iam non fuerit locus ad illud defendendum, neque ad intercipiendum Emporitanum; quod is protinus sese Castulonem recepisset. Porro dum Rex agit Gerundæ, similiter Petrus Berga, aliorum more procerum, illum per litteras ad certamen prouocauit: idem & reliqui fere proceres fecerunt. Nā aut prouocarunt, aut minime se ei adiunxerunt, eratque in maxima rerum perturbatione, & armis vniuersa Catalonia, idemque malum per Aragoniā  
40 longius serpebat. Qua de causa Rex Barcinonem reuersus est, ubi Antistes, & magnus magister Vclensis, qui tum ibi erant, tātis Regni miseriis, atque calamitatibus commoti, summa openixi sunt pacare proceres, & ad rationi consentaneam Regis voluntatem reducere, procurantes denuò, ut quotquot essent controuersæ & dissensiones, sententiā ac iudicio Antistitum, & aliquorum Baronum deciderentur. Id Regi placuit; commisitque præfecto Montalbanensi, atque Vgoni Mataplano, Archidiacono Vrgelitano, ut suo nomine induciæ decē dierum fieret cum Cardonensi, & Berga, eorumque sectatoribus; ut compositioni esset locus. Hæc postquā acta fuere Barcinone, litteræ ex Aragonia ad Regem allatæ significarunt, Aragonias res, perinde ut Catalanias, in maxima esse perturbatione. Nam Sanctius coactis copiis, Petrum fratrem, non minus lædere, quàm sese ab eo defendere nitebatur, ad ipsumque cū milite & armis, confluebant plerique proceres, qui se à Rege  
50 nimium premi querebantur, tanquam fœdisfrago, & legum perturbatore. Ea nota inuri se Rex, ducē, atque autore filio, tulit quàm acerbissimè, fuitque ab eo die omnis ex eius animo paternus amor exhaustus, atque in iustum & debitum odium conuersus. Quamobrem in Aragoniam statim ire decreuit, Conuentus acturus, ut querelis eorum satisfaceret, & antequam ad arma esset ventum, sui cœpti rationem pleno in Conuentu redderet. Sed cū induciarum dies terminaretur, & Cardonensis, aliique proceres audiendi essent, manendum censuit, atque Petro filio illorum celebrationem commisit, volens intra Aragoniæ limites agi illos, ut à conquerentibus iudicio sisti posset. Itaque eodem die, quo induciæ cum Cardonensi factæ sunt, litteras quoque cum mandatis Petro ad Con-



uentus agendos dedit, existimans fore, vt Sanctii, aliorumque querelæ deliberationi Conuentus relinquerentur; sicque omnia pacarentur. Veruntamē res aliter euenit: quādo quidem Sanctius, eiusque sectatores, adeo sese indies à Petro ablegabant, vt nobilem virum quendam Raimundum Andream, Prouincialem, ad Regem miserint, qui nomine Sanctii, Ferrentii, Iordani Pinnani, Simonis Vrræ, Artali Lunæ, & Petri Cornelii procerum, singulas cuiusque querelas proponeret; ipsique propositis, ab eo, eiusque obedientia, & Imperio discederet. Quæ cum Raimundus publicè, multisque astantibus Regi renunciasset, ac nisi satisfaceret, discessionem facturum se, minaretur: post biduum Rex ad ea omnia respondit; se, ab æquo & bono nunquam discessurum; tamen si facile posset eorum querelas omnes sigillatim in vnumquemque reorquere. Verum quoniam illarum caput constituerant, quod in Sanctium filium, cui se omnes addixerant, ipsæ, & Petrus inueherentur; scirent, maxima id Sanctii culpa fieri, eaque tam graui, vt non modo paternum animum à se penitus alienarit; verum etiam fraternum multis modis distraxerit, seque virique hostem, ac perduellem exhibuerit. Proinde, aut iudicio, deliberationique Antistitum, ac probatissimorum Regni virorum starent; aut in armis ius constituerent: se enim ad vtrumque paratum esse, ac neque sibi vnquam defuturum. Hæc à Rege excipiens Raimundus, neque amplius redarguendi copia à Rege data, Cæsaraugustā reuersus, Sanctio, ac suis retulit. Interim Barcinonensēs Antistes, & Velēsis magister, modis omnib. contendebant, vt Antequam Aragoniæ res cum Catalanis commiscerentur, ac malum conduplicaretur, Cardonensis cum Rege concordaret, & controuersia dirimerentur. Cumque Rex Barcinone Tarraconem veniret, vt Alfonso Castellæ Regem, & Reginam filiam venientes exciperet, essetque Villafrancæ, medio in itinere, Raimundus Cardona, Berengarius Puiguerius, alique proceres Cardonensis sectatores, Regem conuenerunt: supplicesque veniam ab eo petierunt: ac, vt arbitros nominaret, qui de mutuis controuersiis iudicarent, obsecrarunt. Annuit Rex; vtque benignitatem ipsius agnoscerent, Tarraconensem, Gerundensem, & Barcinonensem Antistites, & Abbatem Fonfredæ, cum Baronibus Raimundo Moncada, Petro Berga, Gaufrēdo Rocabertino, & Petro Cheralto, illorum amicis, & cognatis, arbitros nominauit. Deinde iter profectus, cum esset Tarracone, de tempore, & loco arbitrii interrogatus, mensem Martium, dum sacrum ieiunium esset, locum verò, Ilerdā ciuitatem, in qua conuentus ea causa indixit, assignauit; vt præsentē Petro filio, sententiā ab arbitris pronunciaretur. Qua causa, pacata tūc fuere omnia in Catalonia. Itaque Rex Alfonso, & filiam Barcinonem deduxit, vbi solennem Christi natalem diem cum eis celebravit. Verum de inopinato aduentu Alfonso sollicitus; ab eoque causas tam inauspicati itineris intelligens, vehementer improbauit. Quas planè, quoniam variæ, ac scitu dignæ sunt, atque, vt veritas rei innotescat, quæ vix potest ex historicis Castellanis magis quam ex nostris comprehendi, non arbitror alienum, eas hic leuiter attingere. Mortuo Federico Imperatore, conuenientibus ad electionem Regis Romanorum Imperii electoribus in Germania, atque variatis sententiis, sese in duas partes diuidentibus, altera Richardum Comitem Cornubianum, fratrem Henrici III. Anglorum Regis elegit; eumque protinus hæc ipsa pars tantum, Aquisgrani, Romanorum Regis diademate coronauit. Ab altera verò parte, Alfonso Castellæ & Legionis, fuit quoque Romanorum Rex renunciatus, qui etiam ex Beatrice matre Philippi Imperatoris filia, ex inclita Ducum Sueniæ stirpe erat oriundus. Vnde vtroque, se pro vero, & legitimo Rege gerente, causasque abunde allegante; mortuo interim Richardo, electores omnes, præter Bohemiæ Regē denudò, haud consulto Alfonso, Rodolphum Comitem Aspurgensem, virum quidē strenuū, atque Imperio dignum, in illius locum suffecerunt, & illicò Aquisgrani similiter coronarunt. Id Alfonso intelligens, Legatos misit Lugdunum, ad Gregorium X. Pont. qui tum in Concilio agebat, cōtra electionem Rodolphi iure acturos; ac etiam eius opem & auctoritatem ad infirmādam illam, suamque confirmādam imploratuos. Verum causis, & rationibus hinc inde agitatīs, à Pont. & Cardinalibus decretum fuit, electionē Rodolphi vltimò ab omnibus, aut à maiori parte electorum probatam, non posse vlla causa infirmari; quod legitima, & canonica ea esset, ideoque priori, tanquam dubiæ, & controuersæ, præferenda. Quare Legatis, re infecta, discedentibus, Gregorius paulò post, Legatum ad Alfonso misit Fredulum Lunellii Priorem, cum mandatis, vt ipsum ab ea postulatione deduceret. quod si discederet, decumam Ecclesiasticorum Castellæ reddituum ad Granatensem gerendum bellum triennio eidem concedendam promitteret. Cui Alfonso parum animaduertens electionem Rodolphi cōsentaneam visam fuisse Pontifici & Cardinalibus, respondit, se facile in sententiā Pont. mansurum, modo sibi, honorisq; suo,



suo, in re tam graui deliberāda, consuleretur: atque hac de causa, se breui, Pontificis con-  
 ueniendi gratia, Mompellerium, aut in alium Prouinciæ locum iturum dixit. Quo solo  
 verbo, ac neque denuò consulto Alfonso, Pontifex matura totius collegii deliberatione,  
 electionem Rodolfi in Concilio approbavit, & confirmavit: atque ad electores Imperii,  
 & electum, diploma confirmationis aureis scriptum literis dedit. Hanc subitā, atq; præ-  
 properam sanctionem Pontificis, Alfonso, se minimè audito, promulgatam fuisse, gra-  
 uiter, & iniquo animo tulit; ac licet occasione, & tempestiuitate amissis, tamen Ponti-  
 ficem adire decreuit: nondum Regni rebus bene compositis, neque proceribus pacatis;  
 cum iam Abeniusephi Miramamolini cum potentissimo exercitu in Bæticam traiectus  
 10 immineret, Alfonsoque leuitatem, animique mobilitatem ille, ad inuadendam Hispa-  
 niam, suam occasionem putaret. Sed relicto tandem Ferdinando maiore natu adhuc  
 adolescente, vniuersorum præfecto, iter, vt diximus, cum Regina ingressus fuit. Cum  
 igitur Iacobus nullis potuisset rationibus Alfonso a proposito detertere, iter prosequi  
 permisit. Erat enim Alfonso consiliis præceps, magisque litterarum scientia inflatus,  
 quàm prudentia, atque moderatione animi præditus: ideoque prudētissimis Iacobi con-  
 siliis nolens acquiescere, præterquam quod nihil à Pontifice consecutus est, penè etiam  
 ridiculus, ac imprudens fuit habitus. Itaque Barcinone profectus, venit Perpinia-  
 num, vbi relictis Regina & filiis, loco, & die à Pontifice præstitutis, in oppidum Bel-  
 cairum Prouinciæ accessit, quò deductus fuit mandato Pontificis, ab Archiepiscopo  
 20 Narbonensi, atque cum pompa comitatus: statimque eò venit Pontifex, qui Alfon-  
 sum excepit honorificentissimè. Vbi cum egisset Alfonso tribus fermè mensibus, neque  
 negotium Imperii confecisset: tria quidem, vel quatuor damna, seu detrimenta propo-  
 suit: quibus reficiendis ac instaurandis Pontificis auxilium implorabat. Primum, vt Du-  
 catus Sueuiæ, qui obitu Conradini, iure sibi obuenerat, quèque Rodolfus electus ocu-  
 pauerat, restitueretur. Alterum, vt ius ad Nauarræ Regnum, quod Philippus Francorum  
 Rex, retēta Ioanna Enrici filia, vsurpauerat, sibi stabiliretur. Tertium, vt Enricus ipsius Al-  
 fonsi frater, què Carolus Siciliæ Princeps tenebat, è custodia & vinculis eriperetur. Po-  
 30 stremum, vt ab eodē Carolo ingens pecuniæ vis sibi debita solueretur. Quorū omnium  
 tanquam à Pontificio alienorum officio, Alfonso nihil retulit. Exquò, re omni infecta,  
 vacuus ac inanis, valde tamē iratus à Pontifice discessit: reuersusque Perpinianum sum-  
 pta Regina, Barcinonem ad Regem remigravit. Vbi tribus & quadraginta diebus com-  
 moratus: accidit sacro Epiphaniæ die, vt Raimundus Penafortius, tertius à beato Domi-  
 nico, eius ordinis generalis Magister, ibidē è vita excesserit. Quo planè viro nullum sum-  
 mæ eruditionis, religionis, ac veteris sanctitatis illustre exēplum in Hispania, tēpora illa  
 tulere. Vt pote qui natione Catalanus, Theologiæ, Canoniciq; iuris peritissimus; tantam  
 apud omnes sui temporis Pontifices auctoritatē habuit, vt à Gregor. IX. eius confessor,  
 ac pœnitentiarius electus fuērit, eiq; iniunctum onus, vt magnū illud Decretalium opus  
 ex variis, innumerabilibusq; voluminibus collectum in vnum conferret. Ac non modò  
 Christianæ libertatis contra Iudæos acerrimum se vindicem præbuit: sed Hæreticorum  
 etiā per totā Hispaniam constantissimus insectator fuit. Cuius etiā sapientissimis cōsiliis  
 40 Rex sæpè vñs, fassus est, in exequendis illis, tum nihil non optime successisse sibi: tum se à  
 malo sapius, quasi diuinitus liberatum fuisse. Demum, qui vt vita enituit per sancta, & in-  
 uiolata: sic postquam ea excessit, probatum fuit, ipsum miraculis claruisse: atque ea de  
 causa dno Tarraconensi Concilia, vt in sanctorum numero referretur, à summis Pont.  
 postulasse. Quod tametsi concessum non fuit, aut in aliud tēpus fortè dilatū; scimus tamē  
 Paulum III. Pont. nostris temporibus, anno M.D.XLII. Dominicanis fratribus Prouinciæ  
 Aragoniæ Apostolica auctoritate permisisse, vt eundem ritu solenni colant. Ad eius igitur  
 cohonestandas exequias, Reges, Regumque filios, & ingentem Principum, atq; pro-  
 cerum multitudinem, cum infinito populo conuenisse, liquidò constat. Iis autem lauda-  
 50 tione, & pompa celebratis iustis, Alfonso & Regina, cum bona Regis gratia in Castellam  
 reuerterunt. Verum postquam Toletum ingressus est Alfonso, iisdem, quibus antea Im-  
 perii, siue Regis Romanorum insignibus, & sigillis fuit vsus; atque eodē titulo, scita, de-  
 creta, ac edicta omnia edi, atque diuulgari mandauit. Inde q; à nonnullis putatum fuit,  
 Toletanam ciuitatē, ac Regnum, tanquā Regnorum caput, pro insigni habuisse Impera-  
 torē in solio sedentē, sceptrōq; & diademate decoratum. Quin & Italiæ, atq; Germaniæ  
 Principib. suis sectatoribus scripsit idē, se, ius suum ad Imperiū obtinendum prosequutu-  
 rum omnino, atq; sui electionē defensurū. Hæc vbi intellexit Pontifex, Archiepiscopo  
 Hispalēsi per literas mādauit, vt Alfonso ab inani, & proterua, tātōq; indigna Rege iacta-  
 tione auocaret: quòd si faceret, cōcessurum se ei decumā Ecclesiasticorū reddituum Ca-



stellæ per sex annos bello Granatensi. Qua concessione Rex omnes in posterum Imperii cogitationes abiecit. Eodē tēpore, cum Iacob⁹ exacta fermē iam ætate esset, ut Petro Principi, quē vnice præ omnibus filiis diligebat, firmā, pacatq; omnia relinqueret, solum ipsum, & Iacobū ex Iolāte legitimo matrimonio procreatos esse declarauit; reliquos verō excludi volens, promissum Terefiæ Vidauriæ matrimonium adimplere noluit. Cumque Pontificio iudicio illud, ut decimo quinto libro ostendimus legitimum, Iolante mortua, haberetur, atque sollicitantibus iisdem Iacobo & Petro ex Terefiā filiis, decretum Regi Barcinonē indiceretur, ab eo Rex, suorum consilio habito, iustissimis, atque necessariis de causis, proque Reipub. bono, eundem Romanū Pont. appellauit; propterea quod declaratis Terefiæ filiis legitimis, perniciosissima sequi posset tot inter fratres discordia, vno quoque iusta, se, vxore natum existimante, ac Regnā patris singulis oportere diuidi, reuolvente: ex qua noua diuisione, quam manifestissima, tristissimaq; sequeretur rerum perturbatio, ac permagna confusio. Ideoque verendum esse, ne Petrus Princeps, Regnorum iam renūciatus successor, populisque ei sacramento addictis, necem in vnumquēque ipsorum machinaretur: aut fortasse, quod conscientia Rex motus, nullum connubiū cum Terefiā reuera intercessisse inueniret, appellatione interposita, rem distulit. Ad insuper neq; rationem eius habuit, quod in testamenti tabulis, quas Mompellerii paucis antē annis, Iolante mortua, obsignauerat, quibus susceptos ex Terefiā filios legitimos deternebat: nisi quod Terefiā, & eius filios, Exericanā, & Aierbiā ditionibus, aliisque oppidis, Pontificis monitu, donans (ut libro sequenti dicemus) de cætero Terefiā in hoc morē gessit, quod nullam sibi amplius fœminam in matrimonium duxit. Posthæc Rex, Ilerdæ, ut promiserat, Catalanorum & Aragonensium Conuentus, ad medium sacrificiū tempus indixit. Ad eos conuenerunt Tarraconensis, Gerundensis, Cæsaraugustanus, & Barcinonensis Antistites, & multi Regnorum proceres, ac Barones regiarū partium, cum Legatis ciuitatum Cæsaraugustæ, Calataiubii, Turolii, Osciæ, & Darocæ. Quod Rex & Petrus conuenientes, se in summa arce collocarunt: nouissimi venerunt Cardonensis, Emporitanus, & Pallariensis Comites, cū Ferdinando Sanctio, Artalo Luna, Petro Cornelio, & aliis horū partes secutis: qui se omnes ab ingressu vrbis continuerant, minimē se tutos à Rege & Petro esse putātes; ideoque in Corbinum oppidulum suburbanum receperunt, ac neq; Regi fidē danti crediderunt. Miserunt autē Legatos ad Conuentum, Guilhermum Castellaulium, & Guillelmum Ragiadellium, qui à Rege poscerent, ut ante omnia restitueret Sanctio, omnia oppida, & pagos, quos ei Petrus abstulerat. Quibus satisfecit Rex, fœdis fragos appellans eos, propterea quod, se promittente, & volente cum illis iure contendere, fide data, tandē Petrum prouocarint, & occupauerint quædā eius oppida, quæ Sanctius penes se retinebat; neq; restituerint: ex quo arbitris in conuentibus declarantibus, non esse legitimā illam procerum exceptionem: atq; illis eōtrā reclamantibus, simulq; superiorem quemuis iudicem appellantibus, conuentus perturbari cœperunt: ipseq; Petrus Princeps cum parte exercitus vrbe excessit, quod existimarit, Sanctiū prius inducias, ac fœdus rupisse; quin etiā damnum suis intulisse; atque nullas secum inducias haberi ratas voluisse. Vnde dimissis conuentibus, Rex etiam suo ac Petri nomine, Cardonensi indixit, ut factas cū eo, eiusq; sociis inducias in posterum infectas haberet, simulq; Petro iussit, ut sese in Aragoniam cum exercitu immitteret, Sanctium, & eius sectatores proceres, vsq; ad internecionē omnium bello persecuturus: constituitq; ut Petrus Iordanus Pina cū parte exercitus in cōfinio vtriusq; Regni collocaretur, ad subitos exorientes motus reprimēdos. Ipse verō Ilerdē manēs, oppidorū cōcilia, & proceres, cū præfinito cuiq; numero militum ad præstitutā diē sibi præstō esse imperauit, bellum contra Cardonensem, & Emporitanum Comites, sed præcipuē cōtra Sanctium filiū, atrox moturus. Neq; defuere interim nonnulli optimates, viriq; boni Ilerdenses, qui Regem à tam immani cœpto, contra Sanctium, rationibus deducere conarentur: obiiicientes; oportere quidē ad custodiam, & defensionē Regnorum, Regum augeri potius, quā imminui filios, & stirpē Regiā dilatarī; ipsosq; aliqua fortassis perfidia distractos, rursus in pristinā cōcordiā reducere. Nā si pater filios disiungat, atq; tam horribili (quod absit) exēplo, discordias inter eos seminet, quid aliud tandē fratres, quā commune in patrem odium concipient? Quid ipso mortuo, iactum semē illud, nisi fratrum cædes, quasi malorum segetem effundet? Proinde desineret in se, non minus quā in suos sequite, ac clementiam, qua semper in externos, etiam hostes, vsus esset, in domesticos exerceret: ut ex horum cōcordia, pax sese in vniuersos diffunderet. Verumenim, Rex cum tam exulcerato esset animo in Sanctium, nihil ei optimatum consilia, neq; monita profuerunt: quin potius eō impēsius mādauit Petro, ut Sanctium, eiusq; sectatorū oppida & pagos oppugnaret, cuncta diriperet,

nemini-



neminique parceret: adeoque celeriter huc illucque discurreret, ut in obsidendis arcibus, nequaquam diutius se vno in loco contineret; ne hostes expectare, sed eludere videretur. Cui etiam iniunxit, ut Mariam matrem Lupi Ferrentii, qui vnus erat ex coniunctissimis, atque amicissimis Sanctii, iuberet sese Cæsaraugustam recipere; eiusque oppidulum Magallonem, apud Quæstorē Regium deponere. Misit quoque literas cum mādatis ad oppida, & ciuitates, ut Petrum, re frumētaria, commeatu, milite, & armis perinde, ac semet iuuarent: nec dici potest, quāto studio, & sollicitudine cœptum prosequi, atque Sāctium, aliosque vlcisci cuperet. Nunquam enim ille hostes inuadens, tam animosē milites in eos cohortatus est, quā fratrem in fratrem pater concitauit; tametsi neque Petro calcaribus ad id esset opus, qui immani & crudeli odio in Sāctium vehementer exardebat. Vnde cum Sanctius cum paucis, castella, & arces suas muniturus reuisceret; rescissetque Petrus illum in arcem Antilionem venturum, centum leuis armaturæ equites in infidiis collocauit; in quas Sanctius incidens, ab eisque elabens, sese in Pomarium, suum castellum proximum, aufugiens recepit. Quō protinus veniens cum exercitu Petrus illud obsedit. Vbi desperante Sanctio, ut refert Asclotius, ac neque qua elaboretur habente; ne tamen se Petro dederet: arma te, inquit armigero, armis meis, meaue defer insignia; atque admissō equo, per medios hostes irruere, teque defendere, quoad ipse habitū pastoris indutus illos eludam. Sed armigero irruente, ac statim capto, Sāctiumque proderē coactō, tandē miser ille, qui nisi prohibuisset flumen Cinga, minimeque pedes fuisset, haud dubiē euasisset; ab insequentibus comprehensus fuit, & ad Petrum deductus. Quem Petrus videre nolens, malensque fratris nece fœdari, quā haberi clemens in impium sui, atque communis patris perduellem, ac proditorem, derepente illius ore folliculo inuoluto, in Cingam demergi ipsum, atque omnino suffocari imperauit. Diuulgata nece, protinus sese Petro vniuersa Sanctii oppida & arces tradidere. Sed miserabilē filii exitum, vbi intellexit Rex, vix est commemorandum, ac neque credibile, nisi Rex ipse suis in Commentariis expressisset; ipsum non modō, ne doluisse quidē; quin potius mirē lætatum fuisse, vsque adeō iusta superante ira, natura victa fuit, atque iniquissima, diutinaque cōspiratione filii, iustissimo quoque odio paternus præponderatus amor. Relictus tamē ex Sanctio fuit puer infans ex Aldoncia Virea vxore, Philippus Fernandus dictus, qui pater hanc hereditatem redditam, atque restitutam postea adiit; ex eaque stirpe, Castorum familia Regia & perillustis propagata fuit. Posthæc Rex, altero præcipuo cōspirationis capite abscisso, ad alterū illicō excindendū properauit: nempe ad Cardonensem, & Emporitanum comites. In namque denuō atque publicē Regē ad pugnam prouocauit. Qua de causa, accepta à Petro, qui in Aragonia manserat, copiarum parte cum iis, quas Iacobus frater in Lampurdanensi comitatu ducebat, atque in obsessiōe Rochæ oppidi ad Emporitanum expectantis, se continebat, cuncta illius oppida & pagos depopulari cœpit, exiēsque Perpiniano copias Barcinone missas recepit, atque oppidum Calbugium obsessurus venit, quod vi captū diripi, atque solo æquari imperauit. Deinde appellere classicula Barcinone, cū altera parte exercitus arcē Rhodæ munitissimā, ad mare sitā, quæ Emporitani erat, cœpit obsidere. At verō Comes in Castulonem oppidum præmunitum, à marique semotum, vna cum Cardonensi, & Berga se recepit. Ad quos protinus, Rege ire parāte, omnesque neruos in hoc bellum intēdente, Comitum consiliū fuit, ne iratū, adeoque male affectum Regē, contumacia in sese magis irritarent: néve in eandē, quā Sanctius, pœnam incurrerent: quare ad ipsum vna omnes Rhodam venere; eique, cui innata semper fuit clementia, & benignitas in supplices, neque denegata vnquā venia petentibus, liberē, ac sine pacto sese dedidere: tātū orantes, ut Conuētus Ilerdæ Catalanis simul & Aragonensibus indiceret, ut de omnibus controuersis componendis, nulla amplius concessa facultate appellandi, ageretur. Id Regi placuit, atque ad consequentem omnium sanctorum diem festum conuentus indixit. Admirabilis profecto, atque inuicta Regis patientia & magnanimitas; ut qui nullis procerum neque tergiuersationibus prouocatus, neque procrastinationibus offensus, tamen cum eisdem, non impetu & armis, sed iure quidem contēdere, eiq; se submittere honestius duxit, donec paulatim eos, de Alfonso nepote Petri filio, successore ad Regna declarando, in suam sententiam pertraxit. Nam Ilerdæ conuenientes ipsi, & reliqui vtriusque Regni proceres, atque Antistites, cum Valentinis, quos secum Rex habebat, tametsi de componendis controuersis plenē actum non fuit; consensere tamē, ut Alfonso (quod summē Rex concupierat) ab Aragonensibus, Catalanis, & Valentinis proceribus, ac etiam Ciuitatibus, legitimus hæres, & ad Regna successor, auo & patre vita functis, haberetur; ad idque tenendum iureiurando sese omnes obstrinxerunt.



# BERNARDINI GOMESII MIEDIS, ARCHIDIACONI SAGVNTINI, DE

VITA ET REBUS GESTIS IACOBI PRIMI REGIS

*Aragonum, cognomento expugnatoris.*

## LIBER XX.



ALFONSO Petri filio, ac nepote Regis, cōmuni Antistitum, procerum-  
que, ac ciuitatum consensu (quod patri, auoq; maximè fuerat in o-  
ptatis) ad Regna successore declarato, eique omnib. sacramento ad-  
dictis, Rex Cardonensem, & alios eiusdem factionis proceres, quod  
supplices inuenisset, non amplius bello laceffere, sed elementia, &  
benignitate, prosequi decreuit. Quamobrem dimissis comitiis, Iler-  
da Barcinonem abiit; ut denuò illis conuocatis, ex æquo & bono  
controuersia omnes iudicarentur, atque in perpetuum dirimerentur. Verum quo  
die ingressus est ciuitatem, nuncius è Castella missus à præfecto Murciensi nun-  
ciauit Abeniusephum Miramamolinum Maurusiorum Regem cum incredibili ex-  
ercitu, quem ex vniuersa ferè Africa coegerat, in Baticam traiecisse, atque vna cum  
Granatensi milite, eam prouinciam vastare cœpisse: ac non ei solum; sed toti Hispa-  
niæ vniuersum, quod fuit olim, inuectum malum, minari. Quin esse, maritima etiam lo-  
ca deserta præfidiis, & mediterranea armis, atque bellico apparatu omnia destituta: nec  
non absentem Alfonso Regem ab Hispania, eiusque absentia, procerum discordias ar-  
dentius inter ipsos, cum maxima Regiarum rerum despicietia & diminutione, reuiuiscere;  
perturbataque cuncta esse, ac, ni occurratur oportune, breui omnia ruitura funditus:  
propterea, quod subacta Batica, certum esset vtrumque omnino hostem quamprimum  
in Murciensem, & Valentinum Regnum conuolaturum. Hæc Rex audiens, etsi non me-  
diocriter contristatus fuit, iniq; ferens Alfonsi generi tam intempestiuam absentiam, vel  
potius ignauiam turpissimam, quæ sola erat, domi forisq; tatorum malorum causa; mini-  
mè tamen despondit animum: sed licet affecta iam, atq; ingrauescente esset ætate, quæ  
mortales tardiores, atque in otium & quietè propensiores reddit; tamen ad hoc suscipi-  
dum bellum, quouis iuvene visus est longè animosior & feruentior: ac vel ex eo, quod  
contra Sarracenos inibatur, ardentius quàm pro ætate, sese ad illud cōparauit, eiq; præ-  
esse decreuit. nec mirū quidem; cum omnem ille ætatem à puero, in armis, atque exerci-  
tatione bellica contriuisset; generosamque iram, quæ addit animum, in hostes semper  
exercuisset; ac tales subinde senes esse soleant, quale cuiusque studium in superiore vita  
fuit. Vnde ad Murciensem præfectum respondit, se, aut illicò ad ipsum venturum, aut  
quàm citissimè Petrum Principem cum vniuersis copiis, subsidio ei missurum. Ipse inter-  
rim Alfonso, ubi esset, per litteras grauissimè increpauit; deque reditu ad suos, atque re-  
parandis rebus vehementer admonuit. Quamquam quo nā ille abierit, quibusvè de cau-  
sis motus, difficillimo, periculossimoque Reipub. tempore Regnum deseruerit, nulla sit  
mentio, neque in historia Regis, neque alibi; quod sciam, nisi quod, ut fama fuit, is, pro-  
pter insolentiā, superbiam, & fastidium, Philippo fratri, ac procerib. Castellæ adeò fuerit  
inensus, ut eorum tentatam sæpè conspirationem metuens, se in aliquam Regni partem,  
aut cœnobium abdiderit; quando abiens, tacitè Ferdinando filio Regnum tradiderit, ut  
otiosus, & omni cura solutus, in Astrorum contemplatione, cui, ut diximus, apprimè fue-  
rat à puero deditus, reliquam vitam traduceret. Ex quo Iacobus ad Ferdinandum nepo-  
tem, Alfonsi filium natu maiorem, qui Burgis agebat, legatum misit, ut etiam ad suscipien-  
dam Regni contra Abeniusephum defensionem adhortaretur: quantoq; maximo posset  
exercitu in Baticam properaret: se enim per Murciensem Regnum contra Granatenses, eius  
belli suasores, simulque auctores, bellum commoturum, ut de diuiso hoste facilius esset  
victoria: quādoquidem multis antea diebus explorata habuisset, tam Abeniusephi, quàm  
Granatensis eius fautoris, ad occupandam Baticam inita consilia, & machinationes, qui-  
bus se, modis omnibus occursurum promissit. Proinde bono esset animo, modo ea omnia  
præpararet. Sed interim tam repentini Abeniusephi aduentus, atque Batici suscipiendi  
belli causa ostendenda est; ut inde Sarracenorum amicitia & fides quàm sit Christia-  
nis habenda semper suspecta, colligatur. Fuerat Abeniusephus multò antea à Grana-  
tensi



tensi Rege clam sollicitatus, ut breui, quantoque posset exercitum, in Baticam traiceret; quod eam ipse, cum multis de causis, tum potissimum occasione absentiae Alfonsi Regis, facile esset occupaturus: ac non modo Baticam, sed vniuersam Hispaniam suorum exemplo maiorem quam gloriosissime debellaturus. Esse enim Baticam praeter absentiam Regis omni quidem praesidio, & armis destitutam, ipsosque Regni proceres, & Regulos, non modo contra Regem coniurasse; sed inter se pugnare; neque cum Ferdinando filio primo nato adolescentulo tyrunculo satis consentire. Se quoque adfuturum ei cum exercitu equitum decem millium; peditum vero triginta millium, recepit. Quin etiam Aragonium Regem non esse extimescendum, tot domesticis suorum bellis implicatum; moturum enim se bellum in Murcienfes, & Valentinos, ut venientem illum distineret; sicque interim facilius Batica a Maurusiis occuparetur. Ea libenter accipiens Abeniusephus, atque tanta laudis occasione gaudens, postquam Granatensibus Legatis, se expeditionem suscepturum dat fidem, meditari quoque coepit, quo pacto melius imparatos Baticos furtim, atque ex improviso adoriretur. Quare diuulgato bello, finxit, se illud habere cum potentissimo Maurusiorum Regulo, qui Cebram urbem munitissimam, & maritimam Regni, e regione Granatensis positam occupaue-  
 rat, sibi que tributa negauerat. Quin & eodem quoque dolo, Legatos ad Iacobum misit, rogatum, ut eius recuperandae urbis gratia, ex nobilitate Aragonensi lectissimo: quingentos leuis armaturae equites ad se mitteret cum classe viginti nauium, offerens, se ducenta millia besantiorum Ceptinorum statim numeraturum; quo citius in armis illi essent, Maurusiamque appellerent. Quod si obfessio ultra annum protraheretur, modo capta urbs esset, missurum ad Regem bissantiū quinquaginta millia, atque ipsos etiam equites, non solum conduplicato stipendio, sed equis, armis, atque preciosissima quaque re oneratos, in Hispaniam remissurum. Praeviderat enim Abeniusephus Iacobum, absente Alfonsi, curam totius defendendae rei, una cum belli mole, esse suscepturum; ideoque amicitiae nomine, classem, & equites ab eo petierat, ut his praecipue occupatis, Iacobi vires ad Alfonsum iuuandam extenuerant. Vnde patefacto dolo, quem Granatensis machinatus fuerat, Iacobus protinus Legatos Abeniusephi, nullo dato responso, toto iussu Regno excedere. Ea re intellecta, Granatensis veritus, ne commoto bello, elapsoque induciarum die, quas cum Malacitano, & Guadicensi praefectis, sibi que aduersariis Alfonsus fecerat, bellum, fauentibus ipsis, contra se suscitaret, cum eisdem praefectis communicato aduentu Abeniusephi, pacem iniit, eisque persuasit, ut tanto freti auxilio, omnes simul cum bellum Alfonsi inferrent; tum Iacobi, si veniret subsidio, tot auxiliariis muniti copiis resisterent. Quibus in sententiam perductis, litteras ad Abeniusephum dedit, rogans maturaret aduentum, daturum se illico Algeziram, & Tarifam, Baticae oppida munitissima, portui, in quem esset descensurus, proxima: nunciauit praeterea, Alfonsum absentem, neque venire, neque expectari; resque bellicas deteriori quam vnquam in statu apud Baticos esse; Iacobi que auxilium, Catalanis nouas res molientibus, indies tardius fieri. Itaque nihil moratus Abeniusephus Herculeum fretum transmisit, atque Algeziram, & Tarifam promissa oppida cepit, tanto cum exercitu, ut, sicuti Castellana refert historia, equitum leuis armaturae decem & septem millium fuerit, peditum vero prope infinitus. venitque Abeniusephus, relicto exercitu Algezirae, cum paucis Malacam, ut eius, atque Guadicensis praefectorum, initam cum Granatae Rege concordiam confirmaret. Inde provinciam inter se diidentes; Abeniusephus versus Hispalim, & eius confinia, Granatenses in Gienenses, & eorum propinqua loca, aciem direxerunt: conuenientes in hoc maxime, ut si Iacobus Murcienfibus subsidio veniret, Granatensis cum praefectis, eius propulsandi partes susciperet. Sed antequam exercitus diuideretur, in provincia immissi simul, agros, & vniuersos pagos misere depopulare, atque vastare cuncta coeperunt. Agebat tunc  
 Cordubae praefectus Nunnius Goncalus Lara, qui ut primum Abeniusephus portum tenuit, Ferdinandum Principem, Burgis consistentem, de repente illius aduentu, cum innumerabili exercitu, certiores fecit; tantaque Maurusiorum multitudine circumfundi Baticam, ab eisque vniuersam vastari; ut ne protinus accurreret, deleri omnia necesse esset. Quamobrem Ferdinandus turbatus; tamen si Iacobi autem litteris & auxilio recreatus, conuocatis totius Regni proceribus, ac conscripto exercitu, Sanctium fratrem cum mediocribus copiis, & magna parte procerum, Cordubam in subsidium Nunnii misit; ipse vero paulo post cum pari exercitu secutus est illum. Sed antequam Sanctius Cordubam venisset, Nunnius tumultuario collecto exercitu, sciens Abeniusephum Astigim urbem (nunc Ecija) petere, sese prius in eam immisit,



& cum magno, & excelso animo esset, non passus, se intra oppidum contineri, hostes  
 aperto in campo, licet numero superiores, aggredi est ausus. Consertis ergo mani-  
 bus, usque adeo à Nunnianis viriliter pugnatum est, ut diu fuerit prælum anceps  
 sed multitudine Abeniusepho superante, Nunnius, & cum eo ducenti quinquaginta  
 equites; peditum quatuor millia simul occubuerunt: ac neque vnus superfuisset, qui tantam  
 renunciasset cladem, ni propinquum oppidum superstites fugientes recepisset. Quo  
 die, si Abeniusephus suos à præda cohibuisset, ac victoriam prosecutus fuisset: haud du-  
 bium, quin tota etiam prouincia in eius deditionem venisset. Sed timor de Ferdinandi,  
 & multorum procerum aduentu, atque à suis accepta plaga, à longis eum excursionibus  
 repressit. Interea Sanctius Iacobi filius Archiepiscopus Toletanus, de quo antea di-  
 ximus, suis quidem sumptibus, magnam militum manum ex Turdetanis coegit, atque  
 vnà cum equitatu Toleti, Madritii, Guadalaiaræ, & Talaueræ, quæ insignia sunt Archie-  
 piscopatus oppida, conscripto, inscius proximæ Larenis Cladis, versus Giennen-  
 sem urbem fuit profectus: in quam etiam venerat Lupus Diazus Pharenis; sicque de-  
 liberatum, ut expectatis focis, simul adorirentur hostes. Verum Archiepiscopus Marto-  
 sii cuiusdam Vclensis ordinis adulationibus irretitus, asserentis Lupum paucos defer-  
 re secum, ac neque esse expectandum, neque amittendam occasionem, qua solus sine  
 Lupogloriosam reportare victoriam de hostibus posset, qui magna facta præda, non lon-  
 gè sparsi, ac turbato ordine incedebant; consilium laudauit, statimque, minimè vocatis  
 exercitus primoribus, sed reliquis, se sequi iussis, ad hostes præcepit, tantaque contentio-  
 ne properauit, ut ne expectatis quidem suis, prælum commiserit. At sarraceni paucos il-  
 los esse, ac turbato venire ordine seque multitudine superare, videntes, in eos impetum  
 clamore solito fecerunt, ac circumactos vndique, breui tam misere deuicerunt; ut ne  
 quidem ex eis euaserit quispiam, quin aut mortuus, aut captus fuerit vnà cum ipso Ar-  
 chiepiscopo. Eo capto, subitus in castris sarracenorum tumultus exortus est, & com-  
 mota seditio, diuiso in duas partes exercitu, quæ de Archiepiscopo contendebant, vtra  
 eum duceret captiuum, Granatenes ne, à quibus captus ille fuit, an Maurusii, qui potio-  
 res in exercitu erant; cumque ex contentione, ut sæpè fit ad arma iam esset conclamatū,  
 Præfectus Malacitanus, animaduersa seditione, quæ omnino in communē totius exer-  
 citus ruinam vertebatur, iratus ad Archiepiscopum accessit, ipsumque telo punico, per-  
 fosso humero, occidit; Absit, inquit, ut pro vno cane tot strenui militares Duces occu-  
 bant; simulque abscisso cervicib. capite, & manu dextra, qua Pontificios annulos gesta-  
 bat, direptis castris, cum victoria & opima præda abierunt. Hac ipsa tempestate Ferdi-  
 nandus Princeps, qui Burgis cum exercitu in Baticam pergebat, audiens Nunniū Laræ  
 & Archiepiscopum auunculum, cum omnibus copiis, in prælio occubuisse, oppidū Vil-  
 læregalis in itinere ingressus est, sequentem expectaturus exercitum, ubi febris correptus,  
 tandem in ipso iuuentutis flore, atque iniquissimo Reipub. tempore, vita excessit, Alfon-  
 sum filium paruulum sucessorem Regni testamento relinquens. Verū Sanctius Ferdinan-  
 di frater germanus, iuuenis strenuus, ac bellicosus, successionē ad se pertinere ratus, Re-  
 gnum occupauit, seseque pro Rege gessit: ac conuocatis Regni primoribus, præsidia cū  
 præfectis, in omnes Baticæ vrbes, & munitiora oppida misit: ipse verò Hispalim venit,  
 ut Regnum sibi stabiliret. Nam Alfonso pater absens, tunc vel obierat, vel ut dictum est,  
 aliqua de causa Regno exulabat; ex quo eius filii liberè de successionē decernebant. At  
 verò Iacobus, auditis prosperis Abeniusephi excursionibus, quibus adiuncto Granaten-  
 si exercitu, bis Castellanos copias cum magna eorum strage fudisset; ac Sanctium filium  
 crudeliter interemisset, & Ferdinandum nepotē vita excessisse, remque omnem prorsus  
 iri perditum; Petro Principi iniunxit, ut protinus cum expedito exercitu mille equitum,  
 & peditum quinque millium, quem Valentia paratum habebat, magnis itineribus  
 in Murcien-tes contenderet, Castellanisque subsidio esset; atque, ut hostes distineret,  
 Granaten- sibus bellum inferreret. Inde discedens Petrus Murciam venit, ubi aucto exerci-  
 tuis, qui in præsidiis erant, Granatense ingressus Regnum, cuncta, in Almeriensi præse-  
 tim, & Malacitano agro, ferro, flammaque vastare coepit. Tunc Granatæ Rex, & Præfe-  
 cti copias suas, quas ad Abeniusephum miserant, redire ad se iusserunt, ut Petro obuiam  
 irent. A quibus subito destitui se videns Abeniusephus, atque intelligens, Sanctium Princi-  
 pem classem mari parare, ut Maurusios traicientes interciperet, & auxilia impediret, di-  
 missis excursionibus, cum omni exercitu Algeziram regressus fuit. Interea Iacobus de  
 interitu Sanctii Archiepiscopi filii charissimi valde dolens, magisque in Abeniuse-  
 phum commotus, nouas quotidie copias cogere, atque expeditionem, se duce, contra  
 sarracenos suscipere promulgauit; quod animaduerneret, Alfonso absente, Castellanis  
 tam ma-



tam malerem gerentibus, non modò Bætica, sed totius Hispaniæ, propugnationis cu-  
 ram ad se vnum deferri: esseque non modò perutile Regnis, sed perquam honorifi-  
 cum & gloriosum, vniuersæ Hispaniæ libertatis, se vindicem, ac custodem fieri. Quid  
 enim sibi profuisse, aiebat, tot tantæque de Sarracenis, superiore vitæ tempore victorias  
 reportasse; per easque sacrosanctam Christi fidem & religionem feliciter tot in locis  
 propagasse; ni iugi, ac sacro quoque in eos bello, paratâ sustentaret: nisi etiam pro at-  
 genda, promouendaque religione, vitam libenter profunderet. Quibus de causis, ac  
 ne inultum relinqueret Archiepiscopi interitum, quem acerbissimè tulerat; animosus  
 us, quàm credi potest, sese ad expeditionem parauit; simulque literas cum man-  
 10 datis dedit, ad vniuersos proceres, & ciuitates suorum Regnorum, auxilium implo-  
 rans; sibi que ad tam necessariam expeditionem, è qua totius Hispaniæ salus, & pro-  
 pugnationis pendebat, cum omni reuadessent, deprecans, atque obnixè rogans, ad proxi-  
 mum Resurrectionis Dominicæ diem festum Valentiam conuenirent. Per id tempus  
 Cæsaraugustæ magnus inter ciues tumultus subito exortus est, & ad arma conclamatum;  
 atque tantus furor populi in Magistratus concitatus, ut in conuentus ad tumultus se-  
 dandos cum fascibus & lictoribus consules ciuitatis, in dicta causa, manus iniecit fuerint  
 à coniuratis, & Aegidius Tarinus primus Consul enecatus. Quod, ut primum Re-  
 gi innotuit, protinus Iustitiæ Aragonum Praefecto mandauit, ut quàm acerbissimè in  
 delinquentes animaduertèret: è quibus ille quicquid potuit comprehendere, capitis  
 20 supplicio damnavit. Similis quoque Valentiae exorta est seditio inter populares; atque  
 ut neque prioris, sic neque huius vlla inuenta causa; præter farorem, & exoptatam  
 populi licentiam; fuit enim cum magistratibus vrbis pessime actum; ipsi vrbis  
 pullis, eorumque domibus euerfis; auctore quodam Michaelè Perezio, magni apud  
 populares nominis. De quibus factus Rex certior, Dertosa Regnum ingressus, duce  
 Petro Fernando filio, persecutus est latroneulos illos; atque vniuersos cum eorum  
 duce Perezio, breui vrbe, ac toto Regno expulit. Eo tempore concurrere ple-  
 rique proceres ad bellum Granatense à Rege conuocati; quibus iussu Regis publice fuit  
 factum hospitium. Cæterum dum Abeniusephi, & Granatensis Regum res prosperæ in  
 Bætica erant; nonnulli Sarraceni Valentini Regni, à Granatensibus sollicitati; quod nul-  
 30 lum vnquam tempus opportunius ad conspirandum habituri essent, coniuratione facta  
 cum Granatensibus, castella, & arces, quæ ab ipsis concessione Regia tenebatur, munire  
 quidem; atque à Christianorum Imperio deficere cœperunt. Id autem Abeniusephi  
 & Granatensis industria factum fuisse creditur: cum habuerint compertum, nisi impe-  
 dito, atque domesticis implicato bellis Iacobo; se, numquam Bætica potituros; ac vel  
 eo maxime, quod initio conspirationis, protinus ex Maurusiis simul & Granatensibus  
 nonnullæ equitum turmae confluerint, quibus indies Valentini conspiratio au-  
 gebatur; ac passim Christiani iter facientes diripiebantur. Sarracenorum præterea vnus,  
 nomine Habraimus, instaurare, munireque cœpit arcem Serrafinestratiam dictam, quæ  
 paulo ante Rex; tanquam noui eiusmodi rebus moliendis opportunam, euertere iusse-  
 40 rat. Primi igitur ex omnibus, qui conspirant, fuere populi Tousenses, atque Alcalanæ,  
 Gallineriæ, & Peguanæ, conuallium; tum & Guadalestani, Confridenses, & Fine-  
 stratienses; antequam ad eos auxiliarii è Granata equites venissent. Post eorum autem  
 aduentum; paulo honestiore de causa conspirant Montesani, & Valladenses, cum  
 aliis nonnullis proximis Setabi populis; serpebatque malum indies: quoniâ Granatenses  
 nouas quotidie copias, arma, & pecunias Valentinis clam suppeditabant; ob quam cau-  
 sam Rex, qui Valentiam venerat, conuocatis primoribus Aragoniæ, Cataloniæ, &  
 Valentiae, præparatoque commeatu, & armamentis, bellum rebellibus indixit; nec  
 non Principem Petrum accersit voluit, qui paulo ante, dimissis præfidiis apud Murcien-  
 ses, in Cataloniam reuersus, bellum cum Emporitano gerebat. Hic Emporitanus, non  
 50 obstante eo bello, relictis suis oppidis milite & armis munitis; cum magna manu mili-  
 tum Valentiam venit, Regi non modo opem laurus; sed de controuersis, quas habebat  
 cum Petro acturus, fuitque propterea Regi vsque adeo gratus eius aduentus, ut illico in  
 Catalonia edici Rex iusserit, ne quispiam Petrum in eo bello contra Emporitanum se-  
 queretur: neque damni quippiam illius agris, & populis inferret; qui secus faceret, capi-  
 te plecteretur. Itaque magno coacto exercitu, atque ab vrbe egredi decernente Rege, ut  
 in rebelles excurreret, plerique ex iis de reconciliatione egerunt. Horum primi fuere  
 Montesani, & Valladenses cum aliis propinquis populis, quibus hoc ipso promissa fuit  
 impunitas, quod statim resipuerunt: quodque non antea rebellauerunt, quàm Granaten-  
 ses, & Maurusii equites Regnum ingressi sunt; quasi tum fuerit iustior rebellionis



occasio. Verum aliis, qui antea conspirauere, nempe Tousensibus, Alcalanis, Gallinera-  
 nis, & aliis quorum supra mentio facta est, non modo negari veniam, sed atrocissimum  
 inferri bellum imperauit. Vnde Valentia profectus, Algeziram venit, vbi intellexit,  
 Tousenses arcem muniuisse, seque in eam propugnandi causa recepisse: ad quos misso  
 centurione cum cohorte militum, vt dederent se Regi, cuius tam nota erat beni-  
 gnitas, atque resipiscenibus ad parcendum procliuitas; illi freri quidem auxilio Alaza-  
 draci, qui Regno fuerat in exilium pulsus, actunc, cum Granatensibus reuersus,  
 quemque iam iam auxilio sibi adfuturum sperabant, responderunt, se non alium, quam  
 Granatensem, & Abeniusephum Reges tanquam veros dominos habere; Iacobum  
 quidem virum bonum, non tamen sarracenorum proprium, ac verum Regem esse. Igi-  
 tur reuersus Centurio, renunciato responso, adiecit, se non arcis munitione, sed auxilia-  
 lium accursu impeditum abstinuisse ab illius oppugnatione. Tum Rex Algezira Setabim  
 venit, vt præsidiarios milites, qui per arces & Castella distributi erant, sua præsentia  
 recrearet, eisque animum adderet. Inde verò partem equitatus Alcodium, & Cocenta-  
 niam insignia Contestaniæ oppida misit, vt subsidio illis essent contra ducetos quinquaginta  
 leuis armaturæ equites Granatenses, quos ad oppugnandum Alcodium venisse  
 intellexerat. Nec mora, insidiis non longè ab oppido collocatis, duce Alazadraco,  
 oppidum oppugnare ausi, cum graui iactura repulsi sunt, atque eorum strenuus dux A-  
 lazadracus sagittæ ictu interemptus: qui tamen non diu inultus relictus est. nam sarrace-  
 nis abeuntibus, atque cum eiulatu maximo humeris cadauer efferentibus, Alcodiani  
 elati victoria ex oppido proruperunt, illosque imprudenter, ac turbato ordine insequen-  
 tes in eorum insidias inciderunt; à quibus ferè omnes trucidati sunt. Magna igitur sur-  
 gente fama de tam aduerso Alcodianorū successu, arte & industria Granatensium con-  
 secuto, animosiores effecti sarraceni, castella & arces Christianorum aliquot oppugnare  
 tentauerunt. Cum igitur indies malum ingrauesceret, ac cresceret conspiratio, Rex  
 in urbem reuersus, denuò procures, qui iure beneficiario illum in eo sequi bello, atque in  
 præsidiis esse tenebantur, conuocari iussit. Quorum primi conuenere, Garcias Orti-  
 zius Assagra Albarrazini dominus, tum & Promagister Templariorum (quem Asclotius  
 in sua historia, Petrum Moncadam fuisse asserit) cum nonnullis cohortibus, vbi eum  
 intellexissent venisse sarracenorum mille pedites in campū Lyriæ, decimo ab urbemil-  
 liario, vt excursiones in occurrentes pagos facerent; protinus Templarius, & Garcias,  
 sumptis centum & viginti equitibus, ad eos urbem exierunt: quos tam strenuè ac fortiter  
 aggressi sunt, viriliterque cum eis dimicarunt, vt ex ipsis ducentos & quinquaginta oc-  
 ciderint, reliquos, paucis captis, ad vnum profligauerint; vno tantum armigero ex nostris  
 desiderato, & quinque equis occisis. Interim Rege Setabim reuertente, auditum est  
 plures sarracenos equites præterisse proximam Albaidensem vallem, ireque subsidio  
 Beniopanis, quos numero duorum millium Petrus Ferdinandus Regis filius obse-  
 sos tenebat. Verum Ferdinandus cum esset excelsio animo, atque viribus, & paterna  
 magnanimitate præstaret, hostes tanta celeritate præuenit, vt planè antequam Beniopa-  
 ni munire possent arcem, atque subsidiarios recipere, arcem ipsam expugnauerit, oppi-  
 dum intrauerit, cunctosque internecione deleuerit. Vnde equites, qui subsidio ve-  
 nerant, de expugnatione facti certiores, in Lucentum Christianorum oppidum de-  
 flectentes, illud ceperunt, ac diripuerunt. Tum Rex qui Algezira Setabim venerat,  
 ira commotus, quanquam effæto iam esset ob senectutem corpore, viribusque defi-  
 cientibus, prægrauis quodam morbo, è quo vix adhuc conualuerat; tamen hostes  
 insequi decreuit cum equestribus simul & pedestribus copiis, quas secum habebat.  
 Sed Hospitalario promagistro, & Ortizio, ac etiam Oscensi Episcopo, impense illum  
 obsecrantibus, ne urbem exiret, tot, tantisque fractus laboribus, atque recenti ægritudine  
 conflictatus; neuè in manus desperatorum hostium se dederet; totiusque Regni sa-  
 lutem cum propria amitteret; tamen illius cursum retardare non potuerunt. Cumque  
 iterum reluctantem illum reprimerent, ac se in hostes inuolatu promitterent, si domi  
 se contineret, finaliter, ipsum deserturos affirmarent; se, vel solum illos aggressurum,  
 dicebat: quoad tandem, tum medicis nouum quoque morbum ex tam æstuosa via, &  
 caniculæ tempore, prænunciantibus: tum Theologis, & Antistitibus, ni tam euidentis  
 vitæ discrimen effugeret, æternas poenas comminantibus; tum demum reliquis religio-  
 sis viris cum vniuerso populo collachrymantibus, atque ipsius conatum impedire niten-  
 tibus, in urbem moestus, atque sollicitus remansit. Illi vero turbato ordine, nimioque fa-  
 tigati calore & æstu, Lucentum peruenerunt. Quibus occurrentes hostes, visi sunt nu-  
 merum quingentorum equitum, & trium millium peditum, satis bene extructorum  
 explere.



explere. In quos subito irruentes nostri, tametsi diu anceps pugna fuit, tamen augesciente hostium numero & multitudine, ex concurrentibus vndique sarracenis, victi, fugatique fuerunt, mortuo Ortizio, & filio Bernardi Entensæ, cum maiori parte equitatus. Tam ingens etiam afflixit clades Setabitanos, qui, ut continerent Regem, similiter incautè, ac turbato quoque ordine ex oppido in hostes irruerunt, ut, referente Marsilio, proverbio fuerit trito vulgatum Setabitanis, Martis infestus ille dies. Fuereque in eo prælio capti, cum multi equites pernobiles, tum Hospitalis promagister, qui in arcem Biarri, quæ tum fuerat auxilio Granatensium equitum ab oppidanis recuperata, in custodiâ missus: tametsi protinus à sarraceno trās fuga, qui multo tēpore sub Rege militauerat, mireq; colebat promagistrū, liberatus fuit: ac paulo post, mortuo Rege, ad Petrum Principē reuersus. Igitur tantæ cladis audito nuncio vehementer conturbatus Rex fuit, eoque grauius rem tulit, quod rescivit suos, neque seruato ordine, neque coniunctis viribus, neque satis exploratis hostium consiliis, in eos irruisse. Itaque paucis post diebus Petrus Princeps cum nonnullis proceribus ad Regem venit, cui illicò exercitum Rex tradidit, ut in præsidia arcium, & oppidorum, maximè verò Murcienfi Regno confinium, distribueret: quandoquidem, aut quia Abeniusephus in Algeziram, ut diximus, redierat, aut quia Castellani sese iam contra Abeniusephum erexerant, & Granatenses opprēsserant, euanuere equites illi exteri, qui Regnum infestabant. Sed angore animi, agitationeque corporis conflictatus Rex in morbum incidit grauissimum, à medicis multò ante denunciatum. Quamobrem Setabi, quam ille urbem magnopere coluit, profectus, venit Algeziram; ubi, ingrauescente morbo, peccata sua meditatus, profusis lachrymis, intimoque animi affectu dolens, Antistiti ac religiosi viris aperuit; moxque sacrosanctum Christi corpus sumpsit. Sed medicis, post multa adhibita remedia, omnino de ipsius vita desperantibus, Petrum accersiiussit, cuius aduentu, & præsentia non mediocriter recreatus, insequenti die, sacro religiosissimè audito, præsentibus Antistitibus, & qui tum aderant, Regnorum proceribus, ipsum cum primis admonuit, ut animo, atque oculis perpenderet, summa & immensa beneficia, quæ diuina bonitas sibi Regi tota vitæ periodo contulisset: cum & sexaginta, ac eo plus, annos regnauisset; & nullas non ex hostibus victorias cum summa Christi laude reportasset: maiores sanè se reportaturum speraret, si tria potissimum semper secum animo versaret; Primum, si Deum tota mente timeret; ei que se, suaque omnia toto pectore commendaret. Alterum, si populos in officio & concordia contineret, ex quibus Regnorum non modò incolumitas sequitur, sed incrementum & amplificatio: huc enim Regum tota refertur foelicitas. Tertium, si fraternali concordie vinculum cum Iacobo vterino fratre retineret. Iccirco enim ei secundo loco Balearicum Regnū cum adiacentibus Insulis, atque Mompelleriensem & Perpiniensem ditiones suis Regnis propinquas, se contribuisse ut fraternali iunctis viribus, non modo omnibus territoriis esse ambo; sed concordibus inter se animis, maiora moliri, ac totam Lybiæ oram debellare possent. Adiecit deinde, nihil fore, neque Christo acceptius, neque sibi gratius, neque Regno, & Regibus tutius, quàm sarracenos cunctos è Regno expellere: quod iidem usq; adeò natura impii, ac Christianorum perpetui & intestini hostes sint; ut nulla vnquam cum Christianis deuinciri pace possint: ac neque precibus, neque humanitate flecti, ut in Christum dominum animo firmo, atque fideli sint; sed infido, & ab eo semper auerso. Adhæc Oscensem Episcopum, quem à puero domi aluerat, & tanquam moribus, ingenio, & consilio præstantem, magnum Regni Cancellarium constituerat, necnon Sacristam Ilerdensensem, eius fratrem, & Vgonem Mataplaniū Archidiaconum Virgilitanum, viros consilii Regii probatissimos, ac fidelissimos, eidem plurimum commendatos haberi voluit, vna cum antiquis Aulæ Regiæ alumniis, quos reliquis omnibus præferri iussit. Demum cauens omnino, si eo morbo decederet, ne extra Regnum efferretur, ne scilicet eius cohonestadi funeris causa, Petrus Princeps bellum intermitteret; sicque, eo absente, augendæ conspirationis noua daretur occasio statuit, ut si mors ipsum Algeziræ occuparet, in Aede Virginis, quam ipse ibi exædificari curauerat: si Valentiz, in templo maximo, cadauer deponeretur, quoad finito bello, in cœnobium Populetanum deferretur. Hæc cum dixisset, ab humanis rebus omnibus se abdicare volens, Regnum liberè absoluteque Petro concessit: ipse vero monachalem vestem Cisterciensis ordinis suscepit, animo abeundi in cœnobium, ibique, & profitendi religionem, & quod reliquum esset vitæ, Deo, atque cœlestium contemplationi impendendi. Itaque Petrus, ut patri morem gereret, ad extrema Regni versus Murcienfes perrexit; Rex verò Valentiam progressus fuit, quò simulac peruenit, testamentum obsignatum Episcopo



Valentino, postquam ille vita functus esset resignandum, tradidit. Sed ex vi morbi, cum iam vox, viresque deficerent, se totum Christo & Virgini matri commédans, ac cœlestia suspiciens, vitam Deo reddidit, vii. Idus Iulii, anno Christianæ salutis M. cc. lxxvi. ætatis verò suæ lxxviii. cui iusta & exequiæ mediocri pompa, & ceremoniis redditæ fuere, ob Petri & Iacobi, aliorumque filiorum absentiam: nullus quippe ex eis obeunti patri adfuit, sed exemplo Petri vnusquisque abiit in præsidia. Cadaver autem in templo maximo deponi iussum est, quoad Populetum cum magna pompa, Regioque more defetretur. Eo mortuo, fuere illicò recitata tabulæ testamenti, quod ipse Mompellerii, ad vii. Calendas Septembris fecerat ante annos quatuor, suæque manu & sigillo obsignauerat. In quo donationes, Regnorumque diuisiones, Petro & Iacobo legitimis ex Iolantetanquam iusta vxore filiis factas, approbavit. Iacobum & Petrum ex Terefia Vidauria filios ante Iolantem susceptos, eodem testamento legitimos declarauit; quorum natu maiore, Exericano oppido & arce, cum vniuersa eius ditione ac territorio in Valentino Regno; minorem verò, Aierbio oppido cum eius quoque arce, aliisque oppidis in Aragonum Regno donauit: ea conditione, vt alterutri sine liberis decedenti superstes succederet, vtroque autem orbatolibris, amborum oppida, arces, & ditiones, Regno adiungerentur: necnon Petro, & Iacobo prioribus, sine filiis decedentibus, illos ad Regna vocari, atque omnino fœminis, etiam ex Iolante natis, præferri voluit. Tamen post conditum testamentum, Terefiæ matrimonium, vt antecedenti libro diximus, grauissimis de causis irritum habuerit. Alios etiam filios non iusta vxore natos suscepit, Fernandum Sanctium ex Antilonia, miserè in profluentem proiectum, qui domo vna cum ditione Castrensi in Aragonia fuerat à Rege donatus, ab eaque eius filius Philippus Fernandus, & successores nuncupati. Tum & Sanctium Archiepiscopum Toletanum: vltimum, Petrum Fernandum ex nobilissima Aragonensi fœmina Berengaria Fernandia dicta, altera scilicet, ab illa Berengaria Alfonsi domini Molinæ filia, quam Rex etsi habuit charissimam, nullos tamen ex ea filios procreauit. Fuit autem Ferdinando ditio, siue Baronia Yxarenfis in Regno Aragoniæ cōdonata, ab eaque ipse, eiusq; hucusque Regio conseruato stemmate, hæredes ac successores Belcitano post aucti Comitatu, denominati. Item filias quatuor ex Iolante habuit, quarū natu maxima Alfonso Castellæ Regi nupsit; altera Constantia, Manueli ipsius Alfonsi fratri germano: tertia Isabella, Philippo Regi Galliarum, quarta Maria, quæ religionis septa est ingressa. Quarum filios, prioribus quatuor natis prole carentibus, ad successionem vocari voluit. Denique omnibus modis prohibuit, ne vlllo vnquam tempore fœmina in Regna succederet. Vnde colligitur, annumeratis fœminis, ac etiam Alfonso primo nato ex Leonora priore vxore, Regem tredecim progenuisse filios, qui penè omnes, non modo Regnis amplissimisque ditionibus ab eo ditati fuere: sed generosissimo eius cum sati sanguine, tum exemplo, atque virtutibus imbuti, tanto quidem progenitore digni euasere. Cuius planè herois animum tot stipatum benefactis, totque pietatis, ac religionis defunctū muneribus, sicuti ex corporis vinculis, tanquam ex carcere euolantem, cœlestis (vt credi par est) excepit gloria: ita dimissam quoque vitam inclytam, viuorum memoria, in qua est vita mortuorum, retinebit in omne æuum sempiternam: cum ali quidem hæc possit, sustentarique quam facillimè, tot, tantarumque admiratione, atq; contemplatione virtutum, quot, quantasq; ex præclarissimis ipsiusmet Regis factis nunc erit colligere. Quāobrem vt extremum iam habeat historia, & aliquando peroremus, atque vniuersis demum Regibus, dominisque terrarum, qui Reipub. ac summis præsunt Imperiis, non magni modo Principis, ac Imperatoris; sed etiam optimi, persanctique viri imaginem, tanquam in speculo contemplandam, imitandamque proponamus, heroica ipsius facta, ac præcipuas, quibus eximiè præstitit, virtutes breuiter in hanc summam referemus. Pietatem enim ac religionem, quæ omnium sunt fundamenta virtutum, si in primis intueamur, habemus quidem contestatas ipsas, non solum singulari illius studio, quo se totum defendendæ religioni dedit: sed confirmatas etiam ex ædificatione bis mille templorum, quæ in expugnatis à se sarracenorum Regnis erigi, exornarique curauit. Si magnanimi tatem spectemus; ab ipsa prope infantia Regiæ maiestatis personam, cum Imperatoria belli administratione grauissimè sustinuit. Si consilium in decernendo; nemo ipso attentius alienum adhibuit: proprii autem exitus nullius extitit felicior. Si prudentiam; ex tam consideratis eius actionibus, ac æquabilitate vniuersæ vitæ, summam in eo fuisse deprehendimus. Si Reipub. administrationem; qui leges cōposuit, scita sanciuir, ac iussa populis descripsit, à consentanea rationi ac legibus administratione discedere, qui potuit? Si vero prouidentiam, summamque in bello diligentiam perpendamus: quam.



quamquam mirè quidem incredibilem in praeueniendo hoste celeritatem suspicimus, minime tamen maturitatem in deliberando desideramus. Quod si de admirabili illius temperatione, figura, & sanitate corporis agamus; nemo ipso inuentus est, suis in Regnis, neque statura procerior, neque habitudine praestantior, neque membrorum robore firmior, non denique valentior, sanior, atque speciosior. Oris enim venustate alliciebat cunctos, maiestate conterrebat, comitate verò & affabilitate deuinciebat: eaque insuper salubritate fruebatur, ut vitam prope indolentem transegerit: agrotasse siquidem nunquam, nisi appropinquante obitu, visus fuit. Quin tanta etiam modestia, & temperantia praeditus erat, ut Regum nullus in cibo & potu fuerit illo parcior; nullus in voluptates delapsus temperantior; atque in dictorum simul & factorum moderatione nullus circumspectior.

10 Adhuc, si ad fortitudinem, & armorum tractationem, unde expugnatoris cognomen tum adeptus est, deueniamus; quem triginta contra sarracenos praeliis interfuisse, praefuisse, ac vicisse comperimus, num clarissimae fortitudinis, reliquarumve virtutum bellicarum expertem iudicabimus? Aut cum etiam, qui nihil non magnum aggressus est, ac neque vnquam ab incepto destitit, sed voti semper compos euasit, inconstantem dicemus? Verum neque à clemente seiungemus, propterea quòd in vnum dumtaxat impium, aetotum, & conspirantem filium, iuste se praebuit acerbum; cum in reliquos omnino homines, & populos, praesertim supplices, semper mansuetus fuerit, ac perbenignus. His adde humanitatem, qua virtute excelluit tantoperè, ut nunquam insolens ac superbus; sed omnibus

20 facilis ac indulgens, atque cum grauitate semper extiterit humanissimus. Iam vero liberalitas & magnificentia debita Regibus virtutes, ab eo ne abesse poterat, qui nihil ferè sibi in expugnationibus retinuit, omnia diuisit, cunctos locupletauit? Patientiam, cum ubi oportuit, semper habuit; tum incredibilem cum Sanctio & Ferdinando patris, perpetuis suis æmulis, atque insidiatoribus sustinuit. At, si veram eius in amicos fidem, constantiamque promissorum in hostes, consideremus; eximia in utrosque, pluraque, tum officia, tum grati animi beneficia contulit. Ac si iustitiam & misericordiam, praecipuas principum virtutes, adiungamus; vtramque sic coluit, ut per eas, nullus neque magis amandus, neque magis timendus Rex fuerit: ex quibus maior illum, quam quemquam Regum consecuta fuit felicitas; cum & annis plus sexaginta regnauerit; & posteris non modo duplo maiora

30 quàm acceperat, pacata Regna reliquerit: sed ea etià quae postea apud exteras gentes, & terras ultimas, ab eisdem adepta sunt, illi vni accepta ipsi referre debuerint. Totius. n. Hispaniæ Imperii fundamenta posuisse illū, cum ex historiis, Regumque Annalibus compertum est, tum in ipsa operis praefatione satis superque à nobis probatum. Quod si tandem non minor est virtus, quam quærere, parta tueri; quid nobis, quæ so, felicius? quid illi etià gloriosius? quàm, ne vnum quidem palmum, quod dici solet, terræ; quam semel cepit, atque in ea pedem posuit, amisisse vnquam? quinimò suis successoribus Regna usque adeo fixa tradidisse; ut ea, diuino munere, post tot sæcula, in hunc usque diem, tanquàm sacra recta, & summa cum religione Christi firmata, & magna cum Regum gloria

conseruata videamus?

LAUS DEO.

Tomus III.

Bbb



ARAGONENSIVM  
RERVVM COMMENTARIIV.  
HIERONYMO BLANCA,  
CÆSARAVGVSTANO, HISTORICO  
REGNI, AVCTORE.

*Omnia S. R. E. animaduersioni subiecta sunt.*



Anno M D C V.



APPROBATIO DOCTORIS  
DIEGI MONREALII, CANONICI  
CÆSARAVGVSTANI.

**I**LLVSTRISSIMVS, ac Reuerendissimus Dominus, D. ANDREAS BOVADILLA, & Cabrera, Dei & Apostolica Sedis gratia Archiepiscopus Cæsaraugustanus, hosce Aragonensium nostrarum rerum Commentarios à Hieronymo de Blancas Cæsaraugustano, nostri Aragonii Regni Historico, conscriptos, mihi pernotandos delegauit Quos ego dum accuratè perlegi, nihil sanè in eis comperi Catholicæ nostræ Fidei contrarium, aut quod bonis Ecclesiæ moribus aduerfetur; imo eos esse multiplici, & varia tum antiquarum, tum recentiorum nostrarum rerum Historica eruditione refertos: quodq; laudè dignissimum est, in eis concinnandis auctorem ipsum quamplurima, iam pœne nimia vetustate sepulta, incredibili sua diligentia fuscitasse. Quapropter dignos esse, vt prælo mandentur, censeo. Nam dum de magno, & integerrimo nostro Magistratu, quem Iustitiam Aragonum appellamus, scribere instituit, sic vniuersarum nostrarum rerum summam, graui quidem, ac præstanti loquendi stylo, complexus est, ac res ipsas nedum linguæ venustate, sed quod caput est, & ipsa historiæ veritate illustrauit; vt Opus hoc, tot ante sæculis desideratum, non sine magna nostrorum omnium gloria his temporibus in lucem editum statuamus. Cæsaraugustæ, Id. April. Ann. Chr. ∞ D LXXXVIII.

Doctor DIEGVS MONREALIVS.

METROPOLITANI CÆ-  
SARAVGVSTANI AVCTORITAS  
EDITIONIS.

**N**Os Andreas Bouadilla, & Cabrera, Dei & Apostolica Sedis gratia Archiepiscopus Cæsaraugustanus, Maiestatis Regiæ Consiliarius: Cum hi Aragonensium rerum Commentarii, à Hieronymo Blanca conscripti, nihil contineant, quod aut Catholicæ Fidei aduerfetur, aut piorum aures offendere possit, quemadmodum ex superiori censura Doctoris DIEGI MONREALII, nostræ Metropolitanæ Ecclesiæ Canonici, cui obseruandos commisimus, apparet: Iccirco eidem Hieronymo Blanca, vt eos in nostra hac Diœcesi edere possit, ac editos venundare, auctoritate ordinaria, qua fungimur in hac parte, iuxta Sacrosancti Concilii Tridentini decretum, tenore præsentium licentiam concedimus, & impartimur. Volumus autem: vt priusquam in vulgus exeant, cum ipso Archetypo conferantur. Dat. Cæsaraugustæ, Kal. Maii Ann. Chr. ∞ DXXXCVIII.

A. Archiepiscopus Cæsaraugustanus.

De amplitudinis fux mandato

IO. CRESPO Secretarius.

Tomus III.

Bbb





# D. BERNARDINO GOMEZIO MIEDI, ALBARRAZINENSI EPISCO-

PO; & GASP. SEBASTIANO Arroytæ, Canonico, & Sacristæ Turolenfi: D. FERD. Gurreæ Aragonio, Villæformosæ Duci, ac Comiti Ripacurtiæ, & D. FRANC. Lacaualleriæ Aragonio: FRANC. Vaguerio: & TRIST. Munnozio Pamplonæ: PETR. LVD. MARTINIO Cenedo, I. V. D. Cæsaraugustano ciui; & STEPH. CROSTANIO, municipi Montionensi,

## VIII VIRIS

ARAGONVM REGNI DEPUTATIS

HIERON. BLANCAS, Cæsaraugustanus,  
eiusdem Regni Historicus.



VM præclara multa, Patres amplissimi, à maioribus nostris inuenta, atq; instituta sunt ad ornandam nostrâ Rempub. opportuna: tum præclarum nimis mihi illud saepe videri solet, quod in Comitibus Ann. M. D. XXXXVII. de nostrarum rerum scribenda Historia; sancitum fuit: & præclarus id etiam, quod istius onus officii, curamq; & cogitationē SVRITA noster suæ eruditionis dignissimam suscepisset. Ad gloriæ namq; immortalitatem optatius nihil accidere potuit, quàm ut tam gloriosis veterum factis, quæ nobis hæc, qua fruimur, pepererunt dignitatem, & otium, tam clari hominis preconium non deesset: ut illud Hectoris apud Nævium admodum scitum est: qui solam eam incundam sibi laudem statuebat, quæ ab iis proficiscebatur, qui ipsi in laude vixerunt. Sic iam videmus Aragoni nominis gloriæ à diuturno, & magno silentio vindicatam, neque vindicatam solum, sed laudatam etiam à laudato viro, nobiscum patriæ iure, ac vitæ societate coniuncto; ut inde quoq; honos, neq; levis, ipsi rebus adiungatur. Sed ita nobis natura comparatum est, nihil ut difficilior sit, quàm omnibus omnium studiis satisfacere. Idque tum in aliorum, cum in ipsius Svirite monumentis perspexi. Etenim cum ille profuscepto munere tam ornate res nostras: utraque lingua persequutus fuerit, ut ad veterum scriptorum laudem perveniret: aliquibus tamen visum est, eum peranguste adeo nonnulla retulisse, non ut facile intelligatur, quid dicat. Fuisse præterea ab eo male posita rerum initia; tenuiterque satis locum illum de Magistratus iustitiæ Aragonum institutione tractatum: de quo, cum sit vinculum nostræ Reipub. ac domesticæ, & civis concordie fundamentum, non tam ieiuniter, & parcè, multoq; minus ambigè, iam scribi oportebat. Mihi verò sic videtur in omni Historia curiosus, ut neminem de iis, qui peritissimi fuere, eidem antepo-  
non



non potuit. Quæ tandem caussa me impulit, ut ad eadem ipsa, quæ ab eo scripta sunt, aggrederer hac spe, non ut omnia copiose scriberem, sed ut leuiter unumquodq; tangerem; sic tamen ut sub uno aspectu, si fieri posset, omnem nostrarum rerum memoriam proponerem: magnum equidem opus, & arduum: sed ingredienti mihi considerandum fuit, postea quocumq; ferar, danda nimirum vela iudicauit. Neq; enim Aristotelem in Philosophia deterruit à scribendo summa illa Platonis amplitudo; nec Aristoteles ipse restinxit eorum, qui post eum sequuti sunt, studia, quominus quisq; quò progredi, aut quid posset efficere, experiretur. Ita mihi nequaquam duxi infringendam spem, quin tamen si Suritam imitari, aut consequi non possem in scribendo; attamen quæ ille omisit, liceret mihi persequi deinceps; ac si non parè, eum saltem tenerem cursum, quem possem. In primis autem cum superioribus annis quosdam de Iustitiis Aragonum Fastos edidissem, singula tantum eorum nomina, nudamq; annorum seriem complectentes; eos nunc decreui plenioribus hisce Commentariis illustrandos: ut qui primum nudi, atque inornati propositi fuerant, tantum ut essent beneuolentia mea erga patriam obsides: nunc quasi vestiti, & compti habeant ornamenta, quæ sint, fidei, ac diligentia testes: sicq; planè, quod tunc fueramus polliciti, prestaremus. Et verò præter id, quod de ipsius Magistratus institutione, & origine, deq; singulis Iustitiis, tanquam instituti nostri precipuum, scribere opus fuit: breuem etiam decreui de nostris Regibus Historiam intexere, ut eorum numerum, ac seriem, fortasse adhuc non satis intellectam, indicarem. Præterea de Optimatibus patriciis, & Palatinis hominibus, quos Ricos homines, & Mesnarios vocamus, non nulla proferre, quæ vetustatis caligine oppressa iacuerunt; tum de familiis, & clypeis eorundem: de numero, & ordine Iustitiæ Aragonum Officiū administrantium: de Comitibus nostris: de antiquis nominibus, & Magistratibus: ac demū locos alios perstringere de tota nostra antiquitate uberiores; ut omnibus hisce rebus adumbratis, facilius ipsius Magistratus originis, & progressus ratio notaretur: præsertim cum his de rebus multa, de quibus hætenus nemo scripserat, nec tam facile erat, unde sciri possent, in veteribus monumentis comperissem, quæ ab exteris peti non poterant, & nisi multorum sapientiam admirarer, etiam, ut suspicor, nec à nostris quidem. Quæ cum ita sint, non possum non vehementer eorū consiliū, ac factū approbare, qui censuerunt Opus hoc, minimè, Commentarios in Fastos de Iustitiis Aragonum, quem admodum initio constitueram; sed potius, Aragonensium rerum Commentarios, inscribendū: quod plura in se contineat, quàm quæ priori illi æquè subiici posse viderentur inscriptioni. Neq; verò hæc ideo Latine scripsi, quasi ea crediderim futura esse gratiora, quàm si quotidiano, ac vulgari sermone scriberentur. Video enim plerosq; etiam Latine lingue peritos, malle suam in Hispanis legendis operam cōsumere, cum alioquin tam delicati fastidii sint, ut non solum ad pertractandas res serias inopem nostram linguam arbitrentur, sed in vulgaribus fabellis, nisi quæ sint expressa de Latinis, penitus contemnant, & despiciant. Verumtamen grauiora hæc duxi, deq; eis scribi ea siquidem lingua oportere, cuius aliis gentibus peruulgata, & communis notitia sit. Qui autem Hispanè hæc scribi voluissent magis; æqui esse debent, cum Hispanè satis multa ab eodē Surita scripta sint, & scribentur hæc eadem fortasse, si vita suppeditabit, à nobis: tamen si aliis id ipsum de meo munere libenter concedam. Fateor enim me eorum similem esse non posse, qui vulgari sermone de magnis rebus perquam eleganter nulla arte adhibita scripserunt. Atqui dum Latine scribere decreui; nostrorum Magistratuum nomina nō censui mutanda, neq; ad Romanorum similitudinem transferenda: sed omnino ea retinenda esse, quibus suo quæq; proprio, & certo vocabulo appellanda maiores ipsi nostri censuere. Ideoq; arbitratus sum, Latine etiam loquendo, Gubernatorem, Iustitiā Ara-



gonum, Deputatos, Zalmetinam, Iuratos, Locumtenētes, aliosq; istiusmodi Magistratus nostros, iisdem ipsis nominibus, quibus quotidianis verbis efferuntur, appellare fas esse; nempe ut vocabula hæc, Latina quamquam nō sint, & apud Latinos veteres scriptores non existent, cum neq; exstare possint, iam Latina usu reddantur, fiantq; ea tractando usitatiora. Non enim dum, Iustitiam Aragonū, Præfectum iustitiæ, Gubernatorem, Vicarium, Zalmetinā, Prætores urbis, reliquosq; nostros Magistratus omnes, Romanorum Magistratuum nominibus appellatos intueor huiusmodi consiliū adduci possum, ut laudem hac in re: cum Magistratuum nostrorum potestatem nō esse satis his nominibus expressam intelligam. Nam Zalmetinæ munus Prætorio muneri non aequè respondet: nec Vicarii verbo tam aptè Gubernatoris nostri potestas, quàm ut quemvis intelligere oportet, designatur: neq; Iuratorum tam late patet apud nos, quàm apud Romanos Consulū patuit amplitudo: multoq; minus Iustitia Aragonum, Præfectus iustitiæ dici potest. Nam Præfectum iustitiæ, nullum alium apud nos esse arbitror, nisi Regem: cui sic omnis dicendi iuris potestas data est, ut ab eo, tamquā a capite: ita enim nostri Iurisperiti loquuntur: in reliquos omnes Magistratus, atq; in Iustitiatū ipsum sicut à fonte in riuulos, deriuetur. Nec scio equidem cur nobis eam præcidere debeamus, quæ Romanis initio data fuit, nouorum ex aliena lingua in suam inducendorum nominū necessitatem, ut cum Philosophiā ipsi, Arithmeticam, Geometriam, aliasq; his similes voces Latine etiam loquentes usurparint, easq; cum Græcæ omnino sint, iam usu Latinas factas videamus, nobis non illud idem licere existimemus, Iustitiāq; Aragonum, Latine & eleganter loquendo dici posse: quantū effici queat, contententes, quò tanti Magistratus fama peruenerit, eodē veri, ac proprii illius nominis gloriā penetrare? Quid? quod, si maiores nostri summæ ipsius potestatis vim lenitate nominis mitigādam statuerunt, quasi inter nos, ac Regem nullam aliam, neque ex virtutibus ipsis, nisi iustitiā solā interponi ducerent oportere, cur nos tantam hanc eorum sapientiam despicientes, noua verba fingemus arbitrati nostro, tantumq; Magistratū vulgari suo nomine, in toto orbe terrarum claro, & notissimo, fraudari patiemur, quò & quis sit, & qualis ipse Magistratus sit, apertè declaratur? Nonne M. Tullium, ac Terentiū quoque & Archontē, & Satrapen dixisse constat, & Liuium etiam, Mediastiticum, & Sufferem? neq; veritos fuisse hosce scriptores, cum Latine loquerentur, ac scriberent, istiusmodi Magistratus omnes, quorum priores duo Persarum, & Atheniensium erant, Campanorum autem, & Carthaginensium posteriores, non ex Latina lingua, sed ex vniū cuiusq; eorum gentis vocabulis nominare? Dabitur ergo modo, quod Latini ipsi fecerunt, aliena sibi nomina usurpantes, ut in Magistratibus saltem appellandis, vulgaribus utamur p̄ Latinis: cum eam mihi præcipuam laudem constituerim, ut intelligatur, quid dicam: de reliquo tamē sat fore, non esse mendacem. Ceterum, Patres clarissimi, ut hac quasi peroratione concludā, ad quam fateor me nequaquā inuitum declinare, haud dubito sanē, quin quod meum semper iudicium fuit, vestra quoq; sententia comprobetur, maiores nostros in constituenda Rep. aut inuenisse multa per se sapientiū, quàm alios: aut accepta ab aliis, fecisse meliora, quibus instituta vitæ, resque domesticas, & familiares commodiū tueremur. Eoq; magis ad credendum ducor, quòd vos omnes videā, cum nostra hæc in istarum rerum commemoratione versentur, ad ea peruulganda haud mediocri studio concitatos: dignissimum fore iudicantes, ut Reipubl. nostra descriptio, quæ iure potest, & Regibus, & Populo grata esse, iam exteris quibusvis nationibus nota sit: quasi in eorum consiliis, qui primi de ea statuenda cogitarunt, nec quidquā parum, nec quidquam nimium fuisse arbitraremini. Et verò præcipue singularis hac tantā, tamq; admirabilis maiorum sapientia, quæ initio tunc fuit, in hoc vno quotidie magis summa cum laude



laude prodita verustate enitescit, quod dum forensem hanc induxerunt istius Iudicis, inter Regem, ac Populum Medii, Praefecturam, nostram Rempub. ex Polyarchia, & Monarchia unamquam in speciem per quam optime temperantes, domesticam, ac civilem pacem mirabiliter stabilierunt, agenda sic apud nos omnia statuentes; ut res maxima, minimo motu, pericula summa, nullo tumultu; domestica omnes dissensiones, sine seditionibus, quiete, & commode illius interposita moderatione sedentur. Quamvis autem fortasse mihi imprudentiae tribuatur, minime hoc loco silentio pratermittendum duxi: summi enim gubernatores narium plerumque, à vectoribus admoneri solent: ut ita nos omnes de nostris libertatibus sentiamus, ne nimiam licentiam, libertatem putemus: ea namque sola, ac vera libertas censenda est, quae homines facit domitas habere libidines: suis quiete potiri; eadem prudenter tueri: ab eis, quae propria non sunt, mentes, & manus abstinere: ad novos denique temporum casus novorum consiliorum rationes accommodemus, ne in utendo temperantiam contemnentes, in carendo patientiam experiamur. In quo ego quantum meus amor in patriam postulat, tantum vos hortor, reliquosque omnes ciues meos, quoniam in Rep. coniuncti sumus; ut iusta, & aqua libertate contenti, falsam à nobis nimia licentiae famam depellamus. Regios autem quoscumque Magistratus sic moneo, ut cogitent tantum sibi à Regibus esse commissum, quantum permissum à legibus, & creditum sit; neque sibi solam iurisdicundi potestatem, sed ita fidem creditam arbitrentur, ut non quod ipsi velint, sed quod lex, & religio concedat, exequantur: neve quisquam eorum se putet esse solum, nec sibi, quodcumque concupierit, iam licere; sed habere, in consilio leges, religionem, aequitatem, & fidem; maximique debere unumquemque suae ipsius mentis, quam à Deo acceperit, conscientiam aestimare: quae si optimorum semper consiliorum, factorumque testis sibi fuerit, facillime omnes quorumvis periculorum procellas deuitabit. Nunc quoniam consilii mei rationem exposui, superest tantum, vos ut orem, ita faueatis conatibus meis, ut nostri hi Commentarii, qui omni prorsus venustate nudi in lucem prodeunt, amplissimi nominis vestri dignitate illustrati, si non ut urbanis sunt enim vasti, & aggreſtes: non ut peregrini, cum totam ferè nostrarum rerum summam contineant; saltem si licebit, ut amici hospites, inter ipsius Suritae Annales recipiantur. Quod si aliqua à me esse pratermissa, aut non sat elucubrata inueneritis: neque enim dubito, quin multa huiusmodi passim occurrent: mihi, historicus qui sim, si modo sim, at certè qualiscumque sim, non ex alicuius Academiae, sed ex mediis fori spatiis profectus, condonetis, simulque illud statuatis, non omnem frugem, neque omnem arborem in omni agro reperiri posse. Breui tamen futurum spero, maximeque si ad ornanda ea, quae dudum in nostra hac urbe instituta fuere, publica disciplinarum Gymnasia, magnus aliquis cumulus vestrae liberalitatis accedat: ut & ipsa haec eadem, quae à me nunc inchoata sunt, & alia maiora, perfecta Resp. tribuantur: quibus Aragonij nominis amplitudo illustrata, quemadmodum haecenus armorum virtute, istiusque Magistratus laude, manifeste enituit, sic deinceps ingenti quoque literarum gloria splendescat. Caesar-

aug. Kal. Sept. Ann. Chr. ∞ DXXCIIX.






In Aragonensium rerum Commentarios

HIERONYMI BLANCÆ, CÆSAR-  
AVGVSTANI, ARAGONVM REGNI HISTORICI

## P R Æ F A T I O

AD D. GARSIAM LOAYSAM GIRONIVM,  
PHILIPPI nostri, amplissimi Hispaniarum Principis, Magistrum,  
Arriacensemq; in Toletana Ecclesia Archidiaconum.

NTIQVÆ res nostræ, quod te minime ignorare arbitror, Loaysa eruditissime, adeo scitu difficiles sunt, & perobscura, ut nō modo quæ priscis illis sæculis, sed quæ auorum ætate gesta fuerūt, vix à nobis, nisi abstrusa, & perturbata ratione, comprehendantur. Plures autem istius iactura afferuntur causæ, multiplicesq;. Hæ tamen præcipuæ. Nam in ipsis Regni initus memoriæ proditur Pinnatēsem Sanctioris Aerarii locum igne consumptum fuisse: instauratumque denuo, multos post annos incendio simillimo conflagrasse. Cumq; ibi veterum Priuilegiorum exēpla, monumentaq; publica, asseruanda exstaret, flammis combusta, omnia interiēre. Postea quoq; alia eiusmodi cū ibidem reposita seruarentur, à Raimūdo Berengario, Barcinonensi Comite, Ranimiri II. Regis genero, Circ. Ann. Chr. ∞ CL. extracta feruntur: nostrosq; in Comitibus Cæsaraugustanis Ann. Chr. ∞ CCLXIII. curauisse, damnum illud quoque modo resarciri. Sed id demum ad extremum pene interitum nostram antiquitatem adduxit, quod dum Petrus Rex IIII. in aliis Comitibus, eadem Vrbe habitis Ann. Chr. ∞ CCCXLVIII. turbulenta illa Vnionis Priuilegia de totius Regni consensione deleuit non quæ de ea agebant solū, verū etiam alia multa, tum priuata, tum publica, monumenta lacerare, ac comburere & conatus est, & tandem effecit, ut Scribarum Notæ, matricesve scripturæ vix apud nos ante dictum annū vlla reperiantur. Vnde etiam euenit, ut quemadmodū apud Lacedamonios, qui scripto iure non semper vsi sunt; sic apud nos quoq; plurimastrarum legum, ac libertatum munia in capitibus prudentum exstiterint: ita enim earū Observatores loquuntur: à quibus eæ quas nūc vocamus Observantias fluxerunt. Propterea olim qui consulebantur, in maiori honore, & potentia erant: non tam quod pauciores, quam quod ab eis ratio legum, rerumq;strarum, tamquā dies quondam petebantur à Chaldeis. Eæ autē Observantia antequā à Martino Didaci Auxio Iustitia Aragonum Ann. Chr. ∞ CCCCXXXVII. in illud, quod nunc Foris connexum exstat, volumen congererentur; eandē prorsus vim, & auctoritatem, quam ceteræ omnes scriptæ leges, habebant. Atq; tunc etiam, ut Bages conqueritur, iuris periti ipsi, quibus hoc magnum munus commissum fuit, veriti, ne tota earum ratione peruulgata, & cognita, sine illorum opera iam legegi posset; multas Observantias suppresserunt: ut ab eis, quæ occulta manserant, peteretur, sicq; eos omnibus in rebus interesse necessario oporteret. iam ut antiquitas nostra hos casus habuerit ad suam obscuratiōem rariores. Hinc deniq; factum est, ut omnino iaceat ipsius obcecata memoria; atq; ut tot, ac tanta inter scriptores orta sint, tū de Regni primordiis, tum de Regum, ac temporum serie contentiones: adeo ut quidam nostri sæculi illustris sanè Historicus optimo iure potuerit novos nobis Reges suscitare, quorū antea nec nomina quidem fuerant unq; audita; Cumq; æquisimum foret, ut quamuis cetera-



ceterarum rerū cognitio languesceret, earum verò, quæ ad Magistratus Iustitiæ Aragonum ornamentū attinent, non modò animis insita, sed depictis monumentis, ac literis, quod aiunt, aureis, salua, & incolumis seruata fuisset: tamen, quod mihi sæpius mirabile visum est, misero certè casu, illarum præcipue notitiam nunc quoq; maximè desideramus. In quo ego non tam priscos illos earum inuentores culpa damnandos censeo, quibus credendum non est conscribendi curam defuisse, quandoquidem conscribendi officiū non defecit: quæ variorum casuū, & euentorum, quos supra recensuimus, occasione tribuendū, quæ earum pæne cognitionem deleuit. Eos verò, qui propius successerūt, culpa hac liberos esse non reor, quod in tenebris consensescere illas, atq; in ipsa vetustatis caligine obsolescere permiserunt, cum eadem neq; aut cuiusmodi fuerint, indagare, aut compertas in lucem ad posterorum notitiam prodere, quod amicus noster eruditissimus ille Sigonius, de Italiæ Regno scripturus, de suis Ciuibus merito est conquestus, studuerint. Quare memoria teneo, cum sæpenumero coram Excellentissimo Domino D. Ferdinando Aragonio Archiepiscopo Casaraugustano, antiquitatum nostrarū studiosissimo, ac diligentissimo inuestigatore, neq; solum memoria, & testimonio, sed Annalium literis, & Suritæ voce laudato, hanc maiorum incuriam exprobrarem, audire me esse solitum ex eodem, Non valde propterea mirandū esse. Aragonenses. n. crebro dicebat, quò, natura ipsa, lingua hebetiores sumus, eò propensiores semper in conscribendis, quæ in conscribendis rebus consueuimus curam adhibere. Cuius quid mihi profuerint assidui congressus, dicere libenter, nisi de me ipso, quod necesse non est, dicendum esset. Quare debito potius illum testimonio priuabo, quàm id cum mea laude communicem.

Quamquàm igitur verum illud fuisse fateamur: in hoc tamen vno maiores nostri mihi valde coarguendi videntur, quod æquo animo tulerint aliarum antiquitatum, quales umq; fuerint, notitiam, licet mancā, exstare, Magistratus verò Iustitiæ Aragonū, cui à nobis summa rerum delata est, omni prorsus literarum splendore carere, cum neq; de eius institutione, neq; de eorum, qui ei præfuerunt, nominibus, aut factis quidquam habemus scriptum, satis benè digestum, habeamus. cuius lectionis cognitio iucunda non solum, verum etiam perquam utilis, ac necessaria foret. Ioannes enim Eximini Cerdanus, Aragonum idemtidem & ipse Iustitia, tametsi auorum memoria, primus de hoc genere scribere est aggressus, ob idq; magnam mihi iurè egregiæ voluntatis, consiliiq; laudem meruisse videtur: verum dum eorum, qui hunc Magistratū gesserunt, enodare nomina curauit, à Petro Petri sumpsit scribendi exordium, quem plures alij antecesserunt. Annorum verò notationem, quæ alioquin fundamentum erat, omisit adhibere, nonnullosq; Iustitias, qui vixerunt, vel sua, vel parentum ætate, numerare. Vnde fit, ut mutilam prorsus ex illius scriptis notitiam eruamus. Ipse verò noster Hieron. Surita, clariss. Historicus, disertissimusq; atq; eruditissimus vir, qui vniuersam nostrarū rerum narrationem graui quidem stylo, egregiaq; ac singulari diligentia, complexus est, earū magnitudine præpeditus, nō potuit argumentū hoc, suo ornare studio, atq; accuratiores opera, perpolire. Sed illum scimus, ad id, paucis antequam moreretur diebus, otium sibi domesticum præparasse: repentinumq; postea interitum hoc eius consilium præuenisse. Cuius si ad hoc cumulus accessisset, ea illius ingenij vis fuit, ac facultas: ut dubitandum nō sit, quin solum hoc, quod aliis exile fuisset, ac macrum, iam illius cultura, vberimum, atque ornatissimum redderetur. Sed de eius laudē neq; hic locus est, ut multa dicantur, neq; plura tamen dici possent, quàm tu optime scis, nosq; omnes memoria retinemus.

Itaq; hæc cum viderem, etsi me agnosco in auxiliis penitus destitutum, quæ operis huius integritas suo quasi iurè reposcebat: voluntatis erga patriam mea testimoniū aliquod relinquere cupiens, cum iam doctissimus ille vir tanto splendore, & auctoritate præditus, octingentorum annorum de nostris rebus Historiam tam ornate, & copiose



suis illis *Annalibus* colligasset: ego in extremo tantum hoc mihi sumpsi, quod ille non potuerat, illustrare de *Magistratus Iustitiae Aragonum* dignitate argumentum. Quod autem id facilius comprehendatur, magisque tota illius progressus ratio perspicua sit: omnino duxi universas res nostras, strictim; & verò earum primordia, copiosius, attingenda: ne totum opus corrueret, si non benè iacta fundamenta essent. Eos etiam statui notatione temporum distinguendos, qui tanto munere functi fuerunt. Cumque id etiam videretur mihi novis difficultatibus maxime obstructum, quod non facile esset, unde res tam antiquas, tamque obsoletas eruerem; tanta fuit, mea ut in hoc genere apud ciues meos opera probaretur, cupiditas, ut neque istud quidem potuerit meum in hoc officio frangere, aut debilitare laborem. Ad perscrutanda igitur omnia, quae habere potui, ad hoc studium quoquo modo pertinentia, conuersus sum: atque tum ipsius Regni, tum Ecclesiarum B. Mariae de Pilari, ac Diuae Encratis Tabularia perlustrare cepi; tum & multa alia Monasteriorum Sancti Ioannis de Pinna, Ouarræ, Assaniensis, Montis Aragonum, veterumque aliorum oppidorum, & Ecclesiarum monumenta peruolotare. Priuatos deinde tum dicti Excellentissimi Domini Archiepiscopi Ferdinandi, tum aliorum etiam de hoc genere Indices quosdam adhibui, ac veterum, quos vocant, Foristarum: Vitalis de Canelis, Osenfis Episcopi; Eximini Petri Salanoia, Iustitiae Aragonum, Ioannis Patos; Iacobi Hospitalis; Ioannis Antichij Bages; & Michaelis del Molino, siue Codices, siue, quae exstaret, Obseruantias perlegi. Ac ne de aliis reticeam, qui in hoc opere illustrando suum mihi officium praestiterunt, unus veterum monumentorum fasciculus, quem ad me detulit Doctor Carolus Munnozius, Regni Cancellarius, & Ciuilis, & Canonici iuris peritissimus, inque nostris hisce studiis iam pridem versatus, adiumento mihi non paruo fuit. Inde namque multam collegi nostrae antiquitatis memoriâ. Sed quo ego adiutore praecipuo usus sum, is est, quem benè nosti, familiarissimus meus Magister Iacobus Espesius Arambrigenis, probus, & doctus vir, nec vulgaribus, sed recoditis, ac interioribus literis eruditus, verè ut dicam, meorum omnium studiorum canon. Summa enim cura, diligentia, ac fide, plurima ad me comportauit ex ipsis Tabulariis desumpta: qua maior afferri mihi leuatio nulla potuit.

Et verò in his, aliisque undique amicorum beneficio collectis, id me aliquantulum subleuauit, quod in extrema veterum Priuilegiorum parte, priuatorumque negotiorum Contractuum, quos quotidianis verbis, Instrumenta, vocamus, dum testes apponebantur; plerosque Iustitias Aragonum pro testibus annotatos inueni. Testium autem huiusmodi, quod tu minime omnium ignoras, non eadem semper ratio fuit. Ad duplicem enim effectum in antiquis monumentis apponebantur. Alterum siquidem pro eorum robore, & firmitate, quod sit de solemnitatibus substantialibus Contractuum (cogimur namque in his forensibus vocabulis uti) ut testes illorum stipulationi praesentes intersint: atque hos Testes Visores, & Auditores appellabant, & ita appellati passim inueniuntur. Alterum verò ad temporis notationem, quo talis Contractus celebrabatur, inducendam, quasi potentiores, qui tunc apud eos degebant, nominando. Quemadmodum enim apud Romanos plerumque Imperante Seuero, aut Constantino: & apud Francos; Regnante Carolo, aut Ludouico: sic apud nos olim, praeter ipsorum Regum; Optimatum quoque; ac procerum, quos Ricos homines, ac Seniores illa aetas vocauit, tum & Palatinorum, quos Mesnadarios, ac interdum etiam Magistratum & Sacularium, & Ecclesiasticorum nomina apponebantur: utpote, Episcopus Stephanus in Osca; Episcopus Petrus in Caesaraugusta; Palaz in Senior in Roda; Petrus Medalla Iustitia maior; & alij his similes. Quos ne talium Contractuum celebrationi, ut priores, interfuisse induceretur: Testes Confirmatores appellare consueuerunt. Ac quandoque licet raro, in nonnullis, postquam Testes Visores, & Auditores appositi fuerant: hos Ricos homines, vel potentiores, Testes,



stes, qui neq; viderunt, neq; audiuerunt, appellari solitos obseruari. Hac autem huius-  
 modi Testium Confirmatorum appositio in solemnibus tantummodo Regum, aut Prin-  
 cipum Priuilegiis adhiberi consuevit: unde paulatim ad priuatorum negotiorum Con-  
 tractus defluxit. Olim enim dum Reges, aut Principes aliquod Priuilegium solempne,  
 atq; ut ipsi loquebantur, perpetuò valiturum, irrogabant; hos quasi Regiæ voluntatis  
 testes, ac confirmatores adhibebant, siue presentes huic irrogationi adessent, siue etiam  
 absentes: modò Regiæ Curie essent affectatores. Qui plerūq; in eisdem ipsis Priuilegiis  
 se subscribere solebant; saltem sua, quæ tunc vocabantur, signa, in extremo post Regis,  
 vel Principis Signum, ante Signum autem scriptoris, collocare, quasi Regis, aut Prin-  
 cipis voluntatem, quæ in tali Priuilegio expressa fuerat, confirmando. Quinimo aliquan-  
 do sic comperi Ricos homines ipsos non iam monitis, aut præceptis, sed hortationibus,  
 & quasi precibus ad huiusmodi sua signa apponenda pro grauius alicuius rei confirmati-  
 one ab ipsis Regibus excitatos. Ego Sanctius Rex hanc Donationem confirmo:  
 & omnes Procures meos rogo, ut similiter confirment, & subscribant. Vnde  
 hi, Testes Confirmatores dicti sunt. Ipsi verò Notarij, ac Priuilegiorū huiusmodi scri-  
 ptiores, ut huic etiam rei præteriens satisfaciam, tum Scribæ Regij, tum & quandoque  
 Grammatici Regum appellari, Græco nomine retento, consueuerunt. Sed in priuatis  
 Contractibus Testes, quos diximus, Confirmatores minime ad voluntatem concedentis  
 confirmandam adhibebantur, sed tantum ad inducendam temporis, quo talis inibat  
 Contractus, notationem: quod eam veteres illi non esse satis expressam constituerent,  
 Aera, quæ nota temporis fuit, sola supputatione adhibita, nisi Optimatū, ac Potentio-  
 rum, qui tunc vigeant, nomina adingerentur. Ex quibus passim colligitur, antiquos  
 in hac Aera enumeratione plerumq; vacillasse. Etenim cum ea, quemadmodum omni-  
 bus notissimum est, Natalem diem Christi octo & triginta annos antecefferit: hanc il-  
 lius veram, & genuinam significationem non semper seruabant, quandoq; Annum pro  
 Aera, quandoq; e conuerso Aeram pro Anno sumentes. Hac autem tam diuersa ipsius  
 numeri ratio minime aliunde, nisi ex veterum monumentorum lectione comprehendi  
 potest. Indidem tamen apertissimè elicitur. In ipsius præterea Aera, vel Annorum nu-  
 meri nota, aliæ etiam difficultates occurrunt, ex literis, seu literarum, vel characterum  
 figuris, quibus veteres ipsi utebantur, coortæ. Nam præter Abecedarium Gothicū, sæ-  
 culis illis commune, quod à Romano longè erat diuersum: ipsa etiam numerorum nota,  
 ac figura dissimili prorsus ratione erat compacta. Atq; interdum etiam ad eas, dum vo-  
 lebant numerum annorum variare, minutula quedam puncta admouebāt, quæ nisi at-  
 tentè animaduertātur, facillimè possunt quemuis in eorum declaratione decipere. Non  
 enim Galfila Episcopi, qui notarum huiusmodi Architectus dicitur, & inuentor, Scri-  
 ptum aliquod opus exstat, quo vniuscuiusque illarum intelligentiam, & vim, quam in  
 singulis concludere voluit, enudaret. Vnde fit, ut necessario sit ea, quemadmodum dixi-  
 mus, ex diuturna sola obseruatione eruenda. Propterea autem hac omnia hoc loco re-  
 censenda duxi; ut huiusce magnæ difficultatis, quæ in notarum huiusmodi interpreta-  
 tione ad antiquas res nostras intelligendas sese offert, aliqua à nobis ratio redderetur:  
 præcipuè verò, ut dum fortasse in antiquis monumentis aliqua inueniantur ab aliis di-  
 uersa, neq; priora fortasse cum posterioribus coharere: id vel antiquorum varietatibus,  
 vel librariorum mendis, vel ancipitibus numerorum figuris tribuamus: ne confusione  
 qua hætenus, de earum rerum fide, quæ alioquin veritate nitantur, titubemus. In horū  
 igitur Iustitiarum nominibus enodandis, ordinatimq; Annorum habita ratione distin-  
 guendis, hac Testium Confirmatorū obseruatione, potissimum adiumento usus sum. Neq;  
 tamen id omne, quod concupieram, affectus: cum neq; in prioribus, neq; in posteriorib.



Iustitiis, vix haecenus ullo labore, aut diligentia consequi, quam annotare voluissemus annorum uniuscuiusq; seriem, initij, aut exitus certam, potuerimus. Atqui dum priores Iustitias appellavi, eos intelligo, qui post Mauros Casaraugusta pullos, circ. Ann.  $\infty$  CXV. inveniuntur. Haecenus enim eorum nomina, qui dictum annum antecesserunt, ab ipsa nempe Magistratus institutione, usq; ad dictam Maurorum expulsionem, incomperta sunt. In quod tempus cum Ducenti ferme, & quinquaginta anni interpolantur, dubitandum non est, quin plures exstiterint Iustitiae Aragonum. Sed istius iactura quasdam singulares causas coniicimus. De quibus alias plura. Haec deniq; omnia accuratissime evoluenda constitui, & suo quaq; momento perpendenda, ut quominus ingenio possum, diligentiam mihi subsidio compararem. Quantum autem in his effectum fuerit, id omne ad arbitrium tuum, qui in eis, alijsq; maioribus tantos progressus fecisti, libenter conferemus. Nos quidem ita de nobismetipsis iudicamus, ut cum plus contederimus, quam possumus; statuamus tamen nos minus fecisse, quam voluissemus: iamq; existimemus fructum satis uberem nobis futurum, si intellexerimus, hosce Commentarios nostros misera ipsi antiquitati, quae iam pene senectute confecta videbatur, aliquantulum olei, tanquam lumini tenui, instillasse.

Verum enimvero, doctiss. Loaysa, vereor equidem, ne reprehendar, quod tot verbis hac fuerim persequutus, scribens ad te: qui tum in optimo quoq; genere studiorum, tum in ipsa historia tantum processeris, nostrarumq; omnium rerum, ac quo modo nobis constituta sint, iam ab eo tempore perfectissimam scientiam percallueris, quo generalib. nostris Comitibus, superioribus annis ad Titonis Montem a potentissimo Rege nostro habitis, praesens fuisti. In quibus, quod in te fuit, gessisti te tam bene, tam gratumq; & iucundam nominis tui memoriam apud cunctos Ordines nostros reliquisti, ut summum in te praesidium constitutum esse, nostris omnib. fortunis arbitremur. Sed longe absum ab eo, in quo iure possem reprehendi, ut longior fuerim, quasi te erudiens; cum solum id fecerim, ut mearum huiusmodi vigiliarum, operosiq; laboris, quem in hisce rebus, concinnandis tuli, te mihi praebeas aequissimum aestimatorem, & iudicem, quandoquidem in tuo nomine libenter acquiesco. De me autem sic statuas, non quasi officiosior in patriam, quam ceteri, quibus laudem hanc praereptam nolo; aut quasi electus, qui maiori ingenio, hoc opus susceperim: sed relictus ex omnibus, qui minori fastidio tantum huiusmodi onus sustineret; graue illud equidem, ac grauissimum, verum tamen dignum, & dignissimum, in quo cuiusvis industriae nervi contendatur. Videbatur autem leuius mihi propterea futurum, quod eo me opprimi libentius, quam reliqui omnes, conuinebam. Et vero de tuis laudibus non opus est dicere: cum tu is sis, quem nec nimis valde umquam, nec nimis saepe potero laudare. Sed ad earum ornamentum sat sit, quod usdem Comitibus, ab ipso Rege nostro sapientissimo institutioni Philippi Principis, sibi charissimi, & clarissimi filii, praepositus fueris, datumq; illi non solum studiorum, atq; artium, verum etiam animi, ac virtutis magister. Quid. n. amplius ad tuam laudem augendam dici potest? Quapropter modum faciam. Extremum illud erit, te ut orem, & obsecrem, quoniam quidem doctiss. ille Antonius Augustinus, Tarraconensis Archiepiscopus, grauissimus, & sanctissimus, atq. omni honore, & memoria dignissimus vir, tum uniuersae Reip. tum mihi quidem, ob praecleara multa ipsius in me officia, acerbissimo tempore ereptus est: me in eum, in quo ipse viuens habuit, & ad tuum in me amorem, & ad meam in te obseruantiam, locum ut subdas, non quasi eam rem putem beneuolentiae, quae te colo, & reueor, incrementum aliquod allaturam; sed ut nouo huiusmodi vinculo deuinciri me tibi, & obstringi cum patiaris, desiderium tanti viri optima hac consolatione leniatur. Casaraugusta. Kal Sept. Ann.

$\infty$  DXXXIIX.

ARAGO-



# A R A G O N E N S I V M

## R E R V M

### C O M M E N T A R I I.

**A**RAGONENSEM Historiam scripturus, copiose satis iam, cum vulgaribus, tum Latinis literis ab aliis illustratam, id mihi tantum proposui, præcipua ut illius Capita summam perstringam, ea præsertim, quæ ad explicandam Iustitiæ Aragonum Magistratus vim, & dignitatem spectent. Cuius institutio cum ex ipsis Regni primordiis pendeat, Regnum verò, prius fuerit Suprabienense dictum: ab Hispania clade scribendi initium ducere oportet, unde hæc omnia fuerunt, tanquam à quibusdam seminibus, orta, & concreta. Itaque Deo Optimo Maximo iuvante bene, rem ipsam aggrediar.

#### DE HISPANIÆ CLADE, ET EXCIDIO.



**N**on ab orbe condito, 1000CCCCXIII. Natalis Christi, Servatoris nostri, DCCXIIII. Gregorio II. Pontifice Maximo, Flauto Philippico Bardanio Imperatore, Childeberto II. Francorum Rege, cum Vith Abdebmelch Alcalifa summo Arabum in Africa imperio potiretur; eorum Ann. xciii. Ruderici ultimi Gothorum Regis, & Regni maiestas, misera illa, calamitosa, nec satis adhuc deplorata clade, obsoleuit. Iuliani, Spartarii Comitæ, in primis nobilis, ac præcipui viri,

perfidia, effectum memorant: ab eo siquid Arabes, facti sibi de Cauæ, aut Caiæ filii ludibrio, vel ut alii tradunt, Fandinx, seu Faldrinx vxoris sue illato probro conuicii vindices, ex Africa in Hispaniâ traiectos. Quibus, Ruderico Rege deuictis, sibi omnia vendicantibus, sub eorum dominatu complures Christianorum populi, vestigales manserunt, amore peculii nolentes seruatorum subterfugere condicionem. Vnde Christiani ipsi, Muzarabes, quasi mixti Arabibus (Maza enim Arabicè Christianum significat) sunt vocati. Alii graue illud seruitutis iugum perpeti, indignum iudicantes, ad Asturum, Pyrenæorumue montosala loca fugientes, in perfugium sibi & fortunarum, & salutis firmissimum, ipsos quidem montium anfractus adscuerunt. Hi in huiusmodi vastas, nec tamè longinquas solitudine,

relegati, & depulsi, ab impiis gentibus initio sprete, postea Diuina ope, Hispanici sanguinis virescentes fuere, patriæque salutis auctores. Eodè enim anno Pelagius, Fasile Ducis filius, Regio genere orrus, ipsius gladii reliquiis collectis, hostes superado, Asturum Regni sedem instituit. Sunt, qui asserant, nusquam constare illum Regali nomine insignitum fuisse, sed infantem Pelagium tantum, ad hæc usque tempora vocitatum. Ab eo, ut res ipsa se habuerit, Asturum Regnum initium sumpsit: quod postea Ouentense, seu Legionense dictum, maximam Hispaniæ partem complexum est. Nostri non tam citò perdomiti, tardius Suprabienensi Regno, quod primum Aragonum diadematis fuit, initium dedere. Rasis enim Arabs, Arabicæ etiam historiæ scriptor, Cæsaraugustam urbem, Ann. Chr. DCCXVI. biennio si-

quidem post, a Mauris captam refert. Cuius testimonio probabile fit, quod nonnulli scriptores prodiderunt: Mauros ipsos è Gallia Gothica reuersos, quam Prouinciā Narbonensem vocant, patria nostra punitos fuisse. Ea tandem obtenta, finitima loca vastarunt: postetiam summa ipsa Pyrenæorum iuga inuasit. Neque verò a me hoc locum tam facile exprimi potest, quæ solitudo tunc fuerit in opidis, quæ vastitas in agris, quæ fuga, qui recessus nostrorum, quam deserta, inculta, & relicta omnia: quippe cum harum rerum vix vlla inditeris existent monumenta. Sed illud nequaquam silentio præteribo, Mauros eo tempore, arce quadam fortissima Oscensis territorii expugnata, ipsum Iulianum Comitem fortunis omnibus spoliatum, captiuum se cum ducentes, in eadem catenis vincitum, ut tam nefarii sceleris poenas lueret, diu in carceribus positum asseruasce, ibidemque illum crudelem, & miserabilem mortem obiisse. Eam nos Calagurrim Iuliam Nasicam, Oscæ vicinam, & cōtributam, à Iulio Cæsare in suis Commentariis memoratam. (Loharre nunc opido nomen est) variis ducti rationibus suspicauimus. Exstant siquidem in ea quam plurima Romanorum ædificiorum vestigia: ipsiusque Comitæ sepulchrum hodierna die ab incolis ipsis ostenditur. Oscæ autem finitima, a germano, & prisco nomine non multum abhorret.

#### DE CÆSARAVGVSTANÆ VRBIS OPPRESSIONE.

**V**RBIUM autem de mediterraneis in Tarraconenſi clarissimam fuisse, Cæsaraugustam Pomponius Mela auctor est in eo, De situ Orbis, non magno quidem, sed aureolo libello, quem scripsit. At Diuus Isidorus sic eam commendat, ut cum à Cæsare Augusto & sitam, & nominatam testetur: illam esse prædicet & loci amœnitatem, & deliciis totius Hispaniæ illustriorem, florereque Martyrum sanctorum sepulturis, iam verò illud notum,



testatumque est satis, postquam in ea Sanctissimū Templum, de Pilari, vocatum, à beato Iacobo maiori Seruatoris nostri Apostolo, constructum, primum in toto orbe terrarum Beatissimæ Virgini Mariæ dicatum fuit: Christianam religionē numquam ab illius incolis desertam fuisse, sed retentam semper, ac pio cultū, pro Dei benignitate, seruata. Nam post beatū Athanasium, ipsius Apostoli Discipulum, quem primum Cæsaraugustanensem Episcopum memorant: beatum etiam Felicem circiter Ann. Chr. ccxxv. in eadem Urbē sedisse constat: atque eum Diuus Ciprianus Fidei cultorem, ac defensorem veritatis appellat. Felicis autem Diuus Valerius I. successor fuit: ipsius verò Valerii Diuus Vincentius Martyr, Archidiaconus. Quo tēpore, siquidē circiter Ann. Chr. ccc. maiores illi nostri celebrem illū Martyrii triumphum in Decima persecutione Ecclesiæ reportarunt. Et ii quidē tot fuere, ut Innumerabiles propterea dicti sint: Diqumq; Lambertum, ac Diuā Enkratem, & Socios ad simile factum eodem ipso tēpore, ac loco pro Christi amore subeundum excitarent. Eorum autem omnium pretiosissimis exuviis Urbem ipsam ornatā possidemus. Postmodum verò circiter An. Chr. cccLxxv. sub Damaso Papa, Grariano Imperatore, insigne illud Nationale Conciliū in eadem habitum fuisse ex Sulpitii Seueri, qui ipse penē tum fuit, scriptis colligitur, nonnullorum etiam Gallorum Episcoporum frequentia celebratum: quo Priscilliani Galaici, Elpidiique ac Instantii, & Saluiani error, Sanctōrū Patrum ibidē conuenientiū suffragiis, damnatus fuit omnino. Ac si ad hæresim illam extirpandam, quæ tunc serpere, ac prodire cœperat, is locus cōmodior, qui tot esset Sanctōrū spoliis refertus, censeretur. Cumq; postea Arriana hæresis, pestifera, & deterrima, latē disseminata, per aliquot Prouincias manauisset, totamq; fere Hispaniā occupasset: ipsam tamē Cæsaraugustam Urbē non attingit, q̃ nostri semper, Omnipotentis Dei ope, stabiles, & firmi veræ Fidei cultores permāssent. Cuius rei Childebertus, & Chlotarius Francorum Reges ignari prorsus: cū ingenti cōparato exercitu ad Arrianos omnes conterendos ipsam essent Hispaniā adorti: Cæsaraugustā obsederunt circiter Ann. Chr. dxxv. nostros penitus credentes esse eiusdem hæresis erroribus inquinatos. Quæ verò in ipsa Urbē tunc gesta fuerūt, Gregorius Turonensis his verbis persequitur. *Cæsaraugustani, inquit, in tanta humilitate ad Deum conuersi sunt, ut induti ciliciis, abstinentes à cibis, & poculis, cum tunica Vincentii Martyris muros ciuitatis psallendo circuirent. Mulieres quoque amicta nigris palliis dissoluta cesarie, superposito cinere (ut eas putares virorum funeribus deservire) plangendo sequebantur. Et ita totam spem locus ille ad Domini misericordiam retulit; ut diceretur ibidem Niniuarum ieiunium celebrari, nec estimaretur aliud posse fieri, nisi ut eorum precibus Diuina misericordia flecteretur. Hi autem, qui obsidebant, nescientes quid obsecrasset, cum viderent sic murum circumiri, putabant eos aliquid agere maleficii. Tunc apprehensum vnum de ciuitate rusticum, ipsi interrogant, quid hoc esset, quod agerent. Qui ait: Tunicam beati Vincentii deportant, & cum ipsa, ut eis Dominus misereatur, exorant. Quod illi timentes, se ab ea ciuitate remouerunt. Sed Adon Archiepiscopus Viennensis, Annoniusq; & Gaguinus, ac plures alii scriptores, ea re audita, Childebertum, & Chlotariū Reges, cōmutasse animos produnt, protinusq; ab armis recessisse, q̃ nostros esse veræ Fidei cultores intelligerent. Immo Episcopo Urbis, primariisq; Senatorib. ad se accersitis, doni, ac muneris loco à nostris ipsius Vincentii Martyris stolam petiuisse, datamq; in patriā reuersos, Lutetiæ in Ecclesia sub illius sancti veneratione cōstructa collocasse. Ad hæc verò tantā beatissimi Martyris deuotionē Reges fuisse inductos Germani Parisiēsis Episcopi, integerrimi, & sanctissimi viri, luationib. Annonius testatur. At tūc in Cæsaraugustanēsi Episcopatu Vincentiū I. sedisse conicio; quē An. Chr. dxxvi. Nou. mense, Petro Consule, in Tarraconēsi Concilio interfuisse cōstat, in eoq; sub scriptū inueniri: vel fortasse Valeriū alterū, à primo diuersum; quē circiter An. Chr. dxxxvi. Epist. opū annotatum in quibusdam monumentis comperio. Atque hūc postea, interpositis aliis, Diuus Braulius successit; Sancto Isidoro ætate, & amicitia coniunctus: qui circiter An. Chr. dcccxxv. Sanctarum Maslarū Ecclesiam instaurauit. Sic enim priscis illis temporibus vocabatur sacer ille locus, ad Orbæ fluiui ripas in suburbano, quo nunc colitur, constitutus: ipsa siquidē spelunca, in qua innumerabilium Martyrū Cæsaraugustanorū, ac Diuæ Enkratis, Sociorum, & Lamberti, Reliquiæ repositæ seruabātur. Olim autem ibi monachos Diui Benedicti degisse, manifesta omnib. & nota res est: fuisseq; illius Fani religionem tantam, ut Ann. Chr. dcl. Eugenium à Toletopartia ad huiusmodi didorū monachorū cœnobium, tanquā ad locū religionis insignē ceterisq; aliis præcellentem, venisse constet: fuisseque ibidē aliquandiu diuersatum. Cūque in eodem esset ipse Diui Benedicti deditus instituto: à Cindasuintho Gothorū Rege Toletanoq; Clero in Toletanæ Ecclesiæ Antistitē euectū, Eugenium III. nomine, claris vitæ operibus illustrem fuisse. Sed hæc de re libet modò non alterius, quā Diui Ildefonsi testimo-*



testimonium afferre. Sic igitur ille. *Eugenius alter post Eugenium, Pontifex subrogatur. Hic cum Ecclesia Regia clericus esset egregius, vita monachi delectatus est. Qui sagaci fuga Urbem Casaraugustanam petens, illic Martyrum sepulchris inhaesit: ibique studia scientiae, & propositum monachi inchoavit. Unde Principali viuentia reductus, atq; in Pontificatum adscitus, vitam plus virutum meritis, quam viribus egit.* Postea verò dictam Ecclesiam ad Canonicos Augustinianos deuenisse proditur; longoq; temporis intervallo Oscensi Ecclesiae fuisse contributa. Sed nostrorum patrū memoria à Catholicis Regibus valde amplificata est, ac monachis Diui Hieronymi commissa, & tradita: sub quorū pia, fideiq; custodia ipsorum Sanctorū Reliquiae summa cū veneratione inuisuntur. Sed huiusmodi argumentum diligentissimè, vt cetera, Illustrissimus Antonius Augustinus, Tarraconensis Archiepiscopus, in epistola, quam ad me misit, pertractauit. Illius infra exemplū in extrema horū Commentariorū parte subiicere decreui; vt ad communis patriae laudē tanti viri etiā testimoniū accedat. Ex his igitur omnibus, & aliis quamplurimis apertè vetus illud de nostra Casaraugusta Vrbe dictū, fuisse verum, colligitur: eam nimirū matrem Martyrū, ac genitricem Sanctorum extitisse; cum hoc in munere, vt Ciuis nostri Prudentii, clarissimi Poetae, verbis vtar, non à Pœnorū Vrbe, ac vix ab ipsa Roma superetur. Et hoc quidē, quod de Eugenio III. protulimus, vix Sexaginta annos ante Hispaniae cladē euenit. Hic autem tā longè repetitus sermo eō spectat, vt à nascentis Ecclesiae initiis ad ea vsq; tempora veræ & catholicae Fidei cultū fuisse semper à Maioribus nostris retentū, tantarum rerū in eadem Vrbe gestarū tam continuata, & perenni prolata serie, ostēdamus: atq; vt cū vestigia nostra, quācumq; per urbem incedimus, in tot Sanctorū, ac Martyrū vestigiis posita viderimus; inueamur æque, ac si eorum singula illa illustria facta, & gloriosa, quæ ob amorem Christi gesserunt, ante oculos proposita cernerētur; illamq; nobis afferant memoriā, quæ omniū præstantissima est, nempe vt acrius & attentius de illorū imitatione, ipsius Urbis admonitu, quæ illis, ac nobis communis est patria, cogitemus. Ceterum eidem, post Hispaniae iacturā, ea mansit conditio; vt non afflictiorē, quā reliquæ Vrbes, sed interdū etiam meliorem subierit fortunā. A cuius tandem rei narratione, nostra huc omnis digressa est oratio. Vt igitur eo reuertamur; duos præcipuos Arabici exercitus ductores eo tempore fuisse commemorant; alterum, Muzam Abenzuyr; à quo Muzarabes fuisse appellatos nonnullis placet; alterum verò Tariff, quod monoculus esset, Abenzarca Arabicè nominatum. Hi incredibili quadā celeritate nō modò ipsi Ruderico Regi exitiū dedēre, sed vniuersæ illius ditioni; quæ præter Hispaniā; Tingitanam prouinciā Africæ partem, propterea à Sex. Ruffo, & aliis Hispaniā Transfretanā, & Hispaniā Tingitanam vocatam, quin & Galliam etiam Gothicam, continebat. Præcipitē namq; Maurorum furorē victrices antea Galliae nequaquā potuerunt, nec ipso quidē Pyrenæorum muro, cohibere. In Hispaniā verò tanta atrocitate irruerunt, vt ex Ruderici Archiepiscopi Tolerani sententia nulla ciuitas Cathedralis remanserit, quæ non fuerit oppressa, ab ipsisq; Arabibus occupata. Quas enim, vt idē testatur, vi non poterant subiugare, falso fœdere decipiebant. Cumq; militaribus copiis inter se partitis, quā plures ciuitates occupassent; ad Casaraugustæ oppugnationem ambo conuenerunt. Ea siue oppugnata, siue promisso fœdere intercepta, tandē potiti sunt. Christiani autem qui illā incolēbant, alii captiui, & subditiui, Muzarabes manserunt; alii se in fugā ad Pyrenæos montes conferentes, Regnorum Suprabii, & Pompelonæ, quæ postea Aragonum, & Nauarræ titulis sunt comprehensa, instituta sede, liberationis patrię initium fecēre. Atuerò tunc Episcopum Bentium in nostra Vrbe sedisse apparet ex insigni, & iucundissima cuiusdam antiquitatis memoria, quā in peruetusto Codice sancti Iohannis Pinnatensis priscis literis notatā inueni. Canonica autē sancti Petri Tabernæ est inscripta. Id verò sancti Petri Tabernæ cœnobium Gothorum Regum temporibus fuisse celebre, inde etiam eruitur. Est autem in Ripacurtiensī regione situm. Sed nostris sæculis, vt audio, Ouarræ insigni monasterio attributum, priscum illud idem Tabernæ nomen retinet, & magnam quoq; antiquæ celebritatis memoriā. Ex ea igitur Canonica aperte satis, quinam fuerit, Hispaniæ cladis tempore, Casaraugustæ Urbis status, & condicio, percipietur. Nam ea tantummodò, quæ ad id pertineant, annotabo: ne plus quam oporteat, longior sim.

#### SECVITVR TENOR CANONICÆ SANCTI PETRI DE TABERNA.

VENERANDVS pater Davidius suo tempore præerat in monasterio Taberna. Et beatus Belascutus sub ipso erat primus in ipsius congregationis collegio. Et merito. Qui beatus Belascutus quadam die ad scribendi studium secessit. In quo studio eum infirmitas corporis percussit. Quam infirmitate diu, grauiterque agrotauit. Infirmitate ergo tanti viri cum omni congregatione coacti statum est valde Davidius pater prædicti monasterii. Solito more, cum omni reuerentia, & religione,



ut tanto viro erat dignū, venerunt eum visitare, & secundum consuetudinem sancta Ecclesia ex A-  
 postolica iussione Domino commendare; beato Iacobo ducente: infirmatur aliquis in vobis; inducat pres-  
 byteros Ecclesie, & orent super eum, ungentes eū oleo In nomine Domini: & oratio Fidei saluabit in-  
 firmū. Quia itaq; reuerentia visitato: ..... & omni ca-  
 ra, Ecclesiastico ordine, cæpe: ut reuocare memorie condicione monasterii Taberna. Sed quia ceteris e-  
 rat difficillimum, & antiqua vetustate contraditum: omni sollicitudine à beato Belasculo condicio-  
 nem Ecclesie Taberna voluerunt inquirere; ut qui, ut diximus, sicut erat maior merito, ita & ætate.  
 Hic itaque beatus vir acquiescens precibus Abbatis, & congregationis, fideliter, veraciterq; reuocavit  
 memoria pro posse condicione monasterii Taberna. Et sic incipit narrare. Nullus enim posset hoc di-  
 cere, postquā ipse esset egressus è corpore. Hic plura continentur, quæ ad propositum sermonē  
 nihil attinent. Quæ verò omnino pertinere visa sunt, ea sunt huiusmodi. Decimo quinto an-  
 no Ordinationis sue: loquitur autē de Bentio, quē sæpius beatissimū Casaraugustanū Epif-  
 scopum appellauerat: furor persecutionis inualuit. Quo tēpore Rudericus Rex præerat Hispania:  
 & Sarraceni Hispanias sunt ingressi. Quorum furore persequutionis nullus Christianorum ante eo-  
 rum oculos viuus remanere potuit. Hac persequutio e cōperta, sanctus Episcopus Bentius omnes dis-  
 cipulos suos in unū congregauit: & cum lacrymis ait. Videte Fratres, quanta sunt peccata Christiano-  
 rū, ut diuina vindicta super nos mittat impiissimam gentē Sarracenorum. Nunc ergo filii acquiescite  
 consiliis patris vestri, & cū codicibus vestris, & cū brachio Sancti Petri Apostoli, & cū aliis Sancto-  
 rum Reliquiis aut Romā pergamus, aut ad montes, ubi nos Sarraceni inuenire non possunt, fugiamus.  
 Cui unus discipulus proterua mente respondit. Nuntius venit ad nos de impiissima gente Sarraceno-  
 rum, per quē promittunt, & iurant: ut quicūq; Christianorum cum eis habitare voluerit, se eis nul-  
 lum malum facturos. Isto malo consilio turbati ceteri nō acquiescerunt consilio patris. Cum ergo audis-  
 set sanctus Episcopus, quod discipuli sui non acquiescerent consilio salubri, nocte superveniente, brachiū  
 sancti Petri Apostoli, & Reliquias multorum aliorum Sancto- rum accepit, & cum paucis de suis occul-  
 tē de ciuitate fugit. Eodem tēpore in terra ista Armentarius Comes erat. Ad quem beatus Episcopus  
 fugiendo peruenit. Et ipse clementissimus Princeps ut eum vidit, quod conquereret, quid vellet, in-  
 terrogauit. Cui beatus Episcopus ait: Casaraugustanus Episcopus fui, à facie Sarracenerum nunc fu-  
 gi, & rogo te multum, ut si habes in terra tua Ecclesiam in loco turisimo positam, dona eam mihi, ut  
 habitans in ea brachium sancti Petri Apostoli, & Reliquias beatorum Martyrum, seu Confessorum,  
 quas in cū habeo, recondam ibi. Cui benedicta memoria Armentarius respondit: Habeo Ecclesiam  
 in his locis positam, in honorem Sancti Petri Apostoli adificatam; placet accipere eā, & has pretio-  
 sissimas Reliquias recondere in ea. Beatus igitur Episcopus Bentius audiens, magno gaudio repletus,  
 ad monasterium nostrum venit: & ut decebat, Abbas noster Dominus Donatus cum congregatione  
 tota eum honorifice suscepit. Venit enim cum magno thesauro. Et tempore sua vita transiens, felici  
 fine, requiescit in eodem loco. Eodem tempore strenuissimus Rex Carolus super gentem Francorum  
 regnabat. Ad quē misit me Dominus Donatus: & indicaui omnia, quæ erant gesta. Igitur ipse ut au-  
 diuit talia, promisit se venturum cum maximo exercitu, & cum nimio alimoniarū apparatu Hispa-  
 nias; ut Sarracenos inde eiceret, & libertatem patriæ recideret. Et propter amorē Sancti Petri Apo-  
 stoli dedit mihi auctoritatē libertatis monasterii nostri; & insuper multa munera mihi cōcessit, & cū  
 omni prosperitate ad nostrū monasterium me remisit. Ergo post regressum meū à Francia, sanctus E-  
 piscopus Bentius adhuc vivebat, & ordinauit diē, ut dedicaret nouā Altaria, in quib; sanctissimas re-  
 cōderet prædictorū Sancto- rum Reliquias. Consecrauit igitur Altare in honore Sancti Petri Apostoli, in  
 quo reposuit brachiū eiusdē Apostoli; & Reliquias de vestimēto Beate Virginis; & Reliquias de cor-  
 pore Sancti Pauli Apostoli; & Sancti Andrea, & Sancti Iacobi, fratris sancti Ioannis Euangelista, &  
 pretiosissimas Reliquias de sancto Laurentio Leuita, & Martyre, & alias multas Sancto- rum Reliquias,  
 quas modo nō valco nominare mea humilitate. Consecrauit Altare in honore sancti Ioannis Baptista. In  
 quo reposuit Reliquias; Vasculū argenteū, plenū ex beatorum Apostolorum pretioso sanguine: & hoc  
 dictum est certissime: & cineres de corpore sancti Ioannis Baptista; & de vestimento, & capillū sancti  
 Ioannis Euangelista; & Reliquias aliorum plurimorum Sancto- rum: quas propter numerositatem nō  
 potui redde- re memoria. Consecrauit etiam Altare in honore sancti Stephani Protomartyris. In quo  
 reposuit duos digitos de corpore eiusdē Martyris; & Reliquias de corpore sancti Bartholomæi A-  
 postoli; Sancti Barnabæ Apostoli; & sancti Cipriani Martyris; & caput sancta Nulionis: & spa-  
 tulam sancta Alodia: & Crucis particulam de lignum Domini. His ergo rebus venerabiliter  
 completis, conuocatis Episcopis totius provincie ordinauit diem Dedicationis Ecclesie. Et fuit de-  
 dicata cum magna honorificentia. Hic Dedicationi interfuerunt septē Episcopi, & prædictus Comes  
 Armentarius, & vir nobilissimus nomine Redemptus, & ego peccator Belasclus. Et iuro vobis fra-  
 tribus meis dilectissimis per deum tremēdū iudiciū, quod hoc, quod vobis exposui, in veritate dixi: quia  
 oculis meis vidi: & aliqua, quæ non vidi, de ore fidelium audiui: ..... Hac Beatus Belasclus di-  
 xit, & infirmitate pressus siluit, & bonis operibus ..... Kal. Aprilis: ad calorum  
 regna



regna transiit: & iuxta Altare Sancti Petri Apostoli sepultus ..... Imperante Domino nostro Iesu Christo, qui vivit & regnat per omnia secula ..... Sunt Reliquie multae: quorum delectatu sunt notamina. Et ibi est caput ..... In minori vero est Vasculum argenteum, in quo habentur multae Reliquie Sanctorum: ..... Iusti, & Pastoris & Sanctarum Iusta, & Rufina. Et est ibi scriptum, sicut superius pranota: ..... Belascuti. Ita vidimus esse in Altaribus. Hæc itaq; in ea Sancti Petri Canonica memorantur. Quibus quæ fides adhibenda sit, affirmare non ausim. Affirmabo autem nimis verè, me ita ea omnia exarata inuenisse in dicto peruetusto Codice Pinnatensi, antiquis literis, atq; adeo veteri pergameno descripta, ut magnâ speciẽ præferant, meo quidẽ iudicio, veritatis. De Bentio autẽ nihil sanè vsquam mihi legisse videor: tantummodò cõiectura ducor ad suspicandũ, cum continenter Baldifredo Episcopo successisse, cuius in Decimotertio Concilio Toletano Ann. Chr. dcccxciii. Eruigio Rege, habito mentio fit. Siquidẽ in eo Freydebandus Abbas, Vicarius Baldifredi, Episcopi Cæsaraugustani, subscriptus exstat. Et eundem etiam Baldifredũ constat interfuisse duobus aliis Conciliis Egicæ, siue Egicanis Regis temporibus in eadẽ Vrbe Toletana, habitis: priori quidẽ, Ann. Chr. dcccxcix. Posteriori verò, Ann. Chr. dcccxciii. à quo septẽ tantum anni interserũtur vsq; ad Ann. Chr. dccc. quo Bentii Cæsaraugustanæ Ecclesiæ prepositum fuisse, Belascuti testimonio comprobatur. Annum enim Hispaniæ cladis, quẽ dcccxi. fuisse diximus; Belascutus ipse decimum quintum Annum Ordinationis, id est, ut interpretor, Episcopatus ipsius Bentii Episcopi nominavit. A numero autẽ annorum Hispaniæ cladis quindecim his annis deductis, fit æque, ut Bentius Episcopatu dicto anno dccc. obierit: qui non longiori quàm septem annorũ intervallo, ab ultima ea Baldifredi Episcopi memoria distat, quã retulimus. Sed mihi propositũ hoc loco non fuit Cæsaraugustanorũ Antistitũ narrationẽ persequi. Nã id in eum librũ differimus, quem de eorum serie à nascentis Ecclesiæ initiis ad hæc vsq; tempora meditatur. Fuere autem plures alii, quàm à me supra memorati sunt: quorũ nuda tantũ nomina curabo in extrema huius Capituli parte in lectoris gratiã percernere. Illud tantummodò facere studui, ut Bentii Baldifredo successisse, eorumq; ætæ porum rationẽ, per quã optimè cũ dicto Belascuti testimonio cohærere, indicarẽ. Et verò Donatũ eo tẽpore, Abbatẽ esse Tabernæ monasterii, de quo hæc gesta ponũtur, ex iisdẽ ipsis Belascuti verbis perspicuũ fit: itidemq; tunc Armentariũ Comitẽ apud nos alicuius magnæ ditionis, ac Ripacurtiẽsis fortasse, fuisse potitũ. Sed eorũ nullã aliam, præter eam, mentionẽ obseruavi. Redempti verò nomẽ in vetustis aliis monumẽtis memini profecto me legisse, tenuisseq; illustris viri locũ apud nos: non tamẽ quo anno, præterquam in hæc tempora. Tot autem Sanctorũ Reliquias, & quod magnũ est, sancti Petri Apostoli brachium ad nos vnquam allatum, stupefco; tamdiuq; si ita est, in eodẽ Tabernæ monasterio asservari: cũ tantæ rei nullam memoriã, neque in priscis Annalibus, neq; in posterioribus, tũ nostris, tum et iã externis inueniamus. Audio tamen, dũ hæc scribo, in Ouarraz monasterio, cui dictũ Tabernæ cœnobiũ, ut paulo ante diximus, attributũ fuit, brachiũ quoddã in maximò honore haberi sub nomine sancti Petri Heremite, non autẽ Apostoli. Fortasse à nominis similitudine ortus est error. Quod si id verũ esset, & gloriãda, & prædicanda, & multis aliis antiquitatibus nostris præferenda hæc esset. Sed istius veritatis inquisitionẽ nemo à me exigat: eis enim, qui plus pollent antiquarũ rerum scientia, libenter concedo. At dũ ibi Caroli Francorũ Regis mentio fit nõ Carolo Magno, sed de Carolo Martello, Pipini patre, intelligi debere existimo: quẽ circiter Ann. Chr. dcccxxv. Franci imperare cœpisse, Annales eorũ attestantur. Quid? quod, & referri ea potuissent ad Carolũ Magnum, Pipini filiũ? Is enim, ut auctor est Aemilius Ann. Chr. dcccxxx. Regnum iniit. Quo tempore, seu nec diu postea, Belascutus eũ Galliæ inuisere potuit, cùm tantum ætate processisset, ut illius oratio senectutis plena à Davidio Abbate & aliis Monachis, Belascutum ipsum, moribundũ iam de antiqua monasterii condicione sciscitantibus, haberetur. Ille autẽ moriens, cũ iam ceteris ex partibus oppressa mens esset, extremũ videtur sensum suũ ad proferendam istius antiquitatis memoriã reservasse. Sed mihi magis placet, ut ea gesta ad Carolũ Martellũ referamus. Ceterũ Belascuti obitus dies, & multa alia ob vetustatẽ legi nõ potuerũt: propterea à nobis adhibita fuere tot puncta. Iam verò, ne lōgius labar: quisnã Cæsaraugustanæ Urbis status fuerit, cùm in Mauro-rũ potestatem venit, ex ipsius Canonice verbis aperuissimè elicitur: simulq; etiã verũ esse id, quod omniũ traditũ est sermone, plures in ea Christianos, falsis Arabũ promissionibus deceptos, mansisse, vestigalia ipsis Arabibus persoluentes. Ut enim Episcopus Bentius testatur, noluerunt salubri illius consilio acquiescere. Hi ergo postea septi, & inclusi in Parrochia Virginis Mariæ de Pilari, quamdiu Mauri Urbẽ tenuerunt, habitarunt. Quo



tempore Societatem, vulgò Confratriam, Beatæ Mariæ Maioris, & de Pilari, per insignē, antiquissimamque etiam in antiquissimis monumētis vocatam, initam fuisse, maiorum memoria traditum est, veteribusque apparet ex scriptis: quamuis nonnullis altiora illius initia reperenda videntur. Iam illud satis liquet, clarissimo illius, ac religiosissimo Templo, eodem ipso tempore Maurorum, non modò Ecclesiasticos viros, sed quandoque etiam ipsos Urbis Episcopos præfuisse. Qui verò à nascentis Ecclesiæ primordiis ad Arabū in Hispaniam aduentum (cuius rei narrationem hoc loco suscepimus pertractandam) in ea Vrbe Episcopi federunt; hi sunt. S. Athanasius, Beati Iacobi Apostoli Discipulus, è no- uem ab eo, vt proditur, ad Christianam nostram Fidem Conuersis vnus. S. Felix: S. Vale- rius I. Valerius I. Clemens: Costus: Vincentius I. Lucius: Valerius III. Vincentius II. I. Simplicius: Maximus: Ioannes: S. Braulius: Taius: Baldifredus: ac Bentius tandem, cuius causa in hanc incidimus eorū, qui ipsum antecesserunt, mentionem. Ceteros autem, qui post eum ad nostram vsque ætatem sequuti sunt, nominatim alio in loco curabimus pro- ferendos. Sed nunc ad rem.

#### DE SVPRARBIENSIS REGNI INITIIS.

Cv m multæ autem, ac variæ sint scriptorum sententiæ, quo tempore Suprarbiense Regnum orsum fuerit, quique primi eidē præfuere, Reges ne, an Duces bellorum, cen- fendi sint: nos res gestas persequemur, Regumq; & temporū seriem, quemadmodum in opinione nostra posita est: postea instituta disputatione, in qua veritas limetur, consilii nostrationem explicabimus. Nec vero me fugit, nequaquam esse diligenter nimis in ea, quæ à maioribus sunt tradita, inquirendum. Sed confusius acta res est, quàm quæ po- tuerit rectè silentio præteriri. Quamobrē nequaquam verebimur, dū oporteat ad ipsam veritatem illustrandam, tritas relinquere, & nouas alias inusitatas vias indagare: præser- tim cum iis vt tantum modò argumentis statuerimus, quæ perspicua omnibus nitantur veterum monumentorum veritate. Itaque perducam nunc ad finem, quàm antea cœpe- ram enarrare patriæ nostræ iacturam: vnde Suprarbiensis Regni initium ductum est.

Cæsaraugustana igitur Vrbe ab Arabibus capta, & oppressa, breui tempore omnia cir- cum circa opida, municipia, ac regiones in eandem prorsus fortunam deuenerunt. Chri- stiani enim, qui tunc ea incolebant, à quorum maiori parte de ipsa condicione seruiendi, ab infidelibus oblata, recusatū fuit, patrias suas deferentes, aufugerunt; montosq; Pyre- næorū loca petentes; in ipsis asperrimis saxis mansiones suas, quasi casas, pastorū more, li- gnis, syluestriumq; arborū frondibus tectas, collocarūt. Cum autē sparsi cū Arabibus sæ- pè decertarēt: ipsos superare nō poterant. Itaq; Tercemī ferē ex ipsis collecti, speluncam prope Iaccetanam Urbē in Vruelis monte sitam, natura loci omni aditu circumcisam, ingentiq; crepidine obsessam, sibi in arcē statuentes, communierūt, sperantes se in eadē, vt Pelagio ad Asseuuz montē euenerat, Arabū furorem euafuros. Vnde nostris aliquan- diu non receptaculo solū, sed incursionibus etiam, ac molestiis in hostes inferendis adit⁹ cœpit patere. Abdulazizius, eo tempore, in locū Muzæ Abenzuyri, eius patris, præfectu- ræ Arabum in Hispania sub eodem Alcalifa Vlihi præpositus erat: Egilonamq; Ruderici Regis viduā, vxorem ducens, Hispali sui imperii sedem constituerat. Is, vt accepit, quæ à nostris ex spelunca parabantur, timens, ne sibi, & suis inde, quemadmodum à Pelagio ex Asseuuz monte, aliquod graue damnum inferretur, ad nostrorum impetus coercendos statim iussit suorū militares copias accerfiri. Quarum ductor effectus quidā Abdemeli- chus Abencatanus, speluncā ipsam obsidione cepit: Christianosque omnes, qui ibi ade- rant, nedū viros, sed feminas, ac paruulos lactentes, vberibusque matrū inhiantes, gladio iugulauit, ac præsidia omnia, ibi à nostris parata, funditus euertit. Cuius ruinæ nonnulla hodie exstāt vestigia. Deinde ad finitima loca arma conuertens, horribili furore, ferro, igneq; cūcta vastauit. Sed Abdulazizio à suis Ann. Chr. dccxix. Hispali interfecto, Abde- lelichus, care cōperta, de priuatis reb⁹ cogitans, suas copias reuocādas statuit, ad plani- ciemq; regressus fuit, in arcib⁹ primariis, suorū præsidiis cōstitutis. Tunc nostri, q; cladem euaserant, fusi que per agros vagabātur, erigere animos cœperunt, & ab hostili metu plus- culum respirare. Abdemelicho namq; ad plana loca descendente, seditionibus ciuilibus inter suæ factionis gentes subortis implicato, nostri in montanis ipsis, & vicatim habitare, & liberius degere potuerunt. Euenerat autem, vt quidam integerrimus, ac sanctissimus vir, nomine Ioannes, iam ante incolere cœpisset speluncam illam, in ipso Vruelis monte, vt diximus, constitutā. In qua Sacellum Diuo Ioanni Baptiste dicatum, tenue, & exile, q; eius facultas fuerat, construens, omne tempus ætatis suæ, Anachoretarum instituto de- ditus, piē, ac religiose traduxerat: melius sibi statuens in summa egestate degere vitā inter- feras, quàm cū hominibus in eo motu temporum, tantaq; rerum conuersione, ac perturb- atione



batione versari. Is ab Atares nomen suum traxerat, Ioannesque Ataresius dictus fuerat, quod opidulo ita appellato natus fuisset. At dum mortuus fuit; magna à nostris coli religione coepit: iam ut sine vlla dubitatione crederetur in concilio Cælestium collocatus. Istius ergo tanti viri duo Cæsar-Augustanenses fratres, Otho, seu Voto, ac Felix nominati, & vestigia persequi, & eadem ipsa inire vitæ, ac virtutum cubicula decreuerunt. Cumque aliquantulum progressi fuissent in eo genere, cursuque viuendi: mox eosdem alii duo consequuti sunt, Benedictus siquidem, & Marcellus. Hi mira religionis societate coniuncti, Orationibus, ieiuniis, aliisque virtutum operibus Omnipotenti Deo assidue vacabant. Toritaque claris sanctitatis testimoniis clarior ille locus effectus, à nostris coepit frequenter visitari. Eò namque conuenientes, in tuenda Fide Catholica, ac ferendis patienter aduersitatibus non mediocriter confirmabantur. Dei tandem nutu, cum aliquando illuc plurimi Christiani vndique collecti conuenissent, sequi patria pullos, vastas montium solitudines, quæ alioquin feris à natura datæ fuerant, nec dum tanquam aduenas, aut hospites, sed tanquam prædones potius, incolentes viderent, ac pia, & sacra loca ab ipsis Mauris, tot victoriis grassantibus, profana haberet: quæ summa Dei bonitas est, effecit, ut in hac maiori nostrorum inuestitia, & languore insperatæ sibi salutis adsciscendæ amplissimus aditus patefieret. Quippe cum Infantis Pelagii, ac suorum in Asturia splendor, & virtus aduersus Fidei hostes, indies crebrius perueheretur, & quæ, ac quanta mirabilia illis decertantibus contigissent: nostri, ut crederelicet, Diuina quadam vi ad paria aggrediendum excitati, vnicum sibi refugium, ac tot malorum remedium statuerunt, videlicet: ¶ *VT* legibus militaribus astricti in Maurorum ruinam sub Vnius tandem imperio conuenirent. ¶ Vnde Suprarbiensis Regni initium ductum fuit.

## SVPRARBIENSES REGES VII.

## GARSIAS EXIMINI, SVPRARBIENSIS REX I.



MAGNIS namque prius ad Aediculam illam Sacram ab omnibus actis vigiliis, ieiuniisque, nec non & Orationibus, ac precibus multis, ut Omnipotens Deus placaretur, effusus, demum quadam die, Sacrificio Missæ Sanctissimo celebrato, vna voce, suffragiisque cunctis, Garsias Eximini, fortis, & strenuus vir, qui & ipse Regio Gothorum sanguine, vel, ut aliis placet, Hispano genere antiquo ortus erat, tanquam præcipuus militarium copiarum ductor, atque imperator, electus fuit, & constitutus Rex. Is ante Hispaniæ excidium, locorum Amescue & Abarcuce in Catabrorum regione fuerat potior. Quibus postea à Mauris occupatis, se in eam altitudinem montium contulerat. Cumque in ipso congressu adesset, Regali

titulo salutaris fuit. De Anno, quo hæc gesta fuere, inter scriptores non conuenit. Multi enim multa dicunt. Nos potissimum hac in re antiquam Pinnatensem historiam sequemur: quod nulla ea certiora, magisve illustria nostrarum rerum monumeta statuamus: à quibus videtur non multum differre Beutherius Valentinus. Itaque ut ex his percipi potest, circiter Ann. Chr. DCCXXIV. hæc facta conuicimus. Garsiam autem hunc non Ducis, sed Regis nomine insignitum fuisse, vetus, ac constans opinio est; à nostrisque propterea id consultò factum, ut & sibi ipsi nouæ dignitatis tuendæ nouus stimulus adderetur, Maurosque Regalis nominis maiestate maior timor inuaderet: iam ut ferè Regni nostri initia iure possint Pelagii Regni initia adæquare. Nouus igitur Rex noui Regni obeundi sibi tantam molem suscipiens, iurisiurandi religione omnes nostros astringi voluit, quæ sibi placerent, sequuturos. Ea autem cum præstaretur; nostri plures animi magnitudine, quam numero, quasi futuri boni euentus præfagi, insultantes, nouo quodam bellico furore perciti sunt. Aderant autem non longè à Iaccetana Vrbe. Ad illius tamen expugnationem adeundam minimè se fore statuerunt viribus, aut potentia æquales: eò quod esset Maurorum firmissimo præsidio communita. Ut autem eis nuntiatum fuit, ab Aynsa opidi irruptione, quod Ripacurtiensis ditioni est finitimum, non tam difficili aditu prohiberi: noctis silentio, Iaccam prætereuntes, ne à Mauris deprehensi impedirentur, per deuos saltus iter facientes, improviso in ipsum Aynsa opidum irruerunt. Atque ut sperabant, euenit. Nostri enim Aynsam occuparunt: breuique Christianorum vndique omnes suas copias eò contrahentium collecta multitudine, castellis, atque arcibus eam communire coeperunt, ut quos timebāt hostium impetus, sustinere possent. Mauri illico, permagna suorum armatorum manu comparata, nostris immane excidium laturo conueniunt. Maximam enim victoriæ spem in ingenti eorum numero reposuerant. At Garsias Rex non intra moenia continere solum, sed Mauris obuiam ire posse ratus, acie cum illis dimicaturus contedit. Innumerabilem autem eorum multitudinem ut inspexit, ad extre-



ma ventum arbitratus est, neque aliunde petendum esse, quàm à Diuino numine præsidium. Cumque sibi, & suis necessariò conflegendum videret, in Diuinæque virtutis auxilio, potius quàm in humana vlla potentia relictam spem: nostris animos addere, & ad gloriosam mortem obeundam excitare cœpit. Ipsis tunc, omni spe dempta, ad necem, ut credebant, properantibus, memoriæ proditur, cæleste signum in aere apparuisse: Crucem scilicet rubeam, supra viridem arborem, Quercum nomine, aureo veluti in clypeo positam. Quam inspecta, certissimum sibi futuræ victoriæ præsagium statuentes, ad acrius pugnandum commoti sunt. Itaque Diuinam opem, ac beati Ioannis Baptistæ implorantes auxilium, quod pro Fidei veritate certarent; libero cursu in Mauros irruerunt; summaque dimicantes contentione, tandem omnes eorum copias profligarunt; Garsiam ipsum denuo, quod tam gloriosè de Mauris triumphasset, Regem Gloriosissimum, & Inuictissimū, maximo applausu, & perhonorifica militari cōgratulatione, acclamantes. Inde ea Regio Suprarbiensis Regni nomē sortita est: Suprarbiensisque Regno, Regi, & posteris cælestis supra arborem Crucis signum, Regiæ dignitatis stemma clarū enituit. Neque aliundè fluxisse, constāti, veteri, & illustri fama, literisque & memoria celebratur. Aynsæ autem opidum, arx primaria nostris constituta, propterea caput fuit antiqui Suprarbiensis Regni: in cuius nomen paulatim, quæ acquirebantur opida, cessere. Garsias verò Rex tanti diuinitus in se collati beneficii non immemor, Sacellum sancti Ioannis Baptistæ in Vruelis monte, ut diximus, situm, plurimis donis ornandum, & locupletandum curauit: quod postea celebre fuit sibi, & posteris Regibus monumentum. Ab ipsa autem rupe vestita, in qua erat excisum, sancti Ioannis de Pianna dictum est. Multæ postea res à nostris contra Mauros feliciter gestæ sunt; nonnullaque opida in Cantabria ab eorum manibus erepta & seruata: quibus Garsias Rex Suprarbiense Regnum, suamque ditionem amplificauit, & auxit. Tandem amplissimam gloriam propterea consequutus, mortem obiit, Beutherio teste, Ann. Chr. DCCLVIII. Eo mortuo, ad Garsiam filium ex Innica, seu Ennenga vxore susceptum, quæ eamque causam Garsiam Innici appellatum, omnium consensu, & voluntate Regnum delatum est. Et verò habita temporum ratione, dicere cogimur, primi istius Regis filiam fuisse, Memeranam, seu Muninam illam, quæ ex Alfonso Sapientis, Castellæ Regis, Toletanique Archiepiscopi Ruderici sententia, Ann. Chr. DCCLV. Froilæ, seu Fruelæ Legionensi Regi nupta fuit. Nam etsi ea alioquin illius Hedenis, Andecæ filii, filia statuatur, à quo postea nostri Aragonenses Comites, ut paulo post demonstrabimus, profecti fuere; veruntamen ipsi ambo in suis scriptis memoriæ prodiderunt, Muninam illam, Regia Nauarrensi progenie ortam esse: iam ut Garsiam hunc, Regem extitisse, graui hoc eorum testimonio comprobetur; cum in hæc tempora neminem alium, præter cum eis Pyrenæos regnasse perspicua omnibus, & nota res sit. Suprarbiensem verò, non autem Nauarrensem censendum esse, & quid ipsi senserint, indicabimus postea in eo Capite, in quo varias scriptorum sententias de Suprarbiensis Regni initii perstringemus. Fabricius Gaubertus, nonnullique alii, qui res nostras scriptis prodiderunt, in hac prima istius Garsia Eximini Regis electione antiquum Suprarbiense lus cōditum, Magistratumque Iustitiæ Aragonum institutum tradunt. Nos aliorum sententiam sequuti, ea primo Interregno, de quo paulò post, subiicienda diximus: tametsi hoc tempore aliquod illis initium fuisse datum, facillimè credam.

## GARSIAS INNICI I. SVPRARBIENSIS REX II.



GARSIAS ergo filius, eodem Ann. DCCLVIII. Regnum adeptus, amplificandæ ditionis suæ cupiditate commotus, bella cum Mauris acerrime gessit, nonnullaque ab eorum potestate opida eripuit. Inter quæ, Pompelon, Vasconum primaria Vrbs, magis, magisque sui nominis gloriam illustrauit. Ea, Iruntensis ciuitas vernacula lingua vocari consuevit; Bambaloniamque Carolus Princeps, nimirum ab Vuamba Rege, minimè verò Pompelonem, seu Pompeopolim, à Pompeio Magno, ut plerique tradunt, nominatam vult. Quæ de re tam feliciter gesta, siquidem quod tam celebrem Urbem à fœda Maurorum seruitute liberasset; ad Leonem III. Pont. Max. legatos decreuit Garsias Rex, Maurorumque vexillum misit, quod in ipsa expugnatione ceperat, tanquam victoriæ partē signum, & trophæum. Inde Pompelonensis, siue Pompeilonensis Rex vocatus fuit. Nec diu tamen tantæ Urbis potitus. Paulò etenim post in Maurorum dominatum rediit. Et verò eam constat tristissimis illis temporibus in magna varietate, ac conuersione rerum versatam fuisse, atque adeo etiam totam ferè Nauarræ Prouin-



Provinciam. Nam & à Mauris sæpius vi oppressa fuit: tum & ab Asturiarum Regibus, tum & à Suprarbiensibus nostris obienta: ac tum in Gallorum quoque decidit imperium, cum Carolus Magnus, Pyrenæos transcendens, à Maurorum manibus extorsit illā, funditusq; ipsius muros, iussit euerri. Propterea nec mirum, quod quæ tot fluctibus fuerit iactata, plures etiam expugnatores habuerit. Quorum vnus, hic Garfia Rex fuit: parumper tamen, vt diximus, eiusdem potitus. Deniq; Regio munere gloriose perfunctus, interit An. Chr. dcccxi vel circiter. In Pinnatēsi Sacello sepultus fuit. Fortunium filium reliquit, Suprarbiensem Infan-tem appellatum, qui illius protinus successus est heres. De cuius matris nomine compertum nihil habeo: præterquā quod ex priscis quibusdam Pinnatēsi Ecclesiæ monumentis, quæ apud me exstant, Domnam Totam, colligitur eam dictam fuisse. Sub hoc autem secundo Suprarbiensi Rege Garfia, Azenarius vir clarus, & præstans, primus in hoc insigne Aragonum Comitatus nomen, ac munus.

## ARAGONENSIS COMITATVS INITIVM.

NAM interea dum Pompelonenſe, quod diximus, bellum ab ipso Garfia Innici, Rege gerebatur; memorie proditur, strenuum quendam militem, Azenarium nomine. Hedonis Aquitanix Ducis Nepotem, ex Cantabria in hæc Pyrenæorum loca aduentasse, ipsius Garfiæ Regis stipendia meritorium. Is Iaccetanam Urbem adortus, ea, nonnullisq; aliis finitimis opidis, sua, suorumq; virtute expugnatis, ab ipso Rege donatus fuit: atque vniuersæ huic regioni quæ vix decem & sex millia passuum latè, longèq; patebat. Comes præfectus. Cumq; à duobus Aragoniæ fluminibus, quorum ripis ferè constituitur, Aragonia vocaretur; his temporibus Aragonum Comitatus nomen adsciuit: à quo postea Aragonenses Comites fluxere. Aragonensi verò Comitatu, & Suprarbiensi Regno, deinde subiunctis, clarum inde, vt infra explicabimus, Aragonum Regni nomen dimanauit: quod postea clariùs in toto Orbis terrarum clarissimis victoriis factum fuit. Sed de his iā dicendi locus erat, cum ipsorum Comitum seriem persequemur. Quare nunc ad institutam de Suprarbiensibus Regibus sermonem redeamus.

## FORTVNIVS. I. SVPRARBIENSIS REX III.



FORTVNIVS itaq; I. Garfiæ Innici F. Garfiæ Eximini N. quæ Suprarbiensem Infan-tem, quasi heredem Regni futurum, vocari solitum memorauimus, patris mortui fuit, omnibus annuentibus, imperium consequutus. Illud verò Fortunii nomen idem cum Ordonio esse quibusdam placet. Vix terdecim annos regnavit. In his aurem amplissima gesta celebratur. Anno enim ipsius Regni Septimo, Natalis autem Chr. dcccix. ad Pyrenæi radices (Roncauallis loco nomen est) pugnam illam contra flammam constat: qua, vt Aemilii Gallici scriptoris verbis utar, *nulla vnquam Francorum clade nobilior, nec fama celebratior visa est*: siquidem in ea notissimi illi Francorum

Duces, ac primarii heroes deuicti, Bernardi Carpii memorabili, & eximia virtute, Marfilio Mauro Casaraugustanensi Regulo, opem ferente interiere. Ac Garibaius quidem probabile fit, hunc Fortunium Regem eo in prælio interfuisse: acriterq; in Francos dimicasse. Sed incertum existimo; saltem à nullo alio præterquā ab eo testatum comperio. Et verò, vt ego arbitror, quo tempore ea pugna commissi fuit, Nauarra in istius nostri Fortunii Regis potestate non erat: sed sub illius Alfonsi Legionensi Regis imperio, qui ab ipsis Francis clarissimam huiusmodi victoriam reportauit: tamen si scio id Ambrosio Morali, grauiſſimo Historico nequaquam placere. Illud quidē satis exploratum est, quod idem ipse Garibaius scribit, Fortunium hunc, aliquot Maurorum copiis in ditionem suam insultantibus cum obuiam prodiiſſet, ad opidumq; Oleassæ, acies conuenissent, vtrinq; postquam diu acriter pugnatum fuit, fuisset tandem ab ipsis Mauris celebrē victoriæ triumphum consecutum: Roncallēsiq; vallis habitatoribus, quod in eo prælio præstantem operam nauauissent, insigne illud Ingenuitatis, qua hodie gaudent, Priuilegium irrogasse. Quod Garibaius ipse se legisse perhibet: in eoq; istius Fortunii Regis, ac Sancti filii, qui continenter sequitur, clarissimam fieri mentionem: Vt hos Principes, qui primi nobis præfuere, Regale nomen adsciuisse, dubitandum non sit. An verò Suprarbienses, an Pompelonenſes, seu Nauarrenſes dicti, ea controuersa res est. plenaque dissensionis inter scriptores: de qua infra, vt à me paulò est ante dictum, copiosius disputabo. Demum Fortunius hic Rex, fugatis Mauris, ditione sua aliquantulum pacata constituta, circiter Ann. Chr. dcccxv. mortuus fuit: illiusque corpus in Sacello Pinnatēsi humatum. At Galindum, Comitem Secundum, constat sub eius imperio Aragonensibus præfuisse.



## SANCTIVS GARSIAE, SVPRARBIENSIS REX IV.



SANCTIVS igitur Garsia, Suprarbiensis Rex IV. Fortunii. I. F. patre mortuo Regnum occupavit. Iam enim usu inoleverat, ut Regale munus ipsi stirpi Regiæ traderetur. Illud verò Garsia nomen apertè constat Regem hunc, patrem, atq; avum, in illius Garsia Eximini, primi Suprarbiensis Regis, memoriam usurpasse. Tum & illud etiam fat liquet, quod omnes testantur, Navarra Prouinciā, totā ferè huic Regi Sanctio in sui Regni initiis subditiā fuisse: siue quòd à Legionensibus Regibus descivisset iam, siue fortasse quòd à Mauris vindicata, de eorum manibus nunc eriperetur. Sed quid id eveniret non proditur. Hoc tamen certum ponitur, hunc ipsum Regem cum in ipsos Mauros denuo profilientes, magno comparato exercitu Decimo septimo Regni sui anno, qui fuit Ann. Chr. DCCCXXXII. praelium committeret: hostium multitudine circumventum, vna cum Quinto Aragonum Comite, Garsia, fuisse necatum. Siquidem sub hoc Rege tres Aragonum Comites exiit: Eximini scilicet duo, qui tertius & quartus, Comites numerari debent; ac vnicus iste Garsias, qui quintus ordine Comes fuit: ac verè quidem non honoris tantum, sed & calamitatis comes, ac fortis appellandus; quando quidem vna cum hoc Rege victus simul, & occisus est. In hoc attem praelio Muzam Abenheazin, tertium Cæsaraugustanensium Maurorum Regulum, Arabici exercitus ductorem fuisse comperio. Etenim is, cum alioquin Christianus natus fuisset, Mahmeticæ sectæ se addixerat: & à Cordubensi Rege deficiens, Toletum, Valentiam, Cæsaraugustam, Tutelam, Oream, ac magnam denique Hispaniæ partem parere sibi coegerat armis, & vi. Quarum rerum magnitudine elatus, superbum Miralminimii Hispaniensis cognomentum, quo inter Arabes summa Imperatoria Maiestas designatur, usurpauerat. Postea Pyrenæos transcendens, Galliam Gothicam inuasurus; à Carolo Caluo Francorum Rege, qui eius potentiam non mediocriter pertimuerat, magnis muneribus, ac donis delinitus, reuocatus fuit. Et inde rediens, cum in hunc nostrum Regem impetu magno irrupisset, teterrimum eidem, quem diximus, & vitæ, & Regni intulit finem: ac Pompelonem Urbem adortus, eandem, magnamque Navarra partem, atque alia cis Navarra opida, per quam celeriter occupavit. Tunc nova etiam perturbatio rerum visa est. Sanctii enim Regis corpore ad Pinnatensem Ecclesiam, quam amplificauerat ipse, delato; quòd sine prole obiisset, Suprarbiense, ac Pompelonense Regnum ad ultimum quasi interitum deductum, denuo instaurari oportuit. Vnde benignitate Dei Aragonensium libertatum origo.

## PRIMUM INTER REGNUM

ET ENIM huiusmodi clade Christianis illata, in qua etiam dictus Garsias, Quintus Aragonensis Comes, victus occubuit: qui ex ea viui evaserant omnes, se se statim in fugam contulerunt: Navarrenses quidem finitima opida Navarra petentes, urbem suam deferere coacti sunt. Nostri verò, quos Sexcentos fuisse perhibetur; Pinnatensem speluncam illam adierunt. Ea enim non solum veluti ædes sacra illis temporibus colebatur, sed etiam tanquam arx fortissima, tutissimumque ac postremum fortunæ miseræ & iactatæ perfugium. Illuc ergo nostri cum vxoribus, & liberis vltima desperatione perterriti, quæ admodum initio Hispaniæ cladis euerat, confugientes; magna, quibus inimicorum impetum propellere possent, parare propugnacula curaverunt. Cumq; sæpius cum Navarrensibus implicati, quibusum fuerat antea consiliorum omnium societas coniuncti, in Maurorum fortunas inuaderent, plurima eorum loca vastantes: inde sibi maximos quæstus, ac prædas comparabant. In quarum partitione, sæpe ut fit inter coniunctissimos quosvis, crebræ, vel potius quotidianæ suboriebatur, civilibus bellis nonnunquam agitata, contentiones: quæ Navarrensiū animos in novorum consiliorum rationem induxerunt. A nostris namque desciscetes (quæ mea recens opinio est) Regem sibi præfici oportere iudicarunt. Vnde, meo quidem iudicio, nec aliunde sanè, tota quæ semper visa est extitisse, vniuersi iuris nostri ab eorum iure dissimilitudo provenit. Atqui nostros quotiescunque dico, & Aragonenses, & Suprarbienses intelligo. Nam etsi minima illa Aragonensium Resp. Comitum adhuc continebatur imperio: ex quo tamen Comites ipsi semper fuerunt Regibus nostris addicti, communis eorum esse vna, & eadem cum Suprarbiensi Rep. censebatur: obeamque causam de illa stabilienda ab omnibus simul fuisse inita communiter consilia videmus. A pristina igitur nostrorum societate Navarræses modò se totos distraxerunt. Eximino cuidam, sin minus Innico Aristæ, totius



ius belli, ac instaurandi Pōpēlonensis Regni summam deferentes. At verò Eximinius hic ipsius Aristæ Regis pater fuit. Quod cum Garibaius, primus ex omnibus Historicis adumbravit; nos iam exprimere curabimus, atq; Eximinum hunc Regem fuisse, qua ex parte Garibaius ipse in probatione defecit, demonstrare, postquam institutam narrationem absoluerimus, ne eandem, interposita disputatione, obsecemus. De eo verò nihil habeo, quod dicam, præterquam quòd Rex fuit. Et regnavit is quidem, eis Pyrenæos saltem, quantum conicere possum, paucos dies. Ac fortasse Aquitaniæ Rex fuit. Nam, ut ex Annalibus Francorum colligitur, ea Galliæ pars aliquandiu Reges suos habere consuevit, Regnumque Aquitanicum vocitari. Unde forsitan (fieri namq; potuit) Eximinius hic Regis sibi nomen adsciuit. Filium autem habuit (ut colligitur ex Pinnatensi historia, de qua infra præcipua quædam Capita recitabo) Garisiam vocatum; Innici Aristæ fortasse fratrem maiorem: quem suspicor viuentē patre obiisse, cum nusquam appareat Garisiam ipsum regnasse. In ea enim solū proditur, ipsos ambos, Eximinum Regem, & Garisiam filium nullo successore superstite decessisse. Sed in hoc saltem erratum puto: cum Aristam Regem, Eximini istius Regis filium fuisse, iam gravissimo argumento, quod paulo post afferam, confirmetur. Ex his autem coniecturam capio, ut generis illius antiquitatem ex Aquitania profectam existimem. Aristam namque Regem, qui sine ulla dubitatione istius Eximini filius censendus est, omnes quotquot sunt, & recentiores, & veteres scriptores prodidēre ex Bigeronensi Comitatu, qui illi tanquam patrimonium tribuitur, ad Pompelonensis Regni gubernaculum accessisse. Cum ueni autem, seu Cucneni Populi, qui postea Bigorrenses, & Biernenfes dicti sunt, Aquitaniæ Prouinciæ à Claudio Ptholomæo monti Pyrenæo continentes, seu, ut ipse loquitur, contigui subiiciuntur: iidemque Conuennæ, & Begerri nominantur à Pinnio. Et aptè quadrat, ut si filius in Aquitania rerum potiebatur, ipse pater Aquitanicus iudicaretur. Cum verò nostris nequaquam imperarit: propterea illum non ducō in nostrorum Regnum numero ponendum esse. Ceterum, ut ad reliqua pergamus: Nauarrenses, quam instituerant, viam tenentes, à nostris disiuncti, si non iam Eximino huic, saltem Innico, ipsius Eximini filio, qui Aristæ postea cognominatus est, Regale nomen, ac munus deuulerunt circiter Ann. Chr. DCCCXII. Neque enim quidquam horum magis certa notatione temporum percipere possum. Innicus Regiam dignitatem adeptus, magno impetu in Pompelonem Urbem inuasit: cuius Arabes post Sancti, Quarti Regis, interitum fuerant potiri. In ea demum Pompelonensis Regni sedem instaurauit, exturbatis Arabibus & expulsis: quos quandiu vixit, continuis bellis semper laceſſiuit. Sed interea dum hæc à Nauarrenſibus gesta fuere: nostros constat in componendis sacris Pinnatensis Ecclesiæ rebus fuisse versatos. Eam namque amplificantes, nouas eidem Aras ad-mouerunt. Quoniam autem Ioannis, primi Anachoretæ, aliorumque duorum Cæsaraugustanensium fratrum, Voti, ac Felicis, ob religionem vitæ, promouendique Suprarbiensis Regni initium datum, clara apud omnes exſtat tunc, insignisque memoria: eorum corpora, nobilioribus in sepulchris condiderunt, positis ibi singulis è marmore simulachris. Quo tempore huiusmodi Inscriptionem, quam vetustus quidam Scriptor in tumulo Ioannis, primi Anachoretæ, inuentam refert, instauratam, ac renouatam coniicio.

842.

EGO IOANNES. PRIMVS. IN HOC LOCO. EREMITA. QVI OB. AMOREM DEI SPRETO. HOC. SÆCVLO PRÆSENTI. VT. POTVI. HANC ECCLESIAM. FABRICAVI. IN HONOREM. SANCTI IOANNIS BAPTISTÆ. ET. HIC. REQUIESCO AMEN.

Istius verò Scriptoris nomen non comperi: sed in iis, quæ illius exſtant, monumentis, de vetustiori altero Machario conuenitur, quòd istius Ioannis Eremitæ vitam scribēs, hæc omnia silentio præterisset. Conuentum præterea Sæcularium Clericorum nostri in dicta Pinnatensi Ecclesia stabiliri curarunt, eidē Abbatem Transynirum, seu Trāſiaticum, præficiētes: quod viuēdi genus in Hispania olim habitum fuit, quasi Monasticæ vitæ institutum. Atq; hinc antiqui eiusdem Ecclesiæ Annales secundam illius fundationem appellant. Quam tandem solēnis Consecratio, in die Sanctæ Agathæ, seu, ut aliis placet, Sanctæ Annæ, matris Dei genitricis, eiusdem Anni CCCCXLII. ab Innico, Aragonensi Episcopo, facta decorauit. Ille enim dies Festus, ac solēnis, tunc fuit magno vi-

842.



dique omnium concursu celebratus. Dereliquo tamen haud cessabant prospicere, & consulere omnium fortunis maximè ea consilia exquirentes, quæ ad benè statuendam Rempub. pertinebant. Cumque eorum animi in deliberando in contrarias partes distraherentur, ut sit, ne fortasse dum in bonorum consiliorum cursu cunctabantur, quid caperet Resp. detrimenti, Duodecim primarios Viros, ut prisca nostra monumenta testantur, selegerunt, quibus, Interregno huiusmodi durante, tota fuit ipsius administrandæ Reip. cura commissa. Hi quod admodum grandes natu essent, ob ætatem ipsam, Seniores sunt vocati: à quibus, ut mihi quidem placet, qui Ricii homines *de natura* apud nos postea dicti sunt, originem duxerunt. Et hæc publicæ rei gerendæ ratio diu viguit. Veruntamen nequaquam videbatur, premente tanto Arabum incursu, stabilis, nec firma permansura. Nihilominus dulcedine capti libertatis, Vni se subici imperio formidabant: quoniam quidem prouenturam inde credebant seruitutem. Omnibus denique rebus circumspectis, rationibusque subductis, perciti, ut proditur, ab Aragonensi Comite Fortunio, demortui Comitissæ filio, inque ipsius locum successo, hanc fecerunt suorum omnium consiliorum summam: ¶ *VT* per legatos Adrianum II. Pont. Max. (quem prisca nostra monumenta Apostolicum Aldebrandum vocant) ac Longobardos consulerent: Quem modum ad diuturnitatem imperii magis aptum statuendum esse censerent. A quibus responsum perhibent: ¶ *VT* certo iure, ac legibus præstitutis, præiuraque Iurisiurandi religione præcautis. Vnum sibi Regem præficerent. Peregrinum verò dominum repudiarent. Isque qui ab eis Rex cooptaretur, cauerent, ne ex superioribus, ne ex inferioribus esset: ne, si superior, inferiores premeret: ne, si inferior, à superioribus derideretur.

Cui consilio, ac sententiæ nostri acquiescentes, antiquum inde Suprarbiensem Forum condiderunt.

DE ANTIQVO IVRE, SVPRARBIENSI FORO NVNCVPATO, DEQVE MAGISTRATVS IVSTITIÆ Aragonum institutione.

SI QUIDEM iuxta responsum datum decreuerunt omnes, Vnum aliquem virtute præstantem, Regem sibi constitui oportere. Sed tamen ne Regum arbitria, quemadmodum in aliis Prouincijs, apud nos etiam pro legibus futura essent: quasdam tulerunt leges in primis, quibus huiusmodi incommodo mederentur. Has leges postea, Suprarbiensem Forum nuncuparunt. Cuius seriem libuisset hoc loco latè persequi, & annotare prisco illo germano, ac genuino diomate, quo conditus fuit: in eo enim plus venustatis, ac leporis contineret. Temporis autem iniuria factum est, ut eius cognitio, aliarumque rerum antiquarum, maxime scitu dignarum, apud nos penitus iaceat sepulta. Quædam tantummodo fragmenta exstant ab ipso Carolo Principe, nonnullisque alijs scriptoribus obseruata: quæ hoc loco à nobis summam perstringenda erunt. Sunt enim quasi prima Reip. nostræ elementa: in seque continent Magistratus Iustitiæ Aragonum institutionem, quod est instituti nostri præcipuum. Itaque initio illius Fori præcautum fuit: ¶ *VT* futurus Rex, quandoquidem ad eum viro, ac sponte Regnum iam è Mauri capiti, ac promoueri ceptum deferretur: de legibus obseruandis, ac libertate Regni tractanda, tum iurisiurandi religione, tum etiam ipsarum legum vi, ac potestate premeretur. Isæ verò leges huiusmodi fuerunt.

IN. PACE. ET. IVSTITIA. REGNVM. REGITO NOBISQ. FOROS. MELIORES. IRROGATO.

E. MAVRIS. VINDICABVNDAM DIVIDVNTOR INTER. RICOSHOMINES. NON MODO. SED ETIAM. INTER. MILITES. AC. INFANTIONES. PEREGRINVS. AVTEM. HOMO. NIHIL. INDE. CAPITO.

IVRA. DICERE. REGI. NEFAS. ESTO. NISI ADHIBITO. SVBDITORVM. CONSILIO.

BELLVM. AGGREDI. PACEM. INIRE. INDVCIAS. AGERE. REM-VE. ALIAM. MAGNI. MOMENTI. PERTRACTARE. CA- VETO. REX. PRÆTERQVAM. SENIORVM. ANNVENTE CONSENSV. NE. QVID. AVTEM. DAMNI. DETRIMENTIVE LEGES. AVT. LIBER-



LIBERTATES. NOSTRÆ. PATIANTVR. *IVDEX. QVIDAM.*  
*MEDIVS* ADESTO. AD. QVEM. A. REGE. PROVOCARE. SI.  
 ALIQVEM. LAESERIT. INIVRIASQ. ARCERE. SI. QVAS.  
 FORSAN. REIPVB. INTVLERIT. IVS. FASQ. ESTO.

His ergo legibus, & sanctionibus maiores illi nostri, Regni instaurandi molem firmarunt. Id verò potissimum exstitit retinendæ libertatis præsidium, quo *IVDICIS MEDII* Præfecturam statuerunt; sic potestatem in Rege collocantes, ut in Iudice Medio temperatio inesset; quibus ex rebus conflatur, & efficitur moderatus, & concors Reip. status, quem tenemus. Ab his namq; initiis rerum, ad extrema hæc usq; tempora videmus istius Intermedii Magistratus vi, Senerissimorumq; Regū benignitate, & clementia; & pristina nobis libertatē, antiquumq; ius retentū fuisse, & Regiæ Maiestati debitā semper fidem, ac reuerentiā servatam: neq; Regnum tantummodo aduersus Reges, sed sæpenu-  
 10 mero Reges ipsos aduersus Regnum, istius Magistratus auxilium implorasse. Quo pacto sine vilo tumultu plurima fuerunt intestina mala sedata; quæ nisi ciuilitate fuissent compressa, videbantur certè ad communem omnium perniciem eruptura: ut iurè quidem affirmare possimus, in hoc vno, & Regibus, & Regno ciuilis tuendæ concordia summam exstitisse. Hic Magistratus, primū Iustitia Maior: deinde ipsius Regni nomen assumens, *IUSTITIA ARAGONVM* appellatus est. De quo quæ dicere instituiamus, cum explicauerimus, quem cœpimus Reipub. nostræ progressum  
 20 demonstrare, commodius persequemur: quanquā ista video, quæ nunc connecti volo, separatim quoddam volumen postulare. Nihilominus decreui prius singulorum Regum facta percurrere: ut ex eorum notatione facilius, quæ fuerint eidem Magistratui sub vnoquoque Rege incrementa allata, percipiantur. Itaque ut ad reliqua pergamus, re huiusmodi multos dies promulgata, & cognita, à nostris etiam tunc in primis cautum fuit: Nempe, ¶ *AD* præscriptas has leges dirigendam omnino, & formandam esse eius, qui Suprabienensis Rex esse concupisceret, voluntatem. Ac nisi prius de seruandis ipsis fidem suam pateretur arctissimis vinculis obligari: præfationē quæcumque præposteram esse futuram.

30 Positis his igitur libertatis patriæ fundamentis, cœperunt singuli inter se de eo, quem Regem eligerent: disceptare. Neque id minus operosum erat. Nec verò interea ab armis vacabant. Quinimo sæpius Maurorum contra furorem & bellum, & iusta arma capientes, à suis finibus eos expellebant: satis à se, superque habere Rempub. iudicantes, quòd in illis asperitatibus, temporumque ac rerum angustiis regionem suam ab excursionibus hostium tuerentur. Post conditas autem has leges diutius nostros in ancipiti cunctatione fuisse versatos Carolus Princeps his verbis declarat. *E despues que bouieron deliberado de leuantar Rey, passaron assaz tiempos, que non lo fizieron, por algunas dissensiones, que entre ellos encorrian.* Tamen si id non de nostris solis, sed de Nauarrensisibus simul attestatur. Nostri tandem ad eligendum Regem in Arahue-  
 40 sti opido congressi fuere, non longè ab antiquissimo, & religiosissimo illo Assanien-  
 cœnobio, quod Gesaleicus, siue Gesalaicus quondam extruxerat Gothorum Rex, Sancti Martini Sarasien-  
 sis primū, deinde Diui Victoriani nomine, ac memoria consecra-  
 to. Eò statim Arabes, lætitia exultantes, suas copias de finitimis opidis in aciem producē-  
 tes, ad nostrorum cædem parati concurrerunt. Cumque improviso in nostros irrupis-  
 sent, eos obsidentes; opidum ipsam, Arahueste, oppugnare, & labefactare cœperunt, ma-  
 chinisq; vndiq; admotis, vsitata rabie, & clamore, quam tumultuosissimè adoriri. At uerò  
 Innicius Arista, iam Pompelonensium Rex, ea re comperta, instructa acie illuc præsto  
 accurrens, cum Arabibus ipsis confligit; hostesque nefarios, nostrorum vitæ, sanguiniq;  
 imminentes prostrauit, fudit, occidit; & quod rem continet, nostros istius obsidionis pe-  
 50 riculo liberatos, ex ancipiti, & dubio consiliorum cursu, in eo, quem Regem constitue-  
 rēt, ad repentinam concordiam, & ut in se vnum inclinatione omnium voluntatum pro-  
 penderent, excitauit. Nostri etenim ipsius Innici, Pompelonensis Regis, tantam, tamq;  
 oportune adhibitam operam magni, ut par erat, pendentes, eundem sibi in Regem coo-  
 prandum, cunctis suffragiis, eiusdem etiam Fortunii Aragonensis Comitis, ut proditur,  
 consilio ducti, decrevere. Innico itaq; Rege ad se euocato, ac legibus, quas præstatue-  
 rant, eidem ostensis, durissimum sibi visum tradunt, quod de Iudice Medio præcautum  
 apparebat. Attamen re ipsa attentius considerata, & perpensa, cum sibi vltro Regnum ab  
 hostibus ereptum deferretur: nedum ipsas leges sanxisse ferunt, verum nostris nouam  
 aliam, siue legem, siue Priuilegium irrogasse huiusmodi: Quòd



SI. CONTRA. FOROS. AVT. LIBERTATES. REGNV. A. SE. PREMI. IN. FVTVRVM. CONTINGERET. AD. ALIVM. SI. VE. FIDELM. SIVE. INFIDELM. REGEM. ADSCISCENDVM. LIBER. IPSI. REGNO. ADITVS. PATERET.

868. Nostros verò id, quod de Rege infideli concedebatur, quia turpe, ac indecorum iudicant, nequaquam sibi impertiri fuisse passos. Iurisiurandi ergò religione præstita, Pompelonensis Rex Innicus, in eodem Arahueste opido, in Suprarbiensem Regem electus fuit, quantum habita temporum ratione elici potest, Circ. Ann. Chr. DCCC-LXVII. Sed istius computationis rationem in ea disputatione, quam de his omnibus aggressuri sumus, explicabimus. Quandoquidem autem ab Adriano II. Pontif. Max. ut diximus, hæc statuendi Regni forma fuit tradita maioribus nostris, qua nulla præstantior ad civilem tuendam concordiam adhiberi poterat: operæpretium me facturum existimaui, si adducerem hoc loco, quæ Onufrius Panuinius de eiusdem Pontificis religione, ac sanctitate suis scriptis testata reliquit: nimirum ut dum res nostras à tam exilibus, & parvis initiis profectas intuemur intantum decoris, & amplitudinis fastigium adscendisse, in quo diu easdem permansuras speramus: ipsimet Sancto Pontifici, eiusque saluberrimo consilio, si non omni, magna saltem ex parte tribuamus. Sic enim de eo Onufrius testatur in Romanorum Pontificum, quam scripsit, Epitome. *Adrianus, inquit, II. natione Italus, patria Romanus, S. R. E. Cardinalis à Papa Sergio factus, Imp. Caf. Ludouico iuniore Aug. sedit annos quatuor, menses decem, dies duodecim. Creatus XII. Kalend. Decemb. Ann. Chr. DCCCLXVII. Hic Pontifex cum presbyter esset, Sergio Papa maximè familiaris fuit. A quo cum aliquando denarios XL. dono accepisset, domum rediens, dispensatori mandauit, ut eos peregrinis, & pauperibus, qui in vestibulo domus sue stabant, erogaret. Facere ille mandata conatus, cum videret, ne minima quidem parti tantula re satisfieri posset, ad Adrianum rediens, rem ipsam exponit. Tunc Adrianus, accepta pecunia, ad pauperes veniens, ternos denarios singulis prastitit, & totidem sibi, rei familiari satisfactorius, reseruauit. Admirante Dispensatore, miracula rei, cui Adrianus, Vides, inquit, quam benignus, & largus sit Dominus iis, qui resertim, qui liberales, & munifici sunt in pauperes? Mortuus est autem beatus Papa Adrianus Kalend. Octobr. Anno Dominica Natiuitatis DCCCLXVII. De hac autem, quam exposuissimus, nostrarum legum sanctione, Interregno nempe huiusmodi durante, intelligendum arbitror, quod in Proœmio nostrorum Fororum continetur: Videlicet, ¶ Apud nos prius leges conditas, quam Reges creatos fuisse. Atque hæc de primo Interregno. Nunc ad Suprarbiensium Regum seriem reuertamur: qua absoluta, de tota illius ratione disputabimus.*

#### INNICVS ARISTA, SVPRARBIENSIS REX V.

868.



INNICVS igitur, Eximii Regis F. cum Pompelonensibus, Vrbe eorum parta, iam pridem imperaret, à Suprarbiensibus ob probatam fortitudinem in eo ipso Arahuesti opido electus fuit, ac salutus Rex Circ. dictum Ann. Chr. CCC-LXVIII. Qua in re ipsum Aragonensem Comitem Fortunium, egregiam suam, suorumq; operam, atq; officiū Aristæ, consocero Regi, præstitisse, scriptores quamplurimi prodidit. Siue autem in Arahuesti opido, siue, ut aliis placet, in ipso Diui Victoriani cenobio (in hoc. n. variant scriptores) adscitus fuerit: vterq; horum locus, cum intra Suprarbiensem regionem contineatur, apertè indicat, à Suprarbiensibus, non autem à Navarrensibus eo tempore electum fuisse; indeque effectum, quod est consequens, ut Aristæ tunc Suprarbiensis Regis nomen sortiretur. Parum pertamen nostris imperauit. Ei in nostrorum auxilium cum Mauris dimicanti, cæleste signum in aëre apparuisse proditur, argenteam Crucem, in scuto Cyanei coloris. Atque inde sumptum ipsi Aristæ Regi, & aliquandiu postea Aragonum quoque Regno, ac Regibus militare hoc, quod supra depinximus, ornamentum fuit. Quæ enim eidem aristarum insignia tribuuntur, propria personæ, elogii loco, non autem Regiæ dignitatis censenda duco: ab eoque solita, ut opinor, ante partum Regnum gestari. Eam namq; ipsius animi vim, atque imperum fuisse prædicant, ut quemadmodum spicatum aristæ ardore flammæ, sic ille visis hostibus subito incredibili veniendi ad pugnam cum eis desiderio flagraret: proptereaque Aristam vocitatum esse. Theudam duxit uxorem: quam alii Innicam vocant. Eandem tamen fuisse credimus, ut Theudæ propriū illius nomē esset, Innice verò, seu Enēgæ (sic. n. quandoq; legitur) à mariti nomine sumptum. Verus enim consuetudo



suetudo fuit, vt vxores frequenter à virorum nominibus vocarētur. Denique famagloriosus, quod Mauros p̄petuò afflīxisset, in primo ipso ad tu, & quasi Suprarbiensis capessendi Regni vestibulo interiit circiter Ann. Chr. ccc<sup>o</sup> lxx. Ad Sancti Saluatoris 870. Legerensis cōnobiū, quod in Nauarrensi ditione exstat, sepultus fuit, Garfia filio Regnorum Pompelonæ, ac Suprabii relicto herede. Eorum autem diuersam supputationē cogimur sequi; vt Pompelonensis Regni quasi octauo & vicesimo obierit anno: Suprabienfis verò secundo, vel tertio.

## GARSIAS INNICI II. SVPRARBIENSIS REX VI.




GARSIAS ergo, Innici Aristæ F. propterea Garfias Innici, & Ennecones quandoq; dictus, Pōpelonēsiū etiā Rex fuit; paternę fortitudinis imitator. Nōnullis enim opidis deuo adquisitis, suum magis dilatauit imperiū. Vxorē habuit, Vrracā, ipsius Fortunii, Sexti, & vltimi Aragonensis Comit̄is, cuius supra meminimus, filiā; quam alii Enengam appellant. Eam pater, prole mascula arēs, h̄redē reliquit testamento. Atq; ab huiusmodi Aragonēsis Comitatus cū Suprabienē Regno cōiunctione noui statuēdi imperii initiū sumptum fuit; à quo postea Aragonum Regni nomē dimanauit. Sed h̄c alias pluribus. Rex itaq; Garfias ex Vrraca vxore suscepit liberos; Fortunium, & Sanctium: filiam, quoque Sanctinam, seu Sanctiam, quæ Ordonio II Legionensi Regi, nupta fuit. Fortunium quidem, filium natu maiorem, patri in Regnis successisse, plurimis à Garibaiō adductis documentis confirmatur; de quibus etiam dicemus paulò post. Sanctius verò natu minor, matris occisæ ventre exectus, clam à milite quodam educatus fuit, fratrisque postea successor cognitus, & fideli testimonio comprobatus, primus sibi apud Iaccetanam Vrbem Aragonum Regis nomen vendicauit: qui vulgò Rex Sanctius Abarca dictus est. Iam verò de istius Garfiæ Regis Regno h̄c possum afferre: me in Regio Barcinonensi Tabulario, in Regest̄o Gratiarum Regis Alfonsi (sic enim inscribitur Codex ille) antiquum quoddam Priuilegium comperisse, Sancto Saluatori Legerensi ab hoc Garfia Rege irrogatum: in quo se apertissimis verbis fatetur vna cum Fortunio filio regnare xii. Kal. Decemb. Ann. ccc<sup>o</sup> lxxx. 880.

Hic namq; annus Aeræ Noningentesimæ decimæ octauæ ibi appositæ necessariò coheret. Omitto autem, quòd se in eodem Priuilegio tam apertè Enneconis Regis, Aristæ scilicet, filium esse, & Eximini quoque Regis nepotem confitetur: ac si illum obscuritas rei, quæ tot post sæculis futura erat, ad istius veritatis confessionem adduxisset. Sed illius Priuilegii exemplum futuræ disputationi reseruabo. Satis modo ex eo h̄c deprompsisse ad istius Garfiæ Regis vitæ, & Regni tempora annotanda. De morte autem certi nihil comperi; præter id, in quo omnes scriptores consentiunt: eum, & Vrracam vxorem, cū ad Larumbæ, Nauarræ opidum, iter dirigerent, à Mauris ex insidiis oppressos, acerrima commissa pugna, simul interfectos esse, cæsoq; Reginæ ventre infantulum e ductum, quem diximus, Abarcam appellatum. Quæ res à Garibaiō An. Chr. dcccxxv. 885.

subiicitur; & sepulchrum etiam cōnobiō Legerensi: tamen si alii in Pinnatensi Ecclesia eos sepultos tradunt. Fortasse liceret affirmare horum Regum interfectores fuisse, Mauros quosdam Mahomadem Abenlupum, & Mahomadem Athanaelum, quos, hunc, siquidem in Olca, illum verò in valle Tena, his temporibus rerum potitos constat, in nostrorumque fortunas aliquandiu vehementer insultasse. Atque tunc suspicor ipsam Pompelonem Vrbem fuisse denuo ab ipsis Arabibus occupatam; qui vsq; eò vi oppressam tenuerunt illam, dum ab Abarca Rege ex eorum faucibus postea erepta fuit. Iam illud certum est, his temporibus Rempub. nostram fuisse ad Secundum Interregnum adductam. Cogimur tamen prius, Regem Fortunium, demor uorum Regum, quem diximus, filium interponere.

## FORTVNIVS II. MONACHVS, SVPRARBIENSIS REX VII.



SI QUIDEM ad eum, parentibus mortuis, Regnum hereditario iure obuēnisse Circ. dictum Ann. Chr. dcccxxv. plurimis ab eodē Garibaiō adductis testimoniis, quibus libet̄er assentior, confirmatur. Ac illius nomē, & superioris Garfiæ Regis fuisse filiū, apertè elicitur ex eo Priuilegio, quod dixi antea, me in Barcinonēsi Tabulario inuenisse. Nam sic scriptum exstat. *Garfias Rex confirmat, & signat. Fortunius, proles Regis, confirmat, & signat.* Ea autem prolis voce, nonnunquam obseruauī in veterib. Priuilegiis, nō tantum filios Regum, sed & quos Primogenitos appellamus, interdum etiā &



nepotes, futuros successores, designari. Hic igitur Fortunius, Garfiaz, & Vitrax filius, patribus heres successus, septimus, adeoque ultimus Suprabie Rex fuit: è Cordubaque Ciuitate, vbi aderat, cum parentum clades euenit, ad capeffenda hæc Regna euocatus. Vt autem in monumentis Legerensis cœnobii, Garibao teste, continetur, induciæ eo tempore inter Cordubensem, ac Pompelonensem, Reges pactæ seruabantur. Vnde conici posse eidem placet, Mauros, superioris cladis auctores, nequaquam è Cordubensium Regum factione fuisse, quibuscum fœdera inita erant, sed alia prorsus diuersa, & contraria. Tunc enim Mauri ipsi inter se ciuilia grauissima bella gerebant. Fortasse hic Fortunius Rex, is Fortunius primarius vir est, quem Alfonsus Rex

868. Castellæ, ac noster Surita in suis Indicibus Circiter Ann. Chr. ccc  $\infty$  LXVIII. ex cuiusdam Arabicæ historiæ testimonio, commemorant à Mahomade, Abdurrahamenis filio, incurfione facta, regionem Pompelonensem vastante, quadam arce expugnata, captiuum Cordubam perductum fuisse, & vicesimo tandem anno magnis cum donis, muneribusque ab eo dimissum, ad tantam vixisse senectutem, vt Centesimum, & vicesimum annum compleuisse dicatur. Temporū enim rationi, ac præcipuè in tam longa vita, & ætate, aptissime conuenit: vt qui prius seruus, & captiuus ductus fuerat; postea emancipatus, ad paternorum Regnorum adeundam hæreditatem, quæ obuenerat, maximis cum donis mitteretur: atq; vt idem ipse postea etiam, cum in Legerensi cœnobio Monachi se votis obstringens, imperio abdicasset, suam ad Centum, & plures etiam annos produxisset vitam. Deniq; Fortunium hunc, è Corduba adscitum, Regnorum curâ, & administrationem, si sine Pompelone Vrbe fuit. mutilâ, ac facis decurtatam, suscepisse apparet: eandemque Decimo sexto Regni sui Anno, seu nec longè post, cum iam grandis esset, dimisisse sponte Circ. Ann. Chr. dccccl. ac in Legerensi cœnobio Monasticæ vitæ instituto deditum, quod reliquum sibi vitæ fuit, in otio, & tranquillitate degisse. Illius autem obitus designatur. Nec mirum: quandoquidem ante Garibaium, qui primus illum nobis suscitauit, nulla eius Regni, vitæ, neque nominis cognitio exstabat. Iam verò hæc omnia videmus grauissimis testimoniis conuinci. Et tamen de eo à nullo alio scriptore mentio fiat, Regumque successiones, vitæ, & obitus, vt amicus noster voluit, de iure certi, & constantes habendi sint: tamen Priuilegia, quæ ad illius Regni probationem ab ipso Garibao adducuntur, tanti sunt ponderis, ac momenti, atque ita necessariò cohærent inter se, vt omnem videantur tollere dubitationem, sic vt iam, contra si quis dicere velit, non audiat. Itaq; Fortunius hic, deposito imperio, nihil postea nisi de Diuino cultu, ac religione Sacrorum cogitauit. Cumq; Sancti Cæsonis fratris ortus vel incertus, vel fortasse aliquandiu incognitus exstisset; inde nostris Interregni Secundi origo data fuit. De quo, priusquam aggrediamur, ad ea quæ dicere statuiamus; Aragonensium Comitum seriem persequemur. Eos enim consultò reieciimus in hunc locum, ne interpositi ordinem rerum turbarent: ac præcipuè quidem quoniam eis deficientibus, qui in hoc Secundo Interregno Sanctius Abarea Cæso, istius Fortunii frater, Rex à nostris salutaris est, cum ad eum Aragonensis Comitatus, ac Suprabienfe Regnum coniunctim deferrentur, nouam Regii stemmatis nominationem inducens; primus Aragonum Rex vocari cœpit fuit. Quamobrem nunc ad Comitum narrationem conuertar.

## ARAGONVM COMITES VI.

Nec verò tam exploratam habeo eorum rationem, quàm voluisssem. Quod enim scire oportebat, quo quisque tempore fuerit; difficile dictu est de singulis: cum nomina ipsa, ac successiones, multis modis inter scriptores versentur confusa. In his autem tenebris Garibaius in primis lumen aliquod videat attulisse. Itaque eum potissimum auctorem sequar; tamen si etiam Vincentium, Blondum, Sabellicum, veteresque nostros Historicos confectabor: Garibaius enim plerumq; ab aliis dissentiens, multa turbat: proindeq; necesse erit nos etiam ab eo nonnunquam dissentire. Sic igitur ille initio huiusmodi rem gestam exponit.

Inter primarios, inquit, viros, qui in fatali illo bello occubuerunt, quo Ruderico ultimo Gothorum Rege deuicto, Sarracenorum seruitus inducta fuit: quidam fuit nobilis, ac præcipuus vir, nomine Andeca, Ducum Cantabriæ præclaro genere ortus. At verò apud Gothos Prouinciæ Rectores; Duces vocabantur; belliq; & pacis Magistratus erant: quemadmodum & Comites; quibus inferiores erant Thiuphadi, & Gardingi. Postea apud nos hæc Ducum, & Comitum ratio in altiorē honoris, & dignitatis gradum peruenit, quæ videmus. Andeca igitur pro patria, ac Fide strenuè dimicando, à Mauris, siue



ris, siue Sarracenis ipsis occisus est. Filium Hedonem, siue Haidonem, filiam verò Velindam, pueros infantes reliquit. Ambo hi Maurorum furiam euasuri, Galliam petierunt. Hedon quidem dum ad nubilem aetatem peruenit, nobilissimam feminam, Aquitanix Ducatus heredem, vxorem duxit: Ex eaque liberos quinq; suscepit: tres scilicet filios, Hunuldum, Vifarium, & Azenarium; ac filias duas, Meninam, seu Momeranam, aut Muninam, quam Fruelæ Legionensi Regi fuisse nuptam nonnulli perhibent. Alteram verò, cuius nomen non proditur, strenuus quidam miles ex Gothorum genere, Munnozius appellatus, Cerdaniæ Prouinciæ dominator, duxit vxorem. Et verò nos Muninam eam primo Suprarbiensium Regi, Garfiæ, tribuere filiam, ex Alfonsi Regis Castellæ, & Archiepiscopi Toletani sen entia, habita nimirum ratione temporum, coacti fuimus: nisi duas eiusdem nominis habuisse coniuges (namque fieri id potuit) Fruelam ipsum Regem statuamus. Hedone autem patre mortuo Circ. Ann. Chr. DCCXXXIII. illius filiis paruis relictis, Carolus Martellus Francorum Rex Aquitaniam 733. totam arripuit: ei que Gubernatorem quendam præposuit, Hotgerium Cathazlot vocatum. Hunc postea ferunt Circ. Ann. Chr. DCCXXXV. in eam regionem inuasisse, 738. quæ postea Cathalonia ab eius nomine dicta fuit. Atque ab eo inclyti Barcinonenses Comites fluxere. Post autem Aquitanix ipsius, Eximinum, quem diximus, Aristæ patre, etiam sub Regis nomine potuisse potiri, satis consentaneum videtur: cum ipsius Ex mini longè post hæc tempora vitam, & Regnum subiiciamus. De Hunuldo autem, & Vifario, filiis grandioribus, quid egerint, nihil attinet dicere; neque etiam id proditur. Azenarius verò, eorum frater natu minor, se, ac fratres paterna videns ditione exutos, in Hispaniam reuersus, in Cantabria auiti quondam imperii domicilio, fortunatum suarum sedem collocauit. Tandem vxorem duxit: duosque ex ea liberos suscepit; Hedonem, atq; Azenarium. Hedon quidem Vizcaiam adquisiuit; Azenarius verò Aragoniam quæ primum Comitatus, deinde Suprarbiensi Regno copulata, Regni nomen sortita fuit. De Comitibus autem hoc loco nobis scribere est institutum.

## AZENARIVS, ARAGONVM COMES I.



39 **H**ic itaq; Azenarius, Azenarii filius, Hedonis Nepos, Andecæ Pronepos, collecta sociorū manu, è Cantabria ad nostra Pyrenæorum loca aduēcauit, Garfiæ, Suprarbiensi Regi secundo, ad Pompelonense bellum properanti, vt retulimus, opem laturus. Cumq; ad laccetanā Urbē peruenisset, eā adortus est, mirificā, vt proditur, occasione, nactus, quod statuum Maurorū præsidium, quod illius custodiæ præpositum fuerat, ad Pompelanēsis Urbis defensionē festinaret: quæ ab eodem ipso Garfia Rege eo tēpore valde premebatur. Azenarius igitur laccetanam Urbē in suam potestatem redegit, prius illius arce expugnata, quæ Aprizia illis temporib; dicta fuit. Nonnullis postea ab eo, quæ circum laccam erant, opidis subactis, aditum inde sibi ad nouæ dignitatis splendorem comparauit. Etenim Garfias ipse Rex ea de re per literas certior factus, cum Pompelonensem Urbem è manibus Maurorum extorsisset: bellicas vtriq; res tam prosperè euenisse, magnopere gaudens; Azenario ipsi laccetanam Urbem, ac contributa loca, quæ adquisierat, sub Comitatus nomine, perinde quasi aliquod summæ suæ alacritatis, & beneuolentiæ signum, impertiuit. Ea tunc ditio vix extra Decem & sex millia passuum fines excedebat. Quod autem Aragonē amne, seu potius duobus eiusdem nominis fluminibus tota ferè includeretur, Aragonia vocata fuit: proptereaq; Azenarius ipse Aragonum Comes, primus appellatus. Et verò dum vixit, semper Garfiæ Regis voluntati obsequurus fuit: & illud idem omnes, qui post eum sequuti sunt Comites, in Suprarbiensium Regib; fecerunt. Comites autem quasi commilitones fuisse olim vocatos quibusdam placet, quod simul cum Regibus arma contra hostes ferrent, consilio-  
 40 rumq; in Repub. ipsis penè pares, ac socii censerentur: atq; inde Comitatus nomē, ac munus manasse. Nec verò me fugit Comitum apud Romanos multiplicē, ac variam fuisse rationem: maximè autem declinante imperio. Etenim Comites fuere sacrarum largitionum; sic dicti: qui militibus dabant stipendia. Tum Comites priuatarum; qui Camerariis, vt vocant, Principis præesse assueuerant: quib; quoq; sepulchrorum cōmissa erat cura, nequid abrogaretur, quod semel mortuis datum esset. Id namq; detestabile scelus censebatur. Tum etiā Comites solemniorum; non longè ab iis diuersi, qui modò apud nos carimoniarum dicuntur Magistri. Comites præterea Rationales; qui Imperatorum pecuniā dispensabant. Et commerciorum Comites; qui hominibus ad cōmercia venientib; iura



dicebant. Comites quoque rei militaris: qui sub Ducibus erant, illorum iussis, ac dictis audientes. Necnon & Comites Domesticorum; qui Primicerii quandoque dicti sunt, Illustriumque titulo, ut auctor est Cassiodorus, quasi honorificentissimo decreto iam tunc ab ipsis Imperatoribus honestati, cum nonnulli ex aliis Spectabiles tantum vocarentur. Hi autem Augusti corporis stipatoribus præesse consueverunt. Quin & Comites quoque laborum; quibus omnes Imperatoris domus artifices, & opifices subditi erant. Et plures alii Comites fuere, quos omnes persequi longum esset. Eorum denique apud Romanos sicut diuersa nomina, sic quoque diuersa munera exstiterunt. Idemque etiam apud Gothos. Nam & Ciuitatum Comites fuisse comperimus; qui singulis Ciuitatibus præpositi, iudicia exercebant. Sub quibus erant, ut diximus, Thiuphadi, & Gardingi, inferioresque alii nonnulli Magistratus. Atque hi Comites Ducibus, qui Rectores erant Prouinciarum, parebant ad Romanorum, quam retulimus, similitudinem prorsus: præterquam quod apud Gothos huiusmodi Comites Ciuitatum; & belli, & pacis Magistratus erant. Fuere etiam alii; qui Comites patrimonii dicebantur, Gothorum Regum patrimonium curaturi. Comites quoque Palatii, seu Palatini: quos domesticis Regum præfuisse solitos, attestantur. Et fortasse plures alias curationes munerum Gothici Reges ad suos Comites admovebant, quæ singulis inde sumptis nominibus notari consueverunt. Quo pacto etiam apud Gallos sic eorum rationem constitutam legimus; ut Centum pagi Comitem agnoscerent: quinque autem Comites Ducem. Singuli vero pagi Iudices certos haberent, qui Centaurii dicebantur. Sed apud nos non ita habiti vnquam sunt, quasi alicui muneri publico, aut officio præfessent. Nam siue à comitando, siue quasi commilitones, nostri Aragonenses Comites dicti fuerint; non Magistratus vnquam functi sunt officio; sed quo iure Reges Regni potiebantur, eodem ipsi Aragoniæ diuisionis, patrimonii scilicet iure, sunt potiti. Ea autem his temporibus (ne nostra digressio à proposita narratione sit longior) sub hoc Azenario Comite, Comitatus nomen sortita, postea Suprabienfi Regno copulata, Aragonum Regni nominis maiestatem adsciuic. De tempore, quo hæc gesta sunt, inter scriptores non conuenit. Garbanius circiter Ann. Chr. DCCCLXXX. 780. prodit: & Circiter Ann. Chr. DCCXCV. Comitem hunc obiisse. Alii verò altiora inducunt hæc initia; ab Anno nempe DCCLVIII. quibuscum Pinnatensis liber consentit: quam verè autem, ipsi viderint. Ceterum Azenarius hic duos filios reliquit; Galindum, & Eximinum, quorum vterque mortuo patre imperauit. Matris verò nomen non exstat: tantummodò in monumentis dicti Excellentiss. Domini Archiepiscopi, D. Ferdinandi, nobilem quandam Suprabiensem feminam fuisse, scriptum est. Sed nunc ad rem.

#### GALINDVS AZENARII, ARAGONVM COMES II.



**E**TENIM Azenario Comiti successit filius Galindus: qui, quod Azenario patre natus esset, Galindus Azenarii, id est, Azenarii filius, quæ verus fuit loquendi consuetudo, dictus fuit. Cumq; patre mortuo, Pyrenæorū iuga occupasset; Ataresiam arcem construxit, aliaq; Castella edificauit, ut eis, contra Arabum arma, suū magis firmaret imperiū. Necnon & in Acomueri opido cœnobium Sæcti Martini Cercitensis condidit; nonnullosq; eidē agros, ac prædia assignauit, quæ fuerant aliquo tempore antiquæ Ecclesiæ beati Petri Siresiensis contributa. Iam verò illud etiā istius Comitatus nomē illustrauit; quod Iaccam Urbem Iaccensi edito Foro composuit, eidē Magistratum, quem Merinum appellari voluit, præficiens; ut ordinariæ causarum cognitioni præfesset. Et is quidē apud Iaccitanos nunc viget. Veruntamen de illius dignitate, si hæc vnquam fuit, magnoperè est diminutum. Postea leges tulit præclaras, sub Iaccensium Fororum nomine, gratissimæ, & recenti, & veteri totius posteritatis memoriæ propagatas. De eis namque sic Alfonso I. noster Rex, multis post annis testatum reliquit in prototypo quodam Priuilegio; in quo illas perpetua sua auctoritate de Ricardi venerabilis Oscensis Episcopi, & Sancti de Orta Maioris in domo sua, & Fortunii de Vergua, & Marci Ferrici, & aliorum multorum bonorum consilio roborare studens, antiquas Iaccæ Consuetudines, & Fueros totius illius terræ, quæ est ultra Serram, versus Montaniam Iaccæ, nominauit. Scio, inquit, quod in Castella, in Nauarra, & in aliis terris solent venire Iaccam per bonas consuetudines, & Fueros ad discendos eos, & ad loca sua transferendos. Eorum autem præcipua Capita, quæ ex dicto Priuilegio, veteribusq; aliis monumentis eruuntur, hæc fuere.




IN PRIMIS, quod homines de Iacca de bonis, quæ Deus eis dederit, si habeant infantem si-  
uerunt; possint ordinare de bonis suis, & hereditatibus, sicut eis placuerit, nullo homine contradi-  
cente. Si autem non destinauerint; remaneant res eorum magis propinquis, qui de pro eis  
debeant succedere. Et si non habeant propinquos; res eorum dentur pauperibus. Si autem fue-  
rit extraneus, qui moriatur Iacca, vel in illa terra ultra Serram; si destinamentum fecerit; fiat, sicut  
destinauerit. Si autem non fecerit destinamentum; seruentur res eorum, vel illius per XXX. dies. Et si  
venerint eius consanguinei, vel consanguineus, de quo non dubitetur: reddantur ei due partes  
de tota illa pecunia; & tertia detur pro anima sua consilio bonorum hominum, & Episcopi, vel  
Capituli de Iacca. Si autem nullus de consanguineis venerit: tota pecunia detur pro anima sua  
eorundem consilio. Præterea homines de Iacca caueant cautius negotiari de tota illa terra: & si  
merint aliquid, vel fuerint fideiussores, vel manuleuatores; in die compromissa extraneis merca-  
toribus persoluant. Quod si non fecerint; hereditates eorum impignorentur, vel vendantur, &  
illorum corpora tradantur mercatoribus. Et ideo nullus sit fideiussor, vel manuleuator, ultraquam  
potest. De latronibus vero ita statuimus. In unaquaque villa tres, vel quatuor de melioribus in-  
rent, quod non celabunt furti, sed demonstrabunt Merino nostro: & Merinus non audeat dis-  
operire illum, qui furem ostendet: & veniat fur in potestatem nostram. Quod si aliquis fuerit con-  
tradidit Merino, ne capiat furem; dicat, vel nuntiet id Merino nobis, & nos de tota villa  
faciemus iustitiam: & de his, qui defenderint furem, faciemus, sicut de ipso fure debemus facere. Si-  
quis autem rapuerit, vel furatus fuerit oves, vel capras; pro unaquaque pectet novem. Nullus tamen au-  
deat pignorare bouem, ouem, vel capram, si habeat aliud, in quo possit pignorare: & si non habeat, in  
quo pignorare possit: consilio Merini pignoret oves, vel boues. Si quis pignoraverit bouem, ouem,  
vel aliam bestiam, & moriatur pignus ante novem dies; nemo sit ausus reddere pellem alterius bestie,  
quæ mortua non sit, in pignore, sed pellem illius bestie, quæ mortua est, reddat, & non aliam. Quod si  
fecerit; iudicetur sicut latro. De appellitis ita statuimus. Cum homines de Villis, vel qui stent in  
Montanis cum suis ganatis, audierint appellitum; omnes capiant arma: & dimissis ganatis, & omni-  
bus aliis suis faciendus sequantur appellitum. Et si illi qui erunt magis remoti, inuenerint in Villa  
magis proxima appellito; omnes qui nondum fuerint egressi tunc Villam illam, quæ tardius secuta est  
appellitum, pectant unam baccam: & unusquisque homo ex illis, qui tardius secutus est appellitum,  
& quem magis remoti præcesserunt, paccet tres solidos, quomodo nobis videbuntur, partiendos. Ta-  
men in Iacca, & in aliis Villis sint aliqui nominati, & certi, quos elegerint Consules, qui remaneant,  
ad Villas custodiendas, & defendendas. In placitis; præquam erit iudicatum, & ex toto diffinitum: car-  
ta redduntur in manu Alcaldi, & ipse frangat cartam. Si quis cartam subtraxerit, vel furaverit, cor-  
pus illius sit iudicatum; & quidquid habeat, sit, & remaneat in nostra manu. Ganata cum descende-  
rint; nullus audeat furare, vel rapere, vel pignorare, ulla occasione; & non iaceant in vetatis militum,  
nisi per unam noctem. Certa loca sint in Cequis, in quibus ganata bibant: ne cequia frangantur. Si-  
quis fuerit conuictus, vel probatus, quod sciens fecerit falsum testimonium, & falsum iurauerit ad  
alium exheredandum: de corpore eius fiat iustitia, & tota illius hereditas ad nostram, & nostrorum  
successorum manum perueniat. Mercatores de Iacca, vel alios homines extraneos nullus audeat pi-  
gnorare, nec disturbare; nisi fideiussor sit, manuleuator, vel creditor. Siquis hoc deinde fecerit: Mil-  
le solidos nobis pectet. Siquis faciat Comandas in Iacca; sit illa Comanda salua, & secura: & nullus  
vel Merinus, vel alius audeat illam capere, vel tollere, aut fortiare, si ille cuius est Comanda, velit  
facere directum in Curia; si quis de eo conqueratur. Si vero fuerit latro, vel raptor, qui non possit  
facere iustitiam, vel stare directo, & rationi; si aliquis de illo conqueritur: emparet Merinus illam Co-  
mandam. Feriam, siue nundinas habeat singulis annis in Festum Sanctæ Crucis Madri, quæ durent  
per XV. dies: octo scilicet dies post festum Sanctæ Crucis, & alios octo dies, ante illud festum. Omnes et-  
iam illi, qui ad illas venerint nundinas, sub protectione, & defensione nostra suscipimus; quicumque  
vel undecumque sint.

Scio Forum hunc vulgari sermone in plures res scriptum exstare. Verum tamen, ut  
dixi, hæc inuenio illius Capita fuisse præcipua: hancq; existimo inter Iaccitanos princi-  
pem, & certam esse initio constitutam, imperandi, ac prohibendi rationem; cui aliæ  
sensim admixtæ leges Ius maius fecerunt. Nec dubito, quin apud eos hic causarum,  
Iudiciorumque ordo, stante eorum Republicæ, & quamdiu Aragonensium Comitum  
tantummodo paruerunt imperio, conseruatus fuerit. Et postea quoque facillimè creda-  
eundem ordinem apud illos per multa sæcula similiter viguisse: id tamen quasi munici-  
pale aliquod, opidanumque Ius, cum antiquo illo Supratbiehisi Foro, reliquoque vniuer-  
so nostro Iure, saltem in arduis, & grauissimis rebus, consentiens. Sed iam pridem  
in omnibus, ipsi Iuri nostro subiacent. Libentissimè autem his similia, quæ præscripta  
in veteribus nostrarum rerum monumentis reperi, inter historiarum cursum collocabo:  
quod plurima in eis sit, ac verius expressa nostræ antiquitatis effigies. Deniq; ut ad istius



Galindi Comitis, seu Galindonis (nam sic plerumque exstat) priuatas res redeam; hæc, aliaque his similia Decreta, ipsius laudes vehementer illustrarunt: iam ut omnibus Fortis, Bonique Principis expleuisse partes & illis sæculis, ac etiam præsentibus iudicetur. Duos filios reliquit; Eximinum Azenarii, atque Endregotum Galindi. Filiam quoque Theudam, aut Totam: quæ Bernardo, primo Ripacurtiensi Comiti, nupta fuit. Matris verò nomen non comperi, nec certam aliquam temporum rationem. Neque à Garibaio vlla expressa est. Alteram præterea filiam Comes hic videtur habuisse, Sanctio, Quarto Suprarbiensi Regi, nuptam: si modò quibusdam Oscensis Ecclesiæ scriptis standum est. Nam in eis Galindus iste Comes, suppresso nomine filiarum, Sanctium ipsum Regem, generum suum aperte nominat. Sed sunt multa in illis monumentis, quæ ipsorum fidem mihi dubiam reddunt. Illa verò, quæ in priscis aliis Pinnatensis Tabularii notantur, certiores nempe Comitem hunc fuisse cum Garfia Enneconis, quem supra secundum Suprarbiensem Regem numerauimus, ætate coniunctum. Continent enim Comitem Galindonem *de Aragon* vnā cum Garfia Enneconis Rege plurima dona eidem Monasterio dedisse. Et Hieronymus Surita in suis Indicibus pari etiam ratione, regnante nimirum eodem Rege; ad hoc ipso Comite alia dona Cercitensi cœnobio fuisse data, auctor est. Numerum autem *Æræ* erratum existimo, vel non satis bene intellectum. Anno enim 800. vel Circ. ea omnia subiicienda ducō: quin & hunc Comitem longius ætate progressum, fuisseque Fortunii, tertii Suprarbiensis Regis, temporibus implicatum. Etenim in monumentis dicti Excellentissimi Archiepiscopi eius manu scriptum exstat: se in veteribus ipsius Pinnatensis cœnobii tabulis obseruasse: hunc Galindum Comitem, Azenarii Comitis F. Aragoniæ Prouinciæ præfectum fuisse sub regimine Regis Fortunii. Eadem enim hæc verba ab eo suggesta sunt. Quoniam autem Fortunium Regem ab Ann. 815. cc. lxx. ad Ann. cc. lxxv. regnasse constat: fit inde, ut dicamus, hunc Comitem vsque ad aliquem horum annorum ætate processisse. Neque magis certa à me initii, aut obitus illius ratio reddi potest.

## EXIMINVS AZENARII, ARAGONVM COMES III.



POST Galindum Eximinus Filius, Comitis munus suscepit. Illud autem Azenarii sibi patronymicum nomen ab Azenarii aui nomine sumptum reseruauit. Quod postea præclare est vsurpatum à quamplurimis, ut suo loco dicemus; qui eo pacto desiderium gentilis alicuius, rerumque ab eo gestarum memoriam renouare, illius retento nomine, curarunt. Istius verò Eximini per pauca quidem res gestæ perhibentur. Ad Olcastam proditur, commissa pugna cum Mauris, obiisse. Annus vero cc. lxx. ii. qui Garibalo placet, minime huic pugnae conuenire potest, si in ea hunc Comitem occubuisse certum sit: eum Galindum patrē post dictum annum vixisse, ex his quæ paulò ante diximus, eruatur. Propterea suspicor istius Comitis ætatem, eamque Olcastensem pugnam in Sanctii, Quarti Suprarbiensis Regis, tempora incidisse: atque in eadem etiam duorum, qui post eum sequuti sunt, Comitum ætates. Neque vero is Olcastensis locus nostrorum semper clade insignis fuit. Ibi namque ante id tempus Fortunius, Rex Tertius, Maurorum aciem, quemadmodum retulimus, profligauit: atque ex ea victoria Roncalensis Vallis incolæ celebre illud, quo hodie gaudent, ingenuitatis Priuilegium, in ornamentum honoris, reportarunt. De reliquo tamen huic Eximino, sine filiis decedenti, patris fratrem successisse perhibent. Quare autem frater Endregotus præteritus fuerit, nequaquam proditur. Quæ verò de ipsius Endregoti filia Surita in medium protulit, mox dicam.

## EXIMINVS GARSIAE, ARAGONVM COMES II.



SUPERIORIS namque Comitis, non Endregotus frater, sed hic patruus, Eximinus Garsia dictus, qui Azenarii, primi Comitis, filius erat secundo loco natus, successor fuit. Vnde autem patronymicum Garsia nomen traxerit, neque cur filio fratris in Comitatu præpositus fuerit; scriptum non comperi: nec de temporum serie certum, quod afferam, præterquam id, quod paulò ante dixi, cum dicto Sanctio Rege fuisse hunc comitem ætate coniunctum, me arbitrari. Iam verò quod Surita ait, ipsius Endregoti filiam, Aragonensis Comitatus heredem, Garsia, Aristæ Regis filio, nupsisse; incertum existimo: cum hac de re scriptores omnes ad vnum idem sentiant.



eniant: eam nimirum, quæ Aristæ filio nupta fuit, Fortunii vltimi Aragonensis Comit-  
tis filium fuisse. Sed in hoc fuisse omnino errorem puto: quod alter Endregotus mul-  
tos ab hinc annos, siquidem Centum ferme & quinquaginta, fuit Abarcæ Cæsonis Re-  
gis ætati suppar: quem constat filiam habuisse ipsius Abarcæ Regis filio, Garfiæ etiā vo-  
cato, vt infra demonstrabimus, collocatam. Cuius Endregotum hunc, nequaquam  
dubito fuisse gentilem. Neuter tamen istorum Comes fuit. Propterea Garibaium sequu-  
ti, hunc in locum induximus hunc Eximinum. De quo hoc tantum memoriæ prodi-  
tum est; fuisse statim, vt Comes factus fuit, à Mauris interfectum, vnico filio relicto, qui  
illius protinus suffectus est heres.

## GARSIAS AZENARII, ARAGONVM COMES V.



ET hic quidem Garsias Azenarii, illud quoque Azenarii nomen  
in primi Comitis memoriā prætulit. Atque eundem prodi-  
tur fuisse vna cum ipso Sanctio, Quarto Suprabienfium Rege insti-  
tuto certamine à Mauris interemptum, Circ. Ann. Chr. DCCCXXXII.  
quæ pugna Remp. nostram ad Primum, quod diximus, Interregnū  
adduxit. In ea enim ambo ipsi, à Cæsaraugustanenfi Regulo, Muzi,  
circumuenti, occisi fuere. Verum enimvero Aragonensis Comita-  
tus ad Fortunium filium peruenit: sic vt Aragonensibus separatim  
nullum Interregnum daretur. Ex quo tamen eorum, ac Suprabien-  
fium vna, & eadem Resp. censebatur, cum Comites semper Re-

832.

gum subditiui fuissent; quod in priuato Suprabienfibus ipsis præcipuum fuit, id Arago-  
nensibus etiam cum illis fuit commune. Et ob eam causam omnibus tunc constat fu-  
ille de statuendâ Rep. curam coniunctam.

## FORTVNIVS EXIMINI, ARAGONVM COMES VI.



ET ENIM Fortunius hic, quem Eximini patronymico nomine  
vsum proditur, postquam Garfiæ patris mortui locū occupauit;  
omnium rerum, quas nostri gesserūt in primo illo Interregno, trans-  
actor, & administrator fuit. Vnicam tantum habuit filiam, Vrracam,  
siue Enengam, Aragonensis Comitatus heredem: quam Garsias Rex,  
Aristæ Regis F. vt ante diximus, duxit vxorem. Atque hæc quidem  
nuptiæ gaudiorum plenæ pacisque & concordie fuerunt: quæ non  
solam matrimonii dignitate, sed ambarum etiam ditionum societa-  
te coniungerentur, quandoquidē vtrique eorum hereditario iure  
paterna bona obueniebant: Garfiæ scilicet, Suprabienfem Regnum;

Aragonensis verò Comitatus, Vrracæ. Certam autem temporum rationem adhibere nō  
possum: cum in eam rem in modum variant scriptores. Sed iam illud compertum est  
fatis, Fortunium hunc Comitem Sex & triginta, ac plus etiam annis Comitatus Arago-  
nensis fuisse potitum. Nam totidem anni interiecti sunt inter Ann. Chr. DCCCXXXI. quo  
Garsias Comes pater, ac Sanctius, Quartus Suprabienfium Rex, interiere, vnde pri-  
mum nostris patuit Interregnum; & inter illius exitum, & finem, tum quando nostri  
Ann. DCCCLXIX. de istius Comitatus Fortunii consilio, Aristæ Regi Regnum detule-  
runt: quo cum eo tempore affinitas sibi, societasque & magnæ necessitudinis causæ in-  
tercedebant. Etenim filia sua Aristæ filio iam erat desponsa; quandoquidē An. Chr. DCCC-  
LXXX. ex Priuilegio, quod infra intexere promisi, Fortunium ex ea nepotem, ex pueris ex-  
cessisse colligitur. Et fortasse hæc quoque causa eum impulit, vt nostros ad Aristam Regē,  
consocerum suum, eligendū incitaret. Denique illius consilio selectū fuisse, omnium scri-  
ptis testatū comperio; quibuscū etiam Pinnatensis codex consentit: fuisseque illum in tam  
benè statuendâ Rep. nostrâ auctore publici consilii, & sententiæ dicendæ principē illu-  
stre in Senatu. Neque tamē dubito, quin et si illius bellica facta, quæ scriptis commendē-  
tur, nulla essent; nihilominus valde militaris rei scientiā percalluerit. Sed ad illi⁹ laudē  
fatis sit, quæ Reipub. qua fruimur, machinator, & architect⁹ extiterit: cū tam præclarū hoc  
factum iure possit amplissimis multorum triumphis anteponi. Præcipua namque illius opera,  
maiores nostri, Adrianum II. Pont. Max. Longobardosque adierunt de summa Reipub.  
consulturi: Vnde antiqui Suprabienfium Fori, Iudicisque Medii Præfecturæ initium sumptū  
fuit, à quo tanquam à fonte, & capite libertatum nostrarum origo dimanauit. Quapro-  
pter nō facile credam me in eo laudando insolentem, aut multum visum iri. Ceterū quo  
anno obierit, incertum est prorsus. Suspicio tamen nequaquam illius vitam Aristæ Re-  
gis tempora excessisse: cum ferè omnes scriptores testentur, Garsiam Regem generum,  
Aragonen-

832.

868.

880.



201.

Aragonensem ipsum Comitatum vxorio iure à sui Regni initio tenuisse. Merito autem hoc loco ipse Rex gener, Septimus Aragonum Comes enumerari debuisset, itidemque Octauus, & vltimus, Fortunius II. Monachus, ipsius generi filius natu maior: quē deposito Regio munere, Monasticæ vitæ se addixisse Circ. Ann. dcccci. retulimus: ob idque Rempub. nostram fuisse ad Secundum Interregnum adductam, vnde huc digressi sumus, vt Comitum seriem prius complecteremur. Sed quia iam supra explicauimus, quæ de his duobus, Septimo, & Octauo, Comitibus tradi potuerunt, dum eorum res gestas inter Suprarbiensium Regum facta recēsuimus: minimè ea hoc loco iteranda duximus. Atque hæc sunt, quæ dicere habui de Comitibus. Quoniam autem ex hac Suprarbiæ, & Aragoniæ ditionum coniunctione, Secundo huiusmodi nostris Interregno dato, noua 10 noui Regni moles effluxit, Sanctio Abarca Cæsone, huius Fortunii Comititis ex filia nepote, Fortuniique Regis Monachi, vt huius Fortunii Comititis ex filia nepote, Fortuniusque Regis Monachi, vt diximus, fratre, ad Iaccetanā Urbem Rege constituto, vnde auspiciatō felix, faustumque Regale Aragonum nomen, ac munus ortum fuit: Secundum ipsum Interregnum nos nunc persequi oporteret, tenentes ordinem rerum, quem cœpimus. Prius tamen cogimur ad eam aggredi de Reipub. nostræ primordiis, quam in hunc locum distulimus, disputationem: vt eis patefactis ad Secundi Interregni narrationem reuertamur.

## VARIÆ DE SVPRARBIENSIS REGNI INITIIS SCRIPTO.

RVM SENTENTIÆ.

20

MVLTI, ac variæ sunt, ad stuporem vsque inter scriptores diffensiones in antiquarum rerum nostrarum serie explicanda: maximè verò in Reipub. nostræ initiis deducendis. Quidam enim quatuor illos, quos supra numerauimus ante Aristam, Reges omitunt; quasi Duces, & copiarum signiferi ductores, non autem Reges extiterint. Alii eos Reges memorant; Nauarrenses tamen, seu Pompelonenses, non autem Suprarbienses fuisse vocatos, hocque Suprarbiensis Regni nomen nouè quæsitū ferunt. Alii, quæ communis ferè omnium sententia est, Aristam à Nauarrensis, & Suprarbiensibus simul, eisdem Comititis, fuisse euectum Regem, tradunt. Garibaius, licet solus, primum, quod apposuius, Interregnum subtrahere nititur, Eximino Regi, Aristæ Regis patri, Sancti- 30 um, Suprarbiensem Quartū Regem, patrem tribuendo: vt à primo illo Rege, Garzia Eximini, ad Aristam ipsum non interrupta, sed continuata prorsus ipsorum Regum successio statuatur. De his omnibus dicere cogimur hoc loco, vt consilii nostri rationem, qua ad ea, quæ scripsimus, annoranda moti fuerimus, explicemus. In primis autem ad docendū de Eximini Regis, Aristæ patris, Regno, vita, & nomine; intexam hoc loco, quod antea dixi, me in Barcinonensi Tabulario comperisse antiquum Priuilegium: ex quo etiam alia eruuntur. Est autem huiusmodi.

IN nomine Domini Iesu Christi. Ego Garseas Rex, filius Enneconis Regis: Cogitans de meis innumerabilibus peccatis, quæ impediēte humani generis inimico nimis temerariè perpetravi, & timens 40 in die Iudicii tremendi à sinistris pro recompensatione meorum actuum inter hædōs computari: cum consilio filii mei Fortunii venio ad cœnobium Sancti Saluatoris Leierensis. Et ibi presente Domino Eximino Episcopo, societatem in Orationibus, & ieiuniis, & elemosinis, & bonis operibus accipio: Credens de Sancti Saluatoris suffragio, & Sanctorum Martyrum precibus, atque fratrum ibi deseruientium Orationibus posse defendi ab aduersitatibus in hoc saculo, & à damnatione perpetua in futuro. Igitur vt hoc mihi eueniat secundum desiderium meum, & secundum spem meam, presente filio meo Fortunio, & Episcopo Damno Eximino, & aliis meis Principibus, tribuo Sancto Saluatori, & Sanctis Martyribus duas Villas Lerdam, & Aniuessem, cum suis herentiis, id est terminis, à me, & à filio meo, & à quamplurimis determinatis. Lerdam verò habeat terminos de Sancta Cruce, quæ est 50 in culmine montis, sicut vertit aqua vsque ad vallem maiorem de Ondosse, & de vallam maior vsque Bocarial, & de Bocartal vsque ad Salsam, & de Salsa vsque ad Samarium, & inde vsque ad billesam, & de billosa suso vsque ad Cassallo, & Ecclesiam Sancti Felicitis sicut vertit aqua vsque ad vinyuelas veteres, & inde in suso vsque ad fontem de Camplion, Et de illo fonte vsque ad Vayll susos, & de Vayll susos, vsque ad prædictam Ecclesiam Sanctæ Crucis. Aniuessem autem habeat terminos de Penna vulturina vsque ad fontem, qui vocatur Axauus, & de illa fonte, vsque ad pentarron, sicut currit aqua vsque ad flumen Aragonis; & de culmine montis Agara cum canalibus, simul cum canale Auernosa, quæ est iuxta malio. Et de malio vsque ad Aguilar, & de Aguilar, ad fontem de Mopoyo, & sicut currit illa fonte vsque ad Vaill liscosa, & de ipsa valle vsque ad flumen Aragonis. Ipsas verò Villas cum terminis supradictis sic determinatas simul cū filio meo Dono ingenuas, & liberis Sancto Saluatori,



Saluatori, ut nemo ibi habeat aliquam mandationem, nisi Abbas Sancti Saluatoris, & eius Monachi. Ideo Do eis sic determinatas, quia magna contentio solebant habere homines de Villafilaria cum homines de Lerda, & de Aniuesse sic quod occidere se volebant. Et ne amplius habeant inter se contentionem determinavi eas, ut ab ista die in antea homines de Lerda, & de Aniuesse non habeant contentionem, neque iudicium cum homines de Villafilaria, neque de aliis Villis. Qui presentes fuerunt in hac determinatione; Garfia Semenones; & Enneco Blascone de Dasse bozo, & tio; & Auriolus Presbyter, & suo Neto Garcia de Arbi; & Garcia Necones; & Eldebone de Sansicu; & Enneco Blasconus; & Garcia Fortuniones de Guardosse; & Sancio Vita, & Blasco Necones de Frelisana; & Galindo Benaion; & Mantio Blascones, & Galindo Garfianes de Fillaria, & suo Netu Galbussa, & Fortunio Mantiones de Gordun maritu de Domna Sanctia, qua fuit germana de auiatu de Falcos, & Senior Garfia Ennecones Iudice de Ondosse. Et ego Eximinius Episcopus suadente me, & rogante Domino meo supradicto Rege Garfia, ut simili modo faciam aliquod donum Domino meo sancto Saluatori, & sanctis Martyribus, ut ceteris tribuam exemplum: sciens quod pro hoc premium vite aeterna acquiritur in futuro: Dono, & concedo Ecclesias istarum Villarum sancto Saluatori, & Sanctis Martyribus, Abbati Sanctio Gentullis iure hereditario in perpetuum possidendas similiter ad huc. Et ego Rex Garsea Do unum agrum inter Nauerdum, & Saucium eodem modo ingenuum. Quicunque vero huic donationi nostrae, quam pro remissione omnium peccatorum nostrorum facimus, & proprie pro remissione patris mei Enneconis, & avi mei Eximini Regis, nec non & successorum meorum, Regum scilicet, Principum, & comitum, voluerit contradicere, vel aliquo tempore hereditatem, siue terminum istarum Villarum, vel Villas metipsas, vel ipsasmet Ecclesias a Domino Eximino Episcopo oblatas abstrahere, vel alienare voluerit a sancto Salvatore: abstrahat eum Deus a sancto paradiso, & alienum faciat a consortio beatorum. Et ex parte Dei omnipotentis sit maledictus, & excommunicatus, & anathematizatus anathema Maran Atha & a ceteris Christianae Ecclesiae segregatus, & a fronte binis luminibus carens. Demum subitanea morte percussus, & demonibus traditus, cum Sathana, & Iuda traditore, qui Dominum Salvatorem tradidit, in inferno inferiori habeat portionem visurum, & lugiturum cum diabolo, & omnibus Angelis eius in saeculis saeculorum sine fine. At tum quod absit suadente diabolo cum concupiscentia saeculi, si euenerit, ex parte Dei, & sanctae Mariae matris eius, & beatissimarum Martyrum Nunilonis, & Alodia, & omnium sanctorum, Regem, Principem, vel Comitē, qui tunc in tempore regnauerit, Coniuro & precor, ut oblationem, quam Dominus Eximinius Episcopus offert rogatu meo, & sua propria voluntate, & oblationem, quam ego pro peccatis meis Deo offero, ipse per vim, aut per voluntatem, neque per iudicium non sinat tollere, vel partire. Quod si dimiserit: omnia peccata nostra, & parentum nostrorum, & omnium successorum Regum, atque Episcoporum, pro quibus hoc offerimus super ceruices illius iaceant; & in die iudicii recognoscat culpam suam, & habeat damnationem de anima sua, & hac oblatio inconsumpta permaneat in saecula saeculorum. Amen.

FACTA hac Carta Donationis, vel confirmationis Die duod. Kal. Decemb. Era Noningentesima decima octaua. Nos quoque praedicti Garfia Rex, & filius meus Fortunius, qui hanc Cartam fieri iussimus, & relegentem auduimus, & nostra propria signa etiam ponimus, & Confirmatoribus, siue testibus ad confirmandum ostendimus: Confirmamus, & roboramus. Garfias Rex confirmat, & signat. Fortunius proles Regis confirmat, & signat. Episcopus Eximinius Pampelonenfis confirmat, & propria manu signat. Episcopus Garfia Albeldesis confirmat. Episcopus Mantius in Aragonia confirmat. Abbas Sanctio Gentullis confirmat. Abbas Fortunius Sancti Emiliani confirmat. Abbas Domino Salute Sancti Prudentii confirmat. Senior Enneco Sanz in Nagera confirmat. Senior Blasco Boardellis de Biozari confirmat. Senior Mantio Sanctionis de Eleffa confirmat. Senior Azenar Sanctionis de Fillaria confirmat.

Iam itaque euident, & perspicuum omnibus esse poterit, Aristae Regis patrem, fuisse Regē Eximinum. Cuius rei, ne alterius laudem fraudemus, inuentor non sum, sed tantū probator. Garibaius enim Pinnatensem, ut ipse ait, Historiam sequutus, princeps omnium istius Eximini Regis nomen suscitauit. Illius verò Regnum improbatum reliquit. Siquidem nusquam ex illius scriptis apparet, Eximinum ipsum fuisse Regem, Sed tantum Aristae patrē: proptereaque eū supra ex hac parte in probatione defecisse retulimus. Nunc ferò, utrumque huiusmodi Priuilegio, quo cum ipsa Pinnatensis historia consentit, manifestè conuincitur: scilicet, & Regem fuisse, & ipsius Aristae patrē: quando quidem Garfias Rex, Aristae Regis filius, qui dictum Priuilegium Ann. cc. ∞xxc. (Hic enim cōuenit Aera in eo appositae) irrogauit, apertissimis verbis se, Enneconis Regis filium, id est, Innici, qui postea Aristae dictus fuit, (veteres namque quandoque Innici loco Enneconem proferebant) & Eximini Regis Nepotem, quem auum suum appellat, profitetur. Tum etiam ex eodem Priuilegio, Fortunii nomen apertè colligitur, qui fuit Eximini pronepos, Aristae nepos, & Garfiae Regis, qui priuilegium conce-



debat, filius: quem quidem nos vltimum Suprarbientem Regem, citimum Aragonensibus Comitibus annotauimus. Sed fateor ex dicto Priuilegio non elici sententiam meam, vt inde ipsius Fortunii Monachi Regnum eruamus: sed nomen tantummodò ac Garfiaz Regis filium, idest, Aristæ nepotem, exstuisse. Verum tamen fuisse Regem, seseque imperio abdicasse, quòd in Monasterio Legerensi Monachi se votis obstrinxisset; grauissimis vrgetur à Garibaido adductis argumentis, ex ipsa antiquitate depromptis: sic iam vt si quis contradicere velit, quemadmodum in eius vita diximus, non audiat. Hoc etiam, quod caput est quoque eodem ipso Priuilegio concluditur: Nempe Comitum filiam Vrracam, iam Aristæ filio nuptam esse An. Chr. DCCCLXIX. quo tempore Aristæ à nostris Rex electus fuit. vt non abs re de eodem Comite liceat suspicari, ob eam causam impensius illum, vt nostri inclinatione voluntatum in consoceri adsciscendum Regem propenderent, effecisse. Idque liquidò ex certissima temporum ratione firmatur. Si enim Fortunius Monachus, Garfiaz Regis filius, ipsiusque Comitum ex dicta Vrraca filia nepos (neque enim Garfiam ipsum vxorem aliam duxisse constat) Ann. Chr. DCCC. xxc. quo dictum Priuilegium irrogatur, de illius rogatione, vt illius expressa sunt verba, à patre consultur, illudque etiam confirmat, & sancit: sequitur necessariò, vt filius ipse Fortunius, si non ita multum ætate processisset, saltem quartum decimum tunc ageret annum, cum in pupillari ætate nullo modo consilii vis inesse iure possit. At verò inter dictum Annum DCCC. lxx. ix. quo electio Aristæ Regis facta fuit, & inter rogationis dicti Priuilegii annum duodecim tantum anni interferuntur. Concluditur ergò ratio, vt quando Aristam nostri Regem adsciuerunt, iam antea, biennio saltem, Fortunius ipse nepos, qui se postea, vt dictum est sæpe, monasticæ vitæ instituto addixit, natus esset: fitque etiam, quod inde elicitur, consentaneum, vt propterea Comes ipse nostrorum animos, ad eligendum Aristam contra responsum datum induxisset, quia iam tunc cum eo erat hoc vinculo affinitatis deuinctus, quòd eius filio filiam collocarat, nepotemque iam, ex ea filia natum, tunc haberet. Etenim cum Adrianus Pontif. Max. Longobardique nostris consulentibus respondissent; Neminem, qui præpotens esset, Regem tunc constitui oportere, ne inferiores, vt dictum est, premeret: tamen si istius rei habenda ratio fuit, vt non sine aliqua magna causa existimemus, tam citò nostros tantoperè ab huiusmodi consiliis discrepasse, vt Aristam sibi Regem statuerent, qui si non iam diu Pompelonenſis Rex (quæ recens nostra opinio est) saltem (q. perspicuū satis esse potest) Eximini Regis filius erat, proindeque omnes potentia, & dignitate anteibat: sed tamen graui aliquo ex nostris viro, vt pote ipso Comite suadente, verisimile est nostros eam parte incepti cursus rationē aliquantulum inflecti fuisse passos, ac præcipuè quidē Media illa interposita Præfectura, q. ad potestatem Regiā temperandā in Repub. nostra, depactarum legū vi, constituebatur. Nam Aristam omnino peregrinū esse, q. altero responsionis Capite vetabatur, non ausim affirmare: immo eū existimo, ex quo Eximini Regis filius erat, diutiusq. Nauarrenſib⁹ imperabat, tamquam ciuē habitū fuisse, tamen si ab Aquitania duceret fortasse gen⁹ suū; eaq. in parte nec multum de Consultorum institutis immutatum. Ad superiorem autē mutationē consilii non facile credam fuisse nostros vlla alia re, nisi ea moderatione adhibita, quæ ex Media illa Præfectura inducebatur, descensuros. Atque hæc habeo modò, quæ obseruem in istius Priuilegii verbis, quæ indicauī. Alia autem sunt, non illis certiora, ea namque certissima statuo, sed quæ me tamen oportet obseruare, vt aliquod quasi vestibulum ad huiusmodi disputationem faciamus. Quale illud est, in primis graue, ac firmum, Iacobi Regis I. testimonium, quo in rerum suarum à se editis Commentariis, sese metipsum ad Oïcenses viros loquentem inducēs, Quartum decimum se esse Regem eorum, qui in Aragonia regnarunt, expresse his Catalanicis verbis profitetur. Eam namque lingua Commentarii ipsi, eiusdem Regis manu, ante annos CCC. scripti sunt. *Varons: be creem, quo saben, è deuen saber, que nos som vostre senyor natural; è de llonch temps, que XIII l. Reys ab nos han hagut en Arago.* His ergo positis fundamentis, vt id primum, quod cetera obscurat, discutiamus: qui priores Reges enumerare omittunt, quasi Duces, non autem Reges exstiterint; graui Roderici Toletani Archiepiscopi auctoritate in huiusmodi opinionem adducuntur, quòd eos ille silentio prætermiserit, ab Aristæque Rege ceperit scribendi exordium. Idque magnopere confirmari eisdem placet eodem ipso Iacobi I. Regis testimonio; vt non solum quatuor illi antiqui Reges, qui Aristæ antecesserunt, sed & Eximius pater, & Fortunius nepos, ac duo etiam alii Garfias, & Sanctius, à Garibaido nuper exhereditati, qui inter Reges Abarcam Cæsonem, & Tremulum interponi debent, nullo modo in Regum numerum venire possint, quasi hi omnes; posteriores siquidem commentitii, & ficti Reges sint; priores autem non Reges, sed Duces. Quinimo flagitium statuantes,



nouos modò Reges suscitare; minimè tantam potuisse vnquam obliuionem esse inquit in scripto, præsertimque de Regibus; vt eorum nomina ne audita quidem fuerint. Cumque Iacobus ipse Rex se esse Quartumdecimum Regem fateatur, necessariò iam videtur ipsis, ab Aristà ipso & Regni, & stirpis initia repetenda esse, eosque qui eum antecesserunt, è Regum; qui post eum verò interponuntur, è viuorum numero exturbandos. Neque enim leniùs rem tractant huiusmodi. Ac mihi quidem verissima, grauissimaque videtur Iacobi I. Regis sententia. Sed eam nequaquam arbitror intellectam. Etenim, priores Reges fuisse, præter Garibaium, qui firmissimè asseuerat plurima existare, ac se vidisse vetera monumenta ea de re; omnes ferè & recentiores, & veteres scriptores, quotquot sunt, qui res nostras scriptis suis mandarint, prodidèrunt. Ex quibus hos tantùm nominabo; scilicet Alfonsum Castellæ Regem, Sapientem vocitatum; Rudericum Toletanum Antistitem; ac veterem nostrarum rerum Scriptorem, in ea quæ Pinnatenfis Historia inscribitur; memoratumque Excellentissimum Archiepiscopum Ferdinandum: qui in priuatis suis monumentis eandem prorsus, quam nos, rerum à quatuor illis Suprarbiensibus primis Regibus gestarum narrationem persequitur. Ex Alfonsi enim Castellæ Regis, ac Ruderici Archiepiscopi Toletani scriptis apertè concluditur, antè Aristam Regem in Nauarra prouincia Reges existisse. Siquidem ambo ipsi, Muninnam illam, seu Momeranam, de qua supra diximus; ex Regali Nauarrorum Regum stirpe profectam; Anno 1000 DCCCLV. Froilæ, seu Fruelæ Asturiarum, siue Legionensi Regi nupsisse aiunt. Ac ea res, ac Froilæ Regnum longè multum, ex ipsorum aliorumque Historicorum sententia, Aristæ Regis Regnum antecessit. Vnde efficitur, vt qui Aristam antecesserunt, Reges non Duces fuisse, ex eorundem Alfonsi, ac Ruderici scriptis eruatur. Auctor quoque Pinnatenfis Historiæ (qui monachus quidam Petrus Matillus putatur esse, ac si non ante ipsum Archiepiscopum Toletanum, eius saltè non excessisse vitam colligitur) eos Reges nominat. Præterea Hieronymus Surita cum Aristam primum Regem inducat; Suprabiam terram (ita enim loquitur) sub Anno 1000 CCXXXIV. qui longè multum, etiam ex ipsius sententia, Aristæ Regnum, ac patris antecessit, meritò ipsis temporibus Regni nomen sortitam tradit: licet non à cælesti illo miraculo, quod supra arborem cælestis Crux apparuerit, vocatam censet, sed quia supra Arbem montem constituta sit. Sed siue hoc, siue illo modo fuerit, si eo Anno Suprabium, Regni nomen adsciuit; Regum ergò imperio parebat. At in eum Annum, vel non multò longè Fortunium, & Sanctium, tertium & quartum, quos diximus, Reges, incidisse constat, multò ante Eximini, & Aristæ Regum tempora. Qui igitur eos antecesserunt, Reges nominandi sunt. Ac si Reges; Suprarbienses sanè: vt eorum titulus Regni, cui præerant, nomini conueniret. Quid? quod, & in Annalibus idem Surita testatur, antiquum quoddam Priuilegium existare Ecclesiæ sancti Petri Siresiensis irrogatum; in eoque Sanctii Garfiæ Regis & cuiusdam Aragonensis Comitissæ fieri mentionem, atque ipsius Comitissæ nomen, præpostero ordine, Regio nomini antepositum esse. In Priuilegiis insuper Roncalensis vallis habitatoribus concessis, quorum Carolus Princeps meminit, & Garibaius eorum se exempla asseruare ait, Garfiæ Regis, ac Fortunii eius filii, Infantis Suprarbiensis nominati, expressam factam mentionem proditur; iam vt priores quatuor, non Duces, sed Reges existisse, cum tot grauib. testimoniis comprobetur, venire in dubium nemini certe iam possit. Neque enim rationem illam probo, Reges non fuisse, ob eam causam, quod nullius eorum Archiepiscopus Toletanus meminerit. Ille enim de ortu, & genealogia Nauarrensiu Regum scripturus (sic namque suum opus inscripsit) iure potuit de eis filere, quos nequaquam duceret in eum numerum referendos esse. Qui autem quæso Garfiæ Eximini, istorum Regum, vt ita dicam, parens, appellari poterat Nauarrensis, siue Pompelonensis, quod idem est, Rex cum neque à Nauarrensisibus assumptus, nec in Nauarrensi ditione euectus, nec eiusdem potitus, nec in ea sepultus exstiterit? Et Rudericus ipse alio in loco aliter sensisse visus est: cum, vt supra diximus, Froilam Asturiarum, siue Legionensem Regem, eandem Momeranam ex Regali Nauarrorum progenie (nam sic est apud illum) ortam, quam Alfonsus Rex Muninnam vocat, duxisse uxorem tradat, Aera 1000 DCCXCIII. quæ Anno DCCCLV. conuenit: longè verò post dictum Annum, Aristam Regem Nauarræ imperare cœpisse, idem ipse Archiepiscopus auctor sit. Quin immo inde coniecturam capio, vt eos Reges, qui Aristam antecesserunt, quandoquidem fuisse Reges inde etiam colligitur; ex quo Archiepiscopus ipse eorum non meminit, cum alioquin patria esset Nauarrus: nobis, non autem Nauarren-



sibus vendicemus : tamen illi, dum Regalem Nauarrorum progeniem dixit, aperte videtur, eos omnes Nauarrenses Reges censendos iudicasse. Sed istius gentis est maxime proprium, ut antiquam omnem nobilitatem à se esse profectam arbitrentur. Itaque iam videmus ipsum illum Archiepiscopum Toletanum, nec ipsum secum, nec ea cum re, quam sibi ostendere proposuerat, constituisse: sed maiori profectò ex parte claudicasse. Nam de ortu, & genealogia Nauarrensiū Regum scribens, Aristam eorum Regem numeravit primum, cum ante eum Regalem Nauarrorum progeniem memorasset. Neque solum Eximinum Regem, ipsius Aristæ patrem, præterit, sed Fortunium etiam nepotem; quorum uterque, Eximinus quidem, si ita sit, Nauarrensis solus, Fortunius verò ipsis, ac Suprabienensibus simul, quemadmodum demonstrauius, im-  
 peravit. Porro & ex eorundem Archiepiscopi Ruderici, & Castellani Regis scriptis colligitur aperte, post miserabilem illam Hispaniæ cladem, quando illius instauratione eo, quem diximus, modo fieri cæpit; Froilam ipsum, nonnullosque alios tum ante tum post eum Legionenses, siue Austuriarum Reges, ipsius Nauarræ satis diu fuisse potitos: & quandoque in illam, quod ab eorum nomine, & imperio defecisset, vehementer insultasse. Atque eo tempore complures Nauarrensiū, Suprabienensibus Regibus totos addixisse, ipsisque paruissse, quo usque Aristæ ab eis Rex adscitus fuit; Beutherius Valentinus, quæ grauissimum scriptorem iudico, auctor est: Aristamque primum omnium, Nauarrensem Regem fuisse, tum ipse, tum idem ille Carolus Princeps attestantur. iam ut inde etiam satis bene colligi possit, quatuor illos ante Aristam Reges, nequaquam Nauar-  
 renses Reges censendos fuisse: tamen eos, ita Scriptorum vulgus, hisce minime notatis rebus, appellavit. Sed hac de re plura paulò post. At verò ipsum Suprabienense nomen haud nouè quæsitum, sed priscum nimis, & antiquum esse præter varia, ac multa aliorum scriptorum testimonia: usitata etiam illæ Regalium Priuilegiorum formulæ valde confirmant. In ferè omnibus namque Priuilegiis, quæ exstant à sanctio Maiori, & post eum ab aliis & nonnulla ab anterioribus Regibus interrogata, aperte videmus, eos omnes hanc consuetudinem loquendi seruasse, ut cum initio se tantummodò Aragonensium, & Pompelonensium Reges fateantur (Nauarrensiū etenim in antiquis Priuilegiis nusquam memini profectò me legisse) in extrema parte, post appositam illam usitatam temporis notationem, sub his verbis: *Facta Carta; & reliqua: Regales alias Ditiones, qui-*  
*bus præerant, ostenderent, loquentes hoc modo: Regnante me Rege Sanctio in Pamplona, in Aragonie, in Suprabien, & in Ripacurtia.* Sic enim quandoque Suprabii vocem scriptam inuenio. Singulas autem huiusmodi Ditiones, Regna fuisse perspicuum est planè. Eo autem genere loquendi demonstratur, eas, quæ aliquandiu diuersæ fuerant, iam tunc coniunctas, & copulatas illius Regis imperio parere, qui se in illis regnare profiteretur. Quod si Suprabienensis Dizio Regnum fuit vnquam; id certè ante Abarcam Cæsonem esse oportuit. Illius namque nominationem postea usitatius Aragonum Regni nomen exorbuit, quod primum sibi Abarca ipse Cæso vendicauit; sic, ut nisi in extremo Priuilegiorum, eo, quem diximus, modo, nequaquam appareat. Atque hoc pacto sensim profectò fuit priscum illud Suprabienensis Regni nomen antiquatum. Et ex his omnibus etiam a-  
 pertè colligitur, quam supra intexuimus nostri Iacobi I. Regis sententiam ita omnino interpretandam esse, ut ea stirpis nullomodo, sed Regni; Regni verò Aragonum solius initium denotetur: neque ab ipso Rege Iacobo, dum se Quartum decimum Regem numeravit, ullam prorsus Regum, qui Abarcam Cæsonem antecesserunt, habitam fuisse rationem. Nam si stirpis initium denotasset; ab Eximino Rege originem sumendo, Fortunioque Rege, Monacho, Cæsonis Abarcæ fratre, numerato, etiam exclusis duobus aliis Regibus, qui inter Cæsonem ipsum, & Tremulum, ut memorauimus, interponi debent; non Quartus decimus, sed Sextus decimus potius numerandus esset. Quod si eos duos numeremus, quemadmodum numerandos esse, Regesque fuisse demonstrabimus: Octauus decimus numero fuisset omnino. Si verò alterius præterquàm Aragonum Regni initium significare voluisset; neque etiam constare sibi vllò modo posset, quin in eodè, ac in maiori certè ipsius notæ errore versaretur. Iam tunc enim paulò altius, siquidem à Garfia illo primo, quem diximus omnium Regum parentem appellari posse, repetere numeri ipsius initium cogebatur, eoque ceteros Reges completi; qui nobis post Hispaniæ iacturam imperarunt. Quo pacto Secundus & vicesimus Rex numerari debuisset. Neque verò dum Garfiam primum, omnium Regum parentem nominaui, cum Garibaiō consensio, qui Primum Interregnum subtrahere nititur, Eximino, Aristæ patri, Quartum Suprabiensem Regem Sanctium, patrem tribuendo, ut ab eodem Garfia continuata Regum successio deducatur. Ea enim in re Garibaium deceptum fuisse demonstrabo. Sed quia primò in Repub.  
 nostra



nostra Princeps exstiterit Garfias Rex, qui ceteris ad statuendum Regnum aditum fecit illustrem. Hunc igitur, & reliquos omnes, qui post eum sequuti sunt Reges, vna secum Iacobus ipse ad numerare debuisset, si initium Regni simpliciter denotasset: sicque is longior, & maior fuisset numerus effectus, quē diximus. Fit itaque vt cum neq; stirpis, neq; Regni simpliciter initium denotarit; quid aliud significare, atque annuere voluerit, explicemus. Qua in re nefas omnino erit, vt ex illius verbis quidquam aliud, quā quod ipse expresse voluit, excipiamus. Cū verò ipse non simpliciter se *Quatuordecimum* Regem numerarit, sed addiderit etiam, *eorum qui in Aragonia regnarunt*: aperta res erit non, aliter interpretandā esse illius mentem, ac videntur sonare ipsa verba. Vnde efficitur planē necessario, vt Aragonum Regni initium denotatum fuisse concludamus: neque Iacobum Regem eo numero aliorum, nisi eorum tantummodò rationem, qui in Aragonia regnarunt, concepisse, quandoquidem in ea tam clara verba, & aperta illius omnino fuit conclusa, comprehensa que sententia. Quod si præterita repetamus, demonstrandi causa, qui fuerint Reges, qui in Aragonia regnarint, illudque Aragonum Regni nomen præstulerint: neminem eorum, quos hucusque retulimus, sed Abarcam Caxonē principem, qui continenter post eos describendus proponitur, reperiemus. Nam à Secundo Suprarbiensi Rege, ad Aristē ætatem, atq; obitum, iam supra Aragonum Comites viguisse demonstrauius. Garfiam verò Regē Aristæ filium, Aragonensiq; Comitē generū, qui vxorio iure Aragonensem ipsum adiit Comitātū, quiq; primus verē Aragonum Rex vocari potuisset: huiusmodi nomen adsciuisse ex eo, quod intexuimus, Priuilegio non constat. Immo illud Comitatus retinuisse nomen vel inde colligitur, quod bis geminatis, atque duplicatis verbis inter successores suos, Comites aperte nominauit. Aragonenses autem significari clarissimum est, ex quo successores dixit, id est, posteros, quibus à se nascendi conditio data esset. Alterum enim Comitatum præterquam Aragonensem, ad eum nullum peruenisse comperimus, vt intelligi possint hæc verba de eo. Quin ea verborum geminatione innuisse videtur, se ita animo, ac mente concepisse, vt crederet illud Comitē nomen incolume ad posteros omnino peruenturum, neq; eam, quæ citò ab Abarca Caxone filio facta fuit, ipsius nominis mutationem futuram. Atque illud idem, q; pater, Fortunium Monachum filium suspicor seruasse. Quamobrem hosce ambos Reges, Garfiam Aristæ filium, & Fortunium Monachum Aristæ Nepotem, tametsi Aragonensis Comitatus fuisse potitos colligitur, retento tamē ipso Comitatus nomine, vt in Aragonia regnasse propriè enuntiari non possit. At Abarcam Caxonem apertissimè ex omnibus suis Priuilegiis, Aragonum Regem, seu Aragonensium appellari solitum fuisse apparet. vt is prim⁹ verè dici possit in Aragonia regnasse; quandoquidem primus præclaram eam, quæ posteris hereditaria permanfit, tituli mutationem induxit, vt Aragonum nomen in altiore locum, scilicet in Regiæ dignitatis amplitudinem, & gradum ascenderet. Post ipsum autem Abarcam Caxonem, duobus interpositis Regibus, Garfia, & Sanctio, auo, & patre Garfiæ Tremuli Regis, quos nuper Garibaius suscitauit: sic certè, vt ipso Iacobi Regis quatuordecimi numeri nota aptissimè Regibus ipsis conueniat, sic vt nullo modo aliunde ea petenda sit. Vnde etiam aperte illorum error conuincitur, qui Remirum, siue Ranimirum, quod vsitatus fuit nomen, primum Aragonum Regem numerarunt; cū septem tantummodò sint inter eum, ac Iacobum ipsum I. Reges interiecti. Sed paulò post plura ea de re. Iam verò Primum, quod apposuius, Interregnum Garibaius ipse subtrahendum censet, Pinnatensis Historiæ, vt ipse ait, fide, & auctoritate commotus: siquidem Eximinum Regem, Aristæ patrem, filium fuisse tradit Sanctii Regis, quem nos Quartum Suprarbiensem Regem numerauimus. Sed ab eo dissentio, cū id nequaquam ex ea Historia, ad quā ille se refert, eruatur. Hæc namq; illius sunt verba. *Post mortem Regis Fortunii Garfiæ, loquitur autem de primo Fortunio, qui fuit Tertius Suprarbiensis Rex, regnauit in Pampilona Rex Sanctius Garfia: scilicet idē ipse, quē Quartum memorauimus. Post ait, Et regnabat in Sturiis Rex Ordonio, qui tunc fuit deuictus per Regem Corduba, vocatum Abdurramen Anno scilicet Domini DCCCXX. Et tunc temporis gens Sarracénica ob victoriam de dicto Rege Ordonio obtentam supradictam, maiori audacia transierunt montes Pyrenæos, & adquisierunt vsq; ad Ciuitatem Tolosanā: sic quod propter terrorem Maurorum nemo eis poterat resistere. Quinimmo Christiani fugientes & deserentes loca, vbi habitabant, propter metum, & terrorem Maurorum recolligebant se in spelunca Sancti Ioannis de la Penya, tanquā refugium singulare. Erant quidē ipsi Christiani vsque ad numerū Sexcentorum. Qui cum vxoribus, & filiis, & omnibus eorum bonis recollegerunt se in dicta spelunca, vbi erat edificata Ecclesia sancti Ioannis Baptistæ: quam ad honorem Dei & Sancti Ioannis augmentarunt, & multipliciter decorarunt. Et subsequenter cū magna deuotione, & contritione suorum peccaminum, fideli*




confessione prauia, & cū magnis hymnis, & cantib<sup>9</sup> humiliter, & deuote transfulerunt corpus ipsius  
 Sancti Ioannis: loquitur autē de primo Anachoreta, quem diximus Ataresiū nominari, il-  
 ludq. tumularunt in quadam pulchra tumba: supra quam nomen, & vita ipsius Sancti erat scripta li-  
 teris mirifice sculptis. Quæ siquidem tumba fuit posita inter tria Altaria Inuocationū Sancti Ioannis  
 Baptista, Sancti Iuliani, & Sancta Basilica, ibidem antea edificata. Subsequenter dicti Christiani, in-  
 ducti deuotione maiori, edificarunt itidem duo Altaria: vñ ad honorem Sancti Michaelis, & sub in-  
 uocatione ipsius: aliud Sancti Clementis. Et statuerunt ibi Monasterium, & constituerunt Abbatem  
 nomine Transirico, & Clericos, qui propria voluntate, & ad honorem, & reuerentiam Dei, & San-  
 ctorum ibi sepulcorum renuntiauerunt desideriis carnalibus & mundanis. Et hoc fecerunt, ut Deus,  
 & Sancti eos præsauerent à persecutionib<sup>9</sup>, quas Mauri eis infligere conabantur. Et quilibet ipso-  
 rum Christianorum construxit inibi propriam mansionem: & ibidem infra breue tempus fuit con-  
 grua populatio. Et procurarunt ipsum Monasterium consecrari per Episcopum Aragonensem, vocatū  
 Ennecum, die Sancta Agatha. Regnavit autem dictus Sanctius Garzia Rex Pampilona Viginti annis.  
 Mortuo quidem dicto Rege regnavit Eximius Garzia cum suo filio Garzia quorum alia memoria  
 non habetur: decesserunt enim, nullo Rectore, vel successore eorum superstitie. Nec plura cer-  
 te in ea Pinnatensi Historia, quam habeo (atque eadem ipsa est, quam Garibaius se a-  
 pud Suritam nostrum legisse refert) de his Sanctio, & Eximino Regibus, ac filio Garzia  
 scripta continentur. Inde autem, nisi me forte fallo, Sanctium Quartum, quem diximus,  
 Regem, Eximini patrem, fuisse nequaquam elicitur. Hi autem Eximius, & Garzias, ii  
 sunt, quos supra, patrem, ac fratrem Aristæ memorauimus. Et in hoc vno errasse constat  
 istius historię auctorem, quod cum Aristam, ipsius Eximini Regis filium fuisse, ac  
 patri successisse, grauissimo illius Priuilegii, quod paulò ante intexui, testimonio com-  
 probetur: ipse verò, Eximinum, ac filium nullo successore superstitie obisse, affirmet. Im-  
 mo ex quo Eximinum ipsum, Eximinum Garzia, nominauit: patre non Sanctio, sed Gar-  
 zia vocato, fuisse nam dicerem, cum alioquin Eximius Sanctii iuxta veterē consuetu-  
 dinem vocari debuisset: iamque Garziam ipsum, Eximini patrē, persuadeo mihi non Re-  
 gis, sed priuati herois personam sustinuisse. Ea verò omnia, quæ à nostris in Pinnatensi  
 Spelunca facta perhibentur, ad primū hoc Interregnum, quemadmodū nos ipsi fecimus,  
 referenda sunt: quandoquidē de Transyniro, seu Transirico præposito Abba, & de co-  
 nsecratione ipsius Ecclesiæ mentio fit. Hæc enim, ut cetera omnia istius antiquitatis mo-  
 numenta loquuntur, post ipsius Sanctii mortē, Repub. iam ad Interregnū adducta, su-  
 sequuta fuere. Nec si Rex ipse Sanctius Quartus plures annos regnavit, quàm viginti, quē-  
 admodum quisquis eam historiā scripsit, auctor est: tam longē illius vita posset produci,  
 ut hæc omnia eidem subiiciantur. Siquidem regnare cepit Ann. dcccxy. Consecratio  
 autem Ecclesiæ, ut dictum est supra, facta fuit Ann. dcccxlvi. Inter quæ tempora vi-  
 ginti, & septem anni interseruntur. Ex quibus patet in huiusmodi rerum, ac tempo-  
 rum notatione eam, quam nos sumus sequuti, viam tenendam esse: nec multum ab huius-  
 di historia discrepare. Quin etiam & ex eodem ipso Priuilegio, quod intexuimus in isti-  
 us nostræ disputationis vestibulo, ut à nobis paulò est ante dictum; si attentē & diligen-  
 ter illius verba expendantur, elici potest, nec ineptē, Eximini patrē, Regem non fuisse.  
 Etenim Garzias nepos, qui dictum Priuilegium irrogauit, de maioribus suis duos tantum  
 Reges percenset; scilicet Aristam patrē, ipsumque Eximinum auum: dum ait. *Quam do-  
 nationem pro remissione omnium peccatorū nostrorum facimus, & propriē pro remissione patris mei  
 Enneconis, & aui mei Eximini Regis, nec non, & successorum meorū, Regum scilicet, Principum, &  
 Comitum.* Si igitur Garzias Rex gentiles alios habuisset Reges; eorū, quemadmodum, &  
 successorum omnium profectò meminisset. In hac autem deprecatione ignoscendi a-  
 pertē videmus postulationem nullam de maioribus aliis, præterquam de parente, & auo,  
 Regib<sup>9</sup> contineri: at de successoribus omnē. Nec video causam, cur maiorum oblitus po-  
 steros tantummodò memoraret: nisi quia non amplius, quam Regum, à quibus originē  
 ducebat, haberi voluisset rationem. Cumque ii, duo tantum fuissent, pater, & auus, quos  
 retulimus: idcirco solam eorum memoriam ad ostentationem, & gloriam excipiendam  
 censuit, quod antiquiorem laudem, quàm Regnum, familia sua profectò non habe-  
 ret. Sequitur ergò, ut idem sentiamus, quod Pinnatensis historia, omnesque alii scripto-  
 res tenuerunt; scilicet post Sanctii, Quarti Suprarbiensis Regis, interitum nostris Interre-  
 gnum Primum datum esse: Garibaiique qui contra nititur, explodamus sententiam, &  
 argumentis clarissimis refellatur, cum alioquin in nouis Regibus excitatis, annorumq;  
 & temporum notatione, nequaquam possumus adhibitam ab eo operam vehementer  
 non laudare. Ceterum his cognitis, ad eam istius disputationis partem accedā, quæ mihi  
 sola superest illustranda; De diuersa nēpe, quā supra constitui Aristæ Regis à nostris, & à  
 Nauarren-



Nauarrensisbus, seu Pompelonensibus facta electione. Quam etsi rem nouam, spero tamen me cuius facillè probaturum. Carolus namque Princeps, ac ferè omnes scriptores perhibent, Nostros, cum sine Rege essent, ab Adriano Pont. Max. (què Adrianum I. fuisse memorant,) Longobardisq; (quibus nonnulli Francos etiam addunt) statuendæ Reip. modū quæsiuisse; fuisseq; ab illis id responsum latū, Vti consentaneis legibus præstitutis, Vnum sibi aliquem in regem constituerent: inde nostros, condito prius Suprabienfi Foro Aristam sibi præfecisse Regem: ab eoque nō solū ipsas leges sancitas fuisse, sed irrogatum illud Priuilegium, quod diximus, De alio à nostris adsciscendo Rege, si à se, suisue ius publicum violari contingeret. Ex quibus patet, minimè nostris Aristam Regem, ante  
<sup>10</sup> Adriani Pontificatum præfuisse. At verò Adrianum II. nondum quinque annos sedisse constat; nempe ex A. D. xii. Kal. Decemb. An. dcccclxvii. ad Kal. Oct. An. dcccclxxii. quemadmodum ex Onufrii scriptis colligitur, quorum supra fecimus mentionem. Fit ergo, vt necessario Aristæ electionem à nostris factam in aliquem horum annorum incidisse censendum sit. Quod si ante dictum temp<sup>9</sup> fortasse eum regnasse appareat: non nostris, sed Nauarrensisbus imperarit. Atqui ex variis à Garibato adductis documentis, quibus omnino fides adhibenda est, apertè conuincitur, Aristam ipsum iam Ann. dcccclxii. Regem esse, Regioque nomine Priuilegia irrogasse, quorum nonnulla exempla Garibatus ipse protulit in medium. Præterea Hieronymus Surita in suis Indicibus Aristæ Regni initium Anni dcccclxv. vel circa supposuit: vt non multum visus sit ab ea Garibati  
<sup>20</sup> sententia discrepare. Si igitur Ann. dcccclxii. Aristæ Rex erat; aut nostris, aut Nauarrensisbus; aut omnibus simul imperabat. Nostris non quadrat; cum viginti & quinque annis post (tot enim inter dictum Annum, & Adriani I. Pontificatus initium interpositi sunt) de statuendâ Repub. cum eodē Pontifice fuerit habita consultatio, quæ necessario Aristæ selectionem à nostris factam antecessit: ergo, Nauarrensisbus. Si Nauarrensisbus; efficitur igitur, quod consequens est etiam necessarium, vt diuersas fuisse de eodē Aristæ à nostris, ac Nauarrensisbus electiones factas dicamus: & proinde necessario Aristam ipsum diu ante Nauarrensisbus præfuisse, quàm à nostris Rex eligeretur: neq; omnino leui, illud etiam quod diximus, coniectura pendere, Eximinum nempe Regem nostris nequaquam, fortasse autem Nauarrensisbus imperasse. Hanc autem opinionem de  
<sup>30</sup> Adriani II. Longobardorumque deliberatione, ex qua eos in idem tempus incidisse colligi potest, quod pro suspecta haberetur, cum Adriani II. ætate Longobardorum Regnum iam sublatum esset: fateor equidem aliquandiu mihi non placuisse, interdumque visam fuisse dubiam, ac incertam. Carolus enim Magnus, ex amici nostri Caroli Sigonii, grauissimi Scriptoris, Francorumque Historicorum sententia, ann. dcccclxxiii. qui fuit quintus sui Regni ab Adriano I. Papa contra Desyderium, Vltimum Longobardorum Regem, Romanos acerbissimè vexantem, vocatus, Longobardos acie victos profligauit: ac Desyderium, eorum Regem, diu obsessum, tandem deditionem facere coegit, atque in Franciam cum vxore, & liberis misit omni Regia potestate exutum. Quib<sup>9</sup> peractis, sub Francorū ditione ea omnis Italiæ pars venit, quæ Longobardorum erat; præter Hexarchatum, Rauennatem, Romandiolam, quandamq; Thuscæ partem, quam idem Carolus beato Papæ Adriano I. & Apostolicæ Sedi donauit: quæ omnia Longobardi Romanis, & Constantinopolitanis Imperatoribus adimendo iuris sui fecerant. Itaq; Caroli Magni tempore, ac virtute, Longobardorum Regnum in Italia defecit, Centum ferme annos ante Adriani II. Pontificatum. vt Adrianū II. Longobardosq; in eadem simul tempora incidisse, qui nostris dare consilium possent, videatur omnino temporum rationi repugnare, saltem Regno ipsorum Longobardorum stante. Si autem affirmare velimus, omnes scriptores nominum similitudine deceptos, Adrianum secundum pro primo collocasse; minus etiam id conuenit: cum neq; Adriani I. Pontificatu, neque Caroli magni Regno, vllum nostris Interregnum patuerit, in quo de statuendâ  
<sup>40</sup> Reipub. forma consilium peteretur. Denique in his angustiis, cum constans omnium sit opinio, & sententia Adrianum secundum nostris consulentibus respondisse, de Adriano autem primo nec quidquam referatur, dicendum est planè; Longobardos quamquàm suis Regibus orbatos, ex quo in Italia sub externo dominio manserunt, Ecclesiæ videlicet, ac Francorum, Adriani II. temporibus viguisse adhuc, nimiumque sagaces, & prudentes ab omnibus semper habitos fuisse, ac præcipuè quidem in statuendâ Reipub. forma, quam diximus. Eorum siquidem imperium, quamuis ab initio sæuum, atque impotens fuerat: post Christianam tamen religionem adscitam, mitius, ac benignius effectum fuit, iam vt à Paulo Diacono iustum appelletur. Cuius rei eruditissimus idem Sigonius locupletissimos testes fuisse tradit, rectas eorum leges; qui-



bus furta, latrocinia, rapinae, caedes, & adulteria seuerissime vindicabantur, ac libertas, & fortunae priuatorum summo studio, ac æquitate, quamdiu illorum Regnum stetit, conseruata faere. Quae una in re, tota nostrarum legum summa, & temperatio consistit. Itaque ab eis, tametsi exactis Regibus, optimè nostri petere potuerunt de statuenda Repub. nostra consilium, quorum maiores temperatissimis legibus, in Italia, opulentissima omnium Prouincia, amplissimi Regni sedem constituerant: quod auctoritate tanta tunc fuit, ut nunc etiam tametsi fractum, ac debilitatum omnino, illius tamen gentis nominis memoria, nitatur. Ab ipsis namque Lombardiae, quod nunc remanet, nomen sumptum est. Quod si verum esset, quod ab aliquibus, nec indoctis viris accepti, ut Adrianus ipse II. Iliprandus proprio gentis, ac familiae suae nomine vocaretur, cum in omnibus, quae exstant, Suprarbiensis illius Fori exemplis, Aldebrandum, siue Abreuianum, Apostolicum, idest Pont. Max. (sic enim veteres loqui consueuerunt,) fuisse nostris consultum exprimatur: mirificè quidem omnibus his, quae diximus, conueniret, ut Aldebrandi, seu Abreuiani id nomen corruptè pro Iliprandi vterpatum sit. Eoque Adrianus ipse II. designetur, ac si nos felicitis recordationis Gregorium XII. Papam Boncompagnum diceremus. Sergium enim Papam II. qui Adrianum ipsum II. fecerat Cardinalem, primum omnium prodidit nomen suum mutasse: cum ante Pontificatum proprio nomine, Osporcus, vocaretur. Ad cuius similitudinem, qui post eum sequuti sunt Pontifices Romani, nomina sua mutari voluerunt: & illud idem Adrianum II. credere licet, facere voluisse, relicto eo Iliprandi nomine. Quam mutandorum nominum rationem ex huiusmodi principio in Romanis Pontificibus introductam, postea consuetudo aluit, ac frequens vsus reddidit firmiorem. Sed nihilominus fieri certe potuit, ut ipsum illud Iliprandi nomen perinde, atque Adriani, in communi omnium ore versaretur: atque ut Apostolicus Aldebrandus, qui in Suprarbiensis illius Fori vestibulo nominatus in manuscriptis, quae exstant, exemplaribus inuenitur, idem ipse Adrianus II. censendus sit. Vnde fit, ut Historicos omnes, qui Adrianum II. a nostris fuisse consultum prodidere; eundem ipsum, quem Suprarbiensis Forus Apostolicum Aldebrandum vocat, nominasse, ac nominare voluisse, intelligamus. Ex his igitur aperte elicitur, quod proposui; non iisdem Comitibus, sed longè diuersis Aristam fuisse à nostris, & Nauarrensis Regem adscitum. Sed venio nunc ad illud, quod grauissimum, & firmissimum est omnium, ex dissimilitudine Iuris argumentum. Nam cum genus institutorum nostrorum nihil habeat, nec habuerit vnquam cum Nauarrensi institutis commune, sed Ius nostrum omnino semper ab eorum Iure in omni ferè, & publica, & priuata actione discreparit: quid absurdius dici, aut existimari potest, quam has tantas dissimilitudines non ex differentibus initiis provenisse? Neque effici potuisset aliunde id, quod ab ipsis Regnorum primordiis, quamdiu subiuncta fuere, vsque ad eorum separationem assidue legimus obseruatum; ut cum saepius ambae huiusmodi Ditiones versatae fuerint in communi bellorum fortuna copulatae, sic ut iidem Reges nobis, ac Nauarrensis, vno, atque eodem tempore interdum, imperarint: quae progressu temporum ab ipsis Regibus in Nauarrensi Regione adquirebantur, Pompelonensis Regni sine vlla dubitatione, quibus initio constitutum fuerat, legibus subiacerent. Quae verò iidem ipsi Reges intra Regionis nostrae fines vindicabant; ea simili modo Ius semper nostrum tenuerint, ac seruauerint. Qua de re habita vnquam altercatio non fuit: sed tantum de finibus. Sic autem eos aliquando Rex Sanctius III. Ranimiri I. filius terminauit. Proferam enim in medium Priuilegium illius: ex quo praeter id percipi etiam, & comprehendere poterit, quo pacto in tam diuersa vtriusque Reipub. gerendae ratione iam priscis illis temporibus ea, quam exposuimus seruabatur vicissim inter nostros, ac ipsos ceterarum rerum societas, & coniunctio.



IN Nomine Sanctae, & indiuiduae Trinitatis regnantis in saecula. Amen. Hac est Carta iudiciorum, & iurationis, & praeceptum Donationis, & confirmationis, quam facio ego Sanctius, Ranimiri Regis filius, gratia Dei Aragonensium, & Pampilonensium, seu Montisonis Rex, una cum filio meo Petro ad omnes Aragonenses, & Pampilonenses, & Suprarbienses, qui sunt praesentes, & futuri in omni meo Regno, & ad Abbatem Aymericum, suisque successoribus. Quoniam mezelabatur omnis terra mea per iudicios malos super terras, & vineas, & Villas, & casales: obinde placuit mihi supradicto Regi, & veni ad Sanctum Iohannem, anno tertio Pontificatus Domini Urbani secundi Papae cum Senioribus & Principibus mea terra; & ipsis laudantibus, & auctorizantibus iussi hanc cartam scribere Anno octauo postquam captum est Castrum, quod vocatur, Monnionis. Igitur ego Sanctius, gratia Dei Rex, Dono, & confirmo Abbati Aymerico, suisque successoribus talia praecepta,



capta, & Præiugia, atq; decreta, siue liberantes, qualia habet Cluniacense Monasterium: ut sicut Cluniacenses sunt liberi ab omni iugo humane seruitutis, ita & isti sint, tantummodo reverentia Apostolica Sedi servantes. Confirmo etiam Donationes Regum, Præiugia Episcoporum, auctoritates Romanorum Pontificum, cartulas, vel Inuestituras Milium, seu virorum, ac mulierum, qui suas oblationes Deo, & Sancto Ioanni obtulerunt. Confirmo etiam Monasteria, & Ecclesias Parochianas, necnon & Villas, & silvas, & omnes cursus aquarum, & omnes molendinos, ut habeat illos Sanctus Ioannes ingenuos, sicut ego meos: & omnia Alodia magna, vel parva, & omnes Decimas terrarum, Villarum, escaliarum, & omnium Alodiorum suorum, quantum, vel qualemcumque Sanctus Ioannes, vel sui Monachi ab antiquis Regibus, seu à modernis, vel seu Episcopis, seu à Militibus, siue à rusticis, aut à quibuscumque personis in omni Regno meo acquisierunt dono, vel comparatione, vel cambio: nisi hoc quod Abbates, & Monachi eiusdem loci iuste, ac legitime dimiserint, vel camiauerint Regis iussu: ut has Sanctus Ioannes liberè possideat, & ingenuè, quæ acquisivit qualicumque modo usque ad diem illum, quod Deus mihi dedit castrum, quod vocatur, Monnionis, & aliud, quod dicitur, Arguedas. Et postquam Deus dedit mihi castrum supradictum Arguedas, veni ego Sanctus, gratia Dei Rex, in Pampilonam, in Villam quæ dicitur Pharte, cum meos bonos homines de Aragona, & de Pampilonax. Kalend. Maii. Et conveniunt ad me in eadem Villa Pharte, omnes Principes Pampilonenses, viri, pauperes, & femina super malos iudicios, & super malos pleyros, quos habebant. Et placuit mihi, & ad omnes Aragonenses, & Pampilonenses, atque Suprarbienses, ut faceremus testamentum, & iuramentum firmum, & iuratum, & finiremus omnes querelas diversas, & omnes clamores per vsos malos, quierant inter illos in tempore illo: & firmaremus terminum præfinitum ad Aragonenses, & Suprarbienses, castrum, quod vocatur, Monnionis, ut tenerent, & haberent usque in sempiternum, quod in tempore illo tenebant, & habebant qualicumque modo. Similiter & Aragonenses, & Pampilonenses tenerent, & haberent usque in sempiternum terras, & vineas, & villas, & hereditates cum montibus, paludibus, escaliis, aquis, & herbariis, quas tenebant, & habebant qualicumque modo. Et rogaverunt Pampilonenses Principes, ut adducerent Aragonenses ad me cartam, & testamentum, quod feceram cum illis in Sancto Iouane, ut esset firmata, & roborata in mea presentia, & Petri filii mei, & in facie de omnibus Aragonensibus, & Pampilonensibus, & Suprarbiensibus: ut amplius non inquietarent se, & perturbarent in supradictas querellas, sed tenerent, & haberent firmæ, & salva unusquisque omnia, quæ tenebant, & habebant in die captionis duorum supradictorum Castrorum, videlicet Arguedas, & Monnionis. Igitur ego Sanctus, non meo merito, sed dono Dei Rex, hoc meum præceptum, & vestrum testamentum auctoritate mea, & vestra corrobore, & confirme: ita ut hoc meum præceptum ita sit firmum, ut nulla Regia, vel Episcopalis, seu Militaris potestas in his causis, quæ prædiximus, audeat aliquos inquietare in omni Regno meo, vel perturbare. Quod si quis fecerit, ea quæ repetit, non vindicet: insuper, & mille solidos de mea moneta ad eos, quos inquietare præsumpserit, persolvat. Ut autem hoc meum Præiugium firmum permaneat per sæcula cuncta, manu propria firmavi, & filio meo Petro roborari iussi.

Signum SANCTII Regis.

ET EGO Petrus, Sanctii Regis filius, Regale hoc patris mei præceptum laudo, & propria manu subscribo.

Signum Regis Petri.

FACTA hac Carta Æra MCXXVIII. Regnante Domino nostro Iesu Christo, & sub eius imperio, me Sanctio Rege regnante in Aragonia, & in Pampilona: & filio meo Petro in Suprarbi, & in Ripacurza, & in Montson: Petrus Episcopus in Iacca: alius Petrus Episcopus in Pampilona: Raymundus Dalma in Rota Episcopus: Aymericus Abbas in Sancto Iouane: Raymundus Abbas in Legere: Senior Galin Sanz in Sos, & Arguedas: Senior Enneco Sanz in Monteluso: Senior Ximen Garcez in Baylo: Senior Lope Arce in uno Castello, & in Arrosta: Senior Fortun Sanz in Baylo, & in Gliso.

Ego Garcias scriptor iussione Domini mei Regis hanc cartam scripsi, & de manu mea hoc signum feci.

Ego Aldefonsus, gratia Dei Rex Aragonensium, & Pampilonensium decreta genitoris mei, & fratris laudo, & manu mea signo. Æra MCLVIII.

Ex huiusmodi itaque Præiugio, quod in Pinnatensi Tabulario exstat, fat liquet illius rogatione ipsum Regem non suas, sed Aragonensium, Pompelonensium, ac Suprarbiensium ortas de finibus contentiones, sedandas curavisse. Etenim cum eo tempore, ut apparet ex scripto, tota ea finium ratio per iudicios, & vsos, ut inquit, malos inter eos



confusa versaretur; Rex id omne ad ea tempora reuocandum statuit, in quibus antedicta Castra capta nondū erant: quasi vnumquemq; illis, qui tūc inter ipsos seruabātur, arceri finibus debere decernens, & quæcunq; postea aliter facta, irrita prorsus, atq; infecta. Et verò has regiones tres, tametsi alioquin, vt videmus, singulis suis terminis distinctas, & diuersas; Regnum suum, non quasi vnicum cēseret, appellauit, sed quòd vnico soli ipsius tantum continerentur imperio. Idque visus est aperte declarasse, cum alios ab aliis sic se creuit: vt quæ diuersa finium, eadem prorsus, & statuendæ vniuscuiusque illorum Reipub. ratio censeretur. Qua in re videtur non tam iudicem seuerum, tametsi diras illas adhibuit execrationes, quam arbitrum his finibus regendis se adiecisse. Itaq; fit, vt has trium regionum diuisiones, ex differentibus causis factas concludamus: causas verò nō aliunde, quam à differentibus principiis prouenisse: ipsa que principia eò magis distantia iura effecisse, quò magis fuerint diuersa inter se. Cumque Aragonenses, & Suprarbienses non tam dissimilibus principiis orti fuerint, sed consiliis magis congruentes, iam ab ipsis rerum primordiis eandem tenuerint, ac seruatint, quam diximus, communis Reipub. gerendæ rationem, tametsi interdum de terminis ipsi sibi vicissim discreparint: propterea factum esse, vt eundem etiam habuerint rerum exitum, quem videmus, communemque ac eandem fortunam. Quòd si nobis, ac Nauarrensisibus vna, & eadem initio fuisset statuendi Regni, edendarumq; legum ratio constituta, quemadmodum ab omnibus ferè scriptoribus perhibetur: eadem nobis cum ipsis debuisset esse ratio Reipub. vel aliqua tanti discriminis causa adhibenda: At ea nulla proditur. Cursus ergò, atque exitum rerum contrarium, quem habemus, ad diuersa prorsus initia reducamus, oportet, vt quæ fuerint discrepantia in principiis, eadem sit in finibus dissimilitudo: neque aliter videntur vllò modo aptè coherere posse extrema cum primis. Ea autem adhibita, quam diximus, diuersa Aristæ Regis à nostris, & à Nauarrensisibus facta selectione, quæ etiam conuenit temporum rationi præclare elicitur planè aptissima quædam rerum series cum omnibus suis partibus continuata, & coherens; vt quam optimè potuerit vnaquæque ditio propriam, & peculiarem Reip. rationem à singulis initiis repetitam, sine alterius iuris iactura, conseruare. Neque huic meæ opinioni obistere videtur, quod prius hosce Reges in Pinnatensi Historia, pluribusque aliis monumentis, Reges in Pampilonæ vocatos inueniamus, nulla prorsus Suprarbiensis tituli facta mentione. Etenim cum certissimum sit eos Suprarbiensis ditionis potitos fuisse, quæ semper intra Regionis nostræ fines constituta fuit: conici certè potest, nec abs re, Reges ipsos prius illis temporibus, cum Pompelonensibus viris, interdum patria, saltem Vrbe sua, pulsos, imperarent, voluisse magis Pompelonensem ipsum titulum præ se ferre, quasi ad genus aliquod ostentationis & gloriæ, quia ob ipsam Pompelonem Urbem insignior statuebatur, tametsi ea non omnes fruerentur. Suprarbiensem verò, quòd statueretur parum locuples ad amplificandum, cum ex paruis opidis totus constaret; fuisse aliquandiu ab iisdem ipsis Regibus, etiam in quotidiani vsu sermonis, intermissum: & illud idem postea plerosque scriptores in eorum nominatione seruasse. Nihilominus Suprarbiensi regioni sub Regni titulo præfuisse colligitur, ea quam diximus, à Pompelonensi Regno longissimè diuersa ratione: quæ ab huiusmodi initiis profecta, vtrique eorum stabilis, ac firma permanfit, sic vt tametsi sæpius coniuncta fuerint, semper tamen ex vario constiterint iure, & diuerso. Atque hæc sunt, quæ in hanc sententiam disputare statui: quæ satis hoc egisse putabo, si in vtramque partem dicendo, eliciant, & exprimant, si non omnino id quod verum sit, saltem quod ad id quàm proximè accedat. Sed reliquum est modò, vt eò vnde digressi sumus, reuertamur, resque à nostris in secundo Interregno gestas explicemus; cum ab earum continenti narratione huiusmodi disputationem secreuerimus. Ac fortasse videbitur nonnullis ab instituto nostro longè alienum, has licet breues præponere modò antiquitatum nostrarum annotatiunculas, quòd eas existiment nihil, aut parum certè adiumenti esse ad explicandam Magistratus Iustitiæ Aragonum dignitatem allaturas. Consultò tamen id fecimus. Visum est enim, cum à Regni initio illius institutio pendeat, vt in Primo Interregno ostensum est; Regno autem crescente, eidem Magistratui fieri ceperint & potestatis, & dignitatis accessiones: ad eas apertius indicandas, Regni nostri progressus cognitionem necessariam esse. Et ob eam causam hucusque singulorum Regum Suprarbiensium, & Aragonensium Comitum seriem protraximus. Nunc verò quoniam Secundo huiusmodi Interregno dato, ex Abarcæ Cæsonis ad Iaccetanam Urbem Regis electione, ad quam pergimus explicandam, ipsa prodiit Aragonum Regni nominis origo prælara, vnde postea & ipsius Magistratus magnum, & clarum nomē ductum fuit, vt Iustitia Aragonum vocaretur, cum primum Iudex Mediū, deinde verò Iustitia maior



maior vocari consueuisset: non abs re censendum erit, quod his Commentariis, quam breuissime fieri poterit, omnium nostrarum rerum summam complectamur. Atque ut illius Secundi Interregni narratio, de qua mihi sermo proponitur, perspicua magis sit: eo oportet orationis nostrae cursum reuocare, quod nos institutae disputationis ratio deflexit.

## SECUNDVM INTERREGNV M.

ITA Q. ut ad rem, quae certa semper existimata est, redeam, ab omnibus scriptoribus testatum inuenio, Garciam Regem, Aristae filium, quem Sextum Suprarbiensem Regem numeravi, Vrracamque suae Eneham uxorem, ultimi Aragonensis Comitis filiam, & heredem, ab ingenti Maurorum multitudine circumuentos, occisos fuisse, cum ad Larumbi Nauarrae opidum, siue, ut alii perhibent, ad Sancti Ioannis Pinnatensis principem illam Ecclesiam iter facerent, quae fecerant vota, reddituri. Siue autem ad ipsum Larumbi opidum, siue, ut alius placet, in Ayuaria valle ea pugna commissa fuerit, siue, ut Tomichius refert, in quodam opido, *la Puebla*, nominato: ut ut se res habuerit, eorum cadauera in acie denudata, à nostris postea ad pugnae locum conuenientibus reperta fuere. Cumque Regina Vrracagrauida, & iam ad pariendum vicina, interfecta fuisset, filius, qui alio continebatur, vixit est per istum matris caesae manum emittere, quasi ex utero illius exire conaretur. Qua quidem re à primario quodam viro, mortui Regis famulo, animaduersa, & notata, cum iam Mauri abessent, longeque essent disiuncti, huius quasi miraculo rei obstupefactus, Reginae mortuae utero paulatim caeso, nobilis homo ille infantulum quendam viuum eduxit: quem illico, patrinis adhibitis, sacro Baptismate insigniri curauit, Sanctiumque appellari fecit. Eum postea secum ad Cantabriae loca traducens clā, ne à Mauris fortasse occideretur, adoptiti filii loco, quod prolis expertus esset, educauit. In illius autem nobilis viri nomine mirum in modum variant scriptores. Quidam enim Sanctium Gueuarām vocatum ferunt, ab eoque propterea ipsi infantulo illud Sancti nomen impositum fuisse: alii Vitalem Velam; alii Velezium Gueuarām, postea ab huiusmodi euentu rei, quod tam illustre furtum fecisset, Latronem appellatum. Alii Aragonensem eum fuisse perhibent, Vitalem Abarcam nomine, quod Castellum ita vocari prope Iaccetanam Urbem potiretur; Vnde illud Abarcæ cognomen postea à Sanctio ipso Caesone sumptum attestantur. Tot modis illius nomen scriptores ipsi confundunt. De tempore autem, quo haec gesta fuere, iam supradictum est. Quare nunc ad historiae cursum pergamus. Regibus itaque occisis, verus ac constans omnium opinio fuit, Suprarbienses, Nauartenes, Aragonensesque viros, qui iam omnes sub Vnius imperio conuenerant, Rege, ac Gubernatore earumque diuinitum sexdecim, vel octodecim annos. Sed iam noui Fortunii Regis Monachi, ipsius Caesonis fratris maioris, quem nuper Garibaius suscitauit, vita, & regno interpositis, nullum nostris, eo tempore saltē, Interregnum fuisse datum apparet: quippe cum Fortunius ipse à Corduba ad paternas ditiones capeffendas accessisset, earumque ipsos sexdecim, ac plures fortasse annos fuisse potitus. In his verò tot Fortunii Regni annis, ut hoc utar initio, & quaestioni, quae superiori succedit, fundamento: nec valde mirum, quod infantuli Caesonis ortus notus non esset. Nā quamuis re recēti caluisset fortasse aliquis facti rumor: postea refrigerescere potuit, & quemadmodum saepe contingit, tanquā ventus quidam popularis, totus ille disseminatus sermo, inanis, & vacuus iudicari: praesertim cum, re ipsa protinus gesta, ea inquisitio, & inuestigatio veri necessaria non esset, quandoquidem nostri legitimum Regem habuere, ipsum scilicet Fortunium, de mortuorum proximē Regum filium grandiorē, quem diximus patribus statim successisse. Cum verò is postea Monachi se votis obstringens, imperio abdicaret, aptissime conuenit, quod omnium traditum est sermone: Nostris ad eligendum Regem Iaccam conuentibus infantulum ipsam Caesonem, iam adolescentem factum, à nutricio suo propositum fuisse, illiusque ortu patrinorum testimonio comprobato, ab omnibus Regem salutatum. Qua ratione Interregnum hoc, quod Caesonis Abarcæ electioni efficienter anteceffit, iam perspicuum erit, constabitque inter omnes, datum esse, nō quidem ob Garciae Regis, Reginaeque interitum, quemadmodum omnium scripta in hanc sententiam sunt, sed ob eā causam, quae mihi magis placet, quod Fortunius eorum filius, maior Caesonis frater, Monasticae vitae instituto in Legerensi cœnobio se addixisset. Nec verò me fugit hanc nostram de secundo huiusmodi Interregno opinionem à Garibaiō ipso nequaquam probari: quemadmodum nec de primo quoque probata fuit. Sed cum illius argumenta, quae alioquin firmissima esse oportebat, in leui tantum coniectura nitatur, non dubito, quin se facillimē ceterorū o-



nium scriptorum iudicio, grauissimoque ipsius Pinnatensis historiarum testimonio, cuius  
 infra ea de re verba connectam, reuinci patietur. Nostri igitur in Interregno, quod dixi-  
 mus, constituti, In Iaccetanam Urbem super adsciscendo Rege congressi fuere. Cæsonis  
 enim infantuli ortus, ut coniecere licet, vel illis forsan incognitus erat, vel, quod credi-  
 bilius videtur, incertus. Ipsa autem Iaccetana Ciuitas hisce temporibus, post Aragonen-  
 sis nempe Comitatus cum Suprabienfi Regno coniunctionem, vtriusque ditionis pri-  
 maria vrbs habebatur. Quam Lacetaniæ Prouinciæ, Lacetanorumq; populorum quon-  
 dam fuisse caput comperimus: atque ut quidam volunt, corruptè apud Liuium legitur  
 illius nomen, cum Iaccetana Prouincia, non Lacetania, Iaccetaniq; populi, non Lace-  
 tani, ab ipsa Iaccetana Vrbe legendum sit. In eam igitur Comitibus conuocatis, nostri per-  
 quirere cœperunt, quisnam sibi Rex cooptandus esset. At infantuli nutricius, ea re com-  
 perta, Sanctium ipsum Cæsonem, crassioribus testum indumentis, per deuios saltus è  
 Cantabria clam secum in eum locum adduxit. Cumque per niues illud iter confici o-  
 porteret, ad eas melius perferendas, quodam tegmine pedum eum indutum ferunt, ni-  
 uibus maxime accommodato, quod ex crudo perone efficitur, vulgarique vocabulo, *A-  
 barcas*, nominatur. Estque quoddam calceamenti genus prisca illis sæculis, ac etiam præ-  
 sentibus, ad Repandorum calceolorum instar, ex caprina, seu boaria pelle confectum, ad  
 aspera & montosa loca peragranda habile nimis, & aptum; proptereaque apud nos pasto-  
 ribus, ac rusticanis hominibus in montanis ipsis valde commune. Hoc ergo indutus cal-  
 ceamento, Sanctius ipse Cæso in nostrorum hominum conuentum venit; nostrisque  
 propositus, tandem patrinorum testimonio audito, aliisque testibus illius facti consciis,  
 qui planum fecerunt, eum vltimorum Regum filium esse, ac Fortunii Regis Monachi  
 fratrem minorem; ipsis illis Comitibus, incredibili applausu, ac lætitia, vno omnium ore,  
 saluatus fuit, & coopertus Rex Ann. Chr. c. 805. iuxta peruetusti Codicis sancti Æmi-  
 liani Collugenfis à Surita in suis Indicibus recitari computationem. Vnde tres, vel qua-  
 tuor annos hoc nostris Interregnum perdurasse constat. Tot enim inter Fortunii Mona-  
 chi Regni finem interfunt, quem supra ex Garibali sententia Ann. dccc. c. i. subicien-  
 dum duximus, & inter hoc, quod Cæsonis Regni tradimus initium. Quid? quod, si dili-  
 genter in illius Priuilegii verba, quod Garibaius ad docendum de fine Regni ipsius For-  
 tunii affert, inquiramus: eo quidem Ann. dcccci. quo dictum Priuilegium irrogatum  
 fuit, Fortunium ipsum Regem Legerense Monasterium constabit ad Fraternitatem,  
 quam vocant, accipiendam adiisse, sicuti viderat fecisse patrem suum. Ita enim loquitur.  
 Sed quod eo tempore Regnum deponeret, verbum non exstat. iam ut coniecere possi-  
 mus, post Fraternitatem acceptam, ab eo Regale nomen aliquantulum temporis reten-  
 tum fuisse, ne tandiu fuisse nostros versatos in exquirèdo vero de Cæsonis ortu dicamus.  
 Ipsum autem Cæsonem Regem ex dicti Æmiliani Codicis testimonio dicto Ann. dccccv.  
 regnare cœpisse, iam iure possumus affirmare. Priusquam autem ad reliqua pergamus,  
 libet hoc loco ipsius Pinnatensis Historiarum, quæ ad comprobandum hoc secundum In-  
 terregnum attinet, hæc verba suggerere. *Post aliquot annos, Sic enim rem ipsam orditur,  
 gentes terra procurabant sibi Dominum, murmurantes, & plangentes; nec sine causa: quia heres non  
 supersuerat, nihil sciētes de Infante prædicto. Loquitur autem de Abarca hoc Cæsonem. Et qua-  
 dam die vocatis simul Nobilibus, Militibus, & gente populari illius terræ pro eligendo Regem, ali-  
 quem nobilem Baronem; Volentibusq; generale colloquium super hoc celebrare; dictus nobilis Baro,  
 qui dictum Infantem de morte præseruauerat, ut præfertur; Nusquam autem illius nomen ex-  
 pressit, sed tantummodo Nobilem quendam Baronem montanearum Aragonum fuisse pro-  
 dit, Sciens hoc, fecit indui dictum Infantem in modum pastoris, & calceari Abarcis. Et congrega-  
 tis suis consobrinis, & amicis, ac Vassallis, venit benè, & honorificè paratus ad dictum colloquium die  
 ad hoc præfixa. Et ingrediens per Palatium, ubi dictum celebrabatur colloquium; fuit honorificè re-  
 ceptus per omnes, qui in dicto colloquio intererant. Et tenuit inter tibias dictum Infantem, dicens  
 alta voce: Barones accipite istum Infantem, & spoliare eum vestibus, quas induit, ipsumq; in Regem  
 eligite. Nam pro certo iste est Dominus vester. Notum enim vobis sit, quod quando Regina mater sua  
 deceßit casu sic fortuito, ipsa erat grauida: & ego sum ille, qui dum transibam per Vallem, ubi ipsa ex-  
 titit interfecta, vidi paruulum, educentem manum per vulnus in ventre matris illatum. Et benedi-  
 catur Deus, quia absq; periculo eduxi ipsum paruulum vnum de ipso ventre, in testimonium istorum  
 consobrinorum, & Vassallorum meorum, qui tunc illhic interfuerunt, & hac viderunt. Et si quis cō-  
 trarium asserat; campum ingrediatur, & inibo super hoc cum eo duellum. Et his dictis, surrexerunt  
 omnes alta voce: Viuat, Viuat, quia iste, & non alius est Dominus noster. Et illico exuerunt eum ve-  
 stibus, quibus erat indutus, & Regalibus induerunt: cū magnòq; gaudio illa die, ad eius honorē, Festū  
 sollempniter celebrarunt. Et quia venit indutus, & calciatus, ac se esset pastor, vocauerunt eum San-  
 ctium*



*Sanctius Abarcam.* Hoc igitur Secundo Interregno scriptorum omnium testimoniis, & istius Historiæ fide, probè iam stabilito, & fixo (neq; enim in re tam perspicua vlla dubitatio esse potest) excutienda est modò, quæ, vt dictum est, superiori succedit, de Aragonum Regni nomenclaturæ initiis, disputatio.

## DE ARAGONVM REGNI NOMENCLATVRÆ INITIO.

ORDO namque postulat rationis, vt cum antea quo pacto Sanctius Abarca Cæso, Rex electus fuerit, ostenderimus; nunc cuius ditionis se Regem appellarit, demonstramus. Quod, vt sciatur, dignissimum est, neque hactenus à quopiam pertractatum. Nihilominus tamen non verebimur nostram, tametsi nouam, in medium proferre opinionem ea de re, quòd communem, quantumuis infirmam, cum ratio conuellar, omnes libenter remissuros arbitremur. Iam itaq; statuendum est in primis, Regum post hunc Abarcam Cæsonem ita ab omnibus hactenus traditas fuisse successiones, vt ipsius Cæsonis Regis Rex Garfias Tremulus, filius censeretur: Tremuli autè, Rex Sanctius Cognomento Maior, Imperator dictus; cuius filium Ranimirum, ferè omnes scriptores, primum Aragonum Regem induxere. Atq; hæc tandem Suritam nostrum impulit causa, vt ex graui illo Iacobi I. Regis testimonio, de quo paulo antè disputauimus, ab Arista Rege iudicaret esse & stirpis, & Regni repetenda initia, nouamque quamcumq; de nouis aliis Regibus sententiam, explodendam prorsus: neq; aliter posse vllò modo illam Quatuordecimi numeri adhibitam notam sibi ipsam cõstare. Quin etiam vt cum ea temporum quoque rationem adæquaret: in suis Indicibus eidem Sanctio Imperatori, Tremuli Regis filio, sexaginta & octo Regni annos tribuere coactus est: cum id apertè perspicuè alteri eiusdem Iacobi I. Regis sententiæ aduersetur. Ille enim in iisdem ipsis suis Commentariis, quibus, eodem Surita teste, nulla exstant nostrarum rerum clariora, magisve insignia monumenta, annos, quibus Regnorum potiebatur, scriptis testatos posteris relinquere cupiens, cum eo tempore iam tertium & sexagesimum annum regnaret; Rem, inquit, minimè à Salomone, & Dauid Regib. in vllò Rege hucusq; visam, nec auditã. Quòd si Suritæ sententia vera esset; apertè Rex ipse Iacobus mendacii conuinceretur, quandoquidè Sanctium Imperatorem, plures annos Regnorum potitum, quorum ipse potiebatur, appareret. Neq; simile vero videtur tam longæuum ipsius Imperatoris Regni tẽpus, si vera ea fuisset sententia, è nostrorum animis tam citò excidisse, cum ab eo ad dictum Iacobum Regem L. anni vix centum & quinquaginta interfuissent. Iam itaq; qui nouos Reges excludunt, quàm maximis in rebus teneantur, videmus, ex dicto Iacobi I. Regis testimonio; illudque etiam vehementer repugnare aliorum scriptorum opinioni, qui Ranimirum, ipsius Sanctii Imperatoris filium, primum Aragonum Regem profitentur. Sed quia de Regibus, qui Cæsoni Abarcæ antecesserunt, iam supra satis in vtranque partem dictum est: de iis, qui ei successerunt, reliquum est modò, vt differamus. Atque vt quamprimò eam de Ranimiro Rege, quam plerique imbiberunt, opinionem refellamus, doceamusque omnino falsam esse; tametsi verum sit in memorabili illa Regnorum Nauarræ, Castellæ, Aragonum, Suprabii, ac Ripacurtiæ, à Sanctio ipso Imperatore inter suos filios facta diuisione (namque hæc omnia Regna in illius ditionem, & potestatem venerunt) eam Ranimiro ipsi de tam amplo imperio partem esse datam, quam Aragoni solum fines circumscribunt, vt pote cum Nauarra Garfiaz, Ferdinando Castella, Suprabia autem, & Ripacurtia, quæ tantum supererant, Guntifaluo filio legatæ fuissent: non tamen propterea Ranimirus ipse, primus Aragonum Rex censendus est, quasi primus ille id nomen vsurparit, cum qui eum antecesserunt quamplures, & Reges Aragonum fuisse, & ita nuncupari solitos inueniamus. Quemadmodum Garfiam illum, ipsius Ranimiri fratrem, quem pater Nauarræ Regno donauit, primum propterea Nauarræ Regem vocare, non liceret, cum simili modo plures ante eum Nauarræ Reges habuisse, perspicua res sit. Ego quidem nequaquam repugnabo, ad neminem ex Regibus, Aragonum Regnum tam tenue, & enervatum, quàm ad ipsum Ranimirum peruenisse: siquidem detractis aliis ditionibus, reliqui tantum sibi fuit priscus ille Aragonensis, sub Regni nomine, Comitatus. Sed facile concedam primum, illum ea de causa fortasse dictum esse, quòd princeps omnium Aragonense nomen, gentilicii nominis loco, sibi, ac posteris vëdicarit, cum nonnullos, qui eum antecesserunt, constet illud sibi ex Abarcæ cognomine delegisse, proindeq; plures Sãctios Abarcas, ac Garfias Reges Abarcas, inueniri. Neq; manere aliter communis ea opinio posset, quin ex fallaciis tota constaret. Iam verò Regum post Cæsonem Abarcam successiones, quod mihi hoc in loco videtur esse potissimum, ita omnino enumerandæ sunt;



ut Garfias Tremulus, qui hactenus Abarcæ Cæsonis filius, statuebatur, pronepos, non filius numeretur. Etenim Abarcæ Cæsonis Regis, filius Garfias Rex, successor fuit: ipsius autem Garfias, filius Sanctius, Garfias Tremuli pater. Quæ tanta nominum similitudo scriptores nostros in eum errorem induxit, ut duobus his Regibus, qui inter Cæsonem, & Tremulum interponi debent, è Regum numero exturbatis, ipsi Cæsoni Regi continenter Tremulum ipsum subiicerent: ea etiam, quam diximus, cognomentum ex Abarcæ assumptorum similitudine magis decepti, qua novos hosce Reges, qui modò intercalantur, ac quandoque ipsum Tremulum, vsos obseruauimus: atque illud Abarcæ cognomentum pro gentilicio nomine nonnumquam collocasse. Sed interponendos esse, diuersosq; fuisse, ac diuersos habuisse filios, fratres, auos, ac vxores, Garibaius ipse in suo Historiarum Compendio argumentis omni luce clarioribus demonstrauit: eisq; interpositis, singulorum obitus, ac Regnorum tempora, quæ hactenus omnino vacillabant, confusaque nimis versabatur, apertè distinguuntur inter se, & quod rem continet, quam aptissimè cum ipso Iacobi I. Regis testimonio cohererent. Ab eo namque retro ad Abarcæ Cæsonem versus numerando, Iacobus ipse, quartusdecimus constituitur Rex: ipse verò Abarcæ Rex Cæso, primus. Et verò etiam grauissimo alio testimonio conuincitur, novos hosce Reges, inter Cæsonem, ac Tremulum collocandos esse. Ex duobus namque Priuilegiis, quorum infra exempla in Sancti I V. Regis rerum narratione supponam, elicitur apertè, Cæsonem ipsam, ipsius Sancti I V. tritauum fuisse. Cumque sub hac voce, tritau, ea sententia subiiciatur, ut is, qui quartus sit ab auo, designetur; fit inde, ut necessario hi duo Reges interponendi sint, cum eis exclusis Abarcæ hic Cæso ipsius Sancti I V. tritauus esse non possit. Eorum autem interpositione nequaquam peruertitur, quinimmo connectitur aptissimè illa Iacobi Regis quatuordecimi numeri appositæ nota: quandoquidem ea Aragonum Reges definiuntur non solum ipso numero, sed etiam qualitate. Siquidem ab Abarcæ hoc Cæso ad ipsum Iacobum I. Regem, quatuordecim Reges regnarunt, his duobus interpositis: & hi omnes Aragonensem ditionem verè, & propriè, non fictè, aut fallaciter possederunt. Vnde etiam prima illa ratio concluditur, Cæsonem ipsum, primum Aragonum Regem numerandum esse. Quod si illum aliquibus Priuilegiorum exemplis demonstrauero, Aragonum, seu Aragonensem Regem solitum fuisse nuncupari; profligata prorsus hæc tota quæstio iam erit. Cum multa igitur Priuilegia afferre potuissem ea de re; duo tantum subiiciam, quorum affirmare possum me Archetypa vidisse, & legisse. Sunt autem huiusmodi. Ac primum quidem tale est.



IN nomine Sanctæ Trinitatis, Patris, & Filii, & Spiritus Sancti, Amen. Hæc est carta Donationis, quam facio Ego Sanctius Abarcæ, gratia Dei Rex Aragonensium, siue Pompelonensium, una cum coniuge mea Vrracæ Regina; Deo, & Sancto Iohanni de Pinna. Sicut in sacris scripturis inuenimus, caput, & fundamentum nostra salutis in Sacramento Sanctæ Ecclesiæ consistunt; ut nullus potest esse saluus sine adiutorio eius. Quia sicut mater nutrit filios, ita ipsa sancta mater Ecclesiæ omnes fideles nutrit in Christo, & ducit ad gaudia Paradysi. Amen. Proinde ego Sanctius Rex Abarcæ, & Vrracæ Regina, volumus, quòd omnes fideles sciant, tam presentes, quam futuri, qualiter nos pro salute nostra, & remedium animarum nostrarum, & pro salute omnium Christianorum ad Monasterium Sanctissimi Baptiste Christi, Iohannis de Pinna, Damus Villas nostras, quæ dicuntur Miramont, Mianos, Martes, Bahues, Ortolo, Trasberal, Salinas, Villaluen-ga, Fanyanas, Ferrera, Lucientes, Sangorrin, Gauas, Areniella, Muliermorta, Bayetola, Nouèfontes, & Montannano cum hominibus, feminis, cum aquis, montibus, herbis, pratis, paludibus, pascuis, & cum omnibus iuribus, caloniis, homicidiis, cum cursibus, & discursibus aquarum, & cum omnibus aliis ad ius Regale pertinentibus, vel pertinere debentibus, integre, & legitime cum Ecclesiis suis, cum decimis, primiciis, & oblationibus suis libere eas possideant cum suis terminis, heremis, & populatis, cum exitibus, & introitis. Taliter, quod cænobium Sancti Iohannis de Pinna habeat, & possideat in perpetuum in remissionem omnium peccatorum nostrorum, & pro salute omnium fidelium defunctorum nostrorum. Amen.

FACTA est autem hæc Donatio in Æra Noningentesima Vigesima prima.

Testes Fortunio Exemenones, Comes de Atares; Basilius Episcopus Pampilonan; Oriolus Episcopus Aragonen; Senior Fortunius Sanchi maior, qui est in Tauuello; Senior Lope Gonçalus in Nagera.

Sig



num Sancti Regis.



Ego Garfias, filius Sancti Regis, laudo, & confirmo: & manu mea hoc sig



num facio.

Vuibertus scriptor iussione domini mei Regis Sancti hanc cartam scripsi, & manu mea signavi.



De Aera autē annotatione in hoc Priuilegio adhibita, quid sentiam, infra explicabo, dum prius hoc loco alterius Priuilegii exemplum supponam; quod est huiusmodi.



IN Dei nomine, & indiuidua Sancta Trinitatis, videlicet, Patris, & Filii, & Spiritus sancti. Amen. Ego Sanctio Abarca, Rex Aragonum, facio hanc cartam Donationis, & confirmationis vobis popularibus de Vnocastello, qui modo estis, vel in antea ibi veneritis populare, de omnibus terminis vestris, de Coliel, de Vera, al Sasso, & per illa orellata de illo Sasso ero ero, quomodo illa aqua vertit ad Arriquel vsq; ad illa capeza de Aquisilio vetulo; & de illa capeza de Aquisilio, vsq; ad illa luncarola; & de illa luncarola, vsq; ad illo Frasino de Rigo de Agona; & de Agona vsq; ad Faratos de Ossos, & de Faratos de Ossos, ad Valde Canillos, quomodo aqua vertit ad Val de Lieta; & de Val de Canillos, ad illa focillola de patre vita; & de patre vita, ad illa capeza de lata hut; & de illa capeza de lata hut, ero ero quomodo aqua uertit ad val de mahomat; & de val de mahomat, ero ero quomodo aqua vertit ad val de lieta, & ad caput de val de grallas; & de cap. de val de grallas, ad illa capeza de valle stans ero ero quomodo aqua vertit ad illa Arua; & de illa Arua, ad Vallatar de la sierra; & de illo Vallatar, a fortereros; & de fortereros, ero ero quomodo aqua vertit a la capeza de Achecho; & de la capeza de Achecho, ero ero a la Cort de Galin Abrahin; & de la Cort de Galin Abrahin, a cabo de buffet; & de cabo de buffet, vsq; ad illas capezolas de mont calbo; & de mont calbo, ero ero por la sierra quomodo aqua vertit, vsque ad cornu de la sierra, & de illo cornu, ero ero quomodo aqua uertit, vsque ad illa capeza de Saban; & de illa capeza, vsque ad illo mercatiello, vsque ad torrillon de Ababil; & del torrillon, vsque al puey de la lezina; & del puey de la lezina, vsque al puey de Verdiahe; & del puey de Verdiahe vsque al puey de la Cimarra, & del puey de la Cimarra, vsque al fondon de capanna alcada; & de capanna, al portiel maluar, & del portiel maluar, vsque ad puey pinofo; & de puey pinofo, vsque ad for piniellos; & de for piniellos, vsque ad cornu de la nansa; & de cornu de la nansa, vsque ad for alfey; & de for alfey, ero ero por la sierra quomodo aqua uertit ad Arriquel vsque ad coliel de la heru. Istos suprascriptos terminos dono & confirmo vobis popularibus de Vnocastello, qui modo estis, & inibi antea ibi veneritis populare, ut habeatis illos francos, & ingenuos ad vestram propriam hereditatem, & ad faciendam vestram propriam voluntatem vos, & filii vestri, & omnis posteritas vestra, salua mea fidelitate, & de omni mea posteritate per sacula cuncta. Amen. Et qui isto donatorio voluerit disumpere, sit anathematizatus, & sepultus in infernum. Amen.

Signum



Regis SANCTII.

FACTA vero Carta Donationis sue Confirmationis in Aera DCCCCLXXI. mense Augusti. Praesentes Episcopus don Essecuti de Leon; & Exemen Borrazmio Alcayt, & Alin Gualit; & Galindex Lobar; & Sanctio Manchon; & Martin Galindez; & Patreuita, & Gaiet Lobar, & Garcia Neri, & Petro Ioans, & Galin Ennecos, & Azenar Lopez, & Ferri Maça.

Ego Maça de Lisauexarau iusta cartula pro iussione Domini meo Rege, & de manu mea hoc signum feci. †

His igitur duob. Priuilegiis duo liquido confirmare possumus: Primum, Caesonē hunc Regem solitum fuisse illud Abarca cognomentum in literarum monumētis praeferre, aliter certē quā veteres illos Imperatores, quibus Caligulae, & Caracallae nomina a simili euentu rei imposita fuerunt. Quinimmo aliunde etiam constat, eundem Abarcarum Insignia in vexillis, & militaribus paludamentis gestasse. Ut res nequaquam indigna tanto Principe censerī debeat, quod indumentum, quo inuētus fuerat, cū Regale munus obiret, non sibi ad despiciendum, sed ad ostentationē, & gloriam, & cognominē, & Insignibus inde sumptis videri cuperet accidisse. Alterum vero, quod mihi hoc in loco videtur esse praecipuum; Nepe eundē ipsum Caesonem, Regem Aragonum, siue Aragonensium Regem vocatum inueniri. Idem, quod mihi contra communem opinionem proposui argumentum, firmissima ratione concludit. Si enim Sanctius Abarca



Cæso Aragonum Rex vocatus inuenitur, duobusque Regibus inter ipsum, & Tremu-  
lum interpositis, ab eo Aragonum Reges numerando, iuxta dicti Iacobi I. Regis testi-  
monium, idem ipse Iacobus I. Quartus decimus Rex numero fit: necessariò igitur Abar-  
ea ipse Cæso, primus Aragonum Rex censeretur. Quòd si ille primus, ut superiori  
disputationi præsentem connectamus; ergò qui ei antecesserunt ex eodem illo Iacobi I.  
Regis testimonio, non Aragonenses, sed Suprarbienses Reges numerandi sunt. Nam  
si Aragonum Reges fuissent; Iacobus ipse longiori numero notasset eos, cum maiorem  
numerum conficere deberent. Vnde fit, ut cum tradita à nobis Regum, & rerum series  
ex omni parte secum ipsa consentiat; iure potuerimus affirmare Aragonum Regni no-  
menclaturæ initium ab Hoc Cæsone Abarca Rege prouenisse. Atque ut sermonem no-  
strum ab argumentis ad coniecturam, qua veritas interdum illustrari solet, traducamus,  
licet nobis de eodem suspicari, placuisse sibi, cum ad Iaccetanā Urbem Rex constitueretur,  
quæ fuerat olim Aragonensis Comitatus caput, illud Aragonense nomen iam altius  
extollere, Regniq; titulo decorare, qui posteris hereditarius maneret. Idq; credibilis iu-  
dicabitur, si Aragonii nominis dignitatem, quæ temporibus illis vigeat, perpendamus.  
Siquidem non solum clarissimis Aragonensium Comitum factis, sed plurimorum etiam  
Episcoporum nominationibus inde petitis, illustris exstabat: qui cum re vera Oscenses  
essent, Oscensesq; appellari debuissent; Aragonenses tamē Episcopi iam ab ipsius Comita-  
tus initiis vocabantur. Ante Hispaniæ nāq; cladem nusquam Aragonenses Episcopos no-  
minatos legimus. Oscensi autem Vrbe ab Arabibus capta, & oppressa, illius sancti Episco-  
pi aliquamdiu apud Sanctum Petrum Sirensensem, aliquamdiu apud Sanctum Ioan-  
nem Pinnatensem diuersati fuere, sibi tum in hac, tum in illa Ecclesia Sedem statuētes:  
quæ ambæ prope Iaccetanam Urbem erant intra suæ diocesis fines constitutæ. Vn-  
de Aragonenses Episcopi dicti sunt. Atque iidem post Concilium Prouinciale sub dicto  
Ranimiro Rege ad eādem Iaccetanam Urbem celebratum, de quo dicemus paulò post,  
eadem Vrbe in Cathedralem erecta, Aragonensium Episcoporum nomine omisso, Iac-  
censes Episcopi appellati fuere. Quin & in ipso Concilio sancitum fuit, ut cum Oscensem  
ciuitatem, totius diocesis caput, ab Arabibus recuperari contingeret, in ea vetus Episco-  
palis Sedes instauraretur, tuncq; Iaccetana ipsa Sedes Oscensi Ecclesiæ subiecta exsta-  
ret, parentemque coleret tanquam filia. Ut re vera qui in priscis monumentis Episcopi  
Aragonenses, seu Iaccenses appellantur; eisdem cum Oscensibus esse, tenendum sit.  
Quod pari etiam ratione Ilerdensi Ecclesiæ contigerat. Ilerda nāq; à Mauris capta, illius  
Episcopi in Rotæ opido intra suam diocesim constituto degentes: inde Rotenses Episco-  
pi appellari cœperunt. Rota verò postea à Mauris oppressa, ad Ripacurtiam fugientes,  
in Gistauensique Valle aliquamdiu commorantes; Ripacurtienses, ac Gistauenses E-  
piscopi vocati sunt. Deinde verò Balbastrensi ciuitate recuperata, ea à Regibus nostris  
donati; Balbastrenses Episcopi appellati. Ad extremum Ilerdensi Vrbe à Christianis ob-  
tenta; in ea Episcopalis Sedes, & antiquum Ilerdensium Episcoporum nomen restitutum  
fuit: Vrgellitanæque Ecclesiæ nonnulla, ex his, quæ diximus, opida contributa. Tot  
modis ambæ hæ Episcopales Sedes post ipsam Hispaniæ eladem ab Arabibus vio-  
lata, & vexata, antiqua sua nomina mutauerunt. Hoc ergo Aragonensium Epi-  
scoporum illustri cognomento, præter illud Comitum antiquorum, cum iam Cæso-  
nis Regis tempore Aragonum nomen splendidum, illustreque exstaret; quid mirum,  
quod Abarca ipse Cæso inde etiam sibi noui sui stemmatis nomen inducens, Aragonum  
Rex vocari voluisset? Neq; verò id Belasconis verbis in peruetusto codice Sancti Aemi-  
liani Cogullensis appositis repugnat: quæ Surita noster in suis Indicibus annotauit.  
Sic enim Belasco ille sexaginta ferme annos post hæc tempora, de ipsius Cæsonis Regno  
testatum reliquit. *Sanctius*, inquit, *Rex, Garzia F. Pompelone* *Æra DCCCCXLII.* qui dicto an-  
no c. v. conuenit, *Regnum obtinuit; eamq; Urbem suo subdidit iuri; territoriiq; omnis*  
*Aragonensis dominatum obtinuit.* Ita enim hæc illius verba suggesta sunt. Ex quibus appa-  
ret, Pompelonensem ditionem iam ab eo, Regni titulo, expressè nominari, qui illis tēpo-  
ribus notus, & vulgaris erat. Aragonensem verò, cum iā Comitatus esse desuisset, verum  
tamen quòd Regni nomine esset decorata, nondum fortasse ad exterarum gentes alla-  
tum esset; ne in eius nominatione deciperetur, *territorium*, appellauit. ut siue priscum Co-  
mitatus nomē retineret, siue Regni esset auctoramēto decorata; quidquid esset, id omne,  
*territorii*, vocabulo comprehenderetur. Quinimo videtur, si Comitatus nomen reti-  
nuisset; id ab ipso Belascone in scribendo minimè fuisse mutandum. Sed quòd nullam fe-  
cerit de Suprarbiensi Regno mentionem: sic planè coniectio, id omnis, *territorii*, Aragonē-  
sis nomine, conclusum fuisse, quasi Aragonensis, *territorii*, voce & Comitatus ipse, & Su-  
prarbien-



prarbiense Regnum comprehendatur, propterea; ea, *omnis*, voce fuisse vsum. Quod autem ab eodem Belascone proditur, Sanctium Pompelonæ Regnum obrinuisse; nequaquam intelligi potest, vt pleriq; existimant, quasi in ipsa Pōpelonis Vrbe Comititia de eius electione habita testaretur. Id enim contra veritatem est, omninoq; sententiæ ipsius Belasconis aduersatur. Nam quo tempore ipse Abarca Cæso Rex electus fuit; Pompelo Vrbs ab Arabibus oppressa tenebatur; à quibus postea idē ipse Cæso cum magna sui nominis laude vendicatam, vt Belasco idem est auctor, suo subdidit iuri. Cui sententiæ ceteri scriptores assentiuntur. Itaq; dum, Pompelonæ Regnum obtentum, dixit; ita intelligi debet, vt Nauarræ, ditionem, Pompelonense Regnum nuncuparit: quemadmodum antiquus mos fuit. Fieri autē potuit, vt Pompelonensibus viris imperaret; eoq; pacto Pompelonensium Rex aliquandiu vocari potuisset; tamen si Pompelonensis Urbis nequaquam potiretur. Vnde etiam elicitur, vt cum nulla alia ciuitas esset, quo tempore nostri Cæsonem ipsum, Regem salutarunt, in qua ita commodē ille imperii sui sedem collocare posset, quā in ipsa, quam diximus, laccetana Vrbe: ab ea, quæ erat Aragonensis ditionis precipua, & primaria, suum illud nouum, & nobile vellet Aragonum Regni nomen vindicare. Hoc igitur tam felici auctoramento ibidem instituto, merito ipsa laccetana Vrbs nouæ istius propagationis genitrix, & nouæ Aragonum Regiæ nomenclaturæ origo censenda est, ipseque Abarca Cæso, primus Aragonum Rex omnino numerandus: vt Aragonensis Comitatus nominis, & Secundi huiusmodi Interregni, vnus, idēque finis statuatur. Iam enim post ipsum Cæsonem Regem, Aragonenses Comites vocari desierunt. Quod si aliquis fortasse in antiquis monumentis reperiatur; eum Ataresiæ ditionis Comitē fuisse conicio: Aragonensem verò ob locorum vicinitatem vocatum: seu potius eorum nomina deprauatē legi, Aragonensi voce, pro Atarensis, vsurpata: quemadmodum ipsum illum Fortunium Exemenonem, quem in priori Priuilegio Comitē de Atares vocatum videmus; in aliis exemplaribus ab Archetypo ipso, mendosē tamen depromptis, Comitē Aragonensem contineri accepimus. Iam verò circa ipsius, ac posterioris Priuilegii annorum numeri notam, vt annis à Garibao Cæsonis Regno tribus conueniat: hæc mihi videntur obseruanda: Nempe, vt in priori Priuilegio Aera pro Anno sumpta sit: sitque Annus Chri. in eo annotatus DCCCXXI. Hanc enim ambiguitatem, iam supra præfati sumus, persēpe in veteribus Priuilegiis inueniri. In posteriori verò nequaquam: sed ab Aeræ computatione triginta & octo annos abstrahendo, Annus Chri. DCCCXXXIII. intelligendus sit; qui Aeræ DCCCCLXXI. in eo appositæ omnino cohæret. Arcum ex Garibaii sententia Garciam, Cæsonis filium, circ. Ann. Chri. DCCCXX. regnasse constet, quasi Cæsonis Regnum dictum annum nequaquam exccellerit: cum Archetypis huiusmodi Priuilegiis standum existimem, ita intelligendum opinor, vt circ. dictum Ann. DCCCXXXI. atque eo elapso, Cæso fortasse (neque enim id affirmo) filio Garciæ Pompelonæ, & Naiaræ Regna donarit, penēs se verò ad dictum saltem annum DCCCXXXIII. solum Aragonum Regnum retinuerit. Proptereaque eundem in priori Priuilegio sub Ann. DCCCXXXI. se Aragonensium, & Pompelonensium Regem profiteri: in posteriori verò sub Ann. DCCCXXXIII. Aragonum tantummodò Regem nominari voluisse; quasi in eodem ipso Abarca Cæsonē diuersa Regnorum ratio in Annorum enumeratione habenda sit. Sed hæc à nobis tanquam probabilia dici, omnes sciant. Cetera verò explorata, & certissima; ac illa etiam, quæ de Suprarbiensis Regni initiis, nomine, & insignibus, de quæ illius cum Aragonensi Comitatu subiunctione retulimus: quod ea nouo hoc etiam inuenierimus argumento grauissimo confirmari. Dudum siquidem noster Philippus Payuicinus plures nummulos æreos ad me misit: quorum in vna parte Regalis cuiusdam capitis effigies, nota est, Aragonum Regis nomine sic in orbem scripto: in altera verò Crucis supra arborem Insignia exstant huiusmodi, *Arago* vocē, media inter ipsam arborem, ac Crucem incisa. Ex qua quidem compacta sic permistione quiuisset facile certam esse rerum à nobis superius traditam rationem agnosceret, Suprarbiensisque Regni antiquitatem. Nec verò inuitus in illius viri incidi mentionem. Est enim ingenio excellens, & doctrina atque tum publici iuris, tum antiquitatis nostræ peritissimus. Ceterum quandoquidem Aragonum Regni nomenclaturæ initium demonstrauius, atque à Cæsonē hoc Abarca Rege primum processisse, operæ pretium nos facturos credimus, si quod ratione, & via noster sermo procedat, ne mutilus, aut mancus iudicetur, ipsius Cæsonis res gestas, aliorumq; clarissimo-






rum Regum Aragonum ad nostra usque tempora ostenderimus, ut, quam diximus, nostrarum rerum progressionem indicemus. Id tadem facere decreuimus: nudo tamen, ac breuiori genere orationis, ne in his nos plus certè, quam sat sit, videamur commorari. Contendam interim, si modo id consequi poterò, ut nec quidquam, quod ad institutum nostrum pertineat, omittamus.

#### HINC REGES ARAGONVM.

UT ad historię denique redeamus cursum, iamque scopulosos illos, ac difficiles disputationum locos relinquamus, Abarca hoc Cæsone ad Iacceranam Urbem Rege salutato, Aragonia ditio: tunc primum inclyto Regni auctoramento decorata fuit: ipseque Abarca, primus Aragonum Rex vocari coepit. Quam nominationem posteriores omnes, quotquot ei successerunt, Reges seruauerunt, & quasi hereditario iure amplexi sunt: Vnde etiam ea ad Magistratus nostri nomen dimanauit. Cuius rei ut faciliorem notitiam comparemus, propositam nobis Regum seriem persequemur.

#### SANCTIVS I. ABARCA, CÆSO, ARAGONVM REX I.



SANCTIVS igitur Cæso, cognomento Abarca, primus Aragonum Rex fuit. Cumque tam auspiciato à nostris Rex creatus esset: Regiam dignitatem, adiecto eo insigni Aragonum titulo, augustiorem fecit. At Sanctium Garfiaz, interdumque Sanctium Garfeanis: quæ vetus consuetudo fuit: vocatum constat, illo Garfiaz, seu Garfeanis patronymico nomine adhibito, quod patre, Garfia vocato, nempe Aristæ filio, sexto Suprarbiensi Rege, natus fuisset. Illud autem Galindi, seu Galindez, ac nonnumquam etiam Galindonis, quo eum quandoque vsum Surita voluit, non ad hunc, sed ad alterum Regem Sanctium II. istius nepotem, ut suo loco dicemus, referendum est.

Iam verò quod se Abarcam, in literarum monumentis nominarit, contra quam Surita ipse crediderat, iam satis plura ad hanc rem confirmandam attulimus paulò ante argumenta, quibus tota ea omnino patefacta fuit. Sed nunc afferam aliud, quo illud idem facilius docebo: siquidem Cæsonem hunc Regem, et ab Abarca sumpta nominatione, non semper vno modo, sed tribus variis modis uti consueuisse. Se enim interdum, Sanctium Regem Abarcam, interdum Sanctium Abarcam Regem, ac interdum Sanctium Regem cognomento Abarcam nominauit. Quæ tamen si differre parum videntur inter se, iam fidem faciunt, illud Abarcæ nomen non ab aliis solum, sed à semetipso in publicis literis fuisse plerumque solitum vsurpati, ut in eo significatio eluceret sui capeffend. Regni tam prosperi, & felicitis euentus. Cumque priorum duarum nominationum varietates apertissimè ex duobus illis Priuilegiis comprehendantur, quorum supra exempla subieci subdificilem illum, quem de Aragonum Regni nomenclaturæ initio, locum tractaui: postremam istius Priuilegii testimonio comprobabo, quod in Pinnatensi Ecclesia asseruatur, illudque exempli causa superioribus libenter subiungo: quippe cum eo mihi ad alia probanda etiam utendum sit.




SICUT ex sacris scripturarum eruditionibus didicimus, humana salutis originem, & fundamentum generaliter in Sancta matris Ecclesia Sacramento consistere nouimus: nec aliquo modo posse aliquē saluari, nisi fulcimento, & subsidio eiusdē. Vnde & matris onomate designatur, quod ceterum mater filios, ita ipsa omnes Orthodoxos, lacte suorum Sacramentorum, & cultu ministrorum, ac obseruatione caritativarum, nutritos ad perpetua saluationis gaudia perducit. In ipsa præcipue salus omnium nititur: nā in ipsa totius Christianitatis ordo geritur, atque fundatur. Hac est ergo celestis illa Hierusalē, de qua dicitur: vidi ciuitatē sanctā, Hierusalē nouam, descendente de Celo, adeo paratā, sicut sponsam viro suo ornatā. Hac est, de qua vidit Iacob Angelos descendentes, & ascendentes per scalam erectam, & dixit: Terribilis est locus iste: Hac Domus Dei est, & porta caeli, & vocabitur Aula Dei. Nemo enim potest Deo placere, qui sponsam eius est, nisi sponsam Dei Ecclesiam digna reuerentia honorificet. Ergo cum salus omnium per sanctam Dei Ecclesiam operetur, dignum est ut eam omnes summo opere honorificemus, muneribus ditemus, terrarum donatione amplificemus, omnis generis dignitatibus ornemus: ut per huius seruitii exhibitionem in illa celesti possideamus hereditatem. Proinde ego Sanctius Rex gratia Dei, cognomento Abarca, & Vrraca Regina, Notum fieri cupimus omnibus nostris fidelibus, cunctisque Orthodoxis, atque catholicis viris, presentibus scilicet, & futuris, qualiter nos pro salute, & remedio animarum nostrarum, & pro salute omnium Christianorum ad monasterium sancti Simi, Martyris Christi, Ioannis, Damas omnes



bus ibidem Deo seruientibus villam de Alastrue, cum lezdis, cum coloniis, cum cursib. aquarum, & cum omnibus iuribus ad ius regale pertinentibus, vel pertinere debentibus, & cum omnibus terminis. De quibus terminis ad Priuilegium, & Donationem corroborandam in perpetuum mentionem fieri iussimus: id est de Lacoba Gallons sicut vadit serra serra, & exit à casteylon de lo borbuylo; & de casteylon de lo borbuylo exiit, vsque ad collato de sancti Torquati; & de collato sancti Torquati, vsque ad puyazuelo de hadilons, & del poyo, de los hadilons, vadit a la directum raylla, qua est caput del campo de Pinalbo, & vadit serra serra, vsque ad caput del mont de poyo, & de caput del mont de poyo, serra serra exiit ad vallataruebo; & de vallataruebo, vsque ad caput del mont de Paternue, sicut aqua vertit, & exiit directum al fronton del salto; & de fronton del salto, vsque ad serraton de barmilera; & de barmilera, sicut vadit al poyo del cap del mont de arbues, & del cabo del mont de arbues, a la fuent de los bayos; & de la fuent de los bayos, vsque al serraton valliellas; & del serrato valliellas, exiit serra serra vsque ad sancta Eulalia de Esporret; & de santa Eulalia, a la pennarotonda, & exiit directum vsque ad collato de auetito; & del collato de auetito, serra serra vsque ad campum del solano, & vadit serra serra, sicut aqua vertit a la Coba, qua vocatur Gallons. Tali tenore constabilimus, ut si quis de filiis, vel successoribus nostris in supradicto monasterio augmentare potuerit, valeat. Amen. Si vero, quod fieri non credimus, tanta presumptionis fuerit, ut aliquam violentiam, seu contradictionem voluerit inferre, iram Dei omnipotentis, & sancti Ioannis, & omnium sanctorum Dei incurrat, & maledictionem perpetuam habeat, & fiat de eo, sicut dicit Psalmista: Qui possident hereditate sanctorum Dei, Deus meus pone illos, ut rotam, & sicut stipulam ante faciem venti.

Ego Sanctius Rex, qui hanc Cartam Donationis, & Confirmationis fieri iussi, manu mea roboravi, similiter feci confirmari filio meo Garzia.

Signum Sanctii Regis.

 Ego Garcias, Sanctii Regis filius, laudo, & confirmo, & propria manu hoc signum facio.

Facienda Carta Era TXXV. Regnante me Rege Sanctio in Nauarra, & in Aragonia, & in Naïarra, & vsque ad montes d' Ocha. Et sunt testes: Basilius, Episcopus Pampilonensis, Testis, & confirmans: Oriolus, Episcopus Aragonensis, Testis, & confirmans: & Abbas Transinyrus, Testis, & confirmans: Senior Sanctio Comes en Atares, Testis, & confirmans: Senior Fortun Sanz, Testis, & confirmans: Senior Semeno Ennecons, Testis, & confirmans: Senior Enneco Gonzaluez, Testis, & confirmans: Senior Lope Xemenons, Testis, & confirmans.

Ego Vuibertus scriptor, iussione Domini mei Regis, hanc Cartam scripsi, & de manu mea hoc signum feci.

Rectè denique fecimus, dum Regem hunc Sanctium nominauimus, cognomento Abarcam: cum pateat iam Abarcæ id nomen per se partum, fuisse à semetipso quasi ad laudem, ut paulò ante dixi, cognominis loco usurpatum. Sed in hoc Priuilegio maxime aduertendum est, ea istius figuræ T nota, non semper Millesimum, sed plerumque Noningentesimum numerum indicari: quemadmodum & hoc loco pro Noningentesimo numero accipi debet. Idque huiusmodi argumento clarissimè, imo & necessariò concluditur. Etenim in priori illo Priuilegio, quo Cæsonem hunc Abarcam, se Aragonensium Regem appellari solitum demonstrauius, ut propterea primus statuendus esset Aragonum Rex: apertè videmus Basili, Pompelonensis Episcopi, tum & Orioli Aragonensis Episcopi, & Vuiberti etiam eiusdem Regis scriptoris, clarissimam factam mentionem; quasi hi omnes illius rogationi præsentes adessent, aut saltem tunc viuerent. Aera verò notatio in eo adhibita, nō iam numeri notis, aut figuris, siue, ut vulgò loquimur, per abreviaturas, sed literis extensis, compositissimis, & clarissimis expressè, Noningentesima vice prima notata fuit. Cumque in hoc etiam Priuilegio eorundem, Basili, Orioli, & Vuiberti memoria repetatur, quòd præsentes illius concessionis tanquam Confirmatores Testes interfuissent, singulis ipsis illis honorum gradibus honestati; Aera autem numerus, eadem hac ipsa istius figuræ T nota, indicaretur; sit igitur necessariò, ut illius interpretationem à superiori illo Priuilegio petentes, quandoque ea nota, huiusmodi Noningentesimum numerum notari concludamus; cum plures Basili Episcopos Pompeionenses, & Episcopos Aragonenses Oriolos, Vuibertosque scriptores nusquam appareat existuisse: nec si fuissent plures; credibile sit, alios in iisdem prorsus honoribus constitutos, post tam longum annorum interuallum simul in eadem tempora incidisse. Neque verò eos ad tantam vixisse senectutem, ut amborum Priuilegiorum rogationibus



implicarentur, quando ea à diuersis Regibus Sanctiis lata induceremus. Atq; tunc etiam in simili versaremur errore, cum necessario cogeremur, Testes hos Confirmatores, cum iidē ipsi fuerint, diuersos statuere. Itaque fit, vt hoc loco, ea T numeri nota, Noningētesimum numerum significari intelligamus, Aeramq; pro anno sumentes, Priuilegium hoc An. Chr. Noningētesimo Vicesimo quinto concessum iudicemus. Et hæc sunt, quæ mihi in mentem venerunt, dicēdaq; putauī de istius figuræ significatione, & vi, deque istius Regis Abartæ cognomento. De Insignib. autē, duas tantum *Abarcas* cum gestare solitum tradunt: quemadmodum posterī fecerunt, qui se apud nos illius genere profecti perhibentur. Sed ea proptia personæ, Elogii loco, quemadmodum de *Arista* diximus: non autem Regalis muneris fuisse, non dubito. Argenteam enim Crucē, quæ *Aristæ* cælitus apparuit, ab eo ad Petrum vsq; Regem I. qui Oscā cepit, ipsi Regno militare Signum mansisse, omnium scriptis testatum comperio: tamen si nonnullos Reges, ac fortasse hunc ipsum *Abarcā*, in nummis cōstat, Crucis supra arborē interdum Insignia, hac *Aragō* voce, quam retulimus, expressē notata, retinuisse, quasi prisca *Suprarbiēsis* Regni memoriz cōsulentes. Hic igitur *Abarca* Cæso *Aragonensibus*, *Pōpelonensibus*, & *Suprarbiensibus*. im-

905. perauit. Cōpisse autē eum regnare constat Circ. Ann. c. ∞ v. vt à nobis paulò ante dictum est. Plurima opida à Mauris eripuit, ac suo subiunxit imperio: inter quæ *Pompelon*, præcipua Vrbs fuit. Etenim eam sibi Mauri ipsi, post patris interitū, vt diximus, vindicārā. Sed nunc angustioribus, quàm antea auspiciis, liberata fuit; siquidē iam amplius nequaquā visa est in fœdissimæ illorum seruitutis tenebras recidisse. vt ex eo facto ad *Abarcā* hunc Regem maximus gloriæ cumulus, & laudis accedat. Vxorē duxit *Theudam*, siue Totam. Cumq; ex Priuilegio, quod supra intexuimus, Vrracam nominari constet; vel duas vxores habuisse dicendum est, vel quod mihi magis placet, vnam tantummodò, Totam Vrracam, & nunc hoc, nunc illo nomine appellari solitam: quemadmodum in aliis nobilissimis feminis obseruauimus. Ex ea filium suscepit, *Garciam*, Regnorum heredem; ac filias quatuor; *Eximinam*, *Mariam*, *Theresiam*, & *Velasquitam*. Ac *Theresiam* quā dem aliquando, *Flotentinam* cognominatam fuisse, *Sampyrus*, aliiq; veteres Castellani scriptores prodidēre. Qui verò tres alios filios, *Ranimirum*, *Guntifaluum*, & *Ferdinandum* eidem tribuunt, nominis similitudine deceptos fuisse, ex *Garibai* scriptis perspicui optime potest: Sanctioque eius nepoti tribuendos esse. Verum quot annos *Abarca* regnauit, & quo anno mortem obierit, incertum est. *Belasco* scriptor, cuius supra verba subiunximus, anno vicesimo sui Regni, scilicet Ann. Chr. DCCCXXVI. eum fuisse mortuum tradit, expulsis omnibus, vt loquitur, *Biotenatis*: vel *Brotæ Vallis* fortasse legendum, vt *Mauros*, qui in Valle *Brotæ* degerent, expulsos memoret. Hic verò annus cum ea, quam paulò ante feci, figuræ illius interpretatione aptè conuenit. Sed cum ex alio Priuilegio, quod supra intexui, *Abarcam* hunc Cæsonem Ann. Chr. DCCCCXXXIII. quo illud irrogauit, viuere, perspicuum sit; Priuilegii testimonium *Belasco* nis verbis antepono, *Abarcam* quē ludico plures annos regnasse quàm viginti; scilicet à dicto Ann. c. ∞ v. quo regnare eum cōpisse cōstat; ad dictum Ann. DCCCCXXXIII. si longius vitam illius nequaquam esse productam statuamus.

#### GARSIAS I. ABARCA, ARAGONVM REX II.



*GARSIAS I.* Cæsonis filius, *Garcias* Sanctii, *Abarca*que identidem & ipse appellatus, in paternam ditionem, mortuo patre, adscitus, secundus *Aragonum* Rex censerī debet. Cuius nomen, ac Regnum *Garibaius* primus suscitauit: cum antea hoc loco *Garcias Tremulus* apponeretur. Auum autē *Tremuli*, hunc *Garciam* fuisse, plurimis à *Garibai*o ipso adductis testimoniis conuincitur: vxorēq; *Theresiā* habuisse. Quæ quinq; sibi peperit filios; Sanctium nepe, ac *Ranimirum*: quorum idē *Belasco* meminit: *Vrracam* etiam, *Hermigildam*, atq; *Simenam*, siue *Eximinam*. Hæc verò, quibus nuptæ fuerint, non proditur: nec mirum, cum parētum nulla adhuc prorsus exstatit cognitio. Et verò *Theresia* hæc Regina, illius *Endregoti Galindi*, cuius supra meminimus, filia fuit, proptereaque *Theresia Galindi*, vt suspicor, nominata. Causam verò, quæ me in hanc opinionem adduxerit, explicare, & quid de *Endregoto* ipso sentiam, continenti narratiunculæ referuabo. Sex & triginta ferme annos Regem hunc regnasse constat, & Circ. Ann. Chr. DCCCLXVIIII. fato perfunctum. Vnde eidem necessario insignis illa luncaria clades tribuēda est: ex qua postea subsequutum fuit celebre *Pelagii* martyrium: qui in locum patruī, *Hermoigii Tydensis* Episcopi, ex eo prælio captiui,



ptiui, obles traditus, quod Catholicam Fidem eiurare nolisset, Cordubæ passus est. Nam Sampyrus Asturientis Episcopus, & Raguel vetusti scriptores, vt Ambrosius Morales, pius, & elegans scriptor, auctor est; Garfiam Pompelonensem Regem eo prælio de- uictum attestantur: quatuor verò post annis, Aera nempe DCCCCLXIII. Pelagium Cor- dubæ martyrii coronam consecutum. Et quamuis locum Sampyri idem Ambrosius emendandum censet, vt Aera DCCCCLXIII. legatur, vno scilicet anno anteposito, idque ratione literæ Dominicalis, qui priori Aerae conuenit, posteriori verò nequaquam: nos autem libentius credimus eo loco Aeram pro anno fuisse sumptam, vt Ann. Chr. DCCCC- LXIII. Pelagii martyrium extiterit. Nam iste annus, cum bissextus fuerit, literæ Do- minicali, quæ ex Sampyri testimonio colligitur, aptissimè conuenit: atque ita locus illius nulla indiget emendatione. Nam si veram Aerae computationem intelligere velimus, vt Anno DCCCXXVI. qui ex eadem elicitur, Pelagius Cordubæ mortem subierit, cum qua- tuor ante annos ad Iuncariam vallem pugnatum fuerit; nullus sanè Garfias Rex illis tem- poribus fuit, ad quem ea facta possint referri.

SANCTIVS II. ABARCA, ET GALINDVS, ARAGO-  
NVM REX III.



SANCTIVS II. Garfiaz I. Filius, Cæsonis N. tertius Aragonum Rex, post mortem patris, illius ditionem obtinuit. Sanctium au- tem Garfiaz, ac Garcelii, interdumque & Garfeanis, id est Garfiaz fi- lium; tum etiam Sanctium Galindi, Galindez, ac Galindonis quo- que eum vocatum constat: illudque etiam illustre Abarcæ præsetu- lisse in Cæsonis memoriam cognomentum, vt non paruum hæc tā varia nominum ratio confusionem peperit. Vxorem duxit nobilē feminam, Vrracam Ferdinandi, vocatam. Ex ea tres habuit filios; Garfiam, Ranimirum, & Guntifaluum: quos omnes, in priscis mo- numentis Reges nominatos inueniri, Garibaius affirmat. De Gar-

fiaz verò nec mirum: quippe qui, mortuo patre, illius suffectus est heres, cognomentoque Tremulus vocitatus. De Ranimiro autem, & Guntifaluo, cum nusquam appareat fuisse Reges, forsitan affirmare liceret, quod Rudericus Toletanus Antistes de Regum filia- bustestatum reliquit: eas nempe, quamuis Regibus haud nuberent, Reginas antiquitus nominari solitas; vt idem in filiis masculis aliquamdiu factum suspicemur. Huius verò Regis Sanctii nulla ante Garibaium exstabat memoria. Nominis autem similitudine de- cepti, quidam Cæsonem Abarcam, eum credebant esse, alii Sanctium maiorem, Impe- ratorem vocitatum. Diuersam autem ab utroque fuisse, tum ex eodem Garibaiō colligi- tur, tum inter cetera ex quodam Pinnatensi Priuilegio, quod hic intexam libenter, vt o- pinionis meæ reddam causam, quæ me impulerit, ad Regem hunc, Endregoti Galindi ex Theresia filia nepotem statuendum; ipsum verò Endregotum, à superiori alio Endre- goto diuersum. Ac priuilegium quidem est huiusmodi.



IN Nomine Domini nostri Iesu Christi, & pax omnium Sanctorum ubi sunt virtutes recondite in hunc locum, qui appellatur Siresa; gloriosique ac bea- tissimi Petri, Domini Apostoli, & fratris eius Beati Andrea Apostoli, & domi- ni Stephani Leuitæ, & domini Michaelis Archangeli, atque Sancti Saluato- ris, vel aliorum plurimorum Sanctorum, quorum sunt ibi Reliquie recondite; vt præbere dignetur auxilium Dominus noster Iesus Christus, illis intercedentib; & placeamus Christo. Amen. Ego Endregoto Galindonis, & proles eius Sanctio Garfeanes Rex, & vxor eius Vrraca Ferdinādi. Sub gratia Dei, grato animo, & propria voluntate: Cōuenit nobis pro redēptione animæ nostræ, & idēo in loco Sanctorum offerimus Villā, quæ dicitur Exa uerre martes post obitū nostrū, cum omnib; omnino domos, hortos, vineis, vel omni herēcia, molinos, pratos, vel omnia, quæ nobis pertinet in loco illo cū suis terminis de Arago assuso, & de Vallearians ad- entro, vsq; ad illorigo de bissun, quomodo aqua vertit ad illā ferrā de Sancti Adriani. Et ex alia parte de illo payo bosacuso, vsq; ad illas vineas de Sancta Maria; & de illas capezas de illo monte, quomodo aqua vertit, vsq; ad Aragon: & de illo molino de Sancta columba à iuso; & frontationes de illa vallel- la super Botia, liberam, ac sinceram habeant potestatem. Placuit nobis, atque conuenit nullo inge- nio coniungentis, neque articulorum suadentis, sed propria nobis accessit voluntas, vt fiat securita- tem de hanc causam, sicut & Domini, & parentes nostri, vel aliorum bonorum hominum tradi- derunt, & confirmauerunt, vt securius permaneat in pace. Et si aliquis ex propinquis nostris, vel



aliorum hominum, factum nostrum voluerit disrumpere; non habeat cum Christo participium, sed cum Iuda traditore, sceleratis, & peccatoribus habeat participationem.

FACTA Carta Confirmationis sub die tertia Kal. Iulias Aera Mix. Regnante Sanctio Garseanis, & Vrraca Regina in Aragonie, & Pampilona: & Degio Episcopo in Aragonie: Blasco Episcopo in Pampilona: & Bernardus Episcopus in Naiera:

Ego Sanctio Garseanis, qui hanc Cartam fieri iussi, manu mea roboravi, & sig



no.

Ego Endregoto Galindonis manu mea roboravi.



10.

Ego VRRACA Ferdinaldi manu mea roboravi.



Inter omnes itaq; apertè constabit istius Sanctii II. Regis vita, & Regnū; Regnū verò, Aragonum & Pompelonæ. Illud autè Garseanis, patronymicum nomen est; atque idem valet, ac si se Garfiz esse filium protulisset. At dum se simul eodem loco Endregoti Galindonis prolem nominavit: facile intellectu est, perinde id accipi debere, ac si dixisset, se Endregoti ex filia nepotem profiteri; euenisseque ex eo, ut propterea quod sibi auus, ipse Endregotus esset, sustulisset illum in literarum monumentis anteferri sibi; cum aperta res sit, illam, prolis, vocem maiorem minimè habere vim, nec latius patère, quàm ut ea tantum aut filius, aut ex filio, vel filia nepos, siquidem successor, aut heres futurus, exprimatur. De Endregoto autem hoc, nihil habeo, quod dicam; præterquam quod iam factis constat, quot annorum inter eum, ac primum illum, secundi Comitis Aragonensis filium, de quo supra, interiectum sit interuallum. ut non abs re diuersos vnum ab alio statuerimus. At hunc pro certo habeo, quod initio dixi, nempe ab Aragonensibus illis Comitibus duxisse genus suum: an verò ab Endregoto illo, vel à quo alio, incertum prorsus. Arque etiam si hic Comes non fuerit (neque enim eum fuisse apparet, nec si fuisset Comes, in hisce monumentis suppressisset illius tantæ dignitatis gradum) suspicor tamen in montosa illa regione fuisse illum magis & alieuius ditionis, pro illorū temporum ratione, potitum: eaque Theresiam filiam, quam huius Regis diximus matrem, Garfiz I. Regi, illius patri, ornatam & locupletatam, nupsisse. Vnde etiam perspicuum fit, ut quem Regē Sanctium Galindi, seu Galindez, vel Galindonis, in veteribus monumentis interdū vocitatum, Surita primum illum Cæsonem Abarcam autumavit; esse hunc eius nepotem statuamus, eidem licentiam istam eo Galindi nomine, patronymici loco, utendi concedentes, potius quàm Cæsoni ipsi, quem nihil video cum vlllo Endregoto habuisse, nec habere potuisse commune. Neque aliter meo quidem iudicio tot, tantæque res possunt sibi ipsis constare. Sed hoc pacto ex omni parte mirificè consentiunt inter se. Quinimmo & hoc Rege interposito, qui Abarca, ut dixi, interdum vocari consuevit; tolluntur penitus difficultates, quæ hætenus in Regum, Sanctii I. Cæsonis, ac Sanctii III. Maioris Imperatoris dicti, concinnandis factis oriebantur. Ad hunc enim Sanctium II. referendum est Priuilegium illud à Surita in Annalibus annotatum, sancto Petro Siresiensi concessum sub Ann. Chr. dccccclxxi. quo se simul cum Vrraca vxore in Aragonia, & Pompelonia regnare dicit. Quod mirificè conuenit nostræ supra traditæ opinioni. Nam dum se in Aragonia regnare ait; apertè indicat, Regiam Aragonum Regni nomenclaturam iam illis temporibus viguisse. minimeque eam à Ranimiro, postero Rege, percedam. Itidem etiam de hoc rege Sanctio II. intelligendum est graue illud Codicis Donationū Regiarum, & Assignmentis agrorum sancti Petri Tabernæ testimonium, ab eodem Surita in Indicibus adductum: in quo sub Ann. Chr. dccccclxxxvii. Kal. Ianuarii, Sanctii Regis, & Vrracæ vxoris, actrium liberorum, Garfiz, Ranimiri, & Gonsalui, mentionem factam prodit. Quamuis autem id Sanctio Maiori tribuendum eidem Suritæ placet, Aera scilicet pro Anno sumpta: tamen nequaquam, ut ex eodem eruitur, eo etiam pacto rerum series sibi potest constare. Hoc autem nouo Rege interposito, aptissimè & rerum, & temporum ratio cohæret. Similiter etiam, & ab hoc Rege concessum apparet Priuilegium illud Donationis locorum de Martes, Bahues, Huertolo, Pinnatenfi Cœnobio sub Ann.

971.

987.

20

30

40

50



Ann. Chr. DCCCCLXXXIX. à quodam Sanctio Rege irrogatum : cuiusidem Surita in suis Annalibus meminit. Et licet à primo illo Sanctio Cæsone concessum putat ; nequam, sed ab hoc eius nepote dicendum est. Quem Iuxta Garibaii historiam, ac eam, quam ex prædictis elicere possumus, computationem, viginti annos plus minus Regno- rum potitum constat: Ab Anno nempe DCCCCLXVIII. vel circa, ad Annū DCCCCLXXX. Ut quæ dies Viceßima quinta Decembris eiusdem Anni ab eodem Surita in Annalibus primi illius Sanctii Cæsonis Regis morti tribuitur, forsan huic Regi tribuenda sit.

989.

990.

## GARSIAS II. ABARCA, TREMVIVS, ARAGONVM

REX IIII.



**G**ARSIAS II. Cognomento Tremulus, Sanctii II. filius, Gar-  
siaz I. Nepos, Cæsonis Pron. patre fatis functo, in eius Regnis  
successit: & quandoq; Garsias Abarea, quandoq; Garsias Sanctii,  
id est, Sanctii filius, vocatus in veteribus monumentis inuenitur.  
Tremuli autem cognomen sibi indicū ferunt à nimio tremore, quo  
in bellorum initiis corripiebatur: tamen postea in ipsis præliis for-  
tis erat, ac intrepidus dimicator. Cuius rei eū in multis, & maximis  
pugnis pulchra, & ampla signa dedisset: tum illud in acerrima illa  
pulcherrimum, quam prope Vxamam Urbem commisit, dum Al-  
manzorē Cordubensem Regē armis superavit: si modò in ea Re-

gem hunc nostrū præsentem affuisse, ut ex quibusdā, quæ nuper comperi, monumentis  
colligi potest, certum sit; nam eo absente illius exercitum huiusmodi victoriam reportas-  
se, aliorum scriptis testatum est. Denique in præliorū initiis visus fuit sæpe Garsias iste  
Rex, corpore, atque artibus, numquam tamen animo, aut mente contremiscere. In eius  
vixore nominanda nimium variant scriptores. Alii enim eam Costantiam vocant: alii E-  
piphaniā; alii Eluiram. Ex Garibaii verò historia colligitur, cui hac in re libenter assen-  
tio, Eximinā istius Regis vxorem fuisse: vnicūq; tantū filium ex ea natum, Sanctium  
Maiorem. Eos etenim, qui ei duas filias tribuūt, Tereßiam scilicet, ac Sanctiam, quæ stre-  
nūo illo, numquā laudato satis, Ferdinando Guntifalvi, Castellæ Comiti, nupta fuit: er-  
rasse iudicō, eū Comitem ipsum longē ante hæc tempora, siquidem An. DCCCX. i. vel  
circa simul cum ipsa Sanctia Comitissa vxore in ñgne illud sancti Petri de Arlança Mona-  
sterium fundasse, perspicuum sit. Quare aut eam minimē à quoquam ex nostris his-  
ce Regibus procreatam fuisse dicendum: aut si alicui eorum tribuenda; primo illi quidē  
Abarcæ Cæsoni: tamen illud etiam mihi hætenus satis certum non est. Vix decem an-  
nos hunc Garsiam Tremulū regnasse constat: quandoquidem & vetustis monumen-  
tis per Garibaium annotatis, & Belasconis testimonio à Surita in Indicibus appposito cir-  
citer vnicū Millesimum Natalis Christi Annū eundem obiisse apparet. ut re vera A-  
tarsiaz Aræ Inscriptio, quam eidem Suritæ in Annalibus huic Regi tribuere placuit, ei  
año Garsiaz tribuenda sit. Nam eū in dicta Inscriptioe contineatur, arcē illam, à Gar-  
sia Fortunio constructam fuisse, Aera DCCCCLXIX. Regnante, ut loquiter, Regē  
Garsia Sanctii: necessariò eius numeri nota in huius Tremuli aum reiicienda est; siue  
ipsas Aeræ genuinam computationem sequamur, siue Aeram pro Anno sumere velim.  
Neutra autem eorum supputatio huic Regi Tremulo conuenire potest: qui quartus nu-  
mero, Aragonum Rex censeri debet.

1000.

## SANCTIVS III. MAIOR, IMPERATOR, ARAGONVM REX V.



**S**ANCTIVS III. Cognomento Maior, Tremuli F. Sanctii II.  
Nep. Garsiaz I. Pron. Cæsonis Abn. patre mortuo, Regnorū Ara-  
gonum, Suprarbii, & Pompelonæ imperium consequutus, quin-  
tus ordine, Rex Aragonum fuit: Hispaniæ Imperator dictus, quod  
Castellæ etiam dominatum, vxoris iure adeptus fuisset. Ea enim eū  
Sanctii, Castellæ Comitissæ, filia, ac Garsiaz Infantis ad Legionem Se-  
ptimā Geminā nequiter interfecti, soror esset; illius iussu facta fuit  
heres. Nomen autem ipsius varium legi tur apud scriptores. Quidā  
enim Domnā Nuniam, siue Muniam Domnam, q; idem planē  
videtur, vocatam tradunt: alii Eluiram; Geloyram, vel Geloydam  
alii. Quandoque etiam eam; Domnam Maiorem, nominatam cernimus; sed hoc  
à viri fortasse cognomento: qui ob id, quod ad maius, quā ceteri omnes imperium  
peruenisset, Sanctius Maior ut suspicor, dictus est. Ex ea, siue hoc, siue illo modo vocata  
fuerit, tres filios suscepit; Garsiam, Ferdinandum, & Guntifalvum. Nam Ramirus, siue  
Ranimirus, qui quartus eidem filius adscribitur; ex Gaya, siue Caya illustri femina,



- Ayuariz domina, susceptus est. Inter hos autem filios Regna partitus, intestinorum bellorum originem dedit. Garfiz etenim, filio natu maximo, quod falso adulterii crimen Reginæ matri intulisset; auitam Castellæ ditionem abdicans, Pompelonense Regnum attribuit. Ferdinando verò, secundo genito, Castellæ donauit Comitatum: qui primus, Castellæ Rex vocatus fuit. Guntifaluo autem, siue Gonsaluo, minimo, Suprarbiensem, & Ripacurtiensem ditiones assignauit. At Ranimiro filio, Aragonum tantummodò Regnum: atque id, ut proditur, noueræ indulgentia, quod se aduersus fratres pudicitiz illius defensorem obtulisset. Itaque ex hac, ut diximus, Regnorum diuisione quatuor Regnorum stemmata dimanarunt: diuturnorumque inter fratres, ac posteros bellorum initia. Sed missa ea faciemus, tantum quod proposuimus, Regum Aragonum seriem persequemur. Regionem igitur, quæ Aragonum Regni nomine Ranimiro ipsi ab hoc Rege Sanctio Maiore tradita fuit, eam solummodò fuisse apparet, quæ solis prisca Aragonensis Comitatus finibus terminabatur: quamquam eadem ipsa postea, ditionum, Suprarbiæ, ac Ripacurtiæ, ob Guntifalui fratris interitum, accessione facta, concreuit. Iam verò Ripacurtiensis Regio (libet enim nonnulla dicere hoc loco de ea) Comitatus nomine circiter Annum Chr. cc.  $\infty$  xiii. appellata cernitur, sub Bernardo Comite, Aragonensis Comitatus genero. Cui Athonem fratrem, quem aliquando, Comitem, & Episcopum nominatum, legimus, successisse constat. Huic verò Raimundum, ex fratre nepotem; scilicet Bernardi, primi Comitatus, filium. Raimundo autem, filium Vulfredum. Atque eo sine liberis decedente, Isarnus I. frater, Ripacurtiensi Comitatu præfectus est. Ipsi verò Isarno I. filius Isarnus itidem II. ex non iusto matrimonio natus, successit. Isarno autem II. Gulielmus filius. Quos omnes Ripacurtienses Comites quandoque Francorum Regibus, quandoque eua & nostris paruissse fertur. Tandem Gulielmo Comiti Rex Sanctius Maior Comitatum arripuit: Guntifaluoque filio simul cum ditione Suprarbiensi donauit. Isque Guntifaluus Suprarbiensem, & Ripacurtiensem Regis sibi nomen adsciiuit. Huius igitur Sanctii Maioris obitu, Pompelonense Regnum ab Aragonensi, & Suprarbiensi Regnis primum disiungi coëptum est: cū ab Innico Arista ea usque tempora semper copulata existissent. Postea verò sapius & seiuncta, & subiuncta fuisse demonstrabimus. At Sanctius iste Rex, Imperator dictus, eam maiestatis, ac potentiz amplitudinem consequutus, qua nulla maior, nec æqualis à 30
1023. Gothici Regni euerfione in Hispania visa fuerat, Ann. Chr.  $\infty$  xiii. horum omnium Regnorum fuit positus: ut Pertusa præclarus nostri iuris interpret obseruauit. Sic namque in extremo cuiusdam Priuilegii, dicto anno irrogati, se legisse testatur. *Regnante me in Pempilona; in Aragonia; in Suprarbio; in Ripacurtia; in omni Gasconia; & in Alaua; & in cuncta Castellâ; in Asturiis; in Leone; siue in Astorga.* Era m lxi. Atque dum Gasconiz meminit, fit, ut dicamus, eidem Aquitaniz partem, quæ Aristæ olim patrimonium fuit, hereditario obuenisse iure: propterea que se in omni Gasconia regnare dixisse. Neque enim ab eo trans Pyrenæos bella fuisse commissâ memorantur. Vnde etiam eruitur, Beneharnenses omnes, qui postea ad Cæsaraugustanz vrbis liberationem in nostrorum subsidium 40 conuenere, Alfonsi nostri Regis vassallos existisse; quod ad eum, ut conici potest hereditario simillimo iure illa pars Aquitaniz peruenisset: quæ iam diu à nostrorum Regum desciiuit imperio. Ac eandem etiam ob causam in antiquis nostrorum Regum Priuilegiis in Testium Confirmatorum loco tot Aquitanicorum Episcoporum nomina inueniuntur: quippe quia eorum subditii, Regiam curiam assidue sectabantur. Neque id tantum coniectura pendet, cum Surita Ann.  $\infty$  clxxxvii. Gastonem, Beneharnensem Vicecomitem, nostro Alfonsi Regi II. commemoraret ipsam Beneharnensem, & Gasconiz ditionem fidelitatis sacramento, maiorum suorum exempla sequutum, subiicisse. Tandem Sanctius Rex post triginta & tres annos, plus minus, quos regnasse constat, mortuus est
1034. A. D. xv. Kal. Nou. Ann. Chr. mxxxiv. licet alii in annum sequentem mxxxv. illius vitam producant. Eius corpus in Oniensi, siue in sancti Saluatoris Oupensi Ecclesia, sepultum primum, deinde à Ferdinando filio ad Diui Iudori Legionense Cœnobium delatum fuit: Imperatricis verò, siue Augustæ vxoris, apud nos in Ecclesia Pinnatensi humatum. Fertur enim eandem viuente præcepisse, ut suum post mortem corpus in eius ditione sepeliretur, qui ipse viuens famæ, atque honoris præcipuus propugnator, ac fautor existisset: Ranimiro priuigno se etiâ in hoc, quantum potuit, gratiam exhibendo.



RANIMIRVS I. CHRISTIANISSIMVS, ARAGONVM REX VI.



**R**ANIMIRVS I. Sancti Maioris F. Tremuli N. Sancti II. Pron. Garfiaz I. Abn. Czfonis Atn. Sextus Aragonum Rex fuit. Nequaquam autem ab eo Aragonum Regum seriem petendam esse, vt vulgò traditur, iam antea demonstraui. Plures enim, qui eū antecesserunt, Aragonum Reges existisse constat: licet Ranimir<sup>9</sup> hic, primus fuerit, qui solius Aragoniæ ditionis imperio, priscis tantum Comitatus finibus constituto, sub Regio nomine potiretur. Quæ ratione forsan posset affirmari, eum, primū Aragonum Regē, appellari potuisse. Sed neq; id mihi omnino placet. Quibusdā probari intellexi, quod probabilius videtur, eum propterea, primum

Regem Aragonum, appellatum fuisse, non quia primus fuerit Aragonum Rex, quasi ante eum nulli Aragonum Reges existissent: sed quia inclytum Aragonum nomen, ab eo primum nostris Regibus, & posteris eorum familiis, gentilitium manauit. Ceteros enim Reges qui eum antecesserunt, post Sanctium Czfonem, ipso nomine ab Abarba sumpto fuisse sæpius vocatos constat. Vnde fit, vt in veteribus nostrarum rerum monumentis plures Reges Abarcas, tum Sanctios, tum etiā Garfias, inueniamus. Nam ad similitudinem Gothorum Regum, apud quos plures Flauios fuisse, certum est, in cuiusdam Flauii memoriam, qui inter eos habitus fuit clarus, & potens: omnes hi Reges post Abarcā, ab eo se Abarcas Reges nominari voluerunt; à quibus quæ Abarcarum apud nos exstant veteres, illustresq; familiæ, originē duxisse perhibentur. Ab hac itaque istorum Regū tantæ nominum similitudine, tota ea, de qua satis supra conquesti sumus, & temporum, & rerum confusio orta est. Verū enim uerò Ranimirus hic Rex, deposito eo Abarcæ nomine, primus illustre nomen Aragonum, in posteros gentilitium induxit, D. Ranimirusque Aragonius vocitari cœpit: quam consuetudinem quotquot post eum sequuti sunt Reges nostri vsquæ ad Catholicum Regem Ferdinandum seruauerunt. Quo pacto credibilis est, potuisse eum à scriptoribus, primum Aragonum Regem, appellari. Sed iam post hæc facit, vt ab hac eorum sententiā, tanquā futili, & commentitia, discedamus. Hic igitur Ranimirus Rex in Guntifalvi fratris, à Ramoneto de Tomanera, siue, vt alii tradunt, Gafeuennan, Vascone, ad Monclusi pontem interempti, locum cooptatus, Suprabiensem, ac Ripacurtiensem ditiones adsciuit: indeque Regnorum Aragonum, Suprabii, ac Ripacurtiæ imperio simul potitus fuit. Gisbergam, quam alii Gilbigam, Bernardi Rogerii Comitis, & Brisindæ, seu Garfindæ Comitissæ vxoris filiam, in matrimonium duxit, nimis pulchritudinis feminam, vt testatur idem Rex in istius Syngraphæ initio. Anno incarnationis ∞ xxxvi. 22. Augusti; Luna 25. Ego Ranimirus, proles Sancti Regis, accipio uxorem Gisbergam, filiam Comitis Bernardi Rogerii, & Comitissæ matris eius Garfindæ: quam dederunt mihi Ricardus, Episcopus Vigorritanæ ciuitatis; & Proconsules Cautanenses; Garsea Forto; & Gelme Forto, fratres uterini. Et dedi ei sponsalia pro Dote, & Arram, & propter honorem, amorem, & pulchritudinem suam aliquid de hereditate, quam dedit mihi pater meus in territorio Aragonensi. Nonnulli autē eam, tantum Hermessendam, vocant. Sed Gisbergam, & Ermessendam utroque nomine vocatam fuisse, ex aliis eiusdem Ranimiri Regis monumentis colligitur, quæ apud sancti Ioannis de Pinna monasterium exstant: in quibus idem Rex ita se loquentem inducit. Notum sit, quod quinta feria, mediante Quadragesima, in Mense Março, quando infirmaui in sancto Ioanne, & commendavi Deo Sancti filium meum, filium Ermessenda, quæ vocata est per baptismū Gisberga. Alia verò consultò omittimus, quia ad nostrum institutū nihil attingent. Ex ea igitur vxore filios duos, ac totidem filias suscepit: filios quidem, Sanctium III. Regnorum heredem; ac Garfiam, Aragonensem primum, postea Iaccensi Ecclesia in Cathedralē suo tempore erecta, Iaccensem quandoque Episcopum appellatum. Filias verò; Sanctiam, Tolosati; ac Theresiam, Prouinciæ Comitum vxores. Hanc verò Sanctiam, mortuo patre, Comitissam in Atarès, quandoque Comitissam Sanctiam, absolute vocatam, in priscis monumentis obseruauit. Aliam præterea filiam Vrracam habuit; & filium etiam, Sanctium Ranimiri: cui Ayuarum maternā ditionē, necnon & Ripacurtiam donauit, antiquo Comitatus nomine eidem restituto. Sed eo postea, vt nonnullis placet, sine filiis decedente, Ripacurtiensis ipse Comitatus ad Regiū Aragonum diadema reuocatus fuit, ac eidē per plures annos subiunctus. Præterea idē iste Ranimirus Rex Czfaraugustanenses, & Ilerdenses Maurorū Regulos sibi quorannis tributa soluere cōegit: ac bis signis collatis, cum Ofsensi Regulo contendens, victor euasit. Fines deinde suos paulatim producendo, Palliarensem ditionem suo adiunxit imperio. His rebus, ac aliis præclare gestis, illustris habitus: illustrior verò



iudicatus est, quòd de Sacre Religionis cultus, cærimoniarumque instauratione, quæ maximè opus erat illis temporibus, curauisset. Ad Iaccam enim Urbem multorum Episcoporum habito Concilio, Ranimiro ipso assidente, Sacra omnia ex Catholicæ Sanctæ Romanæ Ecclesiæ sanctionibus instaurata fuere: ipsamque Iaccetanam Ecclesiam, tunc in Cathedralem erectam, Sanctius Aragonensis Episcopus obtinuit. Vnde qui antea Aragonenses: postea Iaccenses Episcopi appellari cœperunt. Minimè autem erit à nostro instituto alienum hoc loco in medium proferre istius Prouincialis Concilii, vt sanè coniecimus, fragmentum, quod in peruetusto Codice Pinnatensi antiquis literis exaratum inuenimus. Cuius hoc est exemplum.

De Concilio, quod fecit Ranimirus Rex cum Episcopis, & Abbatibus suis in Sancti Ioannis Cœnobio.

RESIDENTE glorioso Principe Ranimiro, vna cum venerabilibus Episcopis: scilicet Sanctio, & Garfia, & Gomefano; & Abbatibus Sancti Ioannis Cœnobii: scilicet Belasius, & Paternus minor: Residentibus etiam vniuersis fratribus, & Clericis sui Regni in Capitulo prænominati Cœnobii, ita Sanctius Aragonensis Episcopus exorsus est loqui. Pro disciplina, & ordine Ecclesiastico, cum diligenti cura, ac prouidentia tractemus, si placeat domino Ranimiro Regi, ac Episcopis, Abbatibusque adstantibus, nec non etiam Monachis, ac vniuersis Clericis, ea quæ ad ordinationis tenorem pertinent iuxta Diuinæ legis præcepta, & Nicænorum Canonum constituta; ac cum adiutorio Domini in omnem æuum mansura solidemus, sicut est prædestinatum, & constitutum ab inclyto Rege Sanctio, totius Hesperia domino. In præsentia Episcoporum subscriptorum: scilicet Sanctii Episcopi Aragonensis; & Sanctii, Pampilonensis; Garfia, Naiarensis; & Arnulphi, Ripacurtiensis; & Iuliani, Casteliensis; & Pontii, Ouertensis; & aliorum plurimorum Episcoporum: nomina quorum longum est dicere. Hoc verò est nostra institutionis decretum: Vt Episcopi Aragonenses ex Monachis præfati cœnobii habeantur, & eligantur. Ranimirus Rex stans in medio Concilii dixit: Ego laudo, & corroboro decreta genitoris mei Sancti, ac huic vestra definitioni subscribo. Vniuersi Episcopi, ac Abbates simul cum Clericis dixerunt: Laudamus, ac huic subscriptioni nos subscribimus. Hic meo iudicio desiderantur non pauca. Quicumque futurorum Regum successorum nostrorum, transgredientes, & deuiantes ab hoc Regali simul & Pontificali decreto; tempra-uerit, dissoluere hanc scripturam: in præsentis seculo Omnipotens Deus, qui est iustus iudex, & Regum Rex, dissoluat, & diuidat Regalem honorem, & potentiam Regni eorum, detque illud se diligentibus, & timentibus, & nostra decreta seruantibus: & in futuro separati à consortio omnium Christianorum, interpellante pro eis beato Ioanne Baptista, cum omnibus Sanctis participentur in societate cum Dathan, & Abyron, & Iuda traditore in Inferno inferiori, luentes pœnas perpetui incendii sine fine per æterna secula. Amen. Data est sententia VII. Kal. Iulii Aer. OLXII.

Ibi autem Aeram pro Anno sumptam fuisse pertè colligitur. Prouinciale enim hoc Concilium Ann. Chr. MLXII. habitum fuit. Sequenti verò Ann. MLXIII. ad Gradus arcæ A. D. iix. Id. Maii. Ranimirus ipse Rex à Sanctio Castellæ Rege, Ferdinandi fratris filio, prælians interfectus: ac vnà cum vxore in Ecclesia Pinnatensi sepultus. Ob tantas autem res tam præclare gestas, meritò eum Gregorius VII. Pont. Max. cohonestauit illustri Christianissimi Regis cognomento.

#### SANCTIVS IIII. ARAGONVM REX VII.



SANCTIVS huius nominis IIII. Ranimiri I. F. Sanctii Maioris N. Tremuli Proh. Sanctii II. Abn. Garfia I. Ain. Cæsonis Trin. Aragonum Rex VII. eum duodeuicesimo ætatis anno Regale munus accepisset; postea ditionem suam latè amplificauit. Nec magis rerum gestarum gloria clarus, quàm religione, & pietate insignis fuit. Ad vberes namq; & fertiles regiones expugnandas, quarum Mauri ad planiciem potiebantur, arma conuertens: Balbastrum, olim Burtinam; Beliam, nunc Boleam; Gradū; Loharrim, quam antiquam, vt diximus, Calagurrim Iuliam Nassicam credimus; Marcuellum; Alquezarem; Lunam; Montionem; plurimaq; alia opida, & castella ab infidelium manibus eripuit, nonnulla condidit: ac plura etiam pia loca construxit. Lunā verò, Gallicolim primū, deinde mutato nomine Montem maiorem vocatam veteribus quibusdam monumentis inuenio: atq; vt suspicor Gallicolis, ea Arabica vox, idem valebat. Vnde quod eidem nomen est Lunæ, fortasse fuisse ductum, eruditissimus Petrus Ioannes Nunnescius Valentinus obseruauit: vir quidē in vniuersarum artium studiis scienter versatus, in primisq; politiorum humanitatis, interiorumq; ac recōditarum literarum peritissimus. Nam vt illius verba exprimam, antiqui Geographi montes, qui celūssimi erant montes Lunæ vocabant: quasi tantam esse eorū altitudinem indicantes,



cantes, ut Lunam prope contingerent. Atque ita Bet Africę montē, à quo Nilus fluit, Lunę montem dixerunt. Ad cuius similitudinē, fieri enim id potuit, Arabes, qui indidē traieci, patriam occuparunt, montesque huic regioni, Lunę nomē imposuerunt: tamen si non tam mihi excelsi illius colles vidētur. Sed tanti viri mentionē intermittere non siui, quod ab eo fuerim in Valentina nobili Vrbe, & copiosa, peritissimisque hominibus, ac liberalissimis studiis affluente, cum puer adhuc essem, & Latinis, & Gręcis literis eruditus, ita ut quicquid habeam, id totum ex illius disciplina habeam, iamque ipse, siqua est huiusce rei ratio ab optimarum artium studiis profecta, eius omnis à me repetere fructum iure possit. Quę satis vberem cepi pręteritis diebus illius de me iudicii, nec vulgaris vigiliarum huiusmodi estimationis. Verum, ut ad rem redeam, Sanctius hic Rex, Pompelonensi postea Regno obtento, suisque Aragonum, Suprabizę, & Ripacurtię subiuncto, omnium harum ditionum se Regem nominavit. Pompelonenses enim, Sanctio eorum Rege Garfiz Regis filio, à Raimundo fratre ad Rotam interfecto, eundem Raimundum e Regni finibus expellentes, ne is regnaret apud eos Rex, qui fraterno Regio sanguine esset pollutus: ad nostrum hunc Sanctium III. Regnum detulerunt. Inde antiqua horum Regnorum subiunctio facta fuit, haud diu tamen duratura. Porro hic Sanctius III. Castellari, ad Iberi ripas, arcem fortissimam, non longē à Cæsaraugustana Vrbe ædificauit: ut in ea nostris Cæsaraugustanenses Mauros infestantibus receptaculum securum patēret. In eius enim Urbis expugnationem oculos, ac mentem coniecerat. Sed cum obiisset; suum in ea re desiderium explere nequiuit. Osca enim, Vescitanę Vrbe, ab eo circumfessa, cum illius mœnia equitans exploraret, à Mauris visus, sagitta latere confixus, summa, & illustri gloria, è vita excessit. Prid. Non. Iun. Ann. Chr. MCCCIV. Quin etiam eundem, quasi alterum Epaminondam Thebanum, Pinnatensis scriptor, nostri que ferre omnes historici prodidēre, tum denique auelli sibi spiculum permisisse, posteaquam rogatione sua, publico consilio, ad filium Petrum Regno delato, ab eo, & Optimatibus fidem recepit, fore omnes eō acrius, quod ipse moriebatur, ad obsessę Urbis perniciem erupturos. ut in ipso vulneris dolore visus sit, læto animo, cum laude, quod pro Catholicę Fidei exaltatione decederet, mortuus esse. Eius corpus, quam diu Osca capta non fuit, insepultum mansit. Ea verò, Rege filio assidente, deditionem facere coacta, ad Montis Aragonum Cœnobiū, quod idem Rex Sanctius construxerat, deductum est: ac tandem in Pinnatensi Ecclesia gentilitio tumulo collocatū. Ex Felicia Regina, quę Armengolis, & Clementię Vrgellensium Comitum filia fuit, tres filios reliquit; Petrum, Alfonso, ac Ranimirum: qui omnes Regiam patris ditionem sunt adepti. At Feliciam, secundam illius uxorem fuisse, apparet. Nam prius quandam illustrem feminam duxit, Beatricem vocatam. Nulla autem ex ea proles remansit. Quendam etiam filium huius Regis, Ferdinandum vocatum, in prisca quibusdam monumentis reperio: notum tamen eum fuisse. De quo, ac de Felicia Regina, hæc in antiquis Pinnatensium rerum Commentariis. *Æra MCXXIII. Non. mense, in Castro Sos, Dominus Petrus Sanchez filius Sanctii Ranimiri, fecit cartam conuentionis cum Fredenando suo germano, Iussione Domini Regis Sanctii, eorum patris, per cambium de Ripacurtia; quę fuit data in dote Domina Felicia Regina; & donauit Vielt, cum suis terminis, & Ouano cum suis terminis, sicut terminauerat Rex, quando incepit eum fabricare. Quandoquidem autem Regem hunc Sanctium III. Sanctii Cæsonis trinepotem, scilicet atnepotis filium, fuisse memorauimus: non abs re censendum erit, si hoc loco sententię nostrę rationem, curabimus reddere, quam promissimus. Itaque duo prototypa Priuilegia in Tabulario Sancti Ioannis de Pinna adhuc existant: in quibus Sanctius hic III. Rex Sanctium illum Abarcam Cæsonem, expresse nominat tritauium suum. Ac prioris quidem Priuilegi exemplum est huiusmodi.*



IN Nomine Patris, & Filii, & Spiritus Sancti. Hęc est Carta, quam facio ego Sanctius, Rex Aragonensium, & Pampelonensium, Deo, & beato Iohanni Baptista, de illo Monasterio, quod vocatur Sanctus Iacobus de Ayuar: quod dedit Tritauus meus Sanctius Rex, cognomento Abarca cum omnibus terminis suis, siluis, aquis, paludibus, ac pascuis, molendinis, cum exitu, & regressu Aer. T. XXIII. Presidente in Sæcto Iohanne Transniro Abbate, & in Aragonie Oriolo Episcopo. Postea domus, & Ecclesia præ nimia vetustate ceciderant: & homines patria illius iam per vim terminos abstulerant. Sed Sanctius Rex auus meus, quando ordinē, & regulam beati Benedicti in Sæcto Iohanne constituit; Deo, & beato Iohanni, & domino Paterno Abbati omnia supradicta libere reddidit. Nunc autē ego Sanctius, Ranimiri Regis filius, Do, & confirmo vobis illud terminum de illo monte de Ayuar: sicut dedit tritauius, & auus meus, & pater meus Ranimirus, per ad illā populationē Sancti Iacobi: & sicut Senior Eximio Fortunienis, & Senior



Liquar Ennecones, & Sanctio Ennecon: s meo Merino, me precipiente, fecerunt. Et insuper addo vobis illud Solanum, quod est super Monasterium vestrum Sancti Iacobi, usque ad illo Oqueta, ut vestri populatores faciunt ibi suas domos, & egrediantur à Claustro Monasterii, ubi nunc habitant. Et non solum ista supradicta omnia Do, & confirmo vobis, sed etiam Deo volente tantum, quantum possint explicare vestri papulatores, tantum habeant terminum in illo monte de Ayuar. Si vero, quod fieri minime credo, aliquis homo post obitum meum aliquid tortum voluerit facere Monachis Sancti Ioannis de his omnibus supradictis causis; sit à Sancta Ecclesie priuatus communione, & cū Dathan, Chore, & Ahiron; & cum Iuda traditore perpetue subiaceant damnationi.

FACTA Carta sub Æra MCXVIII.

Is Cursus. IIII. tempore Quadagesima in Monasterio Sancti Ioannis Baptista, Presidente ibidem Sancti aelecto pro Abbate.

Ego autem supradictus Sanctius, misericordia Dei Rex, qui hanc Cartam facere iussi, propria manu roborare curavi.



Ego Petrus, eiusdem Regis filius, huic Donationi consensio, & confirmans subscribo.



Alterum verò Priuilegium eidem Monasterio sancti Ioannis decennio post, scilicet Æra. T. CXXVIII. ab eodem hoc Sanctio IIII. Rege concessum fuit his verbis.



OB honorem Patris, & Filii, & Spiritus Sancti. Hoc est Priuilegium, quod ego Sanctius, Ramiro filius Regis, non meis meritis, sed sola Dei miseratione, Aragonensium, & Pampilonensium, seu Montisonis Rex, una cum filio meo Petro, facio ad Monasterium sancti Ioannis Baptista, quod nuncupatur de Pinna, Aymerico Abbati eiusque successoribus, cunctisque monachis presentibus, atque futuris, in eodem loco Deo famulantibus in perpetuum. Dignare recordari in his Sanctius Rex avus meus, Redemptoris nostri opulante clementia, deuotus, atque expulsis Hispaniae gentibus à Regni sui finibus, accensus zelo eiusdem Redemptoris, cuius operis triumphans ex inimicis victor exsisterat, statuit Regnum suum à sordibus, & profanationibus supradictae gentis penitus mundare, & Ecclesias, monasteriaque olim ab eisdem diruta renouare, Christi quoque seruorum gregem, & beati Benedicti normam per monasteria ordinare. Igitur inter cetera bona voluntatis suae opera constituit in monasterio sancti Ioannis Baptista de Penna, in quo humata sunt auorum, & proauorum suorum, meorumque necnon patris mei, & matris meae corpora: congregationem monachorum. Qui ut libere Deo seruire possent, eis libertatis priuilegia dedit. Nam ipsos, successoresque eorum, & locum cum omnibus monasteriis, & Villis, & alodiis sui iuri pertinentibus, facto priuilegio, secundum Priuilegia Cluniacensis monasterii, ab omni iugo, vel censu Regia, vel Episcopalis, vel alicuius Ecclesiastica, vel Secularis potestatis, auctoritate Regali fauente, & annuente Mantio Aragonensi Episcopo, necnon Sanctio Pompelonensi Episcopo, liberos fecit: & eidem loco venerabilem virum Paternum, Abbatem praecepit, soli Deo seruire praecepit. Donationes vero praecedentium Regum, Sanctius videlicet aui sui, necnon & Vrraca Regina, scilicet & Garzia patris sui, & Domna Eximina matris suae, & quicquid idem locus dono, vel comparatione, vel cambio habebat, vel habere videbatur, auctoritate Regia confirmavit. XI Kal. Maii in Legerensi Monasterio Æra MLXIII. Quod priuilegium ipse venerabilis Rex Sanctius manu propria confirmavit, & patri meo veneranda memoria, Ramiro Regi, ad roborandum tradidit, & ceteris filiis suis, fratribus patris mei, videlicet Fredelando, & Garzia, & Guntifaluo, in conspectu Sancti Guilhelmi Comitis de Guasconia, necnon & Berengarii: Comitis de Barchinona corroborari fecit. Et insuper locum praedictum ex propriis bonis in vita sua honorifice locupletauit. Post obitum vero eius, pater meus Ramirus, non solum patris sui Regis Sancti decreta inuiolabiliter seruauit, sed etiam locum hunc donis auxit, mihi quoque commendans, ut Priuilegia patrum meorum ad tutamen, & nobilitatem eiusdem monasterii facta corroborarem, & dona, quae possem, ibi donarem, iniunxit. Ego vero non immemor praeceptorum eius, Deo auxiliante, totis viribus meis adimplere praecepta eius curavi, & insuper ab Apostolica Sede corroborari feci. Roma namque ad beatum Papam Alexandrum secundum, eiusdem loci Abbatem venerabilem virum Aquilinum misit, rogans, iam supra fatum monasterium non dedignaretur Apostolico patrocinio munire. Scilicet & hoc defuncto Abbate, videns Ego praedictum monasterium à fratre meo venerabili Episcopo Garzia in quibusdam causis affligi, & Priuilegia eiusdem Monasterii velle corrumpi: ad confirmanda priora bene acta, Abbatem Sanctium eiusdem monasterii iterum Roma ad beatissimum Papam Gregorium septimum misit, rogans eum, ut ipse benigne praedictum locum Apostolica auctoritate, & sua munire, sicut antecessor eius fecerat, ipse facere non dedignaretur. Quod secundum quod popesceram, ipsi libentissime fecerunt. Sanctio quoque Abbate defuncto, & domino Aymerico Abbate in lo-



co eius posito, cupiens hoc cœnobium adeo prorsus munire, & tueri, Apostolicoque simul, & Regali patrocínio; prædictum domnum Aymericum Abbatem Romæ ad beatissimum Papam Urbanum misi secundum, obnixè deprecans Paternitatem illius, ut prædictum locum in defensione, & patrocínio beatorum Apostolorum Petri, & Pauli susciperet, & Privilegium tale eidem loco conferre dignaretur, quo à rapacitate malorum hominum, vel ab inuasione Episcoporum, necnon à præiudicio Cardinalium, & Archiepiscoporum, seu à dominatione mala succedentium Regum locus eisdè tueri, aut defendi possit: & ut Abbas eiusdem loci liberè ipse, & sui ad Sedem Romanam in omnibus causis, & iudiciis Ecclesiasticis, vel secularibus, necnò & in ordinationibus Abbatum possint se reclamari. Qui beatissimus pater Papa Urbanus, audita mea humilitatis petitione, credo non meis meritis, sed sancti Ioannis grati commotus, locum hunc in Apostolica suscepit protectione: datoque libertatis Privilegio, Apostolico patrocínio munit. Nunc igitur ego humillimus seruorum Dei seruus, non meo merito, sed dono Dei Rex Sanctius, locum sancti Ioannis Baptista de Pina tantis auctoritatibus munitum, Regiis ac Apostolicis decoratum Privilegiis, hac mea presente auctoritate corroboro. Do, Concedo, & Confirmo Abbati Aymerico, & monachis sub eo, vel successoribus suis Deo militantibus, talia præcepta, & Privilegia, & decreta, & libertates, qualia habet Cluniacense monasterium, de cuius sanctissimo fonte ordo beati Benedicti in hoc loco prius manauit. Do, concedo, & confirmo eis etiam monasteria, & Ecclesias parochianas, necnon & villas, & cellas, & molendina, & siluas, & omnia alodia magna, vel parua, quanta, vel qualiacumque sanctus Ioannes, vel sui monachi ab antiquis Regibus, seu à modernis, vel ab Episcopis, vel à militibus, vel à rusticis, vel à quibuscumque personis, dono, vel cōparatione, vel camio adquisiuit, vel habere videtur, vel visus est, nisi hoc quia Abbates, vel monachi eiusdem loci iuste, aut legitime dimiserunt, vel camiauerunt Regio iussu: ut sicut Cluniacenses sunt liberi ab omni iugo humana seruitutis, ita & isti sint, tantummodo seruantes debitam reuerentiam Apostolica Sedi: ut liberi, & expediti valeant exorare misericordiā Dei pro stabilitate sanctæ Dei Ecclesiæ, & pro quiete Regni mei, necnon, & pro suorum, totiusque populi excessibus. Ut autem de libertate prædicti loci omnis amputetur contentio; monasteria, que idè locus adquisiuit temporibus præteritis, nominatim expressi in hoc mea auctoritatis Privilegio, timēs ne per incuriam Abbatum, vel negligentiam monachorum, Privilegia, vel Cartula eidem loco à fidelibus concessa deprecant. Ideo hic recapitulando nomina: Primo, id est monasterium sanctæ Cecilie; & monasterium sancti Torquati; & monasterium sancti Sebastiani; & monasterium sancti Petri de Fonas; & monasterium de Zeraþuz: necnon Ecclesias, & villas, idest Lechinta; & Gisso; & Alastrue; & Martes; & Ena; & Segaral; & Ventayolo: & Legisso; & sancto Petro de Ostias; & sancto Petro de Medianeto; & Acenarbo; & Bortatà, Berbues. Has omnes Ecclesias, monasteria, & Villas dedit Rex Sanctius, cognomento Abarca, Tritauus meus, cum omnibus Decimis, & Primitiis, & oblationibus suis, & cum omnibus terminis, siluis, aquis, paludibus, & pascuis suis, & molendinis, cum exitu & regressu. Actum est hoc Æra TXXVII. Præsidente in sancto Ioanne Transinero Abbate; & in Argone Oriolo Episcopo. Do etiam, concedo, ac confirmo, Esu, & monasterium de Nauasal cum suis Villis, idest Larrodà, Aranella; & cum omnibus Alodiis, & montibus, & Pardinis, & Ecclesiis, cum decimis, & primitiis, & oblationibus suis, & cum omnibus suis omnino rebus, quas habebit, vel habere videbitur; & sancta Maria de Botia cum tota villa; & monasterium sancti Martini de Pacopatina; & monasterium sancti Clementis; & monasterium sancti Saluatoris de Puyo; & Villas, & Ecclesias, idest Latrefas; & Biasuasse; & sancti Fructuosi de Senes; & sancti Iuliani de Behos, cum tota villa; & monasterium sancti Urbici de Galleco; & Villam de Sotue, & Potue; & Speciellos Casanova; & Sacramiana cum Ecclesiis suis. Has omnes Ecclesias, & monasteria, & Villas dederunt Rex Sanctius avus meus, & Regina Domna Maior, cum decimis, & primitiis & oblationibus suis, & confirmauerunt Æra T LXIII. Præsidente in sancto Ioanne, Paterno Abbate primo in eodem loco sub regulari ordine degente. Do etiam, concedo, ac confirmo monasterium sancti Martini de Cercito, quem dederat Rex Sanctius ... nus meus. Prædictum monasteriū Do, concedo, & confirmo cum suis Ecclesiis, & Villis, & cum decimis, & primitiis, & oblationibus suis id est Acomuer; & mediam villam de Essun; & medietatem Villæ de Orcentue; & monasterium sancti Christophori de Aurin, cum tota villa; & Palatium de Lares cum tota sua hereditate; & pardinam illā de Siricata; & monasterium Sancti Iusti de Velle; & monasterium sancti Petri de Yessa; & Ecclesiam sancti Laurentii de Cornas; & monasterium sancti Martini de Cella, cum omnibus villis, & decimis suis; & Ecclesiam sancti Philippi de Larbessa iuxta Faulum monasteriū; & monasterium sanctæ Eufemie de Beral; & monasterium sancti Iuliani, quod dicitur Aspiella, cū omnib⁹ ad se pertinentibus; & monasteriū sancti Angeli de Iarne; & monasterium sancti Saluatoris de Serue ad elemosinam cū terris, & vineis, cultis, & incultis, & siue molendinū cum aquis, egressus, & regressus usq; ad fontē aquæ; & sanctum Saluatorem de Sorripas cum omni sua hereditate; & Vestos de Gorga; & Larue, cum Ecclesiā de sancta Eulalia de Pequera, cum omnibus suis pertinentiis, & sancta Maria de Porreto cū tota villa; & Ecclesiam sancti Petri de Azaron cum tota villa; & Ecclesiam de Montanano



cum tota villa. & Ecclesiam Verallanilla cum tota villa: & Ecclesiam de Ortolo cum tota villa: & Ecclesiam de Arslans: & Ecclesiam Nene: & Ecclesiam sanctæ Mariæ de Ballatan. Has omnes Ecclesias, & monasteria, & villas cum omnibus Ecclesiis suis Do, concedo, ac etiam firmo cum omnibus decimis, primitiis, & oblationibus suis. Ego vero præfatus Sanctius Rex his auctoritatibus patris mei Raimiri Regis, & matris meæ Domnæ Ermiffendæ, de meo addo, Dono, & concedo villam de Garofa: & palatium de Ayerbo cum decimis & primitiis suis. Do & concedo, & confirmo monasterium de Borda cum tota sua hereditate. Do, & concedo, ac etiam confirmo Donationes Regum, Privilegia Episcoporum, Auctoritates Romanorum Pontificum, Cartulas, vel Inuestiuras Militum, sen virorum, ac mulierum qui suas oblationes Deo, & sancto Iohanni obtulerunt: qualia sunt: sancta Teila de Banaston; & Ecclesiam parrochianam de Banaston; & Ecclesiam de Napal; & Monasterium sanctæ Mariæ de Ballarun cum villula, quæ dicitur sancti Iuliani; & sanctum Pelagium de Gauin; & Ecclesiam de Orant; & Ecclesiam parrochianam sanctæ Crucis; & sanctum Martinum de Botayola; & sanctum Bartholomæum de Beral cum suis hereditatibus; & sanctum Petrum de Vagilo cum tota parrochia, & cum tota sua hereditate; & sanctam Mariam de Viscara; & Ecclesiam de Mortanya; & Ecclesiam de Suafillo cum tota villa; & Ecclesiam sancti Bartholomæi ibidem. Has omnes Ecclesias, & monasteria Dono, concedo, ac etiam confirmo Deo & beato Iohanni Baptista cum omnibus decimis, & primitiis, & oblationibus suis, & cum omnibus terminis, sylvis, aquis, paludibus, pascuis, & oleardinis, cum exitu, & regressu. Omnia vero Alodia quæcumque habuit sanctus Iohannes, vel sua monasteria, & quæ in hoc præsentis die habere videtur, vel quæ meo in tempore inuisse perdidit, in se recipiat, & deinceps sine aliqua violentia, & perturbatione perpetuum possideat. Iniungo quoque filiis, & nepotibus meis, ac propinquis, omnibusque fidelibus Regibus mihi succedentibus, ut hac nostra decreta, inmemerata studeant conservare, & ex propriis bonis locum hunc venerandum servare studeant; & servos Dei, ibi Deo famulantes, sustentare non differant: quatenus pro conservatione nostrorum decretorum, & pro erogatione suorum benorum, intercedente Beato Iohanne Baptista cum omnibus Sanctis, ab æterno retributore, Iesu Nazareno, suorum valeat impetrare veniam dei. Si vero aliqui eorum maligno spiritu superbia inflati, hac Privilegia Apostolica, & Regalia decreta, ausu temerario distumpere voluerit, & prædictum locum, monachosque ibi Deo famulantes inquietare præsumpserit; Deus iudex iustus, qui iustitiam intemporaliter diligit, præsumptores diiudicet: conservantibus autem pax, & benedictio à Deo, Patre, & filio eius Iesu Christo Nazareno, & Spiritu Sancto sit. Ut autem hoc meum Privilegium per cuncta secula firmum habeant, manu propria firmavi, & filio meo Petro ad reborandum tradidi.

SIGNVM Sancti Regis.



Ego Petrus, prædicti Regis Sancti filius, hoc Regale præceptum domini, & patris mei laudo, & confirmo, & ex nostra parte manu propria scribo



FACTA Carta Era T CXXVIII. oct. 1d. Maii in sancto Iohanne. Anno tertio Pontificatus domini Urbani secundi Papæ, Anno ab Incarnatione Domini Milleesimo Nonagesimo, Indictione XIII. Regnante Rege Ildefonso in Toledo, & in Castella, & in Galicia. Me autem Rege Sanctio regnante in Aragonia, & in Pampilona: & filio meo Petro in Suprarbi, & in Ripacurtia, & in Monçon. Petrus Episcopus in Iacca. Petrus Episcopus in Pampilona. Raimundus Dalmaci Episcopus in Rota, & in Monçon. Post restorationem vero Toletanæ Ecclesiæ Bernardus Archiepiscopus primus. Aymericus Abbas in sancto Iohanne. Raimundus Abbas in Legerensi Canobio. Senior Lop Garcez in Vro castello, & in Arrosta. Senior Petro Sanchiz in Baltanya, & in Marcuello. Senior Sanctio Fredelandez in Atares. Senior Galin. Sanz in Sos, & in Arguedas. Senior Enneco Sanz in Monteculso. Senior Eximé Garcez in Buyl. Senior Fortun Sanz in Baylo, & in Liso. Senior Velasco in Arguis. Senior Galindate in Escoron.

Ego Garfias, scriba Domini mei Regis Sancti, iussu ipsius, hanc cartam scripsi, & propria manu hoc signum feci.



Iaque ex his duobus Privilegiis necessario concluditur, Regum post Caionem à nobis supra traditam seriem veram esse. Siquidem ex quo Sanctius hic III. Rex bis tritatum suum, Sanctium Abarcam Regem nominavit: necesse est, ut ante Sanctium III. Maiorem, in Concilio Provinciali, cuius supra meminimus, totius Hesperix dominum vocatum quatuor, quos interposuimus, Reges collocentur. Cui enim et illi, id est, te ar-



tritus, quartus sit ab auo, iuxta illud Saturionis parafiti in Plauti Persa, qui dum suorum odacitatem commemorat: *Numquam*, inquit, *quisquam meorum maiorem fuit, quin parasitando pauperint se: pater: auus, proauus: abauus: atauus: tritauus: quasi mures semper edere alienum cibum*: nequaquam potuisset Abarca ipse Cæso, istius Sanctii IIII. tritauus appellari, nisi omnes, quos diximus, Reges Sanctium hunc antecessissent. Quin & in postremo Priuilegio id clarius apparet: nedum enim Sanctius hic IIII. Rex Reges, qui ab ipso Abarca Cæsonem ad eum interpositi fuere, propriis suis nominibus appellauit, sed & ipsorum nominum vim à Plauto expressam, non iam magna facta mutatione, retinuit. Sed quò ea res planius accipiatur, libet hoc loco eos omnes retro ad ipsum Cæsonem Abarcam versus numerare. In primis itaq; hic Sanctius IIII. Rex qui dicta Priuilegia concessit, se sapius Ranimiri Regis filium, ipsumque Ranimurum, seu Ranimurum Regem, fuisse patrem suum, his nempe vocabulis idem declarantibus, proficitur. Auum autem suum; Regem Sanctium, id est Sanctium III. Maiorem: quem inter filios suos, quos vocat Fredelandum, (sive Ferdinandum) Garciam, & Guntifaluum Regna sua fuisse partitum explicauimus. Ipsius verò Sanctii III. Maioris patrem; nominauit Garciam: Tremulum nempe, Eximinæ Reginæ maritum. At Sanctium II quem diximus Abarcam, & Galindum; aui sui auum appellauit, ipsiusque vxoris Vrracæ Ferdinandi meminit: atque idem planè fuit, ac si hunc, abauum, Tremulum autem, proauum dixisset. Nec dubito certè, quin dum iterum in eodem Priuilegio in ipsius abau sui incidit mentionem: ea vox ..... uus, quæ integra in Archetypo, quod vidi, non exstat, propterea què legi non potuerit: adhibuimus eam tot punctis intercisam; abauus, p. fectò contineret. Quis nam autem Sanctius Rex ab hoc Sanctio IIII. auus aui sui dici potuisset, nisi is Sanctius II. quem diuersum à tritauo, Abarcam, & Galindum diximus appellari solitum, statuatur? Et ipse Rex Sanctius IIII. in eodè hoc ipso Priuilegio, tres ante se Reges Sanctios fuisse, apertè docuit: quandoquidem & auum suum, & abauum, atque ipsum tritauum, Sanctios nominauit. Iam verò quod ab abauo ad tritauum deueniret, Garcia I. Rege atauo intermisso: nihil obstat, cum suspicari liceat, atauum nulla in beatum Ioannem dona contulisse, fuisseque ob eam causam silentio prætermisum. Siquidem eorum tantum Regum memoriâ postremo hoc Priuilegio excitandam curauisse apparet, qui de Pinnateni Monasterio benemeriti fuerant. Itaque sit ex his: vt Sanctii istius IIII. Regis, qui priuilegia huiusmodi irrogauit.

tritauus sit; Sanctius I. Cæso, Abarca primus nominatus: qui Totam Vrracam habuit vxorem.

atauus autem; Garcias I. Abarca, ipsius Cæsonis filius; ac Theresiæ Galindi Vir.

abauus verò Sanctius II. Abarca, & Galindi, seu Galindez dictus, Vrracæ Ferdinandi maritus; quem, aui sui auum, nominauit.

proauus autem; Garcias II. Abarca, cognomento Tremulus; quem, aui sui patrem, dixit esse, Eximinæ Reginæ, cuius etiam meminit, Virum.

auusque Sanctius III. Rex, Cognomento Maior, Imperator dictus.

40 pater tandem; ipse Ranimirus.

Quo pacto videmus, quàm præclare ea omnia conueniant iis, quæ mihi supra proposui consequentia Aeræ verò annotatio sub his signis Txxiiii. & Txxvii. duorum Priuilegiorum, quæ proximè intexuimus, dū de Cæsonem Abarca mentio fit: quanquam Aerem Milleffimam viceffimam quartam in priori, in posteriori autem Milleffimam viceffimam septimam indicare videatur, quasi eis, vel annis per eas notatis, Cæsonem Abarcam Regem vixisse constet; cum id minimè temporū a nobis traditæ rationi cohæreat: ita accipiendæ est, quemadmodum paulò ante diximus, vt cum Orioli Episcopi, & Transiniri, seu Transimiri Abbatis coniunctim in ipsis mentio fiat, non Milleffima, sed Noningentessimā Aeræ, ea t̄ numeri nota, intelligatur, atque vt Aeræ pro anno sumatur in ambobus: in quæ tempora ipsum Oriolum Episcopum; & Abbatem Transinirum secundum incidisse, ex quàm plurimis Archetypis Priuilegiis colligitur. Ad quam significationem quandoque istius t̄ figuræ notam reuocandam esse, vt non semper Milleffimū numerum, vt fertur, sed quandoque Noningentessimum significare statuamus, docuimus supra variis argumentis ex ipsa antiquitate, Archetypisque Priuilegiis petitis. In quibus miræ passim, & penitus difficiles exstant numerorum notæ: cum nedum Latinis, aut Gothicis: sed quandoque etiam Arabicis characteribus descriptæ legantur. Vnde tota ea, quam nunc cernimus, orta est prisce nostræ vetustatis confusio. Hæ enim temporum annotationes, quæ alioquin lumen ipsis rebus adhibere debebant; propter varias earum, dissimilesque formas, obscuritatem; & tenebras attulerunt. Ipsi enim characteres non clari, & aperti,



nec eodem semper modo, sed variè, & obscurè descripti sunt: proptereaque aliud aliis significare videntur. Itaque in eorum declaratione multa obseruanda, quæ non ex alio sensu, quàm ex ipsarum rerum serie, atque ex varia tantum lectione interdum depromenda sunt: si nolumus antiquas res penitus obrui, & obscurari. Sed ne instituti mei videar oblitus, propositam persequar nostrorum Regum narrationem.

PETRVS I. ARAGONVM REX VIII.



**P**ETRVS itaque I. Sancti III. F. Aragonum Rex octauus, in ipsa Oſcæ obſidione patris in locum conſtitutus, aliis belli laude inferior non fuit. Patre autē viuente, ſatis conſtat, fuiſſe eum ditio-  
num Suprabizæ, Ripacurtiæ, ac Montionis, ſub Regis nomine, po-  
titum diu. Verūm Sanctio patre ad Oſcam, vt dictum eſt, interem-  
pio. Petrus Rex in ea expugnanda maiori viriū contentione nixus,  
caſtra propius Urbē admouit. Cuius diuturnæ obſidionis tædio Oſ-  
cenſes Maurigrauiſſimè affecti, nec ab ea noſtros auertere valentes;  
omnia, quæ potuerunt, & ſuorum, & amicorum auxilia etiam, atq;  
etiam implorarunt. In quorū opem ingentibus Maurorū copiis ad  
Cæſarauguſtam Urbē collectis, ac ſub Almozabenio, Cæſarauguſtanenſi Regulo, earum  
ductore, properantibus; Rex Petrus inuicti animi Princeps, minimè earū multitudine  
perterritus, quamquā innumerabilis erat, impiis hoſtibus obuiam procedere non dubi-  
tauit. Itaq; cū ad Alcoracenſem locū, non longè ab ipſa Oſcenſi Vrbe, acies vtrinq; con-  
ueniſſent, poſtquā acerrimè dimicatū fuit: tandē, quadraginta millibus hoſtiū cæſis, no-  
ſtrorum verò vix millie deſideratis, A. D. xiv. Kal. Decemb. ann. Chr.  $\infty$ xcvi. glorioſam  
noſtrivictoriam conſequuti fuere, ac cerre diuinā. Præſens enim Diuinū Numen, beatū  
nempe Georgiū, noſtris gentibus affuiſſe, conſtanti fama receptū eſt, ac communi omni-  
um tradiuione: quæ variis etiam ſcriptorum testimoniis comprobatur. Vnde Petrus ipſe  
Rex nedum inſignem hanc victoriam, quæ nulla clarior in Hiſpania ad ea vſque tempo-  
ra viſa fuerat, ſed & ipſius quoque victoriæ clara etiam Inſignia reportauit. Nam inter  
opima hoſtium ſpolia, à noſtris eo prælio capta, quatuor Arabum nigrorum Regum ab-  
ſciſſa capita, inuenta fuere, multis pretioſis gemmis ornata: quæ poſtea, media Cruce ru-  
bea ipſius Sancti Georgii in quadrū diſtributa, ac in ſcuto argenteo collocata, quemad-  
modū ſupra exculpta cernuntur, & ſibi & poſteris Regibus propria, ac vera manſerunt;  
Regi Aragonū Diadematis ſcutorū, ac militarium vexillorum Inſignia. Ea enim quæ ab  
argentea cæleſti Cruce, Innico Ariſtæ data, petita fuerunt, quamquā ab eo hæc vſque  
tempora nonnulli Reges noſtri geſtare conſueuerunt; minimè habita ſunt propria Ara-  
gonum Regni ornamenta: cū tempore Ariſtæ Regis, quo cæleſte id ſignum appa-  
ruit, Aragonia ditio nondum eſſet Regni nomine decorata. Hæc autem quatuor ni-  
grorum Regum capita, cū Aragonum Regno iam floreſcente, ab Aragonum Rege aſſum-  
pta fuerint: ſemper ſtatuta ſunt, vera, ac propria Regii Aragonum Diadematis ſigna, &  
tropheæ. Quinimmo & quod vocamus, Deputationis Aragonum, ſive Deputatorū Re-  
gni Sigillum, Diuinum Numen hoc in prælio oſtenſum, ſcilicet Beati Georgii eſſigiem,  
in ſe continet: quem inde nobis, ac ipſi Regno Diuū Tutelarem conſtitutum fuiſſe, cer-  
tum eſt; eandem hanc inſignem victoriam in his quoque reb⁹ indicando. At verò quod  
hæc, ſemper fuerint vera, ac propria Aragonum Regni Inſignia; ſic ille ſtatuit, qui inter  
præclaros Reges noſtros habitus eſt ſemper Alfonſus V. Sapiens, & Magnanimus Rex. Is  
enim Vicecancellarium ſuum, Valentinum Clauerium, & Hieronymum Clauerium  
fratres, eorumque poſteros ſtudentes, magna aliqua dignitate honeſtare; in prototypo  
ipſis eade re Priuilegio irrogato: *Concedimus*, inquit, *quod illa quatuor capita Maurorum ni-*  
*grorum cum Cruce rubea, quæ pro Inſignis, ſive Armis propriis Regni noſtri Aragonum in campo*  
*Argenteo tenemus: poſitis, & valeatis vos, ac poſteri veſtri vna cū Armis, & Inſignibus veſtris*  
*in dicto campo Argenteo deferre.* Quod quā benè quadret noſtræ ſupra traditæ ſententiæ,  
de Aragonum Regni nominis initio, clarè liquet. Noſtris verò (vt ad rem redeamus) hu-  
iſmodi prælio deuictis, ad ſtatua caſtra reuocatis, Oſcenſes citò Urbē dedere. Nam A.  
D. V. Kal. Decem. eiſdē anni Rex Petrus eā ouans introiuit. Ac, quæ vetus ſemper con-  
ſuetudo fuit, maximū illius templū, quod Arabes Myſleydam appellabant à nefariis eorū  
cultibus expiari fecit: in eoq; Oſcenſi antiqua Sede inſtaurata, Petrū Iaccenſem Episco-  
pum eidē præpoſuit. Qui deinde Oſcenſis Episcopus nominari cœpit: licet eum, ac  
plures illius ſucceſſores, quandoque & Oſcenſes, & Iaccenſes ſimul appellatos cerni-  
mus: cū re vera ante Hiſpaniæ cladem vna ſola Oſcēſis Eccleſia Cathedralis exſtiterit.  
Aragonenſes verò Episcopi, iam inde nominari deſicerant, poſtquam ſub Rege Rani-  
miro



miro primo Iaccæ Concilium Prouinciale celebratum fuit: de quo ante diximus. Sunt qui ferant, Christianos Muzarabes Oſcæ repertos fuiſſe: qui in Parrochia Sancti Petri veteris, incluſi, Mauris vectigalia perſoluentes, degebant. Eam poſtea Eccleſiam idem Petrus Rex, Sancti Petri Tomerienſis illuſtri ad Galliam cœnobio attribuit: in quo, viuentē patre, ſacris dicatus egerat vitam frater Ranimirus. Præterea Balbaſtrum opidum, quod Mauri inter hos bellorum ſtrepitus vindicarant, ab eorum manib. recuperauit; Pontioq; Rotenſi Epifcopo illius Eccleſiâ contulit: qui deinde Rotenſis, ac Balbaſtrenſis Epifcopus vocatus eſt: cū Ilerda, totius diœceſis caput, ſub Maurorum iugo adhuc eſſet. His igitur, aliſq; opidis bello adquiſitis, Aragonum Regnum, ac nomen latius paruit: illuſtrioſq; etiam apud exteras gentes, his temporibus haberi cœpit. Rex autem Petrus meriò adeptus fuit ampliſſimum, Felicis, Pii, Victoris, & Maximi Principis Cognomentum. Duas eum habuiſſe vxores perhibent: Agnetem, & Bertham; ex qua nullos filios habuit. Ex Agnete verò filium, & filiam. Filium quidem, Petrum: quem Cidiſiam, Domnam Solem vocatam, in matrimonium duxiſſe proditur: filiam verò, Iſabel- lam, innuptam deceſſiſſe. Alium præterea filium, Sanctium, eidem tribuunt: atque hunc Cidi generum fuiſſe, alii memorant. Omnes tamen viuentē patre obiſſe, certum eſt: Ob eamque cauſam, quòd Rex Petrus, progenie orbatus, mortuus eſſet; Alfonſum fratrem fuiſſe Regnorum coopratum heredem. Obiit autem Rex Petrus A. D. IV. Kal. Octob. Ann. Chr. ∞ c. iv. Ad Sancti Ioannis de Pinna templum ſepultus eſt.

1104.

ALFONSVS I. IMPERATOR, BELLATOR,  
Aragonum Rex IX.



**A**LFONSVS I. Bellator, Sancti IV. F. Petri I. frater germanus, Alfonſus Sancti inter dū, patronymico nomine, à Sanctio patre vocatus, nonus à Cæſone Abarca Aragonum Rex; nihil à perenni, conteſtataque maiorum virtute degenerauit. Imo eis omnib. longè bellandi gloria antecelluit: vnde ſibi illuſtre Bellatoris cognomentum adſciuit. Fraterno iure Aragonum, Pompeionæ, Suprabizæ, ac Ripacurtiæ Regna adeptus eſt; vxorio autem, Caſtellæ, & Legionis: ſummus propterea totius Hiſpaniæ Imperator dictus. Plurima opida expugnauit: atque eò vſque ferè Aragonum Regni fines, quibus hodie terminatur, protraxit. Nam Exeam: nobileque Tahuſtium opidum: Turiaſonem, Calataubium, Darocam, Ruedam, antiquitus Segoniam: Nertobrigam, nunc Rielam, Iuliam, Celſam, Sarinienam, Almudebarem: Zueram, olim Zufariam, pluraque alia à Mauris eripiens, Aragonum Regno ſubiunxit. Verum quo illud magis auxit, & ornauit: tunc demum fuit, cum noſtram hanc Cæſarauguſtam, Sederaniæ Metropolim, ampliſſimam, potentiſſimam, & natura, ſi u, ac pulchritudine ædificiorum nobiliſſimam Vibem expugnauit. Ea enim obtenta, ac vniuerſæ Aragonum ditionis primaria conſtituta, ipſius Aragonii nominis propagationi cumulus magnus acceſſit. Cuius tandem Urbis Quacringentos ferme annos, à miſera nepe Hiſpaniæ clade ad hæc tempora, Arabes fuerant poti. Sub quibus, haud liquet, quiſnam fuerit ipſius ſtatus, quæue Chriſtianorum Muzarabum ibi degentium fortuna. Sed ex quo plures Sanctos Epifcopos, inter ipſos fidei hoſtes, in eadem Ciuitate fuiſſe comperimus commoratos: noſtros non valde oppreſſos vixiſſe coniiicimus. De hac tamen re, à nullo hætenus, quem viderim, ſcripta, & à paucis fortaſſe intellecta, quæ inuenire potuimus, nec extra rem nobis prorſus videmur facturi, ſi iis, quæ à nobis ſuperius tradita ſunt, hoc loco diligenter annectamus. Quamuis enim ea ad inſtitutum noſtrum non multum pertineant: legentibus ſperamus iucunda fore, & cuiuſuis antiquitatis noſtræ cognitionem nihil huic noſtro propoſito labori nocituram. Sexdecim igitur Cæſarauguſtanenſium Maurorum Regulos fuiſſe obſeruauit: quorum nomina, ac nonnullas res geſtas hic apponendas duxi: ex quibus hanc, quam quærimus, ipſius Urbis, ſub eorum iugo, fortunam facilius cognoscemus. Et licet parum per ab inſtituto ſermone digrediamur, quædam nos hoc loco repetere opus erit, eorum quæ initio de illius oppreſſione ſcripſimus. In quibus concinnandis ſuſcepimus magnum laborem: nec fruſtra ſuſceptum duceremus, ſi totum id, quod cupimus, eſſemus conſequuti. Sed caſu neſcio quo; adeo huiuſcerei ſeries hætenus apud nos manſit obcæcata, vt quodcumque eidem lumen præferatur, minimè ſit paruipendendum.



## MAVRI CÆSARAVGVSTANENSES REGVLI XVI.

- UT rem ergo à suis initiis ordiamur: ex Rasis, Arabis scriptoris, testimonio, quemadmodum supra exposuimus, biennio post Ruderici Regis excidium, Ann. nempe Chr. 716. DCCXVI. Cæsaraugusta Vrbs in Maurorum venit potestatem. Plures tamen Christiani, Mauris tributa conferentes, in eadem Vrbe manserunt: qui Muzarabes propterea sunt vocati. Duo autem, ut diximus, præcipui Arabum copiarum ductores, ad Cæsaraugustā inuadendam conuenerunt: scilicet, Muza Abenzuyrius alter: alter verò Tariff Abenzarca. Hi ab Vliih Alcalifa, summo eorum Rege, & Africa in Hispaniam traiectione; vel vi, vel dolo totam illam ferè, ut explicauimus, debellarunt. Ea re confecta, Tariffa in Africam reuocatus est. Muza verò ab eodem Vliih totius Hispaniæ curationi præpositus, eiusdè, quamdiu vixit, potitus fuit. Sed eo deinde fatis functo, ipsemet Vliih eandem Hispaniæ præfecturam Abdulazizio, Muzæ filio, commisit. Qui Egilonam, Ruderici Regis viduā, vxorem ducens, Hispali sui imperii sedem collocauit. Is autem Abdulazizius nimirum 719. est, qui Circ. Ann. Chr. DCCXIX. Abdemelichum Abencatanum misit nostris, ad speluncam supra memoratam in Vruele monte prope Iaccam conuenientibus, excidium ferre. Qua quidem relicta effecta, Abdemelichus, ob immaturam Abdulazizii mortem, intestinis suorum bellis distectus, nostros aliquamdiu premere destitit. Vnde antiqui Suprabienfis Regni promouendi initium patuit: de quo, suo loco, satis, superque dictum est. Post hanc igitur Abdulazizii mortem, Arabes Hispaniæ domitores, in varias factiones distracti, paulatim ab Alcaliffæ Vliih imperio secesserunt: cui per sexaginta ferme annos, ab ipsa nempe Hispaniæ expugnatione, eo usque tempore paruerant. Carolo enim Magno, Francorum Rege, cuius fama virtutis, totum ferè orbem compleuerat, Hispaniam transcendente, Arabes nimio timore perterriti, cum eius aduentu contremiscent; ad illius potentiam propulsandam, summum sibi Regem in Hispania adsciuerunt; atque ut nonnullis placet, in Cordubensi nobili, ac illustri ciuitate. Vnde ea postea in ipsa Hispania fuit celsissima Regiæ Arabiæ dignitatis Sedes. Ciuibustamen seditionibus inter eos subortis, acius inualescentibus, diuersi Maurorum Reguli excitari cœperunt: qui cum aliis singulis ditionibus Gubernatores tantum essent præpositi; eas deinde sibi sub singulorum Regnorum, etiam paruulorum, nominibus vendicarunt. Cumq; hi plures, in pluribus siquidem opidis, existerint: nos tantum Cæsaraugustanensium Regulorum seriem hoc loco suscepimus annotandam.

## I. IBNABALA.

778.



PRIMVS itaque qui Cæsaraugustanensis Regulus vocatus inuenitur, quidam est Ibnabalā, siue, ut aliis placet, Ibūalarabi. Hunc ferunt, cum à suis Regno esset expulsus, ipsius Caroli Magni auxilio, cuius opem implorarat, Circ. Annum Chr. DCCXXIX. in Cæsaraugustanense Regnum restitutum fuisse. Atque ut Aemilii verbis utar; Cæsaraugusta à Carolo Magno paulisper obsessa, in conditiones descendit, ut Christi famulos concionantes audirent; Ibnabalā recipere: Regemque agnoscerent. Duosque finitimos Reges, Abutaurum, & Deuiffzum, qui Ibnabalā domo exigisse in simulabantur, in castra venire cum donis Francus coegit, & vectigal pacisci. Ex quibus apertè colligitur, Ibnabalæ Regnum haud valde infestum Cæsaraugustanis Muzarabibus existisse: imo quod illis nimis esset propitius, à suis, insidiis appetitum, ac Regno pulsum fuisse.

## II. MARSILIVS.

809.



POST Ibnabalā, Marsilius, siue Masillus Rex, Cæsaraugustæ regnavit. Is siquidem, qui Circ. Ann. DCCCIX. Castellatorum gentibus auxilium præstans, affuit præsens memorando illo in prælio, quo ad Roncam vallem, Bernadi del Carpio, ac suorum virtute, potentes illi Francorum heroës, quibus tot fabulæ tribuuntur, deuicti cecidere. In ipsisque antiquis Canticis, quibus hæc insignis clades apud nos quotidie celebratur, huius Marsilii Regis nomen proditur, quem nimium in ea tunc præstitisse memorant. Eius autem feruntur esse, quæ visuntur hodie complanata; Dominorum Alfozæ, iuxta Vicum Sceleratum domus.

## III. MV-



## III. MVZA ABEN HEAZIN.



**M**ARSILII successorem in Regno fuisse apparet, Regem Muzā Aben Heazin, siue, ut alii tradunt, Aben Cazin, circ. An. Chr. DCCCXXX. cuius supra meminimus. Hunc Christianis parentibus natum ferunt. Postea tamen veram, ac Catholicam Religionem detestatus, Arabicamq; sectam complexus, nostris ad Pyrenæa commorantibus acre bellum commouens, eò usq; perduxit; ut Sanctio, Suprabienfium Regi quarto, & viq; & Regni finē intulerit. Vnde apud nos primum interregnum patuit, ac nostrarum libertatū origo. Sed de his supra. Præter Casaraugustanensē autē Regnum, plurimarum ciuitatum insignium est pons. Filium habuit, Aben Lope: quē Gubernatorem Toletanæ Vrbi præposuit. Ea. n. ciuitas cū a Cordubensis Regis fide defecisset, huius se addixerat imperio. Deniq; Muza

Abē Heazin tā amplā ditionem consequutus est, ut Miralimum nūm Hispanēsis superbum apud Arabes cognomentum vsurparet. Eius tēpore, Seniores Episcopū, Casaraugustæ sedisse circ. Ann. Chr. DCCCXXXIX. ex Diui Eulogii testimonio colligitur: qui se his temporibus Casaraugustam aduentasse refert, & ab eodem Episcopo humaniter exceptum, in ea aliqua diu stetit. Vt huius etiam ipsius Muzæ Regis mentio facta reperitur circ. An. Chr. DCCCXLII. Eius verò potentiam nimis extenuatam perhibent.

## IV. ABEN ALFAGE.



**M**VZÆ Aben Heazin o, Rex Aben Alfage successit. Cuius memoria circ. An. Chr. DCCCLXIV. exstat. Ac fortasse eum, Muzæ filiū appellare liceret, ut is sit, quē paulò ante, Abē Lope nominatū, diximus, ac Toletanę gubernationi a patre præfectum. Tamen præter nominis similitudinē, nihil aliud habeo, q; pro certo affirmare possum. Huius Abē Alfage Regis tēpore Heleca, Casaraugustanum Episcopum sæpius nominatum comperio. An verò in ipsa Vrbe sederit, nequaquam inueni. Alf. iarinum opidum ab hoc Rege cōstructum, ab eoq; ita vocatum, dicto Excellentiss. Domino Archiepiscopo Ferdinando placuit: itidēq; & Regalē apud nos suburbanā domum, nūc Sacti Officii Inquisitionis ministerio dicatā. Quā non Aliaferiam, ut vulgò, sed potius Aliaferiā vocandā idē Excellentiss. in suis priuatis

monumentis tradit, atq; ita in antiquis tabulis nominatā inueniri, & quādoq; litera mutata, Alfaxeria. Ea quidē, Regia ædes fuit, suburbio amœnissimo loco, deliciarum causa, & voluptatis inter ipsos ciuitati hortos, à Mauri Regib. ædificata. Ex qua vetus, ac constans opinio est, per cauernas magna impēsa fossas, subterraneum occultum quoddā iter, ab eisdē constructam fuisse, eò tandem directum, ut ipsi Reges Mauri ab ea suburbanā domo subius terrā ad suos nefarios cultus expiandos occulti, ad suam, quā vocabant *Mezquitam maiorē*, quæ nobis hodierna die Templum maximum est, lōgō iuneris spatio, se possent conferre. Quod affirmare minime ausus fuissē, nisi præter hanc vulgarem traditionē, plurima hodie huiusce subterranei itineris vestigia in quamplurimis Urbis partibus inuenirentur: quæ opinionem vulgi certiores faciunt. Aliam etiam excelssam Domum intra ipsam Urbem Reges Mauri habuerunt, d Iberi fluminis ripas constitutā: Azadam, Arabicē nominatam: quæ postea Conuentus Sancti Ioannis Hierosolymitani à Christianis Regibus tradita est, nuncq; sub Sancti Ioannis *de los Panes* vulgari nomine appellata cernitur. Itaq; Alfaxeria Regalis domus structura huic Aben Alfagio Regi tribuitur. Quem arbitror ab Archiepiscopo Toletano, Abohager, paululum conciso nomine, nuncupari: cū à nonnullis, Abenalfaget etiam vocaretur.

## V. ABEN HAY A.



**A**BEN Alfagio Regi in Casaraugustanensi Regno successisse perhibent. Regem Aben Hayam, aliter Hieyam, vulgò *Abenayre*, siue *Benayre* vocatum. Cuius vetustior memoria exstat Circ. An. Chr. DCCCCIV. nouissima verò Circ. Ann. Chr. DCCCCXI. quo Ramiro, Legionensi Regi, subditus factus, tributa ei quotannis pendere coactus fuit. Id verò Abderrahmen, siue, ut alius placet, Abdarra-ghman Almançor, summus Arabum in Hispania Rex, nimium ægrè ferens, e Corduba, sui imperii sede, magno comparato exercitu, contra hunc Aben Hayam, Casaraugustam Urbem ingressus, non solum eundē ad suam potestatē reduxit, verum ambo ipsi Reges, ingentes acies bellicas aduersus Ramiurum ipsū, Legionensē Regē,



comparantes, eius ditionem inuaserunt. Legionensis verò Ramirus, ipsis obuiam procedens, cum ad Septimancas ex utraque parte acies conuenissent, postquam diu, multumque pugnatum fuit; Ramirus tandem insignem victoriam reportauit. Cordubensi quidem Rege fugam arripiente, Aben Haya autem hoc, viuo ad Ramiri potestatem captiuo delato. Cuius nullam aliam mentionem factam inueni: hanc verò ad Septimancas pu-

938. gnam Ann. Chr. DCCCXXXVIII. commissam fuisse.

#### V I. M V D Y R.



POST Aben Hayam regnauit filius Mudyrr, vt in quibusdam priuatis monumentis annotatū vidi. Viuente verò patre, an eo mortuo, vel quo anno Regnum obtinuerit, incertum est. Sunt, qui asserant, istius Mudyrii filium fuisse, Yram Almundafarem; quem aliquam diu Regno potitum constat: sed interpositis prius duobus, qui sequuntur. Etenim cum Cæsaraugustana Ciuitas his temporibus tota ciuilibus bellis flagraret, ex ipsorum Arabum dissensionibus ortis; Yra illius dominatu pulsus dicitur, quod fuisset parvulus relictus à patre: ac fortasse nisi fuisset postea per Castellæ Regem, ac Rudericum Biuarium, quem Cidum appellauere, vt explicabimus, restitutus; omnino desertus, atque eiectus mansisset. Sed iam de his dicendi locus erit, cum de duobus Regulis, qui hoc interim spatio regnarunt, dixerimus. Neque verò de eo, qui huic Mudyrio continenter

successit, memoriæ proditum est, vt Regulo, ante Annum Chr. 1111. Quinimo in hæc tempora Cæsaraugustam diu Rege caruisse apparet.

#### V I I. I M V N D A R.

1003.



SEDEO Anno M I I I. Imundaris, Cæsaraugustanensis Reguli, alicubi mentio facta reperitur. Ferrit enim eius ope, Abderrahamenum Almortadam Cordubense Regnum inuasisse, protinusque ab eo fuisse pulsum.

#### V I I I. A L M V G D A B Y R.

1036.



IMUNDARIS successor proditur, quidam Almugdabyr, siue, vt alibi legitur, Almugtadyr. Quem Cæsaraugusta regnasse Ann. Chr. MXXXVI. sat liquet ex cuiusdam Senioris Arthonis Garfeanes, & uxoris Domnæ Blasquitæ membranula, quam legi: Fuit enim facta Carta illa, vt in ea notatur Aera T LXXIV. Regnante in Zaragoza Almugdadyr. Tum & illius clara exstat memoria Circ. Annum Chr. MXLV. Sed ea clarior, quod eum, primum fuisse, proditur ex omnibus Regulis Cæsaraugustanensibus, qui nostris Aragonum Regibus tributa pensitarunt. Nam Circ. Ann. Chr. M L I V. nostri Regis, Ranimiri primi, cuius supra meminimus, subdititius, siue, vt nunc loquimur, *vassallus*, factus fuit: atque vt priscis illis seculis loquebantur, *mezquinus*. Et hoc mirifice conuenit, vt eius tempore Paternus, Cæsaraugustanus Episcopus, in ipsa Vrbe quiete sedere posset, ac de sui Cleri consensu Ecclesiam Sanctarum Massarum, nunc Diuæ Eneratis vocatam, nouæ Iaccensi Ecclesiæ contribuere. Paternus enim, Cæsaraugustanus Episcopus de suorum Clericorum voluntate in Concilio Prouinciali ad Iaccam Urbem his temporibus, Ann. scilicet M L X I I. sub dicto Rege Ranimiro, celebrato, eandem Ecclesiam

1045.



1054.

1062.

Iaccensi tunc erectæ contributam voluit. Qua de re ita à Gregorio VII. Pontif. Max. in Diplomate confirmationis illius, iisdem illis temporibus dato, decretum fuit. *Super hac omnia* (inquit) *addimus Sanctarum Massarum monasterium; cum redditibus suis, quod à Paternus Cæsaraugustano Episcopo, fauente suo Clero, Iaccensi Ecclesiæ collatum fuisse cognouimus. Iam vt verisimile sit, quo tempore dictum Concilium indictum fuit, quando quidem hic Regulus, nostri Ranimiri Regis vassallus erat; Paternum Episcopum pacatè Cæsaraugustæ degere potuisse, clerumque siue Ecclesiasticum Ordinem ibidem repertum, suum liberum in eare consensum præstare. Atque per id temporis Sanctius Castellæ Rex, Ferdinandi filius; Ranimiri nostri ex fratre nepos, Cæsaraugustam Urbem adortus fuit, eamque sibi stipendiariam fecit. Neque diu post Ranimirus Rex vixit. Imo cum ob eam causam Castellano Regi bellum intulisset magnum, & vehemens; improviso ab illo (qui se aiebat, nisi fuisset ita laceratus, alioquin certè quieturum fore) ad Gradus ardem oppressus, An-*

quem



quem diximus, Chr. M L X I I. interfectus fuit. At Almugdadyrius hic, ætate longius pro- 1063.  
cessit. Siquidem Ann. Chr. ∞ LXX I I. qui Aeræ infra notatæ æquæ conuenit, cum  
in antiquis Pinnatensium rerum Commentariis scriptum est, aduersus Regem nostrum  
Sanctum I V. primi Ranimiri F. cum Sanctio Pompelonensium Rege, illius Garsia  
filio, qui ad Ataporceam interit, firmissimum hoc fœdus icisse. *Aera T C X I. VIII.*  
*Kal. Iulii Sanctius Pompelonensium Rex, & Almutadyr Vile* (namque hoc illi nomen im-  
ponitur) die quo facta fuit concambiatio Castrorum de Caparroso & . . . . . Iuraue-  
runt concordiam firmissimam. Conuenit enim Almutadyr dare Regi Sanctio 1200. mancussos  
auri, vel argenti: ita quod si vult argentum; accipiat septem Solidos moneta Casaraugustæ pro mau-  
cussis. Conuenit autem Rex Sanctio, mittere Carta ad Sanctio Ranimiri, ut se, & omnes suos  
declinare faciat ad terra de Oscha, & reueri in suam terram, & ut non faciat damnum in par-  
tes Casaraugustæ. Et si noluerit se leuare Sanctius Ranimiri de terra de Almutadyr: statim ca-  
ualguet Sanctius Rex cum toto suo potere super Sanctio Ranimiri, ad faciendum damnum in sua  
terra: & inter ambos donent ei alfechna; sicut in ligamentos primos scriptum est. Idem si Al-  
mutadyr necesse habuerit adiutorium, & requisierit suum amicum Regem Sanctium: ipsemet per  
suum corpus cum suis Barones ei adiuuet. Et si tantum voluerit Barones; det ei quantos Almu-  
tadyr voluerit, & donec sint in seruitio, & caualcata de Almutadyr: pro unoquoque die donet, sic-  
ut solitum est dare Baronibus de Castella, aut de Barchinona. Et statim quando fuerit tornatus  
de caualcata, & venerit ad Tutela; statim acceptus de Rege Sanctio placitis Hostaticis, pergat cum eo  
in unum super Castellum capiendos, quos tenet Sanctio Ranimiri, fortiatos Regi Sanctio Garsia:  
& faciant eos reddere; & semper inuicem se adiuuent, tam super Christianos quam super Mozle-  
mes. Iuro ego Almutadyr Vile per Deum, qui fecit calum, & terram, mare, & omnia, qua in  
eis sunt, & per legem, quam tenent Mozlemes, & per omnes Iuras, quas omnes gentes in Deo iu-  
rant; me non esse mentitum in nullo huius præscripti fœderis. Quod si mentitus fuero in aliquo: per-  
dam sensum, & intellectum mentis meæ, & carens legem gentis meæ cum ira Dei altissimi va-  
dam ad Mecha: & non inde reuertar. Enneco scriba Regis notauit. Istius autem fœ-  
deris alibi factam mentionem non inuenio. Neque ex Archetypo me illa deprom-  
pisse affirmare possum: sed ex priuatis quibusdam, quæ dudum comperi, monimen-  
tis. Idcirco integram erit cuius, quam sibi placuerit, fidei adhibere. De hoc autem  
Almugdadyrio, ad cuius vitam, & Regnum comprobandum hæc attuli, nequaquam  
accepi plura, quæ obseruem. Illud iam differre nequeo, quod paulò ante proposui:  
nimirum non continenter, sed interruptè fuisse Casaraugustanensi Regno tot annos  
potitum.

## IX. YRA ALMUNDAFAR.




YRA .n. Almundafar, Madyris filius, quæ retulimus fuisse, mor-  
tuo patre, obciuites suorū seditiones, quib. ardebat tunc ciuitas,  
Regno spoliatus; dicto An. M L X I I. atq; eo exeunte, Casaraugusta- 1064  
nēsis Regulus vocatus inuenitur. Cumq; per idē tēpus, seu nō mul-  
tò ante, Castellæ Rex Sanctius Casaraugustā Urbē inuassisset, eamq;  
sibi fecisset vectigalē: sit inde, ut credibile sit, in hac rerū mutatione  
dominorum etiam mutationē fuisse; atq; ut iste Yra Almundafar  
tunc, ipsius Regis Castellani opera, vnde eiect⁹ fuerat, Rex restitue-  
retur. Neq; tamen diu potuit ipsa Vrbe frui. Nā simulatq; Castella-  
nus Rex ab ea pedē discessit; illum Vrbe pepulit Almugdadyrius: &  
vsq; ad illud saltē tempus tenuit illā, quo fidem suam cōtra nostrum  
Regē Sanctum I V. Ranimiri I. F. cum Sanctio Rege Pompelonē-  
sium deuinxit: ut à me paulò est ante dictum. Postea verò Almugdadyrio mortuo (neq; n.  
longius, quàm ad dictum facti fœderis annum illius vitam productā puto) hic Yra Al-  
mundafar amissam Regni possessionem recuperauit: in eaq; cōstitit, quamdiu vixit. Iā-  
que Ann. Chr. M L X X V. cum illius Urbis quiete potiretur, Kaimundum, Garsia Nauar- 1076.  
ræ Regis filium, fraterno sanguine pollutum, in ea exstorem excepit: in qua Raimundus  
ipse miserè vixit, & obiit. Neptem reliquit Marchesiam; quæ cuidam Azenario Lupi,  
primario viro, nupta fuit. Sanctius autem I V. noster Rex, à Pompelonensibus interea  
vocatus, Nauarræ tunc, ut memorauimus, Regnum obrinuit. Rursus Almundafarem  
hunc Regulum, cum Ruderico Biuario, Cido cognominato, magna amicitia fuisse con-  
iunctum perhibent. In illo autē, de quo ante dixi, Castellani Regis ad Casaraugustā Urbē  
aduentu, gratiam huiusmodi inter eos in itā coniicio. Etenim Cidum ipsum illius itineris,  
ac Castellani Regis consiliorum omnium socium, & adiutorē fuisse priscæ nostræ monu-  
mentis testatur; sepiusq; Casaraugustæ, Regnante hoc Regulo, cū eo stetit. Demum ipse



Cidus hoc maximum dedit sui amoris signum, quod cum Almundafar iste duo Regna quorum potiebatur, Cæsaraugustæ scilicet, ac Deniæ, inter duos filios, quos susceperat, Zulemam, & Aben Alsfagium moribundus partiretur, Zulemæ quidem maiori, Cæsaraugustæ Regnum relinquendo, Deniæ verò, Aben Alsfagio; ob eamque causam, Almundafare mortuo, gravissimæ inter filios suborirentur dissensiones, ac bella; tandem sua industria effecit, ut fraternis his dissensionibus compositis, quæ pater iusserat, ab ipsis filiis rata haberentur. Vnde Zulemæ Cæsaraugustanense Regnum liberum mansit: Aben Alsfagio autem, Deniæ.

## X. ZULEMA.

1081.



ZULEMA autem in Cæsaraugusta regnasse constat Circ. An. 1081. Num Chr. 891. Cidumque eius tempore, ut fecerat vivente patre, eandem ipsam advenisse Urbem.

## XI. HAMEN ABEN HVTH.

1083.

IPSi verò Zulemæ, filius successit Hamen Aben Huth Circ. Ann. 1083. Chr. 993. Qui Abubacaris, Valentis Gubernatoris, filiam, uxorem duxit. Verum non diu regnavit.

## XII. IUCEPH ABEN HVTH.

1088.

1092.

NAM Circ. Annum Chr. 1088. Iuceph Aben Huth, Hamenis filius, Cæsaraugustanensis Regulus nominatus apparet. Huc aiunt Anno Chr. 1092 Valentiam Urbem una cum ipso Cido profectum esse: atque inde postea reuersum, obiisse.


## XIII. ALMOZABEN.



MORTVO autem Iucepho Aben Hutho, Cæsaraugustanense Regnum adeptus fuit filius, nomine Almozabenius, siue, ut alii tradunt, Almozahenius, vel Almoescanenus: eundemque esse suspicor, quem nonnulli Hametum Almuzazimum appellantes, in hæc tempora inducunt. Iam verò certum ponitur, dum Iuceph pater obierat, nodum hunc eius filium è pueris excessisse. Proptereaque cum suorum animos timeret, fuisse ab eodem Cido, qui maiorem amicitiam retinebat, Cæsaraugustam delatum, in pacatam, & quietam illius possessione constitutum. Neque verò istius tanti beneficii fuit immemor. Ipsi enim Cido, in Hiayæ postea, Valentini Reguli, amici sui, nefariæ mortis vindictam properanti, præsto fuit, neque ad eam rem solam, sed & maximo quoque ad obtinendam ipsam Valentiam Urbem adiumento. Tandem nostrum Regem Petrum ab Oſcæ Urbis obsidione auertere cupiens, cum ingenti ad Cæsaraugustam Urbem Maurorum, ut reulimus, acie collecta, nostris ad Alcoracensem locum obuiâ factus esset; nimia suorum clade superatus, aufugit Ann. Chr. 1096. Nullam verò aliam illius memoriam compertio, præterquam quod ex Alfonso Castellæ Regis historia hunc fuisse, qui Abubacaris Abualhazis filiam, uxorem duxit, colligitur.

## XIV. ABDELMELCH.

1098.



ALMOZABENIO Regi filium, Abdelmelch vocatum, in Cæsaraugustanensi Regno successisse, nonnullis placet. Breuissimum tamen illius Regnum fuisse liquet.

## XV. HAMAT ALMUZACAYTH.

ANNO enim Chr. 1098. Hamat Almuzacaythus Cæsaraugustanensis Regulus nominatus exstat. Quem nonnulli, Abdelmelchi filium fuisse, tradunt: Almorabidumque Arabum potentia Regno depulsum. Almorabides enim his temporibus contra Almohades sæuissimè irruerant: cumque gravissimis seditionibus excitatis, aliquamdiu superiores extitissent; Almuzacaytho hoc Regulo exacto, quod ex Almohadum esset factione, Cæsaraugustanense sibi Regnum vendicarunt, eidem Duces, siue Gubernatores præficientes: à quibus per aliquot annos, Regali nomine expulso, possessum fuit.

## XVI. ABV-



## XVI. ABVHAZALEN.



**T**ANDEM Abuhazalen ultimus est, qui Cæsaraugustanum sub Regis nomine Regnum obtinuit. Sed ad Valterram Ann. Chr. MCX. a nostro Rege Alfonso I. cuius hoc loco res gestas conscribendas suscepimus, occisus est. unde eidem ad Cæsaraugustā urbem inuadendam aditus patuit. Almustaenum interdum, hunc Regulum appellari solitum constat. Sic namq; illius nomen, atq; obitus diem notatum legi in Archetypo quodam Priuilegio ab Vrraca Regina, ipsius Alfonso vxore, Montis Aragonum Ecclesiæ irrogato. *Facta Carta, inquit, Era T CXLVIII. anno, quo mortuus est, Almustaben super Valterrā; & occiderunt eum milites de Arāgone, & de Pampilona, notō die VIII. Kal. April. Regnante Domino nostro Iesu Christo, & sub eius gratia Ansusus, gratia Dei, Imperator de Leone, & Rex totius Hispania, maritus meus. Ansusi autem nomen pro Aldefonso sæpius vlturpatum reperitur.* Tres

autem sanctos Episcopos in hæc tempora Cæsaraugustanæ Ecclesiæ præfuisse in aliquibus priuatis monumentis continetur: Vincentium II L. Petrum ac Bernardum. Sed si eos, his saltem temporibus, sedisse verum est; breuissimis quidem diebus: siquidem vnumquemque eorum vix singulos annos colligitur, ea dignitate potuisse perfungi. Dum autem Cæsaraugusta Mauri hi Reguli, quos memorauimus, potiti sunt Vrbe: pro certo, ac constanti traditur, Confratriam, cuius initio meminimus, Beatæ Mariæ Maioris, & de *Pilari* viguisse: ab ipsis quidem Muzarabibus constitutam: licet nonnullis, vt diximus, altiora videntur illius initia repetenda esse.

Hos itaque annotaui Mauros Cæsaraugustanenses Regulos a scriptoribus variis in locis nominatos. Eorum autem superiores narratiunculas propterea hic annexendas duxi: vt si non perfecta, adumbrata saltem ratione intelligamus, quæ fuerit Cæsaraugustanæ Urbis condicio, quamdiu misera seruire eorum iugum a sese depellere nequiuit. Ex huiusce enim rei, penitus obruscæ, si non perfectione, ac conatu tamen, atq; adumbratione, aliqua etiam dignitas his nostris Commentariis accrescet.

## DE MAVRIS CÆSARAVGVSTA PVLSIS.

**C**ÆSARAVGVSTAM igitur Urbem; Annos ferè Quadringentos seruitute oppressam, Mauritenuere. Ea autem ab illorum manibus, post longam nostrorum obsidionem, erepta atque Omnipotentis Dei singulari beneficio ad Christianam, veram, & Catholicam Fidem reuocata; fortissimus, ac bellicosissimus Alfonso Rex ipsos Mauros penitus contriuit, ac domuit. Perpauci autem nonnulli in quadam Urbis regione manserunt, tributa nostris conferentes, qui propterea *Mudeiares* illis sæculis dicti sunt. Ceteri ex ea pulsi, ad diuersa Hispaniæ loca, suæ factionis gentibus subiecta, abierunt. At verò ipse Alfonso Rex cum primum Urbem introuit; Mezquitam maiorem, qui prisca semper mos fuit, a nefariis cultibus purgari fecit, ac in ea Cathedralem Sedem consecrari. Quæ Petro Libranæ, Sanctissimo illius Episcopo iam antea designato, attributa fuit: ob idque Petrus ad Sedem Apostolicam missus, a Gelasio II. Pont. Max. consecratus. Aliæ etiam etiam, siue Alfaxeriam, Regiam suburbanam domum prædictam, idem Alfonso Rex cuidam Berengario (vt legitur) Crassensi, mihi verò legendum placet, Cisterciensi Abbati, & Monachis donauit, vt in ea Ecclesiā construeret. Deinde inter Cæsaraugustæ expugnatores, Ricos homines scilicet, & alios, qui tantæ rei præsentēs affuerant, eandem pro veteri consuetudine Urbem diuisit. Beneharnensi enim Vicecomiti, Gastoni Fuxio vocato, Christianorum Muzarabum regionem assignauit: quæ parrochiæ, vt diximus, Ecclesiæ beatissimæ Virginis de *Pilari* finibus terminabatur: vbi hodierna die ipsius Vicecomitis Sepulchrum inuisitur. Rothroni verò, Perticarum Comiti, aliisque primariis viris, alias Urbis Regiones dedit, in quibus se Seniores appellari consueuerunt. Ac quia aliquibus quarta Urbis pars donata fuit: quandoque propterea nonnullos; Seniores in *Quartō de Caragoça*, hoc latine loquendi genere, vocatos legimus. Seniorum autem vocabuli significationem, ac quæ eorum, quos Ricos homines appellabant, vis, & potestas, infra explicabimus. Nequaquam autem hoc loco omittendum duximus, quod memoratus Excellentiss. Dominus Archiepiscopus Ferdinandus memoriter narrare solebat, Muzarabes Cæsaraugustanos ab ipso Rege Alfonso, dum de diuidenda Vrbe agebatur, suam quoque partem pro rata portione postulasse: affirmantes, se licet septos, & inclusos, intimam, quam



potuerant, Vrbi expugnandæ operam præstitisse. Cumq; ea res fuisset posita in contentione: postquam diu, multumq; tractata, & agitata fuit, ob eam demum, Muzarabibus ipsis pro huiusmodi rata parte, Manlienſis opidum datum fuisse. Quod se in prisca monumentis legisse affirmabat. His ergo rebus compositis, Alfonso Rex nouæ Vrbi Magistratus Urbanos præficiundos curauit: quippe quod eam non militaribus præfidiis muniri solè, sed consilii ope fulciri, ac Magistratuum dignitate oportebat. Itaque Prætores Urbanos ordinariæ causarum cognitioni præfecit: quem, ipso Arabico nomine retento, Zalmetinam vocari passus est. Urbis præterea, & annonæ curatores statuit, quos postea Iuratos appellauere. Denique ipsam Cæsaraugustam, totius suæ ditionis primariam Urbem, ac caput constituit, publicamque ac stabilem Iudiciorum sedem. Affluentibus autem vndique ingentibus incolarum copiis, ciuilibusque & criminalibus crebris inter eos quæstionibus, & controuersis excitatis: ad eas componendas forensis strepitus accedere oportuit. Vnde nostris in pace, & otio iudicia fieri, & exerceri cœperunt, legumque ac Fororum auctoritate definiri. Quod antea vix licuerat: ex quo illud, *Silent leges inter arma*, est iam diu tritum sermone prouerbi-um. Hinc autem sine vlla dubitatione euenit, vt in rerum nostrarum narrationibus, siue antiquis, siue nouis, nullam Magistratus Iustitiæ Aragonum mentionem ante hæc tempora factam, præter illius institutionem, neque alicuius, qui eum gesserit, nomen nisi post Mauros dumtaxat Cæsaraugusta pulsos, vt in nostrorum Fastorum Indice conscripsimus, inueniamus. Nam licet plures antea Iustitias Aragonum existisse dubitan-  
dum non sit, cum eius institutio, vt docuimus, ab ipsius Regni initiis pendeat, ob idque necessario aliquos eidem præfuisse, dicendum est: tamen ante Cæsaraugustam obtentam, nostris, assiduis bellis continuo implicatis, non callido, aut versuto iure, sed militari potius, atque ex equo, & bono iudicia fiebant. Illud acre, & seuerum, merito iam pridem à nostro Foro sublatum, Candentis ferri iudicium, prisca illis temporibus, ad dirimendas ferè omnes iudicarias controuersias magno in vſu fuisse legimus, & in Ecclesia Sanctæ Christianæ, quam vocant *de summo Portu* tamquam ad id certo, ac definito loco, aliquamdiu solitum exerceri: quo perquam breuiter constituebatur quibuscumque causis, ac litibus finis. Quamobrem eo tempore Magistratus Iudicis Medii forensis auctoritas, & vis vsque adeo necessaria non fuerat: vel si fortasse aliquando, in oppressorum leuamem adscita, opem tulit, illius certè casus, quemadmodum & multarum aliarum rerum, cognitionem ignoramus: saltem hæctenus indagare non potuimus. Huc etiam accedit, quod mihi magis placet, ne de tam longo, vt ita dicam, somno huiusce Magistratus admiremur: eam apud nos olim Ricorum hominum dignitatem fuisse, vt quæcumq; occurrerent, tam in pace, quam in bello, omnia ab eis transigi necessario oporteret. Vnde nec mirum, quod hæctam suprema ipsorum dignitate vigente, per plures annos hic Magistratus noster vſum fortasse vllum non habuerit. Ipsi enim Ricis hominibus, continuo Regum consiliis assidentibus, libertates nostræ à Regibus violari non poterant. Postea verò, declinante Ricorum hominum potestate, abscissisque duobus illis memorandis Vnionis Privilegiis, ac gliscentibus negotiis, multæ Ricorum hominum facultates in hunc Magistratum congestæ sunt, & eidem sensim plures aliæ concessæ, quæ temporum varietate Regibus, ac Regno visæ sunt ad viuendum quietè oportuniores. Quo pacto paulatim ad eam, quam nunc cernimus, amplitudinis, dignitatem ascendit. In prisca autem monumentis, temporibus, de quibus agimus, propinquiore, qui hunc Magistratum gerebant, passim Iustitiæ in Cæsaraugusta nominati inueniuntur: vel quod Vrbs, illorum Iudiciis sedes stabilita fuerit, vel quod in eadem frequentius Iustitiæ Aragonum residere consueverint. Quorum post hæc singula nomina annotare decreui, dum singulorum Regum facta persequar: licet infra de iisdem Iustitiis separatim à nobis dicendum sit. Ab eo autem tempore, quod apud nos, vt retulimus, bellico modo Iudicia exercebantur, duo illa nouissima nostrarum legum principia, ac quasi sedes, & fundamenta, quibus ipsæ  
muniuntur, ducta fuisse non abs re conicere licet. Alterum, vt iisdem verbis vtatur, quibus eadem constant: ¶ *Quod in Aragonia omnes testamur iure militari, ac quasi in præcinctu, minime aliis Iuris ciuilis solennitatibus expectatis.* Alterum verò: ¶ *Quod in omnibus Cartæ, id est, publicæ scripturæ standum est, si si contineat aliquid, quod fieri nequeat, vel sit contra Ius naturale.* Comuni enim, siue Ciuili Iuri à nostris legibus in quamplurimis est derogatum. Male autem prima nostrarum Obseruantiarum, *De equo vulnerato*, inscripta legitur: cum, *Prologus*, tantum inferibi debuisset. Nam ad docendum, nostras leges minime recipere interpretationem, quam vocant, extensiuam, imò standum esse, vt dictum est cartæ: ea equi vulnerati similitudo adducta est, qui si non sit occisus, tæctus vulnerat, iuxta nostras leges



non venit emendandus. Vnde ineptè ab ea similitudine, Obseruantia titulus sumptus est: sed Prologus tantum inscribendus, quemadmodum in Codicibus manuscriptis continetur. At qui apud nostros, his temporibus, nonnullas Gothicas leges in vfu fuisse, argumento est mihi antiqua quædam membranula, quam in Tabulario de Pilari hisce verbis conceptam deprehendi.

CONDITOR omnium rerum, Dominus Iesus Christus, Dominus noster, cum in mundi initio cuncta creasset ex nihilo; ex osse viri dormientis, formam fecit mulieris. Ex uno duos faciens, duos unum esse debere demonstravit: ipso attestante, qui ait: Relinquet homo patrem suum, & matrem, & adhærebit uxori suæ: & Erunt duo in carne una. Quapropter In Dei nomine, Ego Arnaldus de Via, procreandorum filiorum amore, eligo in sponsam, puellam honestam nomine Ermisenda: & facio ei dotem, & donationem decima partis omnium rerum mearum, tam mobilium, quam immobilium, quas in præsentem habeo, vel in antea Deo annuente acquirere potero: quia in Gothicis legibus continetur: Non sine dote coniugium fiat. Si quis hanc dotem, vel donationem violare præsumpserit, nullatenus possit: sed pro sola præsumptione libram unam auri puri componat, & insuper hæc dos, vel donatio firma, & stabilis omni tempore permaneat.

Quod est factum iij. Non. Sep. Ann. Chr. MCXCVIII.

✠ Signum Arnaldi de Via, qui hanc dotem facio, & firmo.

✠ Signum Bernardi de Forrad.

✠ Signum Petri Iozbert.

✠ Signum Berengarii de Rig, milans.

Arnaldus sacerdos: qui præscripsit, cum literis supra positis in iij. linea die & anno quo supra.

8

Exstant autem duæ Gothicae Leges præclaræ, & severæ lib. 3. tit. 1. De dispositionibus nuptiarum: quas hic libet intexere, ut earum serie prospecta, id, quod proposuimus, confirmemus. Ac ea quidem, quæ sine dote fieri coniugium vetabat, est huiusmodi.

FLS. RCD S REX.

Ne sine dote coniugium fiat, & ut de quibuscumque rebus dos conscripta fuerit, firmitatem obtineat.

NVPTIARVM opus in hoc dinoscitur habere dignitatis nobile decus, si dotalium scripturarum hoc evidenter præcesserit munus. Nam ubi dos nec data est, nec conscripta; quod testimonium esse poterit, in hoc coniugio dignitatem futuram? quando nec coniunctionem celebratam publicareborat dignitas, nec dotalium tabularum hanc comitatur honestas? Proinde cum quisquis aut pro se, aut pro filio, aut etiam proximo suo, coniunctionis copulam appetit: aut de rebus propriis, aut de Principum dono conlatis, aut de quibuscumque iustis profligationibus conquestis, iuxta modum legis data, conscribendi dotem habeat potestatem. Quodcumque autem legitime in dote conscripserit, modis omnibus plenum robur habebit.

Altera verò, quæ, ut superior inquit, conscribendæ doti modum definiuit, hæc est.

FLS. CHDS REX.

De quantitate rerum conscribendæ dotis.

CUM de dotibus diversa semper inter nubentes oriatur intentio, plurimorum sit utilitati consultum, si evidens huius rei institutio nihil ultra relinquat ambiguum. Decernimus igitur, ac legis huius perpetuum servata sanctione censemus: ut quicumque ex Palatii nostri Primatibus, vel Senioribus gentis Gothorum filiam, alteriusve cuiuslibet relictam, seu sibi, seu filio suo poposcerit in coniugio copulandam, seu quisquis ex prædictorum ordine, uxorem sibi elegerit expetendam; non amplius unusquisque in puella, vel mulieris nomine, Dotis titulo conferat, vel conscribat, quam quod decimam partem rerum suarum esse constiterit. Quod si contigerit, ut quicumque parentum pro filio suo, in nurus sue nomine, dotem conscribere debeat: eodem modo de eo, quod eidem filio post obitum parentum suorum in portione evenire poterat, decimam exinde partem per dotis titulum conferat, quod mulier, vel puella nuptiis traditura obtineat. Atque insuper decem pueros, decemque puellas, & caballos xxx. seu in ornamentis, quantum mille solidorum valere summam constiterit: sit illi conscribendi, dandique concessa libertas. Ita ut de his omnibus rebus in coniugio mulier assumpta; si non reliquerit filios, facere quod voluerit, liberam se noverit habere uenturam: aut si intestata discesserit; ad maritum, aut ad propinquos mariti heredes eadem donatio redeat. Nec erit ultra licitum puellæ parentibus, seu etiam puellæ, vel mulieri, ab sponso,

Tomus II I.

H h h 2



vel ab sponse parentibus plus quicquam petere, vel in suo nomine conscribendum aptare, nisi quantum nunc legis huius institutio continet. Aut si forte, iuxta quod & legibus Romanis recolimus fuisse decretum, tantum puella, vel mulier de suis rebus sponso dare elegerit, quantum sibi ipsa dari poposcerit. Quod si forsitan præsentis sponsus scriptura alicuius, vel sacramenti vinculo, nuptiarum tempore alligetur, amplius se sponse daturum, quam quod hac lege constat esse permissum; id postea ipse conuellere, & in iuris sui potestatem reducere, libero potietur arbitrio. Si autem inramenti reuerentia pauidus, aut, ut assolet, negligentia deditus, quod amplius sponsa dederat, reuocare, aut euacuare noluerit, vel nequiuert; non oportebit vnus repudiate, multus ad futurum damnus nutrir. Sed dum sponsi parentes, vel propinqui tale factum agnouerint; vniuersa, quæ plus, quam supra taxatum est, sponso conlata sunt, suo iuri, absque cuiusquam præiudicio, perenniter vindicabunt. Certe si iam vir uxorem habens, transacto scilicet anno, pro dilectione, vel merito conugalibus obsequiis, & aliquid donare elegerit; licentiam incunctanter habebit. Nam non aliter infra anni circulum maritus in uxorem, seu mulier in maritum, excepta dote, ut prædictum est, aliam donationem conscribere poterint; nisi grauati infirmitate, periculum sibi mortis imminere perspexerint. De ceteris vero, qui nubendi voluntatem habuerint; salubritatem proposito providendum, decernendumque curauimus: ut qui in rebus omnibus decem millium solidorum dominus esse dinoscitur, ad mille solidos rerum vniuersarum comprobatione habita, in nomine sponsæ suæ, dotem conscribat. Cui autem mille solidorum facultas est, de centum solidis tali de ratione dotem facturum est. Et sic ista constitutio dotalis tituli, ab vltima vsque ad summam omni controuersia sopita perueniat. Data, & confirmata hac lex pridie Idus Ianuarii, Anno felici tertio Regni nostri. In Dei nomine. Tolet.

Sed his omissis iam modò æquum erit, ut veterem nostræ gentis in liberanda patria laudem prope Quingentesimo anno referamus.

DE ANNO, QVO CÆSARAUGVSTA VRBS E MAVRIS ERPTA FVIT, DEQVE HVIVSCE ALFONSI REGIS, eius liberatoris, intentu.

CVM QVÆ tantæ molitionis tempus apud nos certum, atq; exploratum esse debet, mirandum est etiā, quā multiplex, ac varia confusio, tam ex veterum historicorū scriptis, tum ex Archetypis quoq; Priuilegiis oriatur ea de re. ut meritò quidē quemadmodum & Surita noster suis in Annalibus, sic nos ipsi modò de ea conqueramur. Quidā enim An. MCXV. Cæsaraugustam captā perhibent. Alii An. MCXVII. Verior tamen eorum sententia eidem Suritæ visa est, qui Ann. MCXIX. eam obtentam tradunt. Nos autem, ut huiusce rei hoc loco certam aliquam rationem adhiberemus, ex Cæsaraugustani Senatus decreto (haud enim aliter fieri licebat) obtinuimus, ut in publico Urbis Tabulario, siue, quod vulgò vocant, *Archiuo*, huius facti veritatem inquireremus. Itaq; die XI. Apr. Ann. MDXXC. vna cum DD. Vincençio Augustino, Andrea Aninonio, ac Iacobo Morlano, primariis ipsius Urbis Iuratis, adstantibus Doctore Ioanne Sora Regente Cancellariā, Michaelē Almazano, Ciuib. Cæsaraugustanis, & Michaelē, & Martino, Spanno, Secretariis, in eodem Tabulario inueni, vidi, ac legi Archetypum Priuilegium, literis Gothicis mēbrana exaratum, eidem Urbi ab hoc Rege Alfonso, statim cū eam adeptus fuit, itrogatū: quod primum est eorum, quæ à nostro Molino in suo Repertorio sub verbo, *Priuilegium*, apponuntur. Cuius exemplum, quod inde sumpsi, hoc loco dum inserendum. In eo enim planè, & dilucidè notatum est, quo anno captæ fuit Cæsaraugusta.



IN Dei nomine, & eius Diuina clementia, Patris, & Filii, & Spiritus Sancti. Amen. Ego Aldefonsus Dei gratia Rex, facio hanc Cartam Donationis vobis totos populos de Zaragoza, qui ibi estis, vel in antea ibi veneritis populare. Dono vobis fueros bonos; quales vos mihi demandastis, quomodo habent illos bonos Infançones de Aragonē; quod benè populetis, & finchetis ibi. Et habent fueros Infançones de Aragonē, qui non tenent Honore de Seniore: quod vadat ad lite campale, & a sitio de Castellum cū pane de tres dies. Et nullus Infançione, qui ibi non quæserit ire, non habet super illum nullam coloniam, nisi quod veter Rex de terra suos mercatos, quod non ibi compares, nec vendat; & suos Alcales, quod non illum iudices. Et illos Infançones qui habuerunt, & tenuerunt Honore de Seniore, si fuerit reptato; non faciat directum, nisi in illa Honore stando. Istos fueros dono, & confirmo vobis, quod habeatis, & possideatis saluos, & liberos, vos, & filios vestros, & omnis generatio vestra per sacula cuncta. Salua mea fidelitate, & de omni mea posteritate per sacula seculorum. Amen.



SVNT Testes visores, & auditores de hoc Donatium suprascriptum, Vicecomite Gaston; & Comite de Vigorra; & Comite de Comenge: & Vicecomite de Gabarret: & Episcopo de Lascarre: & Aug. de Miramon; & Arnal de Labedan: & Didacho Lopez: & Latron: & Exemeno Fortungones de Lefes; & Exemeno Fortungon de Punicastro, & Petro Mome; & Almuabut, & Lop Xemenones de Turrilgas; & Lop Sanz de Ogabre, & Chaxal; & Lop Lopiz de Calaforra; & Lop Garcez de Estella, & S. Azennar Azenar; & S. Enneco, Calme, & Lop Garcez Pelegrino; & Petro Xemenes Iustitia, & Galin Sanz de Belgit, & Sago Frutgon Zalmedina, & Castange; & Pere Petit, & Frutgo Lopiz de Ayerbe: & Sancio Ioannes de Osca: & Ato Garcez de Petrafelice: & Ferri de sancta Eulalia, & Ioanne Galez de Andilgon: & Lop Fortungones de Albero: & Exemeno Garcez de Rotellare, S. Exemenon: Garcez Lobielgo; & Tizon, & Frutgo Ioannes, & Comite Bernardo Ramon, & Belenguer Gombal; & Pere Gazbert; & Pere Miro Dentexca; & Ramon Pere de Herille, & Ramon Amat. Et nullos homo, qui istos fueros suprascriptos vos volueris disrumpere, dirruite illum, vel tota sua causa intus in Zaragoza, vel foras, ubic. mg. inueneritis, & insuper peytet mihi mille morabedinos.

Signum Regis



Adefonsi.

FACTA Carta Donationis de istos Fueros suprascriptos sub Era MCLIII. in illa Acuda Ciuitatis Zaragoza, in mense Ianuario, in ipso anno, quando fuit capta predicta Ciuitas Zaragoza, Regnante me Dei gratia Rex in Aragon, & in Suprarb. siue in Ripacurtia, & in Pampilona, vel in Castella. Episcopus Petrus electus in Zaragoza. Episcopus Stephanus in Osca. Episcopus Raimundus in Rota.

Ego Sanctius de Bue subiussione Domini mei Regis hanc Cartam scripsi,  
& de mea manu signum fecit.



S. RAIMVNDI COMES.

Sign. Regis Ildefonsi, filius Barcinonensium Comitum, & laudo, & confirmo hoc suprascriptum.



At verò hæc duo Raimundi Comitum, ac Ildefonsi filii signa in Archetypo statim post signum Adefonsi Regis continentur; ante id quod legitur, *Facta Carta Donationis* & cetera: quasi hi tres Reges huiusmodi Priuilegii concessioni simul affuissent. Quod nequaquam fieri potuit. Vetus autem apud nostros prius Reges consuetudo fuit, ut cum aliquod Priuilegium ab alio Rege antecessore concessum confirmabant; minimè istius confirmationis nouum Priuilegium, siue scripturam conficerent: sed in ipsomet antiquo, quod laudabant, suarum Signa Confirmationum apponerent: aliquando post signum concedentis, ut ibi; aliquando post signum scriptoris, quod frequentius fieri solebat. Id verò minimè intelligentes nonnulli, forsannuenerent, hos tres Reges simul eo tempore affuisse. Ac ne similis error quempiam offenderet: nos hic consulto in extremo, post scriptoris signum, Comitum, & filii signa apposuimus: quæ etiã diuersis temporibus, ab eisdem ibidem adhibita fuisse, intelligendum est. Hæc enim confirmandorum Priuilegiorum formula antiquitus maioribus nostris sufficere videbatur. Ex hoc igitur Priuilegio clarè liquet, Cæsaraugustam Vrhem Ann.  $\infty$  CXV. qui Aeræ 1115. MCLIII. in eo appositæ æquè conuenit, ab hoc Rege Alfonso vendicatam fuisse. Illud autem hoc loco est obseruandum, eo tempore, annorum seriem, non à Natali die Christi, quemadmodum postea lege cautum fuit, sed ab Incarnatione apud nos peti consueuisse. Quo pacto illa Alfonso verba, dum, *in mense Ianuario*, dixit, *quo anno Vrbs capta fuit*, sunt accipienda. Anni enim ab Incarnatione initium in mense Martio sumi debere, perspicuum est: proptereaque Decembris mensem, in quo vrbs capta fuit, ac Ianuarium sequentem, quo dictum Priuilegium Alfonso irrogauit, in eundem prorsus Incarnationis annum incidisse. Ipsi autem Priuilegii fidem aliud quoque graue testimonium confirmat, scilicet Petri Regis III. qui Ann. MCCXXCIII. in Comitibus Cæsaraugustæ



habitis, in quibus Generale, quod vocamus, Priuilegium concessum est, dum Cæsarauguste Priuilegia à maioribus irrogata, rata haberi voluit, eadem recensendo, istius meminuit, illiusque concessione sub eadem Aet. M. C. L. I. I. annotatione supposuit. Vix autem Centum, & septuaginta anni interfuere ab hoc Rege Alfonso ad dictum Petrum III. quem credendum non est in ipsius Priuilegii concessionis recitatione aberrasse, cum vtriusque ipsorum Regum tempora quodammodo fuerint propinqua. Itaque quauis in aliis Priuilegiis contineatur, Cæsaraugustam Urbem, alio fortasse tempore fuisse captam; sanè quidem huius à nobis paulò ante inserto standum est, quòd eidem Vrbi ab eodem Rege, qui eam expugnauit, concessum fuerit, ab eoque tempore huc vsque maxima cura, ac diligetia in publico illius Tabulario seruatum. Quam nos computationem in Fastis sequuti sumus, dum Petrum Eximium, primum Iustitiam Aragonum, post Mauros Cæsaraugustam pullos sub dicto Ann. Chr. M. C. X. V. annotauimus. Priorem enim illius mentionem in eodem ipso Priuilegio inuenimus, inter alios Testes Confirmatores ibidem appositos. Atque hæc de anno, quo Cæsaraugusta Vrbs Maurorum iugum euasit. De die vero, certi nihil habeo, quod possim asserere. Surita, & alii, quarta feria, id est, Mercurii die, decimo octauo Decembris, eam fuisse captam tradunt. Sic tamen existimo; eo decimo octauo die Decembris, urbem fuisse in deditionem redactam: mense autem Ianuario sequenti, Alfonso Regem, eam primum introisse; idque quemadmodum hætenus receptum est, Sacro Epiphaniæ Festo, à quo fortasse liberationis diem numerandum duxerunt. At verò fas erit intexere hoc loco, quæ nuper annotata inueni in vetusta membranula, in Tabulario Cæsaraugustani Archiepiscopi recondita, Gothicis antiquis literis, puluere, ac vetustate corrosis, exarata; sed quæ tamen legi potuerunt: ut aliis, quæ tot exstant, illustre hoc etiam accedat veteris sanctitatis, Augustissimæ, & Religiosissimæ Ecclesiæ, Beatissimæ Virginis Mariæ quam de *Pilari* vocamus, testimonium. Cuius Fani tanta fuit, ac nunc est etiam religio, ut cum illuc eamus, non ad eam Virginis, sed ad ipsam Virginem videamur proficisci. Ad illud igitur instaurandum, quòd esset ruinofum, his verbis idem, quem nominauimus, Petrus Librana Episcopus vniuersos Christiani Orbis fideles excitabat.

VNIVERSIS mundi Ecclesiæ fidelibus, Archiepiscopis, Episcopis, Abbatibus, Presbyteris, omnibusque Catholica Fidei cultoribus, Petrus, licet indignus, Cæsaraugustanus Episcopus Salutem, & obedientiam. Diuina fauente clementia, vestrisque precibus, & fortium virorum audacia, Cæsaraugustanam Urbem Christianis manibus subiugari, ac Beata, & Gloriosa Virginis MARIÆ Ecclesiam (qua diu prohi dolor subiactis perfidorum Sarracenorum ditioni) liberari satis audiuistis. Quam BEATO, ET ANTIQVO NOMINE SANCTITATIS, AC DIGNITATIS pollere nouistis. Adhuc tamen prioris captiuitatis mœrore confectam, omnibus pæne necessariis egere sapiatis: tum quia non habent, unde diruti Ecclesiæ præfata parietes, & ornamenta restitui valeant: tum quia Clerici ibidem Diuino famulatu die, nocteque vacantes, unde viuunt, non oblinent. Vestram itaque deprecamur clementiam, quòd si corporali præsentia illam visitare nequitis, saltem eleemosynarum vestrarum oblatione clementer visitetis, illud Psalmographi recolentes: *Beatus, qui intelligit super egenum, & pauperem: in die enim mala liberabit eum Dominus.* Prima enim tantummodo sunt singularum vocum elementa notata. Illis verò, qui præfata Ecclesiæ necessariorum solatio destituta, ac qui suæ paupertatis gemitibus condoluerint, & unum denarium, vel quid valeant, ad eius restorationem miserint; Nos eis, Diuina clementia, ac Domini Gelasii Papa auctoritate freti (exemplar literarum cuius, quas in nostra Ecclesiæ signatas habemus, in subscripta pagina scriptum inuenietis) atque Domini Bernardi Archipraepositi Toletani, & Sanctæ Romanæ Ecclesiæ legati; ac omnium Episcoporum Hispaniæ . . . . . penitentia remittimus. Aliis quidem iuxta beneficiorum suorum quantitatem, & operum suorum meritum, delictorum suorum consequantur remissionem. Qui hunc nostrum Archidiaconum, nomine Miorrandum, & socios suos, præsentium literarum latores, benignè susceperint, & eis consuluerint; à Domino vitam consequantur æternam. Valete.

GEL. Episcopus seruus seruorum Dei. Exercitui Christianorum Ciuitatem Cæsaraugustanam obsidenti, & omnibus Catholica Fidei cultoribus Salutem, & Apostolicam benedictionem. Literas deuotionis vestrae inspeximus, & petitioni, quam pro Cæsaraugustano Electo ad Sedem Apostolicam duxistis, fauorem libenter accommodauimus. Eundem ergo Electum, nostris, & quam beati Petri, manibus largiente Domino consecratum, remittentes ad vos, Benedictionem vobis Apostolicam



lice visitationis impendimus; aquam Omnipotentis Dei misericordiam implorantes; ut per Sancto-  
rum preces, & merita, opus suum, ad honorem suum, & Ecclesie sue dilatationem, vos faciat operari. Et  
quoniam & vos ipsos, & vestra extremis obviare periculis decreuistis; si quis vestrum, accepta de per-  
catis suis poenitentia, in expeditione hac mortuus fuerit: Nos cum sanctorum meritis, & totius Ca-  
tholice Ecclesie precibus, a suorum vinculis peccatorum absoluiamus. Ceterum qui pro eodem Domi-  
ni seruitio, vel laborant, vel laborauerint, & qui praefata Urbis Ecclesie, à Sarracenis, & Moabitibus  
diruta, vade reficiatur, & Clerici ibi Deo famulantes, vade pascantur, aliquid donant, vel dona-  
uerint: secundum laborum suorum, & beneficiorum suorum, Ecclesie impensorum, quantitatem, &  
Episcoporum arbitrium, in quorum parrochiis degunt; poenitentiarum suarum remissionem, & in-  
dulgentiam consequantur. Data Alesti 1111. Idus Decembris.

Ego Bernardus, Tolitana Sedis Archipræsul, hanc absolutionem facio, & confirmo. Ego  
Subof. huanus Episcopus hanc absolutionem facio, & confirmo. Ego Sanctius, Calegorritanus E-  
piscopus, hanc absolutionem facio, & confirmo. Ego Guito, Lascurrensis Episcopus, hanc absolu-  
tionem facio, & confirmo. Ego Boso, Sancta Romana Ecclesie Cardinalis, hanc absolutionem facio, &  
confirmo.

UT ad institutum igitur sermonem redeamus: Alfonso Rex, tantæ Urbis ditione ad-  
quisita, illustrius, præter ceteros omnes Reges, Aragonum Regnū, ac nomen effecit. Sa-  
cro enim hoc bello tam gloriose confecto, ut idem Surita recte in Indicibus prodir, & fi-  
nitimorum Maurorum Regum, & longinquorum etiam animi submissi fuere: quos idem  
Alfonso Rex quamdiu vixit, continuo laceffuit. Nequaquam autem his tantum implica-  
tus præliis, vitam traduxit; sed uxoris etiā, ac quandoque externis. Nam præter varios bel-  
lorum tumultus, quos, dum Vrracæ uxoris in continentia reprimere studuit, in Castella,  
ac Legione magna cum laude composuit: ad Baionam Urbem expugnandam, quæ ab illius  
imperio, ut suspicor, defecisset, trans Pyrenæos montes magno comparato exercitu pro-  
cessit. In cuius Urbis obsidione, An. Chr. MCCCXXX. testamentum ab eo conditum perhi-  
bent: in eoque quia prole carebat, Ranimirus autem frater sacris initiatus, Monasticæ vitæ  
instituti erat astrictus; Militaribus Ordinibus Sepulchri, Hospitalis, ac Templi, qui illis  
seculis erant illustres, hereditario iure omnia sua Regna donasse. Vnde nostris magnæ, ac  
ingentes rerum turbationes excitatae sunt. Alfonso autem Rex à Baionæ obsidione ina-  
nimis rediens, impios hostes perpetuo afflixit. Tandem qui per quadraginta annos assidua  
bella gerens, unde tricies, collatis signis, cum hostibus dimicarat, ac propterea Pugna-  
cis, & Bellatoris Principis Cognomen tum adsciverat; derisorio quodam certamine, ad  
Frugim, antiquam Gallicam Flauiam, siue vtrali tradunt, ad Sarinienæ muros dimicans,  
occubuit A. D. VII. Id. Sep. Ann. Chr. MCCCXXXIV. licet alii Ann. Chr. MCCCXXXIV. eum  
obisse ferant: quorum sententiæ libentius assentior. Nuper enim in extremo Priui-  
legio Alfonsi Regis, istius priuilegi, quod in Tabulario Cæsaraugustanæ Ecclesie asserva-  
tur, notatum inueni. *Facta carta Ar. MCLXX. 1. quo anno mortuus est Aldefonsus Rex*  
*Aragonum.* Ea autem Aera posteriori anno conuenit, non autem priori. Inde no-  
stris Tertium Interregnum patuit, non tam diuturnum illud, quam turbulentum, & in-  
sedatum. Ipso enim Alfonso Rege deficiente, cum testamento heredes, Regnorum do-  
minatum adire niterentur; eis resistere oportuit, ac Ranimirum Alfonsi fratrem, quam-  
uis Monachum, & religionem abstrahere, & ad Regna capefcenda commouere. Nostri  
enim Regnorum iuri minimè in quoquam à Rege Alfonso præiudicium aliquod inferri  
potuisse affirmabant. Atque hinc euēit, quod Excellentiſſ. Archiepiscopus Ferdinan-  
dus scitè, quemadmodum alia omnia, asserbat: nimirum, ut cum istius Alfonsi Regis  
corpus nusquam neque viuum, neque mortuum inueniretur; variæ de eo fingerentur  
fabulæ. Consultò autem à nostris illius cadaver celatum fuisse, ut donec de eo constaret,  
testamento viribus carente, ex ista maiori temporis prodaſtione, nostri ad Regni statum  
firmandum & componendum, meliorem ducerent opportunitatem. Atque hæc de Al-  
fonsi Regis interitu. Iustitiæ autem Aragonum, qui eius tempore inueniuntur, ii sunt,  
quos primos in nostris Fastis annotauimus. Petrus Eximini: Sanctius Fortunionis: San-  
ctius Galindi: Lupus Sanz: & Fortunius Azenarii. De quibus alias pluribus. Nunc enim  
nuda eorum nomina hic apponenda duximus, ut memoriam tantum recolamus: licet  
de eis, ac ceteris omnibus postea agendum sit; atque eadem hæc ipsa repetenda.

## DE MIRANDO BEATÆ Mariæ DEL PORTILLO

AD CÆSARAUGVSTAM VRBEM

Miraculo.

QUANDO QUIDEM autem his temporibus, tamen ceteram illorum rationem  
ignoramus, ingens Cæsaraugustanensi Vrbi à cælo collatum beneficium prodir, quod



non modò communi omnium tradiuione, verùm etiam variis templorum structuris, ac religiosissimo Delubro, tantæ rei consecrato, certissimum semper apud nos habitum fuit: res digna visa est, vt illius hoc loco aliquam mentionē faceremus: ne tantæ gratiæ, ac Diuini fauoris recordatio, aut deleatur obliuione, aut vlla vnquā senectute languescat. Ea siquidem miranda res est, quā ad Beatissimæ Virginis Mariæ, *del Portillo* propterea vocatæ, Sanctissimæ nunc Ecclesiæ locum nostris contigisse proditur. Ipsi verò narrationem Adriani Pont. Max. verbis persequar: vt illius Sanctissimi Pastoris sermone conscripta legatur, ne mei miserrimi homunculi inopi, ac soniti lingua taceat. Adrian⁹ itaq; in quibusdam literis Indulgentiarū eidem Ecclesiæ concessis, de hoc celebri miraculo verba faciens, ita subdit. *Olim (inquit) cū Christi fideles Ciuitatē Casaraugustanā contra Maurōs infideles Catholica Fidei hostes, qui tunc dictā Ciuitatē occupabant, expugnarent: quadam Imago eiusdem Beatæ Mariæ miraculosè in Ecclesia ipsius Beatæ Mariæ del Portillo Casaraugustanēsis eisdem Christi fidelibus, dum bellū aduersus eosdē infideles gererent, apparuit. Cuius visionis fauore, & auxilio, præfati fideles victoriam aduersus eosdē infideles consequuti fuerunt. Et extunc omnipotens Deus, meritis, & intercessionē eiusdē Virginis Mariæ, cribra miracula in eadē Ecclesia operari indies dignat⁹ est.* Scio aliter rē hanc in eiusdē Ecclesiæ Tabulis contineri: scilicet, Mauris Casaraugustam Urbē, quā nostri iam obtinuerant, noctu clā inuadere contendentibus, quadamq; muri parte ab eis conuassata, & diruta: Sanctissimā Dei Genitricem Mariam, cælesti Angelorū agmine coacerbato, ipsis infidelibus restitisse, ac ne Urbis sibi charissimæ potirentur, illius se præbuisse propugnatricem, ac murum. Propterea nostros mœnium reparandorum negligentiores redditos, firmam, ac saluam Urbem ipsam statuentes, quæ eiusdem Virginis patrocinio muniretur, in ipsius verò muri diruptionis loco, quo cæleste signum apparuerat, sacrum ibi templum construxisse, tantæ rei consecratum; quod, nomine inde sumpto, sub Beatæ Mariæ *del Portillo* memoria, celebre nostra hac ætate inuifitur. Alia etiam sacra delubra in eorundē mœnium continuatione ædificasse, eidem Sanctissimæ Virgini dicata: nempe vt, tota Vrbe ipsius templis circumdata, & quasi circumscripta, celebre tantæ rei, ac perpetuum signum exstaret. Siue autē iuxta Adriani narrationem, siue iuxta ipsius Ecclesiæ Tabulas, res ipsa contigerit: quoquomodo ea se res habuerit, Urbē ipsam, Virginis patrocinio liberatam fuisse, certum est. Nos propterea præ ceteris omnibus eidem obsequentissimos, deuotissimosque esse oporteret: cū non solum in ipsa nascentis Ecclesiæ, Catholicæ Fidei propagatione, Casaraugustam ipsam fecundiori sobole ornatam, primo extoto Orbe terrarum Templo, sub eius Sacratissimo Beatæ Mariæ *de Pilari* nomine, in ea ædificato, locupletare dignata fuerit: sed & in ea, quamuis Arabibus subacta, veræ Fidei semine retento, Muzarabes Christianos, piumquē semper cultum conseruandum curarit: nunc verò semetipsum ad infidelium impetus, quasi murum quendam, ac propugnaculum opposuerit. Inde verò, ni fallor, prisca hæc ipsius Casaraugustæ Urbis insignia, sumpta fuere: quæ apposita inueni in vetusto quodam sigillo cereo impendenti: quod in antiquis quibusdam literis in Tabulario Ecclesiæ Beatæ Mariæ *de Pilari* reconditis annotaui. In quibus expresse continebatur, hoc esse Sigillum maius Ciuitatis Casaraugustæ. Sed de his satis. Nunc de tertio Interregno.



## TERTIVM INTERREGNVN.

ITA Q. vteo vnde digressa est, nostra reuertatur oratio, post Alfonsi Regis, ad Fragā interitum, Tertium nostris Interregnum datum est. Eo enim sine prole decedente, variæ super Regnorum successionē obeunda ortæ sunt disceptationes. Militares enim Ordines, quibus Alfonsus ipse noster Rex testamento Regna legarat, ea sibi propterea hereditario iure obuenisse dicebant. Castellæ autem Rex, nostri Alfonsi priuignus, qui Alfonsus etiam, ac imperator vocabatur, Regna sibi auita successionē pertinere affirmabat. Nostri verò, ac Nauarrenses, qui simul de cooptando Rege consilia inibant; sibi id munus conuenire asseriebant; quod neque Alfonsi testamento, neque alio quouis modo potuisse tolli affirmabant; nec in quoquā sibi abrogari. Propterea neque Castellani Regis, nec Militarium Ordinum imperio parendum decreuerunt. Immo ad eligendum sibi Regem properantes, ad antiquam Belsinum, Burgiam nunc Urbē, Comitibus indixerē. Eo autem tempore Burgiæ dominabatur, quidam primarius vir, Petrus Ataresius, qui ceteris omnibus Regnorū fastigio dignior habebatur: tum quod

eis longè



eis longè potentia antecelleret, tum etiam quòd esset Regali sanguine ortus. Garfias enim Infantus, & Theresia Caxalis filius erat: Sancti Ranimiri Ripacurtiensis Comit-  
 is (quandoquidem ita placet nonnullis) nepos; Ranimiri autem Regis pronepos. Ataresii verò cognomentum sumpserat, ab Ataresia ditione, qua etiam fruebatur: ac  
 quam sub Comitatus nomine antiquitus nominatam legimus. Priscis tamen quibusdam  
 monumentis annotatū inueni, ipsum Sanctum Ranimiri, Ripacurtiensem Comitem,  
 prolis expertē obisse. Siue autem ab eo, siue aliunde fortasse duxerit originē; omnes scri-  
 ptores consentiunt, Petrum hunc Ataresium Regio esse genere natum. Nostri ergò,  
 ac Nauarrenses in ipsis Burgiensibus Comitibus, omnium suffragiis annuentibus, in hoc  
 tandem conuenere: vt eundem Petrum Ataresium sibi in Regem cooptarent. Cumque  
 propterea ad eum legationis munere duos primarios Viros destinassent, Petrum Tizoni-  
 um Cadreytam, ac Pelegrinum Castellezuelum, Regale munus, ac nomen, pergratum  
 certè nuntium, oblaturos: quæ communis omnium sententia est, Petrus ipse Ataresius  
 adeo se legatis insolentem præbuit, vt omnes in sui odium concitaret: Regnumq; prius a-  
 mitteret, quàm obtineret. Nostri etenim merito tam intempestiua superbia stomachati,  
 quos in eum coniecerant oculos, illico ab eo auerentes, cōsiliis mutatis, Comitia ipsa ad  
 Montionis opidum transtulerunt. Nauarrenses autem à nostris dissidentes, à Burgiæ  
 opido ad Pompelonem Urbem properarunt. Ibi Comitibus habitis, licet varia propo-  
 sita fuerant consilia, tandem vno omnium ore Garfiam Ranimiri, Montionis dominum,  
 sibi in Regem cooptandum decreuerunt, clam ad eum propterea legatos mittentes. Is  
 autem Garfias, Sancti Nauarrensis Regis à Raimundo fratre ad Rotam interfecti, ne-  
 pos erat; Ranimiri scilicet, ipsius Sancti filii, Cidi autem generi, filius; propterea ab o-  
 mnibus, Garfias Ranimiri vocabatur. Eum Alfonso noster Imperator, qui Cæsaraugu-  
 stam cepit, Montionis opido donat; ac Mergelinam, Rotronis Perticarum Comitibus  
 filiam, & heredem, illi in coniugem dederat. Montione autem aderat, tanquam Arago-  
 nensis Ricus homo, suum in electione Regis facienda suffragium laturus. Atqui dum  
 accepit se à Nauarrensis Regem euocari; clam Montione egressus, in Nauarram pro-  
 ficiscens, Pompelone Nauarrensis Rex statim salutatus est. Tunc denuo Nauarra Re-  
 gnum ab Aragonum ditione seiunctum fuit. Diuturnior verò, quàm ceteræ omnes,  
 hæc exstitit huiusmodi Regnorum seiunctio. Nostri, ea re comperta, imminenti timē-  
 tes pericula accelerandum rati, ne externo dominatui parent, Ranimiro Alfonsi fra-  
 tri, licet Monacho, Sacerdoti, ac Episcopo, Regnum ipsum, omnium suffragiis, detule-  
 runt. At verò læceranos ex omnibus primos in hanc sententiam, voluntatum inclina-  
 tione, propendisse, idem ipse Ranimirus Rex, auctor est. Tam festinanter verò ea res  
 confecta proditur, vt vnico tantum mense Interregnum hoc absolutum fuerit. Mense  
 enim Octobris eiusdem anni, quo Alfonso frater obierat; Ranimirum in Regno pater-  
 no regnantem, ac Regem, & sacerdotem nuncupatum, in publicis monumentis inueni-  
 ti, Surita noster in primis testatur. Eodeniue in Regem adscito, Castellani Regis, ac  
 Militarium Ordinum iura circa Regni obreptionem caduca, ac inania reddita fuerunt.  
 Atque hic fuit insignis Tertiū huiusmodi Interregni exitus, & finis apud nos.

## RANIMIRVS II. MONACHVS, ARAGONVM REX X.



**T**ERTIO itaque huiusmodi acto Interregno, Ranimirus II.  
 Regnorum culmen adsciuit. A Rotensi autem Urbe, in qua E-  
 piscopus sedebat, ad Olsā delatus est: vbi Regale sumpsit diademā,  
 ætatis suæ annū agēs quinquagesimū. Nec verò in longinquū distu-  
 lit tempus, læceranis ipsis se gratū præbere: eos enim quamprimū,  
 quòd benè meriti fuissent de se, vt paulò est antedictū, magnis ho-  
 noribus, ac beneficiis ornandos publica rogatione decreuit. Castel-  
 lanus autem Rex, Alfonsi mortui priuignus, qui Alfonso in idem, ac  
 Imperator vocabatur, Aragoniā ditionē ad se auita successione per-  
 tinere, Sancti siquidē Maioris iure, contendens; cum ea fuisset illū

frustrata spes, quam animo conceperat, se à nostris Regem euocatum iri: subita inuasio-  
 ne, Darocam, Calataiubium, Cæsaraugustam, & alia plurima cis Iberum opida mense  
 Decembris proximo occupauit. Ipse enim Ranimirus nedum eadem defendere ne-  
 quiuit: verum satis sibi, superque esse statuit, si se tueri, contra tantam potentiam  
 inimici, in Monclusi arce, aliisque montosis locis antriqui Suprarbiensis Regni, ad quod  
 recesserat, valeret. Quamuis autem Castellanus ipse Rex vniuersæ Aragonum ditionis  
 impemum ambiebat: tantummodò ea, quæ diximus, opida inuasit; nec trans Iberum pe-



dem posuisse apparet: sed solum Cæsaraugustæ Urbis, aliarumque cis Iberum Regionū, sub Cæsaraugustanēsis Regni nomine, aliquibus diebus fuisse positum. A quo dum Cæsaraugustam obtinebat, hisce nempe temporibus, Priuilegium illud irrogatum est, cuius idē Michael del Molino in suo Repertorio meminit, sub verbo, *Priuilegium*. Incipit quoque *In Dei nomine. Hæc est Carta de Foros, & Vsatikos, & quæ sequuntur.* Tamen si idem Michael del Molino nomen Alfonti, & Imperatoris similitudine deceptus, ab Alfonso nostro Imperatore concessum autumat. Minimè verò, sed huic eius priuigno tribuendum est. Quem etiam fertur, cum Legionensis Imperator ab ipsa Legionēsi ditione, quam possidebat, vocaretur; tunc quoque Cæsaraugustæ ipsi Vrbi præclara, quæ nunc gestat, Leonis Insignia statuisse, ut eiusdem Legionensis Imperii signis, atque ornamentis decorata maneret. Propterea coniicimus Leonem illum paruulum appositum fuisse in extrema parte illius Sigilli maioris; de quo paulò ante verba fecimus. ut Cæsaraugustam ipsam Urbem, cum primùm ab hoc Legionensi Imperatore eis Leonis Insignibus ornata fuit; non ea sola, sed prisca illis, ac prioribus mista, quæ superiora in eodē Sigillo visuntur, gestare solitā arbitremur. Postea priorib⁹ omissis, recentiora hæc, quibus nunc vitur, eidē manserunt Leonis solius ornamenta. Ac quibusdā etiā antiquis monumentis obseruauī, eadē hac ipsa tempestate, Cæsaraugustam Urbē, quasi obsidē, ab ipso Garzia Nauarræ Rege obtentam fuisse, pro eodē Legionensi Imperatore: quē, *petitum*, id est, paruulū nominatū inuenio; non quod paruæ ditionis dominaretur, ut volunt nonnulli, sed, ut mihi magis placet, quod corpore esset pusillus. In tam aduersum, iniquumque casum his, de quibus agimus, temporibus Aragonii nominis maiestas deuenit: ut Castellano Regi licitum esset, nedum Cæsaraugustæ Urbis quietē potiri, sed eandem & Priuilegiis, & Armorum quoque Insignibus honestare. Quin & in deteriore etiam fortunam Regnum nostrum deuenisse perhibent, cum, ut ferunt, Ranimirus ipse coactus fuerit Castellani eiusdem Regis imperio parere. Nostri maiora adhuc publicis rebus detrimenta ventura pertimescentes, si Ranimirus sine prole decederet: quamprimùm totis viribus ab Anacleto I. Pont. Max. siue, ut alii tradunt, Innocentio II. obtinere curarunt, ut Ranimirus ipse Rex, votis solutus, ad nuptias properare posset. Fuerat enim, viuentē patre, pænē infans, Diui Benedicti instituto in Tomariensi cœnobio additus. Sacris postea Ordinibus initiatus, ex Sahagunensi illustri Abbatia, qua eum Alfonso frater donarat, Burgenſi primùm, deinde Pompelonensi, ac Rotensi, seu Balbastrenſi tandem Episcopaliſ Ecclesiis præpositus. Denique Apostolicæ Sedis gratia obtenta, Ranimirus, Aquitanix Ducis, Pictonumque Comititis, siue sororem, siue, ut alii perhibent, filiam Agnetem: quam alii Mathildem, alii Vrracam nominant: in coniugem accepit Ann. Chr.  $\infty$ xxxv. Ex qua, vnica filia, quam genuit, Petronilla, dum postea fuit Barcinonenſi Comiti Raimundo desponsa, secunda ab ipsis propagata sobole, Aragonum Regnum ab imminētibus, quæ timebantur, externi imperii obscundi periculis liberauit; & Cataloniæ Principatu Aragonum ditioni subiuncto, posteris Regibus, ad maritimas oras, longinquaque Regna appetenda vberissimum aditum patefecit. Sed hæc aliàs pluribus. Iam verò Ranimiro ipsi in sui Regni initiis variā rerum euenta contigisse feruntur. Priuatis enim quibusdā monumentis, antiquis tamen, testatum comperio, eo, ac dicto Garzia Nauarrenſium Rege conuenientibus, quod Ranimirus se Nauarrenſi Regno exactum grauiter conquereretur, eam tandē pacationem initam fuisse inter eos, ut in Nauarrenſi ditione Ranimirus plebi; Garzias verò vniuerso militari Ordini præſſet. Atque hinc fortasse Nauarrenſis Rex, nostri Ranimiri *Vasallus* appellari, cœpit. Iam certum est, Garziam ipsum aliquandiu illud suum Pompelonense Regnum, sub istius nostri Ranimiri Regis imperio, atque ut in prisca ipsis monumentis legitur, *manu, tenuisse.* Ex quibus hoc tantum adducam Archetypum Priuilegium, è Xixenenſi Tabulario depromptum.



S V B. Christi nomine, & eius diuina clementia, videlicet Patris, & Filii, & Spiritus Sancti. Amen. Ego quidem Ranimirus, Dei gratia Rex, facio hanc cartam Donationis vobis Don Pere Ramon de Stata. Placuit mihi libenti animo, optimo cordis affectu, & spontanea voluntate, & propter seruitia, quod fecistis totum tempus ad fratrum meorum, Rex Dopus Petrus, & Rex Ildesoforus, quibus fiat requies, & modo facitis ad me, vel in antea feceritis. Dono, & concedo vobis Castrum, & Villa, qua dicitur Set Castella, totum ab integri cum suis terminibus, & directaticis, eremis, & populatis, & montibus, & aquis, & palustris, & cum omni



dimi censu, quod mihi pertinet ibi, vel pertinere debet ad meam Regalem personam, & vocem. Et ut habeatis, & possideatis hoc totum meum donativum superscriptum, quod habeatis, & possideatis ingenuum, & liberam, & francum, & quietum, & securum, vos, & filii vestri, & omnis generatio, vel posteritas vestra per sacula; salva mea fidelitate, & de omni mea posteritate per sacula cuncta. Amen. Et hoc superscriptum Donativum dono vobis pro hereditate, & filiis vestris, & omnis generatio vestra, per facere inde totam vestram voluntatem; quomodo de vestra propria hereditate, cum toto suo termino, sicut unquam melius habuit supradicto Castro Set Castella.

Signum Regis



Ranimiri.

FACTA vero hanc Cartam Donationis Ara T CLXXIII. primo die Februarii, in Monte Aragon. Regnante me Dei gratia in Aragon, & in Suprarbi, sive in Ripacurtia. Garzia Ranimiri, sub mea manu Rex in Pampilonia. Episcopo Don Dodo in Osca, & in Iacca. Episcopo Garcia, in Cesar Augusta. Episcopo Michael, in Tarazona. Comes Arnal Miro Palgarensis, in Boil, & in Fontevia. Ergon Galindez, in Osca, & in Alquezare; Ergondat, in Balkastro, & in Petra Selez. Ergo Galindez, in Gulasanz. Enneco Lopez, in Napal, & in Castro iam predicto. Pere Ramon, in Stata. Almazon, in Monteciso. Michael de Rada, in Petrarubea, & in Tronzeto. Per Gozpet, in Sancto Stephano de illo malio. Pere Mur, in Banauire.

Ego Raimundus scriptor, sub iussione Domini mei Regis hanc Cartam scripsi: & de manu mea hoc feci.

SIGNVM



Nunc enim ea T numeri nota millesimum numerum significat: propterea iam supra in aliis quamplurimis perspicui potuit. Fit autem inde, ut Aera millesima centesima tertia ibi apposita, dicto Anno MCCCXXV. conveniat, quo Ranimirum nostrum Regem, duxisse uxorem, retulimus. Verum, minime his pactis Reges diu stetit: apparet; sed in maiori quam antea dissidio mansisse. Garzia vero secundissime eueniunt res. In hac enim tanta turbatione, Nauarrense, seu Pompelonense Regnum ab Aragonensi disjungere, & illud nedum, quamdiu vixit, integrum retinere valuit, sed posteris firmum, ac stabile constituere. Ea fuit egregia illius animi virtus, ac fortitudo. Nostri vero Ranimiri tanta ingerendis rebus inertia, atque ignavia, ut omnibus esset ludibrio, ac contemptui; Regnumque a proceribus misere labefactari patere videtur. Sed tamen illum postea in eos grauius sauitum memorant, xv. primariis viris ad Oscam Urbem ab eo morte mactatis: Idque Frocaldi Tomerensis Abbatis monitu factum fuisse; perculgato illo renouato exemplo, quod a Periandro cuidam Thrasibulo propositum tradit Aristoteles. Quo, licet tetro satis, facinorose suorum insolentiam commpressit. Eam etiam tradunt, Castellani Regem Alauonae, nunc Alagonis, in opidum sacro Diui Bartholomaei die Ann. Chr. MCCCXXVI. conuenisse: ibidemque de pactos; ut Petronilla filia, quae vix annum compleuerat, Alfonso ipsius Castellae Regis filio grandiori esset nuptura: Ranimirusque quamdiu viueret, Cesar Augustanensis Regni potiretur. Quarum nuptiarum, ac pactiois obsidem ipsammet Petronillam a socero Rege acceptam memorant; ab eoque ad Castellae Regna delatam: ubi eam, Petronillae nomine mutato, Vrrac am appellauere. At nostros, quibus huiusmodi iniuria confilia vehementer displicuerant; inde puellam deducere summo opere contendisse ferunt; etiam fingentes eam, male se extra patriam habere: ut hoc commentitio, & simulato valetudinis infirmiae rumore, ad suos reuocata, Barcinonensi Comiti in matrimonium, quod magis appeterant, collocarent. Ergo quod institutum fuerat, effectum est. Ob eam enim, tametsi confictam causam, quod agra valetudine premeretur, Ranimirus pater huc illam deducendam curauit: ac Raimundo Berengario, Barcinonensi Comiti, strenuo; ac magnanimo Principi in futuram coniugem dedit, ac Aragonum Regnum dotauit. Ea tamen lege, & condicione, ut Ranimiro viuentem, sub eius fide, ac imperio, Raimundus Regnum obtineret: Principisque Aragonum semper, Regis vero nomen nequaquam attingeret, sed illud sibi Petronilla sola filia vendicaret. Quod a Raimundo Comite ad vnguem seruatum memorant. Interea his nuptiis, ex pacto, & conuentu, ipsius Raimundi, maiorumque Barcinonensium Comitum Insignia, quatuor



baculi rubri, aureo in scuto positi, Aragonensibus Regiis Insignibus antelata, posteris Regibus, Regnoque iam propria manserunt. Ipse verò Raimundus, ut historici nō stritistantur, illico socero Regnum deiiciente, illius gubernationem suscepit: ac mense Octobris Ann. Chr. MXXXVII. a Casaraugustanensibus Regali pompa exceptus, eam Urbem ouans introiuit. Sed ego gesta hæc longius producerem; siquidem in annum sequentem. Nam sic in extrema parte Archetypi cuiusdam Priuilegii. *Facta Carta Æra MCLXXVI. pridie Idus Iunii, ipso anno quando reddita est Casaraugusta Comiti Barcinonensi.* Nisi fortasse hoc de restitutione à Castellano Rege facta intelligendum sit. Eum enim aiunt, Berenguelæ vxoris suasionibus, quæ soror Comitis erat, facile à suscepto destitisse consilio, rataque ac grata omnia hæc, quæ inter Ranimirum nostrum, ac Comitem pacta fuerant, habuisse. Sed priusquam Raimundus Comes Regni nostri gubernacula prenderet, à Rege socero, Regni Ordinibus contendentibus, præter futurarum nuptiarum foedera, arētissimi Iurisiurandi Religione, ac nouo quodam fidelitatis sacramento deuinctus fuit: ¶ Vti Aragonensibus nostris pristinos Foros, ac libertates esset inuiolatè perpetuò seruaturus. Propè autè Surita noster in suis Indicibus has tantas, & tam subitas nostrarum rerum mutationes, admirandas proponit; quandoquidem eas nostros infra triennium ferè molitos cernimus. Ranimirus ad sacrorum Religionem reuocatus, orbis iis rebus, quibus eum, nec voluntas, nec consuetudo assuefecerant, in Sancti Petri veteris Oïscensi Ecclesia quietam, ac liberam, superstitem duxit ætatem. An verò vxore mortua, vel dimissa, incertum est. Plerique mortuam credunt: alii dimissam. Sub ea enim lege sibi à Pont. Max. ducendæ vxoris facultatem concessam tradunt, ut cum primum prolem haberet, ad pristinum Religiosæ vitæ institutum rediret. Nec non & eundem ferunt subter Regales superiores vestes semper secum Monachalem habitum gestasse. Tandem A. D. XVII. Kal. Septembr. Ann. Chr. MCLXXVII. mortuus est, ac in eadem Ecclesia sepultus. Eo mortuo, Regia virili stirpe deficiente, Aragonum Regnum ad feminam delatum fuit, ipsam nempe Petronillam filiam, Barcinonensi Comiti in coniugem datam. Duos autem comperio tantum, sub Ranimiro Rege, Iustitias Aragonum extitisse: Ioannem Pelaium, & Athonem Sanz. De quibus plura alibi. Iam verò Barcinonensium Comitum originem, & progressum his Commentariis persequi, non tam laboriosum, quam nostro huic instituto inutile, ac infructuosum visum est: præsertim cum eorum narrationem abundè satis noster Surita & Latina, & Vulgari lingua complexus fuerit. Propterea nos consulo eam omittere decreuimus: ne plus, quam satis sit, huius voluminis magnitudo crescat.

PETRONILLA, REGINA ARAGONVM XI. ET RAIMUNDUS  
BERENGARIVS, BARCINONENSIS  
Comes, eius Vir.




BARCINONENSIS ergo Comes Raimundus Berengarius, Reginae Petronillæ futuræ sponſæ foedere pacto, ex Ranimiri Regis soceri, totiſque Regni voluntate, Aragonum Princeps designatus, ipſo etiã socero viuente, ut paulò ante dixi, Regni gubernationem suscepit. In qua ea segeſſit fide, prudentia, ac virtute, ut iure optimo sit præſtantiffimorum Principum numero adſcribendus. Ann. Chr. MCL. triennio ferme poſt ſoceri mortem, de pactas eas nuptias cum Petronilla vxore, quod iam nubilis eſſet, apud Ilerdam Urbem, quam ipſe bello adquiſerat, celebrauit. Nec longo quidẽ interuallo interiecto, Ann. Chr. MCLII. Regina filium peperit: qui, viuente patre, Raimundus vocatus fuit: poſt illius verò interitum Regina ſuperſtes Alfoſum illum nominari fecit. Alii etiã filii ex huiusmodi matrimonio geniti ſunt: Petrus, ac Sanctius. Filia quoque Dulcia, ſive Alduntia, ac Eleonora: quæ Armen-  
goli, ſive



goli, siue Ermengaudus, Vrgelitanus Comitum nupta fuit. Illa verò Sanctio, Portugalia Regi. Tum & Berengarius, filius illegitimus Principi tribuitur: qui Abbas Montis Aragonum primùm, Turiasonenſis deinde, ac Ilerdenſis tandem Episcopus creatus decessit. Sed præter Ilerdam Urbem, plurima alia insignia opida, strenua Principis virtute, ad nostram Catholicam Fidem reuocata fuere. Vnius tamen Dertusæ Urbis mentionem faciam, quod iure à me hoc loco intermitteri nequaquam debuisset, cum ab ea ipsi Comiti, & posteris Regibus, illustris Marchionatus Dertusæ titulus emanarit. Denique Raimundus Comes in Berengarii fratris, Narbonensis Prouinciæ, Braccatæ interdum appellatæ, Comitum, qui à suis occisus fuerat, necis ultionem ad Urbem Taurinorum proficiscens, letali morbo afflictatus, obiit in suburbano Sancti Danielis, siue Dalmatii loco, A. D. *xxx. Id. Aug. Ann. Chr. MCLXII.* Eius corpus in Cataloniam delatum est, ac in Riuipulli monasterio maiorum tumulo collocatum. Nondum enim absolutum fuerat Populeti monasterium, quod ipse Raimundus Comes ædificare cœperat; celeberrimum postea Regibus nostris monumentum. At Raimundum ipsum, morientem proditur, suum circa Regnorum successionem, testamentum, ac voluntatem verbo, multis adstantibus, protulisse: quod ad eam in scriptis redigendam nequaquam vita suppeditasset. Postea verò generalibus Comitibus à Petronilla Regina Oscæ conuocatis, testamentum hoc, licet solis verbis conditum, adhibita adstantium publica, ac sollemni iurisiurandi religione, ratum, ac sollemne decretum fuit: Alfonsusque filius natu maior, illius virtute, Reginaque matris annuente consensu, totius ditionis declaratus heres: qui deposito Raimundi nomine, Alfonsus, ut diximus, appellatus est. Tunc etiam ex Comitum decreto constitutum; ut interea dum filius, puer esset, Regina ipsa mater ad gubernacula Regni sederet. Cui rei in omnibus cumulatissimè fecerit satis. Fuit enim magni consilii femina. Et verò ut filius ad duodecimum peruenit suæ ætatis annum, statim ex ipsius Reginae matris consensu, Ann. Chr. *MCLXXII.* idem ipse filius Alfonsus gubernacula Regnorum suscepit. Ipsa verò Regina plura tantum intentare rebus deinceps vixit. Obiit autem Anno Chr. *MCLXXIII. A. D. III. Id. Octobris.* Barcinonæ sepulta iacuit. Sub cuius imperio plures Iustitiæ Aragonum Magistratum gesserunt: nempe, idem, quem annotauimus, Atho Sanz: Ioannes Didaci: Petrus Monius: filius Ioannis Didaci: Petrus Medalla: Galindus Garſia: Sanctius Garſia: Sancta Olalla: ac Petrus Ferdinandi Castrus.

## ALFONSVS II. CASTVS, ARAGONVM REX XII.



ALFONSVS autem II. Petronillæ Reginae, & Raimundi Comitum F. Aragonum *xi.* Rex, maiorum Regna adeptus, ea præditus fuit animi integritate, ac modestia, ut Casti Principis cognomen iure sibi optimo vendicaret. Non quod à ducenda vxore abhorreſceret. Ann. enim Chr. *MDLXXIV.* Sanctiam, ipsius Alfonsi Castellæ Regis, quem diximus Imperatorem vocitatum, & Richæ Augustæ secundæ illius vxoris, filiam, in coniugem accepit. Sed quod ipsius matrimonii ius castum semper, atque integrum seruarit: sequitur modum modestiæ, ac integritatis amatorem professus fuerit. Ex Sanctia filios habuit; Petrum, Regnorum heredem; Alfonsum; Sanctium; & Ferdinandum. Filias rotidem; Costantiam, Emerico Vngariæ Regi primùm, co-verò mortuo, Federico Romanorum Imperatori nuptam; Eleonoram etiam; ac Sanctiam, duorum Tolosatium Comitum vxorem; Dulciam quoque quæ in Xixenæ illustri ab his Regibus constructo Cœnobio sacrum viuendi genus amplexa fuit. Cui sociata Regina Sanctia, post Alfonsi viri interitum, superstitem vitam traduxit. At Alfonsus Rex postquam nonnulla opida Aragonum Regno subiūxit; ex quibus insignia fuere; Fauara; Maella; & Turolium; cui nouas leges sub Fororum Sepulcedæ nomine, concessit; Obiit tandem ad Perpiniani opidum *vii. Kal. Maii Ann. MCXCVI.* Ruscinonenſi Comitatu, ac Marchionatu Prouinciæ suæ ditioni adiunctis. In Populeti monasterio, quod pater inchoarat, ipse tamen ad exitum perduxerat, eius corpus terræ redditum fuit. Ipsius autem Regno, Magistratum Iustitiæ Aragonum gessisse constat; Sanctium Tobiam; Stephanum (eius enim gentilitium nomen adhuc latet) & Petrum Sessium. Ab hoc autem Alfonso Rege diui Valerii caput Cæsaraugustam, cui viuens Pastor præfuerat, delatum fuit.





PETRVS II. Alfonsi III. filii, patre mortuo, cui heres successerat, ad Darocam Urbē Comitibus indictis, Regale sumpsit diadema: præter maiorum consuetudinem, qui numquam eo insigniri assueverant, quousque connubii participes fierent, aut militari decorarentur honore. Tunc etiam omnia Honoraria iura, *Honores*, appellata, primariis Viris, quos Ricos homines vocabant, ademit: sed illi, protinus restituenda curavit. Grauius enim conquesti sunt: quod ex antiquo Iure, ac veteri instituto affirmarent, ea iura inter ipsos, quasi in orbem, versari necessario debere. Hinc serpente Magistratus Iustitiæ Aragonum dignitas cepit. Rici enim homines huiusce rei nouitate perculsi, à sua antiqua, & suprema potestate plurima detrahi libenter sustulerunt; dummodò Honores ii, quibus ad tempus tantum frui licebat, firmi, ac stabiles sibi, & posteris hereditaria, ac perpetua successione manerent. Labente autem Ricorum hominum dignitate, Iustitiæ Aragonum ius, ac iurisdicção concreuit. Sed de his aliis plura. Nunc ad Regis historiam redeamus: quem constat ex Folcalquerii Comitibus forbrina filium suscepisse, Raimundum Berengarium. Qui infantulus obiit. Matre quoque deinde mortua, cum idem Rex aliam duxisset uxorem, Mariam Montis Pselani Comitatus heredem, ab eaque sub cuiusdam affinitatis specie diuortium postea facere contendisset: re in contentionem vocata, Romam eum oportuit proficisci. Vbi mirifice exceptus ab Innocentio III. Pont. Max. in Ecclesia Sancti Pancratii, panis Azimi diademate cohonestatus fuit. Illud autem propterea ex pane conficiendum curauisse Regem, in præfati Excellentissimi Archiepiscopi scriptis continetur; quod cum Romanos Pontifices intellexisset, pedibus Diademata Regia Regibus ipsis imponere consueuisse, sibi ob reuerentiam panis, non pedibus; sed manibus imponendum esset. Denique ab ipso Pont. Max. coronatus, se, ac Regnum suum Romanæ Ecclesiæ subditiuum fecit: proptereaque illi Pontifex ipse, illustre id Catholici cognomentum impertiuit. Ad huius autem idnetis impensas sustinendas antiquum vestigal; Moneticum appellatum, impositum fuisse constat: à quo ii tantum liberi censebantur, qui militari erant decorati cingulo. Nostri antiquas libertates, sanguine patras, tot modis labefactari ægè facientes, Vnionis nomen, ac vires excitarunt; ut vna vi, & omnium consensione, vno quasi animo ex omnibus facta, has tantas iniurias facilius propulserent. Quid autem effecissent, non proditur. Sed inde fertur memoranda illa duo Vnionis Præiulia, quæ paulò post ab Alfonso III. irrogata fuerunt, originem duxisse: vellicentius Regno similia aggredi deinde fas esset. Sed eis postea, ut explicabimus, à Rege Petro III. abscissis, Magistratui Iustitiæ Aragonum plurimæ cœperunt facultates irrogari. Quamuis autem diuortium à Rege petiit, minimè de iure procedere Regina Romæ obtinuerat; verum haud poterat mariti in se gratiam conciliare. Immo cum discordiæ inter eos excitatæ nequaquam sedarentur, Rexque libidinoso concubinarum amori deditus, prorsus ab uxoris lecto abhorreret: quadam nocte, perhibent, ipsum Regem cum pellice concubiturum, supposita persona, cum Regina uxore concubuisse. Regina namque ipsa id adstante, cuiusdam Gulielmi Alcalæ, siue, ut alii tradunt, Petri Fluuiæ, Regis Cubicularii, industria fuisse effectum, ut in concubinx locum, quæ propter famæ pudorem tenebricosum cubiculum fore depoposcerat; Regina uxor simulata, ad Regis lectum duceretur. Quo pacto cum Regina se illam, quæ non erat, esse simulasset, ipse verò Rex non eam ratus, quæ erat, sed potius concubinam; facile se cum Regina uxore commiscuit. Sequenti verò die, statim prima luce, Regina fraudis veritatem, scilicet se eam esse, quæ cum Rege concumberet, & non aliam, proferri, ac patefieri curavit; testesque etiam fideles adhiberi, ut si fortasse ex eo concubitu (quasi iam illi animus præfagiret) ipsam grauidam fuisse factam contingeret, de futura prolis genere, ac nobilitate dubitari non posset. Atque tunc proditur, Iacobum Regem I. procreatum fuisse. Cuius ea fuit animi virus, ac magnitudo, ut diuinitus Reip. datum iudicemus. Petrus autem Rex inclinatione animi in uxorem propendens, deinceps se illi præbuit beneuolentior. Postea verò in Castellani Regis opem contra Fidei hostes adscitus, memorando illo Vbedensi prælio interfuit: in quo nostri insignem illam victoriam reportarunt. Inde rediens, Montispesulanum profectus, in Muretinæ arcis obsidione Idib. Sept. Ann. MCCXI. decessit; ac tertius decimus numero Aragonum Rex censi debet. In Xixenæ monasterio sepultus iacet. In præfati autem Excellentissimi Archiepiscopi Ferdinandi scriptis, quorum sæpe memini-



meminimus, testatum inueni; à se huiusce Regis monumentum Ann.  $\infty$  DLV. perlustratum fuisse, in eoque ipsius Regis corpus integrum totum, præter hanc extremitatem, inuentum, adeo ingentis, licet æque compactæ magnitudinis, vt insipientib' magnam præferret decoris maiestatem. Filiam illegitimam habuit Constantiam, quæ Gulielmo Raimundo Moricadæ nupta fuit. Regina verò Romam viuentem marito profecta, acerbo de eius morte nuntio delato, nec diu post occit, filium relinquens, ac Regna Honorii Pontificis Maximi, Romanæque Ecclesiæ fidei, & potestati commissa. Ad Diui Petri templum in Beatæ Petronillæ sacello honorificè sepulta fuit. Quam autem chara Senatui, Populoque Romano viuens fuisset, sumptuosi, ac lamentabilis funeris, quo fuit elata, meror indicauit. Eius obitu Montispeulani Comitatus, Aragoniæ ditioni subiunctus est. Huius autem Regis tempore Magistratus Iustitiæ Aragonum præfuerunt: idem, quem ante diximus, Petrus Sesselus: Sesselus autem Petrus Petri Tarazonæ successit: qui tempore etiam Regis Iacobi I. per plures annos eandem gessit præfecturam. Tarazona autem primus eorum est, quorum Ioannes Eximini Gerdanus in sua epistola mentionem fecit.

## IACOBVS I. EXPVGNATOR ARAGONVM REX XIII.



IAM verò vt hæc superioribus connectamus, recte, ni fallor, Aragonum Regum series hæcenus deducta est: quandoquidem Iacobus I. cuius mirificæ res gestæ nobis hoc loco attingendæ occurrunt, quartus decimus Aragonum Rex, iuxta ipsiusmet testimonium adscribendus proponitur. Aequè enim à Sanctio Abarca Cafone ad eum, quatuordecim Reges verè in Aragonia regnasse, ex nostris his scriptis perspicui potest, vt nouos à Garibatio Reges excitatos nobis iure optimo vendicare possimus: eisque adhibitis, & ab ipso Abarca Cafone, non stirpis, sed Aragoniæ Regni initia petentes, constantè, & certam & Regum, & rerum, ac temporum rationem eruamus. Sed quia

de his à nobis satis, superque dictum est: nunc reliquum erit, vt institutum de Regibus sermonem prosequamur. Quò absoluto, ad Magistratus Iustitiæ Aragonum dignitatem explicandam conuertemur: licet quandoque breuiter inter ipsorum Regum facta, nonnulla, quæ fortasse de eo sese offerant annotanda, perstringemus.

Itaque Rege Petro II. in Muretinz arcis obsidione interempto, Regnorum successio ad hunc unicū eius filiū, Iacobum, peruenit: qui tunc septimū ætatis suæ annum agebat. Carcazonæ autè aderat, quòd Regina matre annuente, Simoni, Montfortensi Comiti, liberali educatione instituendus, à Pont. Max. traditus fuisset. At verò dum ad nostros de Regis Petri morte delatum fuit nuntium, magni rerum motus, ac perturbationes suboriri coeperunt, Sanctio Ruscinonenfi Comite, ac Ferdinando, pueri Regis patris, illas concitantibus: quippe quia palam Regale munus, ac nomen appetebant. Nostri illico ad Simonem Comitem de puero Rege postulando legatos miserunt, seque ipsi mandata dantes, vt Comiti non solum acre bellum indicerent, sed eum ad singulare etiam certamen prouocarent, nisi legatorum nuntio paruisset. Comes ea omnia aspernatus, Regem puerum legatis tradere renuit, percitus, vt creditur, patruorum consiliis, qui Regnum à puero abstrahere totis viribus nitentur. Nostri aduersus Comitem magnā propterea molientibus, tandem Innocentii III. Pont. Max. iussu, puer Rex Petro Beneuentano Cardinali, Apostolicæ Sedis Legato, ad id nominatim decreto, traditus est, ab eoquæ saluus, & incolumis Ilerdam delatus. Ad eam, enim Urbem quam tunc Aragonii circumscribebāt fines, generalia totius Regiæ ditionis Comititia, ad ipsum excipiendum conuocata fuerant. In quibus à Cardinali Beneuentano Iacobus puer propositus fuit: & ab Aspargo Tarraconensi Archiepiscopo in vlnas susceptus, incredibili omnium læticia, & alacritate salutus Rex. Ac quò magis, turbulentis illis temporibus, de illius curâ, ac defensione omnes anxios, & sollicitos esse oportebat: nouo, & inusitato fidelitatis signo, iuramentum nempe interposito fœdere, omnes se ultro, & sponte deuincientes, promiserunt fore, pueri Regis vitam, ac commodum pro virili parte defensuros. vt Iacobus ipse fuerit primus Rex, cui Aragonenses fidelitatis iuramentum præstiterint. Vnde apud nos mos ille manauit huc vsque seruatus: vt Regibus regnare incipientibus, fidelitatis iuramentum præstemus, dummodò Reges ipsi nobis leges, libertates, patriæque instituta maiorum seruaturos Iureiurando promittant. Ob puerilem autem Regis ætatem nostros ad id faciendum inductos ferunt: quòd nouis his erga Regiam fidelitatem adhibitis signis, turbidos quorundam, & præcipuè patruorum, concitatoque motu arceri oporteret. Ipsum itaque Regem puerum



vniuersi Regnorum Ordines institutioni, ac tutelæ Gulielmi Monredonii, in his par-  
 tibus Templariorum Supremi, quem illa ætas Magistrum appellabat, commenda-  
 runt. A quo in suam fidem receptus, statim ad Montionis arcem maximo obid firma-  
 tam præsidio delatus est. Quosdam etiam Gubernatores constituerunt, interea dum  
 ex pueris Rex non excederet, singulis prouinciis præpositos. Ac Aragonii quidem Re-  
 gni gubernationem præpotens, ac nobilis vir quidam suscepit, Petrus Ahonensis,  
 Sancti Ahonensi Cæsaraugustanensis Episcopi frater. Aliarum verò prouinciarum  
 alii. At verò vniuersorum Regnorum supremæ potestati Sanctius ipse Ruscinonensis  
 Comes, pueri Regis patruus, præfectus fuit. Dedita autem opera, præcipuaque Car-  
 dinalis Legati industria factum id proditur, vt huius tantæ dignitatis munere Comes  
 delinitus, à propositis Regni occupandi consiliis recederet: cum se videret, si non  
 Regis, Interregis saltem personam sustinere. Verum cum nec multos post dies ipse, ac  
 Ferdinandus frater, noua molirentur, Regnumque appetentes, seditiosorum hominum  
 cateruas, quibus vniuersum Regnum redundare cœperat, non modò non disperderent,  
 sed & latentes sustinere curarent, quòd sine seditionibus minimè se assequuturos crede-  
 rent, quæ experebant, Regno autem perturbato, facilius easè consequi posse sperarent  
 vt tanto malo imminenti consuleretur, nec præualeret improborum iniquitas; primarii  
 nonnulli, ac potentes viri arctissimam inter se Coitionem, ad Vnionis instar, fecerunt,  
 publicis, ac sollemnibus scripturis cõpactam; quam ipsorũ obsignatam Sigillis, ac Signis,  
 firmam, & stabilem decreuerunt, multis eam, tum personarũ tum etiã opidorum, quæ ve-  
 tus erat consuetudo, obsidibus roborantes. Atq; vt eorũ mens integra, ac simplex omni-  
 bus innotesceret, ab sentiu verò ad se opẽ, & voluntates allicerent; varia istius Coitionis  
 exempla per vniuersam Regis ditionẽ spargere, ac disseminare curarunt. Ita autẽ in scri-  
 pra hodiernis temporibus existant nonnulla. **COLLIGATIO MAGNATORVM**  
**PRO PACE REGNI TVENDÆ.** Cumque ad refrenandum incredibilem grassan-  
 tium furem, qui latè serpens; totum ferè Regnum occupabat, nequaquam ea sola  
 sufficeret plurimæ Cluitates, ac opida aliam inter se Copulationem inierunt, quam  
 Vnionem, prius vtentes vocabulo, appellauere. Tot malis, & incommodis misera  
 Respub. affecta tunc huius Iacobi Regis Regni, atque ætatis initio. Sed maior quidam  
 in eo feruor animi, quàm ætas postulabat, visus est; tam eximiamque iam iam a puero  
 præfeturũ semper magnanimi Principis spem; vt cum vix decimum annum attingeret,  
 Montione egressus, Cæsaraugustam proficiscens, ea, Oschensique Vrbe, ac aliis non-  
 nullis opidis ad se vocatis, Regna capeßere non dubitaret, eaque & per se ipsum regere;  
 ac moderari, & armis etiam defendere, dum oporteret. Patruice re obstupesciti, ac  
 perterriti, futuram Regis virtutem præsentientes, paulatim mutare sententiam cœpe-  
 runt. Rex verò nec diu post paccatum reddidit Regnum, & tranquillum. Anno au-  
 tem ætatis suæ XIII. Natalis Christi MCCCXI. Eleonoram, Alfonsi Castellæ  
 Regis filiam, vxorem duxit. Ex qua vnicum filium habuit Alfonsum: qui non  
 infans obiit, vt fertur. Princeps enim, scilicet viuente patre futurus Regni successor,  
 designatus fuit, connubiiq; deinde cum Costantia, Gastonis, Beneharnensis Vicecom-  
 mitis, filia, particeps factus. Verum tamen cum Iacobus ipse, & Eleonora vxor, nulla ab  
 Apostolica Sede dispensatione, vt loquimur, obtenta, licet imprudentes, contra-  
 xissent, cognationis vinculo obstante, quò inuicem erant coniuncti: diuortium inter  
 eos à Romano Pont. fieri debere decretum fuit. Quo facto Eleonora Regina, nimis  
 sanctitatis femina ad celebre se contulit Burgense monasterium, *De las Huelgas* vocatum:  
 quod ipsa construxerat: vbi abdita piã, ac religiosam superstitem duxit ætatem. Ipse  
 verò Iacobus Rex Ann. Chr. MCCCXXV. Barcinonæ depactas nuptias celebrauit  
 cum Iolante, siue Violante, Vngariæ Regis filia: à nonnullis Hiolafia, ab aliis au-  
 tem Andræua nominata. Ex qua secundissimam sobolem propagauit. Filios scili-  
 cet quatuor: Petrum, Regnorum heredem; Iacobum, qui Balearibus Insulis à  
 patre expugnatis, primus ab eodem, Rex illarum constitutus fuit; Ferdinandum,  
 Rossilionis Comitem; ac Sanctium, Toletanum Antistitem, qui bellum contra  
 Mauros aggressus, tragula ictus periit. Filias vero sex Iolantem, siue Violantem,  
 quæ Alfonso Castellæ Regi, in Romanorum Imperatorem vocato, nupta fuit; Co-  
 stantiam, Emanuelis Lusitanæ Regis consortem; Mariam, & Eleonoram, quæ ambæ  
 innuptæ obierunt; Ysabellam, Philippi Francorum Regis vxorem, ac Sanctiam, quæ  
 mutata veste, ad sacra loca inuisenda profecta, multa ibi in pauperes Christi præclara  
 gessit; & post eius mortem clariora per eam, Omnipotentem Deum gessisse miracula,  
 proditur. Alios etiam filios, Iacobum, ac Petrum idem Rex habuit ex nobili femina,  
 Terefia




Teresia Egidii Vidaure vocata. Qua se postea Regi nupsisse contendente, liteque agitata propterea, ac ad Romanam curiam delata: matrimonium non fuisse, decretum fuit: filii tamen inde suscepti, legitimi constituti. Eos deinde pater Rex præcipuis ditionibus donavit: priorem, Exericam; Ayeruium autem, posteriorem. A quibus postea clarissimæ Exericarum, & Ayeruiorum Regiæ familiæ dimanarunt. Ipsa verò Teresia ad Zaydiæ monasterium, Valentiniæ suburbano loco ab ea constructum, secessit: in quo quādiu vixit, permansit. Ex variis præterea concubinis Rex Iacobus alios filios suscepit: Petrum; & Ferdinandum. Petrum quidem, ex Domna Betenguela Ferdinandi; ob idque Petrum Ferdinandi vocatum: quem Yxaris opido donavit: & ab eo illustrissima, quæ nunc viget, Comitum Belchirensium familia ducit originem. Ferdinandum vero, ex quadam Sanctii Antilionis filia, Ferdinandum Sanctii appellatum: à quo nobilissima alia, quæ etiam nunc exstat, profuxit Castrorum gens, ita à Baronia de Castro, quam ei pater concessit, nominata. Singulæ autem hæ quatuor familiæ singula hæc Insignia gestarunt.


Exericæ:




Ayeruii:



Yxares:



Castri:



SEd & Rex Iacobus quandam aliam Domnam Berenguclam Alfonsi, Infantis Molinæ filiam, contubernalem habuit: quæcum, ut ipsemet in suis Commentariis testatur, tamquam cum legitima vxore aliquot annos vixit vna prorsus. Aliquamdiu enim plus, quam decuisset, libidini paruit. Dereliquo Princeps fuit, bello ac pace clarissimus. Cuius illustria, & gloriosa facta, quia a nostratibus utraque lingua copiose satis explicata sunt; silentio præmittam: ea tantummodo attingere conabor, quæ mihi clariora videbuntur, & magis ad institutum nostrum pertinere. Baleares Insulas; ac Murtienſe Regnum vi expugnauit: & quod omnium maximum fuit, celeberrimam, & opulentissimam Valentiam Urbem. Ad cuius expugnationem vetustis monumentis testatum comperio, idem quod Michael del Molino in suo Repertorio commemorat; Aragonenses quintam omnium bonorum suorum partem in hoc bello Regi subuenisse: ideoque cum primum expugnata fuit Aragonum Regno fuisse subiunctam, atque ut in omnibus, Aragonum legibus, & Foris subiaceret, constitutum. Eodem verò Rege post hæc nouas municipales leges Valentinis rogante, Aragonenses quosdam Ricos homines, qui ibi aderant, grauitèr conquestos fuisse: asserentes; Valentini nedum iuxta Aragonum Foros iudicia facienda, sed & Urbem ipsam, totumque Valentinum Regnum, pro more apud nos solito, in Honores distribuendum esse; quandoquidem Aragonensium facultatibus partum fuerat. Quibus, dummodo conuincerent, concessum fuisse traditur, ut quæ ipsis opida in Valentino Regno fuerant attributa, Aragonum Foris perpetuò parerent, quod in hodiernum usque diem seruatum cernimus. Municipales inde leges Valentinis irrogari cœperunt: tamen aliquamdiu nostras apud eos seruatas constat, & foris semper viguisse huic nostro Magistratui Iustitiæ Aragonum omnino similem Præfecturam. Ac qui dum Iacobus Rex ipsam Valentiam Urbem obsidione premebat, in memorie proditur, Vespertilionem quendam, siue alatum murem, nidulum sibi in vertice Regii tentorii collocasse. Quem cum inde auertere famuli Regis conarentur; Regem id expresse vertisse. Optimum enim nuntium eam sibi rem spondere affirmabat, quod Vespertilio is (neque id enim vacabat mysterio) cum alioquin noctu tantum prodire soleat, lucemque ac hominum concursum fugere; inter ipsos armorum strepitum in loco tam aperto, & propatulo nidulum sibi construere ausus fuisset: in quo postea & pullos peperit, & nutrit. Inde Iacobus Rex capta iam Urbe, ipsius Vespertilionis effigiem in superiori parte Regii Armorum Scuti collocari iussit: eaque Insignia Valentino Regno concessit; quæ ab eo tempore ad hanc usque ætatem eidem, sub Rat pennat vulgari vocabulo, propria manserunt militarium Insignium ornamenta. Miror autem, cur in Suritæ nostri Annalium voluminibus, atque in publicis aliis nostrarum rerum, quæ quotidie proferuntur, monumentis, hæc quasi Aragonum Regni Insignia collocata sunt: cum numquam nostra, nec Aragonum Regum, sed istius tantum



Iacobi Regis fuerint, ab eoque primum, Elogii loco, gestari solita, postea Valentia, ac Valentino Regno concessa. Sed de hoc satis. Quate nunc ad rem. Iacobus ergo Rex quatuor ampla Regna expugnauit: duo Balearica; Murtiense; ac Valentinu. In quibus cum delubra ad bis mille in Deipata Virg. nis honorem construxisse perhibetur: ac sub eiusdem Virginis nomine, cui se sepius vouerat, sacrum, quem nunc vocamus, *Redemptionis Captiuorum Ordinem* fundasse: & circ. Ann. MCCXXXIX. Alcolea in opido antiquum illud ædificasse Fontisclata cœnobium Cisterciense; quod inde postea Michael Zapata, primarius vir, & transferendum curauit, & celebre, quod nunc prope Casataugustam exstat, sub Sanctæ Fidis nomine ad Orbæ fluminis ripas construens, multis suis ornauit, ac locupletauit fortunis. Nec non & in ipsa Vrbe idem Rex id præclara, quæ nunc vigent, Monasteria esse constituit: Sancti Dominici; Sancti Francisci; ac Beatæ Catharinæ. Sancti Francisci quidem, ubi nunc Augustinorum exstat cœnobium. Cetera verò in iisdem, quibus hodie inuisuntur, eiusdem Urbis regionibus. Sed Beatæ Catharinæ Monasterium à quadam Domna Ermeffenda *de las Cellas* sub Sancti Damiani nomine constructum fuisse, & ita in priscis monumentis appellatum inuenio. De eis autem sic statuo, ut quamuis hæc ipsi Iacobo Regi à scriptoribus tribuantur, non omnia ob eodem ædificata existimem: sed quod aliorum piam voluntatem ad ea construenda excitarit, vel quod eius tempore constructa fuerint, vel ab eo fortasse locupletata. Fuit enim Rex Iacobus pietate, ac religione insignis. Et verò dum ab eo palam totius Regiæ ditionis singulæ partes, quas post ipsiusmet obitum unicuique filiorum suorum obuenire statuebat, designatæ sunt: grauissima inde malorum semina excitata. Ea autem diuisio tripartita fuit. Nam Iacobo filio Balearis Insulas, ac Valentinu Regnum assignauit: Petro autem vniuersam Cataloniæ: Alfonso filio grandiori Aragonum tantummodò Regnum relinquendo; quod in se Suprabiensem, ac Ripacurtiensem ditiones, iamdiu subiunctas, continebat. Ac quo Petrus filium præ ceteris vehementius amabat, ut illius portio, Ripacurtiam, ac Montionis regionem complectens, magis con cresceret: Cataloniæ fines, quos antea Sicoris fluius terminauerat, ad Cingæ fluminis ripas proferendos sanxit. Vnde inueterata illa Catalanorum querela orta est, ut Montionis opidum contendant, intra Cataloniæ terminos constitutum: cum Aragoniis semper legibus, ac iuri paruerit. Alfonso filius natu maior tam amplis ditionibus se a patre expoliari acerbè ferens, inanes eas omnes Regnotum diuisiones, post obitum patris futuras, minabatur. Hinc fratres inter se non consiliis solum, ac studiis, sed armis etiam dissidere cœperunt: ac varias utrinque perditorum hominum factiones ad se allicientes, magnas denuo aduersus miseram Remp. procellas, ac ciuiles tempestates excitauit. Quas eo usque peruenisse memorant, ut vix possent sani, & boni viri, vlllo loco, quieta mente consistere; nec quicquam apud nos esset, etiam intra priuatos parietes, tutum. Cumque adhuc immoderatam grassatorum hominum licentiam comprimendam, nec procerum colligationes initæ, nec ciuitatum, & opidorum Vniones factæ sufficerent: vniuersum Aragonum Regnum, iam antea, ut quibusdam placet, distribuciæptum, nunc firmioribus præsidis, pactis, & condicionibus admotis, in quinque regiones, quas Iunctas vocauere, distribuendum curauit, unicuique earum certa, ac designata loca definiens. Quinque autem primarios Equestris ordinis viros constituerunt, singulis ipsi Iunctis præfectos: qui antiquitus, Paciarii sunt vocati. Pacerias enim appellant quantitates eas, siue ea vectigilia, quæ quotannis ipsa opida præfectis huiusmodi pro eorum victu pensabant. Et ab eo, quod ad pacem consequendam fuerant censa, Pacerias, quasi pacis iura nominarunt; ipsos verò præfectos; Paciarios; quasi pacis viros. De quibus multa apud Suritam, & in For. *De confirmatione pacis.* sub hoc Rege editis. Sed plura apud Vitalem. Infra autem quid ille hac de re senserit, dicam: cum, ut in animo est mihi, illud de antiquis nostris quibusdam Magistratibus argumentum tractare cœpero. Postea verò hi; Supra iunctati, quasi Iunctis præpositi, dicti sunt. Ad quorum munus hoc potissimum pertinebat, in sedulos hosce turbulentos homines acerbè intuehi, eosque vehementer insectari: ut ipsi extra Regnum pulsos, tranquille, & placide in eo traducere vitam liceret. Minime autem Calataiubium, Daroca, Turolium, singulæve ipsis attributæ regiones, quæ nunc *Communitates* vocamus, in hac Iunctarum distributione constitutæ fuerunt; nec ipsa minus Ripacurtia. Ferunt autem propterea id factum fuisse; quod in prioribus notam redundantes, nec superfluentes fontium cateruæ vagarentur: quia eisdem puniendi curam habebant imperatores, siue militarium præsidiorum doctores, ibidem constituti



stium ad cohibendos Castellanos impetus, quibus Regiones ipsæ cohærent. In Ripacurtia verò; quod ea tunc, Rege tandem id contendente, Catalonia finibus adscripta fuisset. Paulo post tamen, publica legis sanctione, Aragonum Regno restituta fuit, Suprarbitemque ac Vallium Iunctæ attributa. Ab eo autem tempore, quo Catalonia finibus designata fuit, Pacarius Ripacurtiæ; Vicarius, nominari assuevit, Cataloniae nomine genere loquendi, apud quos ita vocabatur. Verum tamen lege postea cautum est, ne amplius Vicarius Ripacurtiæ, sed Supraiunctarius vocaretur. De quo habemus Forum speciale quadraginta post hæc annos conditum sub titulo, *Quod Ripacurtia, & Lithera sint de Regno Aragonum*. Vnde his multa. Hac igitur Regni quinque Iunctas distributione, Forisque annotatis, *De confirmatione pacis*. constitutis, Regnum nostrum tranquillari cœpit, ac omni prorsus perturbatione carere: tum verò præcipue, dum Alfonsus filius natu maior, prolis expers his temporibus decessit, qui non Valentia, ut multi prædicant, sed Verolæ illustri apud nos in cœnobio, sepultus iacuit. Eo enim mortuo, constitutus super Regnorum diuisione ordo, subito commutatus est totus: ac Petrus filius, qui patri erat præ cæteris charior, vniuersæ Regiæ ditionis ab eo statim declaratus heres; ac sub illius supremo imperio Iacobus frater, Balearium Insularum constitutus Rex. Maxima inde rerum conuersio. Supraiunctariorum verò munus minimè abrogatum fuit, quod Reipub. perquam vtile iudicaretur, in hodiernumque diem exstat, tametsi non sine aliqua ipsius dignitatis imminutione. Quamquam autem varia nostris sub hoc Rege Comitibus habita fuere: ea tamen persequar, quæ in nostrorum Fororum volumine annotantur. Siquidem ad Almudebaris locum Comitibus institutis, Ann. MCCXXVII. For. I. *De confirmatione pacis*. rogatus fuit. Tum aliis Caesaragustæ, habitis Ann. MCCXXXV. For. 2. sub eodem titulo conditus. Aliis etiam, nequaquam Oseæ, neque Ann. MCCXLVII. pro ut male inscripti omnes hi Fori leguntur, sed in Montionis opido Ann. MCCXXXVI. editus est, For. I. *De confirmatione monetae*. Quod si quorumdam scriptis fides adhibenda, ut meo iudicio adhiberi debet; nummaria apud nos res iam antea sub eodem Rege Ann. Chr. MCCXIX. apud Ilerdam Urbem fuerat constituta. Iam pridem enim erat hoc in more positum, nostrorumque Regum institutum, ut vniuersusque eorum in sui Regni initiis nummariam rem nouam constitueret, vel sua effigie adhibita, vel quandoque etiam pondere, aut lege mutatis. Quod Iacobus Rex ad Ilerdam fecerat dicto anno. Cumque id nostris esset perquam græue, monetæ autem forma ab ipso Rege tunc excussa, eisdem vehementer placeret: de publica, & communi Regis, ac Regni consensione, dicto Foro postea cauendum curarunt, ut ea apud nos rata, ac firma perpetuè esset mansura. Propterea optimè dictas Forus, *De confirmatione monetae*. inscriptus legitur: quod eo non nouè constituta fuerit, sed ita confirmata, ut iam amplius augeri, minui, aut mutari non posset: sed sub eadem lege, pondere, ac figura hæretet perpetuè, quibus Iacobus ipse Rex apud Ilerdam antea cudi fecerat. Atque his etiam postea adiectum fuit, ut Iaccense nomen semper retineret: quemadmodum in Foro, *De cursu monetae*. Iaccensem autem dictam fuisse conuincere licet, in clarissimam Iaccetanæ ipsius Urbis memoriam; quod præclarum Regii Aragonum tituli initium, in sese genitum, iam per tot sæcula tam fauste, & feliciter propagasset. Sed de hac nummaria rei constitutione ita in quadam antiqua glossa dicti Fori *De confirmatione monetae*. Nota (inquit) quod ante huius monetae Iaccensis conditionem tempore huius Regis factam (loquitur autem de hoc Rege Iacobo) moneta apud nos aliam habebat figuram, aliamque legem, ac pondus. Plus enim argenti in ea erat, nec tam magna forma. Solummodo erat figura unica Crucis, qualis est Crux, quam Rex Aragonum, ut Rex Aragonum facit in clypeo liuico, id est Ceruleo. Attamen in moneta habebat pedem, ut hic: & ab alia parte caput Regis. Attamen veritas est; quod dum dicti Reges intitulari cœperunt, Reges Suprarbii, Ripacurtiæ, & Aragoniæ fecerunt monetam pingue in argento. In vna parte cuius erat caput capillis coopertum sine corona. In alia verò parte Crucis signum: atque ex eius extremitate quiddam quasi arboris frondes, Aragonio, nomine circumscripto. Relicta verò priori Cruce, Crux quæ nunc à Iacobo Rege in denario Iaccensi posita est, est ista: videlicet forma. Hæc itaque ut dixi, in quibus





dam antiquis Foris manuscriptis obseruantur. Sed nulla ibidem causa istius mutationis adducitur. A nonnullis antiquitatis nostræ studiosis accepimus: Patriarchalem, id est, duplicem hanc posteriorem Crucem, à Iacobo hoc Rege adhibitam fuisse, ut & primam Crucem, quæ Garfiaz Eximini supra arborem; & secundam, quæ Innico Aristæ cælitus, apparuere, præsignaret: ideoque eandem ipsam Patriarchalem Crucem in superiori parte Sigilli veteris maioris, ciuitatis Cæsaraugustæ, appositam fuisse. Nec male quidem ea mihi videntur contexta: optimè verò conueniunt cum iis, quæ à nobis supra tradita fuerunt. Rei igitur nummarie noua apud nos lex, pondus, ac nota his Comitibus ita constituta fuit: ut ea vniquam moueri non posset. Simul etiam & iisdem Comitibus decretum, quoddam nouum 10 vectigal, Mirauerinum vocatum, Regi, & posteris perpetuò censumiri. Alia autem Comitibus ad Oscam Urbem Ann. MCCXLVII. celebrata sunt. Quorum apud nos magna est memoria, amplissimis monumentis consecrata. In eis enim, de communi Regis ac Regni consensione, vniuersum Ius nostrum, quod diffusum, & dissipatum erat, Vitalis Canelis, Oscensis Episcopi, industria, & labore in singula genera coactum, ac digestum fuit: publicæque sanctione decretum, ut iuxta id deinceps singula quæque fierent iudicia causarum. Vnde vetustiores hæ leges habentur omnibus, quæ apud nos vigent. Sed in eis, ac in nostris, quas vocamus, Obseruantibus (ne hoc silentio prætereā) plurimæ inueniuntur de verbo ad verbum omnino sumptæ à legibus, quæ hodierna die sub Suprarbiensis Fori nomine passim exstant conscriptæ: quarum pluri- 20 ma adhuc externa opida nedum ipsam retinent nomenclaturam, sed & forensem quoque ac quotidianam exercitationem & vsum: quemadmodum cernimus in nonnullis, tamen priuatis, earum exemplis. Hæ autem apud eos veterrimæ habentur: Vnde etiam colligitur hanc Suprarbii vocem non nouè quæsitam, ut Garibai placuit, sed vetustate antiquissimam existisse. Nam eadem prorsus ratione, qua à prisco Suprarbiensi Regno, tamquam ex fonte, Aragonum, & Nauarræ Regna fluxisse demonstrauimus: ita quoque nec valde temerè, affirmare liceret omnes leges, quæ apud nos, ac Nauarrenses vigent, ab antiquo illo Suprarbiensi Foro dimanasse: quamuis eas postea & Regnum, & temporum vicissitudines commutarint. Nequaquam enim de nobis prædicari posset, quod de solis Lacedæmonibus aliquando prædicatum fuit, eos vnius semper moribus, & nunquam mutatis legibus vixisse. Itaque his Comitibus nullæ nobis leges nouæ rogatæ sunt, sed tantum quæ obseruandæ erant, ex priscis selectæ; tamen aliter non nemo prodidit, qui nostros nunquam antea, quod iustum esset, scientes, ius sæpe cum iniuria confundere fuisse solitos affirmauit. Interdum enim agrestiores nos ille, quàm ipsa effinxit natura; cum & idem Rex in ipsarum legum præfatione, à se eas fuisse tantum ex variis suorum prædecessorum Regum scriptis collectas, fateatur. Ob idque in præfatio Comitiorum, quæ Exeam postea ab eodem Rege habita fuerunt Ann. MCCXLV. de quibus paulò post, dum *statuisse Regem Iacobum* continetur; additur quoque & *fecisse Foros novos apud Exeam*: quod si noui, atque tunc primum ederentur, priores verò nequaquam. In hac autem nostrorum Fororum collectione, siue, ut nos- 40 striloquuntur, *Copilatione*, præcipuam operam nauauit Reuerendissimus ille Vitalis Canelis, Oscensis Episcopus, magnæ eruditionis vir, ac in priscis nostris Regni scitis valde versatus: qui præter hoc magni laboris, & industriæ opus, Reipub. adeo vtile, & necessarium: librum etiam composuit varia nostratum antiquitatum explicatione re- fertum. Is autem, quia incipit, *In excelsis Dei thesauris*: vulgò *Liber in excelsis* dictus est: cuius meminit prima Obseruantia sub titulo *De venatoribus*. Illud tamen valde dolendum est, nullum ferè in his omnibus nec vestigium quidem de Magistratus Iustitiæ Aragonum institutione apparere. Sed dū de eo verba facere oportet: tamquam rem notam, testatā, manifestā, atque apud omnes peruulgatā proferri, eodem prorsus modo, ac dum de ipso Aragonum Regno sermo proponitur. Quam de hoc Magistratulo- 50 quendi formam in omnibus nostris Foris, tum antiquis, tum posterioribus, seruata videntur: apertissimè tamen in iis, qui apud Exeam Ann. MCCXLV. sub eodem Rege editi fuerunt, sub titulo. *Statuit Rex Iacobus, & fecit Foros novos apud Exeam*. Comitibus vero hæc, quibus dicti Fori rogati sunt, extrema sunt eorum, quæ, ut diximus, in nostrorum Fororum volumine sub hoc Rege habita perhibentur. In eis autem sancitum fuit: ut qui Magistratum gereret Iustitiæ Aragonum, ex eorum Ordine necessariò esset, qui militari sunt cingulo insigniti: ne ex supremo Ricorum hominum cœtu, neve ex alio ordine, aut infima plebe quispiam ad munus hoc exequendum vocaretur. Ac Rici homines illam ob causam ab eo gerendo sunt exclusi, quod per nostras leges in eorum cor- pora





pora grauitate scire, etiam si mererentur, ob eximiam ipsorum dignitatem, non licet. Is vero, qui huic Magistratui praesit, necesse est, cuiusque quantumvis graui, & acerbis; si leges violat, poenae ut subiaceat. Quibus de rebus copiosius alias. Eisdem etiam Comitibus quaedam adhibita fuit antiqui Suprarbieasis Fori interpretatio. Nam cum in illius tabulis, quas annotauimus, cautum fuisset, ut ad hunc Magistratum, tamquam ad Iudicem Medium, ab ipso Rege, si quempiam laederet, prouocare liceret; ne eius rei iudicium soli Iustitiae Aragonum fuisse attributum censeretur, eidemque plus, quam oportere, concessum: lege tunc sancitum est; ut istius facti iudicatio, quamuis ad ipsum Iustitiam spectet, sit tamen ab eo facienda, adhibito Ricorum hominum, & Militum consilio, qui, ut ibi legitur, *non sint de partida*: hoc est, quod facti illius participes non sint. Vt in For. 1. & 2. *De Officio Iustitiae Aragonum*, iisdem ipsis Comitibus promulgatis. In quibus omnibus cum prior huiusce Magistratus publicis legibus constituta auctoritas inueniatur, nulla prorsus de eius institutione sit mentio; quemadmodum nec de ipsius Regni primordiis: quasi quae una, & eadem apud nos fuit vtriusque origo; & de eisdem loquendi eadem etiam ipsa ratio sit. Sed ut finem imponamus huic nostro sermone, quem longiorem oportuit esse in huius Regis factis recensendis, quod multiplex, ac varia eorum series exstiterit; Iacobus Rex, Regali munere gloriose perfunctus, senex obiit Valentiae. A.D. VI. Kal. Aug. Ann. Chr. MCCCLXXVI. aetatis suae septuagesimo secundo; Regnorum vero se se sexagesimo tertio: Rem, ut idem affirmat, a Dauid, & Salomone Regibus ad ea usque tempora minimè visam. Ad Populeti cenobium sepultus est. Duo insignia Monialium Monasteria eius tempore prope Caesar-Augustam Urbem exstitisse comperio. Alterum prope Lucenich, & Alcalae opida ad Iberi ripas, medio quasi loco, constructum, quod sub Cisterciensi Ordine, beatæ Mariæ Regalis nomine appellabatur: eidemque illustris quaedam femina, Sanctia Innici, Abbatissa praeposita, à Petro Garfia Ianuas Caesar-Augustano Episcopo Ann. MCCCLXXII, benedicta fuit. Inde postea ad Trasouarem locum, ubi celebre nunc exstat, translatum. Alterum verò in opido, *Peraman*, prope Alauonem, ad Salonis fluminis oras. Cuius imperio paruisse perhibent locum quendam *Pezueto* nominatum, ad *Carrapinillos*, quos nunc vocamus, montes situm. Sed horum hodie nulla exstant nec vestigia quidem. Eorum verò, qui sub hoc Rege Iustitiae Aragonum fuere, non ita. Nam & nomina, & facta magis inter se apta, & connexa, quam ad haec usque tempora, inueniuntur. Fuerunt autem plures, videlicet; Petrus Petri Tarazona, quem nominauimus paulò ante; Ioannes Petri Tarazona, eius filius; Martinus Petri Artassona; Petrus Martini Artassona I. Petrus Sanctii; Rudericus Castellezueto; ac Fortunius Ahe. Martinus autem Sagarra, vix affirmare possum, an sub eodem hoc Rege, vel sub Petri III. illius filii imperio Iustitiatum obtinuerit. Adhuc enim certam huiusce rei rationem neque studio assequi potui, neque industria: tametsi ipsum Sagarram in haec tempora incidisse comperio. Sed de his suo loco. Quandoquidem autem huius Iacobi Regis Regno, Anno infra annotato, beatus Dominicus, innocens Caesar-Augustanus, qui *Sanctus Dominicus* vulgò appellatur, illustrem in eadem Vrbe martyrii coronam reportauit: gloriosam illius mortem hoc loco, antequam ad Regis Petri facta conscribenda traducar, recensere decreui, ne tantam apud nos rem vlla vniquam obruat vetustas: & vero praecipue, ut eorum Sanctorum imitatores esse propensiori animi studio laboremus, quorum nobis in ea, quam nunc colimus, vrbe tot gloriosa trophaea proponantur. Huius vero Martyris tale fuit: quemadmodum in templi maximi Tabulario memoriae proditum exstat.

## INCIPIT PASSIO BEATI DOMINICI, INNOCEN-

TIS MARTYRIS, CAESAR-  
Augustani.

AD honorem Domini nostri Iesu Christi, Saluatoris, ac Redemptoris nostri; qui salus, & vita est omnium; cui omne genu flectitur caelestium, terrestrium, & infernorum: necnon etiam ad honorem Innocentis Martyris sui, nomine Dominici. Qui apud Civitatem Caesar-Augustanam natus est cum signis mirandis; videlicet cum corona in capite, & Cruce in armò dextro; cuius fuerunt genitores Sanctus de Vall Tabellio, & Elisabeth vxor eius. Et cum Dominicus haberet aetatem annorum septem, & literas edisceret, & tractatus enormis, & nefarius inter hostilem, & impiam gentem Iudaorum eiusdem Urbis, iniquitatibus vsitatam, esset habitus, ut quicumque occultè fararetur, aut raperet paruulum Christianum, & eis traderet, ut morti daretur; esset ab omnibus peccatis, ac tribulationibus, & impositionibus quibuscumque per eos solvendis exemptus: exinde *Mosse* Albayhuzeo Hebraus, mali conscius, Iuda iniqui proditoris



sanctissimus imitator, suggestione diabolica, rapuit occultè, & repente Dominicum; & eum ligatum fune Aljama tradidit Iudaorum. Qui crudelissimè, renonantes Christi sanguinem, clavis pariete parualum confixerunt; & eius latus graviter lancea perforarunt. Et inde satagentes, ne hoc nefas tam detestabile panderetur; elagentes tempus opportunum, ad litus fluminis Iberi corpus Martyris occultarunt. Christus autem scrutator cordium, & cognitor secretorum, pro quo Sanctus Dominicus passus erat; corpus eius iam voluit revelari. Itaque factum est, dum custodientes nauiculas, quæ erant ad portam præfata ciuitatis, solcite vigilarent: viderunt aliquibus noctibus lumina calica valde coruscantia supra locum litoris, ubi sanctum corpus, ut prædicatur, fuerat occultatum. Admirantes, quid hoc esset; cum hoc esset relatum ciuitati: aliqui ex Ciuibus accedentes ad litus prædictum, corpus Martyris absque capite, & manibus, ligatum, funibus inuenerunt. Clero autem, & populo hoc scientibus, fuit inde illud ad supradictam Ciuitatem ductum, atque positum in Basilica Sancti Egidii. Ex qua, aliquibus diebus elapsis, cum corpus Martyris extraheretur, se quidem miraculose, flexis genibus, absque villo dubio, ante Altare ipsius Ecclesiæ assistenti populo ostenditur. Et audito præconi sonitu generaliter per Ciuitatem facto, necnon Episcopo, & Clero ad prædictam Ecclesiæ cum ingenti solemnitate, & populi celebri deuotione venientibus, miris coruscantibus miraculis, omnium sancta congregatio fuit facta. Et per manus Sacerdotum cantantium, & Deo psallentium, omnibus aliis Dominum in Sancto suo deuotissime laudantibus, solenni processione vnanimiter ordinata, & ad tam insigne spectaculum Ciuibus, Militibus, Nobilibus, & cuiuslibet condicionis hominibus, ac mulieribus . . . . . occurrentibus, ac cereos albos suis in manibus baiulantibus (ubi dulcissima omnium instrumentorum musicalium melodia, ac tubarum sonora armonia non defuit) ad Ecclesiæ Sancti Egidii primo accesserunt, & ibidem debite receptis; per omnes Ecclesias sanctum corpus alacriter delatum, tandem per portam Cignegiam abeuntibus, exinde ad Sanctam Sedem Urbis prænominata fuit solemniter translatum. Moyses Albayhu tandem corde contritus, & relicta via iniquitatis, impietatis, & doli Iudaorum, sacramentum Baptismatis accepit. Contemplemur eia fratres charissimi patientiam, passionem, & innocentiam beati Dominici; eius sacrum tumultum assidue visitantes. Hic est comes Innocentium, & Martyrum, habens Insignia Christi: & etiam positi in agnitione, & aliis necessitatibus, ut eum adiutorem sentiamus, eum fiducialiter inuocemus: cuius meritis, & precibus efficiamur participes Regni Dei. Passus autem est Beatus Dominicus mense Augusti Anno Incarnationis Dominicæ MCCL. Regnante Domino nostro Iesu Christo. Qui cum Patre, & Spiritu Sancto viuit, & regnat per infinita sæculorum sæcula. Amen.

At Arnaldum Peraltam Episcopum eo tempore Cæsaraugustæ sedisse constat; magnæ religionis virum, ac in literarum scientia valde versatum. Qui nobilissimo genere ortus erat. A Peraltarum enim apud nos clarissima familia ducerebat originem. Is secundus Episcopus fuit Valentinæ Urbis, post eam ab hoc Iacobo Rege Christianis, quem admodum narrauimus, restitutam. Inde ad nostram Urbem translatus, præfatus affuit mittendæ huic rei. Propterea in hoc loco illius mentionem facere dignissimum iudicari. Itaque tot rebus insignibus, meritis illustre Iacobi Regis I. Regnum existisse censendum est. Verum illustrius redditum fuit, ineffabili, ac diuino Sacratissimi corporis Domini nostri Iesu Christi mysterio, quo Daroca ipsa Urbs tantopere nunc gaudet insignita. Sed nunc ad Petri III. Regis facta annotanda conuertat.

#### PETRVS III. MAGNVS, ARAGONVM REX XV.



IACOBO enim Rege vita functo, Petrus filius, excelsi, atque inuictissimi Princeps, Regnorum Aragonum, Valentia, ac Principatus Catalonia hereditatem adiuit; qui apud nos tertius huius nominis fuit: quintus decimus autem Aragonum Rex. Illustre vero id Magni cognomen, inde sibi inditum prædicat, nec immerito; quod tamen Romanorum Pontificum, ac omnium ferè Christianorum Principum potentia aliquādiu in eius ruinam, tamquam in communem hostem, Ecclesiæque inimicum conspirarunt, sui præterea subditi, antiqua iura, patriasque leges in quamplurimis rebus, frangi dolentes, ab eo diffidere, pristina libertatis retinendi causa, coacti fuere: sola animi sui magnitudine omnes has, graues quidè, ac per se magnas, difficultates concoxit, neque non imminutam solū, sed ingenti potius incremento adauctā sibi, & posteris ditionis suæ maiestatem reliquit: quasi ad id potissimum tot in eum procillas excitatas fuisse iudicemus, ut magis illius virtus, atque animi splendor enitescerent. Constantiam iamdiu, viuente patre, uxorem duxerat, Manfredi Siculi Regis filiam, atque heredem:



dē quam sociā sibi, ac comitē esse voluit, dum Regale Diadema, maiori quā antea ap-  
 paratū, ac sollemnitate imponendum curauit. Illud autem magnum fuit ipsius humi-  
 litatis, ac prudentiæ signum; quo testis pater adhuc viuus, ex remolice spiritu exanguis,  
 & confectus, vniuersa eidem Regna detulerat; numquam tamen se Regem salutari  
 passus est; sed tantum Infans primogenitus, etiam mortuo ipso patre, appellari voluit,  
 Regale prorsus nomen recusans, donec sibi pro more solito à cunctis Regni Ordini-  
 bus deferretur. Ad eam autem rem Nouemb. mense eiusdem Ann. Chr. M C C L X X V I. 1276.  
 maximis ad Cæsaraugustam Urbem Comitibus institutis, Petrus ipse, ac Costantia v-  
 xor, solempni pompa in templo maximo illius simul excepti, Regis insignibus ornatī  
 10 fuerū, atque oleo sacro à Bernardo Oliuella Tarraconensi Archiepiscopo vncti. Ve-  
 rum antea Petrum ipsum expresse, adhibita sollempni stipulatione, excepisse prodi-  
 tur; quod tametsi Regalia sibi, ea, quam recensuimus, forma, imponerentur Insignia;  
 nequaquam se ob eam causam iuri suo in aliquo velle abrogare, vt ab Ecclesia Ro-  
 mana, neve per eam, neve contra eam, vilo vniquam tempore, illa se suscepisse indu-  
 ceretur. Atque hoc idem nonnullos post eum Aragonum Reges causasse comperi-  
 mus, dum se simili modo Regis Insignibus honestant. Et verò Petrus Rex nec ita  
 multo post, nouam Siciliensis appetendi Regni molem aggressus, ipsemet sibi sum-  
 tum, in quo erat, orium perturbauit. Siculi enī cū post Manfredi Regis interitum,  
 qui Regina nostræ pater erat, Caroli Regis imperio paruissent; neque vntes iam am-  
 20 plius, vt dictitabant, illius perpeti dominationē superbam, neq; Galii & suegensis quoti-  
 dianā, maximā, & turpia conuicia sustinere: effrenatē, soluto quodam, ac libero toti po-  
 puli motu, in Gallos, insultantes, ad vespertinam illis, memoratam satis, inferendam ne-  
 cem commoti sunt, quā singuli postea singulis suis hospitibus intulerunt. Quo com-  
 misso facinore, Siculi statim, publica ligatione missa, proiciētes se ad istius nostri Re-  
 gis pedes: eidem, quod maritus esset Costantiæ Reginae, filię Manfredi, Sicilię quon-  
 dam, vt diximus, Regis; vniuersum ipsum Siciliense Regnum, bona, fortunas omnium,  
 ac sese metipso totos offerentes prorsus, illius auxilium, ac fidem implorauerunt. Pe-  
 trus Rex turpe statuens eos deferere, quorum legati supplices ad ipsius pedes miserē la-  
 crymantes iacebant; Sicilię præterea Regnum, quod iniuste à Carolo oppressum sæpius  
 30 mœruerat, vltro tunc sibi delatū vidē: quo erat ex celso, & magnifico animo prædius,  
 vniuersum totius imperii sui patrociniū in Siculorum opē immitendum decreuit: seq;  
 eis, & ad imperiū, & ad periculū atq; acie futurum præsto, victorięq; aut morte satis-  
 facturum spondit. Læcirco protinus ingēti classe, quā iam antea ornari iusserat, ad Si-  
 cilie oras appulsa, primus nostrorum Regum transmarina bella aggressus fuit. Sed an-  
 tequam nauim conscenderet, Alfonso filium natū maiorem, quem vniuersi Regni  
 Ordines in Comitibus Cæsaraugustanis, quorum supra meminimus, futurum heredem,  
 solito iurifurandi interposito fœdere, designauerant; diuisionibus Aragonum, Valen-  
 tię, ac Catalonię donauit: quasi illius animus futura mala, sibi iam imminenti, præse-  
 40 niret. Neque ea res cuiuspiam tunc in opinione esse poterat dubia, aut incerta. Siculorum  
 etenim causa in eum statim peruenerat, vt quisquis eorum partes suscipere vltro, atque  
 obuiam grauissimis se offerret periculis: cum non ipsius Caroli solum, ludificati Re-  
 gis, scutia, sed Romani Pontificis, ac Francorum Regis, qui illum fouebant, to-  
 tiusque ferē Italię concitata vis, & potestas in eum esset necessariō erupura. Sed ta-  
 men quæcumque proponeretur fortuna, eam sibi omnino Rex Petrus subeundam sta-  
 tuit: modò afflictis Siculis imploratam opem, auxiliumque præstaret. Itaque postquam  
 ex sententia nauigans, tandem cum maxima classe, equestribusque ac pedestribus piis,  
 Siciliam appulit; incredibili alacritate exceptus, Septemb. mense An. MCCXXCII. genera-  
 50 libus Comitibus indictis totius Sicilię saluatus fuit Rex. Cuius animū quod Siculi ipsi  
 ad quæcumque pro eorum defensione, subeunda pericula magis firmarent: sese prius o-  
 mnes, publica, ac sollempni vniuersorum Regni Ordinum iurifurandi religione interpo-  
 sita, deuinxerunt, pollicentes Regis vitam, ac commodum, quantum vires sufficerent,  
 defensuros, quoduisque sibi ipsis potius periculū adeundum fore, quā ab hac fide, &  
 voluntate deficerent. Regis etiam postea promissionem accessisse proditur, se eos, quos  
 tuendos suscepērat, numquam à se desertos esse passurum. Hinc varia bella commo-  
 ta sunt, acerbā, atque horrida: quibus diutissimē non ipsa quidem Italia modò, sed totus  
 penē Christianus orbis exarsit. In his autem omnibus Petrus noster Rex nedum præstan-  
 tissimi imperatoris susceptum munus, sed & fortissimi quoq; gregarii militis cumulatissi-  
 mē expleuit. Nam à Carolo competitore, qui strenui Principis locum obtinuit, in sin-  
 gulare certamen vocatus, impigrum se præbuit: ac oportuno, quamuis insperato tem-



pore, non sine magno vitæ periculo, constitutum certaminis locum accurrens, celebrum triumphum ex inimico absente reportauit: eum alioquin quod prouocator esset, primus eo loco sistere debuisset. Philippo etiam Francorum Regi, ipsius Caroli fratri, qui maximo suorum; & foederatorum comparato exercitu Cataloniam inuasit; perquam pusillis copiis obuiam procedens, audacter obstitit: eumque funesta peste correptum, inanem coëgit, ac mortuum in Galliam redire. Fuit etenim eidem Petro Regi, præter singularem hanc inuicti animi virtutem, quædam ad tot res benè gerendas diuinitus adiuncta fortuna. Sed tamen dum fortis ad pericula haberi voluit; in Reimpub. nostram se talem exhibuit, ut non magis eius tempore externis, quam malis domesticis laboratit. Nam cum ab eodem Rege antiqua Regni scita, patrieq; leges passim labefactarentur, nec quidquæ quotidianæ ea de re propositæ querellæ prodesse: nostri maiorum exēplo, atq; tissimam inter se coierunt generalem procerum, opidorumq; Vnionē, intermissæ libertatis vindicem: quam tanta constantia, animorumq; firmitate roborarunt, ut ab ea se diuelli nec vi, nec metu, nec ullis prorsus blanditiis paterentur: adeo ut inter hos tot, ac tantos externorum bellorum tumultus, nihilominus de communi, ac publica libertatis causa prius agendum statuerent, quam ab illa mente desisterent. Nec minoribus profectò, quam his omnibus angustiis efferuescentem Regis spiritum conquassari oportebat. Tandem nostri, quod cupiebant, consequuti sunt. In Comitibus enim Cæsaraugustæ habitis Ann. Chr.  $\infty$  ccxxciii. V. Non. Octob. Generale, quod vocamus, Priuilegium nobis irrogatum est: quo intestina bella aliquamdiu sedata fuerunt. Verum Rex Petrus, cuius acrem, & elatum animum non natura sua, sed necessitas ipsa lenierat; in iram nostrorum Vnionem acerbè fetens, Petro Martini Artassonæ, Iustitiæ Aragonum, Magistratum abrogauit. Quamuis autem se ad id adductum dicebat, quod ipse Iustitia sibi esset suspectus: simulatæ istæ omnes erant, & confictæ causæ: cum re vera quia in Vnione coeunda suam præcipuam operam Iustitia nauarat, contra eum Rex acerbam iram suam, intimo corde conceptam decreuisset, in muneris tandem abrogatione erumpendam. Cui statim quemdam præposuit Cæsaraugustanum ingenuum ciuem, Ioannem Egidii Tarinum. Vnde reuirescere coeperunt domestica mala, quæ iam exatuisse credebantur. Nostri enim hanc ob causam, quam summæ libertatis statuerunt, intermissam Vnionem renouarunt. Post varios tandem rerum euentus, Petrus Rex, ut nostros ad se alliceret, quod de Gallicarum copiarum aduentu graues sparsi essent rumores; Comitibus e ciuitate Osæ, ad quam fuerant indicta, ad Zueræ opidum, à Cæsaraugusta Vrbe non longè, Ann. Chr. m c c x x c v. transferenda decreuit. In quibus quamquam id, super quo præcipua contentio orta fuerat; utrum scilicet Rex ipsi Iustitiæ Aragonum, Magistratum abrogare posset, necne, definitum non exstat: sed iam nunc publica lege, ne id Regi facere liceat, interdictum est: quemadmodum demonstrabimus infra suo loco. Siquidem tunc in ea causa supersederi oportere visum fuit nostris. Etenim, cum Gallici exercitus tubarum sonitu, & clangore iam iam totum ferè Regnum personaret: satis benè res domesticas constitutas duxerunt, quomodo cumque constituerentur; modò in tanta rerum perturbatione, afflicti Regis animum, nimio tam potentis inimici exercitus terrore percussum, subsidio suo, ac impenso ope excitarent. Rex autem ea erat calliditate præditus, & astutia, ut se modò lentem, ac mitem, modò austerum, & acerbum redderet, iuxta oblatis sibi temporis fortunam. Itaque nostri veteres initas querellas deponentes, in patriæ defensionem properarunt: quæ Dei nutu, Regisque & suorum virtute ab imminenti Gallorum periculo liberata fuit. Sed hæc de re æquum erit hoc loco, ut Martini nostrum Regem loquentem audiamus. Nam sic ille, dum Gerundensem Ecclesiam donis locupletate curauit; quemadmodum in Registro Gratiarum Ann. m c c x c i x. continetur. *Quia accensi nedum splendore nostra deuotionis innate, quam erga Ecclesiam Sancti Felicis ciuitatis Gerundæ, quæ perfectione operis indiget, non immerito gerimus, cum ipsa beatorum Narcisi, & aliorum quamplurimorum Martyrum, quorum corpora in eadem Ecclesia requiescunt, præcessorum meritorum titulis illustratur: sed etiam instinctu Serenissimi Domini Regis, genitoris nostri, recordationis eximia. Qui, ut accepimus, beneficiorum non immemor antiquorum, quæ Altissimi misericordia, ipsorum Martyrum contemplatione, fuit in eadem ciuitate moles elargita: præcipue tempore guerra strepitus Regis Francorum. Cui, ac eius cohorti pestilentiam tantam muscarum, ipsorum Martyrum, ut legitur, meritorum suffragiis, miraculose immensus conditor Orbis immisit, quod earum fetidis stimulis ab expugnatione ciuitatis ipsius, quam viriliter debellabant, & in qua ipsorum quamplurimi perierant, penitus cessauerunt: sic quod ipsa ciuitas ab eorum manibus extitis liberata. Philippus enim Francorum Rex mortuus, ut retulimus, ad propria reuocatus fuit*

eodem



eodem Anno MCCXXCV. Quo noster Rex Petrus, ne diu tantæ victoriæ potiretur, A. 1285.  
D. IV. Id. Nouemb. in Villa Franca de Panades, Paenorum olim; nunc insigni Cataloniæ  
opido, ex hac vita migrauit. Barcinonæ in monasterio Sanctarum Crucum sepultus  
iacet: Princeps quidem ingenti rerum gestarum gloria refectus. Ex Costantia vxor-  
re, præter Alfonsum filium grandiorē, paternæ ditionis, ut paulo ante diximus, he-  
redem, reliquit etiam filios: Iacobum; Federicum; ac Petrum. Iacobum quidem, Re-  
gem Siciliæ primum, deinde Alfonso fratre sine filiis decedente, Aragoniæ ditionis po-  
titem: Federicum verò, in Iacobi fratris locum Siculis Regem successum: Siciliæ enim  
Regnum, à Caroli manibus ereptum, hereditario iure sibi, & posteris transiit incolume.  
10 Petrus autem filius natu minor, illustrissimam, ac ditissimam familiam, Gulielmam Mo-  
nacham, vxorem duxit: quæ per id temporis parrochiam beatæ Mariæ de Pilari ad no-  
stram hanc Urbem Honoratio retinebat iure, sicuti Gastoni Beneharnensi Vicecomiti  
prius tradita fuerat, quemadmodum supra explicauimus; à quo ipsa Gulielma originem  
ducebat. Sed ea postea sine prole decedente, ex ipsius testamento, ut prædictum, illa Urbis  
Regio in Regum potestatem peruenit. Filias etiam reliquit: Isabellam; & Costantiā,  
quam nonnulli Violantem nominant: hanc Ruperto Neapolitano Regi nuptam: illam  
verò Dionysii Lusitanæ Regis vxorem; quæ plurimis eximie sanctitatis miraculis ful-  
gens, Sanctorum numero adscripta fuit: quartusq; dies Iulii eius annuā celebritate apud  
20 ipsos Lusitanos peragitur. Alios etiam filios idem Rex Petrus habuit, non iusto matrimo-  
nio natos. Ex quadam enim Maria Nicolai suscepit tres: Iacobum; Ioannem; & Beatri-  
cem. Ex alia Agnesia Zapata quatuor, Petrum, Ferdinandum, Sanctiam, ac Teresiam: ex  
quibus varia soboles propagata est. Huius autē Regis Regno, An. Chr. MCCXXXIX. à qua-  
dam Domna Oria, Pallariensi Comitissa, illustre, quod nunc exstat, Beatæ Mariæ de Ca-  
stillas cœnobium de Stephani Oscensis Episcopi consensu ædificatum fuisse comperio: a-  
liud verò paucis post annis funditus euersum, quod ad Bayo, prope Sadabam opidum,  
temporibus Raymundi Berengarii, Barcinonensis Comitis, Circ. Ann. Chr. MCXLVI.  
constructum fuerat. Ipsius autem euerfionis eam fuisse causam perhibent, quod Prior,  
ac Monachi illius, turpi iudicio malæ erga patriam fidei, conuicti fuissent. Cuius ruinæ  
nonnulla hodie cernuntur vestigia. Iustitias autem Aragonum sub hoc Rege constan-  
30 tum fuisse inuenio; quos annotaui: Petrum Martini Arrassonem; ac Ioannem Egi-  
dii Tarinum, qui Alfonso etiam Rege regnante, eundem Magistratum per aliquot annos  
obtinuit.

ALFONSVS III. MVNIFICVS, ARAGONVM REX XVI.



40 Regis namq; Petri mortui hereditas gloriæ, ac ditionis ad filium  
peruenit Alfonsum: qui tacti rerum magnitudine ob exiguum  
sue vitæ curriculum patri adæquari nō potest; plurimum tamē ei-  
de præstitit māsuetudine animi, ac liberalitate. Vnde Larg⁹, & Mū-  
nificus cognominatus est. Ad Balearē maiorem insulam, viuente  
patre, profectus, Maioricæ Regis sibi nomē vendicauit, patrio in-  
de pulso, quod Gallis in partem irruentibus opē tulisset. Ibi eide-  
de patris morte nuntiatum fuit. Quæ de re statim literas ad nostros  
misit. In quibus cum se Aragonum Regē nominaret, nostris id per-  
quam graue visum est: proptereaq; legatos ad eum decreuerunt, tū  
patris mortem maxime dolentes, tum etiam expostulantes ne ante Regale Diadema  
maiorum more susceptum; Regio se nomine honestari pateretur. Quibus Re-  
gem benignè respondisse ferunt, se minime quidem id fecisse, ut antiquis patriis mo-  
ribus deductio fieret: sed quia indecorum fore iudicauerat; se, qui iam Maioricæ Re-  
gno occupato, Regale inde sumptum nomen adsciuerat, Regio nomini Infantis Ara-  
gonum nomen anteferre. Hoc autem, quod erat totius sue ditionis caput, nullo mo-  
do postponendum censuerat. Verum se illico Cæsaraugustam venturum, ut in ea  
pro veteri consuetudine suam cumulatē officium expleret. Quod ita effectum fuit. Fe-  
ria enim quinta Maioris Hebdomadæ, Ann. Chr. MCCXXCVI. eam Urbem ingressus 1286:  
est: ac in templo maximo illius, sequenti Dominicæ Resurrectionis die, oleo peruni-  
ctus sacro, Regale nomen, ac munus assumpsit: antiquaque Priuilegia, ac Regni scita  
quamprimum confirmauit, nostris ibidem generalibus Comitibus institutis. In quibus  
nullę leges conditæ. Quædam tantummodò facta fuerunt Comitialia decreta de Regiæ  
domus ornatu, atq; ordine. Veteres enim fuerant ea de re sæpius à nostris querimoniz ia-  
statq; nouam scilicet rationem, & modum adhiberi oportere, ut dispersum, & dissipatum



Regale patrimonium conneckeretur. Nostri etiam Regiorum Aulicorum munerum mandandorum curationem ad se solos spectare contendebant. Rex id neque præscriptam aliqualege cantum asseuerans, neque usu receptum esse, à conuentu discedens, Osecam properauit. Ex eo res in maius adducta est discrimen. Nostri enim contra, & Priuilegio generali rogatum, & in more positum affirmabant. Verum à Comitibus intempestiuè discedere, id quidem dicebant, Regi nefas fuisse: neque tantam iacturam factam iuris æque sustinendam. Idcirco protinus Vnionis vires, ac nomen concitarunt: quòd pro communi causa libertatis non verbis solum, sed armis quoque contendereliceret. At Alfonso Rex mala, quæ aderant iam, & impendebant, depellere cupiens, Osecæ vbi aderat, de quorundam procerum sibi assentientium consilio, infra scriptas sanctiones ex edicto suo promulgauit: quibus se credidit totam hanc controuersiam sedaturum. Edixit enim:

Vti deinceps Rex singulis diebus Lunæ in publico adesset: suorumque petitiones audiret.

Vnde Forus postea editus Ann. Chr. MCCC. sub Rege Iacobo II. huius Regis fratre, mandauit: quem nunc habemus sub tit. *Vt Dominus Rex in audientia diebus Veneris, vel Sabbati audiat conquereutes.* Sanxit etiam:

Vt consilarii Regii quotidie vnum se in locum ad consilium congregarent: Rex verò diebus Martis, & Veneris ante meridiem eodem congressu coniungeretur cum ipsis: vt eo præseente & priuata rerum suarum, & publica quoque negotia transigerentur.

Præterea:

Vt singulis diebus Iudices, quos vocabant, Curix in Aula Regia iudicia facerent.

Ad hæc:

Vti Quæstores Regii, & qui vectigalia exercebant, tribus personis à Rege destinatis datorum, & acceptorum rationes redderent. Rex autem, ac consilarii Regii ad hosce calculos vocarentur.

Item:

Vt Maiordomus Regius sumptuarias rationes quotidie à dispensatoribus acciperet, assidente sibi Scriba, quem vocant, Portionum: qui rationes ipsas subduceret, in codice sq; referret.

Alias etiam his similes sanctiones prout: quæ licet nostris placebant: displicebat tamen, quòd ex Regis edicto solum, non tamen de Comitiorum sententia latæ fuissent. Etenim maiores illi nostri permultum semper iudicarunt in omnibus rebus interesse, quibus illæ modis fiant. Propterea Vnionem initam minimè dirimendam duxerunt. Denique post varios rerum, euentus, quos hic recensere nequaquam est nostri suscepi muneris, Alfonso Rex in Comitibus Casaraugustæ habitis Ann. Chr.

1287. MCCXXXCVII: illa duo memorabilia Vnionis Priuilegia concessit: quæ tot postea virorum sanguine atrata fuere, actandem à Petro Rege IV. vt paulò post dicemus, abscissa. Eorum exempla, quæ vix vlla reperiuntur, in præfati Excellentiss. Archiepiscopi monumentis annotata inueni. Atque illa ego libenter adiunxissem huic meæ propositæ narrationi. Continent enim, quam initio expressimus, Fori illius Suprabienensis seriem, ac de Iustitiæ Aragonum potestate non pauca. Expresse enim cauebatur: ¶ Ne contra Iustitiæ Aragonum interdictionem, quam nos Iurisfirmam vocamus, Regem in quosuis animaduertere liceret. Quod si fieret, dabatur nostris libera illa, quæ fuerat in Suprabienensi Foro, optio delata. Sed libentius publicæ legi parebo, qua id facere nefas est decretum: mihi que ab ea re omnino temperabo, ne illa videar nunc velle me inducere, quorum memoriam, cum vestigio exempli, maiores nostri sapienissimè quidem non ex patrio more, atque institutis solum, sed ex priuatis etiam literarum monumentis delendam, vno omnium consensu, legeque publica ea delata, decreuerunt. Eorum itaque rogatione Alfonso Rex nostrorum animos quam maximè sibi conciliauit. Omnibus enim discordiis sedatis, armisque depositis, cum nihil postea nisi de ciuili pace tuenda cogitaret: eum mirificè coluerunt, & amarunt. Nec abs re. Præter hanc etenim eximix suæ virtutis laudem, in dando munificentissimus fuit, in exigendo autem non acerbus. Eleonoram, Eduardi Anglici Regis filiam, in matrimonium ducere concupiuit. Cumque tandem de pacta hæc inter eos nuptia fuissent, atque ad eas celebrandas magnificentissimi apparatus instruerentur, sic vt numquam sumptuosiores: pestilenti morbo affectus, mortè obiit immaturam A. D. x. v. Kal. Iul.



Iul. Ann. Chr.  $\infty$  c c x c i. ætatis autem suæ xxvii. In tumultu matris Barcinonæ in 1291.  
cœnobio fratrum minorum sepultus, liberalitatis, & mansuetudinis suæ triste omni-  
bus desiderium reliquit. Quod sine filiis decessisset; Iacobus frater è Sicilia Regno, cui  
post obitum patris præerat, ad hæc capeßenda traductus est: Federico alero traite in  
Siciliæ Regem adscito. Anno autem Chr. qui eius obitum antecessit, m c c x c. Vgo Ma-  
taplana Cæsaraugustanus Episcopus, Fortunii Verguæ successor, Religionis, & Fratri-  
bus Sanctæ Mariæ de Monte Carmelo x v. Kal. Iulii facultatem concessit, ut in Cæsar-  
augustana Vrbe sui Ordinis domum ædificare possent. Quæ eo tempore constru-  
cta fuit, quo nunc cernitur loco: ubi antea quoddam Diuæ Helenæ delubrum Eremi-  
ticum exstabat. Sed celebre nostra ætate ibidem monasterium inuisitur. Illius ve-  
rò structuræ initium datum fuit tempore huius Alfonsi Regis. Sub cuius imperio duos  
tantum Iustitias Aragonum fuisse constat: Ioannem Egidii Tarinum, quem supra an-  
notauimus; ac Ioannem Zapatam Cadreto, virum nomine, & memoria dignum: qui  
etiam Magistratum obtinuit Iacobi II. Regis temporibus, quæ nobis ordine pertractan-  
da occurrunt.

## IACOBVS II. IVSTVS, ARAGONVM REX XVII.



20 **A**Lfonso etenim Rege sine liberis decedente, cum Iacobus frater  
è Sicilia Regno, ubi aderat, ad hæc obtinenda fuisset vocat<sup>9</sup>,  
ac more solito, Cæsaraugustæ Regali insignitus diademate, illorū cu-  
rationē suscepisset; cumq; nec multos post dies magnum quoddā  
apud nos quorundā Optimatum dissidium excitatū, cō vsq; ipsos  
perduxisset, ut sibi licere contēderēt ab ipsius Iacobi Regis offi-  
cio deficere, & ad alterius cuiusvis peregrini Regis mercedē se ipsos li-  
bere accommodare, q; se prædicarēt in plurimis rebus nimis graua-  
tos fuisse, ac maximis cōtumeliis affectos: ad eos sibi conciliandos Ia-  
cobus Rex Magistratus Iustitiæ Aragonum (cui tunc præerat idem,  
quem nominauimus, Ioannes Zapata) præsidium flagitauit: deposcens, quatenus Opti-  
mates ii ad docendum præmerentur, qua de causa huiusmodi faciebant dissidia, si-  
30 tis ne esset ista eorū iusta defectio. Ioannes verò Zapata Iustitia Aragonum pro  
suo munere, re ipsa accuratè perspecta, & cognita, iucundè, ac suauiter (quæ miri-  
fica est huiusce Magistratus vis, ac potestas) Optimates illos, qui ex totius Regni pri-  
moribus erant, cum Iacobo Rege consociauit: edicto prius, ut quæ iactabantur Re-  
sententiæ protinus omnes paruerunt. Rex tunc Iacobus benignè, ac liberaliter eos  
in suam fidem recepit. Fuit enim æquitatis studiosissimus cultor, acerrimusque iniu-  
stitiæ inimicus. Vnde meritiò apud omnes nobile, ac illustre Iusti Principis cognomē-  
tum obtinuit. Vxorem duxit Blancam, Caroli Neapolitani Regis filiam. Dep-  
40 prias nequiuit, Celestino V. Pontif. Max. consanguinitatis gradui, quo inuicem coniun-  
cti erant, indulgere reuente. Propterea Ann. Chr. m c c x c v. Blancam in matrimo-  
nium habuit, nimis sanctitatis feminam, beati Ludouici Tolosani Episcopi, cuius erat  
germana soror, pietate, ac religione valde consimilem. Quinque ex ea filios susce-  
pit: Iacobum, Alfonsum, Ioannem, Petrum, ac Raimundum Berengarium. Filias to-  
tidem: Mariam, Costantiam, Ysabellam, Blancam, & Violantem. Iacobus quidem  
natu maior (ut de his omnibus aliqua in medium adducamus) viuente patre totius e-  
ius ditionis heres designatus, illius successionem, & quod summum fuit, Eleonoram  
Ferdinandi Regis Castellæ filiam, sibi in coniugem, sacro Missæ nuptialis fœdere icto,  
datam reiecit, non sine magna omnium admiratione, patris verò acerbitate, & tristi-  
50 tia; qui summopere filio Regale Diadema imponendum optarat. Tamen factum  
hoc minus consideratum, ac leuitatis, & futilitatis plenum, visum fuit. Etenim cum  
Iacobus filius, dimissa vxore, licet minimè cum ea concubuerat, Sancti Ioannis Hero-  
solymitani Religioni primum, deinde Beatæ Mariæ Montecæ militari instituto, quod  
his temporibus cœperat, se addixisset; temperantiæ quidem, aut continentię nulla,  
incontinentię verò, & mobilitatis plurima satis testimonia dedit. Tandem adhibito  
sollemni, quod vocant, scriptionis genere, vltro se paternorum Regnorum exhere-  
dem constituit. Quorum propterea ad Alfonsum fratrem meritò venit hereditas.  
Fuit namque Alfonsus, Princeps minimè maioribus suis indignus. Sed de eo paulò  
post dicendi locus erit. Ioannes autem, huius Regis tertius filius, ex Montis Arago-  
Tomus III. K k k 2



num Abbatia ad Toletanæ Ecclesiæ pastoralem curam euectus, inde ad Patriarchatum Alexandrinum cum Tarraconensis Archiepiscopatus administratione assumptus, doctrina, & sanctitate mirifice claruit. Petrus quoque illius frater, Ripacurtiæ Comes, pietate, ac religione insignis fuit. Ipse enim Comitatu, qui iamdiu Regio Diademati subiunctus exstiterat, à patre donatus, Ioanna vxore mortua, Fuxensis Comitissæ sorore, cum filiis ex ea procreatis ampla sua bona partitus, mendicitatem illis omnibus præferens, in Valentina vrbe Beati Francisci Religionem suscepit, ac in ea mira, & singulari paupertatis patientia ornatus, vixit, & obiit. Cuius postea Alfonso filius natu maior, vt demonstrabimus, Martino Rege mortuo, Regnorum successiõnem appetiuit. Raimundus autem Berengarius Pratensem obtinuit Comitatum. Atque hæc de filiis. Maria verò filiarum grandior Petro Infanti Castellæ nupsit: Costantia Portugaliæ Regi nepoti: Ysabella autem Federico Austriæ Duci, Romanorum Imperatori designato. At Blanca filia, insignis fuit Xixenensis monasterii Priorissa. Sed Violans, primum Philippi Romaniæ Despoti vxor; eoque deinde mortuo, D. Lupi Lunæ, primarii apud nos viri, Segorbiensis ciuitatis domini: qui postea Lunensis Comitis nomen assumpsit. Tanta, tamque illustri progenie Iacobum hunc Regem Regina Blanca vxor honestauit. Quæ quamdiu vixit, piis semper operibus intentata fuit. Celebre, quod nunc Cæsaraugustæ exstat, Monialium Sancti Dominiici monasterium sub Sanctæ Agnetis nomine construxit. Circiter Ann. Chr. 1300. MCCC. Atque eodem anno, Regis ope, & impensa, ad Ilerdam urbem publica disciplinarum Gymnasia, ac Scholæ constitutæ fuerunt. Decennio autem post, Ann. 1310. Chr. MCCCX. Baremonæ Regina ipsa Blanca extremum vitæ suæ diem morte contempsit. Monachos Augustinianos his temporibus, Circiter Annum Chr. MCCCXII. Cæsaraugustam venisse comperio: in eaque sui Ordinis domum collocasse, forsitan quo nunc videtur loco. Nèc longè post, cenobium Monialium Sancti Sepulchri fuisse institutum à nobilissima Marchesia, Theobaldi Nauarræ Regis filia, Petri Ferdinandi Yxantani vxore, Circ. Annum Chr. MCCCXIX. Is autem annus apud nos & præcis sæculis, & præsentibus, memorabilis semper habitus est, nedum Mariæ Regine Aragonum morte, quæ cum Iacobus Rex mortua Blanca se matrimonio coniunxerat, et itque soror Henrici Regis Ciprius Cæsaraugustanæ Ecclesiæ in Metropoli-  
tanam cohonestatione Ioannis XXI. Pont. Max. speciali gratia, & fauore. Proditur enim Pontificem hunc Ecclesiæ nostræ studiosissimum fuisse. Post hæc autem Ann. 1322. Chr. MCCCXII. Iacobus idem Rex aliam duxit vxorem, Elisendam Moncadam, nobilis Petri Moncadæ, & Bergæ Pinos filiam. Sed nullam ex ea, neq; ex superiore Maria, prolem suscepit. Filium habuit illegitimum, Iacobum: quem amplissimo patrimonio in Sardinia donauit. Illius enim, & Corsicæ sollemnem, quam vocant, Inuestituram à Bonifacio Pont. M. obtinuerat: quamquam in earum expugnatione diu, ac sæpe ita armis, & ferro tam Iacobo ipsi, quam posteris Aragonum Regibus contendere oportuit: vt non gratis traditæ ambæ hæ Insulæ censerentur, sed plurimo sudore, & maiorum nostrorum sanguine partæ. Iam verò ne rerum in Siciliæ gestarum, quæ multæ, & magnæ exstiterunt, narrationem penitus omittamus, Iacobus Rex, qui dum Siculis præfuit, constanti animo, & virtute, officia eorum, ac partes suscepit; ad hæc nostra transla. us, mentem, voluntatemq; suam mutare coactus est, armaq; quibus sæpius pro illis dimicarat, subito in eorum damnum conuertere. Etenim cum huiusmodi Regna vehementer affligerentur, quod indies contra se, ob eam Siculorum causam, Apostolicæ Sedis indignatio ingrauesceret, diuque Ecclesiastico subiacerent Interdicto: pro summa, quæ semper, Diuino beneficio, apud nos viguit illius Sæcæ Sedis obseruatiã, maiores nostri cum Iacobo Rege, statim in suo apud nos regnandi initio, agere cœperunt, vt quoquomodo fieri posset, tot incommodis patriam leuaret. Ille verò à Romano Pontifice id obtinere nequiuit, nisi prius ad arma ære proprio contra Siculos ipsos sumenda se ipsum obstringeret. Eam enim, Ecclesiæ causam esse, Pontifex ipse decreuerat. Itaque in eorum, quos prius fouerat, periculum noua Regem moliri oportuit: vt Sanctæ Sedis concitaram iram, quando aliter fieri non poterat, etiam Siculorum periclitatione, leniret. Quo Regi ad dolorem nihil accidere potuit acerbius: quandoquidem belli fortunã non in eorum modò diferimen, quod acerbum erat, tentare cogebatur, sed, quod acerbissimum, in Federici germani fratris ruinã: quem Siculis ipsis Regē cōstituerat. Siculi tamen, qui dubiis rebus forsitan fuissent infirmiores; desperatis magnopere confirmati fuere maioremque Federico Regi, quàm antea habuerant, addere animum cœperunt. Ipse verò Federicus, cuius animi magnitudinem nulla vnquam infestare  
potuit



potuit aduersa fortuna, omnium in se obiecta tela, vi sua, ac virtute, perfregit. Tandem Siciliæ Regno quamdiu vixit, potitus est, & posteris suis hereditarium constituit. Sed ipso Regno præstantiorem eis tradidit hereditatem; gloriam nominis sui, rerumque gestarum. Ob quas viuentem proditur, vna omnium consensione, adeptum fuisse amplissimum Federici Magni cognomentum. Sed de his dicere mihi longum esset præsertim ad alia properanti. Hoc breue dicam, hæc, quæ cernuntur, Siciliæ Regni militaria Insignia, ab eodem Federico Rege constituta fuisse, ex Aragonum Regum, & Romanorum Insignibus Imperatorum, à quibus maternus auus, Manfredus Rex, originem ducebat, compacta. Noster autem Rex Iacobus (vt ad eum redeamus, cuius hic res gestas breuiter suscepimus perstringendas) postquam manum à Siciliensi bello subduxit, non sine magna Romani Pontificis, Gallorumque omnium querimonia, qui Siciliæ Regnum funditus conterendum proposuerant: ad nostros reuocatus, in hoc sibi totis viribus elaborandum constituit, vt quæ ad sacros ritus pertinerent, assiduisque bellorum tumultibus fuerant dissipata, diligenter instaurarentur, summaque esset in omnibus suis Regnis iniuredicundo seueritas. In quo tantum consequutus est, vt nec multos post dies omnia viderentur à summis laboribus, & miseriis ad placidissimam pacem, & tranquillitatem traducta: tamen si eam (quæ mira fuit illius sæculi labe) aliquamdiu perturbarunt nouæ quorundam concii atque ex nostris hominibus dissensiones. Qui cum se stipendiis militaribus, quæ merebant, vulgarique nomine, *Cauallerias* vocabant, conquererentur spoliari à Rege sine causa: minimè dubitarunt Coitionem quandam, ad Vnionis instar, facere inter se, & iuramentis, & obsidibus communitam. Id enim sibi & maiorum more, institutisque concessum esse, ac legibus, & Privilegiis Regno rogatis, affirmabant. Rex verò contendebat, se malitiosè nihil contra quemquam eorum nec fecisse, nec facturum vnumquam, quin potius iniquè has de se querellas à nonnullis ex eis iactitari, qui maleficio, & scelere pascabantur, proptereaque ipsi iustitiæ nomen odiosum erat: placere sibi, quod causa hæc apud Aragonum Iustitiam, quæ admodum patrium summum diffinitum ius erat, ageretur. Itaque ad Cæsaraugustam Urbem Comitibus indictis, istius contentiois iudex constitutus fuit Iustitia Aragonum: magnus ille, clarus, & præstans, Eximius Petri Salanoua, Ioannis Zapatae successor, nomine, ac memoria dignissimus vir. Qui vt M. ille Varro Romanæ antiquitatis, sic ipse nostræ diligentissimus inuestigator fuit; earumque rerum scientiam, quæ apud nos solo vñ constabant, à maioribus acceptam, auctamque per se se, pluribus quam antea, ac illustrioribus literis explicauit. Eas autem, quod ab ipso collectæ fuerint, Salanouæ Observantias appellamus. Re igitur in iudicium adducta, quamquam ii, qui causam dicebant, Iustitiam Aragonum ab illius cognitione repellere conati sunt, asserentes, cum in ea, de iurisiurandi religione violanda, seruandave agendum esset, idque ad Indicis Ecclesiastici iudicium spectaret, quod causa illa esset merè (vt loquuntur) Ecclesiastica, minimè eam posse propterea à Iustitia Aragonum definiri, qui Sæcularem tantum iurisdictionem exercebat: verumtamen Iustitia Aragonum, de more pronuncianit, ac sine vlla exceptione præcidit; Coitiones eas penitus dirimendas esse, tamquam minimè permisso legis initas, iuramentaque ob eam causam adhibita, rata esse non debere, quod in re minus æqua facta fuissent. Ipsarum verò Coitionum magistros, & auctores Regis nutui, ac voluntati subiacere: modò ne de capitibus illorum, nec de omnibus bonis præscriptio ferretur: neve mulctarentur perpetui carceris, aut exilii pœna. Sanxit præterea: ¶ A sententia per Iustitiam Aragonum de Comitiorum consilio lata nullum prouocationi locum relinqui. Rex hilare, ac studiosè dicto audiens fuit. Seenim libenter cum suis coram Iustitia Aragonum actorem sapius constituerat, vt vel se eis æquabilem, ac iustum præstaret, vel facilius nocentes opprimeret. Proditur autem eundem de se seplerumque solitum affirmare: se numquam in omni vita sua in iustitia fouenda à recta conscientia fuisse transuersum, nec scientem ab obseruatione legum vnguem discessisse. In his autem Comitibus, quibus hæc gesta feruntur, Ann. Chr. mccc. ad Cæsaraugustam, vt diximus, Urbem, idem Rex antiquas leges emendandas curauit, ac in meliorem ordinem redigendas. Quarum qui tunc liber editus fuit, more antea seruato, nonus Fororum Aragonum liber appellatus est. In quem etiam coniectæ sunt aliæ leges, deinde nobis sub eodem Rege constitutæ, tam in Comitibus ad eandem Urbem in sequenti Ann. Chr. mccc. i. habitis; quam in aliis, quæ Alagonis opido Ann. Chr. mccc. vii. & Darocæ Ann. Chr. mccc. xi. ha-





- bita fuerunt. In quibus enucleandis multa accuratè effecit Salanoua ipse, singulari sua diligentia, & doctrina. Vltimis verò Comitibus ab eodem Rege habitis Cæsaraugu-  
 1326. stæ Ann. Chr. mcccxxvi. insignis illa, quæ hodie exstat, generalis Priuilegii Decla-  
 ratio rogata fuit: eaque plurimæ dubitationes, & controuersie sublata, ac nonnul-  
 læ libertates Regno attributæ: quæ antea non lege fortasse scripta, sed in capitibus pru-  
 dentum, ut in præfatione exposuimus, communique omnium ore versabantur. De-  
 mum his, nonnullisque aliis rebus, Iacobus Rex nostris se reddidit beneuolentior.  
 1327. Nec diu equidem postea vixit. Anno enim Chr. mcccxxvii. A. D. IV. Non. No-  
 uemb. Barcinonæ vitam amisit, annum agens ætatis suæ sexagesimum sextum. Ibi-  
 dem in cœnobio Sanctarum Crucum sepultus est: diuturnisque exequiis, sed diuturnio-  
 ribus lacrymis merito cohonestatus. Fuit enim simplicis cuiusdam veritatis, iustitiæque  
 amicissimus: bello præterea, ac pace amplissimus, & clarissimus Princeps. In eius lo-  
 cum Alfonsus filius successit. In locum autem Salanouæ, Sanctius Eximini Ayetbius:  
 qui diu ipsius Alfonsi tempore eidem præfuit Magistratui. Sed nunc nobis de Alfonso di-  
 cere propositum est.

## ALFONSVS IV. BENIGNVS, ET PIVS, ARAGO-

NUM REX XVIII.



- ET ENIM ob miram, quam diximus, fratris grandioris inconstan-  
 tiam vitæ ac mutabilitatem, Alfonsus iste, Iacobi II. F. totius pa-  
 ternæ ditionis heres institutus fuit. Iampridem autem Ann. Chr.  
 mcccxiv. nobilissimam, ac ditissimam, Teresiam Entenzam, vxorē  
 duxerat; Gombaldi Entenzæ, & Domnæ Constantiæ Antilionis fi-  
 liæ: Vrgelitanæ Comitatus, plurimarumque aliarum ditionū heredē.  
 Ea simul cum Sæcio filio, illius partu correpta, Cæsaraugustæ obie-  
 rat quæ riduo ante socii Regis interitum: ibidēque in celeberrimo  
 Sancti Francisci monasterio sepulta iacet. ut hoc acerbissimo casu  
 minimè possit inter Aragonū Reginas numerari. Filios peperit: Al-  
 fonsus, qui paruulus obiit; Petrum, septimo mense natum, qui patri in Regno succes-  
 sit; Iacobum, Vrgelitanum Comitem, cuius postea nepos, ut mox dicemus, Regnum  
 appetiuit; Federicum, qui puer mortuus est; ac Sanctium, qui quemadmodum memo-  
 rauimus, vna cum matre ante extinctus fuit, quam penè exortus esset. Filias quoque Co-  
 stantiam, Iacobo Maioricarum Regi nuptam, & Isabellam, quæ eodem anno, quo ma-  
 ter, vitam amiserat. Alfonsus itaque & vxoris, & filii exequiis operam danti; acerbum de  
 patris morte nuntium allatum est. Cuius interitu, domesticum luctum nouis lacry-  
 mis, ac fletu augeri oportuit. Sed posteaquàm iusta soluit paterno funeri cum ea, quam  
 decebat supremi illius diei celebritas, & magnitudo; Regale sibi Diadema imponendum  
 constituit, maiori quàm vmquam antea pompa, & ornatu. Comitibus propterea ad Cæ-  
 saraugustam Vrbem indictis, III. Non. April. Resurrectionis Dominico die, Ann.  
 1328. Chr. mcccxxix. à Petro Lupi Luna, primo almæ illius Vrbis Archiepiscopo, in  
 templo maximo, sacro perunctus oleo, coronatus est. Totam deinde vrbem, nobilē quo-  
 aduectus, ambulauit, magna adhibita ludorum varietate, vestiumque tum argenti, tum  
 auri mirabili copia: ut suæ maiestatis amplitudinem, ipsiusque vrbis magnificentiam, o-  
 mnibus, qui eo conuenerant, ostentaret. Quorum numerum Raimundus Mont-  
 ner, perquam grauis illius sæculi scriptor, qui se huic rei præsentem adfuisse perhibet:  
 triginta millia Equitum superasse prodit. His peractis, Alfonsus Rex ad publica Re-  
 gnorum negotia pertractanda conuersus, Darocæ in mense Septembris eiusdem anni  
 publico quodam edicto sanxit: Ne Patrimonium Regium, vectigaliue intra decem  
 annos vllō modo, neque à semetipso, possent abalienari, aut disiungi. Quod maximam  
 peperit inter fratres contentionem, grauib; postea inimicitiis incepsam: quæ diutius  
 1329. ipsam Rempub. afflictauit. Nam cum idem iste Alfonsus Rex Ann. Chr. mcccxxix. prio-  
 ri orbarus vxore, secundam duxisset, Eleonoram, Castellæ Regis filiam; quam ut mi-  
 nimus, Iacobus frater dimiserat; cumque liberis ex ea susceptis, Ferdinando, ac Ioan-  
 ni contra promulgatum à se se edictum, ampla quædam patrimonia constitueret: Pe-  
 trus Regnorum futurus heres, in quo acris quædam fuit acies ingenii, in se expoliari a-  
 cerbè ferens, nouercam, ac filios, quamdiu vixerunt, capitali odio persequutus est. Quod  
 licet diutius occultum continuit: verum patre mortuo, adeo immaniter in eorum for-  
 tunas, ac vitæ erupit, ut nec mitigari precibus, nec vlla vmquā sedari vetustate potuisset.  
 Aliter certè, quàm Alfonsus pater assueuerat. Mirum nāq; fuit & illis sæculis, ac etiā præ-  
 sentibus,



sentibus, Petrum filium, hoc tam pio patre natum, ac benigno, in tam dissimilem naturam incidisse: cum non in corporibus solum magnæ fuerint inter utrumque dissimilitudines, sed maiores etiam in animis varietates extiterint. In Alfonso enim pater, cuius hoc loco facta persequimur, omnia semper v. s. f. c. e. c. m. s. u. d. i. n. i. s. pietatisque & humanitatis plenissima, tum inter ipsos armorum strepitus, dum adolescens, à Iacobo patre imperator constitutus, Sardiniam expugnauit: tum etiam post susceptum ab eo Regale, ut dictum est, munus. ut siue mediam, siue extremam illius ætatem attendamus, hæc semper eidem fuerit ab omnibus collaudatio attributa: quasi in eo benignitas, ac mansuetudo naturaliter insitæ viderentur. Vnde sibi Pii, ac Benigni Regis cognomentum inuenit. Tandem morbo graui, & mortifero affectus, ex hac vitamigravit Barcinonæ A. D. ix. Kal. Febr. Ann. Chr. mcccxxxvi. Eius corpus ad Ilerdam urbem delatum fuit, ibique in monasterio Sancti Francisci, Ordinis Minorum, ut ipse iusserat, collocatum. Quamquam autem sub eo nullæ nobis leges constitutæ fuerunt: alia tamen produntur annotatione digna, quæ ad Magistratus Iustitiæ Aragonum ornandum munus spectant. Proditur enim à Sanctio Eximino Ayerbio, qui post Salanouam Iustitia Aragonum fuit, Ann. Chr. mcccxxxii. sancitum fuisse: Oriæ opidum intra Aragonios terminos constitutum esse, cum alioquin Catalani intra suos fines contenderent contineri. Post hanc autem Iustitiæ Aragonum sanctionem aliquamdiu istud opidum nostris finibus comprehensum fuit, tametsi postea Catalanis ipsis ex conuentu, & pacto, ut suspicor, restitutum. Ayerbio autem cum successisset Stephanus Egidii Tarinus; eidem, ac muneri Alfonso Rex in perpetuum concessit: Vt deinceps Iustitia, ac posterius publicos Curia suæ Notarios adhiberent; quod antea Reges ipsi facere solebant. Ex quo tempore, illius quæ vulgò vocantur *Scribania*, Magistratui connexæ continentur. Nec mediocris ea re ad illius ornatum cumulus accessit: Illud verò amplissimum, & insigne istius Alfonso de nostris legibus, ac libertatibus iudicium præterire nefas iudicauit, tametsi à proposito parumper digrediar: ut eas quanti à nostris Regibus æstimatæ fuerint, ostendamus: liceatque nobis in eo ipso paululum gloriari. Etenim cum ampla, ut retulimus, patrimonia filiis Ferdinando, ac Ioanni relinquenda Rex iste contenderet: grauissimæ seditiones apud nos ob eam causam commotæ fuerunt, Petro filio eas concitante. Sed longè multò grauiore: apud Valentinos. Ad quos reprimendos, sibi que conciliandos, (nimia quippe licentia redundauerant) Rex se cum Eleonora Regina, ac liberis Valentiam contulit. Ibi ergo ea de re cum ipso Rege, præsentem Regina, quæ ita efficiendum curarat, dum cœptum est agi: licentiora, ac duriora quædam verba, quam quæ ipsi Reginae æquæ viderentur sustinenda, prolata fuere. Cumque eam hilominus Alfonso Rex tacendo sustinisset: ipsius taciturnitatem Regina vxor, quo erat elato animo, atque ardenti prædita, ita hisce verbis statim exprobrauit in omnium, qui ibi aderant, vultu, & conspectu. *Miror profecto, o Alfonso Rex, quoniam pacto tam leniter ferre potuisti, quæ tibi modo dicta sunt. Si fratri meo Castella Regi, similia his, quæ tu audisti, fuissent prolata, minimè ea tam lente tulisset. Quinimo istorum impudentiam, qui talia loqui ausi sunt subito crudeli morte mulcasset.* Cui Rex: *Nostris populi, o Regina vxor, est propria, atque innata libertas, quam nos rescindere nequimus. Non enim, ut alie nationes, patitur seruitutem. Sed nostri nos reuerentur, ut Dominum: nos autem eos, tamquam fideles subditos, ac socios æstimamus.* Atque hæc de Alfonso. Nunc enim instituta ratio postulat sermonis, ut ad Regis Petri, qui ei successit, facta persequenda traducamur. Inopinanti autem accidit mihi, ut in tam longum de posterioribus his nostris Regibus sermonem delaberer. Eum tamen iam me ad exitum perducere oportet: neque extra rem suspicor id futurum. Cum enim omnia sint inter se nimis connexa, & colligata: ruerent facillimè, nisi alia aliis, posteriora que prioribus necerentur.





PETRVS ergò, Alfonsi IIII. filius, tanta ardebat cupiditate regnandi, vt se minimè posset continere, quin patre adhuc viuo, & viuento Regale nomen, contraquam fieri licebat, vsurparet. Fuit autem huius nominis quartus; inter Aragonum verò Reges numero nonusdecimus: Cærimoniosus iccirco appellatus, q̃ in cærimoniis Regiæ dignitatis seruandis diligens admodum fuerit, & curiosus. Ac nisi se fraterno sanguine polluisset, tantumq̃ domesticis, & ciuilibus dissensionibus implicasset: potuisset merito in optimorū Principum cœtu collocari. Fuit enim ad excogitandum acutus; ad audendum callidus; ad efficiendū acer, & pròptus; rei militaris peritissimus, summi consilii; maximi animi; vsu verò bellorum gerendorum, in primisque eorū hominum, qui sua ætate fuerunt, longè omnium exercitatissimus. Verū ita durus, suspiciosus, ac turbulentus fuit, tam singularique immatritate, ac sui sanguinis crudelitate præditus, vt summa illa ipsius ingenii vis, vehemensque natura visa equidem fuerit, tanquā fallaces herbar, desperatos fructus attulisse. Quamprimū autem regnare cœpit, magna orta fuit Catalanorum cum Aragonensibus nostris disceptatio. Catalani enim magnopere contenderunt; prius sibi, quā nostris leges, ac mores patrios ab ipso Rege confirmari debere. Nostri contra referebant; Catalanos nobis in honoribus; & dignitatibus non modò non antefendos esse, sed nec in aliquo quidem adæquandos: cū Aragonum Regnum, totius Regiæ diuisionis summum semper habitum fuisset fastigium. Neque quoad ipse Rex ad Cæsaraugustam, omnium Regnorum principem ciuitatem, more solito Regiis decoraretur Insignibus, Aragonensibusq̃ se foros ac libertates sanciret, & ab ipsis Rex constitueretur: licuisse vñquam nec Regale munus exercere, necdum Regium sibi nomen vindicare. Quam rem, licet minimè dubiam, Rex tamen disceptandam duxit. Tantopere enim nouitatibus, ac controuersis delectabatur: vt sensus, ac considerationem suam in earum quasi aucupium, quammaximè intendere videretur. Tandem Cæsaraugustæ prius Regale sibi diadema imponendum constituit. Comitibus ergò indictis, Dominica die, Sanctissimæ Resurrectionis festum proximè sequuta, Ann. MCCCXXVI. pretiosa amictus veste, aureaque corona insignitus, multis fulgentibus gemmis illuminata, patrias nostras leges, maiorumque instituta iureiurando firmavit. Catalanis postea ad Ilerdam conuocatis, lege suas, aliaque scita perpetuò seruaturum, simili adhibita iurisdictioni religione promisit. His ita constitutis, præter illud, cui supra meminimus, in nouercam, ac fratres concitatum odium, q̃ nisi misera, & ad extremū iactata eorum fortuna, minimè vñquam saturari potuit: in Balearicum Regē Iacobum, Costantiæ sororis maritum, aliis etiā pluribus & propinquitatis, & consanguinitatis vinculis sibi coniunctissimū, effrenato, ac præcipiti furore commotus, varia intulit tum obsignationis monetæ, tū diminutione maiestatis, tum etiā prodicionis crimina. Balearicū namque Regnum, iam inde ab illi constitutione, sub Aragonum Regum supremo iure, ac imperio constitutum fuerat. Petrus autem, miro certè in omnibus suis rebus simulationis artificio eruditus Rex, quod facilius posset omnium odio subiicere scelera ac fraudes, quas in Balearicum Regem inferebat; iure prius, deinde vi, & armis cum eo sibi decernendum proposuit. Sed rei exitus aperte indicauit illius ferocē animum, immanemq̃ naturam: quandoquidem nec miseranda Balearici Regis fortuna, qui se ad illius pedes supplex abiecerat, nec sororis lacrymis sæpius effusis, nec multorū precibus in eorum opem adiciis, a suscepta via potuit vñquā deduci, quin Balearicū Regno spoliaret. Quod tandem Aragoniæ ditioni perpetuò subiunxit: vt misero, atque infelici Balearico Regi nulla spes reliqua esset. Cuius tam acerbum casum longæua ipsius vita acerbiorē reddidit. Diu enim vixit patria pulsus, & Regno. Clarentius tamen deinde nominari voluit; hac tam peregrini nominis mutatione, se eum, qui antea erat, simulare studens. Neque ea Balearici Regni euatione contentus, statim Petrus Rex nouam aliam machinari cœpit: qua iura, ac libertates nostræ in extremum pene discrimen adductæ fuerunt, ac dimicationem fortunæ. Etenim cū virili prole careret, quod Maria Regina vxor Philippi, & Ioannæ, Nauarræ Regum filia, quam Ann. Chr. MCCCXXXIX. in coniugem acceperat, filias sibi tantū peperisset, Costantiā, Ioannem, & Mariam: Rex, se viuento, decernendum constituit: Vt eo sine filiis masculis decedente Regnorum omnium successio Costantiæ filiz grandiori deferre-



deferretur: prætermisso Iacobo, ipsius Regis fratre germano: cui, eo casu, hereditario ac legitimo iure eadem omnis hereditas obueniebat. Quæ quidem contentio omnibus visa fuit magnitudine profecto grauissima: nouitate autem, certè prima. Minimè enim videbatur ullam ea in re dubitationem esse posse, quin Iacobus frater, quem Rex palam heredem antea dictitaret, Regis filiis masculis deficientibus, in Regno succederet, filiabus Regis penitus exclusis: cum à longo iam tempore generalem Regnorum gubernationem Iacobus ipse tractasset: ad quam sedere, solis filiis Regum masculis primogenitis, futurisve Regnorum heredibus concedebatur. In tot autem malis, quæ hanc ob causam iam aderant, atque impendebant, repente lætissimus dies quidam illuxit Ann. Chr. MCCCXLVII. quo Maria Regina, Valentia filium peperit: cui Petri nomen inditum fuit. 1347. Eo enim in lucem edito, omnis hæc dirimebatur controuersia de futura Regnorum successione. Sed subito idem ipse dies calamitosissimus fuit: eaque omnia quam citò ex huiusmodi læticia, & voluptate ad luctum, & lacrymas reciderunt. Infantulus namque Petrus, statim dum sacro Baptismate fuit insignitus, decessit: ipsaque Regina, quinto postea die. Quod ingens sanè infortunium, omnibus, qui Regis acerbitate fuerant experti, illiæo maiora minari Reip. mala visum fuit. Præcipiente enim furore Rex Petrus, instituti sui nequaquam oblitus, nec multos post dies, Iacobum fratrem à suscepta generali Regnorum gubernatione deiecit: omnibusque iis, qui eius nomine aliquibus præerant Magistratibus, eosdem abrogauit. Nec non & publico edicto fratrem exheredans, Constantiam filiam generali gubernationi præposuit, tamquam veram, legitimam, vnicamque quam statuerat totius Regiæ ditionis heredem futuram. Neque verò vafro, ac callido Regi verus suus abfuit ad præcauendum astutia. Nonnullos enim ex nostris ad sese allicere curauerat, tum legum peritos, tum etiam Optimates: quorum auctoritate, & consiliis nefarium istud facinus colorabat. Ceteros nequaquam potuit in suam voluntatem adducere: quia nefas habebant, Rege sine filiis masculis decedente, fratrem Iacobum à futura deturbare Regnorum successione, quæ ad eum paterno, atque auito iure, omnibus claro, & notissimo pertinebat. Inde apud nos plurimæ suscitari cœperunt ciuiles seditiones, domesticæque bella, acerbæ, atque horridæ: quæ vniuersam Regis ditionem vehementer afflictarunt, hō tam diuturnitate temporis, quam ingenti malorum multitudine, incendiis, rapinis, & iis omnibus, quæ in atrocissimis bellis contingere solent. Qui enim ex nostris patriæ libertati studebant, quorum maior, & integrior pars habebatur, hanc tam grauem Iacobo iniuriam factam, haud leuiter ferendam statuerunt: neque Iacobo ipsi solum, sed vniuersæ Reip. factam fuisse. De qua nihil profuturum esse iudicantes, verbis conqueri, aut deplorare, quod inexorabilem Regis animum cognouissent; decreuerunt eidem obistere oportere armis, & vi: ne effrenato, ac solito suo furore, ad maiora damna patriæ inferenda, quemadmodum iam cœperat, properaret. Itaque maiorum peruulgata exempla vendicandæ libertatis sequuti, denuo duobus illis Priuilegiis, quorum paulo ante meminimus, roborata; priscam illam Vnionis, quasi iam morientis Reipub. extremam vocem, auctoritatis, & grauitatis plenam, Regum insolentia apertum indicem, summa, ac singulari bonorum omnium consensione, excitauerunt. Quæ rei gerendæ ratio, tametsi antea Regiæ potestatis vim sæpius obsederat; verum periculosa nimis eo tempore videbatur. Callidus enim, & versutus Rex eos ex nostris Optimatibus ad suam voluntatem adiunxerat, qui erant ex potentioribus, & primariis viris. Sed ita contractares fuit, & adducta in angustum, cum magna etiam esset aliarum iniuriarum vis; ut ad propulsandas eas nullus alius aditus nostris patèret, nisi solius Vnionis perfugium. Nondum enim tunc in Iustitiæ Aragonum Magistratum (quem illustris ille, egregius, ac præclarus vir, Garthas Ferdinandi Castrus gerebat) ea congesta fuerat potestatis vis, quæ ad reprimendos impetus hosce sufficeret. In ipsam namque Vnionem maiores illi nostri admodum veteres, plus certè, quam decuisset, opis, & dignitatis contulerunt. Nihilominus tamen est valde mirandum, nullum ex his rebus, quæ hac tempestate gestæ fuerunt, istius Magistratus affari odorem: licet nonnulli perhibent nostros illius iudicium subterfugisse, à Regis fratribus concitados, tum Iacobo, tum verò præcipue Ferdinando, ac Ioanne: qui in hanc tantæ dissensionis materiam, tamquam funestæ faces, adhæserunt. Et fortasse ipse Rex, vstitata sua calliditate, & astutia, hanc nostris labem inferendam curauit, ut probabili aliqua causa, sin iusta minus, in patriæ fortunam, quos molebatur, impetus compararet. Quoquomodo se res habuerit, nostri veteri exemplo, & instituto, solitam Vnionem inierunt: quasi communi consilio, in retinenda libertate, vna mente, & voce consentientes. Dare autem operam cœperunt, ut quam primum



omnes Cæsaraugustam Urbem conuehrent. Ibidem ergo frequenti illico concursu facto, publici istius consilii auctores, ac rei gerendæ duces, Vnionis Conseruatores vocatos, designarunt. Ipsi autem merito statuentes, necesse omnino esse ea in re omnes virum nervos contendere, quod ferox Regis natura comprimi leui brachio non posset: ut ceterorum mentes facilius permouerent; cœperunt statim ad patriæ præsidium non solum præsentēs multis cohortationibus, & exemplis; sed absentes quoque variis literis, ac nuntiis, diligenter instructis, excitare. Verumtamen ne hæc alicubi possent vitio verti, viderenturque fortasse contra Regiam dignitatem inita, cum nequaquam tenderent, nisi ad retinendam tantummodò libertatem: magnum quoddam efficiendum curarunt, ad omnia quæque ob signanda Vnionis monumenta, Sigillum. In quo ut sanæ eorum mentis, innatæque fidelitatis illustre, ac publicum signum existeret, reconditæque illorum animi, casti, atque integri, perpetuò apparerent: hæc omnes rerum ibi expressarum apponendas effigies decreuerunt: siquidem, Regem ornatu Regali in Solio pro tribunali sedentē, populūq; armatū circumstantē, ad illius pedes abiectū, & supplicē, Regis misericordiam captantē. Ercæ quidem pulcherrima sunt fidelitatis, & consentientis multitudinis signa: neq; solum fidē, sed & fortitudinē etiam præferunt: quasi & Regis insolentiz indicia ostenderent, & nostrorum propterea dolorē vultu, gestuq; significarent, seq; coactos, & inuitos ad arma pro patriæ defensione capiendā fuisse commotos. Non autē audaciz, aut confidentiz tribuendā videntur: quemadmodum placuit nonnullis; sed potius summæ erga Regē fidelitatis: quāndōquidem inter ipsos armorū strepitus, etsi Regis intemperantiā exprobrabāt; supplices tamē, animo demisso, atq; humili, illi obtestabantur fidē, ut se docilē, ac beneuolū patriæ exhiberet. Neq; in sigillis solū, sed in vexillis, ac militariibus paludamentis eadē hæc ipsa curarunt depingendā; ut iis quoq; rebus inanimitatis, ac mutis, indicarent omnibus, suā in Regē, Regaleq; munus perpetuam obseruantiam, & fidē. Cautioribus sanē consiliis, quā Valentini. Ipsi etenim dū similem inter se conuenerunt Vnionē, vnum idemq; cum nostris in ea libertatis causa sentientes: liberiore tamen, quā decuisset, licentia, in Regiā dignitatē irruerunt. Rex tantam suorum concitatā vim peritimescens, A. D. XIII. Kalen. Septemb. eiusdē an. Chr. MCCCXLVI. ad Cæsaraugustam Comitia indixit. In quibus dum de communi causa agi cœptum est; nostri quamprimū statuerunt, nouos Regi Consiliarios, atq; administratos dari oportere: quippe q; non aliunde, quā a prauis suorum consiliis Regē fuisse inductū prædicarent in tot errores, quot tantarū rerum nouitas attulisset. Necnon & illa duo Vnionis Priuilegia ab Alfonso III. irrogata; denuò ab ipso Petro Rege, quamquā inuito, & recusante, confirmari curarunt: illius assensionē captare studentes, ad roborandā susceptam eam, tam apertam militaris disciplinz viā, initæq; ab ipsis vim, ac potestatem Vnionis. Præterea loco bo fratri generalē Regnorum Procuracionem restitui fecerunt: super quo præcipua contentio orta fuerat. Sed tamē perceler interitus illius magnā illico in plerosque atrocis rei suspicionē iniecit: Regem veneno, eidem mortē consciuisse. Atqui cū Rex in æde maxima Cæsaraugustana pro veteri consuetudine suggestū ascendisset, de Comitibus dimittendis verba facturū: ardēs iracundia, & stomacho, asperiora nonnulla, & intolerabilia in quosdam ex nostris nominatim emisit. qui dū lacerari audacter responderūt; Regis ferocitatē tantopete irritarunt, ut subito maior, quam antea colluuiō, ac rerum euersio visa sit. Rex enim festinanter Vrbe egressus, Optimates quosdam a nostris alienare curauit, & in suam partem transferre: quorū ope, & consilio, q; ex primoribus essent, properauit rem deducere in vltimū belli iudiciū; ut hæc, quā ipse prædicabat, seditionis hominū procacitatē non iā iustitia, & æquitas, sed ferrū impiū, ac cruētus gladius vindicaret. Ferdinandus, omniū nostrorū concitantorū caput, ac Ioannes, Regis fratres, qui iisdē Comitibus ad fuerant, vniuersum Regnū illico ad arma vocauerunt: Vnionisq; vexillū a maxima Vrbis domo deducētes, propalā in publico loco, tamquā communis pro patria belli iustū, ac certissimū signū, collocarunt. Tūc clades miseræ patriæ flamma, ferroq; parata est. Et quā a tot antea sæculis benignitas Dei ad tantā gloriā erexerat, maiorumq; tum Regū, tum subditorū virtus ad summā laudē extulerat: repente ad fatālē depulit calamitatē inflammatus, atque ignitus, Regis furor: præcipuē verò fraternū odium. Postquā autē nostri pacis condicionibus, a memorato Garfia Ferdinandi Castro Iustitia Aragonum propositis, acquiescere noluerunt; optimus quisq; iudicauit, Vnionē eam ad vlciscendas





cendas potius veteres Regis, ac fratrum inimicitias, quã ad defendendam patriæ libertatẽ  
 initi. Militaribus deniq; copiis vtrinq; collectis, cum ad Epilæ opidũ, à Cæsaraugusta ipsa  
 non longè, acies conuenissent, postquã acriter, diuq; ab vtraque parte pugnatũ fuit, haud  
 aliter certè, ac si omnib<sup>9</sup> pro aris, & focis constitutũ esset certamen: nostri tandẽ A. D. XII.  
 Kal. Aug. Ann. Chr. MCCCXLVIII. in Regiam potestatem venerunt, ab illius exercitu su-  
 perati. Sed nihil tam præter spẽ vnquã, quã q post huiusmodi victoriã visum fuit. Nã  
 cum funesto hoc casu nedũ iura, ac libertates, sed & ipsi quidem parietes nudi, qui tunc  
 stabant, & manserunt, extrema iam omniũ malorũ metuere incommoda viderẽtur: Rex  
 tanta victoria potitus, suam acerbitatẽ naturæ, maxima humanitate, ac insperata clemen-  
 tia temperauit. Quamquã enim sæuiter animaduertendũ censuit in nonnullos: reliquis  
 tamen omnibus libenter pepercit: q eos sciret falsis fratrum suasionibus fuisse in magnũ  
 illud discrimen adductos, iã vt satis liqueat, nequaquã tantam malorũ molem, quanta dũ  
 vixit acuit oppressus, hunc Regẽ Petrum depellere potuisse à se se, nisi acris eius, acerba-  
 quẽ natura aliquibus virtutis radicibus niteretur. Vt igitur iacentes omniũ animos in re-  
 tinendæ libertatis induceret spẽ: generalia illico Comitia ad Cæsaraugustã Vrbem iussit  
 conuocari. In quibus, assidente Galatiano Tarba Iustitia Aragonũ, in Garfiã Ferdinandi  
 Castri locum suffecto, vno omniũ consensu, Regis scilicet, ac Regni, quamprimũ decre-  
 tum fuit; Vnionẽ ipsam à nostris funditus esse tollendam. Tunc peculiaris ille Forus pro-  
 mulgatus, quẽ nunc habem<sup>9</sup>, sub tit. *De prohibita Vnionis cassatione, & annulatione ipsius, &*  
 20 *dependentium ex eadem: & quod de cetero numquã fiant nec fieri possint.* Hęc enim omnia ipsi-  
 us Fori titulus, quẽ, Rubricam, vocamus, complectitur: quasi visus fuerit ipse Rex, pau-  
 cioribus verbis memoriã extinctionis illius haud fuisse satis expressam iudicasse, nisi in  
 ipso titulo tot verborũ strepitũ adiunxisset. Quin & illud est in dicto Foro maximè pon-  
 derandũ: quod tamen in eo duo illa Vnionis Priuilegia, ab Alfonso Rege irrogata, ex-  
 presse nominantur, penitusq; extinguenda sanciantur; nullã videmus ibi diei, aut loci,  
 quibus concessa fuerant, factã mentionem. Atq; vt antiquus quidã istius Fori, vt Iurispe-  
 riti loquuntur, glossator obseruauit, à Rege id consultò omissum fuit, ne dũ ea fortasse re-  
 citaret, licet id solũ tenderet ad eorũ funditus tollendã fidem; quidquã ex eis approbasse  
 tacitè induceretur: non sibi sat ducens Vnionis ramos, ac truncos amputare, si nõ minu-  
 30 tulas quasuis euelleret fibras radicum. Necnon & eundem Regem proditur cum archie-  
 typa ipsa Priuilegia laceranda in manus sumpisset suas: dum nimium festinanter pugi-  
 unculo quodam, quem assidue secũ gestabat, eadem rescindere concupiuit, è digito sibi  
 sanguinem eliciuisse. Cuius promptum illud tunc, ac facetum dictum omnes ferè conce-  
 lebrant scriptores. Nam cum ea suo sanguine tincta inspexisset: iustũ erat, inquit, vt quæ  
 fuerant tot virorum sanguine atrata, nonnisi Regis ictu coniderent. Præteteã ne in ali-  
 quibus forsan Tabulariis, aut priuatis scriniis aliqua dictorum Priuilegorũ exempla ma-  
 nerent, quæ in posterũ possent nostrorum animos reuocare ad Vnionis pristinẽ spẽ: ar-  
 denti studio curauit, vt omnia quæq; haberi possent, siue publica, siue priuata essent mo-  
 numenta, ac siue de ipsa Vnione agerent, siue nequaquã, penitus interirent. Atque per id  
 40 temporis plurimæ perierunt prisca nostræ vetustatis Tabulæ: eaq; iactura, sicuti in præ-  
 fatione conquesti sumus, mirã attulit in antiquis nostris rebus obscuritatem, ac tenebras,  
 & quã nunc cernimus, in scriptorũ iudiciis infirmitatem, ne turbulentis illis temporibus  
 hoc etiã deesset crudelissimũ miseræ ipsi antiquitati supplicium. Nostri etiam nolentẽs po-  
 steris periculosam prodere istius imitationẽ exempli: alacri vultu, & ore, Vnionẽ ipsam,  
 illiusq; vim, ac memoriã, sempiterna ista obliuione, futuriq; sæculi reticentia, meritò se-  
 peliendam censuerunt: q re vera, ea nihil aliud esset, nisi vberima ferendi quotidie do-  
 mestica bella, ciuiliũque seditionum materia, ac seges. Verumtamen cum iam inde à  
 priscis temporibus leges, ac libertates nostræ perquã maximè tumultuoso illo Vnionis  
 subsidio niterentur, ob idque, ruere illa non posset, quin idem ipse motus easdem ve-  
 50 hementer labefactaret: de communi Regis, ac Regni voluntate maximam Vnionis  
 vim in Magistratum Iustitiæ Aragonum transtulerunt; decernentes: Vt vniuersum  
 Regum, ac Regni ius non iam ferro, aut gladio, sed istius Magistratus censoriæ nota-  
 tionis in posterum semper subiaceret. Quodam singulari consilio, tantæque pruden-  
 tiæ, ac fidelitatis pleno, mirificè omnes populi seditiones sedatæ fuerunt, Regumque ac  
 ministrorum extraordinarii impetus, atque ardores repressi. Eo enim Magistratu, vnicò  
 tunc omnibus perugio constituto: communi paci, ac concordiz adeo caurè, & pruden-  
 ter consultum fuit, vt admirabilis illa temperatio, eo tempore inducã, firma, & stabilis  
 ad hæc vsque tempora permaneret, cum summum Serenissimorum nostrorum Regũ  
 laude, tum etiam totius nostri Regni gloria, & virtute. Hęc itaque domestica Regis victo-



ria, quæ miserrimū vniuersæ Reipublicæ interitū videbatur esse allatura, stabilem nobis constituit pacē, tranquillitatē & otium. Inde enim Magistratus Iustitiæ Aragonū in eam, quam nunc colimus, amplitudinē dignitatis deuenit. Nam tamen iā ab ipsius Regni primordiis, quemadmodū docuimus, potissimū fuerat ad cohibendos Regū impetus constitutus: verū sapissime corruptus ille Vnionis mos, Magistratus vicē gerēs, consueuerat Regios hos conatus armis comprimere, vt ad eā rem maiores illos nostros non alterū demouisse, sed vtrumq; constituisse iudicemus. Atqui cū arma contra Regē capere plerūque offenderet puros, ac castos nostrorū animos, quamquā id ad defendendam libertatem fieret, lege permittente, maiorumq; exemplo, & instituto: vt hanc offensiunculam vitarent, nobis iure, non armis, deinceps cū Regibus contendendū statuerunt: ad eamq; rem tantū opis, & dignitatis in eundē Magistratum conferendum, quantum ad magnum istud opus commodē præstandū sufficeret. Idcirco in eū sensim tum ē Ricorū hominum antiqua auctoritatē, tum ex ipsius Vnionis potestate, ac vi, tot belli, pacisq; munia translata fuere. De quibus infra suo loco. Sed hi conuentus, qui magna omnium nostrorum frequentia celebrabantur; nec diu post fieri desierunt. Octobr. enim mensē eiusdē ann. Chr. 1348. MCCCXLIX. teterrima pestis Cæsaraugustam inuasit. Ob quā causam Petrus Rex eos illico dissoluendos constituit. Cumq; omni festinatione Valentia properaret, in ipso itinere, Exerica opido; Regina vxor Eleonora maritū sequuta, eodem mense obiit, nullis superstitibus filiis. Eam Rex, post Mariæ prioris vxoris mortē, in coniugem acceperat. Alfonso autē, ac Beatricis Portugaliz Regū erat filia. Rex ergo Petrus Valentia tendens, Valentiorū Vnionem actius agitatam penitus contriuit, ac domuit. Sequenti verō Ann. Chr. MCCC.XLIX. Eleonorā, Ludouici Siciliæ Regis sororē, sibi in matrimonio collocauit. Ex quā, Ioannem, Martinū, & Alfonsū, filios suscepit; filiam autē Eleonorā: quæ postea Ioanni Castellæ Regi nupta, filiū habuit Ferdinandū, à nostris Regem in quarto Interregno constitutū: ad cuius rei narrationē properamus. Virili ergo prole Regi exorta, Ferdinandus, ac Ioannes, fratres Regis, depulsi fuere ab spe, & conatu futuræ Regnorū successionis: quam Ferdinandus eodē iure, quo Iacobus quondā, vt diximus, appetierat; acriori tamen contentione, & vi: quippe qui studiosissimū sui propugnatorē habebat, Petrum Castellæ Regem, Crudelē appellatum, nostro vehementer oppositū, & obiectū. Inde fuerunt inter hosce Reges, nomine quidē simillimos, moribus autē non longē dispares, maxima, & periculosissima bella commota, terrestria, & maritima. Castellanus enim nostrū Regem imperatū adortus, postquā plurima Aragonū Regni loca occupauit: Valentiam obsedit; ac Barcinonā tandem, ingenti nauū copia ad eius litus appulsa, non minimum intulit terrorē, tamen illa tunc Vrbs ab officio debito nequaquā descuiuit. Sed hac tanta iniuriarū mole noster laceratus, minimē sibi satis esse cōstituit ditionē suā omnibus his angustiis liberare, q̄ statim effecit; nisi inimici Regis interneccioni, ipsiusq; Regni excidio aliquis acerbissimus modus pararetur. Certatim igitur ei ad hoc opus currenti haud defuit consiliū, nec occasio. Inimici enim Regis opprimendi paratissima causa fuit; illius feritas, atque aggressus immanitas. Ob quā causam difficile dictū est, quanto in odio esset apud suos: qui nullū aliud illius beneficiū, neque virtutem memorabant, nisi tantummodō eū vitā dedisse, quibus non ademisset. Deniq; cū Henricus Trastamaræ Comes, Castellæ Regis frater, patriæ se liberatorē prædicaret: noster Rex causam hanc, licet aliquoties iugulatā, reuiuiscere duxit oportere: neq; se solum consciū, sed præcipuū ipsius delendæ tyrannidis fautorē indicauit. Vnde Henricus occasione habuit regnandi. Nostro enim Rege sibi maximē suffragante, fortiter rē ipsam aggressus, post varios vtriusque casus, cū fratrē Petrum prælians occidisset; illius imperiū consequutus fuit. Ita noster Rex illatas sibi ab inimico iniurias vindicauit. Ferdinandus quoque horum omnium incendiorū fax, poenarū satis pertulit. Nam à Rege fratre sapius patria pulsus, postea ab eodem adscitus, tandem in aperta, quemadmodum Rex affirmabat, contra eum coniuratione deprehensus (quamuis nonnulli id à Rege confectū prodidēre) interfectus est. Iam verō non possum non vehementer admirari summā istius nostri Regis aciem ingenii: quandoquidem talibus principiis res, quas adoriebatur, prætexere consuevit, vt ad eū semper, quem optabat, exitū peruenirent. Quod si eā ad bona deligenda exercuisset, nec se tantopere suorum sanguine cruentasset; nullū vñquam ex nostris Regibus habuissimus honoris, ac laudis gradu superiorem. Veruntamen cuius in gerendis inimicitiis ferocitas, ac pertinaciā nimium efferbuisse visa fuerat, & quem acris quædam naturæ vis ad periculosissima, nec semper æqua, aggrediēda concitarat: iam ipsarum rerū tractatio, & vsus flectere cœpit; tempora lenierunt; ipsa quoq; ætas mitigauit. Visus est enim non iam ærumnosus, vt antea, consiliisve præceps, aut deuius: sed officii, & æquitatis plenus, paternæque



ternęque bonitatis, & beneficentię studiosus, & cupidus imitator. Tantę autem morū  
 imitationis cum in plurimis rebus maxima dedit documenta: tū verò præcipuē, dum ge-  
 neralē Regnorum Gubernationē Ioanni filio Primogenito, quā iam pridē illā tractabar,  
 abrogandā constituit. Et is quidem Ioannes aliquamdiu Regi ipsi charissimus fuerat;  
 ab eoq; singulari quodam amoris signo, Gerundę Ducis nomine insignitus: vnde Titu-  
 lus hic, Aragonum Regum Primogenitis filiis mansit illustris. Sed mortua Eleonora Re-  
 gina, ipsius Ioannis matre, tertia verò eiusdem Regis vxore, cum idem Rex Petrus quar-  
 tam duxisset, Sibilliam Forziam, Bernardi Forzæ, Catalani Equitis, filiam, quæ prius D.  
 Artallo Focio, Aragonensi Rico homini, nupta fuerat: Ioannes patri in tam acerbum o-  
 10 dium venerat, nouerę Reginæ insidiis circumuēctus, vt ab ipsa generali Gubernatione,  
 publico Regis edicto, Ne quis filio obtemperaret, depelleretur. Quod cum Ioannes con-  
 tra, ac liceret, factum prædicaret, quia ad se tamquā Primogenitum, futuramq; here-  
 dem, à Rege, & Regno designatū, generalem illam Gubernationē, certo, ac legitimo iu-  
 re, pertinere affirmabat: demū ad paternam hanc iniuriam propulsandam, Magistratus  
 Iustitię Aragonū præsidium implorauit. Ipsi autem Magistratui tunc præerat Dominicus  
 Cerdanus, Ioannis Eximii Cerdani, cuius supra meminimus, pater: vehemens, ac diser-  
 tus vir, in primisq; ad resistendum fortissimus. Itaq; coram eo Ioannes ipse vt Primogeni-  
 tus, iudicalem obtulit de Rege patre querellam: quam nos Iurisfirmam appellamus;  
 quod in ea de stando, ac parendo iuri coram eodem Iustitia Aragonum firmē, ac graui-  
 20 ter asseueremus. Ipsi vero Iuri firmę ea apud nos est maxima vis; vt à Iustitia Arago-  
 num recepta, de vi, ac violentia interdicat. Dominicus igitur Cerdanus Iustitia A-  
 ragonum, huiusmodi Iurisfirmam recipiens, id, quod à Rege factum fuerat, nefas  
 decreuit: Regique de vi interdicens, Magistratus auctoritate edixit; vt Ioanni Pri-  
 mogenito generalem eam Regnorum Gubernationem, à qua illum iniuriā, non iurē  
 deiecerat, restitueret; tamquā certum, & definitum Primogeniti ius: contra quam  
 Rex censuisset. Quod si se huiusmodi edicto crederet lasum iri; iure cum filio co-  
 ram ipso Iustitia contenderet. Se enim vtrique parti æquabilem, ac iustum iudicem  
 faturum offerebat. Hæc namque modestia Magistratus semper vti solet in literis, vt  
 30 vocant, primæ ipsius Iurisfirmę concessiois: nempe quia decorum visum est, in his  
 etiam rebus Regiam Maiestatem cultu, atque honore debito venerari. Petrus Rex  
 huiusmodi interdicto non solum opère (ad id enim legum, ac Magistratus premeba-  
 tur vi) sed animo, ac mente (quod nouum in eo, vt retulimus, notatum fuit) liberalis-  
 simē conqueuit. quasi non iam coactus, & inuitus, vt antea, legibus parēre videret-  
 tur, sed quod id ad Regii sui muneris stabilitatem salutare maximē iudicaret. Tandē  
 perdita valetudine, ac summa senectute confectus, mirabili quodam casu migravit ē  
 vita. Proditur enim eum proscripta, & edicta die sexagesima, à Sancta Tecla, Tarra-  
 conensis Ecclesię Diua tutelari; quod in ipsius patrimonium violenter irrupisset; ob-  
 40 iisse citatum. vt miser ipse Rex, vsque ad extremum vitę spacium, nullum vltis sic o-  
 tiosum spiritum duxisset, nec tranquillum. De illius autem obitus tempore in perue-  
 stis codicibus manuscriptis Sedis Cæsaraugustanensis, ac Ecclesię de Pilari, in quibus  
 Canonorum, aliarumque insignium personarum obitus designantur, ita annotatum  
 inueni. *Obiit Serenissimus, ac magnificus Princeps, & dominus, Dominus Petrus Rex Arago-  
 num. Ann. Chr. M. CCCXXIX. Oct. Id. Ianuarii.* Quamquā autem nonnulli an-  
 50 no anteriori Nom. Ianuar. mortuum testentur; mihi codicibus his maior fides vide-  
 tur adhibenda; quod in ambobus, antiquissimis literis, id ipsum describatur: nisi  
 forte dicamus minori numero annum ab Incarnatione, maiori autem a Natiuitate no-  
 tari: qui error in annorum computationibus passim occurrit. E Barcinona ciuitate ad  
 Populetum monasterium eius corpus delatum fuit. Sed ea funera minimē tam ampla,  
 quam aliis Regibus, facta sunt. Ioannes enim filius grauissimē eo tempore ægrotabat;  
 noueręque vehementer, paterno prorsus exemplo, infectabatur. Iam verò sub hoc  
 Rege, quia diutius imperauit, plurimi Iustitię Aragonum extiterunt: ex quibus non-  
 nullos recensuimus: sed non omnes. Fuerunt autem hi; Stephanus Egidii Tarinus,  
 qui in locum Sancti Eximii Ayerbi, viuentis Alfonso Rege, successit. Ste-  
 phano autem successit Pelegrinus Anzanus. Reliqui verò fuere: Pelegrinus Oblitas;  
 Garfias Ferdinandus Castus; Galacianus Tarba; Ioannes Lupi Sesselus; Blascus Ferdi-  
 nandus Heredia; ac Dominicus Cerdanus: qui etiam Magistratum obtinuit Ioannis Re-  
 gistis temporibus. Sed priusquā illius res gestas attingam, hoc loco omittere nefas duxis-  
 sem; antiquam Aerę computationem, quæ ad tempora designanda adhibebatur, à Pe-  
 tro hoc Rege sublatam fuisse: decretumque & meritō, vt à Natali Domini nostri Iesu



Christi die annorum ratio deinceps peteretur. Idem & ab eodem Rege ad Oſcam Vrbem publica ſcientiarum Gymnaſia conſtituta fuerunt. Quamuis autem hæc diu ante ageſta produntur; conſultò in hunc locum reieciimus: vt notabili hoc exitu varii, antepiteſque iſtius Regis caſus concludantur. Multæ etiam nobis ſub eo leges editæ ſunt. Scipius enim Comitæ celebrauit. Sed ne noſtra longius aberret oratio, de his nec verbum facere decreuimus. Illud tantum animaduertendum, hunc Regem malè nominatum in iſdem iſtis legibus contineri. Siquidem Petrus ſecundus legitur, cum quartus omnino dici debuiffet. Ex Sibilis, Regina filiam ſuſcepit Iſabellam; Iacobo illi Virgelitano Comiti nuptam, qui ob Regnorum ſucceſſionem, malorum grauem deinde molem ſuſtinuit.

## IOANNES I. ARAGONVM REX XX.



IOANNES I. Petri III. F. hereditario, ac legitimo iure patris mortui locum occupauit. Quamquam autem par vtriuſque dignitas: diſparet tamen animorum motus in hoc, & in illo fuerunt. Non enim in filio viſus fuit patrius ille acerrimus mētis ardor; flagrans bellandi ſtudium; nouandarumque rerum cupiditas inſatiabilis: ſed blanda quædam, ac mollis natura, ab armorum vſu, negotiorumque tractatione tantopere abhorrens, vt nulla alia in re, niſi in exercitationibus ludicris verſaretur. Hinc in eius aula lautè crebro, & magnificè cœnæ; quotidianus vocum, neruorum, tibiærumque cantus; hiſtrionum, & ſaltatorum maxima turba; venationum præterea magnifici apparatus; ac poetarum frequens concurſus. Hiſce enim rebus eodem proſus modo paſcebatur, ac ſi non ad laudis, ſed ad omnia delectationis ſtudia natus fuiſſet. Viuente patre uxorem duxerat Matham, ſeu Mathæam; Ioannis Armeniacenſis Comitis ſororem. Ex qua vnicam filiam ſuſcepit, Ioannam, Mathæo Fuxienſi Comiti nuptam. Mortua autem Regina Matha, Violantem Roberti Barenſis Ducis filiam, & Ioannis Francorum Regis neprem, ſibi in matrimonio collocauit: contraquam Petrus Rex pater voluiſſet. Ille enim Mariam, Siciliæ Reginam, filio in coniugem dari concupierat. Sed Ioannes Violanti matrimonio coniunctus, dum ſibi Regium munus delatum fuit; totius Regiæ poteſtatis, ac imperii ſummam uxori conceſſit: quò ipſe curis vacuus liberius poſſet omnia ad ſui corporis voluptatem referre. Id noſtris perincommodè viſum eſt accidiffe. Nam eſſi cum Rege propter illius deſidiam niſi inecommodè agere non licebat; incommodius tamen cum uxore: quæ etiam ſe totam ſupra modum dederat euidam Carroziæ Villæragutiæ, ipſius famulæ. è quarum duarum ſexus imbecillitate vniuerſus Regnorum ſtatus pendebat. Verumtamen Rex Ioannes hac indole virtutis, & continentię fuit, vt ſi quando eidem aliquæ forſan querimonię de ſuorum miniſtrorum iniuriis proponebantur, vel eum à recta legum via aliquo modo aberrare; facillimè ſe admoneri, ad rationemque & æquitatem reuocari peteretur. Nec illi vñquam graue, aut moleſtum fuit, ſi aliquando præceps ad aliquid agendum nimia celeritate ferebatur, ſubitò à ſuſcepta mente deſiſtere; modò in optati ſibi otii portum confugeret. Cuius generis exempli cauſa hoc loco his, quæ dicta ſunt, libenter adiungam, præclarum illud factum, lepōris, ac vrbauitatis plenum, quod Ioannes Eximini Cerdanus Iuſtitia Aragonum, in patris locum ſucceſſus, ſibi cum hoc Rege perhibere contigiffe. In eo enim aculei, quos idem Iuſtitia habuit in reſpondendo, Regi minimè moleſti aciderunt. Illud autem referam, quemadmodum ab eodem Iuſtitia proditur: quamquam Latinè redditum, haud poterit eundem in iocando ſonum referre, quem vulgari noſtra lingua retuliſſet, ſiue quod ipſum facetum fuerit, ſiue fortasſe factum narrante eo venuſtiſſimum. Fuit enim Ioannes Eximini Cerdanus, non ſolum ſapiens, ac diſertus vir, variaque eruditione reſertus, ſed lepore, & venuſtate affluens, atque vt nunc loquimur, vrbauus. Is ergò teſtatur, Ioannem hunc Regem aliquando in quosdam Cæſarauguſtanos ciues grauiter ſeuientem, patrio iure nequaquam ſeruato, eos in carcerem contrudi imperaſſe. Qui tamenſi innocentiffimi, mortis ſibi periculum intendi metuentes, vt hanc Regis vim eſſugere poſſent, in aram Magiſtratus Iuſtitie Aragonum confugerunt, ab eo firmiſſimum, ac ſummum illud, quod vocamus, Maniſtationis auxilium flagitantes. Atque vt ipſum Maniſtationis vocabulum interpretemur, ne à nobis fortasſe obſcurius dicatur, quam vt quiuis intelligere poſſit; eſt apud nos Maniſtare, reum ſubitò ſumere, atque è Regiis manibus extorquere, nequa ipſi contra ius vis inferatur. Non quod tunc reus iudicio liberetur; nihilominus enim, vt loquimur, de meritis cauſæ ad plenum cognoscitur. Sed quò deinceps ma-



ceps manifestò teneatur; quasi antea celatus extitisset: necesseque deinde sit de ipsius culpa non impetu, & cum furore, sed sedatis proflus animis, ac iuxta constitutas leges iudicari. Ex eo autem, quòd huiusmodi iudicium manifestò deprehensum, omnibus iam patère debeat; Manifestationis sibi nomen arripuit. Iustitia igitur Aragonum adscitam Magistratus opem ciuium periculis subleuandis protinus impertiuìt. Neque enim sibi aliter facere licuisset, quin graui etiam pœna mulctaretur. Rex id acerbè ferens, quòrumdam suorum impulsu, Iustitiam Aragonum sibi in ea causa nimium esse suspectum asseuerans, eidem adiunctum, quem vocant, Iudicem dandum decreuit; Raimundum Franciam, petitum, ac præstantem virum; qui eo tempore Procancellarii Regis manus sustinebat. Tunc ista partium contentio in magna posita fuit iudiciali contro-  
10 uersia; cum non iam de facto ciuium, sed de publico Regni iute disceptaretur: Vtrum scilicet, Iustitiæ Aragonum, quamtumuis, vt loquimur, pro suspecto dato, adiunctus Iudex à domino Rege dari posset in communi causa libertatis: Ciuibus; haud posse, contendentibus; Rege verò contrarium enitente. Qui per priuatos etiam nuntios eidem Iustitiæ mandauerat, ne ea de re iudicium faceret: donec sibi prius, quid faciendum esset, præscriberetur in Regio consilio: ad quod idem Iustitia, Regis iussu, fuerat accersitus. Sed ei tunc illa fuit animi virtus, quæ quondam Dominico Cerdano patri suo. Nam antequàm ad Regem accederet, abiecta omni cunctatione, ne forsari tarditas, aut procrastinatio ciuibus periculosa esset futura; contra istam rem minimè  
20 dubiam statim iudicauit: ab eo in dicta causa sitie vllò adiuncto ius dici debere. Post autem aliquanto in Alfaxeriam, Regiam suburbanam domum memoratam, in qua tunc Rex consistebat, ipsius vocatu se contulit. Ibi cum frequens staret clarorum virorum congressus in Regis conspectu ad consilium, fuit ab eodem Procancellario sermo propositus, omnisque ad Iustitiam Aragonum directa oratio: illum nempe iccirco in eum locum vocatum fuisse, vt de causa ciuium, antequàm sententiam pronuntiat, ad eos omnes ibidem referret. Cui cum dictus Iustitia responderet, rem iam ab eo iudicatam, eamque Iudicis adiunctionem penitus esse repulsam: Procancellarius cœpit tantam celeritatem magna vocis contentione obiurgare, eò præsertim, quòd ipsi Iustitiæ, ne id ageret, ab ipso Rege, etiam per priuatos nuntios, præscriptum fuisset. At  
30 Iustitia sibi visum fuisse asseruit, rem illam tritam esse, & vulgarem: nec quæ ex tempore agi ius erat, tardari, aut procrastinari oportere. Tunc Rex eundem Iustitiam, aciori adhibita obiurgatione, de iudicii æquitate, & iure postulauit. Verum ille grauius, & acutè causam in tempus conferens, hac vsus fuit vrbatia, & iusta excusatione. *Que faulando con reuerencia del diu Señor Rey non lo podia fazer. Car de los feytos del officio, se era affrontado, deuia dar razón en Cort general, & non en otro lugar.* Nam eo tempore Iustitia Aragonum de factis per eum nemini tenebatur reddere rationem, nisi in Comitibus generalibus. Nondum enim Forus editus fuerat, quem nunc habemus sub tit. *Forus Inquisitionis Officii Iustitiæ Aragonum.* quo edictum fuit: vt Magistratus hic subiectus existat supremo Septemdecim Virorum iudicio, ac potestati. Eadem  
40 autem ipsa antiqua nostra vulgaria verba, apponenda duxi & deinceps, dum similia recenseri oporteat, libenter annotabo: quòd ea videantur mihi planius, quàm Latina, antiquæ nostræ vetustatis leporem, & vrbani sermonis venustatem exprimere. Itaque ne longius, quàm quòd scitu opus sit, in narrando procedamus; cum Iustitia Aragonum non pateretur se vllò modo ab ea mente, & sententia dimoueri: Rex à Procancellario, & nonnullis aliis in Iustitiam Aragonum acriter concitatus, statim sequenti die in Zueræ opidum, non procul ab vrbe, conflictæ venationis causa, secessit; Iustitiamque ad se quamprimum iussit euocari, & alios duos, Michaellem Capielliam, & Vincentium Yecatam, primarios viros, eidem Iustitiæ amicitia, & sanguine valde coniunctos: qui istius facti conscii, ac participes putabantur. Eo enim pacto credide-  
50 runt, eosdem melius in ea ciuium causa ad Regis arbitrium adducendos. Hi ergò omnes quamquàm à nonnullis perterriti fuerant, & à Deputatis Regni commonefacti, ne Regem adirent: tamen ipsius dicto audientes, confestim ad eum ire perrexerunt: vt ii qui, quòd ad fas esset, Regibus semper parère didicissent. Turpe enim fore iudicabant, ac meritò, Regis sui conspectum subterfugere, qui ipsius accitu benignè euocabantur: tametsi Iustitia Aragonum, vt ipse de se testatur, constanter statuerat omnem cruciatum perferre prius, quàm aut officium proderet, aut fidem. Cuius eo tempore fuit facetum illud dictum, & acutum. Etenim cum ad fucatam illam venationem inuitarentur, quasi eos apud se Rex Zueræ aliquamdiu cuperet diuersari, forensi ciuium causa omnino supposita: Iustitia Aragonum, quæ multa fuit in homine iucunditas, & magnus in iocan-



do lepos; ita se perhibet respondisse. *Que men de maravillans muyto, que el Señor Rey nos mandasse yessemos al dito lugar de guerra à la dita caca. Car non creya, que tan malos tres Caçadores hauiesse en el Regno, como nosotros.* Tandem Zueram versus profecti sunt. Vbi dum peruenierunt; Rex eos liberaliter excepit: ac eodem Procancellario, aliisque nonnullis presentibus, ita sermonem suum orsus est. *Iusticia, yo he embiado por vos, por la razon que vos dira el Vicecanciller.* Qui eadem repetens, quæ Cæsaraugustæ dicta fuerant, permulta verba contra sententiam in ea ciuium causa latam denuo facere cepit: Iustitiæque Aragonum nimiam in ea ferenda celeritatem vehementer exprobrare. Nec dum ea ad extremum usque persequutus fuerat; cum Rex, interrupta illius oratione, ad hunc modum eundem Iustitiam est astatus. *Iusticia, hoc en buena manera os lo digo.* Quæ verba continenter ab eo ter, aut quater repetita fuerunt: quasi vellet; illa non tam exprobrandi causa, quam commonendi gratia, dicta iudicari: vel fortasse cuperet meritam sibi gratiam ab eodem Iustitia memori mente perfolui; quod Rex tam lentè sustineret, quæ ipse in Magistratu decreuerat, ut Regi visum fuerat, iniuriose. Attamen ille, quod se, ut fas erat, humilem, & urbanum Regi exhiberet; quoties eadem sibi verba proferebatur, osculans Regis manum, his verbis curabat illius beneuolentiam captare. *Yo vos lo tengo Señor en gratia, è merce: que mas son estas palabras de padre, que non de Señor.* De reliquo autem, quod ad rem attinet, nec quidquam laxari passus est ex eo iure, quo erat strictus; ut meritò quidem præclarum hoc ipsius factum à nobis hoc loco propositum fuerit ad imitandum: quandoquidem non furiose, aut petulanter, sed prudenter; grauitè & venustè in proposita sententia permansit; ipsam verò venustatem admirabili quadam constantia, generosæque animi fortitudine decorauit. Rex autem Ioannes eum cum bona gratia dimisit. Cui vniuersa iam ciuitas; ac totum ferè Regnum, quasi suis sedibus conuulsum, ad complectendum suum conseruare orem procedere obuiam festinabat. Proditur autem Regem ipsum, cum à suis ageretur, ut vehementius in Iustitiam Aragonum insultaret, respondisse: *Que por poder que ellos hauiessen, non lo farian barallar con el Iusticia de Aragon.* Perinde ac si apertè omnibus protulisset se minime eum eo Magistratu velle contendere, cuius ope fuerat in defendenda generali Regnorum Gubernatione contra patrem, ut diximus, subleuatus. A suscepta igitur narratione huc digressus sum eo consilio, ut istius Regis facilitatem, & mansuetudinem indicarem: præcipue verò, ut intra nostratum rerum narrationis cursum, aliquibus propositis exemplis ostenderem, Magistratus Iustitiæ Aragonum dignitatem, & vim: quod nostro potissimum muneri incumbit. Ita enim, factis ipsis perspectis, & cognitis, facilius ipsius amplitudo poterit ponderari: cum rerum euentu plerumque magis arbitremur, quam ipsas causas queri oportere. Sed ne nostra longius aberrat oratio; Rex Ioannes ex Violante Regina filios habuit, Iacobum, ac Ferdinandum; qui infantuli obierunt: filiam autem Violantem; quæ A. D. iix. Kal. Iunii, Ann. Chr. mcccxcii. Ludouico Andegauensi Duci nupta fuit: quorum postea filius Ludouicus, Calabriae Dux, Regalem hereditatem appetiuit, post Martini Regis mortem: quæ nostris quartum, ut mox dicemus, Interregnum attulit. Huius autem Ioannis Regis tempore, ut hoc Diuino fauore illud etiam illustretur, A. D. vi. Non. Mart. Ann. Chr. mcccxcix. ad Orbis flum ripas in suburbano, quo nunc Cæsaraugustæ coluntur, loco Ditiæ Encratis, & Sociorum sancta corpora inuenta fuere: quæ ibidem ita abditè latebant, ut nec maxima diligentia inueniri antea potuissent. Atqui tunc cum terra effoderetur, fortuito, vel potius Diuino beneficio deprehensa fuerunt: indeque nobis celebre Festum constitutum quod nunc quotannis sub *Inuentiois Sanctæ Engratiæ* nomine veneramur. Sed ne Ioannes Rex penitus hebesceret, & langueret in ocio; nonnulla bella commouere coactus fuit aduersus Gallos, Cataloniam infestantes: illud verò grauissimum, quod in Sardiniam indici oportuit ad restringendam quorundam sceleratorum conspiracyonem. Quibus postea, mortuo hoc Rege, à Martino, ipsius ex fratre nepote, superatis, deuictisque tametsi ea omnis Insula fuit in Regiam potestatem redacta: verum cum cælo, ac loco calamitosissima sit, immatura ipsius Martini morte Rempub. nostram ad dictum quartum Interregnum adduxit. Demum Ioannes Rex venationi deditus plus, quam oportuit, in ipsa venatione decessit. Ad Foxanum etenim nemus ob eam causam profectus, iuxta opidum Vriols, cum ex equo cecidisset, mortuus fuit inuentus A. D. xiv. Kal. Iunii, Ann. Chr. mcccxcv. seu, ut aliis placet, anno sequenti. Eius corpus ad Populerti monasterium delatum fuit Martini fratris, qui ei successit, iussu. Istius verò Ioannis Regis tempore plurimæ Iudæorū perfidæ gen-



fidæ gentis Synagogæ à tumultuantibus populis deletæ sunt, quòd non possent iam amplius, vt dicebant, eorum nequitiam, ac nefaria crimina sustinere. Ioannes autem Eximii Cerdanus longius ætate processit. Diu enim post, Magistratum & sapientia summa administravit, & fide. Ac ne illud omitam: nonnulli apud nos Fori vident, qui sub hoc Rege editi fuerunt in Comitibus ad Montionem habitis Ann. Chr. mcccxc. In quibus præcipuè ipsius Iustitiæ enituit industria, Anno vero Chr. mcccxciv. Petrus Luna, Ioannis Martini Lunæ, & Domnæ Mariæ Petri Gotoriæ filius, è Diacono Cardinali Sanctæ Mariæ in Cosmedina, à Cardinalibus obedientiæ Clementis, A. D. 1111. Kalen. Octob. Avinione Pont. Max. salutatus, Benedictus XII. in sua obedientia dictus fuit, diuturno schismate Ecclesiam Catholicam occupante. Quòd si iurè tanto muneri, quietis aliis temporibus, præfuisset (qui summus in eo fuit sanguinis splendor, animi magnitudo, & doctrina) præstisset multa laudibus, & præconiis digniora. Eius autem me hoc loco obliuisci haud decuisset, tum quòd ex nostratibus sit, è nobilissima, & amplissima Lunarum familia, qua nulla illustrior in Hispania, Regali excepta, visa est: tum etiam quòd ipse aliquando postea, Magistratum hunc in amplo quodam honoris gradu collocarit. Sed de his suo loco. Nunc ad Martinum Regem.

## MARTINVS, ARAGONVM REX XXI.



IAM verò vt paulò altiùs dicere ordiamur de eo, ita enim res postulat; Petro III. patri charissimus fuerat: ab eoq; iam pridè Exerica ditione sub Comitatus nomine honestatus; ac Magni Aragonii Connestabuli munere insignitus. Illud autè Connestabuli munus apud Catalanos olim, Senescalia appellari consueuerat; apud nos verò non Regis, quemadmodum nonnulli prodidèrunt, sed Regni Aragoni, vel Aragonum tantummodò Maiordomia: cuius diuersa apud nos multū ratio fuit. Ad hos itaq; tam amplios honores, quibus pater Martinū hunc filium viuens decorauerat; magna etiam à Ioanne fratre Rege, quamprimū regnare cœpit, facta est accessio:

siquidem eam Momblanci ditione, & illustri ab ea Ducis Titulo assumpto, ac dignitate honestauit. Martinus ergò dum Regale munus adsciuuit, his honorum gradibus erat ornatus: vt Magnus Aragonum Connestabulus, Exericæ Comes, ac Momblanci Dux vocaretur. Idque patris, ac fratris claro, & legitimo, vt diximus, iure. Vxoris verò, quæ summo loco nata erat, penè æqualium, ac forsan maiorum ditionum imperio potiebatur. Comitatum namque, Lunensem, & Segobrigensem, tractum obtinebat. Erat enim vxor eius, D. Maria Luna, D. Lupi Lunæ, Lunensis Comititis filia, ac heres. Cuius patrimonium lautum fuit, & amplissimum. Nam præter Lunensem ipsum Comitatum, à quo clarissimæ Lunarum familiæ nomen sumptum fuerat; plurima alia in Aragonum Regno copiosa opida continebat: in Valentino verò Segobrigam ipsam, nunc Segorhem, antiquam; & nobilem ciuitatem, locaque eidem contributa. Ac ne noster hoc loco sermo de laudibus ipsius Comititis Lupi conticescat; fuit is altus, & excellens vir; omnium in Hispania Ricorum, quos vocabant, hominum clarissimus, ac nobilissimus; potens, & locuples: summo Lunarū genere natus. Violantē, vt meminimus, Iacobi II. Regis filiam vxorem duxerat. Sed ea sine prole decedente, in coniugē acceperat Briandam Agaouthiā, Belrandi Agaouthii Comititis filiā: quæ fuerat propinqua cognatione paterna cum Clemente V. Pont. Max. valde coniuncta. Ex ea Lupus Comes duas filias susceperat: Mariam; ac Briandam. Mariam quidem natu maiorem, heredem testamento reliquerat: dummodò nullis se locari nuptiis liceret, nisi interueniente, & approbante clarissimo illo, nulla vinq; sàm satis digna laude celebrato, Egidio Carrillio Albornozio, Toletano Archiepiscopo S. R. E. Cardinali Sabino, ac sæpius in Italiam Legato: qui fuerat Garfiaz Aluari Albornozii, & D. Teresæ Lunæ filius: maximaque ipsius Teresæ causa, Lunensi Comiti cognatione deuinctus. Eum ergò Lupus Comes filiarum orbitati tutorem instituerat: edicēs; vt ea omnis Mariæ filia dos, si sine Cardinali tutore auctore diceretur, nulla esset futura. Rex autem Petrus III. Cardinalis gratiam aucupatus, Mariam sibi nulum comparauerat: eamque huic Martino filio Ann. Chr. mcccclxxii. desponderat. Amplissimo itaque Lunensis Comititis patrimonio aliis Martini ditionibus subiuncto. Martinus ipse ditissimus, & locupletissimus factus fuerat. Iam verò ex Maria vxore filios susceperat: Iacobum; Ioannem; Martinum; & Margaritam. Iacobus quidem, Ioannes, & Margarita paruuli decesserant. Martinus autem filius, vt parentibus is quoque cumulus honoris, & dignitatis accede-



rer; Ann. Chr. ~~cccc~~xc. vxorem duxerat Mariam, Federici, & Costantiæ, Sicilia Regum, vnicam filiam, & heredem: quæ Trinacriæ Regina vocabatur, Athenarumque & Neopatriæ, vt loquimur, Ducissa. Sicilia namque adiacentibusque Insulis, quarum tunc Maria potiebatur, Trinacriæ nomen impositum fuerat tunc, cum Federicus pater, ac Ioanna Neapolitana Regina conuenerunt de acerrima illa, tot antea seculis agitata, Siciliensis imperii contentione. Verum Federico mortuo, cum nonnulli Siculi nequiter profilientes, in Repub. violanda fraudes inexpliabilis concepissent, Mariæque Regiæ pupillæ palam conati essent adimere patrias fortunas; cumque ea diu ab ipsis quasi seruitute oppressa iacuisset: clara tandem, & insignialiorum virtute, quorum fidelis sibi opera nequaquam defuit, Maria ipsa liberata, Martino nostro huic Regi, Momblanci tunc Duci, tradita fuerat, vt Martino eius filio matrimonii dignitate coniungeretur. Nam vtriusque illorum, partis scilicet cognita virtus, ac filii mirifica indoles, & firma expectatio, Reipub. defendendæ, ac pristinae dignitatis recuperandæ non dubiam, aut tenuem, sed certam, & pænè exploratam Siculis ipsis ostentarat spem: quorum studiis factum fuit cumulatè satis. Etenim cum Martinus pater, Momblanci eo tempore, vt dictum est, Dux, celebratis filii, ac Regiæ Trinacriæ nuptiis, magnas militum copias, filiumque ac nurum ipsam, secum multis instructis nauibus, Ann. Chr. mcccxcii. Siciliam transportasset: illius aduentus, præcipue verò animi virtus, ac fortitudo, impudicam illam seditiosorum hominum impudentiam vehementer represserat: quæ nulla alia quidem re tam diu alta fuerat, nisi suorum impunitate scelerum diuturna. Itaque dum Ioannes Rex funesto illo casu extinctus interiit: Martinus frater in Sicilia aderat his rebus, molestis sanè, & operosis, verum tamen magnanimo Principe dignissimis, implicatus. Eas hoc loco tot verbis sum persequutus: ne in præteritis quidquam relinquerem, quod ducerem sciri oportere: quandoquidem huc vsque continuatam vniuersarum rerum nostrarum narrationem protraximus. Nulla igitur superstitie Ioannis Regis virili prole, Martinus frater, Momblanci Dux, qui felix ad easus, fortunasque iudicabatur, cum secundum vitæ suæ cursum sine vlla hætenus offensione in omnibus semper rebus tenuisset: totius Regiæ Aragonum ditionis subrogatus fuit heres; idque tum auito, & antiquo iure, tum etiam fraterno. Frater enim eum testamento heredem instituerat. Secus certè ac decreuerat pater Rex. Ipse enim constituerat: vt si fortè Ioannes, masculis filiis orbatu, moreretur; non Martinus frater (quod mirandum est, cum eum valde diligeret) sed Ioannis filia, quæcumque exstaret, natu maior, Regiam omnem hereditatem adiret: veterem illam causam reuiuiscere studens, quæ fuerat tot malorum semen, ac stirps, dum ad filiam Costantiam, quemadmodum explicauimus, Regnum successionem deferendam ambierat. Quo enim tunc iure Costantia nixa, Regnorum gubernacula prendere concupierat; eodem prorsus nunc Ioanna, Fuxensis Comitissæ vxor, ad paternam ditionem capeflendam summopere nitebatur. Neque verò illius maritus, Fuxensis Comes, satis sibi duxerat futurum, quod ea de re per ciuilem iuris disceprationem contenderet, nisi per vim etiam decertaret; nec iure, atque legibus, sed ferro tantum, & armis se vinci passurum referebat. Ea propter repente in Cataloniam inuasit. Deinde in Aragoniam tendens, subito omnia disturbauit. Atque eum ex Petri III. Regis præscripto, ista modò oriretur contentio; visum est planè illius acerbiter naturæ eò tandem vsque durasse, vt qui vitius omnia peruer-tisset, mortuus etiam noua moliretur. Præterea vt huiusmodi successionis opus in dubium magis, incertumque renocaretur, Regina Violans, recens Regis vidua, se à Ioanne marito prægnantem esse relictam firmissimè asseuerabat. Illud quoque maximum accedebat incommodum: quod Martinus eo tempore in Sicilia aderat negotiorum, quorum mentionem fecimus, laqueis irretitus. Is motus temporum visus est, tantaque rerum perturbatio in istius Martini Regis regnandi initio. Verum nostri nequaquam iudicarunt fore se causæ, & offisio suo facturos satis, etiamsi absentis Regis certum, ac legitimum ius solita sibi fide tutarentur: nisi eò tunc melius, quod præsens ad imperandum non esset, maiori diligentia, & cura saluum illud, atque integrum, ad ipsius reditum, reseruarent: præsertim cum ea omnis Fuxensis Comitissæ causa, ab omnibus & caduca, & friuola, nullisque defixa iuris, aut iustitiæ radicibus censeretur. Itaque vniuersi totius Regni Ordines, Iulio mense eiusdem Ann. Chr. mcccxcv. quo Ioannes Rex obiit, exhibita prorsus ea Comitissæ Fuxensis sententiæ & explosa, Martinum, concordibus omnium animis, lætisq; acclamationibus Regē declararunt. Deinde legatos, tum ad eum, vt venis, ac remis in patriam



triam omni festinatione properaret; tum ad ipsum Comitem decreuerunt, eidem suadentes, ut sponte ad Martinum, propenderet Regem agnoscendum, priusquam ad ipsum inuitus premeretur. Neque illam ad defendendum absentis Regis ius, omnium Ordinum concordiam, quam videbat; absurdè, temere, aut frustra, sed consideratè, & propè se crederet esse initam. Vsq; eò tamen ipsius infamia prorupit: ut his omnibus spreus, Regem se à suis salutari stultè, & arroganter iubèret. Necnon & nonnullis Francorum aduentitiis copiis coactis, hostilem in modum omnia diuexans, postquam plurima Cataloniæ loca occupauit, ad insignis Balbastrensis opidi muros, Nouembri mense castrametatus fuit: quòd eum locum, quia Pyrenæos montes attingit, ad suppetias sibi à Gallia ferendas aptissimum fore constitueret. Nostri hinc Comitis Fuxensis conatibus obuiam itum iri oportere statuentes; ut cum domi, tum etiam militiæ debitam fidem, ac diligentiam præstarent; maximum illico exercitum compararunt. Cui omnium consensu imperator præpositus fuit, Petrus Vrgelitanus Comes, nobilissimus, & clarissimus vir, cum ipso Martino maxima cognatione coniunctus. Erat enim Regio sanguine ortus; filius Iacobi, Petri I V. fratris germani, ab eo, sicut dictum est, veneni suspitione interempti. Ob quas causas videbatur habere ex se se in ipsos milites legitimam non modò auctoritatem, sed quodammodò etiam imperium. Is ergo de obuiam itione ita fecit, quemadmodum à nostris statutum fuerat. Quamprimum autem dare operam cœpit, ut auxiliariis Francorum copiis introitus omnis prohiberetur. Sic enim bellum hoc quam celerrimè videbatur felicem exitum habiturum: cum Fuxensi Comiti nullus patere aditus posset, nisi ad fugam. Ac in eam protinus ille se, ac libenter coniecit. Nam huiusmodi consiliorum rationem attulit statim ad eum non aliquis ex prælo nuntius, sed creber suorum rumor, timoris, ac periculi plenus. Per Nauarram autem Pyrenæos transcendens, spe vacuus in patriam remeauit. Balbastrenses enim, forti animo, & constanti, summis obsidionis periculis obstiterunt: tam citò euanescere stulti omnes mimici illius Regis conatus. Ceterum quòd ad Violantis Reginæ grauiditatem attinebat, prudenter quoque prouisum fuit. Ne qua enim suppositi partus suspicio subesset; quatuor adhibitz fuerunt matronæ optimates; quæ assidue cum eadem versarentur, illius foetus fideles testes futuræ. Haud multos tamen post dies ipsa Violans illam penitus præcidit spem, quam se in aluo prædixerat retinere, à marito Rege mortuo commendatam. Palam namque se minimè prægnantem esse renuntiavit. Iampridem autem, siquidem A. D. v. i. Kal. Iun. eiusdem Ann.  $\infty$  cccxcv. 1395 simulatque Ioannes Rex mortuus fuit; D. Maria Luna, Martini vxor, prudentissima, & diligentissima femina, Barcinonæ, vbi aderat, Regium sibi nomen, mariti absentis, ut diximus, iure vendicauerat. quasi ea iam tunc omnem illam Fuxensis Comitis quæstionem irrideret: Violantis verò Reginæ grauiditatem, fictam, & commensuram esse præsentiret. Cum ergò, ut ad Martinum redeamus, de morte Ioannis fratris in Siciliam allatum esset; tametsi publicis nostrorum literis, maximeque ingenti legatorum sollicitudine vrgebatur, ut reditum suum in patriam festinaret: nihilominus moram sibi interponendam à Sicilia decedendi constituit, donec institutz rei expediret exitum gloriosum, quem sperabat. Gratum autem omnibus dabat responsum, se, quàm susceptorum negotiorum ratio pateretur, suum maturaturum aduentum; anxioq; & sollicito; nec sibi ignoto, nostrorum amori, amore etiam grato, & beneuolò responsurum: quo facturum omnibus satis, confidebat. Sed interuallo haud longo interiectio, vniuersum Siciliæ Regnum pacatissimum reddidit; singularique sua fortitudine, Regiæ dignitatis auctoritatem, quæ fuerat apud maiores, filio, ac nurui Regibus cumulatè restituit. Deum, in patriam rediens, Barcinonæ summa alacritate, & lætitia. A. D. v. i. Kal. Iun. Ann. Chr. mcccxcvi. à Catalanis exceptus est; eamq; urbem ouans, ac propè triumphans introiuit, quòd tutum Siciliæ Regnum bellica sua virtute præstitisset, fraternamq; Regiam possessionem occuparet tantæ hereditatis, & gloriæ. Nostri eidem statim celeberrimam gratulationem decreuerunt, & Siciliensis rei tam benè gestæ, & optati sui, prosperi, & felicitis aduentus. Eundem autem vehementer obtestati sunt, ne Regale munus exerceret, donec prius Cæsaraugustæ Regis decoraretur Insignibus, patriasque leges, ac libertates more solito stabiliret. Maiores namque nostri permagni suâ, ac nostra interesse putauerunt, attentos semper animos ad decoris conseruationem tenere. Martinus Rex benignum his rebus responsum dedit: aduentum suum in nostram Urbem celèrem fore, dum se Barcinonæ ex summo itineris labore paululum recreasset. Deniq; Non. Octob. eiusdè An. mcccxcvi. Dominica quadâ die Cæsaraugustâ ingressus est, tantæ multitudinis cœursu ad eum alacriter excipiendum facto, quàm capere potuit



- ipsa vrbs. Eodemque die, assidente, ut moris est, Iustitia Aragonum, Ioanne illo Eximio Cerdano (qui eo tempore dictum Magistratum gerebat) in eius certam verba solitum Iusiurandum iuravit: Se omnia nostra libertatis iura diligentissime seruaturum. Sequenti verò An. Chr.  $\infty$  CCCXCIX. generalibus Comitibus ad eandem urbem indictis, A. D. III. Kal. Maii idem ipse Rex, in solio sedens, ante Aram Templi maximi, celeberrimam illam habuit concionem, tot floribus nostræ antiquitatis conspersam; qua gratiam præstite operæ, dum eo absente Regnum sibi integrum reservatum fuerat, cum summa gentis nostræ fidei laude coniunxit. Eam siquidem nos non ab aliis nationibus accepisse, sed arripuisse ex natura ipsa, longè dilatata oratione, magnaque commemoratione antiquitatis, ac exemplorum adhibita prolatione, copiosius indicauit. Varios deinde casus percucurrit novos, ac veteres: in quibus nostri bellica etiam virtute, ac rei militaris peritia, aliis gentibus multum præstiterant. Nuperrimè tandem affirmavit, se dum in Siciliam delendæ tyrannidis causa perrexisset, perpussilla vix Quingentorum nostrorum manu, ingentem Quatuor millium, & plurium Siculorum Equitum aciem profligasse. Cumque ad eam rem exemplis vteretur multis, veterem illam dicendo renouauit Iaccensis, ac Suprarbiensis imperii expugnationem: à qua, tanquam à fonte, & capite, vniuersarum rerum nostrarum dignitas dimanarat. Atque hoc mirifice conuenit earum à nobis traditæ rationi. Postquam autem hæc omnia latè, ac fusè persequutus est, solitumque fidelitatis iuramentum sibi à nostris fieri postulauit: vniuersam argumenti sui sententiam hac peroratione conclusit; Vti Martino filio, Siciliæ Regi, quamquam absenti (caenim inuicinata, & noua res erat) Regnorum omnium successio post longam ipsius vitam, eadem fide interposita, deferretur. Id nostri libentibus animis concesserunt: frugi tamen prius, nec incallida, posterius temporis provisione interiecta; ne aliquando istius casus, cum sponte fieret, ad alium similem casum, necessaria fortè consequentia notaretur. Hisce ergo rebus constitutis, nonnullisque legibus promulgatis: Comitibus ea peracta fuere, summaque Regis, ac Regni conuentione laudata. Sed melius hæc notata erunt vulgaribus liceris, quam Latinis. Quamobrem eadem infra, vernacula nostra lingua, proferemus. Ceterum cum Martinus Rex, aliquibus de causis, se coronari in id usque tempus distulisset; diem tandem certam destinandam duxit ad eam rem; Cæsaraugustamque primarios viros, ab exteris etiam nationibus, conuenire. Idibus ergo April. Ann. Chr. MCCCXCIX. in Templo maximo coronatus est, & à Gasia Ferdinandi Heredia, Cæsaraugustano Archiepiscopo, sacro oleo perunctus; nec multos post dies D. Maria Luna Regina iisdem prorsus insignibus decorata. Quæ sollemnia, ac iusta ludorum summa cum cærimonia ab ipso Rege celebrata fuerunt; ut noster Surita testatum reliquit: qui hæc omnia, quæ ego nunc percurro, vberius ac fusius, quemadmodum cetera, in suis Annalibus pertractauit. Ad ea autem celebranda tantam Optimatum, Equestrium, ac Plebeiorum multitudinem fuisse perhibent congregatam: ut nullis vniquam Comitibus ipsa vrbs tanta celebritate omnis generis hominum florisset. Verum dies illi pro Festis funesti præterfuerunt. Villanouanus enim Vicecomes D. Petrus Ladron Cheluz Valli dominabatur intra Valentinos fines constitutus: sed quæ tamen nostris Aragoniis legibus subiacebat. Valentineses verò Magistratus iam pridem, viuentis Ioanne Rege, eam omnem peruerterant iudiciorum rationem: quæ iam inde ab ipsius Valentini Regni expugnatione fuerat, quemadmodum demonstrauimus, iisdem, ac nonnullis aliis opidis constituta. Itaque Vicecomes ipse hanc iuris actionem statuens sibi, ac suis esse notentissimam, cum ex præscripta lege, veteris que consuetudine, suæ, ac subditorum lites accommodandæ essent ad Fororum Aragonum formulas: sapenumero Ioannis, ac Martini, Regum fidem prece humili, ac supplici fuerat obtestatus: ne paterentur ius suum ea in re tantopere violari. Curq; nihil profecisset quotidianis huiusmodi iactatis querellis: ab eodem tandem Ioanne Eximio Cerdano Iustitia Aragonum depoposcera (eum enim sciebat sibi, & suis & debere, & posse opitulari) ut peregrinæ huic Valentini in insolentia, Magistratus interponeret auctoritatem, & vim. Iustitia Aragonum iudicans petitionem illam aptè esse coniectam, Interdictionem solitam concesserat; Valentinesesque Magistratus, qui noxii dicebantur, præscripta die iusserat adesse coram se, de officiis suis responsuros. Sed ii neq; citati comparuerant. Imo id pro nihilo putantes, grauiora adhuc, acerbioraq; fuerant moliti. Iustitia Aragonum, solito suo faceriarum, & vrbarnitatis lepore, istius facti vindicationem in commodius tempus distulerat, quo posset Reipub. magis prodesse: ne se fortè, ut erat prudens, ac prouidus, eò dimitteret, unde nullus esset Valentinis ipsis, ac nostris etiam fortasse, nisi exitialis exitus futurus. Tam-



diu autem conuiebat; ut omnes crederent, pristinam illam animi sui fortitudinem, non  
 iam diuturno aliquo, sed sempiterno fuisse somno consopitam. Cum igitur ad eam  
 Festorum celebritatem, in quibus Martinus Rex Insigne Regium susceperat, Valenti-  
 norum legati conuenissent: Iustitia Aragonum tenens, quam optabat, occasionem, ne  
 iam amplius illius tarditatem expectaret: omnia eorum bona, illatarum iniuriarum pi-  
 gnora, Magistratus auctoritate, occupauit. Hinc maximi tumultus excitati sunt. Rex e-  
 nim adeo id acerbè tulit, ac moleste, ut natua sua lenitate deposita, nouus iam homo, ve-  
 hemens, ac ferox, non mitis, aut blandus, ut antea, videretur. Illud tunc facetum dictum  
 a Regis Medicis idem Iustitia sibi dictum fuisse perhibet, quod hoc loco annectendum  
 10 statui: operæpretium namque me facturum existimaui, si seriis hisce rebus veteres inter-  
 dum nostri, & urbani sales accederent. *Por esto el Señor Rey Don Martyn fue muy sañoso,  
 & congoxado contra mí. E me dixerón los Medges suyos, que yo era el millor Medge de la tierra:  
 que auia seydo tornar el dito Señor Rey de fleumatico en coterico.* Edicto tamen Iustitiæ A-  
 ragonum parendum fuit; ipsiusque Magistratus præsidio, Vicecomitis, & suorum  
 causæ in antiquum statum restituit: quo pacto Iustitia Aragonum temporis oportu-  
 nitatem expectans, sapientissimè totum id, quod nostro iuri diminutum fuerat, ex-  
 quaui. His ergo rebus ita constitutis, quæ maximam perturbationem attulerant, ea  
 Comitibus sedate, ac placide dimissa fuere: omniaque apud nos otii, ac pacis plenissima.  
 Verumtamen nec diu postea factum est, ut incredibili, qua omnes fruebantur, lætitiæ  
 20 voluptate carerent. Tristes enim è Sicilia nuntii vna die, atque vna literarum significatio-  
 ne venerunt, de morte Mariæ Reginæ, ac Petri filii, Martini nostri Regis nepotis: ad  
 quem Aragoniam vniuersam ditionem, cum Siciliensi Regno coniunctam, peruenturâ  
 fore putabatur. Is fuerat A. D. xv. Kal. Decemb. Ann. Chr.  $\infty$  cccxcix. Siciliæ natus;  
 Ann. vero Chr. mcdi. obiit: eodemque anno Regina mater, Martino ipsius marito, 1401  
 totius Siciliensis ditionis herede constituto. Ex quo iam tempore vniuersæ res no-  
 stræ penitus visæ sunt ad quartum Interregnum procliuēs. Etsi enim Martinus idem Si-  
 cilix Rex, secundam illico Ann. Chr. mcdi. duxit uxorem, Blancam Caroli Nauar- 1402  
 ræ Regis filiam: simili tamen fatali casu, Augusto mense, infantulus eorum filius, cui  
 Martini etiam nomen inditum fuit, mortem obiit Ann. Chr. mcdvii. Quo et 1407  
 iam anno D. Maria Luna, Aragonum Regina in Villa Regali, Valentiniensi opido, mor-  
 tua est. Ipse verò Martinus filius Siciliæ Rex, nec diu postea iisdem certè finibus gloriam  
 suam, quibus vitam, ac immaturam ætatem terminauit. Nam in Sardiniam pro-  
 fectus ad restringendam quorundam sceleratissimam conspirationem, gloriosam  
 tandem victoriam consequutus, ad Callaris ciuitatem exlo, ac loco calamitosam viii.  
 Kal. August. Ann. Chr. mcdix. non tam morbo, quem ex labore contraxerat, periit, 1409.  
 quam funestæ pestis vi, ut extremum spiritum quasi in ipsa effudisse victoria visus sit,  
 cum non satis diu nec naturæ vixisset, nec gloriæ. Cuius interitus incredibilem no-  
 stris intulit mœsticiam, & quod sine filiis legitimis decessisset, patri verò habendorum  
 vix firma aliqua expectatio maneret, propter nimiam corporis crassitudinem. Ad au-  
 40 gendum enim dolorem, hos etiam rariores casus Martini Siciliæ Regis obitus habebat:  
 ita ut vix consolabilis videretur. Ea est humanarum rerum volubilitas. Qui enim patris  
 futurus heres putabatur, patrem testamento amplissimæ Siciliensis ditionis heredem no-  
 minatim scripsit. Tunc Martinus pater, Aragonum, & Siciliæ Rex vocari coeptus, ac A-  
 thenarum, & Neopatriæ Dux. Neque verò ipse morte, ut omnes crediderant, sed Mar-  
 tini filia ea facta fuit Siciliensis Regni cum Aragonensis Imperii maiestate coniunctio.  
 Ex duabus autem concubinis filium, ac filiam reliquerat Siciliæ Rex: filiam quidem  
 Violantem, quæ postea Nieblæ Comiti nupta fuit, ex Agathusa Siciliensi femina susce-  
 ptam. Ex Tarsia verò, itidem Siciliensi, Federicum: qui eodem testamento Comitatus Lu-  
 50 nensis heres institutus, vniuersam Regnorum successionem appetiuit post Martini, aui  
 Regis, ad quæ iam properamus, interitum. Illud etiā est maximè in tãto, tamque præcipiti  
 Reip. casu dolendum, quod Martino Siciliæ Regi de tam amplo Regnorum patrimonio  
 nec iter quidem ad auita maiorum sepulchra relictum fuerit. Callari enim sepultus iacet.  
 Martinus pater, cui secunda fortuna tot Regna fuerat elargita, aduersa verò viuo, & vidē-  
 ti, Regiæ totius sobolis occasum; ne ea penitus interirer, non tam senio, quam corporis  
 infirmitate confectus, A. D. xv. Kal. Octob. eiusdem Anni mcdix. Margaritam Pra- 1409  
 desiam, Regio genere natam, uxorem duxit. Sed cum ex ea nullam prole susciperet, nec  
 suscipiendam speraret; se viuente, ciuilem disceptationem esse voluit de futuræ succe-  
 sionis iure. Maximè enim exoptabat Federici Lunensis Comititis, nepotis sui, causam plus,  
 quam ceteras omnes valere, saltē in Siciliensis Regni possessione: ut si iam immaturus



ille interitus Martinum filium à Regia hereditate abstulisset; in ea saltē parte liceret modò, has eius reliquias in posterum remanere. Verùm Vrgelitanus Comes Iacobus, quòd rectam duceret originē à Regia Aragonum virili stirpe, haud patiebatut se ea de re in iuris aliquam contentionem vocari. Imò, quia debere se statuebat sine aliqua dubitatione vniuersæ Regiæ hereditatis potiri, generalem illius Gubernationem fidenter postulauit: per antiquum quidē, vt dictum est, Regiæ successionis signum. Rex autē illi nō solum eā, sed & Proregis in Aragonia munus impertiuit: non quasi ea re cuperet id illi concedere, quod expetebat (odio enim non recenti, sed diuturno, ac veteri in eundem flagrabat) sed vt furentis hominis à sese depelleret importunitatem: quæ valde sibi molesta erat. Ille verò, qui iam ab eo tempore facere studebat initium Regiæ dignitatis prensandæ; 10 omni ope, & opera enixus fuit: vt Iustitia Aragonum solitum à se iuramentum reciperet. Nam nisi eo in ipsius manibus factò, muneribus ipsis fungi non licebat. Verùm Iustitia Aragonum, Ioannes Eximini Cerdanus, non incallidè fuit tergiuersatus. Iustam enim excusationem adhibebat: fuisse se à Deputatis Regni, ne id faceret, interpellatum; quòd affirmarent, Comitem ipsum nequaquam muneribus istis iuxta nostras leges potuisse præponi. Vrgeli verò Comes de obiectis nihil confitebatur. Quamquam autem vehementer instabat: Iustitia Aragonum sibi prius cunctandum proposuit. Sed antequā sententiam protulisset, tristes nuntii allati fuere, Martinum Regem Barcinonæ, A. D. II. Kal. 1410. Iun. An. Chr. MCDX. vitam cum morte commutasse. Quo misero, ac fatali casu vniuersa 20 Resp. nostra ad quartum Interregnum adducta est, eaque omnis Vrgelitani Comitis, ac aliorum competitorum contentio ab armorum strepitu ad forensē disceptationē, non sine magtia, & immortalī maiorum nostrorum laude, reuocata. Martinus enim Rex tametsi commonefactus suum eade re iudicium ferre recusauit. Populeti tandem sepultus, orbatam patriam reliquit splendida illa, ac generosa Aragonum Regum virili stirpe: in quam, tanquam in vnā arborem, tot Regum tam admirabilem, præstantē, ac penē diuinā virtutem insitam intuemur. Nec intuebitur profectò minorem in iis, quæ nobis percurrenda desunt. Vt iure quidem affirmare possimus, ipsius stirpis non truncum modò, sed & ramos, ac folia vberrimos, lectissimosq; immortalitatis, ac gloriæ fructus attulisse. De ipso verò Ioanne Eximini Cerdano Iustitia Aragonum satis multa dicta sunt, ac dicenda etiam supersunt præclara industriæ, ac prudentiæ suæ opera: quandoquidem diuinitus quasi in hæc incidit, de quibus agimus, tempora; vt operosi istius ædificii, quod tunc nostris extruendum proponebatur, machinator adesset, eodem prorsus modo, quo antiquitus fuerat vltimus ille Aragonensis Comes, tam benè statuendæ Reip. nostræ tot antea sæculis architectus. Sed nunc ad rem.

#### QVARTVM INTERREGNVN.

Cv m illa itaq; duo imperii nostri lumina, ambo scilicet Martini Reges, immaturam mortem, nulla legitima relicta prole, obiissent: vniuersa cœpit Resp. nostra, quasi naus quædam in alto tempestatibus fluitans, incerto cursu agitari. Quinquē enim prodire acerrimi competitores: quorum vnusquisq; Regalem ad se dignitatem pertinere diuerso ab aliis iure contendebat. 40

##### I.

Horum primus fuit (vt eos prius numeremus, qui orti erant recto nostrorum Regum virili fatu) D. Iacobus Aragonius Vrgelitanus Comes: qui Martino Rege viuentē, generale, vt dictum est, Regnorum ambierat Gubernationem. Modò tamen Repub. ad Interregnum adducta, fidentius Regale ipsum munus appetebat. Erat autem paterno genere, recto ordine, à Regia virili stirpe profectus. Regis etenim Alfonsi I V. pronepos erat: nepos Iacobi, tertii illius filii; qui dum Costantiæ Petri I V. filii grandiori in Regali successionē antelatus fuit, satis firma, quam diximus, veneni suspiciōe decessit. Ex Cæcilia autem vxore, Comengis Comitis filia, Iacobus ille Petrum reliquerat filium, Vrgelitani Comitatus heredem: eum nempe, qui Fuxensem Comitē mortuo Ioanne Rege 50 Regnum appetentē atmis repulit, & fugauit: sicuti hæc omnia fusius à nobis sunt superioribus in locis pertractata. At Petrus ex Margarita, Monferratensis Marchionis filia, Thadæum, Ioannē, ac dictum Iacobum, filios suscepit. Sed Iacobus à patre Vrgelitanæ ditionis heres institutus fuit: quòd ambo ii Thadæus, ac Ioannes, grandiores filii, mortui fuissent sine liberis. Atq; eorum alteri (quæ aliquamdiu apud nos fama percrebuit) Iacobus ipse iniusta, ac insana elatus dominandi cupiditate, occultè nimis, & clā suis matibus necem attulerat. Deniq; Isabellam duxerat vxorem, Petri I V. & Reginæ Forzianæ filiā, Regumq; Ioannis, & Martini, tametsi non vterinā, sororē. His de caulis, in ea, quæ tunc versa-



versabatur, de Regali adeunda hereditate contentione, ipse Vrgeli Comes alios antecedere videbatur. Cuius apud nos præcipuas partes agebat D. Antonius Luna, Aragonensis Ricus homo nobilissimus: qui tam amplo patrimonio in Aragonia potiebatur, ut per sua ferme opida è Castellæ finibus ad Galliam vsque iter sibi facere liceret. Verum dum se temerè in alieni iuris defensionem immisit, anxiusq; nimis, & sollicitus videri voluit alieni patrimonii propugnator: nec quidquam ea curatione alteri profuit, & ipsemet sibi, ac suis suorum omnium bonorum dissipationem, atque acerbum inde interitum comparavit. Vna etenim ruina, ac tempestate, & vniuersæ illius opes corruerunt, & ipsius etiam Vrgeli Comitatus: quamquam is potior, ut dictum est, communi omnium opinione, in ea successionis causa ducebatur.

## II.

Secundus autem erat, Gandiæ Dux, ac Ripacurtiæ Comes, D. Alfonso Aragonius: Iacobi I. Regis nepos: filius Petri, illius quarti filii, qui, quemadmodum exposuimus, beati Francisci instituto addictus, claris vitæ operibus, Valentia obiit. Huic autem Alfonso iam tunc aduersari cœperat ipsa fortuna, cum illi Villienæ Marchionatus, ac Castellæ Conestabulia abrogata fuere: quibus ipse fuerat ab Henrico Rege, Trastamaræ antea Comite, paulò ante donatus. Præterea Violantis Arenosiæ vxoris immoderata nimis licentia, libertasque viuendi, haud sibi comparauerant eam, quæ tantum virum decuisset, claram, ac stabilem auctoritatem. Adhæc tanta erat confectus senectute, ut penè iam desuper e censeretur. Eas ob res videbatur ab omni non modò fortuna, verum etiam spe derelictus. In omnium tamen fide, quod esset rectæ virili Regum stirpi proximè adiunctus, causam ipse suam deponebat.

## III.

Terminus verò, qui genus quoque suum ab eadem ducebat Regia virili stirpe, D. Federicus erat Aragonius, Lunensis Comes: Martini Siciliæ Regis ad Callarem mortui ex Tharsia, quam nominauimus, concubina filius. Cui, Martino auo Rege cõrendente, Benedictus XI. concesserat, ut Regale munus posset obtinere, ac si esset ex iusto, & legitimo natus matrimonio. Id autem licet fuerat impetratum ad Siciliæ tantummodo Regnum obtinendum, à quo filii illegitimi censebantur exclusi: tamen ad Regalem etiam Aragoniæ ditionis hereditatem adeundam ab iis modò adducebatur, qui ipsius Federici orbitati, cum puer esset infans, ac pusillus, fuerant tutores adscripti. Præter eos etiam Regii omnes domestici, & familiares illius causæ videbantur esse fautores. Verùtamen cum eam Comitatus, ac Lunensis ditionis successionem cognati appetere propinquiore, nequaquam ea Federicum potiri posse, quod illegitimus esset, contententes: tot in eius miseri, atq; infelicis fortunas, procellæ, ac tempestates commotæ sunt, ut in ea, quæ tunc vertebatur controuersia, nullius causa desertior videretur.

## III.

At quartus ad Regium Principatû accedebat, Ferdinandus, Castellæ Regis filius: Princeps quidem per se satis cognitus nulla commendatione maiorum. Cuius virtus, eo ipso tempore, latè splendebat: quod complura loca à Mauris diruta, & penè deserta, per eum essent recreata. Ex Antequeræ autem illustri opido, quod tunc vi obsessum tenebat, Infantis Antequeræ traxerat cognomentum. Sed maiorem laudem præstulerat, dum Castellæ Regnum, ultro sibi oblatum, puero Regi, è maiori fratre nepoti, deferendum censuerat. Præclarum continentia, & integritatis exemplum. Nam etsi alios vincere magnum est: maius tamen à se semetipso quemquam superari. Hic igitur Infans Ferdinandus ad Regiam dignitatem capeßendam hoc vno potissimum nitebatur, quod esset ultimis Regibus, Ioanni, & Martino, proximiori, quam ceteri omnes, vinculo propinquitatis coniunctus. Erat enim Eleonoræ, Petri IV. filia, ac Regum Ioannis, & Martini germanæ sororis, filius: quæ fuerat Ioanni Castellæ Regi, Trastamaræ Comitis filio, quemadmodum suo loco diximus, collocata. Ob id proditur, Martinum Regem, dum, se viuente, de ea Regiæ successionis causa agendum decreuerat, in istius Ferdinandi partem visum fuisse propensorem. Quod permagni interfuit ad fouendos nostrorum sensus, conciliandosq; animos: plures enim deinde huic sententiæ fauere visi sunt. Inter quos præcipui illius erant adiutores, D. Petrus Extremi Vrrea, ac D. Ioannes Martini Luna; nobilissimi duo, primarii, & amplissimi viri. Quorum ille erat, clarissimæ gentis Vrrearum princeps, Ruedæque Vicecomitatus, & Alcalatensi ditioni dominabatur. Hic verò, qui Illucæ ditionis dominium obtinebat, tamen si erat, D. Antonii Lunæ, cuius supra meminimus, vxoris frater germanus; magis ab eo in hac causa voluntate, ac studiis diffidebat, quam natura, aut genere



esset diiunctus. Patruia autem sui D. Petri Lunæ, quem diximus in sua obedientia Benedictum vocari, consillis parens, eas Infantis Ferdinandi partes agebat. Benedictus enim præcipuum se ipse dignitatis fautorem constituerat. Ideoque præsens, atque aliquamdiu apud nos sedens, suam ea in re operam, studiumque nauauit. Cuius summa auctoritas, atque amplitudo ipsi Ferdinando non parum attulit adiumenti.

## V.

Quintus tandem, & ultimus, qui in ea Regia causa non iam æqualem aliis, aut parentem se esse, sed longè superiorem distabat, Ludouicus erat, Calabriae Dux, ac Guisæ Comes nuncupatus; Ioannis demortui Regis ex filia nepos Violante: quæ Ludouico Andegauensi Duci, Siciliae Regi aliquamdiu appellato, matrimonii fuerat, ut recensuimus, 10 dignitate coniuncta. Ioanna enim eiusdem Ioannis Regis, ac Mathæ primæ illius uxoris filia, quæ Fuxensi Comiti nupta, statim in ipsius Martini regnandi initio, super ipsa Regia successione eam, quam docuimus, vniuersæ Reipub. nostræ attulerat perturbationem; iam pridem decesserat sine prole. Ex secunda autem uxore idem Rex Ioannes filiam suscepserat Violantem, matrem istius Ludouici: qui modo Regale munus apprehendere, haud minori fiducia, ac si ea de re solus contenderet, conabatur. Ea tamen omnis spes, & ratio, & cogitatio pendeat ex Caroli Francorum Regis oblata sibi tutela, & præsidio. Ipse enim Carolus enixè Ludouici causam susceperat defendendam, quod esset sibi propinqua cognatione coniunctus. Ex nostris verò illius se studiosissimam esse profitebatur 15 florentissima omnis Hereditarium gens. Vnde genus ducebat D. Gasias Ferdinandi Heredia, ea tempestate Casaraugustanæ Ecclesiæ Archiepiscopus. In quo præter amplissimum hunc tantæ dignitatis gradum, in quo erat locatus, tantæ erat nominis, industriæ, ceterorumque ornamentorum omnium amplitudo; ut apud nos Ludouici nomen solus sustineret. Sed cum se Vrgeli Comitis causæ indicaret animo, atque armis inimicum; grauissimum in se eiusdem Comitis, ac suorum odium concitauit: quod tandem in ipsius Archiepiscopi crudelem, ac miserabilem mortem erupit.

Hic igitur omnes de Regiæ successionis iure inimicissime inter se, ac infestissime contendeant. Neque quisquam eorum concedebat alteri, ut iure, aut æquitate se, potiorē esse fateretur. Quin imo in ea causa omnes vi opprimi melius esse, quàm iuri cedere iudicabant. Inde nostri subito maximum, ac summum allatum esse periculum, & discrimē 30 patriæ cognouerunt. Non enim ciuiles iam seditiones afflictabat Remp. aut de legū, vel libertatum obseruatione erat tantummodo decertatio instituta: sed de adeunda totius Regii imperii possessione grauissima oriebatur contentio. Quæ tametsi valde timenda videbatur, ac qui illius cursus, aut exitus futurus esset: nihil magis nostri, quàm præposteram aliquam vniuersarum rerum conuersionem timebant, quæ nouum induceret morē iudiciorum, Rempublicæque de pristino libertatis statu dimoueret: cum humanæ res omnes, ac ipsa Regna, & Principatus perleui sæpe pendeant momento fortunæ, temporumque inclinatione pusilla. Eoque etiam id magis: quod nostrorum Optimatum varix essent, ac diuersæ, & in varias competitorum partes diffusæ factiones: nulla autem domus tam stabili sit, nec tam firma ciuitas, quæ non odiis aliquando possit, ac ciuilibus euertere diffidiis. 40 Neque vero spes nostris vlla ostendebatur, ut qui tantopere inter se animis, ac studiis diffiderent, vna vniquam possent voluntate cōiungi. Nec tot iam incommodorum prouidē allicui cautioni, si quæ forsitan adhiberi potuisset, locus erat. Vrgelitanus. n. Comes Iacobus, quo aderat Almunæ loco, à Casaraugusta non longè, quāprimum sibi de Martini Regis morte allatum fuerat, generalis Regnorum Gubernatoris nomen vsurpauerat. A quo munere se nequaquam abduci passurum dicebat, neque ut causa sua cum aliorum competitorum causis contenderet: qui ad se solum Regiam dignitatem pertinere luce esse clari- 50 rius affirmabat. Quod autem prope huiusmodi contentio accedebat: eò iam propius grauiora patriæ pericula constabantur. Regis autem nomine consultò, ut proditur, se salutari in aliud ipse tempus distulerat; ut hoc continentiae signo nostrorum sensus permulceretur apud quos nefas semper fuerat decretum, quemquam se Regem ante sanctitas more solito leges nominari. Quin & id ipsum Gubernatoris generalis nomen tam citò vsurpasset, hoc quoque magni in patriam amoris artificio condiebat: quasi in eo ipso nostris videri cuperet beneficentissimus, quod Reip. penè succumbenti, & aliorum competitorum oneribus, turbulentisque factionibus indignissime oppressæ, sin minus sua vi, suorumve posset, ipse tandem potestate muneris subueniret. Sed nota hæc illius callidas in maius sui odium retrahebatur. Non enim demissus iste, atque humilis sermo corruptis eius moribus consonabat: imo insolentem suam, superbamque naturam extulerat sanè supra modum tanti istius insolentia dominatus. Quia in re quo suorum



rum dissimilis videbatur: eo erat illorum in corporis figura, ac membrorum compositio-  
 ne simillimus. Erat enim in eo forma, & species quædam liberalis, ac statura appo-  
 sita ad dignitatem: præstans præterea lineamentorum totius oris, & corporis confor-  
 matio: ad hæc gestus ipsius ita venustus; ut atque etiam, quæ non erat, atque è disciplina  
 motus quidam videretur accedere. Quæ ornamenta cum splendore Regii gene-  
 ris, à quo erat profectus, mirificè lucebant; ac complures, præsertim Catalanorum, al-  
 liciebant ad sese: quod vnum aliquem se crederent ex mortuis nostris Regibus, exem-  
 plum fortitudinis, imaginem continentię, atque expressam quamdam, & eminentem  
 eorum virtutis effigiem intueri. Verumtamen non absuit perspicax, qua opus erat, ad  
 10 præcauendum prudentia aliquibus ex nostris, qui neutram in partem mouebantur,  
 publicumque tantum agebant retinendæ libertatis, ne his voraginibus summergere-  
 tur, negotium. Earum verò, atque adeò ventorum huiusmodi duo præcipui moderato-  
 res, & gubernatores scientissimi exstiterunt: Egidius Ruiz Lihortius alter; qui eo tempore  
 generalis apud nos Gubernationis, ut loquimur, regendæ munus gerebat, eratque  
 fortis, ac constans vir, deque ipsa Rep. optimè sentiens; alter verò, quem toties nomina-  
 uimus, Ioannes Eximius Cerdanus Iustitia Aragonum; eiusdem Reip. conseruati-  
 dæ studiosissimus, ac diligentissimus vir: qui de eadem sapius, ut iam satis docuimus,  
 benemeritus fuerat. His duobus ob suorum munerum dignitatem tempus, ac facul-  
 20 tas agendi erat magis propria, quam ceteris: doloris verò, timoris, ac periculi ea-  
 dem erat illa causa communis. Ad eos itaque confugerunt ii, qui integrum defende-  
 bant ius libertatis. Omnes autem Cæsaraugustam quamprimum conuenientes, con-  
 sideratè rem ipsam agere coeperunt. Inter quos negotiorum tractatione, & usu, prin-  
 cipem locum tenere videbatur Berengarius Bardaxinus, iuris & publici, & priuati valde  
 peritus: qui à veteri, & illustri Bardaxinorum familia originem ducebat. Illius autem  
 non in sententiis solum, sed etiam in nutu tanta residebat auctoritas, ut eius domus  
 sine dubio totius Regni esset oraculum, & ad respondendum, & ad agendum, & ad  
 cauendum omnium peritissimus censeretur: tamen apud nonnullos aliquando sin-  
 gularis cuiusdam artificii suspicio imminuebat hanc tantam ipsius auctoritatem, & fi-  
 dem. Ad nostrorum autem sermones protinus se adiungens Benedictus, eandem vi-  
 30 bem A.D. v i i Id. Decemb. eiusdem Ann. 800 x. ingressus est. Cuius cōspectu, ma-  
 gna ea, quæ plures angebat, de Rep. cura consedit: in hoc enim naufragio colligendo,  
 ac reficiendo communi saluti, semper illius consilia reperiebantur esse versata; nec dum  
 palam in alterutram partem propendebat. Reipub. igitur omne bonum, eorum, qui ibi  
 aderant, finiebatur conuenientia; & concordia. Ex quibus licet plures erant, qui ani-  
 mis, & voluntatibus non leuiter dissidebant inter se: omnes tamen (quod perma-  
 gni interfuit, neque est in exigua laude ponendum) de Reip. salutē vna & mente, & vo-  
 ce consentientes, oportere sibi potius statuerunt præsentibus temporibus, ac periculis,  
 quam pristinis suis dissensionibus assentiri: quod priuatas inimicitias in viris fortibus  
 non solum extinguere debeat Reip. vtilitas, sed ad maiorem etiam amicitiam traducere.  
 Nec decuisset sanè dissoluto proflus, ac quasi dissipato nauigio, tunc cum maiores erum-  
 40 pebant venti, & uiioresque turbines existerant; quidquam aliud nisi de publicis commo-  
 dis agere, & cogitare: cum nemo eorum posset ab ea, quæ tunc concitata erat, formido-  
 losissimi temporis tempestate liber, aut securus censi, si publica res dilaberetur. Hi er-  
 go omnes congressi, quia competitores ad nullam condicionem videbantur accessuri;  
 in primis coram inter se sermones eos contulerunt, quos Martinus noster Rex mo-  
 riens habuerat eo ipso die, quo excessit è vita, in ea, quæ iam futuræ Regnorum suc-  
 cessionis causa pendebat. Etenim quarrentibus ex sese, cui post eius obitum Regiam  
 hereditatem tradendam censeret; moribundus iam responsum dederat: N E M I N I pror-  
 sus se velle; præterquam ei, ad quem iure, ac legibus pertineret, quasi omnia no-  
 50 strorum consilia, atque facta ea in re, ad iustitiam tantummodo, & æquitatem referen-  
 da esse, per patris illis verbis protulisset. Cuius non sententiæ solum, sed etiam, ut no-  
 stri dicebant, Regii præcepti tantam vim esse debere, omnes qui Cæsaraugustæ eo, de  
 quo nunc agimus, congressu aderant, decreuerunt; ut omnium mentibus cum ea Marti-  
 ni Regis voluntate consentientibus, statim ab ipsis memorent amplissima illa decreta  
 facta fuisse.

Omnia sc. omnium arma contra eum esse capiēda, qui in ea Regiæ successionis cau-  
 sa, vi, & armis, non autem iure, & legibus decertaret. Competitores autē ipsi, licet ani-  
 mis contenderent inter se; ibi tamen confisterent, ubi opus esset. Nec quæ du-  
 bia erant, quisquam eorum sumeret, pro certis, aut concessis. Quinimo æquo ani-



non paterentur omnes, rem ad Interregnum adduci; ut vniuscuiusque iure diligenter examinato, momentoque suo ponderato, causa hæc non gladiis, sed litibus ageretur: præsertim cum ea esset, quæ longi temporis, & magnæ, arduæque cogitationis indigeret. De ea autem re omnes ipsi ad vnum ita sentirent: Ut qui iudicium impediret huiusmodi, se sciret contra Rempub. esse facturum.

Quamprimùm verò statuerunt, Vrgelit: num Comitem Iacobum, exultare nimis, præfidentemque sibi, de eo, quod temerè usurpauerat, generalis Gubernatoris munere detrudi oportere. Quòd si aliter fieri non posset; Iustitia Aragonum eidem inferret Magistratus manum, & vim. Addebant præterea; quo ad has res obeundas auctoritas maior accederet, totius siquidem Regni consensus: omnes nostrorum Ordines in vnum esse locum congregandos: generaliaque nostris Comitibus iure esse indicunda. Quamquam enim ea apud nos ex antiquo iure nisi ab ipsis Regibus haberi non possent; tunc cum tanta inerat efficiendi necessitas, rectè posse affirmabant, ad speciem, atque usurpationem vetustatis adumbrari: cum hanc deceat esse rationem consiliorum, quæ rerum, ac temporum sit vicissitudo. Comitibus autem huiusmodi à duobus ipsis, qui ibi aderant, præceptis Reipub. moderatoribus conuocari debere: Egidio nempe Lihorrio, officium Gubernationis Regente (quem Gubernatorem vulgò appellare solemus, atque ita eum deinceps nominabimus) Ioanneque Eximini Cerdano Iustitia Aragonum: ut prior Regis personam, posterior verò solitam gereret Magistratus. Atque hæc quidem omnia, quæ facienda erant, statim facta, & transacta sunt. Gubernator enim, ac Iustitia Aragonum, quemadmodum fuerat decretum, de communi suorum munerum potestate, generalia totius nostri Regni Comitibus indixerunt: iusseruntque solito more, omnes Ordines A. D. v. Id. Febr. Ann. M. C. D. X. I. in Calataiubii ampla, ac nobili ciuitate ut adessent, suam de communi Reipub. causa sententiam dicturi. Ioannes etiam Eximini Cerdanus consueo sui Magistratus Iuri firmæ remedio, Vrgelitano Comiti interdixit: ne deinceps amplius eo, cui contra leges præerat, generalis Gubernatoris munere fungeretur: neve expectaret, si id tandem renueret, ut eum reprimere validiores Magistratus haberet. Tunc fieri quædam nostrorum rerum ad meliorem spem inclinatio visa est. Vniuersum namque Regnum erigere se cœpit in retinenda libertate consentiens. Protinus autem Vrgeli Comes Iustitiæ Aragonum paruit interdicto. Ceterum præstituta die Comitiorum, cum illud Gubernatoris, ac Iustitiæ Aragonum de Comitibus conuocandis edictum omnes nostri magna frequentia ornassent, & concursu: Gubernator, ac Iustitia Aragonum, meritis quidem illorum Comitiorum præfides, cum ipsi ambo essent custodes, ac præfides libertatis, exponere omnibus cœperunt summam rerum in Regno post obitum Martini Regis gestarum, & quod eorum fuisset istius conuocationis consilium. Illud omnibus persuasum esset, in ea, quæ tunc causa pendebat, fortunam solam Reip. disceptare. Nam si armis, non litibus ea esset controuersia definienda; victores quam Remp. habituri essent, nesciebant: victis se credere nullam futuram. Neque tam exploratum esse vniuscuiusque competitorum ius, quam sibi quisque suadebat. Pro certo enim vnusquisque eorum sumebar, quod aliis dubium, controuersumque videbatur. Ad extremum (ne longius progrediar, quam oporteat, tamen si huc non inuitus declinabam) longa habita oratione, grauissimis verbis, & sententiis plena, nostros omnes ad magnam, & communem concordiam hortati sunt: ut cōmuni omnium animo, & voluntate in eorum fortunas irrumperent, qui aliter, quam iure, ac legibus, de huiusmodi Regia causa contenderent decretari. Qua in re polliciti fuerunt se consilio, quantum possent, labore verò, plus certè quam possent, pro patria vigilaturos. Atqui cum hæc eorum oratio minimè iniucunda videretur: magnus repente fuit ex plurimis, qui ibi aderant, plausus excitatus. Aderant autem nonnulli, quorum studia inter se magnopere discordabant, non iam intus, ut antea in animis inclusa; sed quæ foras etiam audacter prorumpabant. Hi dissimulare non poterant vllò modo, sibi quæ à præfidentibus proponebantur, vehementer displicere. Etenim cum vnusquisque eorum sensu suo, ac quæstu Regiam illam causam metiretur, quasi iis Comitibus iudicanda esset; palam, ac publicè contendebat, ei soli ex competitoribus sine vlla controuersia Regale nomen, ac munus deberi, cuius ipse partes suscepisset. Ad quod negotium conficiendum non iam occultè, sed nominatim illi suam quisque, suorumque auctoritatem, gratiam, copias, ac opes deferebat. Verum D. Antonius Luna, clarus ille, ac præpotens, quem nominauimus, vir, audacius præ cæteris omnibus cunctationem propositam, initamque Comitiorum rationem exprobrabat. Primùm enim dicebat nullam esse rem, quæ cuiusque animum in ea causa dubiū facere posset, quin sine vlla mora Vrgelitanus Comes Iacobus, qui



qui non procul ab eis, sed prope aderat quasi præsens, ad Regale munus capeffendum vno omnium consensu vocaretur: cum omnibus iamdiu esset exploratum, eum solum apud nos, tum proprio, tum vxoris iure, iuste, & legitime imperare debere. Turpeque nimis videri sibi affirmabat, petitos, qui ibi aderant, dubitare se dicere ausos esse, quæ nostrici quidem dubitabant. Valde vero iniquum, cui fortuna Regiam fuerat dignitatem apertè elargita; eandem modò destinatam iam, & quasi desponsam, callidis tergiver-  
 sationibus velle præripere. Deinde acriter illis obiiciebat eam Comitiorum conuoca-  
 tionem à Gubernatore, & Iustitia Aragonum factam: cum, vt ipse dicebat, Regibus fi-  
 nitis, Regnum conuocare, Deputatorum Regni proprium esset officium, ac munus: è  
 10 quorum numero D. Antonius ipse eo tempore erat. Irrita ea propter decernebat, quæ-  
 que ibi agerentur, esse futura: nisi fortè tenderent ad Vrgeli Comitem, Regem accla-  
 mandum. Id enim quoquo iure fieret, optimo iure fieri prædicabat. Ac ni protinus fieret:  
 minas iactabat; formidines proponebat; magnos denique nostris iniiciebat terrores;  
 quasi vi melius, ac metu, quam precibus, aut suasionibus rem illam transigendam pu-  
 taret. Hæc itaque tam concitata, ac vehemens D. Antonii oratio, summaque ipsius no-  
 minis amplitudo, ac Magistratus, quem gerebat, auctoritas per multos facilè de propo-  
 sita sententia dimouisset: nisi D. Gasias ille Ferdinandi Heredia Cæsaraugustanus Ar-  
 chiepiscopus, qui ibi aderat frequens, atque in Comitibus, & in ore omnium quoti-  
 die versabatur, statim suam opposuisset non minorem certè auctoritatem. Is enim gra-  
 20 ui sententiarum, ac verborum pondere, ea omnia sapienter refutauit, quæ insipienter  
 nimis D. Antonius fuerat minacibus illis verbis persequutus. Cumque obeam causam  
 acerbè satis in illum Archiepiscopus ipse inueheretur: iam tunc apertè visus fuit D. An-  
 tonii animus, vehementer incensus, detestabile, quod postea peperit, scelus concepisse.  
 Sed quo Archiepiscopus magis auram sibi captauit popularem, id tandem fuit, quòd  
 cum se palam affirmaret, esse Reginæ Violantis, ac Ludouici filii studiosissimum,  
 quorum causam, vt ipse assererat, notissimum erat, iure, & æquitate longè cetero-  
 rum competitorum causis antecellere; nihilominus tamen quidquid in ea agendum esset,  
 cautè prius, ac pædetentim agendum statuebat: cum tãtam rem maturissimè iudicari o-  
 porteret. Atque illud idem visum est aliorum competitorum fautoribus: quorum pluri-  
 30 que illuc conuenerant. Verum haud cessabat vnusquisque eorum contrarias refellen-  
 do, quam quisque fouebat, variis argumentis, & rationibus confirmare: quòd pro certo  
 putaret studio, ac suffragio suo viam sibi ad beneficia à futuro Rege impetranda munire.  
 Hinc res confuse agi cœpta fuit. Nouæ enim nostrorum factiones subito fuerunt exci-  
 tata: quæ quasi redundantes quidam fluctus, ac superfluentes, ventorum vi agitati, ad al-  
 lios passim accedere, & ab iisdem statim recedere videbantur. D. Antonius Luna, qui ar-  
 denter cupiebat Vrgelitanum Comitem Regem acclamari; maximam animo molestiã  
 capiebat, ipsius Comitibus causam prospiciens in peiorem partem versam, & mutatã. Eam  
 autem mutationem capitali odio, & malitiæ Cæsaraugustani Archiepiscopi tribuebat. A  
 quo potius, quàm ab iis, qui in alios propendebant, ipsum Comitem fuisse Regno depul-  
 40 sum dictitabat; quòd in eum Archiepiscopus ipse artificiosissimè, nulla data occasio-  
 ne, omnium Ordinum odium concitasset. Nimia igitur exardescere iracundia. Sed  
 eam, vt erat veterator, & callidus, inclusam animo continebat; donec tetri illius, ac sce-  
 lesti facinoris, quod postea commisit, oportuno loco, & tempore obiret. Quam-  
 quam autem ipse huiusmodi causam à Gubernatoris, & Iustitiæ Aragonum summi con-  
 siliu gubernatione auferre conabatur: inanes tamen in rem istam infractus eius fu-  
 ror impetus faciebat. Eorum enim honorata senectus, ac in publicis rebus cognita vir-  
 tus, tantam apud omnes auctoritatem habebat, vt non à propensis solùm in singulas cõ-  
 petitorum partes, sed à competitoribus etiam vehementer colerentur. Ipsi verò commu-  
 ne commodum mutuis officiis sapientissimè gubernabant: omnibusque aliis ferme in-  
 50 uicis, ambo soli suis humeris tota hæc Comitibus sustinebant. Ad quæ tandè Legati venerunt  
 à Catalanis, & Valentinis, publicis cum testimoniis, atq; auctoritatibus missi, postulantes:  
 vt huiusmodi nostrorum Comitibus ad alium locum transferrètur, qui esset singulis eorum  
 regionibus magis propinquus. Quod idem se statim facturos pollicebantur. Ad ea enim  
 exquirenda consilia, quæ ad commune commodum pertinerent, inuicemq; secum cõ-  
 ferenda, conducere nimis affirmabant, omnes non armis solùm attentis, verùm et-  
 iam corporibus propius adesse; vt eò maturius de re tanta transigerent, quo celerius  
 possent in vnum, dum opus esset, locum conuenire. Eam verò, quæ esset omnium cau-  
 sa communis; communi omnium consensu agi oportere. Quæq; autem fierent; diu esse  
 ab omnibus concoquenda. Totius namq; Regii imperii, veteri ferme exemplo, nouum



tunc modum statuendum putabant. At inter nostros, dum hac de re agi cœptum est, magna, ut solet, orta fuit confusio suffragiorum. Denique præstantes quidam viri lecti fuere, quibus cum legati agere possent de proposita huiusmodi trium Regnorum convenientia. Fas est enim interdum Cataloniæ, Regnum appellare. Nam etsi tantum sit Principatus nomine insignita; aliquando nec immerito potest Regali nomine digna iudicari. Hi ergo sæpius congressi decreuerunt: singulis in locis oportunis quàm citò à nostris, Catalanis, ac Valentinis Comitibus esse indicunda, quæ omnium Regnorum faciem præ se ferrent, communisque auctoritatem Reipublicæ. Nostra inde Comitibus dimittenda, conuocandaque ad Alcagniciense opidum, Ergauicense olim, seu Ergauicense, ut nonnullis placet, appellatum; quod esset Cataloniæ, ac Valentino Regno valde finitimum. Catalanos Dertosam; Valentinos autem Traygueram protinus conuenturos. Ea etenim loca ad pares quosdam angulos, satis vicinos, sita sunt: singulisque trium Regnorum oris, atque extremitatibus terminantur. Quamquam autem Turiasionensis Episcopus, ex lectis vnus, contra ista dicere visus est, quod non fuisset, ut ipse assererat, ad ea deliberanda vocatus: nihilominus Comitibus ipsa 111. Calend. 1411. Iun. eiusdem Ann. MCDXI. ab ea, in qua tunc habebantur, Calataiubii ciuitate dimissa fuere: decretumque ut in Alcagnicii opido celebrarentur. Diem verò illorum à selectis viris dici debere. Biduo autem post, Kal. scilicet Iun. Cæsaraugustanus Archiepiscopus D. Garfias, quem retulimus D. Antonii Lunæ consiliis, ac sermonibus obstitisse, cum Calataiubio egrederetur, tenderetque Cæsaraugustam; dum ad Almuniam, memoratum iam non longè vtrinque locum peruenit, recentissimas à D. Antonio ipso literas accepit, suauis, & iucundas, significantes: se cum eodem Archiepiscopo de Rep. colloqui velle, ut ambo commentarentur inter se, qua ratione commodius esset & ipsorum tunc temporum paci, & totius posteritatis otio consulendum. Ea propter se amicè, & beneuolè ad Almunie muros solum in agro, regia, qua itur Cæsaraugustam, via eundem Archiepiscopum præstolari: quod tacitum hunc eorum congressum esse oporteret. Insidiosè tamen fingeat hæc omnia. Diu namque eidem periculum capitis moliebatur; ac in præcordiis suis conceptam illi mortem continebat: quod vnicum hoc statueret esse, ægrota, sed nondum desperata, Vrgelitanæ Comitibus causæ remedium; cuius se profitebatur, ut dictum est, esse & in consiliis capiendis auctorem, & adiutorem in agendis rebus fortissimum. Archiepiscopus quidē nihil mali fuerat suspicatus. Idcirco ex Almunie opido parum comitatus exiit: rectaque ad D. Antonium profectus est. D. Antonius enim summa sua auctoritate istam calumniæ suæ licentiam possidebat. De via autem ad sinistram paululum declinauerat Almonazirium versus: cuius loci tunc supremæ dominationis iure potiebatur. Itaque Archiepiscopo iter suum eò conferenti, haud longo intervallo, D. Antonius cum armata suorum caterua obuiam processit. Ac dum ambo simul iuncti fuere, postquam se vicissim salutarunt benignè, ac comiter, ut fit: secreto colloqui cœperunt de publicis negotiis, & rebus. Tunc D. Antonius tempus sibi oblatum nolens prætermittere, de singulis competitorum causis sermonē orsus, quod speraret non posse Archiepiscopum habere diu sua ea de re clausa consilia, captiose illum interrogauit: quid de vnoquoque competitorum iute sentiret: num Vrgeli Comitē futurum esse Regē autmaret. Cui cum Archiepiscopus prudenter parum, *non me vno*, respondisset: D. Antonius incredibili furis audacia, detestabileque: ita scelus anhelans; *si non te*, inquit, *vino*, *mortuo igitur esse oportebit*: protinusque stricto gladio eundem adortus, graue capiti illius vulnus infixit. Infelix tunc, & miser Archiepiscopus dare sese in fugam properauit. Verum ea statim repressa, à D. Antonii domesticis, & familiaribus qui non procul fuerant in insidiis collocati, vndique cinctus, repente è mula, in qua vehabatur, exturbatus est: humique iacens, nefariè, ac truculenter occisus. Sui etiam, quorum per pauci admodum illuc conuenerant, itaque imparati omnes, atque inermes; subito eodē periculo circumuenti, nonnulli grauitè icti, Almunia confugerunt; alii crudeliter interfecti sunt; alii ab insidiatoribus capti, & cōprehensi, Almonazirium ducti, ibidē diutius in priuatis custodiis asseruati. Quorum vnus fuit Iacobus Cerdanus, Iustitiæ Aragonum filius; qui fortè eo die eundem Archiepiscopum stipabat. Sed de hac illius morte, ita in Kalendarum codice Sedis Cæsaraugustanæ. Kal. Iun. obiit D. Garfias Ferdinandi de Heredia, Archiepiscopus Cæsaraugustanus: qui pro defensione, & iustitiâ Regni sustinenda in loco de la Almunia mortem passus est, primâ die Iun. Ann. à nat. Dom. MCDXI. Tanto igitur patrato scelere, omnia denuo turbari cœpta: cum nouarum inde perturbationum causæ viderentur oriri. Verum tamen ut euenire solet in iis, quæ perperam fiunt, quod D. Antonius putauit Vrgeli Comitibus commodum fore, id summum illi exstitit exitium. Etenim nec o fuit ex nostris,



nostris, qui non a terrimè ad tantà vlciscendam iniuriam incumberet: eoq; tempore tantum virum vniuersæ Reip. ereptum fuisse, communis ab omnibus iactura statuebatur. Præterea amplissima omnis Hereditarum gens, quæ Ludouici Andegauensis Ducis, vti diximus, partes agebat: ab eo protinus desciuit; accessitque ad Infantis Ferdinandi causam fouendam: cuius præsidio, quod propius adesset, facilius se posse sperauit, D. Antonii, ac Vrgeli Comitis furorem reprimere, domesticique sanguinis pœnas expetere. Quin etiam & omnes ipsius Comitis inimici, quorum illè erat plenissimus, quo in eum totius Regni odium concitarent, magnis clamoribus horribilis istius casus atrocitatem augentes, palam coram omnibus exclamabant: ab eo tanquam à domino aggressi, & furioso fugiendum esse. Nā si regnaret; affirmabant, sine dubio futurū esse, procellam patriæ, turbinemque ac tempestatem pacis, & otii: nostrosq; eo Rege, neque patrias leges, neque communia iura tenere posse. Ipsi verò D. Antonio probra omnia, maledictaq; obiciebant non Vrgeli Comitis inimici solū, sed omnes prorsus omnium generum, ætatum, atque Ordinum homines; summi, medii, infimi, peregrini, ciues, viri, denique & mulieres cunctæ; atque etiam infantes: quod amicum; quod inermem, quod Antistitem; quod Pastorem suum, per simulationem amicitie, sub pacis nomine à se accersitum, nefariè prodidisset. Et quod summū erat, quod secum, quasi in triumpho, ad victoriæ ornatum, Archiepiscopi famulos, atque affectatores, qui viui euaserant, depotrasset; etiamq; tunc eosdem, ac si infideles essent, captiuos in arctissima vincula coniectos, retineret. Ob id denique factum, ipsius D. Antonii memoriam, mores, nomen tandem, dum illud audiebant, apertè execrabantur: quod vniuersam nationem, patriamq; communem, quæ semper esse cōsueuerat in hostes lenissima, tanta tūc crudelitate polluisset, nobilissimūq; genus suum tāto prodicionis dedecore maculasset, quantum vix reliqua omnis ætas posset eluere. Inde natum fuit, quod modo tritum apud nos est verustate prouerbium: vt dum alicui malum aliquod auspiciū detestari velimus, vulgari lingua, *Con don Anton te topes*, crebrò dicamus, quasi eum, qui illi obuius sit, miserū, atq; infelicē ea detestatione obnuntiemus. Iā verò hæc tātq; istorum tēporum miseræ Gubernatorē, ac Iustitiam Aragonum, reliquosque omnes bonos viros vehementer excruciabant. Nihil. n. minus tunc miseræ ipsi Reip. conueniebat, quàm domesticas apud nos esse dissensiones, nouasque turbas, ac rixas concitari. Verumtamen dum inspexerunt necessariò à se tam aduersam subeundam esse fortunam: maiori constantia, ac virtute proposuerunt, sibi cum ea decertandum, turbidosque ipsius motus summa ratione, ac consilio gubernandos esse; neque ab humili animo, aut demisso, sed à graui potius, & firmo, tamquam fluctum à saxo frangi debere. Quamquam autem crudele id factum, tanti flagitii plenum, ac dedecoris, acri, & repentiua animaduersione dignū statuebant; interdum tamen tempestati obsequendum duxerunt. Ea namque erat fontium potentia, quam illa vis temporum labefactate vix posse videbatur, donec infelix patria, tot vndique periculis cincta, ad optatum aliquem portum perueniret: ad quem breui appulsuram Dei benignitate sperabant, si tritum Regnorum conuentus singulis in locis præstitutis, aliisve coniunctis agerentur. Confidebant enim, se quàm citò Regem habituros. Eo autem constituto, maxima tenebantur spe, fontes eos, vt meriti fuerant, crudelissimè esse multandos; tuncque maturius posse grauitate pœnæ tarditatem supplicii compensari. Interea ne longius prorumperet improborum audacia; magnas subito equitum, ac peditarum copias comparauerunt; easque in præsidiis, variis in locis per vniuersum Regnum collocantes, ad communia pericula, seditionosque homines infestando, paratas esse voluerunt: atque huc, & illuc, quæ magis opus videretur, promptas. Tot modis fulciendæ tunc Resp. fuit: quæ iam iam ruere videbatur. Eis autem aliquantulum si blenata. Interfectores enim Archiepiscopi Regno fugati, pulsiq; fuerunt. Neq; enim illorum fuga vllō modo potuit intercludi. Eorum verò inimici ex Hereditarum, & fautorum gentibus, quorū magnæ cohortes toto Regno, mira omnium consensione, in oblata necis vindictam vagabantur; aliquantulum etiam repressi. Quibus in rebus componendis diu, multumq; à nostris elaborandum fuit. Propterea oportuit propositam eam Regnorum conuenientiam per illud idem temporis prorogari. Ceterum postquam se à magnâ ista tantarum rerum molitione expedierunt; ad imitam Comitiorum rationem peragendam conuersi sunt. Ad diem autem illorum destinadam, vt decretum fuerat, in Epilæ opidum A. D. ix. Kal. Aug. eiusdem anni conuenerunt, Gubernator, Iustitia Aragonum, Berengarius Bardaxinus, pluresque alii ex delectis viri. Sed hitres, non solū consiliis, sed facie, ac vultu suo sustinebant miseræ Reipub. dignitatem. Quod si languidiore ea in re studio fuissent; proculdubio ceterorum omnium fractus animus, debilitataque virtus fundi-



tus concidisset. Hi ergo Epilam congressi, consilium mutauerunt: statuerunt siquidē ad eam dicendā Comitiorum diem, Cæsaraugustæ v. i. Id. eiusdē mēsis Aug. eos omnes adesse oportere; quia ad id Urbem eam, oportuniorē esse locum, iudicauerunt. A Catalanis autem per literas, ac nuntios certiores facti sunt; eos iam Dertosam, ut constitutum fuerat, conuenisse. Ideo nostri accelerandum sibi decreuerunt. Sed Catalanorum adhibitam operam tacitus nullo modo præterire possum: quandoquidem in ea Reipub. iactura, tametsi nostri cum ipsis conditione pares, & fortuna socii exstiterunt, atque interdum etiam ob graues nostrorum euentorum casus inferiores; longē tamen nostros sedulitate, ac concordia superarunt. In quo nihil eis tribuimus, quod non res, & veritas ipsa concedat. Semper enim primi in exquirendis consiliis fuerunt: in exequendis autem haud nouissimi: tum magis inter se concordēs, & coniuncti, priuatas suas inimicitias, quamquam graues, ac veteres, alacri animo, & vultu ob communem, & publicam causam deponentes. Denique licet illis naturā insitum sit, quod nobis cum ipsis est commune, ut sententiis magis, quam verbis abundemus: in his rebus adeo & verbis, & sententiis abundarunt, ut nisi certē fuerint sese metipso, ac suas etiam naturam superasse. Tandem ut me retineam, à nostris, qui Cæsaraugustam conuenerunt, ea Comitiorum dies, secunda mēsis Septembris proximi dicta fuit: ad illamque totius Regni Ordines Alcagnizii in opido adesse iussi. Quo statim omnes pergere cœperunt. Atqui dum euentum est, cum Catalanis, qui Dertoæ iā adērāt, agi cœptum. Nam Valētinus, graues quædā, eo tempore ciuiles ortæ dissensiones detinebant; quæ diutius eos ab instituta illa Regnorum conuenientia retardauerunt. Neq; ex penitus sedari potuerunt, quin ipsi in duas partes diuisi, alii Vinalaroziam conuenirent, alii verò in constitutum antea Trayguera opidum: contendentes, quam quisque sequeretur vocem, eam certam, ac veram esse, Valentini Regni propriam, ipsiusq; potestatem, & auctoritatem præferentem; aliam verò fictam, & corruptam, meritoq; paruipendendam. Idemq; apud nos D. Antonius ipse Luna, & nonnulli alii, Mequinentiam conuenientes, ineptē, ac stolidē tentauerunt. ut hæc quoque noua perniciēs cum vniuersa Reip. calamitate coniungeretur. Verum hi omnes sensim euahuerunt cōatus. Singulis enim Regnis singuli tantum conuentus constituti sunt. Eos autem deinceps Parlamentorum, non autē Comitiorum nomine vocandos duxerunt: in hoc etiam seruare volētes debitum Regiæ dignitati decorum; quæ sola nobis potest ex veteri instituto, vera, & iusta Comiticia celebrare. Legati verò à Balearibus, & Siculis missi ad nostros venerant, pollicentes, se in huiusmodi Regia causa, quodcumq; nostri perciperēt cōsiliū, penitus sequuturos. quæ legatio omnibus grata fuit, & iucunda. Illud autē iucundissimū, quod dum horum triū Parlamentorum sermones mutuo inter se confecti cœpti sunt; omnes tendere videbantur ad benè de communi Rep. statuendum. Quamquam enim adērāt utrobique nonnulli pestilentes viri, ac perniciosi, publicæ istius causæ præuicinatores, apud quos ea, ut plerumque fit, non ex vtilitate publica, & communi, sed ex priuato illorum quæstu, & compendio pendebatur: tamen illi callida sua consilia, nefariis mentibus inclusa continebant, quod vehementer vererentur iustam ceterorum omnium reprehensionem. Circumstabat enim summa Parlamentorum auctoritas: quæ obliuisci eos domesticæ laudis non sinebat. Itaque hinc fiebat, ut cum hos verecundia cohiberet, ceteros autem integri officii studium incitaret: de Reip. salute mirifice omnes vna & mente, & voce consentirent. In primis autem statuerunt: ut dum hæc causa ageretur; introitus omnes, quibus terra, aut mari in regiones hæc adiri posset, firmissimis essent armatorum hominum præfidiis interclusi. Deinde Arces, & Castella omnia tutissimis custodiis munita, & maioribus quam antea vigiliis. Ea quoque Regnorum Parlamenta, cohortibus armatis circumsepta: ut & Regnorum fines ab excursionibus hostium tuerentur, & communem patriam à ciuilibus seditionibus vindicarent. Quæ omnia sicuti statuta fuerant, confestim facta sunt. Ad hæc de Regia illa causa decreuerunt, non temeritate, aut cæco, & populari impetu, sed perspicua prudentia, & percauto quodam delictu iudicandum. Nec alienum esse ad eam rem adhibere doctos homines, vel vsu peritos: quorum cōmitteretur fidei, ac permitteretur iudicio, & potestati. Esse enim affirmabant liberorum populorum condicionē, præcipue autē huiusce nostri Aragonēsis populi, posse suffragiis suis dare, vel detrahēre Regnum, cui velint. Memoria namque repetebant, præcis illis sæculis, tribus oblati similibus Interregnis, quorum supra meminimus, similia iacta fuisse retinendæ libertatis fundamenta: dum Innicus Arista primum, deinde Abarea Cæso, postremo tandem Ramirus Monachus, à nostris fuerant Reges acclamati. Quin etiam & Garfiam illum Eximini, primum Suprabiensem Re-



gem, assererebant fuisse, quemadmodum dum re vera fuit, ultro, & sponte ab ipsis Suprabienfibus Regem cooptatum. Vnde in ea, quæ tunc circa Regiam hereditatem quæstio vertebatur, nihil competitorum, tam proprium esse debere, quam ferre modicæ eorum voluntatem, quibus semper fuerat in mandando Regno nativa, ac propria libertas præstituta. Nec qui fortè præterirentur, quandoquidem vni soli Regale erat munus deferendum; de ipsa conquererentur iudicii iniquitate: cum si libertatis proprium est, facere id quod velis; nostri populi, qui liberi erant, iure poterant, quem sibi vellent, Regem constituere. Quid? quod, ne ea, si qua esset, competitoribus fieret iniuria; vniuersi Regnorum Ordines statuebant; Eum solum, Regem acclamandum, ad quem iure, & 10 legibus Regia ipsa dignitas pertineret. Iudicium verò istius rei, quæ tam ardua, ac difficilis erat, nequaquam ducebant vniuersæ multitudini committendum esse: cum multorum animi in deliberando semper in contrarias partes distrahantur, nec quidquam sit incertius multitudine. Sed viros ingenio, prudentia, atque integritate præstantes, ex singulis tribus Regnis deligendos, qui lumina ingeniorum, consiliorumque suorum ceteris omnibus porrigerent, atque tenderent. Ipsique soli, graui suarum conscientiarum pondere, non populari aliqua trutina, sed quasi fidelissima quadam statera, singula competitorum iura examinarent, decernerentque. Quem tandem Regem vniuersi Regnorum Ordines in posterum essent habituri. In quibus deliberandis rebus mirifica existit Parliamentorum, incredibilis patriæ totius, bonorumque omnium 20 summa, & singularis consensus. Verum hæc consilia Vrgelitano Comiti vehementer displicebant. Etenim, ut ipse affirmabat, ob inimicos suos, timidius se huiusmodi delectorum virorum iudicio committebat. Sed ne diffidere iuri suo fortasse videretur: huic trium Parliamentorum voluntati obsequendum statuit: quod eam tandem ab omnibus videret esse certam, ac stabilem, ultimamque explicatam de expediendo huiusmodi negotio sententiam. Cui ceteri etiam competitores statim sunt assensi. Quisque autem eorum sic statuebat: ut si causa cum causa contenderet, se suam perfacile crederet non æquis solum, sed barbaris iudicibus probaturum. Tantum unusquisque sibi, æquitate iuris sui nixus, confidebat. Postquam igitur omnes initam hanc consiliorum rationem summa consensione laudarunt; reliquum fuit, in quo plusculum erat 30 negotii, ut viri ii deligerentur, qui tantæ rei essent præficiundi: decernereturque quot futuri essent, ac quo tandem in loco congressuri. Primum quidem constituerunt: Nouem tantum viros cooptandos, ex tribus siquidem Regnis terrios, qui electorum quasi munere fungerentur. Quem enim ipsi omnes, vel ex eis sex, dummodò aliquis è singulorum Regnorum electis interesset, Regem habendum iudicarent: is statim quieret, & pacificè, sine tumultu, sine armis, de communi Parliamentorum consensu, publicaue Regnorum auctoritate, Regna cum dignitate obtineret. Id autem iudicium intra duos menses fieri debebat. Si verò latius id tempus vellent proferre: liberè possent illud in alios duos menses prorogare. Quod si ex deligendis aliquis susceptum munus commodè explere nequirit, vel forte recusaret: superstites, quem vellent, in eius locum 40 sufficerent; qui idem munus cumulatè exequi valeret. Deinde autè, quia Aragoniò Regno à ceteris dirionibus semper dari consueuerat in tota dignitate principatus; decretum fuit: ut istius amplissimi iudicii sedes intra Aragonios fines statueretur. Propterea de communi Parliamentorum consensu, Caspe, celebre apud nos opidum, futuris iudiciis consistendi locus circumscriptus. Ipsis quoque hæc adhibita fuit iudicii, ac cognitionis regula: ut primum illius competitoris causam audirent, qui ad eos primus accederet. Si verò plures adessent vno tempore: quem vellent ipsi, ordinem seruarent: Competitoribus per procuratores, non per se ipsos agere licitum erat: neque proprius iudicii locum xii. M. passuum accedere, plurimum, quam singulorum xx. equitum turmis stipatos. Eorum autem procuratoribus, legatisve edicebatur: ne plurimum, quam singulis xl. equitum, & L. peditum inermibus cæteruis comitati, ad futuros iudices in ius adirent. Ipsis verò iudicibus: ne qua calumnia, ne qua fraus, ne quis dolus in tanta re adhiberi posset: ut sumpta prius Sacrosancta Eucharistia, solemne iurandum præstarent, fidem suam omnibus obligantes: se pro eo tantum sua suffragia laturos, quem iudicarent iure esse ad obtinendum Regale munus potiorum. Neque se precibus, nec pretio, nec gratia, nec similitate, à recta iuris via deducendos; sed ea semper mente futuros, quam ratio, & veritas ipsa præscriberet. Tum: ut suum quisque suffragium, & suorum eiusdem muneris sociorum tamdiu tegeret, & supprimeret, quamdiu notum, atque apud omnes peruulgatum esse oporteret. Ad hæc Caspens 50 is ipse locus confestim fuit firmissimo militum præsidio munitus: quo futuris electori-



bus tranquillitas animorum adesset, & maior securitas. Quin etiam vniuersi Regnorum Ordines decreuere: Parlamenta illa minimè esse dimittenda, tametsi ad alia forsan commodiora loca transferrentur. Sed in inceptis iis communib<sup>9</sup> congressibus, qui singulorum Regnorum faciem præferrent, quasi in vigilia permanendum; ut eis in huiusmodi custodia, tamquam in specula, collocatis, electores Iudices ab omni cura vacui redderentur, causæque & officio suo satisfacere possent cumulatius. Quæ omnia singulis competitoribus vniuersa Parlamenta per literas, ac nuntios deferenda curarunt, in tamque hanc rationem consiliorum, omnibus esse exploratam. A qua nemini licitum fore nuntiabatur, transuersum, ut aiunt, digitum discedere: si populorum gratiam sibi quisque conciliare cuperet, & quod aptissimum erat ad quietè regnandum, charitatem. Huic verò magnæ, & obscuræ quæstioni iudices esse præficiendos, graues, sapientes, iustos, integerrimos, tales denique quales ipsa natura causæ, ac fides omnium publica postulabat. Ad quos; monebant eos, ne recusarent, neve multum differrent mittere oratores suos: diligenter instructos; quod hereditariæ huic controuersie finem iam constitui tempus esset. Catalani autem separatim legatis suis mandata dederunt, ut eorum nomine singulos competitors ad concordiam hortarentur. Quam inter eos, si ipsi sibi vicissim satisdarent, hac conditione iniri posse credebant: ut is, in cuius imperium decideret res, damnum illud amissæ causæ, quantum commodè fieri posset, ceteris competitoribus refarciret. Cupiebant enim, ut si aliter competitors sentirent; grauis ea Parliamentorum admonitio reprimeret illos: si verò dubitarent; suauis hæc hortatio ad communem pacem impelleret. Usque eo ipsi, cautiore huiusmodi consiliis, adhibendam curarunt in competitorum fortunis misericordiam, in Reip. autem salute, quam semper soliti fuerant, sapientiam. His igitur ita constitutis, extremum illud erat, ut iudices illegerentur, apud quos Regia hæc causa agenda esset. In quo tandem tota operosa istius molitionis summa consistebat. Nostri quidem protinus Gubernatori, ac Iustitiæ Aragonum potestatem, optionemque fecerunt: ut ex omni populo deligerent, quos vellent. Ipsi vero tales delegerunt viros non ex nostratibus solum, quod ad eos tantum spectabat, sed ex Catalanis, atque etiam Valentinis, ut statim id omne, quod ab ipsis actum esset, tria Regnorum Parlamenta, singulari studio, ac incredibili plausu, comprobarent. Hi autem fuerunt selecti Iudices:

## EX ARAGONENSIBVS;

I.

D. Dominicus Ram, Oscanus tunc Episcopus, magnæ sanctitatis, ac doctrinæ vir: qui postea Ilerdensi Ecclesiæ præpositus fuit: indeque ad Tarraconensem Archiepiscopatum translatus; tandem à Martino V. Pont. Max. S. R. E. Presbyter Cardinalis tituli Sancti Xisti primum, mox Ioannis, & Pauli, Portuensis denique Episcopus creatus decessit. Cuius generis antiquitas ex eodem Alcagniciensi opido profecta perhibetur; patre siquidem Blasio Ram, & Domna Dulcia Lanaga matre, Alcagniciensibus viris natus fuit. Eorum autem error omnino eripiendus est, qui eum, Dominicum Razimundi, ut Onufrius Panuinus testatur, vel, ut alii, Dominicum Royzium appellatum memorant. Ram enim ipsius, ac gentis suæ nomen erat.

Hic ergo nostræ classis primo loco collocatus fuit. Secundo autem

II.

Franciscus, seu, ut vulgo vocabatur, D. Frances Aranda, in Turolensi ciuitate Equestri familia natus non ignobili: homo sanè æquus, & ab omni cupiditate remotus: veritatis amicus, & apud omnes maximè charus. Hic fuerat studiorum, ac officiorum Ioannis, & Martini Regum maximè conscius, eorumque fidelis, ac beneuolus consiliarius. Sed ea omnia contemnens, iam pridem se in otium; solitudinemque contulerat, ac in celebri Carthusianorum cœnobio, Porta cœli nuncupato, illius se dederat religioni, sub eorum, quos ibidem *Donatos* appellare solent; instituto. Quorum more vestitus, capillatior quam antea, barbaque maiore incedebat. Inde ergo fuit ad regiam huiusmodi causam iudicandam vniuersæ Reipublicæ voce reuocatus. Terminus autem fuit

III.

Berengarius Bardaxinus tum ciuilis iuris, tum etiam totius nostræ antiquitatis peritissimus: qui apud nos plures annos fuerat publici consilii princeps: huiusce autem tam magni operis præcipuus inter ceteros omnes parens, & effector. In cuius industria,



dustria, & consilio vniuersi omnium Regnorū Ordines tantam componendæ Reip. spem collocauerant, vt communis huiusmodi causa, quæ sine eo deserta, ac desperata putabatur, cum eo non existimatione modò, sed quasi re ipsa iam iā constituta crederetur, tamen si nondum esset dicto, & pronuntiatione definita. Verum infra illius facta fufius persequemur, cum de singulis Iustitiis Aragonū erit nobis sermo propositus. Eadem namque Magistratui post Ioannem Eximini Cerdanum, qui vt dictum est satis, hac tempestate cum gerebat, præpositus fuit.

Hi tres igitur fuerunt ex nostris Regiæ huic quæstioni præfecti Iudices, competitorumque iuris, æqui æstimatores. At alii tres

## EX CATALANIS;

I.

D. Petrus siquidem Sagartiga, Tarraconensis tunc Archiepiscopus, ex Ilerdensi Episcopo translatus: vir summo officio, ac virtute præditus, iustitiaque & integritate plurimum præstans. Alter verò

II.

Gulielmus Vallesica legum, & patriæ consuetudinum valde peritus: cuius in ipsis legibus interpretandis, æquitateque explicandis scientia, admirabilis illis temporibus habebatur. Tertius autem fuit

III.

20 Bernardus Gualuesius; qui ipsius etiam ciuilis iuris intelligentia, atque omni prudentiæ genere multum præstabat.

Sed

## EX VALENTINIS;

I.

D. Bonifacius Ferratii primo loco selectus fuit: qui erat præfatus Portæ cæli cœnobii præpositus Prior. Homo quidem iustus, natura bonus, prudens, & laudatus, studiisque ciuilis iuris, ac etiam canonici optimè deditus. Illi autem adiunctus

II.

30 Vincentius Ferratii, illius frater germanus; Sacræ Theologiæ Doctor sapientissimus, ex Prædicatorum, vt vocant, instituto: sanctissimus, & religiosissimus vir: in omnibus vitæ suæ partibus moderatissimus, ac temperatissimus: plenissimus pudoris, officii, & charitatis. Cuius miræ sanctitatis, ac religionis fama vniuersi Christiani imperii fines peragrauerat, earumque celebritate remotissimis etiam nationibus notissimus erat. In patria autem sua, Valentina nempe ciuitate, ita illius sanctimonia quasi lumen aliquod elucebat, cum inter præclaras alias virtutes rarissimum esset exemplum continentiæ, vt omnes iam pridem eum, sicuti aliquem de cælo lapsum intuerentur. Cumque singulari hæc vitæ suæ integritas ad extremum vsque spiritum prouecta fuisset, diuinitusque magnis signis, ac miraculis comprobata: antecepta, pro more solito, accurata inquisitione veritatis, illum tandem Calixtus III. Pont. Max. postea in Diocorum cælestium numerum retulit. At dum à Valentinis ad huiusmodi deliberationem faciendam adhibitus fuit; repente omnes maximis lætitiis incesseant: quod tanti viri interuentu nihil inde non verè iustum, æquum, rationi consonum, omnibusque vtile, & conducibile profecturum fore sperarent. Tertius denique istius iudicii socius à Valentinis adscriptus fuit.

III.

50 Ginesius Rabaza, Equestris ordinis vir: iurisque ciuilis interpres gravis, ac disertus. Sed eo postea insaniens (siue quod re vera in illud genus morbi delapsus fuisset, siue, quæ vulgaris, ac vehemens illis sæculis opinio fuit, quod se data opera insanum finxisset; vt se ab huiusmodi iudicio abstineret) in eius locum, cum iam Caspi adesset, substitutus fuit Petrus Beltrandi, Decretorum clarissimus Doctor, plurimis, maximisque in rebus probatissimus.

Hi igitur Nouem gratissimi homines, istius tanti muneris socii, officiique & mandatorum iudices ab vniuersis trium Regnorum Ordinibus constituti fuere. Quorum inter ipsos consensio, vnica iam proponebatur communis, ac publicæ salutis spes: atque eadem ipsa omnes obtentabat, nihil futurum aliter, ac deceret. Initia enim illa præclara, quandoquidem tam citò tales iudices ad talem eausam fuerant selecti; communi omnium felicitati tribuebantur: extrema autem, summæ ipsorum iudicum virtuti, ac prudentiæ; foreque faustæ, ac feliciter euentura. Quò autem propius huiusmodi contentio accedebat ad iudiciariam cognitionem veritatis: eò omnes hilarioribus oculis quasi terram videbantur videre iam sese, in optatumque portum ex odioso,



& perdifficili nauigatione venisse. Attamen vt humanæ res sunt instabiles, fragiles, & caducæ; Gandiæ Dux Alfonsus, vnus ex competitoribus Regni, per ætatem, quæ nimis decrepita erat, ac infirma, nullam partem sanæ, & saluæ Reipub. gustare potuit. Etenim A. D. III. Non Mart. Ann. Chr. MCDXII. in ipsa meditatione Regii muneris obeundi, excessit e vita; Alfonso filio grandiori, Deniæ Comiti, ac Ripacurtiæ, integram suam petitionem relinquens. Verum Ioannes, Pradenfis Comes, Ducis mortui frater, pro suo proprio iure actionē illam suscepit, & sobrino, & ceteris competitoribus aduersantem. Quam quoad alios; ipsemet prorsus, quo frater iure, omnibus anteponendam esse contendebat: quoad sobrinum autem; quod esset eo, Ioannes ipse gradu propinquitatis proximior. Sed protinus fuit de inani illo conatu depulsus. Nam si quod ius ad Alfonsum Ducem mortuum in Regia ea hereditate pertinebat, id omne ad filium, non autem ad fratrem, censebatur translatum: cum ad Martini Regis interitus tempora communium rerum status reuocandus esset, vt qui tunc esset ceteris iure potior, is nunc, & sui ceteris essent præponendi. Atque ita attendendum esse, statim Nouem ipsi selecti Iudices decreuere. Quamprimum enim Caspensem constitutum iudicii locum quasi Conclauē quoddam, ingressi sunt, A. D. IV. Kal. April. eiusdem Ann. MCDXII. præterito prorsus Ioanne ipso Pradenfi Comite, ceteros competitors hoc ordine, atque his cognomentis, siue vt appellare solemus, Titulis in grauissimum istud iudicium vocauerunt: scilicet,

Primogenitum Illustrissimi Neapolitani Regis, Ludouicum:

Inclytos, Ferdinandum, Infantem Castellæ; & Alfonsum, Gandiæ Ducem:

Egregiosque Federicum, Lunensem Comitem; ac Iacobum, Vrgelitanum.

In quo solitum illud decorum seruare voluisse visi sunt, vt qui maiori dignitate, vt puta Regis, Infantis, aut Ducis antecederet; priori in loco is collocaretur. Sed præter hos vocati etiam iusserunt; Violantem Reginam, dicti Primogeniti matrem, Ioannis Regis, vt diximus, filiam: nec non & Isabellam, eiusdem Ioannis, ac Martini Regum sororem, vxorem Vrgelitani Comitis Iacobi: ne illæ, quæ ius etiam ad Regale munus habere contendebant, conqueri possent, à nostris non fuisse in eandem conditionem vocatas, ob eamque causam ipsi Iudices in prætermitti debiti sui officii reprehensionem incurrerent. Tunc viæ multitudine legatorum vndique missorum celebrari cœperunt. Idque eo ipso vehementer delectabat, quod in ciuili contentione proposita, factaque Iudicum selectione, omnes partes videbantur inter se miro quodam applausu consentire. Sola Regina Violans, ac filius Ludouicus, Iudices eos constitutos, grauiter sibi suspectos, atque infensos dicebant: legatique ab eis missi multas suspicionum causas coram ipsis Iudicibus proposuerunt, cupientes eorum fidem in hoc iudicio faciendo derogare. Sed ab eis protinus decretum fuit; illam sibi non esse abrogandam. Itaque deinceps accuratæ nimis cœperunt esse, & ciuiliū legum disputationibus vehementer incensæ, inter ipsorum Competitorum legatos, qui Caspiaderant, contentiones. Vnusquisque enim industriæ suæ neruos contendebat, vt is causam eam vinceret, à quo fuisset ipse iustitiæ suæ patronus constitutus. Ceterum eo tempore Federicus Lunensis Comes, infans puer erat, neque solum parentibus, verum tutoribus idoneis orbatus. Etenim qui apud Iudices illius partes agebant; in eius iure cognoscendo, aut exponendo haud erant diligentes, disertive patroni, prout solent esse plerumque mercenarii: sed tantummodò suarum miseriæ deprecatores; vt aliquando ipsos Iudices patris, atque aui memoria, ac desiderium teneret. Iccirco cum illius causa, tutela vacua, cerneretur, communemque Regnorum fidem, tamquam legitimi tutoris, implorare: Iudices statim decreuere in deserti ipsius fortunas publicum immittendum esse Regnorum patrocinium. Itaque vniuersi Ordines protinus eidem, totius Reip. voce, amplissimos patronos, defensoresque acerrimos adoptarunt; tres Equestres viros, sex Iurisperitos, ac tres alios, quos appellamus, causidicos procuratores: ne viderentur ea in re, nec paululum quidem, à debita sua integri, & recti officii religione deficere. Ipsi verò patroni traditam sibi Federici Comitis defensionem singulari studio susceperunt, in eaque accuratissima diligentia, & fide laborarunt. Ac priores quidem triginta dies, totos, selecti Iudices in audiendis singulorum competitorum iuris, & facti disceptationibus consumpserunt: reliquos verò, in vnoquoque eorum iure, integro sanæ mentis iudicio, ponderando. Nequaquam enim ipsis præfinitum fuerat, vt eam causam non nisi recondita arte, quæ stuosave iuris ciuilis scientia perpenderent; sed permissum interdum, vt etiam recto naturali sensu iudicarent,



rent: præsertim dum tantæ viæ sunt, tamq; contrariæ clarissimorû virorum auctoritates inter se. Itaq; omiſſis auctoritatibus, ipsa re, & ratione veritatem exquirebant. Illud autē mirandum, quàm suspensi, incertique singulorum vultus pendebant obscura, ac cæca futuri euentus expectatione: neq; eorum solum, quorum præcipuè res agebatur, sed plurimum aliorum: cum tanta causa quanta nulla vnquam in disceptatione versata fuisset, apud nos tunc in ciuili contentione posita cerneretur. Non enim id latebat, neque abditum erat: sed in oculis, atque auribus omnium nationum, ac gentium versabatur. Præter competitorum autem oratores, legati ab ipsis Parlamentis illi ad eundem iudicii locū venerant, sententiam audituri. Quos omnes sollicita, & anxiosa illius expectatio tenebat: quia videbant in ea esse de salute Reipub. decernendum. Fuerat autem prius de communi decreto constitutum; ¶ Eum, qui à Iudicibus Rex appellaretur, dulci, ac suauī, præstituta iam vniuscuiusque Re pub. moderandæ forma in omnibus rebus vti debere; suosque suorumque motus, legum, ac patrii iuris sedatione condire: neque in iudiciorum moribus, populorum scitis, ac libertatibus vllam, nec minutulam, esse mutationem futuram. Qua in re communis opæ summa, ac sancta selectorum Iudicum fides supposita fuerat: ipsiq; Iudice: penè domini, ac publici istius iuris vicarii constituti. Quibus etiam adhibiti fuerunt publici Notarii sex, a tribus siquidem Regni: bini, prudentes, graues, & disertis; publicæ istius fidei, ac omnium, quæque agerentur, integerrimi testes futuri. Quamquàm autem patriæ libertas tot fuerat prudentibus consiliis septa, salutaribusque præſidiis communita, vt nihil inde timendum videretur: nostri tamen, atque adeo omnes, quem exitum habitura res esset, metuebant: cum in omni mutatione dominorum, morum etiam mutatio timenda sit. Denique profligata iam hæc fuit, & ad felicem exitum adducta quæstio. Aperiè enim Veneris quadam die Narahs Sancti Ioannis Baptistæ, vicesima quarta mensis Iunii, Anni sæpe dicti MDCXII. maior Iudicum pars, quæque tandem sufficere poterat; in vnus ex competitoribus causam incubuit. Insequenti verò die Sabbati vicesima quinta eiusdem mensis omnes Nouem Iudices (ita enim fuerat constitutum, vt quod maior, & sanior pars decerneret, id superstites etiam approbarent) sua ferentes suffragia, testes, & à dictis sex Regnorum Scribis testimonia postularunt, publicis literis, vt moris est, consignata. Sed consilium hoc ceperunt inter se, vt ea occulta manerent, donec modo, atque ordine ab ipsis adhibendo omnibus essent peruulganda. Decreuerunt enim ad eam tantam rem diem diei debere. Illud verò peruulgandi munus Diuo Vincentio Ferrario commiserunt, dum de rebus sacris ad populum concionaretur. Ea autem dies, Martis XXIX. eiusdem mensis Iunii dicta fuit. Auspicatò igitur ad Caspensis Ecclesiæ portam, quasi pro theatro illi iudicio ædificato, publicus quidam locus apertus, & propatulus, caput est opportunus. In quo altare constructum fuit, suggestusque ornatus, vt res diuina maxima cum cærimonia fieret, celeberrimaque illa concio haberetur. Ibi ergo præstituta die, audiendi causa, maximo vndique hominum ex agris, ex vicis, ex cunctis denique domibus concursu facto, hora Tertia Ecclesiæ consueta, aut non multò secus, Iudices quamprimùm altioribus in sellis distinctè confederunt. Atqui tunc D. Dominicus Ram Oñensis Episcopus, inter eos primus, omnium Legatorum, & Oratorum frequentia stipatus, innumerabiliq; cinctus populi multitudine, cunctis astantibus, & audientibus Sacre Missæ solennia celebrare cœpit, ac pro more solito Spiritus Sancti gratiam implorare. Quibus peractis, Diuo Vincentio Ferrario suggestum ascendente, magnum illico fuit omnium, qui ibi aderant, silentium consequutum. Neque enim necesse fuit vetare; ne qua vox mitteretur, ne quis disputaret; ne loqueretur; ne ne pedibus streperet; aut quouis alio modo sermonem interromperet. Omnes enim ingentes illæ astantium vndæ, tam si valde efferuescebant, atque huc, & illuc quasi ventorum vi agitabantur; mira quadam taciturnitate, ac si nemo homo adesset, tamquàm stupefactæ, intentis oculis dicturum sic intuebantur, vt in eo penitus viderentur defixæ. Ille verò suauissimè, vt solebat, orsus est loqui. Primum quidem nonnulla de sanctissima nostra Religione concionari cœpit. Mox suam, & collegarum in audiendis competitorum causis adhibitam rationem explicare. Deinde singulas eorū contentiones referre: ac quo quisque iure niteretur. Tum quæ fuisset sua, ac lociorum ea de relata sententia. Quam tandem suo, ac eorum nomine pronuntiaturus, locum illum ascenderat. Ad extremum, quo iam eum vocabat tacita omnium expectatio, Dei Optimi, Maximi prius, sacratissimæ deinde Virginis matris Mariæ, ceterorumque omnium Sanctorum auxilio implorato, quod bonum, faustum, felix, fortunatumque futurum precabatur, magna, & contenta voce, vt ab omnibus posset ex-



audiri, Gloriosissimum, Inuictissimum, ac Potentissimum Principem, Ferdinandum, Infantem Castellæ, Felicem, Pium, Victorem, Augustum, Maximum, totius Aragonie ditionis Regem acclamauit: pronuntiavit eidem, omnes Aragonum ditioni subditios, obnoxios, & supplices solitam communem fidem obligare debere. Omnia tunc repente ibi & lætificis audientium vocibus, & ingenti tubarum sonitu, ac bucinarum, tibiarumque cantibus, variisque aliis musicæ generibus personarunt. Nuntii verò, seu potius pegasi, acclamati Regis Ferdinandi protinus visi sunt alacres, & læti volitare, eidem exoptatissimum huiusmodi nuntium afferentes. Quod statim etiam ad singulorum Regnorum Parlamenta à legatis ibi lem astantibus remissum fuit, una cum Tabellis singulis Notariorum Signis obignatis: ut ea res omnium oculis testatio esset. Sabbato enim, quo huiusmodi sententia lata fuerat, curauerant Iudices, solemnem eidem, quam diximus, Notariorum testificationem adhiberi: cauere tamen, ne manifesta ad quempiam ante publicæ promulgationis diem deferretur. Tunc autem constituerant, ut ipsi Notarii publicum darent grauissimi istius iudicii testimonium; quo & viuis res illa perspicua fieret, & eadem ipsa perspicuitas posteris etiam maneret sempiterna. Illius verò exemplum hoc loco exarare constituimus; ut tanti facti memoriam iam prope senescentem ab obliuione hominum, atque à tanto silentio vindicemus. Id autem est huiusmodi.

*IN nomine Domini nostri Iesu Christi. Pateat vniuersis. Quod die Sabbati intitulata Vicesima quinta mensis Iunii, Anno à natiuitate Domini Millesimo Quadringentesimo Duodecimo, Hora Tertiaria, vel quasi Existentibus Reuerendissimis, & honorabilibus Dominis, Nouem personis infra-*  
*scriptis, ad inuestigandum, instruendum, informandum, noscendum, recognoscendum, & publican-*  
*dum subscripta deputatis, & electis, in quadam Aula Castri Villa de Casp prope flumen Iberi in Ara-*  
*gonia constitutis, & personaliter congregatis. In presentia nostrorum Notariorum subscriptorum. Qui*  
*de auctoritate, facultate, & potestate dictorum dominorum Deputatorum & alius per Calendaria*  
*factis, & expressis (prout nominati sumus inferius) facimus autenticam, & veridicam fidem. Et*  
*in presentia etiam honorabilium dominorum testium infra scriptorum prefati domini manda-*  
*uerunt Reuerendi Magistro Vincentio Ferrarii subscripto; quod ipsorum nomine legeret, & pu-*  
*blicaret quindam scripturam. Quam illico dictorum dominorum ex parte Reuerendissimi in Chri-*  
*sto pater, & dominus D. Dominicus Ram Episcopus Oscensis infra scriptus dedit, & tradidit eidem*  
*Magistro Vincentio Ferrarii, & requisierunt nos infra scriptos Notarios; quod de predictis omni-*  
*bis & singulis faceremus unum, & plura publicum, & publica Instrumenta. Qui quidem Reueren-*  
*dus dominus Magister Vincentius Ferrarii accepit dictam scripturam, & eam coram omnibus legi,*  
*& publicauit. Cuius tenor sequitur in hunc modum. Nos Petrus de Sagarriga, Archiepiscopus*  
*Tarraconensis; Dominicus Ram, Episcopus Oscensis; Bonifacius Ferrarii, Dominus Carthusia; Gui-*  
*lielmus de Vallesica, legum Doctor; Frater Vincentius Ferrarii de ordine Predicatorum, Magister in*  
*sancta Theologia; Berengarius de Bardaxino, Dominus loci de Zaydi; Franciscus de Aranda; Dena-*  
*tus monasterii Porta celi, Ordinis Carthusia, oriundus Ciuitatis Turoli; Bernardus de Gualbis, v-*  
*triusque iuris; & Petrus Belirandi, Decretorum Doctores; Nouem videlicet Deputati; vel Electi per*  
*generalia Parlamenta: prout de nostra electione, & subrogatione mei Petri Belirandi constat per pu-*  
*blica Instrumenta facta in Alcagnizio die quartadecima Martii Anno à natiuitate Domini*  
*Millesimo Quadringentesimo Duodecimo, & Vertusa die tertiadecima dictorum mensis, & An-*  
*ni, & in Casiro de Casp sextadecima die Maii eiusdem Anni, cum plena, ac plenissima, generali,*  
*ac generalissima auctoritate facultate, & potestate inuestigandi, instruendi, informandi, noscendi,*  
*recognoscendi, & publicandi, cui predicta Parlamenta, & subditi, ac Vassalli Corona Aragonum fide-*  
*litatis debitum prestare, & quem in eorum verum Regem, & Dominum per iustitiam, secundum De-*  
*um, & nostras conscientias habere debeant, & teneantur. Ita quod illud, quod nos Nouem in concor-*  
*dia, vel sex ex nobis (in quibus sex seu inter quos sit unus de qualibet terna) publicarem, vel alias pro*  
*exequutione Capitulum inter dicta Parlamenta concordatorum faceremus, aut executarem, quo-*  
*uis modo; haberetur pro facto iusto, constanti, valido, atque firmiter. Prout de predictis potestate, & capi-*  
*tulis constat per publica Instrumenta recepta in Alcagnizio per Bartholomeum Vincentii, Paulum Ni-*  
*colai, & Raimundum Baiuli Notarios, die quintadecima Februarii, Anno predicto. Considerantes,*  
*quod inter cetera sollempniter, & publice quilibet nostrum vouit, & iurauit: Quod simul cum aliis se-*  
*cundum potestatem concessam citius, quo rationabiliter fieri posset, in negotio procederet, ac verum*  
*Regem, & Dominum publicaret: prout in dictis voto, & iuramento, de quibus constat per publica in-*  
*strumenta recepta in Villa de Casp per dominos Paulum Nicolai, Raimundum Baiuli, & Iacobum de*  
*Monteforte Notarios diebus decima septima, & vicesima secunda Aprilis, & decima octaua Maii*  
*anni predicti latius continetur. Visis tenore, & forma dictarum electionis de nobis factæ, & pose-*  
*statis nobis traditæ, & iuramenti, & voti promissorum, & prehabitis inuestigatione, instructione,*  
*informa-*



- informatione, notione, & recognitione, qua per nos fienda erant, & dictis, ac datis, & communicatis per iustitiam, secundum Deum, & nostras conscientias nostris opinionibus, dictis, atque votis; & illis, ac aliis praemissis recognitis, & consideratis; solum Deum habentes praeculis, secundum tenorem potestatis, & iuramenti, ac voti praedictorum dicimus, & publicamus: Quod Parliamentum praedictum, & subditi, ac Vassalli Corona Aragonum fidelitatem debitam prestare debent, & tenentur Illustrissimo, ac Excellentissimo, & Potentissimo Principi, & Domino nostro, Ferdinando Infanti Castella, & ipsam Dominum Ferdinandum in eorum verum Regem, & Dominum habere tenentur, & debent. Ex quibus omnibus ad perpetuam rei memoriam perimus, & requirimus fieri unum, & plura publicum, seu publica Instrumenta per vos Notarios infra scriptos. De quibus omnibus, & singulis supradictis dicti Reuerendissimi, & honorabiles domini Nove Decurati verbo etiam requisierunt per nos Notarios subscriptos fieri unum, & plura publicum, seu publica Instrumenta. Quae acta die, anno, & loco praedictis: Praesentibus honorabilibus viris, dominis Francisco de Pau, Milite; Dominico Ram, Licenciato in legibus, Priore Ecclesiae Alagnicci; Melchior de Guablis, Milite; Dominico de la Naja; Gualtero Caera; & Raimundo Pinalleri, Castellanis, & custodibus dicti Castri de Casp, a hac protestatione vocatis specialiter, & assumptis.
- 10 *Signum mei Bartholomaei Vincentii, Notarii publici Civitatis Caesar Augusta, & auctoritate Domini Regis Aragonum per totam terram, & dominationem suam. Qui praedictis una cum Notariis infra scriptis interfui, & clausi.*
- Signum mei Pauli Nicolai, olim Illustrissimi Domini Regis Aragonum Scriptoris, auctoritateque eiusdem Notarii publici per totam ipsius Regiam ditionem. Qui praedictis interfui, & clausi.*
- 20 *Signum mei Francisci Fonelleda, Illustrissimi Domini Regis Aragonum olim Scriptoris, Regiaeque auctoritate Notarii publici per totam terram, & dominationem suam. Qui prolationi praedictae requisitus una cum praenominatis, & subscriptis Connotariis meis interfui, eaque recepi, & per alium scripta clausi.*
- Signum mei Raimundi Bayuli, auctoritate Illustrissimi Domini Regis Aragonum Notarii publici per totam terram, & ditionem suam. Qui praemissis una cum Connotariis meis, hic contentis, praesens fui, eaque scripsi, & clausi.*
- Signum Jacobi de Plano, auctoritate Regia Notarii publici per totam terram, & dominationem Serenissimi Domini Regis Aragonum. Qui praemissis omnibus, & singulis una cum aliis Connotariis suis, hic contentis, interfui.*
- 30 *Signum mei Jacobi de Monteforte, auctoritate Regia Notarii publici per totam terram, & dominationem Illustrissimi Domini Regis Aragonum. Qui omnibus, & singulis supradictis una cum aliis nostris Connotariis, hic contentis, interfui, eaque clausi.*

Hoc igitur notabili exitu, quartum istud Interregnum conclusum fuit. Ac turbulentum illud quidem, graue, & difficile; sed magis rerum varietate periculosum, quam diuturnitate temporis productum: ita ut diuturnitatem allevatio, gravitatem celeritas consoletur. Paulò enim plus, quam biennii spacio, absolutum fuit. In eius narratione sentio me esse longius prouectum, quam proposita ratio postulare. Sed à me id consultò factum nequaquam negabo. Visum est enim: quod si me in primordiis Regni explicandis initio oportuit longum esse, ut quibus modis libertas nobis constituta fuisset, demonstrarem, nec vlli credo illius rei cognitionem satietatem, aut fastidium attulisse: nunc cum sine vlla spe ad miserrimum interitum ruebat, minimè deceret me esse breviorum. Quae enim tunc plurimo sudore, & maiorum sanguine parta fuerat: eam labentem nunc necesse fuit non minori virtute, & consilio retineri. Et verò in hunc statum minimè Resp. nostra peruenisset, nisi Magistratus Iustitiae Aragonum ope, & auxilio: negotique in hoc tota summa fuit, dum Vrgelitano Comiti interdictum est, ne Gubernatoris generalis munere fungeretur. Tamen si ratio vera, rectaque & constans, supra homines putanda, Omnipotentique Deo tribuenda: vix enim videtur humanis consiliis tantam molem rerum, nostrorum gubernationem consequi potuisse. Quantum autem ab ipsis praecaveri potuit, ut quam rectissime omnia agerentur: totum id summa cura, diligentia, ac fide, communibusque officii prouisum fuit, nec praetermissam quidquam, quod videretur stabilendae Reip. convenire. Sed ad eam rem plus operæ, studii, atque industriae contulerunt duo illi, Ioannes Eximius Cerdanus, Berengariusque Bardaxinus, gloriosi istius laboris, omniumque itinerum, periculorum, consiliorumque socii, & consortes. Hi enim in tot turbinibus, ac fluctibus navim Reipub. gubernarunt, saluamque in portu collocarunt. Quod etsi saepe dictum sit, erit tamen saepius dicendum. Regia namque huiusmodi causa, inter tot fulmina, & tonitrua acta: eis, tamquam duobus verticibus, ex utraque parte subnixa, ciuilibiter potuit iudicari, atque



eò tandem adduci, quò vix vñquam antea exstitissent, neque apud exterar fortasse nationes, simillimi facti, aut exempli vlla alibi impressa vestigia. Etenim vñuersi omnium Regnorum Ordines, ac Baleares ipsi, & Sicilienses, abiecta omni cunctatione, lætis acclamationibus constitutum sibi, Regem appellarunt. Iudices autem ipsos, dum cuiq; in suam domum remigrandum fuit, magna omnium frequentia, ac similis plausus celebravit. Tunc singula Regna legatos nouo Rege dignos decreuerunt, publicos omnium in eum studii, amoris, ac fidei interpretes: qui illum læto nomine, Regem salutarerent, deprecarenturque ne aduentum suum nimis differret: quippe cum omnes essent illius non solum auidi, sed celeritatis etiam vehementer. Non abs re igitur censendum erit, quòd tanti facti memoriam fufius fortasse fuerim persequutus: præsertim cum Hieronymi Suritæ, viri omni liberali doctrina politissimi, nostrique amicissimi, fatali morte (qua, pròh dolor, dum hæc conabar attingere, affectus est) nequeat iam tanta res grauioribus illius, ac politioribus scriptis illustrari. Ille enim eadem hæc ipsa, pro suscepto munere, Latina lingua fuisset persequutus, nisi hoc illius consilium, prius aliarum rerum distentio, deinde acerbis interitus præuenisset. Quòd si imitatione nequaquam potero tantam ingenii consequi præstantiam: impositi muneris officium, studio, ac voluntate, quòd denique possum, persoluam. Sed vt ad rem redeam, institutum de Regibus nostris persequar sermonem. Dabo autem operam, quam maximè potero, vt breue id faciam; ne dum illam, quæ summa est, prætermissi officii vituperationem fugere studeo, assequar aliam fortasse, quæ minimè est contemnenda, satietatis.

## FERDINANDVS I. HONESTVS, ARAGONVM

R E X X X I I.



**A**BSOLVTO itaque huiusmodi quarto Interregno, nouoque nostris Rege constituto, publica res, quæ extollere iam caput debebat, nec spe solum, sed re quidem ipsa a tot malis ciuilibus respirare: nouis demergi cœpit quasi imminentis seruitutis fluctibus; communisq; omnium libertas denuò tremefieri. Virgilitanus enim Comes Iacobus, vnus ex præteritis competitoribus, indignissimè ferrens, se per inuidiam, atq; vt ipse dicebat, per corrupta, & contaminata iudicia, à Regiæ dignitatis gloria, ad quam eū natura erexerat, esse depulsum; non per præstigia, sed palà per imperium orsus est, hostili prorsus modo, omnia quæq; opida cõpilare: ac maximo furore, & scelere inflammatus, eas in miseros populos crudelitates exercere, quæ sceleratorum potius naturæ, quam tanti ipsius generis splendori conuenirent. Itaq; omnes tunc sese liberatos fuisse cognouerunt à domino aggressi, & furioso; diurno, nocturnoq; terrore. Si qua enim inesse poterat culpa in eo facto, non populis, à quorum dominatu fuerat depulsum, sed iudicibus, à quibus præteritus, tribuenda erat. Neque verò ad id Virgell Comes suapte solum impellebatur natura, tametsi insolens erat, furens, & superbus: sed eum valde acuebant quodidiani domesticorum sermones; præcipuè verò matris, & vxoris: quæ dies, noctesque acerbè, & contumeliose in eum inuehebantur; abiectum; demissum; atque humilem fore prædicantes, si se pateretur, cuiusuis periculi, aut tempestatis metu, à Regi sibi debita honoris aura dimoueri: etiam si grauis illa contentio sibi, ac suis teterrimum esset finem allatura. Affirmabant enim, contracto animo, se parem aduersario esse non posse: infracto autem, erecto, & forti, longè illo superiorem futurum; cum qui superior, quemadmodum ipsæ asserebant, natus esset ordine, minimè sperandum esset; inferiorem fore fortuna. Cuius totam nec tunc quidem illæ pertimescebant. Quinimo Comitissa mater, temeraria nimis, & insana mulier, quæ si vllam partem sensus habuisset, auersos filii motus reprimere debuerat: eundem passim frequentibus his Catalanicis verbis incitabat: *Fill, o Rey, o nores*: quasi vnam ex duabus rebus præ sibi esse ferendam constitueret; vt aut Rex esset, aut si id consequi cæco aliquo fortunæ casu vetaretur (quod Deus omen auerteret) nihil esse, satis iudicaret. His ergo suasionibus, necnon etiam ipsius D. Antonii Lunæ, omnium sibi amicissimi, impulsu, infelix Comes sciens, sed non prudens, in eam se ferri passus est, quam insana mater prædixerat, totius suæ dignitatis iacturam: ita enim ex amplo suo statu concidit; vt nec multos post dies nihil apud nos esset eodem Comite egenius. Iam verò Ferdinandus Castellæ Infans ad Cuencam aderat, quam vocant, ciuitatem, dum nostræ Aragonum ditionis Rex fuerat, suffragis, ac voce, à selectis iudicibus



eibus declaratus. Is quamprimum hoc iucundissimum nuntium accepit, apertè tulit à  
 suis, Aragonum se Regem salutari. Mox autem ad eum legati missi sunt, publicam se-  
 cum trium Regnorum faciem afferentes, quorum nomine eidem, plausu maximo,  
 gratulationem significarunt, atque ea, quæ Iudices decreuerant, Regnorum Ordines  
 libenter comprobasse. Magni autem nostrâ, & suâ potius interesse, inde ad nos quam  
 citò properare: ut Repub. inprimis composita, communi omnium commodo  
 consuleretur: cum quæ communis utilitas esset, sua etiam utilitas esset; vicissimque  
 quæ sua esset, communis quoque utilitas esset futura. Seuera tamen data fuere huius-  
 modi legatis mandata: ut, orata re, perceleriter in patriam reuerterent; neve quis  
 10 eorum ausus esset ultra singulos decem dies apud eundem Regem commorari. Iplis  
 quoque vetitum fuit, ne dona caperent, aut paterentur se ullis corruptelarum illece-  
 bris irretiri. Atverò Gubernatorem, ac Iustitiam Aragonum eidem legarunt: ut ab il-  
 lius latere numquam discederent. Nouum enim Regem voluerunt ad Regnum capef-  
 fendum accedere; in patrio nostro iure idoneis eorum consiliis optimè instructum. adeò  
 summa apud nostros tunc fuit earum omnium rerum observatio, quæ ad retinen-  
 dam libertatem aut prodesse poterant, aut obesse. Ferdinandus ergò Kal. August. eius-  
 dem Ann. MCDXII. Cæsaraugustam alacer, ac lætus introiuit, multis nostrorum co-  
 piis stipatus. Omnes enim illum avidissimè ad extremas Regni oras expectauerant. 1412.  
 Vnde cum in urbem summa celebritate, lætitiæque comitatum honestarunt. Is se-  
 20 cum duxit Alfonso, Primogenitum, aliosque filios ex Eleonora vxore, Vrraca prius,  
 ut nonnulli perhibent, appellata, susceptos. Ea erat Sancti Alburquequensis Comitis,  
 Henrici Castellæ Regis fratris, filia: paternoque iure, in Castellæ Regno amplissimæ  
 ditionis dominium obtinebat. Cum primùm igitur Ferdinandus Cæsaraugustam ve-  
 nit, Comitum ad eandem Urbem indicenda curauit. Dies autem vicesima quinta eius-  
 dem mensis Aug. dicta fuit. Cumque ad eam omnium Regni Ordinum concursus  
 fieret; Comitum ea haberi cœpta sunt, Ioanne Eximini Cerdano Iustitia Aragonum,  
 pro more solito illorum Iudice assidente. Ac ne illud omittam, tamen de his rebus  
 multa prætereò; Gandiæ Dux Alfonso, multorum iudicio si non iure potior, at cer-  
 te par, & æqualis in ea Regia causa competitor, Ferdinando victori præsto tunc fuit,  
 30 ut se illi, fidemque suam, solito iurisiurandi atque existimationis periculo, simul cum  
 aliorum communi conscientia in perpetuum obligaret. Et illud idem fecisse prodi-  
 tur Federici Lunensis Comitis tutores: & quod summum fuit, Vrgelitanæ Comi-  
 titissæ, quæ tot modis filium ab eadem coniunctione auocabat, ac ipsius etiam Comitis  
 legatos. Verùm ille nec diu post, Lunensisque Comes, ac complures alii ab ea, quæ  
 secunda, & prospera fuisset fortuna, si in incepto stabiles permanissent, ad fatalem,  
 & infamam non sine magna ignominia, & dedecore descenderunt. Tandem Sabbati qua-  
 dam die III. Non. Sept. maiorum more, solemnî ritu, in templo maximo Cæsaraugustano  
 Ferdinandus ipse, magna omnium consensione constitutus Rex, specta-  
 tam nostrorum fidem postulauit, suam prius nostris solito nexu obligando, se patrios  
 40 mores, Regniscita, leges, ac libertates omnes seruaturum. Tunc nostri, quem con-  
 sueuerant aliis Regibus, eidem præstiterunt debitum honorem; interpositoque Omni-  
 potenti Deo, & iudice, & teste, Iurandum dederunt, omnium erga illum peru-  
 tilem fidelitatem numquam defuturam. Atque ut huic rei vehementius aliquod te-  
 stimonium accederet, triduo post, Alfonso filium Primogenitum, futurum Regno-  
 rum heredem post longæuos patris dies, de communi Ordinum sententia declara-  
 runt, amplissimum eidem Gubernatoris generalis munus deferentes. Adhæc eisdem  
 Comitibus nonnulla instituta fuere ad Regni pacem, & tranquillitatem necessaria: qui-  
 bus reuiuiscere cœpit iustitia, omnesque nostros ex seditiosorum hominum metu,  
 libertatis pristinæ luce, recreare. Talem enim habebamus Regem, qualem eo in  
 50 motu temporum esse opus erat. Cuius miranda virtus, cum audita prius dubitatio-  
 ni vix locum dedisset; iam eo tempore, præsens, probata, & perspecta, lædi obrectato-  
 rum voce non poterat. Itaque omnes haud cessabant ingentes Omnipotenti Deo gra-  
 tias referre, quòd nostrorum animos ad tam suauem, & iucundam noui Regis experi-  
 entiam virtutis excitasset: præcipue verò dum Alfonso filii grandioris, ceterorumque  
 fratrum suauitatem sermonum, ac morum cognouerunt. Hi namque omnes iam à  
 pueris tanta dabant præclaræ indolis virtutum signa; ut non patri solum propter illius  
 indulgentiam, sed cunctis aliis propter excellens eorum ingenium communi essent  
 vita chariores. Atqui dum in Vrgelitanum, Lunensemque Comites, ac D. Anto-  
 nium Lunam, pluresque alios, perduellionis reos, animaduersum est, licet nonnulli iudi-



carunt asperius multa in eorum personas fuisse facta, quam decuisset Regis hanc filiorumque lenitatem, & mansuetudinem: verum ista fuere armorum, & victoriæ facta: neque aliter fieri in eo temporum statu licuisset: cum in vnaquaque domo, ac Rep. quò ratione aliqua, & disciplina optima, designata sit, quemadmodum præmia exstare oportet rectè factis, sic græua quoque peccatis supplicia. Quid? quod, & omnes hi sua pertinacia, & fortunas, & vitam amiserunt. Nullum namque reliquerunt aut suorum precibus, aut admonitionibus locum. Vrgeli quidem Comes Regi obistere non dubitavit, eodem prorsus vultu, & confidentia, ac si iam sibi explorata, & domi condita victoria esset. Verumtamen Federico Lunensi Comite, tum honoris, tum calamitatis socio, & secundas fortunas amittere coactus est, & in aduersis sine vllò remedio, aut alleuamento permanere. Tandem Xatiuæ (quæ olim Setabis, Ptolomæo auctore, Contestanorum vrbs in Hispania Tarraconensi fuit) in custodiam traditus, diu vixit, & obiit. Cui nihil vnquam offensionis accessit, sine acerbissimo omnium sensu, & dolore. Erat enim à recta & legitima, vt exposuimus, Regali stirpe profectus; Regisque Aragonum Petri III. legitimæ filix maritus. Quas ob res non paucis grauius, ac dissetis viris multo magis placebat victa illius causa, quam victrix: quod de Catone olim in Romanæ Reip. interitu poetæ illius carmine celebratur. Lunensis verò Comes non tam casu, quam prauo consilio ad suam perniciem lapsus est. A Regis enim nomine, & imperio deficiens, in Castellam profugit: illam namque sperauit fortunæ suæ portum futurum. Sed similis ibi eum perculit vis, & tempestas: quam miserè iactatus, dum domestica pericula vitare studuit, ita extraneis oppressus decessit, vt aliis irridendus videretur, aliis autem omnino miserandus. Etenim cum Castellano Regi in suspicionem incidisset Regni appetendi; tam repente fuit ipsius Comitis memoria, mirâ quadam obliuione contrita; vt idem tumulus, qui illius corpus contexerat, visus sit etiam ipsius simul nomen obruisse. Vix enim de eo certi quid proditit, nec quisnam finis fuerit; miseram eius vitam consequutus. Ad insignem, *Brauelas*, arcem, ab Olmedi opido non longè, dicto proditiōis crimine notatum occubuisse, perhibent. Verum hæc inter nos nuper admodum notitia est. D. Antonius quoque Luna, funesta horum omnium incendiorum fax, in alias terras demigrare coactus fuit, vnde illius nec facta, nec nomen audirentur. Postea patriam reuersus, diu in Mequinentiæ opido abditus latuit, & inclusus: vbi tandem fortunis omnibus, ac dignitate spoliatus interiit. Ita omnes hi, vno, atque eodem igne consumpti perierunt. Quod nisi eos præceps, ac deuia consiliorum ratio decepisset, potuissent suis facillimè rationibus prouidere. Ferdinandus namque Rex naturâ magis ad misericordiam, quam ad seueritatem propensus fuit. Idque libenter solebat crebris sermonibus vsurpare: *AD tuenda*, tenendaque Regna Regibus aptius esse, diligi, quam timeri. Immaturâ tamen mors angustum sibi campum dedit; in quo excurrere summa hæc illius virtus, cognosciquè posset. Quarto enim Regni anno nondum completo, integerrima ætate florens, in medio suarum rerum cecidit cursu: annumque agens xxxvi. i. ad Igualadam, Cataloniæ opidum, (quam antiquâ Ergauiam putant nonnulli) cum grauis eum, ac mortifera morbi, contra quem diutius contendebat, vis oppressisset: Iouis die, iv. Non. April. Ann. mcdxvi. mortuus est; ac in Populeti monasterio tumulo Regio sepultus. Præter Alonsum autem Primogenitum, qui sibi statim successit, filios habuit: Ioanhem; Henricum; Sanctiũ; ac Petrum: filias quoque Mariam, quæ Ioanni II. Castellæ Regi nupta fuit; ac Eleonoram, quæ Heduardo, Portugalensi. Et verò Ioannes, Nauarræ Rex fuit; posteaque Alfonso fratre sine filiis legitimis decedente, Aragonensi illius imperio potitus. De quo paulo post. Henricus autem, amplissimæ Iacobitanæ Militiæ præpositus, vt vocant, Magister, Segorbiensem ciuitatem, opidaque illi contributa obtinuit: à quo Aragoniorum, Segorbii Ducum, celsissima familia dimanauit. Ea autem hisce Armorum Insignibus vti consuevit: quæ, vt videre licet, clarissima quatuor Regnorum, Aragonum, Castellæ, Legionis, ac Siciliæ, stemmata præferunt. At Sanctius, ab aliis Ferdinandus dictus, Alcantarensem, quem vocant, Magistratum adeptus, siue prole decessit: & Petrus quoque Neapoli, infelici quodam casu interemptus. Atque hi sunt, quos ex Eleonora vxore, Ferdinandus Rex filios suscepit: vulgoque *los Infantes de Aragon* appellari solent. Quorum in antiquis canticis multa sit mentio, quotidieque illustis eorum memoria & publicè, & priuatim celebratur. Nam sic omnes in omni genere laudis floruerunt: vt quanta quisque ex alio-





ex aliorum gloriosissimis factis, iure sibi optimo, vendicavit, non minora ipsis de sua, si nullimo iure, reddiderit ornamenta: neque etiam ea in re patri ipsi concesserint. Qui si corpore valuisset, diutiusve imperasset, fortasse habitus fuisset gloriosior. Illud verò eius vitam, & mortem vehementer ornauit; quòd in omnibus rebus ita semper honestatem, ac decus prætulit; ut cum ab eo pudoris, & pudicitiae peterentur exempla, meritò adsciuerit sibi Honesti Principis cognomen. quod si in priuatis hominibus gloriosum est, quanto magis commemorandum in Regibus. Dum autem in Perpiniani opidum cum ipso Benedicto XII. Sigismundoque Imperatore, Catholica Ecclesiae vnionis causa, quæ iam diu durissimo schismate premebatur, congressus fuit, omnium iudicio ex eo facto immortalis est gloriam consequutus. Nam cum nihil proficerent habitus sermones, quòd Benedictus nequaquam de statu suo dimoueri pateretur; illius obedientiam abiecit, non sine magna eiusdem Benedicti querimonia, qui se illi Regnum detulisse prædicabat. Neque verò Benedictus ea in re tenuem, aut leuem, sed multam, atque ipsi Regi valde utilem præbuerat operam. Ceterum Ferdinando Rege, nullæ nobis leges constitutæ fuerunt. Satis sibi visus est fecisse, si delatum Regnum, à præteritorum Competitorum incursionibus vacuum redderet. De Ioanne autem Eximini Cerdano, qui eius vita, ac post, Alfonso filio regnante, aliquamdiu Iustitiæ Aragonum Magistratum gessit, per pauca admodum res literis mandata prodantur, quæ pertineant ad ipsius muneris, quam suscepimus, dignitatē ornandam: præter eas, quæ à nobis in quarto Interregno traditæ fuerunt. Quare oportebit nostrum hunc sermonem ad Alfonso Regis narranda facta transferre: ut aliquando ad ea veniamus, in quibus præcipue omne huiusce nostri operis propositum nititur argumentum.

ALFONSVS V. SAPIENS, ET MAGNANIMVS, ARAGONVM REX XXXII.



ATQVE de istius Alfonso factis ea, quæ mihi illustriora videbuntur, attingam; summamque cum omnia iam sint, & vulgaribus, & Latinis literis a perquam multis ornatissimis scriptoribus celebrata. Hic etenim Alfonso fuit, qui cumulauit fortitudini, ac bellicæ laudi sapientiâ. Vnde & Sapientis & Magnanimi traxit cognomen. Tanta verò humanitate fortitudinē ipsam temperauit, ut cum hostes, virtute eius, pugnantes, timerent; iam diligerent victi mansuetudinē. Sapientiam autē, ipsaq; doctrinæ studia vir iam natu grandis percepit. Expugnato enim ab eo, florentissimo, & opulentissimo Neapolitano Regno, quæ alios victoriæ ad prædas; diu-

ritæ ad voluptates; amœnitas locorū ad delectationem; aut saltem militares labores alligere solent ad quietem; minimè illum à studiis auocarunt: quin induxerunt potius, ut quibus eo tempore Italia florebat, animum suum excolendum curaret, optimarum artium disciplinis. Denique sic præstitit virtute, & doctrinâ, ut cum in vtraque longè aliis præstaret, vtra sibi ipse præstiterit, incertum sit. Vxorem duxit Mariam Ioannis II. Castellæ Regis sororem: quæ à marito absente, Neapolitani Regni expugnatione implicato, horum Regnorum curationi præposita, multa, & magna dedit prudentiæ, ac fortitudinis signa. Complura enim Comiticia celebrauit. In quibus multæ nobis leges constitutæ sunt, sub *Maria Regina Locumtenentis* nomine inscriptæ. Ea autem præclara, qua Ann. Chr. MCDXLII. For. *Como segunt la ment de los Fueros*, sub tit. *De officio Iustitiæ Aragonum* de abrogandi muneris difficultate prudenter cautum, & exceptum est. Etenim cum Magistratus hic vni alicui, quandiu viueret, à Regibus semper mandari consueuisset, sæpenumeroque disceptaretur; utrum solus Rex, ab eo munere posset amouere, quem eidem semel præfecisset: ea tunc fuit recenti, & noualege sancitum: ne id Regi arbitratu suo facere liceret, tametsi ipsa ferat ipsius tunc Præfecti voluntas; ex antecedenti aliquâ, ut legitur, obligatione, districta. Ob quam causam olim, Regis Petri III. temporibus, ad manus, & pugnam ferè ventum est, dum idem Rex nequaquam dubitauit, Petro Martini Artassonæ Iustitiæ Aragonum Magistratum abrogare; quemadmodum iam supra recensuimus. Eadem etiam lege edictum fuit: Ne Iustitiæ Aragonum deinceps ob civilem possit causam comprehendi, in custodiasve includi, nisi de Regis simul, ac Regni præcepto. Quibus rebus ad ipsius muneris ornatum magnus dignitatis cumulus accessit; ad Reginæ verò laudem non modicus: quòd istius Magistratus amplitudinem nouis his hono-



ribus decorarit, cuius præsidio statuebat, & rectè quidem, mariti sui, suorumque fortunam magis stabilem esse futuram. Quò enim maiora in eum stabilitatis conferantur præsidia, modò nequid nimis; eò status Reip. magis fixus, ac stabilis constituitur, ipso-  
rumque Regum multo melius fundatur imperium. Ceterum Alfonso Rex; nul-  
lam ex Maria vxore prolem suscepit. Ex variis autem concubinis filios habuit; Fer-  
dinandum; Mariam; & Eleonoram. Ferdinandum quidem, Neapolitani à se  
parti Regni heredem reliquit testamento. Paternorum namque Regnorum heredi-  
tas ex antiquo iure Ioanni fratri, Nauarræ tunc Regi, obueniebat. Filiarum au-  
tem, Mariam Ferrariensi tunc Marchioni despoñdit: Principi autem Rossano Eleo-  
noram. Cumque earum doti ingentem nimis pecuniam Rex dixisset: solutione sin-  
gula Regnorum suorum opida torqueri iussit, ac si filiarum hæc fuissent sibi ex legitimo na-  
tæ matrimonio. Nostri statuentes ea in re publicum ius grauius violari; ad  
Magistratus Iustitiæ Aragonum opem confugerunt. Cui tunc præerat magnus ille  
Ferrarius Lanuza I. ipsius Regis obseruantissimus, ac studiosissimus vir; patriæ verò  
libertatis diligentissimus præses, ac custos: cuius & in bellicis, & in ciuilibus officiis  
singularis industria vigeat. Ab eo itaque exceptione huiusmodi impetrata, solito  
sui muneris Iuri firmæ remedio, (quod tandem, vt sæpius diximus, summum est  
nostrarum omnium libertatum præsidium) facillime nostri huic, quæ Regno infe-  
rebatur, iniuriæ restiterunt. Rex autem benignè tulit integrum ipsis seruari ius li-  
bertatis. Vt enim erat sapiens, ac disertus, in quo Magistratus deferbat auctoritati,  
1458. censebat ipse & seruati suam. Tandem A. D. II. Kal. Iul. Ann. Chr. MCDLIX. æta-  
tis autem suæ, sexagesimo quinto, Neapoli mortuus est. Sed illius, tametsi mor-  
tui, memoriam anni omnes excipient consequentes. Hi autem sub eius imperio  
post Ioannem Eximium Cerdanum, Iustitiæ Aragonum exstiterunt: Berengarius  
Bardaxinus, egregius ille, de quo in proximo actò Interregno mentionem fecimus,  
vir. Cui in Magistratu successit Franciscus Sarzuela: Sarzuelæ autem Martinus  
Didaci Auxius: huic verò Ferrarius ipse Lanuza I. qui etiam per plures annos eun-  
dem gessit Magistratum Ioannis II. Regis temporibus: ad quæ cursim petra-  
ctanda pergimus, vt institutum rerum nostrarum ordinem teneamus. Sed illud non præ-  
teribo, quòd maximè occurrit, istius Alfonso Regis vita, circ. Ann. Chr. MCDXXXVII. 30  
magna illa duo, quæ hodie exstant, ad nostram Urbem ædificia extructa fuisse:  
lapideum pontem; amplamque & nobilem, quam nunc Deputationis domum vo-  
camus; ab eo usque tempore publicam, ac stabilem nostrarum omnium iudiciorum  
sedem constitutam. Tertium verò mirandum in modum istius Regis laudem illustra-  
uit, quòd decennio ante, ad pauperum Christi ægrotorum curationem, & vsum, in  
ipsa Vrbe construendum curauit, tanta postea opportunitatem apparatum celebri-  
tate refertum, vt communi omnium iudicio magnificentia multis, pietate autem o-  
mnibus per hospitalibus, quæ usquam alibi sint, domibus antecellat. Cuius eo magis  
suspicienda est moles, quòd non tam certis opibus, aut patrimonii subsidiis, quàm fide-  
lium liberalitate, incertisque eorum largitionibus sustentetur. Vt in Urbanis autem Com-  
mentariis continetur, clarissimus iste Alfonso Rex, quam à Simone Hueso quingen-  
tis Florennis emerat aureis ædem, quò nunc visitur loco, à Diui Francisci monaste-  
rio non longè, huic tanto operi assignauit, quatuor eidem; D. Raimundo Casalda-  
guila, & D. Nicolao Viota, & Senatoribus Urbis; Ioanne autem Tonda, & Ioanne Ci-  
nera, Theologiæ Doctoribus, ex Ecclesiasticis viris, Rectoribus primis præfectis. Ac il-  
lud postea Nicolaus ipse suis locupletauit fortunis. Albalatulo namque ita vocato opido  
donauit: quò maxima facta fuit ad eam rem & amplitudinis, & dignitatis accessio. Prid.  
autem Kal. April. Ann. Chr. MCDXXV. Philippus Berbega, Franciscanus Monachus,  
Cæsaraugustanensi Comitio, pia, ac nobili habita oratione, mandata Regis expo-  
suit, & quæ ab eo essent de istius facti ratione inita consilia. Quibus à nostris maximo, 50  
vt par erat, applausu celebratis, & Senatus decreto eidem operi fundamenta iacta fuere:  
quæ posterorum deinde Regum, ac nostrarum hominum animos ad tot, tanta, tamque  
præclara, & magnifica Christianæ pietatis, & Religionis in Christi pauperes explenda  
munera extulerunt. Et verò de structura pontis hæc habeo, quæ dicam: nimirum  
prius quàm lapideus, qui nunc exstat, quique huius Regis tempore factus fuit, fieret:  
ligneum pontem eodem ipso loco fuisse; qui aliquandiu sublicis, aliquandiu nauicu-  
lis fulciebatur. Cuius qui constituebantur curatores (duos enim interdum consti-  
tutos legi) ab eo quòd ipsis eius commissæ, ac commendatæ erat cura, *Comendadores del*  
*Puent* vocari vernacula lingua consueuerunt; & quandoq; Arabico vocabulo usurpato,



*Comendadores de la Alcantara.* Et idem erat. Nā Alcantara, Arabica vox est, & potētem significat. Sed ut ad Alfonso Regem redeamus; amplissima eius gesta merito illum ad summam extulerunt, quam diximus, sui nominis prædicationem, & gloriam.

## IOANNES II. VERE MAGNVS, ARAGONVM REX XXIV.



**N**E q. verò Ioannes Rex fuit belli laude inferior, quā frater: quin imo nisi se totū domesticis negotiis implicuisset, ob quæ sæpius cum suis cōfluxit, quā quisquā cū hostib. decertauit: ipsi fratri par, si non iā superior, censeretur. Quæ. n. in Alfonso magnitudo animi, virtus egregia, sermonis comitas, constantia, fortitudo, ac vel militaris peritia enituerunt: hæ omnes in Rege hoc mirifice elucebant; non quasi ab aliis sumptæ, aut aduentitiæ forsitan virtutes. Illam verò, quæ communis solet esse aut iam vrgentis, aut aduentantis senectutis cura, ut quietem, & otium appetamus; tam longè sibi statuit à sua senectute abesse oportere, ut nullam vitæ suæ partem pateretur,

aut assiduis bellis, aut bellorum expectatione vacuā relinqui. Et quodd sumum fuit, cum admodum. senex, ac quasi decrepitu, noua etiā bella moliri haud cessaret, à suisq; admoneretur, ut ab eis vacaret, cum nō possent sine integerimis virib. sustineri: hoc illis respōsum dare fuisse solitum perhibetur; Se numquam sensisse, senectutem suā imbecilliozem factam ad arma capiendam, quā adolescentia fuisset. Militares autem labores, inferiores esse domesticis affirmabat: cum nulli vnquā militi plus, quā sibi sumere, laboris imponeret. Ciuium præterea rerum summo opere vsum percalluit. Vnde ab omnib. iudicatur, singularem ciuilem, ac domesticam, coniunctā cum militari fortitudine, prudentiā adeptus. Itaq; verè Magnus nuncupari potest. Et ipse quidē aliquādo Magistratus Iustitiæ Aragonum institutionem, potestatem, & vim, ut suo loco dicemus, per paucis, neq; obscuris aut hæsitantibus, sed apertissimis verbis explicauit. Cuius si quacumque in re haud leue testimonium pataretur: grauissimum censendum est in ea, quæ ad institutionem proferendam spectat illius muneris, quod tamquam moles fluctibus, ita non rectæ Regum voluntati est oppositum. ut nequaquam sit parui ducendum, huiusce Magistratus institutionem, & vim illius testimonio comprobari, qui tam præclare supremum illud ipsum fuerit officium Regis, ac munus exequutus. Sed de his suo loco. Viuente itaque Alfonso fratre, Ann. Chr.  $\infty$  C D X I X. Blancam Nauarræ Reginam, Caroli filiam, & heredem, vxorem duxerat: eam, quæ fuerat prius Martino Siciliæ Regi, Martini Aragonum Regis filio, ad Callarem mortuo, quemadmodum exposuimus, nupta. Ex qua filios habuit; Carolum, Blancam, & Eleonoram. Carolus autem is fuit, cuius toties retulimus Commentarios exstare de Regibus nostris scriptos: quos in plurimis rebus sequuti sumus, tamen interdum coacti ab eis dissentire. Blanca autem ipsius Caroli soror, Henrico IV. Castellæ Regi nupta fuit. Sed cum eo postea diuortium fecit, Romani Pontificis decreto interpolito. At Eleonora Gastono Fuxensi Comiti collocata, neptem habuit Catharinam, Ioannis Labritii, Nauarrorum vltimi Regis vxorem. Iam verò domesticæ inter Carolum, ac patrem discordiæ concitata communem Remp. quæ tranquilla erat, tamquam turbine aliquo, aut subita tempestate, peruerterunt. Etenim Ioannes iste Rex, priori hac Blanca Nauarræ Regina, ipsius Caroli, sororumque matre, orbatus vxore, cum secundam duxisset Ioannam, Federici Almirantis Castellæ filiam: Carolus patrem à Nauarræ Regni gubernaculo repellendum contendebat, quodd mater sibi actionem illam hereditario iure integram reliquisset. Pater contra, sibi ex fœderi Regis instituto concessum esse affirmabat, ut quamdiu Ioannes ipse viueret, solus Nauarrensis imperii clauum teneret. Ob id itaque vter potius Nauarram administraret, pater. & filius, inter se contendere cœperunt. Tandem Carolus in ea contentione decessit: Bareinonæque obiit A. D. I X. Kal. Oct. Ann. Chr.  $\infty$  C D L X I. æta-  
tis suæ annum agens Quadragesimum. Cuius tempore apud Nauarros illæ duæ Agramontensium, & Viamontensium, quæ adhuc in ore vigent, contrariæ factiones, quarum altera, filii, altera patris vocem sequebatur, ortum habuerunt. Atque ea in re dum Catalani, qui ipsius Caroli Principis fuerunt adiutores præcipiti; patris, quam dicebant, vim peruersuros putarunt, peruerterunt suam, nec vim modò, sed rotam planè excusationis, si quæ in eo facto esse poterat, defensionem. Mortuo enim Carolo plura tentarunt, quæ à debitis officiis abhorrebant: cum alioquin natio illa fuerit semper, ac sit integritatis, & fidelitatis plenissima. Expellere Cappa, Siciliensi femina, Carolus filios reliquit; Philippum; ac Ioannem. Prior quidem militari Beatæ Mariæ Montelsæ instituto præfectus Magister, ad Bæcæ expugnationem interiit: posterior verò, Oscensi Eccle-



fiz præpositus Antistes. Filiam quoque habuit Annam, ex alia concubina susceptam: quæ Ludouico Metinnæ Zelin Duci nupta fuit. At Ioannes Rex ex secunda vxore, filium habuit Ferdinandum: qui sibi in Regnis successit, Christianique nominis decus, ac lumen fuit. Filias etiam; Ioannam, Ferdinando Neapolitano Regi, Alfonsi fratris filio, nuptam; Marinam, seu, vt alii testantur, Mariam; ac Eleonoram aliam: quæ ambæ in nuptiæ obierunt. Ex concubinis autem filios suscepit; Ioannem, Cæsaraugustanum Archiepiscopum, è nobili femina, ab Auellaneda nuncupata. Ex alia autem Eleonora de Escobar, Alfonsum Calatrauensem Magistrum: qui ex Maria Iunquesia filium habuit Ioannem Aragonium, Lunensem Ducem, ac Ripacurtiensem Comitem: à quo illustrissima, Aragoniorum, Villæfermosæ Ducum, ac Ripacurtiensem Comitum familia dimanauit; quæ apud nos viget, hisque Armorum Insignibus ornari consuevit. Ferdinandus etiam, Maria, & Eleonora istius Regis filii fuerunt: nothi tamen, atque ex Nauarrensi femina ab Ansarum familia, procreati. Eleonora quidem Ludouici Viamontensis Nauarræ Connestabuli vxor fuit: alii duo infantuli obierunt. Præter Nauarræ autem, quam tandē Ioannes Rex inuito, & renuente filio gubernauit: aliquādiu etiā ab Alfōso fratre absente dominationis suæ vicarius cōstitutus, nostri Aragonensis Regni tractauit gubernacula. Quo tēpore sub eo multæ, & græ nobis leges editæ fuerunt: quæ passim in Foror. volumine, sub *Ioannis Nauarra Regis Locum tenentis* nomine, in diuersis tit. appositæ leguntur Ann. MCDXXXVI. Eo namque anno 20 fratris nomine Alcagnizii Comitum celebrauit magna, & præclara. Maiora tamen, & grauiora ab eodem Ioanne, Aragonense iam Regnum adeptum, ad Calataiubium eodem An. MCDLXI. habita fuere. Ea enim auctoritatis pondere, & vilitatis vbertate cetera omnia longè superarunt. His autem meo iudicio paria penè, & æqualia fuerunt, quæ Regina Ioanna, istius Regis vxor, eius nomine ad Cæsaraugustam habuit Ann. MCDLXVII. In his enim, inter alia multa, præclarissimæ illæ leges latæ sunt, quæ inscriptæ exstant sub tit. *Forus Inquisitionis Officii Iustitiæ Aragonum*. Itaque cum ceteris istius Regis laudibus hæc illi debetur vel maxima: quod quæ summa in eo perspecta semper, & cognita fuit in subleuandis rebus aduersis fortitudo, in ornandis secundis non minor probata fuerit diligentia: quandoquidem nouis semper decretis, consentaneisque legibus 30 Remp. stabiliendam curauit: ipsi verò Iustitiæ Aragonum Magistratui oportuna moderationem eo, quem diximus, *Inquisitionis* Foro adhibendam: ne nimia forsan licentia redundaret. In quo tandem incolumis Reip. nostræ status continetur. Sed de his alibi. Deniq; Ioannes Rex patriam amplissimis beneficiis ornauit. Aliquando autē cæcus factus, Diuæ Encratis opē implorās, cum sancto illius elauo tactus, amissa lumina recuperasset, vouisse dicitur, se ipsius Diuæ tēplum amplificaturum. Propinqua tamē morte sublatus, votum hoc Ferdinādo filio persoluendum reliquit. Neq; enim diu post, Ann. Chr. MCDLXXIX. Barcinonæ A. D. XIIII. Kal. Feb. summa confectus senectute decessit. Sub eo Iustitiæ Aragonum fuerunt, Ferrarius Lanuza I. & Ioānes itidē Lanuza I. ipsius Ferrarii F. qui etiā Ferdinandi Regis tēporibus eidem præfuit Magistratui. Libet autem in meo 40 dium afferre ponderosæ epistolæ exemplum, quod inter Secretarii Colomæ monumenta inueni, à Ioanne hoc Rege, ad Ferdinādam ipsam, Castellæ iā Regē, interrupta, ac morienti voce conscriptæ. Cuius hoc est argumentum; ita nos debere de humanis omnibus rebus iudicare, vt fidas eas celeriter, tamquam flosculos decidere, virtutem solam esse altissimis defixam radicib. arbitremur. Eiusdem verò, nisi me fallo, Secretarii manu facta erat, quæ in ea legitur, inscriptio huiusmodi. *Traslado de la carta que el Rey mi señor escriuió al señor Rey de Castilla*. Cogimur namq; ne rebus, ac verbis lepōrem subtrahamus, permiscere Hispana cum Latinis: cum ea sint vulgaribus his verbis concepta.



Serenissimo Rey, nuestro muy Charo, y amado fijo.

PUES a la diuina Magestad es plaziente, que en nuestros dias mas non vos veamos, que era lo que despues de nuestra saluacion desseauamos: por aquesta carta, que sera como postrer despedimiento, e comiat, entendemos fazer el officio de padre, a quien nuestro Señor por su infinita bondad ha dado fijo tan obediente, y de tanta virtud, y excellencia. Recibido haremos por especial dono, de quien tiene el poder, los Sanctos Sacramentos de la Iglesia, y fecho todas las obras de Christiano, non con aquella contricion, y arrepentimiento, que deuíamos, por ser tan grandes las offensas, que fecho le hanemos, è tampoco el reconocimiento de tantas, y tan señaladas gracias, como de su omnipotencia hanemos recibido; mas segunt que ha podido alcançar la fragili-



fragilidad nuestra. Confiando empero en la summa clemencia suya, que por aquel derramamiento de sangre, que por nosotros peccadores fizo en el arbol de la Vera Cruz, haura misericordia deste su siervo, que es tierra effectiva de sus manos: y creemos, non querracon nosotros entrar en juyzio: pues es cosa cierta, que ante tal juez alguno justificar non se puede. Fio, ya podeys considerar el pundo, en que estamos: que ni Reynos, ni subditos, ni potencias algunas humanas por grandes que sean, ayudar, nin valer nos pueden: salvo aquel Criador, y Redemptor del mundo, en cuyas manos estamos. Tes este passo tal, que querriamos hauer sido uno de los infimos hombres de nuestros Reynos, y señorios. Recordad vos pues, que quando a el ser aplaziente, haueys de venir a esto mismo: & que vos dolera, lo que en offensa suya fecho haueys, de dolor tal, que en sanidad cogitar non se dexa: e ansimesmo del bien, que haueys podido fazer, e non lo haueys fecho. Vengaos en la mente, de quanta grandeza son los Reynos y Señorios, en que soys, y haueys de ser inmediato Lugarteniente suyo: e que quanto son mayores: mayor, e mas estrecha sera la cuenta, que dellos le haueys de dar. Non vos engañe el mundo, como fazea los mas: que en qualquiere edad que sean, siempre piensan hauer tiempo de enmendar sus faltas. Llenad siempre ante los ojos el temor de Dios: y passen vos alguna vez en el dia por la memoria los tan grandes donos, e gracias, que fecho vos ha: para que conociendo, le soys grato, vos haga fazer su sancta voluntad. La Iusticia sobre todas las cosas sea el espejo de vuestro coracon: façen dola sin excepcion de personas. La defension de la Fe Catholica, y de la Iglesia sancta de continuo se vos represente. Los Reynos, y subditos conseruad en paz, y en iusticia sin iniuria del proximo, euitando, quanto al mundo podays, todas guerras, y dissensiones. E non vos oluideys de la humildad, que es cosa accetissima a nuestro Señor, y que por sola aquella la gloriosissima Virgen Maria merecio ser madre suya. E por non diuertirnos mas en las cosas del mundo, con la presente vos damos nuestra paternal Bendicion: Suplicanda a la immensa potēcia, que de su mano sanctissima os benediga: e la Bendicion suya, e nuestra sea siempre con vos: para que como buen Rey, e Catholico Principe riays, y gouerneys los Reynos, y tierras a vos encomendadas, de manera que le rindays buena raxon de los talentos, que vos ha dado: e vuestros dias sean fechos luengos sobre la faz de la tierra a su sancto seruicio: e veays fijos de vuestros fijos fasta la tercera, e quarta generacion, y en viniendo el termino por el estatuto, vos colloque en su sancto Reyno. Al qual plega llevarnos por su sancta misericordia. A nuestro Secretario hauemos mandado vos diga cierta cosa. En fee de su officio, e por la criança que del hauemos fecho, sea le dada entera fee. E guarde os Dios nuestro señor, como tiene el poder. Dat. en Barcelona a 19. de Enero, Anno de 1479. REX IOANNES.

## COLOMA SECRETARIVS.

Arque postridie eius diei Ioannem Regem vis morbi consumpsit: iam vt epistola hæc, tam quam cygnea habita fuisset ab omnibus Christianissimi Principis vox, & oratio: ipsius autem mors ita gloriosa, vt filius eam concupisceret. Sed mox persequemur, que de eo, ac Carolo Imperatore, & Philippo nostro Rege, dicere instituiamus; ea; summam: vt his absolutis ad propositum nobis de Magistratu Iustitiæ Aragonum sermonem reuertamur.

## FERDINANDVS II. CATHOLICVS, ARAGONVM REX XXV.



IOANNE itaq; mortuo, Ferdinandus filius auspicio Regiam illius hereditatem adiuit. Iam pridem autem, viuentē patre, Anni MCDLXIX. vxorem duxerat Isabellam, Henrici IV. Castellæ Regis sororem, & heredem. Quæ nuptiæ tanti matrimonii dignitate coniunctæ, incredibile sociis lætitiâ attulerunt; mirum autem hostibus terrorem: cum ea rerum copulatio, ac tot Regnorum societas, & coniunctio, commune vtriusq; imperium in tantâ deduxisset amplitudinis maiestatem, quâ in Hispania numquam à Gothici Regni euerfione visa fuerat: præcipue verò, postquâ florentissimum Granatæ Regnū ex teterrimo Maurorū dominatu in veterem libertatem,

salubremq; veræ nostræ Religionis cultum vindicant. Neque Granatam solum, sed Nauarram etiam, atq; Hispaniam cunctam subegerunt: præteream Lusitaniam partem, quæ ad Oceani Occidentalis oras producta, à Portu Cale, Portugaliæ sibi nomen inuenit. Verumtamen qui tunc ipsis ad eam rem aditus obstructus fuit, potētissimo nunc patuit Regi nostro Philippo, clarissimo istorum Regum pronepoti: cuius gloriæ domicilium non minoribus, quàm totius orbis finibus terminatur. Neapolitanum præterea Regnum intestinis, ac domesticis bellis dissipatum, vetere expulso hoste, Ferdinandus, ac Isabella, Reges, sub eorum iurisdictionem subiunxere. Ad hæc noui orbis detegen-



di munus Christophoro Colon, viro nomine, ac memoria dignissimo, committentes, Omnipotentis Dei benignitate summum illum fuere honoris, ac gloriæ gradum assequuti: ut eorum tempore, & quod præcipuum est, eorum opera, atque impensa, Atlanticum vastissimum mare, quod nullis classibus fuerat peragratum, sed ex omni aditu clausum putabatur; nauibus nostris pateret: in illisque ultimis gentibus, feris, & barbaris, quæ sibi humano victu vitam propagabant, infinitisque regionibus, quarum antea nulla vquam neque ora, neque extremitas fuerat perlustrata: summus Christiani nominis lucret splendor. Quibus tot illustribus, & gloriosis factis ita istorum Regum laudatrix fama virtutum apud omnes gentes omnium sermone percrebuit; ut illis sæculis ad Regium principatum obtinendum, neque vir melior in terris esse, neque femina lectior crederetur. Vnde ab omnibus censebantur ambo, pari, atque in eadem laude ponendi. Sed illud, multorum iudicio, maius fuit summæ illorum prudentiæ, ac pietatis, & religionis testimonium, dum ad hæreticorum, & apostatarum mentes de magnis, quibus imbutæ erant, prauitatis erroribus deducendas, comprimendam, frangendamque audaciam, Sanctæ Inquisitionis, quod nunc vocamus, Officium fundandum curarunt, varios eidem præpositos diligentes, eisdemque stabiles sedes, ac domicilia certa in maximis Hispaniæ ciuitatibus collocantes. Cuius tanti facti vtilitatem, & commodum non Hispania sola, sed omnis Christianus orbis libenter agnouit: id verò miseris nostris sæculis præcipue; quibus in perfidam illam gentem videmus, tamquam in vnam voraginem, omnium vitiorum cœtum excessisse. Itaque cum tantis testimoniis suarum virtutum, ac Christianæ Religionis obseruantiæ, & cultus, clarissima sibi monumēta comparassent: is demum ipsis, qui solus in hoc sæculo dari poterat, suorum omnium laborum, & vigiliarum datus fuit, quasi amplissimus quidam triumphus, dum totius orbis consensu à Romano Pontifice obtinuerunt illustre Catholicorum Regum, quod hereditarium posteris mansit, cognomentum. Ceterum iis temporibus apud nos casus quidam grauissimus interuenit: qui nostris tunc videntibus horribilis, atque acerbis visus fuit; perpetienti autem ob Dei amorem iucundissimus. Illius narrationem libitum est mihi persequi hoc in sermone: quod ea statuerim, atque ei similibus orationē nostram, quasi quibusdam luminibus illustrari. Ab initio autē, quemadmodum gesta res sit, summatim exponam.

Inter ceteros Sancti Officii Inquisitores, qui fuere in singulas prouincias descripti (ita enim supremos hosce perfidæ istius gentis speculatores, ac vindices appellamus) apud nos huic muneri præpositi fuerunt egregii duo, ac præstantes viri: quorum alter vocabatur, frater Gaspar Inglarius, eratque ex Dominicanorum fratrum instituto: alteri verò Petri Arbuesii, alias *Epila* nomen erat: quem nos improprio vocabulo *Mastre Epila* vulgò appellare solemus. Hic ortu Epilensis erat, patre Antonio Arbuesio ab illustri Arbuesiorum familia, matre verò natus Sanctia Ruyz: vir quidem iustus, & optimus, singulari bonitate, & modestia præditus; in primisque sacris literis excultus, & doctrina. Cæsaraugustanæ autem Ecclesiæ Canonicus erat. Nefas enim duxissem linguam meam in istius facti narratione obmutescere, ad quod patrandum nequaquā obtorpuerunt impiæ illæ, ac sacrilegæ sceleratorum hominum manus. Hic itaque Petrus Arbuesius cum pro suscepto munere in Iudæorum causam vehementer inueheretur: perdit illorum multitudini in acerbissimum odium venire cœpit. Ipsi enim, maleficiorum suorum conscientia stimulari, vehementer horrebant, quorsum hæc esset inquirendi in eos instituta ratio erupitura. Conscientiæ enim illa magna vis est, ut pœnam semper ante oculos versati putent, qui peccarint. Itaque illum acerrimè clandestinis consiliis oppugnabant. Erat autē permagna coniuratorum manus, ex maximis Iudæorum familiis occultè confiata: quæ diu collecta & inueterata, imprudentes quosdam alliciens ad se; ex latebris erupit in actum, acerbatisque suæ virus euomuit. Etenim cum dies, noctesque magnis languoribus & curis angerentur, sibi ipse iā à summo Deo, supplicii causa, importatis; se ab illis abducere cupientes, & leuare, omnes acerba morte, Sanctum Inquisitorem affici oportere, quadam die vnum in locum congressi, decreuerunt. Sed tamen iidem ipsi, qui de ea minabantur; etiam atque etiam considerabant, & inter semetipsos conferebant, quid id sibi facere liceret. Etenim cupiebant illius sanguine saturari. Vias autem indagabant, ut expleti, & saturati salui discederent. Neque vllus erat eorum audaciæ ad timorem comprimendum locus. Ipsi enim suis manibus Inquisitorem interficere, tamen valdè optabant; neque audebant, neque quemquam id facere posse sine certissimo vitæ periculo, arbitrabantur. adeo ignauiter, & timidè descendebant ad id, quod summo opere expetebant, agendum. Itaque cuidam Ioanni Labadiæ commiserunt, ut homines



ad eandem illam faciendam conduceret. A quo tandem inuenti fuere duo nequam, & perdit; qui id auderent, quod immanis ipsa Iudæorum omnium audacia formidisset. Eos, homines appellandos non duco. Hominis enim nequaquam videtur, communique naturæ repugnare, voluisse miseros, sua calamitate aliorum crudelitatem satiare: præsertim cum a Iudæis religione, & cultu dissiderent. Erant enim ambo, ut fertur, a genitoribus Christianis procreati: nisi id forte illis accidisset, quod in plurimis vñ venire solet; quorum parentes propter ignorantiam suæ stirpis, ac generis, cum ex infima fecerit populi sint, Christiani existimantur. Hi igitur, quorum alter Vidal Vranfo, alter Ioannes Sperandreu vocabantur, nefariis prius licitationibus factis, certoque pretio constituto, se Sancto Inquisitori mortem allaturos promiserunt. Idoneam verò captabant occasionem. Erant autem tunc ipsius Sancti Officii ministerio destinata, eæ, quæ nunc sunt heredum Antonii Barrachinæ, ædes; medio loco, inter Archiepiscopalem Aulam, Ecclesiamque Cæsaraugustanam locata; finitimæ ambarum, & vicinæ. Ibi magnus ille, ac præclarus vir, Petrus Arbuesius, pro Tribunali ad audiendas causas quotidie sedebat: in eisque ponderandis diligens erat, prudens, & attentus. Verum tamen ut erat natura sanctus, & religiosus, quidquid à publico illo munere vacabat, totum id libenter in Sacris conficiendis consumebat. His enim mentem suam, tamquam naturali pabulo recreabat. In Templo maximo, quemadmodum ceteri Canonici, suum domicilium habebat. Assidue in Diuinarum, quas vocamus, Horarum decantatione versabatur: ita ut vix eum vlla intempesta nox, aliue nocturni metus deterrerent, quin eandem Ecclesiam è lectulo surgens adiret ad nocturnis Cantibus Omnipotentis Dei laudes persequendas. Illuc ergo, pro more solito, sacra indutus veste, sanctissimus, atque innocentissimus vir, media quadam nocte, martyrii coronam reportaturus accessit. Fuerant siquidem iam paulo ante in absconditis insidiis intra dictam Ecclesiam collocati duo illi, quos nominauimus, Vidal, & Sperandreu, stipati gregibus amicorum: qui omnes fuerant à sceleratissima coniuratione, quasi à quibusdam furis, ad perficiendum scelus incitati. Iudæos autem iocundo proditur hastam crudeles sancto Inquisitori insidias tetendisse, quia flagitiosa, ac turpis eorum vita eum magnam omnibus suspicionem daret, inrita ab eis dudum Christianæ nostræ Religionis viam, fide, & fallaciter fuisse susceptam; idque eo magis, postquam multorum ex ipsis accusationes, grauiter tractata, ad extremum nefariis confessionibus, ac deprehensionibus detestabilium icelerum fuerant conclusæ: persuaserant sibi, neminem fore, qui, sancto Inquisitore interfecto, munus illud exequi auderet, sicque ipsos in posterum flagitiorum suorum impunitam, quam sibi pollicebantur, licentiam obtenturos. Eum itaque duo illi audacissimi nequam dum ante Altare maius supplicem, orantem inspexerunt; anhelantes ex infimo pectore crudelitatem, brachia contorquentes, A.D. xv. i. Kal. Octob. Ann. Chr. 1485. c. d. x. c. v. grauiâ eidem vulnera inflixerunt. Quorum sanguine cum non gladios solum, sed sacram ipsam ædem imbuissent: statim aufugerunt, magno, & subito, quo corruerunt proflus, timore percussi. Sic enim ambo fuerunt infirmati conscientia sceleris, fraudi que cruciatu; ut nisi à suis, qui eos stipabant, subleuati fuissent, vix vlla fuisset illis ex Ecclesia exeundi facultas. Viuum autem illum, secus ac fuerant polliciti, reliquerunt. Deuinxerant enim, sese eidem caput abscissuros. Nec nisi pro capite patetum fuerat inter eos pretium. Tam acerbam sancti Inquisitoris vitam perfidi Iudæi sibi ipsis putabant fore. Ast ubi sacer, qui in Choro aderat, Clericorum Deo psallentium cœtus, horribilem armorum strepitum audiuit, lamentabilemque simul ingemiscientis vocem: illuc mox accurrens, sanctum Inquisitorē grauiiter ictum ut inuenit, aperte cognouit truculentum illud, immaneq; scelus à Iudæis editum fuisse. Diu. n. in vrbe ferebatur, omnes eorum sermones ad perniciem sancti Inquisitoris erumpere; illosque iā pridē ei periculum capitis machinari. Itaque tristes, & cōturbati coeperunt cunctas vrbs regiones circū circa prospicere; Deumque & homines contestantes, de crudelissimo sancti Inquisitoris interitu clamare: ut Cæsaraugustan⁹ populus à somno excitatus profliret, occulte illius cōiurationis inuestigator, & ultor. Simulatque ergo detestabile istud scelus percerebuit: incredibilis breuitēpore ad templum maximū cōcursus factus est concitata multitudinis hominum, omniū generū, ætatum, atque Ordinum: qui se illuc totos & animis, & corporib. in communis causæ subsidium contulerunt. In ea namque iniuria se se omnes despectos esse, sanctissimique Officii dignitatem magnopere contemptam, & abiectam proclamabant. Aperte autem omnes videbant sceleratam illam coniurationem à Iudæis contra sanctum ipsum Inquisitionis Officium factam fuisse. Atque eò maior in illos commouebatur suspicio, quod in ea bonorum multitudine de illis nullus compareret. Quos omnes



non iam sacrilegos, sed Fidei, ac Religionis hostes, non sicarios, sed crudelissimos car-  
nifices appellabant: dicebantque nullam moram interponendam esse eosdem in pri-  
uatis suis domibus viuos comburendi. Neque huiusmodi consilia in longinquum  
tempus distulissent: nisi eos intetpellasset magna superiorum Magistratuum ibidem  
collecta vis. Nec ea obstitit, quominus is videretur repente in omni populo tumult-  
us concitatus, qui non multum ab hostili expugnatione differret. Nemo enim Cæ-  
saraugustæ, neque tam affecta ætate, neque tam infirmis viribus tunc fuit, qui non sta-  
tim surgens electulo, telum, quod sibi fors offerebat, arripens, in tanti sceleris vindi-  
ctam properaret. Iam verò sanctus, & fortis Inquisitor his verbis, quæ sibi impone-  
bantur vulnera, capiebat: Maximas, inquit, tibi, ô IESV bone, gratias & habeo, 10  
& ago, quod me dignaris, mortis pœnam naturæ debitam pro tuæ sanctissimæ Reli-  
gionis Fide persolvere. De reliquo tametsi grauius saucius, magis autem diuino amo-  
re, quam ictibus saucius, haud cessabat Diuum numen, eo scelere violatum, humili pre-  
ce placare. Numquam autem eius animus visus fuit vlla in nefarios interfectores male-  
uolentia suffusus, aut aliqua perturbatione commotus: sed contra cum magnus, & ex-  
cellus, atque ad maiora quæque pro Christi Fide subeunda paratus; tum etiam apertus,  
simplex, quietus, & tranquillus gaudens, & libens Deum Optimum, Maximum, Glorio-  
sissimamque illius matrem Mariam assidue collaudans. Ex cuius ore, quâdiu vixit, nul-  
lum ab ea re alienum verbum exiuit. Ac illi quidem quæ superfuit vita, breuis fuit; gloriæ  
autem cursus sempiternus: ad quem illius spiritus, è corporis vinculis, tamquam è carce- 20  
re euolauit A. D. xv. Kal. eiusdem mensis Octob. biduumq; tantummodo vixisse apparet.  
Atque sic abiit è vita, vt moriendi pro Christo causam se nactum esse gauderet. Illius  
sanctum cadauer multis imaginibus, iustisque exequiis, ac sollempni pompa, & lauda-  
tione à Cæsaraugustanensi populo ornatum, terræ redditum fuit honorificentissimo,  
ac celeberrimo ipsius Templi Maximi, quo nunc colitur, loco. Necnon, & in  
eodem sepulchro maiores nostri æternum simulachrum, è marmore excisum, quod  
nunc videmus, tanta opera, & artificio perfectum, eidem Sancto viro ponendum cura-  
runt; ne apud nos illius vniquam memoria moreretur, hanc illi marmoream statuam  
pro mortali vita reddentes. Ac ne cui fortè mirum videatur, quod decimoquinto  
die eum ictum fuisse annotauerim, biduo autem post obiisse, cum Surita noster deci- 30  
moquarto die fuisse mortuum memoret, decimoquinto autem quotannis publica illius  
memoria in Templo maximo celebretur: consilii mei rationem publicis testimoniis  
comprobabo; quibus haud scio, quæ alia adduci possint grauiora. Sunt enim publica  
duo, vt loquimur, Notarii Instrumenta, à quodam Petro Lalueza de his ipsis rebus sti-  
pulata: quæ hoc loco libet intexere, quemadmodum illius manu leguntur cõscripta. Pri-  
mum quidem est huiusmodi.

IN DEI nomine. Amen. Nouerint vniuersi, Quod anno à Natiuitate Domini Mil-  
lesimo quatuorcentesimo octuagesimo quinto, die videlicet intitulata, decima septima men-  
sis Septembris apud ciuitatem Cæsaraugustæ. In Sede eiusdem ciuitatis Cæsaraugustana, in-  
ter Altare, & Chorum dictæ Sedis, ubi Reuerendus Magister Petrus Arbues, alias Epila quon- 40  
dam, Sacra Theologia professor, Inquisitor quondam Sanctæ Fidei à Sancta Sede Apo-  
stolica specialiter deputatus, fuerat vulneratus, & ceciderat ex ictibus, & vulneribus sibi decimo-  
quinto die prædictorum mensis, & anni, hora Matutinarum illaris. De quibus vulneribus die  
præsenti decimas prima, ab hac luce transmigravit, & obdormiuit in Domino. In quo loco  
ex dictis vulneribus effuserat sanguinem corporis. Qua de causa Ecclesia erat polluta, tali-  
ter quod in ea Officia Diuina celebrare non poterant. Pro cuius reparatione secundum ordinem  
Sanctæ matris Ecclesiæ, dicta Ecclesia fuit reconciliata cum caerimoniis Ecclesiasticis. Et deinde  
tam dicta decima quinta die, quam decima sexta, & præsenti die prædictorum mensis, & anni  
dictus locus, ubi dictus sanguis fuerat effusus, fuit per quamplurimas, & diuersas personas Eccle-  
siasticas, & laicas visus, perspectus, & valde bene recognitus, qualiter vix poterat cognosci, quod 50  
esset signum sanguinis: & si aliquid videbatur de dicto sanguine, erat quasi nihil, & deperditum qua-  
si in totum colore dicti sanguinis, & erat adeo desiccatum, quod erat impossibile, cum aliqua pa-  
pyro, aut panno lini, neque lana, nec alia quauis re aliquid ex dicto sanguine accipi. Et sic de  
prædictis multi, & diuersi Christi Fideles fidem, & relationem faciebant, & fecerunt publicè.  
Et quia tunc dicta decima septima Die, Domino DEO ALTISSIMO disponente,  
vt maior memoria de dicto Reuerendo patre Domino Magistro, Petro de Arbues,  
alias Epila, Inquisitore Sanctæ Fidei haberetur (qui pro exaltatione Sanctæ Fidei, & pro extir-  
patione heretica prauitatis, fama publica referente per totam dictam ciuitatem, dictam mor-  
tem passus est) dictus sanguis in dicto loco ante Chorum dictæ Sedis, ubi effusus fuerat, reuenerat, &  
effluebat,



effluebat, tamquam si de recenti expressus fuisset, ubi totus populus velociter currebat ad accipien-  
dum ex dicto sanguine; quidam cum papyro, & alii cum panno lini, & aliis diuersis modis: & erat  
tam magna velocitas, & decursus gentium ad leuandum predicta, & accipiendum ex dicto san-  
guine, quod vix homo poterat inter gentes, nisi cum magna vi, & cum magno exercitio accedere,  
& intrare ad dictum locum, & ad dictum sanguinem: tali modo quod ad omnem populum  
communiter illud pro euentissimo miraculo reputabatur. Ideo cum predicta euidentissime vi-  
derentur esse in exaltationem Sanctæ Fidei Christianæ, & in honorem, & gloriam Fidelium Chri-  
stianorum, defensionem Fidei Christianæ, & confusionem persequentium illius, & aliorum Ma-  
lorum, & quia memoria est labilis; ut de predictis in futurum de tam magno, & maximo adu(er)-  
petuo memoria habeatur: Reuerendus Magister Martinus Garfia, Sacra Theologia professor, do-  
ctæ Sedis Casar Augusta Canonicus; tamquam procurator multum venerabilis Capituli Canoni-  
corum dictæ Sedis, requisivit per me Notarium, & testes infra scriptos fieri ocularem inspectio-  
nem, & recognoscere dictum sanguinem, & de predictis facere publicum Instrumentum. Et e-  
go Petrus Lalueza, Notarius tunc accepi quem iam papyrum album in manum: quem in præsentia  
testium infra scriptorum, & maxime multitudinis populi, qui ibidem cum maxima anxietate ad  
dictum locum congregati pro videndo dictum sanguinem, & de eo accipiendo erant, publice docui  
dictum papyrum album, & postea illum posui & ..... cum illo te-  
tigi in terra in illo loco, ubi erat dictus sanguis; & cum illa incontinenti cepi de dicto sanguine, &  
ex illo dictus papyrus fuit unctus, & illum publice docui testibus infra scriptis, & omnibus ibidem  
20 assistentibus circumquaque. In quorum omnium præsentia predicta fuerunt acta: & aperte predicta  
fuerunt visa. Et ante conscriptionem huiusmodi Instrumenti maximus numerus gentium dictæ ciui-  
tatis de dicto sanguine acceperant, & illum publice per totam ciuitatem demonstrauerant, & publi-  
cauerant. Ex quibus omnibus, & singulis instans, & requisitus per dictum Reuerendum Magi-  
strum Martinum Garfia procuratorem predictum huiusmodi publicum confeci, & testificatus fui  
instrumentum in testimonium, & memoriam omnium, & singulorum præmissorum. Quæ fuerunt  
acta loco, die, mense, & anno, quibus supra in principio recitatis. Præsentibus testibus ad prædi-  
cta, magnificis, & venerabilibus viris, dominis; Ioanne Lupi de Alberuela, Martino de Turrel-  
las, Bartholomæo del Molino Iurisperito, Cuius: Garfia Baylo, Portionario Sedis Casar Augusta; Do-  
minico Catalan, Iacobo Carnoy, & Martino Perez, Notariis, habitatoribus præfata ciuitatis Ca-  
30 sar Augusta.

Signum mei Petri Lalueza, Notarii publici ciuitatis Casar Augusta, auctoritateque Regia, per  
Aragonum, & Valentia Regna. Qui predictis interfui: & quia in partem scripsi: & in par-  
tem scribi feci: unumq; Instrumentum publicum, mandato Reuerendi patris domini Magistri Ioan-  
nis Talavera fratris Ordinis Predicatorum, Inquisitoris, Sanctæ Fidei, instante venerabili Petro de  
Fuenes, Procuratore Fiscali Sanctæ Inquisitionis Fidei Catholice, mihi facto, die secundæ mensis Oc-  
tobris de anno predicto, computato à natiuitate Domini, millesimo quadringentesimo octuagesi-  
mo quinto, Instrumento publico mediante, ac per discretum Iacobus Frances Notarium publicum  
Casar Augusta recepto in hanc publicam formam extraxi, & tradidi; ipsumq; in testimonium præ-  
missorum meo solito Signo signavi, & clausi.

40 Alterum verò.

IN Dei nomine. Amen. Nouerint vniuersi: Quod Anno à natiuitate Domini Mille-  
simo quadringentesimo octuagesimo quinto, Die videlicet intitulata, Vicesima nona mensis Septem-  
bris, apud ciuitatem Casar Augusta, & inter altare, & Chorum dictæ Sedis, ubi die decima quinta  
predictorum mensis, & anni Reuerendus Magister Petrus Arbues, alias Epila, sacra Theologia  
professor, & Inquisitor Sanctæ Fidei fuerat vulneratus, & ceciderat, & effuserat sanguinem e-  
ius corporis ex ictibus, & vulneribus sibi illatis, ex quibus decima septima die predictorum, mensis,  
& anni, hora Matutinarum, eadem quasi hora, qua fuerat vulneratus, emiserat spiritum: qui fa-  
ma publica referente, pro exaltatione Sanctæ Fidei Christianæ, & extirpatione hereticæ prauita-  
tis dictam mortem passus fuit. Celebratis Vesperis summissa voce, & ianuis clausis, propter obitum di-  
50 cti Reuerendi patris Inquisitoris ex dictis vulneribus, pro ut tunc temporis propter tã pessimũ delictũ  
in dicta Sede Officiũ Diuinũ solitũ erat celebrari: & dicto iã Psalmo, Deus laudẽ meã ne tacue-  
ris, & cetera: & aliis Orationibus, quæ eo die in dicta Ecclesia per Reuerendos, & Venerabiles  
dominos Canonicos, Portionarios, & alios Beneficiatos, & Clericos in dicta Sede dicuntur, & cele-  
brantur, Cruce, & faciebus Infantium eiusdem Sedis velatis, cum certis carimoniis: existendo E-  
go Petrus Lalueza Notarius infra scriptus, & plures, & diuersi Christi Fideles in dicta Sede, non-  
nulli de ibidem existentibus deuotione ducti, cupientes dictum sanguinem ex corpore dicti Re-  
uerendi patris Inquisitoris effusum ex ictibus, & vulneribus, de quibus obdormierat in Domi-  
no, videre, accesserunt ad predictum locum, ubi dictus sanguis effusus erat. Qui locus, ut ne in reue-  
reuter tractaretur, stabat coopertus cum quodam panno lana, vulgariter nũcupato, Repostero, vel,



Razel. Et acceperunt de dicto panno, & scoperierunt, & manifestum, & patentem fecerunt illum locum, ubi dictus sanguis effusus fuerat. Ad quem locum (attento quod dictus Reuerendus Magister Petrus Arbues, alias Epila, Inquisitor predictus, fuit, & est mortuus, & vitam suam, huiusmodi fama publica referente, pro defensione Sanctæ Fidei, & extirpatione hæretica prauitatis idcirco, & posuit) multi, & plurimi de ibidem existentibus continuo velociter, cum magna afflictione, & deuotione cucurrerunt, pro videndo dictum sanguinem. Inter quos Ego Notarius infra scriptus ad eundem locum accessi, & me appropinquavi: & illum locum, & dictum sanguinem ibidem effusum ego dictus Notarius, & testes infra scripti cum multis, & diuersis ibidem circumstantibus, bene, attentè, & cum maxima attentione recognouimus, & perspeximus. Et vidimus signum dicti sanguinis ibidem expressum satis magna quantitatis, & latitudinis, & quasi in quodam angulo cuiusdam lateris, ubi dictus sanguis erat, aperte & manifeste vidimus dictum sanguinem, magis rubeum, & coloratum, quàm in aliis partibus: in tantum, quod in illa parte videbatur, & demonstrabatur, quæ esset recenter effusus, & nouiter designatus: Taliter quod apud circumstantes (attento quod quindecim dies erant completi, quod dictus sanguis fuerat effusus, & diebus præteritis fuerat visus in totum desiccatus) pro euidenti miraculo reputabatur, & fuit reputatum. Et tunc pro maiori verificatione, ego Notarius infra scriptus in præsentia testium infra scriptorum, & aliorum ibidem circumstantium, cum quodam panno lini publicè tetigi in dicto loco, ubi dictus sanguis videbatur magis coloratus, & magis rubeus, & quasi recens; & dictus pannus fuit vinctus de dicto sanguine. Et hoc idem iterum in continenti feci cum quadam papyro alba; qua in tangendo cum ipsa supra dictum locum, ex dicto sanguine fuit vincta, & hoc publicè, & patentè in præsentia ultra numerum viginti personarum. Et cum à dicto loco me separarem, omnibus ibidem in dicta Sede publice dictum sanguinem per me receptum demonstrando, Magnificus Garfias Montannes domicellus, dictæ ciuitatis Cesar Augusta commorans, dixit: Quod cum attentis prædictis signis, & aliis plurimis de dicto sanguine his diebus præteritis, visis, euidentissime appareret, quod prædicta essent, & redundarent, & manifeste demonstrarent, quod . . . . . dictus Reuerendus Magister Petrus Arbues, alias Epila, Inquisitor predictus pro defensione sanctæ Fidei, & extirpatione hæretica prauitatis mortem passus erat. Ideo de prædictis pro exaltatione sanctæ Fidei Christianæ, & in memoriam futurorum publicum per me Notarium infra scriptum requisitum fieri Instrumentum unum, & plura, & tot, quot inde essent necessaria, & opportuna in testimonium præmissorum. Quæ fuerunt acta loco, die, mense, & anno, quibus supra in principio recitatis. Præsentibus testibus ad prædicta honorabilibus; Ioanne Montañes Scutifero habitatore Villa de Velchite; Christophoro de Quiros; & Martino Sanz de Ledonia; de domo Illustris, & Reuerendissimi Domini Archiepiscopi Cesar Augusta.

Neque enim Petrus Lalueza ornatius voluit à se rem tantam proferri, quàm, suo iudicio, ferret simplex ipsa ratio veritatis. Antiqui enim cum se Latine loqui profiterentur, ita Latini sermonis elegantiam contemnebant, ut ornatè, distributè, & eleganter loquentes, irriderent: quod nisi vulgatis verbis crederent narrationem rerum fieri mendosior. Nunc verò ad elegantiora defluximus. Sed ab eodem in his rebus non ut ab Historico, sed ut à Teste veritatem exigamus: cuius testimonio esse illa ita, ut nos diximus, confirmatur. Quæ verò quorannis decima quinta die Septemb. in Templo maximo celebratur publica istius Sancti viri memoria (id enim magis me urget, & instat argumentum) horum, quæ supra docui, publicorum monumentorum auctoritate permotus, valde suspicor fore, ut non de die illius mortis, sed de die, quo fuerit ictus, celebretur. At verò fas esse duxi toties illum, Sanctum nominare. Quamquam enim nondum est illius memoria sollempnibus Ecclesiæ ritibus à Rom. Pont. consecrata: his tamè, aliisque quæ plurimis miraculis diuinitus comprobatus illius sanctitatis fulget splendor: eumque patria nostra studiosissimè semper solita est colere, & venerari. Ob quam causam ad hanc tam longam ipsius narrationem delapsa est oratio nostra. Ceterum interfectores in facinore manifesto deprehensi, illico confessi sunt, Iudæorum gentem vna secum de Sancto viro interficiendo coniurasse. Et ii omnes nec diu postea præter debitas, quas tulerunt legibus, ac iudicio pœnas: sempiternas turpissimæ ignominie notas subierunt. Publica enim monumenta, quæ hodie cernuntur, in ipsius Templi Maximi suggestis posita fuere, tamquam Insignia, hæc turpitudine notata, locata ibi ad illorum dedecus, & infamiam sempiternam. Sic denique factum est, ut scelerata ea Iudæorum conspiratio restingeretur. Nec vlla amplius illius incendii scintilla comparuit: tamen si adhuc Sanctum ipsum Inquisitionis nomen apud nonnullos ex eis, ut suspicor, manet subinuisum.

In his igitur omnibus quidquid arte effici potuit, aut opera, & consilio prouideri; id omne ambo nostri Catholici Reges summo studio, & cura præstituerunt. Quorum tamen



men ipsorum ad ætatem tantæ rei laus perfecta nondum fuit. Sed neque nunc est. Hodie namque & semper erit ipsis maximæ gloriæ: cum non possint vllæ aut tam ingrata literæ, aut tam immemor posteritas reperiri, quæ tanti facti laudes non immortalitatis memoria prosequatur. Iam verò (vt ad priuatas eorum res redeamus) clarissimam sobolē propagarunt. De qua melius poëta ille vaticinari potuisset, dum scripsit:

*Hinc progeniem viri nate futuram*

*Egregiam, & totum quæ viribus occupet orbem.*

Eorum namque progenies, ipsis ferè viuis, ac videntibus totum pæne orbem occupauit. Filium habuere, Ioannem: Filias verò Isabellam; Ioannam, Mariam, & Catharinam. Ioannes quidem in Comitibus ad Calataiubium habitis, à nostris Regnorum heredes acclamatus, vxorem duxit Margaritam, Maximiliani Imperatoris filiam: atque eodem ipso anno Salmanticæ occubuit sine prole. Ob eam causam Isabella, filiarum natu maior, quæ Emanueli Portugaliæ Regi nupta fuerat, à parentibus è Portugaliæ Regno in Castellam deducta, ad Toletanam Urbem sollempniritu, & pompa, vna cum viro constituta fuit maternorum omnium Regnorum heres. Mox ad nos allata, parentes id ipsum, quod Castellæ factum fuerat, à nostris postularunt. Nostri tamen rem differre quotidie, & procrastinare cœperunt: quod prius quædam præcauenda contenderent, ad Reipub. statum oportuna. Qua de re diu, ac multum consultum fuit. Magna enim oriri cœpit altercatio: quæ Regibus erat molesta. At Isabella Portugaliæ Regina grauida erat, & iam ad pariendum vicina. Quæ tandem Cæsaraugustæ (ad eam enim Urbem illa Comitibus indicta fuerant) A. D. 1498. Kalend. Septemb. Ann. Chr. 1498. c d x c i x. filium enixa fuit; qui hos omnes motus sedauit. Cui inditum fuit nomen Michaelis. Huic nostri publicam Regni fidem obligarunt, cum totius auiti imperii heredem acclamantes. Sed tamen prius illi, auum Ferdinandum Regē, tutorē adscripserunt. Oportebat enim, vt ad nostrorum iuramentum acclamati heredis religio de obseruandis solitis condicionibus, pactationibusque inter Reges, ac Regnum constitutis, accederet. Neq; nostri, nisi ea cautione, & fœdere prius icto, se vlli vnquam Regi communē fidem obligare fuisset solitos affirmabant. nec obligaturos dicebat. Itaq; Catholicus Rex à Ioanne Lanuza I. Iustitia Aragonum, de Magistratus auctoritate adscriptus tutor, nepotis nomine, se vniuerso iuri nostro solito Iureiurando deuinxit. Nostri autem præcauerunt etiam, ne antequam puer decimumquattum ætatis annum cōpleret, quidquam illius nomine tutor tractaret. Id enim leges nostras vetare affirmabant. Quam agendi, & cogitandi adhibitam solertiam minimè Reges ipsi, dum rem cum maiori consilio, & cura perspexerunt, improbarunt: tamen eis in ipso initio haud iucunda fuerat. Sed interea dum hæc gerebantur, Isabella Portugaliæ Regina vehementer ægtotabat. Nam cum antea infirma valetudine esset: partus eam reddidit infirmiore. Itaque in morbum incidit, ex quo non conualuit. In ipsa enim decessit paternæ hereditatis aduandæ spe, cum nec sibi, nec suis vixisset satis. Michael quoque filio biennio post Granatæ interijt. In cuius locum heres successit Ioanna, ipsorum Catholicorum Regum secunda filia. Ea autem Philippo, Archiduci Austriæ, dictæ Maximiliani Imperatoris primogenito filio nupta erat. De qua, vt diximus, poëta ille melius cecinisset. Ex Philippo enim inter alios Carolum filium suscepit, Imperatorem postea Romanorum V. cognomento Maximum, ac Fortissimum, Potentissimi Regis nostri Philippi clarissimum patrem: cuius gloriosissima facta, summa laude dignissima, in vltimos vsque angulos orbis penetrarunt. At Maria, quæ tertia fuit Ferdinandi, ac Isabellæ, Regum filia, Emanueli nupsit, Portugaliæ Regi: eidem ipsi, qui prius Isabellæ sororis maritus fuerat: quorum postea filia Isabella ipsius Caroli V. Imperatoris coniux fuit. Quarta tandē Catharina, Arturo, Angliæ Regis filio primum, deinde eo mortuo, illius fratri, Henrico Regi VII. nupta, filiam peperit Mariam Anglici Regni heredem: quæ fuit Philippi nostri Regis secunda vxor. Cuius admirabilis in Catholica fide constantiæ laudem fatalis, ac præfens Anglici illius Regni calamitas prorogauit. Atque illa eadē, aliaq; ei similes tot Regnorum, & Prouinciatarum calamitates immortalem reddent ipsorum Catholicorum Regum memoriam: quandoquidem non ab eis solum, sed ab eorum metu nos, patriamque nostram summa sua sapientia, admirabilique ac penè diuina futurorum malorum præfensione vindicarunt, præfatum Sanctæ Inquisitionis, quod diximus, Officium stabilientes. Sed ne in re tam nota, & peruulgata multus, & intolerans sim, Isabella Regina, Ioanna filia instituta herede, A. D. v. i. Kal. Decemb. Ann. Chr. m d i v. decessit: Ætatis suæ quinto & quinquagesimo. Granatæ sepulta iacuit. Atque eodem anno altissima, quæ nunc Cæsaraugustæ exitat, turris ædificari cœpit, *La Torre Nueva* vocata. Isabella mor-



1506. tua, Ferdinandus Rex, propagandæ sobolis causa, An. Cht. MDVI. Germanam Foxiam uxorem duxit: quæ sibi erat propinqua satis cognatione coniuncta. Erat enim Ioannis Navarrae, & Mariæ Ludouici Francorum Regis sororis, filia. Ioannes autem filius erat Gastonii Foxii, & Eleonoræ, Ioannis nostri Aragonum Regis II. ut retulimus, filia, ipsius Catholici Regis tamen non vterinæ sororis. Ex Germana igitur Regina Ferdinandus 1509. Rex filium habuit, Ioannem ad Vallisoleti opidum, An. Chr. MDIX. natum. Sed is statim mortuus fuit. Nullamq; aliam ex Regina Germana prolem suscepit. Ex pellice autem Alduncia Yborra, & Aleman, nobili femina, Cataloniæ nata, iam pridem, cum esset adolescens, filium suscepit Alfonso, Cæsaraugustanæ Ecclesiæ, aliisque Ecclesiis, & amplissimis perfunctum muneribus, Excellentiss. D. Ferdinandi Aragonii Archiepiscopi, cuius toties meminimus, patrem: Filiam quoque Ioannam D. Bernardino Velasco, Castellæ Connestabulo, nuptam. Duas præterea habuit filias, Marias vocatas, quæ religioni deditæ obierunt. Fuerunt autem ex Tota, Vizcayæ femina, prior: altera verò ex Lusitana, à Pereyrarum familia, procreata. Tandem Ferdinandus, honore, ac nomine illustrissimus Rex, morbo graui, & mortifero affectus, Madrigalegii (id enim opido nomen est) A. D. 1516. x. Kal. Feb. Ann. Chr. MDXVI. extremum gloriosæ vitæ suæ diem, gloriosa etiam morte confecit: annos natus sexaginta & quatuor. Granatæ cum Isabella uxore sepultus fuit: auctoritatis, & prudentiæ suæ triste omnibus desiderium relinquens. Sed illud nostris his nouis, nec vniquam antea vîtatibus lugendi generibus leniendum curarunt. De quibus passim senes nostros solita sua loquacitate sic in circulis colloquentes audire solemus, qui se ea pueros vidisse attestantur.

Præter solitas, inquit, pectorum, scemorum, ac capitum percussiones, muliebresq; lacerationes genarum, quæ in aliis Regum exequiis fieri consueuerunt: tunc cum Rex Catholicus Ferdinandus interit, homines scutati, per omnes Urbis vicos, ac plateas incedebant, funebri induti vestimento, corporaq; ipsis Scutis longis protecti. Hi dum aliis sibi similibus, quorum frequens erat per totam Urbem concursus, occurrebant: flebili voce, ac lugubri eiulatione, vicissim se interrogabant: Quisnam esset mortuus Rex. At illi respondebant esse, Catholicum Regem nostrum Ferdinandum. Cuius nomine audito, statim se omnes abiiciebant, ac prosternebant humi. Atque id ipsum toties faciebant, quoties illum lingua nuncupabant. Nuncupabant autem quam sæpissime. Quo plangore, ac lamentatione vniuersa ciuitas complebatur. Neque solum homines, sed ipsa tecta, & parietes urbis videbantur acerbum illius, qui omnibus charissimus erat, interitum lugere. Et merito. Erat enim, ut scitis, exemplum prudentiæ, ac fortitudinis: summæ in re domestica continentia: eximie in publica dignitatis: humanitatis præterea, ac lepōris admirabilis. Facetis agricolarum, & rusticorum nostrorum, quorum illa ætas multos ferebat disertissimos, summopere pascebatur. Neque eos solum, sed omnes certè tanta amplectebatur beneuolentia, ut interdum non nobis Rex, sed vniuscuiusque nostrorum genitor, ac parens videretur. Post eius interitum omnis nostra iuuentus languet, deliciis plus dedita, quàm deceret: nec perinde, ac debuerat in laudis, & gloriæ cupiditate versatur. Ipse eam non offensionibus belli, sed victoriis; non stipendiis, sed triumphis ad militaris rei scientiam erudiebat. In qua cum virtute multum valeret, tum plus etiam disciplina. Quid plura? nulla res fuit in vñ bene regnandi posita, quæ illius Regis scientiam effugeret. Is amplissimum Diuæ Encratis Monasterium, quæ nunc videmus magnificentiâ, construxit. Ad idque fratres Hieronymianos Ann. MCCCXCI. adducendos curauit: ut quod pater ipsi Diuæ fecerat votum, solueretur. Denique is Rex fuit, in quem ceteri Reges videbantur omnia suarum ornamenta laudum congefisse. Itaque cum Optimates nostros videmus illius statuam, atque imaginem corporis tanti æstimare: & nos quidem ipsi, dum eam inspicimus, vehementer lætamur. Fuit enim eximia corporis venustate præditus. Sed pluris facere deberent consiliorum, ac virtutum suarum, quam posteris reliquit, effigiem: quibus denique factum videmus, ut ab eo vsque ad hoc tempus, non solum nobis, sed Hispaniæ cunctæ diuturnitas pacis otium confirmaret.

Hæc aliaque eiusmodi quotidie à nostris senibus de Catholici Regis memoria enarrantur: quæ à rei veritate nequaquam abhorrent. De eis, ipsorum senum more, beneuolentia me fortasse loquacem fecit. Itaq; me retineam. Casu etenim in hos seniles sermones lapsus sum: tamen fateor, me ad eos non inuitum declinasse. Dolebam enim, quod ea narratione audas quorundam aures concisa nostræ orationis breuitas defraudaret: sed nollem, quod ipsa fortè longitudo obtudisset.



CAROLVS, MAXIMVS, ROM. IMP. V. ARAGO-

NVM REX XXVI.



CETERVM decennio ante Catholici Regis interitum Philippus gener, Ioannæ filiae maritus, in Castella obierat. Ei namq; & v-xori, viuere ipso Ferdinādo Rege, Castellānorum gens, publico cō-filio, Regna illa deferenda curarat. Isabella Regina mortua, Castel-lanis præsuit Philippus is Rex. Vix tamen biennium. Nobis autem nequaquam. Propterea non habetur in nostrorum Aragonensium Regum nec loco, nec numero. Ex Ioanna filios suscepit, Caro-lum; & Ferdinandum: filias verò, Eleonoram; Isabellam; Mariam, & Catharinam. Quarum omnium iucundissima memoria nec ob-  
liuione eorum, qui nunc sunt, nec reticentia posterorum insepulta

est: potent. Ferdinandus quoq; nota est, & æqualis. In eo enim Carolus frater Insigne Imperii, quod de suo capite abiecerat, reposuit. At Carolus, quem ceteri fratres non inodo vt fratrem maiorem, verumetiam vt parentem semper veriti sunt; ab aucto suo Ferdinando Rege relictus heres testamento fuit. Cumque eo tempore apud Belgas esset, Ioanna autem mater à se ipsa parumper, ob acerbissimum quem ex mariti morte acceperat dolorem, discessisset: Alfonso, Catholici Regis, quem diximus, filius ex  
20 Alduncia pellice procreatus, à Rege ipso impetrauit, vt sororis Ioannæ curationem, dispensationemque Regiam, quamdiu Carolus à nobis abesset, suscipere posset. Ea tamen habitura erat momenti parum, nisi publicum adhiberetur quorundam ex Deputatis Regni, & Iuratis Cæsaraugustæ consilium. Quos cum Alfonso propterea ambire iam cœpisset vicatim, & prensare: Iustitia Aragonum Ioannes Lanuza III. qui futurus erat istius consilii princeps, non à spe solum, sed ab ipsa certa iam re, & quasi possessione deturbauit illum: quod integram eam causam Carolo ipsi soli reseruandam per publicas Regni leges decreuisset. Quod postea Carolo gratissimum fuit. Alfonso autem aliquando non graue, nec molestum; quin etiam iucundum: quod suum animum immoderate iam agitari cœptum, & fluctuantem, sola sui muneris declinatione, tam scite, & commodè, sine aliquo tumultu, reuocasset ad quietam degendam  
30 vitz, simplicemque veram, & directam iuris, ac iustitiæ rationem. Carolus tandem auitam, Regiam hereditatem adiuit; à nostrisque suo, ac matris nomine admissus, sextus & vicesimus numero Aragonum Rex fuit. De quo merito affirmari liceret, quod Tullius perhibet Q. Maximum, cum P. Africanum laudaret, dixisse: *Necesse fuisse, ibi esse terrarum imperium, ubi ille esset.* Nam Hispania obtenta, Romanorum Imperator constitutus, post repressum Turcam, captiuum Francum, captum Saxonem, domitos Italos, deuictos Afros, conuictas hæreses, punitos Gandauos, subactos Indos: hunc ipsum fugiens splendorem, Regna omnia deliciens, in Sancti Iusti Hieronymianum monasterium secessit: ubi tam gloriosam habebat vitam, A.D. xi. Kal. Oct. Ann. Chr. MDLVIII. 1558. gloriosissimo etiam interitu terminauit; cum iam demum PIVS VLTTRA nominis sui gloriam dilataisset, quam Hercules ille suorum laborum, atque itinerum fines protulisset.

PHILIPPVS, CAROLI V. F. ARAGONVM REX XXVII.



NEO finibus quidem angustioribus, clarissimus qui ei successit filius Philippus, Iauicissimus noster, ac Potētissimus Rex, gloriæ suæ eurriculum circumseripsit. Summus namq; illius splendor, egregiaq; Austriaci nominis amplitudo non iā Atlāticum Oceanum mare, sed Chinense, ac Surium, totum deniq; terrarum Orbem, & veterem & nouum transuolauit: atq; ita in eum PIVS etiam VLTTRA, quam in patrem potestas illa felicitatis, & gloriæ est prorogata; vt meritiſſimè ab omnib. totius Orbis, atq; omnium ætatum amplissimi imperii Monarcha, Triūphator, & Pacificus censeatur.

Neq; verò illius animi aciem idem ipse tantus nominis sui splendor perstringit; nec mentis quasi luminibus eadem ipsa tantæ felicitatis, ac gloriæ officit altitudo: quominus cum ad maiora iam sibi aditus videantur præclusi, tenuissimarum etiam virtutum studiosissimè riuulos laudum in dies singulos consecetur. In quo vno Xenophontis Cyro maximè excellit, quod cum ille non ad historiæ fidem, sed ad effigiem iusti imperii scriptus fuerit: quicumque editi sunt, ac in posterum edentur rerum à Philippo nostro gestarum Commentarii, in eo ipso possint plenius, ac vberius



amplissimi, ac frugalissimi, Principis effigiem notare, in quo veritatem videantur magis, ac fidem historiarum debitam retinere. Eum namque in multis, ac variis casibus exercuit fortuna: nec ullus eorum est, in quo non essent manifesta, & multa summæ illius fortitudinis, ac prudentiæ impressa vestigia; quæ cum summa laude quodvis magis prodita vetustate enitescunt. Illud autem & re, & dictum est mirabile, quod cum ipse, quasi *VT QUIESCANT ATLAS*, totum pene terrarum Orbem suis humeris solus sustineat, unaque felicissima comprehensione tot, ac tam diuersa genera regnandi complectatur: amplissimi sui imperii maiestatem tanta semper æquitate confirmet; dumque omnia comprehendat: tam singulari officio separatim de vnoquoque elaboret, in cuiusvis non provinciarum tantum, aut Regni, sed opidi, ac villulæ gubernatione sic minutula quæque animaduertens; ut vniuscuiusque quasi non vniuersorum, & vniuersorum quasi non vniuscuiusque sollicitudine, & cura angeretur. Quamobrem merito illius vita communi vita charior est habenda: ut tamen ad Centesimum annum perueniat (utinamque Deus ita faxit) quo se fortasse statueret naturæ satis vivere posse, vel gloriæ: naturæ quidem, si ita velit, satis; addo quoque si ita placeat, & gloriæ plus satis; at verò, quod maximum est, nobis, atque vniuersæ Reip. parum arbitremur: cum nullum sapientiores, moderatiores, æquioresve Regem provinciarum omnes subditæ, liberi populi, exteræ gentes non modò se non vidisse, sed nec sperando, aut optando cogitasse, incredibili omnium consensu fateantur. Verumtamen impudens esset modò me velle, multa, & maxima illius facta his, quos mihi ipse constitui, breuitatis cancellis, tenuique & exiguo mei sermonis gyro circumscribi: cum nullius tantum esse queat flumen ingenii, dicendive, aut scribendi vis, & vbertas, quæ illa debitis laudibus posset ornare. Itaque tacita mihi relinquenda erunt. Illud ego munus libenter suscipio Omnipotentem Deum supplici prece obtestandi (tamen non is sum, qui meas preces à summo Deo audiri putem) ut ipsum Inuictissimum Regem nostrum Philippum nobis, quam diutissime seruet incolumem; & quæ à nobis eidem pro Christianæ Reip. tutela, & præsidio, Sanctæq; Fidei propagatione paria præmia persolui non possunt, ab ipso Omnipotenti Deo cumulativè persoluantur. Verum enimvero finem scribendi de his rebus fieri tempus est. Bateor namque me longius de nostris Regibus scripsisse, quam instituta ratio postulare: breuius tamen quàm si de vnoquoque eorum dicendum fuisset. Imitatio autem decipit breuitatis, ut cum me breuem putarem fore, longus existerim. Neque enim mihi incommodum visum est quandam siluam, atque materiâ vniuersam omnium rerum nostrarum, tamen permixtam, & confusam, quasi principia causis præponere, earumque seriem ab ipsis primordiis ad hæc usque tempora percurrere: quod rerum initiis cognitum multo facilius eadem ipsæ res intelligantur. Atque eò spectat hic tam longus, & tam altè repetitus mei sermonis cursus. Cuius præcipua Capita hunc in locum conducenda statuo: ut ad propositum tandem reuocetur, quæ hactenus forsitan visa est oratio nostra aberrasse.

## Suprarbienses Reges VII.

- I. Garfias Eximini.
- II. Garfias Innici I. Garfias Eximini F. Cuius tempore fuit Aragonensis Comitatus initum.
- III. Fortunius I. Garfias Innici F.
- IV. Sanctius Garfias, Fortunii F. Cuius obitu nostris datum fuit

## Primum Interregnum.

In quo antiquum Suprarbiense Ius conditum, & Magistratus inter Regem, ac Regnum medius institutus; qui Iustitia Aragonum postea dictus est. Huiusmodi autem Interregno actò, Suprarbiensibus nostris imperarunt:

- V. Innicius Eximini Regis F. cognomento Arista.
- VI. Garfias Innici II. Aristæ F.
- VII. Fortunius II. Monachus, nuper excitatus: qui septimus, & ultimus Suprarbiensis Rex censi debet. At verò

## Aragonenses Comites VI.

- I. Azenarius.
- I. Galindus Azenarii.

III. Eximi-



- III. Eximius Azenarii.  
 IV. Eximius Garfiz.  
 V. Garfiz Azenarii.  
 VI. Fortunius Eximini : qui Aragonum sextus , & vltimus Comes fuit. Cuius obitu, Aragonensi Comitatu cum Suprarbiensi Regno subiuncto, Aragonum Regia nomenclatura ortum habuit. Nam post Fortunium II. Monachum, quem vltimum Suprarbientem Regem annotauimus, nostris paruit.

## Secundum Interregnum.

- 16 In quo ad Iaccam Vrbem Czfone Abarca salutato Rege cum ad eum Aragonensis Comitatus, & Suprarbiense Regnum, coniunctim deferrentur: Aragonum Regalis tituli inducta est nominatio indeque Aragonum Reges vocari coepti sunt. Fuere autem

## Aragonum Reges xxvii.

- I. Sanctius I. Abarca, Czfone.  
 II. Garfiz I. Abarca, Czfonis F.  
 III. Sanctius II. Abarca, & Galindus; Garfiz I. F. Czfonis N.  
 IV. Garfiz II. Abarca, & Tremulus; Sanctius II. F. Garfiz I. N. Czfonis Pron.  
 20 V. Sanctius III. Maior, Imperator; Tremuli F. Galindi N. Garfiz I. Pron. Czfonis Abn.  
 VI. Ranimirus I. Christianissimus, Imperatoris F. Tremuli N. Galindi Pron. Garfiz I. Abn. Czfonis Atn.  
 VII. Sanctius IIII. Ranimiri F. Imperatoris N. Tremuli Pron. Galindi Abn. Garfiz I. Atn. Czfonis Trin.  
 VIII. Petrus I. Sanctii IIII. F.  
 IX. Alfonsus I. Bellator, Imperator: eiusdem Sanctii F. Petri I. frater germanus, Czfaraugustam cepit, publicam tunc iudiciorum, Magistratusque Iustitiae Aragonum delectam sedem. A quo tempore (neque equidem antea) ipsorum Iustitiarum nomina inueniuntur. Sed istius Alfonsi I. Regis interitu, Respub. ad-  
 30 ducta fuit ad

## Tertium Interregnum.

- In quo Alfonsi demortui Regis in locum cum Rex cooptaretur illius frater,  
 X. Ranimirus II. Monachus; Sanctii itidem IIII. F. vnica filia, quam habuit, Regnum detulit: quae  
 XI. Petronilla vocata fuit; Raimundoque Berengario, Barcinonensi Comiti nupsit. Quibus filius successit,  
 XII. Alfonsus II. Castus. Post aurem  
 XIII. Petrus II. Catholicus; Alfonsi II. F.  
 40 XIV. Iacobus I. Expugnator; Petri II. F.  
 XV. Petrus III. Magnus; Iacobi I. F.  
 XVI. Alfonsus III. Munificus; Petri III. F.  
 XVII. Iacobus II. Iustus; Petri III. F. Alfonsi III. frater germanus.  
 XVIII. Alfonsus IIII. Benignus, & Pius; Iacobi II. F.  
 XIX. Petrus IIII. Carimoniosus; Alfonsi IIII. F.  
 XX. Ioannes I. Petri IIII. F.  
 XXI. Martinus; Petri IIII. F. Ioannis I. frater germanus : qui sine prole decessit. Ob  
 idque nostris datum fuit magnum illud

## Quartum Interregnum.

- 50 In quo ad Caspensem locum, à trium Regnorum selectis Iudicibus, Aragonum Rex declaratus fuit,  
 XXII. Ferdinandus I. Honestus: Petri IIII. ex Eleonora filia, Regum Ioannis, & Martini germana sorore, N. Cui successit  
 XXIII. Alfonsus V. Sapiens, & Magnanimus. Huic autem sine legitima prole mortuo successit frater,  
 XXIII. Ioannes II. verè Magnus. Post autem eius F.  
 XXV. Ferdinandus II. Catholicus. Cuius ex Ioanna F. Nepos,  
 XXVI. Carolus, Maximus Rom. Imp. V. successor fuit. At Caroli, F.



XXVII. Philippus, Inuictissimus, ac Potentissimus noster Rex, Triumphator, & Pacificus: ad quem iure tot clarissimorum Regum hereditas gloriæ peruenit. Atque hi tandem sunt omnes Reges, qui nobis hæcenus præfuere; & quæ quas indicauimus, nostratum rerum vicissitudines. In quas si attentè, & diligenter inquiramus, iure nobis licebit gloriari; neminem ex nostris Regibus cognomentum ex ignominia traxisse: sed tum ex rebus præclare gestis, memoriaque dignissimis: tum verò ex maximis maximarum virtutum ornamentis. Quod in aliis Regnis ita raro contigisse videmus, ut si quando alicuius Regis gloriosum cognomentum extiterit, id portenti, ac prodigii simile numeretur. Iustitiæ autem Aragonum, qui Catholici Regis, Caroli V. & Philippi nostri temporibus post Ioannem, quem diximus, Lanuzam I. Magistratum regesserunt; sunt hi: Ioannes Lanuza II. Ioannes Lanuza III. Laurentius Ferdinandi Heredia: Ferrarius Lanuza II. & Ioannes Lanuza IIII. De quibus, ceterisque qui eos antecesserunt, infra dicemus singillatim, dum ea, quæ dicere instituiamus, de ipsius Magistratus dignitate, & vi, atque Optimatum, & Palatinorum hominum antiqua, & magna potestate in medium proferamus. Eo enim vocat nos iam dudum longæ, tametsi, ut credimus, non abs re istius digressionis expectatio: ne nobis fortasse videatur contigisse, quod M. Tullius cuidam oratori sæpius accidere fuisse solitum affirmabat; qui cum tria sibi dicenda proponeret, quartum addebat, cum tertii penitus obliuisceretur. Repetam autem à principio prisce nostræ vetustatis memoriam: nam sic nos facere cogit ipsa res; quo facilius tota illius ratio perpendatur. Prius tamen Cæsaraugustanenses Antistites, qui post Arabum in Hispaniam aduentum ad nostram usque ætatem in ea Vrbe sederunt, nominatim perstringam: quemadmodum pollicitus sum initio me facturum. Atque post illum Bentium, cuius in narratione Hispanensis cladis meminimus, hi fuere: Senior: Heleca: Paternus: Vincentius III. Petrus I. Bernardus I. Et hi sex Cæsaraugustani Episcopi memorantur, quamdiu Arabes Vrbe sunt potiti. Eistamen exactis, qui sequuntur: Petrus Librana: Stephanus I. Garfias Guerra de Maionez: Gulielmus I. Bernardus II. Petrus de Villabeltran: Petrus Tarroia: Bernardus III. Petrus Eximini: Stephanus II. Petrus de Turretubea: D. Raimundus de Castellezuelo: D. Rudericus Rocabertinus: D. Raimundus de Castrocol: D. Garfias I. D. Sanctius de Ahones: D. Bernardus de Montagudo: Vincentius III. D. Rudericus de Ahones: D. Arnaldus de Peralta: D. Sanctius de Peralta: D. Petrus Garfias de Ianuas: D. Fortunius de Vergua: D. Vgo de Mataplana: D. Eximius Martini de Luna. Cuius tempore ipsa Cæsaraugustana Ecclesia, ex suffraganea, quæ fuerat Tarraconensi Ecclesiæ, cum à Ioanne Papa XXI. Metropolitico ius accepisset: iam tum in ea Archiepiscopi esse cœperunt. Primus autem omnium: D. Petrus Lupi de Luna: Post eum verò: D. Petrus Azénari de Rada: D. Gulielmus, qui S. R. E. Cardinalis fuit: D. Lupus Ferdinandi de Luna: D. Garfias Ferdinandi de Heredia: D. Franciscus Clemes Perezus: D. Alfonsus de Arhuello: D. Dalmacius Murius, & Cerbellonius: D. Ioannes Aragonius I. D. Alfonsus Aragonius: D. Ioannes Aragonius II. D. Federicus Portugalius: D. Ferdinandus Aragonius: D. Andreas Santos: D. Andreas de Bouadilla, & Cabrera. Nunc autem ad rem.

## DE MAGISTRATVS IVSTITIÆ ARAGONVM

## DIGNITATE.

HISPANIA igitur omnis, quæ à Romanis fuerat in Citeriorem, ac Vltiorem diuisa, in fatali illa Gothici impetii euerfione potentissimo dominatu vnius tantummodo Regis tenebatur. Et quemadmodum vni Regi, ita & vni legibus omnis parebat. At postquam à Mauris subacta fuit; Christiani, qui sese à sceleratissimæ illorum seruitutis fluctibus emerferunt, quemadmodum & in diuersis locis, ita & diuersis Regnorum fastigiis diuersa quoque initia dedere. Quorum sicuti non eadem origo; sic nec eadem ratio, nec iidem progressus, nec idem status, nec iidem semper exitus fuerunt. Quamquam etenim modo subiuncta sunt; vniusque Inuictissimi Regis nostri Philippi sapientissimo nutu reguntur: vnumquodque tamen antiquum ius retinet, sibi à prisce illis sæculis comparatum; quod minimè cum aliis est commune. Vnde, nisi me fallo, serpere, ac prodire cœpit totus ille, qui passim legitur, in Regiis Diplomatis circuitus, & ut ita dicam, orbis Regnorum, tum prisceis sæculis, tum etiam præsentibus: non quasi genus aliquod ostentationis, & gloriæ, quamquam id ipsum etiam præferat, sed potius, ut perspicuè, & planè intelligatur non vnum, idemque de omnibus estimari debere. Quæ enim singulatim, ac diu obtenta sunt, ne eorum sensim memoria euanesceret; scientissimè fuerunt eo pacto animaduersa, & notata. Nec decuisset sanè verborum inuolu-



inuolueris tectam esse, & quasi velis quibusdam obtensam, vniuscuiusque illorum dignitatem, nec superioribus nominibus inuolutam: tametsi obscurata fuere nonnulla, nec apparent, quia valde parua fuerunt. Verum enimvero horum omnium Regnorum duo præcipua capita exstiterunt; ex quibus cetera tanquam ex quibusdam fontibus fluxere. Quorum primum in Vltiori, Ouerense, aut Legionense dictum, ab Infante illo Pelagio diuinitus certe constitutum fuit, instauratis maximi belli reliquiis, quo Rudericus ultimus Gothorum Rex, omnisque eius maiestas, vna cum vniuersa Repub. horresco illo ictu conciderunt: ut non nouum fundasse visus sit, sed pristinum potius imperium renouasse. Alterum verò in Citeriori, Suprabienense; ac Nauarrense, seu Pompelonense appellatum est. A quo etiam duo alia clarissima, tametsi inter se diuersa, Regnorum stemmata dimanarunt: quæ licet fuerunt vno ferme tempore orta, atque ab iisdem quasi initiis profecta: minimè tamen eandem postea habuerunt fortunam, ac iuris condicionem. In vtriusque namque pari initio, dispares progressus exstiterunt. Atque horum alterum; id ipsum nempe Nauarrense fuit, primum Pompelonense dictum, quod vix late patuit: alterum verò; Aragonense, à primo illo Suprabienensi tractum; quod præter ipsam veterem Suprabienensium ditionem, imperii sui fines, terra, marique latissimè propagauit. A quarum tandem rerum narratione totus noster, qui antecessit, tractus est sermo. Huic autem dissimilitudini, ac dispari vtriusque conditioni causam attulit acerbus ille Sanctii Garfiae, quarti Suprabienensis Regis, interitus. Eo namque nulla relicta prole, interempto, in primo illo Interregno, quod tunc nostris patuit, Suprabienensibusque ac Nauarrensi-  
bus commune fuit; non modo caterum, & conuentus hominum, sed ipsi sibi singuli à communibus consiliis discreparunt. Nauarrenses enim (quæ recens nostra, firmata-  
men, & constans, ut supra retulimus, opinio est) quamprimum, seu nec diu post, à Suprabienensibus seiuncti, Regem sibi præfecerunt, Aquitanicum illum Eximinum: sin autem id non sit (non enim Eximinum Regem, Nauarrensi-  
bus imperasse statuo) at eius filium Aristam, è Bigeronensi Comite adscitum. Ad quos si non iam libere, & solute, nequaquam tamen satis caue se ipsos totos cum omnibus suis fortunis detulerunt. A Pompelone autem primaria Nauarra Vrbe, Pompelonense Regnum dictum fuit: atque inde etiam eorum Reges, Pompelonenses Reges appellati. Propterea Nauarren-  
sibus ipsis, quæ tunc profecta fuerunt, mansit condicio. Quod si nobiscum in pristina  
communione steterissent, non esset cur modò illi nostræ tantopere inuiderent fortunæ. Neque haud leue istius disunctionis est, ipsius tam disparis status testimonium. Neque vlla alia esse potuit huiusce tantæ varietatis ratio, nisi ut quæ fuisset differentia in principiis, eadem esset in finibus dissimilitudo. Atque eò tum maximè, quod licet postea ambæ hæc ditiones sæpius, ac diu visæ sunt sub vnius Regis iurisdictionem subiunctæ: semper tamen dissimilis fuit, ac longè dispar cautionum consuetudo: nec vlla vnquam communio iuris, aut legum; quanquam aliquam diu ipsa fuerit mensa, ac militia communis. Itaque inter nostros, & illos (nostros enim Suprabienenses vo-  
co, cum ab ipsis originem ducamus) non potestatum dissimilitudo (par namque erat  
vtrorumque potentia) sed domestica, ac ciuilis dissensio in primo illo Interregno hanc,  
quam nunc cernimus, Regnorum disunctionem fecit. Quæ tametsi semper, ve-  
tus tamen semper amicitia permanfit. At vero nostri Nauarrorum huiusmodi con-  
silia vehementer improbant, noluerunt statim ad eam, quam ipsi solute fecerant, Eximini Regis, sin minus Aristæ filii, cooptationem assilire: timentes ingre-  
di ea, quibus, prioribus mortuis Regibus, perfuncti fuerant, pericula. Quin sibi  
potius in aliorum consiliorum cursu cunctandum decreuerunt. De quibus ita iudi-  
cabant; ut Nauarrenses crederent eandem retinendam libertatis voluntatem semper,  
eandem verò facultatem non semper habituros. quasi iam tunc in nostrorum menti-  
bus inhæreret sæculorum augurium futurorum. A Nauarrensi-  
bus denique segregati,  
cautioribus sibi vtendum esse consiliis proposuerunt: necò progredierentur inte-  
grate; unde, inclinata, regredi fortasse non liceret: cum ab ea, quam tunc ingre-  
derentur, imperii ratione (& rectè quidem) haud se postea liberè posse discedere, iudi-  
carent. Eam verò, in qua tunc versabantur, videbant haud esse posse diuturnam. In  
his igitur rebus, quo uti consilio possent, agebantur. Incredibili autem ardebant studio,  
diuturnitati imperii modum statuendi. Vni omnia credere, formidabant: quæ sæpe quisque  
laderetur per illius, cui se prius commiserit, fidem: quanquam inter eos aliquis tunc adesset,  
cui rectissimè, & credi, & committi posse viderentur. Verum tamen Regale nomen, ac mu-  
nus non minus nostri futurum sibi odiosum, & graue statuebant: quam olim visum fue-  
rat Romanis. Memoria namque repetebant, Alexandrum illum, tantam antea prædictum



humanitate, ac modestia, postquam Rex appellatus esset, superbum, crudelem, ac immoderatum fuisse. ac si ex ipso Regis nomine insolentia, & arrogantia nascerentur. Atque etiam si Rex suis molestus non sit, miserrimum tamen ducebant, posse, si velit. At vlli non credere; nouerant esse insulstatem. Quæ enim ratione aliqua designata non sunt, esse omnino non videntur. Iam verò plurimorum dominium respuebant. Nam si vni parere, ducebant seruitutem: multis parere, multiplicata seruitus videbatur: cum quot præessent, tot nobis domini essent futuri. Quod si ii ex infimis essent; communis lugebant Reip. statum: cum eorum mentes angustæ, & humiles pro dignitate non possent magnitudinem imperii sustinere. Nec consonum esset, ut qui superiori nati essent ordine, inferiorem egerentur subire fortunam. Si autem Optimates; metuebant, ne immoderatè ii tradita sibi potestate abuterentur, ipseque dominatus, eorum animos insolenter efferret. Itaque nostris tum hoc, tum illud videbatur incommodum. Nonnullos pigebat, quod se passi fuissent ab ea Nauarrensi communione disiungi. Asserebant enim distractos, pares Mauris esse non posse. Alios sollicitos nimis, & anxios habebat tum publici officii cogitatio, tum verò magis periculi. Regibus namque è medio sublatis, videbantur sibi quasi ex flumine emersi. Maximam propterea solertiam agendi, & cogitandi adhibebant: ne se imprudentes iterum in eandem immitterent seruitutem. Quæ eo ipsis durius futura erat, quando quidem se solutos videbant, atque in dulcissimam libertatem vindictos: quos aciores sunt amissæ, quam non obtentæ libertatis morsus. Omnia denique videbantur nostris ancipitem afferre curam cogitandi, beneque prorsus de Rep. statuendi viam obsepere. Et verendum quidem ipsis erat, ut moderari se posset futurus Rex; ne tanto elatus honore, intemperantius suis opibus vteretur. Neque verò tunc nostris certà aliqua forma occurrebat, qua possent pari iure summos cum infimis retinere. Sed tamen ne dum tardi in cogitando essent, in struendo ab infidelibus dissiparentur: nouam curationem ad municipalem illam Remp. admouerunt, eam Duodecim delectis Viris ex Optimatibus committentes. Qui ob nimiam ætatem, quod senes essent, seniores sunt vocati: à quibus, ut mihi quidem placet, qui postea apud nos *Rici homines de natura* appellati sunt, ortum habuere; eisque aliquamdiu non iam propter ætatem, sed propter dignitatem illa ipsa mansit Seniorum appellatio. Verum neque ea Reip. gerendæ ratio nostris placebat; nec erat nisi ad breue, exiguumque temporis spatium duratura. Quamquam autem ea de re sepius agebant: in deliberando tamen in tam contrarias partes distrahebantur, ut expectatio incolumitatis vix vlla crederetur, neque retinendæ libertatis spes. Tandem postquam diu; multumque temporis in his deliberationibus consumpserunt (plus enim quam triginta annos apparet, in hac fuisse ancipiti contentione versatos) in hoc denique omnes conuenire, Fortunii Eximini, vltimi Atagonensis Comititis, ut proditur, impulsu: VT huiusmodi omnem cunctationem Romano Pontifici, ac Longobardis (quibus nonnulli etiam, & Francos addunt) discutiendam committerent: idque quod ipsi de summa Reip. faciendū censerent, vno omnes animo sequerentur. Eos autem & consuli, & scire voluerunt, quorum sibi perutilem operam futuram sperarent: Pontificis quidem; quod illum crede-  
rent, tamquam sanctissimum; atque optimum Patrem, filiorum commodis consulturum: Longobardorum autem; quod eorum maiores in omni actione, atque administratione Reip. floruisent, posterosque ducerent maturiore, ac meliore cogitatione ea ipsa in re quam ceteros omnes, futuros. Legatos ergo, publici istius consilii interpretes, ad eos miserunt. Ipsi verò haud neglexerunt, liberale quod nostri officium postularunt. Tunc enim præclarum illud responsum dedere, tantopere, & sermone omnium, & scriptis celebratum: in rebus namque celebratissimis verborum:

Vti nostri, si cupiebant mederi incommodis omnium, patriæ periculis prouidere, pacisque ac posteritatis ocio prudenter consulere; Vni sese addicerent Regi: dummodo, præcautis prius consentaneis legibus, ac condicionibus, patriæ libertati contra potentissimam Regum, quam timebant, intolerandam potentiam, diligentissimè prouiderent. Ad eam verò extenuandam, de illarum omnium perpetua obseruatione eundem Regem arctissimè astringerent. Nihil enim tam laxatum, aut liberum dicebant esse, quod id ipsum nouis adhibitis modis, & formis non posset vinciri. Propterea cauerent: ut in ipsis legibus inesset, non foris peteretur remedium.

Cui demum sententiæ omnes nostri statim sunt assensi. Præstituta namque condicione iuris, Vnum sibi Regem præfici oportere decreuerunt. Atque eo tempore Tabulæ illæ antiqui illius Suprarbiensis Fori fuerunt prolata: quarum Capita, quæ à scriptoribus perhibentur perstrinximus supra, dum de primo Interregno verba fecimus. Decet enim nos re-



nos referte ad ea, quæ tunc proposuimus, & Magistratus, & Regni fundamenta. Illis igitur se totum tradere debebat vinculis omnibus constringendum, quisquis Regale nostrorum imperium prendere cogitaret. Sunt autem tametsi compressione rerum breues: grandes tamen sententiis, expressique perpetuæ nostræ libertatis indices. Cumque in eis præclara multa præparata fuissent ad tranquillitatem, & stabilitatem Reip. accommodata; tum verò illud præcipue, quod denique summum fuit, totaque omnium nostrarum legum, ac libertatum summa: dum inter Regem, ac Populum, quorum vniuscuiusque in se infensa nimis alteri solet esse, atque inimicanatura, Iudex quidam Medius interiectus fuit: qui & se ipsum, & eos, quibus interpositus esset, colligaret. Ad propul-  
 10 sandos enim Regum impetus, auersosque populi motus prohibendos, in quo omnis erat cura, & cogitatio ponenda, ne ea, quæ oporteret, fortis, ac fidelis utriusque parti opera decisset, præcauerunt:

Vti Forensis interesset grauissimi Iudicis Medii præfectura; cuius lenitare, Regum cōdiretur asperitas, auctoritate autem, populi excitare remissio.

Quæ tandem omnium rerum summa cit temperatio; cum ea, è quibus constant, congruunt inter se. Sicque extremæ illæ, & tam contrariæ partes, vndique medium illud capeffentes, nitebantur æqualiter. Atque in hoc omnis sedatio perturbationum, & ille, quæ nostri tantopere expetebant, diuturni imperii statuendi modus, cernitur esse constitutus. De iis autem Tabulis, quæ manuscriptæ exstant, passimque sub Fori Suprarbiensis  
 20 nomine leguntur inscriptæ, si quis à me quærat, quod mihi videatur: nihil aliud affirmare possum, nisi sententiam, & opinionem meam. Valde enim suspicor fuisse; vt ea fragmenta sint earum legum, quæ ad nostros his temporibus, de quibus agimus, fuerunt missæ à Longobardis. Verum non longè retro à nostra, vel a uorum memoria, in alicuius viri manus inciderunt, qui cum expertus esset totius veteris antiquitatis, & ignarus, dū ea ipse suscepit illustranda, obstruxit penitus, & obscurauit. Sed (ne longius labar) postquam leges illæ à nostris editæ fuerunt, præcautum etiam tunc expresse fuit:

Vt qui se nostrarum rerum cuperet potiri, sic instructus ad Regale munus capeffendū accederet; vt se sciret minime à nostris admittendum fore, nisi prius ad propositas omnes condiciones depactus fuisset.

30 Sciebant enim difficilem temperantiam postulari in eo, qui dum semel admissus esset, postea se coerceri, aut reprimi pateretur. Erant autem plerique nostrorum Innici Aristæ, à Nauarrensisibus, vt diximus, iam pridè euecti Regis, studiosi. Hi ceteros omnes ad illum Regem cooprandū incitabant. Qui quidē eo tempore bellica virtute inter reliquos vnus eminebat. Eamque dudum fuerant nostri satis opportuno in tempore experti. Etenim cū Arahuesti in opidū, non longè à Diui Victoriani cœnobio, ad summa hæc vniuersarum rerū iura statuenda continissent, ibidemque à Mauris vi & ferro tenerentur obsessi: idē Innicus Aristæ Rex, militibus suis copiis statim accersitis, sua sponte impetū hostiū represserat, nostrosque ab illo obsidionis periculo liberauerat. Ea ergo re præstita, nostri omnes hilariores in eū oculos coniecerunt. Perspexerunt enim illius animū, atque operā  
 40 perutile fuisse, & ad desperatā quasi totius Reip. salutē propensiores. Itaque ad eū omnia nostra retulerunt & facta & consilia publica que quas ipsi fecerant, legū Tabulas: expectantes siquidem, ecquid sibi de eis omnibus videretur. At illum perhibent, de ceteris mirifice congruisse: ea vna in re solum initio discrepasse; qua de Intermedii illius Iudicis officio cauebatur. Duriorem enim sibi condicionem illam fuisse visam tradunt: quod is, ad cuius nutum omnes parati essent futuri, eo pacto fœdere premeretur, vt se totum ad alterius nutum fingeret, & accommodaret. Cum verò secum ipse eam rem postea etiam, atque etiam considerare cœpisset, cerneretque interpositum illum Magistratum iuris æquabilis rationem tenere, cum ea esset iusta nimis, & æqua lex, vt Regū in subditos fides subditorum in Regem fidei pariter, & æqualiter responderet; Idque  
 50 temperamentum ob eam causam à nostris inuentum fuisse, vt in depactarum legum obseruatione Reges cum populis æquarentur, lus, fasque duceret, quod nostris liberis potissimum propositum erat, vt iusta, & æqua, ab initio sibi constituta, vterentur viuendi libertate; Nec quidquam magis ad diuturnitatem imperii conducere arbitraretur, quàm vt Regum impetus extra leges factos aliqua vis media forensis; tamquā fluuium extra ripas disfluentem, coerceret; Sic enim talis Reip. forma inducebatur, qualem nec vis temporum, nec potentia Regum, nec populi seditiosi furores labefactare posse viderentur, cum is Magistratus futurus esset omnium harum commotionum moderator; Ita autem ipse iudicaret, ac prudenter quidem, eum, qui summo cum imperio sit, summo in amore esse, propter ipsum nomen imperii non posse. His ergo



omnibus diligenter perpensis, omnes ad vnum scriptores testantur, non potuisse eundem Ianicum Aristam Regem vehementer non probare præclaram illam, quiete viuendi, apertamque simplicem, ac directam viam, à nostris omnibus constitutam, adhibitamque ab ipsis horum omnium incommodorum cautionem. Neque probasse solum, sed sponte sua, nouam aliam adiunxisse huiusmodi:

Vel si præstitam nostris fidem villo vnumquam tempore à se, vel futuris Regibus violari contingeret; nostri in posterum essent habituri perpetuam, ac liberam facultatem ab ipsis Regibus desciscendi, aliumque sibi, tamen infidelem, cooptandi Regem. Nimirum, quia præcipuum ducebat animorum nostrorum obsidem futurum, ipsam nostram solam, publicam, ac patriam libertatem: cum Regem non tam oporteat legum seueritate septum esse, quam lenitate, amore, & beneuolentia suorum. Hisce denique rebus cautis, & prouisis, censorioque illo Iudicis Medii depacto, & constituto iudicio: Innicum Ipsum Aristam, Pompeionensem Regem, maiores illi Suprarbienses nostri auspicio Suprarbiensem etiam Regem, eodem illo, quo tunc aderant loco, salutarunt; ipsius mentem voluntate libera spoliata, & eo icto fœdere, & publica execratione, & solemni, ac sacrosancta Iurisiurandi præstita fide deuincientes. Verum hæc omnia iam fusiùs tradita sunt à nobis: Et hoc regnandi apud nos fuit Aristæ Regis initium, nostræque seminarium libertatis. Ab illo namque Iudice Medio Magistratus Iustitiæ Aragonum dimanauit; & verè ut dicam, idem ipse est Intermedius Iudex à Suprarbiensibus olim antiquo illo Foro constitutus: qui postea Iustitia Maior: quandoque etiam, quod ab ipso Rege crearetur, Iustitia domini Regis; aut per manum domini Regis vocati consuevit; quandoque autem Iustitia in Cæsaraugusta, quod in ea Vrbe iudicium exerceret; ac IUSTITIA ARAGONVM tandem, ipsius Regni præclarum nomen assumens, appellatus est. Sensim enim vna cum ipso Regno nostrorum humeris, quasi viriditas herbescens radicum fibris, nixus adoleuit. Semper tamen in eius nomine, siue prisco, siue nouo, non iam aliqua furis, aut æquitatis vis, sed ipsa quasi prima iustitiæ, ac temperantiæ elementa videntur inesse. vsque eò maiores semper nostri Regiam Maiestatem reuerendam, ac venerandam statuerunt, ut inter eos, ac Regem, non Tribunitiam potestatem, sed æquitatem, ac iustitiam ipsam ducerent esse interponendam; acerbiter muneris, si cui fortè acerbum videretur, lenitate nominis mitigantes. Iam verò de illius institutione præter ea, quæ feruntur, multorum scriptorum testimonia; adsunt & alia nonnulla, quæ minimè videntur explodenda. Ea hoc loco intexere decreui, ne qua abrogetur fides tantæ rei. Neque verò omnia erunt ex occulto aliquo monumentorum genere quæsitæ; sed sumpta interdum de medio, & rebus, quæ nostris patent. Verumtamen ne lateant peregrinos, minimè duxi omittenda; quamquam nostri ob hanc causam legere ea fortasse non curabunt. Et ut incipiam à nouissimis: Ioannes ille Eximius Cerdanus Iustitia Aragonum in sua epistola, quæ nostris Foris annexa continetur, ita de istius Magistratus institutione testatur. *El Oficio del Iusticiado de Aragon (segun la opinion de todos los antiguos) fue trobado en aquesta manera. Que como ciertas gentes houiessen conq. stado cierta partida del Regno delos Infieles, en las muntañas de Sobrarbe; è fuisse comunas, non haviendes Couernador, ni Regidor, è houiessen entre si muytas questiones, è debates: fue mouido por algunos dellos; Quæ por evitar lo sobredito, è por que biuiessen en paz, que es fuisse Rey, que los regis, è gouernas. Otros dixeron, que non lo deuian fazer: que conteser les hia como a los todios, qui haviian esleydo Rey contra volunt ad de su Profeta Samuel: El qual esleydo, se les prendia las mulieres, è las fillas, è los bienes: è querian se ne penedir, è non fueron à tiempto. E oydo aquesto, dixeron, los que demandauan Rey; que faremos, si non hauemos Rey, è qui nos gouerne, todo el dia vnos a otros nos mataremos, è robaremos. Por que haviida grand altercation, è deliberacion entre ellos, mouidos por gracia de nuestro Señor Dios, è por exemplo de Valerio Maximo, en el titol De moderacion: Que vn Rey clamado Theopompo, Rex Spartanorum, tanto queria fazer iusticia, que entendia, que por si mateix no hi era bastant. Eyat sia que houiessè su Regno libero, è absoluto: eslio dos prohombres, con consello de los quales el, è sus successores houiessen de fazer la iusticia, è non sin ellos. E sabido aquesto por su muller, è su fillo: unieron muyayrados a el, è reptonlo muy fuertment, de lo que haviia feyto. A los quales respuso: que yat sia que de alli auant el, ni los suyos non haviessen el Regno tan libre, è absoluto, como haviian de primero: pero que lo haurian mas durable, è mas perpetuo. Que aquel Regno era de mayor dura, è mas firme: que por mayor iusticia, è raxon se regia. Car los que se rigen contrarazon, è violent ment, no son durables: quia nullum violentum perpetuum. E por aquella raxon los sobreditos Conquistadores del Regno de Aragon acordaron de esleyr Rey: pero que huiessen*



iessen vn Iudge entre el, y ellos, que honiesse nombre Iusticia de Aragon. Es opinion de algunos, que  
 antes eslioron al Iusticia, que non al Rey: è que de aquella condicion lo esleyoron. De alli  
 auant toda vegada ha hauido Iusticia de Aragon en el Regno: è conofce de todos los feytos to-  
 cantes al Señor Rey, assi en demandando, como en defendiendo. Cetera, quæ in eadem episto-  
 la peruulgata nimis continentur, ad nonnullorum Iustitiarum nomina, & res ge-  
 stas explicandas proposita fuere. Et ea certè clariora sunt, ex omnibus quæ exstant,  
 huiusmodi argumenti monumenta. Quamquam autem in nonnullis visus est errare;  
 sed non quidem tota re. Atqui videtur istius Magistratus institutionem ad prima illa  
 10 Suprarbiensis Regni initia, de quibus separatim disputauimus, reuocare: quasi  
 statim post miseram Hispaniæ cladem in primi illius Garciæ Eximini; Suprarbiensis  
 Regis cooptatione, (si non iam ante eam) institutus fuisset. In quo vno mirandum est  
 valde, quantum maiores nostri variarint, neque scriptores solum, sed & prisca ipsi le-  
 gum obseruatores, & periti. Qui dum ea, quæ in vsu erant, animaduertere curarunt,  
 nonnullaque tametsi exiliter notare de tanta, ac tam diffusa ipsarum legum scriptura:  
 in earum, ac Regni, & Magistratus initiis ieiuniores omnes, quàm deceret, videmus  
 existisse. Quorum planè illa sunt verba, quæ Molinus in Repertorio profert, dum  
 ait: *In antiquis Aragonensium scripturis sequens Capitulum reperitur.* Nam vt doceret,  
 quænam fuerit (vt ibi continetur) *Libertatum Aragonensium origo*; quæ post sequun-  
 20 tur, subiunxit. Ea vero ita accipienda: non quasi ab ipso Molino, sed à Salanoua, Se-  
 garra, aut vetustiore alio iuris magis quàm nostræ antiquitatis perito (ex horum namq;  
 scriptis suum opus contexuit) prolata fuerint. Sunt autem hæc. *In prima conquista ab an-  
 tiquis didici: Quod Aragonenses, de se ipsis paribus, & sociis in armis peditibus, elegerunt in Re-  
 gem suum Ennecum de Arista; alias secundum Chronicam Aragonum vocabatur don Garci Xime-  
 nez, qui fuit de genere Gothorum. Et in eadem electione, siue die, elegerunt vnum de se ipsis in  
 Iustitiam Aragonia: qui esset Iudex inter Regem, & subditos suos super omnibus iis, quæ Rex fa-  
 ceret, vel peteret contra eos, vel è contra. Et conditionarunt potestatem Regis: Quod nisi ipse, & sui  
 successores regerent iuxta Foros datos, & dandos: quod possent sibi eligere Regem, etiam paganum.  
 Et de hoc concepit Priuilegium Aragonensibus, quod tempore Vnitatis ultime renuntiatum ex-  
 30 stitit, & cancellatum prahabito tractatu: alias nolebant Aragonenses renuntiare.* Item quod  
 dictus Iustitia ad querellam partis dicentis se esse desafortatam, in omni casu Ciuili, & Criminali  
 posset (præsertim firmando de directo coram eo contra desafortantem, & partem contrariam) in-  
 hibere, nedum inferioribus iudicibus, siue officialibus, sed etiam domino Regi, & Gubernatori, seu  
 Primogenito; ne procederent in processu, vel exequutione aliqua reali, vel personali contra que-  
 relantem, dicentem se desafortatum: & taliter processum impedire, quod si opus esset, Alguaz i-  
 rium caperet, vel quoslibet executores, donec Iustitia Aragonum declarasset, posse procedi, vel de-  
 bere super sederi, & sic fore processum afforamentum, vel desafortamentum. Rursus, & quod posset  
 cognoscere, & punire officiales, & Iudices transgressores Fororum, appellatione non admissa, iuxta  
 Foros decim. lib. Vt in For. 3. tit. Quod in dubiis non crasis. fol. 58. lib. X. & in Foro primo, De  
 40 Officio Iustitiæ Aragonum, fol. 81. lib. XI. Et hoc sublata domino Regi potestate de non procedendo.  
 Et hæc facta sunt: vt tuti essent Aragonenses, quod Fori, & libertates, & bona Regni consuetudines  
 seruarietur: quæ Iurantur, & debent Iurari per dominum Regem, & alios iurisdictioni, & officiis  
 publicis Aragonum prædentes: ex quo tantum Priuilegium renuntiabant. In cuius locum præ-  
 dicti Fori successerunt. Et sic ordinauit dominus Rex Rubricam. De iis quæ Dominus Rex, & de  
 Iuramento præstando. in For. prim. fol. 57. Ibi circa medium, dum dicitur, nisi in casu quo super eo  
 prius: & quæ sequuntur. Et sic practicatur: Quod Iustitia Aragonum, cognitione, & declaratio-  
 ne aliqua non præcedentibus, licet non fuerit supplicatum domino Regi, vel Primogenito de renocan-  
 do desafortamentum, quod ipse Iustitia Aragonum aditus per vitam appellitus, vel Firma, facit pro-  
 uisionem: & inhihet statim, ne procedatur. Et si processum est; impedit exequutione, & recipit ad  
 manus suas bona, de quibus fit executio, & personam, si forte in captione detinetur, vel ducitur ad  
 mortem: & ponit rem sic in securo: & postea cognoscit, si processus est desafortatus, vel afforatus. Et  
 hæc est vna de maioribus libertatibus, quæ Aragonenses habent; à data fidantia de directo: & quod  
 Pesquisas, nec Tormenta non habent locum in Aragonia regulariter. Verumtamen Martinus  
 Segarra Iustitia Aragonum, cuius in Fastis meminimus, de eodem Magistratu sermonem  
 orsus, vt in vetustissimis manuscriptis suorum monumentorum fragmentis legens anno-  
 tauit: planius, & apertius, illius institutionem, quo supra retulimus Innici Ariste Regis  
 tempore, fuisse factam his verbis testatur. Hoc fuit adquisitum Regno per Regnicolas tempore  
 electionis Ennici, Ariste vulgariter dicti; Regis Subrarbi, Ribagurtiæ, & Pompelona. Quem  
 Aragonenses Iurarunt, & creauerunt ad condicionem: Quod ipse, & sui tenerentur creare, & sic fecit tunc  
 incontinenti Vnum de ipsis, in Iudicem: qui Iudicaret; & esset Iudex inter ipsum, & eius Vassallos:



& ille cognosceret, & iudicaret de quibuscumque causis, & questionibus, quæ essent inter Regem, & eos, tam in agendo, quam in defendendo. Et quod ille Rex seruaret ipse, & sui successores in perpetuum Foros datos: & si non seruaret, quod ipsum possent priuare, & alium sibi eligere in Regem, etiam paganum. Exstat etiam de eodem Magistratu testimonium clarissimi Vitalis Canelis Oscanis Episcopi, de quo supra in narratione rerum à Iacobo I. Rege gestarum mentionem fecimus: quamquam tempus institutionis illius silentio prætermisit. Potestatem autem, quæ ipsius Vitalis temporibus vigeat, his verbis est persequutus. Sed magna postea, & rerum, & iudiciorum mutatio facta est. *VT Diadema in capite Aharon, & splendor in medio firmamenti illuminans totam machinam mundanalem, sic splendet iurisdictione in Regia Maiestate.* In qua est sic totaliter constituta, ut quasi à fonte in riuos, oportet ab ipso in omnes alios, ipsam Iurisdictionem, & eius exercitium derivari. Et qui ab eo iurisdictionem non suscipit; ut riuus, fontis subtracto fomento, areret necessario, & siccat: sic à iurisdictione, & eius exercitio remanet alienus. Sic viget ergo iurisdictione in eius plenitudine potestatis; quod institutio, & destitutio omnium, iurisdictionum præfidentium, ab eius semper dependeat voluntate: exceptis iis, quibus ab ipso, vel prædecessoribus suis, speciali priuilegio, duraturo perpetuo, aliqua iurisdictione est concessa; & eis, quibus ex eius, vel antecessorum suorum pacto, vel conuenientia est permissa. Regis est ergo Iudices, & Iustitias ordinare, & quando sibi placuerit, reuocare, & eos perpetuo ponere, vel ad tempus. Inter quos Iudices, *IUSTITIA* semper est *Vnus* principalis in Aragonia constitutus: qui ex quo semel à domino Rege fuit constitutus, non consuevit nisi ex causa iusta, & culpa condemnabili remoueri. Cuius est officium: *Vt quamdiu Rex infra fines Aragonum fuerit constitutus; in Regis Curia commoretur, subministrandis sibi ab ipsa Curia alimentis.* Ibi in præsentia domini Regis, vel de eius imperio sine eo, causas examinet, & auscultet. Et quotiescumque interloquutoria, vel diffinitiva sit sententia proferenda; dominus Rex, & Barones, hoc est Episcopi, & Duces Militum, qui *Rici* homines appellantur, qui in Curia fuerint tunc presentes, super illa deliberent in communi. Et quod dominus Rex, & maior pars Baronum; vel, si dominus Rex noluerit interesse consilio, maior pars Baronum, in Iustitia os posuerit proferendum: ipse Iustitia id pronuntiet sententialiter, & declaret, nullam penam ex pronuntiatione huiusmodi metuendo. Nam non ipse, sed ipsi, quibus in hac parte eum oportet necessario obedire, ipsius sententia sunt latores. Tanta vñ fuit auctor ille exilitate sermonis in istius Magistratus amplissimis rebus explicandis: cum in aliis, quæ ad nostras leges, ac mores pertinebant, maximam adhibuisse visus sit vbertatem, ac copiam in scribendo. Atque eundem morem seruasse videmus, qui post eum sequuti sunt, omnes nostrarum legum Obseruatores. Vnusquisque enim præfinitum sibi de argumento hoc sermonem parce, & restrictè nimis complexus est. Neque pleniores, aut vberiores fuere ad prodenda ea, quæ de priscis Regibus, aut Regni initiis acceperunt: quasi ea omnia optimè nosse, non multum ad ipsarum legum, ac iuris intelligentiam prodesset. Vnde factum est: ut quæ dubia non erant; à nonnullis iudicentur incerta: & quæ vera, ac certissima sunt; nonnullam in dubitationem videantur adducta. quò magis vituperanda est ipsorum tanta in rebus tam illustribus, & magnis incuria. Sed de ea satis in præfatione conquesti sumus. Propterea constitueramus non amplius renouare eundem commemorando dolorem. Acerba tamen recordatio non finit, quin eandem denuo querelas deploremus. Etenim cum ex Annalium vetustate omnis hæc erudenda esset totius nostræ antiquitatis memoria, ea autem penitus lateat obscuritate inuoluta: paucioribus iccirco agere cogimur; neque etiam (quoniam quidem ita visum fuit) pluribus licet hac de re. Verum enim verò quod eidem maiorem fidem, auctoritatem, ac firmamentum adiungit; & quæ mihi videtur esse grauior illius confirmatio, præter ea, varia, ac multa, quæ de istius Magistratus potestate in publicis legibus continentur: id demum fuit, quod Ioannes II. noster Aragonum Rex per paucis hisce verbis indicauit. Etenim postulantis nostris, ut Inquisitionis, quem supra retulimus, Forum, in Comitibus à Ioanna vxore Cæsaraugustæ habitis An. *CDLXVII.* editum, approbaret, quo ad eiusdem Magistratus temperandum imperium cautum fuit, Vt supremo, ac censorio, quod nunc viget, Septemdecim Virorum iudicio, ex quatuor Regni Ordinibus conflato, subiaceret, Regis ab eo penitus explosa sententia; cumque id Regi inofficiosum videretur: ita eundem respondisse ex rebus palam per Regem actis obseruavi. *Al Fuero del officio del Iusticia de Aragon dize el dito señor Rey: Que vn Officio así grande, en el qual se tratan las libertades del dito Regno, & otras cosas muy arduas; ser sugeto, iutgado, e punido à e por via de fauas, no paresee, ser cosa condeciente, ni razonable. Empero en caso que la dita Cort persista en la dita forma de iutgar el dito Officio; dize el dito señor Rey: Que su Magestad sera contenta condescender a la voluntad de la dita Cort en iutgar el dito Officio por las ditas*



*ditas, segun los Fueros del dito Regno, usos, e practicas de aquel, pertenecientes al dito fennor en el processó, indicatura, punicion, e execution de aquel; no le sia tirada, ni en alguna cosa perindicata. Car no esta en razon: QUE el Officio del Justicia de Aragon, que principalment fue creado para iudgar entre el fennor Rey, e los subditos suyos; sea iudgado, e punido por los subditos tan solamente. Car assi como iudga entra mas las partes; deue ser iudgado por aquellas. E si el dito Officio se iudgana, e punia por la vnaparr; la otra quedaria muy debilitada en su iusticia.* Nihilominus tamen integrum mansit illo Foro constitutum ius; censoriamque tantummodo huiusmodi Septemdecim Virorum notationem Magistratus iste quotannis experitur. Atque hoc firmitus est de illius institutione omnibus, quæ adhuc inueni, testimonium. In eo enim, nisi me forte fallo, publicis, pulcherrimisque monumentis, ac Regali ipsa auctoritate, omnis eius testata, & consignata est antiquitas. Nam si creatus, & institutus fuit, ut inter Regem, ac subditos Medius intersit, quemadmodum Rex ipse testatur: istius cautionis, ac diligentiae initium non aliunde ducendum videtur, neque etiam duci potest, nisi ab ipsius Regni initiis; iis nempe, à quibus omnes nostræ libertates (ut ita dicam) ortæ, ac generatæ fuerunt. Itaque iam apparet, non cæco aliquo fortunæ casu, aut sortis beneficio, Regumve inscientia, aut segnitie introductum fuisse; sed ex pacto, & conuentu fundatum, ac institutum, post diligentem, ac magnam habitationem illius rationem, & postquam diu, multumque ante res ea fuisset à Regno, & Rege considerata, & perpenſa: tamen adhuc lateat in occulto, nec exſtet eadem illa institutio, quæ tunc fuit (neque enim quin fuerit, dubitandum est) publicis literis, ac testimoniis ad posterorum memoriam consecrata. Non enim Magistratus hic tamdiu in publicis iudiciis florente nostra Repub. floruisse tanta amplitudine potestatis, nisi altissimis depactarum legum radicibus niteretur. Maximum verò argumentum est, quod de illo asserimus, id esse verissimum; quod & tantus tot sæculorum consensus, veritatis vox esse videatur, & quod illius initiis, quem alium verè congruentem locum tribuere possumus, non inueniamus. Et nimirum illius præsidio factum videmus, ut nobis fuerit, ac sit quædam simplex, ac quieta viuendi ratio comparata, quamquam ex dissimilibus rebus permixta; quod antiquis illis Philosophis esse non posse, visum fuit. Ac de ea quidem videtur loquutus Iacobus I. noster Rex, dum Nauarrenſes ad manendum in fide sibi præstita alliciebat. Nam cum ipse, ac Thibaldus Nauarræ Rex, aliquando de eorumdè Nauarrenſium consensu, vicissim se adoptantes, fœdus fecissent inter se, ut superſtes præmortui Regnum occuparet; ab eaq; institutione Nauarrenſes desciscerent, ac descuerunt tandem: Iacobus Rex eosdem ad seruandam fidem his verbis incitabat, quæ me legisse meminimus in Hieronymi Suritæ monumentis. Est autem epistolæ ea de re ad Nauarrenſes missæ fragmentum huiusmodi. *Ut velitis potius sub franca, & quasi socia libertate dominationis nostræ subesse; quam aliis Regibus subiici, quorum tyrannidem, & iniusta grauamina multiplicia, se recte consideratis, potestis, ac debetis non immerito formidare.* Quod cum ita Iacobus Rex animo sentiret; tunc calamo promptum habuit, & lingua, id volens ostendere, Aragonum Regibus nullam cum tyrannis societatem, sed summam potius distractionem esse. Ceterum illius, qui primus huic muneri præpositus fuit, nomen non proditur. Credibile tamen est, aliquem ex Optimatibus, aut ex ipsis illis Senioribus fuisse. Tamen haud valde opus erat, eo ipso tempore, nobilitate, aut potentia illius, qui eum gereret, illustrari. Maiores enim nostri, ut in antiquis illis Suprarbiensibus Fori Tabulis continetur, quamquam Iudicis Medii præfecturam stabilierunt; penes se tamen semper voluerunt esse omnem de dignitate iudicium, ac potestatem. Nam dum in eo Foro statutum fuit, quo quæq; iure uti liceret: sic videmus fuisse publica omnium munia, & Regibus, & Regno constituta. Primum:

Ut quæque vendicarentur à Mauris; diuiderentur ordinatim inter Ricoshomines, Milites, ac Infantiones.

Quia ex his tota bellicæ rei administrandæ ratio pendebat. Deinde:

Ne describere iussu populis, componere, aut sancire leges, Regi ex sola sua auctoritate liceret, nisi de totius Regni conuenientia, & consilio.

Quod summum vinculum, ac patriæ libertatis fundamentum est. Præterea:

Ne pacis constituendæ ratione, aut belli gerendi potestatem ipse Rex solus haberet; ne ve arduum aliquod conaretur opus, aut magnū; quin ad has omnes deliberationes faciendas, Duodecim Seniores, sibi in cōsiliarios, atq; ministros datos adhiberet.

Neque id solam rem bellicam, sed ciuilem, ac domesticam attingebat. Ad hæc autem proximè accedebat Forensis illa Media Præfectura. Ea enim sola, nequaquam duxerunt, Regiæ potestatis vim satis debilitari, aut infringi: nisi eidem delecti aliqui viri ad-



hiberentur, qui futuri essent publicarum omnium rerum transactores. Ob eamque  
 causam Duodecim illos Seniores designarunt. In quorum locum suffecti fuere, quin  
 & ab ipsis originem duxisse existimo eos, qui *Rici homines de natura* postea sunt vocati.  
 Tum & ad ea omnia firmanda, publicæ Vnionis accessionem maiores ipsi adiunxerunt:  
 statuentes, licere sibi, ac fas esse; Simul omnes conuenire, ac Regi obistere armis, &  
 vi, quotiescumque oporteret aliquem eius, vel suorum impetum contra leges factum  
 propulsare. Quam pro communi causa libertatis coeundi formam, Vnionem nuncupa-  
 runt. Neque ea minus antiquitus duxerunt libertates omnes, quam neruis, & ossibus hu-  
 mana ipsa corpora contineri. Quamquam autem illo Suprarbiensi Foro perscripta  
 non esset: semper tamen ab ipsis rerum primordiis ductam, & in omnium sensu peni-  
 tus affixam, & insitam censuerunt, communique nostro iure, quasi altera naturæ lege,  
 sancitam fuisse; ac illius vim vsu, & ratione satis, superque cognitam, & perspectam.  
 Parum enim profuturum dicebāt, consentaneas leges habere constitutas ipsamque Fo-  
 rensem Iudicis Medii Præfecturam: si, dum opus esset, ad earum defensionem arma  
 capere non liceret; cum iam tunc satis non esset pugnare consiliis. Nec id quidem alie-  
 num prorsus videbatur abs re. Nam si ita se haberet; omnia iam in ipsorum Regum po-  
 testate fuissent. Vnde nostri, quæ postea duo Vnionis Priuilegia Alfonso III. rogata  
 fuere, quorum supra meminimus; non quasi nouæ gratiæ, aut beneficii, sed debiti offi-  
 cii loco numerabant: cum ea sola esset in illis gratia, ac de Regio iure concessum; pri-  
 stinæ nempe auctoramentum libertatis, cuius pretium dicebant fuisse antiquis Regibus  
 multo maiorum sanguine persolutum. Id solum prædicabant pro singulari beneficio  
 habendum esse: quod cum legum, ac libertatum summa iam ipsis illis Priuilegiis esset,  
 tamquam publicis tabulis, descripta, & notata: arctioribus deinceps vinculis futuri Re-  
 ges censerentur constricti; à quibus se videbant in dies singulos maioribus, ac diuturni-  
 oribus molestiis conflictari. In illis namque Priuilegiis, si non omnino expressa, saltem  
 adumbrata nimis statuebatur antiqui illius Fori Suprarbiensis series. A maioribus igitur  
 nostris, vetustis iis, de quibus agimus, temporibus, patriæ libertas tribus fortissimis  
 præsidiiis septa fuit: nempe, istius Iudicis Medii Præfectura: amplissima Ricorum ho-  
 minum potestate: acerrimaque illa Vnionis vi. Quorum primum; forense videbatur,  
 ac ciuile: alterum; domesticum, & grauissimum: bellicum vero, ac popolare; po-  
 stremum. Nec minori sepimento eam tunc vallari oportuit, vt possemus nos nunc sal-  
 uam, & incolumem ad nos venisse gaudere. Sed ex his præsidiiis antiqui illi eorum in-  
 uentores, ac principes, & qui eis propius successerunt; plus opis, ac operæ in posteriora  
 duo; domesticum scilicet, ac popolare; quam in forensem illam Præfecturam contu-  
 lerunt. Penes se enim semper, quemadmodum demonstrauimus, voluerunt esse laxissi-  
 mas illas habenas regendi, ac moderandi, Regiam dignitatem: quas vel adducere, vel re-  
 mittere possent, dum opus esset. Propterea eidem duodecim illos Seniores adhibuerunt,  
 ex Optimatibus viris delectos: quorum consiliis Reges penitus circumclusos esse oport-  
 tebat. Ipsorum autem Seniorum locum Rici homines postea occuparunt. Qui fuere  
 nostrorum Optimatum principes. Secundum autem Reges olim ita erant; vt viderentur  
 illis penè pares, ac socii. Hi ad libertatis subsidium publicam illam Vnionem aduocabāt:  
 ex eisque deligebantur, sæpe qui primi, ac præcipui illius futuri erant Cōseruatores. Ita. n.  
 Vnionis præfectos appellabant. Denique, suis ceruicibus omnia pacis, & belli munia susti-  
 nebant, si non eadem, qua Reges, potestate, propè dicam certè non minori. Verum infra  
 suo loco, vt se res habuerit, demonstrabitur. Et maiorem hanc, quæ viguit olim,  
 Ricorum hominum dignitatem annuisse visus est idem ipse D. Petrus Luna, Be-  
 nedictus XIII. in sua obedientia appellatus, quemadmodum Ioannes Cerdanus, & Mi-  
 chael del Molino testantur: dum Iustitiam Aragonum in publico conuiuio post Comites,  
 & Vicecomites accumbere iussit. Hi enim verè redolere videntur apud nos veterem il-  
 lam Ricorum hominum, quam dicimus, dignitatem. Itaque, priscis illis temporibus non  
 quæ necessarium fuit ad Magistratus potestatem ornandam illius, qui ei præponeretur,  
 potestatem accedere: quasi alieno ornatu ornari oporteret. Rici homines enim quam-  
 diu viguerunt, Vnionis viribus aixi, Regali imperio semper imminebant: integraque sita-  
 ram munerum potestate, Regum impetus, si erant iniusti, ex inordinato adducebant in  
 ordinem, tamquam in gyrum iuris, ac iustitiæ. In qua quidē te grauis eorum censoria, ac  
 domestica auctoritas satis apud antiquos nostros benè moratos Reges pōderis habebat,  
 ac momenti. Quod si forte priuatis suis idoneis consiliis, exultantes Regū furores frena-  
 re non poterant; eos à suis ceruicibus concitata Vnionis vi constanter repellebant.  
 Ipsi vero Reges, ne, quò non liceret, progredierentur; diligentissime circumspiciebant



omnia legum membra, ac libertatum; & quid ad dextram iuris, quid autem esset ad sinistram. Quò enim propius aberant ab ortu; eò melius cuncta cernebant. Atque hoc retinendæ libertatis genus satis diu viguit. Vnde credimus euenisse, vt ante captam Cæsaraugustam Urbem, si quæ fortasse fuerunt istius Magistratus ornamenta, inclusa lateant; vel quod magis placet, vt modica fuerint, præter antiquam illius institutionem solam. vt re verà affirmare possimus hunc Magistratum, omni eo superiori tempore, in antiquis illis legum Tabulis inclusum, tamquam in vagina reconditum, existisse. Neque id mirum videri debet. Nam tempora illa difficillima, ac dura fuere; nimisque turbulenta, & perturbata: cum ita omnia assiduis bellis arderent, vt nulla relinqueretur hora aut periculo asperrimo, aut simillimi periculi vacua expectatione. Bellico autem tempore, iure gentium, omnia ciuilia iura conticescunt. Si quæ autem illius post captam urbem ornamenta eminebant; ea quamdiu Ricorum hominum, ac Vnionis viguit potestas, haud multa fuere. Quæ autem fuerint, quæque hætenus inueniri potuerunt, iam satis supra in cuiusque Regis narratione indicauimus. At verò postquam antiqua ea Vnionis vis cum ipsorum Ricorum hominum vestigio imperii non solum ex literis, verum etiam è nostrorum mentibus, & animis à Petro Rege IIII. de totius Regni consensu deleta fuit, quemadmodum exposuimus: tunc noster quasi florere cœpit Magistratus, & pubescere exclusus è vagina: ita vt magna illa habita eo tempore altercatio hæc de re, nò in delenda, sed in augenda potius libertate videatur consumpta. Etenim cum duo illa præsidia plurimum roboris habuissent, illudq; eo vno ictu amississent totum: factum fuit, vt tertium hoc præstaret ambobus; ex alijsq; sibi tantum assumeret, quantum esset, & ad ruendum publicum ius, & ad retinendam licitam, ac moderatam libertatem satis. A quo tandem tempore de communi Regum, ac Regni consensione ipsæ nostræ libertates omnes, quasi à periculosa illa aliorum præsidiorum amicitia transfugientes, ad gratam, firmam, & præstantem istius Magistratus societatem transuolarunt; ad eamque tamquam ad firmissimum saxum adhæserunt. Ob has denique causas, vt coniciamus, neque nomen illius, qui primus præpositus fuit tanto muneri, nec quidquam de eo proditur memoria dignum ante Mauros Cæsaraugusta pulsos. Postea vero cum iam in pace, & otio iudicia fierent: ea ciuitas & istius Magistratus, & ceterorum omnium iudiciorum sedes constituta fuit. Vnde nonnulli Iustitiæ Aragonum, Iustitiæ in Cæsaraugusta, vt retulimus, nominati inueniuntur. Quem autem cursum ab eo tempore Magistratus habuerit, ac nostræ etiam patriæ libertates; inferius perstringam: dum prius hoc loco de ampla illa Ricorum hominum dignitate proferantur nonnulla. Neque verò polliceor, vt quæ hætenus in diuturna obscuritate latuerunt, sic modo aperiam, vt ea cerni iam oculis videantur. Nec fuisset is nobis iniucundus labor. Sed istius rei tam difficilis, & obscuræ facultatem me secutum esse præmefero; minime tamen profiteor consequutum. Quoniam autem in populari, ac forense ratione omnis nostra versari debet oratio; populariter passim loqui necesse erit, & plurimas res appellare, vt maiorum nostrorum vulgus appellarit. Multa enim frequenter incident, in quibus non facile est, posse quemquam Latini sermonis elegantiam tueri. Neq; tam duras mihi leges imponendas statui, quin melius existimem animi sensus clarè, tametsi forsan impolitè, potius quam obscurè, & eleganter exponere. Nec verebor ipse, si quod verbum barbarum, aut vulgare posuero, quin ea res mihi apud æquos iudices fraudi nequaquam sit futura. Id enim plurimos doctos probasse video; tum verò præcipue sapientissimum illum, & eloquentissimum, Hieronymum Osorium Lusitanum: cui videntur in cunis dormienti, tamquam alteri Platoni, in labellis apes consedissee. Itaq; hac spe fretus ingenii mei vires experiar. In primis autem, cur ita appellati fuerint, quæ a scriptoribus afferuntur, causas explicabo.

#### DE OPTIMATIBVS, ET PALATINIS, RICIS

hominibus, ac Mesnadariis, vocatis.

NONNULLIS ergò, nec indoctis, placet, qui sequuti videntur Beutherium Valentinum, Ricos homines vocatos fuisse, eos, qui Gothorum Regum satu orti erant: quasi vsitatorum apud eos nominum extremarum syllabarum aucupes. Quemadmodum enim, (vt diligenter, & peritè Ambrosius Morales obseruauit) apud Sueuos olim, quorum plures Reges Theodomiri, Ariamiri, Ranimiri, aliaque his similia nomina habuere; illud ipsum Mironis nomen ab extremis duabus syllabis tractum, & ipsis Regibus & aliquamdiu ipsorum Regum familiis, fuit commune; atque illud idem



apud Indos hodie in Iaponensi Insula seruari proditur, apud quos Donorum nomen Potentioribus est vsitatum, quod eorum Reges, Arimandono, Murandono, Vbarandono, & his similibus nominibus nuncupentur; sic prorsus perhibent in Hispania Gothicis Regum familiis contigisse. Etenim cum ex Gothorum Regibus complures appellarentur, Amalarici, Eurici, Theodorici, aliisque id genus nominibus; eos, qui se gloriabantur ab illorum stirpe profecti, postea aiunt, simili modo, paululum conciso nomine, ab extremis illis duabus syllabis Ricos homines fuisse vocatos: veteremque huiusmodi consuetudinem ad eos sensim Optimates defluxisse, qui aliquamdiu emerita fortitudinis stipendia sub Gothicis Regibus meruere, aut summis Magistratibus fuerunt præpositi; tamen minimè ab ipsis duxissent genus suum, quasi quæ prius tantum familiaris, ac Regia fuisset; postea militaris consuetudo fieret, ac domestica. Quicumque enim aut in pace, aut in bello bene de Repub. merebantur; illustri hoc Ricorum nomine, quasi summo aliquo honoris gradu, Gothorum Regum temporibus, affici consueverunt: ut ad aliorum similitudinem suam quoque dirigerent speciem. Gothicis autem Regibus exactis, eandem consuetudinem in Hispania tradunt introductam fuisse, & voluntate omnium à prisca ipsa vetustate comprobata: ut Rici homines vocarentur; Regnorum regundorum Duces, qui genere, & nobilitate ceteros omnes antecirent. Atque inde perhibent, Ricorum hominum nomen dimanasse. Alii volunt ipsius vocabuli vim apertè satis illo ipso nomine declarari: neque opus esse alia explicatione, cum inde facilius, cuius causa 20 quæsitum fuerit, eruatur. His ergo placet, Ricos homines fuisse nominatos, qui olim fuere pecunia principes ciuitatum, quique præter ceteros magis opibus, ac copiis affluxere, quasi & priscis sæculis, ac etiam præsentibus omnium rerum delectum, atque discrimen pecunia sustulerit, eaque sola semper omnes omnium dignitatum gradus exæquarit. Sed mihi non displicet prior illa nominis etymologia. Non enim villo modo adduci possum, ut credam, maiores nostros, cordatos illos, ac sapientes viros, tantum hunc honorem, qui virtuti solus, ac generis splendori deberetur; inanibus diuitiis decreuisse: quas qui studiose, ac auidè consecretantur, semper ferè honesta omnia negligere consueverunt. Et nimirum Alfonsus ille Castellæ Rex, Sapiens vocitatus, nostri Iacobi I. gener, apertè indicauit isto nomine nihil de virtute, aut 30 nobilitate detractum, sed de ambabus illis significatum fuisse. Ita enim leg. 6. tit. 9. part. 2. testatum reliquit. *Los Nobles son llamados en dos maneras; o por linage, o por bondad. E como quier que el linage es noble cosa; la bondad passa, e vence. Mas quien las ha ambas, este puede ser dicho en verdad, Rico Ome: pues que es Rico por linage, e Ome cumplido por bondad. E ellos han aconsejar al Rey en los grandes fechos: e son puestos para fermosear su Corte, e su Reyno.* Itaque non à diuitiis, sed à nobilitate Ricos homines credimus appellatos: quinimmo inde falso diuites, nobilitatis expertes, Ricorum sibi vulgare nomen, aptum suis auribus, adsciuisse. Quos tamen ceteri id vsurpare facile sunt passi; euolare altius non sinebant. Non enim apud antiquos ex opibus, sed ex virtutibus, quæque omnis dignitas, ut infra demonstrabimus, pendebatur. Sed æquum hoc æstimationis habendæ genus, nostris his temporibus, vitiosa, & corrupta consuetudo vitæ iam communis expulsi. Quoquomodo verò se res habuerit; Rici homines olim nominabantur, qui ex Optimatibus genere, ac nobilitate erant primi, principemque in Repub. tenebant auctoritatem, & locum. Quorum virtus cum in bellis eniteret egregia; iis, quæ à Mauris vindicabantur, opidis, pro illorum temporum condicione, donabantur effuse. Has autem multorum opidorum coagmentationes, quæ ipsis fiebant; *Baronias* nominabant. Vnde & ipsi etiam Rici homines, *Barones* sunt vocati. Atque hoc Baronum nomen sapius apud antiquos Foros vsurpatum est, quam vetus illud, quod diximus, Ricorum. Id autem etiam si verbo differat, re tamen alicubi fuisse vnum, apertè Alfonsus 40 idem Castellæ Rex leg. 10. tit. 25. part. 4. testatur; dum ait, *Ricos Omes segund co stumbre de España son llamados, los que en las otras tierras dizen Condes, o Barones.* Verum enim uero, ut ad nostrates deueniamus, illud idem Michael del Molinò in suo Repertorio, in verbo, *Ricus homo*, exponit. *Ricus homo secundum Foros Aragonum dicitur ille, qui est dominus alicuius Baronie.* Et idem paulo post. *Non tamen intelligas, quod dicitur Ricus homo secundum Foros ille, qui plures habet pecunias: sed ut desuper dictum est. Et adde: quod omnes Magnates: puta Comites, Duces, Marchiones, & Vicecomites, dicuntur Rici homines secundum Foristas: quia isti communiter habent plures Baronias, & sunt plus, quam Barones.* Atqui hunc codicem quotiescunque recito alicuius rei confirmandæ causa; non tam auctoris illius auctoritatem requiro, tamen magna ea sit, & imprimis grauissima in foren-



forensium rerum tractatione, quarum ille locupletissimus est testis: quàm quòd in eo plurima sit antiquitatis effigies. Cum enim multa nostrorum, quos vocant, Foristarum monumenta dispersa, ac dissipata vagarentur; ratione, & distributione in eo codice, quasi sub vno aspectu, constituit. Cuius ea in re non possumus non vehementer factum, consiliumque laudare. Sed in proposita explicatione videtur mihi errasse, dum innuit, omnes Magnates, aut Barones; fuisse Ricos homines. Non enim omnes Barones, Rici homines fuere: nec è contra omnes Rici homines Baronias semper possederunt. Propterea veteres tantum obseruabo nostrarum legum interpretes: à quorum fontibus iudicio, arbitrioque nostro quantum, quoquomodo videbitur, hauriemus. Minime namque in hoc argumento videntur mihi satis apertè cogitationes suas iis, quæ eorum existant literis explicasse. Nec posteriores explenda curarunt, quæ superioribus defuissent. Quamobrem quæ ipsi coarctarunt, & perangustè retulerunt, à nobis erunt nonnùmquam, aut diuinationibus, aut coniecturis adhibitis explananda. Sic enim facere cogit ipsa res: cum omnia crassis tenebris lateant circumfusa. Imprimis igitur intexam hoc loco, quæ de Ricorum hominum dignitate ab eodem, quem nominaui, Vitali Episcopo in scriptis sunt relicta. Is enim & communium legum, & antiquitatis hominibus nostris documentum fuit. Hanc autem quæstionem ita est persequutus. *Aragonesium condicio talis est, & existit ab antiquo, ut eorū sit singulorum, & omnium cōdicio discernenda. Sunt enim quidam, Infanciones: quidam, homines seruitij, siue signi. Infancionum autem alij Ermunij, alij Franchi de Carta vulgariter appellantur. Ermuniorum autem Infancionum alij Barones, vel Rici homines: alij Mesnadarii: alij simplices Milites: alij Infanciones simpliciter nominantur. Hominum autem seruitij siue signi; alij Ciues, vel Burghenses: alij Villani, vel Pagenses: alij Villani de parada iuxta Teri consuetudinem appellantur. Infanciones Ermunij, hoc est, immunes ab omni munere, seu onere, ita quòd nemini dare ex necessitate, vel seruitute teneantur; sunt tali nomine redimiti, quibus sunt libertas, & conditionis decor à tempore, quo non exstat memoria adquisita, immo innata, ut proprius, & naturalis eloquamur. Quorum origo supra de condicione Infancionatus elucidius declaratur. Separatum enim de eis egerat supra, quæ nos infra fortasse persequemur. Infancio autem de Carta, est is, cui immunitatem, quàm genus, vel natura negauit, liberalitas eius, cuius erat astrictus seruitio, concessit cum autentico Instrumento. In talibus enim nomen hypocritum, sonans aliud quàm pratendat; per id quod de Carta sequitur, temperatur. Hi tales licet immunitatem praestandi, vel seruiendi ex donatione huiusmodi consequantur: ab aliis tamen Infancionum priuilegiis penitus sunt expertes: ut supra De Iure dotium, planè patet. Vbi circa dotes suas, mulieres francha de carta, non Infanzonarū Priuilegium consequuntur. Hæc aut immunitatis præstatio, etiam à Rege concessa cum publico, vel autentico Instrumento, non nisi quantum ad concedentem, & eius prosapiam, vel successorum suorum eximit à seruitio tali Priuilegio decoratum. Nam is, cui dominus Rex, vel quilibet alius dominus immunitatem concessit; nec concedenti, nec successoribus eius tenebitur deseruire. Aliis autem ita deseruiet ipse, & genus eius, ac si immunitatis Priuilegium non haberent. Barones autem, quasi boni homines a Bar, quod idem est, quod beatus, & ones, quod idem est, q̄ homines, per sermonis abbreviationem, & supputationem mendiesyllaba, scilicet, mi, iuxta proprietatem idiomatis appellantur. Qui etiam Rici, id est, diuites sunt vocati. In hoc enim est vulgarem nominis interpretationem sequutus. Horum talis est condicio. Quod quamcūq̄ aliquis Mesnadarius à domino Rege Honorem fuerit consequutus, ad numerum Militum sustentandum; Ricus homo sit postea, siue Baro. Nam si vnū Militum, siue duas, vel etiam tres ei dominus Rex concederet; propter has Ricus homo, vel Baro nullatenus haberet hoc nomen, Ricus homo, vel Baro. Pluralitate enim debet Vassallorum Militum decorari. Hos autem Ricos homines creare, vel assumere dominus Rex de Mesnadariis naturalibus de Aragonia suis debet. Nam aliunde homines venientes, nisi sint habitatores Aragonum, & ibidem hæreditates habentes, & naturam habeant in Aragonia ex patre, & matre, vel eorum altero; nisi ex magnâ causâ, & euidenti, in Barones dominus Rex vix, vel numquam assumere consuevit, nec facere de illis: ita tamen quòd ea, quæ debent Ricis hominibus assignari; talibus scilicet extraneis assignarit. Nam si certam summam denariorum annuatim percipiendam vel, quantitatem redditu Regalium, quæ non debent, vel consueuerunt Ricis hominibus pro stipendiis applicari, quantumcumque extraneis pro sustentando certo numero Militum in eius seruitium assignaret: nec Ricis hominibus, nec Mesnadarius faceret iniuriam, vel grauamen. Quinimo etsi dominus Rex tales extraneos inter Ricos homines numerat, & honorem Ricis hominibus debitum eis exhibet; iniuriâ nullam facit. Interest enim tam Regis, quàm Ricorum hominum, & omnium Aragonensium, Regem multos habere Ricos homines, vel Barones: dummodo naturales Aragonia stipendiis sibi debitis non fraudentur. Expedit igitur, ut talibus debita stipendia declaremus. Debent enim omnes ciuitates, & villa domini Regis tam maiores, quàm minores Ricis hominib. pro suis stipendiis assignari.*



signari. Et ipsi Rici homines in sibi ciuitatibus assignatis, Zauamedinas, & in villis, Baiulos, quos sibi placuerint, debent ponere. Qui Zauamedina, & Baiuli teneant, & regant Curias ipsorum locorum pro Ricis hominibus prelibatis: & respondeant eis de caloniis, hoc est, de pœnis pecuniariis, & aliis iuribus, quæ ipsorum locorum Curia sunt recipere assuetæ. Pecuniaria enim pœna usque ad mediam mortificationem, & fractionem cultelli inclusiue, & similia, vel minora, ad ipsum Ricum hominem, vel eius Curiam dignoscuntur sine dubio pertinere. Ita quod dominus Rex, vel Maior domus eius in eis partem nullam capere debet, nisi in casibus, scilicet cum dominus Rex præsens personaliter sit in loco, ubi est pœna huiusmodi exigenda. Tunc enim (quia eo præsente omnia minora officia conquiescunt, & omnia debent per suam Excellentiam pertractari) pœna per compulsionem domini Regis exacta visibus Regis cedunt: Saluis tamen suis partibus conquerentibus, & priuatis, ac si per minorem Curiam, propter sui debilitatem, oporteret, ad exigendam pœnam Baiulum inuocare. Nam quotiescunque Rex ad instantiam ipsius minoris Curia per se, vel per literas, vel per nuntium, vel quemlibet alium ad hoc specialiter assignatum, pœnam huiusmodi duxerit exigendam; visibus eius concedet. Debet tamen ipsam Curiam clementer respicere: ne sibi aliquam faciat inde partem, nisi in suis ciuitatibus, atque villis. Nam in villis Infancionum, vel Ecclesiarum, si propter debilitatem Curie, brachium domini Regis, vel Maior domus eius, vel cuiuscunque Officialis ad exigendas pœnas huiusmodi inuocetur: ipse cuius est brachium inuocatum, tenetur compulsionem, & auxilium impartiri. Nec aliquid debet capere de ipsa pœna, nisi is, ad quem pertinet, vellet ei ultroneo, quantum sibi placuerit, largiri. Domino autem Rege non præsente, ubicunque eius fuerit Maior domus, minora officia similiter conquiescunt. Et sicut de Rege diximus; pœnas eius compulsionis exactas, siue in præsentia eius, siue in absentia, eo modo quo supra de Rege dictum est, applicabit visibus Maior domus. Pœna vero homicidii, flagitiorum equalium, vel maiorum, nec impartitiones, quæ intercisiones, vel incurrimenta vulgariter appellantur, & similia, ubicunque & quomodo-cunque siue in præsentia, siue in absentia domini Regis, ipsius Regis esse omni tempore dignoscuntur: Infancionibus, & Ecclesiis partibus suis saluis, iuxta ea, quæ infra De homicidio, declarantur. Alia autem iura, & omnes redditus, & prouentus, præter dictas pœnas, siue Calonias, sunt penitus semper Regis, præter Precarias villarum domini Regis: quæ ipsis Ricis hominibus similiter sunt pro suis stipendiis assignatæ. Quæ Precaria in quibusdam locis in grano, & in quibusdam in denariis, sed quomodo à domino Rege disponitur, exiguntur. Quin etiam dominus Rex secundum meliorationem, & deteriorationem loci auget, vel minuit quantitatem. Vbi autem sunt Nouennarii; Precaria non exigitur: Sed ipsammet Nouennariam percipit Ricus homo. Item percipit Ricus homo Deneria, hoc est, quædam personalia tributa, ut est panis, & pullus: & quædam alia, quæ secundum diuersas consuetudines præstantur à singulis domibus annuatim. Quæ Deneria sunt reliquæ illius pestilentis, & miserabilis conditionis, Villanorum de parada: quæ in usu iam per dissuetudinem non habentur. Condicio autem Regis circa dictos Ricos homines dignoscitur esse talis: Ut quomodo-cunque sibi placuerit, & quotiescunque eos destituat. Quæ destitutio fit, q̄ cito ipse Rex verbotenus, vel per suas literas Honorẽ, quẽ pro ipso tenet Ricus homo, restitui sibi petat. Quæ destitutione facta, Ricus homo, quantumcumque diues, vel nobilis, etiam si plures Milites secum trahat, inter Mesnadarios computatur. Ricus homo autem tenetur, Honorẽ sibi datum distribuere suis Militibus, & Vassallis pro suo arbitrio voluntatis, dummodo pro singulis Quingentis solidis rendualibus singulos Milites in seruitio domini Regis habeat, conuenienter paratos, quandocunque Rex ab eo seruitium exegerit iuxta Forum. Potest enim dominus Rex semel in anno Ricum hominem cum numero Militum, pro quibus stipendia possidet, ad suum seruitium euocare. Qui Ricus homo vocatus statim debet cum dictis Militibus ad locum, quem Rex iusserit, accedere: & ibi per duos menses cum expensis propriis deservire. Post duos autem menses potest à seruitio discedere: nisi Rex de victualibus sibi, & suis Militibus prouideat competenter. Rege autem sibi prouidente, tenetur in seruitio persistere, quamdiu Regi placuerit, etiam si per totum annum vellet eum in seruitio suo retinere. Item tenetur Ricus homo terram domini Regis defendere; & specialiter loca, quæ sibi pro stipendiis sunt concessa; & Ecclesias, & Religiones; & alios quoscunque infra fines sui Honoris commorantes; & bona omnia eorundem. Tenetur etiam vocatus ad Regis Curiam accedere, quotiescunque ab ipso Rege fuerit euocatus: & sibi dare consilium secundum discretionem sibi à Deo datam, quotiescunque ab ipso fuerit requisitus: Et semper dum in Curia fuerit, debet ad duorum negotiorum iudiciis interesse. IVSTITIA autem Regis numquam debet sine consilio Baronum, & ipsorum, qui pro tempore in Curia, vel præsentes fuerint, aliquid in arduo negotio iudicare. Et si pro colloquio alterius Regis, vel Principis, vel pro alia ardua causa Barones ad Curiam sunt vocati, & propter excellentiam, vel necessitatem negotiorum Barones expensarum grauamine molestantur: debet dominus Rex, & sua liberalitate, & clementia suæ munificentia eorum angustiam subleuare. Expedit enim Reipub. & Regiæ Maiestatì, ne Barones depressi pauperie in inferioribus deservire, & in seruitio domini Regis deficere compellantur. Filius attamen Regis numquam debet aliquid, de his, quæ debentur Ricis hominibus pro



pro stipendiis assignari, aliquatenus retinere. Et hoc tribus de causis. Prima; quia ipsis Ricis hominibus posset nimium deperire; eo quod Rex propter dilectionem filii, siue fratris de stipendiis Ricorum hominum sine modo, vel mensura in eum frequentius dispensaret. Secunda; quia ne tale cum terra insurgeret, sicut iam factum exstitit, merito formidatur. Tertia; quia equius est, ut qui de Rege est natus, de iis vivere debeat, de quibus Rex vivere consuevit: quam de iis, quae pro defensione terrae consueverunt Baronibus, & Militibus assignari. Potest ergo Rex, & debet filius, vel fratribus suis, tantum de suis redditibus assignare, quod honor prolis, & sanguinis Regis non vilescat. Mesnadarius est, qui est de genere Ricorum hominum, saltem ex patris linea oriundus: in cuius patris genere non exstat memoria, quod fucrit alicuius Vassallus, nisi Regis, vel Regis filii, vel Comitis, à Regis genere descendens; vel Episcopi; vel alterius Pralati: quorum consideratur reuerentia, propter Deum; cuius locum dignoscuntur specialiter retinere. Qui non descendit ex parte patris ab aliquo, qui ab alio, quam à praedictis personis, exstitit Miles factus. Hi enim Mesnadarii, etiam si in Mesnada, siue familia domini Regis personaliter non morentur, tamen Mesnadarii sunt censendi. Quia dominus Rex non debet eis Militiam, cum eam ab eo recipere voluerint, nec quod sint de sua familia, cum esse voluerint, nisi ex causa probabili denegare. Hi autem Mesnadarii morari cum Ricis hominibus vel cum aliis, & expensas ab eis accipere, atque dona non tanquam Vassalli, sed tanquam amici, sine nota aliqua bene possunt. Miles simplex, est qui sui scuti, siue unius scuti vulgariter appellatur, Vassallus alicuius praeter Regem, vel Regis filium, vel Comitem ex Regis genere descendens, vel Pralatum Ecclesiae: vel qui ab alio, quam à dictis personis Militari cingulo fuerit redimitus. Sed & omnes descendentes à tali per lineam masculinam inter simplices Milites computantur. Infancio simplex est, qui licet non sit Miles; ius habet tamen accipiendi Militiam si spoliabilitas, volumus, & opportunitas se offerrent. Cuius autem sunt omnes, qui in ciuitatibus commorantur, vel in villis equipollentibus ciuitati. Ex quibus illi dicuntur Burgenses, qui licet Capitalarios habeant, & ministros per quos ducunt sua officia exercenda: tamen ipsa manibus suis non exercent. Sunt tamen quaedam officia, quae & si propriis manibus exerceantur, à Burgensium ordine non depelluntur: ut est pretiosorum pannorum venditio, & crepetatorum officium, quod Cambium appellatur: Necnon Advocatia, & Medicina, & Chirurgia, & ius equalia, vel maiora. Villani autem sunt dicti à Villa: eo quod in Villis commorantur, qui & Rustici, à ruribus, quae excolunt: & Pagenses, à Pagos, quod est fons: eo quod Villa, siue Pagi iuxta fontes consueverint constitui. Quis autem sit Villanus de Parada, supra, De fideiussoribus, est expressum. Libet autem ea superioribus annectere hoc loco. Fuerunt etiam quandoque Villani, qui Collaterii vocabantur. Qui tam crudeli erant subditi seruituti, ut etiam inter filios dominorum suorum ducerentur gladio diuidendi. Qui quondam, temporum condicione cogente pestifera eorumdem, contra suos dominos insurgentes, tandem composuerunt cum eis communiter, & ultro ea voluntate certa tributa, & condiciones supra se, & suis filiis assignantes. Qui post compositionem huiusmodi, Villani de Parada taliter nuncupati, hoc cum suis dominis inter cetera pepigerunt: ut quotiescunque domini eorum fideiussione indigeant huiusmodi: solvere sint compulsi: nec si dominus pro quo fideiussit, indemnitate eius voluerit proutdere; nunquam postea pro ipso domino fideiussione casu aliquo teneatur. At vero Eximius Petri Salanova Iustitia Aragonum, cuius supra meminimus in narratione rerum à Iacobo II. Rege gestarum, sexaginta ferme annis post Vitalem, earundem rerum cursum, euentorumque consequentiam his verbis notauit: quamquam in multis dictata iam decantare visus est. In indice autem istius quaestionis omnia reuocare videtur ad dubia, ac incerta: quasi iam tunc ad eum illa omnis antiquitas peruenisset, vel usu, vel vetustate immutata, vel praecipis. Sic enim cum De Privilegiis Baronum, & Ricorum hominum Aragonum, se fore dicturum profiteatur; initium suae disputationis orditur. Multi contradicunt in istis, quae sequuntur: & sic multa hic contenta non seruantur. Notandum est: Quod in Aragonia omnis Homo descendens de genere Militari per lineam planam, est Infancio; siue sit legitimus, siue illegitimus; siue masculus, siue femina. Tamen quamuis autem ex parte matris veniat ex linea Militari, non est Infancio, nisi habeat patrem Infancionem, in C. Videlicet. De proclam. in seruit. lib. 6. & hoc seruatur. Et per Foros habetur: Quod quilibet Infancio potest esse Miles in Aragonia: alii vero non. Et si forte non Infancio promoueat per Ricum hominem ad Militiam; perdit Honorem, quem tenebat, Ricus homo: vel si non tenebat, nunquam tenere debet. Et ille promotus semper remanet Villanus, sublato sibi equo, & armis. Ut De re militari. C. fin. in lib. Exea. Et quia multae sunt species in Aragonia istorum Infancionum: sciendum est: Quod Infancionum, alii sunt Rici homines, & non Milites; alii Rici homines, & Milites; alii Mesnadarii Milites; alii non Milites; alii sunt Milites simplices; alii filii Militum tantum, vel nepotes: alii nec Barones; nec Mesnadarii; nec Milites; nec Militum filii; vel nepotes. Ricus homo Miles habet omnia Privilegia, quae habent Infanciones; & omnia quae habent Milites, & ultra; quia terram pro Honore non debet dare dominus Rex, nisi illi, qui ex natura debet esse Ricus homo; & non sit de alieno Regno. Quare



dicunt quidam, quod filio Ricihominis non debet dari terra pro Honore, nisi illi tantum, qui succedat in Baronia. Attamen per Forum Exea, per quem prædicta statuuntur; talem filium, licet in Baronia non succedat, posse tenere terram pro Honore. Quia Forum non requirit, nisi quod ex natura debeat esse Ricus homo. Vnde licet illi desit Baronia, non tamen deest ei natura: maxime quia in Foro nouo continetur; Quod Ricihomines debent assignare Militibus dictos Honores, & terras eis concessas; alias Rex propria auctoritate potest emparare, & alii assignare Rico homini, vel filio Ricihominis, qui tenere debeat terram in Aragonia, qui faciat seruitium. Vt in foro nouo. Quod Barones Aragonum. Cap. 1. Per quem patet, quod filio Ricihominis, adhuc Rico homine non existente, potest dari: licet ignoretur, nec sciatur, an sit Ricus homo. Habent etiam aliud Priuilegium contra dictum Forum: Quod ille Ricus homo, qui habet Quadraginta Cauallerias; potest sibi retinere quatuor: & qui triginta, tres: & qui xx. duas, & qui decem usque ad xx. vnā, & non plures retinebit. Vt in For. nouis. Cur. Casar. tit. De Baronibus. Cap. 1. Aliis vero Militibus, non Baronibus, non video necessarium esse: quin sibi possint retinere quoscunque denarios ei datos. Item habent aliud Priuilegium: Quod filiis Regis, & Regina non potest assignari terra pro Honore. Vt in For. Exea. Item sine iusta causa cognita, & determinata per Iustitiam Aragonum in generali Curia de concilio Ricorum hominum, & aliorum honorabilium Militum, Infancionum, Ciuium, & aliorum hominum Villarum Aragonum; non debet tolli, vel emparari terra pro Honore assignata eisdem. Item in Mesnaderiis eis assignatis est statutum, ut in Priuilegio generali domini Regis Petri. Quæ omnia sane intelligatis, pro ut visitantur. Nam pro crimine, vel delicto, vel inobedientia non debent dicti Ricihomines, vel Mesnadarii priuari prædictis, sine prædicta causa cognitione. Sed tamen si ipsi deficerent in seruitio, vel forte ex alia causa Regi essent obligati; Rex posset emparare, & emparat, quantum amittere debent pro fallito seruitio. Et etiam Magister Rationalis in compoto potest deducere, & deducit ea, quæ ipsi debent, vel receperunt de iis, quæ ipsi ratione prædictorum recipere debent. Et de vssanza non tantum est, quod Ricus homo, decedens antequam integre perceperit illius anni solutionem de suis Caualleriis, non habet quidquam, nisi in quantum ei fuerit persolutum: sed tamen de annis præteritis habebit, quidquid ei debetur. Item de vssanza Ricus homo, vel Miles deficiens in seruitio per vnā diem anni ultimam, ut tenetur; perdit totam solidatam illius anni. Idem seruatur, licet pro seruitio non fuerit requisitus, si in casu tali se posuerit, quod Regi seruire contrā cunctos non posset: Vt quia se Vassallum alterius fecerit. Et in istis casibus procedit Rex sine iudicio alterius. Casus autem amissionis Honorum, & Caualliarum sunt hi: Vnus ponitur supra in Priuilegio. Item si non deferat domino Regi, & suis substitutis honorem, & reuerentiam, sicut debet domino naturali; & Foros bonos, & consuetudines per totum Regnum teneant, & obseruent, & faciant obseruari, sicut boni Vassalli, & homines fideles. ut in Carta pacis; Item statuimus. Item in casu supra dicto si non assignarent terram Militibus. Idem credo, si faceret falsam iuram super Infancionia, cum debeat remanere peiuerius. Et idem in aliis excessibus, vel criminibus, de quibus Iustitia Aragonum cum Curia indicat, ut supra dictum est. Quod autem dixi supra, Ricum hominem decedentem ante finem anni non debere habere quidquam de Caualleriis, nisi ei fuerint persolutæ, intelligendum est. Quod si ei persolutæ fuerint, habebit pro rata temporis, sed non pro alio tempore. Item habent Priuilegium: Quod si Rex fecerit gratiam hominibus locorum pro Caualleriis assignatorum pro prima peita subsidio, vel alius quibusvis exactionibus, quas Rex primo exigit ab hominibus illius loci: debet primo satis fieri Rico homini tenenti Honorem, antequam aliud alicui persoluiatur. Vt in Foro nouo. Vt Barones Aragonum. Cap. 1. Sed tamen intelligatis; Quod nisi Rex imponeret prædicta subsidia, vel exactiones: non tenetur dominus Rex eis quidquam soluere, vel in compoto recipere ratione eorum, quæ non potuerunt habere propter gratiam, quam Dominus Rex fecit hominibus prædictis; nisi forte fecisset Ricus homo seruitium pro omnibus Caualleriis assignatis eidem. Tunc enim tenetur dominus Rex eis in compotum recipere, & solutiones fieri facere de prædictis. Filii Ricihominis patre viuente Priuilegia habent, quæ parentes eorum, saluis his, quæ sunt propria Militum. Item Ricihomines dum sunt præsentés in Curia; habent Cartas Regias de Iustitia, pro suis propriis negotiis à Curia sine pretio. Sed non pro suis hominibus, cum causis tangentibus eos, & suos homines. Item seruatur de vssanza, quemlibet Ricum hominem debere seruire in anno suis expensis per Mensatam: quæ durat, siue computatur à die, quæ incipit ire ad Regem, usque ad reuersionem. Iuxta generale Priuilegium domini Regis Petri. Item Honores assignati tempore mortis Regis Iacobi pro Caualleriis debent semper esse de Caualleriis. Et in solutionibus, caloniis, & azemillis debent fieri, ut tempore domini Regis Iacobi: ut in dicto Priuilegio continetur. Item extra dominationem Regis non tenentur ei seruire pro terra, vel Honore, nec mare transfretari: ut in ipso Priuilegio continetur. Et ex hoc dicunt quidam, quod extra Aragoniam non tenentur seruire. Sed male dicunt. Quia ubique tenentur seruire; saluo in mari: dum sit extra dominationem Regis. Alias in vanum exceperet mare: cum in Aragonia non sit mare, sed in dominatione Regis. Quandoquidem autem idem Salanoua tradit, Ricum hominem Militem eadem habere



habere, quæ Milites, ac Infanciones, ut ipse loquitur, Priuilegia: non abs re arbitror me facturum, si nonnulla ex iis apponam, quæ ab eodem de Militibus, ac Infancionibus testata, ac notata sunt. Nam illud ex hoc genere profuit: propterea quæ æquum erit, ut ea cum iis, quæ ante diximus, connectamus; præsertim cum hæc Salanouæ monumenta sint à vulgari nostrorum hominum notitia remotiora. Quamquam autem in Obseruantis sub tit. *De conditione Infancionatus*, eadem legantur iisdem ferè verbis descripta; nonnulla immutata sunt: quæ ut possint conferri; operæpretium duxi intexere hoc loco: ne quidquam horum, ut initio dixi, fugiat peregrinos. Hæc igitur, ut ipse met inscribit, *De Militum Priuilegiis, & de filiis, & nepotibus Militum*, produntur ab eo. *Ultra communia Priuilegia Infancionum, habent Milites ista. Nam non tenentur Milites, nec eorum filii, aut nepotes facere saluam. Item nullus potest aliquem saluare pro Infancione, nisi duo Milites. Item Equus Militis, quo ipse equitat; non pignoratur. De satis. Cap. 1. Quamuis quidam dicant idem de omni Infancione. Sed hoc non credo verum. Quia ubi posuit Forus de Milite, posuisset de Infancione, Item in Aragonia nullus filius Militis in mensa Militis sedet, donec fuerit factus Miles.* Hac namque educatione, & doctrina maiores ipsi filios suos liberaliter instituebant, postquam eos è ludis, ac pueritiæ disciplina profectos, apud se in exercitu, militiaque diutius fecerant commorari. Qua in re videntur fuisse elegantem illam Romanorum consuetudinem imitati: quorum more, nec cum parentibus puberes filii, nec cum foceris generi lauabantur. Et illud idem antiquos Gothos, Longobardosque seruasse proditur: apud quos, ut Paulus Diaconus auctor est, filiis Regum, etiam ex iusto matrimonio natis, interdictum erat, ut ne quis eorum simul cum patre in publica, aut priuata mensa cibum caperet, priusquam ad arma assumenda à peregrino aliquo Rege habitus fuisset idoneus. Item si quis acceperit Militem de equi habentis, soluet de colonia quingentos Solidos. Quæ quidem poena acerba nimis, & grauis censeretur nostris temporibus; sed acerbior em effecit iam vetustas. Item Miles, vel aliquis de genere eius non tenetur facere pro denariis, quos tenet, mensam suis expensis. Sed Rex tenetur ei providere iuxta numerum bestiarum, quas duxerit. Quæ mensa per Ricos homines non fit, nisi propter Colonias, quæ sunt eis concessæ. Et non intrant in compoto Caualleriarum Colonia. Tamè intellige, infra sexaginta Solidos: Ultra autem; Regi. Atque hæc ipse de Militibus obseruauit. Et verò, De omnium Infancionum Priuilegiis per Foros, vel Obseruancias eis datis, ut idem prodit; quæ sequuntur. Nihil Infancionibus Regni magis proprium est; quæ recipere, & non dare pro aliqua Villania, hoc est pro aliqua seruitute. Non enim contribuunt cū peyteriis in exactionib. Regalib. vel vicinalibus, nisi tempore guerræ. Tamen ad constructionem, refactionem, sustentationem, & reparationem portarum Villæ, Vallatum, siue Valuartium, & Murorum, tenentur. Quilibet enim Infancio infra valla tam, vel muratam villam habens domum, ad prædicta, ut alii vicini, tenetur de constructione, sustentatione, & reparatione Portarum, & Murorum, & ceterorum similium, de Obseruantia, ut Cequiarum, Fontium, & aliorum. Non tamen tenentur Regi facere Exercitum, vel Caualcata: nisi forte Rex iret ad Campale prælium, vel ad obsidionem Castri sui, quod infra terram suam aliquis contra Regis detineret voluntatem. Tunc enim tenentur Regem suis expensis per tri-duum sequi. Et postea redeunt, vel remanent, pro ut eis placuerit. Ut de condic. Infanc. cap. 1. lib. 6. Item de vssancia computantur illi tres dies, postquam domos proprias exiuerunt secundum quosdam. Sed contrarium est verum. Quinimmo postquam fuerint cum Rege. Et sic inierunt omnes apud Tirasonam. Alias nihil, vel parum valeret domino Regi ille Forus. Item habent Priuilegium: quod possunt emere à peyteriis, & Villanis, & non tenebuntur peytare, si etiã emerint Caput mansum: Ut in Foro Exeæ dicitur. Et licet in dicto Foro dicatur tantum de emptione: idem tamen seruatur, quoquo titulo adquirant. Quare seruatur: quod Villana nupta Infancioni pro bonis suis teneatur peytare, dum vixerint, ut Villani. Mortua tamen ea, filii eius, qui erunt Infanciones, amplius non peytabunt, per dictum Forum Exeæ, quamuis sit contra Forum. De proclamantibus in seruitutem, cap. si Villanus, in fine lib. 11. Item domus Infancionis commodata Villano, non signatur pro debito Villani. Secus esset, si teneret obligatas, vel locatas eas. In cap. ult. de conditione Infancio. lib. 6. Itè licet hereditates Infancionum pro debitis possint capi, & fieri in possessione missio iuxta Forum, de Foro Cõpetenti, cap. 1. non possunt aliquatenus vèdi, nisi specialiter fuerint obligatæ. Item si peyterius Regis in domibus Infancionis steterit commodatus; non peytabit pro domibus, vel mobilibus inibi existentibus, nec Hostem, aut Caualcata faciet: sed pro hereditatibus Signi Regis peytabit. Item si aliquis peyterius fuerit Exarichus Infancionis; (id est agrorum colonus, & arator. Is enim vocabatur Exarichus) peytabit, ut alii, & de omnibus bonis suis. Si verò in domibus Infancionis commodatis steterit; seruatur ut supra, ut dicunt quidam. Attamè sic est rei veritas, & seruatur:



Quod si p̄terius Regis in Villa Regis voluerit stare in domibus Infancionis, ut Exarichus, vel aliter: pro omnibus, tam mobilibus, quàm immobilibus; & se mouentibus p̄tabit Regi; saluo pro hereditatibus Infancionis. Et in Caualcata; & exercitum ibit, si hereditates possideat Signi Regis. Si vero persona dicti Exarichi, esset ipsius Infancionis, & non Regis; seruatur, quod supra dixi. Item sunt quidam, qui dicuntur Villani de parada, id est de conuentione; scilicet illi, qui nihil habent, nisi de bonis Infancionum; & in domibus Infancionum populati sunt cum conuentione, ut semper ibi sint. Et tales non p̄tant in aliquo cum hominibus Signi Regis, nec pro ganatis, neq. aquis, ut quidam dixerunt. Item domos Infancionum nemo debet violare, neq. aliquem inde extrahere, nisi sit latro manifestus, vel raptor, aut traditor. Et qui contra fecerit, est p̄na sexaginta Solidos in terra noua, & ultra ..... viginti quinq. Quod intelligitur, & seruatur, si non ad iniuriam vel damnum Infancionis inuadantur domus eorum. Alas p̄na Carte pacis. Hic consulto multa p̄tereo, quæ parum ad rem. Postea vero hæc idem subiunxit. Habent & aliud Priuilegium Infanciones, quod iuxta Regni vssanciam in Criminalibus non possunt puniri, nisi per Regem, vel Regis officiales. Et sic dominus Villa in criminalibus causis non habet iurisdictionem in Infancionem; licet alias habeat iurisdictionem, & merum imperium. Item circa aduerandam Infancioniam, & auctorizandam subsunt tantum domino Regi: Ut de probationibus, cap. Omnis homo. Item de omnibus causis, quas Rex habeat contra eos, est tantum iudex Iustitia Aragonum. Idem de omnibus causis, quas ipsi habent contra Regem iuxta Foros antiquos, & Forum Exea. Appellari tamen potest ad Regem de Vssancia a sententia Iustitia, pro parte Regis, vel Infancionum. Et Rex delegabit iudicem. Item habent Priuilegium, quod numquam dant Boalage, vel Herbage: Ut in Foro Exea. Item pro Carta Salua communis non soluuntur Curia Regis, nisi triginta Solidi iuxta Forum. Quam saluam debent hodie facere secundum Forum nouum editum in Casaraugusta. Item in omnibus causis, quæ sunt inter Ricos homines, Milites, & Infanciones debet iudicare Iustitia Aragonum. Ut in dicto Foro Exea dicitur. Item tantum seruatur hoc: Quod si Infancio, vel Miles non subest alicui domino Villa, vel Iudici Locali; habet locum dictus Forus. Alias coram domino Villa, vel Iustitia, seu Iudice loci tenetur respondere. Pro quo est de Foro Compet. cap. 1. & cap. quicumq. homo. Hoc tamen intelligo in Ciuilibus, non autem in Criminalibus. Ut supra dixi. Item semper Iustitia Aragonum debet esse Miles: Ut in dicto Foro Exea. Item possunt etiam escaliare in villis Regalibus, ubi sunt vicini tantum: aliter non possunt, licet possint ibi emere: Ut in Foro. Item Infancio. Per quem Forum habes, qualiter potest Infancio se expedire a domino Rege, dimittendo beneficium Regi, si quæ tenet ab eo, & commendando uxorem, filios, & bona sua fidei Regis. Quam expeditionem, & Comandam debet Rex recipere, & custodire fideliter, sicut dominus naturalis. Quæ expeditione facta potest cum alio, vel aliis guerram Regi facere: Saluo quod non potest ignem in terram Regis apponere: & si ad Campale bellum cum aliquibus venerit contra Regem, debet transire in adiutorium Regis cum equo, & armis: Ut in dicto Foro. Item tenetur Rex per Forum nouum, nedum bona illius, qui se expedit, recipere in Comanda: immo etiam bona uxoris, filiorum, & vassalorum, qui cum ipso ibunt: & quamuis fuerint expediti, non debent esse ad pugnandum, vel ad faciendum perdere Castrum Regi. Et si contra tria prædicta fecerint; sintant pro talibus, quales esse debent secundum consuetudinem Hispania. Et non valet eis asscuramentum: Ut in Foro nouo. De Baronibus, & Mesnadariis. Sed quales debent esse secundum consuetudinem Hispania: dic, quod Traditores. Et hoc etiam videtur per Cartam pacis. Nam si sine diffidamento talia fierent; esset prodicionis p̄na. Sic idem debet esse hic: cum desafidamentum, vel expedire; in his non possit habere locum. Item hoc etiam scias: quod expeditus, de Vssancia non remanet in Regno, nec in Senioria Regis. Et quacumq. parte anni se expediat; amittit beneficium Regis pro toto illo anno, & sequentibus. Sciendum est etiam, quod dicitur in For. De satisfando: Quod si Infancio super hereditate moueat questionem Infancioni, seu demandam: debet dari fidantia Infancioni, quæ habeat catam propriam in villa, ubi est hereditas. Et quadam alia, quæ dicuntur ibi; non seruantur. Nam sufficit dare quemcumq. idoneum vicinum fideiussorem, qui habeat hereditatem in dicta villa. Vel si non potest habere vicinum fideiussorem dictæ villæ, iurando, quod non potest habere; det de prima Cruce; vel in defectum prima Crucis, det de secunda; & deinde per ordinem. id est, propinquo-  
oris alterius loci. Nam si fideiussorem, ipsius loci vicinum dare non poterat: alium tenor-  
custodia creditoris. Et hanc veteres, fidantiam de prima, secunda, & tertia Cruce appel-  
labant; ut in For. Corr. nempe a lapideis, vel ligneis Crucibus, quæ ad locorum portas,  
seu ad biuia poni solent. Idem de fidantia de Riedra inter Infanciones. Ita tamen prædicta intel-  
ligas, & sic seruantur: quod ille, qui de prima, secunda, vel tertia Cruce datur; habeat hereditatem  
sufficientem in villa, ubi petitur, & est hereditas, ad quam agitur. Item Infancio in propria persona  
non tenetur iurare prima vice in quantitate, quæ sit, usq. ad Centum Solidos; sed dabit iuratorem,  
qui iuret. Quia ipse Infancio non debet iurare: Ut de Iureiurando cap. Infancio. Item usq. ad  
decem



decem Solidos statatur verbo Infancionis, & in sua bona fide: Ut de iureiurando. Item Infancio, mortua eius uxore Infanciona, stantibus liberis, si secundo contrahat; potest, nisi aliam hereditatem habeat, unam de tribus, quas dederit primæ uxori, pro dotibus secundæ assignare, meliorem tantum. Et illam hereditatem habebunt filii secundi matrimonii. Et si tertio contrahat, potest idem facere de tertia hereditate: ut in For. De Iure Dotium, cap. filii. lib. 6. Item habent Infanciones medietatem caloniæ homicidii, si homo Infancionis per hominem Regis, vel e contra fuerit interfectus: Ut in For. De homicidio, cap. si aliquis. Item percutiens Infancionem Er-munium, usque ad sanguinis effusionem, ac sine sanguinis effusione cum ad terram prostraverit; est calonia Ducentorum Solidorum. Sed si Cuius, vel Villanus nedum percussit Infancionem, sed eum occiderit: non est ibi calonia. Sed caueat sibi ab interfecti consanguineis, & amicis: De iniuriis. cap. prim. Prædicta tamen sanè intelligas: quia si ex proposito prædicta committerentur contra non diffidatum, & non inimicum: esset ibi pœna corporalis iuxta cartam pacis: Ut in rit. De proditorib. cap. unico. lib. 8. Item quod dicitur, caueat sibi ab inimicis, & consanguineis interfecti: sic intelligatis, quando manifestum est homicidium. Aliàs si negaretur ante probationem; esset asscurandus per consanguineos, & amicos interfecti. Et sic visitatur. Item observatur etiam argumento dicti For. De iniuriis. & alterius, quod est. De homicidio si Infancio. Vbi dicitur, quod si Infancio occiderit hominem Signi Regis, solvat caloniam, & caueat sibi à consanguineis interfecti. Et argumento For. qui dicit: Quod omnis homicida per annum, & diem debet fugam arripere: & infra annum, & diem consanguinei interfecti non tenentur ius recipere ab eodem, etiam si obtulerint iuris fidantias, nisi voluerint. Sed post annum, & diem tenentur recipere ius ab eo, quod tale est iuram dare, vel homicidium: Ut dicitur. De homicidio. Item omnis. Item nota: Quod licet iuxta cartam pacis nullus sine diffidamento debeat alteri damnum dare: attamen nec Villanus Infancionem, nec e contra, tenentur se diffidare. si alter alterius interfecerit consanguineum. Quia dicti Fori videntur eum habere pro diffidato: dum tamen homicidium manifestum existat. Alioer si esset dubium; essent diffidamenta necessaria. Et si alius ius offerret; reciperetur eius Firma: & etiam pendente hoc dubio, esset asscurandus iuxta Regni vssanciam. Sed tamen si sine diffidamento, in dictis casibus Infancio Villanum, vel e contra interficeret; non puniretur pœna Cartæ pacis si posset probari dictum homicidium. Infanciones autem inter se semper tenentur se diffidare, nisi pro morte patris, vel exheredatione: De Observantia. Item homo Regis, mansionarius in Palatio Infancionis, excusatur ab Hoste, & Caualcata. Sed alia seruitia tenetur præstare domino Regi, si hereditatem tenet Regis: nisi in casu, cap. ult. De muneribus agnoscendis: scilicet, si Rex concessisset ei franchitatem pro illa hereditate. Item habent alia Priuilegia Infanciones: Quod Rici homines non possunt tollere Honorem, vel terram datam Militibus: nisi committerent, propter quæ deberent amittere, & cum causa cognitione per vassallos ipsius eiusdem Rici hominis. Prædicta reperi, & inueni tam per Foros antiquos, & novos, & vssantias Regni esse Priuilegia Infancionum; licet in alio gradu, vel dignitate non sint, nisi tantum in Infancionatu. Licet autem generaliter dixerim, Infanciones non habentes Iudices Locales subesse in criminalibus causis, & civilibus Iustitiæ Aragonum: attamen si talis fuerit Infancio, quod de eo non debeat fieri iustitia corporalis, ut fortè quia Nobilis, Ricus homo, vel omnis Miles, ut quidam dicunt; Iustitia Aragonum debet iudicare, eum talia commississe, sed non condemnare. Quia Rex debet eum capi facere, & captum detinere, dum voluerit; ut in Carta pacis continetur. Item si Miles, aut Infancio aliquem occiderit, qui non sit Miles, nec Infancio sine diffidamento, & concorditer: non debet iudicari Traditor secundum cartam pacis secundum quosdam. Sed si Villanus, vel Cuius interfecerit Militem, vel Infancionem, aut Villanus Villanum, vel Cuiem sine diffidamento concorditer; esset Traditor: ut quidam dicunt iuxta cartam pacis. Quamuis videatur innui hoc in cap. De proditoribus, lib. 6. quod omnis quicumq; cuiuscumq; conditionis sit, qui concorditer (id est, data opera, ut ego intelligendum arbitror) non suum inimicum interfecerit; sit traditor: licet non dicat hoc textus. Sed licet dictus Forus sit positus in cap. De proditoribus: attamen non ponitur in Foro pœna proditoris. Tituli enim Fori non faciunt ius, ut est videre in presentibus Capitulis. Item habent aliud Priuilegium Infanciones: quod si ducunt Villanam in uxorem, debetur ei honor, ut Infanciona, dum vir eius vixerit, vel viduitatem seruabit: Saluo quod peytabit pro bonis, quæ habet ipsa Villana. Idem autem Salanoua alio in loco de Mesnadariis hæc etiam subiunxit. Licet sic generaliter supra loquutus fuerim; si tamen tenetur secundum antiquam Observantiam: quod Mesnadarii proprie sunt illi, qui filii, vel nepotes, vel ex recta linea nobilium descendunt. Istit talibus debet dari Mesnaderia: aliis vero dantur aliquoties Denarii pro seruitio, & non pro Mesnaderia. Nam secundum veram veritatem filius Rici hominis, nisi succedens in Baronia, non debet tenere Honorem: sed debet tenere Mesnaderiam. Et talis Mesnadarius non debet esse Vassallus, nisi Regis. Hæc itaque in veteribus Salanoux monumentis, quæ manuscripta exstant, vulgoque



Observantia illius appellantur, de Ricis hominibus, Militibus, ac Infancionibus tradita reperiuntur. A quibus nequaquā dissentire visus est Iacobus Hospitalis, præclarus nostri iuris interpret in iis, quos sexaginta ferme annis post Salanovā, de nostris legibus edidit Commentarios, Ioannis Lupi Sesseli Iustitiæ Aragonum temporibus; cuius locum tenuisse proditur. Quos omnes sequutus est Bages: qui aorum memoria eandem quaestione in iisdem omnino verbis pertractavit. Verumtamen hæc omnia ab illo fonte, & capere fluxerunt, Vitali nempe Episcopo: è cuius scriptis ceteri quæ digna iudicantur, selegunt. Atque nos id ipsum facere necesse erit; novosque interdum locos scrutari: ut quæ à scriptoribus concisa hætenus brevitatē de huiusmodi argumento tradita feruntur, in Annaliumque monumentis adstricta illa continentur verborum, ac rerum comprehensione; nostra modo interpretatione si non ornatius, planius saltem, & apertius exprimantur. Ut igitur antiquam Ricorum hominum dignitatem ipsius nominis magnificentia metiamur; Rici homines, quemadmodum explicavimus, Barones etiam apud nos olim vocati fuere ab illis opidorum assignationibus, quæ fiebant ipsis, ex iis, quæ nostri è Maurorum manibus vi extorquebant. Eas enim non unus, sed plurium opidorum coacervationes, dum vni Rico homini assignabantur, Barones nominabant. Ipsum verò Ricum hominem, qui eis potiebatur, Baronem: quasi beatum hominem: ne nominis interpretationem a Vitali traditam respuamus. Iuxta veteres enim illius Suprarbiensis Fori, quas supra in texuimus, Tabulas, quæcumque à Mauris vindicabantur opida, inter Ricos homines, Milites, ac Infanciones distribui ius erat. Neque verò ea perinde Ricis ipsis hominibus tribuebatur, ac si Regibus ibidem nulla pars reliqua esset. Id enim videretur absurdum. Quamquam autem contrarium decreuisse visus est Vitalis, dum ait: *Omnes civitates, ac villæ tam maiores, quam minores debent Ricis hominibus pro suis stipendiis assignari*; illud ita intelligendum arbitror, ut omnes Civitates, ac Villæ stipendiaria vectigalia ex certa parte, ac rebus sibi imposita, Ricis hominibus pro alendis Militibus pensarent. Nihilominus tamen Reges in eisdem locis, & multa alia vectigalia exigebant, quorum censibus domesticos suos Milites sustentabant. Quæ autem ea essent, quæ vero Ricorum hominum, non proditur. Nonnulli etiam locorum partem Ricis hominibus dari solitam opinantur. Ut colligitur autem ex varia prisca monumentorum observatione, aliis sic, ut Vitalis perhibet, aliis secus, nec eisdem vno semper, ac eodem modo videntur attributa. Quin & quandoque integra opida comperio in Ricos homines fuisse collata: quandoque etiam ipsos Reges alia sibi integra reservasse. Omnia autem existimo vnicuique pro sua rata portione, perinde videri iuxta depactas leges debuerant, obuenisse. Neque tamen dubito, quin si quæ exstant alienigenis factæ locorum largitiones; ab ipsis Regibus è sua illa Regali parte factæ fuerint: alioquin maximè hominibus nostris fraudi fuissent. Sed interdum confusè acta res est. Hæc autem olim vulgaria fuisse ipsorum vectigalium nomina observavi: *pechas, questias, pedidos, exercito, caualgada, monedage, cofras, colonias, azerimlas, fonsaderas*. Ac dum liberabantur ab eis; *redemptiones*, eas liberationes vocabant; singula nempe à singulis rebus, quibus imponebantur, vel liberabantur, deprompta. Et quod summum est, nonnulla opida Ricis hominibus, quas vocabant, *Cenas*, ipsorum Regum more persolvebant. Quæque verò ea essent, perinde ut Ricis hominibus assignabantur, quasi in feudum honoratum dabantur eisdem. Unde Honores, quod in honorem darentur, sunt vocata. Atqui dum nos ea variis in locis honoraria iura nominamus; non ita accipi volumus, ac si Edicta, legesve Prætorias fuisse, vel ad earum similitudinem efficta, existimemus. Sed quod, licet in honorem; non tamen doni, aut muneris, sed debiti loco, ex patrio definito iure Ricis ipsis hominibus tribuenda essent. Et verò apud nos Villarum nomine (ne eius amphibologia quemquam decipiat) lauta quæque opida comprehenduntur. Militum autem vox, & Infancionum id sonat; ut priori, Equestri Ordinis viros nuncupemus, quos vulgari sermone, *Caualleros*: posteriori vero, quos vocare solemus, *Hejos dalgo*. Sed quia, ut ad Ricos homines redeamus, magnæ eorum res agebantur in istis vectigalibus exercendis, quo eorum exactio facilius fieret, in eisdem opidis Rici homines iura dicebant: ad eamque rem Zauametinas in civitatibus; in opidis autē Baiulos creabant: qui ordinariam iurisdictionem habebant, omniaque prætorio quasi iure liberabant. Id enim est, quod Vitalis testatur, *Curias eorumdem locorum pro Ricis hominibus regere, & tenere*. Et inde factum est, ut qui Rici homines, passim in antiquis Privilegiis nominati inspicuntur, *Senior in Zaragoza, Senior in Alagone, Senior in Tirafona, Senior in Barbastro*,



pro, aliisque his similibus nominibus designati: eos in singulis illis opidis huiusmodi iurisdictionem habere, ipsa illa Seniorum voce declaretur. Qua de re ex nostra antiquitate exempli causa proferam nonnulla, in quibus magnæ, & illustres reliquæ apparent pristina istius Ricorum hominum dignitatis. Sunt autem, quæ in extrema parte veterum monumentorum apponi consueverunt huiusmodi. *Regnante Comite Raimundo in Civitate Casaraugustæ, & mandante eandem Civitatem per illius manus Senior Lopiz.* Siquidem Seniore hunc Lupum Raimundo Berengario Barcinonensi Comiti, Petronilla Regine marito, acceptissimum fuisse constat: & ipsi itidem Ranimiro Regi. Alibi enim, sic de eodem: *Dominus Ranimirus regnabat in Aragon, & sub eius imperio mandabat hanc urbem Lop Senior.* Et de quodam Palazino: *Regnante Comes de Barcelona in Aragon, & in Zaragoza per manum eius Palazin Principe.* Iam ut Ricci homines hoc quoque Principum nomine honestarentur. Istius autem Palazini hanc etiam alio in loco mentionem inveni. *Palazin Senior dominabat Zaragoza sub iussione Comitiss.* Quinimmo & ipsi Reges quandoque ad ipsorum Ricorum hominum instar vocabantur Seniores; ut pote: *Imperator Senior de Zaragoza, & Petro Atares per illo.* Tum etiam: *Hoc tempore Rex de Leon Senior in Zaragoza, & Lop lopiz per sua mane.* Siquidem dum, Alfonso Imperatore, qui Casaraugustam cepit, interempto, eandem Urbem Legionensis Rex, Alfonso etiam vocatus, ut diximus, occupavit. Quod apertius est expressum his verbis. *Regnante in hac civitas Rex Alfonso, Ranimirus in Aragon, & in Suprarbe; Lop Lopez Senior in Zaragoza per manum de Rege de Castella.* Vnde etiam Suprabii vocem non recentem, aut novam, sed illustrem, ac veterem apparet existisse. Quin & in vno, eodemque opido diuersis Ricis hominibus diuersi Honores dari consueverunt: qui singulis solebant definitionibus designari. Quale illud est, quod nuper in vetusto Priuilegio perlegi. *Viccomes Gasto Senior in Zaragoza, & Rothron Senior in illa parte, quæ dicitur Sancti Saluatoris: & Lop Senior in Quarton de Zaragoza.* Hec enim, aliaque id genus in priscis monumentis reperiuntur vno, atque eodem loco, & tempore annotata. Et Testium, quos vocabant, Confirmatorum, in veteribus Priuilegiis nominandorum antiqua formula hæc erat: de qua in Præfatione disputauimus. At *Quarton*, vocabulo, quartam Urbis partem designatam opinor: *Quarte* opidum intelligamus, ita à quarto lapide, quo ab urbe distat, appellatum. Denique cum ex huiusmodi vectigalibus alia in grano, ut loquitur Vitalis, id est, in fructibus imponerentur; alia autem in pecunia: quæ in fructibus exigebantur; præclara ducebantur, & maiora, quod in maiorem possent illius, cui pendebantur, quæstam conuerti. Ex his autem, quæ in pecunia; non tantum illi commodi redundaret. At quibus vectigalia in grano imposita assignabantur huiusmodi; his frequentius ea quam retulimus, iurisdicundi potestas attribui consuevit; ne opportuna, quæ opporreret, ad ea facilius exigenda deesset auctoritas. Quod enim illa erant incerta magis, cum ex quora fructuum parte soluerentur: eo magis prompto, & expedito, ne corriperentur occultè, iuris indigebant remedio. Itaque ut coniecimus, ea Seniorum vox, quæ prius senectutem atque extremam ætatem præ se tulit: hanc postea indicabat Ricorum hominum in ipsis opidis potestatem: ut qui se in eis Seniores vocarentur, demonstrarent, se habere in singulos eos, sibi contributos locos, huiusmodi dicundi iuris facultatem. Seniorum autem vocabulo olim Iudices significatos fuisse, vel ex ea Fori illius aperte colligitur inscriptione: quæ cum hodie Latine reddita, *De iurisdictione omnium Iudicum*, inspiciatur; in antiquis Foris manuscriptis, Hispanis hisce verbis posita reperitur. *De la Senioria de los Seniores.* Nostræ enim veteres leges, quæ modò Latine exstant conscriptæ, prius vernaculæ lingua editæ fuerunt: postea per Salanouam de Regis ac Regni consensione ex Hispano in Latinum sermonem commutatæ. Iam verò vectigalia huiusmodi tam quæ in fructibus, quam quæ in pecunia exigebantur; ita erant Ricci ipsis hominibus assignata, ut ex eis tenerentur decreta iam Militibus stipendia numerare. Pro pecuniarum enim summa, Militum numerus describebatur eisdem, ad eam scilicet rationem, ut pro singulis Quingentis Solidis annui reditus, qui summam conficiunt quinque & viginti, ut loquimur, Scutorum, singulos Milites alerent, & sustinerent. Ipsi autem Militibus plerumque solebant singulæ eorum stipendiariæ portiones in agris, domibus, ac vacuis tandem possessionibus assignari, quibus Ricci homines donabantur à Regibus. Quo autem illæ firmæ, ac stabiles ipsis Militibus, ac posteris remanerent; solemnnes adhibebantur interdum contractuum, & instrumentorum, ut loquimur, stipulationes: quarum hodie nonnulla reperiuntur exempla. Quale illud est, quod in Tabulario Ecclesiæ de *Pilari* continetur: quo idem ille Vicecomes Gasto, Senior, ut inscribitur, in *Zaragoza*, subditum sibi Militem, quod strenuè in expugnatione illius urbis dimicasset, afficiebat quibusdam do-



ribus, & agris, quos quondam possedisset Arabs præcipuus, Alchayde Aben Alimen, vt  
 idem perhibet, vocitatus. In extrema autem ipsius Donationis parte hæc verba subiun-  
 xit. *Dot tibi omnia supradicta bona, salua mea fidelitate, & de meo domino Ildesonso Rege, qui no-  
 bis ea dedit.* Alia enim simillima exstant nonnulla, quæ Militibus irrogabantur, quod se  
 in medios hostes, vt in eis commemoratur, ad perspicuam mortem pro salute exerci-  
 tus inieciissent. Quæ omnes huiusmodi stipulationum formulæ non loqui solummodò,  
 sed personare etiam videntur pristinam illam, & Ricorum hominum in Reges, & Mi-  
 litum in Ricos homines fidelitatem præstandam, quasi non fat ducerent futurum, vt eo-  
 rum omnium integra, ac fidelis mens in factis, & commissis, si non in iisdem ipsis scri-  
 ptis spiraret. Huiusmodi Milites illius Rici hominis cogebantur accitu, cuius stipen-  
 dia merebantur. A quo, si deficiebant, poterant statim iisdem omnibus stipendiis mul-  
 tari. Propterea vulgari sermone, *Caualleros vassallos de los Ricos hombres*, vocabantur. I-  
 psæ verò singulæ eorum stipendiariæ portiones, *Cauallerias de Honor*. Ceterum Reges  
 ipsi pro rata eorum portione tenebantur de subsidiis Regii patrimonii alios quoque  
 Milites sustentare. Verum hi, quia Palatini, id est de Regis domo erant, quam veteres  
 Meiadam appellabant; Mesnadarii Milites sunt vocati: vt diuersis hisce nominibus,  
 diuersi ipsorum Militum notarentur status. Quamquam enim omnes genere idem  
 erant, parte tamen, & specie differebant multum. Ricorum namq; hominum dignitati  
 proximus erat Mesnaderiorum iste Militaris, seu Equester Ordo. Quibus quæ dabantur  
 à Regibus stipendia, vt à prioribus etiam nomine differrèt, *Caualleros de Mesnada*, seu *Mes-  
 naderias*, vocari consueuerunt. Sed paulò post de his. Rici homines ergò suis Militibus  
 stipati tanta auctoritate incedebant, vt Regibus penè viderentur æquales. Signiferos e-  
 nim ante se, ipsorum Regum more, gestabant, singulos quos vocabant *Pendones*, aut, *Señe-  
 ras*, amplissima summæ eorum dignitatis Insignia, præferentes. Vnde & ipsos  
 Ricos homines videmus in antiquis monumentis passim *Ricos hombres de Señera*, vulgari  
 nostra lingua nuncupatos. Regibus assidebant frequentes in consiliis. Ex communi na-  
 que illorum præscripto Remp. administrari ius erat. Ipsi præterea, Principes quandoque  
 vt demonstrauimus, vocabantur. Eorum autem filii, Infantes interdum, quæadmodum  
 & filii Regum, appellati cernuntur. Atq; inde credimus ipsorum Infancionum nomen  
 dimanasse. Nam quo pacto ab homine homuncio, quasi pusillus homo, deriuatur: eo-  
 dem prorsus ab Infantibus Infanciones, quasi Infantes inferiores, dicti fuerunt, ipsorum  
 Militum filii. Hi enim, eorumque posterii propriè apud nos vocantur Infanciones. Mi-  
 lites enim, cuiuscumq; Ordinis sint siue Ricorum hominum, siue etiam Mesnaderio-  
 rum, ii dicuntur tantum qui sunt Militiæ auctoramento honestati, atque vt vulgò loqui-  
 mur, *Los que actualmente son armados Caualleros*. Vnde illud Molini in Verbo, Infancio. *In-  
 fanciones nascuntur apud nos; Milites vero fiunt, seu creantur. Quia sine creatione actuali, seu pro-  
 motione ad Militiam, nullus potest esse Miles. Vt in For. De creatione Militum.* Itaque Infancio-  
 num nomen inde tractum conicio. Non enim placet, quæ ab eodem Molino traditur  
 nominis, & generis Etymologia huiusmodi. *Descendant Infanciones à filiis Regum, qui dum  
 sunt in infancia constituti, non Reges, sed Infantes consueuerunt in Hispania nuncupari. Ex quibus  
 Infantibus paulatim postea descendente, quasi corrupto vocabulo Infanciones consuetudo Hispania  
 appellauit.* Sed ea in re Molinus eodem, quo Vitalis, captus est errore. Vitalis enim sub tit.  
 De conditione Infancionatus. eadem quæ me paulo ante dixi prolaturum, his verbis testa-  
 tur. *Regum filii dum sunt in infancia, vel pueritia constituti, non Reges, sed Infantes consueuerunt,  
 & præcipue in Hispania appellari. Ex quo contingit, quod qui ex Rege genitus ad talem sta-  
 tum, deficiente sibi Regno, non valeat peruenire, quod Rex dici valeat cum effectu: in eanun-  
 cipatione remaneat, quantumcumque processerit in ætate, quam à principio est sortitus. Vnde con-  
 tingit, quod tales, qui Regnum ratione originis promerentur, Regnum tamen nequeunt adipisci:  
 Infantes quamdiu Reges non fuerint, appellantur. Ex talibus ergò postea paulatim, Infanzones, qua-  
 se ab Infantibus genitos consuetudo Hispania appellauit. Qui quasi corrupto vocabulo sunt di-  
 cti Ermanii, id est immunes ab omni genere seruitutis.* Haud namque illa videtur ratio  
 probabilis, vt æquè possit ea nostrorum Infancionum nominatio; quorum nume-  
 ro, ac multitudine Aragonum semper Regnum redundauit; ad Regalis prolis angustias  
 tantum, filiorumque Regum exiguos angulos reuocari. Non enim solius Regiæ prolis  
 cultu tam fecunda potuisset stirps seminari, quam ipsa exstitit Infancionum. Neque  
 in Hispania olim tot Regnorum scēmata vignerē, ex quibus tam magna eorum oriri pos-  
 set, caterua: nisi fortè in vniuersas ciuitates, opida, ac domos multitudinem Regum, qui  
 Infancionum sobolem à se gigni, & propagari curarent, inducamus. At vero Ricorū ho-  
 minum



minum filios, Infantes, antiquitus appellari solitos, præterquàm quòd in veteribus monumentis obseruauimus: illud exstat præclarum Petri Portugalensis Comitis, quod Surita in suis Indicibus refert, testimonium. Adhæc Riciis hominibus ipsis maiorem more, institutisque concedebatur, vt sese possent, dum ipsi vellent, à nostrorum Regum iure, & potestate, quasi nodum aliquem, expedire: neque expedire solum, sed dimisso prius, quo potirentur, Honore, bellum ipsis inferre; modò ne contra Regis personam decertarent, nève eidem periculum capitis, inflammationem, aut excisionem castri molirentur. Quodcumque enim huiusmodi oppugnationis genus inferretur: debebant penitus propulsare. Reges verò Rici hominis sic expediti vxorem, filios, familiam, res, bona, & fortunas omnes in suam recipere fidem tenebantur. Neque vlla erat eorum vtilitatis facienda iactura: quinimmo, quod summum erat, & largitionis recipiendæ promissio. Poterant quoque Rici homines, si Rex non indigeret eorum adiumento; peregrino alteri cuicumque Regi, cum suorum Militum copiis, subsidio proficisci. Quod ipsis nullo pacto impediri poterat, nec perturbari. Porro colonos suos, quos vocabant, *Iaueros*, ab eo, quod vulgò ferebatur, *De hueste, y Causalgada*, seruitio liberabant. Erant autem hæc, vt ita dicam, duo proclamationum genera: quæ omnes ad arma confestim capienda, Regemque stipandum compellabant. Ac posteriori quidem, vnius diei, ac intra illius regionis fines, quibus Rex adesset: priori verò plurium dierum, & extra fines eos, pendebat seruitium. Ad reprimendos siquidem repentinos, ac vehementes hostium impetus, si qui immittebantur in patriam, is illis temporibus parandi quamcitiò nostrorum equitum, ac peditum copias melior inuentus, ac constitutus est modus. A quo cum vix vlli exempti, aut liberi censerentur: Rici homines, magni æstimabant, immunes suos habere colonos; ne arationibus agrorum desertis, solita ab ipsis exigere vectigalia nequirent. Ad bellum ire cogi non poterant, nisi id ipso Rege duce gereretur. Is enim solus ipsis præponi debebat imperator. Denique ita latè apud nos olim Ricorum hominum patuit potestas; vt Regibus vix subdititi, sed pares viderentur, ac socii. Quod præclare, tametsi breuiter, Alfonso III. his verbis expressit, totamque veteris illius Reipub. nostræ, ac temporum formam; dum grauitè de subito quorundam Ricorum hominum à se discessu, præcipitque profectioe questus, priorem Dominicanum, fratrem Valerium; misit, vt eos, quibus rebus posset, sibi conciliaret. Dolebat enim à se illos quorundam, vt assererat, perfidia esse distractos. Ita autem ea de re conquirebatur: quemadmodum Surita in Annalibus annotauit. *Que lo hanian desamparado los Ricos hombres, que con el estauan: creyendo boluer à lo antiguo, quando hauia en el Regno tantos Reyes, como Ricos hombres.* Tam magnum quondam Ricorum hominum nomen fuit, tam magna species, tantaque apud nos dignitas, & amplitudo, vt ab ipsis Regibus Reges censerentur. Verum enim verò eorum duplex ratio fuit. Alter enim Rici homines de natura dicti sunt; quorum certæ fuerunt descriptæ, ac designatæ familiæ: Rici homines autem de Mesnada alteri; quorum longior numerus fuit, & incertus. Et hi omnes quamuis postea non multum genere differre visi sunt: sed in eo ipso minimè censebantur pares. Nam Rici homines de natura habiti sunt semper antiquiores. Eosque persuadeo mihi à duodecim illis Senioribus, qui in primo Interregno Reipub. nostræ moderatores fuerunt, originem potius duxisse, quàm ab alienigenis, externisve populis: tametsi video posteros nonnullos ex ipsis, in eo se potissimum gloriari, quòd nobilitatis suæ peregrinos, aut aduenas, multos post annos, habuerint auctores: cum antiquum illud, cuius initio intexuimus Tabulas, Suprarbiense lus vetaret plenissimè, ne qui perhiberentur ab eis gentiles sui, possent, si aduentitii fuissent, lautissimis patrimoniiis, quæ ipsi nunc possident, impertiri. Nec causa est vlla, meo quidem iudicio, cur velint, generis sui antiquitatem portentosis, aut fabulosis initiis illustrare: neque cur etiam externam nobilitatem domesticæ nobilitati anteponant. Iam verò vt missa hæc faciamus, virorumque familias, & Armorum, quæ hætenus inueniri potuerunt, Insignia statui, honestatis, & amplitudinis gratia, æquum esse annotare: vt quæ illarum laus quondam floruerit, eam, qui nunc ipsius stirpis sint, cupidius persequantur; ac quò se inspiciant ceteris familiis excellentiores, eò etiam clariora dent naturæ, atque humanitatis indicia. Non autem ex sermone hominum recenti, sed ex Annalium vetustate eruenda hæc esset vniuscuiusque illarum nobilitatis memoria. Sed ne ea ex meo deprompta sensu videatur, Indices sequar Suritæ: qui se eadem deprompsisse affirmabat ex priuatis cuiusdam Martini Alpartilii, egregii antiquarii, de huiusmodi argumento conscriptis monumentis. Quibuscum etiam alia vetustissimi illius D. Petri Garfiae Cariniensæ, de quo supra



feci mentionem, quæ apud nostrum D. Rudericum Zapatam, cum omnibus bonis artibus excoltum virum, cum nostræ antiquitatis diligentissimum inuestigatorem, manu scripta exstant, videntur consentire. Quamquam autem à Cariniena ipso feruntur scripta: neque enim id dubito: arbitror tamen in ea nostros ipsos Benedictum Papam, ac Martinum Regem, quod quisque illorum potuit, contulisse in sermonibus illis, quos constat ab ambobus habitos fuisse hæc de re. Etenim Ann. Chr.  $\infty$  cccxcvii. cum ad Avinionem convenissent, & quidam die post cœnam in præclarum hunc de antiquis nostris familiis sermonem, D. Vgone Arglesola aliisque sciscitantibus, incidissent: memoria proditur, eos veteris istius Historici volumen poposcisse tunc, illudque diligenter evoluisse totum, & universa, quæ in eo scripta fuerant, comprobasse. Atque eo tempore ab ipsi: suspicor notatiunculas, quæ exstant, fuisse ad illustrandam veritatem adhibitas: quod uterque eorum plurimum istius rei scientia polleret; ac quo longè ceteros ætate anteibant, eo essent ab ipsa quoque verustate facti peritiores. Istius verò Carinienæ licet nobis incerta sunt tempora; tamen annis multis fuit ante ipsum Martinum Regem: atque ut ex illius scriptis colligitur, Alfonsi Sapientis Castellani Regis ætate coniunctus. Vnde fit, ut argumentum hoc, tot gravissimorum virorum auctoritatibus illustratum, nullo egeat testimonio graviore. Et facile credam, Carinienam hunc illius Carinienæ gentilem fuisse, qui ipsius Benedicti Papæ cubicularius fuit. Sed præter nominis similitudinem certi nihil habeo. Rici homines igitur de natura, quorum certas designatas fuisse familias memoravi; quasi maiorum gentium patri-  
ciis fuere. Hi autem à scriptoribus ipsis perhibentur.

## RICI HOMINES DE NATURA




Nobilissimæ enim Lunatum gentis, in hoc ipso Ricorum hominum de natura gradu, tres olim fuisse familias observavi; totidem Armorum Insignibus, quæ annorantur, ac patronymicis quoque nominibus hæc distinctas. Priores siquidē, *Martinez de Luna*; alteri, *Fernandez* seu, *Ferrench de Luna*; posteriores autē *Lopez de Luna*, dicti sunt. Omnes tamen ab una, & eadē stirpe, ut mihi quidē persuadeo, profecti. At verò Azagratū singularem modestiā nefas esset silentio præterire, quam in suis inscriptionibus adhibeant. Nam cum Sanctæ Mariæ de Albarrazin, elari, & nobilis, ita vocati, opidi dominarentur; verborum pia  
notatio.




notatione traducta, profitebantur se esse, *Vassallos de Santa Maria, y Señores de Albarra-*  
*zin*: debitam humilitatem etiam cum amplitudine denotantes. Et in *Vrrearum* illu-  
 strissima gente illud idem, quod in *Lunís*, factitarum video. Neque enim plures, etsi eius-  
 dem gentis, familiae ab hoc *Ricorum* hominum *de natura* cœtu arcebantur. Siquidem  
 cum ipsorum *Vrrearum* duæ quoque fuissent olim familiae præstantes, singulis ditioni-  
 bus honestatæ, altera trans *Iberum*, & eis *Iberum* altera constitutis, quæ nunc sub *Vnius*  
 amplissimi *Arandensis* Comitatus titulo, & imperio comprehenduntur, tametsi ambæ i-  
 psæ genere, & nobilitate censebatur pares: nihilominus in eodem hoc ipso *Ricorum* ho-  
 minum *de natura* gradu, habitæ fuerunt diuersæ. vt quemadmodum *Lunarum*, quas di-  
 ximus, res; sic & *Vrrearum* duas fuisse olim præcipuas familias certum sit. Alteram au-  
 tem ab altera nequaquam secreui: quod in *Armorum* Insignibus nulla prorsus in re  
 eas inuenerim, neque etiam in *Eximini* illo vltatissimo ipsius gentis patronymico no-  
 mine discrepasse. Sed fit inde, vt hæc *Vrrearum* adhibita distinctione, quæ re vera  
 fuit, cum *Ricorum* hominum *de natura* duodecim fuisse familias eruamus; probabilius  
 sit, quod paulo ante diximus: nempe *Ricos* homines hosce *de natura* à duodecim illis *Se-*  
 nioribus, quibus nostræ in primo illo *Interregno* constitutæ *Reipub.* commissa fuit ci-  
 ra proficisci: quandoquidem in eis ad eundem etiam illum ipsum duodecim num-  
 20 erum species permansi. Itaque affirmare possumus, eos non casu habitos, sed magna  
 illa ex causa fuisse, & dignitate, & numero, iam ab ipsis *Regni* primordiis, definitos. At  
 verò *Rici* homines, qui superioribus pæne æquales & potentia, & nobilitate ab iisdem  
 scriptoribus memorantur; mihi quidem videntur quasi minorum gentium patricii: atq;  
 vt à prioribus distinguerentur, *Rici* homines *de Mesnada* appellati. Quos placet hoc lo-  
 co nominare. Sunt autem hi.

## RICI HOMINES DE MESNADA.

Verguæ.




Mazæ.



Tramacetii.



Atrosillii.



Antillionii.



Ortizii.



Atorellæ.



Ataresii.



Tizonii.



Caxalii.



Sanctæ cruzes.



Pardi.





Castellezuelii.




Huertæ.




Podii.



Peraltæ.




Vidaurii.



Peniæ.



Sessessii.



Ahonesii.




10


Najæ.



Benauentii.



Ayeruii.



Stadæ.



20

Galafanzii.



Espeffii.



Alcalæ.



Artufellæ.



30

Ac posteriorum huiusmodi Ricorum hominum de Mesnada longior, quam illorum de natura, ac numerus etiam tam certus non fuit. Alias enim plures ipsorum de Mesnada illustres, ac veteres familias observavi. Neque ausus essem omnes, ex posterioribus his, Ricos homines fuisse affirmare, nisi id viderem ab eorum, quos supra dixi, auctoritate approbatum. Me enim in hac mentem sola impulit illorum fides: quorum testimoniiis, non sensu meo, quemadmodum initio sum præfatus, uniuscuiusque familiae gradum metiendum constitui. Sed mihi nequaquã propositum est modò de singulis earum originibus disputare. Eam enim rem arbitror ex Annalium monumentis, ac nostrorum Regum Commentariis exquirendam. Placuit autem adhiberi hunc à me perpoliendi solum, & ornandi huiusce operis causa laborem; ac veteres tantum Ricorum hominum familias recensere, earumque nobilitatis, quæ hæcenus inuenire potui, Insignia annotare: non autem de illarum antiquitate disserere. Ea enim in re, tamquam ratis in mari immenso, nostra veheretur oratio: neque tam explorata ea ratio est, quam videtur. Quãobrem emergam me ex his vadis: cum ceteros videam lubricam hanc quæstionem silentio præteruectos. Ricis hominibus igitur ius antiquum erat in omnibus ciuitatibus, atque opidis Aragonum, maxima vectigalia pro Militibus alendis assignari. Quæ vocabantur Honores: quia in honorem, ut sæpe dictum est, conferebantur. Hi ergo nequaquam poterant ab vnus Rici hominis imperio abdicari, quin statim alteri Rico homini addici oporteret. Neque verò quis eorum poterat ad solius Regis nutum ab eo circulo perpetuò subduci, tametsi id Vitalis videatur attestari. Contrarium enim elicitur ex antiquis legibus, ipsius tempore, promulgatis, quibus, id Regi facere, est nefas decretum. Abiudicari autem poterant, si aliquis ex infrascriptis septem casibus incidisset: quos in hunc locum conferendos statui, quia diffusi in ipsis legibus continentur. Sunt autem hi:

Siquis



Siquis non Infancionem, aut ciuitatis immunis non ciuem Militiæ authoramento honestabat. Tunc enim Honorariis illis iuribus, quæ aliis sui Ordinis patebant, exclusus perpetuò censebatur. Vt in For. 1. & 2.

*De creatione Militum.*

Tum:

Qui honorem sibi commissum faciebat deteriolem, seu à vestigalibus suis opidis insolita stipendia cogebat; Regis prorsus subiacebat nutui: nec deinceps vñquam, Rege non libente, in circulari illo Ricorum hominum cœtu admittebatur, si requisitus differret, illata huiusmodi damna refarcire. Vt in For. vñic. *De stipendiis, ac stipendiariis.*

Tum etiā:

Si stipendiarias illas Militares portiones, in singulis sibi contributis opidis designatas, aut numero exhaustas, aut extenuatas censibus sustineret; supremo illo munere spoliabatur perpetuò. Vt in For. sub. tit. *Quod Barones Aragonum teneantur.*

Nimirum, vt fraudandi spe omni sublata, eorum numerus integer esset, quos neruos esse Reip. statuebant. Porro autem:

Qui Regis mandata malitiosius gereret sui quæstus, aut commodi gratia, vel fortè negligentius; summum admisisse dedecus statuebatur, Honoremque amittebat: dummodò id in maximi ponderis, ac momenti re esset. Si verò in vñius ad quinque dierum seruitio defecisset à Rege; stipendiorum vñius anni mulctabatur pœna. Vt in Obs. 5. 6. 7. *De conditione Infancionatus.*

Præterea:

Qui se alterius Principis federe obstringebat, priuabatur Honore: nisi à Rege prius veniam petiisset. Vt in Obs. 8. eod. tit.

Tunc autem illi venia erat necessariò danda, omnesq; illius fortunæ in Regiam fidem, quemadmodum exposuimus, recipiendæ. Adhæc etiam:

Qui aduersus Regem, illiusq; ministros non eam, quæ deberetur, cui subiecti sumus lege naturæ, reuerentiam adhiberet, ab omnibusq; adhibendam curaret: amissi Honoris damnabatur iudicio. Vt in Obs. 9. eod. tit.

Vsq; eò maiores nostri Regibus obtemperādum dixerunt. Solummodò enim eorum acerbitatem mitigandam; potestatem verò perpetuandam, reuerendam, ac obseruandam curarunt. Deniq;:

Qui iuratus, aliquem Infancionem esse, falsò retulisset; nedum Honoris expers fiebat, sed in perpetuum seruire vestigalibus premebatur. Vt in Obs. 10. sub eod. tit.

His de causis ergò antiquo iure poterant, qui dicebantur Honores, Ricis hominibus nostris abrogari. Verum id non sat erat, de solius Regis sententia decerni. Nam vñuersi Senatus oportebat, publicique consilii decretum accedere: vt in Salanoux scriptis aperte continetur. Qui verò ita priuabatur Honore, in Mesnaderiorum Ordinem descendebat, nisi forsan fuisset fedissimo illo crimine falsi notatus. Tūc enim ipsi infima perpetuò plebeiorum hominum condicio impendebat. Atqui Rex inter Ricos homines iure poterat solus, Honores illos vertere, ac mutare. Non. n. eorum perēnes erāt in singulis familiis cursus, nec perpetui. Et de hac Honorum inter ipsos Ricos homines mutatione Vitalis illa intelligenda sunt verba, dum ait. *Conditio autem Regis circa Ricos homines dignoscitur esse talis, vt quomodocumq; sibi placuerit, & quotiescumq; eos destituat. Quæ destitutio fit, quam citò ipse Rex verbosenus, vel per suas literas Honorem, quem pro ipso tenet Ricus homo, restitui sibi petat.*

Ea enim ad id tendere videtur, vt Rex Honoraria illa iura inter Ricos homines liberè cōmutaret, non vt vnus priuaretur Honore, sed vt nouo alter beneficio afficeretur. Aliter enim iniqua res esset, & absurda, cum, qui summum illum fuisset amplitudinis gradū assequutus, dispoliari eodē sine causa posse. Ad perpetuam autē illius abrogationē referri debēt Vitalis verba, quæ superioribus connexa sunt huiusmodi. *Qua destitutione facta, Ricus homo quantumcumq; diues, vel nobilis, etiam si plures Milites secum trahat, inter Mesnadarios cōputatur.* Nempe, vt qui à Ricis hominibus agitaretur, perpetuò in Mesnaderiorum cōoptaretur Collegium, ne omnibus exturbaretur fortunis, nisi in pœnam criminis falsi incidisset. Neq; aliter Vitalis sibi ipsi constaret: cū Ricis hominibus sua iura statuatur, à Regibus auferri non licere, nec dum filiis, nec fratrib. Regum irrogari. Itaq; sic erāt singulorū Ordinum munia distributa, vt nulla pars illorū excederet exira, nec quidquā de vno in alium Ordinē posset trāsferri. Quinimo statutū erat, Vt ex Honorariis illis iurib. plus equo nequaquam congereretur in vnum: ne ceteri, qui quondā felices, ab amicis postea



circumuenti, egerent indignè. Quo pacto fiebat, vt Honores hi inter Ricos homines semper versarentur in gyrum. Iure autè poterant à suis creditoribus pro debitione pecuniæ, vt vulgò loquimur, emparari. Neq; id Regi facere nefas erat. Publicæ nãque fidei cõducit maximè, quod quisq; debeat, quamprimum retribuere. Tunc autè Regis, qui vocabatur, Merinus ad singula quæq; mittebatur, quæ ipsi Rico homini pensitabant, opida; edicens, ne in eum paterentur quidquam ex suis illis vectigalibus redundare, quo vsque prius creditori debitum persoluisset. Ære tamen alieno liberatus, solita vectigalia exigebat. Quod si ex crimine causa constaret, eorum solutio nō poterat à Regib. impediri. Pro crimine enim, vt nostri loquebantur, Honores emparari non poterant, nisi de publici consilii sententia: quemadmodum Salanoua interpretatur: qui totam hanc quæstionem ad commune magis iudicium, popularemque intelligentiam accommodauit: tamen si in illius scriptis plurima defunt, ex intima monumentorum haurienda obseruatione. Ceterum summa hæc Ricorum hominum dignitas, quæ *Rica hombria* vocabatur, hereditario iure ad Ricorum hominum filios, quem quisque optaret, perueniebat. Soluta enim ipsis erat eligendi optio: dummodò vnus tatum in alterius locum vocaretur. Plures enim institui heredes non poterant. Sed nec optari quidem filium licebat, qui non esset ex iusto matrimonio procreatus. In nothis enim tantam hære dignitatem noluerunt. Alii autem filii in Mesnaderiorum Ordinem adscribebantur. Atq; illos arbitror aliquando Mesnadarios nobiles nominatos fuisse. Quorum mentio fit in declaratione Priuilegii Generalis, sub his verbis. *Item que a los Mesnaderos nobles, no sea emparada la Mesnada.* quasi eos ab aliis Mesnadariis ea ratione distingui fas esset. Nobiles enim postea vocati sunt, qui à Ricis hominibus ducebant genus suum. Modò tamen id Nobilium nomen latius patet. Si verò Ricus homo decederet filiis orbatus; tunc illius Ricahombria ad eum pertinebat consanguineum, qui esset cum illo proximioribus vinculis propinquitatis coniunctus, vel quæ quisque eorum dignitatis suæ superstite reliquisset. Quod si quis præter Ricahombriam, obtineret Baroniã: poterat alterum ex Ricahombria, alterum ex Baronia facere heredem: vt elicitur ex Obser. sub tit. *De conditione Infancionatus.* Ideò Molinum diximus errasse, dum omnes Barones, Ricos homines fuisse annotauit. Diuersa nãq; eorum ratio fuit. Quo autem pacto distinguerentur, haud scio. Non enim tam facillè veritatem inueniri possunt, quàm falsa conuinci. Atqui cum Ricos homines videam in Vitali, & Salanoua, atq; adeò in nonnullis ex nostris ipsis legibus, Barones sæpius appellatos, quasi nihil distulerint inter se, contrarium autem ex his, quæ diximus, & aliunde etiam eruatur: persuadeo mihi, aliquamdiu apud nos eas nominationes nec nimis diuersas, nec vllò modo fuisse coniunctas. At nunc quidem Baronum nomen latius patet, ad multosque pertinet, qui neque sunt patricii, neque à patriciis profecti. Mihi verò maius quiddam sonuisse videtur Ricorum hominum nomen, quam Baronum: sicque statuo, vt natura finxerit Ricos homines, Barones postea à Regib. facti sint. Ricos homines enim vna cum Regno, & Regibus ortos esse, nō dubito: quinimo, & ab ipsis Ricis hominibus, & verò præcipue ab his, qui de natura sunt dicti, eorumve maioribus, Regnum, ac Reges olim constitutos. Neq; verò, quod natura finxerit Ricos homines, omnino leui pēdet coniectura. Hinc namq; vetus illa, atq; vsitata exceptio processit, quam notauimus, dum ad distinguendos ipsorum inter ipsos Ricorum hominum ordines, ac status, quibus aliquamdiu redundare cœperat Regnum nostrum; patricios illos maiorum gētium, vulgaris, & corrupta nostrorum hominum loquēdi consuetudo, *Ricos hombres de Natura*, appellabat: quod eos ad tantum honorem natura ipsa, non autem vlla Regum beneficentia extulisset. Quorum tamen certæ erant, ac debebāt esse, superiores illæ à nobis supra descriptæ, ac designatæ familiæ, quibus tantummodo, nec aliis prorsus, Honores omnes assignari ius erat: sed tamen in eum locum Reges ipsi paulatim alias nouas familias immiserunt, ex Palatinis, & Mesnadariis adscitas: quæ veteribus inculcatæ, non modò illas antiquo suo nomine amplissimo, ac proprio, sed Honoraria ea societate fraudabant: quippe quia, & Rici homines vocabantur, & plerumq; ipsis illis amplissimis Honorum à Regibus afficiebantur muneribus. Verum hi ad priorum dissimilitudinem, quod ex Mesnadariis adscirentur; *Ricos hombres de Mesnada*, vt diximus, dicti sunt. Propterea priores contendebant, neque à Regibus inferi potuisse posteriores, nec eo nomine afficiendos, quo affecissent. Negabant enim quidquam vlli extra eorum Ordinem, ac numerum decerni licere. Qua de re vetus illa Honoraria, vt ita dicam, lex lata fuit, quæ nunc extat, sub tit. *De caualleriis.* Ea enim, id à Rege fieri, his verbis vetabat. *In primis: Quod ipse, vel successores eiusdē de cetero nō donent terrā, sine Honorem alicui homini, nisi illi tantū, qui ex natura debet esse Ricus homo, & quod non sit de alieno Regno.*



Vnde etiam expugnato postea Valentino Regno, Ricis hominib. nostris de suo iure multa, & magnæ fuerant cum Iacobo Rege contentiones. Instabant enim, atq; vrgebant, vniuersam illud Valentinum Regnum, eorum ope in Regis ditionem, imperiumq; redactum, singulis suarum patribus familiarum solito illo apud nos Honorario iure distribui debere. Rex autem è contrario contendebat; longissimè diuersam habendam esse rationem. Quæ controuersia tunc demum sedata fuit, cum Ricis hominib. iis ex nostris, qui ea de re vehementius disceptabant; lauta nonnulla illius Regni opida contributa fuere: plurimæque in eo stipendiariæ portiones ad nostrarum instar pro Militibus sustinendis designatæ. Eas tamen non *Cauallerias de Honor*, sed paululùm mutato nomine, *Cauallerias de Conquista* nuncuparunt. De his autem plura à nobis in Iacobi Regis I. rerum narratione. De hoc igitur nouorum Ricorum hominum creandorum more, qui à Regibus induci consueuerat, Vitalis illa intelligenda sunt verba. *Quinimo etsi dominus Rex tales extraneos inter Ricos homines numeret, & Honorem Ricis hominibus debitum eis exhibet, iniuriam nullam facit*. Quæ non ad utilitatem, sed ad dignitatem referenda esse apertè colligitur ex his, quæ itatim subiunguntur. *Interest enim tam Regis, quàm Ricorum hominum, & omnium Aragonensium, Regem multos habere Ricos homines, vel Barones: dummodo naturales Aragonie stipendiis sibi debitis non fraudentur*. Ac si maiorum gentium patrici illi, Rici homines de natura, factam eam aliorum hominum in Ordinem suum inductionem eo pacto, ac lege sustinerent; modò ipsi solitis commodis spoliarentur nequaquàm, tamen si posteriores nominis, ac dignitatis suæ participes fierent. Cum verò postea acerrimæ quoque controuersie orirentur de huiusmodi Ricis hominibus cooprandis, quòd interdum ex inferiori Ordine adscirentur; decretum fuit: vt ex Mesnadaris tantum eos cooprari liceret; neque quis aliunde assumeretur extrinsecu. Quod apertè declarat Vitalis, dum ait. *Hos autem Ricos homines creare, vel assumere Rex de Mesnadaris naturalibus de Aragonia debet*. Vnde ea Ricorum hominum de natura, & de Mesnada adhiberi solita est in quotidianis sermonib. crebrior distinctio: vti vniuscuiusque illorum generis antiquitatem apertè idem ipse quotidianus loquendi sermo indicaret. Verumtamen omnia ista iura plerumque Reges peruertebant, Honores illos non solum nouis, sed peregrinis etiam hominibus deferentes. Iam verò Honores hi cõmuni Militum commodo inferuiebant. Quorum singulas eas stipendiarias portiones, *Cauallerias*, appellabant. Hæ autem olim, genere quatuor fuere; vt elicitur ex For. *A la multiplicacion tit. De Caualleris*. Quasdam enim, *Cauallerias de Honor*, vocabat: alias, *Cauallerias de Mesnada*: *Cauallerias acostumbradas dar como de Honor*, nonnullas: postremas verò, *Cauallerias acostumbradas dar como de Mesnada*. Eadè namq; officia, diuersa adiuncta ratione, disparibus Ordinibus tribuebantur. Res autem cogit, vt efferantur vulgari sermone. Latine namque reddita subagreste quiddam sonarent, ac subrusticum; nec eam, quam quaerimus, nostrarum rerum antiquitatem olerent. *Cauallerias* quidem *de Honor*, (vt sigillatim vnāquamque rem attingamus) stipendia illa nominabant, quibus Rici homines Milites suos, vel Militum filios, Infanciones vocatos, afficiebant. Eis enim dari poterant, ac debebant: dabanturque vel in pecunia, vel in fructibus, aut vacuis possessionibus, vt cuique Rico homini libitum erat. Ab eo autem, quòd vestigalia Ricorum hominum, Honores, sunt vocata: & ipsa etiam alimentaria Militum, ac Infancionum stipendia, quia in eisdem illis Honoribus decernebantur; *Cauallerias de Honor*, vocari consueuerunt. Ac verò earum ratio duplex fuit. Quædam enim vocabantur antiquæ; aliæ recentiores: quibus nominibus suum vnicuiq; designabatur Regibus munus seruiendi. Recentioribus quidem, qui ex nostris potiebantur; trimestre quotannis seruitium ad arma vocati depēdebant. Antiquis autem, mensui tantum spatii erat ipsis actio cõstitutā. Quam maiores nostri Latine etiam loquentes, *Mensatam* appellabant: & facere *Mensatam*, illud vnus mensis, quod pēdere cogeantur, seruitium. De quo verba illa accipiēda sunt Priuilegii generalis. col. i. l. i. *que los Ricos hombres de la Mesnada* (Ita n. in manuscriptis codicib. continetur) *que han a servir al Señor Rey, que sean contados en aquel mes los dias de la yda, è de la tornada: daqui aqui sean tornados en lures casas. Taquello mismo sia de los Caualleros, que terran Honores de los Ricos hombres*. In excusis enim deprauatè legitur *de la Mesnada*. Sed *Mesnada* legendum esse, ex ipsius orationis sensu percipitur. Nam vt omnia cohæreant inter se, postrema ex eis duci oportet, quæ prius dicta fuere. Dum igitur ait, *que han a servir al Señor Rey*, & paulò post *que sean contados en aquel mes*, apertè colligitur, mensis antea fuisse, nō *Mesnata* factam mentionem: vt tamen si manuscripti codices mendum hoc nequaquā corrigeret; ipsa eadè spinosa & exilis vulgaris oratio ansas daret, quibus reconditum hunc sensum re-



neremus. Itaque maiores nostri variis his nominibus, quasi iuris norma, ac præscripto, dilucidè, & scuerè officiorum omnium momenta distinguebant. Sic enim erant Militares huiusmodi portiones designatæ non solum numero, sed etiam ratione; ut quid quemque Ricum hominem Regibus, & quid quemque Militem, aut Infancionem Ricis hominibus præstare oporteret, notum esset maxime, & vulgatum. Eas autem in nostras Milites, ac Infanciones conferri ius erat. Vetus enim illa præcipua Suprarbiensis lex alienigenas hisce Honoribus frui vetabat plenissimè. Neque verò hi Milites, ac Infanciones poterant, nisi pro vadimonio deserto à Ricis hominibus, exauthorati. Nam, ut veteres nostri loquebantur, non ad Ricorum hominum nutum, sed simpliciter, Militaria illa stipendia eis assignari licebat: ut quo iure Rici homines cum Regibus ipsis, eodem etiam & Milites, ac Infanciones cum Ricis hominibus vterentur. Atque hac una in re Caualleriæ de Honor à Caualleriis de Mesnada differebāt: præterquàm quòd erant dignitate, & gradibus inferiores. Cauallerias enim de Mesnada vocabant, singulas eas stipendiarias portiones, quas Reges de Regalis patrimonii subsidiis, domesticis suis, ac Palatinis hominibus impartiebant: siue ii essent Nobiles, siue etiam Milites, siue etiam Infanciones. Triplex enim ea Mesnaderiorum quondam ratio fuit. Nequaquam autem illorum certæ erant, aut designatæ familiæ. Liberè enim poterant Reges, quem quisque vellet, in eo dignitatis gradu collocare, modò ex tribus his ordinibus adsciretur. Nihilominus tamen in eo ipso gradu fuere Mesnaderii nonnulli, ceteris sui Ordinis genere, ac dignitate illustriores. Hi autem ab eodem Surita, & Alpartilio, ceterisque aliis antiquariis, 20 describuntur.

## MESNADERII.





Funesii.




Lihorrii.



10 Zapatz.



Vrriesii.



Lanuzz.



Verz.



Et mihi quidem non valde placet adhibitus iste ordo in his enumerandis nostrorum  
 20 Mesnaderiorum familiis. Nonnullas enim præteritas video; alias retropositas, & lo-  
 caras: quas ego prioribus libenter anteferrem. Nec me fugit Hieronymum Suri-  
 tam in priuatis monumentis suis testatum reliquisse, Valtorresios, eisdem prorsus  
 cum Zapatis esse. Ego verò cum ex ipsis Zapatis alios videam, Zapatas de Thous; de Ca-  
 lahorra; de Alfaro; de Valtorres; de Cintrucenygo; de Alcolea; & alios etiam de Cadret; his  
 siquidem variis cognominibus appellatos: potius dicerem, Zapatarum gentem, quod  
 in plures esset familias diffusa, ad internoscendam vnamquamque earum, singulas has-  
 sce cognominum notas, à singulis hisce opidis sumptas, adiunxisse. Ideoque qui ex  
 eis Valtorresii opido, à Bilbili non longè, sunt potiti (eos namq; fuisse illo diu potitos cō-  
 stat) Zapatas de Valtorres fuisse dictos: & quandoq; Valtorresios simpliciter appellatos,  
 30 ad illorum similitudinem prorsus, qui apud Valentinos, cum ex eadem Zapatarum gen-  
 te sint, gentilitium ipsum supprimentes nomen, *Perez de Calatayud*, tantummodo di-  
 cuntur. Neque etiam dubito, quin Zapatz ipsi eadem omnino Armorum Insignia non  
 omnes gestarint; sed aut numero, aut qualitate diuersa: nempe ut qui cognominibus in-  
 ter se, in uignibus quoq; voluerint differre. Ac Valtorresios quidem ea, quæ eisdem tribui-  
 mus, Insignia gestasse, ex veteribus sepulchris colligitur. Et verò Zapatz de Cadret quæ  
 Insignia gestarint, dicam, quod sentio, dum infra illius Ioannis Zapatz, qui Iustitia A-  
 ragonum fuit, vitam attingam. Eum namque ex eadem hac ipsa Zapatarum gente fuisse,  
 perspicua res est: tamen interdum inuenio hæc omnia in dissimilem rationem muta-  
 ta. Verumtamen iam initio scripsi, me hac in re Suritam, Alpartilium, & antiquarium il-  
 lum Garfiá, sequuturum. Nam etsi ego, quid ipsi in ea sint sequuti, non perspicio: iccirco  
 40 minus existimo, quidquā eos nisi aliqua ratione nō fecisse. Hæ igitur clarissimæ sunt, quæ  
 ab hisce scriptoribus veterum Mesnaderiorum, seu Mesnaderiorum (quod idem est) fami-  
 liarum memorantur. Quibus quæ à Regibus assignabantur vestigalia, Cauallerias de Mesna-  
 da nuncupabant. Regio autē nutu pendebat prorsus. Quæ tandē magna, ut diximus, erat  
 inter Cauallerias de Honor, & Cauallerias de Mesnada differentia: cum has ad libitum cō-  
 ferri fas esset, illas autē nequaquam. Postea tamē hæc omnis ratio plerumq; solita est tra-  
 duci, & conuerti. Caualleria enim de Mesnada interdum in Honorem, id est, immutabi-  
 les, ac perennes conferri consueverunt: & è conuerso Caualleria de Honor, ac si essent de  
 Mesnada, ad nutum assignari. Et profectò totus ille ambitus verborum, *acostumbradas dar*  
 50 *como de Honor*, seu, *acostumbradas dar como de Mesnada*, nihil aliud, nisi hanc vniuscuius-  
 que illarum mutabilitatem, vel immutabilitatem indicabat: ut quæ vnius generis erant,  
 ad alterius generis rationem collatz, adhibita illa verborum traductione, notaren-  
 tur. Vnde hodiernis temporibus Mesnaderios Milites videmus nonnullos, qui  
 priscam hanc istius differentie notationem in suis Inscriptionibus præferunt; se  
 cum alioquin ex Mesnaderiorum Ordine sint, Honoris lautorum opidorum dominos  
 nuncupantes: quasi ea sibi, ac maioribus suis eo pacto declarent non ad Regum nutum,  
 ut Mesnaderiis conferri ius erat; sed in Honorem fuisse, Ricorum hominum mo-  
 re, contributa. Quæ enim re differebant, nomine etiam distare voluerunt. Nec tamen  
 hæc ita stricta erant, ut ea Reges cum volebant, plerumque non laxarent. Cumque ob



eam causam multis modis confusa versarentur: publica postea lege. *A la confirma-  
 cion, tit. De Cauallieris.* decretum fuit, ut in genus quodque suum digerentur discretè.  
 Quoniam autem sæpenuerò vectigalibus locis immunitas dabatur à Regibus Milita-  
 rium huiusmodi stipendiorum; quibus ademptis nihil aliud sperandum videbatur, ni-  
 si ut Resp. suis nervis incisus debilitata relinqueretur, & soluta lege vnica sub tit. *De dimi-  
 nutione Caualliarum.* edictum fuit, ne attenuari illa possent, neve imminui. Interdum e-  
 nim necesse erat, bellicæ rei gerendæ rationem ciuilibus legum præceptis fultam esse.  
 Hinc autem fiebat, ut cum certissima hæc essent militibus nostris proposita præmia; non  
 dubitarent quibusuis se offerre pro patria periculis: eratq; omnino, dum præliabantur,  
 præclarum illud insitum in eis: aut vincere, aut emori. Quod si belligerando nece-  
 bantur; in meliori erant causa, & condicione, quam si domi locupletes senes remansis-  
 sent. Eorum verò, qui imperatores, duces, arcium præfecti, nauarchiue fuerant; sepelire  
 corpora nequaquam licebat, quin prius declararet Rex officio, ac muneri, quod quisque  
 illorum sustinisset, satis factum esse: præstitamq; sibi in eo ab vnoquoque fidem, solle-  
 mni decreto interposito, liberaret: nimirum ut qui fraudem, aut scelus commisisset, ho-  
 nore sepulturæ careret. Tot modis, institutisq; maiores nostri præclarum, qua nunc frui-  
 mur, libertatem stabilierunt, omnem rationem, assiduamq; & perpetuam curam, ac la-  
 bore in id potissimum adhibentes, ut omnes nostrorum hominum Ordines, ac status,  
 & Reges ipsi, quasi membra suo quoque loco locata, singulis sibi muneribus assignatis,  
 sine ulla, si fieri posset, aliorum Ordinum iactura, æquabiliter fungerentur, sicq; liber-  
 esset, & non sollicita nimis, aut anxia suæ rei cuiusque custodia. In quo demum tota Reip.  
 nostræ temperatio consistit. Sed iam, hæc omnia partim ipsa vetustate consenuerunt,  
 partim nouis ritibus sunt sublata. Et verò prisca hæc tanta seueritas, desertaque illa, &  
 inculta vita, quando dies, noctesque nostri armati concursabant, ac in bello, & Ma-  
 rorum sanguine assidui versabantur; verè quidem parsimonix, fortitudinis, tempe-  
 rantix, cæterarumque virtutum omnium magistra fuit. In qua maleficia, ac scelera,  
 quæ nunc in odiosâ hac nostra, umbratili, & delicata gignuntur; gigni non solebant:  
 quinimo ita tunc æqualiter omnes omni genere virtutum florere; ut egregia hæc  
 laus videatur non hominum solum, verum illorum etiam temporum fuisse. Cete-  
 rum quæ de antiquis nostrorum hominum, atq; huiusmodi etiam familiarum nominib.  
 dicenda constitui, postea explicabo, dum exponam prius, quæ nã sit Iustitiæ Aragonum  
 Magistratus vis, ac potestas: de quibus, ut agatur hoc loco, ordo ipse postulat ratio-  
 nis. Eo enim spectat totum: hic a me tam diffusè habitus sermo de Ricorum hominum  
 dignitate; ut mirari definamus, quod ea vigente, tam diu Magistratus quasi diutur-  
 no somno consopitus exstiterit; cum Ricorum hominum seuerum imperium non Ma-  
 gistratus solum, sed vim quoque ipsius Regiæ potestatis obsideret. Erant enim publi-  
 ci consilii principes, & bellicarum omnium rerum transactores, ardua quæque alia ne-  
 gotia gerentes: quibus Regia semper Curia patebat: quorum commodis maximè serui-  
 bant opida, ac ciuitates: qui ad instituendum Regnum grauissimi auctores: ad compa-  
 randum fidelissimi socii: ad rem autem perficiendam adiutores fortissimi ab ipsis Re-  
 gibus censebantur: quos denique non cani, non rugæ, non diuitiarum cumulus ad sum-  
 mam eam extulerant Seniorum, ac Ricorum hominum dignitatem, sed summus vir-  
 tutis splendor, generis ac nobilitatis amplitudo; qua magis inter ceteros o-  
 mnes eminebant. Sed iidem ipsi, qui constituti fuerant patriæ libertatis defensores; ean-  
 dem plerumque protrebant, & conculcabant, priuata potius ducentes officium dirigi-  
 quam publica utilitate licere. Ex quo enim tempore, Regibus fas erat crebras illas fa-  
 cere inter ipsos Ricos homines Honorum mutationes: facillimè propter suum quisque  
 emolumentum violari alterius commodum patiebatur. At verò dum se simul omnes  
 inspexerunt suis opibus, ac potentia, vno, & eodem tempore, à Petro II. Rege,  
 quamprimùm regnare cœpit, quemadmodum retulimus, spoliatos; quamuis protu-  
 nus fuerunt in pristinum statum restituri; nihilominus intimis sensibus angebantur,  
 se eodem modo posse restitutos labefactari timentes, quo antea stantes acerrimus  
 ille Regis impetus perculisset. Propterea statuerunt, communem eorum rem me-  
 liore in loco esse ponendam; optimeque cum ipsis actum iri, si aliqua eisdem contri-  
 buerentur opida deinceps, quæ non Honorario illo, & communi, sed proprio vniuf-  
 cuiusque & priuato iure, sibi, ac posteris hereditaria manerent: tamen de maxima eo-  
 rum dignitate detraherentur nonnulla. Quod Reges libenter concesserunt. Sed  
 cum nihil tunc de tumultuosa Vnionis potestate detractum fuisset; quin potius decre-  
 tum, ut in subsidium libertatis suæ esset integerrimas vires habitura: Rici homines ipsi  
 solito



solito suo saluto, ac libero motu, intempestiue plerumque vniuersum Regnum ad exper-  
iundos ipsius Vnionis nervos incitabant: quippe quia, comota ea, videbantur sibi in pri-  
stinam dignitatem restituti. Hæc autem rei gerendæ ratio cum bellicas passim propagaret de  
publico iure cum Regibus contentiones, ob idque quod ipsam libertatem in præcipitem  
locum quandoque ferebat, funditus tolleretur: sublata Vnione, Ricorum hominum in Rep.  
administranda coneidit penitus, ac defecit auctoritas. A quo tempore noster iste flore-  
scere cœpit Magistratus, & antiquæ illius potestatis stirps nouis legibus, ac institutis fir-  
mari. Tunc enim plurima in eum præsidia, atque ornamenta congesta fuere; quibus fir-  
mioribus opibus nixus fuit, iis scilicet, quibus fas erat, ut æque, & temperatè frequens  
Regum posset intempestiuis conatibus obuiam ire: neque eos gladiis, aut ferro, sed le-  
gibus, ac iure prohiberet. Quo pacto commodius, ac decentius fuit omnibus Regum,  
ac Regni consultum fortunis. Atque hoc est, quamobrem hæc omnia commemora-  
rim hoc loco. Non enim minuunt, sed potius augent istius Magistratus dignitatem;  
cum omnia quæque fiunt, quæque constituuntur grauissima, natura ipsa consueuerit  
lenioribus semper principiis prætexere. Propositum itaque aggrediar de illius potestate  
sermonem, non ut legum peritus, sed ut nostrarum tantummodò rerum officiosus, &  
cupidus explicator. Hæc enim ad aurium voluptatem, non ad iudiciorum certamen scri-  
benda suscepi.

## DE MAGISTRATVS IUSTITIÆ ARAGO- num potestate, & vi.

QVEMADMODVM igitur ex interuallis coniunctis imparibus, sed tamen pro-  
rata portione distinctis ipsorum orbium impulsus sonum efficit rectum, & æqualem;  
sic proprium istius nostri Magistratus est munus, ita acuta cum grauius temperare, ut  
Regis, ac Regni æquabilis concentus efficiatur. Iam enim apud nos sunt formulæ de o-  
mnibus rebus constitutæ, singulaque unicuique iura definita vel legibus, vel consuetu-  
dine, vel consensu; quorum nec Regibus, nec Regno fas est vniquam egredi cancellos;  
nempe quia maiores nostri semper iudicauerunt, in eo Regno, quod legibus teneatur, à le-  
gibus decedi nefas esse; quinimo omnes scriptis legibus, ac Regniscitis deuinctos esse  
oportere. Quia in re videntur nostræ Reip. formam ad præclaram illam, principem Go-  
thorum legem, à Rege Flavio Recesuintho latam, direxisse; qua expressè cautum, &  
promissum fuit, ut tam Regia potestas, quam vniuersas populorum reuerentiæ legum  
subiaceret. Sed ratio hæc apud nos ita temperata est, ut cum ad id populum premat ne-  
cessitas, Principem ipsum voluntas. Neque verò visum fuit nostris, æque in nostra Rep.  
sustinendum, quod in aliis prouinciis passim fit, ut Magistratus nos stantes circumscri-  
bant, iubeantque præstare, priusquam ex illa circumscriptione excedamus. Fuit enim  
longè à nostrorum sensibus semper abhorrens extraordinarium eiusmodi, seuerumque  
ac ventosum imperium: maiorum autem more comparatum, ut in Iudiciis æqua seue-  
ritas quæ cum humanitate iungatur: neque solum, ut leges populo, verum ut ipsis etiã Ma-  
gistratibus præsent. Vnde verè dici potest, leges nobis esse loquentes; mutos autem ea-  
rum ministros Magistratus. Itaque Iustitiæ Aragonum munus est, attentum ani-  
mum ad legum conseruationem tenere, ne quid fortè discrepet; sed in quoque gene-  
re, ut præscriptio, & temperatio ab ipsis legibus tradita teneatur. Atque eo etiam id ma-  
gis, quo maior, & melior est huiusmodi actionum concentus, quam sonorum. Quod si  
vlla accidit de legibus ipsis dubitatio; Iustitiæ Aragonum partes sunt, an rei, de qua quæ-  
rimus, interdictum, actiove in legis mentem venerit, vel non venerit, declarare. In eo au-  
tem, quod ab ipso fuerit definitum; stare omnes, ius est decretum. Dant enim leges ei-  
dem integram hanc earundem interpretandi potestatem. De qua Molinus in suo Re-  
pertorio hæc annotauit Nā hoc loco non nisi res notas, ac peruulgatas proferendas consti-  
tui. Errorum dubia potest decidere, & declarare Iustitia Aragonum: & eius declarationi est stan-  
dum; & illa debet sequi Et idem paulo post. Determinationes, quæ fiunt concorditer in Consilio Iu-  
stitiæ Aragonum super dubio Fori, sunt tamquam Fori sequenda in decisionibus causarum; & ali-  
quando non solent esse minoris auctoritatis, quam ipsi Fori. Et ista est una de magnis præeminen-  
tiis, quam habet Iustitia Aragonum. Vnde omnes Officiales dubitantes de Foro, usu, consuetudi-  
ne, & libertatibus Regni, debent consulere Iustitiam Aragonum, & sequi eius responsum. Ut in  
For. prim. & secundo. Quod in dubiis non crasus. Quinimo Reges Aragonum dubi-  
tantes aliquid, an possint facere de Foro, consueuerunt consulere Iustitiam Aragonum.  
De quo vide in Obser. finali. tit. Quod in assignationibus, fol. 12. & in Obser. 3. De Privilegio



Generali. Et alibi idem Molinus hæc etiam subiunxit. *Ad Iustitiam Aragonum pertinet declarare, an litera domini Regis, vel Primogeniti directæ suis Officialibus sint defaforata, vel contra libertates Regni, vel non; & an eis sit obediendum, vel non; & an earum virtute debeas procedere, vel supersedere: Vt in For. primo, tit. De Iuramento prestando. Et ita est una de præmi-  
nentius Iustitia Aragonum: Quoniam autem Molinus perhibet à nostris Regibus olim Iustitias Aragonum constati fuisse solios de Regni legibus, & libertatibus; quò illius testimonium (etsi his de rebus graue per se est, ac grauissimum) adhibitis exemplis comprobetur: liber duo nunc annexere responsa, quæ ab ipso illo, quem torice nominauimus, Salanoua Iustitia Aragonum, reddita fuere Iacobo Regi II. per publicas, vt apparet, literas eundem de publico iure consulenti. Eo enim vtetur teste, & auctore, in cuius monumentis dilucidior, vt sæpe diximus, vetustæ nostræ disciplinæ ratio reperitur. Et libuisset ipsas illas prætexere modò eiusdem Regis consultationes, si exstarent. Sed eas inuenire non potui Salanouæ autem responsa sunt huiusmodi.*

*Serenissimo, ac magnifico Domino, Domino Iacobo Dei gratia Regi Aragonum, Sardinia, & Corsica, Comiti Barcinona, ac Sanctæ Romanæ Ecclesiæ Vexillario amictato, & Capitano Generali, Eximius Petri de Salanoua Iustitia Aragonum, manuum, & pedum oscula, se in eius gratiam commendando. Nouerit vestra Celsitudo me vestras literas recepisse super facto cumf-  
dam presbyteri, qui per custodes ciuitatis Iacca de nocte fuit captus, & per populum dictæ ciuitatis eadem nocte fuit in furca suspensus, iuris, & Fori ordine prætermisso, in contemptum Regiæ Ma-  
iestatis, & iniuriam Ecclesiasticæ libertatis. Et quòd intenditis, quòd tam enormis excessus non  
remaneat impunitus. Quibus quidem literis mihi mandastis, vt viso transumpto literæ Reue-  
rendi domini Episcopi Oscensis super prædictis vobis missa, & habito tractatu, & collatione cum  
Procuratore ad causas, & aliis quibus mihi videretur vobis significare deberem, & consiliare: qua-  
liter secundum Forum sit in dicto negotio procedendum. Et ego omnibus præmissis visis, & intelle-  
ctis, & habita collatione iuxta mandatum vestrum prædictum, vobis significo meum intentum. Et  
primo sciatis Domine: Quòd in Aragonia Inquisitionem non habemus, nisi contra vestros Officia-  
les: & talis excessus, sicut alii excessus, secundum Forum, & etiam secundum ius debent ordine iu-  
diciari puniri. Vt innuit Forum Aragonum in Carta Pacis. & in tit. De prædicatoribus, c. prim. in  
fin. & in multis aliis. Et concordant hic iura. Ex. De iniuriis, c. olim. & Extra. De pænis, c. 2. & ex-  
tra. De sententia excommunic. c. perpendimus: cum multis similibus, quæ iura de simili casu lo-  
quuntur. Et sic de prædicto excessu potest conqueri procurator vester nomine vestro. Possunt et-  
iam conqueri consanguinei Presbyteri prædicti. Et si procurator vester voluerit conqueri, & ne-  
gotium prosequi, possunt malefactores debita pena puniri. Vel si Procurator Episcopi, vel con-  
sanguinei Presbyteri voluerint conqueri illud idem. Nam bene recolit Dominatio Vestra, qua-  
liter illi, qui fecerunt in Regno Valentia extemam, in Regno Aragonum secundum Forum Ara-  
gonia per vos fuerunt castigati. Quia iustitia corporalis, seu extema ad vos spectant: & non debent  
fieri nisi per Iustitias vestras, vel illos, qui merum imperium habent in locis suis. Potest etiam con-  
queri procurator Episcopi. Quia quilibet Prælatus potest conqueri de iniuria facta Ecclesiastico suo.  
Vt Extra. de pænis, Cap. 2. Non tamen alii.*

Cumque hæc ad ciuiliū legum pertineant rationem: quæ sequuntur, ad ea, quæ de  
militum protulimus stipendiis. Sed nec ista omnia eiusmodi sunt, quin mihi confu-  
sius scripta videantur; siue quòd mutila exstent, siue etiam mendosa: vt omittam bar-  
bariam forensē, quæ mirum in modum veteres nostros ipsarum legum interpretes  
infuscauit. Ita autem Salanouam respondisse apparet eidem Regi de stipendiariis assi-  
gnationibus sciscitanti.

*Serenissimo, ac magnifico Domino, Domino Iacobo Dei gratia Regi Aragonum, Sardinia, & Corsi-  
ca, Comiti Barcinona, ac Sanctæ Romanæ Ecclesiæ Vexillario amictato, & Capitano Gene-  
rali, Eximius Petri de Salanoua Iustitia Aragonum, manuum, & pedum oscula, se in eius  
gratiam commendando. Recepi Domine Vestras literas, quibus continebatur. Quòd sine  
Monetatico locorum Regni Aragonum sunt aliqua assignationes factæ in generali, alia su-  
per Merinatibus, alia verò in speciali super terris, & locis. Et mandastis mihi in eisdem lite-  
ris, quòd in continenti per latorem ipsarum cum litera mea vos certificare curarem: utrum assi-  
gnationes in specialibus locis super Monetatico factæ, licet alia assignationes factæ in generali  
sint, prioribus tempore debeant anteferri, necne. Atque Excellentia vestra respondeo: Quòd in  
assignationibus factis respicimus temporis prioritatem. Et hoc Forum nouus per vos editus in prima  
generali Curia Casar Augusta habita manifestè declarat: . . . . . ex quo dicit: super Monetati-  
co specialis assignatio censetur, ac si super certo loco esset facta assignatio. Hoc tamen attendendum est.  
Quòd qui habet assignationē super Monetatico in generali, vel super Merinatu in generali, nō potest  
exigere,*



Tomus III.



*quatro Diputados del Regno, vno de cada braço, e tres Jurados de la Ciudad de Caragoça. Et paulo post. Empero en caso de ausencia del Iusticia de Aragon del Regno de Aragon, o en caso de enfermedad, o muerte de aquel: hayan a jurar en poder del vno de los Lugartenientes del Iusticia de Aragon, o Regentes el dito Officio, presentes los sobreditos. E de la dita jura aya a testificar carta publica vno de los Notarios principales Regentes la Escriuania del Iusticia de Aragon. Est quoque Iustitia Aragonum, vt nostri loquuntur, iudex competens, & peculiaris inter Fiscum, & priuatum. Vt in Obs. De communibus Priuilegiis: & Obs. Item in Aragonia, tit. Interpretationes qualiter, & in quibus. Tum etiã est iudex peculiaris (vt profertur, vix enim audeo dicere: sed quasi ita dixerim, ita intelligatur) Contrafororum factorum. Vt in For. Quotiescumq; tit. De firmis iuris. Cuius enim integrum est, vt coram eo illatam sibi iniuriam persequatur. Nec non etiam ipse solus, & nullus alius potest, interdicto suo, quæ timeretur inferri, iniuriam propulsare. Et vt iisdem vtat nostrorum Iurisperitorum verbis, Iustitia Aragonum solus, & nullus alius potest prouidere Firmas grauaminum fienderum: Et à promissione talis Firma non potest appellari, nec à reuocatione promissionis ipsius. Vt in For. antepenult. De Officio Iustitiæ Aragonum. Cogimur namque in his omnibus sermone vt forensi, & iudiciali. Est præterea nostrorum Comitiorum Iudex. Et vt eadem apponam Molini verba hac de re; In Curis generalibus est Iudex Iustitiæ Aragonum: quia ipse iudicat causas seu lites venientes ad Curias. Cetera persequemur deinde: singulatim enim nostrorū Comitiorum rationem perstringemus. Porro autem in plurimis aliis suas quotidie vires exercet, quæ in Iurisconsultorum formulis includantur. Iccirco hic multa tacita nobis prætereunda sunt: quia de omnibus dicere longum esset. In hoc autem vno, quod denique caput est, assidue versatur: in iura nempe, atque integra legitimæ, & vstitæ in rebus, causisq; omnium æqualitatis conseruatione. Verum enim verò præter ea, quæ supra diximus, sunt nobis quædam alia immunitatum Priuilegia irrogata, vno autem libertatum nomine comprehensa. Quorum præcipua Capita, operæpretium me facturum constitui, hoc loco annotare, vt mentis exercitationem interdum à reconditis, abstrusisq; rebus ad forenses, populares, & notas traducamus. Sunt autem huiusmodi. In primis:*

Ne quis torqueri possit, nisi cui adulterini nummi crimen inferatur. Vt in Priuil. gener. Item que turment. Tum:

Ne vectigalia noua à Regibus imponi possint, nisi de totius Regni consensione. Vt in 30 For. tit. Quod fuisse in Aragonia remoueantur. Et sequenti. De prohibitione fissarum. Et For. 3.

De conseruatione patrimonii.

Tum etiam:

Ne quis cogatur extra Regnum vadimonium promittere. Vt in Obs. 2. Quod cuiusq; vniuersitatis. Et Obs. 4. ti. De appellationibus. Et in Priuilegio generali. Itæque nungun Iudge.

Præterea:

Ne quis deducatur ad populos externos comprehensus. Quod si fiat; capitis est poena constituta. Vt in For. vnic. tit. Vt nullus captus. Item:

Ne inuiti cogamur, vt domus nostræ pateant hospitibus. Vt in For. vnic. tit. Vt familiares, & domestici. Adhæc:

Ne moueri possit nummus, nisi id prius publica lege rogatum sit. Vt in For. tit. Quod aliqua monera. Porro:

Ne alienigenæ Castellū intra Regnū constructū cōmittatur. Vt in For. tit. De Alcaydis.

Nec non etiam:

Ne cuius Iudici occultè contra aliquem agere liceat criminosè: & vt nostri loquuntur: Ne contra aliquem Processus fiat de camera. Vt in For. vnic. tit. De Iudiciis.

Vnde credimus, Manifestationis, grauissimi Priuilegii præclarum nobis nomen dimanasse. Atq; eadem quoq; ratione decretum est:

Ne quis possit in priuatis custodiis asseruari: sed simul ac primum captus quisque sit, vt in publicum carcerem duci debeat. Vt in For. 1. De custodiareorum. 50

Pariterque:

Ne Iustitiæ Aragonū potestas à Regib. possit impediri. Vt in For. vnic. ti. Quod impetrās.

Ac ne plura consecter, summum illud nobis constitutum est ius:

Ne cuius vinq; fas sit, ipsas violare libertates, aut leges. Vt in declarat. Priuil. gener. Aeste Capitol. Et Item que como, eodem loco. Quinimo:

Vt per leges liceat, impunè ipsas leges, ac libertates defendere, absq; eo, quod propterea turpis aliqua, vt passim effertur, resistantiæ nota nomini nostro inuratur. Vt in For. vnic. tit. De immunitate Ecclesiarum.

Atq; vt absolera quædam, illustria tamen, & præclara, annectam nostrorū hominū verba, quæ



quæ in publicis monumentis rerum gestarum in Comitibus Ann. Chr. ○○○○○ L I. inueni annotata: *Siempre haue mos oydo dezir antigament, è se troba por esperiencia: que attendida la grand sterilidad de aquesta tierra, è pobreza de aqueste Regno, si non fues por las libertades de aquel, se yrian a biuir, y habitar las gentes a otros Regnos, è tierras mas frutiferas.* Ac si oportuerit, ob eam ipsam causam, patriæ nostræ Solum his omnib. ornatum veterum immunitatum decretis. Verùm quia Regii ministri in iracundia procliuiores esse plerumq; solent; vt aliqua mora, & tarditate eorū frangeretur ira, imperiumq; moderari liceret, duo quædā fortissima sunt nostrarum omnium legum, ac libertatum, quasi defensionis, præsidia. Quorum alterum, *Iurisfirmam*; alterum, vt diximus, *Manifestationem*, vulgaribus nominibus appellamus. Vtriusq; tamen summa ea potestatis est vis: non vt Iudicibus Regiis dicendi iuris facultas impediatur; sed vt intempestiua, ac præceps eorum celeritas, Magistratus interdicto interposito, retardetur; ne quid perturbatum sit, aut à legibus discrepans, vel præposterum. Maiores namq; nostri nullum putarunt rā expeditum iudicium esse debere, quod id ipsum habere nō debeat aliquid iustæ iudicandi moræ, ac tarditatis. Ac Iurisfirma quidē (vt ipsius vocabuli vim definiēdo aperiamus) siue ea sit, vt nostri loquuntur, grauaminū factorum, seu fiedorum: nihil aliud est, nisi tū in Regum, aliorumve Iudicium; tum etiam Regni, nostrorumq; omnium non rectos impet<sup>9</sup>, iuris, ac legum firma, & moderata dominatio. In ipso namq; nomine interpretando inest vis, ac sententia iuris, ac iustitiæ colendæ. Iurisfirmarum autem plures sunt species. Quædam enim sunt, quæ vocantur, *Communes*, & vt vulgò loquimur, *Bolanderas*: aliæ, *Casuales*. Earundem porro, aliæ Priuilegiatæ; aliæ non Priuilegiatæ. Rursus aliæ contra Iudices Ecclesiasticos, aliæ verò contra Sæculares. His enim variis nominibus designantur; & ad singulas vniuscuiusque illarum formulas vniuersæ nostrorum hominum lite accommodantur frequenter. Earum autem omnium finis is est, vt cum de stando, & parendo iuri coram ipso Iustitia Aragonum firmè, & grauitè asseueremus: illius interdicto interposito, fortunæ nostræ ab iniusta, & non ferenda Regionum Iudicum iniuria arceantur. Ab eo autem, quod de stando iuri firmè pollicemur; Iurisfirmæ sibi nomen inuenit. Neque vero summo hoc illius præsidio nostra tantummodò, sed & ipsorum Regum iura, quasi aliquo scuto, proteguntur. Cuius tantæ rei præter varia, quæ in superioribus Regum narrationibus exempla protulimus, potuissemus hoc loco noua alia proferre, in quibus eniteret maxima Inuictissimi Regis nostri Philippi mansuetudo, & benignitas: quandoquidem pari nobiscum iure ciuilitè contendere dignatus est sæpe; neq; vim, quæ iuribus suis à nostris inscientibus inferebatur, Regiæ suæ potestatis vi, sed istius Magistratus interdictione interposita propulsare. Verùm ea recensere omittam, cum sint omnib; trita, & vulgata. Atq; hæc de amplissimo Iurisfirmæ præsidio. Manifestationis verò simillima vis est: quamquam non tam ad res, quam ad tuendas personas instituta. Quibus duobus præsidiiis ita nostræ Reip. status continetur, vt nulla pars communium fortunatum tutela vacua relinquatur. Ac ipsius Manifestationis potestas tam solida est, ac repentina, vt homini iam collum in laqueum inferenti subueniat. Illius enim præsidio, damnatus, dum per leges licet, quasi experiendi iuris gratia, de manibus Iudicum confestim extorquetur, & in carcerem ducitur ad id ædificatum, ibidemque asseruatur tam diu, quam diu iure ne, an iniuriā, quid in ea causa factum fuerit, iudicetur. Propterea carcer hic, vulgari lingua, *la carcel de los Manifestados*, nuncupatur. A cuius ingressione supremi Iudices omnino prohibentur: vt eorum præcipiti iracundiæ copato subtrahatur materia. Quod si aliquid contra, ac per leges liceat, factum est; pro irritato habetur, & infecto. Si verò nihil fuit decretum contra itus; Manifestationis tollitur interdictum, Regionumq; Iudicum retardata illa excitatur potestas, vt nocētium supplicio scelera, & fraudes constringantur. Id autem eò tandem spectat, ne vllus detur contra leges locus criminibus, quorum auctor non exstet, inferendis: ne vt temerè credatur oblati. Atque interdum quoque ea Manifestationis vis ad res ipsas tuendas adhibetur. Nam si quid fraudationis causa in literarum monumentis latet in occulto, quod proferri, ac patefieri opus sit: efficitur id, illius ope implorata, mirabiliter. Siquidem adhibitis statim in exscribendo istius Magistratus ministris, literæ, literæque omnes affimilatè expressæ de iis tabellis, in quibus ea fraudis suspicio inest, in publicos libros transferuntur, & summa cura, ac diligentia recognita, & collata ab istius scripturæ magistris obsignantur: nimirum vt ipsa veritate illustrata, ius cuiq; semper integrum seruetur, ac incolumè. Sed vberiore istarum omnium rerum explanationem vaga, & quæstiosa ciuiliū legum scientia proficetur. Quapropter ab iis ea petatur, qui in Foro ingenii laude florent apud nos. Iam verò Magistratum hunc à Regibus mandati ius est.



Ad nuntium autem, an, ut loquimur, ad vitam, aliquando ea de re magna habita altercatio fuit. Nunc vero ita lege sub tit. *De officio Iustitiæ Aragonum*. definita est. Libet enim in his eisdem ipsas leges intexere, ut quæ dicenda sint, à fontibus potius hauriamus, quam eorum ritulos consectemur. Neque aliter possemus satis causam, & rationem ipsius iuris amplecti. Como segund la ment de los Fueros antigos, è lo able costumbre del Regno de Aragon, el Señor Rey deua dar el Officio del Iusticiado de Aragon a vida: porque aquesto no vienga de aqui auant en disceptacion: statuyamos de voluntad de la Cort, que el Officio del Iusticiado de Aragon no sia, ni pueda seyer nutuario. Ni al Iusticia de Aragon pueda seyer tirado el dito Officio a sola voluntad del Señor Rey, aunque el que presidira en el Officio, hi consienta. Ni el dito Iusticia pueda, ni sia tenido renunciar el dito Officio por alguna obligacion precedient la dita renunciacion. E si contecia por causa de obligacion precedient, seyer feyta renunciacion del dito Officio, o priuacion de aquel a sola voluntad del Señor Rey: que aquella sia nulla ipso Foro, & de ninguna efficacia. E que el dito Iusticia no obstantes la dita reuocacion, è renunciacion, o alguna dellas (caso que fecha fuesse, segun dicho es) pueda, è sia tenido vsar del dito Officio sin pena, è calomia alguna. E declaramos, que la persona del Iusticia de Aragon, aun por causa ciuil no pueda seyer presa, ni presa detenida, sino por mandamiento del Señor Rey, è de la Cort. Iam enim alia lege decretum fuerat, ne cuiquam licitum sit Iustitiam Aragonum, etiam iure priuati, apud alium, præterquam apud Regem, & Regnum simul, criminari. Sed pari ratione fas erit hoc loco legem ipsam ea de re loquentem inducere. YATIA que por antiga, è loable costumbre del Regno, sia introduzido, que las personas del Iusticia de Aragon, Lugartenientes, Notarios principales, è Vergueros suyos por alguna causa, delicto, orazon no pueden, ni deuen seyer presos por official alguno del dito Regno; ni de los delictos de aquellos, como priuadas personas cometidos, puede seyer conofcido, sino por el Señor Rey, è por la Cort del dito Regno coniuuntament. Empero algunos oficiales del dito Regno indeniadement han attentado el contrario fazer, en grand daño, è præiudicio del dito Regno. Por aquesto de voluntad de la dita Cort statuyamos, è ordenamos: Que la persona del dito Iusticia, que agora es, è por tiempo sera, por delictos algunos quanto quiere graues è enormes, que por el se cometran, o se pretendra seyer cometidos, como priuada persona, o en otra manera, no pueda por el Señor Rey, Lugartenient suyo, Primogenito Governador, Regient el Officio de la Governacion, ni por otro Iudge alguno, ni de mandamiento dellos, ni de alguno dellos, seyer preso, arrestado, ni preso tenido, ni por la dita razon personalment citado, ni deuant ellos, ni de alguno dellos acusado, denunciado, ni en alguna otra manera vexado. Antes la connexença de los ditos delictos, crimens, è excessos que se cometran, o se pretendran seyer cometidos por el dito Iusticia, se haya de fazer en la Cort general, o particular del dito Regno: è la Iurisdiction, è conexença de los ditos delictos como priuada persona, è no en otra manera cometidos, è cometederos pertenezca, solum, & insolidum, al Señor Rey, è a la Cort coniuuntament. E que por otra via, forma, o manera no pueda seyer por el dito Señor Rey, ni por otra persona alguna conofcido, ni iudgado de los ditos delictos. E no res menos statuyamos: que la iurisdiction, è conexença de los ditos delictos feytos, concernientes las personas de los Lugartenientes, Notarios principales entro a numero de seys, è dos Vergueros del dito Iusticia, como priuadas personas, è reos, a los ditos Señor Rey, è Cort; o, si no esperada celebracion de Cort seran acusados, se espere al Iusticia de Aragon, qui agora es, o por tiempo sera, solum, & insolidum. E que el Señor Rey, Lugartenient suyo, Primogenito, Regient el Officio de la Governacion, ni otro Official, o Iudge alguno Ordinario, o Delegado no se pueda entrometer de la cognicion de los ditos delictos de las ditas personas de suyo nombradas: ni puedan aquellos por delictos priuados, ni por otra causa, manera, orazon prender, presos detener, ni mandar presos tomar, ni personaliter citar. Todos los Fueros fablantes del Officio del Iusticia de Aragon en su firmeza, è valor quèdantes. Quinimo si quæ ipsi, ut priuatæ personæ, iniuria inferatur; eidem muneri censeretur illata. Cuius rei exemplum non est necesse, ut ex ipsa antiquitate petamus. Nostra enim ætate factum videmus, ut eum nocentes quidam, tametsi priuatarum rerum occasione, contra ingenuam, ac illustrem Ioannis Lanuzæ IV. Iustitiæ Aragonum vitam conspirassent; ab eodem Magistratu comprehensi fuere, eorumque consilia, qua fuerant meriti, multata pœna. Iltius autem viciscendæ iniuriæ idoneum se auctorem constituit Ioannes Petri Nuerus celeberrimus Regalis Fisci Aduocatus: qui exacta iam ætate super mortuus, & auctoritatis, & prudentiæ suæ triste nobis desiderium reliquit. Usque eo autem nocentes ipsos persequutus fuit, dum pœnas tanto scelere dignas dependerunt. Haud decuisset tamen eius viri mentionem à me in hisce Commentariis intermittere: tum quod eos laudando, animum mihi sapius addidisset: tum etiam quod quam diu vixit, tantum fuit apud nos honoris nomē adeptus, ut tamquam alter Sequola, Iuris peritorum eloquentissimus, & eloquentium Iuris peritissimus censeretur. Ergo in obla-



in oblata sua ea de re criminatione (sic enim libet, quem vulgò appellitum criminalem dicimus, nominare) de Iustitiæ Aragonum muneris dignitate multa protulit præclara tanti viri obseruatione dignissima. Ex quibus, quæ mihi videbuntur lectiora, tamquam flosculos carpam; ne illius libelli formulam totam confectet. Sic autem sceleris ipsius detestationem est orsus.

Horribile, & detestandum flagitium, scelus infandum, & abominabile crimen aduersus Regiam Maiestatem commissum, & perpetratum, seuerissima animaduersione dignum; gladio ultore, & exquisitis pœnis vindicari oportet. Omnium siquidem excessuum, flagitiorum, & scelerum illud detestabilius esse constat, quod aduersus corpus iustitiæ, & adeo magis si aduersus caput, & præsidium iustitiæ perpetretur, & committatur. Quis enim locus regimini poteris esse tutus, quis Rector, Iudex, vel Officialis Regius securitate gaudebit, si summus Magistratus, vindex iniuriæ, & violentiæ præsidium, & portus periclitantium à vilissimis, & scelestissimis hominibus offendatur? & eorum conspirationibus, & coniurationibus in ipsius necem, & excidium, immo verius Reip. totiusque Regni perniciem, & damnum, machinatio importetur? Quem iustitiæ zelatorem contumelia tanta non tangeret? & cor tam aspera non moueret? Hinc est: Quod coram vobis multum magnifico, & prouido viro Domino Francisco Daroca, Iurisperito, Locumtenente multum Illustris domini Ioannis de Lanuza Militis, Serenissimi domini Regis Consiliarii, ac Iustitiæ Aragonum comparuit, & comparet Martinus de Agreda Notarius, ut Procurator Fiscalis Sacra, Catholice, & Regiæ Maiestatis potentissimi domini nostri Regis. Qui nomine procuratorio prædicto illis melioribus via, modo, & forma, quibus melius, utilius, & efficacius de Foro, & aliis facere potest, & debet, grauissima cum querella magnas appellitorum voces emittendo, & dicendo, A vi, A vi, fuerza, fuerza, easque continuando, & insequendo; Dicit, & proponit dictus procurator: Quod Serenissimus, & Potentissimus Dominus noster Rex Aragonum nullum in temporalibus recognoscit, nec recognoscere consuevit superiorem. Imo à Ducentum annis, & pluribus citra, & ultra usque nunc, & de presenti Serenissimi Reges qui pro tempore fuerunt, & Regiæ Maiestatis Serenissimi Domini nostri Regis ad præsens feliciter regnantis habuerunt, & habent in presenti Regno omnia Regalia, præeminentias, prerogatiuas, & alia iura vniuersa, quas, & quæ Imperator Romanorum respectu sui Imperii habet. Dempto quoque in quibus dicta potestas Regiæ est limitata, & restricta per Foros præsentis Regni Aragonum.

30 Omitto autem hoc loco, quæ sequuntur nonnulla, quia ad nostrum institutum nihil pertinent. Ea autem verba, A vi, A vi, fuerza, fuerza, antiqua apud nos sunt vtitatissima, ac præcipue dum istius Magistratus imploramus auxilium: quasi nos summo aliquo violentiæ impetu oppressos esse indicantes. At verò eis ita connexum est consequentis orationis principium.

Præsens (inquit) Regnum Aragonum à Ducentum annis continuè, & ultra usque nunc, & de presenti habuit, & habet unita, & aggregata quamplurima Regna, Comitatus, & Dominationes. Et Serenissimus Dominus noster Rex, & alii Serenissimi Domini Regis eius prædecessores, cum ope, auxilio, & iuuamine præsentis fidelissimi Regni, & incolarum eiusdem, à dicta Regna, Comitatus, & Dominationes adquisierunt, conseruauerunt, & defenderunt, & corona Regiæ Aragonum applicauerunt, meritis constituentes, & reputantes præsens Regnum Aragonum, caput sua Celsitudinis, respectu dictorum Regnorum, Comitatum, & Dominationum sub dicta Corona Aragonum constituta unum.

Tum alio capite.

In presenti (ait) Regno Aragonum à dictis Ducentum, & pluribus annis citra, & ultra usque nunc, & de presenti fuerunt, erant, & sunt constituta duo Tribunalia, siue Consistoria, suprema, & vniuersalia, tamquam duo luminaria respectu totius præsentis Regni Aragonum: Vnū videlicet supremum, & excelsum, quod vulgariter nuncupatur, Regia Audientia: in quo quidē ipsamet persona Regiæ Serenissimi Domini nostri Regis præsidet, & eius nomine provisiones inde pro tempore emanantes fieri cōsueuerunt, quotiens præsens in Regno adesse cōtingerit. Et Regiæ Maiestati absente à dicto Regno, Primogenitus Domini Regis maior quatuordecim annorum: & eo deficiente, Locumtenēs Generalis Regiæ Maiestatis: & suo casu, Reges Officiū generalis Gubernationis. Alterū verò Tribunal, siue Consistoriū vniuersale fuit, erat, & est præsens Curia Domini Iustitiæ Aragonū. In quo quidē Tribunali, siue Consistorio pro Serenissimo domino nostro Rege, & per Regiā Maiestati creatus, institutus, & nominatus præsidet, & præsidere cōsuevit dictus dominus Iustitiæ Aragonū, tamquā Rector, & caput dicti Tribunalis, & Consistorii, ac Iudex vniuersalis totius Regni. Qui per se, seu per eius Locumtenentes debite, & iuxta Forū creatos, & constitutos per tempora supradicta exercuit, & exercere consuevit omnimodam iurisdictionem, altam, & baxam, merum, & mixtum imperium: nec nō omnem illam potestatem, præeminentias, & prerogatiuas, atq. omnia alia, & singula, quæ iuxta Foros, consuetudines, & Obseruantias præsentis Regni Aragonū per dictū dominū Iustitiā Aragonū seu ipsius



magnificos dominos Locumtenentes fieri possunt, consueverunt, & debent. Ad quod quidem Tribunal, seu Consistorium dicti domini Iustitiæ Aragonum per tempora supradicta continne consuevit haberi, & habetur recursus per viam appellationis, vel electionis Iurisfirma grauaminum factorum à sententiis, causis, & processibus civilibus, latis per quoscumq; Iudices Ordinarios, & locales presentis Regni Aragonum; necnon à sententiis in prima instantia latis in Regia Audientia presentis Regni (dēptis illis, à quibus de Foro non potest haberi recursus) cōsuevit recurri, & recurritur ad presentē Curia domini Iustitiæ Aragonum per viā electionis Iurisfirma grauaminū factorum. Et à simili in multis casibus de Foro, & consuetudine presentis Regni Aragonum per Regnicolas illius consuevit haberi recursus ad dictum dominum Iustitiam Aragonum, tamquam ad portum periclitantium, arcem libertatis, & presidium oppressorum, pro beneficio Iurisfirmæ, & Manifestationis impetrande, & aliis prouisionib. obtinendis pro defensione, & tuitione Fororum, & libertatum presentis Regni Aragonum: quarum defensor, columen, & protector dictus dominus Iustitia Aragonū fuisse, & esse censetur. Vt merito pater Reip. & summus Magistratus pro Serenissimo domino nostro Rege, supremam potestatem, & iurisdictionem excercens, ab omnibus debeat reputari.

Tum hæc etiam ab eodē fuere sequenti Capite de Iustitiæ Aragonum dignitate prolata.

Officium siquidem domini Iustitiæ Aragonum à primordiis Regni Aragonum constitutum, & stabil. tum fuit, erat, & est Magistratus praeipuus inter alios merito excellens. Et dominus Iustitia Aragonum, qui pro tempore fuit per Serenissimū dominū Regem Aragonum creatus, & cōstitutus; solutus est, & consuevit, Regiam Maiestatem intra Regnum Aragonum existentem, & eius Curiam Regiam sequi, & ad latus Principis, videlicet Serenissimi domini Regis Aragonum, tū in bello, quā in pace continuo residere, & Regis Consiliis interesse. Taliter, Quod dominus Iustitia Aragonum qui pro tempore fuit à primaria institutione dicti Officii usque nunc, & de presenti, fuit, erat, & est Consiliarius Serenissimi domini Regis Aragonum: & tamquam Regius Consiliarius in literis, & prouisionibus à praeenti Curia emanatis, titulo, honore, & praeeminentia Regi Consilarii semper fuit insignitus, & decoratus; & in literis, & prouisionib. Regis per tēpora supradicta continue per Serenissimum dominum Regem Aragonum pro tempore existentem, & Excellentissimum Regiam Maiestatis Primogenitum, Regium Consiliarius fuit, erat, & est nominatus, habitus, tentus, & reputatus. Præterea alio in loco.

Iustitia Aragonum per Regiam Maiestatem creatus in principio dicti sui Officii, & muneris iuravit in posse, & manibus Serenissimi domini nostri Regis de bene, & legaliter se habendo, & de faciendis ea, ad qua tenetur, & obligatus existit. Sic enim in For. De iuramento prestando per Officiales de seruandis Foris. sancitum est. At verò dum studuit facti atrocitatem, & eorum, qui nocentes erant, culpam augere, ut eam, quæ tanto sceleri deberetur, poenam subirent: in hæc verba prorupit.

Crimen detestandum læsæ Maiestatis aduersus Serenissimum dominum nostrum Regem, prosperitatem, & securitatem presentis Regni Aragonum, statusque & Corona Regia; in contemptum, & contumeliam Regiam, & seu Regia Iurisdictionis, horrendumque assassinatus crimen, & alia quamplurima crimina ex prædictis resultantia committendo, & committere non verendo in Regiam offensam, Maiestatisque Serenissimi domini nostri Regis maximam læsionem, scandalumque totius Reipub. & iustitiæ detrimentum, graue damnum, & euidentis præiudicium dicti principalis dicti procuratoris.

Post omnia tandem inflammantem suam, ut ita dicam, perorationem his verbis conclusit.

Supradictum (inquit) Monopolium, conspiratio, & coniuratio facta, & inita modis, & formis præmissis, & alia crimina, & delicta superius recitata, commissa, & perpetrata contra dictum dominum Iustitiam Aragonum, Regium Officialem excelsum, & Magistratum praeipuum gerentem, & exercentem, & de Regio consilio existentem, fuerunt commissa, attentata, & perpetrata in dedecus, & offensam Supremi Magistratus, & Regia iurisdictionis, & aduersus prosperitatem status Regni, & in contemptum, contumeliam, & iniuriam Regia Corona. Per qua, & ab aliis inferioribus Officialibus Regis timor est illatus, ne liberè, & prout decet, incumbencia suis Officiis pro Serenissimo domino nostro Rege exercent. Et si tantum facinus impunitum remaneret: daretur audacia sceleratis hominibus talia, & similia perpetrandi. Propter qua, & alias manifeste constat & apparet per præmissa Regiam iurisdictionem maximum detrimentum sustinuisse, & non modicum fuisse turbatam. Si enim in Magistratu excelsio prædicta fuerunt attentata, & impunita remanerent: quid circa minores Officiales foret expectandum? Et sic, & alias quidquid in præmissis per dictos reos, & criminosos fuit attentatum, tractatum, factum, seu paratum; in exitium Principis, & aduersus securitatem, & prosperum statum presentis Regni, & contra honorem Regia Corona, & in læsionem Maiestatis Serenissimi domini nostri Regis fuisse factum, proculdubio est censendum.



Ea autem solita hac sui nominis subscriptione exornauit.

*Ioannes Perez de Nueros, vt Fisci Aduocatus, ordinauit prædicta.*

Cuius si singula verba perpendantur literarum senectutis inuenientur plenissima. Eorum autem appositione abunde, vt credimus, erit huic nostro de Iustitiæ Aragonum Magistratu proposito sermoni satisfactum: cum si quæ plura de illius dignitate, potestate, aut vi adduci potuissent; copiosè satis ab illo fuerint superioribus huiusmodi in locis, forensi solito more, pertractata. Quod si ea à me testimonio alicuius eorum, qui nostra ætate floruerunt, confirmanda purarem; tanta fuit hominis auctoritas, & amplitudo, vt locupletiores nullum quærerem auctorem, quàm illum: tum ob præstantem grauis, quo perfunctus fuit, muneris dignitatem, tum etiam quòd is documentum fuerit hominibus nostris virtutis, antiquitatis, & prudentiæ, & in nostra hac vrbe, & Foro (quod quasi ingenii sui theatrum sibi fuit) facillè omnium lingua, & consilio princeps. Nec dubium est, quin si voluisset, luculentioribus vocabulis potuisset rem ipsam comprehendere: fuit enim non solum in ipsa iuris ciuilibus scientia sed in humanioribus literis, quod ceteri Iurisperiti negligere solent, perpolitus. Forensibus tamen sibi, ac iudicialibus loquendi formulis vtendum constituit, ne dum lectissima verba inculcasset, illud idem, quod à se in iudicio patefieri, ac illustrari oportebat, redderetur fortasse obpolitioris sermonis elegantiam subobscurum. Quod nemo vnquàm doctus mirabitur, cogitans, in omni arte, cuius vsus vulgaris sit, earum rerum, quæ in ipsa versentur, esse formulas, ac vocabula certa constituta, quibus, tamquam priuatis, vti ad eò omnes oportet, ac suis: vt ne opifices quidem singula sua possint artificia tueri, nisi cognitis sibi, atque vsitatis vocabulis vterentur. Itaque ne plusculum, quàm sat sit, de reliquo, nostri argumendi cursu digrediamur, in Magistratu hoc, nedum Magistratum ipsum, sed priuatam opus est illius, qui eum gerat, personam reuereri. Neque vero factis, sed verbis iniuriòse cum eodem contendere, nefas est publica hac lege constitutum. *Item por quatro para la libera administracion de la iusticia conuene mucho, que los iudizes esten libres de todo temor: Por ende estatuyamos y ordenamos; Que contra qualesquiera personas de qualquiera estado, y condicion que fueren, que à los Lugarestementes del iustitia de Aragon de hecho, o de palabra iniuriaren en presencia, o molestaren, o damnificaren: sea proceydo criminalmente à instancia de qualquiera singular persona del Reyno, a costas, y expensas del dicho Reyno. Y los tales delinquentes sean punidos segun la qualidad del delicto. Quedando empero facultad al dicho Lugarteniente de hazer causas notorio contra el tal delinquent, en la forma Fuero estatuyda.* Quasi ad tuendam personam Magistratus omnia hæc ornamenta oportuerit ex ipsius muneris dignitate ad priuatam illius, qui ei præsit, personam redundare. Si quæ verò ab eodem Magistratu discernuntur vitiosè; est iam in eundem certa iniuriarum actio constituta. De qua infra suo loco. Vt institutum denique sermonem de Iustitiæ Aragonum iurisdictione absolamus, hæc est omnis ipsius potestatis magnitudo, & vis; Vt legibus præsit; legibus pareat; legibus seruiat; ipsas denique leges exequatur. Quam tandem muneris dignitatem scitè, & apposuè maiores nostri insigni, & pulchro, quo eum honestabant, titulo indicarunt; dum in publicis Inscriptionibus Iustitiam Aragonum vocabant, Circumspectum: ac si ad cognomentum hoc traducendam curarent argutam illam Ephorum nominis significationem: nempe quia eam tuebatur in Repub. nostra personam, quæ in speculis iccirco collocata est, vt diligentissimè, quemadmodum vnusquisque Regionum Magistratum in conseruandis legibus se gerat, circumspiciat.

## DE LOCVM TENENTIBVS IUSTITIÆ ARAGONVM,

DE QVE ALIIS IMPERII EIVSDEM

Magistratus ministris.

CETERVM summa hæc in iureiurando istius Magistratus potestatis vis, ad eos iam pridem viros delata est, qui illius locum dicuntur tenere: siquidem gliscentibus negotiis necesse fuit consiliarios sibi, atque ministros dari; idque eò magis, posteaquam iis mandari consuevit Magistratus, quorum ratio, & voluntas à studiis longè, doctrinisque abhorrebat. Quamquam enim publica lege sic cautum est tit. *De Officio Iustitiæ Aragonum.* Vt semper Iustitia Aragonum sit Miles, id est, ne quis ad Magistratum hunc gerendum, qui non sit ex Equestri, ac Militari Ordine profectus, adsciscatur;



plures tamen olim Iustitiæ Aragonum cum Milites essent, Militiæq; authoramēto honestati, pia iuris civilis intelligentia præstabāt. Equorum numero fuere, Salanoua, Ayeruius, Stephanus Egidii Tarinus, Berengarius Bardaxinus; & alii, qui ciuiliū legum scientiam habuerunt cum Equestri Ordinis splendore coniunctam. De quibus infra dicemus singulatim. Et eos videmus suis consiliis; ac studiis patriæ nostræ vehementer profuisse. Sed iamdiu Magistratus iste illiteratis prorsus mandatur hominibus. At verò ante Salanouam nonnullos Iustitias inter Ricos homines memoratos comperio. Et propterea credimus fuisse publicam illam legem constitutam; non tam ut infimi, & plebei tanto priuarentur honore, licet id ipsum etiam sit rogatum; quàm ut Nobiles ab istius muneris gubernaculis repellerentur omnino. Quod ita graui Michaelis del Molino testimonio comprobatur. *Iustitia Aragonum* (inquit) *semper debet esse Miles. Et dicunt Forista: Quod Nobilis non potest prouideri de Officio Iustitiatus Aragonum: ex eo, quia Nobiles non possunt de Foro, & consuetudine Regni puniri pœnis corporalibus. Vnde si Iustitia Aragonum delinquit contra Foros, vsus, consuetudines, & libertates Regni incurrit in certis pœnis: quæ pœna non possent exequari, si ipse Iustitia Aragonum esset Nobilis persona. Et per istam rationem dicunt Forista: Quod Nobilis non potest prouideri de dicto Officio Iustitiatus.* Nam qui modò Nobiles dicuntur, multis in rebus præferunt Ricorum hominum dignitatem; in ea præsertim, cuius supra meminit Molinus. De qua idem alibi ita. *Nobiles Aragonum pro delictis eorum non puniuntur pœnis corporalibus. Vt in Obser. 2. tit. de pace. fol. 24. Et in For. 1. tit. Quod Regens Officium Gubernationis. fol. 18. Tamen Nobiles Aragonum pro delictis possunt capi, & capti detineri per dominum Regem: & stabunt ad mercedem domini Regis, quantum dominus Rex voluerit. Vt in For. 1. tit. De conseruatione pacis. fol. 182.* Vique eò maiores nostri patriæ libertati præcauerunt, dum, quem illius præsidem designabant, statuerunt, quibusuis periculis, à legibus impositis, subiectum esse oportere, si fidei suæ commissa neglexisset. Neque aliter æquè communi satisfacissent officio: si qui inter eos, ac Regem medius statuebatur Iudex futurus, non è medio etiam omnium Ordinum gradu, & conditione adsciretur: ne se insolentius efferret, si ex superioribus; aut si ex inferioribus, Magistratum exrenuaret; cum angustia infimi pectoris nequaquam recipere potuissent tantam personam. At dum ex Equestri Ordine statuerunt, Iustitiam futurum; singularem quoque temperantiam in eo ipso videntur induxisse. Postquam igitur Magistratus cœpit multitudinelitium, & varietate causarum redundare: Iurisperiti eidem adhibiti fuere, qui eius loco, ac nomine controuersa iura iudicialibus formulis tractarent, ac legibus. Vnde Locumtenentes Iustitiæ Aragonum dicti sunt. Et hi olim ipsius Iustitiæ Aragonum pendebant ad nutum. Nunc autem à Regibus creari ius est. Ac primum quidem vnicum tantum sibi habere Locumtenentem licebat. Postea verò Ann. Chr. MCCCCLII. ut duos habere posset, publica huiusmodi lege: sub tit. *Quod Iustitia possit habere duos Locumtenentes.* concessum fuit. DE VOLUNTATE Curia volumus, & ordinamus: *Quod deinceps Iustitia Aragonum possit, & valeat præter dictum Locumtenentem, alium, quem voluerit, constituere, ac etiam ordinare. Qui, si contingat dictum primum Locumtenentem infirmari, vel absentem esse à dicta Ciuitate, vel alias quomodolibet impediri: regat, aut regere valeat officium supradictum, quorsusque dictus Iustitia, vel eius primus Locumtenens intendere poterit, seu vacare ad regimen dicti Officii. Qui secundus Locumtenens postquam deserit dictum officium regere; possit aduocare, & causas assumere, sicut prius. Quæ omnia debere, & posse fieri intendimus, tam in præsentia, quàm in absentia Iustitiæ.* De hac autem facultate hæc idem Michael del Molino in suo Repertorio, sub verbo. *Iustitia Aragonum.* testata reliquit. *Iustitia Aragonum potest de Foro tenere duos Locumtenentes. Et hoc est speciale in Iustitia Aragonum. Alias regulariter nullus Iudex Ordinarius potest in Aragonia habere nisi vnum Locumtenentem. Quinimo etiam dominus Rex non potest, salua suaclementia, facere, seu creare in Aragonia, nisi vnum Locumtenentem Generalem.* Deinde Ann. Chr. MCCCXC. dum hanc eandem facultatem ipsi Iustitiæ Aragonum noua alia, tunc edita, lex prorogauit, officiique religionem constituit: hæc dedit præcepta de omnibus. PROVIDEMUS: *Quod Iustitia Aragonum, eiusque Locumtenentes non possint recipere, tenere, seu habere ab aliquibus Nobilibus, Vniuersitatibus, collegiis, seu aliis personis quibusuis beneficia, pensiones, vel subornationes, nec etiam Cauallerias ab aliquo Nobili: (iam enim hoc tempore erat Ricorum hominum nomen antiquatum, Nobilesque vocari consueuerant) nec possint recipere, nec facere maiorem exactionem de, & pro literis, provisionibus, & actis, quæ conceduntur, & actantur in eius Curia, nisi prout antiquitus fuit vsitatum. Contrarium verò facientes incurrant pœnas Fori. Præterea cum in Curia dicti Iustitiæ propter multorum*



multorum concurrentiam negotiorum lites plus debito protelentur; pro ipsorum bona, & celeri expeditione statuimus, & ordinamus: Quod dictus Iustitia possit tenere duos Locumtenentes, quorum quilibet possit eodem tempore exercere officium, onera eiusdem inter se diuidendo. Et eorum alteri dictus Iustitia teneatur dare anno quolibet pensionem, de qua sufficienter possit contentari: & alii de dicto Generali C C C. Florenos. Quique patrociniū aliquod impendere non possent aliquibus personis in Curia dicti Iustitia. Immo omnibus postpositis negotiis, habeant intendere in, & circa bonam, & breuem expeditionem negotiorum Curia antedicta. Post autem Ann. Chr. ∞ C C C X C I I X. in For. prim. tit. De Iudiciis, statutum fuit: Quod Iustitia Aragonum, seu ipsius Locumtenentes teneantur celebrare, & tenere Curiam una die, & alia Consilium. Et diebus, quibus celebrabunt, ac tenebunt Curiam, audiant partes in omnibus causis, & litibus, in quibus procedere voluerint. Anno verò ∞ C C C C L X I. nouum in his morem fuisse inductum, ex publica huiusmodi lege apparet. Libet enim eandem transcribere; etsi longa sit. Nam quæ factæ fuerint mutationes, apertius hunc in locum conductæ, leges ostendent, quàm si sparsæ in Fororum volumine legerentur. P O R Q V E experiencia ha de mostrado seyer dannoso al Reyno, que los Lugartenientes del Iusticia de Aragon, sean puestos por el dito Iusticia, renocables de voluntad suya; Prouidiendo por mas libera, è mas recta expedicion de la iusticia, que los ditos Lugartenientes se pongan por el Regno, de tres entres annos, è no por el dito Iusticia: Estatuiamos de voluntad de la Cort: Que los ditos Lugartenientes de la edicion del present Fuero auant, hayan a seyer successiuament vnos apries de otros triennales, electos, y creados en la forma infra scripta. Que por la dita Cort se haya de fazer una bolsa intitulada, Bolsa de los Lugartenientes del Iusticia de Aragon. En la qual sean insculadas personas aptas, è sufficientes al exercicio del dito Officio: e aquella haya a seyer repuesta en la Caxa, do las Bolsas de los Diputados del Regno son puestas. De la qual bolsa, en la primera apercion suya, los Diputados del Regno, que presentes seran en la ciudad de Galatayud (ad eam siquidem Urbem indicta fuere illa Comititia, in quibus ea lex ferebatur) dos dias apries que la present Cort sera finita, dentro los ditos dos dias sean tenidos abrir la dita Caxa en la Esglesia de Sanct Petto, presentes todos aquellos, que entrenenir hi querran; è de aquella sacar la dita Bolsa, è fazer extraccion de dos redolinos en dos vegadas, vno en cada vegada; por tal forma, è manera, como se haze en los Diputados, por virtud de las Ordinaciones cerca de la extraccion de aquellos tan solament prouidientes. La qual forma en la dita extraccion queremos sia seruada. Los quales assi sacados durant tiempo de tres annos continuament siguientes del dia de la dita extraccion auant sean, Lugartenientes del Iusticia de Aragon, è hayan todo aquel poder, que por Fuero han, è pueden hauer durant tiempo de los ditos tres annos. Los quales finidos, espiren los ditos Officios, è sean hauidos por personas priuadas, excepto en los casos infra scriptos, è no en otros algunos. E apries al ultimo dia de los ditos tres annos se haya a fazer extraccion de dos, otros Lugartenientes, para otro triennio continuament siguiente: e de alli auant de tres en tres annos successiuament en el ultimo dia de cada triennio por los ditos Diputados. Los quales, o la mayor partida dellos, o aquellos que presentes seran en la ciudad de Saragoga, en el dito dia de la dita extraccion hayan a comparecer de manana antes de medio dia en las casas de la Diputacion: do publicament, è presentes aquellos, entrenenir hi querran, hayan a abrir la dita Caxa, è fazer la dita extraccion segun la forma sobredita. Los quales assi extractos sean Lugartenientes del dito Iusticia durant el triennio de cada vnus: hayan todo aquel poder, que de Fuero han, è pueden hauer, durant los ditos triennios. Pero los que vn triennio hauran el dito Officio exercido; hayan a vaca al menos otro triennio, antes que puedan por la dita forma a los ditos Officios seyer assumptos. E si alguno, o algunos de los que sacado, o sacados seran, recusara, o recusaran acceptar el dito Officio por si, o procurador suyo: no puedan seyer compelidos a acceptar aquel. Antes de continent sia proceydo a extraccion de otro, o otros en lugar de aquellos. Empero los que el dito Officio acceptar recusaran; no sean mas a la dita Bolsa tornados. E si por absencia, o en otra manera qualquier aquel, o aquellos que seyan sacados de la dita Bolsa, dentro de diez dias del dia de la extraccion contaderos personalmente en la dita Yglesia en su caso, o en las casas de la Diputacion en el suyo no acceptaran el dito officio con carta publica testificadera por el Notario de la present Corte en el caso de la primera extraccion, è de alli adelant por el Notario de los Diputados que la hora sera; de continent sia proceydo por los ditos Diputados, a extraccion de otro, o otros por al dito officio de Lugartenient. E eso mismo deximos, si los ditos Lugartenientes, o alguno dellos por muert, o en otra qualquier manera vacaran. Que en los ditos casos se proceda por la manera sobredita a extraccion de otro, o otros Lugartenientes en lugar de los muerto, o muertos, o en otra manera vacantes por a regir el tiempo tan solament, que aquellos, en lugar de quien seran surrogado, o surrogados hanian a regir. Y entretanto que los ditos officios de Lugartenientes por alguna causa no seran acceptados; el tiempo que vacaran (si sera por de-



fecho de entramos los dos, que sacado hauram rijan los ditos officios los Lugartenientes del triennio  
 proximament passado. E si vacarà el vno tan solament: el otro dellos, durant el tiempo de la absencia,  
 o vacacion del Colega suyo, sia tenido, è haya a regir el dito officio. E los proximament passados, en cō-  
 tinent sian hanidos por priuadas personas. Pero antes que usen de los ditos sus officios, sian tenidos in-  
 rar en poder de los ditos Diputados, o de la mayor partida de aquellos, mediant su Notario de seruar  
 Fueros, Priuilegios, libertades, usos è costumbres del Regno, todo odio, è amor a part posados: è que no  
 tenran, ni tomaran pensiones, o Cauallerias algunas, ni aduocaràn en alguna Cort, ni tomaràn su-  
 bornacion alguna, excepto cosas de comer, è de beuer, que en pocos dias versemblantmēt, el que las re-  
 cibirà, las puedo consumir, è gastar. E porq, no de alguno en el dito officio vacar a proprios estipendios  
 suyos, tachamos, è mandamos dar de salario a cada vno de los ditos Lugartenientes en cada vn año  
 durant el tiempo de los ditos tres años, seys mil sueldos: los quales mandamos pagar por tercias, en cada  
 vn año, de las generalidades del dito Regno, sin otra cautela alguna. E si contecera por voluntad, absen-  
 cia, o en otra qualquiere manera fallescer todas las personas de los insaculados por al dito officio, o que-  
 dar en vna persona tan solament: que en tal caso hayan poder, e facultad los Diputados del Regno, que  
 la hora seran, o la mayor partida de aquellos (conquendi haya de cada vn braço) reformar la dita bolsa  
 de aquellas personas mas aptas, e mas suficientes, que a ellos sera visto: prastado por ellos primero ju-  
 rament de insacular tales personas, por las quales la justicia scientificament, e recta sia administrada.  
 Verumtamen nec diu post, Ann. Chr. ∞ CCCCLXVII. in Comitibus Cæsaraugustanis  
 quamplurima de huiusmodi immutata fuere: quæ fusiùs scripta in Foro primo, sub tit.  
*Forus Inquisitionis Officij Iustitiæ Aragonum.* continentur. Illud autem præcipuè cautum:  
 Ne Locumtenentium hoc, plus annum esse posset, Officium. Atque illud etiam, quod  
 nefas duxissem silentio præterire: Que por los Diputados del Regno se hayan a fazer dos Bolsas  
 intituladas: Bolsas de los Lugartenientes del Iusticia de Aragon. Es a saber, Bolsa primera, è se-  
 gunna. E en la primera Bolsa sian insaculadas personas Iuristas, letradas, aptas, è suficientes al ex-  
 exercicio del dito Officio. E en la segunda Bolsa sian insaculadas personas legos, discretos, expertos, è di-  
 spuestos al exercicio del dito Officio. quia in nostrorum mentibus magis inhærere visum est  
 semper, vt ex æquo, & bono potius, quam ex callido, & versuto iure ipsarum fierent iu-  
 dicia caussarum. Verum enimvero aliquamdiu, iis siquidem, de quibus proximè dixi-  
 mus, temporibus, publicum illud in foro vigeat, Extraordinarium, tantopere sermo-  
 ne omnium celebratum, Consilium: quod ex omnibus Iurisperitis, qui Cæsaraugusta  
 aderant, conflabatur. Exclutis enim partium, quæ contendebant, Aduocatis, ceteri  
 omnes legum periti duorum Locumtenentium euocabantur exitu, de vnoquoque  
 iure, in quo singulæ vertebantur causæ, consulturi. Hi consilii locum ingressi, pro-  
 posita illius causæ quæ in deliberationem veniebat, consultatione; quod res ipsa  
 ferret, coram conferebant inter se, diligenterque omnia illius momenta perpende-  
 bant. Vt quisque autem primum attigerat forum; ita sententiam suam dicebat ex or-  
 dine. In eam verò partem Locumtenentes propendere ius erat, quæ ex pluribus  
 suffragiis constaret. Vnde fiebat, vt eo tempore id Locumtenentis munus non  
 tam artis indigere videretur, quam laboris: quandoquidem ad iudicarias omnes con-  
 trouersias distrahendæ, huiusmodi accedebat Extraordinarium Consilium: ne i-  
 psam illud imperitos homines tanto muneri præpositos fuisse, absurdè à maioribus  
 factum iudicemus. Itaque quotidiano illo omnium Iurisperitorum congressu istius  
 Magistratus olim ornari consueuerunt iudicia, cognitionesque & exercitatio-  
 nes caussarum celebrari. Quarum quæ ita fiebant magnæ deliberationes, & ma-  
 turæ, *Determinationes Consilij Iustitiæ Aragonum*, vocabantur. Hæ autem tanti sunt  
 ponderis, ac momenti, tantamque auctoritatem habent in iudiciis; vt non minor  
 illis, quam scriptis legibus tribuatur fides. Vix tamen earum vllam notitiam habuisse-  
 mus, nisi Molinus eas in suo Repertorio, quasi semina quædam, sparsisset. In quo et-  
 iam pactio verborum continetur, quibus horum Consiliariorum Iurisperitum com-  
 prehēdebatur. At verò postmodum Ann. Chr. ∞ CCCXCIII. quinq; Iurisperiti ad cō-  
 sulendum in causis criminalibus adhibiti fuere: eisq; Cæsaraugustana ciuitas sistendi  
 locus circumscriptus, vel vbicumq; Iustitiæ Aragonum curia conuenerit. Anno tamen  
 ∞ DXIX. nouum quoddam septē Iurisperitorum, quod Ordinarium vocarunt, Consi-  
 lium ipsis Locumtenentibus Iustitiæ Aragonum adhibuitur fuit: simulque etiam eo-  
 dem ipso tempore vetus illud, Extraordinarium, sublatum. Hi autem septem Iurisperiti  
 in priorum quinque locum ad consulendum etiam in causis criminalibus suffecti fuere:  
 ac vulgò, *Los siete de la Rota*, vocabantur. Sed hæc omnia fuerunt Ann. ∞ DXXXIX.  
 nouis tunc editis legibus abrogata: constitutumque. Vt quinque Iurisperiti, Iustitiæ A-  
 ragonum sint Locumtenentes. Ad quos eo tempore fuit ampla illa in iuredicundo duoru  
 Locum-



Locumtenentium, consiliique Ordinarii, & Extraordinarii potestas translata. Quæ tandem ratio usque ad nostram viget ætatem. Atque hæc est omnis, quæ facta fuit in his ex alio in aliud vicissitudo, & mutatio. Incidunt enim tempora, cum ea quæ videntur consentanea, commutantur, fiuntque contraria: neque vix videtur arte vlla effici posse, ut vna, atque eadem ratio in vno semper cursu conseruetur: cum ita vitæ, & naturæ comparatum sit, ut naturales quoque iudicentur esse rerum plerumque publicarum conuersiones. Horum autem quinque Locumtenentium munus nequaquam vnius, nec trium, ut antea, annorum finitur spatio. Quinimmo concessum est ipsis, ut eodē perfungantur tādī, quādiu nouus nullus in Comitibus nostris inducatur mos, vel ipsi se à grauiissimo Septēdecim Virorum iudicio liberarint. Ius est enim, ut quotannis eorum animaduersionem, notationemque censoriam de iniuriis, si quæ fuerint, contra leges factis experiantur. Et vero ne Magistratus is vocationem vllam habere possit, quominus vtilem det operam Iuribus eius fidei commissis: publica hac lege sic cautum, & sancitum est. *CETERVM si contingat dictum Iustitiam ipso Officio priuari, seu ipsum mori, aut alias quomodolibet dictum Officium vacare ipsius Iustitiæ Locumtenentes habeant regerere dictum Officium, vocando se, ipsum officium regentes eo vacante, tantum, & tandī donec per nos de dicto officio bona, & sufficienti persona, & Militi Regni prædicti fuerit prouisum. Quam prouisionem nos faciemus intra triginta dies, postquam nobis innotuerit vacatio officij supradicti. Sed recentiori postea huic tantæ rei cautius prouisum fuit iis verbis.* *L O S Lugartenientes del Iustitia de Aragon, vacant el dito officio, deuen regir el dito officio entro a tanto que por el Señor Rey del dito Officio sia proueydo a algun Cauallero del dito Regno. Los quales Lugartenientes se deuen clamar, Regientes el Officio del Iusticiado aquel vacant, segund que en el Fuero de aquesto hacho mas largament es ordenado. E por quanto en caso de muert de los ditos Regientes, e en las otras cosas dius escriptas por el dito Fuero no es plenariament proueydo: Por aquesto De voluntad de la dita Cort estatuyamos, e ordenamos. Que el Officio de los ditos Regientes el Officio del dito Iusticiado de Aragon dure tanto, e tan largament, entro a que por el dito Señor Rey del dito Officio sia proueydo a buena, e sufficient persona, Cauallero del dito Regno. E el dito Cauallero assi proueydo por si, o por Lugartenientes suyos rija el dito Officio de Iusticia de Aragon actualment. E que si los ditos Regientes el Iusticiado, o alguno dellos contescera morir, o seyer priuado del dito Officio, antes que el dito Señor Rey aya proueydo del dito officio de Iusticia de Aragon a alguno, el qual por si, o sus Lugartenientes actualmente vse del dito Officio: que en los ditos casos, e cada vno dellos: si el dito Señor Rey personalment sera en el dito Regno de Aragon; o en absencia suya del dito Regno su Primogénito; o Lugartenient (en el caso empero que pueda fazer Lugartenient) o en absencia de aquellos la Reyna muller suya, o el Gouernador general de Aragon, personalmente estantes en el dito Regno; o en absencia de todos los sobreditos los Diputados del dito Regno de Aragon, puedan, e sean tenidos dentro espacio de quince dias, a pres que hauran noticia de la muert, o priuacion de los ditos Regientes, o de alguno dellos; poner, o crear otro, o otros Regient, o Regientes el dito Officio de Iusticia de Aragon. El Officio del qual, e de los quales dure tanto, e tan largament entro a que por el dito Señor Rey sia proueydo del dito officio del Iusticiado de Aragon; e el Iusticia proueydo por si, o sus Lugartenientes vse actualmente del dito officio en el dito Regno de Aragon, segun de suso dito es: el dito Fuero fablant de la vacacion del dito officio, quanto a las otras cosas en el contenidas remanient, en su firmeza efficacia, e valor. De reliquo forensium caussarum iudicia & cognitiones, quæ ad istum Magistratum deducuntur; per Abecedarium quoque sunt inter Locumtenentes ipsos adeo dilucidè, & apertè distributæ, ut nulla neque prætermitti possit, nec certè redundare. Earum porrò sic æquè descriptus ordo alia etiam temporum terminatione concluditur: nempe iccirco, ut litium aliquando finis sit; ne in ipsis caussis, & Foro fortunas, atque ætates conteramus. Quamquam autem Locumtenentes ipsi quāprimū assequuntur altiorē hunc istius tantæ dignitatis gradū; omni cautione, execratione, & fœdere deuinciuntur arctè, nihil eos contra leges, aut libertates esse facturos: ius tamen est, ut singulis mensibus, sollemni quoque iurifurandi religione, vniuscuiusque illorum fides constringatur. ac si eorum animos, penes quos totius nostræ existimationis versantur iudicia, eadem oporteat toties repetita cautione, ad ea, quæ restant, omnibus suis partibus explenda, renouari. Atqui certè plures nobis sunt de horum Locumtenentium munere rogatæ leges, præscriptumque iam, tum quales ii esse debeant; tum ut manus suas ab alienis abstineant pecuniis; tum in ipsarum caussarum cognitione quid dicturi sint, quidue etiam responsuri: tum denique præfinitum est eis, ut quæque faciant, seuero semper faciant legum imperio. Quæ præscripta seruantem licet magnificè viuere. Sunt enim annua ipsis stipendia decreta, quæ ex publicis vectigalibus persoluuntur, temporibus consentanea, & personis. Sed nihil attingam de iis*



rebus, ne videar longius, quam sat sit, officii mei fines protulisse. Id enim esset graues omnes locos tractare, in quibus Forense nostrum versatur, concertatorium, ac iudiciale genus causarum. Ut ad reliqua igitur pergamus, præter Locumtenentes hosce, sunt sex alii, publici etiam imperii istius Magistratus ministri: quos Notarios appellare solemus. Inter quos ita sunt singula officia dispersita, ut quinque Forensibus stipulationibus præ sint, ac unusquisque eorum, adhibitis à se aliis quoque inferioribus Scribis, qui ipsis quasi vtuntur promagistris; vniuscuiusque Locumtenentium dicta perscribat. Sextus verò, quem priori loco nominare debuissim, nostrorum Comitiorum Scriba nuncupatur. Cuius hæ sunt præcipuæ partes; ut vna cum primario, ac principe Regis Scriptore, quem Protonotarium vocant, Comitiorum omnium decretorum auctoritatem publicis testetur monumentis. Etenim cum Iustitia Aragonum sit ipsorum, ut diximus, Comitiorum Iudex, ad quam rem explicandam properamus; sic æquè statutum est, ut hi ambo, Protonotarius scilicet Regis nomine, hic verò Regni, ac Magistratus, singulis suis Scribarum officiis in maxima illa supremi istius actus celebritate fungantur. Ac priores quinque à Regibus olim ipsis muneribus præponi solitos obseruavi. Postea verò Alfonso IIII. Magistratui irrogauit, ut ab eodem præponerentur in posterum: quæ admodum explicauimus supra suo loco. A quo tandem tempore à Iustitia Aragonum mandari consueuerunt. Sextum autem, nostrorum Comitiorum Scribam, ab ipso Magistratu, vel à Regno fortè adhiberi semper solitum fuisse, non aliunde planè, quam ex facto ipso, capio coniecturam. Verum non iam ariolans, sed prospiciens dico, nequaquam decere, quod nostra fieri video tempestate, ut ad hunc tantum Scribarum ordinem, quorum fidei tabulæ publicæ, ceterorumque omnium Magistratuum pericula committuntur, precio quemquam liceat peruenire: sed ut is debeat semper industriæ tantummodò præponi, ac dignitati. Neque oportere existimo, ut ipsis, quæ à legibus decreta sunt stipendia, coarctentur: ne tantum munus propter tenuitatem hominum à religionis auctoritate ad mercedem totum, aut quæstum abducatur; sed ut probitas, atque industria præmiorum mercedibus euocentur. Duco tamen æquum esse, ac decere, ut Iustitia Aragonum copiosius alatur, denturque eidem de publicis vestigalibus debita sui muneris dignitati stipendia. His ergo sex Scribis illud etiam, quod Locumtenentibus, summum immunitatis irrogatum est Priuilegium; Ut nemo, ne pecuniaria quidem de re minima, eorum iudex esse possit, nisi Iustitia Aragonum solus. Quod in duos tantum ex inferioribus conuenit ministris, qui Virgarii appellantur. Ob quam nimirum causam hi duo, Priuilegiati; alii autem sex, non Priuilegiati dicuntur. Sunt enim Virgarii hi, numero octo. De quibus omnibus, ac de his Virgariorum huiusmodi, qui dicuntur, Notariis, sic publica lege cautum est. *DE VOLUNTAD de la Cort estatuyamos: Que el Iusticia de Aragon, e sus Lugartenientes no puedan crear sino ocho vergueros: dos Priuilegiados, y seys no Priuilegiados. Los quales dos Priuilegiados hayan a seyr exprimidos, declarados, e escritos en el libro de la Cort. Los quales Vergueros hayan a seyr personas abonadas, e possedientes cada vno dellos bienes en el Regno de Aragon valientes tres mil sueldos. E que el Iusticia de Aragon haya a esleyr los Notarios de los ditos Vergueros. Los quales hayan a seyr personas abonadas, expertas en fuero, e possedientes bienes cada vno dellos en el Regno valientes tres mil sueldos. E que con otros Notarios no puedan fazer actos algunos. E que los ditos Vergueros en el tiempo de la creacion hayan a dar fianças suficientes. E que los bienes de los ditos Vergueros, e fianças sean hauidos ipso Foro por emparados.* Nempe, ut iudicium magis sit, quod de eis fieri conueniat, expeditum. Atqui eorum genus nequaquam olim numero definitum erat. Nunc verò lex vetat huiusmodi, ne plures esse possint, quam octo. Quorū duo, qui Priuilegiati dicuntur, lictorū more singula præferre solent muneris dignitatis Insignia. Ceteri sunt apparitores. Sat enim visum est nostris, hos eidē esse lictores, ac satellites assignatos, cuius nos omnes, dū oporteat, necesse sit esse stipatores corporis Magistratus. Sed ut hæc omittamus, nunc iam videtur nobis de Comitibus dari exponendi tempus, quandoquidē Iustitiam Aragonum, eorum esse Iudicē memorauimus. Ea enim quā rationem habeant, non satis agnoscimus, tametsi vim, & euentu perspiciamus. Cumq; eorū duæ à nostris constituantur species; alia enim *Generalia*, alia verò *Particularia* Comitibus dicuntur, omnia aut sub vno Curiarum vocabulo comprehendantur; de Particularibus nūc nobis dicere est institutum. Generales enim Curie vocantur ille, dum vno, atq; eodem tempore, & loco, maximi horum trium Regnorū aguntur conuentus. Vetus enim nostrum in Catalanos, ac Valentinis ius est, ut in opidum intra nostros fines constitutum à Regibus euocati his de rebus agendi causa teneantur accedere: tametsi Catalani vsitatam illā, quā diximus, adhibere solent exceptionem, ne videantur iuri suo in aliquo derogare. Sed nihilominus



venire solent ad nos, fortunasq; suas conferre in nostrorū temporū, ac loci cōmunionē. Nostri namque eorumque maiores in omnibus ferē arduis rebus non consilia modo cū cōsiliis, sed cum factis facta, ac fortunas etiam coniungendas duxerunt. Sic autem inter nos, ac ipsos, & Valentinus quoque huiusmodi est Comitiorum coniunctio, & societas constituta: ut quamquā cum omnibus simul de publicis negotiis decernatur; varie tamen id fiat, ac disiunctis sententiis: quæ tandem in exitu coniunguntur & confluunt, ac sub vna, & eadem magna illa, & suprema Regii, ut loquimur, Solii celebritate, separatim unicuique ac seiunctim, etiam tenuissimarum rerum, iura statuuntur. Verū hoc Reges seiungere possunt; distindeq; nobis, ac ipsis singula Comitia celebrare. His itaq; cognitis, accedam nunc ad eam, quam proposuimus, Particularium explicandam Comitiorum rationem: quæ à nostris Generalia interdum nūcupari solent: quod generaliter, ut loquimur, omnes ex nostris, quos in illis interesse oportet, euocentur: eaq; ab aliis nihil differunt ea in re. Eorum autem non est tam facilis explicatio, quā videtur: cum multis modis variata versentur, & confusa. Variæ enim ipsorum Regum, ac nostrorum hominum voluntates adeo inter se distantia iura effecerunt: ut vix vlla tradi possint de eis firma, aut stabilia præcepta. Quamobrem non tam his, quā exemplis, necesse erit huiusmodi argumentum illustrare.

## DE COMITIIS ARAGONVM.

10 Vt in plurimis ergo fidibus si vlla earum non ita numeris contenta sit, ut æquē possit concentum seruare, ceteræ omnes videntur incontentæ: eodem prorsus modo nisi omnes in Comitiiis nostris assenserint ad vnum, omnes ad vnum censentur dissentire. Omnes enim ceterorum omnium actiones mancæ omnino sunt, & inchoatæ, nisi tenuissimi cuiusque non iam Ordinis, sed hominis etiam assensus consequatur. Verū enim verò vetus est nostrum, maximum, & præstantissimum ius, ut Comitia nobis à quocumque alio, præterquam ab ipsis Regibus haberi non possint. Ab eis autem indici tribus potissimum de causis consueuerunt: prima videlicet; suppetiarum ferendarum, exigendique (ut vulgò loquimur) *seruicij* causa; dum eos magna aliqua premit necessitas, 30 Regiumque ærarium bellorum sumptibus est exhaustum. Tunc enim Regni Ordines aduocare solent, postulantes, ut ea apparentur ab omnibus, quæ videntur tempus, ac ipsa necessitas flagitare. Olim autem nostri non pecuniarium ut modò, sed militare pendebant seruicium. Sic namq; millia nummū, quos tunc Regibus impendimus, appellamus. Altera verò; in noua vniuscuiusq; Regis successione: ut par, & mutua illius in nos, & nostræ in illum iureiurando deuinctæ fidei auctoritas intercedat. Non enim Regibus fas est, ad gubernacula Regni sedere, quo vsq; pro more solito iuris, ac legū adhibita cautione, & fœdere, Comitiiis institutis, mutua ipsa fides constringatur. Quorum habendorum hæc postrema solet esse vsitata, & notissima causa: ut pro temporum varietate leges dentur Reip. consentaneæ. Interdum namq; necesse est non temporibus solum, sed moribus etiam parere: stultissimum verò existimare, omnia quæ scita sint in populorum institutis, aut formulis ciuiliū legum, æquē omnibus ætatibus conuenire. Animorum etenim motus probandi sunt legibusq; ad tempus accommodatis ad tranquillitatem, & pacem præparandi. qui tandem finis esse debet, quò omnium ferendarum legū ratio referatur. Maiores autē nostri, quæ de omnibus statuenda essent, noluerūt iuberi, vetari ve posse, nisi vocatis, descriptisq; Ordinibus, ac cunctis omnium adhibitis suffragiis, re ipsa cognita, & promulgata. Vnde perpetuum illud nobis comparatum est ius, ut communes, & publicæ leges neq; tolli, neq; rogari possint, nisi prius vniuersus populus, vna voce, Comitiiis institutis suum ea de re liberum suffragium ferat. idque postea ipsius Regis assensu comprobetur. Atq; inde vsitatus ille nostrarum legum ferendarum institutus est mos, qui facillimè potuit in tot à nobis appositis legibus obseruari. Earum namq; 40 omnium initia hisce, aut eis similibus, more nostro, verbis concipiuntur. *El Señor Rey De voluntad de la Corte estatuesce, y ordena.* Nam apud nos quoq; omnis publica lex, ea septa est difficultate, ut rogari, neq; abrogari nisi de Regis, ac Regni simul consensione non possit. Quod magnum vinculum, ac libertatis fundamentum est. Et id ipsum apud Longobardos viguisse olim, idem ille amicus noster Carolus Sigonius attestatur: vir quidem summa eruditione ornatus, & doctrina: qui suis scriptis nostra ætate, historico & eleganti sermone iam prope intermortuam illius gentis memoriam renouauit. Quorum mentionem non fecissem modò, nisi si maioribus nostris principes extitissent & ad suscipiendam, & ad ingrediendam hanc, qua nunc fruimur, Reipub. nostræ ra-



tionem: quemadmodum diximus suo loco. Itaq; ne longius labar, Particularia Comiticia dicuntur, in quæ solius Aragonii Regni Ordines conducuntur tantum. Cumque ea Generalia quoq; ut diximus, nuncupentur: parum alia vlla in re videntur differre a Generalibus iis, in quibus trium Regnorum conuentus coniunguntur. Quæq; verò ea sint; nobis intra nostros fines habenda sunt. Possunt autem Reges, quandocunq; voluerint, illa celebrare. Atqui olim quotannis ea Cæsaraugustæ nobis haberi ius erat. Sic enim in quodam Priuilegio generalis, An. ∞ CCLXXXIII. interrogati, Capite continetur. *Item quel Señor Rey faga Cort general de Aragoneses en cada vn año vna vegada, en la Ciudad de Caragoça.* Postea verò Ann. ∞ CCCVII. potestas hæc sic fuit, publica huiusmodi lege, prorogata. *CVM in Curias, quas Reges suis subditis celebrant; ea, quæ sunt ad conseruationem pacis, ac iustitia; & statum pacificum Regni, & regimen subditorum, & ad tuitionem, & augmentum Reipub. ordinent, & disponant: Nos Iacobus Dei gratia Aragonum Rex, licet iam per Illustrissimum dominum, Regem Petrum recolenda memoria patrem nostrum, statutum fuisset in fauorem Aragonensium, Quod ipse, & sui successores quolibet anno eis Curiam celebrarent in Ciuitate Cæsaraugustæ: quod etiam statutum fuit per dominum Regem Alfonsum clara memoria, fratrem nostrum; & per nos postmodum confirmatum. Nunc verò attendentes ad communem vtilitatem totius Regni Aragonum, quia loca ubi Curia celebrantur, propter congregationem gentium magnum suscipiunt incrementum: De voluntate, & assensu Prelatorum, Religiosorum, Baronum, Mesnaderiorum, Militum, & Procuratorum Ciuitatum, Villarum, & Villariorum Aragonum in hac Curia congregationum: statuimus, & perpetuo ordinamus: Quod de cetero nos, & successores nostri faciamus, & celebremus Curiam generalem Aragonum de biennio in biennium, in Festo omnium Sanctorum, in quacumq; Ciuitate, Villa, vel Villario Aragonum; ubi nobis, & successoribus nostris melius fuerit visum expedire: non obstantibus statuto, & ordinationibus prelibatis. In aliis verò, Priuilegio generali Aragonum, & Foris per nos iam editis, in suo robore duraturis. Et hæc iuramus per nos, & successores nostros perpetuo obseruare. Et prelati, & Religiosi, qui in dicta Curia erant, hæc firmarunt, & Barones, Mesnadarii, Milites, & Procuratores Ciuitatum, Villarum, & Villariorum similiter iurarunt. Verumtamen postea, ne nostri ad Comiticia habenda in paruum aliquem, angustumve locum concludi possent, de illius opportunitate sic, publica alia lege, cautum fuit. Passim namq; fit, ut habita ratione rerum, vitiosa prior lex, aut consuetudo emendetur. *EL Señor Rey con voluntad de la Corte quiere. Que de aqui adelante, la Corte en el dito Regno, se haya a clamar, & conuocar a Ciudad, villa, o lugar, do haya quatrozietas casas, si quiere fuegos de estaiantes, o de alli a su so. E q̃ a menor Ciudad, Villa, o lugar, & de menor casas, si quiere fuegos, no sia, ni pueda seyer llamada, ni conuocada. E si el contrario se far a: q̃ el tal clamamiento si quiere conuocacio sea nulla: ni pueda alli seyer reputados cotumaces: ni Cort hi pueda seyer formada: ni actos algunos de Cort hi pueda seyer feytos. Antes lo q̃ se fiziesse en tal Ciudad, Villa, o lugar menor de quatrozietas casas, o fuegos, sea nullo, e no haya ninguna efficacia, o valor. Quod si ad Cæsaraugustæ Urbem indicitur: ius est, ut in Deputati- onis amplissima illa, ita vocata, domo, de qua supra, habenda sint. In ea autem & Regi, & Regni Ordinibus sunt iam singuli opportuni loci definiti. Sed tamen cum Reges serò ad Comiticia federent, ob eamq; causam plura caperet Resp. detrimenta: maiores nostri, sapientes illi, ac cordati viri, ad huiusmodi tarditatem aliquo modo subleuandam præmuni- erunt: ut Magistratus deputarentur, qui Regni Ordinum faciem præ se ferret, haberetq; publicorum quorundam officiorum, præcipue verò publicæ pecuniæ, quæ à vectigalibus cogeretur, rationem, ac liberum ea de re præclarum recuperatorium iudicium. Neq; verò eos olim fors dabat, quemadmodum hodiè fieri videmus, cum pueri manu miscentur, & ducuntur: sed in publicis Comiticiis omnium deligebantur suffragiis. Eosq; tam diu ius erat muneribus ipsis præesse, quam diu Regibus nostris placeret vacationem esse Comitiorum: ut quodammodo, Intercomitiales, dici illis temporibus potuissent. Quatuor autem tantum, & aliquamdiu triennales extitisse, certum est. Verum hæc ratio postea commutata fuit, & decretum: ut Octo viri, ex singulis scilicet Regni Ordinibus bini, magnum hoc Reipub. munus sustineant. Quod, qui ex vna educti fuerint, sortiantur quotannis. Ex eo autem, quod à Regno deputati fuere, & ex omnibus constantur Ordinibus: Deputatorum Regni nomen inuenerunt. Quorum fidei totius Regni procuratio est commissa, statutumq; ut ipsi sint Iustitiæ Aragonum custodes, propugnatores, ac præsidēs; illiusq; salutis, & mentis auctores, & principes paratissimi. Cui tandem muneri vos, Patres amplissimi, præpositi estis. Itaq; ut ad illud redeam, quod initio scripsi, Comiticia nostra indici aut haberi, nisi ab ipsis Regibus non possunt. Quia de re exploratum hoc exstat eiusdem Molini, cuius toties mentionem fecimus, testimonium. *Curias generales non potest conuocar Aragonensibus Regina Aragonum, nec Locomtenens generalis domini Regis. Et si hoc aliquando factum fuit, illud factum fuit, seu dispensatum per Curiam generalem Aragonum cum magnis siluamentis, & protestatio-***



rationibus, ne in futurum cassaretur praeiudicium Aragonensibus. Quia sine habilitatione, non potest convocare, seu celebrare Curias Aragonensibus, nisi propria persona domini Regis. Iccirco autem tot in locis, vel ipsarum legum, vel earum interpretum fidem interpono; quod huiusce nostrae scriptiois genus non euentis solum illustrare oporteat, sed argumentis, rationibus, ac publicis testimoniis, quare quidque ita sit, docere, & confirmare. Iam vero olim ex tribus tantum Ordinibus Comititia constabant; Patritio scilicet: Equestri: Ciuicoq; & Municipali. Patritium quidem maiores nostri, Ricorum hominum: & Baronum Ordinem, nuncupabant. Sed iam eorum antiquata est, quae magna viguit, nominis, ac muneris amplitudo: Nobiliumq; nunc Ordo appellatur. Quibus ita, Regum, ac Regni concessu, tributum est: ut per procuratores agere liceat in Comititiis. Equestri autem Ordini, in quem Milites, ac infanciones continentur, haudquaquam. Hi enim si in Comititiis volunt interesse, ius est, ut praesentes adsint, cognoscantq; & animaduertant, quae fiant. Ciuius autem, ac Municipalis Ordo, Vniuersitatum Ordo vocatur, vulgariq; sermone, *El brazo de Vniuersidades de las Ciudades, Villas, y Villeros de Aragon*. Neq; vero omnia Regni opida conueniunt. Sed iam definitum est, quae adesse, & quae aliis tum in sublellis, tum in ferendis suffragiis debeant praeferre. His ergo tribus Ordinibus, Ann.  $\infty$  CCC. vel circ. quartus accessit, Ecclesiasticus. In quem Caesaraugustanus Archiepiscopus, & ceteri omnes Aragonenses Antistites conflunt; ac Cathedralium, & Collegiatarum Ecclesiarum, ut vocant, Capitula; Militariumq; Praeceptores, ut vulgo loquimur, Commendarum. Atq; ab eo usq; tempore quatuor hi, qui nunc vigent, sunt nostrorum hominum Ordines ad adhibenda in Comititiis suffragia constituti: quos solemus, *Los quatro Braços del Reyno*, nuncupare. In Comititiis enim Respub. nostra, quasi integrum quoddam fingitur corpus: cuius caput, confertur Rex: truncus vero corporis, ac membra in eo locata, ipsi Ordines: Iustitia autem Aragonum; collum: quod utrumq; coniungit, & corporis, & capitis faucibus adhærescit. Ad nostra igitur Comititia hi quatuor Ordines euocandi sunt. Euocantur autem singulatim per literas: quas appellamus: *Las Cartas de llamamiento*. In his à Regibus proponitur ratio consilii, quod ductus Comititia habenda decreuerit: tum ipsorum Comititorum dicitur dies; ac opportunus designatur locus. De cuius mutatione, an fieri possit; ab eodem Molino hæc traduntur. *Si in aliquo loco sunt semel convocata Curia Generales, & incepta: non potest illas mutare, seu continuare dominus Rex ad alium locum Regni, nisi tota Curia generali consentiente*. Et idem paulo post. *Tamen si Curia generales nondum sunt integrè congregatae, seu incepta: tunc dominus Rex, etiam sine Curia, potest illas mandare continuari ad alium locum sibi bene visum: Et ista continuatio fiet per iustitiam Aragonum, seu eius Locumtenentem. Quibus poterit dominus Rex mandare, quod illas continuent ad locum domino Regi bene visum*. Ius est autem; Ne Comititia nostra ultra quadraginta dies possint differri. Constituta vero die, Reges aduocata concione, ad quam frequens sit nostrorum, qui ibi adsunt, concursus; habere aliquam orationem solent; & in ea consiliorum suorum rationem fusius, & vberius explicare. Quae à nostris, *Propositio Curiarum*, appellatur. Ea autem quo pacto antiquitus fieri consueuerit, non abs re erit hoc loco demonstrare, exemplumq; aliquod apponere, quo id magis perspicuum sit. Quandoque enim Reges solebant, purpura, scepro, & aliis Insignibus Regiis ornati, vestibusq; pretiosis induti, publicum aliquem suggestum ascendere, ad eam rem aureis textilibus stragulis pulcherrimè structum; publiceq; orationem habere magna voce, & contenta, ut ab omnibus possent exaudiri. Cumq; plures essent huiusmodi, in priscis monumentis conscriptae: quam hoc loco intexere decreui, nequaquam aliunde rogabo, nisi à publicis eorum Comititorum, quae à Martino Rege Caesaraugustae, Ann. Chr.  $\infty$  CCCXCII. habitatae sunt, Commentariis. Neq; enim potuissim temperare mihi, quominus hoc vnū afferrem nostrae antiquitatis exemplum. Quamquam autem illius argumentum supra in ipsius Martini rerum narratione perstrinximus; nihilominus statuimus eandem metipiam orationem huic nostro de Comititiis Aragonum proposito sermoni connectere: ut ne dum antiquae res nostrae perpendantur, sed verba: Ita autem ea, quae ab eodem Rege Martino tunc prolata fuerunt, omnibus ornamentis abundarunt, ut eunctis astantibus viderentur & sibi ipsis, ac eidem Regi publicam auctoritatem, consentaneamque, & praestantem capeiendi Regni disciplinam praescripsisse. Sic namque illum proditurus proposito sibi prius, ut loquimur, Themate, ac si de nostra sacra Religione concionaretur; nostros, qui ibi aderant, è superiore quodam loco affatum fuisse. Ac ne ipsis verbis sedem subtrahamus; hæc etiam à Comititorum Scribis subiunguntur.

*Lunes que se contaua a veint, & nueu, del mes de Abril del año de la natiuidad de nuestro Señor, de M C C C L X X X V I I I: al qual la celebracion de las Cortes sobreditas.*



(iam enim nonnullæ stipulationes in eis antea factæ continentur) por el dito Señor Rey fús assignada: en la Esglesia de la Seu de la dita Ciudad de Caragoça, el sobredito Señor Rey don Martin, por la gracia de Valecia de Dios, Rey de Aragon, de Valencia, de Mallorcas, de Cerdeña, de Corcega, & Compte de Barcelona, de Rossellon, & de Cerdeña, personalmente constituydo en aquella, & estando el dito Señor en su Solio, o Cadiella Real, delant el Altar mayor de la dita Seu, & present el muy honorable, & Circumspecto Varon don Ioan Ximenez Cerdan Canellero, Consellero del dito Señor Rey, & Iusticia de Aragon, & Iudgē en las ditas Cortes; & encara present en aquellas el honrado, & discreto don Ferrant Ximenez de Calloz Sabio en dreyto, & Procurador Fiscal del dito Señor Rey, parexieron por los quatro Braços del dito Regno de Aragon, los que se siguen. Hic nominatim profertuntur, qui his Comitibus ex nostrorum Ordinum hominibus interfuere. Sequens autem oratio ita connectitur superiori. E presentes los sobreditos, & muytos del dito Regno de Aragon, el dito Señor Rey fizo su Proposicion prendiendo por thema: Hæc est victoria, quæ vincit mundum, Fides vestra: continuado, & prosseguendo la dita materia, eleganter, & pulchriter. El tenor de la qual yes à tal.

HÆC EST VICTORIA, QUÆ VINCIT  
mundum, Fides vestra.

BVENA GENT. Las paraulas por nos proposadas son escritas en la primera Canonica de Sanct Ioan, al v. Cap. La exposicion de aquellas es esta.

ESLA VICTORIA, QUÆ VIENCE EL MVN-  
do, la fe vuestra.

Por esto los antigos fizieron question, la victoria del mundo en que estaua. Algunos huieron opinion, que estaua en tres cosas, o en la una du aquellas.

Primo; en la fortaleza corporal.

Segundo; en la riqueza temporal.

Tertio; en multitud de gent cordial.

Del primero, se lie al libro de los Iudges al xv. Capitol. Que como Sanson entras en una Ciudad, que ha nom Gothra, è los Philistheus supieron, que el era entrado en la dita Ciudad; van lo enuironar, è pusieron guardas a la puerta de la dita Ciudad. E Sanson dormio tro a la media nueyt. 30. Pues a la media nueyt espertose, & lieuo se las puertas de la Ciudad al cuello, tro al mont, qui se guarda en la Ebron. Pues pareçe, que por la fortaleza de su persona es valio, è escapò la multitud de la gent, qui lo en cercaron. Assin mismo lo hauemos de otros; como de los Gigantes, qui fueron de grant estatura. Baruch tertio.

Al segundo, que en riqueza temporal sia victoria: Esto prueuan; Que Enabucodonosor por la grant riqueza, que huuo, vencio a Darfaxach. Segunt que se lie en el libro de Iudith al primer Capitol.

Al tercero, que en multitud de gent cordial: Exemplo de Antiocho; Que por multitud de companas obtuuo muytas victorias. Segun que lo hauemos en el libro de los Machabeus al primer Capitol.

Mas cierto ellos erraron en no hauer verdadera opinion. Que la victoria non està en fortaleza corporal. Quia non in fortitudine equi voluntatem habebit, nec in tibiis viri beneplacitum erit ei. Psalm. cxlvi. No se puede aconseguir victoria por fortaleza de Cauillos, nin por temprança de cuerpos. E desto hauemos exemplo de Dauit; è de Golias, Gigant fuert.

El segundo; Non està victoria en riqueza temporal. Porque muytas vezes ha hombre visto, que los pobres vencian los ricos. Segunt pareçe de Dametrio. primo Machabeorum. xi. Cap. Que en ayuda de Dametrio eran tres mil Indios; è vencieron en la Ciudad de Antiochia a ciento, y veynte mil.

El tercero; que non en multitud de gent cordial: lie se en el libro de los Reyes, que el pueblo cantaua: Saul percussit mille, & Dauit decem millia. Assin mismo se lie en las Historias de los Romanos, 50. que com Eugenius con grandes companas teniesse ocupados los passos, è las montanyas, que enuironan toda Italia; por do Theodosi Emperador denia passar. E quando Theodosi lo supo; el no hania adu comido. E luego puso en oracion, & estuuo assin tota la notxe. E la manana se leuanto; & se armo; è fizo se el senal de la Cruz: è la mayor partida de su Caualleria lo havian de semparado. E ell en la manana entro al campo. E por la virtud Diuina leuanto se tal viento, è tal tempesta, que las armas, assin como lancas, dardos, sayetas, è tales cosas, que sus enemigos lanzauan; torpaua contra ellos, en manera que ellos mismos se matauan. Por la qual cosa Theodosi fue vencedor de aquella batalla. Porque se puede dezir, que la suya grant ffe lo fizo ser vencedor.

Arcadio, è Honorio supiendo que su hermano se era rebellado con Africa, de seyto embieron contra el a



el a Marcello concinco mil hombres. E el dit Marcello esmaginà las gracias, que Dios havia feytas a su padre Theodosi: è fuefende a una Isla, que havia nom Cabraca: En la qual havia algunos Santos hombres, è denotos seruidores de Dios, los quales havia traydo con sí. E la nueyt el se puso en oracion, e en deiunios por tres dias: e la quarta nueyt le apareció Sanct Ambros: e dixol: Como el sería vencedor de la batalla, denunciandole el dia, è el lugar de la victoria. Porque aquel de feyto combatió con-  
tral hermano, que era con ochenta mil, e el con cinco mil suyos venció, e lo esbarató. Porque puedo de-  
zir: Non in fortitudine exercitus est victoria, sed in Domino. De Gedeon, que con trezientos venció  
el poble innumerabile. Indicum tert. Cap.

Pues que victoria mundanal non troba en estas tres cosas; veamos, en que se trobará. Ciertó  
puedo dezir, que se troba en aquellos, que hā verdadera ffe, è coraçon leal. E estos soēs, vosotros de Ara-  
gon: por los quales yo he presa la paraula comenzada. Hac est victoria, que vincit mundū, fides vestra.

Alas quales paraulas, a loor de vosotras Aragonesas, podemos notar duas cosas. La primera: ho-  
nor muy excellent por la tierra diuulgata; quia hac est victoria. La segunda: virtut mey trāscendient  
en esti Regno fundada; quia fides vestra. Dezimos primerament: Que en los Aragonesos dene seyer  
notada; honor muy excellent, por la tierra diuulgata; en estos, que diçe, Hac est victoria. Ond grantes  
verdaderamet la honor, que los Aragonesos hā conquistada por muytas victorias, que hā hanido, nō con  
grant fortalezā corporal, mas que otros, nūn con grandas riquezas, nūn con multitud de gētes: mas con  
grā virtut de fiedat, è de grā naturaleza, e bōdat hāde los enemigos victoria obtēdo. Que si queremos  
sguardar nuestros predecessores, quādo vinieron a las muntañas de Iacca, como hanie pueca gent. E que  
esto sia verdat, bien ne fazen testimonio, muntañas, Ciudades, Villas, lugares, e planos, manifestan, a  
los que passan por aqui, las victorias, que vosotros hanez houido. E como subiugoron totas las ditas  
muntañas de Iacca, e de Sobrarbe, manifesto es a vosotros; porque no lo cal muyto alegar: los feytos  
del Rey Don Sanxo, que apes vino a seyar a Huesca, do morio; e pues su fillo, combatiendo se con toto lo  
poder de los Moros, que era grant, e ell con puecos, los vencio, e houo a Huesca. Apes vino el Rey Don  
Alfonso su fillo. El qual conquisto esta Ciutat, e la Ciutat de Calatayud; e guādo tota la ribera de Ta-  
ragona; e poble Tudela. De los otros que vinieron apes, conquistoron totō el restant. Bien vos quere-  
mos dezir, quanta virtut fue en el Rey Don Pedro en tiempo de los Franceses: Que viniendo con la  
Cruzada, que dio el Papa contra el, esbarató toto supoder al Coll de Panizas. Asin mesmo el Señor Rey  
nuestro padre, que Dios perdone, quando passó a Valencia, esto es notorio a todos, como el era con pueca  
gent, è que el Rey de Castiella era con toto su poder. De nos mismo com fuymos en Sicilia con Cinci-  
entos Bacinetes, e ellos eram mas de quatro mil canallas: con los quales con la ayuda de nuestro Señor  
Dios, somos venidos a fin de nuestra intencion, con la bondat de los Aragonesos, de e los otros, que allí  
eran. Porque podemos dezir aquello, que diçe el Apostol: Per fidem vicerūt Regna, fortes facti sunt in  
bello, & verterunt Castra exterorum. Ad Hebræos. XI. Cap.

Dezimos segondament, que las paraulas por nos comenzadas es; virtut muy excellent en esti  
Regno fundada e: Quia fides vestra. Loado sea Dios, que entre totas las naciones del mundo, la ffe desti  
Regno es predicada e publicada por totas las naciones. Et por esto los Phitsoffes posoron, que hōbre non  
puede venir en alguna cōexençā de las cosas, si nō cō su cōtrario: asin como cō el blāco ha hōbre cōexen-  
çal del negro e asin cō el negro del blanco. Poresto lo queremos dezir. Que asin seria necessārio a Rey de  
Aragā, que honiesse asayado otras señorias de Vassallos, para hauer mellor connexençā de los suyos. Que  
por cierto qui sguarda la señoria, qui hombre ha a tener a los otros, e la que ha a tener a vosotros: seas  
ciertos, que hi de ha gran diferencia. E nos podemos dezir, com dixo San Ioan a XIX. capittos; Qui  
vidit testimonium perhibuit: Nos, qui lo hauemos prouado, ne podemos fazer testimonio de verdat.  
E entre las otras gracias, que fazemos a nostro Señor Dios de los afānos, e periglos, que nos ha preser-  
uados, e como nos hafeyto Rey: hi es, como nos hafeyto Rey de tales Vassallos, como vosotros soēs. E a pro-  
uar esto, trahemos por testimonio Valerio Maximo, segun que se lie al segundo. liuro, Caput. De statu-  
tis antiquis: Que los Celtiberios, es assaber los Aragonesos, e Catalāes, hanian tāta de ffe que reputabā  
a peccado, veyr, que su señor morisse en batalla, e ellos no hi morissen. E que esto sea verdat,  
que vosotros seas Celtiberios: asin lo diçe Ysidorus en el VIIII. liuro Ethymologiarum. II. Ca-  
pitulo diçe. Que aquellos son verdaderos Celtiberios, que son poblados cerca el rio de Ebro. Por esto  
Aragonesos, han hanidas siempre tres condiciones. Primerament; gran liberalidad. Parecelo por los  
donos feytos en tiempo passado. Que por cierto qui vee los donos, que vosotros hanez feytos a nuestros  
predecessores, bien pueden dizir: que bienes, cuerpos, e algos, toto lo hanez abandonado por ellos. E qui  
sguarda la ayuda que fue vosotros hanez feyta a la Conquista de Valencia: pon cierto que fue muy grāt,  
& notable: hon diestex el Cinqueno de toto, quanto haniez. E apes de los otros Reyes non lo cal dezir.  
De nos mismo bien ne podemos fazer testimonio: que estando nos en la Conquista de Sicilia, e non po-  
diamos hauer socor de ninguna part: Vosotros por vuestra bondat nos embiastex cient Bacinetes con  
Don Pedro de Castro, qui era Cap dellos pagados a VI. meses. Con los quales mediant la gracia de Dios,  
nos hauiemos toto lo Regno a nuestra mano. Pues bien podemos dezir: que en vosotros ha gran libe-  
ralidad.



*Secundo; gran animosidad. Bien lo hauez demostrado en las guerras passadas. Como qui sguarda vosotros, si hauez plañidos vuestros cuerpos por vuestros Señores; cierto podemos dezir, que non. Antes alli do el padre perdía el cuerpo; el fillo luego se hi ponía: e do el fillo; el padre assí mismo. E quantos son, qui son muertos por lur señor natural: muytos: els quals serie largo de recomptar. Quantos affollados de su cuerpo? assaz. E quantos esuarrigados, e espuñados: manifestament lo podez ver. Pues bien haueiros prouado, que en vosotros es gran animosidad.*

*Tertio; gran humildat. Experiencia lo muestra en vuestros Señores naturales. Que por cierto bien podemos dezir, que si Vassallos ha en el mundo, que se an humildes a su Señor: que soès vosotros. Car no soès constreñidos por señoria tyrannica: antes soès muy franchos, e libertados de muytas franquezas, e libertades. E los señores vuestros passados non vos han señoreado con crueldat, nin con malicia alguna. Antes faziendo vna pueca de iusticia, luego soès castigados. E pues que vosotros soès muy bien, e franchament libertados, e non cruelment regidos: bien podemos dezir, que esto faze la vuestra gran humildat.*

*Pues todo esto damunt dito que lo ha feyto: pro cierto la gran victoria, que nuestros predecesores han hauido. Bien donches podemos concluir nuestro thema comenzado: Hec est victoria, que vincit mundū, fides vestra. Porque por conseruar esta ffe, como es dito nos haueiros aplegado a vosotros. Primerament, que por vosotros nos sia feyta lura de ffealdad, assí como hi es acostumbrado. Segundament pro rogar vos, que querades lurar nuestro fillo el Rey de Sicilia: al present, por vuestro Señor; e apries nuestros dias, pro vuestro Rey. Por manera que en tal punto se faga esta ffe, que nos, e vosotros podamos vencer lenemigo del mundo: e que saliendo desta vida seamos coronados en la gloria perpetual.*

*Hæc itaque præclara illa concio est, tantopere à nostris maioribus celebrata: quæ tanta cum grauitate, copiaque dicendi, tanto silentio, tanta omnium approbatione à Martino Rege tunc habita fuit: nihil vt vñquàm videretur tam populare ad nostrorum hominum aures accidisse; cū sic statuerent, vllius numquam neque sententiam auctoritate, neq; eloquentiam iucunditate fuisse maiorem. Habita igitur à Rege concione, statim redditur à Comitibus responsum. Illud autem respondendi munus primario committitur, qui tunc adsit ex nostris, Antistiti. In ipsa enim Communitate sunt iā singulorū gradus Officiorum, Ecclesiasticum autem Ordinem merito suspicimus, tamquam ceteris aliis superiorem. At vero in ipsa responsione danda scitum est, causam esse in tempus conferendam. Consuevit autem responsio huiusmodi, & sententiis, & verbis illustrari. Quod vt veteri simillimo testimonio comprobetur, illius exemplum adiungam hoc loco, quæ eidem Martino Regi data fuit à Casaraugustanensi Archiepiscopo D. Garfia illo Ferdinandi Heredia, nomine, ac memoria dignissimo viro. Is enim Comitiorum voce, accommodatam habuit orationem, si non valde abundantem, non tamen inopem, sed interdum grauibis verbis ornatam, & refertam. Eorum autem hæc quoq; in eisdem Commentariis constituitur sedes, ipsi nempe orationi Regiæ connexa.*

*E feyta la dita Proposicion el sobredito muy Reuerent Arçobispo de Caragoça (iam enim illius fuerat antea facta mentio) por toda la dita Cort general, e quatro Braços de aquella respuõ a la proposicion por el dito Señor Rey feyta, prendiendo por Thema: Salus nostra in manu tua est tantum. Respiciat nos Dominus noster, & læti seruiemus Regi & continuo, & prosiguiè aquella aptissimè. La qual yes, dius aquesta forma.*

**SALVS NOSTRA IN MANV TVA EST TANTVM. RESPI-**  
ciat nos Dominus noster, & læti seruiemus Regi.

*Muy excellent Princep, e reduptable Señor. Las paraulas por mi proposadas, escritas son. Gen. XXVII. C ap. E le sententia literal es aquesta.*

**LA SALVD NUESTRA EN LA MANO TVYA ES TANSO-**  
lament. guardenos el senyor nuestro, & alegres  
seruiremos al Rey.

*Excellent Princep, e Señor muy poderoso. Sobre todos bienes mas cobdiciados, e preciados, siquiere en aqueste mūdo terrenal, hoc en cara en la gloria celestial; es la salut. Por la salut en paradiso, Dios por los Santos es loado. Dize San Ioan. Apoc. VII. Cap. Que los Santos cridan grandes bozes dixiendo, Salus Deo nostro, qui sedet super thronum, & agno: Salut sea a nuestro Señor, qui esta posado sobre el throno, & el anyel. La salut, Señor, en este mundo por todo naturalment hombre es deseada. E por que la salut del pueblo deualla de la salut del Princep: pro aquesto la salut del Princep es fuent preciada, amada,*



amada, e honrada. Antigament, Señor, en señal de grant honor, e reuerencia, Iurauan por la salut del Rey, o del Princep. Assin Iuro Ioseph a sus hermanos. Genes. XLII. Cap. Per salutem Pharaonis non egrediemini inde, donec veniat frater vester minimus: Por la salut del Rey Pharaon non exiredes de aqui, fasta que vienga vuestro hermano mas chico. Ara, Señor, es assin: que seyer sano, o hauer salut, propriament se dize del animal, segun dize el Philosopho en el IV. lib. de la Metaphysica. De la cosa publica, o de la Comunidad, salut se dize por Metaphora, e figura: E aquesto pro razonablement. Car segunt que dizen los Metges, salut, e enfermedat son diferencias del cuerpo. Pues como la cosa publica sea, assin como un cuerpo, segunt que dize Plutarco al Emperador Traiano, que tota la cosa publica es un cuerpo, en el qual el Rey es la capeça: Por tanto la cosa publica, la Comunidad, o el Regno, pue de seyer dicho sano, o enfermo. Porque assin como la conuenient proporcion de humores en el cuerpo, es sanidad; e la sobroabundancia de aquellas, o de las unas sobre las otras, es enfermedat, o malautia: bien assin, Señor, la sobreabundancia, o promociion de los malos, e opressiion de los buenos, en el Regno, o comunidad, causa contrarietat de humores, e por consiguiente enfermedat, e malautia: e la iusta, e deuida opressiion de los malos, e promociion, e exalçamiento de los buenos, causa deuida, e rationable proporcion de humores, e conueniencia: e por consiguiente salut, e sanidad. La qual, Señor, desçamos, e de aquella a la vuestra Señoria los del Regno de Aragon de corazon propoñamos, Diciendo: Salus nostra in manu tua est tantum: Respiciat nos Dominus noster, & leti seruiemus Regi. Ont, Señor, segun tres ornamentos, que todo Rey ha; El primero, en la capeça, el qual es Corona; el segundo, es en la mano derecha, el qual es Ceptro; el tercero, es en la mano siniestra, el qual es Pomo: me parece, que segun aquestos tres ornamentos, en tres cosas, Vos Señor, tenedes nuestra salut.

Primerament: nuestra salut en vuestra Capecça es; por de los buenos condigna premiacion.

Segundament: nuestra salut en vuestra mano derecha es; por de los malos iusta correctiion.

Tercerament: nuestra salut en vuestra mano exquierta es; por de los pueblos vuestros auisada go- uernacion.

Dixi, Señor, primerament, que nuestra salut en vuestra Capecça es; por de los buenos condigna remuneracion, o premiacion, e aquesto designa el ornament Rey al de la Capecça. El qual es Corona. La Corona, Señor, segun San Ysidoro en el XX. liuro de las Ethymologias, es señal de la honor, que el Rey ha de los pueblos a el subiectos. E en Vos Señor, la Corona significa dignitat de honrosa promociion. Corona, Regii honoris signū est: quia ideo in capite Regū ponitur, ad significandū circumfusos in orbē populos, quibus accinctus, caput suum coronatur. E en vuestros subiectos significa, de sus treballos e sus seruicios premio, e gualardon. En toda la santa Escritura, do se faze mencion de Corona; signi- fica, e figura premio, e gualardon; segunt que dize Sant Gregorio en los Morales; hoc e San Ioan Apoc. IV. Cap. Vidit Sanctos habentes coronas aureas. dize, Que vido los Santos con coronas de oro. E segun los Doctores Theologos, dan a entender, el premio, e gualardon, que han de la viscion Diuina. El qual premio, e gualardon a los buenos dar, sobiranament se conuiene a la dignitat Rey al. E aquesto ditta a razon natural, e autoridad escriptural. Dize Sant Pedro en la sua Canonica, que deuenos seyer subiectos, principal al Rey, assin como al mas excellent; e a los Duques, assin como a aquellos, q̄ le embia pora punir los malos, e a gualardonar los buenos. Subiecti estote Regi, quia prae excellenti, Ducibus, tamquam ab eo missis ad vindictam malefactorum, laudem vero bonorum. I. Petri. II. cap. Assin mismo aquesto ditta marracion historial. Porque segun recita Valerio, Que Alexandre, e Iulius Cesar, muy altament remuneroron sus seruidores, e sus Vassallos leales. Assin, Señor, Vos faziendo, es assaber los buenos preimando, gualardonando, & promouiendo; la nuestra salut en vuestra capecça es; por de los buenos condigna premiacion. E aquesto significa, e figura la Corona, que vos, e todo Rey, tiene en la capecça.

Segundament, Señor, digo, que la salut nuestra en la mano derecha es; por de los malos iusta punicion, e correctiion. E aquesto designa el ornament Rey al, el qual hies en vuestra mano derecha, q̄ es Ceptro. El Ceptro segun el Papias, es verga Rey al. De la qual dize el Psalmista: Virga directionis, virga Regni tui. Con la verga, Señor, se castigan los malos. E por aquesto el Ceptro, que es verga Rey al, significa de los malos iusta, e deuida correctiion, e punicion. E en la santa Escritura se nombra la verga Rey al, verga de fierro. ut in Psalm. Reges eos in virga ferrea. A dar a entender, que la verga de fierro significa iusticia por dos cosas, o razones. La primera; porque la iusticia deue seyer derecha, e assin comparada a verga: la qual es, e deue seyer derecha. La segunda: porque deue seyer inflexible, que no se deue doblegar, e por consiguiente comparada a fierro. La iusticia es aquella, que mantiene los Regnos: Porque los Regnos sin iusticia no son, sino ladrocinios. Augustin. IV. de Ciuitate Dei. Quid sunt Regna, semota iustitia, nisi magna latrocinia? Que son los Regnos tirada la iusticia, sino latrocinios? Quasi dicat: nihil. E por aquesto dize Cyprianus De XII. abusionibus, loando la iustitia: iustitia Regis; pax est populorum; curamentum patrie; immunitas plebis; munimentum gentium; cura languorum; gaudium hominum; serenitas maris; terra fertilitas.



*solatium pauperum; hereditas filiorum.* Pero ya sea, que la iusticia se trobe en la Escritura seyer comparada a verga de fierro, e aquesto por regir: assin mismo trobamos, que deue seyer comparada, e deue seyer la verga de oro: E aquesto por clementia. Hester IIII. cap. *Extendit Rex virgam auream pro signo clementia.* Ond yes dado a entender, e es; e deue seyer de iusticia con clementia, o de clementia con iusticia. E aquestas dos virtudes de iusticia, e clementia son al Rey muy necessarias. Porque por la iusticia es el Rey temido: e pro la clementia es amado. Dize Seneca lib. i. De clementia. ad. . . . . *Casarem: Non oportet Regibus magnas adificare turre, fortia Castra construere, muris, & sepibus se munire. Optimum munimentum Regis est, amor subditorum, & Cuium.* Dize, que no conuiene a los Reyes edificar grandes Torres, ni fuertes Castiellos; ni fazer fondos valles, ni fuertes murallas, por fazer se fuertes. La mayor fortaleza que el Rey puede hauer, es el amor de sus subditos, e vassallos. E por aquesto dize el mismo en el sobredito libro, faziendo metro, o versos.

*Sit piger ad penas Princeps, ad premia veloci;*

*Et doleat, quoties cogitur esse ferox.*

Dize que el Rey deuo seyer perezoso a infligir penas, y muy laugero, o propinco a fazer gracias, e misericordias. E si le conuiene por deudo de iusticia dar pena; a quello deue fazer congrant dolor de coracon. E como el amor entre el Rey, y sus subditos se contenez ca por la virtud de clementia: por tanto la vara del Rey deue seyer, assin mesmo de oro. *Legitur Proverbiorum Cap. Misericordia, & veritas custodiunt Regem; & clementia roboratur thronus eius.* La misericordia, e la verdat guardan el Rey: e por la clementia el su throno es refirmado. Aquesta iusticia, Señor, vos exercitando, e los malos corrigiendo, es assaber, los que son malos de su natura, que nunca fazen sino obrar mal, e no solament ellos, mas sus compannias, e aquellos qui con ellos viuen; con verga de fierro, e con rigor de iusticia. E los que non son malos de su natura, mas que les esdeniene alguna desauentura, quia *primi motus non sunt in homine;* con verga de oro, e con clementia. E assin faziendo, poremos dezir, que la nuestra salut en la mano vuestra derecha es; por de los malos iusta correction. E aquesto significa el ornament Rey al, que es en vuestra mano derecha, que es Ceptro.

Dixi terciament, que la salut nuestra en la mano vuestra siniestra es; por de los pueblos a vos subiectos anisada gouernacion, e administracion. E aquesto significa el ornament Rey al, que es Pomo en la mano siniestra; el qual el Rey guarda, e mira. El pomo significa los pueblos, que el Rey tiene en la mano de su iurisdiction. El pomo, Señor, ha figura circular; en la qual equalment, e sin diferencia el centro guarda todas las partes circumferentiales. Aquesto, Señor, significa, que sodes centro, e medio de todos vuestros pueblos equalment; & sin diferencia a todos deuedes indagar, & sin parcial affection guardar ius vuestra protection, e mirar por estudiantia circumspedition. E assin, Señor, a vuestros Vassallos, e sossessos todo bien sera procurado, e de aquellos todo mal tirado, e arredrado. Porque escrito es, *Proverbiorum Cap. xx. . . . . Qui sedet in Solio iudicii, dissipat omne malum intuitu suo.* E contanto, Señor, de part de vuestra Capecca, e de vuestras manos, diestra, & siniestra, vendra nuestra salut. E assin, Señor, de coracon, e de voluntat a vos dezimos, e proponemos la paraula por mi començada: *Salus nostra in manu tua est tantum.* Respiciat nos dominus noster: pro iusticia rigurosa, por clementia piadosa, e por gouernacion vigil, e estudiantia. Et lati seruiemus Regi: e alegrement seruiremos al Rey. E si nos es demandada la razon de vuestra alegría; respondemos la paraula, que se escrive en el. . . . . *Quia Rex noster operatus est salutem in medio terra.* Porque el Rey nuestro ha obrado salut en medio de la tierra, es a saber en el regno suyo de Aragon; en tal manera, que vos, Señor, & obrando vuestra salut en aqueste vuestro Regno terrenal, Dios obre la vuestra salut en el Regno suyo celestial. Amen.

Concluyendo sobre las cosas por el dito Señor Rey propuestas dixo, que los del Regno se retenian deliberacion. E que hauida aquella, farian tal repuesta, que seria seruicio de nuestro Señor Dios, e del Señor Rey, e bien de la cosa publica del dito Regno; e tal que el dito Señor Rey se deuria contentar.

Quamprimum itaq; à Comitibus redditur responsum (ne plus, quàm fas sit, de proposito nostro cursu digrediamur) à Iustitia Aragonum summum illud, & commemorandum Comitiale, vt ita dicam, Iudicium exercetur. Statim enim corameo, tanquam Comitiorum Iudice, à Regio procuratore, qui Fiscalis vocitatur, pro indicta die absentes accusantur. Statutum est autem, vt ter ante accuset intermissam diem, quàm Magistratus possit multà irrogare. Legis autè nostræ sub tit. De conuocatione Curiarum. ea de re verba sunt huiusmodi. ITEM: querientes nos hauer graciosament, e benigna, con los que de aqui auant sera conuocados a las Cortes, que seran celebraderas a los Regnicolas, e habitadores del dito Regno de Aragon: De voluntad, e consentimiento de la Cort, estatuyamos, & ordenamos: Que los que seran clamados à Cortes, o alguno dellos, no sean, ni puedan seyer reputados contumaces, si no que se an esperados tres vegadas de gracia. Las quales se fagan, de quatro en quatro dias, a fin que duren doze dias. Mas ordenamos:



nanos: que las prorogaciones fazederas, del termino adelant (al qual las Cortes primeramēt seran assignadas, o clamadas) non puedan passar, o prorogarse vltra tiempo de quarenta dias. E si el contrario feyto serā: que passados los quarenta dias, si a hauida la Cort, e los clamados ada quella, por licenciados, e licenciada. At verò quarta huiusmodi à procuratore Fiscali facta accusatione; absentibus statuta iam multa irrogatur. Nam Iustitia Aragonum statim decernit de Regis iussu, atq; Ordinum sententia (sic enim ab ipso fieri ius est, minima etiam quacumq; in re) absentium nullam habendam esse rationem, quominus Comitialis ille propositus exitus expediatur. Quod, vt decernitur, ita fit. Deinceps enim, quamdiu Regibus, ac Regno placet, ex die in diem Comititia producuntur: prodita semper prius ab eodem Iustitia Aragonum vnaquaq; Comitiali die, in qua iudicium aliquod sit futurum. Ad eum enim id fieri spectat. De quo Petrus Belluga Valentinus, præclarus iuris interpres, qui Alfonso V. floruit temporibus, hæc in suis scriptis testata reliquit, in quibus totam hanc Comitiorum rationem fusiùs persequitur. *Et licet in Foro Aragonia, Princeps præsideat in Curia: Iustitia tamen Aragonum, vt Iudex inter Curiam, & Principem, Curiam prorogat, si Princeps præsens est, sui mandato, & consensu. Hocq; est ius quoddam constitutum, & privilegiatum. Et idem alio in loco. Et est Index in Aragonia Iustitia Aragonum, qui est Iudex inter Principem, & Curiam.* Quomodo autem iudicium id à Iustitia Aragonum fieri debeat, in quodam Capite Privilegii generalis, cuius toties mentionem fecimus, sic cautum fuit. *Item: Qua el Iusticia de Aragon, iudge todos los pleytos, que vinieren a la Cort, con consello de los Ricos hombres, Mesnaderos, Cavalleros, Infanzones, Ciudadanos, y de los hōbres buenos de las Villas, segūt Fuero, e segūt antigüamēt fue acostūbrado.* Sed vberius diu antea expressa fuerat integra hæc in Comitii iudicandi illius Magistratus potestas, ac formula, in publica illa nobis, sub Iacobo Rege I. constituta lege, cuius supra meminimus. Quæ talis est. *Quod in omnibus causis, quæ erunt inter ipsū Regem, vel successores suos, & Ricos homines, Filios dalgo, & Infanciones; quod Iustitia Aragonū iudicet cum consilio Ricorum hominum, & Militum, qui erunt in Curia, dummodo non sint de partida. In omnibus aliis causis, quæ erunt inter Ricos homines, Milites, & Infanciones; iudicet Iustitia Aragonum de ipsius Regis consilio, & de consilio Ricorum hominum, Militum, & Infancionum, qui erunt in Curia, dummodo non sint de partida.* Ea autem verba, de partida, id valent, vt ad consulendū ii omnes, quorum priuatæ res aguntur, excludantur. Verum hæc lex id etiam adiungit; iudicium nempe hoc à Iustitia Aragonum dupliciter fieri debere. Nam de cōtrouersiis, quæ inter Regem, ac nonnullos fortè Regni Ordines ortæ fuerint: excluso Rege, & iis, de quorum priuato iure contendatur, Iustitia Aragonum Iudex constituitur. In aliis autè quæstionibus, quæ non inter Regem, sed inter ipsos Ordines existent fortasse (fieri nāq; id sæpe videmus) Regis consilium oportet, & aliorum, qui liberè in ea causâ ius dicere possint; adhiberi. Sed rectè ne hanc nostræ legis sententiā interpreter, in Iurisperitorum opinione relinquo. Non enim doctorem me esse volo, sed tantum historicum: cuius quidem muneris dignitatem, non gloriolæ aucupandæ vilius, sed iuuantæ patriæ impulit studium, vt mearum virium imbecillitate metirer. His ergo Consiliariis Iustitia Aragonum vt debet in Comitialibus iudiciis exercendis. Dum autè omnium sensus in propositis rebus videntur congruere, effectusq; est æqualis ille, quē initio diximus, quasi fidium concentus: extremus tunc Comitiorū actus tempore, ac die definitur. Quem nos, *El dia de la celebraciō del Solio*, nuncupamus: quod in eo Rex, maiori pompa, & apparatu, in Solio sedeat, omnium Ordinū frequētia stipatus, de cōfirmandis, sancendisq; rebus, quæ in Comitiiis transactæ fuerint, nouas leges, ex cōmuni, & publica auctoritate, laturus. Ita autè omnia cōcocta sunt, dum in illū locū conducuntur; vt plurima iura vno tempore statuantur facillimè. Quæ postquàm à Rege decreta sunt simulq; omnium Ordinū cōsensione laudata; de eorū stabilitate Rex fidē suam Omnipotenti Deo in Iustitiæ Aragonū certa iam verba, interposito Iureiurando, deuincit. Et Iustitia quā mox, aliiq; Regii ministri, ac cuncti Ordines in Regis manibus simili religione obligantur. Huiusce verò tantæ rei celebritatē ii duo, quos diximus, Comitialis scripturæ Magistri publicarū literarū monumentis consignant ad posterorum omnium memoriam sempiternā. Atq; hoc tandē felici exitu constans, & grauis, concordiarum plena, perfecta, atq; absoluta ipsorū Comitiorum ratio cōcluditur. Iā verò de subselliis hæc Idē Belluga, variis in locis, attestatur. Omittā autem testimoniorū copiā, quā effundit, vt quæq; dicat, dilatet, & cōfirmet. Id enim Iurisperitorum est maximè propriū. Ad nostrū autē Institutū nihil pertinet, eum non tã causas rerum, quàm ipsas res, atq; euenta perquiramus. Vt Belluga igitur prodit: *Princeps, vt Regni dominus, in Culmine sedere debet: quod appellatur locus altus super omnes gentes ad Curias conuocatas, Regna sua, & terras representantes. Et in dicto Culmine, in Solio alto super omnes Vassallos debet Rex Cathedram tenere. Et ideo solitum est, vt fiat quoddam thronum ligneum,*



quod nos Tabellatum appellamus; in quo sint multi gradus, ad modum gradarii; & Solium Regium stat in loco superiori super caput omnium conuocatorum. Post Principem autem sedet Primogenitus & ad dexteram patris sedere debet. Ex post ad latus sinistrum Principis, quod est dexterum quoad Curiales, sedet Iustitia Aragonum. Qui ex suis Foris praesidet etiam in sui Curia Aragonensium, & illam praeorat. Et ista dignitas, & officium fuit incognitum de iure, cum sit creatum ex lege Regni, & habet magnum participium in Regia iurisdictione. Ego verò in comitialibus nostris scriptis notatum inuenio, Iustitiam Aragonum in gradibus Solii, ad ipsius Regis pedes, medium inter omnes Regis ministros, sedere consueuisse: qui mihi praecellus sanè, ac satis editus videtur locus. Quod si iisdem Comitibus, atque eodem (vt vulgò loquimur) Solio, horum trium Regnorum conuentus celebrentur, id enim plerumque fit; ius est: Vt nostri Ordines in loco sedeant digniori: atque vt Ciuitatis Caesaraugustae primarius Consul, quem Iuratum dicimus, in subfelliorum ratione Barcinonenses, ac Valentinos Consules antecedit. Reliqui verò quo loco sedere debeant gradatim, Belluga idem fusius, & vberius pertractauit: & nos etiam in eo, quem de Methodo procedendi in Comitibus, vulgari lingua, superioribus annis libellum conscripsimus. Iam enim vniciquē in magno illo confessu certus, ac definitus est locus: statutuēque; quis summus, quis infimus, quis medius, quis vltimus, ac quis extremus futurus sit: & vt, quo quisque loco sedere debeat, affideat; & illico qui sit post illum sessurus, subsequatur: vt omnia completa, & conferta sint: ne vlla relinquatur subfelliorum pars nuda, aut inanis; sed vt quisque sit in dando, & cedendo loco, cui dari conueniat, officiosus. Ceterum magnum aliud solebat olim in Comitibus nostris, non iam à Iustitia Aragonum, sed contra eundem Iustitiam, illius Locutenentes, aliosque ministros, iudicium exerceri. Vetus namque ius erat, & antiquū vt Magistratus hic Comitiali esset tantummodò notationi subiectus. Neque, vllum aliud in eū erat iudicium damni, nec criminis, de iis, quae iniuriose decerneret, nisi Comitibus habitis, constitutum. Nunc verò per leges noui cuiusdam iudicii inductus est mos, sancitumque: Vt quotannis subire possit Septemdecim virorum vultum seuerum, magnamque illorum expetiri vim, ac iracundiam potestatis. Sequenti vero Capite quomodo ea se res habuerit demonstrabo.

#### DE INQUISITORIBVS IUSTITIÆ ARAGONVM

cenforioque Septemdecim virorum iudicio.

Neque enim decessisset profectò, cum à maioribus nostris tam bene fuissent ceterae istius muneris partes descriptae; extremum actum hunc, tamquam ab inerti poeta, fuisse neglectum. Quinimò eundem sic oportuit, ad Magistratum ipsum temperandum accedere, vt in eo statuamus modò, incolumen Reip. nostrae statum contineri. Nam quo pacto fuere extraordinarii Regum impetus Iudicis Medii praefectura compressi: simillimè quoque; necesse fuit, eandem ipsam praefecturam illaqueatam esse legum periculis, implicatamque; expectatione supplicii; ne nimia potestas superbiae, aut elationi, sed bonitati, ac moderationi materiem det. iam vt melius nostrā quā Lacedaemoniorum olim, fuisse temperatam Remp. iudicemus, quandoquidem nō Ephoris calcaria solum, ac Regibus frangere, quicquidmodū Isocrati, doctore alioquin singulari, sed & ipsi Iustitiae Aragonū & calcaria, & frenos quoque; interdū adhiberi debere, visum fuit. Itaque; ad eā rē clarū hoc sibi maiores nostri, publica huiusmodi lege, remediū cōpararunt. Quae enim tāto labore, ac periculis parta ab ipsis, nobisque; tradita libertas fuit; hoc etiam maximo oportuit, ac fortissimo sepimento vallari: Nempe vt Magistratus ipse se sciat, nisi in temperando temperantiam adhibuerit, grauissimas fore cenforii iudicii poenas subiturum: cuius nullo modo declinare laqueos licebit. Hæc autem ea de re antiquae legis sub tit. *Quod in dubiis*. verba sunt. *VOLUMVS* etiam, & ordinamus: Quod in casu, quo Iustitia Aragonum de facto processerit, vel mandauerit procedi ad executionem realem contra Forum, Priuilegia, Libertates, Vsus, & Consuetudines dicti Regni, contra personam, vel personas, seu bona alicuius, vel non certificauerit infra octo dies Officialem consultantem, postquam requisitus fuerit super dubio, quid de Foro, Priuilegiis, libertatibus, vsibus, & consuetudinibus dicti Regni faciendum existat, & quid facere debeat, vt dictum est; vel si noluerit cognoscere de questione, quae mota fuerit contra Iudices, & Officiales, vel aliquem ex eis, contra quem fuerit propositum processisse ad executionem realem contra personam, vel bona alicuius contra Forum, Priuilegia, libertates, Vsus, & consuetudines Regni; vel non expectata certificatione dicti Iustitiae de facto processisse contra eam, vel peccasse in aliquo praedictorum in supradictis articulis contentorum, & specificatorum; vel si dictus Iustitia obedierit Carte contra Forum; vel recusauerit, mandare ad executionem duci sententiam latam per ipsum contra aliquem Iudicem, seu Officialem, secundum quod dictum est; vel non compleuerit, vel fecerit omnia, & singula supradicta, quae tenetur complere, & facere, secundum quod dictum est.



est: Quod in predictis casibus, & quolibet ipsorum, in quo, vel in quibus dictus Iustitia Aragonum fecerit, vel omiserit: si factum erit criminale, & mors, exilium, extrema membrorum, pena corporalis, vel captio fuerit subsequuta; dictus Iustitia Aragonum sustineat, & penam similem habeat sustinere. Et si ratione dicti enantamenti, vel superseñionis aliqua de dictis penis non fuerit subsequuta; vel factum fuerit civile, & ex hoc pars sustinuerit missiones, & damna: in quolibet dictorum casuum dictus Iustitia Aragonum teneatur parti damnificata solvere missiones, & emendare damna in duplum; & perdat Officium; & numquam illud, nec aliud Officium possit habere; nec possit esse de domo, nec de mercede nostra. Quae pena imposita contra dictum Iustitiam Aragonum habeant locum, & ducantur ad executionem; quotiens per Curiam Generalem fuerit pronuntiatus, vel  
10 declaratus super eo. Quam Curiam dictus dominus Rex teneatur facere de biennio in biennium, secundum quod per Forum extitit ordinatum. Ad inquirenda autem singula quaeque Iustitiae Aragonum facta, & consilia, Ann. Chr. ∞ CCCXC. Quatuorvirale quoddam, non annuum, ut modo, sed Intercomitiale munus designatum fuit, ex quatuor Regni conflatum Ordinibus. Cui qui tunc praepositi fuere; ex eo quod in Magistratum inquirere debebat; Inquisitores Officii Iustitiae Aragonum dicti sunt: atque ita nunc etiam dicuntur. Inquirendi autem sic ipsis fuit, publica lege, potestas definita. Interdum enim fas erit hoc loco, ut ad memoriam vetustatis, antiquatas ipsas leges referamus. CVM officium Iustitiae Aragonum sit universale in dicto Regno, & si quos contra iustitiam aggrauaret, (praesertim cum in aliquibus causis, in quibus contra Officiales nostros, & alios cognoscere potest, de Foro ab eius sententiis appellari non possit, nec appellatio aliqua prosequi) iustitiam ab eo debitam, grauati assequi commodum nequirent. Nam quamquam per Forum statutum existat, quod pena a Foro contra dictum Iustitiam imposita tunc locum habeant, & exequantur, cum per Curiam Generalem Aragonum id declaratum fuerit, seu pronuntiatum; quia tamen per dictum Forum, vel alias non est aliqua certa forma prodita aduersus dictum Iustitiam, eiusque Locumtenentes, Notarios, & Virgarios procedendi: Ea propter ad supplicationem, & de voluntate, & consensu totius Curiae, seu Deputatorum Regni predicti, vice, & nomine Curiae predictae, & pro bono statu dicti Regni, Statuimus, & in perpetuum ordinamus: Quod per nos, & successores nostros eligantur quatuor personae idoneae: Una videlicet de quolibet brachio, de octo personis nobis, & nostris successoribus nominandis, & praesentandis, & in Curia generalibus, vel Particularibus celebrandis in dicto Regno, vice prima de octo personis nobis  
30 nominandis per Deputatos Regni predicti pro tota Curia. Qui habeant sufficiens, & plenum posse inquirendi, seu Inquisitiones faciendi ad solam partis priuatae denuntiationem factam verbotenus dictis Inquisitoribus, & sine scriptura, contra dictum Iustitiam, Locumtenentes, Notarios, & Virgarios ipsius. Ita tamen quod ipsi Inquisitores, faciant scribi nomen denuntiatoris & substantiam eorum, quae denuntiabit, per ipsorum Notarium in actis Processus Inquisitionis, quae fiet contra dictos Iustitiam, Locumtenentes, Notarios, & Virgarios ipsius, qui nunc sunt, & pro tempore fuerint, de quibusuis criminibus, excessibus, delictis, & notabilibus negligentis, ac magnis defectibus abinde faciendis, committendis, seu perpetrandis in, & circa Officium antedictum, aut colore, seu occasione eiusdem in suis Officiis delinquendo. Quam Inquisitionem iidem Inquisitores contra praenominatos, & quemlibet ex eis facere teneantur predictis tribus mensibus Anni cuiuslibet, Martii videlicet, Iulii, & Nouembris, & non  
40 ultra. Qui quidem Inquisitores prima vice per nos eligendi, & eorum Notarius, teneantur prestare sacramentum, & homagium nostro nomine, & dictae Curiae, in posse dictorum Deputatorum, & dictae Curiae: De bene, & legaliter se habendo in faciendis dictis Inquisitionibus, & in exercitio earundem, omni odio, favore, timore, amore, & rancore semotis. Et de tenendo in secreto nobis, & cuiusque alteri persona dictas Inquisitiones, & contenta in eis usque ad earum publicationem. Et qui post hos prima vice electi fuerint, & qui ex tunc loco eorum, seu cuiuslibet eorum de cetero eligentur, aut subrogabuntur; teneantur similia sacramentum, & homagium prestare in posse nostro, & dictae Curiae tempore celebrationis eiusdem: Nobis tamen existente in dicto Regno sine celebratione Curiarum, in posse nostro, & Deputatorum dicti Regni. Si vero absens fuerimus a dicto Regno; dicta Sacramentum, & homagium teneantur facere, & prestare in posse Gubernatoris Aragonum, & Deputatorum eiusdem Regni, seu alterius eorundem Deputatorum, qui ad id ab ipsis Deputatis fuerit ordinatus. Tum alio capite haec fuit exercendi istius iudicii constituta formula. Statuimus etiam: Quod Inquisitores predicti teneantur facere dictam publicationem in primis Curia Generalibus, vel Particularibus, celebrandis in dicto Regno. Quas nos, pro ut de Foro tenemur, Iuramus celebrare de biennio in biennium post finitas Curias generales, vel in casu suo eis non finitis. Quae publicatio habeat fieri antequam ad alios actus dictarum Curiarum possit procedi. Et facta dicta publicatione, eadem Inquisitiones debeant finire infra spacium quatuor mensium ex tunc sequentium. Infra quos concedatur dictis Iustitiae, Locumtenentibus, Notariis, & Virgariis per dictos Inquisitores, copia articulorum, attestatorum, & de actis, ac toto processu contra eosdem productis, & actis; prout eorum cuiuslibet pro suo interesse per-



tinere dignoscatur: & tempus ad contradicendum, & suas defensiones proponendum, & allegan-  
 dum, suasque probationes super eo producendum. Quibus peractis: similiter concedatur copia atte-  
 stationum, & aliorum, quæ proposita & producta fuerint procuratori Curie Aragonum. Quem  
 brachia Curie prædicta possint, & teneantur constituere in primis actibus Curie ad prosequendum,  
 instandum, & determinari faciendum per sententiam, Inquisitiones, quæ inchoatæ fuerint con-  
 tra dictum Iustitiam, & alios præfatos. Concedendum eidem procuratori terminum similiter  
 ad reprobandum testes, & alia, quæ per dictum Iustitiam, & alios iam dictos producentur. Ta-  
 liter tamen per ipsos Inquisitores dicti termini cuiuslibet ex prædictis moderentur; quod dictæ  
 Inquisitiones infra dictum tempus finire habeant. Et teneantur dicti Inquisitores in prædi-  
 ctis procedere breuiter, simpliciter, summarie, & de plano, sine strepitu, & figura iudi-  
 cii, sola facti veritate attenta. Et postquam dictæ Inquisitiones erunt conclusæ, seu ad  
 diffinitiuam sententiam productæ; non possit ad alios actus Curie procedi, donec ipsæ Inquisi-  
 tiones per diffinitiuam sententiam fuerint terminatæ. Quæ proferri habeant, absoluen-  
 do, vel con-  
 demnando, quoad pœnas in Foro statutas: exceptis pœnis damnorum duplicatorum, & expensis,  
 & interesse partis denuntiantis: quas is, cui pertineat, petere valeat, prout per Forum, & usum  
 Regni ante huius Fori editionem facere poterat. Dictus tamen denuntiator, ratione dictæ denun-  
 tiationis, non teneatur de calonia, nec de expensis. Et prædictæ absolutiones, & condemnationes  
 habeant fieri iuxta merita dictarum Inquisitionum per dictum dominum Regem, & quatuor Bra-  
 chia dictæ Curie concordēs, seu maiorem partem cuiuslibet dictorum Brachiorum; illorum videli-  
 cet, qui in ijs licite possint, & debeant intervenire, de Foro, & ratione. Et nostra etiam intentionis  
 existit, Quod Brachium Ecclesiæ possit intervenire in præmissis, & singulares eiusdem, qui volue-  
 rint interesse. Et insuper ordinamus: Quod dictis Inquisitionibus pendentibus, & eis per diffini-  
 tiuam sententiam non finitis, ad suspensionem aliquam dicti Iustitiæ, & aliorum prædictorum pro-  
 cedi nequeat ullo modo. Quin etiam eadem lege, magnum hoc Inquisitorum fundatum,  
 ac stabilitum fuit pulcherrimis huius institutis imperium. **ITEM** statuimus: Quod dicto-  
 rum Inquisitorum Officium duret tantum, quousque per Curiam de aliis sit prouisum, modo, &  
 forma præfatis. Et postquam de aliis Inquisitoribus fuerit prouisum; successores teneantur inquirere  
 contra præteritos Inquisitores, quibus modo, & forma se habuerint in, & circa commissum eis Offi-  
 cium. Et similiter faciant ij, qui in Curia successiue fuerint deputati: qui teneantur procedere, & Sa-  
 cramentum, & homagium præstare, modo, & forma superius expressatis. Ceterum cum nobis fuerit  
 supplicatum, quod dictos Inquisitores non reuocemus, priuemus, nec in aliquo impediamus, in, & cir-  
 ca exercitium Officiorum suorum, per Inhibitiones, super sedimenta, nec alias ullo modo, nec tollamus  
 nec minuamus pœnas aliquas per Foros statutas contra dictum Iustitiam, & alios prædictos; & ubi fa-  
 ceremus, quod Inquisitores prædicti non teneantur obseruare aliquas literas, mandamenta, Inhi-  
 bitiones, vel prouisiones in contrarium præmissorum emanatas: immo eis non obstantibus conti-  
 nuarent, & exercerent eorum Officiū supradictum. Propterea volumus, concedimus, & ordinamus  
 quod dictos Inquisitores non intendimus, neque possimus priuare, nec in aliquo impedire per Inhibitiones,  
 super sedimenta, vel alio modo, prout in nobis supplicatis continetur. Verum si contingat, aliquem ex  
 dictis Inquisitoribus interim deficere, morte, longa absentia, vel alio legitimo impedimento: in  
 quolibet casuum prædictorum, alij eius consocij possint, & habeant præsentare nobis, tamē in ipso Regno  
 personaliter existente, nobis verò ab ipso Regno absente, Gubernatori dicti Regni, duas personas il-  
 lius Brachij unde deficiat, de quibus Nos, vel dictus Gubernator suo casu, habeamus, & habeant  
 eligere unam ex ipsis infra quindecim dies, postquam dicta electio exstiterit præsentata. Et ubi in-  
 fra dictum tempus non faciemus Nos, vel dictus Gubernator suo casu: dicti Inquisitores, deficientis  
 consocij, ex tunc id facere valeant. Quæ persona sic electa teneatur dicta Sacramentum, & homagia  
 præstare in posse nostro, si in ipso Regno fuerimus, & Deputatorum dicti Regni, vel aliquorum ex  
 ipsis Deputatis per alios Condeputatos eligendorum. Nobis verò ab ipso Regno absente, in posse  
 dicti Gubernatoris, & dictorum Deputatorum, vel alterius eorum per Condeputatos alios eligendi.  
 Iam verò hæc quoque tunc data fuit Inquisitoribus ipsis potestas. Hæc constitutione etiam per-  
 petuo ordinamus: Quod Inquisitores memorati, temporibus quibus circa prædictas vacabunt In-  
 quisiones, possint videre, & inuestigare omnes Processus originales, & acta Curie dicti Iustitiæ. Et  
 in eadem Iustitia, Locumtenentes, & Notarij, ipsos, & ipsa teneantur quicumque vice, quæ fuerint re-  
 quisi, eis exhibere, & ostendere; ipsorumque copias, quorū eas voluerint, & petierint ipsis trade-  
 re absque aliquo pretio. Scribentibus tamen Generale dicti Regni satisfacere teneatur. Ad extre-  
 mum hæc iisdem fuit, & laboris delegandi condicio, & merces altero eiusdem legis Ca-  
 pite constituta. Volentes, prout conuenit, dictis Inquisitoribus de decenti salario providere:  
 Statuimus, quod quilibet Inquisitorum prædictorum anno quolibet habeat pro suis portulis salario, &  
 labore à Generali dicti Regni Trecentos Florenos: & eorum Notarij Centum Florenos. Quos habeant p-  
 tertias in fine cuiuslibet dictorum trium mensium, Martij videlicet, Iulij, & Nouembris. Et non possint  
 aliquibus



aliquibus aliis personis, praterquam suis collegis, seu sociis dumtaxat, committere vices suas. Ita ta-  
 men quod omnes quatuor, vel saltem tres ex ipsis habeant personaliter interesse exercitio, & conti-  
 nuationi Processuum dictorum Inquisitorum. Verus igitur nostrum ius erat, vt in Comitiiis  
 exerceretur hoc contra Iustitiam Aragonum magnum iudicium: minimè tamen cete-  
 ris negotiis intermissis. Vno enim, atque eodem tempore, & Comitiales ipsæ ageban-  
 tur res, & iniuriæ propositæ Magistratus. Neque verò olim Inquisitores hi, tantummo-  
 dò erant huiusmodi caussarum structores. Interdum enim, vt sua ferre suffragia possent,  
 lege hac publica concessum fuit ipsis. *Queremos así mesmo: que en la examinación, e diffinitión*  
*de los ditos Processos, los ditos Inquisidores pueda estar presentes. Empero que no haya voto, sino aquel*  
*que sera de la Cort: así como uno de la Cort.* Sed statutum erat, vt antequam vllum iudicium  
 fieret facti alicuius, Inquisitores de singulis causis ad Comiticia referrent. Comiticia autem  
 de eis omnibus, prodita prius die, publico iudicio decernebant: ac quæ maiori parti rata  
 videbantur, rata erant futura. Ceterum non facile factu semper erat in tanto hominum  
 concursu, vt & ipsi secum, & simul omnes cum Regibus, in sententiis ferendis conueni-  
 rent. Quinimmo ob magnam confusionem suffragiorum, in alia Comiticia plerumq; sole-  
 bant iudicia hæc differri. Neq; ea semper pondere, ac delectu ferebantur; sed impetu, ac  
 furore nonnumquã: cum interdum etiã ex imperitæ multitudinis errore penderet. Itaq;  
 meritò possumus affirmare in hac iudicii ferendi formula statuenda, nostrã diutius an-  
 tiquitatem errasse; ne iam illi omnia concedamus: quamquã eam aliquamdiu videmus  
 nouis fuisse legibus, minutulis tamen in rebus, emendatam. Verumtamen cum difficul-  
 tas ipsa videretur semper nouam aliam rationem, ac iudicandi viam flagitare, extremaq;  
 hæc totius nostræ molitionis pars firmũ aliquod imploraret publicæ libertatis præsidium:  
 plurimis tentatis rebus, in hac tãdem vna in Comitiiis, Calataiubii habitis, An. ∞ CDLXI.  
 acquieuerunt omnes: Multitudinem quippe fugiendam, paucisq; iudicibus contentos  
 esse oportere. Neq; aliter potuisset planè animaduersio, quæ oportebat, vitiorum, nec de-  
 lectus æquitatis, qui conuenit, adhiberi. Et id quidem deficiebat solum, vt bene firmus  
 Reip. nostræ status, firmior redderetur. Tunc enim, quasi illius stabilitatis fundamentũ,  
 ac sedes, constituta fuit hæc, de qua nunc agimus, Magistratus Iustitiæ Aragonũ Septem-  
 decimuiralis auctoritas, moderatrix. Sed neq; tunc res ipsa visa est, quam decebat, matu-  
 ritatem habere: quippe cum nihil simul & inuentum, & perfectum sit. Sexennio autem  
 post, immutatis nonnullis de prioribus institutis, qui nobis nũc manet, inductus est mos:  
 Quo tametsi appropinquauit magis, sed nondum venit tempestiua omnis, quæ oportet,  
 maturitas decretorum. Immutanda enim videntur nonnulla, alia nouo more interdum  
 decernenda, non tam vt seueritas ipsa iudicandi, quàm vt accusandi corrupta, a nonnul-  
 lis vsitata, formula temper etur. Eam enim statuo esse haud mediocre impedimentum  
 libertatis: atq; ita esse in hoc iudicio seueritatem probandam; vt in accusando adhibea-  
 tur etiam quæ tanto muneri debetur, decòris, ac æquitatis mansuetudo. Verum nescio  
 quo pacto ad statuendi rationem delapsa est oratio mea, cum id mihi propositum initio  
 nõ fuisset. Itaq; vt ad rem redeam, Ann. ∞ CDLXVII. in Cæsaraugustanis Comitiiis, quo-  
 rum supra meminimus, amplissima illa lege, quæ, *Forus Inquisitionis Officii Iustitiæ Arago-*  
*num*, inscribitur, sancitum fuit: Vt censorium hoc de Magistratu iudicium mutuis exer-  
 ceatur, & Inquisitorum, & Septemdecim virorum Officiis. Quæ ita ipsis dispertita sunt:  
 Vt Inquisitores muniant iudicandi viam; Septemdecimviri autem sententiam pronun-  
 tiant. Iam verò Inquisitores hos non publico delectu, vt olim dum Intercomitiales erant,  
 sed Deputatorum more, sortito quotannis lex nostra capi iubet. At Septemdecimviros,  
 sortito quamuis; non tamen annis singulis; nisi dum eorum indiget ope Respublica. De  
 quibus omnibus singula sunt iura constituta: ne quis eorum à proprio, & integro possit  
 officio aberrare. Quæ verò ea sint, perquam breuiter perstringam hoc loco. Quamquã  
 enim sunt literatis nostris hominibus vulgata, & notissima: plerumq; tament solent esse  
 non solum populo, sed suffragatoribus ipsis obscuriora. In primis igitur quodam illius le-  
 gis Capite sancitur: Vt Inquisitores hi, prioribus decem Aprilis mensis diebus, cuiuslibet  
 anni, Cæsaraugustæ in publica Deputationis ita vocata domo confidentes, amplissimo  
 Comitiorum loco, potestatem sui faciant, vt ab omnibus possint adiri. Antiquo autẽ mo-  
 re comparatum est: vt prima quaq; eiusdem mensis die, Inquisitorum iussu, publici præ-  
 cones, maxima voce, citent quoscumq; qui se iniuste esse à Magistratu lesos arbitrentur,  
 vt apud Inquisitores edant, & exponant, ac suã quisq; iniuriam persequatur: denuntian-  
 tes siquidem, Inquisitores ipsos singulis illis diebus, definito eo loco, ad omnia, de quibus  
 quisq; audiri velit, paratos futuros. Quòd si nemo adsit, qui intra decem illos dies de Ma.



gistratus iniuria conqueratur; eundem accusandi tunc aditus est omnis interclusus, nec Septemdecim viri educuntur eo anno. Immo verò decima ipsa Aprilis mensis die, Inquisitorum illud finitur imperium. Si quispiā autē, licet tenuissimus homo, intra dictos dies, proposuerit, à Magistratu contra se, fuisse aliquid iniquè, & iniuriosè decretum; vel non decretū fortasse, quod iuxta leges ipsas decerni debuisset: tunc Inquisitorū potestas vsq; in decimum Iunii sequentis prorogatur diem. Omnes enim hi, qui interponuntur, dies & actori ad agendum, & reo ad defendendum sunt, vnicuiq; videlicet definito iam tempore, constituti: decretumq; est; vt hæ causæ apud Inquisitores, tū Iudices, agendæ sint. Id ipsum autē de Magistratu conqueri, & apud eos edere, & exponere; *Denuntiare*, patrio loquendi genere appellamus: *Denuntiationemq;* petitoris ea de re propositum libellum. Cuius tam formidolosum est nomen, vt statim dum proponitur, triste censeatur, ac horridū; ac si iam reus fiat sola eiusmodi nuntiatione vitiosus. Simulac ergò intenditur alicui, censorii istius Iudicii periculum: si legitimis præstitis, vt loquimur, fideiussoribus roboretur; inanis est prorsus quæq; omnis mutatio consilii. Nam etsi ius suum postea totum dimiserit, qui accusarit; nihilominus necessariò est illius, qui accusatus sit, nomen ab Inquisitoribus ad Septemdecim viros deferendum. Tūc enim procurator Regni, publicus est accusator à nostris legibus constitutus; qui vehemētem, & acrem petitoris illico capere tenetur, quam eidem minimè licet, personā deponere; quin singulas huiusmodi actiones, tamquam perduellionis actiones, persequatur. quasi leges ipsæ videantur eo tēpore istius à se selecti patroni fidem, illatarū sibi iniuriarū vlticē, implorare. Eò autē grauior; quò nō est voluntaria illius accusatio, censetur. At verò qui reus factus est, in cōfessione facti, præcipuam eā, quæ sit ipsius iuris, defensionē suscipere debet, ipsarumq; arripere patrocinium legū. Tunc enim non tã de priuato, quàm de publico iure disceptari oportet. Nonnūquā autem ex scripti interpretatione improbo Iudici datur occasio, vt cū sciens perperam iudicarit, publicas tabulas videatur sequutus. Tam pròpta autē, & parata esse debent istius Magistratus adiumenta, ad cōmunia pericula propulsanda; vt si nō defendat, vel non ferendæ obsistat iniuriæ, tam esse in vitio iudicetur, quàm si eandem ipse iniuriā intulisset. Verum hæc omnia in singulare Septēdecim virorum iudicium concluduntur. Nullū enim ea de re Inquisitores possunt suffragiū ferre, vt olim solebant: nisi quis fortè eorum sit in alicuius Septēdecim viri, vel mortui, vel suspecti, è reliquis Septemdecim viris locū suffectus. Sic namq; fieri iubet ipsa lex, vt eorum numerus impar efficiatur. Est autē eorundem Inquisitorū potestas in nonnullos alios Regiæ Iurisdictionis ministros prorogata: quos nostro more, vulgari lingua appellandos duxi, ne eorū nomina latinè reddita effeferantur vitiosè: nempe: *En los Sobreuiuentos; Lugartenientes de Sobreuiuentos, Porterós del numero de doze; y en qualesquiera otros Porterós, o Vergueros; y en qualesquiera hōbres des Officio de las Alguaziles del Rey, de su Lugarteniente general, del Primogenito, y del Regēte el Officio de la Governaciō; y en los q̄ fuerē Aduogados secretos:* diuersa tamē à prioribus aliis ratione. Quæ autē ea sit, in legibus, sub tit. *De Aduocatis, ac Suprauiuentariis*, continetur. Ego enim sic interpretor maiores nostros sensisse, vt ea lege, *De Suprauiuentariis*, censuerint, non Alguazirios ipsos, sed homines eorum Officii, satellites nimirum, huiusmodi Inquisitioni subiectos esse debere: tametsi hæc verba aliter scio à Molino fuisse variis in locis explicata. Sed de his agere prætermitto: mihi enim ad cōmemorandum minimè videntur necessaria, cū de Magistratu Iustitiæ Aragonū tantūmodò sit sermo propositus. Itaq; hoc in genere, Inquisitorum partes præcipuæ sunt: Septemdecim viris viā, vt diximus, iudicandi munire. Ipsorum verò Septemdecim virorum quàm late pateat potestatis vis, ex his eiusdē legis verbis perspicue intelligetur. *Las quales doze personas de los tres braços, è cinco de otro brazo, que todos sñ en numero de dezisiete personas, hayā aquella mesma potestad cerca las cosas sobreditas, è infra scriptas, è de aq̄llas incidētes, depēdientes, è emergentes, è a aquellas annexas, q̄ nos hauemos, è hauer podemos en semble con la Cort.* Quod tandē omniū maximum est, ac summū imperium. Iam verò ad negotia huiusmodi, integra iudicandi potestate, expedienda, eadē ipsa lege cautū est: Vt sortitò, vicesima quaq; Maii mēsis die, quæ huic operi faciendo dicta est, è quatuor Regni Ordinibus Septemdecim capiantur viri, qui Reip. voce magnum istud Officiū exequantur. Eosdem autem educendi Deputatis Regni cōmissum est munus: ac inducendi quoq; dum eorum nomina mutari oportet. Nemini enim in hūc tantæ dignitatis locum, neq; in ipsum Inquisitorum, nec Deputatorum numerū, licet peruenire, nisi eum Deputati ipsi, illo numero, ac loco dignum, iudicant. Est autem præstitutum iam: vt in singulis hisce muneribus, & distributiones generū, & ipsorū Ordinū gradus seruentur: quoad is in vnoquoq; eorum effectus sit numerus, qui iam est ab ipsis nostris legibus definitus. Est præterea eadem ipsa lege prouisum; vt hæc (vt ita dicam) imparitas, in Septemdecim-



virali numero constituta, ad singulos Ordines deducatur; gradatimq; deorsum versus redeatur sursum. Septemdecim viros ergo, sorte datos, ius est, ad decimum Iunii diem, Deputatorum edicto, compellari. Quem ne quis forte negligat obire, sancitum est etiam; ut ei, qui non adsit, vel maxima sit culpa, vel causa. Cæsar augustam aut conuenientes, constituta die, Deputatis Regni sacrosancto fœdere deuinciunt fidem suam, se nullo pacto à via recta deducendos fore, quominus suum quisq; de singulis causis & incorruptum, & liberum, & occultum quoq; suffragium ferat. Mox iudicii locum ascendunt. Ibiq; ad eos, quaq; fuerunt ante Inquisitores publicis monumentis mandata, perferuntur, adhibito ad hæc omnia eorundem Inquisitorum, ut vocant, Notario: quæ iubet esse leges nostræ, istius omnis scripturæ magistrum. Atq; illum olim quandoq; à Comitibus, quandoq; à Regibus, sæpius tamen ab eisdem Inquisitoribus, ipsi muneri præponi solitum obseruauimus. Nunc vero sorte etiam est eodem, quo Inquisitores, tempore educendus. Hac igitur re præstita, quasi quibusdam finibus, magnū illud, quod diximus, eorundem Inquisitorum terminatur imperium. Inde autem Septemdecim virorum incolumis tota iudicandi potestas informatur. Apud eos enim statim oriuntur accuratæ, & acerrimæ honoris contentiones, disceptationesq; de singulorum reorum capite, & fortunis. Ac ne illud omitam, Septemdecim hos, graues ferendi istius iudicii auctores, libertatibus nostris placuit habere ciuiliū legum expertes, & ignaros. Ita enim ab eo Iurisperiti omnes, publico alio ipsarum legum edicto, repulsi sunt. *Empero declaramus: Que Iuristas algunos no hayã, ni puedan haue*

20 *el Officio de la dita Iudicatura.* Voluerunt namq; nisi quasdam apertissimas res crimini dari non posse: repetundarum scilicet pecuniarum culpam; violatæ fidei; doli mali; aut summæ negligentia. Nouerant autem à Iurisperitis plerumq; vno verbo, aut litera, ius omne torqueri. Ea propter prohibuerunt, eos in huiusmodi iudiciis interesse. In cõsiliis tamen, ut duo Iurisperiti adsint, à Septemdecim viris quamprimū euocati, concesserunt: quos, *Assessores*, eadem leges nostræ nuncuparunt. Sed hi nequeunt definire iura: tamen de singulis rebus, ac de vnoquoq; reo iudicando palam sua ferre suffragia tenentur, non ut disceptatores, aut Iudices; sed ut fideles tantum singulorum Officiorum spectatores, ac testes: atq; ut scelerum indicia ostendant, sententiarumq; ferendarum Septemdecim viris ipsis patefaciant viam. Septemdecim viris autem adeo restrictè ad eam rem præfinitum est tempus, ut differri interdum vna hora non possit. Non enim licet quadraginta dierum spatium excedere. At verò tacita debent esse omnia, quæ ab ipsis fiant, iudicia huiusmodi: calculis siquidè adhibitis; nigris condemnationem, candidis autè absolutionem significantibus. Et nimirum hoc in genere, in quo tota nostrarum libertatum summa conglobatur, hæc danda fuit latebra iudicii, ut ceteris, quid quisq; sentiat, ignorantibus, calculus ipse vniuscuiusq; liberum occultet suffragium; quod melius fieri possit ab iis, in quorum mentibus consideat, iustitia. Decretum est autè; ut cuiusq; noxiæ pœna sit par, ut in suo vitio quisq; plectatur: vis nempe, capite; auaritia, multa; honoris cupiditas, ignominia. Neq; verò iudicium hoc eam potest sententiam continere, ut reliqua omnia iudicia tollantur, quæ antea fuerint lata à Magistratu. Id enim fieri posse vetant leges nostræ. Qui iniquus verò in

40 aliquem Iudex inuentus sit, potest eodem ipso crimine prorsus condemnari. Locum tenenti autem iniuria notato, ius est: ut neq; in Curiam reditus, neq; ut aditus pateat ad honores. Iam verò, quod summum omnium, & maximum est, pœnis à Septemdecim viris constitutis prouocationi nullus locus datur. Hanc enim eorum animaduersione Censoriam maiores nostri sine aliquo auxilio decreuerunt: ut tam graui, iniquitati Iudicū, proposita conditione supplicii, qui naturā æqui non sint, necessitate esse cogantur. Quod si quis fortè, ut sæpe fit, Septemdecim virorum sententiis absoluitur; ius est, eum, qui accusarit, expensi nummi, ac contracti damni, pœnam dupli, necessariò subire. In his autem omnibus eam tenentur statim Septemdecim viri cuncti pronuntiare, in quam maior eorum pars sententiam incubuerit. Denique ita diligenter perscriptæ nobis leges in hoc genere sunt, ita cautum vnaquaque de re, & ita, quod oportet, exceptum; ut nefas sit, quidquam, quod expediat, à maioribus præteritum arbitrari. Nec verò etiam decuisset, cum in hoc Magistratu ceteræ partes ita collocatæ sint, ut nulla earum videatur excedere; eos in posteriori hoc actu redditos fuisse negligentiores, magnamq; illam eorundem aciem ingenii, in extrema hac statuenda istius muneris parte, retardatam. Atq; hoc tandem est censorium, Septemdecim virorum grauissimum, ac supremum iudicium. Cetera verò, quæ à me de singulis Iustitiis Aragonum dicenda desunt; futuro nostro sermoni referuabo. Non queo enim iam amplius differre meam, quam promisi, de antiquis Aragonensium nominibus, ac veteribus quibusdam Magistratibus, sententiam explicare.



CVM multæ autem res sint à nostris scriptoribus de tota nostra antiquitate neglectæ: tum verò ea penitus est, quæ mihi hoc loco difficilis, & perobscura quæstio proponitur, de ratione nominum antiquorum. Nam siue illam vetustas obruerit, siue forsan varietas argumenti illius homines nostros deterruerit à scribendo: omnis hæc ipsius nostræ antiquitatis pars, inculta est prorsus, ac deserta; nec vllò adhuc, quod sciam, monumentorum genere illustrata. Quòd si ipsi ab ea, tamquam à re incerta assensionem suam cohibuerunt; vix videor posse à reprehensione temeritatis abesse, quòd scriptionis genus ab aliis propterea explosum, his meis literulis illustrandum aggrediar. Ac fateor e-  
quidē, facillimè fieri posse, me falsum sentire, si illius rationē, tamq̃ stabilia aliqua aut firma præcepta, in incerto illo antiqui temporis euentu collocarem; vellemq̃; modò euentis ipsis veterum ponderare consilia: quæ non semper vnus iuris norma, sed ex voluntate plerumque probabantur, aut casu; cum humiliores homines in alienum eiusdem nominis genus infunderentur quandoq̃. Neq̃; verò tamen si, quæ à me hoc loco dicenda proponuntur, alicuius rei, aut contrarii euentus argumento refellantur; videntur cetera esse, quòd se paululum aliqua extra numerum mouerint, explodenda. Scio enim ipse, quàm fuerit varia, commutabilisque ratio istius rei. Nihilominus tamen fuere olim Capita nonnulla, ita iisdem semper sententiis frequentata, vt inde erui posse arbitremur aliquam illius artis rationem, quæ ex solo sermonis vsu constat quotidiano. Si verò neq̃; id fortasse fuerimus consequuti, illud saltem efficiemus, vt huiusce tam abditæ, & obscuræ rei adumbratam quandam intelligentiā animo, ac mente concipiamus. Quid? quod, multa nobis nunc trita, ac peruulgata sunt, quæ cum initio siluestribus densa sepibus cernerentur; postea patefacta fuere: quia eadem scriptores ipsi præstantibus suis ingeniis, quasi aratris quibusdam, perstrinxerunt. Ac nisi literarum lumen accenderet; in eisdem tenebris diu pleraq̃; alia antiquarum rerum munia iacuisent. Et libenter ego, si modò id fieri posset, ad hanc rem pertractandam, præstantiam ingenii ab alio mutuarer. Sed quò minus eo possum, illud mihi subsidium comparabo, ne quid sine vlla dubitatione defendā: cum vix quidquā à me sit in huiusmodi argumento satis adhuc exploratè perceptū. Vt in agro autē non semel arato, sed iterato, & nouato meliores factus eduntur, & grandiores; sic futurum spero, vt in hoc genere perfectiora proferantur in posterum, & qui nunc à me sulcus leuiter pressus fuerit, altius deinceps à nostris scriptoribus imprimatur. Ad eum verò, quā supra habui de veteri Ricorum, ac Mesnaderiorum hominum dignitate, quiq̃; reliquus est mihi de singulis Iustitiis, sermonem, conducere nimis arbitratus sum, annectere hæc modò de antiquis nostris nominibus disputationē: cum ex illo genere ductum sit, ac sicut membrum aliquod annexum orationi. Itaq̃; quo me facilius explicare possim, video hanc primā ingressionē meam ex Romana esse antiquitate petendā; non quòd statuerim ad Romanorū artem reuocare, aut præcepta, antiquas illas, à maioribus nostris vsitatas formulas loquendi: sed vt aliorum euentis memoria repetitis, facilius nostra cuiusmodi fuerint, cognoscamus. Romani igitur, grauissimi illi & bene dicendi, & intelligendi magistri, tantopere populorum omnium iudiciis celebrati, in suis hominibus appellandis, prænomine, nomine, cognomine, atq̃; agnomine utebantur: singulis nēpe ad singulas res significandas inuentis. De quibus quid ipsi senserint, ita scriptis suis Sosipater, ac Diomedes, antiqui Grammatici, tradiderunt. *Vocabulorum* (inquiunt) *quibus Romani capita recensēbant, quatuor genera sunt: Prænomen; Nomen; Cognomen; Agnomen. Prænomen; quod nomini gentilitio præponitur, vt Publius: Nomen; quod originem gentis declarat, vt Cornelius: Cognomen; quod nominibus gentilitiis subiungitur, vt Scipio: Agnomen; quod extrinsecus addi solet, aliqua ratione, vel euentu quæsitum, vt Africanus.* Prænomen ergò, vt de singulis dicamus (in animo est enim leuiter attingere vnāquamque rem) ex eo, quòd nomini præponatur, dictum est. Prænominum autem alia ab ipsis Romanis sumpta, alia a finitimis populis vsurpata fuere; ob eamq̃; causam peregrina vocitantur. Ac Romana quidem, triginta ad summum fuisse, ex Varronis sententia, perhibentur: peregrina autem, duodecim. Quandoque tamen horum omnium nonnulla in cognominum rationem transferunt. Neque verò prænomina omnia erant, omnibus familiis communia: sed alia aliis magis familiaria. Quæ verò ea fuerint, demonstrare omitto. Ad nostram enim rem nihil id arbitror pertinere; præsertim cum ab ipso Sigonio, & aliis viris doctissimis hæc omnia, quæ ego nunc percurro, subtilissime fuerint pertractata. Nomen autem id erat, quod, vnde quisq̃; gentis suæ originem duceret, indicabat: proptereaq̃; à Romanis genti-



gentilitium vocabatur. Id autem apud eos, quemadmodum & apud ceteras quasvis nationes, aut à viro, aut à loco, tamquam à fonte aliquo, deduci conuevit. In *iur*, autem terminari solebat, ut in ipsa voce appareret, fuisse ab aliquo horum initio deriuatum: ut à Iulio Rege, Tullius; à Tarquiniiis autem Vrbe, Tarquinius. A quibus singulis, qui genus suum postea duxerunt, Tullii, & Tarquini sunt vocati. Quam deriuandorum nominum formam Romani ipsi ad suam consuetudinem, Græcorum præceptis imbuti, deduxerunt. Apud Romanos enim gentilitia hæc nomina idem valere, quod apud Græcos patronymica, sic Priscianus, vetustus scriptor, obseruauit. *Nominum deriuatiuorum multa genera sunt. Quorum patronymicum, id est, quod à propriis tantummodo patrum nominibus deriuatur secundum formam Græcam: quod significat cum genitiuo primitiui, filios, vel nepotes. Ut Aeacides, Aeaci filius, vel nepos. Pro quo Romani nominibus familiarum utuntur: Ut Cornelii. Omnes enim ab illo, qui primus Cornelius appellatus est, hoc nomen habuerunt, quicumque eiusdem familiae sunt: sicut omnes minores Thesei, Theseidas Græci appellant. Nomine ergo apud Romanos olim, vniuscuiusque gentis, vnde ducta esset origo, notabatur. Verum enim vero cum ex eadem gente, plures propagarentur familiae; ad eas distinguendas, Romani Cognominum usum adiunxerunt. Quod perspicue adhibito Corneliae, ac Valeriae generis exemplo intelligitur. Etenim cum Cornelia gens in multas esset familias diffusa; ad internoscendam vnamquamque earum, tertiam ipsam cognominis notam adhibebant: indeque ex eisdem Corneliis, alii Cornelii Scipiones; alii Cornelii Lentuli; alii Cornelii Dolabellæ vocari cœperunt. Et in Valeria gente, alii Valerii Maximi; alii Valerii Messallæ; alii Valerii Flacci; aliisve diuersis modis fuere nuncupati. Inter gentem autem, ac familiam non minor fuit rei, quæ videtur esse vocum discrepantia. Gentis enim nomen latius patuit, quæ familiae. Neque gens olim proprie vocabatur, nisi quæ plures in se familias continebat. Vnde eisdem Sigonio placet, ac profecto egregie, ut gens ad nomen, ad cognomen autem familia referatur: quasi cognomen tantummodo fuerit ad distinguendas eiusdem gentis familias adinuentum. Porro autem cum eadem ipsæ familiae in alias distribuerentur familias, ita ut Scipiones; alii Africani; alii Nasicae dicerentur: hæc quarti nominis copulatio, quæ adiungebatur cognominibus; agnomen, dicta fuit. Agnomina autem non omnia hereditaria fuere. Quandoque enim nonnulla, nec ad filios quidem, perueniebant: Sed hæc veterum Grammaticorum opinio non tam stabilis, quam ab ipsis constituitur, inuenta est in hoc vno, quod tradunt, agnomina differre à cognominibus. Nam eadem ipsa Africani vox, quam ab eis, exempli causa, agnominis loco positam videmus; à Marco Tullio Cicero in oratione pro Sexto Roscio Amerino ita cognominis vocabulo definitur: Liber enim, ut hæc etiam accedant, ad ea quæ à Sigonio indidem sumpta sunt, ad hanc rem confirmandam testimonia. *Africanus*, inquit Tullius, *suo cognomine declarat tertiam partem Orbis terrarum se subegisse*. Et idem in Epist. ad Atticum de Pompeio loquens: *Noster amicus Magnus*, ait, *cuius cognomen vna cum Crassi diuitis cognomine consenscit*. Neque enim ad veterum Grammaticorum opinionem infirmendam sat fuisset scriptoris alterius testimonium, nisi illius, qui longè omnium, quicumque fuerunt, proprietate loquendi habitus est princeps, Marcus Tullius. Libenter itaque assentior Sigonio, qui statuit, quæcumque gentilitiis nominibus tertio, aut quarto loco adiciantur, cognomina appellanda esse: eaque ab agnominibus voce magis differre, quam re. Neque verò qui primi fuere ipsius Romanæ Reip. propagatores, hunc multorum nominum usum habuerunt. Eos namque vno tantum nomine præditos fuisse, ut Romulum, & Remum, ex Varronis testimonio comprobatur. Postea verò cum essent duo, aut plures Terentii (ut idem Varro est auctor) appellati: quod in vnoquoque singulare erat, in quo ab aliis secerni posset; id illius nomini præponi cœptum fuit. Quo pacto fiebat, ut qui mane, Manius; qui luce, Lucius; qui post mortem patris natus esset, Posthumus vocaretur. Vnde prænominum ratio usu venit. Ad quam tandem, ut diximus; cognominum, & agnominum accessit consuetudo. Et id ipsum plane, diuersa tamen ratione, apud maiores nostros video factitatum. Apud eos enim paulatim vna cum ipso Regno; quemadmodum & apud Romanos, multorum nominum usus increbuit. Omnia autem vel nomen, vel cognominum vocabulis comprehenduntur. Prænomen enim non habuerunt: nisi has singulas voces, *Don*, & *Mossen*, statuamus prænomen appellanda, quod singulis Nobilium, ac Militum, nominibus præponantur. Quisquis enim de genere Nobilium sit, *Don*: qui de Militibus autem, *Mossen*, Catalano (ut suspicor) sermone iam pridem vocatur apud nos. Ut *Don Ioan Ximenez de Vrra*: *Mossen Ximèn Perez de Salanoua*. Hæc enim enim vulgaribus verbis notanda sunt, quia non bene possent Latinis.*



Quod si ea prænomena sunt: non alicuius gentis, aut familiæ; sed ipsorum Ordinum prænomena sunt. His enim, quasi quibusdam signis, maiores nostri, eos, qui ex aliquo horum Ordinum essent, indicabant. Postmodum confuse agi res ista cœpit: sensimque eò deducta est, ut quæ olim illustris, ac certa nobilitatis nota ferebatur; ab ignobilibus modò, & infimis hominibus; ac feminis præsertim vsurpetur. Atqui in veteribus monumentis, Mesnaderii leguntur nonnulli, ea Nobilium nota, interdum illustrati: ut, *Don Ximen Perez de Pina*: *Dôn Ruy Sanchez de Pomar*: & alii his similes, qui vetera peruoluant frequententer occurrent. Sed eorum Ordo proximus erat patritiorum Ordini, ac Nobilium: qui magnam illam præferebant Ricorum hominum, quam docuimus, speciem. Itaque hæ duæ tantum voces, *Don*, & *Mossen*, videntur quodammodò ad prænominum Romanorum rationem adumbratæ. Nominum autem apud nos tria fuisse genera obseruari: propria; patronymica; & gentilitia: quæcumque verò postea adiecta fuerint, cognomina appellari. Separatim namque videntur mihi esse alia cuiusque generis, & diuersæ obseruationes; neque apud nos, ut apud Romanos, patronymica, & gentilitia nomina idem valere. Quid autem inter se differant, dicendum est. Verumtamen ne sine appositione exemplorum, hæc omnia reddantur obscuriora; consentaneum erit, ut certum quiddam exempli causa, ponamus, quo hæ singula prænominum, nominum, & cognominum nostrorum differentiæ exprimantur. Erit autem huiusmodi: *Don Pedro Martinez de Luna, el Viejo*: libet enim eius hoc loco facere mentionem, à quo postea duæ clarissimæ eiusdem Lunarum gentis familiæ dimanarunt: quarum altera Illuecæ; altera Almonazirii opido fuit potita. In his autem necesse est omnino permiscere Hispana cum Latinis: quandoquidem eam mihi proposui quæstionem discutiendam, quæ de ratione tota sit incondita, ac vulgaris antiquorum nostrorum hominum loquendi consuetudinis. In proposito igitur exemplo, prima illa vox, *Don*; prænomen erit: quia patritium illum esse declarat. Secunda verò, *Pedro*, proprium nomen vocabitur. Nam etsi id ipsum nomen latè pateat, & omnibus gentibus, familiis, ac tenuissimis quibusvis hominibus sit commune: tamen ita unicuique datur personæ, ut eo videatur posse, tãquam proprio, ac certo vocabulo, appellari; proptereaque proprium vniuscuiusque personæ dici potest. Tertiam deinde vocem, *Martinez*; patronymicum nomen appellabo, à gentilitio diuersum; quod minimè vllam apud nos originem gentis declaret, sed à propriis tantum patrum, auorum, aliorumve maiorum nominibus deriuetur. At quartam, *de Luna*; gentilitium nimirum: quod ea declaretur, unde quisque duxerit genus suum. Cognomen tandem; quod extremò loco positum est nomen ob ætatem: nempe, *el Viejo*. Cumque de prænominibus iam supra dictum sit; reliquum erit, ut de ceteris dicamus singulatim. Ac priorum quidem nominum alia videntur fuisse vſitata; intermissa alia, tametsi olim frequententer vsurpata; postrema verò, incerta; quibus aliquando, rarò tamen, utebantur antiqui. Vſitata autem hæc fuere: *Alonso*: *Artal*: *Aluaro*: *Beltran*: *Belenguer*: *Bernaldo*: *Blasco*: *Felipe*: *Fernando*: *Ferrer*: *Garcia*: *Gonzalo*: *Guillen*: *Gil*: *Ioan*: *Iayme*: *Lope*: *Luis*: *Martin*: *Miguel*: *Pedro*: *Ramon*: *Ramiro* (Latine verò quandoque Ranimiro) *Rodrigo*: *Sancho*: *Simon*: *Vgo*: *Inigo*: *Ximeno*. Non quod statuum, maiores nostros nullis aliis nominibus vſos fuisse: sed hæc apud eos fuisse vſitata. Intermissa autem: *Aznar*: *Arnaldo*: *Aiho*: *Fortunio*: *Galindo*: *Galceran*: aut, *Galacian*: *Gilbert*: *Guerau*: *Nũno*: *Orti*: *Oger*: *Pelegrin*: *Ruy*: *Vidal*. Hæc enim olim vsurpabantur frequententer. Verum iam pridem sunt ab vsu quotidianorum nominum à nostris intermissa. At verò incertorum vix vlla ratio tradi potest: ob eamque causam illa, incerta nominaui. Sub quorum genere minimè ea nunc complecti volo, quæ semel, aut bis; sed quæ sæpius, à nostris leguntur vsurpata; ac licet rarò, aliquando tamen ad diuersarum gentium familias transfudisse. Sunt autem huiusmodi: *Acart*: *Adam*: *Alaman*: *Amor*: *Assalido* (quod familiæ de Gudal fuisse comperio) *Castan*: *Corbaran*: *Dodon*: *Gombal*: (quod gentilitium antiquæ cuiusdam ita vocatæ gentis cum fuisset; postea proprii nominis loco vsurpatum est) *Guiral*: *Palazin*: *Pipino*: *Roldan*: *Vallés*. Feminarum verò vſitata nomina, hæc fuere: *Elfa Toda*: *Vrraca*: *Ximena*. tametsi passim maritorum nominibus appellatæ inueniuntur. Quamquam autem (ut ad virorum nomina redeamus) ea omnibus erant hominibus, ac familiis communia: fuere tamen nonnulla ab aliquibus frequentius vsurpata, ob idque earumdem videntur esse magis propria: ut Corneliorum, & Vrricarum, Eximini nomen: Alagoniorum verò, Artaldi, & Belasconis. Ceterum patronymica olim ex propriis tantummodò patrum nominibus ducebantur: neque erant vllius gentis propria, vel familiæ: nec magis plebi, quam optimatibus interdicta: sed quæ omnibus æquè gentibus, atque ordi-



Ordinibus conueniebant. Quicunq; enim, cuiusvis Ordinis, ac familiae, qui patre natus  
 esset Martino appellato; Martini inde patronymicum sibi nomen vendicabat. Quod in-  
 terdum à matris nomine duci consuevit, vt in Garfia Innici Suprarbiensi Regi secundo  
 notatum fuit: aliquando ab aui, maiorumve nominibus deriuari. Iam verò patronymica  
 hæc nomina alia extremam paterni nominis syllabā mutarūt in, *ez*; quorum magnus, &  
 vulgaris est vsus; alia paternum ipsum nomen sine vlla mutatione retinuere, quòd male  
 sonarent deriuata: alia denique anonyma videtur fuisse; quòd propria nomina, à quibus  
 deriuari possint, non existent, etsi eadem patronymica appellanda sunt, quòd in patro-  
 nymicorum nominum loco assidue collocentur. Quæ terminationem mutarunt, sunt  
 10 hæc: *Aluarez*: *Aznarez*: *Diez*: *Fernandez*: *Galindez*: *Garcez*: *Gonzalez*: *Iniguez*:  
*Yuanéz*: *Iañez*: *Lopez*: *Martinez*: *Núñez*: *Perez*: *Ortiz*: *Ramirez*: *Rodriguez*: *Ruyz*:  
*Sanchez*: *Ximenez*. Ita autem deriuata fuere: Ab Aluaro, *Aluarez*: ab Azenario,  
*Aznarez*: à Didaco, *Diez*: à Fernando, *Fernandez*: à Galindo, *Galindez*: à Garcia,  
*Garcez*: à Gonzaluo, *Gonzalez*: ab Innico, *Iniguez*: ab Yuando, *Yuanéz*: à Ioanne, *Iañez*: à  
 Lupo, *Lopez*: à Martino, *Martinez*: à Nunnio, *Núñez*: à Petro, *Perez*: ab Orti, *Ortiz*: à  
 Ramiro, *Ramirez*: à Roderico, *Rodriguez*: à Ruy, *Ruyz*: à Sanctio, *Sanchez*, atque ab  
 Eximino, *Ximenez*. At verò nonnulla terminationem primitiui nominis non mutarunt;  
 quòd malè sonarent deriuata. Non enim ab omnibus propriis nominibus aptè pos-  
 sunt patronymica nomina Hispanè deriuari: vt à *Luis*: *Miguel*: *Vgo*: *Gil*: *Guillen*, & aliis quam  
 20 plurimis. Ea propter illa, dum patronymicorum munere funguntur, primitiuam reti-  
 nent terminationem, si Hispanè proferenda sint: nam alia est ratio, si Latine. Sed de  
 ea statim. Anonyma tandem perpauca admodum videntur. Sunt autem huiusmo-  
 di: *Arcez*: *Ferriz*: (nisi fortè à Ferrer antiquo nomine ductum arbitremur) *Gomez*:  
*Jordan*: *Sanz*: quæ Latine, & Hispanè eodem semper modo prolata comperio. Cetera  
 verò, tam quæ primitiuam terminationem retinuerunt, quam ea, quæ mutarunt, dum  
 à maioribus Latine efferri oportebat, non Martinius, neq; Perezus, siue Simenius, pro-  
 ferebantur, neq; ita proferenda puto, saltem cum patronymicorum nominum fungun-  
 tur officio, quemadmodum amicus noster visus est sensisse: neque *Gil*, aut, *Guillen*, Hispa-  
 nis vocibus nuncupabant. Sed proprio nomini, gignendi casu primitiui nominis adiun-  
 30 cto, Græcorum quasi more, subintellecta semper filii voce, se perbene latine loqui pu-  
 tabant, hoc pacto efferentes: Petrus Martini; idq; perinde erat, ac si dicerent; Petrus  
 filius Martini. Istius verò Petri filius, si Lupi nomen haberet, vocabatur; Lupus Petri;  
 id est, Lupus, filius Petri. Nepos autem, si Sanctius diceretur, appellabatur; Sanctius Lu-  
 pi; id est, filius Lupi. Et Ioannem Egidii, Bernardum Guilielmi appellabant, quos Hi-  
 spanè, *Iuan Gil*, & *Bernardo Guillen*. Et sic in quocumque homine appellando, maiores  
 nostri singula hæc patronymica nomina iuxta proprium patris nomen variabant. Quod  
 in antiquis nostris Regibus obseruari potuit. Nam Ranimirus I. à patre Sanctio maiore;  
 Ranimirus Sanctii; id est, Sanctii filius dictus est. Tum Sanctius IIII. ipsius Ranimiri fi-  
 lius, ob id, Sanctius Ranimiri vocitatus. Petrus verò; qui Oscam expugnauit; Petrus San-  
 40 ctii; id est, Sanctii Regis filius, nominatus reperitur. Atque Alfonsus frater, qui Cæsaraug-  
 gustanæ Urbis fuit potitus, idem sibi Sanctii patronymicum nomen, quasi eo, se Sanctii  
 Regis esse filium, ostenderet, vsurpauit. Nec video causam, cur locutiones huiusmodi  
 penitus improbemus: cum & Græciis frequentissime vtantur; vt Eusebius Pamphili;  
 Hammonius Hermia. Quod qui ignorant, deprauantes optimam consuetudinem, effe-  
 runt; Eusebium Pamphilum; & Hammonium Hermiam: vt plurimi scriptores, & i-  
 dem ille Nunnesius, obseruarunt. Quem quoties nomino, toties noua quadam voluptate  
 perfundor. Quis est enim, cui locus ille, vbi fuerit altus, & magister, à quo institutus,  
 non semper in mente, cum gratia animi recordatione, versentur? Frequens denique apud  
 maiores nostros, iste fuit patronymicorum nominum vsus, gignendi tantum casu  
 50 nominis primitiui prolato: Vt Aluari: Lupi: Eximini: & sic in reliquis. Sed inter-  
 dum gignendi casum nonnullorum nō in, sed in, *onis*, & corruptè in, *ones*, terminarunt  
 antiqui; quasi primitiua nomina non secundæ, sed tertiæ declinationis fuissent. Sed  
 hæc pauca admodum fuere: Vt à Galindo, Galindones; Galindi filius: ab Eximino,  
 Eximenones; Eximini filius: ab Enneco, Ennecones; Ennici, siue Innici filius:  
 & à Fortunio, Fortuniones, & nonnunquam Fortungones; Fortunii filius vocaba-  
 tur. A Garfia autem quandoque, Garfeanes: & à Sanctio, Sanctionis, deriuata  
 inueniuntur, pro eo, quòd est; Garfia, vel Sanctii filius. Verum hæc antiqua nimis  
 sunt, ac obsoleta: crebriusque priores gignendi casus leguntur vsurpati. Anonyma ve-  
 60 rò, indeclinabilia, vt ita dicam, remanebant; neque vllum gignendi casum videntur ha-  
 bere.



buisse, sed, *Gomez: Arce: Sanz:* Latino etiam prolata sermone. Et frequenter propria ipsa nomina absolute poni consueverunt, præposita illa, *Senioris*, voce: quæ antiquam, ut dictum est satis, Ricorum hominum dignitatem præ se tulit: Vt *Senior Artal; Senior Lope*. Quandoque etiam ea, *Senioris*, vox retro ponebatur: Vt *Palazin Senior; Aznar Senior*. Neque post propria nomina tantum, sed post ipsa quoque patronymica: ut *Lop Lopez Senior: Orti Ortiz Senior: & alia id genus*. Quæ quidem appellandorum nostrorum hominum ratio diu olim viguit apud nos. Postea vero Regno latius patente, secernendi causa, ad distinguendas gentes, ac familias, ut quæ in vnaquaque singularia erant, notarentur; locorum nomina, quorum quisque Honorario illo iure potiebatur, adiuncta fuere: eaque posteris gentilitia manserunt: Vt *Artal; Senior in Alagon: Petrus Martini, Senior in Luna: Ioannes Eximini, Senior in Vreia: Castan, Senior in Biel*: à quo postea Corneliiorum familia dimanavit. Quamobrem arbitror altiora fuisse, quam vulgò feruntur, Ricorum, & Mesnaderiorum hominum, quorum supra meminimus, ac aliorum etiam nostrorum Optimatum, antiquæ nobilitatis initia. Adhuc enim opinor illa, sub his propriorum, & patronymicorum nominum integumentis, latere: nimirum quod statuas eos, qui in antiquissimis monumentis leguntur, vel vno tantum, vel duobus nominibus, proprio scilicet, ac patronymico, *Senior in Boltagna; in Alquezar; in Sos; in Vnocastello: in Osea: in Balastro*: aliis ve in opidis, antiquo illo more, Seniores nuncupati: earum stirpium auctores extitisse, à quibus qui postea primi dicti fuere, Corneli: Luna: Vreæ: Alagonii: & ceteri Optimates, originem duxerunt. Verumtamen quia inconstanter, ac turbide ab ipsis opidis olim iactabantur, crebræq; ut supra retulimus, inter eos fieri solebant ab vno Honore ad alium transitiones; propterea suspicor fuisse, illa, *de Boltagna; Sos, Balastro*, reliquæque alia huiusmodi nomina, antiquata. Posteriora vero, *De Luna; Alagon, Vreæ*, & his similia, quod stabilis, & certa huiusmodi locorum possessio permaneret; sibi, & posteris, quasi hereditario iure, gentilitia mansisse. Gentilitia namque nomina ea appello, quæ vulgò, *los Apellidos, o sobrenombres de los linages*, nuncupantur. Quibus iam in Hispania, atque adeo in aliis regionibus, vetustus est mos, ut singulæ gentes, ac familiæ, distinguantur inter se. Quæ autem ea sint, dicere longum esset. Satis plura numeravimus supra, dum de Ricis hominibus, ac Mesnadariis verba fecimus. Sed unde singula ducantur, non ausim affirmare. Pleraque arbitror fuisse à locis, quorum potiebantur, petita: alia à variis euentis usurpata: ut in nominibus ipsis eluceret alicuius significatio laudis, aut virtutis; & quæ res ab eorum fautoribus esset præclare pro Repub. gesta admirabilis facti, sempiterni nominis gloria, niteretur. Atque ex huiusmodi principiis introducta fuit apud nos celebritatis gentilitiorum nominum consuetudo. Quæ inde ad posterorum existimationem latius dimanavit. Vnaquæque namque familia, gentilitia hæc imposita sibi nomina retinuit, ac quodammodo, ut ita dicam, inuidiose; non ad sermonis usum quotidianum solum, sed ad domesticarum etiam laudum memoriam, & ad illustrandam ipsam nobilitatem suam. Et in hoc summa vi, atque impetu, quisquis illius stirpis esset, contendebat, ut quò perueniebant tela manuum suarum, eodem gentilitii sui nominis fama penetraret. Cui dedecori esse, nefas statuebatur. Quod si illius splendorem quis fortè, admissio aliquo rei militaris flagitio, maculabat; ceteri et si genere essent disiecti, si similitudine nominis conueniebant, infamiam hanc notam, quæ ipsi nomini hæreret in posterum, non aspersione aquæ, villo ve dierum numero tolli arbitrabantur, sed sola posse nominis mutatione deleri. Quæ de re insigne illud proferam exemplum, quod in Commentariis Comitiorum Ann. Chr.  $\infty$  c d l i. continetur. Etenim cum per idem tempus quidam Florenus Melero, ortu Aragonensis vir, Villaroyæ Castellum, quod suæ fidei à Rege nostro commendatum habebat, nefarie hostibus prodidisset: nonnulli alii, quibus fortè Meleros appellari contigerat, ne quæ nomini iniusta fuerat tantæ turpitudinis nota, generi suo, quamquam eo minime erant coniuncti, inureretur fortasse; gentilitium illud Melerti nomen iisdem Comitibus repudiarunt; nec repudiarunt solum, sed acerbam illius memoriam à sese, & suis perpetuo obliterandam, ac voluntaria obliuione conterendam duxerunt. Noluerunt enim, ac prudenter sanè, quos natura cognatione distraxerat, iam amplius, nec ipsa sola nominis opinione cohærere. Sic autem rem gestam fuisse in eisdem Commentariis inueni.

*Estando ajustados los ditos Señores, la Crot representantes (fuerant quippe à Rege, & Regno nonnulli viri ad Comitiales res omnes peragendas designati) fue personalmēt constituydo el honorable Don Anton Melero Notario, en nombre suyo proprio, e como Procurador, que se afirmó de Pascual Melero, mercader, Ciudadano de Caragoça. El qual drecando sus paraulas a los ditos Señores,*



Señores, fizo cierto razonamiento, concludiendo. Que por las causas expresas en una cedula, q̄ liuro a Sancho de Torres Notario substituydo, qui supra, relexana, è renunciava, è presentes los ditos Señores, en los ditos nombres, è cada vno dellos relexò, è renunciò el sobrenombre de Melero, è a perpetuo pre-  
dio sobrenombre de Aunes, con las protestaciones, è en la forma contenidas en la dita cedula, que fue  
leyda por el dito Notario, dius, la contenencia siguiente.

MVY REVERENTES, NOBLES, CIRCVMSPECTOS,  
Honorables, è Sabios Segnores.

Anton Melero Notario, en nombre suyo proprio, è asin como procurador de Pascual Melero,  
10 mercader Ciudadano de aquesta ciudad, cõparece ante la presencia de Vuestras Señorias, è humilmēt  
expone, è dize: Que atendida la grant maldat, e traycion fecha, è cometida por vn clamado Florent  
Melero, en hauer vendidos las Castiellos, è lugar de Villaroya, qui son del Señor Rey: En lo qual no es  
dubto, q̄ vltra la traycion por el perpetrada, ha puesto macula, peor que lepra, perpetuamēte en aquest  
sobrenombre de Melero, la qual ya por ningun tiempo se puede de lir, ni tirar: antes con razon se dene  
creyer, que qualquiere hombre, que daqui adelant se clamarà, o nombrarà de aquest sobrenombre de  
Melera; viurà en manifesto vituperio, è vergoña: por quanto las gentes oyendo aquel sobrenombre,  
siempre presumiràn, è aun alunos con malicia diràn, que es parient de aquel traydor. E yat sia, està en  
verdad, que los ditos Anton, è Pascual Melero, no han dendo alguno de parentesco con el dito Florēt  
Melero: aquesto empero caye en saber de muy pocas personas. E por tãto ellos con dõseo de fseando pro-  
20 ueyer a tante inconuenient, è apartar, è guardar su honra, è fama, de tanto blasmo, è carga; por  
ellos, è muyto mas por sus fillos, è successores, han deliberado relexar, è renunciar aquest sobre nõ-  
bre de Melero: el qual luego aqui en presentia de Vuestras Señorias, en los ditos nõbres, e cada vno del-  
los relexa, è renuncia. Et recurriendo, e tomando otro sobre nõbre de su linage, è de sus antigos pa-  
rientes, è predecessores de la part feminea, prende a perpetuo sobrenombre de Aunes: asin que de  
aqui auant ellos, è sus fillos, è successores se clamaràn, e leuaràn el sobrenombre, e armas de Aunes,  
sin alias, è alguna otra mixtura. Et porque aquesto sia publico, e manifesto a Vuestras Señorias, e a  
toda monera de gent, fazem el present acto. Protesta empero el dito Anton Melero en los ditos nõbres  
e cada vna dellos, que ya por el present acto, è cosas en aquel cõtenidas, preiudicio alguno no sia fecho,  
ni engendrado a ellos, ni adalguno dellos, ni a sus successores en qualesquiere dreytos, açtiones, comisso-  
30 nes, officios, beneficios, priuilegios, lexas, è vinclos de testamētos, actos, pactos, documētos, è contra-  
fscacia, è valor, que eran antes de la edicion del present acto. Et requieren a ..... No-  
tario, qui present es, que de todo lo sobredito faga carta publica, vna, e muytas.

Et leyda la dita Cedula, el dito Don Anton, en los nombres susoditos, e cada vno dellos, requirio  
de todo lo sobredito seyer fecha carta publica por el dito Notario. E los ditos Señores la Cort represen-  
tantes, mandaron el dito Acto seyer continuado en el present Proceso a memoria.

Tanti videntur æstimasse splendorem nominis gentilitii. Non possum autem reticē-  
re hoc loco de nostrorum hominum accurata diligentia, ac exquisito genere loquendi,  
quo eos vsos fuisse in istius facti narratione obseruauim. Nam quoties Florenum illum no-  
40 minare oportuit; olim Aragonensem, enuntiarunt, cum re vera ortu Aragonensis esset:  
ac si statuerent, illum iam cum turpitudine facti suam propriam naturam commutasse,  
eoq; pacto domesticam labē, quando aliter fieri non poterat, videri cuperent redemisse.  
Neq; verò, vt ad rem redeam, familiæ omnes noua sibi gentilitia nomina inuenerūt. Sed  
plures earum interdum propria, interdum patronymica pro gentilitiis nominibus vsur-  
parunt: atque eo casu in, ius, proferenda dicerem patronymica illa, Martinius; Perezius;  
Simenius; & alia eiusmodi; quia iam tunc familiis ipsis gentilitia sunt. Neque familiæ o-  
mnes videntur patronymicorum nominum vsum habuisse: sicuti, Cornelii, & Ala-  
gones, & alii nonnulli: qui sibi satis duxerunt propriis, & gentilitiis nominibus ap-  
pellari, eisdem cognomina quandoque adiungentes; quæ gentilitia ipsa nomina illu-  
strabant. Vt, Don Ximeno Cornel, el Vieio; Don Blasco de Alagon, el de Morella. Horum  
50 namque egregiis factis letabantur socii, gemeabant hostes, & singuli eorum glo-  
riabantur gentiles. Porro autem in priscis monumentis nonnulla sæpe nomina, abso-  
lutè posita, absque vllis, nec propriis, nec patronymicis nominibus, inueniuntur. Qualia  
sunt: Don Caxal: Arpa: Frontin: (quo nomine quosdam in antiquis Priuilegiis inuenio,  
quandoque Seniores in Vncastello atque in Sos aliisve opidis, Ricorum hominum mo-  
re vocitatos; à quibus suspicor originem duxisse eos, qui Frontini postea dicti sunt) Bar-  
batuerat: Don Bacahalla: (qui Lunarum gentis proditur fuisse) Diosayuda: Atorella: Quadrat:  
Tizon: & alia pauca admodum. Quæ omnia gentilitia esse non dubito. Vix autem, in ve-  
tustissimis monumentis, aliis nominibus copulata comperio: præterquam Atorellæ,  
Tomus III.  
Vuu



Caxal, & Fortini, nomina: quæ in recentioribus, quandoque aliis nominibus retroponi consueverunt. Ceterum in nonnullis familiis iam pridem patronymica quædam nomina ita assidue versantur coniuncta, ut ea non minus ipsarum familiarum, quam eadem ipsa gentilitia censeantur. Ut *Ximenez de Vvrea*: *Martinez de Luna*: *Fernandez de Txar*: *Lopez de Gurrea*, & alia eiusmodi: quod singulæ avide appetierint, proprium gentilis alicuius nomen, qui apud se virtutis laude quondam florisset, perpetuo ostentare; quemadmodum initio in Suprarbiensibus illis primis Regibus, atq; Aragonensibus Comitibus indicaui. Sed nihilominus eadem ipsa sunt, pari etiam ratione, plurimis aliis familiis communia, quæ eadem patronymica nomina præferunt: ut, *Ximenez de Alcalá*: *Martinez de Vidaure*: *Fernandez de Castro*: *Fernandez de Heredia*: *Lopez de Sesse*: & alia, quæ passim à nostris hominibus efferuntur. Et quandoq; apud nos, dum plures erant familie, ex eadem gente propagata, ad eas distinguendas, quemadmodum Romani cognomina adhibebant, proptereaq; ut diximus, ex Cornelii alii Scipiones, alii Lentuli fuerunt nuncupati: huiusmodi familiarum varietates, vel cognominibus a diuersis opidis sumptis notabantur; qualia fuere in Zapatarum gente illa, de *Cadret*: de *Thous*: & alia, quæ retulimus; vel sola patronimici ipsius nominis mutatione: ut in Lunarum gente. Inter quos: alii, *Martinez de Luna*: alii, *Ferrench de Luna*: alii, *Lopez de Luna*, vocabantur: atq; etiam alii, *Ximenez de Luna*: *Gomez de Luna*: *Sanchez de Luna*, nominati inveniuntur. Tam latè olim nobilissima ea Lunarum gens diffusa fuit. Interdum etiam vnica familia ex duobus gentilitiis nominibus conflabatur; ut, *Tizon de Castellezuolo*: *Maza de Lizana*: & nonnullæ aliæ. Denique postquam inter ipsos Optimates fieri cœperunt locorum mutationes: & nomina ipsa mutari cœpta sunt; & hæc eadem signa, quibus inter se distinguebatur, adeo cōfundi, & perturbari, ut pleraq; effluerint ex certa aliqua ratione, aut præceptis: nec quidquam magis certū in huiusmodi argumento sit, quam quemq; nostrum, eā, in quorum eumque nominū vſu, sequutū fuisse, quæ sibi probaretur disciplinā. Iam verò Cognomina etsi nonnullarū familiarū, ut in Zapatarū gente diximus videntur fuisse: frequētius tamē ita ea adhiberi solita, ut non vllius gentis, aut familie sint, sed ipsarū tantummodò personarum. Ex eo autem assumi solent, q; in vnoquoq; viro est singulare: ut si senex, si fortis, si sapiens: aut contra; si adolescens, si ignarus, si stultus exstiterit. Ea verò præcipue Regibus ipsis imponi consueverunt. Qualia illa sunt: *Arista*: *Abarea*: *Bellator*: *Carimoniosus*: *Iustus*: *Castus*: *Sapiēs*: *Catholicus*: aliaq; omnia, quæ in ceteris nostris Regibus videmus singula ornamenta laudum, ac virtutum, quasi clarissima lumina, eluxisse. Atq; hæc de nominibus antiquorum. De Magistratibus autem quæ afferre decreui, pleraq; erunt ex vetere illo Vitali deprompta, quem Iacobi I. Regis temporibus, de illius, ac Regni consensione, omnia nobis iura præscripsisse memorauimus. Ea verò tantummodò attingam, quæ ille de antiquis quibusdam Magistratibus curauit, tum ad disciplinæ præcepta, tum ad memoriam posteritatis prodenda. Omitto enim, quæ de Iustitia Aragonum traduntur ab eo: quia iam nos eadē persequuti sumus, dum de illius dignitate verba fecimus. De quorundam itaq; veterum Magistratuum nominibus, ac potestatibus, quæ suis temporibus vigeabant, sic meminit. In primisque.

## De Maiordomo Regio.

Post Regem autem (inquit) dispensator domus Regiæ, qui dicitur Maiordomus, in iudicando obtinet principatum. Qui de omnibus causis, & querellis tam Infancionum, quam aliorum potest cognoscere in distincte: exceptis probatione Infancionatus, & pronuntiatione super ea; ex auctorizatione Militis: prolongatione natalium; & restitutione status eorum, qui illum incarnatione regia, vel expressione infamia amiserunt. Hæc enim, & iis equalia, vel maiora sunt soli Regi, vel cui ipse specialiter mandauerit, reservata. Sed Maiordomus semper in cognitione causarum debet sibi Iustitiam maiorem Regni Aragonum adhibere. (Hæc de Iustitia Aragonum intelligenda. Iam enim supra meminimus, illum fuisse olim, Iustitiam maiorem appellatum.) Vel si ipsum habere tommodè non valeret, alium Iustitiam, qui in aliqua civitate, vel Villa domini Regis, sit per dominum Regem in Iustitiatus Officio constitutus. Qui Iustitia examinet omnes causas, & determinet per suam sententiam in Maiordomi Curia agitandas. Maiordomus enim pronuntiare sententiam diffinitivam, vel interloquutoriam numquam debet. Potest autem Maiordomus de aliis locis ad alia loca homines seculares cuiuscumq; conditionis ad suū iudiciū reuocare, & ad veniendum compellere eorum contumaciam, nisi venerint iuxta Fori exigentiam puniendi. Debet tamen concessam sibi potentiam reparare, ne de valde remotis locis homines euocando opprimat laboribus, & expensis; nec ciues extra suas dioceses faciat laborare, nisi ex causa valde necessaria, & urgente. Præsentem autem Maiordomo debet loci Curia se à causarum examine abstinere, si ab eo sibi fuerit impera-



imperatum. Merito enim in aduentu superioris, minora officia conquiescunt. Multo fortius igitur presente domino Rege, tam Maior domus, quam omnes alii debent ab exercitio Iurisdictionis sue penitus abstinere.

#### De Iudicibus Delegatis.

Quando attamen de Regia processit voluntate, potest ipse Rex illico, si placuerit, unam causam, vel plures, si sibi visum fuerit, delegare. Et illi, quorum causa fuerunt delegata, tenebuntur ipsas causas agere, & defendere coram talibus delegatis cuiuscumque conditionis, secularis tamen, actor, & reus, siue uterque eorum, existere dinoscatur.

#### De Iudicibus Ordinariis.

10 Sunt præterea in singulis Ciuitatibus, & singulis magnis Villis Regalibus per ipsum Regem singuli Iustitiae constituti: qui de causis habitantium in illis Ciuitatibus, siue Villis, & in eorum terminis, tam inter Infanciones, quam inter homines seruiti, siue signi, & Infanciones, vel contra, cognoscunt, iudicant & discernunt. Qui Iustitia semel positi, semper consueuerunt esse Iustitia toto tempore vitæ suæ, nisi ex aliqua causa dominus Rex eos duceret remouendos. In quibusdam autem locis, Iudices, in quibusdam Alcaydi, dicti Iustitia nuncupantur. Quocumque tamen nomine censeantur, eadem est potestas, & Iurisdicção eorundem.

#### De Zauaemedinis.

Sunt præterea Officiales domini Regis in prædictorum locorum singulis constituti: qui diuersis nominibus appellantur. Quidam enim Zauaemedina, id est, Vicedomini Ciuitatum. Zaua, enim  
20 idem est, quod dominus: & Medina, idem, quod ciuitas lingua Arabica: à qua hoc vocabulum fuit sumptum.

#### De Baiulis.

Alii Baiuli, id est, seruuli, vel nutritores: quia dominorum vices gerant; & quia ad eos gerunt ea, quæ colligunt de prouentibus eorundem. Item quia consueuerunt nutrire filios, & familias dominorum.

#### De Merinis.

Alii Merini, dicti à merendo, id est, plorando: quia inuenti in culpa, consueuerunt damna pænæ pecuniaria deplorare: eo quod Reges, siue Iudices, tales sunt punire pecunialiter assueri. Vel à merito: quia iuxta meritum eis fit à Regibus retributio, siue bonum fecerint, siue malum. Hi ergo tales Officiales debent compulsionem facere, & mandata Regis, ac sententias Iudicum, vel iudiciorum executioni  
30 viriliter demandare. Et si quando sunt pignora ad petitionem alicuius conquerentis à Curia facienda; debent per dictos Officiales fieri iuxta forum & ..... quacumque sunt ..... facienda, à dictis Officialibus exerceri, excepta discussione causarum, & sententiarum prolatione: quæ ad Iustitias, vel Iudices tantum spectant.

#### De Zaualacheno.

Sunt & alii Iudices, & officiales inter Iudeos videlicet, & Sarracenos. Zaualachen enim, Sarracenorum iudicat semper causas; dictus à Zaua, quod est Dominus, & achen, id est, iudiciorum. Qui Zaualachen executioni mandat sententias à se latas, & facit citationes, & ceteras compulsionem, quæ in Sarracenorum Curia imminent faciende. Item exercet Tabellionatus Officium inter eos:  
40 ita quod nullus alius inter Sarracenos facit publicum Instrumentum. Et si factum fuerit, etiam de mandato ipsius Zaualachen, Instrumentum tale nullas vires penitus obtinebit: nisi à domino Rege habuerit Zaualachen Priuilegium speciale, ut per alium posset conficere Instrumentum. Instrumentum attamen dotale, nisi per Zaualachen fuerit factum, vires nullas penitus obtinebit, Zaualachen autem volente, non volente, vel non audente à suis subditis facere Iustitiæ complementum, vel procedente remissius, quam debet: ad Christianorum Curiam recurretur. Quo casu debent fieri compulsionem, & executiones per ipsam Curiam; & discussio causæ, ac sententiæ prolatio, semper est proferenda per Iustitiam vel Iudicem Christianum. Qui Iudex, vel Iustitia secundum Forum Sarracenorum debet procedere tam in causa, quam in sententiâ proferenda.

#### De Alamino.

50 Est etiam inter Sarracenos Officialis qui Alamin, id est, fidelis, lingua Arabica appellatur. Qui debet causas minimas, non excedentes duos solidos, terminare: & exercet in Curia Zaualachen, apparitoris Officium, vel sagionis. Qui etiam est Iurium Regalium explorator. Ideo dictus, fidelis, quia fideliter debet Iura Regis perquirere in ..... & rebus ceteris ad Regis ararium pertinentia perquirere; & statim deferre Regis Officialibus Christianis. Zaualachen autem, Alcaydi, id est, subexequutor in locis aliquibus appellatur.

#### De Daieno.

Inter Iudeos vero est Daien, id est, Iudex, ad cognoscendum de omnibus causis, magnis, paruis, vel minimis constitutus. Qui nec compulsionem, nec executiones, etiam sententiarum ab ipso latarum, exercet aliquas inter eos.



## De Hedino.

Hedinus enim, id est, Iustitiarius Iudæorum, exercet compulsionem, & mandat sententias executioni, & facit ea inter Iudæos, quæ Zaualetina, vel Baiulus inter Christianos est facere consuetus. Ad quem Hedinum adiri potest circa causas minimas, hoc est, quæ quinque Solidorum summam, vel valentiam non excedunt. In optione tamen est petitoris, an ipsum adeat, an ad Daien superius memoratum. Reus tamen pro tali causa modica, ex qua ab Hedino fuerit euocatus, coram eo necessario respondebit. In defectum autem Hedini, ad Christianorum Curiam recurratur, & procedatur in negotio iuxta formam superius comprehensam ubi exprimitur, qualiter est agendum, cum pro defectu Zaualachen est Christianorum Curia recurrendum. Hoc autem cum Iudæus conqueritur de Iudæo, cum vero Iudæus de Christiano, vel Christianus conqueritur de Iudæo, Index debet cognoscere Christianum.

## De Supraiunctariis.

Sunt etiam Supraiunctarii super Iunctas, id est, populorum turmas, à domino Rege, quasi Paciarum constituti. Quorum est ipsas Iunctas cum necesse fuerit, euocare; & si eas exercitum facere contigerit, vel repentinum concursum, appellitum vulgariter appellatum, ipsas Iunctas, siue populum gubernare. Qui debent fideiussores recipere dandos Iunctis, & cautiones recipere pro eis: & pignora eos, qui ad exercitum non vadunt, vel concursum non exierint sua Iuncta. Caueat tamen Iunctarius, atque Iuncta, quia si quis damnum in suis possessionibus, vel rebus pecuniariis duxerit infligendum, nisi prius per Iustitiam alicuius Villæ domini Regis, quam id faciant, sententialiter fuerit indicatum; totum damnum, quod fecerint, dupli restituere compellentur. Quod autem per Iustitiam fuerit indicatum, non à Iuncta, sed ab ipsa Iustitia refarcietur. Qui tulit sententiam, si inique eum apparuerit iudicasse, nisi in narratione facta ab ipsa Iuncta, vel Iuncta maioribus Iustitia fuerit circumscriptus: tunc ei sui actoris mendacium condemnabit. Nec semper hæc sollemnitas est in tali sententia observanda, quæ consuevit ab aliis sententiis observari: ut citationes, & alia fieri assueta in Iudiciis requirantur. Quia si hæc sunt per Iunctam, vix possent maleficia vindicari. Sed flagitante maleficio, & concursu subitaneo concurrente, si maleficio fuerit manifestum, ita quod probatione non indigeat, nec aliqua possit tergiversatione celari: Iustitia stans in medio manifestatione . . . . . maleficio perpetratum: Interrogante Iuncta, quid facere debeat in hoc facto; ibidem habito consilio, quos habere poterit disceptator, præfatam sententiam Iudicando, Dei præsentia supplente absentiam delinquentis, si non appareat, qui defendere eum velit, & exprimens, qualiter est ratio notoria, & causam quare proceditur contra eum, sententiet, & declarat: quotiescumque ad excidium, vel depopulationem debent aliqua asportari. Nam quandoque fuerit contra factum: si præsentem Iuncta factum fuerit, ei prohibere valere, damna, & pœnas Fori debitas, pecuniarias tamen duplatis ipsa Iuncta tenebitur emendare. Si autem, absente Iuncta, asportatio, destitutio, ruina excidii, vel depopulationis vel simile quid in reliquis ab aliquo committatur: eodem modo, & eisde pœnis erit malefactor pecunialiter puniendus, ac si in alias res infortunio non subiectas talia commisisset. Poterit autem dominus Rex, cui vult, iurisdictionem committere specialem, vel etiam generalem. Cuius tanta erit iurisdicatio, quanta ab ipso, in concessione huiusmodi exprimetur.

Hi igitur apud nos olim Magistratus viguerunt: ac præter Maiordomum Regis, reliqui minores censebantur. Quorum potestatis nostris temporibus in Foro nulla exstant vestigia; nominis autem vix vlla: eorum præsertim, qui publicum illud iuris dicundi munus inter Iudæos, & Arabes sustinebant. Ipsi enim aliquandiu permissum fuit, ut in tenebris suis, intra incenia nostra, metu, ac periculo vacui versarentur. Ac Supraiunctarii, siue Paciarum ipsi, videntur sanè, ad eorum Magistratum similitudinem constituti, qui apud Gothos, Hispaniæ dominatores; Adsertores pacis vocati fuere, solaque faciendi, faciendæ pacis intentione, Regali destinabantur auctoritate. His namque verbis eorum potestas à Reccesuintho Rege, in lege de ipsis edita, definitur: quibuscum videre licet Paciarum nostros nomine satis congruere, re autem non multum differre. Maiores autem Magistratus qui sint, quique olim fuerint, eleganter, ac dilucide solita sua verborum gravitate, explicauit præstans ille noster, Ioannes Petri Nuerus, Fisci Aduocatus in eo libelli sui Capite, quod supra intexuimus, dum locum illum de Iustitiæ Aragonum, vi, ac potestate tractauimus. Ibi enim dum apud nos duo esse suprema Tribunalia, quasi duo luminaria, memorauit; subtilissimè fuit totam hanc Maiorum Magistratum seriem, per paucis quidem, sed aptissimis, atque apertissimis verbis, persequutus. Quapropter eam silentio prætermittam. Neque enim à me nunc de omnibus nostris Magistratibus institutus est sermo, sed de antiquatis tantum nonnullis. Illud autem præterire non possum, quod legens obseruavi de Maiordominis varietate. Quosdam enim, Maiordomos Regni Aragonum; alios, Maiordomos Regum



Regum Aragonum; nonnullos etiam, Maiordomos Curiae Aragonum nominatos, com-  
 perio: quibus nominibus, quid quisque eorum ab aliis differet, indicarunt antiqui. Ac Ma-  
 iordomus quidem Regni amplissimo Conestabili munere fungebatur: interdumque ab-  
 solute, Maiordomus Aragonum vocari consuevit. Cuius ea fere dignitas videtur fuisse,  
 quae apud Romanos sub Consulibus, Magistri Equitum: nempe ut Equitatu praeset.  
 Sed in ampliori apud nos honoris gradu constituta. Initio enim Ricis hominibus man-  
 dabatur tantum: iisque qui *de natura*, ut diximus, essent: scilicet maiorum gentium patri-  
 tiis. Quibus, ut quamdiu quisque eorum viueret, eo fungi liceret, concedebatur. Postea  
 haec immutari coepta sunt, ad Castellanosque: ut opinor, consuetudinem, a posteriori-  
 10 bus nostris Regibus ea dignitas Conestabuliae nomine est insignita: cum in vetustis mo-  
 numentis, Maiordomiae tantum inueniam mentionem. Apud Catalanos autem nulla  
 nominis mutatio facta est: sed adhuc priscum nomen manet, Senescalli. Comitum stabuli  
 vero a nonnullis, a Budæo tamen Constabulum appellatum legimus; quem vernaculo  
 sermone vocamus, *Condestable*: fortasse, ne idem esse, quod Comes stabuli, cuius Roma-  
 norum Imperatorum temporibus, ac praecipue declinante Imperio, frequens fit mentio,  
 censeretur. Ac Marcellinus, aliquandiu Magistratum hunc, apud eosdem Tribunum  
 stabuli vocatum censeat: Protospatarium autem Procopius. Sed illud Protospatarii no-  
 men, & munus apud nostros Reges Gothos visitatus exstat: constatque satis inter eos Ma-  
 gistri Equitum locum tenuisse. Comitum autem stabuli vix vlla fit mentio. Quin potius  
 20 nonnulli eum, quasi Comitum stabilem dictum, illud scilicet idem, quod ipsa vox sonat,  
 arbitrantur: quod ad aliorum Comitum dissimilitudinem, qui tum apud Romanos, tum  
 apud Reges Gothos, quasi errantes, ac vagi, publicorum munerum fungebantur Offi-  
 cii; is solus eo ipso nomine notaretur, sic ab ipsis Regibus constitutus, ut fixum illum,  
 & permanentem, quamdiu viueret saltem, habiturus esset Comitum gradus honorem. Si-  
 ue igitur quod stabilis, siue aliam quamcumque ob causam, Conestabulus dictus fu-  
 erit; apud nos olim, Maiordomus Aragonum appellari, ut supra demonstrauius, con-  
 suevit. At vero Maiordomus Regis, & quandoque Maior in domo Regis, dicebatur;  
 quasi Palatii Magister, qui erat Aulae Regiae praefectus; de quo Vitalem loquutum vi-  
 demus, quandoquidem illum, dispensatorem Regiae domus, nuncupauit: apud quem  
 30 aliquandiu, scilicet ipsius Vitalis tempore, ius fuit, nonnulla fieri iudicia causarum. Ma-  
 iordomus autem Curiae, extraordinarius quidam Magistratus erat, ut opinio mea fert,  
 ita vocatus, quod in Comitibus extra ordinem a nostris hominibus mandaretur. Ea enim  
 Comitialis eorum coitio solita est, Curia appellari. Quoties ergo sponte nostri aliqua ipsis  
 Regibus aut belli adiumenta aut ornamenta pacis importabant; eum, quem praeficiebant eius-  
 modi molitionis apparatus, Maiordomum Curiae nominabant, nomine ipso indicantes,  
 eidem esse omnem eam curationem, & quasi dispensationem ab ipsis Comitibus, minime  
 autem a Rege, commissam. Qui tandem Magistratus eo usque durabat, quoad esset  
 inchoato operi fastigium impositum. Propterea eum, extraordinarium diximus fuisse.  
 Iam vero Delegatorum Iudicum, quorum supra meminimus Vitalis, alii Iudices Curiae, a-  
 40 lii Auditores Curiae vocabantur olim: singula ea nomina retinentes, quibus Gotho-  
 rum temporibus fuisse etiam vocatos comperimus. Gothis autem exactis, quandoque  
 Alcales, sub vno vocabulo, eoque ut suspicor, ab Arabibus sumpto, nominati inueni-  
 untur. Sic namque videmus in Rempub. nostram fuisse Magistratus inductos, ut ab a-  
 liis vim, & potestatem, nomina autem simul mutuarentur ab aliis. Quos enim Go-  
 thi; Optimates Palatii; Comites patrimonii; Auctores Fiscii; Thimphados; Millena-  
 rios; Quingentenarios; Centenarios; Decanos; Compulsores exercitus; Annona-  
 rios; Gardingos; Defensores; Numerarios, aliisque nominibus vocauere; Arabes au-  
 tem, Zaualmernas, & forsitan, Alcales, nuncupabant: nostri aut noua verba facien-  
 tes, inusitatis vocabulis nominarunt, aut eorum vim, & potestatem in nostrum Fo-  
 50 rum, simul cum iisdem ipsis nominibus, induxerunt. Atqui Gardingorum voce,  
 Primates ipsius Palatii significatos fuisse, facillime credam. Horum autem iudicum  
 Delegatorum, de quibus nunc agimus, sic fuerat iurisdicundi facultas definita: ut  
 Auditoribus minime permessa esset potestas decernendi, sed audiendi tantummodo  
 causas, deque singulis ad Regem referendi. Iudicibus autem concessum erat, ut de  
 eis cognoscerent, statuerent, ac iudicarent. Potestatis namque tantum in vnoquo-  
 que censebatur esse, quanto eos imperio ipse Rex mandandos decreuisset. Idque  
 nomine solo statuebatur satis. Hi inter domesticos Regum, Regiaeque Curiae affecta-  
 tores ordinario iure iudicia exercebant. Inter alios vero nequaquam; nisi speciatim  
 ea ipsis iudicandi potestas data esset. Regem autem, quocumque iret, sequebantur.



Vnde Iudices, & Auditores Curia, id est Regalis Curia, sunt vocati. Curiam enim, eam etiam Regum affectatorum turbam, appellamus. Atqui ius erat, ut Magistratus hi singulis diebus manerent in ipsa Aula Regia ad causas sederent: quemadmodum supra in Alfonso III. rerum narratione protulimus. Neque verò certus ullus erat numerus eorum. Sed Regibus integrum erat, quotquot quisque vellet, instituere, alienigenasque domesticis anteferre. Quia de re grauitate maiores nostros videmus in Priuilegio illo generali cōquestos fuisse; & quod ii, qui hunc Magistratum gerebant, illius dignitate vterentur ad questum, à litigatoribus extraordinarias pecunias exigentes. Sic autem à nostris fuit huiusmodi petitio informata. *Item que ningún Indge, ni Oydor en su Cort del Señor Rey no prenga salario de ninguna de las partes por indgar, ni por oyr pleyto ninguno. E aquellos Indges, que indgarán, o oyrán: que sean del Regno de Aragon, los que haurán a indgar los pleytos de Aragon. E que todas las apellaciones de los pleytos de Aragon sean terminadas dentro el Regno de Aragon, e no sean tenidas ningunas de las partes de seguir las apellaciones fuera del Regno de Aragon.* Cui ibidem ita à Rege fuisse responsum continetur. *A este Capitol responde el Señor Rey: Que los Iudges de su casa en su Cort no entiende, que deuan prender salario de las partes, segon que dize el Priuilegio. Mas seyendo fuera de su Cort, si el les faze comisiones, assi como delegados; que puedan prender salario. E plaze al Señor Rey, que se exigan, e se obseruen las otras cosas contenidas en el dito Capitol contenido en el dito Priuilegio general.* Et hæc eadem in Obl. 4. tit. Interpretationes qualiter, & in quibus intelligatur Priuilegium generale, paucioribus his verbis annotantur. *Item quod ibi dicitur: Quod Iudices, nec Auditores Curia non accipiant salarium, ita intelligitur, si ordinariè, & sine commissione cognoscunt: alias salarium accipiunt.* Sed illud est, quamobrem istorum Curia Iudicum mentionem a me nequaquam decuisset prætermitti; quod nonnullos antiquitatis nostræ studiosos in summo hoc viderim errore versari: ut quos in vetustis monumentis, Iudices Curia nominatos inueniant, eos omnes statuant in Iustitiarum Aragonum numerum adscribendos esse: quippe cum neminem apud nos unquam Iudicem Curia fuisse, nisi solum Iustitiam Aragonum arbitrentur. Ac verum quidem id esse non negabo, si de Conitiali nostra, ut ita dicam, Curia intelligamus. Apud nos enim Comitibus institutis, Iustitia Aragonum illorum notus, atque erectus est Iudex; in Comitibusque actis, Iudex Curia, nuncupari solet: quemadmodum supra, cum de Comitibus egimus, demonstraui. Curia tamen Regia, id est, domus Regia Iudices, diuerfos prorsus Magistratus à Iustitiis Aragonum existisse, manifesto hoc Priuilegii generalis testimonio conuincitur. Cui alia præterea confirmatio grauissimum firmiter adiungit, maximamque auctoritatem, ac fidem: quod plures Iudices Curia inueniantur in ipsorum Iustitiarum tempora incidisse, fuisseque omnes, punctis temporum eisdem, in publicorum negotiorum tractatione cum suo cuiusque imperio, ac potestate versatos. Qui verò hi fuerint, indicare curabimus, dum singulorum Iustitiarum ætates, ac gradus, quod nobis tandem superest dicendum, persequemur. Quapropter opinor, Sanctum illum Franconem, quem Surita in suis Indicibus Petro Eximini in Magistratus præfectura anteposuit, non Iustitiam Aragonum, sed Iudicem Curia existisse. Idque valde ipsius Suritæ verbis confirmatur, dum ait illum, Ann. Chr. 1063. ante captam scilicet nostram Urbem, in Aula Regia ius dicere fuisse solitam. Quod de Iudicibus Curia, quibus ita præstitutum erat, ut in Aula Regia quotidie Iudices assiderent; intelligendum videtur, quemadmodum ostensum est supra: itidemque etiam, quænam causa sit, cur ante dictum tempus nullius Iustitiæ Aragonum nomen appareat, nec vix ullum Magistratus potestatis vestigium: nimirum quia Ricorum hominum potestas Regiam ipsam dignitatem obsidebat: præcipue verò, quia bellicis temporibus ciuilia omnia iura conticescunt. Itaque reliquum est modò, ut ad singulorum Iustitiarum tractandam historiam, contento studio, cursuque veniamus: ut eorum res gestas, & quo quisque tempore fuerit, explicemus. Hi nos enim iam pridem vocant ad sese. Atque ipsis libenter concedemus, ut totum hunc sermonem nostrum absorbeant: sic namque satis officio meo factum arbitrabor. Illud autem est in primis huic nostro reliquo sermone præmuniendum: quod si quis occurrat Iustitia Aragonum fortasse prætermisus; nequaquam propterea aut commissum facinus, aut admissum num dedecus confitebor. Plures namque Iustitias Aragonum non esse, non profiteor: sed tantum plures à me repositos non fuisse, præmefero. Quin ipse plures esse non dubito, eorumque obscuratam esse memoriam, neque tam senio extinctam, aut ipsa vetustate repressam: quam mira ea, de qua initio conquesti sumus, maiorum in omni veterum monumentorum genere reticentia, & incuria: à qua iam, ut spero, eorum, qui post me rogati erunt, industria vendicabit. Neque modò facile patiar, sed vehementer



ter gaudebo, vt si plures deinde inueniantur Iustitiæ; proferantur in medium, & suo quisque in loco interponatur appositè: sic enim facillimè, quæ à me nunc inchoata sunt, perfectæ Reipub. tribuentur. Neque tantum mihi assumo, vt statuam me ab aliis corrigi non posse, ac doceri. Satis me præstitisse arbitror, quod miseram antiquitatem labentem sustinuerim, aliorumque ingenia ad eandem illustrandam excitarem. Nunc autem ad rem. Vereor enim, ne mihi superfuisse verba videantur, quæ initio credideram defutura.

IVSTITIÆ ARAGONVM  
XXXIX.

IN CÆSARAUGVSTANA itaque Vrbe, primùm se extulit istius nostri Magistratus nomen. Nam ante eam captam, præter id, quod de institutione proditur: de illius potestate, aut ornatu nihil literis mandatum reperitur. Inter quæ tempora, iuxta nostræ computationis rationem, ducenti ferme, & quinquaginta anni interfuerunt. Quibus omnibus iam supra exposuimus, Magistratum ipsum in antiquis illis Suprarbiensis Fori tabulis inclusum, tamquam in vagina reconditum, exstitisse. At verò Arabibus Cæsaraugusta exturbatis, cum ea Vrbs summo nostrorum Regum imperio præbisset quasi illustre quoddam domicilium, ac sedem: illico istius Magistratus nomen monumentis, ac literis mandari cœptum fuit; & qui eundem gerebant, ipsius nominis dignitate honestari. Quæ vsque ad hoc tempus continuata permansit: sed magnis postea ornamentis illustrata fuit, ipsiusq; tandem Regni nominis maiestate insignita.

## I.

## PETRVS EXIMINI.



QVI autem exstat, & de quo memoriæ est proditum, hanc præstulisse muneris dignitatem, ac nomen: primus est, Petrus Eximini: quem Petrum Simeno quandoque appellatum, atque inter Ricos homines numeratum comperio. Sed cuius gentis, aut familiaris fuerit, ignoro. *De Rodelar*, vocitari solitum, atque hoc ipsi gentilicium nomen fuisse, notatum inueni. Sed incertum puto: cum adhuc gentilia nomina in vsu non essent: tamen patronymica iam progentiliis vsurpabantur quandoque. Nec verò diu post, ipsorum gentilitiorum nominum vsus increbuit. A quodam Azenario Eximini profectum opinor: quem circ. Ann. Chr.  $\infty$  LXIIX. Seniore in Gallipienzo nominatum in Priscis monumentis obseruavi. Neque id ipsum tamen certum habeo. Verustior autem memoria, quam de eo accepi, illa est, quæ à Surita affertur in Annalibus: dum Ann. Chr.  $\infty$  CXIII. hunc Iustitiam prodit inter alios Ricos homines in Cæsaraugustanensi expugnatione præstantem suam operam Alfonso I. Imperatori nauasse. Vnde in eo, quod supra intexuimus, Priuilegio, eidem Vrbi ad deducendos colonos irrogato, Ann. Chr.  $\infty$  CXV. in Testium Confirmatorum numero, iuxta veterem, quem diximus, morem, appositus continetur: Iustitiaque absolutè nuncupatur. Illius præterea mentio fit ab eodem Surita, Ann. Chr.  $\infty$  CXIIX. quo diuersam à nostra opinionem sequutus, verbum fuisse captam memorauit. Aera tandem  $\infty$  CLXI. quæ in Annum Chr. incidit.  $\infty$  CXXIII. hunc ipsum Iustitiam, nominatum, vt erat illorum temporum consuetudo, perlegi in quadam Donatione decumarum à Petro Cæsaraugustano Episcopo, *Capitulo suorum Clericorum*, sic enim loquitur, facta: quæ in Ecclesiæ de *Pilari* Tabulario asseruatur. In quo etiam peruetustum codicem, *Kalendarum*, seu *Obituum* appellatum, inueni: atque hæc in eo de istius Iustitiæ morte, ac quodam illius filio, annotata. *V. Non. Madii obiit Petrus Eximini Iustitia. Et commemoratio filii eius Galindi Petri.* Inde autem capio coniecturam, amborum corpora in eadem Ecclesiâ humata fuisse: ab ipsisque duxisse genus suum, Galindum illum Eximini, qui in monumentis rerum gestarum, Ann. Chr.  $\infty$  CLIX. &  $\infty$  CLXX. &  $\infty$  CLXXIV. sæpenumerò, Senior in Belchit, antiquo illo Ricorum hominum more, nuncupatur. Sed affirmare id non ausum. Iam verò quamquam in dicto Codice, dies istius Iustitiæ obitus annotatus fuit: annus tamen omissus. Quamobrem hic à me certa reddi illius temporis ratio non poterit.



## II.

## SANCTIVS FORTVNIONIS.

1123.



**E**ODEM verò Ann. Chr. ∞ cxxiii. atq; vt conicere possum, exeunte; Sanctius Fortunionis, seu Fortuniones, id est, Fortunii F. in Petri Eximini locum suffectus fuit. Iustitia enim absolute nominatus exstat in Priuilegio decumarum ab eodem Alfonso Rege, Turiafonsensi Episcopo Martino, dicto anno, concessio. Cuius scriptorem, quendam Enneconem fuisse, perlegi. Rursus ex alio simili, Cæsaraugustanensi Ecclesie irrogato, Aer. ∞ clxvi. Anno siquidem


1128.

∞ cxxix. eundem Sanctium, Magistratui prefectum esse, colligitur: ex vario autem monumentorum genere, primum Zalmetinam nostræ Vrbis, postquam ea à Maurorum fluctibus seruitutis emerfit, exstitisse; postea altiore hunc fuisse dignitatis gradum assequutum. E Ricorum autem hominum Ordine fuit: licet genus illius ignoratur prorsus. Plures enim Ricos homines, ac Mesnadarios, fuisse, quam ab ipsis illis Antiquariis propositi fuere, non dubito. Duos tamen, Iustitiam hunc, fratres habuisse conicio; alterum Eximum Fortunionis, Anno Chr. ∞ cxxvi. Seniore in Calasanz, & Bardaxin nuncupatum: a quo forte nobilis Bardaxinorum familia dimanauit. Alterum Innicum Fortunionis, Ann. Chr. ∞ cxxxiii. vetusti Mequinentiæ oppidi expugnatorem. Sed certi nihil habeo præter patronymicorum nominum similitudinem. At verò Sanctium Lopezium, à Surita in Indicibus, An. ∞ cxxv. suppositum, Iustitiam Aragonum non fuisse, persuadeo mihi; sed Exeæ ita apud nos vocati opidi: cum in Priuilegio eidem concessio, Iustitia nominatus inueniatur tantum, vnde tractum fuisse videmus, & ab eodem ipso audiuius Surita. Deniq; Sanctium Fortunionis Iustitiam, vix quinque annos muneris potitum apparet.

## III.

## SANCTIVS GALINDI.

1128.



**N**AM eodem ipso Ann. Chr. ∞ cxxix. illius locum occupauit Sanctius Galindi, *Galindez* vulgò appellatus: modo sit præfati Excellentiss. domini Archiepiscopi Ferdinandi testimonio tribuenda fides. Is enim testatur, se in priscis monumentis istius anni, hunc Sanctium Galindi, Iustitiam appellatum comperisse. Sed explicare omisit certam aliquam huiusmodi monumentorum generis rationem. Atqui hæc sanè Galindorum gens, patritia olim fuit nobilissima, ab Aragonensibus nempe Comitibus ducta, vt opinor. Tot autem Galin-

dos antiquitus vocatos inuenio, vt iam tunc videatur, Galindi, id nomen, non tam ad indicandum patrem, aut auum, qui præcipuus erat patronymicorum nominum vsus; quam ad docendum de gentilitate ipsa vsurpari solitum fuisse. Quidam enim exstat, Raimundus Galindi, Senior in Estada nominatus circ. Ann. Chr. ∞ lrv. A quo forte, qui postea Sanctius Galindi, Senior in Boltayna, Ann. Chr. ∞ lxxvii. reperitur, profectus est: atq; ab eo, Atho ille Galindi, qui Ann. Chr. ∞ ci. inter Ricos homines memoratur. Cuius fratres suspicor fuisse, Eximum Galindi, Fortunium Galindi, Galindum Galindi, & Innicum Galindi: quorum Surita in Annalibus, circ. Ann. Chr. ∞ cxlix. mentionem facit. Quibuscum omnibus duco, hunc Iustitiam cognatione generis fuisse coniunctum: ab eoq; Fortunium Galindi, & Martinum Galindi, postea profectos; illum quidem Ann. Chr. ∞ cxxxiii. Seniore in Osea, & in Alquezar passim; hunc autem eodem Anno, Seniore in Ayerue vocitatum. Quos omnes videmus, summo quodam, ac singulari studio, ad illustrandam nobilitatem suam, Galindi id nomen retinuisse semper. Sed iam pridem illud antiquatum est: atq; in aliud fortasse gentilitium transfusum. Istius verò Iustitiæ nullam alibi mentionem inueni, præter eam, quæ ab Archiepiscopo Ferdinando fit.

## IIII.

## LVPVS SANZ.

1129.



**N**EC verò vllam aliam habeo magis certam huiusce Lupi Sanz Iustitiæ, qui nunc mihi illustrandus proponitur, notitiam. Nisi enim esset præfati ipsius Excellentiss. domini Archiepiscopi testimonio cognitus, eum, vt multos alios fortasse, vetustas obliuione obruisset. In illius autem Cōmentariis sic scriptum est. *Lupus Sanz* (inquit) *Iustitia Aragonum Magistratum gessit, Ann. Chr. ∞ cxxix. vt ego in priscis monumentis obseruari: genus autem monumentorum non memini.*


Atque



Atque hoc solum habeo, quod ipsi assentiar de eo: sed quid ipse sentiam, non habeo. Suspicio tamen à Graos, siue à Iaca gentilitium illius nomen tractum fuisse: quod nonnullos Equestri Ordinis viros per hæc ferme tempora obseruarim, anonyma illa, Sanz, voce, gentilitiis huiusmodi nominibus antelata, appellatos. Sed tamen nuper, immo verò modò, ac planè paulò ante quàm hæc typis mandarem; in istius Iustitiæ hanc incidi & nominis, & muneris apertam mentionem. Siquidem Alfonso I. Regem, ad Zalmetinam Urbis Sanctium Fortunons (quem diuersum statuo à superiori) epistolam misisse constat, sic scriptam latinè. *Alfonso Rex tibi Sanctio Fortunons Salmedina de Zarragoza meo amabili, & fidei Salutem. Scripsi tibi ista mea carta de Logroneo: & Sapias, quod vidi rancurantem illo Episcopo de Zarragoza, & suos Clericos, quomodo non habent, neque non sunt penes illos, Ecclesias adhuc de illos Alhobzes, & de illos furnos, qui fuerunt de illas Meschitas. Et iam habeo tibi missas meas alias cartas. Et ego dixi tibi, & non habes hoc factum: & times; & amas mais illos Seniores, & illos Moros: quàm meum mandamentum. Et vide, quod facis. Et modo dico tibi, & mando fortè, vt semper reddas ad illas Ecclesias: & mittas illos Clericos poterosamente in illos Alhobzes, & in totos illos directaticos, quos habuerunt in tempus de Moros ad vnamquamque Ecclesiam, quæ sit in illos Castellis, & villas de toto illo Episcopatu de Zarragoza, siue illas Meschitas, quæ sunt in illas ciuitates. Et si me amas, amplius non veniant mihi inde rancurantes. Et hoc non fallat per nulla causa de isto saculo: auxiliante Deo. Testes Enneco Xemenos: & S. Fortunon Xemenes: Lope Sanz Iustitia. Nec verò notatum fuit tempus istius rei Alhobzes autem, Arabica vox est: eaq; arces, & Castella significari persuadeo mihi.*

## V.

## FORTVNIVS AZENARI.



CETERVM Fortunii istius, eodem Archiepiscopo teste, clara exstat memoria in ea Priuilegii rogatione, quam Ann. Chr.  $\infty$ CXXXII. Alfonso idem Rex Casaraugustanis Mozarabibus tulit, dum eos, quemadmodum narrauimus, Manlienens opido donauit: quòd tametsi septi, & inclusi intestinam, quam potuerant, operam ad expugmandam Urbem cõtulissent. Ricum hominem autem fuisse coniciio: eundem siquidem, quem aliquibus post annis, perfunctum iam munere, Seniore in Tarazona vocatum obseruaui; suspicorque cuiusdam Aznar Azenarii filium, nepotem autem fuisse Pipini Azenarii, circ. Ann.  $\infty$ C. inter Ricos homines in priscis monumentis memorati. Ac fortè hic fuit Aragonensium Comitum ortus nobilissima stirpe. Sed nullam aliam de eo, quod Magistratum gesserit, inuenio factam mentionem.

## VI.


## IOANNES PELAIVS.



POST Fortunium aliquot annis, vt ex eiusdè domini Archiepiscopi Commentariis perspicitur, fuit iste Ioannes Pelaius: scilicet, Ann. Chr.  $\infty$ CXL. Ratimiro II. iam regnante Rege. Verumtamen de illius genere aut nomine nihil aliud mihi legisse videor.

## VII.

## ATHO SANZ.



DE Athone autem non ita. Illius namque Iustitiatus permultis publicarum literarum testimoniis cõprobat. Ac primùm quidè apertis his, in cuiusdam hortuli vèditiõne à Bernardo Biarrag, cuiusdam Don Guald facta, appositis verbis quæ ipse perlegi: *Facta (inquit) carta Aer.  $\infty$ CXXCI. in mense Ianuario: Bernardus Episcopus in Zaragoza: Atho Sanz Iustitia in Zaragoza: in illo anno quando fuit Daroca poblada.* Qui, vt cum Aera conueniat, Annus Chr. fuit,  $\infty$ CXLI II. Rursus alibi. *Facta Carta Aer.*



- 1145  $\infty$ CXXCI. in mense Nouemb. in Anno, quando prensi Comes Barchinonensis Montpesler: Atho Sanz Iustitia in prædicta Zaragoza: Quadrat Zalmestina. Atque eodem prorsus modo nuncupatus in monumentis Ann.  $\infty$ CXLV. reperitur. Sed hoc est maximè ad memoriam sui Iustitiatu insigni, quod in vetusta membranula legi; in præfata Ecclesiæ de Pilari Tabulario recondita. Etenim cum inter Cæsaraugustanum Episcopum Bernardum, & quosdam e Romæorum gente patritios, magnalis, & controuersia esset orta, de adeunda cuiusdam Lupi Arce hereditate: apud hunc Iustitiam, Iudicem, huiusmodi causam actam apparet, ab eoque sententiam promulgatam fuisse, Ioanne, atque ut ibi legitur, *Iouane Didaci Zalmestina in Cæsaraugusta*, præsentem: & quod summum est, in Raimundi Berengarii Barcinonensis Comitis, Principisque Aragonensis conspectu, Ann.  $\infty$ CXLIX. Aera scilicet  $\infty$ CXXCVII. Ipse verò Atho Sanz, Iustitia in Cæsaraugusta, nuncupatur. Ita enim aliquandiu Magistratus iste vocari consuevit, quod in ea vrbe iudicia exerceat, ut in Vnionis Priuilegiis, quorum supra meminimus, cautum fuit. Atque hunc, primum Iustitiam, inuenio in forensibus causis iudicandis fuisse versatum. Vxorem duxit, Domnam Sanctiam ex qua filios, ac filias procreauit. Aedes habuit in Parochia Sanctæ Crucis, ipsius Ioannis Didaci, quem Zalmestina hoc tempore fuisse constat, ædibus continentes. Nam hæc omnia sic annotata sunt in membranula alia perueteri, quæ in eodem Tabulario asseruatur. De genere autem, patricium dicerem, si eum cognatione coniunctum arbitrarer cum Fortunio illo Sanz, qui in monumentis Ann.  $\infty$ CXIV. vel circa, Senior in Baylo, & Eliso, vocitatus legitur. Sed cuius familiæ fuerit, nullam sanè facere potui coniecturam.

## VIII.


## IOANNES DIDACI.



- ET illud idem affirmare cogor in istius Ioannis Didaci, qui Atho-  
ni successit, narratione. Vix namque adhuc, cuius familiæ fuerit,  
cōiicere queo: tametsi suspicor patronymicum illud Didaci nomen  
aliquandiu sibi, ac posteris gentilitium mansisse. Quendam autem  
Ioannem Didaci, qui in monumentis Ann.  $\infty$ CXXXIII. Senior in  
Cascante, & in Arguedas, vocatus legitur; diuersum ab hoc Iustitia  
fuisse, existimo: quippe cum ille patria Nauarrus esset, hic verò ortu  
Aragonensis vir atque ex Equestri Ordine, ut opinor. Cuius gentilem fuisse puto, Fer-  
dinanoum illum Didaci, in Valentini Regni expugnatione tantopere celebratum. Quem  
ob fidelem præstitam in eare operam, Iacobus I. magna illa Mesnaderiorum dignitate  
honestauit: cum antea Don Blasçi Alagonii, qui Morellam cepit, Vassallus, ut tunc lo-  
quebantur, ac Maiordomus etiam Cusiæ existisset, eodè ipso tempore, quo ipse Blasçus  
magnum illud Maiordomi Regni munus sustinebat. At hunc Iustitiam, antequam Ma-  
gistratum adipisceretur, Zalmestina fuisse Urbis, certum est. Interdum autem, Iouan-  
nes, nominatus reperitur. Quod Magistratum gesserit, ea est vetustior memoria, quam  
1152 inueni in Permutatione inter quosdam, *Iulianum, & Don Nauarro*, facta, Ann.  $\infty$ CLII. Ibi  
enim, testium Confirmatorum loco, appositus est his verbis. *Facta carta, Aer.  $\infty$ CXC. Tes-  
tes qui neq. viderunt, neq. audiuerunt: Garcia Ortiz, Senior in Zaragoza; Iouan Diaz Iustitia.* Et  
eodem modo nominatus legitur in monumentis insequentis An.  $\infty$ CLIII. quo mortem  
1153 obiit, ut opinor. Vxorem eius Domnam Sol fuisse, veteribus apparet ex scriptis: filiorum-  
que quos ex ea suscepit, vicarium in hoc munere, quem mox nominabimus, suc-  
cessisse.

## VIII.

## PETRVS MONIO.



- 1154 IN venditione enim à Domna Vrraca cuidam Petro de Aierb fa-  
cta, Ann.  $\infty$ CLIV. hæc istius Petri Monionis memoria exstat. *Facta  
carta in mense Maij sub Aer.  $\infty$ CXCII. Regnante Comes Barchinonensis in A-  
ragon, & in Zaragoza: Dominus Petrus Villabeltran Episcopus: Monio Iusti-  
tia sub manu filioru de Ioan Diez.* Vnde colligitur, superioris Iustitiæ vi-  
tam nequaquam longius, quam nos retulimus, fuisse productam.  
Porro autem in venditione *Pardine Vidalis Bassæ, & cōiugis, cuidam*  
1157 *Don Sanz, ita vocato viro, concessa: Facta carta (inquit) in mense Março, Aer.  $\infty$ CXCV. Ra-  
gimundus Comes Regnante in Aragon, & in Lerida, & in Tortosa, & in Zaragoza, sub manu eius*  
Palazin



*Palazm Princeps: Monio Iustitia.* Ita enim absolute positus continetur. Petri autem illius nomen fuisse, satis quidem ex aliis monumentis compertum est: trienniumq; vix, Magistratus potitum. Atqui Ferdinandus Archiepiscopus Iustitiam hunc testatur, Petrum Monoy appellari debere, idq; se in antiquis Tabulis comperisse. Alii, Mironem appellatum censent: quod quem ita vocatum temporibus his, Iudicem Curiae obseruarint: Iustitiam Aragonum existisse arbitrentur, nullam ipsorum munerum differentiam ducentes. Sed aperte ex his, quae proxime adduxi, documentis, & aliis, fuisse Monionem nuncupatum apparet. De cuius genere nihil certi habeo, quod possim asserere. Iacobus Rex in suis Commentariis cuiusdam meminit Paschasti Monyos: quem patria natum tradit Turoli, fuisseque ex intimis patris sui domesticis, ac familiaribus. Forte is ab hoc Iustitia profectus est. Haud enim interfuere plures, quam sexaginta anni inter eos. Sed hanc ex sola gentilitii nominis similitudine capio coniecturam. Neq; aliter posset huiusmodi argumentum illustrari, si quo sensu, ac coniectura rapiamur, interdum proferri in medium non liceret.

## X.

## DIDACI, IOANNIS DIDACI F.




AT vero Petro Monioni, Magistratu abeunti, filius successit Ioannis Didaci, eodem Ann.  $\infty$  CLVII. Cuius nomen legere non potui. Abrafum est enim in venditione, quam inueni, cuiusdam agri in *Attabaff* locati: sic enim olim vocabatur ea Urbis Regio, quae nunc dicitur *Altavas*. Ipsius autem venditionis tempus his verbis notatur. *Facta Carta in illo Anno, quando Comes Barsolonensis, & Princeps Aragonensis erat supra Trincatalla. Et erat P. de Villabeltran in Casaraugusta Episcopus: Palazm Dominus in Casaraugusta, &..... filius Ioannis Dicies,*

*Iustitia in Casaraugusta: Aer.  $\infty$  CXCV* quae dicto Anno continetur. Atq; eodem Anno alibi ipsiusmet Iustitiae inueni factam mentionem: sed illius nomine omnino suppresso: Tantum enim, filius Ioannis Dicies, Iustitia nuncupatur, nullo loco vacuo relicto, quo vllum eius nomen collocari posset: quasi nullam aliam ipse ab ineunte aetate habuisset, nisi quam a patre acceperat, causam celebritatis, & nominis. Dicies autem idem esse quod Didaci; certum est: nam quod Hispanè *Diez*, proferri debuisset, Latine Dicies, proferendum placuit.

## XI.

## PETRVS MEDALLA.



ISTIVS autem Petri Medallae in antiquis monumentis multiplex mentio fit. Variis enim Magistratibus praefuit. Iustitiam siquidem, ac Merinum Turiafonae fuisse comperio: post Magistratui praepositum, interdumque Iustitiam Maiorem, interdum Iustitiam in Casaraugusta, ut antiquus mos erat, appellatum. Illud verò Casaraugustanensis Merini munus aliquandiu gessisse apparet, quendam Ciprianum Quitrad: qui se in eo esse, istius Iustitiae Vicarium suppositum, in quā plurimis Tabulis profiteretur. In venditione autem, quam Garfias Aierb cuidam Don Per fecit: *Facta carta (inquit) II. Non Febr. Aer.  $\infty$  CXCIX. Petrus Episcopus in Zaragotza: Palazm, qui dominabat Zaragotza, sub iussione Comitum: Petrus Medalla Iustitia maior: & Sanctio Fortunions da la Porta Valentia Zaua Medina.* Atque hunc primum inuenio, Iustitiam Maiorem nuncupatum. Quandoq; autem, Medalgan vocitatum legi, aut Medalam, simplici, si saepius tamen Medallam & nonnumquam Iustitiam in Casaraugusta. Magistratus enim Iustitiae Aragonum, tum Iustitia Maior, tum Iustitia in Casaraugusta, tum quoque Iustitia domini Regis, vel per manum domini Regis vocari consuevit. Quarum nominationum, praeter ea, quae supra adhibuimus, infra etiam nonnulla, quae se offerunt, exempla subiiciemus. Ipsius verò Sanctii Fortunions Zalmetinae gentilitium nomen a Cutanda erat. Nam illud, quod sibi, *De Porta Valentia*, nomen impositum fuit, ex eo ductum opinor, quod ad eam Urbis regionem quae ita vocitatur, aedes sitas haberet; ut in veteribus scriptis obseruavi. Rursus in alia, *Auctoritatis, & venditionis, vocata carta*, quam Domnam Oriam de la Anacra, & Gulielmum cognatum eius fecisse constat Petri Priori Sanctae Mariae & ad alios Canonicos & laicos illius domui, sic enim legitur: *Testes sunt huius rei, Rifores, & Auditores, Don Ponce de Tarba: & Don Guillen Arnalt de Perenartm. Alii, duos morabetinos, & septem denarios. Facta carta, & venditione in mense Octobris Episcopus Petrus in Sarragotza: Palazm, qui dominabat Sarragotza, sub iussione Regis Alfonsi, filius Comitum: Orti Ortiz in Roda, & in Quarten de Sarragotza: Petro Castarazol*

1157

1161



in Calatainbe, & in Quarto: Blasco Maçain Boria: Galin Ximenez in Balbit: Petro Medalla  
 1162 Iustitia in Sarragotza: Sanctio Fortuñons de Cotanda Zauallmedina. Sub Aer. ∞ cc. Garsias  
 scripsit, signum suum fecit. Quandoquidem autem in Alialæ vocis mentionem incidimus  
 non abs re erit, quid olim sonuerit, & vnde ducta fuerit, annotare. Hæc igitur de ea ob-  
 seruata inueni à perantiquo nostrarum legum interprete. Aliara (inquit) seu Aliala, dici  
 debet Alifara. Et est Verbum Arabicum à duabus his dictionibus, alif, & ara, compositum. Cuius E-  
 tymologia hæc est. Alif, prima litera est Alphabeti Arabici: ut apud nos, A, qua principium designatur,  
 Ara verò significat, rem. Vnde Alifara, quasi principium rei. In venditionibus autem antiquum in-  
 erat, ut emptor, in signum adeptæ possessionis, prandium aliquod vendenti praberet, vel de pactam  
 pro eo pecunie quantitatem. Quæ nisi solueretur, seu venditor fateretur solutam; contractus cen-  
 sebatur imperfectus. Propterea ad illius firmitatē in ipsa Venditione, ut apocæ soluti pretii, ita etiam  
 olim apponi consuevit Alifare data expressa ipsius vendentis confessio. Alias possessio quæcumque  
 1163 caduca, & vacua reddebatur. Iam verò ut ad rem redeam, Medallam hunc Ann. ∞ CLXIII.  
 1164 & ∞ CLXIV. Magistratum gessisse constat. Ac longius ego eundem produxissem, in an-  
 nos scilicet. ∞ CLXVII, & CLXVIII. quibus eum, Iustitiā in variis monumentorum gene-  
 ribus vocatum inueni: sed Suritæ auctoritate motus, eundem dicto Ann. ∞ CLXIV. Ma-  
 gistratu abiisse, in Fastis affirmavi: nam eo anno Galindum Garsia, muneri præpositum  
 refert. Quam autem verè, ipse viderit. Ne quis enim posset nostram, in hac temporum,  
 ac Iustitiarum adhibita serie, fidem coarguere: harum omnium rerum auctores, ac  
 testes producendos statui, non tam diligentia, quam veritatis obsides futuros. Prius-  
 quam tamen ad sequentem narrationem traducar, animaduertendum duxi, in plu-  
 ribus monumentis, in quibus istius Medallæ Iustitiæ fit mentio, Aeram pro anno  
 sumi debere, ut coherere possint extrema cum primis: atque eundem Medallam, El  
 Adelantado de la ciudad de Caragoça, vocatum reperiri. De quo munere, quod dicere  
 possim, neque ut probabilia dicam, non habeo. Audio tamen, olim curationi finium vr-  
 bis fuisse præfectum.

## XII.

## GALINDVS GARSIAE.

1164



VERTENTE itaque eodem, ut dictum est, Ann. Chr. ∞ CLXIV.  
 Alfonso II. Rege regnante, Surita noster Galindum hunc Garsie  
 muneri præpositum tradit. Ac de eo, ut suspicor, in Kalendarum Co-  
 dice, quem supra retuli in Tabulario de Pilari esse reconditum, ita  
 scriptum exstat. VII. Id. Septemb. Obiit Galindus Garcez, frater nostra con-  
 gregationis. Olim enim complures, tametsi sacris minimè erant initia-  
 ti, cum Religiosis hominibus, quas vocabant, fraternitates inibant:  
 solebantque illius congregationis fratres, appellari. Annus autem in eodem prorsus,  
 quo & Petri Eximini, iacuit silentio. Neque verò hac de re vllum mihi, præterquam  
 quod verisimile videtur, occurrit argumentum: nec quodquam aliud de istius Magi-  
 stratu, nisi id, quod diximus Suritæ testimonium: iuxta quod Ricorum hominum Or-  
 dine Iustitiam hunc apparet existisse. Illud autem Garsia nomen, non tam patronymi-  
 ci, q̃ gentilicii nominis loco usurpatum autumò; ab eo Lupo Garcez tractum fortasse, qui in  
 monumentis Ann. ∞ LIV. Senior in Vncastello, & Arrosta vocitatus legitur. Cuius fratrem  
 suspicor fuisse, Eximinum Garcez, Seniore in Boyl, iisdem fere temporibus nuncupatum. Eorum  
 autem postea, nisi me forte fallo, gentiles fuere, Atho Garcez, qui Senior in Barbastro  
 circi. Ann. Chr. ∞ cxxvi. dicitur: & Lupus Garcez, quem Surita in Annalibus, Ann. Chr.  
 ∞ cxxxiii. inter Ricos homines memorat: rursusque Fortunius ille Garcez, quem idem  
 Surita eadem tempestate bellicæ virtutis laude floruisse, Mazæque fratrem fuisse prodit.  
 Vnde nonnulli Iustitiam hunc à Mazarum gente profectum putant: quod eos obserua-  
 rint eo Garcez, seu Garsia patronymico nomine frequenter uti fuisse solitos. Sed hæc in  
 coniectura tantum posita sunt. Quamobrem integrum erit, ut quivis iudicio, ac sensu  
 suo, istarum rerum fidem metiatur.



## XIII.

## SANCTIVS GARSIAE SANCTA OLALLA.

POST Galindum, Sanctius successit Garsia Sancta Olalla, seu, ut  
 nuper inueni, Arcez Sancta Eulalia, vocitatur. Quem Sanct Vicent  
 quandoque appellatum inuenio, quod ita vocati opidi potiretur:  
 quan-



quandoq; Sanctius Garcez tantum nominatus inuenitur. Eundem tamen suspicor fuisse nosq; in eo nominando à Surita non tam re, quam nominis dissimilitudine discrepare. Magistratum autem gessisse constat Ann. Chr. ∞ CLXVIII. ac inter Ricos homines locum tenuisse, eorumq; more, aliquandiu in Cæsaraugusta, & Osca, primariis Urbibus, possedisse Honores: rursus Ann. ∞ CLXIX. & ∞ CLXX. muneri præpositum fuisse. Sed ea clarior de eo exstat memoria, quam idem Dominus Archiepiscopus Ferdinandus retulit se legisse in Donatione parietinarum, *de Vera*, ab Alfonso I. Rege Verolensi monasterio concessa. Ibi enim hanc prodit istius iustitiæ muneris, ac nominis fieri mentionem. *Stante* (scilicet) *Sanctio Garcez de Sancta Olalla, iustitia per manum Domini Regis in Aragonia. Facta carta in mense Março, Ann. Chr. ∞ CLXXII.* Olim enim Iustitiæ Aragonum; interdum Iustitiæ Domini Regis; interdum Iustitiæ per manum Domini Regis vocabantur: quod Magistratus hic à Regibus ipsis, ut dictum est sæpe, mandaretur. Quod ad genus attinet, in monumentis Ann. Chr. ∞ CXIV. quendam Ferrizem Sancta Olallam, Ricum hominem memoratum comperio. Sed an eiusdem stirpis fuerit, incertum est mihi.

## XIII.

## PETRVS FERDINANDI CASTRVS.



ITIDEM QVE nequaquam mihi satis est adhuc istius Iustitiæ ratio explorata. A nullo enim alio inter Iustitias memoratum inuenio, præterquam à Surita: qui eum in suis Indicibus eidem Ann. Chr. ∞ CLXXII. supposuit. Quare dubitanter fuisse illum Iustitiam affirmabo. Accidisse enim puto, ut quod eius nomen dubie datum fuerit, pro certo sit acceptum. His autem Castris, quæ annotauimus, Insignia tribuuntur.

## XV.

## SANCTVS TOVIA.




PARI etiam ratione, istius Sanctii Touiæ Iustitiatus mihi incertus esset, nisi Suritæ de eo testimonium legissem, ipsius Archiepiscopi Ferdinandi auctoritate approbatum. Sed placuisset mihi, ut non tam ex ipsorum verbis, quam ex aliquibus penderet veterum monumentorum scriptis. Credendum est tamen, quandoquidem ab eis Anno ∞ CLXXIX, subiicitur, licet nobis lateant monumenta, ipsis verò nequaquam latuisse: satisque firma habuisse eos ad faciendum istius rei fidem argumenta. Touiarum autem gens patricia non fuit: sed Mes-

naderiorum: à quibus hunc suspicor profectum fuisse. Propterea Touiarum, quæ supra dum de Mesnaderiis egimus, Insignia annotaui; tribuenda huic censui: nō quod certum id iudicem, sed tantū probabile. Atqui eorundem ante hunc Iustitiam vix exstat memoria. Post verò non ita. Nam Iacobus I. Rex in suis Commentariis quemdam memorat Eximinum Touiam: quem strenuum militem fuisse prodit, ac secum in Xatiæ opidi expugnatione affuisse, ab eoq; primum ob eam rem illud Castri fuisse præfectum custodem. Tum Iacobi II. vita, quidam Berengarius Touia miles floruit, qui mirificè illis temporibus militaris disciplinæ vsum percalluit. Tum etiam alterius Eximini Touiæ mentio fit in monumentis Ann. Chr. ∞ CCCIX. quem Supraiunctarii Cæsaraugustani gessisse munus comperio: illiusque filium fuisse Sanctium Touiam, qui ex intimis fuit Alfonsi nostri IV. Regis: quasi Iustitia hic, primus Touiarum gentis, quod antea non tantum erat, nomen extulerit.

## XVI.

## STEPHANVS .....



ALITER tamen de hoc Stephano sentire oportet. Quamdiu enim Magistratum gessit, proprio illo tantum Stephani contentus nomine gentilitium suum assidue suppressit: solumq; se aut Iustitiam Stephanum, aut Stephanum Iustitiam nuncupauit. Cuius rei exempla sunt huiusmodi. In venditione enim à Guilielmo Samatan, & vxore Tota, alteri Guilielmo Pinæ facta, hæc eius, ac temporis, quo munere fungebatur, fit mentio. *Facta Carta in mense Octobris Aer. ∞ CCCIX. Do-*



1181 minus Stephanus Iustitia. Est autem, qui huic Aeræ conuenit, Annus ∞ cxxxi. Porro in  
 1183 donatione, quam, ut ibi legitur, Ego *Tota mulier facio ad Vos Don Nauarro de tribus meis he-*  
*reditatibus: Facta Carta* (inquit) *in mense Aprilis Aer. ∞ cxxxi. Testes sunt, Blasce Romeu*  
*Senior in Zaragoza? Dominus Petrus Episcopus: Martinus Orella Zalmetina: Iustitia Stephanus.*  
 Postremo in quadam de nonnullis controuersis stipulata pactio inter Egidium Bilas,  
 Canonicum Sanctæ Mariæ, & Fatimam, ut ex scriptis apparet, nobilem feminam, se-  
 cum cognatione coniunctam: *Facta Carta* (ut ibi continetur) *in mense Ianuario Aer.*  
 1185 ∞ cxxxi. Testes sunt, & visores huius rei *Don Estuan Iustitia: & Mahomat Gatoz.* Atque  
 hanc ultimam accepi de illius Iustitiati memoriam. Nuper autem in vetusta membra-  
 nula extremam tantum legere potui ipsius nominis gentilitii syllabam. Priores namq;  
 literæ interlitæ erant: sic tamen, ut posteriores duæ constarent integræ. Nam ita illius  
 erat nomen scriptum. *Stephanus . . . . . it Iustitia.* Vnde coniecturam capio, à  
 Belchir, nobilissima sic vocata gente, quæ hac tempestate florebat multum, Iustitiam  
 hunc duxisse genus suum.

## XVII.

## PETRVS SESSESIUS.



1183  
1190  
1201

IAM verò Petrus Sessessius nomine, atq; honore notissimus fuit. Pa-  
 tricum namq; fuisse, nobilissima Sessessiorum stirpe generatum, cō-  
 pertum est satis, itidemq; bene se gessisse in Magistratu. Cuius mentio  
 fit à Surita in Annalibus in narratione rerum Ann. Chr. ∞ cxxcix.  
 Alfonso II. Rege gestarum. Rursumq; in Ann. Chr. ∞ cxcvi. & ∞ ccl.  
 qui iam in Petri II. tēpora inciderunt. Maior domū autem Curia, ali-  
 quamdiu fuisse cōperio: Medianæq; opidi abūdè potitum, quod illius  
 dominationē iamdiu maiores sibi in perpetuū cōparassent. Iam enim  
 his temporibus Honoraria illa Ricorum hominū iura eorū filiis, quandoq; hereditario  
 iure, obueniebant. Sentio tamen auctoritatem Regum aditæ huiusmodi hereditatis ex-  
 stasse. Tunc enim apud nos, vetus ista Reip. nostræ gerendæ ratio vigeat: ut Ho-  
 nores ii ipsorum Regū penderent ad nutū, dummodò circū Ricos homines ipsos assidua  
 illa, quam diximus, conuersione torquerentur perpetuò. Sed iam Rici homines ipsi vi-  
 debantur hoc tempore, inclinatione voluntatem in eam, quæ sibi, ac suis mansit, Honorū  
 potiendorum condicionem propendere: nempe ut eorum permaneret ipsis stabilis, ac  
 certa possessio, ne ea amplius, quemadmodum solita quondam fuerat, vacillaret. Atq; id  
 ipsum in istius Iustitiæ filio, Petro etiam Sessessio appellato, factum fuisse, ex ipsius Suritæ  
 colligitur scriptis. Prodit enim eidem Iacobum Regem I. Ann. Chr. ∞ cclxv. cum Cæ-  
 saraugustæ adesset, illud idem Medianæ opidum contulisse, quo patrem eius, Rex pater  
 donauerat. Ipsum autem Petrum Sessessium filium, siue forte extulerit fortuna, siue la-  
 bor, ac indutria, ut plures alios, quos scimus illustrari; Moratæ quoq; Almonazirii, ali-  
 orumque locorum potitum apparet: quæ suis posteris sanè diu hereditaria manserunt.  
 At hunc Iustitiam plures annos Magistratum gessisse non dubito. Sed illorum ratio in-  
 certa est nunc mihi.

## XII.

## PETRVS PETRI TARAZONA.



QVOD si cuiuspiam ex veteribus Iustitiis usque ad nostram ætatem  
 memoria remansit: nullius maior, quam istius, Petri Iustitiæ, repe-  
 rietur. Neque id tam, ut suspicor, ob diuturnitatem temporis, quo mu-  
 neri præfuit (quadraginta enim ferme annos illud gessisse constat) nec  
 quod in eo se omnibus valde probasset, propterea probauit sanè: quàm  
 quod primus, Iustitia Aragonum assidue vocari cœptus fuerit, pri-  
 musque ut existimo, Aragonii nominis maiestatem, in publicis monu-  
 mentis, Magistratus nomini, ac dignitati consecrarit. Eaque propter  
 arbitror, Ioannem Eximini Cerdanum, dum Iustitias Aragonum numerauit, ab hoc  
 sumptisse scribendi initium, ceteris, qui eum antecesserunt, omissis: non quasi  
 nullose i antecessisse putarit, sed q; in hoc primum Magistratus nomen cœpisset, assidue  
 ea Aragonii nominis dignitate illustrari, cum antea, aut Iustitia maior, aut Iustitia domini  
 Regis



Regis, aut Iustitia in Cæsaraugusta, quemadmodum demonstrauiamus, nuncupari solitus fuisset. Ob eam itaque causam Ioannes Eximini Cerdanus hunc, primum Iustitiam memorauit: quem fuisse prodit, Iustitiam Aragonum, & Tirazonæ. Ac Iustitiam quidem Aragonum fuisse certum est. Tirazonæ verò eum ius dixisse, incertum puto: tamen si statuo testimonio tanti viri credi oportere. Indidem autem compertum est sanè, illius nominationem, ac generis antiquitatem fuisse profectam. Equestri namque familia, à Tarazona, ipsius siquidem Urbis nomine, nuncupata, è Mesnaderiorum Ordine natus fuit. Fratrem habuit, Eximinum Petri Tarazonam: qui cum postea ad intima Regis Iacobi I. consilia peruenisset; ab eo amplissima ditione donatus, cui nomen erat Arenos, inde sibi nouum gentilitium nomen comparauit, ab Arenos se vocari, libenter ferens. Et ea certè nominis mutatio Ricis hominibus qui tunc florebant, molesta non fuit. Fuere tamen ipsis odiosæ, & acerbæ, quæ eidem à Rege fiebant & fortunæ, & dignitatis accessiones. Nouos enim, & adscriptitios homines, qualem Eximinum esse palam distabant, in eorum, qui antiquo iam iure sociati erant, cœtum immitti, dicebant plenissimè iura nostra vetare: nec quemquam posse ullam Honorum huiusmodi partem attingere, qui non esset genuina Ricorum hominum stirpe generatus. Quamobrem contendebant, eum neque illius ditionis, qua donatus fuerat, potuisse impertiri, necdum Rici hominis nominis dignitate honestari: cum quæ leges irrita faciebant, rata esse non possent. Neque tam id ipsum factum, ob id quod esset factum, exprobrabant: quàm ob periculosam imitationem, quæ in posterum prodebat, exempli. Qua de re tunc inter Ricos homines ac Regem multæ, & magnæ contentiones fuerunt. Nihilominus inuitis omnibus Eximinus fuit, suffragante sibi Rege, summum illum Rici hominis gradum assequutus: ipsamque ab Arenos ditionem, vna cum gentilitio nomine inde tracto, posteris hereditariam reliquit. Qui tandem aditus multis postea spem præbuit simillimæ faciendæ transitionis: nonnullique deinde, cum Equestri loco tantum orti essent, in eum se Ricorum hominum Ordinem, Regum beneficentia, infuderunt. Olim enim ea Ricorum hominum dignitas, propter honoris, ac potestatis magnitudinem, tanta contendebatur ambitione vt nihil magis, qui ex intimis Regum essent, optarent illis temporibus, quàm ad eam peruenire quam summam ducebant, altitudinem gloriæ, & fortunæ. Vnde veteres illi maiorum gentium patricii, Rici homines *de natura* vocari cœpti sunt, vt ab aliis, qui se permittē cum ipsis implicauerant, distinguerentur & nomine: quos Ricos homines *de Mesnada* nuncupabant, quasi natura, & genere à se disinctos esse indicantes, tamen si omnibus erant pares gradus honorum; quemadmodum iam antea de his satis, vel etiam nimium multa. Itaque hic Eximinus ex Honore, quem adeptus fuerat, (ita enim eæ, quæ Ricis hominibus à Regibus fiebant, donationes vocabantur) gentilitium sibi nomen, quasi ipsius Honoris nomen, arripuit; Arenosium se aperte vocitari curans. Armarum autem, quæ dicuntur, Insignia non mutauit. Nuperrimè namque quæ signata sunt supra, impressa comperi in peruetusto cereo sigillo, quod ex membranula quadam pendeat. Apertissimèque tum ex scriptione, quæ in literis circum sigilli orbem appositis exstabat, tum ex iis, quæ in eadem Tabella scripta reperiuntur, colligitur: ea esse Eximini ipsius, ac Tarazonæ suæ gentis Insignia. Atque inde iure transferri posse constitui ad hunc illius fratrem, Iustitiam: præsertim cum ab eo gentilitium à Tarazona nomen, mutatum non legerim. Hic igitur, vt ad eum redeam, eodem Archiepiscopo teste, Ann. ∞ ccix. Magistratum gerebat. Perhibet enim illum in Priuilegio, Darocæ Urbis à Petro II. Rege irrogato, Aer. ∞ ccxlv. quæ dicto Anno conuenit, testem appositum inueniri, Hispanis hisce verbis, proprio scilicet, patronymico, gentilitio, ac Magistratus nominibus vocitatum: *Testigos son de aquesto, Don Petro Perez de Taraçona Iusticia de Aragon: Pedro Menguchen Iudez de Daroca: y Don Garcia Roman.* Iam enim his tēporibus publicarum literarū exempla exarabantur Hispanè. Tum idem iste Iustitia Iudex fedit in Comitibus An. ∞ ccxii. & ∞ ccxv. Tū etiā interfuit, ac præsens vidit, quæ inter Iacobū I. nostrum Regem ac Thibaldum Regem Nauarræ depacta fuerunt, dum se vicissim singulorum Regnorum heredes adoptarunt Ann. ∞ ccxxi. Præterea dum idem Rex Iacobus Ann. ∞ ccxxii. Alfonso filium, susceptum ex Eleonora, legitimum decreuit: tamen si ab ea Regem diuortium facere debere Romanus ipse Pontifex constituerat. Quin etiam multa, & magna istius Iustitiæ memoria reperitur in monumentis Ann. ∞ ccxxxiii. & ∞ ccxxxiv. Sed ea magis præstans, & nota, quæ in For. *De Confirmatione pacis.* Ann. ∞ ccxxxv. edito, continetur. Quamquam autem in excusis legitur, *I. Petri Iustitia:* legendum est, *P. Petri Iustitia Aragonia:* atque ita in manuscriptis codicibus obseruau. Et licet ii nequaquam corri-



gerent mendum hoc, ex veritate ipsa, ac temporum ratione cōvinceretur apertè, quandoquidem grauiſſimo confirmatur publicæ alterius legis, quæ, *De Confirmatione monetæ*, inscribitur, testimonio, hunc Petrum Petri Magistratum gessisse Ann. ∞ cccxlvii. quod 1247 ea lex Osce lata fuit. Ibi enim expressis literis ita illius nomen scriptum exstat: *Petrus Petri Iustitia Aragonum*. Hæc autem nobis celeberrima Comititia extiterunt. Ipsis enim Iustitia hic præfuit, in quibus Vitalis ille Remp. nostram temperauit, non tam nouis prolatis legibus, aut institutis, quam quod antiquum ius nostrum, nequaquam satis artificiose digestum, generatim componeret. Nec longius puto, istius Iustitiæ vitam productam fuisse. Sed id minime mihi exploratum est satis, cum neque ex Ioannis Cerdani scriptis, neque adhuc scire potuerim aliunde. Ioannes enim Cerdanus tantummodo refert, ad Beati Dominici Casaraugustanense cœnobium humatum esse: tempus autem, quod sibi fuerat præcipuum futurum, silentio prætermisit. Et nos id ipsum facere necesse erit; tametsi coniectura ducimur ad suspiciandum, Iustitiam hunc eo ipso tempore obiisse. Tres autem filios reliquit; Ioannem, Petrum, ac Belasconem: qui omnes illud idem, Petri, patronymicum nomen cum gentilitio à Tarazona sumptum retinentes *Perez de Tarazona*, vocati reperiuntur. Ac Ioannes quidem in patris locum successus, Magistratum obtinuit. Reliqui verò adulterini nummi crimine notati, & conuicti, poenas, quæ tanto sceleri debebantur, dependerunt: Petrus scilicet & vitæ, & opidi *Trafmoz*, cuius potiebatur, amissionem: Belasco verò, quod sacris initiatus esset, Tiraſonensi quæ Ecclesiæ, ut loquimur, Sacrista præpositus, à Fortunio Episcopo in custodias inclusus, perpetui carceris poenam subiuit. Tâtopere ambo hi filii à paterna virtute degenerarunt. Istius verò facti narratione Iacobus idem Rex fusiùs in suis Commentariis persequitur; deq; cuiusdam Iudicis Curia consilio, quem *Ombret* nominat, se in eo facto sententiam dixisse perhibet Ann. ∞ cclxvii. Qui decennio ferme eiusdem Regis interitum antecessit; istius verò Iustitiæ mortem, viginti annis, vno, aut duobus, ut opinor, minus, sequutus est post.

## XIX.

## IOANNES PETRI TARAZONA.

1246



VERVMENIMVERO Ioannis Petri Tarazonæ Iustitiatus in priuatis Suritæ monumentis, quæ aliquando perlegi, Ann. ∞ cccxlix. subſcritur. In Indicibus autem oblitus est eius. At ex vetusta membranula xvi. Kal. April. Ann. ∞ cclix. perſcripta; Domnam Euan illius vxorem fuisse apparet. In ea enim se apertè, viduam esse Ioannis Petri Tarazonæ, quondam Iustitiæ Aragonum, profiteretur: atq; ut ex illius verbis elicitur, iā diu in ea solitudine, ac mariti viduitate alebatur. De prole autem, nec de vllis eius factis, nihil habeo, quod dicam.

## XX.

## MARTINVS PETRI ARTASSONA.

1250



DE huiusce autē Magistratu sat liquet. Nam Iudex præfuit Comitibus Alcagnizii habitis An. ∞ ccl. in quibus nullum officii sui munus, q. exequi oportebat, prætermisit, ab omnibusq; existimabatur adeptus haud mediocrē cū iustitia coniunctā prudentiā. Quā cū Iacobus Rex magis experiens, vehementer probaret: frequēter illū sibi deinceps in consiliū cōsuevit, nedū de publicis, sed de priuatis etiā rebus adhibere. Propterea illius multiplex, ac varia in omni monumentorū genere mentio reperitur, gentilitio tamē nomine sapius suppresso. Ac illa quidē honorifica est satis, nec ignota, quæ à nostris scriptoribus fit; dū Iustitiā hunc memorat vna cū ipso Rege, Augusti mense, An. ∞ ccliii. Tutellam versus profectū fuisse, cū Margarita, 1253 Thibaldi ipsius Nauarræ Regis vidua, de cōsociandis cōmunibus consiliis verba facturū. Tum etiā, dum inſequenti Anno, D. Didacus Lupi Harus, qui Vizcayæ dominatum tenebat, Iustitia hoc inspectante, eidē Regi nostro, fidē suam iurifurandi nexu ob- 1254 ligauit. Præterea dū Ann. ∞ cclvi. Alfonso Castellæ Rex, Romanorū Imperator designatus, eundem Iacobum Regē inuifit: cui nequaquam soceri nomen ademerant ciuiles quædam, tametsi permagnæ, inter eos commotæ dissensiones. In quas tandem 1256 Ann. ∞ cclvi. Iustitia hic, vna cum aliis, ab ambobus Regibus selectis viris, statutus fuit arbiter, præscriptumque ipsi, ut quomodo fieri placeret, controuersiam illam totam iudicaret. Ad summam enim, quam diximus, illius prudentiam summus quoq; 1257 accessit.



acceserat ciuiliū rerum gerendarum vsus. Atque eo sanè plus ipse, nonnullorum iudicio, quàm rei militaris scientia pollebat. Etenim cū Ann.  $\infty$  CCLVII. ab eodem 1258. Rege Iacobo mitteretur, vt de Luna, ita vocato opido, D. Artaldum prapotentem virum, qui in illud se introtulera, dimoueret; visus est certè inanes omnes impetus fecisse in eam rem, vel quòd imparatus in paratum incidisset, vel quòd occasione nequaquam potuisset occurrere. Artaldus namque audacter ei obstitit præsidio amicorum, omnesque illius conatus facillimè refutauit. Sed nec diu post, satis multa dedit & fortitudinis signa, & virtutis, neque tam eum esse, quàm sui obrectatores dicebant, bellicæ rationis expertem. Nam eiusdem Regis iussu, Ann.  $\infty$  CCIX. Alvaro Cabrera, qui totam Balba- 1260. strensem ditionem compilabat, obuiam factus, fortiter, prudenterque exultantem illius furorem, & audaciam repressit, patriamque suam (inde namque illum nonnulli profectum autumant) magnis liberauit temporum, ac rerum angustiis. Neque verò eo anno ampliùs, hunc Iustitiam memoratum inuenio: tametsi longiùs illius Iustitiatum productum opinor. Degenerare autem nec quidquam aliud affirmare possum, præter sententiam, & opinionem meam: Equestri scilicet loco eum natum fuisse; quòd nominatus sæpe inter Equestris ordinis viros reperiatur.

## XXI.

## PETRVS MARTINI ARTASSONA I.



AT hunc Petrum, superioris Iustitiæ filium esse, certissimum est: Iustitiam vero fuisse, incertum existimo. Id enim solius Suritæ, quod sciam, testimonio comprobatur: cū Iacobus Rex in suis Commentariis, eodem ferme, quo à Surita in Annalibus proditur, Ann.  $\infty$  CCLXV. Clericum eum esse commemoret. Neque tamen eò dico, 1265. quòd mihi veniat in dubium ipsius Suritæ cognita satis in his rebus, spectataq; fides: sed vt consilii mei, quemadmodum pollicitus sum, rationem exponam. Itaque non re ipsa ducti, sed opinione, istius Iustitiæ nomen in Fastis adscripsimus: quod in Indicibus eidem Suritæ in memoria non fuit.

## XXII.

## PETRVS SANCTII.



ET verò Petrus iste Sanctii, cuius gentis fuerit, ignoratur. Illud enim Sanctii patronymicum nomen latissimè patet, & ad plurimas familias, quemadmodum demonstraui, pertinet. Equestris autem Ordinis fuisse, dubium non est: quippe cū publica iam lata, & promulgata esset lex illis temporibus, quæ ab huiusmodi Magistratu omnes aliorum Ordinum viros prohibebat. Et quod illum gereret Ann.  $\infty$  CCLXVI. exploratum est satis. Eo namque anno ipsi 1266. Iustitiæ Iacobus idem Rex de suo iure concessit. Vt vbicumque intra Aragonios fines Iustitia adesset, de omnibus causis in prima actione cognoscere posset, ac statuere. Tum; vt quæque fierent à Iudicibus ordinariis iudicia, ad eundem Iustitiam deferrentur primum: deinde, vt ad Regem prouocatio esset. Qui quidem aliquamdiu viguit iudiciorum mos. Verū istius Iustitiæ Magistratū Ann. Chr.  $\infty$  CCLXXIX. 1268. non excessisse conicio: tantummodoq; eum, biennium muneris potuisse potiri.

## XXIII.

## RUDERICVS CASTELLEZVELVS.



ET ENIM quæ vix alterius Iustitiatum tam certa temporis ratio reddi potest, Iunii in mense, Ann. Chr.  $\infty$  CCLXIX. Rudericus Ca- 1269. stellezelus (quem nonnumquam Rudericum de Gastroaciolo, seu de Caſterazol, vocatum inuenio) eiusdem Iacobi Regis beneficio, Magistratum adeptus est. In tam longa enim ipsius Regis vita plures Iustitiæ Aragonum exstiterunt. Et hic quidem Rudericus magna apud illum gratia fuit; apud filium autem Petrū acerbo in odio: quod tandem in miseram istius Iustitiæ vitam erupit, & qui postea illius interfectori ad eundem Petrum aditus patuit, comprobauit. Nam cū Iacobus pater in Comitibus Executibus Ann.  $\infty$  CCLXXII. assidente hoc Iustitia, Petrum ipsum a generali Regni Procuratione amouisset, ad quam Primogenitos Regum iura nostra vocarunt: Petrus illatam sibi iniuriam hanc acerbissimè ferens, quamuis ea dere nulla Magistratus auctoritas in- 1272.



tercefferat, sed priuatum solum istius Iustitiæ, aliorumq; quorundam Regis ministro-  
rum consilium; nihilominus tamen visus est eum multo peius, quam alios odisse: eoq;  
etiam impendio magis, postquam iisdem Comitibus cum ab habitatoribus opidi, cui no-  
men est Zuera, quædam esset cum Ricis hominibus nonnullis, iniuria damni, contesta-  
ta lis, Zuerenses viri ex ipsius Iustitiæ edicto in bonorum possessionem, quorum Ricci  
homines potiebantur, venerunt, ut ex eis, quæ dicebant sibi fuisse facta, damna resarci-  
rent. Atq; Ricos homines eos Petrus quidem habebat studiosos sui. Propterea offensio-  
rem in se esse, quam pati deceret, istius Iustitiæ animum iudicabat: quod simultatem,  
quam secum gerebat, cum ipsius etiam Petri studiosis, ut ipse opinabatur, exerceret.  
1274 Itaque dum A. D. x i x. Kal. Iulii, Ann. Chr. ∞ cclxxiv. ad Xatiuæ opidum Beltran-  
dus quidam Canellas hunc interemit Iustitiā; repentina omnibus suspicio iniecta fuit;  
Petrum illi mortem attulisse. Sed neque id ipsum omni asseueratione affirmabo: tamen si  
interfector postea regnante Petro impunitatem non modo assequutus est sceleris, sed  
extraordinarios etiam honores. Castellezuelorum autem gentem patriciā fuisse perspi-  
cuum est planè: magnāq; satis eorum virorum copiam effudisse, qui singularem &  
virtutis, & dignitatis præstantiam, & interdum quoq; fortunæ consequuti sunt. Sed illi-  
us Pelegrini Castellezueli præter ceteros nobilitata fuit olim, quæ in tertio Interregno  
tantopere enituit, solertia: dum a nostris missus, ut Petro Ataresio Regnum de-  
ferret, committere sibi non placuit, ut nocere vniquam Reipub. posset tanta ho-  
minis insolentia, ac fastidium, cum se, ac Pettum Tizonium Cadreytam, eiusdem 20  
muneris socium, Ataresius ante oratam rem maiori, quam orata deceret, arrogantia ex-  
cepisset. Quamobrem mutato vultu, ac sermone, propositaque alia legationis causa,  
simulato officio eundem Ataresium, spe iam, atque animo inflatum, vacuum relinques,  
nostros ad Ranimirum monachum, Regem adseiscendum excitauit. Nec diu postea,  
siquidem Ann. ∞ cxlix. quidam Pontius Castellezuelus, *Senior in Calatayud*, vocitatus  
reperitur, proditurque eundem in Ilerdensi expugnatione Raimundi Berenga-  
rii Aragonensis Principis interfuisse consiliis. Istius verò Pontii fuisse filios, aut nepotes  
coniicio, Petrum Castellezuelum, & Pelegrinum Castellezuelum, in monumentis,  
Ann. Chr. ∞ clxvi. frequenter, priorem quidem Seniore quoq; in Calatayud, poste-  
riorem autem in Balbastro, & Alquezare, memoratos. A quibus suspicor duxisse genus 30  
suū, Raimundū Castellezuelū Cæsaraugustanæ Ecclesiæ ante An. Chr. ∞ clxxix. in quo  
obiit, præpositum Antistitem; illustre sanè illis temporibus sanctitatis, ac religionis ex-  
emplum. Tum etiam quemdam alium, Gulielmum Castellezuelum Maiordomum  
Regis, ac Seniore in Osca in monumentis An. Chr. ∞ cxcix. vocitatum. Quos omnes  
Ricos homines fuisse non dubito. Sed hunc Iustitiā ex Equestri ordine profectum,  
ut dicamus, publicæ eiusdem legis testimonio conuincimur: aliter enim minime Ma-  
gistratui potuisset præponi. Nihilominus suspicor à patriciorum stirpe dimanasse, illiusq;  
nobilitatem, ut plurimum aliorum, sensim ad Equestrium viro-  
rum Ordinem delapsam fuisse. Interdum enim eadem ipsæ familiæ vagæ, & mutabili ratione labuntur. Propter-  
ea eidem patriciorum Insignia tribuenda duximus. Per id autem temporis quendam 40  
Ferrarium Manresam, Iudicem Curia nominatum inuenio.

## XXIII.

## FORTVNIVS AHE



ET hic quidem Fortunius, Equestri, & clara Aheorum familia na-  
tus fuit: quorum antiquitatem è nobili Tahustii opido profectam  
Iacobus Rex scribit, & nos in antiquis Commentariis inuenimus. Sed  
iam pridem esse desierunt. Memoriam autem nec ipsa quidem vetu-  
stas obscurauit. Vna namq; usq; ad nostram ætatem remansit: eorūq;  
feruntur plures & domi, & militiæ singularem, ac promptam præstitisse 50  
fidem. Verum inter eos omnes Fortunium hunc memorabilia multa  
fecisse perhibent, in Siciliensi patrociniō præcipue. Regiæ namq; di-  
gnitati non defuit, nec cum periculo quidem suo, si quid tunc fuit, in quo ingenium  
quemquam interesse deceret. Ruderico autem in Magistratu successit Ann. Chr.  
1275 ∞ cclxxv. cui a Surita sublicitur in Annalibus: in Indicibus autem sequenti Ann.  
1276 ∞ cclxxvi. Nec longius comperio illius Iustitiarum productum. Eum autem  
hæc in re maxime memorabilem prædicant. Etenim cum seditiosi nonnulli  
Cæsaraugustanum interemissent ingenuum ciuem, Egidium Tarinum: Iustitia hic  
fontes



fontes illos, capite damnatos, morte mulctavit; quod Rex animaduersionem, & supplicium, quo vsurus erat in eos, remississet sibi. Ceterum *Vll*, ita vocati opidi, potitus fuit: quod eo mortuo ad Eximinū Artiedam peruenisse constat. Quo autem iure, neq; magis certam huiusmodi rerum rationem non comperi, quin illa his temporibus paululum interrupta est. Atq; ea me causa impulit, vt sermoni, qui nunc mihi proponitur, referuarim, quæ de Martino Sagarra veterum scriptorum monumenta testantur. Neq; enim tam apte ille inter aliorum Iustitiarum, quam inter horum *xtates*, potuisset interici: cum Salanouam antecessisse, iisdem ipsis appareat ex scriptis.

## XXV.

## MARTINVS SAGARRA




**I**Ta autem istius Martini Sagarra Iustitiatus tacitus fuit, vt nisi extraordinariis esset quorundam testimoniis cognitus, Iustitiam illum nesciremus fuisse. Ac de eo quidem satis multa monumenta loquuntur. Molinus enim in suo Repertorio, in verbo, *Probatio*, hæc *p*. dit. *Ann. Chr.* *ccxxxiv. in causa Bartholomæi de Azuara fuit deliberatū: quod probatio per euidentiā, inducebat casum manifestū. Et de hoc fuit dictum in dicto Consilio, quod erat quedam Obseruantia Domini Martini Sagarra, Iustitie Aragonū.* Sic enim illius nomen est scriptum. Tum idem alibi

in verbo, *Contributio*, eundem Sagarra perhibet Obseruantiarum nostrarum, vt illius verbis utar, compilatorem fuisse. Præterea Bages dum antiquos numerat nostrarum legum Obseruatores, hæc subdit: *Martinus* (inquit) *Didaci Daux, habitis penes se omnib. libris, quaternis Obseruantiarum, & vsuum scriptorum per Martinum de Sagarra, Sanctium de Ayerbe, Pelegrinum de Ançano, & Eximinum Petri de Salanona, Iustitias Aragonum; Ioannem de Patos, Jacobum de Hospital, & Arnaldum de Francia Locumtenentes; Obseruantias, quas habemus compilauit.* Et in plurib. aliis veterum monumentorū fragmentis clara ipsius Sagarra mentio reperitur: sed ea clarior, dum illius testimonio ipsius Magistratus institutio, vt supra docuimus, comprobatur. Illud tamen dolendum est, nusquam temporum seriem annotari. Vnde fit, vt obscura dilucidis intexere cogamur; Sagarra quidem Iustitiarum numero adscribentes, incertam verò relinquentes temporis, quo Magistratum gesserit, notationē: quod eam nequaquam adhuc studio, aut diligentia consequi potuerimus, neq; de illius genere compertum quid satis, quod afferre possimus, habeamus.

## XXVI.

## PETRVS MARTINI ARTASSONA II.



**I**Am verò Petro III. regnante, siquidem *Ann. ccxxxi. certa* *1281* *extant in publicis, ac priuatis literis monumenta huiusce Petri Martini Artassona II.* Nam eo anno proditur, à Rege missum fuisse, vt Magistratus auctoritate interposita, quæ inter Magalioneses viros, ac Lupū Didaci Harū ortē fuerant, cōtrouersias tolleret. Sed quid in ea causa effecisset, nequaquam proditur. Rem tamen bene actā opinor: quod magnū esset hominis in prouidēdo consiliū, & in agendo industria singularis. Cuius eū in publicis negotiis satis multa testimonia dedis-

set: tū verò præclarū illud, nec obscurū fuit, dū in ipsius Petri Regis regnādi initiis, in quibus tot turbines sæui exstiterunt; antiquā illam cœundæ Vnionis cōsuetudinē, ad retardandā acrem, & vehementē Regis naturam excitauit, quæ, vt in illius rerū narratione docuimus, tot mala, & pericula miseræ Reip. moliebatur. Tunc n. ad ea propulsanda, in amplissimis illis *Ann. Chr. ccxxxi. Cæsaraugustæ habitis Comitibus, Iustitia* *1283* *hoc assidente, quod nunc habemus, & generale Priuilegium dicimus, rogatum fuit.* In quo reposita fuisse videntur, quasi lumina quædam, & ornamenta Reip. ad memoriam sempiternam libertatis. Ea verò quod nostris grata acciderūt, eō Regi ipsi iniucunda, & acerba. Maior aut Regiæ acerbicatis vis in hunc potissimū Iustitiā erupit: quod eo auctore, & impulsore Rex ipse affirmaret fuisse nostros ad Vnionē illam cōflandam excitatos. Itaq; Magistratum eidē nec diu post, supposita quadā suspitionis causa, abrogauit; contra quam nostri fieri licēte, contendebant. Regis tamen voluntati in illis asperitatibus rerum, & angustiis temporum, obsequendum fuit: quia lex nondum lata erat, qua id facere, nefas decernitur. Sed inde penitus in nostrorum animis



cogitatio infedit, ut Magistratum hunc abrogationis difficultate septum esse, publica ea de re edita lege, curarent; ne qui huic muneri (in cuius sumus præsidio, & tutela) præpositus sit, intempestivè ab illius curatione cogatur discedere. Verùm de his mihi iam satis supra dixisse videor. Quamobrem missa faciamus, quæ iam dicta sunt, ut reliquorum Iustitiarum ætates, & gradus, de quibus modò propositus est sermo, persequamur. De hoc autem Iustitia plura haud comperi, quæ animaduertam, præterquam quòd Salanouam, aliquamdiu illius Locumtenentem fuisse observavi.

## XXVII.

## IOANNES EGIDII TARINVS.



**A**RTASSONÆ autem successit Ioannes Egidii Tarinus, Cæsar-Augustanensis civis, & fortis, & gravis, qui dominabatur Mozotæ. Tarinorum autem nomen in ipsa Vrbe magnum, & clarum fuit: fuere namque in ea olim Consulares duæ, ut ita dicam, familiæ; Tarinorum altera, altera Tarbarum, nimium dissidentes inter se. Quarum tam acris, & vehemens aliquamdiu fuit veteribus inimicitis incensa contentio, ut sæpenumero turbulentos, ac seditiosos populi motus afferrent vniuersæ Reipub. quietæ, & tranquillæ. Memini tamen, ni fallor, me legisse, fuisse eas nonnunquam, communium consiliorum societate coniunctas, familiariterq; & licenter in aliorum civium fortunas irrupisse. Verùm si id fortè aliquando fuit; ea omnis sanè inter ipsas fuit reconciliatæ gratiæ fides infirma. Sæpius namque in antiquis monumentis, earum dissensiones internectione civium diiudicatas comperio, non iam vlla reconciliatione concordiæ; alteramque semper alterius æmulam laudum exstitisse. Horum autem civilium malorum semen, quam supra commemoravi, Egidii Tarini mortem, fuisse coniicio. Neq; verò ea fuit, ut inimici crediderant, ipsum Tarinorum nomen obrutum: quinimmo elatum magis; quandoquidem plures ex Tarinis postea à Regibus fuere honorificentioribus decretis honestati. Sed omnium amplissimus Tarinorum familiæ honos, huiusce Ioannis Egidii Iustitiatus fuit. Ad cuius amplitudinem peruenit, gradibus ascendens Magistratum. Etenim cum omni prudentiæ genere, ac iuris civilis intelligentia præstaret; Iacobi Regis I. Consiliarius fuit. Ab eoq; postea, Ann.  $\infty$  cclxxii. Zalmetina factus est vrbis. In quem annum, seu non multo secus, idem ille grauissimus Egidii Tarini casus incidit. eo inimicorum suorum prorupit audacia, ut nulla neq; priuata neq; publica ipsius quasi Prætoriæ potestatis auctoritas, quam tunc Iohannes iste gerebat, illos posset à tanto edendo scelere auocare. Nec dubito, quin Iustitia hic, ipsius esset interfecti filius. In eo namq; Egidii illud patronymicum nomen id valet. Verùm hoc de meo sensu iudico: nam comperisse me, dicere non possum. Itaq; ut ad rem redeam, cum illius in gerendis rebus industriam Rex Petrus experiens, vehementer probaret; Magistratui Iustitiæ Aragonum eundem præfecit, Aprilis, ut proditur, mense, Ann.  $\infty$  ccxxci v. Quo in munere se gestit valde bene: ac præcipue cum Iudex præfuit amplissimis illis sequenti Ann.  $\infty$  ccxxcv. habitis Comitibus; in quibus præclara illa, quorum in narratione ipsius Petri Regis meminimus iura nobis constituta fuere. Neq; verò istius Iustitiæ opera nostris solum, sed & ipsi Regi exstitit grata, & iucunda. Iam enim ipse Rex exorabilem se præbere cœperat nostrorum querellis: ac si diutius vixisset, multo lenior fuisset, ac mitior. Nec postea sanè eadem ipsa istius Iustitiæ arguta sedulitas, iniucunda accidit Alfonso filio, qui eodem Anno, Regi Petro successit: quinimmo Alfonso proditur, Iustitia hoc ad grauissima sæpe usum fuisse, nihilque duri, nihilve acerbi fuisse sibi, dum se, effrenatè in nostros irruentem, Iustitia hic temperavit: vel quòd ea magna sit æquitatis vis, ut factum, in quo integra præstetur fides, improbari vetet; vel quòd ea esset, quæ vera fuit, optima ipsius Alfonso natura, ut se pateretur à falsa opinione, si in eam fuerat adductus, deduci facillimè. Et istius Ioannis Iustitiatus in ea dictorum Regum, Petri, & Alfonso, incidit tempora, quorum altera pars calamitatis nimium habuit, altera tranquillitatis parum. Amborum namque ipsorum Regum in nos, libertatesq; nostras acriores interdum exstiterunt impetus, quam deceret: ac nisi si opportunè fuissent compressi, haud mediocris facta fuisset iuris nostri iactura. Cum autem maiores nostri, illis temporibus, firmiora sibi esse ad eam rem præsidia statuissent, quæ in acerrima illa Vnionis vi, non quæ in Magistratus lenitate latèrent; Vnio autem ipsa non scripto aliquo, sed communi tantum fortasse usu, antiquo more, multisque & notissimis veterum



veterum exemplis niteretur: tunc deum maxime hoc patrium fundavit ius, quæ in  
 Casaraugustanis Comitibus Ann.  $\infty$  c c x x c v i i. ab eodem Alfonso Rege Vnionis Pri-  
 vilegiarum rogatio lata fuit. Quotum vtrumque significabat, non novam, aut infantem, 1287  
 sed antiquam, & veterem fuisse illam Vnionis à nostris conflandæ facultatem, ut à cerui-  
 cibus suis vi, & armis depellerent illatam vim; & quæ dispersæ non possent, singulorum  
 tandem collectæ vires retardarēt. Sed illud est, quamobrem non sui istius facti mentio-  
 nem intermittere, quod Iustitia hic, Comitibus illis Iudex præfuisse, in quib. Priu legia hu-  
 iusmodi rogata fuere. Nec longius constat illius Magistratum productum, quam in Ann.  
 $\infty$  c c x c. quo ab eo Comitialia quædam iudicia feruntur facta, ad quorundam Opti-  
 maturum causas componendas oportuna. Verum dicto anno, ut mihi quidem persuadeo, 1290  
 decessit. Filium habuit, D. Joannem Egidii Tarinum: itidemq; ædes, in parochia Sanctæ  
 Crucis locatas, quantum conicere possum, quo nunc, quæ Castrorum vocantur, sitæ  
 sunt loco. Integritatis, ac prudentiæ suæ magnum & Regi, & Regno desiderium reliquit.

## XXIIX.

## IOANNES ZAPATA CADRETO.



SED illud statim leniuit, qui ei successit, Ioannes omni laude, &  
 memoria dignissimus vir; ab antiqua, & generosa profectus Zapa-  
 tarum gente. Cuius cum existerent plures familiæ, variis illis, quæ di-  
 ximus, cognominibus appellatæ; hunc satis constat, ab ea, quæ de  
 Cadret cognomen sumpsit, originem duxisse. Siquidem Ioannes Za-  
 pata de Cadret dictus fuit; opiduloque ita vocitato, à Casaraugusta  
 non longè, ut opinor, potitus. Generis autem sui antiquitatem Vn-  
 castelli ex opido profectam esse, cum certa res sit: de insignibus Ar-  
 morum ita censui, ut ea hoc loco apponenda constituerim, quæ Zapatas inde oriundos  
 gestare consuevisse, tum omnium ipsius opidi incolarum, tum etiam picturæ, quæ ibi-  
 dem in vetustissimo clypeo Ecclesiæ Sancti Ioannis exstat, testimonio, ac fide compro-  
 bavi. At verò in Sanctæ Fidis illustri prope ipsum Cadreti locum cœnobio, quod  
 30 postea Michael Petri Zapata, clarus, & præstans vir circ. Ann. Chr.  $\infty$  c c c x l i v.  
 fundavit, & extruxit, eadem illa Valtorresiorum, quæ supra depinximus, Insignia, è ro-  
 bore dolata, hisce literis in orbem scriptis, inspicuntur: *Roderici Zapata, Fundatoris Filij.*  
 quasi istorum de Cadret, eadem illa prorsus, quæ Valtorresiorum, fuisse Insignia vi-  
 deantur. Etenim Iustitiam hunc, ipsius Michaelis fuisse patrem; proditur: tametsi  
 matris nomen non proditur. At is Michael filium habuit, ipsum Rudericum: an verò  
 ex Domna Sanctia Garcez de Iannas, an ex Domna Eluira Ruyz de Liborri (hasce  
 enim duas Michaellem habuisse uxores constat) incertum est mihi. Et Rudericus,  
 qui dicitur, Fundatoris filius, ex Domna Maria Sanctii de Huerta filium reliquit,  
 ac posteros, satis superque magnifici illius ædificii celebritate honestatos. Itaque  
 40 cum omnes hiæ Zapatis de Cadret fuerint, illæ autem, quæ in robore exstant in scul-  
 ptæ, literæ iam fidem faciant, Rudericum ipsum Valtorresiorum illa Insignia gestasse:  
 probabile sit, ut illud idem videatur de istius Iustitiæ Insignib. censendum esse. Sed à de-  
 finitione istius rei me omnino temperabo: nulla enim hæcenus monumenta, sigillo  
 istius Iustitiæ obsignata, deprehendi, ut certi quid statuam hac de re. Quapropter alia  
 proferam; explorata quæ habeo, ut exponam: scilicet Iustitiam hunc Alfonsi Regis à  
 consiliis fuisse, tantamq; virtutum omnium præstantiam consequutum, ut nemo se  
 ei, neque honore, neque gratia anteferreret. Ad Angliæ Regem Ann.  $\infty$  c c x x c v r.  
 legatus missus, socium habuit Petrum Martini Artassonam I. I. cui Petrus Rex Iusti-  
 tiam, ut diximus, abrogavit. Anno autem  $\infty$  c c x c. in Ioannis Egidii Tarini locum  
 50 suffectus, non eodem solum, sed maiori etiam pondere apud omnes fuit. Cumque se-  
 quenti Ann.  $\infty$  c c x c i. Anglicam iterum legationem obisset, ut conficeret dotem  
 Reginae Eleonoris, Angliæ Regis, filia, nostri autem Alfonsi Regis sponsæ: inde Rei-  
 pub. voce reuocatus est, quod Alfonsus ipse immaturè è vita, in ipsa iam aduentantis  
 coniugis expectatione, excessisset. Neque verò qui ei successit frater Iacobus, postquam  
 Regni curationem suscepit, deliberationibus, quas habebat de Rep. plurius quemquam  
 visus est facere, quam ipsum hunc Iustitiam. quin illum solitus est, in consilium sibi fre-  
 quentius adhibere. Ipse verò Iacobo Regi multis in rebus magno vsui fuit, & fides  
 eius, & prudentia, quantum studio, & fidelitate consequi potuit, illi non defuit. Cum-  
 que ex eo Rex in plurimis negotiis bene sperauisset, tum autem magis existimare cœpit ex



1292 iis iudiciis, quæ de eodem fecerat, cognitis Ann.  $\infty$  ccxc i i. in conciliandis sibi quorundam Ricorum hominum animis, qui ab ipso Rege dissidio diffidebant. Quorum Artaldus Alagonius primarius vir erat, Theresiæ Petri, sororis Regis, maritus: qui non ciuili solum contentione cum Rege, sed prope etiam armis decertarat. Eum igitur, & omnes alios cum ipso Rege prudenter consociauit. Rursum Ann.  $\infty$  ccxciv. Magistratus auctoritate interposita, similes discordias ab eo sedatas comperio, magnamq; in quam plurimis monumentis illius Iustitatus, nominisq; & cognominis Zapata de Cadret, factam mentionem. Eo autem anno illum conicio mortuum fuisse: Magistratu saltem ab iisse, compertum est satis; cum eodem ipso anno notatum sit illius, qui ei successit, Iustitatus initium. Hi vero eius ætate Iudices Curia inueniuntur: Martinus Petri Huesca: 10 Guilielmus Galuanus: & Raimundus Cuyllanus. Quos hic propterea nominandos duxi: vt quam diuersa eorum fuerit à Iustitiis Aragonum ratio, perpendatur.

## XXIX.

## EXIMINVS PETRI SALANOVA.

1294



ORDINEM autem sequens necessario incurro in notam illam, & iucundam Eximini Petri Salanoue, omni monumentorum genere memoriam consecratam. Ioannis enim Zapata successor fuit, in eius locum eodem ipso Ann.  $\infty$  ccxciv. Surita teste suffectus. Ita autem est ad nostrorum temporum rationem vetus, vt Vitali excepto de pri- 20 sca nostra iudiciorum disciplina nullius scripta, lectione digna, existent antiquiora. Neque verò ea nisi priuata exstant; & manca, & imperfecta pleraque. Neque scripsit solum, sed & docuit alios. Fuit enim omnino vir egregius; & Eques cum primis honestus, ac præstans intelligentia iuris ciuilis; antiquitatisque nostræ, & in inuentis, & in actis scriptorum veterum peritissimus. Tam vacuas autem suas omnibus aures præbebat, vt eius domus cunctis nostris, tamquam Isocratis quondam vniuersæ Græciæ, quasi ludus quidam patèret, discendi- 30 que officina. Omnes enim vehementer delectabant illius pleni literatæ senectutis sermones. singularis præterea, & grata in eius vultu seueritas, tum etiam verborum pondera; cum ex ipsius ore nihil vmquam non consideratum exiret: Quæ omnia vitæ 30 decorabat integritas. Sui autem nominis splendore, ac muneris, cui præfectus fuit postea, dignitate, fiebant magis speciosa, & illustria, quæ dicebat. Cum verò multa scripsisset accurate, tum magna dedit dicundi iuris præcepta: quæ si minorem habent apparatus, sunt enim exilia, tamen habent ordinem, & quasdam errare in eo non patientes vias. Ab eo autem quod ille, tum diuturna obseruatione notasset, tum notata ab aliis, quæ diffusa, & dissipata erant, coegisset in genera: Obseruantia Salanouæ, dicta sunt. Cuiusmodi satis multa exempla protulimus, dum locum illum de antiqua Ricorum hominum dignitate tractauimus: itidemque responsa, ex iis quæ exstant, nonnulla, Iacobo Regi I I. quo cum ætate coniunctus fuit, de publico nostro iure sciscitanti, data. Cum enim apud omnes multum, tum apud ipsum Regem plurimum, auctoritate 40 valebat. De eo denique ita ad vnum omnes sentiebant, vt lumen esse, atque ornamentum Reip. prædicarent; & ad Magistratum gerendum magis idoneum reperiri, quam ipse erat, potuisse neminem: præsertim cum iam ab adolescentia dedisset documenta maxima, quam incorrupte, atque integre iudicaret, dum Petri Martini Artassona I I. locum, vt dictum est, tenuit. Itaque cum Iustitia Aragonum modò renuntiatus fuit, & expectationi populi, & ipsius Salanouæ erga Remp. meritis satisfactum fuit æquè. Postquam autem Magistratum obtinuit; non magis iuris consultus, quam iustitiæ fuit. Cumque in vtraque re consultissimus esset; ita iustus, & bonus vir erat, vt natura, non disciplina videretur consultus. Per multos annos Magistratum gessit. Cuius omnem vim in publica salute consumpsit, communique tuenda Regis, ac Regni domestica, ac 50 ciuili concordia. quæ tandem istius Magistratus sunt partes. Ceterum quæ effecit ipse iis Comitibus, quæ eo præfide, Ann. Chr.  $\infty$  ccc.  $\infty$  cccci.  $\infty$  cccvii. &  $\infty$  cccxi. 1300 tum Cæsaraugustæ, tum Alagonis opido, tum etiam Darocæ, habita fuere: persequuti iam sumus intra Iacobi ipsius rerum narrationis cursum. Quapropter missa ea faciemus. 1301 Illud tamen notandum videtur, ne quis fortasse legens decipiatur, Iustitiam 1307 hunc, quandoque P. de Salanoua tantum, nominatum pluribus in locis inueniri: vt in Proœmio Fororum eiusdem Regis Iacobi. quasi sat sibi interdum duxisset; proprio Eximini nomine suppresso, solis patronymico, & gentilitio nominibus appellari. Quod qui ignorant: alium esse Iustitiam arbitratur. Sed eundem hunc ipsum esse, conuincitur 1311 tum



tum ex publicis monumentis, quę per eadem tempora conscripta extāt quamplurima, in quibus Eximini illud nomen ab eo expressum fuit; tum graui Suritę testimonio, qui illius Iustitiatum ab Ann. Chr.  $\infty$  c c x c i v. in Ann.  $\infty$  c c c x x x. producit: tum Ioan- 1330 nis etiam Eximini Cerdani auctoritate, qui Eximinum Petri Salanouam testatum reliquit, per quadraginta ferme annos Magistratum gessisse: quamquam oblitus est omnium, qui eum antecesserunt, à Petro siquidem Petri Tarazona. Quem cum primum Iustitiam Aragoniū numerasset, Salanouā hunc secundū introduxit. Sed quę me caussa impulit vt ex ea annorū summa, q̄ Surita Iustitię huic tribuit, quinque annos in Fastorū editione detraxerim, & quid in vtramque partem mihi veniat in mentem; statim in sequentis Iustitię narratione explicabo, dum prius de domesticis istius Salanouę rebus concludam. Magnam enim intra suos quoque parietes aluit gloriam. Vxorem habuit Domnam Martinam Petri Tarbam, locupletem, atque optimam fœminam. Quam V. Id Iulii obiisse notatum comperio in codice Kalendarum Ecclesię de *Pilari*: Annum autem silentio prætermisit, quisquis ille fuit publicę illius scripturę magister. Ex ea vxore plures filios, ac filias procreauit. De quorum progenie, præter id, quod Cerdanus refert, nihil habeo, quod dicam: & ille etiam prodit, Salanouę ædes in Beatę Marię parochia fuisse sitas; atque eius corpus in eiusdem Virginis templo sepultum, in Sãtę Fidis, quod nunc Villanouarum gentis est, sacello. Verum ita hæc omnia confecit, ac consumpsit vetustas, vix iam vt appareant. Iam verò hi Iudices Curię in Salanouę Iustitiatu tempora inciderunt: Raimundus Besalú: Rudericus Egidii Tarinus: Petrus Villarafa: Guilielmus Aulomarius: Sanctius Sanctii Munnozius: & quidam alius *Bosho Eximini*. Neque verò isti omnes simul, eodemve tempore, sed quorum alii aliis successerunt. Minimè tamen deinceps eorum seriem persequemur: cum Iustitiarum, qui post Salanouam fuerunt, apta iam, & continuata series inueniatur: Iudicum autem Curię nō nisi longis interuallis temporum interrupta, quippe qui nec diu post esse desierunt. Non tam verò nobis propositum fuit, eorum nomina, ac ætates indicare: quam vt temporibus notatis singulorum, facilius comprobetur, Iudicum Curię Magistratum, à Magistratu Iustitię Aragonum diuersum existisse.

## XXX.

## SANCTIVS EXIMINI AYERVIVS.



POST Salanouam ergo, Magistratum obtinuit Sanctius Eximini, qui gentilitium nomē suum ab Ayerue traxit. Ayeruiorum autem (vt ex ipsius domini Archiepiscopi scriptis colligitur) duę olim familię fuerunt: Regalis altera; altera patricia; quę à Regali, patronymico eo Eximini nomine, distingui consuevit. Ego verò tertiam adiungentem, Equestrem scilicet: ab eaque Iustitiam hunc profectum affirmarem. Ac Regalis quidem auctor, & parens fuit, D. Petrus, Infans Aragonum, Iacobi I. & Domnæ Teresię Egidii Vidaure, vt diximus, filius. Is enim cum Ayeruii opido, ac ditione donaretur à patre; D. Petrus Ayeruius vocitatus, Ayerue illud gentilitium nomen, inde sibi impositum, posteris suis hæreditariū reliquit. Sed iampridem omnis eius euauit posteritas, cum Ayeruiensis illius veteris imperii vestigio. Patricię autem Ayeruiorum familię quisnam auctor fuerit, ignoro. Non enim me pudet, quod nesciam, fateri me nescire. Belasconem quemdam Eximini Ayeruium in priscis monumentis sæpius nominatum obseruau: quem memorant à Petro III. Rege, *Acheblas*, ita vocata villula, donatum primū, ad intima postea Alfonsi Regis filii consilia perueuisse. Acheblas autem villulam, intra eius opidi fines constitutam tradunt, q̄ Galicolim quondam, modò Lunam vocitari retulimus. Nec verò inueni hætenus Ayeruiorū nominis quemq̄ antiquiorem. Illius ergo Belasconis nonnullis placet Sanctium hunc, gentilem fuisse. Sed eum, tametsi patriciorum illa, quę supra appinximus, Insignia gestarit: à patriciis tamē duxisse genus suū, non ausim affirmare: cum patriciū huic muneri præponi lex nostra vetaret. Idcirco tertią Equestriū Ayeruiorū familiā libeter, vt dixi, duab. priorib. adiunxisse: nisi fortè eorū, vt aliorū plurium, aliquādo factę fuerint ab vno Ordine ad aliū trāsitiones. Vt vt aut se res habeat, Iustitiā hūc Equestri loco ortū esse, certa res est. Neq; verò ad publicū hoc mun⁹ capeffendū ignarus legū aut iuris, hesitāsve in maiorū institutis accessit: sed tū industria, ac labore instruct⁹, & doctrina; tū à Salanoua optima sui imitatione eruditus, q̄ diu tenuit illi⁹ viui, ac spirātis locū.



Etenim cum eius Locumtenens esset; mortui postea locum occupauit. Sed tamen hæc mihi circa temporis notationem occurrunt. In Declaratione enim Priuilegii generalis, cuius supra fecimus mentionem, & à Iacobo II. facta fuit in Cæsaraugustanis Ann.  $\infty$  c c c x x v. habitis Comitibus, non iam ali quo suppresso nomine, ut in obser. 8. Item pone. tit. De probationibus; sed expressis verbis, *Sanctus Eximius de Ayeruius, Iudex Curia*, subscriptus reperitur. Et quoniam rogatio ea in publicis Comitibus lata fuit, Comitiorum autem Iudicem, dum de Comitibus egimus, Iustitiam Aragonum esse docuerimus, ac Iudicem Curia, id est, generalis Curia in Comitibus scriptis, cuiusmodi est illud, appellari; quod generalem Curiam, & quandoque Curiam simpliciter, latine loquentes, Comitalem illum Regum, ac Regni conuentum nuncupemus: sequitur ergo his constitutis; quandoquidem in Comitiali sermone tota ea Declarationis Priuilegii versatur oratio, ut cum Ayeruium huc, eo tempore Iudicem Curia esse appareat verborum vi, & interpretatione vrgeamur, ut de generali illa Curia intelligendum sit: minime veto de eo Magistratu, quem cum diuersum fuisse à Iustitia Aragonum Magistratu iudicamus, Iudicem Curia vocari solitum, Regiaque Curia affectatoribus ius dicere consueuisse protulimus. Eum enim, Iudicem Curia in Comitibus decretis appellari nec debere, nec posse, multoque minus Comitibus interesse, non dubito. Si igitur generalis Curia: efficitur ergo, ut Ayeruium iam, eo Ann. Chr.  $\infty$  c c c x x v. Iustitiam Aragonum esse concludatur, errasque Suritam, & alios, qui Salanoux Iustitiam longius produxerunt. Atque eo etiam magis, quod in ea Declaratione nulla fit Salanoux muneris memoria, nec nominis: cum fieri debuisset aliqua, si non muneris, id enim video omnino necessarium non fuisse: nominis saltem nec ingratis; quandoquidem is vir erat, quem tanta de re & consuli, & scire æquum erat. Tale enim eius iudicium non poterat non cuius summe esse iucundum: quod cum ita esset, esse omnibus gratum, necesse fuit. Atque hæc quidem sunt, quæ in hanc videntur sententiam duci posse: quæ sequuntur autem, in contrariam partem afferri. In primisque Surita testimonium. Is enim prodit Salanoux, Ann. Chr.  $\infty$  c c c x x x. obiisse: post autem aliquanto, eodem Anno ipsius locum Ayeruium occupasse. Quod tamen illud per se ipsum solum constare posset, nuperrime tamen inueni grauiissimo alio argumento confirmari. In Tabulario namque Ecclesie de *Pilari* publicas literas perlegi ab ipso Ayeruius Magistratus auctoritate eodem Ann. Chr.  $\infty$  c c c x x x. xi. Kal. Martii inter opidorum de *Calatorau*, & de *Cappanis* (sic enim ea nominat) habitatores rogatas: in quibus, dudum Salanoux suum prædecessorem fuisse, memorauit. His enim verbis se ipsum loquentem inducit. *Dudum Dominus Eximius Petri de Salanoux, Iustitie Aragonum, prædecessor noster, per suam literam mandauit.* Omitto reliqua, quia ad institutum nihil pertinent. Cum ergo ea vox, dudum in eiusmodi publicas tabulas relata, de breui tempore dici consueuerit, nec æque videatur posse ad quinque annorum tempus retorqueri, maxime verò in forensi nostra, ac iudiciali loquendi consuetudine: fit quoque quod inde sequitur, necessarium, & ut id maxime cum eo Surita testimonio conueniat. In quam tandem sententiam ingenuè fateor me esse propensorem, postquam publica ea inspexi dictæ Ecclesie de *Pilari* monumenta. Suspicio enim accidisse, ut Salanoux, quo tempore generalis ea Priuilegii declaratio rogabatur, aliqua vis morbi conficeret, aut grauis alius, infestusve casus; qui à Comitiali illo congressu eundem auocaret. Cumque iure nostro constitutum sit, ut Iustitie Aragonum absentis, Locumtenentes munus exequantur; eo autem tempore Ayeruius; Salanoux esset Locumtenens; Salanoux verò ibidem non adesset: obeam causam, Ayeruium eo loco Iudicem Curia appellari: non quod suam (quasi iam tunc Iustitia esset) sed quod alienam, (Salanoux scilicet absentis, cuius operæ vicarium, eo casu, ipsum Locumtenentem supponi lex nostra iubet) grauem illam Iudicis Curia personam sustineret. Itaque sic illum Declarationis locum interpretor, ut dum se Ayeruius, Iudicem Curia, appellauit, generalis illius Curia intelligamus: id autem non tam suo, quam Salanoux absentis nomine usurpatum: ideoque ipsius fuisse mentionem intermissam. Neque hæc interpretatione mea aut planius exprimi possunt, ornatiùsve explicari. Ut igitur modum aliquem, & finem huic disputationi faciamus; in Ayeruius hoc certum ponitur, eum dicto Ann. Chr.  $\infty$  c c c x x x. Magistratum gessisse, Alfonso III. dicti Iacobi II. filio, iam regnante Rege. Et verò vir fuit auctoritate grauis; ac tum publici, tum priuati iuris peritus. Nonnulla obseruauit circa nostrorum iudiciorum morem, quæ Iacobus Hospitalis postmodum inter eas, quas notauit Obseruantias Salanoux, collegit, seque ea fatetur ex variis cum eodem Ayeruius habitis sermonibus excepisse. Eum namque ætate consequutus est, & ipse eum audiuit, & scribit de mor-



tuo in ea, quam adduximus, octaua, tit. *De probationibus*, Obseruantia. Sic enim ait, *Fuit per consequens absolutus per sententiam domini Sancti Eximini, Iustitia Aragonum, me presente.* Nam quæ veteres legum Obseruatores, memoriæ causâ, in singulos libellos retulerunt: casuere, auorum ætate, à Martino Didaci Auxio Iustitia Aragonum, cum selectis viris, in publicas tabulas, quas Obseruantias appellamus, ex Comitiali decreto, & stabili auctoritate, relata. Auxius autem eadem ipsa verba, quibus conscripta erant, supposuit, ne quæ oportebat fides, in vniuscuiusque eorum sententia simpliciter referenda, deesset. Itaque sic accipi debent, quæ in octaua ea Obseruantia continentur, non quasi ab ipso Martino Didaci prolata, vt vulgus imperitorum existimat, sed vt ab Hospitali de hoc Iustitia Ayeruius dicta intelligatur. Eo enim tempore primò attigit forum Hospitalis. Et tunc etiâ, paululūverò ætate antecedens, floruit Ioannes Petri Patos, Cæsaraugustanus, vt ipse de se tradit, Iurisperitus, ac Miles. De quorum scriptis ea fuit olim opinio, vt plurimum tribueretur ambobus. Vterque namque eorum scriptitauit. Patos quidem quosdam in nostras leges edidit Commentarios Ann. Chr. ∞ cccxxxv. antiquitatem ipsam redolentes, 1335 & qui valde probati priscis illis sæculis fuerunt. Sed an viuo, an mortuo hoc Iustitia, cōperum non habeo. Nam eodem anno plus minus Ayeruius interijt. In Hospitali tamen postea laus fuit illustrior, quod diligentius, ac melius de ipsis legibus scripsisset. Sed de eo alibi dicendi locus erit. Ita autem amborum euauerunt scripta, vt vix vlla exstent. Neque quid ab Ayeruius hoc proditur memoria dignum: præter illud, quod in Alfonsi IV. vita protulimus, in controuersia de finibus Ortæ opidi factum iudicium. Nec dubito, quin si illi vita longior fuisset data, tulissetque fors; plura alia fecisset grauiora. De ipsius autem obitu nullam certiore temporis notationem inueni. Cerdanus perhibet ad Sancti Dominici Cæsaraugustanense cœnobium in sacello beati Thomæ sepultum fuisse: domosque habuisse in parochia Sancti Saluatoris locatas, domibus D. Ioannis Gilbertii coniunctas, quantum coniecere possum, in exteriori Urbis ædium parte, vbi nunc sita est magnifica, & nobilis eorum, qui mercaturam exercent, officina. Nepotem ex filio habuit Sanctium Eximini Ayeruium, qui Sacri obiit Ann. ∞ cccclxix. Cuius soror D. Maria Eximini Ayeruius, opidi *de las Pedrosas* dominata fuit, Cerdano viuo; sed longius illo, vt ex ipsius scriptis apparet, grandiori ætate prouecta. Et verò Ayeruiorum nomen vsque ad nostra tempora manauit: ac fortasse etiam genus. Non tam enim puto illud extinctum esse, quam repressam eius, ipsa vetustate memoriam. Sed nunc ad eum veniamus, qui Ayeruius in Magistratu successit.

## XXXI.

## STEPHANVS EGIDII TARINVS.



ET is quidem, Tarinus iste fuit; qui & rebus suis gestis floruit, & maiorum etiam nixus opinione: ac si non diu spiritu, minimè enim biennium cōfecit, virtutis tamen, & doctrine laude vixit, nominisque splendore diutius. Doctum virum fuisse proditur, & in forense nostro vsu, & exercitatione versatum; nonnullaq; tametsi exaruerunt, de nostris legibus scripsisse: quo in genere studiorum, illa ætas magnâ doctorum hominum copiam effudit. Ioannis autem Egidii Tarini gentilis fuit. Cuius recens eo tempore erat, nec iniucunda nostris memoria Iustitiatus. Et istius quidē Stephani in tā exiguo, & breui sui Magistratus curriculo, hoc habuit ad decus, & gloriâ maxime insigne: q; eo Iustitia, atq; vt tunc omnibus persuasum fuit, eo auctore, & impulsore, Quartus idē Alfonso Rex de Regio iure Magistratui concessit; vti deinceps Iustitiis Aragonum perpetuò liceret, publicos Curie sue Notarios adhibere, quibus ad exercenda iudicia assidue vteretur. q; ad muneris dignitatē amplissimū ornamentum fuit, ad vtilitatē verò non leue. Ex eo enim Iustitiis satis apta viuendi ratio cōparata est. Nam ante dictum tempus, solū ipsis decretum erat annuū Florenorum auri, q; ex Regum ærariis persoluitur, stipendium, & quæ ipsi iura, pro singulis sententiis ferendis, à litigatoribus exigebant. Sed hac de re graue nullius, nisi Cerdani testimonium comperi: idq; sine vlla temporis designatione (q; in eius scriptis maximum vitium est) sed tantum personarum. Inde autem colligitur, necessariò factum illud in extrema ipsius Alfonsi tempora reiiciendum esse, atque vt coniecturam capio, in Ann. ∞ cccxxxv. quo & 1335 superior Iustitia mortem obiit, & hic in eius locum suffectus fuit: qui non longius suam vitam perduxit, q; ad sequentē Ann. ∞ cccxxxvi. Tunc enim Iustitiā hunc mortuū fuisse, 1336



memoriæ traditur: & ad Sancti Dominici cœnobium nobili in sepulchro constitutum. Vxorem habuit, D. Eluiram Lupi Verguam, patriciæ Verguarum gentis à nobilissima stirpe profectam. Quæ filium, & filiam peperit: filium quidem, Stephanum Egidii Tarinum, quem sine prole decessisse suspicor: filiam verò, certa res est, D. Gombaldo Tramacetio, patricio itidem fuisse postea nuptam nobilissimo viro. D. Gombaldus autem filium habuit, D. Gombaldum etiam vocitatum: qui vnicam filiam, quam suscepit, D. Petro Castro, patricio quoq; viro, despopondit; eidemq; præter aliam dotem largitus est ædes in parochia Sanctæ Crucis locatas, quæ Ioannis Egidii Tarini, vt exposuimus, quondam, postea verò istius Stephani iustitiæ fuerunt. Atq; eo pacto illas ferunt in Castrorum gentis potestatem venisse. Et inde etiam ducuntur ad suspicandum nonnulli, hunc Stephanum, ipsius Ioannis filium esse, aut nepotem. Nec mihi quidem displicet, vel dicam, ea maximè placet coniectura.

## XXXII.

## PELEGRINVS ANZANVS.

1336




1337

STEPHANI successor, Pelegrinus iste Anzanus fuit. Siquidem illum eodem ipso Ann. Chr.  $\infty$  cccxxxvi. Iustitiam Aragonum nominatum in publicis monumentis in Tabulario de *Pilari* reconditis obseruavi; expressamque illius, quod in iudicio A. D. V. Id. Iul. pro Tribunali sederet, factam mentionem. Itaque non successit, quemadmodum imperiti nonnulli prodidère: sed alteri antecessit Pelegrino; cuius continenter ætatem ac res gestas persequemur. Et idem Surita, Pelegrinum hunc Ann. Chr.  $\infty$  cccxxxvi. Iustitiam esse, & a Petro III. qui iam Alfonso patris Regna adeptus fuerat, mense Martii ad Romanum Pontificem maximis de rebus legatum fuisse missum, locuples est auctor in Annalib. Quin & in Kalendarum codice eiusdem Tabularii ita istius Iustitiæ obitus diè notatum inueni. X. Kal. Iun. *Obiit dominus Pelegrinus de Anzano Iustitia Aragonum Anno Domini Millesimo Trecentesimo Trigesimo octauo*: longius siquidem, quam ego in Fastis illius Iustitiatum produxeram. Indidem autem elicitur, vxore orbatum, Martina Ayfa vocata, decessisse. Sic enim in eodem codice scriptum est de ea. V. Non Mart. *Obiit Domina Martina de Ayfa, vxor domini Pelegrini de Anzano Iustitia Aragonum Aet.  $\infty$  cccxxxv. Anno scilicet  $\infty$  cccxxxv.* Ceterum nihil scripture dignum prodit ab hoc Iustitia in Magistratu decretum. Illum Iurisperitum, ac Cæsaraugustanensem ciuē fuisse cōstat, atque ab ingenuis profectum, quos Infanciones appellamus: vt nuper in publicis ipsius ingenuitatis literis perlegi. In quib. se Anzano opido, antiqua Infancionū stirpe ortū profiteretur, ibiq; & genus suū, & maiorū suorū vestigia cōtineri quasi quæ sibi, ac suis loci, & generis; eadē etiā & nominis partia fuisset. Vnicā filiā habuit, D. Mariam Lupi Anzano. Cuius postea filiā, Ioannis Lupi Sessessii Iustitiæ Aragonū filio nuptā fuisse primum, deinde eo mortuo, Valentino cuidā D. Petro Villaragutio, nobili viro, matrimonio coniunctam, Cerdanus scribit: itidēq; istius Iustitiæ ædes in parochia Sancti Iacobi sitas, ad Berengariū Bardaxinum Iustitiæ Aragonum peruenisse. De sepultura aut hæc tradit: illius nempe corpus ad Beatæ Mariæ de *Pilari* Ecclesiam delatum, & in sepulchro conditum fuisse in sacello, quod sua ætate Sancti Azenarii Gardenii erat. Sed iam hæc omnia interficere: nec mirum, cum rerum hoc natura, nec manens, sed inconstans ratio ita ferat.

## XXXIII.

## PELEGRINVS OBLITAS.



INFRÀ superiorem autem Pelegrinum, Pelegrinus alter Iustitia fuit: qui ab Oblitas Nauarræ opido & maiorum genus, & inde etiam traxit nomen suum. In hoc enim ambo hi Pelegrini, simillimi videntur fuisse. Et hic quoque legum peritus fuit, & à Cæsaraugustanensi populo ciuitate donatus. Nam ortu Aragonensis erat; nec aliter potuisset Magistratui præponi: maiores tamen sui, externi, & aduentitii; ab eo Oblitas opido ad Tahustii opidum traducti fortasse. Atq; hoc non aliunde, quam ex literis ingenuitatis huiusce, vt suspicor, Pelegrini coniicio. Proximis namque diebus penes me fuere publicæ literæ, ab Alfonso III. Cæsaraugustæ decretæ VII. Id. April. Ann. Chr.  $\infty$  cccxxxv. In quibus Alfonso ipse, de quodam Pelegrino Oblitas verba faciens, cum eum esse Cæsaraugustanensem ciuem memorasset: *Dictus* (inquit) *Pelegrinus coram Eximio Petri de Salanova Iustitia*



*Iustitia Aragonum*, probata prius sua Infancione possessione, ad eam saluandam produxit duos Milites Iuratores: Fortunium de Burgia, & Michaellem Petri del Castellar, vicinos de Tabust: qui dixerunt eum esse Infancionem: & quod ostenderent Casale, si necesse erit, unde sua ingenuitas processit. quod dixerunt esse de Oblitas. Vnde Nos Alfonsus Rex dictum Pelegrinum, Infancionem esse declaramus. Ac dum Magistratum adeptus fuit: Militiæ dignitate illustratum ad munus capeffendum oportuit accedere: quod difficile factu non fuit, cum, vt dictum est, Infancionum Ordo Ordini Militari sit proximus. Nec dubito quin hic etiam fuisset e Salanoux ipsius disciplina doctus. Vix enim quisquam, ad Magistratum gerendum idoneus, videbatur illis temporibus, qui non prius a Salanoua traditam ad iudicia exercenda scientiam percepisset. Cum verò ad eam re Pelegrinus iste instructus accessisset multa, & optima & bene dicendi, & rectè faciendi nobili magistra doctrina: probari omnibus vehementer coepit. Sed Petro III. Regi præcipue: postquam illius fuit maximam industriam expertus. Itaque eum muneri statim præfecit, eodem ipso, vt suspicor, quo Anzanus mortuus est, anno: saltem sequenti Ann. Chr. mcccxxxix. Maii mensis, Pelegrinum hunc, & Oblitas, & Iustitiam Aragonum nominatum, vna cum vxore D. Sanctia Petri de Larraz fuisse censum comperio certam pecuniæ quantitatem Priori, ac Canonicis Ecclesiæ de Pilari, ob sepulturæ locum sibi, ac posteris in beatæ Annæ, Virginis matris, sacello constitutum. Qua de re legisse me attestor eam, quæ adhibita tunc fuit à Michaelle Petri Moriello Notario stipulationis formula, ipsius rei, ac temporum rationi consentanea. Atque id mirificè cum Cerdani testimonio consentit: qui Iustitiam hunc prodit in dicto Beatæ Annæ sacello humatum fuisse. Illius tamen obitus dies in dicto Kalendarum Codice his verbis notatur. *Prid. Non. Iulii obiit dominus Pelegrinus de Oblitas Iustitia Aragonum Aer. Millesima Tricentesima Septuagesima septima: Ann. Domini. mcccxxxix.* tam brevis sibi vita post Magistratum adeptum data fuit, vt vix videatur integri anni tempus confecisse. 1339.

## XXXIV.

## GARSIAS FERDINANDI CASTRVS.



CETERVM quemadmodum Ayeruiorum, vt diximus, duæ: sic & Castorum duæ quoque familiæ fuerunt. Quarum altera, Regalis habita, & dicta fuit; quia ab eodem ipso Iacobo I. Rege, scilicet à Ferdinando Sancti, illius filio, cuius in eius vita meminimus, propagata: altera Equestris, cuius quisnam fuerit auctor, non proditur. Proditur autem, quod certum existimo, ab ea Iustitiam hunc, atq; illum ipsum Petrum Ferdinandi Castrum, Iustitiam itidem, quem supra retulimus, ortos esse: deq; Armorum Insignibus priores a posterioribus in eo, quod singulis tribuimus, animaduertique facile potest, discrepasse: nempe vt qui genere differebant, distinguerentur Insignibus. Cumque vniuersa ea Castorum gens, atq; adeo illa ætas, plures tulisset præstantes viros: inter eos omnes Garsias iste Ferdinandi Castrus vnus excellens fuit: homo tum omni laude, ac Equestri ipso ordine, è quo ortus erat, dignissimus, tum verò etiam Magistratu. Ad cuius amplitudinem eum, post Pelegrini posterioris interitum, Regis Petri IV. beneficentia perduxit. Neq; verò ipse fuit tam literis, ac doctrina præstans, vt opinor; quàm naturalem quamdam prudentiam consequutus, assiduo maximarum rerum vsu, & tractatione expolitam: tametsi non dubito, quin ad eximiam eius, illustremq; naturam vis aliqua accederet, nec inops ratio, cognitioq; doctrinæ: cum non vulgaris, aut domestica, sed artibus, & disciplina limata suorum consiliorum maturitas videretur. Atq; huic eius solertiæ oblata tunc fuit diuturna illa, & grauis domesticarum seditionum tempestas, ignito eiusdem Regis furore, insatiabiliq; cupiditate nouandarum semper rerum concitata. Cui tametsi ab eo prouisum non fuit, quominus vehementes vndiq; venti, ac turbines sæui exstitissent (neq; id enim præcaueri potuit, cum non tam commutabilis esset Regis natura, quæ se patereatur ab ea, quam semel ingressus fuisset, via, villo flecti negotio, aut detorqueri) at eius tamen opera, quamdiu vixit, desiderata non fuit, in auersis tum ipsius Regis, tum populi conatibus reprimendis, quin, quantum ipse posset, Remp. labentem consilio, fortuna, ac fide sustineret. Sed profectò fuit fatalis illa quædam veteris Vnionis fortuna, vt in idem tempus inciderent, & Regis, & nostrorum hominum mentes, ad eas perturbationes procliues: quamquàm nō defuere sani, & integri viri, qui quietas cogitationes callidioribus consiliis prætulerunt. E quorū numero cū Garsias hic esset, minus seditiosis hominibus probabatur. Priusquam autem amplissimū hoc munus obiret, eiusdem Petri cōsiliarius



fuit: ab eoque ad Alfonso patrem Ann.  $\infty$  c c c x x x v. Valentiam missus de priuatis controuersis, quæ inter eos fuerant ortæ, transigendis. In Petro namque inexplebilis illa agendi semper aliquid cupiditas, vna cū ipsa ætate adoleſcebat. Ita autē tota ea ratio ab hoc Garſia temperata fuit, vt ambo in illam, eo arbitro, ac diſceptatore vterentur: & cū ipſe ambobus fidem ſuam, ac diligentiam præſtaret, vterque illum numeraret ſuum. Ipſe verò neutrius ſtudio plus, quàm concedebat æquitas, largiebatur. Nihilominus eum prodiſit aliquamdiu Petro, vt erat ſuſpicioſus in omnes, occultè in ſuſpicionem veniſſe; fuiſſeque in odio, quod ageret partes nouerçæ Reginæ. Sed poſtquam Alſonſo patri Rex Petrus ſucceſſit, ſuſpicioſe depoſita, eo vti frequentius conſueuit. Quamprimūque illum Ann.  $\infty$  c c c x x x v i. ad Pont. Max. grauiffimis de rebus legauit. Poſt in domeſticorum ſuorum numero iuſſit reponi, quos illa ætas Meſnadarios, vt ſuo loco diximus, appellabat. Denique eidem detulit Iuſtitiatum, quem repentinus Pelegrini Oblitas interitus orbem reliquerat. Per hos enim omnes honorum gradus elatus fuit ad præclarum, & ſummum iſtius Magiſtratus imperium: idque eodem ipſo Anno, quo Oblitas interiit. Nam, vt memoratus Archiepiſcopus Ferdinandus prodiſit, ex Archery-  
1339 pis Diplomatibus opido Alcagnicienſi rogatis Ann.  $\infty$  c c c x x x i x. quæ ſe legiſſe teſta-  
1344 tur, Garſiam hunc conſtat, eo tempore Iuſtitiam fuiſſe. Tum multa illius mentio fit in  
1345 ea perturbationum concurſatione, quæ incidit in Ann.  $\infty$  c c c x l i v.  $\infty$  c c c x l v. &  
1346  $\infty$  c c c x l v i. In quibus cū iam grauis illa de Coſtantiæ, Regis filia, ſucceſſione, populariter agitata contentio, fluctuans verſaretur, quæ noſtros ad arma Vnionis voce  
capienda miſero compulſit Reip. fato: incredibile eſt, quantum Iuſtitia iſte contulit ſtudi-  
dii, ac laboris, vt fatum illud (ſi fas eſt dicere) fleſſeretur, ſi poſſet. Nam modò cum ipſo Rege, modò cum noſtris ſeparatim loquebatur: ne turbulentè quid agerent, nec miſeræ patriæ, quæ communis erat omnium parens, voluntarias perturbationes afferrent, atque vt regredi prorſus, quàm progredi mallent. Ac Regi quidem naturæ ſuæ acerb-  
tatem obiiciebat: quòd tantopere nouis ſemper rebus ſtuderet, vt ſe in eis plerumq; ferri præcipitem, ac cæcum pateretur. In ea verò Coſtantiæ filia cauſa, quæ malorum omnium ſemen, & cauſa erat, quòd præpoſterè agendum decreuiſſet, cū nihil eſſet quamobrem ipſemet ſibi præcidere deberet maſculinæ proliſ ſuſcipiendæ ſpem; quan-  
do quidem & valetudine ſatis firmus erat, & natura; nec tantum proceſſiſſet ætate, cū  
ad trigefimum annum nondum perueniſſet, quin ſatis, ſuperq; roboris, & virium habe-  
ret. Atq; tâta in ſeueritate nō deerat comitas opportuna, vt liberioris iſtius Iuſtitie ſermo perulatia vacaret. Cū noſtris autē nō iā hortationibus, aut cōſiliis, ſed fraternis precibus conſtanter agebat: ne belli tentarent, aut periclitarentur fortunam, cū paratiſſimum Regem peditatu, & equitatu viderent: eoſq; è noſtris Optimatibus ad illius ſententiam traductos; qui dudum ſe noſtrarum partium principes numerabant. Eis autem ita Regis partem conualuiſſe dicebat, vt ad reſiſtendum reliqui omnes eſſent imbecilles. Neve Regis fratribus committerent cauſam Reipub. Ipſi enim non eam ſanare, ſed iniurias ſuas per noſtros perſequi, ac vlcifci ſtudebant. Nullum deniq; officium ab eo prætermiſſum fuit, quantum eniti potuit, quin Regem, & noſtros ad concordiam, &  
pacem incitaret. Neq; verò omnes fuere, quos in eam rem impetus fecit, inanes: quin eo cauſam aliquando adduxit, vt libenter Rex ad nonnullas pacis conditiones deſcenderet, ſatis quidem, multorum iudicio, temporibus, ac rebus conſentaneas, & quæ magis optandæ, quam ſperandæ de acri Regis natura videbantur. Ac ne qua ſubeſſe poſſet  
1347 fraudis ſuſpicio, ſed vt ipſe Rex integritatis ſuæ publicum noſtris teſtimonium daret; Tarracone, vbi aderat, Ann. Chr.  $\infty$  c c c x l v i. in iſtius Iuſtitia verba iurauit, ſe Cæſarauguſtam Vrbem quamprimū ad Comitiam habenda venturum: in quibus, nouarum legum rogatione, omnis conſuetudinum deprauatio tolli poterat, noſtrique ab iis arceri, de quibus tantopere conquerebantur, iniuriis. Nec antea è noſtris Regibus vllum comperio in Iuſtitia Aragonum verba iuraſſe. Inde fortasſe, qui nobis manſit, in-  
ductus fuit mos, publica nunc lege conſtitutus: vt de Regibus, priuſquàm poſſint gubernacula Regni tractare, Iuſtitia Aragonum fidem recipiat ſollemni religione conſtricta. Quamquam autem ea Comitiam celebrari cœpta fuere in magna proſperæ futuri euentus ſpe: nec diu tamen poſt fieri deſierunt; eaque omnis bona ſpes cum maiori rerum deſperatione confligit. Noſtri enim in Iacobi, Regis fratris, iniuria ſe ſe deſpectos eſſe, patriæque libertatem contemptam, & abiectam prædicantes, belligerandum ſibi cum ipſo Rege, & armis decretandum decreuere. Aderant quippe Regis fratres, qui ardentes ſuas faces quorundam noſtrorum hominum furiis miniſtrabant. Itaq; tumultuoſa illa Vnionis voce excitata, repente fuit per omnes vrbiſ vicos



vicos, & plateas armorum strepitus ingens exauditis: & quod summum fuit, nostri lætitia exultantes, coeperunt palam gaudio triumphare, quasi iam explorata sibi, & domi cōdita victoria esset. At verò Garfias hic videns, quanta excitaretur tempestas, & quanta impendēret Reipub. labenti procella: Februarii mense, Ann. Chr. 1348 ccccxliix. (qui ob rerum magnitudinem, quæ in eum inciderunt, maximè memorabilis est) maiori, quam vñquam antea virium contentione, nostras denuo ad pacem hortabatur. Non quod ipsis suaderet, vt ita quisque vitam, corpus, fortunas, rem deniq; familiarem seruariet, vt pro eis libertatem; sed vt pro libertate illa omnia, tamquam pignora iniuriæ, proliceret. Dicebat aut, tunc in consilium non tam fortitudinem, quam multo magis prudentiam adhibendā esse: quæ licet viderentur seiungi non posse; seiungendā tamen; quandoquidem ea ipsis erat formidolosissimi temporis tempestas oblata, quæ magis prudentiam, quam fortitudinē postulabat. Quod si fortitudo dimicare iubebat; prudentia, vt cautioreb. vterentur consiliis: neq; fortitudinē, quæ sine prudentia sit, fortitudinē esse appellandā; cum & eadē ipsa fortitudo, tamen laboris, ac periculi sit, prudēs tamen interdū cū aliqua vtilitatis, & cōmodi ratione contēptio. Vt. n. Medicorū scientia nō ipsius artis, sed bonæ valetudinis causa laudatur; ob ipsamq; vtilitatē ea gubernatoris probatur ars, quæ rationem habet nauigandi bene: sic fortitudinē eā censendā esse, quæ sit tamq; artifex cōquirendæ, & cōparandæ tranquillitatis, & otii. Neminē aut tā amētem, vecordē, aut insanū futurū, q. si nāim, in qua vehatur, contrariis vētis agitātā inspiciat, neq; eū petere posse, quē antea probārat, portū securū, sed aliū minus fortasse tutū, & tranquillū: non tempestati potius parendum, quam cum eadem pertinaciter sine vlla spe salutis pugnandum arbitretur. Propterea omnia tunc consilia, tamquam ali-quod nauigium, ex Reipub. perturbatione moderari oportere, cumulātēque nostros fidei satisfacturos esse, ac officio, si eam sequerentur rationem consiliorum, quam Reip. status, inclinatio temporum, ac ipsa demum necessitas flagitaret: ne qui seruatores Reipub. nominabantur, iidem illius perditores viderentur fuisse. Denique affirmabat, causam in tempus conferendam esse, opportunioremque agendi maturitatem expectandam, quod victoriæ acerrimos plures aduersarios haberent, interitus autē vix villos vltiores. Sed in tam angustum adducta res erat, vt cū plures pænitere cōpisset; 1348 ccccxliix. verū iam desistere nequaquam liceret. Imprudens tandem quorundam consilium omnes nostros ad Epilensem illam depulit calamitatem, quæ Vnionis vires ab excitata fortuna ad extremam, & funditus auersam descuerunt. Verū iccirco hæc omnia hoc loco breuiter à me, strictimque dicuntur, quia supra satis fusè, & copiosè pro suscepto munere, vt mihi quidem videtur, percurra sunt: simul & illud etiam expositum, quid causæ fuerit, cur in tam horribili ea procella, ac tempestate minimum nullum memoretur istius Iustitiæ factum intercessisse, nec dictum, Magistratus auctoritate interposita, quo istantus motus, & agitatio fluctuum, sedaretur: nempe quia ad retinendam libertatem, quamdiu Vnionis viguit potestas, & vis, firmiora censebantur esse, quæ ab ipsa Vnione, quam quæ à Magistratu petebantur præsidia: quinimmo cū ea excitabantur, quasi obscuratis ceteris, sola apparebant. Post Vnionem autem deletam, ab hoc scilicet tempore, in quo fatalis, vt ita dicam, illius casus instabat; ea omnia in Magistratus arcē confugerunt: atq; eo huc vsque Magistratus ipse multa coaceruans, tum ab ipsa Vnione, tum à Ricorum hominum dignitate petita, vna sola sui ipsius complexione deuincit. Attamen Iustitia hic in ipsius ruinæ timore decessit. Summa namque felicitate vsus, ante commissum Vnionis prælium interiit; fortasse angoribus, ac molestiis confectus: tum siquidem cū lugere facilius Remp. potuisset, si viueret, quam iuuare. Nec sanè dubito, quin si diutius vixisset, hunc maximum præter ceteros omnes sustinuisset dolorem, nostros ipsis armis, quibus semper didicerant vt gloriose, tunc quemadmodum salutariter vterentur, non reperisse. Eius autem obitus diem non possum, nec quidquam certum, præter id, quod initio dixi, de ipsius gentilitate notare: quamquam nec id quidem valde dubium est, eum ante Kalendas Iulii eiusdem Ann. Chr. 1348 ccccxliix. obiisse. Etenim in publico ingenuitatis Priuilegio Turoli ab eodem Rege cuidam Petro Lastanosa, VI. Non Iul. dicti Anni rogato, istius Iustitiæ, tamquam paulo ante mortui, mentio fit. Atque eundem etiam proditur cum D. Athone de Foces, patricio, nobilissimo viro, fuisse cognatione coniunctum. Qua autem cognatione, non proditur: neque vlla adhuc inueni, quæ de priuatis ipsius rebus monimenta loquantur. Nam, quod mirari satis non queo, Cerdanus illum silentio prætermisit, cū paululum sibi antecessisset ætate, & paucos habuerimus nomine, ac memoria digniores. Sed pergamus ad reliquos, ad quos, sublata Vnione, Magistratus delatus



fuit, maioribus sensim præfidiis ornatus, tum ad forensem vsu, tum ad decus, & fir-  
mentum potestatis.

XXXV.

## GALACIANVS TARBA.



**G**ALACIANVS igitur Tarba Garisq; Ferdinandi Castro successit:  
vtrum verò ante, an post Vnionis prælium; compertū non habeo.  
Ego qui de postea conicio. Atqui initio eū constat ipsius Vnionis partes  
egisse: fuisseq; Ann. Chr. ∞ cccxlvii. vnū ex illius præfectis, quos Cō- 10  
seruatores appellabāt, publico iudicio delectum; quod illius industria,  
firmissima tūc spes, atq; Vnionis subsidium, putaretur. Sed ab ea statim  
desiuit, tū Regis pollicitationib. reuocatus, tū cuiusdā Dominici Tar-  
bæ suafione, & impulsu, qui magnum eo tēpore Procancellarii Regis  
munus sustinebat, eratq; nostri huiusce Galaciani, si non, vt suspicor, frater, p̄p̄inqua saltē  
cognitione coniunctus. Ferunt etiā, cum acres eo tēpore versarentur in vrbe inter Ber-  
nardinōs, & Tarbas, ceteroquin conciuēs, & amicos, contentiones: Galacianū hūc, quō  
facilius posset Bernardinos ipsos persequi, & vlcisci, eō libentius ad Regis voluntatē in-  
tubuisse. Nisi fortasse sibi, q̄ nonnullis bonis viris interdum videretur, Vnionē eā iam  
tunc pestē esse, ac strumā libertatis. Quoquo modo verò se res habuerit, quos prius fo- 20  
uerat amicos, postea virtutis suæ sitientes deseruit, eamq; Vnionis causam, quæ publica  
tunc esse censebatur, derelinquens, Regis Petri sequutus est imperium. Quod cum simi-  
liter alii fecissent, & inter eos ex nostris Optimatibus plures; Rex, ferox magis ad cōcul-  
candam libertatem redditus, rem ipsam properauit in vltimum discrimen adducere. Ex-  
ercitū namque suo magis firmo, se facillimē nostros perrumpere posse cōsidebat. Nostri  
etiam nequaquam diffidentes copiis suis, non recusarunt in certamen illud, quod ferro  
decernendum proponebatur, deuenire: eoque celerius, quod Iustitia Aragonum mor-  
tuo, nemo de ipsis vnus ad hęc interdum temperanda adesset: vsque eō infelix patria no-  
stra tunc fuit, vt vitare non posset, quin ab amicis inops, atque a Magistratu nuda, ma-  
gnam, quæ impendebat, tempestatem subiret: neque solum inscia ad ipsius Vnionis fu- 30  
tus duceretur, sed fatalem ipsum casum præpropera festinatione præriperet. Nostri  
enim XII. Kal. August. eiusdem Ann. Chr. ∞ cccxliix. collatis signis,  
vrbe egressi sunt, & victoriæ auidi, & celeritatis quoque vehementer. Eis autem ex  
Epileni opido obuiam prodire, qui Regis Petri imperium sequebantur. Cum vtrin-  
que ergo acies conuenissent, ad committendam pugnam expeditæ, quamquam ea ali-  
quandiu fuit summa contentione pugnata; exitum tandem horribilis victoriæ termina-  
uit: nostrique victi, & profligati in victoris Regis manus deuenerunt, metu debilitati ser-  
uili. Sed id meliores exitus habuit, quā putarant: posteaq; prosperæ res deinceps multæ  
nostros consequutæ sunt. atque vt mihi quidem videntur, secundiores. Rex namq; suam 40  
ipsam illam vehementem, & acrem a se abiiciens personam, nouam aliam sumpsisse vi-  
sus est, lenitatisq; & misericordiæ partes libenter egisse: tametsi iracundiam suam exer-  
cuit in nonnullos. Ipsam verò a se tantopere percussam Rempublicam altius extulit ma-  
nibus suis, atq; ita patriam libertatem stabilivit, vt ad eam retinendam nequaquam infir-  
miora fuisse illa præfidia censeantur, quæ huiusmodi infelicitate illata, quam quæ maio-  
rum nostrorum virtute parata fuere. Etenim eodem ipso Ann. Christ. ∞ cccxliix. præ-  
claris illis, quorum meminimus, Casaraugustæ habitis Comitibus, Iustitia hoc assidente  
(quē tunc muneri præpositum fuisse conicio, neq; enim vllam antea illius mentionem  
factam inueni) quā lenissimē tulit idem Rex, vt in Iustitiæ Aragonum Magistratum cō-  
gererentur & potestatis, & dignitatis ornamenta permulta, modo funditus deleberetur in-  
ueterata illa acerrimæ conflandæ Vnionis consuetudo: ad cuius labefactandum statum, 50  
omnem suam exacuebat aciem ingenii, ac suum denique, vt explicuimus, mucronem  
distrinxit. ac si ad illius exitiū necesse tunc fuisset, simul & Martis vim, & iram victoriæ,  
& ciuiliū legum iudiciū conspirare; vt nouis blandimentis libertas consopita, pro-  
cul a præcipitibus populi disiuncta furoribus, in Magistratus gremio sedens, tamquā  
in sinu pacis posita, iam somnum capere posset iucundiorē. Itaque nostris in senten-  
tiam Regis adductis, Vnio ipsa tūc sublata fuit, neq; ex moribus, ac disciplina solum, sed  
ex literis, grauissimæ legis rogatione, deleta: Sed hanc iuris iacturā continuata, & iuncta  
nouorum iurū cōpensatio leniuit. Tunc enim Iustitiæ Aragonū integra data fuit in Re-  
gios



gios quoscumq; Magistratus, si à nostri iuris regula discederent, grauitè animaduertendi potestas: Tum, vt summum de ipso iure sciscitantibus respondendi munus sustineat, quasi totius publici fœderis maximè interpretationi præpositus: vt in For. sub tit. *Quod in Dubiis non crassis*. Tum etiam iisdem Comitibus multæ, & maximæ leges fuerunt ad vim Regiæ potestatis temperandam constitutæ. Id autem ex earum præclaris, ac ciuilibus, & debiti officii plenissimis inscriptionibus perspicui potest: quarum iccirco nonnullas hunc in locum conducendas statui, nequaquam immutatas, sed vt sunt. Sunt autem huiusmodi. *De Iuramento præstando per Officiales de seruando Foros, Priuilegia, libertates, vsus, & consuetudines Regni Aragonum*. Ea enim lex iubet, Reginum ministrorum debitam Reip. fidem solemni religione constringi: neq; conscientia solam (id enim iam antiquo iure constitutum erat) sed sceleris quoq; pœnam parem in iis, qui iniuriam fecerint, remanere. quod noua tunc ea lege statutum fuit. Nec non alia sic inscripta sancitum: *Quod Priuilegium generale, & Declaratio ipsius sint Fori, & pro Foris habeantur, & obseruentur*. quippe cum satius esse videretur nostris, rogationem eam, publicæ legis: quàm Priuilegii similem promulgari. Porro grata alia populo tunc lata fuit lex, vitiosæ cuiusdam, & corruptæ consuetudinis emendatrix, his verbis inscripta: *Vt Iudices Aragonum iudicent, & audiant causas, & relationes faciant, & non alii*. Visum est enim, alienigenas his muneribus exclusos esse oportere, eaq; domesticis patere, æquius esse. Atqui ego in hunc sensum allicior, vt lex ista Iudices, & Auditores Curia, de quorum potestate diximus, alienigenas esse, interdicit. A ceteris namq; Magistratibus iam alia lex vetus, egregia, & præclara alienigenas ipsos omnino prohibebat, sub tit. *Quod Officiales Aragonum sint de Aragonia*. Cum verò inferiores hi Iudicum, & Auditorum Curia Magistratus alienigenis ipsis interdum maderetur: ne id amplius fieri liceret, sanxit illa lex. Alterius etiã, quæ eisdem Comitibus lata fuit, inscriptio sic habetur. *Quod Dominus Rex teneatur duos milites, & duos Iurisperitos secum ducere, cum quibus negotia Aragonum expediantur*. Nostri enim sciebant, quanti Reipub. intersit, in libertate educatos ad populorum liberorum gubernacula tractanda adhiberi. Ad extremum, ne plura confectet (non enim dilatabo sermonem, qui posset esse longissimus) suprema illa, & grauissima omnium lata tunc lex, & promulgata fuit, quæ ceteras omnes huiusmodi inscriptione complectitur. *De iis, quæ dominus Rex, & alii successores ipsius, Gubernator Aragonum, & eius vicem gerentes, Iustitia Aragonum, & alii Iudices, & Officiales facere, & seruare tenentur, vt fori Aragonum conseruentur*. Ea enim suprema lex est, vniuersi iuris, & iniuriæ regula: ea norma: ea ceterarum legum præscriptio, & summa; tam stabilis decreta, ac perpetua: vt amissis aliis remaneat; intermissis non conquiescat; in foro niteat; atq; integra, & princeps semper ad iubendum sit, & ad illud idem apta referuetur: qua tandem, seuerissimo edicto, sancitur, vt & Regis, & ceterorum Iudicum officia, & quarumuis iudicia causarum, sola earumdem legum circumscriptione metiantur. Nam quid erat aliud, quod oporteret, vt inter Regem, ac Regnum fœdere, ac fide sanciretur? Ex his deniq; angustiis ista omnia euaserunt, amplissima, noua, ac fixa decreta, quæ in patriæ libertatem tanta stabilitatis suæ præsidia contulerunt, vt nunquã statuamus fortunatiorem nostris fortunam, quàm in Epilensi illa calamitate fuisse. Atq; apertè acerbus ille casus nos docuit id, quod animis nostris fixum esse debet: ¶ Nempe libertatem in moderatione positam esse, ac prudentia; non in pertinacia, præcipiti consilio, nec furore: quin eam tantopere à bellico tumultu, atq; à populi iudiciis abhorre, vt quæ à maioribus bello parata fuerat, minimè bello fuisse reuertam videamus, sed libentiùs in ciuiliu legum præfidiis conquiescisse: quod non tam facile sit, bellicos hos tumultus, cum iam sunt excitati, temperare, quàm vt ne excitari possint, consilio præcauèri. Itaq; sic statuo, nihil vnquam maiores nostros prudentius sensisse, quàm dum Vnionis illius vim, ac potestatem ad forensẽ Iustitiæ Aragonum Magistratum transtulerunt. Ea enim domi posita, assiduè bellicos hosce tumultus afferebat. Nec dubito, quin aliquis dum hæc legat, alienum me animum habere à causa libertatis existimet. Cui responsum hoc solum perquam breue dabo; mihi illam veram esse libertatem videri, quæ in ea, quæ est inter nimium, & parum, mediocritate consistat, illam verò, quæ ab ea mediocritate distet, seruitutem. Quod si quid sit, quod contra leges fiat, perinde accipi vellem, atq; sit: minimè verò, vt pleriq; faciunt, qd acu sit fortasse punctum, pro ictu gladiatoris reputari. Omnia autem quæcumq; prius tentanda esse, quam vi, aut armis cum Rege decertemus. Sed nescio, quo pacto in hunc, qui mihi propositus non erat, sermonem delapsus sum. Neq; verò est prorsus à meis institutis alienus. Nam eo etiam spectat, vt hanc tantam morum, & disciplinæ nostræ mutationem



huiusmodi Comitibus factam, istius Iustitiæ operæ, ac industriæ magna saltem ex parte tribuamus: quandoquidem eam tunc personam sustinuit, Magistratus siquidem Iustitiæ Aragonum, quæ ipsorum Comitiorum futura erat, ac certè fuit, ut ita dicam, temperatio, & mens. Præterea is vir fuit, qui magnum in Rep. usum habebat: in magnorumque negotiorum tractatione versabatur iam pridem. Iacobus namq; II. & Alfonsus III. eum sibi frequenter consueverant adhibere in consilium. Petrus autem III. omni opere, & opera enisus fuit, ut illum in suam sententiam adduceret, quod auctoritatem eius quam magni æstimaret. Postea verò eundem Magistratui præposuit, tunc cum exulceratæ magis, & exagitatæ res erant. Quod quamquam nostris magnam attulit suspicionem, non bene se erga patriam habiturum, futurumque ad ipsius Regis obsequium propensorem: illico tamen non solum nostris favere visus est, sed vehementer quoque de patria libertate sollicitus. Fortasse Regem eodem illo obsequio mitigavit. Eodem sedente in puppi, Respub. fuit ex alto in tranquillum portum inuecta. quod argumenti satis esse potest, ut hominis solertiam ex iisdem ipsis eventis ponderemus. Itaque ambo hi Iustitiæ, qui in hæc tam dura, & difficilia tempora inciderunt, ad eandem laudem videntur mihi, via tamen dissimili, peruenisse. Nam cum prior Regi, posterior Regno suspectus fuisset; uterq; patriæ præstitit, quod debuit, officioq; ac fidei fecit cumulatè satis. Ceterum iste vix ullam potuit Reipub. salutem partem gustare, quippe qui sequenti Ann. Chr. ~~ccccxli~~ ~~x~~. ut quædam monumenta testantur, mortuus fuit. Dies autem non proditur. Cerdanus perhibet, in Ecclesia Sancti Nicolai sepultum fuisse: suasque ædes in eadem parochia habuisse locatas. Forsitan eæ sunt, quas nunc pene complanatas videmus in platea. Vxorem habuit, D. Ysabellam Alòs: filiumque ex ea susceptum, Raimundum Tarbam. Cuius tres filias primariis viris, Lanuzæ Cerdano, & Franciæ, nuptas fuisse, idem ipse auctor est Cerdanus. Illius autem genus, manifesta res est, à Senatoribus urbis profectum fuisse. Eam verò, quæ Franciæ nupta fuit, filiam, Claram Tarbam fuisse vocatam; ipsum verò Franciam, Raimundum appellatum, ac civilis iuris fuisse peritum; è veteribus monumentis colligitur.

## XXXVI.

## IOANNES LVPI SESSESIUS.



**C**VM QVÆ Sessessorum gens patricia olim fuerit: Iustitiam hunc Equestris ordinis fuisse, vel inde colligi potest aperte, quod aliter Magistratum obtinere nequireret. Neq; verò ob eam rem illius genus aliundè ductum, quam à Sessessis patriciis arbitrabor. Similes namq; transitiones in nonnullis familiis factas observavi: & cum eadem essent, à superiori ad inferiorem Ordinem omnino descendisse: alias interdum altiore dignitatis gradum assequutas. Itaq; Ioannes hic, qui Gallaciani Tarbæ locum occupavit, meo quidem iudicio, illius Petri Sessessii gentilis fuit, quem Alfonso II. Rege floruisse diximus, graviterq; & præclare eundem ipsum gessisse Magistratum. Medianæ tamen opidum, quo ille tunc potitus fuit, minimè ad Ioannem hunc comperio peruenisse: quin aliquamdiu egestatem suam domestico D. Lupi Lunæ, primarii nobilissimi viri, qui per hæc tempora, Lunensis Comes, vocitari cœpit, subsidio sustentasse. Ea namq; vicissitudo in omni ferè cursu conservata est, ut mundus ipse, maxima sua constanti conversione, circum se omnia contorqueat, ac vertat. Ac initio quidem Iustitia iste in populari illa opinione fuit: & tam studiosè Vnionis partes agebat, ut à nostris constitueretur illius, publico delectu, Conservator. Postea eum ad Regis voluntatem traduxit, D. Lupus ipse Lunæ, ipsius Vnionis deferendæ princeps: qui Petro Regi ad reportandam illam victoriam maximo quidem adiumento fuit; sed ad eandem ipsam temperandam, quantum cōiicere possum, non minori. Non enim adduci possum, ut credam, ab iis, qui tunc ex nostris ab ea Vnionis voce recesserunt, ita Reipub. causam desertam fuisse, ut furori Regio omnia concederent. Immo eos existimo, interea dum aliquid iracundiæ Regis permiserunt, accuratius de patriæ salute, ac de illius ornamentis, & commodis cogitasse: & re fortasse quemquam à Republica, animo autem non ita defecisse. Quod si de alicuius fide, de nullius profectò magis, quam de istius Iustitiæ licet suspicari. Semper enim patriæ studere visus est. Postquam autem accessit ad Rempublicam, perquam bene multa & belli, & pacis adiumenta administravit. In primisque Magistratum adeptus, cum

1349. Iudex præset Comitibus Cæsaraugustæ habitis eodem Ann. ~~ccccxli~~ ~~x~~. medio mensis Martii;



Martii; (nam sic est apud Tabulas) multam operam, atque vtilem Reipub. præstitit in præclaris legibus, quæ tunc fuerunt editæ, statuendis, & vt è patrio in Latinum conuerterentur sermonem. Cui rei, vt mihi persuadeo, Iacobi illius Hospitalis, cuius meminimus, manus etiam accessit. Nam istius Iustitiæ Locumtenens fuit: iam diuq; in multis, & grauissimis causis, atque in principibus patronis versabatur. Sessessium autem non tam iura nostra calluisse comperio, quam bellicæ rei gerendæ disciplinam. Quantum autem auctoritate valeret apud Regem, apertè eius rei exitus indicauit, quam haud leniter tentauit idem Rex, Perpiniani opido cum adesset Ann. Chr. 1351 ~~cccc~~l. Et nisi illud Iustitia hic, graui verborum suorum pondere, à præcipiti consilio reuocasset; patria, quæ credebatur è tantis fluctibus emeruisse, denuo fuisset demersa in eosdè, ac duriore forsitan fortuna conflictata. Etenim ignea illa Regis natura nunq; agitatione vacua esse poterat, neque sui otii, aut quietis conciliatrix erat, sed ipsamet sibi suarum semper molestiarum lena. Cum igitur Rex ipse infantulum filium Ioannem, ex Regina Eleonora, Siciliensis Regis filia, procreatum, futurum sibi successorem ab omnibus Regnis acclamandum, decreuisset, & ad eam rem nostros per publicas literas iussisset accersiri, vt illuc ad constitutam diem omnes venirent, solito fœdere, puero Regni deuincturi fidem: hunc Regis conatum Iustitia hic refutauit, liberè, & audacter edicens, euocari ex eo opido nostros non licere, neq; extra patriam constitui ipsis vadimonium posse: sed in Cæsaraugustam urbem conuocandos, & ibidem Comitibus institutis illam ferri rogationem ius esse: quod nostra vrbs hanc prærogatiuam haberet, vt in Templo maximo illius, priusquam alibi, Regibus regnare incipientibus, eorumq; filiis Primogenitis, cum futuri successores designantur, publica ipsa fides sollemni religione obligetur. Quinimmo nostros in ea re ita ceterorum Regnorum faciem præferre, vt non iam ibi pro se ipsis solis viderentur adesse, sed illustrem, & claram totius Regiæ ditionis vocem, singulorum voluntatis indicem, personare. Neq; enim, vt Iustitia ipse memoria repetebat, ab aliis Regnis, sed à nostro tantum, Reges constituebantur antiqui. Sic deniq; sententiam suam Regi probauit, vt quamquam ea de re literæ scriptæ erant, & obsignatæ; Rex illas præceperet statim conscindi, nullamque fieri iuris nostri iacturam. Atque ita hæc, quæ tunc commota fuerant, in pace, & otio quàm citò resederunt. Enimverò postmodum quietus ille Reipub. status perturbatus est totus. Etenim cum iam pridem esset inter nostrum Regem, atque alterum Petrum Castellæ Regem, Crudelem yocitatum, iniustum animis, atque insitum odium: Castellanus improviso fines nostros inuasit; cuncta dissipans, & disturbans. Cumque Cæsaraugustanæ vrbi minitaretur ferrum, ac flammam; illius custodiæ Iustitia hic præfectus fuit, & à nostro Rege Ann. Christ. 1357 ~~cccc~~lvii. vnus ex cunctis ad magnum illud discrimen delectus imperator. Ipse verò cumulatè susceptum munus exequutus fuit. Urbem enim firmissimis præsidis muniuit; illius muros refecit: ballistas lapidum, & reliqua tormenta, quibus illa ætas vti consuevit, opportunioribus in locis collocauit: ex priuatis ciuium ædibus, siquid relorum esset, iussit efferri, & inermibus viris dispertiri: delectam iuuentutem contra inimici impetum armatam coëgit: aciem instruxit: portarum custodes designauit, viarumque insidiatores, qui locis omnibus dispositi essent, vt quò inimicus pergeret, obseruarent: minoribus Magistratibus, vt noctu vigilias agerent, præcepit: at verò suam ipsius operam ad quoscumque rerum euentus præstantem, & præcipuam referuauit: cautè denique cuncta composuit, quippe quia intelligebat ipsius vrbs summe defendendæ curam apud se solum totam excubare. Castellæ autem Rex postquam urbem copiis refertam esse, & contra se munitam intellexit; extra Calataiubiensem tractum, quem totum vexarat, pedem non intulit. Sed per Turolium Valentiam petens, decursionibus perequites suos ea loca, quæ incurrit, vastauit: nonnulla cepit: ac maiora damna Regis nostri fortunis importasset; nisi ab eo in tantas angustias fuisset compulsus, vt inopia simul conficeretur, ac ferro; atq; armis denique pulsus, & fugatus, confestim in patriam suam inglorius reuertisset. Hoc itaq; bellum, commotum ab vno, & confirmatū ab altero, Rempub. nostram aliquamdiu turbauit. Vt inimici autem Regis aduentus nostros affligerat; sic illius discessus omnes sollicitudines leuauit, & angores. Iamq; depositis armis huic Iustitiæ integrū fuisset eius vrbs, quam conseruarat, conspectu, tranquillo animo, & quieto frui, si non sibi perbreue post eam rem viuendi fuisset curriculum datum à natura. Anno enim ~~cccc~~lxx. mortuus fuit; atq; vt Cerdanus perhibet, in Albalatensi 1360 opido sepultus. Ex eo namq; generis illius antiquitas profecta censebatur. Filium habuit, qui Pelegrini Anzani neptem, vxorem duxit. Sed nec illius, neque matris nomen proditur. Atque ego quidem illius filium fuisse conicio, Garciam Lupi Sessessium;



præstantem virum, quem Olieti opidi dominatum comperio: & cui nobilissima femina, D. Catharina Martini Viota, Sanctii Martini Viotæ, Gubernatoris Aragonum, unica filia, & heres, nupta fuit. Verum de his rebus difficile est plus intelligere, quam quantum ex ipsis monumentis suspicari licet. Neq; verò in eis semper expressa personarum & temporum designatio inuenitur. Ideo inuiti cogimur nonnumquam maximas res silentio præterire.

## XXXVII.

## BLASCUS FERDINANDI HEREDIA.



**A**TQVI eadem ipsa necessitas nos premit, vt istius Iustitiæ narrationem in similes prorsus angustias compellamus; cum neque ex Cerdani scriptis, neque aliunde adhuc claram, quam voluissimus, rerum ab eo gestarum, ac domesticarum præsertim, eruere memoriam potuerimus. Et Cerdanus ipse videtur ieiunius de eo, quam de pluribus aliis scripsisse: siue quòd illius Iustitiatus breuior fuerit, siue quòd non habuerit rerum nostrarum, quemadmodum qui proximi fuerunt, varietatem. Eodem autem Ann. Chr. ccccx.  
1360. orsus fuit: atq; vt Surita refert, exeunte. Ann. verò ccccxii.  
1362. rem campum illi vita dedit, in quo eius posset virtus excurrere. Et ea quidem tranquilla satis tempora fuerunt: quòd in Petro Rege viderentur ardentia illa vexandæ Reipub. studia, ætatis flexu, reddita fuisse languidiora. Cumq; antea Iustitia iste eidem Regi subinuisus esset, quia ex domesticis erat nouercæ Reginæ: postmodum Regis illi gratiam conciliauit Ioannes Ferdinandi Heredia, ipsius frater germanus; qui in primis auctoritate grauis apud Regem, gloria verò clarus apud omnes fuit. Nam is vir fuit, qui præstanti sua virtute eximiam illam dignitatem Magni Hierosolymitani Magistri consequutus, amplissimum Herediarum eò extulit genus, vt pulcherrimo, quo hunc gaudet, Fortensis Comitatus titulo, iisdemq; istis ipsis clarissimis Armorum Insignibus illustratum, in summum nostrorum Optimatum locum ascenderit, quem videmus. Blascus quoq; iste satis amplam posteris & rei priuatæ, & sui etiam nominis patrimonium reliquit. Fuit enim omnino præstans, ac præclarus vir; & ab eo, qui Botorritæ dominati sunt, originem duxerunt. Aguilonis autem tantum opido fuisse illum potitum comperio, ob idq; nonnumquam Blascum *de Aguilon* nominatum: quasi inde tracto vt cognomine videretur. Quod qui ignorarunt nonnulli, deprauatè scriptum illud *de Aguilon*, nomen iudicantes, *de Alagon*, potius legendum arbitrati sunt, nouumq; alium Iustitiam, Blascum Alagonium vocatum, post Blascum hunc Herediam, Iustitiarum numero adscripserunt. Omninoq; in hoc est omnis error, quòd Iustitia hic, cum gentilitium suum nomen ab Heredia esset, quandoq; ab Aguilone vocari consuevit, se eo opido potiri præ se ferens. In Obseruantia autem, *Notandum est.* tit. *De procuratoribus.* istius Iustitiæ nomen mendosè scriptum esse animaduerti. Nam sic est apud impressos omnes, & apud manuscriptos Codices nonnullos. *Notandum est.* Quod *Processus habitus inter homines de Ferreruella, & de Lagueruela super quodam monte, seu vetato de la Pedriza, fuit annullatus per S. Ferdinandi, Iustitiam Aragonum.* Apud alios autem impressos vetustiores sic legitur: *per G. Ferdinandi, Iustitiam Aragonum.* quasi prioris literæ nota videatur indicare, Sanctum fuisse illius proprium, quod vocamus, nomen; posterioris verò, Gulielmum: quin & in nonnullis illud Gulielmi nomen, expressis literis scriptum obseruauit. In aliis verò manuscriptis, *V. Ferdinandi de Heredia*, gentilitio eo appposito ab Heredia nomine. tot modis confusum, & variatum, ob librariorum imperitiam, in ea Obseruantia istius Iustitiæ nomen versatur. Sed in Hospitalis monumentis, de quibus tota ea ad verbum est expressa, Blascus Ferdinandi *de Heredia* legitur. Et ea, *V.* literæ nota, quæ in nonnullis manuscriptis inuenitur, id significat. Olim enim nostri non Blascum, sed Velascum, & quandoq; Velasconem proferebant. Hospitalis verò istius quoq; Iustitiæ locum tenuit, & ipsum illud, cuius in ea Obseruantia fit mentio, iudicium iudicauit. Ac per illud idem tempus, vt ipse de se prodit, in ea præcipua re elaborabat, vt quæ apud nos solo usu constabant, & post Salanouam diffusa, & dissipata erant: in singula sua genera coacta, deinceps suorum scriptorum fide niterentur. Quæ verò ipse de iure nostro didicerat, iam tunc in eo videbantur esse perfecta, & suam quandam maturitatem habere. Vnde quæ ab eo tunc fuere animaduersa, & notata, Hospitalis Obseruantia, dicta



dicta sunt. E quarum numero Obseruantia illa est: & à Martino Didaci Auxio ex illius scriptis deprompta, in Obseruantiarum, quod nunc nobis editum exstat, volumen relata. Itaq; non S. Ferdinandi, sed B. Ferdinandi legendum est in ea: eorumq; sententia explodenda prorsus, qui alium illum, ab Alagone Iustitiam, suscitauerunt. Cerdanus enim patrem suum huic Herediae successisse tradit. Nec verisimile est, fuisse illum in ea præsertim re tam obliuiosum, ut eum, qui patri suo antecederet, silentio præteriret. Ceterum Blascus hic, patre natus fuit Laurentio Ferdinandi Heredia. De matris verò, atq; vxoris nominibus mihi hæcenus compertum nihil est. Filium habuit Blascum: qui ex Violante Buyl vxore Blascum illum suscepit, quem Cerdanus istius Iustitiæ nepotem, atq; Aguilonis dominum appellat. Quo autem anno obierit, & quo loco sepultus fuerit: itidem exploratum non habeo, tamen si quæ potui, scrutatus sum. Illud exploratum est satis, istius Blasci Iustitiatum non esse longius, quam supra diximus, producendum.

## XXXVIII

## DOMINICVS CERDANVS



SI QUIDEM in præfatione legum Montisoni editarum eodem ipso Ann. Chr. ∞ ccc lxi illustis, & clarissimus Dominici Cerdani Iustitiæ mentio fit. Ipsi namq; Comitibus Iudex præfuit. & aliis etiam Calataiubii habitis Ann. Chr. ∞ ccc lxi. & Cæsaraugustæ habitis aliis tum sequenti Ann. ∞ ccc lxi. tum Ann. Chr. ∞ ccc lxxii. itidem & iis quoq; quæ Tamariti Ann. Chr. ∞ ccc lxxv. habita feruntur. atq; iis tandem quæ Cæsaraugustæ Ann. Chr. ∞ ccc lxxxi. fuerunt celebrata. In quibus omnibus quæ maximæ, & salutare leges constitutæ sunt, eadem omnes fuere ab hoc Iustitia e vulgari in Latinum conuersæ: quemadmodum idem Rex Petrus in singulorum Comitiorum præfationibus attestatur. Fuit quippe Iustitia hic, & cõmunis, & priuati iuris valde peritus. priuati fortasse quotidianis Hospitalis congressibus peritior factus. Nam eo Locumtenente aliquandiu vsus fuit. Iam tunc autem tantopere ipsius Hospitalis nomen celebrabatur in foro, ut mancus, ac debilis videretur cuiusuis Iustitiatus, non eo Locumtenente, futurus. Nec diu tamen postea, ut suspicor vixit Hospitalis. Istius autem Dominici Iustitiatus ad Ann. Chr. ∞ ccc xxxix. productus fuit. Et nos eundem aliquando longius, in annum siquidem ∞ ccc xxi. de Surtæ tamen auctoritate produximus. Sed nuperrime in publicis monumentis Ann. Chr. ∞ ccc xc. Ioannem Eximini Cerdanum, istius Dominici filium, Iustitiam Aragonum vocatum obseruati: Comitibusq; præfuisse, quæ nobis eo anno, Ioanne I. Rege, ipsius Petri filio, habita fuerunt Montisoni, ut necessario cogamur affirmare, istius Dominici Iustitiatum dictum Ann. Chr. ∞ ccc xxxix. nequaquam excessisse, aut si forte excessit, iam paulo post quidem. Neque verò me opinioni meæ pristinæ putavi potius assentiri debere, quam quantum scripto aliquo, aut ipsa veritate niteretur. vsq; eo Ioannes ipse Cerdanus in designandis Iustitiarum temporibus ieiunus fuit, ut huiusce patris sui temporis seriem incertam reliquerit, nec minus dubiam sui ipsiusmet Iustitiatus notationem. Vnde fit, quemadmodum initio sum conquestus, ut de eadem re varias nonnumquam, & discrepantes sententias necesse sit sequi, cum ex nullius scriptis de hoc genere, anhorum ratio nisi imperfecta, & mutila eruatur. Rerum autem non ita. Eas enim vberius Cerdanus ipse persequutus est, & verò sua, istius parentis sui facta præcipue; tamen nonnulla silentio prætermisit, quæ omnino egregia fuerunt. Sed de Ioanne continenter dicendi locus erit. Quare nunc ad Dominicum. Cuius præter illud maximum, & clarissimum, quod in Petri IV. Regis narratione protulimus, dum eidem Regi de vi interdixit, ne Ioannem filium Primogenitum à generali suscepta Regnorum gubernatione depelleret; factum aliud proditur Ann. Chr. ∞ ccc lxi. ab eo gestum ex Magistratus auctoritate præclarum. Etenim ab eodem Rege missus, ut D. Mariæ, Infantis Ferdinandi viduæ, & quorundam ex nostris illius affectatorum fugam reprimeret, eosque Vncastelli in opido consequutus, cum negotium ex sententia confectum Regi nuntiasset, Rex verò iussisset eosdem detineri, & sine vlla morâ, abiecta omni cunctatione, cuiusdam Arnaldi Franciæ, quem Rex male oderat, e ceruicibus caput abscindi: Iustitia hic tam iniustum sibi iussum describi à Rege non æquè ferens,



ab ea pœna Arnaldum liberauit, eumque ac ipsam D. Mariam, & ceteros omnes, quos manu comprehenderat, illico dimisit à sese, ne Regis iracundiæ subiacerent, & aliquo fortasse afficerentur supplicio, quos nouerat in discrimen illud non alicuius delicti culpa, sed sola Regis acerbitate vocari. Rectè factorum autem ea maxima est vis, vt quo maius quis timeat, alicuius in se odium concitare, eo sibi magis illius beneuolentiam conciliet, & gratiam. Vnde sapiens illud ortum putatur, tantopere apud antiquos celebratum, dictum, quo monemur: *Nullam spectandam esse fortunam, dum præstetur fides: atque etiam si mercede careat, tamen sit se ipsa contenta.* Fit autem plerumque vt rectè facta præmiū & maius, quàm quis speret, & quàm quis credat, citius consequatur. Rex ergo tametsi ob eam rem magno animi motu perturbatus fuit (nam fuit equidem) sed non tam magno, quin hunc Iustitiam domum reuertentem, eodem exciperet vultu, quo solebat: expositaque omni istius facti, consiliique ratione, admoneri se ab illo pateretur, vt in puniendo saltem iracundiam suam omnino prohiberet, quòd cum ea rectè fieri quidquam vix posset. Eos enim, qui Reipub. præfunt, affirmabat, ipsarum legum similes esse debere, quæ ad puniendum tantummodò æquitare, minimè autem ducuntur iracundia. Neque sat esse eum, qui iniuriam facit, iniuriæ pœnitere, quando irrita fieri non potest: toleranter patitur se, nequid tale committat, fieri interposita aliqua cunctatione tardior. Eorum quidem obsequium perniciosum esse, qui iracundiæ Regis indulgentes, eam præcipitem sinebant ferri, quò vellent. Eapropter dicebat, se nihil vniquam in vita præstitisse, in quo magis sua in Regem fides, obsequiumque constaret, quàm dum illam subtraxerat ipsius iræ materiam. Sic namque effectum fuerat, vt molestiam, quam iure debuisset capere, non cepisset; eam fortè cepisset, qua penitus debuisset carere. Tantum denique valuìt dicendo, vt Rex ipse aperte prædicaret nonmodò non molestum sibi, sed vehementer gratum, præstitum illud factum iam videri, seque pro eo Iustitiæ, ac mereretur, iustam, & debitam gratiam relaturum. At quibus præmiis eundem affecerit, nihil sanè mihi legisse videor. Post autem aliquanto illum extraordinario quodam honore ac pene dicam omnium amplissimo, decorauit. Cæsaraugustæ enim Comitii institutis eodem Ann. Chr.  $\infty$  ccc lxxiii. cum Regem inde noua quædam necessitas auocaret: ne ad Comititalia negotia expedienda, Regis opera deesset, quæ oporteret; Iustitiam hunc Rex ipse, vt quamdiu absfuturus esset, eius ageret partes, vicarium constituit. Tunc itaque Iustitia iste, tres personas vnus sustinuit: suam, Magistratus; & Regis: quem honoris gradum neminem alium inuenio consequutum; neque Iustitiam ipsum ad eundem vniquā deinceps peruenisse, quamuis Rex eo deinde sæpius, & fideli, & beneuolo consiliario vsus est. Et hoc quidem Iustitia assidente, præclara alia Comititia habita fuerunt sequenti Ann. Chr.  $\infty$  ccc lxxv. in quibus idem Rex peruetus Calataiubiense opidum, clarum, & nobile, Ciuitatis dignitate honestauit, quòd illius incolæ benemeriti fuissent de Repub. cum inter eum, & Castellatum Regem, quod diximus, bellum versabatur. Calataiubium autem, ad Salonis fluminis ripam, prope antiquam Bilbilim, ab Aiubio Aboualibio, Arabum Rege, fuisse conditum, Surita in suis Indicibus scriptum reliquit. Sed ob id initio horum Comitiorum mentionem nullam feci, quia in eius nulla legum rogatio lata fuit; tametsi id habuere, quòd modo singillatim attigimus, ad memoriam nostræ antiquitatis insigne. Per id quoque temporis, ac de istius Iustitiæ consilio, præclarus ille vir, D. Bernardus Cabrera capite damnatus fuit. Quem multi existimarunt, magis ob Regis iram, quàm pro meritis extremum illud supplicium pertulisse. Atque eo etiam illius facti atrocitas augebatur, quòd tantus vir omnibus nostrarum legum, ac libertatum excluderetur præfidiis, quæ tenuissimis quibusuis patebant. Nihilominus tamen non facile credam iuris splendorem in ea causa inquinatum fuisse, neque in eo iudicio aliquid ab hoc Iustitia sine maxima ratione esse factum; cum singularis integritas illius, multis, magnisque in rebus spectata, mihi cerrè non det obscurè de eo quidquam suspicandi locum. Tandem cum exacta esset ætate, à Ioanne I. Rege impetrauit (iam enim Petrus III. obierat) vt Iustitiatum Ioanni Eximini Cerdano filio deferre posset: cui delatus fuit statim ipso Ann. Chr.  $\infty$  ccc xcix. tunc cum Dominicus iste optandam sibi esse mortem prædicabat, perfuncto rebus iis, quas fuerat adeptus ac gessisset. Sed vitam suam ad Annum Domini Nonagesimum secundum perduxit supra millesimum ac trecentessimum. Nam sic de illius obitu scriptum exstat in Kalendarum Codice de *Pilari*: in qua Ecclesia humatus fuit. *Pridie Id. Martij obiit Venerabilis, & discretus vir Dominus Dominicus Cerdan, Miles, ac Iustitia Aragonum Anno Domini  $\infty$  ccc xcix.* Vxorem habuit D. Mariam Sanctii Aliagam, Iacobi Aliagæ, & Mariæ



Marix Sanctii Magallionis filiam. Ex ea autem filios: Ioannem, qui sibi in Magistratu successit; ac Martinum, qui in Siciliensi expugnatione mortuus fuit. Filias quoque Beatricem, Gundisaluo Linyanio; alteram verò, cuius nomen non comperi, Ioanni Eximini Salanoux nuptam. Quorum vterque Equester vir fuit. Istius etiam Iustitiæ ætate, quemdam Dominicum Martini Aladrenum grauissimas defensas causas accepimus; Hospitalisque aliquamdiu competitorem, in magno numero fuisse patronorum. De eo tamen existimari non potest, cuius nec publica, nec priuata vlla exstant scripta.

## XXXIX.

## IOANNES EXIMINI Cerdanus.



**S**ED ecce in manibus omni laude dignissimus vir, ac temporibus illis doctissimus, singulari fide, ac prudentia præditus, Ioannes Eximini Cerdanus: cuius Iustitiatus multis, ac præclaris monumentis ad posterorum omnium memoriam commendatus est. Ipse enim & se ipsum nobis, & plures alios Iustitias Aragonum in medio posuit in sua illa, maximarum rerum plena, & interdum etiam iocosa epistola, quam scripsit paucis ante, quam mortuus est, an diebus, an mensibus; vt & ceteros Iustitias, & se ipsum cognosceremus per se. Quam-

- 20 quam autem ieiunè nimis huiusmodi argumentum pertractauit, cum sine temporum designatione nihil possit esse, nisi aridum, exile, & concisum: iure tamen laudandus videtur, quod primus illud scriptis illustrarit, ex omnibusque princeps extiterit, qui genus hoc ornarit scribendo. Nam ante eam litera nulla est, quæ Iustitiarum Aragonum seriem complectatur. Ei autem honos à maioribus nostris habitus est tantus, sola vt ex omnibus nostrarum rerum monumentis, publicarum legum volumini connexa, earundem videatur vim, ac dignitatem obtinere: longè, multumq; alia quæcumq; auctoritate, & fide superare. Si quid autem in ea est historia dignum, supra fusè persequutus sum, ac ipsas quoq; iocationes suas. Fuit enim sale conditus, & facetiis: sed ita tamen, vt si de iocosis rebus loqueretur, leporem adhiberet; si de seriis autem, seueritatem, non inuidiosam, aut popularem, sed infimo cuiq; gratissimam. Priusquàm autem amplissimum hoc munus obiret, Regalis Fiscus, vt vulgo loquimur, Aduocatus fuit. Deinde in patris locum susceptus, cum illius animus tamquam in acie positus cerneretur, nullum vnquam visus fuit, nisi publicæ utilitatis respectum, quæsiuisse. Nec paternam modo, sed maiore etiam gloriam consequutus est. Illius namq; Iustitiatus casus habuit interdum rariores. In quibus reiciuandis maxime sibi necessarium fuit, multum ponere industriæ, & laboris, vt iis, qui nauigant in flectendis promontoriis, propter ventorum mutationes, quas sentiunt. Deniq; labor in negotiis, fortitudo in periculis, in agendo industria, in conficiendo maturitas, ac in præcauendo consilium, in hoc vno tanta fuere, quanta vix in pluribus aliis Iustitiis visa sunt. Iam verò, quod illius Iustitiatus Ann. Chr.  $\infty$  cccxc. ccc-
- 30 perit; nuper eam, quam dixi, memoriam inueni in præmio tunc nobis Montisoni editarum legum. Vnicè enim in eo istius Iustitiæ sedulitatem commendat idem ille Ioannes Rex I. cuius præcipitem voluntatem Iustitia hic grauibis suis, ac iocosis verbis perstrinxit, cum Zueram confictæ venationis causa deductus, singulari sua comitate illius animum retinuit, Consiliariorum suorum inuentione in ipsius Iustitiæ odium concitatum: quemadmodum narrauimus supra suo loco. Tum etiam & si quæ alia obseruatione digna, à Iustitia hoc facta produntur; in eiusdem Ioannis vita, atq; in Martini Regis fratris narratione persequuti sumus: & illam quoq; illustrem, ac splendidam, tot sententiis, ac verbis perpolitam Concionem, quam ad nostros Martinus Rex habuit Ann. Chr.  $\infty$  cccxc. x. in qua tot posuit de rebus à nostris gestis præclara. Illis namque Comitibus
- 50 Iustitia hic præfuit: & ipsi Regi, quamdiu vixit, & in Curia, & in Foro, ac domi quoque officiosissime operam suam, studiumque nauauit. Sed omnes eius, quas paulo ante commemoravi, eximix virtutes in quarto illo Interregno enituerunt magis, quod nobis post Martini ipsius interitum datum fuit. Tunc enim hic Ioannes ad Remp. nostram fulciendam non modò vt Architectus, sed quasi faber accurrens, illam prope cadentem suis in humeris totam Magistratus auctoritate sustinuit, effecitque vt exteræ aliæ nationes intelligerent, qd forte incredibile, & falsò memoriæ proditū iudicabāt; fuisse nostros Aragonenses homines quondam ea in statuendo Regno sagacitate, & prudentia, vt vnus, & plurium imperium, media huiusmodi forensi Præfectura interposita, in nouam quādam speciem temperarent, nobisque hanc, qua nunc fruimur, Reipub. rationem con-



stiterent. Ex quo euenit, vt ipsi Reges nostris populis, tamen liberi, præesse malint, quam aliis, quantumuis seruitute constrictis, imperare; quod ob eam ipsam causam magis stabilem suam, quam ceterorum Regum, fortunam arbitrentur. quasi iste noster Magistratus, ita sit in speculis, ac communibus insidiis collocatus; non solum vt Rempub. dum à Rege regatur, illius furore conquassari non sinat: sed vt eam ad Interregnum adductam, saluam, ac incolumem futuro Regi conferuet, omnesque motus à ratione auersos, qui Reipub. afferantur, prohibeat; ne seditiose, populariterve, sed moderatè, cautè, & quietè ei soli, ad quem iure pertineat, Regnum deferatur. Quod tandem in quarto illo Interregno factum videmus: & hoc nostrum vniuersum imperium ad Ferdinandum Infantem Castellæ, non ferro, aut armis, sed grauissimo illo forensi, ac concertatorio genere iudicii peruenisse: quodque summum fuit, libertatem nostram, Diuino numine, istius Magistratus institutione initio natam, & auctam; tunc nobis fuisse eodem numine, atque eiusdem Magistratus præsidio, & auctoritate retentam. Sed hac de re iam quoque multa satis dixisse videor in quarti ipsius Interregni narratione. Et ea quidem magnopere digna scriptio est: nusquam enim tantam fuisse causam existimo, intra domesticos parietes in ciuili disceptatione versatam; & tam felicem, quod caput est, exitum habuisse. Atque vniuersum hoc fuit primæ ab eodem Ferdinando ad nostros habitæ orationis argumentum, Ann. Chr. ∞ CDXII. paucis post diebus, quam à selectis Iudicibus Caspi fuerat declaratus Rex. Cæsaraugustæ namque ad capeiendum Regnum Comitibus institutis, in Templo maximo illius Ferdinandus ipse, longè dilatato sermone, multique & grauissimis verbis istius facti laudem, atque Aragonensis nominis gloriam celebrauit. Quibus Comitibus Iustitia iste præfuit: & in eis Rex ipse fidem suam, patrio more, interposito iureiurando deuinxit, nihil se esse contra Regni scita, libertatem facturum, auales. Sed nouas nullas edidit, nec diu postea vixit Ferdinandus: siquidem Ann. 1416 ∞ CDXVI. mortuus fuit, Alfonso filio, totius sui imperii instituto herede. At verò Alfonso non, qua pater, beneuolentia Iustitiam hunc persecutus est. quinimmo acerbè, & penitus odiuit illum, postquam Aluarum quemdam Garauitum, Regis domesticum, à Baiulia generali Aragonum, Magistratus auctoritate, prohibuit, quod alienigenam eo munere fungi publica lex nostra vetaret; Garauitus autem ortu Castellanus esset. Quod tam moleste tulit noster ipse Alfonso Rex, vt quoquomodo posset huic Ioanni Iustitiam abrogandum constitueret. Nondum enim Magistratus ea erat difficultate abrogationis sepius, qua nunc est. Itaque eò rem perduxit Alfonso (tamen non proditur, quæ efficiens causa antecesserit) vt Iustitia hic sponcionem de Magistratu deponendo faceret, quotiescunque id fieri, Regi placeret: neque vt se verbis obligaret solum, sed vt chirographi sui cautionem daret, quo ea, dum opus esset, manifesta res deferretur. Ac Surita quidem id sponte à Iustitia factum affirmat. Aliter tamen hanc ob rem existimo, quod illum obseruari vehementer postea, vt ab ea se fide abduceret, pugnauisse. Etenim cum nonnullis interpositis diebus ab illo Rex, quam sibi dederat, fidem postularet; ille verò tergiversationem, ac moram interponens, licentius respondisset, eam, in qua danda quis fraudetur, nullam esse fidem; qua responsione laceffit Rex, cum ab eo vehementius, vt quod promiserat, præstaret, contenderet; nec voluntati suæ Iustitia satisfaceret: eidem tandem Magistratum abrogauit, perinde esse decernens, ac si Iustitia ipse, fidem suam liberans, se semetipsum munere abdicasset. Et quod summum fuit, Rex ipse palam per omnes vrbes vicos, ac plateas à præconibus prædicari id iussit, quò magis perspicuum fieret; constaretque inter omnes, deinceps Ioannem hunc non publicam, & grauem Magistratus, sed priuatam solummodò personam sustinere. Iustitia vero ita se Regis ira percussam ægrè ferens, haud esse duxit opitulandi sibi præcisam potestatem, quin ad tuendum Magistratum, Magistratus ipsius præsidia compararet. A Ioanne igitur Petri Casseda Iurisperito, eius Locumtenente, Iurisfirmam, quam diximus, impetrauit: qua sine vlla exceptione, vt est consuetudo, ea Regis sustulit interdicta. Nihilominus tamen aliquot post dies Iustitiam deposuit: noluit enim hac de causa contendere iurgio cum Rege. Atque is fuit istius Ioannis Iustitiatus finis. Cuius etsi incerta sunt tempora: fuit tamen absente Rege, in Neapolitanum Regnum traiecto. Neque enim Cerdanus ipse vllam aliam istius rei temporis designationem adhibuit. Ego verò dicam ad ea, quæ aliquando dicta sunt à me: sed ita tamen, nihil vt affirmem. Hunc itaque Cerdanum Magistratu abiisse conicio non infra Ann. ∞ CDXXXIII. Exploratus autem nihil habeo. Nec sum oblitus me aliquando illius finem longius produxisse, in Annum scilicet



scilicet  $\infty$  CDXXIV. Verum à me tunc erratum puto: & habui auctorem, quem sequutus sum, & Cerdanum ipsum: qui me in eum, quem supra dixi, errorem induxerunt. Sed ea nunc lectito, quæ me indubitationem adducunt maiorē. Namq; in Regni Tabulario nuper publica monumenta comperi Ann. Chr.  $\infty$  CDXX. in quibus idem Ioannes Petri Casseda, se Regentem Officium Iustitiatus Aragonum, ipso Officio vacante, profitetur: sic enim, iure nostro, eo casu constitutum est fieri. Tum in aliis monumentis simillimis, Anni tamen  $\infty$  CDXXII. eundem Ioannem Petri Cassedam, Locumtenentem Ioannis Eximini Cerdan Iustitiæ Aragonum, vocatum inuenio. Præterea Cerdanus ipse perhibet, se se triginta, & tres annos Magistratum gessisse, postquam in patris locum successus fuit. Vnde videtur illius Iustitiatus tempus ad dictum Ann.  $\infty$  CDXXIII. produci debere; cum tot intersint ab Ann.  $\infty$  CCCXC. quo orsum fuisse superius indicavi. Sed dictum Ann.  $\infty$  CDXXIII. vt suspicor, nequaquam excessit: quod eo exeunte constet Alfonso Regē in patriā reuertisse, eoq; absente Cerdanus ipse Magistratū à se depositū fuisse testetur. In tanta deniq; confusione sit, vt id dicā, quod meū animū quadā probabilitate percutit: nepe Cassedā in suo decreto fluctuasse, Cerdanumq; ob eā causā in contrarias interdum partes iisdem fluctibus fuisse iactatum, euenisseq; tunc, vt modò Magistratu depulsus, modò eidem præpositus censeretur. Nec quidquam hac de re magis certi habeo, quod dicam. Post Magistratum autem depositum ita diu vixit, vt trium Iustitiarum ætatibus implicaretur. Nam ætate processit, vsq; ad Iustitiatum Martini Didaci Auxii: ad quem scripta exstat nobilis illa, cuius toties mentionem fecimus, epistola Ann. Chr. CDXXXV. data: in qua præter publicas multas res; & priuatas suas, diligenter persequitur. Vxorem habuit D. Martinam Petri *del Sou*: ex eaq; filios quatuor: Iacobum; Ioannem; Gombaldum; & Martinum, qui Turiasonenfis Episcopus fuit. Filias totidem; Catherinam, Beltrando Cosconio, Mozotæ domino nuptam; Martinam, Philippo Vriesio Ayeruii dominatori; Beatricem, D. Ioannis Lunæ, qui Villæ felicis dominatum tenuit, vxorem: & aliam, cuius nomen non proditur; quæ Raimundo Murio, Baiulo Generali Aragonum nupta fuit: vt huic Cerdano defuisse nihil, neq; ad honorem, neq; ad gloriam acquirendam videatur: propter spoliationem autem muneris, minimè quiquam adeptum de fortuna. Tandem eodem Ann. Chr.  $\infty$  CDXXXV. quantum conlicere possum, interiiit. In eo sepulchro, quod pater, sibi, ac posteris in Ecclesia de Pilari decreuerat, constitutus est. Vxorem verò in Sancti Augustini cœnobio sepultam comperio.

XXXX.

## BERENGARIVS BARDAXINVS.



IN Cerdani autem locum successit Berengarius Bardaxinus: idem ille summus, ac spectatus vir, qui vnus ē selectis nouem inclytum illud quod paulo ante retulimus, de imperii nostri hereditate adeunda in Caspensi opido iudicium iudicauit. Horum namque duorum sic tunc officia quasi demensa, & paria extiterunt; vt ab altero iacta fundamenta, ab altero operi fastigium impositum videamus: sed ita tamen, vt cum alter ex alterius laude partem, suam vterque integram totam, haberet. Atq; ita etiam vtriusque fortuna propemodum pari momento fortis fuit, honorisq; eadem, quæ fuerat æquatio laboris. Quamquam autem Cerdano tantum tribuo, quantum supra dixi: verum in eo genere sic statuo, Berengario hoc nihil fuisse in nostra Ciuitate præstantius. Neque enim facile quem dixerim, plus operæ, & officii, quàm illum ad componendam Rempublicam contulisse. Cumque dicundi iuris magnum fuisse vsum & apud Vitalem, Salanouam, Cerdanos ambos, & apud alios fortasse, nec verò iam multos, audierimus; artem in hoc vno: longè vt non eorum modò; sed vt aliorum omnium, quorum tunc vbiuis industria vigeat, in iure ciuili princeps censeretur. Maximè autem hæc omnia illius generis splendor decorabat. Ortus enim erat Bardaxinorum illustri, ac vetusta stirpe; ab eo siquidem, vt coniicio, Berengario, claro, & præpotenti viro profectus, qui Ann.  $\infty$  CLVII. cum Bardaxinæ ita vocatæ Vallis in Ripacurtiensi tractu potiretur, eam dē, ac semetipsum Assaniensis cœnobii societati, vt antiquus mos erat Surita teste, donauit. Quem etiā suspicor, illius Eximini Fortunionis fuisse filiū aut saltē gentilē, cuius in secundi Iustitiæ narratione mentionem feci, in monumentis An. n.  $\infty$  CXXVI. *Seniore*

Tomus III.

Z z z 2



in Calasanz, & Bardaxin, Ricorum hominum more, vocatum inueniri. tam altè videtur istius nobilis familiæ initium peti posse, vt pæne cum ipsa nostra antiquitate adæquetur. Itaque Bardaxinus iste hanc tantam nobilitatem suam, tamen fati maiorum laude illustratam, denuo ipse nominis sui celebritate honestauit, suamque etiam multorum opidorum dominatione progeniem. Atque vt de illius laudibus vnico Regis testimonio concludam, idem Alfonsus V. apertè nimis (idem ipse inquam Magnanimus, ac Sapiens Rex noster) cum hunc Iustitiam nomine esset affatus, totam hanc illius mentis aciem, fidemque & naturam perpauca huiusmodi verbis explicauit, dum dixit, vt est apud Suritam in tertio decimo, vt suspicor, Annali: *Sicui vni possent rectissime omnia committi, Bardaxino parem, aut secundum, inuenirem neminem.* Et voluissim certe, aliquid eidem libuisset scribere: cum enim sui, tum etiam multam, quam collegerat, nostræ antiquitatis notitiam reliquisset nobis. Sed planè nihil scripsit. Neque inertia puto: sed quod nullum sibi tempus à maximarum rerum curatione vacaret: vel fortasse, quod sui ingenii in posterum nullam desideraret memoriam, cum se satis magnam fuisse duceret gloriam consequutum, eamque etiam maiorem visum iri, si non sua scripta in existimantium arbitrium peruenirent. Iam verò, vt redeam ad seriem annorum, quò ea fuit mihi in Cerdani exitu dubia, eò fit modò in istius initiis incerta. Decreui tamen non amplius in hac confusa disputatione contendere. Quapropter quoniam hoc est certissimum, id solum affirmabo; Iustitiam hunc Cerdano, nullo alio interposito, successisse. Atqui ego  
1423 illum, eodem Ann. Chr. ∞ CDXXIII. iam Iustitiam nominatum inuenio; eundemq;  
1432 Cassedam tunc illius locum tenere. Sed Ann. Chri. ∞ CDXXXII. Bardaxinus obiit Barcinonæ. Qua de re statui nonnulla, ex iis, quæ a Molino obseruantur, depromere, atque hunc in locum conducere, etsi nostris sint trita, & vulgata, quod multam nostræ antiquitatis commemorationem contineant, veterumque exemplorum prolationem. Sicigitur ille in suo Repertorio in verbo, *Mors*, testatum reliquit. *Mortuus quando fuit Berengarius de Bardaxi Iustitia Aragonum, & quando mortuus fuit Franciscus de Zarzuela eius successor in Iustitiatu, eorum mortes fuerunt habitæ pro notoriis. Et reperi in antiquis scripturis, quod hoc fuit sepe determinatum in consilio per antiquos Foristas. Et nota, quod quando Iustitia Aragonum est mortuus, interim q̄ Dominus Rex prouidet de Iustitiatu, Locutenentes appellantur de Foro, Regentes Iustitiatum. Et circa prædicta est notandum, Quod in Ann. ∞ CDXXXII. die XII. Aprilis fuit certum in Ciuitate Casaraugustæ, quod mortuus erat dictus B. de Bardaxi Iustitia Aragonum. Et Locutenentes ipsius erant, dominus Sanctius de Francia, & dominus Alfonsus de Mur: qui fecerunt congregare oēs sapientes ad consiliu in domo dicti B. de Bardaxi quondam Iustitia Aragonum, ubi alias solitum erat congregari dictum consiliu. Et fuit concorditer determinatum in dicto consilio: Primo: quod dicti Locumtenentes absque aliqua alia notificatione mortis, postquam eis erat nota dicta mors per literam filii dicti B. de Bardaxi, & alias erat notoria: quod sine alia inuestigatione dictæ mortis, aut notificatione debebant procedere in suo Officio, vocando se Regentes iuxta Forum: quia mortes Iustitiarum Aragonum, & Regentium Officium gubernationis habebantur pro notoriis, sicut mortes Nobilium, & Prælatorum. Item fuit ibi conclusum in dicto consilio: quod dicti Locumtenentes debebant procedere in exercitio sui Officii, sine aliqua alia præstatione Iuramenti per ipsos de nouo facienda. Et fuit ibi dictum, quod sic fuerat factum tempore, quo dictum Officium vacabat per renuntiationem domini Ioannis Eximini Cerdan, qui renuntiavit Iustitiatum in posse Regina Maria. Item fuit conclusum in dicto consilio: quod dicti Locumtenentes debebant mandare fieri vnum sigillum nouum cum armis propriis dicti Locumtenentis, cum quo sigillarentur prouisiones Curie Iustitiæ Aragonum, donec dominus Rex prouideret de Iustitiatu. Item fuit ibi conclusum: Quod dicti Locumtenentes intimarent mortem dicti B. de Bardaxi, Bayulo generali domini Regis, & Procuratori Fiscali, ex quo dominus Rex Alfonsus erat absens à Regno: & etiam quod intimarent dictam mortem Deputatis Regni: & quod publice sedentes in Curia notificarent dictam mortem omnibus ibi stantibus: & quod de cetero coram eis comparerent illi, qui volebant enantare, tamquam coram Regentibus prædictis, donec fuisset prouisum de Iustitiatu per dominum Regem. Et obiit dictus Berengarius de Bardaxi die prima Aprilis Ann. ∞ CCCXXXII. Cuius anima requiescat in pace. Amen. Consultò enim prætereo, quod Berengarius iste An. ∞ CDXV. ad Castellanum Regem orator missus fuit: tum, quod Comitibus præfuit Turoli habitis Ann. ∞ CDXXIX. itidem & iis, quæ sequenti Ann. ∞ CDXXX. ad Valderobres opidum celebrata fuere: & ea etiam quæ Ann. ∞ CDXXX. & Ann. ∞ CDXXXI. in domesticis nostris, ac ciuilibus rebus effecit. In his namque omnibus, præterquam in Comitibus, non Magistratus, sed extrinsecus aliam, quam sibi tempus, ac Resp. imposuit, personam sustinuit. Sua enim ad quam-*



quãcumq; rationem aptissima esse censebatur. Neq; verò in illius Iustitiatum periculosa vlla de patriæ libertate contentiones, quemadmodum in aliorum Iustitiarum tempora inciderunt: quippe cum ea esset in nostro Rege, eodem siquidem Alfonso V. moderatio, ac temperatio naturæ, omnis vt sedatio ciuiliū perturbationum, & quasi modus rerum positus cerneretur. Itaq; hic Iustitiatu eo ipso memorabilis est, quòd domestica omni de publico iure disceptatione caruerit. Et fortasse Berengarius iste, sua prudentia, & consilio, Alfonso ipsum in eandem temperantiam inducebat, iurisq; ac consuetudinis nostræ rationem, quandoquidem apud eum plurimum constat auctoritate, & gratia valuisse: ac deniq; is vir fuit, qui quamdiu vixit, Rempub. totam tractauit, & tenuit. Eius corpus è Barcinonensi ad nostram urbem allatum fuit, & in beati Iacobi sacello, quod est in Ecclesia de Pilari oppositum Capellæ Cerdanorum, honorificentissimo in sepulchro constitutum. Vxorem duxit D. Isabellam Ram, maxima cognatione cum D. Dominico Ram, Episcopo Oscensi coniunctam, qui inclyti illius iudicii sibi socius fuerat. Ex ea filios suscepit: Ioannem; Berengarium; ac Georgium: priorem quidem, ipsius Regis, vt vocant, Camarlengum, Baroniarumq; Pertusæ, & Antillionis dominum: alterum, Olieti, & Arcaynæ ditionibus donatum à patre: postremum verò, Pompelonensem primum, postea Turiasonensem Episcopum, in Cerdani Episcopi locum, creatum: filiam autem vnicam, D. Mariam, lectissimam feminam: quæ D. Petro Vrræ, primario nobilissimo viro, à quo Arandenses Comites fluxere, nupta fuit. vt hoc ad Bardaxinorum gentem illustrandam accederet etiam insigne.

## XLI.

## FRANCISCVS ZARZVELA.



ET istius Zarzuelæ Iustitiatu, eiusdem Sancti Franciæ arbitrio, & voluntate gestus, non obscurus fuit. Franciam enim iuris valde peritum fuisse constat, & ipsius Zarzuelæ locum tenuisse. Zarzuelam verò in tanto numero fuisse non video neq; summi ingenii, sed probabilis cuiusdam industriæ. Ab ampla tamen, & honesta familia originem ducebat, atq; in Valentino Regno illustris Comitatus, Exericæ ditionis, potiebatur. Neq; verò vita sibi tantum campum dedit, in quo posset ingenii sui, si quæ erat in eo, facultas excurrere. Magistratum enim biennium non habuit. Siquidem mense Aprilis, quo Bardaxinus mortem obiit, Iustitia factus fuit: sequenti verò Ann. Chr.  $\infty$  CD. XXXI. Non. Septemb. graui morbo oppressus, interiit. Ad Iustitiarū autē quasi gradibus quibusdam ascenderat. Etenim primum, Martini Regis Consiliarius fuit, illiusq; Curia & Iudex, & Auditor: quæ olim erat fori consuetudo. Postea Quæsturam Regis iniit: & in Quæstura demum factus est Iustitia. Neq; verò illius Magistratum alia re nota insignem inuenio, nisi ea, quam dudum in Regni Tabulario comperi. Etenim cum mercatores nostri, Hiberum fluuium nauigantes, à Catalanis tractarentur iniuriosius quàm aut per publica macrocola liceret, aut tanta animorum, ac vicinitatis coniunctio postularet: Francia ipse, Magistratus auctoritate, (cuius amplo Locumtenentis fungebatur, vt dictum est, munere) A. D. XIV. Kal. Septēb. eiusdem Ann.  $\infty$  CDXXXI. Catalanis edicto suo sanxit: vt ab Hiberi alueo quam cito remouerent, quæq; omnia possent nauiculatoribus nostris obstare, quominus à Cæsaraugustana vrbe ad Dertosam vsq; perquam facilis ipsa nauigatio pateret. Quod si fieret, optimè; sin minus, iudicium se se edixit daturum iniuriarum, quod nostros homines ab omnibus his molestiis vindicaret. Ac Catalanos ferunt huiusmodi consiliis statim paruisse. Et ego libenter id credam: nam ea natio semper fuit in suum cuiq; tribuendo facilis. Mihi verò vitio dandum statui, si quod Locumtenenti ipsi tunc magnæ laudi ab omnibus datum fuit, silentio præterirem: cum eo etiam tendat, vt præteritorum temporum momenta perpendentes, fuisse olim eam nostri Magistratus vim, ac dignitatem ostendamus, quæ domesticorum non solum, sed vicinorum, tametsi alieni iuris, auersos nonnumquam à ratione motus, ipsius rationis regula, ad quam tandem totus dirigitur, temperarit. Ceterum Zarzuela Exericæ sepultus iacet. Ex Vrsula vxore filiam reliquit Francinam, & Franciscum filium, quem hæredem fecit testamento. Sed vxoris gentilicium nomen exploratum non habeo. Constat autem eam, ortu Valentinam esse, & inde etiam Zarzuelæ maiores duxisse genus suum.



## MARTINVS DIDACI AVXIVS.



**A**T T A M E N istius Martini antiquitas generis ab Aux, nobili Gallia vrbe, profecta perhibetur. Nam iride ferunt in nostram patriam circ. Ann. Chr. ∞ ccl. strenuum quemdam virum, Ioannem Didaci vocatum, aduenisse. Qui tamen a Regibus nostris Bielsæ opido donatus fuit; illud tamē Auxii, a patriæ suæ nomine, cognomen a se sumptum & retinuit ipse, & posteris suis hereditarium reliquit: quem admodum illustris, & præclarus Didacus Casteionius, disertissimus temporibus nostris patronus; ac Philippi Regis in amplissimo Ordinū Senatu Cōsiliarius, in ea, q̄ collegit sui generis memoriā, obseruauit; vt huic Auxensi nobili, atq; amplæ familiæ, qua cum ipse erat coniunctus cognatione, illatam labem, quæ ad eundem Senatū delata fuerat, disceptatione, & cognitione veritatis, elueret, veterumq; rerū prolatione, nihil in ea vniquā vitiosum, nec maculatum fuisse demonstraret. Omninoq; in eo fuisse errorem puto: quod antiqua adhuc nostrorum nominum ratio satis nota non esset. Immo cum eam ignorarent, qui obrectarunt; falso eidem ignobilitatē illā obiecerunt, Didaci id nomen in Auxensium familia, quod videmus esse commune cum multis, non patronymicum, sed omnino gentilium fuisse existimantes. & simillimo errore plerosq; video frequenter duci in nostrorum hominum familiis distinguendis. Verum huic inscitia iam me aliquod lumen prætulisse opinor, in ea, quam supra sum aggressus, de antiquis Aragonensium nominibus disputatione. Ac fortasse ea re præstui, quod non parui ducerem: nempe vt multitudinē nostrorum nominum, adhibita illa a nobis ipsorum varietate, perspecta, facilius deinceps singularum familiarum distinguantur gradus, ne propter eorundem confusam rationem, ex multarum summa indignitate similis labes aliarum summæ dignitati aspergatur. Is igitur Ioannes Auxensium nobilitatis princeps proditur: hic verò Iustitia, amplificator. In quo si non fuisset pertinacia tanta, ac tanta cupiditas Iustitiatus, vt fuit in eo bene gerendo curiosus, longè multos gloria superasset. Nam & industria valuit, & vsu complurium negotiorum multum: præterea is vir fuit, qui ex Comitiali decreto Regni nostri scita, quæ Salanoua, Hospitalis, & alii veteres eorum Obseruatores collegerant, vndiq; tamquam flosculos carpens, coegit in genera, in illudq; redegit, quod nunc sub Obseruantiarum nomine connexum exstat legibus nostris volumen. Qua in re eorum omnium diligentia superauit; auctoritate verò longe operam vicit, quandoquidem huic eius labori is magnus cunulus dignitatis accessit, vt publicarum legum instar, publica ipsa legē, sanciretur. Sic fecit, q̄ quisq; eorū fecit; & q̄ omnibus defuit, expleuit. Doctrinē porro in eo tantū fuit, q̄ esset in priuatis rebus sibi, & amicis; in publicis autem Rei publicæ dignitati satis: prudentia verò sibi, vt mihi quidem videtur, non satis. Antē Iustitiatum autem eam gessit, quam Baiulæ generalis Locumtenentiam appellant; cum Aluarus ille Garauitus, Baiulus generalis esset. Ac Ioanne Lupi Gurtea in Garauitilocom deinde suffecta, eodem Probaiuli, vt ita dicam, perfunctus est munere. Postremò in altiorē gradum, ipsius scilicet Baiulatus ascendens, Baiulus generalis a Rege effectus fuit. Tandem Iustitiatum adeptus Februarii mensē Ann. Chr. ∞ c d x x x i v. Sed cum illa sequor, quæ scribenda institui, tum hoc non in postremis, de quo cœperam exponere; si Iustitia hic sterisset in promissis, nec splendorem suum nomine calumniæ maculasset: nihil eo fuisse præstantius. Verum eo ipso, & Regis, & bonorum omnium odio se magis irretiuit, quo noua interdum constituta legē, sese credidit interuerrere posse Iustitiatum. Ita enim rem gestam exponit Martinus Pertusa, iuris, & literarum peritissimus, huic ætati adiunctus proximè; quem constat, tum ciuem grauem, tum in magnorum patronorum numero habitum fuisse illis temporibus. Nam & Zalmetina fuit, & multa de legibus nostris scripsit, quæ exstant apud nonnullos, non edita; ex quibus eum colligitur ingenii acumine floruisse nimium. Is ergo dum Forum, *Tatfia. De Officio Iustitia Aragonum*, editum in Comitibus Alcagnicii, Iustitia hoc assidente, Ann. Christ. ∞ c d x x x v i. habitis, interpretatur: *Nota (inquit) hunc Forum, prærogatiuam singularem continentem Iustitia Aragonum, Locumtenentiam suorum, & Notariorum principalium, & Virgariorum Curia suæ, vt pro quibusvis delictis, aut causis, vel rationibus non valeant conueniri, nisi*

Coram



Coram Domino Rege, & Curia coniunctim, nec capi, nec accusari, nec capri detineri. (nam eadem ipsa lex est, quam supra, dum grauem illum de Magistratus vi, ac potestate locum tractauimus, loquentem induximus, vt doceremus, nemini fas esse, Magistratum, etiam iure priuati, apud alium, praterquam apud Regem, & Regnum simul criminari.) Et vt accepi, Foris iste fuit procuratus, vt ita fieret, per dominum Martinum Didaci de Aux Iustitiam Regni Aragonum cum amicis suis: ne per dominum Regem, aut eius Locumtenentem, vel alios Iudices posset iudicari, nec contra eum aliquo modo per eos procedi, nec compelli posset ad renuntiandum officium Iustitatus, quod renuntiare promiserat, mediante quodam cartelo, propria manu scripto, toties quoties sibi restitueretur Officium Bayuliæ generalis Regni Aragonum per illustrissimum dominum Regem Alonsum. Et quia requisitus per dominam Mariam Reginam Aragonum, dicti Domini Regis Locumtenentem generalem, vt dicto Officio cederet, & renuntiaret iuxta tenorem dicti carteli, cum sibi restitueretur realiter dictum Officium Bayuliæ generalis, noluit cartelum seruare, nec contenta in illo adimplere, immo recusauit, quod sibi mandabatur ex parte dicti domini Regis, adimplere. Et cum in cartelo diceretur, quod si renuntiare dicto Officio recusasset, quod incurreret in penam, quam dictus dominus Rex vellet; fuit requisitus pluries, vt adimpleret promissa, pro parte dicti domini Regis per dictam dominam Reginam eius consortem, & Locumtenentem generalem: & dixit se potius velle incurrere in penis in dicto cartelo suo contentis, & per dominum Regem declarandis, & perdere potius vitam, quam renuntiare. Fuit declaratum, illum fore priuatum Officio Iustitatus in penam: & illud Ann.  $\infty$  CDXXXIX.

2<sup>o</sup> fuit datum domino Ferrario de Lanuza. Et dictus dominus Martinus captus, apud Exatiuam mortuus fuit. Cartelli autem, de quo hic in presenti carta fit mentio, tenor fuit tenoris sequentis. A vos muy Excelente Principe, e Segnor Don Alfonso por la gracia de Dios, de Rey Aragon, de Sicilia, etcetera: prometo yo Martin Diaz de Aux, olim Bayle general, & Receptor general en el dito Reyno de Aragon, & nueuament por vos proueydo del Officio de Iusticia del dito Reyno: Que toda vegada, que por Vuestro Excellencia me seran tornados, dados, e commendados por todo el tiempo de mi vida, los ditos Officios de Bayle general, en la forma quo los tenia, en el tiempo, que fuy proueydo por Vuestra Señoria del dito Officio de Iusticia, e con las prouisiones e seguredades, que por mi part seran a Vuestra Señoria demandadas; e ser metido por Vuestra Señoria, de vuestro mandamiento, en posesion pacifica de los ditos Officios, e cada vno dellos; y aquel, o aquellos a quien los ditos Officios por Vuestra Señoria seran dados, e acomendados, en las ditas collacion, e comanda, e adepcion de posesion hi hauran consentido; e la carta publica del cõsentimiento dellos me sera librada en publica forma: To resignare el dito Officio de Iusticia en manos de Vuestra Señoria. E posado, que en el dito caso recusasse, o dilataste, resignar el dito Officio: quiero ser encorrido ahora por la hora en la pena, que a Vuestra Señoria plazera. E en testimonio de aquesto fago la present escritura de mi propria mano en Caragoça a dos dias del mes de Febrero, Año de mil y quatrocientos treynta y quatro. Alonsus enim quando huic Martino Iustitatum commisit, istius chirographi cautionem interposuit, vt fiduciæ acceptæ id publicum semper testimonium existeret: quasi iam illius animus futuram inconstantiam præsentiret. Neque verò eidem postea huiusmodi calumniam solam, sed & alia etiam crimina obiciebat. Iustitia verò de obiectis nihil confitebatur: quoad fiduciam autem id agebat, vt si fieri posset, temporis procellam deuicaret: nam interposita Regii iudicii reiectione, se nouæ legis præsidio defendebat, iamque de suis factis nullum fieri iudicium posse, nisi institutis Comitibus, affirmabat. Verum neque Regi, neque populo, ac vix cuiquam ex suis ea excusatio probabatur. Quod si suæ salutis spem in aliquo honesto præsidio, aut in ipsius Regis gratia collocasset, melius suæ consulisset incolumitati, vitæ, & fortunæ. Ergo ille cum in proposita sententia permaneret, nec quem exitum habitura res esset, prouidisset satis: id denique effecit, vt quò minimè volebat, eò reuolueretur imprudens. Anno siquidem  $\infty$  CDXXXIX à Maria Regina, Alonsi Regis vxore (Neapoli enim 1439) Alonsus tunc aderat, ea verò ipsius vicem, & locum tenebat apud nos) siue, vt Summa perhibet, à Ioanne, Nauarræ Rege, Alonsi eiusdem fratre (qui apud nos etiam assidue versabatur) euocatus, sæpiusque vt Iustitatum deponeret, interpellatus, & monitus, non eo solum, sed & libertate se miser abdicauit. Etenim cum se insolenter in eodem illo congressu iactauisset; concubia quadam nocte comprehensus, clam ad Valentini Regnum ligatus, deductus fuit, Sætabique nobili Contestanorum vrbe, coniectus in carcerem: vbi infelix, & ærumnosus interiit A. D. VII. Kal. August. Ann. Chri.  $\infty$  CDXL. quamuis hac de re varia est opinio: nonnullaq; scripta feruntur, ex quibus illius Iustitatum, ac vitam fuisse longius productam apparet: sed nequaquam tamen



meliores exitus habuisse. Sic tandem omnes eius conatus ad sui ipsius perniciem desciverunt. Inde illius corpus Cæsaraugustam allatum est, & in beati Francisci templo conditum in marmoreo sepulchro, quod ad claustrum ianuam nunc exstat. Liniana autem superstes vxor illud marito, sibi, & posteris faciendum curauit. De reliquo hæc habeo, quæ dicam. Patre natus fuit Ioanne Didaci Auxio: matre verò D. Martina: quos Darocæ habuisse domicilium comperio. Filios verò plures reliqui, ex coniugibus scilicet duabus susceptos: è priori quidem, quæ D. Isabella Cerdan dicta fuit; Martinum Didaci Auxium, qui Alfonsi Regis Cubicularius fuit, & Alfocæ opidi, dum vixit, Ferdinandum quoque qui penè infans decessit. E posteriori autem, D. Maria Eximini Liniana; Ioannem Didaci Auxium, quem paterni domicilii heredem fecit; Catharinam Didaci Auxiam; & Ludouicum Didaci Auxium: quibus bona sua singillatim aspersit testamento. Lautum enim patrimonium confecit. Nec dubito, quin magis amplum reliquisset suis, nisi tam magnum in se odium ipsius Regis Alfonsi concitasset. Simus igitur omnes ea mète, vt qui fiduciam accipiat, fidem esse præstandam arbitretur: sciatq; nec quidquam aliud, quod omnino grauius sit pertimescendum, accidere cuius posse, præter culpam.

## XLIII.

## FERRARIUS LANUZA I.



QVAM multi autem iam Iustitiæ Aragonum commemorati sunt, & quamdiu in eorum enumeratione versamur, cum tamen ad geminos, vt ad Sesseffios, Artassonas, Tarinos, atque adeò alios, dudumque ad Cerdanos; sic nunc ad Lanuzas, institutum ordinem sequentes, peruenimus. Sed de eis omnibus sic equidem statuo, vt in vna familia ad illius laudem, & antiquæ nobilitatis memoriam; vnum, aut alterum, fuisse Iustitias satis putem: & si in qua tres; eam omnino iudicem clarissimum indicium honestatis, magnum insigne honoris, ac monumentum gloriæ consequutam. Et verò tot video in Lanuzarum gente Iustitias exstitisse, vt ad sempiternum eorum nominis decus, ac splendorem, vel ea in re sola statuatam esse plus etiam, quam satis, indicii, atque argumenti constitutum, neque quod ipsis solis satis, sed quod multis aliis satis ad suam nobilitatem illustrandam esset. Atque hæc quoque iure potest, & clarissimæ eorum gentis, & quasi communis esse ipsius Magistratus laus, cum hanc tantum Iustitiarum Aragonum copiam effuderit; neminem ex eis amplissimum istum fuisse honoris gradum adeptum, qui non omni studio, virtute auctoritate, & fide ad conseruandam Rempub. incubuerit. In quos cum intueor, occurrit mihi maxime hic Ferrarius. Cuius tantus fuit animi splendor, tanta præstantia, & magnitudo, vt omnia quæ clarissimorum virorum essent, & sumpsisse sibi, & summa cum dignitate retinuisse semper, visus sit. Quamquam multis ante eum annis, Iacobi scilicet II. temporibus, alium quoque Ferrarium Lanuzam floruisse laudibus, atque omni genere virtutis comperio. Siquidem eum constat, cum opidorum, *de Escuer, Arguisal, & Essunde Bassa*, in iis Regni nostri confiniis, quæ Pyrenæos montes attingunt, potiretur, neque solum in illis ipsis municipiis, ex quibus eius generis antiquitas profecta erat, sed in tota ea regione amicis, opibus, ac potentia valeret: in prima Sardinienfis Regni expugnatione circiter Ann.  $\infty$  cccxxi. in ipsius Iacobi Regis exercitu militasse, posteaque sibi Alfocæ opidum eiusdem Regis, vt suspicor, beneficentia adsciuisse. Is duos filios reliquit: Lupum, ac Ferrarium: quorum virtus maxime etiam nobilitata fuit illis temporibus. Ferrarius enim à Petro III. Ann. Chr.  $\infty$  cccxlvii. suppositus fuit Ioannis Lupi Sesseffii imperatoriæ operæ ad defendendam urbem vicarius, quando eidem Castellæ Rex Petrus ferrum, ac flammam minabatur. Lupum autem tametsi non ita bellicarum rerum laude celebratum inuenio, tamen clarum, & potentem virum fuisse constat: atque D. Vrracam Ferdinandi Tarbam, Galaciani Tarbæ, Iustitiæ Aragonum, ex filio neptem, vxorem duxisse: in quam omnis Tarbarum hereditas nominis, ac gloriæ peruenit. Quorum ipsa cupiens intermorientem memoriam suscitare, Martinum Lupi Lanuzam, filium minorem natu, heredem sibi instituit testamento, & quasi à se adoptatum, ex Lanuza Tarbam fieri iussit. Vnde Martinus ipse & Galacianus Tarba, vocitatus est. Illius verò frater maior natu, Ferrarius Lanuza dictus, paternam,



paternam, & auitam hereditatem adiuit; ac Iustitiam hunc è Galaciana Egidii Castro suscepit. Quam suspicor, illius D. Petri Castri, cuius in vita Stephani Egidii Tarini meminimus, filiam fuisse, aut certè gentilem: & quia à Tarinis ipsis ducebat genus suum, illud sibi Egidii, vñtatissimum eorum patronymicum nomen, in illorum memoriam, referuasse: ideoque Galacianam Egidii dictam esse. iam vt in ipso Iustitiatu eadem ipsa Lanuzarū gens tam altas egisse radices, inque sui generis, ac seminis stirpe, ingenerata ei hæc tanta frugalitas videatur. Sed maiores suos Iustitia hic gloria superauit. Tam auspiciatò autem primus in domum suam ipsum intulit Iustitiatum, vt perquàm facilem visus certè sit posteris eundem adipiscenti gradum reliquisse: apud omnesque Reges, qui Alfonso successerunt, perinde atque apud eum, valuisse istius, etsi mortui, tam bene de Repub. meriti, senem memoriam. Cùm vero Iustitia factus fuit, Baiuliam generalem gerebat; qui fuerat in Martini Didaci Auxii locum suffectus. Sed Martino, vt paulo ante diximus, Iustitiatu abeunte, eidem in ipso etiam Iustitiatu successit: sibi autem in Baiulia Martinus Lupi Lanuza, germanus frater, vir equidem illustris, & clarus. Sic hoscce ambos fratres, quos erexerat virtus ad laudem, extulit ad gloriam fortuna; vt puncto temporis eodem, atque iisdem pene literis, alteri Baiuliatus, alteri Iustitiatus mandaretur. Ferrarius autem Magistratum iniit Kal. Iul. Ann. ∞ c c c c x x x i x. Et verò quamuis iuris scientia nudatus; sua tamen prudentia, quæ summa in eo fuit, non Magistratus solam, sed quam multi, & varii casus priuatim sibi imposuerunt, magnificentissimè personam sustinuit. Et longinquus à nobis eiusdem Regis abscessus tot, ac tanta attulit publicis rebus incommoda, vt in earum procuratione Iustitiam hūc assidue multis officiis implicatum, & constrictum esse oporteret. In primis ergò Comitibus præfuit, quæ Alcágnizii fuere Ann. ∞ c d x l i. instituta, Cæsaraugustæ verò sequenti anno peracta. In quibus nostri in proximorum Iustitiarum exemplis periclitati, publica ea lege, *Como segunt la ment de los Fueros antigos.* sub tit. *De Officio Iustitie Aragonum:* quæ tunc lata fuit, Magistratum ipsum maxima abrogationis difficultate seplerunt, decernentes pacta omnia, & promissa, quæ in posterum quo quomodo de eodem deponendo fierent, irrita futura, & infecta, ac nullam prorsus vim fœderis habitura. Quin Iustitiam Aragonum, postquàm à Rege præfectus sit muneri, ad solius Regis nutum nequaquam pendere: neque Magistratum eidem, præterquàm à Rege cum Regno simul, abrogari iam posse. Quam legem loquentem induximus, cùm de istius Magistratus vi, ac potestate disputauimus. Verumenimvero cùm ea Comitibus, absente Rege, à Maria vxore habita fuissent, quia in Mariæ gubernatione Alphonsus maritur; in Neapolitana expugnatione occupatus; vniuersum hoc nostrum imperium posuerat; & quamuis ipse ad seruandas leges, quæ tunc editæ fuerant, hoc pignore censebatur esse obligatus satis, quòd pro eo Regina sponddisset, quæ Regalem omnem potestatem habebat: nihilominus tamen volentes nostri maiorem quoque cautionem adhibere, statuerunt, sponsonem eam ab ipso Rege in ipsius Iustitiæ Aragonum verba fieri debere; cùm ex præcipuæ partes Magistratus sint, publicæ nempe à Regibus nostris recipiendæ fidei. Itaque istius rei causa, in Neapolim Iustitia hic legatus est à nostris: deque ipso Rege, decreta omnia approbante, fidem recepit sollemnireligione constrictam, se ab eis nec transuersum vnquam vnguem discessurum. tanti sua maiores illi nostri putarunt, ac nostra quoque ad retinendam libertatem interesse, eam legem manere, quæ iis Comitibus fuerat de abrogandi muneris difficultate rogata. Et Iustitia ipse in ea legatione tantopere Regi officium suum probauit, vt ab eo discedens Ann. Chr. ∞ c d x l v. nouo, & magno afficeretur honore. Etenim Ioanni fratri, Nauarræ Regi, intimus Consiliarius ab eodem Alphonso datus fuit, totiusque bellicæ rei gerendæ rationis administer. Neque id Ioannes acerbè tulit: imo deinceps illius opera, & consilio assidue vti non solum in publicis, sed in priuatis suis, ac domesticis rebus consuevit. Cumque Ann. ∞ c d x l v i i. Calataiubium tenderet, vt cum Ioanna, Almirantis Castellæ filia, matrimonii dignitate coniungeretur: eum sibi affecclam iussit esse vnà cum nonnullis aliis ad tantam rem ex Optimatibus nostris selectis. Sed interea dum hæc gerebantur, Metimnæ Zelin Comes, D. Gastonius *la Cerda*, in suis opidis, quæ in iisdem ipsis confiniis sunt, contra nostrum Regnum insidias instruebat. Cui oppositus erat Rudericus Rebolledo, clarus, & fortis vir. Erat quippe inter nostros, ac Castellanos à singulis Regibus bellum indictum. Cùm igitur hi ambo duces Ann. Chr. ∞ c d x l i i x. in constitutum certamen deuenissent; Gastonius à Ruderico comprehensus, Cæsaraugustam captiuus ductus fuit, & ab eodem Ioanne Rege huic Iustitiæ in custodiã traditus. Ipse verò in suam Bardallurèssem



- arcem Gastonium deduxit, ibidemque biennium illum in liberali custodia inclusum asseruauit. Ceterum eo tempore adhuc ille mos antiquus manebat, ut in Comitibus nostri Ordines Deputatos Regni, & Inquisitores Officii Iustitiæ Aragonum, adhibitis suffragiis renuntiarent. Ob quam causam confusa, & perturbata ea res omnino versabatur. Cui ut prouideretur incommodo, Comitiali decreto Ann. Chr. ∞ CDL. (nam idem Ioannes tunc nostris Cæsaraugustæ habuit, absentis fratris nomine, Comitibus) D. Dalmatio Murio, Cæsaraugustano clarissimo, & nobilissimo Antistiti, & huic Iustitiæ, soluta optio data fuit ad ea munera, quos ipsi vellent, ex nostris eligendi; & emendandæ etiam ea in re ipsius antiquitatis potestas. Ipsi verò amplissimos viros elegerunt: atque ut ea omnis suffragiorum in posterum confusio tolleretur, horum munerum sortitionem constituerunt, non expressam eam, quæ nunc viget, sed ad illius prope speciem adumbratam. Inde enim informata videtur, quæ Ann. Chr. ∞ CDLXI. decreta fuit: & quæ tandem nobis mansit Ann. Chr. ∞ CDLXVII. rogata. Sed ne in iis ordinem annorum turbem, multum quoque operæ Iustitiæ hunc posuisse constat, ut si fieri posset, maximæ illæ inter ipsum Ioannem, & Carolum filium, Vianæ Principem, concitata discordiæ sedarentur. Iamque Ann. Chr. ∞ CDLIII. Cæsaraugustæ Comitibus institutis consilia ea de re fuisse inita videmus: eosque ambos, Carolum, & Ioannem, fidem suam in ipsorum Comitiorum facie, interposito iureiurando, Iustitiæ hoc assidue, deuinxisse, omnia se esse, quæ pacta fuerant, seruatuos. Quocirca paulo post Iustitiæ iste in Castellam missus fuit. Atque tunc obiit pacificatoriam illam legationem præclaram, tantopere à Surita in suis Annalibus celebratam: in qua non solum prudenter, & cautè mandata effecit, quæ receperat; sed solus ipse opiniones eorum superauit, quos Castellanus Rex in concilium sibi istiusmodi de rebus adhibuerat. Inde præterea cum domum suam Iustitiæ hic reuenuisset: in Neapolim iterum eorundem negotiorum causa legatus est Ann. Chr. ∞ CDLV. Nam etsi aliquandiu eidem Alfonso succensuerat, quod suis mandatis Magistatus auctoritate obstitisset, cum pro illegitimarum filiarum dotibus nostra opida torqueri iubebat, quemadmodum dum de Alfonso egimus, explicauimus; sed iam multa ille animi erga hunc Iustitiæ mitigati dederat signa; quod ea esset Alfonso temperantia, ac moderatio nature, ut quam lenissimè ferret interdictiones quasuis, suis tamen actionibus aduersantes, modò æquitate iuris, aut latorum legum scripto niterentur. Neque Rex tunc, ut ipse postea sententiam suam aperuit, plus quidquam volebat, quam quantum permetteret ius. Itaque istius Iustitiæ legatio perquam grata Alfonso, ac iucunda fuit. Ab eo autem sequenti anno dimissus, in patriam reuertit, ut institutæ rei exitum expediret. Nec diutius multò omnia hæc acerbissimo Alfonso eiusdem interitu perturbata fuere.
- 1458 Obiit enim Neapoli An. ∞ CDLIX. Et eum tunc Regem amisimus, cui similis in terris non erat. Cum multis autem illius mors accidisse incommodè videretur, tum verò huic Iustitiæ: eum ut omnes crederent, & industriæ suæ, & fortunæ fructus simul perdidisse. Nam magni illum Alfonso Rex fecit ad grauissima quæque negotia gerenda; sic ut pluris neminem. Iam verò Ioannes Nauarræ Rex, postquam fratris mortui adeptus fuit imperium, eidem huic Iustitiæ libenter concessit suorum omnium consiliorum summam: quippe qui iam pridem singularem eius fuerat industriam expertus. Priusquam autem ad gubernacula nostra federet, Cæsaraugustæ eodem ipso anno fidem suam in istius Iustitiæ verba solito nexu obligauit. Mox Valentiam proficiscens, eundem secum duxit: præceperat enim, ut quoad posset, ab illius laterè numquam discederet. Atque eum-
- 1459 de ipsius Ioannis nomine An. Chr. ∞ CDLIX. interuenisse cōperio in eo fœdere, quod tunc
- 1460 ibi cum Galliæ Regis legatis ictum fuit: tum etiā in Comitibus ad Fragæ opidum An. Chr. ∞ CDLX.
- 1461 celebratis: & amplissimis iis, quæ An. Chr. ∞ CDLXI. ad Calataiubiū ab eodē Rege habitæ fuerunt. De quorum vbertate libet modò præclarū Molini testimoniū afferre, ut ei, quod protulimus, cōnectatur. Nā sic est apud illū in suo Repertorio. *Fori conditi in his Curis Calataiubii, fuerunt multi, & valde notabiles. Nam ex variis Determinationibus Consilii Iustitiæ Aragonum fuerunt per Ioannem del Rio, magnum Iurisperitum, socerum domini Martini de Larraga collecti.* Et quoniam horum patronorum est facta mentio; fuere hi ambo illis temporibus in forensibus causis nimium versati, & in tanto numero habiti apud nos, ut eis duobus nemo ferè tertius suis ætatibus adnumeraretur: quamquam multorum iudicio, gener socerum, iuris intelligentia, antequam. Et idem aliquot post annis ad similem laudem, atque etiam maiorem, suum illum gentilem excitauit, Hieronymum Larragā, clarum, & doctum virum: quem constat Procancellarii Regis munus gessisse, fuisseque omnino iustitiæ, & integritate præstantem. Atque hoc memoria patrum teste dicimus. Sed ut ad hunc Iustitiæ, a quo digressi sumus, reuertamur, Iudex præ-



fuit Comitibus Cæsaraugustæ habitis Ann. ∞ CDLXVII. in quibus inducta nobis fuit  
præclara, quæ nunc viget, exercendi Inquisitorum, ac Septemdecim virorum in hunc  
ipsum Magistratum formula iudicii. vt illius statuendæ ab initio, Ferrarius iste videatur  
effector, auctor, & parens exstitisse. Præterea Ann. ∞ CDLXXV. Lazarus Borau, qui  
eius locum tenebat, in Alagonis opido interfectus fuit, cum Manlienem tenderet, vt li-  
tigiosæ cuiusdam à se cognitæ, & iudicatæ rei persequeretur extrema. Quod tam im-  
mane scelus, atque in omni vita inauditum, Ioannes Petri Caluilius, potens, & factio-  
sus homo commisit: qui rei iudicatæ stare ostenderat non placere. Eoque maior illius  
audacia, & maiori supplicio digna, visa est, quod in totius Regni conspectu (Cæsaraugustæ enim eo tempore Comitibus habebantur) tantum virum necare ausus fuisset. Cæsaraugustam verò ipsius opidi fines attingunt. Quamquam autem illico ingens Comitiorum motus, & ipsorum Ordinum concursus, istius sceleris vindex, factus fuit: verumtamen ii impetus fuerunt inanes. Interfectores enim statim aufugerunt. Neque vero adhuc quas dependerint pœnas, inueni. Denique Ann. ∞ CDLXXVIII. cum iam Iustitius hic in exitu esset, insignem illam Marchionis Oristanni bonorum omnium fuisse factam apparet, contendente Rege, Magistratus verò auctoritate interposita, pro-  
scriptionem. Atque eodem ipso Ann. Chr. ∞ CDLXXVIII. exeunte, vt consilio, ab hoc Ferrario Iustitius depositus fuit, statimque Ioanni Lanuzæ, illius filio, tertio loco nato, eiusdem Ioannis Regis beneficentia, delatus. Qua de re scio aliter Suritam scripsisse: & me etiam aliquando, Archiepiscopi nostri Ferdinandi monumenta sequutum. Sed nuper in publicis ipsius Magistratus Commentariis, Ianuarii mense sequentis anni, Ioannem Lanuzam filium, Iustitiam Aragonum sæpius nominatum, iuridicundo præfuisse obseruavi. Neq; tamen exploratus in eis quidquā inueni, tametsi quæq; potui, scrutatus sum. Sed vt vt se re: habeat, hoc ibi certum ponitur, videlicet: *Die nona mensis Ianuarii Ann. Chr. ∞ CDLXXIX. interfuit in Consilio dominus Ioannes de Lanuzæ, Iustitia Aragonum: & hoc fuit primū consiliū dicti domini Iustitiæ.* Vnde sequi mihi necessario videtur, anteriori anno exeunte fuisse ab hoc Ferrario Magistratum depositum. Et vero ex Agnete Garautia, quam duxit uxorem (erat autem illius Aluari Garautii, cuius meminimus, & Violantis Lanuzæ filia) vnicam filiam; ac tres filios suscepit: D. Diani-  
rā nēpe Lanuzam, quæ D. Petro Lunæ, primario viro, Illuecæ dominatori nupta fuit; Martinum Lupi Lanuzam; Ferrarium; & Ioannem Lanuzam, quem paulo ante diximus, parenti successisse. Ac Martinus quidem, filius maior natus, Bardallurenfis, ac Placentinæ ditionis institutus heres, fuit omnino fortissimus, & clarissimus vir. Ad cuius postea filium Ioannem idem iste Magistratus peruenit. De quibus infra dicendi locus erit, cum de iis, qui interpositi fuerunt, pauca dixerimus. Ferrarius autem, Azayllia, & Cosculluella dominatum tenens, D. Mariam Lunam, D. Ioannis Lunæ, Villæfelis dominatoris, & D. Angelinæ Cosconia filiam, uxorem duxit. Quæ verò de Ioanne Lanuzæ, tertio filio, dicenda sunt, proximo, & continenti sermoni reseruabo: tantum est enim propositum mihi colligere eos, qui hoc sunt functi munere apud nos.

## XLIIII.

## IOANNES LANVZA I.



ITAQUE in paternæ quasi hæreditatis partem Ioannes hic Lanuzæ, cum primum pubesceret, vt in iisdem Commentariis scriptum est, Ann. ∞ CDLXXVIII. exeunte, Iustitiam iniit, viuo adhuc Ioanne, sed iam extremo pene spiritu confecto, Rege: vt idem prope annus, ac mensis ferè, qui ipsius vitæ finem fecit, dedisse huic Iustitiæ istius muneris initium videatur. Superior autem Ferrarius Iustitia ita bona sua partitus est cum filiis, vt duobus aliis grandioribus singulas eas, quas diximus, ditiones legaret: huic autem Ioanni, qui minor hatu fuit, auita illa, de Escuer, Arguisal, & Essundebassa, oppida relinqueret. Et eidem quoque hereditatis loco curauit, & obtinuit, vt amplissimum hoc à se depositum munus mandaretur. Neque vero inferior, quam pater, fuit nominis splendore, aut virtute: quin certè laudibus iisdem ornatus: honoribus autem eò processit, vt & parentem suum gloria superarit. Etenim cum in Iustitiatu gerendo magnam præstan-



tis viri speciē indicaret, eāq; inesse in se solertiā, quæ esse posset ad res maiores obeūdas satis: interuallo nec longo interiecto, munificentissimo decreto honestatus, summo cū imperio ad Valentinum Regnum, ac Cathalonix deinde Principatum Prorex missus fuit. Atque eodem prorsus munere, & Admirantis simul in Siciliensi Regno perfunctus postea, visus est certè, cum militari fortitudine domesticam prudentiam adæquasse: nā multa fecit & in bellicis, & in ciuilibus rebus præclara, quæ illius, tametsi mortui, viuatamen semper memoriam tuebuntur. Quæ verò ea fuerint, non est mihi propositum enarrare, cum extra Iustitiatum gesta fuerint. Ac vix quidquam in eum incidisse memoria dignum comperio, quod obseruem. Hæc enim tempora planè nobis tranquilla fuere: & verè ut dicam, actiones omnes tum Catholici Regis Ferdinandi, qui 1479 cum hoc Iustitia fuit ætate coniunctus; tum Caroli V. Maximi, Imperatoris; ac Potentissimi Regis nostri Philippi, ad quos gradatim ipsius Ioannis II. Regis hæreditas omnis peruenit, Magistratū hunc otiosum reddiderunt. Nā quisq; eorū p. singulari sua benignitate videtur, certatim quasi, nō ad turbandā, sed ad tranquillandā Rēpub. cucurrisse. Cum verò Catholicus Rex, postquā Ioannes pater interit, gubernacula nostra prendere concupiuit; fidem suam huic Iustitiæ, Reipub. nomine, A. D. IIII. Kal. Iul. eiusdem Ann. Chr. ∞ CDLXXIX. se nihil contra patriæ iura facturum esse, solito more, 1481 interposito iureiurando deuinxit. Et illud idem similiter Ann. Chr. ∞ CDXXCI. tum idem Rex, tum Isabella vxor, pro Ioanne filio, Asturiarum, & Gerundiæ Principe, illius tutores adscripti, quod puer infans esset, sponponderunt; quando illum futurum eorum 1485 heredem à nostris acclamandum decreuere. Cumque Ann. Chr. ∞ CDXXCV. interuenisset ille, quem retulimus, de Sancti Inquisitoris morte grauissimus casus: Iustitia hic clarissimi iurisiurandi princeps fuit, quod quadriduo post in Templo maximo à Magistratibus vrbis, sollemnibus verbis, factum est: quoniam quidem ad eam, quæ erat Catholicæ Fidei, causam non minori studio, quā ad animarum salutem incumbere oportere iudicauit, iamque Sanctissimum ipsum Inquisitionis Officium (quod tūc in Remp. ad Iudæorum delicta comprimenda inducebatur) & Magistratuum omnium potentia, & priuatis singulorum prædiis fultum esse. Neque enim pro illius statu Iustitia hic tunc solam Magistratus opem, sed & priuatas suas, suorumq; fortunas, auctoritatem, gratiam, & copias sponpondit. Atqui eundem aliquandiu constat simul eodem tē. 1492 dem circiter Ann. ∞ CDXCII. Proregem missum: post autem aliquanto, in Cathaloniam: anno verò ∞ CDXCV. amplissima illa duo, quæ paulo ante diximus, Siciliensis 1495 Regni munera obiisse. Sed Iustitiatum suum nequaquam Annum ∞ CDXCVII. excessisse, in Magistratus Commentariis, quos dudum peruolutaui, certum inuenio: eius autem vitam longius productam.

## XLV.

## IOANNES LANVZA II.



1498

Nam in Magistratus Tabulario, in quo dicti Commentarii sunt reconditi, sic comperi librum inscriptum. *Liber primus consilii magnifici, & circumscripti viri domini Ioannis de Lanvza iunioris, Militis, Serenissimi domini Regis Consiliarii, ac Iustitiæ Aragonum, de Anno Christi. ∞ CDXCVIII.* In his verò Annorum, qui antecesserunt, Codicib. quorum plurimi exstant, Ioannis Lanvzæ Iustitiæ Aragonum expressum nomen, ac sæpius repetitum in ipsis Diariis inuenitur. Quod ad superiorem Iustitiam referendum esse, aperta res est. Atque inde etiam colligitur, vno, & eodem tempore, & Iustitiatu, & Regiis aliis muneribus potitum fuisse. Hæc autē tanta nominum similitudo non paruam creat in horum Iustitiarum annotandis temporibus confusionem. Quæ de ipsis enim monumenta loquuntur, ac iidem ipsi, quos dixi, Commentarii, semper Iustitiæ Aragonum nomen non exprimunt: aut si fortasse exprimunt, nequaquam semper iis, quæ nos adiicimus, signis, quasi articulis, posteriorem hunc Ioannem à superiore discernunt: quibus facillimè ea omnis confusio tolli posset. Vnde fit, ut quæ personis distinguuntur, nominibus interdum confundantur: atque ut tametsi singula facta fidenter obseruentur, ad quem tamen eorum referenda sint, non ita queant fidenter annotari. Sed maiore laude aliis in rebus, quam in hac vna enucleatè easdem perscribendi, nostra semper omnis versata est antiquitas. Hanc autem à me



me nunc adhibitam vniuscuiusque eorum temporis notationem, exploratam possumus habere, vt coniicio. Ingenuèque fateor vulgarem eam, quæ hæcenus versata est apud nos, quæq; tum dictum Archiepiscopum Ferdinandum, tum alios, quos sum sequutus, decepit, in me facilius, quàm debuerat, cum primum illos edidi Fastos, irrepsisse. Apertè itaq; ex dicti codicis inscriptione colligitur, iam dicto Ann.  $\infty$  CDXCVIII. superiorem Io-  
 1498 annem Iustitiatu abiisse: hunc autem in illius locum fuisse suffectum. Iunior autem propterea dictus est, quod superioris Iustitiæ filius esset, è nobilissima D. Beatrice Pimentelia vxore, procreatus. Quod si anteriores ambo, ipsius scilicet pater, atque auus, tantum, quantum supra dixi, omni genere laudis floruerunt: nequaquam Iustitia hic  
 10 degenerauit ab eis: quin si vita sibi suppeditauisset; ad easdem ipsas, ad quas pater, fortunas, ac maiores fortasse peruenisset. Sed vterque eorum cecidit in cursu: pater quidem, Neapolitanus Prorex, Guntisalui illius Ferdinandi Cordubæ, clarissimi, summi, ipsoque nomine dignissimi imperatoris, loco designatus: hic verò Ioannes filius, cum in patris locum Prorex etiam in Siciliam mitteretur. sic iam ad paternam gloriam per eosdem ipsos gradus ascendebat. At verò in gerendo Iustitiatu omnino fuit auitam ipsam laudem consequutus. Prudens namque habitus est, industriusque in agendo; maximi animi, summi consilii vir: conseruandæque Reipub. studiosus. Catholico autem Regi acceptissimus fuit. Cumque paulo ante, quam Magistratum iniret, Ioannes Princeps Salmanticæ obiisset sine prole, quamobrem iure, futura illius hereditas ad Isabel-  
 10 lam sororem, Portugaliz Reginam perueniebat, quæ Catholicorum Regum grandior filia fuit: parentes eam, virumque Emanuelem, futuros Reges à Castellanis vitis saluari, Toleti Comitibus institutis, impetrarunt. CæsarAugustam inde confestim aduenientes, indictis etiam Comitibus, Iustitia hoc assidente, contenderunt, simillimam nostrorum Ordinum auctoritatem adeundæ istius hereditatis exstare. Noltri tamen, ne incautè quid agerent, in ea, quæ huiusmodi de rememoræ prodita essent, inquirere cœperunt. Quod Catholica Regina visa est ægrè ferre. Sed cum interea dum hæc  
 1498 agerentur, Emanuelis vxor, Augusti mense iam dicti Anni  $\infty$  CDXCIX. Michaellem filium peperisset: huic nostri statim, quam Castellani parentibus dederant, fidem de futura successione dederunt, sollempni religione obligatam; prius tamen solito  
 30 cum auis Regibus icto fœdere; quibus Iustitia iste ad eam rem, quemadmodum cum Ioanna Principe factum fuerat, ipsius tunc nati nepotis tutelam commendauerat. At Michaelis marer quàm mox tunc interiit. Nec Michael ipse biennium plus vixit. Quapropter in destinatam hanc, desponsamque ipsis hereditatem auspiciatè vocata fuit Ioanna, Catholicorum Regum secunda filia: quæ Philippi, Archiducis Austria, Maximiliani Imperatoris primogeniti filii, vxor erat. De quibus Iustitia idem iste etiam, vt affolet, A. D. VI. Kal. Nouemb. Ann. Chr.  $\infty$  DII. publicam fidem delegibus, ac li-  
 1502 bertatibus seruandis recepit, priusquam ad eos publica rogatione, & consilio futura ea successio deferretur. Quinquennio autem post, Anno Chr.  $\infty$  DVII. Iustitia hic, paterq;  
 1507 ipsius, ambo siquidem paucis interpositis diebus, Neapoli obierunt, in aperto eo ad maiores honores cursu, quem dixi. Inde eorum cadauera adducta fuere in patriam quamcitò, & in nobilissimo sacello, quod sanctissimam Virginis *dè Pilari Capellam* contingit, constituta: vt & ipsæ eadem scopulosi, & infesti inferi Maris vndæ visæ equidem sint, diu pati non posse, quos viuentes ad tantam laudem, & gloriam virtus extulerat, mortuos iam tanto honore optimæ istius sepulturæ carere. Ex nobilissima vxore, D. Ioanna Rocabertina, Ioannes hic II. vnicam filiam reliquit, D. Mariam Lanuzam; quæ D. Petro Martini Lunæ, primario nobilissimo viro, Moratæ nuper Comiti, nupta fuit: eorumque deinde vnica etiam filia, D. Maria Luna illustrissimo Sastageni Comiti collocata, ad quem iure horum Iustitiarum amborum communis peruenit hereditas bonorum, & gloriæ. Et iisdem ferè temporibus quibus hic  
 50 Iustitia, sed longe maior natu, apud nos floruit Alfonso Lacaualleria, interpretis iuris præclarus: cuius ea ætate tam magnum nomen in patronis fuit; vt ad munus Pro-cancellarii gerendum idoneus haberetur. cui tandem à Catholicis Regibus præfectus fuit. Atque eidem proxime adiunctus, ætate tamen inferior, in publicis iudiciis versatus est, Michael *del Malino*; non tam communis iuris, vt acceperimus, quàm privati nostri peritus vir. Cuius illud exstat, ad iudiciorum certamen opus utilissimum, *Fororum & Obseruantiarum Aragonum Repertorium*, inscriptum a quo fateor me sumpsisse multa; ne si negarem, fateri cogeret surripuisse. Nec dubito præteritos à me esse nō-nullos, in ipsa iuris ciuilis scientia præstantes; & fortasse fuisse eosdem ipsos, quos retuli, clariōres, quàm quoquomodo à me inducti sunt. Sed hoc quidem ignoratione. Nihil enim scribi potest de iis, de quibus ipsorum nulla, aliorum verò pauca admodum monumentaliquuntur.



## IOANNES LANUZA III.

1507



Ceterum eodem Ann. Christ. ∞ DVII. hic Ioannes Lanuza III. Iustitia factus fuit. Antecedentis autem Iustitiæ frater patruelis erat patre nempe natus, Martino Lupi Lanuza, Ferrarii I. grandiori, ut diximus, filio: quem clarissimum etiam, ac fortissimum virum fuisse constat. Nec vellem sanè, dum tantopere laudo hos Lanuzas, ne fingi videantur hæc, ut à me quodammodo dicantur ita, ad propositas nunc mihi singulas eorum narratiunculas illustrandas. Res tamen sic habet, ut non tam digne, ac merentur, eos à me esse existimem commendatos. Ac istius quidem Martini nota est valde excelsi, atque inuidi animi magnitudo, virtutisque præstantia; eaque publicis literis testata fatis: in quibus Rex Ioannes II. cuius ætate fuit, tantum ei laudis impertit, quantum nemo tribuere alteri in communicanda gloria debuisset, nisi eadem ipsa iusta gloria verè illius virtuti, tãquã honestissimus fructus, deberetur. Eum siquidè prodit assidue secum versatum in militia, magnòq; sibi & in periculis adiumento, & solatio in laboribus, & gratulationibus in victoriis fuisse: atq; Cathalonico bello (quã tandem provinciam in militari labore totã peragravit) aliquãdo eundem, non aliorum militum fortitudine, sed sua eximia virtute, ac præstantia manu confectum quendam Signiferum hostem in ipsius Regis conspectu iugulasse. Quæ tanta illius virtus ut clara, & illustris maneret in posterum, ex eaque exstaret generi, ac nomini suo perennis aliqua gloria constituta; ampla rogatione Rex detulit Martino, ac suis, ut priuata familiaris suæ Insignia gestarent cum clarissimis Regiis Insignibus implicata: quasi, insigni ea Insignium permissione, Rex duceret, ipsis rebus communiter gestis, Martinum ipsum penè simul secum triumphare fas esse. Et eum sane permultas res magnas, sine Ioanne Rege in eo bello gessisse constat: Regem sine ipso vix ullam. Itaque de præstanti illius virtute verè quidem affirmari potest, ad eum ex bellica laude neminem vnquam suorum aspirasse; suosque omnes habere in eo domesticum ad imitandum exemplum, illustre, & præclarum. Ex iis igitur continuis honoribus familiaris suæ, maiorumque suorum, hic Ioannes quodammodo iure visus est ad hoc munus gerendum accessisse. Cumque illius nomen, propter memoriam patris, in splendore esset (eum namque Martinus procreauerat filium ex vxore, quæ *D. Grayda de Torrellas, & Perellos* dicta fuit) & ipse quoque cognitus est, magnus, & excelsus homo ad honestatem, ad temperantiam, ad fortitudinem, ad integritatem, & fidem; sic denique ad virtutes omnes fictus à natura, ut quouis honore dignus, etiam sine vlla maiorum commendatione, haberetur. Istius autem præstantiæ suæ priuatus magna signa dedit; sed in Magistratu, maiora: & verò præcipue iis

1510 Comitibus, quæ eo Iustitia habita fuerunt Ann. Chr. ∞ DX. ∞ DXIX. & ∞ DXXI. x. post- 40  
 1519 riora duo, à Carolo V. priora verò, à Catholico ipso Ferdinando Rege. In cuius locum  
 1528 Carolus ex filia nepos successus fuit; & vna cum Ioanna matre eodem Ann. ∞ DX. x. à nostris Augustissimus heres acclamatus, de eo, ut moris est, à Iustitia hoc prius recepta fide. Neque tamen æquum esset hoc loco, de Antonii Augustini, Gul. F. Ant. N. clarissimi Iurisperiti, Catholici Regis Consilarii, integerrimi, ac præstantissimi viri, laudibus silere, qui prioribus Comitibus interfuit, cum Procancellarii ipsius Regis personam sustineret, fuitque Illustrissimi, ac Reuerentissimi Ant. Augustini, Tarraconensis Archiepiscopi, pater: nam ut ceteri ex patribus, sic iste, qui tantum illud lumen progeniuit, ex filio est nominandus. Is igitur Procancellarius magno vsui Reipub. fuit in iis rebus, quæ tunc sese obtulerunt, transigendis; & in eo munere gloriam illam adeptus, quam nescio, an post fuerit quisquam consequutus. Etenim non apud eam solum Citerioris Hispaniæ partem, quam Aragonii imperii fines circumscribunt, supremum illud in ipsius Catholici Regis Senatu iudicium exercuit; sed apud Neapolitanum, & Siciliæ Regna, aliarumque Insularum, in quas iidem ipsi fines protenduntur: præterea tum ad Galliæ Regem, tum ad Iulium II. Pont. Max. grauissimis de rebus decretus fuit legatus; ipsiusque deinde Caroli V. Regno, eodem Procancellarii munere gloriosè perfunctus. Ac ne quid prætermittamus, quod videatur ad honorem illius clarissimi viri pertinere; cum aliquando Reipub. male actæ insimularetur, in Septimancam arcem, graui custodia



custodia seruandus, missus est. Insequenti vero anno, Regni summam D. Francisco Eximio Cisnerio, Archiepiscopo Toletano, moderante, vadibus datis, custodia abiit: & honori suo consulens, de Archiepiscopi voluntate, qui primo quoque tempore postquā Remp. gerendam suscepit, ipsius Antonii causam terminandam curauerat, ad Belgas concessit, Caroli cognitionem imploraturus. Cumque totius litis bene instructus iudex, & ante actæ vitæ testimonium, sigillo Regio obsignata, ab eodem Archiepiscopo Toletano, aliisque supremi Ordinis iudicibus ad Carolum mitterentur: causa Ioanni Saluagio Cancellariæ præfecto; Garfæ Padillæ, viro optimo, & integerrimo, Commendatario Calatrauensi maximo: Montalto Regenti; Iodoco Fisci Aduocato; 20 viris prudentibus, & iuris vtriusq; apprime consultis, iterum inspicienda tradita fuit. Qui accuratè litem retractantes, rursusque Antonio facultatem concedentes alia in sui patrociniū allegandi, cum nihil ille amplius adiiceret, prima scilicet, quæ apud Hispaniā facta fuerat, defensione contentus; viri optimi innocentia perspecta, omnium iudicium calculis absolutus; Brusellis in totius Aulæ Palatinæ conspectu, sententiam dignitatis, & honorificentiae plenissimam reportauit Ann. Chr. ∞ dxxvi. ix. Cal. Octobris. Quod tum Archiepiscopo, tum aliis supremi Ordinis iudicibus, qui illius integritatem, & præstantiam satis cognitam, & probatam habebant, gratissimum fuit. Nec verò huiusmodi honorum amplitudine, tametsi clarissima per se ea, ac pulcherrima quidem monumenta sunt, iam ille eger ad sui nominis memoriam propagandam. Habet aliud maius, & clau-  
 30 ius monumentum; quod filium, ad tantam laudem natum suscepisset: illum ipsum nepem Archiepiscopum Tarraconensem; cuius nos honore ornari, dignitateq; augeri non solum omnes eius studiosi existimamus, sed & illud idem tota hæc nostra regio, ipsius natalis sedes, atque Hispania cuncta arbitrat. Cui, quod mirari satis vix queo, Romanam antiquitatem tractanti Italia ipsa cedit: cuius admirabilem quandam, incredibilem, ac penè diuinam in antiquis legibus interpretandis scientiam omnium mortalium fama percelebrat: cui incorrupto totius Orbis iudicio, ipsorumque doctissimorum virorum inter ipsos concessu, tributum est ita, ut cum immensam illius aciem ingenii taciti omnes admirentur (nam quis hoc non facit?) cum in omnibus scriptis, omnique  
 40 literarum varietate non modo sibi ipsis, ac iis, qui hodie viuunt, sed & iis, qui multis ante  
 50 sæculis fuerunt, libenter anteponant: cui denique nullus honos tribui, non debitus, potest. Atque hæc omnia, tametsi summa sunt; longè nimis vitæ suæ integritas vicit: iam ut tanto Pastore Tarraconensem Ecclesiam potuisse frui, inuidendum sit; iactura verò, quæ illius interitu vniuersæ Reip. facta est, vix consolabilis videatur. Mihi vero in grauissimo casu dolendum magis, quod eum amiserim, ad quem, tamquam ad mercaturam bonarum artium sæpius me fuisse profectū præmefero, neque tamen inanem rediisse, cum ab eo tum plurimis in rebus doctior, tum ad peruulgandum hoc opus audacior factus sim. Sed huiusmodi meritorum erga me gratissimam, quamdiu vixero, memoriam conseruabo. Verum necesse non est, ut summum hunc virum, viuorum, & præsentium attestante iudicio, commendemus. Quamobrem præstat me tacere: ne in eo laudando  
 60 sermo noster ipsius oratoriæ vbertatis siti exarescat. Ut ad Iustitiam ergò redeamus, ad sui generis splendorem hoc habuit illius Iustitiatus insigne: quod A.D. xvi. kal. Iun. An.  
 ∞ dxx. Ioannes Lanuza alius, Aragonum Prorex constitutus fuit. Sic cernimus Lanuzarum gentem, vno, & eodem tempore, duplici apud nos decore cumulatam: cum alter amplissimum Prorege munus, alter Iustitiatus, quasi pro ipso Regno, personam sustineret. Nam & is fuit istius Iustitiæ gentilis. Qua tamen cognatione teneretur, non comperi. Verum Iustitia ann. Chr. ∞ dxxxii. A.D. V. kal. Decembr. mortuus est: & in superiorum Iustitiarum ad Virginis ædem conditus sepulchro. Illius fratres fuere: Claudius Lanuza; & Hieronymus Lanuza, Pinnatensis Monasterii Abbas. Sorores vero: D. Grayda Lanuza; & D. Martina Lupi Lanuza: hæc Francisco Ferdinandi Heredia, Gubernatori  
 70 Aragonum nupta, de qua mox dicemus; illa autem Vgonis Vrricis, Ayeruii dominatoris, vxor fuit. Istius autem Iustitiæ, D. Beatrix Espes, dicta; fuit ea quidem lectissima, & spectatissima femina. Filii autem: Ferrarius; Ioannes; & Martinus. Filia, D. Grayda itidē vocata, D. Francisco Borgia, nobili viro Valentino nupsit. Filiorum, posterior  
 Mediolani obiit; priorum autem vterque Iustitiatum adeptus est:  
 sed interiecto alio, qui huic Ioanni III. continenter successit.



## XLVII.

## LAURENTIUS FERDINANDI HEREDIA.

1533  
1547

**A**TVERO is fuit, Laurentius Ferdinandi Heredia, Francisci Ferdinandi Heredia, & D. Martinæ Lupi Lanuzæ, superioris Iustitiæ sororis, ut dictum est, filius: vir amplissima familia natus: summa probitate, singulariq; fide præditus; integer; prudens, ac tū domi nobilis tū apud Sardos (ad quos deinde se contulit) graciosus. Iustitiatū iniit A.D. 10 VI. Kal. Maii Ann. Chr. ∞ DXXXIII. nam sic est in illius Commentariis scriptum: eoque postea se abdicavit Ann. Chr. ∞ DXLVII. ut ad Ferrarium, auunculi filium grandiolem, qui ē pueris excesserat, deferretur. Sic Lanazarum genti redditus fuit gradus istius Magistratus, & honos. Laurentius autem Prorex in Sardiniam missus, maximis in rebus ibi fuit: ut non ita sibi multum sit ex Iustitiatus laude repetendum. Nullus namque similem Præfecturam, in Sardinia umquam accepimus fuisse gratiorem. Et Iustitiatus ipse non obscurus fuit: ea autem re clarior, quod Ann. ∞ DXLII. Philippus noster, à Regni Ordinibus Caroli patris salutatus heres, in istius Iustitiæ verba iuravit, se patrias libertates, ac leges perpetuò servaturum spondens. Cuius promissi constantiæ, otium, quo nos fortunam regimus, ac status, quem tenemus, indicio esse potest: cum æquitate, ac iustitia præceptrice, in summa tranquillitate posui viamus. Vnde fit, ut cū omnia istius nostri clarissimi, ac præstantissimi Regis consilia, & facta ad publici semper salutē referantur, Iustitiatus hos omnes, videamus otiosiores, quàm alios, exstitisse: nobisq; etiam ob eā ipsam causam necesse sit. singulas eorum narratiunculas brevioribus, atq; angustioribus verbis circumcludere, cum ceteroquin unusquisq; illorum verissimis, ac iustissimis laudibus abundarit. Laurentius ergo, deposito Iustitiatu, in Sardiniam profectus est cum vxore D. Anna Albionæ: ubi nulla relictā prole mortem obiit Ann. ∞ DLVI. Callariacæ sepultus.

## XLIIX.

## FERRARIUS LANVZA II.

1547

1554



**L**AVRENTIO Ferrarius successit; natura mitis, comis, ac humanus; sed qui tamen magnam quoq; fortis, & constantis viri speciem præ se tulit. Hic Ioannis Lanuzæ III. filius erat, Ferrarii I. ut paulo antediximus, pronepos. Cuius haud nominis solā, sed similitudinē quoq; virtutum arripiens; & fama populari eam, & vera bonorum laude est metitus. Incredibile est enim, quā fuerit omnibus illius opera grata, & iucunda. Sed in gloriæ cursu confedit. Etenim cum A.D. IV. Non. Maii ipsius An. Chr. ∞ DXLVII. ut iisdem in Commentariis notatur, Iustitiatum iniisset, Prid. Id. Mart. An. Chr. ∞ DLIV. ætate florēs, ingenio, & amicis, mortuus est; & in gentilitio eo tumulo, quo pater, collocatus. Cōnubii expers decessit; postquam in Comitibus, superiori Anno Montisoni habitis, fecerat ille quidem officio cumulatē satis.

## XLIX.

## IOANNES LANVZA III.

1554

1588



**J**AM tandem ita traxit temporum ordo sermonem, ut ad Ioannem Lanuzam III. qui nunc Iustitiatum gerit, venerimus. Nam statim ipso Ann. ∞ DLIV. ab eodem Carolo, cum apud Belgas esset, A. D. XVI. Kal. Maii, in Ferrarii proximi, germani fratris, locum susceptus fuit: ut ad quem mæror illius morte veniebat, ad eundem quoq; amplissimus iste honos perveniret. Atque ab eo usque ad hoc tempus ipsius dignitate, magno, quem videmus, applausu, prudentiaq; & integritate perfungitur. Inter ceteras autem illius virtutes, quibus maioribus suis sic æque respondet; hæc certe sibi vel maximæ laudi esse potest; quod toto animo, æ



mo, ac mente in eam curam incumbat, vt à suis Locumtenētibus, quibus ea istius muneris pars est concessa, ius omnibus semper æquabiliter, ac diligenter dicatur. Sed taciturnitatem me præstat experiri, cum de illius sedulitate, diligentia, ac studio, fideque in Rempub. tacita eius grauitas, & amplitudo aperte loquantur, neque orationis meæ ornamentum desiderent. Enimvero illud ego fidenter Ioanni Lanuzæ, grandiori eius filio, quem ex nobilissima vxore, D. Catharina Vrrea, demortui Arandensis Comitis sorore, suscepit, denuntiabo, quandoquidem insigni, ac singulari Regis nostri beneficentia dudum, futurus post patrem Iustitia designatus est; illustrem, ac latam ad bene se gerendum patere sibi in tanto hoc Magistratu viam, cum ea sit stirpe profectus, quæ à tam retro longe repetito initio, gloriosum id ipsum iter, apertum demonstrarit.

Itaque Magistratum hunc, post captam Cæsaraugustam urbem, vnde quinquaginta viri consequuti sunt. In quos omnes si attente, & diligenter inquiramus; vix quemquam reperiemus commendatione, & gloria non dignum. Si quis vero fortasse laudatus satis nequaquam sit; inertix nostræ largiatur: nam sic statuimus, vt pro vniuscuiusque dignitate, parum; pro nostra voluntate, non nimium; sed pro nostra facultate; satis, superque de eis nos dixisse arbitremur.

ET quoniam ad perorandum spectare videtur sermo noster: hæc denique est Reipubl. qua fruimur, à maioribus nostris ratio constituta, inter Monarchiam, & Polyarchiam alia quædā interiecta noua, vnā quasi in speciem temperata, vicina ambarum, vtriusque particeps, vel vtriusque potius non expers; tanquam ad puncti instar medium expetens locum, æquabiliter vndiq; conglobata: quæ cum ex Regibus, & legibus constet; Regibus paret: sed quæ tamen à seueris eorum imperio, à quo mænibus vix potuissimus, Iustitiæ Aragonum Magistratu interposito, tutos nos reddit: populumq; ac Regem hac vna coniunctione deuincit, vt in omni actione secum ipsa consentiens, à solis legibus Regum benignitate regatur. Quæ vero de huiusmodi argumento plura scribi possent, iam iam fas erit, vt reliquorum Historicorum otio concedamus.

L A V S D E O.







# ANT. AVGVSTINVS

## Archiepiscopus Tarraconens.

HIERON. BLANCÆ S.



RATVLOR tibi in primis, vt debeo; quod Historici nostra Reip. nomē, atq; splendorem, Hieron. Zuricæ suffectus, magno consensu suffragantium Patrum, & totius Ciuitatis approbatione fueris adeptus. Mihi autem valde gaudeo, quod illi, quem magnopere dilexi propter eius insignes animi dotes, & amicitiam non vulgarem, tu quoq; successeris; qui neq; in me amando, neq; in Latina historia scribenda ei cessurus esse videaris. Commētariorum tuorum ingens volumen libentissime perlegi; tum quod tua sint, quem ma-

gnopere diligo, tum quod de his rebus agatur, quæ ad patriæ dignitatē, ac decus maxime pertineāt. Itaq; si te ab eorum editione deterrerem, ingratus in patriam, ac tua gloria inuidus iudicaret: cum laborem istum tuum facile omnes probaturos sperem, futurumq; vt quæ de insigni isto Magistratu, Iustitia nomine, magno Dei munere nostris ciuibus concesso, diuināq; appellatione insignito: Deus enim ipsa iustitia recte appellatur, non tantum iustus; vt vera sapientia, non tantum sapiens: scribere es aggressus; & peregrinis hominibus & vero præcipue nostris ipsis ciuibus gratissima sint. Non enim Ephori Lacedæmonis, aut Tribunicia potestas Romanis magis aut grata, aut utilis fuit, quam in ista Vrbe est publica istius Magistratus tutela. Quare noli amplius differre, quin ea quamprimum manibus omnium terantur; vt ad patriæ nostræ ornamentum, bonum hoc tuum, graue tamen, & utile, scriptiois genus accedat. Quod vero de laudibus Casaraugustana istius Urbis, & de veteribus Pontificibus eiusdem, si quid ex antiquis scriptoribus, aut ex actis Conciliorum, aut aliunde aliquando collegeram, ad te quamprimum mitti desideras; pauca quadam his literis, licet fortasse, nocturnas, quod aiunt, Athenas, & quæ tibi sunt notiora, perscripsi. Atq; vt o-mittam, quid C. Plinius de Casaraugustana immuni colonia, olim Salduba dicta, & de Conuentu amplissimo scripserit; Strabo quoq; eandem laudat, habereq; togatos ciues ait, nihil ex veteri Celtiberorum contumacia, atq; duritia retinentes. His addit Pomponius Mela: Urbium de mediterraneis in Tarraconensi clarissima fuerunt, Pallantia, & Numantia; nunc est Casaraugusta. Vixit autem Mela Tib. Cæsaris, Caligula, & Tib. Claudii temporib; & in Hispania natus est. Quod vero ex verbis Mela elici non nemo putat, easdem esse Numantiā, & Casaraugustam, irridendū magis, quam improbandum est; cum Strabo inter eas DCCC. stadia colloceat. Venio nunc ad laudes sanctissimorum Virorum: laudari enim à laudato viro, vt tu optime in huiusce operis initio dixisti, maximum est; idq; cum sit ob religionis cultū, longe præstat. Ex his primus est, Cyprianus Carthagenensis Martyr lib. 1. Epi. 4. quam cum multis Episcopis scripsit Felici presbytero, & plebib; consistentibus ad Legionem, & Asturicā. In ea postquam Felicis, & Sabini Pontificum mentionem fecisset, ait: utq; alius Felix de Casaraugusta, Fidei cultor, ac defensor veritatis litteris suis significat. Proximus huic, longo sed proximus intervallo, sit Prudentius, qui in libro de Coronis, Encratin, & Socios XVII. Martyres, & duos Confessores, Catum, & Clementem laudans, Casaraugustā appellat, plenam domum magnorū Angelorum, eamq; præfert cæteris urbib; quod tam multis ornetur corporibus Sanctorum. Ex eadem Vincentium fuisse Martyrem tradit, & domum insulatā sacerdotum Valeriorum, hoc est, eius Urbis Pontificum. Constat autem multorum testimonio Valeriū, Dei confessorem, Episcopum fuisse Casaraugustanorum, eiusdemq; Diaconum Vincentium. Sed & in Concilio Eliberritano Valerium, eiusdem Urbis Episcopum, subscripsisse nouimus, anno Christi plus minus CCCXXV. Sic duos possumus post Felicem Episcopos Valerios numerare. Ipsa vero vrbs laudatur carminibus quoq; duorum poetarum Christianorum, Pontii Paulini, qui postea Nolanus Episcopus fuit, & Ausonii Galli. His addamus Concilium Casaraugustanum contra Priscillianum, ex testimonio Sulpicii Seueri, libro posteriori extremo historiae sacrae, Anno plus minus CCCXXC. Fuerat paullo ante Concilium Sardicense contra Arianos: in quo subscriptum inuenimus Castum Episcopum. Sic enim in veteribus libris est, non Costum, vt in vulgarib; anno CCCXLVII. vt quidā putant. Post hac inuenio cuiusdam Episcopi Casaraugustani fieri mentionem, tacito eius nomine, in epistula quadam Ascanii Tarraconens. Archiepiscopi ad Hilarium Pontif. Max. quæ in Concilio Romano est relata Anno, vt ex Consulibus apparet, CDLXV. Sed mox in Concilio Tarraconensi Vincentius eiusdem Urbis Episcopus subscripsit anno Christi DXVI. Non hic est Vincentius Ariannus Episcopus, de quo Isidorus scribit. Ille enim temporibus Mauricii Imp. vixit; hic Anastasii, & Iustini. In veteribus collectionibus Conciliorum, post Tarraconense Concilium, Gerundense po-



situm est, habitum anno vertente. in quo septem ex illis Episcopis, qui in superiori Synodo fuerant, conuenerunt. in his Vincentius non est. Post Gerundense, Casar Augustanum collocarunt XII. Episcoporum, quorum nomina scripta sunt; sed quibus Ecclesiis praesent, subtrahuerunt. Hi Canones scripserunt octo: ex quibus unus est à Gratiano relatus; Ne quis ieiunet die Dominica &c. de consecrat. dist. 3. Hi, qui putant hoc illud esse Concilium, quod Seuerus contra Priscillianum habitum dixit; sola duorum Episcoporum nominis similitudine ducuntur, & loci. namq. ille refert Idacium Emeritensem, & Itacium incertae urbis Episcopum, in senos Prisciliano fuisse; contra quem, & socios Casar Augustae Synodus habita est, in qua etiam Aquitanos Episcopos interfuisse ait; & in ea damnati absentes sunt, & contumaces Instantius, & Saluianus Episcopi, Helpidius, & Priscillianus laici, qui Damasum Romanum, & Ambrosium Mediolanensem interpellarunt, & ab eis fuerunt reiecti. Qui ex Hispania Episcopi interfuerint, non narrat. tantum Adyginum scribit Cordubensem ad Idacium retulisse Emeritensem, qui in eos est inuectus. In Conciliis editis bis Italiae nomen scriptum est. id mutant in Idacium, & Itacium: quod facile recipi posset, si cetera conuenirent. Nihil enim est in hac Synodo, quod cum alia Synodo consonet, quae in Aquis Calinis contra Priscillianistas habita est anno Christi CDXLVII. exstatq. coniuncta cum Toletano primo Concilio. Ea Synodus habita est iussu Leonis Pontificis, ut apparet ex epistula Leonis XCIII. ad Tribunum Astaricensem; in qua etiam errores eorumdem hereticorum damnantur. Isidorus in libro de Viris illustribus Idacium Lemicae urbis Hispaniarum appellat, & Vrsatium Episcopum eius socium; fuisseq. communione priuatos, & in exilium missos, quod Priscillianum accusauerint coram Maximo tyranno, & damnatus occidi fuerit iussus. Sed aut in Isidori libro, aut in Seueri mendosa sunt nomina. Prosper Aquitanicus in Chronicis cum Isidoro facit, qui anno CCCXCII. eadem de Itacio, & Vrsatio Episcopis ait. In Barcinonensi Synodo non edita Ioannes Casar Augustanus Episcopus interfuit anno plus minus D XL. Eundem putamus in Ilerdensi Concilio cum Sergio Tarraconensi conuenisse. sed non recte in editis libris Ilerdense, & Valentinum ante Gerundense edita sunt, cum fuerit posterius dicto anno D XL. In Toletano tertio maximo Concilio subscriptio exstat Simplicii Episcopi Casar Augustani. id habitum anno IIII. Reccaredi Regis, Christi DXXCIX. Hactenus Gothi haeresein Arianorum tenuerunt: nostri tamen maiores Catholicos Pontifices habuerunt, ipsaq. ciuitas in Catholica religione perseuerauit. Hoc loco referri potest, quod Sanctus Gregorius Turonensis lib. 3. cap. 39. historiae Francorum & Ado Viennensis atate sexta in Chronicis, & Aimoinus monachus lib. 2. cap. 19. & 20. historiae Francorum scripserunt de urbe Casaraugusta à Francorum Regibus obsessa Childeberto, & Clothario, anno plus minus DXXXII. quae obsessio soluta est, data ab Episcopo stola B. Vincentii Martyris, quae Parisiis in Ecclesia eidem dicata posita est. Sigebertus Gemblacensis hac an. DXLII. refert. Inter Ioannem, & Simplicium, infelicem illum Vincentium Episcopum collocemus Arianum, aduersus quem Seuerus Malacitanus Antistes edidit libellum, ut Isidorus ait in libro de Viris illustribus, tempore Leonigildi Regis prauaricasse testatur Rudericus Toletanus lib. 2. cap. 14. Post Concilium Toletanum, aliud Casar Augustae Concilium habitum est anno VII. eiusdem Reccaredi Regis. in quo subscribunt Artemius Tarraconensis, & alii XII. Episcopi. in quibus Simplicius est. nomina Urbium singularum omissa sunt. tres Canones ediderunt contra Arianos. Anno proximo Oscensis Synodus habita est. tamen in ea Simplicium interfuisse, nobis incertum est. Sed in Barcinonensi anno XIV. eiusdem Regis habita, Maximus Casar Aug. Episcopus subscripsit. De Maximo Isidorus in extremo libro de Viris illustribus hac refert. Multa versu, prosaq. componere dicitur: scripsit & historiolum de his, quae temporibus Gothorum in Hispaniis acta sunt: multa quoq. alia scribere dicitur, quae nec dum legi. Isidorum Hispanensem & Maximum inuenio subscripsisse Toletano Concilio non edito, quod anno primo Gundemari Regis habitum est anno Christi DCX. Eundem Maximum in Egarenensi Concilio cum Eusebio Tarraconen. anno tertio Sisebuti Regis, hoc est, anno DCXIV. fuisse, vetus liber ostendit, in quo non edita Concilia, quae retulimus, Casar Augustanum, Oscense, Barcinonense, Toletanum, & Egarense, conscripta sunt. Post Maximum, Ioannem, Braulionis fratrem, sedisse annis XII. B. Ildefonsus in libro de Viris illustribus testis est, temporibus Sisebuti Regis, & Suintiliani. Patrem eum olim monachorum appellat, & virum in sacris litteris eruditum, hilarem, & munificum; de Ecclesiasticis Officiis quadam eleganter, & sono, & oratione scripsisse refert, & de Paschali sollemnitate. Ioannem successisse Braulione testatur, qui XX. annos Episcopus fuit temporibus Sisenandi, Chintile, Tulcani, & Childasvinti Regu. Ad hunc Isidorus librum etymologiaru extremo sua vita tempore misit: qui in eius vita fatetur se eum librum in XX. libros diuisisse: exstantq. initio eiusdem voluminis epistula Isidori ad Braulionem, & Braulionis ad Isidorum. Vitam quoq. B. Emiliani monachi idem scripsit. quod praeter Ildefonsum, asserit Osualdus in martyrologio prid. Id. Nou. Alia quoq. scripsisse eundem, Ildefonsus ait. Eius subscriptio exstat in quarta, & quinta Synodo Toletana. quod etiam Rudericus Toletanus lib. 2. cap. 19. refert, eumq. illustrem appellat his verbis. Huic Synodo quinta Braulio Casar Aug. Episcopus praeceteris illustris effulsit, atque piam doctrinam Christianis mentibus



mentibus decenter infudit: cuius & opuscula nunc usque Ecclesia veneratur. Huius eloquentiam Roma  
urbium mater, & domina per epistulare alloquium est mirata. Est etiam in Toletano Concilio sexto  
eius nomen adscriptum: quod habitum est anno secundo Chintilani Regis anno Christi DCXXXVIII.  
At in septimo non interfuisse crediderim, tum quia in quibusdam non editis subscriptionibus eius  
nomen non sit, tum quia apud Rudericum legatur in eod. Concilio fuisse desideratum a patrib. librum  
Moralium B. Gregorii. Vnde Princeps, sacro Concilio, inquit, approbante, Taionem Casaraug. Episco-  
pum, religione, & litteratura praestantem, & sollicitum scripturarum, ad Romanum Pontif. pro li-  
bris Moraliū nauigio destinavit. nota est historia, quo pacto somnio admonitus fuerit loci, in quo hi  
libri conseruarentur. quo enarrato Pontifici, Taio extitit, inquit, Roma gloriosus, quo antea despica-  
bilis habebatur. & reperto, & accepto libro in Hispaniam est reuersus, & tam Roma, quam in Hispa-  
niis habitus est venerandus. Idem lib. III. cap. XV. inter sanctos Pontifices laudat Leandri, Isidori,  
Helladii &c. atq. Taionis Casaraug. claram doctrinam. Mendose autem Talonis, pro Taionis, editum  
est. Apud Ildesum, post Braulione de Eugenio posteriore, Toletano Antistite, agitur: qui cum Ecclesia  
regia clericus esset egregius, vita Monachi delectatus est. Qui sagaci, inquit, fuga urbem Casaraug. pe-  
tens, illic Martyrum sepulchris inhaesit; ibique studia sapientiae, & propositum Monachi decenter incoluit.  
Taio autem subscripsit in actis Toletani VIII. Concilii, ut in omnibus libris scriptum est. Item in a-  
ctis Toletani IX. licet omissum sit in editis. Habitum autem est anno VI. Reccesuinthi Regis, Christi  
DCLXV. Ceteris Toletanis editis nullus Episcopus Casaraug. interfuit. Ex veteribus libris Tole-  
tano XIII. anno quarto Ervigii Regis, Christi DC XXIII. subscripsit Fredeualdus Abbas, agens  
vicem Balderedi Casaraugustani Episcopi. Toletano XV. anno primo Egicani Regis, Christi DC  
XXCVIII. idem Baldredus interfuit. Mox anno quarto eiusdem Regis Casaraugustanum terti-  
um, siue quartum Concilium habitum est. nomina Episcoporum desiderantur. Sed idem Baldere-  
dus erat Episcopus, quia idem subscripsit Toletano XVI. Concilio, quod habitum est anno VI. eius-  
dem Regis. Hae habui, quae de Episcopis, & Conciliis Casaraugustanis scriberem, quorum memo-  
ria exstat apud me, ante cladem illam, Arabum, & Sarracenorum irruptione, illatam. Tu his alia  
addes, maximisq. ornamentis & rerum, & verborum illustrabis. Cura, ut valeas. Tarracone.  
Kal. Febr. ∞ DXXCIV.



## I N D E X

## REGVM, REGINARVM, COMITVM, AC IVSTITIARVM ARAGONVM;

ANTISTITVM CÆSARAVGVSTANENSIVM,

Regulorumque Arabum; Ricorum hominum,

&amp; Mesnaderiorum.

- Suprarbienses  
Reges  
Garfias Eximini.  
Garfias Innici I.  
Fortunius I.  
Sanctius Garfia.  
Innicus Eximini, *Arista*.  
Garfias Innici II.  
Fortunius I. Monachus.  
Aragonum Comites.  
Azenarius.  
Galindus Azenarii.  
Eximinas I. Azenarii.  
Eximinas II. Garfia.  
Garfias Azenarii.  
Fortunius Eximini.  
Reges Aragonum.  
Sanctius I. Abarca, *Caso*.  
Garfias I. Abarca, *Casonis F.*  
Sanctius II. Abarca, & Galindus.  
Garfias II. Abarca, Tremulus.  
Sanctius III. Maior, Imperator.  
Ranimirus I. Christianissimus.  
Sanctius IV. Ranimiri F.  
Petrus I. Sanctii IV. F.  
Alfonfus I. Bellator, Imperator.  
Ranimirus II. Monachus.  
Petronilla Regina, & Raim. Berengarius, *Barcinonensis Comes*, eius vir.  
Alfonfus II. Castus.  
Petrus II. Catholicus.  
Iacobus I. Expugnator.  
Petrus III. Magnus.  
Alfonfus III. Manifestus.  
Iacobus II. Iustus.  
Alfonfus IV. Benignus, & Pius.  
Petrus IV. Cerimoniosus.  
Ioannes I. Petri IV. F.  
Martinus, Petri IV. F.  
Ferdinandus I. Honestus.  
Alfonfus V. Sapiens, & Magnanimus.  
Ioannes II. verè Magnus.  
Ferdinandus II. Catholicus.  
Carolus, Rom. Imp. V. Maximus, & Fortissimus.
- Philipp<sup>9</sup>, Caroli V. F. Monarcha.  
Reginæ Suprarbii.  
\* Innica, siue Enenga; Garfia Eximini, Suprarb. Regis I. vxor.  
\* Tota, Garfia Innici I. Suprar. Regis II. vxor.  
\* N..... Fortunii I. Supr. Regis III. vxor.  
\* Theuda, siue Innica, seu Enēga; *Arista* Suprarb. V. Regis vxor.  
\* Vrraca, siue Enenga; ultimi Aragonensis Comititis filia; ac heres, Garfia Innici II. Supr. Regis VI. vxor fuit.  
Reginæ Aragonum.  
\* Tota, Vrraca, ab aliis Theuda; Abarca *Casonis vxor*: vel dua fortasse, singulis hisce nominibus appellata.  
\* Theresia Galindi, Garfia I. *Casonis F. vxor*.  
\* Vrraca Ferdinandi, seu Ferdinaldi, Abarca Galindi vxor.  
\* Eximina; qua ab aliis Costantia, ab aliis Epiphania, ab aliis Eluira dicitur, Tremuli Regis Garfia vxor fuit.  
\* Nuxia, siue Munia; ab aliis Eluira; Geloira, siue Geloirda ab aliis; & ab aliis Domna Maior dicta; Sanctii Maioris, Imperatoris vxor; Sanctii Castella Comititis filia fuit; Garfia Infantis, ad Legionem Septimam geminā interfecti soror.  
\* Gisberga, siue Ermiffenda; à non nullis Gilbiga; Bernardi Rogerii Comititis, & Garfinda Comitisse filia; Ranimiri I. vxor.  
\* Beatrix; prima Sanctii III. vxor.  
Felicia, Armengolis, & Clemētia, Vrgeli Comitum filia; secūda eiusdem Sanctii III.
- vxor.  
\* Agnes; prima Petri I. vxor.  
Bertha; secūda eiusdem Petri I. vxor.  
\* Vrraca; Castella Regis filia; Alfonsi I. vxor.  
\* Agnes, seu Mathilde, siue Vrraca; Aquitania Ducis, Pictonumq; Comititis soror; Ranimiri II. vxor. Ex qua filia nata  
\* Petronilla Regina Aragonum: qua Raim. Berengario, Barcinonensi Comitit nupsit.  
\* Sanctia; Castella Regis filia; Alfonsi II. vxor.  
\* N..... Folcalquerii Comititis sobrina; prima Petri II. vxor.  
Maria; Morespifulani Comitisse; secūda eiusdem Petri II. vxor.  
\* Eleonora; Castella Regis filia; prima Iacobi I. vxor fuit.  
Violans, siue Iolans; ab aliis Hiolesia; ab aliis Andrena dicta, Vngaria Regis filia; secūda eiusdem Iacobi I. vxor.  
\* Costantia; Sicilia Regis filia; Petri III. vxor.  
\* Eleonora; Anglia Regis filia Alfonso III. desponsa fuit: sed Regnum non inuit.  
\* Blanca; S. Ludonici, Tolesani Episcopi, germana soror; prima Iacobi II. vxor fuit.  
Maria; Regis Cypri filia; secūda eiusdem Iacobi II. vxor.  
Elisenda; D. Petri Moncada, & Berge Pinos filia; tertia eiusdem Iacobi II. vxor.  
\* Theresia; D. Gombaldi Entēza, & Costantia Antillionis filia; prima Alfonsi IV. vxor fuit; sed antequam matritus Regnum obtineret, mortua.  
Eleonora; Castella Regis filia; secūda ipsius Alfonsi IV. vxor.  
\* Maria



- \* Maria; Navarra Regis filia; prima Petri IV. vxor.  
 \* Eleonora; Portugalia Regis filia; secunda eiusdem Petri IV. vxor.  
 Eleonora; Sicilia Regis filia; tertia eiusdem Petri IV. vxor.  
 Sibilia; Bernardi Forcia filia; quarta eiusdem Petri IV. vxor.  
 \* Matha, seu Mathaa; Armeniacensis Comitissis soror; prima Ioannis I. vxor fuit.  
 Violans; Barenfis Ducis filia; secunda eiusdem Ioannis I. vxor.  
 \* Maria; D. Lupi Luna, Lunensis Comitissis filia; prima fuit Martini Regis vxor.  
 Margarita; D. Petri Pradesii filia; secunda ipsius Martini vxor.  
 \* Eleonora, Vrraca prius dicta; Sanctii, Alburquerqueensis Comitissis, Henrici Castella Regis, fratris filia; Ferdinandi I. vxor.  
 \* Maria; Castella Regis filia; Alfonso V. vxor.  
 \* Blanca; Navarra Regis filia; prima Ioannis II. vxor.  
 Ioanna; Almirantis Castella filia; secunda eiusdem Ioannis II. vxor.  
 \* Isabella, Regina Catholica; Henrici IV. Castella Regis soror, atq; heres; prima fuit Catholici Regis Ferdinandi II. vxor.  
 Germana; Navarra Regis filia; secunda eiusdem Ferdinandi II. Catholici Regis, vxor.  
 \* Ioanna, Regina, Catholicorum Regum filia, Caroli V. Imperatoris mater.  
 \* Isabella; Portugalia Regis filia; Augustissima fuit ipsius Caroli V. vxor.  
 \* Maria; Portugalia Regis filia; prima Philippi nostri, Potentissimi Regis, vxor.  
 Maria; Anglia Regina; eiusdem Regis nostri Philippi secunda vxor.  
 Isabella; Gallia Regis filia; tertia ipsiusmet Philippi nostri vxor.  
 Anna; Maximiliani Imperatoris filia; quarta eiusdem nostri Inuictissimi Regis Philippi vxor fuit.  
 Iustitia Aragonum.  
 Petrus Eximini.  
 Sanctius Fortunionis.  
 Sanctius Galindi.  
 Lupus Sanz.  
 Fortunius Azenarii.  
 Ioannes Pelaius.  
 Atho Sanz.  
 Ioannes Didaci.  
 Petrus Monio.  
 . . . . Didaci, Ioann. Didaci F.  
 Petrus Medalla.  
 Galindus Garfia.  
 Sanctius Garfia Sancta Olalla.  
 Petrus Ferdinandi Castrus.  
 Sanctius Tonia.  
 Stephanus . . . .  
 Petrus Sessessius.  
 Petrus Petri Tarazona.  
 Ioannes Petri Tarazona.  
 Martinus Petri Artassona.  
 Petrus Martini Artassona I.  
 Petrus Sanctii.  
 Rudericus Castellezuelus.  
 Fortunius Ahe.  
 Martinus Sagarra.  
 Petrus Martini Artassona II.  
 Ioannes Egidii Tarinus.  
 Ioannes Zapata Cadreto.  
 Eximinius Petri Salanoua.  
 Sanctius Eximini Ayeruius.  
 Stephanus Egidii Tarinus.  
 Pelegrinus Anzanus.  
 Pelegrinus Oblitas.  
 Garfias Ferdinandi Castrus.  
 Galacianus Tarba.  
 Ioannes Lupi Sessessius.  
 Blasus Ferdinandi Heredia.  
 Dominicus Cerdanus.  
 Ioannes Eximini Cerdanus.  
 Berengarius Bardaxinus.  
 Franciscus Zarzuela.  
 Martinus Didaci Anxius.  
 Ferrarius Lanuza I.  
 Ioannes Lanuza I.  
 Ioannes Lanuza II.  
 Ioannes Lanuza III.  
 Laurētius Ferdinandi Heredia.  
 Ferrarius Lanuza II.  
 Ioannes Lanuza IV.  
 Antistites Cæsaraugustani.  
 Episcopi.  
 A nascentis Ecclesie initiis vsq; ad Arabum in Hispaniam aduentum:  
 S. Athanasius.  
 S. Felix.  
 S. Valerius I.  
 Valerius II.  
 Clemens.  
 Castus, sine Costus.  
 Vincentius I.  
 Lucius.  
 Valerius III.  
 Vincētius II. qui fuit Arias.  
 Simplicius.  
 Maximus.  
 Ioannes.  
 S. Braulio.  
 Taio.  
 Baldifredus, seu Balderedus.  
 Bentius.  
 Post Hispania autem cladem, quamdiu Arabes Vrbe sunt potiti.  
 Senior.  
 Heleca.  
 Paternus.  
 Vincentius III.  
 Petrus I.  
 Bernardus I.  
 Post Arabes tamen Vrbe pulsos.  
 Petrus II. Librana.  
 Stephanus I.  
 Garfias I. Guerra de Maione.  
 Gulielmus.  
 Bernardus II.  
 Petrus III. de Villabeltram.  
 Petrus IV. Tarroia.  
 Bernardus III.  
 Petrus V. Eximini.  
 Stephanus II.  
 Petrus VI. de Turrerubea.  
 D. Raimundus I. de Castellezuelo.  
 D. Rudericus I. Rocabertinus.  
 D. Raimundus II. de Castrol.  
 D. Garfias II.  
 D. Sanctius I. Ahones.  
 D. Bernardus IV. de Montagudo.  
 F. Vincentius IV. Monachus.  
 D. Rudericus II. de Ahones.  
 D. Arnaldus de Peralta.  
 D. Sanctius II. de Peralta.  
 D. Petrus VII. Garfia de Ianuas.  
 D. Fortunius de Vergua.  
 D. Vgo de Mataplana.  
 D. Eximinius Martini de Luna.  
 Archiepiscopi.  
 D. Petrus Lupi de Luna.  
 D. Petrus Azenarii de Rada.  
 D. Gulielmus, Cardinalis.  
 D. Lupus Ferdinandi de Luna.



D. Garfias Ferdinadi de Heredia.

D. Franciscus Clemens Perezus.

D. Alfonsus de Arhuello.

D. Dalmacius Murus, & Cerebellonius.

D. Ioannes Aragonius I.

D. Alfonsus Aragonius.

D. Ioannes Aragonius II.

D. Federicus Portugalius.

D. Ferdinandus Aragonius.

D. Andreas Santos.

D. Andreas Bonadilla, & Cabrera.

Mauri Cæsaraugustanenses Reguli.

Ibnabala.

Marsilius.

Muz a Aben Heazim.

Aben Alfage.

Aben Haya.

Mudyr.

Imundar.

Almugdabyr.

Trá Almundasar.

Zulema.

Hamen Aben Huth.

Iuceph Aben Huth.

Almozaben.

Abdelmelch.

Hamat Almuzacayth.

Abuazalen.

Rici homines de Natura: quasi maiorum gentium patricii.

Cornelii.

Luna, Martinii.

Luna, Ferrenchii.

Luna, Lupii.

Azagra.

Vrrea.

Alagonii.

Romai.

Focii.

Entenza.

Lizana.

Rici homines de Mesnada: quasi minorum gentium patricii.

Vergua.

Maça.

Tramacetii.

Atrosillii.

Antillionii.

Ortizii.

Atorellia.

Ataresii.

Tizonii.

Caxalii.

Santacruz.

Pardi.

Castellezuclii.

Huerta.

Podii.

Peralte.

Vidaurii.

Penia.

Sessefii.

Abonesii.

Naia.

Benanentii.

Ayernii.

Stada.

Calasanzii.

Espefii.

Alcala, siue Alcalani.

Artufellia.

Mesnaderii: siue Palatini, illustriores.

Fontona.

Pina.

Alberii.

Gudales.

Pomarui.

Lirii.

Vallimana.

Gurrea.

Valtorresii.

Abarca.

Embunii.

Azlorii.

Tonia.

Rueda.

Vyrozii.

Funesii.

Lihorrii.

Zapata.

Vrriesii.

Lanusa.

Vera.

L A V S D E O.

CODI-



SEQVNTVR

*Tabula post  
pagin. 840.  
subiicienda.*

GENEALOGICAE

TABVLÆ ALIQVOT

ET PRIMVM REGVM ARA-

goniæ, & Illustris Aragonicæ Familiæ La-

nuzarum, ex BLANCA.

DEINDE GENTIS NORMANNICÆ

*qua Apuliam, Calabriam & Siciliam ab Anno 1035. usque  
ad Annum 1195. rexit, ex Authoribus, qui Surita  
Annalibus succedunt.*

TERTIO ILLVSTRISSIMÆ PER TOTAM HISPANIAM  
& Antiquissimæ Gironum Familiæ: & simul Ducum, Principum &  
Comitum, qui per Gironas vxores Familiam propagarunt:  
quæ sunt XXXVII. Tabulæ.







AMVS Aragonensium Regum diligenter explicatam, & à pri  
Blancę libris sumpta, iure cum illis in vno volumine conueniun  
ri tabula adiecimus, tanquam librorum qui Suritę indices in h  
Statutum erat, ascribere in aliis tabulis, & sub vnum simul c  
politanos Reges, quos domi magno studio ex authoribus opti  
mus, vt Praga, quō nos pro more vocauerat, statim ad Bibliothe  
beret: interim vero Typographica nostro iussu inchoatę opera  
non possent, tres illas superiores, quas in schedis nostris casu rep  
chartis descriptas euulgare debuimus: in quo lector necessarii  
Tamen vt gratiam abs te iniremus, & tabularum quas diximus, leniremus desider  
itinere, & in tabulas 37. contraximus: mutilas illas & annis non satis discriminatas plerasq  
niam nondum vidit, & quę tibi, lector, in ista hiulca & annorum vidua narratione mag  
stius argumenti edemus, his iucunde fruiere, Ex Dusseldorfio pridie Non. Iulii Anno

## INDEX TAB LOGICAR

**P** R I M A tabula, in qua integra, & perfecte explicata Ara  
gonię Regum familia ex Hieronymo Blanca: additis  
interdum Pompelonensibus & Sobrarbiensibus: vbi  
Primorum Sobrabię Regum familia ex diuersis.  
Familia Comitum veterum Aragonię.  
Nova Familia Regum Sobrarbiensium.  
Reges Pompelonię & Nauarrię.  
Secunda tabula, in qua familia Aragonica Lanuzarum Domi  
norum Alfoceę, Escuerii.  
Tertia tabula ad libros de rebus gestis Nordmannorum in Si  
cilia & Apulia: Tabula in qua primorum Apulię, Calabria,  
Auerfę, Tarenti, Ascoli, Meliti, Scyllacei, Abacelardi, Capi  
tanatę, Capuę, Barri, &c. Comitum & Principū, Domino  
rum, Comitum & Regum Sicilię, Nordmannica Familia.  
Has tres tabulas, sequuntur alię, quę illustris per totam Hispan  
nię & antiquis. Gironum familiam explicant: & simul Du  
cum, Principum & Comitum, qui per Gironas vxores fami  
liam propagarunt. Tabulę hę sunt numero xxxvii. &  
hoc ordine se sequuntur.  
Familia Gironum in Hispania ex antiquissimis literis & do  
mentis. Tabula I.  
Secunda Gironum familia, ex Girona filia. Tab. II.  
Girones, Portocarreri, Marchiones de Villanoua & Alcala,  
Comites de Puebla, Domini de Cardenas & de Moguer,  
ex muliebri Gironia origine. Tab. III.  
Girones, Pacheci, Domini de Puebla, Comites de Monta  
luan, ex Gironia matre, vbi etiam attingitur familia Cha  
contum dominorum de Casaruios. Tab. IV.  
Familia antiquissimorum Gironum in Talauera. Tab. V.  
Sequuntur alię Familię, eodem modo cum Gironibus con  
iunctę nuptiis. & primum Familia dominorum de Acun  
na, Comitum Valerię & Buendię, Ducum de Giron, Do  
minorum Roę & Mansillę.  
Pars Familię Manricorū, Ducū Naiarę & Comitū Va

lentię.  
Familia Dominorū de Meneses, ex Girona matre.  
Infantes de Molina ex regibus Castellę, & Do  
res Albuquerque interponuntur, cum Marchi  
Villareal in Portugalia, Comitibus in Barcelos  
Comitibus Neibę & Farię, Dominis Belmont  
stella, Dominis & Comitibus Cantenedę, A  
Giron &c.  
Familia Pachecorum veterum, quę tandem tota  
Acuhnēs per Alfonso Telles Martini Acu  
transit, in qua sunt Dominatus Ferreirę, Beia  
ris in Aragonia.  
Familia Pachecorum alia, quę dicitur Delas Pad  
Castellę: vbi pars Familię Manricorum, Dom  
Valle Ezeario.  
Familia Pachecorum, Dominorum de Villareio  
Almonacer, Albaladeio, Piqueras, Comit  
Cisuentes.  
Familia Pachecorum, Dominorum Valentia  
rum de Camora, Dominorum de Biqueras, A  
baladeio, Ocampo: vbi rursus  
Pars Familię Manricorum & Vargarum, & Do  
Albornoz, de Ocenteio & Balablado.  
Familia Portocarrerorum, Bocca Nigrę, Comi  
Comitum S. Stephani & Medellini, Domi  
des, Orellanę.  
Familia Dominorum Ariarum de Aula, Comi  
no in Rostro.  
Familia Dominorum de Orellana veteri, F  
rum.  
Familia Guzmahorum, ex nuptiis Gironum: i  
mini de Orgaz, Gidelēm, Gibrleon, S. Olo  
Comites Nieble, Orgazii, Oliuares Duc  
nię, Marchiones Castalę, &



# T O R E M.

tem percursam seriem: addita Aragonicorum procerum vnica Lanuzarum familia: quæ ex  
ordmannorum in Calabria, Apulia, & Sicilia Comitum, Ducum & Regum, stirpem in singula-  
untur, breue compendium.

biicere, omnium Castellæ, Legionis, Lusitaniæ, Siciliæ, Balearum insularum, Nauarræ & Nea-  
ros & correctos habemus. Nec enim permissurum libenter Inuictissimum Cæsarem dubitaba-  
is domum. At cum Maiestas illius in Belgium ad diuersos Electores & Principes proficisci iu-  
antibus præsertim nundinis, & nostro ante autumnum desperato reditu, distineri sine iactura  
reliquarum comitatu, quæ in quartum deinde Tomum venient, solas iam & ex præsentibus  
reniam.

Hispanicum quem de Gironum familia in vidulo nostro circumferebamus, conuertimus in  
quæ domi multo plenius proponi & illustrari potuissent: sed interim tales, cuiusmodi Germa-  
ntem & vtilitatem afferent. Vale igitur & dum paulo post eadem pleniora & simul plura i-

IOANNES PISTORIUS D. Cathedralis Ecclesiæ  
Vratislaviensis præpositus, S.C.M. à  
consiliis, &c.

## ARVM GENEAL- E SEQUUNTUR.

Particula Mendocorum gentis. Tab. XV.  
ilia de Cifneris ex Gironū nuptiis & inde Dominorum  
e Vega, & Mendocum Admiraliū Castellæ, Marchio-  
um Santillanæ, Ducum Infantadgi, Comitum Tendille,  
orunnæ, Saldannæ, Marchionum de Montefclaros,  
ondeiar cum  
Particula Familiæ Dominorum Soarez de Figueroa,  
& de Vega. Tab. XVI.  
menta Familiæ Manricorum. Tab. XVII.  
eci & Girones, ex nuptiis. Domini Cordubæ, Marchio-  
es de Priego & Delas Naues, Domini Almunna, Agui-  
r & Figueroa, Comites & Duces Feriæ, Manrici Comi-  
es Osorni. Tab. XVIII.  
ilia alia de Corduba, Marchionum de Comares. Comi-  
um Alcandetæ Castellanorum Delos Donzeles, ex Gi-  
onum Pachecorum nuptiis. Tab. XIX.  
mini de Cardenas, de Carillo & Albornoz, Duces Ma-  
uedæ, Marchiones Elchæ, ex matribus Gironicis Pa-  
thecis. Tab. XX.  
ilia Regia ex Gironū nuptiis, in qua sunt Henriquez, Ad-  
miralii Castellæ, Duces Arionæ, Medinæ de Ruyteco &  
lealæ, Marchiones Tarifæ & Villanouæ del Camion  
del Rio Comites Trastamaræ, Aluæ, de Liste, & Albu-  
uerque, Domini de Lemos & Sarria, Authores Marchio-  
um de Sarria Tab. XXI.  
materna linea Girones Domini de Haro, Baçça, Guardia,  
usto, Sorbas & Lubrin, Marchiones de Carpio. Tab. XXII.  
matre Girones Domini de Allueris, de Vigil, de Quin-  
ones, & noui Comites Lunæ. Tab. XXIII.  
ilia Pimenteliorum, ex Gironicis nuptiis, Comitum Be-  
euenti, Marchionum de Villafranca & Osoriorum de  
storga. Tab. XXIV.  
o Marchionum & Ducum Villenæ. Tab. XXV.  
Girona & Pachera matre, Domini de Toletto, Comites

Oropæse, nonnullis etiā Riberæ, Domini S Martini & Mal-  
picæ. Tab. XXVI.  
Familia ex matre Girona, ex patre Ponciurū de Leon, Ducum  
de Cadiz & delos Arcos, item Ducū Feriæ. Tab. XXVII.  
Familia Manuelum, Marchionum Villenæ & Cerralui Comi-  
tum Carrion, & Saluatertæ, Dominorum de la Cerda, Sar-  
mientorum, de Ayala & Ampudia, coniuncta nuptiis cum  
antiquis Gironibus, XXVIII.  
Sequuntur aliquot familiæ ex Gironibus nō procreatæ: tamen  
affinitate & interdum propinquitate posterorum cum illis  
coniunctæ: & primo  
Familia Dominorum de Toletto, & Valle Corneia, & A-  
luæ de Tormes, ex quibus sunt Duces Aluæ & Huesci, Comi-  
res Lerini. Tab. XXIX.  
Familia Dominorum de Cueva & Soliero, Marchionū Andra-  
dæ, Ducū Albuquerqueñsui, Vicecomitū de Guelma: vbi  
Particula Familiæ de Castro Marchionum Sarriæ. T. XXX.  
Fragmenta de Familiæ Dominorum de Velasco & Touar, Con-  
stabliorum Castellæ. Comitum Hari, Marchionum Barlan-  
gæ, vbi mentio simul Dominorum de Azebedo, Comitū de  
Monterey & Castro, item Manricorum de Mendoza.  
Tab. XXXI.  
Familia Regia Dominorum de Castella. Tab. XXXII.  
Familia Dominorum Infantum de Portugalia, Dominorum  
Valentia de Ninno, de Cigales, de Herrera, & de Pedra-  
za. Tab. XXXIII.  
Familia Dominorum de Aualos & Isola, Marchionum Pescaræ  
& Vasti, Comitum Montedorosi. Tab. XXXIV.  
Pars Familiæ Regiæ de Alencastro & Nis, vnde Duces Coym-  
bræ & de Auero. Tab. XXXV.  
Familia Dominorum Borgiarum, Ducum Candia & Valentia,  
Principum Esquillacii. Tab. XXXVI.  
Iudicum Castellæ familia. Tab. XXXVII.



MORT.









# INTEGRA ET PERFECTA

REGVM FAMILIA EX HIERO  
Pompe

Primorum Sobrarbiae Regum familia ex diuersis.



## NOVA FAMILIA REGVM Sobrarbiensium.





A. I.  
EXPLICATA ARAGONIÆ

BLANCA: ADDITIS INTERDVM  
Sobrarbiensibus.

FAMILIA Comitum veterum Aragoniæ.

ex ducibus Cantabria occi-  
Mauris.

Eudo vel Hedo vel Haydo  
dux Aquitania ex uxore

Vxor heres ducatus Aquitania.

Menina vel Mu-  
nina vel Mume-  
rana, vxor qui-  
busda Froyle Re-  
gis Legionis.

Hunoldus.

Vifarius.

Azenarius exutus  
paternis bonis fu-  
git in Cantabriam.  
Aliis primus A-  
ragonia Comes.

filia, nuptiis con-  
iuncta cum Man-  
rorum principe  
Munnitiz.

Hedo, Dominus Vizcaya

Azenarius fit  
armis primus  
Aragonia Co-  
mes. Obiit cir-  
ca An. 795.

nobilis So-  
brarbiens-  
fis.

um, praterito huius altero fratre, fit  
cadit statim in bello contra Mau-

Galindus Azenarii, succedit patri:  
Comes II. Aragonia, vixit An-  
no 815.

filia vxor Sanctii  
Regis IIII. So-  
brarba.

Eximinus Azena-  
rii Comes III.  
Aragonia post  
patrem, Obiit  
Anno 816.

Endregotus post  
fratrem prate-  
ritus cedit co-  
mitatum pa-  
truo.

Teuda vel Tota  
vxor Bernhar-  
di primi Comi-  
tis Ripacurti-  
ensis.

Aragonia quintus, obiit cum Sanctio quarto Rege Sobrarbiensi in bello contra Mauros Anno 832.


ex utero matris exectus à milite Gueuara Abarca (unde Casonis cognomen habet)  
pro filio educatus: sed adultus probata vera origine, suscipitur ab Aragoniis, Rex I.  
ONIÆ salutaris, dictus Sanctius Cazo Abarca, obiit circa An. 933.

ndus  
9.

Eximina.

Theresia dicta Florentina.











Garfias Abarca  
male nomin  
quitur

Hermigilda

Ranimirus

Vrraca  
Ferdinandi

Garfias Tremulus, Rex IV. dictus Garfias Abarca, ve Sanctii, Regnat vix 10. annis anno 1000.

REGES POMPELONÆ ET  
NAVARRÆ.

Vxor domina Nunnia vel Munia:  
Aliis Eluira vel Gelayra vel Gelayda: Aliis domina Maiora (in privilegio) filia Sanctii Comitis Castella & post fratrem Garziam heres.

Stephana  
vel Magda-  
lena filia Pe-  
tronini Comi-  
tis Perticensis

Garfias à patre declaratus Rex  
solius Pompelona, Mortuus  
anno 1053. in bello.

Ferdinandus ex patris testamento Comes Castella,  
fit ex vxore primus Rex Castella, & per arma  
Rex Legionis, Obiit anno 1067.

Sanctia vidua Sanctii  
stella, cuius tantum  
filia Alfonsi quinti,  
Legionis heres regni.

Sanctius Rex  
Pompelonis in-  
terfectus à fra-  
tre Ranimiro:  
Aliis à Ra-  
mondo

Ranimirus  
fratricida  
dominus de  
Calaborra.

Ferdinan-  
dus

Ramon-  
dus

Ermefon-  
da

Xime-  
nia

Maio-  
ra

Vrraca vxor  
Comitis Gar-  
cia

Huius posteros vide  
in familia Regum  
Castella & Legio-  
nis.

Alfonfus Rex XXVI. Legi-  
nis & tertius Castella post fr-  
trem obiit anno 1190. vide ibi

Ranimirus

Filia Cidi Rode-  
rici Didaci.

Garcias (Aliis frater Ranimiri, non filius)  
mortuo Alfonso Imperatore Rege Ca-  
stella & Aragonia, Rex rursus Pom-  
pelonensis ex electione dominus Mon-  
tionis, Obiit Anno 1150.

Concubina

Henricus, à sorore Regina factus  
Comes Canosii in Sicilia.

Mergelina  
Rotronii Per-  
ticarum Co-  
mitis filia &  
heres.

Vrraca unica filia, vxor  
propinqui

Sanctius succedit patri.  
Vide Reges Nauar-  
ræ.

Blanca nurus  
Imperatoris.

Margareta vxor Wil-  
helmi primi, Regis II.  
Sicilia.



ius) Rex II. Aragonie,  
d nepoti conuenit ut se. = Theresia Endregoti non istius qui Galindi II. Aragonie Comitis filius erat,  
sed alterius filia.

II.

si & Garfennis  
Galindez vel  
Abarca, Rex  
compelone (non  
fuit, sed alius)  
ad 990.

Vrraca

Eximina

mina (ex priui-  
legio)

ex quintus Aragonum,  
carbii dictus Imperator  
xore simul Castella Co-  
nis 33 plus minus, Mo-

Vxor II. Caya matrona illu-  
stris domina Ayuaria.  
Aliis Concubina.

ifalvus a patre factus  
bii & Ripacurtiensis  
us, & tandē Rex, oc-  
a Romaneto de To-  
a, vel ut alii volunt a  
nman, moritur a paup.  
rga, dicta Er-  
da, filia Bern-  
Rogerii Co-  
& Garfende,  
Anno 1036.  
ur error)

Ranimirus Rex solius Aragonie ex pa-  
tris voluntate, sed mortuo Gundisaluo  
fratre, Rex Sobrarbe & Ripacurtii,  
Rex sextus (non primus) Aragonie,  
accepit titulum Christianissimi a Gre-  
gorio VII. Pontifice, interfectus in bel-  
lo a Sanctio Rege Castelle fratris filio  
Anno 1063 vel 1067.

Concubina

Sanctius Ranimiri, Comes  
Ayuaria & Ripacurtii  
obit a paup. rege relicto ha-  
rede.

Vrraca

Sanctius IV. Rex se-  
primus Aragonie  
& armis simul So-  
brarbia & Pom-  
pelonis interfecto  
patruale Sanctio.  
Obit in bello con-  
tra Mauros an-  
no 1094.

Garfias Epi-  
scopus Iac-  
censis.

Sanctia vxor  
Comitis To-  
losa.

Theresia vxor  
Comitis Pro-  
uincia.

Vxor I. Beatrix Illu-  
stris femina.

Concubina


Ferdinandus domi-  
nus Ripacurtia.

Petrus primus succe-  
dit patri. Vide folio  
B. sequente 3

Ranimirus Rex post  
duos fratres. Vide  
folio B. sequente 4.

Isabella obiit  
Anno 1104.











Vxor Vrraca (ut prius) v-  
nica filia Regis Castella  
et Legionis, vidua Ray-  
mundi Burgundi, (aliis  
Comitis Tolosa.)

Alfonso primus bellator, post Petrum  
fratrem Rex novus Aragonie (in qua  
simul Sobrarba, Pompelona et Ripa-  
curium) ex uxore rex Castella et Le-  
gionis. Inde dictus Imperator summus  
Hispanie, Victor Maurorum tricies,  
tandem in ludicro bello, mortuus anno  
1134.

Vxor secunda  
Bertha.

Vxor I. A-  
gnes.

Isabella in-  
nupta ante  
patrem obiit.

Petrus ante  
patrem mor-  
tuus.

Domina Sol  
Cidi filia.

Sanctius moritur  
ante patrem.

3.  
Eleonora vxor  
Comitis To-  
losatis Ray-  
mundi pa-  
tris.

2.  
Sanctia vxor  
alierius Co-  
mitis Tolo-  
satis, qui Ra-  
ymundi filius  
erat.

4.  
Dulcia monialis  
Xixena cum  
matre.

2.  
Alfonso.

Concubina.

Constantia vxor Guilielmi  
Raymundi Moncada.

Vxor secunda Maria filia et  
hares Comitis Montepessuli  
neptis ex filia Imperatoris  
Constantinopolitani, repu-  
diata a marito, sed frustra.  
obit Roma paulo post ma-  
ritum.

Petrus secundus  
trem numero X  
gonia, dictus  
Mortuus in ar-  
na obsidione A  
fribus Septem

Concubina  
filia Berin-  
guela Al-  
fonso infan-  
tis Molina  
filia.

Theresia Agidii Vidaure  
filia vxor, sed a Pontifice  
reiecta, tamen ut liberi es-  
sent legitimi: sic fit Mo-  
nialis.

Eleonora Alfonso  
Regis Castella fi-  
lia, dimissa pro-  
pter propinqui-  
tatem, obiit in  
Monasterio.

Iacobus I. nominis, Rex XIV. Aragonie, Comes  
tispessuli ex matre, natus anno 1202. decennis  
tuo patre. Vxorem ducit anno 13. atatis. Mo-  
senex anno atatis 72. Valentia anno Christi 1  
v. 1. Calend. Augusti, sepultus Populeti.

Iacobus dominus Exe-  
rica, unde illustris fa-  
milia Exerica.

Petrus dominus Ayer-  
nii, unde familia A-  
geruia.

Alfonso declaratus Regni  
successor, obiit ante patrem

Constantia Gar-  
stonis vico Comi-  
tis Benehernenfis.

Isabe-  
lor P  
pi T  
Gali



rex  
defi-  
ipa-  
illia  
pro-  
Mo-

27  
Ranimirus post duos fratres cum Monachus, Sacerdos & Rotensis Episcopus esset, ex dispensatione usq; ad susceptam prolem, Rex X. Aragonia (sed sine Pompelona, quam Garcias verus haeres per electione recuperat) Ignauissimus Rex a Castelle Rege varie vexatus, rediit ad Monasterium, ut sub regis vestibus semper habitum Monasticum gestauerat. Moritur XVII. Cal. Sept. anno 1147.

III.

Agnes (vel Mathilda vel Vrraca) Aquitania Ducis filia vel soror.

us Berengarius Comes Barcinone, ex uxore  
ndecimus Aragonia, vinente adhuc socero,  
Berengarii Comitis Bracata. Obiit ann. 1162.  
Id. Augusti.

Petronella unica filia & haeres promissa in infantia Regis Castelle Alfonsi maiori natu filio, sed renocata ab ordinibus Regni nubit Barcinonensi, regnat post maritum. Moritur anno 1173. III. Idus Octob.

Raymundus dictus  
Alfonsus Castus,  
sub tutela matris  
vsque ad annum  
1163, ubi duode-  
cimo etatis anno  
Rex XII. Arago-  
nia declaratur,  
mortuus an. 1196.  
VII. Cal. Maii.

Petrus.

Dulcia vel Adoncia  
uxor Sanctii Lu-  
sitania Regis.

Sanctius.

Eleonora uxor Ar-  
mengali vel Er-  
mengandi Comi-  
tis Urgellensis.

4.

3.

1.

Ferdinandus confsi-  
rat, cum fratre con-  
tra nepotem Regem.

Sanctius Comes Ruscino-  
nensis, tutor nepotis Regis,  
sed rebellis.

Constantia uxor primum Emerici Regis  
Hungariae, secundo Friderici Regis II.  
Romanorum & Siciliae.

or prima,  
rma Co-  
tus Folcal-  
uerii.

Concubina filia Sanctii  
Antilionis.

Concubina Beringuela filia  
Ferdinandi.

Ferdinandus Sanctii, dominus de  
Castro, unde barones de Castro.

Petrus Ferdinandi, dominus  
in Ixaris, unde Comes  
Belchises.

Marchesia Theobaldi  
Regis Navarra filia.

2.

1.

3.

4.

2.

6.

1.

obus primus  
x Balearium  
ulariū factus  
atre. Vide  
am familiā.

Petrus tertius  
nominis, Rex  
XV. Verte  
& vide signū  
Æ

Ferdinandus  
Rossilianus  
Comes.

Sanctius Archi-  
episcopus Toleta-  
nus, cedit in bel-  
lo contra Mau-  
ros.

Constantia uxor  
Emanuelis Regis  
Portugaliae.

Sanctia Deo  
uiuens edit  
miracula  
post mor-  
tem.

Iolinda vel Via-  
lanta uxor Al-  
fonsi Regis Ca-  
stella, electi Ro-  
man. Imperato-  
ris.




1870  
1871  
1872  
1873  
1874  
1875  
1876  
1877  
1878  
1879  
1880  
1881  
1882  
1883  
1884  
1885  
1886  
1887  
1888  
1889  
1890  
1891  
1892  
1893  
1894  
1895  
1896  
1897  
1898  
1899  
1900







Vxor Constantia filia Manfredi Regis Sicilia, sepulta Barcinona.





XV. Aragonia & simul Valentia  
nulo Rex Sicilia An. 1282. Mo-  
285. 14. Idus Nouembris.

Concubina.

IIII.

Concubina Agnesia Zapata.

Iacobus. Ioannes. Beatrix.

Petrus. Ferdinandus. Sanctia. Theresia.

Concubina.

Regis filia, non ducta propter sanguinem.

Henrici Regis Cypri, obiit 1318.

Moncada Petri Moncada nobilis viri filia.

Iodocus dominus loci in Sardinia.

Blancapriorissa  
Xixenensis.

Maria uxor Petri  
infantis Castella.

Alfonfus quartus nomi-  
nis, benignus & pius,  
Rex XVIII. Aragonia  
coronatus Anno 1328.  
III. Non. Aprilis in  
Paschatis festo, Mo-  
ritur 14. Calend. Febr.  
Anno 1336. sepultus  
Ilerda.

Violanta uxor  
primum Phi-  
lippi despota  
Romania. Se-  
cundo Lupi  
Comitis Luna.

Ioannes Archiepi-  
scopus Tarraconen-  
sis & Toletanus, Pa-  
triarcha Alexandri-  
nus.

Vxor secunda Eleonora Ferdinandi Regis Castella  
filiarepudiata a fratre Iacobo.

Ioannes.

Ferdinandus.

1.  
Ius in partu  
tutus cum  
re.

2.

4.

1.

3.

Petrus nominis  
quartus Rex XIX.  
dictus ceremonio-  
sus, natus septimo  
mense, coronatus  
Anno 1336. in fe-  
sto Paschatis. Mo-  
ritur Anno 1388.  
VIII. Id. Ianuarii  
sepultus Populeti.

Fridricus mo-  
ritur puer.

Alfonfus mori-  
tur paruulus.

Iacobus Vr-  
gelitanus Co-  
mes ex matre.

Cecilia filia  
Comitis Co-  
mengis.

Petrus Co-  
mes Urge-  
litanus.

Margreta filia  
Marchionis  
Monferrati.

Iacobus Comes  
Vrgelitanus affe-  
ctans regnū, mor-  
tuo Martino Rege  
contra Ferdinandū  
Regem electū, mo-  
ritur in carcere.

Thadæus. Ioannes.  
mortui ante pa-  
trem.

Isabella nubit Vrgelitano  
Comiti Iacobo.

Sponsa ante nuptias mortua  
Anno 1370. Ioanna filia  
Philippi Valesii Regis  
Francia.

Ioannes dux Gerunda vino  
patre, deinde Rex Arago-  
nia XX. Moritur in vena-  
tione, cū ex equo decidisset  
XIV. Cal. Iun. Anno 1395.

Vxor prima Mat-  
thea Ioannis Ar-  
meniacensis Co-  
mitis soror.

Vxor secunda Violanta  
Roberti Barrensis Du-  
cis filia, neptis Ioannis  
Regis Gallia.

Iacobus. Ioannes.  
paruuli mortui.

ina Aretusa Sicula.

Niebla.


Caroli Regis Nauarra filia ducta Anno 1402.

Ioanna uxor Matthæi Fecensis  
Comitis, ambit regnum mortuo  
patre. Moritur a pater.

Iacobus. Ferdinan-  
dus.  
moriuntur infantes.

Violanta uxor  
Ludwici ducis  
Andegauensis du-  
cta Anno 1392.  
Mater Lud-  
wici Calabria  
ducis.











Eleonora vxor Edoardi  
Regis Portugalia.

Maria vxor Ioannis II.  
Regis Castella.

Concubinæ variæ.

Alfonfus, primum Marchio Villena,  
postea Rex xxiii. Aragonia post  
patrem, Rex simul Sicilia & Neapo-  
lis. Moritur anno atatis LXV. Chri-  
sti 1458. Neapoli xxvii. Iunii cogno-  
mento SAPIENS & MAGNANIMVS.

Vxor II. Ioanna Fridrici Admirali Castella filia ex

Ferdinandus à patre designatus Rex Nea-  
politani, magnus Princeps, author istius  
familie.

Ioanna vxor Fer-  
dinandi Regis  
Neapolitani.

Ferdinandus Rex  
Aragonie xxv.  
& ultimus, u-  
nito deinde re-  
gno cum regno  
Castella factus  
est enim Rex  
Castella ex u-  
xore, & simul  
Sicilia & Nea-  
polis, Dominus  
primus Ameri-  
ca, capit Gra-  
natam, Rex to-  
tius Hispania  
prater Lusta-  
niam. Moritur  
Anno 1516.  
x. Cal. Febr. a-  
tatis LXIV.

Vide familiam suo loco.

Concubinæ tres diuersæ.

Ex matre nobili  
Catalona Aldoncia  
Yborra.

Isabella Henri-  
ci iv. Castella  
Regis soror &  
hares, ducta  
1469. obit a-  
tatis LV. Chri-  
sti 1504. vii.  
Cal. Decem-  
bris, scripta  
herede Ioan-  
na filia.

Tota monialis  
ex matre To-  
ta Vizcaya.

Maria monialis  
ex matre Lu-  
stana Pereyra  
nobili.

Ioanna vxor  
Bernhardini  
de Velasco  
Constablii  
Castella.

Alfonfus, Cesar Au-  
gustana Ecclesia re-  
ctor, Pater Ferdi-  
nandi Aragonii Ar-  
chiepiscopi.

Ioannes Rex designatus,  
Princeps Asturiarum  
& Gerúdia. Moritur  
ante patrem & matrem.

Margareta fili-  
a Maxmilia-  
ni I. Imp. Ro-  
mani.

Michael natus An-  
Castella &

Ferdinandus. Vid-  
alio loco.

FINIS ARAGONICI SIN



Castella, filius Ioannis Regis, Marchio pri-  
us ex uxore dominus Albuquerque, ex iure  
Rege Rex xxi. Aragonia, electus Anno  
1410, coronatus statim 11. Non. Sept. Mori-  
16. IV. Non. April. sepultus Populeti.

V.

Henricus Magister militia  
S. Iacobi, Marchio Villena,  
dominus & Dux Segorbii.

Catharina  
filia Henrici  
IV. Regis Ca-  
stella.

Indefamilia ducum Segorbii.

anica filia & heres Caroli Regis Navarra, vidua  
filiis Martini xxi. Regis Aragonia.

Eleonora, dicta prius Vrraca, filia Sancti Comitis  
Albuquerque ex regia familia. Vide in tabulis  
familia Gironum, quae sequuntur.

Ioannes ex uxore  
Rex Navarra, de-  
inde post Alfonsum  
fratrem Rex xxiv.  
Aragonie, dictus  
MAGNVS, in sen-  
ectute cecus factus.  
Moritur Barcino-  
na XIV. Calen. Feb.  
Anno 1479.

Sanctius (Ferdinandus)  
Magister militia Al-  
cantara sine liberis.

Concubinae varia.

Ex matre Navarra, familia  
Ansarum.

Ioannes Ar-  
chiepiscopus  
Caesar Augu-  
stanus ex ma-  
tre nobili ab  
Auellanedo.

Alfonso  
Magister  
Calatra-  
nensis ex  
matre E-  
leonora de  
Escabor.

Ferdinandus. Maria.  
Obiit prima etate.

Leonora  
uxor Lud-  
wici Via-  
moresii, Co-  
stablii Na-  
varra.

Leonora uxor  
Gastonis, heres  
regni Navarra.

Blanca uxor  
Henrici IV.  
Regis Castel-  
la repudiata.

Carolus ex ma-  
tre Rex Navar-  
ra impeditur a  
patre. Mortuus  
ante patrem an-  
no 1461. IX. Cal.  
Octobr. etate 40.  
annorum.

Maria Iun-  
quesca.

Ioannes Aragonius dux Lunensis, Comes Ripacurtia, unde sunt  
Aragonii duces Villaformosa & Comites Ripacurtia.

patre Rex  
Vide suo

Concubina  
Cappa Sicula

Concubina Maria Armendaria uxor Fran-  
cisci de Barastro.

Anna uxor Ludwici Ducis Medinaceli.

Ioannes Episcopus Osenfis.

Philippus Magister militia S. Maria Montese.

Emanuel Rex  
Lusitania.

Ioanna tandem a  
populo & matre  
designatur regi-  
na Castella, A-  
ragonia & Sici-  
lia.

1500. declaratus Rex

Philippus Ma-  
ximiliani I.  
Imp. filius,  
Archidux  
Austria, &c.  
ex uxore Rex  
Castella, Le-  
gionis, Ara-  
gonia, Sicilia  
&c.

Maria uxor Emanuelis  
Regis Portugalia, cu-  
ius uxor prius fuerat  
Isabella huius soror.

Catharina uxor primum  
Arturi Regis Anglia, &  
eo mortuo uxor alterius  
fratris Henrici VIII. Re-  
gis Anglia, ex quo Ma-  
ria Regina Anglia, uxor  
prima Philippi II. Regis  
Hispania.

Castella, Legionis, Aragonia,  
Imp. Romanus, &c. Vide  
Castella.

Sorores quatuor. Vide  
alibi.

QVOD DEINDE IN HISPANIAE  
etur.







TABVLA I.  
REGES SICILIÆ EX ARAGONIIS.

VIDE INTER REGES  
ARAGONIÆ.

Petrus III. Rex xv. Aragonia ex uxore & testamento Chunradini Sueria ducis  
Siciliæ, Regis, factus Rex Sicilia Anno 1282. 111. Cal. Aprilis, Gallis caesis &  
electis omnibus.

Constantia filia Manfredi Regis Sicilia.

Fridricus a Iacobo fratre factus Sicilia in hac familia tertius Rex  
Anno 1296. relinquit Carolo Gallo Neapolitanum regnum.  
Moriatur Anno 1336. xii. Cal. Iulii, anno ætatis 65.

Alfonfus III. Rex xvi. Arago-  
nia. Vide alibi.

Iacobus II. a patre factus Rex Sicilia secundus, mortuo Alfonso fratre Re-  
ge, Siculum regnum cedit fratri Fridrico, ipse Rex xvi. Aragonia fa-  
ctus ubi inuenies.

Ioannes Marchio Randacii, Comes Menai  
post Wilhelmum fratrem. Obiit Anno 1348.  
in Aprilis.

Wilhelmus dux Caltafimi Aibe-  
narum & Neopatria. Obiit An-  
no 1338. hæredes Ioanne fratre.

Elisa, uxor Stephani ducis Bauaria.

Elisabetha filia (non Tarentini, sed) Caryn-  
thia ducis Orthonis, Comitissæ Tyrolensis ex  
matre Euphemia.

Petrus Rex quartus Sicilia in hac familia viuo  
patre Anno 1321. natus Anno 1304. Mo-  
riatur Anno 1342. vi. Idus Augusti.

Constantia, uxor Regis  
Cypri. Redit domum  
intacta.

Ioannes, moritur  
puer Anno 1359.

Euphemia vicaria  
regni Anno 1359.

Beatrix, uxor Ruperti  
Branditz Electoris  
Palatini.

Leonota, uxor Petri III.  
Regis Aragonia.

Violanta.

Fridricus II. Rex Sicilia  
sextus post fratrem, dux  
Athenarum & Neo-  
patriæ. Moritur An-  
no 1368. Anno regni  
XIII.

Blanca N. Abbatisa Messanen-  
sis. Vxor secunda Antonia Francis-  
ci Lancii, ducis Andrii filia.

Ludwicus natus Catana 4. Febr.  
Anno 1338. Rex V. Sicilia, puer  
quinquenni coronatus Anno 1342.  
8. Decemb. Moritur 16. Octob.  
Anno 1355. sine uxore & liberis.

Vxor prima Constantia Petri III. Regis Arago-  
nia filia, ducta Anno 1360. Obiit Anno 1363.

Maria unica filia. & hæres regni nubit Martino secundo, Regis Ara-  
gonia filio. Vide in familia Aragonica.

Vxor tertia vel sponsa tantum moriente ante  
nuptias sponso Antonia Bernabonis Vice-  
comitis Mediolan. filia, uxor deinde E-  
berhardi Wirtembergici.

NIS HVIVS FAMILIÆ, REDEVN-  
te regno ad Aragonios.

TABVLA II.

REGES NEAPOLITANI EX ARAGONIIS.

Ferdinandus Castellæ Regis filius, Rex factus Aragonia  
& Sicilia. Vide alibi.

Vrraca Leonora Comitissa Albuquerqueus. Vide suo loco.

Ioannes. Vide hunc & reli-  
quos in Aragoniis.

Concubina Valentiana Hispana.

Alfonfus ex patre Rex Aragonia & Sicilia ut prius, Rex Neapolitanus armis  
& ex testamento Ioanna Regina. Moritur Anno 1458.

Maria uxor, filia Henrici III.  
Regis Castellæ & Legionis.

Maria.

Ferdinandus post pa-  
trem Rex Neapoli-  
tani, dux Calabria  
Obiit Anno 1494.  
17. Ianuarii.

Vxor prima Isabella, filia Tristani Comitissæ Ca-  
pertini de clavo monte, ex matre Catharina  
filia Raymundi Ursini, ducis Tarenti.

Leonota, uxor Marini Marzani qui fi-  
lius erat Ducis Sueffani, cum dote du-  
catu Rossani.

Vxor secunda Ioanna, filia  
Ioannis Aragonia & Si-  
cilia Regis.

Ioana uxor  
Ferdinandi  
ex fratre  
nepotis, re-  
gi Neapo-  
litani, mo-  
ritur sine  
liberis vi-  
dua.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Henricus Mar-  
chio Geraci fa-  
ctus a patre.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Vxor secunda Ioanna, filia  
Ioannis Aragonia & Si-  
cilia Regis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-

Filius cedit de Marchionatu, factus  
Cardinalis.

Cæsar Co-  
mes S. A-  
gathe Got-  
thorum.

Franciscus dux  
S. Angeli.

Ioannes Car-  
dinalis.

Beatrix, uxor Matthia Regis Hungaria.

Alfonfus Princeps Capua,

Fridricus Rex Neapolitanus

Leonora uxor

Herculis A-




V. 2

TABVLA III.

REGES MAIORICÆ ET BALEA-

RIVM INSVLARVM EX ARA-

GONIIS.










TABVLA II.  
FAMILIA ARAGONICA  
DOMINORVM ALFOCEÆ, ES





## VZARVM,

*Aragonum, obiit Anno 1349.*

IVSTITIAM Aragonum nominant Aragones sum-  
mum regni officium, quod in administranda iusti-  
tia consistit, & cuius amplissima potestas est, ut ne  
Reges quidem exempti sint.

N. Vxor  
Cerdani.

Dianira vxor  
Petri Luna,  
domini Illu-  
cca.

Beatrix Pimentela.

secundus, post patrem Iu-  
Anno 1498, prorex Si-  
1507. paucis diebus post

Ioanna Rocobertina, nobilissima matrona.


Maria Lanuza, unica filia.

Petrus Martini Luna, Comes Morata.

Mediolani.

Maria Luna, unica filia, vxor Illustrissimi Sasta-  
gensis Comitis.












## TERTIA TABVLA, AD

Nordmannoru

## TABVLA IN QVA PRIM

AVERSE, TARENTI, ASCOLI, MELI

Capuz, Barri, &c. Comitum & P  
Nord



Apulia.

## M APVLIAE, CALABRIÆ,

CEI, ABAGELARDI, CAPITINATÆ,

m, Comitum &amp; Regum Siciliæ

mos, militatum in Italiam Anno 1035 mittit, qui  
suam faciunt.

Vxor secunda Frefenda.

| 1.  | 2.  | 7.   | 4.   | 5.   | 6.  |
|---|---|--|--|--|---|
| <p>Filia vxor do-<br/>mini &amp; Prin-<br/>cipis Auerfa,<br/>mater inde fi-<br/>lii Iordanis et<br/>ex hoc nepotis<br/>Richardi prin-<br/>cipum Auer-<br/>fa.</p> <p>or prima di-</p> | <p>Robertus Guiscardus<br/>primum Comes in Ca-<br/>labria, &amp; post Hune-<br/>fridum fratrem &amp; hu-<br/>ius filium Comes quin-<br/>tus Apulia An. 1057.<br/>Dux tandem à Papa<br/>factus dimidia Cala-<br/>bria &amp; totius Apulia<br/>Anno 1060. Moritur<br/>in Bello Bulgarico, an-</p> | <p>Malgerius Co-<br/>mes Capitinate<br/>in Apulia.</p> | <p>Filia vxor Co-<br/>mitis Cöuer-<br/>sane, mater<br/>Gisfridi Co-<br/>mitis.</p> | <p>Rogerus pri-<br/>mum Meliti<br/>&amp; Scyllacei<br/>Comes, domi-<br/>nus dimidia<br/>Calabria, ta-<br/>dem Comes,<br/>&amp; dominus<br/>totius Sicilia.<br/>Verte et qua-<br/>resignum ]:</p> | <p>Alue-<br/>redus.</p> <p>Hum-<br/>bertus.</p> <p>Tan-<br/>credus.</p> |

ot prima di-  
missa propter  
propinquitatem.Vxor secunda Gayta vel Guta vel Sigelguta, filia Guaymarii, soror  
Gisulfi principum Salerni.arcus, dictus Boamun-  
dus, Princeps Tarenti-  
nus, cedit Apuliam fra-  
tri Rogerio, profectus  
cum Ballonio in Syriã,  
ubi creatur primus An-  
tiochia Dux. Mortuus  
Anno 1108.mus Marchio de  
te manil.Mabilia vxor Wilhel-  
mi Marchionis de  
Grante maniol, af-  
fectans contra affinem  
Rogerium Apuliã,  
exulat Constantino-  
poli, sed eandem re-  
conciliatus recipit  
omnia præter Castrum  
S. Mauri.Robertus  
moritur  
statim  
post pa-  
trem.Rogerius ce-  
dente Boamun-  
do fratre dux  
Apulia & do-  
minus dimi-  
dia Calabria  
primus. Mo-  
ritur Salerni  
Anno 1093.Adela filia Roberti Frisii Comitis Flan-  
dria, vidua Canuti Regis Danie.Guilielmus dux secundus, Apulia &  
dimidia Calabria dominus a Papa  
confirmatus Anno 1114. Moritur  
Anno 1120.Tancredus profectus in Syriam, fit dux Galilee, & mor-  
tuo auunculo Boamundo, cum huius filius infans per  
ætatem gubernationi impar esset, electus secundus prin-  
ceps Antiochenus. Moritur Anno 1112.Wilhelmus moritur  
in itinere in Syriam.Cæcilia filia Philippi  
Regis Gallie.Sponsa non du-  
cta propter Spōsi  
mortē, filia Im-  
PERATORIS  
Constantinopoli-  
tani.














FINIS MASCVLÆ NORDMAN  
Familiæ in Regno Sicilia. Succedit Henricus VI. Imperator ex Co-  
stantia vxoris iure.



Comes & Moritoni.   
 Vxor prima Delicia, dicta Erenberga filia Comitis Moritonii vel Mortanenensis ex familia Ducum Nordmannie soror Arnoldi Comitis in Sicilia Anno 1061. in bello mortui & Roberti Abbatis S. Euphemie, ducta Anno 1062. obiit Anno 1088. vel 1089.

| 4.  | 1.   | 3.  | 2.   | 5.  |  |
|---|--|---|--|---|--|
| <p>Busilla Almi<br/>Regis Hun-<br/>garia vxor<br/>ducta 1097.</p> | <p>Machilda vxor<br/>Raymundi Co-<br/>mitis Prouin-<br/>cia ducta Anno<br/>1080.</p> | <p>Gotfridus fa-<br/>ctus leprosus<br/>moriur ante<br/>patrem. &amp; = Sponsa, soror<br/>nouerca, neptis<br/>Bonifacii Mar-<br/>chionis Mont-<br/>ferrati ex fra-<br/>tre, forte illa<br/>qua nupsit Ior-<br/>dano Spōsi fra-<br/>tri spurio.</p> | <p>Filia vxor Chun-<br/>radi Regis Italia,<br/>filii Henrici IV.<br/>IMPERATORIS.<br/>ducta An. 1095.<br/>Pisis.</p> | <p>Emma Spon-<br/>sa Philippire-<br/>gis Gallie a-<br/>dulteri, sed v-<br/>xor Comitis<br/>Clarimontis<br/>in Gallia an-<br/>no 1085.</p> | <p>Filia vxor Hu-<br/>gonis Guerre-<br/>ra Normanni,<br/>Alu Hugonē<br/>Gozettam vo-<br/>cant, qui a Sa-<br/>racenis in Sici-<br/>lia occiditur,<br/>Anno 1175.<br/>(videtur error<br/>in anno.)</p> |

Alberia vel Elmira vel Geluira Alfonso VI. Regis Castellae & Legionis filia ex Isabella Frāca uxore quinta.

| 2.  | 1.   | 4.   | 5.  | 3.   |
|---|--|--|---|--|
| <p>Ada, Anfusus (vel Alfonso) Princeps Capua a patre factus. Moritur ante patrem.</p> <p>eta filia García Regis Navarra qui Anno obiit, soror sancti Regis &amp; Henrici Spu-</p> | <p>Rogerus a patre vno designatus dux Sicilia &amp; Apulia ante patrem mortuus sine uxore.</p> | <p>Wilhelmus primus nominis, Rex Sicilia secundus, Princeps Apulia, cognomento Malus, annorum xlv. moriente patre coronatus a patre. Moritur Anno 1165. ex dysenteria.</p> | <p>Constantia Rogerii primi Regis, nō Guilielmi filia, (erat enim anno 1191. quaginta annorum) Monialis et ex Monasterio ad regni spem &amp; successionem ducta Anno 1190 parit fi-</p> | <p>Filius de quo nihil exstat.</p> <p>Henticus VI. Imperator, Barbarosse Impera-</p> |

et filia Garcia Regis Nauarra qui Anno obiit, soror sancti Regis & Henrici Spu-  
em in Sicilia fecit Comitem Canosii, obiit 1183.

Henricus VI. Imperator, Barbarossa Imperatoris filius, rex factus Sicilia Anno 1195. Moritur Anno 1199. sepultus Panormi.

|                                 |   |  |   |
|---------------------------------|---|--|---|
| Princeps testamē-<br>moritur m. | Wilhelmus secundus, Sicilia Rex tertius, dictus Bonus, undecim annorum moriente patre, iuxit Alexandrum III. Papam contra Imperatorem Barbarossam, venit subsidio Christianis in Syria. Moritur Anno 1189. etatis XXXVI. Regni XXV. | Rogerus puer designatur Rex contra patrem a subditis: sed moritur ante patrem. | Fridricus II. IMPERATOR natus Anno 1191. coronatus Anno 1200. Vide huius familiam inter Sueuicos Sicilia Reges. |
|---------------------------------|---|--|---|

Ioanna Henrici II. Regis Anglia filia, soror Richardi: Nubit secundo Raymundo Tholosa Comiti.

SVCCEDIT PER VIM TANCREDVVS

Patruus spurio. Vide preced. paginam.







FAMILY CIRCULAR



FAMILIA GIRONV  
QVISSIMIS I

**RODERICVS** Consalui des Giron, vixit Anno 10000CXI. = N.

Confalvus Roderici Giron, vivit ex literarum testimonio CIOXXI

Rodericus Consalvi, vixit cum F

Confalvus Roder

Rodericus Conf  
fo V I. Rege

*Sanctia filia Alfonsi VI. Regis Asturia & Legionis ex matre Isabella  
Ludwici Regis Gallia filia. Vide Reges Legionis.*

Confalvus Roderici, primus Giron de Cisneri

Rodericus Giron occisus in bello co

Petrus Ro-  
derici.==

Nonnius *Roderici*.

Rodericus *Roderici*.

Confalvus Roderici  
 & Henrici i. Castellae  
 Legionis Regum pos-  
 mann. vixit Anno  
 Moritur ante ann-  
 hospitalium, magnu

*Sanctia Pelagia filia  
domini Petri de Val-  
ladores ex Vrraca filia.  
Alfonſi Regis I. Portu-  
galia.*

Vxor secunda do-  
mina Marquesa.

Teresa Petri, uxor Aluari Diaz de Asturias, unde sunt domini de Asturias, & domini (sed ex matre) de Hinojosa.

**Maiores.**

Agnes.

Leonora uxor Ioannis  
Alfonsi domini de Al-  
buquerque. Vide Fa-  
miliam de Meneses  
Albuquerqueensem.  
sequent. Tab. v II.

Petrus Consalvi.

Munus.

Nunnuś.

Matija uxor Martini,  
(qui filius erat Alfon-  
si regis Leonis) ex Te-  
resia Gil, unde Ferdi-  
nandus Gil & Alfon-  
sus Gil.

Berenguela uxor Lupi de Haro dicti brevis. Vide in familia do-  
minorum de Haro, Marchionum de Carpio. Tab. xxii.

Elvira Diaz filia Iacobi Comitis  
de Castineda.

Consalvus Rodericus  
= gister S. Iacobi xv

Rodericus Consalvi Giron.  
de S. Romano.

Confalvus Rodericus  
Giron.

Eluira.

Consalvus Roderici, obiit circa  
Ann. 1350.

Maria uxor Roderici Johannide de Assueris. Vide  
inter Assueros, Comites Luna. Tab. XXIII.

Maria Tellez de Meneses filia Ro-  
derici Consalnida, dicti vulpis  
vel Raposa. Vide Marchiones  
de Villareal. Tab. vii.

Petrus Giron Commendator de  
Martos ordinis Calatravae.

Rodericus Con-  
salui.      N.

Maria uxor Ioannis Alfonside  
uides, supremi iudicis Regis F

Ioannes *Alfonsus Giron* obiit ante an-  
num 1369.

Vrracá Galinà.

Petrus *Alfonfides* Giron. obiit cælebs.

Maria uxor Petri Consalvada de Baçan.




# HISPANIA EX ANTI- DOCUMENTIS.

IX

I.

70.  
ia circa Anno 1100. vixit sub Alfon-  
sit gener.

Maiores Nonne de Lara.



Martinez de Guzmanno. Vide bo-  
xv.

(ex matre) Guon occiditur  
Anno 1356. VI. Ianuar. N. Ferdinandus Roderici (ex auo) servit  
Regi Petro ubi obiit in bello.

Petrus Alfonso Giron occiso patre abiit ex-  
latum in Lusitaniam.

Giron, postremus huius familia. N.

Teresa Tellez Girona, ultima & haeres totius familia. Vide sequent. Tabula II.



ITSA IIA IMA IIA







# SECUNDA GIRON

E X

TERESIA Girona Tellez transfert nuptiis familiam ad dominos de Acunna, vxor prima domini Martini Vasquez de Acunna.

Martinus Vasquez de Acunna, vxore secunda. Vide Tab. VIII.

Leonora vxor Ioannis de Castro, domini de Dabela in Portugalia.

Beatrix vxor Ioannis de Valencia Marschalci Castella ex Regia familia. Vide Dominos Valētie, Marschalcos Comara. Tab. x. x.

Filia, vxor Ferdinandi Ducis Bregantia filii Alfonsi & nepotis Ioannis regis Lusitania.

Alfonfus Tellez Giron, ex vxore dominus Belmōtis. Viuit Anno 1431.

Maria Pacheca, domina Belmontis hares & filia Ioannis Ferdinandi Pacheci. Vide Dominos Pachecos veteres. Tab. VIII.

Concubina.

Ioannes spurius.

Ioannes Pachecus Giron, Magister S. Iacobi XXXIX Anno 1467. factus, Marchio Villena à Rege Castella Ioanne designatus, ex prima vxore dominus de Moguer, Obiit Anno aetatis LV. Calendis Octobris Anno 1474.

Vxor prima Maria Portocarreri Petri domini de Moguer Tabul. III.

Vxor secunda Maria de Velasco, filia Petri Fernandez primi in familia Condestablii Castelle. ducta 1471. Vide Velascos Tab. xxxi.

Mentia vxor Iacobi de Cardenas ducis Maqueda. Vide dominos de Cardenas. Tab. xx.

Beatrix (aliis ex prima vxore) vxor Roderici Portocarreri. Vide Tab. II. Portocarreros Comites Medellini & S. Stephani. Vxor secundo Alfonsi de Sylua. Vide Comites de Sylua. Tab. x.

Francisca vxor Insigni Lopez de Medoça Marchionis de Mondejar. Vide in Mendocis de Mondejar. Tab. xvi.

Maria vxor Ferdinandi Aluarez de Toledo Comitis secundi Oropesa. Vide Familiam Tabul. xxvi.

Ioanna vxor Iacobi Fernandez de Corduba primi Marchionis de Comares. Vide in harru Tab. xix.

Catharina vxor de Corduba d' Aguilar. Vide nos de Cordubachiones de I Tab. xvi.

Vxor secunda Ioanna Henricus.

Magdalena Pacheca vxor Petri Portocarreri, Marchionis de Villanona. Vide Tab. III.

Isabella Pacheca vxor Roderici Pontii primi ducis de Arcos sine liberis. Vide Tab. xxvi.

Agnes Pacheca vxor Iacobi de Bobidilla Comitis de Chinchon.

Franciscus Pachecus de Escalona, Marchionis quartus.

Gabriel.

Iacobus Lopez Pachecus.



## MILIA, ET TABVLA,

ILIA.

ima, Comes Valentia ex  
um Acunna. Tab. VI.

Vxor secunda, Maria infanta filia Don Joannis infantis Portugalia, Comitissa Valentia facta ab  
Henrico III. Rege Castella, ex matre Constantia Regis Castella secundi filia. Vide Dominos de  
Herrera. Tab. XXXIII.

Manuelis  
uelum familiam:  
de Haro. (vide  
Carpi. Tab.

Huius matrimonii procreationem, vide in Familia dominorum de Acunna. Tab. VI.

2.

Petrus Giron, Magister XXVIII. Calatrana, dominus in  
Pennafiel, Urenna, Tiedra, Villafrechos, Ossana, Ge-  
lues. Moritur ex angina 2. Maii Anno 1466. etatis  
XLIII. in magna Henrici IV. Castella Regis gratia.  
Vide in seq. pag. signum [ ] [ ]

S. VILLENÆ.

2.

3.

4.

5.

6.

Petrus Surdus Portocar-  
rerus, Giron autor Mar-  
chionum de Villanova.  
Vide Tab. III.

Alfonfus Tellez  
Giron, author  
Pachecorum de  
Puebla & Mõ-  
talan. Vide  
Tab. IV.

Alfonfus alius  
Commenda-  
tor de Vil-  
la Franca.

Rodericus. Lupus.  
Fratres Cœlibes.

Beatrix vxor  
Rodrici Põ-  
tii de Leon-  
ducis de Ca-  
diz. Vide  
Duces de  
Arcos. Ta-  
bul. XXVII.

Maria altera  
vxor Rode-  
rici Pimen-  
telii, quarti  
Comitis de  
Benavente.  
Vide fami-  
liam Pimẽ-  
tel. Tabul.  
XXIV.

Isabella v-  
xor Petri  
Lopez de  
Padilla  
maioris  
Prefecti  
Castella.

Vxor prima Ma-  
ria de Luna Co-  
mitissa S. Stepha-  
ni.

Ioannes Pachecus Comes  
S. Stephani ex matre,  
prima patris vxore.  
Obiit ante patrem æ-  
mpt.

Iacobus Lopez Pach-  
ecus dux Escalona se-  
cundus, Marchio  
Villena tertius.

Ludwica de  
Cabrera Mar-  
chionissa de  
Moya.

eto filia Ferdinandi  
Tolero, Comitis O-  
e familiam Tabul.

Antonia Pacheca  
sanctimonialis.

Ludwica de Cabrera (ex matre)  
vxor Ioannis Sarmienti de A-  
ragonis, Comitis de Ribagorça.

Ioanna Pacheca vxor  
Petri de Cunniga,  
Comitis de Maran-  
da.

ecus,  
lar-

Franciscus de Cabrera,  
Marchio de Moya.

Maria Pacheca.



THE HISTORY OF

THE

THE

THE

THE

THE

THE







Concubina Agnes de Meneses.

Petrus Gironensis  
Marchio  
ut prius.

Agnes uxor Francisci Henriquez de

3.

Maria Girona.

Ioannes Tellez Pachecus post fratrem  
Alfonsum secundus Comes Urenna  
An. 1469. obiit Offuna aetatis LXII.  
Anno 1528. XXI. Maii.

Leonora de Vega & Velasco, filia Petri Ferdinandez Constablii Castella, obiit An. 1552. in Decembri.

Ioanna uxor Rodrici Pontii ducis de Arcos.

Maria uxor primum Henrici de Guzmanni quarti ducis Medina Sidonia: secundo uxor Rodrici Pontii ducis de Arcos tertia.

Anna Abbatisa S. Clara in Villa Frechosa.

Beatrix.

Catharina.

Bernardinus.

Gabriel. Alfonso.

In iuuentute mortui.

Mentia de Guzmanni filia Ioannis Alfonsti ducis Medina Sidonia. Vide Guzmanos Tab. x.

Haec duae sorores uni marito nupsunt.  
Vide Tab. xxvii.

Maria unica filia, Girona, uxor Ianuariae familiae quinti. Inde mater unica.

Alfonso Tellez Gironensis.

1.

Anna altera obiit infans.

Maria Girona nata Anno 1553. in Februar. uxor Ferdinandi de Velasco, Comitis Hari. Vide Velascos, Tab. xxxi.

Leonora.

Leonora altera.

Leonora tertia.

Infantes obierunt.


Ioannes Tellez obiit puer.

Anna Maria de Velasco Constablii, (vide Velascos)

Petrus Gironensis natus Anno 1574. XVII. Decembris.

Petrus Gironensis puer.
















# DOMINI DE MOGVER.





III. TABULA

XII.


GIRONES, PORTOCARRERI,

MARCHIONES DE VILLANOVA ET


Alcala, Comites de Puebla, Domini de Cardenas & de Mo-  
guer, ex muliebri GIRONA origine.

filia Alfonsi  
Castella. (Vide  
Tab. XXI.

annes Pachecus Giron, Marchio primus Villena, ut prius.









TAB  
CIRQUE PACIFIC  
DR. HORTON

Table with multiple columns and rows of text, likely a list or index. The text is faint and mostly illegible due to fading and bleed-through.

PACIFIC  
IN THE

Table with multiple columns and rows of text, likely a list or index. The text is faint and mostly illegible due to fading and bleed-through.



TABV

# GIRONES, PACHECI, DO

## DE MONTALVAN, EX

attingitur familia CHACO

IOANNES Pachecus, Giron, Magister S. Iacobi, primus Villena Marchio, ut prius.

Maria Portocarrera, ut prius.

Alfonfus Tellez Giron, dominus de Puebla in Montalvan.

Maria de Giron, domini de

Isabella.

Catharina.

Francisca Pacheca.

Sanctia vxor Alfonsi Carilli de Acunno, domini de Pinto, mater inde Ludwici Carilli de Toledo.

Petrus Pachecus Episcopus Cardinalis

Consalvus Chacon, dominus de Casarunios del monte, filius secundus domini Ioannis Chacon, Praefecti Murcia.

Ludwica Chacon vxor Ioannis Mendoe de Monte acuto.

Franciscus Chacon dominus de Casarunios.

Maria vxor Ferdinandi de Royas Commendatoris de Almodouar del campo.

Consalvus Chacon dominus de Coarrunios.

Ioannes Pachecus Commendator S. Iacobi.

Antonius de Guenara (ex auia.)

Terofa filia domini de Ayala, heres fratris.

Isabella de Mendoe, filia Comitris de Monte acuto.

Andreas Pachecus.

Iacobus Lopez Pachecus, Commendator ad S. Iacobum.


Chaspar Giron, gestat habitum ordinis S. Iacobi.

Leonora Girona vxor Ludwici Carilli domini de Pinto, mater inde Ludwici.

TABVLA V.

# FAMILIA ANTIQVISSIMA

## IN TALAVERA



HACTENVS DE GIRONIBVS ANTIQVIS ET NOVIS




DE PVEBLA, COMITES

MATRE, VBI ETIAM

de CASARVVIOS.

dron,




M GIRONVM

Ioannes Suarez Caruajal (factus Episcopus de Ingo mortua uxore.)

minus de Pennaluer obi.      Vxor prima Maria Manuela de Haredia, ex matre Anna Sermienta.

es Suarez Caruajal.      Alii quinq. filii.





## COMPLETES








TABVLA

SEQVNTVR ALIÆ F  
CVM GIRONIBVS CONIVNCTÆ NVPTI

de Acunna, Comitum Valentia & Buel  
Roæ & M

GVTTIERRVS ex Vasconia venit in Hispaniam, ad  
inuandum in occupanda Portugalia Comitem  
Henricum Castella Regis generum, & familia Re-  
gum Lusitania authorem, factus inde dominus  
Braga.



Vxor secunda filia Ioannis Manuelis, ex  
Catharina ex Castella.

Ludwica de Acunna heres patris, Comitiss



# LIÆ EODEM MODO


PRIMUM FAMILIA DOMINORVM

de Giron, Dominorum

matre Exa.

des, filia Roderici Martinez de No-  
rice Annez, filia Ioannis Perez Re.

Ferdinandez Pacheci. Vide Veteres Pachecos. Tabul. VIII.





THE NEW YORK PUBLIC LIBRARY

ASTOR LENOX TILDEN FOUNDATION

1898

THE NEW YORK PUBLIC LIBRARY  
ASTOR LENOX TILDEN FOUNDATION  
1898



ST. JIMMY'S

1. The first group of people who are interested in the study of the history of the United States are the people who are interested in the history of the United States.

1881

1897

THE MODERN ATTITUDE

ESTABLISHED



PARS FAMILIÆ MA

✧ Ludwica de Acunna, Comitissæ quarti Valentie Henrici unica filia  
& heres, ut prius.

Manricus de

Manricus de Lara, Dux Najara quartus, Comes  
sextus.

Don Manricus de Lara, Comes Valentie.

T A  
FAMILIA DOMINIC  
GIRONA MATRE, VBI S

Regibus Castellæ, & Domini veteres  
lareal in Portugalia, Comitibus in  
montis in Cast

Rodricus Consalvi Giron.  
Vide Tabul. i.

Maiores Nanni de Lara filia.

Teresa uxor prima Alfonsi Tellez de  
Meneses.

Alfonso Tellez de  
Meneses.

Maiores uxor Rodrici Gomezii de  
Tristamara.

Teresa uxor domini Men  
Consalvi, domini de Sosa.

Tellus Alfonsi.

Alfonso Tellez  
de Corduba, sic

Maria Iannez, filia domini Io-  
annis Fernandez de Limia.

dictus, quia ur-  
bem defenderat.

Alfonso Tellez Giron.

Rodricus Alfonsi.

Maiores uxor ter-  
domini Infantis

Vxor prima. filius & infans Al-  
fonsi noni regis Le-  
gionis & Castella.

Vxor secunda. Vide alibi.

Molina.

Maria uxor domini Sanctii, Regis Castella & Legio-  
nis, mater Ferdinandi quarti Regis Castella &  
Legionis & Beatricis uxoris Alfonsi quarti Re-  
gis Lusitania.

Alfonso  
Meneses.

Maria filia Alfonsi Infantis Portugalia, ex matre Violanta Manuela.

Isabella de

SIC ALBVQVERQVA ET



RVM, DVCVM NAIARÆ ET  
ENTIAE.

XV.

ex uxore Comes V. Valentia.

aria Tellez Girona, filia Ioannis Tellez quarti Vrenne Comitii, obiit Anno 1562.  
post partum, ætatis XXIV. Vide Tab. II.

anrica de Acunna.

Ioannes Manriquez.

VII.

DE MENESES, EX  
NFANTES DE MOLINA EX

nterponuntur, cum Marchionibus de Vil.  
Comitibus Neibæ & Farizæ, Dominis Bel-  
itibus Cantenedæ,

Teresa filia Sancti Regis Portugalia, ex matre Maria Paez de Ribera.

us Albuquerque.

Leonora Consalvi Girona, filia Consalvi Ruyz ex secunda uxore. Vide Tabul. I.

Consalvus Ioannis de Menezes. Huius  
familiam vide in seq. pag. sign. 3

Rodericus Ioannis domi-  
nus Albuquerque.

Ioannes Alfonso, dominus Albuquerque.

domini Petri  
Asturias.

Alfonso spurius Sancti  
uxore dominus Albuquerque.

Isabella, fit ex

Teresa filia & hæres uni-  
ca patris.

Ioannes Alfonso dominus Albuquerque, & ex uxore do-  
minus in Menezes, exiit omibus bonis à Petro Castel-  
la Rege.

Martinus Gil de Menezes, obiit sine liberis.

NIVNTVR REGNO CASTELLÆ.



THE MOUNTAIN HOUSE

THE MOUNTAIN HOUSE




THE MOUNTAIN HOUSE




















FAMILY NAME

1800

1810

1820

1830

1840

1850

1860

1870

1880

1890

1900

1910

1920

1930

1940

1950

1960

1970

1980

1990

2000

2010

2020

2030

2040

2050

2060

2070

2080

2090

2100

2110

2120

2130

2140

2150

2160

2170



VIII: T  
FAMILIA PACHECO

TANDEM TOTA IN GIRO

fonsum Tellez Martini Acunnæ filiu  
Bejar, Belm

AUTHOR familia Lucius Iunius Pachecus, de quo *Aul. Hircius*. Vnde post alio  
secularatus Ferdinandus Jeremias, servit Henrico primo Comiti Portugalia,  
no 1100.

Teresa filia Petri Fernandez de Caubra,  
Majora domina de Noruega.

Ferdinandus Rodrici  
cum Alfonso Re

Alfonso



# VETERVM, QVÆ

NNENSES PER AL-

int dominatus Ferreira,

z filia Assueri Viegas fundatoris cœnobii in Ferreira.

Teresia de Acunna, filia Ranimiri Consalida de Acunna.

ri, dominus de Fer-

Vit Anno 1250.

Constantia filia Alfonsi Ioannis de Ribadebiçela,  
ex matre Vraca Petri de Ribera.

nes Ferdinandus Pachecus, dominus de  
Ferreira.

Stephana Lupi Ruyz filia.

Lupus Fernandez Pachecus interior Alfonsi IIII. Regis Lusitania  
N. consiliarius Anno 1330. prefectus maior regni, & maior domus  
Regis Petri.

Vxor secunda Maria de Villa-  
lobos, filia Roderici Gil de Vil-  
lalobos, ex matre Teresia filia  
Sanchii Regis Castelle.

ta Pacheca, vxor Martini  
Vasquez de Acunna. Vide  
abul. vi.

Iacobus Lopez Pachecus, dominus de Ferreira, occidit  
in Regis Alfonsi IV. gratiam Agnetem de Castro Pe-  
tri Regis Concubinam. Itaq; per Petrum Regem eie-  
ctus in Castellam, & inde in Aragoniam sit dominus  
de Bejar. Tandem placatus Regi redit in Lusitaniam.  
Vixit Anno 1379.

Iohanna Vasquez  
filia Vasquonis  
Ferreira.

ses, filia Consalvi Comitis de Neiba  
ced. Tab. VII.

Ioannes Ferdinandus Pachecus, cum in odio esset Joannis Lusitania  
Regis, redit in Castellam, factus ab Henrico III. Castelle Rege do-  
minus Villa Belmontis in Aragonia. Vixit Anno 1421.

ne domi-

Maria Pacheca, hares & domina Bel-  
montis.












# FAMILIA PACHECOR

LAS PADILLAS IVD


milia Manrico



# FAMILIA PACHECOR

REIO, ALCONCHE



Piqueras






I X. XVIII  
 LIA, QVÆ DICITVR DE.  
 STELLÆ: VBI PARS FA-  
 de Valle Ezeario.

Magistri S. Iacobi, Marchionis



X.  
 OMINORVM DE VILLA-  
 ACER, ALBALADEIO,  
 a, Cifuentes.

Magistri S. Iacobi, Marchionis primi Villena.





THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY







# TABV FAMILIA PACHECORV

MARSCHALCORVM DE CA

Alarçon, Albaladejo, Ocampo, vbi  
minorum de A

Alfonfus Rex X. Legionis & Castella Imperator Ger-  
mania electus. Moritur Anno 1284.

Sanctius Rex post patrem. Ferdinandus dela Cer-  
da, moritur ante pa-  
trem. Vxor secunda Mar-  
de Haro, domina  
caya.  
Blanca filia Ludwici Regis Francia.  
Ferdinandus author familia dela Cerda.

Alfonfus Tel-  
ca An. 14  
Blanca Pacheca.  
Ferdinandus Tellez. Alfonso Tellez Giron.  
Marina Girona uxor Roderici Diaz de Carnajal.  
Leonora de Herrera. Confalvus Tellez Gi-  
ron.  
Ioannes de Va- B  
lencia, domi-  
nus de Pi-  
queras.  
Guomara de San-  
dual in Huete.  
Marina Girona.  
Gomezus Carillus de Alborno.  
Aluarus Carrillus de Alborno, do-  
minus de Ocentejo & Baltablado. Alfonso Canoni-  
cus Cuenca. Garcias Roderici de Alarçon, do-  
minus de Albaladejo.  
Guomara Girona de V  
mina & hares de Piq  
Ferdinandus de Alarçon. Garcias de Alar-  
çon. Ioanna prio-  
rissa Bel-  
monti. Marta. Alfonso Ruyz  
succedit patri  
& matri. Ioanna Pacheca.  
Aldara abbatisa Escalona.  
Beatrix uxor A  
domini de  
Altarejos.

Vide preced. Tab. x. signum de

FAMILIÆ PLVRES PACHECOR  
SEQVNTVR SVO LOCO

Mariana de Tapia in Alcales de Henar



## DOMINORVM VALENTIÆ,

## DOMINORVM DE PIQUERAS,

logia Manricorum & Vargarum, & Do-  
tejo & Baltablado.

gonia filia.

ins egregius miles,  
atre dominus Va-  
campos.

Vxor prima Margreta filia Ludwici Marchionis Mont-  
ferrati. Moritur in primo partu.

Alfonfus dominus Va-  
lentia.

Ioanna de Castro filia Ferdinandi Ruyz de Castro, ex matre  
Violanta filia Sancti Castellæ Regis, peperit post mor-  
tem mariti duos gemellos.

pus Zamora-

Gemelli.

Ferdinandus Alfonso post-  
humus & gemellus.

Filia legitima Alfonsi Regis Portugalia.

Alfonfus de Valentia.

Ioannes de Valentia Marschalcus Castella  
in Zamora, factus ex uxore Giron & Pa-  
checus.

Ferdinandus Monachus, di-  
ctus Hieronymus.

a, filia Martini Vasquez de Acunna  
Vide Tab. I. & II.

Ferdinandus Commendator  
S. Iacobi.

Concubina.

Iacobus de Valentia  
Marschalcus.

Aldoncia de Bracamonte, filia Ad-  
mirali Francie.

N. de Acunna Licentiatus, auditor Consilii Caroli V.

Beatrix uxor Io-  
annis Benauides  
domini de Jabal.

Alfonfus de Va-  
lentia, Marschal-  
cus postremus.

Ioanna uxor Hurtadi de Mendoza, prefetti de Cazorra.

Lupus de O-  
campo ex  
uxore.

Ioanna de Sotomajor filia Ioannis de Portas in Zamora.

Sanctia  
Garcia  
de O-  
campo.

ii Jacobi de  
cambra.

steneda.

Ioannes Manricus.

cus Manricus fit ex uxore  
dominus Valentia.

Antonia heres patris, transfert  
familiam ad Manricos.

Florianus de Ocampo, historicus Caroli V.

Beatrix. Cathari-  
na.

Ioanes  
Man-  
ricus.

Antonius Ep̄s Pampelone.

Fridricus

Georgius

Maria uxor

Ioana uxor

Anna uxor

Anna de Cardona in Barcelone.

Man-  
ricus de

Man-  
ricus de

Ioannis de

Garcia

Hieronymi

Leonora Manrica in Seuilia.

Valen-  
tia.

Man-  
ricus de

Valencia

in Ma-

de Mendo-

Leonora, Cuniga filia Petri de Reynosa, domini de Antillo.

heres pa-  
tris &  
matris.

Peromoro

in Toledo.

laga. Vi-

dua vivit  
An. 1577

Antonia Manrica de Valentia,  
heres.

Padrique de Vargas in Madrito.

Gutterius Manricus Capita-  
neus, obiit Tuneti.

Franciscus  
de Vargas

Georgius Man-  
ricus.

Maria de Lara in  
Valledolid.


Francisca Chacon filia Francisci de Casarubeos.



This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some faint smudges and discoloration, particularly along the bottom edge. There is no text or other markings on the page.



FAMILIA PORTUGALIA  
GENTILIS






XII.

# FAMILIA PORTOCARRER

## COMITVM PALMÆ, COM

lini, Dominorum





RVM, BOCCÆ NIGRÆ,

STEPHANI ET MEDEL-

llanæ.

Alfonfus *Ferdinandi dominus de Moguer.*  
Vide Tab.III.

Concubina.

di Portocar-  
Moguer.

Alfonso spu-  
rius.

Vxor ex familia Horozko.

o- Petrus Portocarre-  
rius, dominus de  
ralii Castella. == Moguer.

maria unica filia & he-  
res.

= Ioānes *Pachecus Giron.*  
Vide Tab. II.

Beatrix Girona, nubit secundo Alfonso de Sylva. Vide Tab II. LX.

Rodericus Portocarrerus dominus ex uxore, Postea a  
Rege Comes primus Metellini.

Ioannes *Portocarrerus*  
videtur, *secundus Medellini*.  
pha-

Agnes filia Perafani do-  
mini de Ribera, prae-  
feti Andaluzie.

*Maria Girona uxor secunda  
Ioannis Aria de Auila pri-  
mi Comitis de Punno in ro-  
stro. Vide seq. Tab. xiii.*

Agnes de Ribera, uxor Peiri de Solis, incola in Badajoz.  
nora filia Fridrici de Toledo ducis Alae. Vide Tab. xxxix. =

Rodericus *Portocarrerus*. *Moritur ante patrem*.

Maria de Men-  
doca.

Ioannes de Orellana ueteri dominus.

*Jacobus de Be-  
nauides, S. Ste-  
phani quartus  
Comes.*

Maria de Be-  
nauides, u-  
xor Iacobi  
Baca de  
Sotomajor.

Agnes uxor Ioannes Porto-  
Alfonsi de carrerus Comes  
Analos & III. Medellini  
pays. post annum.

Alfon-

fus. = Maria filia Antō-  
nii Boccanegra  
in Senilla.

Isabella uxor Io-  
annis ducis de  
Astrada, ma-  
ter Ferdinandi  
ducis, q̄ duxit  
Bracaydā Mā-  
ricā de Ayala.

Maria v-  
xor Ca-  
pae Cō-  
mēdato-  
ris, unde  
natus.

|                               |  |   |
|-------------------------------|--|---|
| <i>Bena-</i><br><i>nes S.</i> | <i>Rodericus de Be-</i><br><i>nauides.</i> | <i>Maria uxor Christo-</i><br><i>phori domini de Be-</i><br><i>nauides.</i> |
|-------------------------------|--|---|

Maria vxor Chrifto-  
phori domini de Be-  
naxides.

Ioanna de Corduba, filia  
Ludwici Fernandez  
de Corduba, secundi  
Marchionis de Coma-  
res. Vide Cordubenses.  
Tab xix.

Rodericus *Portocarreru.*  
= Comes *III. Medellini.*

Ioāna uxor Ludwi-  
ti Gironis de Alarçõ,  
domini de Alualade-  
jo & Piqueras. Vide  
Tab. x i.

Maria.

Leonora nubiti  
patrueli.

Ludwicus  
Capata.


tu, successor patris.

Ludwicus *Portocarrerus*.

Petrus Puertocarrerus.



THE HISTORY OF THE  
CITY OF BOSTON










T A

# FAMILIA DOMINOR

## COMITVM DE


Iacobus Arias de Au  
rici I V. Castell



T A B

# FAMILIA DOMINORV

## P O R T O C






XIII.  
 RIARVM DE AVILA  
 IN ROSTRO.


= Eluira Consalvi.

Ioannes Arias Episcopus Segonia.  
 ris Alfonsi Cota.



a filia Alfonsi Tellez, domini Pue-Montaluan.

V.  
 ORELLANA VETERI,  
 O R V M.





247

THE NEW YORK

THE NEW YORK

THE NEW YORK








# TAB FAMILIA GVZMA

GIRONVM: IN QVIBVS

Gibraleon, S. Odolla, Mendibil, Cor  
Marchiones Calay






# ORVM EX NVPTIIS

NI DE ORGAZ, GIDELM,

Orgazii, Oliuares, Duces Medinae Sidoniae,  
Mendoçarum gentis.

ameros.





THE NEW YORK

LIBRARY

THE NEW YORK

LIBRARY

THE NEW YORK

LIBRARY

THE NEW YORK

LIBRARY

THE NEW YORK

LIBRARY

THE NEW YORK

LIBRARY


THE NEW YORK

LIBRARY

THE NEW YORK

LIBRARY







# T A

## FAMILIA DE CISNERIS

INDE DOMINORVM DE VEG

Castellæ, Marchionum Santillanæ, Ducu

Marchionum de Montes

Dominorum

TERESA Girona, filia Gironis Consalvi Ruyz  
secundi, vide Tab. I.

Stephanus Rode  
Cisneris.

Maria Girona Teresa ex fratre proneptis filia Consalvi Ruyz. Vide Tab. I.

Ioannes de Cisne-  
ris. Mentia

Mentia de Cisneris ba  
res.

Leonora  
res

Eluira Laf- Aldoncia vxor  
sa. Vide Tab. xx

Gomezius de Figueroa, filius Magistri S. Iacobi.

Garcias Lassus, Commenda-  
tor in Montifon.

Laurentius Suarez de Figue-  
roa, ex quo sunt Duces de-  
los Arcos.

Petrus Suarez, unde sunt  
domini de Batres.

Mentia vxor Leonora  
Petri Ferdi- xor Gaston  
nandez de dela Cerda  
Velasco Co- comitis Me  
stablii. Vide dimna cali  
Tab. xxxi.

Maria de Luna, filia Aluari de Luna Constablii. Innigus Lopez de Mendoza, nescio cuius filius,  
sed est ex primi Infantadgi ducis familia.

Maria Pimentel Pacheca, filia quarti Comitis Benenenti. Tab. xxiv. Iacobus Hurtadus de Mendoza, dux tertius Infan-  
tadgi.

Francisca de Mendoza, filia Lupi Hur- Maria Pimentel. Rodericus de Mendo- Innigus Lopez de Mendoza, quar- Eluira de Mendoza  
tadi de Mendoza. za Marchio de Mon- tus dux Infantadgi. Vide seq. de dela Cerda, Mare  
tes claros.

Isabella, filia Antonii Manrici ex Ioannes de Mendoza, Marchio de  
matre Ludwica de Padilla, fi- Montes claros.

Catharina de Vargas, filia Questoris

Ioannes de Mendoza & Luna.

Innigus de Mendoza, Commendator  
de Socuellanos. Moritur ex vulne-  
re ante fanū S. Quintini in Belgio.

Franciscus de Mendoza, gu-  
bernator delas minas, & ge-  
neralis in mari.

Frācisca vxor Alfonsi de Corduba, Comitiss II. de Alcan-  
Soror patruelis Catharina Bernhardini filia.

Anna Arag

Catharina vxor Alfonsi de Cardenas, Comitiss Pue- Bernardinus. Inn  
bla (nisi sit error, & eadem qua supra.)



## GIRONVM NVPTIIS, ET

ENDO CARVM ADMIRALIVM

Comitum Tendilla, Corunnæ, Saldannæ,  
r, cum particula Familiæ  
de Vega.

Cisneris.

a, dominus Vega.

Hurtadus de Mendoza Admiratus Castellæ.

Innigus Lopez de Mendoza,  
Marchio Santillana.

Catharina de Figueroa, filia Laurentii Suarez, Magistri S. Jacobi.

Jacobus Hurtadus de Mendoza primus Dux fantadgi.  
Petrus Consalvi Archieps Toleti, Cardinalis.  
Maria vxor Perifani de Ribera Indicis Andalu-  
zie.  
Laurentius Suarez Mendoza, Comes Corunna, maritus Isabella Borbon.  
Innigus Lopez de Mendoza, Comes primus Tendilla.  
Petrus Lassus de Vega.  
Catharina vxor Petri, domini de Castella, unde sunt Lassi de Castilia.  
Eluira filia Jacobi Fernandez de Quinones. Vide Tab. XXIII.

Cor Beltrami dela Cuena, Ducis  
ni Albuquerque.

Innigus Lopez de Mendoza, Comes II. Tendilla, Marchio  
primus de Mondejar, Vicerex Granatensis.

Francisca Pacheca Girona, fi-  
lia Ioannis Marchionis pri-  
mi Villena, vide Tab. II.

de Men- Isabella Men- Maria vxor Fraciscus Eps Ludwicus Hur- Iacobus Hur- Bernhardin  
cerex no- doça, vxor Joannis de de Inen- tadus Comes ter- tadus Men- de Mendo-  
amia & in comitis Mō- Padilla in- tius Tendilla, doça, orator z, generalis  
tis acuti. Toletō. Marchio secun- Caroli V. in mari.  
Catharina Mendoza, filia Comitiss de Monte acuto. de-  
dejar.

ca vxor Bal- Catharina vxor Innigus Comes Fraciscus Catharina vxor Hieronyma vxor Ioanes de Beatrix vxor  
Ladron de Alfonsi de Car- III. Tendilla, dictus Maurus primus Fran- Balthazaris dela Mendo- Simonis Pe-  
a, heres Pe- denas, Comitiss Marchio ter- cisci delas minas Cerda. z, gene- re de Corol-  
ini Maça. Pueble. tab. III. tius de Mon- Comen- do nubit alterius ralis in- lis, Comitiss  
fantadgi. Vide seq. pag. dear, dictus dator S. Iacobi. do nubit alterius mari, Contentaina.  
Lopez de Mē-  
aça.

Ludwicus Hurtadus de Mendoza, Comes quintus  
Tendilla.

Bernardinus de Mendoza,  
Commendator Merida.

Eluira Carilla, vxor Gomezii de Guzmán,  
filii & heredis domini de Fuentes. Mori-  
tur paulo post nuptias.



The following is a list of the names of the persons who have been appointed to the various positions in the Department of the Interior, under the act of March 3, 1879, entitled "An Act to provide for the better management of the public lands, and for other purposes."

| Position   | Name           |
|--|----------------|
| Secretary  | John W. Foster |
| Assistant Secretary                                    | John W. Foster |
| Chief of Bureau  | John W. Foster |
| Assistant Chief of Bureau                              | John W. Foster |
| Commissioner of the General Land Office                | John W. Foster |
| Assistant Commissioner of the General Land Office      | John W. Foster |
| Surveyor General                                       | John W. Foster |
| Assistant Surveyor General                             | John W. Foster |
| Inspector of Mines                                     | John W. Foster |
| Assistant Inspector of Mines                           | John W. Foster |
| Chief of the Bureau of Reclamation                     | John W. Foster |
| Assistant Chief of the Bureau of Reclamation           | John W. Foster |
| Chief of the Bureau of Indian Affairs                  | John W. Foster |
| Assistant Chief of the Bureau of Indian Affairs        | John W. Foster |
| Chief of the Bureau of Fish and Game                   | John W. Foster |
| Assistant Chief of the Bureau of Fish and Game         | John W. Foster |
| Chief of the Bureau of Forestry                        | John W. Foster |
| Assistant Chief of the Bureau of Forestry              | John W. Foster |
| Chief of the Bureau of Geology                         | John W. Foster |
| Assistant Chief of the Bureau of Geology               | John W. Foster |
| Chief of the Bureau of Land Management                 | John W. Foster |
| Assistant Chief of the Bureau of Land Management       | John W. Foster |
| Chief of the Bureau of Natural History                 | John W. Foster |
| Assistant Chief of the Bureau of Natural History       | John W. Foster |
| Chief of the Bureau of Public Lands                    | John W. Foster |
| Assistant Chief of the Bureau of Public Lands          | John W. Foster |
| Chief of the Bureau of Surveying and Mapping           | John W. Foster |
| Assistant Chief of the Bureau of Surveying and Mapping | John W. Foster |
| Chief of the Bureau of Waterways                       | John W. Foster |
| Assistant Chief of the Bureau of Waterways             | John W. Foster |
| Chief of the Bureau of Wildlife                        | John W. Foster |
| Assistant Chief of the Bureau of Wildlife              | John W. Foster |
| Chief of the Bureau of Zoology                         | John W. Foster |
| Assistant Chief of the Bureau of Zoology               | John W. Foster |







Innigus Lopez  
tadgi, ut

Anna Aragonia uxor Ludwici Ferdinande  
Manrici Marchionis de Aguilar.  
Martinus. Aluarus. Iacobus Hurtadus de Mend  
za, Comes Saldanna. Obiit an  
Maria de Mendoza, Marchionissa de Cenete. te patrem.

Rodericus de Camera Re-  
gis.  
Antonius Fran-  
ciscanus.  
Hentricus Ara-  
gonius.  
Ludwica Henriquez, filia Ludwici Admiralii sexti Castella. Vide  
Aluarus. Ludwicus. Petrus

## T A B FRAGMENTA FA

Petrus de Lara, author  
familie. Ermefinda,

Manricus, alius Almericus.

Blanca Pimentelia, filia Alfonsi quinti, Comitis de Benaventa. Tab. xxiv.

Ludwicus de Aguilar  
Marchio.  
Antonius. Anna Manrici  
Vicerégis

## TABV PACHECI ET GI MINI CORDVBÆ, MA las Naues, Domini Almu Feria, Man

Catharina Pacheca Girona, Ioannis Magistri S. Iacobi  
Marchionis primi Villena, filia. Vide Tab. II. Alfonsus de Cordu

Maria de Corduba, filia Iacobi Ferdinandi de Cor-  
duba, Comitis de Cabra, domini Almunna.  
Franciscus Pachecus (ex matre.) Petrus Ferdinandi de Corduba  
Marchio de Priego.

Catharina Pacheca, uxor  
Manuelis Pontis de  
Leon, Comitis de Bay-  
len, mater inde Rode-  
rici Pontii de Leon,  
Comitis de Baylen.  
Alfonsus Pachecus  
de Corduba, domi-  
nus Almunna.  
Franciscus Pachecus, Episcopus Malaga.  
Iacobus Ferdinan-  
dus de Corduba  
dominus de Al-  
munna.  
Theresa de Hocos & Corduba.  
Anna Maria Lassa, heres fratris.

Franciscus. Philippus. Catharina. Iacobus. Maria de Corduba, uxor Ioannis Centurionis, Mar-  
chionis secundi Estepa.

Antonius Iesuita. Alfonsus Ferdinan-  
di de Corduba &  
Aguilar, ex uxo-  
re Marchio ter-  
tius de Priego.

Petrus Ferdinandi de Corduba & F



us dux Infan-

Isabella *Aragonia, filia Infantis Fortune.*xor Innigi Lopez de *Mendoza*, Henticus. Guiomara *uxor Francisci de*  
ui de *Mondejar*. Vide Tab. xvi.Cunnigā, ducis de *Bejar*.

Innigus.

Petrus *Consalvi*  
Episcopus *Sal-*  
*amanca.*Alfonfus de  
*Aragonia.*Lopez de  
ca, dux V.  
dgi.Isabella *uxor Roderici Marchionis*  
*Mexia, Marchionis dela guardia.*Anna, *uxor Ludwici Henriquez*  
*Admirali septimi.* Tab. xxi.

Iacobus.

Ioannes.

VII.

## Æ MANRICORVM.

bona.

Manrique  
r.Maria *Manrica, uxor Bernhardini Sarmienti*  
*Comitis de Salinis.*RELIQVA habes hinc inde sparsa in genealogiis aliis.  
Interim speramus perfectam totius stirpis explica-  
tionem, quam acceptam in tom. IIII. proponemus.

I.

## S EX NVPTIJS, DO-

S DE PRIEGO ET DE-

figeroa, Comites & Duces  
ni.

dit in bello.

Henrici Henriquez maioris domus Regis Catholici.


Teresa Henriquez, sine  
nuptiis: fundat Mona-  
sterium virginū in A-  
guilar.Eluira de  
Cordu-  
ba.Petrus *Man-*  
*ricus, Comes*  
*Offorni.*Catharina *Marchio-*  
*nissa de Priego, ha-*  
*res.*Maria *uxor Petri de Auila, Marchio-*  
*nis delas naues.* Vide seq. pag. sign. 27Laurentius *Suarez*  
*de Figueroa, Co-*  
*mes de Feria.*= *Vxor alia Maria Maquela, do-*  
*mina de Meneses.*Gabriel. Aluarus. Eluira. Maria *Marchionis de Via-*  
*na vxor.*iquez, *Comitis Alua de Lisse filia.*Laurentius *Figueroa, Monachus S. Dominici.*Gomezius *de Figueroa, primus dux Feria.*  
*Succedit in Feria ducatu Laurētius Sua-*  
*rez, dux delos Arcos.* Vide Tab. xxvii.Maria *de Toletto, vxor Ludwici se-*  
*cundi ducis de Arcos.* Tabul.  
xxvii.Anna *Pontia de Leon, filia Roderici I. ducis de*  
*Arcos.* Vide Tab. xxvii.ex ania *Marchionatus Priegi.*







THE UNIVERSITY OF CHICAGO  
LIBRARY



THE UNIVERSITY OF CHICAGO  
LIBRARY



24  
Maria de Corduba,  
ut prius.

Ioannes in habitu S. Ioannis miles. Petrus de Anila Marchio de las naues. Maria de Corduba vxor Fridrici rique Tab. xx  
Hieronyma de Guzmán, filia Comitis Alua de Lise.

T A B V  
FAMILIA ALIA DE CO  
COMARES, COMITVM A  
los Donzele

Alfonfus Ferdinandez de Cordu-  
ba vixit Anno 1340.

Confalvus Ferdinandez de Corduba, fit dominus  
in Aguilar ab Henrico II. Rege Castella.

Dominicus Nun-  
nez

Gifala.  
Ferdinandus Nunnez de Te-  
mez in Galicia.  
Alfonfus Ferdi-  
nandez.  
Alfonfus Ferdinandez de Corduba.

Martinus Iacobus de Corduba, Episcopus Calahorra. Alfonfu  
de Cor- duba &  
duba. Hieronyma de Navarra, Marchio- secundus  
nissa de Cottes. Alcaud

Leonora Pacheca. Eluira de Cor- Iacobus.  
duba.

T A B  
DOMINI DE CARDE  
BORNOS, DVCEs MAQ  
ex matribu

Ioannes Pachecus Giron, Magister S. Jacobi, Mar-  
chio primus Villena. Vide Tab. II.

Mentia Girona  
checa.

Comes de Fuenfalida. Magdalena de Car-  
denas. Bernhardinus de Cardenas, dux se-  
cundus Maqueda. Isabella de Vclasco, filia Innig  
Succedit Petrus Comes  
de Ayala. Magdalena, vxor N. Mentia, v- Bernhardinus Mar- Angela, vxor Fra  
de Mendoza, comi- xor comi- chio de Elcha, obit gonía ducis Sog  
tis de Monte acuto. tis de Sir- ante patrem. Ioannia de Portuga  
nela. cis Bregantia.  
Isabella. Bernhardinus de Cardenas post annum Iacobus.  
dux tertius Maqueda.



archio delas naues, ut prius.

Iacobus de Auila, Hieronyma de Corduba, Alfonsus de Corduba &  
 Abbas Alcada. vxor Antonii de Toledo, Cuniga ex uxore. N filia Ludwici de Auila & Cuniga, do-  
 mini de Mirabel.

# BA, MARCHIONVM DE

Æ, CASTELLANORVM DE-

checorum nuptiis.

na Pacheca, filia Ioannis Gironis Mar-  
 primi Villena. Vide Tab. I I.

Iacobus Fernandez de Corduba, Castellanus delos Donzeles,  
 & primus Marchio de Comares.

artinus de Corduba, primus Comes Alcandeta.

Ludwicus Fernandez de Corduba,  
 Marchio I I. de Comares.

Francisca della Cerda, filia  
 Comitis Cabra.

Petrus moritur  
 in studiis.

Ludwicus Ferdinan-  
 dez, obit iuuenis.

Iacobus Ferdi-  
 nandez de Cor-  
 duba, dictus de  
 Africa, Mar-  
 chio tertius de  
 Comares.

Anna de Cor-  
 duba, vxor  
 Antonii de  
 Guzman  
 marchionis  
 de Ayamote.

Maria Fernandez  
 de Corduba, vxor  
 Francisci Ferdi-  
 nandez, quarti du-  
 cis Albuquerque.  
 Vide Tab. xxx.

Ioanna de Corduba, vxor  
 Roderici Portocarreri,  
 Comitis quarti Medelli-  
 ni. Vide Tab. XII.

Antonii de Mendoza Viceregis in Peru.  
 raced.

Ioanna Aragonia, filia & bares  
 ducis Sogorba.

Velasco,  
 deta.

Alfonsus Fernandez de Cor-  
 duba.

Ludwicus Fernandez de Cor-  
 duba.

Francisca.

# E CARILLO ET AL-

ARCHIONES ELCHÆ,

cis.

trus Commendator maior,  
 inus de Cardenas.

Teresa Henriquez, filia Alfonsi Henriquez Admiralli. Vide Tab. xxi.

Iacobus de Cardenas, primus dux Maqueda, & pri-  
 mus Praefes regni Granata.

mmenda-

Mentia Carilla de Albornoz, domina de  
 Botetay.

Alfonsus de  
 Cardenas.

Maria Pacheca, filia Joannis Pacheci de Puebla  
 in Montaluan. Vide Tab. IIII.

dinus de Card-  
 in pugnanaua-  
 a Turcam An-

Iacobus de Pacheca  
 & Cardenas.

Alfonsus Pa-  
 checu.

Petrus de Cardenas.

Agnes de Cuniga, domina de Villoria & Guelamo.

a Carilla. Ludwica de Cardenas, Ca-  
 rillo & Albornoz.



THE UNIVERSITY OF CHICAGO

LIBRARY

1872-1873







# FAMILIA REGIA EX

SUNT HENRIQUEZ, ADMIR

Medinae de Ruyseco & Alcalae, March

mites Traстамара, Alua de

Aurh

Maria Girona, Consalvi Ruyz filia.  
Vide Tab.I. & XV.

Petrus Martinez de

Alfonfus de Guzmán.

Leonora Nu  
mann.

Sanctius Co-  
mes Albu-  
querquēsis.

Beatrix filia Petri Regis  
Portugalia ex Agnete  
de Castro, vera uxore  
Regis.

Ferdinandus. Petrus. Didacus. Tellus. Fri

Occisi a fratre Petro Rege.

Ioanna, uxor Ioannis Alfonsi de Bacca & Haro

Eleonora (prius dicta Vrraca) uxor  
Ferdinandi Regis Aragonia, qui filius  
erat Ioannis Castelle Regis, unde ho-  
dierni Reges Hispanie.

Isabella de Castro, domina de  
Lemos & Sarria.

Petrus Comes Trasta-  
mara.

Fridricus dux  
Ariona.

Aldoncia, filia Iacobi  
Hurtadi de Mendo-  
za Admiralii Ca-  
stella.

Beatrix de Castro, domina  
de Lemos & Sarria, u-  
xor Petri Alvarez O-  
sorii domini de Carre-  
ra & Ribrera, unde sūt  
Marchiones Sarria.

Beatrix, uxo-  
mini de

Marina filia  
Marchionis  
Corduba  
prima.

Petrus Henriquez, Iudex  
Catharina de Ribera. Andaluzie.

Alfonfus Henriquez Admi-  
ralius tertius.

Filius primus.

Ferdinandus  
filius secun-  
dus.

Ferdinandus post fra-  
trem Admiralius  
quintus.

Fridricus Henriquez Adm

Agnes Portocarrera, Petri Surdi  
Gironis filia. Vide Tab. III.

Maria Girona, filia Ioannis Tellez Gironis, Co

Maria uxor  
Petri Porto-  
carreri Mar-  
chionis Villa-  
noua sine li-  
beris.

Fridricus He-  
riquez Pra-  
ses consilii or-  
dinum,  
Marchio  
Villanona  
del Camion.

Ferdinandus  
Henriquez  
de Ribera,  
dux secun-  
dus Alcala  
post fra-  
trem.

Ioāna uxor  
Ioānis Mar-  
chionis Bar-  
lange. Vide  
Alcala Vi-  
Tab. xxxi.

Perafanus  
de Ribera,  
dux primus  
Alcala Vi-  
cerex Nea-  
poli.

Ferdinandus Hen-  
riquez Archidia-  
conus Madriti.

Ludwica, uxor An-  
tonii Alfonsi Pimē-  
tel, Comitiss Bene-  
uenti. Tab. xxiv.

Fridricus H  
maior domu  
Infantis, fili  
pi secundus.

Leonora, filia primi ducis  
delos arcos. Tab. xxvii.

Mariana de  
Corduba, fi-  
lia Petri de  
Auila, Mar-  
chionis delas  
naues. Vide  
Tab. xviii.

Agnes. Ioanna. Anna. Ferdinandus  
Marchio  
Tarifa.  
Anna, ducis Ossuna filia,  
sponsa, non uxor.

Ioannes de Ribera Ar-  
chiepiscopus Valentia,  
& Patriarcha Alexā-  
dria.

Catharina, uxor Pe-  
tri de Ribera, do-  
mini de Malpi-  
ca. Tab. xxvi.

Mariana, uxo-  
Commenda  
lo.

Ioanna. Agnes. Petrus. Ferdinandus Henriquez  
Marchio primus Vil-  
lanona del rio.



# V M N V P T I I S, I N Q V A

TELLÆ, DVCE SARIONÆ,

noua del Camion & del Rio, Co-

ini de Lemos & Sarria,

I. Rex Castellæ, Vxor Maria, Alfonsi IIII. Regis Portugalia filia.

Petrus Rex Castellæ & Le-

gonis.

Ius Henriquez, primus Castellæ in hac fa-

milia Admiralus.

Ioanna Mendoza, filia Petri Consalvi de Mendoza.

Ius Admi-  
nus secundus  
Castellæ, magn<sup>9</sup>  
es.

Vxor secunda Teresa de Quinones.

Vide Tab. xxiii.

Henricus Henriquez Comes Alua  
de Liste.

Ioanna Henriquez, vxor Iacobi de Quinones, primi Comitiss Luna. Tab. xxiii.

Maria Henriquez, vxor Garcia de Toledo primi ducis Alua.

Iacobus Henriquez (nescio  
an Henrici filius) Comes  
Alua de Liste.

Vxor secunda Catharina de Toledo, Garcia ducis Al-

ua filia. Vide Tab. xxix.

Vxor prima.

Teresa vxor Garcia Fernandez Manrici, Comitiss Ossorni.

Henricus Hen-  
riquez Comes  
Alua de Li-  
ste.

Maria Henriquez, vxor  
Ferdinandi ducis Alua  
quarti. Tab. xxix.

Maria de Toledo, soror Ferdinandi ducis Alua quarti. Vide Tab. xiii.

Ludwicus Hen-  
riquez, Admi-  
ralus sext<sup>9</sup> Ca-  
stellæ.

Anna de Cabrera,  
Comitissa de  
Modica.

Leonora Hen-  
riquez, vxor  
Petri Pimen-  
tel, Marchio-  
nis de Tana-  
ra.

Iacobus Hen-  
riquez Comes  
Alua de Li-  
ste.

Hieronyma, vxor Petri de Auila, Mar-  
chionis delas naues. Vide Tab. xix.

Maria Urrea Comitissa Arande in A-  
ragonia.

Henri-

Ioanna Hen-  
riquez, vxor  
Joannis de  
Urrea, Co-  
mitiss A-  
rande.

Francisca Hen-  
riquez, vxor  
Francisci de  
Royas, Mar-  
chionis de Po-  
za.

Anna de Cabre-  
ra, vxor Petri  
de Cunniga,  
Marchionis  
de Aquila su-  
entis.

Ludwicus Hen-  
riquez de Cabre-  
ra, dux Medina  
de Ruyseco, Ad-  
miralys septimus  
Castellæ.

Ludwiga Henriquez, vxor Innigi Lo-  
pez de Mendoza, ducis V. Infantadgi.  
Vide Tab. xvi.

Anna vel Maria de Mendo-  
za, filia Marchionis de Cenete.



1877

# THE HISTORY OF THE CITY OF NEW YORK

From the first settlement of the Dutch in 1624 to the present time.

By JOHN E. BOWEN, LL.D.,  
Professor of History in the City College of New York.

Published by the City College of New York,  
1907.

NEW YORK: THE CITY COLLEGE OF NEW YORK,  
1907.








T A B V

# EX MATERNA LINEA

B A C C A, G V A R D I A,

Marc





# ES, DOMINI DE HARO, CORBAS, ET LVBRIN,

iam.

regionis & Astorra Anno 1346.

Leon, domini de Marchena, unde sunt duces de Arcos. Tab xxvii. Isabella, vxor Garcia Ferdinandi Manrici. Vnde sunt Marchiones de Aguilar.

Regis Alfonsi IX. Vide præced. Tab. xxi.

bi Hurtadi de Mendoza,  
tre Teresa Carilla.

era, filia Petri Gironis domini de Moguer. Tab. III.

|                  |   |  |
|------------------|---|--|
| a de Haro.       | Iacobus Lopez de Haro, primus Marchio Carpii. | Ludwicus Mendez de Haro, Camerarius Regis. |
| itis de Siruela. | Beatrix de Haro, nubii patruo.                |  |








EX MATRE GILSON

1871



# EX MATRE GIRONI DE VIGIL, DE

Maria Girona, filia Roderici Gironis, soror Consalvi.  
Vide Tab. I.



Teresa de Quinones, vxor Fridrici Henriquez, Admiralii Castelle II. Vide Tab. XXI.


Maria, vxor Alfonsi Pimentel, Comitis de Benauenti. Vide Tab. XXIV.

Eluira, vxor Innig Lopez de Mendoza, Comitis I. Tendilla. Vide Tab. XVI.

Franciscus de Quinones Cardinalis S. Crucis, Episcopus Coria,

Antonius de Quinones Isabella Osoria, filia Marchionis Astorga.

Maria filia Bernhardini de Mendoza, Comitis de Corunna.



ALIOS COMITES LVNAE DA



III.  
MINI DE ASSVERIS,  
IES, ET NOVI

domina de domo Luna.

filia Ferdinandi Aluarez de Toledo, domini de Val de Corneja.

de Acunna, Comitiss Valentia. Vide tab. vi.

Mentia, vxor Petri  
Baçan Vicecomi-  
tis de Valduerna.

Affuerus de Quin-  
nones.

Leonora, filia Joann-  
is de Tonar.

ones, primus

Ioanna Henriquez, filia Henrici primi Comitiss Alua de Liza.

Beatrix de Quinnonos, vxor  
Petri Aluarez Oforii Mar-  
chionis Astorga.

Ioanna de Quinnonos,  
vxor Ramiri Nun-  
nez de Guzmán.

N. vxor Joannis de Vlloa.

tertiū ducis Albuquerque. Vidua Comitiss de Lerona.



1872

THE NEW YORK PUBLIC LIBRARY

ASTOR LENOX TILDEN FOUNDATION







# FAMILIA PIMENTA

NICIS NVPTIIS, CO

chionum de Villafra

IOANNES Alfonsus Pimentel de Breganza, primus  
Comes Beneuenti in Castella.

Ioanna, filia Martini

Alfonsus Comes  
Beneuenti.

Rodericus  
Beneuenti.

Ludwicus Pimentel,  
Marchio de Vil-  
lafranca.

Maria Pimentela, uxor

Beatrix Oforia, filia P

Maria Oforia Marchionissa Villafrancana, uxor Petri de Toletico Viceregis  
erat. Alua ducis filius. Vide Tab. xxix.

Ioannes Cu-  
bicularius  
Regis.

Ioannes  
clericus.

Alfonsus generalis  
in bello ante Gu-  
letam.

Maria, uxor Alfonsi de Az-  
bedo, Comitis de monte rey,  
mater Hieronymi.

Petrus Pimentel, Mar-  
chio Viana in Gali-  
cia.

Catharina, uxor Clau-

Maria, filia Petri Man-

Beatrix de Tol-

Ludwica Pimentela, uxor Ioannis Alvarez de To-  
leto, Comitis quinti Oropeza. Vide Tab. xxvi.

Maria, uxor Fridrici de Toletico ducis de Huel-  
erat. Ferdinandi Alua ducis. Vide Tab. x

## ORDO MARCHIONVM

Constantia, filia Amedei III. ducis Sabaudia. EMANVEL Infans, filius Ferdinandi  
Regum Castella & Legionis, pri-

Violanta.

Ioannes Manuel,  
Marchio secundus  
Villena.

Filia Ferdinandi dela Cerda, nepotis Alfonsi X. Regis.

Ferdinandus Manuel tertius  
Marchio Villena.

Sanchius Manuel. Ioan-  
Quare Tab. xxviii.

Blanca, heres Marchionissa quarta Villena, sine liberis.

Succedit Rex Petrus sine titulo Marchionis, sed Regi frater Henricus ex iure uxoris quintus M  
mitis Pratenfium & Emporiarum, nepoti Iacobi Regis II. Aragoniae ex Blanca Regis Neap  
& huic iterum filius Iacobus octauus Marchio Villena, quem Petrus ex Ioanna filia Henric  
cui Maria de Albornoz domina Infantadgi nupserat, priuatus a Rege Marchionatu relinqui  
Rex Aragoniae & Siciliae factus filio Alfonsi, decimo Villena Marchioni (sed penè sine eff  
nandi Regis, vndecimus Villena Marchio & primus istius loci dux. Sed cedit accepta alia  
na Marchio Ioannes Pachecus Giron, Magister ordinis S. Iacobi, cuius posteria haecenus obti



# RV M, EX GIRO

ENEVENTI, MAR-

de Astorga.

de Tab. VIII.

Ioannes Giron Pachecus, Magister S. Jacobi, Mar-  
chio primus Villena. Vide Tab. II.

Maria Portocarre-  
ra, &c.

Maria Pacheca Gi-  
rona.

za, tertius ducis Infantadgi. Vide Tab. XVI.

Alfonfus Pimentel,  
Comes quintus Be-  
neuenti.

Beatrix, uxor Garcia de Toledo,  
qui obiit ante patrem, ducem  
Alua. Vide Tab. XXIX.

na de Velasco & Herrera, filia Bernhardini  
constablii, ex matre Blanca de Herrera.

Tab. XXIII. Maria Pimentelia, uxor Pe-  
tri Alvarez Osorii Mar-  
chionis Astorga.

Blanca Pimentela, uxor Ioannis Fernandez Manrici  
Marchionis de Aguilar. Vide Tab. XVIII.

Antonius Alfonsi Pi-  
mentel, Comes sextus  
Benueenti, filius Al-  
fonsi.

Petrus Alvarez Osorius, Marchio Astorga.

Ludwica Henriquez, Ferdinandi Admiralii Castella  
quinti filia. Vide Tab. XXI.

Aluarus Perez Osorius, Mar-  
chio Astorga.

tertius.  
arez Perez Osorius, Marchio Astorga.

Ludwicus Pimentel, Comes VII. Benueenti.  
Moritur sine uxore.

Ioannes Pimentel, Comes octauus  
Benueenti.

Catharina de Quin-  
ones, Comitissa Lu-  
na. Tab. XXIII.

## DVCVM VILLENÆ.

Alfonso Comiti de Denja, primo Constablio Castellæ, filio Raymundi Co-  
nfus ille sextus est Villenæ Marchio: succedit filius Petrus Marchio septimus:  
de Vega suscepit. Iacobus verò octauus Marchio, dictus Astrologus,  
infantem Ioannis Castellæ Regis, Marchionem Villenæ nonum: qui deinde  
Succedit enim statim Henricus Magister S. Jacobi, frater Alfonsi, filius Ferdi-  
e Ioanne Castellæ Rege. Sic tandem à Rege declaratur duodecimus Ville-  
b. XXVIII.



CLERO

Henricus Portensis

no. 62.

Henricus Portensis de Toledo  
qui obiit p. m. 1500  
anno 1500 1501


Henricus Portensis  
no. 62.

Henricus Portensis  
no. 62.

VILLANA

Henricus Portensis  
no. 62.








T A B  
E X G I R O N A E T P  
N I D E T O L E T O , C O  
etiam Ribera




T A  
F A M I L I A E X M A T R E  
T I O R V M D E L E O N ,  
los Arc





CA MATRE, DOMI  
ROPESE, NON NVLLI  
i & Malpicæ.


obi,



II.

NA, EX PATRE PON-  
DE CADIZ ET DE-

æ.





STATE OF NEW YORK  
IN SENATE  
JANUARY 18, 1882.

REPORT  
OF THE  
COMMISSIONERS OF THE LAND OFFICE  
IN RESPONSE TO A RESOLUTION  
PASSED BY THE SENATE  
JANUARY 18, 1882.

ALBANY:  
J. B. LIPPINCOTT & CO. PRINTERS.  
1882.



WILLIAM WILLIAM  
AT CERRILLO GORDON  
WILLIAM WILLIAM

[Faint, illegible text covering the majority of the page, likely bleed-through from the reverse side.]




TAB

# FAMILIA MANVELV

## ET CERRALVI, COMITVM

rum dela Cerda, Sarmientorum, de Ayala




Genebra Girona, Martini Vasquez de Acunna filia. Vide Tab.





III.  
ARCHIONVM VILLENÆ  
ET SALVATERRÆ, DOMINO.  
uncta nuptiis cum antiquis Gironibus.

XXXI





JOHANNES VILLENE

ET SALVATORIS DOMINO

IN HOC MONASTRIO

IN HOC MONASTRIO

IN HOC MONASTRIO

IN HOC MONASTRIO

IN HOC MONASTRIO

IN HOC MONASTRIO



FAMILIA DOMINICA

1800

1800



SEQVNTVR aliquot familia ex Gironibus non procrea  
posterorum cum illis coni


## FAMILIA DOMINORVM DI

CORNEIA ET ALVÆ DE TOR

Duces Aluæ &amp; Huesci, C

Ferdinandus Alvarez de Toledo, dominus de Valleco  
Marschalcus Castella.

Maria (Ferdinandi filia, sed incertum, an huius, tamen vero sim  
uxor Jacobi Fernandez de Quinones. Tab. xxiii.






& interdum propinquitatē

# ETO ET VALLE-

## QVIBVS SVNT

ANTIQUA origo ducum Aluæ ducitur à Petro quodam græco ex Palæologorum familia, qui de- uicto ab Alfonso VI. Rege Toletō multis ibi An- no 1085. prædiis donatur, vnde cognomentum de Toletō.

Petrus igitur ille reliquit filium Illan Perez: Hic rursus filium Petrum Illan, qui Stephanum Illan & hic Ioannem, & Ioannes Confaluum, semper pater filium hæredem & successorē habuit. Tan- dem Ferdinandus Aluarez ex illis exstitit, cuius hic genealogiam explicatam vides.





1770  
The first of the year  
was a very cold one  
and the snow lay  
on the ground  
for many days  
The weather was  
very disagreeable  
and the people  
were much  
distressed  
by the cold  
and the want  
of food  
The king  
was very  
generous  
and gave  
them much  
money  
to buy  
food  
The king  
was very  
generous  
and gave  
them much  
money  
to buy  
food

1771

1772  
The first of the year  
was a very cold one  
and the snow lay  
on the ground  
for many days  
The weather was  
very disagreeable  
and the people  
were much  
distressed  
by the cold  
and the want  
of food  
The king  
was very  
generous  
and gave  
them much  
money  
to buy  
food  
The king  
was very  
generous  
and gave  
them much  
money  
to buy  
food







T A B

# FAMILIA DOMINORVM

## MARCHIONVM ADRAD

Vicecomitum de G

DOMINOS veteres Albuquerque-  
ses explicauimus præced. Tab. VII.  
Post illos igitur Albuquerque red-  
iit ad regnum Castellæ. Sed post  
Petrum Regem Sanctius eius fra-  
ter declaratur rursus Comes Albu-  
querque: cuius tamen filia Albu-  
querquam nuptiis iterum ad mari-  
tum Ferdinandum Infantem & Re-  
gem transfert: donec tandem do-  
minis à Cueva, quos hic in tabula  
proponimus, sub Ducis titulo de-  
cernitur.

Iacobus Ferdina-  
comes de G

Ioannes de Cueva, pri-  
mus dominus de So-  
liera.

Ludwicus de Cu-  
nus Soliera.

Ioannes militat Caro-  
lo V.

Isabella, vxor Francisci de Benauides, Comitis quinti S. Ste-  
phani. Vide Tab. II.

Maria delas Cardenas, filia Ioan-  
nis de Castella. Tab. xxxi.

Iacobus de la Cue-  
ua.

Maria, vxor Ioann-  
na. Tab.

Isabella Girona, Ioannis Tellez C  
na filia. Vide Tab. II b

Francisca dela Cueva, v-  
xor primū Bernhardi  
D. de Royas, Comitis  
de Lerma: secūdo D.  
Claudii de Quinones  
Comitis quarti Luna:  
moritur sine liberis ex  
utroq, marito. Tab.  
xxiii.

Maria, filia  
Ludwici  
Ferdinan-  
dez, Mar-  
chionis II.  
de Coma-  
res. Vide  
Tab. xix,

Isabella dela Cueva, vxor secunda  
Petri Gironis ducis primi Osu-  
na, ducta An. 1575. in Februa-  
rio.

Beltramus della Cueva,  
ex vxore dux sextus  
Albuquerque.

Isabella post  
um Gabrie-  
buquerque  
tum.




## CUEVA, ET SOLIERA,

M ALBUQUERQUENSIVM,

a familia de Castro, Mar-

Majora, domina de Mercado.









171  
FRACTIONAL  
PARTS OF  
THE WHOLE  
OF THE  
UNIVERSE  
OF THE  
HUMAN MIND  
OF THE  
HUMAN BODY  
OF THE  
HUMAN SOUL  
OF THE  
HUMAN SPIRIT  
OF THE  
HUMAN HEART  
OF THE  
HUMAN LUNGS  
OF THE  
HUMAN LIVER  
OF THE  
HUMAN STOMACH  
OF THE  
HUMAN SPLEEN  
OF THE  
HUMAN PANCREAS  
OF THE  
HUMAN GALLBLADDER  
OF THE  
HUMAN BILE  
OF THE  
HUMAN URINE  
OF THE  
HUMAN SWEAT  
OF THE  
HUMAN TEARS  
OF THE  
HUMAN SALIVA  
OF THE  
HUMAN SPIT  
OF THE  
HUMAN MUCUS  
OF THE  
HUMAN SPUTUM  
OF THE  
HUMAN EXCRETA  
OF THE  
HUMAN URINE  
OF THE  
HUMAN SWEAT  
OF THE  
HUMAN TEARS  
OF THE  
HUMAN SALIVA  
OF THE  
HUMAN SPIT  
OF THE  
HUMAN MUCUS  
OF THE  
HUMAN SPUTUM  
OF THE  
HUMAN EXCRETA



TAB  
FRAGMENTA DE F  
VELASCO ET TOVAR

Comitum Hari, Marchio  
de Alebedo, Comi

Sanchius Sanchez de Vela  
& Vega.

Ferdin  
se

Beatrix Manrica, filia Petri Manric  
sidis in regno Legionis.

N. dominus  
& V.

Innigus Ferdinande, heres patri  
Constablii secundus.

HIC DEESSE ALIQV

Innigus de Tonar, Constablii  
Castella.

Maria de T

Ioannes Sanctius de Tonar, Mar  
chio Barlanga.

|   |   |                                   |  |  |
|---|---|-----------------------------------|--|--|
| Antonius Manricus<br>de Mendoça, Comes<br>de Castro.    | Isabella de Ve-<br>lasco.                           | Juliana. Bernhardina,<br>Monacha. | Ioannes.   | Anna Aragonia, filia Ioann<br>na cali de Guzman. |
| Gometius Manricus de Men-<br>doça, filius maximus natu. | Ioannes de Ve-<br>lasco.                            | Aluarus de Men-<br>doça.          | Agnes de<br>Tonar.                                   | Catharina Man-<br>rica.                          |
| Isabella. Juliana. Leonora.<br>Sanctimoniales.          | Petrus Sanctius de<br>Tonar, Mar-<br>chio Barlanga. | Agnes.                            | Vicentia.  | Innigus de Velasco.                              |
|   |   |                                   | Maria Girona, filia Petri ducis Offuna, nata Anno 15 | Bern   |
|   |   |                                   | Innigus Ferdinande<br>lasco.                         |  |



# A DOMINORVM DE

BLIORVM CASTELLÆ,

mentio simul Dominorum

astro: Item Manri-

rilla.

ora de Casteneda.

= Maria Garzia Sarmienta.

Velasco &

= Maria de Solier, filia Monsieur Arnoa de Solier,  
domini de Villapando ex Gallia.

rdinandez primus  
Hari.

Petrus Fernandez, primus in  
doza, filia In- hac familia Constabliu Ca-  
rchionis San- stella.

conora, uxor Ioannis Comitiss I I.  
Vrenna. An. 1552. Tab. II. b

Isabella, uxor Ioannis Alfonse  
de Guzman, ducis tertii Me-  
dimna Sidonia. Tab. xv.

V R.

di Henriquez, soror Ferdinandi  
e. Tab. XXI.

Innigus Fernandez de Ve-  
lasco, Constabliu V. ex  
hac familia.

Franciscus.

Agnes de Ve-  
lasco.

Hieronymus de Azebedo,  
Comes de Monterey.

Maria unica filia Petri Gironis Comitiss ter-  
tii Vrenna.

Filia, statim mortua.

Balthasar Pi-  
mentel.

Melchior de  
Fonseca.

Casparus de Cunniga  
& Azebedo, Comes  
de Monterey.

Maria Pimentel  
de Fonseca.

andez.  
Comes  
Ioanna de Velasco, uxor Francisci  
domini Borie, Marchionis de  
Lombay.

Bernhardinus de  
Velasco.

Anna-Maria de Velasco, uxor Ioannis Gironis  
Tellez, primi Marchionis de Pennafiel. Vi-  
de Tab. II. b

nora Anna de Ve-  
lasco.



XXIX

DOMINORVM DE

LORENTO CAVALLER

LIBRARI

LIBRARI



FAMILIA REGIA

FAMILIA DOMINI

1600

FAMILIA DOMINI

1600

1600

1600



T A B  
FAMILIA REGIA DO

Petrus Rex Portu-  
galia.

Ioanna de Ca  
Ioannes de Castel-  
la.  
Petrus de Castella viduus  
scopus.

Maria de Cardenas, uxor

T A B V  
FAMILIA DOMINORV  
TVGALIA, DOMINORV  
de Cigales, de

Petrus Rex Por-  
tugalia.

Agnes a Castro.

Ioannes Infans, dominus  
Valentia.

Constantia

Petrus Ninnus.  
Beatrix Infanta Portu-  
galia.

Maria, uxor Martini Vaj

Maria de Portugalia & Ninnus, domina de  
Cigales.

Garcias de Herrera, domnus de Pedra

Blanca de Herrera, domina de Pe-  
draz.

Alfonfus Tellez, pr

TABVL  
FAMILIA DOMINORVM  
MARCHIONVM PESCARE ET

Rodericus Lopez Danaalos, magnus Cubicu-  
Regis Neapolitani.

Martinus Comes  
Montedorosi.

Alfonfus Danaalos, ex matre  
Marchio Pescara.

Constantia Comitissa Cerra, & se-  
cundo ducissa Franconilla.

Innigus Danaalos Marchio de Va-  
Friderici, & simul dominus

Ferdinandus Marchio Pescara, moritur a'p'us.

Ferdinandus Danaalos, Marchio Pesca-  
Sicilia.



KII.  
RVM DE CASTELLA.

*lesia.*

*iril.*

*Angla ex nobilissima familia.*

*Iacobi de Cunniga, Comitis de Niema.*

*Maria de Cardenas ex matre Zapata.*

*secundi Albuquerque Francisci frater erat. Tab. xxx.*

KIII.  
FANTVM DE POR-  
NTIÆ, DE NINNO,  
draza.

*stella filia.*

*Vide Tab. vi.*

*de Tab. II. b*

KIII.  
AVALOS ET ISCLÆ,  
OMITVM MONTEDOROSI

*de Aquino, filia & haeres Bernhadi Chaspari de Aquino, Marchionis de Pescara.*

*Capitaneus, Marchio Pescara  
lis) & Vasti (ex patre.)*

*or ducis Mantua.*



THE NEW YORK

LIBRARY

1851







T A  
 PARS FAMILIÆ R  
 NIS, VNDE DVC

Ioannes II. Rex Por  
 tugalie.

Concubina. Georgius de Alenca  
 dux Coymbra.  
 Duo spurii Monachi.

Filia. Filia. Filia. Helena. Magdalena  
 Moniales. Granatae.

T A  
 FAMILIA DOMINOR  
 ET VALENTIÆ

Iofred  
 zol.

Rodericus, Cardinalis  
 ducatum Candia p

Petrus Ludovicus, primus dux Can-  
 dia, sed moritur antequam Papa  
 esset pater.

Ioannes succedit fra-  
 tri, dux secundus  
 Candia.

Iofred  
 Ne

Ioannes tertius, dux  
 Candia.

Vx

Franciscus quartus, dux post procreatos liberos, factus Iesuita  
 & societatis generalis.

Filius, dux quintus.

T A  
 IVDICVM CA

Teresia A

Ximena.

Iodocus Roderici de Bina  
 parem in bello.

Eluira.


Sola.



XXV.


XXXVI.

# DE ALENCASTRO ET BRÆ ET DE AVERO.



XVI.

# RGIVM, DVCVM CANDIÆ ESQVILLACII.



XVII.

# FAMILIA.

Eluira Nunna bella.

*un-*  
= Eglona.

*un Nun-*  
*us.*



• X •



2 V E O H T I 9  
CODICIS LEGVM  
WISIGOTHORVM  
LIBRI XII.

ISIDORI HISPALENSIS EPISCOPI  
De Gothis Wandalis & Sueuis Historia siue Chronicon.

*Ex Bibliotheca* PETRI PITHOEI I.C.

PROCOPII CÆSARIENSIS RHETORIS  
*ex lib. VIII. Histor. locus de Gothorum origine qui in exem-  
plaribus editis hactenus desideratur.*


Anno MDCVI.

Bbbb



## P. P I T H O E V S

C.V. FRANC. ROALDESO I.C.



ITERAS tuas V. Non. Octob. scriptas Idib. demum la-  
 accepi, serius profecto quam vellem, sed ea tamen animi  
 lacritate quae te tuasque singulares virtutes complector a-  
 sens mentis potius iudicio quam oculorum fide, quib. & h-  
 ægre esse doleo. De exemplari gratias habeo: referre  
 etiam lubens. Sed vereor ne tu non tanti esse putes quæ  
 tuo nomine appareant. Ac vix sane illud mihi de W-  
 sigothicis legibus permittare potui, quas nisi quotidi-  
 nis pene conuitus a quibusdā flagitari audissem, facile pe-  
 surus fui aut suppressi diutius, aut aliorum opera edi, quibus velotii plus vel di-  
 gentia esset. Et verò id pridem Ioann. Metello Sequano detuleram, viro &  
 ruditionis & humanitatis, ut audio, summa, cuius etiam eo consilio exemplar impe-  
 fectum ex nostris suppleri curaueram. Sed cum id ille maioribus fortasse negotiis occu-  
 patus non præsaret, & librarii nostrates nescio quo fato Gothicis rebus operas vou-  
 sent, rogatus, pene dixi coactus eorum tandem imperiis cessi quibus & hæc reliquis a-  
 iici Bonum factum visum est. Quod velim omnium bona gratia sic candide accipi-  
 simpliciter gestum est. Nam exemplaria, ut verum fatear, vix relegere datum est, t-  
 tum abest ut recognoscere & recensere accuratius licuerit: quin ne de huius quide-  
 gentis & aliarum legibus, iurisque Romani in Occidente post Iustinianum usu, qui  
 statueram, præfari. Tantum illud, hunc esse legum codicem ab Eurico ceptum, à Le-  
 uigildo dein, post à Chindasuindo & Reccesuindo filio recognitum, demum à Dom-  
 Ernigio Spaniarum (ut verbis seculi de barbaris barbæ dicam) rege perfectum, quod  
 Liber Iudicium dicitur in illo tuo exemplari Curialium (sic appellant) usum quod  
 Raymundus Berengarius vetus Comes & Marchio Barcinon. Hispaniæ subiugatus  
 & Almordes coniunx de feudis alijsq; negotiis obseruari iusserunt, cum Gothica  
 ges omnibus causis non viderentur sufficere. Hæc postea Ildefonsus, Petrus, Iacobus  
 lii atq; alii Aragonum reges variis constitutionibus supplerunt antequam Alfonso  
 dem circa annum Christi M.CC.XLI. ius Romanum in Partitas suas digeri curasse  
 Sed hæc tute melius nosti, & nos maiore otio plenius alijs apud alios exsequi cogiti-  
 mus. Illud tamen & hic sciri par est. harum legum recognitionem ab eius gentis scri-  
 ptoribus nescio quo iure Isidoro Hispalensi tribui, cuius est illa potius brevis histo-  
 quam præfiximus ad Sisebutum usq; per Eras, quibus Hispani tempora numerarunt  
 anno quarto Octauiani Caesaris qui est ante Christum natum XXXVIII. quo primum  
 mum apud eos census actus & indictum tributum dicitur. Præfiximus & Sollii Apo-  
 linaris epistolam de Theoderico, non illo Italiae siue Ostrogothorum, sed Wisigothorum  
 rege cui Auitus Imp. Aquitanias concesserat: simul & Procopii Casariensis locum  
 Getarum origine ex Ponti Euxini descriptione quam inter cetera eius auctoris La-  
 ne edita tamdiu desiderari miror. Quidquid id est, tibi do dicoq; lubes merito, cupio  
 in posterum extare testimonium obseruantiae erga te meæ, amicitiae tuæ, cuius mihi sa-  
 cta & venerabilis memoria perpetuo futura est. Bene vale V.C. Lutet. Parisior.  
 Non. Mart. M.D.LXXIX.



[illegible]







**S**UPRA Sagidas Hunnicæ variæ nationes sitæ sunt. Dehinc autem Eulyfia regio appellatur. Barbari autem eius incolæ & mediterraneis locis & ad maris litora habitant ad Mæotim vsque paludem & Tanaim fluuium qui in eâ paludē influit. Ea autem palus in Euxini ponti litus labitur. Eius autem regionis accolæ olim quidem Cimmerici nominabâtur, nunc autem Vturguri: & supra eos ad Aquilonē Antorum Amera. vltra eum autem locū vnde palus eruptio incipit, habitant Gothi Traxitæ nomine, non multi, sed qui Christianorum legem colentes, eam accurate tuentur. Vocant autē incolæ Tanaim tiam illam eruptionem quæ à Mæotide palude incipiens ad Euxinum vsq; pōtū pertinet, itinere, vt aiunt, dierum viginti. quin & qui inde spirat ventum Tanaitem appellant. An autem Gothi isti, quemadmodum & Gothicę gentes traxerit, Arianam olim secuti sint perfidiam, an aliam aliquam, non dixerō, quā nec ipsi id sciūt. sed hodie amore multo & trāquillitate hāc doctrinā colunt. Hi paullo ante, nimirum XXI. anno imperii Iustiniani, legatos quatuor Bizantiū miserunt, Episcopum sibi concedi postulātes, quando qui ipsis sacerdos erat, mortem haud ita dudū obierat. Inaudierāt autem & Abaugis ab Imperatore missum Pontificem. Et Iustinianus quidē promittissime, eorū annuens precib. ad eos Episcopum misit. \* Legati autē isti Hunnorum Vturgurorum cum à multis quālibet causam ad Imp. venissent, rogarentur, publicē nulla alia de causā quā sacerdotis accipiendi iter sibi susceptum testabantur. Postquā verō interius admissi am conuenerūt, quomodo res Romana commissis inter se qui sibi vicini erāt barbaris, iuuaretur, aperiunt. Quī autem & vnde profecti Traxitæ isti, sedes ibi posuerint, dicam. Olim ingens Hunnorum, qui Cimmerici tunc dicebantur, multitudo ea quæ dixi loca inhabitabat, iisq; princeps vnus præerat. Contigit tunc olim quendam ex iis duos habere filios, alterum Vturgur nomine, alterum Cutrigur. qui post parentis mortem imperio inter se diuiso, cognomen vni populis sibi subiectis quicq; tribuerunt. Hi enim Vturguri, illi Cutriguri hocq; nominantur. Isti omnes ibi habitant studiis quidem inter se per omnia similes, impermixti autem inter se. Hi verō in altera paludis eiusque eruptionis parte sedent, qui olim aquas illas neq; traiciebant, neq; traici posse existimabant in expeditiora loca facile migrantes, cum neq; transmittere tentarent, neq; illiciti de traiectu vllō modo essent. Paludem autem Mæotidē eiusq; eruptionem transgredienti, statim occurrebat olim ad eius oram Gothi Traxitæ nominati, quorum modo memini. Longe autem ab iis Gothi, & Visigothi, & Vandalī, & ceteræ Gothicæ nationes omnes qui & Scythæ superiorib. temporibus dicebantur. quando quidem cōmuni vocabulo Scythicæ nominabantur nationes & omnes quæ loca ea incolebāt, earum autem aliquę Sauromatæ, aut Meanchalæni, aut alio quo nomine. Procedente autem tempore ferunt, si vera est narratio, iuuenes quosdam Cimmericos venatione se exercere solitos, in ceruam incidisse, quæ eos cum fugeret, in aquas illas insilierit, iuuenesq; laudis cupiditate, an victoriæ amore, an diuino cogente numine, ceruam persecutos donec finem cum ea in aduersam paludis marginem peruenisset. Et id quidem quod inquebantur quidquid illud fuerit, statim euanuisse. Videtur enim mihi nulla de causā ibi apparuisse quā vt male esset barbaris, qui ea loca incolebant. iuuenes igitur istos venatu frustratos, pugnæ prædæq; occasionē nactos. Quā-



primum .n. ad patrias sedes reuersi, Cimmericos docuerunt trāsmitti aquas illas posse Raptis igitur armis omnes simul transgressi, confestim in altera ripe parte exstiterunt, Vandilis iam inde digressis & in Africa cōstitutis, Visigothis autē in Hispania habitātib. Gothos igitur locorum incolas aggressi multos necant, cēteros in fugam vertunt omnes. Quicunq; autē eorum vim effugere potuere, adsumtis liberis vxoribusq; inde profecti sedes patrias reliquerūt, & Istro fluuiō trāsito in Romanorū regione constiterunt, vbi cū grauiter incolas vexassent in vicinis Thraciæ locis concedente Imp. confederunt. Et partim quidem Romanis auxiliares erant, & quotannis stipendium ab Imp. sicut ceteri milites, accipiebant, Fœderati cognominati (ita enim Latina voce eos Romani dixere, illud opinor subinnuentes non bello à se victos, sed pactionibus certis amicos factos Gothos. Fœdera enim Latini pactiones quæ in bello fiunt adpellant, sicut superius à me dictum est.) partim autem bellum cum eis meditabatur donec Theoderico duce in Italiam peruenerunt. Et Gothorum quidem res ita se habent. Hunni autem eorum partem mactantes, partem, vt dictum est, excubantes, regionem obtinebant. Et ex eis quidem Cutriguri liberis vxoribusq; adsumtis ibi confederunt, vbi hodieq; habitant, & munera ab Imp. multa singulis annis percipiunt, & transuecti Istrum fluuiū, semper Imp. subiectam regionē populatur, fœderati simul & hostes Romanorū. Vitigouri vero cum suo duce domum redierunt, soli in posterum eā regionē obtinentes. Hi cum prope Mæotidem paludem applicuissent, in Gothos & eos qui Traxitæ dicuntur inciderunt. Ac primo quidē Gothi scutis armati obuia aggredientib. processerunt sese defensori tā virib. suis quā locis fidentes. Hi. n. sunt barbarorum omnium fortissimi, & prima Mæotidis eruptio ad quā tunc Traxitæ Gothi habitabāt, in Lunę speciē sinuata eosq; vndiq; prope ambiens, ingressum ad eos vnicum eumq; admodum angustum inuadentib. præbebat. Postea tamen cum neq; Hunni multū temporis id erendum sibi esse constituerent, neq; Gothi pares se hostium multitudinē cernerent, inter se collocuti, traicere omnes simul deliberant, ea cōditione, vt Gothi in cōtinente vltra ripam ad eruptionis ipsius oram sedes figant, vbi etiam habitāt, & amici sociiq; de cetero sint Vitigurorum in perpetuum pari cū Hunnis iure. Ita igitur Gothi ibi habitauerunt, & Cutriguris in vltiore Mæotidis paludis continente, sicut dictum est, relictis, soli Vitiguri eam regionem tenuerunt negotium Romanis minime exhibentes, quorū neq; sunt vicini admodum, & interiectis multis nationib. oriū vel inuiti colunt quātum ad Romanos attinet. Transmissa autē Mæotide palude & Tanai flumine, Cutriguri Hunni, sicut dictum à me est, magnam partem eius tractus incolunt. Post eos Scythæ & Tauri totam occupant eam regionem quæ \* Spina Taurica hodieq; dicitur, vbi & Diogenes aiunt fuisse tēplum cuius Agamemnonis filia olim fuit antistita. Præterea Scythæ aiunt tum regioni id nomē fuisse, tum etiā Scythas vocari eos omnes qui ea loca habitāt, id ex iis cōiiciētes quæ de Oreste & Comana vrbe narrata à me sunt eū de iis mentio incidit. Sed de his suum esto cuiq; iudicium. Pleraq; enim quæ vel alibi gesta sunt, vel etiam nunquā acciderunt, quidam comminisci gaudent tanquam sint genuina & vbi nati sunt gesta, ægrè ferentes nisi suam opinionem ceteri omnes tueantur. Post eas verò gentes, vrbs maritima habitatur Bosporus nomine, non ita dudum Romanis obediens, &c.

\* *Latina.*

*Vetus interpret Horatii ad eum locum ex lib. 1. Car. In Massagetæ Arabasq;.*

Massagetæ iuxta Gothos incolunt. vnde & Gothi Massagetæ aliquando dicuntur. Vocantur etiam aliis nominibus, Ostrogothi id est Orientales, & Visigothi id est occidentales Gothi.

HISTO



# HISTORIA SIVE CHRONICON GOTHORVM.

**G**OTHORVM antiquissimum esse regnum certum est, quod ex regno Scytharum est exortum. Isti enim sunt quos Alexander vitandos pronuntiauit, Pyrrhus pertimuit, Caesar exhorruit. Per multa quippe secula & regno & regibus visi sunt: sed quia in chronicis adnotati non sunt, ideo ignorantur. Ex illo autem in historiis inditi sunt, ex quo aduersum se Romani eorum virtutem experti sunt: quorum oportet tempora & reges per ordinem cursim exponere, & aliqua eorum gesta de historiis libenter retexere.

ERA CCXIII. anno Valeriani & Galieni Imp. Gothi descensus Alpibus, quibus inhabitabant, Graciam, Macedoniam, Pontum & Asiam, atque Illyricum vastauerunt: ex quibus Illyricum & Macedoniam xv. ferme annis tenuerunt. Deinde a Claudio Imperatore superati, sedes proprias reuertunt. Romani autem Claudium Aug. pro eo quod tam fortissimam gentem a finibus reipubl. remouisset, insigni gloria honorantes, in foro illi aureum clypeum, in Capitolio autem auream ei statuam collocauerunt.

ERA CCLXVIII. anno XXVI. Constantini Imperatoris, Gothi regionem Sarmatarum aggressi, propiosissimis super Romanos irruerunt agminibus. Aduersus quos idem Constantinus aciem instruxit, ingentique certamine vix superatos ultra Danubium expulit; de diuersis gentibus virtutum gloria clarus, sed de Gothorum victoria amplius gloriosus: quem Romani, acclamante senatu, publica laude prosecuti sunt, quod tantam gentem vicerit, quod pacem reipublica reformatuerit.

ERA CCCVIII. anno Valentis V. Gothorum gentis administrationem Athanaricus accepit, regnans annos XIII. qui persecutionem aduersus fidem communem voluit exercere contra eos qui in locis suis Christiani habebantur: ex quibus plerique, quia idolis immolare non adqueuerunt, martyrio coronati sunt: reliqui autem coacti sunt de regno suo exire, & in Romanam transire regionem.

ERA CCCXV. anno Valentis Imperat. Gothi aduersum se in Athanarico & Fridigerno diuisi sunt, alternis se cadibus populantes: sed Fridigerum Athanaricus Valentis Imp. auxilio superans, huius rei gratia cum omni gente Gothorum in Arrianam heresim deuolutus est. Tunc Galsilas eorum episcopus Gothicas literas adinuenit, & scripturas sacras in eandem linguam conuertit.

ERA CCCXVI. anno XIII. Valentis Imperatoris, Gothi qui primum Christianos a terra sua exulerant, postmodum ipsi ab Hunis expulsi sunt, transituq. Danubio fluuiio, Valentis Imp. potestate se, non depositis armis, dederunt, accepta ab eo ad habitandum Thraciam. Sed ubi viderunt se opprimi a Romanis contra consuetudinem propriae libertatis, resumptis armis rebellando Thraciam ferro incendiisq. depopulantur, delectoq. Romanorum exercitu, ipsum Valentem iaculo vulneratum in quandam villam fugientem incendunt: ut merito, iuxta cuiusdam sententiam, ipse ab eis temporali creparetur incendio, qui tam pulchras animas ignibus aeternis tradiderat.

ERA CCCXVIII. anno imperii Theodosii Hispani tertio, Athanaricus cum Theodosio ius amicitiae disponens, mox Constantinopolim pergit: ibiq. xv. die, ex quo fuerat a Theodosio fauorabiliter susceptus, interijt. Gothi autem proprio rege defuncto, aspicientes benignitatem Theodosii Imperatoris, inito foedere, Romano se imperio tradiderunt.

ERA CCCXLVI. anno XIII. Archadii & Honorii Imp. post Athanaricum duo reges Gothi imperauerunt, qui pacis foedere rupto, ad depradandam Romaniam se dederunt. Quorum unus Radagaisus Scythia atque paganus, cum cc. fere millibus Italiam belli feritate aggreditur, promittens sanguinem Christianorum diis suis litare si vinceret. Cuius exercitus a Romanis in montuosis locis conclusus, fame est potius quam ferro consumptus: ipse postremum rex captus est & interfectus.

ERA CCCXLVII. anno Honorii & Archadii Imperatorum, alter ille Alaricus Christianus quidem, sed haereticus, pro consorte regni amisso in vindictam sanguinis suorum profectus in Italiam, urbem irruit, & obsessam capit: sicque Roma irruptione atque impetu magna cladis eversa est. Tantum autem Gothi clementes ibi extiterunt, ut votum antea darent, ut si ingrederentur urbem, quicunq. Romanorum in locis Christi inuenirentur, in eos agere belli iure non liceret: sed ibi & ferendi refrenaretur immanitas, & captiuandi cupiditas coercere-



itur. sicque post hoc votum aggredientes urbem, quoscunque in locis sacris Christi vel martyrum vel basilicis confugientes inuenerunt, in vastatione urbis non miserunt, nec cruentus sauit in eos gladius, commiserantibus hostibus. Sed & qui extra loca martyrum erant, & nomen Christi vel sanctorum nominabant, & ipsis simili misericordia hostilis furor pepercit. Sic euaserunt multa milia Romanorum, quibus Gothi propter Christum misericorditer pepercerunt. Vnde & hucusque Romani, qui in regno Gothorum consistunt, adeo amplectuntur, ut melius sit illis cum Gothis pauperes viuere, quam inter Romanos potentes esse, & graue iugum tributi portare. Gothi autem post tertium diem quo Romam ingressi sunt, nullo hoste cogente sponte discedunt.

ERA CCCCXLVIII. anno primo Theodosii minoris, Alarico mox post captam urbem defuncto, Athaulfus Gothus Italiae regno praeficitur annis septem. Iste quinto regni anno de Italia succedit ad Gallias, ibique Placidiam filiam Theodosii principis, Archadii & Honorii Imperatorum sororem, qua a Gothis Roma capta fuerat, uxorem sibi assumpsit nullo ex ea semine subsistente. Qui dum a Constantio Romano patricio admoneretur, ut relictis Gallis Hispanias peteret per quendam Gothum apud Barcilonem inter familiares fabulas iugulatur.

ERA CCCCLIII. anno VII. Theodosii minoris, post Athaulfum Gothis Sigericus princeps electus est, qui dum ad pacem cum Romanis esset promptissimus, mox a suis est interfectus.

ERA & anno quo supra, Vallia succedens tribus annis regnauit, belli causa princeps a Gothis effectus, sed ad pacem diuina prouidentia ordinatus. mox enim ut regnare cepit, foedus cum Imperatore Honorio pepigit: Placidiam sororem eius honorifice reddidit: Romani quoque nominis causa intra Hispanias cades magnas Barbaris intulit: Wandalos Silingos in Betica omnes bello extinxit: Alanos, qui Wandalis & Sueuis potentabantur, adeo \* \* ut extincto Vtaco rege ipsorum pauci qui superfuerant oblito regni nomine, Gunderici regis Wandalorum, qui in Gallia resederant, se patrocinio subiugarent. Isti sunt Wandalis qui postea Sueuorum obsidione relictis ad Beticam transierunt, captaque Hispali in Africam migrauerunt. Vallia autem confecto bello Hispania, dum instructa uuali acie in Africam transire disponderet, in fretum Gaditani maris ut tempestatis interceptus, in Hispaniam redire coactus est. Qui deinde per Constantium Romanum patricium ad Gallias reuocatur, data ab eo Gothis ob meritum victoriae ad habitandum secunda Aquitania usque ad Oceanum, cum quibusdam ciuitatibus consinium prouinciarum.

ERA CCCCLXVII. anno Theodosii minoris, Theodoridus post Valliam regnat annis XXIII. qui regno Aquitanico non contentus, pacis Romanae foedus recusat, exercitum mouet, Arelatem nobilissimum oppidum Galliae obsidet: a cuius obsidione imminente virtute Aetii Romana milita ducis remotus abscedit. Extincto autem a Valentiniano Imperatore Eetio, dum Theodoridus Narbone esset insertus, rursus Theodo a Litorio duce Romanae militiae Hunis auxiliantibus effugatur. Liberioris a tunc dum primum res prosperas aduersus Gothos gesserat, denuo responsis demonum deceptus, in bello a Gothis amisso exercitu miserabiliter superatur: & qui antea hostium millibus caesis feliciter vicerat, dum fallacia demonum oracula quaerit, ignobiliter victus interit, Theodoridus autem sumptis contra Hunos praelio in campis Chatalaunicis superatus occubuit. Gothi autem dimicante Turismodo Theodoridi regis filio adeo extitere victores, ut Attila rex Hunorum praelio victus, metu insequentis exercitus, nusquam comparuisse dicatur.

ERA CCCXC. anno Marciani Imp. primo, Turismodus filius Theodoridi regnauit anno uno: qui postquam de Hunis triumphauit, dum multa ageret insolentius, a Theodorico & Frigidarico est fratribus interfectus.

ERA CCCXCI. anno II. Marciani Imp. Theodoricus post fraternam necem in regnum succedens imperauit annis XIII. qui pro eo quod Imperatori Auitosumendi imperialis fastigium Gallis auxilium praeuisset, Aquitanias cum ingenti exercitu & cum ingenti licentia eiusdem Auiti Imperatoris ingreditur. Cui cum magnacopia rex Sueuorum Reetarius occurrens, duodecimo Asturicensis urbis miliario, apud fluium qui Urbicus appellatur, inito mox certamine superatus est, caesis suorum agminibus, aliquantis captis, plurimisque fugatis, ipse postremum rex telo sauciatus fugit. Theodorico autem cum exercitu ad ciuitatem Bragensem pertendente, die Dominico, etsi incruentata tamen satis lamentabilis eiusdem direptione ciuitatis, & Romanorum magna captiuitas fuit. Reetarius vero ad locum Portucula profectus, regi Theodorico captus adducitur. Quo perempto ceteris qui de priori certamine superfuerant sese tradentibus, aliquantis nihilominus interfectis regnum Sueuorum paene destructum est & finitum. Reliqui Sueui, qui remanserant in extrema Galici, Massila filium nomine Masdrum sibi regem constituunt, regnumque reparatur Sueuorum. Theodoricus autem de Gallicia ad Lusitaniam victor succedens, dum Emeritensem urbem depredari moliretur, beatissima Eulalia martyris terretur ostentis. Mox aduersis sibi nunciis territus, de Emerita egressus, Gallias repetit, & partem exercitus, cum suis ducibus, iterum ad campos Galliciae dirigit, qui caesa Asturicensi regione rursum reuertuntur ad Gallias. Nec mora Gothicus exercitus duce Ceurila a Theodorico ad Hispanias missus succedit, ad Beticam. Post quem sequenti



anno Sigericus cum alia parte exercitus dirigitur, & Cenrilas renocatur ad Gallias. Pars autem Gothici exercitus à Sunierico & Nepotiano ducibus ad Galliciam directa, Sueuos apud Lusitaniam depredatur. In Gallias autem Agripinus Comes & conciuis Egidio Comiti Romano amulus, ut Gothorum mereretur auxilia, Narbonam tradidit Theudorico. Post aliquot legati Sueuorum ab Arismodo rege Masdre filio, rege Sueuorum, missi ad Theudoricum uenerunt, pacem amicitiaq. poscentes. Similiter Theudoricus Arismodo remittit, cum armorum adiectione, munera, directam etiam & coniungi quam haberet. Sallanem quoque legatum deuotum Theudoricus mittit ad Arismodum, qui reuersus ad Gallias Theudoricum ab Eurico fratre suo repperit interfecit.

ERA DIIII. anno imperii Leonis octauo Euridicus, pari scelere quo frater, succedit in regnum annis XVIII. in quo honore prouectus & crimine, statim bello desinit, partisque Lusitania depredatur. Qui prius capta Pamphilonia, Caesar Augustam inuadit, totamque Hispaniam superiorem optinuit. Terraconensis etiam nobilitatem, quæ ei repugnauerat, exercitus irruptione peremit. In Gallias autem regressus, Arelatum & Massiliam urbes capit, suoque regno utramque subiecit. Iste quodam die congregatis in colloquio Gothi, tela quæ habebant omnes in manibus, a parte ferri, alia uidi, alia roseo, alia croceo colore mutata, naturalem ferri speciem aliquandiu non habuisse nuperit. Sub hoc rege Gothi legum instituta scriptis habere ceperunt: nam antea tantum moribus & consuetudine tenebantur. Obiit Arelato Euricus morte propria fun-

ERA DXXII. anno XI. Zenonis Imperatoris Eurico mortuo, Alaricus filius eius apud Tolosensem urbem princeps Gothorum efficitur, eoque rexit annis XX. tribus. Qui cum à pueritia vitam in otio & conuiuio peregisset, tandem prouocatus à Francis, in regione Pictauiensis urbis praelio inito, extinguitur. eoque interfecto regnum Tolosanum occupantibus Francis destruitur.

ERA DXLV. anno XVII. Anastasi Imp. Geselicus superioris Regis ex concubina filius Narbona princeps efficitur, & regnavit annis quattuor: sicut genere vilissimus, ita infelicitate & ingratia summus. Denique dum eadem ciuitas à Gundebaldo Burgundionum Rege direpta fuisset, iste cum multis vi, dedecore & cum magna suorum clade apud Barcinonam se contulit. Ibi moratus, quo usque regni fascibus à Theudorico fuga ignominia priuaretur. Inde profectus ad Africam, Wandalorum suffragium poscit, quo in regnum posset restitui. Qui dum non impetrasset auxilium, mox de Africa rediens, ob metum Theodorigi Regis, Aquitaniam petiit. Ibi anno uno delitescens Hispaniam reuersus ab Ebbawe Theodorigi Regis duce, duodecimo à Barcinona urbe milliario commisso praelio superatus in fugam vertitur, captusque trans flumina Druentium Galliarum occiditur.

ERA DXLV. anno XXVI. Anastasi Imperatoris, Theudoricus iunior dum iam pridem à Thracia & Pannonia ueniens, fugato Arnulfo Rege Ostrogothorum, regnasset in Italia annis X. & octo, rursus expulso Rege Wisigothorum Geselico, regnavit in Hispania annis XV. Sicque prius Italo regno potitus, postea Hispaniam rexit, quam superstes eiusdem Amalarico nepoti reliquit. Per hunc dignitas urbis Roma non parua est restituta: annuos enim eius iste redintegrauit, ob quam causam à senatu inauratam statuem meruit.

ERA DLXIII. XIII. anno Iustiniani Imperatoris, defuncto Theudorico, Amalaricus nepos eius quinque annis regnavit. Qui cum ab Hildeberto Francorum Rege Narbona praelio superatus fuisset, Barcinonam fugiens venit, omniumque contra se odio excitato, apud Narbonam in foro ab exercitu iugulatus interiit.

ERA DLX. nona Iustiniani Imp. tempore, post Amalaricum Theudis in Hispania creatur in regnum per annos XVI. menses quinque. Qui dum esset hereticus, pacem tamen concessit Ecclesie dei, ut licentiam Catholicis Episcopis daret in unum apud Toletanam urbem conuenire, & quæcunque ad Ecclesie disciplinam necessaria existerent, dicere licenterque disponere. Iste Francorum Reges quinque Caesar Augustam obsidentes, omnemque fere Terraconensem prouinciam bello depopulantes, misso duce Theudisclo fortiter debellauit, atque à regno suo non pace, sed armis exire coegit. Vulneratur autem à quodam in palatio, qui iamdiu dementis speciem, ut regem deciperet, simulauerat. Finxit enim arte insaniam, & quasi furore repletus perfodit principem, quo vulnere prostratus occubauit, & vi gladii indignam animam exalauit. Fertur autem inter effusionem sanguinis coniurasse homines suos, ne quis interficeret percussorem suum, dicens recepisse se dignam uicissitudinem, quod & ipse priuatim ducem suum sollicitatum occiderat.

ERA DLXXX. anno XII. Iustiniani Imperatoris, interempto Theudi Theudiscus Gothi præficitur. Regnavit anno uno, mensibus VII. Hic pari coniuratorum manu inter epulas cæna, gladio confusus extinguitur.



ERA DLXXXVIII. anno XVI. Iustiniani Imperatoris, extincto Theudisclo, Agila Rex creatur, regnans annis quinque. Cuius tertio anno Athanagildus tyrannidem regnandi cupiditate arripuit. Gothi autem Agilam apud Emeritam fide sacramenti oblita interimunt, & Athanagildo se tradunt.

ERA DXCIII. anno XXXVIII. Iustiniani Imperatoris, Agila perempto, Athanagildus regnum, quod inuaserat, tenuit annis XVI. Iste cum iam dudum sumpta tyrannide Agilam regno priuare quereret, militum sibi auxilia ab Imp. Iustiniano poposcerat, quos postea submouere à finibus regni molitus non potuit. aduersus quos huc usque confligitur. Nam frequentibus antea praeliis casti, nunc vero multis casibus fracti ac diminuti sunt. Decessit autem Athanagildus Toletum propria morte, vacante regno mensibus quinque.

ERA DCVIII. anno secundo Iustini minoris post Athanagildum Lioua Narbona regno praeficitur, regnavitque annis tribus. qui secundo anno postquam adeptus est principatum Leuigildum fratrem suum socium regni constituit, Hispaniaque administrationi praefecit. ipse autem Gallia regno contentus est. siquidem regnum duos capit, cum nulla potestas patiens consortis sit. Huic autem in ordine temporum unus tantum annus reputatur, reliqui, Leuigildo adnumerantur.

ERA DCVIII. anno secundo Iustini minoris, Leuigildus adepto Hispania & Gallia regno omnium periculosum ratus, regnum bello ampliare statuerat. Subegit Aregenses. capit Sabariam. Crospida ab eo deuicta est. Cesserant etiam armis illius omnes rebelles Hispaniae urbes. fudit quoque diuerso praelio militem, & quaedam castra ab eis occupata dimicando recepit. Erminigildum deinde imperiis suis tyrannizantem obsessum exsuperauit. Postremo bellum Sueuis intulit, regnumque eorum iniuria gentis suae mira celeritate transmisit, Hispania penè tota potitus. Nam antea gens Gothorum angustis finibus artabatur. Sed obfuscauit in eo error impietatis gloriam tantae virtutis. Denique iniqua perfidia furore repletus, in Catholicos persecutione commota, plurimos Episcoporum exilio relegauit, & Ecclesiarum redditus & privilegia tulit. multos quoque terroribus suis in Arrianam haeresim & pestilentiam impulit: plerosque sine persecutione, illectos auro rebusque decepit. Ausus quinetiam inter cetera haeresis suae contagia, rebaptizare Catholicos, & non solum ex plebe sed etiam ex sacerdotalis ordinis dignitate, sicut Vincentium Casaraugustanum de Episcopo apostatam factum, & tanquam à caelo in inferna proiecitur. Exstitit autem & quibusdam suorum perniciosus. nam vi cupiditatis & liuoris quosque potentes ut vidit, aut capite damnauit, aut opibus ablatiis proscrispsit. Aerarium quoque ac fiscum primus iste auxit: primusque inter suos regali veste opertus, solio resedit. Nam ante eum & habitus & confectus communis ut genti, ita & regibus erat. Condidit autem ciuitatem in Celtiberia, quam ex nomine filij sui Recopolin nominauit. In legibus quoque ea quae ab Eurico incondite constituta videbantur correxit, plurimas leges praetermissas adiiciens, plerasque superfluas auferens. Obiit propria morte Toletum anno regni sui XVIII.

ERA DCXXXV. Leuigildo defuncto filius eius Recaredus regno est coronatus, cultu praeclatus religionis, & patriis moribus longè dissimilis. Namque ille inreligiosus & bello promptissimus, hic fide pius & pace praeclarus. ille armorum artibus gentis imperium dilatans, hic gloriosus eandem gentem fidei trophaeo sublimans. In ipsis enim regni sui exordiis Catholicam fidem adeptus, totius Gothicae gentis populos inoliti erroris labe deterse, ad cultum rectae fidei reuocauit. Synodum etiam ad condemnationem Arrianae haeresis congregauit, cui concilio idem gloriosissimus princeps interfuit, suamque eum praesentia & subscriptione firmavit. In belli quoque gloria satis clarus ac precipuus extitit. Francis enim cum sexaginta fere millibus armatorum copiis Gallias irrudentibus, missis Claudio duce aduersus eos, glorioso triumphauit euentu. Nulla unquam in Hispaniis Gothorum vel maior vel similis extitit. Prostrati sunt enim & capti multa millia, residua pars exercitus in fugam versa, Gothi post tergum insequentibus usque regni sui finibus caesa est. Saepe etiā & lacertos contra Romanas insolentias & irruptiones Vasconum mouit, ubi non magis bella tractasse, quam potius gentem, quasi in palaestra eludii, pro usu utilitatis videtur exercuisse. Prouincias autem pater praelio conquisiuit, iste pace conseruauit, aequitate disposuit, moderamine rexit. Multi quoque aduersus eum tyrannidem assumere cupientes, detecti sunt, suaeque machinationis consiliū implere non potuerunt. Fuit autem placidus, mitis, egregia bonitatis, tantamque in vulgus gratiam habuit, & tantam in animo benignitatem gessit, ut in omnium mentibus influens etiam malos ad affectum sui amoris attraheret: adeo liberalis, ut opes priuatorum, Ecclesiarum praedia direpta à patre & fisco adsociata, iuri proprio restitueret. Adeo quoque clemens fuit, ut populi tributa saepe indulgentiae largitione donaret. Multos etiam ditauit rebus, plurimos sublimauit honoribus, opes suas in miseris, thesauros suos in egenis recondens. scies ad hoc illi fuisse collatum regnum, ut eo salubriter uteretur, bonis initiis bonum finem adeptus. fidem enim rectae gloriae quamprimum percepit, nouissime publica confessione paenitentiae cummulauit. Quintodecimo anno Toletum morte propria dececit.

ERA DCXLI. anno post Recaredum principem filius eius Lioua regin suscepit sceptrum annis duobus:



hunc inuoluntate quidem matre progenitus, sed virtutum indole insignitus: quem in primo flore adolescentie Vittericus sumpta tyrannide innocuum regno deiecit, precisque eius dextra occidit, anno ætatis xx. regni vero secundo.

ERA DCXLII. extincto Liua Vittericus regnum, quod viuentē illo inuaserat, sibi vendicat annis vii. vir quidem strenuus in armorum arte, sed tamen expers victoria. Namque aduersus Romanum militem bella sepe molitus, nil satis gloria gessit, præter quod milites quosdam Sagontia per duces obtinuit. Hic in vita plurima illicita fecit, in morte autem, quia gladio operatus fuerat, gladio periit. Mors quippe innocentis inulta in illo non fuit, inter epulas enim prandii coniuratione suorum est interfectus. Corpus vero eius viliter est exportatum atque sepultum.

ERA DCXL. octaua. Gundemarus post Vittericum princeps efficitur annis duobus. hic Wascones una expeditione vastauit, alia militem Romanum obsedit. Toletum propria morte decessit.

ERA DCLI. Sisebutus post Gundemarum regali fastigio euocatur, regnans annos viii. menses sex, qui in initio regni sui Iudeos ad fidem Christianam per mouens emulatione quidem Dei habuit, sed non secundam scientiam. Potestate enim compulit, quos pronocare fidei ratione oportuit. Sed sicut scriptum est, siue per occasionem, siue per veritatem, Christus adnuntietur. Fuit autem lingua nitidus, literarum studiis ex parte imbutus. In bellicis quoque causis fauorem habuit præliorum. Astures enim rebellantes misso exercitu per ducem suum Richilanem in ditionem suam reduxit. Roccones arduis montibus undique circumseptos similiter per duces deuicit. De Romanis quoque præsens feliciter triumphauit, & quasdam urbes pugnando subegit: adeo clemens post victoriam, ut pæne omnes ab exercitu suo hostili præda in seruitutem reductos precio dato absolueret, eiusque thesaurus redemptio captiuorum existeret. Hunc alij morbo alij veneno asserunt interfectum. Hi sunt anni Gothorum regni, ab exordio Athanarici regis usque ad istum Sisebutum; anni ccl. unus. ERA DCLXVI. Explicit historia Gothorum.

## INCIPIT HISTORIA WANDALORVM.



ANDALI cum Alanis & Sueuis pariter Hispanias ingrediuntur. Hi pace inter se inita, sorte ad inhabitandum sibi prouinciarum diuidunt regiones. Galliciam Wandali & Sueui occupant. Alani Lusitaniam & Carthaginensem prouincias. Wandali autem cognomine Silingi Beticam sortiuntur. Hispani autem per ciuitates & castella residua barbaris dominantibus se subiungunt. In Hispaniis Gundericus primus rex Vandalorum successit, regnans in Gallicia partibus annis xvi. qui dum rupto fœdere pacis Sueuos in Nervosis montibus obsideret, relicta tandem Gallicia cum omnibus

Wandalis ad Beticam transiit: captaque Hispalis cum inreuerenter in Ecclesias ipsius ciuitatis manus extendisset, mox Dei iudicio demone correptus interiit. Cui Gesericus frater suus ex Catholico apostata factus succedit in regnum annorum sexaginta: qui de Beticæ prouinciæ litore ad Mauritaniam venit, & Africa relicta in Hispaniam transfretaui. Cui Valentinianus occidentis Imperator non valens obsistere, pacem mittit, & partem Africa quam Wandali possederant tanquam pacifico tradidit, conditionibus ab eo sacramenti acceptis ne quid amplius inuaderet. Ille autem sacramenti religione violata Carthaginem peruadit, Siciliam depredatur, Panormum obsidet, Arrianam pestilentiam per totam Africam intromittit, sacerdotes Ecclesiæ expellit, martyres plurimos efficit. Aduersus quem Theodosius minor Orientis Imperator bellum præparauit, quod ad effectum non venit. Hunis enim Thraciam Illyricumque vastantibus, exercitus Wandalorum à Sicilia reuocatur, & ad defendendos Thraces & Illyrianos transmittitur. Geisericus autem non contentus solis Africa vastationibus, nauibus aduectus Romam ingreditur, direptisque opibus Romanorum per quatuordecim dies, relicto Valentiniano, filias eius multaque millia captiuorum secum tulit. moxque Carthaginem rediit, & per legatos postulata pace à Valentiniano filias eius ei Constantinopolim mittit, sicque post multarum prouinciarum clades & Christianorum spolia atque neces moritur regni sui anno sexagesimo. Hunericus autem filius eius regnavit annis septem, mensibus quinque, habens in coniugio Imperatoris Valentiniani filiam, quam pater eius Roma captiuam cum matre abduxerat, qui & ipse Arriano suscitato furore Catholicas per totam Africam atrocior patre persequitur Ecclesias, tollit sacerdotes, & cuncti ordinis clericos in exilium mittit: monachos quoque atque laicos quatuor circiter millia exiliis durioribus relegauit, martyres fecit, confessoribus linguas abscidit, qui linguis abscessis perfecte usque ad finem suum locuti sunt. Tunc Latus Leptensis ciuitatis Episcopus glorioso martyrio coronatur. Venericus autem inter innumerabiles suarum impietatum strages, quas in Catholicos exercuerat, octauo regni sui anno ut Arrius pater eius interioribus cunctis effusus miserabiliter vitam amisit. Cui succedens Guntabudus regnavit xii. annis, qui statim pacem Ecclesiæ donauit, & Catholicos protinus ab exilio reuocauit. Quo defuncto Trasemudus regnavit annis xxvii. mensibus quatuor. Iste Arriana insania plenus Catholicos insectatur, Ecclesias claudit, in Sardinia exilio ex omni Africana ecclesia cxx.



Episcopos mittit. Apud Carthaginem moritur. Post quem regnavit Hildiris ex filia Valentiniani Imp. genitus a Geisericis captivata, qua Hunerico filio suo fuerat iuncta. Regnavitq. Hildiris annis septem & tribus mensibus. Iste sacramento à prædecessore suo Trasemundo fuerat obstrictus, ne Catholicis in regno suo Ecclesias aperiret, aut privilegia restitueret. priusquam regnaret, ne religionem sacramento violaret, præcepit sacerdotes Catholicos ab exilio reduci & Ecclesias aperiri. Quem Gili-mer assumpta tyrannide regno priuavit, & cum filiis carceris custodia mancipavit. Post hæc Gilimer tyrannus regnavit annis tribus, mensibus octo: qui multos nobilium Africa provincie crudeliter extinxit, multorumq. substantias tulit. aduersus quem Iustinianus Imp. incitatione Latii Episcopi, qui ab Hunerico Wandalorum rege martyr fuerat factus, exercitum in Africa Belisario magistro militum duce mittit: quem Belisarius cum omni gente Wandalorum prælio fugavit. Africam cepit cētesimo xvii. Wandalorum ingressione anno. In ipso autem Belisarii occurso, priusquam congressio fieret, Gilimer tyrannus Hildirim regem cum quibusdam generis eius affinibus occidit. Belisarius Gilimerum tyrannum capit, & eum cum diuitiis suis ex rapinis provinciarum Africa conquestis Constantinopolim Iustiniano Imperatori duxit: sicq. regnum destructum est & finitum Wandalorum. Fiunt simul à primo anno Gunderici Regis, quo in Hispaniam ingressus est, usq. ad Gilimeri casum & Wandalorum interitum anni cxx. tres & menses septem.

Explicit historia Wandalorum.

## INCIPIT HISTORIA SVEVORVM.



VEVI duce Hermerico rege cum Alanis & Wandalis simul Hispanias ingressi sunt ERA ccccxcvii. Hi Galliciam cum Wandalis occupant. Wandalis autem transeuntibus Africam, Galliciam soli Suevi sortiti sunt: quibus præfuit Emericus annis quatuordecim. Gallici autem in parte provincie regno suo utebantur quos Emericus assidua vastatione depradans tandem ob morbi dolorem eis pacem dedit: quo morbo diutissime per annos septem oppressus interiit. Post quem Riccila filius eius successit & regnavit annis octo. Hic iubete patre ab eo missus Vndeobotum Romanæ militie ducem cum suis omnibus copiis ad Sinzillium Betica fluvium inito bello prostravit, magnis eius auri argentiq. copiis occupatis. Post obitum autem patris suscepto regno, Hispania ab eo optenta cum Betica, Carthaginenses provincias in suam redegit potestatem. Quo defuncto Rectarius succedit in regnum annis novem. Hic accepta in coniugio Theodoridi regis Gothorum filia in initio regni sui depradatur. Mox ad Theodoridum socerum suum profectus Cesar Augustanam regionem cum auxilio Gothorum rediens depradatur, irruptaq. per dolum Ilerdensi urbe egit ibi magnam captivitatem. Ad ultimum dum Theodoridus rex Hispaniam ingrederetur, inito prælio aduersus eum, primo fugatus, deinde captus occiditur. Occiso Rectario Suevi bifarie diuisi: pars Fratan, pars Masdras sibi regem constituunt. Masdras autem cum manu Sueuorum statim Lusitaniam depradatur, acta illuc Romanorum cade prædisq. contractis. Civitas etiam Olisepona sub specie pacis intratur. Nec mora, Fratan mortuo, Suevi, qui cum eo fuerant, ad Masdras reuertuntur: regionem Gallicie adhaerentem flumini Durio depradantur. Masdras autem peracto tertio anno regni sui ingulatur. Quo extincto inter Frumarium & Remismundum Masdra filium oritur de regni potestate dissensio. Sed Frumarius, cum manu quam habebat, Flaviensem civitatem grandævultu excidio. Remismundus autem vicina sibi pariter Arigensium loca & Lucensis conuentus maritima populatur. Frumario autem mortuo, Remismundus omnes Sueuos in suam ditionem reuocat pacem cum Gallicis reformat, legatos fœderis mittit ad Theoderidum regem Gothorum: à quo etiam per legatos et arma & coniugem quam haberet, accepit. Tertio regni anno ad Lusitaniam transiit Cimbricam pace deceptam diripit. Olisepona quoque ab eo occupatur: ciues vero qui illic præerant custodiendos tradidit Lusidio. Huius tempore Alax natione Galata, effectus apostata & Arrianus, inter Sueuos regis sui auxilio fidei Catholica hostis emerfit. cuius seductione Suevi à fide Catholica recedentes, in Arrianum dogma declinant. Post multos deinde reges regnum Sueuorum suscepit Theudemirus qui fidem Catholicam adeptus, Arrianæ impietatis errore destructo Sueuos unitati fidei reddidit. Huius temporibus Martinus monasterii Dumienensis episcopus fide & scientia claruit. Cui studio & pax ecclesie reddita est, & multa monasteria condita. Post Theudemirum, Miro Sueuorum princeps efficitur, & regnavit annis xii. Hic bellum secundo regni sui anno contra Roccones intulit: deinde in auxilium Liuvigildi Gothorum regis aduersus rebellem filium ad expugnandam Hispalim pergit, ibiq. vitæ terminum clausit. Cui Ebnricus filius in regnum succedit: quem adolescentem Audicas assumpta tyrannide regno priuat, & monachum factum in monasterio damnat, pro quo non dilata est sententia. mox enim Liuvigildus Gothorum rex Suevis bellum inferens, o-

ptenti



no eodem regno Audicam deiecit, atque deponso eo; post regni honorem, presbyterii officio conse-  
nit. Sic enim oportuit, ut quod regi suo fecerat; rursus idem ab alio congrua meriti vicissitudine  
eretur. Regnum autem Sueuorum deletum in Gothos transfertur, quod mansit annis centum  
sex.

Explicit historia Sueuorum.

## CHRONICA REGVM WISIGOTHORVM.

**E**R A quadringentesima  
in Gothis primus Rex A-  
tanaricus efficitur. Post  
hunc Alaricus. Quo in  
Italia mortuo, Ataulfus  
eligitur. Isto regnan-  
te, Gothi relicta Italia, Gallias ac postea Hi-  
spanias occupant. Anni vero regni hac summa  
notantur.

Atanaricus regnavit annos XII.  
Alaricus regnavit annos XXVIII. in Italia.  
Ataulfus regnavit annos VI.  
Gericus regnavit annos VII. alibi semis. tan-  
tum D.

Alia regnavit annos III.  
Reccaredus regnavit annos XXXIII.  
Eurisodus regnavit annos III. alibi unum.  
Reudericus regnavit annos VII. alibi XIII.  
Alaricus regnavit annos XV.

Alaricus regnavit annos XXII.  
Alaricus regnavit annos III. & in latebra an-  
num I. alibi XV.

Reudericus de Italia regnat in Hispania tute-  
lam agens Amalerico nepoti suo per consules  
annos XLI.

Alaricus regnavit annos V.

Reudi regnavit annos XVI. menses VI.

Reudisclus regnavit annum I. menses VI. dies

XIII.

Alaricus regnavit annos V. menses VI. dies XIII.

Alaricus regnavit annos XV. menses VI.

Alaricus regnavit annos V. & alibi XIII.

Alaricus regnavit annum I.

Alaricus regnavit annos XVIII.

Alaricus regnavit annos XV. menses VI. dies X.

Alaricus regnavit annum I. menses VI.

Alaricus regnavit annos VI. menses X.

Alaricus regnavit annum I. menses X. dies

XIII.  
Sisebutus regnavit annos VIII. menses XI. dies  
XVI.

Item Reccaredus regnavit annos III.

Suuintila regnavit annos X.

Sisenandus regnavit annos IIII. menses XI. dies

XVI.

Chintila regnavit annos III. menses VII. dies

VIII.

Tulga regnavit annos II. menses IIII.

Chindasvundus solus regnavit annos VI. men-

ses XII. dies XX.

Item cum filio suo Reccesuindo rege regnavit an-

nos IIII. menses VIII. dies XII. obiit pridie

Kal. Octobris, Era DCLXI.

Reccesuindus solus regnavit annos XXIII. menses

VII. dies XI.

Obiit Kal. Sept. D. IIII. feria, hora III. Era DCCX.

anno incarnationis domini nostri Iesu Chri-

sti DCCXXII. anni Cycli decenoualis VIII.

luna III. Idem cum patre suo regnavit annos

IIII. menses VIII. dies XI.

Suscipit autem dominus Wamba regni gubernacula

eodem die quo ille obiit in supradictis

Kalend. Septembribus, dilata vñctionis sol-

lemnitate usq; in diem XIII. Kal. Octobris,

luna XXI. Era qua supra. Idem quoque glori-

osus Wamba Rex regnavit annos VIII. menses

I. dies XIII. Accepit quoq; pñitētiā prae-

dictus princeps die Dominico exeunte hora

noctis prima, quod fuit pridie Idus Octobris,

luna XV. Era DCCXVI. II.

Suscipit autem succedente die secunda feria glo-

riosus dominus noster Ervigius regni sceptrum,

quod fuit Id. Octobris, luna XVI. Era DCCXV-

III. dilata vñctionis sollempnitate usque in

superuenientem diem Dominicum, quod fuit

XIII. Kalendas Novembrii luna, XXI. Era

qua supra.



# INCIPIVNT TITVLI LIBRORVM XII. LEGIS WISIGOTHORVM.

## DE INSTRVMENTIS LEGALIBVS. LIBER I.

- I. Titulus De legislatore.
- II. Titulus De lege.

## DE NEGOTIIS CAVSARVM. LIBER II.

- I. Tit. De iudicibus & indicatis.
- II. Tit. De causarum exordiis.
- III. Tit. De mandatoribus & mandatis.
- IIII. Tit. De testibus & testimoniis.
- V. Tit. De scripturis valituris & infirmandis, ac defunctorum voluntatibus conscribendis.

## DE ORDINE CONIVGALIS. LIBER III.

- I. Tit. De dispositionibus nuptiarum.
- II. Tit. De nuptiis illicitis.
- III. Tit. De raptu virginum vel viduarum.
- IIII. Tit. De adulteriis.
- V. Tit. De incestis & apostatis, atque masculorum concubitoribus.
- VI. Tit. De diuortiis nuptiarum & discidio sponsorum.

## DE ORIGINE NATVRALI. LIBER VI.

- I. Tit. De gradibus.
- II. Tit. De successionibus.
- III. Tit. De pupillis & eorum tutoribus.
- IV. Tit. De expositis infantibus.
- V. Tit. De naturalibus liberis.

## DE TRANSACTIONIBVS. LIBER V.

- I. Tit. De Ecclesiasticis rebus.
- II. Tit. De donationibus generalibus.
- III. Tit. De patronorum donationibus.
- IV. Tit. De commutationibus & venditionibus.
- V. Tit. De commendatis & commodatis.
- VI. Tit. De pignoribus & debitis.
- VII. Tit. De libertatibus & libertis.

## DE SCELERIBVS ET TORMENTIS. LIBER VI.

- I. Tit. De accusationibus criminorum.
- II. Tit. De maleficis & consulentibus eos atque veneficis.
- III. Tit. De excutientibus partem hominum.
- IIII. Tit. De contumelia vulnere & debilitatione hominum.
- V. Tit. De cade & morte hominum.

## DE FVRTIS ET FALLACIIS. LIBER VII.

- I. Tit. De iudicibus furti.
- II. Tit. De furibus & furtis.
- III. Tit. De usurpatoribus & plagiatoribus metacipiorum.
- IV. Tit. De custodia & sententia damnatorum.

- V. Tit. De falsariis scripturarum.
- VI. Tit. De falsariis metallorum.

## DE INLATIS VIOLENTIIS ET DAMNIS. LIBER VIII.

- I. Tit. De inuasionibus & direptionibus.
- II. Tit. De incendiis & incensioribus.
- III. Tit. De damnis arborum, hortorum & frugum quarumque.
- IIII. Tit. De damnis animalium vel diuersarum rerum.
- V. Tit. De pascendis porcis, & animalibus errantibus denunciandis.
- VI. Tit. De apibus & earum damnis.

## DE FVGITIVIS ET REFVGIENTIBVS. LIBER IX.

- I. Tit. De fugitiuis & occultatoribus, fugasque praeuenientibus.
- II. Tit. De his qui ad bellum non vadunt, a bello refugiant.
- III. Tit. De his qui ad Ecclesiam confugium faciunt.

## DE DIVISIONIBVS ET TEMPORIBVS ATQVE LIMITIBVS. LIBER X.

- I. Tit. De diuisionibus & terris a placito datis.
- II. Tit. De quinquagenariis & tricennalibus poris intentione.
- III. Tit. De terminis & limitibus.

## DE AEGROTIS, MEDICIS ET MORIVIS ET TRANSMARINIS NEGOTIATORIBVS. LIBER XI.

- I. Tit. De medicis & aegrotis.
- II. Tit. De inquietudine sepulchrorum.
- III. Tit. De transmarinis negotiatoribus.

## DE REMOVENDIS PRESSVRIS ET OMNIUM HAERETICORVM SECTIS EXTINGCTIS. LIBER XII.

- I. Tit. De temperando iudicio & remouenda pressura.
- II. Tit. De omnium haereticorum atque Iudeorum cunctis erroribus amputandis.
- III. Tit. De nouellis legibus Iudaorum, quae vetera confirmantur & noua adiecta sunt.

LEGI





# LEGIS WISIGOTHORVM

## LIBER PRIMVS.

Index Capitulorum Tituli Primi qui est,

### DE LEGISLATORE.

- I. *Quod sit artificium condendarum legum.*
- II. *Quo modo uti debeat artifex legum.*
- III. *Quid requirendum est in artifice legum.*
- IV. *Qualis erit in videndo artifex legum.*
- V. *Qualis erit in consiliando artifex legum.*
- VI. *Qualis erit in eloquendo artifex legum.*
- VII. *Qualis erit in iudicando artifex legum.*
- VIII. *Qualis in publicis, qualis erit in privatis artifex legum.*
- VIIII. *Quod dare debeat legibus disciplinam artifex legum.*

#### I. *Quod sit artificium condendarum legum.*

**S**ALVTARE daturi in legum constitutionem præconium, ad nouam operationis formam antiquorum stit diis novos artus aptamus; referantes virtutem tam formandæ legis quam peritiam formantis artificis: Cuius artis insigne ex hoc decentius probabitur, enitere, si non ex coniectura trahat formam similitudinis, sed ex veritate formet speciem sanctionis: neque syllogismorum acumine figuras imprimat disputationis, sed puris honestisque præceptis modestè statuat articulos legis. Etenim ut ars operis huius se in hac dispensatione componat, ordo magnæ ratiocinationis exoptat. Namque cum experimenta rerum manus tenet artificis, ad dispositionem formæ frustra quæritur inuestigatio rationis. In inprotutis certè acuta se expetit ratio indagatione cognosci: in non ignotis autem, experimento faciendi se ptope- rat referari. Latentis ergo rei, quia species ignoratur, non immerito considerationis ordo requiritur: Cum verò expertos vltus in speculo visionis fides veritatis adducit, non iam materia formæ ratiocinationem dicti, sed operationem facti deposcit. Vnde nos melius mores, quam eloquia ordinantes, non personam oratoris inducimus, sed rectoris iura disponimus.

#### II. *Quo modo uti debeat artifex legum.*

**F**Ormandarum ergo artifex legum non disceptatione debet uti, sed iure: nec videri cōgruum sibi contentione legem condidisse, sed ordine. Ab illo enim negotia rerum nō expetunt in theatriali fauore clamorem, sed in exoptata saluatione populi legem manifestam.

#### III. *Quid requirendum est in artifice legum.*

**T**Vnc primum requirendum est, ut id quod inducitur, possibile credatur. Nouissime ostendendum, si non pro familiari compendio, sed pro vtilitate populi suadet: ut appareat eum, qui legislator existit, nullo priuato cōmodo, sed omnium ciuium vtilitati



communimentum præsidiumque opportuna legis inducere.

IV. *Qualis erit in viuendo artifex legum.*

*\* cōstitutio.* **E**Rit consequenter idem lator iuris ac legis mores eloquiis anteponens: ut <sup>†</sup> contio illius plus virtute personet quàm sermone: sicque quid dixerit, amplius factis quàm dictis exornet: priusque promenda compleat quàm implenda depromat.

V. *Qualis erit in consiliando artifex legum.*

*\* parus.* **E**Rit in adinventione deo sibi que tantummodo conscius, consilio probis & <sup>†</sup> paucis admixtus, assensu ciuilibus populisque communis: ut aliena prouisor salutis, commo-  
dius ex vniuersali consensu exerceat gubernaculum, quam ingerat ex singulari potestate iudicium.

VI. *Qualis erit in eloquendo artifex legum.*

*\* prodiderit.* **E**Rit contionans eloquio clarus, sententia non dubius, euidentia plenus: ut quicquid ex legali fonte <sup>†</sup> prodierit, in riolis audientium sine retardatione recurrat: totumque qui audierit, ita cognoscat, ut nulla hunc difficultas dubium reddat.

VII. *Qualis erit in iudicando artifex legum.*

*\* prauitudo.* **E**Rit iudicans in indagando viuax, in <sup>†</sup> præueniendo fixus, in decernendo non anxius, in percutiendo parcus, in parcendo assiduus, in innocente vindex, in noxio temperatus, in educa sollicitus, in indigena mansuetus. Personata tanto nesciat accipere quanto & contemnat eligere.

VIII. *Qualis in publicis, qualis in priuatis erit artifex legum.*

**E**Rit, quæcunque sunt publica, patrio rectoris amore: quæcunque priuata, herili dispensaturus ex potestate: ut hunc vniuersitas patrem, paruitas habeat dominum. sicque diligatur in toto, ut timeatur in paruo: quatenus & nullus huic seruire paueat, & omnes eius amorem morte componendum exoptent.

VIII. *Quod dare debeat legibus disciplinam artifex legum.*

*† cōsideratio*  
*\* enim et*  
*cuiusque.* **T**VM deinde sciat in hoc maximè stare, grauitatis publicæ gloriam, si det & ipsis legibus disciplinam. Nam cum salus tota plebium in <sup>†</sup> consecrando iure consistat, leges ipsas corrigere debet antequam mores. Veniunt <sup>†</sup> etiam ut cuique libet in contentione, & leges pro arbitrio suo ferunt. Induunt sibi fictam de grauitate ac pudore personam. adeo ut illis sit lex publica, inhonestas priuata. Sicque obtentu legum, contraria legibus adoperiunt, qui, vigore legis, obuia legibus euellere debuerunt.

II. TITVLVS DE LEGE.

I. *Quid obseruabit legis lator in legibus suadendis.*

II. *Quid sit lex.*

III. *Quid agit lex.*

III. *Qualis erit lex.*

V. *Quare sit lex.*

VI. *Quod triumphet de hostibus lex.*

I. *Quid obseruabit legis lator in legibus suadendis.*

**I**TEM in suadendis legibus erit plena causa dicendi, non ut partem orationis meditando videatur gratia optinere, sed desideratum perfectionis optinuisset laborem. In earum namque formationibus non sophismata disputationis, sed virtutem iuris mauult causa discriminis. Queritur etiam illic, non quid contentio dicat, sed quid actio promat. Quia & excessus morum non coercendi sunt cothurno loquutionum, sed temperamento virtutum.

II. *Quid sit lex.*

*† nuncia.* **L**EX est æmula diuinitatis, antistes religionis, fons disciplinarum, artifex iuris, boni mores inueniens atque componens, gubernaculum ciuitatis, iustitiæ <sup>†</sup> nunciatrix, magistra vitæ, anima totius corporis popularis.



III. *Quid agit lex.*

Ex <sup>†</sup> agit omnem ciuitatis ordinem, omnemque hominis ætatem: quæ sic foeminis <sup>† regis</sup> datur, vt maribus: iuuentutem complectitur & senectutem: tam prudentibus quàm indoctis, tam vrbaniis quàm rusticis fertur. Quæ summum salutis principum ac populorum culmen optinet, & cum manifesto præclaroque præconio in modum lucidissimi solis effulget.

III. *Qualis erit lex.*

Ex erit manifesta, nec quemquam in captionem ciuium deuocabit. Erit etiam secundum naturam, secundum consuetudinem ciuitatis, loco temporique conueniens, iusta & æquabilia præscribens, congruens, honesta & digna, utilis, necessaria. In qua præuidendum est ex utilitate quæ prætenditur, an plus commodi, an plus iniquitatis oritur: vt dinosci possit, si plus veritati prospiciat publicæ, quàm religioni videatur obesse: ac sic honestatem tueatur, vt non cum salutis periculo arguat.

† an 6.

V. *Quare fit lex.*

Fieri autem leges hæc ratio cogit, vt earum metu, humana coërceatur improbitas, sitque tuta inter noxios innocentium vita, atque in ipsis improbis formidato supplicio frenetur nocendi præsumptio.

VI. *Quid triumphet de hostibus lex.*

His in domestica pace ita perfectis, totaque primo à principibus, secundo à ciuibus, ex hinc à populis & à domo iurgiorum peste seclusa, eundum est in aduersis, & obuiandum hostibus potentialiter & fidenter, tanto in externis spe fida victoriæ, quāto nihil erit quod in externis formidari valeat aut timeri. Pacis enim oleo, & legum vino, tota plebiū massa in statu salutari concreta exseret hostibus. inde inuictos vnde illæfos artus producere videntur iustis adiuta legibus tela. Erūtque viri melius æquitate quā telo muniti, vt contra hostem ante iusticiam dirigat princeps, quā vibret spicula miles. Felicius iam domestica æquitas anteibit: quia & sæuiore erunt in hostium populatione mucrones, quos de domibus modeste produxerint leges. Experimentum enim naturalis est rei, vt iusticia illa confodiat hostem, quæ tutauerit ciuem, & externam inde perimat litem, vnde suorum internam possederit pacem. Sicut ergo modestia principum temperantia est legum, ita concordia ciuium victoria est hostium. Ex mansuetudine etenim principū, oboritur dispositio legū. Ex dispositione legū, institutio morū. Ex institutione morū, concordia ciuiū. Ex concordia ciuiū, triūphus hostiū. Sicq; bonus princeps interna regens & externa cōquirens, dum suam pacem possidet & alienā litem obrumpit, celebratur & in ciuibus rector, & in hostibus victor: habiturus post labentia tempora requiem sempiternam: post luteum aurum, cœleste regnum: post diadema & purpuram, gloriæ coronam. Quin potius nec deficiet esse rex. quoniam dum regnum terrenum relinquit, & cœleste conquirat, non erit amisisse regni gloriam, sed auxisse.

# DE NEGOTIIS CAUSARVM LIBER SECVNDVS.

TIT. I. DE <sup>†</sup> IUDICIIS ET IUDICATIS.

- |       |   |       |   |
|-------|---|-------|---|
| i.    | De tempore quo debeant leges emendata valere.                                     |       | qualiter conscribenda sunt scriptura in nomine principum facta. <sup>† iudicib.</sup>   |
| ii.   | Quod tam regia potestas quàm populorum vniuersitas legum reuerentia sit subiecta. | vii.  | De his qui contra principem, aut gentem, aut patriam <sup>†</sup> refugiunt, & <sup>†</sup> refugi sunt. insolentes existunt. |
| iii.  | Quod nulli leges nescire liceat.  | viii. | De non criminando principe, nec maledicendo illi.   |
| iiii. | Quod antea ordinari oportuit negotia principum & postea populorum.                | viii. | De remotis <sup>†</sup> aliarum gentium legibus. <sup>* alienarū.</sup>   |
| v.    | Item de tempore quo debeant leges emendata valere.                                | x.    | Ne excepto talem librum qualis hic qui nuper est editus, alterum quisquam præsumat habere.                                    |
| vi.   | De principum cupiditate damnata, eorumque vitiis ordinandis, &                    |       |   |



- XL. De diebus festis & feriatis, in quibus non sunt negotia exsequenda.
- XII. Vt nulla causa à iudicib. audiatur, quæ legibus non tenetur.
- XIII. Vt terminata causa nullatenus reuoluat: reliquæ vero ad libri huius seriē terminentur, ad adiiciendi leges principibus libertate manente.
- XIV. Quod nulli liceat dirimere causas, nisi quibus aut princeps, aut consensio voluntatis potestatem dederit indicandi.
- XV. Quales causas debeant audire iustadi, & qualibus personis causas audiendas iniungant.
- XVI. Vt iudices tam criminales quam communes terminent causas: pacis autem adsertores & sola regia potestas ordinet, & tantumdem à rege commissa negotia iudicent.
- XVII. De dampnis eorū, qui non accepta potestate presumserint iudicare.
- XVIII. De his qui ammoniti iudicis epistola vel sigillo ad iudiciū venire cōtēpserint.
- XVIII. Si iudex interpellantē audire contēnat, & utrum fraudulenter an ignoranter iudicium promat.
- XX. Si iudex aut per cōmodum aut per ignorantiam iudicet causam.
- XXI. Si iudex dolo vel calliditate aut vnā aut ambas causantium partes dispendia faciat sustinere.
- XXII. Quod primò iudex seruare debet, ut causam bene cognoscat.
- XXIII. Si cuiuscunq; honoris aut ordinis iudex dicatur haberi suspectus, vel si iudex contra legem presumat iudicium dare.
- XXIV. Iudex qualiter faciat iudicatum.
- XXV. De commodis atq; dampnis iudicis vel saionis.
- XXVI. Quod omnis potestatem accipit iudicari, iudicis nomine censetur ex lege.
- XXVII. Vt omne vinculi, quod post datū iniustum iudicium à causidicis fuerit exactum, habeatur inualidum.
- XXVIII. Vt iniustum iudiciū & definitio iniusta, regio metu vel iussu à iudicibus ordinata non valeat.
- XXVIII. De data episcopis potestate distringendi iudices nequiter iudicantes.
- XXX. Item de data episcopis potestate ammonendi iudices nequiter iudicantes.
- XXXI. Vt iudex si à quocunq; fuerit pulsatus nouerit à se petenti reddere rationem.
- XXXII. De dampnis iudicum aliena contingentium.
- XXXIII. De his qui regiam contempserint iussionem.
- XXXIV. De his qui ob noni principis fidē seruādam iurare distulerint, vel de illis qui ex palatino officio ad eius presentiam venire neglexerint.

I. FLS. GLS. RCDS. REX.

De tempore quo debeant leges emendatæ valere.



† aduersitas.

RAGMA suum emendatis legibus assignantes, illud primum in ordine præfationis & loco præmittimus, quia sicut legum euidētia populorum est excessibus utilis, ita sanctionum obscuritas turbat ordines æquitatis. Nam plerumque dum quædam bene ordinata nebuloso verborum tractu consistunt, ipsa sibi repugnantia nutriunt, dum litigantium controuersias lucide non excludunt. Sicque ubi debuerunt finem ferre calumniis, ibi nouos contra se pariunt laqueos captionis. Hinc ergo † diuersitas causarum exoritur, hinc controuersiarum litigantium generantur. Hinc etiam hæsitatio iudicum nascitur, ita ut in finiendis vel compescendis calumniis habere terminum nesciant, quæ utrique natura semper approbantur & dubia. Et ideo quia perstringi tota quæ in controuersia veniunt breui complicatione non possunt: saltem vel quæ in contentione pertractandæ sese gloriosis nostræ celsitudinis sensibus ingesserunt, ea in hoc libro specialiter corrigi & eliminata probitatis sententia decreuimus ordinari. Euidētia videlicet dubiis, præstantia noxiis, clementiora mortiferis, ad apertionem clausis, perfectionem cæptis imprimis institutis, quo nostri regni populos, quos vna & euidentis pax nostri regiminis continet, hæc deinceps institutio correctarum legum ordinandos astringat atq; retēte. Et ideo harum legum correctio, vel nouellarum nostrarum sanctionum ordinata constructio, sicuti in hoc libro & ordinatis titulis posita, & subsequenti est serie annotata, ita ab anno secundo regni nostri, à duodecimo Kalendarum Nouembrium, in cunctis personis ac gentibus nostræ amplitudinis imperio subiugatis innexum sibi à nostra gloria optineat valorem, & inconuulso celebritatis oraculo valitura consistat: ut sicut sublimem in throno serenitatis nostræ celsitudine residente videntibus cunctis sacerdotibus de



II. FLS. GLS. RGDS. REX.

III. NOVITR. EMOTA. FLS. RCDS. REX.

III. FLS. GLS. RCDS. REX.

V. FLS. RCDS. REX.

Tomus III.



personis ac gentibus nostræ amplitudinis imperio subjugatis omni robore decernimus ac iugi mansuras obseruantia consecramus: ita ut relictis illis, quas non æquitas iudicantis, sed libitus impresserat potestatis, euacuatique iudiciis & omnibus scripturis earum ordinatione confectis, hæc solæ valeant leges, quas aut ex antiquitate iuste nouimus, aut tenemus, aut idem genitor noster, vel pro æquitate iudiciorum vel pro austeritate culparum visus est non immerito condidisse, prolatis seu connexis aliis legibus quas nostri culminis fastigium iudiciali præsidens throno coram vniuersis Dei sanctis sacerdotibus cunctisque officiis palatinis iubente domino atque fauente, audientium vniuersali consensu edidit & formauit, ac suæ gloriæ titulis annotauit: ita ut tam hæc quæ iam prolata consistunt, quàm illæ, quas adhuc exoriri uorum negotiorum euentus impulerit, valido ac iustissimo vigore perdurent, & æternæ soliditatis iura retineant.

VI. FLS. RCDS. REX.

*De principum cupiditate dampnata, eorumque initiis ordinandis, & quo modo conscribenda sunt scriptura in nomine principum facta.*

**E**minentia celsitudo terrenæ tunc salubrius sublimia probatur appetere, cum salutis proximorum pia cernitur compassione prodesse. Vnde solet contingere, ut plus commodi de aliena salute conquirit, quam de propria utilitate quisque percipiat. In multis enim quia multorum salus attenditur, maioris lucri summa percipitur: In se autem, quia priuati commodi fructus appetitur, non satis est si vnius beneficii præmia cõquirantur. Hinc & illa regendarum tantumdem salus est plebium, quæ non suos fines priuata voluntate concludit; sed quæ vniuersitatis limites communi prosperitatis lege defendit. Quapropter ne salutaris ordo imperialibus videatur verbis potius optineri quam factis, de sublimitatis optentu reclinamus ad vota supplicum tranquillæ visionis aspectû: ut inde salutaris compassio habeat commodum, vnde turmæ plebium ade præ fuerint supplicationis effectum. Cum igitur præcedentium serie temporum, immoderatio auditas principum sese prona diffunderet in spoliis populorum, ut auget rei propriæ censum ærumna flebilis subiectorum, tandem supernæ respirationis afflatu nobis est diuinitus inspiratum: ut quia subiectis legis reuerentiam dederamus, principum quoque excessibus retinaculum temperantiæ poneremus. Proinde sincera mansuetudinis nostræ deliberatione, tam nobis quam cunctis gloriæ nostræ successoribus adfuturis deo mediante legem ponimus, decretumque diuinalis obseruantia promulgamus: ut nullus regû impulsione suæ quibuscunq; motib; aut factionib; scripturas de quibuslibet reb; alteri debitis ita extorqueat, vel extorquendas instituat quatenus iniuste ac nolenter debitarum sibi quisque priuari possit dominio rerum. Quod si alicuius gratissima voluntate quippiam de rebus à quocunque perceperit, vel pro euidenti præstatione lucratus aliquid fuerit, in eadem scriptura patens voluntatis ac præstiti conditio annotetur, per quam aut impressio principis aut conferentis fraus euidentissime deregatur. Et si patuerit à nolente fuisse scripturam exactam, aut respiscat improbitas principis & euacuet quod male contraxit, aut certe post eius mortem ad eum cui exacta est scriptura vel ad heredes eius res ipsæ sine cunctatione debeant reuocari. Illæ autem res, quæ seclufa omni compressionis argumentatione directo modo transferint in principis potestatem, in eius perenniter iure perdurent; & quicquid ex rebus ipsis idem princeps ordinare voluerit, suæ potestatis arbitrio subiacebit. Verum, ut omne huius negotium actionis roboret sinceritas veritatis, cum quaruncunque rerû scripturæ in principis nomine extiterint factæ, mox testes, qui in eadẽ scriptura subscriptores accesserint, ab his quos elegerit princeps diligentissime perquirantur: si non aliquod indicium aut de impressione principis, aut fraude scripturam facientis modo quocunque cognouerint. Ac sic aut ritè facta series scripturæ permaneat, aut irritè confecta euanescat. Similis quoque ordo de terris, vineis atque familiis obseruetur: si sine scripturæ textu tantummodo coram testibus quælibet facta fuerit definitio. De rebus autem omnibus à tempore Chintilani regis hucusque à principibus acquisitis aut deinceps si prouenerit acquirendis, quæcunque forsitan princeps inordinata reliquit siue reliquerit, quoniam pro regni apice probantur acquisita fuisse, ad successorum tantundem regni decernimus pertinere, ita habita potestate, ut quicquid ex his elegerit facere, liberum habeat velle. In illis autem rebus, quæ ipsi aut de bonis parentum aut de quorumcunque prouenerint successionibus proximorum, ita eidem principi iusque



iurisque filiis, aut, si filii defuerint, heredibus quoque legitimis hereditatis iura patebunt: sicut etiam cæteris lege vel successione patere noscuntur. Quod si aliquid ex rebus de quorumcunque parentum aut proximorum non solum successione, sed etiam qualibet collatione, aut quolibet contractu ad ius ipsius peruenisse patuerit, si contingat hæc inordinata relinqui, non ad successorem regni, sed ad filios vel heredes eius qui conquisiuit, specialiter omnis eadem conquisitio pertinebit. Nam & de illis rebus, quas idem princeps ante regnum aut ex proprio, aut ex iustissimo conquisitu dinoscitur habuisse, irrevocabili ordine aut faciendi exinde quod voluerit potestatem habebit, aut certe filiis eius successio plena patebit. Quod si filii defuerint, legitimis heredibus, ex his quæ inordinata reliquerit, hereditatem adire licebit. Huius sanè legis sententia, in solis principum erit negotiis obseruanda, atque ita perpetim valitura: ut non antea quispiam solum regale conscendat quàm iuramenti fœdere hanc legem se in omnibus implere promittat. Quemcunque verò aut per tumultuosas plebes, aut per absconsa dignitati publicæ machinamenta adeptum esse constiterit regni fastigia; mox idem cum omnibus tam nefariè sibi consentientibus, & anathema fiat, & Christianorum communionem amittat; tam diræ percussione ultione collisus, ut omnis diuini ordinis cultor, qui illi communicare præsumperit, simili cum ipso damnatione dispereat, & pœna tæbescat. Nam & si quis legis huius seriem ex officio Palatino maliuolè detrahendo lacerare voluerit, aut euacuandam quandoque, vel silenter musitans, vel apertè resultans, proloqui detectus extiterit, cunctis Palatinæ dignitatis, & consortiis & officiis mox nudatus, omnium rerum suarum dimidiam partem amittat, & in deputato sibi loco redactus, à totius Palatii maneat societate seclusus. Religiosus etiam qui se in eadem culpa deuoluerit, simili rerum proprietatis suæ dispendio subiacebit.

VII. NOV. EMDAT. FLS. GLS. RCDS. REX

*De his qui contra principem vel gentem aut patriam † refugiunt  
vel insolentes existunt.*

† refugi vel.

Quantis hætenus Gothorum patria concussa sit cladibus, quantisque iugiter quantiatum stimulis profugorum ac nefanda superbia deditorum, ex eo penè cunctis est cognitum, quod & patriæ diminutionem agnoscunt, & per hanc occasionem potius quàm expugnandorum hostium externorum arma sumere sæpe compellimur. Ut ergo tam dira temeritas tandem victa depereat, & in huiusmodi transgressoribus manifesta scelera non relinquantur ulterius impunita, hanc omne per ætuum valituram legem sancimus, ut quicumque ex tempore reuerendæ memoriæ Chintilani principis usque ad annum regni nostri Deo fauente secundum, vel amodo & ultra ad aduersam gentem, vel ad extraneam partem perrexit siue perrexerit, aut etiam ire voluit vel quandoque voluerit, ut sceleratissimo ausu contra gentem Gothorum vel patriam ageret, aut fortasse conetur aliquatenus agere, & captus siue detectus extitit vel extiterit, seu ab anno regni nostri primo vel deinceps quispiam intra fines patriæ Gothorum quamcunque conturbationem aut scandalum in contrarietatem regni nostri vel gentis facere voluerit, siue ex tempore nostri regiminis tale aliquid agere vel disponere conatus est aut fuerit, atque quod indignum dictu videtur, in necem vel abiectionem nostram siue subsequentiū regum intendere vel intendisse proditus videtur esse vel fuerit: horum omnium scelerum vel vnius ex his quisque reus inuentus, irretractabili sententiâ mortem excipiat, nec vlla ei de cætero sit viuendi indulta libertas. Et si nulla mortis ultione plectatur, & pietatis intuitu à principe illi fuerit vita concessa, effossionem perficiat oculorū, secundum quod in lege hæc hucusque fuerat constitutum: decaluatus tamē flagella suscipiat, & sub artiori vel perpetuo erit religandus exilio pœnæ, & insuper nullo vnquam tempore ad Palatini officii reuersurus est dignitatem, sed seruus principis factus, & sub perpetua seruitutis cathena in principis potestate redactus, æterna tenebitur exilii religatione obnoxius: quatenus nec excidium videat quo fuerat nequiter delectatus, & amarissimam vitam ducere se peremittere doleat. Res tamen omnes huius am nefarii transgressoris, vel eius qui morte est pro tali scelere perimendus, vel illius cui vita propter suam nequitiam infeliciſſimè referuabitur, in regis ad integrum potestate consistant: & cui donatæ fuerint, ita perpetim secure possideat, ut nullus vnquam succedentium Regum causam suam & gentis vitiaturus has vllatenus aut ulterius auferre præsumat. Verum quia multi plerumque reperiuntur, qui dum his & talibus prauis



meditationib. occupantur, argumento quodam fallaci in ecclesiis, aut in vxoribus vel filiis atque amicis, seu in aliis quibuscunque personis suas inueniuntur transduxisse vel transducere facultates, etiam & ipsa quæ fraudulenter in dominio alieno contulerat, iure precario reposcentes, sub calliditatis studio in suo denuo dominio possidendam recipiāt: vnde nihil de suis rebus visi sunt amisisse, nisi solum concinnatione falsissima, fides, quasi veridicas videantur scripturas conficere vel proferre. Ideoque hanc nequissimam argumentationem præsentis legis decreto amputare elegimus: vt calcatis vel euacuatis seu rescissis scripturis hac fraude cōfectis quicquid eo quisq; tēpore possidere reperiatur, quo fuerit in prædictis criminib. deprehensus, totum continuo fisci viribus ad integrum applicetur: vt concedere iam dictas facultates, sicut suprà dictum est, cui Rex voluerit, vel facere exinde quicquid elegerit, in suæ potestatis consistat arbitrio. Alio vero quæcunque ab hac fraude aliena inuenta extiterint ordinata legibusque cōfecta, vigore legum maneant solidata: illis ab huius legis sententia personis euidenter exceptis, quibus à præcedētibus regibus culpa dinoscitur fuisse concessa. Nam si humanitatis aliquid cuicunque perfido Rex largiri voluerit, non de facultate eius, sed vnde placuerit principi, tantum ei solummodo concessurus est, quantum hereditatis eiusdem culpæ vigesima portionem fuisse constiterit.

VIII. NOV. EMDATA. FL. GL. RCDS. R.

*De non criminando principe nec maledicendo illi.*

**S**icut in persona principis omnibus prohibemus, aut commouere nequitiam cogitationis, aut manus iniicere vltionis; ita etiam nullum patimur in eum, aut notam ponere criminis, aut verba congerere maledictionis. Sacra namque auctoritas scripturæ, & non iubet accipere opprobrium aduersus proximum suum, & hunc, qui maledixit principem populi sui, demonstrat existere reum. Quapropter quicunque in principem aut crimen iniecerit, aut maledictū intulerit, ita vt hūc de vita sua nō humiliter & silēte admonere procuret, sed huic superbè & cōtumeliosè insultare pertēptet, siue etiā in detractationis eius ignominia, turpia & iniuriosa præsumat: si ex nobilibus idoneisq; personis fuerit, siue sit religiosus, siue etiam laicus, mox detectus fuerit & inuentus, dimidiat omnium rerum suarum partem amittat, de qua idem princeps faciendi, quod sibi placuerit, potestatem optineat. Nam si de vilioribus humilioribusque personis fuerit, aut certe quem nulla dignitas exornauit, quod de illo, vel de rebus eius princeps voluerit iudicandi licentiam habebit. Simili quoque præcepto, defuncto etiam principi ausu opportune interdiciamus detrahendi. Incassum etenim is qui viuit detractationis in defunctum iacula mittit, cum iam defunctus nec institutionibus imbui, nec increpationibus possit argui. Sed quia pro certo illius infamia innotescit, qui frustra in nō sentientem detractationis verba transmittit, ideo idem præsumptor l. verberibus vapulabit, & præsumptioni suæ oportuna silentia dabit. Reseruata cunctis hac plenius libertate, vt principem tam superstitē, quā mortuo, liceat vnicuique pro negotiis ac rebus omnibus, & loquutione quod ad causam pertinet, & contendere sicut decet, & iudicium promereri quod debet. Ita enim proponere nitimur humanæ reuerentiæ dignitati, vt deuotius seruare precibemur iustitiam Dei.

VIII. FL. CND. REX.

*De remotis alienarum Gentium legibus.*

**A**lienæ gentis legibus ad exercitium vtilitatis imbui & permittimus & optamus: negotiorum verò discussionem & resultamus & prohibemus. Quamuis enim loquiis polleant, tamen difficultatibus hærent: adeo cum sufficiat ad iustitiæ plenitudo, & præscrutatio rationum, & competentium ordo verborum, quæ codicis huius series agnoscitur continere, nolumus siue Romanis legibus siue alienis institutionibus modo amplius conuexari.

X. NOV. EMDATA. FL. RCDS. REX.

*Ne excepto talem librum, qualem hunc qui nuper est aditus, alterum quisque præsumat habere.*

† qualis hic

Null



NVllus prorsus ex omnibus regni nostri, præter hunc librum qui nuper est æditus, atque secundum seriem † huius amodo translatus librum alium legum, pro quocunque negotio † in iudicio offerre pertinet, quod si præsumpserit xxx. libras auri fisco perfoluat. Iudex quoque si vetitum librum sibi postea oblatum distumpere fortasse distulerit, prædictæ dampnationis dispendio subiacebit. Illos tamen à dampno huius legis immunes esse iubemus, qui præteritas & anteriores leges non ad confutationem harum legum, sed ad probationem præteritarum causarum proferre in iudicio fortasse voluerit.

XI. FLS. GLS. RCDS. REX.

*De diebus festis & feriatis, in quibus non sunt negotia † exaudienda.*

† exsequen-  
da.

De Dominico neminem liceat exsequutione constringi, quia omnes causas religio debet excludere. In quo nullus ad causam dicendam, neque propter aliquod debitum fortasse soluendum quencquam inquietare præsumat. Diebus Paschalibus nulla patimur quemlibet exsequutione teneri, id est, per xv. dies, septem qui Paschalem solennitatem præcedunt, & septem alios, qui sequuntur. Natiuitatis quoque Domini, Circumcisionis, Epiphaniæ, Ascensionis & Pentecostes, singuli dies simili reuerentia venerentur. Nec non & promissiuis feriis à xv. Kal. Augusti vsque ad xv. Kal. Septembris. In Carthaginensi verò provincia propter locustarum vastationem assiduam à xv. Kal. Iulii vsque ad † xv. Kal. Augusti messiuas ferias præcipimus obseruandas. Et propter vindemias colligendas à xv. Kal. Octobris vsque ad xv. Kal. Nouembris. Omnibus hac constitutione concedimus, ut per hæc tempora, nullus ad causam dicendam venire cogatur, vel sub exsequutione aliqua deputetur, nisi fortè causa de qua compellitur cœpta iam apud iudicem fuisse videatur. Nam procul dubio si inchoata fuisse actio reperitur ad peragendum negotium absque vlla feriatarum dierum obiectione cogendus est ille, qui pulsatur: ita, ut si persona est cui facile credi possit, placito districtus abscedat: si certè sit de cuius fide dubitetur, pro se fideiussorem adhibeat, quatenus peractis temporibus supradictis ad finiendam cum petitore causam, ubi iudex elegerit, remota dilatione occurrat: præter, qui tale crimen admiserint, quos necesse sit sententia mortis puniri. Qui etiam in talibus omnino diebus, & comprehendendi sunt, & ardua in vinculis custodia retinendi, quousque peracto die Dominico, vel feriis supradictis, debita subsequatur eos ultio iudicantis. Messiuis sanè, vel vindemialibus feriis, in criminosas & dignas morte personas, legalis nullatenus censura cessabit. Sed nec illi ista lex excusatum habebit, qui necdum ad iudicium ante cōpulsus, sed tamen sciens se esse quandoquidem cōpellendum, reliquis se temporibus dilatas, ad hoc in prædictis feriis illi à quo pulsandus est se indubitanter ostendit, quia putat se ad causam dicendam nulla legis sanctione posse teneri: quæ tamen aut per placitum distringi præcipimus, quando cum petitore causam finire sit præstus. Aut si forte talis est, de quo despecta sit placiti fides, neque fideiussorem pro se adhibere potuerit apud iudicem, sub custodia maneat: ut expleto tempore feriato, causa pro qua compellitur finem accipiat. Si quis autem contra decretum legis huius agere præsumpserit, & ad iudicem ex hoc querela peruenierit, lictus flagellorum publice extensus accipiat.

XII. ANTIQVA.

*Ut nulla causa à iudicibus audiat, quæ legibus non continetur.*

NVllus iudex causam audire præsumat, quæ legibus non continetur; sed comes ciuitatis vel iudex aut per se aut per exsequutorem suum conspectui principis utraque præsentare partes procuret. quò facilius & res finem accipiat, & potestatis regię discretionem tractetur, quatenus exortum negotium legibus inferatur.

XIII. FLS. RCDS. REX.

*Ut terminatæ causæ nullatenus reuoluantur: reliquæ verò ad huius seriem libri terminentur: adiciendi leges principibus libertate manente.*

Quæcunque causarum negotia inchoata sunt, nondum verò finita, secundum has leges terminari sancimus. Illas autem causas quæ antequam istæ le-



ges à nostra gloria emendarentur, legaliter determinatæ sunt, id est, secundum legum modum, qui ab anno primo regni nostri in præteritis obseruatus est, resuscitari nullatenus patimur. Sanè leges adiiciendi, si iusta nouitas causarum exegerit, principalis electio licentiam habebit: quæ ad instar præsentium legum vigorem plenissimum optinebunt.

XIIII. FLS. GLS. RCDS. REX.

*Quod nulli liceat dirimere causas, nisi quibus aut princeps, aut consensio voluntatis vel informatio iudicum potestatem dederit indicandi.*

**D**irimere causas nulli licebit, nisi aut à principibus potestate concessa, aut ex consensu partium electo iudice trium testium fuerit electionis pactio signis aut subscriptionibus roborata. Nam & hi qui potestatem indicandi à rege accipiunt, siue etiam hi, qui per commissoriam comitum vel iudicum iudiciali potestate vtuntur, vices suas aliis quibus fas fuerit scriptis peragendas iniunxerint, licitum illis per omnia erit: similemque & ipsi, qui informati à iudicibus fuerint, in iudicando, sicut & illi, à quibus determinandi acceperunt vigorem, habebunt in discernendis vel ordinandis quibuscunque negotiis potestatem.

XV. FLS. GLS. RCDS. REX.

*Quales causas audire debeant tyuphadi, & qualibus personis causas audiendas iniungant.*

**C**vm cæteris negotiis criminalium etiam causarum tyuphadi iudicandi concessa licentia sit, criminosos a legum sententiis ipsi iudicare non audeant, sed debitam in eis, vt competit, censuram exercent. Qui tyuphadi tales eligant quibus vicissitudines suas audiendas iniungant, vt ipsis absentibus illi causas, & temperatè discutiant, & iuste discernant.

XVI. FLS. RCDS. REX.

*Vt iudices tam criminales quam communes terminent causas.*

**O**mnium negotiorum causas, ita iudices habeant deputatas, vt & criminalia & cætera negotia terminandi sit illis concessa licentia. Pacis autem assertores, non alias dirimant causas, nisi quas illis regia deputauerit ordinandi potestas. Pacis autem assertores sunt, qui sola faciendæ pacis intentione regali sola destinantur auctoritate.

† RCDS.

XVII. FLS. † CHDS. REX.

*De dampnis eorum qui non accepta potestate præsumpserint iudicare.*

**N**vllus in territorio non sibi commissio, vel vbi ille iudicandi potestatem nullam habet omnino commissam, quemcunque præsumat per iussionem aut faionem distringere, aut in aliquo molestius conuexare, nisi ex regia iussione, vel partium electione siue ex consensu, vel commissoriis atq; informationibus comitum, siue etiam iudicum sicut in lege superiori tenetur iudex quisque institutus. Certe qui non prædictus iudex præsumptuosus inlicitè hæc quæ prohibentur præsumpserit agere, confestim cum causa peruenerit ad prouinciæ ducem, an per se velit, an per quem ipse præceperit, tam inlicitam præsumptionem coercere procuret. Et illi siquidem cui præsumptuosus extitit, si solum contumeliam vel iniuriam fecerit, libram auri coactus exsoluat: si vero rem aliquam temeranter abstulerit, vel auferre præceperit, tantundem cum eadem re quam tulerat, aliud tantum de suo coactus exsoluat. Quod si quicunque iudex seruum suum, vel alienum ad discutienda negotia elegerit deputandum: pro his quæ idem seruus contra iustitiam & leges adtemptauerit agere, ad omnem satisfactionem legis iudex qui hunc ordinauerit, se nouerit detineri. Saio vero seu quisquis fuerit, qui huic obsequens præsum-



præsumptori, alium consenserit comprehendere, distringere, vel aliquid rerum auferre, c. publicè ictus flagellorum accipiat, & præsumptionem tali emendatione coerceat.

XVIII. FLS. † CHDS. REX.

† RCDs.

*De his qui ammoniti iudicis epistola vel sigillo ad iudicium venire contemnunt.*

**I**udex cum ab aliquo fuerit interpellatus aduersarium querelantis ammonitione vniuersæ epistolæ vel sigilli ad iudicium venire compellat: sub ea videlicet ratione, ut eoram ingenuis personis, is qui a iudice missus extiterit, ei qui ad causam dicendam compellitur, offerat epistolam vel sigillum. Et si tali ammonitione conuentus, aut se dilatauerit, aut ad iudicium venire contempserit, pro dilataatione sola quinque auri solidos petitori, & pro contemptu quinque alios iudici coactus exsoluat. Quod si non habuerit unde componat, l. flagellis contemptor idem vel dilatator coram iudice verberetur: ita ut non ei flagellorum ista correptio inducat notam infamiae. Si autem solummodo contemptor extiterit, & non habuerit, unde compositionem exsoluat, absque vlla testificandi iactura, triginta flagella suscipiat. Is autem qui pulsatur, si ad accipiendam ammonitionem iudicis, sese dixerit nullatenus dilataasse vel contempnisse, & hoc nullo poterit teste conuinci, dum sacramentum reddiderit, quod per nullam occasionem vel contemptum hoc fecerit, à dampnis vel flagellis superius comprehensis, habeatur indemnis. Quod si quislibet episcopus ammonitionem iudicis, fretus honore sacerdotali, contempserit, & pro sua persona assertorem dare distulerit, confestim à iudice negotii, seu à prouinciæ suæ duce vel comite compulsus l. solidorum dampnum excipiat. Ex qua summa pecuniæ xx. solidi iudici pro contemptu proficiant: xxx. verò sacerdotis ipsius petitor consequatur. Si certe presbyter, diaconus vel subdiaconus, atque clericus vel monachus, ad accipiendam iudicis epistolam vel sigillum se dilatauerint, aut pro sui persona ad respondendum minimè direxerint prosequutorem, aut contumaciter fuerint contemptores, vnusquisque eorum iuxta legis sententiam, quæ in laicis superius lata est, indicta dampna suscipiat. Et si non habuerit unde componat, eius episcopus moneatur, ut pro eo, si voluerit, satisfacere licentiam habeat. Si autem noluerit, sacramentis coram iudice se nouerit obligandum: quod supradictis personis talem distractionem exhibeat, ut per triginta dierum spatium ieiuniis continuis affligantur. Sufficiatque illis circa Solis occasum per dies singulos panis & aquæ refectioem accipere, quæ contumacis vitam rationabili possit distractione corrigere. Illa omnino distractione seruata, ut si ætatis vel ægritudinis instantia patuerit, quæ hanc disciplinam sustinere non posse demonstrat, tam in clericis cuiuscunque ordinis, quam in laicis, non tam durissimam sententiam castigationis instantia compleat iudicis, sed adhibita consideratione in ægritudine vel ætate ita contemptorem corrigat, ne ipse contemptor, aut langorem maximum, aut debilitationem vel mortem incurrat. Ille verò qui ad implendam communionem iudicis contemptor extiterit, seque ita dilatauerit, ut eum iudex tam facillè reperire non possit, & si post tempus indictum in diebus quatuor non occurrat, si quinta die venerit, omnem huius legis sententiam se nouerit euasurum. Pari modo & qui longius c. millibus conuenitur, si ad xi. diem post tempus institutum occurrerit, hunc nullatenus sanctionis huius poena dampnabit. Similiter & qui in ducetorum millium spatio constitutus, in xx. prima die postquam iussus fuerat, se ipsum iudici præsentauerit ad audiendum, eo modo à iactura legis huius habeatur indemnis. Similis quoque seruabitur ordo, ubi fuerit amplior itineris longitudo. Hi denique quibus tam rationabile tempus adiectum est, si se ulterius dilatantes minimè ad institutum diem superadiectionis occurrerint, confestim iudex ea quæ pars petit querelantis, reseruato negotio dilatatoris, tradere non differat petitori: ita ut si contemptor in postmodum ad negotium dicendum successerit, si xx. primum diem transcenderit, xx. auri solidos cogat exsoluere. Nam & is qui de c. millibus superiorem ordinem præteriens, constitutionem xi. diei fuerit supergressus, & idem x. solidorum dampnum excipiat. De quibus dampnis superius institutis medietatem sibi iudex acquirat, altera verò medietatem pars petentis optineat. Si tamen ammonitum, aut ægritudo ad veniendum nulla suspenderit, aut inundatio fluminum non retinuerit, vel aditum non obstruxerit, in quo montes transitori sunt, conspersio superflua niuium. Quæ necessitas, vtrum cui-



denfer euenierit, an per excusationem videantur opponi, aut idoneis testibus, aut suo iuramento firmabitur.

XVIII. FLS. CHDS. REX.

*Si iudex interpellantem audire contempnat, vel utrum fraudulenter an ignoranter iudicium promat.*

**S**I quis iudici pro aduersario suo querelam intulerit, & ipse eum audire noluerit, aut sigillum negauerit, aut per diuersas occasiones causam eius protraxerit, pro patrocínio aut amicitia nolens legibus obtemperare, & ipse qui petit hoc testibus potuerit approbare, det ille iudex ei pro fatigatione eius tantum quantum ipse ab aduersario suo secundum legale iudicium fuerat accepturus: & ipsam causam ille qui petit, usque ad secundum legale iudicium fuerat accepturus: & ipsam causam ille qui petit, usque ad secundum legale iudicium fuerat accepturus, ita habeat reservatam, ut cum eam proponere voluerit, debita sibi percipiat veritatem. Certe si fraudem aut dilationem iudicis non potuerit petitor approbare, sacramento suam conscientiam iudex expiet, quod eum nullo malignitatis obtentu, vel quolibet fauore, vel amicitia audire distulerit, & propter hoc culpabilis idem iudex nullatenus habeatur. Eidem tamē iudici liceat, ut in vna hebdomada, duobus diebus, vel omnibus meridianis horis, † si voluerit, absque causarum audientia, suæ vacet domui pro quiete. Reliquo verò tempore, prolata sibi negotia frequens, & absque dilatione qualibet examinet.

XX. NOVIT. EMDATA. ANTIQVA.

*Si iudex per commodum aut per ignorantiam iudicet causam.*

**I**udex si per quodlibet commodum male iudicauerit, & cuiusque iniuste quicquam auferri præceperit; ille qui à iudice ordinatus, ad tollendum fuerat destinatus, ea quæ tulit restituat. Nam ipse iudex contrarius æquitati, aliud tantum de suo quantum auferri iusserat, mox reformet: idē ablata re simpla redintegratione cōcessa, pro satisfactioe suæ temeritatis aliud tantum quantum auferri præceperat, de sua facultate, illum quem iniuste dampnauerat, reddat. Quod si non habuerit unde componat, tantum quantum abstulit saltem vel id ipsum ex toto quod habere videtur, illum quem dampnauerat pro omni compositione restituat. Quod si ex omnibus nihil rerum habuerit unde compositionem exsoluat, l. flagella publicè extensus suscipiat. Si autem per ignorantiam iniuste iudicauerit, & sacramento se potuerit † excusare, quod non per amicitiam vel cupiditatem aut per quodlibet commodum, sed tantummodo ignoranter hoc fecerit, quod iudicauit non valeat, & ipse iudex non implicetur in culpa.

XXI. FLS. GLS. CDRS. REX.

*Si iudex dolo vel calliditate aut vnā aut ambas causantium partes dispendia faciat sustinere.*

**T**Ranquillē ac sollicitē instantia † magnitudinis nostræ præmonet iudices omnino non debere dilatare causidicos, ne graui dispendio aliquatenus onerentur. Quod dolo vel calliditate aliqua ad hoc videatur iudex differre negotium, ut vna pars aut ab utraque naufragium perferant, quicquid dispendii super octo dies à die cœptæ actionis causantes pertulerint, reddito sacramento totum eis iudex reddere compellatur. Si autem vel ægritudo vel publicæ utilitatis inductio suspenderit iudicem à peragendo negotio, nullam moram exhibeat litigantibus: sed sub hac eos definitione confestim absoluat, ad causam expediendam, competentī tempore, indubitanter occurrant.

XXII. ANTIQVA.

*Quid primum iudex seruare debeat ut causam bene cognoscat.*

**I**udex ut bene causam cognoscat, primum testes interroget: deinde scripturas interrogat, ut veritas possit certius inueniri, ne ad sacramentum facile veniatur. Hoc n. infl.



et potius indagatio vera commendat, ut scripturæ ex omnibus intercurrent, & iurandi necessitas sese omnino suspendat. In his vero causis iuramenta præstentur, in quibus nullam scripturam vel probationem, seu certa iudicia veritatis, discussio iudicantis inuenit. In quibus tamen causis, & à quo iuramentum datur, pro sola investigatione iustitiæ, in iudicis potestate consistat.

XXIII. FLS. GLS. RCDs. REX.

*Si cuiuscunque honoris aut ordinis iudex dicatur haberi suspectus, vel si iudex contra leges præsumat iudicium dare.*

Si quis iudicem vel comitem aut vicarium comitis seu tyuphadum suspectos habere se dixerit, & ad suum ducendum accedendi poposcerit, vel fortasse eundem ducem suspectum habere se dixerit: non sub hac occasione petitor, ac præsertim pauper quislibet, petatur ultra dilationem: sed ipsi qui iudicant eius negotium, unde suspecti dicuntur haberi, cum episcopo ciuitatis, ad liquidum discutiant atque pertractent; & de quo iudicauerint, pariter conscribant subscribantque iudicium. Et qui suspectum iudicem habere dixerat, si contra eundem deinceps fuerit querelatus, completis prius, quæ per iudicium statuta sunt, sciat sibi apud audientiam principis appellare iudicem esse permissum. Ita ut si iudex vel sacerdos reperu fuerint nequiter iudicasse, & res ablata querelanti restituatur ad integrum, & à quibus aliter, quam veritas habuit, iudicatum est, aliud tantum de rebus propriis ei sit satisfactum. Si certe iniuste contra iudicem querelam intulerit, & causam de qua agitur iuste iudicatam fuisse constiterit, dampnum quod iudex fortiter debuit, petitor fortitur: & si non habuerit unde compositionem exsoluat, e. flagellis extensus publice in eiusdem iudicis præsentia verberetur. Nam si forte quisquam pro utilitate regia aliquid scire se dixerit, aditus ei ad conspectum nostræ gloriæ negari non poterit.

XXIII. FLS. GLS. CNDs. REX.

*Iudex qualiter faciat iudicatum.*

Si de facultatibus vel rebus maximis, aut etiam dignis, negotium agitur, iudex præsentibus utrisque partibus, duo iudicia de re discussa conscribat, quæ simili textu & subscriptione roborata litigantium partes accipiant. Certe si de rebus modicis mota fuerit actio, solæ conditiones, ad quas iuratur apud eum qui victor extiterit, pro ordine iudicii habeantur. De quibus tamen conditionibus, & ille qui victus est, ab eisdem testimoniis roboratum exemplar habebit. Quod si pars, quæ pro negotio quocunque compellitur, professæ fuerit apud iudicem, non esse necessarium à petitore dari probationem, quamlibet parvæ rei sit actio, conscribendum est à iudice, suaque manu iudicio roborandum, ne fortasse qualibet ad futurum ex hoc intentio moueatur. Si vero ordinante iudice una pars testes adduxerit, & dum oportuerit eorum testimonium debere recipi, pars altera de iudicio se absque iudicis consultu substraxerit, liceat iudici prolatos testes accipere; & quod ipsi testimonio suo firmauerint, illi, qui eos protulit, sua instantia consignare. Nam ei, qui fraudulenter se de iudicio sustulit, producere testem alium omnino erit illicitum: qui scilicet hoc sibi tantum nouerit esse concessum, ut antequam testes illi qui testimonium dederunt, morantur, si habuerit quod rationabiliter in eis accuset, patienter audiatur à iudice. Et si accusatus testis fuerit euidenter conuictus, eius testimonium pro nihilo habeatur. Unde & si duo testes non remanserint, qui digni in eodem testimonio mancant, ille qui prius testem optulerat, infra trium mensium spatium testes alios, qui ceptum negotium firment, inquirere non desistat. Quod si inuenire nequiuerit, rem vniuersam ille recipiat, qui eam ante visu fuerat possedisse. Iudex sane de omni-ous causis, quas iudicauerit, exemplar penes se pro compescendis controuersis referuare curabit.

XXV. NOVt. EM. FLS. GLS. CNDs. REX.

*De commodis atque dampnis iudicis vel saionis.*

Cognouimus multos iudices, eo quod per cupiditatis occasionem supergredientes legum ordinem, ex causis tertiam sibi præsumunt tollere partem: propterea nunc



præsenti lege constituitur, ut hæc talis iudicum cupiditas auferatur, & non amplius iudex pro labore suo & pro iudicata causa ac legitime deliberata, quam sicut constitutum fuerat in lege priori de xx. solidis vigesimum solidum præsumat accipere. Quod si quacunq; fraude quisquam super hunc numerum plus auferre temptauerit, omnia quæ legitime debuerat accipere, perdat. Illud verò quod iniuste contra huius legis ordinem super vigesimum solidum tulerit, duplum illi exsoluat, cui hoc auferri præcepit. Similiter quoque quia cognouimus, quod faiones qui pro causis alienis vadunt, maiores pro labore suo mercedes quam merentur accipiunt, propterea simili modo decreto huius legis adiicitur, ut qui pro causis alienis vadunt, decimum tantundem solidum, pro suo labore conquirant. Quod si aliquis super hunc constitutum numerum usurpare præsumperit, & mercedes, quas legitime debuit accipere, perdat, & quidquid super decimū solidum fraude quacunq; perceperit, duplū illi, cui abstulit, reddat. Quam datam commodi summam ex lege tam iudex quam faio de restituta rei compositione conquirant. Id tamen nouiter adiciendum huic legi inuenimus, ut si talis causa occurrerit, unde compositio exsolui minime possit, tunc ab illa ratio præscripta commodi exigenda est iudicis vel faionis, qui aut commodatam sibi rem constituto die reddere non occurrerit, aut qui rei alienæ debitor, vel iniustus possessor extiterit. Pro celebrandis autem diuisionibus, si causa extiterit, iam quoque si utraque pars rei competentia sibi iurare poscit, & debitam sibi partem portionis requirit, ab utrisque partibus prædicta commoda exigenda sunt. Similiter autem & in huiusmodi causis, ubi nulla est culpa præsumptionis usurpata, vel debitum possessorum, hic ordo seruabitur, ut commodum iudicis vel faionis, de utrisque causantium partibus exigatur. Quod si diuisionem quisque cupiens celebrare, dilationem ab herede suo pertulerit: cum hæc causa ab eo, qui dilationem pertulit, iudici intimata extiterit, ab eo iudex commodum suum, vel faionis exigere debet, qui tardus pro ipsa diuisione extitit facienda. Quod si ea quæ iudex ordinare decreuit, faio ꝑ callidus implere neglexerit, res de qua agitur, si vnciam auri vel infra valere constiterit, illi cui res debita est idem faio de suo auri solidum reddat. Si certe plus valuerit, per singulas vncias, singulos solidos pro sua tarditate persoluat. Idem vero si super duas vncias vsque ad libram auri eadem res valere probatur, x. flagella suscipiat. Ac sic crescente auri numero, crescat & poena flagelli. Idem verò faiones, cum pro causis alienis vadunt, si minor causa est & persona, duos caballos tantum, ab eo cuius causa est, accipiat fatigandos. Si verò maior persona fuerit & causa, non amplius quam sex caballos, & pro itinere & pro dignitate debebit accipere.

XXVI. FLS. GLS. CHDS. REX.

*Quod omnis qui potestatem accipit iudicandi, iudicis nomine censeatur ex lege.*

Quoniam negotiorū remedia multimodæ diuersitatis cōpendio gaudent, adeo dux, comes, vicarius, pacis assertor, tyuphadus, millenarius, quingetenarius, cētenarius, decanus, defensor, numerarius, & qui ex regia iussione, aut etiā ex consensu partium, iudices in negotiis eliguntur, siue cuiuscunque ordinis omnino persona, cui debite iudicare conceditur, ita omnes in quantum iudicandi potestatem acceperint, iudicis nomine censeantur ex lege: ut sicut iudicii acceperint iura, ita & legum sustineant siue commoda siue dampna.

XXVII. FLS. GLS. RCDS. REX.

*Ut omne vinculum quod post datum iniustum iudicium à causidicis violentè fuerit exactum, omnino habeatur inualidum.*

Vidimus interdum iustitiam ab iniquis iudicibus & suo loco seclusam, & debito vigore solutam: iniustitiam autem & loco iustitiæ introductam, & multis modis decretorum vinculis alligatam. Quidam enim postquam iudicia iniusta conscripserint, aut vnam aut ambas causantium partes, placitorum inter se nexibus ligant, ne iniuste datum iudicium quandoque iusta contentione resoluant. Adeo ubi non directus, & bene placitus est conuenientiae modus, sed ubi pro comprimenda iuste causantis intentione vel voce reperiuntur quocunque modo definitionum vincula conligata, omnibus modis habeantur inualida, nec sint adinventionis alicuius connexionem firmata.

XXVIII.



XXVIII. FLS. GLS. RCDS. REX.

*Vt iniustum iudicium & definitio iniusta regio metu vel iussu à iudicibus ordinata non valeat.*

Nunquam grauedo potestatis deprauare solet iustitiam sanctionis: quæ dum sæpe valet, certum est, quod sæpe nocet. Quia dum frequenter vigore ponderis iustitiam premit, nunquam in statum suæ rectitudinis hanc redire permittit. Ideoque iustitia sæpe principum metu vel iussu, solent iudices iustitiæ interdum legibus contraria iudicare, propter hoc tranquillitatis nostræ vno medicamine concedimus, duo mala minare decernentes, vt cum repertum fuerit, qualecunque scripturæ contractum, seu quodcunque iudicium non iuste, vel debitis legibus, sed iussu aut metu principum esse confectum, & hoc, quod obuium iustitiæ, & legibus iudicatum est atque concretum, nihilum redeat, & eos qui iudicauerint vel hoc facere coegerint, nullius infamiæ nota conspergat vel rei alicuius dampnum affligat. Qui tamen iudices tunc erunt à legum dampnis immunes, si se iuramento firmauerint, non sua prauitate, sed regio vigore nequiter iudicasse.

XXIX. FLS. RCDS. REX.

*De data episcopis potestate destringendi iudices nequiter iudicantes.*

Quia multimodè occurrere debet miserorum penuriis nostræ remedium pietatis, ideo quemcunque pauperem constiterit causam habere, adiunctis sibi aliis viris honestis, episcopus inter eos negotium discutere vel terminare procuret. Ita vt si contempti se à comite, vel nolle eum acquiescere veritati sacerdos inspexerit, potestatis eius sit eundem comitem legis huius permissione constringere, & emissio iusto iudicio cum rei compositione rem de qua agitur petentibus partibus consignare. Quod si comes iudicium episcopi fuerit contemptus implere, tantum episcopo pro contemptu solo dare cogatur, quantum quintam partem valere constiterit, de re illa vnde actio commota esse videtur. Si vero episcopus, fraudis communionem cum comite tenens, repertus fuerit pauperi facere dilationem, eandem quintam partem eidem episcopus querelanti coactus exsoluat: stante nihilominus sic quoque negotio pauperum, donec iudicium inueniatur veritatis: & comes vel iudex qui hunc audire noluit, ultionem sustineat legis quæ inuenta fuerit iudicio æquitatis.

XXX. ITEM ALIA LEX. DE QVO SVpra.

*De data Episcopis potestate ammonendi iudices nequiter iudicantes.*

Sacerdotes dei, quibus pro remediis oppressorum vel pauperum diuinitus cura commissæ est, Deo mediante testamur, vt iudices peruersis iudiciis populos opprimentes paterna pietate commoneant, quo malè iudicata meliori debeant emendare sententia. Quod si hi qui iudiciaria potestate funguntur, aut iniuste iudicauerint causam, aut peruersam voluerint in quoslibet ferre sententiam: tunc episcopus in cuius hoc territorio agitur, conuocato iudice ipso qui iniustus asseritur, atque sacerdotibus vel idoneis aliis viris, negotium ipsum vna cum iudice, communi sententia, iustissime terminabit. Quod si peruersa contentione iudex ipse permotus iniquum à se datum iudicium exhortante episcopo noluerit reformare in melius, tunc episcopo ipsi licitum erit iudicium de oppressi causa emittere. Ita vt quod à iudice ipso peruersè iudicatum, quodve à se correctum extiterit, in speciali formula iudicii sui debeat adnotare. Sicq; idē episcopus, & eū qui opprimitur, & emissū à se de oppressi causa, iudiciū nostris procuret dirigere sensibus pertractandum: vt quæ pars veritatis videatur habere statum glorioso serenitatis nostræ oraculo confirmetur. Jam verò si iudex eum qui malè opprimitur episcopo dare distulerit, quomodo nostræ gloriæ debeat præsentari, iudex ipse duas auri libras nostræ gloriæ partibus persoluebit.

Tomus III.

Dddd 3



*Vt iudex, si à quocunque fuerit pulsatus, nouerit se petenti reddere rationem.*

**J**Vdex si à quacunque persona fuerit pulsatus, sciat se vel ante comitem ciuitatis, vel ante eos, quos ad suam personam comes elegerit, rationem plenissimā legali ordine redditurum. Sane si regia in hoc negotio fuerit <sup>postulata.</sup>† prastolata præceptio, remoto episcopo aliisque iudicibus, causam qui fuerint iudices instituti terminare curabunt. Et si cœpta iam apud iudicem aut finita, seu apud sacerdotem, siue apud comitem actione, causidicus ille iterū cū regali iussione occurrerit, is qui causā iudicare cœpit seu finiuit, illis rei gestæ redditurus est rationem, qui per regium decretum instituti sunt iudices: quatenus, si malè iudicasse conuincitur, iuxta leges satisfaciatur petitori. Certè si iniuste fuerit aduexatus, legali se nouerit petitor sententia dampnaturum.

XXXII. FLS. RCDS. REX.

*De dampnis iudicum aliena contingentium.*

**C**Vm constet iudices causa remediorum esse creatos, quidam ex his per contrarium quod debuerunt iudicii æquitate defendere, illatis contendunt præsumptionibus impugnare. Accepta nanque auctoritate iudicii præsumunt non debitam in alienis rebus exercere licentiam, & prout cuique liber non metuunt aliorum bonis inferre dispendia noxiæ potestatis. Proinde quicunque iudicum contra iussa & ordines legum de alienis rebus quippiam auferre, vel in eis aliquid noxium præsumpserint agere, iuxta omnem censuram dampni, qua poterant alios iudicare, seueritas legis illos debeat condemnare.

XXXIII. FLS. GLS. RCDS. REX.

*De his qui regiam contempserint iussione.*

**Q**Vicunque ingenuorum regiam iussione contempnere inuenitur, aut taliter se egisse probatur, quo sub calliditatis aliqua fictione proponat & dicat eandem iussione se nec vidisse nec accepisse, dum calliditatis huius fraus manifeste patuerit: si nobilior persona est, tres libras auri fisco persoluat. Si autem talis sit quæ non habeat unde rei summam adimpleat, sine suæ infamia dignitatis centum ictus accipiat flagellorum. Quod si euentus ægritudinis, commotio tempestatis, inundatio fluminis, conspersio niuium, vel si quid ineuitabile noxiæ rei obuissse veris patuerit iudiciis, non erit reus regie iussionis, aut dampni indicti, cui obuia fuit causæ manifestæ necessitatis.

XXXIII. FLS. GLS. REGICA. REX.

*De his qui ob noui principis fidem seruandam iurare distulerint, vel de illis qui ex Palatino officio ad eius præsentiam venire neglexerint.*

**C**Vm diuinæ voluntatis imperio principale caput regnandi sumat sceptrum, non leui quisque culpa constringitur, si in ipso suæ electionis primordio aut iurasse ut moris est, pro fide regia differat; aut si ex Palatino officio fuerit, ad eiusdem noui principis visurus præsentiam venire desistat. Si quis sane ingenuorum de sublimitate principali cognouerit, & dum discussor iuramenti in territorio illo accesserit, vbi eum habitare contigerit, quæ sita occasione se fraudulenter distulerit, in eo ut pro fide regia conseruanda iuramenti se vinculo alliget: aut ille, qui sicut præmissimus ex ordine Palatino fuerit, minimè regis obtutibus se præsentadum ingesserit: quia quid de eo vel de omnibus rebus suis principalis auctoritas facere vel iudicare voluerit, sui sit incunctanter arbitrii. Quod si aut ægritudo illi obstiterit, aut quælibet publicæ utilitatis actio eum retinuerit, ut regis obtutibus se nullatenus præsentet, dum regie electionis sublimitas quibuslibet modis ad eius cognitionem peruenerit, statim per suam iussione id ipsum clementiæ suæ auditibus intimare procuret: qualiter fidei suæ sinceritatem ostendens, huius legis sententiam euadere possit.



II. Titulus  
DE CAUSARVM EXORDIIS.

- I. Quod nullus se ideo denegare poterit respondere petenti, quare causam cum petentis auctore non dixerit.
- II. Vt nulla audientia clamore aut tumultu turbetur.
- III. Vt de plurimis litigatoribus duo eligantur, qui suscepta valeant expedire negotia.
- IV. Vt ambæ partes causantium à iudice vel saione placito distringantur, quo possint ad prosequendum negotium pariter convenire.
- V. Quod ab utraque causantium parte sit probatio requirenda.
- VI. De quantitate itineris, quo alium quisque innocentem fatigare præsumpsit.
- VII. Si quislibet ex alterius iudicis potestate in alterius iudicis territorio habeat causam.
- VIII. De his qui in causis alienis patrocinare præsumpsint.
- IX. Vt petenti seruo alieno respondere ingenuus non recuset.
- X. De his qui negotia sua iuris principalis appetunt examine finienda, & postea reuenientes ad convenientiam redeunt.

I. ANTIQVA.

Quod nullus se ideo denegare poterit respondere petenti, quare causam cum petentis auctore non dixerit.

**N**ULLVS quemcunque repetentem hac obiectione suspendat: vt dicat idcirco se non posse de negotio convenire, quia ille qui pulsar, causam cum eius auctore non dixerit, nec eum aliqua repetitione pulsauerit, excepto si legum tempora obuiare monstraueit.

II. FLS. RCDS. REX.

Vt nulla audientia clamore aut tumultu turbetur.

**A**UDIENTIA non tumultu aut clamore turbetur, sed in parte positis qui causam non habent, illi soli iudicium ingrediantur, quos constat interesse debere. Iudex autem si elegerit auditores alios secum esse præsentis, aut fortè causam quæ proponitur cum eis conferre voluerit, suæ sit potestatis. Si certè noluerit, nullus se in audientiam ingerat, partem alterius quacunque superfluitate aut obiectu impugnaturus, qualiter vni parti nutiri possit impedimentum. Quod si ammonitus quisquam à iudice fuerit, vt in causa taceat, ac præstare causando patrocinium non præsumat, & ausus ultra fuerit parti cuiuslibet patrocinari, decem auri solidos eidem iudici profuturos coactus exsoluat. Ipse verò in nullo resultans contumeliose de iudicio proiectus abscedat.

III.

Vt de plurimis litigatoribus duo eligantur, qui suscepta valeant expedire negotia.

**S**I pars aduersariorum litigatores vna plures habeat, & alia pauciores: iudicantis inter eos erit electio, vt utraq; partes impugnantes se inuicem eligant, qui eorum negotia suscipiant, quia omnes ad causam dicendam consurgere non debebunt. Sed vt diximus ab utraq; parte electi in iudicio ingrediantur, vt nulla pars multorum intentione aut clamore turbetur.

III. FLS. GLS. CHDS. REX.

Vt ambæ partes causantium à iudice vel saione placito distringantur, quo possint ad prosequendum negotium pariter convenire.

**S**EPE negligentia iudicum vel saionum dum duarum partium sponsio non exigitur, vna pars superflue conuexatur. Nam occurrente vno ad placitum & alio differente



non paruum dispendium vni parti concurritur. Statuimus ergo, cunctosque iudices, vel quibuscunque iudicandi potestas est, commonemus: vt quotiens pro quocunque negotio per sponfionem placiti constituendum est tempus, quando, aut vbi causa dicatur vel debitum fortasse reddatur, pars vtraque, hoc est, tam petentis quam petiti, ita placito distingat, vt in constituto die, aut per se aut per mandatarios suos, præsti sint in iudicio, qualiter aut propositum negotium finiatur aut debitum reformetur. Et pars quæ distulerit, ac sese à præfinito die suspēderit, aut si infirmitas eum vel itineris necessitas impēderit, & hoc ipsum suo iudici aut causidico suo non intimauerit, neq; ad peragendū negotium infra tempus alia lege constitutum occurrerit, stāte negotio pēnā placiti sui illi cogatur exsoluere, quæ iuxta suam promissionem in iudicio adesse cōstiterit. Quod si iudex hæc aut faio implere distulerit, & vnam partem placito distringens alterā prætermiserit, pēnam illam qua illum dampnare voluit, quem solū sub placito misit, de suo illi adimpleat, cui placitum visus est exegisse. Certē si in dampno partis alterius, placitū quod ab altero exegit, alteri parti iudex vel faio reddiderit: aut fortasse ruperit vel absconderit, pēnam quidem, quæ in placito inserta fuerat, de suo illi persoluat, pro cuius causa constitutum placitum esse constabat: actionem tamen ille, cui competit, ad peragendam insistat. Dampnum sane quod per placitum in nomine iudicis aut faionis institutum esse dinoscitur, non ad faionem vel ad iudicem ex omnibus pertinebit, sed saluo negotio veritatem habentis, medietatem sibi iudex & faio, & medietatē pars petentis per omnia vindicabit.

V. FLS. CHDS. REX.

*Quod ab vtraque causantium parte sit probatio requirenda.*

**Q**uotiens causa auditur, probatio quidē ab vtraque parte, hoc est tam à petente quā ab eo qui petitur, debet inquiri, & quæ magis recipi debeat, iudicem discernere competenter oportet. Tamen si per probationem rei veritas inuestigari nequiverit, tūc, ille qui pulsatur, sacramentis se expiet, rem vel si quid ab eo requiritur, neq; habuisse, neque habere, neq; aliqua de causa vnde interrogatur se conscisum esse, vel quicquam inde veritatis scire, nec id quod dicitur & illi parti cui dicitur commississe. Et postquam ita iurauerit qui pulsatus est, quinque solidos ille qui pulsauit cogatur exsoluere.

VI. FLS. CHDS. REX.

*De quantitate itineris quo alium quisque innocentem fatigare præsumserit.*

**R**emoueri debet iniuria ab his quorum probatur innocentia, & à molestiis improborum existere aliena. Proinde cum quisque alium ad principis conspectum, vel ad discussionem quorumlibet iudicum, iniuste compulerit ad prosequendum negotium, & mox probata fuerit non iusta petentis esse contentio: si supra quinquaginta millium vel infra quinquaginta millium quamlibet paruum spacium compulsus iniuste exiterit conuexatus, quinque solidos pro iniusta tantundem petitione a petitore percipiat. Si per sexaginta millia, idem iniustus petitor vi. solidos reddat. Ac sic deinceps crescente x. millium numero, singulorum solidorum crescat & numerus: vt per c. millia indebitè fatigato x. solidi à petitore dentur iniusto. Sicq; ex hoc per quinquaginta millia solidos v. & per c. millia crescentibus solidis x. vsque adeo pertueniat summa compositio: his per quinquaginta millia, vsquequo perueneriteductus itineris.

VII. FLS. CHDS. REX.

*Si quilibet ex alterius iudicis potestate, in alterius iudicis territorio habeat causam.*

**S**i quisdam ingenuorum atque seruorum extra territorium in quo commanet, in alterius territorio iudicis causationem habuerit: iudex ad cuius ordinationem idem petitor pertinet, epistolā suā manu subscriptam atque signatam eidem iudici dirigat in qua præmoneat, vt negotium querelantis audire & ordinare non differat. Et si ad ynam conuentionem ipse rationem eius implere distulerit, tunc ille iudex, de cuius territorio



itorio est ille qui petit, de rebus iudicis illius ad quem direxit epistolam; in quibuscunque locis repperire potuerit, tantum usurpet, quantum res illa esse dinoscetur, de qua petitor querelam intulerit. quod eidem petitori possidendū nihilominus dabit. Quam rem ita possideat qui acceperit, ut conseruat aliis rebus de solis frugibus vsum & expensas optineat. Cum verò ille iudex, qui ad epistolam alterius iudicis negotium querelantis audire noluerit, iustitiam ex eodem negotio querelanti priori fecerit, ea quæ ille iudex qui commonuit de rebus eius abstulerat, ipse alteri iudici sine retardatione restituat. De frugibus verò rationabiliter expensis ille qui expendit nihilominus reddat. Quod si postea, iustissimè discussio negotio, inueniatur iudex ille per iniustam petitoris querelam rem indebite amisisse, tunc iniustus petitor, rem quam accepit, illi iudici cuius fuit, ex integro reddat, & aliud tantum de suo ei coactus exsoluat. Quod si iudex ille qui dilationem fecit, rerum suarum possibilitatem in vicino non habet, unde alter iudex qui commonuit, petitori repenset; tunc de territorio eiusdem iudicis differentis cuiuscunque rei tantum auferat, quantum petenti consignet, aut certe obsignatam petitori faciat cessionem, in qua pigneris quantitatem adnotet, per quam petitor præsumendi sibi habeat potestatem. Dum vero ille qui pigneratus extiterit, regi, duci vel comiti, pro tali fuerit pignere querelatus, eadem pigneris dampna quæ idem suggerens pertulit, in quadruplum ei de suo iudex ipse dilationis coactus restituat. Quod si de rebus debitoris petitor pignus abstulerit, ad superiorem satisfactionem iudex teneri non poterit. Certe si idem iudex ammonitus absque dilatione causam audierit petitoris, in qua eum proueniat habere nullatenus veritatem, iudicium per quod eius iniustitia patuit, euidentibus scripturis emittat. De cuius textu exemplar fideliter translatum, suamque manu subscriptum atque signatum iudici, à quo ammonitus fuerat, dirigere non moretur. Et si post hoc æquitatis iudicium patuerit præsumptio pignerantis, ingenuus siquidem ea quæ causa pigneris abstulerit, duplam idem amissam rem, cum simili re in satisfactione restituat. Seruus autem qui talia commisisse detegitur, c. ictus accipiat flagellorum, atque turpiter decaluatus in integrum mox reformet rem quam causa pigneris occupauit. Illi vero qui ad pignerandum conuenerint, si serui sint, & sua sponte concurrerint, centenis & ipsi verberentur flagellis. Si vero ingenui, aliud tantum domino restituant, quantum ei abstulisse probantur, sequestrata illius compositione, qui pignus indebite fecisse conuincitur.

## VIII. ANTIQVA.

*De his qui in causis alienis patrocinare præsumunt.*

Quicumque habens causam ad maiorem personam se propterea contulerit, ut in iudicio per illius patrocinium aduersarium suum possit opprimere, ipsam causam de qua agitur, & si iusta fuerit, quasi victus perdat: liceat iudici, mox ut viderit quemcunque potentem in causa cuiuslibet patrocinare, de iudicio eum abire. Quod si potens contempserit iudicem, & proterue resistens de iudicio egredi vel locum dare iudicanti noluerit, potestatem habeat iudex, ab ipso potente duas auri libras, vnam sibi, alteram patri eius, cui potens ipse aduersarius extitit, profuturas exigere, & hunc cum iniuria violenta à iudicio propulsare. Reliqui vero ingenui siue serui, qui ammoniti à iudice abscedere de iudicio non consenserint, singuli publicè extendantur, & quinquagenis flagellorum ictibus verberentur.

## IX. FLA. CHDS. REX.

*Ut petenti seruo alieno respondere ingenuus non recuset.*

Superflue excusantem lex ideo corripit, ut omnis præsumptio coerceri facillimè possit. Nonnulli enim ingenui seruos alienos ludere prompti sunt, & ad serui petitionem iudicio adesse contempnunt, asserentes se utique cum eo causam dicere non debere, à quo eis componi non poterit, si victores extiterint. Sed ne sub hac dilatione, dum etiam serui dominus, supra quinquaginta milliaria absens est, aut vtilitati domini sui fiat impedimentum, aut ipse seruus indebite perferat fortasse periculum: ita consultissime decernendum eligimus, ut nulli penitus audientia denegetur. Sed si cuiuscunque seruus cum quolibet se asseruerit seu suum siue domini sui vel domini habere ne-



gorium, statim ille contra quem habet, preſtus eſſe ad iudicium compellatur, aut peten-  
ti proculdubio reſponſurus, aut compoſitionis ſumam legaliter impleturus, ſi à ſeruo  
fuerit iuſtiſſime ſuperatus. Ita vt ſi ſeruus quod proponit, conuincere non potuerit, in-  
genuus idem conſcientiam ſuam expiet ſacramentis, ſe nihil horum vnde appellatur,  
ſcire vel habere, neq; feciſſe vel fieri præcepiſſe. Et poſt tale ſacramentum, ſeruus pro  
iniuſta petitione ſicut & ingenuus componere non moretur. Nec tamen pro eadem  
cōpoſitione vltra reſulket dominus eius: tantū vt ſi minor eſt actio, quàm decem ſolidi  
poſſunt valere, ſeruus compoſitionis medietatem, hoc eſt duos ſemis ſolidos cogatur  
exſoluere. Quod ſi infra quinquaginta milliaria, ſerui dominū eſſe conſtiterit, non ali-  
ter ſeruus ingenuum petere poterit, niſi forte per ſe dominus eius in iudicio aſſeſſe non  
poſſit, & ad proponendum à ſeruo negotium, epiſtolam manu ſua ſubſcriptam per eun-  
dem ſeruum iudici deſtinauerit. Quod ſi ſeruus domini ſui proponens negotium, aut  
fraude aut negligentia, domini ſui vitiauerit vel perdiderit cauſam, liceat domino eius,  
eamdem vitiatam cauſam aut per ſe aut per legitimum mādatarium ſuum reuoluere, &  
iuſtiſſimis iterum vocibus partis ſuæ negotium reparare.

X. FLS. GLS. EGIGA. REX.

*De his qui negotia ſua iuris principalis appetunt examine finiendā,  
& poſtea renuentes inter ſe citra principale iudicium  
ad conuenientiam redeunt & pacificare  
preſumunt.*

**S**I cœpta cauſantium negotia, dirimentis non terminet diſcreta cenſura, non ſolū  
difficile ſedantur altercantium iurgia, ſed adiuerſa cauſatur obiectibus iuſtitia per-  
quiſita. Solent enim plerique, poſtquam ſuarum intentionum iurgia principali appetit  
examine finiendā, quandoque reſoluſi licentia, legalem fugiendo cenſuram, ad conue-  
nientia ſinem deducere, quam Regis audiubus protulerant cauſam. Ne ergo ſub frau-  
dis huius ſacramento pars cauſantium iudicalem fori æquitatem effugiat: ideo præſen-  
tis legis ſanctione decernimus, vt quicūque deinceps cauſam ſuam regio intimauerit  
culmini decernendam, nulla ratione ſe de iudicio ſubmoueat, nec quamlibet cum ſuo  
aduerſario conuenientiam agat; ſed tandiu cœpti negotij propoſitionem intendat, do-  
nec regalis clementia ſpeciale partibus iudicium promat. Quod ſi inchoatum nego-  
tium coram principe, vel quos idem princeps arbitrio ſuo elegerit, expedire neglexerit,  
& quamcūque cum ſuo cauſidico definitionem peregerit, tam petitor quàm pulſatus  
tātum regiæ poteſtati perſoluere ſe nouerint, quātum ille cuius petitio exiſterit, pro cau-  
ſa ipſa conquirere poterat: ita videlicet, vt quod regia poteſtas exinde facere vel iudica-  
re decreuerit, in arbitrio voluntatis ſuæ ſubiaceat. Simili quoque dampno & illi mul-  
tandi ſunt, qui iurgia intentionum ſuarum iudicali appetunt examine finiendā, & poſt  
cauſæ initium renuentes iudicium de inchoato præſumpſerint inter ſe depactire nego-  
tio. Sic quoque vt tam iudex quàm ſcio dampni ipſius exſolutionem inter ſe diuidere  
debeant, ſuoque iuri habituram optineant. Quod ſi ipſi cauſidici non habuerint vnde  
dampnum ipſum perſoluant, centenos iſtus flagellorum viriq; accipiant. Et ſic denuo  
iudex ille cauſam ipſam terminandi licentiam habeat. Illos tantundem à legis huius ia-  
ctura indempnes efficiant, quibus aut regia iuſſio licentiam deliberationis indulſerit,  
aut quos iudex ille qui cauſam terminat, inter ſe pacificandos abſoluerit.

### III. TIT.

De mandatoribus & mandatis.

- I. **Q**uod principum & epiſcoporum negotia, non per eos, ſed per ſubditos ſuos ſint agen-  
da.
- II. Vt iudex à litigatore perquirat, vtrum propria an aliena ſit cauſa prolata.
- III. Vt qui per ſe cauſam non dicit ſcriptis aſſertorem informet.
- IV. Vt in perſonis nobilibus queſtio per mandatum nullatenus agitetur, & qualiter humi-  
lior ingenuus ſue ſeruus per mandatum queſtioni ſubdatur.
- V. Vt ſi dilationem in cauſa patitur, qui mandatum fecit, liceat ei immutare mandatum.
- VI. Ne cauſam ſuſcipiat femina per mādaturum, liceat vero ei vt propria exſequatur negotia.

VII. Vt



- VII. *Vt sicut lacrum, ita & dampnum reuertatur ad mandatorem: de commodis etiam mandatum accipientibus.*
- VIII. *Vt si mortuus fuerit is qui mandatum accepit, commodum illi debitum heredes eius accipiant.*
- VIII. *Qualibus personis potentes, & qualibus pauperes prosequendas actiones iniungant.*
- X. *Quod liceat his quibus commissus est fiscus, pro re fiscali quibus voluerint exsequendas iniungere rationes.*

I. FLS. RCDS. REX.

*Quod principum & episcoporum negotia, non per eos, sed per suos sint agenda.*

**M** Agnorum culminum excellentiam, quāto negotiis rerum dare iudicium decet, tanto negotiorum molestiis sese implicare non debet. Si ergo principem vel episcopum cum aliquibus constitit habere negotium, ipsi pro suis personis eligant, quibus negotia sua dicenda committant: quia tantis culminibus videri poterit contumelia irrogari, si contra eos vilior persona in contradictione causæ videatur assistere. Cæterum & si rex voluerit de re qualibet propositionem assumere, quis erit qui ei audeat vllatenus resistere? Itaque ne magnitudo culminis eius euacuet veritatem, non per se, sed per subditos agat negotium actionis.

II. RCDS. REX.

*Vt iudex primum à litigatore perquirat, utram propria an aliena causa sit prolata.*

**I**udex primum à litigatore perquirat, utrum propriam causam dicat, an alienam fortasse susceperit. Interrogetur etiam cuius mandatum habeat. Et postquam causam iudicauerit iudex, comprehendat in iudicio, quem aut ex cuius mandato audierit negotium prosequentem, ac præterea mandati exemplar accipiat illius assertoris apud se, cum iudicati exemplaribus reseruandum. Liceat tamen illi qui pulsatus est, mandatum à petitore coram iudice petere: ut quam ob causam fuerit iudicio præsentatus, vel quid tenor mandati contineat, indubitanter possit agnoscere.

III. ANTIQVA.

*Vt qui per se causam non dicit scriptis assertorem informet.*

**S**i quis per se causam dicere non potuerit, aut forte noluerit, assertorem, per scripturam suæ manus, vel testium signis aut subscriptionibus roboratam dare debet. Ita ut si isdem assertor aliquod conclusionem fecerit, qualiter ab aduersario suo possit in iudicio superari, aliud tantum de facultate sua mandatori restituat, quantum de rebus eius perdidit aut evertit, vel etiam quæ ipse mandator optinere seu acquirere debuit. Seruo tamen non licebit per mandatum causas quorumlibet suscipere, nisi tantum domini vel dominæ suæ, ecclesiarum quoque vel pauperum, siue etiam negotiorum fiscalium.

IIII. FLS. GLS. CHDS. REX.

*Vt in personis nobilibus questio per mandatum nullatenus agitur, & qualiter humilior ingenuus siue seruus per mandatum questioni subdatur.*

**Q**uestionem in personis nobilibus nullatenus per mandatum patimur agitari. Ingenam verò & pauperem personam atque in crimine iam ante repertam, non aliter ex mandato, subdendam questioni permittimus, quam ut mandator de eadem perso-



## LEGIS WISIGOTHORVM

na, non seruo sed ingenuo, per mandatum manu sua subscriptum, vel triū testiū adnotatione firmatū, specialiter cōmittat agendū. Et si fortasse innocentē fecerit tormentis affligi, sciat se idem mandator, censura illius legis noxium retineri, quæ continetur in lib. vi. tit. i. era secunda. vbi præcipitur, pro quibus & qualibus rebus ingenuorum personæ subdendæ sint quæstioni. Reliquas autem criminales causas ita per mandatum liceat committendas, vt, sicut prædictum est, contra personam ingenuam, ingenuo assertori quæstionis actio committatur. Seruum verò per mandatum subdere quæstioni, tam ingenuo q̄ seruo iure conceditur, hæc videlicet constitutione seruata: vt si tormenta vel dampna innocentibus fuerint irrogata, ad omnem satisfactionem mandator iudicis compellatur instantia. Nec dimittendus est tamen is qui mandatum accepit, donec aut mandator sit coram iudice præstus, aut satisfactionem adimpleat legum. Et tamen qui quæstionem ex mandato agitaturus est, ante se vel vt proprii iuris dominus, per placitū vinculum à iudice nouerit obligandum.

### V. ANTIQVA.

*Vt si dilationem in causa patitur qui mandatum fecit, liceat ei immutare mandatum.*

**Q**ui causam alicuius ex mandato susceperit, vt negotium peragatur insistat. Quod si protrahit tempus, & causa quæ forsitan celerius poterat expediri, aut occasionibus superfluis aut fraudulenta dilatione suspenditur, mandator recurat ad iudicem: & qui mandatum acceperat, si malitiæ alicuius aut cupiditatis vel negligentiae vitio, aduersario præsepte vel iudice, susceptum negotium ultra x. dies absque præcepto iudicis dilatauerit, is qui mandauerat, aut per se proponere aut alicui quem elegerit suam liceat committere actionem.

### VI. ANTIQVA.

*Ne causam suscipiat femina per mandatum, liceat verò ei vt propria exsequatur negotia.*

**F**emina per mandatum causam non suscipiat, sed suum proprium negotium in iudicio proponere non vetetur. Maritus sanè non sine mandato causam dicat vxoris, aut certè ante iudicem seu alios quos iudex elegerit, se tali obliget vinculo cautionis, quod vxor negotium eius non reuoluat: & si reuoluerit, dampnum quod cautio demonstrat maritus excipiat, qui sine mandato causam dicere præsumpsit vxoris. Quod si maritus causam q̄ sine mandato coniugis suæ prosequeretur amiserit, vxor nullum præiudicium pertimescat: sed aut per se negotium prosequatur, aut cui voluerit ea quæ ipsi competunt prosequenda commendet. Ita vt si marito per iudicium iuste superato, denuo ad causam dicendam aduersarium illum, qui victor extiterat, pars mulieris crediderit conuexandum, atque in iudicio secundo patuerit eundem eius maritum non indebitè victum fuisse: nouerit eadem mulier non solum se iudici, qui causam prius examinauit sed & illi causidico, quem iteratim ad iudicium compulsi, iuxta legis sententiam esse satisfacturam.

### VII. ANTIQVA.

*Vt sicut lucrum ita & dampnum reuertatur ad mandatorem de commodis etiam mandatum accipientis.*

**S**icut lucrum ita & dampnum, iuxta conditionem mandati, ad eum qui causam mandauerit reuertatur. Ita vt qui causam ex mandato dixerit, & fideliter vt negotium peragatur, institerit, ab eo mandator nec mandatum repetat, nec ipsam postea ad alium transferat actionem. Quia iniustum valde est, vt mercedem sui laboris amittat, qui pro suscepta causa fideliter elaborasse cognoscitur. Ita vt is qui negotium prosequuturus est, ante causæ principium cum mandatore definiat, quantum pro commodo sui laboris finito negotio ab eo sit accepturus. Quod si receptam rem prosequatur infra tres menses redde neglexerit mandatori, quicquid de eadem causa pro quacunque definitione con-



sequi potuit perdat, & mandator iudicis instantia rem sibi competentem accipiat.

VIII. ANTIQVA.

*Vt si mortuus fuerit is qui mandatum accepit, commodum illi debitum heredes eius accipiant.*

**Q**ui mandatum fecit, si mortuus fuerit, antequam causa dicatur, mandatum quod fecerat, non valeat: & qui mandatum suscepit, si antequam causa dicatur fuerit mortuus, mandatum nullam habeat firmitatem. Quod si antequam moreretur, causam dixisse dinoscitur, atque per suam instantiam ad fines usque legitimos perduxisse, & tamen quocunque casu intercedente necdum finita res aut exacta remansit: si ad hunc finem terminum fuerit causa deducta, quo eam ille qui per mandatum secutus est iam ante accelerauerat, omne lucrum quod ipse fuerat habiturus, heredibus eius à mandati partibus exsoluatur.

VIII. FLS. GLS. CHDS. REX:

*Qualibus personis potentes & qualibus pauperes prosequendas actiones iniungant.*

**N**illi liceat potentiori quàm ipse est qui committit, causam suam vlla ratione committere, vt non æqualis sibi eius possit potentia opprimi vel terreri. Nam etiam si potens eum paupere causam habuerit, & per se asserere noluerit, non aliter quàm æquali pauperi aut fortasse inferiori à potenti poterit causa committi. Pauper verò, si voluerit, tam potenti suam causam debet committere, quàm potens ille est cum quo negotium videtur habere.

X. FLS. CHDS. REX.

*Quod liceat his quibus commissus est fiscus, pro re fisci quibuscunque voluerint iniungere rationes.*

**N**illus quidem rerum fiscalium temerator debet existere. Tamen si quandoquidem pro iure fisci contra quemlibet prouenerit intentione moueri, ille cui commissæ res est, apud comitem ciuitatis vel iudicem habebit decentiam legaliter negotium prosequendi. Quem si absentem à loco vbi res agenda est esse contigerit, vel occasio eum quæcunque suspenderit, aut etiam per se proponere fortasse noluerit, eandem utilitatis publicæ actionem per mandatum iniungere prosequendam cui elegerit, sui sit indubitanter arbitrii.

IIII. TIT.

DE TESTIBVS ET TESTIMONIIS.

*De personis quibus testificari non liceat.*

*Quod testibus sine sacramento credi non possit: & si utraque pars proferat testem, cui debeat credi, & si vera testificari neglexerit testis.*

*De investiganda iustitia, si aliud loquatur testis, aliud scriptura.*

*Seruo non credendum, & qualibus regis seruis debeat credi.*

*Ne testes per epistolam testimonium reddant, & qualiter iniungi testimonium possit.*

*De his qui falsum testimonium dicunt.*

*De his qui falsum probantur testimonium protulisse, vel de spatio sex mensium, quo testem liceat infamare, siue vt super mortuum non liceat testimonium dicere.*

*De his qui ad falsum testimonium dicendum alios prouocant, vel seruos alienos ad libertatem impellunt.*

*In quibus causis possunt testificari serui.*

*De his qui se placitorum scriptis obligant, ne pro aliorum causis veritatem dicant.*

*De quibus annis testificari possunt minores.*

Tomus III.

Eccc



I. FLS. GLS. RCDS. REX.

*De personis quibus testificari non liceat.*

Homicidæ, malefici, fures, criminosi, siue venefici, & qui raptum fecerint, vel falsum testimonium dixerint, seu qui ad fortilegos diuinosque contulerint, nullatenus erunt ad testimonium admittendi.

II. FLS. GLS. RCDS. REX.

*Quod testibus sine sacramento credi non possit & si vtraque pars proferat testem, cui debeat credi, & si vera testificari neglexerit testis.*

Iudex causa finita, & sacramento secundum leges, sicut ipse ordinauerit, à testibus dato, iudicium emittat. quia testes sine sacramento testimonium perhibere non possunt. Quod si ab vtraque parte testimonia æqualiter proferantur, discussa prius veritate verborum, quibus magis debeat credi, iudicis æstimabit electio. Certè si ammonitus quisquam à iudice, de re quam nouit testimonium perhibere noluerit, aut si nescire se dixerit, id ipsum etiam iurare distulerit, & per gratiam aut per venalitatem vera suppresserit: si nobilis fuerit, testimonium postea in nullo iudicio dicere permittatur, nec testimonium ipsius recipiatur vltius. Quod si licet ingenuæ, minoris tamen fuerint dignitatis personæ, & testimonio careant, & centena flagella infamati suscipiant, quia non minor reatus est vera suppressere, quam falsa confingere.

III. FLS. CHDS. REX.

*De inuestiganda iustitia, si aliud loquatur testis, aliud scriptura.*

¶ defecerint. **Q**uotiens aliud testis loquitur, quam ea scriptura continet, in qua ipse subscripsisse dinoscitur; quanuis contra scripturæ textum diuersa verborum à testibus sit impugnatio, scripturæ tamen potius constat esse credendum. Quod si testes dixerint, eam quæ offertur scripturam minime roborasse; prolator eius probare debeat, vtrum ab eisdem testibus scripturam fuisse roboratam constiterit. Et si hoc ipse quibuslibet aliis documentis conuincere fortasse nequiderit, experientia iudicis id requirere sollertius curabit. Ita vt pro manus comprobatione testis ille qui negat, iudice præsentem scribat qui etiam plus cogatur scribere, vt veritas facilius innotescat. Vbi scilicet hoc omnino querendum est, vt scripturæ quarantur & præsententur, quas antea fecit siue subscripsit. Et si tota ista defuerint, tunc conditionibus æditis iurare non differat, quod nequaquam illi subscriptor accesserit. Et si postea quocunque modo patuerit, pro extinguenda veritate mentitum eum fuisse, falsitatis notatus infamia, si honestior persona fuerit, quantum ille perdere potuerat, cuius parti testimonium perhibere contempsit, tantum dupla ei satisfactione compellatur exsoluere. Si certe inferior est persona, & vnde duplam rem dare debeat non habeat; & testimonium amittat, & c. flagellorum idus extensus accipiat. In duobus autem idoneis testibus, quos prisca legum recipientes sanxit auctoritas, non solum considerandum est, quam sint idonei genere. hoc est, indubitanter ingenui, sed etiam si sint honestate mentis perspicui, atque rerum plenitudine opulenti. Nam videtur esse cauendum, ne forte quisque compulsus inopitum necessitatem tolerat, præcipitanter periurare non metuat.

III. FLS. GLS. CHDS. REX.

*Seruo non credendum, & qualibus Regis seruis debeat creat.*

**S**eruo penitus non credatur, si super aliquem crimen obiecerit, aut etiam si dominum suum in crimine impetierit. Nam & si etiam in tormentis positus exponat quod obicit, credi tamen illi nullomodo oportebit: exceptis seruis nostris, qui ad hoc regalibus seruitiis mancipantur, vt non immerito Palatinis officiis liberaliter honorentur: id est stab



stabulariorum, gillonariorum, argentariorum, coquorum quoque præpositi: vel si qui præter hos superiori ordine vel gradu præcedunt. quos tamen omnes & regia potestas iugiter non habet incognitos, & nullis eos esse constat prauitatibus aut criminibus implicatos. Quibus utique vera dicendi vel testificandi licentia, sicut & cæteris ingenuis, hac lege conceditur. De reliquis autem ad Palatinum seruitium pertinentibus, quicunque aliquem ad testimonium crediderit aduocandum, non aliter ei fides accommodabitur, nisi regie potestatis electio iusta & honesta permiserit esse credendum, quod ille à se nouerit esse testificandum.

V. FLS. GLS. RCDs. REX.

*Ne testes per epistolam testimonium reddant, & qualiter iniungi testimonium possint.*

**T**Estes non per epistolam testimonium dicant, sed præsentibus quam nouerint non taceant veritatem. Nec de aliis negotiis testimonium dicant, nisi de his tantummodo, quæ sub præsentia eorum acta esse noscuntur. Certè si iidem testes, aut parentes, vel amici, siue ætate decrepiti, vel infirmitate grauati, aut in alia & longinqua provincia constituti, de re quæ ipsis est cognita testimonium aliquibus iniungendum putauerint: & si non sint omnes de vno territorio qui testimonium dicendum committunt, in eo tamen territorio, ubi ille commanet qui plus ex his videtur idoneus, congregentur: & ante eiusdem territorii iudicem, vel coram his quos iudex elegerit: & mandatum faciant idoneis ingenuis quibus voluerint, & de quo illis est cognitum per conditionis seriem iurare procurent, qualiter quibus testificandi vicissitudo committitur, id indubitanter ubi necesse fuerit suo sacramento confirment, quod iurare mandatores suos iustissime & euidentissime per semetipsos audierint. Aliter autem mandatum de talibus negotiis æditum apud omnes iudices erit semper inualidum.

VI. FLS. GLS. RCDs. REX.

*De his qui falsum testimonium dicunt.*

**S**I quis contra alium falsum testimonium dixerit, & in mendacio inueniatur, aut si imple certè dixerit, quod falsum testimonium dedit: si maior loci persona est, det illi de propria facultate sua, contra quem falsum testimonium dixit, tantum quantum per testimonium eius perdere debuit, & se testificare ultra non nouerit. Quod si minor loci persona est, & non habuerit unde componat, ipse tradatur in potestatem illius, contra quem falsum testimonium dixerat, seruiturus. Nam omnino per talium testimonium, qui se primitus falsa testificasse prodiderint, causa ipsa reuolui non poterit: excepto si aliter euidentior ordo veritatis claruerit: id est, aut per legitimū alium & melioratum testem, aut per iustos & legales ordines scripturæ. Quicunque autem vel beneficio corruerit aliquem, vel circumuentione qualibet falsum testimonium dicere per-suaserit, dum euidentis huius rei commentum patuerit, tam auctor sceleris qui in interitum intendit alterius, quam is qui rerum auaritia cupidus testificandi præbuit falsitatis assensum, pari simul sententia ut falsarii teneantur, atque insuper ad aliorum terrorem centenis flagellis, & turpiter decaluati perenni infamiae subiacebunt.

VII. FLS. GLS. ERVIGIVS. REX.

*De his qui falsum probantur testimonium protulisse: & de spatio sex mensium, quo testem liceat infamare, siue ut super mortuum non liceat testimonium dicere.*

**F**Alsorum testium obstinata nequitia, nescit habere modum falsa dicendi, sed crimini crimen nititur copulare periurii. Et ideo quia detestandos huiusmodi sceleris præsumptores diuina lex mortis sententia dampnat: illos scilicet, quos contra fratrem suum falsum dixisse testimonium potestas iudiciaria comprobatur: nos proinde tam nefariis personis autum secundo testificandi subducimus, quos non humanis sed diuinis vocibus iam mortuos approbamus. Et ideo si quis testimonium pro qualibet re in præ-



sentia iudicis dederit, & causa per eius testimonium probata extiterit, si forte in postmodum fauore, terrore, vel munere pulsatus illius causidici, qui victus primum per eius testimonium fuit, dicat se idem testis falsum dixisse testimonium quod primum protulit, & secundo aliud testificare, vnde prima quæ dixerat subuertere velit, stante superiore lege, id nouella tenendum sanctione præcipimus: vt nec testificare illi secundo sit licitum, nec causa ipsa de qua ipse periurus testis ante iurauerat, vltius per eius testimonium reuoluatur: excepto si aliis melioribus & legitimis testibus, siue etiam veridicis scripturis, reuolutio ordinatæ causæ possit accidere, vt secunda determinatione iudicii per alium sicut dictum est testem, vel verissimæ scripturæ ostensionem, licentia sit negotium reparandæ causæ retexere. Nam & si quis causæ suæ cupiens accellerare propositum, testem in iudicio protulerit: si ille contra quem causam habet præfens adfuerit, & quid in reprobatione oblatis testis opponat, nescire se dixerit; res si quidem ipsa de qua agitur, per oblatores testium testimonium, in iure illius, à cuius parte testificauerunt, iudicis instantia contradatur. Illi tamen personæ, quæ se in derogatione prolatis testis, nescire se dixerit quod obicere possit, licentiam consulta pietate porrigimus, qualiter infra sex menses, & vitia ignorati testis perquirat, & causæ suæ negotium reparare intendat. Quod si infra sex menses non potuerit, & vitia prædictorum testium quærere & coram iudice eorum infamiam comprobare, transactis sex mensibus, nullum iam ei vltra temporis spatium dabitur, quo aut prolatum testem infamem esse conuincat, aut alium testem pro eadē causa in iudicio proferat: sed quod testimonio eorum extiterit alligatum, valebit perpetuo modis omnibus inconuulsū. Et tamen si is cui licitum est per sex menses vitia testium accusare, legitimam fortasse infra constitutum tempus probationem inuenerit, qua prolatum contra se testem infamem possit conuincere, supra eos quos viuentes potuerit infamare, licitum erit causidico adductum testem producere. Nam si aliquem de numero illorum testium, qui primum iurasse noscuntur, constiterit fuisse defunctum, nullum super mortuum testimonium dabitur. Nec in talibus vel quibuslibet aliis causis testimonium viui super mortuum vllō modo admittetur: excepto si per legitimum & manifestum scripturæ textum, vbi ipse qui defunctus est, aut reum se criminis esse agnoscens subscripsit, aut iusto æquitatis iudicio publice denotatus apparuit. Et hæc quidem de infamatione, qua quisque ille obnoxius, ad dicendum testimonium non admittatur, dicta sufficiant. Cæterum si debitum defuncti vel præsumptio accusetur, iuxta legem aliam licitum erit causidico, aut per veridicum testem, aut per legitimam scripturam, debitum mortui vel præsumptionem conuincere, & propositum partis suæ negotium consummare.

VIII. FLS. CHDS. REX.

*De his qui ad falsum testimonium dicendum alios prouocant, vel seruos alienos ad libertatem impellunt.*

SI quis contra hominem ingenuum & aduersus libertum, aliquem prouocasse conuincitur falsum dicere testimonium, tantum illi componat quem per falsam testificationem conabatur addicere vel damnare, quantum, si iuste eum optinuisset, poterat de statu vel de rebus eius acquirere. Si verò testis simpliciter ab alio ad testimonium inuitatus falsa contra ingenuum atque libertum testificasse dinoscitur, qualiter per eius testimonium in seruitutem quisquam humiliaretur: & tamen ille qui testem protulit, conscius fraudis huius non inuenitur, solus testis ipse superiori sententia, id est, sicut ille qui testem ad falsum testimonium prouocauit, ei, quem suo testimonio decipere voluit, obnoxius maneat. Ita vt si non habuerit vnde componat, in potestate eius, cum hoc quod habere videtur, perenniter seruiturus tradatur. Id autem & de illis decernimus obseruandum, qui vt seruos alienos ad libertatem perducerent, aut falsum testimonium dixisse reperiuntur, aut eam intentionem adhibere conati sunt, vt ab eis prouocati per eorum instantiam ad ingenuitatis libertatem indebita possint aliquatenus insultatione venire.

VIII. FLS. RCHDS. REX.

*In quibus causis possint testificari serui.*

*\*facilitas.* Quid vtilitati multorum est congruum, non est nostræ legis decreto prætermittendum: ne tanto cuiquam pateat nocendi facultas, quanto nihil esse putat ex legibus quod



quod metuat. Quia ergo multotiens inter ingenuos reperitur exorta cædes, & nullus adesse ingenuus, qui cædis ipsius patefaciat euidenter scelus; adeo si nullus ingenuorum adfuerit, credi seruis omnino oportebit: vt qualiter inter eos cæsis facta constiterit, agnosci eisdem testificantibus possit. Verum quia & interdum iustitiæ cognitio deperit, dum ingenuorum dignitas aut longe posita aut de proximo ignota consistit: tunc credi permittimus seruis, cum ingenui nullatenus adfuerint, qui aut vicini sint, aut de re qua agitur cogniti habeantur. Certè nec de aliis causis, nec de maioribus rebus esse sibi credendum sciant, nisi de minimis quibuscunque rebus, ac de terris aut vineis vel de ædificiis, quæ non grandia esse constiterint, propter quod solet inter heredes aut vicini possesores instantia exoriri. Sed & de mancipiis credendum est eis, quare contingit ea vel ab aliis occupari, vel indebitè retineri, aut etiam a dominorum iure illicitè euagari: vt per eorum veram cognitionem valeant res ipsæ dominis reddi, & ipsorum indubitata notitia iustè possit intentionis causa sopiri. Non tamen illis aliter credi poterit, nisi & ab omni crimine alieni extiterint, & graui oppressi paupertate non fuerint. Ita vt contra ingenuorum dignitatem, eorum testimonium accipi nullatenus possit, nisi, vt supra dictum est, eadem exoriri contigerit.

X. FLS. CHDS. REX.

*De his qui se placitorum scriptis obligant, ne pro aliorum causis veritatem dicant.*

PLerosque cognouimus, ita se interdum per placitum obligare, vt pro sua suorumque utilitate testificari non differant: si quis autem contra eos habuerit testimonium dicere, nullatenus adquiescant. Quod quia satis est contrarium veritati, hanc omnes iudices se nouerint habere licentiã, vt talia commenta instantè inquirant, & inuenta disrumpant: atque quos eadem placita nominauerint, centenis flagellis verberandos infstant. Ita tamen vt ista disciplina non ad infamiæ notam eis pertineat, sed testificandi quod cognitum habuerint, sit illis ex lege concessa semper & indubitata libertas.

XI. FLS. GLS. CHDS. REX.

*De quibus annis possunt testificari minores.*

Hæc ætas erit constituta in minoribus annis ad testimonium admittenda: vt postquam puer aut puella quatuordecim vitæ suæ annos impleuerint, sit illis in causis omnibus testificandi indubitata licentiã.

XII. ANTIQVA EMENDATAQVE NOVITER.

*Vt contra extraneos parentela & propinquitates testimonium minime dicant.*

Patres, sorores, vterini, patru, auunculi, materteræ, siue eorum filii: item, nepos, nepotus, consobrini, vel amitini, in iudicium aduersus extraneos testimonium dicere non admittantur: nisi forsitan parentes eiusdem cognationis inter se litem habuerint, aut in causa de qua agitur aliam omnino ingenuitatem deesse constiterit.

V. TITVL.

*De scripturis valituris & infirmandis, ac defunctorum voluntatibus conscribendis.*

- I. Quales debeant scriptura valere.
- II. De pactis & placitis conseruandis vel conscribendis.
- III. Ne incognitam sibi scripturam quisquam testis subscribere audeat aut firmare.
- III. Contra priorum definitionem filio vel heredi non licere venire.
- V. De dampnis eorum, qui contra pacta & placita sua venire contendunt.
- VI. Ne valeant definitiones vel pacta seruorum sine iussu dominorum.

Tomus III.

Eccc 3



- VII. *De turpibus & illicitis rebus.*  
 VIII. *Ne sub vnus nomine cause, res aliena vel persona callidis definitionib. obligetur, de pœna etiam quæ sit in placitis inferenda.*  
 VIIII. *Quod omnis scriptura vel definitio quæ per vim & metum extorta fuerit, valere nō poterit.*  
 X. *De superfluis scripturis confectis.*  
 XI. *Quæ scripturæ valere poterunt, si ab his factæ fuerint, qui sunt in annis minoribus constituti.*  
 XII. *Qualiter confici vel firmari conueniat ultimas hominum voluntates.*  
 XIII. *Qualiter firmentur voluntates eorum qui in itinere moriuntur.*  
 XIIII. *Vt defuncti voluntas ante sex menses coram sacerdote vel testibus publicetur.*  
 XV. *De comprobatione manuum, si scriptura vertatur in dubium.*  
 XVI. *De olographis scripturis.*  
 XVII. *De comprobatione scripturarum & earum pœna soluenda.*  
 XVIII. *Ne aliud quis per testem, aliud per scripturam alligare præsumat.*  
 XVIIII. *Vt nemo deinceps citra fidem regiam vel propria causarum negotia in deceptione regia potestatis, vel cuiuslibet alterius, se iuramenti vinculo alligare præsumat.*

I. IN NOVIT. EMD. FLS. CHDS. REX.

*Quales debeant scripturæ valere.*



Scripturæ quæ diem & annum habuerint euidenter expressum, atque secundum legis ordinem conscriptæ noscuntur, seu conditoris vel testium signis fuerint aut subscriptionibus roboratæ, omni habeantur stabiles firmitate. Simili quoque & illæ scripturæ valore constabunt, quas & si auctor subscribere ægritudine obstitente non valuit, in eis tamen qui subscriptores accederent postulauit: sicque subscriptionem vel signum ad vicem illius auctoris, ille qui est rogatus imprefferit. Hoc tantum est obseruandum, vt si conditor talium scripturarum de hac ipsa ægritudine qua detinebatur reualuerit, si hoc ipsum quod in huiusmodi scripturis testatus est firmum esse voluerit, manu sua illud solita subscriptione corroboret, & sic plenam quod testari visus est obtineat firmitatem. Si autem eundem testatorem de hac ægritudine mori contigerit, testis ipse qui ab eo rogatus accessit, iuxta aliam legem infra sex menses subscriptas a se scripturas roborare curabit.

II. ANTIQVA.

*De pactis & placitis conseruandis vel conscribendis.*

Pacta vel placita quæ per scripturam legitimè ac iussi timè facta sunt, dum modo in his dies & annus sit euidenter expressus, nullatenus immutare permittimus.

III.

*Ne incognitam sibi scripturam quisquam testis subscribere audeat aut firmare.*

Quarumlibet scripturarum setiem aduocatus testis, si non aut per se antea legerit, aut coram se legentem audierit, subscribere penitus non audeat. Quod si præsumpserit, testimonium eius quod illic incautè perhibuit, in nullo permittimus accipi: quia incognitos illic subscriptor accessit. Nec stabilis illa iudicabitur scriptura, quam nullus testium firmauerit cognitio vera.

IIII. ANTIQVA. FLS. GLS. EGIGA. REX.

*Contra priorum definitionem filio vel heredi non licere venire.*

Filio vel heredi contra priorum iustam ac legitimam definitionem venire non liceat. Quia iuste repellitur præsumptio illius, qui facta seniorum iniuste conatur irrupere.



V. FLS. CHDS. REX.

*De dampnis eorum qui contra pacta & placita sua  
venire contendunt.*

**Q**ui contra pactum vel placitum iuste ac legitime conscriptum venerit, quod non forsan persona potentior violenter extorserit, antequam causa dicatur, poenam quæ in pacto vel placito legitime continetur exsoluat: deinde quæ sunt in pacto vel placito definita seruentur. Pactum vero vel placitum conuenienter ac iustissime inter partes conscriptum, si etiam poena in eis incerta non fuerit, reuolui aut immutari nulla ratione permittimus. Et ideo quæ in pactis vel placitis continentur vel monstrantur scripta, plenam habeant firmitatem, si tamen quisquis ille pactum vel placitum iustissime & de re sibi debita conscripisse videatur.

VI. FLS. GLS. RCDS. REX.

*Ne valeant definitiones vel pacta seruorum, sine  
iussu dominorum.*

**E**t honestas hoc habet, & iustitia hoc adfirmat, vt quæ serui non iubentibus dominis, seu per scriptum paciscuntur, siue per testem. definunt, nullo firmo robore penitus <sup>†</sup> *definiunt*, habeantur.

VII. FLS. RCDS. REX.

*De turpibus & illicitis rebus.*

**D**e turpibus & illicitis rebus inter quascunque personas, sicut nullum pactum aut mandatum vel placitum, ita nec dampnum nec quancunque definitionem ex omnibus nullo tempore decernimus posse valere.

VIII. FLS. GLS. CHDS. REX.

*Ne sub vnius nomine causa res alia, vel persona callidis definitionibus obligentur: de poena etiam qua sit  
placitis inferenda.*

**P**rauis ac malignis moribus improborum iustitiæ semper est sententiis obuiandum. Ideoque quia dira peruerforum cupiditas ita sæpe plurimos nonarum fraudium molitione conlaqueat: vt cum pro re qualibet adimplenda sit pactio, res eorum simul obligent & personas: hoc fieri omnimodo prohibemus. Sed quotiens vndeliber placitum conscribitur, non amplius in transgressoris poena, quam duplatio reddendæ rei vel triplatio <sup>†</sup> rerum in satisfactione taxetur: res tamen omnis aut persona nullatenus obligetur. <sup>†</sup> *numorum*. Quia iniustum penitus approbamus, vt vnius causa debiti, rerum fiat omnium perditio vel personæ. Quodcunque igitur contra legis huius decretum, conscriptum placitum siue definitio facta fuerit, vbicunque sit reperta, vacua omnimodis & inualida reputetur. Sola vero potestas regia erit in omnibus libera, qualemcunque iusserit in placitis in-  
rere poenam.

VIII. ANTIQVA. †

† FLS.  
CHDS. R.*Quod omnis scriptura vel definitio qua per vim & metum extorta fuerit, vale-  
non poterit.*

**P**actum quod per vim & metum extorserit persona potentior vel inferior, siue placita vel reliquas scripturas, id est, si ille qui paciscitur, aut in custodia mittitur, aut sub gladio mortem forte timuerit, aut ne poenas quascunque vel ignominiam patiat, vel certe si aliquam iniuriam passus fuerit: huiusmodi pactio vel scriptura quolibet nullam habeat firmitatem.



X. FLS. GLS. RCDS. REX.

† *Super  
ordinem le-  
gis confectis.**De superfluis scripturis † confectis.*

**P**Lenæ discretionis ordo est incertis adhibere cognitionem, & dubiis conicere fidē. Quia ergo de statu scripturarū solet dubietas in controuersis exoriri: ideo præcepto decernitur euidēt, vt quicumque virū orac feminarum, testamenta, donationes, dotes vel quascunque scripturas conficit, amplius quā lex iubet, in quibuscunq; partibus siue personis, vel contra sanctionem legis, de quarumcunque rerum distributione decreuerit, non ideo ex toto habeantur inualida, quia ordo præfixus videtur esse transgressus: sed manentibus cunctis, quæ salubrius ex legis auctoritate subsistunt, illa sola decident, quæ contra legem inueniuntur manere descripta atque decreta. Huius rei euidenter iudices negotiorum hoc tenore descripta ordinabunt: vt ille qui plus conficitur per scripturæ seriem quā oportuit, hoc solum accipiat quod auctoritas legis demonstrat, & reliqua hi quibus legitimè debentur vigore iustitiæ consequantur.

XI. FLS. GLS. CHDS. REX.

*Quæ scripturæ valere poterunt si ab his factæ fuerint qui sunt in annis minoribus constituti.*† *Qui.*† *qui.*

**I**N minoribus annis constituti, si testari de rebus suis, vel alias quascunque definitiones facere, seu per scripturam, siue per idoneum testem, in quibuscunque personis elegerint, infra quartum decimum annum non illis aliter licentia erit: nisi grauis languor occurrerit, per quē eos fortasse mori suspicio sit. Quod si eos necessitas huius causæ compresserit, virisq; à decimo ætatis ipsorū anno faciendi quod voluerint liberris plena manebit. † Quod si ab ægritudine conualescere potuerint, quicquid eos ordinasse constituerit, totum inualidum erit: donec aut rursus ægrotantes iterum quæ ordinauerant noua ordinatione reforment, aut venientes vsque ad plenum quartum decimum annum in omnibus iudicandi de rebus suis liberam habeant absolutamq; licentiam. Ab infansibus verò vel in qualibet ætate dementes effecti, & in eo vitio absque intermissione temporis permanentes, nec testimonium reddant, nec si quam fortè voluntate in ædiderint, nullā poterit firmitatē habere. Nam † si per interualla temporum vel horarum salutem videntur recipere, & integra interdum mente persistere, de suis ferre iudicium prohiberi non poterunt.

XII. FLS. GLS. RCDS. REX.

*Qualiter confici vel firmari conueniat ultimas hominum voluntates.*

**M**Orientium extrema voluntas, siue sit auctoris & testium manu subscripta, siue vtrarumque partium signis extiterit roborata, seu etiam & si auctor subscribere vel signum facere non praualeat, alium tamen cum legitimis testibus subscriptorem vel signatorem ordinationis suæ instituat: siue quoq; si tantummodo verbis corā probatione ordinationis eius qui moritur patuerit promulgata. hæc ordinationum quatuor genera omni perenniter valore persistant. Id tantum magnopere procurandum est, vt scripturæ illæ, quæ secundum primi & secundi ordinis confectionem sunt alligatæ: id est, siue quæ auctoris & testium manu subscriptæ, seu quæ virarumque partium signis extiterint roboratæ, infra sex menses iuxta legem aliam sacerdoti pateant publicandæ. Et si forsitan contigerit, vt in huiusmodi scripturis auctor, qui subscribere debuit, signū imprefferit: hoc ipsum testis, qui in eadē scriptura subscriptor accessit, iurare curabit, quia signum ipsum à conditore factū extiterit, & tunc stabilis erit. Ille verò scripturæ, quæ sub tertii ordinis alligatione sunt ædiatæ: id est, in quib. aduocatus à conditore legitimus testis subscripsit, tunc omni habeantur stabiles firmitate, quādo infra sex menses, & ille qui in eadē scriptura, d vicem morientis subscriptor accessit, & reliqui testes qui ab eo rogati sunt, coram iudice cōditionibus factis iurauerint, quod in eadem scriptura à se subscripta nulla sit fraus impressa, sed secundum voluntatem ipsius conditoris habeatur conscripta, & quod ab eo qui eam condere voluit, rogati extitissent, vt in eadē scriptura subscriptores accederent, & ad



& ad vicem conditoris eam legitimè roborarent. Illa verò voluntas defuncti, quæ iuxta quarti ordinis modum verbis tantummodo coram probatione promulgata patuerit, quæ instante quocunque periculo conscribi nequiverit, & tamen ab eo qui moritur iussa fuerit alligari, tunc robur plenissimum optinebit; si testes ipsi, qui hoc audierint & rogati à conditore extiterint, infra sex mensium spatium, hoc quod iniunctum habuerint sua coram iudice iuratione confirmet, eiusdemque iuramenti conditionem tam sua quàm testium manu corroborent. Dumque hæc res plenum venerit in effectum, pro instatia sui laboris, iidem testes ex defuncti bonis <sup>† trigesimæ</sup> trigesimæ <sup>precii portio-</sup> precii portio- <sup>nem.</sup> nis prosequantur in solis tantummodo nummis, chartarum instrumentis & librorum voluminibus sequestratis, quæ pertinebunt ad heredes integritate successionis. Qui testes infra sex menses procurent illi denunciare, in cuius nomine per talē ordinationem res translata dinoscitur extitisse. Quod si omne legis huius decretum, testes illi quibus commissum est, infra constitutum tempus distulerint adimplere, nouerint se <sup>† falsarii</sup> falsarii dampno mulctari: excepto si se aliorum fraude vel calliditate, seu etiam regia iussione, quaid infra sex menses explere nequiverint, impeditos se esse probauerint.

XIII. FLS. GLS. CHDS. REX.

*Qualiter firmentur voluntates eorum, qui in itinere moriuntur.*

**I**N itinere pergens, aut in expeditione publica moriens, si ingenuos secū habeat, voluntatē suam propria manu conscribat. Quod si litteras nescierit, aut per languorem scribere non potuerit, eandem voluntatem seruis insinuet: quorum fidem episcopus atque iudex probare debebunt. Et si nullatenus antea fraudulenti fuisse patuerint, quod sub iuramenti testatione protulerint conscribatur, & sacerdotis atque iudicis subscriptione firmetur; ac postmodum auctoritate regia roboratum, firmum quod decreuerit habeatur.

XIIII. FLS. GLS. CHDS. REX.

*Vt defuncti voluntas ante sex menses coram sacerdote vel testibus publicetur.*

**S**CRIPTA voluntas defuncti, ante sex menses coram quolibet sacerdote vel testibus publicetur. Et si quis eandem qualibet fraude suppresserit, tantum illis, quibus scriptura facta esse dinoscitur, de proprio cogatur exsoluere, quantum per eiusdem scripturæ seriem conquirere poterant vel habere.

XV. FLS. GLS. CHDS. REX.

*De comprobatione manuum, si scriptura vertatur in dubium.*

**O**MNES scripturæ, quarum auctor & testis defunctus est, in quibus tamē subscriptio vel signum conditoris atque firmitas testium repperitur, dum in audientia prolata extiterint, ex aliis chartarum signis vel subscriptionibus comprobentur: sufficiatque ad firmitatem, vel veritatis huius indaginem agnoscendam, trium vel quatuor scripturarum similis vel euidens prolata subscriptio. Quod si talibus scripturis legum tempora obuauerint, pro certo decernitur, quia valere non poterunt.

XVI. FLS. GLS. CHDS. REX.

*De olographis scripturis.*

**Q**uia interdum necessitas ita sæpe concurrat, ut solempnitas legum libere adimpleri non possit: ideo ubi qualitas locorum ita constiterit, ut non inueniantur testes, per quos iuxta legum ordinem unusquisque suam alliget voluntatem: manu propria scribat ea, quæ ordinare desiderat. ita ut specialiter adnotentur quæcunque ordinare voluerit, vel quæ de rebus suis habere quæque elegerit. Dies quoque & annus habeatur in eis euidenter expressus. Deinde toto scripturæ textu conscripto, rursum auctor ipse subscribat. Et dum hæc scriptura infra xxx. annos, ad eum in cuius nomine facta est vel ad successores eius peruenerit, eam episcopo vel iudici infra sex menses non differat præsentare. Quam sacerdos idem vel iudex allatis sibi met tribus aliis scripturis, in quibus



testatoris subscriptio reperitur, ex earum conprobatione considerent, si certa & euident scriptura est quam idem conditor olographa ratione conscripsit: & dum ista prauiderint, eadem chartula quę offertur, vera nihilominus habeatur: atque etiam continuo sacerdos ipse vel iudex, siue alii testes idonei, eandem olographam scripturam suam denuo subscriptione confirmant, & sic voluntas ipsius testatoris plenissimam obtineat firmitatem.

XVII. FLS. RCDS. REX.

*De conprobatione scripturarum & earum pœna soluenda.*

**S**icuti ubi conuenit miseranter occurrere, salutaria remedia non negamus: ita ubi cōsentio irrationabilis exoritur, censuram ponere iuste debemus. Proinde cum de quibuslibet scripturis parentum, quas tamen iustissime ac legitime de rebus sibi debitis patuerit esse conscriptas, fuerit exorta contentio: si ille, cui scriptura profertur, nescire se dixerit ipsius scripturę veritatem, mox prolator ille iurare cogatur, nil fraudis vel læsionis in ea quandoque aut à se factum esse, aut ab alio quocunque factum omnimodo cognouisse vel nosse: sed ita manere, sicut auctor eius eam voluit ordinare vel roborare. Deinde ille qui eam renuit accipere, cogatur iurare se hanc scripturam veram esse nescire, nullaquę euidenti cognitione sapere, seu ab auctore suo legitime confectam existere, neque subscriptionem vel signum auctoris veridicę factum cognoscere. Post hæc querenda ab utrisque partibus in scriniis domesticis instrumenta chartarum: ut comprobatis aliarum scripturarum subscriptionibus atque signis possit agnosci, vtrum habeatur idonea, an reprobeur indigna. Iam tunc si in domesticis scriniis scripturę auctoris repertę non fuerint, ad quarum similitudinem scriptura prolata † *firmetur*, ita demum ille, qui scripturam profert ubicunque potuerit, alias scripturas auctoris procuret inquirere, per quarum similitudinem, scripturam quam profert, veram esse confirmet. sicque per talem conuenientiam latenti veritate reperta: nec ille qui scripturam profert, in conuincendo eam esse idoneam, ex longinquo testes aduocans, dampna sustineat; nec ille qui hanc contempsit recipere, pœnam scripturę cogatur implere. Quibus ita actis, si ille qui scripturam illam indignam esse contendit, non pro veritatis cognitione, sed pro sola commotione partis aduersę ad conuincendam dignitatem scripturę, & in adducendis testib. & in sustinendis dispendiis laborare fecerit aduersantem; tunc ipse, qui scripturam profert veram, exhibitis testibus esse idoneam & illam scripturam adfirmet: ac postea sic ille, qui per contentionē indebitam, in adducendis testibus laborem intulit aduersanti, pœnam dampni, quam scriptura continet, euidenter adimpleat. Certē si aut tanta res non est unde pœnā suppleat, quā auctor eius instituit, † *noluerit*, cum de rebus suis legitimum iudicium ferret: aut etiam sponte sua hanc ipsam pœnam voluerit implere, rem quę illi de eiusdem auctoris competit, iure ei, quem conuexauit indebitē, cogatur cessionis ordine dare. Hanc sane legem in solis parentum scripturis seruandam esse decernimus: propter quod filios vel nepotes iniusta contentione ab alterutro, aut se, aut extraneorum partes, videmus conuexare. Ista euidenti conditione seruata, ut si ex aliis oppositionibus legum eadem scriptura dicitur cōuellenda, vox impugnantis pro certo sit libera.

XVIII. FLS. GLS. EGIGA. REX.

*Ne aliud quis per testem aliud per scripturam alligare presumat.*

**C**um siue sint verba, siue scripturarum quędam indicia, quę tamen vera esse oporteat atque simplicia, per quę vnus in alterius cognitionem transferat notitiam suam: nouellis nunc peragitur argumentis, ut in donationibus & transactionibus scripturarum prompta videatur quorundam donatorum voluntas, quę tamen testibus aliud alliget occulte, quam quod patule per scripturę seriem noscitur definisse. In qua bifarię duplicitatē astutia quid aliud quam duplex comprobatur voluntas? Quia simplicitatis puritate exclusa, aliud foris publicat, aliud per occultum alligat testem. Quapropter cum quisquis de quibuslibet rebus, scripturam donationis, vel venditionis in alterius faciens nomine, aliud reperiatur conligare per testem, quā quod per manifestam scripturam cognoscitur definisse: nouerit se parti illi pœnam scripturę persolvere, cui circumuentione callida noscitur illulisse, & insuper cum infamia suę personę quod semel eum constat dedisse, nulla vnquam poterit repetitione reposcere. Nec te-  
fii



is illic ad resistendum aliquid adhibetur, qui aliquid aliud protestetur, quam quod soluta donatoris scriptura testatur: ut re ipsa deinceps omni argumentationis sollicitudine, quicquid per manifestam & legitimam scripturarum seriem definitur, nulla vni-  
quam sub ordinis testis machinatione deoceatur irritum. Et hæc quidem lex inter  
equales gradu vel ordine promulgata seruabitur. Ceterum si eiusdem potestatis atque  
conditionis sit ille, qui scripturam se accepisse obiecerit, ut potius exacta ab eo quam  
oblata ei scriptura credatur, quicquid de huiusmodi occasionibus ab auctore scripturæ  
conuinci poterit, tunc & ipsa scriptura inualida erit, & res in donatoris iura possessu-  
sattranfibit.

## XIX. FLE. EGIGA REX.

*Ut nemo deinceps citra fidem regiam vel propria causarum negotia in deceptione regie  
potestatis, vel cuiuslibet alterius, se iuramenti vinculo alligare præsumat.*

Plerumque solet humani generis inimicus prauis corda hominum suggestionibus ir-  
retire, & fidelium animos pestifero veneni poculo fauciare. Proinde quia quanto  
plebs regie celsitudinis culmen sincera debet reuerencia honorare, tanto amplius vel in  
eius deceptione, vel aliarum personarum, videtur mentes plebium excitare. Quidam  
enim dum sententiam illam canonis Toletani attendunt, in qua decretum est neminem  
licere, citra manifestæ euidentiæ culpæ induci ab honore sui ordinis, vel seruitio do-  
mini regie deici, & nec antea vinculorum nexibus illigari, vel quæstionibus subdi, nisi  
prius in publica fuerint examinatione deducti, subtili se quodammodo iuramento in  
nece vel abiectiōem regiam perfidiæ nitantur fraudibus alligare: ne ea quæ fraudis  
moliuntur peragenda consiliis, ab alterutro cernantur quandoquidem propalari. Quod  
& temporibus nostris detectum facinus, manifestis eorum confessionibus retinetur,  
qui nostram gloriam conati sunt, aut gladio interimere, aut mortifera veneni potione  
decipere. His igitur nefariæ argumentationis consiliis congruit obuiare censuris lega-  
libus: quout nec principalis honor qualibet possit <sup>† sapientia</sup> gravitate deuolui, & infidelium  
pectora condigna debeant ultione retundi. Vnde speciali edicto decernimus, ut nemo  
deinceps citra fidem regiam vel propria causarum negotia secum alio præsumat vinculis  
nectere iuramenti, aut in deceptione potestatis regie vel cuiuslibet alterius tam secle-  
raræ fraudis audeat actione constringi. Si quis vero amodo aliter, quam præmissum  
est, huiusmodi iuramento se alligare præsumperit, illius se nouerit legis perculi san-  
ctione, quæ perfidis noscitur & contra regem agentibus promulgata existere.

## DE ORDINE CONIVGALI

### LIBER TERTIVS.

## Titulus I.

## DE DISPOSITIONIBVS NVPTIARVM.

- I. *Ut tam Gotho Romanam, quam Romano Gotham matrimonio liceat so-  
ciari.*
- II. *Si puella contra voluntatem patris alio nubat, quæ sit alteri disponata.*
- III. *De non reuocandis datis arris.*
- III. *Ne viris minoris ætatis maioris femina disponantur, & de biennio placiti.*
- V. *De quantitate rerum conscribenda dotis.*
- VI. *Ut dotem puella pater exigat atque conseruet.*
- VII. *Ut patre mortuo utriusque sexus filiorum coniunctio in matris potestate consistat.*
- VIII. *Si fratres nuptias puella differant, aut si puella impudicè nuptias præsumat.*
- VIII. *Ne sine dote coniugium fiat, & ut de quibuscunque rebus dos conscripta fuerit, firmita-  
tem optineat.*



*Vt tam Gotho Romanam, quam Romano Gotham matrimo-  
nio liceat sociari.*



Ollicita cura in principe esse dinoscitur, cum pro futuris utilitatibus beneficia populorum prouidentur. Nec parum exultare debet libertas ingenua, cum fractas vires habuerit priscae legis abolita sententia; quae incongrue diuidere maluit personas in coniuges, quam dignitas compares aequauerit in genere. Ob hoc meliori proposito salubriter censentes, priscae legis remota sententia hac in perpetuum valitura lege sancimus: vt tam Gothus Romanam quam etiam Gotham Romanus, si sibi coniugem habere voluerit, praemissa petitione, dignissima, facultas eis nubendi subiaceat: liberumque sit libero, liberam, quam voluerit honesta coniunctione consulta perquirendo, prolapiae solemniter consensu comite permittente, percipere coniugem.

## II. ANTIQVA.

*Si puella contra voluntatem patris alio nubat, qua sit alteri sponsata.*

SI quis puellam cum voluntate patris, aut aliorum propinquorum parentum, quibus ex lege huiusmodi potestas tribuitur, sponsatam habuerit: & ipsa puella contempnens voluntatem parentum, ad alium tendens parentibus contradicat, vt illi non detur cui a parentibus fuerit pacta: hoc ita eam nullo modo facere per mittimus. Quod si ipsa puella contra voluntatem parentum, ad alium quem ipsa cupiat: forte peruenerit, & ipse eam uxorem habere forte praesumpserit: ambo in potestate eius tradantur, qui eam cum voluntate parentum sponsam habuerit. Et si fratres vel mater eius aut alii parentes malae voluntati eius consenserint, vt eam illi traderent, quae ipsa sibi contra paternam vel parentum voluntatem cupierat, & hoc ad effectum perduxerint: illi, qui hoc machinauerunt, libram auri dent, cui Rex iusserit: sic tamen vt voluntas eorum non habeat firmitatem; sed ipsi, sicut superius diximus, ambo tradantur cum omni substantia sua illi cui antea fuerat sponsata. Eandem legem praecipimus custodiri, si pater de filiae nuptiis definierit, & de pretio conuenerit. Ac si ab hac vita transierit, antequam eam pater suus nuptui tradat, vt illi puella tradatur, cui a patre vel a matre pacta constitit.

## III. FLS. CHDS. REX.

*De non renocandis datis arris.*

DVm praeritorum facta recolimus, futuris ponere praesumptionibus terminum consultius arbitramur. Quia ergo sunt plerique, qui factae sponsonis immemores, nuptialium foederum definitionem differant adimplere, abrogare decet huius rei licentiam, vt non vnusquisque pro suo velle, alteri dilationem exhibeat. Ideoque a die huius legis latae decernimus, vt cum inter eos qui disponendi sunt, siue inter eorum parentes aut fortasse propinquos, pro filiorum nuptiis coram testibus praecesserit definitio, & anulus arratum nomine datus fuerit vel acceptus, quamuis scripturae non intercurrant, nullatenus promissio violetur, cum qua datus est anulus, & definitio facta coram testibus. Nec liceat vni parti suam immutare aliquatenus voluntatem, si pars altera praebere consensum noluerit, sed secundum legum ordinem, altera constitutione dotis impleta, nuptiarum inter eos peragatur festi celebritas.

## IIII. FLS. GIS. RCDS. REX.

*Ne viri minoris aetatis maioribus feminis disponantur, & de biennio placiti.*

IVS naturae tunc directum in spem procreationis futurae transmittitur, quando nuptiarum foedus totius solemnitatis concordia ordinatur. Nam si aut aetate aut personarum incompetenti conditione adnectitur copula nuptialis, quid restat in procreationis origine, nisi vt quod nasciturum est, aut dissimile maneat aut deforme? Nec enim poterit in pacis concordia nasci, quod per discordiam originis nascitur seminari. Videmus enim quosdam non auidos amore naturae, sed illectos cupiditatis ardore, filiis suis tam inordinate disponere foedera nuptiarum, vt in eorum actis nec aetate concors sit ordo nec mori-



moribus. Nam cum viris res illa dederit nomen quod in feminas agant, isti per repugnatum naturæ conamina maribus puellas anteponunt, dum infantibus adulescentulas disponsationis copula coniungunt. sicque per ætatis præposteræ tempus, honestatis lucrû dilabi cogunt ad impudiciæ lapsum, dum puellarum audior & maxima ætas seros tardosq; virorum contempnit expectare prouentus. Vt ergo malè ordinata propagatio generis in ordinem transductionibus reducatur illicitis, huius sanctione decernitur legis, ut feminæ minoris semper ætatis viris maioribus in matrimonio disponantur. Aliter disponsatio facta, si vna pars contradicere videatur, nullo modo manere iubetur. A die verò sponsionis vsq; ad nuptiarû diē non amplius quàm biennio expectetur: nisi aut cognationis vel certè sponforû ipsorû, si perfectè sint iâ ætatis, honesta & cōueniēs adfuerit cōsensio voluntatis. Si autē in hoc fœdere inita pacta vel definitiones pro elongatione nuptiarum communis voluntas immutare† decreuerit, aut si per necessitatem vna persona defuerit, non amplius quàm duorum annorum tempus prolongatio continebit. Et si rursus vel quotiens fieri† non conuenerit, biennii tantum in definitione spatium erit.† ita. Aliter quandoque aut arrarum aut scripturæ celebrata confectio non valebit. Siquis autem constitutum definitionis tempus absque necessitate vel voluntatis consentione implere distulerit, suamque voluntatem à promissione coniugali remouerit, & pœnam quæ in placito continetur adimpleat, & quod definitum est immutare non liceat. Mulierem autem, quam constiterit aut vnum aut plures habuisse maritos, post eorum virorum obitum, alii ei quem vnus vel plurimarum coniugum vita distribuit, honestè ac legaliter nubere nullatenus illicitum est.

V. FLS. CHDS. REX.

*De quantitate rerum conscribenda dotis.*

**C**um de dotibus diuersa sæpe inter nubentes oriatur intentio, plurimorum sit utilitati consultum, si euidentis huius rei institutio nihil ultra relinquat ambiguum. Decernimus igitur, ac legis huius perpetim seruatura sanctione censemus: ut quicumque ex Palatii nostri primatibus vel senioribus gentis Gothorum filiam alterius vel cuiuslibet relictam, seu sibi seu filio suo poposcerit in coniugio copulandam, seu quisquis ex prædictorum ordine uxorem sibi elegerit expetendam, non amplius vnusquisque in puellæ vel mulieris nomine dotis titulo conferat vel conscribat, quam quod decimam partem rerum suarum esse constiterit. Quod si contigerit, ut quicumque parentum pro filio suo, in nurus suæ nomine, dotem conscribere debeat: eodem modo de eo, quod eidem filio post obitum parentum suorum in portione euenire poterat, decimam exinde partem per dotis titulum conferat, quod mulier vel puella nuptiis traditura optineat. Atque insuper decem pueros decemque puellas & caballos xxx. seu in ornamentis quantum mille solidorum valere summam constiterit, sit illi conscribendi dandique cōcessa libertas. Ita ut de his omnibus rebus in coniugio mulier assumpta, si non reliquerit filios, facere quod voluerit liberam se nouerit habere licentiam: aut si intestata discesserit, ad maritum, aut ad propinquos mariti heredes eadem donatio redeat. Nec erit ultra licitum puellæ parentibus, seu etiam puellæ vel mulieri, ab sponso vel ab sponsi parentibus plus quicquam petere, vel in suo nomine conscribendum optare, nisi quantum nunc legis huius institutio continet. Aut si fortè iuxta quod & legibus Romanis recolimus fuisse decretum, tantum puella vel mulier de suis rebus sponso dare elegerit, quantum sibi ipsa dari poposcerit. Quod si forsitan præuentus sponso scripturæ alicuius vel sacramenti vinculo nuptiarum tempore alligetur, amplius se sponsæ daturum, quam quod hac lege constat esse permixtum, id postea ipse conuellere, & in iuris sui potestatem reducere, libero potietur arbitrio. Si autem iuramenti reuerentia pavidus, aut ut assolet negligentia deditus, quod amplius sponsæ dederat reuocare aut euacuare noluerit vel nequiuert, non oportebit vnus tepiditate multis ad futurum damna nutrire. Sed dum sponsi parentes vel propinqui tale factum agnouerint, vniuersaque, plus quam supra taxatum est, sponsæ conlata sunt, suo iuri absque cuiusquā præiudicio perenniter vindicabunt. Certè si iam vir uxorem habens, transacto scilicet anno, pro dilectione vel merito coniugalis obsequii, ei aliquid donare elegerit, licentiam incunctanter habebit. Nam non aliter infra anni circulum maritus in uxorem, seu mulier in maritum excepta dote, ut prædictum est, aliam donationem conscribere poterint, nisi grauati infirmitate periculum sibi mortis imminere perspexerint. De cæteris vero qui nubendi voluntatem habuerint, salubri etiam proposito prouidendum decernendum.



que curauimus: vt qui in rebus omnibus decem millium solidorum dominus esse dinoscitur, ad mille solidos rerum vniuersarum comprobatione habita, in nomine sponsæ suæ dotem conscribat. Cui autem mille solidorum facultas est, de centum solidis talia de ratione dotem facturus est. & sic ista constitutio dotalis tituli ab vltima vsque ad summam omni controuersia sopita perueniat. Data & confirmata hæc lex pridie Idus Ianuarii, anno feliciter tertio regni nostri, in dei nomine Toletō.

## VI. ANTIQVA.

*Vt dotem puellæ pater exigat & conseruet.*

**D**Otem puellæ traditam pater exigendi vel conseruandi ipsi puellæ habeat potestatem. Quod si pater aut mater defuerint, tunc fratres, vel proximi parentes, dotem quam susceperint, ipsi consorori suæ ad integrum restituant.

## VII. ANTIQVA.

*Vt patre mortuo, vtriusque sexus filiorum coniunctio in matris potestate consistat.*

**P**atre mortuo, vtriusque sexus filiorum coniunctio in matris potestate consistat. Matre vero mortua, aut si ad alias nuptias forte transierit, fratres eligat cui dignius puer vel puella iungatur. Quod si fratres eius ætatis non fuerint, vt eorum iudicio debeat germanus aut germana committi; tunc patruus de coniunctione eorum habeat potestatem. Certe si germanus iam adulescentiæ habet ætatem, & proximorum renuit sollicitudinem, sit illi potestas condignam sibi coniunctionis quærere copulam. De puella vero, si ad petitionem ipsius, is qui natalibus eius videtur æqualis acceperit petitor, tunc patruus siue fratres cum proximis parentibus conloquantur, si velit suscipere petitorē: vt aut communi voluntate iungatur, aut omnium iudicio denegetur.

## VIII. ANTIQVA.

*Si fratres nuptias puellæ differant, aut si puella impudicè nuptias præsumat.*

**S**i fratres nuptias puellæ sub ea conditione suspendant, vt ad maritum illa confugiens iuxta legem portionem inter fratres suos de bonis parentum non possit accipere, & bis aut tertio remouerint petitorē: puella quia fratrum calliditate perspecta maritum natalibus suis æqualem crediderit expetendum, tunc integram à fratribus, quæ ei de parentum hæreditate debetur, percipiat portionem. Quod si rursum nil fratres contra sororem meditentur aduersum, & idcirco morentur vt sorori prouideant digniorem; & illa honestatis suæ oblita, personæ suæ non cogitans statum, ad inferiorem forte maritum deuenerit: portionem suam, siue diuisam siue non diuisam, quam de facultate parentum fuerat consequuta vel consequutura, amittat. In fratrum vero & sororum & aliorum parentum hæreditatem ingrediendi ei concedimus potestatem.

## VIII. FLIS. RCDs. REX.

*Ne sine dote coniugum fiat, & vt de quibuscunque rebus dos conscripta fuerit firmitatem optineat.*

**N**uptiarum opus in hoc dinoscitur habere dignitatis nobile decus, si dotarium scripturarum hoc euidenter præcesserit † manus. Nam vbi dos nec data est nec conscripta, quod testimonium esse poterit, in hoc coniugio dignitatem futuram: quando nec coniunctionem celebratam publica roborat dignitas, nec dotarium tabularum hanc comitatur honestas? Proinde cum quisquis aut pro se, aut pro filio, aut etiam proximo suo coniunctionis copulam appetit: aut de rebus propriis, aut de principum dono conlatis, aut de quibuscunque iustis profligationibus conquisitis iuxta modum legis datæ conscribendi dotem habeat potestatem. Quodcunque autem legitime in dote conscripserit, modis omnibus plenum robur habebit.

## II. Titul.

## DE NVPTIIS INLICITIS.

- I. Si post mortem mariti infra annum mulier nubat.
- II. Si mulier ingenua seruo vel liberto proprio se coniungat vel commisceat.
- III. Si mulier ingenua seruo alieno, seu ingenuus ancilla aliena se coniungat.
- IIII. Si mulier liberta seruo alieno, vel libertus ancilla se societ.



- V. Si quicumque seruo alieno ancillam suam, vel seruo suo alienam coniungat ancillam.  
 VI. Si mulier absente viro alium sibi maritum assumat.  
 VII. Si domini seruos suos esse mentientes ingenuos, mulieribus eos coniungant ingenuis.  
 VIII. Si absque voluntate parentum mulier ingenua marito sese coniungat ingenuo.

## I. ANTIQVA.

*Si post mortem mariti infra annum mulier nubat.*

**S**I qua mulier, post mortem mariti sui, se cum alio infra annum coniunxerit, vel adulterium fecerit, medietatem rerum suarum filii sui ex priori coniugio procreati recipiant. Aut si filii defuncti viri per iudicis instantiam, ipsarum rerum consequantur medietatem. Quam idcirco mulierem precipue huic volumus subiungere dispendio: ne hæc quæ à marito grauida relinquitur, dum immoderato desiderio ad secundi coniugii vora festinat, vel adulterium perpetrat, spem partus sui priusquam nascatur extingat. Illas tantumdem à legis huius sententia iubemus manere indemnes, quas principalis auctoritas, infra tempus hac lege constitutum, cuiuslibet in coniugio decreuerit copulandas.

## II. ANTIQVA.

*Si mulier ingenua seruo vel liberto proprio sese coniungat vel commisceat.*

**S**I mulier ingenua seruo suo vel proprio liberto se in adulterio commiscuerit, aut forsitan eum maritum habere voluerit, & ex hoc manifesta probatione convincitur, occidatur. Ita ut adulter & adultera ante iudicem publice fastigentur & ignibus concrementur. Cuius autem per reatum tam turpis admissi, quicumque iudex in quacunque regni nostri promincia constitutus, agnouerit dominam seruo suo siue patronam liberto fuisse coniunctam, eos separare non differat: ita ut bona eiusdem mulieris, aut si sunt de alio viro, idonei filii euidenter obtineant, aut propinquis eius legali successione proficiant. Quod si usque ad tertium gradum defecerint heredes, tunc omnia fiscus usurpet: ex tali enim confortio filios procreatos constitui non oportet heredes. Illa verò, seu virgo siue vidua fuerit, poenam excipiat superius comprehensam. Quod si ad altaria sancta confugerit, donetur à Rege, cui iussu fuerit perenniter seruitura.

## III. ANTIQVA.

*Si mulier ingenua seruo alieno, seu ingenuus ancilla aliena sese coniungat.*

**S**I mulier ingenua seruo alieno, siue Regis se in matrimonio sociauerit, siue etiam per adulterium iungere præsumperit, statim ubi primum hoc iudex agnouerit, eos ad separandum festinare non differat, ut poenam quam merentur excipiant. hoc est singuli eorum centena flagella suscipiant. Et si post hanc contradictionem se iterum coniunxerint, eos iudex comprehendi iubeat, & in sua præsentia exhiberi: ut unicuique eorum iteratim centena flagella imponere non desistat. Quod si tertia vice se separare noluerint, similiter centena flagella eis imponi iubemus, & ipsa mulier parentibus suis in potestate tradatur. Quod si postmodum eam parentes retrorsum dimiserint, sit ancilla domino eius serui. Filii tamen & quandocunque & quanticumque, qui ex ea iniquitate fuerint procreati, conditionem patris sequantur, ut in seruitio permaneant. Facultatem verò mulieris propinqui sui legali successione conquirant. Quod si hi qui de tali contubernio extiterint geniti, per triginta annos per testem legitimum se ingenuos mansisse docuerint, à seruitutis cathena soluti, ingenuitatis se gaudeant titulo decorari. Si tamen parentes illorum infra illud tricennium, quo filii ipsorum se ingenui esse probauerint, nihil de conditione seruitutis dominis suis persoluerint, unde ipsi filii eorum videantur obnoxii seruituti, ipsam autem legem præcepimus custodiri. Et de viris ingenuis, qui regias ancillas, vel etiam cuiuscunque habuerint copulatas conditionis, ut hæc forma seruetur.

## IV. ANTIQVA.

*Si mulier liberta seruo alieno, vel libertus ancilla se societ.*

**S**I mulier liberta seruo alieno sese coniunxerit, aut in matrimonio sociauerit, contestetur ei tertio dominus serui, præsentibus tribus testibus; ut ab hac coniunctione discedat. Et post trinam commonitionem vel contestationem, si se separare noluerit, sit



ancilla domino eius, cuius seruo se coniunxit. Si verò non contestata fuerit, antequam filii nascantur, illa in libertate permaneat. Agnatio autem serui domino deputeretur: quia liberi esse non possunt, qui ex tali cōditione nascuntur. Similis & de manumissis viris, qui se cum ancillis alienis miscuerint, huius legis forma seruetur. Nam si cum domini voluntate & permissione seruo alieno manumissa se fortè coniunxerit, & cum ipso domino serui placitum fecerit, omnino placitum ipsius iubemus stare.

V. FLS. GLS. RCHDS. REX.

*Si quicumque seruo alieno ancillam suam, vel seruo suo alienam coniungat ancillam.*

**Q**Uicumque ancillam suam seruo alieno sine conscientia domini sui uxorem dederit, & hoc certis probationibus inueniatur; dominus serui ancillam ipsam cum filiis sibi omnimodis vindicabit. Similiter & de illis ordinamus qui seruo suo ancillā alienam coniunxerint, vt conditionis hæc forma seruetur.

VI. ANTIQVA.

*Si mulier absente viro suo alium sibi maritum assumat.*

**N**ULLa mulier absente viro suo, alteri viro se præsumat coniungere, vsque dum de viro suo certis cognoscat indiciis si verè mortuus fuerit. Quod similiter & ille inquiret, qui eam sibi vult in coniugio copulare. Si verò hoc facere distulerint, & sic se illicita præsumptione coniunxerint, & postmodum prior maritus reuersus fuerit, ambo in eius potestate tradantur: vt quid de eis facere voluerit, seu vendendi, siue quid aliud faciendi, habeat potestatem.

VII. FLS. GLS. CHDS. REX.

*Si dominus seruos esse mentientes ingenuos mulieribus eos coniungat ingenuis.*

**R**ESISTENDUM est prauorum ausibus, ne prauitatis amplius frena laxentur. Plerique enim studio cupiditatis illecti solent interdum mulieres ingenuas puellasque prauè decipere, & simulantes ad tempus seruos suos esse ingenuos, hortantur eas maritos illos accipere, quos postea natis prolibus in seruitutem facillè possunt redigere. Vt ergo fraudis huius aditus extirpetur, præsentis iugiter mansura lege sancimus: vt deceptores rei istius manifestè detecti crimine notentur infamix, & illi quos sub nomine ingenuitatis antedictis personis repperiuntur associasse, sic ingenui cum filiis suis perenniter maneant, sicut eos ipsorum domini ingenuos professi iam antea fuerant. Sed & res omnes à tempore nuptiarum acceptas seu promissas, mulier vel puella sibi met vindicabit, si per idoneam probationem conuicerit, maritum de quo agitur sub ingenuitatis spe sibi sociatum fuisse. Certè si puella vel mulier, aut etiam ipsorum parentes, id quod prædictum est, ita factum approbare nequiverint, seruos pariter & eorum filios vnà cum rebus omnibus indubitanter petitor optinebit. Hic & de illis ancillis ordo seruandus est, quæ viris ingenuis tali noscuntur fraude esse coniunctæ. Nam & de libertis, quos ita constiterit copulatos existere cum ancillis aut seruis, huius seruanda erit sanctio legis.

VIII. ANTIQVA.

*Si absque voluntate parentum mulier ingenua marito sese coniungat ingenuo.*

**S**I puella ingenua ad quemlibet ingenuum venerit ea conditione, vt eum sibi maritum acquirat, prius cum puellæ parentibus conloquatur: & si obtinuerit, vt eam uxorem habere possit, precium dotis parentibus eius, vt iustum est, impleatur. Si verò hoc non potuerit optinere, puella in parentum potestate consistat. Quod si absque cognitione & consensu parentum eadem puella sponte fuerit viro coniuncta, & eam parentes in gratiam recipere noluerint; mulier cū fratribus suis in facultate parētum non succedat, pro eo quod sine voluntate parentum transferit pronior ad maritum. Nam de rebus suis si aliquid ei parentes donare voluerint, habeant potestatem. Ipsa quoque de donatis & proficatis rebus, faciendi quod voluerit libertatem habeat.

III. TITVL.

## DE RAPTV VIRGINVM VEL VIDVARVM.

*Si ingenuus ingenuam rapiat mulierem licet illa virginitatem perdat, iste tamen illi coniungi non valeat.*



- II. Si à potestate raptoris, puellam parentes eripere potuerint.  
 III. Si consentiant raptori parentes de sponsata puella.  
 IV. Si fratres, viuo aut defuncto patre, consentiant raptori sororis.  
 V. Si quisque rapiat alienam sponsam.  
 VI. Si quispiam de raptoribus occidatur.  
 VII. Intra quod tempus liceat accusare raptorem, & si parentibus vel puella cum rapto de nuptiarum definitione conveniat.  
 VIII. Si serui mulierem ingenuam rapuerint.  
 VIII. Si seruus mulierem libertati traditam rapuerit.  
 X. Si seruus ancillam alterius rapuerit.  
 XI. De sollicitatoribus filiarum & vxorum alienarum vel etiam viduarum, ac de his, qui puellam aut viduam ingenuam, absque regio iussu, violenter dare marito præsumpserint.  
 XII. De ingenuis atque seruis, quos in rapto interesse constiterit.

## I. ANTIQVA.

*Si ingenuus ingenuam rapiat mulierem, licet illa virginitatem perdat, iste tamen illi coniungi non valeat.*

**S**I quis ingenuus rapuerit virginem vel viduam: si, antequam integritatem virginitatis aut castitatis amittat, puella vel vidua potuerit a rapto reuocari, medietatem rerum suarum ille qui rapuit perdat, ei quam rapuerit consignandam. Si vero ad immunditiam quam voluerit raptor potuerit peruenire, in coniugio puellæ vel viduæ mulieris quam rapuerit per nullam compositionem iungatur; sed cum omnibus rebus suis tradatur ei cui violentus fuit, & ducentos insuper in conspectu omnium publice ictus accipiat flagellorum, & careat ingenuitatis suæ statu, parentibus eiusdem cui violentus extiterit, aut ipsi virgini vel viduæ quam rapuerit, in perpetuum seruiturus: ita ut ad eius quam rapuerat coniugium nullo vnquam tempore redeat. Quod si factum fortasse constiterit, quicquid de raptoris rebus pro contumelia sua perceperat, vnà cum ipso rapto amittat, illis proculdubio parentibus profutura, quorum hoc negotium fuerit exequutum instantia. Quod si vir de alia vxore filios habens legitimos, raptum postea fecisse conuincitur, ipse videlicet solus in eius quam rapuit seruiturus potestate tradatur. Res tamen raptoris, filii eius legitimi optinebunt.

## II. ANTIQVA.

*Si à potestate raptoris puellam parentes eripere potuerint.*

**S**I parentes mulierem vel puellam raptam excusserint, ipse raptor parentibus eiusdem mulieris vel puellæ in potestate tradatur, & ipsi mulieri penitus non liceat ad eundem virum se coniungere. Quod si facere præsumpserit, ambo morti tradantur. Si certè ad episcopum vel altaria sancta confugerint, vita concessa omnimodis separentur, & parentibus raptæ seruituri tradantur.

## III. FLS. GLS. RCDS. REX.

*Si consentiant raptori parentes de sponsata puella.*

**S**I parentes raptori consenserint, pretium filix suæ quod cum priore sponso definisse noscitur, in quadruplam eidem sponso cogantur exsoluere. Idem verò raptor legibus sponso inexcusabiliter maneat abdicatus.

## IIII.

*Si fratres, viuo aut defuncto patre, consentiant raptori sororis.*

**S**I viuo patre fratres raptori consenserint, aut in rapto sororis conscii conprobantur, excepta morte, dampnum quod de raptoribus est constitutum excipiant. Si verò post obitum patris fratres sororem suam raptori tradiderint, vel raptori leuandam consenserint, pro eo quod eam vel vili personæ, vel contra voluntatem suam nuptui traderint, cuius etiam honorem debuerant exaltare, medietatem facultatis suæ amittant, ipsi nihilominus sorori tradendam: & insuper in præsentia aliorum à iudice quinquagena flagella suscipiant, ut hoc alii terrore commoti formident. Adiutores vero raptoris qui cum ipso fuerint, disciplinam accipiant, sicut est in lege alia constitutum. Raptor



autem inexcusabiliter superiori lege, & in rebus, & in status sui dignitate dampnetur.

## V. ANTIQVA.

*Si quicumque rapiat alienam sponsam.*

**S**i alienam sponsam quicumque rapuerit, de raptoris ipsius facultatibus medietatem puellæ, aliam vero medietatem sponso iubemus addici. Quod si minimam aut nullam habeat facultatem, is quem supra memorauimus, cum omnibus quæ habuerit tradatur ad integrum: ita ut venundato raptore de eius pretio æquales habeant portiones. Ipse autem raptor, si peractum scelus est, puniatur.

## VI. ANTIQVA.

*Si quispiam de raptoribus occidatur.*

**S**i quispiam de raptoribus fuerit occisus, ille qui percussit ad homicidium non teneatur, quod pro defendenda castitate commissum est.

## VII. ANTIQVA.

*Infra quod tempus liceat accusare raptorem, & si parentibus vel puella cum raptore conueniat.*

**R**aptorem virginis vel viduæ infra xxx. annos omnino liceat accusare. Quod si cum puellæ parentibus, siue cum eadem puella vel vidua, de nuptiis fortasse conuenerit, inter se agendi licentia negari non poterit. Transactis autem triginta annis omnis accusatio sopita manebit.

## VIII. FLS. CHDS. REX.

*Si serui mulierem ingenuam rapuerint.*

*¶ eiusdem  
instantia.*

**A**equitatis opportunitas exigit legem ponere sequuturis, unde dubitationis occasio inter præsentis occurrit. Serui igitur si sciente domino vel iubente raptum facere præsumserint, ad omnem legalem satisfactionem seruorum domini iudicis instantia compellendus est. Quod si extra voluntatem domini, serui talia perpetraverint, iudicis idem sententia comprehensi, ac decaluationis fœditate mulctati, trecenteni insuper singuli flagellorum ictibus verberentur. Ille tamen seruus, qui ingenuæ mulieris per rapinam copulari quæsiuit, pœnali sententiæ subiacebit.

## VIII. FLS. GLS. RCHDS. REX.

*Si seruus mulierem libertati traditam rapuerit.*

**S**i seruus libertam rapuisse detegitur, quoniam iam non vnius conditionis esse noscitur, ideo, si idoneus seruus est, qui talia commisisse detegitur, & idoneam libertam rapuisse inuenitur: si voluerit dominus eius, c. solidos pro eo componat: si certe noluerit, eundem seruum tradere non desistat, ita ut ipsi mulieri ultra non liceat eundem raptorem sibi in coniugio copulare. Quod si ad eius aliquando coniugium venerit, & filii exinde fuerint procreati, dominus ille, cuius seruus rapti crimen admiserat, & seruū & agnationem sibi vindicet seruituram. Sin autem rusticus aut vilissimus seruus esse noscatur, & similem libertam rapuisse cognoscitur, quantum ipsum seruum valere constituterit, tantum pretium domini serui prædictæ mulieri persolvere procurabit. Ipse vero seruus, centenis flagellorum ictibus verberatus, ac turpiter decaluatus, in potestate domini sui erit perpetim permanens.

## X. FLS. CHDS. REX.

*Si seruus ancillam alterius rapuerit.*

**S**i seruus ancillam iuris alieni rapuerit, ducentorum flagellorum verberibus cæsus ac decaluatus; ab ancilla etiam, si dominus ancillæ voluerit, absque dubio separatur.

## XI. FLS. CHDS. REX.

*De sollicitatoribus filiarum & vxorum alienarum vel etiam viduarum, ac de his qui puellam aut viduam ingenuam absque regio iussu violenter dare marito præsumserint.*

**O**mne quod honestatem viræ commaculat, legalis necesse est ut censura coercetur. Idcirco sollicitatores adulterii vxorum vel filiarum alienarum, atque viduarum



vel sponſarum, ſi per ingenuum vel ingenuam, ſeu per ſeruum aut ancillam, atque etiam libertam aut libertum, mox manifeſtis indiis talium ſclerum mandata deferentes patuerint, cum eis etiam à quibus miſſi fuerint, iudicis inſtancia comprehenſi, in eius poteſtate tradantur, cuius vxorem vel filiam vel ſponſam ſollicitaſſe reperiuntur: vt illico quoque de his quod voluerit ſi iudicandi libertas; quem coniugalis ordo, vel parentalitatis propinquitas, huius vltorem criminis legaliter eſſe demonſtrat. Illi quoque qui puellam ingenuam vel viduam abſque regia iuſſione marito violenter præſumpſerint tradere, quinque libras auri ei cui vim fecerint, cogantur exſoluere: & huiusmodi coniugium, ſi mulier diſſentire probatur, irritum nihilominus habeatur.

XII. FLS. GLS. RCDS. REX.

*De ingenuis atque ſeruis quos in raptu intereſſe conſtiterit.*

**Q**ui in raptu interfuiſſe cognoscitur, ſi liber eſt, ſex auri vncias reddat, & quinquaginta ictus flagellorum publice extenſus accipiat. Nam ſi ſeruus fuerit, & ſine domini voluntate hoc fecerit, e. publice flagella ſuſcipiat. Quod ſi ſeruus in raptu interfuerit cum domini voluntate: dominus ita pro eo componat, ſicut & de ingenuis eſt conſtitutum.

IIII. TITVLVS.

DE ADVLTERIIS.

- I. *Si connibente aut non connibente vxore cum alio viro adulterium fiat.*
- II. *Si puella aut mulier diſponſata adulteraſſe reperiatur.*
- III. *De adulterio vxoris.*
- IIII. *Si adulter cum adultera occidatur.*
- V. *Si pater vel propinqui in domo adulteram occiderint filiam.*
- VI. *Quod ſerui præuentos adulteros occidere non iubentur.*
- VII. *Si puella vel vidua ad domum alterius pro adulterio venerit, eamque vir ipſe coniugem habere velit.*
- VIII. *Si mulier ingenua ſponte adulterio cuiunque ſe miſceat viro.*
- IIII. *Si mulier ingenua marito alterius ſe iningat ſupro.*
- X. *Pro adulterio torquendos ſeruos & ancillas in capite dominorum.*
- XI. *Si pro celando adulterio ſcelere, mancipium libertati tradatur.*
- XII. *De adulterorum coniugum rebus.*
- XIII. *De perſonis quibus adulterium accuſare conceditur, & qualiter perquiri vel conuinci iubetur.*
- XIIII. *Si ingenuus ſive ſeruus virginem aut viduam ingenuam violenter polluiſſe adulterio detegatur.*
- XV. *Si ingenuus ſive ſeruus, neſciente domino, alienam conſentientem adulteraſſe conuincatur ancillam.*
- XVI. *De adulterio ancillæ, ſeu id cum adultero violenter aut conſentienter feciſſe probetur.*
- XVII. *De meretricibus ingenuis vel ancillis, aut ſi earum ſcelus iudices perquirere vel corrigere voluerint.*
- XVIII. *De immunditia ſacerdotum vel miniſtrorum.*

I. ANTIQVA.

*Si connibente aut non connibente vxore cum alio viro adulterium fiat.*

**S**i quis vxori alienæ adulterium intulerit violenter, ſi ipſe adulter filios habens legitimos talia perpetraverit, ipſe ſolus abſque rebus addicatur marito mulieris. Si autem filios legitimos non habuerit quibus facultas ſua deberi legitimè poſſit, cum omnibus rebus ſuis in poteſtatem mariti mulieris deueniat, vt in eius poteſtate vindicta conſiſtat. Quod ſi mulieris fuerit fortaiſſe conſenſus, marito ſimilis ſit poteſtas de his faciendi quod placet.

II. ANTIQVA.

*Si puella vel mulier diſponſata adulteraſſe reperiatur.*

**S**i inter ſponſum & ſponſæ parentes, aut cum ipſa forſitan muliere quæ in ſuo conſiſtit arbitrio, dato precio, & ſicut conſuetudo eſt, ante teſtes facto placito, de futuro coniugio, aut cum parentibus eius quibus lex poteſtatem tribuit, facta fuerit definitio, & poſtea puella vel mulier adulterium commiſiſſe detegatur, aut fortaiſſe alteri viro ſe diſpondiſſe, vel in coniugio ſociariſſe probatur, vna cum adultero ſive iniuſto marito,



vel sponso illicito, quem sibi contra priorem definitionem sociare præsumpsit, in potestate prioris tradantur sponsi, cum rebus suis omnibus seruituri: si tamen filios de prioris coniugio adulter ille vel transgressor seu mulier ipsa non habuerit. Quod si filios legitimos habere probantur, tunc omnes res ad eosdem filios pertinebunt. Ipsi tamen, id est, tam mulier ipsa scelerata, quam etiam vir ille qui illam adulterasse, vel sponsasse, vel in coniugio sibi sociasse dinoscitur; in potestate illius cui primum prædicta mulier pacta fuerat, seruituri tradantur: ut de his quod voluerit faciendi habeat potestatem, & pretium ad illum sponsum qui dederat, reuertatur.

## III. ANTIQVA.

*De adulterio uxoris.*

SI cuiuslibet vxor adulterium fecerit, & deprehensa non fuerit, ante iudicem competentibus signis & indiciis maritus accuset. Quod si mulieris adulterium manifeste patuerit, adulter & adultera secundum superioris legis ordinem ipsi tradantur: ut quod de eis facere voluerit in eius proprio consistat arbitrio.

## IIII. ANTIQVA.

*Si adulter cum adultera occidatur.*

SI adulterum cum adultera maritus vel sponsus occiderit, pro homicida non teneatur.

## V. ANTIQVA.

*Si pater vel propinqui in domo adulteram occiderint filiam.*

SI filiam in adulterio pater in domo sua occiderit, nullam poenam aut calumniam incurrat. Si certe eam reseruare voluerit, faciendi de ipsa & adultero quod voluerit, habeat potestatem. Similiter & fratres siue patruum, post obitum patris, faciendi habent potestatem.

## VI. FLS. GLS. RCDS. REX.

*Quod serui præuentos adulteros occidere non iubentur.*

Sicut parentibus in domo repertos adulteros necare conceditur, ita præuentis a seruis perimi non iubentur: sed cum eos serui repperint, sub honesta custodia teneant, donec aut domino domus, aut iudici præsentandos exhibeant, & detectos certis indiciis legalis poena percellat.

## VII. ANTIQVA.

*Si puella vel vidua ad domum alterius pro adulterio venerit, eamque vir ipse coniugem habere velit.*

SI puella ingenua siue vidua ad domum alienam adulterii causa venerit, & ipsam ille uxorem habere voluerit, & parentes, ut se habeant, acquiescant, ille pretium de parentibus quantum parentes puellæ velint, vel quantum ei cum ipsa muliere conuenire potuerit. Puella vero de parentum rebus nullam inter fratres suos, nisi parentes voluerint, habeat portionem.

## VIII. ANTIQVA.

*Si mulier ingenua sponte adulterio cuicunque se misceat viri.*

SI ingenua mulier cuicunque viro se adulterio volens miscuisse detegitur: si eam ipse uxorem habere voluerit, habeat potestatem: si autem noluerit, suæ imputet culpæ quæ se adulterio volens miscuisse cognoscitur.

## IX. ANTIQVA.

*Si mulier ingenua alterius marito sese adulterii + iungat stupro.*

+ misceat.

SI qua mulier ingenua marito alicuius adulterio se sociauerit, & ex hoc manifestis indicibus & probatione conuincitur, addicatur uxori, cuius marito se miscuit, ut in ipsius potestate vindicta consistat.

## X. ANTIQVA.

*Pro adulterio torquendos seruos & ancillas in capite dominorum.*

PRO causa adulterii etiam in domini domineve capite serui vel ancillæ torquendi sunt, ut veritas & certius possit inueniri, & indubitanter agnosci.



## XI. ANTIQVA.

*Si pro celando adulterii scelere mancipium libertati tradatur.*

**S**i quis pro occultanda veritate, mancipium manumittat, ne possit pro adulterii probatione torqueri, libertas data non valeat.

XII. FLS. CHDS. REX.

*De adulterorum coniugum rebus.*

**P**raterea quidem legis sanctione constitutum recolimus, adulteram mulierem pariter & adulterum marito eius tradi debere. Tamen quia de rebus eorum saepe iudices dubitare contingit, ideo specialiter decernere necessarium extitit: ut si vxoris adulterium proponente viro manifeste patuerit, & tam adultera quam adulter de priori coniugio legitimos filios non habuerint, omnis eorum hereditas marito mulieris adulteræ cum personis pariter addicatur. Certe si filios legitimos de priori coniugio adulter habuerit, ipsis eius hereditas ex omnibus pertinebit, & huius tantum persona marito adulteræ subiacebit. Vxor autem adultera, si de priori coniugio & de postremo legitimos filios habere dinoscitur, sequestrata filiis de priore coniugio portione, & in eorum potestate relicta, sic suorum filiorum, ex eadem quæ postmodum in adulterio conuincitur coniuge creatorum, maritus eius portionem optineat, ut post suum obitum eisdem filiis possidendam relinquat: ita tamen, ut postquam vxor adultera in potestatem fuerit mariti redacta, nulla sit illi ulterius vel fornicandi cum illa, vel in coniugio illam sibi sociandi licentia. Nam si fecerit, ipse quidem de rebus eius nil habiturus est. Omnis tamen mulieris facultas, aut filii eius legitimis, aut, si filii defuerint, heredibus mulieris ex toto proficiat. Similis ratio & de sponsatis forma seruetur.

XIII. FLS. GLS. RCHDS. REX.

*De personis quibus adulterium accusare conceditur & qualiter perquiri vel conuinci iubetur.*

**S**i perpetratum scelus legalis censura non reprimat, sceleratorum temeritas ab aduersis vitis nequaquam quiescit. Ideoque quia quorundam interdum vxores viros suos abominantes, seseque adulterio polluentes, ita positionibus quibusdam, vel maleficorum factionibus, eorundem virorum mentes alienant atque precipitant, ut nec agniti vxoris adulterium accusare publice vel defendere valeant, nec ab eiusdem adulteræ coniugis consortio vel dilectione discedant: id in causis talibus omnino seruandum est, ut si eiusdem adulteræ, vel decepti mariti ætate sunt legitimi filii, ipsis iuxta quod maritus adulteræ requirere poterat, sit apud iudicem mulieris adulterium accusandi vel improbandi licentia. Certe si aut filii defunt, aut non eiusdem ætatis vel solertæ qui hoc expedire legitime possint, ne fortasse, dum dilatio vitæ sciendi adulterii intercedit, aut deceptum maritum fraudulenter adultera perimat, aut facultas eius filiis suis vel propinquis ex hac occasione depereat, propinquis mariti adulteræ sub hac discretionē accusandi adulteram lex ista constituit: ut si accusationis huius fiduciam assumentes, adulterium mulieris eorum inquisitione coram iudice manifestè patuerit, tunc adulter siue etiam adultera, qui hoc scelus conuicti fuerint commisisse, cum omnibus rebus suis illi incunctanter tradendi sunt seruituri, qui hanc causationem secundum institutionem legis visi fuerint iustissime prosequi, talis tantum animabus, quas ad lamentationem penitentiae pietatis indulgentia reseruamus, ea tamē quæ in detractione vel flagellatio corporis in eis impertire voluerint, licentiam per huius legis sanctionem decernimus. Veruntamen, tam eiusdem adulteræ filii ex ipso iam tempore, quo conuicta fuerit tale facinus perpetrasse, quam etiam propinqui sui, post eius viri obitum, si filii defuerint, adulteræ mulieris optineant facultatem. Si autem filii post eius obitum superstites extiterint, & tamen aut non eiusdem ætatis, aut non talis experientiae, qui mulieris adulterium accusare vel conuincere competenter intendant, tunc ille propinquus mariti, qui manifestum mulieris adulterium vitus fuerit, quintam partem facultatis adulteræ pro labore suo percipiat: quatuor autem partes ad integrum prædictorum filii sibi indicent ac defendant. Nam si aut propinquorum in hac parte repeditas, aut filiorum negligentia, vel fortassis muneris acceptio, utroque corrumpens, minime fuerit eadem

† conuicti  
† causam, ab  
accusato-  
nem.  
\* damnatio-  
ne, vel



actio à talibus personis quæ sita; dum ad regiam cognitionem eadem causa peruenerit, ipse proculdubio pro mercede sua constitutus est vel à quo debeat tale negotium prosequi, vel quantum persequutor de rebus sceleratæ mulieris pro commodo sui laboris incunctanter consequi possit. Verum quia difficile fieri potest, ut per liberas personas mulieris adulterium indagetur, dum frequenter hoc vitium occulte perpetrari sit solitum: proinde quando ad conuincendum adulterium accusatæ mulieris ingenuitas omnino defuerit, prædictis personis quibus eius adulterium accusare præsentis lege permissum est, hoc etiam aperte licitum erit, ut per quæstionem familiæ utriusque domini accusare mulieris adulterium coram iudice iustissimum est requiratur.

## XIII. ANTIQVA.

*Si ingenuus siue seruus virginem aut viduam ingenuam violenter polluisse adulterio detegatur.*

**S**I virginem quisque vel viduam ingenuam violenter adulterandam compresserit, vel stupri forsitan commixtione polluerit: si ingenuus est, c. flagellis cæsus, illi continuo cui violentus extitit seruiturus tradatur: seruus verò cõprehensus à iudice ignibus concremetur. Ingenuus tamen pro huiusmodi scelere traditus, nullo vnquam tempore ad eius quam compressit vel stuprauit, peruenire coniugium admittatur. Quod si hæc ipsa mulier quæ violentiam pertulit, postea eum sibi traditum seruum acceperit, aut qualibet occasione eum sibi in coniugio copulare præsumpserit; tunc ipsa mulier, turpissimæ factionis suæ sentiens damna, cum omnibus rebus suis propriis hæredibus seruitura subiaceat.

## XV. ANTIQVA.

*Si ingenuus siue seruus sciente aut nesciente domino alienam consentientem adulterasse conuincitur ancillam.*

**S**I extra domum domini sui se adulterio volens ancilla miscuisse conuincitur, ancillam tantummodo iudicandi dominus habeat potestatem. Si vero ingenuus aut seruus cum ancilla ex consensu in domo domini ancillæ reperiatur talia commisisse: ingenuus quidem pro idonea ancilla absque infamia centum verbera ferat, pro inferiori vero quinquaginta: seruus autem cl. flagella suscipiat.

## XVI. ANTIQVA.

*De adulterio ancilla, si cum adultero violenter id fecisse + conuincitur.*

*†probetur.*

**S**I ancillam quicumque violenter compresserit alienam, eamque adulterauerit, & vel in domo domini sui fuerit comprehensus, vel in quocunque loco violentus extitisse conuincitur, seruus quidem ducentos ictus accipiat flagellorum: ingenuus vero quinquaginta, & insuper xx. solidos ancillæ domino coactus exsoluat. Dominus tamen, si id seruo faciendum iussisse probatur, superiori ingenuorum & dampno & flagello subiaceat.

## XVII. FLS. GLS. RODS. REX.

*De meretricibus ingenuis vel ancillis, aut si earum scelus indices perquirere vel corrigere recusent.*

**S**I aliqua puella ingenua siue mulier, in ciuitate publicè fornicationem exercens, meretrix agnoscatur, & frequenter deprehensa in adulterio, nullo modo erubescens iugiter multos viros per turpem suam consuetudinem attrahere cognoscitur, huiusmodi à Comite ciuitatis comprehensa trecentenis flagellis publicè verberetur, & dimissa ante populum dimittatur: sub ea conditione, ut postmodum in turpibus vitiis nullatenus deprehendatur, nec vnquam in ciuitatem ei veniendi aditus detur. Et postmodum ad pristina facta rediisse cognoscitur, iteratim à Comite ciuitatis trecentena flagella suscipiat, & donetur à nobis alicui pauperi, ubi in graui seruitio permaneat, & nunquam in ciuitate ambulare permittatur. Et si fortè contingat, ut cum consensu patris sui vel matris adulterium admittat, ut quasi per turpem consuetudinem conuersationem victum sibi vel parentibus suis acquirere videatur, & ex hoc pater vel mater fuerint pro hac iniqua conscientia fortasse conuicti, singuli eorum centena flagella



gella suscipiant. Si vero ancilla cuiuscunque in ciuitate simili conuersatione habitare dinoscitur, à iudice correpta trecētis flagellis publicè verberetur, & decaluata domino reformetur, sub ea conditione, vt eam longius à ciuitate faciat conuersari; aut certè tali loco transuendat, vbi penitus ad ciuitatem accessum non habeat. Quod si forsitā nec ad villam transmittere, nec vendere voluerit, & hæc iterum ad ciuitatem reuersa fuerit, huiusmodi dominus in conuentu publicè l. flagella suscipiat. Ipsa vero ancilla donetur alicui pauperi, cui Rex, vel Iudex, aut Comes eligere voluerint: ita vt postmodum ad eandem ciuitatem illi veniendi aditus non præstetur. Quod si contigerit, vt cum domini voluntate adulterium commisisset, acquirēs per fornicationem pecuniam domino suo, & ex hoc publice fuerit conuictus, ipse dominus eundem numerum flagellorum, qui superius de eadem continetur, ancilla suscipiat. Similiter & de ipsis præcipimus custodiri, quæ per vicos & villas in adulterii consuetudine fuerint deprehensæ. Quod si iudex per negligentiam aut fortasse beneficio retentus, talia vitia requirere, aut contestari, vel distringere noluerit; à Comite ciuitatis c. flagella suscipiat, & xxx. solidos reddat ei cui nobis fuerit ordinatum.

XVIII. FLS. GLS. RCDS. REX.

*De immunditia sacerdotum & ministrorum.*

Quia quanto magis munditiam carnis sacra auctoritas imperat, tanto hanc appetere ipsius ministros eius clamor informat: ideo & nos ponere finem illicitis ausibus ritè compellimur, quoniam & ipsi diuinis nutibus deuotissimè placere conamur. Igitur quemcunque etiam presbyterum, diaconum atq; subdiaconum, Deo votæ, viduæ poenitenti, seu cuiuscunque virgini, vel mulierculæ sæculari, aut coniugio aut adulterio cōmixtum esse euidentissimè patuerit, mox hoc episcopus siue iudex, vt repererint talē commixtionem, distrumpere non retardent. Redacto autem illo in sui pontificis potestatem, sub poenitentia lamenta iuxta sacros canones deputeretur. Quam distractionis seueritatem, si pontificum torpor implere neglexerit, idem pontifex duas libras auri fisco persoluat, & commissum malum vindicare non differat. Quod si corrigere hoc nequiverit, aut concilium appellet, aut regis hoc auditibus nunciet. Mulieres verò, quæ illis fuerint prædictis immunditiis <sup>† implicata.</sup> centenis flagellis à iudicibus verberentur, & commiscendi se illis aditus omnino denegetur: seruata ab episcopis etiam super hoc scelere in vtroque sexu patrum sententia, quæ canonum decretis agnoscitur ordinata. In vlciscendis autem talibus sceleribus non passim damus accusandi vel puniendi licentiam, nisi aut manifestis indiciis patuerit scelus, aut legitimè fuerit id ipsum malum accusatum atq; conuictum: quatinus nulla videamur intentione vel ordine patrū transgredi præcepta sanctorum, aut obuiare sacris regulis antiquorum.

V. TITVL.

DE INCESTIS ET APOSTATICIS ATQVE  
masculorum concubitoribus.

*De coniugiis & adulteriis incestiuis.*

I. *Item de coniugiis & adulteriis incestiuis, seu virginibus sacris ac viduis & poenitentibus laicali veste vel coitu sordidatis.*

II. *De viris ac mulieribus tonsuram & vestem religionis præuaricantibus.*

IV. *De speciali viduarum fraudulentia compefcenda.*

*De masculorum stupris.*

I. *De violentibus paternum atque fraternum thorum.*

II. *De sodomitis, qua debeant ultionis sententia percuti.*

I. FLS. GLS. RCDS. REX.

*De coniugiis & adulteriis incestiuis.*



† patris.



Nullus præsumat de genere patris vel matris, aui quoque vel auię seu parentum, vxoris, † fratris etiam desponsatam aut viduam vel propinquorum suorum relictam, sibi in matrimonio copulare, vel adulterio polluere: ita vt vsque ad sextum generis gradum nulli liceat sanguinis propinquitatem libidinosę scđare, vel in coniugio appetere; exceptis illis personis, quas per ordinationem atque consensum principum, ante hanc legem constat adeptas fuisse coniugium: quę nequaquam per legis huius edictum teneri poterunt ad reatum. Similis & de mulieribus ordo seruandus est. Qui verò contra hanc constitutionem præsumpserint facere, iudex eos non differat separare, vt à tam nefanda pollutione diuisi, iuxta qualitatem sexus, in monasteriis delegentur illic iugiter permansuri. Quid verò de eorum facultatibus obseruari conueniat, subterius correctę legis sententia manifestatur.

II. FLS. GLS. RCHDS. REX.

*Item de coniugiis & adulteriis incestiuis seu virginibus sacris ac viduis & pœnitentibus, laicali veste vel coitu sordidatis.*

Vniuersis prouinciis domino ordinante ad regni nostri ditionem pertinentibus. Noxa præteritorum operum prauitas fecit futuris temporibus legem ponere, & vitiosis facinoribus licentiùs inolitis termino iustitię obuiare. Audetur denique à multis, contra diuinę legis monita vel contra honestos vitę communis mores, deuotas decordes virgines, & continentiam viduitatis cum benedictione sacerdotis iuxta morem canonum profitentes, seu affinitate consanguinitatis coniunctas fœminas, aut violenter, aut per consensum sibi coniuges sumere, & deo dicatam castitatem vel reuerendam generis copulationem, inconcessę libidinis immunditia sordidare. Quę temeritas, dum vel à viris vel à fœminis eiusdę professionis admittitur, & castis abhorret moribus; & fidem veram impugnat. Zelamus. n. pro veritate zelo dei, atq; Ecclesię sanctam catholicam, huius fidei nostrę cōmonemus decretis, vt deinceps, sicut & canones Ecclesiastici prohibent, nullus deo deuotam virginē, nullus sub religionis habitu consistentē, siue viduitatis cōtinentiā profitentē, seu agentē pœnitentiā, vel sui proximę generis, aut eam de cuius admixtione incestiux notam possit subire infamię, non licito connubio, aut vi, aut consensu accipiat coniugem. quia nec verum poterit esse coniugium, quod à meliori proposito deducitur ad deterius; & sub falsi nominis copula, incestiua pollutio & fornicationis immunditia perpetratur. Hoc verò nefas si agere amodo prouinciarum nostrarum cuiuslibet gentis homines sexus vtriusque temptauerint, insistente sacerdote vel iudice, etiam si nullus accuset, omnibus modis separati exilio perpetuo relegentur, ne aliqua in defensione sui, quo vsque vixerint, longitudine temporis excusentur. Eorum verò bona qui talia gesserint, & pro talibus culpis dampna legis huius exceperint, si e de priori coniugio filii defuerint, ipsorum filiis absque infamię nota omnino proficiant. quia licet sint sceleratè concepti, sunt tamē vnda sacris baptismatis expiati. Quod si filii fortasse defuerint, illi ad capiendam hereditatem succedant, quibus priscarum legum sanctio legitima successione indulget. Similis quoque de religiosis forma seruabitur quibus nubere canonum sententia prohibetur: illis tantum feminis ab hac sententia segregatis, quę violentiam cōiunctionis indebitę sine præcedenti vel sequenti confessione protulerint. Sacerdotes verò vel iudices, si talia cognoscentes vlcisci fortasse distulerint, quinas auri libras fisco cogantur exsoluere. Quod si fortè id redarguere voluerint nec potuerint, regis hoc auditibus insinuare procurent: vt quod eorū non potuit vincere sententia, principalis dampnet omnino censura.

III. FLS. GLS. CHDS. REX.

*De viris ac mulieribus tonsuram & vestem religionis prauaricantibus.*

† censura  
signaculum.

Apostaticę calamitatis opprobrium ex hoc merito funditus extirpare compellimur. Ex quo dominum nobis fore propitium confidimus. Sienim cum minima peccata corrigimus, pietatem eius fautricem nobis effcimus; quanto magis, si scelus in diuinitate commissum seuerissimę censurę fœce rescindimus? Ideoque hac in perpetuum valitura lege sancimus: vt quicunque religionis habitum per honorabile † tonsurę signum, aut tempore pœnitentię susceperint, aut non fraudulenta sed pia paratum oblatione meruerint, aut proprię voluntatis deuotione tenuerint, & ad laicalem conuersationem postmodum apostatizando redierint, iuxta sententiam canonicam

eun-



eundem religionis ordinem quolibet prosequente reducantur inuiti, atque infamiae nota resperli, & in monasteriis perenniter religati, districtori macerentur poenitentia, corrigendi. Illis tantum supplicio seueritatis huius indulto, quos aut alienae fraudis coegit impulsio, aut ad ordinis omitti regressum voluntatis propriae reduxerit votum: si tamen nec vir post hanc uxorem duxerit, nec mulier maritum alterum acceperit. Illos etiam ab hac sententia immunes efficimus; qui sic inualecente langore ad poenitentiam vel tonsuram peruenierint ordinem: ut id se nec accepisse tunc nouerint, nec petisse meminerint. Prauaricantium verò bona, eorum filiis aut propinquis hac discretione pertineant: ut vir habens uxorem, si filios etiam ex eadem habuerit, & donatum aliquid ab ipsa perceperit: si superstes vxor est, ita possideat, ut post suum obitum communibus filiis possidendum relinquat. Certè si aut ipsa discesserit, aut communes filii defuncti, proprietatem prauaricatoris viri propinqui eius heredes incunctanter optineant. Nam quod ab uxore quolibet tempore donatum fortasse perceperat, propinquis vxoris heredibus absque dubitatione proficiat. Hanc etiam de feminis omnino seruabitur forma: ut poenitens virgo vel vidua, si veste religiosa deposita, secularia denuo sumpserint indumenta, aut inierint fortasse coniugia, similis eas & in amissione rerum iuxta superiorem de viris taxatum ordinem, censura redarguat, & distinctionis poenae percellat: ita videlicet ut proprietatem feminæ eius filii aut heredes habeant: donationem autem à viro perceptam propinqui mariti, à quo conscripta donatio dinoscitur, debet sibi cognoscant. Et quoniam apostatizandi præcipitatio fraude potius mulierum sapissime perperratur, id etiam oportuit præsentis lege censendum: ut quicquid à viro seu ante nuptias, seu post nuptias, in nomine sponsæ vel vxoris titulo fuerit dotali conscriptum, non mulieris eius heredes, sed heredes eius qui dotem conscripsit, sibi met per omnia nouerint vindicandum. Personis verò talibus accusandi, vel testificandi, atque aliena negotia prosequendi licentiam penitus abnegamus. Quia non poterunt in negotiis secularibus fideles existere, qui deuotionem sanctam ausu comprobantur sacrilego temerasse.

IIII. IN NOMINE DOMINI FLS. GLS. EGIGA. REX.

*De speciali viduarum fraudulentia compescenda.*

Sole quorundam infelicitum viduarum astutia fraudem deuotioni admiscere, & permixta vestium tumultu, transgressionis sibi cum voluerit aditum referare. Agunt enim tempore luctus sui ut religiosa veste forte se induant, & postea transgressionis meditantur infamiam, replicatos abintus clauos suis tunicis insuant, quos induisse sub tali fraudum argumentatione contendunt. Sicque per hoc inuentum fallunt oculos: quia aliud in eis publice videre non possunt, quam quod foris patula omnibus cognitione monstratur. Quapropter v. omnis de cætero simulatae amputetur occasio, id tenendum præsentis sanctione legis decernimus, ut abinceps quæcunque vidua isto se fraudum argumento excusare voluerit, ut abintus aliud replicet, aliudque ostendat in superficie tunice, hoc illi religionis deputetur insigno, quod ex transgressionis delictis admissa vel adnixa est argumento: quia non quod illa ad transgressionem sibi usurpat, sed quod inuentum fides clamat, hæc certa, hæc vera religionis approbata sunt signa. Iam verò vidua quæ deinceps tali se voluerit obiectione defendere, vel excusatione cecellare, non solum quasi præcisæ vocis huius sustinebit iacturam, sed transgressionis omnimodæ nexibus illigata, constituta canonum & legum non effugiet dampna.

VIII. FLS. GLS. CHDS. REX.

*De masculorum stupris.*

Non relinquendum est scelus inultum, quod detestandum semper & execrabile morum prauitate censetur. Masculorum ergo concubitores, vel ii qui talia consentientes peruulerint, ista sunt legis huius sententia feriendi: ut uti scilicet mox tale nefas admissum iudex euidenter inuestigauerit, utrosque continuo castrare procuret: & tradens eos pontifici territorii ipsius, ubi id perpetrari contigerit, sequestratim ardua mandentur detractioni, vel inuiti scilicet laniari commissa, qui voluntarie perpetrasse noscuntur inlicita. Hoc interim horrendum dedecus, si inferens quisque vel patiens, non voluntarius sed inuitus explere dinoscitur: tunc a reatu poterit immunis haberi, si nefandi huius sceleris ipse detector exierit. Ille proculdubio tenendus est ad poenam, quam in hac

Tomus III.

Gggg



*† infamiam.* sponte deuolutum constat *†* infamiam. Habentes autem vxores, qui de consensu talia gesserint, facultatem eorum filii aut heredes legitimi poterunt obtinere. Nam coniugi sua tantum dote percepta, suarumque rerum integritate retenta, nubendi cui voluerit, indubitata illi manebit & absoluta licentia.

VI. FLS. RCDS. REX.

*De violentibus paternum ac fraternum thorum.*

**S**uperiori quidem lege de propinquorum incestu quid debeat obseruari, decretum est: tamen quia non minoris esse constat sceleris, paternum thorum siue fraternum commaculati, constituentes adiicimus, vt concubinam patris sui vel fratris, aut eam quam scierit patrem suum aut fratrem vel semel adulterasse, seu sit libera siue ancilla, nullus vnquam propinquorum adulterare, præsumat: neque pater adulteratam à filio stupri sceditate aliquatenus polluat. Quod si talia quisque sciens facere fortasse præsumpserit, facultatem eius, si filios legitimos non habuerit, heredes quos successio expectat optineant. Ipse verò sub poenitentia relegatus, perennis exilii dampnationem excipiat.

VII.

*De sodomitis, qua debeant ultionis sententia percuti.*

*† rogalem.* **O**rthodoxæ fidei ratione compellimur, *†* legalem censuram in honestis exhibere moribus, & continentix freno restringere carnis lapsibus implicatos. Nam tunc potius genti ac patriæ nostræ elementis pietate consulimus, cum & prauorum funditus scelera extirpare curamus, & in male actis vitiorum terminum ponimus. Illud sane facinus detestandæ libidinis abrogare contendimus, quibus masculi masculos inlicita stupri actione, immundis sordibus maculare non metuunt, tantique se flagitii coinquinationibus polluant, quanto ea & diuinis aduersa cultibus & contraria castitati conspiciunt. At vero licet huiusmodi lapsus & sacræ scripturæ auctoritas, & mundanæ sanctionis prohibeat omnino censura; nouellæ tamen legis necesse est abrogari sententia, ne dum emendatio opportuna differtur, peioribus crescere vitis dinoscatur. Et ideo huius legis edicto decernimus, vt quicumque amodo vel deinceps, seu de religiosis siue ex laicis, cuiuslibet ætatis aut generis homo præscripto fuerit scelere quibuscunque indiciis manifeste detectus, mox iubente principe vel quolibet iudice insistente, non solum castrationem virium perferat; sed in super illam in se iacturam accipiat ultionis, quam pro his causis, nuper, in anno videlicet tertio regni nostri, sacerdotalis decreti promulgata sententia euidenti descriptione deprompsit.

VI. TITVLVS.

DE DIVORTIO ET DISCIDIO SPONSORVM.

- I. Si mulier viri sui iuste vel iniuste diuortium patiatur.
- II. Ne inter coniuges diuortium fiat.
- III. Ne inter sponfos discidium fiat.

I. ANTIQVA.

*Si mulier viri sui iuste vel iniuste diuortium patiatur.*

**M**ulierem ingenuam à viro suo repudiatam, nullus sibi in coniugio sociate præsumat. Quod si facere quicumque præsumperit, mox vt comes ciuitatis, vel vicarius, aut territorii iudex, tale nefas commissum agnouerit: si nobiles fuerint fortasse personæ, quos iudex distingere aut separare non possit, nostris id auditibus confestim publicare non differat: vt seueritatem legis, quam merentur, excipiant. Nam si minoris loci personæ sunt, iudex eos continuo separare nequaquam moretur. Ita vt tam mulier, quæ se adulterio extra voluntatem mariti prioris in coniugium copulauit, quam etiam ille qui eam sibi assumere vxorem præsumpsit, in potestate tradantur anterioris mariti: vt quid de eis facere voluerit, sui sit incunctanter arbitrii. Si tamen causam inter priorem maritum & vxorem adhuc inauditam manere constiterit, aut si idem maritus alteri se mulieri in matrimonio non coniunxerit. Certe si maritus vxorem iniuste reliquerit, & donationem dotis amittat, quam ei contulerat, eidem mulieri proculdubio pro futuram, & de rebus eiusdem mulieris nihil se habiturum esse cognoscat. Sed quicquid etiam de facultate ipsius mulieris vel alienasse vel fraudasse dinoscitur, ad integrum distringente iudice mulieri restituat. Quod si mulier sub metu viri sui consistens, quo-



quocunque argumento persuasa siue decepta, aliquam de suis rebus, in nomine illius viri qui eam reliquit, scripturam conscripserit, huiusmodi scriptura nullam omnino firmitatem habebit: sed vniuersa, quæ per eandem scripturam mulier dederat, iuri suo perenniter vindicabit.

II. NOV. EMD. FLS. CHDS. REX.

*Ne inter coniuges diuortium fiat.*

SI alienam coniugem violare, sine crimine non est; quanto magis illam contemnere, quã sponte sua vnusquisque possidendã fortitus est? Quia ergo plerisque tam præcipites habet, vel rerum ambitio, vel effrænata libido: vt quadam fraude, coniugibus suis spretis, alias videantur vxores appetere, constitutionis huius est perenniter forma seruanda. Vt nullus virorum, excepta manifesta fornicationis causa, vxorem suam aliquãdo relinquat; & neque per testem neque per scripturam, siue sub quocunque argumento, facere diuortium inter se & suam coniugem audeat. Sed si adulteram maritus dixerit fortasse redarguendam, iuxta legem aliam, eius publice scelere comprobato, à iudice sibi faciendi de ea quod voluerit, sit illi potestas. Certe si conuersionis ad <sup>† al. & cum</sup> dominum voluntas extiterit, communem assensum viri scilicet & mulieris sacerdos euidenter agnoscat: vt nulla postmodum cuiuslibet eorum ad coniugalem aliam copulam reuertendi excusatio intercedat. Quod si aliter quisque vxorem suam spernens, quamcunque calliditatem scripturarum ab ea sibi suisque <sup>† volutatibus</sup> profuturam exegerit, non solum tale vinculum quandoque repertum fuerit, nihilominus firmitatem habebit: sed eadem mulier, tam facultatem suam quàm dotem ab ipso viro acceptam sibi in omnibus vindicabit: & si quid aliud facultatis eiusdem pessimi viri fuerit, cunctis eorum filiis ad integrum pertinebit. Quod si aut communes filii, aut eiusdem viri ex coniugio præcedenti non fuerint, vniuersam viri facultatem mulier quæ per nequitiam illius à coniugio resoluta est, incunctanter poterit optinere. Et hanc causationem vel accusationem, si mulierem constiterit fortasse defunctam, eius filii in cuiuscunque voluerint proponendi iudicio licentiam habituri sunt: vt reperto tali crimine vir utique huius sceleris istius legis mulctetur sententia, & omnibus filiis, seu ex eodem pari coniugio, siue ex præcedenti ipsius viri, vt diximus, procreatis, æqualiter facultas eius optinenda pateat. Certe si nec communes filii, nec ex priori ipsius viri coniugio geniti superstites extiterint: & ea forsitan mulier, quæ relicta est, ex priori digno coniugio filios videatur habere, ipsis proculdubio licitum erit maternam vocem asserere: vt eorum instantia cum fuerit, iuxta præsentem legem, scelerati persona damnata, facultatē eius indubitanter optineant. Iam verò si prædictarum personarum, vel viri vel mulieris, secundum præfatum ordinem, filii deesse noscuntur; contemptæ mulieris hereditatem tunc recte propinquis eius capiendi licitum erit, si despectum propinquæ vindicaturi, spernentis viri præsumptionem legaliter condemnandam institerint. Maritus autem, qui vel diuortii vel securitatis à coniuge scripturam quamlibet exegerit, seu fortasse non exigens, contempta tamen vxore, aliam sibi vxorem assumpserit, ducentis publice verberibus flagellatus, acturpiter decaluatione fœdatus, aut perpetuo condemnatur exilio, aut si donare illum cuiusque principis potestas elegerit, in suo consistat arbitrio. Sed & mulier, quæ sciens, aut occasione qualibet agnoscens, virum habere superstitem vxorem, eius vanitati consenserit, vt ipsi se in coniugio copulet, illi protinus mulieri tradenda est. quæ contempta ab eodem marito, quem illa sortita esse dinoscitur: ita vt vita tantum concessa, faciendi de ea quod elegerit, sit illi libertas. Certe si post mulieris obitum, filiorum eius assertionem tale nefas fuerit comprobatum; aut si filii defuncti, à propinquis heredibus extiterint huius rei negotium persequutum: ipsis similiter præuaricatrix mulier tradatur in potestatem. vt eodem iudicio, quo mulier contempta debuerat, de persona eius, absque mortis interitu, sententiam ferat. Sane, quia per mulieres etiam, huius rei interdum fieri solet scandalum, vt fauore regum vel iudicum, viros proprios spernere videantur: ideoque, si quæcunque mulier, siue principis ope, aut quocunque ingenio, seu cuiuslibet auxilio, intenderit inter se & virum suum diuortium fieri, vel ad alterius viri coniugium transire consenserit; in eiusdem legitimi viri sui cum omnibus rebus suis potestatem redacta, eadem quæ superius maritum pœna constringit, vel quæ de rebus eorum est sententia constituta, sceleratæ mulieris damnatur temeritas. Similis quoque & de viris forma seruabitur, qui vxorē alterius vel spōsam sibi in coniugium sociare præsumpserint. Ea tantū conditione retenta, vt si mulieris



maritus, masculorum concubitor approbatur, aut si eandem suam vxorem, ea nolente, adulterandam cuicunque viro dedisse vel permisisse conuincitur, quia tale nefas fieri nequaquā inter Christianos oportet, nubēdi mulieri alteri viro, si volūtas eius extiterit, nullatenus illicitum erit. Nam si in coniugio positus, vxore videlicet & marito, matrum fortē constitit iuste cuilibet seruū additum; si noluerit mulier manere vel habere illum in coniugali secum consortio, tandiū se nouerit castæ vitæ frāno manere constrictam, nec nubendi alteri viro concedi sibi licentiam, donec eius maritus, de quo dictum est, debitam extremæ vitæ mortem exsoluat.

† RCDS.

III. FLS. † CHDS. REX.

*Ne inter sponfos discidium fiat.*

**A** Equali placet transgressum damnatione mulctari, quod illæsum æquali præstabat dignitate manere. Igitur iuxta præsentem superiorem legem de viris & mulieribus sponsatis tam in personis quàm in rebus forma seruanda est: qui post arrarū traditionem, aut factam secundum leges definitionis sponsonem, coniugale fœdus continent, aliis se personis in coniugium copulauerint, seu sine pari consensu, aut ægritudine fortasse manifesto periculo, ad religionis propositum, calliditate magis quàm deuotione conuersationis, aspirare præsumperint, superiorem legem præcipimus permanere.

## DE ORIGINE NATVRALI

### LIBER QVARTVS.

Titulus I.

DE GRADIBVS.

- I. De primi gradus natura.
- II. De secundi gradus affinitate.
- III. De tertii gradus parentela.
- IV. De quarti gradus consanguinitate.
- V. De quinti gradus origine.
- VI. De sexti gradus extremitate.
- VII. De personis septimi generis quæ legibus non tenentur.

I. ANTIQVA.

*De primi gradus natura.*

**P**rimo gradu continentur superiori linea, pater, mater: inferiori filius, filia, quibus nullæ aliæ personæ iunguntur.

II.

*De secundi gradus affinitate.*

**S**ecundo gradu continentur superiori linea, auus, auia: inferiori, nepos, neptis: transuersa, frater & soror. Quæ personæ duplicantur: auus enim & auia, tam ex patre quàm ex matre. Nepos, neptis, tam ex filio quàm ex filia. Frater & soror, tam ex patre quàm ex matre accipiuntur. Quæ personæ sequentibus quoque gradibus similiter per substantiam earum, quæ in quoquo gradu consistunt, ipso ordine duplicantur: & istæ personæ in secundo gradu ideo duplices appellantur, quia duo aui & paternus & maternus. Item duo genera nepotum sunt, siue ex filio siue ex filia procreati. Frater & soror ex transuerso veniunt, id est, frater patris, aut frater matris, qui aut patruus, aut auunculus nominantur. Qui & ipsi hoc ordine duplicantur.

III.



## III.

*De tertii gradus parentela.*

**T**ertio gradu veniunt suprà, proauus, proauia, infrà, pronepos, proneptis: ex obliquo, fratris & sororisque filius, filia, Patruus & amita, id est, patris frater & soror. Auunculus & matertera, id est, matris frater & soror.

## IV.

*De quarti gradus consanguinitate.*

**Q**uarto gradu veniunt suprà, abauus, abauia: infrà, abnepos, abneptis: ex obliquo, fratris & sororis nepos, neptis. Frater patruelis, soror patruelis. i. patrum filius filiaue, Consobrinus, & consobrina, id est, auunculi & materteræ filius, filia, amitinus, amitina, id est, amitæ filius, filia. Itemque consobrini, qui ex duabus sororibus nascuntur. Quibus adcrescit patruus magnus & amita magna, id est, aui paterni frater & soror. Auunculus magnus & matertera magna, id est, auiæ paternæ & maternæ frater & soror. Hic plus exponi opus non est, quàm lectio ista declarat.

## V.

*De quinti gradus origine.*

**Q**uinto gradu veniunt, supra quidem, atauus, atauia: infra, adnepos, adneptis: ex obliquo, fratris & sororis pronepos, proneptis. Frater patruelis, soror patruelis, amitini, amitina, consobrini, consobrinæ filius, filia. Proprius subrinus, subrina, id est, patrum magni, amitæ magnæ, auunculi magni, materteræ magnæ, filius, filia. His adcrescunt, propatruus, proamita, hi sunt proau paterni frater, & soror, Proauunculus, promatertera, hi sunt proau materni frater & soror. Hæ species, nec aliis gradibus, nec aliis vocabulis declarari possunt.

## VI.

*De sexti gradus extremitate.*

**S**exto gradu veniunt supra, tritauus, tritauia: infra, trinepos, trineptis: ex obliquo, fratris & sororis abnepos, abneptis. Frater patruelis, soror patruelis, amitini, amitina, consobrini, consobrinæ, patrum magni, amitæ magnæ, auunculi magni, materteræ magnæ, nepos, neptis, Proprii subrini filius, filiaue, qui consobrini appellantur. Quibus ex latere adcrescunt propatrum proamita proauunculi, promaterteræ filius, filia. Abpatruus, abamita. hi sunt abau paterni frater, & soror. Abauunculus, abmatertera. hi sunt abau materni, frater & soror. Hec quoque explanari amplius non possunt, quia auctor ipse differuit.

## VII.

*De personis septimi generis quæ legibus non tenentur.*

**S**eptimo gradu qui sunt cognati, recta linea supra infraque, propriis nominibus non appellantur, sed ex transuersa linea continentur: fratris sororisue abnepos, abneptis, consobrini, consobrinæ, filii filia. Successionis autem idcirco gradus septem constituti sunt: quia ulterius per rerum naturam, nec nomina inueniri, nec vita succedentibus propagari potest.

## II. TITVLVS.

## DE SVCCESIONIBVS.

- I. *Vt sorores cum fratribus equaliter in parentum hereditatem succedant.*
- II. *Quod in hereditatis successione, filii primi sunt.*
- III. *Si de superiori, vel inferiori genere, directæ ordinis persona defuerint, tunc à latere venientes facultatis capiant portionem.*
- III. *Qui succedere possint in eorum facultatibus, qui nec scriptis nec testibus suam alligant voluntatem.*
- V. *De successione fratrum & sororum, siue illorum, qui de diuersis parentibus generantur.*
- VI. *Si is qui moritur, auid relinquat aut auid.*
- VII. *Si is qui moritur, sorores relinquat, patris aut matris.*
- VIII. *Si is qui moritur filios fratris vel sororis relinquere videatur.*
- VIII. *Quod in omni hereditate femina accipi debeat.*



x.

Item vt in omni hereditate femina accipi debeat, & quod qui in gradu alterum precedat, ille successionem vicinior capiat.

xi.

De successione mariti & uxoris.

† a matris.  
† patris.

xii.

De hereditate clericorum & monachorum.

xiii.

Vt post mortem mariti, filii in matris potestate consistant, & quid de rebus filiorum agere conueniat patrem.

xiiii.

Si mater in viduitate permanserit, aequalem inter filios capiat portionem, & quid de rebus filiorum agere conueniat matrem.

xv.

Ne uxor sibi vendicat, quod maritum cum seruis eius adquisisse constiterit.

xvi.

De his quæ vir & uxor in coniugio constituti conquirere potuerint.

xvii.

De paruulo, qualiter hereditatem capere possit.

xviii.

Qualiter hereditatem paruuli parentes assequi possunt.

xviiii.

De posthumis.

xx.

Vt qui filios non reliquerit, faciendi de rebus suis quod voluerit, habeat potestatem.

## I. ANTIQVA

Vt sorores cum fratribus aequaliter in parentum hereditate succedant.



I pater vel mater intestati discesserint, tunc sorores cum fratribus in omni parentum facultate, absque aliquo obiectu, æquali diuisione succedant.

## II. ANTIQVA.

Quod in hereditatis successione filii primi sunt.

IN hereditate illius qui moritur, si intestatus discesserit, filii primi sunt. Si filii defuncti, nepotib. debetur hereditas. Si nec nepotes fuerint, pronepotes ad hereditatem vocentur. Si vero qui moritur, nec filios nec nepotes, seu patrem vel matrem relinquit, tunc auus aut auia hereditatem sibi met vindicabit.

## III. NOV. EMD.

Si de superiori vel inferiori genere directi ordinis persona defuerint, tunc à latere venientes facultatis capiant portionem.

QVando supradictæ personæ defunctæ, quæ aut de superiori aut inferiori genere directi ordine veniunt, tunc illæ personæ quæ sunt à latere constitutæ requirantur, vt hereditatem accipiant defuncti, qui intestatus discesserit. Nam illæ personæ quæ sunt à longioribus constitutæ, nihil se existiment illis prioribus posse repetere.

## IV. ANTIQVA.

Qui succedere possint in eorum facultatibus, qui nec scriptis nec testibus suam alligant voluntatem.

DE successione eorum qui sic moriuntur, vt nec donationem nec vllum faciant testamentum, nec presentibus testibus suam ordinent voluntatem; qui gradu illis proximi fuerint, eorum optinebunt hereditatem.

## V. FLS. CHDS. REX.

De successione fratrum & sororum, siue illorum qui de diuersis parentibus generantur.

QVI fratres tantummodo & sorores relinquit, in eius hereditate fratres & sorores æqualiter succedant: si tamen vnus patris & matris filii esse videantur. Nam si de alio patre vel de alia matre, alii esse noscuntur, vnusquisque fratris sui aut sororis, qui ex vno patre aut ex vna matre sunt geniti, sequantur hereditatem. Filii tamen qui ex diuersis patribus, & vna matre sunt geniti, ad accipiendam maternam facultatem æquali successione deueniant. Similiter quoque hi, qui de diuersis matribus & vno patre oriuntur, diuisionis ordinem teneant.

## VI. FLS. GLS. RCDS. REX.

Si is qui moritur, auos relinquat aut auas.

QVotiens qui moritur, si auum paternum & maternum relinquat, tam ad auum paternum quam ad auum maternum hereditas mortui vniuersa pertineat. Si autem qui moritur, auum paternum & auiam maternam reliquerit, æquales capiant portiones. Ita quoque erit, si auum maternum & paternam auiam, qui moritur, relinquere videatur. Et hæc quidem æquitas portionis de illis rebus erit, quas mortuus conquisi-



se cognoscitur. De illis vero rebus quas ab auis vel parentibus habuit, ad auos directa linea reuocabitur hereditas mortui.

## VII.

*Si is qui moritur, sorores relinquat patris aut matris.*

**Q**ui moritur, si tantummodo amitam, hoc est, patris sororem, & materteram, hoc est, matris sororem relinquit, & intestatum eū obisse contigerit, æquali iure succedant in hereditatem defuncti, qui intestatus discesserit.

## VIII. ANTIQVA.

*Si is qui moritur, filios fratris vel sororis relinquere videatur.*

**Q**ui moritur, si fratres aut sorores non reliquerit, & filios fratrum & sororum reliquerit: si ex vno fratre sit vnus filius, & ex alio fratre vel sorore forsitan plures, omnem hereditatem defuncti capiant, & æqualiter per capita diuidant portiones.

## VIII. FLS. CHDS. REX.

*Quod in omni hereditate femina accipi debeat.*

**F**emina ad hereditatem patris vel matris, auorum vel auiarum, tam paternorum quā maternarum, ad hereditatem fratrum vel sororum, siue ad has hereditates quæ a patruo vel a filio patris, fratris etiam filio vel sororis relinquuntur, æqualiter cum fratribus veniant. Nam iustum omnino est, vt quos propinquitas naturæ consociat, hereditariæ successionis ordo non diuidat.

## X. ANTIQVA.

*Item vt in omnem hereditatem femina accipi debeat, & quod qui gradu alterum præcedit, ille successionem vicinior capiat.*

**H**as hereditates, quæ a materno genere venientibus, siue auūculis, siue consobrinis, seu materteris relinquuntur, etiam femina cū illis qui in vno propinquitatis gradu æquales sunt, æqualiter partiantur. Nam omnem hereditatem, qui gradu alterum præcedit optineat.

## XI. ANTIQVA.

*De successionem mariti & vxoris.*

**M**aritus & vxor tunc sibi hereditario iure succedant, quando nulla affinitas vsque ad septimum gradum de propinquis eorum vel parentibus inueniri poterit.

## XII. ANTIQVA.

*De hereditate clericorum vel monachorum.*

**C**lerici vel monachi, siue sanctimonialis, qui vsque ad septimum gradum non reliquerint heredes, & sic moriuntur, vt nihil de facultatibus suis ordinem ecclesiæ sibi cui deseruierint, eorum substantiam vindicabit.

## XIII. ANTIQVA.

*Vt post mortem matris filii in patris voluntate consistant, & quid de rebus filiorum agere conueniat patrem.*

**P**atre mortuo filii in matris potestate consistant. Quod si marito superstite vxor forsitan moriatur, filii qui sunt de eodem coniugio procreati in patris potestate consistant, & res eorum, si nouercam non superduxerit, ea conditione possideat, vt nihil exinde aut vendere, aut euertere, aut quocunque pacto alienare præsumat; sed omnia filiis suis integra & intemerata conseruet. Fructus tamen omnes cum filiis suis pro suo iure percipiat, & vna cum ipsis filiis suis, communibus consumat expensis. Quod si pater nouercā superduxerit, quia valde indignum est, vt filii eius, patris potestate vel gubernatione relicta, in alterius tuitionem deueniant, filios suos pater ille qui nouercam induxerit, nō relinquat; sed filios & res eorum, iuxta superiorem modum tuitionis, ordine regat. Ita tamen vt inuentarium, de rebus filiorum suorum, manu sua conscriptum coram iudice, vel heredibus defunctæ mulieris, strenuē faciat, & tali se placiti cautione in heredum illorum nomine constringat, quibus tutela ipsa pertinere, si pater defuisset, legitime poterat: vt nihil de rebus filiorum suorum euertat, sed filiorum suorum vitam sollicito voto vel actu seruare intendat: & res eorū absq; aliqua perditionis diminutione tuendas accipiat, si tamen voluerit. Quod si pater ipse, qui nouercam duxerit, tuitionem



fulcipere filiorum noluerit; tunc à iudice propinquior ex matre tutor eligendus est, qui tuitionem pupillorum accipiat. Cum verò filius duxerit uxorem, aut filia maritum acceperit, statim à patre de rebus maternis suam accipiat portionem: ita ut usufructuario iure, patri tertia pars prædictæ portionis relinquatur. Pater autem tam filio quam filiæ, cum xx. annos ætatis impleuerint, mediam ex eadem, quam vnumquemque cōtigerit, de rebus maternis restituat portionem, etiam si nullis nuptiis fuerint copulati. Medietatem verò, dum aduxerit, pater sibi vindicet, filiis post obitum relinquendam. Qui autem nouerit eam superduxerit, omnes facultates maternas filiis mox reformat; ne, dum filii cum rebus suis ad domum transeunt alienam, nouerit suæ vexentur iniuriis. Eadem quoque & de nepotibus forma seruetur. Quod si pater de his rebus aliquid euerterit, aut super tempus, quod constitutum est, res filiorum tenere præsumperit, omnia de rebus eius, filiis illis, de cuius matre res esse videbuntur, & reddenda sunt omnimodis & sarcienda.

## XIII. ANTIQVA.

*Si mater in viduitate permanserit, æqualem inter filios capiat portionem, & quid de rebus filiorum agere conueniat matrem.*

**M**ater si in viduitate permanserit, æqualem inter filios suos, id est, qualem vnusquisque ex filiis suis usufructuario iure de facultate mariti habeat portionem, quæ usque ad tempus vitæ suæ usufructuario iure possideat. Ceterum nec donare, nec vendere, nec vni ex filiis conferre præsumat. Quod si eam portionem, filii, matrem euertere, seu per negligentiam, siue per odiū, fortè perspexerint, ad Comitē ciuitatis, vel ad iudicem referre non differant; ut matrem suam contestatione commoneant, ne res quas usufructuarias accepit, euerat. Nam usum fructum quæ ipsa fuerat † interceptura, dare cui voluerit filio vel filiæ non veretur. Sed & quod de ipso usu sibi debito iuste conquerere potuerit, faciat quodcumque illi omnimodis iustissime placuerit. Verum si ex ea usufructuaria portione aliquid probatur euersum filiis post mortē matris de eius facultatibus sarciantur. Post obitum verò matris, portio, quam mater acceperat, ad filios æqualiter reuertatur, quia non possunt de paterna hereditate fraudari. Quod si mater ad alias nuptias fortè transierit, ex ea die usufructuariam portionem, quam de bonis mariti fuerat cōsecuta, filii inter reliquas res paternas, qui ex eo nati sunt coniugio, vindicabunt.

† al. perceptor.

## XV. ANTIQVA.

*Ne uxor sibi vindicet, quod maritum cum seruis eius acquisisse constiterit.*

**M**aritus si cum seruis uxoris suæ aliquid adquisierit, vel in expeditione aliquid lucrifuerit consecutus, nihil exinde uxor à viro præsumat repetere, nec ipso viuentē, nec post eius obitum: sed vir qui uxorem suam secundū sacram scripturam habet in potestate, similiter & in seruis eius potestatem habebit, & omnia quæ cū seruis uxoris suæ vel suis in expeditione acquisiuit, in sua potestate permaneat. Pro eadem scilicet ratione: quia si ipsi serui, dum cum domino suo in expeditione conuersabantur, aliquid admississent fortè dampnosum, ille qui eos secum duxerat, & ei aliquid fecerant augmenti, ipse pro eis & responsum daturus esset, & compositionem, si culpabiles fuissent inuēti. Vnde bene iubetur, ut sicut lucrum, ita & dampnum ad se dominus nouerit pertinendum.

## XVI. FLS. GLS. RCDs. REX.

*De his quæ vir & uxor in coniugio constituti conquirere potuerint.*

† al. uxoris.

**D**um cuiuscunque dignitatis aut mediocritatis mariti persona & † uxoris fuerit nobiliter atque competenter adiuncta, & pariter viuentes aliquid augmentauerint, vel in quibuscunque rebus quidpiā profligasse visi fuerint, atque perueniat ut vnus ex his maioris rei & facultatis dominus sit: de omnibus augmentis, aut profligationibus pariter conquisitis, tantam partem vnusquisque optineat, quantum eius facultatem fuisse omnimodis sibi debita vel habita possessio manifestat. Ita ut si æquales abundantia domini sunt, pro paruis rebus contentionis intemperantiam non assumant. Quia difficile est, ut in tanta æquitate facultas eorum possit æquari, ne in quocunque videatur vna pars alteri superesse. Nam si euidenter vnus facultas alterius possibilitatem transgredi videatur, ut superius dictum est, iuxta quantitatem debite possessionis erit & diuisio portionis. Quæ sibi post vnus cuiusque mortem vindicabit persona superstes, & aut filiis suis aut propriis relinquat heredibus, aut certe de ea facere quod voluerit licentiam optinebit. Eadem quoque



quoque ordinationis forma, tam in viris quàm in vxoribus, erit omnimodis obseruanda. De illis autem rebus, quibus in amborum nomine inueniuntur scripturæ confectæ, iuxta conditionem ipsius scripturæ, pertineat illis & diuisio rei & possessio iuris. Quod verò maritus, aut de extraneorum lucris, aut in expeditione publica acquisiuit, aut de principis, aut patroni, atque amicorum collatione promeruit, filii vel heredes eius ad integrum vindicabunt; aut quod exinde voluerit iudicare, licenter illi erit plenam potestatem habere. Similis & in mulieribus conditio erit, si quorumcunque munere videantur aliquid percepisse.

XVII. FLS. GLS. † RCDS. REX.

† CHDS.

*De paruulo qualiter hereditatem capere possit.*

**I**nterdum rem dubiam, nisi rationationis disceptatio deducat in lucem, frequenter hanc ambiguitas præcipitat in errorem. Contendunt namque plurimi, si genitus infans, non longe defunctus, hereditatis parentum possit iura sortiri: quorum litibus hæc ponit ratio modos. Naturæ ratio ita condita manet, talique vsu decurrit, ne is qui nascitur, prius aliud quam se suscipientem assumat heredem: & de tenebris genitalibus prodicens, illarum rerum sentiat tactum, quarum hunc partibus constat esse concretum. Quo ergo ordine, liberè capiet hereditatem terrenæ possessionis, qui vix extremæ capit primordia lucis? Quique sortitus vix est vsum elementorum, quibus concretus est, quomodo sortietur bona rerum, ad quarum dominium natus non est? quemque non hereditauit producta lux cœli, qualiter mortis contractu impronisa ditabit portio mundi? Quæ etiam ratione aggredietur viuētium iura, cui vicinior fuit, mortem adiscere quàm vitam? Sicque naufragus in medio lucis angustias mox genitales exiit, mox fatalibus lapsus est in tenebris. Vt ergo proximis parentibus ad successionem huius aditus referretur, & ipsa defuncti vita comprobetur, si verè clara sit vita, atque hanc ipsam licet parui temporis vitam comiteretur æternæ participatio vitæ, non aliter in viroque sexu hereditatem capiat qui nascitur, nisi post natiuitatis ortum, & sacri baptismatis gratiam consequatur, & decem dierum spatiis vixisse probetur: vt successoris patris vel matris personæ, quæ per hunc paruulum terrenæ cupit hereditatis acquirere commodà, antè mortuæ æternæ mansionis præparet vitam, & ita demum assequatur viuens cum rebus labantibus terram. Sicque saluari commercio, dum hereditat ille cœlum, hereditet iste sæculum: dum illi prouidentur cælestia, isti permittantur adire terrena: dumque assequitur ille vitalia, conquirat iste caduca. Vt & si defunctus terrena huius nō potuit possidere, terreno saltem comparato iure, cœleste lucrum valeat optinere.

XVIII. FLS. CHDS. REX.

*Qualiter hereditatem paruuli parentes assequi possunt.*

**P**atre defuncto si filius filiaue decem siue amplius vel infra diebus viuens baptizatus ab hac vita discesserit, quicquid ei de facultate patris competere poterat, mater sibi debeat vindicare. Itemque matre defuncta non aliter defuncti filii portionem pater optineat, nisi natum filium filiamve decem diebus, siue amplius, vel infra vixisse, fuisseque baptizatos edoceat. Ita vt pater aut mater, quibus ista successio competit, si filios nō reliquerint, integram & intemeratam eandem luctuosam hereditatem, diuidendam omnibus nepotibus derelinquant, nec meliorandi quemcumque nepotum amplius quam de tertia parte huius rei habeant potestatem. Nam si ecclesiis vel libertis seu cui-libet largiri de eadem facultate voluerint, de quinta parte, secundum superiorem legem, potestatem habebunt. Sin autem nec filii, nec nepotes, nec pronepotes superstites existerint, quod de eadem facultate facere vel iudicare voluerint, habeant potestatem. Quod si intestati decesserint, tunc alii parentes defuncti patris aut matris, qui gradu proximiores fuerint, prædictam facultatem proculdubio consequantur. Ita vt mortuo filio, si pater qui filii defuncti successionem capierit, intestatus discesserit, hereditibus patris ex lege propinquioribus eadem facultas pertineat. Similiter & si mater luctuosam defuncti filii hereditatem capierit, & intestata discesserit, omnis successio eiusdem facultatis ad propinquos mulieris heredes pertinere debet. Ea conditione seruata, vt nepotes ex filio vel filia, qui patre vel matre superstite mortui fuerint, integrā de rebus aui vel auæ, quam pater vel mater eorū si vixissent fuerant habituri, percipiant portionem. Quod si filia, habens vxorem & filios, patre viuente discesserit, antequam ei pater suus, omnem portionem, quæ ei contingebat, impleset: & filii, quos reliquerat, viuente auo mortui fuerint, tunc illa relicta hoc tantummodo accipiat, quod in ma-



ritum pater antea sequestrauit. nec plus illa vidua à focu vel cognatis requirat. Si verò filius cum patre in cōmune viuens, nihil ab eo portionis acceperit; tunc illa vidua tantūmodo accipiat, quod ei tēpore nuptiarū maritus eius donationis titulo noscitur cōtulisse. Si verò filius patri seruans obedientiā, res quæ ei de materna successione cōpetebāt, patrem possidere permiserit: & postmodum eandem facultatem filio debitam, quam pater possidebat, idem filius vxori suæ vel cuicunque concesserit: firma talis donatio in nomine vxoris, & cuiuscunque conscripta manebit, si tamen filii de eodem coniugio non fuerint. Nam si filii superstites extiterint, ordo superioris legis incunctanter seruandus est.

XVIII. FLAVIUS GVNDEMARVS REX.

*De posthumis.*

**D**iuini principatus quodammodo peragimus vicē, cum necdū genitis misericordiz porrigimus opem. Ideoq; quicunq; vir præuentus sorte fatali fœtu grauidam cum filiis reliquit vxorem, eum qui nascetur postmodum, cum cæteris qui nati sunt, fieri cēsemus heredem. quod si nusquam fortè reliquerit sobolem, & suam quibuslibet donauerit facultatem, quarta rerum portio his diuidenda seruetur. Tres verò quæ super sunt, posthumus absque dubio sortietur. Quod si vir & vxor in coniugio positi, antequam filios habeant inuicem sibi vnus in alterius nomine, de facultate propria donationis faciant scripturam & post huius testationis ordinem filios talibus habere contingat: talis parentum testatio, si filii superstites extiterint, omnino non valeat, sed ex toto huius tam indiscretæ ordinationis voluntate disrupta, debitam sibi omnem parentum facultatem filii accipiant & assumāt: de quinta tantum parte parentibus, si aliquid inde testasse contigerit, potestate concessa. Ceterum si vnus ex ambobus, id est, vir aut vxor, antequam vnus copulæ societatem adissent, quicunque ex ambobus in alterius nomine scripturam de rebus suis probatus fuerit conscripsisse, omni vigore valitura consistat: & talis testatio per eorum vocem, qui postea ex illis nati fuerint, non erit vllō modo conuellenda.

XX. FLS. RCDS. REX.

*Vt qui filios non reliquerit, faciendi de rebus suis quod voluerit, habeat potestatem.*

**O**mnis ingenuus vir atque femina, siue nobilis siue inferior, qui filios vel nepotes aut pronepotes non reliquerit, faciendi de rebus suis quicquid voluerit, indubitante licentiam habebit: nec ab aliis quibuslibet proximis ex superiori vel ex transuerso venientibus poterit ordinatio eius in quocunque conuelli. quia recta linea decurrens non habet originem, quæ successionē naturæ hereditatem possit accipere. Ex intestato autem, iuxta legum ordinem, debitam sibi hereditare poterunt successionem.

III. TITVLVS.

DE PVPILLIS ET EORVM TVTORIBVS.

- I. *Quod utroque relictus parente pupillus vocetur.*
- II. *Ex quo incipient computari anni in actionibus pupillorum.*
- III. *Qualiter pupillorum tutela suscipiatur, vel de rebus eorum quæ pars tutoribus detur.*
- IV. *Ne tutores ab his, quos in tuitione habent, quasunque scripturas extorquere præsumant.*

I. FLS. RCDS. REX.

*Quod utroque relictus parente, pupillus vocetur.*



**D**ISCRETIO pietatis est, sic consultum ferre minoribus, vt iustæ possessionis dominum sustinere damna non patiamur. Ob hoc licet hætenus, à patre tantum relictī paruuli filii, pupilli nuncupentur: tamen quia nō minorē curam erga filiorum vtilitatem, matrem constat frequenter impendere, deo ab utroque parente, hoc est, patre vel matre infra xxv. annos, filio post mortem relictos, pupillos per hanc legem decernimus nuncupandos.



*Ex quo incipient computari anni in actionibus pupillorum.*

**Q**uotiens de amissione rerum intentio vertitur, illos annos in pupillorum actionibus computandos esse censemus, quibus parentes illorum, pater videlicet aut mater, re caruisse noscuntur: id est, ut ex eo tempore cum pupillaribus annis ad quinquagenarii summam pertendant, de quo à prædictis eorum parentibus esse rem constata missam. Si verò parentes pupilli dum viuerent, rem per xxx. annos amiserint, pupillus propter hoc ultra loqui non poterit.

## III. ANTIQVA.

*Qualiter pupillorum tutela suscipiatur, vel de rebus eorum quæ pars tutoribus detur.*

**S**i patre mortuo, in minori ætate filii relinquantur, mater eorum tutelam, si voluerit, suscipiat: si tamen in viduitate permanferit, ita ut de rebus filiiis debitis inventarium faciat, per quod postmodum filii hereditatem sibi debitam quærant. Quod si mater alium maritum acceperit, & aliquis de filiis iam ad perfectam, id est, usque ad xx. annum perueniat ætatem, ipse iuniores fratres sua tuitione defendat, & res eorum nec ab ipsis, nec ab aliis permittat eueri, nec aliqua negligentia deperire. Quod si eas ipse forte consumpserit, aut vendiderit, vel donauerit, aut per negligentiam suam petire permiserit: cum fratres adoleuerint, ea, quæ per negligentiam suam deperierint, de sua illis portione restituat. Cui tamen de fructibus ad victum præsumendi partem decimam non negamus: ut non hæc, quæ debet minoribus reseruare, nimis evertat expensis. Si quis verò de suo pro communibus necessitatibus aut negotiis expensas fecerit, facta præsentem iudice ratione, de ea quæ ipsis à patre communis relicta est substantia, quod expenderit, consequatur. Quod si fratres eius ætatis vel meriti non fuerint, qui defensionem suscipiāt orfanorum, tunc patruus vel patruus filius, tutelæ, qualem de fratribus constitutus, conditionem suscipiat. Quod si nec patruus, nec patruus filius, qui digne tutelam suscipiat orfanorum fuerint, tunc tutor ab aliis parentibus in præsentia iudicis eligatur: & siue mater tutelam, siue quicumque susceperit, præsentibus testibus vel propinquis, de omnibus rebus quas pater reliquit, brevis factus trium vel quinque testium subscriptione firmetur: & præsentibus ipsis qui ad breuem faciendum testes interfuerint, Episcopo aut presbytero quem parentes elegerint, brevis commendetur, minoribus dum adoleuerint reformandus. Statuentes etiam, ut si quæ contra minorum personas aduersæ accesserint actiones, his intentionibus tutor si elegerit, debet parare responsum. Certè si neglexerit, repetenti quæ postulat à iudice restituantur: salvo tamen minorum negotio, dum adoleuerint, ad integrum reformando. Ille verò qui ad præsens rem ipsam petere cœperat, si in iudicio, dum ipse minor adoleuerit, ab eodem fuerit victus, id quod acceperat, cum retroactorum temporum fructibus siue seruitiis, ipsi minori aut parentibus eius, seu ad quem ipsa facultas iuste transierit, vel cui collata fuerit, indubitanter restituat: & pro præsumptione sua, quia quod in iudicio petierat vindicare non valuit, in super x. solidos coactus exsoluat. Nam & si tutor pro pupillorum lucris vel eorum rebus intendere vel causare voluerit, licentia illi indubitata manebit. Quod si negotia pupillorum, negligentia tutoris fuerint vitata vel deperdita, pupillis eam vicem ad futurum permittimus reparandam.

## IIII. FLS. GLS. RCHDS. REX.

*Ne tutores ab his quos in tuitione habent quasunque scripturas extorquere sinant.*

**D**um minorum ætas in annis pupillaribus constituta, nec se, nec bona sua regere possit, bene legibus est decretum, eos, sub tutoribus esse, & in eorum negotiis, quot statuti anni debeant computari. Quia verò quidam tutores, aut persuasione, aut indignatione circumueniunt eos, quos tueri gratissimè debuerunt, & de rebus reddendæ rationis securitates accipiunt, vel certè diuersarum obligationum scripturas ab illis exigendas insunt: quo extinctis vocibus eorum, quæ illis competunt, nunquam inquire re vel recipere permittantur: Ideò, ut melioris mercedis partem nostra clementia consequatur, dum competentem curam eisdem minoribus irrogare perpenditur, hæc custodienda modis omnibus conditio ordinatur: ut siue in minori ætate, seu etiam quamuis quartumdecimum ætatis annum videantur pupilli transire: tamen si tutores adhuc, vel ipsos, vel eorum res in sua potestate noscuntur habere; quamcunque scri-



pturam securitatis, aut alieuius obligationis atque transactionis, ipsis tutoribus, vel cui-  
cunque personæ, factione tutorū fecisse reperiantur, omnia inualida & exinanita pe-  
nitus reputentur. Cum vero tempus illud aduenerit, quando eum qui sub tuitione fuit  
rem in sua potestate oporteat redigere, tunc ille tutor coram sacerdote vel iudice, pu-  
pillo de cunctis rebus reddita ratione, ab eo quem tuitus est securitatis scripturam pro-  
cure accipere. Sicque remota omni occasione pressuræ, aut recipiat pupillus quod ius-  
tè sibi deberi cognouerit, aut libero arbitrio de rebus suis, vtrum cessionem, an qua-  
lem voluerit ordinare definitionem, plenam habeat libertatem. Si verò proueniat, vt  
cum in tuitione est, mortali langore vexetur, quid de sibi debitis rebus iudicare elegerit,  
à decimo ætatis suæ anno, iuxta ordinem qui in alia lege est definitus, plenissimam  
potestatem habeat. De rebus verò tutoris seu viuens siue moriens, idem tutor eas an  
filiis, an quibuscunque personis reliquerit, si pupillis reddita ratio non fuerit, iuxta in-  
uentarium quod tempore acceptæ tuitionis est factum, siue quod euidenter apud tu-  
torem fuisse extiterit manifestum, qui res tutoris habuerint, pupillis indubitanter om-  
nia reformabunt. Huius sane legis remedium cunctis pupillis dabit indubitanter con-  
sultum: excepto si † aliud tempus aduenerit, quando eorum vocem quinquagenario  
numero lex sopiri decreuit.

\* illud.

## IIII. TITVLVS.

## DE EXPOSITIS INFANTIBVS.

- I. *Vt pro exposito infantulo ingenuo seruiat qui proiecit.*
- II. *Si seruus vel ancilla consciis vel nesciis dominis proicere videantur infantem.*
- III. *Qui à parentibus infantulum acceperit nutriendum, quantum mercedis pro nutritione accipiat premium.*

I.

*Vt pro exposito infantulo ingenuo seruiat qui proiecit.*



I quis puerum aut puellam vbicunque expositum misericordie contem-  
platione collegerit, & nutritus infans à parentibus postmodum fuerit ag-  
nitus; si ingenuorum filius esse dinoscitur, aut seruum vicarium reddat,  
aut precium. Quod si facere fortasse neglexerint, à iudice territorii de  
proprietate parentum expositus redimatur, & parentes huius impietatis auctores exi-  
lio perpetuo relegentur. Si verò non habuerint vnde filium redimere possunt, pro in-  
fantulo seruiat, qui proiecit; & in libertate maneat propria, quæ seruauit pietas aliena.  
Hoc verò facinus cum fuerit vbicunque commissum, iudicibus & accusare liceat &  
dampnare.

## II. ANTIQVA.

*Si seruus vel ancilla consciis vel nesciis dominis proicere videantur infantem.*

Si seruus vel ancilla, in fraudem fortasse dominorum infantem exposuerint, & ipsi  
in consciis infantem proiecerint, infans cum fuerit nutritus tertiam partem precii nutri-  
tor accipiat. Ita vt iuret aut prober dominus, se quod serui sui infantem exposuerint, i-  
gnorasse. Si vero consciis dominis, infans probatur fuisse iactatus; in eius, qui nutrit, i-  
potestate permaneat.

## III. ANTIQVA.

*Qui à parentibus infantulum acceperit nutriendum, quantum mercedis pro nutritione accipiat premium.*

Si quis à parentibus infantulum acceperit nutriendum, vsque ad decem annos, per  
singulos annos, singulos solidos pretii pro nutrito infante percipiat. Si vetò deci-  
mum annum ætatis excesserit, nihil postea mercedis addatur: quia ipse qui nutritus est,  
mercedem suam suo potest compensare seruitio. Quod si hanc sumam, qui repetit,  
dare † voluerit, mancipium in nutrientis potestate permaneat.

\* noluerit.

## V. TITVLVS.

## DE NATVRALIBVS BONIS.

- I. *De non exheredandis filiis, & quod iudicium ferant parentes de facultatibus suis.*
- II. *De quota parte liceat mulieribus indicare de dotibus suis.*
- III. *De his quæ parentes tempore nuptiarum filiis dederint.*

IIII



- III. De filiis ex diuersis parentibus natis, & qua discretionem parentum assequantur hereditatem.
- V. De his quæ filii patre viuentem vel matre videntur acquirere.
- VI. De coercitione Pontificum, qui pro rebus, quas à suis ecclesiis auferunt, tricennium intercessisse causantur.
- VII. Ne hi qui retento ecclesiæ obsequio manumittuntur, ingenuarum personarum audeant adire coniugium.

I. FLS. CHDS. REX.

De non exheredandis filiis, &amp; quod iudicium ferant parentes de facultatibus suis.

**D**V M inlicita quæque perpetrari cognoscimus, legem ponere secuturis opportunè compellimur. Plerique enim indiscrete viuentes, suasque facultates interdum vel causa luxuriæ, vel cuiusdam malæ voluntatis assensu in personas extraneas transferentes, ita inoffensos filios vel nepotes, aut non ex graui culpa forsitan obnoxios, inanes relinquunt, ut utilitatibus publicis nihil possint omnino prodesse, quos oportuerat cum virtute parentum iniunctū sibi laborem inexcusabiliter expedire. Sed ne sub hac occasione aut utilitati publicæ quādoque depereat, quod petire non debet; aut naturalis pietas suspendatur à filiis vel nepotibus, quam circa eos exerceri competenter oportet: ideo abrogata legis illius sententia, qua pater vel mater, auus siue auia, in extraneam personam, facultatem suam conferre si voluissent, potestatem haberent, aut etiam de dote sua mulier facere quod elegisset, in arbitrio suo cōsisteret: ista magis, seruetur à cunctis moderata censura: qua nec parentibus nec auis adimatur iudicandi de rebus suis ex toto licentia, nec filios aut nepotes à successione auorum vel genitorum ex omnibus repellat indiscreta voluntas. Igitur pater aut mater, auus aut auia, quibus quempiam filiorum vel nepotum meliorandi voluntas est, hanc seruent omnino censuram: ut super tertiam partem rerum suarum meliorandis filiis aut filiabus, vel nepotibus atque neptibus, ex omnibus rebus suis amplius nihil impendant, neque facultatem suam ex omnibus in extraneam personam transducant, nisi fortasse prouenerit eos legitimos filios vel nepotes non habere superstitēs. Hoc tamen rationis intuitu prælucente, obseruandum adiicimus: ut pater vel mater, auus vel auia, de supradicta tertia parte rerum suarum, si in nomine filiorum suorum atque nepotum aliquid specialiter scriptis conferre decreuerint, iuxta testationis eorum ordinem, cuncta erunt obseruanda perenniter, qualiter testatio talium de eadem tertia portione, iuxta quod eam in singulos voluerit prælargiri, plenam & inconvulsibilem optineat firmitatem. Nec liceat filiis atque nepotibus, qui de hac tertia portione aliquid meruerint à parentibus suis vel auis percipere, quodcunque aliud iudicare, excepto si à parentibus vel auis nulla ad futura videatur pro collatis rebus testationis conditio intercessisse. Sanè si filios siue nepotes habentes, ecclesiis vel libertis aut quibus elegerint, de facultate sub largiendi † facultatem habuerint extra illam tertiam portionem, quæ † voluntate superius dicta est, quinta iterum pars separabitur: de qua quinta parte, iudicandi potestas illis indubitata manebit. Sed siue tertia rerum pars, quæ meliorandis filiis impendi præcipitur: siue quinta, quæ pro collatione ecclesiarum, vel libertorum, seu quorumlibet impensione, separari iubetur, de propriis tantundem rebus separabitur. Nam quod quisque ille per auctoritatem percipere meruerit principum, nullo modo in annumeratione huius tertiæ vel quintæ partis quolibet titulo admisceatur: sed iuxta legem aliam, qui hoc à rege perceperint, habebunt licitum, quale voluerint de collatis sibi rebus à principe ferre iudicium. Exheredare autem filios aut nepotes, licet pro leui culpa, inlicitum iam dictis parentibus erit. Flagellandi tamen & corripiendi eos quamdiu sunt in familia constituti, tam auctore quam auia, seu patri quam matri, potestas manebit. Nam si filius filiæ, nepos vel neptis, tam præsumptuosi extiterint, ut auctorem suum aut auiam, siue etiam patrem, aut matrem, tam grauibz iniuriis conentur afficere, hoc est, si alapa, aut pugno, vel calce, vel lapide, aut fuste, vel flagello percutiant, siue per pedem, vel per capillos, ac manum etiam, vel quocunque inhonesto casu abstrahere contumelio: præsumperint, aut publice quodcunque crimen auctore vel auia seu genitoribus suis obiciant, tales siquidem manifeste cōiuncti, & verberandi sunt ante iudicem quinquagenis flagellis; & ab hereditate supradictorum, si idem auus aut auia, pater vel mater voluerint, repellendi. Tamen si resipiscentes à suo excessu, veniam à suprascriptis, quos offenderint, implorauerint, eosque in gratiā receperint paterna pietate, aut rerum suarum successo-



res instituerint: neque prohiberi ab eorum hereditate, neque propter disciplinam, quæ correpti sunt, infamiam poterint vllatenus sustinere.

II. NOV. EMD. FLS. CHDS. REX.

*De quota parte liceat mulieribus indicare de dotibus suis.*

**Q**Via mulieres quibus dudum concessum fuerat de suis dotibus iudicare quod voluissent, quædam reperiuntur, spretis filiis vel nepotibus, easdem dotes illis conferre, cum quibus constiterit nequiter eas vixisse: ideo necesse est illos exinde percipere commodum, pro quibus creandis fuerat assumptum coniugium. Denique constituentes decernimus, ut de dote sua mulier habens filios vel nepotes, seu causa mercedis ecclesiis vel libertis conferre, siue cuicunque voluerit, non amplius quam de quarta parte, potestatem habeat. Nam tres partes legitimis filiis aut nepotibus, seu sit vnus siue forsitan plures, absque dubio relictura est. De tota interim dote, tunc facere quid voluerit, erit mulieri potestas, quando nullum legitimum filium filiamve, nepotem vel nepotem superstitem reliquerit. Verumtamen feminas, quas contigerit duobus viris aut amplius nubere atque ex eis filios procreare, non eis licitum erit dotem ab alio marito acceptam, filiis aut nepotibus ex alio viro genitis dare: sed vnusquisque filius filiaque, nepos aut neptis, ex ipsa linea procreati, dotem, quam auus aut pater illorum concesserat, post mulieris obitum per omnia consequuturi sunt.

III. FLS. CHDS. REX.

*De his quæ parentes tempore nuptiarum filiis dederint.*

**Q**Uicquid indiscreta parentum voluntate decernitur, legali necesse est ut censura coerceatur. Idcirco, quia plerumque parentalis calliditas exigit, id tempore nuptiarum filiis donare, quod quandocunque voluerint auferendi habeant potestatem: abrogata deinceps eadem qua prædictum est, parentum calliditate, hanc perpetim legem mansuram per omnia nouerint: ut si quid seu per traditionem rei, seu per scripturam, siue donationem cuiuslibet rei, vel coram testibus tradita, extra quod in ornamentis vel vestimentis, vel reliquis speciebus, sicut fieri assolet, pro dignitate nuptialium fœderum, ab aliis fuerit fortasse acceptum, quod utique commodantibus erit reddendum, in mancipiis, terris, vineis, edificiis, vestimentis atque ornamentis, fuerit à parentibus, siue nuptiarum tempore, siue post nuptias, filiis quocunque modo donatum, quodcunque inde filii iudicare voluerint in eorum consistat arbitrio. Eodem tantum ordine reseruato, ut post parentum obitum, dum filiis patuerit adeunda successio, excepto hoc quod parentes filiis suis iuxta leges fortasse donauerint, eadem inter heredes eorum ratio fiat: ut quod nuptiarum tempore filius vel filia à parentibus iuxta prædictum ordinem, possidendum accepit, & licentia sit illi exinde quod voluerit iudicandi, & post parentum obitum, ad rationem adhibita, contrapactis his, quæ tempore nuptiarum promeruit, atque heredibus cæteris eadem compensata æqualitate, quicquid superesse de parentum hereditate constiterit, æqualiter teneant, ac sequantur diuisione.

IIII. FLS. CHDS. REX.

*De filiis ex diuersis parentibus natis, & qua discretionem parentum assequantur hereditatem.*

**S**I prouenerit vnum virum plures habere uxores, atque ex omnibus filios procreare, & aliquem filiorum aut filiarum contingat intestatum ab hac vita discedere; facultatem eius, si filios non reliquerit aut nepotes, illius fratres aut sorores apprehensuri sunt, sibique vindicaturi, quos ex vno patre vel ex vna matre constat esse progenitos. Quod si ex vno patre & diuersis matribus filii nati fuerint, facultates quæ de patre venerint, illi tantum inter se erunt æqualiter diuisuri, qui ex vno patre fuerint procreati. Similiter & si de vna matre & diuersis patribus filii nati fuerint, id præcepimus obseruari. Nam & si vna mulier de pluribus maritis filios habeat, similiter fratrum sororumque hereditatem, tam à paterna quam à materna successione sibi debitam, eorum qui ex his intestati, vel absque prole siue nepotibus discesserint, illius tantum fratres vel sorores habituri sunt, qui vnus patris, vel matris filii filiaque fore noscuntur. Ita ut iuxta aliam legem qua constitutum est, trientem nepotes non perdere, licitum sit etiam nepotibus aut neptibus, qui patres aut matres amiserint, in omni facultate auorum vel auiarum, cum patruis aut auunculis æquales succedere. Illo tantum



tum ordine permanente, quo superius decretum est, parentes vel auos de rebus suis filios nepotesque meliorare, aut in extraneam personam quamlibet quodcunque conferre.

## V. CHDS. REX.

*De his quæ filii patre viuento vel matre videntur acquirere.*

**F**ilius qui patre vel matre viuento aliquid acquirerit de munificentia regis, aut patronorum beneficiis promeruerit, & exinde aliquid cuiuscunque vendere vel donare voluerit, iuxta eam conditionem, quæ in aliis nostris legibus continetur, in ipsius potestate consistat. Nec sibi aliquid, dum viuit, exinde pater vel mater vindicare præsumat. Quod si inter leudes quicunque nec regis beneficiis aliquid consequutus, sed in expeditionibus constitutus, de labore suo aliquid acquirerit: si communis illi victus cum patre est, tertia pars exinde ad patrem perueniat: duas autem filius qui laborauit optineat.

## VI. IN NOMINE. FLS. GLS. WABA. REX.

*De coercitione pontificum, qui pro rebus quas à suis ecclesiis auferunt tricennium intercesisse causantur.*

**D**eus iustus iudex, qui iustitiam intemporaliter diligit, non vult seruire iustitiam temporis, sed temporis potius æquitatis lege concludit. Ipse igitur Deus, iustitia est. Deo ergo datur, quicquid à fidelibus in Dei ecclesiis iustissima deuotione offertur. Nā & fidelis quisque iustitiæ seruiens, Deo mediante, qui iustus est, vota sua astringit. Semper enim iusta vota soluenda sunt, quæ à iustitia processerunt, & per iustitiam illigata noscuntur. Deo igitur fraudem facit, qui iustitiæ aliquid subtrahit. Ergo & iustitiam rescindit, quisquis aliena vota corrumpit. Cum igitur, vt dictum est, Deus iustitia sit, quæ præsumptionis insania agitur, vt de manu Dei quis auferat, quod tricennali temporum præscriptione se tenuisse contendat? Multorum enim mentes pontificum, inlicito cupiditatis ausu præcipientes, quædam de his, quæ in eorum diocæsi fundatis ecclesiis, pia fidelium oblatione donantur, insatiabili rapacitatis studio, aut tibi iuri ecclesiæ principalis innectunt, aut donanda aliis vel sub stipendio habenda distribuunt; sicque non solum aliena dirumpunt, sed & sacrilegium operantur. in eo quod ecclesiæ Dei fraudatores existunt. Ecclesiam quippe fraudare, sacrilegium esse à maioribus approbatur. Vnde & cum eos euident ratio persuaadat ad reddendū, aut tricennium in re possessa opponunt, aut non se fecisse respondent, quod decessores suos egisse non nesciunt, & tamen scita emendare refugiunt. Sicque cupiditatem tricennio fouent, & rapacitatis studia temporum proscriptionibus cumulant: & qui admissum facinus ad momentum delere debuerunt, annosa id oppositione solidare contedunt. Quantæ igitur impietatis ille credendus est, qui ad hoc laborat, ad hoc etiā propositionis suæ voces exaggerat, vt per tricennium se recognoscant, Deo iniuriam intulisse, quam tamē ex actō tricennio renuat emendare? Nunc verò cū hæc & talia nequissima, iustitiæ defensione prolata sint; nos tamen non præterita ordinamus, sed futura disponimus: nec præcedentium regum, sed nostri regni tempora definimus. Abrogata ergo deinceps totius cupiditatis licentia, nulli pontificum ultra licebit quicquam ab ecclesiis diocæsis suæ auferre, aut ablatum quodcunque per oppositionem tricennii vindicare. Non enim in hac causa deinceps tricennale tempus accipiendum est: sed quodcunque fuerit veritatis origo monstrata, iustitiam partis suæ recipiat. Quia & vt multiplex annorum series sine repetitione pertranseat, facit hoc præeminentis dura potestas: quæ sic subdita sibi sacerdotum comprimit colla, vt pro ablatis rebus intendere contra præeminentis personam nec audeant nec præsumant. Proinde ne talem silentio vox perenniter spoliata ecclesiæ conquiescat, licitum erit, huius præsumptionis admissum & per quemcunque & quodcunque accusatum detegi, & imminentis ipsius causæ negotium expediri: sub isto videlicet ordine, vt si heredes fundatores ecclesiæ adsunt, ipsi talia prosequantur. Si autem non fuerint, aut etiam si sint, causare tamen noluerint, tunc ducibus vel comitibus, tyuphadis atque vicariis, siue quibuscunque personis, quos cognitio huius rei attigerit, & aditus accusandi & licentia tribuitur exequendi. Quicunque ergo episcoporum hæc quæ missa sunt in præteritis fecerit, & tricennium iam in hac peruersa possessione impleuerit, ea ipsa quæ in præteritis per xxx. annos tenuit, Deo potius vindicanda relinquimus, quam nostro rescindenda iudicio definimus. Quicunque verò usque ad tempus, quo lex ista conderetur, in hoc ipsum quod rapuit, tricennium non



impleuit, rem ipsam, quæ ablata est sine aliqua satisfactione, in omni integritate ecclesiæ, cui testata est, reformare cogatur. Iam verò à die huius latæ legis vel tempore, quicumq; pontificum de his quæ à fidelibus in Dei ecclesiis testata vel collata esse noscuntur, aliquid inde abstulerit, suoq; iuri vel ecclesiæ principali, seu cuicumq; personæ quolibet modo quodcumq; tale concesserit, nulla temporū lōgæuitate securus, iuxta præmissum ordinem quodcumq; & per quemcumq; talia fuerit commississe detectus, ea ipsa quæ præsumpsit, vna cum legitima satisfactione rei propriæ, illi ecclesiæ cui tulit vel in quam deliquit, reformare cogendus est. Quod si de rebus propriis non habuerit vnde componat, in omni integritate ea quæ præsumpsit, ecclesiæ cui tulit, restituat: & ipse pro excessibus suis, iuxta canonem Toletani Concilii vndecimi, excommunicationis plectendus erit sententia. † Id est, vt si decē solidos rē ipsam quā tulit valere cōstituerit, xx. dierū poenitentia satisfactione admissum facinus expurgabit. Similiter siue maioris sit pretil, siue minoris, q; præsumpsit, geminata hoc sēper dierū satisfactione vel poenitētia emēda bit. Simili quoq; & ille sententia vel dāpno mulctandus est, qui à decessore suo ablata deinceps quæcumq; diocesanis ecclesiis, apud se tenere præsumpserit. Quicumque tamen iudicum tenorem huius legis adimplere neglexerit, quo aut iudicare talia differat, aut iudicanda regiis auditibus nullo modo innotescat, omnem rei taxationem, quam episcopus ille persolvere debuit, qui talia fecerit, totam ecclesiæ illi de sua idem iudex proprietate debet componere, cuius accusatum sibi negotium destitit iudicare. Hæc igitur lex, non solum pro rebus, quæ in ecclesiis absolutis vel diocesanis collatæ sunt, obseruabitur: sed sub generali nomine omnium ecclesiarum, id est, tam in monasteriis virorum quàm etiam feminarum, omnimoda constitutione complebitur: Id tamen adi ciendū huic legi manifesta ratio persuasit, vt episcopi omnes quoscunq; per ecclesias † siue diocesis sacerdotes rectoresq; ordinandos elegerint, cognitores eos efficiant de vtilitatib. ecclesiæ illius, in quib. fuerint ordinati. Id est, vt quicquid vnusquisq; episcoporu de scripturis ecclesiæ diocesis suæ apud se conseruationis causa habere se nouerit, mox rectorem ecclesiæ cui libet prætulerit, statim ei, quem ordinauerit, vtilitates ecclesiæ vel scripturas in manifestam cognitionem deducat, necnon tantum ignorantia ordinati, sed quod peius est obelatione vel vitio ordinantis voluntas in quocunq; lateat testatoris. Id tamen erit, vt & competentia sibi sacerdotes rectoresque ecclesiarum † authentica videant, & aut exemplorum ipsorum exemplaria manu sui episcopi roborata pro omni firmitate à pontifice suo accipiant: qualiter per ea ipsa exemplaria, & negotia ecclesiæ sibi commissæ absque hæsitacione proponant, & veritatem partis suæ iustitia intercurrente recipiant. Data & confirmata lex, à die vndecimo Calendarum Ianuariarum, anno foeliciter quarto regni nostri, in Dei nomine Toletor.

VII. FLS. GLS. GABA. REX.

*Ne hi qui retento obsequio ecclesiæ manumittuntur, ingenuarum personarum audeant adire coniugium.*

† ad hoc. **M**agna est confusio generis, vbi dissimilitudo vnius parentis, statum degenerat progenitæ prolis. Hoc enim necesse est, vt inueniatur in frutice, quod tractum est ex radice. Quomodo enim absoluti decoris titulum reportabit, cuius parentes obligatio adhuc innexa constringit? Et hæc quidem præmissa sunt, pro eo quod multi de familiis ecclesiarum libertate donantur, nec tamen absolutæ libertatis licentia potiuntur: in eo quod illi ecclesiæ, de qua originem ducunt, per obsequium illigantur: qui tamen dū † diuerso ordine ingenuarum personarū connubium expetunt, contra naturam, quod ipsi non possunt, generare intendunt: & quod in augmentum publicæ vtilitatis debuit crescere, hoc in manifestam illigationem personæ vel rerum cognoscitur deuenire: dum is, qui de tam infami coniugio nascitur, inferioris parentis\* exequens sexum, vna cum rebus suis omnibus ecclesiasticæ seruituti addicitur. Quapropter vt talis de cætero amputetur præsumptio, præsentī lege præcipimus: vt quicumque de familiis ecclesiæ retento patrocinio ecclesiæ ipsius, de cuius seruitute exiuit, libertatem à sacerdote acceperit, ingenuam sibi non audeat in matrimonio sociare personam. Illi tamen absoluti ab obsequio ecclesiæ, per canonicam sententiam debito ordine manumittuntur, & ingenuarum mulierum innecti copulis poterunt, & in prole omnimodæ dignitatis testimonium optinebunt. Quod si hi qui sub ecclesiarum obsequio manumissi sunt, ingenuarum mulierum deinceps ausi fuerint se coniugio sociare: vbi hoc primum iudex agnouerit, sub trina verberum ultione vel com-



## LIBER QUINTVS.

95

monitione, sicut de ingenuis & seruis lege alia cōtinetur, eos separare nō differat. Quod si ab inuicem separari noluerint, vniuscuiusq; personæ, sicuti fuerat conditione manēte, quicquid ex illis natum fuerit, in principis potestate seruiturum deueniat. Res tamen omnes siue facultates, quæ de persona ingenua in talium libertorum iure quolibet modo transfusæ sunt, cum his etiam quæ sibi ex talium sexu progenitus filius potuit profligare, conquirere vel habere, totas in integrum aut heredes illius ingenuæ personæ possidendas optineant: aut si heredes ei defuerint, in principis iure deueniant possessuræ, qualiter iudicare de his quid voluerit absolutæ potestatis potiatur licentia. Hæc lex non solum in viris, sed & in feminis obseruanda est: id est, siue sit libertus ecclesiæ siue liberta, quæ sibi personam ingenuam sociare præsumat. Hoc tamen in hac lege seruandum est, vt quicumque de præteritis vsque modo quo hæc lex conderetur, de talibus parentibus repperiti fuerint intra tricennium generati non obligationem sequantur illius parentis, qui ecclesiæ per obsequium illigatur, sed conditione omnimodæ ingenuitatis assumpta, cum omnibus rebus, quæ de parente nobili in ignobili parente quolibet modo transferant, in ingenuitatis forma, vel decore absoluti persistant. Data & confirmata lex à die decimo Kalendarum Ianuariarum, anno feliciter quarto regni nostri Toletō.

## DE TRANSACTIONIBVS, LIBER QUINTVS.

Titul.

### DE ECCLESIASTICIS REBVS.

- I. De donationibus ecclesiis datis.
- II. De conseruatione & redintegratione ecclesiastica rei.
- III. De venditionibus & donationibus ecclesiasticarum rerum.
- IIII. De rebus ecclesiæ ab his possēsis, qui sunt ecclesiæ obsequiis mancipati.

I. FLS. GLS. RCDS. REX.

De donationibus ecclesiis datis.

**S**I famulorum meritis iustè compellimur debitæ compensare lucra mercedis, quanto iam copiosius pro remediis animarum diuinis cultibus, & terrena debemus impendere, & impensa legū soliditate seruare? Quapropter quæcunq; res sanctis Dei basilicis, aut per principum, aut per quorumlibet fidelium cognationes collatæ reperiuntur, votiuè ac potentialiter pro certo censemus, vt in earum iure, inreuocabili modo, legum æternitate firmentur.

II.

De conseruatione & redintegratione ecclesiastica rei.

**C**onsultissima regni nostri credimus prouenire remedia, dum pro vtilitatibus ecclesiarum, quæ debeant opseruari nostris inseri legibus præcipimus. Ideoque præsentifunctione censemus, vt mox episcopus fuerit ordinatus, statim rerum inuentarium de rebus ecclesiæ, præsentibus quinque ingenuis viris, facere non moretur. Quod inuentarium de rebus ecclesiæ, ingenui viri coram quibus factum fuerit, sua subscriptione corroborent. Post episcopi vero ipsius obitum, dum alter fuerit episcopus ordinatus, secundum rerum inuentarium, res requirat ecclesiæ: & si aliquid diminutum de rebus ecclesiæ prouenerit, proprii heredes episcopi, vel quibus facultas eius pertinere vel relicta esse videatur, de præcedenti satisfaciant facultate. Quod si & aliquid de rebus ecclesiæ vendere præsumpserit, succedens episcopus, reddito precio quod à venditore susceptum est cum omni augmento, rem ad eam reducat ecclesiam, & nullam calumniam pertimescat. Quam legem & de presbyteris vel diaconibus, sicut superius scriptum est, in omnibus obseruari & valere præcipimus.

Tomus III.

Hhhh 3



## III. ANTIQVA.

*De venditionibus & donationibus ecclesiasticarum rerum.*

**S**i quis episcopus aut presbyter, vel quicumque ex clericis, præter consensum ceterorum clericorum, aliquid de rebus ecclesiæ vendiderit vel donauerit, hoc firmum non esse præcipimus: nisi ita fuerit facta venditio siue donatio, quemadmodum sanctorum canonum instituta constituunt atque decernunt.

## IIII. ANTIQVA.

*De rebus ecclesiæ ab his possessis qui sunt ecclesiæ obsequiis mancipati.*

**H**eredes episcopi seu aliorum clericorum, qui filios suos in obsequium ecclesiæ commendauerint, & terras vel aliquid ex munificentia ecclesiæ possederint: si ipsi in laicos reuersi fuerint, aut de seruitio ecclesiæ, cuius terram vel aliquam substantiam possidebunt, discesserint, statim, quæ possidebant amittant. Sed & in omnibus clericis, quæ de rebus ecclesiæ quæcunque possederint, seruetur hæc forma: nequamuis longa possessio dominium ecclesiæ a rebus sibi debitis quandoque secludat, quia & canonum auctoritas ita commendat. Sed & viduæ sacerdotum vel aliorum clericorum, quæ filios in obsequium ecclesiæ commendant, pro sola miseratione, de rebus ecclesiasticis, quas præter tenuit, non efficiantur extorres.

## II. TITVLVS.

## DE DONATIONIBVS GENERALIBVS.

- I. *Ne valeat violenter facta donatio.*
- II. *De donationibus Regis.*
- III. *De rebus marito vel uxori à Rege donatis.*
- IV. *De rebus extra dotem uxori à marito collatis.*
- V. *De rebus à marito mulieri concessis, vel si mulier fuerit adulterasse detecta.*
- VI. *De rebus traditis, vel per scripturam donatis.*
- VII. *De rebus inter maritum & uxorem inuicem datis.*

## I. ANTIQVA.

*Ne valeat violenter facta donatio.*

**D**onatio quæ per vim & metum fuerit extorta, nullam habeat firmitatem.

## II. FLS. CHDS. REX.

*De donationibus Regis.*

**D**onationes regis potestatis, quæ in quibuscunque personis conferuntur, siue collatæ sunt, in eorum iure consistant, in quorum nomine eas potestas contulerit regia: ea videlicet ratione, ut ita huius regalis munificentia collatio adtributa, in nomine eius qui hoc promeruit, transfusa permaneat: ut quicquid de hoc facere vel iudicare voluerit, potestatem in omnibus habeat. Quod si etiam is qui hoc promeruerit, intestatus decederit: debitis secundum legem heredibus res ipsa successionis ordine pertinebit, & infringi collatæ munificentia gratia nullo modo poterit: quia non oportet principis statuta conuelli, quæ conuellenda esse præcipientis culpa non fecit.

† per.

## III. ANTIQVA.

*De rebus marito vel uxori à Rege donatis.*

**S**peciali iure decernitur, ut de rebus regia collatione collatis, si in nomine mariti fuerit conscripta donatio, nil sibi exinde mulier, excepto quod in dote percepit, debet vindicare. Ideoque & si in nomine mulieris inuenitur facta donatio, nihil sibi vir exinde post eius obitum adtemperat aliquatenus usurpare, vel iuri proprio mancipare, nisi quod meruerit uxoris largitate percipere.

## IIII. ANTIQVA.

*De rebus extra dotem uxori à marito collatis.*

**S**i mulier à marito extra dotem, de quibuscunque rebus quacunque donatione vel profligatione conquisitis aut illi debitis, quocunque tempore, quocunque donum acceperit, si filii de eodem coniugio fuerint procreati, mulier usque ad diem obitus sui, & secundum voluntatem vel ordinationem testatoris secunda possideat, & quinta tantundem parte earum rerum faciendi quod voluerit potestatem optineat. Et



Etus tamen sicut testator ipse, qui hoc testauit, expendendi vel vtendi potestatem habere potuit: ita & illa quæ vfu hoc ad possidendum percepit, omnia dum aduixerit, sine cuiuslibet inquietudine, suis incunctanter vtatur expensis, si tamen idem testator aliquam specialem testationem de ipsi frugibus non instituerit. Post obitum vero suum, reliqua integra & intemerata filiis ex ipso viro procreatis detelinquat, & nulla occasione cuiquam exinde, excepta vt dictum est quinta parte, quicquam aliud mulier alienare præsumat. Quod si ex ipso coniugio filii non fuerint procreati, quicquid mulier de rebus sibi donatis, iuxta præscriptum testatoris ordinem facere elegerit, liberam habeat potestatem. Cæterum si intestata discesserit, ad maritum eius, si superstes extiterit, donatio reuertatur. Si aut maritus non fuerit, ad heredes mariti qui donationem conscripserit, eadem donatio pertinebit. Similem rationem de viris præcipimus custodiri, de his quæ ab vxoribus tempore quocunque donata præceperint.

## V. ANTIQVA.

*De rebus à marito mulieri concessis, vel si mulier fuerit adulterasse detecta.*

**M**aritus si vxori suæ aliquid donauerit, & ipsa post obitum mariti sui in nullo scelere adulterii fuerit conuersata, sed in pudicitia permanserit, aut certe si ad alium maritum honesta coniunctione peruenerit, de rebus sibi à marito donatis possidendi & post obitum suum, si filios non habuerit, relinquendi cui voluerit, secundum voluntatem testatoris habeat potestatem. Cæterum si filios non relinquens intestata discesserit, aut ad maritum eius, si superstes extiterit, aut heredes mariti qui donationem conscripserit, eadem donatio pertinebit. Si autem per adulterium seu per inhonestam coniunctionem se miscuisse conuincitur, quicquid de facultate mariti sui fuerit consecuta, totum incunctanter amittat, & ad heredes donatoris, vel ad filios legitimos reuertatur.

## VI. FLS. CHDS. REX.

*De rebus traditis vel per scripturam donatis.*

**R**es donatæ, si in præsentis traditæ sunt, nullo modo repetantur à donatore. Quod si etiam prouenerit, vt quod donatur sit longe positum, pro eo donatio euacuari non poterit: quia tunc videtur vera esse traditio, quando iam apud illum scriptura donatoris habetur, in cuius nomine conscripta esse dinoscitur. Hoc tantum obseruandum est, vt si donator dixerit, nec dedisse nec direxisse scripturam, sed sublatam sibi fuisse: tunc ille, cui res donatæ sunt, per testem conuincat, ab ipso donatore eandem rem aut traditam sibi aut directam, vel ex eius voluntate in potestate sua redactam: & dum probauerit ita haberi. Quod si probare neglexerit, tunc ille qui scripturam fecerit, iuraturus est, quia eandem scripturam, neque per se dedisset, neque direxisset, neque per voluntatem suam factum esset vt eadem scriptura in manus eius veniret, a quo eam videtur repetere: & sic in valida remanebit, si tamen qui donauit voluerit. Illud sane addi placuit, vt si quisque scripturam de suis rebus in quibuslibet personis ædiderit, si eam viuendo illi in cuius nomine scripta est non tradiderit, quamlibet tradita non sit, tamen dum post eius obitum repperta fuerit, ille sibi eam vindicabit cum omnibus rebus, quæ ibi conscriptæ sunt, in cuius nomine dator eam fieri voluisse agnoscitur. Quoniam iustum omnino est, vt talis scriptura robur plenitudinis habeat, quam viuens donator ita saluauit, vt nequaquam videatur aliquatenus immutata. Nam si scripturam ipsam vel rem conditor, dum viueret nullo modo tradiderit, sed apud se retinuit, & voluntatem suam postmodum immutauit, illud potius firmissimum erit, quod post testationem non traditæ scripturæ definisse cognoscitur. Quod si ipsum, cui res donatæ fuerant, fatalis casus ab hac vita subduxerit, antequam rem sibi donatam caperet, ad donatorem vel ad heredes donatoris res ipsa pertineat. Qui vero sub hac occasione largitur, vt eandem rem ipse qui donat usufructuario iure possideat, & ita post eius mortem ad illum cui donauerit res donata pertineat: quia similitudo est testamenti: habebit licentiam immutandi voluntatem suam quando voluerit, etiam si in nullo læsum fuisse se dixerit. Ille vero qui falsa donatione circumuehit, aliquid in utilitate donatoris expenderit, aut ab ipso donatore recipiat, aut ab eius heredibus: ne iniuste dampna sustineat, qui lucrum se habere de inani promissione putabat. Certe si quisquis ille rem donatam, siue per traditionem conditæ scripturæ siue per consignationem vel traditionem rerum, in iure suo perceperit, & complacuerit ei vt donator rem ipsam per voluntatem eius qui eam donatam percepit possideat, iam si in postmodum fortasse contigerit, vt ipse qui rem donatam percepit, viuente donatore moriens, ab hac vita discedat, quicquid de re sibi donata iudi-



care voluerit licentiam habeat. Quod si intestatus discesserit, non ad donatorem, sed ad heredes eius qui rem donatam percepit, res eadem sine dubio pertinebit.

## VII. ANTIQVA.

*De rebus inter maritum & uxorem inuicem datis.*

**M**aritus si uxori suæ aliquid donauerit, de hoc quod ipsa habere voluerit, scripturæ manus suæ subscriptione vel signo confirmet: ita ut duo aut tres testes ingenui subscriptores vel signa facientes accedant, & sic voluntas ipsius habeat firmitatem. Similis & de uxoris voluntate, quæ in maritum conferre voluerit, donationis hæc forma seruetur: si tamen violenter à viris non fuerit exacta donatio. Seruata legum in omnibus sanctione, quæ in discendis facultatibus dinoscitur ordinata consistere.

## III. TITVLVS

## DE PATRONORVM DONATIONIBVS.

- I. *Si is qui in patrocínio constitutus est, vel filii eius, patronum vel filios patroni relinquat.*
- II. *De armis quæ dantur saionibus in patrocínio constitutis, & de acquisitionibus eorum.*
- III. *De rebus in patrocínio conquisitis, vel à patrono collatis.*
- IV. *De rebus in patrocínio acceptis & conquisitis.*

## I. ANTIQVA.

*Si is qui in patrocínio constitutus est, vel filii eius, patronum aut filios patroni relinquat.*

**S**i quis ei quem in patrocínio habuerit, arma dederit, vel aliquid donauerit, apud ipsum quæ sunt donata permaneant. Si vero alium sibi patronum elegerit, habeat licentiam cui se voluerit commendare. Quoniam ingenuo homini non potest prohiberi, quia in sua potestate consistit: sed reddat omnia patrono, quem deseruit. Similis & circa filios patroni vel filios eius qui in patrocínio fuit, forma seruetur: ut si is ipse qui in patrocínio fuit, & filii eius, filii patroni obsequi voluerint, donata possideant. Si vero patroni filios vel nepotes ipsis nolentibus crederint relinquendos, reddant vniuersa quæ parentibus eorum à patrono donata sunt. Quicunque autem in patrocínio constitutus, sub patrono aliquid adquisierit, medietas ex omnibus in patroni vel filiorum ipsius potestate consistat. Aliam verò medietatem idem buccellarius, qui adquisiuit, optineat. Quod si buccellarius filiam tantummodo reliquerit, & filium non reliquerit, ipsam in potestate patroni manere iubemus: si tamen ut ipse patronus & qualis ei prouideat, qui eam sibi possit in matrimonio sociare, & quicquid patri vel matri fuerit datum ad eam pertineat. Quod si ipsa sibi contra voluntatem patroni inferiorem fortè maritum elegerit, quicquid patri eius à patrono fuerat donatum vel à parentibus patroni, patrono vel heredibus eius restituat.

## II. ANTIQVA.

*De armis quæ dantur saionibus in patrocínio constitutis, & de acquisitionibus eorum.*

**A**rma quæ saionibus pro obsequio donantur, nulla ratione à donatore repetantur. Sed illa, quæ dum saio est adquisiuit, in patroni potestate consistant.

## III. ANTIQVA.

*De rebus in patrocínio conquisitis, vel à patrono collatis.*

**S**icut superius dictum est, si quis cum aliquo patrocinii causa consistat, & aliquid dum cum eo habitat, adquisierit: si ei inueniatur infidelis, vel eum de relinquere voluerit, medietas adquisitæ rei patrono tradatur. Aliam verò medietatem qui adquisiuit optineat, & quicquid ei ipse donauit recipiat.

## IIII. ANTIQVA.

*De rebus in patrocínio acceptis & conquisitis.*

**I**ta, ut supra præmissum est, quicumque patronum suum reliquerit, & ad alium tendens



dens forte se contulerit, ille cui se commendauerit, det ei terram. Nam patronus quem reliquerit, & terram & quæ ei dedit optineat.

## IIII. TITVLVS.

## DE COMMVTATIONIBVS ET VENDITIONIBVS.

- I. *Vt ita valeat commutatio sicut & emptio.*
- II. *Vt si non fuerit idoneus venditor, fideiussor detur.*
- III. *Ne valeat violenter facta venditio.*
- IV. *Si arris datis pretium non fuerit impletum.*
- V. *Si pars pretii data non fuerit.*
- VI. *Si fraus in pretio rei vendita fiat.*
- VII. *Si dicat quis rem suam vili precio vendidisse.*
- VIII. *De his qui aliena vendere vel donare præsumpserint.*
- IX. *Quod rem in contentione positam non liceat vendere vel donare.*
- X. *Si se permittat ingenuus venundari.*
- XI. *De viris ac mulieribus ingenuis seruo vel ingenuo venditis.*
- XII. *Non liceat parentibus filios suos quocumque contractu alterius dominio subingere.*
- XIII. *De seruorum rebus venditis.*
- XIV. *Si seruus venditus in priorem dominum crimen obiiciat.*
- XV. *Vt serui venditi facultatem dominus quærat.*
- XVI. *Si seruus sit de suo peculio emptus.*
- XVII. *Vt nullus seruum suum vendat inuitus.*
- XVIII. *Si seruus pro quocumque crimine qualicumque contractu ad dominium transierit alterius.*
- XIX. *De non alienandis priuatorum & curialium rebus.*
- XX. *Si res illa vendatur aut donetur, quæ prius debuerat per iudicium optineri.*
- XXI. *De mancipiis ab hostibus occupatis ac venditis.*
- XXII. *Quod præsens liber debeat precio comparari.*

## I. ANTIQVA.

*Vt ita valeat commutatio sicut & emptio.*

**C**OMMVTATIO si non fuerit per vim & metum extorta, talem qualem & emptio habeat firmitatem.

## II. ANTIQVA.

*Vt si non fuerit idoneus venditor, fideiussor detur.*

**S**i venditor non fuerit idoneus, ingenuum fideiussorem dare debet emptori & emptio habeat firmitatem.

## III. ANTIQVA.

*Ne valeat violenter facta venditio.*

**V**enditio per scripturam facta plenam habeat firmitatem. Ceterum si etiam scriptura facta non fuerit, & datum precium presentibus testibus comprobetur, plenum habeat emptio robur. Venditio verò si fuerit violenter & per metum extorta, nulla valeat ratione.

## IV. ANTIQVA.

*Si arris datis precium non fuerit impletum.*

**Q**ui arras pro quacumque re acceperit, id cogatur implere quod placuit. Emptor verò si per ægritudinem aut grauem necessitatem, quæ vitari non potuerit, ad constitutum non occurrerit diem, quem voluerit pro se dirigat, qui precium tempore definito percomplaceat. Quod si ad constitutum diem nec ipse successerit, nec pro se dirigere voluerit, arras tantummodo recipiat quas dedit, & res definita non valeat.

## V. ANTIQVA.

*Si pars precii data non fuerit.*

**S**i pars precii data est, & pars promissa non adimpletur, non propter hoc venditio facta rumpatur. Sed si emptor ad placitum tempus non exhibuerit precii reliquam portionem, pro precii parte quam debet, soluat vsuras: nisi hoc forte conuenerit, ut res emptori venditori debeat reformari.



*Si fraus in precio rei vendita fiat.*

**S**I in contractu venditionis, minus precium datum fuerit, & per fraudem aut etiam contra voluntatem vendentis amplius datum precium nuncietur: quantum de iusto precio fraudatum est, tantum duplum emptor restituat venditori.

## VII.

*Si dicat quis rem suam vili precio vendidisse.*

**V**enditionis hæc forma seruetur: ut seu res aliqua, vel terræ, siue mancipia, vel quolibet animalium genus venditur, nemo propterea firmitatem venditionis irrumpat, eo quod dicat rem suam vili precio vendidisse.

## VIII. ANTIQVA.

*De his qui aliena vendere vel donare præsumpserint.*

**Q**uotiens de vendita vel donata re contentio commouetur, id est, si alienam fortasse rem vendere, vel donare quemcunque constiterit, nullum emptori præiudicium fieri poterit: sed ille, qui alienam fortasse rem vendere aut donare præsumpserit, duplum rei domino cogatur exsoluere. Emptori tamen præciū quod accepit redditurus, & poenam quam scriptura continet impleturus: & quicquid in profectu comparatæ rei emptor vel qui donatum accepit, studio suæ utilitatis acceperat, a locorum iudicibus æstimetur, atque ei qui laborasse cognoscitur, a venditore vel donatore iuris alieni, satisfactio iusta reddatur. Similis scilicet & de mancipiis, & de omnibus rebus, atque brutis animalibus ordo seruetur.

## IX. ANTIQVA.

*Quod rem in contentione positam non liceat vendere vel donare.*

**R**em in contētionē positam, id est, quam alter aut petere cœpit, aut recipere rationabiliter poterat, optinere non liceat, nec donare, nec vendere, nec aliquo loco transferre.

## X. ANTIQVA.

*Si se permiserit ingenuus venundari.*

**Q**uicumque ingenuus se vendi permiserit, & precium cum venditore partitus est, vnde circumueniet emptorem, proclamans postea, nullatenus audiatur; sed in ea servitute, quam voluit, permaneat. Quoniam non est dignus ut liber sit, qui se volens subdidit servituti. Et tamen si ipse, qui se vendiderit, vel venundari permiserit, precium vnde se redimat habere poterit: aut si parentes eius redemptionem pro eo qui vendidit, dare elegerint; reddito ad integrum precio, quod pro venditi persona emptor accepit, ad ingenuitatis titulum ille qui se vendiderat, poterit reuocari.

## XI. ANTIQVA.

*De viris ac mulieribus ingenuis a seruo vel ingenuo venditis.*

**S**i ingenuus ingenuum vendere, vel donare præsumpserit, huiusmodi præsumptorem iudex comprehendere non moretur: ita ut ingenuus ille in statum suum reductus centum auri solidos a præsumptore percipiat: aut si non habuerit vnde componat, centum flagellis publice verberatus, in potestate eius serviturus tradatur, quem vendidit vel donare præsumpserat. Seruus vero in ingenuam personam talia facere fortasse præsumens, comprehensus a iudice ducentorum flagellorum ictibus publice verberetur, & decaluatus turpiter, eius perenniter servitio addicatur. Atque etiam de mulieribus ingenuis venditis vel donatis, huius ordinis forma seruetur.

## XII. ANTIQVA.

*Non licere parentibus filios suos quocunque contractu alterius dominio subingere.*

**P**arentibus filios suos vendere non liceat aut donare vel oppignerare. Nec ex illis liquidum iuri suo defendat ille qui acceperit, sed magis precium vel sepositionis com-  
mo dui



modum quod acceperat perdat, qui à parentibus filium comparauit.

XIII. FLS. CHDS. REX.

*De seruorum venditis rebus.*

Res iuris alieni sine domini voluntate ab eo qui non habet distrahendi potestatem, alienari non patimur. Ideoque cum promulgata iuris antiqui sanctio non sine dominorum dispendio seruorum venditiones in irritum præceperit deuocari, prouidentiori decreto consulimus, si leges patrias ad æquitatis regulam redigamus; sicque melius earum statuta corrigere, quam cum eis pariter oberrare. Quapropter si quis seruum, vel ancillam alienam sciens, ab eis deinceps, domum, agrum, vineam, seu mancipium, ubi quacunque definitione percepit, donatio siquidem vel sepositio de talibus personis contracta non valeat. Ita ut nec datum commodum pro sepositione reddatur. Venditio vero cum dispendio comparantis irrupta, sic ad serui vel ancillæ dominum in integrum deuocetur, ut emptor precium ex omnibus perdat. Iustè enim quod per ambitionem dederat videtur amittere, qui suo dominio rem census alieni nititur applicare. Prædictæ vero seruiles personæ si animalia quælibet bruta vendiderint, seu res quascunque & ornamenta distraxerint, quæ tamen aut sui sint peculii, aut à dominis suis vel aliis negotiandi occasione distrahenda perceperint, ita perenniter firma subsistant: ut si dominus eiusdem serui vel ancillæ qui vendidit, rescindere venditionem ipsam voluerit, seu rem domini quæ vendita est, non serui peculium, sed sui esse proprii domini asseruerit, non aliter venditio rescindatur, nisi ille qui rescindendam venditionem proponit aut per testes legitimos, aut per sacramentum suum, non serui peculium sed suum proprium doceat esse quod quærit, & sine voluntate sua venditum fuisse, quod acquirere cupit. Et hoc quidem de vilibus aut paruis rebus: nam de maioribus & necessariis in domini potestate erit infringere aut stabilire negotium.

XIIII. ANTIQVA.

*Si seruus venditus in priorem dominum crimen obieciat.*

Si quis seruum suum vendiderit, & ipse seruus priori domino aliquod crimen obiecerit, ille qui vendidit, recipiat, quem vendiderat, precium redditurus emptori: ut ipse in seruo suo crimen quod sibi obiectum est inquirere vel vindicare studeat. Id autem & de ancillis præcipimus custodiri. Idem tamen seruus vel ancilla, seu venditi, siue donati, vel commutati, in priorum dominorum capite non torqueantur: neque credatur eis, si in prioribus dominis crimen obiecerint.

XV. ANTIQVA.

*Ut serui venditi facultatem dominus quærat.*

Si quis seruum suum vendiderit nesciens eius facultatem, habebit inquirendi liberam potestatem, ut sibi vendicat ille qui vendidit, cum potuerit inuenire rem serui venditi.

XVI. ANTIQVA.

*Si seruus sit de suo peculio emptus.*

Si seruus de peculio suo fuerit emptus, & hoc dominus eius fortè nescierit, de domini sui potestate non exeat: quia non precium, sed res serui sui dominus dum ignorat accepit.

XVII.

*Ut nullus seruum suum vendat inuitus.*

Æpissimè leges oriuntur ex causis: & cum aliquid insolitæ fraudis existit, necesse est contra notandæ calliditatis astutiam præceptum nouæ constitutionis apponi. Comperimus multorum seruos vel ancillas ad ecclesiam quorundam sollicitatione confugere, & illic de iniusto dominorum imperio sæpissimè querelari: ut ita intercedentibus clericis, religionis obtentu, domino necessitatem venditionis extorqueant. Hinc etiam plerumque domino error imponitur: ut aut clericus, aut quicumque alius se velut emptor interponat precium traditurus alienum. & sub huius argumetatione colludii, interdum domino nesciente seruus vendatur inimico: atque eueniat, ut in vicinia forsitan longa constitutus, eum ille possideat, qui publicæ nullatenus ad contractum venditionis accessit. Proinde hac lege profutura omnibus sancimus, ut nullus seruum suum vendat inuitus. Sed clericus aut ecclesiæ custos, sicut in aliis legibus continetur, ex-



casatum a culpa domino seruum amota dilatione restituat. Satis enim videtur indignum, ut in eo loco serui contumaciam rebellionis assumant, ubi castigationis disciplina & obtemperandi prædicantur exempla. Si quis itaque dominum suum in hunc inducit errorem, precium qui per suppositam personam comparauit amittat. Quod illi aut ipso commercii tempore, quo inducebatur, vsurpet, suæ proprietati habiturus: aut si hoc postea quam fuerat inductus agnouerit, iudicis exequutione percipiat, & seruum nihilominus suæ vendicet potestati. Is autem qui se ministrum fraudulenter venditionis fingessit, alium parisi meriti seruum domino cui instruxit insidias reformare cogatur: & tam notandæ fraudis improbitas, præcepti huius coerceatur obiectu.

XVIII. FLS. CHDS. REX.

*Si seruus pro crimine quocunque contractu ad dominium transierit alterius.*

**N**on præmittendum est legali sanctione decernere, unde plerumque impugnationis occasio videatur existere. Idcirco, si criminis reatu seruus obnoxius, ad alterum fortasse dominum donationis, venditionis aut commutationis titulo transierit, idem prior dominus aut seruum pro culpa tradere, aut pro eo componere compellendus est. Nam qui talem seruum comparasse dinoscitur, si respondere vel satisfacere pro crimine eius noluerit, hunc priori domino precio recepto restituat, & ipse quoque pro scelere serui, redditurus est petenti responsum, sub cuius dominio seruus constiterit perpetrasse reatum.

XIX. FLS. CHDS. REX.

*De non alienandis priuatorum & curialium rebus.*

† facultatem

**S**i cura rei familiaris omitti non debet, quanto magis vtilitatis publicæ, quam semper exerceri vel augeri necesse est? Curiales igitur vel priuati, qui caballos ponere, vel in arca publica functionem exsoluere consueuerunt, nunquam quidem facultatem suam vendere aut donare, vel commutatione aliqua debeant alienare. Et tamen si contigerit aut voluntate aut necessitate eos alicui, siue venditione aut donatione, siue commutatione, omnem suam † facultatem dare: ille qui accepit censum illius, a quo accepit exsoluere procurabit, & hanc ipsam summam census, eiusdem scripturæ suæ ordo per omnia continebit. Sed & qui medietatem facultatis talium personarum, vel partem aliquam in mancipiis, terris, vineis, domibusque perceperit, iuxta quantitatem acceptæ rei, functionem publicam impleturus est. Qui autem de talibus personis accipiens aut per scripturam illius a quo accepit, non ostenderit quid exinde functionis exsoluat, aut vno forsitan anno reddere censum ipsam distulerit: mox regis auditibus siue comitis aut iudicis huius rei actio innotuerit, possessor amisso precio & siquid e contra dederat, id etiam quod accepit ex omnibus perdat. Ita ut principis potestas, seu illi qui dederat reddere voluerit, siue alii fortasse conferre, licentiam habeat. Ipsis interim curialibus vel priuatis inter se, vendendi, donandi, & commutandi, cui licitum erit, vtiliter qui acceperit, functionem rei acceptæ publicis vtilitatibus impendere non recuset. Ne plebeis glebam suam alienandi, nulla vnquam potestas manebit. Amissurus procul dubio precium vel si quid contigerit accepisse, quicumque post hanc legem, vineas, terras, domosque seu mancipia, ab officii huius hominibus accipere quandocunque præsumpserit.

XX. ANTIQVA.

*Si res illa vendatur aut donetur quæ prius debuerat per iudicium optineri.*

\* potuit;  
\* vindicare

**S**i quis rem, quæ est per iudicium repetenda priusquam aduersarium iudicialiter peteret, ita vendiderit vel donauerit alicui, aut forte tradiderit occupandam, ut abs audientia iudicis, priuatur dominium possessoris: ipse qui possedit per exequutionem iudicis, rem quæ occupata fuerat statim recipiat, nec de eius postmodum repetitione contendat, etiam si bona sit causa petentis. Ille vero qui hoc vendidit aut donauit, vti occupari præcepit, quod iuste vindicare nullatenus \* poterit; eiusdem meriti rem a quo victus fuerit repensare cogatur: quia rem antequam \* vinceret fecerat inuadi.

XXI. FLS. GLS. RCDS. REX.

*De mancipiis ab hostibus occupatis vel venditis.*

**Q**uæcunque mancipia de regionibus nostris ab aduersis hostibus extiterint occupata, si ab hominibus regni nostri repertiatur excussa, ille qui ab hoste at stultus, ex quo vnus



vnusquodq; mancipium valere iuste constiterit, tertiam partem precii habeat, & mancipia domino nihilominus reddat. Quod si venditum ab hostibus mancipium fuerit acceptum, cum iuramento manifestetur precium datum: at tunc illo qui dedit integrum precium, & quantum mancipium meliorauit acceptum, a domino recipiat, moxque illi suum mancipium inexcusabiliter reddat.

XXII. FLS. CHDS. REX.

*Quo præsens liber debeat precio comparari*

**V**T omnis de cetero & improbitas distrahentis, & dispendium temperari possit emptoris id præsenti sanctione decernitur legis: scilicet ut quotiescunque hunc codicem constiterit venundari, non amplius quam XII. solidorum numerum accipere venditori, vel dare licebit emptori. Si quis verò super hunc precii numerum accipere vel dare præsumpserit, e. flagellorum ictibus à iudice verberari se nouerit.

V. TITVLVS,

## DE COMMENDATIS ET COMMODATIS.

- I. De animalibus in custodiam placita mercede susceptis.
- II. De animalibus in angariam præstitis.
- III. De rebus præstitis incendio vel furto exterminatis.
- IIII. De pecunia perditâ, & usuris eius.
- V. De rebus† commendatis, & casu quocunque in naufragium missis.
- VI. De rebus seruo domino nesciente \* commendatis.
- VII. Si seruus mentiatur dominum petere commodanda.
- VIII. De reddendis usuris.
- VIIII. De usuris frugum.
- X. Cui debeant testamenta vel scriptura \* commendata restitui.

† commod.  
\* commod.

\* commod.

I. ANTIQVA.

*De animalibus in custodiam placita mercede susceptis.*

**E**I quis caballum vel bouem, aut quodlibet animalium genus placita mercede ad custodiendum suscepit: si id perierit, alium eiudem meriti, ille qui commendata vel commodata suscepit, exsoluat: si tamen mercedem fuerit pro custodia consequutus, vel pro conducto. Quod si ille qui nullum placitum pro mercede suscepit, rem mortuam esse probauerit, nec ille mercedem recipiat, nec ab illo aliquid requiratur. Ea tamen ratione, ut præbeat sacramentum ille, qui † commodata suscepit, quod non domino per suam culpam neque per negligentiam, animal morte consumptum sit, & nihil cogatur exsoluere. Similis & de \* commodatis forma seruetur.

\* commen.

II. ANTIQVA.

*De animalibus in angaria præstitis.*

**S**I quis alicui iumentum aut caballum aut aliud animal præstiterit, & per aliquam infirmitatem apud eum qui accepit moriatur, sacramentum præbere debet, quod non per suam culpam neque per negligentiam morte consumptum sit, & nil cogatur exsoluere. Sin autem nimium sedendo, vel fascis caricando, aut quocunque onere vel percussione mortuum fuerit, eiusdem meriti animal domino sine aliqua excusatione restituat. Si verò præstitum animal, alicui aliquid debilitatis intulerit vel dampni, ille commodat qui eum apud se susceptum habuisse dinoscitur.

III. ANTIQVA.

*De rebus præstitis incendio vel furto exterminatis.*

**S**I alicui aurum, argentum aut ornamenta vel species fuerint commendate, siue custodiendæ traditæ, aut fortè vendendæ: id si perierit, vel in domo ipsius qui accepit cum rebus eius fuerit incendio concrematum, vnà cum testibus veniat, & breuem det ille, qui commendata suscepit, & præbeat sacramentum, quod nihil exinde suis profuisset compendiis, & nihil cogatur exsoluere, excepto auro & argento quod ardere non potuit. Et si quis, dum domum flamma consumit, se quasi auxilium præbiturus ingesserit, & aliquid forte rapuerit, dominus domus diligenter inquiret: & si eum inuenire poterit, ille qui rapuit in quadruplum rapta restituat: & si de commendatis rebus apud susce-



ptorem aliquid fortè repperit, domino restituere non moretur. Si vero quæ eommodata fuerant, furto probantur ablata ei qui commendata susceperat, spatium tribuatur, vt ordo docet, donec furem sua inuestigatione perquirat: & si eum inuenerit, commendatori res suas proprias tantummodo reformare cogatur. Compositio vero furti ad eum qui habuit commendata pertineat. Certè si fur non fuerit infra statutum tempus inuentus, medietas rerum commendatarum domino à suscipiente reddatur, vt dampnum ex medio vterq; sustineat. Et si postmodum dominus rerum apud eum cui commendaue- rat, quæ fuerant suppressa fortè repperit, cum hæc ille se prius dixerit perdidisse, vel furtim fuisse sublata, sicut fur pro his quæ celauit, secundum legum statuta, compositio- nem implere cogatur.

## III. ANTIQVA.

*De pecunia perdita & vsuris.*

**S**I quis pecuniam sub conditione susceperit, daturus vsuras, si per casum pecunia peri- erit, non culpa aut negligentia debitoris: ille qui pecuniam commodauit, solam pe- cuniæ summam recipiat, & non requirat vsuras. Si vero per ipsius fraudem vel culpam factum est, & pecuniam & vsuras soluat. Quod si aliqua lucra est ex ea pecunia conse- quutus, & postmodum contingat vt pecunia pereat; si tanta sunt lucra quanta pecunia fuit, & pecuniam & vsuras restituat.

## V. ANTIQVA.

*De rebus commendatis & casu quocunq; in naufragium missis.*

**Q**VI cōmendata vel cōmodata susceperit, & de ruina aut de incendio vel hostilitatis naufragio, seu quolibet simili casu, sua omnia liberauerit, & aliena perdidit, quod accepit sine aliqua excusatione cogatur exsoluere. Si vero partē aliquam de rebus pro- priis liberasse cognoscitur, illi cuius res secum habuerat, iuxta modum perditæ rei vel liberatæ restituat, qualem iudex ratione deducta æstimauerit portionem. Si autem sua omnia perdidit, cum liberaret aliena, & de liberatis & de perditis rebus similis ratio deducatur, vt partem, arbitrio iudicantis, qui liberauit accipiat. Iustum est enim in simi- li casu, vt ille non dampnum solus excipiat, qui se grauib; obiecit periculis; & dum ali- ena minora conatur liberare, sua maiora perdidisse cognoscitur.

## VI. ANTIQVA.

*De rebus seruo nesciente domino commendatis.*

**Q**UOD nesciente domino seruo fuerit commendatum, si id perierit, nec dominus nec seruus vllum dampnum incurrat. Sux enim imputet culpæ qui seruo alieno res suas commendauerit, domino nesciente. Si vero alicuius animal sit, & per fraudem pastorū dim inutum repperiatur, hoc reddere compellatur. Similis & de commodatis forma ser- uetur, si fraude aut malitia consumpta aut dissipata noscuntur.

## VII. ANTIQVA.

*Si seruus mentiatur dominum petere commodata.*

**S**I dominus per seruum suum quodcunque sibi petierit commodandū, & seruus eum rebus commodatis in fugam fuerit elapsus, tunc dominus obligetur vt commodata restituat. Si vero seruus petisse dominū mentiatur, & sic quasi deportata ad dominū susce- perit & quæ susceperit aut euerterit, aut forte perdidit, & fugitiuus nō potuerit inueniri dominus serui præbeat sacramentū, se eundē seruū vt susciperet non misisse, & eū id pe- teret ignorasse, & nihil calumpniæ pertimescat. Seruum tamen tam dominus quam ille qui commodauit, quærere solícite procurabunt. Hæc eadem & de commendatis præci- pimus custodire.

## VIII. ANTIQVA.

*De reddendis vsuris.*

**S**I quicunque pecuniam commodauerit ad vsuram, non plus per annum quam tre- seliquas de vno solido poscat vsuras, si tamen fuerit vnde detur. Sed de solidis octo no- num solidum creditori, qui pecuniam ad vsuram dedit, exsoluat: & sic summam pecu- niæ & vsuras ille qui dederat, à debitore recipiat. Quod si cautionem vltra modum su- perius comprehensum per necessitatem susipientis creditor extorserit, conditio cōtr- leges inserta non valeat. Si quis autem contra ordinationē hanc fecerit, eam rem quam commodauerit, recipiat: & quæ cautæ fuerant, in nullo soluantur vsuræ.



Quicumque fruges aridas & humidias, id est, vinum & oleum, vel quodcunque annonę genus alteri commodauerit, non amplius ab eo propter vsuras, quàm tertiam partem accipiat, id est vt super duos modios, qui accepit, tertium reddat. Quam legem, ad solas fruges præcipimus pertinere. Nam de pecunia commodata, secundum superiorem legem valere & obseruare censemus.

## X. ANTIQVA.

*Cui debeant testamenta vel scriptura commendata restitui.*

Testamentum ab eo cui fuerit commendatum, postea quàm hoc ante testes publicauerit, sicut est in legibus constitutum, illi, qui maiorem partem de eodem testamento est consequuturus, reddatur heredi. Quod si alii redditum fuerit, vel aduersario eius traditum; qui tradiderit duplam compositionem restituat, quàm illi cui fraudulentus fuerit, inferre voluerat. Litas verò scripturas, quę simul tradi partibus debent, si commendatas quicumque susceperit, id est, testamenta, iudicia, pacta, donationes, vel cætera talia, si alteri altero absente tradiderit, ille qui dederat reuocet quod dedit; & omnibus quibus in commune debebatur, restituere non moretur.

## V. TITVL.

## DE PIGNERIBVS ET DEBITIS.

- I. *De non pignerando.*
- II. *De pignere deposito, & furato.*
- III. *De pignere, si pro debito deponatur.*
- IIII. *Si pignus representato debito non reddatur.*
- V. *Si vna persona reatu vel debito multis teneatur obnoxia.*
- VI. *Qualiter defuncti debitum aut violentia post mortem possit inquiri.*

I. FLS. GLS. RCDS. REX.

*De non pignerando.*

**P**ignerandi licentiam in omnibus submouemus: alioquin si non acceptum pignus præsumpserit ingenuus de iure alterius vsurpare, duplum cogatur exsoluere. Seruus autem simplum restituat, & c. flagella suscipiat.

## II. ANTIQVA.

*De pignere deposito & furato.*

**S**i quis pignus alteri deposuerit pro aliquo debito, & illud, ipse qui deposuerit, furatus fuerit, pro fure teneatur.

## III. ANTIQVA.

*De pignere si pro debito deponatur.*

**P**ignus, quod pro debito deponitur, si per cautionem fuerit obligatum, & ille qui pignus deposuerat ad tempus constitutum, debitum reformare dissimulet, post diem cautionis exactum, vsque ad decem dies pignus saluum domino suo referuetur; aut eidem domino, si in propinquo est, reportetur, atque vt restituat debitum moneatur. Quod si per negligentiā suam debitor, ad diem constitutum adesse neglexerit, aut debitum implere distulerit, addantur vsurę. Ceterum si adesse vsque ad decem dies, sicut supra dictum est, aut quod debet, reformare dissimulauerit: tunc creditor iudici vel præposito ciui-  
tati pignus ostendat, vt quantum iudicio eius, \* vel trium honestorum virorum fuerit  
estimatum, sit licentia distrahendi, & postmodum de precio venditi pigneris, credi-  
tor quantum ei debebatur, sibi euidentius tollat, & reliquum ille recipiat qui pignus  
deposuerat.

IIII. FLS. GLS. RCDS. REX.

*Si pignus representato debito non reddatur.*

**S**i quis ei qui rem pro pignere crediderit, ad constitutum tempus, representato debito, pignus acceptum distulerit reddere, & hoc aut ante tempus lege superiori ratum vendere, vel in vsus proprios atque in alienos conterendum præsumpserit adtem-



ptare, vel malitiose differens noluerit assignare pignus quidem quod accepit, integrum reddat, & medietatem quantum pignus valere constiterit, domino pigneris coactus impendat.

V. FLS. GLS. CHDS. REX.

*Si una persona reatu vel debito multis teneatur obnoxia.*

**S**I una persona plurimis rea vel debitor maneat, qui prior in petitione præcesserit, & aut per placitum, aut per probationem siue per professionem eius, eum sibi reum vel debitorem esse docuerit, ipsi nihilominus aut iuxta qualitatem debiti satisfacere compellendus est, vel damnandus a iudice. Quod si quibus reus vel debitor manet, vno eodemque tempore contra eum agere coeperint, secundum quantitatem debiti vel reatus, aut reddere omnibus aut omnibus addicendus est seruiturus. Quærere tamen a iudice ad liquidum oportebit, cui magis reus vel debitor maneat, ut ipsi maiorem partem reddi præcipiat. Et de reliquo, quod de facultate rei vel debitoris remanserit, quantum reddatur cæteris iudex ipse manifeste perpendat. Certe si non fuerit unde compositio exsolui debeat, cum hoc saltem quod videtur habere, pro debito vel reatu perpetim seruiturum iudex petentibus tradere non desistat.

VI. FLS. CHDS. REX.

*Qualiter defuncti debitum aut violentia post mortem possit inquiri.*

**S**I viuentis cuiuslibet manifesta culpa non apparet, nefas esse non dubitandum est, ut eum quisquam post obitum mansisse sibi reum accuset. Ne ergo in fraude heredis defuncti quicumque post hæc talia conetur præsumere, huius legis redargui sanctione se nouerit: scilicet, ut si quis quemlibet defunctum sibi violentum, aut peruaforem suæ rei, siue direptorem seu debitorem fuisse adstruxerit, eumque quodcumque illicitum secundum superiorem ordinem dixerit perpetrasse, non aliter eius assertioni credatur, nisi per quamcunque scripturam aut testificationem legitimam id verum esse indubitanter edoceat. Quod si tale aliquid quisque conuicerit, & defunctus ille de quo agitur, filios non relinquens, facultatem suam suis libertis aut quibuscunque personis dinoscitur contulisse: ipsi liberti vel aliarum personarum, iuxta quod possident de rebus defuncti, quæ defunctus debuit vel commisit, insistentem iudice, cogatur exsoluere. Nam si filios reliquerit, & ipsi omnem eius optinent facultatem, ipsi proculdubio cogendi sunt illam supplere, unde auctor eorum, debitor aut præsumptor conuincitur extitisse. Si certe prædictarum causarum obnoxius sic ab hac luce discesserit, ut de suis rebus nil videatur aliquatenus ordinasse; propinqui eius, vel qui facultatem ipsius adierint aut possederint, petitori de re vel causa quam repetit, cogendi sunt reddere rationem: ita ut si ille, qui debitor aut præsumptuosus dicitur extitisse, nil rerum suarum moriens dinoscitur reliquisse, ab omni calumpnia repetentis eius filii vel propinqui habeantur immunes. Sin autem quodcumque defunctus reliquit, & maius est quod petitur quam quod reliquisse videtur; si filii eius aut propinqui, aut qui eius possident bona, noluerint pro reatu eius vel debito satisfacere, de rebus a defuncto dimissis non morentur petenti facere cessionem.

VII. TITVLVS.

## DE LIBERTATIBVS ET LIBERTIS.

- I. Si mancipia siue per scripturam seu per testem manumittantur.
- II. Si alienus seruus vel commune mancipium manumittatur.
- III. De his qui se liberos esse proclamauerint.
- IV. Si ad seruitutem repetatur, qui in libertate est constitutus.
- V. Si ei qui ad seruitutem repetendus est, aliquid auferatur.
- VI. Si eum quem aliquis coram iudice liberum esse dixerit, postea in seruitio repetere velit.
- VII. Si timore compulsus quisquam seruum se esse dicat.
- VIII. Si ingenuus ad seruitutem repetatur, vel seruus se liberum esse dicat.
- IX. Quare data libertas debeat renocari.
- X. Si libertus iniuriam faciat manumissori.
- XI. Ne contra patrum vel filios eius testificari audeat manumissus.
- XII. Ne testificent manumissi.
- XIII. De rebus manumissorum, si absque legitimis filiis moriantur.
- XIV. De conditionibus a manumisso in scriptura manumissi conscriptis.
- XV. De libertatibus seruorum fiscalium.

XVI. De



- XVI. *De libertis & rebus fiscalium seruorum.*  
 XVII. *Ne liberti vel progenies eorum cum posteritate patroni, aut coniugia connectant, aut eis insolentes existant.*  
 XVIII. *Ne liberti religiosi ad obsequium reducantur heredis.*  
 XVIII. *De his qui ob noui principis fidem seruandam iurare distulerint: vel de illis qui ex palatino officio ad eius presentiam venire neglexerint.*  
 XX. *De libertis regum eorumque potestate, qualiter exercitus tempore ad regiam potestatem concurrant, & cum quibus eos in publica utilitate proficisci oporteat.*  
 XXI. *De transgressoribus libertorum.*

## I. ANTIQVA.

*Si mancipia siue per scripturam seu per testem manumittantur.*

**S**I quis moriens per scripturam aut presentib. testib. manumiserit mancipia sua, voluntas eius habeat firmitatem, dummodo infra sex menses, trium aut quinque testium, quibus credi possit, testimonio comprobetur. Sed & libertis si quid donauerit qui eos manumittit, aut libertatis ipsius scriptura contineat, aut testes qui adhibentur agnoscant, & res apud libertos donata permaneat.

## II. ANTIQVA.

*Si alienus seruus vel commune mancipium manumittatur.*

**S**I quis alienum seruum vel commune mancipium manumiserit in fraudem domini, libertas data non valeat. Ille vero qui manumiserit alienum mancipium, alterum praeter illum domino dare cogatur. Si vero dominus adqueuerit ut ille liber sit, duos vicarios seruos pro manumisso seruo percipiat, & libertas data habeat firmitatem. Haec eadem & de ancillis praecipimus custodiri. Si quis sane vult ex integro manumittere commune mancipium presbyterum qui praesens est vel diaconum comonemus, ne huiusmodi libertatem se fieri presentib. permittat, quia haec manumissio stare non poterit. Si quis autem commune mancipium vult a iugo seruitutis absoluere, prius cum consortib. suis diuidat, & suae vindicet potestati: aut certe cum his qui ei consortes sunt, id fieri vel precio vel precib. elaborer: & si sic voluerit praesente presbytero vel diacono manumittat, & libertas data firmetur. Quod si aliquis coram sacerdote vel diacono commune mancipium ex integro manumiserit, proprietatis suae partem de mancipio amittat, & mancipium ad integrum consors ille qui non manumisit, optineat. Nam si partem suam quae in eodem mancipio illi debetur, absoluere voluerit, prohiberi non poterit. *\*se si nol.*

## III. ANTIQVA.

*De his qui se liberos proclamauerint esse.*

**S**I mancipia se in libertate proclamauerint, spatium & tuitionem arbitrio iudicis accipiant, ut testes possint ad libertatis suae documenta perquirere. Sed tantum temporis spatium mancipiis concedatur, ut nec seruitia dominis, nec beneficia proclamantibus denegentur.

## IIII. ANTIQVA.

*Si ad seruitium repetatur qui in libertate est constitutus.*

**S**I in libertate constitutus ad seruitium repetatur, non liceat eum in custodiam mitti ab illo a quo repetitur, sed iudicis referuetur arbitrio si debeat sub fideiussore consistere, dummodo nihil violentiae a pulsante patiat. *mentio.*

## V. ANTIQVA.

*Si ei qui ad seruitutem repetendus est aliquid auferatur.*

**S**I quis homini ingenuo vel liberto aliquid tulerit, & postea eum sibi voluerit seruum addicere, prius reddat quod tulit, & sic de eius conditione contendat.

## VI. ANTIQVA. FLS. RCDS. REX.

*Si eum quem aliquis coram iudice liberum esse dixerit, postea in seruitio repetere velit.*

**Q**ui sub testimonio coram iudice, quemlibet liberum esse dixerit, & postmodum eum ad seruitium inclinare voluerit, aliud illi mancipium e contrario reddat: & quem opprimere nitebatur, in libertate permaneat. *\*suo testamento.*



*Si timore compulsus quisquam seruum se esse dicat.*

**Q**ui timore compulsus seruum se esse extra iudicium dixerit, nullum præiudicium libertatis incurrat, donec in iudicio præsentetur: ut libertatem suam si probauerit, præsentem iudice optineat; aut si seruus conuincitur, statim domino reformetur.

*Si ingenuus ad seruitium repetatur, vel si seruus se liberum esse dicat.*

**S**i quis ingenuum ad seruitium addicere voluerit, ipse doceat quo ordine ei seruus aduenit: & si seruus ingenuum se esse dixerit, & ipse simili modo ingenuitatis suæ firmam ostendat probationem. Iudex verò eorum testimonium recipere debet, quos meliores atque plures esse prouiderit. Quod si muneris acceptione corruptus iniuste turbauerit innocentem, tam iudex quam petitor secundum legem aliam de his qui iniuste indicauerint, componere non merentur.

*Quare data libertas debeat reuocari.*

**Q**ui seruo suo vel ancillæ libertatem donauerit, & præsentem sacerdote vel aliis duobus aut tribus testibus hoc factum esse constiterit, id est, si ipse aliam libertatis scripturam coram legitimis testibus manifeste tradiderit, atque ita per eandem libertatis scripturam definierit, ut ex tempore conditæ scripturæ liber ipse qui est manumissus permaneat, nihil sibi in eo conditionis reseruans, huiusmodi libertatem reuocari non liceat: excepto si manumissori, eum qui manumissus est iniuriosum aut contumeliosum vel accusatorem, aut criminatorem esse constiterit. Pro quibus iniuriis data libertas poterit reuocari. Si verò ipse qui manumissus, dicat quod sub aliquo placito aut definitione eum libertauerit, si per scripturam definitio ipsa minime claruerit, testes qui præsentem fuerint ante iudicem ipsum placitum vel definitionem dicere non grauentur; & postmodum quod placitum & definitum fuerit, stare iubemus.

*Si libertus iniuriam faciat manumissori.*

**S**ilbertus manumissori suo iniuriosus fuerit, aut si patronum suum pugno aut quolibet ictu percusserit, vel eum falsis accusationibus impetierit, unde ipsi capitis periculum cõparetur, addicendi eum ad seruitutem habeat potestatem, ita tamen ut apud iudicem probet causas superius comprehensas.

*Ne contra patronum vel filios eius testificari audeat manumissus.*

**F**ilio vel heredi manumissi libertatem reuocare non liceat, sed prioris sui vel patetum factum sine excusatione custodiat. Ita tamen ut nec contra filios filiorum, libertus, vel omnis posteritas eius testimonium dicere permittantur: & si dixerint non credatur à iudice, sed redeant ad pristinam seruitutem. De aliis vero rebus aut causis, contra patroni filios aut nepotes tantum pro suo iure iuste contendant.

*Ne testificent manumissi.*

**L**ibertus vel liberta in nullis negotiis contra quenquam testimonium dicere admittantur, excepto in aliquibus causis, ubi ingenuitas deesse cognoscitur, sicut præmissum est & de seruis. Quia indignum pensat nostra clementia, ut libertorum testimonio ingenuis dampna concutiantur. Qui vero de iisdem fuerint procreati, omnimodis ad testimonium admittantur.

*De rebus manumissorum, si absque legitimis filiis moriantur.*

**S**i manumissus sine filiis de legitimo coniugio natis discesserit, & ei patronus in libertate aliquid donauerit, aut forsitan de eius seruitio discesserit, & alio se contulerit; omnia ad patronum, siue ad eius heredes, sine dubio reuertantur. Quod si forsitan in terra ipsius patroni consistens, qui eum manumissus, aliquid de labore suo adquisierit; me-



dieta acquiritur rei exinde in patroni potestate consistat, & de alia medietate libertus faciendi quod voluerit in eius potestate permaneat. Quod si alium patronum sibi elegerit, & sub eo aliquid adquisierit, medietas adquisitæ rei ad manumissorem concurrat. Alia verò medietas ad manumissi proximos, siue serui sint siue liberi, sine dubio reuertatur, vel in quæ voluerit hanc medietatem conferendi habeat potestatem. Illud verò quod ei manumissor donauerit, in patroni potestate permaneat. Similis & circa ancillas manumissas forma seruetur. Hoc tantum iustitia suadente adiciamus, ut nullus libertus siue liberta, à domino vel à domina sua libertate percepta, manumissores suos dum aduixerint derelinquant. Quod si facere præsumpserint, & rem quam perceperunt amittant, & ad domini vel dominæ suæ inuiti reducantur obsequia.

XIIII. FLS. CHDS. REX.

*De conditionibus à manumisso in scriptura manumissi conscriptis.*

VI mancipium suum per scripturam liberum faciens, constituerit fortasse non licere ei de peculio suo aliquid iudicare; si quid exinde libertus libertave vel distraxerit aut donauerit, modis omnibus inualidum erit. Patronus eius scilicet aut patroni filii omnia sibi vindicaturi sunt. Certe si nulla talis conditio intercesserit, liberum erit illi qui liber est redditus de peculio suo facere quod voluerit. Aut etiâ si inordinatus moriens filios legitimos non reliquerit, vel aliam quamcunque conditionem dominus eius per eandem libertatis scripturam non instituerit, ad patronum aut ad patroni filios vniuersa res eius ad integrum pertinebit.

XV. FLS. GLS. CHDS. REX.

*De libertatibus seruorum fiscalium.*

SI res ambigua nequaquam occurreret, nulla futuris temporibus legem dandi necessitas immineret. Quia ergo sub libertatis obtentu, fiscalium sæpe subreptione seruorum, fisci vires attenuantur, non inuidemus bene meritis, sed obuiamus fraudulenter incautis: statuentes scilicet ut non aliter deinceps collata seruo fisci libertas vllatenus valeat, nisi regiæ manus fuerit stilo subscripta.

XVII. ANTIQVA.

*De libertis & rebus fiscalium seruorum.*

SERUIS nostris sine permisso nostro libertatem mancipiis suis dare non sinimus. Quod si dederint, libertas data non valeat. Sed hæc tantummodo libertas habeat firmitatem, quæ ex nostra præceptione conceditur. Simili modo seruis nostris mancipia sua aut terras ad liberos homines non liceat venditione trāsferre, nisi tantummodo aliis seruis nostris vendendi habeant potestatem. Quod si terras siue mancipia ecclesiis siue pauperibus donauerint, donatio hæc vel voluntas nulla ratione subsistat. Illud enim eis tantum pietatis contemplatione concedimus, ut pro animabus suis ecclesiæ vel pauperibus de aëre facultatibus largiantur: & si præter terras vel mancipia nihil habeant facultatis, tunc et terris atque mancipiis eis vendendis tribuimus potestatem. Ita, ut sicut supra dictum est, à seruis nostris tantummodo, quod conserui eorum vendiderint, comparetur: nec ber vllus ad contractum huius emptionis aspiret. Precium autem quod de terra vel mancipiis acceperit, erogare pro animabus suis ecclesiis vel pauperibus non veniunt.

XVII. FLS. GLS. CHDS. REX.

*Ne liberti vel progenies eorum cum posteritate patroni aut coniugia connectant, aut eis insolentes existant.*

INTERDUM vidimus excessum licentiamque seruorum, & dolere coacti sumus ignominiam dominorum. Quidam enim à dominis suis libertate percepta, generationis progenie decurrente, attemprant aut ipsi aut posteritas eorum, cum progenie dominorum vel indecens copulare coniugium, vel molestias inferre posteritati manumittent. Sicque in aduersum parte conuersa, quia ingenua libertas gratiæ dono fit nobilis, eo generosa nobilitas inferioris tacta fit turpis. Atque inde claritas generis sordet commixtione abiectæ conditionis, vnde abdicata seruitus attollit titulos libertatis. Ergo & naturæ splendor ortus sui dignitate non careat, & seruitus sibi met reminiscens debita & incōcessa non apperat, bene iubetur: ut si quorumlibet quicumque liberti, siue eorum stirpe quandoque progeniti, ex genere manumissorum, vel ex eis decurrente,



† alienorū.

quamuis longa progenie, coniugium præsumpserit attemperare: aut manumissores, vel eorum posteritatem, ipsi vel eorum progenies, extra iusta negotia sua, propter suas vel propter aliorum actiones conuexauerint, aut læserint, eisq; molestias siue dampna cōcusserint, vel aliquid aduersus eos factione quacunq; egisse visi fuerint, in eorum quos molestauerint euidentem seruitutem mox redeant. Quia impium satis est, ut dum conditio seruitutis absoluitur, dignitas libertatis impediatur: & dū seruus erigitur, filius abdicetur: atque inde filii dampna sustineant, vnde ad nocendum potiuntur serui licētia.

XVIII. FLS. GLS. RCDs. REX.

*Ne liberti religiosi ad obsequium reducantur heredis.*

**Q**uoslibet de quorumcunq; libertis aut specialiter de ecclesiastici dignitas sublimauit honoris, aut præfixis sanctorum locis deputauit vel ordo religionis vel ordinatio manumittentis, non erunt ad hominum patrociniū reducendi contentione quolibet heredis. Quod enim gloriosius Deo adhærere censetur, obsequiis hominum religari honestate nulla finitur.

XVIII. FLS. GLS. EGIGA. REX.

*De his qui ob noui principis fidem seruandam iurare distulerint, vel de illis qui ex palatino officio ad eius præsentiam venire neglexerint.*

**C**um diuinæ voluntatis imperio principale caput regnandi sumat sceptrum, non leui quisque culpa constringitur, si in ipso suæ electionis primordio aut iurasse ut moris est pro fide regia differat: aut si ex palatino officio fuerit, ad eiusdem noui principis visurus præsentiam venire desistat. Si quis sanè ingenuorum de sublimatione principalis cognouerit, & dum discussor iuramenti in territorio illo accesserit ubi eum habitare cōtigerit, quæ sita occasione se fraudulenter distulerit, in eo ut pro fide regia cōseruanda iuramenti se vinculo alliget: aut ille qui sicut præmissimus ex ordine palatino fuerit, minime regis obtutibus se præsentandum iniecerit: quicquid de eo vel de omnibus rebus suis principalis auctoritas facere vel iudicare voluerit, sui sit incunctāter arbitrii. Quod si aut ægritudo illi obstiterit, aut quælibet publicæ utilitatis actio eum retinuerit, ut regis obtutibus se nullatenus præsender, dum regis electionis sublimitas quibuslibet modis ad eius cognitionem peruenerit, statim per suam iussionem id ipsum clementiæ suæ auditibus intimare procuret, qualiter fidei suæ sinceritate ostendens, huius legis sententiam euadere possit.

XX. FLS. GLS. EGIGA. REX.

*De libertis regum, eorumque posteritate qualiter exercitus tempore ad regiam potestatem concurrant, vel cum quibus eos in publica utilitate proficisci oporteat.*

† regie.

† ratione.

**T**unc rectè nostri regiminis patriam, promulgatis legum censuris, † legaliter procuramus, cū & his qui contra hostes gloriæ nostræ decertant, utilitate maxima prouidemus, & vindicatores terræ nostræ proculdubio cernimus. Et licet fauente Deo gentes nostræ affluant copia bellatorū, nil tamen officit si de illis augeatur in super nostræ acie ad repulsionem hostium externorum, qui ex familiis fisci per regias auctoriates gratum meruerunt libertatis. Vnde quia necesse est ut illic præbeant ex † ratione suffectum, vnde de meruisse lærantur absolutionis statum: ob hoc speciali sanctione iubemus, ut deinceps tam ipsi quàm omnis eorum posteritas, tempore exercitus, omnes ad regiam celsitudinem incunctanter occurrant. Vt cum quibus exercitus expeditionē peragere possit, præsentatiter eos clementia principalis instituatur. Quicunque verò ex eis, ut dictū est, tempore exercitus domi residere præsumpserit, & minime cum cæteris, sicut regalis ordinatio fuerit, in publicam expeditionem perrexerit: nouerit se ad propriæ seruitutis iugum reuerti, ex quo ereptus libertatis meruerat personam assumere. Illi tantummodum hanc erunt sententiā euasuri, qui ordinante principe, duce vel comite suo, aliquid in iunctum pro publicis utilitatibus ad peragendum acceperint, vel quos patens ægritudo aut quorundam impedimentum nullatenus properare permisit.

XXI. FLS. EGIGA. REX.

*De transgressoribus libertorum.*

**S**æpe audiuius multosq; cognouimus libertos, relinquentes manumissores suos quos & dominos esse testamur: quia voluptuosa voluntate, dum relaxato freno seruitutis erumpunt, æquales se dominis suis vel eorum successoribus esse affirmant. Quo



nōs modo & debita veneratione & salubri ordinatione valituræ legis censemus atque iubemus: vt quicunque libertus aut liberta, vel filii libertorum, si manumissoribus suis siue etiam filiis prolibusq; vel nepotibus eorum vel qui ex eis fuerint geniti; quocunq; tempore superbientes ac inobedientes extiterint, aut quocunq; tempore de eorum patrociniō, quacunq; subtilitate aut ingenio vel argumento fraudis, vel leuiter de eorum patrociniō se auferre voluerint, tunc in tempore transgressionis eorum careant libertate. Filii tamen qui de iisdem fuerint geniti sic errantes, prædicta superioris legis constitutione perenniter seruituri tradendi sunt.

## DE SCELERIBVS ET TORMENTIS LIBER SEXTVS.

### TITVL. I.

#### DE ACCVSATIONIBVS CRIMINOSORVM.

- I. *Vt domino vel senioribus loci petatur seruus in crimine accusatus.*
- II. *Pro quibus rebus & qualiter ingenuorum personæ subdenda sunt quaestioni.*
- III. *Quomodo iudex pro examine aquæ feruentis crimen perquirat.*
- IV. *Pro quibus rebus & qualiter serui vel ancilla torquendi sunt in capite dominorum.*
- V. *Pro quantis rebus & qualiter seruus vel libertus tormenta portabunt.*
- VI. *Qualiter ad regem accusatio deferatur.*
- VII. *De reseruata principi potestate parcendi.*
- VIII. *Quod ille solus culpabilis erit, qui culpanda commiserit.*

I. ANTIQVA. FLS. CHDS. REX.

*Vt domino vel senioribus loci petatur seruus in crimine accusatus.*

**S**I seruus in aliquo crimine accusatur, iudex prius dominum, villicum vel actorem eius loci, cuius seruus fuerit accusatus, admoneat vt eum in iudicio præsentet. Quod si reum præsentare noluerit, ipse dominus vel actor aut villicus, donec seruū præsentet, à comite ciuitatis vel iudice distringatur. Certè si dominus, vel quibus commissa res est, difficulter ad locum approximent, à iudice tenendus & discutiendus est† reus.

† seruus

II. FLS. CHDS. REX. NR. EM.

*Pro quibus rebus & qualiter ingenuorum personæ subdenda sunt quaestioni.*

**S**I in criminalibus causis discretionis modus amittatur, criminatorum malitia nequamquam frenatur. Ideoque si in causis regis potestatis vel gentis aut patris, seu hominidii vel adulterii, equalem sibi nobilitate vel dignitate palatini officii, quicunque accusandum crediderit, habeat prius fiduciam comprobandi quod obicit, & sic alienum sanguinem temptet impetere. Quod si probare non potuerit, corā principe vel his quos princeps auctoritate præceperit, trium testium subscriptione roborata inscriptio fiat, & sic quaestionis examen incipiat. Ita, vt qui subditur quaestioni si innoxius tormenta pertulerit, accusator ei confestim seruiturus tradatur: vt salua tantum anima, quod in eo exercere voluerit, vel de statu eius iudicare elegerit, in arbitrio suo consistat. Quod si componi sibi ab accusatore voluerit, tantum ei pars accusatoris componat, quantum ipse qui quaestioni subiicit, inlata sibi taxauerit suorum tormentorū supplicia. Iudex tamen hanc cautelā in iudicio seruare debet, vt accusator omnem rei ordinem scriptis exponat, & iudici occultè præsentata sic quaestionis examinatio fiat: & si eius confessio qui quaestioni subdendus est, compar fuerit cum verbis accusatoris, criminis reus incunctanter habendus est. Certè si aliud dictio accusatoris habuerit, aliud eius confessio qui subditur quaestioni, quia dubitari non potest, quod per tormenta sibi crimen imponat, oportebit accusatorē superioris legis huius sententiæ subiicere. Quod si accusator prius occultè



iudici notitiam tradat, aut per se aut per quemlibet de re quam accusat, per ordinem instruxerit quem accusat; non liceat iudici accusatum subdere quæstioni, cum iam per accusatoris indicium detectum constet ac publicatum esse negotium. Similis quoque & de cæteris personis ingenuis ordo seruandus est. Nam si capitalia quæ supra taxata sunt, accusata non fuerint, sed furtum factum dicitur, vel aliud quodcunque illicitum, nobiles ob hoc potentioresque personæ, ut sunt primates palatii nostri, eorumque filii, nulla permittimus ratione quæstionibus agitari. Sed si in hac causa pro qua compellitur probatio defuerit, suam qui pulsatur debeat iuramento conscientiam expiare. Inferiores vero humilioresque ingenuæ tamen personæ, si pro furto, homicidio, vel quibuslibet aliis criminibus fuerint accusatæ, nec ipsi inscriptione præmissa subdendi sunt quæstioni, nisi maior fuerit causa, quam quod quingentorum solidorum summam valere constituerit. Si autem <sup>\* accusatio.</sup> actio minoris est quantitatis, quam quingenti sunt solidi, per probationem conuictus qui accusatur, secundum leges alias componere compellatur. Aut si conuinci non potuerit, sacramento se expians compositionem accipiat, quæ de mala petitione legibus continetur. Speciali tamen constitutione decernimus, ut persona inferior nobiliorem se vel potentiorē inscribere non præsumat. Sed si petendum in causa putauerit, & probatio fortasse conuincendi rei defuerit, nobilior ille vel potentior conscientiam suam sacramentis purgare non differat, quod nec amiserit, nec habeat penes se vel retineat rem, pro qua fuerit petitus: & reddito iuramento, ille qui male petiit, sicut alia lex continet, ei componere non moretur. Veruntamen, seu nobilis, seu inferior, seu ingenua persona, si quæstioni subdita fuerit, ita coram iudice vel aliis honestis viris a iudice conuocatis, accusator tales pœnas inferat, ne vitam extinguat, aut quamcunque ipse, qui quæstioni subiiciendus est, membrorum debilitationem incurrat. Et quia per triduum quæstio agitari debet, si imminenti casu, qui tormentis subditur, mortuus fuerit, & ex malitia iudicis vel aliquo dolo, seu ab aduersario accusati corruptus beneficio, talia tormenta fieri non prohibuit, unde mors occurreret, ipse iudex iniquitatis proximis parentibus simili vindicta puniendus traditur. Si certe suo se sacramento innocentem reddiderit, & testes iurauerint, qui fuerint præsentēs, quod nulla sua malitia vel dolo, aut corruptione beneficii mors ipsa prouenerit, nisi solo tormentorum eueniit, pro eo quod indiscretus iudex superflua non prohibuit, quingentos solidos heredibus mortui compellatur exsoluere. Quod si non habuerit unde componat, ipse seruiturus proximis heredibus mortui contradatur. Accusator autem in potestate proximorum pariterum mortui traditus, eadem mortis pœna mulctetur, qua ille mulctatus est qui per eius accusationem morte damnatus interiit.

I I. IN NOMINE DOMINI ET SALVATORIS NOSTRI IESV  
CHRISTI FLAVIVS GLoriosvs EGIGA REX  
TOLETI NOVITER EMENDATA.

\* EGIGA

ET HUN-

TA REX.

\* caldaria.

FLS. GLS. \* WITIZA. REX.

*Quomodo iudex per examen aquæ feruentis causam perquirat.*

<sup>\* caldaria.</sup> **M**ultas cognouimus querelas, & ab ingenuis multa mala pati, credentes in ecc. solis quæstionem agitari. Quod nos modo per salubrem ordinationem censemus, ut quomuis parua sit actio rei facti ab aliquo criminis, eum per examinationem aquæ feruentis a iudice distringendum ordinamus: & dum facti temeritas patuerit, iudex eum quæstioni subdere non dubitet: & dum suam dederit professionem superiori legi subiacebit. Quod si per examen aquæ feruentis innoxius apparuerit, petitor nullam pertimescat calumniam. Hic quoque & de suspectis habitis personis, id est de vilibus scilicet & infamia notatis, qui ad testimonium venerunt dicendum ordo seruabitur.

I I I.

*Pro quibus rebus & qualiter serui vel ancillæ torquendi sunt in capite dominorum.*

**S**eruus vel ancilla in capite domini vel dominæ non propter aliud torquendi sunt, nisi tantum in crimine adulterii: aut si contra regem, gentem vel patriam aliquid dictum vel dispositum fuerit: seu si falsam monetam quisque confixerit, aut etiam si causam homicidii vel maleficii quærendam esse constituerit. Ita ut serui vel ancillæ protalibus criminibus tori, si confessi & occultatores sceleris dominorum repperiuntur, pariter cum dominis, secundum quod voluntas principis extiterit, condemnentur. Certe si



te si sua sponte iudices veritatis extiterint, sufficiat eis quod pro veritatis indagine quaestioni subditi tormenta pertulerint, à mortis tamen periculo habeantur immunes. Seruus autem vel ancilla in tormentis positi & de se interrogati, si etià de dominis sunt confessi, & fuerit culpa mortalis, ac declaratis signis potuerit approbari, eadem damnationis censura mulcentur, qua eorum domini fuerint condemnati.

V. FLS. CHDS. REX.

*Pro quantis rebus & qualiter seruus aut libertus tormenta portabunt.*

**S**i seruus in aliquo crimine accusatur, antea non torqueatur, quàm ille qui accusat hac se conditione constingat, vt si innocens tormenta pertulerit, pro eo quod innocentem tormentis tradidit, alium eiusdem meriti seruum domino reformare cogatur. Si verò innocens in tormentis mortuus aut debilitatus fuerit, duos æqualis meriti seruos cum eodem domino reddere non moretur: & ille qui debilitatus est, ingenuus in patrocinio domini sui permaneat. Nam & iudex, qui temperamentum in tormentis non tenuit, & ita discretionem legis excessit, vt is qui quaestionatus est mortem violenter incurrerit, eiusdem meriti seruum domino mox reformet. Verum vt de seruorum meritis omnis ambiguitas cesset contentions, non pro artificii qualitate excusatio videatur haberi, sed pro seruis quaestionandis, contropatio adhibeatur ætatis & utilitatis: vt si artifex fuerit qui debilitatus est, & huius artificii seruum, non habuerit, qui innocentem debilitauit alterius artificii seruum, iuxta prædictum ordinem domino cogatur exsoluere. Ita vt si artificem non habuerit seruum, & alium seruum ille, cuius seruus quaestioni addicitur, pro eo accipere noluerit, tantum precii eiusdem serui artificis qui quaestioni subditur, eiusdem domino persoluator, quantum ipse artifex à iudice vel bonis hominibus rationabiliter valere fuerit estimatus. Ita tamen seruandum est, vt nec ingenuum quisque nec seruum subdere prius quaestioni præsumat, nisi coram iudice vel eius saione, domino etià serui vel auctore præsentem districtè iurauerit, quod nullo dolo vel fraude aut malitia innocentem faciat quaestionem subire. Et si subditus quaestioni mortuus fuerit, atque ille qui subdidit vnde componere non habuerit, ipse subdendus est seruituti qui innocentem fecit occidi. Si autem dolose seruum alienum quispiam subdendum quaestioni intenderit & dominus serui qui accusatur per probationem eum potuerit de obiecto crimine reddere innocentem, accusator eius alium æqualis meriti seruum accusati domino cogatur exsoluere, & dispendium quod dominus eius in approbationem innocentis serui pertulerit, prout rationabiliter iudex reddi perpendiderit, ab iniusto accusatore exactum domino serui restituatur. De rebus verò minimis culpa serui reperta, si dominus serui voluerit, componendi licentiam habebit. Ita vt omnis fur, iuxta qualitatem culpæ flagella suscipiat. Pro maiori verò noxa, si compositionem dominus noluerit soluere, seruum pro crimine non moretur tradere. Ingenuus sanè, si quemlibet libertum idoneum, pro capitali crimine siue pro aliis scelerum causis, quaestioni pulsauerit addicendum, non aliter eum impetere poterit adscribendum, nisi ducentorum quinquaginta solidorum quantitatem causa ipsa valuerit, pro qua eum accusator conatus fuerit subdere quaestioni. Nam si inferior fuerit atque rusticus quem liberum esse constiterit, tunc in eo permittatur quaestio agitari, si causam ipsam vnde agitur centum solidos valere constiterit. Quod si indiscretè, qui quaestioni subditur, in quacumque parte membrorum debilitationem incurrerit, tunc iudex qui temperamentum in tormentis non tenuit, ducentos solidos illi qui tormenta sustinuit persoluet. Ille vero qui eum iniuste quaestionandū appetit, 300 solidos ei dare cogendus est. Certe si in tormentis positus mortem incurrerit, prædictam summam solidorum tam iudex quam pater propinquis parentibus mortui persoluent. Similiter & de inferioribus illis libertis, debilitatione vel morte quis per intemperantiam fuerit condemnatus, medietas satisfactionis, quæ supra de libertis idoneis constituta est, ei qui indebite quaestionatus est, si tamen vixerit; aut suis heredibus, si ipse inde mortuus fuerit, exsoluenda est.

VI. FLS. GLS. CHDS. REX.

*Qualiter ad regem accusatio deferatur.*

**I**quis principi contra quemlibet falsa suggesserit, ita vt dicat eum aduersus regem,



gentem vel patriam aliquid nequiter meditatum fuisse aut agere vel egisse : seu in auctoritate vel præceptis regie potestatis, aut eorum qui ordinatione iudiciaria funguntur, fraudulenter quippiam immutasse, atque etiam scripturam falsam fecisse vel recitasse, falsamque monetam ferisse : sed & si veneficium vel maleficium aut adulterium vxoris alienæ fortasse prodiderit : horum vel similium criminum accusator, quæ ad capitis periculum vel rerum amissionem pertinere videntur, si vera repperiantur quæ dixerit, nullam omnino calumniam sustinebit. Si certè quod opponit falsum esse constiterit, & per solam inuidiam id fecisse patuerit, ut iacturam capitis aut detrimentum corporis vel rerum dampna pateretur, quem accusare conatus est, in potestatem tradatur accusati. Ille hanc poenam in se suisque rebus suscipiat, qui hoc alium innocentem pari voluerit. Ita ut ille qui aliquid scire se dicit, quod ad cognitionem principis possit deduci, & in eo loco fuerit ubi tunc regiam potestatem esse contigerit, aut per se statim suggerat omne quod nouit, aut per fidelem regis eius auditibus denuntiandum procuret. Quod si procul a rege cum esse prouenerit, & per aliquem principi mandandum crediderit, quod ad accusationem alterius dinoscitur pertinere, coram illo, cui hoc suggerendum committit, talem epistolam faciat, per quem euidenter quid mandet exponat. Quam etiam epistolam tres testes, quos sibi nouerit esse fideles, euidentibus signis aut scriptionibus simul cum ipso confirmet, ut postea quod mandauerit negare non possit.

VII. FLS. CHDS. REX.

*De reseruata principi potestate parcendi.*

**Q**uotiescunque nobis pro his, qui in causis nostris aliquo crimine implicati sunt supplicatur, & suggerendi tribuimus aditum, & pia miseratione delinquentibus culpas omittere nostræ potestati seruamus. Pro causa autem gentis & patriæ huiusmodi diligentiam denegamus. Quod si diuina misratio tam sceleratis personis cor principis misereri compulerit, cum ad sensu sacerdotum, maiorumque palatii licentiam miserandi libenter habebit.

VIII. ANTIQVA.

*Quod ille solus culpabilis erit, qui culpanda commiserit.*

**O**mnia crimina suos sequantur auctores. Nec pater pro filio, nec filius pro patre nec vxor pro marito, nec maritus pro vxore, nec frater pro fratre, nec vicinus pro vicino, nec propinquus pro propinquo ullam calumniam pertimescat. Sed ille solus iudicetur culpabilis, qui culpanda commisit, & crimen cum illo qui fecerit, moriatur nec successores aut heredes pro factis parentum vllum periculum pertimescat.

II. TITVLVS.

## DE MALEFICIS AC CONSVLENTIBVS EOS, atque veneficis.

- I. Si ingenuus de salute vel morte hominis vaticinatores consulat.
- II. De veneficis.
- III. De maleficis & consulentibus eos.
- IIII. De his qui in omnibus animalibus, vel quibuscunque rebus quali acunque ligamenta aut quodcunque contrarium repperiuntur fecisse.
- V. De personis indicum, siue etiam ceterorum, qui aut diuinos consulunt, aut auguriis intendunt.

I. FLS. CHDS. REX.

*Si ingenuus de salute vel morte hominis vaticinatores consulat.*

Vi de salute vel morte principis vel cuiuscunque hominis ariolos, aruspices, vel vaticinatores consulit, vna cum his qui responderint consulentibus, ingenui siquidem flagellis cæsi, cum rebus omnibus fisco seruituri associantur, aut a rege cui erunt donati perpetuo seruitio addicantur. Quod & si filii eorum tales fuisse repperiantur, parentibus crimini focii, simili dampnatione plectantur. Si vero ab scelere parentum habeantur extranei, & dignitatem & rerum omnium possessionem quam parentes amiserint, plenissime obtinebunt. Serui vero diuerso genere \* poenarum afflicti, in transmarinis partibus transferendi vendantur, ut seueritas vindictæ non habeat excusatos, quos propriæ voluntatis excusatus, nefariæ prauaricationis facit obnoxios.

\* tormento-  
rum.



*De veneficis.*

**D**iuerforum criminum noxii, diuerso sunt poenarum genere feriendi. Ac primum ingenuos siue seruos veneficos, id est, qui venena conficiunt, ista protinus vindicta sequatur: vt si venenatam potionem alicui dederint, & qui biberit mortuus exinde fuerit, illi etiam continuo supplicis subditi morte turpissima sunt puniendi. Si certe poculo veneni potatus euaserit, in eius potestate tradendus est ille qui dedit: vt de eo quod facere voluerit, sui sit incunctanter arbitrij.

V. FLS. GLS. RCHDS. REX.

*De maleficis & consulentibus eos.*

**M**alefici & immissores tempestatum, qui quibusdam incantationibus grandinem in vineas messesque mittere perhibentur, & hi qui per inuocationem demonum mentes hominum conturbant, seu qui nocturna sacrificia demonibus celebrant, eosque per inuocationes nefarias nequiter inuocant: vbicunque à iudice vel actore, vel procuratore loci repperiti fuerint vel detecti, ducentenis flagellis publice verberentur, & decaluati deformiter decem conuicinas possessiones circuire cogantur inuiti, vt eorum alii corrigantur exemplis. Quos tamen iudex, ne vltius euagantes talia facere permittantur, aut in retrusione faciat esse, vt ibi accepta veste atque substantia ita viuât, ne viuentibus nocendi aditum habeant: aut regie presentie dirigat, vt quod de illis sibi placitum fuerit, euidenter statuât. Hi autem qui tales cōsuluisset reperiuntur, in populi conuentu ducentorum ictus accipiant flagellorum: vt impuniti non remaneant, quos culpæ similis reatus accusat.

II. FLS. CHDS. REX.

*De his qui in hominibus aut animalibus, vel quibuscunque rebus qualiacunque ligamenta, aut quodcunque contrarium reperiuntur fecisse.*

**P**resentis legis superiori sententia dampnari iubemus, seu ingenuus sit seu seruus, vtriusque sexus, qui in hominibus vel brutis animalibus, omni que genere quod mobile esse potest, seu in agris vel vineis, diuersisque arboribus, maleficium, aut diuersa ligamenta, aut etiam scripta in contrarietatem alterius excogitauerit facere, aut expleuerit, per quod alium lædere vel mortificare, aut obmutescere velit, aut dampnum tam in corporibus quam etiam in vniuersis rebus fecisse reperiatur.

V.

*De personis iudicum siue etiam ceterorum, qui aut diuinos consulunt, aut auguriis intendunt.*

**S**icut pia veritas mendacij assertionem non capit: ita non est consequens, vt latens veritas mendacio inuestigetur. Omnis igitur veritas ex Deo est. Mendacium vero ex diabolo est. quia & ipse diabolus ab initio mendax est. Cum ergo vtraque res suos principes habeat, quid opus est, vt veritas cuiuscunque mendacio admittatur exquiri? Quidam enim ex iudicibus feruntur Dei spiritu <sup>† sacri.</sup> pleni, qui acta maleficiorum dum inuestigare subtili perquisitionis perspicacia nequeunt, execrabiles diuinorum <sup>† pronuntiationes.</sup> propitiationes intendunt. Veritatem enim se inuenire non putant, nisi diuinos & aruspices consulant: & eo sibi repperiendæ veritatis aditum claudunt, quo veritatem ipsam per mendacium addiscere concupiscunt. Dum enim maleficia per diuinationes comprobare percontant, quasi tertio loco ipsi se diabolo seruituros illaqueunt. Quapropter si quis ex quolibet iudicum gradu vel ordine, per diuinos aut eorum similes aliquid sciscitare contauerit, vel approbare intenderit: si quis etiam hominum cuiuslibet sit ordinis vel personæ, quia talibus aut salutis aut ægritudinis responsa poposcerit, vel consulendos eos pro quibuscunque rebus crediderit, ad legis illius teneatur satisfactionem obnoxius, quæ in hoc libro sexto, sub titulo secundo, era prima, eos, qui de salute vel morte principis aut quorumcunque hominum vaticinatores, quosque consulere prætentant, statuit serenitatis ordine resecari. Illi tantum iudices ad huius legis non tenebuntur



sententiam condemnandi, qui diuinos ipsos atque eorum similes non seiscitandi, sed vltiscendi voto coram multis perquirendo detribuerint, id est, si non vltiquid de eo seiscire inquirenda intendant, sed detegi sibi hoc solum, vnde feriantur, exquirant. At nunc, quia & auguriis deditos eodem modo nouimus odibiles Deo: ideo speciali legis sanctione decernimus, vt quicumque sunt illi, quibus augures vel auguria obseruare contigerit, quinquagenis publicè subiiciantur verberibus coercendi. Qui tamē ad solitum vitium vltra redierint, perduto etiam testimonio, simili erunt sententia flagellorum subiiciendi.

## III. TITVLVS.

## DE EXCVTIENTIBVS HOMINVM PARTVS.

- I. De his qui potionem ad auorsum dederint.
- II. Si ingenuus ingenuam auortare fecerit.
- III. Si ingenua mulier ingenuam auortare fecerit.
- IIII. Si ingenuus ancilla partum effuderit.
- V. Si seruus ingenua partum excusserit.
- VI. Si seruus ancilla partitudinem laferit.
- VII. De his qui filios suos aut natos aut in utero necant.

I.

De his qui potionem ad auorsum dederint.



I quis mulieri pręgnanti potionem ad auorsum aut pro necando infante dederit occidatur: & mulier, quę potionem ad auorsum facere quęsiuit, si ancilla est cc. flagella suscipiat, si ingenua careat dignitate personę, & cui iusserimus seruitura tradatur.

## II. ANTIQVA.

Si ingenuus ingenuam auortare fecerit.

SI quis mulierem grauidam percusserit quocunque ictu, aut per aliquam occasionē mulierem ingenuam auortare fecerit, & exinde mortua fuerit, pro homicidio puniatur. Si autē tantummodo partus excutiat, & mulier in nullo debilitata fuerit, & ingenuus ingenuę hoc intulisse cognoscitur, si formatum infantem extinxit \*ccv. solidos reddat. Si vero informem, centum solidos pro facto restituat.

## III. ANTIQVA.

Si ingenua mulier ingenuam auortare fecerit.

SI mulier ingenua per aliquam violentiam aut occasionem ingenuę partum excusserit, aut ex hoc debilitasse cognoscitur, sicut & ingenui superioris dampni pœna mulctetur.

## IIII. ANTIQVA.

Si ingenuus ancilla partum effuderit.

SI ingenuus ancillam auorsum fecerit pati, xx. solidos domino ancillę cogatur inferre.

## V. ANTIQVA.

Si seruus ingenua partum excusserit.

SI seruus ingenuę partum excusserit, ducentenis flagellis publicè verberetur, & tradatur ingenuę seruiturus.

## VI. ANTIQVA.

Si seruus ancilla partitudinem laferit.

SI ancillam seruus auortare fecerit, decem solidos dominus serui, ancillę domino dare cogatur, & ipse seruus ducenta insuper flagella suscipiat.

## VII. FL. CHDS. REX.

De his qui filios suos, aut natos, aut in utero necant.

Nihil est eorum prauitate deterius, qui pietatis immemores, filiorum suorum necatores existunt. Quorū quia vitium per prouincias regni nostri sic inoluisse narratur, vt tam



vitam viri quàm fœminæ sceleris huius auctores esse repperiatur, ideo hanc licentiam prohibentes decernimus: vt seu libera seu ancilla natum filium filiamve necauerit: siue adhuc in vtero habens, aut potionem ad auorsum acceperit, aut aliquò quocunque modo extinguere partum suum præsumperit, mox prouinciæ index, aut territorii vt tale factum reppererit, non solum operatricem criminis huius publica morte condemnent: aut si vitæ referuare voluerit, omnem visionem oculorum eius non moretur extinguere. Sed etiam si maritum eius talia iussisse vel permisisse patuerit, eundem etiam vindictæ simili subdere non recuset.

## . III. TITVLVS.

## DE CONTVMELIA, VVLNERE ET DEBILITATIONE.

- I. De cadibus ingenui atque serui.
- II. De præsumptoribus & operibus præsumptorum.
- III. De reddendo talione, & compositionis summa pro non reddendo talione.
- IIII. Si itinerantem quis retinuerit iniuriose atque nolenter.
- V. Vt qui alteri ea intulerit quæ legibus non continentur, ea recipiat quæ fecisse conuincitur.
- VI. Ne sit reus, qui perc. tere volentem ante percussit.
- VII. Si seruus ingenuo fece. it contumeliam.
- VIII. Si ingenuus ingenuum percutiat.
- VIIII. Si ab ingenuo seruus debilitetur alterius.
- X. Si seruus percutiat ingenuum.
- XI. Si seruus seruum debilitet alienum.

I. FLS. CHDS. REX.

*De cadibus ingenui atque serui.*

Si ingenuus ingenuum quolibet ictu in capite percussit pro liuore det solidos v. pro cute rupta solidos x. pro plaga vsque ad os, solidos xx. pro osso fracto solidos c. Quod si ingenuus hoc in seruo alieno commiserit, medietatem superioris compositionis exsoluat. Si verò seruus in seruo hoc fecerit, tertiam partem eiusdem compositionis adimpleat, & l. flagella suscipiat. Si autem seruus ingenuum vulnerauerit, ita componat, sicut cum ingenuus seruum vulnerauerit alienum, & septuaginta flagella suscipiat. Si verò dominus noluerit pro seruo componere, seruus tradatur pro crimine.

## II. ANTIQVA.

*De præsumptoribus & operibus præsumptorum.*

Si quis euaginato gladio, vel quolibet genere armorum munitus, præsumptiuo modo in domum alienam intrauerit, cupiens dominum domus occidere, si ipse fuerit occisus, mors eius nullatenus requiratur. Si autem ipse qui in domum alienam intrauit, hominem occiderit, continuo & ipse moriatur. Quod si non criminalem culpam admitterit, secundum legum ordinem componere non moretur, iuxta quod damnum in eadem domo fecerit. Nam si ille, qui in domum alienam violenter ingressus fuerit, aliquid exinde rapuerit vndecupli satisfactione quæ leuauit cogatur exsoluere. Quod si non habuerit vnde componat, ipse sine dubio seruiturus tradatur: & si aliquid in domum, quam ingressus fuerat, damni non fecerit, nec aliquid subtraxerit, pro eo quod ingressus fuerit, x. solidos cogatur donare, & centum flagellis publice verberetur. Quod si non habuerit vnde componat, cc. flagella suscipiat. Si verò aliqui ab ingenuis, cum eo in eadem domo, non ab illo iussi, neque in eius obsequio vel in patrocinio constituti, vnanimes tamen vel consentientes præsumptori ingressi fuerint, vnusquisque eorum si mili damno & pœnæ subiaceant. Quod si non habuerint vnde componant cl. flagella suscipiant. nam testimonium non amittant. Quod si in patrocinio vel obsequio præsumptoris retenti ab illo hoc facere iussi fuerint, vel cum eo hoc eos fecisse constiterit, solus patronus ad omnem satisfactionem, & pœnæ & damni teneatur obnoxius. nam illi non erant culpabiles, qui iussa patroni videntur esse complentes. Si autem seruus hoc domino nesciente commiserit, cc. flagella suscipiat, & quod abstulerit, reddat. Si verò conscio domino seruus hoc fecerit, ipse dominus pro eo componat, sicut de ingenuis superius est comprehensum.



*De reddendo talione, & compositionis summa pro non reddendo talione.*

**Q**Vorundam sæua temeritas sæuioribus pœnis est legaliter vlciscenda: vt dum me-  
uit quisque pati quod fecerit, saltem ab illicitis inuitus absteineat. Quicunque er-  
go ingenuus ingenuum pertinaciter ausus decaluare aliquem, aut turpibus maculis in  
facie vel cætero corpore, flagello, fuste, seu quocunque ictu feriendo aut trahendo ma-  
litiöse fœdare vel maculare, siue quamcunq; partem membrorum trucidare præsum-  
pserit, aut etiam ligauerit, vel in custodia aut in quocunq; vinculo detinuerit, seu ligari  
ab aliquo aut custodia vel vinculo mancipari præceperit, iuxta quod alii intulerit vel  
inferendum præceperit, correptus a iudice in se recipiat talionem. Ita vt is qui ma-  
le pertulerit, aut corporis contumeliam sustinuerit, si componi sibi a præsumptore vo-  
luerit, tantum compositionis accipiat, quantum ipse taxauerit qui læsionem nosci-  
tur pertulisse. Pro alapa vero, pugno vel calce, aut percussione in capite, prohibemus  
reddere talionem: ne dum talio rependitur, aut læsio maior aut periculum ingeratur.  
Sed si quis hæc sine periculo membrorum aut aliqua læsione præsumptuosus intulerit,  
pro alapa x. flagella, pro pugno vel calce xx. pro percussione vero in capite, si sine san-  
guine fuerit, ab eo quem percusserit \* xx. flagella suscipiat. Certe qui læsit, vel læden-  
dum dicitur instituisse, si non ex priori disposito, sed subito exorta lite & cæde commis-  
sa, aliquo casu id conuicerit se nolente perpetratum fuisse, pro euulso oculo det solidos  
centum. Quod si contigerit, vt de eodem oculo ex parte videat, qui percussus est librā  
auri a percussore in compositione accipiat. Quod si in naribus ita percussus est, vt na-  
sum ex integro perdat, c. solidos percussor exsoluat. Si vero nasus ita collisus est,  
vt pars turbata narium pateat, iuxta quod deturpationem iudex inspexerit, damnare  
non morabitur percussorem. Quod etiam similiter & de labiis vel auribus præcipimus  
custodiri. Cui ponderositas facta fuerit, centum solidi dentur in compositione. Qui  
manum ex integro absciderit, vel etiam quolibet ictu ita percusserit vt ad nullum opus  
ipse prodefaciat, centum solidos percussor componat. Pro pollice autem quinquaginta,  
pro sequenti digito quadraginta, pro tertio triginta, pro quarto xx. pro quinto x. solidos  
compositionis exsoluat. Quæ scilicet summa & de pedibus erit implenda. Pro singu-  
lis autem extullis dentibus duodeni solidi componantur. Qui cassos alteri fregerit, &  
ex hoc qui percussus est debilis apparuerit, libram auri percussor componere procura-  
bit. & ista quidem inter ingenuos obseruanda & implenda sunt. Si vero seruus hoc in-  
genuo fecerit, vel etiam ingenuum decaluauerit, in eius potestate tradendus est, vt sui  
sit arbitrii de eo facere quod voluerit. Si certe ingenuus seruum alterius decaluauerit,  
aut decaluare iusserit rusticanum, det eius domino solidos x. Si vero idoneum, c. fla-  
gella suscipiat & supradictam summam c. solidorum serui domino coactus exsoluat.  
Quod si qualibet corporis parte seruum truncauerit, vel truncare iusserit alienum, du-  
centorum flagellorum ictibus verberetur, & alium eiusdem facultatis & meriti seruum  
cum eodem proprio domino reddere compellatur. Quod si de supra taxatis capitulis  
quodcunque libertus ingenuo facere præsumpserit, pro eo quod æqualem statum non  
habet, & quod fecerit similiter in se factum recipiat, & centum insuper flagellorum icti-  
bus extensus accipiat. Quod si ingenuus in liberto hoc fecerit, tertiam partem compo-  
sitionis, quæ de ingenuis continetur, exsoluat. Si seruus seruum in scio domino decalua-  
re siue truncare præsumpserit, & quod fecit patiat, & centum flagellis publice verbe-  
retur. Si vero seruus domino nesciente ingenuum comprehendere vel ligare præsum-  
pserit, ducentis publice verberetur flagellis. Quod si cum domini voluntate seruus hoc  
fecerit, ipse dominus tantundem & pœnam & damna, quæ de ingenuis in hac lege te-  
nentur, suscipiat. Ingenuus autem si seruum alienum ligauerit innocentem, det do-  
mino serui solidos tres. nam si seruus seruum ligauerit absque voluntate domini sui,  
cētū flagellis publice verberabitur. Si certe conscio domino suo seruus hoc admiserit,  
idem serui dominus tres idemque solidos componere compellendus est. Tamen si  
ingenuus seruum alienum innocentem die ac nocte in custodia detinuerit, vel ab al-  
lio fecerit detineri, pro vno die tres solidos, & pro vna nocte similiter tres solidos  
domino serui componat: & si per plures dies id seruus ab ingenuo innocens pertu-  
lisse conuincitur, eandem trium solidorum summam per singulos dies ac noctes  
isdem ingenuus serui domino coactus exsoluat. Ingenuus sane, si seruum alienum  
fuste, aut flagello, vel quolibet ictu indignans percusserit, vt sanguis & liuor ap-  
pareat, per singulas percussiones singulos solidos domino serui persoluat: aut  
si gra-



si grauis percussio fortasse patuerit, per quam aut mortem aut debilitationem qui percussus est videatur incurrere, quantum pro tali re componere debeat, iudicis æstimatio competenter inspiciat. Si vero seruus in seruo talia fecerit, idemque iudex constituat, quantum vel a seruo vel ab eius domino, iuxta liuoris vel plagarum qualitatem, media pars de ingenuis componi debeat. Seruus tamen pro præsumptione sua l. flagella extensus accipiat. Omnis autem sententiæ legis huius tam in viris quam in fœminis obseruandæ sunt: ita vt capitula, quæ in hac lege vel in aliis legibus ad arbitrium iudicis reseruantur, eius instantia celeriter terminentur. Quod si iudex amicitia corruptus vel præmio iuxta æstimationem rei liberare neglexerit, neq; continuo vlciendum institerit, iudiciaria protinus potestate priuatus, ab Episcopo vel Duce districtus, illi, quem admonitus vindicare contempsit, secundum quod idem inspexerint, iuxta contemplationem de facultate propria componere compellatur: quatenus ipse suarum rerum compulsus dampna sustineat, qui voluntarius defendere recusauit interpellantis iniuriam.

## III. ANTIQVA.

*Si itinerantem qui retinuerit iniuriose aut nolenter.*

SI in itinere positum aliquis iniuriose sine sua voluntate retinuerit, & ei in nullo debitor existat, quinque solidos pro sua iniuria consequatur ille qui retentus est: & si non habuerit unde componat, ille qui eum retinuerit, l. flagella suscipiat. Quod si debitor ille fuerit, & debitum reddere noluerit, sine iniuria hunc territorii iudici præsentet, & ipse illud quod iustum est ordinet. Quod si seruus hoc sine iussione domini commiserit, c. ictus accipiat flagellorum. Si autem domino iubente hoc fecerit, ad superiorem compositionem dominus teneatur obnoxius.

V. FLS. † CHDS. REX.

*Vt qui alteri ea intulerit quæ legibus non continentur, ea recipiat quæ fecisse conuincitur.*

† RCHDS.

NON minoris est noxæ, legum statuta nescire quam sciendo praua committere. Quapropter quicumque hætenus vel post hæc illicita perpetrans, aut leges nescire se dixerit, aut in cuiuspiam damno vel periculo illa præsumperit excogitare vel agere, quæ dicat in legibus non contineri, atque ideo non posse reatui subiacere: huius rei causa conuictus, præsumptor, ea continuo pericula, ignominiam, tormenta atque cruciatum vel damna sustineat, quæ alii intulit, vel inferenda molitus est: atque insuper publice centum flagellorum verberibus cæsus, ad pereunem infamiam deformiter decaluetur.

VI. FLS. CHDS. REX.

*Ne sit reus, qui percutere volentem antè percusserit.*

NON est putanda resistentis improbitas, vbi violenter conspicitur præsumptis audacia. Quicumque ergo incauè præsumptuosus, fuste vel gladio, seu quocunque ictu, percutere aliquem iratus voluerit, vel percusserit, & tunc idem præsumptor ab eo quem percutere voluit, ita fuerit percussus, vt moriatur, talis mors pro homicidio computari non poterit, nec calumniam patiatur qui præsumptorem percusserit. Quia commodius erit irato viuentem resistere, quam se post obitum vlciendum relinquere. Ille sanè, qui prior contra quemlibet iratus eduxerit gladium, quamlibet non percusserit, x. tamen solidos ei quem percutere voluit, pro præsumptione sola dare cogendus est.

VII. FLS. † RCHDS. REX.

*Si seruus ingenuo fecerit contumeliam.*

† CHDS.

QVamuis idoneus seruus personæ nobili & illustri nullatenus indebitè contumeliosus aut seditiosus præsumat existere. Quod si fecerit, quadraginta verberibus coram iudice subiacebit. Seruus autem vilior l. flagellorum ictibus addicetur. Certè si eadem persona, vt sibi fieret contumelia, seruum prius excitauerit alienum, suæ negligentiae imputet, qui oblitus honestatis & patientiæ, quod merebatur a seruo excepit.

## VIII. ANTIQVA.

*Si ingenuus ingenuum percutiat.*

SI quis ingenuus ingenuo vulnus inflixerit, ita vt continuo qui vulneratus fuerit, moriatur.



riatur, percussor pro homicidio teneatur: & si qui percussus fuerat, statim non extinguatur, percussor deputetur in carcere, aut certe sub fideiussore habeatur: & si euaserit vulneratus, pro sola præsumptione det ei solidos xx. Aut si non habuerit unde componat, cc. flagella publice extensus suscipiat, & extra hoc compositionem vulneris implere cogatur, sicut à iudicibus fuerit æstimatum.

## VIII. ANTIQVA.

*Si ab ingenuo seruus debilitetur alterius.*

**S**I quis ingenuus seruum volens debilitauerit, alterum paris meriti seruum eiusdem domino dare non moretur. Illum verò debilem suo studio & sumptu ad curandum, donec recipiat sanitatem, retineat. Postea verò, si sanari potuerit, pro vulnere compositio detur, prout iustum visum fuerit iudicanti. Ac sic postea seruus domino reddatur incolumis, & suum seruum recipiat. Insuper autem pro facti temeritate, vt eadem euadat, pro eo quod seruum alienum vulnerare præsumpserit, x. solidos domino serui persoluat.

## X. ANTIQVA.

*Si seruus percutiat ingenuum.*

**S**I seruus ingenuo sine domini iussione percussione intulerit, & ille exinde moriatur, percussor pro homicidio puniatur: & si qui percussus fuerit statim non moriatur, ipse seruus continuò tradatur in carcerem. Et si euaserit vulneratus, ille qui percusserat cc. flagella suscipiat. Dominus vero si voluerit, pro seruo summam compositionis exsoluat, quantum à iudicibus fuerit æstimatum. Sin autem noluerit, seruum pro culpa tradere non moretur.

## XI. ANTIQVA.

*Si seruus seruum debilitet.*

**S**I seruus seruo debilitationem intulerit, excepta vulneris compositione, c. flagella suscipiat. Et si exinde debilitatus agnoscitur, quantum deterior extiterit ipse seruus, iudex poterit æstimare. Et si ipse dominus compositionem accipere noluerit, similem seruum aut pretium serui ab illo cuius seruus eum debilitauit accipiat, & † illum debilitatum seruum sibi vsurpet. Hoc ipsum etiam & de ancillis præcipimus custodiri.

## V. TITVL.

## DE CÆDE ET MORTE HOMINVM.

- I. *Si quis nesciens occiderit hominem.*
- II. *Si quis hominem dum non videt, occiderit.*
- III. *Si quis impulsus occidat hominem.*
- IV. *Si quis alterum percutere volens, alterum occidat hominem.*
- V. *Si homo exorta cæde moriatur.*
- VI. *Si dum leuis iniuria infertur, homicidium committatur.*
- VII. *Si iocans aut indiscretus occidat hominem.*
- VIII. *Si quis per incautam disciplinam occidat hominem.*
- IX. *Si ingenuus seruum casibus præscriptis occidat.*
- X. *Si seruus ingenuum casibus præscriptis occidat.*
- XI. *Si homo voluntariè occidatur.*
- XII. *Ne domini extra culpam seruos suos occidant, & si ingenuus occidat ingenuum.*
- XIII. *Ne liceat quemcunque seruum vel ancillam quacunque corporis parte truncare.*
- XIV. *Vt homicidam cunctis liceat accusare.*
- XV. *Quod & proximis & extraneis homicidam conceditur accusare.*
- XVI. *Si homicida ad Ecclesiam confugiat.*
- XVII. *De parricidis, & eorum rebus.*
- XVIII. *De his qui proximos sanguinis sui occiderint.*
- XVIII. *Si à proximo sanguinis casu proximus occidatur.*
- XX. *Si seruus seruum casibus præscriptis occidat.*

## I. FLS. GLS. RCDs. REX.

*Si quis nesciens occiderit hominem.*

**Q**Uicumque nesciens hominem occiderit, & nullum contra eum odiū habuerit, iuxta

rado-



sa domini vocem reus mortis non erit. Non enim est iustum, ut illum homicidæ damnum aut pœna percutiat, quem voluntas homicidii non cruentat.

II. ANTIQVA. FLS. CHDS. REX.

*Si quis hominem, dum non videt, occiderit.*

**S**i quis hominem, dum eum non videt, stantem, venientem vel prætereuntem ignorando occiderit: si nulla occasio inimicitiae antea cum eo fuerit, & ille nolens homicidium admiserit, atque ante iudicem hoc potuerit approbare, securus abscedat.

III. FLS. GLS. RCDS. REX.

*Si quis impulsus occidat hominem.*

**S**i quis aut casu aut re quacunque impulsus, vel præcipitatus in alterum corruerit, hominemque occiderit, pro homicidio nec damnis nec pœnis damnabilis erit. Si certe homo impulerit alium, cuius impulsione illisus perimat alterum, si ille qui impulit absque mala voluntate hoc fecerit, auri libræ damnum habebit, quare læsionem vitare neglexerit.

III. FLS. GLS. RCDS. REX.

*Si aliquis alterum percutere volens, alterum occidat hominem.*

**Q**vicunque exorta lite, dum eum cum quo contendit percutere quærit, alterum nolens occiderit: quærendum est, à quo cædes exordium habuerit. Et si ab illo, quem percussor voluit percutere, exortam cædem esse constiterit: ille qui concitauit litem, licet euaserit percussorem, quia tamen per ipsum constat homicidium esse commissum, c. auri solidos det. Ille vero qui percussit, l. solidos reddat, defuncti nihilominus proximis profuturos. Ideo enim ambo damnum habebunt: quia ille volens aditum mortis dedit, iste autem nolens mortem iniecit.

V. FLS. GLS. RCDS. REX.

*Si homo exorta cæde moriatur.*

**S**i exorta cæde ad faciendam pacem quicunque ingenuus aduenerit, & eum percussione litis mori contigerit, atque ille qui percussit aut suo sacramento aut testibus numero & dignitate idoneis approbare potuerit, quod hoc ut fieret voluntatis eius non fuit: quia percussor nec percutere nec occidere voluit, libram tantum auri parentibus persoluat occisi. Similiter & quaecunque vulnus tali casu fieri prouenerit, tertiam partem compositionis qui percussit exsoluat. Quia mors eius inulta esse non debet, qui pacis præmium ut conferret aduenit.

VI. ANTIQVA.

*Si dum levis iniuria infertur, homicidium committitur.*

**S**i dum quis calce vel pugno ac quacunque percussione iniuriam conatur inferre, homicidii extiterit occasio, homicidio puniatur.

VII. FLS. GLS. RCDS. REX.

*Si iocans aut indiscretus occidat hominem.*

**Q**vicunque incautus aut indiscretus aut iocari volens aut in multitudine cuiuscunque rei ex improviso ictu noxium admittens percussisse atque occidisse quempiam videatur, cum aut sacramento aut testibus conuictum fuerit, quia id disposito malitiæ spiritu aut nocendi voluntate commissum non fuit, non quidem erit percussor vel homicidio infamis vel morte damnabilis: quia mortuum voluntarie non occidit. Quare tamen indiscrete percussit, nec vitare casum studuit, libram auri proximis occisi persolvere procurabit, & quinquaginta flagellorum ictibus vapulabit.

VIII. FLS. GLS. RCDS. REX.

*Si quis per incautam disciplinam occidat hominem.*

**Q**uemcunque discipulum, in patrocínio aut in seruitio constitutum, si à magistro, patrono vel domino comperiti & indiscreta disciplina percussum fortasse mori de flagello contingat, cum nihil ille qui docet aut corripit, in hunc inuidiæ aut malitiæ habuerit: qui cecidit, homicidio nec infamari poterit nec affligi. quia dicente Dei sacra scriptura: Qui disciplinam abiicit, infelix erit.



# LEGIS WISIGOTHORVM

VIII. FLS. GLS. RCDS. REX.

*Si ingenuus seruum casibus præscriptis occidat.*

**S**i ingenuus seruum non voluntate, sed suprascriptis casibus diuersis occiderit, medietas compositionis quæ est de ingenuis constituta, erit à percussore domino serui reddenda.

X. FLS. GLS. RCDS. REX.

*Si seruus ingenuum casibus præscriptis occidat.*

**S**i seruus ingenuum non voluntate sed suprascriptis casibus diuersis occiderit, eam compositionem exsoluat, quam de ingenuis casu occidentibus superior sententia taxat. Quod si dominus pro seruo componere noluerit, mox seruum tradere oportebit.

XI. ANTIQVA.

*Si homo voluntarie occidatur.*

**O**mnis homo si voluntate non casu occiderit hominem, pro homicidio puniatur.

XII. FLS. CHDS. REX.

*Ne domini extra culpam seruos suos occidant: & si ingenuus occidat ingenuum, vel truncauerit.*

**S**i criminis quisque reus vel nefandi consilii socius nequaquam debet indemnus relinqui, quanto magis qui ex studio malitiæ temeranter homicidium dinoscitur perpetrasse? Ideoque, quia sæpe præsumptione crudelium dominorum extra discussionem publicam seruorum animæ perimuntur, extirpari decet hanc omnino licentiam, & huius legis ab omnibus perenniter adimpleri censuram: scilicet ut nullus dominorum vel donatorum seruorum suorum vel ancillarum, seu quaruncunq; personarum, extra publicum iudicium quâdoquidem occisor existat. Sed si talis seruus vel ancilla seu quicunque crimen admiserit ex quo possit mortis debitam damnationem excipere, eumque dominus vel domina propter aliquod pessimum facinus occiderit vel occidendum præceperit, dum hoc ad cuiuscunque iudicis cognitionem peruenerit, confestim ipse dominus dominave ad iudicium ire cogendi sunt. Qualiter per probationem seruorum vel ancillarum sibi suo sacramento confirmet, quod tale facinus admiserint unde digni essent, mortis ultione percelli. Nam si ex disposito malitiæ, seruum suum vel ancillam, seu per se seu per alium quemlibet extra publicum examen occidere quicumque præsumpserit, pro facti huius temeritate libram auri fisco persoluat, atque insuper perenni infamia denotatus testificari ei ultra non liceat. Qui verò alienum seruum vel ancillam ex deliberatione suæ voluntatis occiderit vel occidendum præceperit, duos eiusdem meriti seruos seu ancillas, occisorum dominus de facultate homicidæ consequuturus est: homicida tamen secundum superiorem ordinem perennis exilii pœnam indubitanter excipiat. Nam si dominus fortasse vel domino, in ancilla vel seruo, tam propria quam extero, vel incitatione iniuriæ vel ira commotus, dum disciplinam ingerit, quocunq; ictu percutiens homicidium perpetraverit, & vel testibus probari potuerit, vel certe sacramento suam conscientiam expiauerit, nolendô tale homicidiû commisisse, ad huius legis sententiam teneri non poterit. Veruntamen si serui vel ancillæ, instituentibus vel consentientibus dominis, in conseruis suis vel quibuscunque personis dixerint se homicidium perpetrasse, & per actionem tormentorum eosdem dominos suos talia sibi constituisse taxauerint: serui quidem vel ancillæ talia perpetrantes, ceteris flagellis publicè verberandi sunt, ac turpiter decaluandi. Eorum vero domini, si iurauerint nil tale ordinasse, ad legis huius sententiam nullatenus teneantur. Atque illi qui suos conseruos occiderint, in potestate domini sui eorum causa consistat, ut faciendi de eis quod voluerint licentiam habeant. Si verò alienum quis occiderit seruum, ei proculdubio traditurus est cuius seruum vel ancillam dinoscitur occidisse. Quæcunque autem persona ingenua propter furti rapacitatem in itinere vel domi positum quemquam insidians occidisse detegitur, homicida continuò pro homicidio puniatur. Et quoniam consilio quisq; vel iussu homicidiû faciendû insitens, noxior iudicandus est, quàm ille qui homicidium opere perpetravit: id specialiter constituendum oportuit, ut excepta causa seruorum, de quibus supra taxatum est. Si ingenuum vel ingenuam, per seruum vel



vel ancillam, dominus dominave occidendum præceperit, & per discussionem apud iudicem talia de dominis fuerint manifestè confessi, si hoc per legitimum testem firmare nequiverint, seruis super dominis suis credi non oportebit. Sed ipsi tunc domini, qui talia iussisse dicuntur, coram iudice se suo sacramento innocentes reddere non morètur. Ipsi verò qui homicidium fecisse confessi sunt, aut pro homicidio puniantur, aut occisorum parentibus vel propinquis tradantur, ut quod de eis facere voluerint habeant potestatem. Quod si domini eorū iurare nequiverint, seruus proculdubio vel ancilla tam noxia perpetrantes, ducentenis verberati flagellis, tunc propter etiam decaluandi sunt. Domini verò, quibus iubentibus tale nefas admissum est, capitali se nouerint supplicio perimendo. Nam si ingenui quilibet ex cōmuni consilio homicidiū perpetrare deliberauerint, illi qui fortasse percusserint, aut quocūque ictu hominem interfecerint, morte dānandi sunt. Illi verò qui cum eis consilium habuisse repperiuntur, quāuis non percusserint, propter iniquum tamen consilium, ducentorum flagellorum ictus publicè extēsi, & decaluationis fœditatem passuri sint, atq; insuper proximis occisi parentibus quinquagenos solidos componere compellantur. Aut si non habuerint unde componant, perenniter seruituri tradantur.

XIII. FLS. GLS. RCDs. REX.

*Ne liceat quemcunque seruum suum vel ancillam quacunque corporis parte truncare.*

Præcedentium non vitia sed virtutes æmulando collectas, inuenimus hanc legem autissimè editā, iniuste abrafam. Et ideo ne humanis excessibus turpandæ imaginis Dei frena laxentur, in nomine Domini, ego Flavius Egi Rex, ipsis verbis, ipsisque sententiis, illo dudum eam iterum ordine introduxi, quo dudum illam præuā iudicij principalis auctoritas collocauit, quæ sic incipit. Superiori quidem lege, dominorum indiscretam sēuitiam à seruorum occisione priuauimus. Nunc etiam ne imaginis Dei plasmationem adulterent, dum in subditis crudelitates suas exercent, debilitationem corporum prohibendam oportuit. Ideo decernimus, ut quicumque dominus dominave, absque iudicis examinatione, & manifesto scelere seruo suo vel ancillæ manum, nasum, labium, linguam, aurem etiam vel pedem absiderit, aut oculum eculserit, seu quamcunque partem corporis detruncauerit, aut detruncare vel extirpare præceperit, trium annorum exilio sub pœnitentia relegetur apud Episcopum, cuius in territorio aut ipse manere aut factum scelus esse videtur. Omnes verò facultates ipsius, si filios habuerit, qui tamen non sint sceleris eius participes, tueantur atque gubernent, reddituri cum redierit rei domino rationem. Si certe filii legitimi de fuerint, aliis parentibus ita iudex facultates eius custodiendas committat, qualiter cum redierit de rebus suis ratio illi reddatur. Sin autem nullus de proximis fuerit, iudex ipse curam habebit qualiter cuncta gubernet atq; conseruet, & de eisdem rationem postea reddat.

XIIII. FLS. CHDS. REX.

*Ut homicidam cunctis liceat accusare.*

Si homicidam nullus accuset, iudex mox ut facti crimen agnouerit, licentiam habeat corripere criminofum, ut pœnam reus excipiat quam meretur. Nec enim propter accusatoris absentiam, aut aliquod fortasse colludium sceleris, debet vindicta differri: sed si vxor mortem mariti si quid noxium ab alio forte pertulerit, quā etiam maritus si simile aliquid vxorē pati contigerit, licitum habebit inquirere, & iuxta qualitatem criminis legaliter vlciscendum insistere. Ita ut si manente aduersus reum tali intentione maritus & vxor vitam finierint, & imperfectam causam reliquerint, eorum filii seu propinqui, quibus ad capiendam hereditatem legitima successio competit, accusare reum vel homicidam, ac sicut parentes facere poterant, instanter persequi habeant potestatem. Nec enim dignum est parentum aut propinquorum habere facultatem, si non reus vel homicida debitam sententiam condemnationis excipiat. Quod si iudex admonitus huius rei vindex esse distulerit, & dilatans accusantes ad regiam cognitionem ex hoc querela peruenerit, sciat se pro mortuo, quem vindicare noluerit, medietatem homicidii, hoc est, cc. quinquaginta solidos petenti esse daturum. Facultates autem eius, qui pro suo scelere est puniendus, non antea cuiquam usurpare conceditur, nisi per iudicium ultionis ex lege sententia detur.



*Quod & proximis & extraneis homicidam conceditur accusare.*

**C**um cæterorum criminum reos pœnas semper oporteat excipere quas merentur, nefas esse putandum est homicidas vnquam indemnes relinquere, quos seueriori magis concedet atrocitate puniri. Ne ergo possit euadere homicida quod fecit, aut aliquis scelus eius præsumat forsitan excusando celare, primo proximis occisi conceditur licentia accusandi. Quod si idem proximi ad querendam defuncti mortem aut repidi fuerint aut forte distulerint, tunc accusandi homicidam omnibus generaliter, tam aliis parentibus quam externis, aditum pandimus. Ita vt qui homicidam fraudulenter excusare conatus fuerit vel defendere, commodum quod propterea fuerat consecutus, in duplum compellatur accusatori persolvere. Nam homicidii reus nunquam potest esse securus, cum contra eum accusationem deferre nulli penitus licentia denegetur.

*Si homicida ad Ecclesiam confugiat.*

*præcipisse.* **N**on sumus immemores, de homicidis hætenus atque maleficis diuersas quidem legum sententias \* præcessisse, & iuxta qualitatem sceleris pœnas esse propositas, quas vnusquisque eorum merebatur excipere. Tamen quia nequitia huius auctores, quantum in malis amplius prompti sunt, tantum ad euadendum supplicium occasiones sæpe prætendunt: ac se plerumque Basilicarum Dei defensionem committunt, qui contra diuinum præceptum scelera perpetrare non metuunt. Ideoque quia nunquam debet hoc scelus inultum relinqui, quod & vitam perimit, & quorundam mentes ad deterius frequenter impellit, hoc omne per æuum mansurum damus edictum: Vt quemcunque homicidam seu maleficum lex puniri præcipit, & præterea qui ex suo disposito vel malæ voluntatis assensu tale nefas committit, nulla hunc occasio nullaque vnquam ab hac sententia potestas excuset. Sed etiam si conigerit eum ad altare sanctum fortasse confugere, non quidem præsumat eum absque consultu sacerdotis persequutor eius abstrahere. Consulto tamen sacerdote ac reddito sacramento, ne eundem sceleratum publicæ mortis pœna condemnet, sacerdos eum sua intentione ab altari repellat, & extra chorum proiciat: & sic ille, qui eum persequitur, comprehendat. Cui ab Ecclesia eiecto, non alias mortiferas inferat pœnas, sed in potestate parentum, & eorum cuius propinquus occisus fuerit, contradendus est: vt excepto mortis periculo quicquid de eo facere voluerint, licentiam habeant. Quatenus dum malorum prauitas conspicit constituta sibi supplicia præterire non posse, vel metu saltem territus à malis absteat, quem malæ voluntatis intentio ad illicitum facinus sponte sæpe præcipitat.

*De parricidis & eorum rebus.*

**D**um nullum homicidium voluntate commissum, nostris legibus relinquatur inultum, & illum magis oporteat mortem excipere qui consanguinitate proximum præsumpserit occidere: proinde hoc omne per æuum promulgamus edictum, vt quicumque parricidium fecerit, hoc est, patrem aut matrem, seu fratrem aut sororem, vel quemcunque sibi propinquum, proposito vel intentione prauæ voluntatis occiderit, confestim comprehensus à iudice eadem morte puniatur qua ipse alium punire præsumpserit. Ita vt si vir siue mulier sit qui parricidii crimen admiserit, si filios non habuerit, omnis parricidæ hereditas ad heredes & propinquos occisi pertineat. Si vero filios de alio coniugio habuerit, medietas facultatis eius filiis occisi proficiat, & medietas filiis parricidæ, si tamen in scelere patris aut matris conscii non fuerint approbati. Nam si conscios eos scelus parentum habuerit, omnis parricidæ hereditas filiis occisi proficiat. Quod si neque parricida neque occisus filios reliquerint, tunc omnem facultatem parricidæ, parentes occisi aut propinqui sibi in omnibus vindicabunt: vel proximi, qui eius mortem vlciscendam institerint, iuri suo applicare non dubitent.

*De his qui proximos suos sanguinis sui occiderint.*

**S**i pater filium aut filius patrem, seu maritus vxorem aut vxor maritum, aut mater filiam aut



liam aut filiam matrem, aut frater fratrem aut soror sororem, aut socerum gener aut generum socer, vel nurus socrum aut socras norem, vel quemcunque consanguinitate sibi proximum aut suo generi copulatum occiderit, morte dampnetur. Quod si propter hoc homicida ad Ecclesiam vel altaria sancta concurrerit, in potestate parentum vel propinquorum occisi tradendus est: ut saluat tantum anima quicquid de eo facere voluerint habeant potestatem. Omnem verò substantiam suam heredibus occisi, iuxta legis superioris ordinem, iubemus addici, aut etiam fisco si heredes proximos occisus non reliquerit, sociari. Nam homicida nec facultatibus suis liberatus utetur, etiam si poenā mortis euadere mereatur.

## XIX. ANTIQVA.

*Si à proximo sanguinis casu proximus occidatur.*

SI pater filium, aut mater filiam, aut filius patrem, aut frater fratrem, aut quemlibet sibi propinquum, grauibz coactus iniuriis, aut dum repugnat occiditur, & hoc idoneis testibus, quibus merito fides possit adhiberi, apud iudicem potuerit approbare, quod parricidium dum propriam vitam tueretur admiserit, securus abscedat, nec vllum vitæ periculum aut dispendia facultatum vel tormenta formidet, illa discretionē seruata, quæ in cunctis casibus est de homicidis constituta.

## XX. FLS. GLS. RCDs. REX.

*Si seruus seruorum casibus præscriptis occidat.*

SI cunctis supra scriptis casibus, seruus seruorum occidisse detegitur, omnem compositionis summam, quæ de casu tali est occisione taxata, serui dominus ex medietate domino serui persoluat. Quod si pro eo satisfacere contemnat, seruum sine dubio tradat.

## DE FVRTIS ET FALLACIIS.

### LIBER SEPTIMVS.

## I. TITVL.

## DE INDICIBVS FVRTI.

- I. De indice & his quæ indicare dicuntur.
- II. De non credendo indicanti seruo, nisi cum domini testimonio.
- III. Si index furti sit conscius.
- IV. De mercede indicis.
- V. Si innocens in quocunque crimine accusetur ab indice.

## I

*De indice & his quæ indicare dicuntur.*

**I**UDEX reum qui accusatur antea non torqueat, quàm ille qui accusat, si indicem præsentare noluerit, se per placitum trium testium roboratione firmatum ea conditione constringat, ut si is qui accusatus est manifestis indiciis innocens comprobatur, ipse poenam quam alii intendit excipiat: & tamen postquam innocetia patuerit accusati, accusator à iudice distringatur, ut pro agnoscenda rei veritate indicem præsentare inuitus. Quem si præsentare nequiverit, saltem quis sit ex nomine manifestet, ut districtus à iudice vera conuincat esse quæ indicauit. Quod si cum ipse iudex per alicuius potentis defensionem aut patrocinium seu metu regie potestatis discussione suæ præsentare non potuerit, ad regiam id cognitionem si prope est deferre procuret. Si autem longe est, Episcopo vel iudici renuntiet, ut eorum maior auctoritas, hunc iudicio faciat præsentari. Quod si neglexerit nuntiare, de propria iudicis facultate omne quod periit iussu principis vel Episcopi atque iudicis querelanti restituatur. Index autem si non potuerit probare quod indicauit, pro omni satisfactione teneatur obnoxius. Quod si rei causa est: si ingenuus est cum infamia noncuplam, seruus verò sexcuplam com-



positionem exsoluat, & c. insuper flagella idem seruus accipiat. Quod si idem ingenuus unde componat non habuerit, & ei quem infamare tentauit, & ei cui mentitus est, pariter seruiturus tradatur. Seruus verò si compositionem pro se exsoluere non potuerit, aut si noluerit pro eo satisfacere dominus, seruum pro reatu tradere non moretur.

## II. ANTIQVA.

*Non credendum indicanti seruo nisi cum domini testimonio.*

**S**i seruus sine conscientia domini sui aliquid indicauerit, aliter ei non credatur, nisi dominus pro persona serui testimonio suo dixerit esse credendum, de honestate mentis eius proferens testimonium verum.

## III. ANTIQVA.

*Si index furti sit conscius.*

**S**i index furti conscius comprobatur, nullam pœnam incurrat, sed dampnum absolutionis euadat. Mercedem verò pro indicio non requirat, cui sufficere debet vt securus abscedat. Qui si forsitan rem quæ furtim ablata est, cum furti ipsius consorte diuiserit, quæ in portionem suscepit, & apud se retinuit, † sumpta tantum restituat.

## IV. ANTIQVA.

*De mercede indice.*

**S**i quis furem prodiderit, si tamen furti ipsius conscius non est, non plus pro indicio accipiat, nisi quantum res valuerit quæ furtim ablata est: si tamen domino rei compositio fuerit exsoluta. Si autem talis sit fortasse conditio, vt necesse sit illum qui fur probatur occidi, & nihil de eius facultatibus inueniatur: aut si seruus fuerit, & dominus serui substantiam eius suæ vendicet potestati, & in compositionem qui perdiderit res suas, nihil fuerit consecutus: tunc tertiam partem de repperta re, pro mercede iudicii consequatur, & delator nil amplius iam requirat.

## V. ANTIQVA.

*Si innocens in quocunque crimine accusetur ab indice.*

**Q**uicunque accusatur in crimine, id est, veneficio, maleficio, furto, aut quibuscunque factis illicitis, accusator eius concurret ad comitem ciuitatis, vel iudicem in cuius territorio est constitutus: vt ipsi secundum legem causam discutiant: & cum cognouerint crimen admissum, reum comes & iudex comprehendant. Et si capitalia non admiserit, tunc ei cui reus est aut componere compellatur: aut si non habuerit unde componat, seruiturus tradatur. Si verò innocens approbatur, de iudicio securus abscedat. Ille verò qui accusauit, & pœnam & dampna suscipiat quæ debuit pati accusatus, si de crimine fuisset conuictus. Comes tamen aut iudex nullum discutere solus præsumat, ne aliquod possit esse colludium, vt innocens fortasse tormenta sustineat. Prius tamē pœnæ non subiaceat, quàm aut sub præsentia iudicum manifestis probationibus arguatur, aut certè sicut in aliis legibus continetur, eum accusator inscribat: & sic in præsentia iudicum superius nominatorum quæstionis agitetur examen.

## II. TITVL.

## DE FVRIBVS ET † FVRATIS REBVS.

† furti.

- I. *Vt exponat quid querit qui furtiuam rem se querere dicit.*
- II. *Si seruus ante datam seu post datam libertatem faciat furtum.*
- III. *Si seruus ad alium dominum transiens, quodcunque committat illicitum.*
- IV. *Si ingenuus cum seruo alieno faciat furtum.*
- V. *Si dominus cum seruo suo faciat furtum.*
- VI. *Si seruus alienus suadeatur ad illicita facienda.*
- VII. *De his qui cum furibus consci fuerint.*
- VIII. *Si de fure quis nesciens comparauerit.*
- VIII. *Si de fure quis cognitus comparauerit.*
- X. *De pecunia & rebus regis furto sublati.*
- XI. *De tintinnabulis † sublati.*
- XII. *De instrumentis molini furati.*

† furatis.

XIII.



- XIII. De dampno furis.  
 XIV. Vt fur captus perducatur ad iudicem, & vt ingenuus cum seruo faciens furtum, unam compositionem exsoluant.  
 XV. Si fur se gladio vindicans occidatur.  
 XVI. Si fur nocturnus dum capitur occidatur.  
 XVII. De maletractis & indebitè contractis rebus, & vt tantum de illa re compositio fiat qua fuerit sublata.  
 XVIII. De his qui aduersis naufragiis rapiuntur.  
 XIX. De hereditate & successione furis.  
 XX. De his qui fures aut reos captos excusserint.  
 XXI. Si seruus domino vel conseruo fecerit furtum.  
 XXII. Infra quod tempus fur captus iudici presentari iubetur.  
 XXIII. Si furtiue alienus quadrupes occidatur.

## I. ANTIQVA.

Vt exponat quid querit qui furtiuam rem se querere dicit.

**V**i rem furtiuam requirit, quid querat iudici occulte debet exponere; vt ostendat per manifesta signa quid perdidit: ne veritas ignoretur, si non euidentia signa monstrauerit.

## II. ANTIQVA.

Si seruus ante datam seu & post datam libertatem faciat furtum.

**S**i quis in seruitio constitutus furtum admiserit, & postea à domino suo fuerit missus, illa quæ antea admiserat ad dampnum domini non pertineant, sed ipse sic seruus pœnam & dampnum legibus suscipiat constitutum, qui illicita perpetrasse dinoscitur. Quod si post datam libertatem hoc fecerit, ita vt seruus & compositionem & ceterum flagella sustineat. Quod si tale factum non fuerit propter quod seruituti tradatur, in libertate accepta nihilominus permaneat.

## III. ANTIQVA.

Si seruus ad alium dominum transiens quodcunque committat illicitum.

**S**i seruus dum ad alium dominum transiens, aliquid de rebus prioris domini inuolauerit aut abstulerit seu quodcunque aliquid damnosum intulerit, dum pro crimine cupiditatis cupit addici, discutiatur à iudice: & si hoc crimen admisisse conuincitur, posterior dominus si voluerit pro seruo dampnum compositionis exsoluat. Certe si noluerit seruum, secundum criminis qualitatem tradatur ad pœnam.

## IV. ANTIQVA.

Si ingenuus cum seruo alieno faciat furtum.

**S**i quis ingenuus cum seruo alieno in crimine inuentus fuerit, vt furtum forsitan faciant & aliquid rapiant, aut illicitum quodcunque committant; secundum superiorē legem medietatem eiusdem compositionis exsoluant, ita vt ambo publicè fustigentur. Et si noluerit dominus pro seruo satisfacere, ipsum seruum pro compositione tradere non moretur. Quod si capitalia forte commiserint, simul seruus cum ingenuo morte dampnetur.

## V. ANTIQVA.

Si dominus cum seruo suo faciat furtum.

**S**i dominus cum seruo suo ad furtum faciendum ierit, hanc compositionem non seruum sed dominum implere iubemus. Ita tamen vt dominus eius iuxta leges ceterum flagellis fustigetur. Seruus autem ideo erit indempnis, quia domini iubētis obediuit imperiis.

## VI. ANTIQVA.

Si seruus alienus suadetur ad illicita facienda.

**S**i quis seruum alienum ad furtum faciendum aut alias ad quasunque res illicitas



committendas, vel etiam aduersus seipsum forte persuaserit, vt domino eius perditionem exhibeat, quo facilius eum per malam & iniquam persuasionem ad suum seruitium fraudulenter addicat, & fraus ipsa iudicis fuerit inuestigatione detecta: dominus serui nec seruum perdat, nec vllam calumniam pertimescat. Sed ipse cuius colludio vel suasionem seruus crimen admiserat, vt eum sibi per aliquam occasionem ad seruitium potuisset addicere; ipsi eius serui domino, quantum ille inuolauerit, aut quantum culpabilem rem admiserit, septuplam compositionem implere cogatur. Ipse autem seruus in conuentu publice centum flagella suscipiat, pro eo quod dominum suum despiciens insidianti consenserat, & sic postmodum domino suo seruus reddatur.

## VII. ANTIQVA.

*De his qui cum furibus consci fuerint.*

**N**on solum ille qui furtum fecerit, sed etiam quicumque conscius fuerit, vel furtim ablata sciens susceperit, in numero furantium habeatur, & simili vindictae subiaceat.

## VIII. FLS. GLS. RCDS. REX.

*Si de fure quis nesciens comparauerit.*

**V**niversam rem nulli ingenuo liceat de incognito homine comparare, nisi certe si de iussore adhibeat cui credi possit, vt excusatio ignorantiae auferatur. Quod si aliter fecerit, qui comparauerit, a iudice districtus auctorem praesentet infra tempus sufficienter a iudice constitutum. Et si fur ipse habuerit vnde compositionem exsoluat, integram aut similem rem domino rei sarciat: possideat autem emptor si particeps fraudis non inuenitur, secus quod emit: vel si dominus voluerit rem furtiuam sibi recipiat, & furem cum omni compositione furti tradat emptori. Si autem non habuerit fur vnde sicut dictum est compositionem domino aut emptori exsoluat, legibus institutus teneatur modus. Quem si non potuerit inuenire, approbet se aut sacramento aut testibus innocentem, quod eum furem nescierit: & quod apud eum agnoscitur, accepta precii medietate restituat. Atque ambo datis inuicem sacramentis promittant, quod furem fideliter quaerent. Quod si omnino fur inueniri nequiverit, rem tantum, quae emptae est, domino rei emptor ex integritate reformet. Si vero dominus rei furem nouerit, & eum publicare noluerit, rem ex toto amittat, quam emptor quiete possideat. Haec de seruis forma seruetur.

## VIII. FLS. RCDS. REX.

*Si de fure quis cognitus comparauerit.*

**S**i quis rem furtiuam sciens a fure comparauerit, ille qui emit suum praesentet auctorem, & postea tanquam fur componere non moretur. Si vero furem non inuenerit, duplam compositionem quae a furibus debetur exsoluat, quia apparet & illum furi esse similem, qui rem furtiuam sciens comparasse cognoscitur. Quod si seruus hoc fecerit, aut medietatem compositionis de ingenuis persoluat, aut hunc seruiturum dominus tradat.

## X. ANTIQVA.

*De pecunia & regis rebus furto sublati.*

**S**i quis de thesauris publicis pecuniam aut aliquid rerum inuolauerit, & in usu suo transtulerit, nouecuplum restituat.

## XI. ANTIQVA.

*De tintinnabulis furatis.*

**S**i quis tintinnabulum inuolauerit de iumento vel boue solidum reddat. De vacca tremisses duos. De berbicibus vel quibuscunque pecoribus tremisses singulos cogatur exsoluere.

## XII. ANTIQVA.

*De instrumentis molini furatis.*

**S**i quis de molinis aliquid inuolauerit, quod furatum est restituat, & insuper componat, sicut de aliis furtis lege tenetur, & extra hoc c. flagella suscipiat.



XIII. FLS. GLS. RCDS. REX.

*De dampno furis.*

**C**Viuslibet rei furtum, & quantalibet precii æstimatione taxatum ab ingenuo nouies, a seruo vero sexies, ei qui perdidit sarcietur, & vterque reus centum flagellorum verberibus coerceatur. Quod si aut ingenuo desit vnde componat, aut dominus componere pro seruo suo non annuat, persona quæ se furti contagio sordidauit, seruitura rei domino perenniter subiacebit.

XIV. FLS. GLS. RCDS. REX.

*Si fur captus perducatur ad iudicem, & vt ingenuus cum seruo faciens furtum vnam compositionem exsoluat.*

**F**Vr si captus fuerit, perducatur ad iudicem: ita vt ingenuus nouecuplo sublata restituat, & extensus publice coram iudice centum flagella suscipiat. Quod si non habuerit vnde componat, careat libertate, illi seruiturus cui furtum fecerit. Seruus autem sexcupli compositionem cogatur exsoluere, & centum flagella ante iudicem extensus accipiat. Ipse vero in custodia a iudice teneatur, quousque dominus eius pro eo admoneatur, vt aut pro seruo suo componere non moretur, aut si certe distulerit, eum pro crimine cui malum fecit tradere non moretur. Id denique in hac lege seruandum est, vt si seruus & ingenuus, seu serui & ingenui, vnum animal aut quamcunque vnam rem pari consensu furauerint, vnam compositionem exsoluant: Id est ingenuus medietatem nouecupli, & seruus idem medietatem sexcupli, flagella tamen secundum superiorem ordinem accepturi. Nam & de maioris summa furti, a seruo & ingenuo vel seruis & ingenuis facta, prædicta forma seruabitur. Et quemadmodum superius constitutum est, ante iudicem flagellandi sunt.

XV. ANTIQVA.

*Si fur se gladio vindicans occidatur.*

**F**Vr qui per diem se gladio defensare voluerit, si fuerit occisus, mors eius nullatenus requiratur.

XVI. ANTIQVA.

*Si fur nocturnus dum capitur occidatur.*

**F**Vr nocturnus captus in furto dum res furtiuas secum portare conatur, si fuerit occisus morse eius nullomodo vindicetur.

XVII. ANTIQVA.

*De malefactis & indebite contractis rebus, & vt tantum de illa re compositio fiat quæ fuerit sublata.*

**S**I quis res aut vestimenta aliena malè tractauerit, aut in itinere constitutum in aliquo contigerit, vel furtim ei quodcunque sustulerit, non pro omni sarcina solutionem implere cogatur, sed de hoc quod furtim abstulit, vel male tractauit, secundum legem componere non moretur.

XVIII. ANTIQVA.

*De his qui aduersis naufragiis rapiuntur.*

**Q**Vicquid de incendio, ruina vel naufragio raptum fuerit, & aliquis ex hoc quicquam ab alio suscepit siue celauerit, in quadruplum reformare cogatur.

XIX. ANTIQVA.

*De hereditate & successionibus furis.*

**S**I quis furi mortuo in hereditatem aut ex testamento aut ex sanguinis propinquitate successerit, quia crimen cum fure defecit, poenam quidem non sustineat, sed damni satisfactionem exsoluat, quod fur si vixisset fuerat soluturus. Si autem maius est damnum quam hereditas, faciat cessionem.

XX. FLS. GLS. RCDS. REX.

*De his qui fures aut reos captos excusserint.*

**S**I quis furem captum aut reum alicui excusserit, si maioris loci persona est, exten-



sus coram iudice pro sola præsumptione c. flagella suscipiat, & quem excussit representare cogatur. Quod si alter eum prendiderit cuius causa non est, de ea compositione quam fur facere potuerat pro labore suo quartam partem accipiat. Si autem fur inuentus non fuerit, iam tunc & poenam furis qui hunc excussit perferat, & tantum de suo ipse componat, quantum fur quem excusserat conuictus satisfacere potuerat. Si certe minor persona fuerit, & furem præsentaauerit, pro præsumptione sola & ipse c. flagella suscipiat. Si autem furem inuenire non potuerit, & poenam furis & dampna ipse sustineat. Nam si præter furem alterius criminis quicumque reum excusserit, similiter c. flagella extensus accipiat: & si eum inuenire vel præsentrare nequiverit, eidem continuo vindictæ subiaceat, quam reum illum qui excussus est legalis sanctio pati demonstrat. Si vero seruus domino nesciente ista commiserit, pro præsumptione sola ducenta flagella suscipiat, & quem excussit præsenter. Quem si non præsentaauerit, dominus eius si voluerit pro eo summam compositionis exsoluat. Quod si componere noluerit, iuxta crimen admissum, seruum aut pro dampno aut pro supplicio tradat.

## XXI. ANTIQVA.

*Si seruus domino vel conseruo fecerit furtum.*

**S**i seruus domino suo vel conseruo aliquid inuolauerit, in domini potestate consistat. Quid de eo facere voluerit; nec iudex se in hac re admisceat, nisi dominus serui fortasse voluerit.

## XXII. ANTIQVA.

*Infra quod tempus fur captus iudici præsentrari debetur.*

**S**i quis furem aut quemcunque reum comprehenderit, statim perducatur ad iudicem. Cæterum suæ domui amplius quam vna die ac nocte eum retinere non audeat. Si quis contra hoc fecerit, v. solidos pro sola præsumptione iudici cogatur exsoluere. Et si seruus hoc sine domini sui conscientia fecerit, c. flagella suscipiat. Si vero seruus cum domini voluntate id commiserit compositio redundet ad dominum. Ita ut si honestioris loci persona est, x. solidos iudici cogatur exsoluere: ex quibus medietatem sibi iudex vsurpet, aliam vero medietatem illi det qui dampnum noscitur perculisse.

## XXIII. FLS. GLS. RCDS. REX.

*Si furtive alienus quadrupes occidatur.*

**S**i quis caballum alienum aut bouē aut quodlibet animalium genus nocte aut occulte occidisse conuincitur, nouecupli compositionem dare cogatur. Quod si cōuinci nō potuerit quod talia fecerit, sacramentum eidentissimè dabit. Si vero hoc seruus immittente domino commiserit, & ex hoc manifestis indiciis inuenitur, dominus serui tanquam fur nouecupli compositionem implere cogatur. Quod si seruus non conuincitur inscribatur: & cum inuentus fuerit talia commisisse, aut sexcuplum reddat, aut cui dampnum fecerit ipse seruiturus subiaceat. Quod si innoxius fuerit inuentus, iuxta quod aliis legibus est decretum satisfaciatur petitor domino serui.

## III. TITVL.

## DE VSRPATORIBVS ET PLAGIATORIBVS MANCIPIORVM.

- I. *Si quis mancipium alienum vsurpet.*
- II. *Si seruum vel ancillam ingenuus plagiasse detegitur.*
- III. *De ingenuorum filiis plagiatis.*
- IIII. *Si seruus alienum plagiauerit seruum.*
- V. *Si seruus ingenuum plagiauerit domino imperante.*
- VI. *Si seruus ingenuum plagiauerit domino nesciente.*

## I. FLS. GLS. RCDS. REX.

*Si quis mancipium alienum vsurpet.*



Vicumque ingenuus mancipium vsurpauerit alienum, eiusdem meriti mancipium alterum cum eo compellatur domino reformare. Si vero seruus hoc fecerit, ipsum mancipium illi domino reddat, & c. flagella suscipiat.



suscipiat. Quod si vſurpatum mancipium præſens non fuerit, dominus ſerui eiſdē meriti mancipium illi domino det, qui mancipium amittit, donec qui ablatuſ eſt reſtituatur, & ſic ille qui pro eo donatuſ fuerat, ſeruituruſ domino reſormetur.

## II. FLS. GLS. RCDS. REX.

*Si ſeruum vel ancillam ingenuuſ plagiaſſe detegatur.*

**S**I quis ingenuuſ ſeruum alienum vel ancillam alienam plagiauerit, quatuor ſeruſ vel quatuor ancillaſ domino dominæve reformare cogatur, & c. flagelluſ publice verberetur. Quod ſi non habuerit vnde componat, ipſe ſubiaceat ſeruituti.

## III.

*De ingenuorum filiis plagiatis.*

**Q**ui filium aut filiam alicuiuſ ingenui vel ingenuæ plagiauerit aut ſollicitauerit, & n̄ populuſ noſtroſ vel in aliaſ regionuſ transferri fecerit, huiuſ ſccleris auctor patri aut matri ſatribuſque ſi fuerint ſiue proximis parentibuſ in poteſtate tradatur, vt illi occidendi aut vendendi eum habeant poteſtatem. Aut ſi voluerint, compoſitionem homicidii ab ipſo plagiatoſe conſequantur, id eſt, ſolidoſ †ccc. qui à parentibuſ ven- † quingētoſ. diti aut plagiati non leuiuſ eſſe poteſt quā ſi homicidium fuiſſet admiſſum. Quod ſi eum ex peregriniſ ad propriam regionem potuerit reuocare plagiatoſ, †cl. ſolidoſ †ccl. hoc eſt medietatem homicidii exſoluat. Aut ſi non habuerit vnde componat, ipſe ſubiaceat ſeruituti.

## IV.

*Si ſeruuſ plagiauerit ſeruum alienum.*

**S**I ſeruuſ ſeruum plagiauerit alienum domino neſciente, ſeruuſ qui hoc fecerit, cl. flagella coram iudice extenſuſ accipiat, & ſic etiam poſtmodum qui plagiatuſ eſt domino reſormetur. Ille vero cuiuſ ſeruuſ plagiatuſ fuerat, mercedem captuſe à plagiatoſi domino non requirat. Ita tamen vt ſi forte ſiſe qui plagiatuſ eſt tarde repperiatur, plagiatoſi dominuſ aliuſ eiſdem meriti mancipiuſ aut etiam eundem plagiatoſem ei cuiuſ ſeruuſ vel ancilla plagiata eſt dare compellatur, tandiu ſibi ſeruiuruſ quādiu ſuſ ſeruuſ aut ancilla ei reſtituatur, & ita ille poſtmodum domino reſormetur.

## V. ANTIQVA.

*Si ſeruuſ ingenuuſ plagiauerit domino imperante.*

**S**I ſeruuſ ingenuuſ plagiauerit ex domini iuſſione, ipſe dominuſ compoſitionem quæ eſt de ingenuiſ conſtituta compellatur implere. Ita vt dominuſ c. flagella publice ſuſcipiat, & ſeruum iuſſa domini complementem moleſtia non attingat.

## VI. ANTIQVA.

*Si ſeruuſ ingenuuſ plagiauerit domino neſciente.*

**S**I ſeruuſ ſine conſcientia domini ſui ingenuuſ plagiauerit, parentibuſ plagiati ſine aliqua dilatione tradatur, vt quod de eo facere vcluerint in eoruſ conſilii arbitrio. Quod ſi qui plagiatuſ eſt reduci potuerit, & dominuſ pro ſeruo componere vcluerit, liberam auri pro iniuria ingenui dabit.

## III. TITVLVS.

DE CVSTODIA ET SENTENTIA  
damnatorum.

- I. Si iudex pro crimine interpellatuſ poſtea contemnatur.
- I. Vt comes iudici auxilium præbeat pro comprehendendiſ in crimine accuſatiſ.
- II. Si carcerem quiſ frangat, aut cuſtodi perſuadeat.
- V. De tollendiſ commodiſ ab hiſ qui in cuſtodia retinentur.
- V. Si iudex criminibuſ fauendiſ criminoſuſ abſoluat.
- VI. De damno iudiciſ criminoſuſ indebitè abſoluentiſ.
- VII. Vt reuſ non in abſconſo ſed publice percipiat ſententiam.



*Si iudex pro crimine interpellatus postea contemnat.*



I quis pro furto interpellauerit iudicem & eum contemnens postea sine conscientia eius aliquid dederit vel ab eo in compositionem acceperit, pro presumptione sua v. solidos iudici inuitus exsoluat. Quod si hoc seruus sine conscientia domini sui fecerit, c. flagella suscipiat, & dominus serui nullam calumniam pertimescat. Nam si cum domini voluntate hoc fecerit, ipse dominus compositionem superius comprehensam compellatur exsoluere.

II.

*Vt comes iudici auxilium praebeat pro comprehendendis in crimine accusatis.*

Quotiens Gothus seu quislibet in crimine aut in furto vel aliquo scelere accusatur, ad corripendum eum iudex insequatur. Quod si forte iudex solum illum comprehendere vel distringere non potest, a comite ciuitatis quærat auxilium, cum solus sibi sufficere non possit. Ipse tamen comes illi auxilium dare non moretur, ut criminis reus insultare non possit.

III.

*Si carcerem quis frangat aut custodi persuadeat.*

Si quis carcerem fregerit, aut custodi persuaserit, vel ipse carcerarius aut custos quos compeditos habuit, sine iudicis iussione aliqua fraude laxare præsumperit, eandem poenam vel damnum quod ipsi rei fuerant excepturi sustineant.

IIII.

*De tollendis commodis ab his qui in custodi retinentur.*

Iudex si aliquos in custodia retinuerit, vel hi qui reos capiunt aut custodiendos accipiunt, ab his quos in custodia miserint innocentes, cathenatici nomine nil requirant, nec pro absolutione eorum aliquid beneficii consequantur. Quos verò culpabiles in custodia retinuerint, per singulos quos capiunt, singulos tremisses sibi præsumere non verentur. Si vero talis sit fortasse conditio ut ille qui captus fuerat ad exsoluendam compositionem relaxetur, ipse iudex eandem compositionem cogatur implere. Quæ cum ad eum, cui debetur ad integrum, ipso insistente peruenerit, pro labore suo decimum consequatur. Si quis amplius quam nos statuimus, accipere fortasse præsumperit, ei cui abstulit reddat in duplum.

V. ANTIQVA.

*Si iudex criminibus fauens criminofum absoluat.*

Si iudex quolibet beneficio corruptus aliquem innocentem occiderit, simili morte dampnetur. Si verò eum qui morte dignus est criminofum absoluerit, septuplum quantum pro eius absolutione acceperat, illi cui erat culpabilis cogatur exsoluere. Et de iudiciaria potestate repulsus, infamis à sibi successore iudice distringatur ut eum quæ relaxauit præsentet in iudicio, qualiter de crimine cōuictus poenam excipiat quam meretur.

VI. FLS. GLS. RCDs. REX.

*De dampno iudicis criminofum in debite absoluentis.*

Iudex criminofum non parcat pro patrocínio aut amicitia alicuius. Nā si fauens criminibus non iudicauerit innocentem, & absoluerit criminofum, non quidem moriatur, aut debilitationem corporis patiatur, sed tam pro homicidio quam pro omni negotio summam compositionis exsoluat.

VII. ANTIQVA.

*Vt reus non in absconso sed publice percipiat sententiam legis.*

Iudex quotiens occisurus est reum, non in secretis aut in absconsis locis, sed in cōuentu publice exerceat disciplinam.

v. Ti.



*De falsariis scripturarum.*

- I. *De his qui regias auctoritates & praeceptiones falsare praesumpserint.*
- II. *De his qui scripturas falsas fecerint vel falsare tentauerint.*
- III. *De his qui sub nomine Regis aut iudicis commonitoria falsa siue finxerint siue detulerint.*
- IIII. *De his qui testamentum contra viuentis voluntatem aperuerint.*
- V. *De his qui voluntatem defuncti celare vel falsare tentauerint.*
- VI. *Si quisque sibi nomen falsum imponat, aut parentes vel genus mutet.*
- VII. *De callide & fraudulentè anterioribus scripturis confectis.*
- VIII. *De callide & fraudulentè posterioribus scripturis confectis.*

I.

*De his qui regias auctoritates & praeceptiones falsare praesumpserint.*

**I** qui in auctoritatibus nostris vel praeceptionibus aliquid mutauerint, demerint, subtraxerint aut interposuerint, vel tempus aut diem mutauerint siue designauerint, & qui signum adulterinum sculperint vel impresserint: persona honestior mediam partem facultatum suarum amittat, <sup>+ fisci commo-</sup> <sup>modus.</sup> fisco omnibus profuturam: minor verò persona manum perdat, per quam tantum crimen admisit. Quod si contingat illos auditores vel iudices mori, quibus audientia vel iussio destinata fuerat: aut episcopo loci, aut alio episcopo, vel iudicibus vicinis territorio illius, ubi iussum fuerat, negocium terminare liceat, & datam praeceptionem offerre, & eorum iudicio negocium legaliter ac iustissime ordinare.

II. FLS. CHDS. REX.

*De his qui scripturas falsas fecerint vel falsare tentauerint.*

**S**i quis scripturam falsam fecerit aut recitauerit, vel supposuerit sciēs, vel in iudicium protulerit, & qui veram suppresserit, subtraxerit, diruperit & designauerit aut diluerit, & quisque signum adulterinum sculperit, fecerit vel impresserit, talium scelerum rei, eorumque confecti, dum fuerint publicati: si potentiores sunt, quartam partem facultatum suarum amittant. Si verò alieno iuri debitam scripturam subtraxerint aut vitiauerint, eandem scripturam subtraxisse vel vitiasse coram iudice sua professione depromant. quæ professio à testibus roborata praedictæ vel vitiatæ scripturae robur obtineat. Quod si euidentissime quid scriptura continuerit recordari non potuerit, tunc ille cuius scriptura fuit, habeat licentiam comprobare per sacramentum suum aut testem quid ipsa scriptura continuit euidenter, & ita datum veridicè testimonium, scripturae reparet veritatem. Si verò minor extiterit facultas eorum quam quod alii facere conati sunt damnum: ipsi proculdubio, cum his quæ habere videntur eius seruituti subiciantur, cui fraudem fecisse noscuntur. De quarta verò parte quam dari praecipimus, principe ordinante vel iudice tres portiones ille accipiat, qui damnum pertulit aut pati potuerit. Quarta vero regiae potestati seruetur, ut quid exinde fieri debeat, in arbitrio eius consistat. Humiliores sanè vilioresque personae, qui talia detecti fuerint commisisse, & iuxta superiorem ordinem conscribere debebunt professionem, & perpetuò cui fraudem fecerint addicantur ad seruitutem. Insuper autem tam humiles quam potentes personae centenis flagellorum erunt verberibus coercendae. Quod si serui hoc fecerint, & eos alieni iuris esse patuerit, illis consignentur perenniter seruituri, quibus scripturam subtraxisse aut celasse vel lesisse fuerint approbati. Quod si iumentibus dominis suis alia fecerint, omne damnum redundet ad dominum. Ita etiam & de his praecipimus obseruari, qui lucro suo studentes, aliena testamenta vel alias scripturas suppresserint aut vitiauerint, ut his quibus competunt, impedire aliquid possint: & hi similiter tanquam falsarii teneantur, & iuxta qualitatē personae superiori dāno mulcentur. Quod si de supra taxatis capitulis nil videatur accidere, id est, qui scripturam alterius repperiatur vitiasse, dirupisse, falsasse, celasse, vel si quid in hac lege constitutū est, admisisse: sed sola negligentia, casu atq; incuria, suā quisque perdidit scripturā, vel sibi dixerit fuisse ablatā, si testis in eadē scriptura subscriptus adhuc superstes existit, per ipsū poterit corā iudice



omnis ordo scripturæ perditæ reparari. Quod si testem ipsum, qui in ea scriptura subscriptor accessit, mortuum esse contigerit, tunc si legitimi & cognitiores reperti fuerint alii testes, qui eandem scripturam se dicant vidisse, & omnem textum vel firmitatem eiusdem scripturæ plenissimè nosse, similiter publica iudicum inuestigatione per eorum testimonium ille qui scripturam perdidit, poterit suum reparare, & percipere veritatem.

## III.

*De his qui sub nomine regis aut iudicis commonitoria falsa siue finxerint siue detulerint.*

**Q**ui falsa commonitoria sub nomine Regis siue iudicis nesciens protulerit non incurrat falsitatis inuidiam, sed eum qui commonitorium dederit, non moretur ostendere. Quod si eum noluerit nominare, aut quod ab eo commonitorium acceperit noluerit approbare, pro qualitate personæ, ipse reatum falsitatis incurrat, sicut superius continetur de his qui falsas scripturas confecerint. Quod si ambo falsitatis conscii habeantur, ambo falsarii teneantur.

## III.

*De his qui testamentum contra viuentis voluntatem aperuerint.*

**Q**ui viuentis testamentum aut ordinationis eius quamcunq; scripturam contra ipsius falsauerit vel aperuerit voluntatem, vt falsarius iudicetur.

## V.

*De his qui voluntatem defuncti celare vel falsare temptauerint.*

**Q**ui defuncti celauerit voluntatem, aut in eadem aliquid falsitatis intulerit, lucrum quod forsitan iudicio testatoris per ipsam scripturam fuerat habiturus amittat, illis quibus fraudem facere conatus est profuturum, & insuper pro falsitate ferat infamiam. Nam si parvam aut nullam rem exinde consequi potuisset, vt falsarius condemnatur.

## VI.

*Si quisque sibi nomen falsum imponat aut parentes vel genus mutet.*

**Q**ui sibi nomen falsum imponit, vel genus mutat, aut parentes finxerit, aut aliquam imposturam fecerit, reus falsitatis habeatur.

VII. FLS. CHDS. REX.

*De callide & fraudulenter anterioribus scriptis confectis.*

**Q**uorundam sæpe calliditas exigit, vt nouæ sanctionis constituamus edictum, dum eorum noua & abhorrenda fraudis molimina in aliorum deceptionem concinnata cognoscimus. Proinde quia sunt pleriq; tanto alios circumueniendi studio dediti, vt sub vnius causæ nomine in multis capitulis per scripturam seriem interdum aliquos obligent, huius perpetim valituræ legis constitutione decernimus: vt quicumque cum alio de negotio speciali definiens generalem scriptis constitutionem subintroduxerit, atque ita circumuenerit aliquem: vt dum de vna causa sit conuenientia, callidè per scripturam intexat vnde omnem de aliis negotiis alterius vocem extinguat: vel etiam fortasse proueniat, vt non quidem per scripturam sed sub aliis verbis, aliud simulans quicumque aliquem dolosè ac fraudulenter in quocunq; decipiat: huius rei præsumptor, & publice notetur infamia, & ei quæ circumuenerit manens obnoxius eandem quæ de falsariis lata est censuram legis incurrat. Simili quoque dampno vel pœna multandi sunt, qui propter euacuandam fraudulenter posteriorem scripturam, per anteriorem scripturæ series easdem quas posterior scriptura continet, in alterius nomine callidè obligasse reperiuntur. Ita vt tam ille qui sub hac fraude talem scripturam fecisse detegitur, quam ille in cuius nomine factam fuisse constiterit, si conscius fraudis huius inuenitur, eadem, qua supra taxatum est, & in rebus & in corpore iactura dampnetur: & euacuata prior scriptura, firma nihilominus posterior habeatur.

VIII. FLS. CHDS. REX.

*De callide & fraudulenter posterioribus scripturis confectis.*



**N**on immerito cogitur debitum hæredis exsoluere qui successor hæreditatis nosci-  
tur extitisse. Quia ergo nullius fraudis necesse est occasionibus excusari, huius per-  
petim valituræ legis sanctione censemus: ut quicumque cuiuslibet per cuiuscunque scri-  
pturæ contractum res quascunque dederit, quæ tamen repperiantur quandoquidem,  
aut non eius iuris fuisse qui dedit, aut id quod dedisse videtur, per priorem scripturam  
aut quamcunque definitionem in cuiuscunque prius nomine obligasse; & sub quo-  
dam argumento id postmodum alteri dedisse, aut quod suum non erat, aut iam prius  
alteri dederat, dum fraudis huius commentum manifeste patuerit: ipse quidem qui fe-  
cit, si superstes est, & promissionem & pœnam, quam ab eo edita scriptura testatur,  
supplere cogendus est. Si verò post eius obitum eadem quæ prædicta est fraus inueni-  
ri potuerit, id quod auctor spondit de re eius, aut hæredes cum pœna etiam scripturæ  
compellendi sunt petenti persolvere. Aut si fortasse maior est auctoris sponsio vel pœ-  
na per scripturam taxata, quàm esse constat eius hæreditas, si noluerint hæredes satis-  
facere pro auctore, de eo saltem quod ex rebus eius possident cogendi sunt causidico fa-  
cere cessionem. Quod si hæredes non sint, ab iis quibus res ipsa vel facultas quæ reli-  
cta est possessa fuerit, vniuersa reddi iuxta præsentem sententiam oportebit. Eadem et-  
iam in causis talibus ratione seruata, ut si repperitum fuerit conscio, illo eandem frau-  
dem intercessisse, in cuius nomine prior scriptura conscripta dinoscitur, tam ille qui  
fecit quàm ille qui conscius extitit, ad satisfactionem promissionis vel pœnæ quàm  
posterior scriptura continet, secundum superiorem ordinem æqualiter teneantur: at-  
que etiam iuxta tenorem superioris legis, de his qui falsas scripturas confecerint, in  
corporibus & in rebus dampna pariter sortiantur.

## VI. TITVL.

## DE FALSARIIS METALLORVM.

- I. De torquendis seruis in capite dominorum pro corruptione moneta, & eorum mercede qui  
hoc visi extiterint reuelasse.
- II. De his qui solidos aut monetam adulterauerint.
- III. De his qui acceptum aurum alterius metalli permixtione corruperint.
- IV. Si quorumcumque metallorum fabri de rebus creditis repperiantur aliquid subtraxisse.
- V. Ut aureum solidum integri ponderis nemo recuset.

## I. ANTIQVA.

*De torquendis seruis in capite dominorum pro corruptione moneta, & eorum mercede  
qui visi extiterint reuelasse.*

**S**ERuos torqueri pro falsa moneta in capite domini dominæve non veta-  
mus, ut eorum tormentis veritas facilius possit inueniri. Ita ut si seruus alie-  
nus hoc prodiderit, & quod prodiderit verum extiterit, si dominus eius  
voluerit, manumittatur, & domino eius à fisco precium detur. Si autem  
noluerit, eidem seruo à fisco tres auri vnciæ dentur. Si vero ingenuus fue-  
rit, sex vncias auri pro reuelata veritate merebitur.

## II. FLS. GLS. RCDS. REX.

*De his qui solidos aut monetam adulterauerint.*

**Q**ui solidos adulterauerit, circumciderit siue raserit, vbi primum hoc iudex agno-  
uerit, statim eum comprehendat: & si seruus fuerit, eidem dextram manum abscin-  
dat. Qui si postea in talibus causis fuerit inuentus, regis præsentia destinetur, ut eius  
arbitrio super eum sententia depromatur. Quod si hoc iudex facere distulerit, ipse de  
eius suarum bonis quæ tam partem amittat, quæ omnimodis fisco proficiat. Quod si  
ingenuus sit qui hæc faciat, bona eius ex medietate fiscus acquirat: humilior vero statu  
ingenuitatis suæ perdat, cui rex iusserit, seruitio deputandus. Qui autem falsam mone-  
tam sculperit siue formauerit, quæcunque persona sit, simili sententiæ & pœnæ subia-  
cebit.

## III. ANTIQVA.

*De his qui acceptum aurum alterius metalli permixtione corruperint.*

**Q**ui aurum ad facienda ornamenta suscepit & adulterauerit, siue æris aut argenti



vel cuiuscunque vilioris metalli permixtione corruperit, pro fure teneatur.

VI. FLS. GLS. RCDS REX.

*Si quoruncunque metallorum fabri de rebus creditis repperiantur aliquid subtraxisse.*

**A**urifices, argentarii, vel quicunque artifices, si de rebus sibi commissis aut traditis aliquid subtraxerint, pro fure teneantur.

V. ANTIQVA.

*Vt solidum integri ponderis nemo recuset.*

**S**olidum aureum integri ponderis, cuiuscunque monetæ sit si adulterinus non fuerit nullus ausus sit recusare, nec pro eius commutatione aliquid monetæ requirere, propter hoc quod minus forte pensauerit. Qui contra hoc fecerit, & solidum aureum sine ulla fraude pēsanter accipere noluerit, aut petierit pro eius commutatione mercedem ditricus à iudice ei cui solidum recusauerit tres solidos cogatur exsoluere. Ita quoque & de tremisse seruandum.

## DE ILLATIS VIOLENTIIS ET DAMPNIS, LIBER OCTAVVS.

I. TITVLVS.

### DE INVASIONIBVS ET DIREPTIONIBVS.

- I. *Vt solus patronus vel dominus culpabiles habeantur, si eisdem iubentibus ingenuus vel seruus illicita operentur.*
- II. *Si possessor per violentiam expellatur.*
- III. *Si ad faciendam eadem turba coadunetur.*
- IV. *Si intra domum vel ianuam suam violenter aliquis includatur.*
- V. *Vt nulla res ab alio possessa absque iudicio vsurpetur.*
- VI. *Si ad diripiendum quisque alios inuitasse repperiatur.*
- VII. *Ne absque domino, vel in expeditione publica constituto, cuiusquam domus inquietetur.*
- VIII. *Si aliquid illicitum faciant serui eius qui in expeditione publica est constitutus.*
- VIII. *De his qui in expeditionem euntes aliquid auferre vel depredare presumunt.*
- X. *Vt socios nominet apud quem pars rapina inuenta cognoscitur.*
- XI. *De his qui diripienda indicare repperiuntur.*
- XII. *De his qui itineranti, vel in opere rustico constituto, aliquid abstulerint, vel molestiam inferre presumpserint.*
- XIII. *Si ille qui diripit, in ipsa direptione morte necetur.*

I. FLS. GLS. RCDS. REX.

*Vt solus patronus vel dominus culpabiles habeantur, si eisdem iubentibus ingenuus vel seruus illicita operentur.*

**H**oc principaliter generali sanctione censetur, vt omnis ingenuus, atque etiam libertus aut seruus, si quodcunque illicitum iubente patrono vel domino suo fecisse cognoscitur, ad omnem satisfactionem & compositionem patronus vel dominus obnoxii teneantur. Nam qui eius iussionibus obedientiam detulerunt, culpabiles haberi non poterunt, quia non suo excessu sed maioris imperio id commississe probantur.

II. ANTIQVA.

*Si possessor per violentiam expellatur.*

**Q**uicunque violenter expulerit possidentem priusquam pro ipso iudicis sententia procedat, si causam meliorem habuerit, ipsam causam de qua agitur perdat. Ille vero qui violentiam pertulit, vniuersa in statu quo fuerant recipiat quæ possedit, & securus teneat. Si vero illud inuasit quod per iudicium optinere non potuit, & causam amittat, & aliud tantum quantum inuasit reddat expulso.



*Si ad faciendam eadem turba coadunetur.*

**Q**ui ad faciendam eadem turbas congregauerit, aut qui seditionem alteri vnde commeliam corporis sentiat, fecerit vel faciendam incitauerit aut praeceperit; mox ut iudex crimen agnouerit, eum comprehendere non moretur. Ita ut captus huius sceleris infamia notatus, extensus publice coram iudice sexaginta flagella suscipiat; & oēs qui cū eo venerint, vel qui id fecerint, nominare cogatur. Vt si in eius patrocinio non sunt, vnusquisque ingenuorum quinquagena flagella suscipiant: serui autem huius criminis socii, si alterius domini sunt, singuli in conuentu publico, ad aliorum terrorem extensi, coram iudice ducentos ictus accipiant flagellorum.

IV. FLS. GLS. CHDS. REX.

*Si intra domum vel ianuam suam violenter aliquis includatur.*

**Q**vicunque dominum vel dominam intra domum vel cortis suae ianuam violenter incluserit, eisque aditum egressionis negauerit, siue ut id fieret aliis praeceperit, pro ausu temeritate auctor sceleris det domino vel dominae auri solidos numero xxx. & insuper centum flagella suscipiat. Hi vero qui malis voluntatibus eius consenserint, auxiliūve ut hoc fieret, praestiterint, si in eius patrocinio nō sunt, singuli ingenuorū quindenos solidos illis quibus violentiā intulerunt cogantur inferre, & pro admissi praesumptione centena flagella suscipiant. Serui autem si id domino vel domina non iubente commiserint, ducentos ictus accipiant flagellorum. Si verò ita dominus vel domina à violento vel praesumptore extra suam domum vel ianuam excludatur, ut continuo, quod est grauius, potestas eius ab ea domo vel familia ceterisque rebus auferatur, commissor sceleris damnum inuasionis incurrat, atque etiam centum ictus accipiat flagellorum. Ingenui autem huius criminis socii si in eius patrocinio nō sunt, c. flagella suscipiant, & singuli xxx. solidos cogantur exsoluere, illis proculdubio profuturos, quibus hanc iniuriam intulisse noscuntur. Quod si hoc serui ignorantibus dominis sua sponte commiserint, serui poenam sustineant superius comprehensam, domini verò nihil iniuriae vel detrimenti perferant. Idipsum etiam patiantur, qui domum alienam sua auctoritate, sine regis vel iudicis iussione, apprehendere, describere aut obsignare praesumpserint.

V. FLS. GLS. RCDS. REX.

*Vt nulla res ab alio possessa absque iudicio usurpetur.*

**N**ullus comes, vicarius, villicus, praepositus, actor aut procurator, seu quilibet ingenuus atque etiam libertus aut seruus, rem quae ab alio possidetur, post nomen reipote statis vel dominorum suorum ausu vsui pare praesumat ante iudicium. Quod non expectata discussione id quod ab alio possidetur aut iuris alterius esse dignoscitur inuadeat, omne quod abstulit & praesumptuosus inuasit tam in mancipiis quam in ceteris rebus in duplum ei restituat, de cuius iure visus est abstulisse, ac singulorum annorum fruges quas inde fideliter collegisse iurauerit petitori compellatur exsoluere. Si tamen si seruus absque domini voluntate hoc fecerit, cc. insuper extensus flagella suscipiat. Ita ut si dominus pro rei duplicatione noluerit satisfacere, rem quae ablata est in eodem statu cum frugibus restituat, & eundem seruum pro facti temeritate insistente iudicis et cuius res inuasit vel abstulit seruiturum tradere non desistat. Omnimodis tamen et sollicitè perquirendum, ne qualibet suasionem vel fraudis alicuius commento idem seruus cum illius domini voluntate hoc fecerit, cuius rem ablatam esse constiterit: & si repperit fuerit, iuxta legem aliam dominus qui suavit vel malum fieri fraudulenter permisit, quantum seruus tulerat, septuplum dominus rei domino serui persoluat, & seruum suum dominus eius securus possideat.

VI. ANTIQVA.

*Si ad diripiendum quisque alios inuitasse repperiatur.*

**S**i quis ad diripiendum alios inuitauerit, ut cuiuscunque rem euertant, aut pecora vel animalia quaecunque diripiant, illi cuius res direpta est in undecuplum



quæ sublata sunt restituantur. Hi vero qui cum ipso fuerint, si ingenui sunt, quinos solidos componere compellantur. Aut si non habuerint unde componant, l. flagella suscipiant. Si vero serui hoc sine domini voluntate commiserint, cl. flagellis verberentur, & ab eis res omnis in statu suo reddatur.

## VII. ANTIQVA.

*Ne absente domino vel in expeditione publica constituti cuiusquam domus inquietetur.*

**N**ullus domum inquietet absentis, nec in expeditione publica constituti: & si quod per iudicium recipere potuisset, absente eo quem fuerat conuenturus, inuasit reddat in duplum. Si verò inuasit quod per nullum iudicium ei debebatur, reddat in triplum. Si quis autem antequam in expeditionem proficiscatur, ad negotium dicendum iudicis fuerit ammonitione conuentus, aut per se causam dicere non moretur, aut per mandati scripturam personam eligat, quæ aduersario suo iudice præsentem respondeat. Quod si nec mandatum dederit, nec respondere voluerit, & sic in expeditionem profectus causam non dixerit, postquam fuerit conuentus à iudice, iudex aduersario suo quæ repetebat iubeat reformari. Illi tamen dum reuersus fuerit, actio referuetur.

## VIII. FLS. GLS. RCDs. REX.

*Si aliquid illicitum faciant serui eius qui in expeditione est publica constitutus.*

**S**illius serui, qui in publica expeditione est constitutus, in aliquo crimine aut illicito facto præuerti extiterint vel detecti, à iudice corripiantur, & secundum legem iuxta qualitatem culpæ dampnentur. Quod si res ad componendum & ad eosdem seruos tradendos fuerit, in custodia teneantur à iudice, donec dominus veniens, aut compositionem, si voluerit, adimpleat: aut si noluerit, eos euidentius tradat. Si verò seruus iniuste occisus fuerit, aut subditus quæstioni, contra iudicem dominus serui, cum reuersus fuerit, causam dicere non vetetur.

## VIII. ANTIQVA.

*De his qui in expeditionem euntes aliquid auferre & depredari præsumunt.*

**Q**ui in expeditionem vadunt, quæ abstulerint quadrupli satisfactione restituant. Quod si non habuerint unde componant, rem sumptam reddant, & cl. flagella suscipiant. Quod si non iubentibus dominis serui hoc fecerint, rem ablatam in statu reformant & cc. flagella extensi sustineant. Cuius rei exactionem, prouinciarum comites vel iudices aut villici studio suo non morentur impendere: quia prouincias nostras, non volumus hostili prædatione vastari.

## X. ANTIQVA.

*Vt socios nominet apud quem pars rapinæ inuenta agnoscitur.*

**A**puđ quem scelus aut pars rapinæ fuerit inuenta, statim socios suos cogatur nominare. Quod si nominare noluerit, teneatur ad vindictam. Quod si honestioris loci persona est, aut pro scelere rationem reddat, aut quæ ablata vel euerſa fuerint, vnde dupli compositione restituat, & c. publicè flagella suscipiat. Si certè apud seruum rapinæ pars reperitur, cc. flagella publicè extensus suscipiat, & socios suos nominare non differat.

## XI. ANTIQVA.

*De his qui diripienda indicare repperiuntur.*

**Q**vicunque ingenuus vel seruus aliqua diripienda indicauerit, vt cuiuscunque reuertatur aut pecora vel iumenta diripiantur, & ex hoc certis probationibus publice conuictus inuenitur, pro eo quod indicauerit, centum flagella publice extensus accipiat.

## XII. ANTIQVA.

*De his qui iteranti vel in opere rustico constituto aliquid abstulerint vel molestiam inferre præsumserint.*

**Q**ui in itinere vel in opere rustico constituto, aliquid violenter intulerit vel abstulerit, vbi ex hoc à iudice fuerit interpellatum, ille qui abstulerit quadruplum restituat. Quod si aliud aliquid cædis vel dampni fecerit, legaliter satisfaciatur. Quod si hoc seruus



seruus domino nesciente commiserit, & centum flagella suscipiat, & dominus pro seruo compositionem exsoluat. Nam si dominus componere noluerit seruum tradere non moretur.

## XIII. ANTIQVA.

*Si ille qui diripit, in ipsa direptione morte necetur.*

**Q**ui aliena diripit, si in ipsa direptione percussus aut occisus fuerit, ille qui percussit nullam calumpniam patiatur.

## II. TITVLVS.

## DE INCENDIIS ET INCENSORIBVS.

- I. *De his qui siue in ciuitate siue extra ciuitatem domibus immiserint ignem.*
- II. *Si ignis immittatur in siluam.*
- III. *Si dum iter agitur, ignis longius dilabetur.*

I.

*De his qui siue in ciuitate siue extra ciuitatem domibus immiserint ignem.*

**Q**ui alienæ domui in ciuitate ignem subposuerit, correptus à iudice ignibus deputetur, & de bonis eius domino domus, si tamen aliquid dampni perculerit, componatur, ac precium domus reddatur incensæ. Sed ille cuius domus incensa est, coram testibus, quantos statuerit sententiâ iudicantis, præbeat sacramentum, se fideliter quod in domo sua habuit profiteri, nec plus quam illic conditum fuerat postulare, nec domus suæ precium amplius taxare quàm valuit. Et si post datum sacramentum aliquid fecerit conuincitur, in duplum quæ sunt supra modum debite compositionis exacta illi cogatur inferre qui compositionem exsoluerat. Quod si in domum, sicut superius diximus, ignis immisus ad proximas domos forte, transierit, iuxta modum dampni inter eos etiam, qui domos vel res suas incendio perdidit, eius substantia diuidatur: si tamen post compositionem illius in cuius domum ignem misit, impletam aliquid de facultatibus eius cognoscitur residuum esse, ita ut simili modo coram testibus sacramento defendat se non amplius repetere, quàm incendio perdidit. Et si post datum sacramentum periurasse noscuntur, hæc quæ amplius exegerint, in duplum ei quem fraudulenta ambitione dampnare voluerant, cogantur exsoluere. Qui vero extra ciuitatem in domum mittit incendium, omnia quæ sunt in domo incensa restituat, & precium domino domus reddere non moretur. sed is cuius domus incensa est coram testibus iurandi interpositione confirmet, se non amplius postulare quàm perdidit: & si post datum sacramentum amplius quàm perdidit exegisse dinoscitur, in duplum ei qui damnum sustinuit coactus exsoluat. Quod si etiam vicinæ domus ex eo quod immisus est incendium forte consumptæ sunt, si de bonis eius superfuerit unde eis etiam componatur, hi quoque amissa recipiant. Prius tamen cum sacramento coram testibus profiteantur, se non amplius quam perdidit postulare: & si periurasse noscantur aut amplius exegisse, in duplum ei quem tali fraude dampnauerint male exacta restituant. Ita ut pro correptione qui domum incendit c. flagella suscipiat: & quicumque tale dampnum admittens non habuerit unde componat, seruituti subiaceat. Si certe cuiuscunque seruus siue in ciuitatem seu extra ciuitatem incendium intulisse cognoscitur, dominus, si seruum tam nocentis admissi voluerit liberare à supplicio, pro eius crimine non moretur componere. Ita ut ipse seruus publice c. ictus accipiat flagellorum: sed ille, cuius domus incensa est, iurare cogatur se amplius non repetere quàm in eius domo flamma consumpsit. Et si componere dominus pro seruo noluerit, tradatur seruus ad poenam, ut supplicio capitali admissa persoluat.

## II. ANTIQVA.

*Si ignis immittatur in siluam.*

**S**i quis qualicumque siluam incenderit alienam, siue piceas arbores vel caricæ, hoc est ficus, aut cuiuslibet generis arbores cretauerit, correptus à iudice centum flagella suscipiat & pro damno satisfaciatur, sicut ab his qui inspexerint fuerit æstimatum. Quod si seruus hoc domino nesciente commiserit, c. flagellorum verberibus addicetur. Et si pro eo dominus componere noluerit, cum duplum aut triplum dampni fecerit, quam quod eundem seruum valere constiterit, ipsum seruum pro facto tradere non moretur.

Tomus III.

M m m m



*Si dum iter agitur, ignis longius dilabatur.*

**Q**ui in itinere constitutus cuiuscunque forsitan campo applicauerit, & ad coquendum cibum aut frigoris necessitate compulsus ignem fecerit, cautus sit ne ignis longius dilabatur. Aut si in spinis siue in pabulis siccis, in quibus plerunque flamma nutritur, incendium conualescat, ignem cum crescit extinguat. Quod si se longius flamma extenderit, & messis aut area vel vinea aut domus siue pomarium incendio concremetur, tantum quantum flamma consumpsit reddere vel componere compellatur: quia ignem, quem fecerit, neglexit extinguere.

## IIII. TITVLVS.

DE DAMNIS ARBORVM, HORTORVM VEL  
frugum quarumcunque.

- I. *De compositione arborum incisarum.*
- II. *Si hortum quis vastauerit alienum.*
- III. *Si de incisa arboris ruina debilitatio vel homicidium perpetretur.*
- IV. *Si arbor ex parte incisa siue combusta dampna concutiat.*
- V. *De vinea incisa vel euulsa siue concremata, atq; de frugibus usurpatis.*
- VI. *Si sepes incidatur vel incendatur.*
- VII. *Si pali de sepibus incidantur.*
- VIII. *Si in aliena silua quis cum vehiculo capiatur.*
- VIII. *Si loca fructifera vel pascuosa nimia angustia coartentur.*
- X. *De animalibus voluntarie in messem vel in vineam missis.*
- XI. *Si cuiuslibet animalia frugibus dampna incutiant.*
- XII. *Si pratum defensum a pecoribus naufragetur.*
- XIII. *Si fructifera loca ab animalibus fuerint dissipata.*
- XIII. *Si expellentibus de frugibus pecora quisquam excutiat, vel de clusura furto aut violentia tollat.*
- XV. *De animalibus in vinea, messe vel prato praeventis.*
- XVI. *Si priusquam expellantur animalia, de frugibus exierint.*
- XVII. *Si in frugibus animalia praeventa quacunque aliquis detruncatione turpauerit.*

## I. ANTIQVA.

*De compositione arborum incisarum.*

**S**i quis in scio domino alienam arborem inciderit: si pomifera est, det solidos iij. si oliua, det solidos v. si glandifera maior est, det solidos ij. si minor est, det solidum vnum. Si vero alterius sunt generis & maiores atque prolixiores, binos solidos reddat, quia licet non habeant fructum, ad multa tamen commoda vtilitatis praeparant vsum. Et haec quidem compositio erit si tantundem abscisae fuerint, nam si praesumptius incisae alicubi ferantur: aut similes arborescum illis incisis dabuntur, aut praedictum precium duplo soluetur.

## II. ANTIQVA.

*Si hortum quis vastauerit alienum.*

**S**i quis alienum hortum vastauerit, statim iuxta damni aestimationem a iudice coactus domino horti cogatur exsoluere. Ita ut si feru? hoc fecerit super compositionem ipsius damni, l. flagella extensus accipiat.

## III. ANTIQVA.

*Si de incisa arboris ruina debilitatio vel homicidium perpetretur.*

**S**i quis arborem inciderit vel aliquid dampni fecerit, aut si dum cadat arbor aliquem occiderit, dampnum qui incidit persoluat. Quod si in circuitu arboris homines fuerint, priusquam cadat arbor ammoneat. Et si de ramis arboris corruentis, postea quam commonuerit aliquis debilitatus aut mortuus fuerit, nullam ille qui arborem incidit, calumniam pertimescat. Certè si aut debilem, aut dormientem, aut senem, aut qui sibi cauere non potuit, aut pecudem fortasse ruina huius arboris debilitauerit vel occiderit, pro quadrupede vno, domino alium eiusdem meriti mox reformet, & pro occiso homine tanquam homicida teneatur. Pro debilitato vero iuxta formam legum satisfacere compellatur. Et si aliquis alienam arborem inciderit per violentiam, com-



componere non moretur. Quod si dominus arboris incisorem fuerit contestatus, & postea incisor fuerit dum incidit occisus, mors eius nullatenus requiratur.

## IIII. ANTIQVA.

*Si arbor ex parte incisa siue combusta damna concutiat.*

SI arbor ex parte incisa sit aut ex aliqua parte igne combusta, & illo qui inciderat vel incendere coeperat absente arbor ceciderit, nulla ei pro damno, quod per ruinam arboris factum est, calumnia moueatur.

## V. ANTIQVA. NOVITERQUE EMENDATA.

*De vinea incisa vel euulsa siue concremata, atque de frugibus usurpatis.*

QVI vineam inciderit, eradicauerit, vel incenderit alienam, aut in desertum produxit, duas æqualis meriti vineas, domino eius vineæ reformare cogatur, & præterea dominus vineæ illius desertæ hanc ad vsum suum reuocare non dubitet. Si vero per violentiam fruges collegerit, & frugem in duplo restituat, & quidquid euerit, redintegrare procuret, ita tamen, ut cum sacramento colligentium per tempus vindemiarum duplum ipsius frugis compositionem restituat. Serui vero sine dominorum iussu talia facientes per singulas vites decena flagella extensi accipiant, & fruges domino restituant: aut si dominus componere noluerit, per sex vites solidum reddant. Quod si maius damnum creuerit, & dominus componere noluerit, seruum tradere festinabit.

## VI ANTIQVA.

*Si sepes incidatur vel incendatur.*

SI quis per aliquod spatium sepes incenderit vel inciderit alienas, si maioris loci persona est, sepes reparet, & pro damno satisfaciatur. Si quid tamen damni domino de fructibus accidisse cognoscitur, & damnum soluat sicut inspectio habuerit æstimationem, & præterea decem solidos reddat. Sed & de eodem campo qui fructus habet vel habuit, & de prato siue de concluso v. solidos compellatur exsoluere. De eo vero campo, in quo nulli fructus sepibus clauderantur, sepem tantummodo reformare cogatur. Si vero hoc persona inferior fecerit, soluat damnum de æstimationis fructibus, ac sepem reparet, & l. flagella publice suscipiat. Quod si seruus hoc domino nesciente fecerit, & damnum soluat & sepem reparet, & c. flagella suscipiat. Quod si de casu factum fuerit, sepem tantummodo reformet quæ collisa est. Quia crimen videri non potest, quod non est ex voluntate commissum.

## VII. ANTIQVA.

*Si pali de sepibus incidantur.*

QVI de sepibus palos inciderit vel incenderit alienis, cum campus ille fructus vltimos eo tempore non habuerit, in quadruplum reformare cogatur. Si autem fructus aliqui de his sepibus clauderantur, per singulos palos singulos tremisses compellatur exsoluere: ita ut ex fructibus si aliquid perierit, ex integro reformetur. Eadem & de hortis sepe conclusis præcipimus custodiri.

## VIII. ANTIQVA.

*Si in aliena silua quis cum vehiculo capiat.*

SI quis aliquem comprehendat, dum de silua sua cum vehiculo vadit, & circulos ad cupas aut quæcunque ligna sine domini iussione aut permissione asportare præsumserit, & boues & vehiculum alienæ silvæ præsumptor amittat, & quæ dominus silvæ cum fure aut violento comprehenderit, indubitanter optineat.

## VIII. ANTIQVA.

*Si loca fructifera vel pascuosa nimia angustia coartentur.*

SI quis cum frugibus vineam, pratum vel pascua habere cognoscitur, & fossas per circuitum pro solo terrore constituat, ut non nisi per vineam aut messem transitus esse possit, dampnum, quod viator intulerit, ad viatoris culpam redundare non conuenit. Campos autem vacantes si quis fossis cinxerit, iter agentes non hæc signa deterreant, nec aliquis eos de his pascuis præsumat expellere.

## X. ANTIQVA.

*De animalibus voluntarie in messem vel vineam missis.*

QVI iumenta vel boues aut quæcunque pecora voluntarie in vineam vel messem immiserit alienam, dampnum quod fuerit æstimatum cogatur exsoluere: & si maior



persona est, pro caballis aut bubus per singula capita singulos solidos reddat: per minora vero capita singulos tremisses ei cui dampnum factum est compellatur exsoluere. Certe si inferior est fortè persona, & dampnum ex integro reddat, & compositionem ex medietate restituat, atq; quadraginta flagella publice extensus accipiat: Si vero seruus hoc sine iussu domini fecerit, omne dampnū aut ipse aut eius dominus reddat, & ipse seruus sexaginta flagella suscipiat.

## VI. ANTIQVA.

*Si cuiuslibet animalia in frugibus dampna concutiant.*

**S**I cuiuslibet qualiacunque animalia vineam vel messem euerterint alienā, ille cuius animalia dampnum intulerint, tantum vineæ vel agri cum frugibus eius meriti domino de suo restituere non moretur, quantum exterminatum esse cognoscitur. Ita ut collectis frugibus ille recipiat, qui dedisse videtur. Quod si non habuerit agrum aut vineam vnde componat, tantum de frugibus reddat, quantum in æquali parte agri vel vineæ fuerit æstimatum.

## XII. ANTIQVA.

*Si pratum defensum à pecoribus naufragetur.*

**Q**ui in pratum eo tempore quo defenditur, pecora miserit, ut postmodum ad secundum non possit herba succrescere: si seruus est, qui hoc fecerit, xl. ictus flagellorum accipiat, & fœnum reddatur domino eius quantum fuerit æstimatum. Si liber & inferioris loci persona est, pro duobus capitibus tremissem vnum reddat, fœnum nihilominus iuxta æstimationem ei qui dampnū pertulit redditurus. Si vero maior persona est, pro duobus capitibus solidum vnum reddat, & fœnum habita æstimatione restituat.

## XIII. ANTIQVA.

*Si fructifera loca ab animalibus fuerint dissipata.*

**S**I quis caballū aut pecus alienū, in vinea, messe, prato, vel horto inueherit, nō expellat iratus, ne dum de dampno expellit euerat: sed ad domum suam inclusurus adducat, & dominum caballorum vel pecorum faciat certiores, ut presentibus his aut vicinis eorum dampnum quod illatum fuerit æstimetur, & ad campum utque partes conueniant, ut postquam dampnum inspexerint, pars campi vel vineæ siue prati vel messis quæ defracta fuerat mensuretur, & donec fructus colligantur, expectetur ut tantumdem de impasto loco ei, cui dampnum intulerit, facta spatii exæquatione tradatur presentibus testibus: & de eo loco qui euersus est, & de eo qui est integer, fructus colligantur: & quidquid minus in his locis quæ à pecoribus euersa fuerint repperitur, ille cuius pecora fuerint, reformare cogatur. Pecora verò, postquam ipsorum locorum spatia mensurauerint, sicut est in legibus constitutum, domino reformentur. Et si pecora, dū per iracundiā immoderationis expellit, euerterit, domino pecorū dampnum simpliciter tantummodo satisfactione restituat, & sibi quæ debilitauit aut occidit vsurpet, si tamen ut quæ euerit ante persoluat. Quod si pecora per casum non culpa dum expelluntur debilitentur, aut pereant, aut in fudes siue in palos dum expelluntur inciderint, dampnum soluatur ex medio. & quæ superioribus legibus sunt statuta permaneant.

## XIII. ANTIQVA.

*Si expellenti de frugibus pecora quisquam excutiat, vel de clusura furto aut violentia tollat.*

**S**I quis expellenti de frugibus pecora excusserit: si honestior est forte persona, det solidos v. & duplum dampnum quod fuerit æstimatum cogatur exsoluere. Si certe humilioris loci persona fuerit, & non habuerit vnde componat l. flagella suscipiat, & duplum dampnum exsoluere compellatur. Si vero seruus hoc fecerit, ante iudicem centum ictus accipiat flagellorum, & domino eius nulla calumpnia moueatur. Quod si de domo eius aut clusa inuolauerit, aut per violentiam tulerit, octo solidos qui iniuriam pertulit consequatur, & præterea duplum dampnum ille qui abstulit reddere compellatur. Si vero seruus hoc fecerit, c. flagella suscipiat, & dominus eius nil dampni sustineat.

## XV. ANTIQVA.

*De animalibus in vinea, messe vel prato præuentis.*

**S**I quis in vinea sua, messe, prato vel horto iumenta, vel pecora inueherit aut pre-

dide-



diderit, statim domino pecudum ipsa aut altera die nunciaturus includat. Quod si dominus pecorum mittere vel venire noluerit, dampnum a vicinis quod factum est æstimetur, & ad satisfactionem ille cuius pecora fuerint iudicis exsequutione venire cogatur, & dampnum exsoluat. Si tamen probauerit aut certe iurauerit ille qui predidit dampnum ipsum ab ipsis animalibus factum fuisse, ille vero cuius pecora sunt si ad æstimationem dampni aut pecora recipienda non venerit, adaquentur tantummodo ac triduo teneantur inclusa. Et pro retentis triduo pecoribus nullam calumpniam inferre poterit, qui ad æstimationem venire neglexit. Post triduum autem animalia dimittantur, & dimissis animalibus si dominus eorum venire contempserit, pro contemptu ipso, quia inspicere noluit, iuxta æstimationem testium in duplum cogatur exsoluere. Quod si ille cuius pecora sunt ad eum cui dampnum factum est venerit, rogans eum ut ad æstimationem dampni accedat ut pecora relaxentur, & ille non adquiescat volens pecora interficere: si hoc ita fecisse conuincitur, per singula capita maiora singulos solidos reddat, per minora singulos tremisses. Similiter hæc lex continet & de illis qui ante triduum pecora clausa non publicauerint. Si autem seruus hoc fecerit sine domini voluntate, c. flagella suscipiat, & dominus eius nihil dampni sustineat.

## XVI.

*Si priusquam expellantur animalia de frugibus exierint.*

**S**i iumenta vel pecora de frugibus priusquam expellantur exierint, ea non licet comprehendere, quia virum ipsa dampnum fecerint nescitur. Nam si ea ipse cuius sunt aut quicumque vicinus expulerit, dominus iumentorum vel pecorum æstimationem dampni implere cogatur.

## XVII. ANTIQVA.

*Si in frugibus suis animalia praeuenta quacunque aliquis detruncatione turpauerit.*

**S**i labia pecoribus aut cæteris animalibus vel aures quæ in frugibus suis comprehenderit, inciderit; illa quæ deformauit optineat, & domino pecorum alia sana & similia restituere non moretur.

## III. TITVLVS.

## DE DAMPNIS ANIMALIVM VEL DIVERSARUM RERUM.

- I. *Si caballus vel animal alienum, aut de ligamine tollatur, aut extra voluntatem domini in aliquo fatigetur.*
- II. *Si praestitum animal contra definitionem & voluntatem domini fatigetur.*
- III. *Si caballi aut cuiuscunque animalis coma vel cauda turpetur.*
- IV. *Si alienum animal testiculis defecetur.*
- V. *Si iumentum partus excutiat.*
- VI. *Si cuiuscunque animalis partus excutiat.*
- VII. *Si qualiacunque animalia ab inuicem euertantur.*
- VIII. *Si dampno vel iniuria impellente, aut sine dampno alienum animal occidatur.*
- IX. *Si bos alienus sine domini voluntate operibus subiugetur.*
- X. *Si qualiacunque animalia triturae a fatigentur.*
- XI. *Si pecus absque damno in clusuram mittatur.*
- XII. *Si animal cuiuscunque faciat quodcunque dampnosum.*
- XIII. *Si quodcunque animal quacunque percussione debilitetur aut occidatur.*
- XIV. *Si pecus alienum sciente aut ignorante domino gregi alterius misceatur.*
- XV. *Si animali quodcunque pauidum inligetur, per quod ruptum aut debilitetur aut moriatur.*
- XVI. *Si vitiosum animal, cum apud dominum est, cuiuscunque hominem videatur etatis occidisse.*
- XVII. *Si animal vitiosum quis a se abiiciat vel non abiectum retineat.*
- XVIII. *Sua habendum culpa si irritatum animal noceat irritantem: si iuste aut iniuste concitatus canis quempiam debilitasse vel occidisse probetur.*
- XVIII. *De cane dampnoso.*
- XX. *De lesione vestis.*



- XXI. Si fraudulenter quis ambulans, in laqueos feris preparados incidat.  
 XXII. Ut qui laqueos feris ponit, & loca discernat in quibus ponat, & vicinos ammoneat.  
 XXIII. De dampnis iter publicum concludentium.  
 XXIV. De reseruando spatio iuxta vias publicas.  
 XXV. Si de campis vacantibus iter agentium animalia expellantur.  
 XXVI. Ne iter agentibus pascua non clusa vetentur.  
 XXVII. Ut qui in transitu fluminis cultiuam facit, laborem sepe circundet.  
 XXVIII. De discretionem concludendorum fluminum.  
 XXIX. De confringentibus molina, & conclusiones aquarum.  
 XXX. De furantibus aquas ex discursibus alienis.

## I. ANTIQVA.

*Si caballus vel animal alienum, aut de ligamine tollatur, aut extra voluntatem domini in alieno fatigetur.*

**S**i quis caballum alienum vel aliud animal de pedica siue de ligamine tulerit sine conscientia domini sui, vnum solidum ei det: & si per hanc occasionem perierit, eiusdem meriti caballum vel animal restituat. Quod si cum aliquo ambulare coegerit vel laborare fecerit domino nesciente, alium æqualis meriti cum eo dare cogatur, si tamen ipsa aut altera die cum dominus suus inuenerit. Quod si tertia die animal inuentum non fuerit, ille qui animal alienum præsumpserit pro fute teneatur.

## II. FLS. GLS. RCDS. REX.

*Si præstitum animal contra defensionem & voluntatem domini fatigetur.*

**Q**uicumque citra voluntatem eius qui præstitit animal supra definitionem cursu, operibus vel itinere fatigauerit, per decem millia det solidum vnum. Quod si minus quam decem millia fuerint, æstimato itinere pro labore æstimeatur & compositio dampni. Nam si debilitatus & mortuus fuerit, debilem sibi habeat & similem reddat. Pro mortuo vero viuum talem sine excusatione restituat.

## III. ANTIQVA.

*Si caballi aut cuiuscunque animalis coma vel cauda turpetur.*

**S**i quis alieni caballi comam turpauerit aut caudam curtauerit, eiusdem meriti alium cum eo sine dilatione domino restituat. Si vero alterum quaecunque animal curtauerit, per singula capita singulos trientes reddere compellatur.

## IV. ANTIQVA.

*Si alienum animal testiculis defecetur.*

**Q**ui alienum animal, aut quemcunque quadrupedem, qui ad stadium fortasse seruatur, inuito domino vel nesciente castrauerit: vel bouem vel quæ non secantur castrauerit, domino in duplum cogatur exsoluere: quia propter inuidiam hoc videtur intulisse dispendium.

## V. ANTIQVA.

*Si cuiuscunque animalis partus excutiat.*

**S**i quis quocunque pacto partum equæ prægnantis excusserit, pulletrum anniculum cuius fuerit mox reformet.

## VI. ANTIQVA.

*Si cuiuscunque animalis partus excutiat.*

**S**i quis vaccam prægnantem auortare fecerit alienam, talem aliam cum vitulo domino reformare cogatur, & illam cui patrum excusserit, ipse accipiat: hæc de aliis quadrupedibus forma feruetur.

## VII. ANTIQVA.

*Si qualiacunque animalia ab inuicem euerantur.*

**S**i cuiuslibet iumenta vel armenta aut alia pecora se inuicem forte colliserint vel occiderint, dominus iumenti vel aliorum animalium eiusdem meriti domino reddat & illud



& illud debilitatum siue occisum sibi opuneat.

## VIII. ANTIQVA.

*Si dampno vel iniuria impellente aut sine dampno alienum animal occidatur.*

**S**I quis alienum animal occidisse aut vulnerasse conuincitur non dampno qualicunque compulsus, alium eiusdem meriti reformare cogatur. Et si seruus est l. flagella suscipiat. Ingehuus vero quinque solidos det. Nam si eundem dampni commouit iniuria vt eū occideret aut debilitaret, precium pecudis aut animalis reddatur occisi vel debilitati & nihil patiaturs iniuriæ.

## IX. ANTIQVA.

*Si bos alienus sine domini voluntate operibus subiungatur.*

**S**I quis bouem alienum iunxerit sine conscientia domini sui ad aliquid carricandum siue pro voluntate sua retinendum, eiusdem meriti cum eo alium domino reddat.

## X. ANTIQVA.

*Si qualiacunque animalia aliena trituris areæ fatigantur.*

**S**I quis caballum aut aliud quodcunque animal alienum in aream miserit, per singula capita singulos solidos reddat: & si per hanc occasionem animal mortuum fuerit, & solidum reddat, & eiusdem meriti animal domino cogatur exsoluere.

## XI. ANTIQVA.

*Si pecus absque dampno in clusuram mittatur.*

**Q**ui absque aliquo dampno inclusum pecus detinuerit alienum, si seruus hoc hesitante domino fecerit, tantummodo quadraginta ictus accipiat flagellorum. Si ingenuus fuerit per duo capita tremissem vnum, ei cuius pecus inclusum est cogatur exsoluere. Quod si ex ipsis pecoribus aliquid debilitatum aut mortuum fuerit, iuxta superiorem legem compositio fiat.

## XII. ANTIQVA.

*Si animal cuicunque faciat quodcunque dampnosum.*

**S**I cuiuscunque quadrupes aliquid fecerit fortasse dampnosum, in domini potestate consistat. vtrum quadrupedē noxium tradat, an ei qui dampnum pertulit & aliquid excepit aduersi iuxta iudicis æstimationem componat.

## XIII. ANTIQVA.

*Si quodcunque animal quacunque percussione debilitetur aut occidatur.*

**S**I quis alienum iumentum percusserit, ita vt debile efficiatur, aut de ipsa fortasse percussione mortuum fuerit, ille qui percussit, alium eiusdem meriti domino reformare cogatur, & illud debile suæ vendicet potestati. Quod si iumentum non habuerit, pretium iuxta æstimationem domino iumentum restituat. Et similis ordo tam de caballo quā de boue & reliquis animalibus ab omnibus obseruetur.

## XIII. ANTIQVA.

*Si pecus alienum sciente aut ignorante domino gregi alterius misceatur.*

**S**I cuiuslibet pecora cum alicuius se miscuerint, & hoc ipse perspexerit, & sic de ipsius grege abierint, vt nullam ex hoc conscientiam habeat: dominus pecorum sacramenta ab eodem accipiat, quod non ipsius fraude vel culpa exinde abscefferint, & nec sibi ea præsumpsit nec alicui tradidit: & nihil cogatur exsoluere. Quod si ad domum suam adduxerit, & iudicem non monuerit vel in conuentu publice infra octauum diem non contestauerit, in duplum satisfaciat.

## XV.

*Si animal quodcunque pauidum inligetur per quod ruptum aut debilitetur aut moriatur.*

**S**I quis caput mortui pecoris aut ossa vel aliquid vnde animal terreatur, ad caudam caballi crediderit alligandum, & per hoc currendo ruptus probetur aut mortuus, alium sanum caballum domino reformare non moretur, quia legum statuta transcendit. Quod si caballus nihil debilitatis incurrerit, quinquaginta ictus accipiat flagellorum. Si seruus hoc fecerit, e. verberibus addicatur.



*Si vitiosum animal, cum apud dominum est, cuiuscunque hominem videatur  
etatis occidisse.*

**S**I quis bouem aut taurum vel quemcunque quadrupedem noxium habuerit aut vitiosum, eum, antequam noceat alicui, non moretur occidere. Quod si de vitio quadrupedis ex vicinorum contestatione cognouerit, & postea eum reseruauerit aut pauerit vel distulerit occidere, ac postea alicui mortem aut debilitationem siue vulnus intulerit, iuxta hanc legem componere non moretur, sicut est de homicidiis: id est viris ac mulieribus, infantibus, seruis vel ancillis, compositio constituta. Ita vt si iugulauerit aliquem, ipse quadrupes in annis xx. ccc. solidi componantur: & ab hoc vsque ad eum qui annos l. habuerit, vnā compositionem iubemus stare. A quinquaginta autem annis, vsq; ad illum qui habet sexaginta quinque, cc. solidi componantur. Qui vero super hoc habuerit, c. solidi componantur. Qui quindecim annos habuerit, cl. solidi componantur. Si in quatuordecim annis fuerit, †clx. solidi componantur. Si in tredecim, cxxx. solidi dentur. Si in xii. cxx. solidi componantur. Si in vndecim, cx. solidos det. Si in decem, c. Si vero nouem aut octo annorū fuerit vel septem, nonaginta solidi componantur. Si sex aut quinq; aut quatuor annorū fuerit, octaginta solidi componantur. Si certē trium aut duorum annorū, septuaginta solidos † det. Nam si vnus anni fuerit, sexaginta solidi componantur. Et si filiam alicuius aut vxorem iugulauerit, à decimo quinto anno vsque ad quadragesimum, ccl. solidi componantur: & à quadragesimo vsque ad sexagesimum, ducenti solidi componantur. Quod si superior annorum numerus fuerit, c. solidi componantur. A quinto decimo vero anno aut inferius, sicut & de pueris est constitutum, medietatem compositionis eius, secundum ætatis vel sexus ordinem reddere compellatur. Pro libertis autem medietas huius compositionis, sicut superius est comprehensum, pro eo qui occisus est in satisfactione dabitur. Si autem seruum alicuius occiderit, duos eiusdem meriti seruos dominus eius qui occisus est in satisfactione recipiat.

## XVII. ANTIQVA.

*Si animal vitiosum quis à se abiiciat, vel non abiectum detineat.*

**S**I quis bouem aut aliud animal nocuum vel vitiosum habuerit, eum occidere nō moretur vel à se proicere: ita vt vicinis omnibus notum faciat, quia eum à se proiecit. Quod si eum non occiderit sed reseruauerit, quicquid dampni postea admiserit ille componat, qui eum apud se reseruasse cognoscitur.

## XVIII. ANTIQVA.

*Sua habendum culpæ si irritatum animal noceat irritantem.*

**S**I quis vitiosum bouem aut canem vel aliud animal contra se irritatum concitauerit, quicquid passus passus fuerit, culpæ eius qui hoc pertulerit, oportet adscribi.

## XIX. ANTIQVA.

*Si iuste aut iniuste concitatus canis quempiam debilitasse vel occidisse probetur.*

**S**I aliquem canis momorderit alicuius & de morsu illius aliquis debilitatus probetur, aut mortuus, domino canis nil calumpniæ moueatur: si tamen eum canem vt morderet non irritasse cognoscitur. Quod si canem suum vt furem aut quemcunque criminofum comprehenderet irritauit, & ita momorderit fugientem, si de morsu illius fuerit debilitatus aut mortuus, nihil ex eo causationis existat. Nam si eum ad innocetem forsitan irritatum incitauerit, tanquam si ipse vulnus intulerit, iuxta leges componere non moretur.

## XX. ANTIQVA.

*De cane dampnoso.*

**S**I cuiuslibet canis dampnosus fuerit, & deuastet berbices, & alia pecora forte euertere cœperit, & deprehensus fuerit: ipse dominus canis, vbi ex hoc fuerit commonitus, eum illi tradat cui dampnum primitus constat fuisse inlatum, vt eum occidat. Quod si eum occidere noluerit vel illi tradere cui dampnum primitus fecit: quicquid postmodum canis dampni admiserit, dominus canis duplam compositionem reddere non moretur.



XXI. FLS. RCDS. REX.

*De laſione veſtis.*

SI quis qualibet occaſione veſtem abſciderit vel ruperit alienam, atque ſordibus maculauerit, & talis macula in veſte patuerit, vt extra ſorditatem minimè tolli poſſit; pro facti crimine obnoxius teneatur, ita vt ſimilem veſtem integram reſtituat. Quod ſi talem veſtem nō habuerit, huius veſtis pretium, quantum integra illa quæ rupta vel ſciſſa atque maculata eſt, valere potuit, tradere compellatur: veſtem verò ruptam vel quæ maculata eſt ille accipiat, qui hæc compoſitionem exſoluerit. Si verò ſeruus hoc fecerit, & dominus pro eo componere noluerit, ſeruum pro qualitate criminis tradere non moretur.

XXII. ANTIQVA.

*Si fraudulenter quis ambulans in laqueos ſeris præparatos incidat.*

SI quis ſudes in vinea poſuerit, ſive in campo propter ſeras, & ibi aliquis dum furtum facere tentat, incidat, culpæ eius oportet adſcribi, qui vulnus excepit, quod in rem alienam fraudulenter ingreſſus eſt.

XXIII. ANTIQVA.

*Vt qui laqueos ſeris ponit, & loca diſcernat in quibus ponat, & vicinos ammoneat.*

SI quis in terris ſuis foueas fecerit, vt ſeras in eiſdem foueis comprehendat, aut laqueos vel arcus prætenderit, ſeu balistas in locis ſecretis vel deſertis, vbi nulla via eſt, quæ conſueuerit frequentari, nec vbi pecudum poſſit eſſe acceſſus: ſi alicuius animal, per hanc occaſionem quæ ad ſeras paratur, extingatur aut occidatur, pecus quod periit incautus venator exſoluat, quia quadrupes ſibi ea cauere non potuit. Omnes vero proximos & vicinos venator ante commoneat: & ſi poſt commonitionem quiſquam in hæc incautus irruerit, nihil ex hoc calumpniæ venatori oportet opponi: quia ſe ille periculo, qui commonitionem audire neglexit, obiecit. Si quis vero de locis longinquiſſimis veniens, qui nō fuerat ante commonitus, ignorans incidat, & fuerit debilitatus aut mortuus: hic qui ſeris inſidias vel laqueos præparauit, tertiam partem compoſitionis exſoluat, quæ fuerat hætenus debilitatis hominibus vel occiſis in legibus comprehenſa. quia in iunere hominibus hoc periculum neſcientibus apparare non debuit.

XXIIII. ANTIQVA.

*De dampnis iter publicum concludentium.*

SI iter publicum clauſum aut conſtrictum ſit, rumpenti ſepem aut vallum nulla calumnia moueatur. Ille vero qui viam clauſerat vel conſtrinxerat, quæ conſueuerat frequentari, ſi ſeruus eſt à iudice perducatur ad ſepem, & c. flagella ſuſcipiat, & per diſtributionem iudicis priorem viam aperire cogatur, etiam ſi meſſis ibidem eſſe videatur. Si vero id fuerit à potentiore commiſſum, exigantur ei ſolidi xx. Reliquæ autem perſonæ talia committentes decenos ſolidos exſoluere compellantur, ita vt omnis huius rei compoſitio ſici ꝛ viribus inferatur.

XXV. ANTIQVA.

*De ſeruando ſpatio iuxta vias publicas.*

Viam per quā ad ciuitatem aut ad prouincias noſtras ire cōſueuimus nullus præcepti noſtri temerator exiſtat vt eam excludat vel adſtringat: ſed vtrinque mediatas arripennæ liberæ reſeruetur, vt itinerantibus applicandi ſpatium non vetetur. Si quis autem huiusmodi legis præcepta tranſcenderit, ſi maior perſona eſt det ſolidos quindecim: inferiores vero perſonæ octonōs ſolidos ſoluant fiſco profuturos. Qui certè iuxta huiusmodi viam meſſem aut vineam vel pratum ſive concludum habere cognoscitur, ſepe vtrinque concludat. Quod ſi propter paupertatis anguſtiam campum ſepibus non poſſit ambire, foſſatum protendere non moretur.

XXVI. ANTIQVA.

*Si de campis vacantiſſimis iter agentium animalia expellantur.*

SI aliquis de apertorum & vacantiſſimorum camporum paſcuſ, licet eos quiſq; foſſis præcinxerit, caballos aut boues vel cætera animalia generis cuiuſcunque iter agentium



ad domum suam inclusurus adduxerit, per duo capita tremissem cogatur exsoluere. Si vero ut non pascantur expulerit, per quatuor capita tremissem accipiat, qui excepit iniuriam. Quod si hæc & quæ superius dicta sunt, seruus nesciente domino commiserit, à comite ciuitatis vel à iudice c. flagellorum ictibus verberetur, & dominus serui nullum

\* calupnia. † dampnum aut detrimentum sustineat.

## XXVII. ANTIQVA.

*Ne iter agentibus pascua non conclusa vetentur.*

**I**ter agentes in pascuis quæ conclusa non sunt deponere sarcinam, & iumenta vel boues pascere non vetentur: ita ut non in vno loco plusquam biduo nisi hoc ab eo cuius pascua sunt optinuerint, commorentur. Nec arbores maiores vel glandiferas, nisi præstiterit filius dominus, à radice succidant. Ramos autem ad pascendos boues non prohibeatur competenter incidere.

## XXVIII. ANTIQVA.

*Ut qui in transitu fluminis culturam facit, laborem sepe circumdet.*

**Q**ui in eo loco ubi transitus fluminis est culturam fecerit vel præruptum ripæ, aut ubi pecora transeunt potuerit excludere, & fecerit fortasse culturas, sepem etiam facere non moretur. Quod si non fecerit, & aliquid dampni fuerit per hanc negligentiam suam inutilitatem perpeffus, nihil compositionis ab aliquo accipiat: quia negligentiam illius ad dampnum alterius redundare non conuenit.

## XXVIII.

*De discretione concludendorum fluminum.*

**F**lumina maiora, id est per quæ mesoces aut alii pisces maritimi subriguntur, vel forsitan retia aut quæcunque commercia veniunt nauium, nullus ad integrum contra multorum commune commodum suam tantummodo utilitati consulturus excludat, sed usque ad medium alueum, ubi maximus ipsius fluminis concursus est, sepem ducere non vetetur, ut alia medietas diuersorum vlibus libera relinquatur. Si quis contra hoc fecerit, exclusa ipsius à comite ciuitatis aut iudice sine aliqua excusatione rumpatur: & si honestioris loci persona est, x. solidos det illis quos impedire conatus est. Si vero inferior persona fuerit, quinque solidos det & l. flagella suscipiat. Quod si ab utraque parte huius fluminis duo manserint, non liceat integrum flumen excludere ut dicat unusquisque eorum quod medietatem suam partis excluderit: sed alter superius alter inferius clusuram facere ex medietate fluminis non prohibeatur. Si vero locus non fuerit nisi tantummodo in vno transitu, sic excludatur, ut & naues & retia per medium discurrere possint. Quod si comes ciuitatis aut aliquis cuiuscunque clusuram contra hanc ordinationem nostram euertere præsumperit, v. solidos domino clusuræ dare debeat. Certe si minor persona hoc fecerit, quinque solidos clusuræ domino cogatur exsoluere, & v. flagella à iudice eius loci accipiat. Si seruus hoc fecerit, c. verberibus subiacebit.

## XXX.

*De confringentibus molina, & conclusiones aquarum.*

**S**i quis molina violenter effregerit, quod fregit infra † xxx. dies reparare cogatur, & in super triginta solidos cogatur exsoluere. Quod si infra statutum tempus non reparauerit, alios \* xxx. solidos implere cogatur, & centum in super flagella suscipiat. Eadem & de stagnis, quæ sunt circa molina conclusiones aquarum, præcepimus custodiri. Quod si seruus talia præsumperit, & disrupta reparet, & centum verberibus subiacebit.

## XXXI. FLS. GLS. KCDS. REX.

*De furantibus aquas ex discursibus alienis.*

**M**ltarum terrarum situs si aquis indiget pluuiis, foueri aquis studetur irriguis: cuius rei tam experimentum tenetur, ut si defecerit aquarum solitus usus, desperetur confusus ex fruge prouentus. Proinde ubi maiores aquæ sunt, si qui furtiue aut malitiose aquam ex decursibus substraxerit alienis, per quatuor horarum spatium det solidum unum. Vbi autem † minorum sunt deriuationes aquarum, per quatuor horas exsoluat tremissem unum. Aqua vero quantis horis alibi dilapsa conuincetur, tantis ad irrigandum

† minorei.



dum competenti tempore domino reformetur. Seruus si sua sponte ista præsumpserit, pro maioribus aquis c. flagella suscipiat, pro minoribus verò l. verberum cessionebus succumbat.

## V. TITVLVS.

## DE PASCENDIS ET ANIMALIBVS DENUNTIANDIS ALIENIS.

- I. De porcis in glandem præsumptiue aut placito missis.
- II. De porcis inter consortes ad glandem in communi fructu susceptis.
- III. Si porci ad pastum in glande suscepti ante datas decimas furto leuentur.
- IV. De porcis errantibus in silua præuentis.
- V. Si quorumcunque animalium grex in pascua intrauerit aliena.
- VI. Vt pro inuentis animalibus erroneis publice denuntietur.
- VII. Vt errantia animalia occupata qui inuenerit, diligenter habeat & conseruet.
- VIII. Ne animalia errantia occupata, aut tondentur, aut caractere notentur, vel in alienum ius deducantur.

## I.

*De porcis in glandem præsumptiue aut placito missis.*

**Q**ui porcos in silua sua tempore glandis inuenerit, primum custodiæ aliquid velut pigneris tollat indicium, & domino pastoris vel parentibus mander, vt si conuenerit vsque ad tempus decimarum porcos in silua sua permittat, & pignus quod pastori tulerit reformare prosuret. Quod si noluerit porcos illius in silua sua intromittere decumandos, & ille eos alia vice in sua silua inuenerit, etiam si porci pauci fuerint, vnum exinde qui siluam suam defendit occidat. Si autem plures porci fuerint, duos tollat & præsumat occidere, & nullam calumpniam pertimescat. Et nihilominus tertia vice eum cuius porcos inuenit admoneat, vt porcos suos in siluam suam si voluerit introducat, & decimam iuxta consuetudinem soluat. Quod si nec tunc voluerit de dandis decimis definire, & ille eos tertia vice in silua sua qui introduxit inuenerit, decimam ex omnibus pro suo iure præsumat. Si vero aliquis sub pactioe decimarum porcos in siluam suam intromittat alienam, & vsq; ad brumas porci in silua alterius pauerint, decimas sine vlla contradictione persoluat. Nam si post brumæ tempus porcos suos in silua quam conduxerat noluerit retinere, vicesimum caput sicut est consuetudo domino siluæ cogatur exsoluere.

## II.

*De porcis inter consortes ad glandem in communi fructu susceptis.*

**S**i inter consortes de glandibus fuerit orta contentio, pro eo quod vnus ab alio plures porcos habeat: tunc qui minus habuerit, liceat ei secundum quod terram diuider, porcos ad glandem portione sua suscipere, dummodo æqualis numerus ab vtraque parte ponatur. Et postmodum decimas diuidant, sicut & terras diuiserant.

## III.

*Si porci ad pastum in glande suscepti, ante datas decimas furto leuentur.*

**S**i quis ad glandem sub placito decimarum porcos in siluam intromittat alienam, & eos occultè priusquam decimentur amouerit, pro fure teneatur, & decimam abiecta furti compositione restituat. Si verò seruus hoc domino nesciente commiserit, c. iactus accipiat flagellorum: & dominus nullum dampnum aut detrimentum sustineat, sed reddat decimas quas debet. Si autem hoc domino iubete commissum est, ipse qui iussit furti compositionem cogatur exsoluere.

## IIII.

*De porcos errantibus in silua præuentis.*

**Q**ui porcos errantes in silua sua inuenerit, aut contestari vicinis debet, aut claudere. Et si dominus porcorum non affuerit, vnum porcum prima vice præsumat, & iudici qui fuerit in proximo nuntiet, apud se porcos qui vagabantur inclusos. Deinde si dominus porcorum vel pecorum non inueniatur, custodiat tauquam suos, & pro glandib. decimam consequatur: & cum dominus affuerit mercedem custodiæ, facta præsentibus iudicibus ratione, de temporis spatio percipiat.



*Si quorumcunque animalium grex in pascua intrauerit aliena.*

**S**I in pascua grex alienus intrauerit, siue ouium siue vaccarum, hoc quod de porcis constitutum est, precipimus custodiri. Consortes vero vel hospites nulli calumniae subiacent: quia illis usus herbarum quae conclusae non fuerant constat esse communem. Qui vero sortem suam totam forte concluderit, & aliena pascua absente domino inuadit, sine pascuario non praesumat, nisi forte dominus pascuae voluerit.

VI.

*Vt pro inuentis animalibus erroneis publice denuntietur.*

**C**Aballos vel animalia errantia liceat occupare, ita ut qui inuenerit denuntiet aut episcopo, aut comiti, aut iudici, aut senioribus loci, aut etiam in conuentu publico vicinorum. Quod si non denuntiauerit, furis dampnum habebit. Similis & de aliis rebus ordo manebit.

VII.

*Vt errantia animalia occupata qui inuenerit, diligenter habeat & conseruet.*

**Q**ui errantia animalia & sine custode inuenerit, ita diligenter occupet ut non euerat: sed sicut proprium diligit atque custodiat. Quod si dominus qui perdidit caballum suum vel animal, non euersum sed dilectum & sanum inuenerit, per singula capita maiora quaternas filiquas, ille qui inuenerit accipiat, & quantum in substantia ipsius caballi expendisse iurauerit a domino caballi recipiat. Caeterum si euerit, duplum animal domino cogatur exsoluere.

VIII.

*Ne animalia errantia occupata, aut tondantur, aut caractere notentur, aut in alienum ius deducantur.*

**C**aballum captum errantem nullus tondere aut vendere praesumat. Caballis etiam aut bobus vel aliis quibuslibet pecoribus errantibus nulli liceat caracteres infigere. Quod si quis inuentum animal vendere aut dare praesumpserit secundum leges sicut fur teneatur, qui vero totonderit, tres solidos compulsus exsoluat. Ita erit etiam ei qui caracterem infixerit.

## VI. TITVLVS.

*De apibus & earum dampnis.*

\* deueni.

I. De inuentis apibus\* defendendis.

II. Si dampnum faciant apes.

III. De furatis apibus.

I.

† deueni.

*De inuentis apibus† defendendis.*



I quis apes in silua sua aut in rupibus vel in saxo aut in arboribus inuenerit, faciat tres decurias, quae vocantur caracteres: unde potius non per vnum caracterem fraus nascatur. Et si quis contra hoc fecerit, atque alienum signatum inuenerit & irruperit, duplum restituat illi cui fraus illata est, & praeterea xx. flagella suscipiat.

II.

*Si dampnum faciant apes.*

**S**I quis apiaria in ciuitate, aut in villa forsitan construxerit, & alii dampnum intulerit: statim moneatur, ut eas in abditis locis transferre debeat, ne forte in eodem loco hominibus aut animalibus dampnum inferant. Et qui haec praecpta aut testationem neglexerit, & dampnum suffocationis in quadrupedes intulerint: quod mortuum fuerit, duplum restituat: quod vero debilitatum, ille obtineat: & simul dampno reddat, & pro iudicis contestatione quam audire neglexit, v. sol. coactus exsoluat.

III.



## III.

*De furatis apibus.*

**S**i quis ingenuus in apiario furti causa fuerit comprehensus: si nihil exinde abstulerit, propter hoc quod ibidem comprehensus est, tres solidos soluat, & l. flagella suscipiat. Caterum si abstulerit, nouecuplum cogatur exsoluere & prædictum numerum flagellorum excipiat. Si seruus verò nihil ingrediens abstulerit, c. verberibus addicatur. quod si abstulerit, sexcuplum reddere compellatur. Pro quo si dominus satisfacere noluerit, eum seruiturum illi qui dampna perculit tradat.

## DE FUGITIVIS ET REFUGIENTIBVS, LIBER NONVS.

## I. TITVLVS.

### DE FUGITIVIS ET OCCVLTATORIBVS FUGAQVE PRÆVENTIS.

- I. Si ingenuus vel seruus fugitiuum celasse repperiatur.
- II. Si fugitiuus vinctus quocunque ligamine absoluitur.
- III. Infra quod tempus mancipium latens, inuentum iudici debeat præsentari.
- IV. Si nesciens quis fugitiuum suscepit humanitate concessa.
- V. Si alienum mancipium quis per suadeat, ut fugiat vel humanitatem impendat.
- VI. Si ignotus homo susceptus multis diebus apud alium commoretur.
- VII. Si seruus fugitiuum sciens viam ostenderit fugiendi.
- VIII. De susceptione fugitiuorum, si dominus vel seruus suscipiat alterius fugitiuum.
- IX. Ut bis venditus seruus per fugam rediens in libertate permaneat.
- X. Ut discutiatur mancipium fugitiuum, ne propter lucrum fuerit ad domum susipientis immissum.
- XI. Si ingenuum se esse mentiens seruus sub mercedis conditione apud alium commoretur.
- XII. Si fugitiuus in domo cuiusquam fuerit inuentus.
- XIII. De mercede eius qui prenderit fugitiuum.
- XIIII. Si seruus fugiens se esse mentiatur ingenuum.
- XV. De his quæ seruus fugiens adquisisse videatur.
- XVI. De his qui peruentos seruos dominis reformare contemnunt.
- XVII. Si ingenuus vel seruus latrones celandos susceperint.
- XVIII. Ut iudex cum omnibus rebus quibus fugitiuum inuenerit domino veniente præsentet.

## I. ANTIQVA.

*Si ingenuus vel seruus fugitiuum celasse repperiatur.*

**S**i quis ingenuus fugitiuum celatum habuerit, alium paris meriti cū eodem seruo domino dare cogatur. Si verò seruus sine cōscientia domini sui fugitiuum celauerit, serui ambo publicè centena flagella suscipiant, dominus vero huius serui nihil damni sustineat.

## II.

*Si fugitiuus vinctus quocunque ligamine absoluitur.*

**S**i quis alienum seruum in fuga lapsum, ferro vinctum, aut in quocunque ligamine constitutum absoluerit: pro præsumptione sua qui hoc fecerit det domino serui solidos decem. Si verò non habuerit vnde componat, à iudice c. flagella suscipiat, & seruum requirere ac domino restituere non moretur. Quod si eum non potuerit inuenire, seruum æqualis meriti domino reddere non moretur: aut si non habuerit vnde componat, ipse subiaceat seruituti, illi cuius seruum laxauerit addicendus. Quod si hoc seruus fecerit sine domini voluntate, coram iudice centum flagella suscipiat. Et si vinctus inueniri non potuerit, seruus qui soluit tradatur in seruitio domini vinculus.



Quandocunque autem qui vinctus fuit inuentus extiterit, domino reformetur, & datus pro eo seruus ad proprium dominum reuertatur. Si autem conscio domino id fecerit, ipse dominus componat, sicut est de ingenuis superius constitutum.

## III.

*Infra quod tempus mancipium latens inuentum iudici debeat presentari.*

SI cuiuslibet seruus ad aliquem latens aduenerit, statim eum presentari iudici non differat. Quod si eum non presentauerit, & usque ad octauam noctem apud eum moratus fuerit, aut si ad longinquiora loca transferit, duos eiusdem meriti seruos domino cogatur exsoluere. Nam si apud eum mancipium quod susceperat subcelatum inueniatur, alterum cum eo dare domino non moretur. quia intra diem legibus constitutum noluit contestari.

## IV.

*Si nesciens quis fugitiuum susceperit humanitate concessa.*

SI quis nesciens fugitiuum susceperit, & ei humanitatem dederit, & non amplius ibidem fuerit quam vna die vel nocte immoratus, domino querenti fugitiuum suum præbeat sacramentum, se nescisse quod fugeret. Aut si certe potuerit approbare quod fugitiuum non celauerit, ab omni calumpnia liber abscedat. Si vero ibi biduo aut triduo aut quatrinduo pro reparandis sumptibus vel cuiuscunque occasione causa præteriens moras afferre voluerit, conuentus a domino ubi postea manserit, vel a quo humanitatem fugitiuus susceperit, cogatur ostendere: & infra sex menses aut inueniat fugitiuum, aut eos apud quos postea fuerit, ostendat. Quod si non potuerit inuenire, conscientiam suam ex hoc sacramento purgare debet, & apud quem nouissime venit: aut repræsentet qui fugit, aut paris meriti seruum domino reddat. Et si seruus postea fuerit inuentus, illum quem pro eodem dederat recipiat, & ab omni calumpnia securus abscedat.

## V. ANTIQVA.

*Si alienum mancipium quis persuadeat ut fugiat, vel humanitatem impendat.*

SI quis alieno mancipio persuaserit ut fugiat, aut ei cum sciret fugitiuum humanitatem dederit, aut forte detruderit fugientem: si fugitiuum poterit inuenire, duos eum eodem paris meriti domino reformare cogatur. Si autem inuentus non fuerit fugitiuus, tres seruos eiusdem meriti domino compellatur exsoluere. Eadem quoque & de ancillis præcipimus custodiri.

## VI.

*Si ignotus homo susceptus multis diebus apud alium commoretur.*

SI apud quemcunque v. aut vi. dies homo ignotus aut latens moretur, ille qui eum hospitio suscepit vel humanitatem dedit, ante diem testetur octauum iudici vel vicario proximæ ciuitatis aut territorii, ut secundum legem de susceptione fugitiuorum quam nuper edidimus, idem ipse qui fugit, illius qui in loco maior est interrogatione discussus, quis sit aut propter quid venerit, possit agnosci: sicque omnis constitutio prædictæ legis, de susceptione scilicet fugitiuorum, quæ nuper a nostra gloria condita esse dinoscitur, in omnibus impleatur. In limitibus præterea prouinciarum maior sollicitudo præstetur, ita ut ipsa aut altera die eius publicetur aduentus. Quod si intra hos octo dies non contestatus fuerit qui suscepit, & omnem constitutionem præmemoratæ legis implere neglexerit, & mancipium in domo sua moram amplius fecerit, alium talem cum eo domino restituat, quia noluit contestari. Si vero in fuga celatus euaserit, hospes requirat fugitiuum: quem si non potuerit inuenire, duos æqualis meriti domino cogatur exsoluere.

## VII. ANTIQVA.

*Si seruus fugitiuum sciens viam ostenderit fugiendi.*

SI seruus alterius fugitiuum sciens viam ostenderit, si fuerit fugitiuus inuentus, siue etiam non potuerit inueniri, seruus qui iter monstrauit, tantummodo centum flagellorum ictibus verberetur, & domino eius nulla calumpnia moueatur.



*Vt ad cuius domum fugitiuus aduenerit, vicinis sex loci prioribus contestetur.*

**A**D cuius domum venerit fugitiuus, prioris loci illius villicus atque præpositus quibuscunque testetur : & si eum in domum suam retinere voluerit, habeat potestatem. Quacunque hora dominus eius superuenerit, recipiat, & nullam calumniam qui suscepit incurrat. Quod si se fugitiuus ad alia loca transtulerit, sacramentum præsentibus illis quibus testis est præbere debet, se ut fugeret non persuasisse, vel præcepisse, & se ubi lateat nescire, & posthæc nullam calumniam patiat. † idonei  
restitu.

*De susceptione fugitiuorum : si dominus vel seruus suscipiat alterius fugitiuum.*

**A**D cuius domum transiens aduenerit fugitiuus, si accepta ex incognito elemosyna confestim alibi pertransierit, calumpnia illi qui quasi peregrinus ad horam hospitio suscepit, moueri omnino non poterit : cum se huiusmodi susceptor sacramentis purgauerit, quia incognitum habuerit eum, cui prætereunti elemosynam dedit. Quod si duobus aut tribus diebus fugitiuus apud alterum quolibet modo permanserit, statim ille qui eum suscepit, secundum quod superiori lege præcipitur, ante diem octauum prioribus loci illius, iudici, villico, atque præposito coram <sup>† idonei  
restitu.</sup> idoneo teste, eum quem suscepit præsentare procuret. Sicque interrogetur ac strenue perquiratur à iudice, aut cuius sit seruus, aut quando à domino suo fugerit, aut quando aut ubi ille qui eum præsentat suscepit. Sicque tota in vnum collecta atque conscripta iudex aut alii qui adfuerint manu sua hæc quæ perquisita fuerint vel inuenta subscribere debeant. Ita ut & fugitiuum & hoc ipsum quod scriptis de eodem alligatum est, ille qui eum præsentauit in potestate sua recipiat, qualiter eum infra dies octo suis dominis reddat. Quod si dominus fugitiui longe fortasse sit positus, viginti per dies singulos millibus computatis spatio ille qui fugitiuum suscepit sibi concessio in præfinito die, ubi dominum fugitiui repperit, fugitiuum ipsum domino suo, aut per se aut per quem voluerit, seruiturum restituat : & commodum suum, quantum lege altera constat, per triginta millia tremissem vnum à domino fugitiui accipiat. Quod si eidem, qui fugitiuum suscepit, grauius fortasse extiterit propter terrarum longinquitatem fugitiuum domino suo præsentare, saltem vel ubi vicinas possessiones domini fugitiui agnouerit, auctori vel procuratori fugitiuum coram legitimo teste præsentet : & accepta superioris commodi summa, securus ipse qui fugitiuum suscepit abscedat. Iam vero si fugitiuum iudici præsentauerit, & à iudice perquisitus ipse qui præsentauit, cuius seruus sit nullo modo dixerit, apud iudicem ipse qui eum præsentauerat, eundem fugitiuum relinquat. Iudex vero sub ardua custodia eundem qui præsentatus est, infra tempus, & iuxta modum superius constitutum regis obtutibus præsentare non differat : ut principali potestate manente manifeste questus, ubi cunctorum constat adesse conuentum, cognitio fugitiui per plurimos habeatur. His igitur omnibus necessaria sanctione præmissis, quicumque deinceps fugitiuum cognitum vel incognitum, non sub isto quo præmissum est ordine, aut iudici non præsentauerit, aut suo domino non reddiderit, domino fugitiui & ipsum qui fugerit & alium cum eo in satisfactione restituat seruiturum. Quod si fugitiuus perierit, duos similes seruos à susceptore dominus fugitiui recipiat. Hoc quoque & iudex damno multabitur, si ordinem implere distulerit superius constitutum. Si verò seruus contra voluntatem domini sui fugitiuum alterius suscepit, extensus coram iudice centum flagella suscipiat, & fugitiuus petenti domino mox reformetur. Quod si idem qui à seruo susceptus est fugitiuus minime repperitus extiterit, alium similem seruum pro eo dominus serui susceptoris reddere compellendus est. Certè si dominus pro seruo componere noluerit, seruum ipsum tradere non moretur. † alleg.

x.

*Vt bis venditus seruus, per fugam rediens, in libertate permaneat.*

**S**I quis proprium seruum extra prouincias nostras ad alias regiones venditione transtulerit, ac postmodum seruus reuersus fuerit, & dominus eum iteratim vendiderit, cogatur à iudice ut eum ab emptore recipiat, & receptum deinceps seruum nullo modo inquietet, sed liber permaneat. Ipse vero qui eum ex peregrinis locis ad patriam remeantem notanda iterum cupiditate distraxerat, alium seruum paris meriti priori reddat emptori : nihilominus & illi qui postea comparauit pretium



redditurus. Sed tamen seruum ex peregrinatione reuersum, nec vendere prior dominus, nec seruitio suo applicare præsumat, sed perenniter idem seruus in libertate persistat.

## XI.

*Vt discutiatur mancipium fugitiuum, ne propter lucrum capiendum fuerit ad domum suscipientis immissum.*

**M**ancipium fugitiuum discutiatur, ut nomen domini sui exprimat, & diligentius præsentate iudice requiratur, ne forte propter lucrum capiendum ad domum fuerit suscipientis immissum. Et si ita esse constiterit, dominus tantæ fraudis inuentus illi, quem in crimine occultati serui implicare conatus est, damnum quod occultatoribus impositum est, ipse persoluat. Equum enim est, ut tam nocentium insidiarum reatus in suum recurrat auctorem.

## XII.

*Si ingenuum se esse mentiens seruus sub mercedis conditione apud alium commoretur.*

**S**i seruus fugiens ingenuum se esse dicat, & unde sit ignoretur: Sicque apud quemlibet fuerit immoratus sub certa conditione mercedis, secundum superiorem legem iudici ante præsentetur & discutiatur. Et si mercenarium eum non fugitiuum inuestigatio iudicis perquirentis inuenerit; si in postmodum apud quemlibet fuerit inueniatur à domino, non potest tanquam reus teneri, qui nesciens fugitiuum mercenarii loco suscepit. Dominus vero fugitiui, mercedem quæ placita fuerat consequatur. Quod si seruus à domino de fuga reductus iterum fugerit, & eum iterato fugientem receperit, qui mercenarium eum ante suscepit, continuo aut iudici tradat, aut domino remittere non moretur. Cæterum si hoc non fecerit, damnum occultatoris accipiat.

## XIII.

*Si fugitiuus in domo cuiuscunque fuerit inuentus.*

**S**i fugitiuus in domo potentis, aut cuiuslibet fuerit inuentus, qui liberum se esse dicat, aut fortasse non dicat, repetenti sine dilatione reddatur. Ille vero qui recepit, iudicio caueat adfuturum, nullis ante iudicium tormentis eum traditurus, donec aut iste suam vindicet libertatem, aut certe ille approbet seruum qui repetit. Quod si petitor ista cauere noluerit, fugitiuus ille sub illius apud quem inuentus est fideiussione tandiu consistat: quandiu agnosci possit, quid de eodem rationabiliter iudex absque retardatione definiat.

## XIII.

*De mercede eius qui prendiderit fugitiuum.*

**S**i quis fugitiuum comprehenderit, per xxx. millia vel infra tremissem accipiat: per centum autem millia vnum solidum pro beneficio consequatur. Sicque dum creuerit numerus millium, crescat & numerus solidorum: ita ut qui inuenerit fugitiuum eum cum rebus omnibus quas cum eo inuenerit præsentare suo domino non moretur. Quod si fugitiuus ab eo quo fuerat captus fugerit, dominus serui ab eodem sacramentum accipiat, quod non ipsius fraude vel studio fugitiuus euaserit, & nullam postea calumniam pertimescat. Et si post datum sacramentum aliquid à fugituo conuinceretur accepisse mercedis, aut eius fraude doceatur admissum ut fugitiuus ad longinquiora pertenderet: si fugitiuus fuerit inuentus, pariter meriti alium seruum domino reformari cogatur. Sin autem inuentus non fuerit, duos eiusdem meriti seruos domino eius compellatur exsoluere.

## XV. ANTIQVA.

*Si seruus fugiens se esse mentitur ingenuum.*

**S**i seruus in fuga positus ad ignotos aduenerit, & sibi mulierem ingenuam in coniugio copulauerit, eo quod dicat se ingenuum esse: & hoc mulier vel eius parentes ita factum conuicerint, aut certe iudex talem probationem à parte mulieris impexerit: dum dominus serui hanc veritatem agnouerit, nihil ipsi mulieri dampni aut calumniæ moueatur, sed si libera, & filii qui ex eis sunt procreati conditionem manent.



matris sequantur. A seruo vero si voluerit non separetur, si tamen hoc & dominus serui voluerit.

## XVI.

*Si seruus fugiens dicat se esse ingenuum, & ob hoc mulieris ingenuæ connubio sociatur.*

**Q**uia sæpe, dum serui dominos suos fugiunt, mentientes se esse ingenuos, mulieribus ingenuis contra legum decreta in coniugio copulantur: ideo huius legis vilitate promulgatione decreuimus, ut si quis seruus in fuga positus, vel quibuscunque modis de iure domini sui euagans, ad quemlibet peruenerit, utrum ingenuum se esse dicat, aut fortasse non dicat. Et sub hac occasione ingenuæ mulieri petierit copulari. Quicquid de tam inhonesta coniunctione fuerit procreatum, conditionem patris proculdubio sequatur: ut dum eius dominus aduenerit, non solum eundem fugitiuum, sed & filios exinde progenitos, omneque eorum peculium suo debeat vindicare dominio. Similis quoque & de ancillis ordo seruandus est, quæ fugientes dominos suos viris ingenuis se copulare præsumpserint.

## XVII. ANTIQVA. FLS. CIND. REX.

*De his quæ seruus fugiens adquisisse videatur.*

**S**i seruus in fuga positus, aliquid dum in ea fuga est de artificio suo vel quocunque isto labore adquisierit, dominus eius dum eum inuenerit sibi vindicet omnia. Cæterum si cum rebus furatis eum dominus suus reppererit, nihil exinde sibi defendere poterit, sed ei qui perdidit reddere non tardabit. Si vero damnum aut quodcunque crimen istam fugitiuus admisisse conuincitur, ille componat qui latebras ei præbuisse conuincitur.

## XVIII.

*De his qui præuentos seruos dominis reformare contendunt.*

**D**um plerique controuersis vacare nituntur, legum quasdam sententias inique peruertunt, & pro eo quod antiqua lege decretum est, ut dum fugitiui dominus superuenerit, eum recipiat, differunt eius domino reddere fugitiuum: ut sub hac fortasse occasione dilatio prætenditur, sibi eum cum prolixitate temporis vindicent seruiturum: præsertim quia sit omnino superfluum, & pro vilis interdum serui persona dominum ducentis aut trecentis millibus vel amplius fatigari: & talis obiectio callide magis quam veraciter videtur opponi. Proinde constituentes decernimus, ut quicumque domino seu per se, siue per hominem suum requirenti fugitiuum suum & agnoscere reddere distulerit, vel comprehensum excusserit: quatuor eiusdem meriti seruos, & eundem fugitiuum domino eius reddere compellatur. Aut si idem fugitiuus perierit, quinque proculdubio similes seruos exsoluere non moretur: vnum ex eis ille qui composuit postmodum recepturus, si vel ab ipso vel a domino suo fugitiuus inuentus, in seruitium proprii domini fuerit restitutus: ita ut si talia nesciente domino seruus admiserit, si voluerit dominus, duos eiusdem meriti seruos pro eo serui domino det. Si autem voluerit, seruus tradatur fugitiui domino perenniter seruiturus. Et talis etiam de ancillis ordo seruatur.

## XVIII.

*Si ingenuus vel seruus latrones celandos suscepit.*

**S**i quis ingenuus vel seruus sciens latrones celandos suscepit, præsentet quos celauit, & ducentos ictus accipiat flagellorum. Quod si non præsentauerit abscondos, poenam quam illi merebantur incurrat.

## XX.

*Ut iudex cum omnibus rebus cum quibuscunque fugitiuum inuenerit domino aduenienti restituat.*

**U**t id quod iudex apud reum aut fugitiuum inuenerit, absente eo qui reum aut fugitiuum persequitur, comiti ciuitatis ostendar, & sic apud se retineat, ei qui perdidit cum adfuerit redditurus.



DE HIS QVI AD BELLA NON VADVNT, AVT  
de bello refugunt.

- I. Si hi qui in exercitu præpositi sunt, commodis corrupti, aliquem de expeditione domi redire permiserint, vel à domibus suis exire non coegerint.
- II. Si compulsores exercitus aliquid, dum exercitum ad hostem compellunt, de domibus eorum auferre præsumperint.
- III. Si præpositi exercitus relicto bello, aut domum redeant, aut alios redire permittant.
- IV. Si præpositi exercitus, aut relicta expeditione domum redeant, aut alios exire minime compellant.
- V. Si compulsores exercitus beneficio accepto aliquem sine agitudine domesticare permiserint.
- VI. De his qui annonas distribuendas accipiunt, vel fraudare præsumunt.
- VII. Quam mercedem accipiat, qui mancipia vel quaslibet res de manu hostis excusserit.
- VIII. Quid debeat observari, si scandalum infra fines Hispania consurrexit.
- IX. De his qui in exercitu, constituto die, loco vel tempore definito, non successerint: vel quæ pars seruorum vniuscuiusque in eadem expeditione debeat proficisci.

I.

Si hi qui exercitui præsumt commodis corrupti aliquem de expeditione domum redire permiserint, vel à domibus suis exire non coegerint.



Si thufadus ab aliquo de thufadia sua fuerit beneficio corruptus, vt eum ad domum suam redire permitteret, quod acceperat in nouecuplum reddat comiti ciuitatis in cuius est territorio constitutus. Et si ab eo nullam mercedem acceperit, sed sic eum dum sanus est ad domum dimiserit, vel de domo in exercitum exire non compulerit, reddat solidos xx. quingentenarius vero xv. & centenarius x. si certe decanus fuerit v. solidos reddere compellatur: & ipsi solidi diuidantur in centena, vbi fuerint dinumerata.

II.

Si compulsores exercitus aliquid, dum exercitum ad hostem compellunt, de domibus eorum auferre præsumperint.

Serui dominici, id est, compulsores exercitus, quando Gothos in hostem compellunt exire, si eis aliquid tulerint, aut ipsis præsentibus vel absentibus, sine ipsorum voluntate, de rebus eorum auferre præsumperint & hoc ante iudicem potuerit approbari, ei cui abstulerint in vndecuplum restituere non morentur. Ita tamen vt vnusquisque eorum in conuentu publice quinquaginta flagella suscipiat.

III.

Si præpositi exercitus relicto bello, aut domum redeant, aut alios redire permittant.

Si quis centenarius dimittens centenam in hostem, ad domum suam refugerit, capitali supplicio subiacebit. Quod si ad altaria sacra vel ad episcopum confugerit, trecetos solidos reddat comiti ciuitatis, in cuius est territorio constitutus, & pro vita sua non pertimescat. Ipse tamen comes ciuitatis notum faciat regi, & sic cum nostra ordinatione partiantur solidi illi ad ipsam centenam, quæ ei fuerit ascripta. Ipse autem postmodum centenarius nullomodo præponatur, sed sit sicut vnus ex decanis. Et si centenarius sine conscientia aut voluntate præpositi hostis aut thufadi sui de centena sua ab aliquo pro beneficio persuasus aut rogatus, quemquam ad domum suam redire permiserit, vel in hostem vt non ambularet relaxauerit, quantum ab eo acceperit in nouecuplum comiti ciuitatis, in cuius est territorio constitutus, satisfacere compellatur: & sicut superius diximus comes ciuitatis nobis in notitiam referte non differat, vt ex nostra præceptione diuidatur inter eos in cuius centena fuerat ascriptus. Quod si centenarius ab eo nullam mercedem acceperit, & sic eum ad domum suam ambulaturum dimiserit, ille centenarius, sicut superius est comprehensum, det comiti ciuitatis solidos x:

iv. Si



## IV.

*Si præpositi exercitus, aut relicta expeditione domum redeant, aut alios exire  
minimè compellant.*

**S**i decanus relinques decaniam suam de hoste ad domum suam refugerit, aut de domo sua cum sanus est exire & ad expeditionem proficisci noluerit, det comiti ciuitatis solidos x. Quod si alicui fortè mercedes dederit, reddet solidos v. comiti ciuitatis in cuius est territorio constitutus: & ipse comes ciuitatis notum nobis faciat, † vt cum no-  
stra iussione diuidantur inter eos in quorum centena fuerat ascriptus. Quod si aliquis, † vt cum no-  
qui in thufadia sua fuerat numeratus, sine permissu thufadi sui, vel quingentenarii, aut centenarii, vel decani sui de hoste ad domum suam refugerit, aut de domo sua in hostem proficisci noluerit, in conuentu † merentium publicè centena flagella suscipiat, † merentium  
& reddat solidos decem.

## V.

*Si compulsores exercitus, beneficio accepto, aliquem sine agitudine domi  
stare permiserint.*

**S**erui dominici qui in hostem exire compellunt, si ab eisdem aliquis se forte redemerit, quantum ab eo acceperint, in nouecuplum comiti ciuitatis cogantur exsoluere: & eos quos rogauit num esset sanus, vt eum in expeditionem non compellerent, etiam si ab eo nullam mercedem acceperint, illi qui eum relaxauerint reddant pro eo comiti ciuitatis solidos v. thufadus verò quærat per cetenarios suos, & centenarii per decanos: & si potuerint cognoscere quia per precem aut redemptionem ad domum suam confugerint, aut de domo in hostem proficisci noluerint; tunc thufadus præposito comitis ciuitatis notum faciat, & scribat comiti ciuitatis in cuius est territorio constitutus: vt comes ciuitatis vindictam quæ in lege posita est his qui pro se rogant, aut qui se redimunt à thufadis, vel centenariis, aut decanis, vel seruis dominicis, omnia ad integrum implere non differat. Quod si exegerit, & celauerit, & in notitiam non protulerit, omnia quæ exegerit in nouecuplum reddat. Et si corruptus ab aliquo vel rogatus exigere distulerit, in duplum de propria facultate sati faciat illis qui inter se hanc solutionem fuerant diuisuri. Quod si post exactam rem notum regi non fuerit, vt ipse hoc iubeat ita thufadia sua cui debeat diuidere, aut comes ciuitatis reddere fortasse dissimulet, † vt decupli compositione eis satisfacere non moretur.

## VI.

*De his qui annonas distribuendas accipiunt, vel fraudare præsumunt.*

**H**oc iustum elegimus, vt per singulas ciuitates vel castella quicumque erogator annonæ fuerit constitutus, comes ciuitatis vel annonæ dispensator, annonam quam eis est daturus, ex integro in ciuitate vel castellis iubeat exhiberi, & ad integrum eis restituere non moretur. Quod si contigerit vt ipse comes ciuitatis aut annonarius, per negligentiam suam nō habens, aut forsitan nolens, annonas eorum dare dissimulet, comiti exercitus sui querelam deponant, quod annonas eorum dispensatores tradere noluerint: & tunc ille præpositus hostis hominem suum ad nos mittere non moretur. Ita vt numerentur dies ex quo annonæ eorum iuxta consuetudinem eis impletæ non fuerint. Et tunc ipse comes ciuitatis vel annonarius in quantum temporis eis annonas confuetas subtraxerat, in quadruplum eis inuitus de sua propria facultate restituat. Similiter & de his qui in thufadia numerati fuerint obseruari præcipimus.

## VII.

*Quam mercedem accipiat qui mancipia vel quaslibet res de manibus  
hostis excusserit.*

**Q**uicumque de vitæ suæ statu desperans inimicos fuerit aggressus, vt mancipia vel quodcunque genus pecuniæ aut aliarum rerum ab inimicis possit excutere, & certus rei dominus apud eum videatur aliquid agnoscere, de eis ex toto duas partes pro intuitu misericordiæ domino certo restituat: tertiam vero partem pro laboris sui præmio consequatur. Similiter & si quis qualecunque mancipium ab inimicis sollicitauerit, & ipsi mancipio patrocinium aut consilium præstiterit, & eum



ad certum dominum perduxerit: quicunq; fuerit agnitus hoc fecisse, decimam partem mercedis pro tali causa aut euentu omnino excipiat habiturus.

VIII. IN. NOMINE. DOMINI. WAMBA. REX.

*Quid debeat obseruari si scandalum infra fines Hispania surrexerit.*

**C**Ogit nostræ gloriæ saluberrima intentio, vt sicut in dirimendis negotiis populorum, legum est auctoritas promulgata: ita in rebus bellicis mutuo suffulta præsidio habilis ad expugnandum maneat, fraternitatis dilectione retenta. Prodesse enim hominibus tranquillitas nostra non ambigit, si cunctorum animos ad bonum positum classica legis tuba euocando constringat: scilicet vt quæ in præteritis non bene ordinata discurrent, deinceps disposita opitulante domino in melius proficiantur. Et ideo huius malè vîtatæ consuetudinis mores nostra clementia perhorrescit, & tædiosè tolerat, quod per quorundam incuriam frequentia occurrant patriæ dampna. Nam quotienscunque aliqua infestatio inimicorum in prouincias regni nostri se ingerit, dum nostris hominibus, qui in confinio externis gentibus adiunguntur, hostilis surrexit bellandi necessitas: ita quidam facillima se occasione dispergunt, modò transductione loci, modò liuore odij, modò etiã impossibilitatis dissimulatione subnixi, vt in eo præliandi certamine vnus alteri fraterna solatia non impendat: & sub hac occasione, vt qui præsentare se pro publicis vtilitatibus audacter voluerit, casu imminētis periculi ab aduersariis perimatur. Ideo præsentî sanctione decernimus, vt à die legis huius prænotato vel tempore, si quælibet aduersitas inimicorum contra partem nostram commota extiterit, seu sit episcopus, siue etiam in quocunque ecclesiastico ordine constitutus, seu sit dux aut comes, thiufadus aut vicarius, gardingus vel quælibet persona, cui aut ex ipso sit commissum, vbi aduersitas ipsa occurrerit, aut ex altero qui in ciuitate adiungitur, vel quicunque in easdem prouincias vel territoria superueniens infra centum millia positus, statim vbi necessitas emerferit, mox à duce seu comite, thiufado vel vicario, aut à quolibet fuerit admonitus, vel quo modo ad suam cognitionem peruenerit, & ad defensionem gentis vel patriæ nostræ paratus cum omni virtute sua qua valuerit non fuerit, & quibuslibet subtilitatibus vel requisitis occasionibus alibi se transferre vel excusare voluerit: vt in adiutorio fratrum suorum promptus atque alacer pro vindicatione patriæ non existat: & superueniens aduersariorum hostilitas aliquid dampni vel captiuitatis in populos vel in prouincias regni nostri amodò intulerit: quisquis tardus vel formidolosus, vel qualibet malitia, timore vel tepiditate succinctus extiterit, & ad præstitum vel vindicationem gentis suæ & patriæ exire vel intedere contra inimicos nostræ gentis tota virium intentione distulerit: si quisque ex sacerdotibus vel clericis fuerit & non habuerit vnde dampna rerum terræ nostræ ab inimicis illata de rebus propriis satis faciat, iuxta electionem principis restrictiori mancipetur exilio. Hæc sola sententia in episcopis, præbyteris & diaconibus obseruanda est. In clericis verò non habentibus honorem iuxta subtiliorem de laicis ordinem constitutum omnis sententia ad implenda est. Ex laicis verò, siue sit nobilis siue mediocrior viliorque persona, qui talia gesserint, præsentî lege constituimus, vt amisso testimonio dignitatis redigatur protinus ad conditionem vltimæ seruitutis: & de eius persona quicquid princeps vindicare voluerit, potestas illi indubitata manebit. Nam iustū est, vt qui nobilitatem generis sui & statum patriæ, quod prisce gentis adquisiuit vtilitas, constanti animo vendicare nequiuit, legis huius sententia feriat, qui nobiliter superioribus culpis adstrictus degenerat, qui inutilis repperitur. De bonis autem transgressorum, laicorum scilicet atq; etiam clericorum qui sine honore sunt, id decernimus obseruandū: vt qui deinceps hoc fortasse commiserint, inde cuncta dampna terræ nostræ vel his qui mala pertulerint sarciantur, vt rectè doleat, & dignitatem se amisisse nobilium, & prædia facultatum, cuius maligna vel timida factio, nec lædentem repulit hostem, nec se ostendit in aduersariorum conuersione virilem. Nam & si quilibet infra fines Hispaniæ, Galliæ, Galliciæ, vel in cunctis prouinciis quæ ad ditionem nostri regiminis pertinent, scandalum in quacunque parte contra gentem vel patriam nostrumque regnum vel etiam successorum nostrorum mouerit aut mouere voluerit, dum hoc in vicinis locis ipsius partis iuxta numerum milliorum superscriptum nuntiatum fuerit: aut etiam specialiter quisquis ille à sacerdotibus, clericis, ducibus, comitibus, thiufadis, vicariis, vel quibuslibet personis iuxta ordinem superscriptum admonitus fuerit, vel ad suam cognitionem quoquomodo peruenerit: & statim ad vindicationem aut regis, aut gentis & patriæ, vel fidelium præsentis Regis contra quem ipsam scandalum excitatum extiterit, non citata deuotione occurrerit, & præstium se in eorum adiutorio ad destruendum



dum exortum scandalum non exhibuerit: si episcopus vel quilibet ex clero fuerit, aut fortasse ex officio palatino, in quocunque sit ordine constitutus, vel quælibet persona fuerit dignitatis, aut fortasse inferior, huius infidelitatis impudicus scelere, non solum exilio relegatur, sed & de eorum facultatibus quidquid censura regalis exinde facere vel iudicare voluerit, arbitrio illius & potestati per omnia subiacebit. Illos tantum a superioribus capitulis lex ista indemnes efficiet, qui ita ab infirmitate fuerint prægrauati vt progredi vel proficisci in consortio fidelium secundum superiorem ordinem minime possint. Qui vero & si ipsi morbis quibuslibet fuerint præpediti, omnem tamen suam virtutem in adiutorio episcoporum vel clericorum atq; fratrum suorum sinceriter pro utilitate regis potestatis, gentis & patriæ fideliter laborantium dirigebunt. Quod si hoc non fecerint, superiori sententia pariter cum transgressoribus feriantur. Persona autem illa tunc erit superscripta dampnatione innoxia, dum per idoneum testem conuicerit ita se esse per ægritudinem impossibilem, vt nullum habuisset in tempore præstandi vel proficiscendi vigorem: vt vitium, quod ex præteritis temporibus male vsque hætenus inoleuerat, & seuera legis huius censura redarguat, & consors atque vñanimis assensio quietem plebium & patriæ defensionem adquirat.

DATA ET CONFIRMATA EST LEX DIE KALENDARVM NOVEM-  
BRIVM, ANNO FELICITER SECVNDO  
REGNI NOSTRI.

VIII. FLS. GLS. ERVIGIVS. REX.

*De his qui in exercitū constituto loco vel tempore definito non successerint, aut refugerint,  
vel quæ pars seruatorum vniuscuiusque in eadem expeditione debeat proficisci.*

**S**iamatores patriæ hi proculdubio approbatur qui se periculis vtruncq; pro eius liber-  
ratione obiciunt, cur desertores potius non dicantur, qui vindicatores eius esse non  
desistunt. Nam quando hitales voluntarie terram saluaturi credendi sunt, qui etiam <sup>† admoniti</sup>  
animo acri pro liberatione patriæ non insurgunt, dum aut de bellica profectioe se dif-  
ferunt, aut (quod peius est) remorari contra monita cupiunt, vel destituti contra ordinē  
proficiscuntur: cum quidam illorum laborandis agris studentes, seruatorum multitudi-  
nes cædunt, & procurandæ salutis suæ gratia nes vigesimam quidem partem suæ fami-  
liæ secum ducunt. Quin potius auctiores volunt fieri fruge, quam corporis sospitate:  
dum sua tegunt & se destituunt, maiorem diligentiam rei familiaris quam experiēti-  
am habentes in armis, quasi laborata fruituri possideant, si victores esse desistant. Con-  
sulendum est ergo talibus per disciplinam, quos studia utilitatis propriæ non inuitant.  
Vnde id cunctis populis regni nostri sub generali & omnimoda constitutione præci-  
pimus, vt in constituto ac præfinito die vel tempore, quo aut princeps in exercitum ire  
decreuerit, aut quemlibet de ducibus vel comitibus profecturum in publica utilitate  
præceperit: quisquis ille siue admonitionem cuiuslibet suscipiat, seu etiam nec admo-  
nitus, qualibet tamen cognitione id sentiat, vel quocunque sibi indicio innotescat, quo  
in loco exercitus bellaturus accedat, domi vltius residere non audeat, vel qualem-  
cunque remorationem vel excusationem profecturus exhibeat: sed definitis locis atq;  
temporibus iuxta quod eum vel iussio principalis monuerit, vel admonitio ducis vel co-  
mitis: vicarii seu cuiuslibet curam agentis tetigerit, præstitum se vnusquisque definito  
loco vel tempore exhibeat. Iam vero si quisquis ille admonitus vel etiam si nec admo-  
nitus, & tamen qualibet cognitione sibi innotescere non nescius, aut progredi sta-  
tim noluerit, aut definitis locis atque temporibus præstitus esse destiterit, si maioris lo-  
ci persona fuerit, id est dux, comes siue etiam gadingus, a bonis pro his ex toto priua-  
tus, exilii relegatione iussu regio mancipetur: ita vt quod principalis sublimitas de re-  
bus eius iudicare elegerit, in suæ persistat potestatis arbitrio. Inferiores sane viliores-  
que personæ, thiusadi scilicet, omnisque exercitus compulsores, vel hi qui compul-  
luntur, si aut in exercitum venire distulerint, aut in loco vel tempore constituto mini-  
me occurrerint, vel proficisci neglexerint, seu de expeditione publica quocunque  
fraudis commento effugiendo se subtraxerint, non solum ducentenis ictibus flagello-  
rum verberati, sed & turpi decaluatione foedati, singulas in super libras auri cogantur  
exsoluere, quas principalis potestas qui largiri decreuerit, sui maneat incunctanter  
arbitrii. Quod si non habuerit vnde hanc compositionem exsoluat, tunc regis po-  
testatis sit licitum huiusmodi transgressorem perpetuæ seruituti subiacere: vt



quod de eo suisque ordinare decreuerit, habeat sine dubio potestatem. Illos sane ab huiusmodi legis sententia decreuimus permanere innocuos, quos aut principalis absoluerit iussio, aut minoris adhuc ætatis retinuerit tempus, aut senectutis vetustas, aut etiam ægritudinis cuiuscunque grauida represserit moles. Si tamen is qui in ægritudinis langore in exercitum proficisci nequit, omnem virtutem rei suæ ipse ægritudine prægrauatus, secundum legis huius institutionem, in publicis utilitatibus cum duce vel comite suo dirigere non moretur. Nunc vero quia de generali omnium progressionem prædiximus, restat ut de progressorum virtute vel copiis institute ponamus. Et ideo id decreto speciali decernimus, ut quisquis ille est, siue sit dux siue comes atque gardingus, seu sit Gothus siue Romanus, necnon ingenuus quisque, vel etiam manumissus, seu etiam quislibet ex seruis fiscalibus, quisquis horum est in exercitum progressurus, decimam partem seruorum suorum secum in expeditionem bellicam ducturus accedat: ita ut hæc ipsa pars decima seruorum non in armis existat, sed vario armorum genere instructa appareat: Sic quoque ut unusquisque de his, quos secum in exercitum duxerit partem aliquam, zavis vel loricis munitam: plerisque vero scutis, spatibus, <sup>†</sup>seramis, lanceis, sagittisque instructos quosdam etiam fundarum instrumentis, vel cæteris armis, quæ nouiter forsan unusquisque à seniore vel domino suo iniuncta habuerit, principi, duci, vel comiti suo præsentare studeat. Si quis autem extra hanc decimam partem seruorum suorum in exercitus progressionem accesserit, omnis ipsa decima pars seruorum eius studiose quæ sita atque descripta: quidquid minus inuentum fuerit de hac instituta decima parte seruorum in bellicam vnumquemque secum expeditionem duxisse, in potestate principis reducendum est: ut cui hoc idem princeps prælargiri decreuerit, in eius subiaceat potestate. Quicumque vero ex palatino officio ita in exercitus expeditionem profectus extiterit, ut nec in principali seruitio frequens adsistat, nec in vuardia cum reliquis fratribus laborem sustineat, nouerit se legis huius sententia feriendum: excepto si eam manifesta languoris ostensio comprobauerit morbidum. Nam & si quisque exercituum in eandem bellicam expeditionem proficiscens minime ducem aut comitem suum aut etiam patronum suum secutus fuerit: sed per patrociniā <sup>†</sup>diuersorum se dilatauerit: ita ut neque in vuardia cum seniore suo perstitat, nec aliquem utilitati publicæ profectum exhibeat: non ei talis profectio imputanda est, sed superiorum ordinem, quæ de vilioribus inferioribusque personis in hac lege decreta sunt, in semetipsum nouerit sustinere. His igitur ordinatis atque compositis restat ut fratrum cupiditati eorum ponamus, quos ad peragenda negotia utilitatis nostræ impingimus. Et ideo nullus dux comes, thiufadus, seu quislibet commissos populos reges, accepto beneficio vel qualibet occasione, seu pessimæ voluntatis, quemquam de suis subditis de bellica profectioe dimittat, aut admonitiones ipsas quæ fieri debent progressionem exercitus, vel indictione armorum, sub ista quasi admonitionis occasione interferant, unde quemquā illorum militare præsumat. Nam quisque talia agens pro his (ut dictum est) causis à quolibet aut oblatum quodcunque perceperit, aut ipse cuiusque exegerit: & quidē si de primatibus palatii fuerit, & illi à quo tale accepit, in quadruplum facti faciat, & principi pro eo solo quo se munificare præsumpsit libram auri soluturum se nouerit. Minores vero personæ, ab honore vel dignitate ingenuitatis priuatæ, in potestatem principis sunt redigendæ: ut quod de eis vel de rebus eorum iudicare elegerit, suæ subiaceat modis omnibus potestati.

## III. TITVLVS.

## DE HIS QVI AD ECCLESIAM CONFVGIYM FACIYNT.

- i. Ne ad ecclesiam confugiens abstrahatur, nisi armis defensus.
- ii. Si ad ecclesiam confugiens, dum suis armis defenditur, occidatur.
- iii. De dampno hominem ab ecclesia abstrahentis.
- iiii. Ut debitor siue reus de ecclesia non abstrahatur, sed quæ sunt debita reddant.

I.

Ne ad ecclesiam confugiens abstrahatur, nisi armis defensus.

**N**ullus de ecclesia ausus sit aliquem violenter abstrahere, nisi ad ecclesiam confugiens armis se fortasse defendere voluerit.

II.

Si ad ecclesiam confugiens, dum suis armis defenditur, occidatur.

**Q**ui ad ecclesiæ porticus confugerit, & non deposuerit arma quæ tenuit: si fuerit



fuerit occisus, percussor in loco sancto nullam fecit iniuriam, nec ullam calumpniam pertimescat.

## III.

*De dampno hominem ab ecclesia abstrahentis.*

**S**i quis de altaribus seruum suum aut debitorem non traditum sibi à sacerdote vel ab ecclesie custodibus, violenter distraxerit: si honestioris loci persona est, ut primum de eo iudici fuerit relatum altario, cui iniuriosus fuit, cogatur exsoluere solidos ceterum. Inferioris vero loci persona det solidos xxx. Quod si non habuerit unde persoluat, correptus à iudice, in cōuentu c. flagella suscipiat. Dominus vero seruum siue creditor debitorem recipiat excusatum.

## IIII.

*Ut debitor siue reus de ecclesia non abstrahatur, sed quæ sunt debita reddant.*

**E**os qui ad ecclesiam vel ecclesie porticus confugerint, nullus contingere præsumat: sed præbytero vel diacono repetat, ut reformet. & seu debitor, seu reus qui confugerit, si non meretur occidi, apud repetentem ecclesie cultor interueniat, ut ei veniam det, & exoratus indulgeat. Quod si debitor aliquis ad ecclesiam cōfugerit, eum ecclesia non defendat: sed præbyter aut diaconus debitorem sine dilatione restituat: ita ut ipse qui debitum repetit, nequaquam cedere aut ligare eum præsumat, qui ad ecclesie auxiliū decucurrit: sed præfente præbytero vel diacono constituatur intra quod tempus ei debitum reformetur. Quod licet ecclesie interuentui religionis contemplatione concedatur, aliena tamen retinere non poterunt. De homicidis autem, maleficijs aut veneficijs in eorum titulis leges sunt requirendæ.

## DE DIVISIONIBVS ET TEMPORIBVS ATQVE LIMITIBVS, LIBER DECIMVS.

## I. TITVLVS.

### DE DIVISIONIBVS ET TERRIS AD PLACITVM DATIS.

- I. *Ut valeat semelfacta diuisio.*
- II. *De non reuocanda diuisione inter fratres, etiam si sine scriptura sit facta, solum si idoneo teste conuincat.*
- III. *Ut quod à pluribus & melioribus in diuisione est constitutum, à paucis & deterioribus non liceat immutari.*
- IV. *Ut liceat uni heredi respondere si ab aliquo petitur, & petere, si causa qualicunque compellitur.*
- V. *Si placitum quis diuisionis irrumpat, diuisam partem usurpans.*
- VI. *Si vineam aut domum quis in consortis terra struerit.*
- VII. *Si vineam in aliena terra quis plantet, in qua sortem non habet.*
- VIII. *De diuisione terrarum facta inter Gothum atq. Romanum.*
- IX. *De siluis inter Gothum & Romanum indiuisis relictis.*
- X. *Quod ea quæ seruus non iubente domino fecerit, & excepto quod lex iubet valere nō poterit.*
- XI. *Ut qui terras ad canonem acceperit, placitum seruet.*
- XII. *De terris quæ definito annorum numero per placitum dantur.*
- XIII. *Si ille qui ad placitum accepit terras, extendat culturas.*
- XIIII. *Si inter eum qui dat & accipit terram aut siluam contentio oriatur.*
- XV. *Ut qui ad colendam terram accepit, sicut ille qui terram dedit, ita & iste censum exsoluat.*
- XVI. *Ut si Goti de Romanorum terra quippiam tulerint, indice insistente Romanis cunctare forment.*
- XVII. *De mancipiorum agnitionibus diuidendis, atq. eorum pecunijs partiendis & decernendis.*
- XVIII. *Ut peculium & peculiare ad unam intelligentiam habeatur.*
- XVIII. *Si pro acceptis rebus promissio non solvatur.*



## I. ANTIQVA.

*Vt valeat semel facta diuisio.*

Aleat semel facta diuisio iusta, vt nulla in postmodum immutandi admittatur occasio.

## II.

*De non reuocanda diuisione inter fratres, etiam si sine scriptura sit facta, solum si idoneo teste conuincat.*

**D**iuisionem factam inter fratres, etiam si sine scriptura inter eos conuenerit, permanere iubemus: dummodo à testibus idoneis comprobetur: & diuisio ipsa plenam habeat firmitatem.

## III. ANTIQVA.

*Vt quod à pluribus & melioribus in diuisione est constitutum, à paucis & deterioribus non liceat immutari.*

**S**i plures fuerint in diuisione consortes, quod à multis vel à melioribus iuste constitutum est, à paucis vel deterioribus non conuenit aliquatenus immutari.

## IIII. FLS. VNS. REX.

*Vt liceat vni heredi respondere, si ab aliquo petitur: & petere, si causa qualicunq; compellitur.*

**C**um priscae legis auctoritate fuerit constitutum, vt is qui ad dicendam causam compellitur, non nisi praesente eo, qui religiosè consors est, audiatur: satis ex hoc peritorum negotia superflue conspeximus dilatarum: cum ad dicendam causam pro sua vnusquisque persona sufficiat. Igitur ne callida oppositione causantis, dum excusatio praedicatur, pro consorte tricennalis obuiet annositas peritori: prouidentissima deliberatione sancimus, vt remota excusatione consortium, tam pro eorum quam pro sua persona, is qui iudicia iter pro communibus rebus fuerit appellatus respondeat, nec vllum praedictum consortium absentia, si coheres eius iustissime seu etiam per commentum aut per ignauitiam fuerit superatus, incurrat: sed si separare negotium legaliter intenderit, permittatur. Abrogata denique supra factae legistam inconuenienti sententia, hoc salubre decretum per vniuersos regni nostri populos omni decernimus reuerentia valiturum. Ac similis etiam ordo seruabitur, si vnus forsitan ex consortibus quemquam crediderit licet pulsandum.

## V.

*Si placitum quis diuisionis irrumpat, diuisam partem vsurpans.*

**Q**ui placitum diuisionis irruperit, & quamlibet partem alienae portionis inuaserit, quantum de suo, quantum de alieno occupauit, amittat.

## VI.

*Si vineam aut domum quis in consortis terra construxerit.*

**S**i quis domino sciente vel consentiente vineam in consortis terra plantauerit aut domum fecerit, vel certe si ipse qui vineam plantat vel domum facit, aut ignorauit quod portio sit consortis: dum hoc aut testibus aut iuramento firmauerit, aliud tantum pariter meriti domino illi in cuius terra vineam plantauit, restituat, & qui posuit vineam securus obtineat. Si verò domino contradicente plantauerit, iuste perdat qui rem alienam domino contraeunte plantauit. Similis etiam de aedificiis forma seruetur. Hoc tamen addicimus, vt si quicumq; alteri terram vendiderit, aut donauerit, siue commutatam acceperit, quae tamen reperiatur quandoquidem non iuris eius fuisse qui dedit, si ille qui terram ipsam acceperit in eadem terra domum aedificauerit, aut vineam plantauerit, siue oliueta, siue horrea, vel pomaria fecerit, siue etiam si quid utilitatis ibi aut laboris adiecerit: & dominus terrae illius, cui terra ipsa debita fortasse manebat, callidum se seruans contestari noluit, aut fortasse longe commanens id ipsum aut nescierit aut contestari neglexerit: vt in postmodum laboratum ibi auferre aliquid possit, dum hoc ipse cuius eandem terram esse patuerit, coram iudice propulsauerit, ab auctore qui terram ipsam iniuste alteri dedit, alteram & similem terram in duplo recipiat: & ille qui in eadem terra labores suos exercuit, id quod laborauit nullo modo perdat.

<sup>1</sup> hortos.  
<sup>2</sup> pomeria.

## VII.



## VII.

*Si vineam in aliena terra quis plantauerit, in qua sortem non habet.*

**Q**ui vineam in alieni fundi territorio, in quo ipse confors non est, sine permissione domini, siue per vim, aut forsitan domino nesciente, vel absente plantauerit: etiam si ei contradictum non fuerit, vineam quam plantauit amittat: Quia sufficere ei debet, quod ad duplicationem rei non addicitur, qui aliena peruasisse dinoscitur.

## VIII.

*De diuisione terrarum facta inter Gothum & Romanum.*

**D**iuisio inter Gothum & Romanum facta de portione terrarum siue siluarum, nulla ratione turbetur, si tamen probatur celebrata diuisio: nec de duabus partibus Gothi aliquid sibi Romanus præsumat aut vendicat: Aut de terra Romani Gothus sibi aliquid audeat usurpare aut vendicare: nisi quod de nostra forsitan ei fuerit largitate donatum. Sed quod à parentibus, vel vicinis diuisum est, posteritas immutare non tenter.

## VIII.

*De siluis inter Gothum & Romanum indiuisis relictis.*

**D**e siluis quæ indiuisæ forsitan resederunt, seu Gothus seu Romanus eas assumpserit, & fortasse fecerit culturas: statuimus vt si adhuc silua superest, vnde paris meriti terra eius cui debetur portioni debeat compensari, siluam accipere non recuset. Si autem paris meriti quæ compensatur, silua non fuerit, quod ad culturam scissum est diuidatur.

## X.

*Quod ea quæ seruus non iubente domino fecerit, excepto quod lex iubet, valere non poterit.*

**Q**uidquid seruus domino iubente diuiserit vel fecerit, excepto quod lex permittit, firmum non esse iubemus: si id dominus serui noluerit custodire.

## XI.

*Qui terras ad canonem acceperit, placitum seruet.*

**T**erras quæ ad placitum canonis datæ sunt, quicumque suscepit, ipse possideat, & canonem domino singulis annis qui fuerit defunctus exsoluat. quia placitum non oportet interrumpi. Quod si canonem constitutum singulis annis implere neglexerit, terras dominus pro suo iure defendat. quia sua culpa beneficium quod fuerat consecutus, amittat: quia placitum non impleuisse conuincitur.

## XII.

*De terris quæ definito annorum numero per placitum dantur.*

**S**i per precariam epistolam certus annorum numerus fuerit comprehensus, ita vt ille qui suscepit terras, post quodcunque tempus domino reformaret: iuxta conditionem placiti terras restituere non moretur.

## XIII.

*Si ille qui ad placitum accepit terras, extendat culturas.*

**Q**ui ad placitum terras suscepit, hoc tantum teneat, quod eum terrarum dominus habere permiserat, & amplius non præsumat. Quod si culturas suas longius extendisse cognoscitur, & sibi alios ad excolendos agros fortasse coniunxerit: aut plures filij vel nepotes in loci ipsius habitationem successerint: aut campos quos ei dominus terræ non præstiterat occupauerit: aut siluam quæ ei data non fuerat propter excolendos agros, aut conculos, aut faciendæ forsitan prata succiderit: quidquid amplius usurpauit quàm ei præstitum probatur, amittat: & in domini consistat arbitrio, virum canon addatur, an hoc quod domino præstitit, dominus ipse possideat. Quod si tantummodo alicui ager sit datus, & data silua vel campus non fuerit: sine domini iussu nihil de silua vel campo qui agrum cepit, usurpet.

## XIII.

*Si inter eum qui dat & accipit terram aut siluam contentio oriatur.*

**S**i inter eum qui accipit terras vel siluas, & qui præstitit, de spatio vnde præstiterit,

*Tomus III.*

Oooo



fuerit orta contentio: tunc si superest ipse qui præstitit, aut si certe mortuus fuerit, eius heredes præbeant sacramenta, quod non amplius auctor eorum dederit, quam ipsi designanter ostendunt. Et si postea quam iurauerint, præsentibus testibus eis quæ obseruatur signa constituent: ut pro ea re nulla deinceps accedat causatio. Si vero consortes eius non dignentur iurare aut forte noluerint: vel aliquam dubietatem habuerint, quantum vel ipsi dederint vel antecessores eorum: ipsos aut animas suas non condemnent, nec sacramentum præstent: sed ad tota aratra, quantum ipsi vel parentes eorum in sua sorte susceperant, per singula aratra quinquagenos aripennes dare debent: ea tamen conditione, ut quantum occupatum habuerint, vel cultum mixtu quinquaginta aripennes concludant, nec plus quàm in eisdem mensuratum fuerit aut ostensum, nisi terrarum dominus forte præstiterit, audeant usurpare. Quod vero amplius usurpauerint, in duplum reddant inuasa.

XV.

*Qui ad colendam terram accepit, sicut ille qui terram dedit, ita & censum exsoluat.*

**Q**ui accolam in terram suam susceperit, & postmodum contingat, ut ille qui susceperat, cuicunque tertiam reddat, sicut & patroni eorum, qualiter vnum quemque conuigerit.

XVI.

*Ut si Gothi Romanorum tertia quippiam tulerint, iudice insistente Romanis cuncta reforment.*

**I**udices singularum ciuitatum, villici, atque præpositi, tertias Romanorum ab illis qui occupatas tenent auferant, & Romanis sua exactione sine aliqua dilatione restituant: ut nihil fisco debeat deperire. Si tamen eos quinquaginta annorum numerus aut tempus non excluderit.

XVII. FL. CIN. REX.

*De mancipiorum agnitionibus diuidendis, atque eorum peculis partiendis aut decernendis.*

**P**rouidentissimi iustique iuris est, ut formam inueneratæ censuræ, quæ ab æquitatis ratione dissentit, nouellis etiam sanctionibus emendemus. Nec immerito prius nascendi causas expedit arbitrari, & ita demum legem ponere nascituris. Si enim filius ab utroque parente gignitur & creatur, cur idem ad conditionem tantum pertineat genitricis, qui sine patre nullatenus potuit procreari? Hac rationabiliter naturæ lege compellimur agnitionem ancillæ, quæ seruo alieno iuncta peperit, inter utrosque dominos æqualiter diuidendam. Quod si vnus tantum filius ab eisdem parentibus fuerit procreatus: quoniam ambobus dominis modo placito non poterit deseruire: iste filius apud matrem usque ad ætatis annum duodecimum edoceatur, donec ætas eius in exercendis laboribus ferre seruitium pubertatis incipiat. Post hæc autem dominus ancillæ domino serui, cui hæc ancilla coniuncta est, pretium ex medietate persoluat, quantum isdem filius à bonis hominibus valere fuerit æstimatus. Similis forma seruatur & de cæteris filiis, qui in pari numero fuerint procreati. Peculium vero mobilis rei, quod seruus & ancilla profligauerint sub contubernio constituti, ad utrosque dominos decernimus pertinendum. Sane si in fundum alterius domini, ad cuius ius idem seruus vel ancilla non pertinent, præter ædificium agrumque vel aliquid quod esse possit immobile, à seruis talibus in re mobili fuerit conquisitum: non aliter quam agnationem huiusmodi æqualiter eorum domini sibi debeant vindicare. Quod si vnus ex hiis dominis contubernia famulorum conatus fuerit irrumpere, statim eos separare non differat: ea tamen conditione seruata, ut postquam ad dominorum cognitionem contubernia seruorum peruenerint, si eos in hoc dominorum voluntas perseuerare non erit, infra anni spatium ipsum contubernium resolvere non morentur. Cæterum si hoc rationabile tempus, quod hac lege indultum est, negligentia dominorum exceßerit, quidquid post expletum annum fuerit procreatum, utrique domino æqualiter sexus numeri vel ætatis contropatione nouerit diuidendum. Quod si super annum tempus exceßerit, & hoc vnus dominus vel ambo nescierint: quodcunque nasci potuerit, similiter in diuisionis æquali portione manebit.

XVIII.



quæ vt refelli possit compendio breuitatis vti conuenit. Omnis ergo res quæ mobilis immobilisque consistit, cuiuscunque fuerit generis, siue formæ: an peculii, an pecularis nomen habuerit, vnius intelligentiæ vim euidentiamque obtineat: vt ex hoc omnis de mobilibus immobilibusque intentio conquiescat.

XIX. FLS. GLS. RCDS. REX.

*Si pro acceptis rebus promissio non solvatur.*

**S**I quis terram, vineam aut aliquā rem aliam pro decimis, vel quibuslibet commodis, præstationibusq; reddendis, per scripturam aut quamcunq; definitionem, ita ab alio acceperit possidendam: vt ille qui dat sic sub alicuius exsolutionis debito det, ne videatur huius rei suæ vsum amittere voluisse: sed quidquid debet, qui rem accepit etiam sine sollicitudine domini ipse sollicite reddat. Nam quamuis consuetudo vel promissio exsoluta non fuerit, de rebus suis pars domini excludi non poterit. Quia non voluntate istius qui dedit, sed fraude illius qui rem accepit, videtur commotio rei domino commoueri. Si vero ille qui rem accepit consuetudinem aut promissionem differat adimplere: quodcunque de promisso vel constituto debet, rei domino in duplum exsoluat. Nam si ita reddere promissum aut consuetum dissimulet debitum, vt dominum rei legum tempus excludat, vsque ad quinquaginta annos rem suam cum augmento solius laboris quod illic fecit amittat.

## II. TITVLVS.

### DE QVINQVAGENARII ET TRICENARII TEMPORIS TEMPTATIONE.

- I. *Ne post quinquaginta annos sortes Gothica vel Romana amplius repetantur.*
- II. *Ne mancipia post quinquaginta annos ad seruitium reuocentur.*
- III. *Vt omnes cause tricennio concludantur.*
- IV. *Vt exceptis fiscalibus seruis tricennale tempus valeat in omnibus causis.*
- V. *De interruptione tricennii.*
- VI. *Ne tricennale tempus impediatur religatis.*

I.

*Ne post quinquaginta annos sortes Gothica vel Romana amplius repetantur.*

**S**ORTES Gothica & Romana, quæ intra quinquaginta annos non fuerint reuocata, nullomodo repetantur.

II.

*Ne mancipia fugitiua post l. an. ad seruitium reuocentur.*

**M**ancipia fugitiua, quæ intra l. annos inuenta non fuerint, non liceat ad seruitium reuocare.

III.

*Vt omnes cause tricennio concludantur.*

**O**Mnes causas, siue bonas, siue malas, aut etiam criminales, quæ intra xxx. annos definitæ non fuerint, vel mancipia quæ in contentione posita fuerint, aut sunt, ab alio tamen possessa, si definita atque exacta non fuerint, nullo modo repetantur. Si quis autem post hunc xxx. annorum numerum causam mouere tentauerit, iste numerus ei resistat, & libram auri † cui Rex iusserit coactus exsoluat. † cum.

XIII. FLS. GLS. RCDS. REX.

*Vt exceptis fiscalibus seruis tricennale tempus valeat in omnibus causis.*

**S**æpe contemptis in debita re solutio iuris euanescere facit statutum tempus iustæ possessionis & quod nulla generis nobilitas decorauit, indebita licentia libertate contradicit. Tricennalis ergo transcurso temporum cum iam sic constanter inoleuerit in negotiis actionum, vt non iam quasi ex instructione humana, sed veluti ex ipsa rerum processisse natura videatur: ideo valitura sanctionis huius æternitate decernitur, vt si per tricennii tempus, seu fiscus de † quorumlibet iure quodcumque tenuerit, seu quislibet de fisci extra mancipia fiscalia aut cuiuspiā rebus aliquid fortasse possideat, † quolibet.

TOMVS III.

Oooo 2



rit, perenni sibi iure vendicat & retinet. Nec contra hunc numerum (in quo etiam veritas perfecte completur ætatis) attentet commoueri vox cuiuscunque petitionis. Serui verò fisci, quorum de stirpe serui euidens origo patuerit, quamuis resoluti atque per diuersa vagantes nihil in pensione tributi persoluerint: quamuis fuga vel latebris, seu patrocínio quorumcunque defensi latuerint, seruitutis conditionem non erunt penitus euasuri, sed in originem pristinam absque temporum præiudicio redigendi. Ab huius sententia legis illis tantummodo segregatis, qui percipere valuerunt regia collatione remedia libertatis.

FL. CIN. REX.

*De interruptione tricennii.*

**S**æpe proprium ius alterius longinqua possessio in ius transmittit alterius. Nam quod xxx. quisque annis expletis absque temporis interruptione possidet, nequaquam ulterius per repetentis calumpniam amittere potest. Vt ergo tam petenti quam possessori hinc competenter possit esse consultum, id ab omnibus obseruandum est: ut quicunque rem quæ ab alio per quindecim annos aut supra, infra triginta tamen possessa est, sui iuris esse astruxerit: & possessor fortasse siue à iudice siue à repetente commonitus, vel reddere distulerit, vel rationabiliter responsum parare contempserit, aut quamcunque dilationem videatur afferre: siue etiam eiusdem rei quæ petitur absentem possessorem, hoc est in alia prouincia, aut in expeditione publica positum esse constiterit: tunc iudex id quod reposcitur, id est, siue possessio siue quodcunque fuerit, pro interruptione temporis coram duobus testibus aut tribus ingenuis petenti consignare procuret: ita ut si iudex rem ipsam petenti faionis instantia præceperit consignari, per epistolam manu sua subscriptam eundem faionem iuxta modum subterius comprehensum informet. Et si forte possessio est ubi repositio alicuius substantiæ sit, ne per rationales excusatio fiat, anulo iudicis aut faionis qui locum consignat, eadem ostia, ubi res est reposita, per illos octo dies maneant obsignata. Et ille qui accepit, octo tantum diebus possideat, & nihil exinde expendere aut euertere vel alienare præsumat: sed in eo tantum loco quidquid voluerit aut potuerit laboris exerceat. Post octo autem dies rem intemeratam dimittat, ab eo quem possidentem inuenerat indubitanter apprehendendam, & nullam ex hoc ille qui octo diebus possedit, calumpniam pertimescat: ita tamen ut si vel ipse, vel pars eius aut posteritas infra xxx. annos à die interrupti temporis rem quam sibi consignari poposcerat, sui iuris esse conuincat. Nam si conuinci eadem actio taliter non potuerit, ille quidem qui superstes est, ut qui dominium alienum inquietauit, rei domino veluti iniustus satisfaciat petitor. Aut si aliquod expendere aut euertere, in quadruplum reddere compellatur. Parti vero eius aut posteritati nulla ex hoc ulterius calumpnia moueatur: illa euidentissime conditione taxata, ut si per diuersas res, aut in diuersis locis hæc de qua agitur fuerit dispersa facultas, & ex omnibus his quæ ad eandem pertinent repetitionem vnumquemque fuerit secundum legis præsentis decretum à iussione iudicis consignatum, pro traditione teneatur omnium rerum.

*Exemplar epistolæ informationis.*

**I**lle iudex faioni illo, Informamus te, ut locum illum, quem ille repetit, & nunc in domino illius esse videtur, iuxta legis ordinem, coram duobus aut tribus ingenuis illi consignes, octo tantum diebus possidendum: ita ut si aliquid ibi repositionis habetur, & anulo domini sui non est signatum, propter auferendam excusationem rationalium per illos octo dies anulo tuo maneat obsignatum. A te vero nihil exinde aliquatenus auferatur.

VI. FLS. RCDs. REX.

*Ne tricennale tempus impediatur religatis.*

**Q**uanto pressuris conditio vrgetur humana, tanto multis remediis clementiam principalem necessitati consulere decet humanæ. Quæ propter cum quisque nobilis atque inferior, ingenuus siue etiam seruus, regio iussu in custodiam vel exilium extiterit deputatus, & contingat eum quandoque aut liberationem inuenire, aut ad sua bona reuerti: si quamcunque rem in repetitione videatur habere, non illud tempus pro tricennali vel quinquagenario annorum numero in eius actione iugatur, quod ipse



ipse in custodia vel in exilio fuisse dinoscitur: sed remoto omni illo tēpore, quo euidenter eidem personæ in pressuris & in penuria constitutæ sibi debitum negotium profectui non licuit. De cætero vero iuxta legum decreta vel tempus in eius obiectione legalis ordo maneat constitutus.

## III. TITVLVS.

## DE TERMINIS ET LIMITIBVS.

- I. *Vt termini & limites conseruentur.*  
 II. *De collisis & euulsis limitibus.*  
 III. *Quid obseruetur, si de terminis contentio oriatur.*  
 IV. *Si alter intra terminos alienos possidere dicatur.*  
 V. *Vt si aliqua pars de aliquo loco tempore Romanorum remota est, ita persistat.*

## I.

*Vt termini & limites conseruentur.*

**N**TIQVOS terminos & limites sic stare iubemus, sicut antiquitus videntur esse constructi, nec aliqua patimur eos commotione diuelli.

## II.

*De collisis & euulsis limitibus.*

**Q**VI studio peruadendi limi es complanauerit, aut terminos fixos fuerit ausus euellere: si ingenuus est, per singula signa vel notas xx. solidos cui fraudem fecit cogatur inferre: si seruus est, per singula signa l. flagella suscipiat. Si quis dum arat, aut pomaria vel vineam plantat, terminum casu non voluntate conuellerit, vicinis præsentibus restituat terminum: & postmodum ex hoc nullum dampnum aut periculum veretur.

## III.

*Quid obseruetur, si de terminis contentio oriatur.*

**Q**UOTIENS cunque de terminis fuerit orta contentio, signa quæ antiquitus constituta sunt oportet inquiri: id est, aggeres terræ siue arcas, quas propter fines fundorum antiquitus apparuerit fuisse constructas atque congestas: lapides etiam, quos propter indicia terminorum notis euidentibus sculptos constiterit esse defixos. Si hæc signa defuerint, tunc in arboribus notas, quas decurias vocant, conuenit obseruari: sed illæ quæ antiquitus probantur incisæ.

## IV. FLS. GLS. RCDS. REX.

*Si alter intra terminos alienos possidere dicatur.*

**S**I quis intra terminos alienos, per absentiam aut per ignorantiam domini, partem aliquam fortè possederit: ita vt diuturna mansio, ac sic etiam multo tēpore inolita, vel amplius quàm l. annis hominum, partis eius habitatio publice & immobiliter consistere aut permanere nullatenus comproberetur: statim cum per antiqua signa euidentibus inspectoribus fines loci alterius cognoscuntur, amittat domino reformanda. Nec contra signa euidentia debitum dominium vllum longæ possessionis tempus excludat: sed hoc si ex his contententibus vnus possessoris siue auctori eius dominiū reperiatur aduenisse postremū. Nā si tanta tēpora exceßerint, vt nec ipsi nec auctores eorū nouerint, cuius primum aut dominium aut possessio fuit: sed nec per testem aut per scripturā potuerit postremus possessor ostendi: quia t̄ dubium primæ possessionis patet indicium, vniūsq; quod possidet irrevocabiler possidebit. Verū vbi vnus possessor sine alterius domini mansionibus publicè possidens per euidentia signa locum ex integro indicare videtur: nulla ratio finit, vt quamuis per longa tempora eius possessionis integritas decerpatur. Vnde si alter illic, sed per præsumptiuam, introduxerit nouitatem, nihil nocere poterit possessori. Si verò idem aliena appetens, aliquid ex hoc repetit, non præsumitur sed per iudicium, si meretur obtineat. Nam si inconditè & improuise attentet aliquatenus accedere velle: liceat hunc domino verè, vt violentum accusare aut inuasorè, per iudicium legibus abdicare.

## V.

*Vt si aliqua pars de alio loco tempore Romanorum remota est, ita persistat.*

**S**I quodcunque ante aduentum Gothorum de alicuius fundi iure remotum est: &



aliquam possessionem, aut veditio, aut donatione, aut diuisione aut aliqua transactione translatus est: id in eius fundi, ad quem à Romanis antiquitus approbatur adiunctum, iure constat. Cum autem proprietas fundi nullis certissimis signis aut limitibus probatur, quid debeat obseruari eligat inspectio iudicum quos partim consensus elegerit: ita ut index quos certiores agnouerit vel seniores, faciat eos sacramenta præbere, quod terminos sine ulla fraude demonstrauerint. Et tamen nullus nouum terminum sine consortis præsentia aut sine inspectore constituat. Quod si forsitan liber hoc fecerit, damnum peruationis excipiat quod legibus continetur. Si verò id seruus admiserit domino nesciente, cc. flagella publicè extensus accipiat, & nullum ex hoc præiudicium domino computetur.

## DE ÆGROTIS, MEDICIS, MOR- TVIS ATQVE TRANSMARINIS MER- CATORIBVS, LIBER VNDECIMVS.

### I. TITVLVS.

#### DE MEDICIS ET ÆGROTIS.

- I. *Ne absentibus propinquis mulierem medicus flebotomare præsumat.*
- II. *Ne medicus custodia retentos visitare præsumat.*
- III. *Si medicus pro ægritudine ad placitum expectetur.*
- IV. *Si ad placitum susceptus moriatur infirmus.*
- V. *Si de oculis medicus ypcismata tollat.*
- VI. *Si per flebotomum ingenuus vel seruus mortem incurrat.*
- VII. *De mercede discipuli.*
- VIII. *Ne indiscussus medicus custodia deputetur.*

### I.

*Ne absentibus propinquis mulierem medicus flebotomare præsumat.*



VLVS medicus sine præsentia patris, matris, fratris, filii, aut auunculi, vel cuiuscunq; propinqui, mulierem ingenuam flebotomare præsumat: excepto si necessitas emerferit ægritudinis, vbi etiam contingat supradictas personas minimè adesse, tunc aut coram vicinis honestis, aut coram seruis aut ancillis idoneis, secundum qualitatem ægritudinis, quæ nouit pendat. Quod si aliter præsumperit, decem solidos propinquis aut marito coactus exsoluat. qui a difficillimum non est, aut sub tali occasione ludibrium interdum adharescat.

### II.

*Ne medicus custodia retentos visitare præsumat.*

NVLlus medicorum vbi comites, tribuni, aut iudices, aut villici in custodiam retraduntur introire præsumat sine custode carceris: ne illi per metum culpæ suæ mortem sibi ab eodem explorent. Nam si aliquid mortiferum his ab ipsis medicis datum vel indultum fuerit, multum publicis rationibus deperit. Si quis hoc medicorum præsumperit, sententiam cum ultione percipiet.

### III.

*Si medicus pro ægritudine ad placitum expectetur.*

SI quis medicum ad placitum pro infirmo visitando aut vulnere curando poposcerit: ut viderit vulnus medicus, aut dolores agnouerit, statim sub certo placito cautione emissa infirmum suscipiat.

### IIII. ANTIQVA.

*Si ad placitum susceptus moriatur infirmus.*

SI quis medicus infirmum ad placitum suscepit, cautionis emissio vinculo infirmum restituat sanitati. Certè si periculum contigerit mortis, mercedem placiti penitus non requiratur, nec ulla inde vtriq; parti calumnia moueatur.



V.

*Si de oculus medicus ypocismata tollat.*

**S**I quis medicus ypocisma de oculis abstulerit, & ad pristinam sanitatem perduxerit infirmum, v. solidos pro suo beneficio consequatur.

VII.

*Si per flebotomum ingenuus vel seruus mortem incurrat.*

**S**I quis medicus dum flebotomum exercet, ingenuum debilitauerit, c. solidos coactus exsoluat. Si vero mortuus fuerit, continuo propinquis tradendus est, vt quod de eo facere voluerint habeant potestatem. Si vero seruum debilitauerit aut occiderit, huiusmodi seruum restituat.

VII. ANTIQVA.

*De mercede discipuli.*

**S**I quis medicus famulum in doctrina suscepit, pro beneficio suo duodecim solidos consequatur.

VIII. ANTIQVA.

*Ne indiscussus medicus custodia deputetur.*

**N**ullus medicum inauditum (excepta homicidii causa) in custodiam retrudat. Pro debito tamen sub fideiussore debet consistere.

II. TITVLVS.

## DE INQVIETVDINE SEPVLCHRORVM.

I. *De violatoribus sepulchrorum.*II. *Si sepulchrum mortui auferatur.*

I.

*De violatoribus sepulchrorum.*

**S**I quis sepulchri violator extiterit, aut mortuum expoliauerit, & ei aut ornamenta aut vestimenta abstulerit: si liber hoc fecerit, libram auri coactus exsoluat heredibus mortui, & quæ abstulit reddat. Quod si hæredes non fuerint, fisco nostro cogatur inferre: & præterea c. flagella suscipiat. Seruus verò, si hoc scelus admiserit, ducenta flagella suscipiat, & insuper flammis ardentibus exuratur: nihilominus redditis cunctis quæ ausus est abstulisse.

II.

*Si sepulchrum mortui auferatur.*

**S**I quis mortui sarcophagum abstulerit, dum sibi vult habere remedium: duodecim solidos iudice insistente heredibus mortui cogatur exsoluere. Quod si domino iubente seruus hoc admiserit, dominus pro seruo componere non moretur. Seruus vero, si ex sua voluntate hoc admiserit, nihilominus c. flagella suscipiat: & quod tulerat, & loco & corpori proprio reformetur.

III. TITVLVS.

## DE TRANSMARINIS NEGOTIATORIBVS.

I. *Si transmarini negotiatores furtiua vendere detegantur.*II. *Vt transmarini negotiatores suis & telonariis & legibus audiantur.*III. *Si transmarinus negotiator mercenarium de locis nostris secum transtulerit.*IV. *Si transmarinus negotiator mercenarium pro commercio suscepit.*

I.

*Si transmarini negotiatores furtiua vendere detegantur.*

**S**I quis transmarinus negotiator aurum, argentum, vestimenta, vel quælibet ornamenta prouincialibus nostris vendiderit, & competenti pretio fuerint venundata: si furtiua fuerint postmodum approbata, nullam emptor calumniam pertimescat.

II. ANTIQVA.

*Vt transmarini negotiatores suis & telonariis & legibus audiantur.*

**D**Vm transmarini negotiatores inter se causam habuerint, nullus de sedibus

Tomus III.

Oooo 4



† a telona- nostris eos audire præsumat, nisi tantummodo suis legibus audiantur † apud telonarios  
suis. suos.

III.

*Si transmarinus negotiator mercenarium de locis nostris secum transtulerit.*

**N**ullus transmarinus negotiator de sedibus nostris mercenarium audeat in loca sua transferre. Qui contra hoc venire tentauerit, inferat fisco nostro aurilibram vnam, & præterea ducenta flagella suscipiat.

IV.

*Si transmarinus negotiator mercenarium pro commercio suo susceperit.*

**S**i quis transmarinus negotiator mercenarium de sedibus nostris pro vegetando commercio suo susceperit, det pro beneficio suo sol. III. per annum vnum, & nihilominus impleto placito seruum domino reformare cogatur.

DE REMOVENDIS PRES-  
SVRIS, ET OMNIUM HÆRETICORVM SE-  
CTIS † EXTIRPATIS, LIBER XII.

† extirpatis.

I. TITVLVS.

DE TEMPERANDO IVDICIO, ET REMO-  
VENDA PRESSURA.

- I. De commonitione principis, qua iubetur vt iudicium temperent iudices.
- II. Vt nullus ex his qui popularem accipiunt potestatem & curam, quoscunque de populis, aut in sumptibus, aut in indictionibus inquietare pertemptet.
- III. Lex in confirmatione concilii edita.

I. FLS. GIS. \* REX.

*De commonitione principis, qua iubetur vt iudicium temperent iudices.*



**Q**VI necessariam culpis hominum seueritatem disponimus, conuenit vt Deo placita miseris remedia impendamus. Obtestamur itaque iudices omnes, cunctosque quibus iudicandi potestas concessa est, teste virtutum omnipotente domino, commonemus ad inuestigandam quidem rei veritatem in causis omnibus, solertes existere, & absq; personarum acceptione negotiorum omnium contentiones examinare: circa victas tamen personas, ac præsertim paupertate depressas seueritatem legis aliquantulum temperare. Nam si in totum iudicii proprietates attendatur, misericordiae proculdubio mansuetudo deferetur.

II. FLS. RCDS. REX.

*Vt nullus ex his qui populorum accipiunt potestatem & curam, quoscunque de populis, aut in sumptibus, aut in indictionibus inquietari pertemptet.*

**O**mnes quos regni nostri felicitate tuemur, nihil aliud eorum utilitatibus consulentes, momentis omnibus statuimus, nisi vt nullam dispendiorum suspensionem patiantur. Quid est enim iustitiae tam proximum vel nobis familiare, quam piam fidelibus manum porrigere, & iuste hos quos regimus in diuersis negotiis adiuuare? Decernentes igitur, & huius legis nostrae seueritate constituentes iubemus, vt nullis indictionibus, exactationibus operibus, vel angariis, comes, vicarius, vel villicus pro suis utilitatibus, populos aggrauare præsumant: nec de ciuitate vel de territorio annonam accipiant, quia nostra recordatur clementia, quod dum iudices ordinamus, nostra largitate eis compendia ministramus. Simili auctoritate iubemus rectorem prouinciae, siue comitem patrimonii, aut auctores fisci nostri, vt nullam in priuatis hominibus habeant potestatem, nullaque eos molestia inquietent: sed si priuatus eum seruis fisci nostri habuerit causam, actor vel procurator commonitus in iudicio rectoris prouinciae, vel iudicis territorii, vbi causa fuerit intromissa, suam repræsentet personam & minorem, vt discussio negotio distractione legali vniuscuiusque commendetur excessus. Et quia dum regali cura actores nostrarum perquireremus prouinciarum, comperimus quod numerarii vel defensores annua vice mun-

ten-



tentur: quia detrimentum de causa nostris non ambigimus populis euenire: Ideoque iubemus, vt numerarius vel defensor qui electus ab Episcopo vel populis fuerit, commissum peragat officium: ita tamen, vt dum numerarius, vel defensor ordinatur, nullum beneficium iudici dare debeat, nec iudex præsumat ab eis aliquid accipere vel exigere. Quod si quis iudicium hanc nostram transcenderit constitutionem, honore priuatus x. libras auri fisco nostro coactus resoluat. Sacerdotes vero, quos diuina obtestatione conuenimus, si excessum iudicium aut auctorum scierint, & ad nostram non retulerint agnitionem: nouerint se iudicio concilii esse plectendos: & detrimenta quæ pauperes eorum silentio pertulerint, ex eorum rebus illis esse restituenda.

III. FLS. RCNS. REX.

IN NOMINE DOMINI LEX IN CONFIRMATIONE  
CONCILII EDITA.

**E**Ximia synodalis auctoritas; & veneranda est pariter, & tremenda: quæ in tantum per donum sancti spiritus agitur, vt ex diuersitate multorum animorum & cordium, vnum cor vnamque animam fecisse monstretur: dum numerositas aggregata Pontificum non per sententiam discrepat, non per stilum diuersa obiectat, nec per iudicium aliud vnus quam vniuersitas affirmat. Ideo reuerendum mihi conuentum synodalis concilii, in cuius medio præsentia sancti spiritus se habitare promisit deuotè venerans, instanterque honorans, ea quæ illorum ore, nostræque gloriæ oratu digesta sunt, in notitiam deducimus singulorum. Illa dicimus synodalis concilii gesta, quæ anno iij. regni nostri in Toletana vrbe noscuntur esse confecta. quorum institutionum euidencia, vt sine cunctatione hominibus innotescat: hinc ea specialiter prælegimus renotanda. Est igitur primus Canon de reddito testimonio dignitatis eorum, quos profanatio infidelitatis, cum paulo traxit in societatem tyrannidis, quos celsitudo nostra, vna cum filiis, per huius nostræ legis edictum, & testimonio nobilitatis pristinae vti, & rebus quas per auctoritatis nostræ vigorem perceperint decernimus reuestiri.

Item secundus est Canon de accusatis sacerdotibus; seu etiam optimatibus palatii atque gardingis: sub qua eos iustitiæ cautela examinari conueniat, quos nostræ gloriæ mansuetudo iuxta ipsius Canonis constituta, nullis tormentorum generibus ante publicam discussionem subici censuit. Sed omnes qui deinceps fuerint accusati, iuxta sanctionem prædicti capituli erunt proculdubio iudicandi. Vnde id specialiter obseruandum fore censemus: vt quidquid contra hanc regulam sententiæ nostræ, vel prædicti Canonis institutionem, aut in personam cuiusquam fuerit actum, aut de rebus accusatoris personæ extiterit iudicatum, iuxta prædicti Canonis instituta nullo vigore subsistat: quod persona ipsa, aliter quam decernimus iudicata, aut testimonii sui dignitatem amittat, aut quæstus rei proptiæ careat.

Tertius quoque Canon est de tributorum principali relatione in plebe, vbi nostræ gloriæ auctoritate simul & exhortatione sancitum est: vt omne tributum præteritorum annorum, vsq; in annum primum regni nostri, quod in priuatis siue in fiscalibus populis nostris reiacet, absolutionis perpetuæ debeat sanctione laxari: ea tantum præcipientes publicis thesauris exhiberi, quæ exacta non illata fecisse constiterint.

Quartus post hæc sequitur Canon, de monitione regia, quam prompto voluntatis effectui omnis conuentus sacerdotum atq; etiam seruorum condere prælegerint.

Quintus Canon sequitur, ne defuncto principe relictam eius coniugem quisquam ibi aut in coniugio aut in adulterio audeat copulare.

Sextus deinde sequitur Canon, vt, exceptis seruis vel libertis fiscalibus, nullus de seruitu quorumlibet aut libertis deinceps ad palatinum transeat officium. Quod si fecerint, præsentis legis nostræ edicto ad propriæ seruitutis iugum modis omnibus reduendi sunt, qualiter aut dominis suis, si superstites sunt, aut eorum propinquis (quib; decedentium successio ex lege debetur) seruituri tradantur.

Post hunc septimus est Canon, de his qui pro accidentia iurgiorum altaria nuda præsumunt, vel luminaria Ecclesiæ subtrahunt.

Octauus quoq; sequitur Canon, ne admonente metropolitano quisquam ex conuinitimis ad locum vbi inuitatur venire contempnat.

Nonus quoq; Canon subsequitur, de confirmatione concilii Toletani duodecimi, quod factum est anno primo gloriæ nostræ.



Decimus huic Canon adiungitur, vbi speciali sententia definitur, vtrum audeant ministrare hi, qui pœnitentiam in sacerdotio constituti accipiunt.

Vndecimus quoq; Canon habetur, ne quis alienum clericum, vel monachum suscipiat fugientem.

Duodecimus post hæc Canon scribitur, de non excommunicandis à proprio Episcopo personis illis, quæ ad metropolitanum suum negotia sua suggesturi accesserint.

Vltimus & tertius decimus post hunc Canon subsequitur, de relatione gratiarum, quæ post peractionem concilij, Deo & principi persoluantur. Quæ omnia præmissa synodaliū institutionum decreta, à præsentī die, vel tempore omni cura, omniq; vigilantia, per cunctas regni nostri prouincias decernimus obseruanda: qualiter & perspicuū auctoritatis valideq; vestigium subeant, & perpetuo vigoris ordine solidati persistant. Quamobrem sacre huius legis oraculo, omnibus generaliter religiosis, atque etiam laicis sub regni nostri ditione manentibus, interdiciamus pariter & iubemus, vt prædicta synodalia gesta nullus contempnat, nullus etiam præterire aut conuellere audeat. Nemo notus harum constitutionum iura resoluat. Nemo incognitus nescienti se obiectibus excusare coniciat. Nam à præmemorata subterius die vel tempore, & auctoritatis debite vigore pollebunt, & institutionum suarum legibus, vel regulis cunctorum vniuersalitas adstringetur. Si quis autem huius nostræ legis violator extiterit, ac non potius ea quæ præmissa sunt custodierit, & diutinam Ecclesiasticæ disciplinæ excommunicationē accipiat, & decimam partem rei suæ fisci partibus sociandam amittat. Quod si nihil habuerit facultatis vnde prædictam compositionem persolvere possit, absque aliqua infamia sui l. eum oportebit iustis verberari. Huius igitur nostræ legis decretum, quod in confirmatione huius sacri concilij noscitur promulgatum, gloriosæ manus nostræ exaratione subscripsimus, & ad perennem memoriam valorem ei perpetuū innodamus. Ita lex in confirmatione concilij Toletō, sub die Id. Nou. ERA. septingentesima XXI. anno quoq; feliciter IIII. in Dei nomine Toletō.

## II. TITVLVS.

## DE OMNIVM HÆRETICORVM ATQVE IVDÆORVM erroribus amputandis.

- I. *Quod post datas fidelibus leges, oportuit infidelibus constitutiones ponere legis.*
- II. *De omnium hæresium erroribus abdicatis.*
- III. *De datis & confirmatis legibus supra Iudeorum nequitiam promulgatis.*
- IV. *De cunctis erroribus Iudeorum generaliter extirpatis.*
- V. *Ne Iudæi more suo celebrent pascha.*
- VI. *Ne Iudæi more suo fœdus nuptiale copulent.*
- VII. *Ne Iudæi carnis faciant circuncisiones.*
- VIII. *Ne Iudæi more suo iudicent escas.*
- IX. *Ne Iudæi questione Christianos inscribant.*
- X. *Ne Iudæi contra Christianos testificentur, & quando ex illis progenitis testificari sit licitū.*
- XI. *De pœna qua perimenda est transgressio Iudeorum.*
- XII. *Ne Iudeos Christianum mancipium circuncidat.*
- XIII. *De mancipiis Christianis quæ à Iudeis aut vendita aut libertati tradita esse noscuntur.*
- XIIII. *Vt nullis modis Iudeis Christiana adhereant mancipia, ne in † sectam eorum modo quocunq; ducantur.*
- XV. *De interdicto omnibus Christianis, ne quis Iudeum quacunq; factione aut fauore vendicare aut tueri pertemptet.*
- XVI. *Placitum Iudeorum in nomine Principis factum.*
- XVII. *De Iudæizantibus Christianis.*

I. FLS. GLS. RCDS. REX.

*Quod post datas fidelibus leges, oportuit infidelibus constitutiones ponere legis.*



ACTENVS per arduas culparum semitas iudiciorum cautos direximus gressus, & per humanæ adinventionis præcipientes & immoderatos excessus ordinatæ grauitatis emisimus cursus. Egisse namque nostram illis intentionem conspicuum est, vt dissuaderet quod male suum erat & prohibe-



ret q. turpe, & auferret quod malè actum & à decore honestatis abhorreret. Vt enim legalis ordo malè confectum sibi mentium abdita penetrauit: ita legalis censura, & morum praua correxit, & scelorum commissa truncauit. Verùm hanc pudicitiam animorū non egimus alibi quàm intra Ecclesiam dei viui: quæ diuersitatem simul nationum & hominum vnius tunicæ immortalitate vestiuit, vnius etiam sacræ religionis sibi vinculis religauit. Ibi enim licet excellentiam nostri vigoris à virtutū Deo fuerit terrenæ gloriæ sublima: a culminibus, interdum tamen motu compassionis, interdum acie iudicantis, & peccandi licentiā sollicitè vetare curauit, & peruenta delicta modò temperanter diminuendo subtraxit, modò vehementer stirpando collisit: non solum sequens nobiliū illustriumque gentium mores, quæ rationabilibus & modestis legibus ordinare curauerunt illicitos populorum excessus, sed sanctissimorum quoque patrum tota terrarum orbe felicitum & regulas imitans, exempla que præsumens, quò posset amplitudo nostræ mansuetudinis in illorū præceptis, velut in forma operis, imitationem exprimere actionis: Et ex hoc debere cognoscere proximis subiectisque plebibus honestatis competentia indidisse decreta, ex quæ aut culparum merita sunt euidenter impressa, aut à sanctorum patrum sententiis prorsus non inueniuntur externa: duo mihi dona vno diuinitatis præmio prouenire confidens, vt & cum proximis salutarum temporum perfruar pace, & diuinis iudiciis munere regiminis peracta mercede dispositis, dehinc populorum fidelium legibus, atque in domo sanctæ fidei verè vt propriis membris confecto medicamine saluari & ordinata charitatis decentissimæ pace euidenter in virtute Dei aggrediar: hostes eius insequar, æmulos eius persequar, aduersus eos contendens viriliter, perseverans instanter, aut comminuere illos vt puluerem excussum, aut delere vt lurum † sordentium platearum. Certè aut de illis & fidei conquirere lucrum, & gloriæ Dei dare trophæum: vt dum fideles populos in religionis sacræ pace possederim, atq; infideles ad concordiam religiosæ pacis adduxerim, & mihi crescat in gloria præmium: vt virtutem Dei dilatem, atq; augeam regnum.

II. FLS. GLS. RQDS. REX.

*De omnium hæreticorum erroribus abdicatis.*

Diuinæ virtutis æternum consilium, & in vltimorum serie sæculorum pietatis eius reuelatum atcatum, per retroactorum dierum tempora omnem (vt cernimus) à cunctis nostri regiminis finibus, & perfidiam dissipauit errantium, & dogmatum abdicauit commenta prauorum. Veruntamen ne dum nostris consistimus in diebus, tempus illud occurrat, de quo vas electionis olim protulit, dicens: Erit tempus quo sanam doctrinam non sustinebunt: sed secundum sua desideria coaceruabunt sibi magistros prurientes auribus, & à veritate quidem auditum auertent, ad fabulas autem conuertentur: Conuenit & ea quæ in luce fidei manent, à tenebris contradictionem edicto legali defendere; & ea quæ exoriri obuia forsan error impulerit, gestis legalib. propulsare. Nullus itaque cuiuslibet gentis aut generis homo proprius & aduena, profelitus & indigena, externus & incola cōtra sacram & singulariter vnam Catholicæ veritatis fidē quascunque noxias disputationes eandem fidem impugnans palam pertinaciter aut constanter vel proferat vel proferre silenter attemptet. Nullus Euangelii decreta conuellat. Nullus apostolica instituta decerpit. Nullus antiquorum patrum impugnationibus suis sacras definitiones irrumpat. Nullus modernorum discernentium congruentes fidei tractus spernat. Nullus contra omne sanctum dictum & factum vel veræ fidei sacramentum, aut cogitationes ruminet cordis, aut verba patuli proferat oris. Non in contradictione controuersiam perfidus excitet peruicacis, non improbitatis contentione litem statuatur aduersantis. Nam quæcunque persona ex his in cunctis istis vetitis extiterit deprehensa, siquidem ex quacunque religionis potestate vel ordine fuerit, amisso loci & dignitatis † ordine, perpetuo reatu erit obnoxius, rerum etiam cunctarum amissione multratus. Si verò ex laicis extiterit, & honore solutus & loco, omni rerum erit possessione nudatus: ita vt omnis transgressor sanctionis istius, aut æterno exilio mancipatus intreat, aut diuina miseratione respectus, à præuaricatione conuertatur, & viuatur.



III. FLS. GLS. CHINDS. REX.

*De datis & confirmatis legibus, super Iudeorum nequitiam promulgatis.*

**V**etitis & seculis generaliter omnium hæreticorum præsumptionibus execrandis, nunc specialiter nobis est de præsentibus ordinandum. quoniam & in præsentibus de his cognoscimus esse præsumptum. Nam cum virtus Dei totum vniuersaliter acie verbi sui radicitus hæresium extirpauerit fomitem vel surculum, sola Iudeorum nequitia ingemiscimus arua nostra esse polluta regiminis nostri. Vnde per spiritum Dei vindicare conabimur pacem nostram, quæ gentibus quidem stultitia est: eisdem verò Iudæis scandalum: nobis autem credentibus, idem Christus, Dei virtus, & Deus sapientia: cuius miseratione præuerti concutimur intentione fideli, tam verustis erroribus ponere finem, quam futurorum exordiorum concidere nouitatem. Quapropter æterna lege iubemus, & sacrorum scriptorum iussu decernimus, tam nostrarum legum edicta, quam prædecessorum nostrorum Regum legali serie promulgatas sententias, quæ contra eorum perfidiam & personas data consistunt, æterna consecratione inuolata persistere, & perenni custodia obseruata manere. Quæ si quis eorum temerator detectus extiterit, & subter iacentium legum damnis obnoxius erit, & specialibus vltionibus sententiis subiacebit.

III. FLS. GLS. RCDs. REX.

*De cunctis Iudeorum erroribus generaliter extirpandis.*† *idione.*

**N**ullus Iudeorum sacre religionis Christianam fidem, quæ sancti percepit & vñctione baptisatis, aut profanet aliquatenus, aut relinquat. Nullus hæc factis, nullus dictis impugnet. Nullus huic abscondere, nullus palam insultet. Nullus fugere ad hæc euadendam contendant: nullus, ut hæc effugiat, quibuscunque latibulis se occultandum iniiciat. Nullus specie quandoque profanationis iterandæ contineat. Nullus confidentiam renouandi erroris adsumat. Nullus prorsus perfida mente, Christianæ religioni obuiam sectam corde teneat, verbis promat, factis ostendat. Nullus ex his quæ in eorum placitis sunt conscripta eorumque publica subscriptione notata temerare studeat, vel reuelare præsumat. Nullus omnium horum vitiorum conscius vel operatorem celare attemptet. Nullus inuentum latentem publicare retardet. Nullus auditam latebram denunciare recuset. Cunctorum namque eorum quisque transgressor inuentus constitutæ legis, erit supplicio afficiendus.

V. FLS. GLS. RCDs. REX.

*Ne Iudæi more suo celebrent pascha.*

**N**ullus Iudeorum XIII. luna mensis alicuius faciet pascha, neque dierum ipsorum (ut soliti sunt) solempnia celebrabit. Non dies festos omnis solempnitatis mediores aut summos quisque eorum venerabitur, aut intendet errorem, vel honore vetusto non ferias custodiat. Non sabbata & omnia festa ritu obseruantie suæ deinceps aut colant, aut contingere quandoque præsumant. Nam præuerti mox speciali dampnationis suæ multabuntur vltione.

VI. FLS. GLS. \* REX.

*Ne Iudæi more suo fœdus copulent nuptiale.*

**N**emo ex Iudæis propinquitatem sanguinis sui coniugio copulet, aut adulterio polluat, aut incestu commaculet. Nullus vsque ad sextum generis gradum coitu quacunque personam contingat. Nullus festa nuptialia, aliter quam Christianorum more est vel appetat, vel usurpet. Nam detectus dampnationis datæ vltionibus punietur.

VII. FLS. GLS. \* REX.

*Ne Iudæi carnis faciant circuncisiones.*† *idione.*

**N**ullus Iudeorum circuncisionem operabitur carnis. Nullus hanc sibi fieri patietur indempnis. Non seruus, non ingenuus aut libertus, incola, vel extraneus eiusdem detestandæ & sectionis opprobrium quacunque occasione aut perferat, aut alteri inferre præsumat. Nam quicumque sponte talia fecisse vel sustinuisse probabitur, datæ legis seueritate plectetur.

VIII. FLS. RCDs. REX.

*Ne Iudæi more suo diiudicent escas.*

**C**vm beatus Paulus Apostolus dicat: Omnia munda mundis: coinquinatis autem



rem & infidelibus nihil est mundū: merito Iudæorum detestabilis vita, & discretionis horrendæ immunditia, omnium fordiū horrore immundior, & refelli oportet, & abiici debet. Ne quis ergo ex his primæ ritu traditionis, & vsuati consuetudine moris mūdās ab immundis diiudicet eſcas: nemo ſumenda inhoneſte reiiciat, quæ valde bona eſſe ſui conditio probat. Nemo ex his aliquid priuet, aliud vſurpet, niſi tantum ille discretionē ſeruata, quæ ab omnibus Chriſtianis tenetur ſalutaris, & congrua. Alioquin in trāſgreſſione quiſque detectus, conſtitutis erit ſuppliciis addicendus.

IX. FLS. GLS. RCDS. REX.

*Ne Iudæi quæſtionem Chriſtianis inſcribant.*

**S**pecialiter hoc decreto cenſetur nulli Iudæo pro qualicunque negotio quandoque ſolere contra Chriſtianum quamuis humilis ſeruiliſque perſonæ teſtimonium dicere, neque pro qualibet actione ad inſcriptionem Chriſtianum impetere, aut pro Iudæorum cauſis quacūque factione hunc tormenta ſubire præſumat. Profanum etenim ſatis eſt infideles fidelibus anteponere, & membra Chriſti aduerſariorum eius moleſtis ſubiugare. Sane ſi idem inter ſe cauſarum negotia reperiantur habere, & teſtificandi aduerſum ſe, & in ſeruſ ſuis tantumdem coram Chriſtianis iudicibus quæſtionem iniicere, ſit illis liberum ex lege licere.

X. FLS. GLS. RCDS. REX.

*Ne Iudæi contra Chriſtianos teſtificentur & quando ex illis progenitis teſtificari ſit licitum.*

**S**i coram hominibus repertum mendacium, & infamem facit, & dampnis affligit: quanto magis in diuina fallax fide præuentus non erit penitus ad teſtimonium admittendus? Merito ergo teſtificari prohibiti ſunt Iudæi, ſeu baptizati, ſiue non extiterint baptizati. De ſtirpe autem illorum progeniti, ſi morum probitate & fidei plenitudine habeantur idonei, permittitur illis inter Chriſtianos veridica quidem teſtificandi licentia: ſed non aliter, niſi ſacerdote, rege, vel iudice mores illorum & fidem omnimodis probante.

XI. FLS. GLS. RCDS. REX.

*De pæna qua dirimenda eſt tranſgreſſio Iudæorum.*

**H**æc de ſinu fortiſſimarum legum ſententia emanat, ad puniendam perfidiam Iudæorum: vt quicunq; aut ſuperioribus veſta legibus, aut ſuis innexa placitis temerare voluerit, vel fruiſtare præſumpſerit, mox iuxta ſponſionem ipſorum gentis ſuæ manibus, aut lapide puniatur, aut igne cremetur. Quod ſi denotatum crimine reum principalis pietas reſeruauerit victurū, illi cui placuerit ſeruiturus à rege donetur. & omnia bona eius aliis poſſidenda tradantur. Sicque fiat, vt nec rem amiſſam recipiat dominus, nec libertatem reparet ſeruus.

XII. FLS. GLS. RCDS. REX.

*Ne Iudæi Chriſtianum mancipium circuncidant.*

**N**ulli Iudæo liceat Chriſtianum mancipium comparare nec donatum accipere. Quod ſi comparauerit vel donatum acceperit & circunciderit, & precium perdat, & quem acceperat liber permaneat. Ille autem qui Chriſtianum mancipium circunciderit, omnem facultatem ſuam amittat, & ſiſco aggregetur. Seruus vero vel ancilla qui contradixerint eſſe Iudæi, ad libertatem perducantur.

XIII. FLS. SISEBVTVS REX.

*De mancipiis Chriſtianis quæ a Iudæis aut vendita aut libertati tradita eſſe noſcuntur.*

**S**anctiſſimis ac beatiffimis Agapio, Cecilio, item Agapio episcopis ſiue iudicibus ibidem inſtitutis, ſimiliter & reliquis ſacerdotibus & iudicibus in territorio Arbi, Vrgi, Sturgi, Illiturgi, Biaciatui, Agatugiz, Ebagri & Epagri conſiſtentibus. Dudum latæ conſtitutionis auctoritas à domno, & præceſſore noſtro Recaredo rege ſufficere poterat: vt mancipia Chriſtiana nullatenus in Hebræorum iure manerent obnoxia. Sin poſtmodum contra iuſtitiz inſtituta eorum prauitas ſubripiendos principum animos aliqua ſibi iniuſta non poſcant beneficia. Proinde quia Deo adiuuante legem fieri decre-



uimus, & fraudibus eorum per diuersa capitula obstitimus: ideo pro eo quod retro tempore fuerat viciatum, iuxta edictum ante dicti imperatoris decernimus: vt si qua Christiana mancipia eo tempore quo auctoritas data est, in eorum iure fuisse probantur: seu si in libertate tradita, seu forte ad libertatem non fuerint perducta: ad ciuium Romanorum priuilegia, iuxta nostram legis huius edictum transire debeant. Nam & si qua illicito ausu de eiisdem mancipiis, quæ per constitutionem regiam fuerant absoluta, in iure cuiuslibet per quameunque scripturam transegerint visi sunt: rescissa tali colligatione ad statum ingenuitatis recepto iuxta leges pretio à venditoribus reuertantur, & prænotati in polipticis publicis atque secundum eorum peculium iustissima de ratione censiti vitam in propriis laboribus in ingenuitatem transire valeant. Si qua vero mancipia post metas dierum, in qua auctoritas sæpe dicti principis promulgata est, ab illis quoquolibet titulo iustissime conquisita sunt, aut vendere, aut libertare, prout maluerint, vsque ad Kalendas Iulias licentiam illis tribuimus. Hi vero Christiani, qui ab Hebræis quocunque tempore circumcisi sunt, vel in ritu eorum sunt, legali ordinatione multentur. Nam & de his qui per legem absoluti esse cernuntur, quia ab ipsis Hebræis serui additi sunt, vel huc vsque detenti, sicut de ingenuis legibus eis satisfacere non morentur. Iudei igitur qui ad fidem sanctam confugium visi sunt fecisse, portionem sibi debitam ex successione parentum aut mancipiis accipiant: venditionum vero quæ factæ fuerant, quas in vnum tempus venditionis inuenerit parentum vel filiorum, nulla sit in distrahendo diuisio, sed in vnum ad comparantis transeant dominium. Nam & quisquis de Iudæis sub nomine proprietatis fraudulenta suggestione aliquid à præcessoribus nostris visus est promeruisse, exacta eius auctoritate fisco nostro faciatis sociari. Mancipia vero Iudæorum, quæ ad baptismi gratiam fecerunt confugium, vbicunque reperta fuerint exigantur, & libera dominis suis reddantur: ita & qui habet suum peculium, in ea libertate illi conferatur; & qui non habuerit, à manumisso re prout vires habuerit illi concedatur; & descripti, sicut & ceteri eorum liberi, census pro eo peculio illis imponatur.

## XIII. FL. SISIBVTVS REX.

*Vt nullis modis Iudæis mancipia adhaereant Christiana, & ne in sectam eorum modo quocunque ducantur.*

VNiuerfis populis ad regni nostri provincias pertinentibus. Salutifera remedia nobis gentiq; nostræ conquirimus, cum fidei nostræ coniunctos de infidorum manibus clementer eripimus. In hoc enim Orthodoxæ gloriatur fidei regula, cum nullam in Christianis habuerit potestatem Hebræorum execranda perfidia. Abominanda ergo sunt in Christianis funesta Iudæorum imperia, & reducenda est sub amore Catholico plebs Deo sacrata in gratiam. Ob hoc hac in perpetuum valitura lege sancimus, atque omni cum palatino officio futuris temporibus instituētes decernimus, vt nulli Hebræo ab anno regni nostri feliciter primo Christianum liberum, vel seruum mancipium in patrocinio, vel seruitio suo habere liceat. Nullum ex his mercenarium nullumque sub quolibet titulo sibi met adhaerentem hæc diuina sanctio fore permittit: vendere tamen infra fines regionū nostrarū in his locis, vbi cōmanere videntur, cū omni peculio Christiano, cui fas fuerit, iustissimo pretio libera facultas subiaceat: nec liceat venditorib. in alias eos regiones transferre, nisi vbi eorumdem mancipiorum cessio iudicatur & mansio. Quod si ita proueniat, vt hi qui transacti fuerant, nihil in suo videantur habere peculio: tantum his mancipiis à venditoribus dari præcipimus, quantum illis sufficere ad excolendum, vel gubernandum se inuenerit cōparantis electio: ne sub nomine emptionis non tam transactio, quàm videatur esse exilium. Libertare vero seruum Christianum Hebræus si maluerit, ad ciuium Romanorum dignitatem eundem manumittere debet, nulli scilicet Hebraico vel quolibet obsequio reseruato: sed vitam suā vbi voluerit manumissus procul ab Hebræorum consortio transigendi habeat potestatem. Quod si calliditatis fraudulentia Hebræus effectus venditionem atque libertatem tali sub dolo confecerit, vt quædam deceptionis argumentatio, vel venundatio, vel manumissio futuris temporibus inuido dolo præueniat, quatenus hunc captiuitas e mentis atque vendentis dolo malo decipiat: huius nefandi sceleris argumentum ingenuus si prodiderit, facultatem sibi profuturam in omnibus Iudæi percipiat. Christianus vero re vera, quem similis præsumptio reum fecerit, nullis si fuerit facultatibus dilatatus, in seruitium cui princeps voluerit redigatur. Si rerum illi certe ambitio fuerit, medic-



medietatem fisco coniunctam perpetua ipse infamia notetur. Seruus vero huius calliditatis detector liberum se gaudeat futurum, & in eius consistat assiduus patrocini in cuius cernitur hactenus fuisse seruitio. Vt autem eius firmissima libertas permaneat, vicarium a fisco seruum dominus pro eodem accipiat: & insuper libra auri ab ipsis, quorum reuelabit scelera, illi exacta proficiat. Quod si Hebræus circunciderit Christianum, aut Christianam in suam sectam, ritumve transduxerit, cum augmento denuntiantis capitali subiaceat supplicio, eiusque sine dubio bona incunctanter sibi vendicet fiscus. Mancipia verò quæ ex Christianorum & Hebræorum cœnobiis nata vel genita esse noscuntur, id obseruari censuimus, vt Christiana efficiantur. Si certe hi, qui in ritum Hebræorum traducti sunt, in ea perfidia stare voluerint, vt minime ad sanctam fidem perueniant: & in cœtu populi verberibus cæsi atque turpiter decaluati, & alicui Christiano (cui a nobis iussum fuerit) perpetuo seruituri tradantur. Quod si tam illicita connubia fuerint præuenta, id elegimus obseruandum: vt si voluntas subiacerit, infidelis ad fidem sanctam perueniat. Si certe distulerit, nouerit se coniugali consortio diuisum atque diuisam in exilio perenniter permanere. Inter cætera hos adicientes præcipimus, vt dum quippiam ab Hebræorum certa deuotione in Catholicam confugium fecerit fidem, & purificationis vnda lauacrum sanctum susceperit, quidquid eodem tempore in omnibus rebus comprobatur habere, remota cunctorum molestia, vt vere fidelis, sibi perpetim vindicet. Hoc vero edictum intra diem Kalendarum proxime succedentium Iuliarum implere cunctos per nostras a Deo collatas regiones modis omnibus permoneamus. Quibus euolutis Kalendis, apud quemlibet Hebræorum Christianum repertum fuerit mancipium, medietas substantiæ huius Hebræi fisco subiaceat, & libero reddito, qui per suam prodicionem fuerit apud eum repertus, nihil sibi Hebræus de persona eius, vel peculio ultra defendat. Hanc ergo legem quam pietatis & religionis amore concepimus pro nostro populiue nostri remedio, in perpetuum suffragante auctore domino valituram esse censemus. Successores quoque nostros legis huius instituta seruantes victrix Christi victores faciat dextera; & eius solium in veritate corroboret, cuius in hoc fidem inspexerit diuina clementia. Et licet huius legis prolatam sententiam a nemine temerari posse credamus; audacia tamen transgressoris, & non venerabiliter contuerantis, sit in hoc seculo ignominiosior cunctis hominibus, & vita illius eodem in tempore concidat: quod sinistra partis assensum in tam nefaria cum voluntate perduxerit detestanda temeritas, tantumque obnoxius in æternum peccatorum mole detineatur, in quantum transgressus fuerit legis huius salubre decretum. Futuri etiam examinis terribile cum patuerit tempus, & metuendus aduentus domini fuerit reseratus, discretus a Christiano grege perspicuo ad læuam cum Hebræis exuratur flammis atrocibus, comitante sibi diabolo: vt vltix flamma in transgressoribus æterna pœna defœuiat, & locuples remuneratio Christianis fauentibus hinc in æternum copiosa detur.

XV. FLS. GLS. RCDs. REX.

*De interdicto omnibus Christianis ne quisque Iudæum quacunque factione atque fauore vindicare vel tueri pertemptet.*

IN conclusione omnium præteritarum legum, quæ ad conterendam perfidiam Iudæorum tam nostra intentione quam præcessorum nostrorum studia decreuerunt, oportuit hanc nouissime legem ad robur soliditatis adicere, & competenti munimento promissa ex ordine roborare. Postquam enim dedimus sacræ fidei profanis hostibus compertens repudium, & cunctis † inuentionibus perfidorum posuimus exoriri terminum, † adinuentionibus. debite compulsi sumus, & ea quæ concreta sunt solidare, & quæ solidata sunt pulchritudine venustare: vt quanto artifex viuacius expressit ingenium cogitationis in artem, tanto vigorem simul & decus adsumat qualitas formæ. Ne ergo quibuscunque adinuentionibus calliditas Iudæorum indefinente persequenda conatu subrepat, aperiens profano iuri licentiam, hoc euidenter in legis huius decernitur sanctione: vt nullus de religiosis cuiuscunque ordinis vel honoris seu de palatii mediocribus atque primis, vel ex omnibus cuiuslibet qualitatis aut generis, aut principum vel quarumcunque potestatum, aut obtineat, aut subprimat animos Iudæos, siue non baptizatos, in suæ obseruationis detestanda fide & consuetudine permanere: siue eos qui baptizati sunt ad perfidiam ritumue pristinum quandoque redire. Nullus sub patrocini nomine eos pro suæ prauitatis licentia conetur in quippiam defendere. Nullus quocunque argumento aut factione illis hanc defensionem conetur impendere, per quam liceat eis obuia san-



etæ fidei & Christiano contraria cultui palam aut occulte aliquatenus attentare, nequiter proferre vel tangere. Quod si quispiam hæc præsumpserit temerare: si episcopus fuerit aut etiam ex cæteris clericis atque religiosis, vel certe ex cunctis laicis quisque deprehensus extiterit, à conuentu Catholicorum seclusus, & excommunicatione ecclesiastica ferietur, & quartæ partis omnium suorum bonorum amissione mulctabitur, quæ fisco non dubie quantocius connectetur. Dignum etenim est eos aliquandiu à fidelium Christi societate diuelli, & rerum dampno mulctari, qui apponunt Christianamorem & veritatis speciem consensu inimicorum eius detestabiliter impugnare: in legum transgressoribus illa immobiliter sententia permanente, quandiu piæ memoriæ Sisebutus Rex visus est in huiusmodi actione superiorem legem sanxisse.

XVI.

*Placitum Iudæorum in nomine principis factum.*

**C**lementissimo ac serenissimo domino nostro Reesuindo Regi, omnes nos Hebræi Toletanæ ciuitatis atque Hispaniæ gloriæ vestræ qui infra subscripturi vel signa facturi sumus. Bene quidem ac iuste nos meminimus compulso fuisse, ut placitum in nomine diuæ memoriæ Chintilani Regis pro conseruanda fide Catholica conscribere deberemus, sicut & fecimus. Sed quia perfidia nostræ obstinationis & vetustas parentalis erroris nos ita detinuit, ut nec veraciter in Iesum Christum dominum crederemus, nec Catholicam fidem sincere teneremus: idcirco nunc libenter ac placitè spondimus gloriæ vestræ, tam pro nobis quàm pro vxoribus & filiis nostris, per hoc placitum nostrum, ut deinceps in nullis obseruationibus, in nullis incestiuis vñibus Iudaicis misceamus. Iudæis etiam nobis baptizatis nullo penitus execrando consortio consociemur. Non more nostro propinquitate sanguinis, vsque ad sextum gradum incestiua pollutione in coniunctione vel fornicatione iungamur: nō coniugia ex genere nostro, aut nos, aut filii nostri, vel nostra posteritas vllaten⁹ sortiamur: sed in utroque sexu deinceps Christianis iugali copula connectamur. Non circuncisionem carnis operemur, non pascha & sabbata cæterosque dies festos, iuxta ritum Iudaicæ obseruationis, celebremus. Non escarum discretionem vel consuetudinem teneamus, non ex omnibus quæ Iudæorum vsus & abominanda consuetudo vel conuersatio agit, aliquatenus faciamus, sed sincera fide, grato animo, plena deuotione in Christum filium Dei viui, secundum quod Euangelica & apostolica traditio habet, credamus, atque hunc confiteamur ac veneremur. Omnes etiam vsus sanctæ Christianæ religionis, tam in festis diebus vel in coniugiis & escis, quam in obseruationibus vniuersis veraciter teneamus & sinceriter amplectamur: nullo reseruato apud nos aut oppositionis obiectu, aut fallaciæ argumento, per quod aurilla quæ facere denegamus iterum faciamus: aut hæc quæ facere promittimus, minime vel non sinceriter compleamus. De suillis vero carnibus id obseruare permittimus: ut si eas pro consuetudine minime percipere poterimus, ea tamen quæ cum ipsis decocta sunt absque fastidio & horrore sumamus & comedamus. Quod si in his omnibus quæ supra taxata sunt, in quocunque vel minimo transgressores inuenti fuerimus, & aut contraria Christianæ fidei agere præsumperimus, aut quæ congrua Catholice religioni promissimus, verbis aut factis implere distulerimus: iuramus per eundem patrem & filium & spiritum sanctum, qui est vnus in Trinitate & verus Deus, quia si ex nobis horum omnium vel vnus transgressor inuentus fuerit, aut nouis ignibus, aut lapidibus perimatur. Aut si hunc ad vitam gloriæ vestræ reseruauerit pietas, mox amissa libertate, tam eum quàm omnem rei ipsius facultatem cui volueritis perenniter seruiendam donetis: vel quidquid ex eo, vel ex rebus eius fieri iusseritis, non solum ex regni vestri potentia, sed etiam ex huius placiti nostri sponfione potestatem liberam habeatis. Factum placitum sub die xii. Kalendas Martias anno feliciter sexto regni gloriæ vestræ. In Dei nomine Tolet.

RCDs.

XVII. FLS. GLS. † CIN. REX.

*De Iudaizantibus Christianis.*

**S**icut descendum est à Christianis eorum scelus, qui in Christo præuicinatores existunt: ita modis omnibus decernendum, ut nullus omnino veniam mereatur, qui à meliori proposito ad deterius declinasse cōuincetur. Quia ergo crudelis & stupēda psumptio crudeliori debet extirpari supplicio: ideo legis huius edicto decernimus, ut quicun-



quicumque Christianus & præsertim à Christianis parentibus ortus, sexus scilicet vtri-  
usque circumcisionem vel quoscunq; ritus Iudaicos exercuisse repperit, vel (quod  
Deus auertat) potuerit vltius reperire, conspiratione & zelo Catholicorum tam nouis  
& atrocibus pœnis afflictus turpissima morte perimatur, quàm horrendū & execrabile  
malum est, quod ab eo constat nequissimè perpetratum. Eorum verò bona sibi procul-  
dubio fiscus adsumat: si heredes vel propinquos talium personarum facti huius error  
consentiendo commaculet.

## III. TITVLVS.

DE NOVELLIS LEGIBVS IVDÆORVM, QVO  
& vetera confirmantur, & noua adiecta sunt.

- I. De commemoratione priscarum legum, quæ in Iudæorum transgressionibus promulgata  
sunt, atque de nouella confirmatione earum.
- II. De blasphematoribus sanctæ Trinitatis.
- III. Ne Iudæi, aut se, aut filios suos, vel famulos, de baptismi gratia subtrahant.
- IV. Ne Iudæi more suo celebrent Pascha, vel carnis circuncisiones exercent, ac ne Christianū  
quemque à fide Christi dimoneant.
- V. Ne Iudæi sabbata ceterasque festiuitates ritu suo celebrare præsumant.
- VI. Vt omnis Iudæus diebus Dominicis & prænotatis festiuitatibus ab opere cesset.
- VII. Ne Iudæi more suo diiudicent escas.
- VIII. Ne Iudæi ex propinquitatē sui sanguinis connubia ducant, & vt sine benedictione sacer-  
dotis nubere non audeant.
- VIII. Ne Iudæi religioni nostræ insultantes sectam suam defendere audeant, ac ne fidem nostram  
fugientes alibi se transducant, & ne quilibet eos refugientes suscipere audeat.
- X. Ne Christianus à Iudæo quodcunq; munus contra fidem Christi accipiat.
- XI. Ne Iudæi libros illos legere audeant, quos Christiana fides repudiat.
- XII. Ne Iudæis mancipia seruiant vel adhæreant Christiana.
- XIII. Si se Iudæus Christianum esse testetur, & ob hoc non velit à se reticere mancipium Chri-  
stianum.
- XIII. Professio Iudæorum, quomodo vnusquisque eorum ad fidem veniens iudicium professionis  
sue conscribere debeat.
- XV. Conditiones ad quas iurare debeant hi qui ex Iudæis ad fidem venientes professiones suas  
dederint.
- XVI. De Christianis mancipiis Iudæorum, quæ se non prodiderunt Christiana, siue de publica-  
tionibus eorum.
- XVII. Ne Iudæi à quolibet potestate accepta extra regiam ordinationem Christianum quemque  
imperare, plectere, vel distinguere audeant.
- XVII. Vt Iudæorum serui necdum adhuc conuersi ad Christi gratiam conuolauerint, libertate  
donentur.
- XVIII. Ne Iudæi administratorio usu sub ordine villicorum atque actorum Christianā familiam  
regere audeant, & de dampnis eorum qui his talia ordinanda iniunxerint.
- XX. Vt Iudæus ex aliis prouinciis vel territoriis ad regni nostri ditionem pertinentibus veniens  
Episcopo loci vel sacerdoti se presentare non differat, vel quidquid huic in toto observa-  
re conueniat.
- XXI. Qualiter concursus Iudæorum diebus institutis ad Episcopum fieri debeat.
- XXII. Vt quicumque Iudæum secum obsequentem habuerit, expetente sacerdote eum apud se re-  
tinere non audeat.
- XXIII. Vt cura omnis distringendi Iudæos solis sacerdotibus debeat.
- XXIV. De dampnis sacerdotum vel iudicum qui in Iudæis constituta legum adimplere distule-  
rint.
- XXV. Ne iudices quique de perfidorum excessibus extra sacerdotum conuentiam iudicare præ-  
sumant.
- XXVI. Vt Episcopi omnes tunc immunes habeantur à dampnis, cum eorum præbyteri ea quæ ipsi  
non correxerunt ad eos non remiserint corrigenda.
- XXVII. De seruata principibus miserendi potestate in his qui conuersi ad fidem Christi veraciter  
fuerint.



XXVIII. *Vt episcopi omnes Iudæis ad se pertinentibus libellum hunc de suis editum erroribus tradat,  
& ut professiones eorum vel conditiones in scriniis Ecclesiæ condantur.*

IN NOMINE DOMINI.

I. FL. GLS. ERVIGIVS REX.

*De commemoratione priscarum legum, quæ in Iudæorum transgressionibus promulgatæ sunt, atque de nouella confirmatione earum.*



PERFIDA Iudæici erroris sæpe calliditas eo vehementius durefcit in crimine, quo institutis contra se legibus nititur frequentius contraire. Et ideo posaturi tot tantisque eorum erroribus nouitatis ordine leges, libet tamen illas primum à dominis & præcessoribus nostris promulgatas in eorum transgressionem constitutiones intendere, & ordinatim præcedentium edicta retexere: ut ex hoc collata cum veteribus noua & vetera in his quæ recenter sunt edita confirmentur, ut condecet, & noua sic ordinentur, ne præterita citra rationem videantur confundere: quo vniformis membri compago, ex vtriusque legibus ordinata, clara hic iustitiæ manifestatione eluceat. Si quod in præteritis legibus confirmatione sit dignum, quidve nouitatis edictu inconstutibile censeatur, eo luce clarius pateat, quò complexa hic ex vtriusque veritas extiterit declarata. Et ideo in eisdem præcedentium legum statutis reperimus legum, quæ de omnium hæresum erroribus abdicandis promulgata consistit: in quali lege id abiiciendum emendandumque euident ratio persuasit: ut si cuiuslibet hæresis permotus quisque insania contempserit ipsius legis in aliquo instituta, cuiuscunque sit generis ordinisve persona: si publica, peruersum dogma defensione vindicare voluerit, sub arduo erit pænitiæ exilio relegandus: eius quoque bona in principis potestate consistant: qualiter si ipse peruersi erroris sectator corrigi vsquequaque destiterit, & ille ab exilii nullo modo reuocetur ærumna, & res eius, cui eas princeps conferre voluerit, inconuulse deseruiant. Cæterum si quis ignotantiæ præcipitio deditus cuiuslibet erroris sectam aut corde tenuerit, aut verbis vendicare voluerit, vel factis quibuslibet ostenderit, ad Episcopum loci vel quemlibet sacerdotem se instruendum remittat, qualiter ab eo vna cum consensu Metropolitani formulam rectæ institutionis accipiat. Iam vero si ab his hæreticus quisquis ille commotus vel instructus se distulerit corrigere, superioris sententiæ iacturam ordine superius adnotato sustineat. Idque in illos est latum, qui publica defensione aduersam nostræ fidei iudicauerint sectam. Denique ab hinc speciales relaturæ sunt leges, quæ in Iudæorum sunt transgressionibus positæ: id de datis & confirmatis legibus supra Iudæorum nequitiam promulgatis, siue de cunctis Iudæorum erroribus generaliter extirpandis, & ne Iudæi more suo celebrare pascha, neque ut more suo scædus nuptiale cnpulare præsumant & ut carnis circuncisiones non faciant, neque more suo iudicent escas, ac ne quæstionem Christianis inscribant, neque contra Christianos testificentur: & ne Iudæus Christianum mancipium circuncidat. De mancipiis quoque Christianis, quæ à Iudæis vendita aut libertati tradita esse noscuntur, qualiter statum libertatis obtineant, & ut nullo modo Iudæis mancipia deseruiant Christiana: de interdicto quoque omnibus Christianis, prohibetur ne quisque Iudæum quacumque factione atque fauore vindicare vel tueri pertæpet, atque de Iudaizantibus Christianis. Harum igitur fortissimarum legum sententia in prædictorum Iudæorum perfidiâ promulgata, exceptis duobus subter adnexis capitulis, cæterisque aliis quæ contraria inueniuntur, & his iustitiæ regulis, & his institutionibus nostris, omnia, ut dictum est iugi temporum æternitate valitura censemur, & in reuocabili glorioso serenitatis nostræ oraculo confirmamus, atque in tantum eis consultum valitudinis robore celebriori porrigimus, in quantum nil repugnans habuerunt, cum his quæ nouitatis nostræ sententia definimus. Nā in quibusdam ipsis legibus, quæ nobis inconueniens videtur atque contrarium, & duo interim inter cætera repugnantia rationi vel institutioni nostræ capitula continet: quæ licet repta vsque hactenus nullo modo, nullius tamen vigoris deinceps valetudine retinebunt. Illa siquidem in his sententiis prima est per quam Iudæis datur execranda licentia manumitti Christiana mancipia. Secundum sanè capitulum non solum reprehensibile nobis videtur, sed impium, ubi totius vniversitas culpæ ad huius redigi-



redigitur dampnationem vindictæ. Nam quædam legis sicut culparum habent diuersitates, non ita discretas in se retinent ultiones, sed permixta scelera transgressorum ad vniuersum permittuntur legis pœnale iudicium. Nec secundum modum culpæ modus est adhibitus culpæ, cū maior minorque transgressio, vniuersus non debeat multationis prædampnari supplicio: præsertim cum dominus in lege sua præcipiat. Pro mensura peccati erit & plagarum modus. Vnde lex ipsa quæ inscribitur de pœna qua perimenda sit transgressio Iudæorum: quia Deus mortem non vult, nec lætatur in perditione viuorum pro eo quod in se peremptionem continet mortis, in nullo veræ valetudinis retinebit statum. Proinde iam nunc ad operiendum malitiæ caput, ad denegandum infidelitatis cōmentum, ad perimendum profanationis elogium, alacri intentione procuram, nisi validæ oppugnationis obstitam, fortia in perfidis præceptionum tela obiciam.

## II.

*De blasphematoribus sanctæ Trinitatis.*

**S**I veritas sacri Euangelii prædicat, prolatum in fratrem contumeliæ verbum iudicio reum adsignat. Quanto magis peccantem in spiritum sanctum diuinæ animadversionis sententia dāpnat, quod irremissibile hic & in futuro saluator ipse denunciat? Et ideo si quis Christi filii Dei blasphemauerit nomen, eiusque sacrum corpus & sanguinē aut contempserit sumendum percipere, aut perceptum visus fuerit reiecisce, vel quemlibet iniuriarum blasphemiam in sanctam dixerit Trinitatem, id est, in patrem, & filium, & spiritum sanctum: tunc instantia sacerdotis vel iudicis, in cuius ciuitate, castro vel territorio hoc malum exortum fuerit, blasphemator ipse centenis decaluatus flagellis subaceat, & ardua in vinculis constitutus perpetui exilii cōtēretur ærumna. Res tamen eius in potestatem principis redactæ manebunt, qualiter in iure eorum, cui eas potestas conferre elegerit, inconuulse persistant.

## III.

*Ne Iudæi, aut se aut filios suos, aut famulos baptismi gratiæ subtrahant.*

**C**VM veritas ipsa petere, quærere & pulsare nos doceat, præmonens quod regnum cælorum violenti diripiant: in nullo est dubium, quod ille indultæ gratiæ munus abhorreat, qui ad eam procedere ardenti animo non festinet. Proinde si quis Iudæorū, de his scilicet qui nondum sunt baptizati, aut se baptizare distulerint, aut filios suos vel famulos nullo modo ad sacerdotem baptizandos remiserit, vel se, suosque de baptismo subtraxerit, & vel vniuersi spatium post legem hanc editam quispiam illorum sine gratia baptismatis transierit: horum omnium transgressor, quisquis ille repertus fuerit, & c. flagella decaluatus suscipiat, & debitas multetur exilii pœna. Res tamen eius ad principis potestatem pertineant: qualiter si incorrigibilem durior eum ostēderit vita, perpetua in eius, cui eas princeps largiri voluerit, potestate permaneant.

## IV. FLS. GLS. ERVICIVS REX.

*Ne Iudæi more suo celebrent pascha, vel carnis circuncisionem exerceant, ne Christianum quemque à fide Christi dimoueant.*

**I**OBSTINATA Iudæorum perfidia non tam figuris quàm veritati obseruantiam legis impenderet, nunquam gloriæ dominum crucifixissent. Pascha enim nostrum immodatus est Christus. Et si cordis nobis circuncisione gauderet, adumbratam illam corporis expoliationem nullo modo in carne exprimeret, propheta dicente: Circumcidimini domino, & auferite præputia cordium vestrorum. Vnde nos, non tam figuris prætereunibus inhærentes, sed veritatis promissionibus certiores, id omnino obseruandum præcipimus: vt si quis Iudæorum ritu suo pascha celebrauerit, centenis verberatus flagellis, & turpiter decaluatus exilio diutino mancipetur, & eius res fisco ad sociandæ sunt. Illis vero qui carnis circuncisiones in Iudæis vel Christianis exercere præsumpserint: quisquis hæc aut intulerit alteri, aut fieri ab altero permiserit sibi, veretri ex toto amputatione plectetur, & res eius fisci iuribus sociandæ sunt. Mulieres tamen quæ aut circuncisiones exercere præsumpserint, aut circuncidendos quisque cuiuslibet circuncisori obtulerint: naribus abscepsis, & rebus omnibus in principis potestate redactis iugentur facinus suæ præsumptionis. Simili quoque & illi pœna plectendi sunt, qui Christianum vel Christianam à fide dimouerint Christi, vel ad ritū Iudaicæ præuaricationis adduxerint.



*Ne Iudæi sabbata ceterasque festiuitates ritu suo celebrare præsumant.*

**F**iguris præeuntibus quempiam operum indefinenter exhibitiones impendere, quid est aliud quam veritatis amatorem non esse? Vnde reprobabile id dominus per prophetam insinuans ait: Neomenias, sabbata, & solempnitates veras odiuit anima mea. Ob hoc nobis, quibus Apostolico præceptum est ore, vt potius in nouitate spiritus, quàm in vetustate litteræ ambulemus, id infidis fideli intentione præcepimus: vt si quis Iudæorum Neomenias, seu festiuitates tabernaculorum vel sabbata, ferias quoque vel cæterarum festiuitatum solempnitates & ritus, suo more petegerit, vel celebrare præsumpserit, & centenis decaluatus flagellis subiaceat, & exilii debita mulctetur ærumna. Bona quoque eius ad principem redeant: qualiter ea aut perfecte conuerso illi aliquando restituat, aut eo in malis perdurante, aliis quibus fas est, seruitura concedat. 10

VI. FLS. GLS. ERVIGIVS REX.

*Vt omnis Iudeus diebus Dominicis & prænotatis festiuitatibus ab opere cesset.*

**I**n nullo est dubium illum manifeste fidei Catholicæ aduersari, qui reuerentiam diebus Dominicis non impendit. Vnde negatores vel disturbatores fidei nostræ iustissime insequentes, id religiosa sanctione iubemus: vt siue sit Iudæus, siue Iudæa, quodlibet opus ruraliter diebus Dominicis exercens, vel lanificia faciens, seu quascunque operationes in domibus, agris vel cæteris talibus agens, extra quam nobilium honesta Christianorum consuetudo permittit: præsumptor huius rei decaluatus verberibus centenis subiaceat. Quod si forsitan serui eorum vel ancillæ in his, & talibus diebus reperiuntur supradictis laboribus occupati, tunc & ipsi simili sunt sententia feriendi. Domini tamen eorum, si seruos suos promiserint talia agere, & solidos auri fisco compellendi sunt reddere. Dies tamen ipsi qui ab iisdem Iudæis sollicita deuotione sunt obseruandi hi sunt: id est Festum sanctæ virginis Mariæ, quo gloriosa conceptio eiusdem genitricis domini celebratur. Item natalis Christi, vel circumcisionis, vel apparationis suæ dies. Pascha quoque sanctum, vel dies sacratissimi octauarum. Inuentionis quoque sanctæ crucis dominicæ festum, necnon & Ascensionis dominicæ diem, vel Pentecostem, seu etiam concurrentes toto anno dies Dominicos, religiosa Christi fide venerabiles: 20 30

VII. FLS. GLS. ERVIGIVS REX.

*Ne Iudæi more suo diiudicent escas.*

**I**llud sane quod Iudæorum detestabilis conuersatio Iudaica superstitione pollutioremundas ab immundis diiudicans escas, aliud adsumit, aliud reiecit, in quacunque huius obseruantia inuentus fuerit error, id est, vt aliter id faciat quam honesta Christiani moris est consuetudo: tunc iudicis instantia, in cuius territorio actum extiterit, turpiter decaluetur, & centenis verberibus feriat. Huius sane legis omnimoda præceptionis integritas, sicut de escis, ita & de poculis obseruanda est, scilicet vt superioris iacturæ supplicium perferat. Simili quoque ordine & illi, qui a Christianis poculis se abstinere præsumpserint, patiantur. De escis tamen, id est de porcinis tantum carnibus, id discretum, nec remissa pietate decernimus: vt quicunque ex illis de suillis forsan carnibus vesci penitus abhorrescunt: si forte natura fastidiente refugiunt, & non more illo peruersitatis hoc ipsum diiudicantes contemnunt, præsertim si in cæteris operibus Christianis similes habeantur, & Christianitatis ab eis non defuerit votum, atque omnimodæ operationis studium: tunc hi tales, qui fideles in reliquis conuersationibus approbantur, pro hac sola reiectione suillarum carnium ad iacturam legis superius comprehensam teneri non poterunt. Quia valde videtur æquitati contrarium, vt quos manifesta operum Christi nobilitat fides, pro solâ reiectione vnius cibi teneantur notabiles. 40 50

VIII. FLS. GLS. ERVIGIVS REX.

*Ne Iudæi ex propinquitate sui sanguinis connubia ducant, & vt sine benedictione sacerdotis nubere non audeant.*

**N**Vlli Iudæorum in vtroque sexu permittimus ex propinquitate sui sanguinis, vel uxoris suæ, atque etiam vitorum, iuxta legem quæ in Christianis est lata, vsque ad sextum generis gradum connubia ducere, vel incestum macula operari. Huius igitur foedæ



foeda permixtionis illecebra tali multabitur poena, vt separati ab inuicē, & centena publice decaluati flagella suscipiant. & exilio relegati sub poenitentia maneant: eorumque bona ad filios, quos de præcedenti coniugio habuerint, redeant. Si tamen & ipsos aut in nullo Iudaicæ præuaricationis maculauerit noxa, aut nulla incesti venationis sordida uerit macula. Quod si aut nullos habuerit filios, aut animos, vt dictum est, vel Iudaicus inuoluerit error, vel incesti foedauerit natio: tunc facultas prædictorum omnimoda in principis potestate consistat, qualiter principali discretionē res ipsa aut in Christianis eorum hæredibus concessa permaneat: aut si hæredes huiusmodi dignitatis defuerint, fisco nostro sociata deferuiat. Illud tamen modis omnibus obseruandum fore præcipimus: vt si quis Iudæus, siue Iudæa nouiter nuptiale festum celebrare voluerint: non aliter quam cum præmisso dotis titulo, quod in Christianis salubri institutione præceptum est, vel sacerdotali benedictione intra sinum sanctæ Ecclesiæ percepta, coniugum cuiquam ex his adire permittimus. Quod si vel sine benedictione sacerdotis quisque Hebræorum nouiter coniugium duxerit, vel solempnitatem legis pro dotali titulo in quocunque transenderit, aut e. principi solidos coactus exsoluat, aut centum publicè verberatus flagella suscipiat. Hæc scilicet dampna vel verbera sigillatim vnusquisque percipiat: videlicet tam ille qui nupit quam ea quæ nupta est, vel etiam parentes eorum vnusquisque pro se iacturam legis huius suscipiet.

20

IX. FLS. GLS. ERVIGIVS. REX.

*Ne Iudæi religioni nostræ insultantes sectam suam defendant, ac ne à fide refugientes alibi se transducant, & ne quislibet refugientes eos recipiat.*

**I**am sanè si quis Iudæorum palam vel occulte religioni nostræ Christianæ insultare præsumperit, si quis etiam Christianam fidem verbis subuerrere, aut sectæ suæ nisus fuerit defendere vanitatem, nec non quisquis disciplinam fidei Christianæ refugies, aut in terram nostri regiminis se occultandum iniecerit, aut in aliis partibus se latitandum transduxerit: si quis etiam huiusmodi transgressoribus latibulum in quocunque præbuerit, aut eius fugæ conscius fuerit: cunctorum omnium capitulorum quisquis ille fuerit transgressor inuentus, & centenis decaluatus multabitur plagis, & reb. eius in principis potestatem reductis, exilii conteretur ærumnis.

X. FLS. GLS. ERVIGIVS. REX.

*Ne Christianus à Iudæo quodcunque munus contra fidem Christi accipiat.*

**Q**uam sit extraneum à Christianæ fidei regula, qui defensorem se veritatis insinuat, & veritatem ipsam munerum acceptione commaculat, audiat contra se Prophetam dicentem: Pro eo quod vendidistis argento iustum, & pauperem pro calceamento: ecce ego stridebo super vos, sicut stridet plaustrum onustum fœno, & peribit fuga à veloce, & fortis non obtinebit virtutem suam, & robustus non saluabit animam suam, & tenens arcum non stabit, & velox pedibus suis non saluabitur, & ascensor equi non saluabit animam suam, & robustus corde inter fortes nudus effugiet. Quis enim hic venditus argento iustus accipitur, vel pauper pro calceamento, nisi vnigenitus filius Dei patris, cuius innoxius sanguis xx. olim à Iudæis taxatus argenteis, cotidie venundatur ab illis veritatis? Et ideo sunt quidam ex fidelium numero, qui quasi zelo fidei Iudæorum culpas se detegere vel plectere valida intentione promittant, quos tamen deprauat solitæ cupiditatis illecebra. Nam si talibus quodcunque forsitan fuerit à perfidis in munerum collatione oblatum, illico reticefunt, & errores talium, quos vindicare & detegere ante præmissum sibi beneficium nitebantur, percepto miserabili quaestu impunitos transire permittunt. Vnde nulli Christiano licebit cuiuscunque sit generis, aut dignitatis, ordinis, siue personæ, siue ex religiosi, siue etiam ex laicis, quodcunque beneficium contra fidem Christi, à quolibet Iudæo vel Iudæa, siue etiam per eorum interuentos, quodcunque sibi illatum accipere, neque se ob talium vindicationem contra regulas fidei Christianæ oblati sibi præmiis implicare. Si quis autem qualibet beneficiorum exhibitione corruptus, aut agnitos errores Iudæorum celauerit, aut, ne prauitas talium feriat, quolibet modo obtiterit, & antiquis patrum regulis erit obnoxius, & tantum in duplo fisci erit partibus illaturus, quantum à Iudæo quisque ille accepisse fuerit comprobatus.



*Ne Iudæi libros illos audeant legere, quos Christiana fides repudiat.*

**I**llis commodare lectionibus sensum, quibus fas non est præbere assensum, impietas est potius quam pietatis indicium. Et ideo si quis Iudæorum libros illos legerit vel doctrinas attenderit, siue habitos in domo sua celauerit, in quibus malè contra fidem Christi sentitur, & publicè decaluabitur, & centenorum flagellorum verberatione plectetur. Qui tamen cautionis vinculo alligabitur, ne vnquam talium libros vel doctrinas apud se aut habere præsumat, aut attendere audeat, aut studiis meditandi assumat. iam verò si post emissum placitum quodcunque tale repetere temptauerit, & decalua- 10  
tus centenis flagellis subiaceat, & amissis rebus sub perpetui exilii contereretur ærumna: vt quia iam secundo visus est erroris sui iterasse vestigium, perenniter illis res eorum deseruiant, quibus principali fuerint collatione concessa. Hæc & similia illi percipient, qui quemlibet infantium talia præsumpserint docere, id est, vt doctor ipse iniquitatis in prima transgressionis fronte deprehensus, & centenis subiiciatur decaluandus verberibus & placiti sui polliceatur cautione se talia vltius neminem debere docere. Quòd si primæ hæc huius sponsonis maculans fidem contingat illi ea quæ abiecerat repedare, omni eius facultate in principis potestate redacta ipse decaluatus, centenisque verberibus adiudicatus perpetuo erit exilio relegendus. Infantes tamen ipsi vel pueri tunc erunt à supradictis dampnis atque verberibus alieni, si hanc perfidiæ doctrinam intra x. 20  
annos ætatis suæ positi meditasse fuerint visi. Cæterum si post exemptos decem annos quisquis illorum talia attendere vel meditari præsumpserit, superioris constitutionis dampna vel verbera ordine superius adnotato sustineat.

XII. FLS. GLS. ERVIGIVS. REX.

*Ne Iudæis mancipia seruiant vel adhæreant Christiana.*

**I**mportabile satis Christiano, cui videri debet flagitium vt gens Iudaica, contra dominum rebellis semper & impia, Christiana mancipia suis habeat seruitiis religata: 30  
& versa vice religionis nostræ honorabile Christi membrum humilietur ante filios perditorum; & portuo dicata Christo per lauacrum, perfidorum obsequiis subiugetur. Sicque corpus Christi videatur obsequi Antichristi ministris: cum præpostero ordine ipsi qui nostram oppugnant moribus fidem, obsequentes habent ad impietatem famulos fidei nostræ. Proinde legem illam quæ à glorioso præcessore nostro diuæ memoriæ Sisebuto rege est edita, in huiusmodi causis tenendam esse sancimus, & omnem textum legis ipsius, excepto vbi mortis ultio ponitur, glorioso serenitatis nostræ oraculo confirmamus: qualiter iuxta prædictæ legis edictum, vbi transgressores legis ipsius, successores scilicet regni, sub perpetua maledictionis censura obstrinxit. Nullus ex Iudæis mancipium Christianum habere præsumat, nec quidquam contra eiusdem legis mo- 40  
nita agere præsumat, excepto hoc vno cum eiusdem Iudæis penitus non licebit secundum quod lex ipsa permittit, vt Christianum mancipium Iudæus audeat manumittere. Quia valde indignum est, vt quos cœnosa seruitus perfidiæ maculat, libertatis titulum Christianis imponant. Non enim est consequens, vt tenebræ lucem obnubilent, aut seruitus præroget libertatem, præsertim cum hoc in primæ tantummodo editione legis ipsius, cum ad fidem primitus vocarentur, illis videatur fuisse concessum. Nunc verò Christianum quemquam mancipium manumittere omnino non poterunt, quia contra legis ipsius edictum, vt verè utiq; transgressores Christiana habere mancipia cōproban-  
tur, quibus sufficiat si pro præteritis transgressionibus non damnentur. Nam modò illis hæc licentia penitus denegatur: quia contra interdicta legum, & Canonum agere præ- 50  
sumpserint. Hoc tantum illis more concedimus pietatis, vt à primo anno regni nostri, id est à Kal. Feb. vsque ad sexagesimum diem habeat quisque ille Iudæus iuxta tenorem prædictæ legis licentiam Christiana venundare mancipia, non tamen sine cognitione sacerdotum vel iudicum, ad quorum territoria pertinere noscuntur: ne & hi qui venundandi sunt, dampna mortis perferant vel salutis, & his qui venditores existunt, locum agendæ fraudis vel inferendæ repediant vltionis. Iam verò à prædictis Kalendis transacto sexagesimo die nulli Iudæorum licebit mancipium Christianum habere, non ingenuum, non etiam seruum. Sed post peractum huius temporis spatium, id est sexaginta dierum apud quemcunque Iudæum mancipia Christiana repperianrur, cum collo-  
lato



lato sibi à dominis suis peculio per huius nostræ legis edictū liberi erūt modis omnib. permanfuri, si tamen se violenter à dominis suis obcelatos esse probauerint. Iudæi tamen ipsi qui expleto temporis supradicti spatio tenere, seu habere, vel occultare siue celare mancipia Christiana præsumpserint, aut etiam aliis quibuslibet modis hanc sanctionem serenitatis nostræ implere distulerint: aut medietatem rerum suarum fisco sociandam amittant, aut si viliores personæ fuerint, & non habuerint vnde componant, centena decaluati flagella suscipiant.

XIII. FLS. GLS. ERVIGIVS. REX.

*Si se Iudæus Christianum esse testetur, & ob hoc non velit reiicere à se mancipium Christianum.*

10

SI quorundam Iudæorum fraudulenta subtilitas, cauens quæstum rei suæ amittere, Christiano more se intimet conuersari, & ob hoc dicat non se amittere debere Christiana mancipia, quia & ipse Christianam videatur ducere vitam: his ordinibus comprobandum est, quo nec astuta fraus excusationem obtendat, nec sincera cōuersio, casum cum cæteris pereuntib. perdat. Ac per hoc id omnimodo sanctione decernimus, vt omnes Iudæi per vniuersas regni nostri prouincias cōstituti ab anno primo regni nostri, Kal. scilicet Feb. vsque in superuenientibus præsentis anni Kal. April. aut vendendi Christiana mancipia iuxta præmissæ legis ordinem licentiam habeant, aut si ea apud se retinere voluerint, his ordinibus se Christianos ostendant. Concedimus enim eis, id est his tantum de quibus euidentis periurii suspicio non habeatur, vt habeant lx. dierum vsque in Kal. præsentis anni Aprilibus salutare spatium, in quo possint qui ex illis saluandi vel Christianæ fidei aggregandi sunt, ad Episcopos locorum concurrere, & manus suæ signis, vel subscriptionibus roborata illis suæ professionis fœdera publicare: in quas professiones id curabit quisque ille innectere, quia ritus omnes Iudaicos abneger, & in nullo sequatur sectam præuaricationis antiquæ. Et quia ex toto corde pristinos errores relinquens ad fidem religionis conuersus fuerit Christianæ, cum symboli quoque interpositione, & quod ultra ad vomitus sui nullo modo reuertatur errorem, vel cætera secundum conscriptum professionis ipsius ordinem, quem post hanc legem curauimus adnotare. Has sanè professiones ne nudis tantummodò verborum promissionibus proferant, & aliud verbo promant, aliud corde retineant, sicque in eorum promissis simulatio potius, quam veritas locum suum inueniat: sollicita Episcoporum, iudicumque instantia, illi ipsi, qui superioris professionis suæ patefecerint votum, allatis cōditionibus iurare debebunt, quia quæ eorum professio continet sincero & non maculato corde profiteantur se donec aduixerint cōseruare. Sicq; fiet vt hi tales, quos & professio cum operis effectu dignos esse probauerint, & iurisiurandi pollicitatio deuotos fore monstrauerit, possint, vt pote Christiani, Christianorum mancipiorum seruitis vri. Nam non aliter poterunt Christiana mancipia illorum dominio subiugari, nisi & ipsi euidenter comprobentur verissimi Christiani, & frequenter Christianorum societate coniungi. Iam vero qui post datam professionem reddito sacramento iuxta superiorem ordinem, Christianum se esse deuouerit, & in quolibet ritu Iudaicæ sectæ cultor ac promissionis suæ transgressor esse reperiatur, quia & nomen domini Dei sui ausus est profanare, & Iudaici erroris cœno polluere, amissis rebus omnibus, & in principis potestatem redactis, & c. flagella decaluatus suscipiat, & exilii debita pœna coneratur. Illos tamen qui obdurato corde, obstinatione malitiæ interclusi, infra dierum numerum superius cōstitutum, aut professiones suas publicare destiterint, aut extra prædictum tempus Christianum mancipium habere præsumpserint, ad damnationem præmissæ legis, quæ de Christianis mancipiis lata est, vt Iudæis non seruiant, teneantur obnoxii: id est, vt aut medietatem rerum suarum fisco sociandam amittant, aut, si viliores personæ fuerint & non habuerint vnde componant, centena decaluati flagella suscipiant. Mancipia tamen Christiana, quæ retinere apud se contra legum vetita præsumpserunt, quia se ipsa prædicti temporis spatio Christiana fuisse non prodiderunt, in eorum seruitio quibus à Rege donati fuerint, seruituri perpetualiter permanebunt.

XIII.

*Professio Iudæorum, quomodo unusquisque eorum ad fidem veniens,*

*† indiculum professionis suæ conscribere debeat.*

E Go ille abrenuncio omnibus ritibus & obseruationibus sectæ Iudaicæ, abomi-

† indicium.



nans in toto solemnitates vel ceremonias siue obseruationes omnes quas in præteritis obseruauit vel tenuit. Ita ut deinceps nihil de ritu vel celebritate earundem obseruationum exerceam, nihil de usu præteriti erroris assumam, id est, ut nec affectu talia quæram, nec opere quodcunque tale perficiam. Proinde abrenunciatis his omnibus quæ Christianitatis doctrina abominatur & prohibet.

Credo in vnum Deum, patrem omnipotentem, factorem cæli & terræ: visibilium omnium & inuisibilium conditorem. Et in vnum dominum Iesum Christum filium Dei vnigenitum, ex patre natum ante omnia sæcula, Deum de Deo, lumen de lumine, Deum verum de Deo vero. Natum, non factum, hominison patri, hoc est eiusdem cum patre substantiæ, per quem omnia facta sunt, quæ in cælo, & quæ in terra. Qui propter nos & propter nostram salutem descendit de cælo. Et incarnatus est de spiritu sancto, & Maria virgine. Homo factus. Passus sub Pontio Pilato. Sepultus. Tertia die resurrexit. Ascendit in cælo, sedet ad dextram patris. Iterum venturus in gloria iudicare viuos & mortuos. Cuius regni non erit finis. Credo & in spiritum sanctum dominum & viuificantem. Ex patre & filio procedentem. Cum patre & filio adorandum & glorificandum. Qui locutus est per prophetas. Vnam Catholicam atque Apostolicam Ecclesiam. Confiteor vnum baptisma in remissionem peccatorum. Expectans resurrectionem mortuorum. Vitam futuri sæculi.

Hæc quæ in huius Symboli fidem a me præmissa sunt veraciter credens, fideliter retinens, & cum toto mentis meæ affectu amplectens, promitto ut nullo vnquam tempore ad vomitum superstitionis Iudaicæ redeam. Nunquam obseruationes vel ceremonias, quas Iudæi soliti sunt custodire, amodo aut opere impleam, aut cordis affectu retineam, abnegans in toto Iudaicam sectam, respuens in toto Iudæorum perfidiam, abiiciens quidquid Christianam fidem impugnât, & ita me abinceps veraciter in sancta Trinitate profiteor credere: ut Christiano more deinceps viuere debeam, & Iudæorum amodo consortia fugiens cum honestis Christianis me semper adiungam, qualiter siue cum illis siue absque illis Christianos semper cibos accipiam, & ad Ecclesiam Dei, ut vere fidelissimus Christianus, deuotissime & frequentissime concurrere debeam. Sed & in festiuitatibus Dominicis, siue etiam in Martyrum festis, quas Christianæ religionis pietas obseruandas decreuit, ita promitto eas ipsas festiuitates deuotè suscipere, & cum summo amore amplecti, & in his ipsis diebus semper cum Christianis honestissimis interesse, sicut honesta & pia Christianorum consuetudo id facere vel suscipere consuevit. Facta est fidei vel credulitatis meæ professio sub die vel anno Regis.

XV.

*Conditiones Iudæorum ad quas iurare debebunt hi qui ex eis ad fidem venientes professiones suas dederint.*

**I**uro primum per Deum patrem omnipotentem, qui dixit, per memetipsum iurabit, & non periurabit nomen domini Dei vestri, qui fecit cælum & terram, mare & omnia quæ in eis sunt, & mari posuit terminos dicens: usque hæc venies, & hic confringes tuentes fluctus tuos: qui dixit cælum mihi sedes est, terra autem scabellum pedum meorum. Qui primum Archangelum superbientem de cælo proiecit: ante cuius conspectum adit omnis exercitus Angelorum cum tremore: cuius aspectus arefecit abyssi & indignatio tabescere montes facit. Qui primum hominem Adam in Paradiso constituens, ei præceptum dedit, ne de vetito pomo comederet ligni, quo degustato, & de paradiso est proiectus, & catenæ præuaricationis vinculo se vna pariter cum genere humano adstrinxit. Qui Abel sacrificium libenter accepit, & Cain indignum iuste reprobauit. Qui Enoch in huius vitæ corpore in paradiso conseruans eum Helia, in extremo huius sæculi sine morituros ad medium reducturus est. Qui Noe cum vxore & tribus filiis, cum vxoribus vel animalibus aut volatilibus atque reptilibus in archa tempore diluuii conseruare dignatus est, per quod vnumquodque genus recuperaretur. Qui de Sem filio Noe, Abraham & omnem Israeliticum populum propagare dignatus est. Qui Patriarchas & Prophetas elegit, & benedixit Patriarchis Abrahæ, Isaac, & Iacob. Per eum qui sancto Abrahæ promisit dicens, in semine tuo benedicentur omnes gentes, dans ei signum circumcisionis in fœdere sempiterno. Iuro per eum qui Sodomam subuertit, & vxorem Loth aspicientem retrorsum in salis conuertit statuam: & per eum qui luctatus est cum Iacob, & tangens neruum eius claudicare eum fecit, & dixit, Non vocaberis Iacob, sed Israel. Iuro & per eum qui Ioseph liberauit de manu fratrum suorum, & eum gratiosum in oculis Pharaonis fecit, ut per eum a fame saluaretur omnis Israel. Iuro & per eum qui Moysen de aquis liberauit, & ei in rubo igneo apparuit: quiq; per manum



manum ipsius Moyſi decem plagas Aegyptiis intulit, & populum ſuum de ſeruitute Aegyptia liberauit, & per mare rubrum per ſiccum eos tranſire fecit, vbi contra naturam fluentis elementi, tamquam mirus aqua ſe ſolidata exhibuit. Iuro per eum qui Pharaonem & exercitum eius in mari rubro demerſit. Iuro per eum qui per diem in columna nubis populum Iſraeliticum, & per noctem in columna ignis præceſſit. Iuro per eum qui Moyſi montem Sinai fumigare fecit, vidente populo Iſrael. Iuro per eum qui Aaron ſibi primum elegit ſacerdotem, & eius filios in tabernaculo igne conſumpſit, quare ignem alienum auſi fuiſſent offerre coram domino. Iuro per eum, qui Dathan & Abiron ſuo iuſto iudicio, vt eos viuentes terra abſorberet, iuſſit. Iuro per eum, qui  
10 amaras aquas immixtione ligni in ſaporem dulcedinis commutauit. Iuro per eum, qui ſitienti populo Iſraelitico in Horeb percutiente Moyſe virgam in petra immenſas aquarum inundationes exhibuit. Iuro per eum, qui XI. annis populum Iſraeliticum in eremo paut, eorumque veſtimenta, ne uſu attererentur, integra uſquequaſque ſeruauit. Iuro per eum qui irreuocabili iuſſu decreuit, ne quis de filiis Iſrael in terram repromiſſionis intraret, ob hoc ſcilicet, quare verbis domini non credidiſſent, exceptis Ieſu Naue & Caleph, quos illuc intraturos prædixit. Iuro per eum qui præcepit Moyſi, vt correcta manu ſua contra Amalechitas victor populus Iſraeliticus exiſteret. Iuro per eum, qui patres noſtros per manum Ieſu Naue Iordanis fluuium tranſire iuſſit, & vt XII. lapides de eodem fluuiio in teſtimonium tollerentur, inſtituit. Iuro per eum, qui omni  
20 Iſraeli vt tranſito Iordane lapideis eultris circumciderentur præcepit, & per eum qui muros ciuitatis Hierico ſubuertit. Iuro per eum, qui Dauid regni gloriam decorauit, & de manu Saul vel filii ſui Abſalonis eum eripuit. Iuro per eum qui ad orationem Salomonis nebula templum repleuit, & ſuam inibi benedictionem infudit. Iuro per eum, qui Heliam Prophetam per turbinem in currum igneum à terra ſubleuauit, & cælorum ſedibus intulit. Et per eum, qui ad orationem Eliſei percuſſo pallio Heliae aquas Iordanis diuiſit. Iuro per eum, qui omnes ſuos Prophetas ſuo ſancto ſpiritu repleuit, & qui Daniele à rabidis & immaniſſimis leonibus liberauit. Iuro per eum, qui tres pueros in camino ignis ardentis ſub oculis Regis inſeſti conſeruare dignatus eſt, qui tenet clauem Dauid, & claudit quod nemo aperit, & aperit quod nemo claudit.  
30 Iuro per eum, qui omnia mirabilia & virtutes & ſigna in populo Iſrael vel in aliis gentibus fecit. Iuro & per ſacra X. præcepta legis. Iuro & per Ieſum Chriſtum filium Dei patris: ſanctumque Spiritum, qui eſt in Trinitate vnus & verus Deus: & reſurrectionem domini noſtri Ieſu Chriſti, eiſque ad cælos aſcenſionem, & glorioſum, ac terribilem eius aduentum in quo venturus eſt iudicare viuos & mortuos, mitis appa-rens iuſtis, terribilis autem impiis. Atque eius venerandum corpus, & pretioſum eiſ ſanguine, qui cæcorum oculos aperuit, ſurdos audire fecit, paraliticos ad ſua mēbra reduxit. Qui linguas mutorum reſoluit, dæmonio vexatos ſanauit, claudos currere fecit, & mortuos reſcitauit, qui ſuper aquas pedibus ambulauit, & Lazarum morte reſolutum, cum iam putredine ſe caro ſoluſſet, vitæ ac ſaluti reſtituit, & in gaudium la-  
40 mentum mutauit. Qui eſt factor ſæculi, lucis principium, ſalutis auctor. Qui mundum ortu ſuo illuminauit, paſſione ſua redemit, qui ſolus inter mortuos liber fuit, & à morte teneri non potuit. Qui tartarea clauſtra comminuit, & de inferno beatorum animas potentia ſua maiestate eripuit. Qui deuicta morte carnem, quam de terris aſſumpſit, in cælum poſt mundi victoriam deportauit, ſedens ad dexteram Dei patris omnipotentis, accipiens ab eo æterni regni poteſtatem. Iuro etiam & per omnes cæleſtes virtutes, & per omnium ſanctorum & Apoſtolorum reliquias, ſiue & per quatuor Euangelia, quæ ſuperpoſitis hiſ conditionibus in ſacroſancto altario illo, quod manibus meis contineo vel contingo: quia omnia quæcumque in profeſſione mea renotanda curauit, vel colligere potui, quam tibi domino meo illi illius ſedis epiſcopo  
50 manu mea ſubſcriptam dedi, ſinceriter totam inibi dixi, & ſub nullo argumento vel fraude ea quæ in profeſſione comprehenſa ſunt protuli: ſed omni ſinceritate ſicut eadem profeſſio continet, & omnes ritus vel obſeruaciones abinceps Iudas abnegauit, & omni cordis mei intentione in ſanctam Trinitatem crediturus ſum, & numquam in nullo ad priſtini erroris mei vomitum rediturus ſum, aut conſortio Iudaici erroris ſociandus: ſed in hiſ omnibus & per omnia Chriſtiano deinceps more viuens, & Chriſtianorum participium habiturus ſum, & quidquid in eadem profeſſione, quam de ſanctæ fidei obſeruacione conſcripſi, comprehenſum eſſe dignoſcitur, omni fidei puritate cuſtodiam, qualiter iuxta Apoſtolicam traditionem vel ſacri Symboli regulam deinceps viuere debeam. Quod ſi in aliquo aborbits, aut ſanctam fidem



maculauiro, aut ritus Iudaici sectam in quocumque obseruare intendero, seu si vos in quocumque per huius iuramenti mei promissionem illusero, vel sub specie cuiuslibet iuramenti ea quæ promisi, non ea intentione perfecero, sicut à vobis me profitente, audita vel intellecta sunt: veniant super me omnes maledictiones legis, quæ in contemptores mandatorum Dei ore domini promulgatæ sunt. Veniant etiam super me, & super domum meam, & filios meos omnes plagæ Ægypti & percussiones eius, & ad terrorem cæterorum ita iudicium Dathan & Abiron superueniat, vt viuentem me terra deglutiat. Sicque postquam hac caruero vita æternis ignibus mancipandus sim, habitatoribus Sodomæ & Iudæ particeps in pœnali supplicio comburendus: vt dum ante tribunal metuendi iudicis & gloriosi domini nostri Iesu Christi peruenero, in ea parte adnumerer, quibus idem terribilis & gloriosus iudex minando dicturus est. Discedite à me maledicti in ignem æternum, qui præparatus est diabolo & angelis eius. Latæ conditiones sub die.

XVI. FLS. GLS. ERVIGIVS. REX.

*De Christianis mancipiis Iudæorum, quæ se non prodiderunt Christiana, siue de publicatoribus eorum.*

**H**Ebræorum mancipia religionis sanctæ titulo consecrata, si dominorum suorum qualibet persuasione illecta, abinceps nullo modo se fuisse prodiderint Christiana, qualiter sub eorum dominorum suorum iugo persistunt, taliter indultæ libertatis religati catena modis omnibus tenebuntur. Hi tamen per quos hoc fuerit manifeste decretum, si & ipse Iudæus fuerit, & Iudæi cuiuslibet seruus extiterit, conuersus ad Christi fidem in libertate persistat. Sin autem quilibet ex Christianis hoc prodiderit factum, quinque solidos per vnumquodque mancipium Christianum accipiet, ab eo scilicet, qui eos apud se post data hæc decreta conuictus fuerit tenuisse.

XVII. FLS. GLS. ERVIGIVS. REX.

*Ne Iudæi à quolibet potestate accepta extra regiam ordinationem Christianum quemque imperare, plectere vel distringere audeant.*

**N**VLLVS Iudæorum à primo anno regni nostri, id est, à die quinto Iduum Ianuariarum, vllam administrandi, imperandi, distringendi, coercendi vel plectendi curam vel potestatem super Christianos exerceat: excepto si princeps aliqua utilitatis publicæ id fieri permiserit causa. Si quis autem Iudæorum accepta à quolibet potestate, Christianum quemcumque distringere, plectere, coercere vel in eum desuare præsumperit; aut quicquam ei contra legum verita, aut excogitata quæ in lege non sunt inferre temptauerit: aut medietatem rerum suarum fisco sociandam amittat, aut si nullis fultus fuerit rebus, c. decaluatus flagella suscipiat. Illi tamen qui hanc eis potestatem super Christianos exercere permiserint: si nobilis qui hoc fecerit persona extiterit, decem libras auri fisco coactus exsoluat: minimæ tamen vilioresque personæ, v. libras auri fisco persoluedas amittant. Quod si non habuerint unde componant, centenis decaluati flagellis subiaceant.

XVIII. FLS. GLS. ERVIGIVS. REX.

*Vt Iudæorum serui necdum adhuc conuersi si ad Christi gratiam conuolauerint, libertate donentur.*

**C**Vm vas electionis Paulus Apostolus prædicet dicens, siue per occasionem siue veritatem, dum modo Christus adnuntietur, salubre satis est votum, si sicut fideles libertatis prouocamus ad gratiam, ita infidelibus præbeamus occasionem veniendi ad vitam. Et ideo si quis Iudæorum seruus & seruituti eorum implicatus & moribus, ad Christi gratiam conuolare desiderat, nullius eum seruitutis catena retineat: nul-



nullus huic tali resistat : nullum à quolibet fidei offendiculum habeant : sed mox vt se & professione & iusiurandi attestazione Christianum ostenderit , & dominorum suorum prauaricationes manifeste prodiderit , ab omni seruitutis catena illico solutus , cum omni etiam peculio à domino suo dimissus , libertatis erit effectibus contradendus . sicque proueniet , vt in omnibus omnino rebus ordo ille omnis in eum impleatur , qui de Christianis mancipiis est constitutus .

XVIII. FLS. GLS. ERVIGIVS REX.

*Ne Iudæi administratorio vsu sub ordine villicorum atque actorum Christianam familiam regere audeant, & de dampnis eorum qui his talia ordinanda iniunxerint.*

**S**I quis Iudæorum à quolibet ex laicis commissam curam , vel potestatem supra Christianos acceperit . i. vt Christianis familiis præsit : quidquid administrationis suæ cura visus fuerit imperare , totum fisco adplicare debebunt . Ita vt ipsi qui hanc administrandi susceperint curam , & c. flagella decaluandi suscipiant , & medietatem rei suæ fisco sociandam amittant . Sane si Episcopus , vel quislibet ex sacerdotibus vel ministris , clericis quoque vel monachis , administrationem Ecclesiasticæ rei illis supra Christianos explendam iniunxerit : quantum id ipsum fuerit quod imperandum eis præceperint , tantum de bonis proprietatis suæ fisco nostro adplicandum amittant . Quod si rebus expoliatus extiterit , exilio subiacebit : quo diutius detritus pœnitentiæ dampnis discat , quam sit impium , infidos fidelibus præponere Christianis .

XX. FLS. GLS. ERVIGIVS REX.

*Vt Iudæus ex aliis prouinciis ad regnum nostrum pertinentibus ueniens, Episcopo loci vel sacerdoti se præsentare non differat, vel quæ huic in toto obseruare conueniat.*

**S**I quis Iudæorum de alia ciuitate vel prouincia nostræ gloriæ oriundus quolibet loco successerit , episcopo vel sacerdoti , siue iudici loci ipsius se illico præsentare debet : nec à sacerdote illo tamdiu est recessurus , quamdiu sabbata , ritusque cæteros atque festiuitates , quæ illi è vicino possunt occurrere , incontaminatus videatur sacerdotali testimonio transegisse : ne dum variis huc illucque per loca curibus promouetur , erroris sui repperiat in quocumque latibulum . In ipsis tamen diebus , in quibus eos quolibet loco remorari contigerit , conuersationem cum Christianis probatissimis habituri sunt : qualiter cum illis & cibos sumere , & participationes communionis Christianæ videantur habere . Concursum tamen in ipsis diebus , quos ritus sui more uti soliti sunt , ad Ecclesiam , ad Episcopos vel sacerdotes habebunt , qualiter eorum semper salutaribus monitis instruantur . Quod si forte placitorum innotatione se esse asserant inligatos , vel cuiuslibet ineuitabilis necessitudinis causa confictos , quo illos non liceat diutine immorari : tunc eorū sacerdote loci ipsius ad quæ accesserant relaxati , placiti sui cautiones promittant , ubi occurrentes per viam festiuitates vel sabbata ritus sui , sine testimonio sacerdotali non transeant . Ipse quoque sacerdos loci epistolas manu sua subscriptas eisdem sacerdotibus , per quos se Iudæus quisquis ille transiturum dixerit , distinabit : vt euacuata omni fraudis suspicione , tamstantes quam properantes eos distinctio religiosa coerceat . Si quem autem eorum aliter egisse contigerit , tunc Episcopo loci ipsius vel sacerdoti , vna cum iudice potestas tribuatur centenis eos verberare flagellis . Nec aliter eos ad propria redire permittimus , nisi cum epistolis Episcoporum vel sacerdotum , in quorum territorium visi fuerint accessisse : in quibus tamen epistolis sollicitè dierum summa notabitur : id est , & quo die ad Episcopum ipsius ciuitatis accesserint , & in quot diebus apud ipsum eos remorari contigerit , vel quo die de eo ad propria reuersuri exierint .



XXI. FLS. GLS. ERVIGIVS REX.

*Qualiter concursus Iudeorum diebus institutis ad Episcopum  
feri debeat.*

**O**Mnis Iudeorum conuentus, in quibuscumque locis vel territoriis habitare videntur, ad episcopum loci vel sacerdotem, diebus sabbatorum, vel ceterarum festiuitatum quas celebrare solent, concurrere & conuenire debet, ne in his & talibus diebus concessæ sibi licentiæ vacatione vsuri sint: sed quamdiu excursus dierum ipsorum pertranseat, quorum de celebritate suspiciones verentur, alibi citra sacerdotis  
 \* cohærentiam sui \* conibentiam nullo modo mouebuntur. Diebus tamen sabbatorum concursus eorum, & lauacro nitidus, & perceptione benedictionis deuotus, ad Episcopum vel sacerdotem semper est peruenturus. Sane in locis illis ubi sacerdotalis præsentia defuerit, concursus eorum omnis vel conuersatio, aut cum iudicibus, aut cum Christianis honestissimis erit: qualiter sic eorum societati inhæreant, vt audenter de eorum conuersatione bonum perquisiti testimonium dicant. Mulieres sane Iudeorum, coniuges scilicet atque etiam filix, in præmemoratis omnibus festiuis diebus, quibus errore proprio abutuntur, nec vllius erroris nec peruersitatis repperiant locum. Id omni modo obseruabitur, vt viris earum præsentibus prouida in eis episcoporum vel sacerdotum ordinatio fiat: vt quemadmodum viri earum de præsentia se sacerdotali non differunt, ita & ipsæ per excursum omnium dierum ipsorum electione sacerdotum, atque pontificum, cum quibus, vel qualibus honestissimis feminis commorari debeant ordinentur. Si quis autem huic præceptioni visus fuerit euenire contrarius, publica decaluatione turpatus, centenorum flagellorum erit suppliciis feriendus. Id tantum præcipue obseruandum est, ne quorundam sacerdotum carnalium corda dum vis libidinis execrabili contaminatione exagitat, occasiones quaslibet inquirant, per quas libidinis suæ votum efficiant. Vnde id arctiori sanctione decernimus: vt sic omnis sacerdos hæc instituta legum nostrarum in iam dictis feminis Hebræorum adimpleat, vt nullius peculiaritatis locum cum eisdem mulieribus habeat, per quod se ordinare intendat. Quod si quemlibet sacerdotum contigerit, vt zelum, quo pro Christi nomine vti debet, frequenter ad libidinis suæ sibimet occasiones vsurpet: tunc sacerdos ipse ab hoc honore depositus, exilio erit perpetuo mancipandus.

XXII. FLS. GLS. ERVIGIVS REX.

*Vt quicumque Iudeum secum obsequentem habuerit, expetente sacerdote, eum apud se retinere non audeat.*

**S**I quis laicorum quoscumque ex Iudeis, virum scilicet vel feminam, secum obsequentes habuerit, vel in patrocínio retinuerit, & sublato ex eis pontificum, vel sacerdotum priuilegio, priuata eos sibi potestate defenderit, neque eos ad episcopum vel sacerdotem diebus debitis instruendos vel iudicandos remiserit: excommunicationis ab eodem episcopo, cui id fecerit, sententia feriat, & amissis illis, quos vindicare nititur, trium librarum auri multatione pro vnoquoque dampnabitur, quæ partibus principis profuturæ manebunt.

XXIII. FLS. GLS. ERVIGIVS REX.

*Vt cura omnis distringendi Iudeos solis sacerdotibus debeat.*

**H**orum omnium præceptorum multiplicem curam, & exercendam in perfidis disciplinam, illos nostra gloria vt impleant exhortatur, quibus id agendum diuina auctoritate committitur. Ait enim spiritus ille, cuius orbem veritas implet, Stabunt sacerdotes in iudiciis meis, & iudicabunt leges meas, & præcepta mea. Proinde de omni sacerdote hæc implenda decernimus, ita vt nullum Iudeorum pro ritu suo patiat, ab aliquo defendi, nullum tueri: sed exemptos ab eorum patrociniis, qui eorum fauoribus



bus tueri videntur, in potestatis suæ curam redactos, pro eorum saluatione quid illis catholice agendum forte conueniat diligenter instituant. Atque in hoc illis erit sollicitior cura, ne in quibuslibet supradictis capitulis hæc institutio serenitatis nostræ tepescat.

XXIV. FLS. GLS. ERVIGIVS REX.

*De dampnis sacerdotum vel iudicum, qui in Iudæis instituta legum adimplere distulerint.*

10 **C**onsulendum est pie sacerdotibus Ecclesiæ Dei, ne pro delinquēis populi impunitate teneamur obnoxii. Quid enim prodest si non puniatur quisque suo, cum tamen possit alieno puniri peccato? Et ideo ad horum talium iniuriam execrandā vim præceptionis è factione decernimus: vt si quislibet pontificum, aut cupiditate inlectus, aut malignæ voluntatis incuria tepidus, prædicta hæc quæ iussa sunt in Iudæis decreta contempserit adimplere, scilicet vt detecta vel nuntiata sibi met errata perfidiæ nulla videatur æquitatis censura corrigere: & triū mensum excommunicationis sententiam proferat, & vnā libram auri de suis rebus propriis fisco sociandam amittat. Quod si non habuerit vnde componat, sex mensibus sub digna excommunicationis censura persistat, & insuper ad tepiditatem illius zeli socordię corrigendam sit cuiuslibet Episcopo licitum, in quo zelus dei fuerit excitatus, vice illius episcopi talium perfidorum errata corrigere, & hæc quæ neglexerat emendare. Quod si \* aliena ista simulati-  
20 one vel incuria episcoporum, alter in alterius correctione zelo excitante diuinitus nō fuerit excitatus: tunc principis præceptione & eorum arguetur socordia, & perfidorum vlcescentur errata. Hic etiam ordo eodem modo & ordine, sicuti superius de episcopis constitutum est, in cæteris quoque religiosis est obseruandus: id est, in presbyteris, diaconibus vel etiam clericis, quibus horum infidelium episcopo suo cura commissa est. Iudices tamen, qui eorumdem Iudæorum crimina comperta vel nuntiata sibi, legali non dampnauerint vlione: tunc, sicut de episcopis constitutum est, vnā libram auri fisco compellendi sunt soluere. Tunc tamen & sacerdotes & iudices vel supradicti omnes, quibus regendi hæc cura commissa est, ab his dampnis erunt penitus  
30 alieni, cum impeditos se fuisse pro talium distractione agere probauerint.

XXV.

*Ne iudices quidquam de perfidorum excessibus extra sacerdotum conibentiam iudicare præsumant.*

**I**udices omnes nihil de perfidorum excessibus citra sacerdotum conibentiam iudicant, ne cupiditas secularium fidem nostrā maculet acceptione munerum. Et tamē si, vt ad solet, præsentia defuerit sacerdotum, sola potestate iudicum distringendi sunt. Sane si episcopo etiam de sedē suā contigerit, aut in vicino, aut longe forsitan progredi: talem ex sacerdotibus pro sui vice relinquat, qui vna cum duce territorii hæc  
40 instituta sine muneris acceptione perficiat.

XXVI. FLS. GLS. ERVIGIVS REX.

*Vt episcopi tunc immunes habeantur à dampnis, cum eorum præbyteri ea quæ ipsi non correxerint ad eos non remiserint corrigenda.*

**P**resbyteri, diacones, seu cætera religiositas vniuersa, vel iudices per vniuersa loca vel territoria constituti: prout vnusquisque conuentum Iudæorum ad se pertinere cognouerit, secundum totius instructionis nostrę decreta, eos constingere non differant. Ea vero quæ ab ipsis nequiuērint corrigi, ad agnitionem principis atque pontificum emendanda redeant. Sicque fiet vt constituta dampna non ferat, si suis quisque pontificibus innotescat. Episcopi quoque ipsi tunc constitutum non percipient dampnum, quando eis criminalia non fuerint per subditos nuntiata.

XXVII.

*De reseruata principibus miserendi potestate in his qui conuersi ad fidem Christi veraciter fuerint.*

**H**anc \* sacræ præceptionis multiplicem diligentiam, quam ordinatis lineis superius \* sane præceptionum.  
in toto disseruit nostra serenitas, vbicumque superius offensorum culpas ita mo-

Tomus III.

Q 9 9 9 3



derari decreuimus, vt exutos rebus sub ærumna exilii religemus: hanc nobis vel successoribus nostris miserendi licentiam referuamus, vt si quandoque à laqueis diabolicis eripi contigerit, & probabiliter in sanctam Trinitatem crediderint: hoc quod illis sacerdotes vel iudices, in quorum territoriis degunt, testimonium dixerint, atque opera eorum cum veridico eorum testimonio concordauerint, erit nobis nostrisque successoribus in his ætatibus & miserendi votum, & efficiendi propositum: id est, vt postquam eorum præcessio iurisiurandi ad testimonium regie agnitionis claruerit, licitum habeat principalis pietas, & rebus nos iterum reuestire, & ab exiliorum ergastulis reuocare. Iam vero si quis ex eis postquam se professus fuerit Christianum, ad erroris proprii redierit vomitum, & quodcumque in eos repperit fuerit præuagationis indicium, ita in eos secundum modum culpæ quæ incurrerit, in reuocabilis dictabitur dampnationis sententia, vt ad veniam ulterius nullatenus redeat: sed siue capitalis, siue minoris culpæ sit pœna, sine vlla retractatione in remissibili lege suscipiat.

XXVIII. FLS. GLS. ERVIGIVS. REX.

*Vt episcopi omnibus Iudæis ad se pertinentibus libellum hunc de suis editum erroribus tradant, & ut professiones eorum vel conditiones in scriniis Ecclesiæ condant.*

**S**Olet interdum latebrose mentis peruersitas ignorantie opponere angulum, in eo quod se simulat ignorare præceptum: vt eo quodammodo se excusabilem à pœna pronuntiet, quo se nouellæ sanctionis ordinem defendat penitus ignorasse. Et ideo ad huius excusationis depellendam malitiam, id episcopis omnibus vel sacerdotibus tenendum forte præcipimus: vt vnusquisque conuentum ad se pertinentem Iudæorum, de his in se visionibus, quæ in eorum perfidiam nuper edidimus instruat, & libellum hunc aperiat, qui & manifeste illis in conuentu relegatur Ecclesiæ, & quæ semper secum pro testimonio instructionis reportent. Iam vero postquam illis publice in Ecclesiâ fuerit lectus iste liber vel traditus: si quis eorum postea, aut se defuisse cum legeretur contendat, aut ignorasse se quæ inibi præcepta sunt astruat, in nulla se vnquam poterit excusatione defendere: sed in quocumque fuerit postea quisquis ille præuicator inuentus, in nullo erit legum istarum sententiam euasurus. Nam & illud necessarium huic legi adiicimus, vt omnium professionum, atque conditionum scripturas, quas quisquis ille Iudæus sacerdoti suo à modo obtulerit, sollicita diligentia vnusquisque sacerdos eas ipsas professionum scripturas in archiuis suæ Ecclesiæ recondat, qualiter pro eorum perfidorum testimonio studiosius conseruatæ persistant.

FINIS.

LECTÆ SVNT LEGES SVPRASCRIPTÆ OMNIBVS IVDÆIS IN ECCLESIA SANCTÆ Mariæ Toletæ, sub die VI. Kalend. Februar. anno feliciter primo regni gloriosissimi domini nostri Ervigii Regis.

OBSER.



OBSERVATA QVÆDAM, INTER  
EXCVDENDVM QVALITERCVNQVE  
commiffa.

|                                    |                                   |                                      |
|------------------------------------|-----------------------------------|--------------------------------------|
| PAGINA 5, verfa ultimo, lege       | ibidem verba, meffis enim nulla   | ibidem 39 portoriorum                |
| pradones                           | praterito anno fuerat, pa-        | 449,42 Portugallensis, fic & alibi   |
| ibid. pradus                       | renthefi recte includere-         | per II leges                         |
| 6,25 Februarii                     | tur                               | 461,51 Dertosam                      |
| 7,24 iterum pradones               | 242,18 Sibylla                    | 465,40 Hec                           |
| 7,48 Libya                         | 244,38 verfaretur, pollicetur     | 469,32 prastaturum                   |
| 21,25 traditur                     | 246,12 depacta                    | 471,42 permultos                     |
| 22,14 Maii                         | 251,2 Peloponnesum                | 476,55 Hospitalis                    |
| 40,45 urget                        | 253,8 Regis Sicilia F.            | ibidem 58 pro Verumenim, le-         |
| 43,22 montes                       | 259,41 Ruscinonensem              | gendu forte Verumenim                |
| 50,47 Castella                     | 259,53 populeum, nifi quid sub-   | vero                                 |
| 53,35 confederant                  | audiendum fit, more Græco.        | 477,2 Dominici                       |
| 55,4 coloniam                      | 260,25 Fuxense, nimis abest a     | 478,9 Almuganares                    |
| 56,4 Celtiberum, vel Celtibero-    | vocẽ bellum                       | 482,15 in comparentes                |
| rum                                | 265,13 Leonardus                  | 488,21 xystis                        |
| 61,41 prastaturos                  | 267,35 faciendum                  | 489,34 aliquot                       |
| ibid. v. 56 diaconis, & quidẽ vir- | 269,15 Andegauensis               | ibid. 39 Lemouica                    |
| gula fequente                      | 281,31 cognominatur               | 491,32 2m & 3m                       |
| 62,18 Pessulani                    | 290,40 f. Humfredum               | 494,36 argento                       |
| 71,1 mercedis                      | 291,57 profequuntur               | 497,1 phenomena                      |
| 72,2 Maii                          | 292,5 f. seminent                 | 500,5 aliis                          |
| 74,43 pradones                     | 294,1 f. dietim                   | ibid. 46 querimonia                  |
| 76,15 prada                        | ibid. 54 liberorum                | 506,18 Vgone                         |
| 102,45 Murciam, vnde &             | 340,39 Melfam                     | ibid. 53 mento                       |
| Murcienses fcribendum              | 341,28 Bellegrade                 | 507,42 filia                         |
| 105,53 rege                        | ibid. 37 Lescatrensem, vel        | 508,35 adfuturam                     |
| 107,1 puriffimam, certiffimam,     | ibid. 24 Lescatrensem legendum    | 509,5 Vizcaia                        |
| & mox, veritatem                   | 354,3 quacung                     | ibid. 31 f. Saixium, fic enim fz-    |
| ibid. v. 5 fcriptura               | 359,41 Nuceriam                   | pe præcessit                         |
| ibid 6 per tuas                    | 360 in marg. v. 14 Radulfus       | ibid. fi Mugarra recte fcriptum      |
| ibid 18 apparuit                   | 361, v. 8 in marg. pro quas, lege | est, forte perperam pagina           |
| 111,54 equite, vel equitio         | qua                               | 508,57 est Bugarra                   |
| 122,26 f. pentadactylos            | 380,45 habenda                    | ibidem 43 Aragonensem                |
| 127,58 factionis                   | 386,13 Farracenorum               | 510,8 Albalatius, vel mox pro        |
| 131,19 prateruectus                | 393,3 prastaturos                 | Albalatii, legendum Al-              |
| 132, in fine ver. 35 lege na-      | 399,9 pro Senato f. legendum      | balati                               |
| & in f. v. 36 feq. In              | figno                             | ibidem 12 Carthufienfium             |
| in f. feq. feciffent               | 401,18 Caterum                    | 512,4 Bonifacianum                   |
| in f. feq. bonos                   | 413,5 Abonesii                    | ibidem 22 occurreremus               |
| 141,45 f. Simon pro Sinon          | ibid. 43 Petri                    | ibidem 36 etate                      |
| 144, 6 vexilliferum                | 414,43 Paschaffi                  | 513,55 Villa Martiana                |
| 151,14 reges                       | ibid. 51 Cafaraugustam            | 514,59 cum magna                     |
| ibid. 23 Eomet ipfo vel Eomet i-   | ibid. 55 Quares                   | 515,2 astatutum                      |
| pfo                                | 418,40 fieremitarum               | ibidem 32 Galletia                   |
| ibid. 40 Toletanus                 | 422,1 oppido                      | ibidem 55 melius pro eaq, lege-      |
| 152,24 eius                        | ibid. 43 Monarguesum              | retur ea                             |
| ibid. 46 Granatenfes               | 424,45 ducentefimus               | 517,50 Veruntamen vel Verum-         |
| ibid. 58 Turritani                 | ibid. v. 59 f. veruntamen         | enimvero legendum vide-              |
| 154,9 Sardinia                     | 425,42 Latii                      | tur                                  |
| 160,11 maxima adornata             | ibid. 43 verumetiam, & mox tro-   | 526,13 pitufarum                     |
| 186,45 Cypri                       | phis                              | 530,5 aut quantumvis, aut licet      |
| 206,58 quem a quarto &c.           | 432,48 Colubaria                  | abundat, nifi quantum vis            |
| 207,31 Sertoria                    | 433,24 Palumbariam                | diuifim legendum fit                 |
| 210,28 perfide                     | 436,39 obfederunt                 | ibidem 7 conseruatam                 |
| 220,49 in ftationes                | 437,33 cryptas                    | 531,13 aliam                         |
| 226,9 Fifeampensis                 | 441,59 Portopinea                 | ibidem 2 omnis vel pro reip. le-     |
| 229,12 annona, & mox tantum        | 442,2 fufinentibus militibus      | gendum rerump.                       |
| finem                              | 445,3 cum                         | ibidem 57 liberis ex iuftis nup. le- |
| 238,3 delendum alterum in          | ibid. 59 appellere                | gendum videtur                       |
| 238,50 f. Martham                  | 448,56 prastaturum                | 537,20 Sanctenalia, vel certe        |
| 240,46 Bernhardi                   | 455,31 Zaene                      | Sancta Enlalia                       |
| 241,9 anni                         | ibid. 54 Zaenem                   | 538,28 Septentriones                 |
|                                    |                                   | ibidem                               |



ibid. 40 *Scytharum*  
 ibidem 53 *sub dio*  
 ibidem 57 *Palestina*  
 540,3 *populog. Tolesano*  
 ibid. 43 *Palaologi*  
 ibidem 33 *Morabatinorum*  
 ibidem 11 *Palaologum, & mox,*  
     *prestaturos*  
 542,15 *Victoriorum*  
 ibidem 18 f. *Citadella*  
 ibidem 30 f. *Cingense, à Cinga fl.*  
 ibidem 37 f. *pro Marchetis le-*  
     *gendum Marquetii, vt v.*  
     29 *præcessit*  
 543,33 *Palestina*  
 544,24 *Verumenimvero, vel E-*  
     *nimvero, non cōmode po-*  
     *situm videtur*  
 ibidem 30 *inferiora*  
 548,21 *Murciensis*  
 ibidem 43 *Vidauria*  
 550,51 *Clemens*  
 ibidem 58 *percipiens*  
 552,51 *vidua*  
 554,19 *antequam*  
 556,50 *inpristinam*  
 558,30 *iniquè*  
 559,20 *est Besantiorum, pro quo*  
     *v. 2. legitur Bissantium*  
 549,36 *Viennam*  
 560,50 *inferret*  
 565,27 *utramq, & mox neg,*  
 577,38 *Cesaraugusta*  
 578,7 *Cyprianus*  
 ibidem 10. *decima*  
 ibidem 11 *videtur legendum di-*  
     *num pro dinam*  
 579,59 *Ccc 3 Parochia*

580,31 *f. loci*  
 582 *(numerus enim 580 falsus*  
     *est) 33 trecenti*  
 587,23 *Ptolemao*  
 590,7 *Arabuesti*  
 ibidem 50 *cyanei*  
 597,3 *centum*  
 601,50 *voci rex dimidium co-*  
     *lon subiiciendum fuisset*  
 602,25 *malem legere In priui-*  
     *legis namq, fere omnibus*  
 ibidem *pro sancto, lege Sanctio.*  
 603,7 *quartum*  
 ibidem 39 *quarti decimi, vel cer-*  
     *te quater decimi, quod ta-*  
     *men non puto*  
 ibidem 56 *sexcentorum*  
 604,44 *post remissione deest pes*  
     *catorum*  
 ibidem 46 *virgula post quemad-*  
     *modū voci omniū in ver-*  
     *su seq. subiici debuisset*  
 ibidem 55 *primum*  
 605,41 *exarchatum*  
 610,45 *montanorum*  
 611,52 *reliquus*  
 612,40 *Paradisi*  
 613,11 *Sanctius*  
 614,10 *hoc*  
 ibidem 22 *sedem*  
 620,12 *Ferdinandi*  
 622,24 *eripuit vel certe abripuit*  
     *quod & ipsum tamen vix esse*  
     *potest*  
 624,19 *omne*  
 638,30 *lenamen*  
 641,26 *sub iussione*  
 ibidem 16 *Aldefonsi, sic enim*

*præcessit*  
 ibidem 30 *Comitis*  
 643,31 *undetricies*  
 644,18 *coacervato*  
 647,55 *conditione*  
 650,14 *f. labante legendum pro*  
     *labente*  
 652,24 *f. magnatum pro magna-*  
     *torum legendum*  
 653,1 *f. Vidauria*  
 ibidem 59 *sint*  
 655,44 *condiionem positum pro*  
     *cusione, quod tamen & ip-*  
     *sum vix inuenias*  
 671,8 *f. Sibyllam*  
 677,56 *commaponendum fu-*  
     *erat post subiuncto*  
 679,11 *f. obuam iri oportere, vel*  
     *obuiatum ire, vel iri oportere*  
 680,13 *quingentorum*  
 717,32 *delendum videtur haud*  
 723,51 *iussa populis*  
 732,11 *Alias, & mox fracta pro*  
     *carta*  
 878,52 *credi*  
 879,11 *possit*  
 883,34 *inferenda*  
 ibidem 51 *valere*  
 886,46 *allegare*  
     *ibidem 54, alleget*  
 888,17 *desponsata*  
 ibidem 50 *desponsetur*  
 902,19 *percelli*  
 924,46 *obtineri*  
 925,16 *custodiam*  
 936,45 *reperiuntur*  
 948,20 *indicis*  
 793,28 *Sanctius.*



# INDEX

## TAM RERVM QVAM VERBORVM CVM PRIMIS MEMORABILIVM

in hac tertia rerum in Hispania gestarum parte occurrentium locupletissimus: in quo tamen, ne nimium vastus euaderet, ad principalia vocabula fere semper digitum, non aliter quam ad fontem, intendimus.



Bagelardum ob-  
sessum 314,23  
Abarca Cato 602  
38.615,5  
Abbas Clusensis  
35,28

Fiscampensis 226,9  
Fonfieda 554,26  
Merensis 197,12  
Pintiensis 515,25  
Abdalla 1,56  
Abdelazizius 2,6  
Abdelmelc 31,44  
Abdemelech 636,44  
Abderrahamensis 26,57  
Abdurramen 603,51  
Aben Alfage 633,20  
Abengamia 48,2  
Abenbaia 12,21.633,50  
Abenjusephus Miramomolinus  
555,9.558,20  
AbenZarcia 579,30  
Abicenus Galipus 233,10  
Abinratio schismatis 107,34  
Abobibes 74,43.76,16  
Abobis 510,55  
Abomelichius 182,5  
Aborius 938,20  
Abrahinus 209,32  
Abubeccar 1,49  
Abuhazalenus 33,48  
Abuhazalen 637,1  
Abulbazenus Abencamixa 179  
44  
Abulmelichius 177,17.185,12  
AbuZethius 455,54.469,37  
Accusatio qualiter ad Regem de-  
feratur 935,54  
Acon 522,40  
Acris 545,33  
Actio maiestatis Balearico euidā  
intentata 189,22  
Adalasia Comitissa 343,8  
Adelaida 330,46  
Adelfonsus 607,50  
Adrianus Pontifex II. 605,10  
Adulteria 895,19 Ec.  
Ades Maria Podiensis 506,50  
quedam diruta, ne in ea Ma-  
homerus impietatem suam ex-  
erceret 486,55.510,5  
maxima Saluatoris Casara-  
gustana 205,17.265,53  
Templariorum 240,51  
virginis Maria sanctissime ha-

bita 642,25  
Edetania 12,22  
Egidius Garcesius Aza 526,26  
Sanctius Municius 414,44  
Erapro anno 615,29.620,55  
Etas affecta quid causetur 558,  
32  
Aina 277,3  
Asri australes 386,53  
predones 263,51  
Asri Tunetani 480,53  
Africa 498,13  
Africani Nicotrum destruunt  
314,30  
Africus cum Borea se conuoluens  
obscurat omnia 542,33  
Agapetus Brixienis 237,13  
Ager Emporitani 136,38  
Galluritanus 178,51  
Malacitanus 560,52  
Poneanus 456,32  
Puteolanus 229,18  
Valentinus 212,50  
Agmina Christianorum diuisa per  
Sarracenos imperit 444,53  
Agnes Zapata 127,4  
Agramontium 422,43  
Agreda 90,53.173,6.219,45.  
407,29  
Agri Setabiani hostiliter vastati  
503,6  
Agrigentum 330,34  
Ahonesius perfoffus moritur 415,  
55 Ec.  
Aidonum Castellum 147,54  
Aierbii 37,57  
Aierbium 25,54  
Aimericus Vicecomes Narbonensis  
24,38.47,52.278,43  
Ainsa 6,57  
Aitonius Oria 173,44  
Ainbius Aboualibius 3,30  
Alagonii 205,59  
Alaimus Leontinus 131,14  
Alamanus Ungarorum Rex 341,9  
Alauna 134,3.182,35.417,19  
Alazarachus 516,30.517,2.518,  
42.519,2  
Alazdracus rebellis 90,35  
Albarrazinum 39,49.147,23  
406,4  
Albeda 422,43  
Alberia 362,9  
Albertus Zatrilia 262,55  
Albesa 422,43.423,18  
Tomus III.

Albigaum 249,22  
Albintimili 249,22  
Albusera 480,44.492,44  
Albuhacenus Maurusorum rex  
177,45.182,1  
Alcala 253,42  
Alcalani 37,58  
Alcanicii 260,47  
Alcanicium 88,3.238,7.412,  
25.454,47  
Alcapellus Mahomas 233,10  
Alcimene 462,30  
Alcocerium 38  
Alcoium 111,56  
Alcolea oppidū expugnatur 40,11  
47,21  
Alcollum 259,26  
Alcubierrum 417,24  
Aldebradus idem qui Adrianus  
I. Pontifex Max. 588,16  
Aldoncia Cornelia 214,39  
Alebrelius 215,16  
Alexander P.M. 181,28.472,1  
Alexius Imp. Constantinopolitan.  
373,50  
Alfama 534,28  
Alfambra 456,28  
Alfambra 152,28  
Alfandecha 501,8  
Alfandechum 83,20  
Alfonfus cognomento Castus 5,15  
Carilius 276,44  
Castellarex 33,5.389,56  
Dianii & Ripacurcia Comes  
225,55  
Exea 277,13.278,26  
Gallicia Rex 5,28  
Iacobi Aragonii filius in Rep.  
gerenda negligens 544,18  
Iacobi Aragonii filius quo fue-  
rit ingenio 555,14  
Perezus Guzmannus 145,22  
Pittonum Comes 104,45  
I. Imperator, Aragon. rex X.  
631,21  
IV. duodecimius Aragonie rex  
170,49  
Ripacurcia Comes 243,51  
II. ab Aristo I. 389,48  
III. XVI. Aragonie rex 132,47  
Viliena marchio 246,4  
Algemezinum 462,56  
Algeerresum 500,51  
Algezira 86,59.112,8.155,14.  
156,35.182,6.462,49.559,36  
Rrrr



# I N D E X.

*Algeriani* 461, 48  
*Alguerenses* 206, 41. 208, 27.  
 240, 14  
*Alguerum* 209, 28. 276, 46.  
 279, 20  
*Alguerius Sicilia rex* ibid. 14  
*Alhambra fluminis* 54, 43  
*Aliabatani* 477, 10  
*Aliaga* 479, 10  
*Alicantum* 104, 18. 156, 24  
*Alisbarota* 248, 10  
*Alinus* 341, 18  
*Alisa* 365, 4  
*Alloquium ad regem Rogerium*  
*institutum* 370, 41  
*Almanza* 213, 8  
*Almaranichum* 444, 41  
*Almatan* 423, 28  
*Almazora expugnata* 80, 10  
*Almenara, arx* 83, 20. 458, 33  
 462, 30. 518, 18  
*Almeria, urbs nobilis* 48, 3. 154.  
 57  
*Almescabenus, Almizabenius,*  
*Almozabenius* 636, 27  
*Almizira* 508, 59  
*Almonazirium* 155, 58  
*Almonzirium* 234, 33  
*Almorabides Mauri* 26, 37  
*Almudena, arx* 76, 17  
*Almudenaarum* 417, 13  
*Almuganares* 478, 9 &c.  
*Almugdabyr* 634, 30  
*Almugdadyrius* 635, 30  
*Almunia* 218, 21  
*Almutadyr Vile* 635, 22  
*Alpontium* 429, 20  
*Alura* 269, 2. 502, 47  
*Alvarus Caprera Virgilianus*  
 103, 1  
*Garcia Albornozius* 238, 1  
*Perezius Azagra* 90, 38  
*Perezius Guzmanus* 214, 36.  
 215, 12  
*Vasquius Petalzada* 220, 14  
*Aluentosa* 507, 35  
*Amalfia* 366, 54  
*Amalfitani* 351, 51  
*Ambrosius Grimaldus* 279, 28  
*Amor Alfonsi filii ex animo pa-*  
*tris Iacobi prorsus exhaustus*  
 553, 52  
*Amplitudo Platonis in philosophia*  
 569, 6  
*Amposta* 255, 49. 455, 36. 510, 26  
*Andreas Albalati* 526, 27. 510, 8  
*Bouadilla* 567, 5  
*Claramontius* 253, 25. 254, 36  
*Dandulus* 192, 17. 208, 35  
*Ferrarius* 520, 14  
*Valterra* 242, 55  
*Viccomes Cannetensis* 208, 5  
*Andriolus Morus* 153, 44  
*Andronicus Imp.* ibid. 15  
*Paleologus* 109, 2  
*Anfusius* 367, 45. 368, 5  
*Angelmartus* 314, 29  
*Angelmartus gregarius quidam*  
*miles* 326, 10 &c.

*Animalia in custodiam placita*  
*mercede suscepta* 925, 29  
*Animus ad sublimia intentus, hu-*  
*milia despicit* 544, 29  
*desperatus magis quam fortis*  
*timendus est* 546, 18  
*Annales regum Aragonensium* 386  
 25  
*Anno, dux* 289, 59  
*Annonius dominus Palma* 359,  
 19  
*Annus calamitosus* 74, 8  
*pestifer & sinestus* 259, 25  
*quingagesimus quisque obre-*  
*missionem nozarum sacer*  
*haberi solitus* 202, 2  
*Antella* 462, 50  
*Antigisus* 13, 13  
*Antilonii* 37, 53  
*Antiocheni* 182, 38  
*Antiquitas regni Suprabienfis*  
 615, 53  
*Antistes Velenfis* 555, 40  
*Antonia Barnabonis, etc filia* 242  
 33  
*Francisci Baucii Andria ducis*  
*filia* 238, 25  
*Antonius Augustinus* 579, 10  
*Butrius* 275, 30  
*Cardona* 281, 23  
*Carleta* 249, 46  
*Dunclinenfis Episc.* 134, 11  
*Zorita* 265, 31  
*Apiarium* 513, 49  
*Apostatici* 897, 41  
*Appadium* 368, 56  
*Apparicius Villanova* 149, 53  
*Apri, urbs Thracia vetus* 153, 15  
*Apuleienses* 290, 58  
*Aquabella* 356, 49  
*Aqua frigidensis, arx* 263, 34  
*Aqua frigida, propugnaculi* 208,  
 22  
*Aqua mortua cum fossis Maria-*  
*nis eadem* 611, 543, 15  
*Aquila, urbs* 381, 34  
*Aquisgranum* 5, 24  
*Aquitania Ariste quondam patri-*  
*monium* 622, 37  
*Arabes* 625, 2  
*Almorabides* 636, 53  
*Aragonenses* 489, 29. 608, 12.  
 612, 36  
*Aragonia regni nomen unde obti-*  
*neat* 18, 33. 493, 6  
*Aragonii* 232, 31  
*Arana vallis* 157, 42  
*Araris* 549, 46  
*Arborenses* 185, 49  
*Arces regni Valentini vindicata*  
 97, 34  
*Archiepiscopus Toletanus* 538,  
 10  
*Archiepiscopus Ebrunensis* 400,  
 11  
*Arelas diruta* 51, 12  
*Areniella* 612, 45  
*Ares, oppidum* 456, 20. 473, 31.  
 461, 59

*Arenaci* 112, 34  
*Argerius* 311, 30  
*Arista* 587, 2  
*Aristoteles* 569, 5  
*Arma qualia nunc in bellis visi-*  
*tatissima sunt* 437, 28  
*Armandus Auxitanus Archi-*  
*episcopus* 190, 16  
*Armengalius* 409, 11. 422, 33  
*Armeniacenses* 253, 29  
*Arnaldus Alafcon* 63, 19  
*Arho Nemausensis Vicecomes*  
 57, 53  
*Bastida* 160, 20  
*Boscanus* 99, 37. 526, 38  
*Erilius* 188, 13  
*Hispanus* 145, 39  
*Lordatus* 283, 58  
*Myro* 22, 31  
*Orcaus* 239, 40  
*Peralta* 510, 6. 520, 14  
*Villanovanus* 154, 49  
*Arche data non renovanda* 888,  
 34  
*Arriani* 397, 6  
*Arsacide* 526, 58  
*Artaldus vel Arnaldus* 31, 22  
*Artallus Alagon* 26, 35. 141,  
 55. 152, 49. 210, 39. 216,  
 49. 242, 45. 262, 10  
*Focius* 244, 39  
*Luna* 725, 2. 155, 5. 422,  
 6  
*Artifex legum &c.* 655, 49  
 656, 2  
*Artusella* 37, 58  
*Arx Castelfanibia* 227, 9  
*Genensis* 205, 39  
*Lupi* 404, 55  
*Monaci* 272, 16  
*Montionis* 152, 50  
*Mornedriensis* 229, 17  
*Arho Sanz* 789, 50  
*Ausentia nulla clamore aut tu-*  
*multu turbanda* 871, 31  
*Asparagus Tarraconensis antistes*  
 401, 16. 418, 22. 430, 37  
*Barcinus* 400, 37  
*Aspens* 54, 3  
*Assalidius Gudalius* 418, 44  
 490, 34  
*Aspens* 523, 21  
*Astures* 45, 5  
*Ataresii* 37, 54  
*Ataulfus* 1, 19  
*Athanasius* 578, 5  
*Arho comes* 32, 18  
*Focius* 73, 54. 445, 57.  
 448, 17  
*Sanctius* 47, 62  
*Athus Focim* 444, 33  
*Atrosilii* 37, 53  
*Anellinum* 352, 42. 354, 25  
*Auenio* 182, 24  
*Auenionenses* 281, 16  
*Aueniusephus* 548, 16  
*Auenloperius* 475, 11  
*Auersa* 363, 50. 364, 39. 367,  
 4. 380, 11  
 Auge-



# I N D E X.

|  |  |   |
|--|--|---|
| <i>Augerius Monfalconius</i> 217, 31   | <i>Becumen admiratus Sicilia</i> 297             | <i>Papa cognomine Luna</i> 413, 41      |
| <i>Aurembaxis</i> 409, 12, 422, 32     | 36 47  | <i>Beneuentani</i> 37, 57, 342, 41, 363 |
| 469, 2                                 | <i>Bedmarium</i> 156, 17                         | 56                                      |
| <i>Ausa</i> 7, 28, 211, 56             | <i>Beierium</i> 545, 12                          | <i>Beneuentan</i> 342, 40               |
| <i>Aytana</i> 409, 4                   | <i>Belasco scriptor</i> 12, 30                   | <i>Beniapani</i> 562, 37                |
| <i>Ayvaria</i> 623, 52                 | <i>Belcairum</i> 55, 18                          | <i>Bentius</i> 580, 12                  |
| <i>Azenarius Aragonum Comes</i> 1.     | <i>Belesguardum</i> 280, 45                      | <i>Berengaria, Alfonsi Molinae do-</i>  |
| 193, 27                                | <i>Belia</i> 624, 49                             | <i>mini filia</i> 528, 40, 534, 44.     |
| <i>Azlorii</i> 38, 2                   | <i>Bellaintestina Aragonu per quid</i>           | 548, 6                                  |
| <i>Aznarius Comes</i> 3, 58            | <i>sedata</i> 199, 13                            | <i>Raimundi Barcinonensis filia</i>     |
| <i>Pardus</i> 64, 51                   | <i>Bellamarinus</i> 182, 119, 3, 14              | 41, 4                                   |
| <i>Azo Malaspina marchio</i> 171,      | <i>Bellum aduersus Mauros</i> 153,               | <i>Berengarius Agerensis</i> 444, 4     |
| 10                                     | 57   | <i>Almenara</i> 552, 32                 |
| <i>Azurus</i> 2, 29                    | <i>Albarrazinense</i> 406, 51                    | <i>Berengarius Apilia</i> 215, 37, 227  |
| B                                      | <i>Almeriense</i> 154, 16                        | 47, 229, 52                             |
| <i>Bachiel</i> 440, 1                  | <i>animo quam consilio maiore ge</i>             | <i>Ausetanus Episcopus</i> 162, 59      |
| <i>Bahues</i> 612, 44                  | <i>stium</i> 144, 58                             | <i>Balazuelus</i> 490, 46               |
| <i>Baiona</i> 42, 24, 643, 23          | <i>Balearicum in expectatione est</i>            | <i>Bardaxinus</i> 50, 35, 819, 33       |
| <i>Bairena, arx</i> 85, 38, 501, 6     | 188, 23  | <i>Cardana</i> 143, 55                  |
| <i>Balaguerum</i> 408, 56, 422, 43     | <i>atrox &amp; intestinum</i> 215, 4.            | <i>Carroxius</i> 226, 44, 236,          |
| <i>Baldana Porta</i> 480, 5            | 217, 54, 227, 32                                 | 35, 237, 28                             |
| <i>Baldunus Ponti dominus</i> 350, 15  | <i>Balearicum</i> 74, 38, 202, 5.                | <i>Dezpratus</i> 235, 5                 |
| 551, 4                                 | 448, 15, 529, 5                                  | <i>Durforcus Barcinonensis</i> 438      |
| <i>Baleares insule</i> 5, 27, 435, 37. | <i>Bauciensibus illatum</i> 51, 11               | 6                                       |
| 514, 42                                | <i>Castellanum lentius ductum</i>                | <i>Eril</i> 422, 49                     |
| <i>amissa vrbibus aliis compensan</i>  | 139, 45  | <i>Maiolius</i> 124, 30, 135, 10        |
| <i>tur</i> 518, 19                     | <i>crudele &amp; exitiabile à Castella</i>       | <i>Montolinus</i> 141, 42               |
| <i>in Mahometanos truculentif</i>      | <i>&amp; Aragonia regibus vrim-</i>              | <i>Puiguertius</i> 554, 23              |
| <i>simae</i> 446, 27                   | <i>que susceptum</i> 212, 12                     | <i>Raimundus</i> 18, 37                 |
| <i>vnde sic dicta</i> 446, 49 &c.      | <i>fraternum Balearicum</i> 187, 53              | <i>Villamarinus Emporitan</i> 252       |
| <i>Balearis maior</i> 438, 10          | <i>Fuxense</i> 260, 26                           | 53                                      |
| <i>minor</i> 542, 52                   | <i>Genuensibus indictum</i> 204, 21              | <i>Vilaragutius</i> 134, 58, 183, 57    |
| <i>Balthasar Cossa</i> 281, 28         | <i>Hispaniense</i> 241, 32                       | <i>Berengueta</i> 653, 24               |
| <i>Spinula</i> 239, 48                 | <i>in Catalonia inter Monsadas</i>               | <i>Berga</i> 7, 28                      |
| <i>Bamzi</i> 28, 13                    | <i>&amp; Entencias</i> 139, 23                   | <i>Bernardini</i> 187, 45               |
| <i>Barbastrenses</i> 31, 51            | <i>in Sardinia</i> 207, 36                       | <i>Bernardinus Caprera</i> 234, 46      |
| <i>Barbastrum</i> 31, 56, 407, 35.     | <i>in Simonem Monfortium re-</i>                 | <i>Corius</i> 245, 57                   |
| 418, 1                                 | <i>nouatum</i> 398, 43                           | <i>Bernardus Argentona</i> 75, 52       |
| <i>Barceli</i> 236, 50                 | <i>inter Genuenses &amp; alios quo, dā</i>       | <i>Armeniacesis</i> 247, 47             |
| <i>Barcino</i> 5, 37, 157, 46, 404,    | <i>acre</i> 173, 49                              | <i>Atho</i> 36, 48                      |
| 22, 541, 44                            | <i>Mauris inferendum</i> 415, 22                 | <i>Boxadosus</i> 183, 8, 185, 52        |
| <i>Barcinonenses</i> 479, 57           | <i>Murtiense</i> 100, 41, 533, 2                 | <i>Campanius</i> 431, 17, 444, 10       |
| <i>Barea, oppidum</i> 182, 6           | <i>Peninsulanum</i> 414, 9                       | <i>Caprera</i> 197, 25, 272, 1, 276, 57 |
| <i>Barenjes</i> 310, 38, 356, 4        | <i>potius ostentatum quam gestu</i>              | 280, 46                                 |
| <i>Barnabas Oria</i> 152, 6, 58.       | 181, 56  | <i>Cespuiades</i> 168, 41               |
| 167, 43                                | <i>sacrum</i> 412, 53, 540, 11                   | <i>Comes Barcinonensis</i> 7, 38        |
| <i>Barones Apulia</i> 375, 17          | <i>Sardoum</i> 164, 53, 174, 22.                 | <i>Connenarum Comes</i> 59, 3           |
| <i>Catalonia</i> 546, 5                | 235, 9, 236, 24, 255, 10, 263,                   | <i>Cruillias</i> 208, 9, 217, 58        |
| <i>Baronia Exarcesis</i> 564, 27       | 51, 281, 10                                      | <i>Episc. Toleran</i> 643, 11           |
| <i>Barragua</i> 502, 59, 503, 1        | <i>Sarracenis inferendum</i> 135, 1              | <i>Fonollarius</i> 141, 24, 156, 27     |
| <i>Bartholomaeus Aragonius</i> 262, 15 | <i>Siciliense</i> 116, 20, 262, 18               | <i>Guilielmus Entensa</i> 81, 57.       |
| <i>Belusius</i> 152, 51                | <i>templariis illatum</i> 152, 44                | 82, 33, 128, 40, 476, 48                |
| <i>Nicastrensis</i> 133, 33            | <i>Valentinum</i> 78, 45, 455, 45.               | <i>Guilielmus Praelius</i> 138, 48      |
| <i>Barulux</i> 356, 49                 | 514, 16  | <i>Mauleo</i> 526, 33, 99, 33           |
| <i>Basilica Saluatoris</i> 100, 56     | <i>Vrgeluanum</i> 538, 8                         | <i>Michael</i> 260, 5                   |
| <i>Basta, es</i> 28, 13                | <i>Belsinus</i> 644, 57                          | <i>Montacutus</i> 83, 18                |
| <i>Bastida</i> 195, 31                 | <i>Belusii</i> 253, 4                            | <i>Olinclia</i> 105, 55, 132, 32        |
| <i>Bastuli</i> 186, 55                 | <i>Benahabetus</i> 437, 59                       | 547, 30, 548, 59                        |
| <i>Bauciensis</i> 51, 11               | <i>Bencharnenses</i> 622, 39                     | <i>Oloronensis</i> 54, 1                |
| <i>Bayetola</i> 612, 45                | <i>Bennanet</i> 314, 25                          | <i>Okzinellias</i> 203, 44, 204, 19     |
| <i>Beata Maria de Pilari</i> 644,      | <i>Benarnet</i> 325, 39, 330, 28                 | <i>Orle</i> 127, 16                     |
| 33 &c.                                 | <i>Benasca vallis</i> 15, 13                     | <i>Porterius</i> 526, 53                |
| <i>Beatia</i> 48, 3, 65, 46, 121, 13   | <i>Benedicta Arborensis</i> 242, 17              | <i>Rabassa</i> 461, 48                  |
| <i>Beatrix Amadei Comitis Sabau-</i>   | <i>Benedictus Papa artissime circū-</i>          | <i>Reginolius</i> 47, 45                |
| <i>dici filia</i> 98, 30, 526, 44      | <i>sessus, conditiones pacis accipere</i>        | <i>Ripollus</i> 204, 37                 |
| <i>Imperatoris Philippi filia</i> 554, | <i>iubetur</i> 266, 29                           | <i>Roccafortius</i> 158, 45             |
| 43                                     | <i>Cardinalib<sup>9</sup> destitutus</i> 276, 41 | <i>Rouira</i> 184, 3                    |
| <i>Lauria</i> 170, 11                  | <i>Et Bonifacius ad colloquia con</i>            | <i>Sarria</i> 152, 57, 153, 4           |
| <i>Bechar filia.</i> 74, 21            | <i>uocantur</i> 263, 46                          | <i>Satria</i> 134, 58                   |
|  | Tomus III.                                       | Rrrr 2                                  |



# INDEX.

|                                  |  |                                   |  |                                     |                                  |
|----------------------------------|--|-----------------------------------|--|-------------------------------------|----------------------------------|
| Segalaris                        | 140,9  | Boatellana porta                  | 480,4  | Caieta                              | 253,11                           |
| Senesterra                       | 225,40                                       | Bolea, arx                        | 73,35  | Calabrenses                         | 295,1                            |
| Sentangenianus                   | 446,5.459,38                                 | oppidum                           | 25,29.416,37.624,49                              | Calagurriaturre                     | 538,7                            |
| Sous                             | 227,47.281,20                                | Boleslaus Polonorum dux           | 48,31  | Calagurris                          | 231,52.233,55                    |
| Taliaferrius                     | 16,4   | Bona Caprera supplicio affecti in |  | 624,50                              |                                  |
| Tarracensis Episcopus            | 114,56                                       | fiscum rediguntur                 | 230,7  | Calasanti                           | 37,57                            |
| Toletanus Archiepiscopus         | 26,42  | ita & templariorum                | 152,24   | Calasantium                         | 31,48.422,43                     |
| Villaragutius                    | 181,38                                       | naturalia                         | 912,53   | Calatabellota                       | 149,15                           |
| Vitalis                          | 521,27                                       | Bonanatus Bombus                  | 204,54   | Calatambenses                       | 232,4.253,24                     |
| Zatrilla                         | 260,6  | Zapera                            | 243,12   | Calatambium                         | 39,9.45,50.232                   |
| Bernardus                        | 317,20                                       | Bonifacius Anglanus               | 525,54   | 1,428,41                            |                                  |
| Bertha                           | 32,33.333,31                                 | Calamandrana                      | 143,43   | Calataxibet                         | 301,23.314,28                    |
| Bertrandus Baucius               | 57,58.169,48                                 | Ferrarius                         | 271,38.278,53                                    | Calatenissa                         | 332,31                           |
| Calasantius                      | 423,12                                       | IX. Papa                          | 252,18   | Calbugium                           | 557,37                           |
| Canelia                          | 552,29                                       | Novellus                          | 181,41   | Calistus P. M.                      | 40,44                            |
| Castelletius                     | 52,11  | VIII. P. M.                       | 522,49   | Calixtus II.                        | 375,12                           |
| Conuenas                         | 237,13                                       | Sabaudia comes                    | 98,11.523,17                                     | Callipolis                          | 150,53.153,48.158,36             |
| Gesquina                         | 231,43.235,36.236,1.240,38                   | Bordalua                          | 144,14   | Callis Puteoli                      | 216,14                           |
| Melgoriensis comes               | 55,50  | Borellus Comes Barcinouensis      | 7,31.14,39.15,25                                 | Calo Iob. Bataxi Graci Imp. vxor    | 103,56                           |
| Tolosatum comes                  | 36,56  | Borgia                            | 215,19.231,43.422,7                              | Cambrium                            | 431,38                           |
| Beruegalium                      | 418,1.525,9                                  | Borgiensis                        | 215,15   | Campi Burrianenses                  | 226,8                            |
| Besantii Ceptini                 | 559,20                                       | Borro                             | 501,45   | Pallantini                          | 145,3                            |
| Bet Africa mons                  | 625,1  | Bosphorus Thracius                | 204,39   | S. Georgii                          | 160,26                           |
| Betura, arx                      | 83,20.477,55                                 | Bonatici                          | 79,5   | Campus Francus                      | 137,43                           |
| Betulo                           | 263,6  | Bouaticum                         | 527,36   | Callicantius                        | 212,53                           |
| Beutherius Valentinus            | 602,17                                       | Bones mille Iacobo Aragonio in    |  | Glareanus                           | 521,10                           |
| Biarienses                       | 513,52                                       | commeatum oblati                  | 542,18   | Spartharius                         | 518,59                           |
| Biarium, arx                     | 89,8.513,49                                  | Branca Oria                       | 216,36   | Tarracensis                         | 510,48                           |
| 520,8.545,29                     |  | Branchaleo Oria                   | 152,57.235,18.236,31.237,20.240,13.253,46.164,43 | Canalda                             | 293,3                            |
| Bielsa                           | 15,16  | Brea vicus                        | 196,1  | Candela cerea duodecim pro tota     |                                  |
| Bifar                            | 332,31                                       | Brisinda                          | 623,33   | postolis cur accensa                | 395,28                           |
| Biferrius                        | 360,56                                       | Brutii                            | 139,1  | Cannetum, arx                       | 189,4                            |
| Bigerones                        | 8,9.396,2                                    | Buchera                           | 124,16   | Cantabri                            | 4,5.450,43 &c.                   |
| Rigorrenses                      | 587,22                                       | Bugarra                           | 508,57   | Capdetani                           | 508,57.509,1                     |
| Bilbilis qualis urbs             | 3,30   | Buaha Zacharias                   | 159,57   | Capraria                            | 432,50                           |
| Bilforadum                       | 33,28.42,27                                  | Bulgari                           | 326,52.329,33                                    | Caprera supplicio capitis afficitur | 229,40 &c.                       |
| Bilhel, arx Turia imposita       | 57,41  | Bulolium                          | 114,40   | Capua                               | 330,42 & 46.343,11.361,11.373,32 |
| Biotenati                        | 12,33  | Bulle                             | 477,55   | Capuani                             | 343,22 & 34                      |
| Biremes Burriane                 | 459,38                                       | Bulla, arx                        | 83,20  | Caput de Sobala                     | 39,56                            |
| Bisnium                          | 292,16                                       | Bunolium                          | 104,8  | Petra                               | 453,32                           |
| Bituris                          | 240,6  | Burbaguena                        | 415,9  | Cap conditor Capua                  | 361,15                           |
| Biturum, oppidum                 | 148,54                                       | Bureta recuperata                 | 50,52  | Caralis                             | 209,35.220,54.276,46.279,14      |
| Blanca Aragonia regina           | 156,33                                       | Burgia                            | 644,57   | Carbolium                           | 522,9                            |
| Borbonia                         | 208,50                                       | Burrelenses                       | 361,39   | Carcafo urbs                        | 57,54                            |
| Caroli Regis Neapolitani filia   | 663,38                                       | Burrianenses                      | 79,40  | Carcaffo                            | 400,17                           |
| Frederici Regis Sicilia soror    | 230,10                                       | Burriolum                         | 79,59.462,18                                     | Cardinales ab obedientia Bene-      |                                  |
| Ludonici Francorum regis fi-     |  | Burtina                           | 614,49   | dicti se subtrahunt                 | 265,28                           |
| lia                              | 103,43                                       | Busicaudus                        | 265,26   | defectores a Papa diris deuoti      | 280,50                           |
| Romania despina                  | 191,45                                       | Butera                            | 330,44.335,24                                    | duo legatione funguntur             | 154,3                            |
| Blanca, oppidum                  | 212,52                                       | Buterenses                        | 334,49   | Gerundenis & Catanenensis           | 271                              |
| Blasco Romanus                   | 53,6   |                                   |  | 12                                  |                                  |
| Blasus Alagon                    | 70,9.72,13.80,8.146,8.147,42.148,1           | C                                 |  | Gregorium deserunt                  | 276,16                           |
| 210,36.241,1.454,58              |  | Acinus Abuhalmalius               | 232,26   | in partes diuisi                    | 413,43                           |
| Azlorius                         | 241,3  | Cadelonia, arx                    | 54,4   | Cardinalis Florentinus              | 253,10                           |
| Ferdinandi Heredia               | 814,10                                       | Cades Caprera adium procerum      |  | Rhodenis                            | 184,9.189,5                      |
| Massa                            | 445,57.448,18                                | regi conciliat                    | 230,1  | Sabinensis                          | 420,58                           |
| Blasius Marionius                | 204,27                                       | hominum                           | 942,33   | S. Cecilia S. Apostolica legatus    | 136,40                           |
| Blasphematores Sancte Trinitatis | 1003,12                                      | ingenui vel serui                 | 939,25   | Cardona                             | 7,30.237,3.241,54                |
| Boamundus                        | 314,42.329,32.330,10 & 42.334,4.339,6.340,13 | Celestinus pontificatu maximo se  |  | Care, oppidum                       | 220,9                            |
|                                  |  | abdicat                           | 142,32   | Carie-                              |                                  |
|                                  |  | Casaraugusta                      | 4,59,5.1.39,36.404,22.577,38.640,24.642,14       |                                     |                                  |



# INDEX.

|  |                     |   |                     |   |               |
|--|---------------------|---|---------------------|---|---------------|
| <i>Cariena</i>                           | 220,9               | <i>Catantiarum</i>                        | 333,56              | <i>Ciuitates Apulia, Calabria Cam-</i>  |               |
| <i>Carinena</i>                          | 172,4.215,43        | <i>Cannus mons</i>                        | 38,51.40,1.448,     | <i>panieque complures post regem</i>    |               |
| <i>Carladefium</i>                       | 186,34              | 14  |                     | <i>defunctum res nouas molun-</i>       |               |
| <i>Carolus Andius</i>                    | 516,19              | <i>Causa legibus non conteta per in-</i>  |                     | <i>tur</i>                              | 128,26        |
| <i>Atrebatensis</i>                      | 182,42              | <i>dices non audienda est</i>             | 863,46              | <i>Clades Hispanica</i>                 | 577,12        |
| <i>Calabria dux</i>                      | 172,25              | <i>Causa omnes tricennio concluden-</i>   |                     | <i>funcaria</i>                         | 618,58        |
| <i>Caluus Francorum rex</i>              | 8,1                 | <i>da</i>                                 | 987,41              | <i>Larenfis</i>                         | 560,13        |
| <i>ducatus Apulia, &amp; principatus</i> |                     | <i>Causa terminata nullatenus reuol-</i>  |                     | <i>Setabinorum</i>                      | 563,6         |
| <i>Capue &amp; Hierosolymorum</i>        |                     | <i>uende sunt</i>                         | 863,54              | <i>Clanum flumen</i>                    | 363,34        |
| <i>rex</i>                               | 154,14              | <i>Caxal</i>                              | 44,43               | <i>Claramontii</i>                      | 201,28.205,59 |
| <i>Dyrrhachinus</i>                      | 245,1.249,44        | <i>Caxales</i>                            | 37,55               | <i>Claramontium</i>                     | 525,50        |
| <i>Francorum rex</i>                     | 4,49                | <i>Cetra</i>                              | 559,15              | <i>Classis regia ad portum Magonis</i>  |               |
| <i>Grimaldus</i>                         | 193,54.201,10       | <i>Cella, oppidum</i>                     | 417,46              | <i>uniuersa conuenit</i>                | 206,23        |
| <i>Lomelius</i>                          | 279,27              | <i>Centullus comes</i>                    | 39,46               | <i>Clemens III. P. M.</i>               | 92,6          |
| <i>Magnus</i>                            | 5,23.605,34         | <i>Centuria oppugnata</i>                 | 297,33              | <i>152,55.256,35.377,3.550,</i>         |               |
| <i>Martellus</i>                         | 377,50              | <i>Cepolla</i>                            | 469,18              | <i>24</i>                               |               |
| <i>Carolus Maximus Rom. Imp. V.</i>      |                     | <i>Cercina insula</i>                     | 157,38.159,56       | <i>Cocentanea</i>                       | 519,31        |
| <i>Aragonum rex xxvi.</i>                | 713,1               | <i>Ceruera</i>                            | 407,36.462,10       | <i>Cepobium Benefacianum</i>            | 512,          |
| <i>Navarraus</i>                         | 250,1.276,38        | <i>Chalamera oppidum</i>                  | 47,21               | 3                                       |               |
| <i>Salernitanus princeps</i>             | 127,22              | <i>Chalcis</i>                            | 204,34              | <i>Carthusiensium in agro Valen-</i>    |               |
| <i>135,28</i>                            |                     | <i>Chalybs amnis</i>                      | 38,51               | <i>tino extructum</i>                   | 510,12        |
| <i>Valesius Andium comes</i>             | 148,                | <i>Cham</i>                               | 539,35.540,39.549,1 | <i>Celestinum</i>                       | 361,3         |
| <i>59</i>                                |                     | <i>Chamut</i>                             | 330,35              | <i>D. Maria Cisterciensis</i>           | 49,           |
| <i>Carpentora cte</i>                    | 269,54.270,1        | <i>Chamutum</i>                           | 332,36              | <i>55.151,38</i>                        |               |
| <i>Carpentora ctum</i>                   | 158,56              | <i>Chersonesus aurea</i>                  | 386,54              | <i>fratrum minorum fterdense</i>        |               |
| <i>Carpetania</i>                        | 103,8               | <i>Chestium</i>                           | 513,55              | <i>235,58</i>                           |               |
| <i>Carrio, Vaccaorum oppidum</i>         | 45,                 | <i>Chinosa</i>                            | 212,50              | <i>Horta</i>                            | 465,58        |
| <i>49</i>                                |                     | <i>Chionenses</i>                         | 499,46              | <i>Legionense</i>                       | 622,50        |
| <i>Carrocius dominus Rebolledi</i>       | 516,                | <i>China</i>                              | 502,52              | <i>montis Aragonum</i>                  | 625,          |
| <i>39</i>                                |                     | <i>Chiuertum</i>                          | 462,9               | <i>30</i>                               |               |
| <i>Casse oppidum</i>                     | 53,36.59,12.        | <i>Chius insula</i>                       | 249,24              | <i>ordinis Cisterciensis aliquod</i>    |               |
| <i>237,42</i>                            |                     | <i>Christiani Arabibus mixti</i>          | 3,1                 | <i>quando conditceptum</i>              | 187,          |
| <i>Castelbonia</i>                       | 261,26              | <i>de Valle Demina</i>                    | 297,31              | <i>14</i>                               |               |
| <i>Castelbonum</i>                       | 237,33              | <i>Iudaizantes</i>                        | 1000,54             | <i>Pinnatense</i>                       | 11,28         |
| <i>Casteldasium castellum</i>            | 22,36               | <i>machinis ballistariis impositi et</i>  |                     | <i>Populetanum</i>                      | 447,7.563,    |
| <i>Castelfaubii</i>                      | 238,3               | <i>indidem excussi</i>                    | 436,51              | 53                                      |               |
| <i>Castelfaubium</i>                     | 230,27              | <i>Muzarabes</i>                          | 577,25              | <i>Rhodense</i>                         | 279,33        |
| <i>Castella</i>                          | 493,6               | <i>passim diripiuntur itinerantes</i>     |                     | <i>Riuipulli</i>                        | 51,58         |
| <i>Castella apud Paternionem sunt</i>    |                     | <i>561,37</i>                             |                     | <i>S. Iohannis</i>                      | 624,10        |
| <i>314</i>                               |                     | <i>quidam duo Iudeis audaciores</i>       |                     | <i>Sancti Petri Taberne</i>             | 579,54        |
| <i>Castellani Castelfaubiam arcem</i>    |                     | <i>707,1</i>                              |                     | <i>sanctarum crucium Valentia-</i>      |               |
| <i>expugnant</i>                         | 227,9.231,4         | <i>Christianus a Iudao contra fidem</i>   |                     | <i>narum</i>                            | 151,37        |
| <i>Castellarii</i>                       | 253,4               | <i>Christianam manus non acci-</i>        |                     | <i>Scarpense</i>                        | 476,46        |
| <i>Castellarium</i>                      | 417,30              | <i>piet</i>                               | 1005,33             | <i>Valdoncellense</i>                   | 251,8         |
| <i>Castallia</i>                         | 513,51              | <i>Christianus Iudeum non tuebitur</i>    |                     | <i>Verolense</i>                        | 524,4         |
| <i>Castellio Burrianensis</i>            | 79,59.              | <i>1000,43</i>                            |                     | <i>Xixenense</i>                        | 59,50.398,27  |
| <i>227,13</i>                            |                     | <i>Christianus Spinula</i>                | 168,47              | <i>Zaidiense</i>                        | 225,4         |
| <i>Emporitanus deditus</i>               | 248,27              | <i>Christina Noruegia</i>                 | 515,21.544          | <i>Cohetes</i>                          | 481,19        |
| <i>Castellitoli</i>                      | 37,55               | 7   |                     | <i>Coitio Aragonia generalis</i>        | 126,1         |
| <i>Castellum</i>                         | 519,33              | <i>Chronica regum Wisigothorum</i>        |                     | <i>Aragonensium ultima</i>              | 193,          |
| <i>Rosanense</i>                         | 261,26              | <i>853,6</i>                              |                     | <i>18</i>                               |               |
| <i>Castoria</i>                          | 314,24              | <i>Chyrieleison</i>                       | 336,55              | <i>nobilium vulgo Conuenientia</i>      |               |
| <i>Castra peste afflicta</i>             | 146,44              | <i>Cicala</i>                             | 363,22              | <i>dicta</i>                            | 237,6         |
| <i>Castriuilenses</i>                    | 339,58              | <i>Cimitata</i>                           | 291,11              | <i>Colliberis oppidum</i>               | 15,39         |
| <i>Castrius Antelminellius</i>           | 167,                | <i>Cindasuinthus</i>                      | 578,57              | <i>Collis Panizafius</i>                | 130,3.142,12  |
| <i>16</i>                                |                     | <i>Cinenses</i>                           | 314,44              | <i>Colubraria</i>                       | 432,48.466,59 |
| <i>Castrum Iohannis</i>                  | 330,35.332,         | <i>Cingastunus</i>                        | 6,55.42,59.         | <i>Comes Brenna</i>                     | 173,57        |
| <i>35</i>                                |                     | <i>114,8.227,13.402,32.505,</i>           |                     | <i>Cardonensis</i>                      | 553,22        |
| <i>Latesium</i>                          | 496,10              | <i>29.521,51.557,19</i>                   |                     | <i>Conuenarum</i>                       | 67,42         |
| <i>nouum</i>                             | 314,35              | <i>Cipparunum</i>                         | 369,3               | <i>Cometa 497,9 &amp;c. 498,2.499,</i>  |               |
| <i>Orioli</i>                            | 342,38              | <i>Cinis pruinis immixtus aliquot</i>     |                     | <i>18</i>                               |               |
| <i>S. Angeli</i>                         | 374,29              | <i>oppida obruit</i>                      | 277,7               | <i>Comitatus Aragonensis</i>            | 585,13        |
| <i>Sellonis</i>                          | 270,8               | <i>Circumcisiones carnis Iudeis pro-</i>  |                     | <i>Ausetanus</i>                        | 42,7          |
| <i>Castulo</i>                           | 475,8.504,12.518,18 | <i>hibita</i>                             | 996,51.1003,39      | <i>Belcitanus</i>                       | 528,43        |
| <i>553,29.557,40</i>                     |                     | <i>Citadella</i>                          | 453,19.542,18       | <i>Bigeronius</i>                       | 59,5          |
| <i>Catalani</i>                          | 426,1               | <i>Citadellani</i>                        | 453,37              | <i>Sastagensis</i>                      | 457,28        |
| <i>Catalonia</i>                         | 3,35.236,55.420,4.  | <i>Cines Valentini</i>                    | 495,6               | <i>Venexinius</i>                       | 281,17        |
| <i>427,50.493,6</i>                      |                     | <i>Ciuitas Albaraziniensis regali im-</i> |                     | <i>Comitatus Villenona &amp; Cielua</i> |               |
| <i>Catana</i>                            | 147,25.256,14 &c.   | <i>perio subdita</i>                      | 234,4               | <i>253,2</i>                            |               |



# I N D E X.

Comites Aragonenses quādo Comites appellari desierint. 615.  
21  
Aragonum V I. 592, 42  
Ruscinonenses unde fluxerint. 15, 30  
Trastamarensis & Ausonensis 220, 19  
Comitia Aragonum 761, 19  
Commendata & commodata 925  
15  
Comprobatio scripturarum. 886,  
11  
Conatus Tartarorū infelices 540,  
3  
Conchanobilis Celtiberorum urbs 56, 45. 146, 14. 182, 33  
Conchenfes 138, 43  
Concilia Tarraconensis duo, cur habita 551, 44  
Concilium Lugdunense 551, 3  
per Gregorium X. indicitur 106, 31  
Vienna habendum 156, 46  
Concubitores masculorum. 897,  
42  
Conditiones à manu missore in scriptura manumissi cōscriptæ 931,  
12  
Conditiones in quas iurabunt fidei ad fidem conuersi 1008, 39  
Confluens 525, 57  
Confridenses 561, 41  
Coniugium laudatum. 314, 19  
sine dote per Gothos fieri non solum 639, 13  
Coniuratio nobilitatis in Aragonia 553, 13  
Conradus Lanza 114, 43  
Oria 141, 26  
Verhebanus 157, 15  
Consentini rebelles 337, 15  
Conspiratio Afiorum & Sarracenorum in facobum primū Aragonium regem 532, 56  
inter Montesanos & Valledenses 561, 43  
Valentinorum 561, 36  
Constantia Aragonensis 495, 11  
Augusta 72, 32  
Claramontia 254, 44  
Regina Cypri 174, 19  
Regina Aragonensis 226, 34  
Constantia summa regum virtus est 390, 23  
Constantinopolis 204, 41  
Constantinus Imperator 2, 3  
Contagio pestis pene mundum totum peruagatur 197, 31  
Constitutiones legis post datas fidelibus leges infidelibus posita 994,  
34  
Consentes maleficos 936, 39  
Contentio summa partium in rep. inter Nauarraeos gliscit 552,  
41  
Contestani 233, 12  
Controuersia de finibus regni Castellani & Aragonici orie 99,  
21

Contumelia 939, 10  
Conualles Tolosa 538, 58  
Conualles Albaidensis 508, 3  
Conuenticula Iudeorum ex palantur 253, 55  
Maurorum 242, 1  
Conuentus Alcañiti habitus 510,  
20  
Aragonensium & aliorum Mentionem indictus 139, 7  
Casar Augusta celebratus 202,  
37  
Daroca actus 157, 3. 505, 24  
Gerunda habitus 164, 54  
Sorianus 523, 38  
Conuinitum more Catalano instrumētale 425, 19. 426, 1  
Copia Castellanos militares 251, 4  
Gallorum militares ingentes 228, 24. 231, 14  
in Hispaniam deducenda 231,  
36  
Mauritanorum multe in Beticam transfretarunt 545,  
10  
Maurorum ingentes 155, 50  
394, 45  
Cor regis in manu Dei 476, 34  
Corberana 501, 6  
Corduba urbs patritia 425, 4  
559, 56  
Coretum 356, 49  
Corpus Christi militibus communicatum 471, 47. 563, 23  
S. Iohannis translatus 604, 1  
Coruus 249, 22  
Costa Condomicita 312, 19  
Coteum, castrum 369, 2  
Cominum, arx 244, 43  
Crateres ignei quinq, diebus xii. incendio continuo flagent 277,  
6  
Cressacum 192, 46  
Cressanta 354, 15  
Creta 543, 43  
Cruillenum 533, 32  
Cruciferi 455, 59  
Cruelitas in victos exercita 220,  
10  
Cruz argentea 590, 49. 618, 10  
630, 32  
Crypta 79, 59. 437, 33. 462, 18  
Cucneni 587, 22  
Cuenca 392, 27  
Cullaris 75, 13. 429, 20. 463, 14  
Cunilaria 432, 50  
Cupiditas principū damnata 860,  
14  
Cupale 473, 18  
Cura distringendi Iudeos sacerdotibus solis omnis debetur 1012,  
28  
Cusentini 337, 34  
Cusentum 330, 50. 334, 20. 336, 9  
Custodia damnatorum 953, 10  
Matagryphonia 127, 41  
Cutanda 415, 12  
Cyprianus 578, 7  
Cyprius 543, 43

## D

Aginus abbas 10, 36  
Daenus 783, 56  
Dalmatius Rocabertinus Comes 166, 13  
Damasus Papa 578, 14  
Damianus Cataneus 243, 45  
Palicius 187, 6  
Damna contra pacta placita sua venientum 883, 2  
& commoda indicis 867, 57  
sacerdotum vel iudicum, qui in Iudais instituta adimplere distulerint 1012, 40  
Darius 471, 9  
Daroca 45, 50. 232, 2. 407, 34  
Darocenses 39, 13. 212, 51  
Debitatio 939, 10  
Debita 927, 21  
Debitū defuncti qualiter inquiri possit 928, 20  
Decuma ecclesiastica sumptui bellico ferendo destinata 156, 12  
191, 55. 246, 31  
Decimus, vicus quidam 167, 7  
Defectus Luna solisque quid sibi velint 496, 52  
Definitio vi metuz, extorta non valet 883, 51  
Definitiones seruatorum, sine iussu dominorum non valebunt, ibidem 16  
Deodata oppidum 7, 5  
Deus solus a se habet, quod habet 372, 7  
Dertosa 5, 42. 174, 33. 226,  
44. 229, 4. 236, 24. 412, 28.  
461, 51  
Desiderius poenitentiarius 511,  
54  
Dianium 483, 46. 485, 20. 501,  
48  
Dicentes testimoniū falsum 879,  
31  
Didacus Gelmirius 41, 2  
Gonzalvus Zauallius 91, 16  
Lopezius 448, 7  
Lupinus 138, 43  
Didacus Lupus 520, 16  
Diegus Monrealis 567, 2  
Dies dominicus rose à summo pontifice principi cuiusdam donanda dicatus 262, 43  
Dies festi & feriat 863, 11  
Dignitas magistratus instituta Aragonum 716, 42  
Ricorum labascit 650, 14  
Dignitates 487, 19  
Dioceses Agennensis & Rhodensis ditioni Tolosati contributa 74, 20  
Dionysius Lusitania rex 661, 18  
Portugallie rex 115, 5. 151, 12  
Dioscorus patriarcha Alexandrinus 259, 13  
Diploma literis aureis scriptum 555, 5  
Pontificum super absolutione regis Iacobi 512, 13  
Dira pontificis in regem Iacobum 511,



# INDEX.

- 511,47  
Disciplina Mahometanorum su-  
perstitiosior 506,31  
Discordes concordandi 556,51  
Discordia inter Oriarum familias  
183,5  
quam mala sit 18,50  
Discordia civiles obliuione prae-  
ritorum sepeliuntur 198,45  
Dissensio super ducendis agmini-  
bus 434,40  
Dissensiones inter Urbanum P. &  
Henricum Teutonicorum Imp.  
340,11  
Dissidia vetera renouata 242,  
46  
Dissidium Ecclesia maximū 243,  
18  
Distantia Roma a mari 493,27  
Dux Athenarum & Neopatria  
242,38  
Besalunensis 234,42  
Iaxarensis 528,42  
Ditiones Atticae 249,39  
D. Maria ad Nives 253,57  
Diui Matthaei fanum, oppidum  
226,1  
Dissidio regnorum inter patrem fi-  
liumq; discordiam parit 507,  
45  
Diuortium vel discidium sponso-  
rum 902,36  
Documenta animi regii duo 409,  
2  
duo regi poenitentiam agent  
per Pontificem iniuncta 552,  
3  
Dodo Oscensis Episcopus 47,40  
Domini seruos inculpabiles nō oc-  
cident 944,20  
Dominicus Cerdanus 228,11.  
239,40. 241,2. 248,56. 815,  
14.  
Lupescius Sarnes 241,2  
Palumbarius 241,4  
Tarba 184,1  
Domna Oria 661,24  
Donatio ad obtinendam remissio-  
nem peccatorum 604,43  
Donationes Ecclesis datae 917,33  
generales 918,21  
patronorum 920,13  
regia per regiam maiestate re-  
scissa 136,15  
Dose centies mille librarum filia  
cuidam dicta 178,14  
puelle per patrem exigenda &  
conseruanda 890,9  
Drogo 290,39  
Druentia fluius 40,49  
Ducas Comninus 551,12  
Ducatus Cantabriae 17,55  
Duces Transiucientes 244,44  
quidam Pontifice non salutato  
Auenione excedunt 219,11  
Dulcidius Salmanticensis 135,51  
Ductor factionis Genuensis cuius-  
dam quis fuerit 168,55  
Duracium captum 314,23  
Durbanum oppidum 247,54  
Duumviri agris diuidendis crea-  
ti 490,33  
Dux Anglorum moritur 314,46  
Dux Momblanci 255,1  
E  
Belinum oppidum 255,5  
Ebrietas Calabros minus vi-  
giles esse permittit 291,47  
Ebusitani subuentiois egent 219,  
20  
Ebusus insula 81,7. 466,39  
510,48  
Ecclesia Balearica controuertitur  
447,10  
Calagurritana 161,55  
Graca 106,44. 548,58  
nec fallit, nec falli potest 106,  
54  
Oniensis vel Ouetensis 662,  
50  
Romana 149,29. 551,18  
S. Christiana 638,26  
Toletana 170,17  
Traina 314,43  
Ecclesiastici Toletani abundantis-  
sime ditati 539,9  
Ecclesienses 208,18. 234,31  
279,51  
Eclipsis solaris 26,12. 314,44.  
485,41. 496,42  
Edmundus Cantabrigiae Comes  
246,3  
Eduardus Anglia Rex 122,33  
136,56. 544,12  
Normannorum dux 215,42  
Walia principis frater 250,52  
Egidius Alago 440,7  
de Campis 267,48  
Ruizius Lihorius 264,40.  
276,57  
Elda, oppidum 231,43  
Eldenses dedunt se 100,45  
Elemburga 335,27  
Eleonora Eduardi regis Anglici  
filia 662,56  
Elfa 537,22  
Elgium 534,57  
Elleca 10,38  
Eluira Innicia Vega 243,55  
Emanuel Constantinopolitanus  
56,1  
Emericus Vngariae rex 649,43  
Engelrada 7,32  
Endregotus Galindius 15,18.  
596,50. 618,53  
Enenga eadem cum Innica 590,  
19  
Enesii 469,18  
Enneco pro Innico 599,57  
Ennecus Lupezius 177,55. 604,  
13  
Enricus Nauarranus moritur 552,  
38  
Entenza dux inclitus 150,46.  
470,19  
Ephori Lacedaemonici 199,25.  
530,57  
regibus oppositi 8,41  
Epila, oppidum 231,58. 407,34  
Episcopi Hispaniae nouem, prater  
archiepiscopos tres ad coniugiū  
quoddam dissoluendum conuo-  
cantur 430,38  
per Siciliam ordinati 330,37  
Rotenses 614,33  
Episcopus Oscensis ad eundem Maho-  
metanam expiat 509,55  
Salmanticensis 239,45  
Epistola Gaufredi Monachi ad  
Episcopum Catanensem 286  
Epistola duae regis Iacobi Arago-  
ni ad Pontif. 512,17  
Ermengandus Caprera 160,9  
Urgellitanus Comes 19,5. 58,9  
Ermessenda 19,56  
Ermessenda de las cellas 654,14  
Ermessenda 623,41. 639,10  
Ermunius unde sic dicti 39,38  
Errores haereticorum omnium am-  
putandi 994,31. 995,31  
Escalor Vbertinus 187,8  
Escaramunda 536,56  
Etesia 492,5  
Etruria in armis est 157,49  
Euboea insula 204,34  
Eufandus 314,38  
Examen aquae feruentis 934,41  
Excidium Hispania 577,12  
Excursiones Abiesephi prosperi,  
560,44  
Excutientes hominū partus 938,  
10  
Exea 99,54. 200,30. 531,48  
Exemplar epistola informationis  
988,42  
Exequia Iacobo Aragonio presti-  
ta 564,4  
Exercitus Catalanus expeditus  
150,10  
Gallicus funditus deletus 213,  
22  
Pisanorum navibus expositus  
167,7  
Exercita 75,13. 329,20  
Eximina 618,26  
Eximinius 587,1  
Azenarii 596,27  
Garsia 596,49  
Petri Salanona 802,13  
Expediit Batia & Balearica  
514,45  
contra Mauros 414,55  
Laborana 359,45  
propter hiemem soluta 297,39  
Sardoa 164,44  
Siciliensis 254,10  
Valentina lenie inicitur 420,9  
Expeditiones nauales 205,4  
Sardoe & Genuenses 226,48  
Extracta de Chronica fratris Pro-  
lemai de Luca 373,19  
F  
Abianus Russus Oria 206,44  
Fabricius Consul olim Roma-  
nus 406,58  
Facinus Iacobi regis Aragonum  
sacrilegū potestici visum 511,46  
Rrrr 4



# INDEX

regis audax quam forte magis  
445,2  
Factio Claramontiorum 213,33  
Ferdinandina 410,19  
Genuensis 168,55  
Gibellina 127,58  
Oriarum 206,52  
Factiones Intemeliarum & Antio-  
chenorum 182,38  
Sanctiana & Bernardina  
407,7  
Tarinorum & aliorum quorum-  
dam 142,5.187,45  
Fati oppidum 48,28  
Fallacia 947,30  
Famaugusta 249,24  
Fames magna 59,53.317,29  
Familia Castrorum 557,30  
Donoratica 209,45  
Familie Abarcaram 623,20  
Alagonum & Vreearum 37,  
45  
Moncadarum illustres 409,  
6.410,3  
Oriarum & Spinularum 163,  
30.178,46  
Villaragutorum 255,55  
Fanum maximo sumptu adifica-  
tum 501,25  
Fanyanas 612,45  
Fariza 52,23.144,32.466,1.  
505,44  
Farizienfes 235,53  
Fasti de institutis Aragonum 569,  
11  
Faudentia 541,45  
Faxina 449,27  
Felicia regina 26,33  
Felix Episcopus Vrgellitanus 5,17  
Femina causam per mandatum  
suscipere nequit 876,30  
negotia propria licite exequi-  
tur 876,30  
Femina Trinacria 238,39  
Ferdinandus Aluarus Cuenca 235,  
53  
Balearicus 158,35  
Castella rex 157,10.158,8  
Diazus 79,39.456,27  
Hispaniarum rex 499,8  
Luna 45,17  
Lupinus Heredia 235,53  
Lupeius Seseius 215,52.235,  
51  
Portugallia rex 234,12  
I. Honestus, Aragonum rex  
xxii. 698,21  
Ferdinandus regis & Iolantis filius  
252,24  
Rex unde Magni nomen ade-  
ptus 21,3  
Ruicius Miancias 90,49  
II. Catholicus, Aragonum rex  
xxv. 705,40  
Ferrarius Lanuza I. 702,14.824  
20  
Lanuza II. 215,51.832,31  
Ferrarius Manteia 204,18  
Ferrelum oppidum 449,27

Ferrera 612,45  
Ferrerius Cannerius 186,26  
Ferricius Oscensis 44,43  
Ficaria oppidum 143,30  
Fidelitas Calataubensium 232,5  
Fides Catholica per plurimos ein-  
rata 156,9  
Fides seruo non adhibenda nisi re-  
gio cuidam 878,52  
Fides testibus sine sacramento non  
habenda 878,11  
Figuera 553,31  
Filerenses 113,34  
Filii in hereditatis successione pri-  
mi sunt 906,22  
Filius contra priorum definitione  
venire non debet Maria  
882,54  
Maria Aragonia regina quo  
die nascitur, moritur eodem  
193,11  
Fines Albarrazienses 235,53  
Capuani 342,50  
Faseti per hostes incurfi 212,  
53  
regni Valentini & Murtiensis  
terminantur 87,46  
Ruscinonenses inuasi 188,14  
Finestratienses 561,41  
Flavius Gundmarus rex 910,10  
Florentini 153,1.154,5  
Flumen Rubricanum 188,83  
Fœdera inter Castella Navarraq;  
reges inita sancuntur 266,  
24  
inter Henricum & Ferdinan-  
dum reges 239,10  
præcipiti regni cupiditate sanc-  
ta 234,14  
sancta confirmataq;  
vetera renouata 201,25  
Fogia 128,23  
Folcalqueria 53,12  
Folchalcherius Comes 392,32.  
393,9.455,6  
Fons Annensis 503,35  
Carroci 441,41.499,34  
clarus 85,21  
de Camphon 598,53  
Lose 226,5  
quidam inusitatus 413,37.  
437,35  
Fontinianum 545,28  
Fontona 38,1  
Forma abiurationis schismatis  
107,34.551,11  
Formicaria 168,23  
Fortunius Abenes 112,56.798,  
43  
Azenarii 789,22  
Eximini, Comes Aragon. VI.  
597,25  
Liso 241,4  
Monachus 600,12.603,30  
I. Suprarbiensis rex 585,27  
II. Monachus, Suprarbiensis  
rex VII. 591,50  
Vergua 136,22  
Forum nouum 732,35

Oscense 85,26  
Forus Inquisitionis Officii Iustitia  
Aragonum 704,27  
Fossa Mariana 61,11  
Fraga 42,59.52,41.179,52.  
444,49.521,50.643,33  
Fraga 157,4  
Franciscus Aranda 260,4  
Blanius 269,37  
Carrocius 168,4.169,4 & c.  
Coloma 279,25  
Esquerrius 200,13  
Intemelius 238,24.242,48  
Periliofius 211,39.227,59.  
228,1.231,57.234,19.239  
13  
ille sanctus quid patrarit 404,  
15  
Romanus procancellarius 215,  
37  
Sanclemens 235,5  
S. Eulalia rex 174,50  
Vicecomes Narbonensis 232,  
49  
Xarquius 157,20  
Franciscus Zagarriga 262,25  
Zarzuela 701,26.821,22  
Frater quidam Michael insignis  
militum animator 457,14  
Fraudentia viduarum specialis  
compescenda 901,30  
Fredericus Amiochenus 187,9  
Azo 168,45  
dux Athenarum & Neopatria  
210,35  
Petri II. Sicilia rex, & Athe-  
narum Neopatriæque dux  
210,46  
nascitur 185,14  
Ralco 141,52  
Randacensis Marchio 201,5  
Fridericus Austrius 172,57  
Fridericus III. Sicilia rex, & du-  
catus Apuliae, & princip. Capua  
144,29  
Fredulus Luneli Prior 554,55  
Fretum Farense 349,56  
Herculeum 200,58  
Froila seu Fruela 601,20  
Frodonus Episcopus Barcinonen-  
sis 7,12  
Frugalitas Catalana 495,11  
desiderata 251,31  
Funes 38,2  
Funesis 74,1  
Fures 948,44  
Furia 647,30  
Furtatus Diazus Mendoza 219,  
53  
Fuxenses Camarasam vi expu-  
gnant 261,22  
G  
Abarretia, arx 54,4  
Gabatha Syria oppidum 1,  
47  
Gadalopus fluminis 454,51  
Gades 498,16  
Gailiacum 74,2  
Galatianus Tarba 198,40.810,1  
Galc4



# I N D E X.

|   |                                |  |  |  |                     |
|---|--------------------------------|--|--|--|---------------------|
| <i>Galcerandus Pinosius</i>             | 549,10                         | <i>Ruscinonenfis</i>                                       | 57,3                                   | <i>Gualam</i>                          | 351,52              |
| <i>Salas</i>                            | 58,9                           | <i>Gerentia</i>  | 336,2                                  | <i>Gualterius Benedictus Anglus</i>    | 237,30              |
| <i>Thimor</i>                           | 116,50                         | <i>Gerlandus Allobrox</i>                                  | 333,8                                  | <i>Fisaula</i>                         | 142,12              |
| <i>Galindo comes Aragonensis</i>        | 5,50                           | <i>Gerunda</i>   | 130,28. 131,10                         | <i>Gudales</i>                         | 38,1                |
| <i>Galindus Azenarii</i>                | 594,36                         | <i>Gesaleicus siue Gesalaicus</i>                          | 589,41                                 | <i>Guedeta</i>                         | 297,36              |
| <i>Garfia</i>                           | 792,29                         | <i>Gibraltar, oppidum</i>                                  | 155,30                                 | <i>Guceiteili</i>                      | 167,52              |
| <i>Gallacia</i>                         | 249,29                         |  | 182,6. 200,51                          | <i>Guido Bononienfis</i>               | 218,41              |
| <i>Gallia Cisalpina in armis est</i>    | 157,49                         | <i>Giennium</i>  | 121,13                                 | <i>Vespa</i>                           | 536,9               |
| <i>Gallicolis</i>                       | 624,53                         | <i>Gilabertus Centillia</i>                                | 188,58                                 | <i>Guiabertus episcopus Barcinonē-</i> | 20,59. 21,1         |
| <i>Gallinerani</i>                      | 562,1                          | <i>Cruillias</i>   | 138,48. 156,41. 208,12. 239,23. 244,17 | <i>Gulielma Noncada</i>                | 104,43.             |
| <i>Gallineria</i>                       | 561,41                         | <i>Scintilla</i>   | 212,8. 261,55                          |  | 143,41              |
| <i>Gallura</i>                          | 209,54                         | <i>Gilentia</i>  | 345,53                                 | <i>Guillelmus Alcalatenfis</i>         | 394,29              |
| <i>Gandia</i>                           | 501,35                         | <i>Gilbiza</i>   | 623,32                                 | <i>Aquilonius</i>                      | 54,51               |
| <i>Garcesius Aguilarius</i>             | 422,7                          | <i>Gineces</i>   | 215,17                                 | <i>Aguilo</i>                          | 470,52. 472,58      |
| <i>Garcias Ferdinandus Heredia</i>      | 252,10                         | <i>Gisberga</i>  | 623,32                                 | <i>Aquitannus</i>                      | 460,45              |
| <i>Romanus</i>                          | 503,43. 504,4. 510,36          | <i>Gisbertus Barberanus</i>                                | 409,38                                 | <i>Auxitanus</i>                       | 39,29               |
| <i>Gardia</i>                           | 367,56. 368,19                 |  | 435,32. 436,56                         | <i>Bellera</i>                         | 188,13              |
| <i>Garfias Guerra</i>                   | 42,35                          | <i>Botonachius</i>   | 128,4                                  | <i>Brunus</i>                          | 141,25              |
| <i>Semenius</i>                         | 4,6                            | <i>Castellerius Catalanus</i>                              | 133,33                                 | <i>Burgundia comes</i>                 | 38,33               |
| <i>Azenarii, comes Aragonū V.</i>       | 597,10                         | <i>Gistanenses</i>   | 614,35                                 | <i>Casaraugustanus Archiepiscopus</i>  | 200,24              |
| <i>Ferdinandi Castrus</i>               | 708,27                         | <i>Gisulfus</i>  | 315,19                                 | <i>Casanatalis</i>                     | 160,19              |
| <i>Innici II. Suprarbiensis rex VI.</i> | 591,8                          | <i>Golasfri</i>  | 314,39                                 | <i>Castellunius</i>                    | 140,9               |
| <i>II. Tremulus cognomento IV.</i>      | 621,8                          | <i>Gombaldus Dertosanus</i>                                | 63,10                                  | <i>Ceria</i>                           | 150,57              |
| <i>Garibaius</i>                        | 600,6. 601,8                   | <i>Tramazetius</i>   | 128,45                                 | <i>Ceruera</i>                         | 68,58. 69,43. 72,14 |
| <i>Garinus Abehiri dominus</i>          | 215,9                          | <i>Gomezus Carilita</i>                                    | 276,44                                 | <i>Ceruilionius</i>                    | 187,1               |
| <i>Garo</i>                             | 332,31                         | <i>Luna</i>  | 45,17                                  | <i>Colonicus</i>                       | 104,23              |
| <i>Garfinda</i>                         | 623,33                         | <i>Suggerius Figueroa</i>                                  | 219,51                                 | <i>Coponius</i>                        | 259,                |
| <i>Garumna amnis</i>                    | 157,42. 394,5                  | <i>Gonzalvus Messias Pontanus</i>                          | 234,54                                 | <i>de Agrifolia</i>                    | 265,12              |
| <i>Gaspar Ingularius</i>                | 706,34                         | <i>Gonzalvus Suprarbiensis</i>                             | 19,43                                  | <i>de Grantauul</i>                    | 330,31              |
| <i>Gastiel</i>                          | 332,30                         | <i>Gonzalvus Zapata</i>                                    | 152,48                                 | <i>de Grantemaniol</i>                 | 338,58              |
| <i>Gasto Beneharnensis Vicecomes</i>    | 40,33. 41,58                   | <i>Gotfridus comes Andrensis</i>                           | 347,13. 353,20. 355,57. 357,7          |  | 39,9                |
| <i>Bielius</i>                          | 42,50                          | <i>Gothia</i>  | 1,26                                   | <i>Despagnolus</i>                     | 53,14               |
| <i>comes Fuxensis</i>                   | 203,59                         | <i>Gothifredus scriptor vetustus</i>                       | 12,48                                  | <i>Dufortius</i>                       | 141,23              |
| <i>Moncada</i>                          | 247,50                         | <i>Gothus Romanam ducere potest.</i>                       | 888,2                                  | <i>Ferrea brachia</i>                  | 287,55.             |
| <i>Gaus</i>                             | 612,45                         | <i>Gradus affinitatis</i>                                  | 904,31                                 |  | 289,7               |
| <i>Gaucellinus</i>                      | 369,10                         | <i>Mornedriensis</i>                                       | 229,25                                 | <i>Folcalquerius</i>                   | 61,6                |
| <i>Gaufredus Beamontius</i>             | 522,5                          | <i>oppidum</i>   | 25,45                                  | <i>Galcerandus</i>                     | 139,11. 147,56      |
| <i>Boilius</i>                          | 263,56. 265,22                 | <i>S. Christophori</i>                                     | 7,1                                    | <i>Guimeranus</i>                      | 227,47              |
| <i>Gilabertus Cruillias</i>             | 171,7                          | <i>Valentinus</i>  | 229,5                                  | <i>Helmanus</i>                        | 240,19              |
|   | 182,10                         | <i>Graci apud Trainam Comiti Rogero fraudem machinamur</i> | 298,1                                  | <i>Iordanus cognominatus</i>           | 32,27               |
| <i>Marzanus</i>                         | 184,42. 192,25                 | <i>Granatenfes</i>   | 514,37                                 | <i>Marchio Monferratenfis</i>          | 115,                |
| <i>Rechonus Brito</i>                   | 240,48                         | <i>Granio</i>  | 57,19                                  |  | 40                  |
| <i>Rocabertinus</i>                     | 554,27                         | <i>Gratia Christo &amp; matri eius acte</i>                | 509,57                                 | <i>Mediona Catalanus</i>               | 435,14              |
| <i>Gelasius II.</i>                     | 375,8                          | <i>Grauna comitatus</i>                                    | 157,56                                 | <i>Molo</i>                            | 268,44. 279,27      |
| <i>Geloyra vel Geloyda</i>              | 621,54                         | <i>Graum, oppidum</i>                                      | 487,47                                 | <i>Monpelleru princeps</i>             | 389,                |
| <i>Gener insolens in socerum</i>        | 508,42                         | <i>Gregorius Acropolita</i>                                | 551,11                                 |  | 44                  |
| <i>Gens Alagonia</i>                    | 78,43                          | <i>X. P. M.</i>  | 106,31                                 | <i>Moncada</i>                         | 55,14               |
| <i>Graca</i>                            | 540,18                         | <i>XIII. P. M.</i>   | 498,57                                 | <i>Monredonius</i>                     | 69,29. 400,         |
| <i>Lascara</i>                          | 106,38. 550,16                 | <i>XII.</i>  | 274,15                                 |  | 49                  |
| <i>Lunarum nobilissima</i>              | 738,51                         | <i>IX. P. M.</i>   | 84,4. 451,57                           | <i>Monferratenfis</i>                  | 153,46              |
| <i>Genuenses</i>                        | 175,10. 205,33. 239,21. 240,10 |  | 465,44                                 | <i>Niger</i>                           | 49,48               |
| <i>Geracensis</i>                       | 326,34                         | <i>V. P. M.</i>  | 91,54                                  | <i>Palliarieus comes</i>               | 15,10               |
| <i>Geracium, castrum</i>                | 293,36. 297,51. 303,44         | <i>VII. P. M.</i>  | 23,57. 374,23                          | <i>Puadas</i>                          | 260,5               |
| <i>Gerardus Cabrera</i>                 | 408,11. 424,30                 | <i>XI. Pont. Max.</i>                                      | 237,56                                 | <i>Ragiadellius</i>                    | 556,31              |
| <i>Gerardus Ceruilionius</i>            | 278,38                         | <i>Grigentum</i>   | 301,26                                 | <i>Raimundus Caretania comes</i>       | 28,57               |
| <i>Parmensis</i>                        | 128,29. 135,54. 145,56         | <i>Grimoaldus princeps Barefis</i>                         | 347,12. 353,24                         | <i>Raimundus Moncada</i>               | 244,                |
| <i>Queraltus</i>                        | 254,22                         | <i>Gruttula</i>  | 356,50                                 |  | 20. 407,24          |
|   |                                | <i>Guadalaiaara</i>  | 560,12                                 | <i>Regis Navarra noibus</i>            | 435,                |
|   |                                | <i>Guadalestani</i>  | 561,41                                 |  | 22                  |
|   |                                |  |  | <i>Rocabertinus</i>                    | 155,1               |
|   |                                |  |  | <i>Roccanallus</i>                     | 191,28              |
|   |                                |  |  | <i>Rotensis Episcopus</i>              | 47,40               |
|   |                                |  |  | <i>S. Maria in Cosmedin S. R. E.</i>   |                     |
|   |                                |  |  | <i>Cardinalis</i>                      | 214,52              |
|   |                                |  |  | <i>Scribanus</i>                       | 545,17              |



# INDEX.

|   |                      |  |                         |  |               |
|---|----------------------|--|-------------------------|--|---------------|
| <i>Valficea</i>                         | 246,39               | <i>Sarita</i>                            | 393,6                   | <i>Exerica</i>                           | 181,2.179,26  |
| <i>Zacirera</i>                         | 225,45               | <i>Hiolesia</i>                          | 652,48                  | <i>Ezarius</i>                           | 204,19.215,37 |
| <i>Zafala</i>                           | 199,37               | <i>Hippodromi</i>                        | 508,12                  |  | 234,20        |
| <i>Zafalanus</i>                        | 422,55               | <i>Hifembardus</i>                       | 5,43                    | <i>Hospitalis</i>                        | 241,5         |
| <i>Guillamatum</i>                      | 295,43               | <i>Hifpalis</i>                          | 231,21.514,20           | <i>Monelius Procancellari</i>            | 229,          |
| <i>Guinardus Ruffinonensis Comes</i>    |                      | <i>Hispani Cafinale mulctatur</i>        | 200                     |  | 52            |
|   | 23,18.53,4           |  | 48                      | <i>Mostacius</i>                         | 98,29         |
| <i>Guipuscoa regid</i>                  | 8,37                 | <i>Hispania inuadenda</i>                | 555,10                  | <i>Perezius</i>                          | 119,21        |
| <i>Guioldus Postz</i>                   | 98,29                | <i>per Iacobum Vrbium expugna</i>        |                         | <i>Pratenfis</i>                         | 269,36        |
| <i>Guiscardus</i>                       | 314,20.326,52        | <i>torem a Sarracenis liberan-</i>       |                         | <i>I. Aragonum rex cognomento</i>        |               |
| <i>Guitardus Comes</i>                  | 36,4                 | <i>da dicitur</i>                        | 529,28                  | <i>Expugnator urbium</i>                 | 385,          |
| <i>Gymnafia Infule</i>                  | 446,44               | <i>Trasfretana &amp; Tingitana</i>       | 579                     |  | 25            |
| <b>H</b>                                |                      |  | 32                      | <i>a Leonora coninge diuortium</i>       |               |
| <i>Abdalla</i>                          | 497,35               | <i>Historia Aragonensis</i>              | 577,4                   | <i>facit</i>                             | 430,34        |
| <i>Habdalmelicus</i>                    | 497,35               | <i>Archiepifcopi Toletani</i>            | 394,                    | <i>fe coelibem manfurum conten-</i>      |               |
| <i>Habraimus Sarracenus</i>             | 561,38               |  | 58                      | <i>dit</i>                               | 465,15        |
| <i>Hademarius dux</i>                   | 5,43                 | <i>Pinnatenfis</i>                       | 599,48 603,44           | <i>Romaninus</i>                         | 200,10        |
| <i>Hadrianus III.</i>                   | 375,45               | <i>fue Chronicon Gothorum</i>            | 847                     | <i>Sanctius Mompellerienfis</i>          | 438           |
| <i>Harefis Arriana</i>                  | 578,20               |  | I                       |  | 6             |
| <i>Hamat</i>                            | 31,43                | <i>Suenorum</i>                          | 852,21                  | <i>II. Rex xvii. Aragonu</i>             | 140,          |
| <i>Almuzacaythus</i>                    | 636,51               | <i>Wandalorum</i>                        | 851,21                  |  | 51.663,16     |
| <i>Hamen Aben Het</i>                   | 636,13               | <i>Homicida ad Ecclefia confugiens</i>   |                         | <i>II. Balearium rex</i>                 | 112,55        |
| <i>Hamer</i>                            | 1,50                 |  | 946,15                  | <i>Sicilia rex Brutios &amp; Campa-</i>  |               |
| <i>Hebraus quidam Cafaranguftan</i>     |                      | <i>licite per quemlibet accufatex</i>    |                         | <i>niam terra mariq; diuexat</i>         |               |
|   | 439,59               |  | 945,42                  |  | 139,1         |
| <i>Helena, urbs</i>                     | 130,6.276,37         | <i>Homicidium</i>                        | 942,57.943,4 &c.        | <i>Sicilia rex, ducatus Apulia &amp;</i> |               |
| <i>Cantacuzina</i>                      | 249,34               | <i>Honorius IV. P. R.</i>                | 131,29                  | <i>principatus Capua</i>                 | 133,7         |
| <i>Henar flu.</i>                       | 253,43               | <i>II. pontifex</i>                      | 40,58.346,50            | <i>Scriba</i>                            | 190,11        |
| <i>Henricus Barbaroffa</i>              | 376                  |  | 375,16.419,40           | <i>Urgellitanus comes a Rege dif-</i>    |               |
| <i>Bomallia</i>                         | 171,50               | <i>Hortta</i>                            | 151,38                  | <i>fidet</i>                             | 193,42.280,13 |
| <i>Castella rex</i>                     | 70,40.251,20.        | <i>Horta</i>                             | 80,27.151,38.153,13.412 | <i>Iaquefia, pagus</i>                   | 457,55        |
|   | 254,3.269,55.275,19  |  | 50,538,17               | <i>Iaufridus Comes Rocabertinus</i>      |               |
| <i>Comes Trastamarenfis</i>             | 209,5.               | <i>Horta</i>                             | 37,55                   |  | 536,10        |
|   | 213,35               | <i>Huefcar</i>                           | 488,59                  | <i>Iaxar</i>                             | 160,56        |
| <i>Coringus</i>                         | 191,28               | <i>Hugo Anglefola</i>                    | 260,3                   | <i>IaZbertus Castellinoui Vicecomes</i>  |               |
| <i>dominus Sarni, Vafallus Ca-</i>      |                      | <i>Baduinius</i>                         | 160,3                   |  | 154,44.155,15 |
| <i>piani principis</i>                  | 359,20               | <i>Baffi Vicecomes</i>                   | 165,55                  | <i>Iberus fl.</i>                        | 407,47.409,5  |
| <i>Guerthius</i>                        | 49,47                | <i>Boianenfis comes</i>                  | 360,53.358,             | <i>Ibnabala</i>                          | 632,33        |
| <i>Guliacus</i>                         | 179,30               |  | 32                      | <i>Idubeda</i>                           | 475,8         |
| <i>Leodienfis Epifc.</i>                | 51,32                | <i>Candidus</i>                          | 22,50                   | <i>Ilerda obfessa</i>                    | 48,35         |
| <i>Leftaftrenfis Epifc.</i>             | 341,24               | <i>Coringus</i>                          | 185,52                  | <i>Ilergaones bellis infestantur</i>     | 6,3           |
| <i>Lucembergenfis</i>                   | 154,1                | <i>Cypri rex</i>                         | 186,45                  | <i>Illiberis</i>                         | 193,56        |
| <i>Marius Genuenfis</i>                 | 131,27               | <i>de Gircea</i>                         | 314,32                  | <i>Illicitani</i>                        | 538,25        |
| <i>Militia Iacobitana ampliffima</i>    |                      | <i>Foloch</i>                            | 333,53                  | <i>Ilorcis</i>                           | 533,37        |
| <i>prapofitus</i>                       | 700,47               | <i>Mataplana</i>                         | 139,10                  | <i>Imago Maria filiolum geftantis</i>    |               |
| <i>Molina rex</i>                       | 240,25               | <i>Palliarienfis comes</i>               | 249,56                  |  | 474,17        |
| <i>Trastamarenfis</i>                   | 219,40               | <i>Pontius</i>                           | 155,46                  | <i>Immunditia facerdotum &amp; mini-</i> |               |
|   | 227,10.228,12.231,32 | <i>S. R. E. nuntius apostolicus</i>      | 19,                     | <i>strorum</i>                           | 897,19        |
| <i>Viliene</i>                          | 243,56               |  | 17                      | <i>Imundar</i>                           | 634,23        |
| <i>Herbaticum</i>                       | 531,53               | <i>Sera</i>                              | 164,42                  | <i>Inca</i>                              | 445,25        |
| <i>Herbertus Aurelianenfis</i>          | 118,7                | <i>Tarrogia</i>                          | 65,54                   | <i>Incefti</i>                           | 897,41        |
| <i>Hercules Monæci</i>                  | 193,53               | <i>Huguetus Cernilionius</i>             | 195,25                  | <i>Indi occidentales</i>                 | 386,40        |
| <i>Heredia</i>                          | 186,49 &c.           | <i>Corbera</i>                           | 200,46                  | <i>Index Regum, Reginarum, &amp;c.</i>   |               |
| <i>Hereditas clericorum &amp; mona-</i> |                      | <i>Humbertus Cardinalis</i>              | 40,58                   | <i>Aragonenfium</i>                      | 838,1 &c.     |
| <i>chorum</i>                           | 907,35               |  | I                       | <i>Indices furti</i>                     | 947,33        |
| <i>Heres contra definitionem prioru</i> |                      | <i>Iacca, urbs</i>                       | 22,37.50,6              | <i>Inducia cum Alaz draco pacta</i>      | 97            |
| <i>venire nequit</i>                    | 882,54               | <i>Iaccenfes</i>                         | 314,44.420,23           |  | 34            |
| <i>Heribertus</i>                       | 6,23                 | <i>Iaccetani perperam Laccotani vo-</i>  |                         | <i>cum Montefanis facta</i>              | 112,28        |
| <i>Hermannus Fardenfis Epifcopus</i>    |                      | <i>cati</i>                              | 610,9                   | <i>cum Petro Rege Castella inita</i>     |               |
|   | 51,31                | <i>Iacobus Aragonius fe Dei bella ge</i> |                         |  | 234,44        |
| <i>Hermefcenda</i>                      | 623,41               | <i>rere ait</i>                          | 541,16                  | <i>inter Aragonenfes</i>                 | 82,21         |
| <i>Hermigilda</i>                       | 618,50               | <i>deperate agrotat</i>                  | 563,19                  | <i>violata</i>                           | 117,23        |
| <i>Hermoigius</i>                       | 13,51.618,59         | <i>laudatus</i>                          | 565,1 &c.               | <i>Infamatio testis quanto tempore</i>   |               |
| <i>Hermefcenda</i>                      | 56,55                | <i>Auftrius</i>                          | 388,12                  | <i>permissa fit</i>                      | 879,50        |
| <i>Herrera</i>                          | 449,27               | <i>Balearium rex</i>                     | 136,36                  | <i>Infans monftrofus</i>                 | 189,19        |
| <i>Hiacinthus Cardinalis</i>            | 56,8                 |  | 157,36.163,6.235,56.455 | <i>Pelagius</i>                          | 577,34        |
| <i>Hiberus amnis</i>                    | 12,1.244,46          |  | 34                      | <i>Infantes expositi</i>                 | 912,19        |
| <i>Hieronymus Blancas</i>               | 567,7.568,10         | <i>XIV. Aragonia rex</i>                 | 68,48                   | <i>Infantiones</i>                       | 723,49.729,47 |
| <i>Clauerius</i>                        | 630,45               | <i>Erecius</i>                           | 202,29                  | <i>Ingenia Balearium</i>                 | 438,30        |
|   |                      |  |                         | <i>Ingenium</i>                          |               |



# INDEX.

- Ingenium hominum ociosorum ad  
Venerem proclive est* 534,  
49  
*leonis* 442, 26  
*Nauarrensum* 450, 40  
*Valentiorum* 494, 35  
*Ingenius ancilla aliena se contin-  
gens* 891, 33  
*humilis per mandatum que-  
stioni subdendus* 875, 53  
*ingenium percutiens* 941, 58  
*seruo alieno perenti respondere  
non recusabit* 873, 50  
*Initia regni Gothorum a quo fue-  
runt* 1, 19  
*principum quomodo sint ordi-  
nanda* 860, 14  
*regni Suprabienfis* 582, 5  
*Initium nomenclatura Aragonum  
regni* 611, 5  
*regni Aragonensis* 603, 10  
*Inuicis Aristo cognominatus* 8, 9,  
9, 14, 590, 36  
*Martinius Sobiſa* 63, 11  
*Valterra Tarraconensis anti-  
stes* 260, 3  
*Innocentius V.* 551, 27  
*Innocentius II.* 375, 29  
*Inquietudo sepulchrorum* 991,  
24  
*Inquisitores Iustitia Aragonum*  
770, 29  
*sancti officii* 706, 31  
*Insignia Casaraugusta* 644, 38  
*regni Sicilia militaria* 665, 7  
*Insolentes in principem vel gentem  
patriam* 861, 26  
*Instituta Atheniensium & Rho-  
diorum nimis acerba, cur visa  
fuerint* 169, 12  
*Insula Fauiniana* 254, 34  
*S. Laurentii* 49, 48  
*Insula Eolia* 184, 44  
*Baleares non plus reges duos, q̃  
mundum tot soles habere possunt*  
440, 24  
*expugnata* 652  
*Pytiuse* 466, 38  
*Intermeli* 181, 38  
*Interdictum, quo Siculi sacris ar-  
cebantur, sublatum* 149, 21  
*Interregnum Aragonia IV.* 682,  
35  
*Interregnum Aragonensium se-  
cundum* 609, 7  
*III.* 644, 45  
*Suprabienſe primum* 586, 36  
*Interruptio triennii* 988, 9  
*Iohanna Alagonia* 243, 10  
*Comitis Fuxensis uxor* 678, 37  
*Eurici Nauarrae filia* 552, 57  
*Nauarra regina* 192, 2  
*Regina Neapolitana* 244, 35  
*Vgolini Gallura filia* 154, 11  
*Iohannes Alaricus* 539, 20  
*Aldeguerius* 241, 5  
*Alfonſus Alburquerqueus* 205,  
25, 209, 1  
*Alfonſus Benanidius* 231, 21  
*Arborensis* 242, 16  
*Athenarum Neopatriag, dux*  
187, 5, 197, 57, 201, 6  
*Bellera* 251, 43  
*Bituricum & Aruernorum dux*  
258, 44  
*Bononiensis* 248, 46  
*Brenna* 73, 1  
*Calatagironis* 141, 53  
*Castelle dux* 253, 42  
*Claramontius* 168, 51  
*Claramontius Modica comes*  
184, 46  
*Corbaranus Lehetius* 133, 44  
*Diazus* 49, 34, 217, 30  
*Didaci* 790, 24  
*Egidius Tarinus* 128, 33, 800,  
10  
*Iohannes Emmanuel* 156, 13  
*Emporiarum comes* 247, 33  
*Ferdinandus Finestrosa* 215,  
26  
*Ferdinandus Heredia Am-  
post praefectus* 218, 31, 219,  
41, 242, 21  
*Ferdinandus Munionius* 184,  
1  
*Francorum rex ad Londinum  
moritur* 227, 58  
*Galeacius* 267, 58  
*Galindus* 42, 50  
*Gerunda dux* 203, 39, 247, 20  
248, 36, 249, 48  
*Gradonicus* 204, 4  
*Gravina comes* 157, 56  
*Honacurcius* 227, 35  
*Lancastrius* 249, 29  
*Lanuzal II.* 830, 2  
*Lanuzal V.* 832, 49  
*Lobera Aragonensis* 434, 13  
*Lupus Seseſius* 202, 16, 208,  
54, 213, 2  
*Lupi Sesseſius* 812, 30  
*Luxanus* 271, 58  
*Maleſtitus* 241, 26  
*Martinius Luna* 215, 45  
*Martinius Rogius* 230, 40  
*Martinius Murillius* 260, 45  
*Normannia duci filius* 192, 4  
*Nunnius Larensis* 126, 57  
*Patriarcha Alexandrinus* 178,  
26  
*Pelaius* 789, 40  
*Petri Tarazona* 796, 28  
*I. Aragonum rex XX.* 674, 11  
*Ruizius Corellia* 200, 10  
*Sclaus* 351, 58  
*Siluenſis* 236, 38  
*II. vere magnus, Aragonum rex  
XXIV.* 703, 4  
*Simenius Cerdanus* 8, 38, 253,  
19  
*XX. Aragonum rex* 250, 27  
*XXII.* 161, 5  
*Vinariensis* 265, 14  
*Zapata* 134, 15, 135, 19, 139,  
9, 663, 28, 801, 15  
*Iolans regina* 81, 22, 88, 59, 112,  
19, 132, 15, 144, 21 & 6, 148,  
51, 149, 8, 184, 14, 214, 2, 268  
13, 468, 55, 652, 48  
*Iosifagnarda* 208, 22  
*Iordanus* 314, 38, 330, 28  
*Irene Lascaris uxor* 113, 36  
*Isabella Aragonia* 160, 5  
*Balearici soror* 241, 50  
*Dionysii Lusitania regis uxor  
moritur* 175, 20  
*Francorum regis uxor* 104, 41  
*Isara fl.* 40, 49  
*Italia tota bello ardet* 157, 50  
*Iuceph Aben Huth* 636, 19  
*Iuceſſus Mahozemetus* 59, 20 &  
60, 15 ubi tamen est Inceſ-  
ſus.  
*Iuſephus Mahozemetus* 392, 58  
*Iudei contra Christiani Inquiſi-  
toris officium conspirant*  
707, 57  
*contra Christianos testificari  
non permittuntur* 997, 22  
*ex propinquitate sanguinis ip-  
ſorum connubia non ducit,  
& sine benedictione sacer-  
dotis nubere non audebunt*  
1004, 56  
*libros per Christianos repudia-  
tos non legent* 1006, 2  
*mancipium Christianum non  
circumcidit* 997, 41  
*more ipſorum eſcas non diuidi-  
cabunt* 1004, 35  
*nec more ipſorum pascha cele-  
brabunt* 996, 3, 1003, 39  
*nec se, nec filios suos, nec fami-  
los baptisimi gratia subtra-  
hent* 1003, 25  
*sabbata, ceterasque festiuitates  
ritu suo celebrare non praesu-  
ment* 1004, 2  
*Iudeis diebus dominicis & festi-  
uitatibus ab omni opere ces-  
sabit* ibid. 18  
*quidam sit Christianus* 32, 55  
*Index Arborensis perfide agit* 228,  
53  
*Indices de media plebe sumpti ple-  
bi gratissimi sunt* 490, 20  
*de perfidorum excessibus extra  
sacerdotum conuentionem  
iudicare non praesument*  
1012, 3  
*Iudicium ferri candentis* 638, 25  
*iniustum non ualet* 869, 2  
*septendecim virorum Arago-  
num Iustitia censorum* 770,  
30  
*temperandum* 992, 19  
*Iugum Normannicum per Cala-  
bros excussum* 295, 2  
*Iugum Pyrenaei* 130, 3  
*Iuncaria* 189, 2  
*Iuris firma* 662, 45  
*Ius antiquum, forum Suprabienſe  
vocatum* 588, 25  
*Iustitia inuestiganda aliud teste,  
aliud scriptura loquente* 878,  
29



reipublica cuiusq; basis est 531  
21  
Iustitia Aragonum plures 638, 20  
Inuencus Vbertinus 149, 53

L

Acetani 610, 7  
Lacones Hispania 426, 2  
Ladislaius Caroli Dyrrachini regis Sicilia F. 253, 8  
Latitia in vitia conuersa 509, 10  
Lancastrius 241, 32  
Landonphus, Volta 146, 32  
Lanuze 745, 10  
Latium in armis est 157, 50  
Lanarella castrum 28, 9  
Lauel castrum 290, 40  
Lauracum 57, 37  
Laurentius Ferdinandi Heredia 832, 2  
Lauis Iacobi regis Aragonii 564, 40 Ec.  
Legati Genuensium 151, 50  
Philippi Burgundi 266, 26  
Tartarorum Barcinonem veniunt 539, 25  
Legatio quada pacificatoria 214, 52  
Legatus Apostolicus 216, 6  
Leges alienarum gentium remota 862, 46  
emendate quo tempore valere debeant 658, 33, 859, 53  
Gothica 639, 3 Ec. 25 Ec.  
iniqua per fratrem fratri oblata 197, 33  
inter arma silent 638, 15  
municipales Valentinis irrogata 653, 43  
nouella Iudeorum 1001, 9  
super Iudeorum nequitia promulgata, data Ec. confirmata 996, 2  
Leo qua natura sit 442, 26  
Leonardus Cubellus 281, 13  
Leonora Arbonensis 247, 8  
Ludonici Sicilia regis soror 201, 46  
Nunna Guzmanna 177, 39  
185, 3, 204, 59  
regina sine liberis mortua 199, 47  
Leopoldus Austria dux 65, 41  
Leortium 146, 6  
Lerma, oppidum 545, 3  
Leucastrum 293, 3  
Lencata 233, 13  
Lendouissinus 333, 31  
Lex quid sit 656, 54  
Libellus Mela de situ orbis 577, 56  
Liberi regis Caroli obsides liberantur 143, 31  
Wifredi 12, 16  
Libertas data ob quid reuocari debeat 90, 17  
legum ferendarum principibus seruanda 863, 54  
Libertates 928, 44  
seruorum fiscalium 931, 23

I N D E X.

Liberti cu posteritate patroni coniugia non contrahent 931, 47  
regum 932, 35  
religiosi ad heredis obsequium non reducendi 932, 10, 928, 44  
Libertus ancilla se socians 891, 53  
pro quantis rebus Ec. qualiter tormenta tolerare teneatur 935, 6  
Libri legis Wisigothorum duodecim 854, 2 Ec.  
Liborii 38, 2, 745, 1  
Limites 989, 6  
Linerola 422, 43, 423, 22  
Lingua Aragonensis 489, 46  
Liparis insula 146, 50, 196, 42, 238, 37  
Liria 473, 20  
Liriani 472, 24  
Lirii 38, 2  
Litera Benedicti XIII. ad Aragonum regem 257, 9  
Clementis Pontificis ad Carolum Sicilia regem 117, 22  
Clementis P. M. ad Iacobum Aragonum regem 159, 3 etc.  
Gregori XII. ad Petrum Lunam 274, 22  
Iohannis XXII. ad Ludouicum Tolosatum 161, 19 Ec.  
Martini P. M. ad Eduardum Anglia regem 122, 38 Ec.  
vsq. ad pag. 124  
Nicolai IV. P. M. ad Alfonso Petri quondam Aragonum regis filium 137, 1 Ec.  
Pontificia 92, 11, 93, 1 Ec. 94, 1 Ec. 95, 1 Ec. 96, 1 Ec. 97, 1 Ec. 101, 10 Ec.  
Vrbani P. M. ad R. Comitem Calab. 344, 8  
Lithera 655, 9  
Litigatores duo e pluribus eligendi 871, 43  
Litium oppugnatum 145, 33  
Litus Byzantinum 205, 9  
Cigense 542, 29  
Locumtenentes Iustitie Aragonum 755, 47  
Logronium 57, 19, 142, 8  
Loharris 624, 49  
Longobardi Apulenses 290, 45, 291, 8  
Longobardi 605, 42  
Longosardum 276, 46, 279, 20  
Lorca Nauarra viuis 48, 49  
Luca 276, 11  
Lucania 374, 10  
Lucas Fliscus 166, 3, 174, 49  
Lucenses 153, 1, 154, 5  
Lucentum 562, 42  
Luchinus 185, 45  
Lucientes 612, 45  
Lucronium 240, 6  
Lucta inter Abonesum Ec. regem 415, 29 Ec.  
Ludouicus Andegauensis 241, 49

269, 15  
Aurelianensis dux 258, 45  
Baioarius 172, 57  
de Duracio 380, 58  
Hungaricus Apulia, Calabria, Campaniaque potitur 196, 55  
Imp. moritur 75, 7  
Incisa 201, 34  
Petri Sicilia regis filius nascitur 182, 22  
Sicilie rex 187, 5, 210, 41, 380, 51  
Vrinus 152, 10  
Lugdunum 151, 7  
Lugudoria 152, 58  
Luna, oppidum 27, 20, 523, 5, 624, 53  
Lunellum 151, 30  
Lunellum 554, 55  
Luparia vallis 31, 57  
Lupus Alberius 404, 52  
Ferdinandus 207, 35  
Gurrea 193, 18, 213, 3  
Ilerdensis Episc. 76, 20  
Luna 187, 47  
Luna comes 220, 34  
Murtiensis 50, 59, 54, 27  
Sanz 788, 52  
Ximenius Luesanus 442, 16

M

Adius pro Maius 363, 14  
Madritium 560, 12  
Maga quadam Iacobum I. Aragonum regem Saracenos superaturum pradixit 433, 27  
Magalio 215, 14, 496, 34  
Magallo 557, 4  
Magister Templariorum 509, 4, 510, 26  
Magistratus Iustitie Aragonensis 588, 26  
Magnus Aragonum Connestabulus 677, 31  
Mago 453, 23  
Mahomades quis fuerit 9, 44  
Mahometani a Christianorum consuetudine arcendi 517, 54  
Maia 293, 3, 330, 41, 333, 57  
Maior domus regis Aragonum 782, 41  
Egnatiensis 98, 29  
Maorga 144, 57  
Maiorica 433, 3  
Malaspina marchiones Sardinia eieci 209, 46  
Malefici 936, 39  
Malfetani cum duce suo pacem faciunt 314, 22, 315, 31  
Malgerius 291, 27  
Malienium 42, 36  
Malricus Larensis comes 56, 51  
Malta 330, 48  
Maluchus 497, 35, 498, 24  
Mamertini 127, 48  
Mancipia ab hostibus capta vel vendita 924, 56  
Christiana 997, 49, 998, 29, 1006, 27  
fugiti-



# INDEX.

|  |  |   |
|--|--|---|
| <i>fugitiuapost annos 50. ad ser-</i><br><i>uitum non reuocanda</i> 987<br>35.929,11     | <i>Liborius</i> 235,55   | <i>Messana</i> 147,53. 192,26.<br>201,36.297,53. 314,31   |
| <i>Mandata</i> 874,50  | <i>Lorbes</i> 241,4  | <i>Mianos</i> 612,44  |
| <i>Mandatores</i> ibid.  | <i>Lupe Naza</i> 215,56  | <i>Michael Angelus</i> 551,12   |
| <i>Manfredus Alagon</i> 253,25   | <i>Momblancus</i> 233,16.259,55.   | <i>Capella</i> 241,4  |
| <i>Claramontius</i> 242,46.253,<br>10  | <i>Morus</i> 49,47   | <i>Capitella</i> 675,47   |
| <i>Oria</i> 206,12   | <i>Peregrinus Artassona</i> 88,18  | <i>Gurrea</i> 208,53. 260,4   |
| <i>Sicilia rex</i> 98,30. 100,51.<br>537,52  | <i>Petri Artassona</i> 796,39  | <i>Imp.</i> 314,36  |
| <i>Mahiacus quidam natione Gre-</i><br><i>cus</i> 288,45. 289,3                          | <i>P. M.</i> 121,48  | <i>Innicus Znacius</i> 91,15  |
| <i>Manifestare quid sit</i> 674,57   | <i>Roldanus</i> 78,42  | <i>Leherius</i> 183,10  |
| <i>Manichaei</i> 397,6   | <i>Ruizius Azayra</i> 57,46  | <i>Palaologus</i> 106,38. 153,15.<br>550,16   |
| <i>Maniza</i> 462,36   | <i>Segarra iusticia Aragonum</i><br>721,52.799,11                              | <i>Peregrinus Zapata</i> 191,50.269<br>23.213,1.561,22. 654,8   |
| <i>Manuetia</i> 54,4   | <i>Sicilia dux</i> 254,26. 268,55<br>271,3.275,46                              | <i>Midas</i> 493,47   |
| <i>Manumissus contra patronum</i><br><i>vel filios testificari non audebit</i><br>930,37 | <i>Simenius Aiuarius</i> 156,4   | <i>Mubera</i> 330,41. 333,53  |
| <i>Manxa</i> 519,1   | <i>XXI. Aragonum rex</i> 260,11  | <i>Milerbinum</i> 356,49  |
| <i>Morbella</i> 200,51   | <i>Zalua</i> 270,5   | <i>Miles e Turdetanis coactus</i> 560,<br>11  |
| <i>Marchesia</i> 161,49. 635,52  | <i>Martorellum</i> 237,4. 261,26   | <i>Milites se Deo virginis Mariae</i><br><i>commendant</i> 432,20                                       |
| <i>Marchio Montisferratenfis</i> 240,<br>10  | <i>Mastinus</i> 252,51   | <i>Ministri magistratus imperii A-</i><br><i>ragonum</i> 755,50   |
| <i>M. Regulus, Consul Rom.</i> 405,<br>3   | <i>Mastre epila</i> 700,35   | <i>Minores de quibus annis testifi-</i><br><i>cari possint</i> 881,32                                   |
| <i>Mare turbatum voto Rogerii se-</i><br><i>datum est</i> 297,43                         | <i>Matalonum</i> 363,22  | <i>Mirabusacius</i> 114,44  |
| <i>Marganus Sarracenus</i> 127,39  | <i>Matera, oppidum</i> 356,44  | <i>Miraculum Mariae del Portillo</i><br><i>ad Casar Augustam miran-</i><br><i>dum</i> 643,55. 644,1 &c. |
| <i>Margarita Navarra regina</i> 91,<br>36  | <i>Matba Iohannis Armeniacensis</i><br><i>comitis soror</i> 238,50. 254,<br>57 | <i>Miramont</i> 612,44  |
| <i>Maria a preliaturis implorata</i><br>500,16   | <i>Mathilda Imper. Graecorum filia</i><br>389,27                               | <i>Miranallum</i> 394,5   |
| <i>Anglorum domina</i> 395,36  | <i>mariti desertrix</i> 352,33   | <i>Missor</i> 352,30  |
| <i>Aragonie regina</i> 193,11. 393,<br>38  | <i>Matildis Marchisa</i> 340,14  | <i>Mizlata</i> 199,52 &c.   |
| <i>Maria Christi mater assidue col-</i><br><i>laudata</i> 708,18                         | <i>Matthaus Fuxi comes</i> 254,56<br>261,12                                    | <i>Mofalda Portugallia regina</i> 56,<br>57. 151,30   |
| <i>E pro dea habitata</i> 412,6  | <i>Mercerius</i> 190,11. 205,8   | <i>Mohabia</i> 1,54   |
| <i>de Casuas</i> 661,24  | <i>Oria</i> 206,12. 210,3. 216,36  | <i>Mola</i> 215,20  |
| <i>mater Lupi Ferrontii</i> 557,3  | <i>Palicinus Nohara comes</i> 187,5  | <i>Molina</i> 236,1. 534,45   |
| <i>Mercus</i> 474,4. 476,15  | <i>Matrimonium Terefia reniuit</i><br>511,40                                   | <i>Molinenfes</i> 212,51  |
| <i>Momblanci ducissa</i> 260,1   | <i>Maunolius Castelanus</i> 552,<br>33   | <i>Momblancum, oppidum</i> 250,31   |
| <i>Montesa</i> 663,53  | <i>Mauri</i> 3,8. 5,6  | <i>Momerana</i> 601,18  |
| <i>montis Pessulani comitatus ha-</i><br><i>res</i> 650,18                               | <i>fusi</i> 155,23   | <i>Mompellerium</i> 56,2. 234,21  |
| <i>regis Aragonum neptis</i> 238,<br>39  | <i>Granatenfes</i> 152,46  | <i>Monachus quidam Franciscanus</i><br>529,25   |
| <i>regis Lusitania filia</i> 230,52  | <i>Murtienfes</i> 99,1. 102,44   | <i>Monarguesium</i> 422,43. 423,<br>18  |
| <i>Sicilia regina</i> 244,14. 253,16   | <i>Pratenfes</i> 541,49. 211,57. 527,<br>23. 625,18. 637,30. 644,<br>10        | <i>Monasterium beata Catharinae</i><br>654,14   |
| <i>Trinacria regina</i> 242,50.<br>254,20  | <i>Maurusii</i> 3,2. 193,14. 560,55  | <i>Legerense</i> 600,5. 610,31  |
| <i>Marianus Arborensis iudex</i><br>232,39. 234,29. 242,14                               | <i>Maza de Lisani</i> 613,46   | <i>Monasterium monialium S. Do-</i><br><i>minici</i> 664,18   |
| <i>Oria</i> 210,3  | <i>Mazara</i> 333,10   | <i>Populeri</i> 649,51. 676,58  |
| <i>Marigotus Marxes</i> 253,29   | <i>Mazaria</i> 314,19  | <i>Zaydia</i> 653,6   |
| <i>Marsilius</i> 632,47  | <i>Mazalanesium</i> 462,39   | <i>Moncada</i> 81,3   |
| <i>Martelius</i> 426,8   | <i>Medici</i> 990,5  | <i>Moneta Iaccensis</i> 540,58  |
| <i>Martes</i> 612,44   | <i>Medina Zelimi</i> 40,39   | <i>regum Aragonensium</i> Garfia<br>& Sanctii 655,50  |
| <i>Marcha Augusta Balduini Con-</i><br><i>stantinopolitani Imp. uxor</i> 103,<br>46      | <i>Mediterranei</i> 539,31   | <i>Monfortium, oppidum</i> 69,2   |
| <i>Martinius Alpartilius</i> 272,6.<br>276,9. 281,20                                     | <i>Mel quoddam a Romanis magni</i><br><i>habitu</i> 513,46                     | <i>Monmagastrum</i> 424,6   |
| <i>Aragonum rex XXI.</i> 677,17  | <i>Melfa</i> 289,36. 330,37. 358,<br>56  | <i>Mons alius capius</i> 348,55   |
| <i>Didaci Auxius</i> 822,2   | <i>Melita Insula</i> 262,22. 335,52  | <i>Aragonis</i> 276,43. 403,13  |
| <i>Eborensis</i> 236,38  | <i>Meninx insula</i> 157,38. 159,56  | <i>Mons caluus, oppidum</i> 354,14  |
| <i>Fl.</i> 463,48  | <i>Mequinencia</i> 42,57   | <i>fuscus</i> 352,45. 356,15  |
|  | <i>Mercus discipuli</i> 991,14   | <i>Luna</i> 625,1   |
|  | <i>indis furti</i> 948,20  | <i>maior</i> 624,53   |
|  | <i>quid Hispanis</i> 403,46  | <i>Nonerius</i> 212,50  |
|  | <i>Merculianum</i> 352,43. 354,25  | <i>pilosus</i> 290,1. 298,4   |
|  | <i>Merini</i> 783,25   | <i>Portopinens</i> 426,5  |
|  | <i>Mesa</i> 534,45   | <i>regalis</i> 136,57   |
|  | <i>Mesnade gentes</i> 134,7  |   |
|  | <i>Mesnadaris</i> 37,58  |   |
|  | <i>Mesnaderis</i> 744,21   |   |



# INDEX.

|                                 |                       |                                  |                        |                                    |             |
|---------------------------------|-----------------------|----------------------------------|------------------------|------------------------------------|-------------|
| Sartius                         | 368,56                | Navis sine gubernatore submersi- | Iohannis Gerunda ducis | 136,                               |             |
| viridis                         | 302,33                | onem minatur                     | 52                     |                                    |             |
| Vulturis                        | 246,46                | Naxama                           | 50,40                  | inter Robertum Calabria du-        |             |
| Montabernarium                  | 545,26                | Neapolis a rege deficit          | 358,43                 | cem, & Iolantem                    | 145,43      |
| Montalbanum oppidum             | 51,                   | Neapolitani dissident            | 196,45                 | puella per fratres dilata          | 890,        |
| 9.80,20.230,26.260,46.          |                       | Negotia Principum & Episcoporum  |                        | 27                                 |             |
| 407,35.463,45                   |                       | per eos ipsos agenda sunt        | 875,                   | quadam regales per Pontificem      |             |
| Montani                         | 127,39                | II                               |                        | irrita facta                       | 142,30      |
| Montannano                      | 612,46                | Negotiatores Melfitani           | 294,22                 | O                                  |             |
| Montarago Manxa                 | 213,9                 | transmarini                      | 991,46                 | Bertus Oria                        | 141,26      |
| Montes Auce                     | 17,56                 | Nemasus                          | 57,57                  | Spinula                            | 141,26      |
| Luna                            | 624,59                | Nemo aliud per testem, aliud per |                        | Obligantes se placitorum scriptis, |             |
| Vibonenses                      | 293,55                | scripturam allegabit             | 886,46                 | ne pro causis aliorum veri-        |             |
| Montesa                         | 109,47                | Nemus Foxanum                    | 259,45                 | tatem dicant                       | 881,26      |
| Montesani                       | 111,47. 113,55        | Neopatria                        | 182,52                 | Obsidio Algeyriensis               | 156,12      |
| 561,43                          |                       | Nertobriga                       | 38,55                  | Almeriensis                        | 156,24      |
| Montiel, arx                    | 235,33                | Neupotenses                      | 538,25                 | Fragensis                          | 43,7        |
| Montio                          | 79,1.82,1.141,56.400. | Nicolaus Blerensis               | 187,10                 | Valentia soluta                    | 229,13      |
| 57.402,12                       |                       | Bonetius                         | 432,6                  | Obstinatio Abonesi in regem        | 411         |
| Mora                            | 157,25                | Ianuilla                         | 191,47                 | 59                                 |             |
| Morelia                         | 75,13                 | Pisanus Venetus                  | 204,33                 | Occidens hominem per ignoran-      |             |
| Morella                         | 429,20.456,36 &c.     | IV. P.M.                         | 136,41                 | tiam                               | 942,57      |
| 461,59.464,10.512,5             |                       | Rossellus                        | 214,9                  | Occidentis proximis sanguinis ip-  |             |
| Mores Balearum                  | 438,30                | Nicotrum per Africanos de-       |                        | sorum                              | 946,57      |
| Morlanenses                     | 54,3                  | structum                         | 314,30 330,28          | Olcassa                            | 596,35      |
| Mors hominum                    | 942,33                | Nilus                            | 625,1                  | Octuagenarius senex a iunene no    |             |
| Morniedrum                      | 39,26.57,8.80,        | Nocharia fl.                     | 114,8                  | congruenter adoptatur              | 448         |
| 50.81,54.226,4.231,8            |                       | Noia fl.                         | 237,4                  | 45                                 |             |
| Morullum castellum              | 58,5                  | Nomen Aragonum, quo tempore      |                        | Oculi uigri, oppidum               | 212,52      |
| Mos regum Hispanorum            | 202,                  | splenduerit                      | 614,42                 | Odegrillum                         | 124,16      |
| 54                              |                       | familia Lunarū clarissima un-    |                        | Oldegarus Tarraconensis Archi-     |             |
| regum pralium initurorum        |                       | desumptum fuerit                 | 677,37                 | episcopus                          | 36,53.46,53 |
| quis                            | 535,2                 | Maria per milites innocatum      |                        | Olus Prochyta Sardinia praef-      |             |
| Sarracenorum                    | 311,18. 481,          | 472,34                           |                        | 220,52. 232,40. 237,45.            |             |
| 44                              |                       | Suprarbiense                     | 602,22                 | 255,58                             |             |
| Motta                           | 122,26                | unionis deletum                  | 199,10                 | Olisippo                           | 5,29.48,10  |
| Moxentium                       | 513,14                | Nonaspe, oppidum                 | 42,53                  | Oliva, oppidum                     | 501,37      |
| Mozarabes                       | 35,41,21              | Nonpotium                        | 534,56                 | Oliuerius Thermenfis Gallus        | 435         |
| Mozlemes                        | 635,22                | Normanni quales populi           | 287,37                 | 9.436,13                           |             |
| Muclose                         | 332,31                | 291,2                            |                        | Togor                              | 232,45      |
| Mudyr                           | 634,7                 | Normannia quam pars Fran-        |                        | Oliuetum flumen                    | 289,56      |
| Mugarra                         | 509,31                | cia sit                          | 287,13                 | Oloronenses                        | 54,3        |
| Muleahametis                    | 497,35                | North lingua Anglica quid sit    | 287                    | Oloro Aquitania oppidum            | 135,        |
| Mulecanumius                    | 497,36                | 44                               |                        | 27                                 |             |
| Mulier ingenua seruo libertove  |                       | Notenses                         | 330,47.335,34          | arx                                | 449,56      |
| proprio se coniungens aut com-  |                       | Novalesium castellum             | 228,20                 | Ombertus Azlorius                  | 173,55      |
| miscens                         | 891,18                | Novelda                          | 231,43                 | Omeladesia                         | 183,50      |
| Mulier mortua                   | 612,45                | Novemfontes                      | 612,45                 | Omeladesium                        | 186,33      |
| Mulier post mortem mariti infra |                       | Nuceria                          | 359,41.360,14          | Omen optimum e tempestate ma-      |             |
| annum nubens                    | 891,6                 | Nucuali                          | 240,49                 | rina quando sumendum               | 432,        |
| Muninna                         | 601,18                | Nules, arx                       | 83,20                  | 30                                 |             |
| Munio Vizcaia comes             | 12,42                 | Nulesium                         | 463,20.477,52          | Omnis potestatem iudicandi acci-   |             |
| Murcia                          | 102,30.560,50         | Nullus inuitus seruum suum ven-  |                        | piens, iudicio nomine conse-       |             |
| Museri                          | 81,3                  | det                              | 923,47                 | tur                                | 868,37      |
| Muserii                         | 472,10                | Numida                           | 3,2                    | Onda, oppidum                      | 463,20.471, |
| Muza                            | 2,29.10,7             | Nummi adulterini                 | 537,16                 | 33                                 |             |
| Aben Heazin                     | 633,1                 | Mahozumetini                     | 392,55                 | Ondenses                           | 472,25      |
| quid Arabibus                   | 577,26                | Nummus Suprarbiensis             | 615,50                 | Opera presumptorum                 | 939,36      |
| Muzarabes                       | 577,25.638,2          | Nuncii Benedicti                 | 270,53                 | Ophiusa                            | 467,1       |
| 644,34                          |                       | de morte fratris Iacobi Sicilia  |                        | Opida quaedam copulationem in-     |             |
| Myro comes Barcinonensis        | 13,33                 | reges graues                     | 140,52                 | eunt, quam unionem vocat           |             |
| N                               |                       | Nannius Lara comes               | 520,55                 | 652,27                             |             |
| Naiara                          | 12,2                  | 559,50                           |                        | Oppida Ranulfi comitis             | 365,4       |
| Natio ex Allobrogibus re-       |                       | Nuptia Ferdinandi filii Castella |                        | Oppida regni Aragonii & Valen-     |             |
| ligionis causa excita           | 268,9                 | regis cum Blanca Ludouici        |                        | tini in bellum intentata sunt      |             |
| Nanarra                         | 8,56                  | Francorum regis filia            | 103,                   | 506,3                              |             |
| Nanarretum                      | 57,19                 | 43                               |                        | Oppidum Alcanicense                | 422,8       |
| Naufragium futurum horretur     |                       | Iacobi Aragonii                  | 275,37                 | castrum                            | 295,22      |
| 542,45                          |                       | inlicita                         | 890,53                 | S. Pontia                          | 433,48      |

Oppo-



# I N D E X.

|                                  |                    |                                   |                      |                                   |                    |
|----------------------------------|--------------------|-----------------------------------|----------------------|-----------------------------------|--------------------|
| Opposade                         | 167,52             | Pactiones foederum veterum fir-   | Pelegrinus Abonesius | 406, 24                           |                    |
| Oppressio Casaraugusta           | 577,54             | manitur                           | Anzanus              | 806, 14                           |                    |
| Oppugnatio Balearica & Valen-    |                    | veteres renouando confirmata      | Oblitas              | 806, 45                           |                    |
| tina                             | 517,9              | 228,1                             | Peloponnesus         | 251,2                             |                    |
| Opte, oppidum                    | 171,25             | Palerna                           | 462,36               | Peniscola, oppidum                | 73,15-75,          |
| Optenses                         | 138,43             | Palicii                           | 201,28.205,59        | 13.206,33                         |                    |
| Optimates                        | 725,50             | Paleologus                        | 551,4                | Peninsula                         | 429,20.477,17      |
| Oratio regis exercitum ad pugna  |                    | Palantia                          | 474,46               | Pentadactylos S. Agatha arx       | 122,               |
| hortantis                        | 442,39             | Palatini                          | 725,50               | 26                                |                    |
| Oratores Gotorum                 | 151,54             | Palatiolum                        | 124,16               | Pera idem quod Constantinopolis   |                    |
| Orba fl.                         | 251,47             | Pallantia fl.                     | 458,11               | 153,29                            |                    |
| Orcelis eadem cum Oriola         | 533,               | Palma                             | 501,45               | Peregrinus Anzanus                | 182,14             |
| 30                               |                    | Palumbaria                        | 188,39.432,51.       | Bolasius                          | 418,44             |
| Ordines militares quinam olim    |                    | 433,2                             |                      | Oblita                            | 185,38             |
| fuerint illustres                | 643,27             | Pampilona                         | 603,49               | Perfidia Arriana in Hispaniam     |                    |
| 644,49                           |                    | Pandolfus Falcon Mamerti-         |                      | cum Gothis irrepit                | 539,               |
| procerum & equitum quid in       |                    | nus                               | 141,52               | 7                                 |                    |
| rebus publ. sint                 | 544,49             | Panhormitani                      | 118,14.297,          | Periander Corinthi tyrannus       | 45,                |
| regni in curiam coacti           | 231,16             | 47                                |                      | 9                                 |                    |
| Ordo coniugalis                  | 887,41             | Panhormus                         | 254,41.298,13.       | Perinus Grimaldus                 | 204,33             |
| Hospitalium                      | 445,10             | 119,3                             |                      | Thomacellus Neapolitanus          |                    |
| sacra militia Vclensis           | 51,9               | Pantaleo mons excelsus            | 433,                 | 252,17                            |                    |
| Templariorum abrogandus ef-      |                    | 16                                |                      | Perpinianum                       | 131,52.151,45.     |
| se statuitur                     | 156,47             | Pantheon                          | 158,2                | 391,55                            |                    |
| redemptionis captiuorum          | 654,               | Papa moritur                      | 314,44               | Persona ingenua pro quibus rebus  |                    |
| 6                                |                    | Papa tres electi                  | 413,49               | & qualiter questioni sub-         |                    |
| Ordonius                         | 13,48              | Parentela contra extraneos testi- |                      | denda sint                        | 933,42             |
| Ordonio                          | 603,50             | monium non dicet                  | 878,1.               | qua ad testificandum non ad-      |                    |
| Orgeolum, oppidum                | 349,55             | 881,42                            |                      | mittantur                         | 878,3              |
| Oria in factiones quatuor diuisi |                    | Parentes infantem monstrosam      |                      | Perturbatio rerum maxima          | 517,               |
| 185,51                           |                    | vinum defodientes supplicio       |                      | 59.518,1                          |                    |
| Origo Aquila urbis               | 381,34             | afficiuntur                       | 189,21               | Pertusa peruetus, oppidum         | 31,                |
| Origuelarex                      | 102,30.213,51.     | qualiter hereditatem parvuli      |                      | 54.417,13                         |                    |
| 230,30                           |                    | possint assequi                   | 909,36               | Perusius Vitalis Villanova        | 150,               |
| Orimbloinum                      | 545,27             | Parricide                         | 946,39               | 57                                |                    |
| Oriola                           | 533,18             | Pars Sicilia maior opprimitur     | 216                  | Pestis grassatur                  | 59,53.202,34.      |
| Oriolus Episcopus Aragonensis    |                    | 42                                |                      | 271,46                            |                    |
| 617,44                           |                    | Paruulus qualiter hereditatem     |                      | Petitus idem quod paruulus        | 646,               |
| Orlandus Aragonius               | 184,47.            | capere possit                     | 909,10               | 21                                |                    |
| 192,27                           |                    | Paschalis Episcopus Ginnensis     |                      | Petra Pisada                      | 25,58              |
| Ornanus                          | 191,28             | 526,26                            |                      | Petrecenses                       | 538,25             |
| Oropesa                          | 263,52.458,34.475, | Paschasius Muniocius              | 414,                 | Petrelegium                       | 298,3              |
| 9                                |                    | 40                                |                      | Petresca                          | 167,52             |
| Orsalenses                       | 54,3               | Passio Dominici                   | 657,46               | Petronilla Aragonum regina XI.    |                    |
| Ortius Ortizius Stunica          | 90,49              | Paterpuella dotem exiget & con-   |                      | 648,34                            |                    |
| 562,47.563,3                     |                    | seruabit                          | 890,9                | Ramiri regis filia                | 46,5               |
| Ortolo                           | 612,44             | Paterna, arx                      | 83,20.477,55         | Petrus Abuesius                   | 706,40             |
| Osca Ilergetum urbs              | 5,25.6,23.         | Paternio                          | 314,19               | Abonesius                         | 68,59.399,36.      |
| 10,9 13,4,12.152,10.207,         |                    | Paternus abbas Primatenfis        | 19,                  | 4,6,24                            |                    |
| 30.246,46.402,41.618,            |                    | 55                                |                      | Aerbius                           | 124,4              |
| 11.625,20.662,3                  |                    | Patriarcha Constantinopolitanus   |                      | Anarius                           | 138,5              |
| Oscenses in partes scissi        | 418,28             | 551,35                            |                      | Albalatus                         | 512,24             |
| Oterdesumi oppugnati             | 234,46             | Pauperes quibus actiones profe-   |                      | Alcalanus                         | 502,37             |
| Oterdesillis Castella rex        | 208,45             | quendas iniungant                 | 877,                 | Ansurus                           | 33,32              |
| Ocho Pransuicensis               | 244,56             | 18                                |                      | Antonius Benterius                | 420,51             |
| III. Imper.                      | 91,56              | Pax cum Francorum & Baleariu      |                      | Aragonia Siciliaque rex           | 119,               |
| IV. filius ducis Saxonia         | 376,               | rege & cinitate Genuensi          |                      | 16                                |                    |
| 9                                |                    | constituta                        | 181,6                | Ataresius                         | 644,59             |
| Quarra                           | 579,59             | Peculia mancipiorum               | 986,28               | Assagra                           | 456,17.457,43.     |
| Quum, arx                        | 244,52             | Peculium & peculiare ad intelli-  |                      | 420,27                            |                    |
| Quinius insignis belli dux       | 174,               | gentiam vna habenda               | 986,                 | Benecentanus                      | 69,13              |
| 13                               |                    | 59                                |                      | Berga                             | 549,10.553,36.554, |
| P                                |                    | Pecunia perdita                   | 926,13               | 27                                |                    |
| Palta & placita                  | 882,35             | Peguana                           | 561,41               | Boilus                            | 229,6              |
| seruorum sine iussu domi-        |                    | Pegum                             | 519,33               | Bonifacius                        | 496,13             |
| norum non valebunt               | 883,               | Pelagius Fasila ducis filius      | 577,                 | Cadreta                           | 104,23             |
| 16                               |                    | 31                                |                      | Castella regis filius funesta Hi- |                    |
|                                  |                    | Rex                               | 4,13                 | spaniarum fax                     | 178,37             |
|                                  |                    | Temus III.                        |                      | Ssss                              | 2                  |



# INDEX.

|                                     |                     |                                    |                  |                                   |                    |
|-------------------------------------|---------------------|------------------------------------|------------------|-----------------------------------|--------------------|
| Castella rex                        | 234,8               | II. Sicilia rex                    | 181,55           | Pompelonenfes                     | 625,12             |
| Cendra                              | 451,56              | Serra Caranensis                   | 263,56           | Pompelo urbs Vasconum             | 4,58               |
| Cheraltius                          | 554,28              | Sessessius                         | 58,48.649,54.    | 8,32. 615,5                       |                    |
| Clariana                            | 483,35              | 794,16                             |                  | Pons Caperani                     | 375,6              |
| Clasquerinus                        | 249,41              | Simenius                           | 36,32.241,5.451. | S. Valentini                      | 342,41             |
| Cornelius                           | 82,20.133,42.553.   | 25.271,55                          |                  | Pontiani                          | 424,19             |
| 21.554,15                           |                     | Tarrogia                           | 46,56            | Pontifex Burdigalensis e custodia |                    |
| Crexelius                           | 64,47               | Tenorius                           | 234,54           | emittitur                         | 250,58             |
| de Turra                            | 292,15              | III. Magnus XV. Arago-             |                  | decimas ecclesiasticas ad bellū   |                    |
| Examini                             | 787,25              | nia rex                            | 112,53. 658,     | contra Mauros gerendum            |                    |
| Exerica                             | 209,58              | 42                                 |                  | largitur                          | 153,58             |
| Fenolletius Insulanus               | 183,55              | Thousius                           | 196,36           | Regem ad Concordiamhorta-         |                    |
| Ferdinandus Castrus                 | 55,54.              | Tomichius                          | 3,42.252,41.253, | tur                               | 205,12             |
| 72,5. 480,41.793,17                 |                     | 3                                  |                  | Romanus quo loco habeatur         |                    |
| Ixeritanus                          | 260,46              | Torrellias                         | 281,10           | 62,15                             |                    |
| Petrus Friderici filius Sicilia rex |                     | Trana                              | 34,37            | Pontium                           | 422,43             |
| 165,12                              |                     | Villabeltranus                     | 49,34            | Pontius Cabrera                   | 449,50.469,1       |
| Galcerandus Castrensis              | 262,                | Urgellitanus                       | 237,8            | Capraria                          | 81,31              |
| I                                   |                     | Zacalmus                           | 246,39           | Gerardus Torrella                 | 536,52             |
| Gonzalvus                           | 41,17               | Zagarriga                          | 275,32. 277,37.  | Hugo                              | 46,50.49,55.124,39 |
| Granatenfis                         | 546,51              | 278,32                             |                  | Peralta                           | 99,33              |
| Iannas                              | 105,48              | Pharensis                          | 521,22           | Sanctapacius                      | 204,25             |
| Infans Castella                     | 664,11              | Pharus, oppidum                    | 231,51           | Solerius                          | 200,10             |
| Laluzza                             | 708,34.710,34       | Philippus Burgundia dux            | 258,             | Populeum                          | 240,51.259,50      |
| Larenfis comes                      | 35,40               | 44                                 |                  | Populus Aragonensis qualis fue-   |                    |
| Latro Villanova                     | 253,1               | Caroli V. f. Aragon. rex xxvii.    |                  | rit                               | 529,46             |
| Libraua Episcopus                   | 38,18.642,          | 313,42                             |                  | Populus vicus                     | 178,26             |
| 28                                  |                     | Castrensis                         | 237,52           | Porracia                          | 434,33             |
| Luna                                | 161,15. 245,3. 250, | Dalmatius                          | 244,26.249,31    | Porraza                           | 135,50             |
| 39                                  |                     | 251,1.265,1                        |                  | Porta Barboletana                 | 441,58             |
| Lusiniannus Cypri rex               | 236,45.             | Eburouix                           | 171,33           | 443,19                            |                    |
| 245,56                              |                     | Francorum rex                      | 203,14.333,      | celi                              | 510,13             |
| Manricus                            | 241,16              | 30                                 |                  | Toletana                          | 411,8              |
| Martellus                           | 459,38              | Lambertus Villafausa domi-         |                  | Portopinea                        | 440,17.441,59      |
| Martinius                           | 45,17.116,11.       | nus                                | 237,47           | Portenta Cometam quendam se-      |                    |
| 797,19.799,35                       |                     | Salassus                           | 168,1            | cuta                              | 497,31             |
| Martinius Luna                      | 155,58              | II. Hispaniarum rex                | 497,53           | Portopineus mons                  | 434,35             |
| Massa                               | 445,42.530,33       | Tarentinorum princeps              | 103,             | Portugallia                       | 498,13             |
| Maza Lizana                         | 255,56              | 53.146,58.238,26                   |                  | Portus Alarachius                 | 498,16             |
| Medalla                             | 791,33              | Pignora                            | 927,21           | Almaranichi                       | 432,45             |
| Metallia                            | 52,46               | Pina                               | 407,34           | Alonius                           | 501,52             |
| Moline comes                        | 47,51               | Pinna fidelis, oppidum             | 171,24           | Brundusinus                       | 173,59             |
| Monio                               | 50,34.790,49        | rotunda                            | 449,27           | Caralitanus                       | 168,6.206,57       |
| Moritonensis                        | 335,58              | Pisa                               | 280,51           | Drepanitanus                      | 124,30             |
| VIII. Aragon. & Pompel. rex         |                     | Pisani                             | 153,43.30,30     | Fangosius                         | 118,44             |
| 29,55                               |                     | Pisces Dertosani                   | 412,36           | Genuensis                         | 163,41             |
| Pannus                              | 251,3               | Pitilla, arx                       | 24,43            | Itius                             | 220,59             |
| Peresius                            | 72,29               | Placitum Iudeorum in nomine        |                  | Magonis                           | 135,6              |
| Petri Tarazona                      | 794,45              | principis factum                   | 1000,13          | Malfata                           | 209,41             |
| Philaretus                          | 279,29              | Plana Burrianensis                 | 226,7            | Masiliensis                       | 275,39             |
| Portugallia rex                     | 218,54.233,         | Planesium                          | 519,33           | Messana                           | 240,30             |
| 4.449,42.510,28                     |                     | Planicies Paternionis              | 29,35            | Monæci & Veneris                  | 49,51.             |
| I. Aragonum rex VIII. 630,          |                     | Plato                              | 569,6            | 249,22                            |                    |
| 6                                   |                     | Platono                            | 332,30           | Panormitanus                      | 543,44             |
| IV. Cerimoniosus, Aragonum          |                     | Plebiscita indulgentiora quid cau- |                  | Pollentia                         | 432,45             |
| rex XIX.                            | 668,1               | sentur                             | 530,3            | Porracius                         | 188,39             |
| IV. decimus nonus Aragonum          |                     | Podium D. Maria, oppidum           |                  | Salonius                          | 77,31.428,9.431,37 |
| rex                                 | 180,1               | 229,17                             |                  | Sollaris                          | 432,45             |
| Queraltus                           | 156,53              | Pœna placitis inserenda            | 883,33           | Tingitania Onensis                | 220,22             |
| Regis Aragonii frater obit          |                     | scripturarum soluenda              | 886,             | Veneris                           | 249,23.276,11.499  |
| 145,1                               |                     | II                                 |                  | 26                                |                    |
| Ruiusius Azagra                     | 54,34.55,           | Pœna Sodomitarum                   | 902,19           | Possidonius Episcopus Urgellita-  |                    |
| 38                                  |                     | transgressionis Iudeorum redi-     |                  | nus                               | 7,45               |
| Ruffus comes                        | 146,11              | menda                              | 997,33           | Posthumi                          | 910,11             |
| Salanova                            | 729,38              | Pollentia                          | 449,56           | Potestas Episcoporum indices ne-  |                    |
| Sanctii                             | 797,31              | Pola                               | 155,58.234,33    | quam destringendi & ad-           |                    |
| II. Catholicus Aragonum rex         |                     | Polutinus, dominus Gilentie cie-   |                  | monendi                           | 869,22             |
| XIII.                               | 650,1               | etus restituitur                   | 350,20           | magistratus iustitie Aragonū      |                    |
|                                     |                     |                                    |                  | 747,                              |                    |



# INDEX

Q

747,20  
parcedi principi reſervata 936,  
21  
Tribunitia Roma quid fuerit  
130,55  
Potentes qualibus perſonis actiones  
iniungant 877,18  
Prada ſuper paganos accepta an  
Deo ſacrificium gratum ſit  
297,45  
Pradilla, oppidum 44,39  
Pradicatio B. Vincentii Ferrarii  
271,28  
crucis triennalis 263,53.532,3  
Praefecti arcium Athenarum &  
Neopatria 243,4  
Praefectus ordinis S. Ioh. Hieroſo-  
lymitani 233,39  
Praelium atrox Drepanicum 147,  
27  
Idubedense cum Sarracenis  
448,2.520,31  
Setabitanum 196,34  
Tartessum 185,58  
Vbedense 401,30  
Praſagium 329,54  
Praſidium arcis Setabitana dedi-  
tum 180,11  
Priamus 465,10  
Princeps nō criminandus aut ma-  
ledicendus 862,20  
Walia 234,6  
Principatus Catalonia regno Ara-  
gonia adiungitur 46,32  
Privilegia Barcinonenſia 250,48  
Caſarauguſta confirmata 73,6  
Privilegium Monasterio S. Iohā-  
nis conſeſſum 626,19  
Probatio ab utraq; cauſantiū par-  
te requirenda eſt 872,22  
Proceres Aragonia & Catalonia  
204,58  
Aragonia in ſummis Reipubl.  
difficultatibus diſſident, ipſi  
135,51  
Procuratores ciuitatum Sicilien-  
ſium 143,59  
Proditio procerum Siculorum in  
regem 255,35  
Proſectio Sardon 255,55  
Promonitorium Orlandi 147,7  
Propinquitus contra extraneos li-  
cite non teſtabitur 878,1.  
881,42  
Proprium argenti vini 494,43  
Propugnacula arcis Caraliāne  
ducibus regis deditur 169,  
45  
Propugnaculum Sorra 195,31  
Ptolemata 139,16  
Ptolemais a Sultano obſeſſa 139,  
14  
Puebla, oppidum 609,15  
Puella contra voluntatem patris  
nubens alii, cum alii deſpō-  
ſata ſit, &c. 888,17  
Pupilli 910,41  
Puſolium 462,33  
Pyrius 466,38.526,13

Q  
Vadreja, oppidum 44,50  
Qua Deo debetur, aliis pre-  
ferenda 541,12  
Quarens rem furtiuam, qualis il-  
la ſit, dicet 949,8  
Quaſtio per mandatum in perſo-  
nis humilibus agnanda non  
eſt 875,52  
Quaſtores Veneti 204,27  
Quantitas itineris quo quis inno-  
centem fatigare praſumat  
872,33  
rerum dotis ſcribenda 889,23  
Quartus, vicus 206,58  
Queragutum, arx 203,59  
Queraltus 167,1  
Querela quadam per regem com-  
poſita 445,59.446,1  
Queſada, oppidum 156,17  
Qui adulterium accuſare poſſunt  
897,30  
Qui in cauſis alienis patrocinari  
praſumant 873,33  
mandatum fecit, ſi cauſa dila-  
tionem patitur, mandatum  
licite mutare poteſt 876,  
15  
per ſe cauſam non dicit, ſcriptis  
aſſertorem informabit 875,  
40  
Quid ſoro Aragonio cautum &  
uſurpatum ſit 229,49  
in artifice legum requirendum  
ſit 655,55  
obſeruetur contentione de ter-  
minis orta 989,29  
Quinam cauſas dirimere poſſunt  
864,9  
Q. Cacilius Metellus 446,18  
Balearicus à Balearibus deu-  
ctis cognominari ſtudit  
446,20  
Q. Sertorius maximus olim Ro-  
manorum dux 207,31  
488,49  
Quirra comitatus 235,16  
Quirra, caſtellum 178,48  
Faba 167,52  
Quis vere culpabilis 936,19  
Quomodo index per examē aqua  
feruentis cauſam perquirat  
934,41

R

R  
Abcannum 365,6  
Racel 332,31  
Radulfus de Bernia dominus Li-  
mat 360,22  
de Frameto vaſallus Comitis  
Ranulfi 359,9  
Raimpōtus 360,59.361,43  
Raimundus Alamanus Cernilio-  
nius 238,1.239,44.241,  
36.435,52.444,4  
Andreas 554,4  
Angleſola 113,22.126,59  
Auellanus 479,9  
Bagius 251,43.252,51.  
264,8

Tomus III.

Barbaſtrenſis Episcopus 41,37  
Berengarius Comes Barcino-  
nenſis 648,34  
Boilius 275,26  
Botonachius 127,57  
Cardona 167,21.554,22  
Caſtellitius 58,44.60,4  
Caponius 205,20  
Cornelius 186,25  
Falco 516,13  
Folchius 126,58.164,47.  
171,45.409,42  
Gaſto 170,56  
Lullius 205,29  
Marquetius 124,29.135,9.  
542,29  
Penafortius 98,34.110,53  
524,56.555,32  
Peralta 179,58  
Peridioſius Rotenſis Vicecomes  
253,54  
Pontius 155,2  
Rebellias 143,55  
Ripacurcie comes 14,40  
Roccabertinus 63,9  
Salga 203,15  
Scorna 200,10  
Speſius 261,22  
Toloſas 87,38  
Rameta obſeſſa 297,59  
Ramirus I. Aragonia X. rex 44,  
6  
Ramirus vel Ranimirus 621,58  
Ranimirus 611,57  
I. 623,1  
II. Monachus, Aragon. rex X.  
645,41  
Ranulphus 346,35.360,31  
363,3  
Raoulus Claramontius comes 142,  
23  
Raptus virginum vel viduarum  
892,57  
Rascaia 500,52  
Rat. pennat 653,16  
Rauenna 136,17  
Rebolledum, oppidum 499,33  
Redintegratio rei eccleſiaſtica 917,  
42  
Regale, oppidum 148,3  
Reges Aragonia Nauarraꝝ inter  
ſe fraude & auaritia ceriā  
227,52  
Caſtella & Portugallia ſup re-  
gnorum finibus diſſident  
157,24  
Neapolitani Meſſana potiti  
216,42  
S. prarbienses VII. 714,40  
Thebani 235,40  
Tunetani 153,54  
Wiſigothorum 853,6  
Regia (la Real) cenobii 468,43  
Regina pons, opp. 109,49.512,46  
Regio Conteſtanorum 495,30.  
510,17  
Galluritana 216,28  
Regna tria è Sarracenorum ma-  
nibus erepta 389,20  
Ssss 3



# I N D E X.

|  |  |   |
|--|--|---|
| <i>Regnum Arelatenfe ubi fitum</i> 51,<br>26                                     | <i>Retaboigus</i> 434, 21. 457, 56.<br>439, 34   | <i>Rogerus Biterenfis</i> 57, 53, 58,<br>23                 |
| <i>Asturum vel Ouentense</i> 577,<br>35  | <i>Rex Anglus &amp; Aragonius</i> 235,<br>5. 314, 46   | <i>Comes uxorem ducit</i> 297, 42                           |
| <i>Balearicum</i> 241, 50. 449, 53<br>668, 41                                    | <i>Iacobus Aragonius ditiffimus</i><br>de liberis elocandis multo<br>folicitor est, quam pauper-<br>rimus quisque fubditus 505<br>20 | <i>cum Melfanenfibz praliatur.</i><br>297, 41               |
| <i>Cantabrorum</i> 451, 10   | <i>Jacobus pro fædifrago &amp; legu</i><br>perturbatore habetur 553,<br>51   | <i>de Plenco miles fufpeditur</i> 357,<br>47                |
| <i>Cordubense &amp; Hifpalenfe</i> 514,<br>37                                    | <i>Montacuti</i> 141, 6  | <i>dux Apuliatota ponitur</i> 349,<br>24                    |
| <i>Granatense</i> 386, 33  | <i>Tunetanus</i> 447, 50   | <i>Jeremias</i> 141, 52                                     |
| <i>Murcia</i> 144, 44. 218, 58.<br>528, 46                                       | <i>Rhegienses</i> 293, 33  | <i>Laaria</i> 124, 21. 145, 18                              |
| <i>Maiorica</i> 661, 47  | <i>Rhegini urbem fuam dedunt</i><br>122, 26  | <i>Orianenfis comes</i> 363, 26                             |
| <i>Navarre ab Aragonia regno</i><br>difungitur 44, 16                            | <i>Rhegium</i> 161, 41. 57, 37. 208,<br>24   | <i>Sicilia dux</i> 346, 37                                  |
| <i>Pompelonenfe</i> 553, 3   | <i>Rhodus</i> 543, 43  | <i>Siciliam primum intrat</i> 297,<br>31                    |
| <i>Sardinia a tyrannorum domi-</i><br>nata vindicandum 156,<br>42                | <i>Riambandus Corbera</i> 200, 46<br>205, 47   | <i>Siculorum comes</i> 24, 56                               |
| <i>Sardinia &amp; Corfica regibus A-</i><br>ragonici attributum 145,<br>45       | <i>Richa Augusta</i> 50, 56  | <i>Taliaferus</i> 152, 2                                    |
| <i>Siculum</i> 243, 31   | <i>Ricardus Epifcopus Bigeronenfis</i><br>18, 44   | <i>Roldanus Lainus</i> 435, 21                              |
| <i>Suprabienfe</i> 582, 15   | <i>Murronus</i> 135, 56  | <i>Roma</i> 328, 56. 329, 1. 314, 40.<br>491, 32. 493, 27   |
| <i>Suprabienfe vndenam dictum</i><br>fit 601, 28                                 | <i>Roelis filius castrum fuum S.</i><br>Agatha tradit regi 358, 47   | <i>Romana Gotho nubere poteft</i> 888<br>2                  |
| <i>Suprabienfe quam vetus</i> 615,<br>53   | <i>Rici</i> 638, 34. 653, 37. 656, 57<br>718, 28. 723, 48. 724, 3.<br>725, 50. 738, 22. 739, 25                                      | <i>Romaniprudentiffimi</i> 169, 10                          |
| <i>Toletanum</i> 555, 54   | <i>Ricla, ciuitas</i> 38, 55. 469, 34  | <i>reprehenfi</i> 314, 41                                   |
| <i>Reguli Catalonia</i> 546, 5   | <i>Riginaldus (f. Reginaldus) Apel-</i><br>lo 135, 56  | <i>Ronda</i> 200, 50  |
| <i>Regulus Maurufiorum</i> 559,<br>15  | <i>Ripa Calorii</i> 324, 41  | <i>Roffana</i> 330, 31                                      |
| <i>Reliquia</i> 580, 23  | <i>Ripacurcia caftellum</i> 7, 2<br>404, 31. 655, 8  | <i>Rota, ciuitas</i> 38, 55. 231, 58. 614<br>33             |
| <i>Requena</i> 104, 8. 114, 40.<br>236, 1  | <i>Ripacurtienfes</i> 614, 35  | <i>Rotro Perticarum comes</i> 36, 37.<br>41, 54             |
| <i>Res a Jacobo I. Aragonum rege</i><br>gefta narrantur 651, 19                  | <i>Ritus Gothorum Mufarabicus</i><br>539, 9  | <i>Rubinus Bracamontius</i> 268, 43                         |
| <i>Aragonia</i> 240, 22. 553, 48.<br>554, 19                                     | <i>Robertus Baioharia dux</i> 268, 20  | <i>Rubioli</i> 236, 9                                       |
| <i>Ecclefiaftica</i> 917, 27   | <i>Calabria dux</i> 146, 32 & 58<br>148, 51  | <i>Rudericus Abonefus</i> 86, 58                            |
| <i>extra dotem uxori a marito col-</i><br>late 918, 53                           | <i>Capua princeps</i> 363, 1<br>347, 15. 349, 2. 350, 20   | <i>Byzantius Cidus cognomento</i> 23<br>46                  |
| <i>fama crefcunt</i> 413, 56   | <i>de Grantimania</i> 348, 38  | <i>Castellezelus</i> 797, 46                                |
| <i>in patrocinio accepta &amp; conqui-</i><br>fita 920, 56                       | <i>Guifcardus</i> 288, 8. 291, 30.<br>373, 32  | <i>Castellitoli</i> 104, 1                                  |
| <i>in Sardinia proffera multa</i> 180<br>58                                      | <i>Praga</i> 251, 11   | <i>Oricius</i> 232, 58                                      |
| <i>manumifforum fine liberis mo-</i><br>rientium ad quem perueni-<br>ant 930, 54 | <i>Rhegium totamq, Calabria</i><br>procurandam cum curaffet,<br>in Apuliam vadit 297, 33   | <i>Toletanus Epifcopus</i> 10, 5                            |
| <i>marito vel uxori per regem do-</i><br>nata 918, 45                            | <i>Richardus filius a Rege obtinet</i><br>terras omnes, quæ regi a Boi-<br>anenfi comite obuenerant<br>361, 35                       | <i>ultimus Gothorum rex</i> 577,<br>18. 592, 52             |
| <i>occultiffima narratur</i> 91, 50  | <i>Richardus filius regi fidiffimus</i><br>363, 25   | <i>Ruefta</i> 17, 57  |
| <i>parricidarum</i> 946, 39  | <i>Viscardus</i> 26, 17  | <i>Ruizius Diazius Cidis</i> 486, 47                        |
| <i>privatorum &amp; curialium non</i><br>alienande 924, 21                       | <i>Rocca</i> 333, 56   | <i>Rupertus Boiaria dux</i> 253, 36                         |
| <i>Sardoa</i> 202, 25. 212, 7. 234,<br>39. 237, 18. 242, 8. 246,<br>50           | <i>Roccabertinus</i> 245, 48   | <i>Neapolitanus rex</i> 661, 17                             |
| <i>feruorum ficalium</i> 202, 25<br>931, 31                                      | <i>Roccafultius</i> 534, 2. 536, 54  | <i>Ruffapha</i> 479, 1                                      |
| <i>feruorum vendita</i> 921, 3   | <i>Rodericus Archiepifcopus Tole-</i><br>tanus 430, 37   |   |
| <i>carpes &amp; illicita</i> 883, 25   | <i>Licina</i> 404, 51. 444, 33. 445,<br>56. 448, 17  | <i>S</i>  |
| <i>Valentina in anguftias addu-</i><br>cta 483, 2                                | <i>Rogerus Orianenfis</i> 347, 14  | <i>S Abandienfes per Affenfes bel-</i><br>lo vexati 523, 24 |
| <i>Refponfum quoddam pontificium</i><br>164, 7                                   | <i>Ortizus</i> 456, 28   | <i>Sabbatum (f. Sabatthum) flumē</i><br>342, 45             |
| <i>Reipublica Valentina quibus re-</i><br>bus conuulfa 270, 18                   | <i>Rodolfus Lofeira</i> 192, 45  | <i>Sacerenfes</i> 235, 30                                   |
|  |  | <i>Saceris, oppidum</i> 175, 28. 200,<br>45                 |
|  |  | <i>Saguntum</i> 473, 46. 518, 18                            |
|  |  | <i>Saixum</i> 486, 20                                       |
|  |  | <i>Salebrofus Oria</i> 232, 39                              |
|  |  | <i>Salernum</i> 314, 20. 374, 11. 369,<br>4                 |
|  |  | <i>Salinas</i> 612, 44                                      |
|  |  | <i>Salfula</i> 233, 13. 511, 2                              |
|  |  | <i>Salus Affenfis</i> 404, 31                               |
|  |  | <i>Marianus</i> 538, 58. 394, 55                            |
|  |  | <i>Pyrenæi Petrusius</i> 143, 35                            |
|  |  | <i>Saluaterra, oppidum</i> 138, 54<br>236, 35               |
|  |  | <i>Samnia</i> 374, 18                                       |
|  |  | <i>Sancta Agatha</i> 365, 13                                |
|  |  | <i>Sanctagutha, arc</i> 453, 16                             |
|  |  | <i>S. Sene-</i>   |



# INDEX.

|   |                        |  |                      |   |                            |
|---|------------------------|--|----------------------|---|----------------------------|
| <i>S. Severina obsidetur</i>              | 314, 25                | <i>ficit</i>                               | 272, 12              | <i>ta portare teneatur &amp; qua-</i>       |                            |
| <i>Sanctulalia</i>                        | 537, 20                | <i>Schola</i>                              | 489, 20              | <i>liter</i>                                | 935, 6                     |
| <i>S. Dominici fanum</i>                  | 244, 32                | <i>Scillacense</i>                         | 296, 18              | <i>Setabis</i>                              | 85, 46. 112, 8. 196, 22.   |
| <i>Sanctia regina</i>                     | 649, 47                | <i>Scillacium</i>                          | ibid. 3              |   | 259, 25. 510, 17           |
| <i>Sanctii Abarca complures</i>           | 611, 56                | <i>Scita Barcinonensis</i>                 | 250, 48              | <i>Seueritas disciplina veteris deside-</i> |                            |
| <i>Sanctius Abarca unde sic dictus</i>    |                        | <i>Scriptura per vim &amp; metum ex-</i>   |                      | <i>rata</i>                                 | 251, 30                    |
| <i>fit</i>                                | 610, 59. 611, 1        | <i>torta non valebit</i>                   | 883, 51              | <i>Sibilia Forzia</i>                       | 671, 8                     |
| <i>Ahonestus</i>                          | 70, 27                 | <i>Scriptura commendata cui resti-</i>     |                      | <i>Sibylla Fortiana</i>                     | 244, 39. 275, 12           |
| <i>Antilio</i>                            | 148, 24                | <i>tuenda</i>                              | 927, 10              | <i>Moncada</i>                              | 242, 18                    |
| <i>Archiepiscopus Toletanus</i>           | 560                    | <i>facta ab illis, qui in annis mi-</i>    |                      | <i>Sicilia</i>                              | 335, 34                    |
| <i>10</i>                                 |                        | <i>noribus constituti sunt, quæ-</i>       |                      | <i>Siculi à desperato precipitiq, con-</i>  |                            |
| <i>Balearum rex</i>                       | 157, 38                | <i>nam valeant</i>                         | 884, 20              | <i>filio ipsorum auocantur</i>              | 148                        |
| <i>Caso, cognomento Abarca I.</i>         |                        | <i>in principum nomine facta quo-</i>      |                      | <i>45</i>                                   |                            |
| <i>Aragonum rex</i>                       | 616, 15                | <i>modo conficienda sunt</i>               | 860,                 | <i>Carolus regno exturbare co-</i>          |                            |
| <i>Castella rex</i>                       | 22, 1                  | <i>15</i>                                  |                      | <i>nantur</i>                               | 116, 45. 121, 50           |
| <i>Eximini Ayerius</i>                    | 803, 31                | <i>olographa</i>                           | 885, 46              | <i>profligantur</i>                         | 184, 53                    |
| <i>Fortunonis</i>                         | 788, 2                 | <i>superflua</i>                           | 884, 2               | <i>sacris priuantur</i>                     | 164, 40                    |
| <i>Galindi</i>                            | ibid. 26               | <i>valitura &amp; infirmanda</i>           | 881, 51              | <i>Sicor</i>                                | 179, 52. 240, 56. 476, 47. |
| <i>Garzia</i>                             | 586, 1. 792, 55        | <i>Scyllum</i>                             | 298, 12              | <i>505, 29</i>                              |                            |
| <i>Gonzaluis Heredia</i>                  | 235, 53                | <i>Scyba nunc Tartari sunt</i>             | 539, 41              | <i>Siecastella, arx</i>                     | 26, 7                      |
| <i>Horta</i>                              | 575, 1                 | <i>Sebastianus IX. Lusitanorum rex</i>     |                      | <i>Sigegrita</i>                            | 315, 19                    |
| <i>Lopezius</i>                           | 41, 14                 |  | 497, 54              | <i>Signa calitus apparent Christianis</i>   |                            |
| <i>Lupeius Orunius</i>                    | 230, 17                | <i>Secta Mahometana</i>                    | 454, 40              | <i>9, 2. 590, 49</i>                        |                            |
| <i>maior</i>                              | 611, 14                | <i>Mahometanorum</i>                       | 472, 6               | <i>Signum Arnaldi de via</i>                | 639, 18                    |
| <i>Nauarræ rex</i>                        | 447, 55 &c.            | <i>Secura fl.</i>                          | 533, 51. 535, 39     | <i>regis Aldefonsi</i>                      | 641, 16                    |
| <i>Paternucius</i>                        | 215, 59                | <i>Sedes Apostolica per biennium va-</i>   |                      | <i>regis Ildefonsi</i>                      | 641, 32                    |
| <i>IV. Aragonum rex</i>                   | 624, 41                | <i>cat</i>                                 | 142, 25. 413, 43     | <i>regis Ranimiri</i>                       | 647, 10                    |
| <i>Ruizius Liborius</i>                   | 272, 2                 | <i>Valentina vacat aliquandiu</i>          |                      | <i>regis Sanctii</i>                        | 607, 38                    |
| <i>II. Abarca</i>                         | 619, 15                | <i>509, 55</i>                             |                      | <i>Siloga amnis</i>                         | 39, 27                     |
| <i>Simenius Aierbius</i>                  | 174, 18                | <i>Seditio Valentie popularis</i>          | 561,                 | <i>Silua Conualis</i>                       | 216, 14                    |
| <i>III. cognomento Maior Imper-</i>       |                        | <i>20</i>                                  |                      | <i>Simenius Cornelius</i>                   | 401, 41. 402,              |
| <i>ator, Aragonum rex V.</i>              |                        | <i>Seditiones</i>                          | 189, 29. 194, 38 &c. | <i>12</i>                                   |                            |
| <i>621, 44</i>                            |                        | <i>Segobriga</i>                           | 80, 52               | <i>Similitudo nominum scriptores in</i>     |                            |
| <i>Tobias</i>                             | 57, 52                 | <i>Segontia</i>                            | 38, 55               | <i>errorem inducere potest</i>              | 612                        |
| <i>Toleti rex moritur</i>                 | 142, 40                | <i>Segorbium</i>                           | 75, 14. 80, 50. 492, | <i>3</i>                                    |                            |
| <i>Tonia</i>                              | 793, 28                | <i>20, 518, 18</i>                         |                      | <i>Simon Aluarn Rada</i>                    | 170, 44                    |
| <i>Sanctus Angelus montis Gargani</i>     |                        | <i>Segouia</i>                             | 112, 34              | <i>Artufella</i>                            | 56, 12                     |
| <i>368, 45</i>                            |                        | <i>Selymus</i>                             | 497, 42              | <i>Buccanigra</i>                           | 220, 25                    |
| <i>Georgius ad velum aureum</i>           | 272                    | <i>Semen belli inter Aragonenses &amp;</i> |                      | <i>Luna</i>                                 | 145, 27. 182, 12           |
| <i>16</i>                                 |                        | <i>Gallos annos multos duran-</i>          |                      | <i>Marius</i>                               | 279, 28                    |
| <i>Christianis apparet</i>                | 472, 47                | <i>tis</i>                                 | 522, 32              | <i>Monfortius</i>                           | 69, 56                     |
| <i>Iohannis de la Penya</i>               | 603, 55                | <i>Sentaugenianus</i>                      | 451, 19              | <i>Olzetus</i>                              | 184, 3                     |
| <i>Marcus, urbs</i>                       | 339, 49                | <i>Sententia Alfonsi Castella Regis</i>    |                      | <i>Pereus Arenosus</i>                      | 156, 2                     |
| <i>Mattheus oppidum</i>                   | 343, 47                | <i>quadam in re lata</i>                   | 119, 34              | <i>251, 7</i>                               |                            |
| <i>Petrus de Taberna</i>                  | 579, 54                | <i>damnatorum</i>                          | 913, 50              | <i>Pereus Salanona</i>                      | 142, 15.                   |
| <i>Sangorrin</i>                          | 612, 45                | <i>Sententia de regni Suprarbiensis</i>    |                      | <i>157, 5</i>                               |                            |
| <i>Sardi</i>                              | 209, 55. 216, 27. 234, | <i>initis auctorum varie</i>               | 598, 20              | <i>Tarassona</i>                            | 464, 13. 473, 35.          |
| <i>29</i>                                 |                        | <i>Senia</i>                               | 2, 20, 3, 9          | <i>490, 34</i>                              |                            |
| <i>Sarinena</i>                           | 469, 11                | <i>Seniofredus</i>                         | 13, 23               | <i>Saias</i>                                | 265, 31                    |
| <i>Sarraceni</i>                          | 1, 34. 102, 22. 316,   | <i>Septa</i>                               | 154, 45              | <i>Tobias</i>                               | 509, 45                    |
| <i>38. 373, 54. 386, 19. 427,</i>         |                        | <i>Septem aqua</i>                         | 212, 51              | <i>Sifnandus Episcopus</i>                  | 10, 38                     |
| <i>10. 513, 56. 518, 10. 522, 46</i>      |                        | <i>Sepultura Martyrum Casarau-</i>         |                      | <i>Sistricum, oppidum</i>                   | 61, 14                     |
| <i>Sarracenus quidam Balearis in-</i>     |                        | <i>gusta multa</i>                         | 577, 59              | <i>Sobrabium</i>                            | 404, 31                    |
| <i>signis</i>                             | 434, 8                 | <i>Sepulchra</i>                           | 557                  | <i>Societas Catalana</i>                    | 158, 46                    |
| <i>quidam in mare se proicit</i>          | 433                    | <i>Sergius magister militum</i>            | 358, 18              | <i>Templariorum dissipata</i>               | 157,                       |
| <i>19</i>                                 |                        | <i>&amp; 27. 360, 58. 363, 5. 370,</i>     |                      | <i>28</i>                                   |                            |
| <i>quidam sororem fugiendo defi-</i>      |                        | <i>32</i>                                  |                      | <i>Sodalitas Dominicana &amp; Franci-</i>   |                            |
| <i>cientem necat</i>                      | 297, 54                | <i>Serlo occiditur</i>                     | 298, 14              | <i>scana instituta</i>                      | 403, 59.                   |
| <i>Sastagum</i>                           | 457, 24                | <i>Serosum</i>                             | 409, 4               | <i>404, 1</i>                               |                            |
| <i>Saxona</i>                             | 104, 45. 271, 46       | <i>Serpa</i>                               | 157, 25              | <i>Sodomite</i>                             | 902, 19                    |
| <i>Scala, oppidum</i>                     | 367, 2                 | <i>Serrafinestrata</i>                     | 561, 38              | <i>Sol obscuratus</i>                       | 329, 57                    |
| <i>Scalea, castrum</i>                    | 293, 54                | <i>Servi pro quibus rebus in capite</i>    |                      | <i>Solennia nuptiarum Iolantis</i>          | 254,                       |
| <i>Scarpium</i>                           | 42, 58                 | <i>dominorum torquendi sint</i>            |                      | <i>49</i>                                   |                            |
| <i>Scelera</i>                            | 933, 11                | <i>934, 51</i>                             |                      | <i>Sollarium, oppidum</i>                   | 444, 40                    |
| <i>Scenita Arabes</i>                     | 1, 35                  | <i>quibus in causis testificari pos-</i>   |                      | <i>Sollicitatores filiarum &amp; uxorum</i> |                            |
| <i>Schisma quoddam abinratum</i>          | 551,                   | <i>sint</i>                                | 880, 56              | <i>alienarum</i>                            | 894, 52                    |
| <i>II</i>                                 |                        | <i>Seruus ingenuo contumeliam fa-</i>      |                      | <i>Solfona</i>                              | 552, 23                    |
| <i>Schola Parisiensis à Benedicto de-</i> |                        | <i>ciens</i>                               | 941, 50              | <i>Sometium</i>                             | 179, 48                    |
|   |                        | <i>Seruus pro quantis rebus tormen-</i>    |                      | <i>Sometum</i>                              | 240, 49                    |



# I N D E X.

*Sorga amnis* 40,51  
*Sorores cum fratribus aequaliter in hereditate parentum succedunt* 906,18  
*Soria* 521,57  
*Sosense* 113,34  
*Sosesium* 409,4  
*Soum. arx* 203,59  
*Spargus Episcopus Tarraconensis* 69,23  
*Sperandreu* 707,25  
*Spesi* 37,58  
*Stada* 37,57  
*Stampacium oppidum* 169,57  
*Statio Panhormitana* 168,49  
*Sicilia Thermitana* 149,1  
*Status Casaraugusta* 579,52  
*Reip. Aragonensis tranquillitas turbatur* 507,3  
*Stella, oppidum* 48,57. 520,13  
*Stephanus Casaraugustanus Episcopus* 41,45  
*Columna* 181,33  
*Egidii Tarinus* 805,34  
*quidam Rothomagensis* 333,12  
*Stepona* 200,51  
*Sirambis* 191,28  
*Stupra masculorum* 901,50  
*Subditi potius charitate quam metu regendi* 203,8  
*Succesio fratrum & sororum* 906,42  
*mariti & uxoris* ibid. 31  
*Succus arboris cito maturesces diu: urnus esse nequit* 430,32  
*Sucro amnis* 495,8. 12. 513,8  
*Sucronenses* 461,34  
*Suda* 41,57  
*Suggerius Garcias, Suggestus Garcia filius* 216,19  
*Suintilla* 1,26  
*Summa imperii per regem descendenti nemi tradita* 231,3  
*Supplicia pro beneficiis in foro Aragonio repensa* 229,49 & cat.  
*Supplicium per Castella regem in complures statutum* 210,47  
*Supra iunctarii* 784,11  
*Suprabia* 6,54. 8,34  
*Suprabium, oppidum* 6,59  
*Sycoris* 409,5. 432,25  
*Synagoga Iudeorum a Christianis diripitur* 253,57. 676,59. 677,1  
*Sinceritas fidei principis decor maximus* 108,3

T

**T** *Quem numerum notare soleat* 617,39. 626,20. 635,5  
*Tabula Alfonsina* 544,23  
*Taffalia* 41,48  
*Tagus* 538,25  
*Tabustum* 36,16

*Talauera* 560,12  
*Talio* 940,2  
*Tamaritani* 530,31  
*Tamaritum de S. Stephano* 407,35  
*Tamaritum* 247,20  
*Literanum* 423,34  
*Tancredus comes Trauersani* 287,57. 353,39. 355,47. 357,53  
*de Conuersano* 347,33  
*Tarba* 234,8  
*Tarentum* 347,35  
*Tarif* 579,30  
*Tarifa oppidum nobile* 141,41. 559,36  
*Tariffius* 2,29  
*Tarini* 187,45  
*Tarraco Cosetanorum urbs* 538,425,24  
*Tartari* 537,8  
*Tartarus a Iacobo Aragonio cur auxilium petat* 540,2  
*Taulerias, castrum* 296,30  
*Taurini* 98,11. 523,17  
*Tauromenium* 314,42 & 38,185,14  
*Taufum, oppidum* 48,28  
*Tedelicium* 265,2  
*Tellius* 209,7. 214,34  
*Tempestates in Valentino Balearicoque regno magna coorta* 275,16  
*Templa bis mille edificata & Christo matrig. eius dicata* 389,21  
*Sarracenorum deuictorum Maria dedicata omnia* 535,54  
*Templarii* 42,36. 152,24 & 44,157,28  
*Templum de Pilari vocatum* 578,1  
*S. Firmini* 395,23  
*Tempus accusandi raptorem virginis quantum concessum* 894,16  
*Tenor Canonice S. Petri de Taberna* 579,54  
*Tentatio quinquagenarii & tricennarii* 987,21  
*Teresa Egidia Bidaura* 420,54  
*460,9. 511,36. 504,9. 556,5. 653,5*  
*Termini* 989,6  
*Terra Laboris* 363,24. 375,6  
*Terra noua* 205,48  
*Hierosolymitana Turcis eripienda statuitur* 527,19. 537,3. 548,57  
*Terra Boamundi per Sicularum Comitum occupata* 347,48  
*definitio annorum numero per placitum data* 985,40  
*Terramotus magni* 261,40  
*Terrosium* 408,56  
*Testamenta cui debeant restitui* 927,10  
*Testamentum regis Iacobi* 563,59. 564,1  
*Testes per epistolam testimonium*

*non reddent* 877,42. 879,11  
*Testimonia* 877,42  
*Testimonium qualiter iungi possit* 879,11  
*super mortuum licite non dicitur* 879,51  
*Testis causam incognitam subscribere non audebit* 882,43  
*Thaustium* 410,32. 451,0  
*Themistocles* 471,58  
*Theobaldus Navarra rex* 89,22  
*Theodorus Palaeologus* 13,45  
*Theopompus* 199,25  
*Theresia* 170,34. 182,13. 110,36  
*Therma Sicilienses* 149,8  
*Theuda* 590,57. 618,21  
*Theudericus* 1,23  
*Thibaudus quidam* 259,1  
*Thomas Gradonicus* 204,27  
*Grilus* 141,53  
*Iunquera* 547,5  
*Mabarzanus* 160,59. 227,47  
*Senclementius* 526,38  
*Thrasibulus Milesius* 45,8  
*Tibaldus Navarra rex* 515,40  
*522,2*  
*Tibaldus quidam* 448,28. 449,17. 451,45  
*Tingitania* 220,42  
*Tirafona* 422,7  
*Tuiones* 37,55  
*Volatum, urbs regia* 26,38  
*234,50. 538,18. 555,51*  
*Tolosa oppugnata* 51,3  
*Torellia, oppidum* 151,7  
*Tormenta* 933,11  
*Tormentum quoddam immanissimum noue constructum* 436,57  
*Torralba* 263,52  
*Torrelanum* 446,9  
*Torrens* 472,42  
*Torres torresiam* 467,43  
*Tortosa ciuias* 28,52  
*Tonsenses* 561,40. 562,1  
*Trablas* 314,34  
*Tractus Molinensis* 25,51  
*Ruscinonensis* 259,41  
*Traina* 297,40  
*Transleui* 604,8  
*Transnirius idem cum Transfrico* 604,19  
*Trasberal* 612,44  
*Trastamara comitatus* 200,56  
*Trempis* 234,58  
*Tremulus* 602,47  
*Trencanellus comes* 53,27  
*Tria per Iacobum Aragonium regem mortem praesentente filio Petro praecipiantur* 563,31  
*Tribuni plebis Roma consilib. oppositi fuerunt* 199,26  
*Tributa noua populo difficulter imposita* 520,35  
*Tribu-*



# INDEX.

|  |   |   |
|--|---|---|
| <i>Tributum Aragonium vel Mo-</i><br><i>tabetinum</i> 177, 37            | <i>Udo Licensis Episcopus</i> 51, 32  | <i>Violans</i> 652, 48  |
| <i>Sardoum in belli sumptum col-</i><br><i>latum</i> 246, 28             | <i>Vestigal nouum Miranetinum</i><br><i>vocatum</i> 656, 10   | <i>regina</i> 679, 30   |
| <i>Trinacria</i> 242, 50   | <i>Velasquita</i> 618, 26   | <i>Violantes thorum paternū &amp; fra-</i><br><i>ternum</i> 902, 6  |
| <i>Tripolitani</i> 127, 39   | <i>Vellespiria</i> 525, 57  | <i>Violatores sepulchrorum</i> 991, 28  |
| <i>Trinentum</i> 351, 51-352, 6  | <i>Venceslaus Imperator &amp; Bohe-</i><br><i>mia rex</i> 262, 1. 268, 23                             | <i>Violentia qualiter post mortem</i><br><i>defuncti inquiratur</i> 928,  |
| <i>Triumphus martyrii in Ecclesia</i><br><i>persecutione decima</i> 578, | <i>Venditiones rerum Ecclesiasticarū</i><br>918, 2  | 20  |
| 10   | <i>Venefica</i> 936, 40   | <i>Vires Sicula ab hoste externo pre-</i><br><i>mi nequeunt</i> 197, 58   |
| <i>Tudela</i> 10, 9, 48, 59  | <i>Venetiani bello vexantur</i> 314,  | <i>Valentinorum explorata</i> 455,  |
| <i>Turca</i> 540, 18   | 21  | 21  |
| <i>Turdetani</i> 488, 59. 560, 11  | <i>Vera</i> 745, 10   | <i>unionis deleta</i> 199, 10   |
| <i>Turias fl.</i> 54, 43. 128, 13. 448, 12.                              | <i>Verba pontificis ad Paleologum</i><br>107, 1   | <i>Viri atatis minoris feminis maio-</i><br><i>ribus non desponsandi</i> 888,                                   |
| 449, 31. 515, 44   | <i>Verdegium</i> 179, 48  | 50  |
| <i>amnis</i> 39, 50. 127, 3. 406, 8                                      | <i>Vesfertilio</i> 653, 50. 484, 42   | <i>Viruesca</i> 57, 19  |
| 456, 29. 492, 13 & 59  | <i>Vexillum expeditionis regia signū</i><br><i>in arce Bercinonensi exposi-</i><br><i>tum</i> 207, 28 | <i>Vis magistratus iustitie Aragoni</i><br>747, 20  |
| <i>Turiaso, oppidum</i> 39, 49. 214, 56                                  | <i>Ugo Comes Rhodensis</i> 516, 13  | <i>Viscaia</i> 63, 22. 112, 30  |
| 215, 32  | <i>Follalcherius</i> 445, 10. 478, 5  | <i>Visus lupanum noxiū sit homini</i><br>259, 48  |
| <i>Turolenses</i> 414, 33. 461, 52. 532,                                 | <i>Mataplanus</i> 553, 45. 563, 46  | <i>Vita Iacobi cateris proceribus e-</i><br><i>ius displicet</i> 465, 4   |
| 36   | <i>Metaplanus</i> 435, 2  | <i>potius morte quam fuga redi-</i><br><i>menda visa</i> 475, 1   |
| <i>Turolium</i> 54, 47. 56, 59. 199,                                     | <i>Sentapanus</i> 548, 30   | <i>Vitalis Blanius</i> 263, 40  |
| 46, 406, 6. 414, 24. 456, 14.  | <i>Via Traiana</i> 244, 32  | <i>Canellanus</i> 490, 46   |
| 461, 52  | <i>Tusculana</i> 328, 24  | <i>Canel Episc. Oscensis</i> 723, 4   |
| <i>Turris Crescentii</i> 328, 31   | <i>Vicarius Christi constituendus</i><br>263, 48  | <i>Villanona</i> 161, 6   |
| <i>S. Vincentii</i> 432, 53  | <i>Vicecomitatus Castelloni</i> 261,  | <i>Vitia Alfonsi Aragonum regis</i><br>quatuor 544, 41  |
| <i>Spiochenfis</i> 462, 38   | 18  | <i>Vitta, belli quidam dux</i> 247, 38  |
| <i>Tutores pupillorum</i> 910, 41  | <i>Vicecomes Cardonensis</i> 229, 23  | <i>Vinarium</i> 458, 10   |
|  | <i>Vicentellus Istria</i> 270, 28   | <i>Vizcaia</i> 520, 16  |
|  | <i>Martinus Lupius Nuzza</i> 270,   | <i>Vizcani</i> 450, 42  |
|  | 31  | <i>Oldecona</i> 475, 14   |
|  | <i>Victoria in maturatione sita</i> 433,  | <i>Plina</i> 422, 43  |
|  | 30  | <i>Vlrichus Herbestel</i> 253, 34   |
|  | <i>paucissimis etiā facilis, si Chri-</i><br><i>stus eis adsit</i> 471, 41                            | <i>Vmbertus Dezgatellus</i> 216, 33   |
|  | <i>Vicus S. Felicis</i> 263, 30   | <i>Vndecastellum</i> 407, 34  |
|  | <i>Vidal</i> 707, 25  | <i>Vnio generalis Aragonie</i> 126, 1   |
|  | <i>Vidauria</i> 547, 30   | <i>Aragonensium ultima</i> 193, 29  |
|  | <i>Vidaurii</i> 37, 56  | <i>Vociferatio procerum regis, a sen-</i><br><i>tentia eius discedentiū</i> 517,                                |
|  | <i>Vido comes Blesensis</i> 103, 54   | 48  |
|  | <i>Episcopus Viennensis</i> 38, 33  | <i>Volcarus Testosagus</i> 3, 10  |
|  | <i>Nemurcius Flandrensis</i> 154,   | <i>Volturnus fl.</i> 360, 57. 365, 10   |
|  | 2   | <i>Voluntates defunctorum conscri-</i><br><i>bende</i> 881, 51  |
|  | <i>Vienna Gallice prouincia oppidū</i><br>156, 46. 549, 36  | <i>hominum ultima qualiter con-</i><br><i>ficiantur vel firmentur</i> 884                                       |
|  | <i>Viliena</i> 85, 42. 486, 13. 518, 57   | 40. 885, 17   |
|  | 533, 17   | <i>Voluntas defuncti ante menses sex</i><br><i>coram sacerdote testibus ve</i><br><i>publicanda est</i> 885, 29 |
|  | <i>Vilienenses</i> 100, 45. 528, 22   | <i>Vrbani P. M.</i> 32, 43. 92, 5. 231,   |
|  | <i>Villa castri</i> 330, 33. 339, 29  | 7. 234, 15. 237, 11. 330, 44.   |
|  | <i>Villa felix</i> 182, 32  | 537, 54   |
|  | <i>Villafranca</i> 132, 25. 149, 44. 225  | <i>Vrbes Aragonie fere omnes lustra-</i><br><i>te</i> 408, 17   |
|  | 40. 554, 22   | <i>Vriesii</i> 38, 3  |
|  | <i>Martiana</i> 513, 55   | <i>Vrienses</i> 210, 26   |
|  | <i>regalis, oppidum</i> 230, 32.  | <i>Vresii</i> 38, 2   |
|  | 560, 35   | <i>Vrraca regina</i> 33, 55. 609, 17  |
|  | <i>Villanoui</i> 253, 4   | <i>Ferdinandi</i> 619, 49   |
|  | <i>Villaluenga</i> 612, 44  | <i>Vrriesii</i> 745, 10   |
|  | <i>Villaroga</i> 456, 34  | <i>Vrriolum castellum</i> 259, 45   |
|  | <i>Villarroia</i> 457, 1  | <i>Vuicio Vercellitanus Episc.</i> 51, 33   |
|  | <i>Vina Balearica</i> 438, 17   |   |
|  | <i>Vincentius Cesarangustanus</i> 86,   |   |
|  | 6   |   |
|  | <i>Tecara</i> 675, 48   |   |
|  | <i>Vincurius comes Bellegrada</i> 341   |   |
|  | 28  |   |
| <i>Vadum Longum</i> 17, 56.  |   |   |
| 44, 46   |   |   |
| <i>Valbona</i> 537, 35   |   |   |
| <i>Valcarcia</i> 408, 42   |   |   |
| <i>Valdigna</i> 501, 39  |   |   |
| <i>Valentia urbium Hispanicarum</i><br><i>celeberrima</i> 49, 4          |   |   |
| <i>Barnabonis, &amp;c. filia</i> 225, 53.                                |   |   |
| 229, 14. 245, 58. 477, 59.   |   |   |
| 625, 5   |   |   |
| <i>Valentini</i> 199, 58. 491, 29  |   |   |
| <i>Valentinus Clauerius</i> 630, 45                                      |   |   |
| <i>Valeoletum</i> 506, 58  |   |   |
| <i>Vallada</i> 509, 47   |   |   |
| <i>Valladenses</i> 561, 43   |   |   |
| <i>Vallesius Antillonius</i> 401, 40                                     |   |   |
| <i>Vallis Albaidensis</i> 562, 36  |   |   |
| <i>Bairena</i> 516, 45   |   |   |
| <i>bona</i> 512, 53  |   |   |
| <i>Buniolana</i> 444, 45   |   |   |
| <i>Gallinerana</i> 516, 57   |   |   |
| <i>Gratenfis</i> 339, 29   |   |   |
| <i>Olearia</i> 508, 4  |   |   |
| <i>Oleti</i> 120, 52   |   |   |
| <i>puellarum</i> 281, 31   |   |   |
| <i>Salinarum</i> 293, 32   |   |   |
| <i>Vxonis</i> 477, 51  |   |   |
| <i>Valor Ligius</i> 243, 43  |   |   |
| <i>Valterra</i> 33, 48. 44, 51. 637, 3                                   |   |   |
| <i>Valtoressi</i> 38, 1  |   |   |
| <i>Vascones populi</i> 6, 11   |   |   |
| <i>Vasconia</i> 122, 34  |   |   |
| <i>Vastationes agri Valentini frequē-</i><br><i>tes</i> 484, 17          |   |   |
| <i>Vastitas agrorum in Aragonia</i><br>241, 9                            |   |   |
| <i>Vaticanum</i> 157, 58   |   |   |
| <i>Ubeda</i> 65, 46. 121, 14   |   |   |



I N D E X.

|  |                  |                                 |                  |   |             |
|--|------------------|---------------------------------|------------------|---|-------------|
| <i>Vxo, arx.</i>                       | 83,20            | <i>Wilefendus</i>               | 9,23             | 84,35.85,33.428,57.455                    |             |
| <i>Vfura</i>                           | 926,12 &c. 927,2 | <i>Wilhelmus Apulia dux</i>     | 345,23           | 1.458,5. 472,7                            |             |
| <i>Vtilitas honeſtate antiquior</i>    | 226,             | <i>Witarus Ermerueſeſ.</i>      | 15,26            | <i>Zacius Maurorum regulus</i>            | 5,          |
| 55                                     |                  | <i>Witiſa rex</i>               | 2,19             | 23  |             |
| <i>Vulnus</i>                          | 939,10           | X                               |                  | <i>Zahara</i>                             | 200,58      |
| <i>Vxor Benaruet</i>                   | 334,49           | X <i>Aca</i>                    | 149,4            | <i>Zalmetina</i>                          | 638,8       |
| <i>Roberti Guifcardi</i>               | 295,10           | X <i>Xareana porta</i>          | 480,8            | <i>Zapata</i>                             | 38,2.745,10 |
| W                                      |                  | <i>Xerxes</i>                   | 471,56           | <i>Zarocca</i>                            | 250,3       |
| <i>Waldemar Bandhambur-</i>            |                  | <i>Ximena</i>                   | 200,51           | <i>Zaualachenus</i>                       | 783,35      |
| <i>genſis Marchio</i>                  | 158,             | <i>Ximenius Cornelius</i>       | 407,23           | <i>Zauamedini</i>                         | 783,17      |
| 28                                     |                  | <i>Xixena</i>                   | 649,45           | <i>Zaura Imperator</i>                    | 150,26      |
| <i>Waldenſes</i>                       | 397,6            | <i>Xuarpus</i>                  | 450,30           | <i>Zaydia</i>                             | 653,6       |
| <i>Walus</i>                           | 233,26           | <i>Xurus Simeon Imperatoris</i> |                  | <i>Zeinius Abuzetitius</i>                | 73,20.75,   |
| <i>Wamba</i>                           | 1,57.2,2         | <i>chia filius</i>              | 249,38           | 11. 78,57. 81,40. 413,58.                 |             |
| <i>Wandali</i>                         | 851,21           | Y                               |                  | 428,43                                    |             |
| <i>Warinus</i>                         | 363,19.364,59    | Y <i>Poeiſmata</i>              | 991,1            | <i>Zema</i>                               | 2,19.3,9    |
| <i>Welfi</i>                           | 153,1            | <i>Tra Almundafar</i>           | 635,34           | <i>Zizania infidelitatis radicibus e-</i> |             |
| <i>Welpus Donoratici comes</i>         | 166,             | <i>Txar, oppidum</i>            | 653,9            | <i>nulſa</i>                              | 517,34      |
| 3                                      |                  | <i>Txares</i>                   | 653,5            | <i>Zotica, caſtrum</i>                    | 317,22      |
| <i>Wibertus</i>                        | 613,2.617,32     | Z                               |                  | <i>Zuerenſes</i>                          | 545,30      |
| <i>Wiſedus</i>                         | 9,23.10,14.53,4  | Z <i>Abra</i>                   | 480,55           | <i>Zuera, oppidum</i>                     | 253,23.660  |
| <i>Wigbertus Caroli copiaru prefe-</i> |                  | Z <i>Zacharias Contarenus</i>   | 207,             | 32.675,46                                 |             |
| <i>ctus</i>                            | 5,47             | 15                              |                  | <i>Zuſaria</i>                            | 128,31      |
| <i>Wigus Gerundenſis Epifcopus</i>     | 13,              | <i>Zacnes rex</i>               | 78,58.82,31.83,9 | <i>Zulema</i>                             | 636,3       |

14

F I N I S.











IOANNIS  
MARIANÆ HISPANICÆ  
SOC.  
IESV

HISTORIÆ HISPANICÆ  
APPENDIX.

*LIBER scilicet XXI. & nouem ceteri ad XXX. usque, qui viginti illos in Tomo  
hoc II. Rerum Hispanicarum ordine se-  
quuntur.*

Additus & hic est suus INDEX.



FRANCOFVRTI  
Apud Claudium Marnium, & hæ-  
redes Ioan. Aubrii.

---

M. DCVI.



MARIAE HISPANICAE

ET F. S. I. G.

IN REGNO HISPANICAE

ET IN REGNO ARAGONICAE

ET IN REGNO SICILIAE



IN REGNO CATALUNIE

ET IN REGNO VALENTINAE

ET IN REGNO











IO. MARIANÆ HISPANI.  
E SOCIETATE IESV.

HISTORIÆ DE REBVS  
HISPANIÆ,

LIBER XXI.

*Bellum Aragonium. Cap. I.*



VIEVERAT Hispania superioribus annis bello fessa, Regibus inter se multiplici cognatione atque affinitate deuinctis. Cum Mauris Granatensibus induciæ fuerant, aut modicè lacescita pax. studium non deerat ardens impiæ gentis opprimendæ intestinis factionibus, & dissidiis tumultuantis, pronæque in exitium. Nouum hac tempestate bellum exortum est inter Reges Aragoniæ, Vasconum, atque Castellæ maiori conatu quàm successu. Huius belli causas, & originem euentumque scribere pergimus, alternantisque fortunæ ludos atque Aluari è fastigio casum quò secundo præcipitare cœpit, malorum omnium, & dissidiorum concitator præcipuus. Partam is malis bonis artibus potentiâ quamque ratione tueri constituens, quamprimum in curiam rediit, proceres quos no-

*Hac anno-  
tenda pag.  
801. tom. 2.  
Rer. Hispaniæ.*

rentur, auctor Regi extitit: pessimum consilium, exitialeque ipsi imprimis consultori futurum. Velasus, Stunica, Pimentelius, Magistri Calatrauæ & Alcantaræ cognita Regis voluntate discesserant. Supererant Aragonii fratres maiori auctoritate & potentia, quàm ut facile euerti possent. In hos etiam pari temeritate est factus impetus. In Vasconem primum, quem in regnum amandandum vulgus, sed & maiori auctoritate homines clam & in circulis disputabant. Sua eum negligere, curare aliena pari vtrunque vitio vituperationeque. Hæ voces non ingratae Aluaro, non ingratae Castellæ Regi erant, pro ingenio Principum æqualem honore in ditione non ferenti. Missi qui Castellæ Regis verbis profectionem denunciarent: Blanca etiam vxor tempestate prouisa, de viroque sollicita, legatum miserat Petrum Peraltam, qui profectionem vrgeret. Sic omnes regni ordines flagitare. id priuatim, id publicè fore salutare. Ægrè Vasco Aluari machinationes tulit. parendum tamen necessitati iudicans, Castellæ Regem Vallisoleti conuenit, ubi conuentus regni erant. Fœdus inter Reges Castellæ, Aragoniæ, & Vasconum instauratur. Scribuntur conditiones: iureiurandoque à duobus Regibus confirmantur. Idem ut Aragonius faceret, earum conditionum exemplum ad eum mittitur, legato in eam rem Diegho Franco iureconsulto. Rebus ad hunc modum constitutis, Vasco quidem in regnum abiit: Aragonius autem tempus extrahendo Franci conatus diu ludificatus, tandem Barcinone responderet, eas sibi conditiones non placere: videri quædam immutanda. simul idoneum hominem nactus occulta ad Aluarum mandata dat: Petrum Manricum omnium dissidiorum esse facem: in omnes se facies vertere, varios subinde colores assumere mobilitate ingenii rerum nouarum cupiditate. si se, si res, si Regem saluos vellet, quàm primum submouendum videri: neque permittendum, uti ad aliquam reipubl. partem accederet. In alia parte Alfonso Arguello Cæsaraugustano Præfuli vincula sunt iniecta. de exitu non vna opinio fuit, aliis in flumen præcipitatum, aliis gulam fractam dicentibus. idem de aliis ciuibus Cæsaraugustanis factum. initæ cum Aluaro societatis crimen obiectum: re nimium pacis studiū exitio fuit, cum Castella ante pacta: libertasque loquendi. Regem cogendum, conuenta pacis seruare: ne regiæ temeritatis respub. pœnas daret. Barcinonis Episcopus Franciscus Clemens in Arguelli locum renunciatur. simul cum Rege Vasconum iniurias bello vindicandi Aluarique euertendi consilia communicantur. Henricum fratrem Aragonius ad se euocat, principio mensis Aprilis salutis anno MCCCCXXIX. duorum fratrum colloqui-



1429.

um Turuli habitum. de inferendo Castellæ bello, sociandisq; viribus agitarum euen-  
tus docuit. Vasco colloquio non interfuit, regni variis curis implicitus, ipsaque regni  
inauguratione. quod eatenus factum non erat, Pompelone Maii mensis Idib. Rex &  
Regina regis insignibus desumptis, atque Gotthorum instituto, duobus clypeis mili-  
taribus procerum humeris sustentati, Reges proclamati sunt. In vtraq; prouincia de-  
lectus militares occultè habiti. species erat rebus Gallicis opem ferendi: re Castellæ ar-  
ma inferre parabant. Id non latuit Castellæ Regem. missis vtrinque legationibus ni-  
hil profectum est. Reges Harisam accedunt, (quod oppidum veteribus Arci fuit in  
Areuacis) ea parte in Castellæ fines incurrere destinantes. à Sandoualio Castri Comi-  
te, Pennafielis municipium præsidio militari munitur. eodem Petrus Aragonius Me-  
dina Campestri aduocatus venit. Contra hos conatus Castellæ Rex ingentes delectus  
habere tota prouincia. proceres nominatim euocare, imprimis Henricum Aragoni-  
um, & Fridericum Castrium Arionæ Ducem (Friderici is nepos erat D. Iacobi mili-  
tum Magistri.) Nouo sacramento cuncti ordines in verba Regis adacti, fortem & fide-  
lem operam eo bello nauaturos: indicaturosq; si qui contra molirentur. Additæ exe-  
crationes si fidem fallerent, expiando scelere Hierosolymam nudis pedibus ituros. Iu-  
risiurandi gratiam concedi, petituros nunquam. Palentia mensē Maio extremo, con-  
ceptis de scripto verbis in Regis verba iurarunt, primus Aluarus Luna, Contrerius To-  
letanus Præsul, Lupus Mendoza Compostellanus Archiepiscopus, Fridericus maris  
Præfectus, Ludouicus Cerda Medina Celina Comes, Calatraua & Alcantara Magi-  
stri, Guterrius Toletus Palentinus Episcopus, Stunica, Manricus, Pimentelius, Sarmen-  
tus, Ioannes Touarius Valeraniae regulus, proceres alii magno numero Regem secu-  
ti, quò fidē obsequiumq; probarent prompta celeritate certantes. ex eo numero qua-  
tuor continuo finibus tutandis Duces præfecti: Aluarus ipse, maris Præfectus, Petrus  
Manricus, atque huius gener Petrus Velasus. duo equitum millia sequebantur, no-  
men magis exercitus, quàm robur Aragoniis viribus par. Stunica modico interuallo  
sequi iussus cum noua equitum manu. Rex cum multò maxima copiarum parte Pen-  
nafielem oppidum expugnandum suscepit. admota mœnibus castra: voce præconis  
oppidani ad officium inuitati: si resisterent, morarenturq; reos maiestatis futuros. fa-  
cta deditione, Petrus Aragonius, Comesque Castri in arcem se receperunt. oppidanis  
quod non continuò portas aperuissent data venia. arci vim admoueri non est visum,  
ne in longum obsidio duceretur. Reges Aragonia & Vasconum in Castellæ fines ir-  
rumpentes ad Cogolludium, quod oppidum in Carpetania, & Areuacum finib. situm  
est, loco plano, & patenti posuerunt castra: Castellæ Duces in colle sex fermè inde pas-  
sum millibus: Aragonii, & Vascones ad duo millia & quingenti equites erant, pedites  
mille, egregiè armati, & multis bellis exerciti. in Castellæ castris, mille septingenti e-  
quites numerabantur, pedites quadringenti. Reges pugnandi cupiditate, proxima lu-  
ce ipsis Iulii Kalendis die Veneris instructas acies promouent pauca pro tempore mili-  
tes cohortati, per agmina atq; manipulos. Paucorum scelere conuulsam rempubl. e-  
uerfas leges, sanctitates violatas. Se quos maximè rebus perditis patrocinari conuenie-  
bat, patria pulsos, bonis spoliatos, liberis, coniugibus, amicisq;. Mutui commercii ius  
sublatum. Ne factam quidem potestatem Castellæ Regē conueniendi, eum monen-  
di, seq; excusandi. necessariò ad arma ventum. In eius pugnae euentu publicam pa-  
cem, salutem vtriusq; gentis, dignitatemq; versari. proinde parati intentiq; essent, si-  
gno dato, hostes inuaderent. Si plures essent, aduersus tamen inerme hominum ge-  
nus, atque imbelle pugnare, quid vetaret? eo armorum vsu esse, ea scientia pugnandi.  
Nunc numero & virtute præstatis. nulla illis castra sunt, nulla munimenta. Præclari  
numina facinoris casum dant, nobis propitia, hostibus eripuerunt mentem. Audete  
ergo, atque hoc die omnes victorias, labores, gloriamq; confirmate. Ventum in con-  
spectum erat: cum Aluarus cognito periculo carros copiis circumduci mandat, nisi de  
suo loco non pugnare constituens. Ab Henrico Manricoq; in colloquium ventum.  
probra inuicem iactata, nihil aliud. Expedita vtrinque arma. leuia certamina commit-  
ti cœpta. cū Cardinalis Fuxensis inter vtrasq; acies oberrans, nunc hos, nunc illos mo-  
nendo peruicit tandem, vt quoniam multum diei procefferat, in proximam lucē certa-  
men relicerent. Vna nox interposita saluti fuit. Aragonia Regina virilis animi fœmina  
in castra delata, erecto in ipsa planicie tentorio medio inter vtrasque acies, pacem ho-  
nestis conditionibus composuit. quas postquam Castellæ Duces iureiurando cōfirma-  
runt, ab armis est discessum. Castellæ copiae iis locis substituerunt. Aragonie, & Vasconū  
Reges sese retro sine maleficio retulerunt. Henricus Aragonius, qui diebus superiorib.  
Toletum



Toletū fraude tentarat, ac tantū non ceperat, cū is conatus frustra fuisset, sese sub ipsum pugnae tempus fratribus iunxerat. Seguntia Vrceſiam abiit, pactae pacis spe tutus: aut si id non contingeret, factionis viribus nouos concitaturus motus. Festinabat cum copiarum robore Castellae Rex, equites decem amplius millia, pedites ad quinquaginta millia sub signis habēs. Aragoniae Regina, Fuxensis Cardinalis accedunt: pactae concordiae monent, hortanturque uti discedat ab armis. Ille spe ferox, & vindictae studio ardens negat iniussu suo pactas condiciones fore ratas. Regum insolentiam malo vindicandam. Ad Belamafanum in Durii ripa castra erant: cū Fridericus Arionē Dux Trastamarae Comes eō delatus in vincula duci iussus est: atque in Penafielis arce, quae in potestate venerat custodiri: ubi proximo anno decessit, meliori exitu dignus, siue ætatis commiseratione, siue regia propinquitate, siue quod nulla expectata fide ad Regem venit: conscientia credo fretus, aduersus maiestatis quod obtendebatur crimen, cum Aragoniis fratribus conspirasse. & est discordia ciuilis multarum suspicionum mater, innocentiae sæpè aduersa: boni quàm mali suspectiores sunt, praesertim si otium amant. Sepulcrum eius in monasterio, cui Beneuiuere nomen est, prope Carrionē in Vacceis cum inscriptione cernitur, à Petro Ruizio Sarmeto sororis filio, primoq; Salinarum Comite possum. In Aragonios subinde fines penetratum est. ingens trepidatio, pauorq; eo tractu: simul fuga agrestium, pecorumq; in munita loca facta. desertis pagis iniecti ignes: vastati agri. Harisam promota castra, iis locis munitum oppidum operibus, arceq; arduo in colle posita. fugientibus in eam arcem incolis oppidum direptū incensumq; magna ex parte. Quo tempore quasi in omnes partes signo dato in Vasconū etiā fines non vno loco irruptiones factae. à Petro Velasco Vincentii fanum vi expugnatū, incensumq; est: quoniam retinere non sperabāt arce in fide veteri perstati. Ab Episcopo Calagurritano, & Diego Stunica fratris filio Guardia oppidum, & arx coniuncta praesidiis occupantur. Beneuentanus cum copiarum parte Henrici Aragonii oppida, uti iussus erat, carpere non desistebat. Henricus Ocania deserta Seguram abiit, quae arx ad Portugaliae fines Anāq; pertinet: vxore quoque in ea arce relicta, ipse castra Iulia festinauit, si cæteris amissis oppidis ea parte iniurias vindicare posset. praesto Petrus Aragonius fuit Medina Campestri metu tempestatis in ea loca delatus, magno iuuenis animo, praecipua rei militaris scientia, bello Neapolitano comparata.

## Belli Finis. Cap. II.

Satis profectum videbatur siue ad nominis existimationem tuendam, siue ad iniurias vindicandas, Aragoniorum, & Vasconum audacia castigata, vexatis finibus. Harisam arcis asidere longum erat, exiguum morae pretium. ergo à Castellae Rege copiae Medinam Celinā reductae sunt, victoria laetiores, quam praeda. regni fines validis ea parte praesidiis firmati: reliquae copiae in hiberna sunt dimissae. Rex Medinam Campestre ad regni conuentus festinauit, autumno praecipiti. eius discessu, hostibus animus creuit. Vasco ad regnum tutandum abierat: Aragonius copiis contractis in Castellae agros incurrit: quae pars Soria in Celtiberis sita est. Defa oppidum improviso captum: arces Ciria, & Boron in potestatem reductae sunt, atq; Bosmedianum Praefecto praesidii venali. magna pecoris & frumenti praeda fuit. multi mortales in captiuitate acti. copiae vnde venerat Calatibain incolumes rediere. Ad fines Portugaliæ, qua parte Anas decurrit, ab Aragoniis fratribus maiori licetia direpta pecora, quibus ea regio abundat propter latissima pascua, atque in Portugaliā missa. eorum conatibus comprimendis par Beneuentanus non erat. eō Aluarus contendit euocato etiam Petro Pontio Marchienae regulo in Batia praepotenti copiosoq; actum de praeda per feciales: nihil praeter verba datum à Lusitano Rege, ex arcano Castellae calamitate latente, motibusq;, regno, quod occuparat, firmando opportunis. Addita noua ab Aragoniis fratribus iniuria est. cū pares se Aluaro fore non sperarent, Castra Iulia, combustis suburbiis muniunt: ipsi finitimum Lusitanis Alburquerqueum improviso aduentu occupant. graue id detrimentum visum est, prouidentibus, ne se Lusitani eius oppidi possessione munirent, nondum cum ea gente stabili pace facta. Rex eō accurrendum iudicauit Aluari accitu: quo maior esset auctoritas, & confecti belli laus, penes ipsum esset. longè aliter accidit. Castris Iuliis, & arce Muntangio quamuis ex deditioe captis, Alburquerqueum non potuerunt redigere in potestatem. Sic relictis ea parte Alcantarae magistro, & Ioanne Petri Pontii filio, Rex & Aluarus Medinam Campestre redierunt. Noua ad Arauianae planiciem, quae ad Cauni montis radices protensa est, altera iam Castellae calamitate locus infaustus, clades accepta ipso Diui Martini festo die à Mendozio cognomento Caluo cum quadringentis Vasconibus equitibus,



4  
 Enecus Mendoza Fitæ regulus cum minori numero obuiam progredi ausus victus acie,  
 ceteris fugatis omnibus, ipse cum paucis occupato tumulto euasit. pauci interiere, ple-  
 rosque velocitas fugæ, regio ignota hostibus, noctis tenebræ tutatæ sunt. Castellæ conuen-  
 tus Medinæ Campestris erant, principio anni millesimi quadringentesimi trigesimi. Cata-  
 launorum Dertusæ utroque Rege præsentem. summa difficultas erat pecuniæ in subsidia  
 belli redigendæ, quod diuturnum fore putabant. Aragonii reditus exigui: Castellæ opes  
 aulæ sumptibus exhaustæ. Et est frugalitas Principis, instar vestigialis maximi, bello paceque  
 sufficientis. utrobique de fide procerum disceptatum. Aragonius Fridericum Lunæ Comi-  
 tem sanare cupiebat, ad hostes respicientem ( erepti regni dolor urebat: inconstantem  
 iuuenis animū leuissimi homines in spem vindictæ, & maiorum opum cum Castellæ au-  
 xilio erexerant) frustra ea cura suscepta. ditio, quam amplissimam obtinebat, publicatur.  
 idem à Castellæ Rege, de Aragoniis fratribus factitatur. nisi quod eorum oppida, solita  
 profusione, an quo restitutionis spes nulla esset, aliis proceribus attributa sunt. Magistri  
 D. Iacobi ditio Aluaro quasi sequestro commendata. Harum municipium Velasco, Le-  
 desmia Stunica, utrique Comitum nomine Petro Manrico Paredes, Pimetelio Beneuétano  
 Maiorga, Petro Pontio Medinilla, Eneco Mendozio oppida Catharinæ Principi ad Ca-  
 racam data, Guterrio Toletio Palentino Episcopo Alba in Salmanticensi agro sita. aliis  
 alia oppida data. unde noui exire in Castella principatus, mutatis nonnulli familiis &  
 possidentium cognominibus ad nostram etatem perstites. Friderico Lunæ Comiti ex A-  
 ragonia profugo, atque per idem tempus Medinam Campestris delato principales ho-  
 nores habiti sunt. Cuellar & Villaloniu donata prius, deinde Ariona, unde familiæ sum-  
 ptus sequi toleraret. Eleonora Aragoniæ Regina Tordefillam euocatur: atque in Diuæ  
 Claræ Virginum collegio includitur: arces etiam tres, quæ ipsius præsidio tenebatur, iussa  
 tradidit: ne filiis re, aut consilio opitularetur, prouisum scilicet. Burgis tamen id mutatum  
 subeunte post factum humanitatis memoria: & quoniam iniquum erat filiorum peccata  
 parentis pœna lvi. reddita ergo libertati, arcesque restitute ea lege, ne filiorum causam eo  
 bello iuuaret. Multum in eam rem legatio à Lusitano missa contulit. quod de induciis  
 inter Reges Castellæ & Aragoniæ petebatur, dum dati utrinque arbitri de pacis condi-  
 tionibus disceptarent, statuerentque, re nondum matura denegatum. Peninsulæ die Do-  
 minico Palmarū quinto Idus Aprilis, & proximo die Iouis è tumulto Benedicti Põtificis  
 tantum odoris afflatum suauissimi, ut totam arcem perfunderet. sic nonnulli scriptores  
 tradunt, gratia potius, quam ex fide, sic arbitror. mouit tamen ea opinio Ioannem Lunam  
 ut patris corpus Illuecam transferendum curaret, suæ ditionis oppidum: ea tamen lege,  
 ut profano sepulchro compositum funeris honore careret. id contumaciæ supplicium  
 fuit. Erat Castellæ Rex bello parando intentus. magnisque delectibus numerosas copias  
 contraxerat, maiori impetu parans in Aragonios fines incurrere. simul Friderico maris  
 Præfecto mandauit classe instructa Aragoniæ ditionis litora, & maria infesta hosti-  
 bus ut faceret mota castra: Vxamamque peruentum. Aragonius Turiasone bellum com-  
 parabat: Vasco Tudelæ, maiori conatu quam successu: quod utraque gens eam militiam  
 quasi impiam infaustamque auersabatur, collato consilio, missi in Castellam legati  
 Vxamam appulere ad octauū decimum kal. Iulii. datus continuo Senatus: Ilerdæque Epi-  
 scopus Dominicus legationis princeps, facta dicendi potestate, quanta beneficia Castellæ  
 Regum in Aragonios extitissent, accurata oratione explicuit. eorum beneficiorum me-  
 moriam fore perpetuam. Procerum quorundam fraudibus, qui regiis auribus & facili-  
 tate abuterentur, & propinquis submotis regnum ipsi constituere cogitabant, præsentem  
 gratia tumidi, & malis artibus ambitiosi, ut ne Regis quidem conueniendi facerent po-  
 testatem, compulsos arma sumere. posituros libere modo æquis conditionibus. quanta  
 hominum cædes, quanta vniuersæ gentis calamitas consecutura esset, si omnibus copiis  
 decertarent, neminem ignorare. gladios semel cognato sanguine delibutos haud facile  
 elui. Peremptorum manes per domos & familias vagari, furoremque animis iniicere. Epi-  
 scopi oratione perstricti proceres Castellæ Aluarius & Beneuétanus pro se & cæteris re-  
 spondent. ventum ad iurgia: & rixæ initium queri videbatur. Raymūdus Perellus è lega-  
 torum numero se offert singulari certamini vœcordia ferox, si quis experiri armis, & con-  
 tra disputare audeat. sed præsentem Rege non ultra verba processum. Solutus conuentus.  
 legati tamen Aragonii Castellæ proceres sigillatim ambiendo, sollicitando perpulerunt,  
 ut ad fœdus animos inclinarent. Castellæ castra ad Garai pontem erant, ubi vetus Nu-  
 mantia fuisse ex regionum interuallo magis quam villo antiquitatis vestigio creditur.  
 inde ad Magianum progressum. eo loco magna legatorum contentione impetratum, ut  
 induciæ inter Reges essent. Aluarius & Lupus Mendoza Compostellanus Episcopus de-  
 signati



signati qui cum Regum legatis de conditionib. disceptarent. Induciæ tãdem quinquen-  
 nes his legibus pactæ sunt. Vt positis ab vtraq; parte armis cõmercii mutui inter eas gen-  
 tes ius esset. Aragonii fratres Alburquerque intra dies sexaginta discederent: neque in  
 Castellæ fines ingrederentur toto induciarum tempore. quæ in eorum ditione supere-  
 rant, Castellæ Rex ne attingeret. Ab Aragonii, & Vasconis iniuria Lunæ Comes, & Go-  
 tifredus Marchio Cortesius Caroli Regis Vasconis filius, qui in Castellam profugerant,  
 tuti essent. Controuersiis finiendis quatuordecim pari ab vtraq; parte numero arbitri de-  
 signarentur. iis Agreda in Castellæ, & Turiaso in Aragoniæ finibus designatæ vbi mane-  
 rent. Ex conditiones cum Regibus probatæ essent, induciæ voce præconis in Castellæ  
 10 castris ipso D. Iacobi festo die promulgatæ: idem per vrbes & oppida factum. magna om-  
 nium gratulatio fructu præsentis lætantium, & diuturnæ pacis sp̃e. legati in omnes partes  
 dimissi, eam lætitiā nunciatum: ac nominatim ad Lusitanū: qui missa legatione, & mul-  
 ta flagitatione Regū controersias componere conatus sæpe erat, lætus ea tempestate Isa-  
 bella filia recens pacta Philippo Burgundo Duci ex secundis nuptiis cælibi. Ex hoc con-  
 ingio Carolus cognomento Audax Burgundiæ quondam Dux natus est, non magis am-  
 plitudine rerum gestarum quàm tristi vitæ exitu nobilissimus in paucis Aragonius missa  
 20 in Lusitaniam classe, fratres Alburquerque euocat se in Italiam comituros: de qua di-  
 es noctesq; cogitabat. Castellæ copias Vxama dimissas, ad prima veris signa redire mada-  
 tur. bellum in Mauros inchoare erat destinatum. Rex ipse Madrigale in Vaccæis, vbi Re-  
 gina erat, reliquum æstatis extraxit.

## Bellum Granatense. CAPVT III.

ARAGONII belli finis gemini belli initium fuit Maurici, & Neapolitani: vt nunquam  
 Reges quiescunt, præsertim imperio latè fuso: aliæ ex aliis aptæ, & connexæ in dies  
 controersiæ nascuntur. Ambitio dominandi, sæuū atque impotens malum nullis fini-  
 bus resistit: plura cupit pluribusque eget, qui plura habet. O miseram & fœdam conditio-  
 nem naturæ mortalis. tametsi Ioannem Castellæ Regem studium excusare potuit, Chri-  
 stiani nominis proferendi, gentis Mauricæ in Hispania quidem extirpandæ. Mahomad  
 cognomento Læus restitutus in regnum, vti ante monstratum est, tributum repræsen-  
 tare recusabat, quod ipse & maiores pendere consueuerant. ea causa inducias petenti in  
 30 ipso Aragonii belli procinctu, neque negatæ præcise erant, neque apertè concessæ: Alfon-  
 sum modo Lorcam legari Granatam placuit, qui barbarum distineret, tempus extrahe-  
 ret. Noua nunc legatione Mauricæ Castellæ Rex de induciis interpellatus negat vllam  
 fœderis conditionem sibi cum Mauro fore, nisi quod pepigerant vectigali repræsentato.  
 Simul Alfonsus Lorca ad Tunetantum Regem legatus cum amplis muneribus, expositis  
 mandatis, ac usataque Granatensis perfidia & contumacia, eum neq; periculo moueri,  
 neque respondere in amore, vnde prouocatus fuerat, facile impetrauit, ne in bellum au-  
 xilia mitterentur ex Africa. Et habent barbari fidem venalem: magisq; vtilitati seruiunt,  
 quam religioni honestatique. an barbari tantum, & non etiam plerique Principes qui ve-  
 40 ra religionis nomine gaudent: Salmanticæ in regni conuētibus pecunia in id bellum im-  
 perata. propensa omnium ordinum voluntate, quoniam contra Christiani nominis ho-  
 stes futurum erat, maiora etiam quam poscebantur data. fine anni in Maurorū ditionem  
 variæ irruptiones factæ sunt. à Gonfaluio Giennensi Episcopo, & Diego Ribera Bæticæ  
 Antelato, collecta manu in qua equites octingenti erant, pedites ad tria millia, in Grana-  
 tæ planiciem penetratum. geminæ insidiæ dispositæ locis idoneis. Præcursores octoginta  
 ad urbem missi, Mauris ad pugnam eliciendis inducendisq; in fraudem cassesq; egredi-  
 untur illi, sed cautè veriti quod res erat, subesse fraudem. Qui in primis insidiis erant, vt  
 erat constitutum, vix tentato certamine, & ipsi fugiunt. Mauri tunc quasi periculo omni  
 sublato effuse nostros sequi, solutis ordinibus, nullo certo imperio. Ventum ad locum,  
 50 vbi copiarū robur erat. Re insperata perculsi Mauri (vnde illis terror nostris animus cre-  
 nit) cæduntur omni ex parte. ducenti occisi, centum capti. Cæteris vicini colles perfugio  
 fuerunt: quibus maurici equi assueti erant, nostris locorum insolentia & asperitate reten-  
 tis. In Arundæ agros Fernandus Toletus Vallis Cornegia regulus Astigi tunc præsidio  
 præfectus, cum alia militum manu incurrit. Non eadem fortuna fuit. concurrentibus in-  
 colis ex æquata vtrinque clade, atque, periculo discessum. Perea Casorlæ Antelatus alia  
 inuectus parte improviso aduentu hostium, amissis fermè omnibus suis vix ipse ignobili  
 equo exitium vitauit. à Ferrerio Marefcalo Semenæ municipium vi expugnatum, ere-  
 ptumq; Mauris. Sic secundæ res atq; aduersæ variabant. Et erat iniquū anni tempus: con-  
 tinuisq; imbribus impedita luto viæ, inflati amnes. Omnino in Vasconibus Aragonæ flu-  
 uio ripis superfuso Sagueßæ oppidi pars magna euerfa est, insigni rerum strage, damnoq;



oppidanorū. Sandoualius Caſtri Comes, Sotomajor Alcantarę magiſter à Caſtellę Rege  
 euocati, venire recuſarunt inimicorū vim veriti, ſiue ex cōſcientia digna metuentes. con-  
 ſtabat etiam cum Aragoniis fratrib. ſentire: neque factis induciis mutatos animos. In ipſo  
 belli apparatu Aluarus priori vxore Eluira Portocarrería defuncta, Ioannā Beneuentani  
 filiam duxit. ad Palentiam nuptiæ celebratæ modica lætitiā, ob nouæ nuptiæ auiam Ioan-  
 nam Mendozam, quæ Henrici maris Præfecti vxor fuerat, per eos dies defunctam, Rege  
 tamen & Regina auſpicibus nuptiarum. Nihil tum nimium videbatur, crescente Aluari  
 1431. tum gratia, tum auctoritate. Hæc principio anni milleſimi quadringentefimi trigefimi  
 primi gerebantur, quo tempore Martinus Pontifex Aragonio æquanimior factus Gallo-  
 rum odio, an alta ſimulatione, euocato tamen in Italiam Alphonſo Rege, Romæ importu-  
 no tempore extinctus eſt ad decimū Kalend. Martii. Idonei auctores ſequentem annum  
 designant: mirari poſſis in tam recenti memoria tempora annalium diſſentire. In Marti-  
 ni certe locum Gabriel Condelmerius Cardinalis, natione Venetus cooptatus eſt, Euge-  
 nii quarti nomine, quinto Nonas Martias. Ope potiſſimum Iordani Vrſini Cardinalis ad  
 eum gradum euectus, Vrſinis fauere cœpit, quæ Romæ potentiffima factio eſt, columnas  
 proceres inſectari. Ioanna etiam Neapolitana mutabili ingenio ſcœmina Antonio Colum-  
 nę Salernum abſtulit. prioris Pontificis donum ereptum in noui Pontificis gratiam, an  
 ob aliquam offeſam, vnde noui motus, ſpes aliæ. Caſtellę Rex Petro Manrico rebus ge-  
 rendis, iuriq; dicundo præfecto dum bellum Mauricū eſſet, Medina campeſtri Toletum  
 abiit. in eius vrbis templo numine propitiando noctem peruigilē armatus egit. ſic in mo-  
 re erat, iis qui balteo militari donandi erant. luce, Sacerdotum precatione vexilla luſtra-  
 ta. inde feriis actis, inſtauratis ſacrificiis, votis nuncupatis ad bellum itum. Ciuitas Regia  
 in medio itinere eſt. in ea vrbe ſecunda hora poſt meridiem, ad octauum Kal. Maii, die vi-  
 geſima quarta Aprilis terræmotu concuſſa ædificia, arcis nonnullæ pinnæ diſcuſſæ. Rex  
 in apertum prodire metu compulſus eſt. Magna trepidatio, Regis præſentia, & periculo  
 maior. Leue detrimentum, nulli homines periſſe. maior ea clades ipſo anno in Aragonia,  
 Catalauniis, & Ruſcinonenſi agro fuit: quædam oppida euerſa, dirutaq; templa, vi terræ-  
 motus inuenio. Granatæ etiam, & in Caſtellę caſtris ſub ipſum pugnæ conſlictum terra  
 mouit. Ancipiti præſagio, vtriuſq; nationis animi mentesque concuſſæ. Variæ excitatę re-  
 ligiones, multiplices ſignificationes captatæ: quibus rebus vulgus hominū mouetur ma-  
 ximè, quaſi prænunciis futurarum, mobilē ſuperſtitioſumq;. Barcinone per idem tempus  
 Violantes diē obiit grandæua Regina, Ioanni olim Aragonio Regi primo, connubio iun-  
 cta, Ludouici Andegaueniſis, cum quo de regno Neapolitano lis erat, auiā. Cordubam  
 menſe Maio Caſtellę Rex appulit: cum valida manu præmiſſus Aluarus, Illoræ agrū, Gra-  
 natæ planiciem ſoli cæliq; facie in paucis latiffimā, amœnitate æque ac prouentu inſignē  
 depopulatus eſt. deliciæ ciuium, horti, villæ ipſis cernentib. flamma vaſtatæ. ipſum etiam  
 Regis Maurici nobiliſſimū prætoriū incenſum. neq; his tamē iniuriis, ac ne Aluari quidē  
 literis & conuitio ad certamen prouocati prodierunt. cauſæ in incerto fuere: ſuſpenſa ar-  
 bitror ciuitate ad expectationem maioris mali. Cordubæ interea de ratione belli delibe-  
 ratur. variæ dictæ ſententiæ. pars agris decernebat vaſtitatē: neq; vllō certo loco conſisten-  
 dum videri. pars validam aliquā vrbeſem obſidendam diſputabat: vt tantorū laborum cer-  
 tus aliquis Regi fructus exiſteret, prouidendū. in qua plus dignitatis erat, ea viciſ ſentētia.  
 Granatæ regni caput petendā, & collatis ſignis pugnandum. ad id Gilayrus Maurus fortē  
 an conſilio Cordubæ delatus, qui à puero captus inter barbaros Chriſtiana ſacra eiurarat,  
 quamuis noſter tamen erat animo, vehementer incitabat: pollicebaturq;, cū primū in  
 vrbis conſpectum ſe dediffent, Iuſephum Benalmaum Mahomadis Ruſi Regis, eius qui  
 Hiſpali occiſus fuerat, nepotem in noſtra caſtra venturū. Eo conſilio Regina eatenus pro-  
 ſecuta, Carmonem amandata, regia caſtra ad Aluendiū oppidum mēſe Iunio dimidiato  
 promota. dum omnes copiæ cōueniunt, extracti dies aliquot. octoginta hominum millia  
 conuenerunt nihilominus. plurimi genere & factis nobiliſſimi. caſtrorū metatores Die-  
 gus Ribera Antelatus, & Ioannes Guſmanius designati. cōtra veteris militiæ leges id mu-  
 nus Mareſcalis detractum. Secundis inde caſtris ad fines Maurorum peruentum. iuxta ac  
 ſi hoſtes adeffent, reliquo itinere inſtructæ acies. Aluarus primum agmen ductare iuſſus:  
 in quo duo millia & quingenti equites grauis armaturæ erant. Cum robore peditatus ſe-  
 quebatur Rex multis adiunctis procerib. poſt principia aulici, & viri togati magno nume-  
 ro. Io. Cereſola Vxamenſis, Guterrius Toletus Palétinus Epifcopi. Vtrunq; latus Héricus  
 Nieblæ Comes, Velafcus, Stunica, Beneuentanus, Giennenſis Epifcopus muniebāt. Præ-  
 cedebāt aliquanto ſpacio metatores duo, cū mille equitib. leuis armaturæ. ab his initiū pu-  
 gnę factū. Tertio Kal. Iul. egreſſi Granata Mauri magno clamore. Cau<sup>9</sup> locus & præruptus  
 qui



qui inter utrosque erat, à nostris superatus est. ventum ad manus. vincebant numero barbari: atque pro vulneratis atque defessis recentes ex vrbe, quæ prope erat, Mauri submittebantur. idem à nostris fit: Velasus submissus: cuius impetum barbari non tulerunt: sensim se in urbem receperunt pugnantes tamen. atersum hostem eo die nemo vidit. ad Eluiræ môtis (Illiberrinû dixere veteres) radices regia castra vallo, atque fossa munita. Mauri quinque millia equites erant, pedites ad ducenta millia pars in vrbe, pars tendentes in vicinis castris: cum tantam multitudinem urbana ædificia non caperent. Die Dominico Maurorum acies ad pugnam productæ. In Calatrauæ magistrum, cui agri complanandi cura erat aggeribus riuisque inæqualis, impressio facta est. periculo cognito, Henricus Nieblæ Comes, atque Stunica qui è nostris propiores erant, munimenta transgressi, ad opem ferendam iere. cum ardore meridiani solis incalcescebat pugna: neque se nostri sine periculo explicare poterant. Rex indignatus quod eo die pugnare non constituerat, suorumque temeritatem incusans Aluarum mittit iussu inhibere pugnam: præliumque dirimere. Eo res perducta erat, ut circûfusus vndique Mauris receptus fugæ similis esset futurus. quod ubi Rex cognouit, instructa pro tēpore acie, pauca locutus: cū iis certamen fore quos antea vectigales habuerint. neque duces, neque animos mutatos. Regem barbarum abesse ciuium voluntate diffisum: quorum pars maxima Benalmaum sequitur, qui ad nostrum se præsidium recepit. Parati intēti que in hostes inermes atque imbelles irruite. Neque multitudo terreat: ipsi se in pugna impediēt. quo ore quisquam vestrum nisi victor domum repetet? quos Aragonii, quos Vascones, Gallique timuerunt, hos incondita & collectitia barbarorum multitudo terrebit? absit tantum nefas: superi omen auerite. Hic dies, aut omnes labores & victorias confirmabit: aut quod horret animus dicere, nomini nostro, gentique sempiternam ignominiam inuret. His dictis datum tubis signum. sublatus clamor. factus in Mauros impetus. aliquandiu immotæ acies substituerunt: facies pugnae varia, incerta, foeda atque miserabilis. pars cedere, alii insequi. arma, tela, equi, viri, Mauri nostri que permixti: nihil consilio, neque imperio agi. Rex inter primos progressus testis virtutis, incitatorque tantam alacritatem suis addidit: ut restitutis ordinibus, tum primum pugnam iniisse viderētur. Fuga mox effusa hostes in urbem compulsi. pars colles petiit locorum notitia, & asperitate confisi. cædendi finem nox fecit. Supra decem hostium millia ceciderunt. (sic creditum, certus numerus iniri non potuit) castra Maurica, quæ vineta inter & oliueta erant à Io. Ceresola capta. Redeuntem in castra Regem sacra cohors cum infulis & velamētis obuia, lætaque excepit. numini pro victoria actæ gratiæ. decem diebus iisdem in locis expectatum. Mauri ne ad vineas quidem prodire ausi, nullam tamen de fœdere mentionem fecerunt, nimia sui fiducia, aut veniæ desperatione: forte insolitus stupor occuparat mentes plebis & principum. ager vastatus à nostris, nullo vetante. Calatrauæ magister, Ribera Antelatus designati, qui finibus præsidio essent. Benalmaus regio nomine imposito cum ipsis relictus: si factionis opibus regni Granatensis occupandi sese offerret occasio. Hic exitus Granatensis expeditionis fuit præliique nobilis, quod à ficu loco pugnae extante nomen apud vulgus habuit. è nostris pauci nullus magni nominis, neque in pugna, neque toto bello desiderati. eo syncerior lætitia vniuersæ gentis fuit.

*Pax inter Reges Castella & Lusitania.* CAPVT IV.

**A**bscesserat annis superioribus Nunnius Pereira equitum in Lusitania magister Barcelosii & Oreni comes, non armis modo, sed etiam curis ciuilibus: seq; Olisipone in Carmelitarû cœnobio, quod è belli manubiis construxit, grauior annis incluserat, humanarû rerum inconstantia veritus, ne longa vita cū multis vertētī fortunæ tribueret: simul delicta prioris ætatis expiandi, & diuini numinis promerendi cura sollicitabat, pauperum inopiā subleuando, Diuorum templis exædificandis, quæ nō pauca in Lusitania extant: Aliubarrotæ vnum D. Georgii nomine, D. Mariæ alterum ad Villā vitiosā, susceptæ pietatis monimēta præclara, partæ de hostibus victoriæ insignia trophæa. His operib. intentum mors oppressit, ætatis anno septuagesimo primo, ex quo magister equitum factus erat, quadragesimo sexto: eius semper in Hispania viuet auctoritas, memoria vigebit. Corpus in eodem cœnobio est compositum. Funus Rex ipse curauit insigni apparatu, omnium ordinum concursu: id pignus amoris defuncti meritis dedit: cui debebat imperium. Ex Beatrice filia vnica & Alfonso Brigantii Ducē susceptis nepotibus ditio-nem omnem antea diuiserat. Amici obitu admonitus Lusitanus Rex æquali sibi vitæ exitum instare, quod semel & iterum tentatum erat, maiori conatu, no-



uaque legatione de pace Castellæ Regem appellare constituit. Abscefferat is Granatæ finibus præproperè. quibusdam videbatur, magnas discessu agendi opportunitates corruptas: vnde in vulgus opinio iactata Aluarum auro Maurico corruptum fuisse inter caricas Granata misso. fides habita, quod nihil magnæ rei, nihil parvæ nisi eius arbitratu agi constaret; & est procliuis in deterius populi persuasio. Ad tertium decimum certe Kalend. Augusti Cordubam ventum est: inde Tolero persolutis votis, actisque numini gratiis pro data victoria Medinam Campestre festinatum, quo regni conuentus edicto regio habendi erant, nulla re insigniores, quam induciis, quæ cum Lusitano erant, pace perpetua mutatis. Fœdus honestis conditionibus inter vtramque gentem est factum. tertio Kalend. Nouembris in Castellæ conuentibus, atque Olisipone promulgatum, legato è 10  
 Castella in eam rem Franco iureconsulto. Castri Comes maiestatis lege damnatur. Alcantaræ magistri oppida publicantur, regiisque præsidii occupantur. Velascus, Ferdinandus Toletus, Palentinus Episcopus, Guterrius Toletus in custodiam traditi. cum Aragoniis fratribus conspirasse, Aluaroque exitium comparare rerum nouarum studio, crimen opponebatur. Graues ex ea re motus animorum consecuti sunt: aduersus Aluari potetiam & fraudes nemini præsidium nisi in armis fore proceres iudicabant: præsertim Enecus Mèdozius Fitam ad omnes casus præsidio & armis munire. In belli maurici sumptus noua pecunia ordinum consensu imperata. vbi res propemodum confecta videbatur, à Ribera Antelato, & Calatrauæ magistro multis oppidis ad deditionem compulsis: 20  
 Arunda Cambile, Illora, Archidona, Septinilio, aliis. Loxa etiam firmissima ciuitas venit in potestatem. arci quoniam voluntate nihil facturam sperabant vis admota. Iosephus Abensarraxius Granata obsessis præsidio accurrens, victus acie à nostris, atque occisus est. fidei constantia malo fuit, in tanta inclinatione prouincialium, odio præsentis imperii ad Benalmaum respicientium propensissimis voluntatibus. quibus Mahomad Læuus cum se imparem sentiret, alia tempora expectaturus Granata relicta. vbi aduersæ factionis studia vigeant maximè (& nouis nostrorum artibus amplius erant erecti aduersæ factionis animi) Malacam abiit. Benalmaus ipsis Kal. Ianuarii, salutis anno millesimo quadringentesimo trigesimo secundo in urbem exceptus est. Maurorum is annus erat octingentesimus trigessimus quintus mensis Iamad prior. Eo mense Eduardo Lusitano filius ex uxore Eleonara, natus Sintræ est. Alfonso infanti fuit nobile calamitatibus nomen maiori 30  
 facto. Urbis Granatæ ciues erga nouum Regem nouis officiis certabant: plerique synceris animis, alii tempori seruientes, eoque obsequio promptiore, lætiore vultu, qui maximè simulationi seruit. Rex ipse sacramento confirmauit se in Castellæ clientela futurum: auri pondus annuū tributū nomine, cum fide repræsentaturum. de tota re publicæ confectæ tabulæ. Res optime cōstitutæ fortuna seu vis altior, per omnia humana dandis maximè principatibus potens breui euertit obitu Benalmal. is annis grauis intra sextum regni mensem decessit ad octauum Kal. Iulii, Maurorum mense Xauel. Mahomad Læuus Malaca vbi exigua spei exitū expectabat, æmuli obitu nuntiato, nō minori studio quam erat pulsus, denuò vocatus ad regnum, exceptusq; in urbem est. tantum sæpe exiguum tempus potest rebus atque animis commutandis. Et erga exulem & profugum successerat 40  
 multis humanitas. Is in Abensarraxii locum Andilbarē iuridicundo Prætorem Granatæ constituit. à Rege breues modò induciæ Mauro concessæ. Tumultus ad Lusitaniæ fines erant ab Aragoniis fratribus concitati. vtrique bello impar ærarium continuis sumptibus exhaustum. aliquid etiam Tunetani Regis gratiæ datum, pro amico Rege & necessario missa in Castellam legatione laborantis. Ad Alcantaræ magistrum sanandum, & ab Aragoniis diducendum Aluarus Isorna Conchensis Episcopus missus erat: si pro pontificia auctoritate, & propinquitatis iure, quæ inter eos erat, ruentem in exitium retineret: & ad meliora traduceret. leuis ea necessitudo fuit. re infecta discessum. Haud multo post facta pœnitentiæ fide, Franco demandata cura hominis conciliandi, atque in partes trahendi. magister mobili ingenio & rerum nouarum auido, cui ingrata erant quæ tuta, in temeritate 50  
 spes, repente quasi furore percitus Alcantaræ arcem Petro Aragonio tradit: Fracum Henrico. insigni facinore aditus ad Regis gratiam penitus interclusus, inuidia ad populū cōcitata, iure gentiū violata fraude impudenterq;. Friderico maris Præfecto, Petro Manrico Antelato Alburquerqui obsidēdi, & Aragonios fratres impugnandi cura est imposita. adiuncta valida militaris manus, A Guterrio Sotomaiore Alcātara Promagistro, Petrus Aragonius in lecto nocturna vi captus ipsis Iulii Kal. incertū auūculi magistri monitu, cū eius saluti ab Aragoniis timeret: an q. susceptū ipse ab auunculo Aragoniis adhærēdi con filiū improbareret, Regemq; insigni officio promereri studeret. præmiū certè fuit in auūculi locum cooptatio. Rege enim annitente, Alcantaræ militib. in comitia conuenientibus  
 Io. Soto-



10. Scitomaior, de multis criminib. postulatus, atq; gradu motus. Guterrio auiculi honos est datus. vtriusque consilia pares exitus nacta: merces consentanea meritis. Castellæ proceres, qui in vinculis erant, redditi libertati, nullius probri comperti: seu quia dissimulare magnis sæpe Principibus necesse est, præsertim crimine latè fuso: ne id tantum diligentia assequantur, vt palâ fiat, quibus flagitiis sint vires impares. Verum hæc aliquanto post intermissa repetamus.

*Bellum Neapolitanum.*

## CAPVT V.

ALFONSO Aragonio Rege in Hispaniam reuerso, vti est superius demonstratum, magna rerum inclinatio, Neapoli, maior animorum erat facta. multo maxima eius imperii pars in hostium ius ditionemq; redacta erat. pleriq; proceres Andegauenſibus fauebant: pauci iiq; occultè Aragonii maiestate tenebantur. Aragoniæ vires vix vni pares in multa bella vno tempore distractæ. externa tamen quæſita, cum tantum belli domestici eſſet in manibus. Fregosii potentissima inter ciues Genuenses factio vrbe patria & principatu à Philippo Duce Mediolanensi pulſi, supplices ad externa præſidia confugientes Petrum Aragonium Neapoli, vbi tunc res gerebat, exiguaque ſpe fraternas opes ſuſtenta-  
20 bat, cum claſſe auxilio euocarant. Accurrit ille non inuitus noui principatus ſpe iniecta, iniurias certè vindicandi ſtudio ardens ſuperiori bello acceptas. Vanus conatus non fuit. iunctis cum Fregosiis Fliscisque viribus multa oppida & arces tota ora Ligustica de Philippo captæ. maior tota prouincia belli terror illatus, erectis prouincialibus ad ſpem ſtudiumque rerum nouarum. Ea cura Philippus incenſus, ne Genua amiſſa de veteri principatu periclitari neceſſe foret, de pace cum Aragoniis agendum cenſuit. miſſis in Hispaniam legatis Bonifacium Corſicæ caput, de qua inſula tandiu cum Genuëſibus fuerat concertatio, traditurum ſe Aragonio pollicetur, inſciis Genuenſibus. oblata amicitia hæud leue pretium, conditioq; reiicienda non erat. miſſi ab Aragonio legati in Italiam, qui in re præſenti diſceptarent. obſiſtente Genuenſi ſenatu Portus veneris atque Ilcis ſeu Ericis (nunc Lerise) arces loco munitæ in ora Ligustica pro Bonifacio Aragoniis traditæ ſunt. Petrus rebus conſtitutis è Sicilia, quo ſe retulerat, euocatur. arces præſidiis munit: ſexque  
30 triremibus Philippi Ducis ſtipendio relictis, quæ eam oram tuerentur, cum claſſe reliqua abſcedit. Cercina demum Afrorum inſula vaſtata, è captiuis, quoniam inſigni ſunt robore, remigum numerum ſupplet; rebusq; in Sicilia & Neapoli, vt præſens ferebat ſtatus, conſtitutis in Hispaniam, vti antea dictum eſt, nauigauit, fratribus auxilium Hispanienſi bello: neque magnam, neque nullam ſpem ferens regni Neapolitani recuperandi. Terrebant aduerſariæ factionis vires Aragoniis validiores. Confirmabat animum gentis ingenium, externa imperia facilius parare armis quàm retinere ſolitæ: vt sæpe magnis Principibus artes deſunt, quibus ſubjectos populos in pace regant, potiusquam quibus hoſtes armis ſuperent. Vtriusque nationis Gallicæ, atque Neapolitanæ varios mores eſſe cogitabat: ſtudia contraria. acceſſuram breui diſcordiam extremum malorum. à Regina & aulicis quaſi à capite malorum contagionem in reliquum reipub. corpus diffundi. perituram breui, ituramque in præceps, etiamſi nullus impelleret. Inanis ea cogitatio non fuit.  
40 it. Andegauenſis in Calabriam ablegatus: bellum inde curare iuſſus, neque alias imperii partes attingere. auctor conſilii Caracciolus, quò ſolus vti ante conſueuerat, amoto emulo regnaret, alieno nomine, ſua inuidia, communi malo. Ab hoc principio auctis odiis, Aragonius etiam à Caracciolo in regnum reuocatur: omnia prona fore, Gallicam potentiam mora conſenſiſſe, ſe ſuosque in eius fide & poteſtate futuros. incertum ex animo ea polliceretur, an quemcunque curſum fortuna dediſſet, rebus ſuis præſidium parans, ingenio cautus & ſagax. Simplicius Antonius Vrſinus Tarentinus Princeps Aragonii amicitiam colebat, homo nobilis impiger, factioſus, potentia & copiarum auidus. conuitio propemodum Aragonium euocabat: Gallicæ leuitatis, & arrogantiaæ exdere cœpiſſe (ſic ille loquebatur) integra factionis ſtudia ſuper-eſſe: ex aliis pleroſq; ſecum voto ſtare. ſe modò in conſpectum daret, odio turpitudinis vniuerſam multitudinē in partes acceſſuram. ſi moraretur ſpem, externa tamen conquiſituros præſidia. His Aragonius literis fama; excitatus, neq; multū magnificis pollicitis credere, neq; oblata ſtudia reiicere. niſi Regina volente de imperio Neapolitano rursus armis contēdere graue erat. fratrib. tamen in Hispania relictis, ipſe claſſe inſtructa, in qua ſex & viginti triremes erant, naues onerariæ nouæ, Africa litora tentare conſtituit. ad tuendam id auctoritatē pertinere, & factionis ſtudia ex propinquo ſuſtentanda. Ad decimū Kal. Iunii ſoluēs è Valentino litore, legentq; Sardiniam, in Sicilia appulit. inde Trupia Brutorum arcis munitiſſimæ ab Andegauēſib. obſeſſa, atq; ad conditiones redactæ. deditionem facturam, niſi intra diem vigefimum auxilia venirent, in tempore opitulari non potuit, maris tēpeſtatib. impeditus: in eius oculis



deditio arcis facta. Messanæ ad Aragoniâ classē septuaginta nauigia acceſſerūt. Gerbis  
 petita (quā nōnulli Lotopliagitē aut Menyngē veterib. fuisse credunt.) Ad litus Africæ ea  
 insula posita est, minori Sirti vicina, locis vadosis incertisq; (cum tempeſtate maris limo  
 atque arena mutantur) à continenti circiter quatuor millia paſſuum diuulſa, frequens  
 cultoribus, lætaq;. Quæ ad occaſum vergitur propior, ponte mille paſſuum longitudine,  
 continenti **committitur**. Difficilis oppugnatio erat, propter loci munitionem, circumfu-  
 ſas ad litus barbarorum copias. Bofferricius enim Tunetanus Rex cognito Alſonſi con-  
 ſilio accurrit. ponte primo impetu noſtrorum capto, cum barbaro etiam Rege dimica-  
 tum acie est. victi Mauri, atque **intra** munimenta compulſi. ad regium tentorium ali-  
 quandiu dimicatum. ex hoſtium numero fortiffimus quiſque cadit. Bofferricius rebus  
 diſperatis equo impoſitus euasit. cæteri fuga diſpalati. minor quam pro tanta victoria cæ-  
 des fuit, minorque fructus. viginti bellica tormenta capta, insula in poteſtatem non ve-  
 nit. Dum Punica fraude cōditionibus retractandis tempus extrahitur, Aragonia claſſis,  
 quod futurum barbari expectabant, inopia commeatus Meſſanam repetere compulſa  
 est. De Neapoli recuperanda, conſilia agitata: vbi Ioannes Caracciolus inimicorū con-  
 ſpiratione, dum ficta fraude ad Reginam vocatur, ferro peremptus erat ad quintum deci-  
 mum Kal. Septemb. Princeps conſilii auctor Cobella Ruſa Antonii Sueſſæ Ducis cōiux:  
 quæ præcipuum gratiæ & auctoritatis locum apud Reginam naſta erat, eoque implaca-  
 bili odio in Caracciolum, ferebatur. Viam ſuperi regni recuperandi Alſonſo aperiebant:  
 neque is occaſioni deerat. quin Neapolitanis proceribus ſolicitiſſimis miſſaq; ad Reginam  
 legatione Ænariam inſulam contendit, ex propinquo omnia diligentius exploraturus.  
 Simulabat Ioanna ſeſe pacē non aſpernari: icti cum Andegauenſi fœderis pœnitere: atq;  
 ad priora conſilia cupere animum reuocare: modò facultas eſſet, & ſine armis. retractan-  
 dis conditionibus reliquum æſtatis extractum. Eò ventum vt Regina Ludouico Ande-  
 gauenſi abdicato, Alſonſi Aragonii adoptionem inſtauraret, fœderis prius icti meminif-  
 ſe potius ſimulans, quam initæ nefariæ eum Gallis ſocietatis. vtrumque arcana ſyngra-  
 pha, quo res occultior eſſet, factum. vtrumque Cobellæ conſilio, & hortatū, quamul-  
 tum & familiariter Regina utebatur: alienis ſemper imperiis obnoxia, nunc ſœmi-  
 næ. vſque eò vt belli, pacis conſilia vna maximè adminiſtraret. pudendam igno-  
 miniam. ſed prona tamen ciuitas in luxuriam, morum vitio affluentique co-  
 pia voluptatum, & illecebris omnis amœnitatis maritimæ, terreſtrisq;, modò  
 præſentibus frueretur, nulla honeſti cura mouebatur. plebem maxime nulla ho-  
 neſti inhoneſtiq; cura ſolicitabat. Sic erant ſtudia hominum ea tempeſtate. Arago-  
 nii interea fratres in magno diſcrimine eſſe: captus alter, Henricus intra Alburquerqui-  
 um obſeſſus. maioris belli metus oſtendebatur, mota fœderis fide: de qua re Caſtellæ le-  
 gati cum Vaſcone, qui vtriuſque regni finibus præſidio erat, iuſſi expoſtularunt. vt Al-  
 burquerquo dedito, aliſque oppidis & arcibus vniuerſæ Caſtellæ finibus abſcederent  
 impetratum Luſitani Regis opera, & auctoritate. icto fœdere, ambo fratres, Catharina  
 Henrici vxor, Sotomaior Alcantaræ ante Magiſter, Cauriæ Episcopus ad Oliſiponē na-  
 uibus impoſiti Valentia vrbem Edeſtanorum delati ſunt, nouas inde ſpes captaturi in Hi-  
 ſpania, ſi minus certè in Italiam nauigaturi: quò à fratre Aragonio Rege conuitio euoca-  
 bantur, cura Neapolitani imperii armis recuperandi: cum non ignoraret Reginam ſibi  
 ſpecioſa verba dare, animo ad æmulum inclinatam. Nihil inſtina diſcordia occultum  
 eſſe patitur. bona malaque conſilia vulgantur. ad Aragoniæ fines Turiaſo, & Calataiuba  
 Friderici Lunæ Comitſ variis artibus tentatæ: ſi Caſtellæ præſidiis occupari poſſent: id  
 fugæ pretium extare cupiebat homo immodicus, mobili ingenio, audax, temerarius. rei  
 perficiendæ occaſionem ſuppeditabat, ſuſcepta iis locis de Toletano Primatu controuer-  
 ſia, minimè idoneo tempore hac cauſa. Io. Contrerius Toletanus Episcopus inter ſeptem  
 arbitros controuerſiſ cum Aragonio finiendis à Caſtellæ Rege datus, Agredæ prius, de-  
 inde Turiaſone crucem poteſtatis inſigne præferebat. contra morem id maiorū vſurpari  
 Turiaſonenſes querebantur ſcitiq; gentis. Dalmatii Cæſarauguſtani Præſulis, cui Turia-  
 ſonenſis Episcopus contributus eſt, dignitatem à Tarraconenſi manantem lædi. Tolera-  
 norum ſæpe audaciam cōpreſſam: non eſſe nouo exemplo veteres mores, iuraq; violanda:  
 neq; luros iniuriam. Toletanus factum, antiquis Romanorum Pontificum tabulis tue-  
 batur. ſe tamen Agredæ tenens Aragoniis finib. abſtinebat: ne res à verborū diſceptatione  
 procederet ad manus. Importuna contentione ſuſcepta, nihil communi cōſenſu gereba-  
 tur, reſq; communes præ priuatis cupiditatib. negligi videbantur: ac periculū erat, ne de-  
 curſo induciarum tempore, denuo rediretur ad arma. quo metu nihil ab vtraq; parte de  
 ſua cōparatione omittebatur. pecuniæ redigendæ ſumma difficultas erat, Aragoniis ma-  
 ior, tot iam annorum bellis exhaustis.



SVPENSIS Hispanorum animis ad noui belli expectationem noui terrores de cælo o-  
 stentati: Mirobrigæ maximè, quo Castellæ Rex accesserat aduersus Aragonios fratres,  
 flamma ingens visa: qua magno spatio discurrente ingens tonitruum est editum: auditum-  
 que vltra triginta passuum millia. Ineunte salutis anno millesimo quadringentesimo tri- 1433:  
 gesimo tertio, in Vasconibus & Aragonia niues quadraginta dies cōtinuatæ magna strage  
 quadrupedū, alitumq̃, feræ necessitate famis ad oppida concurrebant occidi, aut oc-  
 cidere paratæ. Madritū ex vrbe Mirobriga petitum ad regni conuentus: tanta hominum  
 frequentia fuit, vt amplum municipium multitudini non sufficeret: pleriq; in vicinis pa-  
 10 gis diuersarentur. de bello Granatensi est actum. missus Fernandus Toletus Vallis Cor-  
 negiæ regulus, decursis induciis aliquot Mauris arces eripuit. cætera quietus annus Hi-  
 spaniæ fuit. Madriti inter procures magnificentia, elegantiaq; certatū. ludi militares ma-  
 gno apparatu, sumptuq; commissi. omnia ad imperii splendorem ea ætate voluptatemq;  
 gentis relata: atq; ea maior, quàm rei bellicæ cura erat. Olisipone hic annus grauis pestē  
 fuit. multi mortales absumpti. Ioannes Lusitanus Rex extinctus est pridie Idus Augusti,  
 extrema ætate: sex enim & septuaginta annis vixit, mensibus quatuor, tribus diebus. re-  
 gnauit annis quadraginta octo mensibus quatuor diebus nouem, fundato posteris impe-  
 rio, in tanta temporū atrocitate, tantaq; reipub. perturbatione in paucis clarissimus. Suc-  
 cessit patri Eduardus, in magna procerum frequentia continuo Lusitaniæ Rex proclama-  
 20 tus, confirmata ætate annos natus vnum & quadraginta, mēses nouem, dies quatuordec-  
 cim: cui ad cæteram felicitatem numerosa proles fuit, ex vnīs nuptiis suscepta: Alfonsus  
 primus, cui patre superstite inter Lusitanos primū Principis nomen est inditum, Ferdi-  
 nandus hoc ipso natus anno, Philippa breuis æui, Elionora, Catharina, Ioanna magnis cū  
 ætate pactæ iunctæq; Principibus. Ipso inaugurationis die à Iudæo Medico Gudialla, no-  
 uum Regem monitum aiunt, cæremoniā pomeridianis horis peragendam videri: astra  
 si festinaret, infelicem euentum designare: perstitisse tamen contemptu talium, vt for-  
 tuitorum. Suscepta regni cura, pestisq; lue Olisipone sedata, nihil prius habuit, quàm de-  
 functi parentis manibus solenni ritu parentare. corpus celeberrimo apparatu atque ad  
 eam diem inaudito, Aliubarrotam delatum, atque in monasterio compositum, quod vi-  
 30 ctoriæ de Castella parte monumentum extructum fuisse, ante est demonstratum. funus  
 profecuti Rex ipse, fratres, procures, viriq; sacrati magno numero, verissimis lacrymis. Im-  
 perii à pietate inchoati principiis media, atque exitus consentanei fuerunt. Hæc in Hi-  
 spania. Extremo Pontificatus anno Martinus Romanus Pontifex Concilium Episcopo-  
 rum Basileam indixerat, ad mortalium mores, qui collapsi à veteri sanctitate erant casti-  
 gandos, Bohemos ad fidem officiumq; reuocandos. Iulianus Cæsariū Cardinalis vir ea  
 tempestate præclarus, Roma concilio inchoando legatur. Eugenius Martini successor  
 Episcopos in Italiam transferre conabatur, ratus locorum propinquitate minorem ad res  
 nouandas fore opportunitatem. resistebat Sigismundus Cæsar Germaniæ æquior, quam  
 Italiæ. cæteri Principes ab vtraque parte sollicitati: ac Aragonius nominatim, in vnam ob-  
 40 tinendi Neapolitani regni curam intentus maximè, vnde melior spes affulgebat, adhere-  
 re Sigismundo visus est: oratoresq; ex Aragonia Basileam destinari mādauit, Alfonsum  
 Borgiam Valentinum Episcopum, duos alios, è Theologis vnum, alterum ex nobilitate.  
 idem eius exemplo faciunt alii Reges Hispani à Lusitano Diegus Oreni Comes legatus  
 est adiunctis Episcopis, & viris sacratis. Ineunte anno millesimo quadringentesimo trige- 1434:  
 simo quarto, Alfonsus Carillius Cardinalis Basileæ decessit, vir præstanti doctrinæ pru-  
 dentiaq; opinione, columen nostræ gentis, atq; præsidium. in auunculi locum Alfonsus  
 Carillius Iunior Seguntinus Episcopus creatus est. qui deinde fuit Toletanus archiepi-  
 scopus. eò maiori studio ad concilium oratores amandati. à Castellæ Rege Aluarus Isor-  
 na Conchenfis Episcopus, Ioannes sylua Cifontanus regulus vexillifer regius, Alfonsus  
 50 Carthagena Paulo Burgenfis Episcopo natus, pari eruditione, & virtutum omnium indo-  
 le, Decanus tunc Compostellanus, & Segobiensis, annis sequentibus, patre Aquileiæ Pa-  
 triarcha renunciato, in eius locum Burgenfis Episcopus est creatus. ea gratia meritis pa-  
 ternis propriisq; virtutibus est habita: id præmium datum Castellæ dignitatis Basileæ in  
 patrum conuentu defensæ, aduersus oratores Anglos qui priora sibi vendicabant. defen-  
 sionem de scripto conceptā cum patrib. obtulisset, Anglorum audaciam fregit. Hoc fe-  
 runt aliquando Romā ituro, dixisse Eugēnium Pōtificē. Si Alfonsus venerit, quo pudōre  
 nos Petri sedē occupabimus? rem miraculo cōparandam: extitisse in Hispania, qui stirpis  
 Iudaicæ ignobilitatē, atq; inuidiā, virtute superaret. nimirū meritis magis, quā maiorum  
 imaginibus honos est datus. Sed Aragonio tamen par à Sigismundo gratia reddita nō est.



Romæ anno superiori Augustus renunciatus cū corona imperii, quasi mente repēte mutata, cum Venetis, Florentinis, Philippo Mediolanensi fœdus ineundum atq; armorum societatem constituendam curauit, atque perfecit. Aragonios vniuersa Italia pellere destinabant. Pontificiis magis precibus datum, quàm syncera voluntate gestum. Sed longè aliter res accidit, vti sequens narratio declarabit.

*Ludouicus Andegauensis defunctus.* CAPVT VII.

**F**RIDERICO Lunæ Comiti ad veterem inuidiam, nouum in castella crimē accessit. vir acer, quietis impatiens, amplo in Aragonia principatu amisso, quæ in Castella acceperat oppida pretio vendiderat, Arionā Aluaro, Villafonium Beneuētano, de suo profusus, alieni auidus, nullam inopiæ supplendæ spem fore, nisi in scelere ratus, Hispalim lautissimam urbem diripere constituit, nauali, Trianaque suburbio occupatis: vnde in ciuium fortunas grassari cogitabat, Nieblæ Comiti infensus maximè præcepſq; in vindictam. Restanta sine fociis patrari non poterat. adiuncti quos similis inopia & mali mores stimulabant: quibus libido, atque luxuria, ex magnis opibus, nihil reliqui fecerant. in primis duo Hispalenses patritii nefarii consilii participes effecti: quorum nomina, vt memoriæ prodantur non est necesse. Latere is conatus non poterat. Medinæ campeſtri, quo Rex iuerat anni principio Fridericus captus, Vreniamq; primum, deinde in vicinam Olmedo arcem in vincula duci iussus est, eundem carceris & vitæ terminum habiturus. 20 eò minore gentis commiseratione, quod transfugæ eum nomen, inuidiosum suis, Castellæ suspectum effecerat, de fociis capitale supplicium sumptum. Violantes Nieblæ Comitis vxor pro vincto fratre precatura, ne facta quidem Regem adeundi potestate Cuellarem amandata: vetitumque inde iniussu Regis discedere. suspicio erat, sororis opibus confisum scilicet, id facinus agitasse. hunc exitum Friderici spes & conatus habuerunt, meritis & actionum inconstantia consentaneum. Cordubæ in templi maximi exedra, eius sepulchrum ligneum monstratur, eleganti opere Arionæ Ducis nomine, à matre positum, vti vulgi opinio est, filium in Castellam secuta. Ariona vetus Aurigi quibusdam fuisse creditur, aliis municipium Vrgauonense: vti indicio est lapidis inscriptio, quæ in D. Martineo oppido legitur, Hadriani quondam Augusti statuæ subiecti 30 his verbis.

IMP. CAESARI DIVI TRAIANI PARTHICI FILIO, DIVI NERVAE NEPOTI  
TRAIANO HADRIANO AVGVSTO PONTIFICI MAXIMO TRIB. POT. XIII.  
COS. III. PP. MVNICIPIVM ALBENSE VRGAVONENSE DD.

Non deterruit Friderici calamitatis exemplum in simili causa Aragonios fratres: quin prohibiti quamuis Castellæ finibus, & ditione amplissima spoliati, turbandæ reipublicæ consilia verfarent. Querebatur Castellæ Rex iſti fœderis conditiones violatas: si inducias stare vellent, Aragonios fratres ex vniuersa Hispania amouendos. auditis de ea re Castellæ legatis, Vasco auctor fratribus extitit, in Italiam nauigandi, ipse breui subsecuturus. 40 regno Neapolitano parto, cuius nonnulla spes erat, haud defuturam occasionem veteris in Castella ditionis recuperandæ disputabat: Italix victoribus cætera in Hispania prona fore. Ventum in Siciliam, vti constitutum erat nauibus. vnde Alfonsus frater in omnem occasionem intentus erat, imperii Neapolitani obtinendi, eos proceres in partes trahendi, cæteros Italix Principes conciliandi, Eugenium maximè Pontificem, quem suis conatibus in primis aduersari erat expertus. rei perficiendæ opportunitas sese dabat, diuturna valetudine Reginæ, dissidio procerum, ipsius Pontificis casu, Roma fugere compulsi. Columnæ Salernitani Principis in urbem aduentu, facile populus ad arma est concitatus. & erat in magno odio Pontificis nomen, pro eo quod Columnas proceres exagitan- 50 dos susceperat: & ager Romanus recens erat à Philippi Mediolanensis copiis ductu Francisci Sfortiæ, culpa Pontificis deformatus. auctario Tiberi euasit, quamuis Franciscano cucullo, veste pontificia mutata, telis & lapidibus ab vtraque ripa petitus. indignum facinus: sed tantum potest, concepta à populis indignatio. in Hetruriam paratis ad ostia Tiberis triremibus abiit. Pontificis ignominia per omnes prouincias vulgata, variè Principum animos affecit, vt cuiusque studium erat. dignum ea calamitate nonnulli iudicabant: importunis actionibus suos, vicinos, longinquos exacerbare: sanctissimis patrum Basiliensium conatibus pro pietate susceptis, vnum maxime obſistere: ex consciētia scilicet, digna formidare. plerique indignum facinus accusabant, armis etiam vindicare parati.



arati. Casu eo Aragonius nunciato, Panormi ubi se tenebat, ad septimum Idus Iulii, do-  
 lebat, uti par erat, Christiani nominis probum, pontificiæ maiestatis ignominiam. sed  
 in dolore latabatur tamē, venisse occasionem insitæ pietatis proferēdæ Pontificis prome-  
 rendi. missi legati, qui mœrorem exponerent, opem offerrent, hostibus vindicandis,  
 sedando populo. Legatus ea legatione Pontifex, studia tamen Aragonio remisit. tempe-  
 state intra quintum mensem pacata, Romani tumultus compositi, ciues ad officium re-  
 uocati, leges & magistratus acceperē, in capitolio militare præsidium: religione exoluti,  
 qua ob violatum Pontificē erant obligati. In Hispania Io. Contrerius Toletanus Archie-  
 piscopus decessit sextodecimo kal. Octobris. corpus in tēpli Toletani maximi sacellum,  
 10 cui à Diuo Illesonso nomen est celebri funere illatum. habitis comitiis de successore  
 creando, cum sententiæ variarēt inter Gufmanium Archidiaconum, & Villaquiranum  
 Decanum, diuini studii, Ioannes Ceresola Aluari vterinus frater, ex Vxamenfi Episco-  
 po nuper Hispalensis factus, Rege annitente Toletanus Præsul renunciatus est. Con-  
 iuncto funere Henricus Villena Madriti, ubi Rex erat, extinctus est. amissas opes, atque  
 amplissimos honores ablatis, iniuriæque fortunæ honestis solatiis ad extremam sene-  
 ctutem tolerauit. tanto eruditionis studio, ut ne à magicis quidem sacris abstinuisset fe-  
 ratur. libri iussu Regis Lupo Barriento Dominicano, Henricique Principis magistro ex-  
 aminandi sunt traditi. quorum parte combusta, multorum vituperationem incurrit: li-  
 bros existimantium magno comparatos, eruditorum vsibus sine periculo noxaque ser-  
 20 uari debuisse. regiam ille de scripto concepta defensione, voluntatem excusauit, cui re-  
 pugnare fas non esset. Neapolitani proceres odio rerum præsentium, scemineoque fessi  
 imperio, ad Aragonium inclinare cœperant. Nicolaus Picininus magnus ea tempestate  
 in Italia Dux Braccii propinquus, ad Aragoniam militiæ magnis præmiis inuitatur. cum  
 Tarentino & necessariis. quæ potissima factio Andegauensis, & Iacobi Caldoræ armis  
 exagitata, ad Aragoniū præsidium confugerat, fœdus Panormi factum: Aragonii in fide  
 fore, si tantum copiarum auxilio mitteretur, quantæ ad defendendum bellum essent  
 satis, duo millia equitū, pedites mille Aragoniis stipendiis: validæ copiæ, impares tamen  
 aduarsariorum potentia. Breui Tarētini ditione amplissima spoliatus, paucas vix arces,  
 & oppida retinuit, situ, aut opere munita. confecto ferme bello discessum ab armis. Con-  
 30 sentia, quæ Brutiorum vrbs est, Andegauensis corpore tantis militiæ laboribus fracto,  
 loci insalubritate tentatus morbo, atque oppressus est mense Nouembri dimidiato, in  
 ipso ætatis flore, in medio felicitatis cursu, ipsoque in regni obtinendi limine: vix nuptia-  
 rum lætitia peracta, ducta recens Margarita Amodei primi Ducis Sabaudi filia, insigni  
 formæ venustate. Sic fortuna ludis in rebus humanis. Sic nos nostraque versamur. Ara-  
 gonio nimirum cælum viam ad regnum struebat, cui nihil est arduum, eo maiori festi-  
 natione, quod Regina ipsa Neapoli decessit, ad quartum Nonas Februarii, ineunte salutis  
 anno millesimo quadringentesimo trigesimo quinto; morbi diuturnitate victa mole-  
 stiaque oppressa, quam ex filii morte concepit grauissimam: atque adeo ut semet incu-  
 1435. farer, quod summis ac perpetuis Andegauensis officiis in amore non respondisset: dura  
 40 atque ingrata optimo Principi mortem conciliasset. Corpus Reginæ in Annunciata  
 Virginis ædem illatum est; modico ac tumultuario funeris apparatu. Andegauensis &  
 Reginæ obitu fortunæ partiū cōuersæ: viresq; Aragoniæ confirmari amplius cœptæ: An-  
 degauenses debilitari: tametsi Neapolitanus populus nullo Principū conuentu habito,  
 nullo ordine, quod Reginæ etiam testamento cautum erat, Renatum Andegauensem  
 Regem pro defuncto fratre iusserat. Parum in eo præsidii erat, qui superiori tēpore dum  
 de Lotaringiæ principatu Carolo Duce socero defuncto, cum Antonio Vallemontensi  
 Comite eiusdem fratre certat armis, libertatem amiserat, captus in pugna atque in Bur-  
 gundi Ducis potestatem traditus: cum quo armorū societas Antonio erat. Ex vittoque  
 casu quantum dolorem Violantes Regina Andegauensium mater ceperit, explicare su-  
 50 peruacaneum sit. res ipsa indicat. multum ei familiæ superi per hæc tempora aduersati  
 videntur, Gallorum genti infensi, an Aragoniis propitii. Sed est fere, ut aliarum rerum  
 sic felicitatis orbis. per varias gentes, atque familias inerrat nulli propria. Neapoli à mul-  
 titudine, qui summæ rerum præessent, Otinus Caracciolus, Georgius Alamanus, & Bal-  
 tassar Ratta delecti, Andegauensis factionis facile principes, studio, arteque multitudi-  
 nis concitandæ præstantes. Decessere etiam magni in Hispania viri. In eo numero Ro-  
 dericum Velasum Palentinum Episcopum miserabili casu, familiæ cocus peremit, Io-  
 annes nomine. Emota forte mente nodosum stipitem ecurr gestaret, rogantibus ioco  
 aulicis respondere erat solitus, mactando Episcopo. Vocem barbarā (erat enim natione  
 externus) non intelligentibus risum mouens, mox verissimas lachrymas excussit, heri se-



curi capite eo stipite comminuto. Adeo tenui filo suspensa sunt salus opesque hominum.

*Bellum Mauricum. Cap. VIII.*

**F**OEDA hyems fuit in Hispania, continuis imbribus, fluviorum illuvie, viē luto impedita, vix ut commeandi facultas esset. multa ædificia vi inundantium aquarum eversa. Vallisoleti, atque Medinæ Campestri, vis mali maximè incubuit, molæ frumentariæ impedite diebus quadraginta, cocto frumento homines vivere. Hispali Bætis ad summa urbis mœnia minus duobus cubitis excrevit. ciues in metu pars naues scandere: pars diu noctuque rimas omnes stipare nequa penetraret aqua. Ad quintum kalendas Nouembris coeptę tempestates, ad octauum kalen. Aprilis temuerunt. Magna caritas annonæ. sollicitudo par. belli tamen Maurici cura non intermittebatur, inter aduersa & secunda variantis. Diegus Ribera Antelatus impugnanda Alora, sagittæ ictu ex muro emissæ perierat. alia parte Ioannes Fagiardus Alfonso Antelati filius, fuerat à Mauris in pugna tumultuaria occisus. Diego Perafanius filius suffectus est à Rege, quindecim quamvis annos natus. ea gratia paternis meritis habita est. & erat præclara indole virtutis, ut in ea ætate. Solitudinem nostrorum animis ex iis casibus incussam nouus nuncius mitigauit. à Roderico Manrico Petri Antelati filio Oscam in Bastetanis firmissimum municipium, ad motis scalis vi captum. Validam etiam Maurorum manum, quæ auxilio superuenerat. Casorlæ Antelati, & vallis Cornegiarum reguli accursu fusam cæsamque: Maurorum fuga deditam nostris arcem. Læticia ex ea victoria suscepta breui euauit, maiori quàm intulerant accepta clade. Guterrius Alcantaræ Magister Archidonam expugnaturus cum octingentis equitibus, peditum dimidiato numero in eos fines inuectus, cognito ex speculis eius itinere, atque fumo significato finitimis, iniquis ad transitum locis circumfessus à quingentis hostibus, qua sagittariis, qua funditoribus, ferme omnibus sociis amissis, vix ipse cum paucis aufugit. improviso barbarorum aduentu, & contemplatione periculi, stupor omnium animos occupauit: & quasi torpore quodam membra dirigerunt. Cautior alieno periculo cladeque Ferdinandus Vallis Cornegiarum regulus Huelmæ prope modum captæ obsidione discessit: cum validas Maurorum copias auxilio obsessis venire, esset nuntiatus. & est non minoris virtutis aliquando cedere quam in pericula irruere: maioris hoc aliquanto animi, illud prudentioris consilii, se atque suos ad meliora tempora conseruasse. ut tunc accidit. auctis enim mox viribus, adiunctoque Giennesi Episcopo, cum mille & quingentis equitibus, sex peditum millibus Guidixensem agrum vrere, maturas segetes corrumpere, magna incolarum calamitate. Maior equitum numerus Granata venerat, ad quadraginta millia pedites. cum ea multitudine conferre signa non est veritus. consilium non fuisse temerarium, vnde audacia famam habet, euentus docuit, victoria à nostris parta. quadringenti hostes ceciderunt: fugerunt alii metu vincente pudorem. Fugientes nox texit. Peregrini Antelati eo die virtus emicuit: confosso equo, crureque vulnerato in pedes desiliens, circumfusus hostes magno animo sustinuit, submouitque mortis contemptu validior. incruenta nostris victoria non fuit. fauciati non pauci. nonnulli desiderati. In Contestanis non procul Osca duo oppida erant, modico spatio distincta, vtrunque Velis nomine. Rubri alterum, alterum Albi. Hæc oppida à Fagiardo Antelato circumfessa sunt. compulsi malis barbari, legitima deditionis verba nuncuparunt: si eisdem quibus antea legibus viuerent, nec maiora vectigalia pendere cogerentur. Tribus hæc annis cum Mauris gesta coniunximus, ne memoriam dispersa confunderent. Anpus vnde digressi sumus, pace inter Gallos & Burgundos ex tantis moribus facta maxime illustris fuit. odia cruore ciuium exatiata erant. Carolus Rex Galliarum de Burgundo amice honorificeque loquendo penitentiarum fidem fecerat: neque cædis Burgundi Ducis auctorem extitisse. accessere tres Roma Cardinales ad eos Principes legati. iis vltro citroque commeantibus impetratur, ut à tribus Principibus oratores Atrebatenses conuenirent. de pacis ibi conditionibus agi coeptum. discessere è conuētu Angli, regni Francorum riuales: equiorem Burgundus se præbuit sanandis reip. malis cupidior. Memoriarum Ioannis cæsi Ducis, ut honores à Franco haberentur mandatum, loco ubi cæsus erat, templo eius impensa exedificato, collegioque sacris faciendis instituto. Matisco, Altisfordorum perpetuo iure, alia oppida ad Somonam amnem data, pignoris modo loco, dum quadringenta aureorum millia mulctę nomine redderentur. Nihil nimium Franco videbatur præ cupiditate Burgundi conciliandi, distrahēdiq; ab Anglorum societate: haud ignaro, eo fœdere Galliarum opes, quæ nimium accisæ erant, breui restitutum iri. ut factum est. Ad famam eius fœderis ciues Parisienses excitati arma in Anglos corripuerunt: regia-



que vrbs ad pristinum rediit imperium. reliqua procliuia esse cœperunt, quæ eatenus fuerant ardua atrocique. Nostræ historiæ pace Atrebarensi faciendâ, Isabellæ Burgundo nuptæ præclaram extitisse operam confirmant: & cum Rege Gallo coram colloquio habito de conditionibus egisse aiunt: ex fide, an ex gratia gentis Lusitanæ in incerto habeo. Illud constat Reginis Aragoniæ, & Vasconum, cum viri Reges Caietani obsidione premerent, vti mox est explicandum, à Castellæ Rege qui Madrito Butracû Eneci Mendozii inuitatu contendebat, ludis & conuiuiis remissurus animum, datû, vt induciarum tempus ad Nouembris kalendas prorogaretur. Ioannes Luna Illuecæ dominus, in eam rem legatus, Aluaro id gentili suasit, læto ad reliquam felicitatem filii natali: quem recens vxor Madriti pepererat. infanti Ioanni nomen fuit, magna lætitia Regis & procerum: quæ omnia quanto magis simulata erant, eo maioribus officiis Aluari gratiâ promereri certantium.

*Aragonius, & fratres capti. CAPVT VIII.*

CARACCIOLI, Ludouici Andegauensis, Ioanæ Reginæ funerib. Aragonius ad Neapolitanû regnum tantû non trahebatur, sine capite, sine viribus prædæ opportunû, nullo ciuium consensu, nullis externis opibus imbecillum. multi proceres quod necesse erat prouidentes animis, an plebis imperium auerfari, in qua nihil est modicum, consilio communicato, Capua vrbe cum arce occupata, in qua bello gerendo magnæ commoditates inerant, legato in Siciliam Reginaldo Aquinate studia sua, opeque Aragonio offerunt: festinaret modo, neque moraretur spem. celeritate opus esse, priusquam se aduersa factio viribus confirmaret. erant cum Aragonio tres fratres excellenti indole, idonea omnes ætate. Petrus in Sicilia relinquitur ætate minimus, qui reliquam classem colligeret. cum Vascone Henricoq;, & septem tantum triremibus, è portu Messanenfi Alfonso soluit. Pontiam insulam itum: deinde Aenariam, mox Sueffam: vbi proceres magno numero Capua profecti eius aduentum expectabant: atque in his princeps Antonius Marfanus Sueffæ Dux. In ea vrbe de ratione belli collatis sententiis desideratum. Caietani primum impugnare visû est. Maii Nonis classe Aragonia & terrestribus Neapolitanorum procerum copiis, terra marique circumfessa. affuit Tarentinus cum copiis euocatus. trahebatur obsidio: Aragoniusque Orlandi monte, qui vrbi imminet occupato, in spem venerat, breui eam ciuitatem obtinendi, commeatus inopia non minus quam externo metu laborantem. Ciues ad deditionem inclinabant. Genuenses, quorum erat in ea vrbe magnus numerus mercaturæ exercendæ per causam, vnde genti amplissimæ opes publice priuatimq;, obstinatis animis urbem defendendam censent, ductore impulsoreq; Francisco Spinula. inutilis turba eiicitur: quos Aragonius benigne habitos, ciboque recreatos in pacata loca dimisit. multum ea humanitate tum obsessorum ciuiû, tum totius prouinciæ animi conciliati sunt. Genuensis senatus, & suorum commiseratione, & Philippi Mediolanensis iussu incitatus instructam classem auxilio mittit, frumento & commeatu onustam. Dux classi datus Blasius Assaretus propter rei militaris & nauticæ peritiam ex infimo loco, nam precarium questum iuuenis fecerat, ad eum honorem euectus. Duodecim onerariæ erant, duæ triremes, vna biremis. Aragonius cognito Genuensis classis aduëtu, instructis ipse onerariis quatuordecim, vndecim rostratis nauibus obuiam hosti procedit. Sequuntur proceres ferme ad vnum Regis exëplo prouocati, certaq; victoriæ spe. Ad Pontiam insulam Aragonii, ad Terracinæ litus hostium classis erat. Genuenses missio caduceatore denunciant Regi Aragonio, non pugnandi voluntate, sed opitulandi ciuib. commeatumque importandi missos. si id detur, discessuros sine certamine: magno id Aragoniorum risu est auditum: neque à conuiuiis temperatum. expediuntur arma. ante pugnæ initium tres Genuensium naues à reliquo agmine seiunctæ, altum petere cœperunt eo consilio, vt in ipso conflictu secutundis à puppi flatibus hostilem classem à tergo adorirentur. Aragonii fugam interpretati, nullo ordine hostilem classem inuadunt, quasi ad prædâ, victoriâq; illud metuentes ne celeritate euaderent. Aragonius in hostium prætoriam impetum facit. Blasius circumducta repente naui regiam nauim à puppi magna vi telorum, lapidumque obruit pondere grauem, & saburra vniuersa in alteram partem inclinatam. idem à reliquis factum nauibus. ferreis inter se vncis iunctæ veluti in solo pugnabatur. vincebant Aragonii numero, sed sua multitudine impediti, & pleriq; nausea ex mari laborantes, oneri potius quam vsui erant. Genuenses mari assueti naute ac milites, scientia talium rerum superabant. triremiû nullus vsus propter iunctarum inter se nauium magnitudinem. ad multum diei pugna processerat: cum tres Genuensium naues, quas fugientium speciem præbuisse dictum est, flexo cursu in regias



impactæ pepererunt victoriâ. In regiam nauim trāsgressi, hostes ad deditionē hortabantur. fœda rerum facies, permixtus cædentium cęsorūque clamor. nihil imperio, neque consilio geri. fors omnia regere. Nauis regia fatiscente carina aquam accipere. periculo nunciato, Aragonius Philippo Duci deditionem facit quamuis absēti. In ea naui Tarentinus & Sueslanus capti sunt. aliis duodecim nauibus quæ in hostium potestatem venerunt, ingens captiuorum numerus fuit; Rex quoque Vasconum, quem in ipso conflictu Rodericus Reboledus lateri adhærens a cæde seruauit, & Henricus Aragonius. de Petro auctores variant: quidam pugne interfuisse disputant, & cum tribus triremibus euasisse nocte tectum, alii ad Aenariam insulam appulisse cū reliqua ex Sicilia classe aiunt, sub ipsum pugne tempus. Capti præterea Raymundus Boillus Prorex Neapolitanus, Diegus Sandoualius Castri Comes, & filii Fernandus, Diegusque, Ioannes Sotomaor, Enecus Daualus Dauali Magistri equitum filius, neposque ex Bertrâdo filio Enecus Gueuara, Reges ex Hispania ad hoc bellum secuti. Secundum victoriam facta a Caietanis eruptione nostrorum castra capta, direpta spolia castrensia, & ampla Principum supellex quæ relicta erat. Præsidii castrensis pars in hostium potestatem venerunt, alii per deuia loca, & occultos tramites fuga euaserunt. Cæcas hominum mentes, improuida consilia, varios & commutabiles rerum casus. quis non existimaret de rebus Aragoniis in Italia actum, amissa victoria & quasi de manibus elapsa? victis ad regnum facilius recuperandum factus est gradus, erepta libertas maioris gloriæ occasio extitit quis crederet? sic humanæ cogitationes in contrarium sæpe vertuntur, non temeritate fortunæ, sed arcano & altiori consilio gubernatæ die Veneris Augusti Nonis pugnatum ad Pontiâ insulâ est.

*Aragonius & fratres libertati redditi. CAPVT X.*

COMMISSA pugna Reges, atque è trecentis amplissimo genere captiuis, pars maxima Mediolanum a Blasio victore deducti, amplissimi triumphi species, neque à multis annis visa. alii Genuæ relicti, vt nauatæ operæ ea merces esset. tota Italia expectatione euentus suspēsa, ecquo pacto Dux nobilissima victoria vsurus esset, cogitabat. illius opes ante formidolosæ finitimis, nunc etiam à longinquis timebātur. Ne totius Italiæ imperium inuaderet ardenti Princeps ingenio, imperii audius, continuis bellis exercitus. Multum ille cum animo deliberare, quid facto opus esset. A captiuis Regibus iniquas conditiones extorqueret? libertatis pretium exigeret? præsentī id fructu lætum esset: verendum tamen, ne acceptam illi iniuriam vindicarent suis, & amicorum armis: victique, vt erant soliti, cum victoribus tamen certamen gratius instaurarent. Magnifice exceptos coleret, & gratuita libertate sibi deuinciret? gloriosum id consilium toto orbe terrarum foret: sed ne captando inanem nominis famam, imperii amplificandi occasionem amitteret, atque ancipitis aleę spem subiret considerandum raro ex sententia cedentem. magna homines beneficia cum soluēdo non sint, insigni maleficio compensare consueuisse. Vicit laudis studium. Principes splendide domi habitos, vt socios, vt amicos cum amplissimis muneribus dimittere constituit. Aragonium etiam cum assensu audiuit, disputantem coram multisque exemplis confirmantem, Gallis immodicum ingeniū esse, neque vllis imperii finibus resistere. Mediolanenses Duces euertendi consilia sæpe agitasse: neque animos esse mutatos. si Italiæ litoribus assueuissent, parto Neapolitano imperio Ligures Galliæ finitimos amicosque haud diu in fide futuros. neq; nouādarum rerū finem fore nisi vniuersa Italia occupata. Io. Galeacio patri, maioribus aliis Gallicos spiritus suspēctos sēper fuisse. Hæc agebantur Mediolani in arce: cū Isabella à viro Renato, quem captiuum teneri dictum est. præmissa mari Genuam primum, deinde Caietam, Neapolim postremo, ad quintumdecimum kal. Nouembris appulsa factionis opes vehemēter confirmavit, copiis etiā ad Eugenio Pontifice adiuta: clarissima fœmina, præstanti ingenio, eximia morum suauitate. Hispania Regū calamitate sollicita, mœstaque varia belli pacisque consilia versabat. Cæsaraugustæ conuentus Aragonii habiti sunt. actum referente Regina de classe comparāda, ad retinendū Sardinæ Siciliæq; imperiū: in quas à victorib. fore impetū suspicabātur, nulla iā de imperio Neapolitano spe conatuve. Sorie ad Castellę & Aragoniæ fines colloquio Castellę Regis & sororis Aragoniæ reginę, inducię inter eas gētes antea pactę, in quinq; alios mēses productę. Alienę calamitati insultare iniquū videbatur. euicerat iusta cōmiseratio Castellę Principū animos. Soria diceſū, & Eleonorā reginā Medinę Căpestri decessisse nunciatum est, dimidiato mense Decēbri, dolore interclusa anima, quem ex filiorum casu accepit grauissimum scilicet. repentinus obitus eam opinionem confirmavit præ dolore extinctam, lectissimam fœminam & tantorum Principum matrem.



trem. multis locis iusta exequiarum magnifice facta: Cōpluti à Castellæ Rege, à Regina vxore Madrigale. Defunctę tumulus in D. Ioannis matronarum cœnobio compositus, quod sua impensa constructum domicilio ipsa delegerat. Mediolani inter Ducem & Reges fœdus factum, eisdem sine exceptione amicos inimicosque futuros. Dux ad regnum Neapolitanum obtinendum vires & copias est pactus, Rex impugnandis Mediolanensis hostibus omnem opem est pollicitus. magnam id fœdus sollicitudinem incussit tū Italis, tum externis nationibus. Rex Vasco in Hispaniam dimittitur cum ampla potestate rem Aragoniam gubernandi. conquirenda pecunia erat, nouę conscribendę militares copię, numerosa classis instruenda. Tarentinus, & Sueffanus amandati Neapolim, vt suorum animos confirmarent: Petrum iuberent cum classe è Sicilia rebus opitulari. secuta Regis præceptum industria militum festinatioque. Aenariam appulsa Siculorum classe, Caieta venit in potestatem, dedente Lansaloto ciue Neapolitano eius vrbs præfecto, ad octauum kal. Ianuarii ineunte anno millesimo quadringentesimo trigesimo sexto. Proximis dieb. Aragonius libertati redditus, (memorabile omnib. seculis Philippi liberalitatem) Portum Veneris abiit: quod oppidum, atque Illicis inter tantas procellas in fide Aragonii manserant in Genuensi litore, magis Aragonii præsidii metu, quā sincera oppidanorum voluntate. Aduersas secundasque Aragonii res ostentis de cœlo significatas memorant. iis quantam fidem res meretur ex se quisque statuatur, adiungatque. vulgata receptaque passim præterire consilium non erat. Quo die ad Pontiam pugnatum est, pontis qui ad Cæsaraugustā Ibero imponebatur, amplissimo in paucis & nobilissimo structuræ genere, præcipuus arcus sub meridiem nulla certa causa collapsus, quinque homines oppressit. Fortuita, ais, vulgi rumoribus in prodigium sæpe post res factas vertuntur, & religionem. esto. Quid ea quæ sequuntur? triginta sex passuum millibus infra urbem Cæsaraugustam oppidum Vililla ad Iberi ripam situm est, ex Celsæ Romanorum in Ilergetibus coloniæ ruinis constitutum: nullaque re hac tempestate, & aorum memoria nobilior, quam campana. cuius nullo mouente, insolito insolentique pulsu nobilissimos in vtrāq; partem euentus significari, iis hominibus persuasum est. inepte an vero non disputo: sed oculati tamen eius miraculi testes citantur, viri non leues. Eam campanam pridie eius diei quo capti sunt Reges, sua sponte pulsata ferunt: iterum ad tertium kal. Nouembris, 30 proximi Ianuarii mensis Nonis tercio sonuisse: quo tempore composito Mediolani fœdere Aragonius est in libertatem restitutus. Iis prodigiis auertendis data piacula: sacrificatumque hostia diuina. Solicitæ provincialium mentes, nuncio ex Italia allato cura leuata: mœrorq; quem ex aduerso casu susceperant, metusque noui mali, quod impendere ex iis ostentis suspicabantur, publica gentis læticia mutatus est.

*Pax inter Reges Castelle & Aragonia. CAPVT XI.*

MOTA GENVENSIVM arma sunt: palamque à Ducis Mediolanensis auctoritate discessum. graue erat partē suo periculo & virtute de regibus victoriæ fructum ad alios recidisse: gratiam factę pacis dimissorumque cum muneribus captiuorum, vni Philippo Mediolanensi cessisse. odium in se Aragoniæ, & Catalaunicę gentis excitatū: cū quibus graues ab antiquo inimicitę extitissent. patrocinium Mediolanensium Ducum, ad quod necessitate confugerant, imperio atq; adeo dura seruitute mutatū esse, vrebat scilicet. Hac indignatione permoti, armorum societate cum Eugenio Pontifice & renato Andegauensi occulte constituta, arma corripit. Paccinus Alciatus pro Philippo Duce, Genuę cum potestate Præfectus, in populari tumultu perimitur. gladii intentati aliis. & vulnerati quidā, necatq; obseruare sermones, vultū habitūq; notare: si vultus indignitate auersari præsentia, & Mediolanensib. fauere videretur. Ergo q; in seditione populari sit, vnde plures erāt, breui omnes fuerunt. si qui contra sentiebāt, palā tamē assentiebat, assentabaturq;. Auctor seditionis Frācisus Spinula defensa nuper Caieta nobilis magnosq; ex ea re spiritus gerens: ac q; caput erat Fliscis & Fregosiis, qui Aragoniis fauebāt inimicus. Genuę auctoritatem pleraq; eo tractu oppida secuta, & ad libertatis dulcedinem excitata defecerunt, pulso Mediolanensi præsidio. Hispani captiui in custodia retēti. Septuaginta aureorum millia ab Aragonio Rege numerata eorum redemptionis pretium. Cum Siculis mirius actum. vetusta inter vtrāq; gentē hospitii atq; commercii iura extabant. sine pretio dimissi. tres modo Ioannis Vintimillii filii diu Genuę retenti ex odio, an maioris pretii spe incertum. Sed Aragonius tamen Philippi Ducis hortatu, Genuensium motus compescere aggressus ea classe quæ à Petro fratre Caieta missa erat, destitit conatu: cum id longum esset in tanta gētis consternatione: & festinati ad Neapolitana sceptrā omnis



mora esset grauis, haud ignaro in bellis ciuilibus diem & horam potius, nisi prouisum sit, magnas sæpe agendi opportunitates corrumpere. nihil esse festinatione salutaris. Ergo è Portu Veneris Henricus missus est in Hispaniam Empotitano principatu donatus, quoniam induciarum tempus exibat, rebus præsidium si se ea parte Castellæ arma commouerent. Rex ipse Caietam classe appulit ad quartum Nonas Februarii, Terracina interea a Petro fratre occupata, magno Eug. Pontificis dolore, in cuius ditione erat, tantum sibi Aragonios sumere, ut Neapolitano imperio non contēti, de vniuersa Italia cogitarent: neque sacrosanctæ maiestatis reuerētia, neque religione moueri vlla feroces & barbaros, durumque hominum genus & asperum conquerebatur scilicet. Neapolitanorum procerum & militum concursus Caietam factus est. copiarum Dux Franciscus Picininus renunciatur. Philippi Ducis gratiæ datum, apud quem Nicolaus Francisci pater præcipuum auctoritatis locum rebus omnibus occupabat, clarissimus ea tempestate copiarum Dux, magno rei militaris usu, cum veteribus comparandus. Ardebat Italia armorum apparatus. aliarum vrbes ad noui belli expectationem suspensæ: aliarum ad pellendos Aragonios foedere inter se facto coniurabant, Veneti, Florentini, Genuenses maximè, adiutore impulsoreque Eugenio Pontifice, odio gentis nostræ, an Galliarum amore vires conferebant. In Hispania bellum Mauricum trahebatur. inter alios Reges sancita pax, magna Vasconis contentione multoque conatu, vires gentis in Italiam vertere cogitantis, posita rerum Hispaniensium cura. Geminæ arces Galea & Castillegia Mauris deditibus agente Roderico Manrico in potestatem sunt redactæ. concepta ex iis rebus lætitia breui mœrore mutata, tristici casu Nieblæ Comitis: quem Heracleam ad freti Gaditani angustias positum oppidum, obsidentem (in eo virtutem ostentare & Regi suo gratificari cupiebat) in tumultuaria pugna sese ad classem recipientem cum quadraginta sociis submersum fuisse nunciabatur, accurrentium pondere euerfa oppressaque cymba, quo se maximè tempore Oceani æstus statis horis concitabat. Ioannes Gusmanus paterno casu perculsus, & de summa rerum diffidens soluta continuo obsidione Hispalim abiit. Hic in Assidoniarum Ducibus primus fuit, Regis dono post aliquantum tempus. is honos doloris blandimentum, nauatarum operum merces accessit nobilissimæ Gusmaniorum familiæ, atque in paucis præpotenti in Hispania. Toleti Castellæ Rex erat, quo Compluto & Madrito lustratis sese retulerat. ludis regia, & festa lætitia personabat, modica aut nulla belli cura. nouæ & maioris lætitie materia adiuncta, sancita in ea vrbe pace inter Castellam Aragoniæ & Vascones ad quartum Nonas Septemb. Alfonsus Borgia Valentinus Episcopus, Io. Luna aliique viri Principes ex Aragonia legati. his adiuncti Toletanus Præsul, Calatrauæ Magister, Rodericus Beneuentanus sermone vltro citroque & longa disputatione habita, has foederis conditiones scripserunt. Blanca Vasconis filia maior Henrico nubito Castellæ Regis filio. Dotis nomine Medina, Olmedum, Roa, Villenæ principatus puellæ dantur. Si proles ex coniugio nata non sit, ea oppida ad Castellæ ditionem redeunt. Eo euentu Vasconi pacto annuo auri pondere ablata oppida compensantur. Henrico Aragonio omnino quinque, florenorum millia quorannis dantur, vxori tria millia. Capta ad regnorum fines oppida & arces, ad veteres dominos redeunt. Perfugis venia concessa esto: præterquam Comiti Castrio: & Alcantaræ Magistro, præterea Gotifredo Cortesio Marchioni: quem Vasco excipiendum iudicauit, hominem inquietum, cupidum rerum nouarum & memoria generis in regni cupiditatem impulsus. His conditionibus induciæ pace mutata: armaque sociata aduersus omnes gentes Principesque, excepti modo Lusitanus Gallusque, à Castellæ Rege sunt: ab Aragoniis Mediolanensis Dux, Gasto Fuxensis Comes, qui Ioanne patre nuper defuncto eum principatum obtinuerat, quindecim annos natus Vasconis gener Eleonora minori filia in coniugium pacta. Data ob hæc templis dona: ludi, conuiuia, omniaque lætitie instrumenta, per vrbes & oppida instaurata. belli metu sublato, noua rerum facies futura in Hispania videbatur. Castri Comes venia breui impetrata, Castellæ est reditus, constantior aliquanto in fide futurus, diuturno castigatus exilio. Interea Alfonsus Aragonius Neapolitanorum animos pertetare non desisteat, consilioque vires adiuuare. Baltassar Ratta Casertæ Comes, è gubernatorum rerum publicarum numero in partes atrahitur. idem facit Raymundus Vrsinus Nolæ Comes, ex regio sanguine vxore pacta Eleonora Vrgelitani Comitis dudum extincti filia. Capua Rex, ubi belli apparatus erat, votis nuncupatis profectus S. Seuerini Vallem, Salernum urbem, Amalphitanum litus armis præsidiumque capit. Sic Aragoniæ vires confirmata, debilitata hostium. Neapolis regni caput petenda erat, haud exigua victoriæ spe in tanta animorum inclinatione, tantisque factionis copiis. confirmabant animum geminæ arces usque adeo malis temporibus. in ea vrbe præsi-



praefidiis tamen Aragonis retēta: quod miraculi instar erat, ad totius belli summā omen  
præclarum.

*Clades à Lusitanis in Africa accepta. CAPVT. XII.*

**H**ORRIDA gelu & niuibushyems fuit in Hispania, quantum mortales non memine-  
rant. Caracæ, vbi Rex Castellæ erat, septem agasones lignatum in vicinas syluas  
egressi, ipsis Ianuarii kal. anno Mcccc trigesimo septimo, cōstrictis præ frigore membris  
oppressoque calore vitali extincti sunt. niues glacie, glacies Circio concretæ multis ex-  
tio fuere. Rege iniquo anni tempore, viis à multa niue impeditis in Castellā Vltiorem  
ituro, quo reipu. cura necessario vocabat, à trecētis operis summotā in vtranque partem  
niue equitis altitudine, cumulis extātibz aggeris instar, ægre montes superati quibus  
vtraque prouincia dirempta est. Roa mense Maio Vxamam itū. in ea vrbe Rex substitit:  
Henricus Princeps Alfarum missus lautum municipium ad Vasconum fines. sequeban-  
tur è proceribus amplissimus quisque. eminebat inter omnes Aluarius recēs importunis  
precibus Montalbino Regina extorto, & ad Scalonē in Carpetanis adiecto. auctis opi-  
bus, incēsa magis inuidia, cui nulla potentia par est. Post biduum Regina Vasconum Al-  
farum cum filiis accessit, & splendido suorum comitatu Episcopo Pompelonensi, Petro  
Peralta regiae procuratore, proceribz aliis. Duodennibus spōso sponsaq; solenni apparatu  
rituque sponsalia data sunt. Cæremoniæ antistes, Vxamensis Episcopus regio genere su-  
perbus. quatuor in ea læticia diebus consumptis Vasconum Regina sponsaque filia se se  
reulere in patriam. Abs Rege Castellæ & Henrico Principe Medinam Cæpestrem itum.  
est in eo oppido Petrus Manricus Antelatus Aluari, & Beneuētani consilio captus, iussu  
Regis Pontidoniā arcem in custodiam amandatur, mense Augusto. nouum initium  
turbandæ reipub. quod magna rerum moles est consecuta. causæ non sunt proditæ. Al-  
uari euertendi consilia agitasse cum aliis proceribus euētus docuit. quod maiestatis cri-  
men esse ea tempestate putabatur. Fuit hic annus Lusitanis infestus maxime, clade in  
Africa memorabili à Mauris illata. ardebāt quinq; Lusitani Regis fratres cupiditate pro-  
ferendi nominis, opes amplificandi. in Hispania qui possent angustis regionis finibus pa-  
ce cum finitimis nuper sancita? in Africam maiori gloria transferre arma cogitabant ad-  
uersus infensissimam Christiano nomini gentem. Pecuniæ in stipendium redigendæ  
difficultas retardabat. ab Eugenio Pontifice venia peccatorum impetrata est, Oreni Co-  
mitis legati Lusitani opera, omnibus qui cruce insigni sacram militiam susciperent. Pon-  
tificis indulgentia euulgata, incondita multitudo ad arma concurrit. Ferdinandus Auissi  
Magister ceteris fratribz ardentior se multitudini ducem offert. Disputatur in concilio  
gentis de expeditionis summa, Ioannes D. Iacobi in Lusitania Magister, vnus è regis fra-  
tribz de scripto etiam concepta sententiā, negat nisi vniuersis regni copiis petendam  
Africam. armis, equis, virisq; potentem esse eam prouinciā. Sæpe infelicitèr laceffitam  
futuram nunc exitio, nisi suis se viribus metiantur. audaciam præcipitem frenandam vi-  
deri. Vtinam, inquit, falsus vates sim. nisi impetum animorum tenetis, atque ad rationem  
reuocatis. Africani campī nostro sanguine redundabunt. His ne copiis cōfiditis? feroces  
ante certamen maximè, in ipso discrimine ignauissimi erunt nullo armorum vsu, nullo  
animorum vigore. An Mauros contemnitis? nā hic contēptus magno luetur malo. gen-  
tem in pericula promptam, numero infinitam, pro aris & laribus, pro liberis & vxoribus  
fortiter dimicaturam irritabitis. Numinis patrociniū aderit. sed maiori morum pro-  
bitate conciliatum, qua quos video ad arma maxime accensos. sed si mature, si prudenter  
capiantur arma. temerariis votis, impuris precibus frustra superos fagitabis. Nē hic furor  
vestris conceptus animis magno constet, vereri me cogit, nonnullus rerum vsus, ardens  
patriæ & vestræ omnium salutis amor. Hæc sententiā cautissimo cuiq; probabatur: in pri-  
mis Petro & Alfonso regis fratribz. vnus Henticus Ferdinandi conatus subleuabat, ge-  
neris nobilitatem paresque opes literarum studiis illustrans. quod sæpe accidit, maior &  
faniore pars à minore & deteriore victa est. Communi consensu bellum decretū. Com-  
parata classe, sex millia militum in naues imposita. fama verò semper maior eum nume-  
rum duplo maiorem prædicabat. id quoque incommode accidit. pridie Idus Augusti  
vela explicata intra dies quindecim peruentum in Africam Septæ de ratione belli dis-  
ceptatum. omnibus copiis Tingis obsessa, vrbs olim Romanorum nobilissima,  
tunc modica, ex aduersum Tartessi ad fretum posita. multa circum glareæ, eoque  
ager frugibus infœcundus: nisi qua parte excauata valles vicini fontis aquis, confinis



hortis eximia amoenitate prouentuq; sunt. Obsessi dies septem & triginta magno conatu impugnati nunquam remiserunt animos, cum spe propinqua auxilii ad defensionem incitati. Phuthensis & Marrocus Reges, aliiq; Africani Principes auxilio accurrunt. sexcenta millia peditum, septuaginta equitum millia sub signis, fortassis eumentente verū fama, traxisse feruntur. His copiis qui possent Lusitani resistere? pugnatum initio acriter, deinde multitudine circumfusa, intra munimenta nostri obsessi. in repentino terrore mœsti, fixis in terram oculis, neque respondere, neque rogare. quantum tempus dabat, abditi per tentoria, & lucem ipsam vitantes. De fuga consultum: sed quo, aut qua irent locis omnibus occupatis. victi necessitate, legatos de pace mittunt. barbari vllam fœderis conditionem fore negant, nisi Septa dedita, vniuersa Africa decedatur. graue id erat, neque in ipsorum potestate situm. pollicentur tamen modo incolumibus ire liceat. dati obsides Ferdinandus ipse Dux, aliiq; viri primarii. reliqui illuue corporum deformis acies Septimum Eboræ disputatur. iniussu Regis conditiones pactas, irritas videri communi eorum qui aderant consilio decernitur. religionem, si qua erat gens obligata, eo fœdere, satis exolui obsidibus in hostium potestate relictis: vt suis capitibus luerent, quæ stultè & temerariè promiserant. An si eadem superbia Lusitaniæ deditionem polliceri barbari vniuersa coegissent, conditioni esset standum? Mauriciq; imperii iugum reponendum Hispania? quid alia, quæ multa polliceri & indignissima potuissent? num iis gens Lusitana teneretur? Ergo Ferdinandi captiuitas perpetua fuit. Sepulcrum eius in vrbe Phuthensi loco sublimi monstratur, erectum videlicet de nostra gente trophæum. penes quem facti culpa præcipua erat, is siue casu, siue consilio Dei pœnas temeritatis princeps exsoluit.

*Petrus Aragonius ad Neapolim casus.*

C A P V T XIII.

**I**N Hispania nouorum tumultuum metus ostendebatur, procerib. Castellæ magna ex parte abs Rege suo alienatis, Petro Manrico iniuria (sic illi prædicabant) in vincula tradito. Inter viros sacros graue vbique de religione certamen erat. Basiliensem conuentum Episcoporum Eugenius Pontifex ab ipso pontificatus initio suspectum habens, dissolvere conatus erat. Ea via inuenta erat eludendi atque debilitandi conciliorum vires: quæ Pontificib. esse cœperant formidabiles. Reuocauit tamen, ab Imperatore Sigismundo & Cæsario legato grauissimis literis castigatus. Patres Basilienses plus sibi auctoritatis sumentes, quam fortasse par erat, & noua ea iniuria prouocati, Eugenio Pontifici denunciarunt, nisi ad conuentum veniret, se in eum constituturos quod in desertores sacrae causæ solitum esset. Obsequi recusantem, deponendum fremunt abrogata pontificia auctoritate. Ita animatis Episcopis, Principum toto orbe Christiano non vna mens erat. alii consilio repugnare quasi præcipiti & temerario, memoria vulnere quæ superiori schismate rei Christianæ erat inflicta, vix dum cicatrice obducta: in primis obstitit Sigismundus Imperator quamuis à Pontifice alienatus. verum in ipso rei perficiendæ conatu decessit ad quintum Idus Decembris ecclesiæ pace ante fundata, & nunc defensa, quam diuturno imperio nobilior. Res Germanicæ in eius generum Albertum Austriæ Ducem, iam Regem Romanorum translatae sunt. imperii insigne desumptum ipsis Kalen. Ianuarii ineunte anno eius seculi trigesimo octauo. Quo tempore, in Hispaniæ oppido Maderuelo, quod in ditione Aluari erat in Vaccæis, lapidibus pluit, singulis puluini magnitudine, innoxiiis tamen propter materiæ leuitatem. Ioannes Agreda regius præcursor ea causa missus, de re tota quæstione habita, Roam ad Castellæ Regem ex eorum lapidum numero quosdam attulit: tristi an læto omine dubitatum. Ac ne ex euentu quidem belli Maurici, quid ea res portenderet satis intellectum. nam Huelma (Onoua veteribus) copia defensorum & mœnium firmitate munitum oppidum de Mauris Granatensibus captum, Enecci Mendoza Fitæ reguli ductu virtuteq; Giennensi limiti præfecti. letitia haud diuturna fuit: Roderico Perea Casorlæ Antelato, cū in Maurorum fines inuectus esset, à multo maiori hostium numero cæso. ex mille & quadringentis sociis, viginti tantum seruati fuga. neque Mauris incruenta victoria fuit. cū multis Dux ipse Abensarraxius Granatæ Prætor in conflictu cecidit, acceptæ cladis nonnullum leuamē. Ab Eugenio Pōtifice Aragonius auersus. Basilienses conatus iuuare videbatur priorib. iniuriis irritatus, & nūc Ioanne Vitelesco Patriarcha Alexadrino, cū valida militari manu in fines Neapolitanos immisso. cuius aduentu magna immutatio animorum facta erat: seq; Tarētinus & Casertæ Comes pōtificiis partib. adiunxerāt, homines in fide parū constātes, ingenio mobili ac vario. cōtra Antonius Colūna Aragonio cōciliatus, spe Salernitani principatus, qui ereptus ante erat, ex pacto Regis beneficio.



beneficio recuperādi breui victus Patriarcha, & Neapolitani regni finib. decedere co-  
 ctus est, diris quāuis & milite armatus. Duo alii Principes ad officiū reuocati ipso tēpore:  
 quo Renatus Andegauensis pretio tandē redempta libertate Neapolim cū classe appulit  
 ad quartum decimum Kalendas Iunii. parū præsidiū in Renato fuit: nulla pecunia in bel-  
 li sumptus allata. multorum tantum animi ad spem rerum nouarum erecti sunt: multis lo-  
 eis belli flamma excitata: sed vis maior in Marfos, & Pelignos incubuit: vbi Iacobus Cal-  
 dora tanti vsus Dux Renati partes sustentabat. Accurrit Renatus ipse haud magna spe,  
 cū Aragonii opes indies confirmarentur. multa eo tractu oppida & arcēs Aragoniis præ-  
 fidiis occupatæ. & Renatus tamen hostem ad pugnam prouocare non dubitauit, missa  
 10 chirotheca militari. id ex animo, an vt existimationem tueretur, non satis constat. Inanis  
 certē conatus fuit, de die & loco pugne controuersia nata. A Rege Franco in Biturigibus  
 omnium ordinum conuentu, placita Basiliēsis sancita ea lege sunt (Pragmaticam sancti-  
 onem vocant) vnde ius dici mandatum: magno Eugenii dolore, quod Pontificatus maxi-  
 mus prope in ordinem redigi videretur, sacerdotiis conferendis, litibus diiudicandis. eo  
 amplius in consilium incubuit soluendi Basiliensem conuentum: vnde tot iniuriæ & no-  
 ui metus extabant. nouo edicto concilium se Ferrariam transferrē pronunciat. Cæsari-  
 nus legatus cognita Pontificis voluntate, & cum eo quinque e septem qui aderant Cardi-  
 nalibus Ferrariam abeunt. duo perstiterē. Mutandi loci species erat, aduētus Ioannis Pa-  
 læologi Augusti, & Patriarchæ Constantinopolitani, ad conciliandam pacem inter Ori-  
 20 entis Occidentisque Ecclesias. Ii Ferrariam delati ibiq; culti sunt. sed peste grassante, Flo-  
 rentiam itum Hetruriæ caput. vbi de controuersis, quæ latinis inter & Græcos erant,  
 multorum dierum labore disceptatum, maiori in præsentī spe, quā in futurum proueni-  
 tu. Basilienses patres, & ante conati Græcos ad se auertere, & nunc contra Eugenium Pon-  
 tificem amplius irritati quam territi, in Cæsarini locum Ludouico Cardinali Arelatensi  
 substituto, turbida consilia agitare cœperunt, reipublicæ exitialia. Eugenium loco se mo-  
 tuos minabantur abrogato iurē clauium, nouoque subrogato Pontifice. In Italia Renato  
 Andegauensi in Pelignis occupato iis arcibus impugnandis, quæ in hostium potestate e-  
 rant: Aragonius rebus secundis elatus Neapolim urbem belli regniq; caput petere con-  
 stituit, iuuentutis discessu Renatum secutæ præsidio nudatam: ac ne commentu quidem  
 30 in multos dies comparato. Erant in Aragoniis castris ad quindecim hominū millia: qua-  
 tuor triremes, septem onerarias, plura minora nauigia classis numerabat, subuectionibus  
 à mari prohibendis idonea. hoc apparatu vrbs nobilissima in paucis, numero ciuium, edi-  
 ficiorum maiestate, imperii amplitudine, mari terraque circumfessa ad decimum Kal. Oc-  
 tobris. aderant Matthæus Aquaviua Andriæ Dux, Comes Nolanus, Ioannes Vintimilli-  
 us, Petrus Cardona. castris munitis, scalæ, aliq; machinamenta comparata. copiar locis i-  
 doneis distributæ, dum impetum in urbem facere parant, fortuna quæ in humanis rebus  
 ludere consuevit, & prosperis aduersa confundere, cuncta Aragonii consilia tristi casu  
 conturbauit, & vno momento euertit. Petrus Aragonius ad decimum Kal. Nouemb. spe-  
 culandi gratia paulum à castris mane progressus, e D. Mariæ Carmelitanæ tēplo, tormen-  
 40 to percussus occubuit. pila tertio ad terram illisa, quarto ictu eius caput comminuit. cor-  
 pus ad D. Magdalene delatum. Alfonsus frater accurrens extincti pectus exosculatus. A-  
 liam, inquit, à te frater lætitiā expectabam. æternum patriæ decus, laborum & gloriæ no-  
 stræ particeps vale. simul ad adstantes conuersus: militiæ florem, atque omnis elegantia,  
 hoc die, milites amissimus. quanto hæc cum dolore? In ipso iuuentutis vigore, viginti se-  
 ptem natus annos decessit, cælibe vita, multis bellis cum laude perfunctus. tumulus ad  
 Qui arcem translatio funere compositus. vulgus militum, sed & populi multitudo Pe-  
 tri cadem in religionem vertebat, præsertim continuis imbris, oppugnatione impedi-  
 ta. Ioannes Vintimillius Renato, qui obsessis auxilio accurrebat, ad furcas Caudinas ob-  
 uiam ire iussus eum compulit alio itinere in Nolanum agrum descēdere. improuiso Vin-  
 50 timillii aduentu, aliquot ex hostibus capti sunt. mox composito agmine Neapolim rediit.  
 Alfonsus soluta obsidione Capuam discessit maiori impetu bellum reparaturus, cum pri-  
 mum se hibernum tempus aperiret, duosque reliquos fratres eo consilio ex Hispania euo-  
 care constituit: præ cupiditate Neapolitani imperii paterna regna contēptui habens: quæ  
 à valida Gallorū manu rapto viuere assueta vexari latrocinio cœperant, ductorib. Alexan-  
 dro Borbonio Ioannis Borbonii filio notho, & Roderico Villandrando: qui Vallisoleti in  
 Hispania natus Gallo aduersus Anglos fortem operam nauarat, & ex gregario milite ordi-  
 nes duxit, decem millibus nonnunquam imperator. Robusto corpore fuit, iracundia ma-  
 xima. Ergo iis ducib. rapto viuere, & prædas agere assuetis, impetus in Ruscinonensem a-  
 grum est factus, magna prouincialium, reginæque Aragoniæ, & regis Vasconum solici-



tudine breui tamen ea tempestas sedata est. Galli propter anni tempus hibernum in aliam partem flexere. Fuit hic annus Lusitanis tristis infastusque ob recentem cladem Africanam, tum pestis lue, quæ vniuersa ferme prouincia grassata est. multi mortales extincti. Rex ipse Eduardus ad Tomarem cœnobium, quo se ad vitandum periculum contulerat, febri correptus decessit die Veneris ad XIII. Kalend. Octobris ipso interlunio. litteris valde deditus librum etiam de regni moderatione scriptum reliquit, nulla re præterea memorabili gesta, imperio breui. Omnino annorum quinq; dierum septem & triginta. Filios reliquit Alfonsum regni successorem sexennem, Fernandum Visei Ducem Dieghi & Emanuelis patrem, Eleonoræ & Isabellæ. Eduardi Regis filia fuere Eleonora Augusta vxor Friderici tertii Imperatoris, Catharina innupta, Ioanna Castellæ Regina. Regni Lusitani procuratio Eleonoræ viduæ viri testamento demandata est. tulere id ægrè Lusitani fœminæ imperium, externæ præsertim auersantes. Itaque in comitia euntes eo testamento abdicato, Petrum Conimbricæ Ducem pueri Regis patrum regni procuratorem nominarunt. Graue id decretum Regina fuit: deditque litteras de iniuria tum ad fratres, tum ad Castellæ Regem: nihil tamen ea diligentia profecit.

*Castellæ motus.* CAPVT XIV.

**E**VASERAT mense Augusto superiore Manricus Antelatus ex arce Fontidonia, vbi captus tenebatur, vxorq; & filia duæ funibus per fenestram demissi, conscis & adiutoribus Gometii Carrillii custodiæ præfecti nonnullis domesticis, vnde noui tumultus extiterunt. cum eo enim Fridericus maris Præfectus, Petrus Stunica Ledesmiæ Comes, data fide acceptaq; euertendi Aluari, consilia inter se communicarunt. adsciti in societatem Ioannes Arellanus Camerorum, Petrus Mēdoza Almafani reguli, Ludouicus Cerda Medinæ Celinæ Comes. adiecti paulo post Vxamenfis Episcopus multis in ea temporis perturbatione occupatis arcibus magnum factioni momentum, præter hos Beneuentanus, Touarius, Quignonii fratres. Rei perficiendæ haud facilis erat via, in tanta Aluari gratia, potentia, auctoritate. Medinæ, cui à Riua sicco nomen est, equi, arma, milites, cæteraq; quæ ex vsu belli futura erant, diligenter comparata. tanti conatus celeritate erant occupandi. Rex Castellæ Madrigale vbi se tenebat mense Februario principio anni millesimi quadringentesimi trigesimi noni, Roam profectus est. sequebantur Henricus filius, Aluarus ipse, Comites Hari Castriq; Calatrauæ Magister, Episcopi Toletanus & Palentinus. præterea Lupus Barrientus nuper Segobiensis Præsul creatus. ea merces fuerat Henrici Principis iuuentutis literis informatæ. Literæ à coniuratis ad Regem supplices missæ. Earum summa erat: Se quidem paratos esse imperata facere, vt subditos deceret, iis maioribus natos, ea nobilitate: modo Regis & filii Principis arbitratu. Rempublicam ad cuiusquam priuati voluntatem inuerti, Regemq; ipsum in alieno mancipio esse, neque leges prouinciæ pati: neque tantam ipsos ignominiam tolerare debuisse. An æquum videretur aduersus vnum hominem, neque imperia magistratuum, neque nobilitatem, neq; leges valere? Id si esset mutatum, arma ad prohibendas iniurias necessario sumpta, continuo posituros. Ad has literas nullum abs Rege responsum datum est. Venerat ex Gallia Villandrundus cum quatuor equitum millibus auxilio, Ribadei principatu à Rege Castellæ inuitatus. Aragonii fratres Vasco, Henricusque Castellæ turbationem, suam occasionem facere constituentes, atque in studium incitati pristinae ditionis recuperandæ, quingentis equitibus stipati in Castellæ fines ingressi. vno tempore à Rege & coniuratis ad societatem inuitantur. consilio illi inter se communicato, Vasco quidem Cuellarem, vbi Castellæ Rex erat, profectus est: Henricus Pennafielem abiit, suæ antea ditionis oppidum, quorsum res commotæ euaderent expectare constituens: atque iis se adiungere paratus, vnde maior certiorque spes ostenderetur pristinarum opum recuperandarum. Vallisoletum interea ab Eneco Stunica Ledesmi Comitis fratre occupatum erat, præsidio quingentorum equitum. Id municipium magnum, atque opulentum, ibique frumentum magna copia, & commeatus affatim, quæ postquam à coniuratis comperta sunt, eo sese frequentes contulerunt. Castellæ Rex eo nuncio perculsus: fatali suorum defectione ne res publica grauem plagam acciperet, Olmedum abiit, ex propinquo imminentes motus procurare satagens: ac in primis Henricum Aragonium traducere in partes. eo conatu varia Principum colloquia habita: Renedi primum, deinde Tudelæ, postremo Tordesillæ. Sed ea res frustra tentata: cum Henricus operam suam aliquandiu licitatus, coniuratis demum se Principib. adiunxisset, Vasconis (sic est creditum) consilio: vt quicumq; cōtentionis exitus esset, apud utrosq; præsidium ipsorum reb. esset paratum. & procerum magna pars possessione eorum oppidorum cōtaminata, quæ Aragoniis detracta erant, morâ paci variis artib. afferebat. q̄ nisi iis oppidis restitutis, coalescere nō posse exploratum erat. Sollicita prouincia, & ad



& ad expectationē belli ciuilis suspēsa, affuere viri sancti quib. aut morū probitas, aut eruditionis opinio auctoritatē maximē dabāt. Principes adeunt, docentq; quāto cū periculo pax publica importunis dissidiis turbaretur. Si maximē viribus fiderēt, incerta pro certis stultē mutari. Bellum sumere facile esse, exitū fore proculdubio exitialem, alteri minimū parti. Proinde sibi & reipublicæ consulerent: neque florentes Castellæ res importuna contentione perditum irent. Societatis, amicitiaque coniungendæ fore copiam, gladiis nondum fraterno sanguine infectis. Constitutum multo labore, vti ad Castrum Nunnium Principes colloquerentur, de conditionibus pacis coram disceptaturi. Quo tempore ex Italia nunciatum est, Arcem nouam, quæ Neapoli Aragonio præsidio tenebatur, diuturna obsidione fatigatam redactamque ad supremam annonæ difficultatem, hostibus deditam, nono Kalendas Septembris, Aragonio nequicquam opem ferre omnib. copiis conato. Sed eam tamen iniuriam Salerno in Picentinis recepto, multisque aliis oppidis ad ditionem subiunctis egregiē compensatam. Inter Castellæ proceres fœdus tandem ad Castrum Nunnium his conditionibus est factum. Aluarus Cúria abesto semestri spatio, sublata etiam literas ad Regem scribendi facultate. Aragoniis fratribus oppida & honores, quæ ablata erant redduntor: aut pecuniæ tantum annuæ, quantum arbitri iudicabant. Copiis militaribus missio esto. Urbibus coniurati occupatis præsidia detrahunto. Neu fraudi cuiquam esto Aragonias partes superiori tempore, nunc coniuratos proceres fuisse secutos. Sic Henrico quidem D. Jacobi Magisterium restitutum est: Vasconi Cuellar municipium. Aluaro æqua permutatione Sepuluega pro eo oppido datum. Castellæ Rex Taurum digressus. quō tempore nunciatum est, Catharinam sororem Hérico nuptam, dolore partus Cæsaraugustæ obiisse ad quartum decimum Kalendas Nouembris; nulla relicta prole. missi Segobienensis Episcopus, & Ioannes Luna Prior Hospitalarius, qui Principis luctum in ea calamitate leuarent. Aluarus Sepuluegam abiit ad quartum Kalendas Nouembris supra bonum, atque honestum perculsus, neque frenare iram, neque moderari linguam, vir egregius alioqui. vno solatio exilium sustentans quod breui rerum mutationem fore prouidebat animo. Abeuntem Ioannes Sylua regius Vexillifer, Petrus Acunius, Gometius Carillius, alii nobiles profecuti: beneficiorum memoria, an meliori in futurum spe. In conuentu Basiliensi damnato tandem Eugenii nomine, Amadeus Sabaudus Pontifex salutatur Nonis Nouembris, Felicis quinti nomine indito. Is primum Comes Sabaudia, deinde Dux cū quadraginta annis fuisset, abdicato principatu, ac aulae cultu relicto, in eremum abiit, purioris vitæ studio incensus, sex senioribus ex suorum nobilitate comitibus. id Eugenii felicitati tributum est, quod parum ea electione Principes sunt commoti: ne Philippus quidem Mediolanensis Amadei gener, Eugenii, ac Venerorum hostis: neque Aragonius eidē infensus causam Renati hostis summo studio defendenti, nouum Pontificem venerari in animum induxere: memoria credo superioris dissidii, vnde tantæ calamitates extiterant, aut Basiliensium Patrum auctoritate fluxa, quæ fortasse celeritate valuisset. Tamen ad annum eius seculi quadagesimum septimum in conuentu perstiterunt. quō tempore Ludouici Gallia Delphini armis disturbati, & Friderici Imperatoris, qui Alberto successerat præcepto prohibiti, soluto raptim conuentu redierunt in patriam. Felix ipse nouus Pontifex aliquanto post pontificiis insignibus positus honore purpuræ & Sabaudia legatione à Nicolao Pontifice Eugenii successore annis consequentibus donatus est. Hic finis non vno tempore Castellæ atq; Ecclesiæ dissidiorum fuit, nouarum rursus rerum initium. quod alia narratione explicandum est.

*Noni in Castella motus.* CAPVT XV.

**C**IVILIA in Castella arma cepisse finem videbantur, quasi Aluari calamitate vniuersa prouincia expiata. cū repente & præter opinionem noui tumultus concitati sunt. Nullis finib. ambitio resistit: in omne fas, nefasq; auida rapitur ferox importunaq;. Regis imbecilla mens erat, neque curis imperii satis idonea, nisi alieno præsidio, consilioq; adiuta. ea re cognita proceres primum gratiæ, & auctoritatis locum apud Regem variis artibus captare: ante omnes Fridericus maris Præfectus: cuius erat ingenium varium, flexibile, multiplex: & quem Aluarus pro se maximē vicarium substitui rebus gerendis sua apud Regem commendatione curarat. Aragonii fratres sua se opinione deludi agrè ferre: industriæque fructum pellendo Aluaro, ad quem minimē oporteret recidisse, dolere scilicet. rara fides inter socios asseclasque aulae. Metandis Tauri hospitibus inter vtriusque partis domesticos & necessarios conuiitiis & probis initium rixæ quæri visum. in Rege parum consilii erat, parum auctoritatis proceribus



1440 coercendis. consilio eorum, qui Aluaro fauebant, Medina Campes tri per speciem ve  
tionis egressus, raptim Salmanticam abiit, amplam munitamq; in Vectonibus ciuitatem,  
ineunte salutis anno millesimo quadringentesimo quadragesimo. Abeuntis vestigia A-  
ragonii fratres, Comites Beneuentani, Ledesmiæ, Hari, Castaneda, Valentia, præterea  
Enecus Mendoza profecuti Madrigale sunt: adiunctis sexcentis equitibus, vim facere  
Principi si obfisteretur parati. miseram conditionem pudendamque. vix Castellæ Rex ac-  
ceptus Salmanticæ, procerum aduentu nunciato citato itinere Bonillam abiit, munitum  
iis locis oppidum incolarum fide, mœniumque firmitate. Inde legati abs Rege missi sunt  
ad Aragonios fratres fide ab iis accepta Salmanticam prius, deinde Abulam, quo se pro-  
ceres contulerunt, eius vrbis præoccupandæ spe, vtriusque legationis princeps Guterri- 10  
us Toletus Hispalensis Præsul iuit, fidei erga Regem constantia in paucis ea tempestate  
nobilis, qui illi gradus ad ampliores honores fuit. parum ea diligentia profectum. proce-  
res tantum idoneum hominem nacti, literas ad Regem dederunt, supplices quidē, præce-  
ptis tamen ex intima philosophia petitis ad rem publicam gubernandam graues, q; caput  
erat, in Aluarum criminofas. Rem publicam impotenter habere solitum. Bona publica,  
& priuata domum auertere. iudicia inuertere. neque humani quidquam, neque diuini  
sanctum ducere. Hæc partim vera, partim ex odio afficta esse Rex non ignorabat: verum  
quasi magicis cantionibus emota mente, aures surdas præbebat, salutaria monentib. ni-  
hil responsi datum. contra à proceribus Hari & Beneuēti Comites ad Regem legati per-  
uicerunt, vti regni conuentus Vallisoleti essent. ibi Rex & proceres de vniuerso reipu- 20  
blicæ statu deliberarent: arbitris iis Comitibus de tota controuersia iudicaretur. Sic fa-  
ctum, vt neque vrbes ante à coniuratis occupatæ redderentur, & denuo caperentur aliæ.  
earum hæc sunt nomina: Legio, Segobia, Zamora seu Senticæ, Salmantica, Vallisoletum,  
Abula, Burgi, Placentia, Caraca. præterea Toletum ab Henrico Aragonio recens occupa-  
ta est Petro Aiala dedente: qui arci præfectus, vrbi Prætor abs Rege datus, principem in  
ea vrbe auctoritatis & potentia locum tenebat. Vallisoleti, quo mense Aprili conuētum  
est, nihil prius actum, quam vt fide publica Aluarius reuocaretur. Ea cogitatio Regis pe-  
ctori infixæ erat: cuius voluntati repugnare periculosum, obsequi miserum erat. sed vicit  
tamen metus honestatem. amplissimis verbis literæ in eam sententiam datæ ordinū con-  
sensu. officio quisque Aluari gratiam præoccupare satagebat. Vrbes ad Regis potestatem 30  
redierunt, Toletum in primis. De iudiciis restituendis actum: tuta non erat alioqui inno-  
centia in tanta temporum licentia; vis & latrocinia vigeant, fluxa auctoritate magistra-  
tuum. Frustra is conatus susceptus: quin nouæ enatæ difficultates, Henrici Principis Ca-  
stellæ alienatione. Maligni fideris vi factum arbitror, vt per hæc tempora præcipuam reb.  
omnibus auctoritatem aulici obtinerent, argumento horum Principum patris & filii, qui  
ea fuerunt mentis & prudentia imbecillitate, vt semper alieno imperio obnoxii viuerēt.  
Ioannes Paciecus Alfonso Gironio Belmontis regulo natus, Hérico Principi à primis an-  
nis assuetus, morum similitudine, aut ingenii dexteritate, præcipua apud eum gratia &  
auctoritate pollebat. is Aluaro euerso, à quo Principis datus erat in familiam summū po-  
tentia locum, vt fecit, quærere videbatur. ea superioribus Aluari meritis gratia fuit. Inter 40  
Regem & filium enatæ suspiciones sunt. se Henricus Princeps die quodam à regia sub-  
duxit, nisi Regis consiliariis quibusdam loco moris, rediturum se villo tempore negās. vix  
ad multam noctem agente Vascone socero ad patrem reuocatus est. eò maiori festinati-  
one nuptiæ maturatæ. Blanca deducente matre ad fines Vasconum, ab Alfonso Cartha-  
gena Burgenfi Episcopo, Comite Hari, Fita regulo, ea causa legatis Vallisoletum dedu-  
cta. Nuptiæ celeberrimo apparatu ad septimum Kalend. Octobris peractæ. ludicrum mi-  
litare commissum, auctore Roderico Mendoza regia magistro: si ludus fuit, homines no-  
biles interfici. hastis exacuto ferro pugnatum. inter alios proceres splendore cultus, con-  
uiuiorum apparatu certatum. & erant earum elegantiarum non minus quam militarium  
rerum periti. noua nupta tantum ex virgine mulier facta non est. id rumoribus primū, 50  
deinde fama vulgatum, publicam gentis lætitiā vehementer conturbauit. Ipso tempo-  
re in Gallia de pace inter Anglos & Gallos actum, Burgundi Ducis opera. negotium Isa-  
bellæ eius vxori datum, formæ regia maiestate, Lusitani Regis amite: more inter Gallos  
recepto, vt auctoribus mulieribus de rebus maximis transigatur. ad Flandriæ fines, quo I-  
sabella se contulit, & oratores ab Anglo venerunt, de communi pace agi cœptum, re in-  
gentis molis, ac lentioris spei. Libertas Carolo Aurelianensi redempta quadringentis mil-  
libus aureorum, concedente Anglo in cuius potestate erat, Burgundo annuente, ea lege  
vt obliuio iniuriarum inter Burgundos & Aurelianenses esset: & calibe is toro duceret  
Margaritam filiam Cleuensis Ducis ex sorore Burgundi procreatam. sic post annos vi-  
ginti



ginti quinque, ex quo bellis superioribus ad Blangium captus erat, Aurelianensis patriæ & imperio redditus per sanctæ affinitatem amicitiamq; coluit. Carolus hic filius & hæres fuit Ludouici Aurelianensis, quem à Ioanne Burgundo occisum fuisse docuimus.

*Castella Rex captus.* CAPVT XVI.

**D**Ecesserat in ipsa nuptiarum Henrici & Blanca lætitia Petrus Máricus in exiguo corpore magno vir animo, callidus, audax, pius tamen & in vtramuis partem se dedisset industrius. Aluari quamuis absentis (nam Scalone se tenebat) consiliis res communes gerantur, id ægrè coniuratis proceribus erat. præterea Henrico Principi, prorsus ut Segobiam relicto patre discesserit sine anni, ad Aragonios propensus. Paciecus amicorum intimus ægro animo subdebat faces. Toletum rursus occupata est, Petro Aiala intra mœnia Henricum Aragonium accipiente, contra quam expresse mandatum erat, addita noua iniuria captis fecialibus: qui abs Rege missi erant de offensa expostulatum. Ergo Rex ut par erat commotus, eò magnis itineribus festinauit, modico comitatu, maiestate securus. aditu prohibitus ad D. Lazari substitit, ipsa militari via, qua Madritum itur. ab Henrico Aragonio ducenti equites foras portameducti. regis in periculo aliquanta spes, timor amplior: quippe exiguo numero aduersus armatos. expedita arma: subitarii operis munimenta constructa. grauis eo die calamitas extitisset. Henricus ne maiestatem violando nouam inuidiam conflaret, sese in urbem retulit. Villandrundus, cuius præcipua virtus extitit, depulsi periculi præmium tulit, extortis à Rege publicis tabulis, quibus Ribadei Comitibus perpetua lege dabatur ad mensam Regis accumbere, vestisq; qua Reges vterentur omnibus annis octauo Idus Ianuarii, præstitæ operæ monumentum, quoniam eo die ineunte anno millesimo quadringentesimo quadragésimo primo, graui metu 1441. fuerunt liberati. Torrigios discessum, in eo oppido Pelagius Ribera Malpichæ regulus cū centum equitibus relictus præsidio est. Rex Abulam contendit. eodem Aluarus abiit de instanti bello consilia communicaturus: eò coniuratorum Principum volūtates amplius exacerbatae sunt: quorum pars maxima Areuali se tenebat: ipsa etiam Regina Castellæ aduersus virum criminationibus aures præbens, in filium & fratres caritate propensior.

**E**piscopi Burgenfis, Abulensisq; in id oppidum legati: si qua via se daret refarciendæ concordia. parum ea legatione profectum est. A Diego Valera qui in obsequio Hærici Principis erat, ad Regem literæ datæ hæc sententia: Quantas calamitates res publica ex fatali Principum discordia pertulerit, commemorare non attinet. Gentis ignominiam vulnera nostra stylo retractare graue, superuacaneumque. præterita accusare facile, remediū adhibere necessarium. De malorum auctoribus disputare quid iuuat? cuiuscunque ea culpa sit, à Deo certè humano generi rector datus, diuinam benignitatem expromere maxime debes, condonatis subditorum peccatis. Tunc clementiæ præcipua laus, cum iræ causæ iustissimæ. Patrem te patriæ vocamus: caritatis paternæ te ea appellatio admoneat ad ignoscendum promptæ, ad vlciscendum tardæ. Sed impune qui tantum iniuriarum præmittatur? an non malo cogantur, quorum animi beneficiis vinci non potuerunt? Verum. sed in facto tamen cū syncerus est animus, nulla offendendi voluntas, quamuis præpostero, iniuriæ nomen iniuste affingatur. Nulla re magis animi magnitudo, quæ magnorum Principum tibi similium virtus propria est, perspici potest, quam iniuriis hominum condonandis. Varios & ancipites bellorum casus vitare æquum est: certamq; pacem dubiæ victoriæ præferre. quæ ut maxime esset explorata vtriusque parte cadente, tuo maxime detrimento constabit: ad quem subditorum calamitas referatur necesse est. Deum precor, ut suis muneribus perpetuitatem addat: gentis felicitatem tueatur, & propaget: nostris votis aures suas, tuas salutaria monentibus faciles præbeat. Lectæ coram Rege, deinde in senatu literæ, variè, ut cuiusque animus erat acceptæ sunt. sed tacentibus tamen cæteris, vnus Guterrius Toletus Antistes væcordi audacia elatus: Opem, inquit, Valera afferat: consiliorum satis habemus. Fuit Valera præstanti vir ingenio, bello bonus, ad cæteras doctes, quibus in tenui censu instructior nemo fuit, gemina legatione in Germaniam obita clarus. Extat ingenii monumentum, historia succincta de rebus Hispaniæ, cui ab auctore Valerianæ nomen est. Henricus Princeps patris accitu Abulam iuit: de incunda concordia actum. Duæ Regina mater & socrus ab Henrico Principe, cū se Segobiam retulisset, Nieum euocatae sunt: si iis auctoribus factiones componi possent. In eo oppido Blanca Regina Vasconum decessit ipsis Kalen. Aprilis. corpus in celeberrimo eius oppidi templo tumulatum creditur. magni id auctores tradunt. verum regii sepulcri, neq; eo loco, neque in Diuæ Mariæ Vxuentis, quo se transferri, testamento cauit, vllum vestigiū ex-



tat: ut mirari possis memoriam rei usque adeo recentis esse oblitteratam. Dominicani eius loci sodales translata ossa affirmant: sed in quem locum non tradunt. Carolus Vianæ Princeps materni regni successor, regio nomine abstinuit à patre coactus, an sponte, an matris monitu. ingenium studiis dederat: non ut otio marcesceret, sed ut præceptis sapientiae instructior ad rem publicam accederet. Extant ingenii monumenta. Libri Aristotelis de moribus vulgari Hispanorum lingua donati. Brevis de Vasconum Regib. historia. præterea versus non inelegantes, quos ad lyram pangere solitus erat, iuuenis meliori fortuna, patreque benigniore dignissimus. Erat vnum & viginti annos natus cum mater defuncta est. Eius obitu ineundæ pacis cōsilia disturbata: seque Castellæ Regina Areualum retulit. belli flamma in Carpetanis multis locis excitata. præcipui coniuratorum duces Henricus Aragonius, maris Præfectus, Beneuentanus Comes. Alvarus, Scalona, ubi se teriebat, suis & Toletani fratris opibus vim præstanti animo propulabat. variabant secundæ aduersæque res. Enecus Méndozza ad Complutum, quod oppidum Toletano abstulerat, insidiis hostium exceptus, ductore Ioanne Carrillio Casorlæ Antelato, supremum vitæ periculum adiit. amissis sociis ipse accepto vulnere cum paucis euasit. Eodem tempore ad Gresmōdam oppidum ab Aluari copiis victa coniuratorum manus. cecidit in conflictu Laurentius Daualus, Dauali quondam Magistri equitum nepos. infelicem iuuenis casum, lugubri carmine Ioannes Mena Poeta Cordubensis decantauit: præstanti vir eruditione, ea tempestate: condēdis vulgari lingua carminibus in paucis celebratus. modi rudes temporis culpa. ingenium elegans fuit, amœnum, & auribus illius temporis accommodatum. Sepulchrum eius Tordelacunæ in agro Toletano monstratur: ubi consequentibus annis extinctus est. eius semper in Hispania memoria vigeat. Vno tempore à Vascone cum validis copiis in Citeriorem Castellam itum, auxilium coniuratis, quoniam hostes meliora ferebant: dispersi per agros & oppida spoliare, rapere, vi & stupris cuncta miscentes. rerum miserabilem faciem. à Castellæ Rege Medina Campestris atque Areualum, Vasconi in cuius ditione erāt, detracta sunt. Iis locis ad Naharrū pagū Eleonoram Reginam è Lusitania venientem conuenit. arcanis sermonibus de pace nihil impetratum, Regis animo nouis identidem iniuriis exacerbato. Ad Lusitanas tantum controuersias componendas legati sunt, qui Petrum Conimbricæ Ducem officii admonerent. idem ab Alfonso Aragonio factum ex Italia in eam rem missa legatio. nihil præstitum tamen. Petrus imperandi dulcedinem degustarat. gētis animi in proposito externi imperii repudiandi perstabant. malo cogere non vacabat cum utriq; Principi tantum belli conficiendi superesset. itaque Regina Lusitanæ orbata viro, diuulsa à filiis, imperio spoliata, ad vitæ finem in Castella permansit. Aragonii fratres suarum rerum periculo permoti, relictis Carpetanis sese in Vaccæos citato retulerunt, rebus præsidium. Areualum memoria veteris imperii continuo portas aperuit. Medinam promotæ castra, ubi Rex erat. leuia pro oppido prælia facta, haud memorando in alterutram partem euentu. diuturna obsidio non fuit. quibusdam incolis aditum aperientibus, nocturno furto oppidum à coniuratis captum, sine sanguine tamen. Castellæ quidem Rex ad periculum excitatus, plateas armatis equitibus occupat. multitudo domi se continebat: periculi metu an civilis belli execratione ad arma segnis. Alvarus, Toletanus Præsul eius frater, Magister Alcantaræ, Regis monitu, hostes in eorum capita potissimum sequituros, per auersam portā fuga euaserunt mutata veste, inuolutisque capitibus inter hostium cuneos ignoti. Armatum Regem coniurati quasi supplices adeunt: ad genua prouoluti manum deosculandam petunt: quasi obsequio prompti, certantesque minime grato in regiam usque deducunt. tunc victi victoresq; in mutuos amplexus ruunt. ciuilia arma mœsta lætitia detestantur, vnde spes & præmia nulla, certa funera & luctus vtriusque parte vincētē. Accurrere Reginæ atq; Henricus Princeps: multoque sermone & arcano cum Rege habito, aulæ ministeria mutant, Aluari odio. Guterrius Archiepiscopus Hispalensis, Ferdinandus Toletus Albæ Comes, Barrientus Segobiensis Episcopus, oppido discedere sunt compulsi. fidei erga Regē constantia grauissimum crimen erat. amicitia illis tamē cum Alvaro inita opponebatur, motibus pacandis impedimento futura. Actum de fœdere: neque licebat repugnare, cum Rex captiui instar teneretur. arbitri delecti sunt cū summa decernēdi potestate, Castellæ Regina, Hēricus filius, Fridericus maris Præfectus, Albæ Comes ea causa curiā reuocatus. Ab iis sententia in Alvarum pronunciata. Ut toto sexennio intra designata ditionis oppida se contineret, mandatum. neue ad Regem scriberet, nisi exemplo literarum cum Regina, & Henrico Principe communicato. Ne noua fœdera faceret: aut milites suis stipendiis aleret. In eam rem Ioānem filium & nouem arces intra diem trigessimū obsidum loco traderet, sequestris quibus à iudicibus esset mandatum. His rebus nunciatis, Alvarus



rus supra quā dici potest cōmotus, neq; tenere lachrymas, neq; a cōtumelias tēperare. q̄ alii ambitionem interpretabantur: alii bonum ingenium contumelia irritatū excusabant. in ægritudine tamen casuq; nouas resurgendi excogitare rationes. verum parum fidei erga proiectum erat: & omnes aditus erant præoccupati. se coniurati nouis affinitatib. confirmabant. Ioanna Friderici maris Præfecti filia Vasconi, Henrico Aragonio Beatrix Beuentani soror in coniugium pactæ sunt. Diegus Sandoualius Castri Comes, Henrico Principi ea tempestate assiduus magno vir ingenio vtriusque connubii auctor: quod deter sis inter Principes suspicionibus in vnam euertendi Aluari curam, vti fecerunt, coniunctioribus animis incumberent.

10 *Neapolis ab Aragonio capta. CAPVT XVII.*

**S**Vblato ciuili bello, nonnulla quies esse cœperat in Hispania: festa que lætitia, per vrbes & oppida. Neapolitano bello Italia vniuersa æstuabat. Renati vires, mora conseruerant. vxor & filii Massiliam erant amandati. quæ res magnam desperatæ victoriæ significationem continebat. sic multitudo interpretabatur, prona semper in deterius credulitate. Magna famæ momenta in bello sunt. magnæ ex eo tempore animorum inclinationes factæ, præsertim Iacobo Caldoræ, in quo rebus certum præsidium erat, propter eximiam rei militaris scientiam, extincto. cum Circelli collem pontificiæ ditionis diripere pararet, repente exanimatus, inter suorum manus in tentorium delatus, breui animam efflauit. reliqui Caldoræ, quæ familia præpotens erat, ad Aragonios respicere. Auerfa capta. Brutii dediti. ad Troiam Apuliæ urbem Sfortiani prælio victi. reliqua omnia prona erant. Ab Eugenio Pontifice, Venetis, Florentinis, Genuensibus, ad pellendos Aragonios tota Italia, vires denuò sociatæ sunt. Tridentinus Cardinalis cum decem millibus militum in fines Neapolitanos incurrit. in collectitio exercitu, moribus, voluntate, studiisq; discrepante, parum præsidii fuit. quin ipso tempore Aragoniæ copiæ Neapolim ductæ. Renatus (vbi belli summa vertebatur) urbem defendere conatus sese intra mœnia tenuit: ciuium credo inconstantiam veritus, an viribus diffusus, si æquo Marte confingeretur. Commeatus & auxilii aliquantum à Genuensibus est allatum: sed exiguum id leuamen erat præ urbana multitudo. creuit annonæ, ingentiq; pretio tritici modius constabat. fure qui in publico consilio, faciente animos fame, Renato suaderent, vti quacunq; ratione cum hoste pacisceretur. ducebatur obsidio. famis malum augebatur. duo fabri cæmentarii Anellus & frater, qui in castra transfugerant, urbem haud magno periculo capi posse, docent. Si præmium operæ sit, aditum se monstraturos. Erat aquæ ductus subterraneus, per quem ad urbis commoditatem, ex vicino fonte aqua in puteos diducebatur: ducenti viri fortes delecti sunt: omnesq; trans fugis parere iussi. ascensus erat difficilis, angustus aditus. plerisq; deterritis, aut pondere corporum impeditis quadraginta secuti sunt prægredientes fratres. Dolabris conuulsi lapides vbi morabantur transitum. timidos insolentia itineris, duces confirmant verbis exemploq; leuantes nonnunquam manu. magno nisu ad priuatæ domus puteum peruentum. muliercula, cuius ea domus erat, visis militib. continuo exclamat: proditura insidias nisi celeriter oppressa vox esset. Sol exortus erat, nihil-  
40 que Regi significatum, metu an negligentia. omnes cæsos esse creditum. copiæ tamē, quæ paratæ erant ad muros succedere iussæ. remissa pugna est, cum nihil in vrbe nouari cernerent. Quadraginta milites, siue ad clamorem pugnantiū exciti, siue re necessaria compulsi (nam insidiæ detectæ erant) vicinam muri turrim desertam custodibus, occupat: cui Sophiæ nomen est. accurrit Aragonius præsidio futurus: accurrit Renatus ad periculum. eratque turrim recepturus, deturbatis Aragoniis: sed subito ac improviso inuecti nostri pleno gradu, formidinem incusserunt. vnde illis terror, Aragoniis qui turrim ceperant, animus creuit. multis partibus oppugnatio erat. aliquot tandem portis refractis, in urbem irrumpitur. Renatus, cui potissimum parti, aut loco succurreret incertus, cum nullū prudentis Ducis aut strenui militis officium prætermisisset (nam sua manu plures ex hostium  
50 numero trucidarat) in arcem sese recepit. Directæ nonnullæ ædes, à cædibus temperatur. mox ingresso Rege, prædæ quoque finis est factus. Per hunc modum Neapoli Aragonii potiti sunt, Sabbatho postridie Kalend. Iunii salutis anno millesimo quadringentesimo quadragesimo secundo. Milites pro concione laudati, donatique pro cuiusq; merito magnifice: ante alios Semen Vrea, Raymundus Boillius, Petrus Cardona, præcipui copiarum duces. neque Petrus Martinius militibus aquæ ductum subituris dux datus debito præmio fraudatus: ne transfugæ quidem, maioribus quàm eorū fortuna caperet promissis ad audendum incitati. Notabant rerum periti, eodem prope fato & arte à Belisario eam urbem de Gotthis fuisse captam. Renatus, amissa nobilissima vrbe, ac nulla reliqua spe, incolumitatem sibi suisq; aliquando post pactus, ad Eugenium Florentiam, atq; inde



in Galliam concessit. Eius discessu reliqua procliuia fuere. Marſi, Peligni, Apuli breui ad ditionem subiuncti. quicunq; eatenus Aragonii imperii iugum subire detrectarant, superiores offensas officio compensare, certantes festinantefq; ne morando victoris irā exacerbarent. Sic Italia pacata magna ex parte, Hispani nondum planē quiescebāt, quamuis diuturnis fessi malis, paceq; inter Principes facta, discordes antea, & tunc contēptu regentium minū coercitis odiis. Minuta colligere longum: præcipua diffidia hæc fuerūt. Ludouici Gusmanii Calatrauæ Magistri salute desperata decumbentis locū, ambitione præpropera, duo præ cæteris eximii viri obtinere contendebant: Ioānes Gusmanius Promagister ordinis, Fernandus Padillia Clauiger. ab hoc militum animi præoccupati erāt: Ioannes nullam spem honoris adipiscendi, nisi in audacia, & temeritate ratus, cum manu militari Calatrauæ oppida occupare pergit. Clauiger eo conatu cognito, cū quadringentis equitibus obuiam procedit. ad Baragiam agrum in acie dimicatum. victus Ioannes captusq; est. duo filii in pugna occisi. Oppressi æmuli præmium Padillia datum, quod petebat. in Magistri locum subrogatus est, quamuis obsistente Rege, atque cum honorē Alfonso Vasconis filio notho dari expetente: tanta contentione, vt nouo tumultu ad manus ventum fuerit. Dum Calatraua obsidetur ab hoste Vasconis filio, nouus Magister qui intra oppidum erat, lapide ictus est per imprudentiam, à suorum quodam in hostē emisso. eo sublato Alfonso æmulus Calatrauæ Magister institutus est. Cantabri, gēs valida & indomita bifariam tumultuati. primū heteriis atq; societatis. inter se constitutis, atque à Rege confirmatis, impetus in nobilium arces & fortunas factus. Petrus Aiala intra Saluaterram suæ ditionis oppidum circumfessus, accursu Hari Comitis propinqui seruator. In quo eximia fides fuit. nam lectis Aialæ literis, quib. Auxilium petebat, periculum renunciabat: in agro vbi fortē corpus exercebat, tentorium erigi iubet, nisi propinquo liberato tectum non subiturum iuratus. Mota præterea eo tractu vetus religio est. Fratricellorum sectæ semina Durāgi excitata impura fœdāq; de infectis ea persuasione quæstiones tormentis habitæ. pleriq; viui combusti. Alfonso Mella è Franciscano ordine Dux sectæ, iudicii metu Granatam fugit, puellas magno numero secum ducens: quæ turpem vitam exegerunt inter barbaros. ipse qua causa incertum, sed calamis tamē à Mauris per ludum petitus confixusq; periit. vitæ exitus consentaneus. huic Ioannes Mella frater fuit Zamoræ tunc Episcopus, deinde Cardinalis. In Lusitania Octobris fine, Ioannes Lusitani Regis patruus ad Salis arcem seu Salaciū decessit tres & quadraginta natus annos, Magister equitum, idem D. Iacobi Magister. ex Isabella vxore, Alfonso fratre Brigantino Duce nata, Diegum reliquit: cui paterni honores sunt dati: filias tres, Isabellam, Beatricē, Philippam. vnde magnorum Principum stirpes constabunt.

*Viri insignes.* CAPVT XVIII.

Salonē se Aluarus tenebat, ex quo de gradu fuerat deiectus, neq; nulla neq; magna spēs pristinae auctoritatis recuperandæ. ingenii, satis diligentia habentē fortuna seu vis altior destituit. eius frater Toletanus præsul Talaueræ extinctus erat, pridie Nonas Feb. grauis calamitas tanto repente sublato præsidio. supererat Rodericus Luna, quē ex patruuele natum, Compostellæ superiori tempore Episcopū dederat, quāuis non satis idonea ætate. verū parum in eo reb. asperis subsidii fore cernebatur. & erat ingenio prauo maloq; perditis morib. Proceres in ea temporum perturbatione, id se habituros confidebāt, q; primi occupassent. à Petro Suario Ferdinādi Oropesia reguli filio Talauera capta, vix Rex ipse Castellæ, cū ex Vltiori Castella accurrisset, in oppidū est exceptus. Defuncti Præsulis funus in tēpli Toletani sacellū delatū est: q; Aluari impensa extructū erat magnificētissimū. De successore deligendo cōtrouersia excitata. duo præ cæteris cādidi opib. præstabant. Garſiā Oforium Ouetensem Episcopū, Præfecti maris propinqui fauor subleuabat. Guterriū Toletum Hispalensem Præsulē Aragonii fratres: penes quos rerū potestas esse cœperat. is in contētionē vicit magno vir animo, mediocri statura, conspicuus forma, candidus, flaua cæsarie, doctrina excultus, syncero reb. gerēdis animo, seuerior aliquāto, quam ætatis mores ferre possent. eò nonnullā inuidiā cōflauit. breuis pontificatus, ac fere trium annorum fuit. Fernandū Albæ Comitē Casorlæ ipse Antelatū iussit. Guterrii æmulus Garſias Hispalensi Episcopatu donatus est. Diegus Auriensi Ecclesia Ouetū translatus. Auriensis Ecclesia Ioāni Turrecremata cōmendata, ex Dominicano ordine Sancti Sixti Cardinali, multæ eruditionis viro, vt editi libri magno numero testantur. defensa de scripto Romanæ Ecclesiæ maiestate. in tāta tēporum colluuiōe labeq; immortalē laudē consecutus est. Turrecremata æqualis, vt in minori ætate, fuit Alfonso Tonstus Madrigale in Vaccais patria, scriptorū mole, cognitiōe antiquitatis, multiplici eruditione ad miraculū clarus. Sermonis elegantia defuit, nōnulla iniuria ne cū quouis antiquorum cōferatur. annis



annis consequentibus Abulensis Episcopus creatus est. iunior Senis in Hetruria, vbi Eugenius Pontifex erat, theses magno numero ex intima Theologia depromptas, disputandas publice more Peripatetico proposuit. in iis, locis aliquot offendisse Eugenius Pontifex edito diplomate notauit. dicato opere Turrecremata Cardinalis: defedit rursus Tonstus libro, cui Defensorio nomen fecit, in Pontificum etiam auctoritatem inuictus, iniuriusque præ studio tuendi placita. Atq; hæc fere accusabantur capita. Christum Deum occisum ineunte ætatis anno trigésimo tertio: neque ad octauum kal. Aprilis, vt vulgò veterum sententia est, tertio Nonas eius mensis in crucem actum. Nulli quidem peccato veniam denegari, quantauis turpitudine ipsius, quacunq; delinquentis conditione statuque: à pœna tamen & culpa Deum non absolueret. multo minus sacerdotes iure clauium. Quod ille dictum subtili interpretatione explicabat: plerosque nouæ vocis insolentia conturbabat.

*Libri vigésimi primi Finis.*

IO. MARIANÆ HISPANIÆ  
E SOCIETATE IESV,  
HISTORIÆ DE REBVS  
HISPANIÆ,  
LIBER XXII.

*Rerum Hispania status. CAPVT I.*



HISPANORVM Res in Italia meliori in statu, quàm in Hispania erant. in similibus ingeniis pro conditione rectorum mores fortunaque variabant. Aragonio Regi animus ingens erat, gloriæ maior cupido quam voluptatum: vigilare, laborare, locis omnibus adesse, corpus nullo labore fatigari, calor ac frigoris peræque patiens. quibus virtutibus, clementia, liberalitate, morum facilitate, vtriusque gentis studia promereri non desisteat, haud ignarus in ciuium beneuolentia certissimum præsidium rebus fore, in metu periculum, exitium in odio. In Castella non sublata Aluari potentia, sed dominus commutatus, Vasconæ alienæ dominationes non vindice, sed vicario, Rege Castellæ nunquam sui iuris & mancipii: quæ magna calamitas fuit, nouorum dissidiorum origo. Inerant nonnulla bona, sed maiora vitia superabant. corpus procerum & candidum: verum elati humeri, facies indecora. iudicium intelligens poetices & musicæ studiis oblectabat: venationi, & ludis militaribus deditus idoneusque. exiguus animus: curæ imperandi graues, atque adeo intolerandæ. breui auditu quamlibet magnâ transire, satis magnum imperii fructum ratus, si otio, desidâ, voluptatibus marcesceret. Aulici, ac is maxime cui rerum permisisset arbitrium, Principum legationes audire, responsa reddere, fœdera facere, dare honores & magistratus, regnare alieno nomine, pacis, belli, legum, institutorum arbitri moderatoresque. pudendam Principis socordiam, ac turpitudinem fœdam. Exolescente nimirum veterum Castellæ Regum indole virtutum, non secus atque in fatis, & pecudib. semina cælo, terra, tempore maxime mutantur, degenerantque, præsertim sede mutata. sic ardens Principum ingenium copia plerumque voluptatum extinguitur in posteris, euanescitq;: ni vitia institutione corrigantur, coniugum delectu ex duriori hominum genere petitarum, sanguis flaccescens excoquatur, & ad pristinum competentemque habitum reformetur, maiorum molitie in fœtib. castigata. Magnis imperiis nihil est negligendum: audaciaque aulicorum, an-



quam radices agat, in ipso exortu vindicanda inueterata velut iure suo sœuit: neque euer-  
titur, nisi magna multorum ruina, sæpeque oppressis ipsis vindicibus. Accusare præterita  
superuacaneum esset: nisi ex alienis vitiis instituendę Principum vitę atq; conforman-  
dę præcepta reperantur: quantumque desidię vigor animi præstet, duorum Hispanię  
potentissimorum Regum exemplo dignoscatur. Aragonius post captam Neapolim ceteris  
urbibus & arcibus, quę in Andegauenfium fide erant, ad deditionem subiunctis, con-  
fecto bello in nobilissimam urbem triumphum inuexit quarto kalen. Martii, eius sæculi  
1443 anno quadagesimo tertio veteri Romanorum instituto, curru inaurato sublimis agen-  
tibus quatuor eximii candoris equis, præcedente alio æque candido. currum pedibus  
sequebantur totius regni reguli optimatesque: præibant viri sacriati cum infulis & vela-  
mentis Deo & superis concinentes carmen, circumfusa multitudo diuturnum, felix fau-  
stumque imperium acclamabat. Lauream capiti non imposuit, eum honorem superis  
habendum dictitans, quorum opę victoria parta esset. Vię constratę floribus, multa ve-  
ste pretiosa tecti parietes, varia odorum suauitate cuncta fragrant. nullus dies iucun-  
dior illustriorque illuxit, victis æque ac victoribus. Conciliandi Eugenii Pontificis cura  
solicitabat, minus iam ad Gallos propensi, Senis ubi Pontifex erat, Iulii Idibus fœdus ea  
lege factum: vt Neapolitanum regnum Aragonio cederet, & post eum Ferdinando filio,  
quem ex impari quamuis matre Rex in conuentu Principum eius quidem imperii here-  
dem designarat. Aragonius annuas vncias auri (genus id monetę est) octo millia in Pon-  
tificum ærarium inferret: operamque nauaret Francisco Sfortia impugnando: qui Me-  
diolanensium affinitate superbus, Picenum magna ex parte occuparat. Plus præstitum, quam  
promissum, à Rege ipso capta arma, multaque oppida & arces in Piceno agro, Sfortianis  
detracta restitutaque Pontifici. quorum nomina, ac totius belli successus vt memorię  
prodantur, operę non est. Expetentibus Genuensibus pax ea lege est data: vt annuatim  
peluum auream iusti ponderis Alfonso quandiu viueret, penderet. quasi ex victis illis tro-  
phæum cum in populi conuētū accipere solitus esset, quia graue fœdus haud diuturnum  
fuit: neque ultra quartum annum stetit. Vasco etiam susceptam in Castella rerum pote-  
statem acerbius exercebat: eo imperium minus diuturnum fuit. durant enim moderata.  
Castellę Regem captiui instar habebat. insignem audaciam confidentiamque in alieno  
regno in pace, tanto Principi sermonis etiam liberi commercium abstulisse, adhibitis  
custodibus Henrico maris Præfecti fratris & Roderico Mendoza regię Magistro: qui  
sermone aduentum Regem & vultus notaret. Erant in eandem fraudem inducti, Præ-  
fectus maris atque Beneuentanus Aragonia affinitate deuincti, Henricus Castellę Prin-  
ceps, atque Regina. Ramaga, Madrigale, Tordesilla Vacceorum oppida abs Rege Castel-  
lę illustrata. Bartientus Abulę Pontifex rei indignitate commotus, & ex arcano Aluaro  
fauens, eius restituendi tempus venisse ratus Ioannem Paciecum adit, rerum statum de-  
plorat. Aragoniorum vœcordiam detestatur. Quidquid in Regem admissum esset Hen-  
rici Principis ignominia peccari. Quibuscunque moribus & ingenio, parentem esse ta-  
men. Si rebus gerendis impar esset, non externos homines Aluaro prohibito in eius lo-  
cum, sed ipsum potius reponi æquum fore, & paterna cessatione rerum moderationi ad-  
,, moueri. Quid enim Aluari casu lætemur, si eo submoto nihilominus seruituri eramus,  
,, peiori conditione propter acerbitem, maiori periculo ob ambitionem imperantium?  
,, An credis vicaria potestate fore Aragonios contentos? vt est animus mortalium inexple-  
,, bilis, ad vltiora (mihi crede) contendunt. parto externo imperio feroces noua in Hi-  
,, spania regna meditantur. An Henrici secundi memoriam excidisse putas: iniuria Castel-  
,, lę occupasse animis infixum habent: exitium vestrę familię moliantur, nisi perierint  
perdituri. Mouebatur Paciecus Pontificis oratione: eumque vera prædicare, salutaria  
monere non ignorabat. conturbabat tamen viriū imbecillitas: & vt pares essent Aragõis  
opibus verebatur. audendum tamen atque conandum visum est, tentandasque procerum  
voluntates: an satis esset animi ad euertendam Aragoniorum tyrannidem. Ea vt rectius  
perfici possent, Henrico Principi persuasum Tordesilla vitata se se Segobiam conferret,  
quasi venatione remissurus animum: inde ad Aluarum literę datæ. Forte duo Comites  
Hari, atque Ledesinę, qui Regis dono Placentiæ iam Comes vocabatur, Curicle cõue-  
nientes de Rege liberando consilia comunicabant. ea res Henricum Principem Torde-  
sillam necessario reuocauit. disturbati ii proceres atque fugati ab Aragoniis: nouorum  
dissidiorum fundamenta ponebantur. Vasconis & Ioanne nuptiæ ipsis Kal. Septembris  
1444 salutis anno M cccc quadagesimo quarto omnium fere Principum, & duarum, Regina-  
rum Castellę nimirum & Lusitanıę concursu, ad Lobatonem peractę sunt. Henricus  
Aragonius per idem tempus suis ipse nuptiis Cordubę celebratis factionis opibus in  
Bętica



Betica confirmandis diligentem operam dabat. Ad Francorum Regem Diegus Valera legatus, per causam Armeniaci Comitis nuper capti à Delphino, & Martino Alfonsi Geggionis Comitis filio, liberandi. cum Anglis sensisse crimen erat data tamen libertas ea lege: ut si quando fidem falleret, oppidis Ribadeo, & Canicis, quæ in Asturibus possidebat dono Regi Castellæ, an hereditate spoliatus Cantabriæ etiam finitimæ viribus oppugnaretur. Cum Henrico Principi Aluari euerrendi restituendiq; vno tēpore consilia cōmunicata. Vasco euerrendum suadebat: in eam rem vires sociandas. Barrieritus Paciecusque restituendum iudicabant: maturandumque priusquam ex molitiones prodire essent: eo consilio, ad Vasconem distinendum fallendumque de ineundo cum eo fœdere actum.

10 Interea Henricus Princeps Segobiā rediit. Comites Hari, Placentiæ, Castanedeque ut vires iungeret sollicitati, adiuncti Albæ Comes Ferdināus Toletus cū patruo Toletano Præsule, atq; Enecus Mēdoza. Vbi ad Aragonios impugnādos satis esse viriū est visum, Abulā, quo Princeps abiit, fœderati cōuenire iussi sunt. mille quingēti equites cōtracti, nomē magis exercitus, quam robur. eodem Aluarus venit. Pecunię redigendæ in stipendium difficultas opponebatur. Burgos festinatum: vbi alii fœderati proceres erant. Castellæ Rex Portillium amandatur. eius custodiendi cura, Comiti Castri imposita: Vasco raptim delectu habito, duo equitum millia in proceres ducit, nouis identidem copiis confluentibus validiores. Ad Pampliegam in Burgēsi agro, castris collata castra sunt: vtræque acies patentis campo, modico distantes interuallo constituerunt. affuere viri sancti ad periculum exciti. iis auctoribus de pace agi cœptum. pene res confecta erat: cum leuis pugna cœpta temerè, confluentibus ab vtraque parte militibus, in iustum prælium exarsit. multum diei processerat. nocte diremptum certamen est: seque Vasco virium conscientia tenēbris tectus Palentiam retulit urbem satis munitam. nouum Vasconi accessit incommodum. Rex Castellæ Portillio quasi ad venationem egressus, Mogiādo oppido pransus apud Diui Petri Cardinalem, dimisso abs se Castri Comite ad filium in castra abiit. Regis libertate vires coniuratis concidere. Vasco ad reparandum bellum, in Vascones abiit. proceres coniurati ad suę quisque ditionis oppida: Henricus Aragonius Oceaniam. Aragonia oppida in Vltiori Castella à Regiis occupata: Medina Campestris, Olmedum, Roa Arandaque. Henricus Aragonius ab Henrico Principe, atque Aluato fugatus in

30 Contestanos, ab Alfonso Fagiardo (qui partibus infectus erat) Murciæ Antelato, Lorcæ intra mœnia exceptus est firmissimi iis locis municipii. sic in præsentī vitarum periculum, nouæque auctoritatis & potentia recuperandæ spes tentat. Hęc in exitu anni gesta sunt: quo anno Nonis Iulii Ferdinandus Lusitani Regis patruus in Africa decessit. corpus in vrbe Phuthensi tumulatum, consequentibus annis in maiorum sepulchra ad Aliubarrotam illatum est miraculis clarum: sic gens Lusitana persuadet, dedita religionibus, cultique suorum Principum maxime. eius memoria consecrata templisque data non est: vita sancta, mores castissimi fuerunt, muliebri nunquam fœdati contactu: nunquam in vita mentitus est. Deum ardentissima pietate coluit. Quas virtutes in hoste admiratus Lazerachus, in cuius potestate erat, nunciata morte obstupuit primum. deinde, dignus,

40 inquit, erat immortalī laudē, nisi Mahometi Vati tantopere infensus extitisset. Magnum atque admirabile virtutis numen, quod à prauis etiam & infensis pectoribus extorquet laudem. Ex Gastone Fuxensi Comite & Eltonora Vasconis minori filia, filius item Gastonatus est, brevis ætatis futurus, paternas auitasque opes, hereditatemque Francisco & Catharinæ, qui postea sunt ex eo quidem & Magdalena coniuge geniti, relicturus: vti locis competentibus explicabitur.

## Pugnatur ad Olmedum. CAPVT II.

50 PVLis Aragoniis fratribus lux rebus aliqua affulsisse visa est, sublato tātisper bello magis quàm belli metu. Medinæ Campestris Castellæ conuentus agitati: nouaque pecunia imperata est in stipendium: non quantam res exigere, sed quantam populi pati possent, multiplici imperio fessi, & sœuissimum bellum execrantes. Eodem se Henricus Princeps & Aluarus retulerunt, D. Jacobi oppidis magno numero de Henrico Aragonio captis. de belli summa deliberatum: quod grauissimum imminere prouidebatur: & erat Vasco per Atiensæ fines, quod municipium præsidio obtinebat, in Carpetanos inuectus. sequebantur equites quadringenti, pedites sexcenti. maior quam pro numero belli terror. prouinciales pars infecti partibus erant: plerique citra periculum fortunarum spectatores belli quam participes esse malebant. Torigia, Complutum aliaque oppida à Vascone capta sunt. Castellæ Rex, ne prima negligendo



ferperet malum, copiis raptim contractis, Spinale abiit. Parum virium erat tantis moliti-  
 onibus. Lusitaniæ Regina Toleti obiit Februarii die octavo decimo anno meccc quadra-  
 1445 gesimo quinto ineunte. paucis post diebus Maria Castellæ Regina, ad Villacastinum in  
 Segobiensi agro decessit. noxio medicamine herbisque lethaliibus corrupta, utriusque  
 vitalia coniuncta funera, repentinique obitus indicio fuerunt: maculisque Mariæ extinctæ  
 Regiæ corpus respersum. auxit vulgi opinionem, quod haud satis honeste pudicitiam  
 habuisse, frequenti rumore iactabatur. Lusitaniæ Regine corpus in D. Dominici regio  
 virginum collegio, ubi domicilium habebat, compositum est: inde Aliubarrotam trans-  
 latum filii Regis cura, alterius funus in Guadalupæ templum illatum, obierat per idem  
 tempus Lupus, Mendoza Compostellanus Præsul. in eius locum Alvarus Isorna Concha 10  
 est translatus. Barrientus Conchenensis Episcopus institutus, gratia meritis debita. Alfonso  
 Fonseca Abulensis Ecclesia data: unde illi gradus ad maiores honores fuit, viro ardentis  
 ingenii multarumque imaginum. Spinali Madritum Castellæ Rex abiit: inde Complutum  
 ab opidanis euocatur. Vicinis locis tendebat Vasco Hærici fratris aduentum aucto mili-  
 tum numero, omnino ad mille & quingentos equites, cum his copiis vicinos montes oc-  
 cupat, ubi vetus Complutum situm est, arduo & difficili ascensu, nisi de suo loco non pu-  
 gnaturus, virium conscientia si æquo campo cõgrederetur. Ex iis locis Ferrerius Nufa ad  
 Aragonum legatur, si bello Neapolitano confecto in animum induceret in Hispaniam  
 redire rebus præsidium, belli pacisque arbiter. ad eundem à Castellæ Rege legati erant  
 viri primarii, qui de illatis à fratribus iniuriis conquererentur. Nihil à Regis ad Complu- 20  
 tum motum. Aragonii superatis montibus, quibus Tablatæ nomen est, Areualu festini  
 contendunt: quo proceres coniurati venturi erant. iisdem vestigiis Castellæ Rex insecu-  
 tus, modico inter utraque agmina spatio. vno die Areualum utroque copię perue-  
 nerunt. à Vascone oppidum vi præoccupatum est: nam spe propinqui auxilii ei por-  
 tas clauserat. de consilii auctoribus supplicium sumptum. fides eximie culta exi-  
 tio fuit, patriæque intemptius amor. Regia castra ad molas frumentarias, qui-  
 bus ab abbatibus nomen est, metata. duo equitum millia erant, par peditum numerus.  
 Henricus Princeps, Alvarus, Paciecus, Enecus Mendoza, Albæ Comes, Barrientus Pon-  
 tiffex venerunt. ad Aragonios maris Præfectus, Beneuentanus, Quignonii, Castri Comes,  
 Ioannes Touarius. horum procerum aduentu mille equites adiuncti. colloquia princi- 30  
 pum utriusque partis sunt habita. tempus extractum. Magistri Alcantaræ aduentum ex-  
 pectare arte cupiebant. ea Barrienti Episcopi calliditate Regis viribus confirmatis, expe-  
 dita ad pugnam arma. Aragonii neque obsidionem diu tolerare poterant, nullo commo-  
 datu: neque ad pugnam idonei erant, ob virium imbecillitatem. ad extremum illud ventum:  
 missi in castra feciales Angulus, & Cuellar Vasconis scriinio præfectus. iis facta conueni-  
 endi Regis potestate, causas exponunt cur iure licuisset arma sumere, nulla nocendi vo-  
 luntate, sed necessitate prohibendi iniurias, reipub. in libertatem vindicandæ: quæ mise-  
 ra seruitute præmebatur. Si Alvaro amoto, ut instituiisti, tui arbitrio Rex regnũ capeffes,  
 33 morã haudquaquã, modo æqua & honesta cõditione pacisci liceat, paci faciem. Tu vide  
 34 ne aures difficiles præbendo, incensæ, vastatæ, direptæque provinciæ causa existas: quæ mala  
 35 a nobis esse sincero animo deuotata, superos hominesque testamur: hancque legationẽ nullo  
 metu, sed tranquillitatis studio reuocandẽ susceptã. Hæc cū ardenti oratione pronũciassent,  
 36 schedã eadẽ continentẽ capita, Regi in manus tradiderunt. Eo maturius consideraturũ di-  
 citur, inter moras biduo post ad quartũ decimũ Kal. Iunii, qui dies Mercurii fuit, pugna-  
 di necessitate casus attulit. Hæricus princeps iuuetã feruens, muro cū quinquaginta equi-  
 tib. successit, ad pugna prouocaturus hostẽ. egrediuntur illi pari numero. a tergo cataphra-  
 cti sequebantur. ea specie Regios equites territos, & in fugã versos Aragonii ad ipsa castrorũ  
 munimenta insequuntur. Grauis ea ignominia visa est. regiæ copię instructæ ad pugnam,  
 productæque in acie. In primo agmine Alvarus curabat: a frõte & laterib. quingenti cataphra-  
 cti muniabant, ductorib. præcipuis Alfonso Carillio Seguntino Episcopo, eius fratre Petro 50  
 Acunio Donniarũ regulo, Eneco Mẽdoza, Albẽ Comite. secundũ agmẽ Hærico Principi  
 est attributũ. sequebantur a tergo Guterrius Sotomaior Alcantaræ Magister cū trecentis  
 triginta cataphractis. in Postrema acie Rex erat, Toletanus Episcopus, Hari Comes. clau-  
 debat latera Prior Hospitalarius & Diegus Stunica ab vna parte: ab altera Rodericus Mẽ-  
 doza regiæ Magister, & Petrus Mendoza Almasani regulus. ad multã diem in acie persti-  
 tũ: neque aliquid ex oppido mouebatur. Vix septima diei pars reliqua erat: & regiæ copię in  
 castra reduci iussæ. tum Aragonii clamorem tollere, atque portis erũpere, rati noctem vici-  
 nam & victis munimento fore, & si vicissent nullo impedimento: quod locorum notitia  
 & equitatu valerent. Ab equitibus levis armaturæ pugna cœpta, aliorum accursu exarsit,  
 Arago-



Aragonix copię bifariam diuifæ, pars ductore Hérico Aragonio in Aluari agmē incūrrit. Vasco, contra Henricū generum dimicauit. acriter ab vtraq; parte pugnatum est. Alcantaræ Magister, & Enecus Mendoza subsidio fuis laborantibus accurrunt. metu vincente pudorem ab vtraque parte multi diffugiunt. Aragonii numero pauciores ab hostium multitudine vexati. iamque dies confumptus erat: cū Vasco Henricusque vterque cum turma peculiari, vagari per acies, laborantib. fuis succurrere, hostes, vbi cōfertiffimi erāt, inuadere, locis omnibus adesse. quoniam imperare cōturbatis omnibus nō licebat. noctis tenebris pudore sublato sese Aragonii in pedes dant. dilapsis fociis. Aragonii fratres Olmedū se receperūt. Beneuēranus & Præfectus maris in alia oppida cōfugerūt. Comes Castri, 10 Henricus maris Præfecti frater, Ferdināus Quignoniū in pugna capti: præterea ducēti alii. cēdes exigua fuit, septē & triginta in acie ceciderūt; ex acceptis vulnerib. deinde perire plures alii. oppidi munitione diffiſi Aragonii fratres in Aragoniā cōcubia nocta festinarūt, vitatis oppidis ne qua mora eſſet. Henricus Aragonius Calataiubē breui extinctus est ex vulnere, quod in sinistra acceperat, noxio, vt creditū est medicamine contabefcente brachio, vir magni quidem sed iniqui tamen animi, neque otium patientis. Corpus in eo oppido sepultum. proles de nomine patris haud leuiore illo turbas concitabit. à victoribus lecta spolia: literæque in omnes partes sunt dimiffæ: quibus parta victoria nunciabatur. loco præterea vbi pugnatum est regia impensa, vota ædícula extructa, Sancti Spiritus nomine, pugnae monumentum, vnde loco etiam Pugnae indita appellatio est.

*Nuptia Ferdinandi Neapoli.* CAPVT III.

20 **M**eliorē In Italia cursum res Aragonix tenebant. cesserat Picenum Alfonſi Regis armis. Sfortiani vrbibus & oppidis, quæ iniuria occupauerāt spoliati, Rege digreſſo non quieſcebant, memoria rerum in Italia geſtarum insolentes. Aragonius rogatu Pontificis Eugenii, id bellum repetiturus, ad Populi fontem, quod oppidum non procul Theano est, cum copiis progressus, eo procures cōuenire iuſſit. affuit cum aliis Antonius Centilia equites trecentos ducens. Is paterna ſtirpe Centilia, materna Vintimillius, fortem & fidelem operam bello ſuperiori nauarat, Brutiis, Calabris, Conſentinis, ſubiugandis, grandi etiam pecunia ex priuatis facultatibus in ſtipendium redacta. Henricotam Rufam, Cotronis Marchione genitam principatus herēdem, Rex Eneco Dauolo deſtinabat, præſtitæ operæ præmium. dederatque negotium Antonio. puellam ille ſibi feſtinatis nuptiis iunxit. aucta ex eo potentia creuit audacia. diſſimulata in præſens offenſa, mox redditum odium eſt. in necem præpotentis aulici Regique cariffimi conſpiſſe poſtulat, metu iudicii è caſtris regiis, quæ ad Populi fontem erant, profeſtus non prius conſtitit, quam ad Catantianum ſuæ ditionis oppidum eſt peruentum. Commotus ea re, vt par erat, Rex Lupum Vrrcam, & duces alios in Picenum mittit. ipſe ne recenti imperio prima negligendo gliſceret malum: aut offenſa negligendo, contemptui prouincialibus eſſet, impunitatiſque ſpes audaciam confirmaret, Neapolim rediit. miſſi qui Antonium ad ſanitatē reuocarent. ſurdę aures erant monentibus ſalutaria. ad arma ventum. Rex ipſe in Brutios abiit. Roca Bernarda, Bellicaſtrum primo aduentu capta. Croto obſidione ali- 40 quot diebus ſuſtentata, portas aperuit, maioris mali metu. Ad Catantianum, vbi Antonius vxor & filii ac ſupellex domeſtica erant, promotæ caſtra. leuia modo prælia fuere. deſperata deſenſione, cum ſe alii procures non commouerent, largi promiſſis, in periculo cauti, veniæ ſpem tentat, impetratque ea lege: ſi ſe Antonius ſuaque victoris fidei permitteret. Eam urbem & Turpiam arcē dedere iuſſus, Neapolim cum vxore, liberis, & domeſtica ſupelleſtile miſſus eſt: grauique documento ſancitum, in obſequio præſidium, in contumacia exitium eſſe. In Ioannem Nucæum Inſubrem præcipuū defeſtionis auctorem, ſeque Conſentia tenentem, impetus factus. in poteſtatem redacto venia eſt data, ob ſimilem erga Mediolanenſem Ducem, ad quem ſe contulit, fidei inconstantiam pœnas aliquanto poſt daturō. Flagitiis vindicandis Dei numen apparet. ſic magni motus, quorum expectatione ſuſpenſa gens erat, breuem & facilem exitum habuere. Pacatæ totius prouinciæ lætitia nuptiis Ferdinandi, Regis filii celebrata auctaque eſt. Iſabella Clara- 50 montia ante deſponſa cōnubio, iuncta Neapoli tertio kal. Iunias die Dominico. Tarentino puellæ auunculo in fide confirmando, quoniam eatenus nutare viſus erat, datum vt regio ſāguini iis nuptiis miſceretur. In media lætitia multiplex luctus allatus. ſorores Reginas, Henricum Aragonium periſſe nunciatum: victum Vaſconem, Caſtellæque finibus pulſum. triſtibus ſepe iucunda variantur. Legato, Vaſconis verbis, expetenti vt in Hiſpaniam Aragonius rediret, reſponſum datum: bellum in Piceno ſuper-eſſe, neque fidem ſuam, neque religionem pati, vt Pontificem in periculo defereret. eo conſecto bello, venturum quidem in Hiſpaniam: ita tamen de eius aduentu con-



viderent, ut nihil propterea de sua comparatione remitterent. Vasconem vicarium constituere, adhibitis in consilium Cæsaraugustano, Ilerdensi, iisque viris primariis. Vasconum & Aragoniis opibus Castellæ viribus obsistere haud difficile fore. Cum Granatensibus, quod Vasco petebat, annuæ induciæ fœdusque esset. Qua in gente imperii mutatio per idem tempus est facta. Mahomad cognomento Leuus motis intestinis in Castellæ armis, aliquot annis quieuerat. sublato externo timore grauiissima in gente dissidia exorta sunt. in tanta temporum labe diu quiescere Mauri non poterant, hostibus, si foris non erant, dominatis. Duo patruelles Regisque Mauri fratrum filii, Ismael quidem temporum metu, an patrum iram veritus, Castellæ Regi militaturus discessit: per quem sperabat patriam, opes & pristinum auctoritatis locum recipere: alter cui à vitio cruris Mohamadi Claudio nomen erat, Almeriæ ubi se tenebat, procerum conspiratione facta, Granatæ arce Alhambra occupata, patruoque Rege in potestatem redacto, traditoque in custodiam, gentis Mauricæ regnum inuasit, mense Septembri: qui mensis Arabibus Iamad secundus eo anno fuit. Scissa ex eo barbarorum studia. Andilbar Granatensis Prætor cum propinquis & necessariis Montem frigidum (arci munitissimæ id nomen erat, non procul Alcala Regia) occupauit Regis vincti restituendi exigua spes erat. Ismael ad regnum capeffendum euocatur. pecunia militeque à Castellæ Rege adiutus eodem festinauit. spes aliqua, metus amplior: quippe modicis viribus aduersus multo maiorem gentis partem pugnaturus. officio seu adulatione noui Regis gratiam plerique aucupari, temporisq; seruire certabant. Hæc in exitu anni cōtigere. ad prætermissa narrationē reuocamus. 29

*Aluarus Diui Iacobi Magister creatur.* CAPVT IIII.

**V**ictoria Ad Arcualum parta, de rerum summa deliberatur in Aluari tentorio, sinistro crure vulnerato decumbentis. communi Regis & procerum sententia coniuratorum bona publicata. Cuellar captum, ad Septimancas castra posita. Henrico Principi Fridericum maris Præfectum eximia coniuratorum numero placebat: veniamq; delictis esse. recusabant alii: distinguere eius causam à cæteris negabant: omniumque iudicio etiam durior erat, quod princeps cæteros ad arma sumenda concitasset. ergo Henricus Segobiam abscessit. commotus ea re pater Rex, veritusque ne nouorum motuum id initium esset, Petro Sarmento curam dat, reliqua coniuratorum oppida occupandi. Nieuam seu Niuariam ipse abiit. filius non ante in partes attractus, quam Giennio, Lugrunio, castris Cæciliis sibi, Paciecho, Barcarrota, Saluaterra, Salualeone ad fines Lusitanicæ extortis. unde reprehensio & supplicium expectari debuit, inde relata præmia. Sic tempora erant. Ad Medinam etiam, cui à Riua sicco nomen est, positis regiis castris venia maris Præfecto data, si intra quartum mensem ad officium rediret, Ioanna Regina Vasconum obsidis loco, facturum quæ oportebat retineretur. His legibus arx eius oppidi Regi tradita. reliqua oppida in vltiori Castellæ breui de coniuratis sunt capta. Initio belli auxilia à Lusitania euocata erant Aluari consilio, Hari quamuis Comite, & aliis proceribus repugnantibus. ea auxilia Maiorgam, ubi Rex erat, appulsa Petro Petri Conimbricæ Ducis filio ductore: qui nuper in Ioannis patrum locum Magister equitum creatus à patre erat. duo milla pedatum, equites mille sexcenti, serum auxilium confecto ferme bello. adolescētī tamen honores habiti, duces pro cuiusque merito splendide donati. nullum præterea operæ pretium. Aluaro tantum agente, Isabella Ioanne Lusitano Principe equitum antea Magistro nata, cum quo magna necessitudo fuerat, & mutuis officiis conciliatus amor, Regi Castellæ pacta ipso inscio. tantum sibi auctoritatis Aluarus sumebat. species vtilitatis prætenta facta est: parata ab ea gente auxilia: grandem pecuniam remitti, quæ in militum stipendia impensa erat. Dimissis Lusitanis auxiliis, Burgos itum. in ea vrbe proceribus aliis venia, etiam Beneuentano & Castri Comiti præter expectationem, cum exceptione tamen, ne biennio hic Lobatone ille Beneuento discederēt: aliis præmia data vltra meritum æstimationem. Enecus Mendoza Sanctæ Iulianæ (vulgus Santillaniam ait) Marchio, Comes Manfanarii regalis renunciatur. Paciecho Villena data. Præterea Abulæ Aluarus Diui Iacobi Magister suffragio eorum militum institutus est. fortuna sublimē ferebat in præceps maiori casu datura. Petrus Gironius, Alfonso Aragonio, qui patrem bello superiori secutus erat, amoto, Calatrauæ Magister creatur. gratia magis Paciechi fratris datū, quā ipsius meritis, quippe Aragonios fratres ante secuti. vterq; quasi vitio creatus obrectatoribus non caruit. Aluaro Rodericus Manricus obiectus est, Henrici Principis, ut mox dicetur fauore subleuatus. Petro Ioannes Gusmanius Calatrauæ Promagister: vnde magni motus, diuturna que dissidia extiterunt. Alburquerqueum dedente Fernando Daualo in regiam



regiam potestatem venit. Petro Aialæ Toletanæ arcis vrbsq; custodia adempta: Petroq; Sarmento concredita pessimo publico, vti euentus declarauit: haud leui Henrici Principis dolore, qui Aialæ impensè fauens, amici casum iniquo tulit animo. Dum hæc in Castella mouentur, Guterrius Toletanus præsul Talaueræ obiit exeunte hoc anno pridie Nonas Decembris. Constans fama perhibet eo oppido in sacrario templi maximi esse sepultum nullo tumuli honore, ne inscriptione quidem. Albæ in S. Leonardi Hieronymiano cœnobio sepulcrum è candido marmore visitur sine inscriptione, è medio templo, vbi locatum erat, ad dextram aræ maximè translatus, inane cenotaphium tamen, numquam defuncti corpore, contra quam ipse mandaratur, in eum tumulum illato. **Alfonſus** Carillius Paciechi auunculus, defuncti Guterrii Toletani Præfulis in locum coopatus est, ineunte anno mcccc. quadragesimo sexto, magno vir animo, turbido tamē & inquieto, vti consequentes reipublicæ motus diuturni grauesque indicio sunt. Toleti Madritique de belli reliquiis consultatum. Atiensæ, & Torigia tantum in Vasconis fide perstabat validis præſidiis ad omnes casus munitæ: vnde excursions sæpe in finitimos agros factæ. pecorum & hominum prædæ abactæ. præterea de Vasconie fama in dies grauior, nouum bellum comparare, & cura crescere prouincialib. Rex Maurus studio noui imperii aucto ritatem fanciendi, & ab Aragoniis sollicitatus, irruptione in fines Bæticæ facta, Benamitrielem, & Bensalemam, munita iis locis oppida armis occuparat. maior ignominia metusque quam clades. Vtrisque hostibus occurrere non licebat. vnde maius periculum extabat, in Aragonios ductæ copiarum mense Maio. Atiensæ obsidione tribus circiter mensibus continuata, actum de pace. Placuit consensu, vti ea oppida Mariæ Aragoniæ Regine quasi sequestræ darentur: dum delecti arbitri consensu partium, de controuersia pronunciant, vtris reddenda viderentur. fœdere facto Castellæ Rex in oppidum admissus pridie Idus Augusti, cum mœnia quibusdam locis diruenda, ædificia incendi curasset, quasi violatis ab eo cōditionibus arce prohibitus, re infecta retro redire compulsus, Vallisoletum abiit. Toletanus tantum Præsul, & Carolus Arellanus cum copiis relictis, qui Aragoniorum motus ea parte compeſcerent: & si quā occasio esset, ea oppida in potestatem redigerent. Aragoniis haudquaquam eo fractus animus. frequentes excursions ex iis oppidis factæ & latrocinia Caracam vsque: vbi Toletanus Arellanusq; erant. factiosi non pauci **1446:**

30 tota prouincia sparsi, & reliquis permisti hostilia moliri. suspensiones inter Castellæ procēres renatæ. in iis Vasco maiorem spem habere, quam in armis. Aluarus, Paciechusq; suas vterque opes ex aliena calamitate augere satagentes, diffidii semina inter Principes patrē & filium spargere. Sæuam dominandi cupiditatem, cæcum ambitionis impetum. quantas strages facis? vno in facinore quam multa scelera facta? Delectus militares ab vtraque parte habiti. Rodericus Manricus in eo magis quam in causa confusus, nominatione Eugenii Pontificis, Aragonii Regis suafu, nullo suffragio militari Diui Iacobi se Magistrū dicit. dum hic armis eius militiæ oppida occupare satagit, resistit Aluarus, clades acceptæ redditæque. In tantis prouinciæ motibus, tantisque diffidiis, externa sine cura erant. Mauri principis anni mcccc quadragesimi septimi in nostros fines inuecti, prædas agere ho-

40 minum pecorumq; pagos incendere, vexare agros: oppida, Arenæ, Osca, vtrunque Vele Album Rubrumque in Contestanorum finibus modico diffita intervallo de nostris capta. Neque præſidio militari, neque commeatu satis instructa, hostilem impetum diu sustinere non potuerunt. domestici diffidii fructus hi scilicet erant, maioris mali expectatio. **1447:**

*Bellum Florentinum.*

## CAPVT V.

**H**Aud abs re fuerit, vt opinor, belli Florentini causas per idem tempus in Italia gesti, succēsumque compendio indicare. Philippi Mediolanensis filia notha Blanca nomine, Francisco Sfortiæ iuncta erat. dotis nomine aurei sexaginta millia pacti. dum ea summa penditur, Cremona vrbs opulenta pignoris loco data est. eam gener in spē principatus impulsus, quamuis pecunia oblata restituere fœdero recusauit, Venetorum opē fretus: qui eo tempore cum Florentinis & Genuensibus societate inita, mari terraq; potentes erant. Episcopus Nouariensis ad Alfonso a Philippo legatur, si Florentinos bello peteret, se Venetis viribus parem Cremonam recepturum. Eugenius Pōtifex Venetis ac fociis infensus, Philippo amicus, Regem ad id bellum incitabat. plura quā petebatur præstitit. Raymūdum Buillū eximium ea ætate Ducē in Insubres maturare iubet: ipse hyemē quamuis per Latinos Tibur peruenit. dū ibi expectat quorsum res cōmotæ euaderēt (nam



Florentini meliora pollicebantur) à Venetis magna pars Insulbrum occupata est. Re necessaria compulsi Philippus generum in gratiam recepit. idem eius rogatu Alfonsus facit. pecunia etiam mutua adiuuat. verum repente mutata voluntate Alfonsus ad Insulbrum imperium ultro à Philippo vocatur. recusat ille, indignum facinus ratus tantum principem, ad priuatam fortunam redigi. Inter hæc Eugenius Pontifex magnum reb. momentum, ad septimum Kalend. Martii Romæ decessit. festinatis comitiis, omnino intra diem decimum Thomas Sarzana Lucæ in Hetruria natus in defuncti locum cooptatus est, Nicolai quinti nomine. generis obscuritatem veris virtutibus illustrauit. quem ob humanioris literaturæ reſtitutę in Italiam lucem omnes viri docti ament, laudentque necesse est. Virtute non modo, sed etiam fortuna eo seculo admirabilis fuit. ea infimo loco ad id fastigium sublatus. pacis studium, quanta belli cupiditas decessori fuerat. In Insulbrum bellum vario euentu gerebatur. Philippus Venetorum exercitu Abduam flumen transgresso, curis anxius, ac sibi diffidens, cum Ludouico Dezpuchio Alfonsi legato principatus deponendi Regique tradendi consilia serio communicat, vitam principalem nullis non curis obnoxiam cum priuata & beatiore mutare statuens. Neque senili corpore bellicos labores, neque animo molestias pati posse. Iuueni opus esse ardenti: qui exultantes Venetos audacia & perpetua felicitate compeſceret. dum Ludouicus cum iis mandatis ad Alfonsum it, reditque, Philippus in Mediolanensi arce febris & dysenteria diem obiit, Idib. Augusti. Præterea vitæ tædio. quid enim tantum paulo ante Principem nisi longa ætas vertenti fortunæ tribuit? quid alios veteri recentiq; memoria? vt nonnunquam longior vita exoptanda non sit, magnis ærumnis obnoxia. tempore decessisse in magni beneficii loco poni debet. Eo mense Madrigale in Vaccæis Ioannis Castellæ Regis & Isabellæ Lusitanæ nuptiæ confectæ sunt. modicus apparatus fuit propter intestina Principum dissidia, neque magna lætitia. Aluari tamen opprimendi inter Regem & Reginam consilia collata. Nondum maturum erat. potestatem ille acerbè exercens exitium accelerabat. ea merces nouis nuptiis conciliatis auspici comparata. Alfonsus vt erat constitutum à Philippo Mediolanensis imperii hæres nuncupatus testamento est. à Raymundo Buillio, cui continuo arx tradita est, belli duces in Alfonsi noui Principis verba sacramento adacti. Urbana multitudo in spem libertatis arrepta arma capit. vtraque arx in potestatem redacta est plebis: atque à fundamentis euerſa. ab Alfonso parum opis erat bello Florentino inchoato. Ripa Marancia in agro Volaterrano, Piscariæ Castellio Aragoniis armis occupata, Florentini, vt in repentino metu, Fridericum Vrbini, Malatestam Arimini regulos auxilio euocant. Plumbinum ab Alfonso obſeſſum. vicina insula, cui Lili nomen, capta, promissa aurea patera quotannis tributi nomine, pondere aureorum quingentorum vitatum Plumbini periculum. A Florentinis etiam pax impetrata, cum se Sulmonem Alfonsus retulisset, Lili insula & Castellione Piscariæ tamen retentis. De Mediolanensi principatu contentio subsecuta. vicit Franciscus Sfortia expedito consilio iuuenis: Mediolanensibusq; libertatem, Alfonso destinatum imperium sua virtute, & Venetorum opibus abstulit. vnde nouorum Principum stirpes, nouorumq; ac magnorum motuum materia extitit. quæ Galliam, cum Italia, cum vtrisque Hispanos ad nostram ætatem commisit, variante sæpe belli fortuna, vti competentibus locis indicabitur.

*Multi proceres in Castella capti.* CAPVT VI

Castellæ res quietæ non erant. inde Maurus imminabat assiduus atque infensus Christiani nominis hostis. inde Vasco, maiorem spem in domestica Castellæ procerū discordia, quam in suis viribus habens: quæ calamitas grauior erat. A Toletano atque Eneco Mendoza, qui in Arellani locum substitutus erat, Torigia diuturna obsidione fatigata ditionem facere coacta est, militum qui in præsidio erant, incolumitatem pacta. id damnum compensatum in Soriæ agro, arce ab Atiensæ militib. capta, cui Rupi Alcasari nomen erat. Noua iniuria Castellæ Rex excitatus, Soriæ mense Septembri Madrigale abiit. sequebantur tria equitum millia, ad inuadendum Aragonios fines idonea manus. Ipso tempore Cæsaraugustæ eius gentis conuentus erant. belli cura sollicitabat, tantusq; in Castella apparatus haud temerè futurus. Delectus extraordinarii instituti. decimus quisque ciuis sortitione facta, arma sumere compulsi sunt: quod nisi in summo periculo usurpari non consuevit. Enecus Bolea, Raymundus Palomarius Soriæ legati, quorsum ex molitiones & copiarum spectarent rogatum. Societatis amicitiaq; iureiurando confirmatæ meminisset. Quamquam opibus confideret, incerta tamen pro certis mutari correptis armis. Bellum facile sumi: non in eiusdem potestate initum eius, & finem futurum. Ad ea Rex



Rex senatu ad duodecimum kalend. Octobris dato, placide, sibi in more esse respondit, gentis procerumque comitatu stipatum procedere. Aragonios commisisse, ut hostium loco essent, Vasconem consilio & viribus adiuuando. nisi mutatum esset, armis vindicaturum feciales Surbanus Carabeusque, qui de his iniuriis expostularent in conuētu Cæsaraugustano, amandati. Noua rursus ab Aragoniis ad Castellæ Regem missa legatio est. dum altercationibus tempus ducitur, Verdegium in Calataiubæ agro arx, a militibus improuiso capta. ea causa pacis mentio intermissa: ventumque continuo ad manus esset, nisi nouus nuncius, proceres in Castella intima, inter se coniurationes facere, Regem Castellæ Vallisoletum necessario reuocasset. In eo municipio Christi Dei natalis dies celebratus principio anni mcccc quadragesimi octauui. Quo tempore a Vasconū quidem manu Campesum captum: ab Albarracini autem præfecto Huelamum: quod oppidum in Celtiberis situm est, non procul vrbe Concha. ad eum modum aduersæ res secundæque variabant. sanandi Castellæ proceres præcipua cura erat: filiumque cum patre Rege conciliandi, inobilitate ingenii nunquam satis fidum neque satis consistantem. Aluari & Paciechi ambitio impedimento erat. vterque æmulo prostrato per eius ruinam ad fastigium nitēbatur. Id Alfonso Fonseca Abulensis Episcopus sagaci vir ingenio considerans, pacis inter eos atque amicitia inuendæ auctor extitit: cum diceret cōiunctis animis rerum summam potestatem penes ipsos, in dissidio exitum fore. Ad certam diem plerosque proceres capere consilium fuit. Regis & filii Principis in eam rem colloquium institutum, habitumque Medinam Campestre inter & Tordesillam ad quintū Idus Maii Sabbatho: quo die Diuini spiritus de cælo in Apostolos illapsi memoria recurrebat. vti erat constitutum Alfonso Pimentelio Beneuentano, Ferdinando Toletō Albano, Henrico Præfecti maris fratri, Quignonis fratribus Petro Sueroque, vincula iniecta. Beneuentanus, Henricus, Suerusque Portillum in custodiam amandantur. Albanus Petrusque Roman. crimini datum quod Vasconis in Castella reuocandi consilia agitassent. Prona hominum in deterius persuasio. confictum id ad inuidiam eius facti procurandam fuisse vulgo iactatum. Præfectus maris & Castri Comes forte an consilio, ut sui copiam facerent, adduci non potuerunt: & allato rei gestæ nuncio se se in Vascones receperunt. eorum procerum oppida capta haud difficulter, quippe deserta defensoribus, neque cōmeatu instructa. Præcipua fuere Medina à Riūo sicco, Lobatonium, Aquilaria, Beneuentum, Maiorga, alia magno numero. de Diego Manrico Antelato Nauarreti & Treuigni arces, ipso dedente quasi fidei obsides incertæ dubiæque (sic opinio erat). Læta hæc fædissimo cuique, apud bonos inuidia fuere: neque sanata voluntates sed exacerbatæ sunt amplius: maiorisque belli metus ostendebatur. Cæsaraugustæ nondum soluto Aragonio conuentu, mense Aprili inter Aragoniam Castellamque semestres induciæ pactæ. pacis constituendæ facultas an voluntas non fuit. Castri Comes in Vasconibus substitit. Præfectus maris Cæsaraugustam ad quartum kalendas Iunii peruenit. in ea vrbe cum Vascone de rerum summa deliberatum est: atque vti in Italiam contendere persuasum, acceptæ contumeliæ testis: Aragonio auctor futurus in Hispaniam maturandi. Plumbinū, quod oppidum ab Alfonso Rege obsidebatur (vti autea dictum) vno tempore Præfectus maris & Garfias Tolerus Albani filius non eodem itinere peruenerunt. faciles eorum postulatis aures ab Aragonio præbitæ: seque præsidio affuturum recepit, datis ad proceres literis hoc exemplo. Amici, viri præstantes. De vestro casu ex patrueli nostro maris Præfecto cognouimus: quanto cū dolore explicare non attinet. Nobis curæ vos vestraq; fore ac vero pro Castellæ incolumitate nullum neque impendium neque periculum recusaturos rerum euentus breui indicabit. Valete. E Plumbini castris quarto Idus Augusti. Procerum oppidis occupandis aliquot menses extracti. consilio inter patrem Regem & filium communicato præsidia ad fines regni contra Mauros disponere idoneis locis visum est. Alfonso Gironius Paciechi patruelis, Hellino & Humillæ in Contestanis præfectus ducentique equites, pedites quadringenti. Cum ea manu Mauros ea parte inuectos cecidit, maiori animo quam consilio, successuque. Conturbati hostes propinquum collem occupant: nostros nimia animorum confidentia, legēdis spoliis occupatos securosque repente inuadunt, magno clamore sublato. dispersos ac toto campo palantes cedunt, neque fugere, neque arma capere valentes: neque omnino facere neque providere quicquam. plerique interempti: paucos cum Duce fuga seruauit. arma & militaria signa capta: ad alias Castellæ calamitates, noua ea clades Regis animum perculit. eo amplius, quod per idem tempus Henricus Princeps Aluaro infensus Madrito, vbi cū patre erat, Segobiam se subduxit. Impleuit ea res Regis animum nouo dolore. conuentus regni Vallisoleti agitare consilium fuit. siqua se via daret ad tanta mala procuranda. Henricus patris monitu



Tordesillam accessit. eodem discessurus Rex conuentum procerum & aulicorum prius habet. Sibi in animo esse explicat, cum filio pacem conciliare: proceribus pro cuiusque merito præmia, pœnamve tribuere: ac omnino oppida, quæ de coniuratis erant capta, donare aliis. Regis consilium vrbium procuratores pro se quisque laudare: certare adulationibus: quod pessimum obsequii genus est, sed Principibus non ingratum. Vnus Valera Conchæ vrbis procurator, socio concedente primas in respondendo partes, insinuatione facta, haud obscure tamen Regi suadet, ne inauditos proceres damnari patiatur, ea nobilitate, iis maiorum meritis. fore alioqui iudicium iniustum, etiam si iusta decernantur. Fernandus Ribadencira robusti corporis viribus præstans in paucis, vasto animo, procax ore, in Valeram inuectus, verba malo ipsi fore minatus est. Vocis temeritatē conturbato Rex vultu, aut mox discessu castigauit. Octauo post die à Valera literæ ad Regem  
 ,, datæ hac sententia. Da pacem domine in diebus nostris. Quanta in remp. mala, dome-  
 ,, stica dissidia inuexerint, quid explicem? cum nostræ calamitates indicio sint. post homi-  
 ,, num memoriâ grauissimæ. vasta omnia, inculta, oppressa, deserta, miserabilem Hispa-  
 ,, niæ faciem tertio ruituræ, nisi maturè succurratur. Libet cum antiquis vatib. patriæ squa-  
 ,, lorem, luctum, exitium deplorare. sed in publica tamen calamitate lamentari modò, neq;  
 ,, aliud præter lacrymas remedium adhibere, vanum arbitror. ea res ad scribendum impu-  
 ,, lit. In tua prudentia spes nostræ secundum Deum sitæ sunt. Si minus nostra, tui certè im-  
 ,, perii calamitas moueat. si quid erit offensum commune omnium damnum erit, tua vni-  
 ,, us ignominia peccabitur. Fama atque fortuna hominum pares sunt. atque hac conditio- 20  
 ,, ne regnatur: prospera ad omnes pertinent, aduersa vni Principi imputantur. Duabus reb.  
 ,, communes res continentur præmio & pœna, seueritate & clementia: vti vsus docet, &  
 ,, magni viri testantur. Est scilicet, vtriusque rei modus, sicut reliquarum, & quædam in vtro-  
 ,, que genere mediocritas. sed non tanta de re propositum est hoc loco disputare. Exempla  
 ,, tum vetera, tum recentia in vtramq; partem afferre, quid iuuat? Multos clemētia euexit,  
 ,, seueritas paucos, nullum fortasse. Alexandrum, Cæsarem, Salomonem, Roboamum, Ne-  
 ,, rones intueri. quæ asperitas rigorq; necessarius fortassis, importunè tamen susceptus ex-  
 ,, ulcerauit: lenitate sananda sunt: diuersaq; via insistendum. Quatuorq; omnino præstan-  
 ,, da, sic mea sententia est, vtinam tam felix, quam pia. filius conciliandus. exules reuocan- 30  
 ,, di. liberandi vincti. atque obliuio iniuriarum sancienda. At facilitas contemptum pariet.  
 ,, verum, si in imperio contemneretur quisquam, nisi qui se ipse contempsit. Non sine pe-  
 ,, riculo auctoritatem suam Princeps subditorum sanguine sanciet. At impunitas cōfirma-  
 ,, bit audaciam: legibusq; improbitas, atq; infidelitas vindicari mandatur. esto: sed Regum  
 ,, propria laus clemētia est: & omne magnum exemplum habeat aliquid necesse est, quod  
 ,, reprehendi possit. si quid certe in leges peccatum erit, salute publica compensabitur. Ad  
 ,, vota in extrema tabula confugio. Deumq; precor, vt à nostra ex sincero animo profecta  
 ,, oratione, temeritatis suspicio absit: mentem tuam vt de rebus tantis statuas, lux maior, at-  
 ,, que celestis illustret, doceatq; quod opus sit facto. Ex literæ Aluaro extitere graues. Regi  
 & bono cuiq; gratissimæ. Quibus lectis Placentiæ Comes, Valeræ in familiam ascito, fi-  
 lium maiorem instituendum tradidit, hominis ingenio delectatus, & dicendi libertatem 40  
 admirans.

*Lusitania Regis nuptia.* CAPVT VII.

**M**Agnum reipublicæ vulnus inflictū erat, tot tantisq; proceribus, quæ captis, quæ Ca-  
 stellæ finib. discedere compulsis. eos restituendi in libertatem patriamq; ratio intus  
 forisq; excogitata. timor impediēbat obsequii magister haud satis fidelis futurus. reb. mu-  
 tatis successit audacia. Beneuentanus è custodia elapsus. Alfonso Leo (cui Diegus Ribe-  
 ra arci & custodiæ præfectus omnia credebatur) magnis in præsentī donis, maioribusq; pro-  
 missis quam pro eius fortuna corruptus, triginta militib. aditum in arcem patefacit. equi  
 in vicino pineto relictī erant. iis consensu Beneuentum Comes est deductus. incolæ re- 50  
 gio præsidio deiecto venientes cupidissimè acceperunt. mox Alba, quæ ad Alistē est, ob-  
 fidione liberata, qua à regis premebatur: aliaq; minora oppida redacta in potestatē. Rei  
 gesta nuncio lætati boni, lætata multitudo. Rex conturbatus, Ocaniæ relicto Aluaro bel-  
 liq; ei in Aragonios comparandi cura demandata, ipse Beneuentum festinauit. aduersus  
 Regem nouo dolore irritatum, parum præsidii Beneuentano erat. munito oppido in Lu-  
 sitaniam cōcessit, Regis sui nuptiis recēs celebratis lætam. Isabella Petro patruo, & regni  
 procuratore nata coniugio iuncta, ante septem annos pacto. puella sanctissimis moribus,  
 præcipua formæ dignitate erat. nati ex eo coniugio Ioannes prima ætate defunctus, Ioāna  
 soror, Ioannes alter, cui vita diuturnior fuit, paternusque principatus obuēnit. Regis ætas  
 tenera



tenera adhuc & regni curis impar erat. Petri diuturnum imperium graue cæteris proce-  
ribus inuidiosumq; esse cœperat. Multitudo rerum nouarum cupida, principum mutati-  
one gaudet: futura semper præsentibus fore meliora credit. Alfonsus Barcelosii Comes  
ante alios Petri euertendi consilia agitabat: nulla neque fratris commiseratione, neq; me-  
moriam recens accepti beneficii. Gósaluo enim Brigantii regulo, sine prole defuncto, Dux  
Brigantinus fuerat paulo ante renunciatus. Sic sæpe magna merita graui iniuria pensan-  
tur: natura iura, ambitio inuidiaq; resoluunt, violantq;. Rei perficiendæ parum spei nisi in  
fraude erat. Regi adolescenti rerumq; ignaro suadet, vt rempublicam capeffat. Reginæ  
matris primum pulsæ, deinde peremptæ noxio medicamine, contumeliam, Petri quæ au-  
ctorem prædicabat, capite vindicandam. superbè, auareq; eatenus imperasse, rempubli-  
cam prædæ habuisse. vt est humanus animus insatiabilis, eo quod lege conceditur, ad al-  
tiora & non concessa tendere. regnumq; cuius solum nomen desit, dies noctesq; cogita-  
re. Commotus iis criminationibus Rex, Petrum vlcisci parat. Conimbricæ se is inclusit:  
ne in tam subita rerum mutatione se suosq; contumeliæ offerret, & quorsum quæ cōmota  
erant euaderent expectaturus. magni animi ægrè iniuriam ferunt. Olisiponis occupan-  
dæ proposito, cum eius vrbs ciuib. conspirauit. res tanta latere non potuit. cum manu  
militari eo profectus insidiis exceptus est: iustoq; prælio dimicatum salutis anno M cccc 1449  
quadagesimo nono, de mense non conuenit, auctoresq; in diuersum trahunt. Perit ipse  
cum multis. vindictam cælestem interpretabantur earum rerum curiosi, ab eius rebus a-  
uerfi: quod medicata sagitta ictō corde occubisset, vir meliori exitu dignus longiori vi-  
ta. tametsi annos vixit quinquaginta septem. magnus animus fuit, exacta prudētia, quam  
ex multo rerum usu collegerat. Regem patruī & soceri necem ægrè tulisse iactatum. fama  
frequentior resistit: & rerum euentus mendacium arguit. mortuo diu sepultura negata.  
ad Aliubarrotam tandem, vbi Regum sepulcra sunt, occisi manes ritè conditi sunt, iusta-  
que exequiarum facta. Iacobus filius in prælio captus, deinde ad Isabellam amitā in Bel-  
gas abiit: ab ea Romam missus, purpura donatus est. Beatrix soror eodem subsequuta Adol-  
pho Cleuensi data est vxor. diuturna pax in Lusitania excepit. Rex ætate confirmata sa-  
pienter rempublicam gessit. Bello Maurico felicior fuit, quàm quod extrema ætate ad-  
uersus Castellæ vires gessit. Præcipua animi pietate liberandis captiuis, qui vincti in Afri-  
ca erant, magnam vectigalium partem effudit: si effudisse, dicendus est, & non potius in  
salutem publicam sanctissimè collocasse. Aulicis se suaque regenda tradidit (id vnum  
in eius moribus accusatur,) temporis vitio sic arbitror, potiusquam suo. quæ labe a ple-  
risque ea ætate Principib. suscepta, occulta siderum vi in alias etiam prouincias magnas  
calamitates inuexit.

## Tumultus Toletanus.

## CAPVT VIII.

Ocaniæ relictus Aluarus bello Aragonio pecuniam conquirebat: quæ maxima diffi-  
cultas opponebatur. Toletum amplæ opulētæq; ciuitati pecuniæ haud magna summa  
imperata. aurei ad tria millia. paruæ sæpe res maiorum momentum fiunt. eius pecuniæ  
redigendæ cura Alfonso Cottæ ciui copioso commendata. restitere ciues: seq; ab eo ini-  
tio vrbs immunitatem violari esse passuros negarunt. monitus Aluarus in cœpto cū per-  
staret, æris pulsu è Diuæ Mariæ populus ad arma concitatur. Ioannes Alfonsus, & Petrus  
Galues Canonici Toletani primi incitatores. consternatæ ad arma multitudini se vtrium  
confarcinator quidam ducem præbuit. nomen non traditur, de facto constat. In Cottæ  
ædes imperus fit. ignis iniicitur. materia, auidè concipiente flammam, regio ea, vbi Diuæ  
Magdalænæ templum est, mercatorum frequentia nobilissima, magna ex parte incensa.  
direptæ opes: miseris ciuib. iniecta vincula, nulla misericordia sexus aut ætatis. fœdum  
atq; atrox spectaculum ad septimum Kal. Februarii Toleti fuit: ciues à ciuib. non secus, ac  
si hostes essent, omni iniuria vexati. dira vrbs vastitas. In eos potissimum sequitum, quos ex  
Iudæis maiorib. prognatos, ac novos homines esse putabāt. gentis inuidia posterorū pœ-  
nis vindicata. Sarmentus vrbs Prætor, & Marcus Garsia eius Legatus (Marquillum Ma-  
zarambrotium ignominie causa vulgus vocat,) in quib. præsidium esse debuit, concitate  
multitudini faces subdiderunt. audaciam, vt fit, supplicii metus excepit. bellum ex ea re  
imminere dubitabat nemo. vrbs portæ occupatæ sunt. id vnum reliquum erat. scelus sce-  
lere cumulatū. læta in præsens, aliquanto post in perniciē vertere. In Aluaro tantis mo-  
tibus pacandis parū auctoritatis erat, præsertim Sarmento infenso. Rex eius monitu, Be-  
neuento interea in potestatem redacto, ad incendium accurrit, veritus ne ex iis initiis ma-  
ior rerum moles extaret. aditu vrbs prohibitus ad Diui Lazari nosocomiū substitit. globi



tormento è propinquo muro displosi addita verborum procacitate: Ea poma à ciuib. ex-  
 pectaret. Noua ex eo sauiendi occasio Sarmento extitit. plures ciues in custodiam tradi-  
 ti, quasi urbem Regi prodere tentassent. quæstiones tormentis habitæ. nonnulli dolore vi-  
 cti, plura etiam quam rogabantur confessi sunt. direpta bona, non paucis gula fracta. fœ-  
 dam carnificinam, fidei crimen obiici, quietis studium accusari, granissimum scelus inter  
 rebellantes. Missi ad Regem, qui Torrigios concesserat, oratores ( nomina ne memoriæ  
 prodantur, eorum posteris & maioribustribuendum puto) viri nobiles: Nisi Aluarus a-  
 motus esset, ciuitatibus sua immunitas staret, suæ aliarumq; urbium nomine mutationem  
 imperii renunciarunt, in eius locum filio substituto. grauis contumelia audaciaq; : sed ne  
 violaretur ius gentium, dataq; fides valuit. responsum datum non est. obsessa vrbs, Hen- 10  
 rico Principe à rebellibus in auxilium euocato periculo erepta. neq; vindici tamē quam-  
 uis intra mœnia admissio, aut claues portarum vrbs aut arcis data sunt. Nihil in concitata  
 multitudine moderatum. nisi pauent, terrent, impotenterq; rempublicam habent. plebi-  
 scitum factum ad octauum Idus Iunii, quo Iudæorum ex gente prognati honorib. munc-  
 ribusq; publicis arcebantur: ac nominatim expressum erat, ne tabelliones essent, neve a-  
 ctōres causarum, iuxta Alfonso Sapientis legem: qua datum Toletanis affirmabant, ne in  
 ea vrbe aut agro cuiquam ex ea gente, aut munus publicum, aut Sacerdotium esset. per-  
 turbatē omnia gerebantur: neq; inter arma vimq; quid legibus, aut more sanctū esset, con-  
 siderare licebat. impotens tantum dominatus, atroces iniuriæ. Decanus Toletanus cuius  
 neque nomē, neq; genus prodere necesse est, fretus opibus atq; eruditione, fretus Roma- 20  
 nâ gratia, nam Magister Pontificiorum diplomatum Romæ fuit, procedente tēpore Cau-  
 riensis Episcopus creatus est (vti nonnulli tradunt à maioribus accepisse) vrbe egressus, at-  
 que ad Sanctæ Eulaliæ oppidum subsistens, id edictum temeritatis, atq; impietatis de scri-  
 pto accusauit maiori animo, quam successu. Septem theses disputandas obtulit. in eam  
 sententiam longiorem disputationem ad Barrientum Conchensem Episcopum dedit. in  
 ea præter cætēra nobilissimas Hispaniæ familias cum ipsius propinquis, aliisq; ex eadem  
 natione sanguinem miscuisse, designatis etiam singulorum nominibus notauit: verò an  
 simulatō, quò causam meliorem faceret non arbitror, curiosius indagandum. neq; in eo  
 restitit commotus hominis animus: quin Nicolao Pontifici maximo auctor extitit (sic ar-  
 bitror) eius diplomatis quo Toletani edicti capita omnia reprobantur, promulgandi ter- 30  
 tio pontificatus anno: hoc est, eo ipso quo turbæ Toletanæ extiterunt. Eius diplomatis ex-  
 emplum, si hoc loco subiiceretur operæpretium me facturum existimaui. Humani gene-  
 ris inimicus illico quò verbum Dei cadere in bonam terram conspexit, operam dedit se-  
 minare Zizaniā: vt conculcato semine nullum fructum produceret, pro vt vas electio.  
 Paul. Apost. præcipuus huius Zizaniæ extirpator refert: q; initio inter cōuersos ad fidem,  
 differentia antelationis orta est, Iudæis cum Gentib. de prælatione certantibus, aliis aliter  
 in Dei Ecclesia scissuram inducere cupientibus: cum alii Cephæ, alii Apol. esse certarent.  
 Redemp. noster hæc præuidens ab initio nascent. Ecclesiæ ordinauit, qui huiusmodi Zi-  
 zaniā extirparent, humanaq; imbecillitate peccantibus aut lapsis occurrerent. prout i-  
 pse Apol. ad Rom. scribens omne huius antelationis diffidium diuinis verbis euerit. atq; 40  
 Petrus Apost. Princeps in singulis diocesisbus ordinatis Episcopis vniuersam schismatum  
 occasionem submouit. Nos nostri Redemp. exemplo, cuius vice, ad huiusmodi potissime  
 tollenda dissidia, locum licet immeriti tenemus in terris, præfatorum exemplis edocti, o-  
 mni vigili cura compellimur, operam dare, vt his quæ inter fideles possent diuisionem pa-  
 rere, nostri pontificalis officii auctoritate occurramus, vt inter fideles caritas, amor ac vni-  
 tas vigeat. Nihil enim est, q; tam inter fideles conueniat, quàm quod in omnibus, sit velle  
 vnum, inquitente Apost. Sicut enim corpus vnum est, & membra multa habet, omnia au-  
 tem membra corporis, cum sint multa, vnum corpus sunt: ita & Christus. etenim in vno  
 spir. omnes nos in v. c. Baptizati sumus, siue Iudæi, siue Gentiles, siue serui, siue liberi, om-  
 nes in vno spiritu potati sumus, vnum corpus & vnus spiritus, sicut vocati estis in vnâ spem 50  
 vocationis vestræ, v. Domi. v. f. v. b. v. D. & pater omnium. Percepimus quosdam novos  
 seminatores Zizaniæ affectantes huius vnitatis & pacis nostræ fidei salutare fundamentū  
 corrumpere, ac quod per vas electionis Apost. Pau. extirpatum fuerat, diffidiū in diuersis  
 partibus, maxime in regnis carissimo filio nostro Ioanni Castellæ & Legionis Regi illustri  
 subiectis, reuocare, ausu temerario asserere, quod qui aut ex Gentilitate, aut ex Iudaismo,  
 aut ex alio quouis errore, Christianæ fidei veritatē agnouerant, & baptizati sunt, & quod  
 grauius est, eorum filios, propter nouam assumptionem fidei non debere ad honores, di-  
 gnitates, officia, tabellionatus, ad testimonium in Christicolarum causis perhibendū ad-  
 mitti, eos verbis & facto contumeliis afficientes. Quæ cū à Redemp. nostri institutis alie-  
 na sint,



na sint, eodem Apost. Paulo testante, cum dicit. G. & honor & pax omni operati. b. Iudæo  
 & Græco. non est accep. personar. apud Deum. & omnis qui credit in illum non cōfund. “  
 Non enim est distin. Iudæi & Græci: nam idem Domi. omnium. diues in omnes qui inno- “  
 cant illum. Et alibi: In Christo Iesu, nec circumcisio aliquid valet, nec præputium, sed fid. “  
 quæ per carita. operatur. Hos vt à veritate catholicæ fidei aberrantes, ad viam veritatis de- “  
 ducere: ac quatenus in præmissis excesserint animaduertere cupientes. cum non tã præ- “  
 missis diuinis auctori. contradicant, sed & Illustrium Principum quondam Alfonsi Sapi- “  
 entis cognominati, & Henrici, & charissimi filii nostri Ioannis moderni Castellæ & Leg. “  
 Regum, pro fidei augmento, perpetuis sanctionibus, authenticis literis, eorum sigillis mu- “  
 10 nitis, grauib. pœnis vallatis, per nos visis, & maturè discussis: quibus sanxerunt, vt inter no- “  
 uiter ad fidem conuersos, maximè de Israelitico populo, & antiquos Christianos, nulla in “  
 honoribus, dignitatibus, officiis tam Ecclesiasticis, quàm secularib. suscipiendis & haben- “  
 dis, nulla discretio fieret. atque affectantes, vt quisque, quæ recta sunt sapiat, & qui contra “  
 Christianæ legis normam, falsa seminare, & proximos scandalizare, quæ vnitatis & pacis “  
 contraria sunt, præsumpserit, debitis pœnis affecti eorum errores agnoscant: præfatorum “  
 Principum ordinationes & decreta, vt iuri & sacris canonib. conformia super his edita, “  
 ex nostro proprio motu, & certa scientia approbamus & confirmamus, & Apostolicæ au- “  
 ctorita. munimine roboramus, ac omnibus & singulis, cuiuscunque status, grã. aut condi- “  
 20 fuerint Ecclesi. vel secularibus, sub excommunicationis pœna mandamus: vt omnes & “  
 singulos ad Christianam fidem conuersos, aut in futurum conuertendos, seu ex Gentili- “  
 tate vel Iudaismo, aut ex quauis secta venerint, aut venire contigerit, ac eorum posteros, “  
 tam Eccle. quam seculares, catholicè, & secundum quod Christianos decet viuentes, ad “  
 omnes dignitates, honores, officia, tabellionatus, testiũ depositiones, & ad omnia alia, ad “  
 quæ alii Christiani quantumcũq; antiqui admitti solent, admittant. nec propter fidei no- “  
 uam receptionem inter eos, & alios Christianos, discretionem faciant. nec verbis aut fa- “  
 cto, contumeliis afficiant, nec affici permittant. sed omni eorum possibilitate contradi- “  
 cant, & opponant, & eos omni caritate prosequantur. & profiteantur, sine personarũ ac- “  
 ceptione omnes Catholicos vñum esse corpus in Christo, secundum nostræ fidei doctri- “  
 nam. Quos omnes tales esse, & pro talibus, ab omnibus haberi, harum serie decernimus “  
 30 & declaramus. Verum si qui ex his post baptismum reperiuntur Christianorum fidem non “  
 sapere, aut Gentilium, vel Iudæorum errores sectari, vel dolo, aut ignorantia Christianæ “  
 fidei non seruare præcepta, quibus casibus in Toletanis conciliis, & maxime Cap. consti- “  
 tuit, & alibi, contra huiusmodi à fide Christi apostatas, non pariter cum aliis bonis fide- “  
 libus, ad huiusmodi honores admittendos decreta sunt, locum sibi vindicant. prout præfa- “  
 ti Reges rectè sacros canones intelligentes, in præmissis eorum cōstitutionibus, quasdam “  
 eorum regnorum leges interpretati sunt, aut alias minus quæ Christiano conueniat age- “  
 re aut sapere. Qui de hoc scandalizatus fuerit, adeat competentem iudicem, & quod iu- “  
 stum est fieri publica auctoritate, iuris seruato ordine studeat. nec quisquam propria au- “  
 ctori. aut ordine iuris non seruato, contra diuina. humana. quæ legum doctrinam, aliquid “  
 40 in eos, aut eorum aliquem audeat attentare. Et quæ sequuntur. Datis Fabriani Camerin. “  
 diocesis, anno Incarnat. Dominicæ Mcccc xxxviii, octauo Kal. Octobris, Pontif. no- “  
 stri anno tertio. Alterum eiusdem Nicolai Pontificis diploma biennio post datum tertio “  
 Kal. Decembris, vt inseratur operi non est necesse, de eodẽ argumento priori consonum. “  
 Hæc ferè ab annalium auctori. prætermittenda, ad inuidiam vt puto declinandam, ex sche- “  
 dis amici deprompta propter rei gestæ nobilitatem hoc loco referenda putauimus. de iure, “  
 iniuriæ disputare non est necesse: liberum in vtramq; partem lectori iudicium esto, “  
 ex iis quæ exposita sunt, aliisq; de hac controuersia monumentis: quæ multa in vtramque “  
 partem circumferuntur, tranquillo neque infecto partib. animo sincere si pronunciari.

50 *Nonæ procerum conspirationes.*

CAPVT IX.

Solicitare Vasco Castellæ proceres non desisteat. ciuitates, Murcia, Conchaq; haud  
 satis sincera erga suum Regem fide erant. inde spes aliqua pristinarum opum recupe-  
 randarum, Vasconi & procerib. aliis ostendebatur. Varię manus prædatum missæ. ad Re-  
 quenam pecoris magna vis capta: incolæ etiam maiori animo quàm consilio obuiã pro-  
 gressi in pugna victi sunt. Murcia occupandæ spes euauit. Concha ab Aragoniis tētata,  
 ductore Alfonso Aragonio Vasconis filio. Diegus Médoza euocarat, arcis præfectus: quæ  
 ea tempestate in summa vrbe posita erat. nunc rudera tantum & parietinæ extant nobilis  
 aedificii reliquiæ vestigiaq; Aragonii conatus vani euaserunt. Barriento Pontifex urbem

Tomus II.

d 3



magna virtute defendit. Eo periculo vitato nouæ molitiones in Aragonia extiterunt, Præfecti maris aduentu: quem in Italiam abiisse monstratum est. Urbium procuratoribus. Cæsar Augustam euocatis Aragonii Regis mandata in conuentu recitata sunt. secundum ea, ut vires gentis conferantur, bellumq; Castellæ denunciatur postulat. excusant illi. pacem, quæ inter vtramq; gentem extabat, Rege absente ærario exhausto, bello importunè mutari. præsidia alia cōquisita. actum de coniugio Vianæ Principis cum filia Hari Comitis. de colloquio inter Castellæ proceres actum eos, quibus præsens rerum status displicebat. quod caput erat, Henricus Castellæ Princeps ad societatem ineundā inuitatur. Nondum gratia cum patre redintegrata, Toletum is in potestate redegerat à multitudine populari adiutus. prioris tumultus concitatores Principe agente intra templū maximū, quo se receperant capti. duo Toletani Canonici, ad Diui Torquati in custodiam missi, diuturno, atque grauissimo carcere (qualis in eo oppido est) macerandi. ne capite pœnas darent ordinis sanctitati datum. Marcus Garfia & Fernandus Auila per plateas tracti, atq; omnibus tormentis excruciat, ciuium oculis. in quorum fortunas impotenter grassati erant, gratum spectaculum interitu præbuerunt, facinoribus. consentaneo. Mauri præcipua licentia, frequentibus excursionibus. finitimum Baticæ agrum vexare, incendere, diripere: ingentes prædæ actæ. ad ipsa Giennii & Hispalis suburbia peruentum. pudendam nostrorum ignominiam: Domestica rerum perturbatio vsque eo animos extulerat, ut Vasconi delectus in Aragonia haberi polliceretur Rex barbarus: si alia parte Castellæ fines inuaderet, non dubitaturum se Cordubam admouere castra: neque cessaturum, nisi nobilissima vrbe in potestatem redacta. gratiæ legatis actæ pro ea voluntate: dilatum id tamen: siue quia nondum maturum erat: seu ne noua inuidia factioni accederet. Cluniæ in Arcuacis, procerum conuentus fuit ad septimum kal. Augusti. affuerunt Marchiones Villenæ, atq; Sanctillanus, Hari Comes, Præfectus maris, Rodericus Manricus, qui se Diui Iacobi Magistrum ferebat. Henricum etiam Castellæ Principem interfuisse non nemo ait. Aluari importunitate Castellæ nobilitatem exiliis, carcere, bonorum spoliatio multatâ conqueruntur. nunquam illum maiori apud Regem gratia & auctoritate fuisse. nisi in mutua societate aliquid præsidii sit, afflictis nullā spem: cæteris confirmata Aluari audacia, omnibus vnâ pereundum. constitutum, uti ad Augustum dimidiatum pro se quisq;, quammaximas copias cogerent: atq; in Henrici Principis castra venirent. quæ etsi designato tempore ad Pennasfê in Vaccæis posita sunt: à proceribus. tamē cuncta serius administrata. suus quēq; timor retardabat, & conatus toties irriti memoria. neq; satis Henrico Principi fidebatur, parum in vno proposito constanti. Præterea Vasco reb. domesticis & Gallicis districtus vno tempore erat, Maulifonium munita in Aquitania arx Vasconis præsidio obtinebatur Magistro equitum præfecto, Angli Regis beneficium. eam arcem Fuxensis Comes validis copiis, in quibus duodecim millia peditum, equitū tria millia erant, impugnandā suscepit. vallo & fossa circumdata, castris maximis septa, aggere, vineis, turrib. oppugnata. Vasco raptim delectu habito ad periculum accurrit. vtraq; castra patenti campo modico interuallo constituta. Inter generum & socerum colloquium habitū est. sed ut obsidionem solueret, adduci Fuxensis Vasconis oratione non potuit: cum ad fidē Gallo datā pertinere iudicaret, nisi re confecta, arceq; capta ab obsidione nō discedere. ita Vascone in Hispaniam reuerso ab obsessis, deditio facta est. præsidium incolume dimissum. Vasconis & procerum mora de re conciliandā inter Henricum Principem & patrē gratia denuo actum. spe pacis conficiendæ dimissæ copiar. Castellæ Rex in Vaccæis substitit. Henricus Princeps Toletum cum abiisset, inter faustas populi acclamationes tripudiansq; more gentis in urbem exceptus, Petrum Sarmentū, quoniam rapinis & iniuriis neq; finis, neq; modus erat, arcis præfectura atq; vrbana prætura spoliavit, principio anni M. quadringentesimi quinquagesimi, multum conquerentem fortunæ vices, Principisq; fidem implorātem. Præda ingens, aulæ, peristromata, vestis pretiosa, vasa auro & argento grauius ducētis iumentis sarcinariis exportata: impudentissimum furtū, certissimum peculatum. Inter frementis populi clamores, quæ iniuste erant ablata, vi extorquenda dictitatis, euasit tamen data à Principe fide munitus. prædæ tamen pars in itinere intercepta. pars maxima ad Gumielem oppidum, ubi vxor & filii erant, iussu Regis occupata. Sarmetus ipse in Vascones abiit. venia postea data à Romano Pontifice, cum quo res communicata est, eius iussu ceteris bonis ablatis ad Bastidam, quod oppidum in Vltiori Castella relictum modò erat, vitam exegit morbis grauissimis, timorq; obnoxiam, rerum gestarum maculis turpē. In socios rapinarum grauior ira fuit. Variis in vrbibus. capti, exquisitis cruciatibus. perempti sunt. crudele exemplum: sed paucorū calamitate, populi inuidia, numinis ira, religio tantorum scelerum, ignominiaq; expiata est: ac documentum cæteris datum, ne magistratum violenter & sordide gerant.



**V**ix Toletana vrbe pacata, nouus Segobiaz, quo se Hēricus Princeps retulit, tumultus concitatur. Paciechus, de quo crimine incertum, sed delatus tamen est dignum vinctulis cōmisisse facinus. Petrus Portocarrerius, qui gratia Principis valere cōperat, index; adiutoribus Conchenſi Episcopo, Ioanne Sylua Vexillifero regio, Pelagio Ribera Mareſcalo. Monent ii Principem vt omnem diligentiam ad dignitatem conſeruandam adhibeat. vnde perpexiſſet fraudem paratam, in eum vteretur iure ſuo: pœnam de Paciecho ſumptam, cæteris documento futuram, ne ingentia beneficia perfidia compenſarēt. conſilio approbato, vt caperetur decretum eſt. rei perficiendæ haud facilis patebat via. Magnæ opes ſuppētebant reo: ipſeq; cognita Principis ira, vr̄bis regione occupata, munitaq; vim propulſare parabat. ne pars cum parte pugnaret armis, vt̄ Turueganum ſuæ ditionis oppidum concederet datum. Petro Portocarrerio conciliandq; opera data. gener factus filia Paciechi notha connubio iuncta. Metellinum amplum ad Anam flumen municipiū dos dicta. ea arte inimicorum potentia debilitata eſt: Principiſq; offeſa mitigari cœpta. Cum Aragoniis bellum erat haud magno conatu moleq; feſtæ vires magis, quàm diſſidia ſublata. Bordalua arx ad fines Regni de Aragoniis capta: ruſuſq; amiſſa. In Vaſconem maior ira, nempe malorum omnium auctorem. opportuna vindicandi iniurias occaſio. domi inter Vaſcones diſſidiis enatis, pars Vianæ Principi ſuadebat, vt̄ maternum regnum capeſſeret. patrem iniuriam ætati, iniuriam genti facere. ex externa gente regium nomen nullo iure occupare. magnorum motuum fundamenta ponebantur. Vaſco Cæſarauguſtæ erat: vbi conuentus Aragonii adulto vere habiti ſunt. De quæſitoribus, quibus Præfectus, Iuſtitia Aragonum quaſi legatis vt̄ conſueuit, diſceptatum. eorum munus certis legib. circumſcriptum: ne conceſſa ad ſalutem poteſtate ad iniuriam abuterentur. Bona de quib. liſ eſſet, penes ſequeſtrum publicum deponi mandatum: ne iudicibus litium prorogandarum occaſio eſſent, eorum arbitrio permiſſa, atq; in eorum relicta poteſtate. Alphonſo Aragonio res Hiſpaniæ eatenus curæ erant, vt̄ miſſis legationibus ad Principes, hortaretur ad pacem: ſi bellum eſſet in fratrem gentemq; propenſior. alioqui obliuio patriæ cepiſſe videbatur: neq; vt̄ in Hiſpaniam rediret adduci potuit, de ea re quamuis identidem appellatus. illecebræ omnis amœnitatis maritimæ terreſtriſq; in Italia detinebant: atque in nobiliſſima prouincia primum potentia & auctoritatis locum naſtus. inter Hiſpanos in ſecundis, quod neceſſarium fore prouidebat, numerari recuſabat. laborum fructus optima pax erat, fama; nominis: qua inter ſui temporis Principes celeberrimus fuit. vt̄ finitimi longinque eius amicitiam certatim expeterent, miſſis in eam rem honeſtiſſimis legationibus Græci maximè Principes Turcarum armis exagitati: qui feroces tantis victoriis, omni ex parte circumfuſi vr̄gebant aſſidui atque formidabiles. nobiliſſimi imperii ſcilicet, appetebat interitus. ægra gentis ſpes vnus Conſtantinopolis munitione, amplitudineque ſtabat. præſidium id inualidum, atque imbecillum erat. Externa auxilia conquiſita a Demetrio Palæologo (is Conſtantini Auguſti frater erat Atticæ & Peloponneſi Princeps) miſſa ad Aragonium legatio. Si vires conferret, Turcici belli proſtigati amplas prouincias præmium futurum, idem ab Aranito factum Epiri Comite (Albaniam vulgus vocat.) Georgii Caſtriotti propter eximias viri virtutes, gloriamq; bellicam, legatio in eam rē miſſa prætermittenda non eſt: ea; de illo Principe hoc loco dicenda quæ conſequentibus commemorandis cognoscendiſq; lucem afferant. Amurati Turcarum Principi datus fidei obſes à patre Ioanne Caſtrioto in Epiri parte ea principatum obtinente, vbi olim Emathia fuit, à puero Mahumeticis ſacris inſtitutus Scanderberchius, hoc eſt Alexander vocitatus eſt. ætate confirmata id ſpecimen præbuit, vt̄ fortiffimi Ducis in eo indoles appareret, in omni contentione atq; certamine æqualibus maior: procero compactoq; corpore, conſpicua forma, animo magno, gloria appetentior quam voluptatum. Itaque eius ductu magnæ ſæpe res breui conſectæ. Patriæ inter hæc religionis amor incitabat, paternique principatus ſpes vrebatur iniuria ablati. Inſigni edito facinore tranſire ad noſtros cogitanti, rei perficiendæ opportunitatem caſus attulit. inſigni ad flumen Morauam prælio à Ioanne Hunniade Turcis proſtigatis, Georgius fuga ſeruatus, literis nomine Imperatoris conſcriptis, Croiam vr̄bem paternæ ditionis caput Præfecto decepto improuiſus occupat: vr̄bes finitimas & oppida capit. Magnum Georgii facinus dolorem barbari Principis animo, magnam curam ingeſſit. literæ vltro citroque miſſæ. ſublata ſpe voluntate quidquam facturum, Turcæ ad incendium accurrunt. multa prælia fuere, magnæ ſæpe hoſtium copiae à paucis piis proſtigatæ. tantum in vnus viri virtute, præſidii rebus erat. Diu etiam locorum præſides aderant. qui enim humanis viribus & conſilio



tamdiu sustentare potuissent? inuictasque barbarorū copias toties superare? Singula commemorare longum esset: nominis certē gloria veteres heroas exæquasse visus est, & auspicio nominis Scanderberchii, virtute haud dissimili felicitateq;. Vires exiguae erant, & tantis conatibus impares. externa auxilia euocata sunt. Veneti adiuncti: Romani Pontifices ad opem ferendam solliciti: ad Aragonium Regem Caietam, vbi se tenebat ineunte anno 1451 M cccc quinquagesimo primo legatio venit. Si milite & pecunia, in id bellum iuua-  
ret, in eius fide futuram prouinciam, annumq; vectigal repræsentaturos cum fide, quod Turcarum Principibus pendere soliti erant. Benignum respōsum datum: præstita etiam auxilia. sed quantulum id erat, in tanta hostium potentia frementium tandiu bellum ea parte sustentari? Fuit hic annus Hispaniæ maximē faustus. Isabellæ Principis exortu: cui 10 Castellæ imperium defunctis fratribus numina destinabant. vulnera maiorum socordia reipublicæ inflicta, animi magnitudine, & perpetua felicitate sanatura (egregium Hispaniæ decus æternumq;) ad nonum Kal. Maii Madrigale, vbi parentes erant, nata est. Alia parte Henricus maris Præfecti frater, quem captum ante tres annos, cum aliis proceribus diximus, è turri Langa, vbi prope Gormatium detinebatur, hoc astu aufugit. Monitis occultè suis quæ fieri vellet, nocte quadam vestem in strato ita componit, vt dormientis speciem præberet pileolo nocturno imposito: seq; è conclauis subducens in summam turrim euasit. Custos de more conclauis lustrato, dormire Henricum credens obserata silentio ianuam discedit. Ille quietis omnibus glomere fili euoluto, restim nodis distinctam à suis accipit. cuius ope librato corpore reptansq; manibus, & pedibus magno nisu, magno animi 20 vigore incolumis euasit, latus quansq; non minus felici temeritate quam recepta libertate. Friderico Cæsari per legatos expetenti Eleonora Lusitani Regis soror promissa cōiux. data sponsalia Olisipone quinto Idus Augusti, die Lunæ. mox puella nauibus missa longa & difficili nauigatione Pisas, Senasq; in Hetruriam peruenit.

*Bellum ciuile inter Vascones. CAP. XI.*

**N**Ouis fœderibus inter proceres, quod ictum erat fœdus, dissipatum est. Vasco præsidio nudatus domestico externoq;. vtrunque Aluarus consilio perfecit (cuius capiti omnis ea concitari cepta tempestas minari videbatur) in periculo sæpe ab ingenio præsidium petere solitus. quod antea sæpe prosperè cesserat, nunc exitio fuit. superi vix sinūt fraudes impunè abire. eo tamen auctore, fœdere in speciem cum Vascone factō, Præfecto maris, & Castri Comiti venia denuo data. restituta etiam ditionis oppida sunt. Alfonso Vasconis filio Calatrauæ magisterium promissum: neque venienti præstitum tamen. cum se Petrus Gironius & Almagrum in Oretanis milite & cōmeatu ad vim prohibendam comparasset. ergo re infecta in Aragoniam sese referre compulsus est, ægrè ferente Vascone delusum se fraude esse: idoneumq; visum, qui dolis circumueniretur. Accessit noua iniuria: Aluari consilio Henricus Princeps patri conciliatus est. Præterea (qui grauissimus dolor fuit) belli flamma in Vasconib. concitata diurni, ciuilib, sæuissimi hac de causa. scissa eius gētis studia ab antiquo erant in Beamontios Agramontiosq; infausta Vasconib. nomina: ex Gallia quidē aduecta, nobilissimam tamē atq; adeo regia stirpe familiis afflicta, Lerini Comitibus, Cortesijs Marchionibus, quæ capita duarū factionū erāt. Agramontii Vasconis maiestate tenebantur. ægrum Vianæ Principis animū Beamontii ad sumenda arma incitabant. iniuria interceptū regnū, bello vindicandum dictitare. diuinas & humanas leges à patre violatas. Si vires humanæ deessent, tamen æquissimam causam superis curæ futuram. Cum Castellæ Galliæq; Principib. societas armorum constituta. Castellæ Principes affuturos se pollicentur, si modò palam moueantur arma. Tantundē pollicetur Gallus, omni Aquitania recepta de Anglis, finitimus opportunusq;. & erat per idē tempus Baiona in potestatē redacta, candida cruce in cælo sub conflictum visa. siue vera species fuit, q; nubium natura ferre potest, siue oculorū ludibrium præstigiæq;, in omen versum melioris deinde fortunæ. Crux rubra, quo bellico insigni vti consueuerant, Galli candida ex eo cruce mutata. nihil in continenti relictum Anglis præter Calitiū, & ei contributum angustum agrum. Motis inter Vascones ciuili dissidio armis oppida & vrbes, pars à Beamontiiis occupata, Pompelo regni caput, Olitum, Ayuar municipium: In fide Regis multo plura mansere. nam tempestate protulsa fidissimos quosque rebus & præsidiiis præfecerat: seq; ad omnem occasionem magna diligentia cōparauerat. Vianæ etiam principatus in potestatem redactus. Ab Henrico Castellæ Principe Stella munitum oppidum est impugnatum. eodem Rex pater appulit. intus Regina Vasconum erat. Vasco suarum rerum periculo permotus eo Cæsaraugusta citato abiit ad quartumdecimum kalend. Septembris. Exiguus comitatus erat, neque in Aragoniis satis virium ad motus prouinciæ compefcendos. maiores delectus in Aragoniis habiturus, Cæsaraugustam ipse, Castellæ



Castellæ Rex & filius quasi bello confecto, Caroli Principis hortatu sese Burgos retulerunt. Mite Ingenium malo fuit. collectis à patre copiis, virtute magis & usu pugnandi, quam numero validis ad Ayuârem castra posita, copia defensorum & magnis operibus munitum oppidum. accurrit filius auxilio. castra iuxta posita: acies ad pugnam productæ quinto Nonas Octobris. viris sanctis inter utrosque commitantibus, quibus graue erat, ac detestandum videbantur propinquos & necessarios inter se configere, filium aduersum patrem, tentatum si reconciliata gratia consensu ponerentur arma. Carolus faciles aures præbebat, his modò conditionibus: Ut venia omnibus à patre esset, etiam Ludouico Beamontio Lerini Comiti equitum Magistro, Vianæ, principatus restitueretur. Regni vectigalium dimidium ipsi cederet: unde vitam aulicam cultum sustentaret. Foedus id consensu Castellæ Regis sanciretur: ut iureiurando Carolus pactus erat. Ex his capitibus, quædam Vasco tolerabat, reiciebat alia. filius spe ferox, quoniam multitudine superabat, pugna signum dat. Idem ab hostibus factum. concurrere acies. primum Vasconis agmen loco pulsum. vñus Rodericus Rebolledus Vasconis cubicularius cæteris fugatis, hostes se ferociter inferentes sustinuit. eo virtutis exemplo reliquæ copiae in pugnam inuectæ: ii etiam qui terga dederant, ignominiam fuga susceptam virtute audaciaque delere studebant. eorum impetum aduersarii non tulerunt, in fugam conuersi, initio à Bæticis equitibus facto. collectius exercitus par veterano non fuit. minor cædes quam pro victoria. captiui multi. ipse Vianæ Princeps circumfusus omni ex parte hostibus. periculo proximus, gladio, & chirotheca militari Alfonso fratri traditis, deditiōem fecit. Nobilis in paucis pugna, fœda initia, detestandi progressus, exitus miserabilis. pugnantium cæsumque numerus memoriæ non est proditus: ac ne de prælii ordine auctores consentiunt: ne de tempore quidem quo est factum, nostrorum scriptorum pudenda socordia. Carolus Tafallæ primum, deinde Monrolii seruari à patre iussus est. toto captiuitatis tempore infectis veneno cibus ne perimeretur formidasse, fama est: neque allata post conflictum bellaria attingere ausum, antequam frater gustu explorasset. Lætus victoria Vasco Cæsaraugustam rediit. secuta est vxor, breuique prægnans facta est. neque Beamontii posuere arma, neque demisere animos: & Henricus Castellæ Princeps infensus socero, illis auxilio accurrit. Præterea Aragonii procures Caroli causæ fauere cæperant, & de eo liberando inter se consilia inire. miserrabilis rerum conditio in Vasconibus maxime. in agris vagabantur milites latrocinantium more: intra oppida factiones dissidiaque vigeant: ex eo rixæ, pugnae, cædes. In Bætica Maurorum audacia ad Arcobrigam castigata. equites sexcenti, pedites octingenti ea parte prædatum inuecti, à minori nostrorum numero, cæsi fugatique sunt quinto Idus Februarii anno M cccē quinquagesimo secundo. ductor Ioānes Pontius Arcobrigæ Comes, Marcia seu Marchenæ regulus. Maior ei gesti clades proximo mense in Cōtestanis est illata: sexcenti Mauri equites, pedites mille & quingenti ad Eliocrotam (nostris Lorea est) in pugna superati, præda etiam ingens ablata, quadraginta millia maioris minorisque pecoris. nostri trecenti equites erant, pedites ad duo millia: ductores Alfonsus Fagiardus Murciae Antelatus, eiusque gener Garsias Manricus: præterea Dieghus Ribera Murciae iuridicūdo Prefectus. sic barbarorum conatus aliquandiu restiterunt: versaque fortuna partium est. Mauri à Rege Claudio alienati ad nouum imperium retulere animos. nihil præterea hoc anno memorabile accidit in Hispania: nisi quod Vasconi Regi filius susceptus est sexto Idus Martii. Soffi, qui pagus ad Vasconum & Aragoniæ fines est, ipso itinere, quo se ad virum Sanguessa referebat, Reginam repentinus dolor partus inuasit: foetumque maturum excussit: cui nomen Ferdinando fuit: amplissima regna & immortalis gloria, ob res præclare gestas bello, paceque. Senis Fridericus Cæsar, & Eleonora sponsa conuenerunt. Repetita sponsalia. cæremonia antistes Æneas Syluius, Principis gratia, & eruditionis fama nobilis. Nuptiæ Romæ ex ritu Christiano sacratæ, ab ipso Pontifice: de cuius etiam manu sunt coronati. Festa nuptialia Neapoli celeberrimo post hominum memoriam apparatus celebrata sunt. noua in ea vrbe nupta ex sponsa coniux est facta.

*Aluarius Luna captus.*

CAPVT XII.

**I**mmérito rerum humanarum inconstantiam mortales accusant: quasi fluxæ, caducæ, incertæ paruo momento in contraria vertantur, temeritateque potius fortunæ, quam certo consilio regantur. cum contra vitia & mores accusandi essent: quæ prauos homines in præceps sæpe agunt. Quid enim mirum si inertii iuuenta senectutem egestas premiat? si luxu gulaque maiorum opes effunduntur, pereuntque? Si potestas sordide habita



aufertur? si superbiam inuidia sequitur, certa; perniciēs. Nimirum vera rerum vocabu-  
 la amissa sunt. aliena largiri, sua prodigere liberalitas vocatur. temeritas in laude ponitur,  
 præsertim euentu secundo confirmata: ambitio decori ducitur: impotēs dominatus, at-  
 que violentus seueritatis nomen induit. Rarò à moribus fortuna discrepat. nos inepti re-  
 rum æstimatores alienas infelicitatis causas perscrutamur: quæ latent sæpe, nonnullæ ta-  
 men existunt. Hæc præfari volui, funestum Aluari Lunæ exitū scripturus. Ab humili du-  
 cta fortuna ad summum peruenerat, in præceps ambitio dedit. Bona inerant in natura  
 moribusq; inerant mala: vtra magis euentus indicat. ardens ingeniū, perspicax iudiciū,  
 aptus sermo & cum aculeo facetus, quadam tantū hæsitantia tardior, profunda callidi-  
 tas, atq; simulatio, audacia, superbia, ambitio: ex quibus atque ex fraude, compositus vide-  
 batur. corpus exiguum, sed firmum, & bellicis laboribus idoneum: facies minuta, venu-  
 sta tamen cum dignitateq; hæc à primis annis suscepta, confirmauit ætas, auxitq;. Acces-  
 sit contemptus hominum, commune potentium malum, aditus difficiles. ætatis flexu ira  
 peruiacior fuit. quasi fera in cauea petita iaculis, deinde emissa, inimicorum odio exa-  
 cerbatus, impotensq; successu, quas non strages dedit vindictæ studio ardens? His mori-  
 bus non corruisse mirum est, sed tandiu perstitisse pudendum. Sepe antea occultis crimi-  
 nationib. de maiestate postulatus fuerat, tanquam ingentes opes supra fortunam, supraq;  
 conditionem nactus augere non desisteret. euerfa nobilitate graue etiam imperium in  
 Regem exerceret. Nihil illi ad regnum præter nomen deesse, studia ciuium habere, ma-  
 nitissimas arcēs: aurī & argenti immensam vim: exhaustum esse publicum ærarium. Ve-  
 ra esse, quæ obiciebantur Rex non ignorabat: sæpe etiam apud Reginam de iniuria igno-  
 miniaq; conquestus erat, cum aliis communicare non ausus, libera etiam gemitus subla-  
 ta facultate. Euertendi hominis opportunitatem exoptatus casus attulit. Petrus Stunica  
 Placentiæ Comes, se Begiare ditionis oppido continebat, publico in ea temporum collu-  
 uione abstinentes, id Aluarus odium interpretatus, eius perniciem molitur. Garfias Albani  
 filius è Petrasita, quæ arx vicinis locis sita est, prædas agere non desistebat, paternæ iniu-  
 riæ, quoniam vinctus tenebatur, vindex. Aluarus eius obsidendi consilium dat, impro-  
 viso etiam Placentiæ Comitem occupaturus. Sic animus erat, numina, quod parabat aliis  
 exitum, in eius caput verterunt. fraus fraude petita. Hari Comes, Santillanius Marchio  
 Placentiæ Comitis suasu, facta conspiratione in Aluari necem coniurant. quingenti equi  
 tes missi Vallisoletum sunt: (quò Rex Burgis venerat in Bellum intentus, quod inter Vas-  
 cōnes gerebatur) incautum Aluarum oppressuri. tametsi alia species erat Beneuentano  
 opituladi aduersus Petrum Osorium Trastamaræ Comitē, cum quo dissidium erat. Pro-  
 cerum consilio indicato Burgos auctore Aluaro reditum. quod saluti fore credebatur,  
 maturauit exitum. Arcem eius vrbs Enecus Stunica obtinebat. Eneci frater Placetiæ Co-  
 mes cum præsidio militari hostem vt opprimeret euocatur, quò res occultior esset lega-  
 ta abs Regina ad auunculum, Ribadei Comite principe scemina prudentiq;. In Castes  
 Aluarum incidisse: irretitumque teneri. omnium telis quasi feram petendum: commu-  
 nesq; iniurias vindicandas eius interitu. Neruis æger Comes venire non potuit. Aluarus  
 filius missus, dum Curiele oppido Burgis vicino euocat equites, Aluarum Lunā Rex mo-  
 net, vt in ditionem discedat: quanta inuidia flagret nō ignorare. sibi in animo esse, proce-  
 rum consilio rem publicam gerere. consilii nimirum suscepti pœnitentia subierat: aut rei  
 exitum formidabat. Recusat ille nisi Toletano Archiepiscopo euocato: quem pro se vica-  
 rium substituere cogitabat, præterea Regis ex sermone (neq; enim temere fuisse putabat)  
 odoratus insidias nouū facinus designauit. Deus illi mētem eripuit. Alfonso Biuerum,  
 qui Regi à consiliis erat, domi obruncat, atq; è cancellis in subiectum fluuiū præcipitem  
 dat, nihil tēporis sanctitate motus tertio Kal. Aprilis, ipso die Veneris Christi cruciatuum  
 memoria sacro, salutis anno m cccc quinquagesimo tertio. Extrusus cōtinuò qui Alua-  
 ri Stunica aduentū vrgeret. Præcessit is obuoluto capite. Sequebantur modicis interval-  
 lis octoginta equites. ad arcem noctu ciues quidā euocati, monitiq; vt cū armis vrbs pla-  
 teas obsiderēt. Rumores tota vrbe iactati Aluaro proxima luce parari vincula: nemo tamē  
 renunciat. stupor animos occupauerat. vnus è familia Gotor, denunciato periculo, vt no-  
 cte in suburbanum hospitium se subduceret hortatur. salutaria monenti nō paret. Variis  
 consiliis agitatus, quod probaret non habebat. quò enim se reciperet? vbi lateret? cui salu-  
 tem crederet, vrbani auxiliis infidis, longinquis arcibus, quas habebat fortissimas? Go-  
 tore ablegato, rei euentum expectare constituit. Si verum fateri conuenit, quoniam si-  
 bi confidebat, contemnebat hostes: vtrunque in periculo nimium, exitialeque malum.  
 Rebus comparatis Nonis Aprilis, cum dies Iouis lucefceret, ædes Petri Carthagenæ, v-  
 bi Aluarus Luna erat, armati obsident. vim adhibere non est visum, nonnullis quamuis  
 militibus



militibus è fenestris ædium vulneratis. Internunciis commeantibus, quod necesse erat,  
 Aluatus Luna deditionem facit syngrapha à Rege missa: nihil eum per iniuriam passu-  
 rum. speciosa verba rebûs vacua. In eisdem ædibus custodiæ mandatus, Abulensem Epi-  
 scopum è fenestra conspicatus Regis lateri adhaerentem (nam eisdem ædibus pransurus  
 sacris operatus veniebat) apprehenso mento suo: Pœnas, inquit, sacrificule huius nostræ  
 iniuriæ dabis. ad quem ille: Deum testor, respondit, nullam me huius consilii partem fu-  
 isse. nondum domita malis Aluari ferocia erat. Peracto prandio, remotisq; mensis, cū Re-  
 gis conueniendi potestas facta vincto non esset, codicillū in hanc sententiā mittit. Quin-  
 tus & quadragesimus annus, Rex est, ex quo in tuis obsequiis sum. De præmiis non que-  
 10 ror. maiora meritis, maiora expectatione fuerunt: non negabo. vnum felicitati meæ de-  
 fuit, tantæ fortunæ tempestiua moderatio. Dum otio, quod magnorum virorum exem-  
 plo petendum fuit, negotium præfero à me debitum, tibi vt putabam, necessariū, in hanc  
 20 incidi calamitatem. Eripi libertatem, quam tibi non semel vt redderem magnis periculis  
 vitam & fortunas obieci, graue est. Plura dicere dolor prohibet. Multis meis peccatis nū-  
 mina irritata certo scio. his malis si placantur, satis habeam. Opes vltra sustinere non pos-  
 sum. quarum tantam copiam in me cumulasse malo fuit. iis libens cederem nisi in tua po-  
 testate omnia essent, erepta nobis facultate hominibus probandi, eum ad summa eutexis-  
 sete, qui res humanas vt parare, sic possit contemnere: atque vnde acceperit resignare. Il-  
 lud obtestor, vt quoniam ærarii inopia inductus, vnde minime debui, decem aut duode-  
 30 cim millia aureorum redegi, quæ in loculis seruantur, ea reddi quibus sunt ablata cum fi-  
 de facias. Hoc si nostris officiis qualiacunque fuerūt, non impetro: æquitati postulati con-  
 cedere necessarium arbitror. Ad hæc Rex: Quod de obsequio & præmiis diceret, non  
 negare, maiora tulisse, quam ab vlllo Rege, aut Imperatore ab vlla memoria priuato con-  
 tigissent. Eius causa ereptam sibi libertatem, eo adiutore redditam, non minus mereri vi-  
 tuperationis, quam laudis. Regiæ inopiæ ab eo potissimum factæ, suis copiis opitulari æ-  
 quius futurum fuisse, quam aliena iniuria, se tamen ex eius bonis, iis qui damna pertu-  
 lerant, facturum satis. maiore in eo conscientiæ ratione habita quam iniuriarum. Mirum  
 est, in tanto numero eorum, qui Aluari beneficiis obstricti erant, nullum in periculo ad  
 præsidium accurrisse. Verum miseros studia destituunt, cum aulæ gratia in contrarium  
 40 circumacta. Tanti hominis supplicio Hispanis annum insignem, vniuerso orbi Christia-  
 no luctuosum reddidit, vrbs Constantinopolis casus, à Turcis vi captæ. Mahomad gen-  
 tis Imperator multis de nostra gente victoriis insolens, cæteris circum vrbibus & oppidis  
 in Thracia captis, ad Constantinopolim castra posuit. Mari terraque vrbs nobilissima  
 dies quatuor & quinquaginta omnibus operibus impugnata. A Lōgo Iustiniano Genu-  
 ensi aditus in vrbem hostibus est patefactus ad quartum kalendas Iunii. A quibusdam  
 superior annus falso haud dubium & per errorem designatur, Pentecostis feria secunda,  
 de die mensis non discrepantibus. Omnia barbaræ crudelitatis exempla in miseros edita,  
 nullo sexus aut ætatis discrimine. Horret animus gentis ærumnas, nostram ignominiam  
 meminisse, florentissimi quondam imperii opes momento temporis euerse. violatæ fi-  
 50 dei, quam in Concilio Florentino Ioannes Palæologus Imperator dederat, consentanea  
 merces fuit. Frater Constantinus, qui in imperio successerat, ne ludibrio maiestas esset,  
 cum hostes videret irrumperere, posito paludamento, inter confertos pugnans occubuit,  
 turpi seruituti honestam mortem præferens. id vnum virtutis specimen præbuit. eius fra-  
 tres Demetrium & Thomam ad maiorem ignominiam fortuna, Deus verius, seruaui.  
 Perculit ea res, vt par erat, piorum toto orbe animos, intempestiua lacrymæ erant, post  
 acceptam cladem. Ex eo vrbs illa Turcici imperii sedes, domiciliumque fuit, suis copiis &  
 nostris malis nobilis atque præclara. Carolo Vianæ Principi, Cæsaraugustam deductos  
 agentibus Aragoniis cum patre reconciliata gratia, libertas est reddita decimo Kal. Iulii,  
 licti fœderis caput fuit. Vt ipse in patris potestate esset. Ex vrbibus & arcibus, quæ in eius  
 50 fide erant, præsidia deducerentur. Fidei obsides dati Ludouicus Beamontius Lerini Co-  
 mes equitum Magister, eiusque filii, alique Vascones viri primarii, breuis lætitia fuit, no-  
 ui motus sunt breui concitati, paterna auiditate filii impatientia, res publica diu iactata.

*Aluari Luna supplicium.* CAP. XIII.

V No tempore à Rege Castellæ Aluari oppida, & thesauri occupabantur, ipse è vinculis  
 causam dicere est compulsus: quæ bona esse non poterat, aduersum Regem tantis  
 præsertim iniuriis exacerbatur. Dati iudices, maiestatis damnarunt. Portilio, quo  
 deductus erat, Vallisoletum relatus, pœnitentiæq; & eucharistia procuratus, ad supplicii  
 locum mula vectus est per plateas, voce præconis sententiæ summam de more incla-



mantis, his verbis: Hoc supplicium huic crudeli tyranno abs Rege esto. Quod præcipiti  
 temeritate & amentia cum regiae maiestatis diuinæ in terris vicariæ sugillatione, aula in  
 potestatem redacta, rep. que vniuersa ad arbitrium reuocata. Supra conditionem, supra-  
 que priuati hominis modum elatus superbia, in Deum, Regemq; contempta regia ma-  
 iestate, regii patrimonii magna iactura, foeda iudiciorum perturbatione, ea crimina, flagi-  
 tia, maleficia, peculatus perpetravit, pro quibus securi subiicitur: vt diuina regiaq; vindi-  
 cta sancita vnus supplicio, cæteris documentum detur similis audaciæ vitandæ. Sic qui  
 deliquit, pœnas dato. In medio foro suggestus erat amplius, cruxq; in eo, & geminæ faces  
 accensæ tapere substrato. eo conscenso, cruce veneratus aliquotq; passibus confectis, a-  
 manuenti puero signatorium annulum, galerumq; dat. Hæc inquit, postrema à me mu-  
 nera habe. Ingens pueri ploratus, circumstantium gemitus contectus est. varix rerum i-  
 magines mentibus occurrebant. proximæ felicitatis cum præsentī fortuna comparatio,  
 inimicis etiam excusserat lacrymas. Aderat Barrasa Henrici Principis stabulo Præfectus.  
 Huic ad se vocato. Vade, inquit, Principi ex me dicito, famulis gratificandis ne Regis hoc  
 exemplum sequatur. Erat vncus ferreus sublimi ligno cōfixus. rogat carnificem ecquem  
 in vsum paratus esset? Seiunctum, ille, à trunco vt imponatur caput. Post mortem, subdit  
 Aluarus, de corpore vt libet, facito. viro forti mors turpis esse non potest: neque immatu-  
 ra tantis honoribus defuncto. Hæc dixit: simul diloricatis tunicis intrepidè securi caput  
 subiecit, tertio Nonas Iulii, vir verè magnus, ipsaq; fortunæ varietate admirandus. Tri-  
 ginta circiter annos ita in aula dominatus est, vt nihil neq; maioris neq; minoris rei, nisi  
 eo arbitrio gereretur: ne vestes quidem Rex, aut tibi genus, aut aulae ministeria, nisi eius  
 voluntate mutabat. Sed exemplo tamen calamitatis, monendi sunt aulici, vt amari à Prin-  
 cipibus quam metui malint: qui metus domini exitium serui est: & fata vix sinunt super-  
 bos famulos feliciter mori. Alfonsus Spina monachus Franciscanus morienti affuit: is qui  
 fortalitium fidei edidit, splendido titulo, voce barbara, eruditum opus & diuinarum re-  
 rum cognitione præstanti. Truncus tribus diebus in suggestu relictus pelui iuxta posita,  
 ad stipem colligendam, qua sepeliretur homo paulo ante Regibus potentia exequandus.  
 sic res humanæ variant. In Diui Andreæ vbi cæteri supplicio affecti, sepultus est. inde in  
 Diui Francisci translatus intra idem oppidum. annis consequentibus in templum Tole-  
 tanum, instaurato ab amicis funere, Regum permissu. Vulgo fertur, consulenti vatē Al-  
 uaro prædictum, Cadahalsum exitio fore. eum, quod ad suggestum referre debuisset (id  
 ea vox Hispanis significat) oppidum interpretatum illo in Carpetanis nomine, suū quam  
 uis per totam vitam vitasse. Nos hæc, vt vana, parum euranda putabamus. Ad Scalonom  
 regia castra erant. id oppidum post Aluari exitum, deditum ea conditione ab vxore est: vt  
 viri thesauri & quis partibus ipsa, & Rex partirentur. cætera omnia fisco addicta. Ioannes  
 Luna Aluari filius, Sancti Stephani oppidum à patre datum retinuit. huius filia nupta  
 Diego Paciecho cum Villena paternum comitatum iunxit. filia altera iuxta Aluaro fuit  
 Ioanna nomine. ex impari matre Petrus Luna Fontidonæ regulus: filiaq; vxor Ioannis  
 Lunæ propinqui, Soris vrbs præfecti. De Aluari casu hætenus. Ab Ismaele Mauro, quē  
 annis superioribus ad Mauros abs Rege remissum fuisse monstratum est, factionis opib.  
 nostrisq; auxiliis confirmato, Rex Claudus patruelis regno spoliatus est: quo tēpore non  
 traditur: de facto nemo dubitat. acceptæ superiori anno calamitates studia gentis auerte-  
 rant, alioqui nimium in Principum mutationem pronæ. Ismael regno suscepto, fide erga  
 nostros haud diuturna fuit: in tenui fortuna benignus amicusq;, post victoriam accepti  
 beneficii immemor. In Lusitania nummi aurei recens percussi cum primis probi, cruci-  
 ati ex eo dicti, quod per idem tempus venia concessa Lusitanis est: quicunque cruce infi-  
 gni aduersus Christiani nominis hostes, pro religione arma sumerent. Aluarus Gonsal-  
 uus Lameci Episcopus, eam veniam à Romano Pontifice Nicolao quinto abstulit, vir in  
 ea gente clarus prudentia, doctrinæ opinione præstanti.

Castella Rex obiit. CAPVT XIV.

S Vblatus Aluarus Luna, neque rerum conditio tamen magnopere in Castella mutata.  
 Regi quidem propositum erat, si diuturnior vita contigisset, rempublicam per se gere-  
 re adhibitis in consilium Conchenſi Episcopo, & Guadalupeo Priore Gonsaluo Illesca-  
 viris ea ætate integerrimis sanctisq; iis adiutoribus incommoda accepta maioribus com-  
 modis sanare: summæ diligentia summam imperii seueritatem addere: quæ sæpe inani  
 specie clementiæ salubrior est. Itaque vtrumq; Abulam eo consilio euocauit: quo Scalo-  
 na discesserat. Octo millia equitum ad continendam in pace prouinciam, externā vim  
 prohiben-



prohibendam ordinariis stipendiis alere cogitabat. Regia vectigalia singulis urbibus exigenda tradere, toto genere mancipum & publicanorum amoto: quoniam omnes vias pecuniae norunt, & pecuniae causa ingentes fraudes suscipiunt. Coeperant Lusitani extrema Africae littora anniuersariis nauigationibus tentare: aperireque, longissimo tractu usque ad Bonae spei promontorium: quod litoribus utrinque in cuspidem extenuatis, ultra mediam caeli plagam triginta quinque gradibus porrectum est. unde genti magnae opes accessere, gloria par. Henricus Lusitani patruus cognitis astrorum conuersionibus, cuius rei peritissimus erat, & in studium incitatus, Christianae religionis amplificandae, auctor primus exitit. quo nomine immortalem laudem habeat necesse est. Castellae Rex  
10 ea Africae litora ad suum ius pertinere existimabat: neque interceptum a Lusitanis iri, passurum. legatus de ea re Ioannes Gusmanius, ni mutarent minas addidit: bellum saeuissimum finibus illaturos. a Lusitano mite responsum datum. Putare se nihil contra ius factum esse: atque fidere, nisi re diiudicata Castellae Regem haud moturum arma. Medinam is Campestem & Vallisoletum abierat, si mutato caelo morbum pelleret, quo lento sed diuturno coeperat laborare. Vno tempore Ioannes Gusmanius e Lusitania cum eo responso rediit: & Aragoniae Regina spe Principes Hispaniae facta pace inter se conciliandi, Vallisoletum appulsa est. Inanis conatus non fuit, Regina rem susceptam magna cura administrante, cunctis fere Hispaniae prouinciis diuturno bello fessis, exhaustisque. etsi noua  
20 offensionis occasio extiterat. Blanca ab Herico Principe repudiata remissaque ad patrem est, quasi maleficio, sacrisque magicis veneris uis prohibita. is erat pretextus: re alienae culpa poenas direpto coniugio dedit, viro praeposterae libidinis auido, (quod saepe vitium castigare pater conatus erat,) concessa neque cupido neque potenti praesertim vitiandis virginibus. sic constans opinio fuit, multis argumentis confirmata. A Ludouico Acunio Segobienensis Ecclesiae Cardinale Ioanne Ceruante Administratore, diuortii sententia pronunciata primum: confirmata deinde ab Archiepiscopo Toletano, Nicolai Pontificis permissu, datis ad eum literis ea de re, non sine admiratione orbis terrarum, dimissa Blanca, neque Henrici toro (quod fuisset consentaneum) diu caelibes. Castellae Rex noua prole est auctus, Reginae ad Tordesillam partu mensis Decembris die septimodecimo. Alfonso illi nomen fuit: neque ultra adolescentiae annos vixit, belli causa grauis & diuturni  
30 prouincialibus, magis quam dux aut auctor futurus. uti rerum euentus declarabit. Aragoniae Regina annitente, Castellae & Aragoniae arma ut ponerentur mandatum: idem de Vasconibus constitutum patre filioque, dum stabilis pax aequis conditionibus sanciretur. in eam rem proximi anni induciae concessae. rem prope confectam Regis Castellae obitus moratus est. Ingrauescente valetudine, sacris omnibus procuratus, Vallisoleti decessit ad tertiumdecimum kal. Augusti eius seculi anno quinquagesimo quarto. Corpus in Bur- 1454.  
genesi cenobio, quod a patre exstructum, Carthusianis ipse monachis dederat, ut tumularetur testamento cauit. Extemporale sepulchrum in Diui Pauli Vallisoleti paratum. funus magnifice factum. iuxta exequiarum per oppida & orbis persoluta. Ipsa etiam vrbe Neapoli mense proximo. ubi inter atratam cohortem & luctus vnus Venetus legatus in  
40 ostro popae funerabili interfuit. Insolenti spectaculo lacrymae risu mutatae. accessis tamen funalibus lignei tumuli, quod in medio templo ad funus peragendum dandas inferias exstructum erat, magna pars arsit. Alfonso Infanti nuper nato Sancti Iacobi militia commendata a patre testamento est, idem praeterea Magister equitum renunciatus. utrumque in Aluari locum. tutores designati Conchenensis Episcopus, Prior Guadalupeus, Padillia Cubicularius. eum ne regni successorem nuncuparet imbecilla aetas tenuit, & maiorum motuum metus. cogitasse satis constat. Isabellae Cuellarem oppidum legauit, ingensque auri pondus. Reginae coniugi Soriam, Areualum, Madrigalem: unde vitam principalem, viduitatis incommoda sustentaret.

50 *Henricus Rex Castella renunciatur. CAPVT XV.*

**R**egis obitu Castellae res in Henricum filium, ut erat necesse, translatae sunt. in conuentu procerum, quorum pars aderat, alii ad rei famam confluxerant, quarto post die infulis, & caeteris regni insignibus exornatus est. Albe, & Treuigni Comitibus libertas continuo data: quod inaugurationis laetitiam vehementer auxit. ceteri proceres, qui capti fuerunt, alius alia causa euentue fuerant antea liberati. paternae aulae ministri omnes retenti sunt. de Hispaniae pace denuo agi coeptum abs Regina Aragoniae, penes quam viro & Vascone deferentibus, decernendi potestas erat. Haec conditiones scriptae, Vasco, Alfonso filius, Henricus Henrici Aragonii filius, iis oppidis & honoribus, quae in Castel-



la erant, abscedunt. Pro iis designatum auri pondus quotannis Castellæ Rex cum fide pendito. Præfecto maris, Henrico eius fratri, Ioanni Touario Valeranicæ regulo, ceterisque Vasconis partes secuti, potestas esto in patriam ditionemque redeundi. Castri Comes Diegus Sandoualius extinctus erat, atque Borgiæ tumulatus. præmium fidei cultæ erga Aragonios fuit Dianium & Lerma in Valentino agro, atque vltiori Castella: quæ oppida Ferdinando filio reliquit. Is cum paucis è coniuratis exceptus est, ne in Castellam rediret, nisi a nouo Rege prius facultate impetrata. Sancitum præterea, vt arces ad fines Castellæ & Aragoniæ belli tempore captæ, ab vtraque parte restituerentur. Atiensæ quindécim florenorum millibus de Vascone redempta, aliquanto post tentatum, si bellum Vasconum pace mutaretur. minor spes erat, prouentus nullus, quoniam maioribus odiis gerebatur, quippe inter filium & patrē. quo maior necessitudo eo similtas grauior. Dum fœderis conditiones Principum, quorum intererat, consensu firmantur, in annum proximum induciæ prorogata. His rebus constitutis, Regina quidem in Aragoniam sese retulit: Villenæ Marchio sine riualligratia noui Castellæ Regis & opibus validus, Ferrerius. Nufæ Reginæ Aragoniæ Comes antea datus, Ioannes Beamotius Ludouici Magistri equitum in Vasconibus frater, tres hi trium Principum legati, Henrici, Vasconis, Caroli 1455 Agredam conuenere, ineunte anno M cccc quinquagesimo quinto. Loci commoditas inuitabat: quoniam ad fines Vasconum & Aragoniæ in Castella situm est, vt colloquio deligeretur: & Henrici maiestati datum, in cuius ditione erat. parum profectum fœderis conditionibus nondum a Vascone & sociis consensu firmatis, occultis Paciechi artibus inter patrem & filium impedita pace, formidantis, ne rebus tranquillis minus ipsi potentiæ & auctoritatis esset. Induciæ modo ad mensem Aprilē partium consensu continuatæ, spes concepta prouincialium animis breui euauit. res communes, quasi turbato ventis mari seuaque procella inflatis fluctibus cum agitur naui, viro & gubernatore opus habebant: quod vnum maxime deerat, Nouus Rex socordia patri persimilis, neque impendunt mala considerare: neque satis animo prouidere tempestates. Ardenti quidem erat ingenio, pusillo tamen, oppletoq; fœditate. reipublicæ curæ grauissimæ. Paciechus rerum arbiter, cautior Aluaro modestiorque, an felicior, nam ad vitæ finem perstitit. Caput Regi magnum, lata frons, celsi oculi, nasus non natura sed casu simus, cæsaries subflaua, vultus rubedinem fuscendo temperabat: toruus aspectus ac ferus, statura procerus, crura oblonga, forma non indecora, totius corporis habitus firmus vereque militaris. venationis & musices præcipuum studium. cultus moderatus, aqua potus, cibus nimius, mores dissoluti, atque omnibus turpitudinum maculis vita deformis. quibus rebus corpus labefactatum, atque morbis obnoxium fuit. nulla actionum constantia. Liberalis illi atque Impotentis cognomina vulgo afficta sunt: alterum naturæ vitio, alterius causa profusa liberalitas extitit: prorsus vt donandis oppidis, pro fundendis sine iudicio, eoque nulla gratia, quos auide congefferat, thesauris maiores omnes superasse videretur, imperii etiam maiestatem imminuisse, vires debilitasse, alieni appetens, sui prodigus. Data beneficia obliuisci: accepta recordari: eaque properantius compensare quam es mutuum. Mitis sermo atque comis fuit: quosuis benigne appellare. clementia nimia, quæ nisi feueritate astringatur non minora sepe mala, quam crudelitas affert. Legum contemptus, impunitatis spes prauorum audaciam alit, atque confirmat. hac morū varietate factum, nulla vt tempora turbulentiora extiterint, quam Henrici regno, quod annorum viginti fuit, mensium quatuor, dierum duorum. Prudentia non magis ad ciues in pace regendos defuit, quam intestinis regni motibus pacandis.

*Pax Italia. CAPVT XVI.*

Mota in Italia arma ante tres annos hac occasione erant. Francisco Sfortiæ post Mediolanenses subactos, imperii partem, quæ ad Abduam est, repetenti de Venetis, & quoniam non reddebatur, bellum meditati, Florentini fauere ceperant occulta armorum societate constituta. id egre Venetis fuit. Florentini omnes finibus commercioque prohibiti. Leonelli Ferrariensis Marchionis opera, Aragonius ad socianda arma impulsus: si Florentinis in suis sedibus bellum inferret, Sfortiam iniuriæ fore opportunum. facto fœdere Guillelmus quidem Monferratus Aragoniis stipendiis in Alexandriæ fines immisus est, cum quatuor equitum millibus, duobus peditum. Ferdinandus Aragonii filius Calabriæ Dux (trine iam prolis pater, Alfonsi, Friderici, Eleonore) quo maior esset auctoritas, maiorque hostibus terror, in Florentinos amandatur. adiuncti sex millia equites, pedites duo millia: nobiles Duces copiarum Neapolio Vrsinus atque Urbini Comes. In



In Cortone Aretique fines impetus factus. vastatus ager, direpti; incensique pagi sunt. Foianum oppidum expugnatum. Astor Fauentinus, qui primus opem Florëtinis laturus eorum inuitatu accurrerat, acie victus: nonnullæ præterea eo tractu arces occupatæ. alia parte Vadum in agro Volaterrano Antonius Olzina de hostibus ceperat: finitimosque agros vexare incursionibus non desistebat. In Insubribus bellum non minori conatu administratum est. Renatus Andegauensis à Francisco Sfortia ex Gallia euocatus, spe facta, Cisalpino bello confecto communibus armis regnum Neapolitanum pulsus Aragoniis recuperandi, à Sabaudis atque Monferrato Alpium aditu infesso Venetorum hortatu, ipse binis nauibus Genuam appulsus est. exiguo comitatu deformi aulæ cultu, contemptui esse cœpit. Paruæ sæpe res magnarum momentum afferunt. A Ludouico Delphino, qui postea Rex Galliarum fuit, eo nomine vndecimus, copiæ terrestri itinere Astam vsque perductæ. Gallorum alacritas cum qua expeditionem susceperat, breui consenuit, tribus exactis mensibus, de causa non constat, sed repente se se in Galliam retulerunt, Renatum accusantibus sociis, imperioque ineptum iudicantibus, venerat in periculum summa rerum. Insubres, & Florentini à sociis deserti, impares hostibus fore videbantur. Aliena calamitas saluti fuit. Constantinopolis amisit nuncius, famaque animos ad concordiam reuocare cœpit. nam barbarus victoria insolens factus, de Italia cogitare, propemodum affore nunciabatur. metus ab intestina discordia reuocauit animos. Simone Camerino Augustiniano monacho, viro prudente, magis quam erudito, vltro citroque commeante pax inter Venetos, Insubres, & Florentinos æquis conditionibus. ad Laudum oppidum facta erat, proximo superiori anno ad quintum Idus Aprilis. Societas armorum adiecta Venetiis tertio kal. Septembris. Vtrunque Aragonio ægre fuit, se infcio fœdus factum, Venetorum inconstantia atque infidelitate (sic ille putabat.) Ferdinandus filius Neapolim reuocatur. Tanto Rege placando, in quo certissimum præsidium fore rebus credebatur, opera data à Venetis, Insubribus, & Florentinis oratores missi, qui fœdus festinatum excusarent, viri præstantes. Celeritate opus fuisse: ipsi locum relictum: ac vero primas partes datas. Siquid offensum esset, publicæ vtilitati, atque saluti Italiæ priuatam iniuriam, uti facere consueuisset, condonaret. A Nicolao Pontifice Dominicus Capranicus Cardinalis Firmanus præcipua probitatis, pietatis, modestiæque opinione, innocentia, atque doctrina singulari, quo maior esset auctoritas, aliis oratoribus adiunctus Caietæ, quo Rex venit, sociis sacratæ dignitati deferentibus, remotis arbitris hac sententia orationem habuit. Rem facilem vltroque tibi expetendam ad te, Rex, oratum venimus: pacem societatemque tibi honorificam, hoc tempore necessariam. Quo vniuersum Christianum orbem ingens ex præterito luctus, maior in futurum metus occupauit. Nostra cessatione (ferme dixerim socordia, attentiaque) grauissima plaga, maior ignominia accepta est. Sit semel peccasse satis. sit errantibus medicina, mala esse passos. Quæ acta sunt redargui magis, quam mutari possunt: ea pessima malorum præteritorum conditio est. Sed dum priuatas tamen cupiditates publicis cõmodis potiores ducimus, dum mutuis dissidiis digladiamur, nulla pietatis, nulla religionis cura, alter Christianæ reipublicæ oculus lumenque extinctum est. quanto hæc cum dolore loquor. sed vltro tamen manantes lacrymas, motumque animi tenere necesse est, dum cætera differo. Incommoda sane intestinis dissidiis accepta, concordia publica sananda sunt, aut hæc, aut nulla facienda medicinæ via est, in tam recenti vulnere publico priuatoque. In nostris ruinis atrox Christiani nominis hostis ferus ac barbarus insulat. Orientis prouincias vastauit, diripuit, incendit: ipsa Constantinopolis lux orbis terrarum, atque arx, subito vno incendio conceidit. Versatur ante oculos tristis eius diei imago, & furor gentis in ciuium cæde bacchantis. matrum familias captiuitas, fuga puerorum, sacrarum virginum vexatio, violata tēplorum sanctitas. horret animus tantæ cladis cõmemoratione. Cõstrata classibus maria sunt. Aegeum mare conclusum nauibus nostris. Orientis commercio prohibemur. Quæ si vehementer videntur, ut sunt, misera atque miseranda, debent animos nostros ad sumendam vindictam concitare. Sed quid vindictam expetamus alienæ iniuriæ? de patria, de libertate laborandum. neque enim eatenus resistit furor. de Italia meditantur: Romam caput ac sedem religionis in potestatem redigere satagunt. Proh scelus audaciamque intolerandam. Manabit, mihi credite, malum, non solum per Italiam, verum etiam transcendet Alpes obscure serpens: reliquas Occidentis prouincias, nisi resistitis, occupabit. Paruum quiddam instar eorum quæ sæpe ac vasto animo conceperunt, euersum Græcorum imperium est. id agunt, molunturque ut oppressis omnibus è pietate natione, nemo ne ad deplorandum quidem rei Christianæ nomen, atque ad lamentandum communem calamitatem relinquatur. Scythæ, Syri, Afri, gentes militum nume-



ro, corporum robore, & bellandi vsu formidabiles hostium sequuntur castra. Num æ-  
 quum videatur in tanto periculo ad reipublicæ præfidiū non excitari? patrieq; & religio-  
 ni atque adeo humano generi non succurrere? Si Italiæ tranquillitatem rogaremus, erat  
 humanitatis tuæ morem gerere. quid enim aut ad dignitatem honestius, aut ad laudem  
 gloriosius, aut ad fructum salutarius, quam nobilissimæ prouinciæ diuturno bello afflicte  
 publica pace mederi? nunc non de tranquillitate vnius prouinciæ agitur: sed de salute, de  
 incolumitate, de libertate vniuersæ piorum nationis. Eam opem à te potissimum resp.  
 præstolatur. & quoniam ductore est opus, ad quem summa imperii in bello redeat: te  
 Ducem atque Imperatorem negotio maritimo, qua parte bellum grauissimū imminet,  
 vniuersa Italia iubet. qui honos ante te nemini est habitus. Omnia abunde suppetunt, 10  
 prudentia, vigor animi, auctoritas, pugnandi scientia. bellica gloria, multis in Italia, Gal-  
 lia, Africa victoriis parta, hac vna expeditione illustranda est. eo amplius quod absque  
 inuidia erit: quippe aduersus Christiani nominis hostes. Pone ante oculos Carolum, cui  
 res præclare factæ Magni cognomen pepererunt, Gotifredum, Sigismundum, Hunniadem  
 gratissima genti nomina. an alio itinere putas ad cælum fama euectos, quam piis bellis  
 fortiter administrandis? nō alia causa tot populi, & Principes consensu posuerunt arma,  
 quam vt tuis potissimum auspiciis pro salute communi, pro vindicandis religionis iniu-  
 riis, vires sociarent, sanctissimum bellum gererent. Id eorum omnium nomine nobilissi-  
 mi oratores, quos ex meo ore locutos puta, omnibus precibus flagitant. Id sanctissimus 20  
 senex Nicolaus Pontifex lacrymis toto ore manantibus, (quo habitu reliquerim succur-  
 rit animo) cum imperare posset, precatur, vix egram dolore animam vna spe sustentans  
 pace publica Italiæ facita, iniurias acceptas vindicādi. qua sublata non dubitanter occi-  
 det. te non arbitror tam durum fore vt his vocibus, precibus, gemitibus non mouearis.  
 Ad hæc Rex, neque se belli causam fuisse, neque moram paci facturum. in bello pacem,  
 non in pace bellum querere solitum. Nolo, inquit, consentienti Italiæ deesse. Quod fœ-  
 dus me incio est factum, libenter quidquid id fuit iniuriæ communi causæ condono.  
 Pontificis Maximi auctoritatem, studia populorum ac Principum, pro eo ac debeo, plu-  
 rimis facio: duxque vel comes in hanc expeditionem ire non recuso. Fœderis à Venetis  
 cum Francisco, ac Florentinis nuper icti tabulæ recitata, in hæc ferme verba. Amicitia,  
 fœdus, ac societas Venetis, Francisco Sfortiæ, ac Florentinis, eorumque fœderatis cum 30  
 Alfonso Rege pro communi Italiæ quiete, & salute, potissimum pro reprimendis Turca-  
 rum conatibus, à quibus graue bellum Christianæ genti imminet, his legibus inuiolabi-  
 lis in annos quinque & viginti esto: & eo amplius quoad cunctis sociis placuerit. Alfon-  
 sus Venetorum, Francisci & Florentinorum, ac fœderatorum statum aduersus eos qui  
 bellum inferant, aut laceessant, siue Italicus, siue externus hostis fuerit, tãquā iuris sui res  
 sit, defendito. Rebus quietis mutue opis causa, si qua forte repentina vis ingruat, Alfonsus,  
 Veneti, ac Franciscus, singuli octo millia equitum, peditum quatuor millia, Florentini  
 quina millia equitum, duo peditum in armis parata habento: singulique, militibus, & co-  
 piis suis stipendia persoluant. Si bellum alicunde oriri contingat, nulli partium, nisi de  
 communi omnium cōsensu pacem componere liceto. nec Regi, nec sociis cū vlla Italica 40  
 natione societate, aut fœdus facere absque communi consensu fas esto. Premente bello  
 singuli dimidiam saltem equitatus partem, & peditatus auxilio ad eum quē lacessiri con-  
 tinget, impigre mittunto: nec illud donec patratum sit bellum, inde reuocanto. Si cōtin-  
 gat auxilia ad aliquem è sociis mitti belli causa: qui auxilium acceperit, auxiliariis. copiis  
 loca in quæ diuertant assignato: annonamque & cetera necessaria eodem pretio, quo po-  
 pularibus suis venundato. Si quis fœderatorum bellum intulerit, fœdus ex eo violatum,  
 quoad ceteros pertineat, non esto, sed integrum atque incorruptum habento: ceterique  
 lacessito auxilium præbento non minore studio, quā si is qui lacessat in ipso fœdere com-  
 prehensus non esset. Si cui sociorum bellum inferatur, nulli reliquorum per eorum fines  
 trāsitu concedere, aut com meatus præbere fas esto: sed omni vi lacessētis conatibus ob- 50  
 stanto. Hæ conditiones paucis immutatis abs Rege probatæ sūt. omnes Italiæ ciuitates, ac  
 reguli cōprehēsi. Genuēsēs tātū, Sigismūdu Malatesta, Astor Fauētinus abs Rege excepti.  
 Genuēsēs quidē q pacis ante aliquot annos ictæ cōditionibus nō steterisēt. Sigismūdu, &  
 Astor q accepta Aragonia in stipendiū pecunia, ad hostes se bellis superiorib. cōtulissent.

Calixtus Pontifex. CAPVT XVII.

**E** Recta vniuersa Italia; ac vero reliquæ prouinciæ ad meliorem spem erant, publica pa-  
 ce fundata: cum Nicolatus Pontifex, in cuius humeros rerum moles incumberebat ma-  
 xime, annis curisque grauis decessit ad nonum kal. Aprilis. eius obitu ceptæ molitiones  
 impeditæ sunt, ac penitus disturbatæ. tametsi de successore deligendo continuo comitia  
 habita:



habita: & quoniā res cunctationem non recipiebat, intra diem quartumdecimum Alfonso Borgia Cardinalis in defuncti locum cooptatus, voto se obstrinxit belli Turcici instaurandi: quod se facturum si Pontifex renunciatus esset, in minori fortuna scripta scheda nuncuparat, Calixti etiam nomine designato. tanta fiducia erat eius honoris adipiscendi, ex Vincentii Ferrerii vaticinio (sic vulgus prædicat) à prima ætate concepta. Meritis & sanctitati gratia data. consecratus Vincentius, ac templis dicatus est. is honor Emundo etiam Anglo communicatus. vtrūque noui Pontificis decreto: Is Setabi in Valentino regno natus, ingenium sublime, erectumque, ac maioribus rebus aptum, in minori ætate literis dedit. cōsequentib. annis per omnes honorū gradus decurrit. Rom. Pontificatū acta ferme ætate adeptus est. nihil in eo humile tamē, nihil sordidū apparuit. Aragonio Regi maxime infensus fuit: siue dignitatis tuēdæ studio, seu quia insitū natura est, vnde ingentia merita extiterūt, quasi creditores auersari. Itaq; rogatus, vt nouo diplomate regni Neapolitani iura Alfonso filioque confirmaret, adduci non potuit. Propinquis augendis vehementius incubuit, quā ea ætas, & sacrosanctæ personæ, quā gerebat, dignitas paterentur. Id maximē in eius moribus accusatur. Sororum filios Catharinę quidem Ioannem Milam, Isabellæ autem Rodericum Borgiam, vno die nouo exemplo Cardinales creauit. Petrus Borgia Roderici frater imperio Pontificio Præfectus pro auunculo Vicarius. vnde Alexander Pontifex, Valētinus Dux, adeo inuidiosa nomina aiorum memoria, prodierunt. Inter Castellam & Aragoniam pax firmata. Vasco iis oppidis cessit, quę in Castella ablata erant. annui vectigalis, vt conuenerat, compensatio facta. Vasco-  
20 num tumultus nondum quiescebat, scissa prouincia in partes. Carolo Vianæ Principi passim fauebatur, arma tenenti, iure potiori. (sic plerisque visum) fauebat Blanca soror pro virili parte, tanta ex eo Vasconis molestia, vt fœdere cum Fuxēli genero iuncto, Vasconum regnum in eum trāsferre cogitaret Carolo & Blanca repudiatis. satis idonea causa, quod in patrem rebelles existerent, nisi iniuriam prior fecisset. ad id fœdus Rex Gallus sollicitatur. Henricus Castellæ Rex Caroli partes subleuabat: ac periculum erat ne cum Gallia vires Hispaniæ committerentur. Tamen si Henricus Rex belli Granatensis, nouique coniugii apparatu vno tempore districtus erat. Cuellare vbi regni conuentus fuerunt, quasi classico summi, medii, infimi, ad sumenda arma excitati. & pro se quisque  
30 nouis officiis certabat Regi fidem, diligentiamque approbare. Toletanus Archiepiscopus, Hari Comes Vallisoleti relictī sūt rerū moderatores & arbitri, ad quos sūma imperii, & iudiciorum rediret, dum Rex abesset. Primo quoque tempore validis copiis contractis, in quibus quinque equitum millia erant, semel Granatæ suburbanus ager, mox noua irruptione Malacitani fines omni belli iniuria vexati tanta celeritate, quanta vix eques in pace tantum spatii oculis lustrare, pedibus peragrarē potuisset. Ioanna Alfonsi Lusitani Regis soror, Castellæ Regi per legatos desponsa erat. Nuptiæ Cordubæ celebratę ad duodecimum kalendas Iunii magna gentis & procerum lætitia, ex vniuersa prouincia magno numero ad bellum confluentium. Sudibus inter se milites in modum iustæ pug-  
40 nę concurrere. alii ludi & spectacula commissa. Quoniam in medio belli, & armorum fragore id coniugium est perfectum, in omen à quibusdam vertebatur, quasi ex eo coniugio magnæ calamitates impenderent: latumque in præsentia, exitu fœdum futurum suspicio erat. nuptiarum auspex Turonensis Præsul à Carolo Galliæ Rege in Castellam legatus: cum qua gente Gallo fœdus erat. cum Anglis simulas, infensis ac diuturnis Gallici nominis hostibus. Ad belli Maurici famam nouæ militum manus identidem conuenire, equites quatuordecim millia, pedites ad quinquaginta millia, rebus magnis perficiendis exercitus par. cum iis copiis tertio in Maurorum fines penetratum. ipse Granatæ  
50 vrbis ager in ciuium oculis incensus. vt iusta pugna confligeretur cum hostibus se ex omni parte ostendantibus, consilium Regi non fuit. animus modo erat, triennio corruptis segetibus barbaros ad supremam annonæ inopiam redigere. Vulgo milites in cōsiliis rapidi, ac lingua immodici ignauiam interpretari: seque, quando tantæ commoditates amitterentur, cum vellent Duces, ac iuberent non esse pugnatu-  
60 ros. Proceres etiam inter se coniurare, Rege capto alia ratione bellum administrare statuebant. coniurationis auctor præcipuus Petrus Gironius Calatrauæ Magister. Enecus Mendoza tertius Santilani filius, Regi suadet vt Alcaudeto, vbi vis parabatur, se citato Cordubam conferret, aliis confectis causis. sic periculum in præsentia vitatum. insidiæ nondum indicatę. quib. cognitis tandem Cordubę propter anni tempus milites quidem persoluto stipendio in hiberna dimissi sunt, ad prima tamen veris signa redire iussi. Proceribus missio data vacatioque. ea vindicta concepti sceleris fuit. Rex ipse Abulam & Segobiam venatione remissurus animum contendit. In studium tamen concitatus Baticam primo tempore



repetendi, ad clypei limbum geminos maligranati ramos affingi iussit inter se cōplicos: quoniam Regum Granatæ ea insignia sunt, quasi destinata voluntate, nisi Maurico bello confecto, genteque ab stirpe excissa, ab armis non discedendi. Neapoli ineunte proximo  
 1456 anno M cccc quinquagesimo sexto Aragonii Regis nepotes, Alfonsus Capuæ Princeps, & Eleonora, Francisci Sfortiæ filiis Hippolytæ, & Sfortiæ Mariæ, connubii lege iuncti sunt. ea necessitate, vtriusque familiæ opes vehementer confirmatæ: haud obscuro dolore Calixti Pontificis, cuius conatibus eæ molitiones opponebantur. A Castellæ Rege bellum Mauricum remotis proceribus, nouo impetu, eodem consilio administratū est. agri modo vastati, direptique: neque quid maioris rei factum, gemente quamuis exercitu, „arque quoniam pugnare prohibebatur, ad arma consternato. Rex concione aduocata: 10  
 „Aequum, inquit, fuerat ciues militem ab Duce regi, non regere. Expectare signa non ex-  
 „torquere. Parendo potius quam imperia Ducum sciscitando res militares continentur.  
 „Fortissimus in discrimine est, qui ante conflictum modestus maxime. Vobis arma & ani-  
 „mus sit, mihi consilium, & virtutis vestræ regimen relinquit. Arte potius, quam viribus  
 „hostes superandi: quod nobilissimum victoriæ genus est. Inter circumfusus barbaros,  
 „sine ignominia seruasse exercitum: sine vulnere, sine sanguine tantum confecisse bellum,  
 „quanta gloria? multo certe maior, quam hostes innumeros peremisse. vestra salute nihil  
 „nobis milites carius: pluris vnus vestrum vitam, quam mille barbarorum cædem facio. Regis verbis milites indignatione compressa magis quam pacata, Cordubam reducti sunt: domosque diuersi amandati. Rex fine anni Madritum festinauit. Quo tempore à 20  
 Lusitano Rege valida classis instructa, missaque in Italiam sociali classi auxilium. etsi ardor Italia Principum refrixerat: nouique motus Senis Genuæque importuno tempore concitati erant. Ea causâ Lusitani apparatus inanis fuit. & quoniam pridie Idus Decembris Isabella Regina Eboræ in Lusitania extincta est, non absq; noxi veneni suspitione, prouinciæ luctu maximo. Rex in viridi quamuis iuuenta, ad multam ætatem cælibem vitam exegit. Fuit hic annus Neapolitanis terræ concussione infaustus, iuxta ac nobilis desidentis terræ hiatu. multa oppida & arces sunt euersæ. vis mali ad Iserniam & Brundisum in extrema Italia ora inualuit maxime. non pauca ædificia suis conuulsa sedibus deciderunt. ex Boiano oppido lacus factus, æternum tantæ cladis monumentū. magna hominum strages fuit. ad sexaginta millia caputū petiisse memorantur. Pius secundus, & 30  
 Antoninus Florentinus eum numerum dimidiatum ponunt.

*Regis Aragonii obitus. CAPVT XVIII.*

Q Viescere Hispania non poterat, diuturnis quamuis vexata motibus. tumultuabatur Vascones maioribus quam vnquam odiis. finitimi Cantabri licentia temporum ad arma consternati erant, cædibus inter se factis feri. plebē nobilitas præde habebat, ædium præsidio: quas instar arcium vniuersa prouincia singula familiarū capita habet. Eæ magno numero ab Henrico Rege disturbatæ euersæque sunt: cum ad periculū cū exercitu Segobia acurrisset mense Februatio eius seculi anno quinquagesimo septimo. Sic paucorum supplicio prouinciæ motus pacati: cæteris documentum datum iniuriæ vitandæ. in  
 1457 eâ expeditione Petrutius Munsarius Durangi municipis filius, in ætatis flore in familiam 40  
 à Rege admissus, eo multum deinde & familiariter vsus est. Carolo Vianæ Principi amico & foederato, ne ex propinquo opem ferret, eius præcipiti fuga factum est. Aragoniis & Fuxensis sororii armis impar futurus erat, & maior metus à Gallo Rege proponebatur. ergo vt eum conciliaret in Galliam abiit. verum repente mutato consilio, ingenii leuitate, an quia parum genti fidebat ab aduersariis præoccupatæ, patruī Aragonii Regis accitu Neapolim festinare decreuit: si minus equitate causæ rebus opem impetraret, in exilio vitam acturus. Ex itinere Romæ conuento Pontifice patris acerbitatem, atque ambitionem accusauit: neque eius arbitrio recusabat vniuersam controuersiam permittere. Roma digressus via Appia, Neapoli splendide acceptus, & benigne habitus est, castigatus tantum cum verborum honore, quod in patrem arma sumpisset. quantumuis equitate 50  
 causæ consideret, parendum tamen genitori fuisse, doloremque dissimulandum. id diuinis legibus sanctum, humanis honestū esse. Ad ea Carolus pauca in facti excusationem, „respondit, seque in eius potestate fore est pollicitus. Vt lubet, inquit, decernito, memor  
 „modo omnes homines aliquo errore duci. hic in illo, sibi in hoc alius indulget. nonne  
 „fecistis series imprudentia ætatis quod à parentibus corripī posset? cogita ergo & me iuuenem esse, & parentem aliquando fuisse. Rodericus Vitalis in Hispaniam continuo amandatus, dū de foederis cōditionibus inter Vascones agit, Carolus quauis absens Pōpellone Rex est proclamatus. quo cognito pacis tūc quidē intermissa est mētio. Castellæ Rex Vasconis inuitatū, acceptoque fidei obside Ferdinando eius filio, cū eo ad Alfarū municipium ad fines vtriusque gentis de mense Martio Victoria discedens, collocutus est. ve-



hère Reginæ Castellæ & Aragoniæ. plena omnia ludis hilaritateque fuerat. Inter duos Reges pax constituta. Ludouicus Dezpuchius Monteliæ Magister, nouus subinde ab Aragonio legatus venit. eo agente fœdus quod inter Vasconem & Fuxensem Comitem & istum ante fuerat, abrogatum est. totius controuersia arbitrium partium consensu, Aragonio Regi permissum. spes diuturnæ tranquillitatis ex tantis molitionibus concepta animis inanis fuit. Castellæ castra in Bætica ad Maurorum fines erant: eo Henricus Rex mense Aprili venit. non minori quam antea impetū, neque minorib. copiis in Granatæ fines penetratum est. dum ager vastatur, nostrorum manus iniussu Ducum cum circumfusus hostibus pugnatum progreditur. à multis paucorum audacia compressa. Cecidit in pugna Garfias Lassus D. Jacobi miles eximie fortis. viri nobilissimi casus Regem maiori impleuit ira. non in segetes modo, vti antea facere consueuerat, sed in vineas & arbores igne ferroque sæuitum, quibus antea parcere moris erat. Mena oppidum ad motis copiis vi captum. perempti incolæ absque discrimine. crudele exemplum, sed ea tamen clade Maurorum audacia vindicata est. Supplicibus venia induciæque in annos aliquot concessę tributi nomine, annua duodecim aureorum millia, sexcentosq; captiuos Christianos, aut si non essent, parem Maurorum numerum pactis. ignominiosa conditio, sed tantus terror eam gentem inuaserat. Additum vt qua parte Granatæ fines Giennium attingunt, belli nihil omnius facultas esset. iis finibus Garfias Manricus Castanedę Comes præfectus est. adiuncta duo equitum millia. In huius belli subsidium Calixtus Pontifex 20 anni huius initio Cruciatam indulserat, non modo viuentibus sed etiam vita functis. nouum in Hispania exemplum. Eius euulgandæ cura Alfonsus Spina Palætiæ, vbi Rex erat, demandata monuit, ne pecunia ex ea redacta in alios vsus conuerteretur. Qui aut arma sumeret contra Mauros, aut ducentos quadrantes conferret, ei quiuis sacerdos sub mortem peccatorū omniū veniā dabat: etiam si interclusa voce nil aliud quam conceptū animo dolorem signo aliquo declararet. Eadem venia vita functis cōcedebatur. Quadrien-  
 nium eius veniæ promulgationi præfixū: quo tempore ad trecenta millia aurei in regium fiscū redacta. Sed quantulū ex ea summa in bello sacro consumptum? Præterea legatus Roma Madritum eo confecto bello ad Regem venit, ensē galeæque gestans Pontificis donum, sacra prece natalis Christi peruigilio lustratū, magnisque Principibus, qualem esse Henricum fama ferebat, mitti solitum. additæ honorificentissimæ literæ. Nulla sincera lætitia est. nuncius allatus, Castanedæ Comitem Maurorum manui obuiam progreßum, exceptumque insidiis fuisse. captū ipsum, magna suorū strage. In eius locū Duce alio substituto maioris animi, consilii, atque integritatis, magno is auri pōdere redemptus est, induciis pace mutatis. hic belli Maurici finis fuit, nouarum rerum initium. In Italia bellum Genuense gerebatur. Aragonius Adurniis fauebat. Ioānes Lotaringius Renati Andegauensis filius, qui se Calabria Dūcem ferebat, Fregosiis opitulatum accesserat. eo maior iniecta cura: cum Regem Aragoniū octauo Idus Maii eius seculi anno quinquagesimo octauo repēte morbus Neapoli inuasit: ex quo in Arce noua cum ad Idus Iunias decubisset, ingrauescente valetudine in arcem alteram, cui ab Oyo nomē est trāsatus, si mutatione loci melius haberet, ad quintū Kal. Iulias sub auroram extinctus est, Princeps sua ætate clarissimus, nulli veterum posthabendus, Hispanæ gentis lumen, decusque perpetuum. Literas in pretio habuit: virisque eruditione præstantibus, tantū tribuit, vt iis se inclinata quamuis ætate recoquendum præberet. Laurentio Valla familiariter esse vsus, Antonio Panhormita, Georgio Trapezuntio immortalī laude viris. Bartholomeum Faccium, cuius extant de rebus Alfonsi commentarii, mēse Nouembri superiori extinctum tulit ægerrime. Rege quodam Hispano dictum referente quopiam, literas Principem nō decere: eam vocē nō Regis, dixit, esse, sed bouis. Faceta Alfonsi dicta, sales, iociq; notātur magno numero, ad indicium acuti ingenii, elegātis, prōpti atq; præstātis: quæ vt hic referrētur visū non est. Ante obitum stella crinita visa Cancrum inter, & Leonem, caudæ duorum signorum longitudine. rem prodigiosam, & magnorum Principum capitibus minantem. Testamentum pridie mortis nuncupauit, quo Ioannem fratrem Regem Vasconum Aragonii regni hæredem scripsit. Neapolitanum imperium quasi armis partum Ferdinando filio notho legauit: vnde magni motus concitati sunt, bellaque. Reginæ nulla mentio. fama fuit, & magni viri testantur ea repudiata, Lucretiam Alaniam pellicē ducere cogitasse. Extāt Calixti Pōtificis literæ ipsius manu ad Reginā scriptæ: quibus amplius quam matri sibi eam debere ait. sed rem tantam euulgandam non esse. Lucretiam regio apparatu Romam venisse: neq; impetrasse tamen quod maximē sperabat: concepti sceleris pœnas vnā cum illis dare noluisse. id maximē intemperantiæ vitium in Alfonsi moribus accusare licet. Verum peccata sub mortem omnibus sacris humillimo



corporis habitu expiauit. corpusque ad Populeti, vbi maiorum sepulcra sunt, ipso templi aditu sepeliri mandauit, nullo excitato tumulo, modestiæ argumentum singulare. Alfonsus Carthagena Burgenfis Episcopus per idem tempus decessit. eruditionis monumenta extant, Breuis historia de Regibus Hispaniæ, quã Anacephalæosim dixit: Defensorium fidei, aliaque. in eius locum Ludouicus Acunia cooptatus est.

*Pius secundus Pontifex Maximus. CAPVT XIX.*

**C**Um Alfonso pax Italiæ sublata est, imperii Neapolitani opes concussæ: quæ aduersus omnes fortunæ impetus stabilitæ esse videbantur, nouo ac sæuissimo bello concitato, non tam retentæ quam denuo partæ. Erat Ferdinando Regi ingenium sublime, studiis iurisprudentiæ excultum non minus quam militaribus: quæ duo ad rempublicam bello paceque gubernandam aptissima præsidia erant. lucta, saltu, iactu, equestrique certamine nulli cedere: æstus, frigoris, inediæ, laboris patientia, morum comitas, ac modestia singularis: faciles aditus, nullum offendere, cunctos benigne appellare. His tantis virtutibus procerum inuidiam vitare non potuit, humani ingenii vitio noua imperia meditantium. Carolus Vianæ Princeps à plerisque inductus ad capeffendum imperium quasi legibus debitum. Ferdinandum obscuris natalibus esse: non liberis suffragiis reb. præfectum: sed vi ac terroribus gentis consensum expressum. faciles ille aures calumniis accommodare. magisque facultas deesse, quam voluntas eius imperii occupandi. Polliceri facile est, præstare difficile. adductus in suspicionem nauibus in Siciliam abscessit, quorsum res commotæ euaderent, expectatum, exilii tempore geminæ proles pater, Philippi, Ioannisque, ex Capa infimo loco matre, quam nihil præter formam commendaret. Anam tertiam prolem ex Maria Armendaria, quæ Francisco Barbastro nuptui data est, furto etiam susceptam, Ludouicus primus Mediæ Celiæ Dux uxorem habuit. annua duodecim aureorum millia ab Alfonso Rege legata exuli, Ferdinandus rata habuit. Caroli discessu procerum Neapolitanorum studia non conqueuerunt. à Tarentino Principe & Crotonis Marchione, Ioannes nouus Aragoniæ Rex ad capeffenda Neapolitani imperii sceptrâ euocatus est. cautior ille, Hispaniæ opibus contentus, longinquas haud magnopere curabat: Tudelaque profectus Cæsaraugustæ mense Iulio Aragonii regni curâ suscepit. non vt antea alienæ potestatis vicarius, sed propriæ arbiter. Maior à Calixto Pontifice, vnde minus expectabatur, tempestas extitit. qui notho deferendum regnum, Romanæ Ecclesiæ vectigale negabat. illiusque integrum ius ad se reuocatum contendebat. nimirum Petro Borgiæ, quem Spoleti in Vmbria Ducem crearat, noua imperia parabat, importuna ambitione, confecta senex ætate, & fortunæ in qua natus erat immemor. Apparebat Italiam bello arsuram, haud dubia pristinorum malorum specie renascēte. lenire ægrum Pontificis animum Ferdinando curæ erat: plenâs officii & humanitatis literas ad eum hoc exemplo dat. His diebus in media doloris acerbitate, beatissime pater, paternum obitum renunciaui. Breuis epistola fuit, quippe inter lacrymas data. Nunc collecto animo, luctuque tantisper mitigato, significandum duxi: patrem pridie obitus obtestatum, nihil vt in terris, vestra gratia & auctoritate præstantius ducerem. Cum sancta Ecclesia non contenderem, ne prouocatus quidem. impios ausus raro feliciter cadere. His ego præceptis institutus, quod facturus alioqui eram, impensius, vt faciam, accepta beneficia hortantur. Neq; enim obliuisci possum, à primis annis me in tuam disciplinam traditum. Soluisse vna ex Hispania: prouectosque eadem naui ad Italiæ litus: non absq; Dei nutu, tibi iam Pontificatum summum, mihi nouum regnum destinantis: præclaro omine futuræ felicitatis, mutuæque concordie. Itaque à puero tibi traditus, tuus, ad mortem esse cupio: me in filium accipito: aut accepto potius, paternam gratiam & humanitatem exhibe, daturum operam, ac præstiturum, ne aut grati animi obsequium, aut pietas debita in nostris actionibus requiratur. Vale. Neapoli Kalendis Iulii. Nihil his literis & pollicationibus Pontificis animus mouetur. Principes & ciuitates Italiæ ad arma sollicitat. magnæ molitiones Pontificis obitu dissipatæ. decessit octauo Idus Augusti. id commodè Neapolitanis rebus accidit. Aeneas Syluius Senensis, ex Picolominea gente nouus Pontifex, Pii secundi appellationem, pace Italiæ restituta sanxit, adhibitoque conatu ad piū bellum instaurandum. Ferdinandum Regem nuncupat, ea duntaxat exceptione, ne id factum præiudicio cuiquam esset. Mantuam ex toto orbe Christiano Episcoporum & Principum conciliū indicit, de expeditione aduersus Turcas acturus. Neq; cōstiterunt tamē semel cōmotæ Neapolitanorū voluntates. Calabri ad arma concitati. Ioānes Lotaringius cū classe triū & viginti trirerum Genua euocatus, ad litus Neapolitanum venit. Belli præcipua fax Antonius Centillia Crotonis Marchio, susceptam Alfonso Rege ignominiam noua rebel-



rebellionē vindicare patens, Aragonio, hoc est, suæ gentis imperio Gallicum præferre non dubitabat. furor animi agebat præcipitem. magni & diuturni motus fuerunt: quorum successum sigillatim explicare longum esset, in Hispaniam historia reuocante. Vbi ab Henrico Castellæ Rege noui homines honoribus aucti: Michael Lucas Irantius arcum omnium non particeps sed moderator, natus Belmontii in Celtiberis, Magister equitum creatus est. Agreda oppidum dono datum. præterea Veratonum & Voxmediani arces. Gometius Solisus regiæ Magister, cui Castra cæcilia patria erat (vnde & Cacerius dictus est ab eius oppidi appellatione vulgari) suffragio militum, Regis volūtatē Magister Alcantaræ in Guterrii Sotomaioris locum successus est. horum fratres nouis principatibus aucti. Valensola Prior Hospitalarius factus est. hos aliosq; pari conditione homines, infensis proceribus opponere cogitabat. prauo consilio par exitus. Rex ipse Madriti, ubi multus esse consueuerat, indulgere volaptatibus, vacuus curis, quibus idoneus non erat. Socordiam animi, vnde in omnia mala præcipitū est, satis indicat, quod tabulis ab aliis confectis, ne cognitis quidē subscribere erat solitus, alieno arbitrio semper obnoxius, quæ grauissima ignominia fuit. Pares infans sumptibus aulæ, imperii opes non erant. Dieghus Arias ærario profectus monet, ministrorum turbam imminuendam videri. remp. arroderere plerosque annuis salariis, qui nihil opis conferrent. ingratum Principi consilium fuit. Itaq; vt finem dicendi fecit: & ego, inquit, si Arias essem pecuniæ magis quàm benignitati seruirem. Tu fortunæ in qua natus es consentanea locutus es:

20 ego, quæ Regem decent, faciam, nullo paupertatis metu, ne nouis quidem vectigalibus imperatis. Regum officium est largiri, effundere, imperium non priuata vtilitate, sed publica multorum salute definire. is diuitiarum verissimus fructus est. Aliis dandum, quia vtilis sunt: aliis ne sint prauis. dignam magno Principe vocem. cætera consentanea non erant. Ea tamen popularitas multitudinis studia adiunxit, nullo vt tempore obsequenti-  
 or fuerit, alienata procerum pars maxima. Ioannes Luna Soriæ vrbs præfectura spoliatus est, atq; libertate. Paciechus consilii auctor. cum Aluari Lunæ ex filio Ioanne Luna neptim, quæ in Præfecti, quippe propinqui, potestate erat, patre puellæ defuncto, Diegho filio sponsam destinaret, & cum ea S. Stephani dotalem comitatum. Alfonsus Fagiardus Murciæ Antelatus nouam Carthaginem, Lorcā, aliasq; arces in Contestanis licentia

30 temporum occuparat. in eum Gonsaluus Sacuedra abs Rege missus nō modo iis oppidis expulit, sed & paternis euerit, satis magnum beneficium arbitratur, quod vita relicta esset. Decessit Santillanius Marchio. filios reliquit Dieghum, Petrum tum Calagurritanum Episcopum, Enecum, Laurentium, Ioannem. ab his amplissimæ familiæ extiterunt in Hispania. Aragoniæ Regina vidua Valentia pridie Nonas Septembris decessit. corpus in virginum collegio, cui Trinitate nomen est, tumulatum. funeris pompa neque nulla neq; magna. virtus animi ad cælum fama extulit. A Rege Lusitano valida contracta classe Alcazarum oppidum Septæ vicinum in Africa, de Mauris captū quintodecimo Kal. Nouemb. qui dies Mercurii fuit, D. Lucæ memoria facer. Ferdinādus frater Visei Dux, atque Henricus patruus expeditionis comites. capto oppido Eduardus Menesius Præfectus, Maurorum impetum, qui Rege digressō magno numero concurrerant, semel &

40 iterum magno animo sustinuit: fregit audaciam, Dux ea tempestate inter Lusitanos clarus. A Carolo Vianæ Principe legati ad patrem à Sicilia missi, si veniam impetraret, se in eius potestate fore: iuuenili errore commissā Rex & pater condonaret, syncerus animus non erat: cum eodem tempore Castellæ Regem, & Franciscum Britannum Ducem ad fœdus ineundum sollicitaret, pudenda iuuenis leuitate, armis vindicaturus, quod pater denegasset. ea cura & ne à Siculis, à quibus omnibus officiis cultum audierat, Rex præficeretur, promissa venia euocatus, ad litus Hispaniæ appulit principio anni Milesi. quadrin. quinquagesimi noni. inde in Balearē maiore cōcessit, quid pater deliberaret in ea

50 pinquo. Cōtinuatę erūnē miserōs in præceps agunt, atq; de statu mētis immutāt. Petebat legatis ad patrem viris primariis, sibi suisque veniam, datis obsidib. libertatem Ludouico Magistro equitum & necessariis. Iusiurandum, à populis non alium regnorum hæredem fore. Facultatem quacunque in vrbe vellet, morandi curia vitata. Vianæ & Gandiæ principatus sibi dati, ne inanes tituli essent, ditione & vectigalibus occupatis. Ea si data essent, ex vrribus & arcibus, quæ in Vasconibus in fide perstabant, præsidia primo tempore deducere non recusabat. Eleonoram sororem Fuxensi nuptam, rebus Vasconum gerendis præfici molestum erat: id etiam vt mutaretur adiectum. multum tempus consultationibus extractum: neque tamē concessa omnia: neq; quæ sunt pacta, integra fide seruata. no-  
 tuerce odio (sic creditum vulgo est) priuigno pernicies comparata, de filiis sollicitæ, de se veritæ, si Carolo paterna regna patre defuncto obuenirent.




**M** Agnorum in Castella motuum semina breui ad maturitatem venere. Infans Rex a moribus occupatus erat, nulla reipub. cura: primum Catharinæ Sandoualiæ, quam noui probri compertam à se amouit, & aliquanto tamen post Toleranis D. Petri virginibus Præfectam dedit. disciplinam laxatam causabatur. honesta species, sed qui à regia pellice astringeretur? de eius amasio Alfonso Corduba, capitis supplicium Medinæ Campetris sumptum. in Catharinæ locum Guiomaræ substituta, cui forma præter Reginā comparari nulla poterat. puellæ Alfonso Fonseca Hispalensis Præsul fauebat: Regiæ Villenæ Marchio. sic aulæ studia in ambas deducta erant: famulaq; in heram efferebatur. Vtū 10 ex eo ad rixas, iurgiaq; turpitudines & probra inuicem obicere, neutra falsò. æmula aliquando à Regina pugnis male est mulctata. Addita noua turpitudine. Bertrandus Cueva regiæ Magister, Principis gratia potens, magniq; ab eo opibus auctus ad Regiæ familiaritatem est admissus, nulla maiestatis cura. vulgus in deterius prouum persuasionem, turpem consuetudinem interpretabatur: nonnullis etiam persuasum Rege conscio, & hortante: quo impotentia maculam elueret. Incredibilis turpitudine dedecusq;. In Regum Elisabethæ & Ferdinandi, cum rerum potirentur, gratiam confecta quidem fabula, probabilis tamen ex Principis ignauia, Regiæ vitæ licentia maxima. consequentibus certè annis aucta fides, cum Britanni legati aduentu, ludicrum militare Madritum inter & Pardum à Bertrando institutum est, additumque conuiuium priuatis opibus splendidius lautiūq;. Sed tanta ex eo Henrici Principis lætitia, vt eodem loco cœnobium Hieronymianis monachis extruendū curarit, nulla maiori religione, quàm vt rei gestæ monumentum esset. vnde propter loci insalubritatem in locum, vbi nunc Madrito vicinum cernitur, translatus est. Principum exemplo lasciuire populus, neque voluptatibus, neq; vestium pretio modum facere. procures nullo Principis metu inter se coniurare, priuati compendii spe inducti, an vt tantum dedecus depellerent. Impendentia ex his rebus mala multis prodigiis vno tempore significata creditum est. flamma in cælo ingens visa. qua bifariam dissecta, parte ad Orientem excurrente, euanescenteq;, pars altera aliquanto spatio persistit. In Burgensi & Vallisoleti agro lapidibus prægrandibus pluit, magna pecorum strage. Ad Penaluerem, quod oppidum in Carpetanis est, Celtiberiæ vicinum, infans triēnis 30 impendentes calamitates, nisi pœnitentia mutarent, denunciassē fertur. Segobiæ, vbi regii leones alebantur, fœda inter eos laniena extitit. A minoribus maior discerptus est, parte etiam deuorata. nec defuerunt, qui coniectarent, quoniam regium animal, id est, periculum Regi à regulis eo ostento portendi. His prodigiis territa multitudine procurandis, sacrificia peracta, nuncupata vota: quod præcipuum erat futurum, mores nihilo meliores facti sunt. Fœda sacri ordinis licentia. nam per hæc tempora inuenio, à Roderico Luna Compostellano Episcopo, puellam virginem ex ipsa nuptiarum lætitia ad stuprum fuisse raptam. ingens scelus atque intolerandum. ad quod excitati prouinciales ductore præcipuo & vindice Ludouico Oforio Trastamaræ Comitis filio hominem facinorib. fœdum, sede, bonisq; pulsum vindicarunt. meritis exitus consentaneus. noua ea inuidia 40 deformis atque intestabilis in sordibus & egestate reliquam vitam exegit. Ita tantisper ex flagitio lætatus, grauissimas, atque sempiternas pœnas breui perfoluit.

*Libri vigesimi secundi Finis.*



IO. MARIANÆ HISPANI,  
 E SOCIETATE IESV,  
 HISTORIÆ DE REBVS  
 HISPANIÆ,  
 LIBER XXIII

*Concilium Mantuanum. CAPVT I.*



20 **I**NTEREA Pius Pontifex Mantuam confluentibus, vti erat  
 edictum, Episcopis & Principibus magno numero, eodem  
 ipse contendit. Legati ex Hispania ad conuentum sunt, a Ca-  
 stellæ Rege Enecus Mendoza Tendillia regulus: ab Arago-  
 30 nio Ioannes Margaritus Helenæ in Ruscinonensi agro Epi-  
 scopus, Petrus Peralta Regiæ Magister. Finitimi longinqui-  
 que ad iungendas vires aduersus communem hostem soli-  
 citati. Dauid Trapezuntis Imperator, quæ vrbs ad pontum  
 Euxinum est vetusta admodum, Vsluncassanus Armeniæ  
 Rex, Georgius qui se Persidis Regem ferebat, numerosas e-  
 quitum & peditum copias validam classem missuros se auxi-  
 lio pollicebantur, periculo proximi. his pollicitis quantum esset credendum, nostri haud  
 facile statuebant. In Occidentis prouinciis parum præsidii fore videbatur, intestinis dissi-  
 diis in Italia, Gallia, Hispania vigentibus, præ iis communi Christiani nominis causa post-  
 30 habita. Sic est, communis religionis iniuria parum sentitur, vindictæ si cupiditas priuatim  
 stimulat. His difficultatibus Pontificis animus non vincitur. tentare omnia atque expe-  
 riri constituens in frequenti totius Christiani nominis conuentu orationem tēpori con-  
 uenientem habet: quod disertissimo, atq; à prima ætate dicendi artem professo, facile fu-  
 it. Imperii nobilissimi casum cum lacrymis explicuit: tot regna oppressa, tot prouincias  
 Christiano nomini ereptas. vbi Christi numen tot seculis sanctissimè cultum erat, vnde  
 viri sanctissimi eruditissimique magno numero prodierunt, ibi impietatem & superstiti-  
 onem vigere. Si verum fateri conuenit, non nisi nobis deferentibus tanta plaga accepta  
 est. nunc saltem has semianimes reliquias piorum seruate. Si parum publica ignominia  
 mouet: at impendens singulis periculum excitare ad arma debet. conspirandum vniuer-  
 40 sis, ne singuli cessatione nostra prædæ, ludibrio, cædi simus. Formidabilis hostis est, tantis  
 victoriis insolentior effectus. seu vicit ferociter instat victis: seu victus est, instaurat cum  
 victoribus certamen. Eo amplius excitandi animi. iunctis nostrorum viribus par non e-  
 rit. aderit concordibus numen: quod continua dissidia remouerunt. Veteres Duces ob-  
 oculos proponite: magnasq; in Syria victorias de impietate, piorum consensu partas. Qui  
 fortes & strenui domesticis dissidiis sumus: an ignaui reddamur in communi periculo, in  
 religionis ignominia? Ecquis se bello sacro Ducem profiteatur? Ecquis Christi Dei cru-  
 cem humeris præferat secuturis aliis? Ecquis Christi miles esse velit? Profitemur nos Du-  
 ces, non deerunt fortes strenuique viri ac generosi comites, germanaq; maiorum sobo-  
 les atque indoles. Stat animus si cæteri desint, me piæ militiæ antesignanum præbere. Ego  
 ego in medias hostium acies cruce desumpta irruam: nostroq; sanguine, si minus victo-  
 ria parta erit, at certè placabo superum iram, vestrosq; animos virtutis exemplo inflāma-  
 bo. Christo & Ecclesiæ quibus omnia debeo, supremum hoc obsequiū exhibere certum  
 est. Mouebantur qui aderant, Pontificis oratione. sed dum oratores Principum priuatis  
 contentionibus & controuersiis tempus terunt, tantus conatus euauit. Ioannes Renati-  
 filius grauissimè expostulabat, Ferdinando hosti suo, Neapolitanum regnum esse confir-  
 matum. verbis modò sacrum bellum decernitur: atq; illud edicto cautū, contra quā Pon-  
 tificis in minori fortuna cum Basiliensib. Patrib. senserat, ne à Romani Pontificis sentētia  
 ad generale conciliū cuiquā prouocandi ius esset. cōuentus dimissus, octauo quā haberi



cœperat mense. Aragonii Legati Neapolim abierunt, Ferdinando de nouo regno gratulaturi. Enecus Mendoza à Pontifice venia impetrata, iis qui pecuniam certam conferrēt, ex ea stipe nobile Tendillia cœnobium Isidorianis Monachis, atque præclarum extruxit D. Annæ nomine. Huius interim fratri Diegho Mendozæ Carraca oppidū, hoc est Guadalaiaara, quod incerto iure possidebat, ablatum Galindi ducis improuiso aduentu, armisque. aucta ex eo procerum offensio est: factionisq; vires amplius confirmatæ Regi aduersæ. A Frederico maris Præfecto Aragonius gener ad iungendas vires sollicitatur, atque ad mouendum in Castellam arma. Toletanus Archiepiscopus, Gironius Calatrauæ Magister, Manricorum familia opibus & clientelis valida sequebantur. Mendozæ adiuncti noua ea offensa irritatis animis. honesta species prætentæ rerum statum immutadi, qui multis modis erat deprauatus. Eæ molitiones occultæ esse non poterant. ab Alfonso Fonseca Hispalensi Præsule Henrico Principi indicatæ. Compostellana Ecclesia præmium fuit obitu Roderici Lunæ tum vacua Alfonso Fonsecæ propinquo Decano Hispalensi data. Inuaserat eius ecclesiæ iura (vti paulo ante dictum est) Ludouicus Oforius Petri patris Trastamaræ Comitis potentia confusus. auctoritate opus erat. permutatione facta Alfonso Fonseca senior Compostellanus Episcopus Regis consensu factus est. Alfonso qui iunior, Hispalensis. Pompelonensem Ecclesiam Martino Peralta eius vrbis Episcopo defuncto, Bessario Cardinalis natione Græcus præstanti eruditione vir, pietate pari, commendatam suæ curæ absens administrabat.

*Scanderberchius in Italiam transmittit. CAPVT II.*

**P**ri Pontificis conatus, dies noctesq; de bello pio aduersus Turcas cogitantis, Neapolitani motus maximè retardabant: bellumq; quod Ioannem inter Renati filiū & Ferdinandum nouum Regem geri cœperat, Italiæ studiis in ambos distractis, pleraq; Neapolitana nobilitate Aragonio imperio fessa, & ad Andegauenses respiciente. qua spe? quibus viribus? cæcus animi impetus effecit, vt certis dubia præferrent. Princeps Antonius Centillia Crotonis Marchio mutatione temporum liber, in vindictamq; præceptis arma sumpsit: & hoc Ferdinandi celeritate oppresso, denuoq; capto, Marinus Martianus Successor Dux sprete regia affinitate Eleonora coniuge Ferdinandi sorore, se rebellibus ducem præbuit. Graue id vulnus fuit: pleriq; eo exemplo concitati dederunt nomina. Tarentinus Princeps voto, primū clamq; deinde apertè: Antonius Caldora, Petrus Io. Paulus Soræ Dux simplicius. minoris nobilitatis numerus iniri non potest. Franciscus Sfortia Mediolani Dux, quibus diebus Mantuani conuentus habebantur, consilium Pontifici præfens dat, vt cum Ferdinando Rege vires iungat. eam expeditissimam fore viam ad Gallos pellendos. Italia pacata, cætera prona fore. Intra Barlettam Apuliæ urbem Ferdinandus obsessus tenebatur, in repentino periculo metuq; haud satis ad resistendum paratus. Lōginquo itinere, viis ab hoste præoccupatis, auxilia terra mittere promptum non erat. Georgius Scanderberchius, perpetua felicitate bellorum, ea tempestate clarissimus missis in Epirum legatis auxilio euocatur. cognitis ille mandatis Pontificiis, Ferdinandi precibus præclaram occasionem de religione benemerendi, suūq; studium probandi, non esse prætermittendam iudicauit. Præmisso Coico Strosio propinquo cum quingentis equitibus, eodem ipse proficisci parat. commodum accidit, inducias annuas cum Turcis esse. Comparata classe Ragusam tenuit: quæ vrbs veteribus Epidaurus esse creditur. inde breuissimo traiectu Barlettam nauigauit. Aduentum eius hostes non tulerunt. continuo motis castris procul recesserunt. auctus iis auxiliis Ferdinandus, Pontificiis & Mediolanensibus copiis confirmatus, factis aliquot leuibus præliis ad Troiam castra promouit. hostes Nuceriæ statua habebant octo inde millibus passuum. Medio spatio mons Segianus assurgit: quem montem qui priores occupassent, facturi operæpretium videbantur. eodem consilio Scanderberchius, & Iacobus Picininus Andegauensiu partium primarius Dux contendunt. præcedunt Epirotæ expeditiores & intempesta nocte profecti. Cum luce utræque acies instructæ ad pugnam sunt. dato signo concurritur pari animorum ardore. Pugna ad vesperam tenuit. victis demum cæsis atque fugatis Andegauensibus, cum victoria, rerum summa atque imperii penes Aragonios stetit, vrbibus & oppidis, quæ ab hostibus occupatæ erant, breui receptis. Scanderberchius splendide donatus, ac nominatim Trano vrbe, & Siponto à Ferdinando acceptis, milites hostium spoliis lectos atque ouantes vertenti anno, ex quo venerant, reduxit in patriam. Nouis deinde victoriis de Turcis clarior quam ante ac perpetua felicitate admirabilis, ad Aleesium ditioris oppidum graui morbo oppressus seprimo post anno decessit. Iohanne filio relicto in Vene-



Venetorum tutela quidem, iussu tamen Neapolim contendere: ibiq; ad iustam ætatem sustentare ijs oppidis legatis, quæ dederat Ferdinandus nauatæ operæ præmium. Ab hoc Castriotti nobilissima familia propagata est in Italia, Siponti (vulgus Sancti Angeli ciuitatem vocat) in Apulia principatu. Epiri res continuo conciderunt. tantum sæpe præsidii rebus est in vnus viri virtute, consilioq; vsque adeo vnus homo pluribus præstat. Scanderberchii pronepos fuit Ferdinandus Castriottus, qui proximo seculo discissis habenis ad Ticinum periit manu Francisci Regis Galli cæsus. In Hispania Carolus Vianæ Princeps concessa à patre sibi quisque venia, pactusq; vectigal annuum, vnde vitam sustentaret, è Balcani Barcinonem appulit ad vndecimum Kal. Aprilis, salutis anno Millefimo quadringentesimo sexagesimo. Ignarus ad exitium festinabat. de eius & Catharinæ Lusitani sororis nuptiis agebatur, missis ab vtraq; parte legatis. Henrici Castellæ Regis arte res propemodum confecta, disturbata est: legati ab eo, electus Mirobrigæ Episcopus sacerdos quidam cucullatus, cuius nomen proditum memoriæ non inuenio, & Dieghus Ribera Regius metator, Carolo persuadent, Isabellam Henrici Regis sororem Lusitano coniugio vti præferret. Inito scedere Castellæ opibus à duro patre impetraturum quæ cu peret. Faciles ille aures ijs verbis præbere. Ita Lusitani coniugii mentio intermissa est. Catharina Princeps ea spe depulsa, se Olisipone in D. Claræ virginum cœnobium inclusit: ibiq; ad vitæ finem perstitit: extincta deinde in ipso noui coniugii apparatu, quo Eduardo quarto Regi Anglo destinabatur vxor. corpus in eadem vrbe ad D. Eulogii sepultum est, testamentum curauit Georgius Acosta virginis à prima ætate institutor. qui illi gradus ad magnos honores fuit: & factus Cardinalis Romæ consequenti tempore obiit. Carolus, conatu eius à Frederico maris præfecto indicato, Ilerdā vbi Catalauniæ gentis conuentus erant, Aragoniæ Fragæ, à patre Rege euocatus dissuadentib. nonnullis, ac fraudem subesse disputantibus cum venisset, osculo quamuis à patre exceptus, duci in custodiam iussus est, Decembris die altero. graue id, eo amplius quod contra opinionem accidit. Dant animum ad loquendum liberè vltimæ miseræ. Vbi, inquit, regia fides nobis priuatim data, atque in commune concessa omnibus ad conuentus generales venientibus? qua clementia à regio osculo amplexuq; paterno, in vincla ferrumq; trador? Præteritæ offensæ quales eæ fuerint non dico: sed condonatæ sunt certè. noui quid cōmeritus sum? quid amisi? An vlcisci filium, nostroq; sanguine cruentari paternas manus æquum videatur? faceßat tantum nefas. apage dedecus familiæ, ignominiamque. Hæc flagrans oculis, contenta voce, quò latius exaudiretur, ita effudit vt astantes permoueret, plura dicere conatus in custodiam ducitur. Fremere populus: nouercales fraudes accusare: procures inter se conspirationes facere, iurati nisi Principe liberato haudquaquam quieturos.

*Caroli Vianæ Principis obitus.*

CAPVT III.

Cum Mauris pax constituta, triennio fermè steterat: nunc hac occasione laceßita est. Cerant Ismaeli Granatensi Regi duo filii præ cæteris insignes maximè, Albohacenus Boabdelinusq; otii impatientia & virtutis ostentatæ studio Albohacenus, exercitu scripto, in quo equites duo millia & quingenti erant, pedites ad quindecim millia, in Baticæ fines incurrit. Astapæ ager omni iniuria deformatus: pecoris ingens abactus numerus. Nunciato periculo Rodericus Pontius Arcobrigæ Comitis filius, adiuncto Ludouico Pernia, qui Vrsæonis præsidio præfectus erat, & collectis ducentis sexaginta equitibus, pedibus sexcentis, ad hostem pergit grauem præda, atq; vt in nullo tali metu cura solatū. vires nostris exiguæ erant: furoriq; simile fore videbatur, cum tanta multitudine dimicare. Maurorum pars Equarum flumen cum præda transmiserat: in postremo agmine equitatus restiterat. Id Rodericus ex vicino tumulto conspicatus, quamuis suis exhorrentibus certamen, signa canere iubet. truci clamore impetus factus in hostes: quem illi trifariam diuisi constanter exceperunt. diu pugnatum. victi tandem Mauri sunt. mille & quadringenti ceciderunt. è nostris equites triginta, pedites centum quinquaginta desiderati. Ea nocte ad Petræ fontem perstitum. Proxima luce, dum legunt nostri spolia, pecora cateruatim redire vident. fraudem primo, & ex nube pulueris hostium aduentum suspicati, deinde quod res erat, intelligunt, fugatis præ metu custodibus, instinctu quodam naturæ solita pascua repetere. eo latior victoria fuit, ditiorque præda. per vrbes & oppida pro diuino munere ad omnia templa supplicationes decrete. ad eum modum violato à Mauris scedere, ab vtrisque in alteros sæpe excursions factæ sunt, & latrocinia euentu haud memorabili. Ioannes Gusmanus primus Asidonæ Dux Nieblæ Comes, Heracleam, quæ ad freti angustias est, bello repetere cogitat, patris calamitate infelicique casu magis irri-

*Tomeus II.*

f



tatus quàm territus. Maior belli moles in Aragonium Regem, concitata erat domesticis, Catalauni quia Vianæ Principi libertatem reddi missis legatis non impetrabant, à verbis ad arma veniunt. Barcinone magno numero progressi, Fragam in Aragoniæ finibus oecupant. missus a Castellæ Rege Gonsaluus Saavedra cum mille quingentis equitibus confternatæ multitudini animos addit. Ductor vniuersi exercitus Catalauni Ioannes Cabrera Modicæ in Siculis Comes. Alia parte Ludouicus Beamontius se ad fines Vasconum in armis ostendit, in Aragoniam irrupturus, nisi æquissimo postulato esset satisfactum. Re necessaria Aragonius compulsus, filio libertatē reddit. Morella vbi detinebatur, dimissum Kal. Martii anno Millesimo quadringentesimo sexagesimo primo ad Villam frācam Regina nouerca deductum Catalaunis de manu tradidit. vt Barcinonem ipsa iniret, non est datum. Principis libertate positis armis, animi non conquieuerūt. Carolus Catalauni principatus hæres gentis consensu inuito patre est renunciatus. extortum præterea vt, quod Regum filiis maioribus dari erat solitum, rerum moderator esset vniuerso imperio pro patre vicarius: Catalauni principatus arbiter cum summa decernendi potestate. quod patri grauissimum erat, nomine modò Principis retēto, nobilissimam imperii partem detrahi, imminui maiestatem. Gens ferox & ingenii durioris, nisi his postulatis concessis quietura non erat. iis conditionibus retractandis multum tempus est extractum. Quo tempore de Caroli & Isabellæ nuptiis maiori quam vnquam contentione actum: & quasi re confecta à Carolo missi legati in Castellam, puellam regiam, matremq; salutatum iuere Areualum, Ioannes Cabrera & Martinus Cruillius viri præstantes. Bellum in Vasconibus erat. Carolus Artieda Lumbierem oppidum Caroli Principis libertate nunciata eius nomine occupauit. Alfonsus, qui Villæ Formosæ Dux fuit, patris Aragonii Regis iussu eò profectus circumfedit: atq; omnibus operibus impugnare cœpit. parum præsidii in factione erat. missi à Castellæ Rege Rodericus Pontius & Gōsaluus Saavedra obsidionem dissiparunt. maiore mole bellum parabatur. Cum Castellæ Reginam, quæ Arādæ ad Durium erat, ferre vterum vulgatum est. Eo gratior fama quod præter opinionem accidit. Procliuis in deterius hominum persuasio, vulgò iactatum à Bertrando Cueva grauidam factam, obscuris tum rumoribus. confirmata deinde opinio rerum potiente Ferdinando Aragonio, ex fide an ad gratiam memoria etiam recenti dubitarum. In locum Petri Castellæ, qui Vallisoleti è scalis domi graui casu, extinctus est, Guterrius certè Cueva, Palentinus Episcopus est creatus. id Bertrandi fratris gratiæ datum: qua vnus maximè in aula ea tempestate valebat. Alfonsus Fonseca Præsul è curia ablegatur per speciem honoris: vt quoniam Rex de bello Vasconum cogitabat, ipse Vallisoleti rebus gerendis vicarius præficeretur. callidi consilii auctor, æmulus Villenæ Marchio, quò solus in aula dominaretur, cæteris maior. Eo propensius fides habita est, quod ad proceres conciliandos suam operam pollicebatur, Toletanum & maris Præfectum. nam Calatrauæ Magistrum fratrem suum antea subduxerat è coniuratorum numero. Ergo Alfonso Fonseca Vallisoletum amandato, Villenæ Marchione in Carpetanos profecto, Arandam Calatrauæ Magister venit, duo millia & quingentos equites sub signis habens. cum iis copiis Castellæ Rex Almasanum versus iter intendit. magnus Aragoniis terror: sed belli impetus in Vascones abiit. Lúgrunium, quod oppidum in Riúogia est, Maio mense est ventum. confluentibus vndique copiis aucto exercitu, in Vascones penetratum. oppida: S. Vincentii fanum, & Guardia dedita: Viana obsessa, ac multis diebus impugnata, dedente Petro Peralta Præfecto ac Magistro equitum venit in potestatem. Lerinum loci munitione defensum est. sic bellum in Vasconibus gerebatur, non eodem semper euentu. nam Abarfusa oppidum ab Alfonso Aragonii filio vi expugnatum est, cæso captoque Castellæ præsidio. Cum Carolum Vianæ Principem morbus lethalis Barcinone inuasit: quæ animi ægritudo ac perpetuæ curæ conciliarunt. sic nonnulli crediderunt. Inter Beamontios constanti opinione vulgatum, lento veneno, quò fortuitus morbus putaretur, corrupta in custodia vitalia fuisse. decessit nono Kal. Octob. qui dies Mercurii fuit Teclæ virginis memoria sacer, veniam à patre sub mortem precatus. Corpus ad Populeti sepultum. vixit annos quadraginta menses tres dies viginti sex perpetuis ærumnis, quàm re alia nobilior. virtuti & eruditioni fortuna non respondit. Ofias Marcus Carolo familiaris in primis fuit, pangēdis lingua Lemouicēsi carminib; in paucis ea ætate celebris. sermo incōptus acutus tamen, multisq; sententiarum & ingenii luminib; illustris. Ad familiæ clypeū gemini moloſsi rictu ducto feroces, vnumq; os contentione atrodētes, à Carolo Principe afficti fuerāt. Insigni argumento Galliæ & Castellæ Reges significabat: quorum importunitate Vasconum regnum ferme consumptū erat. Alia Principū funera extiterunt: Caroli septimi Galli Regis successore Ludouico vndecimo. Henrici, Lusitani Regis patrui, calib; vita, nulloque formineo



fœmineo contactu fœdata. Septem & septuaginta natus annos Sagrę suę ditionis oppido ad Algarbium decessit Idib. Nouembris. Corpus Lacobriga, vbi extemporatio sepulcro erat compositum, Aliubarrotam deinde delatum est. Supererat ex omnibus fratribus Alfonso impari matre Brigantinus Dux. hic etiam vertente anno extinctus est, ex vxore Beatrice Nunnii Pereirę filia, Ferdinando filio relicto: vnde Brigantinis Ducibus nunquam intercisā post eorum sēbole, generis origo.

## Motus Catalauni. CAPVT IV.

<sup>10</sup> Caroli morte sublata diffidiorum causa, neq; diffidia sublata. tamen si Ferdinandus extincti frater, Calataiubę, primū vbi Aragonii conuentus erant, paterni imperii hæres est renunciatus, deinde Barcinone deducēte matre. spes ex eo nōnulla futurę tranquillitatis vana euasit, vrbana multitudo repōte ad arma concitata, infensis Aragonio proceribus. Dolis nouerçę innocentem priuignum, sanctissimum iuuenem, circumuentum oppressumq; clam & in circulis accusabant. Indignum facinus, impium scelus commissum. Ioannes Gualbes ē Dominicano ordine seditiosis concionibus populum inflammare amplius: impium atque crudele imperium euerterent armis. quoniam tantum nefas esset commissum, si cessarent ipsi, cælitus ipsorum sanguine vindicandū: se & gentem ea religione expiarent sumpta prius vindicta. Commota multitudo Regina se ex vrbe <sup>20</sup> subduxit, quasi Emporitanorum tumultus pacatura, re, quoniam maiestatem publico offerre metuebat in tanto animorum motu. Gerundę quorsum res euaderent, in Ausetanis expectare constituit. ab Aragonio prouisa tempestate externi Principes ad ineundum fœdus sollicitati sunt: Galliæ Rex vt opem ferret petatum. Castellę, ne certē noceret: & quando Carolus, pro quo arma sumpserat, defunctus erat, præsidia militum ē Vasconibus deduceret. Ille se Madriti dimissis copiis tenebat, vxoris partu lætus. quā læticariorum humeris eō deferendam curarat, ineunte anno Millesimo quadringētesimo sexagesimo secundo. proli Ioannę nomen inditum: atq; in eius verba à cunctis regni ordinib. iuratum, <sup>1462</sup> si vita suppeditaret, hēredem regni futuram. vidit Castella quod vltimum in ignominia erat: regię stirpi insertam, quam furto genitam fuisse vulgo fuerat persuasum. habitus <sup>30</sup> præterea honos patri, mercesque stupri data. Bertrandus, Ledesmię Comes renunciatus est. Regię procuratore in eius locum Andrea Cabrera amico eius & familiari. qui gradus illi ad amplas opes fuit, non absque multorum obrectatione, priuati paulo ante hominis crescentem felicitatem malignis oculis intuentium. Aderant Armeniacus Comes à Gallo Rege de pace legatus, Toletanus Præsul reconciliata cum Rege gratia rerum arbiter. Iudicium conuentus singulis septem diebus, in eius ædibus iuridicundo haberi cœptus. Aragoni legati pacem flagitantes, fœdusque, vt fieret peruicerunt tandem. Ad decimum kal. Aprilis hæ Madriti conditiones scriptę. Castellę & Aragoniæ pax esto. Arces Guardiam, Sancti Vincentii, Arcos, Ragam, Vianam, Castellę Rex retineto, datę fidei obsides. cætera restituito. præterea ad fines Vasconum & Aragonię Iuberam Cornagum- <sup>40</sup> que, in Contestanis Eliocrotam tradito, Toletano Præfui, Calatrauę Magistro, atq; Iohanni Galindo quasi sequestris, Aragoni q; in potestatē tradituris, si à Castellę Rege fœdus violatum sit. Oliti vbi Aragonius se tenebat in omnes partes prospiciens, cum Gallo fœdus factum est pridie Idus Aprilis ea lege: Vti Gallus septingentos cataphractos equites auxilio mitteret, ducenta aureorum millia in stipendium. Dum ab Aragonio redderentur, Ceretani Ruscinonēsesque pignoris loco essent: in Galli potestate neque pro vectigalibus tamen annuis, quę pendere consueuissent, aliquid deduceretur de capite. Quo fœdus sanctius esset, Regum Galli, & Aragonii colloquium institutum ad Saluaterram in ditione Bearnensi. Fuxensi Comiti expetenti datum, vt Blanca Caroli soror, ad quam Vasconum regni iura deuoluta erant, eius in potestate esset. grauis iniuria cum regno libertatem eripi. Sed quid non peruertis funesta dominandi cupiditas? Olito deducta est <sup>50</sup> vt conuenerat. multum superū hominumque fidem obtestata, datis ad Henricum mandatis afflictę misereretur. ad alias ærumnas eripi libertatem: mox vitam ereptum iri. nisi quid in eo præsidii sit perituram. fraternę certe necis suarumque miseriarum condignas pœnas expeteret, pristini amoris memor, infelicis quidem sed coniugis tamen. In Ortesia Fuxensis arce asseruata, veneno haud multo post periit nullo vindice. Necis iniustę atque crudelis fama diu compressa. ærūnę vitę infelici exitu terminatę. quos premere fata seu vis altior cœpit, hos vrget. Corpus in vrbe Lescare tumultatū. Aragonius Tudelę erat. Henricus Rex per Segobiā Arandamque Alfarū accessit. Internuncio Villenę Marchione fœderis cōditiones, quę Madriti scriptę erāt, cōfirmatę sunt. Quo tempore



Regina Aragoniæ intra Gerundam obfessa à Catalaunis est tertio kal. Iunii de filio magis, quam de sua salute sollicita. ductor multitudinis Hugo Rugerius Palladius Comes. propugnator acerrimus Ludouicus Dezpuchius Magister Montesiæ. Capta vi vrbs. in arcem veterem cui Gerundelæ nomen, vbi se Regina inclusit, impetus factus. superuentu equitatus Gallici vitatum periculum; vrbs etiam seditiosis ablata. Aragonius ad periculum aduolauit, de vxore filioque sollicitus. multis locis prælia facta. incondita multitudo par militi veterano non erat. multis vrbibus & oppidis captis Barcinonem regia castra sunt promota. Castellæ Regina nouo sed immaturo partu de vita Arandæ, vbi relicta fuerat, periclitata. Solis radio per vitream fenestram scilicet capilli arserant. repentino terrorefortis vtero excussus. tristis ex ea re nuncius lætitia mutatus breui est. Bertrando Ledesmiæ Comiti minor Marchionis Santillanii filia vxor data. nuptiæ maximo apparatu Regis & Reginæ præsentia Caracæ celebratæ sunt. Regina inde Segobiam amadata, Rex Atienfam abiit venatione, cui studio regio idonea est, animum remissurus. Ad eum Augusto mense Caponius Barcinone legatus, si auxilia mitteret, tuereturque tumultuantes, gentis principatum est pollicitus. Magna res moueri videbatur. consilio habito duo milia & quingenti equites in auxilium missi, notis tramitibus in fines Catalaunos peruenerunt. cum spe defensionis animus multitudinis creuit. quæ promiserant præstitere. Henricus Barcinonensis Princeps proclamatur: eius nomine pecunia signatur. Commota semel audacia gentem in præcepis dabat. noua lætitia Henrico Regi allata: à Ioanne Guzmanio Assidoniæ Duce Heraclea capta de Mauris: à Calatrauæ Magistro Archidona. ad alia regnorum nomina publicis tabulis Heraclea adiici placuit, Abomelici Mauri exemplo: quem ex Merinorum familia se Heracleæ, hoc est, Gibraltaris Regem dixisse superioribus annis, monstratum est.

*Regum Castellæ & Gallia colloquium. CAPVT V.*

**A** Liæ Castellæ militum manus in Valentinos & Aragonios fines immixta. ingens trepidatio terrorque. Aragonius ad periculum accurrit. Exhaustis atque exanguibus extorqueri imperium, & libertas potuit si quantæ vires Castellæ erant, tantum ardoris Henrico fuisset. eius conciliandi præcipua Aragonio cura. Principio anni sexagesimi tertii à Gallo Rege maris Gallici Præfectus Almasanum, vbi Henricus erat, legatus splendide acceptus atque habitus est. lauta conuiuia fuere, varii ludi. choreas ad lyræ modos pedibus, nunc plures, nunc cum singulis virginibus aulici singuli plausere. cum Regina Rege spectante iubenteque Gallus legatus, sine tripudio imposito obtestatus iureiurando est, habiti honoris memorem se cum alia fœmina nunquam choream ducturum. Si fallo, vindicate superi. Vt Reges Castellæ Galliaque inter se conuenirent decernitur, de cunctis controuersis disceptaturi coram. vti conuenerat, sic est factum. ad Fonterrabiæ fines mense Aprili extremo colloquium fuit. cum Gallo Gastones pater, & filius Fuxenses Comites, Dux Borbonius, Turonensis Archiepiscopus, maris Præfectus erat. cum Hispano Episcopi Toletanus, Calagurritanusque, Villenæ Marchio, Alcantaræ Magister, Prior Hospitalarius splendido cultu, ac plane singuli regio. ante omnes Ledesmiæ Comes, aurum distinguentibus gemmis peculiari nitore fulgebat. viles Gallorum vestes erant, Regis maxime: vnde scommata dictæque. Vedasum flumen multis cymbis à nostris traiectum: quod Gallicæ maiestati datum puto. nostrates historici factum affirmant, quoniam id flumen ad Hispanorum ditionem totum pertinet. Eo congressu sententia à Rege Gallo, cui rerum arbitrium permissum erat, quam Baionæ pronunciarat, recitata denuo est. Eius hæc summa capita fuerunt. Vt Castellæ copiarum à Catalaunis, præsidia à Vasconibus deducerentur. Stella cum oppidis ei vrbi contributis Henrico cederet in parte Vasconum. Aragoniæ Regina filiaque Ræge, datæ fidei obsides essent in Toletani potestate. Eo decreto vtrique gens offensa, Vascones maxime: quorum insigni detrimento fœdus factum querebantur. nullo maiori fructu ex eo conuentu est discessum. Verum de re tota, ac vero de toto hoc colloquiorum inter Principes genere Philippum Comineum nobilem in paucis huius ætatis Gallicæ historiæ scriptorem, veteribus comparandum præstat audire, ex Gallico meis verbis loquentem Latine. Stulte inquit, pari potentia Principes faciant, cum in colloquium conueniunt ipsi: decursis præsertim adolescentiæ annis, iocisque & lusibus, quibus ea ætas est dedita, emulatione succedente. Neque sine periculo inuicem contingat: neque si id absit operæpretium aliud sit, quam inuidia, odiumque maius. vt commodius sit controuersias inter Reges, & si quid aliud negotii est, per legatos viros prudētes componi. Multa me vsus docuit. ex iis quædam exēpla proferre commodum.



dum arbitror. Nullæ prouinciæ in piorum natione maiori fœdere deuinctæ sunt, quam Gallia Castellæ, amicitia Regū cum Regibus, gentis cum gente omnibus execrationibus sancita. ea amicitia freti Rex (Ludouicus Gallie eo nomine xi) paulo postquam regium insigne desumpsit, & Castellæ Rex ad fines vtriusq; prouinciæ conueniunt. Henricus Fonterrabiam accessit, septus splendido comitatu. magnus D. Iacobi Magister, Tolertanus Archie. sequebantur, ante alios Ledesmiæ Comes Hérico intimus. Rex Gallus ad D. Ioannis fanum restitit, multis de more proceribus stipatus. pleriq; ex vtraque gente Barionæ erant, primo aduentu rixati grauiter. Affuit Regina Aragoniæ, cui cum Henrico lis erat de Stella aliisque Vasconum oppidis Regis arbitrio permissa. Ad fluuii quo ab Hispanis Gallia dirimitur, citeriorem ripam semel aut secundo sunt collocuti breuissime: quantum D. Iacobi Magistro & Toletano est visum: penes quos rerum arbitrium erat. Eo a Rege magnis culti officiis sunt, ad D. Ioannis oppidum accedentes. Ledesmiæ Comes auro intexto velo fluuium transmisit. cultus par ocreæ elegantes gemmisque distincte erant. Henricus fœda facie, vestium forma ineleganti ingrataque Gallis Rex noster vili cultu conspicuus, breui veste, galero vulgari plumbea imagine assuta. Inde diæteria fannæque: cum Hispani sordes & auaritiā interpretaretur. sic nullo operæpretio conuentus solutus est: nisi quod inter vtrosque proceres eē conspirationes sunt facte, quibus Henricum ad mortem vexatum, desertum a suis & ad miseram conditionem redactum ipse vidi. Aragoniæ Regina, pro Henrico a Rege nostro pronūciatum dolebat: tamen si bello Barcinonensi laborantibus tulit opē. excepit ex eo nouū inter Aragonios & Gallos bellum, ad hanc diem sedecim iam annis continuatum. Ad alia est progrediendum.

*Petrus Lusitanus à Catalaunis euocatur.* CAPVT VI.

Affuerunt colloquio Principum Cardona & Coponius Barcinonenses lagati: suamque gentem contra fœderis fidem iniuria deserui conquesti sunt nullo fructu. eorum vocibus aures Principum maioris compendii spe erant obturata. Tolosæ in Guipuscoa Gaon Iudæus populi concursu interfectus est pridie Nonas Maii: quod Regis præsentia fretus, ad Fonterrabiam se tenentis, vectigal exigeret, cui postulato nomen est: de quo magne olim contentiones genti extiterant. nunc immunitatem imminui ægre ferebant. Impune id facinus fuit. quin Segobiæ, quo paulo post se Henricus contulit, inter duos monachos contentio grauis exarsit. affirmabat alter pro concione, multos e piorum numero ad Iudaicam superstitionem traduci: liber cum Iudæis atque Mauris conuictus carpebatur. & sane multi ex vtraque gente a nostris alieni in aula, & per prouinciā libere vagabantur. negabat factum monachus alter, ad gratiam Principum magis quam ex vero: sic arbitror. Nunquam in Hispania maior labes morum & temporum fuit. Hispalis ciuili tumultu æstuabat. Alfonso Fonseca maior Ecclesiam propinqui fidei datam repetebat: sic iura sancire: sic moribus susceptum: sic Romanum Pontificem iubere. Populo & nobilitate in partes distractis tumultus erat: ac periculum, ne pars cum parte dimicaret. Accurrit magnis itineribus Henricus. Ecclesia Alfonso seniori reddita, de sex præcipuis seditionis auctorib. capitis supplicium sumptū. A Lusitano valida classe repetita Africa. secuti sunt, Ferdinandus frater, Petrus patruelis equitum Magister. Catalauni Castellæ præsidio nudati, Gallis atque Italis ab Aragonio occupatis, quod vnum supererat, longinqua auxilia euocare constituunt. Petrus Lusitanus equitum Magister Septa ad capeßendum gentis principatum inuitatur, sibi debitum quoniam Vrgelitani Comitissæ maiori filia natus erat. desperata causa iura obsoleta tentantur. parer ille: consensisseque nauibus ad Barcinonensem litus appulsus ad duodecimum kal. Februarii anno Milefimo quadringentesimo sexagesimo quarto, continuo Barcinoniensis Princeps, Rex Aragonius proclamatus est. Inanis sine viribus audacia. honos exitio fuit. Petri quidem discessu, in Africa Lusitanæ vires imminutæ. Tingis tentata. repulsi cum cæde nostri a Mauris. Irruptiones in vicinos agros facte: nulla ad memoriam insignis: nisi quod ad Benasam montē Rex ipse Lusitanus cum copiis omnibus magnum periculum adiit. Eduardus Menesius de salute Regis sollicitus, dum nullum virtutis finem facit, in conflictu perit. cecidere alii. Postremi agminis defensi laudem Villæregiæ Comes tulit regio etiam testimonio: ad se enim venienti, Hodie, inquit, penes te vnum fides perstitit. Henricus Hispali Heracleam concesserat. eo Septa soluens Lusitanus venit eius inuitatu. dies octo in ea vrbe consumpti. Ab Henrico Rege Astigi in Granatenses fines penetratum est: neque discessum, nisi vtegalis accepto, quod Mauri pacti antea erant, aliisque magnificis muneribus allatis. Sic per Giennium vbi Irantius Magister equitum limiti præfectus erat, Madritū festinatum.



Lusitanus Gadalupeo in tēplo vota soluturus eo venit. Ad Archiepiscopi pontē, in Carpe-  
tanorū finibus, eius & Henrici Regis colloquio affuit Regina Castellæ virū comitata, in-  
uisura fratrem. Eo congressu gemina coniugia pacta cum Lusitano eiusque filio atque  
hærede, Isabellæ sororis Ioannæque filia Henrici Regis, dilatas in aliud tempus nuptias,  
mora tandem disturbavit. Aragonium imperiū Lusitano præstantius Castellæ imponere  
numina destinabant, non sine magno tamen ac diuturno Hispaniæ motu. quæ mala in-  
gens ventorum procella Hispali portendisse visa est, quantam non meminerant. par bo-  
um cum aratro per aërā suspensum. E. D. Augustini turri decussa campana, proculque  
proiecta: annosæ arbores euulsæ: ædificia multis locis labefactata: armatorū acies in cœ-  
lo visæ inter se concurrere: siue vera species fuit, siue præstigiæ. nam à pueris tantum vi- 10  
sas memorant, tres aquilæ rostris & vnguibus diu in aere cruenta pugna dimicantes, exa-  
nimatæ exanguesq; ad terram decidere. His ostentis mortalium mentes in vota preces-  
que conuersæ sunt, si forte numinum iram placarent.

*Procerum Castella conspiratio. CAPVT VII.*

**T**Oletanum Paciechumque inuisos Henricus habere cœperat, cōtrouersis Aragoniis  
haud satis fidos expertus. Itaque neque in Bæticam euntem secuti erant, neque ad  
Archiepiscopi pontem Regum colloquiis interfuerunt. quin vim veriti, aut simulato me-  
tu Madrito Complutum concessere. adiuncti mox maris Præfectus, Manrici reguli, Ca- 20  
latraue Magister accessere paulo post Albæ, Placentiæque Comites Paciecho ad eos  
alliciendos occulte profecto. Aragonius magnis promissis ad idem fœdus est pertractus.  
Hæc sæuæ tempestatis prima fundamenta fuerunt: qua diu vniuersa Hispania iactata est.  
Honestæ aliqua coniurandi causa querenda erat: optima visa est, Ioannē Principis abdi-  
catio. quasi ex adulterio natæ, Alfonso & Isabellam regios fratres, qui Maqueda cum  
matre erant, in potestatem vindicandi, idoneos arbitrari, per quos ima summis confun-  
derent, turbarent omnia. Expetente Rege, datisque obsidibus Paciechus Madritum re-  
diit, simulata beneuolentia, dolis & fraude armatus, proceres alios à Rege alienare sata-  
gens. Alfonsi Fonsæ capiendi consilium dat, nisi eo amoto, se in aula tuto versari non  
posse causatus. Rege persuaso, geminata perfidia præuicator Alfonso imminentis pe- 30  
riculi admonet. dictis ille fide habita, fuga subductus ad coniuratos re necessaria transit.  
Ferocior Paciechus, Segobiæ, quo in æstiuum itum est, die in regiam cū armatis impetum  
facit, ad Regem & fratres capiendos, refractis etiam conclauis foribus. quoniam id non  
successit Rege & Bertrando in penitiorem, atque munitiorem ædium partem in repenti-  
no metu subtractis, tenebristantum facinus noua fraude tentat. Aderat nox: coniurati  
mutua fide lati expediebant arma: cum indicio factō vitatē insidiæ sunt. auctor sceleris  
in aula erat. ferro vincendum plerique suadebant. Regem tanta socordia inuaserat, vt  
inanem clementiæ speciem saluti præferret, cum negaret fide publica tutum, violari æ-  
quū fore. sic periculum in præsentia vitatum: in peius tamen ruere omnia cœperunt. Ber-  
trandus tantum Diui Iacobi Magister institutus est, concedente Romano Pontifice: fre- 40  
mente populo eum honorem Alfonso Principi Regis fratri iniuria detrahi. Sed audacia  
tamen Paciechi nullo alio supplicio præterquam æmulo aucto vindicanda videbatur.  
Nouo conatu tentatum, si insidiæ procederent, Rege Villacastinum per speciem collo-  
quil attracto. Id etiam periculum indicio factō vitatum. Burgis, quo se coniurati detecta  
fraude contulerant, ciuium parte in fœdus attracta, contumeliosæ literæ ad Regem sunt  
datæ. earum hæc capita erant. Mauros apud eum versari, flagitiorum omnium impunita-  
te concessa. Magistratus venales esse. D. Iacobi Magisterium Bertrando iniuria datum.  
Ioannā adulterio natam, regni heredem contra fas & auspicia esse renunciata. hæc si  
mutata essent, libenter posituros arma. Lectæ eē literæ Vallisoleti: neq; Regis tamen ma-  
gnopere commotus animus. Excæcat diuina vindicta mētem, cum vim suam retūdi non 50  
vult, præposteris voluptatibus vires enervatæ erant corporis atque iudicii. Aderat Bar-  
rientus Conchen. Episcopus: palamque armis vindicandam iniuriā propemodum cum  
conuiuiis hortatus, nil tamen profecit: obtestatus quamuis, quoniam salutaria monenti-  
bus parere recusaret, eum præ omnibus Hispaniæ Regibus ludibrio futurum, fera atque  
inutili pœnitentia præsentis ignauiæ. Concordiæ spes tentata denuo, quando displicebāt  
arma. Cabeloniam inter & Cigales, quæ oppida in Vaceæ sita sunt, cum Henrico Pacie-  
chus qua fronte? qua simulatione? sed diu in patenti cāpo remotis arbitris collocutus, his  
conditionibus pepegit. Vti Alfonso frater regni hæres esset iure suo, Ioanna vxore. Ber-  
trandus se Diui Iacobi Magisterio abdicaret. Quatuor rerum arbitri essent, bini ab vtra-  
que



que parte delecti. Alfonsus Oropesa ordini Hieronymiano Præfectus, quintus accederet. Quod maior pars in iis controuersis sanxisset, id ius fasque esset. Fœdere facto Alfonsus Segobia in castra regia deductus est, annos vndecim natus. In eius verba à cunctis qui aderant, iuratum, Bertrando Alburquerque Ducis nomine datum, Cuellar, Roa, Molina, Atienza. quibus oppidis annui redditus in Bætica additi ablari honoris haud iniqua compensatio. Dati arbitri à coniuratis Paciechus & Placentia Comes: abs Rege Petrus Velasus, & Gonsaluus Saavedra Paciecho infensi Toletanus, & maris Præfectus Paciechi odio Regi conciliati sunt. breuis ea gratia fuit: aut vt vulgo creditum est simulata ad tempus. Alcantara Magister & Metellini Comes cum copiis abs Rege euocati sunt, ad quatuor iudicum potentiam comprimendam armis: à quibus perturbate omnia gerebantur. & verebatur Rex, si sententia esset pronunciata, ne inanè illi imperii nomen relinquerent: cetera auferrent. Vnus ex eo numero Gonsaluus Saavedra, & pari perfidia Aluarus Gometius qui Henrico à secretis erat, eoque quamuis obscuro genere in Carpetanis Maqueda, Turregionium & Syluestri fanum adeptus erat, à Rege euocati sunt. Venientibus magno metu à quibusdam proposito, si Regi se crederent, persuasum est tū his duobus, tum Alcantara Magistro, & Metellini Comiti, vt se ad coniuratos cum copiis conferrent. Ea re cognita, Turregionium Petro Ariæ cui Segobiensi, cuius pater ærarii rationibus præfectus fuerat, expugnandum conceditur. Petrus Velasus coniuratis se adiungit, ægre quamuis, patre Hari Comite filii leuitatem ferente: prorsus vt neque milite neque pecunia iuaret: solusque aut cum paucis inter alios procères viseretur. Quo tempore Pius Romanus Pontifex Anconæ Piceni vrbe decessit nonodecimo kal. Septembris. Conuocatis toto orbe Principibus ad pia arma, tentata quamuis valetudine eo delatus fuerat subeuntibus inuicem satellitibus lecticam, transmissa mari Supero, bello Turcico Dux futurus. ingens animi confidentia. breuis pontificatus fuit omnino annorum sex, ingens gloria. eius tamen obitu totus apparatus euauit. In eius locum festinatis comitiis Petrus Barbus Cardinalis natione Venetus cooptatus est, tertio Kal. Sept. Pauli secūdi nomine vigēte adhuc ætate, septimū & quadragesimū agēs annum, propenso in Hispanam gentem animo, rebus in Castella asperis Henricū ope, & auctoritate iuuit.

## Aragonia bella. CAPVT VIII.

Petri Lusitani aduentu, Catalaunis maiores viribus animi accessere spei aliquantulum, metus amplior, quippe victis aduersus eos qui sæpe vicerant pugnaturis: obstinatio maxima. Ilerda longa obsidione fatigata, vltro direptoque circum agro deditionem Aragonio facere compulsæ est. multis vno tempore partibus belli flamma oppida, agrique vexantur. fœda rerum facies atque miserabilis. Ioannes Cæsaraugustanus Episcopus alter Aragonii filius ex impari matre præcipuus belli dux, armis quam infulis aptior. Burgundionum manus auxilio Petro missa est à Philippo Burgundiæ Duce, exiguum rebus præsidium: sed eorum aduentu tamen, copiarum Catalaunorum Minoresam conuenere, quod oppidum Manresa hodie est, duo millia peditum equites amplius sexcēti. Cerueram oppidum pro Aragonio Pradis Comes obsidione vrgebat. Obsessis fame & rerum inopia oppressis, ac de deditione cogitantibus Petrus opē ferre constituit. ad Vasconū fines Aragonii castra erant, motibus eius gentis pacandis intenti. Cum copiarum parte Ferdinandus filius festinare, seque cum Pradis Comite coniungere iussus est. tenera quamuis ætate ac omnino tredecim annos natus in eo bello tyrocinia posuit. sic in castris educato ad literas addiscendas otium non fuit. Ad Regis prætoria (loco nomen id est) Lusitana castra promotæ, prælio dimicandi destinato animo. sic exploratores nunciabant. locus vicinus erat. Ferdinandus rebus omnibus instructis, comparatisque, ad hostem pergit: tumulumque occupat, vnde in hostium castra despectus erat. idem Lusitanus facit: vicino colle castra munit, pugnam vt videbatur detrectaturus. acies ad prælium instructæ tamen. In primo agmine Petrus Deza curabat: sequebantur Burgundi modico interuallo proximi. In secundo agmine Bertrandus & Ioannes Armendarii Vasconibus & Castellæ militibus duces dati. Postremum agmen ipse Petrus Lusitanus ductabat. Ferdinandi copiarum minor quamuis numero septingenti equites, mille non amplius pedites, hoc modo ordinatæ. Prima acies Pradis Comiti commendata, Hugone Rocabertio Ampostæ Præfecto, & Matthæo Moncada dextra læuaque munientibus. Henricus Henrici Aragonii filius in subsidiis collocatus. In postremo agmine cum multis proceribus Ferdinandus substitit. Peditibus Bernardus Vasco præfectus, ac montes vicinos radere iussus est: ne ab aperto latere impeterentur. Priusquam pugnae signum proponeretur, nobiles aliquot à Ferdinando balteo militari donati sunt. Truci mox clamore edito pugna



à præcursoribus inchoatur. primum ac secundum Lusitani agmen loco mota disiectaque  
 Aragoniorum virtute. perculsis parum præsidii fuit in postrema acie, vbi Petrus Lusita-  
 nus erat, roburque copiarum. Effusa fuga facta, peditum per vicinos montes, equitum per  
 plana. Petrus Lusitanus posito paludamento, atque victoribus immixtus, proxima luce  
 euasit incognitus. Burgundi, in quos primus impetus factus est, ad vnum ferme cæsi: nam  
 in primo agmine dimicabant: & referre pedem in pugna gentis instituto in rebus turpis-  
 simis habent. Ex aliis plerique capti. in iis Pallasii Comes, belli præcipua fax. pugnatum  
 1465 est pridie kalend. Martii anno Millesimo quadringentesimo sexagesimo quinto. eò victo-  
 ria lætior quod paucis ex Aragoniorum numero vulneratis, nemo cecidit. Petrus Mino-  
 resam sese retulit. à Bertrando Armendario Ceruera oppidum, parte victi exercitus in il-  
 lud inuecta munitum, nihilo minori animo, quam si victor extitisset. In Emporitanos vis  
 belli conuersa, meliore quoque Aragoniarum partium fortuna quam Lusitani. victorib.  
 cætera fore procliuia videbantur: eò amplius, quod Beamontis ad officium reuocatis,  
 Vasconum tumultus tandem cepisse finem videbantur. Ludouico Magistro equitum de-  
 functo, Ludouicus & Carolus eius filii venia donati, bonis & honoribus pristinis restitu-  
 tis. idem Ioanni Beamontio concessum Priori in Vasconib. Hospitalario, Ludouici Ma-  
 gistri equitum fratri. Regni hæreditas Gastoni Fuxensi confirmata, atque Eleonoræ vxori,  
 iam Vianæ Principibus. Ismael Rex Granatensis cum optimæ pacis bonis florere cœ-  
 pisset, diem obiit septimo Idus Aprilis, qui dies Dominicus fuit, Arabum anni Octingen-  
 te. sexagesimi noni, mensis Xauam dies decimus. Successit in imperio Albohacenus filius  
 20 magno vir animo atque militari virtute præstans. huic duæ vxores fuere, altera stirpe Mau-  
 rica, vnde Boabdiles filius est natus, cui Regi Paruo, deinde nomen fuit: altera Christia-  
 nis sacris eiuratis Zoroyra nomine, filios peperit Cadum Nacremque. hi Ferdinando Re-  
 ge Catholico, quo tempore Granata capta est, nostri sunt effecti. maiori Ferdinando no-  
 men inditum: minori Ioannis. mater filiorum exemplo ad nostram religionem reuocata  
 Isabellæ nomen suscepit. Albohaceno Rege pax aliquandiu cum e agente fuit, Irantio Ma-  
 gistro equitum Giennensi limiti præfecto, Altigi Martino Corduba. Ferdinandus Nea-  
 politanus Rex, victis ac profligatis hostibus tum domesticis tum externis imperium in I-  
 talia confirmabat. victus ad Sarnum in Campania insigni prælio cum hostibus facto ante  
 annos quatuor, reparatis viribus adiutusque, nouis à Pontifice Romano, & Mediolanensi  
 30 Duce copiis, atque Scanderberchio, uti antea dictum est, vertente anno, ex quo victus e-  
 rat, hostem exultantem compresserat, ad Troiam Apuliæ urbem acie victum. neque pri-  
 us constitit, quam Lotaringio Duce in Aenariam insulam pulso, procerum motib. com-  
 pressis, prouincia pacata: sic ut Lotaringius rebus desperatis, inglorius in Galliam abire  
 fuerit compulsus, par virtute maioribus, insignique probitatis fama, fortuna haud dissimili.  
 Ad hunc modum Ferdinandus procerum Neapolitanorum bello finem imposuit, an-  
 cipi atque diuturno: triumphumque nobilem de victis hostibus Neapolim inuexit octa-  
 uo decimo kalend. Octobris. Ingredientem populus & proceres nullo non honoris gene-  
 re cumularunt, gaudii lætitiæque signa promiscue præbita sunt. Isabella Regina victori-  
 am superis acceptam referens, templa adire paruos liberos præ se agens, ad omnia altaria  
 40 procumbere, vota soluere, supplicia facere insigni pietate foemina, dignaque, cui longior vi-  
 ta, & victoriæ fructus diuturnior contigisset, fataque extenderent vitæ tempus. ferme in i-  
 pla pacati regni lætitia extincta est. Ferdinandus pace parta, rebusque ex sententia compo-  
 sitis, supra triginta annos regnavit. multa bella pro focis, atque amicis suscepta, gesta-  
 tissimè eius ductu. Turcæ quoque qui Hidruntem, bonamque Salentinorum partem ex im-  
 prouiso adorti occupauerat, Alfonsi filii virtute atque opera victi, Italiaque expulsi sunt. Si  
 quibus artibus initio regnum sibi comparauit, easdem in pace otioque retinisset, ut maxi-  
 me felix est habitus, sic inter bonos Principes numerari potuit.

*Alfonsus Castella Rex renunciatur.* CAPVT IX.

Castella motus haudquaquam conquieuerunt, Alfonso Regis fratre in procerum po-  
 testatem contradito. quod ad concordiam videbatur excogitatum esse præclare, ma-  
 ioris mali occasio extitit: malis consiliis pares adepti exitus. Rex Cabesonio, vbi collo-  
 quium fuerat, in Carpetanos discessit: coniurati proceres Placentiam: Calatrauæ Magi-  
 ster in Baticam abscessit: vbi Vrsanem ditione obtinebat (Vreniam in Vaccæis) eam gen-  
 tem ad arma concitaturus, vario vir & inconstanti ingenio, amicitia parum firma, sancti  
 honestique non tanta cura, quantum studium assequendi eius, quod destinasset animo.  
 Valensolæ Priori Hospitalario is honos detrahitur. Giennensis Episcopus bonis spoliatur.



fides malo fuit, grauissimum apud desciscientes crimen. vniuersa prouincia ad sociandas vires populi sollicitati: reguli maximè, vt cuiusque res erant, multa iis pollicendo, magno numero ad commune fœdus inuitati, pertractiq; sunt, Hispalenses, Cordubenses publicæ: Alfidoniæ Dux, Arcobrigæ Comes, atque Alfonsus Aquilarius priuatim. Prouisa Hêricus tempestate, Madriti de summa rerum deliberaturus, concilium aduocat. Ecquid factò opus sit rogat: num sumenda arma: an quando priora consilia non processerāt, noua concordia via tentanda? Toletanus cæteris tacentibus Alfonsum repetendum esse ait. Securæ pacis, certumq; pacti nuper coniugii pignus, apud quem melius quàm apud fratrem, & mox socerum futurum? nisi morem gesserint armis contumaciam vindicandam. In eam rem Salmanticam festinandum, bello computando ex propinquo opportuna ciuitatem. Syncero hæc animo dici videbantur: itaque aliorum consensu etiam expresso, ac nemine eorum, qui meliora iudicabant contra mutire auso, cum non ratio, non æquitas dominaretur, sed vis & potentia, legatione ad proceres missa, militares copię Salmanticam conuenire iussæ sunt: quo Rex iuit. Inde Areualo, quod à proceribus occupatum erat à Rege obfesso, Toletanus persona detracta Abulam (quam urbem paulo ante & Medinæ Campestris arcem ab Henrico expresserat ipsius præsidio teneri) proceres euocat. eodem ipse contendit. à Præfecto maris, ex composito Vallisoletum occupatur, belli sedes futura. Ad nouæ calamitatis & maioris periculi nuncium, Rex torpore tantisper discusso, remotis arbitris atque in genua procumbens, protensis ad cælum manibus, his verbis Deum compellasse fertur. Tuam Christe Rex, opem, per quem Reges regnant, & iura imperandi stant, supplex imploro: tibi fortunæ, vitamq; committo, illud precatus modo, vt vindicta, quam minorem sceleribus esse fateor, mihi priuatim salutaris sit, data tuo munere constantia animi: minimòq; reipublicæ incommodo luatur. Hæc dixit: simul citato itinere se Salmanticam retulit. A coniuratis procerib. ingens facinus designatum. horret animus tantam nostræ gentis ignominiam recordari. sed dicendum est tamen: vt discant Reges hoc exemplo sibi primum, deinde subditis imperare: commotæ multitudinis quantæ sint vires: fulgorem regii nominis opinione potius, quam virib. stare. neque Regem, si propius inspicias, esse aliud, quam hominem deliciis emollitum, purpuræ splendore magna vlcera regentem, molestiasq; graues, si ministeria detrahas, eo infirmiore quod molli orio deditus imperare didicit non facere. Pro Abulæ mœnibus in patenti campo suggestum ex materia ædificatum est, imposita Henrici statua, cum trabea, reliquoque regio ornata. conuenere proceres, infinitaque populi multitudo. Voce præconis, grauissima Henrici crimina publicata. ad singula sententiæ capita, statua sigillatim omnibus regiis insignibus nudata, ac tandem cum verborum contumelia in præceps est data. Nonis Iunii Mercurii die id accidit. Alfonsus, qui toti actioni aderat, suggesto impositus, atque humeris procerum elatus, Rex proclamatur Castellæ, regiis vexillis de more explicatis, atque Alfonsi & Castellæ nominibus promiscuo multitudinis clamore ingeminatis. Tanto facinore euulgato, non vna opinio fuit: aliis laudantibus, plerique factum accusabant. non sine exitio imperia mutari: neque geminos Soles in orbe esse: neque vnâ prouinciam duos summos rectores tolerare. Burgi Toletumq; procerum auctoritatem continuo securæ sunt. non pauci proceres Henrici causæ ardentius fauere cœperunt. post ignominiam misericordia successerat, & emendaturum putabant: quæ in moribus, quæ in repub. deprauata erant. Garfias Toletus Albanus Comes, iam antea conciliata gratia, præsto affuit, cum equitibus quingentis, peditibus mille. Regina Isabellaque ad Lusitanum ablegantur: si gratia, & auctoritate auxilium mitti impetrarent. Guardix ad Lusitaniæ fines colloquium fuit. præter verba nullum operæpretium. Coniuratorum copię Vallisoletum conuenere, regiæ Taurum. illæ obstinato animo: hæ numerosæ magis quam validæ. A coniuratis Penasfloris mœnibus prostratis, Septimancæ obfessa, haud minori periculo obsidentium, quam obfessorum, propter Galindi virtutem: qui Tauro missus cum tribus equitum millibus, in oppidum est inuectus, tanta confidentia animorum, hostiumque contemptu, vt à calonibus per ludibrium sententia in Toletanum pronunciata, eius statua per plateas tracta, atque combusta fuerit. exiguum illatæ ad Abulam contumeliæ leuamen: impar vindicta facientium iniuriam accipientisque conditione non eadem. obsidio soluta. Nouis confluentibus copiis numerosus exercitus Tauri conflatur, octoginta peditum millia, equitum quatuordecim. cum iis copiis versus Septimancas itur. Ex itinere Ioannes Carillius ex hostium numero dux, in tumultuario conflictu vulneratus captusque ad Tordefillam, aduocato Henrico insidias eius capiti parari cum animam ageret, renunciauit: coniuratorum etiam nomina remotis arbitris edi-



dit: quæ Henricus perpetuo silentio texit, fortassis in gratiam, aut ex odio indicium confictum quamuis à moriente ratus. regia castra Vallisoletum promotæ. oppidum copia defensorum munitum expugnari non potuit: & regio torpor quidam occupauerat, incredibilis pudendusque exemplo rectoris. In agro vtriusque partis consensu, Henrici Regis, & Villenæ Marchionis colloquium fuit. multa promissa, nihil præstitum. Regi tamen persuasum, ut quoniam tantis sumptibus pares facultates non essent, copiæ dimitterentur. breui Alfonso regio nomine abdicato, cum aliis proceribus, in eius potestate fideque futurum. Sic milites ab utraque parte dimissi. Proceribus quamuis nullo operæ pretio facto, ingentia præmia data Medinæ Campestris sunt. Episcopo Calagurritano Petro Mendozæ decumarum tertia pars: quæ Regibus Caracæ atque in eius oppidi agro obuenire solita erat. Santillanio fratri in Asturibus Sancti Emeterii oppidum (Santanderium vulgo dicitur) Medinæ Celinæ Comiti Agreda, Albano Carpium, Osorio Trastamare Comiti Asturica in Calæcis Marchionis nomine. aliis proceribus alia dono data sunt. Coniuratis Areualum profectis, Vallisoletum ad regiam ditionem rediit. Alfonso captiui instar tenebatur. Redire ad fratrem cogitanti minæ intentatæ: periturum veneno, nisi regnaret. miseram conditionem imperii, à subditis occupati inuersique in contrarium. De concordia tamen nouo conatu actum est. si Isabella Princeps Calatrauæ Magistro nuberet firmiores in fide fore pollicebantur, quam re alia, cum fratremque: penes quos belli & pacis arbitrium esset. Auctor consilii Fonseca Hispalensis. Consensit Rex. re constituta, Duceque Alburquerqui, atque Calagurritano Episcopo è curia amandatis, iis infensus Magister Calatrauæ aduocatur. Iacebat Isabella ægro animo, luctu oppressa, ut in tali metu indignitateque. Cubiculo Præfecta Beatrix Bobadillia pro iure familiari, Ecce, qua mœroris causa sit rogat. Cum lacrymis illa & singultu. An nostram inquit ærûnam, non sentis? Regibus satam in spem melioris fortunæ, pudet dicere, homini propemodum priuato coniugem destinari. Proh dedecus ignominiamque. plura dicere dolor prohibet. Absit, vitæ, tantum nefas Beatrix ait. me superstiti non erit, non patiar. hoc ferro (nudam sicam ostentabat) per omnia sacra iuro, cum primum huc aduenerit, securi latus haurire, vitamque eripere certum habeo. Virili animo virginem. Meliora superi. Almagro ad nuptias festinabat, cum repentina vi morbi in itinere oppressus Villarruiæ diem obiit, principio anni Milesi. quadringentesimo. sexti. Corpus Calatrauæ in proprio sacrario constitutum est. castissimas Isabellæ preces, tantum dedecus auersantis, auersata numina exaudisse vulgo persuasum: cui excellentius coniugium & maiora imperia destinarent. in defuncti locum duo filii quamuis nothi Rodericus Gironius, Calatrauæ Magister institutus est, Pontificis diplomate in id superori tempore impetrato, Alfonso frater Vreniæ Comes ex patris testamento factus est. Ante Magistri obitum in agro Giennensi, tanta ciconiarum multitudo extitit, ut Solem auferrent. suspensæ ex eo mortalium mentes id ostentum ut fit variè interpretabantur. Similia homines magis euentis rerum moniti, quam ratione docti formidare consueuerunt. Quo tempore Romæ Rodericus Sanctius vtriusque iuris cum primis peritus, moli Hadriani præfectus, de rebus Hispaniæ piam magis quam elegatam historiam conscribebat, Palentinam ex eo dictam, quod is Palentinæ Ecclesiæ consequentibus annis Episcopus est datus in Henrici gratiam, cui eam historiam nuncupauit, Pauli secundi Pontificis dono, cum quo vetus amicitia erat, multaque familiaritatis iura homini Hispano.

*Prelum ad Olmedum factum.* CAPVT X.

**R**erum omnium perturbatio in Castella erat. misceri omnia: non modestia aut ratio, sed superbia libidoque dominari. latrocinia vigere, iniuriæ, cædes, nullo iudiciorum metu, fluxa ad coercendum flagitia auctoritate magistratuum. Itaque per vrbes & oppida conspirationes factæ, societatesque institutæ, ad scelorum licentiam vindicandam, optimis legibus & institutis Regis concessu temperatæ. ne veterum calamitatum orbis recurreret, prudentes verebantur. quod Roderico Gotthorum Rege factum erat, Mauris ex Africa euocatis, non minori occasione, neque minori periculo, propter fatalem gentis discordiam, Principum libidinem ignauiamque. Itaque Toletanus vulgo Oppas ignominia causa vocabatur: quasi simili ingenio, paremque cladem allaturus patriæ. Ea res Fuxensem prouocauit, ut arma quibus Vasconum regnum inuadere cœperat spe imperandi impatiens, in Castellæ fines conuerteret, nimirum vitio humani ingenii, quod accusabat in leuiro Carolo, hoc sibi licere putabat, iniquus rerum æstimator. oppidaque in Vasconibus Castellæ præfidiis occupata extorquere illato bello, erat in animo. Primo impetu Calagurris capta. Alfarum circumfessum. Dieghus Castillius, qui Hérico à sacris, assiduusque



que in aula, de eius rebus commētaria cōfecit, ad Fuxensem legatus, cū monendo non proficeret, raptim contractis copiis effecit, vt obsidione soluta sese vnde venerat citato referret. Calagurris etiam à ciuibus præsidio deiecto ad Castellæ ditionem rediit. Sic in Vasconibus res erant haud tranquillæ. In Catalaunis melior fortuna Aragoniis affulgere visa est: hostibus non vno loco superatis, multisq; oppidis tota prouincia receptis: præterea, quod caput erat, Petro Lusitano ex morbo sublato. Minoresa Barcinonem contendebat, cū Granollia decessit die Dominico tertio kal. Iulii. Corpus ad D. Mariæ iuxta mare Barcinone tumulatum non absq; funeris pompa, veneno extinctum vulgò creditum est, more ea tempestate nimium vsitato Principib. perimendis: aut quia de Principum exitu atrociora vero nunciat fama. Ipse laboribus fractum corpus, molestia victum animum suspicor: quem fructum collati principatus fuisse non alium, affictus insignibus accipiter indicabat, his verbis subiectis. Molestia prolatitia. Ioanni Lusitanæ iuuentutis Principi sororis filio eum principatum testamento legauit. Dertusa vrbs, aliq; oppida Aragoniis armis cessere, interregni beneficio, haud diuturni. frequentes enim Catalauni Barcinone Renatum Andegauensem, perpetuum Aragonii nominis hostem, Regem iusserunt, iræ potius quam consilio & æquitati datum. Sed parum in Lusitano præsidiū futurū erat: Andegauensi euocato Gallicis auxiliis Aragoniū nudari erat necesse: atq; Fuxensi in Vasconibus tumultuante, vires impares vtriq; bello fore augurabantur, aduersus eam tempestatem Sabaudus, Galeatius Mediolanensis, qui Francisco patri successerat, ad iungendum

20 frædus ab Aragonio sollicitati sunt. Renatum noui principatus accessione, nisi provideretur, finitimis Sabaudis, Insucribus longinquis, memoria iniuriarum formidabilem futurum. Angli etiam inuitati. Petro Peralta Magistro equitum ineunte salutis anno Mille-

1467

mo quadringentesimo sexagesimo septimo cura data, coniuratos Castellæ Principes conciliandi, geminis nuptiis pactis Ioannæ Ferdinandique filiorum Aragonii, cum Alfonso Principe Henrici Regis fratre, atque Beatrice Villenæ Marchionis filia. tanta erat auctoritas hominis paulo ante priuati, vt regio suum iterum sanguinem inferere tentaret, adiutore Toletano: Henrici Principis imbecillitatis haud dubium argumentum. Neutrum coniugium perfectum: & nuper Alfonsus Princeps è Toletani potestate ereptus erat. Beneuentanus cum Henrico reconciliata gratia, Portillium, quod armis ante temporum

30

licentia occupauerat, vt daretur obtinuit. nouum beneficium insigni aliquo officio cōpensare parans, Alfonsum & Toletanum Toletum, vbi aliquandiu hæserant, in Vltiorem Castellam venientes hospitio accepit, Alfonsum in arce: aliis in oppido hospitia data. Proxima luce proficisci maturantib. negat, Alfonsum in Toletani potestate amplius futurum. vim adhiberi non licebat, exiguo comitatu, nullis bellicis tormentis. Henricus nuncio letus, expectanti nouam operæ mercedem, vt Diui Iacobi Magister esset concedit. regium donum Villenæ Marchionis calliditate interceptum est. cui rem omnem Beneuentanus indicauit, arbitratus generi honori haudquaquam eum moram facturum. Sed nullis legibus necessitudinis ambitiosus animus mouetur. inde internecina inter vtrunq; Principem odia, insidiæq; comparata. verum id in præsentia occultatum. Beneuentanusq; foceri suasu procerib. coniuratis Alfonsum Principem restituit, sic spes pacis disturbata, reditumq; ad arma est, magno Henrici dolore, pacis cupidissimi, atque præ eo studio maiestatis immemoris. Itaque inter eum & Villenæ Marchionem Cauca primū in Vaccæis colloquium habitum est: deinde Madriti, oppidi præsidio Hispalensi concredito. nullum vtrobiq; operæpretium est factum: etsi Eleonora Pimentelia Comitis Placetiæ vxor, consensu partium euocata venit. magno animo fœmina, perpetua erga Regem fide idonea visa, viro aliisque coniuratis pace facta sanandis. Insidiis faciendis Villenæ Marchio intentus, magis quàm Henricus vitandis cautus, nouo colloquio Placetiā designauit. verum is conatus à proceribus, qui Regem sequebantur, disturbatus est. Periculum fraudemq; subesse disputabant: negabantq; ferendū callidi hominis ludibrio toties maiestatem obui-

40

ci. Segobiam itum ætatis principio. à coniuratis Olmedum occupatum, oppidum dedit Petro Sylua præsidiū præfecto. Medina Campestris à coniuratis vexatur, arcem obtinentibus Toletani nomine. periculum erat, ne id etiam oppidum occuparent: vtraq; iniuria Henricus prouocatus, magnos delectus haberi mandat. proceres nominatim euocati. affuit Medinæ Celinæ Comes, Episcopus Calagurritanus, Alburquerqui Dux, qui eatenus curia abstinerant. Petrus etiam Velasus impetrata superioris defectionis venia, cum septingentis equitibus, & valida peditum manu à patre missus, decumas mercium, quæ mari importantur, allati auxilii præmium impetrasse memoratur, magis ducta per manus opinione, quàm certo aliquo testimonio nixum. Ioanna Princeps Santillanæ Marchioni fidei obfes à patre data, Butracumq; deducta est. grâdis ignominia: sed singit-



li proceres carissime suam operam ignauo Principi venditabant, id habituros rati, quod rebus turbatis extorsissent. Idoneo exercitu conflato, Medinam versus Rex iter instituit. Olmedum, quod deuium non est, ventum erat. Coniurati transitu regias copias prohiberi, instructa ad pugnam acie, portis egrediuntur. Henricus certamen exhorrebat: verum auctoritate fluxa, ardentibus proceribus cupiditate dimicandi prohibere non potuit. insignis pugna fuit in paucis ea tempestate memorabilis. duodecimo kal. Septembris ipso Diui Bernardi festo die, magno impetu concursum. diu pugnatum. ancipiti victoria est discessum: eaque opinio præferebatur, ut utrique victoriæ lætitiâ celebrarent, noctis superuentu dirempta pugna. coniurati se se Olmedum retulerunt cum Alfonso Principe regii duo millia pedites, equites mille septingenti itinere instituto Medinâ abierunt. Neque Henricus prælio interfuit, Petri Peraltæ consilio, periculo sub ipsum conflictus tempus subductus (non absque suspitione fraudis, quod coniuratis ex arcano faueret ad eos legatus: Toletano amicus esset, filia paulo ante Troilo Toletani filio nuptui data) neque Villenæ Marchio militaribus Diui Iacobi comitiis in Carpetanis districtus: ubi suffragiis militum ipso tempore eius militiæ Magister institutus est. Impudentissimum facinus, potentia immensum aucta, atque ceteris Principibus maxime formidabili, vniuersæ tragœdiæ auctor princeps, atque præclarus, vnde supplicia vereri debuit, noua præmia cumulabat, struebat opes. In Vasconibus Eleonora Fuxensis pro patre Aragonio vicaria res gerebat. quo tempore Viana Pompelonensis Episcopi Nicolai Echauarii diligentia recuperata pulso Castellæ præsidio, natus est Eleonoræ nepos Franciscus, cui Phæbo inter eius gētis Reges cognomen fuit, ex Gastone Fuxensis filio & Magdalena vxore. nouo deinceps partu Catharina edita est: qua fratris herede Vasconum regnum ad Labretos transiit, nobilissimam in Gallia familiam: uti competenti loco est explicandum. Tarracone Aragonius intentus bello Catalaunico, multusque erat. quamuis annis grauis, atque utroque captus lumine, viuendum spiritum retinens. In ea vrbe Eleonoram filiam notham Ludouico Beamontio Lerini Comiti connubio iunxit. data sponsalia die viges. secundo Ianuarii nouo anno Millesimo quadringentesimo sexagesimo octauo, auspice Petro Vre rea Tarraconensi Præsule Alexandrino Patriarcha. dos dicta quindecim florenorū millia. id blandimentum ad eā Vasconum familiam promerendam, cum primis potentem ac validam datum est. Sed nullis beneficiis perfidia vincitur. Cæsar Augustæ Aragonii conuentus erant. Regina pro viro actionum præses morbo oppressa, atque extincta est Idibus Februarii, magno viri luctu, atque diuturno, se sene, filio, puero rempublicam importunissimo tempore tali præsidio destitui dolentis. erat enim magno ac constanti animo, ingenio bellicis rebus iuxta ac ad rempublicam gerendam idoneo. Paulo ante obitum Exeæ ad Aragoniæ fines, cum Eleonora Fuxensis vxore, priuigna sua, collocuta, fœdus pacemque sanxerat, eosdem amicos inimicosque ambabus fore. Animum virilem, sermonem militarem. defunctæ corpus ad Populeti compositum est, vna nota ad posteritatem deformata, quod Carolum priuignum veneno peremisse credita est: flagitiique memoriam morientis animum in primis sollicitum habuisse, conscientiæ stimulis sedandis, mœrore depellendo nullum satis idoneum remedium solariumque inuenisse.

*Alfonsi Principis obitus.* CAPVT XI.

Castellæ motibus frequenti fama Romam perlatis, & ex Henrici literis ad Paulū Pontificem, seditiosos Episcopos loco moueri, proceres anathemate feriri postulatis, Antonius Venerius Legionensis Episcopus cum potestate legatus in Castellā, prælio ad Olmedum facto, Henricum Medinæ Campestri priorem adiit. id maiestati datum. à factiosis vix impetrata colloquii facultate semel & iterum cum verborum contumelia repulsus est. ne violaretur personæ, quam gerebat, dignitas valuit. diras denunciante, Pontificis partes negarunt esse de republica statuere: & ad concilium proximum ab ea denunciatione prouocarunt. Suscepta prauitate in peiora præcipitat obduratus animus: neque vlla religione mouetur. Nouo incommodo Henricus perculsus. Ioannes Arias Segobiensis Episcopus, quod Petrum fratrem ærarii rationibus præfectum, in custodiam tradidisset, nulla culpa, Hispalensis tantum fraude, memor iniuriæ, beneficiorum immemor, quamuis liberato fratre, Prexano eius vicario, Mesaque Priore Hieronymiano consciis, adiutoribusque, Segobiam coniuratis prodere statuit urbem munitam atque amplam montibus impositam, quibus Vltior Castellā à ceteriori discluditur, Vaccæ à Carpetanis. Re constituta proceres aduolant. in repentino metu, Regina & Alburquerquei vxor vix impetrarunt, uti in arcem reciperentur, à Petro Munsario Præfecto infecto partibus ex arcano. Isabella



Isabella Regis soror conspirationis conscia, in regia restitit: vrbeque capta ad Alfonso  
 fratrem se contulit, eius partes secutura. Celeriter hæc fama, ac nuncii ad Henricum  
 præferuntur, Medinæ Campæstris se tenentem, nihil in vita molestius accidit ea vrbe a-  
 missa, quam patriæ instar habebat: vbi thesauri erant, & voluptatum instrumenta. Ex eo  
 non minus consilii, quam auxilii inops aberrare mente nemini satis fidere: suos hostes-  
 que iuxta metnere: circumspectare omnia: seque repente in contraria vertere: nunc  
 placere arma, rursus ad pacis consilia reuocare animum. quæ ob insitam ignauiam præ-  
 ualuere. colloquio cū Villenæ Marchione Cauca oppidum designatum dissuadentibus  
 suis, deinde quia nil proficiebatur deferentibus. Ergo Caucæ nihil effectum est. in ar-  
 ce Segobienſi colloqui placuit. fœdus nihilo stabilius, quam priora futurum, in has ta-  
 men conditiones fit. Segobiæ arx Alfonso traditor. Thesauros inde mouendi, Henri-  
 co facultas esto, Madriti in arce asseruandos Petro Munſario præfecto. Regina, Hispa-  
 lensis potestati permittitur asseruanda, datæ fidei obſes. His rebus confectis intra sextum  
 mensem rerum administratio Regi à proceribus redditor. Pudendam conditionem, mi-  
 ſerum reipublicæ statum. quam turpe leges Principi à subditis dici, ludibrio toties ma-  
 iestatem haberi. Id ignominiosum maxime, quod Regina ad Alahegium arcem, à iuue-  
 ne quodam, in quem procaces oculos ipsa coniecerat, stupro oblato prægnans effecta  
 est. Proh nefas, dedecusque gentis Hispanæ. Sic opinio de eius fœminæ impudicitia  
 suscepta animis, vehementer confirmata est: causaque coniuratorum procerum meli-  
 or quam antea visa. Rex in tantis malis pene ab omnibus destitutus, mente etiam perer-  
 rare, vagarique priuati propemodum habitu, decem tantum equitibus stipatus. quod  
 extremum erat, Placentiæ Comitibus fidem experiri, seque eius potestati permittere con-  
 silium fuit. in eius vrbis arce splendide acceptus, habitusque quatuor mensibus hæsit.  
 Quo tempore Ioanne Mella Cardinali defuncto (cui Seguntina ecclesia commendata  
 erat à Pontifice, post Petri Luxeni obitum) Petrus Mendozius in eius locum cooptatus  
 est, Diego Lupo Decano Seguntino deiecto: qui superiori tempore Canonorum suf-  
 fragio Mellæ Cardinali obiectus fuerat. Noua à Romano Pontifice legatione proceres  
 ad sanitatem inuitati: & quoniam non parebant, piorum numero sunt exempti. Sic  
 quoque non terrentur: graue id tamen decretum fuit. legati Romam amandati: neque  
 facta tamen iis Pontificem conueniendi potestas, ac ne ad vrbe quidem accedendi,  
 nisi iuratis Alfonso regis titulos haudquaquam adscripturos. admissi tadem, grauissi-  
 misque verbis increpiti mandatur: vti Pontificis nomine diras omnes coniuratis de-  
 nunciarent, nisi mutarent. Impios ausus nemini impune extitisse: neque fore ipsis. vin-  
 dicatura numina si homines cessarent. Iuuenem Principem alienæ culpæ reum imma-  
 tura morte daturum pœnas. Inane oraculum non fuit: & eo Pontificis studio aliquid  
 momenti Henrici rebus allatum. præsertim per idem tempus Toletum vrbe in potesta-  
 tem redacta, hac occasione. Petrus Aiala Toletanis iura dabat vrbis Prætor. eius leuir  
 Petrus Sylua ex Dominicano ordine Pacis augustæ Episcopus, consilio cum Maria Syl-  
 ua sorore sua. Prætoris vxore communicato, Regem Placentia euocat. Ille nuncio læ-  
 tus biduo peruenit festinato itinere: vt si quid à Toletanis moueretur, celeritate præ-  
 curreret. Intempesta nocte in Dominicanorum cœnobium inuectus est: quod in ipso  
 vrbis vmbilico eminet. Indicio facto, populus æris pulsu ad arma concitatur. Henrico  
 in periculo Petrus Aiala, qui rei gestæ erat ignarus, auctor impulsorque fit, ne in ea col-  
 lusione publico maiestatem offerret: ac potius de media nocte, cum tumultus resedisset,  
 vrbe discederet. sic factum. deducuntibus Peraſanio Riferæ Pelagii filio, atque duobus  
 Petri Aialæ filiis Petro Alfonsoque mœstus abscessit. Petrus etiam Episcopus vrbe  
 relinquere est compulsus. Successit facti pœnitentia. importunis vxoris precibus ac la-  
 crymis victo animo, Prætor Henricum intra diem quartum reuocat. omnia opinione fa-  
 cilia fuere. Importuna tantum plebis efflagitatione vetera vrbis priuilegia confir-  
 mata, noua extorta. Petro Aialæ fidei præmium fuit Fuenſalidæ Comitem renunciari.  
 eidem denuo vrbis cura est concredita. Henricus Madritum abiit: Petrumque Mun-  
 ſarium arci præfectum, quoniam in fide nutabat, vinctum præfectura amouit: deinde  
 liberum abire iussit. Toleti amissæ nuncius coniuratos proceres perculit. Areualo profe-  
 cti sese eam vrbe obſeffuros minabantur. Eo consilio Abulam festinantes, res inopi-  
 na luctu grauissimo perturbauit. In via pagus est Cardegnioſa nomine. In eo pago Al-  
 ſonſus Princeps repentina vi morbi oppressus, atque extinctus est ad tertium Nonas Iu-  
 lii. Corpus Areualum relatum, & in D. Francisci sepultum, consequentibus annis in  
 Burgenſe Carthusianorum monasterium translatum est. de obitu non vna opinio fuit,  
 alii peste decessisse, quæ lues iis locis vehementer grassata est, plerique veneno affirma-



runt, trocta medicata: idque certis indiciis in corpore extincto à medicis deprehensum. Alfonsus Palentinus in Henrici Regis historia, qua in ceteris libertate, id pro certo ponere non dubitavit. tetri parricidii auctore etiam designato Villenæ Marchione. quid enim vir eximius tanto dedecore familiam fœdasset? aut quæ culpa in puero esse potuit vix sedecim annos nato? in tantis motibus, tantaque rerum omnium labe, vituperationibus æque ac laudationibus, corruptam huius temporis historiam arbitror.

*Ferdinandus Rex Siciliae renunciatur. Cap. XII.*

**R**Enatus Andegauensis ultro delatum à Catalaunis principatum sine cunctatione arripuit, ambitione mala inductus, & in studium incitatus acceptas ab Aragoniis iniurias vindicandi. ætate grauis venire ipse non potuit. filius Ioannes Lotaringius, is quem ex Italia pulsum diximus, ad capeffendum imperium amandatur, propriis viribus polens, & Gallicis auxiliis formidabilis: quorum partem Gallus bello ciuili, atque difficillimo, quod cum fratre Bituricum Duce & Carolo Burgundo gestum erat, liberatus miserat, fœderis Aragonii immemor: pars aliquanto post à Ioanne Armeniaco adducta: cum quo Lotaringius non modo fœdus iunxerat, sed fraternum etiam ad rem bellicam nomen. Tantis præfidiis initia Lotaringio lata, patem exitum non habuere. venienti Barcino portas aperuit. versis ad arma animis, belli pondus in Emporitano maxime incubuit. Accurrit Aragonius ad præsidium mari, senex quamvis cæcusque. ad Rhodopem seu Roses Aragoniorum manus in pugnam ultuaria victa est. Gallicus exercitus Gerundam adductus: si pedem Rocabertus præsidio Præfectus, alique Duces portis efferrent, acie decertaturus: si bellum mœnibus propulsarint, urbem munitam & opulentam in potestatem assidendo redigere spes erat. Magno animorum ardore erumpentibus Aragoniis aliquoties pugnatum, maiori obsidentium quam obsessorum damno. Ferdinandi aduentu, cum copias omnes in urbem induxisset, obsidio soluta est. Verum ea lætitia graui molestia commutata est, Ferdinando, ex urbe egresso & ad Villademarium oppidum à parte Gallici exercitus acie superato cæsi ex Aragoniis multi. Princeps fuga euasit. Rodericus Rebolledus tanti nominis dux, dum eius tuendi studio nullum virtutis finem facit, in hostium potestatem venit. Gallorum primi impetus plusquam virorum validi, arte potius quam viribus sustentandi sunt. id consilium captum. præfidia modo locis idoneis disposita. appetente hyeme, Alfonso Aragonio eius belli cura concredita, Ferdinandus Cæsaraugustam abiit, vbi conuentus gentis erant: matrique Reginæ, vti paulo ante dictum est, ex morbo decumbenti atque agenti animum affuit. Matre defuncta, patre cæco ac septuagenario, rerum & belli moles in Ferdinandi humeros incubuit, in minori quamvis ætate, virtutum indole eximia, atque præstanti. Auctoritate opus erat ad tantas res administrandas. Siciliae Rex in ea urbe renunciatur paterni imperii ea parte consors, iisdem propemodum diebus quibus Alfonsus Castellæ Principem decessisse monstrauius. Superi illi ingens imperium destinabant in Italia, Hispaniaque: gloriamque regni Granatensis sublata. Nunciata Cæsaraugustæ Alfonsi morte, continuo Petrus Peralta cum amplissimis mandatis & procuratione ad coniuratos Castellæ proceres remittitur, Isabellam Ferdinando coniugem expetitur. Cæsaraugustæ Aragonis substitit: in Catalaunos Ferdinandus rediit: vbi bellum mari terraque gerebatur, magno periculo Aragoniarum partium. Lotaringio summa votorum erat Gerundam occupare. ea urbe capta, cætera prona fore iudicabat. Eo consilio sese in Galliam retulit, ad belli subsidia colligenda. breui operæ pretium factum. in Ruscinonensi agro & Ceretanis, quindecim millia hominum sunt scripta. iis copiis ad veteres adiunctis pares Aragonii non erant: neque ad Gerundenses denovo obsessos, magnoque conatu impugnatos quidquam commeatus inferendi facultas. Ioannis tamen Margariti eius urbis Episcopi, atque aliorum ducum virtute & diligentia in magno periculo & inopia sustentatum. Ferdinandi Regis vires alio conuersæ: Berga que oppidum ex deditioe in potestatem redactum, Septembris die septimodecimo. Eo successu melioris fortunæ omen apparuit, præsertim Aragonio restituta per eos dies videndi facultate. res comparanda miraculo. Abiabar Iudæus Ilerdensis artis medicæ & astrologiæ peritissimus, curationi est adhibitus. Considerata astrorum positione ad tertium Idus Septembris acu dextri oculi albugo deterfa est, lumenque repente oculo insinuatum. recusabat Iudæus tanti discriminis aleam rursus subire: negabatque astra nouo conatui fauere. alterius luminis vsum sufficere. quid humanis viribus maiora tentarent cum periculo? Consilium cautiore probabat. Rege tamen vrgente ad



te ad quartum Idus Octobris repetita curatione sinister oculus sanatus etiam est. Suscep-  
ptam ex Regis sanitate lætitiā, vti par erat singularem, soluta Gerundensis obsidio, quo  
metu cunctorum animi suspensi erant, breui confirmavit. hyemis superuentu & rerum  
difficultate alacritas, cum qua Galli venerant, concidisse videbatur. In Lusitania, Ioanni  
Regis Lusitani filio Eleonora patruelis desponsa est. Ioannam Castellæ Reginæ filiam  
antea pactam, fuisse furto conceptam, matris male tectæ libidines confirmarant. Eleono-  
ræ nouæ sponsæ pater Ferdinandus Visei Dux classe instructa, sua an Regis impensa,  
transmittit in Africam: aliquotque victoriis de Mauris partis in patriam reuerso, sine an-  
ni ex vxore Beatrice Ioannis Diui Iacobi in Lusitania Magistri filia, proles suscepta, cui  
Emanueli nomen fuit: consequentibus annis, regnum Lusitanum hereditate obuēnit.  
In eius ortu signa in cælo visa, quæ infantis gloriam & maiestatem portenderent Lusita-  
ni memorant: gens suis Regibus celebrandis, colendisque, atque earum rerum observa-  
tionibus cum primis addita.

*Castellæ regnum Isabella oblatum.* CAP. XIII.

**A**lfonsi Principis obitus multorum animos ad Henricum auertit. concordia haud  
stabilis fuit, mox bellum diuturnum & graue: quo Hispaniæ opes attritæ sunt. Bur-  
geses Toletanorum exemplo ad Henrici imperium rediere. consilii auctor Petrus Ve-  
lascus. ab Hispalensi, Beneuentano, aliisque proceribus, qui Madriti cum Henrico e-  
rant, in eius verba nouo sacramento iuratum. coniurati tanto repente præsidio nudati,  
vt esset cuius nomine ipsi regnarent, Isabellæ Areualo Abulam deductæ, regni nomen &  
insignia deferenda censuerunt. Toletanus puellæ animum longa oratione ad capeffen-  
dum imperium incitare conatur, iure suum. Regiæ dedecus, ignauiam, socordiam, im-  
pudicitiam, suppositos partus in spem alieni regni, æternas gentis maculas commemo-  
rat, eius auctoritate & præsidio vindicanda. Nullum laborem, aut periculum patriæ de-  
negare fas esse. Ad hæc illa. Pro vestro studio gratias, inquit, ago maximas, vtinam refer-  
re aliquando possim. sed conatus istos tamen, optimo animo quamuis susceptos superis  
non placere, fratris heu immaturus obitus indicio sit. Qui res nouari, & regna cupiunt  
mutari, qd aliud quā grauiora accersunt mala? factiones, dissidia, bella? quæ vt vitentur,  
alia reipub. vulnera dissimulari, an nō satius iudicatis? Duos Reges neq; rerū natura, neq;  
dominandi conditio fert. Nullus est idē & diuturnus & præcox fructus. Ego serū regnū  
mihi obuēnire cupio: vt vita Regi diuturna sit, & æterna maiestas. prius ab oculis mor-  
talium auferri necesse est: quam ipsa imperii nomen inuadam. Henrico ergo regnum,  
reipublicæ pacem reddite. nobis vestri huius studii is erit fructus multo maximus. Ex-  
pressit ea modestia non assensionem modo sed laudem, magnitudinē animi cunctis qui  
aderant admirantibus, contemnentis quod ab aliis per flammam gladiosque petitur:  
dignamque eo ipso iudicabant imperio, quod offerebatur: sed grauis erat tam longa  
reipublicæ iactatio. Itaque ad concordiam reuocati animi, præsertim missis ab Henrico  
legatis: qui proposita venia coniuratos ad sanitatem inuitarent. Hispalensis procerum  
rogatu, Regis permissu Abulam contendit. Eo internuncio, annitenteq; Andrea Cabre-  
ra regiæ Magistro, hæc conditiones scriptæ futuræ pacis. Isabella fraterni regni heres re-  
nunciator, Abula, Vbeda, Medina Campestri, Olmedo, Scalonaque disunctis oppidis  
in eius potestatem contraditis, iurata modo, ne cuiquam nubendi fas sit, nisi regio con-  
sensu. Regina filiaque in Lusitaniam amandantur, permissu Pontificis Romani, repudii  
libello dato. Coniuratis venia esto, bonis omnibus restitutis & honoribus, quæ dissidii  
tempore erant ablata. His rebus perficiendis quatuor mensium spatium designatum. Eæ  
leges Sanctillanio Marchioni & fratribus, qui sub idem tempus Madritum venerant,  
non placuerunt. Ioannam, quam in potestate habebant, præferendam iudicabant. con-  
firmatum id studium est Regine fuga: quæ adiutore Ladouico Mendoza è custodia e-  
lapsa, noctu ad filiam Butracum abierat, magno Hispalensis dolore, cuius fidei erat con-  
credita, geminæ prolis custodiæ tempore mater effecta, Ferdinandi atque Apostoli: quos  
Toleti in D. Dominici regio virginum monasterio educatos occulte, pro constanti tra-  
ditur, præfectæ cura: quæ Petri Regine constupratoris, eiusdem arcto consanguinitatis  
gradu Hispalensem attingentis propinqua erat. Colloquio Principum nihilominus Gui-  
fandi monasterium delectum est: quod Cadahalsum inter & Cebretum oppida cernitur  
medio ferme itinere, quo Madrito Abulam itur. Eo loco multa fœdera sunt facta. singu-  
li proceres id habituros sperabant, quod à Rege sororeve extorsissent, bello defessis pa-  
cis auidissimis. Henricus & Villenius arcano colloqui memorantur. quid sanxerint



memoriæ non est proditum. opes potentiamque Villenii iis sermonibus confirmatam euentus indicauit. Aderat Antonius Venerius Pontificis legatus. ab eo proceres iurifurandi, quo se Alfonso Ioanneque Principibus, obstrinxerant, religione exoluti sunt: quæ per se tamen rebus mutatis, & capitis diminutione sublata erat. In Henrici verba nouo sacramento adacti. Isabella soror pari consensu & religione regni hæres est renunciata. vtrunque ad tertium decimum kal. Octobris die Lunæ peractum est. Cæteris proceribus venia data. in Arias fratres, qui Segobiam obtinebant, ira peruiacior fuit: cuius explendæ occasio venit. pace facta, restitutisque vrbibus, ii præfectura amoti: atque Andreas Cabrera Segobiæ præfectus est datus: qui illi gradus ad magnam potentiam fuit, paresque opes. In agro Toletano oppido Petromoro metentibus segetes, inter manus sanguis copiosus effluxit è manipulis manans: quæ res in præsentī miraculo fuit: deinde eas calamitates portendisse obseruatum: quæ Hispaniam opprefferunt. Villenius non minori quam antea gratia rerum arbiter esse cœpit, cæteris proceribus tantam in Henrico focordiam frementibus accusantibusque. eo amplius quod cum Isabella sorore Ocaniā abiit, 1469. appetente anno Milefi. quadringesi. sexagesi. nono, nunquam sui arbitrii sed in alieno mancipio futurus. & erat Villenio destinatum, Isabellam Lusitano Regi connubio iungere: eiusque suasu legatus in eam rem venit è Lusitania, Alfonsus Noguera Olisiponenfis Episcopus, adiunctis aliis viris primariis. Toletanus contra tendere: missoque Petro Peralta Isabelle animum ne expugnaretur confirmare, ad Aragonium propensæ. Ita de coniugio Lusitano appellata, præcise se id facturam negauit. Dabat consilium Villenius, Isbellæ vim adhibendam, maloque cogendam fraternis iussis obtemperare. Henricus ancipiti cura distractus, quod tutius videbatur, Lusitanos legatos in præsentī dimittit. rem nondum maturam esse, atque in aliud tempus reiiciendam videri. & noua occasio erat oblata. Cardinalis Atrebatensis à Gallo legatus, Isabellam Carolo sui regis fratri Duci Bituricum coniugem dari expetebat. Ex eo procerum studia in varias partes diducta: nouique dissidii semina iacta, vix veteri sublato. Bética enim vna ex omnibus prouinciis, vt arma poneret adduci non potuerat: vbi Ioanne Affidonix Duce defuncto, Henricus filius nothus successerat, paterni principatus non magis quam factionum & simulatam hæres. ei adiuncti Arcobrigæ Comes, atque Alfonsus Aquilarius Isabellæ nomine tumultus concitabant. Eo maturandum iudicatum. Dieghus Villenii filius patre expetente, Villenæ Marchio renunciatur: ipsi Villenio Diui Iacobi Magistri nomen, & auctoritas, regia & Pontificia auctoritate cōfirmata, Isabella Ocaniæ relicta, denuo nisi fratre conscio, de suis nuptiis nihil constituturā iurata. Beneuentanus & Petrus Velascus Vallisoletum amandantur, reip. moderatores Rege absente eius vicarii futuri.

*Nuptia Isabella & Ferdinandi.* CAP. XIII.

Rebus ad hunc modum compositis, Henricus quidem in Beticam abiit: sequebantur D. Iacobi Magister, Episcopi Hispalensis, Seguntinusque. modicis itineribus ad Ciuitatem regiam peruentum: vbi Hispalensis substitit morbo tentatus. Giennii ab Alfonso Aquilario per conditiones dedente, in potestatem redegit: pacatisque vrbis tumultibus qui inter eum & Cabræ Comitem Petrum Cordubam erant, Hispalim cōstate festinauit. Paribi successus fuit. regia auctoritate motus procerum in ea vrbe pacati sublataque dissidia sunt. Mauri quiescebant, quod mirum videri potuit in tanta rerum nostrarum perturbatione, motuque. verum limitibus præfecti præstanti virtute Duces, atque in primis Magister equitum ad omnem occasionem erecti, vigilesque vim inferri nostris finibus vetabant: motusque intestini recens inter Mauros concitati impedimento erant, bellum meditantibus. Alquirfotes Malacæ Præfectus, magna militari scientia, magnaque nominis fama, ea vrbe occupata, ab imperio Albahaceni defecit. Aderant gentis studia à Rege Mauro alienæ: & fere ea natio pro mobilitate ingenii imperiorum mutatione gaudet. Ventum ad arma. pars cum parte ferro confligit. Alquirfotes viribus inferior & causa, Henricum Regem de fœdere appellare constituit. Archidona ad fines vtriusque gentis oppidum, colloquio delectum est. eo Maurus cum magnis muneribus latus venit. ab Henrico auxilia promissa: qua occasione Albahacenus correptis armis sæpe in nostros fines incurrit, hoc & proximo anno. hominum pecorumque ingentes prædæ ablatae. agri atque oppida incensa. Barbari dolore perciti eo prouecti sunt, vt supremo conatu virtutis edito, multo longius quam antea terrorem bellum circumferrent. magna clades ea fuit, ac veteribus comparanda. nullum tamen insigne



insigne oppidum nostris ablatum. variæ modo manus militares vniuersa Bætica, & per Contestanos vagari: latrocinio bellum simile fieri. Ad Isabellam referenda narratio est. quam Ocaniæ relictam, tot tantique vno tempore Principes in coniugium expetebant. Inerant magnæ virtutes, prudentia, pudicitia laus, forma conspicua, idonea ætas, sed dos multo amplissima. Pluribus licitantibus, Lusitatio viduo, Bituricum Duci externo inueni, Ferdinandus est prælatus, felici omine atque præclaro. multum Aragonii diligentia contulit: muneribus (quæ ars nimium multorum experimentis tutissima visa est) aulæ as-  
 10 seclæ illecti. Principem auctoritatis & gratiæ locum apud Isabellam Guterrius Cardenas inferre epulas, & explorare gustu solitus, atque eius auunculus Gonsalvus Chiaconius obtinebant. hic oppido Casarruio, ille Maqueda promissis expugnati. addita plura alia dona promissaque. His & Tolerano agentibus coniugii conditiones scriptæ sunt; quarum summa eo referebatur: Vt Henrico Regi superstiti sua auctoritas constaret: defuncto rerum Castellæ summam Isabella administraret. neque Ferdinandus suo nomine quidquam donaret: ne magistratus externis mandaret. De immunitate, iure & legibus gentis ne quicquam diminueret: ac nisi vxoris voluntate reip. vllam partem attingeret. Hæc omnia arcano constituta sunt. Ferdinandum Catalauni belli cura detinuit: vbi Gerunda nouo conatu ab Aragonii hostibus obsessa deditionem facere compulsæ est. Noua etiam tempestas in Vasconibus erat concitata, Nicolao Episcopo occiso: quæ Talla-  
 20 fallam ad Eleonoram Principem venientem eius accitu, occisum esse constabat, Petro Peralta cædis auctore. Missi, qui coram Aragonio scelus vindicandum disputarent: ne impunitate confirmaretur audacia, & sceleris religio non vindicati infixæ animis, gentis calamitate lueretur. ab eo Tudelam fraude occupatam: præterea multis oppidis immunitates concessas abs Rege querebantur, quasi de alieno liberaliter. Stellam & contributum agrum Castellæ imperio detraheret. Fuxensis impatientia imperandi agitari, resque spectare ad arma videbatur. eo non minus Aragonio exosus erat, quam eadem de causa antea Carolus. mite tamen responsum legatis Vasconibus datum, ac tempori conueniens. Petro Peralte impune tamen fuit sacram Pontificis personam violasse. Isabella vim verita si diutius Ocaniæ subsisteret, in vltiorem Castellam abiit. Olmedo exclusæ, quod oppidum Placentiæ Comitis præsidio erat occupatum, Madrigalem contendit, vbi eius  
 30 mater erat. Tantæ molitiones occultæ esse non poterant. D. Iacobi Magister Hispalensis Cauce se tenenti post confirmatam valetudinem, vt Isabellam in potestatem redigat impense suadet. Illius conatus, Toletani & Præfecti maris caleritate occupantur. cum iusto equitatu puella Vallisoletum deducta est, amplissimo municipio securior futura, Toletani præsidio. Non minori sollicitudine Ferdinandi animus angebatur. In ipso belli ardore, quod in Catalaunis erat, Valentiam abiit, ad pecuniam redigendam, quæ ex pacto sponsæ numeranda erat, vnde aulæ cultum sustentaret. Inde Cæsaraugustam repetens, quoniam res moram non recipiebat, dissimulato habitu, tantumque quatuor comitibus, ad Vxamam Manricum Treuigni Comitem, qui in parte coniurationis erat, obuium habuit. Eo & ducentis equitibus stipatus Donnias peruenit: quod oppidum  
 40 in Petri Acunii Comitis Buendia, Toletani fratris ditione erat. Sponsa conuenta, rebusque omnibus instructis, Vallisoleti in ædibus Ioannis Biueri, qui ærarii rationibus præfectus erat, vbi nunc iuridicundo conuentus habentur, sponsalia præbita die Mercurii ad quintumdecimum kalen. Nouembris. Proxima luce nuptiæ confectæ. lege propinquitatis Romanus Pontifex Pius secundus soluerat. hic à Toletano affirmatum inuenio, tempori accommodato mendacio: vt Sixti Pontificis de ea re diploma indicio est postmodum datum. Erat Ferdinandus ætate minor, ac vix sedecim annos natus, conspicua tamen forma, militari corpore. Litteræ ad Pontificem, Henricum, Reges, aliosque Principes & proceres datæ: quibus festinatas nuptias excusabat. moderatus cultus fuit: precario pecunia in quotidianos sumptus corrogata. Per idem tempus Henrico Aragonii  
 50 filio Segorbii ducatus est datus: Alfonso Aragonio Ripagorfa Comitis nomine, ea parte sita vrbs, vbi Ceretani fusi erant Hispaniam à Gallia dirimentes ea parte.

*Ioanna Duci Bituricum desponsa. CAP. XV.*

**H**ispali Rex erat, procerum controuersis componendis districtus: cum à D. Iacobi Magistro, qui Cantillanæ vicino oppido subliterat, de sororis nuptiis per litteras certior est factus. Magno ex ea re dolore percitus, repente profectioe denunciata Castra Iulia contendit: quam vrbe ad Bæticiæ fines sitam Alfonso Stunice Placentino Comiti dare destinabat, fidei cultæ rebus asperis præmium. Res tanta latere non potuit. ciues



genus hominum inquietum feroxque, consilio cum Gratiano arcis præfecto agitato, se id passuros negarunt, armis parati susceptam à maioribus libertatem tueri. Repugnantes malo cogere periculosum erat. Areualum in Vaccæis eius permutatione datum: quod oppidum Placentino mutæ pecuniæ pignus ab Alfonso Principe superiori tempore datum erat, de iniqua commutatione, Ducis adiecto honore & nomine aliquid mitigatum. In ea vrbe Magister Alcantaræ venia donatus est: Guterrius frater Cauria etiam vrbe. Id erat Henrici ingenium, vt plerique vnde vindictam merebantur, inde ampla præmia referrent. Allatæ præterea ab Isabella literæ, supplices quidem, sed graues; quibus delatum à morte fratris imperium repudiassè se præfata, matura ætate, Rege cessante nuptias acceleratas excusabat. Aragonium cæteris coniugiis, quæ offerebantur, magnis rationibus fuisse prælatum. Sibi matrique iniurias factas multas & graues obliuisci malle. Filiorum loco futuros se virumque, paternam modo beneuolentiam officiaque præstanti. His in conuentu literis recitatis, nullum aliud responsum datum: quam Regi Segobiam, quo festinabat, perlato eam rem curæ fore. sic nuncius dimissus. Segobiam noui legati amandati sub principia anni Mille. quadrin. septuagesimi, sui vt copiam faceret, seve adeundi nouis coniugibus potestatem postulatam, offensam egregiis officiis compensaturis, reipub. vulnera communibus opibus curaturis: quæ superiori tempore iactata, oppressaque erat. neque iis legatis aliud responsum datum, quam de re tanta consilio procerum statuendum videri. Ea causa prætexta est. re Isabelle infensus ad Ioannam, quam suam filiam dicebat, retulerat animum. Eam repetita legatione Ludouicus Gallus Carolo fratri suo, quem pro Bria & Campania ex fœdere nuper icto debitis, Aquitanix Ducem iusserat, coniugem expetebat. Legationis principes Cardinalis Albigenfis idem antea Atrebatensis, atque Comes Bononiensis, Præterea Henricum postulabat, vt vires aduersus Paulum Pontificem, cum quo controuersia erat, sociaret ad indicendum ex toto orbe Christiano Episcoporum concilium. Hoc præcise negatum, nempe certissimum dissidiorum fomentum, terri schismatis fons: cuius rei superioris temporis memoria multum exempla suppeditabat. Quod de coniugio petebatur, in aliud tempus sustentari placuit, metu, arbitror, nouorum motuum: quibus proceres & populus defessi erant, veteribus dissidiis nondum plane sublati. Nam quo hæc tempore Segobiæ agitantur, Cordubæ Alfonsus Aquilarius Diegho Cordubæ Marefcalo (is Magister 30 castrorum est) ad senatum venienti securoque manus iniecerat, nulla memoria amicitiae Rege arbitro cum patre Cabræ Comite nuper constitutæ. libertati is redditus Henrico mandante, cum ab eo iniuriæ vindictam non speraret fluxa auctoritate, socordi ingenio, Granatam profectus Mauro concedente aduersarium ad singulare certamen prouocauit, viridi iuuenta ferox, præceps in vindictam. suburbana Granatæ planicie certamini designata, dies dicta. qua die Diegho in armis ad Solis obitum perstante, quia aduersarius non comparuit, eius effigies ad equi caudam raptata est, ignominie causa: missæque in omnes partes literæ in Alfonsum contumeliosæ, rei gestæ pictura repræsentantes imaginem. Alia parte Alcantaræ Magister sui ordinis militibus imperium recusantibus, reque deducta ad arma, vnus multis, viribus impar Guterrii fratris opem implorare necesse habuit. pecunia in stipendiū quærenda erat. ea ab Albano affini & necessario mutua sumpta 40 Cauria vrbe, dum pecunia redderetur, pignore. Ea occasione Albani reguli nobilem eius vrbis principatum nacti sunt, regio etiam consensu confirmatum, atq; in hoc tempus retentum. In eo bello nihil præterea memorabile gestum: nisi quod eę copiarum ab aduersariis Tagi fluminis transitu prohibita: ac deinde nullo successu dissipatae sunt. Magister ditio- ne spoliatus, & morbo oppressus quem animi ægritudo attulit, proximis annis decessit. Substitutus in eius locum Ioannes Stunica Ducis Areuali filius, militum consensu magna ex parte muneribus, aut terroribus expresso, in Alcantaræ Magistris postremo loco numeratur. Ocania se D. Jacobi Magister per idem tempus tenebat, febri quartana laborans, maiori quam vnquam gratia, & auctoritate. Iniecisse magicis sacris Regi amentiam 50 fama erat, mendacio probabili: quod tantis iniuriis violatus, se suaque illi permitteret: prorsus vt Madritum, quo vicinior esset, se contulisse crederetur. venientem certe in curiā obuius ipse excepit, auxitque Scalona principatu. quem quia oppidani dominum recusabant, maioris beneuolentiae argumento, nulla maiestatis memoria, eo profectus de manu tradidit. Armeniaci Comes Madritum venit ex Gallia profugus, insidias, vimque veritus: quod Fuxensis filiam in scio patre sibi conubio iunxisset. Splendide habitus, cultusque, fide publica quam Galli nomine Albigenfis Cardinalis dedit, remissus in patriam est, exitium vrgente morum & vite prauitate. Cantabri veteri instituto in factiones duas Ognios & Gamboinos scissi, per hæc tempora grauiter tumultuati sunt. Iis pacandis



tandis Petrus Velasceus, qui patre eodem nomine recens defuncto, & ad Medinam Pomeriam tumultato, Hari Comes renunciatus erat, Madrito amandatus, vtriusque factionis principibus Petro Abendanio & Ioanne Muxica finibus prohibitis, tranquillitatem ex longo intervallo in eam prouinciam retulit. Erat à Paulo Pontifice venia peccatorum concessa, iis qui certam stipem contulissent (quatuor argenteos nummos qui maiori censu erant, medii trinos, tenuiores binos pendere iuebantur) adiecta lege, vt contrafectæ pecuniæ duabus tertiis in structuram templi maximi Segobienfis collatis, pars tertia ipsi Pontifici seruarietur. Vt eam veniam obtineret, Henricus Madrito Segobiâ abiit. Setubale in Lusitania Visei Dux octauo Septembris die decessit, septem & triginta natus annos hærede Diegho filio. Corpus è D. Francisci, vbi translato sepulchro in eo oppido iacuit, Pacem Iuliam translatum est, in Conceptionis tumulo extructo: quæ eadem adiuncto virginum collegio vxor Beatrix extruendam sua impensa curarat. Vallisoletii diebus grauis tumultus concitatus à populo, correptis armis est, in eos qui ex Iudæorum sanguine erant, Christianis quamuis imbuti sacris. Parum abfuit quominus Ferdinandus & Isabella Donniis ad compefcendos populares motus accurrentes armatorum concursu violati fuerint. A parte quæ minus sibi confidebat, maioriq; inuidia flagrabat, quasi Iudeis progenitoribus orti essent, Henricus aduocatus nobile municipium in potestatem redegit. Beneuentano eius custodia concredita datis etiam Ioannis Biueri ædibus: qui factioni alteri impense fauens, magnoque studio Isbellæ & Ferdinandi partes complexus, Henricum Regem offenderat. Donniis, ex Isabella Principe filia nata ad sextum Nonas Octobris, cui Isbellæ nomen fuit. Legati Galli denique ea causa venientes de superioribus nuptiis nouo conatu appellabant. re constituta Ioanna Princeps à Sanctillanio Marchione deducta est. operæ merces tantique pignoris compensatio Alcocerium, Valdoliuæ, Salmeroniumque fuere, ad veteres Carpetanorum & Celtiberiæ fines municipia præclara. Villenio cuius in ditione erant, cum vxore dotalia, Requena in Contestanis, vectigalque ex portorio & mercibus in eo oppido amplum datum. Ad Losoia vallem, Segobiam inter & Butracum, vbi Carthusianorum monasterium nobilissimum est Paularis nomine, Rex, Regina, filiaq; cõuenere: pterea D. Iacobi Magister Hispalensis, Areuali Dux, Seguntinus & fratres insigni apparatu. Eo loco Isabella publicis tabulis abdicata, Ioannæ Principis sponsalia celebrata sunt septimo kalen. Nouembris, Rege & Regina iuratis iustam prolem esse, proceribus nouo Sacramento adactis non aliam regni hæredem fore. Bononiensis Comes pro Carolo vicarius, in manum traditam accepit. cæremoniæ antistes Albigenfis Cardinalis. foeda procella fuit. ventorum, imbrium, & niuiũ tantum, vt Gallis legatis, peracta eius diei celebritate, Segobiam repetentibus in vitæ discrimine, nonnulli è familia vi tempestatum perierint. Inauspicatum ex eo coniugium fore quidam augurabantur otio curiosi alendis rumoribus apto. Inde honoris causa deducente Seguntino Episcopo Burgos vsque in Galliam sese legati retulerunt rebus ex sententia patris læti: noui & grauissimi belli inter Hispanos Gallosque parata materia, nisi numina de cælo miserata tempestatem auertissent. Gallo Regi paulo antea proles erat nata cui Carolo nomen fuit. Dux Aquitanus cum spe fraterni regni obtinendi hereditate, vita etiam spoliatus est, non toto deinde biennio circumactõ: quod competentem repetendum loco est.

*Trium Principum obitus. CAPVT XVI.*

VNo tempore Aragoniæ opes nouo coniugio auctæ, multisque partibus concussæ sunt. Viginti in Catalaunis bello, in Sardinia, atque Vasconibus mota arma occasione non eadem, pari conatu. Sardi Duce Leonardo Alauona sunt tumultuati. Natus is Saltagi regulo, maternum genus ad Arboreas referebat, veterem in ea insula & præpotentem familiam: quo fretus iure, Salvatore Arborea Oristani Marchione sine filiis defuncto, eius principatum quoniam legibus non fidebat, armis petere constituit. Non vno loco pugnatum est. multa oppida & arces de Rege aliisque proceribus capta. in Prorege Nicolao Carrocio, plus auctoritatis ad compefcendos insulanos, quam virium & potentia erat. Eo bellum diuturnum fuit. Fuxensis imperandi cupiditate armis correptis, adiunctisque Beamontiis, magnam in Vasconibus prouinciæ partem Aragoniõ detraxerat. Tudelam castra promouerat. parum spei erat voluntate cessaturum. præmissis Cæsaraugustano Episcopo, ipse Aragonius eius pater, ea quamuis ætate, arma sumpsisse memoratur, septumque validis copiis coegisse generum, vti obsidionem solueret. Missis ab vtraque parte legatis, de compositione agi cœptum. Oliti tandem facto fœdere posita arma sunt. Regium nomen Aragonius retinuit. rerum administratio Fuxensi



& vxori perpetuo est commendata. Cum utroque nuncius ex Gallia allatus vehementer perculit. Carolo Aquitanie Duce noui principatus, atque pacti cum Ioanna coniugii letitiam, conuiuio, ludis, spectaculis celebrante, in ludicro militari Gasto Fuxensis & Eleonore filius, contractæ ipsiusmet haste in aduersarii pectore assula per castidis bucculam in os reflexa, lethali vulnere afflictus est, viginti sex annos natus nono kal. Decembris, die Veneris. Cadauer Liburna, vbi extinctus est, Carolo leuiro curante funus, Burgigalam delatum, atque in Diui Andree templo eius vrbs maximo tumultu est compositum. Franciscum cognomento Phœbum, & Catharinam ex Magdalena vxore reliquit; teneris annis ineptos imperio, deinceps Vasconum Reges. Tantis curis, tantoque dolore perculsum Aragonii animum, maior sollicitudo de filii salute vrebatur: quem neque in Castella relinquere tutum erat, multis aduersariis circumfusus, Rege infenso: neque reuocare commodum, eius imperii successionis ambiguo iure, euentu incerto. Toletanus, in quo certissimum rebus presidium erat, alieno esse animo ferebatur virum ambitiosum, cupidumque imperandi Ferdinandus offenderat adhibitis ad arcana consilia Guterrio Cardena, Alfonsoque Henrico auunculo; suo. aliquando etiā iuuenili impudentia palam edixerat, sibi deliberatum esse, nullius imperio seruire: quod aliis Principibus calamitosum extiterat, ignominiosumque. Altius id verbum in Toletani pectus descendit, quam par erat. de discessu cogitantem arte Aragonius detinuit, filio per literas castigato, iussuque rebus omnibus Toletani consilium cæteris præferre omnibus: vnumque parentis instar omnibus officiis colere. Parum ea diligentia profectum est. omnem medicinam eger Toletani animus respuebat. Belli Catalauni breui conficiendi magna spes affulsit Io. Lotaringio Barcinone, vbi erat in hibernis, morbo opportune sublato, die Decembris sexto decimo. corpus in templo maximo sepultum, pompa funeris exigua, popularique. Factiosi eo quamuis presidio nudati, haudquaquam animos remisere. Gallū euocare cōstituunt, haudquaquam recusaturum ad Ruscinonenses Ceretanosque reliquā Catalaunorū prouinciam adiicere. eo consilio, edicto sanciant neminem in arces vrbesque admittendū viduas rectore: nisi Renatus ipse Andegauensis veniret, aut nepos Nicolaus defuncti filius: qui iā se Aragonie Principem ferebat, Calabrie Ducem. inanes tituli, & sine prouentu nomina. Vtriusque ætas inutilis bello erat: & occasio quæri visa est, eos Principes abdicandi, maiorique presidio mutandi. Proceres Castellæ variis artibus versati agitati; sunt ab Aragonio: 30

Paciechus nouæ ditionis, cuius erat auidissimus, iniecta spe: Toletani animus ad mutandam fidem procliuis, ut videbatur, promisso amplo principatu filiis Troilo Lupoque. ut cuiusque studia erant, aliis pecuniam, aliis honores, aliis oppida pollicebantur, fidem opemque magno licitantes. donis fallacibus neuter cessit. Toletanum quoque in partes attrahere Henricus Rex satagebat. nulla arte obstinatus animus vincebatur, malo cogendus visus est. à Vasco Contrerio Peralium illius oppidum presidio occupatum. Toletanus omnis insolentiae impatiens, fortique ad sustentandum fortunæ impetum animo, collectis copiis eo continuo aduolauit. sequebatur Arias Segobienensis Pontifex. Henricus ne prima negligendo graue bellū existeret, Madrito quo Segobia celeriter abiit, nouo 40

1471. anno Milesimo quadringentesi. septuagesimo primo octogentis equitibus stipatus, & numero pediatu obsidionem disiecit: Toletanoque Complutum profecto sese ipse Madritum retulit. Noua tentata via factiosos Præsules sanandi atque Henrico Regi conciliandi, cui erant vel maxime infensi. à Pontifice Romano gemino diplomate ablato, altero Ariæ Romam dies dictus, ex eo die, quo denunciatio facta esset, nonagesimus. Toletano Præsuli diplomate altero ut mutaret, mandatum, Henricoque satisfaceret. Si obtemperare recusaret, quatuor sacerdotibus Toletanis cognitio data: quam de scripto conceptam Romam mitterent. Ii iudices à Collegio Toletano Sacerdotum summi templi designati, ne quod iussi erant præstarent, Magistri Diui Iacobi arte impediti sunt. Præuaricatio ea tempestate ignominiosa non erat, inter proceres maxime: quorum augendis oppibus controuersias existere commodum erat, nulla honesti cura, præ ambitione mala, cupiditateque. prorsus ut vniuersa prouincia præde haberetur. varia oppida proceres pro se quisque occupabant. Alcarassum Diui Iacobi Magistro abs Rege data. Roderico, Pontio Arcobrigæ Comiti Gadeis insula adiuncta eodem agente, Marchionis nomine quasi dotalis de publico: quod per eos dies defuncto patre suo Beatricem Magistri Diui Iacobi filiam sibi connubio iunxisset, idoneus, qui Assidonie Duci, cum quo eius socero grauis simulas erat, opponeretur. In Cantabria noui tumultus extabant, Abendanio & Muxica partium capitibus ab exilio reuersis, ope Treuigni Comitis; quam ille libenter contulit Petro Velasco à quo fuerant expulsi, ex priuata contentione infensus. Ab utroque collectis raptim copiis in Cantabriam penetratum. prælium ad Munguiam oppidum



pidum ancipiti Marte factum ad tertium kal. Maii. Treuigni Comes peditatu præstabat: equitum non magnus usus erat locis asperis, qualis omnis ea regio est, pro locorum conditione ingenia durata. Aduersarii pulsi, cæsiq. nonnulli viri nobiles desiderati, plerique capti. Iis libertas est reddita Regis iussu: qui periculo cognito Burgos, Orduniamque magnis itineribus festinarat. Vtrosq. prouinciæ finibus discedere mandat, pactis induciis dum de compositione ageretur. Mox tota Castella magni delectus haberi: proceres nominatim euocati: ut collectis regni viribus Ferdinandus & Isabella finibus discedere cogerentur. consilio tamen D. Iacobi Magistri cessatum. arte potius quam viribus superandos disputantis: nobilissimum id victoriæ genus fore, reipublicæ tantis vexatæ malis necessarium. Ea sententia vicit nemine contradicere auso: ne Rege quidem tametsi secus existimabat. Toleti, atque Hispali vno tempore tumultus concitati. Toletani ciues veteri instituto in duas factiones distracti erant, Aialas, Syluasque. his Cifontanus, illis Fuenfaldæ Comes caput erat. Annitente Petro Sylua Pontifice, coniugium pactum Cifontanum inter & Eleonoram Fuenfaldæ Comitis filiam. quod erat ad concordiam excogitatum non imprudenter, maius certamen accendit, Cifontano & Ioanne Ribera eius auunculo, quasi ad communem lætitiā, in urbem contra Regis voluntatem admissis. Reducto capite Syluæ in aduersarios armati sæuere aggressi sunt. Ea causa ab Henrico, cum ad periculum festinasset, vrbe pacata, Fuenfaldæ Comite urbana præfectura amoto, quam multos per annos continuarat, substitutus est Garfias Lupus Assistentis nomine, qui ciuib. iura daret. Marchio Gaditanus ab Assidoniæ Duce Hispali pulsus, duos aduersarii fratres materno genere impares tumultuaria pugna sustulit. Assidoniam expugnauit. contentio in iustum bellum exarsit: quam Enecus Mendozza Tendillie Comes eo missus, arte magis quam viribus pacauit, Assidonia etiam restituta. Motibus Castellæ pacandis magnum præsidium decessisse videbatur, obitu Pauli secundi Romani Pontificis octauo kal. Augusti, cuius in nostram gentem magna beneficia extiterant. Successit quinto Idus Augusti ex Minorum ordine Franciscus Ruereus Cardinalis, Sixti quarti nomine, haud minori probitate, humanitateque in nostros. Io. Margaritum Gerundensem Episcopum Romæ pro Aragonio Oratorem donauit purpura. cuius extant de rebus Hispaniæ Paralipomena: & Romæ sepulchrum in D. Mariæ de Populo ad portam Flumentanam. Maurorum manus in Baticæ agros inuecta est: atque Alcantaræ contributa oppida. ferro igneque vexata. tantum prædæ & spoliolum auexere, vix ut explicare agmen possent. Gaditanus Marchio vindictæ studio, iussu Regis in barbarorum finibus Cardellam municipium vi cepit quidem: sed infirmo præsidio munitum breui ad veterem ditionem rediit.

*Carolus Aquitanus defunctus. CAP. XVII.*

Felix hic annus Lusitanis fuit, felix Aragoniis. Alfonso Rex Lusitanus instructa numerosa classe, omnino nauigiorum maiorum minorumque trecentorum. Africam bello repetiturus, Olisipone soluit Augusto mense dimidiato. Sequebatur Ioannes filius prima militiæ rudimenta in pio bello positurus: ex vniuersa gente nobilissimus quisque, promiscui generis homines ad triginta millia. his copiis primo aduentu Arzilla uicta est. è barbaris duo millia trucidata. captiuis ad quinque millia sub corona venditis, magna pecunia in erarium redacta. victoria nostris incruenta non fuit. cecidit nobilissimus quisque: Aluarus Castrius, Ioannes Coutinus Montis sancti & Marialux Comites. Huius cadauere cōspecto Rex ad filium conuersus: Vtinā te, inquit, talē tantumq. militē superi præstent. Arzillæ clade Tingitani Mauri territi, vrbe deserta fugerūt. Capte ei vrbi Rodericum Merlum, Arzillæ, atque Alcañari Henricum Menesium Valentie Comitē præfectos cum Rex dedisset, tantis rebus breui patris classē triumphans incolumem in patriam reuexit, Alfonso Basconselo in ea expeditione Penellæ Comitē creato. ea meritis continuis & maximis cōpensatio fuit. In Catalaunis Gerunda vrbs post Lotaringii obitum, in Aragonii potestatem ciuium deditioe redacta Octobri mense. reliquie hostiū, quibus Reinerius Scānis Lotaringii filius nothus, Iacobus Galeotus præcipui duces erant, pars ad fanum Hadriani ad ripam Besis fluiui obsessæ: pars quæ Barcinone vicina obsessis opitulatū accurrit insigni pugna superata cæsaq. est ab Alfonso Aragonio, qui ei bello fuerat à patre præfectus. Ad Emporitānos ipse ea quæ ætate, hostes magna diligentia persequabatur. cui castris ad Toroellā positis, per quietem speciē strenui militis in eo bello occisi oblatam memorant, monētis ne castra inde moueret: alioqui imminere malum Regem earum rerum contempnū quasi fortuitarum, motis castris capta Rhodope,



obfessoque oppido Peralada, nocturno impetu Cápobassi aduersarię partis Ducis ferme oppressum, vigiliis trucidatis inermem ac ferme nudum Figherę mœnibus salutem tutatum : sed proximo tamen die repetita obsidione, atque agrorum vastatione, deditionem tandem ab oppidanis factam : totoque eotractu ad ditionem subiuncto, Barcinonem promota castra. Longa ea obsidio fuit. Vim prohiberi erat Aragonio destinatum: arteq; potius commotas ciuium voluntates sanare. Quid enim urbem nobilissimam vastaret, deriperet, incenderet? quid militum prædam faceret? & non potius sibi à clementia immortalē gloriam quæreret, fructumque multo maximum, ciuium salute & opibus cōseruatis? In Vltiori Castella Ferdinandus & Isabella multis oppidis tentatis, quibusdam etiam, atque in his Sepulueda deditis, Toletanum, qui se in Carpetanis tenebat, euocare 10 constituunt. & quod Aragonius pater præceperat, se suaq; eius potestati permittere velle pollicentur. Fide fides obligatur maxime. Itaq; eo placato, atq; cum firmo equitatu prosequente Tordelacunam, quod oppidum in Carpetanis Toletano subditum est, fertilissimo agro migrarunt. Carolus Aquitanus Ioannę nuptiis contemptis, incertis natalibus, ambigua dote ad Burgundi filiam, patris inuitatu, suaque sponte animum retulerat. Ea re cognita Henricus, Segobia vbi se tenebat principio anni Millefi. quadringentesi. septuages. secundi, Pacem augustam ire pergit. eam urbem Comes Feriæ obtinebat Magistro infensus: ita venientibus portæ clausæ. grauis contumelia fuit: neque melior colloqui successus: q; inter eam urbē & Helbes (Heluiam quidā vocant) Portugaliæ oppidum, est habitum. de nuptiis Lusitani Ioannæque, qua potissimum causa is labor e- 20 rat susceptus, nihil certi constitutum. Lusitano Paciechi Magistri fides suspecta erat, sese in omnes partes vertentis, vndecunque melior spes ostentaretur. Ferdinandi & Isabellæ in dies crescere vires in Castella considerabat, & ipsorum virtutib. & gentis beneuolentia excitata; & Toletani artibus, singulas ciuitates sollicitari, trahique in partes. Ira in Comitē Ferię in præsens dissimulata. Madrito Henricus, quo se à Lusitani colloquio retulerat repetita Bætica, exceptus Cordubę Hispalis aditu abstinuit: eam urbem Assidoniz Duce cum numero equitatu obtinente Magistri, vt ferebat, metu: quem rebus suis infensum antea sæpe erat expertus. Nullo itaq; magno opere pretio Toletum festinatum ad urbanos motus pacandos: qui capta à Cifontano, cū in eā urbē rediisset arce, quæ ad Diui Martini pontem erat firmissima, captoq; vrbis Præfecto, grauissimi extiterunt. vix ea se- 30 ditione pacata Henrici præsentia, sacerdotumq; templi Toletani virtute & armis, Segobiā ciuili discordia ardere nunciatū est. magna iniecta sollicitudo: quoniam regii thesauri in eam urbē relati erant. eo quam primum festinatur. nulla erat facies mali, quam in ea temporum atrocitate vniuersa prouincia nō pateretur. rapine, cædes, iniurię, promiscuę libidinis scelerum omniū licentia volitabat impune: sacra atq; profana iuxta contemptui erant: pecunia passim adulterata, magno mercatorū commerciiq; dāno. Ea sæpe de scripto capita Regi explicata: vt remedium adhiberet frustra postulatū. Henrici væcordiā, procerum artes, reipublicæ vniuersæ iactationem, pastoritio quidem, sed eleganti carmine Ferdinandus Pulgarius nobilis ea ætate scriptor, suppresso nomine ad vitandam inuidiam, deplorauit, lingua vulgari, eglogæ forma, satyrę amaritudine, Dominici & Egidii 40 pastorū inter se colloquētium de reipub. statu afflictis nominib. sermone dato. Hoc anno quaro Idus Maii Carolus Aquitaniz Dux Burdigalæ diē obiit, in medio apparatu noui belli: quod eis, Burgundi, atq; Britanni iunctis viribus in Gallum parabatur. Aquitania omnis defuncto Carolo, Galli Regis Præfectos oppidis arcibusq; accepit. Burgundus inuidiam Regi conflare, parricidii insimulans, corruptis ab eo familiaribus fratrem veneno sublatū. ventum ad arma. quędam, sed ea ignobilia oppida vtrinq; capta: maiora frustra tentata. plus iratū Burgundo, plus virium atq; consilii Regi Gallo. Inducę sæpe factę: ante diem sæpe ruptę. verum totius belli successus, & qua ratione ab iis initiis Burgundus tandem quinto post anno in exitium præceps datus, ad Nantium in Lotharingia ceciderit victus ab Heluetiis acie, historicis eius gentis explicandum relinquatur. Gasto Fu- 50 xensis Comes res Hispanię attingit, Eleonorę coniugis iure, Vasconum regni hæres futurus, si vita longior contigisset. In saltu is Vasconum ad Rocidam vallem hoc anno decessit: cum ex Gallia iret in Vascones, multis Gallicis bellis atque imperii finibus prolatis, in paucis ea ætate nobilissimus. fratrem habuit Petrum Lautrechii Vicecomitem pari virtute, gloriaque, bellis omnibus adiutorem, Lautrechiz familiæ nobilissimæ conditorem, defunctus enim Mirandę, quod est Gallię oppidum, superioribus annis vxore grauida, posthumum filium habuit Ioannem nomine. ex hoc Odetus, atq; Andreas cognomento Sparrosus sunt geniti clari Duces: hic bello Vasconum, quo tēpore mortuo Ferdinando Rege Catholico ciuilia arma in Hispania mota sunt: ille Mediolanenfi & Nea-



& Neapolitano aduersus Carolum Cæsarem. præterea Thomas Lescunius iuxta nobilis in Gallia. Odeto filius Henricus fuit: cui vita longior cæteris fratribus contigit, ad nostram ætatem propagata.

*Rodericus Borgia Cardinalis in Hispaniam legatus. Cap. XVIII.*

**H**onorem purpuræ Seguntinus nobilitati congruum, meritis debitam gratiam, & Pontifice Romano regia opera impetrare cupiebat. Aeger mora, impatientisque, animo vehementer alienatus, neque in Lusitaniam, neque in Beticam euntem Regem profecutus erat: multus alioqui in aula assiduusque. magnum in eo momentum rebus erat propter familiæ amplitudinem, paresque opes. ægri animi sanandi ratio excogitata. Magister Diui Iacobi obitu prioris vxoris domum secundis nuptiis vacuam, filiam Hari Comitis patre concedente duxit. Ea quoniam Maria Mendoza nata erat, Velaszi Mendozæque reguli affinitate deuincti sunt; Assidonix Dux eo præsidio nudatus, quod à Mendozis certissimum expectabat & ipse aduersus inuidiam procerum aliorum, plus vnum omnibus posse dolentium, opes vehementer ea affinitate confirmauit, homo callidus, ingenii dexteritate ad versandos homines, vitæque pericula pollens in paucis. Purpuræ haud dubia spes Seguntino iniecta, Roderici Borgiæ Cardinalis Valentini aduentu: quem à nouo Pontifice legatum, patrium Valentini litus tenuisse ad duodecimum kal. Iulii, cultumque in ea vrbe, vt par erat, omnibus officiis, pedestri itinere Tarracone Ferdinandum Siciliæ Regem conuenisse nunciabatur, per id tempus Barcinonem ad patrem profectum, eoque conuento, sese ad vxorem referentem. Suscepti à Ferdinando itineris aliæ causæ vulgatæ sunt. illa verissima: de Henrici Segorbii Ducis, & Ioannæ connubio agi, renunciare cupiebat: quod disturbandum filius disputabat. pater non credebat, falsis sepe delationibus deceptus, ob ætatem cautior, & indulgentia in Henricum fratris filium propensus: Omnino Ferdinandus Tarracone in Valentinos abiit. Inde sese in Castellam festinus retulit, cura ne se absente à prauis hominibus, quorū erat magnus numerus, resp. turbaretur amplius. Cardinalis legatus Barcinonem ad Aragonium peruenit. Quo tempore obsessi ciues diurnæ obsidionis fessi malis, atque rerum omnium inopia laborantes de obstinatione tamen animorum nihil remittebant, duro homines ingenio atque aduersus mala peruiaci. Inuitati sæpe ad sanitatem, surdas aures salutaria monentibus præbuere. Aragonius literas testes sui animi, testes clemenciæ ad extremum dedit. Eo loco res esse, vt neque suis, neque alienis viribus stare diutius possent. Debere eos vrbi pulcherrimæ, quæ caput gentis esset, nulli in Hispania de nobilitate, atque elegantia concederet, ruina, incendio direptioneq; moueri. sibi decretum esse, dum ipse esset, voluntate ad legitimum imperium redituros, neque vim, neque metum intentare: eoque nisi necessitate nõ venturum & quasi viscera secantem sua. Huius sui animi testem inuocare Deum: nõ alio loco neque habuisse quam filiorum, neque habiturum vnquam. ac (per ipsos modo liceat) prouinciæ calamitatem omnibus regni opibus sanare proposuisse. His illi emoliti literis, ac spe defensionis abiecta legitime dedentium vrbes verba nuncupare constituunt. Dati iudices, qui de singulis controuersis statuerent. Gallicum præsidium Ioanne Lotharingii filio Duce dimissum. Venia omnibus data, quicunq; eo bello in Regem arma sumsisent. Vnus exceptus Pallasi Comes, quædã in Pyrenæi iugis oppida retinens, vnde Gallicis opibus fretus diu molestus finitimis extitit, sustentauitq;. Quæ gesta essent eo decennio, ex quo tempore bellum tenuit, atque decreta à ciuibz, approbata. Sic Octobri mense extremo Barcinonem Aragonius inuectus, nobilissimum clemenciæ exemplum posteris reliquit, vrbe ea, vnde tantæ iniuriæ extiterant conseruata. cæteris omnibus clarius trophæum. Caroli filii sublata pœnitentia successerat: & pro eius salute, non pro externo hoste arma sumpta, optimo animo considerabat. Neapoli gemina coniugia pacta. duo Ferdinandi Neapolitani filii, Fridericus, Eleonoraq; hæc Sfortiæ Mariæ Barenfi Duci & Mediolanensis fratri, cui stipulatam diximus detracta, Herculi Astensi nupsit Ferrariensi Duci: Friderico Ioanna Aragonii filia desponsa est. Hoc tamẽ deinde mutatum. Eleonora Princeps cū Sanguesæ in Vasconibus esset, virō defuncto, vt paulo ante diximus, à Gallo sollicitata est, vt in eius potestate Vasconum arces contraderet. ad stabiliendū nepotibus imperium gentis, id maxime pertinere: firmissimumq; præsidium ad omnem statum dignitatis. eorum quippe sorore nati, ad aliquā sollicitudinis partem pertinebant. Ea noua iniuria Aragonius prouocatus ad alias, quæ toto belli Catalaunici tempore multæ & graues extiterant, correptis in Gallum armis Ruscinonenses Ceretanosque ad ditio- nem reuocare constituit. Barcinone ad quartum kal. Ianuarii principio anni Millefi. quadringentesi. septuagesi. tertii profecto, accedentique ad fines Helena, Perpinia-



numque continuo portas aperuerunt. Gallico imperio fessis omnibus Aragonio victori passim fauebatur. Reliqua omnia similia fore credebatur. Cardinalis Legatus Aragonia discedens Madritum tenuit. acceptus splendido apparatu sub vmbella, præcūtibz proceribus, sacratifq; viris in augusto ornatu, Henrico Rege sinistrum latus stipante: quod more gentis maximo honori ducitur. In id oppidum Episcopi ac Sacerdotes alii ex vniuersa ditione euocati à legato, frequentes conuenerunt. actum de pecunia, quā designato annorum numero, à sacerdotiis redigi in subsidium belli Turcici Pontifex postulabat. graues difficultates opponebantur, iactatione temporum exhaustis omnibus. Vicit tamē legati auctoritas, regia voluntate adiuta. subsidium Pontifici Romano, vti expetebat, decretum. imminuendę quamuis Ecclesiarum libertatis exemplum ab eo facto induci, alioque auertendi copias Hispaniæ considerabant. Inuaserat pudenda literarum inscitia in sacerdotes Hispaniæ: vsque eò vt pauci Latine scirent, ventri, gulęque seruietes. auaritia rapaces in Ecclesiam Dei manus iniecerat. emere sacerdotia olim simonia, tunc industria erat. neque intelligebant cęci Principes, cęcique Pontifices, irato Deo fieri impium commercii genus: quod facias an patiaris perinde est. Medicinæ faciendę ratio, iis sacerdotum conuentibus excogitata est. impetratum à Pontifice Romano, vti in singulis ecclesiis cathedralibus bina sacerdotia, quos Canonicatus vocant, suffragio Episcopi, atque collegii Theologo vnum, alterum Iureconsulto obuenerent. Pontificium diploma, quoniam publice cognosci vtile foret, eius iniuria temporis sublato partem, diplomate altero post biennium concessio comprehensam, hoc loco subiicimus. Kal. inquit, Septem. 20  
 Pontifi. nostri anno quinto per quasdam statuimus, & ordinamus: quod de duobus canonicat. & totidem præbendis, qui primo per cessum vel decessum, aut quamuis aliā dimissionem illos obtinentium extra Rom. curiam, in quibusuis mensibus simul, vel successiue vacarent, in qualibet Ecclesiarum earundem, etiā si dispositioni Apostolicę ex quauis causa (non tamen prima vice) generaliter reseruati forent, perpetuis futuris temporibus quoties illos vacare pro tempore contingeret, vnus qui in Theologia Magister, seu Licenti. & alter in vtroque, vel altero iurium Doctor seu Licenti. existeret, posset, & deberet ab Episcopo vna cum capitulo cuiuslibet earum Ecclesiarum ordinaria auctoritate prouideri, in omnibus & per omnia, perinde ac si aliquæ gratiæ expectatiuæ speciales, vel generales reservationis, & nominandi, seu nominatis conferendi facultates & mandata à nobis, seu 30  
 sede Aposto. vel eius legatis, seu alias eius auctoritate, etiam Regum, Ducum, Principum vel Prelatorum, aut quauis alia consideratione nullatenus emanassent, seu in posterum emanarent. Ita tamen, vt de eis qui primo Doctori, vel cum rigore examinis Licenti. in altero iurium, & aliis qui post modum vacarent simul, vel successiue canonicati. & præbendis huiusmodi Magistro, vel Licentiato in Theologia prouideretur. Et si inter Doctores & Licen. eosdem ad illos pro tempore nominatos aliqui de nobili genere procreati forent, aliis non nobilibus: & inter ipsos nobiles, qui ex vtroq; parente nobiles forent, nobilibus ex altero tantum: & inter ex vtroque, & vno latere tantum nobiles de maiori nobilium genere procreati per eosdem ordinarios collatores & Capitula præeligētur. qui si in eadem Ecclesia beneficiati & alias, si qualificati reperiantur, aliis præferantur. sicque perpetuis futuris temporibus obseruetur. Hactenus diplomatis pars. 40

*Perpiniani obsidio. Cap. XIX.*

**P**Acandis Castellæ motibus, componendisque dissidiis, magna à Cardinali Legato contentione adhibita, parum profectum: & ipse, vt natura cogebat, in Ferdinandum ex arcano propensior, ad confirmandam eius causam omnes neruos contendit. Complutum profectus, vbi Ferdinandus, Isabella vxor & Toletanus erant, inde Caracam, nō alio consilio abiit, quā vt Mendozas regulos in partes traheret: ab Henrico Rege, & D. Iacobi Magistro deduceret, ingenio fretus ad simulandum, dissimulandumque idoneo. 50  
 Vno tempore tumultus per vrbes & oppida concitati sunt in eos, qui Iudeorum ex sanguine prognati erant, profunda homines auaritia fraudeque. initium Cordubæ factum. ferro, rapinis, incendiisque in miseram gentem sæuitum, furente populo nullo supplicii metu. Numinum iram prudentes interpretabantur, ob abdicata passim ex arcano, quæ ante susceperant Christiana sacra. Cordubæ exemplum alia oppida & vrbes Bæticę secuta sunt. vis maior in Giennium incubuit. Irantius Magister equitum gentem calamitosam ab iniuria vindicare ausus, seque furenti populo opponere, magnam inuidiæ flammam apud populares accendit. ita facta conspiratione ad aras, sacris operantem, crudeliter obtruncarunt. Therasia vxor, & filii vix arcem tenuerunt. Regii scrinii præfectura Segun-



Seguntino post Irantii cædem concredita. Hari Comes Magister equitum renunciatus est, honore antea per multas familias vagato, deinde in eius posteris statario ad nostram ætatem. Magna ea clades fuit: magnumq; præsidium Henrici rebus ob eximiam Irantii constantemq; fidem, sublatum. Magistri D. Iacobi arte conquisita alia. Henricus Aragonius ad certam coniugii cum Ioanna Principe spem, per Valentinus fines euocatus venit in Castellam: tum ipse, tum mater Beatrix Pimentelia, obuius ad Requenam Magistro ipso, deducenteque. maior expectatio, quam successus fuit. quem ex fama probarant, visum contempere, insigni hominem arrogantia: qui proceribus complexum ferentibus, manum osculandam in os ingereret, nondum opibus fundatis, neque veritus rerum moribilibitatem. Eiusdem magistri arte coniugium est impeditum. Erat enim ex arcano Henrico Aragonio infensus, repêrituro paterna oppida, si imperium obtinuisset: Beneuentanumque metuebat, Henrici auunculum, memoria intercepti Magisterii in primis iratum. alia tamen obtendebatur species. magno aliquo Principe opus esse ad motus gentis pacandos. At regiam fidem fallere, ludere eum Principem, graue fore Regi videbatur. ad defendendum bellum magna pecunia opus esse Magister ait, Andreæ Cabrera, cui thesauri cum arce Segobienfi concrediti erant, fraudem nectens. Vbi tumultum in gentem ex Iudæis maioribus ortam, Bætica exemplo Magistri fraude concitatum, atq; Cabrera imprimis capiti minitantes populares quasi miseros tegeret, vix ipse arte & industria pacarat. Seguntino honos purpuræ datus Madriti, misso in eam rem proprio à Pontifice legato. noua muneri gratia addita, concessum à Rege, vt Hispaniæ Cardinalis vocaretur. Henricus Aragonius Madriti aditu prohibitus, Setaffii, qui pagus secundum viam militarem, qua Toletum itur protensus est, expectare iussus, Rege conuento in agro vicino, Odonem est amandatus. Pontificis Romani venia excusabant, nisi lege propinquitatis soluta, inita coniugia inter propinquos, neque esse iusta, neque fausta. sic ille delusus spe est. Henricus Rex Segobiam abiit, per causam expediendæ pecuniæ, quam Andreas Cabrera malignè suppeditabat, D. Iacobi Magistro infensus (quem Segobiensis arcis præfecturam ambire exploratum erat, Madriti iam arce per speciem se muniendi detracta eidem Cabrera) in Ferdinandum ex arcano propensus, & suapte voluntate, & vxore Beatrice Bobadillia in Isabellæ Principis obsequiis educata. Contrà noui Cardinalis opes vehementer confirmatæ sunt, defuncto Cauca Alfonso Fonseca, magni ingenii ardentisque animi viro. In eius enim locum Hispaniæ Cardinalis, Hispalensis Episcopus agente Rege est renunciatus, retenta Seguntina Ecclesia, nouo damnatoque exemplo. Sed ita erant eius ætatis mores: quod libebat, licitum videbatur. In Ruscinonensi agro Perpini-  
10 anum obsessum tertio Idus Aprilis fuerat, Galliarum copiarum ad viginti peditum millia milleque cataphractus ductore Philippo Sabauda. Aragonius intra oppidum erat, certus quoduis prius adire periculum, quam vt firmissimum municipium, quæ aditus est in Galliam, hostibus defereret: quod maiores animos obsessis faceret, concione in templum aduocata iuratus, se inde pedem nisi obsidione soluta non elaturum. Insignis audacia, animique præstantia in ea ætate, exemplum nescio an probandum: cum in vnus capite, summa rerum & imperii verteretur, si ab hoste esset intra oppidum captus. sed numina tantam calamitatem auerterunt. Oppidanorum virtus egregia fuit. In Regis oculis quisque supremo conatu propugnabat, dimicabatq;. Petri Peraltæ Magistri equitum in Vasconibus fides maximè celebratur. qui in veste Fræsciscana Gallicæ linguæ sciëntia, qua multum utebatur, per medias hostium acies tutus ad Aragonium penetrauit, periculi socius futurus, à quo omnia acceperat, supremum id officium deberi ratus. Aragonii filii tres, Alfonsus cum patre erat: Casaraugustanus Helenam finitimam urbem valido præsidio occupauit, pater-  
30 na iussa facturum: Ferdinandus Talamanca cognito periculo profectus, quadringentos equites à Castella auxilio duxit. ei numero ex itinere centum alii sunt adiuncti. cum iis copiis mense Iunio ad opprimendum Emporias delatus, tantum hostibus terrorem iniecit, vt soluta obsidione ac mox ad mensem Octobrem pactis induciis, finibus discesserint. Sic confecto bello Aragonius, triumpho persimili specie, curru sublimis cyanea veste con-  
0 strato, agentibus quatuor candidis equis, dextra læuâq; stipante nobilitate & magistratibus, effuso ad spectaculum populo, Barcinonem iniit ea porta, cui à Daniele nomen est, ipsa canicie, luminibus restitutis, rebusque gestis clarissimus. Corpus destitutum viribus vigor animi sustentabat. Abscesserat Ferdinandus filius Dertusam, Aragoniæ gentis conuentus agitaturus, pro patre Rege vicarius. cæterum morbo tentatus, conuitioque in Castellam reuocatus, vbi multa nouabantur, eo conatu destitit. Ferdinandi Auissi Magistri, quem obiisse in captiuitate dictum est, ossa per idem tempus à Mauro quodam è Phuthensi vrbe clam sublata, atque in Lusitaniam aduecta, ad Aliubarrotam, vbi maiores se-



pulti erant, composita tumulto sunt. Inferiæ defuncto ex ritu Christiano magnificè data.

*Aranda Concilium.*

CAPVT XX.

**F** Vere hæc tempora cæteris quidē Hispaniæ prouinciis nulla re, nisi quod præcipuum est, festa pace nobilia. Vna Castella non quiescebat indies grauiori metu. scedis Principum certaminibus modestia multitudinis corrupta, oppida & vrbes in factiones scissa erant. Ferdinandi & Isabellæ vires nouis accessionibus augebantur. Henrici Regis ignauia opes minui, plebisque alienatione. & vt in corporibus, sic in imperio grauissimus est morbus, qui diffunditur à capite. In Cantabria tumultus erant. dum equitum Magister 10 armis conatur, Henrici ad imperium reuocare duriore ingenio gentem propositiq; tenacem: Petrus Manricus Treuigni Comes Aragoniis partibus infectus defendere conatur, illata regioni vastitas per se sterili, & rerum omnium indigēti. Toleti noui tumultus concitati. Fuenfaldæ Comes Paciechi fauore, qui in eam urbem oculos etiam audios cōiecerat, armis intra mœnia irrumpere conatur. atque Ferdinandum Ribadeneiram Marscalum Henrico fidum, vrbe deturbare. Verum ciuium concursu repressa audacia est: & Regis aduentu, qui periculo nunciato aduolauit, motus urbani compositi. Sontib. venia data lex impunitatis confirmari visa est. Ex ea audacia Paciechus, siue inuidiam veritus, siue otii cupidus Pennafielem ad vxorem abiit. tot annis in aula assiduus satietatem absentia procurare cogitabat, misso tamen pro se Diegho filio vicario: quem Villenæ Mar- 20 chionem renunciatum iam diximus. Venientem Henricus ea amoris significatione accepit, ac si ingentia beneficia à patre extitissent: & erat conspicua forma, ætas integra, fortunæ cultus par. Segobiam Toletum itum. In ea vrbe gratia frequenti vsu amplius conciliata. ad Villenium in Hieronymianum cœnobium, cui Parrali nomen est, hospitio datū Henricus quotidie ventitabat. Cum Andrea Cabrera actum, vti gratia cum Paciechis conciliata, in Henrici potestate esset, arce cum thesauris tradita, Moix permutatione: q. municipium ad Celtiberorum & Contestanorum atque Valentinos fines situm est, Conchæ vicinum Cabrera patriæ. Eo faciles aures præbere pactioni videbatur. Res non latuit. oppidani animis ex eo vehementer offensis, Aragonium præsidium intra mœnia acceperunt. Duce Ioanne Heredia, qui ad rem certam à Valentino tractu aduolauit. ægrè id fuit Hen- 30 rico Regi. Illud grauius. Arandam, quod oppidum in Vxamenfi dicecesi est ad Durii ripam, Isabella Princeps Tordelacuna, vbi se in Carpetanis tenebat viro absente, ab oppidanis consensu euocata, illud imperio subegit. Ioannæ Reginae detractum. Fœminæ impudicitia, amoresq; male cauti, totius prouinciæ inuidiam commouerant, Regis etiam. Sed est quibusdam insicū, vti magis peccari nolint: quàm quod satis animi ad vindicanda delicta habeant. vti Henrico Regi per totam vitam accidit. Illa & filia Madriti in arce erant Villenii curæ concreditæ. Arandæ exemplum secuta est Agreda (prope olim Augustobriga sita fuit) magno dolore Medinae Celinæ Comitis, cui Henricus id oppidum donarat. A Toletano, cum Isabellam esset secutus, Arandæ, prouinciæ Episcoporum concilium indictum, habitumq; est. affuere Episcopi, atque Archipresbyteri ex vniuersa pro- 40 uincia euocati, ex utroque ordine viri non pauci. Disciplinæ ecclesiasticæ instaurandæ, species obtendebatur, vitio temporum labefactatæ. Propior tamē cura erat (sic arbitror) factionis vires confirmandi. Nonis Decembris quatuor tantum hæc decreta promulgata. Episcopi in publico semper linteati visuntor. Presbyteri minimum ter aut quater, diuina hostia annis singulis sacrificant. Sacro ordine viris sese obsequiis procerum addicere, aut eorum stipendia facere, præterquam Regis, nefas esto. Cura ecclesiarum, & maiora sacerdotia, quæ Dignitates vocantur, ne cui creduntor, qui Latine nesciat. Vix soluto conuentu Ferdinandus per Almasanum, & Valeranicam à Medinae Celinæ Comite, & Petro Mendoza Almasani regulo, omnibus officiis ex itinere cultus, Arandam ad vxorem appulit, partium studia præsentia vt confirmaret. Decessere hoc anno in Castella quidem 50 Fridericus Maris Præfectus & Gometius Cacerius Alcantaræ Magister successore Ioanne Stunica, vt paulo ante dictum est: in Gallia autem Nicolaus Ioannis Lotaringii filius Renato auo superstite. huius ex filia nepos Renatus auix maternæ iure Lotaringiam obtinuit, præclara virtutum indole Princeps: cæso Carolo Burgundo Audaci ad Nancium quarto post anno quàm re alia fama maiori. Ioannes Armeniacus Comes nunquam Regi Gallo fidus, gratusve ex quo in Hispaniam pulsum diximus, Burgundi copiis bello in Aquitania cōcitato, Petrum Borbonium Aquitaniæ Præfectum à suis proditum ceperat: neque dimiserat, nisi Lectorio oppido sibi restituto. In illum continuo missæ abs Rege Gallo copiarum ductore Albigenfi Cardinali. Lectorium recuperatum, euersumque est. Comes



Comes ipse cōtra datam deditio fidem peremptus, ancipiti fama facti: eo minori inuidia quod confecto pontificio diplomate, ut sibi ius falsq; esset sororem germanam ducere, ei vitium attulerat. Pudendam turpitudinem, probrumq; Impietas suscepta, vāsanaque libido sic est ultore numine exitio vindicata.

*Libri vigesimi tertii Finis.*

IO. MARIANÆ HISPANIÆ  
E SOCIETATE IESV,  
HISTORIÆ DE REBVS  
HISPANIÆ,  
LIBER XXIV.

*Isabella Henrico fratri conciliatur.*

CAPVT I.



NON quiescebant diuisa Castellæ procerum studia, maiori  
indies Aragoniarum partium fiducia viribusq; neque D. Iacobi  
Magister desisteat opibus opes struere, præsidia præ-  
sidiis addere maiori habendi auiditate: metuque, ne si Ara-  
gonii rerum potiti essent, ipsi cedendum esset principatus  
magna parte: quam in eorum ditione fuisse superiorib. an-  
nis meminerat. Quo consilio Ferdinandi & Isabellæ coniu-  
gio aduersum se præbuerat, Henrici Aragonii & Ioannæ pa-  
ctas nuptias disturbare pergebat, alias ex aliis moræ causas  
& difficultates nectens, Rege quorsum ii conatus specta-  
rent, præ socordia non intelligente, aut dissimulante præi-  
gnauia. Ad Madriti arcem, Segobiensem adiicere conten-  
debat si id affecutus esset, Regem quasi iniectis compedibus fore in potestate prouidens,  
& quemcunq; cursum res habuissent, certum rebus præsidium. ea summa votorum erat.  
Andreas Cabrera vnus maximè opponebatur & gratia Principis & ingenio pollens, ne-  
que eius pollicitis quamuis magna erant, satis credens. Exortis inter eos suspicionibus at-  
que confirmatis, vterque dolos ad euertendum alterum nectit: cautus vterque & calli-  
dus, maiori Magister potentia atque opibus. Cabrera felicior omnes ingenii neruos in-  
tendit, ut Isabellam conciliaret Henrico fratri. æmuli absentia opportuna conatui erat,  
Villenni filii haud pari propter ætatem calliditate. Henrico assiduus, officiis ad tempus ac  
commodatis amplius confirmata gratia, multo sermone persuadet, ut Isabellam sororem  
ad se accersat. Id publicè salutare fore, priuatim vrile, honestumque. Magistri conatus  
quorsum tendant ignorare neminem: ut republica turbata priuatas familiæ opes augeat,  
immensa auiditate ambitioneque, inconstanti fide atque venali. Quod reipub. motus eo  
concitatore graues & diurni, me silente indicant, ex dolis atque fraude ingenium mo-  
resque compactos. At filiæ caritas mouet: indignumque iudicas innocentem ætatem pa-  
terna hæreditate spoliari. Sed liceat modò vera loqui, quid id populo persuadeas ex te ge-  
nitam? & est prudentis non amplius in repub. conari, quàm quod ciuib. probare possis.  
Non ut corporibus, sic animis vis afferatur. Opinione multorum, quæ vna famæ vox est,  
stant imperia caduntque. Vt cunque res habeat, an duabus sororis filiæq; dotibus, ampli-  
tudini nobilissimi regni parēs opes non sufficiant inter vtranq; per conditiones tributis  
At imperii maiestatem imminui graue est. sed ciuili discordia, & perpetuis ex eo malis  
implicare rempubl. multo grauius. Mihi crede, aut hæc via aut nulla est tantis malis  
medendi. si quid priuatis rationibus contrarium est, id pacis studio, patriæ caritati con-  
donandum censeo. Quanta mala ex ciuili discordia impendeant, debes cum tem-  
pus est considerare: curare etiam, atque præstare. Mouebatur Cabrera oratione Hen-  
rici animus, actionum consiliorumque mirabili per totam vitam inconstantia, regio



nomine indignus, solique probrum. Cabrera diligentia, hortatuque, Hérico in sententia euocandæ sororis confirmato, Beatrix Bobadilla viri suasu Arandam proficiscitur: quo res occultior esset, vecta asino, atque in rusticana veste obuoluto capite. conueniendi Isabellam Principem opportunitatem nata persuadet, uti quam primum Segobiam improuisa abeat: fratris, in eam procliuem animum explicat: si mutet arcis munitione fore ab iniuria tutam: si quid periculi subsit tamen, audendum magna conatibus. In eo rerum momento celeritate opus esse: cunctationem fore noxiam. Parua sæpe mora magnas fieri inclinationes. Re constituta Bobadilla se se ad virum refert. subsequitur Isabella haud magno proxima interuallo: seque in arcem Segobiensem infert ad quintum kal. Ianuarii principio anni Mille. quadring. septua. quarti. Vulgato eius aduentu varie, ut cuiusque animus erat, commouentur ciues, perturbantur aulici. Villenius fraudem subesse & coitionem ratus, conscenso equo Ayllonem vicinum oppidum se subducit festinus & pavidus. Henricus ex Balsaino nemore, ubi venationi dabat operam, Segobiam accurrit, sororem inuifit: magna lætitiæ significatione inter se salutant, in mutuosque amplexus ruunt, eo maiori studio quod ante multos dies non viderant. Arcanis sermonibus longum tempus consumptum. sine colloqui Isabella suam causam fratri commendat, iure minime dubio nixam. Rex sumpturum se tempus ad deliberandum ait. sic à colloquio discessum ad multam diem. die postero in arce cum sorore cœnatus Rex. tertio per plateas ciuitatis Isabella vecta est, honoris gratia, eodem equi habenas regente. Nullus illustrior dies ciuibus, atque adeo Hispaniæ vniuersæ illuxit, certa concordie spe, malorum metu sublato. auxit opinionem, confirmauitque, Ferdinandi Principis rei gestæ fama & vxoris literis prouocantibus, Turuegano (quo accesserat quorsum res euaderent expectatum) aduentus. Ad octauum Idus Ianuarias, qui dies Magorum memoria sacer est, Henricus, Ferdinandus, Isabella per urbem vna equitantes, celeberrima pompa ciuium oculis gratissimum spectaculum præbuerunt. Post gestationem in Episcopi aula conuiuio ab Andrea Cabrera instructo, ut par erat splendido lautoque, excepti eidem accubuerunt mensæ. quartum adhibitum Rodericum Villandrandum Ribadei Comitem Castilius ait. lege in perpetuum lata patri datum erat, uti superius est demonstratum, ut Ianuarii Kalendis regie mensæ conuiuia accederet. Remoris mensis lyristæ, comædi, cantoresque accesserunt. sine bellaria tragemataque illata. Celebritatis lætitiæ Henrici valetudo non nihil conturbauit, lateris dolore tentati oppressique: sic ut in regiam discedere necesse habuerit. casu factum, uti faniores iudicabant, insidias vulgus interpretabatur, prona semper in deterius persuasione. Eam opinionem, venenum inter epulas datum, Principis perpetua deinde valetudo confirmavit, ac non toto euoluto anno subsecuta mors. perpetua Ferdinandi & Isabellæ felicitas amplitudoque rerum gestarum, iis certe consciis factum scelus fidem abrogat, imperium à parricidio auspicatos fuisse. quod emuli in primis accusabant, accensis odiis, promiscua inter se affingendi crimina libertate. Pro Principis incolumitate supplicationibus ad omnia templa habitis, sacrificiis, precibus, votis placati superi: eiusque valetudo recreata est.

40

*Magistri D. Iacobi obitus. CAPVT II.*

UT Rex conualuit, de concordia agi cœptum est, per conditiones inter Principes facienda. Petebat Isabella, ut sibi sacramento à regni ordinibus dicto successio confirmaretur iure debita. si id fieret, se & virum perpetuo in officio fore: neque recusabat filiam vnicam, Abulæ arcem quasi fidei obsides tradere in potestatem Cabrera quasi sequentis. Ut Ioanna Henrico Aragonio haberet, Beneuentanus amitini ludibrio commotus, conuitio postulabat, Henrico assiduus, ipso postulato grator, nisi concederetur, foedus disturbaturus. Nec consilium vnum inter proceres, nec voluntas erat. aulicorum pars Ioannæ fauebat. ad Isabellam plerique res trahere, animi consiliorumque Henrici potentes, sublato inter fidem, perfidiamque discrimine: quod Isabellæ causam vehementer confirmavit. Ad eam Médozæ proceres inclinare cœperant, opibus, numero, clietelisque præualidi: eoque Toletanus nutare, atque ad Ioannæ partes respicere: vnde maiora præsumptio, D. Iacobi Magister arcanis literis impellit: uti nocturna vi vrbe capta, Ferdinandum atque Isabellam in potestatem redigat. præclari facinoris occasionem oblatam, quando veluti indagine cincti in arce tenerentur. in id operam industriamque suam pollicetur. Res tanta latere non potuit: nec diuinum consilium humana arte disturbari. Indicio facto Ferdinandus quidem raptim Turueganum abscessit: Isabella in arce Segobiensi substitit,



stitit, quorum ex molitiones euaderent expectatura: nec ferens nobilissimæ arcis possessione decedere: ubi erant thesauri regii, & amplissimus regiae cultus: unde regnandi principium fore prouidebat, magno scemina animo, prudentia, constantiaque supra sexus ætatisque conditionem. Diductos Henricum Ferdinandumque, nouus casus loco iunxit. Carrionem nobile in Vaccæis municipium, superioribus annis licentia temporum, Beneuentanus Henrico concedente extortum, arte munierat. idēgre erat Santillanio, quod incolæ ab antiquo in eius clientela erant, eorum precibus præterea & lacrymis fatigatus Petro Manrico Treuigni Comiti suadet, uti improuisa vi oppidum præsidio occupet. facit ille imperata: auxilio cum copiis Santillanius Caraca festinat. Beneuentanus ferro iniuriam vindicare parans, idē facit, Segobiæ eo nuncio perculsus. Diductis in vtramque partem aliorum procerum studiis copiisque, periculum erat, ne insignis clades acciperetur vtriusque parte prostrata. Accurrunt Principes Henricus Ferdinandusque: hic adiutor Santillanio futurus, si ventum esset ad manus: ille pacis arbiter positus iuxta castris, inter vtraque agmina oberrans, vix tandem, ut arma ponerent, impetrare potuit. Regiæ auctoritati, Beneuentanus suum dolorem condonauit. Magano oppido à Toletano dato, Carrionis arx à fundamentis euersa est. pace constituta, Santillanus quidem Isabella ad Segobiam conuenta Caracam se se retulit, ad nouas spes penitus conuerso animo suorumque. Henricus Vallisoletum obita, atque Segobiæ tantisper moratus cum D. Iacobi Magistro consilia de republica communicaturus, eius consilio & hortatu Madritum discessit. Lufitano cōnubio Ioannam Principem elocandam, importunus auctor euicit, ut Henricus Rex ea cura ad Portugaliæ fines progrediretur, afflicta quamuis tenuique valetudine. Hæc species profectio obtendebatur. sed maior Magistro cura suberat, Castra Iulia in potestatem redigendi, immensa habendi, opesque struendi auiditate ambitioneque pari. regiae voluntati ciues paruerunt. Magistri artibus magna senatus parte præoccupata, nobilitatem plebs est secuta. arcis munitio opponebatur: quam Gratianus Sese Præfectus dedere recusabat ingentes de suo sumptus factos excusans: neque vacabat ad calculos impensam reuocare. Henricus ingrauescente locis insalubribus valetudine, iniquo anni tempore Madritum repetiit. Magister ex morbo, quo & ipse oppressus erat, tantisper recreatus lecticariorum humeris Castra Iulia deferretur. Ventum ad Sanctæ Crucis fanum: qui pagus ab ea vrbe ad Austrum distans est, octo millium spatio. Præfecto ad dedendam arcem inducendo dabatur opera: cum inter eas molitiones maxillæ alterius inflatione abcessuque repente oppressus interiit, concreto in faucibus multo sanguine, ex oreque manante & naribus: an arx esset tradita, inter morientibus vocibus ex astantibus, labentique animæ facilem exitum, placatos superos precantibus. quæritans, nihil aliud. Pulchrâ in morte cogitationem, vitæ consentaneam scilicet. obitus usque ad deditionem arcis occultatus est. Felicis fanum in Calæcis Præfecto Gratiano datum iure perpetuo. quod illi infaustum fuit. In tumultu populari, de causâ non constat, sed ab incolis tamen eius oppidi, lapidibus est oppressus ob fidem venalem vindicta numinum sic vulgus interpretabatur, ad excitandos alendosque id genus rumores aptum proclueque.

*Ferdinandus Barcinonem abiit.* CAPVT III.

DE Ruscinonensibus & Ceretanis Gallos inter & Aragonios lis erat: his repetentibus, atque ad ius ditionemque pristinam reuocantibus, excusabant Galli oppignerata ea oppida esse, neque pactum auri pondus in stipendium militare bello Barcinonensi repræsentatum. Posita per inducias uti ante dictum est, arma haud obscure repetebantur. nostris non minus timoris quam spei, quippe aduersus amplissimas Galliæ opes Regemque præualidum bello futuro: Castellæ rebus nondum compositis, unde magna multaque negotia implicabant. Lutetiam de pace legati viri nobilissimi, Ioannes Folchius Cardonæ Comes, Hugo Rocabertius Ampostæ Præfectus, quo maior auctoritas esset cum amplissimo comitatu, causas explicatum ob quas pecunia ea reddenda non videretur. Gallica auxilia bello Barcinonensi neque tempore missa, neque vsui fuisse. Contra fœderis conditiones Ioannem Lotaringium Gallicis copiis adiutum. Exposita legatione nihil profectum est: ac contra patriam ad Lugdunum custodiæ circumdata, contra ius gentium, diuinas atque humanas religiones. Eorum periculo quasi datis obsidibus oppignerati Aragoniæ gentis animi haud se fortiter ad resistendum commouere: tametsi per idem tempus inuente vere quingenti equites Galli ductore Ioanne Alone Aludæ regulo in Ruscinonenses inuecti, adiunctique ad reliqua Gallica præsidia Helenam urbem obsederant, præ metu inferiore parte à ciuibus deserta. Aragonius Barcinonæ ubi Catalaunice gentis con-



uentus erant, comparando defendendoque bello intentus erat, extrema quamuis ætate homo atque ex febris quartana laborans. longinqua euocata auxilia. quingenti equites nauibus à Ferdinando Neapolitano Rege missi, quantulum rebus præsidium? Ferdinandus Aragonii filius Iunio mense Tordefillam firmum in Vacceis municipium vi occuparat, euocatus ab incolis aduersus Petrum Mendaniam Castrinunii Præfectum, cum latronum manu (quorum magnus numerus tota prouincia vagabatur impune) iniuriam, importunumque finitimis agris & oppidis. Re patrata cum se Segobiam ad uxorem retulisset, patris periculo & valetudine denunciata eo maturare contendit sexto Nonas Iulii, inuiso ex itinere ad Cõplutum Toletano: si æger offensa animus eo humanitatis officio sanaretur. Ad Caracam Sanctillanio in recenti fide confirmato, Cæsaraugustam peruenit. inde Barcinone patrem adiit strenuum senem & nunquam cessantem. Importuno tempore in Valentinis arma mota. Segorbium, & Exerica, firma atque munita in Ederanis oppida arma corripuerunt, pari conatu cõtrario studio. Exerica ut Sarfuelæ imperium depelleret. unde magnæ iniuriæ extabant. Segorbium ut aduersus regiam voluntatem in Henrici Aragonii ditione permaneret. motus diuturni magis quam difficiles extitere. Ferdinandum Principem de bello Ruscinonensi consultantem, nuncius è Castella perculit Diui Iacobi Magistrum decessisse ad quartum Nonas Octobris. eius obitu seditionem inter procures maiori mole coortam, hac occasione. D. Iacobi Magisterium multi reguli ambiebant contentione pari, causa dissimili. Alburquerqueus, Beneuentanus, Sanctillanius, Assidonius opibus magis quam re alia freti. ante alios suffragio militari, duo erant designati geminis comitiis Legione atque Vrceis, ubi eius ordinis cænobia sunt, inclitya diuitiis non sanctitate tantum. Legione Alfonso Cardenas antea in Legionensi regno ordinis Promagister cæteris præfertur. Vrceis Rodericus Manricus Paredius Comes. Villenius regio fauore armatus, propriisque viribus pollens utrunque deicere satagebat, causatus sibi à Pontifice Romano, patre superstitie eum honorem destinatum concessumque. sed pontificiæ voluntatis nullo prolato testimonio, confictum plerique suspicabantur, tempore extrahendo, dum nouus conatus in eam rem esset adhibitus: nouumque à Pontifice diploma esset allatum. Singulos procures prehensanti atque incautius Villaregium progresso, per causam conueniendi Osorni Comitem eius ordinis in Castella Promagistrum, manus iniectæ sunt: deductoque Fontidoniam erepta libertas. Grauis contumelia fuit. nouo dolore Henrico Regi irritato, quia nihil Osorni Comes facturus voluntate videbatur, vim adhiberi placuit. afflicta quamuis valetudine cum copiis Fontidoniam obsedit. affuere Episcopi Toletanus, Burgenisique, Beneuentanus, Magister equitum, Sanctillanius, Cluniensis, officio in Principem, & facinoris atrocitate commoti. grauis mora erat, Regis morbo recrudescente, alieno anni tempore. fraus fraude vindicata. Ferdinandus Lupus Acunius Toletani frater, qui non minus de Villenii iniuria laborabat, Osorni Comitis uxorem cum filio per speciem colloquii captam, Optam deducit. ea arte victo viri animo Villenius liberatus est, eo maiori gaudio, quod prope metum res fuerat. Sic Osorni Comitis conatus delusi sunt Villenio capto (quoniam Ioanna Princeps eius fidei erat concredita, & Scalone seruabatur à matre disclusa ob eius impudicitiam) Ferdinandi Principis studia promereri, eoque annitente Magisterium D. Iacobi præripere cæteris omnibus cogitantis. His rebus Barcinone nunciatis, belli defendendi cura Aragonio patri relicta in Emporitanum tractum profecturo quam primum, Ferdinandus Princeps Cæsaraugustam rediit, si res Castellæ pateretur, conuentus Aragonios habiturus ad conquirendam pecuniam, cuius præcipua & maxima difficultas opposebatur: præsertim nouis subinde Gallorum copiis confluentibus ad nongentos equites, pedites decem millia. Helena, ut cœperant supremo conatu circumsessa oppugnataque: fames urgebat, & rerum omnium inopia obsessi laborabant. Ita Nonis Decembris die Lunæ deditione facere cõpulsæ est incolumi præsidio, Ducibusque: quibus plus inter se irarum, quam aduersus hostes animi fuit. de Perpiniano grauis cura inceserat, Helena capta, propter hostium præsidia omni ex parte circumfusa: ipsaque Perpiniani arx ab hostibus obtinebatur. ne diutius sustentare possent, metus sollicitabat. Fuit hic annus Siculis memorabilis, Iudeorum per vrbes & oppida strage edita. multitudo incertum qua causa, sed lymphatis similes ad arma populariter consternati, ac ne Lupi Vrcei Proregis auctoritate edictisque, ne supplicio quidem de nonnullis fontibus sumpto coercito furore, multos ex e gente peremerunt. Mauris quies erat: belli sacri nulla cura, in tanta rerum nostrarum colluuiatione. In Vasconibus intestinæ seditiones vigeant. Beamontis Eleonoræ Principi studentibus, Agramontii Aragonii maiestate veteri instituto tenebantur Principum exemplo, furente etiam populo, atque ad arma concitato.



**I**ngrauescebat indies Hērici Regis affecta dudum valetudo, ipsa agitatione itineris, curisque grauib. morbus lethalis medicorum permissu Madritum relatus, nullis salutaribus herbis, succisq; iuuantibus: contra lateris dolore denno sēuiente, salute prorsus desperata, vicino exitu, sacris omnibus ex ritu Christiano expiatus, ad tertium Idus Decembris die Dominico, secunda hora noctis, placide efflauit animam ætatis anno quadra. quinto extremo. regnavit annis viginti, mensibus quatuor, diebus duobus & viginti. Nullum testamentum conscripsit. pauca tantum Ioanni Ouetō, qui ei à secretis erat, & cui multum credebat, excipienti dictauit. curatores eorum, quæ statuebat nominauit Hispaniæ Cardinalē, atque Villenæ Marchionem. De successore rogatus à Petro Masuelō Hieronymiano Priore, qui morientis confessionem exceperat, eūquem sibi substituēret, Ioannam Principem nominauit, curæ fideiq; concreditam, tum duorum testamenti curatorū, tum Sanctillanii, Beneuentani, Magistri equitum, Ducis Areuali, quos maxime fidos fore existimabat. Corpus propter maciem ex diuturno morbo, nullis odoribus curatum, in Diui Hieronymi Madriti extemporario sepulcro compositum est, pompa funeris, neque celebri admodum, neque vulgari. deinde, uti ipse moriens mandarāt, in Guadalupēo tēplo, prope matris sepulcrum tumulatus est: Princeps nulla re magis quam fœdo vitæ genere, ignauia, socordia atq; imminuta ex eo imperii maiestate nobilis, nulla virili prole ex Hērici nothi posteritate Regum postremus, ut numero sic fama. Subit memoriam admirari rerum inconstantiam: neq; mori tantum homines, sed & ingeniorum sobolem exolescere, in Principum posteritate, ubi minime oportebat, maximè: utque singuli morituri nascimur, ita indolem stirpiū, satorum, animantium, atque familiarum suos veluti natales, incrementaq; habere, ac tandem consensescere extinguiq;. Fuit in Henrico familiæ conditore viuū ingenium, & supra ortus conditionem animus maior. in Ioanne filio felicitas multo minor, neque par industria vigorq;. In Henrico nepote ignea mens, animus orbis terrarum ac cæli capax: sed imbecilla valetudine, breuique ætate præstare diu non potuit, quas promiserat virtutes. Ioannes eo nomine secundus ingenio fuit erudito magis literis, quam ad res gerendas idoneo. In huius filio Henrico, cuius res gestas modo, & obitum explicauimus, consēnit maiorum gloria fœdataque est: industriaque & virtus sibi viam ad Castellæ regnum, atque adeo vniuersæ ferme Hispaniæ patefecit, nouorumq; & magnorum Principum sobolem, ambiguo tum iure, publico deinde commodo.

*Ferdinandus & Isabella Castellæ Reges.*

## CAPVT V.

**H**enrici Regis obitu, omnia in Castella mutauere. plurima pars ad Isabellam sororem translata est: non pauci in Ioannæ Principis fide perstiterunt, Villenæ Marchio, Areuali Dux, horum propinqui & necessarii: quoniam tutorum primi erant, regni nomē penes eam futurum existimātes, regimen atque arbitrium rerum penes se, marito puellæ de manu traditor: eo quem priuatis rebus (ea prima cura erat) commodum maximè iudicassent. horum auctoritatem totus ille tractus Castellæ, qui Toletō Murcia pertinet, sequebatur: Calæcorum nobilium pars maxima, correptis etiam in Compostellanū Alfonso Azeuedium Fonsecam armis à reliquis dissentientem. Segobiæ in foro, suggestu è lignis excitato Isabellæ coram ab iis qui aderant, sacramentum dictum, contactis more gentis sacris: mox regiis vexillis explicatis concussisque voce præconis nominibus inclamatis, Ferdinandus Isabellaq; renunciati Reges sunt. subsecutus astantium plausus. petitæ osculo manus. In trabea, equoq; imposita Princeps ad templum maximū deducta superis pro diuino munere gratias agit, ut iis quæ dederant adderent perpetuitatem precata. Magna tunc procerum solitudo Segobiæ erat: Dynastæ, quos magnates dicunt, nulli primi Hispaniæ Cardinalis, Beneuentanusq; celeritate fidem studiumq; ut probarent, Segobiā festinarunt. ex interuallo Toleranus, Santillanius Marchio, Garfias Albanus Dux, Magister equitū, Præfectus Maris, Alburquerqueiusq; subsecuti sunt. ab aliis missi qui eo officio fungerentur, atq; ipsorū nomine in Isabellæ Principis verba iurarēt. Ferdinando sacramentū dicere non placuit, nisi præsentī regniq; cōmoda & leges, gentis instituto, exēplo vxoris iurato. Erat is Cæsaraugustæ conuentib. Aragoniis districtus, atq; in studium pecuniæ in belli Ruscinonensis sumptus redigendæ intētus. Ea spes quoniam in longum trahebatur, nūciata Hērici mortē, Ioanna sorore (paulo ante Ferdinando Neapolitano Regi erat pacta ex prioribus nuptiis cælibi) pro se substituta præfectaque conuentui, continuo in Ca-



stellam iter arripuit, in domestico dissidio ratus nihil celeritate tutius fore: vbi facto magis quā consulto opus est. Castellæ procures fide & opera venali nisi magnis præmiis per-  
 tituri in officio non erant. Eo ergo Almasanum delato Ludouicus Medinæ Celinæ Co-  
 mes misso Frâcisco Barbastrio Vasconum regnum Annæ vxori debitum affirmabat, Ca-  
 roli Vianæ Principis filia. vitium natalium subsecuto cum matre coniugio, veniaq; Pon-  
 tificum procuratum: de quibus rebus publicæ tabulæ proferebatur, veræ an cōfictæ non  
 constat, magna sanè confidentia animi, maiori quā pro viribus conatu. nisi quid opis in  
 Ferdinando esset ad id imperium obtinendum, aliunde præsidia fore. Gallici belli nimi-  
 rum importunæ minæ, impudensq; postulatam. Itaque Barbastrio repulso, Turueganum  
 continuato itinere peruentum est. Segobiam urbem obire distulit, dum opportunus ap- 10  
 1475 paratus adornatur. postridie noui anni Millesimi quadringentesimi septuagesimi quinti,  
 rebus omnibus instructis, in urbem est receptus. summi, medii, infimi dixere sacramen-  
 tum manus regias deosculati. De forma regiminis controuersia excepit. Isabellæ aulicis  
 negantibus Ferdinandum ad aliquam reipub. partem accedere fas esse, ac ne Regis qui-  
 dem Castellæ nomen adscribere. de qua re è Neapolitano regno, non vnum exemplum  
 proferebatur: vtraque Ioanna imperante, viros regio abstinuisset nomine, coniugio con-  
 tentos, atque eo honore, quem Regina vxor dedisset. Magna ingenia in ea contentione  
 iactata. Aragonii contra tendere: atque nulla Henrici virili prole disputabant ad Ioānem  
 Aragonium stirpis maximum rediisse res. Verū id Francorum moribus legeq; sanctum,  
 facile eludebatur, multis tum nouis, tum antiquis exemplis prolatis, Ormisindæ, Odifin- 20  
 dæ, Sanctiæ, Vrracæ, Berengariæ: quibus ad fœminas rerum in Castella summam rediis-  
 se sæpe constabat. Ergo eo conatu destitit. Inter virum & vxorem fœdus his legibus est  
 scriptum. Vt in regis tabulis, edictis, moneta, Ferdinandi prius, deinde Isabellæ nomen  
 exprimeretur. Contra in communi clypeo, Castellæ insignia Aragoniis potiore locum  
 occuparent. hoc gentis prærogatiuæ, illud viri dignitati datum est. Isabellæ nomine arces  
 obtinerentur. Eius sacramento tesseraq; quæstores vectigalia regia administrarent. Sa-  
 cerdotia vtriusque nomine, Reginæ voluntate darentur, modo viris literatis. Ab ambo-  
 bus cum vno loco essent, iura populi peterent finitimi longinque: disiuncti, quo loco  
 vterque esset, suo nomine ius diceret. aliis urbibus, & prouinciis, is penes quem esset re-  
 gius senatus. Idem ordo Prætoribus iuridicundo creandis seruaretur. Graues hæ condi- 30  
 tiones Ferdinando fuerunt: à subditis, vt acciperent, leges dici. Sed patientia firmato im-  
 perio, omnia sui arbitrii fore iudicabat. Simul Isabella Princeps pro insita prudentia, ægru  
 ,, viri animum accommodata oratione deliniisse memoratur. Suscepta de iure regni disce-  
 ,, ptatio non minus mihi molesta accidit & grauis. Quid enim iura imperandi distinguere  
 ,, necesse fuit, inter quos amor castissimus & sancti coniugii nexus constringit corpora, ani-  
 ,, mos, fortunas? Sit coniugibus aliis liberum, secretum aliquid à viris habere propriumq;  
 ,, in cuius me ipsam potestatem animumq; contradidi: decus, opes, sceptrum, vitā non com-  
 ,, municarem? tantumq; in mutuum amorem nefas committerem? stulta sim, nisi vnum  
 ,, omnibus imperiis maioris multo facerem. Vbi ego Regina, tu Rex, hoc est, rerum omni-  
 ,, um domi forisq; (nihil excipio) moderator, & arbiter. Hæc nobis sententia stat, æternū- 40  
 ,, que animo stabit, vtinam tam felix quam certa, piaq;. Tempori aliquid dandum fuit: le-  
 ,, guleiorum studiis in vmbra, otioq; magnum prudentiæ nomen velantium. Rebus geren-  
 ,, dis si hac contentione aulici & procures aliquid se promouisse credunt, nā se sua opinio-  
 ,, ne delusos breui sentient. nisi te volente nihil impetrabunt, honores, magistratus, opes,  
 ,, præfecturas. Duo tamen in hac molestia commodè accidisse arbitror. Cautum filia com-  
 ,, muni, quā tuum ius asserendo à paterna hæreditate exclusam oportuit: quo quid iniquius,  
 ,, nobisq; ipsis molestius contingat? cautum in omne tempus Castellæ populis: nam hono-  
 ,, res, regni arces, vectigalia, magistratus cæteris credere, neque ipse velis neq; sine inuidia  
 ,, gentis motuq; contingat. Id nisi placet, tua sum: de me, pro voluntate, proq; arbitrato sta-  
 ,, tuas licet. Hæc summa votorum est, destinataque voluntas. His verbis placatum Ferdi- 50  
 nādus animum ad rempublicam retulit, superiorum temporum perturbatione, & immi-  
 nenti noui dissidii periculo multis partibus iactatam.

*Lusitanus Ioannæ causam suscipit.*

#### CAPVT VI.

**F**erdinandum principem, Alfonsoq; Lusitanum vno tempore Villenæ Marchio ha-  
 bere ludibrio visus est, non minori quā pater ingenio, neq; maiori fide, in eā se partem  
 daturus,



daturus, unde certior spes ostenderetur priuatas familiae opes augendi: quarum prima cu-  
 ra erat, nulla famae memoria, ne aequitatis quidem. Petebat à Ferdinando, ut eius ope du-  
 bus æmulis quasi vitio creatis loco motis, ipse legibus auspiciatq; D. Iacobi Magister sub-  
 stitueretur. graue postulat. hominis nunquam fidi potentiam immensum augeri eo  
 adiuncto principatu. mite tamen responsum datum, temporiq; conueniens. Si Ioannam  
 sequestro traderet idoneo coniugio elocandam, haud moraturos spem ille præcise factu-  
 rum se negare: neque commissurum, ut fidem falleret Hérico Regi de filiae salute datam.  
 Eius ut patrociniū susciperet iure propinquitatis tutorum primus, rempublicamq; ca-  
 pesseret per fidos homines Lusitanum hortabatur. molliciem metumq; accusare: testari  
 superos, monere ne innocentem ætatem, regiam puellam ex sorore natam Rex opulētus  
 & maximus in periculo defereret. Superesse gentis studia, superesse procerum, eruptura  
 cum occasione maiora. Ducem magis quam voluntatem deficiendi deesse. Erat Lusita-  
 nus Stremotii ad regni fines, quo tempore Henricus Rex obiit. De rerum summa, Ville-  
 nniq; postulatis consilio habito, variae dictae sententiae. Plurimi bellum decernebant, con-  
 tinuoque armis in Castellae fines penetrandum, vaniloqui, feroces, procaces, neque bello  
 neque pace boni. Ingentes thesauros pace congestos, peditum equitumq; nubes, nume-  
 rosas mari classes iactant. Ioannes Lusitani filius eius consilii præcipuus auctor, belliq; fu-  
 nesti concitator, pro insita iuuenibus audacia temeritateq; præceps. Vnus Ferdinandus  
 Brigantinus Dux ætate grauis, cautior prudentiorq;, quod alii metum interpretabantur,  
 amoremve in Isabellam propinquam, fratris neptim, resistendum iudicabat: neque teme-  
 re sumenda arma. Villenium, & necessarios eos esse, qui paulo ante contra Henricum  
 Alfonso fratre Rege proclamato, Ioannam quasi adulterio natam repudiassent. Quod qua-  
 nunc fronte, quo nouo argumento mutarent, nisi venali pretio fide, unde maiora præmia  
 extarent eo vela daturi. Quas arces obsidum loco darent, fidem pari leuitate non muta-  
 turos, si maiora præmia Ferdinandus polliceretur? Qui populi conceptam animis opini-  
 onem euellerent, Ioannam illegitimis natalibus esse, ab ipsomet Alfonso Rege confirma-  
 tam, cum Isabellam coniugem expetiuit, Ioannae oblatas ab Henrico nuptias constanter  
 repudiavit. Mentiendo nimirum iactandoq; vires, quas non habent, vana spe inflant, in-  
 flatique ipsi sunt. Timidi canes vehementer latrant. modici sæpe torrentes, quam altissi-  
 mi amnes, cum maiori sonitu fluunt. Eos proceres, easque ciuitates suam sectam esse secu-  
 rutos affirmant, quos certò scimus, qua fide Henricum secuti sunt, eadem Isabellae cau-  
 sam complexuros. Vtinam rerum statum subiicere vestris oculis possem, & ut corpora sic  
 animi conspicerentur: Villenii vanitati minus credendum iudicaretis. Vera hæc esse pru-  
 dentissimus quisque iudicabat. vicit tamen plurimorum sententia: quæ iniquissima con-  
 ditio est, dum numerantur in consilio suffragia non ponderantur, apud Reges etiam re-  
 rum arbitros. Prius tamen quam se commouerent, Lupus Alburquerqueus ad conside-  
 randum rerum statum missus, multorum procerum syngraphas abstulit, Eboramque ad  
 Lusitanum adduxit fidei testes, si Ioannam Principem sibi connubio iungeret, tempore  
 haud defuturos. Toletani alienatio commoda conantibus erat. Is multos annos in aula  
 Regum assiduus, quæ res minus verendos magnos homines ipsa fatietate facit, otii cupi-  
 ditate (sic videri voluit) Segobia se subduxit. Februarii die vigesimo, haud obscure iratus  
 nouis Regibus: à quibus inani spe lactatum se esse conquerebatur, nullis præstitæ operæ  
 præmiis, contra exhausto patrimonio, magnisque sumptibus factis, ut ingratis Principib:  
 regnum quasi de manu daret beneficium suum. Præterea Cardinalis crescentem grati-  
 am malignis oculis aspiciebat, omnium apud Reges arcanorum arbitri, moderatorisque.  
 Ad eum sanandum frustra conatus adhibitus: cum minaretur potius intellecturos æmu-  
 los quanti constaret Toletanum Archiepiscopum iniuriis violasse: læsæ irritatæque pati-  
 entiae suæ quantæ vires essent. inanes etiam fratris Petri Acunii Buendiae Comitis preces  
 obiurgationibus mixtæ fuerunt, ne se & familiam perditum iret obtestantis. dubia spe in-  
 certum præcipitare periculum. Superbum ingenium, immodicaq; lingua magis monitis  
 irritabatur: ac præsertim Ferdinandus Alarconius, quæ è domesticis vnum maxime inti-  
 mum ingenii væcordia effecerat, incauti Principis auribus insidiando, noua identidem  
 implebat eius animum ira.

*Lusitanus se Regem Castella dicit.* C A P. VII.

**M**ouit Toletani discessus, præceptq; alienatio animi, iniecitque curam: ne suscepto  
 aduersæ partis patrociniū more suo remp. turbaret ardenti vir ingenio, inquieto ani-  
 mo, magnis opib. eo maiori studio præsidia ab omnib. conquisita, domestica externaque.



sanandi procures cura præcipua. Henricus Aragonius ad officium est pertractus Segor-  
 bio, Emporitanisq; restitutis, eorumque quæ commiserat venia data. cum eo Beneuen-  
 tanus amicitia in fide confirmatur. vtrunque eo proclivius factum fuit, quod coniugii ab  
 Henrico Rege pacti spes intercessa erat, Ioanna Scalona, ubi tenebatur, Castra Iulia aman-  
 data, quasi ad Lusitani nuptias: quem Villenæ Marchio Aragoniis viribus opponere co-  
 gitabat, distractis bello Gallico, & intestinis Vasconum motibus Perpiniani supremo pe-  
 riculo. Quod oppidum ex diuturna obsidione oppressum malis omnibus, nulla auxilii  
 spe, ad deditionis conditiones compulsus est, pridie Idus Martii: legatis quos detentos  
 in Gallia diximus, libertate concessa, oppidanis facultate, ut cuiusque mens esset disce-  
 dendi, resistendive. semestres induciæ inter vtranq; gentem additæ. Ad Gallum à Ferdinā- 10  
 do de pace Ruscinonensiq; principatu per conditiones restituendo, legatus benignum re-  
 sponsum tulit, amplissimaq; promissa. Si Ferdinandi filia Delfino nuberet, tantum se copia-  
 rum suppeditaturum annuæque pecuniæ, quantum ad Castellæ motus pacandos, re-  
 gnumque confirmandum satis esset. De Ruscinonensi principatu non recusaturum iuris  
 disceptationem. quod dati arbitri iudicarent id ratum habiturum. In eam rem Guillel-  
 mus Garrus à Gallia missus benignis auribus audiebatur, magno Aragonii dolore: qui se  
 inficio res tantas moveri per literas accusabat. Verebaturque ne delecto is Rege alio, rursus sui muneris remp. facere  
 tentaret. Serum consilium erat, usque adeo exulceratis voluntatibus. Lusitanus se ad regni  
 fines ostentabat cum validis copiis: in quibus equitum quinque millia erant, peditum mil- 20  
 lia quatuordecim, instructi omnes militaribus armis, vincendi confidentia maxima. Quod  
 erat proximum, desperata concordia bellum à novis Regibus comparatur. Cabrera quod  
 eatenus facere distulerat, ut maior muneri gratia esset, amplioraque præmia, regios the-  
 sauros tradidit, belli subsidium certissimum. Moia illi ad Valentinos fines Marchionis  
 nomine nobile municipium, sed modicum datum est. Chincbionium in Carpetanis  
 Comitibus honore, arciumque Segobiensium Præfectura iure perpetuo accessere, meritis  
 fideique constanter cultæ debitum præmium. Nam si verum fateri convenit: parti reten-  
 tique imperii Ferdinando & Isabellæ Regibus magna pars Cabrere opera & industria  
 fuit. Segobia cum Reges in belli curam intenti discessissent, Medina Campestris in po-  
 testatem venit, forum rerum venaliū vniuersa Hispania maxime celebre, eoq; idoneum 30  
 noua pecunia à mercatoribus redigenda. arcem Albanus eximia in novos Reges fide ve-  
 nientibus tradidit: Vallisoletum copiarum militares euocata erant. eo Reges concesserunt.  
 confluebant in dies copiarum equitum, peditumq; neque numerosa, neque valida. Partita  
 rerum cura Ferdinandus in Vltiori Castella substitit: ubi maiora gentis studia erant.  
 Isabella in Carpetanos abiit Toletanum si facultas esset sanatum. Vitauit ille congressum:  
 Briocamq; Compluto discessit, exiguum oppidum, sed loco & opere munitum. Literas  
 interceptas accusabat, quibus vitæ suæ insidias fieri constaret. Ne Velasus quidem Ma-  
 gister equitum ad eum sanandum à Regina missus quidquam profecit. Suscepti itineris  
 operæpretium fuit, Toletum in fide confirmata, præfidiis à Regina dispositis, uti res at-  
 que tempus monebat, Cifontano & Ioanne Ribera ex ea urbe pulsus, quos Toletano esse 40  
 addictos erat exploratum. Madritum vitatum arce in Villenæ Marchionis potestate. His  
 rebus confectis Segobiam Isabella rediens, argentum aurumque regium rude factum ve-  
 in formam pecuniæ mutauit. Quo tempore à Ferdinando Salmantica in fide confirma-  
 ta est, eius in eam urbem aduentu, direptis aduersæ sanctionis ciuium ædibus, quorum  
 erat magnus numerus. Zamora eadem felicitate venienti portas aperuit, pontis præfidio  
 à Francisco Valdesio prius tradito. dedita arx non est, eius præfecto Alfonso Valentia Vil-  
 lenii propinquo & necessario. Vim experiri longum erat. Taurum locis vicinam urbem  
 adire non est visum ob incertam Ioannis Villoæ primarii ciuis fidem, ad Lusitanos pro-  
 cliuius, non tam Ferdinandi odio, quam metu supplicii: quippe regium consultorē pere-  
 merat & multis aliis flagitiis erat obnoxius. Regibus Vallisoletum reuersis, Alcarassum 50  
 oppidum ad eorum imperium subiunctum est. Villenii imperium recusantes oppidani  
 arma corripunt: arcem obsident. missi eo à Regibus Comes Paredius, atque Alfonso  
 Fonseca Cauræ regulus cum sibi cognomine Episcopo Abulensi. Horum viribus Ville-  
 nius, qui ad famam rei gestæ cum copiis accurrerat impar, conatu dissipandæ obsidionis  
 destitit. eoque ardentiori studio Lusitanum uti festinaret, datis ad eum literis monet: fa-  
 cto non consulto in tali occasione opus esse: seque si adiuuaret languentibus aliis aduer-  
 sarios oppressurum. Accepta iniuria irritatus, ferociaque maximum bonum in celeritate  
 putabat. Erat Lusitanus ad Pacis augustæ fines mense Maio. Quibus diebus omnino ad  
 quintumdecimum Kal. Iunii, die Iouis natus ei ex filio nepos Olisipone est, cui de aui ap-  
 pellatione



Pellatione Alfonso nomen fuit. Brevis ætas auiti regni spes interceptit. sacramentum tamen dictum illum defuncto quamvis patre heredem auctorem futurum. Ex iis natalibus inter Lusitanos quidam expeditionem auspicatam fore ominabantur, fatum esse regno Castellæ potiri, leues homines & vani, nimium spei indulgentes, delusi euentu rerum. Ad Pacem Augustam Feriæ Comes erat in armis, fides Ferdinando, Seria oppido iis locis capto de aduersariis (Xerez nunc vocant.) Ad dextram Lusitani descedendum fuisset, vbi Carmo, Astigis, Corduba, causæ fauebant, ut capta Hispali nihil hostile à tergo relinqueretur: ad læuam verso itinere per Alburquerquei & Vectonum fines Placētiam peruenere, modicam urbem latissima soli facie, cælo graui. In ea vrbe Ioanna in Lusitani manus conuenit, celebratis sponsalibus. toro ne iungeretur, religioni datum est, priusquam propinquitatis vitium, venia Pontificum remitteretur. Iis tamen Regibus Castellæ proclamatis regium insigne est impositum. Lupus Alburquerqueus in ipsa lætitia Penamacoris Comes creatur: ut esset gratia meritis, atque labori prehendendis Castellæ proceribus sumpto. Iura quibus causa nitebatur de scripto promulgata, atque in omnes partes missa sunt, prolixo codicillo comprehensa, verbis haud obscure in Reges aduersarios cōtumeliosis. Hæc in exitu Maii mensis gesta sunt: simul de ratione belli deliberatū, in quam partē primum impetum darent.

## Zamora à Lusitano capta. CAPUT VIII.

20 **B**elli flamma multis vno tempore locis exarsit, certamine vti de regno par erat acerrimo, conatu supremo & maximo. Villenam & contributa oppida Valentini manu vexare ceperat. eo incolæ præsidio, & à Paredio Comite incitati, correptis consensu armis in fidem Ferdinandi concessere: ea lege ut in Regum ditione perpetuo manerent. Magistro Calatraue Ciuitas regia erepta est, quam in Oretanis occuparat Lusitani partes secutus nullo meliori iure. Ad fines Bæticæ, atque in Calæcis, ab vtraque parte in alteros excursions factæ & latrocinia præcipuo agrestium damno. à Petro Aluarado Tude vrbs Lusitani nomine occupata est. contra Burgenfium multitudine ad arma consternata, Lusitani partes secuti Enecus Stunica atcis Præfectus, atque Episcopus Ludouicus Acunia impugnantur. Lusitani animus ancipiti sententia suspensus erat, incerti cui primū parti occurreret: aliis alio vocantibus, ut cuiusque res erant, proceribus maligne supeditantibus, quæ prolixè erant polliciti, pecuniam, militem, commeatum, populis eam militiam quasi infaustam auersantibus. Ea res nouam inuidiæ flammam apud Lusitanos accendit. mens eorum & conatus labare cepit, præsertim cum Ferdinandus, cui vix quingenti equites erant quo tempore Lusitani primum in fines irruerunt, firmissimas copias numero, & virtute habere nunciaretur, equitum ad decem millia, peditum ad triginta. Ad Tordefillam, vbi statua erant, lustratus recensitusque exercitus est, ad prohibendos Lusitani conatus ardentibus cunctorum animis, accensis studiis. Re is constituta Areualum prius, quod in fide erat, inde Taurum petiit, aduocante Ioanne Villosa, præterea Zamoræ obtinendæ spe. Neque defuit euentus. urbem vtramque Lusitanus occupauit sine sanguine. Locorum commoditas inuitabat, commeatu importando idonea: quoniam eę vrbes ad Portugaliæ fines sitæ sunt. Eo incommodo commotus Ferdinandus, continuo itinere ad Taurum positis castris per fecialem Lusitanos ad pugnam prouocauit, ardētī homines ingenio: certo periculo, si in aciem prodirent, quoniam minori numero erant, quinque equites millia, pedites ad viginti millia, sed lecta Lusitaniæ pubes Castellæ incrementis aucta: si detrectarent, minori deinceps audacia, bellicque laude. Cautior Lusitanus copias dissipatas excusare: ad singulare certamen prouocare: in quo minus periculi erat, cunctationis maior occasio. non vltra verba processum. Ferdinandus, triduo statua eo loco habuit; nulloque alio moræ pretio pecuniæ in stipendium commeatusque inopia pressus, quod itinera hostis occuparet, retro conuerso itinere Medinam Campes-

50 **50** trem abiit. In eo oppido ordinum consensu concessum, ut ad belli necessitates templorum aurum dimidia ex parte mutuum sumeret, rebus tranquillis integrum fide integra redditurus. Eo subsidio ad obsidendam arcem Burgenfem contendit. Varia regii discessus & itineris retro conuersi relicta Tauro vrbe, opinio fuit. Plerisque metum & res inclinatas interpretantib. Toletanus ea ætate cum quingentis equitibus motib. superatis ad Lusitanum ire pergit: ne bello confecto desertæ causæ culpam incurreret, cuius se fauorem præcipuum fore professus erat, nihil fratris Comitum lacrymis commotus, atque eius filiorum Lupi Casorlæ Antelati, Alfonsique qui in patrui gratiam Pompelonensis Episcopus erat creatus, Ferdinandi Petrique: quib. agre erat patrui præcipiti temeritate incertum periculum ruere. Toletano atque Areuali Duce auctorib. Lusitanus cū mille



& quingentis equitibus, idoneoq; peditum numero, ad dissipandam Burgensem obsidionem ire pergens, intra Baltanasiæ arcem, quæ locis arduis impeditisque Pisoricam inter & Durium sita est, Beneuentanum ex deditioe cepit: misitq; Pennasielem. Ipse satis se profecisse ratus ad fructum laudemq; præda lætus, an diffusus ut par Ferdinando esset, si venirent ad manus, repente retro conuerso itinere, conatu abscessit Burgensem arcem iuuandi. Ioanna Zamoræ substiterat. Isabella Vallisoletæ, virili atque expedito animo Princeps, viri periculo permota, raptim iis locis delectu habito, Palentiam est progressa, Burgos si opus esset cum idoneis copiis continuo aduolutura. Expectatione tantæ rei suspensos omnium animos, hostium repentinus regressus sedauit. A Castellæ & Aragoniæ Regibus legati Romam, quò maior esset auctoritas, viri principes, magnoq; numero, dato mense Iulio senatu, mandata explicarunt: suosque Principes in fide officioq; fore sunt polliciti. Eatenus dilatum officium nouo Põtifici debitum, propter intestinos prouinciæ motus & graues, excusarunt. Benigne Pontifex respondit, rebus Aragoniis impenso fauens, cum quibus sanguinem miscuerat, Leonardo fratris filio vrbs Præfecto, iuncta Ferdinandi Neapolitani filia notha. Aegrè id Lusitanis oratoribus fuit: & controuersia nondum diiudicata affirmabant, debuisse eum mediam personam gerere belli spectatorem, aut arbitrum non participem. Ad id remedium recursum, quo similes disceptationes sanitas meminerant edictum, ne cuiquam Principi eo facto præiudicaretur. Legationis princeps Dezpuchius Montesiæ Magister, bellicæ virtutis & prudentiæ fama per omnes prouincias celebratus, nouis Italiæ bellis parta: quæ ab Alfonso Aragonio Rege gesta meminimus sæpe eius ductu. Lupo is Semeno Vrrca, qui ipso tempore Siculis præfectus cum laude fuerat, defuncto mense Septembri, Rege deferente eum honorem constanter repudiauit, tantulum vitæ certus religionis & pietatis studiis dare, in cœnobium secedens non à bellicis tantum, sed ciuilibus muneribus. Ioannes Aragonius Cæsaraugustanus Præsul diem obiit in arce Albalatæ ad Sicoris ripam, ad tertiumdecimum Kalend. Decemb. patre Rege Aragonio, materno genere haud ignobili, magna auctoritate, par opib. Vniuerso orbe hic annus celebris maxime fuit, venia seculari à Sixto Pontifice ad hunc annum, ac deinde ad quemq; vigesimum quintum redacta. Qua inuitati multi mortales Romam confluerunt: in his Ferdinandus Neapolitanus, ætate ingrauescente maiori quàm antea religionis studio.

*Zamora Vrbs à Ferdinando recepta.*

C A P V T IX.

**F**ine anni Catalaunicæ gentis conuentus, Aragonius Barcinone agitabat senex strenuus, neque ætate, neque laboribus fracto animo, de vtroque bello sollicitus Gallico Lusitanoque. Nam violatis induciis Trahiguerus cum Gallorū manu, per Ruscinonenses in vicinos Catalaunorum fines inuectus Laurentii fano capto, magnā prouinciæ formidinem incusserat: prorsus ut quod in extremo periculo fieri consuevit, omnes, quorum ætas ad bellum esset idonea, edicto ad signa euocarent. In Castella Lusitani arma vigebant, spe allata nouas in Gallia copias comparari, inter eum Regem & Lusitanum nuper icto fœdere. quo studio, Anglus Gallusq; eatenus infestissimi, hostes in finibus Ambianorum ponte facto, inter se collocti, pacem sanxerunt. Britannus etiam eo fœdere comprehensus est. præterea Burgundus Ludouico Lucemburgio Magistro equitū Galliæ, qui ad eum confugerat, Gallo donato. Indignum facinus viri inconstantia excusabat, fidesque ex fortuna semper suspensa: qua sæpe vtrosque ludibrio habere visus est. alii falsa inuidia laborasse affirmant, ex opulentia, ut sit nata. Sic sunt res & opiniones humanæ. Aduersus eas molitiones in Aragonia gente parum præsidii erat, diuturni belli sumptibus exhaustæ, angustis finibus prouinciæ. ad artes conuerso ingenio, ab Aragonio mense Nouembri induciæ vsque ad mensem septimum instauratæ cum Gallorum gente. Belli Lusitani cura Toletanus ad colloquium inuitatur. Quanta beneficia in regiam Aragoniam extitissent non ignorare: quod par meritis gratia non esset reddita dolere maximè. si positis tantisper offensionibus sui copiam faceret emendaturos. Repulit ille Aragonii preces, perdendi aut pereundi obstinato animo: sæpe ut comminatum fuisse fama sit: Isbellam à se Reginam factam: effecturum tamen, ut sceptrum colo mutaret. Regibus Castellæ hominis offensæ curæ magnopere non erant verentibus, ne eo reuocato Cardinalis Hispaniæ, in quo tantum præsidii rebus erat, alienaretur, præsertim indies aucta potentia, confirmatis viribus. nam per idem tempus Villenio Almagrum profecto, Ocania quam in ditione retinebat, orta populari seditione ab illo defecerat. Aduentu Cifontani Comitiss, & Ioannis Riberæ in fide studioq; oppidanis cõfirmatis, id oppidum Paredio Comiti est resti-



est restitutum, quasi Diui Iacobi Magistro. Zamoram Ferdinandus ipse euocatus Burgis à Francisco Valdesio, qui turribus præfectus aditum se patefacturum pollicebatur, occultus venit: vrbeque in potestatem redacta supremo conatu, arcem quæ Lusitano præsidio firmata erat, oppugnare statuit, nisi re confecta non discessurus. De colloquio inter Aragonium & filium actum: Eleonora etiam Vasconum Principe euocata. pacandi eius gentis tumultus erant ex Biamontensium & Agramontensium dissidiis, quæ fœminæ imperio maximè recruduerāt. & cura Gallici auxilii sollicitabat: quod Iuone Duce accedere nunciabatur: ac per fines Vasconum, ne in Castellam irrumperet, & se Lusitanis coniungeret verebantur. Cantabros ne ea parte Galli inuaderent, locorum asperitas, comineatus inopia, & gentis virtus satis tutari videbantur. Ferdinando ad Zamoram residente, fratris Alfonso Aragoniæ cura & virtute, qui dudum cum quinquaginta equitibus delectis auxilio ex Aragonia venerat, Burgensis arcis præfidiarii milites spe defensionis abiecta deditio-  
nem fecere ineunte salutis anno millesimo quadringentesimo septuagesimo sexto. Isabella Regina, cui deditæ arcis laus est reservata, consensu vtriusque partis, in id Vallisoleto euocatur. Magnum id momentum fuit, vrbe regia, atque arce penitus exclusis Lusitanis. arce præfectus est Dieghus Ribera, Alfonso Principis institutione sorori Isabellæ gratus, carusq; Madriti Ioanna Castellæ Regina decessit ad sextumdecimum kal. Febr. quidam superiori anno dicunt Idib. Iunii. Corpus ad D. Francisci sepultum. tumulus è candido marmore cum inscriptione constitutus defunctæ cernitur ad aram maximam, mortis ex eo loco Roderici Gonsalui Clauigii cineribus: qui legatione ad Tamerlanem Scytham functus, eam templi partem sua impensa constructam moriens sepulturæ delegit. Sic sunt rerum vices. tenuioribus etiam mortuis irrogatur iniuria. De obitu Reginæ varia & atrox fama fuit. quibusdam ex partu extinctam affirmantibus, plerique veneno Lusitani Regis fraude periisse malunt. Alfonso Palentinus in hanc partem inclinat: ex partu fama tenuit in peiora vulgi opinione prona.

## Pugna ad Taurum Urbem.

## CAPVT X.

Restiterat in Lusitania Ioannes Lusitani Regis filius rebus Præfectus. Indole is animi, ætatis ardore, & spe victoriæ ferox, cognitis reb. quæ gestæ erant, fortunam partium inclinasse, in Castellæ proceribus haud satis præsidii esse: nouo delectu equites contrahit ad duo millia, peditum millia octo. sed minor pars militaribus armis instructi: cæteri ut quemq; casus armauerat bello haud vtilis admodum erant futuri. cum his copiis Ledesmiæ ponte transmissis S. Felicis fano tentato, Taurum peruenit ad quintum Idus Februarii. vbi pater tria millia quingentos equites, pedites ad viginti millia habebat, vicinis locis in hiberna distributos. In collectitiō exercitu plus animorum & fiduciæ, quam vigoris & præsidii erat: sed ea tamen cura Ferdinandus cum Zamoræ arcem obsideret, minori multo numero, equitum ad duo millia & quingentos peditum duplicato numero, ex omnib. partibus copias militares euocat, nouo bello supplementum. Neque enim quieturi Lusitani erant, nisi Zamoræ arce liberata periculo, aut pugna commissa: cuius discrimen Aragonius vitandū omnino per literas & nuncios disputabat: monebatq; filium ne sortem totius certaminis subiret ardenti iuuenis animo. Quid enim in vnus pugne euentū, dubio ancipitiq; Marte, rerum & imperii summam committeret? quid præcipitaret spes pulcherrimè fundatas exiguo fructu, ut maximè victoria esset explorata? ætatis impetum ratione, consilioq; frænaret: parentisq; monitis obtemperaret, ob ætatem à multo rerum usu cautiore. Erant cum Ferdinando, Mendoza Cardinalis, Albanus Dux, maris Præfectus cum patruo Henrico Albæ ad Alistem Comite, Lemosii Comes, Asturicæ Marchio officio in Principem certantes. Validas equitum turmas ad Alahegium locis vicinum oppidum Ferdinandi Regis patruelis Henricus, Alfonsoq; frater, præterea Treuigni Comes tenebant. Ipsa etiam Isabella è propinquo, quam posset opem latura viro, Burgis Tordeillam accurrit. Lusitanum quamuis tantis auctum copiis, haud ignarum, numero virtutem non respondere, anxium in diuersum arcis defendendæ, & vitandi periculi curæ trahebant. vicit tamen honesti cura. obsessis opem ferre constituit. In Vaccæis ad Durii fluminis ripam geminæ vrbes sitæ sunt, Taurus Zamoraque. quibus Romanorum imperio nominibus fuerint vocatæ, sæpe est dubitatum. plures inuenio qui Tauro Sarabis, Zamoræ Senticæ, vetera nomina adscribunt: quos ut sequar, inclinat animus. Agro vberi, soli amœnitate atque prouentu, cæli salubritate nulli cedunt. numero ciuiū modico sunt. in plano sitas mœnium firmitas & arces muniunt. Zamora Episcopali sede est illustrior, ab ea Taurus sacra petit, alioqui nobilitate, cultuq; ferme par. modico distitas inter se in-



teruallo, flumen ad austrum alluit, gemino lapideo ponte iunctus. Tauro egressus Lusitanus, cum speciem præbuisset recta aduersarios petiturū, mutato repente consilio transmissso flumine ad D. Francisci quod cœniobium in aduersa ripa est, è regione Zamoræ castra locauit ad caput pontis, quo aditus ex vrbe erat, tormentis etiam obiectis. Ita neque impugnationem arcis impedire poterat, interfluente flumine: neque pugnae copiam faciebat. Verborum altercationib. tredecim dies sunt consumpti, nihil proficiebatur. Martii Kalend. die Veneris vasis ante lucem conclamatis discedit, Lusitanus pontis parte rupta, ne hostis insequi posset. Cognito hostium consilio Ferdinandus, cum copiis omnib. progredi statuit. dum pons reficitur, multum temporis consumptum est. Aluarus Mendoza cum trecentis equitibus nouissimum hostium agmen carpere, atque pugna distingere iussus est. Sic acies hostium impedimentis graues Ferdinandus est consecutus, angustis egressus in patentes campos, quinque millibus ab vrbe Tauro, vix reliqua exigua diei parte, nam præceps in occasum Sol erat. vitare pugnam hostis non poterat, Ferdinando propinquo, angusto ponte, quo transitus erat. conuersis agminibus acies ad pugnam instruit. Locus æquior, subsidium ab vrbe vicinum, victis perfugium, noctis tenebræ munitamento futurae faciebant animos. contra Ferdinando curam iniiciebant. Prudentib. certamen ex horrentibus, Ludouicus Touarius studio pugnandi ardens, contentaque voce.

» Aut cedendum regno, inquit, aut dimicandum est. Opinione famaue virtutis imperia  
 » parantur, bellaq; constant. quid autem huc processimus, nisi pugnandi voluntate? quid  
 » detrectatum certamen, nisi metus significationem continebit? Tu quidem Rex, macte  
 » animo, virtuteq; esto: hostes pauidos, & quia tenentur, ad pugnam conuersos, in ea flu-  
 » ctuatione animorum citius opprimes quàm ventum ad manus erit. Hæc dixit. simul pro-  
 » cerum sententiis exquisitis, pugna decernitur. Dato signo prælium ab equitibus incipit.  
 » Erat in primo hostium agmine Ioannes Lusitani filius, octingentis equitibus pedites  
 » immixti, qui globos igneos disploderent. Eius impetum, Aluari Mendozæ agmen susti-  
 » nere non potuit. fugati dispalatique equites sunt. Maius certamen inter Reges fuit. ibi a-  
 » liquandiu est certatum. pugna nullo more prælii sed latrocinio similis fieri, sine signis, si-  
 » ne ordinibus. Ad regium Lusitani vexillum magnum certamen fuit. Sotomaior Almei-  
 » dæ extorserat. confluentes ab vtraque parte milites concerpere. Almeida ipse capitur. e-  
 » ius arma in templo Toletano appensa victoriæ monumentum in Regum sacello visuntur,  
 » vexilli concerpti vicaria. Ad extremum fugatis Lusitanis, Rex ipse cum paucis ad mon-  
 » tes progressus non prius constitit, quàm ad Castrum Nunniū peruenit: & cum fugæ nul-  
 » la indicia extarent, occisum fuisse creditum est. Fugientes hostes insequi non licuit, tene-  
 » bris prospectu adempto. Henricus Alistis Comes ad Tauri pontem prouectus, in reditu  
 » ab hostium manu captus est: eorum, qui cum Ioanne Lusitani filio integri ad multā no-  
 » ctem in armis perstiterunt. Eam manum Ferdinando, quamuis proximo cliuo occupa-  
 » to, inuadere consilium non fuit, suis dispalatis toto campo, atque ad prædā conuersis.  
 » vtriq; horis aliquot eisdem vestigiis perstiterunt, diutius Lusitani. Id solamen aliquod ac-  
 » ceptæ calamitatis fuit, ignominia leuamen: quod historici Lusitani laudibus celebrant:  
 » atque à Ioanne Principe victoriam esse partam affirmant. Sic semper Christiani nominis  
 » hostes vincant. Ferdinandus Zamoram sese retulit: eoq; digresso Lusitani Taurum abe-  
 » unt. Toletanus prælio interfuit, Ioannis Principis à latere nunquam discedens. Cædes mi-  
 » nor quàm pro victoria fuit, neque captiuorum numerus magnus: præda maior direptis  
 » Lusitanis impedimentis magna ex parte.

*Rex Lusitanus in patriam redit.*

CAPVT XI.

MUltis vno tempore locis mouebantur arma: nullaq; ferme pars à belli malis immu-  
 nis erat. ex eo, vt fit, scelerum licentia confirmata. vniuersa prouincia milites vaga-  
 ri, dispersi per vrbes, oppida, & agros. cædes & latrocinia facere, vi & stupris cuncta fac-  
 dare, in omne nefas præcipites, atque venales. In magistratibus parum præsidii erat, ad-  
 uersus eas calamitates. inter ciues, quod superiori tempore factum diximus, ad ea vindi-  
 canda scelera veteres societates instauratae, nouæ institutæ, militibus in eam rem de publi-  
 co stipendio dato. Auctor salutaris consilii Alfonso Quintanilla ærario regio præfectus,  
 consilio bonus manuque. ex societates optimis legibus astrictæ institutisque temperatae  
 in vigesimum annum perstiterunt: cum externis hostibus victis, domesticis dissidiis com-  
 positis, rebus est reddita pax. Maior belli moles in extremos Cantabros incubuit, ea par-  
 te cui Guipuscoæ nomen vulgo est. Ad Olarsonem promontorium in extrema Hispania,  
 arx imminet Gallia finitima, maritimo atque terrestri situ inexpugnabilis: cui Hondarribæ



d'irribiæ incolis nomen est. firmissimas munitiones longa dies addidit Gallicis irruptionibus prohibendis, quibus sæpe finitimi vexantur. In id oppidum à Gallicis copiis impetus primum est factus, ad Ferdinandi vires, quò tempore ad Zamoræ arcem assidebat, alio euocandas consilium callidum. Igneis tormentis, quorum conficiendorum librandorumque gens Gallica peritissima est, murorum pars maxima corruens cum fragore late stragem fecit. Rudetibus completæ fossæ facilem aditum præbebant, exigua defensorum manu, atque iis, continuis vigiliis & laboribus imminutis. Dieghus Sarmetus Salinarum Comes, rerum summæ præfectus, cum se in eam arcem intulisset, quoduis periculum adire certus, obsessis animus creuit, locorum asperitate ingenia quoque & corpora duratis.

10 Eruptione facta in hostium munimenta prorumpunt. Disturbatis operibus, euerfis atque incensis machinis, quoniam bene prima successerant, nouis copiis subinde è Gallicis castris ad periculum accurrentibus, acie cum hoste dimicare non dubitarunt. maior redditæ, quam accepta clades est, neque obsidio dissipata. Madriti arx quæ in Villenii iure erat, magnum factioni præsidium, ab oppidanis correptis armis obsessa est. Petrus Arias, & Petrus Toletus primarii ciues multitudinem ad arma concitarunt. Missa à Regina auxilia sunt. affuit etiam Sanctillanus, quo maior esset auctoritas, vires maiores. Castra Iulia, Batiacque vno tempore Ferdinandi nomine obsidebantur, in Bætica & Lusitania. In Contestanis Chinchilla, Almanisacque orta inter oppidanos seditione defecerant: Valentinoque finitimos auxilio euocarunt, magno Villenii incommodo, cuius ditione ea oppida

20 tenebantur: tamen si eius industria in officio tum quidem perstiterunt. Aragoniis omnia secunda erant, aspera Lusitanis: eo amplius quod quartodecimo Kalendas Aprilis Zamoræ arx dedita Ferdinando est cum tormentis & omni apparatu bellico. Alfonsi Aragonii aduentus, vt deditiorem maturarent, multum contulit, impugandarum arcium scientia præstantis. Eo incommodo fractis Lusitanorum animis, vt extra periculum esset, Ioannes Princeps Ioannam nouercam amitinamque cum præsidio equitum quadringentorum, in Lusitaniam abduxit belli causam: cū pari numero Toletanus in Carpetanos abcessit, quasi vacillantes procerum mentes, & mutata repente voluntate locum gratiæ apud Ferdinandum quærentes, in fide confirmaturus, re victus tædio, nulla victoriæ spe. A Ferdinando Cantalapetra in Segobienfi agro obsessa. vbi Lusitanorum firmissimæ copię

30 erant. ea tamen lege semestribus induciis ab eius oppidi impugnatione cessatum, si Villalba, Maiorga, Portillium, Beneuentano redderentur: quas arces fidei obsides pro libertate dederat Lusitano. Vrcefiæ Rodericus Manricus, qui se eius militiæ Magistrum ferebat, occuparat: arcem obsidebat, quoniam Villenii præsidio tenebatur. ab eo & Toletano festinatum, si obsessis opem ferret. nullo operæ pretio facto, repulsi cum ignominia, ac periculo sunt, tum Roderici patris, tum Georgii Manrici filii virtute: cuius hoc bello præclara rudimenta extiterunt. vitæ breuitas prohibuit, ne virtutis indolem, præclarique ingenii lumen exereret factis: vt alio loco est commemorandum. Sic bellum terra gerebatur: neque mari quies erat. Lusitaniæ litoribus Andreas Sunierus cum paucis Aragoniis triremibus imminebat assueueratque. Tot aduersis casibus debilitati Lusitani Regis,

40 debilitati procerum Castellæ animi, quantum sibi virium decessisset non ignorantium, quantum studii popularis, infaustam militiam auersati, pars multo maxima ad sanitatem redire experunt. Primus Areuali Dux, Roderico Mendoza, cui præmium operæ in agro Toletano Pintus oppidum fuit, ad Isabellam legato illi sacramentum Madrigale dedit. Pro quibus supplicium merebatur, præmia amplissima retulit: ad veterem ditionem Alcantaræ Magisterium, de quo lis erat Alfonso Monroyo cum Ioannis Stunice Ducis filio, à regibus promissum, datumque. accessit Beatrix Paciecha Metellini Comes fratre Villenio cautior, fide haud constanti. Iisdem diebus, omnino quarto Nonas Maii coniugium Ferdinandum inter Neapolitani Regis nepotem, & Isabellam Ferdinandi filiā, pactum est. In cultum puellæ ducenta aureorum millia à Neapolitano promissa: tantundem quarta minus parte à patre, si alia proles mascula in spem regni esset suscepta. alioqui amplissimi regni spes dos esset. Fœderis maturandi occasio præcipua, ingens mutæ pecuniæ vis oblata Ferdinando, magnum rebus momentum in earum rerum difficultate, ea inopia ararii. Omnino Lusitanus ad eius rei famam, quam referentes, augebant, desperata victoria, temeritatem susceptæ expeditionis noua leuitate luere constituit, Castellaque deserta redire in Patriam, quoniam parum virium in domesticis opibus, parum in factionis proceribus fore prouidebat, externa auxilia conquirere parat, Gallicaque arma in Hispaniam commouere. tentata tamen prius concordia spes, controuersia arbitrium Aragonio & Toletano permissurum profitebatur. Serum consilium lite martis arbitrio ferme diiudicata repudiatum. Marialbæ Comite Tauri cum præsidio relicto, ipse



tristis atque re male gesta deformis in Lusitaniam Iunii Idibus abscessit. Pauci exules ad omnem adeundam fortunam abeuntem sunt profecuti, magis desperata venia, quam factionis studio.

*Lusitanus discedit in Galliam.*

CAPVT XII.

Lusitani opes in Castella eius discessu magis etiam inclinabant. In Ruscinonensibus & Ceretanis Gallica arma mouebantur, initique fœderis conditiones. Salsulæ arx munitissima Narboni obiecta, firmissimum ea parte Hispaniæ propugnaculū, aduersus Gallicos impetus ex deditione à Gallis capta: Lebia in Emporitaniis circumseffa. Externa iniuria, intestina discordia aucta est: Ludouici Mudarræ milites, quorum præclara opera extiterat in Perpiniani obsidione, secessione facta tumultuantes, non tam nocendi voluntate, quam ob stipendia multorum mensium non soluta, nonnullis oppidis captis ad arma spectare cœperunt: ac periculum erat, ne Gallos in societatem asciscerent. Non ante ea tempestas sedata, quam iustum auri pondus se breui persoluturos, à regis Ilerdæ datis prædibus est cautum. Gallicæ excursions prohiberi non poterant, exhaustis gentis viribus, Rege Aragonio longinquo, atque in Vascones profecto: vbi intestini partium tumultus nihil remittebant, meliori Beamontiæ factionis fortuna, à quibus Pompelo regni caput obtinebatur, Stella erat obseffa. His Ferdinandus fauere magna Aragonii Regis molestia. Sed ne Gallis ea parte aditu patefacto nouam tempestatem in Hispaniam attraherent, erat prouidendum. quibus erat persuasum de Vasconum imperio Ferdinando tradendo inter eum, Eleonoram, & vtriusque patrem Aragonium Regem consilia agitari: excluso Francisco Phæbo, quem ex Gastone Fuxesi ortum diximus, Eleonoræ nepotem. Vt eos motus pacaret, Ferdinandus in Cantabros abiit de Hódarribiæ periculo sollicitus, euocare auxilia parans, comparare classem: cui Latronem Gueuaram nobilissimo loco natum præfecit. Patrem vt Victoriā accederet inuitauit. Isabella Tordefillæ substitit: quod oppidum Durio alluitur, & Lusitanorum excursionibus prohibēdis erat idoneum. Trecentorum equitum præsidium aderat ductore Alfonso Aragonio leniro. Repetebat ille Calatrauæ Magisterium annis superioribus ablatum, neque magna neque nulla spe: nam Gironios conciliandi, præcipua Regibus cura erat. æger mora impatientiaq; Eleonoram Sotum, quam adamare experat in Isabellæ obsequiis versantem, quamuis inclinata iam ætate vir vxorem duxit, professæ castitatis lege à Pontifice Romano solutus. optimo sane publico ambitio importuna de Magisterio sublata est. quod molestum Aragonio patri accidit. adeo vt Ioanni, quem ille furto genuerat, Ripagorsam atque Villaformosam patri detractas daret: quas illi Rex adduxerat vindicato Iacobo Aragonio & occiso Barcinone: qui patris Iacobi Alfonsique aui Gandiæ Ducis iura, & secundum ea duo illa oppida repetebat, ferox conatu audacia exitiali. Ea maiorum meritis & nobilitati gratia fuit scilicet. Arx Segobiensis, vbi Isabella Ferdinandi filia erat, circumseffa in ciuium tumultu, ac ferme capta nunciabatur. Seditionis auctor Cabrera ex re priuata inensus ob ablatam eius arcis præfecturam, Alfonso Maldonadus, adiutoribus Ioanne Aria Episcopo, & Ludouico Mesa ciue primario. Isabella non magis filia, quam arcis periculo permota, citato itinere ad incendium accurrit. Sic tranquillitas rebus & vrbi restituta est, seditionis quæ pulsæ quæ iudicio vindicatis. mense Augusto id gestum est. Quo mense Aragonius, cum pede altero æger distulisset, Victoriā accessit. Nullus dies iucundior seni accidit. maximū vitæ fructū cepit, cū filiū aspexit, vnde ipse fuerat ereptis bonis omnib. cū ignominia reiectus, Castellæ Regem effectum. Et o superi, inquit, vt huius diei lætitia propria sit, facite. nulla molestia obscuret, nulla calamitas. & quoniam fortuna ad summum perducta retro volui consuevit, date, vt mutationem eius ipse potius priuatim, si quid est peccatum, si vindicare paratis, sentiam: quàm publico incommodo, aut filiorum calamitate luatur. Hæc lacrymis toto ore manantibus precatus, in filii complexum ruit, primum honoris locum deferens, prohibito dextram deosculari, ad læuam assidens, atque ad hospitium vsque comitatus. Id Castellæ maiestati datum. Aderat Eleonora Vasconum Principem vsque comitatus. Id Castellæ maiestati datum. Aderat Eleonora Vasconum Principem vsque comitatus. De rebus communibus consultatum: ac Aragonium constituisse scribunt, Aragonium imperium filio de manu tradere. quod in ea ætate verisimile est otii cupiditate tentatum: destitisse tamen ob Castellæ motus nondum compositos. Colora Gallicæ classis præfectus, Cantabriæ & Calæciæ litoribus tentatis, euastatisque in Lusitaniam discessit, vt Regem Lusitanum in Galliam ea classe veheret. Ad Olisiponem is erat, rebus omnibus, quæ ad profectionem opus erant, comparandis intentus. Inde consensu nauibus in Africam nauigauit primum. Duo Brigantini



gantini filii euntem persecuti sunt, Comes Penamacoris amicorum princeps, Ocrati Prior, Ioannes Pimentelius Beneuentani frater: preterea duo millia, & ducenti milites Tingi Arzillaeque praesidium. Septa soluens Illiberim tenuit mense Septembri: qui portus in Galli potestate erat. Inde Perpiniani, & Narbone regio cultu exceptus est. Lusitani aduentu maiori impetu concursum ad arma in Ruscinonensi tractu est. A nostris Laurentii fanum receptum: à Gallis Emporitani fines vsti, direptique. Domesticis dissidiis tumultuabantur prouinciales, eoque aduersus externam vim nullo cōmuni consensu. Quo tempore Aragonius se victoria Tudelam Vasconum oppidum retulerat, in vnam curam tumultus eius gentis pacandi incumbens. Ioanna eius filia in Catalaunis pro patre res gerens, imbecillitatis conscia bellum auersabatur. ablata tantum iure feciali vtrunque repetita frustra: & inducias tamen tenere placuit antea pactas. Lusitanus pedestri itinere Turonum urbem tristis contendit: vbi Rex Gallus ea tempestate erat. splendide acceptus atque habitus die constituto secundum salutem hac sententia locutus fertur. Cogor prius oneri, quam vsum esse, quo nihil in vita molestius accidit. Sed bonis tamen nostri regni rebus gratorum sociorum officio functi saepe, munus tamen officiumque nostrum vestris meritis minus fuisse scimus, fatemurque. Hæc mittantur. Est enim fœda meritorum miseris in ærumna iactatio. Nullæ mihi cum Rege Siculo inimicitia sunt, nisi quæ publicæ: nec gentem Aragoniam sed scelera sed latrocinium persequimur. Ereptus Ioannæ sponsæ ex sorore natæ paternus principatus, opesque, prohi dedecus indignitatemque omnium gentium armis vindicandam, belli sumendi imposuit necessitatem, infelicis hactenus. sic est cælitibus visum, tristes saepe casus solitis lato exitu mutare. Quod in tua manu Rex inuicte situm est. tu iusto pioque dolori mederi vnus potes, & in nostris malis vestras etiam iniurias vindicare, bellum Ruscinonense & Cantabricum optato exitu terminare, Vascones è faucibus eripere auidissimi tyranni. An eo imperio occupando, rationes defuturas creditis ei, qui dotale imperium armis inuasit, eripuit, oppressit nullo commodiori iure? An facultatem, Castellæ & Aragoniæ praesidiis circumfesso, regionibus modico? Erratis si vllis finibus ambitionem resistere putatis. Scimus auro & lectissima pube Galliam abundare: Neque vniuersæ quamuis Hispaniæ collatas vires, pares vnquam fuisse. Neque nos ita destituti sumus, tamen si supplices vestram opem imploraturi, tantum laboris suscepimus. supersunt integræ Lusitani regni opes, in Castella studia partium partim aperta, plura cum usus erit, & victoriæ spes maior, eruptura. Vestris tantum auspiciis bellum, quod iam est inchoatum, geratur. Nihil vanitatis in nostra oratione est, & alioqui supplicibus Regibus opem ferre, malis publicis mederi, commodis omnibus, si nulla ostenderentur vt sunt maxima, honestatem, dignitatem, officium præferre, quorum nisi magnorum Principum, quales vos estis, munus est? Ad hæc Gallus pauca: sibi id curæ fore respondet, daturumque operam, ne frustra ad suam opem confugisse videatur. Verbis facta non responderunt. Luteriæ quo discessum est vrgenti Lusitano belli gemini necessitatem aperte excusauit, cum Burgundo Angloque instaurati, ac maiori erumpentis impetu. Præterea lege propinquitatis irritato coniugio pia arma non fore. sic Lusitani conatus delusi sunt: etsi Burgundo is cōgnatione propinqua, nempe amitino & fœdere iunctus ad eum profectus pacis vniuersæ se interpretem auctoremque offerebat, nihilo feliciori conatu. Nouo Castellæ commodo in Gallia mouebantur arma. Ad Hondarribiam enim in ea rerum Gallicarum difficultate induciæ à Gallis concessæ sunt, breues primo, terraque tantum, deinde agente Cardinali Hispaniæ longiores & sine exceptione.

*Taurus de Lusitanis capta.*

CAPVT XIII.

Reges pater & filius Victoria disgressi, rursus ad sextum Nonas Octobris Tudelam conuenere, si Vasconum tumultus componerent. Habebat vtraque pars suas cliente las & domesticas & externas: in aulis etiam eorum Principum factionum studia gliscebant. Euocati Lerini Comes & Magister equitum Petrus Peralta factionum capita, se & suos in auctoritate Regum fore professi sunt: quod illi sanxissent habiturum, si fallerent, dira caput suum obtestatione execrati. à Beamontiis etiam Pompelo Ferdinandi fidei quasi sequestro cōcredita, ab aduersa factione arces aliæ Aragonio contraditæ sunt. Aderat Alfonsus Carrillius Buendiæ Comitis frater Pompelo. Episcopus. Molestæ ex molitiones Magdalensæ Fuxensis iunioris vxori acciderunt, coitionem & dolos suspicata, ac de filiis sollicita: ne hereditate paterna excluderentur. Berengarius ad eam legatus constitutæ concordia causas & conditiones explicuit. Debere illam bono animo esse: de Regib. patre & filio secunda omnia expectare. Periculi amplius ex Gallia impende-



re. ne se in fraudem induci pateretur iungendo cum ea gente vires ad Hispaniam iniundendam. Esse quidem Gallum fratrem: cum Aragonio & filiis maiora necessitudinis iura suppetere. Ad hæc illa pro beneuolentia proq; officio gratias agere. De fide dubitasse nunquam: neque à fratre, de viribus sociandis appellatam. ne commissuram quidem, vè necessitudinis cum vtrisque initæ oblita videretur: & si facultas sit, pacis potius quàm armorum auctorem fore. In medio conatu Vascones pacandi, noua lætitia accessit. ad tertium Nonas Octobris legatis vltro citroque comitantibus, coniugii leges ipso in oppido firmatæ sunt, Neapolitanum inter & Ioannam Aragonii filiam antea pacti. Sponsalia Cerueræ præbita in Catalaunis, vbi sponsa res gerebat ipsaque Neapolis Regina salutata est. Nouis nuptiis ea regia vacua effecta erat, Beatrice Neapolitani filia ad Matthiæ Hungarum, cui erat desponsa, nauibus amandata, præstanti probitate pudicitiaq; vètre infecundo, geminis quamuis nuptiis initis: his & deinde cum Ladislao Rege, qui in Matthiæ locum est annis insequentibus subrogatus neque pari virtute, neque felicitate. Non cessabat interea Isabella Regina. Taurus vrbs à Castellæ copiis, ductoribus Alfonso Fonseca Episcopo Abulensi & Friderico Manrico Roderici filio, nocturna vi, furtoque capta est. pastor quidam Bartholomæus nomine aditum in urbem monstrauit, qua parte colle munitæ minor custodia adhibebatur. Repatrata circumfessa arx est. aduolauit ad rei gestæ nuncium Isabella Segobia: vbi priori seditione pacata, ciuibus confirmandis districta erat. Eius aduentu Maria Ioannis Villoæ vxor defensione desperata arcem dedit quarto-decimo Kalend. Nouembris. Gener Marialbæ Comes vicina arce relicta, cui Villalfonso nomen erat, cum paucis qui supererant, Lusitanis militibus, magnis itineribus, notisque tramitibus in Lusitaniam abcessit. Magnum erat operæpretium factum. Supererat Castrum Nunnium, vnde Petrus Mendania latissimè prædas agere, & omnia circum infesta reddere, vir ardenti animo, magna militari scientia. Vt Taurus est capta, in eam arcem promotæ copię sunt. tormenta atque alia impugnationi idonea aliquot dierum labore eo deuecta. si de hostibus esset recepta, omnia eo tractu fore pacata sperabant. Verum conatus ille inanis fuit. De Toletano, & Villenio conciliandis agebatur. Villenius æquiores se præbebat: videbaturque supplex à Ferdinando pacem legesq; accepturus modo æquas, & Villena, ac viginti amplius oppidis quæ eo tractu erant, ablata, restitutis. Toletanus du-riorem se præbebat: tametsi Aragonius non desisteat filium obtestari, vt tantum virum bonis malisve conditionibus pacaret: inconstantiam fortunæ vereretur, ex summo saepe retro conuerti solita, ac verò præcipitare. Prioribus meritis, quæ maxima fuerant, nouas offensas condonaret. eo pacato Lusitani factionem penitus debilitatum iri. Rei perficiendæ nondum maturitas venerat: & iam tamen appropinquabat. Venia certè Villenio promissa, atque ditio vniuersa, arcibus quæ Madriti, & Castris Iuliis obtinebat, Ferdinando restitutis. Idem Toletano datum: quæ spe Lupus Acunia eius ex fratre natus Optam dedit, quam Ducis nomine Henrico Regi extorserat in ea temporum perturbatione, labeque. Interea duo magni Principes pari prope fato vno tempore occisi sunt, Galeatius Mediolanensis, Carolus Burgundus. Galeatius ad aram D. Stephani, eius memoria die celebri paucorum coniuratione, priuatos dolores vlciscentium, effusas Principis libidines. Carolus dum Nancium Lotaringiæ urbem iterum obsidet, tempore anni alieno, atroci hyeme, male augurantibus suis, dissuadente Lusitano sub illud tempus ad eum profecto, Nicolao Campobasso deferente, cum Italarum parte, prodenteque hosti arcana, Nonis Ianuarii à Renato Lotaringio Heluetiisque, quorum ab eo tempore nomen celebre esse cœpit, acie victus cecidit, vnica filia Maria relicta: quæ Maximiliano Austriæ Duci iuncta, quantam belli molem atrocis ac diuturni attrahet in Hispaniam, captas continuo à Ludouico Gallo Burgundias, Quintinum, Peronam, aliaq; ad Somonam amnem oppida, ad ius pristinum reuocare dum Burgundi dum nostri tentant maiori conatu, quàm prouentu. Maria tres filios peperit Philippum, Margaritam, Franciscum. quarto anno ex quo nupta fuerat, cum esset grauida, ex equi casu concusso vtero periit. Ex Galeatio Ioannes Galeatius relictus est (Isabella ei Aragonia Neapolitani ex Alfonso filio neptis iuncta erat) impar ætate ad remp. gerendam: præterea Blanca Maria Maximiliani iam Cæsaris vxor altera futura infecundo coniugio, tum Anna tertia Galeatii proles.

*Arces alia receptæ.*

C A P V T X I V.

**N**Ouam importuno tempore contentionem de D. Jacobi Magisterio concitatam Isabella prudentia cōposuit. Rodericus Manricus Paredius Comes D. Jacobi Magister  
mensē



in mense Nouembri decessit Vrceſiæ, præclaris maiorib. egregius ipſe, Oſca in Baſtitanis de Mauris capta annis ſuperioribus magnam adeptus famam. corpus ad aram templi maximam eo in oppido ſepulcro illatum: ſupremuſque honos defuncto eſt habitus. Optimi parentis obitum Georgius Manricus natiua eleganti deplorauit: in qua multæ poeticæ virtutes inſunt, clara ingenii & ſententiarum lumina. æmuli mortem Alfonſus Cardenas ſuam occaſionem facturum, Vrceſiam petere conſtituit, armato milite formidabilis vini adhibere paratus, ſi morarentur ſpem honoris adipiſcendi. Tredecim viri, quorum eæ partes erant, ad comitia conuentu facto. Multis aliis proceribus bonis malis artibus eum honorem ambientibus, ne res ad arma deducerentur, periculum erat. Eo metu an ditionis ampliffimæ auiditate, inter Ferdinandum & Iſabellam conſilia Tauri agitantur. armis vim coercere longū erat. ad artes conuerſis animis, Ferdinādus Tauri ſubſtitit: Iſabella Ocaniam Vrceſiamque contendit feſtinatione tanta, vt tridui itinere Valliſoleto Vrceſiam perueniſſe Pulgarius ſit auctor. Suadet militibus, vt concordie ſtudio ſe Ocaniam ſequantur. nobilis municipii amplitudine tutiores ad decernendum fore multis exemplis in eo Magiſtri palatio comitia celebrata fuiſſe confirmat. hortatur in eo oppido ſermonum miniſtris Fonſeca Abulenſi Epifcopo, & Fernando Aluaro Toletō à ſecretis Reginæ, vt ad vitandos tumultus eum ordinē conſenſu Romani Pontificis Ferdinando Regi adminiſtrandum ad tempus permitterent. Ad ſanandas militū voluntates reuocandamque concordiam, haud minori auctoritate opus eſſe. Re deliberata milites Reginæ poſtulat ſiſ annuunt, parata multorum aſſentatione: plerique non tam certa obſequendi voluntate, quam excludendi deiiciendique aduerſarios: quæ magna ſed frequens comitiorum labes eſt. Id initium fuit, militum eorum potentie imminuendæ, exemplum, quod ad Calatrauæ & Alcantaræ ordines breui eſt propagatum: etſi Alfonſo Cardenæ, paulo poſt datum eſt, vt ordinis Magiſter eſſet, magna multorum procerum offenſione, vnum ſibi prælatum dolentium, nullis meritis, neque comparanda familie nobilitate. ſic illi conquerebantur. Ferdinandus rebus in vltiori Caſtella compoſitis, factisque induciis cum Gallis & Luſitanorum reliquiis Ocaniam abiit initio anni Miſeſimi quadringenteſimi ſeptuageſimi ſeptimi. Vreniæ Comiti Ioanni Tellio Gironio ad officium ſynceræ voluntate redeunti, venia eſt data. Toletō, atque Madrito luſtratis, nunciatum eſt, Luſitanorum varias manus Pacis Auguſtæ & Mirobrigæ fines vrere importunas inſenſasque. Gometio Figueroæ Feriæ Comite præmiſſo ad vim arcendam, partita reipub. cura, Iſabella quidem ad Luſitanie fines abire conſtituit, rebus præſidium: Ferdinandus aliquot diebus Madriti conſumptis, Toletani ſanandi ſpe, nam pacatus ferox animus non erat quamuis paulo ante venia impetrata, eo regium colloquium, ad quod inuitabatur, vitante, ad nonum Kal. Aprilis die Lunę in Vltiorem Caſtellam diſceſſit eura Vaſcones pacandi: vbi nouo partium conatu multa mouebantur: recensque Stella ab imperio defece rat ab Agramontiis occupata: idque oppidum Eleonora Princeps ſuis & Caſtellæ viribus parabat impugnare. Quibus diebus nouus metus eſt allatus. Albohacenus Granatę Rex improuiſo violatis induciis, quę aliquot annis ſteterant, cum quatuor millibus equitum peditibus ad triginta millia in Conteſtanos incurrit. ſecuros incautosque opprimit: octauo Idus Aprilis, ipſo Chriſti ad vitam reducis memoria ſacro die Cieſam iis locis ignobilem pagum incendit, euertit incolis trucidatis. Magnæ inde prædę abactę pecorum armentorumque. Petro Fagiardo Murciæ Antelato quamuis ad defendendum excitato ſeſe incolumes barbari in fines retulerunt, maiori incuſſa formidine, quàm damno illato. Sed noua moueri arma, & neceſſitatem impoſitam iniurias vindicandi graue erat, inſtinnis motibus nondum pacatis. Eo ſtudio geminæ arces, quę in Luſitanorū fide erant, Cantalapetra, atque Caſtrum Nunnium nouo conatu circumſeſſæ impugnataeque, deditio ne facta in poteſtatem venerunt. Cantalapetra citius ad quintum kalend. Iunii: Caſtrum Nunnium Mendaniæ virtute deſenſa diutius reſtitit. ſed dedita tamen, atq; prouincialium 50 concurſu euerſa eſt: ne latronibus receptui eſſet, quippe locis arduis ſita. præſidiariis vtriuſque arcis militibus facultas eſt conceſſa incolumibus, & cum ſupellectile in Luſitaniam migrandi. Mendanię ſeptem florenorum millia adiecta, Duci, ſi nihil aliud feciſſet, arce ea tandiu deſenſa nobili claque. A Regina Caſtris Iuliis ſubigendis non minor opera data eſt, arcem Villenii nomine Petrus Biatia præfectus muniebat. de deditioe appellatus, negare primo facturum, niſi Villena & contributis oppidis Villenio reſtitutis: (ſic antea conueniſſe dictum eſt) vir eximie conſtans fortisque: Non recuſabat Regina oppida ea tradere, quibus ille nominaiſſet. penes eos quaſi ſequeſtros ſemeſtri ſpatio poſtquam fuiſſent, Villenio reddendam. Ille fraudem & dolum ſubeſſe ratus cunctari, recuſa reque. vix à Villenio ipſo, in arcem ingreſſo, victa conſtantia viri, non tam de ſuis



rebus, quam de heri dignitate & commodo laborantis. Ita dedita is arce, amicitiam Villenio clientelamque renunciauit, ignauiam eius pertesus: qui neque sua dignitate moueretur, neque de suorum salute laboraret: nam præ festinatione neque ipsius præfecti, neque militum incolumitatem fuerat pactus. Ferdinandum res Bæticæ, quò Isabella euocabat, & ipse in animo habebat, adire Vascones non permiserunt: neque Ioannam sororem priusquam in Italiam nauigaret amplecti. Mense illa Augusto classi imposita, qua Alfonso priuignus, Petrus Gueuara Vasti Marchio, alii viri principes ad litus Barcinonense erant appulsi, omnibus officiis in Liguria culta, ad virum tandem peruenit. Nuptiarum lætitia Neapoli ludis, spectaculis, conuiuuiis, cultuque & splendore ciuium celebrata est.

Bætica pacatur. CAPVT XV.

**R**eliquis Castellæ partibus vix quiescentibus, motus in Bætica extabant. proceres pro se quisque vrbes arcesq; præsidii occupare: vt cuiusque vires erant prædæ temp. ludibrio maiestatem habere. Ab Assidonix Duce Hispalis obtinebatur: à Marchione Gaditano Cæsarianum: ab Alfonso Aquilario Corduba. species obtendebatur, se muniendi aduersus finitimos regulos, vim externam propulsandi Lusitania vicina. spoliis prouinciæ, augere opes erat in animo: quod malis reip. temporibus ferme accidit: imminutis publicis opibus priuata crescant. Et erant intra eas vrbes factiones populares. Hispalis ciuitate inter Assidonium & Gaditanum diuisa studiis, Cordubæ Aquilarium inter & Cabre Comitem dissidia vigeant, vt si vlllo tempore grauissima. Isabella prior Hispalim multis quauis dissuadentibus, neq; enim iis venerat copiis, vt vi agere posset, delata tamē in eam urbē, arcem naualeq; occupauit: detraxitq; Assidonix Duci, maiori, quam pro sexu, & viribus animo, Ferdinandus rebus in Vasconibus ferme desperatis, in Vltiori Castella compositis, Ribadei Comite Petro Villandrando Calæcis præfecto, Alfonso Aragonio fratri, & Magistro equitum reliquæ prouinciæ cura data, ipse in Bæticam festinare constituit, rebus præsidium certissimum. Guadalupeum Virginis sanum ex itinere iniit venerabundus, supplicationesque habuit. Albano & Beneuentano sequi iussis, quoniam dubia fide inter se & cum aliis proceribus conspirare nunciatum erat, Hispalim idibus Septemb. peruenit. Gaditanus aduerso rumore erat, quasi Lusitanis fauens in Regum oculis Alcalam Gadairam præsidio obtineret. Actum de eo conciliado. remotis arbitris noctu ad colloquium venit. de reddendis arcibus appellatus, facturum se negauit, nisi Nebriſſa, Vtrera, aliisque arcibus ab Assidonio, Regi restitutis. se nudato præsidio, quid aliud quæri, quam vt inimici potentia opesque crescerent? æqua postulare visum. ab utroque arces Regi redditæ sunt. alii proceres horum exemplo haud difficulter imperata fecerunt: præsertim cum Granatæ Rege, in quo præsidii magnam partem ponebant, iisdem diebus pactis induciis, opera Dieghi Cordubæ Cabre Comitis præstanti fide viri: cui cum Rege barbaro vsus erat, multa familiaritatis iura. sic in Bætica res erant sanitati proximæ. In Vasconibus desperatæ ob studia factionum nunquam satis composita. Eleonora Principe quamuis identidem obtestante, sedecim mensium tempus componendis controuersis designatum Tudelæ in conuentu Principum fermè exiisse, quoniam in patre, fratreque parum præsidii esset, externam opem conquisituros. ad auctores reditionis culpam impositæ necessitatis. nisi occuparent gentis conatus, exitium instare. Dant animum ad loquendum liberè vltimæ miseriæ. æquissima postulata surdis auribus accipiebantur, longinquis Regibus, multisq; reipub. difficultatibus, aliis super alias. Aragonio præter Ruscinonense bellum, Siciliæ atque Sardinia res curæ erant. Raymundus Folchius Cardonæ Comes Siciliæ moderator Neapolim Ioannam Reginam secutus, res in Sicilia gerebat: cum in ea insula defuncto in minore ætate Ioannæ Cabrera, paternum auitumq; Modicæ Comitatum, ad Annam sororem hæreditate deuolutum, multi vno eum tempore ambiebant, alii exclusa puella, alii eam in coniugium expetentes. Aragonius, quoniam publicè referebat quæ illa maritū ascisceret, ampla ditione opibusq; Alfonso Aragonio Ferdinandi Regis filio notho eas nuptias destinabat. Verū Fridericus maris Præfecti filius iis nuptiis postmodum potius nobilem principatum in suam familiam inuexit. Leonardus Alauona Oristani Marchio nunquam satis fidus, in Sardinia tumultuari cœpit, à Carrocio Prorege contra icti antea fœderis conditiones violatus. Inuictum Aragonii animum ætas imbecilla, tantæ curæ non obruunt: quasi in specula præfidens in omnes prospicit partes: Alauona more maiorum accusatus, vt spoliatioe principatus puniretur sancitum est. sententia Idibus Octobris Barcinone pronunciata. exercitui supplementum nauis missum, neque numerosum neque validum. sic bellum extractum in multos dies. Ferdinandi rebus in Bætica pacatis, spei mixtus metus sollicitabat. Lusitanum in patriam



triam relatum nauibus, quamuis venia nuptiarum à Sixto Pontifice concessa tandem nulla externa auxilia impetrasse. Id solamen erat: à Toletano tamen euocatum fama ferebat: quæ vereri cogebat, ne occultæ insidiæ subessent. Sed is vitio ætatis vacillante sensu parum prouidebat animo: ira consilio inimica, atque ambitio impotens malum agebant præcipitem, oculisque officiebant: & erat fama cognitum Lusitanum ante reb. desperatis Luteria noctu profectum, ut Romam & Hierosolymam obiret, mutataque veste monachum indueret, tædio magis quam certa voluntate. eum aliquanto spatio progressum, è tribus comitibus vni clauē data iussisse, ut scrinium quod Lutetiæ reliquerat aperiret. In eo geminæ literæ inuentæ: alteræ ad Gallum quibus consilii sui rationem aperiebat: filium monebat alteris, ut quamprimum regium nomen capefferet, sui nulla cura quem superi, hominesque destituisent: delictis tamen veniam sperare propitiaque numina deinceps fore, ea calamitate & ignominia placata. Eam summam votorū esse. Letis literis, filius cū singultu & lacrymis regium insigne desumpserat tertio idus Nouembris. A fuga pater consilioque, Galli diligentia est retractus. deinde ad Cascales oppidum appulsum, quinto die post inaugurationem filius ingenti lætitiæ significatione mœstum, atque insolita macie deformem obuius excepit: in regnumque restituit. Ad hūc modum Lusitanus feroces primos impetus habuit: extrema ludibrio fuere. Proximum annum Millefi. quadrin. septuage. octauum faustum effecit Philippus in Belgis ex Maria Caroli 1478 Audacis filia & Maximiliano Austriæ Duce ortus decimo kal. Feb. imperii amplitudine & posteritate felix futurus: breui quamuis vita in flore ætatis est raptus. Florentiæ, quæ libera ciuitas erat, in templo Liberatæ coniuratione ciuium in Mediceos fratres, quasi libertati ciuium insidiantes impetu factō, Iulianus occiditur, Laurentius ærarii sacri munitione euadit. Eo facinore commoti ad arma populares. Saluiatus Pisanus Archiepiscopus coniurationis conscius & particeps, quasi re patrata ad palatium, vbi Senatores iura dabant, aduolans inde populum ad arma concitaturus, facie turbata capitur: ac mox re cognita laqueo è fenestris suspenditur, crudele impiumque spectaculum. Cardinalem Sancti Georgii, qui Florentiæ aderat, & coniuratis fauisse fama vulgabat, Pontificis auūculi metus, & personę sanctitas, ne eodem impetu violaretur, tutata est. Noui id belli initium fuit, quo Florentinæ opes aliquandiu vexatæ sunt, Pontificis & Neapolitanis armis. ciuib. Florentinis ob cæsū Archiepiscopum in impiorum numero habitis, agente Franco Rege, atque novos terrores ex Gallia ostendente, conuentu Aureliæ instituto de Pragmatica sanctione restituenda, ius tandem sacrorum Pontifex, pacemque dedit, illibata vsq; dum eius vrbs libertate.

## Ioannes Ferdinando nascitur. CAPVT XVI.

Bellum in Sardinia erat atrox cruentum, anceps. Insulæ copiis in duas partes æquas diuisis, factiosi maiori quam regii ardore pugnabant, quippe pro salute libertateq; spes victoriæ in externis constituta Genuenses ne Leonardo ferrent opem ob antiquas necessitudines vtriusque gentis, induciis Neapoli factis retenti sunt: contra ex Aragonia & Sicilia noua auxilia missa sunt. Comes ipse Cardonæ Siciliæ Prorex cum classe ad periculum nauigauit. Leuia prælia multis locis facta. ad extremum ad Machomeratæ arcem collata castra: atque iusta pugna est dimicatum. cæso Artaldo filio, fufis fugatisque copiis, Leonardus Lembum ad litus nactus mari profugiens, cum in duas triremes Aragonias incidisset, à Villamarino classis Præfecto in Hispaniam deductus, Setabi in custodiam est datus. bona fisco addicta: oppidaq; omnia tum in Sardinia magna multaue, tum in continenti ablata. Oristanumque & Gotianum lege perpetua addicta Regibus, atque ad alios principatuum titulos adiuncta in tabulis publicis ab eo initio sunt. Pugnatum est ad quartumdecimum kal. Iunias victoria non modo in præsens læta, sed in futurum securitati fuit, ea insula penitus sub imperio Aragonio quiescente: de cuius possessione torres erat cum externis & cum domesticis, & tanta animorum contentione dimicatum. Ferdinandum nondum Baticæ rebus compositis, vxore gratida, duæ res in Carpetanos reuocarant necessario. Toletanus sanāduS erat, ne Lusitanū denuo attraheret in prouinciā: quod facturus nunciabatur: Societates quas inter vrbes & oppida institutas diximus annis superioribus, ad latrocinia cædesque prohibendas, nouo conatu sancientiæ erant: quoniam fessi prouinciales magnitudine vestigaliū, languebant: quæ alēdis de cōmuni militib. indicebātur per capita, ne ingenuis quidē immunib. magno reip. cōmodo, quādo nō modo scelerū licentiā cōprimerēt, sed in magno vsu essēt, belli q; gerebatur ea causa Madriti cōuētus generales sūt habiti. In iis cōuētib. Societates in tres alios annos cōsensu



prorogate sunt. De Toletano non idem successus fuit: suspicionibus quauis detergendis data est opera, quia homini erat persuasum insidias vite sue factas. Soluti conventu vicinus Isabella partus Ferdinandum Hispalim reuocauit. Qua in vrbe oratores a Granata Rege missi eius verbis inducias, quae inter vtranque gentem erant, concedi denuo postularunt. Negauit Ferdinandus nisi vectigali representato, quod ab antiquo pendere essent soliti. legatis de ea re Granatam responsum a Barbaro Reges, qui vectigal pendissent, iam pridem esse extinctos: ea tempestate in aedibus monetariis Granatae, neque aurum, neque argentum cudi: sed laeeas, sagittas, acinaces conflari. Offensus insolenti responso Ferdinandus, parendum necessitudini iudicans inducias tamen concessit. Regina maturo partu quarto kalend. Iulias Ioannes est natus, hora vna ante meridiem, in spem paterni auitique imperii: nisi cum Hispaniae fata in flore aetatis inuidissent. Aragonius non rerum modo pondere, sed viuendo fessus Aragoniis moribus imbuendum nepotem ad se mitti postulabat: ac illud verabatur maxime a multo usu cautus, ne fidei alicuius conceditis, quod superioribus annis factum in simili exemplo meminerat, occasio esset male sentientibus, res in Castella eius praesidio nouandi. Neque maior Aragonio contentio erat, de Caesaraugustana Ecclesia: vacuam enim Ioannis Aragonii obitu, Aragonius Alfonso nepoti destinabat: quem Ferdinandus Cerueram in Catalaunis susceperat furto. vitium natalium facile supplebat Pontifex Sixtus: aetatis veniam ut daret induci non poterat puero sexenni. Inter has contentiones vacuus diu pontificatus Ausi Dezpuchio Cardinali datus est, spe Aragonium Montefiae Magistri, cui erat Cardinalis sanguine proximus, id meritis daturum. Non tulit ille tamen dolorem, adiunctis minis, atque in Cardinalis bona & cognatos grassatus, peruenit tandem annitente praesertim Neapolitano Rege, cui multum Sixtus Pontifex tribuere erat solitus, ut ea Ecclesia Alfonso puero iure perpetuae administrationis daretur. nouum damnatumque exemplum inductum, vincere pontificiam constantiam Regum importunitate, in ecclesiae iura inuadentium atque libertatem: quod semper accusabitur, & semper erit. Et erat ea tempestate moribus usurpatum, ne Episcopi ecclesiis Hispaniae darentur, nisi quos Reges postularent, nominarentque. Qua occasione paulo post noua contentio de Turiasonensi ecclesia orta est: cui Andrea Ferricio Cardinali defuncto, Pontifex Andream Martinum Episcopum dedit. restitit Rex Ferdinandus. ut Hispaniae Cardinalis mutata sententia daretur, contendit atque peruenit. Controuersia sine accepit cum Raphaele Galeotto quarto post anno Concheni ecclesiae tum vacuae a Sixto Pontifice propinquo praefecto, effecit Rex eo amoto Alfonso Burgensem regiae conscientiae procuratorem e Dominicano ordine Cordubensem Episcopum, rectorem Conchenis dari Castellae in perpetuum, ut quos ipsi expediissent, ii Episcopi praeficerentur, addita praerogatiua. Dederat etiam ante quatuor annos idem Pontifex Henrico Regi, ne externi homines amplius in Castella sacerdotia expectarent: de quo lis tandiu fuerat cum Romanis. Alfonso in extrema aetate Palentinus Episcopus, suo ordini D. Pauli monasterium Vallisoleti construxit.

*Inquisitores Castelle dati.*

CAPVT XVII.

**M**Eliori Hispaniae fato, quod eatenus factum non erat, quaestionibus habendis aduersus religionis desertores, atque haereticos, aliisque in veram pietatem criminibus vindicandis, certi iudices designati in Castella sunt, discreti ab Episcopis, (quorum eque partes ab antiquo erant) Romani Pontificis auctoritate, & fauore Principum armati, Inquisitorum ab officio nomine. Morem in aliis prouinciis frequentem Italia, Gallia, Germania, ipsaque Aragonia, hoc demum tempore Castella est imitata. neque in studio impios conatus vindicandi, se ab vlla gente vinci passa est. auctor consilii Hispaniae Cardinalis. Licentia superiorum temporum, multa in ea prouincia erant deprauata Mauris Iudaeisque cum piis promiscue versantibus, nullo non commercii genere. Prava consuetudine vsuque non paucos e piorum numero infici necesse fuit: plures sacra Christiana, quae susceperant patria superstitione abdicata, fide inconstanti, nullo vetante deserebant. labes Hispali maxime est grassata. in ea vrbe primum quaestionibus arcano habitis, de fontibus grauiissimis poenis vindicatum est. Nam maiori commisso delicto, igne post diuturnum carcerem & tormento necabantur. leuiori de causa, ignominia inurebatur familiae perpetua. non pauci bonis publicatis aeternis tenebris vinculisque madati. Rubra crux obliquis radiis ac decussatim in crocea veste, quam S. Benedicti vocant, plerisque data insignis, a ceterisque discreta: ut essent documento & magnitudine supplicii terrent alios. Quod usu salutare extitit, graue initio prouincialibus visum est. Illa maxime: Parentum scelera filiorum poenis



Pœnis lvi. Occulto accusatore reos fieri: neque cum indice compositos damnari. Contra quam olim factum erat, peccata in religionem vindicari morte. Illud grauiſſimum, adimi per inquisitiones loquendi liberè, audiendique commercium: diſperſis per vrbes & oppida & agros obſeruatoribus, quod extremum in ſeruitute credebant. Ita diſcrepantibus iudiciis, nonnulli mortis pœnam remouebant. cæterum ſuppliciorum acerbitates omnes complectebantur. In hoc numero Ferdinandus Pulgariuſ arguto atque eleganti ingenio: cuius extat de Ferdinandi Regis rebus geſtis hiſtoria. alii quorum melior ſententia fuit, qui ſœdare religionem, & ſanctiſſimas cæremonias mutare conati eſſent, eos frui vita & communi ſpiritu non putabant oportere: bonis & ignominia multandos videri, nulla filiorum cura. Præclare id legibus comparatum, vt caritas liberorum cautioreſ parenteſ reddat. Occulto iudicio tergiuerſationeſ vitari: neque niſi de coniunctis aperte, aut confeſſis pœnaſ ſumi. In multis ſæpe antiquoſ eccleſiæ mores, prout reſ & tempora exigunt mutari: & maiorem licentiã maiori ſeruitute coercendam videri. Succelluſ opinionem ſuperauit. ſi iudiceſ ne ampliſſima poteſtate ad quaſtum ſauiamque abuterentur, optimiſ legibus cautum initio. plureſ dieſ & maior rerum uſuſ adiunxit. Quod caput eſt, viri integerrimi atque ſanctiſſimi ei muneribus præficiuntur, ex vniuerſa prouincia delecti: quorum arbitrio ſingulorum fortune fama, ſaluſque permittitur, diſcepatque. Toti adminiſtrationi Thomas Turrecremata, tum quidem eſt præfectuſ, ex Dominicanò ordine vir prudens doctuſque, præcipua apud Reges gratia, quorum peccata per pœnitentiã expiare conſueuerat, Segobienſi ſui ordinis cœnobio præfectuſ. Auctoritaſ initio Caſtellæ finibus terminata, quarto poſt anno in Aragoniam tranſit, Gualbe & Orteſio ex eo ordine veteri inſtituto Inquiſitoribus amotiſ. Ab eo competentibuſ lociſ, prout reſ erant, iudiceſ delegati nullo ſtatario tribunali. conſequentibuſ annis ſupremuſ Inquiſitor, quinque viriſ adiunctiſ, iudicia religioniſ maiora exercet in curia regia: vbi ſuprema alia tribunalia ſunt, minora bini, terniue Inquiſitoreſ. Certa loca iſ diſignantur. Noſtra ætate Toletum, Concha, Valliſoletum, Calagurriſ, Hiſpalis, Còrduba, Granata, Ellerena in Aragoniſ Valentia, Cæſarauguſta, Barcino. A Turrecremata ediſtiſ propoſita ſpe veniæ homineſ promiſcuæ ætatiſ, ſexuſ, conditioniſ ad decem & ſeptem millia vltro crimina confeſſoſ memorant: duo millia crematoſ igne, maiori numero in vicinaſ prouinciaſ fuga dilapſoſ. Ab hoc initio reſ in hanc auctoritatem creuit atque poteſtatem: qua nulla prauis hominibuſ toto orbe Chriſtiano formidabilior eſt, reip. vniuerſæ maiori commodo. præſentiuſ remedium aduerſuſ impendētia mala, quib. aliæ prouinciæ exagitantur, cælo datum: nam humano conſilio aduerſuſ tanta pericula ſatiſ caueri non potuit.

Aragonii obituſ.

CAPVT XVIII.

**D**iſceſſere Hiſpali Ferdinanduſ Iſabellaque Aſſidonia Duce, & Gaditano Marchione eiꝯ vrbiſ adituſ prohibitiſ: ſic amotiſ factionum capitibuſ pax rebus reddita eſt. Lupuſ Vascuſ homo Luſitanuſ Moram cui erat præfectuſ ad fineſ Caſtellæ, Ferdinandi nomine occupat. de ferendo auxilio actum. Ardebat Ferdinanduſ ſtudio in Luſitaniã irrumpendi: id ad ſanciendam imperii auctoritatem pertinere iudicans, ſi tantum audaciæ eſſe videretur, viriumq; vt hoſteſ in ſuiſ finib. bello implicaret, non modo illatū defenderet. Id neq; Aragoniuſ pater, neq; prudentioreſ probarunt. quid enim haud magna ſpe in periculum ſuam ſalutem vocaret? quid de belli & rerū ſumma periclitaretur imperio fundato? Ergo ea cura D. Iacobi Magiſtro data eſt, adiunctiſ mille quingentiſ equitibuſ peditum millibuſ quindecim menſe Auguſto: quàm operæpretiuſ apparatus maior: & Mora à Ioanne Principe Luſitano recepta, ſi conatuſ præoccupati ſunt. Caſtra Iulia in fide firmanda erant. Eo Ferdinanduſ & Regina vxor acceſſerunt Còrduba obita. Quo tempore in Gallia ad Laudum in Cadurciſ tertio Iduſ Septembris coniugiuſ eſt inſtitutuſ per oratoreſ Fridericuſ inter alteruſ Neapolitani Regiſ filiuſ, & Annam Amadei Sabaudi Ducis filiam. Nuptæ quoniam ſorore Galli Regiſ erat nata, ab auunculo diſta, ampluſ in Gallia principatuſ. dum iſ redderetur, & donec auri ponduſ, de quo liſ erat, ab Aragonio eſſet repræſentatū, pignoriſ loco Ruſcinonēſeſ & Ceretanuſ. Percuſit ea reſ Regē patrē & filiū: ac in Neapolitanū maxime iram accendit: q̃ ea propinquitatē Gallicam amicitiam Hiſpanē præferre videretur, atque principatuſ accipere quamuiſ oblatuſ, de quo ipſiſ còtrouerſia eſſet bellūque. Induciarū que cum Gallo erāt tēpuſ exhibit: & periculū erat, ne rediretur ad arma importuno vtriuſq; gētiſ tēpore. nā Galluſ Belgicæ magna ex parte occupandiſ diſtrictuſ, alia contemnere videbatur. In Caſtella nondum reſ erant plane quietæ, Luſitano nouuſ belluſ comparante, Metellini Co-



mite virili animo foemina, & Alcantaræ militiæ Clauigero alienatis. Camboa Hondarribiæ præfectus, & Almafani Archidiaconus Ferdinandi iussu cum Galli legatis, qui Baione se tenebant, de fœdere agunt. Eorum diligentiam induciæ pace mutata sexto Idus Octobris, non aliis legibus, quam quæ ante belli tempus inter vtrunque regiam ab antiquo fuerant, Aragonius etiam ea pace comprehensus. quo quid aliud quam ludibrium continebatur, non restituto, de quo lis erat, principatu? Cautum modo ut binis ab vtraque parte iudicibus tum ea controuersia, tum aliæ componerentur. Publicam ex ea re Castellæ lætitiæ duæ res auxere: Henricus Ferdinandi propatruus libertati à Lusitano redditus Castra Iulia venit. Toletanus malo coactus (nam omnes redditus intercepti erant, & pleraque oppida ablata) tandem in Ferdinandi fide & potestate fore recepit, traditis tota ditione arcibus, ut regio præsidio tenerentur. Lusitanum Regem denuo in Castellam euocasse crimen erat. nouam hero veniam dari Tellius Archidiaconus Toletanus impetrauit, vir ea tempestate doctus & sanctus. Præterea venia propinquitatis quæ facta erat Lusitano, Romæ à Sixto Pontifice abrogata: Ioannæque coniugio est illi interdictum. In quo maior ratio est habita Neapolitano Regi gratificandi, id conuiuitio expetenti, quam ut quibusdam videbatur, maiestatis atque constantiæ. Missæ de ea re literæ pontificiæ mense Decembri in Hispaniam. De rebus omnibus, ac de Gallica pace collocuturi Reges pater & filius Molinam atque Darocam venire parabant: cum Aragonium Barcinone morbus oppressit extinxitque ad quartumdecimum kal. Februarii die Martis principio anni 1479 Milesi. quadringentesi. septuage. noni. Corpus ad Populeri sepultum. inferias ut darent 20 finusque curarent, regius cultus oppigneratus est: tanta erat pecuniæ inopia. Vixit annos vnum & octoginta, menses septem, dies viginti, vegeto semper corpore, & belli ac venerationis laborib. par, animo viuido, magnitudine & varietate rerum gestarum, ac diuturnitate imperii magnis Regibus exæquandus. Extremam ætatem sugillauit amoribus puellæ, cui Franciscæ Rosæ nomen fuit, forma conspicua, libidinis audius magis quam potens. Eam Iacobo Aragonio, quem Barcinone occisum diximus, vxorem destinabat. Testamentum decimo ante nono nuncuparat. In eorum multa pie & prudenter, tum duo templa sanctitatis opinione celeberrima, in domicilium Hieronymiani ordinis conformari mandauit: D. Engratiæ Cæsaraugustæ vnum vrbis muro coniunctum, in Catalaunis alterum, cui D. Mariæ Belpuchiæ est appellatio. Vtrumque filius præstitit. Ad Aragonii 30 regni hæreditatem nepotes Ferdinandi filii ex filia etiam, si mascula proles deesset, filiabus eiusdem præferendos sanxit. Sic sepe ad Regū arbitrium iura regnandi cōmutantur.

*Eleonora Vasconum Regina. CAPVT XVIII.*

**A**ragonii obitu, ut erat necesse, & ut testamento eius cautum erat, diuiso imperio, Ferdinando Aragonii accesserunt, Eleonora Princeps materno iure Vasconū regnum obtinuit, annum iam septimum viduata viro, eoque continuis & maximis ærumnis obnoxia. impiam ob eadem Nicolai Pompelonensis Episcopi nondum religione exoluta, gens in factiones scissa erat, meliori fortuna potentiaque partis Beamontiz, Eleonoræ aduersæ. Principum familiam atque animos, Caroli Vianæ Principis & Blancæ sororis iniuria peremptorum manes tot annos peruagati ad expetendas pœnas non quiescebāt, quamuis nullo fonte relicto. Sic Eleonoræ regnum breuissimum fuit, ne menstruum quidem. alioqui prole fœcunda fuit posteritate felicior quam vita. quatuor filios genuit, Gastonem natu maximum, Ioannem, Petrum, Iacobum, filias quinque Mariam, Ioannam, Margaritam, Catharinam, Eleonoram. De singulis pauca dicenda sunt: quoniam magnorum Principum ex iis stemmata texuntur. Gasto obiit, uti ante dictum est, Francisco Phêbo & Catharina relictis. Ioanni Narbonis auro paterno redemptæ vrbis principatus fuit: filii Gasto & Germana. ille cæde ad Rhauennam, hæc Ferdinandi Catholici nuptiis nobiles. Petrus literarum & pietatis studiis exculto ingenio, à Sixto Pontifice purpuræ est honore 50 donatus. Iacobus magno animo bellica munera exercuit coniugio liber: solutæ veneris licentia nonnullos filios suscepit, neque magni in Gallia, neque nullius nominis. Maria Guilhelmo Montisferrati Marchioni, Ioanna Armeniaco Comiti Ioanni nupserunt. Francisco Britanno Duci, Margarita filiam enixa est Annam appellatione: quæ dotis nomine paternum principatum in Francorum regiam intulit Caroli octauī, & Ludouici duodecimi vxor. Catharina Gastoni Fuxensi Candallæ Comiti iuncta, duos filios genuit, filiam vnam, cui Annæ nomen, Hungariæ regnum fuit Ladislai Regis coniugio. Eleonora natu minima in minori ætate decessit, iam viro matura. Eleonora tantorum Principum mater, fracto laboribus corpore, animo molestia victo, pridie Idus Februarii decessit. Tudela initium



tium regni, & vitæ finis fuit. Tafallæ Minorum ædem de suo extrui, testamento, eoque corpus suum & matris Blancę ossa Nieua, quod est oppidum non procul Segobia, afferri ac sepeliri mandauit. Imminutis, propter intestina dissidia, regni vectigalibus tanta inopia laborauit, vt nullo fortunæ subsidio aurum in ornatum ad alendam familiam venderet. Successit nepos Franciscus, cui à formæ venustate Phæbo cognomen fuit, vndecim annos natus. Imperium Magdalenæ matris & Petri Cardinalis patruus auspiciis, dūm ad iustam ætatem perueniret, vt in ea temporum labe prudenter est gubernatum. In Castellæ Rege parum præsidii fuerat: eoque ne nominato quidem in Eleonoræ testamento, eius iussu ad Gallum, vt natuta etiam cogebat, aperte inclinare cœperunt. quod malo fuit, & 10 vetusti regni ac nobilissimi opes breui euertit. Hęc in Vasconibus gerebantur. Quo tempore in Castella vetustate fixę de religione opiniones mouebantur. auctor Petrus Vxamenis, qui Salmanticę Theologicas scholas explicabat audaci ingenio prauoq; , librum vulgarat multis mendaciis fœdum: quorum vt hic numerus ineatur, non est necesse. In Romanæ Ecclesiæ maiestatem, & Pœnitentiæ sacramentum contumeliosus maxime, Romana responsa errori obnoxia affirmabat. Sacerdotes vim habere ad condonanda peccata, negabat: neq; à Christo Deo præceptum, sed ab hominibus inuectum Pœnitentiæ remedium, non incommodum tamen ad hominum prauitatem coercendam sanadamque. Toletanus Compluti, vbi multus erat, iussu Sixti Romani Pontificis viris doctissimis in conuentum euocatis, re diu multumque deliberata, impia placita reprobauit: aucto- 20 rem nisi mutaret, anathematis ignominia notauit, sententia pronuntiata ad nonum Kalend. Iunii. quam paulopost nouo diplomate Sixtus Pontifex ratam habuit. Ioannēs Prexanus nobilis ea ætate Theologus, de scripto Petrum exagitandum suscepit iusto volumine, stilo rudi nempe eius ætatis, sed arguto, atque scholastico. De Villenæ principatu bellum erat. Chinchillam obsidentibus regiis, Villenius præsidio accurrit. obsidione soluta duo regii Duces Alarconius & Georgius Manricus à Petra Biarua, ille ad Albercam est victus, Manricus etiam nouo ad Canauetem commisso prælio, vulnere afflictus, ex quo aliquanto post decessit. crudelitas fati ei ingenio & ætati non debita. Excusabat Villenius in eo bello non contra fidem datam sumpsisse arma, sed necessitate regionum Præfectorum insolentiam frænandi. neque cum Lusitano aut Toletano denuo consilia communicasse. quæ tandem excusatio valuit, ne quid in eum grauius decerneretur. Accidit in eo bello, vt regii, sex è captiuis hostibus laqueis suspenderent. Ioannes Berrius pro Villenio copiarum Dux è suis captiuis totidem sorte lectos ad simile supplicium rapi sanxit. In eo numero ne quidam, cui vxor & filii erant periret, minor natu frater & ipse captiuus magna contentione & lacrymis euicit, vt pro fratre vicarius substitueretur, grata superis victima, exemplum miserabile.

*Castellam inter & Lusitaniam facta pax.*

CAPVT XX.

IN Beturia, quæ nostris Extremadura est, Ferdinandus & Isabella erant, quo tempore 0 Aragonii imperii hæreditate aucti sunt, pacandis motibus intestinis districti, qui à Metellini Comite Beatrice Paciecha, & Alfonso Monroio Alcantaræ Clauigero fuerat concitati. Illa maiori, quam pro sexu animo, quippe filium aliquot annis vinctum tenuerat, ac domo tandem expulerat, Emerita vrbe præsidio occupata, ne ea possessione caderet. filio quæ cogeretur comitatum restituere, iudicio paternam hæreditatem reperenti, arma corripuit. Clauigerum erepti iniuria (sic ille putabat) Magisterii sui ordinis, atque Ioanni Stunicæ dati dolor vrebatur: multa que eius ordinis oppida armis occuparat. Præterea bellum defendendum erat: quod à Lusitano omnium grauissimum imminere credebatur. Verum fessis, omnibus, ac bello ciuili nihil esse miserius reputantibus, victoria nihil tristius, quæ ferociiores homines impotentioresque reddit: cum multa victorie eorum per quos 10 vicat arbitrio facienda necessario sint, alienaque calamitate, saginandi sint focii periculi: de ineunda pace mentio iniecta: eo maiori Lusitanorum studio, quod ad Albuferam octo ab Emerita passuum millibus à Magistro Diui Iacobi insigni pugna victi fuerant, ad sextum Kalend. Martii. Pauci ex fuga Emeritam tenuerunt: quæ in Metellini Comitatus potestate erat. Beatrix Isabellæ Reginæ matertera, quæ Visei Duci nupta fuerat, Ioannis Lusitani Principis focrus, magna auctoritate, parique prudentia fœmina, curâ conciliandi vtranque gentem suscepit. Eius molitionis exitum expectare longum erat Ferdinando, noui regni hæreditatem cernere cupienti, vbi multa turbata erant: vt Vasconum audacia frænanda, qui in Aragonios fines irrupentes, castella nonnulla temere munita ceperant, multamque prædam abigere non desistebant, conuentus Aragonii nullo noui Re-



gis consensu essent indicti. Neque id flagitium in ea gente ducitur. Ita se mores habet. Ergo pacis conditiones faciendi cura Isabellæ coniugi demandata, & Alcantara municipio designato consensu, ubi cum matertera de rebus omnibus constitueret, Ferdinandus obito Guadalupæ Virginis templo, votisque tum solutis, tum nuncupatis, per Eulaliæ fanum, quod oppidum Toletum vicinum est, atque per Harisam & Calataiubam Cæsaraugustam regni caput, ad quartum kalend. Iulias inuectus est, celeberrimo apparatu, plausuque ciuitatis ad spectaculum effusa. Senatus princeps Ludouicus Naia regium latus de more claudebat. Rex ipse lugubri veste, trabea mutata auro intexta, galeroque pari pulchritudine, equo vectus, sub umbella urbem iniit, inter faustas populi voces, felix, diuturnumque imperium comprecantis. Iurisdictioni data opera. quicumque se iniuria læ-  
 10  
 fos existimarent, iis facilis ad Principem aditus erat. Inde Barcinonem itum est. De Ruscinonensibus & Ceretanis ad ditionem reuocandis actum, inani tunc conatu, quoniam rei perficiendæ nondum maturitas venerat: & appropinquabat tamen. Iudices tantum quatuor, cum potestate omnes controuersias finiendi Regum Galli & Aragonii, sunt designati. Valentia petita. par locis omnibus lætitia celebrata. Noui tumultus extabant. Semen Vrrea Biotæ Vicecomes, Iacobum Palladium Chelux Vicecomitem & uxorem improvisa vi ceperat, Cheluam & Mansaneram oppida sui iuris facta obtinens. quod iudicio obtinere promptum erat, irritatis audacia iudicibus perdidit. Agente Rege in præsentia arma sunt posita. in annum tertium controuersia tenuit. Pro Iacobo Palladio in causa est pronunciatum. Iisdem diebus Isabella & Beatrix, Alcantaræ ut pla-  
 20  
 cuerat, collocutæ inter se, has futuræ pacis conditiones scripsere. Ut Lusitanus Castellæ Regis appellatione & insignibus abstineret: idem de Lusitaniæ faceret Ferdinandus. Ioanna Princeps nuberet Ioanni Ferdinandi filio, cum primum ad iustam ætatem perueniret. Si is sui arbitrii factus recusaret, centum aureorum millia mulctæ nomine penderentur. Ioanne liberum esset virginem sacram induere, si mora coniugii longa videretur. Alfonso Lusitani nepoti Isabella Ferdinandi filia iungeretur. Castellæ nobilibus ne ad res turbandas per fugium in Lusitania foret. Extrema Africæ litora nauibus explorare, aperireque Lusitanis Principibus nullo obistente, ius proprium fasque esto. Eas conditiones ratas fore, designati obsides sunt, Ioanna ipsa Princeps, Isabella Ferdinandi filia, Alfonsoque infans Ioanne Lusitano Principe natus, in Beatricis po-  
 30  
 testate futuri oppido Mora. Adiunctæ à Lusitano ad Castellæ fines quatuor aliarum arces fidei datæ pignus. Sic arma consensu posita: quæ tandiu viguerant, præcipuo utriusque gentis incommodo, maiori Lusitanæ. Octobri mense ob ea quæ feliciter acta fuerant, superis decreta vniuersa Hispania supplicia. utraque natio trepida antea & sollicita de belli euentu, læta agere: meliorem spem animis agitare: de Beatrice fama præclara esse. Ferdinandus ea lætitia Valentia nunciata, Toletum accurrit: ubi fine anni Isabella coniux clarior quam antea atque nobilior pace suo commodo facta, eius aduentum morabatur. Nouum gaudium Regibus ortum. nouam Isabella prolem peperit, octauo idus Nouembris: cui Ioannæ nomen fuit, paterna auitaque regna superi destinabant. Præterea aliquanto post, Ioanna Princeps specie honoris obiecta, ludibrio se ha-  
 40  
 beri cernens, Conimbricæ in Diuæ Claræ vestem mutauit: sacratæque virginis officium susceptum necessario, ad multam ætatem egregie præstitit, pertesa rerum humanarum inconstantia varietatisque. & nihilominus Isabella Alfonsoque infantes, in Beatricis ut conuenerat, potestatem sunt contraditi, obsides reliquarum conditionum pacis. Metellini Comes, Alcantaræ Clauiger ad officium ultro reuocantur. Idem alii Castellæ nobiles faciunt, præsidium firmissimum Lusitanæ causæ, Villenius etiam in gratiam mutatis prioribus conditionibus receptus est, principio anni Millefimi quadringentesimi octogesimo. Scalonam Belmontiumque retinuit, Villena, Almanfia, aliaque oppida Villenæ contributa, quæ contra eum arma sumpserant, Regibus cessere. & erat stultum sine villo laboris effectu conari: dum veteres spes caprat, de iis quæ erant reliqua periclitari. Imminutis  
 50  
 Villenii opibus potentiaque, firma concordia fuit. Renatus Dux Andegauensis non modo aduersis rebus, sed etiam longa vita nobilis, mense Ianuario extinctus in Gallia est, ad vitæ finem se Aragoniæ, Siciliæ, atque Hierosolymæ Regem nominans, inani appellatione, præterea prouentu nullo, ne spe quidem, amissa recuperandi. Hæredem testamenti reliquit Carolum fratris Caroli filium ex asse. Renato Lotaringio suo ex filia nepoti, Bari Ducatum legauit, quem satis amplum in Gallia obtinebat.



T Oletti generales conuentus agitati omnino frequentes. voces liberæ fuerunt, ac ple-  
 næ expostulationum. nobiles in tenuiorum fortunas grassari populi conquerebatur:  
 eorum auaritia regiū ararium exhaustum, occupata vectigalia, imperari noua indies ma-  
 gna prouinciæ calamitate. remedium excogitatum. Dati in causa iudices, ab Henrico Re-  
 ge factas imprudenter donationes, aut temporum necessitate extortas, iniustas fore pro-  
 nunciarunt. Nobilium audacia coerceri nondum poterat, neque iudicia restitui magno-  
 pere labefactata. Mense tantum Maio omnes ordines sacramento adacti Ioannē Regum  
 10 filium post eorum fata. Castellæ Regem fore. ad sancendam maiestatem, imperiumque  
 stabiliendum id pertinere visum est, dubiis prouincialium voluntatibus ea religione sa-  
 nandis, confirmandisq; in fide. Sic rebus in Citeriori prouincia compositis, Medinā Cam-  
 pestrem atque Vallisoletum itum est. Iis locis regiæ seueritatis nonnulla exempla consti-  
 tuta, fontibus vindicatis viris nobilib. Magnitudine supplicii deterriti alii. Calæci impri-  
 mis, ubi vis eius mali vigeat maximè, feroci homines ingenio, Lucus, Auriā, Mindoniū,  
 Biuerum, atque Brigantinus portus imperata facere recusabant. Ferdinandus Acunia, &  
 Garfias Chinchilla iurisperitus eo missi, conuentu gentis Compostellæ habito, Petro Par-  
 do Marefcalo, aliisq; factiosis è nobilitate interfectis, latè terrorem vniuersis incusserunt.  
 sic imperii maiestas in ea prouincia sancita est, legibus & magistratibus vetus auctoritas  
 20 ex longo interuallo reddita: quamuis Ferdinando Rege absente, atque in extremos Cata-  
 launos hac occasione profecto. Mahumetes Turcarum Imperator, cursu tot victoriarum  
 ferox, Rhodum insulam firmissimum ea parte piorum nationis propugnaculum, è mari  
 classe, à terra positis ad urbem castris impugnandam suscepit. Tres ibi menses frustra con-  
 sumpti. geminè à Neapolitano Rege onerariæ missæ, commeatus affatim & recentē mi-  
 litem ad obsessos cum intulissent. irritò Turcæ conatu cum classis parte Apolloniā Ma-  
 cedoniæ urbem tenuerunt Adriatico sinui imminentem vicinamq; Apulis. Ea classe A-  
 comates Satrapes prouectus, in Italia Hydruntem expugnauit Idibus Augusti. nemini ar-  
 mato inermive pepercere barbari. Excursiones tota Apulia faciunt, ferro flammaq; sæui-  
 unt. Ingens terror ostentatus reliquæ Italiæ, sed & remotis nationibus Reges incitauit, vt  
 30 coniunctis viribus oriens incendium comprimerent. A Ferdinando Gonfaluus Beteta  
 in eam rem ad Sixtum Pontificem legatur, haud satis tunc nostris rebus æquum: q; mul-  
 tis antea argumentis perspectum, recens confirmarat, Carrillio Toletano Præsule Lega-  
 to in Hispania creato, nullo Regis consensu. Sed Principes antea dissidere inter se solitos,  
 periculi nunc societas iunxit. misso denuo Barcinone Io. Margarito Episcopo Gerundēsi  
 ad Italiæ Principes mense Februario anno M. quadrin. octoge. primo per causam consti- 1481  
 tuendæ societatis, classē instrui curat, nauigiorum maiorum minorumq; quinq; & tri-  
 ginta. Idem Lusitanus facit, viginti nauibus comparatis. serius tamen opinionē cūcta pro-  
 cedebant: Alfonsusq; Calabriæ Dux iunctis Italiæ viribus ægrè in iustam obsidionē bar-  
 baros compulit. Mors Mahumetis nunciata fregit animos, extincti Nicomediæ in Bithy-  
 40 nia ad quintum Nonas Maii. Turcæ incolumitatē pacti, quinto obsidionis mense urbem  
 dediderunt. Eorum partem Calabriæ Dux retinuit ad mille quingentos, quorum opera  
 vteretur aduersus Florentinos: à quibus barbaros in Italiam fuisse euocatos rumor erat.  
 multis suspecta fraus Alfonsi ea fingētis: & paulatim in plures cœpit manare suspicio. Ma-  
 humetis obitu, Byzantii graues tumultus extitere. alii Baiazetem præferebant defuncti fi-  
 lium natu maximum: pars Gemen natum patre eodem iam Augusto ad imperium voca-  
 bant. A Baiazete victus frater ad Prusiam Bithyniæ, primum in Ægyptum, deinde Rho-  
 dum aufugit. Rhodii honorificentissimè exceptum cultumq; multis expetentib. Princi-  
 pibus in Galliam transmissere, gratum Ludouico Regi donum. In Aragoniis Lusitanisque  
 auxiliis parum opis fuit, post deditam Hydruntē appulsis ad ea litora nostris classibus. &  
 50 erant Regibus noua impedimenta nata, alienissimo reip. tempore Ferdinandus districtus  
 conuentu, qui Calataiubæ est habitus, ad quem Isabella Regina viri iussu Ioannem com-  
 munem filium adduxerat, Alfonso maris Præfecto & Petro Velasco Magistro equitū, re-  
 rum in Castella cura commendata. Ab ea gente sacramentum acceptum hæredē pater-  
 ni imperii futurum, cæremonia peracta ad quartū Kal. Iunii. idem factum Barcinone a-  
 liquanto post. Ferdinandum tantis rebus perficiendis intentum, noua de Vasconū regno  
 cura sollicitauit. Petrus Cardinalis, & Iacobus pueri Regis patrui, Cæsaraugustæ dato se-  
 natu, gentis calamitates accurata oratione explicarunt. à factiosis vrbes & oppida occu-  
 pari: à Beamontiis Pompelonem, ab aduersariis Stellam, Sanguessam, Olitum. Regiā ma-  
 iestatem ad inanem appellationem redactam. pupilli, imbecilli, ac propinqui Regis cala-



mitate moueretur. Ludouicum Lerini Comitem impotenti audacia virū in aduersarios cæde, incēdiis, direptionibus grassari. Petrum Nauarram, & Philippum Petri filium Vasconum Mareſcalos fraude peremisse. Defuncto Petro Peralta Magistro equitum, eo honore occupato ferociorem euasisse. Ex immanis cupiditatis faucibus reliquam remp. eriperet. In Troilo Carrillio Peraltae genero, ad quem cætera opes ſoceri dotis nomine redierunt, haud satis virium erat ad resistendum emuli audacię. vnus vniuersis plus poterat publice priuatimq;. Pollicetur Ferdinandus sibi Francisci Regis res curę fore. mittit cū iis Principibus idoneos viros, qui eius verbis tumultuātes, modestię monerent: obsequiumque Regi suo debitum commendarent. Tafallę gentis conuentu indicto, mandata ii exposuerunt. negant illi communi consensu factum, quominus Regi liber esset ad regnum aditus: paucorum tantum temeritate impeditum. Veniret modo, daturus operam, ne aliquod officium à subditis populis desideraret. Gratum id responsum fuit. de Rege Pompelonem deducendo consilia cum Ferdinando communicata. armato visum: ne in tanta rerum colluuiōe maiestas ludibrio esset. Regem Lusitanum iisdem diebus mors oppressit, Sintra in quo conclauis erat natus ad quintum Kal. Septembris. Corpus ad Aliubarrotam tumulo est illatum. Gentis imperium Ioannes eo nomine secundus à morte patris suscepit, ab animi præstantia, & rerum gestarum gloria cognomento Magnus. Graues simultates cum Castellæ Principib. per totam vitam, quas pater simplicius, ipse callidius eoque implacabilius exercuit. Odium in procēres vertit: quos Castellæ reb. fauere suspicabatur, vti mox est explicandum. Clementia, pietate, seueritate in fontes, ingenio sublimi atque præstanti, expedita memoria atque tenaci, cæteros sua etate Reges exæquauit: multos etiam vicit. Eius illa vox fuit: Imperium prudentes Principes accipere, aut facere commercio perpetuo hominum in omni sapientię parte præstantium: quales in aulis Principum ardenti ingenio versantur. & qui cum Principibus loquuntur, ii accurata prudentique oratione, quę dicunt seque probare illis conantur.

*Trium Principum funera.*

## CAPVT XXII.

**T**Ribus annis totidem Principum funera continuata sunt. Massiliæ Carolus Andegauenſis obiit sine huius anni, herede scripto Gallo Rege. Quantum id turbari & tempestatum in Italiam concitabit? nobiles sanē principatus Andegauenſis atque Prouincię ei Regi accesserunt. Consequenti anno Mille. quadrin. octoge. secundo Alfonsus Carrillius Toletanus Archiepiſcopus ipsis kalend. Iuliis, annis grauis, viuido ingenio, eoq; non ciuilibus modo, sed etiam militaribus muneribus idoneo: à quibus tamen necessitate magis temporum, iraque, quam voluntate abſceſſerat. Tumulus defuncto Compluti, vbi extremam ætatem melioribus studiis propagabat, in D. Francisci, quod ipse monasterium construxerat, constitutus est ad aram maximam. Troili filii extincti consequentibus annis coniunctum ad læuam sepulchrum, incontinentiæ paternæ foedum monimētum, Ximenius Cardinalis remouendū ab oculis multitudinis, atq; in monasterii exedram vbi conuentus monasterii sunt, transferendum curauit. Ad Troilum eiusq; filium Alfonsum, qui in Vasconibus Magister equitum fuit, Falcis Marchiones generis originem referunt. Carrillii Præſulis æmulus Hispaniæ Cardinalis, Reges in Aragoniam ſecutus Toletanam Eccleſiam regēdam suscepit, vir magnus, maiorum gloria non magis, quam suis virtutibus clarus. Ea meritis gratia est habita, perpetuęque iuuandę reipub. voluntati. Enecus Manricus Giennensis Episcopus in eius locum Hispali Præſul est datus. In Vasconibus nouum gaudium maiori luctu mutatum. Franciscus Rex ex Gallia, vbi se tenuerat, ob graues & diuturnos Vasconum motus, tandem vt erat constitutum, matre, patris, atque pleraque ex vtraque gente nobilitate deducētib. Pompelonem delatus, atque insigni plausu atque apparatu exceptus, in eius vrbs templo primario, regio insigni desumpto tertio Non. Nouembris Rex est proclamatus: in ipso ætatis flore quindecim annos natus, formę dignitate, venustateque conspicua, indole virtutum omnium præstanti. Beamontios Agramontiosque inuidiosa exitialiaque nomina compellari capite farixit. Ludouico Lerini Comiti vt Magister equitum esset confirmauit. Larragam aliaque oppida adiunxit hominē præualidum promerendum blandimenta, Rex bonis artibus, bonoq; consilio popularis Prouincia lustrata, sublata maleſicia, auctoritas restituta magistratibus. cura posteritatis ſuberat. A Ferdinando Rege Ioannæ filię sponsus destinabatur. Gallus auunculus Ioannam alteram præferebat, quamuis in Lusitania virginē sacram Castellæ regni spe dotali, Gallicis armis recuperandi. Magdalena Vasconis mater ſcēmina ambitioſa ad Gallos propenſa, eo magis cōsilio probato, vimque aut fraudē verita, au-



et filio extitit, ut Galliam repeteret: ubi ampla ditio erat. Vix eo delatum mors oppressit ad D. Pauli fanum tertio Kal. Februarii, anno salutis Millefi. quadringentesi. octuage. ter-  
tio importuna inuida tristisque. Sic adolescentiae flos quasi ventorum turbine decussus; occidit, cum primos honores ostentaret. Corpus Lescare sepultum est, Bearnæ vrbe. Soror Catharina Vasconum regnum suscepit, ut opus erat: initoque in Gallia coniugio imperium ad Gallos transtulit, neque diuturnum neque felix: Excepere varii rerum motus; multiplices hominum conatus, temporum conditio misera: qualem fuisse fides est, puella in minori ætate, regni herede matre in Gallia orta, eoque à rebus Hispaniæ auersa.

Coniuratio in Lusitanum Regem. CAPUT XXIII.

IN Lusitania Ioannes Rex coniuratos in suum caput proceres suppliciis vindicabat, comparatum parricidium multorum sanguine expians. Mores asperiores, seueritas iudiciorum, ad hæc lingue procacitas nobilitatem alienarat: atque illud maxime, quod contra Maiorum morem in regulorum ditione iis inuitis lictores regii fontes plectere non dubitarent, Regis fauore & præceptis insolentiores. Irritati proceres iniuria, in commune consultant: armisque decernunt, si foret opus, vindicandam libertatem, & iura maiorum meritis data. Duo Duces regia nobilitate, opibus validi, Ferdinandus Brigantinus, Iacobus Visei, coniurationis capita erant. hos multi alii sequebantur, Montis maioris Marchio, Fari Comes, Brigantini fratres, Gaspar Menesius Eboræ Episcopus cum fratre Ferdinando, Lupus Alburquerqueus Penamacoris Comes. Atrocis conspirationis indicium hac occasione factum est. Conuentus gentis Eboræ à nouo Rege habebantur, omnino frequentes. In iis conuentibus alia præclara sancita sunt, tum procerum libertas astricta lege, ne impune popularibus nocerent: neque plus legibus & æquitate possent. Conquerebatur Brigantinus, datam maioribus auctoritatem, violandam non videri. veteres schedas excuti mandat, Regumque diplomata Brigantini Ducibus data. Inter eas schedas Lupus Figueredus rationum Magister inuenit tabulas, quibus cum Castellæ Rege inita consilia reipublice exitalia constabat. Eas clam desumptas ad Regem perfert. quibus ille cognitis dissimulare iubet, & exemplo transcripto, unde acceperat, referre tabulas. Accidit ut Regina ex maturo partu decumberet Almerini primo vere ipso anno huius seculi octuagesimo tertio. Eius inuidentæ & confirmandæ studio frater Visei, & sororius Brigantii Duces accedunt. splendide accepti abs Rege, atque omni comitate culti, die quodam, facto sacrificio, Brigantinum secreto in hunc modum Rex alloquitur. Dux amice. Sacris operati & ad sanctissimas aras verissima loqui, certo tibi persuadeas velim. Consilia contra nos cum Castella agitaſſe, neque tibi honesta, neque debita nobis, manifestus cum sis, vix credo tamen, tanta superiorem gloriam & merita, ignominia feciſſe. Quanto hæc cum dolore loquor: Sed quid quid id est tamen, perpetua obliuione delere fixum animo habeo: atque cum offensa beneficii certare: nouisque honoribus cumulare mutantem modo, nobiscumque sentientem: quem Deus huius imperii sceptrum tenere voluit: te proximum potentia & auctoritate locum occupare, opes regii æmulas, coniugio certe parem, cum duas sorores habemus uxores. Quis tanta vincula amicitia dirumpat: aut à quo expectare possis ampliores honores? Excæcauit mentem dolor nimirum. sed si quid in nouo regno offensum est mutabitur. si à licitoribus nostris aliqua irrogata iniuria, exemplo patientia debuiſti præluce- realiis. etiam ego cum me docueris, errata libenter emendabo. Ad tuendam remp. non consilium tantum à te expecto, sed arma. Quod ut eo studio, quo opus est facias, te rursus cupio exoratum. Commouit Brigantini Ducis animum oratio Regis. Ne faciles criminationibus præberet aures obsecrat. Se haudquaquam maiorum gloriam perfidia obscuraturum. Acceptis iniuriis maiora beneficia fuisse. Procul tantum facinus superi auerteret. Ne cogitaſſe quidem tantum nefas. Si falleret, dira caput suum imprecatione execratur. Sic à colloquio discessum est. Rex Scalabim abiit, Duces in suæ ditionis oppida haudquaquam mutatis animis. Ferdinandus Talauera ex Hieronymiano ordine Prati Prior, Castellæ Regibus à sacris confessionibus in Lusitaniam legatus, ut communi consensu firmato fœdere obsides reciperent, obtinuit. In veteri fœdere id mutatum tantum est, ut Alfonso Lusitani filio Ioanna nuberet Ferdinandi Regis filia minor, ætate simili aucta dote. Extremio mense Maio Isabella ad parentes in Castellam missa, ad Lusitanum Alfonsus puer. Redeuntem ad patrem officii causa Brigantino proſecuto, Eboræ, ubi curia erat, iniicitur vincula. Nouo indicio cognitum erat, Petro Iusarte internuncio, cum Castellæ Rege vetera consilia repetita. Id Gaspar Iusartes Petri frater indicauit Regi: pro quo officio consequenti tempore honores utrique fratri habiti sunt: Petroque



Arroliolum oppidum datum est. Dicta causa Brigantinus maiestatis lege, capitis supplicium subiit ad decimum Kalend. Iulii. ceteris documentum datum est, res nisi magno discrimine magnoque motu non nouari, ipsis etiam persepe oppressis auctoribus. Idem supplicium de sex aliis nobilibus Lusitanis, qui in parte coniurationis erant, sumptum est. Magister equitum cum aliis præcepse provincia exturbatur. Brigantini fratres celeti fuga se se periculo eripuerunt. Filii Philippus, Iacobus, Dionysius à matre Isabella in Castellam amandati, quam primum tristem nuncium accepit, virum esse captum. Ex iis Philippus in Castella obiit. Iacobus rediit in Lusitaniam venia accepta. Dionysius Lemosii Comitem in Castella duxit. Visei Ducem ætas tutata est. Proxima die à Brigantini supplicio verbis modo castigatum Rex, atque ferme periculo exanimatum incolumem dimisit. Nihil neq; seueritate priori neq; noua clementia, animi coniuratorum mouentur. clanculum inter se conuenientes, temporum conditionem conqueruntur seruituti proximam. In paucorum potentiam, ius ditionemque concessisse: reliquos vulgus esse sine auctoritate gratiaque: Brigantinum quoniam ea ferenda nō putasset, capite pœnas soluisset. Eius exemplum ad singulos posse recidere. Quæ quousque patiemur viri Principes? nisi prauos conatus insigni aliquo facinore occupamus, omnib. simul pereundum est. Quin eadē eadē expiamus? & tyranni sanguine, optimi atque innocentis Principis manibus parentamus? Id communi sententia decretum. Rege sublato Visei Ducis gentis imperium destinatur. Ingens cœptum, pertinax conatus, fœdus exitus. dum tempus rei perficiendæ expectatur, detecta Regi coniuratio est. Erat Diegho Tinoco soror Eborensi Episcopo stupri consuetudine familiaris. ea cognitum periculum fratri denunciat: ille Regi Setubale in oppido in veste Franciscana, quo indicium esset occultius. Idem Vasco Coutinus renūciavit, cuius frater Guterrius Coutinus coniurationis factæ particeps erat. Vasco indicium post depulsum periculum Borbæ Comitatus, Stremotiūque præmium fuit. Regresso forte in agrum vicinum Rege, ut templum inuideret opinione sanctitatis præstans, adsunt coniurati mutua fide læti: cuius documentum tot diebus fuerat silentium seruatum. Templo egressum perimere parabant. sed fortuna Regis & Fariæ cubicularii diligentia protexit. Ad aurem denunciato periculo, cum coniuratos comiter appellasset, furorem illi continuerunt. Ad suburbium oppidi mareq; templum alterum est Antiquæ Virginis nomine. In id Rex dissimulanter ingressus, dū plures aulici cōuenirent ad præsidium moratus est, cū Vasco Coutino de industria producto sermone. Grauis erat cōiuratis mora, sollicitis ne ex tanto numero aliquis fidē mutaret. Dies is Veneris erat sexto kalend. Septemb. cum Rex vitato periculo, Visei Ducem Palmela, ubi cum matre euentum morabatur, venire ad se iubet, confictis aliis causis. Pertinax est animus, quem ingens spes deuouit. in tanto quamuis periculo Regem adire non dubitat. Iussu in cœnaculū ascendere paucis præsentibus adacto in pectus pugione peremit. Illud modo fatus: Ito Brigantino renūcia coniurationis exitū ab ipso inchoatæ. Erat is viginti annos circiter natus. mathematici gentis imperium quasi ex astrorum inspectione denunciant, genus hominum fallax & vanum: cuius in omnibus nationibus mendacia viguerunt, vigeantque. Emanueli occisi Principis fratri omnia, quæ ille habebat, continuo sunt data: vno tantum principatus nomine mutato, ut Pacis Iuliæ Dux vocaretur, imperatum. Huic numina imperium gentis destinabant. quod sphaera orbis similitudine clypeo adiuncta temerè, portendisse visa est. Diegho Syluæ eius pædagogo institutionis præclaræ præmium fuit oppidum Portalegre Comitatus nomine. E coniuratis aliis, nonnulli capti, Eboræ Episcopus cū fratre Fernando Menesio & Guterrio Coutino. maior pars in Castellam aufugit vagi, inopes, atque mœrore oppleti. Is finis tetræ cōspirationis fuit, ea merces. Iisdem diebus Ludouicus Galliarum Rex ad tertium Kal. Septembris in suburbano Turonum nemore decessit, postremis testamenti tabulis mandans Ruscinonenses & Ceretanos veteri Aragoni imperio restitui. Successit Carolus filius tredecim annos natus imbecilla valetudine. Pater Ambasiæ educandum curauerat, præter domesticos ministros, ceteris omnibus eius visendi, conueniendi que potestate sublata, ne Latine quidem linguæ præceptore dato, illud si sciret satis fore dictitans: Qui nescit simulare, nescit regnare. Verum longius proueram narrationem retro reuocemus opus est, in Castellamque referamus nouo facto principio.

*Libri vigesimi quarti Finis.*



IO. MARIANÆ HISPANI  
E SOCIETATE IESV,  
HISTORIÆ DE REBVS  
HISPANIÆ,  
LIBER XXV.

*Belli Granatensis initium.*

CAPVT I.



INITIUM nouæ narrationis, susceptiq; operis optata meta bellum Granatense erit: quod Regum Ferdinandi & Isabel-  
læ auspiciis ductuq;, decem annis gestum est; plenum variis casibus, atrox præliis, successu lætum faustumque Hispaniæ, piorumq; nationi vniuersæ, barbarorum imperio ab stirpe conuulso: quod septingentis amplius annis, ea parte steterat in Hispania, magna nostræ gentis ignominia probroq;. Ter-  
ram è propinquo cernentibus, longa, ac difficili nauigatione iactatis detur occupare portum: & confirmatis ingenii virib. labori finem imponere. Cōcedite Superi votis parem facul-  
tatem. Baticam inter & Carthaginensem prouinciam Gra-

nata regnum iacet, vtriusque prouinciæ pars, ambitu colligens septingenta passuum mil-  
lia, maiori longitudine, latitudine impari. Arunda enim Oscam ducenta & quadraginta  
millia, Cambile Almunecarem vsque centum millia numeramus. Murcia regnum, hoc  
est, veteres Contestanos ab ortu Solis terminum habet, à meridie Mediterraneum mare:  
ad Occasum septentrionemque, aliis Bæticæ regionibus clauditur. Latissima cali soli-  
facies est. agri omni fertilitate terræ inter primos Hispaniæ conspicui. Ipsi montes, quib.  
regio magna ex parte impedita est, aquis manantibus irrigui idoneique culture, mites ar-  
bores alunt, perpetuaque viriditate amœni sunt. vnde aeris temperies hyeme atque æsta-  
te, corporibus imprimis salutaris, præsertim qua parte regni caput vrbs Granata sita est,  
in paucis nobilissima frequentissimaque. De cuius nomine vniuersæ prouinciæ appella-  
tio facta est. ipsi ab spelunca longissima ad Alfaharium pagum pertinente: vbi arcanis o-  
lim sacris, & damnatis artibus incolas operatos fama est. Gar enim Arabum lingua spe-  
lunca est: & ex Nata Syriæ vrbe, sic aiunt, aduecti à Tariffio milites, oppressa Hispania iis  
locis fortunarum sedes collocarunt. ab vtraq; voce Granatæ vocem conflata maiori pru-  
dentia & eruditione auctores affirmant. alias notationes nominis afferunt alii. Sed char-  
tas inspicere, & abuti patientia, non est necesse incertis originibus & opinionibus comme-  
morandis. Sanè eo tractatu vrbes quatuordecim erant, municipia septem & nonaginta,  
quo tempore postremo bello petiti, oppressique Mauri sunt. in eo numero Almeria, Ma-  
laca, Guidixium, quæ Plinio Acci est, maiori frequentia & nobilitate celebrantur. Belli  
causæ ab antiquo multæ extabant. Maurici nominis inuidia, discrepantes de rebus diui-  
nis opiniones, regnum iniuria in Hispania constitutum, retentumque diu, pudenda igno-  
minia nominis Christiani, multæ & graues inter vtranque gentem iniuriæ: quod fere fi-  
nitimis regnis accidit. Reliquias eius gentis ad Hispaniæ angulum redactas, nostrorum  
Regum imbecillitas rexit, prouincia in plures principatus distracta, fatali inter Principes  
dissidio, nullo communi consensu: vt fere tantum de publicis damnis sentimus, quan-  
tum ad priuatas res pertinere putamus: religionis amor parum mouet, præ cupiditate in-  
iurias vindicandi, proferendi imperium. Si quando præclari conatus extabant, Africa  
vicinæ vires opponebantur, vnde certa auxiliorum spes erat: sæpeque torrentis instar se-  
se numerosæ Afrorum copiæ infuderunt in Hispaniam rapidæ, feroces, formidabilef-  
que. sic factum, vt impiæ gentis imperium non toto triennio constitutum, tandiu stete-  
rit. sic cælo visum. nostræ gentis peccatis iustissima ea merces fuit. Superis irritatis, at-  
que nolentibus, inanis conatus omnis fit: placatis cuncta prosperè cadent: vti ea tempe-  
state accidit. Quæstionibus de religione constitutis, magistrarum auctoritate fundata,



quæ fluxa eatenus fuerat, iniuriis, latrociniiis, cædibus vindicatis, continuè nouum lumen  
 affulsit. Rebus numine propitio, prouinciæ viribus confirmatis excisi, oppressiq; Mauri  
 sunt. Ad veteres belli causas noua accessit. Zahara munitum opere oppidum Arundant  
 inter & Assidoniam situm nostrorum ditione tenebatur, à Ferdinando Ferdinandi Regis  
 auo captum de Mauris, vti superius est demonstratum. Præsidio præfectus Fernadus Sa-  
 hauedra, vt in nullo tali metu securus, parum erat à milite & com metu paratus. Id Re-  
 gem barbarum Albohacenum non latuit. cum suorum manu nocturna vi, improviso ad-  
 1481 uentu oppidum capit ad sextum Kalend. Ianuarii, ineunte anno Millesimo quadringen-  
 tesimo octuagesimo primo. & erat nox opportuna conatui, imbrium & ventorum repe-  
 state turbida: oppidanis res trepidæ, metus ingens, repentinum malum. Pecudum instar 10  
 trucidantur, quicunque armis resistere ausi sunt. aliorum greges munito oppido præ vi-  
 ctoribus aguntur Granatam, nulla commiseratione ætatis, sexus, aut conditionis. Graue  
 id detrimentum visum est, neque ferenda contumelia. nonnulli vt in malis lætabantur  
 iniectam necessitatem recentes & veteres iniurias vindicandi, impiæ gentis exitio. Ferdi-  
 nandus & Isabella Medinæ Campestris, vbi nuncium rei gestæ acceperunt, præfectis li-  
 miti & vicinis vrbibus mandant, se se ad bellum comparent: nihilque de diligentia & vi-  
 gilia remittant: alienæ calamitatis exemplo cautiore sint: nullam barbaris fidem esse  
 sanctam. Excusabant illi indiciarum tempore latrocinia vtrosque in alteros exercere con-  
 1482 fucuisse: prædas agere: carpere oppida, triduo modo conatu, nullisq; in obsidionis for-  
 mam iuxta positis castris. Ea licentia, parique fiducia Castellarium atque Olbera tentatur 20  
 à Mauris principio anni proximi Millesimi quadringentesimi octogesimali secundi. No-  
 stri nouis identidem prouocati malis vindicare parant. Magna militari manu contracta,  
 qua parte irrumpendum in fines hostium sit, deliberatur: cum cognitum est Alhamam  
 oppidum iniuriæ opportunum fore, exiguo præsidio, imbecilloque, raris vigiliis. Id Die-  
 ghus Merlus Vrbanus Hispali prætor, cui rerum & belli summa erat à Ferdinando Rege  
 commendata, cum Roderico Pontio Marchione Gaditano communicat. auis noctur-  
 nisque itineribus aduolant. sequebantur equites duo millia quingenti, pedites, ad quatu-  
 or millia. Trinis castris ad vallem peruenitur, locis paulo superioribus circueunt. mili-  
 tes itinere fessos docent duces, Alhamam non amplius duobus millibus passuum abesse.  
 decere eos libenti animo pati reliquum laborem, dū Mauros vindicent, perpetuos Chri- 30  
 stiani nominis hostes: præterea prædam ostentant. Ex omni copia trecenti delecti præce-  
 dunt nocte intempesta: omnia quieta esse in arce considerant. Admotis scalis in muros  
 conscendunt. primus Ioannes Ortega: deinde Ioannes Toletanus ciuis, & Marti-  
 nus Galindus præcipua milites audacia. vigilēs somno sepultos perimunt, aliisque  
 trucidatis, porta, quæ ad campos pertinet, patefacta, reliquæ copię admittuntur.  
 Oppidani improviso metu perculsi corripunt arma: aditum obsident arcis. Lucen-  
 te die, Sanctius Abula & Martinus Rogius arcium præfecti Carmone Arcobrigæque  
 signo dato, in oppidum irrumperere ex arce primi conati infelicis audaciæ pœnas dant  
 in ipso aditu strati hostium telis. Res moram non recipiebat, quoniam id op-  
 pidum Granata abest triginta modo passuum millibus. Quantum ergo auctoritatis au- 40  
 dacia partum erat, tantum periculi suberat, nisi continuo oppidum in potestatem venis-  
 set. par vtrique difficultas. Quidam euertendam arcem incendendamque disputa-  
 bant: atque in pacata concedendum. Audaciores in temeritate spem habere, pericu-  
 lum, vulnera, cædes victoriæ & prædæ auditate pensare soliti. supremum conatum  
 adhibere visum est: oppidumque vno tempore variis partibus impugnare. Per muri rui-  
 nas quidam scandunt: dumque oppidanorum vim in se vertunt, data facultas nostris  
 est, ex arce in oppidum penetrandi. pugnatur acriter in plateis. Nostri virtute vin-  
 cebant, numero oppidani, sed imbelles ferme, commercio dediti atque balneis,  
 quæ in eo oppido sunt nobilissima emolliti, fractique viribus. præcipientes tamen  
 desperatio agit, acre in periculo telum. Pugna ad noctem tenuit. hostium obsti- 50  
 natio, nostrorum constantia victa est. qui ad templum confugerant magno numero, pars  
 trucidati, alii in seruitutem capti sunt. Sic amissæ Zaharæ leuata ignominia, maiori que il-  
 lato, quam acceperant damno, vindicata iniuria est. Cruenti belli & diuturni hæc initia  
 prima fuerunt. Extat de ea victoria carmen vulgari lingua ea tempestate laudabile, ne-  
 que nunc inconditum, & agreste si referatur. Alhama in potestatem redacta est pridie  
 kal. Martias. Magnus terror barbaris, magna nostris cura incussa est. terrebat Mauros au-  
 dacia: finemque imperio Maurico ne appropinquaret verebantur. ostenta de cælo ange-  
 bāt, senexq; fatidicus Zahara capta clamasse fertur. Huius oppidi rudera, vtinā falsus va-  
 tes sim, in nostra capita incident. Imperii finem in Hispania venisse, præfagit ani-  
 mus,



mus. Eo maiori diligentia delectus vniuersa prouincia habentur. Rex ipse Albohacenus raptim Alhamam progreditur, tria millia equitum, pedites ad quinquaginta millia trahens. Terrebat nostros is apparatus: sed eo progressum erat, vnde sine pernicie & dedecore nisi victores redire non possent. Ea cura nuncios in omnes partes dimittunt, auxilia postulatum. Ipsi non nocte, non die ab oppido muniendo cessant: atque eas muri partes reficiunt, quæ hostibus opportunæ maximè erant. Præ festinatione hostes neq; tormenta adduxerant, neque machinas oppido expugnando. Id saluti fuit, inani hostium impetu, nostris egregiè pro muro defendentibus, saxaq; & alia, quæ ad manum erant, in subeuntes prouoluentibus. Ad vicinum fluuium maior pugna fuit: vnde quoniam oppidani aquabantur, nullis intra mœnia fontibus, ne cisternis quidem, Mauri alio auertere contendebant: multisque quamuis à nostris vulneratis, perfecere tamen. Bætici ad periculi famam excitantur. Corduba missi mille equites, pedites triplicato numero ductore Alfonso Aquilario, insecsis ab hoste montibus retro redierunt. In Duce Assidonix Henrico Gusmano, reliqua spes erat: tenuis tamen quoniam infensum ex priuatis contentionibus Gaditano, noua iniuria exacerbarant, eo incio tantum facinus aggressi. Patriæ caritas generosum animum flexit. ante dissidere solitos, communis nunc periculi societas iunxit. Sublato Hispalensi vexillo, adiunctisq; aliis proceribus, Roderico Gironio Calatrauæ Magistro, Diegho Paciecho Villenæ Marchione optulatum obsessis ire constituit. quinque millia equitum erant, pedites ad quadraginta millia. ex omnibus partibus voluntarii magno numero confluxerant, tanta erat cupiditas pro religione pugnandi. Ferdinandus Rex, quo die Alhamam fuisse captam, & de nostrorum periculo nunciatum est, Medina Campesetri profectus Reginaq; sequi iussa, magnis itineribus festinat. Dat literas proceribus, ne se absente in hostium fines irrumpant, maiori conatu & viribus opus esse. Regiæ voluntati obtemperare integrum non erat. longius prouecti erant: maius in mora periculum obsessis, siti vehementer laborantibus. Consilium salutare fuit. nostrorum aduentum barbari non expectarunt. ne tentata quidem pugna ab obsidione discessum. Venientibus obsessi obuiam progrediuntur. arma posita. salutatio facta. dextræ iunctæ. in complexum itum. manantibus præ gaudio lacrymis, prior Gaditanus Assidonix Ducem complectitur. præsidium, columen appellat. Deterfis simultatibus, quæ multis annis vigerant inter vtranq; familiam, ad totius belli summam, haud dubium prosperi euentus omen accipitur. Eam lætitiā parum absuit, quin contentio inter milites exorta conturbarit. petebant auxiliarii spoliū participes esse: fructum victoriæ non minus ad ipsos pertinere: qui tantum periculi tuendo oppido suscepissent. A verbis ventum esset ad manus, ni Assidonix Dux periculo cognito, suorum animos compescuisset. Sibi, inquit, spolia milites, quibus fortuna dedit, habeant: nos pro gloria, pro communi salute certauimus. Is fructus præsentis esto: in posterum quoniam bellum ducetur, vniuersi imperii Maurici, opes vestræ virtuti profiteor paratas esse. Sic rixa pacata, oppidoque nouo militari præsidio munito, in pacata reliquæ copiarum concesserunt. Non defuit occasione barbarus, repetita continuo obsidio maioris impetu est: variæ etiam manus prædatum in vicinos Bæticæ agros irruerunt. Erat superior Alhamæ pars loco munita, arduo ascensu, saxisque extantibus impedita. Eo minor custodia erat. nocte quadam albente celo ad duodecimum Kal. Maii Mauri ea parte solitudinem intelligentes, ad summum montis egressi in oppidum transcenderant: cum ad periculum nostri excitati, pro extrema salute enixè dimicantes, barbaros alios trucidant, alios è muro deturbant præcipientes. Sic ex magno periculo seruati sunt. Duo ciues Hispalenses Petrus Pineda, & Alfonsus Pontius defensi oppidi, præcipuam eo die laudem tulerunt.

*Rex Albohacenus pellitur Granata.*

## CAPVT II.

**A**lhamam impugnabatur, simul de belli summa Cordubæ deliberatio erat. Cautioribus deferendam eam urbem disputantibus, circumfusus hostes, auxilia procul, incertos belli exitus, martemq; communem, Regina virilis animi femina defendendam censuit: quid enim arcem defererent, se Regibus de Mauris primò captam? quid eo consilio nisi timoris turpissimi significationem contineri, vnde animus hostibus crescat, minuatur nostris? Ea valuit sententia. Quo maior esset auctoritas nouam expeditionem adornare visum est: Loxaq; obsidere firmâ iis locis urbem, nec procul Alhama distat. Astigim omnes copiarum conuenire iussit. quinque millia equitum erant, peditem octo millia, numero tantis conatibus impares. cū parte Rex digressis iâ barbaris Alhamam nouo præsidio muniuit, eo delatus ad tertium Kal. Maii, præfecto Ludouico Portocarrerio Palmæ regulo, præstanti ea ætate viro;



mox Granatæ planicie vastata impune se se Cordubam retulit, reliqua quæ ex belli vſu futura erant, comparatum. & erat Regina vicina partui, quo geminam prolem enixa est, ad tertium Kal. Iulii, tempeſtiue alteram, cui Mariâ nomen fuit. foetus alter immaturus fuit: vnde anceps omen captatum vulgo, variisque sermonibus materia extitit. Mali ſuſpicionem auxit inſolitus mœror in vultu conſideratus, eorum qui publica ſupplicatione inſtituta vexilla ſacra precatione luſtranda in templum detulerunt. Ab aliis hæc vt fortuita ridebantur. Die poſtero Aſtigim Rex petiit multis proceribus ſtipatus: & fere nullus erat alicuius nominis, quin eo cuperet reipublicæ operam nauare. Multis quamuis contra diſputantibus, alioque contendendū affirmantibus, Merli ſententia valuit, quoniam ei Rex multū credebat. Loxa petita. caſtra ad ſuburbia poſita, inter vicina oliueta: qua Singilis 10 annis labitur altis ripis difficili vado. Erat locus anguſtus, neq; idoneus equitatu explicando: ponte q; a ciuib. munito difficilis trāſitus in vltiorē partē. Erat prope cliuus Albohaceni nomine. Eius occupandi, quoniā, ad prohibēdas hoſtiū eruptiones idoneus erat, imminebatq; vrbi, cura data Calatrauē Magiſtro, Villenio, atq; Gaditano. Erāt in vrbe ad tria millia equitū Duce impigro Alatare. Ab his tū aliæ eruptiones factę: tum die Sabbatho no uis auxiliis aucti, maiorum ſpe facta (nam Rex ipſe Maurus Granata eo feſtinabat) bipartito agmine in noſtrorum ſtationem, eorum qui in cliuo erant, impetum faciunt. Iſ in fugam verſis, reliqui milites in pugnam progrediuntur, nullo militari ordine, nulloque in caſtris præſidio. Quo cognito, alterum hoſtiū agmen prope ſine certamine caſtra cepit. Metus ingens, ex eo ac trepidatio pugnātes innadit. In caſtra reuerſi acriter pu- 20 gnā inſtaurant fruſtra, cum ab vtraque parte hoſtiū telis peterentur. Cecidit in conſpectu Calatrauē Magiſter, duabus ſagittis vulneratus, alterius ſub brachio ictu lethali, in flore ætatis, viginti quatuor annos natus. crudelitas fati tanto viro indigna importunaque. periere multi alii, pars effuſa fuga ſeruati. Haud ſecus quam par erat, ea clade commotus Rex, ſeroque intelligens, vera fratrem Villæ formosæ Ducem monuiſſe, caſtra imperite fuiſſe metata, neque vires idoneas tanto conatui: ſimul de hoſtiū itinere certior factus proxima luce, vasis conclamatis, ſeſe retro retulit: neque prius conſtitit, quā ad Petram amantium ventum eſt, viginti octo inde millibus paſſuum. Saluti fuit, quod ſe intrepide receperunt: & in barbaros, qui poſtremum agmen carpere non deſiſtebant, a 30 Gaditano cum ſuorum manu impetus factus: quem illi non tulerunt, reiectiq; in urbem ſunt. Hic fuit exitus huius expeditionis. Nec deerant ſermones, qui Ferdinando inſidias à ſuis paratas euulgarēt, eaque neceſſitate diſceſſiſſe. Ipſe literis in omnes partes datis militum paucitatem excuſauit: & plerique ſigna deſeruerant, infrequentiaque reliquerant, ex urbanis delectibus collectiti, ſuarumque urbium ſtipendia facientes: quod neceſſitas temporum ærariiq; inopia excuſabat, alioqui magnis obnoxium incommodis, vti tunc accidit. Paruæ plerunque offenſiones maximas trahunt. Mauri ſucceſſu feroces Alhamæ obſidionem repetunt, non minori quam ante conatu. Obſeſſorum periculo commotus Ferdinandus, eo proſectus, commeatum intulit in nonum menſem Auguſti quartodecimo die: nouumque Præfectum dedit Ludouicum Oſorium, quamuis in inſulis Giennen ſem Episcopum deſtinatum, ſcientia militari magnoque virum animo. & quo maior ef- 40 ſet auctoritas rurfus Granatæ planiciem, agroſque incendio & direptionibus vaſtat. Sexcentos Mauros equites Granata egreſſos ad reſiſtendum, Cabræ Comes, atque Calatrauē Promagiſter magna ſtrage in urbem reiiciunt. Rebus aſperis in ea gente extremum malorum diſcordia acceſſerat. plerique ciues Granatenſes correptis armis, Albohacenum vrbe expulerunt. Remp. impotenter habere accuſabant, temerarioque conatu tantum bellum in ditionem attraxiſſe. In eius locum filius Mahomad Boabdiles cognomento Paruulus ſuſſectus eſt, (Hali Muleius Alcadurbiliſ à quibuſdam vocatur.) in Albohaceni fide Malaca, Baſta, aliæque vrbes perſistere. ſic diuiſa in factiones gēs eſt: neque minus inſteſtinis diſſidiis, quam externis hoſtibus laborabant, conditio miſera atque perturbata, qualem fuiſſe fides ſit, duobus in exigua prouincia Regibus. Mirum videatur tamen 50 in tanta quamuis diſcordia, à neutra parte noſtros in auxillium fuiſſe vocatos: quin in ipſo ardore belli ciuiliſ conſtat, tum alias irruptiones tentatas, tū Cagnetum oppidum ad confines vtriuſq; gentis, de noſtris captum fuiſſe. Inſignem animorum fiducia, audaciæque.

*Noſtrorum ad Malacæ montes ſtrages.* CAPVT III.

**R**Eges à Bello Maurico tantisper aliæ regni cure euocabant in Carpetanos. Ergo Petro Manrico, quem nuper ex Treuigni Comite, Anagari Ducem crearant, Aſtigi, & Alfonſo Cardena Diui Iacobi Magiſtro Giennii bellum curare, & limiti præeſſe iuſſis, atque



que Ioanne Sylua Cifontano Comite in Merli defuncti locum Hispali Praefecto dato, Madritum ipsi hyeme appetente perueniunt. In eo municipio urbium societates, quas ante aliquot annos institutas esse diximus, nouis astrictae sunt legibus. ne concessa potestate abuterentur, prouidendum erat scilicet: subsidium etiam in belli Maurici usus concesserunt, sedecim iumentorum millia ad comportandum commeatum. A Sixto Pontifice impetratum, ut centum aureorum millia sacerdotiis imperaret. data etiam peccatorum venia Cruciatæ nomine iis, qui aut voluntarii arma sumerent, aut certam stipem in ærarium conferrent. Quod tertio anno repetitum, neque intermissum consequenti tempore, ab hoc initio magnam pecuniæ vim iam omnibus annis in regium ærarium infert.

10 Eæ viæ pecuniæ redigendæ nuper inuentæ, ab iis qui talia acriter speculando gratiâ Principum aucupari solent, magis incommodæ, quam molestæ: uti tempus, & maior rerum usus aperuit. A mensariis & subditis aliis, grandis præterea pecunia mutua sumpta est. Aragoniis Raymundum Folchium Cardonæ Comitem, rectorem destinatum accipere detrectantibus, legesque patrias excusantibus, quæ externum hominem rebus præfici vetarent, filium Alphonsum Aragonium Cæsaraugustæ præsulem rectorem dedit. De Lusitanis & Vasconibus maior cura suberat, ne resp. incommodo tempore, iis partibus, nouis motib. agigaretur. Lusitanus Ioannam Henrici Castellæ Regis filiam cōnubio iungere Regi Vasconum cogitabat: Vascones ad Gallos propensi erant. Lusitani placandi cura Lupo Datouguix homini Lusitano, & Ioanni Orteghe Cauriensi Episcopo data est. ad

20 Vascones Rodericus Maldonatus legatur ut Catharinam nouam Reginam fratre interim defuncto, in coniugium expetat Ioanni Ferdinandi filio, iussus prehensare, & sollicitate quoscunque idoneos inueniret, præsertim è factione Beamontensium: in quorum potestate Pompelo vrbs erat, & multo maxima regni pars: penes Principes nomen magis imperii, quam auctoritas imperandi. Abenæ quidem regulus pro Rege rebus præfectus erat homo Gallus præstanti prudētia, magnoque rerum usu. Magdalena Regina mater, audita Castellæ legatione, siue vera siue simulata latitia negat honestiorem vllam conditionem offerri posse: se moram coniugio non facturam. In Calæcis tumultus erant inter duas familias Magistrum equitum, & Beneuentanum, vtraque factio Episcoporum arces inuadebat, vnde in aduersarios grassarentur. Eas Rex Ferdinando Acunio prouinciæ præfecto præoccupare mandat. Petrus Osorius Lemosi Comes, dū fratris Episcopi

30 Lucensis patrociniū suscipit, ad eam urbem obsessa ab eo arce pene iustū bellū exarsit. Ea necessitate Ferdinandus Madrito profectus ad tertium Idus Februarias, eius seculi anno octogesimo tertio. In ipso itinere nūciatur, Lemosi Comitem decessisse, ex filio Alfonso,

1483 Roderico nepote superstite: quem quamuis furto genitum, venia Pontificum heredem scripserat, viuensque in principatus possessionem miserat. Ex ea re nouæ contentiones exarserunt, Ioanna defuncti Comitis filia quæ nupta erat Ludouico Beneuentani filio, eum principatum ad se reuocante. ventum ad manus erat, eos Rex pacate constituit iussos abstinere ab armis, iureque potius & causâ quam vi disceptare, in defuncti nepotem propensior. His rebus in Calæcia districto Rege, grauis clades ac qua nulla maior eo bello, a Mauris ad Malacam inflicta est. Petrus Henricus Beticæ Antelatus Cagnetum suæ

40 ditionis oppidum receptum adiutore Gaditano, reficiendum curauit. Alia parte Alphon- sus Aquilarius, & Diui Iacobi Magister, contracta suorum manu, quoniam prima successerant, elati in hostium fines incurrere constituunt. simili studio Ioannes Sylua Comes Cifontanus Hispali præfectus, cū eius urbis equitib. Zaharâ Mauris eripere cogitabat. Frustra iis conatus fuit. sed communicato tamen Duces consilio, triplici agmine in Malacæ agros pergunt penetrare, bombycis artificio nobiles, eoque diuites præda præ aliis: cuius maior, quam religionis aut æquitatis cura erat. Studio par exitus: mōtes prope Malacam sunt dumeris & rupibus horridi. Ea parte nostri inuecti agros populantur: pecora abigunt: villas vicosque incendunt: nulli omnium rerum parcitur. nonnulli etiam è no-

50 stris equitibus iuuenta feroces ad ipsa Malacæ mœnia procedunt. Dementia non temeritas erat: qua Malacæ ciues irati, simul montani homines, quos locorum asperitas durauerat, dolor accenderat, se omnibus partibus effundunt. Duæ in pacata ferebant viæ: altera præter oram maris planior, sed longior, arceque Malacitana, & æstuariis impedita: altera qua venerant, breuior, sed saltibus, perpetuisque montibus aspera. Ac præsertim duo montes sunt, perpetuis circa se iugis clausi. iacet in medio profundâ vallem mediam secans amnis. In eam vallem dimissos nostros, satis iam pauentes, prædaque graues vrgentibus à tergo Mauris, terribilior à fronte clamor exterruit. Erant duorum dierum itinere & inedia fatigati: neque procedere, neque regredi poterant. A Mauris plerique vulnerati, interemptique certo ictu, destinata ferire assuetis. Noctis tenebræ au-



gebant terrorem, perpetuo hostium clamore. Cum Magister. Quousq; quasi mutæ pecu-  
des trucidabimur milites? Ferro animoq; aperienda via est. Prouidendum certè ne inulti  
moriāmur. Simul cliuū ascendere cœpit. Ventum ad iuga. pugnatū acriter. pleriq; ca-  
dunt: plures è nostris iūq; nobilissimi genere, factisq; Gaditanus duces itineris nactus, per  
occultos tramites, alia parte euasit. Cifontani agmen, quod postremum erat, maiore cla-  
dem accepit. Ipse & Petrus frater capti sunt, Granatamq; deducti. Stupor omnium ani-  
mos, ac velut torpor quidam insolitus membra occuparat. Ex bis mille septingentis equi-  
tibus, octingenti ceciderunt: in his Gaditani tres fratres, Iacobus, Lupus, Bertrandus, pro-  
pinqui alii. Captiuorum numerus duplicatus ferme fuit: quadringenti è præcipua Hispa-  
niæ nobilitate. Pauci cum magistro per tesqua & inuia Syngiliam fuga tenuerūt. alii quō  
quemq; spes ducebat, aut pavor, diuersi dissipantur. Ad duodecimum kal. Aprilis grauis  
ea clades accepta, diem D. Benedicti memoria celebrem & faustum, in atrum Hispaniæ  
vertit. Ductor Maurorum Abohardilles Albohaceni frater Malacæ Præfectus, magnam  
eō die opinionem virtutis apud gentem peperit.

*Mahomad Boabdiles à nostris capitur.*

CAPVT IIII.

EX magno mœrore & luctu breui piorum animi recreati sunt. maiori quàm acceperāt  
reddita clade, frænata barbarorum audacia. Pertinaci inter se contentione duo Re-  
ges Mauri pugnant, Albohacenus Boabdilesq; aduersus gentem nostram consensu, o-  
dioq; implacabili, in eo spem aduersæ factionis superandæ habentes, si nostris insectandis  
vltiscendisq; laudem ad populum & fauorem conciliassent. Paterna victoria Boabdilem  
excitabat, vt vltro bello lacefferet. Ergo collecta numerosa manu equitum, peditumque,  
tum ex suis, tū ex aduersaria factione in Astigitanos agros incurrere statuit, spe Lucenam  
expugnandi amplum magis & lautum municipium, quàm validum. Consilii auctor Ala-  
tar socer, quem ex infimo genere, cum seruta aromataq; iunior vendidisset, (id certè no-  
men significat) bellica virtus per omnes militiæ gradus ad eum honorē euexerat, paresq;  
diuitias. & erat nostris finibus assuetus, identidem Lucenæ agros vexare solitus. Dieghus  
Corduba regiæ aulicorum cohorti præfectus, cum aliis oppidis, Lucenam ditione obti-  
nebat. Is Maurorum consilio cognito, patruo suo Cabræ Comiti periculum denunciat:  
post superiorem cladem raros ea parte equites superesse: incolarum animos metu debi-  
litos: Lucenæ mœnia haud satis firma esse ad barbarorum impetum sustentandum. Ad  
yndecimum Kalend. Maii Maurorum copiæ accedunt. Dieghus incolis in superiorem  
oppidi partem traductis, inferiora, in quæ futurum impetum prouidebat, subitario opere,  
& militum præsidio munit: quos ex vicinis locis ducentos amplius equites, octingentos  
pedites contraxerat. Is egregiè defendentibus, repulsi hostes sunt nonnullis occisis, plu-  
ribus vulneratis. in oliuetā versā est rabies. præterea Ametus Abensarraxius cum trecen-  
tis equitibus ad euastandos agros Montiliæ dimissus est. Erat illi vsus cum Diegho Cor-  
duba Præfecto, & contracta superioribus annis familiaritas: quibus Abensarraxii Grana-  
ta pulsi, diu Cordubæ fuerant. Ergo perfecto opere, Lucenam reuersus Præfectū ad col-  
loquium inuitat, specie amicitiae fallax insidiasque tendens. Fraus fraude delusa. spe de-  
ditionis tempus extrahitur, dum Cabræ Comes accederet: quem vt appropinquare bar-  
barus cognouit, motis castris, retro redire cœpit, præda lætos milites reducturus in patri-  
am. Cognito nostri consilio ex oppido egrediuntur, postremos inuadunt, moranturque  
iter. Interea Cabræ Comes adueniens turbatos hostes metu, impeditoq; incedētes agmi-  
ne inuadere statuit. Vix hæc posteritas credat. Mauri decuplo maiori numero, nostrorum  
primum conspectum non tulerunt. Deus illis mentem eripuit: fama q; vt fit, maiora vero  
de nostrorum numero prædicauerat. Torrēs sex passuum millibus abest ipsa militari via,  
qua Loxam itur, amœnis ripis multa fraxino, salice, myrica, & tunc vernis imbrib. auctus.  
Eo Mauri pedites transmissis, sese effusa fugā in pedes dant, prædam modo præ se agentes,  
nulla honesti cura. Equites simili metu perculsos, Rex barbarus retinet tamen. Quō rui-  
tis milites inquires? quis furor mentes inuasit? An obliuiscitis hos esse, qui nuper à minori  
numero nostrorum victi sunt? Erit igitur in hoc certamine is vobis illisq; animus, qui vi-  
ctoribus & victis esse solet. Parcite vobis, parcite famē, an torpentibus manibus, pedes sa-  
luti fore speratis? Parum ea oratione proficitur. Cum nostri pleno gradu inueherentur, &  
quadraginta equites paucis peditibus adiunctis à latere aggredierentur, ductore Alfonso  
Aquilario, qui Syngilia ad periculi famam aduolarat, maiorem numerum suspicati, diui-  
nitūque incusso timore (sic interpretari iuuat) sese in fugam dant. Rex equo candido  
desiliens, quō insigni eo die utebatur, vicini torrentis inter arbores & dumos se oc-  
cultare



cultare parat. Iis locis à tribus pedibus, ipse metum mortis indicante cognitum, captumque, Præfectus regis cohortis, qui fugientium vestigia sequebatur, Lucenam mittit. fugientium magna strages usque ad noctem facta est. Mille amplius equites ceciderunt. cum his Alatar ipse nonagenarius. Pedites ad quatuor millia, pars capti, pars cæsi sunt. præda ablata. Rei bene gestæ fama nunciusque Reges qui Madriti erant, excitauit ut partita rerum cura, Isabella quidem ad fines Vasconum contenderet, filii coniugio maturando, cuius prima cura erat, Gallis prohibendis Hispaniæ aditu, possessione Vasconum, Ferdinandus autem in Bæticam iuit res bellicas curaturus. Ad quartum kal. Mali discessum Madrito est. Cordubæ de ratione belli deliberatur, maiori quam vnquam apparatu, impetuque. & fuerat Albohacenus Granatæ acceptus: vniufque imperio deuincti barbari tenebantur. Capite tamen ablato manebat plerisque ciuibus conscientia prioris studii: nec deerant sermones senium, crudelitatem, auaritiæque Albohaceni increpantium. Ingenti delectu sex mille equites, pedites ad quadraginta millia contracti. cum iis copiis bellum instauratur. ductor Ferdinandus ipse Illoræ suburbia vastat. Tagiara vicinum Granatæ oppidum vi expugnatum, euersumque est. In ea expugnatione Henricus Regis auunculus regisque Magister accepto vulnere Alhamam curandus mittitur. In Granatæ planiciem mox ferrum ignisque circumferunt, castris loco munito positis: vnde vastatores cum iusto præsidio in vicinos agros dimittebantur: eo minori periculo suo, maiori hostium damno, quod Albohacenus ciuium voluntate diffusus vrbe egredi non est ausus. Pauci modo milites sese per agros ostentare: vagos palantesque carpere, aut de suo loco pugnaturi. Missi tantum Granatæ legati: qui si Boabdiles Albohaceno patri traderetur, Comitem Cifontanum & nouem alios è præcipuis captiuis æqua permutatione pollicerentur. addebat alias insolennes fœderis conditiones, ferox animo barbarus, & parta nuper victoria superbus: quas Ferdinandus reiecit, venisse se dictitans, ut leges daret, non acciperet. Arma tenenti nullam pacis conditionem fore. Et erant nostrorum animi ad Boabdilem propensi. Fauor & misericordia acres impetus habent. Itaque Regi suadere non desistebat cum aliis Gaditanus, ut eum libertati redderet: factionesque potius inter eam gentem aleret, nostris conatibus inprimis opportunas. Motis castris, Alhamaque munita, Præfectus Enecus Mendoza Tentillæ Comes iussus est, non modo tueri urbem sed de hostibus prædas agere. Vbi Cordubam ventum est, Boabdiles Regis iussu Porcunæ arce, quæ veteribus Obulcū fuit, adductus, in genua procumbens dextramque Ferdinandi de osculâri contendens, amplexu & amicis verbis acceptus est. Erga Regem quamuis barbarum, & captiuum hospitii iura sacraque mittenda non videbantur. Fœderis conditiones hæc fuerunt: Boabdiles filium natu maiorem obsidem dato, adiunctis duodecim aliis principum filiis, in fide & obsequio Castellæ futurum, patris sacris modo retentis. Duodecim aureorum millia quotannis pendito. Ad regni conuentus venito. Captiuos quadringentos reddito libertati, quinque annorum spatium. Sic barbarus in patriam dimissus est. Ferdinandus nouis præsidiis limiti impositis, ac Ludouico Portocarrerio in D. Iacobi Magistri locum Astigitanis præfecto, Corduba discessit Reginam inuisurus. Cū mille quingenti equites Mauri, pedites quatuor millia ductore Bexiro Malacitano Præfecto, in Vtrere agros inuecti Portocarrerii & Gaditani accursu repulsi sunt: victique ad Lethem fluium magna Maurorum strage, Gaditano data vestis, qua Reges vterentur sexto Idus Septembris, Virginis matris natali die, virtutis præmium lege in perpetuum lata. qui intra eundem mensem non vicisset modo exultantes Mauros, sed etiam Zaharam recepisset, vi improvisa expugnatam. Victoriæ Ferdinandus & Isabella erant, minori iam spe coniugii perficiendi: quod Magdalena mater à Rege Gallo persuasa, cœperat imparem Catharinæ filiæ, Ioannisque ætatem excusare: hunc puerum, filiam viro maturam. similia coniugia infeliciter cadere. Ad eam urbem Cabræ Comes, & Præfectus regis cohorti, Ferdinandi & Isabellæ iussu splendido apparatu excepti sunt cunctis proceribus & Episcopis obuiam progressis, deducente Tolitano Cardinali Petro Mendoza. Is honos virtuti est habitus. merces centena æris minuti millia annua dum viueret, è regio fisco Comiti Cabræ data. Ad vetera gentis insignia, caput Regis coronatum adiectum est, circum oram clypei nouem vexilla de Mauris eo die capta, rei gestæ monumentum, posteris omnibus incitamentum, ad audendum conandumque pro patria & religione præclare. Hibernis aquis, Alhamæ muri pars magna repente corruit: militibusque de vrbe deferenda consultantibus, Enecus Tendillæ Comes expedito consilio linteum prætendit ruinæ, imaginem muri, ita pictoris arguta manu mentiente, ut prius prostrati muri pars fuerit resecta, quam hostis periculum cognouerit, casumque.



Vascones quieti non erant, discordes olim factionibus, & nunc cōtemptu regentium minus coercitis odiis: nunquam fida inter eos pax iungi potuit. sepe arma posita sunt, sepe repetita. Ita vexatis rebus, vix ut se possent diuturna pace recreare, nouum aliunde bellum accessit. Ioannes Vicecomes Narbonensis Catharinæ Reginæ patruus, rerum arbitrium ad se reuocabat: foeminæ imperium illegitimum accusans, legibusq; ventantibus constitutum. præterea post mortem Gastonis fratris se Eleonoram matrem propius quam ex defuncto nepotes attingere. sexus etasque Principis despectui erat. alioqui quo id iure vsurpare potuit: cum sepe meminissent rerum summam in ea gente ad foeminas recidisse: patruis nepotes ex maiori filio præferri, iuri & æquitati sit consonum? Sed nimirum sunt opportuni magnis conatibus transitus rerum: regnandi inexhausta auiditas, nulla æquitate mouetur. Sumptis armis in Fuxensi ditione oppida & arces eius sacramentum acceperunt, pars vi, alii voluntate parati imperata facere: passimq; eius conatibus fauebatur memoria superiorum Principum, externi imperii metu inuidiaque. Iis pacandis motibus maiori præsidio opus erat: virum ac gubernatorem resp. desiderabat. Reginæ coniugium maturari placuit. Magdalena Principis matre ad Gallos propensa, nouæ difficultates exortæ sunt. Vascones veteri gentis instituto disputabant, ordinum consensu, de Regum suorum coniugio deliberari statuiq; consueuisse. matrimonia ipsis in seipsis aut nolentibus inita, infausta extitisse. Tudelæ ciues in fide Ferdinandi fore, si secus esset factum, professi sunt. Turiasone is Aragonios conuentus agitabat, principio anni 1484. M. quadringentesimo octavo. quarti nulla re alia memorabiles, nisi quod Catalauni venire initio excusarunt, maiorum instituto negantes, licere eos extra prouinciam vocare. Interea Catharina Regina Vasconum Ioannis Labreto Alani filio nobilissimo, amplaq; ditione in Gallia Pétragorios, Lemouices, Druides aliosque populos obtinenti iuncta est. Noui ex ea re motus animorum in Vasconibus concitati. Alienam calamitatem, Ferdinandus ad occasionem vertens, imperii proferendi repulsæque dolorem vindicandi, commutato superiori consilio, ipse quidem iis locis substitit: Isabellam coniugem in Bæticā mandauit ad bellum Mauricum comparandum: vnde nunciatum erat Albohaceni potentiā crescere, vniuersa ferme gente sub eius imperium reuocata: filii maiestate paucos teneri, ac vix Almeriæ mœnibus regiam appellationem tueri. Gens quasi impium auersabatur, & ad nostra sacra propensum. concionatores per omnes partes à patre dimissi diris execrationibus eius caput defigere: ac furiali carmine deuouere non desistebāt. Nostri Cordubenses Hispalensesq; supra decem hominum millia, facta manu de mense Aprili Malacæ agros, vbi maturæ segetes erant, depopulati sunt, belli terrorem circumferentes, acceptamque superiori anno iniuriam ipsis locis maiori damno vlciscentes: sperantesq; malis domitos Mauros, tandem in ditionem venturos: nullum ex Africa subsidium certe exiguum, ea gēte suis bellis implicata, an mari nostris classibus cōstrato, ne se possent commouere. Quæ res Genuenses prouocauit ut Duce Iordieto Oria pirata, Catalauniæ Valentiaq; litora nudata præsidio, igne, ferro, direptionibusque vexarent olim Aragoniæ gloriæ æmuli: & nunc recenti discordia, ad prohibendos eos conatus fluxa reip. auctoritate. Petrus Fregosius gentis Dux à Paulo Fregosio Genuensi Præfule, & Cardinali vrbe & principatu pulsus erat, nullo propinquitatis respectu. Mediolanenses aduocare, ad vrbis imperiū accusabat: quos impotenter dominari erant experti, degustata libertate, nullius quis leue imperiū laturi. Ea necessitate nostra litora tuendi, publico gētis stipendio noua classis instructa Valentie, Duce Matthæo Scriba ad piratarum excursions prohibendas. Sed & res ecclesiasticæ suo morbo laborabant: quæ Ferdinandi præsentia sanandæ erant. defuncto Dezpuchio Montesiæ Magistro, quem ea ætas virum strenuum & prudentem in paucis experta est, comitiis militaribus Philippus Boilus in eius locū successus erat. Excusabat Ferdināus, datum sibi à Pontifice, ne nouus Magister, nisi eius voluntate crearetur. Regiæ voluntates vehementes sunt. Boilo abdicato Philippus Aragonius Carolo Ferdinandi fratre Vianæ Principe natus, Panormitanū episcopatū, cui destinatus erat, Montesiæ magisterio mutauit. Præterea Sixtus Pont. Max. in defuncti Eneci Manrici locū, Rodericū Burgiā Cardinālē Hispali Pontificē dederat. Verū Ferdinādo Rege multū aduersante atq; Petro Ludouico Gadiæ Duce Roderici filio in vincula duci iussu, effectū tadē est, ut inducto priori decreto, Dieghus Médoza Tendiliæ Comitis frater Palætinus tū Episcopus, in defuncti locū substitueretur Pōtif. Hispalēsis. gratiæ id & meritis patruī Cardinalis Hispaniæ datum. Alfonso Burgēsis Concha Palentiā migravit. Cōcham, Abula Alfonso Fōseca. In huius locū Fernāus Talaquera Abulēsis Episcopus creatur Prati Prior. Sic in Hispania nominādi Pōtiffes potestas Regib. quæbatur, fundabaturq; Sed res Ecclesiæ non



non minus in Italia turbatę, vt Principibus multa condonaretur, effecerunt. & erat bellum inter Venetos, & Neapolitanos, haud magna causa excitatum: quod reliquos Italię Principes traxit in partes: dum hi Herculem Ferrariensem Ducę, qui Ferdinandi Neapolitani Regis filiam vxorem habebat, ab iniuria tuentur: impugnant Veneti. In eius belli ardore Sixtus R. Pont. obiit pridie Idus Augusti. Successit Ioannes Baptista Cybo Cardinalis, patria Genuensis, Innocentii octauı nomine. Quo tempore Enecus etiam Daualus extinctus est patre Roderico Daualo Magistro equitum, gratia suorum Principum magniq; opibus & virtute militari in paucis ea etate clarus. numerosa prole felix, ex Antonela Bernardi Aquinatis Piscarię Marchionis filia, Alfonsu Piscarię Marchionem, Martinum, Rodericum, atq; Enecum reliquit Vasti Marchionem, pręterea E-mundum, atq; Constantiam filiam. Ab his multorum Principum in Italia genus ducitur. Ex Alfonso Ferdinandus est natus Piscarię Marchio: is qui parentum etate rerum gestarum gloria Italiam atque adeo vniuersum orbem impleuit, magnus copiarum Dux, ac veteribus comparandus. Ex Eneco Alfonsus Vasti Marchio haud minori fama virtuteq; qui patrueli sine prole defuncto, eius principatum cū suo coniunctum posteris reliquit. Piscarię Vastiq; appellatione alternante, haud incōmodo tēperamēto, cuius pater Piscarię Marchio dictus est, filius Vasti Marchio vocatur: & ordine cōmutato more perpetuo.

*Abohardilles nouus Granata Rex.* CAPVT VI.

Interea Bætici milites ducesque & sua sponte, & Regine hortatu in vnam belli Maurici curam incumbere, quoniam priora ex sententia sine offensione ferme processissent, reliqua prospera futura augurantes. hostium cōsilia, conatus, itinera explorare: nihil neque apud se remissum, neq; apud illos tutum pati: non dies non noctes cessare, neq; per hyemem, neq; æstatē: identidem incursionibus fatigare, locis omnibus instare. De noua expeditione deliberatio Cordubę erat, in quam maxime partem impetus esset futurus: ac Magistro D. Iacobi contra disputante, in Gaditani sententiam passim ibatur, Alloram petendam videri. Est id oppidum medio propemodum itinere, quo Syngilia Malacam itur, ignobili fluuiō pręterfluente, (veteribus quidam Saducam fuisse putant) firmum magis natura loci, nimirum magna ex parte impositum rupibus, quam mœnibus, aliave munitione. Contractis copiis Rex Ferdinandus pridie kalen. Iulii Turiasone profectus continuato itinere superuenit, belli particeps ductorque magno ad victoriam momento. suorum is consilio approbato rectoque, quo barbari animus ancipiti periculo in varias partes traheretur, Alhamam nouo pręsidio muniendi speciem prębet. vbi Syngiliam ventum est, festinato itinere improuisus cum omnibus copiis Allorę aduenit. oppidanis metus ingens luctusq; portę mœniaque obsessa. excusse tormentis ferreę pilę strauere muros: Maurorumq; animos earum rerum insolitos fregere. Deditionem faciunt pacti incolumitatem, libertatemq; discedēdi, efferendiq; res suas. Captum oppidum ad vndecimum kalen. Iulii eo maiori lætitia, commodoque, quod nulli ex nostris ceciderunt: barbarique diu sustentare potuissent, iugi aqua fluuiō inter rupes pręterfluente inedie afflueti. Cibus potusque illi genti aduersus famem atq; sitim, non libidini neque luxurię sunt. Sed nostri eas difficultates cœlesti magis ope, quam humano consilio superarunt. Dum vicina tamen oppida tentantur, nostri que studio elati ad Casarabolam tumultuaria pugna cum hostium manu dimicant, Guterrius Sotomaior Bellalcastaris Comes flore iuuentę, & regia affinitate superbus, incautiusque in acie versans sagittę medicatę ictu, confossus est. Eo nihilominus incommodo trecentis Calatrauę militibus, pręsidio Alhamę impositis, nam Garcias Padillia se Alhamam defensurum receperat, ea lege eius militię Magister factus in Gironii locum, cum reliquis copiis in Granatę conspectum penetratur. Castra loco munito posita sunt, in quibus sex millia equitum, pedites, ad decem millia vix erant. Intra urbem septuaginta millia militum numerabant. Sic vulgo iactatū. vt & multitudinē augeat fama, magnum tamen fuisse numerū ex mēdacio quis neget? sic Rex Ferdinandus vastato circum agro, lateque terrore factō intra diem quinquagesimum, lætum victoria militem, spoliisque Mauricis superbum in patriam reduxit. Allorę Ludouicus Portocarrerius pręfectus est; classibus Aluarus Mendoza Castri Comes magno viri animo, prudentiaque. & id prouidebant, ne quid ex Africa moueretur, haud ignari plerunque paruis offensionibus corrumpi spes maximas consueuisse. Aestate transacta bellum paria lacritate repetitum est. Septiniliū arx locis munitis posita, vicinaque Malacę impugantur. Eadem fortuna fuit. tormentorum fragore territi propugnatores arcē dederunt: discedēdi quo vellēt facta potestate, additaq;



pecunia pro frumento, comœatuque, quantam delecti arbitri iudicarunt. Nostorum impetus Arundam versus est. Ea vrbs montanis inaccessa locis modica quidem sed valida. flumen circumductum mœnium maiorem partem cingit, cætera rupes horridæ. Eius vr-  
bis ciues a cultu prouinciæ, & humanitate alieni, feroces maxime habebantur, aduersus  
hostes viris etiam, armisque muniti finitimis oppidis, quæ multa sunt pari locorum aspe-  
ritate præsidia inde petebantur. Eo vrbs potiùdæ maxima cupido nostros inuaserat, pro-  
uidentes eo propugnaculo sublato, reliquæ facilia fore Malacam vsque. Ergo situ lustra-  
to, vastata oliueta, hortique præcipua nobilitate sunt. Pecuniæ in stipendium inopia, ne  
diutius iis locis morarentur compulsi, malum magnis sæpe conatibus aduersum. Copiis  
in hiberna distributis, Rex & Regina Hispalim ad sextum Nonas Octobris tenuerunt læ-  
ti victoria, speq; reliqui belli ex sententia conficiendi. Media hyeme ipso Ianuario men-  
se bellum repetitur salutis anno M. quadrin. octogesi. quinto. Inuictum Regis animum &  
nunquam cessantem. Loxam nocturna vi capere spes erat: sed ab itinere hibernæ tempe-  
states, & Orteghæ militis consilium reuocauit, dementiam non temeritatem id videri  
disputantis. Confluxere tamen nouæ à Castella copię: Petrus Magister equitum, Bertran-  
dus Alburquerqueus, Petrus Mendoza Casorlæ Antelatus, Ioannes Stunica Alcantarę  
Magister cum sua quisque peculiari manu. D. Iacobi Magister, atq; Anagari Dux bellis  
etiam superioribus interfuerunt. Iis auxiliis aucti nostri, ad nouem equitum, peditum vi-  
ginti millia erāt. Cum iis copiis bellum repetere visum est, maiori quā ante impetu. Quo  
tempore aduersus Boabdilem Regem Almeriæ ciues arma corripuerunt. vt impium gēs  
illa auersabatur: ignauiaq; eius accusabant superiora incōmoda fuisse accepta. Impetu in  
regiam facto Boabdilis frater interfectus est, mater capta, intestini fatalisq; inter patrē &  
filium dissidii pars maxima. Rex ipse Barbarus, cum ea vrbe abesset, nuncio calamitatis  
accepto, rebusque desperatis cum paucis Cordubam abiit. Arundē ciues numero immi-  
nuti erant metu maximo. Id Iuzephus Seriffius indicauit Gaditano Marchioni. sic belli  
impetum quamprimum eo conuertere visum est. prius tamen alia oppida tentata, capta-  
que sunt. Cohinum Alloræ vicinum vi expugnatur, soloque equatur, ob mœnium am-  
plitudinē defensione difficili. cecidit in ea expugnatione Petrus Alarconius, qui eo bello  
specimen virtutis dederat singulare: multaq; præclare gesserat. Cartama antiquum reti-  
nens nomen vnus modo permutatione literę, nam Cartima olim fuit, vnde vallis etiam  
ea appellationem habet, Petro Mendoza deditionem fecit. Eius oppidituendi cura  
Diui Iacobi Magistro, ipso expetente est demandata. Vniuersis copiis Malaca petita, v-  
bi Abobardilles Albohaceni frater erat: in quo spes & opes gentis Mauricæ ea tempe-  
state sitas inuenio: & magnam virtutis opinionem nactus erat, nostris ad Axarquiam su-  
peratis, oppressisque. Inde leui prælio facto, eodem itinere quo venerant, reductis copiis  
Arunda petita est. Quina circum urbem castra posita. Rex ipse cum maiori copiarum  
parte ex aduersum arcis constitit. vię circum occupatæ, ne auxilium obsecsis ad-  
ueniret: ne cōmeatus: & erat pars ciuium ad euastandos vicinos Baticæ agros profecta.  
cōmodissime rebus nostris id accidit. Periculi magnitudine, foeminarū eiulatu, nostro-  
rum diligentia dies noctesque continuantium, victis barbarorum animis, deditio facta  
eius vrbs est decimo kal. Iunii. Ciuium nobilissimis Hispali, vt cōuenerat, agri dati: quos  
Gonsaluo Piconio, & aliis de religione postulatis Inquisitores abstulerant. Munita ea vr-  
be, Casarabonela, Marbellaq; ad mare sitū oppidum deditionis verba nuncuparunt. V-  
niuersam gentē insolitus terror occuparat. In Regibus suis parū præsidii rebus erat, altero  
profugo, Albohaceno morbis, oculorum caligine & senectute impedito. Noua consilia  
captata. Muleus Abohardilles ad imperium gentis Malaca euocatur, magno vir animo  
consilioque. Maurorum genus mobile, infidum, neque beneficio neq; metu, ac ne vllis  
quidem naturæ legibus coercetur. Oblatum imperium barbarus haudquaquam repudi-  
auit. Eo maiori gloria speque Granatam aduenit, quod nonaginta è nostris equites Al-  
hama prædatū profectos, vsq; ad Granatæ mōtes, quos Niuosos vulgus vocat, incautius  
rēdentes oppressit. Triūphi specie inuēctū Granatā, cupidissimis animis Regē ciues pro-  
clamant. Albohaceno, principio tumultus Almuncarem, vbi thesauri regii erant, pro-  
fecto ab impio fratre vis inferitur nullo crimine, imperii tantum nomen exitium attulit:  
& quorundam studia fratris perfidiam ambitionemque auersantium, senisque commi-  
seratione diuersa consilia captantium. Quod ille periculum parricidio remo-  
uendum iudicauit, impius iuxta ac  
crudelis.



Barbarus cæso fratre, & patto per scelus regno, nomen sibi ingens fecerat magis quam clarum. malis artibus quæsitâ potentia haud erit diuturna. Nostris quo. propior spes erat, eius imperii opes euertēdi crescebat ardor animorū, curaq; ne duce mutato crescerent animis hostes: maioriq; periculo bellū esset. Quântū animi esset, quantū viriū notâ expeditione tentare Ferdinandus statuit, cæteris quibus cōtra disputantibus, dandaq; militi quietem affirmantibus, continuatis laboribus defatigato. Sed omnes difficultates Regis constantia peruicit, exemplumq; virtutis, cum nullum ipse laborem recusaret primus in acie, castrensia opera obire primus solitus. Sic est, displicet hominibus imperatum obsequium. exemplo facillime obtemperamus. Alcala Regalem, quoniam id oppidū ad fines hostium pertinebat, copias conuenire iubet. eodem ipse Corduba proficiscitur kal. Septembris, nondum in ea regione sedatis ardoribus æstatis. Ardebat Cabræ Comes cupiditate virtutis ostentandæ. res ab aliis proceribus præclare gestē ad audendum conandumq; incitabant. Expetenti datum, vt in Maurorū fines primus incurreret. cum sua manu equitū septingentorum, peditum ad tria millia, adiuncto Alfonso Montemaiore, Molinum tentare iubetur: quod oppidum Granatę vicinum est, situ & opere munitum. eodem se pollicetur Rex cum copiis omnibus venturum. Comes noctem continuato itinere Abohardillē improuisus opprimere cogitabat, vicinis locis castra habentē, equites mille quingentos, maiori pedites numero. Id consiliū hostem non latuit. subductis in collem copiis luceq; expectata, iniquis angustisque locis nostros circumuētos opprimit. cecidit optimus quisque: ac maiori peditatus parte prostrata, Comes Gonsaluo fratre desiderato, ipse vulneribus acceptis cum nonnullis equitibus in eam partem fuga euasit, vbi Garfias Padillia Magister Calatrauæ erat præcedentium vestigia subsecutus. Ferdinandus cognita suorum clade, paulisper mœstus ē conspectu abiit: deinde ægritudine animi residente. Comitibus, inquit, imprudentia, & nimia obsequentia reliquorū hoc incommodum accepimus: quod tamen celeriter maioribus commodis sanare est animis: atque vestra milites virtute pro ciuib; viris fortissimis atq; miserrimis pœnas capere. Erant ad fines hostium, qua Giennenses agros attingunt, geminę arces atq; oppida Cābile & Albahar interfluente aqua fluminis Frigidi, tenui quidē præsertim eo anni tēpore, sed coercita ripis eoque difficili vado. Ea oppida copiis omnibus circumfessa sunt. Imminet Albahari, quod in vltiori ripa erat, cliuius propugnaculi instar in metē modū erectus. In eum montē hortatu Regis tormenta magno labore cōportata, tantum obsessis terrorē ingesserunt, vt arces & oppida continuo dediderint. Ad nonum kal. Octobris in nostrorum potestatem redacta, antiquitus infausto die, quo ante centum viginti ferme annos, Petro Rege à Mauris ea oppida occupata meminerāt. Tantis victoriis Ferdinādus, totq; oppidis potitus ac plerisque exereitu incruento, maior & clarior haberi cœpit. omniū in ore esse. Ipse copiis in hiberna dimissis, Complutum cum vxore abiit. In eo itinere Alfonso Aragonius Ferdinandi frater Villę formosę Dux, in primis ea tempestate clarus, multisque bellis exercitus decessit. Corpus ad Populeti inter maiorum busta est compositum. multiplicem prolem reliquit: ex Maria quidem Iuncia concubina Ioannem Ripagorsę Comitem, & Eleonoram. Ex aliis amicis Alfonso, quem superior ætas Dertusę prius, deinde Tarracone Pontificem vidit, Ferdinandum, Henricum. Ex iustis nuptiis Eleonoraq; vxore Alfonso atque Marinam. hæc Roberti Salernitani Principis vxor, Fernandū peperit in eorum Principum numero postremum futurum. Alfonso Villę formosę Dux fuit: quē auctorem generis Villę formosę Duces, Ripagorsę Comites nomenclant necesse est. Toleti religionis desertores, ac Iudaicos ritus quos abdicarant, repetentes seuerissimis suppliciis ab Inquisitoribus vindicabantur. aliis maiori numero venia data, meliora in posterum pollicentibus. Hæret in domesticis narratio: sed externa quoque referre nexus rerum, & suscepti operis officium hortantur. Ardebant Neapolitani proceres bello, q; in Regem suum Ferdinandū coniurati, iunctis viribus comparabant, graues & frequenres iniurias vindicaturi. Innocentii Pontificis instinctū auspiciisque magis nomine, quam viribus iuuaturi propter ingenii imbecillitatem, curasque alias. Coniurationis capita, tres Principes erant Salerni, Bisiniani, Altamura, Antonellus, Hieronymus, Pyrrhus Bautius, præterea Petrus Gueuara Vasti Marchio, alii magnis etiam à Rege beneficiis obligati. quin fama ferebat Fridericum Regis filium, spe regni accessisse in partes, vero an falso ne tunc quidem constitit. Alfonso Calabrię Dux magnam eius inuidiæ partem patri Regi conflauit, incommodus moribus: in quo nec luxuria crudelitati obstabat, nec crudelitas luxuriæ. Arte magis quam armis con-



tumultus Rex prouidus, & à multo vfu callidus composuit. Annitente Pontifice quia prima factiosis non procedebant, & Petro Fuxensi Cardinale deprecatore, quem ea spe Romam Pontifex ipse euocarat, venia tumultuantibus data est. Fuerat etiã à Ferdinando adeos motus pacandos legatus Tendiliæ Comes. Is sui Regis nomine fideque, tutos fore proceres cõiuratos recepit: modo positis armis ad officiũ redirent: si falleret dira omnia precatus. Verum Rex Neapolitanus ea promissa ludibrio habuit, cum ætate præceps ad deteriora credenda, & ad irroganda supplicia: aduersus quasuis tempestates opibus fretus, quas à patre traditas habebat: & ipse longa imperii possessione ingentes cumulauerat. Fœdere facto opprimere aduersarios cogitabat. Sic specie nuptiarum, quæ in arce Noua Neapoli celebratæ sunt, Sarni Comes vnus è coniuratis cum aliis nonnullis comprehensus capite pœnas dedit. Principes Altamuræ Bisiniani; variis temporibus capti cum multis aliis, diuturna custodia perierunt, lenta grauique morte, multũ quamuis exoptulante per legatos Castellæ Rege Ferdinando, minis additis, fidem suam haud quaquam ludibrio fore passurum. Sed vicit omnia pernicax Neapolitani animus, immemor rerum humanarum inconstantia. venturi securus euertendi imperii certissima fundamenta cede procerum, inuidia prouincialium ponebat. vti breui factum est. verũ hæc aliquanto post. Compluti ex Isabella Decembris sexto decimo die, filia nata est, cui Catharina nomen fuit, gemino Anglicano coniugio propria; ad extremũ infelicitate sua, totiusque gentis Anglicæ nobilissima. Quantos ærumnarum fluctus innocentissima fœmina tolerabis, vnã ob viri fœdam intemperantiam? Alienæ culpæ pœnas dabis. Sic visum superis. Fatalis mali fundamenta à dissidio gentis ponebantur. Nam Eduardo, & Richardo vinctis interfectisque, Richardus puerorum patruus regnum occupauit. Initii media atque exitus consentanei fuerunt. Superbe imperantem Henricus Richmondæ Comes ab Armonico Duce Francisco, à quo fuerat captus, redditus libertati acie superauit, interfecitque: Oppressi tyranni merces fuit, imperium quod impie occupauerat. Huius Henrici filius, Henricus fuit, eo nomine octauus Angliæ Rex cum vxore Catharina, patria religione repudiata, omnibus turpitudinis maculis grauique impietate inuidiosum posteris nomen, infaustumque.

*Aragonii motus.* CAP. VIII.

**L**Eues in Aragonia tumultus extiterunt: ciuilia in Catalaunis arma maiori contentione & periculo mouebantur. vtrique malo Regis Ferdinandi prudentia & auctoritate est occursum. In planicie ad Iberum flumen Cæsaraugusta sita est, edificiorum elegantia, ciuium frequentia, copiis, cultu, nitore, amplitudine in paucis nobilissima, aduersus hostes armis, viris, mœnibusque munita: leui imperio & ob id fidelissima, nisi iura acceptæ à maioribus libertatis imminuatur. Qua causa sæpe in ea tumultus concitatos inuenimus incredibili animorum ardore, ciuibz aliorum exemplo cautis: neque ignaris paruis sæpe offensionibus maiora incommoda existere, grauesque casus. vti hoc tempore accidit. Ioannes Burgius lictor regius, vt est id genus hominum insolens, senatus principem Petrum Cerdanum verborum procacitate violauit. aliorum accursu lictori iniectæ manus: dictaque è vinculis causa, gula laqueo fracta est, lesa in ea Principis maiestate. In ipso procinctu belli Ferdinandus, cum Granatæ agros inuadere cogitaret, huius anni principio, vt paulo ante dictum est, re cognita Ioanni Heredie Prætori mandat, vt eius facinoris pœnas expetat fontibus vindicatis. Interim legatis à senatu missis se quidquam acerbe in eos statuisse negat callidus, sagaxque, ad simulanda negotia altitudine ingenii incredibili. Senatus princeps comprehendi non potuit, Præfecti iustitiæ, cuius suprema & maxima auctoritas gentis instituta est, præsidio tutus. De Martino Pertusa, qui proximum auctoritatis locum in senatu occupabat, & cæsi lictoris præcipuus auctor extiterat, festinato supplicium sumptum est, regis literis ad populum continendum, qui ad arma erat cõsternatus, in fide prælatis. Sic gliscens in graui causa tumultus in ipso exortu est oppressus. vnus animaduersio, cæteros imperii oblitos admonuit, Regum feroces impetus esse, vires graues. Grauiori facinore aliquanto postea ciuitas vniuersa turbata est. Petrus Arbue quæstiones in ea vrbe de religione habere cæperat. Nonnullis irrogata supplicia, prauos quosdam homines libertino è genere natos, siue libertatis specie, siue ex conscientia similia metuentes incitarunt, vt coniuratione multorum facta Inquisitoris capiti insidias struerent. In strato nocturna vi opprimere cogitantes fenestram qua irrupendum erat, firmissimis clatris exclusi, speque falsi, in templo opprimere statuunt. Ad nocturnas preces progresso Septembris Idibus, qui dies Mercurii fuit, ( biduo post alii



tradunt) ad arma templi maximi procumbēti prope cancellos, vis illata. Vitalis Durandus vnus ē cōiurationis principibus, toruus & minax voce, vultu, oculis ardens in ceruice primum vulnus inflixit. subsecuti sunt alii. Proxima nocte defuncto, nihilq; præter diuinas laudes eo spatio locuto, supremus honos est habitus. Corpus eodem loco, vbi vulnera sunt inflicta, sepulchro illatum: quo tempore feruere sanguis visus est, nisi oculorum ludibria fuerunt. Decreto senatus aliquanto post, addita lampas sepulchro: quod nisi consecratis hominibus, cæloq; dicatis non datur. Id etiam vt Pauli tertii Pontif. auctoritate fieret, Carolus quintus Augustus curauit. Sic meritis honos debitus est habitus. nam & quintodecimo Septembris die memoria eius celebratur anniuersariis sacris. De consceleratis hominibus intra annum supplicia sumpta. variis casibus ad vnum periere.

10 Proh magnum atque ineuitabile diuinæ vindictæ numen, quam vitare prauī hominēs haudquaquam potuissent, vt maxime humana supplicia liceret euadere. & habet nescio quos internos mens scelerata carnifices, aut ipsa sibi conscientia carnifex est mentem eripiens. Inquisitoribus deinde præsidii causa datum, vt intra arcem habitarent, cui Algiafariē nomen est. In Emporitano tractu subditi, quos Pageses vulgo vocabant, impotentī imperio à regulis, in quorum ditione erant, premebantur proxima seruituti conditione, neque ferenda inter Christianas nationes. Quæ vectigalia Mauri rerum domini imperauerant Christianis grauissima, ea mutato quamuis imperio regulis pendere cogebantur ducta ex antiquo consuetudine. eo vniuersa prouincia aduerso rumore erat. Quæ

20 illa tributa essent, neque gentis historiæ declarant: neque nobis diuinare licet. Malos tantum vsus à grauitate vocabant: à quibus eximi, nisi pretio redempta libertate seruorum instar, nemini concedebatur. Sic sepe incolæ correptis armis, aut seruitutem depellere, aut miseris remedium, mortem imponere cogitabant. Et sunt grauissimi impetus irritatæ necessitatis: sed fallax sine viribus multitudinis audacia. Appellati de eare Reges Alfonsus prior, deinde Ioannes eius frater, & Carolus Vianæ Princeps ea vectigalia minui quodam temperamento mandarunt. sed parum auctoritatis inerat ad coerendam nobilitatis audaciam, armis tueri paratæ, quæ maiorum virtute parata erant. Maiori maiestate opus erat. denuo continuatis iam aliquot annis popularium motibus, Ferdinandus, qua in ceteris felicitate, sine imposito, magnā ex eo prudentiæ & dexteritatis

30 laudē peperit. Compluto is cum vxore Segobiam abierat, atq; Medinam Compeltrem. Garsiam Toletum iam Ducem Albanum (abscesserat is militaribus curis Friderico filio pro se in bello Granatenſi vicario) Albē inuisit, cum Petro Magistro equitum conciliaturus, vt fecit: quem & Alfonsum Fonsecam Compostellanum, rebus præficere in Castella destinabat, bellum Mauricum repetiturus. Eo conatu, ad Guadalupeum templum peruentum est, ad quartum kalen. Maii. eo loco in causa Pagesium sententia pronunciata decreuit eam seruitutem tanquam piis hominibus grauem, neque vlla in gente vsurpata, antiquandam videri, mitioreque conditione mutandam: vt subditi per capita sexaginta solidos Barcinonenses annuos penderent. Magnum vectigal libentissimis

40 animis incolæ susceperunt, præsertim concessa potestate redimendæ libertatis, si vnica pensione pro vno quoque annuo solido viginti numerarent. Sic ex diuturnis motibus, quæ eam Hispaniæ partem diu sollicitam habuerant, pax facta est. In Lusitania sublati, vt ante dictum est, proceribus coniuratis, quies erat, Rege omnia ad splendorem imperii reuocante. Azamor Tingitanæ vrbs ad litus Oceani Atlantici, ad lauamq; egressis freti Gaditani fauces, veteribus Thymiaterium, vt quidam disputant, superiori tempore Lusitano vectigalis, denuo sacramentum suscepit: se in eius fide futuram, tributique nomine decem millia alaufas, quarum piscatu abundant, missuram quotannis in Lusitaniam. Quod gloriosum erat genti, non modo imperium fundasse ancipiti iure, armis, virtuteque: sed etiam remotis nationibus iugum seruitutis imponere potuisse, ad maiorem gloriam opesque aditu patefacto.

50 *Multa oppida de Mauris capta. CAP. VIII.*

**F**erebantur in præceptis Mauri, non minus domesticis diffidiis, quam externo metu laborantes. In ipsa vrbe Granata euocatus à factione altera Boabdiles Albaicinum occupauit. ciues cum ciuibus in ipsis plateis pugnabant pertinaci inter se contentione, à nostris cum bellum ingrueret, ad defendendum consensu. maioris periculi metus animos ad concordiam reuocabat. eo sedato ad ciuilia arma redibatur. Rebus desperatis Mozerus, ex Alfaquinatorum ordine, quorum est sacrificia procurare, religiones interpretari, vt in ea gente vir sanctus, quasi diuino instinctu concitus. Quousque ciues inani-



tis (per compita & fora clamare) in sanitate vesani, quæ grauior dementia est, alienis ci-  
 piditatibus & ambitioni seruientes, vestra salutis obliti, coniugum, liberorum, patriæ?  
 Graue est dicere: sed nisi à me auditis, quod nostris malis remedium? Quin animos ad  
 virtutem erigitis? & si minus dedecus mouet, tantum certe periculum propulsatis? An  
 hos reges iustos putabitis, qui imperio gentis per scelus occupato, non præsidium rebus,  
 sed inane sine viribus nomen afferunt? An horum vmbra teget? Nimirum nisi istam igna-  
 uiam mature excutitis, instare exitium denunciò tristes vates. Mouebatur his vocibus  
 populus, etiam qui nolebant, probabant tamen. Ergo aliis ex eo numero Sacerdotib. an-  
 nitentibus, & conditiones nuncupantibus, fœdus inter duos Reges Mauros fit. Vt Gra-  
 nata, Almeria, Malaca patruus retentis, reliqua Boabdili concederet. Albaicino Boabdi-  
 lem discessisse non arbitror, ac ne coaluisse pacem, etsi historiæ silent, magna scripto-  
 rum securitate. Ac illud imprimis eo fœdere prouidebatur, vt quoniam Rex iunior Fer-  
 dinandi beneficiarius erat, ea ipse ditione obtineret, in quæ primû nostrorum impetum  
 fore existimabant. Ea fraus nostros non latuit. collectis vndiq; copiis Loxam petere sta-  
 tuunt, certiori quàm antea spe, vindictæ maiori cupiditate. Boabdiles siue tuédæ inter suos  
 auctoritatis necessitate, siue fortunâ in consilio habiturus, cû quingentis equitibus ea vr-  
 be nostris venientibus occurrit. Loca aspera & impedita erant. ad suburbia pugnatur a-  
 criter. cæsis reiectisque Mauris, trina castra circum urbem metantur, rupto ponte erum-  
 pendî facultas hostibus sublata. liberam nostris commeandi vltro citroque facultatem,  
 geminus pons sublicius suppeditabat subitario opere magno commodo futuri. tormen-  
 tis prostrata mœnia: nostrisq; per strages lapidum in urbem irrumpere paratibus, obsessi  
 nono ex quo ventum erat die, deditionem faciunt, pacti libertatem efferendi, quæcunq;  
 ex suis bonis possent. Boabdili in castra progresso, atque in genua procumbenti eodem a-  
 nimo fuisse semper, supplicantiq; ne fortunam conuerterent in culpam, æquum nō fo-  
 re voluntatem ex necessitate interpretari, venia data est. Et erat commodus ad fatale gen-  
 tis dissidium alendû, vt maxime sons esset. Ferdinandus ea vrbe munita, atq; Aluaro Lu-  
 næ Fontidonie domino concedita, alterius Aluari nepoti, ad alia oppida pergit. Pauca  
 repugnatibus barbaris, plura ex deditione capit. Illoram ad quartum kal. Iulias, Zagram,  
 Balnea, Moclinum. ex iis licet quædam, ita erant loco & opere munita vt diu sustentare  
 potuissent, in ipsisque Granatæ oculis ob idque certiori auxilii spe. Nimirum caussis ti-  
 moris maior timor erat. Illoq; Gonfaluus Fernandus Corduba præfectus est, Alfonsi A-  
 quilarii frater, ab his rudimentis quantus breui Dux futurus in Italia? Ipsi Granaten-  
 ses ciues soliti Illoram regni & urbis dextrum oculum, Moclinû clypeû vocare, eo accepto  
 incommodo spem ferme abiecerunt, præsertim vicino agro igne corrupto, luctuq; & cæ-  
 de completis omnibus partibus. Abohardilles tamen, qui Singilis transitum prohiberet,  
 ad Pinorum pontem multis ea tempestate Mauricæ gentis cladibus nobilem equitatus,  
 peditatusque partem mittit. Ipse ne quid moueretur, in vrbe restitit. Postremum illi no-  
 strorum agmen, in quo Enecus Mendoza Infantatus Dux curabat, cum transitum pro-  
 hibere non possent, pro more gentis magnis clamoribus inuadunt. resistunt nostri acri-  
 ter. Verum Maurorum multitudine circumfusa equites mille, pedites ad decem millia,  
 proximi periculo, aliarum copiarum aduentu, seruati sunt. reiectis Mauris nostri à tergo  
 instare, rursus ad oliueta suburbana pugnatur. similis fortuna fuit. In ea pugna Ioânes Ri-  
 pagorq; Comes egregie pugnans, nunc ad prima signa, nunc in medio, nunc in vltimo  
 agmine, confosso quamuis equo, magno adiumento fuit, paternamq; laudem æquasse  
 visus est. Adulta ætate, oppidis, quæ capta erant, militari præsidio firmatis, bello, pace-  
 que rerum moderator à Ferdinando est constitutus Fridericus Albani Ducis filius. Ad  
 amouendam contentionem, quæ inter Baticos procures, de ea præfectura esse cœperat,  
 remedium opportunum, longinquum hominem Ducem creauit. Regem, Calæciæ mo-  
 tus in eam prouinciâ vocabant: vbi Lemosii Comes contra Regis edicta auctorita-  
 temque Pontemferratum firmissimum iis locis municipium, tanquam suæ ditionis pulso  
 regio præsidio occupauerat. Ferdinâdo, Isabellæque in ea loca delatis, continuo oppida-  
 ni portas aperuerunt. fraudem milites excusabant. Id Regis voluntate factum Comitem  
 prædicasse. Ipsi etiam nihilominus ad Regem profecto, sequi in eius potestate fore pro-  
 fidenti, eo & aliis oppidis detractis, & ad regiam ditionem subiunctis, multatò quidē venia  
 est data. Sic vno tempore Mauri acriter impugnati: procures superbia ab hoc initio do-  
 mita, cœperunt æquo cum cæteris iure viuere in Hispania, inolescere antea atque in mi-  
 serorum fortunas grassari soliti. præsertim cum Reges votis ad Compostellanû templum  
 persolutis, Salmantica, vbi principio anni Millefi. quadrin. octogesi. septimi aliquandiu  
 hæserunt, nouum conuentum iuridicundo in Calæcis constituissent, antea solutæ le-  
 gibus



gibus prouinciæ perturbatæque, iudicibus datis, cum suprema decernendi potestate. Ardebat interea Fridericus Albanus studio se proferendi, probandique insigni aliquo facto. Nunciatum erat Malacæ in arce magnum captiuorum numerum in subterraneis carceribus inclusos teneri: & spes erat eius arcis obtinendæ, si nostrorum superuentu ab iis ex composito, rupta vincula essent. sexcenti equites ad id missi, inflatis continuis imbribus fluuiis impediti, inani conatu destiterunt. Intra urbem Granatam non minor quam antea contentio erat inter Reges barbaros. Abohardilles nouis militibus. Guidixio & Basta euocatis, impetu facto in Albaicinum irrupit. Boabdiles, ut in tali periculo, cum suorum manu occurrens hostem repulit. pugna acerrima ad ipsum templi maximi forum multi ex utraque parte ceciderunt. Ferdinandus, Rex Salmantica Cordubam delatus ad sex-tum Nonas Martii, amici Regis periculo, uti par erat commotus, auxilia misit, Fernando Gadea Duce: quibus ille confirmatus, non illatam vim propulsare, sed ultro hostem lacessere non desistebat, ferox formidabilisque magnam miserorum ciuium strage, quorum periculo ambo Reges delirabant.

*Malaca capitur.* CAPVT X.

Cordubæ deliberatione suscepta, de belli Maurici ratione cum sententiæ variarent, aliis Bastam, alii Guidixium petendas primo confirmantibus, Malacam Rex censuit: auxiliis, quæ ex Africa trans mittebantur haud inualida, excipiendis idoneam angusto mari, breuique traiectu. Consilio tamen occultato Corduba proficiscitur ad septimum Idus Aprilis. sequebantur equitum duodecim millia, peditum quadraginta. postquam ad fines hostium peruenerunt, consilio Rex indicato, paucis milites alloquitur. Ad certam eos se victoriâ ducere ait: quippe imbecillis hostibus dissidio metuque. Vires quæ supererant, in plura præsidia distractas esse. Si, qua alacritate consueuissent antea, festinant, haud dubiam victoriâ fore. Gloriæ quidem ex re bene gesta fructum, prope omnem ipsorum fore. Magna parte prouinciæ subdita, aliis oppidis & urbibus vectigalibus, quid tandem hosti præter nomen superesse: casurum impellente nemine: & postremum tandem conatum rem totam confecisse visum iri. Quo fauore piorum, quo concursu expeditio celebretur vniuersa prouincia cernere ipsos. & sane quacunque iuerant viri, pueri, mulieres vndique ex agris effusi in vota ac preces conuersi, illos reipublicæ columen, vindices Christianæ religionis, imperiique vocare. In eorum dextris communem salutem ac libertatem esse repositam. faustum iter felixque, maturam ex hostibus victoriâ comprecari, vota que suscipere. Inuitare pro se quisque, ut quibus opus haberent, abs se potissimum sumerent. Modestia certare milites. nihil morari, nec ab signis discedere. Maiori animo alacritateque postquam Regis consilium cognouere, quo vellet duceret, aiunt. Ipsius auspiciis ductuque nullum periculum aut laborem recusaturos profitentur. Motis castris Veles, quod oppidum prope Malacam situm est, primo impugnare constituunt. Ad præterfluentem amnem castra faciunt. Erumpunt portis oppidani. Calæcos nulla disciplina militari turmatim, ut quemque fors conglobauerat, pugnares durum hominum genus cédunt: aliorum superuentu céduntur ipsi, ad ipsa oppidi mœnia compulsi. suburbia capta. mœnium impugnatio instituta. Accurrunt circum pagani ad oppidi præsidium, maiori conatu, quam profectu. Abohardilles Granata, nostrorum consilio cognito, obfessisque opem ferre constituens, in eius urbis discrimine considerans rerum & imperii summam verti, Roduanum Vanegam urbis Prætorem ducem impigrum, cum cohortibus expeditis, & trecentis equitibus præire iubet, se post paucos dies eodem venturum pollicitus. Nihil à Roduano præstitum: qui nocturna vi nostros opprimere & tormenta clauis defigere, qua parte concipiunt ignem, cogitabat. subsecutus Rex barbarus, arduis impeditisque locis, prope oppidum castra metatur: in quibus mille equites erant, pedites viginti millia. Numero & virtute minores nostris, locorum munitio tutata non est. Castris impedimentisque exuti qua cuique data via est, fuga dissipantur. Barbarum Regem victum studia etiam hominum destituerunt. amisso exercitu redeuntem, Granatæ ciues Boabdile æmulo in Regem consensu salutato mœnibus excluderunt, anxium ac miserantem fortunas suas. Obsessi spe defensionis abiecta, Roduanoque interprete, cui cum Cifontano, ex quo tempore Granatæ captiuus fuit, usus erat, conditionibus deditionem faciunt ad quintum kalen. Maii. Ut incolumibus liceret res suas quo vellent efferre. Eo oppido in nostram potestatem redacto, integro exercitu ac ferme incruento, Bentomitium vicinum oppidum Velis exemplo leges præsidiumque accepit. Petrus Nauarrus præfectus ei oppido est, ex obscuro loco, nautæque arte, magnus Dux præfertim



consequentibus annis. Vicinos Malacitanos ingens paucior inuasit, ne diu sustentare possent, externi auxilii nulla aut modica spe. Connixa præfectus vrbe egressus de deditio-  
agit, internuncius Ioannes Roboreus diu Malacæ captiuus. his molitionibus cognitis Afri, qui eam urbem præsidio obtinebāt, veriti ne ipsi hosti traderentur, simul indignantes, quod rem tantam non cōmunicassent, facto impetu, præcipuam arcem, cui Alcafabæ nomen supra urbem est, occupant. deiecto trucidatoque præsidio, ipso etiam Connixæ fratre, ad mœnia aduolant: colloquia ciuium interrumpunt, interficiuntque, si quos contra conari deprehendunt: magnitudine supplicii cæteros desistere compellunt. Ergo tormentis maioribus Syngilia comportatis, nostrorū castra ad Malacā promota sunt  
ipsis Maii mensis Idibus. Est ea ciuitas in plano sita, nisi qua parte collis assurgit gemina  
arce munitus (inferiori Alcafabæ, superiori Gebalpharo nomen est) modica spatiis, elegans tamen in paucis, & pro amplitudine frequens, portu atque nauali nobilis, qua parte alluitur mari. A tergo montes erigit vineis, hortis domiciliisque nitentes. Vtrunque arcem geminus murus coniungit munitione perpetua: ager conspicuus: læta cœli facies: late in vicinum mare prospectus: commercio Africæ, atque Orientis ea tempestate nobilissima copiosaque. Erant in Regis castris D. Iacobi Magister, Præfectus maris, Villenius, Beneuētanus, Alcantaræ Magister, Andreas Cabrera Moie Marchio, plerique omnes Bæticæ reguli, ex Aragonia valida auxilia. Eam urbem fossa, valloque à mari ad mare ductis circumuallare consilium fuit. collemque vbi minor arx erat, præsidio occupare. vtrunque factum. In nouis castris Gaditanus curare iussus est. Regina in  
castra abiit, deducenibus Petro Mendoza Cardinali, atque Ferdinādo Talauera: quem  
ex D. Hieronymi monacho spectata vitæ probitas (vti ante dictum est) ad Abulensem Episcopatum euexerat. Priusquam opera perficerentur, Maurorum eruptione leuia sæpe prælia facta. Contra à nostris in mœnia imperus fit. cecidit in conflictu quodam Ortegga, capta Alhamæ arce, multisque aliis præclaris facinoribus hoc bello nobilis. Triamillia Mauri ad quartum kalen. Iunii vrbe egressi, Gaditani castra improuisi inuadunt: vigiles qui in prima statione erant, obtruncant: mox in munimenta penetrant. In repentino metu Gaditanus nihil territus, nec prorsus demisso animo instructis reliquis obuiam progreditur, fit acris pugna. multi è nostris ceciderunt. Gaditanus ipse vulnus accepit. hostium maior strages fuit. vicinum perfugium ceteros seruauit. Noua in Regis ca-  
put, fit in vrbe coniuratio. Maurus in ea gente sanctus vir, destinata voluntate Regem interficiendi, se capiendum vltro præbet. Rege quiescente ad tentorium Marchionis Moræ deductus Regine iussu, cum ex apparatu reputasset, prætorium esse, districto acinace in Aluarum Portugaliā (is forte cum Beatrice Bobadilia colloquebatur) irruit ferox, toruoque ac minaci aspectu. Corporis inclinatione iactus vitatus, aliorumque accursu Maurus comprehensus peremptusque est. sic diuino beneficio periculum deuittatum. Auctus nostrorum numerus aduentu Assidonie Ducis. è Belgis Maximilianus Austriacus mox Cæsar, duas onerarias misit onustas omni bellico apparatu Latrone Gueuara ductore. Auctus & hospitum numerus. nonnulli per stationes mari vicinas in vrbe penetrarunt, auxilium obsessis. Famis malum vrgebat: neque Afrorum contumacia remittebat. Ciuibus tamen vt in maiori periculo, metuque, ad deditio-  
nem propensiss, Dordux ex eo numero præcipua auctoritate & opibus in castra progressus, de conditionibus agit. Negat Rex vllam conditionem fore, nisi vrbe ad eius voluntatem dedita. ex arcano tamen Dorduci pollicetur, si fortem & fidelem operam præstet, ipsum & propinquos omnes inuiolatos fore, magnis beneficiis additis. Fide data, nostrorumque præsidio adiuncto in arcem aditu patefacto, in summa homagii turri regia vexilla explicat. Ciuibus Africanisque magnus terror iniectus spei mixtus. Reputantib. incolis Dorduci promissa facta, ad cæteros pertinere, ac colligentibus sarcinas studio discedendi, concursu nostrorum bona omnia, & libertas est ablata. Idem de vicinarum arcium præfidiariis militibus fit, simili errore ad mare progressis. Afri etiam cum eorum duce Zegri  
venerunt in potestatem. Transfugis, quorum erat magnus numerus, irrogata supplicia, ac religionis desertoribus, qui ex Iudaica gente nostra sacra susceperant, ignis pœna fuit. Aliis Iudæis atque ciuibus Mauris permissum, vt moderato pretio redimerent libertatem. Ad quintumdecimū kal. Septembris vrbs nobilissima capta. dies festi vniuersa Hispania agitantur. superis aguntur gratiæ. votorum damnati, ea promptissimis animis persoluunt. Sedes Episcopi capta vrbi restituta, Pontificum venia, Gothorum ætatis exemplo qua proprium Episcopum habuit. Lætitiam non nihil obscurauit metus ex Oriente allatus. Baiacetū Turcarū Imperatorē cōtracta valida classe de Sicilia cogitare vires nostrorū in eā partē à bello Granatēsi auertere cogitabat pace etiā cū Ægypti Sultano facta.



Ferdinandi Regis armis premebantur Mauri Granatenses ruine proximi. Sicut Lusitani ad Orientis prouincias viam aperiebant anniuersariis nauigationibus. quod ab Heirico Principe institutum fuisse diximus superioribus annis, extrema Africæ litora explorare, longiusque in singulos annos prouehi non desistebant. Tantis laboribus fructus non respondebat. Beatas Indiæ prouincias adire, opesque celebratas fama, quas benigna cælum manu iis gentibus copiosius quam aliis dedit, in patriam auhere cogitabant aromata, gemmas, margaritas, aurum, ebur, argentum, aliaque quibus hominum ambitio, magis quam vitæ necessitas pretium adiunxit. Summas rerum nūciat fama, maiora sæpe vero: syluas esse proceribus, & in maximam altitudinem editis arboribus, cynamomi, cassiæ, garyofoli, piperis, zinziberis vim magnam: prodigiosas animalium formas, hominumque insolentes mores, habitusque. Non prudentia, sed temeritas fore videbatur, relegatas in vltimam terrarum regionem, gentes opesque persequi, exiguis Lusitaniæ viribus, immenso terrarum spatio Oceanique disiunctas. sed omnes difficultates auaritia habēdi, & gloriæ cupido superabat. Ergo superiorib. annis Bartholomeus Diacius rei nauticæ in paucis præstās, missus abs Rege suo, vt Bonæ spei promontoriū adiret: vbi extenuatis vtrinque litoribus, Africa ad Austrum procul porrigitur. Eo promontorio transmissio ad flumen cui in altera parte Infanti nomen effecerunt, nauigando peruenit. Ingens cœptum, pertinax conatus. Antonius ex Franciscano ordine Bartholomeo socius datus vir acer, impiger, solers, atque audax, inde pedestri itinere Africæ, atque Asiæ magnis spatiis lustratis, Hierosolymam peruenit. Inde in Lusitaniam ipse terra Bartholomeus mari reuersi, visa ambo Principi gentique nunciarunt. Quoniam prima successerant maius studium accessit perficiendi, quæ instituta erant. Duo viri ardenti ingenio, magnoque rerum usu, & quod caput erat, Arabicæ linguæ cognitione præstantes delecti operi perficiendo sunt: Petrus Couillanius, Alfonsus Payua. Classē instruere magni sumptus erat. terra iussi sunt Africæ, atque Asiæ regiones intimas considerare. Ii Idibus Maii Olisipone egressi, obitis Neapoli, Rhodo, Hierosolyma, Alexandria, Cayroque Aegypti vrbe primaria, diuersi Petrus quidem Ormucium, quæ insula ad sinus Persici fauces iacet, Calicutiumque obiit. Alfonsum autem Aethiopiæ interioris regiones lustrantem mors oppressit. Petrus literis abs suo Rege acceptis, vt nisi prouinciis omnibus consideratis non rediret in patriam, in Aethiopiam profectus, cum gentis Imperatori Alexandro, quem vulgus præsto Ioannem vocat, Nahu, & Dauidi successoribus, operam & ingenium probasset, discessu est prohibitus, coniuge data atque amplis possessionibus, vnde vitam sustentaret. De scripto tamen ad Regem Lusitanum visa explorataque, renunciauit. Calicutium nobilissimum emporium esse totius Orientis maxime celebratum. Gentem fusco colore, viribus imbellem, morum insolentia maxima: superiori corporis parte nudos crura lumbosque veste tegere, plerosque auro purpuraque distincta: lacertos & brachia margaritis onerare: ex humeris acinacem pendere: nuptiis coire scēminam vnam multis maritis: eoque incerta prole, patribus non filios succedere, sed ex sororibus natos. In Aethiopia late fusas gentes, nigro omnes colore, atque Christiano nomine esse: veterem religionem syluescentem, plurimum ex Iudæorum ritu & hereticorum erroribus confusam esse: Regi parere potentissimo innumeras copias equitum & peditum alenti, tendentique sub pellibus: gentis sanandæ magnam spem esse, si vltro citroque missis ad eam legatis in societate asciscerent. Verū hæc cœpta hoc tempore, consequentibus annis gesta sunt. Ferdinandum capta Malaca operi insistentem, Aragonii tumultus in eam prouinciam euocarunt: vbi scelera, latrocinia, cædesque vigeant maxime. Valentia à Philippo Aragonio Montesiæ Magistro, cum ex bello Granatensi rediisset, Ioannes Valterra obtuncatus erat magna nobilitate iuuenis, atque in amoribus Eleonore Crotonis Principis ritualis, quod exitiū attulit. Ea res tumultus graues in ea ciuitate concitauit. Ferdinandus Isabellaque Corduba profecti, Cæsaraugustā ad quintū Idus Nouēbris tenuerūt. In ea vrbe creandi vrbanos magistratus ratio vetus immutata est: senatusque cōcedente, ciuib. detracta potestas ea, vnique Regi permissa, vitandis contentionibus, atque tumultibus remedium opportunum. Præterea Castellæ exemplo ciuitatum inter se societates institutæ, stipendio militari imperato, vnde centum & quinquaginta equites alerentur: qui in omnes partes scelerum licentiam & maleficia, aut metu prohiberent, aut pœna vindicarent. Additum, vt vniuersæ societati nō nisi Cæsaraugustanus ciuis e trib. quos senatus nominaret, a Rege delectus præficeretur, circumscripta certis legibus potestate. Id principio consequentis anni gestū est M. quadringente. octogēsimi octauī. Quibus diebus a Rege Neapolitano 1488.



legatus Leonardus Toccus domo Græcus atq; à Græcis Augustis genus ducens, opulento principatu à Turcis euersus, profugus in Italiam de nuptiis appellauit pactis superiori tempore, Ferdinandi Capuæ Principis cum Isabella Ferdinandi filia. Eo conatu impedito, quoniam Isabellam Ferdinandus Gallo Regi, aut Lusitani Regis filio coniugem destinabat, eternum concordie inter eas gentes vinculum (sic putabant) Maria altera Isbellæ soror in eius locum est substituta priori modo pacto inducto, irritisque sponsalibus, sed neque hoc coniugium effectum est. Valentiam quo Reges Ferdinandus Isabellaque abierunt, Alanus Labreti Regis pater improuisus forte aduenit, cura ditionem aduersus Galli vires muniendi, magna ex parte detractam: Vascones pacandi, vbi tumultus vigeant, à Beamontiis magna prouinciæ parte occupata, exclusis aditu Regibus, tametsi ante tertium annum fœdere cum Lerini Gomite facti, ei & necessariis honores & oppida, concesserant, quæ maiores tenuerant, multis de nouo additis homine sanando. sed nullis meritis perfidia fleetur. Franciscus Dux Armoricus erat tuendus: quem quod virili prole careret, Annæ hæredis coniugium multis expetentibus Gallica arma sollicitabant, defendebant Labretus Aurelianusque Maximilianus Cæsarem Brugeses ciues captum custodiis circundederant, impetu in regiam facto feroces & rapidi: vnde noua cura accesserat Labreto confœderato, nostrisq; amici Principis calamitate cōmotis. Cum supplici Alano, neque vllas pacis conditiones recusanti, fœdus est factum, societasque armorum constituta, aduersus omnes Principes, vno excepto Rege Gallo: cui fidem fallere neque tutum erat, neque fas, quod Labreti ditio subdita vniuersa Gallico imperio esset atque finitima. Verum ea speciosa verba erant, rebus vacua, quando præsidia externa contra Gallum maxime quærebantur. Additum, vt in ora Cantabriæ classem ædificandi, delectusque militares habendi facultas esset, Iohāne Gralla homine Catalauno ductore earum copiarum. De eo fœdere tabulæ geminæ confectæ sunt, ad duodecimum kal. Aprilis. quarum exemplum subiicere non est necesse.

*Bellum Mauricum repetitur. CAP. XII.*

**V**alentiniæ gentis conuentus in ea vrbe inchoati Oriuhelæ ad exitum peruenere, sceleribus vindicandis, quorum non minor in ea gente quam in Aragonia licentia erat. Ex propinquo Ferdinandus iis motibus pacatis, per Contestanos in Mauricos fines nouo conatu apparatuque incurrere festinabat. vbi Abohardilles imperii nomen ægriam spe, sustentabat: quamuis æmulo maior potentia, Guidixio, Almeria Basta subditis motibusque Granata ad mare pertinentibus, maiori prouentu, quod à belli malis locorum asperitas catenus seruauit immunes, & ex bombyce certissima genti vectigalia constarent. Accedebant studia prouincialium, à Boabdile auersa, quasi ignauus, impiusq; esset, & nomine tenus Maurus, pectore noster. Auxerat auctoritatem irruptio per saltus, impeditaq; loca, in Alcalæ regalis agros facta, nostrisque inopinantibus remissisq;, quod prope Boabdilis ditio esset, præda ingens Guidixium abacta, domiti pecoris maioris minorisq; sed eam iniuriam Ioannes Benauidius iis finibus præfectus continuo vindicauit, Almeriæ agris incensis, vexatisq;. Regis Ferdinandi bellicus apparatus haud satis animo respōdebat (& Bætica hoc & superiori anno pestis luc vehementer laborarat) si vires suppetere, maiora conaturus. Murciam vbi ipse erat copiis cōuenire iussis, Verā quod oppidum, ad mare sitū Melæ Vergi fuisse creditur, aut Varea Antonino, impugnare statuit. Nec mora oppidani defensione desperata, ad quartum Idus Iunias deditionem faciunt. Veræ exemplū Muxacra (quæ veteribus Murgis fuit) sequitur, vtrunque Veles Albū Rubrumque: multa alia castella, & oppida temere munita, aut sine præsidio accesserunt. magnus terror, neq; minus periculum hostium animos fregerat, ne agri vastarentur ad deditionē inclinatos. Almeriæ locis finitimæ aditu, Taberna arx situ inexpugnabilis prohibebat. Eē nouo p̄sidio firmatū Rex senior Guidixio accurrit, mille eq̄res, vigintimillia peditū sub signis habēs. simul insidere saltus nostrosq; dispalatos carpere cogitabat, in casum vniuersæ dimicationis non venire ex conscientia suarū imbecillitatis viriū: quod collectitiis exercitus exiguo rei bellicæ vsu. Cum pugnam barbari detrectarent, nostri ferociore facti, multas passim manus ad campestria deuastanda dimittunt. vis mali in Almeriæ planiciē maxime incubuit: deinde Bastæ agri vastantur aquis irrigui, ob idq; insigni prouentu & amœnitate. Riuis, quib. ea planicies distinguitur, impediti nostri, haud leue damnum acceperunt. cōcurrentib. Mauris multi ceciderunt. in eo numero Philippus Aragonius Mōtesiæ Magister iuuenta ferox, ferox nobilitate. Imminuto copiarū numero Ferdinandus idoneis locis præsidia disponit. ipse Oseam primū vicinā Bastæ urbē, deinde secundum Staberi fluminis ripā, Murciā contendit. Toletum inde atq; in vltiorem prouin-



prouinciā, quo aliæ regni curæ vocabant, discessurus. Eius digressū Rex barbarus, oppida quæ amissa erāt, aggreditur. quædā partim spe, partim metu in potestatem reuocat. Interim Gausini incolæ, q̄ oppidum satis munitum prope Arundam situm erat, nostrorum imperio fessi, aut pro more gentis ingenii leuitate perfidiaque, inter se coniuratione facta, milites præfidiarios obtruncant palantes securosque, ut in nullo tali metu. Letitia diuturna non fuit: vicini Mauri, ne ipsi quasi facinoris cōscii pœnas darent, manu facta Gausinum obsident. Gaditanus Cifontanusque Hispali cum noua manu ad vindictam accurrunt. Sic recepto oppido, incolæ pœnæ cuncti, aut prædæ fuerunt. Ferdinando Vallisoletū ap- pulso ad octauum Idus Septembris, qui dies Sabbathi fuit, noua se se occasio obtulit Placentiæ vrbis recuperandæ, ignauia superiorum Regum alienatæ, Stunicisque regulis addictæ. Aluaro Stunicæ per eos dies defuncto, nepos eodem nomine ex maiori filio successerat. item iuueni Dieghus Stunica patruus intendebat, quasi potior iure. Familiæ clientumque studiis in vtranque partem diductis, Caruaialii factioni in ea vrbe præualidæ opportunas data est, vrbis in potestatem redigendæ. Imperum in arcem factum præfidiarii sustinuerunt. Ferdinandus per speciem eos tumultus pacandi, in eam urbem aduolauit: dedenteque Aliaro nouo Duce, atque Begiarem digresso in potestatem redegit, Ledesinæ permutatione datam à Iohanne secundo, Petro Stunicæ Aluari proauo. Magnus procerum timor, ne quæ perturbatione temporum superioribus Regibus extorserant, restituere cogerentur Regi, maiori potentia consilioque. In Aragonia noui tumultus extabant. proceres ciuitatum societatem nuper initam disturbare cogitabant quasi grauem nimiumque priuatis ipsorum commodis obsistentem: neque prius restiterunt, quam ea societate in decem annos abrogata, comitiis Turiasone habitis consequentibus annis. Ad Maximilianum è custodia Brugenſi liberandum, legati à Regibus in Belgas Ioannes Fonseca atque Aluarius Arronius rem ex sententia confecerunt. expetenti tamen in coniugium Isabellam Regum filiam Maria priori vxore defuncta, denegatum, spe facta Philippo eius filio, atque heredi futuro, vnam ex Isabellæ sororib. ætate idonea collocandi. quem Austriæ Archiducis per eos dies nomine, Augusti indulgentia, nepotem auxerat nouo exemplo: (nam maiores Austriæ Duces vocabantur) nouisque honoribus augere destinabat, Hispanicæque affinitati idoneum præstare. Medina Iureconsultus, & Bernardinus Caruaialius in locum Garſæ Toleti Asturicensis tunc Episcopus, deinde Cardinalis & Placentinus Episcopus, apud Romanum Pontificem pro Ferdinando legatorum partes implebant. iis mandatum, ut Maximiliani legatis, quos ad Pontificem miserat præter morem maiorum, ut quidam disputabant superſtite patre Augusto, ita priores partes concederent, si Galli Regis oratores idem facerent: medios assidere non paterentur. Multum ad Maximilianum liberandum classis fama contulit à Labreto, ut conuenerat, in Cantabriæ litoribus edificatæ: Terra tamen in Britannia Armorica grauis clades accepta est. ad fanum Albini à Galli Regis copiis victi Aurelianus Dux sociiq; sunt. Ioānes Gralla quoque Hispanorum Dux amissis suis magna ex parte, in victorum potestatem venit.

*Tres vrbes de Mauris capte:*

## CAPVT XIII.

VNo tempore Castellæ regia nouis opibus atgebatur, à Turcis ingens metus extabat assiduus atque infensus Christiani nominis hostibus, mari terraque potentibus. Defuncto fine anni Garſia Padillia Calatrauæ Magistro (sepulcri inscriptio, quod in eo oppido ad aram templi maximam cernitur, superiori anno ait) extincto certe, multisque vna ambientibus, Ferdinandus Rex concedente Innocentio Pontifice, eum honorem, paresque opes vtendas, fruendas, administrandas stabili possessione suscepit: quod exemplum ad alios militum ordines, manauit, effecitque, ut aucta Regum potentia eorum militum auctoritas euanesceret. cum præmia virtuti dari solita emeritæ militiæ viris, rebus conuersis aulae affectis plurimum cedant. At tumultus in comitiis vigeant: regiique ærarii tenuitas erat supplenda. recte, nisi omnia mala exempla ex bonis initiis deriuarent. Verum hæc reip. vulnera sanare quis possit in tanta assentatorū frequentia? prætermittere satius arbitror. Tamen si quis equo animo ferat, opes maiorū pietate concessas ad profligandos Christiani nominis hostes effundi nullo certe exiguo reip. fructu: quantum iis terræ marisque parari potuit? Ex Oriente fama percrebuerat, numerosas equitum & peditum copias à Baiaceto Turcarum Imperatore contractas esse, valida classe conſtratum mare. ne in nostros fines sæua verteret tempeſtas, metus erat: neque voluntas barbaro deerat ad occasum proferendi imperium, vlciſcendi dolorem, ob denegatum Gemem fratrem. Aegypti Sultanus morabatur spem, Turcarum incrementis maxime inuidens. Ergo in eū con-



uerso impetu, vndecim prædatorum biremes à reliqua classe diuulsæ, Melitem insulam pene omnem prædæ habuerunt, & direptioni, ipsa etiam ciuitatis suburbia: quæ gemino portu quâcumvis magnæ classis capax est, vtrumque portum cuspide terræ distinguente, cui à Sancto Anselmo nomen est, ea parte propugnaculum edificari visum, prohibendis hostibus: ne eam insulam belli sedem efficerent, assueti nostris litoribus. Aduersus prædones, ex Sicilia quidem missa classis est, ductore Patela. serum auxilium hoste cum præda dilapso. Ex Hispania noua classis dimissa nouo Siciliæ Prorege Ferdinando Acunia, non modo ad nostros fines tutandos, sed tentanda etiam Africæ litora idonea. Cum Angliæ atque Austriæ Principibus fœdus instauratum aduersus Galli Regis potentiâ. Ea præsidia comparari dubitabat nemo ad Neapolitanum regnum armis occupandum: ad quod processus 10  
1489 pes validiores prouocabant. Quo studio proximo anno M cccc octogesimo nono mille equites, duplicato peditum numero Annæ Britanæ defuncto patre Armorico Duce, mitti decretum est ex Hispania aduersus Galli potentiâ auxiliares. ductor Petrus Sarmentus Salinarum Comes. De bello Maurico maior cura erat: & quo propius spes admouebatur imperii Maurici opes euertendi, crescebat animorum ardor. Sic Reges ad sextum Kalen. Aprilis Medina Campestri bellum instauraturi in Baticam concessere. Giennii bellici apparatus erant. Corduba obitu lustrato exercitu, inuentum duodecim millia equites, pedites quinquaginta millia sub signis esse. delecta vniuersa ditione inuentus, bello viuida virtus. Ex vna Cantabria & vicinis locis numerosa manus aduenerat: quæ gens molli imperio 20  
ob idque fidelissima apud Reges est, locorum asperitate duratis corporibus militiæ laboribus idonea. Cum his copiis Bastam obsidere visum est. Cuius oppidum in ipso aditu captum: quoniam munito loco erat, ne nostrorum conatus impediret. Ineunte mense Iunio ad Bastam castra sunt posita. Perspecto Urbis situ Ferdinandus adhortatus pauca pro tempore milites, obsessos impugnare constituit. Ipsum erat oppidum in collis latere: cuius collis partem & subiectam planiciem flumen alluit ignobile, ex aliis partibus colles assurgunt. in vrbe virorum atque armorum satis magna vis, frumentum in quindecim menses comparatum. locus opportunus vineis agendis, aliisque machinationibus. Egressis ex vrbe præfidiariis militibus prælium in planicie fit. summa vi ab vtrisque contenditur. laborantibus nostris, atque inter riuos, quibus aqua diducitur in agros, & cæcas fossas 30  
impeditis cadentibusque, nouæ è castris copiarum submittuntur. sic nostris animus creuit. hostes in urbem reiecti sunt maiori damno accepto, quod multo minori essent numero, ad tria millia milites, tertia equites parte. Sic sæpe erumpentibus Mauris pro castris mitionibusque pugnatum est. Nostri segetes, hortosque corrumpere, magno ciuium dolore. Cecidit Ioannes Luna Illuecæ regulo natus, prima iuuenta & gratia Regis florens, multisque præclaris factis nobilis: uti Petrus Martyr Mediolanensis: qui præfens de hoc bello commentaria confecit auctor est, patria Mediolano vetus Hispaniæ hospes. Pares nostri tumultuaria pugna Mauris non erant, assuetis, se in fugam vertere, pugnamque incredibili celeritate repetere, vulnerare, cedere. Locus & genus pugne pro hoste erat: nostri numero & virtute vincebant. Sic obsidio in multos dies ducta est. Rex anxius trahere cum 40  
animo suo, omitteret ne inceptum, quoniam frustra erat an exitum expectaret, quod sæpe prospere usus fuerat. Terrebat maxime anni tempus multis funeribus lugubris. In salubrium ciborum noui succi vulgauerant morbos: pestisque lues nondum plane sedata multos indies absumebat. Gaditanus Regio concessu per eos dies Marchionis nomine in Ducis honorem transformato, mouenda castra disputabat: neque tanti exercitus periculo, ignobilem urbem emendam videri. Vbi periculo respondent præmia, & secundis rebus ampliore fructum esse, & aduersis solatium maius. Si obsidio in hyemem ducatur, inflatis  
fluuiis, quæ spes, quis receptus? Pereundum vna omnibus, nisi mature consulimus. Horret animus meminisse, tua tibi salus vilis Rex est: cuius spiritu omnes viuimus, vincimusque. Vera Gaditanum prædicare nemo ignorabat. vicit tamen Regis constantia. Ignauos 50  
premunt numina, fortes iuuant. Assidere vrbi constituunt, moenia circumvallare. fossa circumducta est. sepesque labro prætenta. Nouem castella ex interuallo posita: quibus in castellis stationes disponebantur, nequa subito irruptio fieret. copiarum distributæ idoneis locis sunt. Gaditanus cum quatuor equitum millibus apud tormenta agitare iussus. Sed externis quamuis auxiliis prohibitis, commeatus affatim in vrbe erat. contra in castris rei frumentariæ inopia, pecuniæque in stipendium. Nouæ in dies manus auxilio aduentare. Mense Octobri Duces Petrus Manricus Anagari, Albæ Fridericus, ob nuper defunctum patrem in veste squalida, Fridericus maris Præfectus, Asturicæ Marchio. subsecuta paucis post diebus. Regina est cum Isabella filia, Toletano atque Episcopis aliis quorum



rum aduentu (sic arbitror) fracti obsessorum animi sunt. repente enim Hacenus cognomento Senex vr̄bis Præfectus, ad quem bellici etiam imperii summa redibat, colloquio flexus Guterrii Cardenæ Promagistri Legionensis, cum diu sustentare potuisset, re cum suo Rege, qui Guidixii erat, communicata, deditiōem facere constituit. Res comparanda miraculo visa nostris est. Conditionibus pridie Nonas Decembris nuncupatis, Rex Reginaque triumpho per simili pompa in vr̄bem die proximo inuecti sunt. deditæ vr̄bis cura Carolæ Antelato Diegho Mendozæ, Cardinalis Hispaniæ fratri concredita est. Ea formidine multa circum oppida ultro dedita, obsides, frumentum, & alia quæ vsui forent affatim præbuerunt. Tabernia, Seron, quod misere amplius, Guidixium Almeriaque, quæ diuturnam obsidionem tolerare potuissent, ne tentata quidem defensione ipso seniore Regē dedente, captæ sunt. Ad Almeriam, Regem barbarum in castra venientem, Ferdinandus Rex obuius benigne accepit. paratum imperata facere, seq; & sua victoris voluntati permittere. Accessere præterea in victoriæ partem duæ arces munitissimæ locis inter se coniunctæ marique imminentes, Almunécar ubi regii Maurorum thesauri, cultusque esse consueuerat, & Salobrena quæ veteribus Selambina in Bastulis ad mare Ibericū fuit, locis arduis, ea munitione, ut Regum filiis & fratribus custodiendis, carceris instar esset. Ei arci Franciscus Ramirus Madriti municeps, tormentis bellicis præfectus, Prætor est datus: cuius præclara facinora multa hoc & bello Lusitanico meritaque præclara extiterant. Enituit etiam in Bastæ impugnatione Martini Galindi ciuis Astigitani vnus maxime virtus, Ioannis parentis laudes exæquare contendens: quo fortior miles ea tempestate nemo fuit. Tantis rebus confectis, recensito ad Guidixium exercitu, pridie kalendas Ianuarii, ineunte salutis anno Millesimo quadringentesimo nonagesimo, inuentū viginti 1490 millia capitum ē nostris desiderari. tria millia in pugna ceciderāt: cæteros vulgati morbi, hyemis asperitas consumpsit, concretis frigore membris, corruptis tabo vitalib., morte tritius lethi genus: sed plerisque ē lixarum calorumque numero, eoque minori damno.

*Alfonsi Lusitani Principis nuptia.* CAPVT XIV.

Finis appetebat, iamque aderat, gentis barbaræ atque imperii inauspicatō in Hispania fundati. vr̄gebat Ferdinandus Rex, neque indulgenti fortunæ deerat, acer, impiger, solers, cautus, in acie ferox, post victoriam mitis. Supplici prostratoque Regi barbaro conditiones ferente Guterrio Cardena D. Iacobi Legione Promagistro, cuius magnus vsus eo bello fuerat, virtus præclara, Fadaraxium donat, in montib. Granatæ situm municipiū. adiicit alias circum villas & pagos, prædiaque vnde ad vitam sustentandam decem aureorum millia annua prouenirent, exiguum vectigal, leueque regni erepti solamen: eo minori commiseratione, quod imperium meminerant à parricidio inchoatum. Mauris recens subditis datum, ut retentis agris exclusi mœnibus, in suburbis habitarent, nudati omni munitione, rebellandi facultate sublata, arma etiam & ferramenta detracta. Eo promulgato fœdere Guidixio Ferdinandus Isabellaque discedunt ad quartum Kalendas Ianuarii, per Astigitanos Hispalim petunt tantis rebus breui confectis, maiores augustioresque quam antea: per circumfusus studio visendi populos, ad cælum ferentes laudibus prædicationeque, tanquam cælo dilapsos in salutem patriæ magis quam mortales metuere & colere. Externi Principes rei gestæ fama permoti, missis legationibus gratulari, certatimque Hispanam amicitiam appetere Lusitanus maxime Alfonso filio, quod agi ante cœptum erat, Isabellam maiorem Regum filiam coniugem expetebat, pacis perpetuæ inter vtrāque regiam, pignus securum. Ferdinando Sylueira iustitiæ Præfecto, & scrinii regii Magistro Ioanne Texeda ē Lusitania legatis, fides nuptiarum Hispali data est quartodecimo kalend. Maii. Et erat spes Gallici coniugii intercepta, Gallo Rege ad Annam Britannicæ Ducem respiciente. Magna vtriusque gentis lætitia fuit. Lusitanæ minor, Ioanna sponsa amita lectissima, de cuius pietate multa ea gēs prædicat, proximo mense Aueri extincta cælibe vita. Castellæ haud diuturna. Puella ad tertium Idus Nouembris Constantina in Lusitaniam missa est, deducuntibus Hispaniæ Cardinali, Ludouico Osorio Giennensi Episcopo, Diui Iacobi, & Alcántaræ Magistris, Comitibus Gometio Figueroa Ferie, Beneuenti Alfonso Pimentelio, multa alia nobilitate. Omnia ad decorem imperii composita, suscepto inter eas gentes de splendore, cultu & elegantia certamine. Ad Caiam quod flumen Pacem Augustam, Helbesque interfuit, noua sponsa in Lusitanorum procerum potestatem contradita: qui non minori numero obuiam processerunt, cum Emanuele Duce: cui iam numina id coniugium regnūque destinabāt. Ad Stremotium Lusitanicæ oppidū Rex Lusitanus & filius præsto fuere. media spōsa ad sinistrā socer assedit. In



eo oppido in sponsi manum conuenit ad octauum Kalen. Decembris: qui dies Mercurii fuit. sacra nuptialia die proximo peracta antistite Bracarenſi Episcopo: cuius inter Pontifices Lusitaniæ primæ honoris partes sunt. Iudi nuptiales Eboræ atque Scalabi in sextum mensem continuati. Nihil est syncerum constansque in rebus humanis. Lætitiâ uniuerſæ gentis inopinus casus conturbauit. Regem in eo oppido ad ripam Tagi fluminis die quodam sub vesperam progressum, Alfonso Princeps honoris causa comitatus, cum Ioannem Menesium ad currendum admissis equis prouocasset, ferocis quo ferebatur, equi repentino casu oppressus est, breuique extinctus. quanto parentum & sponse, atque totius prouinciæ luctu dicere non est opus. Tot spes, tot gaudia, diem vnum in contrarium vertisse verissimis lacrymis querebantur. Corpus ad maiorû sepulcra tumulo cõtectum, & inferiæ more patrio datæ, Rege & reliqua nobilitate atrata in veste funus proſequentibus. Isabella vix primis gaudiis delibatis, tam breui spatio sponsa, coniux, vidua ad parentes in Castellam cõtecta lectica remissa est. Sic res humanæ & gaudia leui momento per mutantur. Regem focerum ex mœrore lentus morbus inuasit, oppressitque quarto post filii obitum anno, fundato sub vitæ finem Olisipone regali xenodochio nobilissimo: cuius fundamentis auri stipes ipse subiecerat, perpetuitatis omine. Nulla iusta prole relicta, Georgium ex Anna Mendoza pellice susceptum, in primis quamuis annis, Ausiui atque D. Iacobi Magistrum renunciandum curauit, atque perfecit. Noua Regum stirpes excepit in Lusitania. Emanueli Regis extincti patruelis, Ferdinandi Visei Ducis filius, iure propinquitatis cæteris deferentibus imperiû gentis suscepit. Ex eo Ioannes est natus. Ex Ioanne filius eodem nomine: quem ætatis breuitas ad imperium paternum auitumque peruenire non concessit, eius Sebastiani patrem, qui auo proximus, gentis Rex in Africa graui ac perpetuo suæ gentis luctu occisus, Philippo Castellæ Regi Emanuelis ex Isabella filia nepoti felicissimo, Lusitanum regnum reliquit, tertio anno antequam hæc scriberemus. Sic in fatis Hispaniæ erat, quibus nihil est arduum. Verum hæc maiori eloquentia & eruditione viri explicabunt: nos ad iter Granatam redeamus.

*Granatæ planities vastata.* CAPVT XV.

**B**ellum Mauricum conficere cogitanti Ferdinando, vnus modo Granatæ vrbs munitio opponeretur: fidesque Boabdili Regi superiori tempore data, cum suis omnibus intuiolatum fore. Eius subigendæ præclara occasio est oblata. ciues ne externo quidem metu coerciti, correptis armis Regem, quod sæpe fecerant, intra Albaicinum compulerant, ægra spe non iam de imperio, q̃ pereunte obsequio nullû erat, sed de salute, deliberate laborantē. Cõmota multitudo indignari, fremere, tumultuari, minari exitiû. Amicû Principē in periculo deferere auxilia postulantē iniquû erat, tamen noui ex Oriente terrores ostentati erant. Aegypti Sultanus potētissimus, nisi incepto desisteret Ferdinãdus gētis Mauricæ impugnantē eisdem imbutæ sacris, eadē vindicaturum se omniû, quicumq; ex piorum natione in Aegypto, atque Syria reliqui erāt minabatur: ne à sacris quidem & templis temperaturum. legatus in eā rem Antonius Millanus Franciscano monasterio Hierosolymæ Præfectus, eadem Neapolitani Regis verbis, eo ex itinere cõuento, monuit, vt fama ferebat, Mauricæ genti æquioris quam honestum esset, & fas Principi Christiano. Nulla iniuria prouocatum debere ab iniuria temperare, neque mouere vnde grauiores calamitates extarent. Sacris quamuis discrepantem gentem temere violandam non videri. Neque barbari minis, neque Neapolitani præceptis Ferdinandus est territus. Ad Sultanium tamen bello peracto Petrus Martyr legatus est facti rationem redditurus: ad Neapolitanum in ipso nouæ expeditionis procinctu, codicillis explicatæ causæ, cur iure Christiano imperium iniuria constitutum ab antiquo, & vnde multæ recentes offensæ prouocarent, euertere honestum fasque esset. De piorum salute laborare: sed tēperaturos dolori barbaros cognita veritate: neque commissuros vindictæ studio, vt vectigalia amitterent, quæ genti grauissima imperabant. Nominis sanctitas non modo tutum à periculo indignitateque Antonium legatum præstitit: sed effecit, vt reuerentissime officiosissimeque haberetur, dimittereturque. Simul ad Granatenses ciues missi, qui Ferdinandi verbis nunciarent. Si positis armis imperata facerent, eadē conditione, qua cæteri dedititii futuros. Commouit ea denuntiatio vtrunque factionem, vt positis odiis de communi salute consultarent. Neque ignorabat barbarus Rex, Ferdinandum magis nomen ad præsidium eius quam vires afferre. pro se verbo, pro se ipso re pugnaturum: neque cessaturum, nisi vrbe in potestatem redacta. Viri in ea gente Sancti inter vtrosque commeantes ad concordiam prouocare, obtestari, monere, quod in rem foret. Seu finis belli esset,



esset, seu resumere arma mallent, vnicum genti in pace præsidium: dissidio utrosque prædæ fore. Ergo sancita concordia inter Mauros, nostri prædabundi in Granatæ planiciem irrumpunt Rege ductore, Regina Moclini relicta. vastatæ circum segetes magno ciuium dolore, metuque, ne fame premerentur. Ioannes expeditionis comes à patre Rege balteo militari donatur, laboris præmium, ad maiora incitamentum. Abacta Cordubam præda, lateque terrore iniecto, Villenæ Marchio limiti præficitur. Alfonso fratris in ea irruptione amissi solamen, dextrique brachii debilitati hastæ ictu: dum quendam è suis à Mauris circumfusus periculo eripit, magno Princeps animo, magnoque rei militaris usu. Mauri vix metu depulso, ductore Boabdile Alhendinum arcem nostrorum præsidio recens muniam euertunt. Ea iniuria vindicata, noua irruptione vastatis abs Rege panico millioque quæ vna spes supererat vitæ, sequenti anno sustentandæ. quindecim diebus ea clades continuata est. Guidixienfes Mauri correptis armis tumultuantes, nostros, qui in arce erant, adacta vi perimere parabant: sed Villenii celeritas seruauit. Per speciem Fandaraxium impugnandi, quod oppidum ab imperio Abohardillis defecerat, Guidixiū inuectus cum valida manu equitum peditumque, Mauros vrbe egressos quasi numerū lustraturus, clausis portis aditu prohibuit: nostrosque periculo eripuit. Rursus Ferdinandus de mense Augusto in Granatæ fines igne, ferroque populationes fecit. Nouo Boabdiles conatu Salobrenam obsidebat: sed magna virtute & diligentia Francisco Ramiro defendente, nouoque à tergo terrore urgente, incepto abstinere, Granatamque se se referre compulsus est.

Abohardilli datum subditis tumultuantibus recusantibusque eius imperiū, ut in Africam traiceret, amplissimis muneribus donatus: uti erat in superiori fœdere cautum.

## Granata obsessa. CAPVT XVI.

HYeme Hispali exacta, Reges Ferdinandus Isabellaque bellum repetunt. ad Alcalam Regalem Regina cum filiis restitit ad omnes casus parata, breuique iisdem vestigiis secutura, gloriæ & periculi futura particeps. Ferdināus procerum aduentu, & militum quos urbium conuentus suis stipendiis submittebant, aucto exercitu, trinis castris in Granatæ conspectum Sabbatho ad nonum kal. Maii salutis anno Millesimo quadringentesimo nonagesimo primo ad Guetaris (id pago nomen est sexto ab vrbe lapide) scaturigines, cum ventum esset, ex iis locis Villenæ Marchionem & tria equitum millia in vicinos montes prædatum mittit: ipse se eodem subsequitur, cum copiarum robore pollicetur præsidio futurus: si quid montani homines durum in armis genus, aut ex vrbe hostes mouerent. Fecit imperata Marchio Rex versus Padulium progressus repulsis Mauris, qui ad premendum nostrorum agmen, ex vrbe erant egressi, coniectisque in fugam, Marchionem re ex sententia patrata nouem pagis Maurorum incensis, multaue præda redeuntem accepit lætus, & quoniam prima prospere euenerant, in vltiores montes belli terrorem infert. late populationes, direptionesque factæ. Mauri equites peditesque notis tramitibus montium, qua transitus erat, angustias obsidentes victi deiectique sunt. Cœptis fauebant numina. quindecim alii pagi direpti euersique: magnaue præda capta: cuius copia erat, montanis à belli superioris malis immunibus, idoneisque in urbem commeatus affatim importando: quod omnino prohibendum erat. His rebus sine vulnere confectis, intra triduum vnde discesserant, læti redierunt. factis castris munimenta addunt, subitarii operis fossam, vallumque. Quinquaginta millia militum erant, quinta equitum parte, Hispanæ iuuentutis flos ingenti delectu contractæ, viuida virtus, vigenisque. Urbem equitum peditumque numerosæ copię muniebant: quoscunque belli sæuitia reliquos fecerat, magno rei militaris usu. In urbana multitudo parum præsidii rebus erat, in pace feroci, in periculo ignaua. Vrbs Granata natura loci, opere, muris, propugnaculis inexpugnabilis tutaque erat. Ab occasu panditur planicies agri optimi, multo effuso in ea sanguine, vberi gleba, centum decem millium ambitu. longitudo maior quam pro latitudinis modo fontibus qui ex vicinis montibus sex & triginta deriuantur ac riuus irrigua, amœnaque ac humano prope cultu felicior. Ab ortu Illiberritanos montes erigit, vbi quondam Illiberris sita fuit: Niuosos ad austrum iugis perpetuis inter se serie coherentibus ad Mediterraneum mare. Latera leniter decliua, & cultura læta & domiciliis frequentia sunt. vrbs gemino imposita colle, Darro amne interfluente tenui aqua quem Singilis mediam intersecans planiciem, vrbe dilapsam excipit. Mœnia validissima sunt, mille & triginta turribus distincta, horrentiaque specie minaci, septem olim portis, nunc duodecim. Circumuallari coronaque militum cingi non potest, egregiis etiam à planicie vnde ascensus æquior est, operibus propugnaculisque firmata. Ea parte templū est maximum,



Mauris rerum potentibus rudis structuræ, nostra ætate eleganti opere, eisdem vestigiis perfectum humano prope cultu augustius, sanctum omnibus circa populis, inclytū non tam diuitiis, quam Sacerdotum numero probitateque. Prope forum ducentos pedes latum triplo longius ad lineam directum edificiis ambientibus & mercatorum tabernis elegans. Geminæ arces sunt: ad austrum nobilissima pertinet, vrbi imminens, proprioque cincta muro, cui Alhambre hoc est, Rubræ nomen vicini soli color effecit, an ex alio oppido eiusdem nominis eam appellationem sumpsit, spatiis iustæ ciuitatis instar. Fundamenta Mahomad cognomento Mirus posuit. extruxere consequentes Reges: sed gloriam perfecti operis Iuzephus cognomento Bulhagix tulit. Supra eius arcis portam in læui marmore inscriptio legitur Arabicis literis, eo Rege demonstrans fuisse perfectum opus, dedicatumque gentis anno septingentesimo quadragesimo septimo, ad nostram rationem anno Millesimo trecentesimo quadragesimo sexto. Eundem, Albaicinum in aduerso colle sitam vrbis regionem, proprio muro cinxisse constat: eo sumptu, vt arte metal la permutasse, cum opes regni non sufficerent, fama sit. Reliqua vrbs interiecta est, vicis deformis, angustis plateis, vitio gentis Mauricæ ædificandi oppida minime curiosæ. Domorum sexaginta millia complectebatur, ingens numerus, ac vix fidem factururus. illud mirabilius quod à legatis Iacobi secundi Aragonii Regis Clementi quinto Romano Pontifici, Viēenses conuentus habenti, affirmatum inuenio. Ducēta millia capitum Granatæ eo tempore, numerari, vix tamen ex tanto numero quingentos ex Mauris parentibus auisq; prognatos esse: quinquaginta millia Christiana sacra eiurasse: pios ad triginta millia captiuos teneri. Illud certius, ciuēs in viginti tres tribus nostra ætate distinctos. de numero ciuium laborare non attinet, nihil ad liquidum fama perducitur in eogenere maxime. Ex vrbe & ex reliqua prouincia septingenta aureorum millia Mauris Regibus provenire erant solita. Infana vectigalia erant: septimaque frugum & pecorum pars pendebatur. decedentib. sine liberis Reges heredes ex asse erant, cæteris pro portione quantum vnus ex filiorum numero. Regina cum filiis venit in castra. Quo tempore Romæ, Pom pelonen sis ecclesia Alfonsi Carrillii obitu vacua, Cæsari Borgiæ tunc Protonotario, deinde Cardinali pridie Idus Septembris commendata est. Ferdinando Regi animus erat, supremo abhibito conatu eam vrbe in potestatem redigere: agris identidem vastatis ciuēs ad extremā inopiam redigere, locis vbi castra erant ædificata vrbe cui à sancta Fide nomen fecit. Surgebat incredibili celeritate opus: breuique ad fastigium peruenit. Intra mœnia suis quæque partibus tentoria descripta, tum tendentium ordine, tum itinerum interuallis specie mirabili, adinstar iustæ vrbis. Interim variæ manus prædatum dimissæ, cum Mauris ex vrbe egredientibus sæpe pugnare. captis aliquando tormentis, magnoq; hostiumque numero malo compulsos in vrbe reuocare. muro succedere propius quam ante meminerant. turres vnā & alteram capere, earum quibus prope vrbe & speculis & munitione hostes utebantur. Successu lætos inopinatus casus conturbauit. Ad sextum Idus Iulii noctu in Regis tentorio incendiū excitatum, maioris periculi metum incussit. Erant tabernacula ex ramalibus plurimum intexta. iis auide concipientibus flammam (candela forte à Regina neglecta) repente tum prætorium tum vicinā tentoria arserunt. neque sisti ignis poterat. Fraude Rex hostium id contigisse putabat. In publicum nudus prodit arrepto clypeo militari. Certe periculū erat, ne Mauri occasione captata, in nostra castra impetum facerent. Gaditanus eo metu cum equitatus parte totam noctē in armis, qua parte hostibus transeundum erat, sustentauit. Maior turbatio, quam periculum fuit. Proxima luce populationes repetitæ: variæ etiam manus diebus consequentibus in montes missæ prædatum, nihil hosti tutum faciebant, enixe quamuis locis omnibus propugnabat, desperatione, qua nihil est acrius, faciente animos. Verum nostris nihil remittentibus, Mauri malis omnibus domiti ad deditionem flexere animos. Bulcacinus Mulcho vrbis Prætor in castra egresso, atque è nostris vltro citroque comitantibus Gonsaluo Fernando Corduba, & Fernando Safrā, qui Regi à secretis erat, hæ conditiones consensu scriptæ sunt, atque vtriusque partis sacramento firmatæ, ad septimum kalendas Decembris. Intra dies sexaginta vtrāque arcem, turres, portas Mauri traderent. Regis Ferdinandi sacramentum acciperent, in fide & potestate futuros. Christianos captiuos sine pretio mitterent. Dum ea essent perfecta, intra diem duodecimum obsides quingentos darent, ciuiū nobilissimorum filios. Idem possessiones retinerent, arma, equosq; tormentis modo cōtraditis, templa ex ritu gētis, patriaq; sacra. Suis legibus viuerent iudicib. ex gēte creatis: quorū cōsilio regii Prætores iura dicerēt Mauris. Vectigalia triennio remitterēt magna ex parte: neque deinceps maiora imperarentur, quam suis Regib. pendere consueuissent.



consueuissent. Qui in Africam nauigare mallent, iis sua pretio vendendi facultas esset: nauigia cum fide darentur quibus ipsi portubus nominarent. Boabdili filius ac ceteri superiori tempore fidei obsides, Moclino, ubi erant, deducti redderentur. Vrbe dedita nullo amplius fidei pignore opus fore.

*Tumultus in vrbe concitatur.*

CAPVT XVII.

**H**is conditionibus pactum fœdus, haud magna occasione disturbatū ferme est. Vulgus, Maurorum maxime infidum, mobile, seditiosum, quieti & otio aduersum. Maurus quidam, cuius nomen nō proditur, quasi panicis actus, turbida oratione ad arma concitare populum non desisteat. In simulatione beneuolentiæ, proditionem, fraudem, infidias contineri. Boabdilem & proceres nomine Mauros esse, voto cum hostib. stare. Perpetuæ seruitutis iugum imponitur, adeste animis. Sed præsentis miserias & pericula ferre graue est? Animi est ista mollities, paulisper in malis tolerare non posse: minora, ac temporaria mala perpetuis, & grauioribus mutare. Quid vero ad spem affertur inuiolatos vos fore. de bonis non ago, quæ pari vanitate integra fore persuadent: nempe novos ciues alienus ager sustentabit? An ignoratis quanta vestri sanguinis hauriendi sitis sit? superioribus bellis parentibus, propinquis magna ex parte desideratis, vindicare prætermittant? Vetera omitto. annum iam circumuallatos & nos macerant, & ipsi non minores clades pertulerunt, circa munimenta sæpe trucidati, neque magis obsidentes, quàm obsessi, nouæ vr-  
bis munitione bellum defendentes. Ferrei sint, nisi vrbe dedita vestris capitib. peremptorum manibus parentarint. Quasi bestia cæco impetu, ac rabie concitata sitiunt sanguinem. Sed viri sane non sumus. alioqui mecum sustentate. Aderit numen, Mahometesque vates. responsa vetera, & siderum motus fauent fortibus, sed destituunt ignauos. At annona inopia premit. sed si parcitis, & quæ à priuatis recondita sunt, in commune confertis in multos dies possumus tolerare: iisque consumptis eorum corporibus, qui ad bellum inutiles sunt, famem propulsare quid veter? Graue, inquis, & horrendum facinus. sed exemplum tamen à veteribus in simili periculo si non haberemus, institui denuo, & posteris prodi pulcherrimum iudicarem. Stat sententia: si mortem recusare fas non sit, cruciatus contumeliaq; vitare. Capi, diripi, incendi patriam non videbo: matres, virgines, pueros ad stuprum & in seruitutem rapi. Idem si persuadeo corripite viri arma: fœdus importunū disturbate. nec cunctatione opus est, ubi perniciosior est quies quàm audacia. Hæc ardentibus oculis, vultu minaci per compita & plateas voce væcordi concionatus, viginti hominum millia ad arma concitauit. Furore & rabie, & causis incertis, eoq; difficilioribus remediis agitabantur. Boabdiles nulla iam auctoritate, ne in tanta colluuiione, ludibrio haberetur, intra Alhambram arcem se tenuit. Feroces primos impetus multitudo habet: mox conquiescit, sine capite, sine viribus vano conatu. Idem sedatis tantisper animis, proxima luce in Albaicinum descendens, ubi gentis studia integra erant, consternatas suorum mentes sanare contendit. Vestra inquit, causa nō mea, vt quidam inuerecundè suspicati sunt, huc monitorem venisse, vel hæc fides sit, quod arce in nostra potestate posita, hostem aduocare nolui, vestra salute neglecta quamuis nouis iniuriis prouocatus: neque antea dum vestris viribus restitistis, dum auxilia aliunde sperastis, dum frumētum in vrbe fuit, pacis constituendæ vnquam auctor fui. Mittantur vetera. sæpe à nobis peccatum esse confiteor, fide hosti habita, regno aduersus patrem sumpto: sed pœnarum nihil minus datum est. Rebus desperatis fœdus pepigi cum hoste, ne honestum dicam, tempore certe necessarium. Quid fanatici homines, vt pacem pulcherrime institutam euerant afferre possint, non intelligo. Si alicunde præsidium est, pacta conuenta mecum fal-  
lite. sed si omnia sublata sunt, opes, præsidia, cōmeatus, mens propemodum ipsa: quid furore perciti, vel alieno si prouideris, vel vestro si morem geritis in perniciem irruitis? E-  
d nobis cum necessaria sunt, minus incommodum suscipere sapientes decet. quales vos esse confiderem, nisi superior tumultus hanc opinionem debilitasset. Sed cum omnia victoris sint, cum necessitas vrgeat, quidquid relinquitur pro munere habituri estis. De fide hostium non disputo. non semel violatam fuisse confiteor. Verum fides obligatur fide. obsides exigere accipereque quid prohibeat, aut arces, aut viros, principes. belli conficiendi cupidine omnia hostis dabit. Hac oratione commoti multitudinis animi conquieuerunt. Sic sæpe popularis tumultus non maiora remedia, quàm causæ sunt. Quid Mauro multitudinis concitatori sit factum non inuenio. fuga euasisse suspicabar. Sed præterito Boabdiles periculo admonitus, interiecto dierū spatio, multa rursus nouari posse, literas continuò ad Ferdinandum Regem dat: munusq; adiicit duos equos



generosos, acinacem, ephippia. Quæ in vrbe contigerant, renuntiat. celeritate opus esse, exiguam sepe moram magnorum motuum causam extitisse. Quod felix faustumq; esset, quando superis ea sententia staret, Alhambra proxima luce iniret. de manu se arcem regnumque victori traditurum.

*Granata capta.*

## CAPVT XVIII.

**E**Æ literæ ipsis Kalend. Ianuarii vertentis anni missæ in castra sunt: quibus Ferdinãdus lectis, quanta sit lætitia affectus diiudicare promptum est. Rebus in diem proximum comparatis, qui dies in fastis Granatensibus eius vrbis capte memoria facer est, veste lugubri ob Alfonsi Lusitani Principis casum, trabea repente mutata, instructas armatasque acies quasi ad pugnam in arcem urbemq; ducit, gratum oculis spectaculum. Regina filique ex intervallo sequebantur: intertextis auro vestibus proceres luxu pretioq; ornatus certantes. Ea pompa apparatusq; accedenti propius arcem Regi, Boabdiles obuiam egressus, quinquaginta equitibus stipatus occurrit. In pedes desilire, regiamq; victoris manum deosculari prohibitus, demissis in terram oculis haud læta fronte, id modo elocutus. Tui Rex inuicte sumus, tibi imperio & vrbe cedimus, vt ut libet moderato vt speramus, & leni, arcis clauēs in manum dedit, ille Reginæ, Regina filio. Ab eo Enecus Tendillia Comes arcis præfectus, belloq; dux in ea prouincia futurus acceptis clauibus, cum valida equitum manu in arcem ingressus est. subsequēbatur splēdidus procerum & Sacerdotum ordo. In quib. Toleranus Hispalensisque Episcopi eminebant, D. Iacobi Magister, Gadi-tanus Dux. ante omnes Fernandus Talauera ex Abulensi Præsule capte vrbi designatus Archiepiscopus, sacra precatōne è libris pontificalibus recitata, vt moris est, legitima cāpiētiū vrbes verba nūcupauit: simul crucem, quam Toletanus præferebat potestatis insigne, in summa turri constituit, gemino vexillo addito Regio & D. Iacobi. subsecutus est plausus, & lætitiæ permixtus clamor militum & procerum. viri sacrați hymnum Deo pro diuino munere concinuerunt. Regem in genua procumbentem, atque humillimo corporis habitu gratias agentem numini, quod suo ductu dedisset gētis impiæ imperium, & nomen in Hispania excindi: crucemque insignem erigi, vbi diu impietas vigerat altis stabilita radicibus: atque vt ea rata, propria, fixaq; essent precantem, peracta oratione proceres adierunt, gratulantesq; de nouo imperio, dextram ex ordine deosculati sunt in genua procumbentes. Idem officium Reginæ, filioque Principi cum esset præstitum, peracta eius diei pompa, post prandium, secundum vicinam vrbis portam in castra eodem ordine reditum est. Purchenæ vallis in Contestanis paulo ante Mauris erepta Boabdili tradita est: vectigaliaq; designata, in Africam nauigaturo tandem, tædio vitæ priuata, cui impares Reges sunt. Quingenti captiui, vt conuenerat, libertati redditi sine pretio, habita supplicatione Regem sacrificio peracto die altero supplices adiuuerunt. militibus, quod sibi patriam, se patriæ restituisent, egere gratias: quod pro religione, pietate, Hispaniæ salute, & gloria res humanis maiores confecissent, accurata oratione collaudarunt, restitutores, parentes, vindices nūcupantes. Urbem ingredi non est visum, priusquam omnia tuta essent, portis, turribus, propugnaculis, præfidiis occupatis. Priori persimili pompa in urbem inuēcti quarto post die, ad aras procubere, laudes diuinas hymnosque repetētes Duces militesq; concelebantes numen, quod victorias victoriis cumularēt, triumphosque de hostibus Christiani nominis præberet. Ferdinandus, Isabellaque augustiores solito visi sunt, splēdido cultu, vigenti ætate, nouo imperio, tantoq; bello confecto cōspicui paresq; maiores conditione mortali. cælo certe dati ad salutem Hispaniæ, constituenda iudicia, quæ labefactata erant, leges faciendas, vnde iura populis dantur, vindicandam religionem, pacem publicam fundandam domesticis externisque dissidiis sublatis: proferendum imperium non in Hispania modo, sed ipso tempore ad extremas cæli oras: ingenia prouincialium ad virtutis, & eruditionis studium excitanda, præmiis, quæ sunt amplissima in Hispania, non maiorum imaginibus, neque ad cuiusquam gratiam, sed ad veram meritorum rationem tributis. Doctrinæ cultu suscepto, quantum profectum sit, explicare non est necesse. res ipsa indicat. maiori eruditione & sanctitate Sacerdotes & Episcopi, maiori prudentia & integritate magistratus, vbi terrarum inueniantur? Itaque ante hæc tempora paucos quosdam literarum laude præstantes numerare licet: qui deinceps in Hispania in omni eruditionis genere excellentes fuerint, recensere quis audeat? Erat vtrique statura mediocris, omnibus membris æqualis & congruens, facies honesta, maiestas in vultu incessuque par, aspectus gratus. colorem candidum nonnulla fuscedo



fuscedo temperabat, Regi maxime militiae laboribus adustiori. spadicea & proluxa caesaries erat, barba detonsa, lata supercilia, caluum caput, os exiguum, labia rubra, dentes minuti & rari, lati humeri, erecta ceruix, vox acuta, sermo expeditus, perspicuum ingenium, iudicium graue, mores faciles. Se adeuntibus comis clementer, bellicis fuit iuxta ac ciuilibus muneribus par: tam assiduus in negotio, ut labore refici ac reparari videretur. Corpus nullis mundiciis emollitum, sed cultu & victu frugali & parato militare. Equos arte incitare, atque in varios orbes flectere cum dexteritate. Iunior tesseri & alea, maior aucupio animi curis grauem remittere solitus. Regina praestanti formae venustate, flauis capillis fuit, caesis oculis, nullo fuce mentita facie, totius oris dignitate modestiaque singulari, religionis studiis dedita, atque literarum, viri amans sed cum zelotypia suspicionibusque. Latinae linguae non plane expers fuit. quo praesidio Ferdinandus caruit, nullo literarum cultu in minori aetate: cognoscendis tamen ex historia maiorum gestis, & literatorum hominum colloquiis animum oblectabat. Quo die natus est Ferdinandus (sic affirmatum inuenio) Neapoli quidam e Carmelitano ordine vir sanctus, Alfonso Regi. Hodie, inquit, in Hispania citeriore puer tui generis est natus: cui celum noua imperia pollicetur, ingentes opes, felicitatemque, pio praeter ceteris, religionisque cultori, & amplificatori praecelaro. In tantis virtutibus quaedam vitia inesse propemodum necesse fuit: ut nihil est in rebus humanis syncerum. Sed auaritiam tamen, calamitas vestigalium excusare potuit: seueritatem, temporum morumque labes. Callido ingenio fuisse fidemque ex commodo nonnunquam mutasse externi auctores accusant, ex fide, an ex inuidia gentis non disputo. & solet hominum malitia virtutibus veris, vicina vitiorum nomina affingere: sicut e contrario fallunt, atque laudantur vitia, quae virtutes imitantur. Magnos sibi principes toto orbe Christiano affinitate deuinxit, Lusitanos, Austriacos, Anglos. Plures regias propinquitate complexus est, Ferdinandi Neapolitani patruelis, Annae Britannae, quae Galliae Regina fuit, tum Catharinae Vasconum Reginae auunculus maior. Id etiam in Ferdinandi actionibus accusatur: quod Catharinam & virum nullo consanguinitatis respectu, immensa imperandi ambitione, auito regno expulit in Galliam consequentibus annis. Sed species religionis praetenta facta est, & Romani Pontificis iussa: unde diuturni grauesque motus extiterunt. Henricus Labretus his Principibus natus, paternum regnum repetiit maiori conatu quam successu. Ex hoc & Margarita Francisci Regis Galliae sorore, Ioanna principatus haeres nata est, Antonio Borbonio Vindomienfi Duci coniux: eius Henrici mater, quem ducta Margarita trium Regum Galliae sorore Francisci, Caroli, Henrici, proximum affinitate, proximum sanguine per viros stemmate generis continuato, peruersae de religione opiniones, patriaque sacra repudiata, praecipitem agunt: aliis proceribus eum negantibus imperio Gallico idoneum videri, qui prauis de religione opinionibus infectus sit: successoremque alium nominandum esse affirmantibus, si Henricus Rex eius leuit sine prole decesserit. Eam controuersiam tempus Marte arbitro diiudicabit. Ipse portu occupato sub finem laborum vela traham: & longae festinem scriptioni finem facere. Obiit a Regibus, atque lustrata vrbe Granata, Mauri sub Christianum imperium superis auctoribus, auspiciato, in aeternum, ea in Hispaniae parte concesserunt, salutis anno millesimo quadringentesimo nonagesimo secundo, octauo Id. 1492 Ianuarii: qui dies Veneris fuit, anni Arabum octingentesimi nonagesimi septimi, mensis Rabih Haraba, dies octauus. Pius omnibus, ut Magorum memoria sacer veteri instituto celebrisque, ita recenti victoria vniuersae Hispaniae salutaris, faustusque illuxit: cum sublata euerisque impietate, superior gentis ignominia depulsa est: Hispaniaeque pars non exigua in formam prouinciae redacta magistratus legesque accepit. Letitiae particeps reliquus orbis fuit. Literae ad Innocentium Pont. Max. Regesque datae: ac missi qui gaudium ingens nunciarent. Confectum Mauricum bellum, caesos, domitosque hostes, impositum Granatae iugum, vrbiquondam nostrorum spoliis extructae superbiaeque: ac Christo redditum tandem vniuersae Hispaniae imperium. Eo nuncio vrbes & prouinciae finitimae, longinquae, dies festos agitare: ludos & spectacula instituere. Omne genus, aetas, ordo, conditio, templa adire, ad aras procumbere, vota persolvere. Romam pace ante triduum Pontificem inter & Neapolitanos Principes facta, laetam Ioannes Strada a Ferdinando nuncius ex Hispania, ipsis Kalend. Februarii noua ea laetitia cumulauit. Supplicatione ad D. Iacobi Hispanorum aedem decreta habitaque Regum & Hispaniae laudes praconiis haud immeritis accommodata temporis oratione celebratae sunt.



IO. MARIANÆ HISPANI,  
E SOCIETATE IESV,  
HISTORIÆ DE REBVS  
HISPANIÆ,  
LIBER XXVI.

*Iudei ex Hispania pulsi.*

CAPVT I.



CONFECTO Granatensi bello, Hispaniæ totius gloria fructuque maximo. conuulsoque in ea Maurico imperio tandem: quod multis sæculis steterat altis nixum fundamentis: 10  
Ferdinandus & Isabella reges ad noua, & illustriora bella, conatusque retulerunt animos. Generosi principes & nunquam cessantes, qui dies noctesque nil cogitabant aliud, quam ad exitum qua ratione perducerent ea consilia, quæ pro pietate & vera religione susceperat præclare: & qua via exasperant ad laudem & immortalitatem nominis peruenirent. Neque verum erat pace Hispaniæ & felicitate fundata in medio ætatis cursu conquiescere, vitæ se mollis iucunditatibus dare: ac ne pati quidem, nobiles milites, quos superioribus bellis magno numero parauerant militiæ claros & fide maxime insignes, otio & voluptatibus, qui fructus victoriæ est, in patria & umbra marcescere: sed quando in Hispania nulli hostes supererant, nulla laudis bellicæ materia, procul eos ad nouas spes tentandas amandare, longinquas subiugare nationes: ut in præsentī accidit, quo prouentu dicere non est necesse: res ipsa indicat. Ab eo enim tempore eoque aditu nomen Hispanorum eatenus ignobile, certe angustis Hispaniæ finibus inclusum, breuissimo deinceps tempore non modo Italiam, Galliam, Africamque cursu victoriarum maximo peruasit, sed ad extremos orbis terrarum fines peruenit ultra solis vias & ipsius Oceani limites. Magna rerum moles incumbit humeris, grauiusque onus quam imbecillæ nostri ingenii vires sustinere possint: pelagus immensum, quo tranando par esse quis audeat? Itaque, quod sum initio præfatus huius operis in Granatensi bello resistere, neque ultra procedere de- 30  
liberatum erat. Nimirum suo se quemque pede metiri neque maiora viribus conari æquum est: præter alia incommoda quæ eo loco sunt à nobis indicata. Verum ab ea sententia ut tantisper deflecterem amici fecerunt viri eruditione præstantes conuitio historiam mutilam relinqui accusantes earum rerum explicatione sublata, ad quas lector festinare solet, minori veterum cura. Porro quæ proximis annis ab Hispanis gesta sunt propter amplitudinem rerum & gloriâ quibus iacta sunt fundamenta eius imperii, quod hodie tenet Hispania latissimum, magnam operi gratiam à fine pulcherrimo allatura contendeant scilicet. Quod negligendum præceptum non erat: sed curandum potius, ut extrema narrationis pars, quasi postremus actus fabulæ, multo quam cætera elegantior, illustriorque esset. Hæc illi afferebant viri prudentes & graues. Quid facerem? quod con- 40  
siliū captarem potissimum? Repugnare nihilominus? cautus essem: idem ne præfractus viderer & durus cauendum erat. Obtemperarem amicis monentibus? modestiæ fortassis laudem tenerem: sed ne inconstantia vitium incurrerem, metus suberat. Quid ergo? morem eatenus gerendum duxi, ut recēriori nihilominus memoria deuitata, proximis modo annis gesta explicarem. Sic enim sine aliqua offensione cogitabam commemorari potique in extrema historia posse ea: quæ amplitudine & gloria longe superant quæcunq; ab omni memoria à nostra gente gesta sunt: ac nescio an ab vlla vnquam natione tā breui spatio res æque illustres sint perfectæ, finesque adeo imperii & famæ prolati tantopere. Verum priusquam iis rebus explicandis stilum applicamus, meminisse operæpretium erit quod alio loco dictum est: Francisco Britanno Duci nupsisse annis superioribus Margaritam filiam Eleonoræ, quæ Regina Vasconum fuit, soror Ferdinandi Regis. Ex eo con- iugio



iugio Anna & Isabella natae sunt, nulla proles mascula. Harum virginum nuptias multi principes ambiebant, pari contentione successu vario. Annae imprimis in paternas opes ob ætatis prærogatiuam successuræ. In ea contentione Carolus octauus Gallia rex riuales alios facile superabat opibus maior propinquiore principatu: præter alias necessitudines, quæ cum Armoricis Britannis erant, quippe Gallia Regum beneficiariis. Tametsi & ipsi Gallo Regi à superioribus annis Margarita pacta erat Maximiliani Regis Romanorum filia: & is Princeps post Mariae vxoris obitum cælibe toro, sibi Annam Britanni filiam iungere cupiebat pactis adeo puellæ patre concedente sponsalibus. Verum Gallo neque vires deerant neque artes ad præoccupandum aliorum Principum conatus. Religionis atque honesti exigua cura, quoniam de proferendo imperio agebatur. Sumit in Britannum arma, quasi Gallos proceres ad se confugientes tegetet: ac nominatim accusabat, quod Ludouicum Aurelianensem ducem sororium suum Ioanna vxore, Galli sorore iuniore, à se alienatum ditione tectoque accepisset. Magnum videlicet crimen amittinum texisse. Carolo enim Aurelianensis, Britannus Caroli sorore Margarita nati erant. Verum filia nuptias extorquere ea simulata specie satagebat. In eo discrimine Britannus ad Angliæ Germaniæque opem supplex confugit. Ac in primis Alanum Labretum, Vasconum Regis patrem & ipsi spe facta eius coniugii à multis tantopere expetiti in Hispaniam legauit: qui superiori tempore Ferdinando Rege Valentia conuento, ab eo impetrauit ut classe ad Sebastiani fanum in extrema Cantabria instructa auxilia in Britanniam mitteret. Classis ductor designatus Ioannes Gralla natione Catalaunus inferre, & explorare gustu epulas regias solitus. Inter Gallos Britannosque varia extitere certamina, quæ figillatim recensere operæ non est. Ad Albini fanum tandem iusto prælio est dimicatum. Vicere Galli. Labretus fuga euasit. Aurelianensis Grallaque capti: tum Ioannes Auraneus princeps, qui Catharina sorore Britanninatus auunculi in eo bello partes est secutus. Vix dimidia pars Britanni exercitus superfuit: è Gallis mille ducenti cecidere nihilominus. Pugnatum est mense Augusto eius seculi anno duodenonagesimo. Post eam victoriam in fœdus itum est. Gallus captiuus dedit libertatem quamuis non vno tempore omnib. neque vna de causa. Britannus nisi consensu Galli Regis filias nuptui non daturum recepit. Id præstitit proximo anno sublatus morte. Filiarum tutelam Britanniæ Marescalo, quem imprimis fidum erat expertus, moriens commendauit, ad Labreti nuptias propenso ante fœdus cum Gallo ictum pactas. Restitere Dunensis & Britannia Cancellarius ei coniugio: ante omnes Auraneus qui propinquitate fretus virgines sorores in suam redegit potestatem earum nuptias sui arbitrii factururus. Vnde noui motus extitere. Marescalus, Angliæ opem implorauit, Auraneus Ferdinandi Regis. Vtrinque missæ sunt militares manus: ac ex Hispania mille equites duce Petro Sarmiento Salinarum Comite initio anni M cccxc in Britanniam appulere. Hispanica auxilia Britanni plerique habuere suspecta. Scilicet nationis odio, veritque ne verbo pro illis, re pro seipsis pugnaret. Sic parum profectum est. Princeps ipsa accersa ab aliis ad Regem Romanorum erat propensa: idque iniri coniugium decretum est. Sic Labretus ea spe depulsus: ac ne Isabellæ minoris Britanni filia cum filio suo item minori, de quo etiam actum erat, coniugium sperans per hoc ipsum tempus vita functæ, dolore repulsæ facile ad Gallos animum retulit. Nannetes, quæ vrbs Britannia caput in potestate erat, transitionis pignus dedit equitum magisterio illectus maxime, qui honos in Gallia præcipuus & maximus mutatæ fidei pretium offerebatur. Ab eo aditu cætera procliuia Gallo fuere: Ferdinandus etiâ rex copias suas euocauit specie quasi parum proficeretur ob alienatos provincialiû animos, re quoniam in spem venerat Ruscinonenses & Ceretanos recipiendi. Sic Galli reddituros se pollicebantur, in eo Ludouici vndecimi Regis Galli secuti voluntatem. Is enim sub mortem conscientia victus, & Fracisci de Paula Minimorum conditoris monitis castigatus, quem ab extrema Italia acciuerat salutis à medicis desperatæ tutelarem, Lumbensi Episcopo & Dunensi Comiti Perpiniani restituendæ negotium dederat. Verum Rege interea defuncto ab itinere re infecta reuocati sunt ab iis qui ad Gallia gubernacula patre defuncto, Rege pupillo sedebant. Hispanorum qui in Britannia erant, discessu Gallus maximam eius principatus partem armis præsidiiisque occupauit. Anna eius soror natu maior Borbonii vxor pro ea potestate qua res omnes in Gallia ad nutum moderabatur, ut spretis nuptiis Margaritæ ob maturam ætatem, Annam Britannam duceret auctor fratri extitit. Hoc coniugio nobilis principatus ad reliquam ditionem adiunctus, opesque & vires eius gentis magnum incrementum accepere. Prorsus ut Galli pacatis eius regni motibus, de Italia subinde cogitare cæperint. In Hispania Ferdinandus & Isabella Reges bello Maurico exempti, quam primum de pellendis vniuersa ditione Iudæis, quæ alia pestis supererat, inter se consulta-



bant. Eo consilio Granatę, vbi morabatur, mēse Martio salutis an. M ccccxcxi per edictū voce præconis denunciarunt, Iudæi omnes, nisi mutarent, vti ex omni ditione discederent. Parando exilio quatuor menses dati sunt, cum facultate eo spatio vendendi bona secumue, quo vellent asportandi. Id edictum noua Thomæ Turrecrematę Inquisitoris sanctione amplius est astrictum mense Aprili piis omnibus vetantis cum ea gente commercium: grauique supplicio sancientis si quis eo decurso tempore victu aut re alia quam eos homines iuuaret. Sic innumera Iudæorum multitudo mari ex Hispania soluentes, tum Africam, Italiam & orientis solis oras tenuerunt: vbi in hunc diem patriam Hispanorum linguam mordicus retinent: tum plerique in Portugaliā vicinā abiēre. Fecit eo migrandi potestatem Ioannes eo nomine secundus Portugalię Rex ea tamen lege, vt per capita octonos aureos singuli penderent hospitii pretium: atque intra certum tempus rursus ex iis finibus commigrarent, captiuitatis pœna proposita iis qui secus fecissent. Itaque multi in seruos eo transacto tempore dati sunt: quos omnes tamen Emanuel Ioannis successor, cum primum regni infulas suscepit, mitiori censura reddidit liberati. Iudæorum multitudinem, qui ex Hispania discesserunt, ad certum numerum reuocare promptum non est. Plerique scriptores centum & septuaginta familiarum millia abisse confirmant: quidam ad octingenta millia capita peruenisse ait. Ingens numerus, ac vix fidem facturū. Sed vnde tamen multis occasio extitit hoc decretum accusandi gentem copiosam, & quę omnes vias pecunię nouerant amouere, à prudentia Ferdinandi alienum existimantibus. Magno vtique compendio fructuque earum prouinciarum, ad quas copiatum Hispanię magnam partem, aurum, argentum, gemmas, vestemque pretiosam secum detulere. Multi ex eo numero, ne patria carerent, Christo dedere nomina, pars synceris animis: alii simulata pietate temporis seruientes breui ad ingenium fraudes & mendacia redierunt.

*Alexandri Sexti Pontificis electio.*

## CAPVT II.

**I**Nterea Romę Innocentius Pontifex decessit ad octauum Kalendas Augusti. Patres conclauis, vbi comitia haberentur, custodiam cum aliis Ferdinandi Hispani Regis legatis credidere. ii erant duo episcopi Asturicensis, atque Pacis Augustę. Ignotus ille, hic Bernardinus Caruaialius ab his initiis maiorem famam quam laudem olim consecutus. Die proximo in suffragia designando successore conuenere, diuisi studiis bifariam pertinaci inter se certamine. Pars Iuliano Rouereo adhærebat ingentis ingenii Cardinali, si minus sibi pontificatum obtineret, in Georgium Acoſtam Portugalię Cardinalem propensius haud obscure. Alii Ascanium Sfortiam Ducis Mediolanensis fratrem, & Rodericum Borgiam Vicecancellarium sequebantur diuitiis & amplitudine senatus facile principes. Qui plura largiri poterat, turpi, vt fama tulit, ambitu victor in ea contentione. Borgia pontificatum adeptus bonis malis rationibus Alexandri sexti nomen desumpsit. Multum illi Ascanii tum diligentia tura gratia & auctoritas contulit ad conciliandas collegii voluntates: eoque merito, vt merces operę esset, Vicecancellarius continuo S. R. E. est designatus. Primo dein Patrum conuentu Ioannem Borgiam Archiepiscopum Montis regalis nouus Pontifex ex sorore natum donauit purpura. Ex inuidia odioque nationis multa afficta Alexandro Pontifici crimina suspicabamur: maiora certe vero atrocioraq; prædicatione hominum esse facta. Et est vulgus ad deteriora credulitate pronum. Natus est in Hispania vrbe Valentia, pater Gotifredus Lenzolius, mater Isabella Borgia. Renunciata Calixti auunculi electione, ad non dubiam purpurę spem continuo Romam iunior aduolauit. Cardinalis factus tum alia intemperantia scœdus extitit, tum iustę propemodum vxoris loco & cultu habuit Zanoziam Romanam puellam: ex qua quatuor filios genuit: Petrum Ludouicum natu maximum, Cęsarem, Ioannem, Gotifredum, filiam vnā nomine Lucretiam. Petrum Gandię Ducem fecit auro redemptę, vsque adeo erat locuples. thesauros ab auunculo Pontifice relictos opimis ipse sacerdotiorum vectigalib. auxerat. Defuncto maiori filio antequam ipse esset Pontifex prætermissoque Cæsare, vnde illi irarum causę, Ioannem in eo principatu substituit: deditque coniugem Mariam Aragoniam Alfonsi secundi Neapolitani Regis filiam notham. Vnde natus est Ioannes Francisci pater, eius quem abdicato paterno & auito principatu nostri ordinis socium deinde Præpositum generalem vidimus, præcipuum nostrę ætatis miraculum. Incidit Alexandri Pontificis electio in tertium Idus Augusti: diadema capiti imposuit septimo Kalendas Septembris. Quo die Valentiam patriam metropolitano iure paulo ante donatam esse, nouo ipse diplomate ratum habuit: simul eius ecclesię Archiepiscopum Cæsarem filium suum



suum dixit relicto illi etiam Pompelonenſi Episcopatu, famæ personæque quam gerebat, nulla cura. Proximo anno duodecimo kalendas Octobris eundē in Cardinaliū collegiū cooptauit, quasi Dominici Ariniani cui Zanozia nupta erat, iustum filiū. Impotens est animus, quem ingens cupiditas deuouit, vecordia vitibus armata neque pudore mouetur, neque veritatis conscientia. legibus, vt ita crederetur, cautum multorum ad gratiam loquentium testimonia confirmarunt. Contra hiscere nemo Rotæ iudicum, nemo Cardinalium, cum quibus rem communicauit, ausus est. Tantam improbitatem tam perditos eius seculi mores ingemuisse orbem Christianum arbitrōr. Hinc vero proxima mala quibus premimur: Gotifredus minimus nati Alexandri filius, ab Alfonso Neapolitano Rege annis consequentibus Squilatii principatu in extrema Italiæ ora donatus est. vxor Sanctia eius Regis filia sed ex obscura matre. Lucretia Pisauriensi regulo primū deinde Alfonso Aragonio Viselis duci eius Alfonso Regis filio ex impari etiā matre nupsit. Atque hoc à Cæsare leuiro qui abdicata purpura, Dux Valentinus vocabatur immaniter interfecto, postremo coniux data est Alfonso Atestino Herculis Ducis Ferrariensis filio maiori. Hoc Pontifice quatuordecim Hispani Cardinales in senatum lecti sunt: in hoc numero Bernardinus Carualius ardenti atque inquieto ingenio vir Asturicensis prius deinceps Pacensis, Carthaginensis, Seguntinus ac Placētinus in Hispania Episcopus. Hæc initia quanta consequentur mala? Mouebantur Vascones nunquam plane quieti. Hinc Ioannis Narbonensis Vicecomitis arma premebant: inde Lerini comitis conatus solici-

20 tabant suis semper regibus infensi. Fortuna eorum Principum contemtui erat homini factioso & regia Aragoniæ affinitate superbo. Narbonensis quidem iniuriam sibi factam ex postulabat Francisco & Catharina Gastonis fratris filiis in regni eius successione deinceps prælatis: cum Gastone defuncto superstite Cleonora matre ad se qui matri propinquior quam nepotes erat, successionis ius pertinere disputaret. Lis hæc sæpe exagitata, neque vnquam satis composita recurret tamen. Lerini Comes Pompelone pridem in potestatem redacta vrbe primaria, Olitem recens aliasq; arces occupare non desisteat. Miserabilis rerum facies, fæda malorum colluuiēs. Ad Ferdinandum Regem Hispanum consensu decursum: vt pro ea necessitudine quæ illi cum iis regibus eaque gente erat, sua auctoritate & arbitrio eas controuersias componeret. Ille in Vicecomitis Narbonen-

30 sis causa, se Regibus non defuturum indicauit quasi potioribus iure, neque passurum vt iniuria auito regno pellerentur à patruo. Ea tunc mens fuit. Eo responso Narbonensis haudquaquam quieuit. Correptis armis in Fuxensem principatum inuasit: vbi aliquot oppidis captis, simul lite contestata Parisiensium iudicum opem implorabat, quoniam is principatus in parte Galliæ positus, Galli Regis in fide ditioneque erat. Verum fædere inter dissidentes tandem facto, tunc quidem ea cōtrouersia finem habuit rursus eruptura. De Lerini Comite consensu eorum principum sanxit Ferdinandus rex, vt quæ per vim occupabat ac Olitē nominatim restitueret. Simul Vasconum finibus perpetuo abiret cum vxore (quamuis Ferdinandi ea soror erat) & filiis Ludouico & Ferdinando. Officiū in Baſteranis data Marchionis nomine exilii solamen, amissæ patriæ nonnulla compensatio: præter alia quæ in posterum sunt promissa. Quæ omnia ad eos Reges promerendos gentisque motus pacandos expectabant. Verum anno proximo hæc conditiones agitata, non ante tertium post annum finem habuere. Ad intermissa redeat oratio.

*Nauigatio ad Indos occiduos inchoatur. CAP. III.*

ORBem terræ vniuersum tres in partes antiqui diuiserunt. inuentæ demum auorum ætate nouæ nationes, terrarum tractus immensi quartam adiacere: quæ reliquis omnibus magnitudine ferme par noui orbis nomen inuenit, ad quem nullæ antiquorum litteræ nulla penetrarunt arma. Rem plane mirabilem, maioribus denegatam laudem, nostris hominibus nostroque seculo seruatam, qua nihil ab omni memoria contigit in Hispania, neque ad dignitatem honestius, neque ad celebritatem illustrius, neque fructu vberiori. Id qua ratione contigerit, & quibus opibus & industria ad Indos occiduos maris Atlantici fluctibus superatis fuerit peruentum, explicandum est. Nauis quædam in Africæ commercio occupata superioribus annis, ventorum violentia, abrepta ad ignotas terras & littora appulit. In reditu vectoribus & nautis fame extinctis, Nauarchus cū tribus aut quatuor sociis Maderam insulam, quæ in ditione Lusitanorum erat, tandem tenuit mortuo quam spiranti similior. Agebat forte in ea insula Christophorus Columbus natione Ligur (nam & vxorem in Lusitania duxerat) ingentis animi vir, singulari industria, quod erat præcipuum rei nauticæ imprimis peritus. Excepit is hospitio Nau-



archum: qui longinquæ navigationis laboribus fracto corpore, breui extinctus com-  
mentaria quæ de tota navigatione confecerat, Columbo reliquit. Quæ si vera causa fuit:  
siue ex Astronomica disciplina, aut à quodam Marco Polo medico Florentino edoctus  
statuit quasi rem minime dubiam, trans noti orbis terminos etiam ad occidentem so-  
lem, magna terrarum spatia patere, nouas & incognitas gentes habitare lingua, moribus,  
superstitionibus dissonas. Hanc sui animi cogitationem cum Lusitano Rege primum,  
deinde cum Henrico septimo Angliæ Rege communicauit. Somnia utriusque affer-  
re visus est. Auctoris humilitas contemnebatur, ut maxime probabilia afferret. Repul-  
sus tamen non destitit non quicuit. Quin ad Ferdinandum Regem Hispanum se con-  
tulit, & cum nihilo magis audiretur septennii patientia perucit tandem, quo tempore Gra- 10  
nata de Mauris capta est, ut tres naues regiis sumptibus instructæ eo duce experirentur  
an promissis responderent facta. Decem & septem millia aurei mutuo sumpti, propter  
inopiam ærarii bello Granatensi exhausti tantæ molitioni initium præbuere. Sic solent  
ex paruis momenta maximarum rerum pendere. Instructis Columbus nauibus ad Pa-  
los Baticæ portum in Oceanum Atlanticum egressus tertio nonas Augusti passis velis  
Canarias primum insulas petiit. Inde in occasum directis prioris superatisque vasti pela-  
gi fluctibus, cum quibus non maior illi lucta fuit quam cum sociorum contumacia &  
desperatione conuitio efflagitantium temerario ut incepto absisteret: neque eos in cer-  
tum exitum raperet: tandem de mense Octobri insulas plures inuenit ad eius regionis  
spatiosa littora quam Floridam deinde dixere. Ea & insulas Lucaias ab incolis nuncu- 20  
patas, ipse in Regis gratiam Principis dici voluit. Dum terræ eius conditionem & diuitias  
explorat, atque agrestes ferosque hominum mores cicurare contendit, aliquandiu in il-  
lis insulis moratus, deinde extructa arce in qua triginta octo è sociis reliquit. Diegho  
Arana duce, decemque ex incolis in naues impositis rediit in Hispaniam confectæ nauig-  
ationis nuncius lætissimus, auri & copiarum, quas ea terra fundit secum deferens spe-  
cimen, atque primitias. Prouocauit is successus tum Reges tum prouinciales, ut maiori  
studio in eam nauigationem incumbetent. Itaque Columbus repetitis nauigationibus  
plures alias insulas, in his Hispaniolam & Cubam spatiis præ cæteris latiores, magnam-  
que continentis partem explorauit, eius quod à freto Magellanico ad Boiadoris pro-  
montorium, immenso marium & littorum tractu ab Antartica ad Arcticam plagam 30  
excurrit ultra quinque millia leucarum legentibus littora. Ad medium quidem spatium  
sinuosa ea littora & exesa efficiunt, ut à portu Nominis Dei, qui ad mare nostrum est, vs-  
que ad Panamam aduerso atque Austrico mari adiacentem urbem, vix decem & octo  
leucas conficiant, quibus ea iter est. Utriusque maris litora ad septentrionem longissi-  
mo tractu nostrorum diligentia sunt explorata: neque hætenus tamen cognitum, an  
occidui Indi cum orientalibus sint coniuncti: an vero supra Cataium Sinarum portum,  
supraque Cipangrim aut Iaponem dirimantur freto aliquo. Obiit Columbus post annos  
quatuordecim vir immortalis gloria, æterno præconio prædicandus. Viuo & mortuo ho-  
nores habiti, minor meritis gratia (neque enim par merces esse poterat) dux quamuis  
Beraguæ præfectus maris Indici fuerit constitutus. Nouis alii nauigationibus tum Co- 40  
lumbo superstite, tum maxime defuncto, eius imitatione varias insulas & littora aperue-  
runt ad oceanum: singula recensere longum esset. Sed in hoc numero tamen Americus  
Vespucius Florentinus Emanuelis Lusitani Regis auspiciis anno primum M. D. Bresili-  
am vniuersam explorauit partem haud dubium noui orbis. Tametsi inuentæ Bresiliæ  
laudem historici Lusitani ad Petrum Aluarum Capralem ablegant, uti alio loco explica-  
bimus. Post littora omnia ad mare nostrum decursa Vascus Nunnius Balboa Pacis Au-  
gustæ ciuis magnorum spirituum vir apprime pugnax, constans aduersus metus Isthmū,  
qui castigatis immensum ab utraque parte littoribus à portu Nominis Dei ad Panamam  
pertinet, primus nostrorū aperuit: mareq; Antarticum inuenit anno M. D. xlii. magna  
nostre gentis gloria fructuque. Ex Columbi & Americi nauigationibus Castellæ & Lu- 50  
sitaniæ regibus ortalis est. Contendebat Lusitanus ignoti orbis explorationē venia Pon-  
tificum Romanorum, ac nominatim Eugenii quarti ad ipsum vniuersam pertinere. Quid  
Castellæ rex in alieni iuris prouincias inuaderet: Quid nouo conatu alieni laboris & in-  
dustriæ fructū occuparet: Ille contra Alexandri Sexti diplomate causam tuebatur anno  
M. ccccxciii. cōcedentis, ut linea cogitatione descripta per utrumq; cæli cardinē cen-  
tum omnino leucas ultra insulas Hesperides, quæ ad viride promontorium iacent, quid-  
quid terrarum ad solis occasum inueniretur, ipsi cederet, cætera Lusitano relinqueretur:  
quod aliquanto post nouo diplomate correxit, additis ad centum leucas priores aliis  
trecentis & septuaginta, ut Bresilia recens reperta intra fines Lusitaniæ conquisitionis  
com-



comprehenderetur. Oforius in Emanuelis Regis ultra Olisiponis meridianum triginta sex gradus ad occasum lineam cogitatione descriptam affirmat. Omnino ex ea concordia, eaque pactione lis noua nata est apta nexaque ex priori. Malucas insulas, vnde aromata aduehunt, Castellani contendebant, intra eam orbis partem comprehendi, quæ ipsi est à Pontifice attributa. Negabant Lusitani, & per lunæ deliquia, quæ vna ratio est terræ longitudinis dimetiendæ, obseruatum aiunt, Indi fluminis ostium Olisipone distare nonaginta non amplius gradibus: inde ad meridianum qui per extremas Molucas mente designatur, duos & quadraginta gradus absolui: cui summæ si adiiciantur triginta sex gradus, qui Olisipone versus occasum numerantur, vnde ea nauigatio inchoatur, nondum subducta ratione peruenietur ad centum octoginta partes è trecentis sexaginta, in quas terrarum longitudo vniuersa vulgo tribuitur. Illud constat Ferdinandum Magalianem natione Lusitanum à Rege suo alienatum quod diu in India orientali versatus & multis stipendiis factis Alfonso Alburquerqueo Prætorè paria meritis non accepisset præmia, post mortem Ferdinandi Regis catholici, Carolo eius nepoti persuasisse, Castellæ naues directis inter occasum & meridiem proris posse nouo itinere ad Malucas insulas peruenire. Opem monitis addit: datisque quinque nauibus Hispali soluit salutis anno M.D.XIX. Canarias primū insulas non deuias, tum Brasiliam petit: emensisque iis littoribus ad gradum tertium & quinquagesimum ultra mediam cæli plagam fretum inuenit, quod de eius nomine Magellanicum est dictum. In aditu eius freti naus vna ad scopulos fracta est: altera rædio nauigationis obscure noctis tenebris tecta Hispalim rediit. Transmisso freto post multorum dierum nauigationem per mare vastissimum ad Subum tandem insulam excensione facta ducem & socios aliquot, barbari specie amicitiae fallaces conuiuio exceptos perfide peremerunt. Eorum cæde quoniam in tres naues neque nautæ neque vela sufficebant, incensa vna naui, qui supererant, ad Molucas tandem non longe distitas peruenierunt. Noua ibi laborum facies, noua discrimina. Ad Tidorem tamen vnam ex iis insulis aromata in naues imponunt petitum ex iis locis specimen. Atque è duabus nauibus vna amissa, quoniam sentina aquam accipiebat, quæ reliqua erat, diuerso itinere superato Bonæ spei promontorio post multa & varia discrimina Hispalim peruenit tertio anno postquam inde discesserat. Naus Victoria Nauarchus Ioannes Sebastianus Canus Cantaber, Guetaria patria, animi constantia & inaudita felicitate promeritus, vt nomen ipsius æternitati consecratur. Tentarunt alii consequentibus annis semel iterum, & tertio ea nauigatione ad Molucas penetrare: sed quoniam fructus labori & impensæ non respondebat, tandem destiterunt. Ac Ioannes tertius Lusitaniæ Rex Carolo Cæsari trecenta quinquaginta millia aureos mutua dedit ea lege, vt à commercio Malucarum tandiu ipse & posterì abstinerent, donec ea summa cum fide reddita esset, litem pecunia diremit. Hoc tempore ea controuersia penitus sedata est, vniuersa Hispania ad vnius potestatem ditionemque reuocata. Ultra Isthmum noui orbis ad mare Australe noua Hispania ad dextram iacet latissimis fusa spatiis, vrbsque Messicana regionis caput in palude sua humilibus cæcisque circa vadis. In ea & finitimis regionibus late imperabat Motezuma, quem Ferdināus Cortesiū anno M. D. x x. intra suum palatium viuum cepit. Eo tamen per imprudentiam ictu lapidis à suis occiso, quos tumultuantes atque in nostros exitium parantes è fenestra prolato capite pacare volebat: pulsi prius vrbe Hispani, deinde relictis viribus reuersi vicere aduersarios. Sic latissimæ illę prouincię Carolo Cæsari cesserunt. Cortesius tanto subiungato imperio immortalē sibi laudem peperit, posteris opimum principatum Valleis Marchionibus. Ad Isthmi læuam Franciscus Pizarrus anno M.D.XXV. Peruam inuenit, & sexto post anno capto occisoq; Atabalipa eius prouinciæ imperatore, vniuersam eiusdem Caroli Cæsaris subegit imperio, omnium, quæ repertæ sunt, venis auri & argenti beatissimam gentem, si sua nosset commoda, adeo vt domesticum omne instrumentum ollæ & caldaria & lebetes ex auro & argento conflarent. Ingens miraculum. Prædam, quam credi possit, maiorem Pizarrus cum Almagro præcipuo eius expeditionis socio non optima fide diuisit. Vnde irarum causæ & cædes mutue. Sed singulis tamen gregariis militibus ex ea præda supra nouem aureorum millia obuenerunt, quantæ spolia satis constabat nunquam ab vlla memoria, vllaue gente relata. Ii milites trecenti circiter supra centum millia indigenas commisso prælio vicerunt gentem inermem & imbellem, scilicet fudes tantum & sagittas ferentem nullo præfixas ferro. Ex copia insolentia nata superbiaque opulentię comes. Ferdinandus Francisci frater Almagrum palam hostilia molientem vi adacta peremit. Almagri ex impari Indicaque matre filius Dieghus in Francisci Pizarri ædes dato impetu eius sanguine perempti patris man-



bus parentauit. Hunc alter Francisci frater Gonsaluus adiutore Vaccacastrio regio deinde inde Prætoris interfecit: & successu ac copiis elatus postea superbia, à regia auctoritate palam defecit. Verum suis & multorum opibus præualidum, tam procul ab Hispania vi opprimere difficile erat. Ad artes conuerso ingenio Petrus Gasca sacerdos ad eos motus pacandos missus à Carolo Imperatore in toga vicit rebelles: easque regiones motusque sumpto de præcipuis factionis capitibus supplicio pacauit. Reuersus in Hispaniam Palentino primum deinde Seguntino Episcopatu donatus ad ultimam processit ætatem maiori industriæ & integritatis fama, quam opibus. Ferdinandus Pizarus è tribus fratribus diu superstes in Hispania, quo vltro venerat Almagari eadem excusatum, causam è vinculis dicere multis annis est coactus. Sic ira celestis occisi crudeliter Atabalipæ innocentis manes vltæ, ac per omnes domos aduersariorum vagata, nullo innoxio relicto breui tempore pœnas à singulis improbæ cupiditatis & cædis iniuste habuit.

*Ruscinonenses & Ceretani Regi Aragonio restituti.* CAPVT IIII.

**A**Rdebat Carolus octauus Rex Galliarum incredibili cupiditate Neapolitanum regnum armis occupandi suorum consiliis propter ætatem imbecillitatemque obnoxius. Ad vetera iura, quæ certissima existimabat, nouæ causæ nouæque commoditates accedebant. Vires opesque ad perficiendum, quæ versabat animo, deesse non poterant florentissimum regnum possidenti viris armisque præualidum. Hæc cogitanti Regis Romanorum ira opponebatur ad priores offensiones intercepta recens sponsa Britanna, repudiataque Margarita filia denuo irritati. Simul ne à tergo eo in bello longinquo districto aliquid Rex Aragonius moueret, verendum erat patrocínio Neapolitanorum suscepto pro ea necessitudine quæ illi cum iis erat sanguine iunctis: proque studio Ruscinonenses & Ceretanos, de quibus lis erat, ad veterem ditionem reuocandi. Ergo de Aragonio conciliando in fœdusque attrahendo primum actum est. Constitutum ut delecti ab utroque Principe viri primarii ad fines vtriusque ditionis conuenientes de pacis conditionibus serio consultarent. Regi Gallo præ studio expeditionem Italicam maturandi omnis mora longa erat: & quacunque ratione pacisci, statutum cum animo ac deliberatum habebat. Ferdinandus & Isabella Reges ne occasione deessem, quæ momento temporis præteruolat festina & præceps, relicto Granatæ Eneco Mendoza Tendillie Comite, quem Alhambræ arcis præfuerat, bello ea parte ducem, in Aragoniam festinare constituunt. Eo consilio Iunii mensis initio in viam se dant. Sequebantur filius & princeps & filie, splendidus procerum numerus. Borgiam ventum ad confines Vasconum & Aragoniæ: quo urbium societates ante aliquot annos ad prohibenda scelera institutas venire iusserat gesta reipublice rationem reddituras. Eo conuentu soluto Cæsaraugustam festinatum est. In ea vrbe, ne urbani magistratus ciuium suffragio, uti facere consueuerant, sed nominatione Regis deinde legerentur nouo decreto cautum, quod non diu stetit. Antiquis homines stare malunt, ut maxime vsus manifeste arguat quam nouis institutis, præsertim iis quibus ius libertatis minui videtur. Barcinonem tandem mense Octobris est peruentum. In ea vrbe atrox facinus in Regem nihil minus cogitantem commissum est. Consueuerat singulis hebdomadis statim die publice omnibus se adeuntibus aures dare, vindicare iniuria oppressos. Ad septimum Idus Decembris die Veneris diutius solito in ea auditione moratum equo cænatione egredientem proditoris securum Ioannes Canamarius natione Catalaunica Remensæ natus nemine eorum, qui aderant, considerante propius accedens districto repente gladio securum sub aure vulnerauit. Atroci temeritate commoti aulici, conturbata ciuitas, pro eo ac par erat, de conscelerato homine quaestione tormentis habita cognouerunt, nullo auctore nullo socio tantum flagitium designasse. Sed furore percitum per quietem somniasse Rege interfecto fore successorem. Eare & quoniam leue vulnus fuit concepta animis molestia est mitigata. Neque tamen excusatio valuit, quo minus fanaticus homo exquisitis cruciatibus perimeretur. laniato occisoque corpori ignis à victimariis subiectus. Agebatur interim de fœderis inter duos Reges faciendi conditionibus. Conuenere ab utraque parte legati viri primarii pro Gallo Ludouicus Amboesa Albigenis Episcopus, pro Aragonio Ioannes Coloma, ipsi à commentariis. Ad Figueras oppidum in finibus Ruscinonensium & Emporitano-  
rum de conditionibus coram disceptatum est primum, deinde Narbone. In ea vrbe ad  
1493. quintum decimum kal. Februarii anno M.cccc.xciii. consensu hæ conditiones sancitæ sunt. Pax Regib. Gallo & Hispano esto fœdusque aduersus omnes principes vno excepto Pontifice Romano. Filias ne Ferdinandus rex cuiusque principi iungito nisi ex Galli regis voluntate  
Rusci-



Ruscinonenses & Ceretani ad Aragonium imperium ditionemque redeunto detractis inde præfidiis Gallicis. Eo beneficio habere sibi Gallus Hispanos obstrictos volebat: quod aliquot menses dilatum est priusquam ea redderetur oppida. In rebus magnis novæ identidem suboriuntur difficultates: ægreque homines imperii antiqua possessione decedunt. Supererat Maximilianus Rex Romanorum: cum quo post multas quidē difficultates fædus item est factum. Margarita filia restituta, quæ eatenus in Gallia erat, cum dote Artesiæ comitatu, certa que spe Burgundiæ etiam reddendæ, de quo principatu à Gallis per vim antea occupato maior lis erat, retractata sæpe neq; ad hanc diem composita. Hoc fædus ipso tempore sancitum est, quo Fridericus Cæsar grauis annis vix  
10 trahebat animā, ætate & laborib. fracto corpore ac nup. enato Carcinomate noxio; q. ne latius serperet, crus alterum est præcisum. Vim doloris senex sustinere non potuit. Subsecuta continuo mors est ad quartum decimum kalendas Septembris. Eius obitu imperium Romanum, alique defuncti auiti principatus in Maximilianum filium, vti opus erat, translati sunt iam Regem Romanorum cui Ludouicus Bari dux Ioannis Galeatii ducis Mediolanensis patruus illius sororem Blancam Mariam toro iungere parabat. Dotis nomine quadringenta aureorum millia oblata: ea vtrumque lege, vt pro ea auctoritate qua fungebatur, Mediolanensem principatum imperatorum beneficium ipsi donaret iure quoque optimo possidendum fruendumque. Immane facinus, diram dominandi cupiditatem: eo amplius quod summæ pactę vadem dedit Ioannem ipsum Gale-  
20 aciū, in quem ex machinationes comparabantur. Vnius hominis ambitio quantas procellas concitabit. Iniquissimæ pactiōis species erat: quod neque Franciscus Sfortia neque eius filius Galeacius vnquam eas tabulas ab imperatore impetrassent. Eoque cum principatum quasi legitimo possessore vacuum, & ad imperii ius reuocatum dari denuo pluris licitanti posset. In Aragonia & Catalaunis moram trahebat Ferdinandus quorsum euaderent Gallorum promissa expectans. Ita mense tandem Septembri Ruscinonenses & Ceretani restituti sunt Aragonio imperio, Gallicis præfidiis ex omnibus arcibus vt pacti erant, detractis. Quam liberalitatem omnes admirati sunt: Historici ac præsertim Gallici sine fine vituperant, dum maiora incerta spe captant, opimos principatus reliquisse, ac tandem amisisse vtraque ex euentu nimirum, vt vulgo fit, de consiliis Principum temere pronunciantes. Plerique Albigensem Episcopum auro Hispano corruptum sugillant vero an falso dicere non possum, confictum suspicabar.  
30

*Militarium ordinum magisteria Ferdinando Regi data.* CAP. V.

VNo tempore Ruscinonenses & Ceretani Aragonio imperio sunt redditi: & in aduersa extremaque Hispania Gadeis insula ad Castellæ Regum ditionem rediit angusta quidem spatii, agri tamen omni fertilitate feracis & amœni, commercio externarum gentium propter portus celeberrimi commoditatem frequens & copiosa cum primis. Henricus quartus Castellæ Rex qua in cæteris profusione eam Ioanni Pontio Leoni  
40 Arcobrigæ Comiti Marchionis Gaditani nomine dono dederat: quod posteri retractarent. Eo enim defuncto aliquot mensibus postquam Granata capta est, Roderico Pontio eius nepoti, qui in auitas opes successit, Regum iussu detracta est, & ad regiam ditionem restituta. Datum tamen oppidum Cafares in Africa, tum Comitis Arcobrigæ nomen ducis appellatione est mutatum, leuis vtraque ablatis eius principatus compensatio. Sed Regum imperium ferendum est quamuis graue. Illud sine inuidia, quod Palma insula vna è Fortunatis Alfonsi Luci virtute & ductu, Regum Castellæ auspiciis & sumptu domita subditaque est. Nihil tamen ad memoriā præclarius in hunc annum incidit ea mutatione, quæ in tribus sacris militaribus Castellæ ordinibus facta est. Multum  
50 ii milites iuuerāt Mauris ex vniuersa Hispania deturbādis impio imperio euertēdo, genere & factis nobilissimi, strenui, pugnaces. Confecto Granatensi bello, cū parū iam terroris ab hoste esset, pro gratia odiū redditū. Dolebant Reges ab eorū potestate Magistros eorū ordinum esse liberos, iis opibus eaque auctoritate vt Regibus formidabiles essent, tumultus & bella sæpe in prouincia concitarent. Ea species facta est prætenta, vera an conficta non disputamus. Certe in comitiis non lex & æquitas sæpe valebant: sed vis & ambitus. Itaque ab Innocentio octauo diploma est ablatum, quo sublati Magistris eorum ordinum administratio procuratioque omnis Regibus credebatur. Sic Garfia Padillia defuncto ante sex ferme annos Calatrauæ Magistro, eius locum Ferdinandus Rex occupauit nullo amplius militum suffragio, vti moris erat, Magistro substituto. Quod exemplum ad diui Iacobi ordinem manauit hoc anno Alfonso Cardena



eius militiæ magistro defuncto. Et ut finis esset, proximo anno à Ioanne Stunica Alcātara Magistro impetratum est, ut eum honorem in Regis gratiam Hispalensi Pontificatu mutaret. Accessit eidem post aliquot annos purpura Pontificis dono Regis auctoritate & gratia. Sic Regi tres illi ordines cesserunt ut dum vita maneret, eorum ditio-  
nem & opes ipse procuraret. Alexander Pontifex ad Innocentii veniam adiecit porro in ea administratione Reginam sociam cum iure succedendi, si quid viró humanitus contigisset. Postremo Hadrianus sextus in gratiam Caroli alumni, cui debebat pontificatum, ei & successoribus concessit lege perpetua ius præsentandi Episcopos Hispaniæ, qui ante ad eorum supplicationem precario à Pontificibus Romanis institu-  
ebantur. Et ut eos ordines in omne tempus ipsi administrarent, liberalitas quam nul-  
la posteritas taceat, cuncti admirentur, nemo retrectet. Ioannis Stunicæ iam Cardina-  
lis in familiam ascriptus fuit Antonius Nebriffensis immortalis laude vir, eique dictiona-  
rium Latino Hispanum nuncupavit, eruditione & ob restitutam in Hispaniam Lati-  
nam linguam barbarie profligata promeritus ut nomen eius Historiis Hispaniæ insera-  
tur; sed & multorum librorum editione: in quibus de belli Granatensi & Vasconum  
commentaria confecit atque reliquit, aliquanto quidem maiori diligentia & fide quam  
dictionis elegantia. Multis procerum funeribus hic annus insignis fuit. Decessere præ-  
ter Marchionem Gaditanum, & diui Iacobi Magistrum, Henricus Gusmanus Affido-  
niæ dux, Petrus Fernandus Velascus magister equitum in Castella. tum Petrus Henri-  
cus Beticæ Antelatus. successere filii parentibus Affidoniæ duci Ioannes Gusmanus,  
Magistro equitum Bernardinus Velascus: cui nupsit Ioanna Aragonia Ferdinandi Regis  
filia notha. Ex hoc coniugio nulla mascula proles sed filia tantum Iuliana nomine susce-  
pta est, de qua rursus mentio redibit.

*Belli Neapolitani causa.*

CAPUT VI.

Quiescebat Italia viris, opibus & fama florens. Italis Principibus inter se & cum libe-  
ris ciuitatibus qua iunctis sanguine, qua multiplici deuinctis fædere. Cum repente  
periculosum & graue bellum, unde minime putabatur, exortum est. Neapolitana ex-  
peditio suscepta qua nihil per hæc tempora illustrius extitit maiorque fama, Caro-  
lus octauus Galliæ rex Italicis rationes atque adeo vniuersæ Europæ tranquillitatem ve-  
hementer conturbauit: Tanti mali origines & prima initia explicare, operæpretium e-  
rit. Urbanus sextus Carolum Dirrachii Principem ex Hungaria euocat olim ad-  
uersus Ioannam Neapolitanam Reginam Clementi septimo eius emulo, ut in nomen  
Pontificatus inuaderet, auctorem præcipuam, quo facto ecclesiæ pax turbata est vni-  
uersus orbis Christianus scissus in partes. Ludouicum illa Andegauensem Ioannis  
Regis Galliæ minorem filium, quem opponeret aduersario ex Gallia operæ amplo præ-  
mio excitum successorem adoptauit. Frustra is conatus fuit, vita & regno Regina spo-  
liata. Ludouici filius item Ludouicus cum Ladislao Caroli filio Neapolitano Rege bel-  
lum gessit, nihilo tamen meliori euentu quam pater. Nepos item Ludouicus à Marti-  
no quinto Pontifice euocatus aduersus Ioannam Ladislai sororem Reginam etiam Nea-  
politana haud maiori quam superior pudicitæ laude, Alfonsum Aragonium Regem  
ea ad depellendam tempestatem adoptatum, deinde ob enatas suspiciones rescissa ad-  
optione abdicatum expulit in Hispaniam. Ludouico tertio sine prole defuncto re-  
natus frater successit: cum quo Alfonsus conuersa fortuna diu bellum gessit extincta  
iam Neapolitana regina in Galliamque redire compulsa. Renati filius Ioannes Lo-  
taringius Ferdinandum Alfonsi filium bello fatigauit eo quod à proceribus Neapo-  
litanis est concitatum eorum dux. Victus tamen atque ex Italia deturbatus non quie-  
uit. Quin bello Catalaunico aduersus Ioannem Alfonsi fratrem regem Aragonium  
e rebellibus ducem præbuit: eoque Barcinone in ipso belli ardore extincto Carolus  
renato patruo successit. Hic testamento heredem scripsit Ludouicum vndecimum  
Galliæ regem, quoniam in Renato Lotaringio Renati Andegauensis ex filia nepote pro-  
pinquo suo ad euertendas Aragonias opes Neapolitanum regnum occupandum, cuius rei  
prima cura erat, impares vires fore prouidebat. Belli Neapolitani hæc prima origo  
extitit. Accessit altera Galeacio duce Mediolanensi à suis occiso, ut est superius indi-  
catum, Ludouicus Sfortia dux Barenfis ob teneram ætatem Ioannis Galeacii, qui ex-  
tincti fratris filius erat Mediolanensis principatus procuracionem arripuit apprimè sa-  
gax & cautus. Habebat is in matrimonio Beatricem Herculis Ducis Ferrariensis so-  
rorem.



forem. Alfonsus quoque Calabriae dux Ferdinandi Neapolitani Regis filius Hippolytam duxerat Sfortiam Galeacii & Ludouici sororem : vnde Ferdinandus & Isabella sunt nati Ferdinando quidem auitum atque paternum regnum post aui fata & parentis abdicationem obuenerunt : Isabella autem Ioanni Galeacio duci Mediolanensi data est coniux. Hæc geminæ iam prolis mater facta ; iniuriæ impatientia virili animo femina patri auctor exitit , vt Ludouico patruo euerso , qui haud obscuro suo quam alieno nomine dominari malebat , principem generum in maiorum opes reponeret : eam ignominiam diutius in Aragonia gente hædere nefas esse. Non deesse ciuium studia cum occasione eruptura haud dubium. tantum se viros esse ostenderent iis maioribus ea nobilitate sensit Ludouicus tempestatem , quæ in eius caput parabatur. Ad artes conuerso ingenio , quoniam viribus par non erat , Carolum octauum Galliarum Regem iuuenta ferocem gloriæ cupidum , in arma promptum , magnis pollicitis & certa victoris spe , aduersus Neapolitanos Principes armauit. Venisse tempus vindicandi iniurias , quæ ab Aragoniis extabant repetendi antiqua iura nobilissimo principatu occupato. Eos conatus Stephanus Belcarius ei Regi in primis carus , quippe à pueritia nutritius omniumque adeo arcanorum non particeps modo , sed moderator & arbiter , & Guillelmus Brissonetus ærario præfectus Maclouienfis Episcopus homo copiosus iuuabant. Accedebant plerique Neapolitani proceres ob sæuitiam Ferdinandi Regis extorres patria. In eo numero Antonelus & Bernardinus Sanseuerini Salerni & Brisiniani Principes finem malis & exilio exoptantes , incensum Regis animum quasi nouis facibus admotis ad eam expeditionem instigare non desisteabant. Eo ardentiori studio quæ in Gallia initio quamuis benigne accepti , parca deinde manu adiuti vt Comineus ait , multa ea nobilitate indigna patiebantur haud idoneis in alimenta vestigalibus datis. Ergo inopiæ malo & moræ impatientia adacti , seque in omnes partes versantes , vnde spes aliqua proponebatur pristinarum opum , Ferdinando item Aragonio Regi , Neapolitanum regnum obtulerunt , de alieno munifici scilicet vitium natalium in Neapolitano Rege accusantes. Verum is cautior eos proceres vindictæ tantum cupiditate incitari nulla æquitatis cura intelligens , eoque continuo duros vela vnde melior spes afflungeret patriæ recuperandæ & auitos principatus , eorum pollicitis furdas aures præbuit. Ac illud potius deliberatum habebat , quacunque ratione posset , subleuandi Neapolitanos , Regem Gallum ab eo consilio deducere Italiæ bello vexandæ. Quod erat plane difficile , longius prouectis rebus omnibus & apparatu bellico , quam vt resistere possent. Sic ab vtraque parte præsidia conquistata diligenter sunt concordia spe sublata. Ludouicus Sfortia cæteros Italiæ principes sibi & cum Gallo fœdere conciliare , auxilia vndique comparare. Vni Florentini ex vniuersa Italia à Ludouici consiliis auersi initio quidem ab Aragoniis steterunt. Veneti , vt facere consueuerunt , quorsum eque molitiones euaderent expectare decreuerunt belli spectatores potius quam pars , ex euentu consilium capere vt res se darent. Alexander Pontifex , tametsi initio se auersum ab Aragoniis ostendit , mox spe facta filios in Neapolitano regno nouis principatibus augendi , ad hæc annua ipsi pensione promissa , mutata voluntate ad eos inclinare constituit , vnde maiora beneficia extabant proxima spes ostendebatur maioris vtilitatis. Honestatem respexisse non arbitror. Ipsi Neapolitani principes haudquaquam se in periculo deseruere quos poterant omnes ad communicandas opes sollicitarunt communi patriæ opitulandum. Excitato simul incendio cunctorum opes arsuras. Ac in primis ad Ferdinandum Aragonium legarunt , qui eorum nomine omnibus precibus patrocinium imploraret. Debere eum & patruelis & regis & sororuli periculo moueri , eiusque calamitatem suam ducere. Quod si iura propinquitatis & amicitia parum valerent , Siculis saltem rationibus moueretur , quæ Neapolitano principatu à Gallis euerso in manifestum periculum veniebant. Rebus integris succurreret , perditis inanem , certe intempestiuam opem fore. Cupiebat Ferdinandus Aragonios principes propinquos & necessarios periculo eripere , vera esse , quæ prædicabant , non ignorabat , memoria tamen recentis fœderis & sacramenti religione detinebatur , ne in Gallum arma sumeret. Ac in præsentis satis habuit Garfiam Lassum prudentia iuxta & nobilitate virum conspicuum , facundum , callidum , audacem Romam legare , qui Pontificem in voluntate & sententia confirmaret regendi Neapolitanos. Simul Alfonsum Siluam Cifontani fratrem , Calatrauæ Clauigerum misit in Galliam , vt cum Regem à consilio inuadendi Neapolim deduceret : sin minus admoneret principum eorum res sibi curæ fore , consanguinitatis & necessitudinum , quæ cum iis erant



1494. iura postulare, ne iniuria opprimi pateretur. Hæc omnia ineunte salutis anno M. ccccxciv. gesta sunt. Quo tempore Ferdinandus & Isabella reges qui eatenus in Aragonia subsisterant, Cæsaraugusta profecti Tordefillam abierunt. Inde Vallisoletum & Medinam Campestrum. In eo municipio est allatum Ferdinandum Regem Neapolitanum obiisse diem. Decessit ad octauum kalendas Februarii annis grauis de belli euentu sollicitus & periculo, quod ingenii ipse sequitia fecerat. Eo felix tamen ut in malis quod regni paulo ante sua & patris industria florentissimi euerfas opes non vidit. Opportuna mors exitio domus eripuit. Successit Alfonsus extincti filius ciuibz nihilo gravior quam pater. Coronam capiti imposuit Ioannes Borgia Cardinalis ab auunculo Pontifice ea causa Neapolim legatus. Castellæ item Regibus ab Alexandro Pontifice exemplo maiorum datum est, ut decumarum ecclesiasticarum tertiam non modo in Castella & Legionem, sed etiam in nouo Granatensi regno verterent in vsus belli Maurici. Tordefillæ magna contentione viri delecti fines vtriusque navigationis Indicæ designabant occidue & ad orientem. Consensu tandem ad septimum Idus Iunii decretum est, ut triginta sex gradus ultra Olisiponis meridianum nauigatio occidua Castellæ, inde etiam Lusitanica sed versus orientem inchoaretur. Et quoniam de Africa haud multo minor inter eos Reges disceptatio erat: per idem tempus ut Pluthense regnum Lusitanis armis cederet, Tremesenum Castellæ conquisitionis haberetur constitutum est spaciis ad vtrumq; mare Mediterraneum & Oceanum extensum nulla designatione tunc limitum accuratiori, vnde nouæ controuersia deinde extiterunt.

*Rex Gallie Neapolitanum regnum occupauit.*

#### CAPVT VII.

INGENTI delectu Rex Gallus vires imperii & copias vniuersas in vnum conferre, certus in Italiam primo quoque tempore transmittere belli dux. Apparatu vniuerso sedes Lugdunum delecta est ciuitas ampla lautaque. Alpes vicina qua transitus erat infesto rigore & æternis pressæ niuibz in cælum surgentes. Eo Iulianus Ruuerus Cardinalis sancti Petri ostia digressus vbi se tenuerat infensi metu Pontificis accurrit expeditionis instigator & particeps. Contra Alfonsus Silva, vti erat iussu, eum Regem obtestari quotidiano conuitio, vti desisteret tranquillum Italiæ statum sollicitare, quod nationes alias in partes traheret. Intempestiua eę voces accidebant atque auribus ingratæ in eum statum perductæ, vnde regredi sine ignominia non liceret. Itaque Rex Gallus Petro Borbonio fororio suo in Gallia relicto, qui rebus se absente præficeret, ex ea vrbe cum copiis omnibus mouit die Martis ad decimum kalendas Iulii. sequebatur Regem Galliæ nobilitas vniuersa viginti millia pedites, equites ad quinque millia inuictum copiarum robur. Pecunia in stipendium quærenda erat, mutua à proceribus sumpta: à Genuensi mensario præterea centum quinquaginta Francorum millia. Sed quantum id erat tanto bello perficiendo; cælestes quibus fauent, iis omnia prona faciunt, ardua aduersariis sicut in presenti accidit. Alfonsus Neapolitanus rex ad occupandos Galli conatus, bellumque procul à finibus remouendum classe valida instructa misit Fridericum fratrem in Ligures, ut Genuensium ditionem & littora vastaret: eamque urbem deduceret à Ludouici Sfortiæ hostis imperio. Simul Ferdinandum filium Calabriae ducem magnæ spei iuuenem cum validis copiis terram misit, ut Mediolanenses fines inuaderet bello illato. Prudenter destinata vis altior euerit. Fridericus mari parum præstitit. post Macram amnem quo ab Hetruria Ligures dirimuntur, gemini deinceps sinus neque vasti neque angusti panduntur. Ac in priori quidem Ericis portus occurrit nunc Lerice, ex aduersum Lunæ seu Veneris tum promontorium tum portus ab insula quondam Veneri sacra proxime obiecta ea appellatione desumpta. In medio sinu Spedia est ad mare generoso vino nobile oppidum. Posterioris sinus ad fines extremos inde vrbs Segesta Tiguliorum est, hinc Delphini portus, nunc Portofinus. In sinus dorso Rapallū Genua viginti non amplius millibz iacet parum ea tempestate munitum oppidum. Classe Fridericus in ea littora delatus tentato frustra Veneris portu, inde repulsus Rapallum cepit. Diuturna possessio non fuit. Genuensium & Heluetiorum accursu receptum est oppidum, atque præfidiariis male mulctatis, retro se cum ignominia damnoque Neapolitana classis retulit. Sic maris erant. Terra Ferdinandum Calabriae ducem Galliæ & Mediolanenses copiarum Obenigno ductore præcipuo obuiam factæ, ne ultra Flaminiam procederet, ac vero ut retro flecteret iter, coegerunt. Romam abiit si quid opis in Pontifice esset aduersus



versus imminentem vndique tempestatem. Rex Gallus continuato itinere superatis Alpium Coctiarum iugis Astam tandem peruenit ad quintrum Idus Septembris. Eavrbis Aurelianensis ditione tenebatur. Regem cum cæteris ad id bellum secuti, certa spe totius Mediolanensis principatus occupandi iniuria vti præ se ferebat, ab Sfortiis occupati vindicaturus, si qua se rebus turbatis occasio daret. noua ex eo tela dissensionum texebatur. In eo exercitu legatus Hispanus profecto malignis oculis visebatur. Multa indigna persona, quam gerebat, pati porro necesse erat, quæ vir prudens alta dissimulatione deuorabat, dum ne officio deesset. Eo tamen Galli ardenti ingenio gens sunt progressi, vt Viennæ discedere e Gallia iuberent. Astæ etiam nullum regii metatores hospitium designarent. Sic necessario ex ea vrbe profectus Genuam abiit Liguriæ caput. Tædere iam Ludouicum Sfortiam caperat consilii suscepti Gallos in Italiam pertrahendi communi incendio ne ipse quoque inuolueretur veritus non sine causa. Cum eo Alfonso Siluaper litteras egit, vt rupto Gallico fœdere ad Aragonias partes fœdusque transferet. Suadere facile fuit tum mutanti cum spe iniecta regiæ affinitatis Ferdinandi regis filia illius filio maiori iuncta coniugio. Honestissima is conditione illectus viro alioqui animo vastus & immodicus ex eo tempore mutare constituit. Astam tamen se contulit ob Regis Galli aduentum simulata lætitia pectore anxio: eique pecuniam in stipendium militare continuo numerauit ex fœdere certe debitam. Eo subsidio

20 Gallus & Ludouico Aurelianensi Astæ relicto ad spem occupandi vniuersum principatum Mediolanensem cui imminebat, cum copiis Ticinum castra promouit. In ea vrbe Ioannem Galleacium ducis Mediolanensis nomen & vmbra agentem animam ex diuturno morbo tabeque inuicit, officium humanitati debitum & propinquitati; quippe e duabus sororibus Ludouico Duce Sabauda genitis erant nati. Rege Placentiam versus digresso dux decessit ad duodecimum kalendas Nouembris lento, vti creditum est & multa testabantur signa veneno sensim venis illapso consumptis vitalibus. Quæ fama seu vera seu falsa extitit, in sanum quantam Ludouico patruo inuidiam conciliauit, ad arreptum principatum vitam quoque crudeliter abstulisse cunctis videlicet detestantibus. Ipso die, quo is Princeps defun-

30 ctus est, Placentiam Rex Gallus peruenit, deducente Ludouico Sfortia honori id datum. Ex ea vrbe cognita ducis morte continuo Mediolanum aduolauit: seque eius verbis ducem dixit solemnem ceremoniam plausuque gentis in adulationem Principum pronæ. Tametsi defunctus princeps quinquennem filium reliquerat Franciscum nomine in spem aucti principatus susceptum duas filias, præterea vxorem prægnantem. Diram dominandi cupiditatem, quæ omnia humanitatis & modestiæ iura subuerteret nulla famæ memoria, nulla honestatis. Quin eodem die tum ad alios tum ad Alfonso Neapolitanum Regem litteras dedit; quibus generi principis obitum renunciabat. Se summa procerum & populi voluntate pro eo ducem salutatum. Non dubitare id ipsi gratum fore haud ignaro qua voluntate

40 & studio eius salutem, atque totius regni incolumitatem esset curaturus. Ludibrium ipsa iniuria multo tristius. Sic ludunt homines callidi in aliena calamitate. Placentia Gallus in Hetruriam abiit. Confluebant vndique legati de aduentu in Italiam gratulatum, amicitiam & pacem oratum. Ante alios Veneti suos oratores destinarent, maiestati debitum officium. Senensis etiam Cardinalis à Pontifice legatus Pisas appulit, sed Regis conueniendi denegata facultate propter auunculi Pontificis memoriam quondam ad Aragonios propensi irrita legatione discessit. Florentini senatus princeps Petrus Medices obuiam Gallo progressus, à quo se auersum ostendebat, eius promerendi placandique præcipiti cupiditate arces quinque firmissimas tradidit in Apenini iugis. Ex fuerunt Serefsana, Serefsanola, & Petra sancta olim sanum

50 Feroniæ. præterea Pisana & quinta Liburni prope Arni fluminis ostium, qua parte mittit in mare Mediterraneum, Labronæ olim statio; tanta ex ea re indignatione populi Florentini, præsertim cum demandatæ potestatis fines esset prætergressus, & maiorum modestiæ oblitus videretur moribus aliis, vt eo & fratribus Ioanne Cardinali & Iuliano exilio multatis ædes etiam diripuerint, gemmas, vestem pretiosam, aurum, argentum, immensas opes multos congestas per annos: quæ auferri non poterant, publicarint. Pisæ Rex aliquot dies substitit: vrbe quondam cum opum amplitudine, tum rei naualis gloria inter cæteros Italiæ populos clarissima: eorumque ciuium precibus libertatem dedit à Florentinorum imperio. Quantas ea indulgentia calamitates afferret, quantas clades, populo velut ex diutina siti nimis auide hauriente liber-



tatem? Sic vota hominum in contrarium vertuntur. Inde digressus Florentiam iniiit, quo die Picus Mirandula in ea decessit è vita quatuor & triginta natus annos rarum ingenii atque eruditionis lumen, Phœnicis ex eo cognomen consecutus. Actum cum Florentinis ciuibus de fœdere. Conuenit inter eos uti peracto bello Rex arces redderet, neque Mediceos vnquam restitueret in patriam. In stipendium ciues publice centum & viginti florenorum millia numerarent. estuabat Roma inter metum & spem suspensis omnium animis. Cardinales & procures studiis discrepabant. Gallicas partes Columnii sequebantur Prosper & Fabricius: Neapolitanas cum familia Virginius Vrsinus homo præpotens & factiosus. Columnii adiuncto Ascanio Sfortia Cardinali Ostiam occupauerant: prohibitisque ex mari subiectionibus, ynde plurimum Roma alitur, non secus ac si hostis pro portis esset angustia annonæ erat. Persuasum vulgo Pontifici decretum esse cum Gallo pacisci, aut si minus id contingeret vrbe deserta migrare alio. Ea noua turbarum populo occasio extitit. Pontifex ad pellendum eum metum sedandumque tumultum in conuentu publico Cardinalibus & nobilitati obtestatur: sibi stare sententiam in ea controuersia, causæ æquitatem sectari nulla personarum ratione habita. quod si Gallus in urbem irumperet, omnibus viribus obistere: ac vero si res ferrent sanguinem pro officio vitamque profundere. Magnificis promissis parum mouebatur populus, obstabat metus. alii super alios aduentare Regem iamque affore nunciabant. Pontificiæ ditionis oppida indies à Gallicis copiis occupari. Itaque Pontifex ipse, neque suis neque Neapolitanis viribus parem se fore hosti præualido confidens, ex vrbe dimisso Ferdinando Calabriae duce, qui in suburbio tendebat cum copiis rebus præsidium, in molem Hadriani firmissimam arcem se recepit. Ne ludibrio sacrosancta maiestas in ea colluione esset, prouidebatur. Denique Rex cum omnibus copiis Flumentana porta Romam iniiit pridie kalendas Ianuarii ineunte anno M. cccc. xcv. inter ingentes populi plausus, faustasque voces & certantia multitudinis vota, sed & Cardinales quidam eius aduentum haud obscuris lætitiæ signis concelebrarunt, sic ad diui Marci deductus est ex lapidibus amphitheatri à Paulo secundo Pontifice constitutum palatium elegantia visendum & amplitudine. Hæc Romæ. In Hispaniæ vrbe Caraca Petrus Gonsalvus Mendoza Cardinalis obiit tertio Idus Ianuarii vir pari nobilitate & prudentia republica administranda magna per totam vitam auctoritate. Cupiditatibus non satis imperauit inter obsequia fortunæ, contra quam non satis causa est humana imbecillitas. Vacuum eius obitu Toletanam ecclesiam Franciscus Semenus Cisnerius è Franciscano ordine tenuit maiori spiritu vir, quam pro humili fortuna, in qua natus atque educatus est. In omne argumentum sanctimonix grauitatisque compositus: atque eo tempore Reginx Isabelle à confessionibus. Accessit deinde purpuræ rebus gestis & pro meritis debitus honos. Magnum rex Gallus suo in urbem aduentu terrorem commouerat. Actum de fœdere inter eum & Pontificem. Anni tentibus viris primariis sancitur; uti Valentix Cardinalis regia castra sequeretur obsidis loco legati nomine. Gemes Turcæ frater in eius potestatem traderetur idoneus rebus in Oriente turbandis, quoniam de bello Turcico cogitabant Galli. Præter ea arces vrbis veteris Terracinx & Spoleti dum bellum maneret. Quo confecto non eas modo restitueret Rex sed etiam Ostiam; ac vero Pontificem præsens veneraretur obsequiumque de more deferret, uti paulo post fecit ad D. Petri. Multum contulit ad fœderis condiciones constituendas purpura per eos dies Brissone Episcopo Maclouienti à Pontifice data. Fœdere facto Gallus ad quintum kalendas Februarii roma discessit petiturus Neapolim. Copiarum pars in Præcutinos Aprutiumque missa est ductore præcipuo Fabricio Columna. Ibi omnia prona fuere vrbs Aquila eo tractu multaue alia oppida ultro in gallicam ditionem venere. Interea Ferdinandus rex cognitis rebus quæ in Italia gerebantur, Gallum aduersus Neapolitanos principes festinare, ac pro eo studio Pontificis maiestatem contemptui habitam, gallicis conatibus obistere palam constituit: atque in eam rem Ocania, vbi sine superioris anni se tenebat, Antonium Fonseca & Ioannem Albionem in Italiam extruxit, qui Gallo eius verbis obtestarentur ne Pontifici grauis existeret, neue eius ditioni bellum inferret; alioqui, uti in superiori fœdere exceptum erat, ecclesiæ incolumitatem sibi curæ fore. videret ne præposteris actionibus superum iram, hominum inuidiam commoueret. Impios conatus tristi sæpe exitu terminari. Simul Triuenti Comitem eius classis ducem designauit, quam ad Illicis littus paratam instructamque habebat. Gonsaluum item Fernandum à Corduba virum strenuum, quatum ducem bre-



breui futurum, quingentis equitib. præfecit, quos Neapolitano Regi auxiliares mittere destinabat, non minori Siciliae cura. Legati quidem Romam peruenerunt ipso die quo Gallus ex ea vrbe discessit. Nec mora communicato cum Pontifice consilio festinatoque itinere Regem cōsecuti, in agro litteras dederunt suæ legationis testes. Monuerunt subinde ne vltius progrediretur, priusquā ecclesie Romanæ ac pontifici satisfaceret. Ea legatione eaque denunciatione & audacia turbatus Gallus respondit tamen Velitris, quo eo die perueniendum erat, dicendi quæ vellent fore potestatem. In eo oppido dato procerum senatu coram, pluribus verbis exposuerunt mandata. Eorum summa erat de iniuria Pontifici facta expostulare. Obtestari simul ne arma Neapolitanis finibus inferret, priusquam iudicio vinceret aduersarios, seque iure potiorum esse confirmaret. Vim intempestiue intentare, æquum non videri. Multis vltro citroque verbis consumptis multisque ab vtraque parte iactatis in alteros probris & querimoniis qua veris qua falsis, Gallus tandem responsum dedit vltius esse in ea expeditione progressum, quam ut retractare liceret: bello peracto non recusare de iure cum aduersariis certamen. Verba ea erant rebus vacua: quis enim Gallos crederet nobilissimi regni possessionem iudicium arbitrio permissuros; quis de victorie fructu legibus disceptaturos aliquando? Ergo Antonius Fonseca. Quando inquit, ô Rex æquissimis postulatis obtemperare detrectas, & vim ad mouere ac metum paras, armis & viribus ferox, Deus innocentie vindex omnis insolentie inimicus; huius controuersie iudex esto: eius arbitrio atque patrocinio rem totam permittimus. Rex enim vero noster hac denunciatione sin minus ceteris, suæ certe conscientie satisfecit, ut deinde liberata fide suis viribus & copiis in eam partem sedet, quam æquiorum indicabit. Hæc dixit: simul coram rege & proceribus, qui in conuentu aderant, initi antea fœderis tabulas lacerauit. Audax facinus imprimis, neque ferenda Gallis contumelia visa est: ne tamen violaretur ius gentium valuit. Romam dimitti placuit. Hæc legatio quamuis re nulla impetrata pro qua erat suscepta vana prorsus non extitit. Pontifex enim confirmato erectoque ex eo ad meliorem spem animo, dignitatis memor decreuit isti nuper cum Gallis fœderis conditionibus huiusmodi stare. Ipse etiam Valentie Cardinalis proxima nocte minus intentis in eius custodiam Gallis dissimulato habitu Velitris egressus non prius confitit, quam Spoletum ventum est firmam Pontificie ditionis in Vmbria urbem. Romam consulto vitauit, ne voluntate Pontificis aufugisse videlicet e castris crederetur.

*Rex Gallus Neapolim ingreditur.* CAPVT VIII

IPso tempore quo Rex Gallus Romæ morabatur, Alfonsus Neapolitanus defensionis & victorie spe penitus abiecta, de eo imperio abdicando, nondum integro anno euoluta à patris obitu, serio cogitabat. Eo consilio Ferdinando filio e castris euocato atque in procerum conuentu hac sententia locutus fertur. Quo in statum nostræ sint, viri nobiles mecum pariter consideratis. Hostis ferox & validus pro portis. Nostri in fide parum constantes. Haud maiori celeritate Galli irrumpunt, quam prouinciales deditionem faciunt: vrbes & oppida in eorum tradunt potestatem vexillis hostium passim sublati. Auxilia externa longinqua: & qui opem maxime afferre debuissent, hos nostra calamitas, periculum, & ignominia parum mouent. Hostes amicosve incusare eius est, qui viuere & regnare velit. Plura dicere argumentum ignauie. Meis delictis irâ celestē irritatâ fateor: qui deliquit pœnas is dato iustissimas morte, ignominia, omnibus malis. His suppliciis si placantur numina, si expiantur noxæ, satis habeam: Vite fines præscribere non licet: neque vero ex hac veluti custodia migrare Dei iniussu: qui pro voluntate viuendi spatia restringit & laxat. Quod meum est tamen, hanc coronam regiam qua sum indignus, hoc sceptrum pono. peccatorum hoc piaculum esto. Alii diutius hoc imperium tenuerint: nemo libentius reliquerit nemo fortius. Filium tamen pro me (qua spe quibus virtutibus & prudentia:) Regem in posterum iubeo haud iniqua permutatione pro sene & valetudinario, florenti etate iuuenem, corpore firmo, inuictō animo. Quam cuperem vtileo in statum nostræ essent, quo orbi terrarum probarem quanti facerem ea, quæ prima ad felicitatem putantur. Sed quando eam animi magnitudinem ostentare non licet: certe non erit minoris prudentie cedere necessitati, cuius inuictæ sunt vires. Hinc posteritas de nostro ingenio statuatur. Neque enim semper prudens nauclerus fœda procella inflatis fluctibus obstitit. Sed demissa antenna versaque in obliquū naui expectat dū ventorum violentia transacta pelagi sequitur.



componatur. Hæc nostra sententia est, certa que voluntas. & quando patriæ charissimæ præsidio esse in periculo non possum, quod instar mortis est, ea relicta in exilium abire deliberatum habeo. Regni equidem paulo ante florentis atque domus nostræ ruinam non videbo: fortassis etiam hoc quasi sacrificio Deum placabo vindicta ut leuior sit, hominum misericordiam commouebo, ut maiori animo in nostræ causæ patrociniū incumbant. Vobis, qui præsentibus estis, quique absunt, obsequium erga nouum Regem commendare, superuacaneum fore arbitror: ne ipsi quidem præcipere ut ciues omni comitate & beneuolentia complectatur, vestrisque meritis magnis, & perpetuis debitam gratiam rependat. Hæc abdicationis ceremoniam in Oui arce peracta est ad decimum kalendas Februarii translata imperii tabulas dictante Iouiano Pontano. Mox Alfonsus domestica suppellectile, quæ erat pretiosissima, in naues imposita in Siciliam concessit statuens Mazare, Ioannæ nouercæ dotalis, amani & tranquillæ secessus urbem melioribus studiis vitæ reliquum exigere veste in sacerdotis formam mutata. Litteras ad principes dedit, quibus sui facti rationem explicabat: ac nominatim ad Ferdinandum regem perscripsit inbecilla valetudine compulsus vitam principalem abdicasse, ac vero voti religione se quondam id facturum implicasse, qua conscientiam exoluere æquum erat, ac prorsus necessariam. Sic ille credi voluit. Propius tamen vero est, odium popularium sustinere in eo rerum discrimine non potuisse: filiumque cogitasse, quod apprime gratus ciuibus esset ad bellum defendendum fore commodiorem. Seroque intellexit principum opes beneuolentia suorum quam ferro satellitum esse tutiores. Obiit Alfonsus non toto circumactæ anno ex quo regni procurationem deposuit domestica procella iam magna ex parte mitigata. Corpus Messanæ ad dextram aræ in templo eius vrbis primario positum est cum inscriptione subiecta tum elegantius acuta:

*Alfonsum Libitina diu fugis arma gerentem.  
Nunc positis (quæ nam gloria!) fraude necas.*

Nouus rex cum primum regnum arripuit per plateas vrbis circumductus gratum populo spectaculum præbuit. Quacunque incedebat pompa, multa vestis pretiosa visibatur, multa odoramenta spirabant, faustæ personabant voces felix diuturnumque imperium comprecantium. Leui momento populi gratia circumagitur. tantumdem intra paucos dies pro hoste fecere. Ferdinandus sane delatum regnum à grato initio auspicari cupiens, vinctis magno numero è plebe atque nobilitate dedit continuo libertatem. Eius benignitatis expertes tantum fuerunt Marini Martiani filius Ioannes Baptista Rosani princeps, Sueffiæ Dux, & populi Comes in custodia quamuis diu seruati, ex quo procerum bellum profligatum fuit, quippe Aragoniæ genti ad insaniam infensi. Celebritate peracta ex vrbe Rex ad diui Germani fanum abiit totius prouinciæ claustra occupatum & montium coeuntium fauces in Cassinati agro, qua Gallis transitus erat: vbi Neapolitano copię tendebant arcendis Gallis intentæ: quoniam id oppidum ad confines Neapolitanos & pontificiæ ditionis est positum. Verum cognito capta Aquila Gallos in Campaniam deflectere, ne à tergo & à fronte circumuenirentur; necessario è Cassinati saltu Capuam se recipere urbem operibus & militari præsidio firmatam. Cum copiis Gallus ad sanctum Germanum applicuit, vim afferre nisi ultro deditionem facerent paratus. Sic ciues defensione desperata portas aperuerunt. Promotis Gallicis inde castris maiori quamuis difficultate Capua in potestatem venit. Triuileius Mediolanensis patria dux strenuus Neapolitanis desertis ad Gallicas partes, vnde melior spes affulgere videbatur; modica fidei cura traductus præcipuus deditionis auctor extitit. Abscesserat Ferdinandus rex à Friderico patruo quem rebus præfecerat Neapolim ad tumultum ciuium pacandum turbulenta consilia de ea vrbe dedenda agitantium euocatus. Virginus Ursinus & Petilianus eximii copiarum duces amissa Capua intra Nolam quo se ex fuga receperunt, capti sunt. Earum vrbium amissarum fama cum peruasisset omnia repente ad Gallos inclinarent. ipsa etiam vrbs Neapolis regni caput, nemine obsistere auso ac vero incredibili populi plausu victorem intra portas admisit ad octauum kalendas Martii. alium crederes populū, aliū senatū, tanta leuitate vniuersi circumacti sunt nullo iudicio sed suscepto more quemcunque principem adulandi clamore studioque inani. In eam urbem ingressus Rege Gallo, aut ut alii malunt Capuæ dum morabatur Comes Baiazeti Turcarum imperatoris frater decessit. Nouus rex vix prima dominandi dulcedine delibata, vrbe deserta consilii inops à plerisque desertus ad arcis nouæ præsidium confugit, vbi Ioanna regina cum filia eiusdem nominis erat; Fridericus patruus aliique proceres cōuenere haud exiguo numero fidē & officium victoris gratia potiora arbitrati. Quod in ea rerum collisione pro miraculo erat. Ex ea arce in alteram se contulit, ab Ouo dictā, rupi impositā mari



mari omni ex parte circumfluo, eoque firmissimam triremibus, quas paratas habebat, in Ænariam insulam traicere, & si res ferrent, in Siciliam discedere destinans breui speras rerum conuersionem fore, quod rerum humanarum incōstantia & vtriusque gentis ingenia non lingua magis quam moribus discrepantium suadebant. Tametsi res Gallicæ absque vlla offensione prosperum cursum hæcenus tenuere: atque ita vt intra non totos quindecim dies vniuersi regni vrbes & arces, quam late ditionis Neapolitanæ fines patēt, victoris fortunam secutæ fuerint. Ipsas etiam Neapolitanas arces Germani duces custodiæ præfecti, ô homines venales, pretio prodiderunt ad turpia seu honesta iuxta leues. Caietanam arcem vi Galli admota cæperunt, in paucis quamuis firmissimam: inerantq; <sup>10</sup> milites & prouisi antea commeatus. Pauca tantum in Brutiis oppida in fide pristina perstiterunt. Sed quantulum id erat? Ea quoque indies carpebantur nulla spe à suo Rege nullis auxiliis. Is se ad Ænariam tenebat, rebus perditis nō præsidium, sed magis acceptæ ignominie deformis tum spectator tum testis, quanto animi cum motu dicere non est necesse. Rhegium denique victoribus cessit exaduersum quamuis Messanæ posita in oculis classis Hispanicæ nulla à suo Rege allata agendi facultate prorsus inutilis in periculo. Ex distantibus locis præcepta sæpe & consilia post res afferuntur. Sic nobilissima prouincia puncto temporis Gallicæ ditionis facta est: vix vt credam adeo celerem & facilem rerum conuersionem in vlla gente ab omni memoria contigisse.

*Fœdus Principum contra Regem Gallum. CAPVT IX.*

<sup>20</sup> Postquam ad Neapolim Gallis ferme omnia cesserunt, cæteri principes tum Itali tum externi reputare secum atque inter ipsos communicare cæperunt, quam graue esset eius gentis imperium futurum, si diu in Italia inueterasset. Ferdinandus Rex Hispanus proximus periculo videbatur Gallis confecto Neapolitano bello de Sicilia, vti fama erat, cogitantibus auctore & impulsore Salernitano è numero Neapolitanorum exulum maxime infenso nomini & genti Aragoniæ. Cupiditas præterea dominandi vltro incitabat cunctis affectibus flagrantior, tetrum malum, neque vllis resistens finibus. Ergo Ferdinandus Rex alios principes de iungendis contra Gallum viribus vltro appellare, vt cui <sup>30</sup> pares singuli non erant, communicatis opibus superiores euaderent. In mutua societate certissimum rebus fore præsidium. Eo Laurentium Suarium Figneroam ad Venetos legarat, recensque Ioannem Dezam ad Ludouicum Mediolanensem dimisit alliciendum non spe modo regie affinitatis, de qua iam actum erat, sed etiam regni totius Gallie Cisalpinæ. quæ voces ambitiosi hominis auribus gratissimæ accidebant. In id fœdus facile Maximilianum Cæsarem & Anglum accessuros sperabat: quos sibi affinitate deuincire cogitabat: ac in primis Ioannē principē & Ioannā filios permutatis nuptiis Philippo Archiduci & Margaritæ sorori coniuges dare. Quæ coniugia ante agitata, Francisci Rogii opera ad Belgas ideo profecti tandem pacta sunt. In belli sumptus, quod difficile & diuturnum fore prouidebatur, pecunia quærenda erat. Eo studio in Aragonia gentis <sup>40</sup> conuentus sunt indicti: quibus Rex Catharinam filiam præficere cogitabat; & cum id non esset impetratum agente veteris moris tenaci. ipsemet necessario in eam prouinciā ad conuentum habendum concessit. Tantæ molitiones arcanis quamuis consiliis agitæ, irritæ non fuerunt. Venetiis, quo legati Principum conuenerunt, exeunte mense Martio inter Pontificem, Cæsarem, Regem Aragonium, Venetos & Mediolanenses armorum societas est constituta, quam sanctissimam dixere. Pactionis summa capita erant. Vt viginti quinque annorum spatium communi impensa pro facultate cuiusque sociorum & copia collatis viribus triginta quatuor millia pedites, equites viginti octo millia sub signis omnes haberent. Ingens numerus, opinione atque spe maior Ecclesiæ libertatis tuendæ, qua reipubl. firmamentum continetur, species erat: atque à singulo- <sup>50</sup> rum finibus iniuriam prohibendi. Re Gallos vniuersa Italia deturbare satagebant par modo votis successus contingeret. Arcanis hæc tractata conuentibus mirum est in tanta multitudine de fœdere disceptantium non erupisse. Omnino Philippus Comineus prudentia & vsu rerum præstans Venetiis pro Gallo Rege legatus eo tempore, nihil eorum quæ agebantur odoratus, fœderis præter opinionem facti causas ex Augustino Barvadico Veneto Duce audiens, quasi repente consternata mentē rogauit suo ne Regi foret reditus in Galliam facultas! Magna ex hoc tempore rerum immutatio facta est, magna conuersio. Neapolitanos Gallici imperii tædere iam cæperat suæque leuitatis. Frequentibus contumeliis victores morumque insolentia & linguæ procacitate grauissimum odium in animis popularium commouerant: plerique etiam iniuria bonis



euerſi finem malis exoptabant proni in vindictam, cum nullam opem à principe expectarent. Dux quoque Mediolanenſis recens Nouaria ab Aurelianenſi intercepta & ad reliquam ditionem haud obſcure aſpiranti de imperii ſumma dubitare cogebatur. Gallo præſertim claſſe ſua Genuam occupare cogitanti, vti idoneis auctoribus fama vulgabat. Ita in periculo ad Venetos confugere habuit neceſſe & omnibus precibus eorum opem implorare. Contra Gallus tempeſtate prouiſa, quæ eius capiti minabatur, & patriæ deſiderio ne reditu prohiberetur, Italia relicta eo continuo proficiſci maturauit. Prius autem quam ſe in viam daret duces alios per vrbes & prouincias diſtribuit, ac Obenignum imprimis Magiſtrum equitum dictum Brutiis præfecit, Lucanis Perſinum Alegrii fratrem, Gilbertum autem Mompenſerium regia nobilitate designauit: qui cum copiarum parte rebus præſeſſet Neapoli ſumma bello paceque decernendi credita poteſtate. Simul à Pontifice poſtulauit per legatos, vt ſibi more maiorum poſſeſſionem parti imperii pontificio decreto & diplomate confirmaret. Ea ſumma votorum erat. Et quoniam de repetenda Gallia cogitaret, cupere oppido, Roma bona eius venia repetita coram de rebus magnis conſilia communicare. Colloquendi Pontifici idoneum tempus non eſt viſum Romanis Gallici nominis odio adeo incenſis, vt colloqui ſine tumultu non poſſent. Neapolitanum imperium cuiquam addicere niſi cauſa iudicum prius arbitrio diiudicata æquum non erat. In eam ſententiam reſponſum eſt datum, Gallo minime gratum non certamen iuris quærenti ſed vim. Eo amplius proſeſſionem vrgere inſtitit. Diſceſſit Neapoli ad tertium decimum Kalendas Iunii Romam iniiit iſſis Iunii Kalendis. In ea vrbe pontificem non inuenit Peruſiam elapſum metu ne itinerum maietas in tanta rerum colluſione eſſet ludibrio. Ex vrbe breui proſeſſus Rex, & Senis aliquandiu moratus vitata Florentia Piſas peruenit. Eam urbem Florentinis contendentiſus vti ad eorum ditionem reuocaret, in eoque fidem ante datam liberaret, contra Piſanis cum lachrymis obteſtantiſus vt datum beneficium tueretur, neque nobiliſſimam ciuitatem patereſſetur ad ſeruituti proximam conditionem redire, duriffima premi tyrannide: in neutram partem ſententiâ pronuntiata diſceſſit in Inſubres miſſis tamen prius Fregofiis qui factionis opibus Genuæ & totius Ligurię imperium Mediolanenſi detraherent. Qui conatus fruſtra fuit. Regi ad Tarri ripam progreſſo occurrit cum copiis Franciſcus Mantuanus Marchio à Venetis delectus copiarum dux. Ex Apenini iugis dilapſus amnis præceps inter ſaxa inequali alueo delatus patentibus demum campis in Padum euoluitur. Recuſabat pugnam Gallus non ignarus imminutum ſuorum militum numerũ: ac ſecum Aurelianenſi coniungere cupiebat imprimis, modo ex iis anguſtiis daretur euadere. Hoc regis votum erat: neceſſario tamen ventum eſt ad manus. Ad Tarri fluminis ripam tribus millibus paſſuum ab vrbe Parma caſtra collata ſunt caſtris. Venetorum copię ad Forum nouum erant ad montium radices ſitum pagum. Gallus ad vicinę vallis qua montes coeunt fauces reſtitit. Eo loco prælium eſt commiſſum in paucis nobiliſſimum fama. Inſtruuntur acies, tollitur clamor, ab omni parte concurritur. Itali prima Gallorum acie proſligata, verſisque intempeſtiue ad prædam militibus ſpatium victis dedere ſeſe colligendi, ac reſtitutis ordinibus pugnam repetendi ex impetu eoque animorum vigore quem aduerſarii non tulere diſperſi per agros & graues præda. Magnum Rex vitæ periculum eo die adiit prætorianis ferro peremptis vix aliorum ſuperuentu eſt ſeruatus. Victoria quidem parta trium dierum inducias à victis impetrare tamen non potuit. Sic per occultam teſſeram proſeſſione denunciata ſilentio motis caſtris ex iis locis euasiſit. Ne graue damnum acciperet in diſceſſu inflatis repente eius fluminis aquis atque ex ea hoſte tranſitu prohibito factum eſt. Leuiſtatum armaturæ equites abeuntis veſtigia ſunt ſubſecuti. Ab iis atque ab incolis iniquis ad tranſitum locis cædes factæ atque magna impedimentorum pars eſt ablata. In pugna ſuper quatuor Italoꝝ millia ceciderunt. Cum reliquis copiis Mantuanus Claſtidium prius, mox Nouariam feſtinauit. eius vrbis obſidionem, qua Aurelianenſis inclufus à Ludouico Sfortiâ premebatur, vrgere erat deſtinatum. Rex ſeptimis caſtris præter Placentiam & Derthonam Aſtam nemini infeſtus peruenit. lætuſq; vitatis periculis vltro inſtaurabat numini & diuis tutelariſus ſacrum.

*Ferdinandus Rex Neapolim eſt ingreſſus.* CAPVT X.

Vix dum Gallus Neapoli abierat cum fortuna partium mutata & in contrarium verſa eſt. Ex ſunt rerum vices. Hispaniça claſſis Meſſanæ in portu erat ductore Triuentio. Eo reges pater & filius domo profugi conuenerunt Alfonſus & Ferdinandus, præterea Ioanna



Ioanna regina vidua Alfonſi nouerca rebus proſtigatis remedium quaſituri. Gonſaluum Fernandum cum equitibus eius fidei concrediſſis & ſua peculiari claſſe aduerſæ tēpeſta-tes in Baleari maiori & in Sardinia plures opinione & voluntate dies tenuerant: neque ante nonum Kalendas Iunii Meſſanæ portum tenere potuit. Quo iam tempore Ferdi-nandus Rex Rhegium exaduerſum Meſſanæ impoſitam freto urbem cum arcē aliaque finitima in Brutiis redegerat in poteſtatem: vbi Eberardus Obenignus natione Scotus dux ſtrenuus rem Gallicam virtute & prudentia ſuſtentabat. Gonſaluo Rhegium Croto, Amantia aliaque eo tractu oppida ſunt continuo tradita pignoris loco dum ſumptus in bello futuri & facti compenſantur. Sicilia quoque rebus propter vicinitatem præſi-  
10 dium & ſecuritas ea poſſeſſione quaerebatur. Fridericus cum paucis triremibus ad oram Apuliæ miſſus iunctus Venetæ claſſi bellum alternante fortuna gerebat. Caieta à Gallis porro defecit, ſed breui tamen ſubacta ſuo malo didicit furentis populi graues impetus eſſe, conatus inanes. De ratione gerendi belli in Brutiis deliberatū. In pari voluntate non vna mens cunctis erat, neque ſententia eadem. Regi ſtabat continuo Neapolim ire: quo à ciuibz conuitio vocari cæperat etiam ante Galli diſceſſum: vt ſunt benigni in calamita-  
te & dolore mortales, maiora viribus pollicebantur. Vbi in urbem veniret, concurſum ab importuni imperii odio adiuſtum & legitimum regem ex vniuerſa ditione extem-  
20 plo futurum. Gonſaluo graue videbatur accepta in Brutiis oppida hoſtium iniuriæ per-mittere abſentia ſua debilitare ſpem atque conatum reliquæ ferme prouinciæ ſe ſuaque omnia in ditionem Hispanicam certatim offerentium. Placuit vt iunctis viribus Seme-nariam obſidione ſoluerent, qua premebatur à Gallicis copiis. Perſuius è Lucanis aduo-catus Gallorum vires & animos confirmarat. Obenignus noſtrorum conſilio cognito qua neceſſario iter Regi erat ferox proceſſit. Recuſabat Gonſaluus certamen. Rex iuuen-  
ta feruens eo conſilio repudiato pugnare dereuit. Victus tamen in prælio, equoque pro-lapſo in fuga ne viuus in poteſtatem hoſtiū veniret, Ioannes Andreæ Altauilæ frater con-ſtanti raraque fide à puero in Regis obſequiis educatus atque in omnia familiaria iura aſſuetus eius periculo perſpecto in pedes deſtitutus ſuum equum ultro obtulit. Euasit rex deſultoriæ artis peritia in equum deſiliens oblatum. qui dedit pro eo hoſtium accuſſu cecidit grata ſuperis atque hominibus ob fidem præſtantem victimā. Pugnatum eſt ad  
30 vndecimum Kalendas Iulii. Fugientibus & male mulctatis regiis Semenaria propinqua-  
effugium fuit, quibuſdam incitamentum ne ſupremo conatu pugnarent. Syluæ quorſdam & vicini montes texerunt. Victoriæ eius cum primis nobilis vt minor fructus Gallis victo-ribz eſſet ipſorum incuria Regis diligentia effecit. Proſectus ex eo oppido in Siciliam abiit deſtinata voluntate Neapolim petendi priuſquam acceptæ cladiſ nuncius accenſa pro ſe ciuium ſtudia reſtingueret Gonſaluus defendendæ Semenariæ ſpe abiecta, ea de-ſerta in vicina loca dilapſus breui operæ pretium fecit multis circum oppidis vi aut vo-luntate occupatis, neque verò deſtitit priuſquam Brutiorum regionem ferme vniuer-ſam Gallis detractam ad ditionem ſubiunxit. Rex cum ſexaginta nauibus, quas in Meſſa-nenſi portu inuenit milite vacuas, ac turba tantum nauali inſtructas, ſublatis velis ad Nea-  
40 politanum littus appulſus per mediam hoſtium claſſem in eam urbem eſt inuectus ipſo die quo ad Tarrum pugnatum eſt pridie nonas Iulii. Ciues incredibili gaudio elati cor-reptis armis in Gallos impetum dant repente omnia in contrarium verſa. Armati per vr-bem ciues implacabili odio Gallos infectari, plenæ cædibus viæ, cruenta fora templeque refractæ direptæq; ædes, & qui reſiſteret trucidatus, ac nominatim Salernitani & Biſinia ni ædes domeſtica ſupellectile ſunt ſpoliatæ. Mompenerius motui plebis furentis impar in arcem nouam ſe recepit adiuncto Salernitano. Neapolis exemplum Capua ſecuta eſt locis vicina, item Salernum & Apuli innumeræque adeo ciuitates pulſo Gallico præſidio Ferdinandi Regis vexilla præferre, ingeminare nomen. Ad hæc pugna ad Tarrum com-miſſæ vulgato nuncio Columnii proceres Proſper & Fabricius, eatenus Gallicas partes  
50 ſecuti ſe ad Neapolitanas tranſtulere. Vrſini contra ſiue ab inſita æmulatione eius fami-liæ ſiue neceſſaria re impulſi ad Gallos tranſierunt, quippe Pitilianus Comes & Virgini-us Vrſinus eius familiæ principes à Gallis capti tenebantur. Arces Neapolitanas, quæ in hoſtium poteſtate manebant, regii ſupremo conatu impugnare dies nocteſque. In ſanctæ crucis monaſterio, quod arcis iuſtæ inſtar munitum. Nequeque arci coniunctum erat, in-ter milites præſidiarios Maurus quidam Alphonſo Daualo Piſcariæ Marchioni notus, qui-  
pe in eius familia quondam verſatus ſeruili ingenio & fraude, ſi pretium operæ ſit, adi-tum ſe monſtraturum pollicetur. Re conſtituta, nocte quadam accedit Marchio ſpecu-laturus locum nihil veritus inſidias, venturi plane ignarus, incauti guttur tranſfigit Mau-rus ſagitta emiſſa. Tanti viri caſu vniuerſa ciuitas luxit: luxere milites ob ſpectatā multis



in rebus virtutem paremque industriam omnium copiarum à Rege ducem designatum. Filius in tenera ætate Ferdinandus relictus est strenuus & nobilis consequentibus annis dux copiarum futurus verissima patris imago. Occisi locum Prosper Columna ante ad Aragonios traductus ex Regis voluntate obtinuit. Homini præpotenti promerendo id blandimentum est datum. Neapolitanæ arcis diuturnæ obsidionis malis nullis ex Gallia subsidii premebantur exigua sustentandi spe. Obenignū de ferenda ope appellare constituunt. Neque defuit ille vocantibus, Gallicum vigorem extinxerant Neapolitanæ illecebræ & voluptates urbis cum primis amœnæ. vulgati præterea morbi plerosque extinxerant. & sane malorum colluione fœdum bellum amplius insigniuit novum genus morbi in ea expeditione visi. Corporum libidinoso contactu vis mali serpentabat maxime nullis idoneis remediis, ut in tabe recenti, usque dum excogitatis: unde crebra in vulgus mortes. Morbum Gallicum dixere Itali, Galli Neapolitanum, Afri Hispanicum nulla certa origine mali, opiniones vacillarunt. Ex novo orbe ubi sæva contagio multum viget in Europam diffusam peritiores arbitrantur: atque hoc tempore à militibus Hispanis in Italiam atque Neapolim delatam luem qua caput & barba depilari solent, facies miserum in modum enatis bubonibus deformari, exedi viscera atque corrupti ac sequi tandem interitum. Tenarisse postrema è Fortunatis insulis classe ad id missa domita atque ad Regum Castellæ ditionem subiuncta tandem est. Insulæ eius Rex navibus in Hispaniam delatus, inde Venetias transmissus donum iis civibus ab insolenti habitu & spectaculo non ingratum. Amicitiam nuper constitutam & fœdus ea benevolentia significatione astringere certabat Hispanus. Alfonso Luco Tenarisses & Palme subiugarum præmium fuit Antelati honos & nomen in Canarias insulas seu Fortunatas concessum. Sic omnes illæ insulæ in Hispanorum potestate regiaque Castellæ ditione conquievire tandem expeditionibus sæpe repetitis: bellumque id ante multos annos inchoatum hoc tempore finem habuit.

*Rex Lusitanus obiit.*

#### CAPUT XI.

**N**ON cessabat interea Ferdinandus Rex Hispanus Regem Lusitanum & Anglum ad commune Principum aliorum fœdus asciscere per legatos, præsidia undique conquirere. Strenuum principem & rebus maximis natum. Excusavit Lusitanus amicitiam cum Gallo à multis annis stabilem: non videri temere violandam. Et erat Pontifici subitatus: à quo impetrare non potuerat uti Georgium ex impari sed nobili matre filium iure legitimo donaret. Nullo enim respondente in successionem regni mutare aliquid non est visum. Lusitano quidem deliberatum erat eum hæredem scribere ex asse, si minus venia Pontificis certe Maximiliani Cæsaris amitini iure successionis illi debito, sic interpretabantur eius voluntate in Georgium translato. Quod sane quid erat aliud, quam pulcherrime stantem reip. pacem præpostera ambitione & cupiditate turbare? novorum motuum materiam quærere? Ab Anglo non fœderis societas petebatur, sed etiam novæ affinitatis vinculum Arcturo Angli hærede & filia Ferdinandi Hispani Regis iunctis connubio. Vtrumque factum, sed consequenti tempore Lusitanus aqua intercute laborabat indies grauiore tum valetudine tum vitæ periculo. Pellendo morbo ad aquæ calidæ scaturigines abiit quæ in Algarbio atque Turdetanis habentur totius Lusitanæ maxime salutare. Sæpe remedia in contrarium vertuntur. Morbi vis eo remedio nihil remisit: quin aucta potius Albore oppido decessit ad octauum decimum Kalendas Octobris, magno atque ardenti ingenio Princeps callidus, facundus, in vindictam tamen præceps. Successorem ex parte correctæ superiori voluntate testamento designavit patruelem Emanuelem patruo Ferdinando natum Pacis Iuliæ Ducem, Georgio filio substituto si eum contingeret sine prole decedere. Longinquum id erat & incertum neque satis æquitati consentaneum. Sed Regum voluntates vehementes sunt. In præsentem ergo militiæ magisterio donari volebat, eius cui à Christo nomen est Conimbricæ ducem esse. Ab eo certe Aueri duces generis stemma deriuant nobilissimi. Inerant haud dubium in defuncti Regis moribus & ingenio bona, inerant mala. animus erectus, excelsus, magna appetens, maiora sæpe viribus, scelerum vindex, studiosorum & fortium hominum fautor. Multo effuso civium sanguine invidiam apud suos commouit, tametsi pro argumento insigni ad clypeum. adiecerat pelicanum rostro lacerantem peccatus alitem ut pullos suos in vitam proprio sanguine reuocet. Corpus translatione funere in Syluensi æde compositum, Aliubarrotam inde delatum est eorum regum



gum sepulchris, sed & victoria de Castella olim parta nobile oppidum. Regium Lusitaniæ insigne publico omnium consensu ad Emanuelem, vti opus erat, delatum est Salaciæ eo tempore agentem cum Regina sorore regiaque vexilla eius nomine ingeminato more gentis sublata explicataque sunt. Etsi Maximilianus Cæsar id regnum sibi deberi contendebat iure sanguinis in pari propinquitate maior natus. Inter eos qui à latere defunctum regem sanguine attingunt non stirpē, ex viro an fœmina sint nati, sed in pari propinquitatis gradu sexum atque ætatem in successione esse consideranda. Vtiq; Ferdināus Visei dux, vnde Emanuel est natus, & Eleonora Augusta Maximiliani mater, patruus & amita defuncti regis erant. Porro Lusitani sexum in imperio non discernunt: neque stirpem considerant, sed capita. Verum de hac tota controuersia alio loco copiosius dictum est. Emanuelis causam gentis studia iuuerunt, præclaræque corporis & animi dotes, quibus nulli ea ætate principum inferior extitit. Ruscinonensi limiti Henricus erat præfectus Albæ ad Alistem Comes. Is iussu sui Regis in agros Narbonenses cum manu militari irrupens late terrorem incussit. Idem Petrus Manricus fecit sed per extremam Cantabriam in Aquitaniæ fines inuectus. Nihil tamen memorabile est gestum. prædæ tantum hominum & pecorum abactæ. Quod præcipuum fuit Gallo qui diu Astæ substitit, iniecta necessitas fœderis cum Ludouico Mediolanensi maturandi, ne versis ad Italiæ bellum terga nudarentur, sed potius ea solutus cura reduxque in Galliam conatus Hispanos & irruptiones prohiberet. Et erat stultum aliena curare, sua negligere.

10 Fœderis leges fuerunt: vt Nouaria Mediolanensi redderetur quinquaginta aureorū millibus numeratis Aurelianensi. Arx Genuæ, quam Galli ceperat, penes Sequestrum esset Ferrariæ ducem. Gallicis copiis per Insubres volente duce liberum iter esset, additis etiam de suo ad recuperandum Neapolim auxiliis. His rebus constitutis Gallus præcipiti autumno cum copiis trans Alpes in galliam rediit. Graue Neapolitano regi extitit Ludouicum Mediolanensem ducem contempto publico Principum fœdere sibi priuatim, quod erat nefas, consuluisse: vnde præsidium rebus expectare debuisset, ab eo nullo propinquitatis respectu, erat enim eius auunculus, rationes Neapolitanas secundo vehementer conturbari. Re ille necessaria excusabat cum hoste pepigisse. Alios principes parum opis præter nomen in eo periculo communicasse, quid factū vituperarent: haud dubium

20 exitium, nisi ita fecisset rebus instare. Ergo Neapolitanus Rex aduersus tempestatem ex gallia rursus imminentem præsidia vndique comparare, ac Ferdinandum Regem Hispanum sibi amplius deuincere satagebat filia eius in cōnubium expedita. Non abnuebat conditionem Hispanus, sed belli ancipitis exitum expectare malebat ex euentu sumpturus consilium. Morē impatiētia Neapolitanus & Ioannē Reginæ viduæ suasi eius filiam eodem nomine duxit soluta lege propinquitatis à Pontifice, quoniam amita eius erat. In ipsa nuptiarum lætitia, res bellicæ curæ erant. Veneti ad ferendam opem sollicitati ægre quidem sed consenserunt tandem. Mantuano ductore auxilia decreta equitum peditumque: præterea in præsentī quindecim aureorum millia mutuo in stipendium data. Dum ea pecunia redditur, sumptusque necessario in bello futuri compensantur, Brundisium,

30 Hydruns, Tranū, Monopolis, Poliganum in Apulis nobiles vrbes & Lautæ pignori datæ Venetorum votis sæpe expetitæ, quoniam alluuntur mari supero Orientis commercio commodissime vnde genti certissima vestigalia constant. Nouas ad tempestates concitandas hi apparatus pertinebant. Ferdinandus quoque Hispanus haud minori cura bellum repetere parabat, quod per fines Ruscinonenses nuper erat inchoatum. Ea expeditio proprie ad Aragonios pertinebat. In eius gentis conuentibus, qui superiori anno Turiasone sunt capti, de publico auxiliares ducenti grauis armaturæ equites, leuis armaturæ trecenti toto triennio decreti sunt, cum eo vt in septem turmas tributis duces Rex e gente quidem designaret. Contra vt aliqua gratia esset, quod antea consueuerant, datum est à Rege vt publica ciuitatum munera & magistratus tribuerentur. deinde ciuium nominatione è designatis coniectisque in vnam sorte ducta. Deinde in Dertusanis Catalaunorum conuentibus, qui superioribus mensibus inchoati ad anni Millesimi quadringentesimi nonagesimi sexti initium tenuerunt, simile decretum auxiliis iuuandi Regem est factum eo propensiore voluntate, quod Ruscinonenses in quorum finibus

40 primus belli impetus futurus erat, proprie ad Catalaunos pertinent, eorum imperio contributi ditionis pars. simul de coniugiis cum Austriaca familia actum magna contentione est: tamen Archiducis animus affinitatem Hispanicam auersari videbatur contumax propter ætatem, parumq; in futurum prospiciens, patrisve obtemperans voluntati votisque.



*Galli à finibus Neapolitani regni depelluntur.*

## CAPVT XII.

Bellum Neapolitanum gerebatur supremo partium conatu, vt de regno diductis in  
ambos prouincialium studiis & viribus. Galli quamuis imminuti numero firmis-  
simas tamen arces & vrbes retinebant. Caietam obsidebat Neapolitanus Rex: in Bru-  
tiis & Magna Græcia Hispanorum arma duce Gonsaluo felicem cursum tenebant: vt  
oppidis & arcibus magno numero ad ditionem subiunctis vix Gallis ea quidem parte su-  
pereffet, vbi pedem ponerent tuto. Firmatus vsu miles Hispanus nulla discordia corrup-  
tus, nulla acie exhaustus, sed belli Maurici domitor sæpe meliora ferre. Persius & O-  
benignus Gallorum præcipui in ea prouincia Duces contempto proprio periculo haud  
ignari quanto in discrimine arces Neapolitanæ essent, ibi belli & rerum summam ver-  
ti in ea fortunæ inclinatione consilio inter se communicato decreuere tamen, vt O-  
benigno relicto, qui Hispanorum conatibus obsisteret, Persius cum copiarum par-  
te Salernum ditionis tum Gallicæ urbem abiret, si liceret ea ope Neapolitanas arces tu-  
eri, sin minus iunctis cum Mompenserio viribus bellum eo tractu instauraret, si qua so-  
daret occasio Neapolis recuperandæ. quæ prima cura sollicitabat. Sic factum. Per-  
sius ex itinere multis oppidis ex deditione adiunctis quatuor porro Neapolitanorum  
millia iussu sui Regis obuia ad Ebulum Picentinorum oppidum non procul Sylari a-  
mne ductore Matalonio, acie superauit. Læta ea victoria Gallis in præsens fuit exi-  
guo in futurum vsui: territis quidem aduersariis nulla manus numero aut viribus in-  
signis prodire in aciem, obsistereque eorum conatibus audebat. Rex tamen prius-  
quam acceptæ cladis nuncius ad obsessos perueniret, de arcium deditione transegit,  
nisi intra certum diem idonea superuenirent auxilia. Accessit Persius victor ad  
Neapolis conspectum, sed cum intra arces nihil moueretur, & Rege extra mœnia ten-  
dente penetrare ipse ad obsessos non posset retro flexit iter. Sic arces omni præsi-  
dio destitutæ elapsis paulo ante Mompensero & Salernitano abeuntibusque Saler-  
num, vt pepigerat deditæ sunt. Pecunia Gallis ducibus in stipendium deerat. Ad  
quam redigendam in Apuliam concedere statuunt portorio & decorebus: vnde præ-  
cipua & maxima vestigalia iis regibus constant. Eo consilio Mompenserus, Persi-  
us atque Virginus Vrsinus vires conferunt. præcipui Gallorum duces hi erant, mi-  
nores multi alii, tum Italici generis tum Gallici. Neapolitanæ copiarum in varias par-  
tes distractæ erant. Rex ipse receptis Neapolitanis arcibus de belli summa sollicitus  
Beneuentum abiit: quam urbem Pontificiæ ditionis Fridericus patruus ab ingruenti-  
bus vndique Gallis defenderat. Inde cognito Gallorum consilio Fogiam abiit quæ  
ex Harporum ruinis creuit. Eo etiam Mantuanus cum Venetis auxiliis appulit. Id  
commode accidit. Sexcenti tamen Germani duce Fabricio ad Regem contendentes,  
cum eo inuito Nuceriam digressi essent, vbi altera eius nationis manus expecta-  
bat, quam deducere secum cogitabant, quo maior gratia esset validius subsidium, for-  
te in hostiles copias incidentes ferme ad vnum cæsi sunt: etsi supremo conatu pu-  
gnarunt, multosque & ipsi ex hostium equibus peremere. Tanta ex eo Gallorum  
superbia vt ad Fogiæ mœnia promotis castris Regem ad pugnam prouocare non dubi-  
tarent: quam ille eo incommodo & superiori ad Semenariam ignominia cautior casti-  
gatusque detrectauit copiis nondum in vnum locum contractis. Leuia tantum fue-  
re certamina: & ab vtraque parte cædes, captiuique neque nullius neque magni nomi-  
nis. Galli vltius progressi portorii partem redegerunt, partem Rex. pars alia in ea  
perturbatione periit à neutris exacta. In ea colluione non oppida & vrbes modo sed i-  
psi pastores aruæque, vt hostile solum vastabantur. Gallorum ferociam comprimere cu-  
piebat Rex haud ignarus ea parte victis reliqua procliuia fore. Gonsalvus in Brutiis vni-  
uersa prouincia ferme in potestatem redacta ipsaque adeo vrbe Consentia capta ar-  
cem obsidione graui premebat. In Obenigno parum præsidii erat ad extremum Ita-  
liæ angulum compacto sustentanteque maiori locorum fiducia quam virium. Monuit  
Gonsalum Rex vt cæteris prætermisiss in præsentem ad se actum festinaret: belli ca-  
pite confecto reliqua secutura. Sibi ad ducendum bellum virium satis esse, ad laceffen-  
dum prælio hostem maiores copias optare. Gonsalvus vera Regem prædicare non ignorabat.  
In diuersum tamen variæ curæ anxium trahebant. Omittere inceptum graue erat, sed  
regi opitulari necessarium. Ergo obtemperandi decreto Ludouicum Aragonum Cardi-  
nalem cum parte copiarum in Brutiis relinquere statuit, qui bellum se absente sustenta-  
ret



tet castris quam infulis aptior. Is Ferdinandi Regis patruelis erat Henrico natus Alfonsi  
 quidem Regis fratre, sed ex impari matre. Agrestes homines magno numero spe prædæ,  
 an ut iter impedirent, iniquis ad transitum locis se in armis ostendunt. Nihil terrètur Hi-  
 spani cum Mauris Granatenfibus in præruptis locis & arduis pugnare assueti. Impressio-  
 ne in vicinos facta ad Muranum oppidum magno eos numero cæciderunt, nisi quos fu-  
 ga dilapsos vicini saltus feruarunt. Ex captiuis quæstione habita cognitum est nobilium  
 magnam manum ad Laynum seu Laum contractam destinata voluntate Consentina ar-  
 cis disturbata obsidione tuendæ. Gonsaluus ne pulcherrimæ occasione deesset tota  
 nocte itinere continuato, sub auroram in id oppidum irruptione facta nobilium magnam  
 10 partem peremit, cepit alios, quos mari ad Regem misit Principes in eo numero erant Ni-  
 castri Comes & Honoratus Sanseuerinus Bisiniani frater. In diuersa parte Galli Cercel-  
 lum in Samnitibus obsidebant decem millibus Beneuento dissitum oppidum. Rex ut  
 eam obsidionem dissiparet Frangettum finitimum accurrit cum copiis, ubi Gallicum præ-  
 sidium erat. Suorum periculo permotæ Gallorum copiarum opitulatum venere. Serum au-  
 xilium fuit oppido iam tunc capto à Rege tum incenso ne præda miles impediretur sci-  
 licet hostique opportunus ex eo esset. Constitere duæ acies ex aduersum duobus occupa-  
 tis collibus valle interiecta: quam transcendere neutri sunt ausi. Res Gallicæ inclinare  
 cæperant: animos & corpora peregrinæ voluptates eneruarant. Rex quoque re cum suis  
 20 communicata deliberatum habebat, nisi suo commodo, ac explorata victoriæ spe cum  
 hoste non configere, neque sua festinatione committere, ut casus aliquis partium for-  
 tunam permutaret. Gonsalui in aduentum certe sustentare visum est quem festinare  
 & prope diem affore fama & idonei testes nunciabant. Neque fefellit spes, breui in  
 castra Regia peruenit, tametsi Momperferius obuiam progressus, eius iter impedire  
 omni studio conatus erat. Quo tempore Rex vestigiis omnibus vrgere Gallorum co-  
 pias annonæ angustia laborantes, iamque detrectantes pugnam & de Apulia cogi-  
 tantes. Verum premente Rege conuerso itinere se se intra Atellam incluserunt &  
 euentu huius belli nobilem cum primis urbem, & tunc Amalfitani Principis ditioni  
 contributam. Rex quo minus id oppidum occuparent, sua diligentia impedire  
 non potuit, quod proximum erat, circumvallare constituit. Ducebatur obsidio pa-  
 30 ri defensorum & impugnantium conatu, neque dispari spe, cum Gonsaluus diu ex-  
 pectatus in castra tandem regia peruenit ad octauum Kalendas Iulias, qui dies Ioan-  
 nis Baptistæ natali sacer est. Eius aduentus obsessis grauis exitialisque, obsiden-  
 tibus lætissimus accidit rerum gestarum fiducia vtrisque cogitantibus eius virtute fo-  
 re bello grauissimo finem. Accessit ad lætitiā plausus. Consensu duces & milites  
 venientem Magni ducis titulo & nomine honestarunt factis præclaris consentaneum,  
 quod ab hoc initio susceptam & aliarum nationum eximio fauore confirmatum in  
 morem abiit, ut hoc potius nomine quam nativo cognoscatur. Ac sane alii duces in  
 Italia quamuis per se strenui cum eo comparati multo inferiores rebus omnibus vide-  
 bantur. Erat enim ingenio magno belli & pacis artibus peræque instructus, præ-  
 40 cipua morum suauitate, colligendæ militaris benevolentia eximius artifex, in præ-  
 senti grande ad victoriā momentum. Opinionem de eius virtutibus susceptam  
 confirmabat ipse industria, satis decorus facundia, omniumque quæ diceret atque  
 ageret, arte quadam ostentator. Ita cum primum Atellam peruenit situ considera-  
 to ipsis Kalendis Iulii cum suorum manu molas frumentarias, vnde obsessi alebantur,  
 momento temporis occupauit, valido inde hostium præsidio deiecto. Fregit ea res  
 Gallorum spiritus, regiis fiduciam addidit breui opprimi ac profligari aduersarios pos-  
 se. Ex paruis sæpe initiis magnarum rerum exitus pendent. Leuia aliquot prælia  
 fuere pro oppido, casus varii: Salernitanus & Bisinianus in ditione delectus habere  
 destinata voluntate Gallicas partes à casu sustentandi, opem obsessis ferendi. Verum ea  
 50 diligentia nihil est præstitum: ac contra Momperferius, Virginius Vrsinus, & Persiuus ob-  
 sidionis malis fatigati se & oppidum dedere decreuerunt. Leges consensu scriptæ. si intra  
 trigessimum diem idonea auxilia non mitterentur ex Gallia, copiarum Gallorum ex vniuer-  
 sa Italia decederent cum bona venia impedimenta, equos, arma secum asportan-  
 di. Arces & oppida Regi restituerent vniuersa ditione Caieta, Venusia, & Taren-  
 tum esset. Discedentibus Rex mari naues, terraque iter tutum præstaret. Mense Iu-  
 lis hæc conditiones sunt iureiurando & datis obsidibus confirmatæ: in iis tabu-  
 lis mirum enim uero videatur Gonsaluo Magni Ducis nomen consensu adscriptum.  
 Dedita ut conuenerat ea vrbe aliisque arcibus Galli profecti, exiguo numero



tamen in patriam peruenerunt. morbis & variis casibus consumpta multo maior pars: ipse etiam Mompenserus ad Vesæum afflicta valetudine, an ex molestia periit. Virginius Vrsinus & Iordanus filius in custodiam dati foederis in eo fide violata. Sed Alexandri Pontificis iussa urgebant, cui obistere Regi tutum non erat pro imperio id mandatis. atque pro Pontificia auctoritate concepti eum iurifiurandi religione soluentis. Affuere in hoc bello Ioannes Borgia Cardinalis Amalfitanus Episcopus Pontificis ex sorore natus, non idem de quo eodem nomine Episcopatu alio est commemoratum, sed tamen pro auunculo Pontifice legatus, tum Dux Gandiæ Pontificiæ manus quam subsidio ei Regi misit, ductor. iis meritis Vrsinorum facta iniuria gratificatum est. Gonfalu discessures Gallicæ in Brutiis & Magna Græcia resurgere, Hispanorum vires debilitari cæperant. Itaque die proximo post foederis conditiones ad Atellam firmatas eam prouinciam repetiit: cuius partem multo maximam eius absentia Obenignus ad Gallicam ditionem reuocarat acerrima belli fax, virtutis & prudentiæ spectata magis quam felicitis ob prævalentem aduersarium. Eius enim diligentia locis omnibus prementis in commune aliorum Gallorum foedus consentire, ac vero relicta Italia in Galliam redire est compulsus. Quo tempore omnino dimidiato mense Augusto in Castella vltiori Isabellæ Reginæ mater Isabella decessit è vita annis postremis parum sui compos. Corpus extemporario funere Areuali sepultum, vbi extremam ætatem exegerat, consequentibus annis in Burgenfe Carthusianorum monasterium translatum est: loco vbi vir eius Ioannes eo nomine secundus Castellæ rex fuerat compositum. Ad vndecimum Kalendas Septembris defunctæ neptis Ioanna nomine classe ad Lauretanum portum instructa in Belgas abiit ad pactas nuptias cum Philippo Austriæ Archiduce. Regina mater filiam vsque ad portum est profecuta, Fridericus Henricus maris Præfectus Belgas vsque. In coniugii eius celebritatem ludorum apparatus omnemque lætitiæ significationem intentos. Ab Alexandro item Pontifice Ferdinandus puellæ pater Catholici cognomentum accepit in posteros cum regno transfusum stabili possessione. Honorum titulos Principibus diuidere Pontificibus Romanis datur. Erat in more vt in litteris Apostolicis adscriberetur, Regi Castellæ illustri. Ergo deinde noua indulgentia adscribi placuit, Regi Hispaniarum catholico, non sine obrectatione & inuidia Regis Lusitani, quando Ferdinandus imperio vniuersam Hispaniam non obtineret, eius tum non exigua parte penes alios Reges. Contentio ab eo tempore excitata ad nostram ætatem tenuit. Maiori motu exarsisse Gallum verisimile est, si quod Comineus ait, Pontifici erat destinatum Christianissimi appellationem, qua reges Gallos ante aliquot annos simili exemplo in Ludouico vndecimo Pius secundus Pont. Max. honestauit, in Ferdinandum transferre rerum gestarum amplitudini gratiam consentaneam.

*Reges Lusitani.* C A P V T XIII.

**E**manuel Lusitanæ Rex cum primum regium insigne desumpsit. Montem maiorem regni ordines ad generales conuentus euocauit de rebus grauissimis consilia communicare volens. Eo Georgius accessit defuncti Regis filius, ætatis agens annum quartum decimum, Diegho Almeyda deducente Priore Hospitalario, quem sagax pater delegerat, qui pueri imbecillam ætatem regeret consilio, imbueret moribus eo loco dignis. Venientem Rex benigne accepit, quin ad eius amplexum lachrymas fudit indices beneuolentiæ, decessoris tum memoria tum desiderio expressas. Filii eum loco futurum promissit charissimi, se patre dignum præstaret. Simul legatos dimisit ad varios Principes, nominatim Castellæ Regibus suæ inaugurationis gaudium nunciare voluit: Alexandro Pontifici more maiorum suo nomine obsequiū debitum deferri. In noui Regis aula principem gratiæ locum obtinebant Dieghus Silva, quo morum institutore & magistro creuerat; tū Ioannes Emanuel Ioanne Guardiz Episcopo natus & Iusta Roderica illius amica, quæ Emanuelis Regis nutrix fuit. Dieghum Portalegris Comitem esse iussit operæ & disciplinæ præmium, Ioannem regio cubiculo præfecit. Ex vsu familiari parique ætate gratia aucta, adeo vt cæteros aulicos facile rebus omnibus anteiret. In iis conuentibus edictum est vt Iudæis omnib. à defuncto Rege in seruos datis redderetur libertas. Superiorem seueritatem noua censura mitigare æquum videbatur; miseræ gentis calamitatem subleuare. Auxilia in Africam decreta atque militare supplementū: vbi Septem freto imminentem Ioannes Rex eo nomine primus eripuerat Mauris. Tingini & Arcillam ad extremum occasum atq; ad Oceani littus Alfonsus Emanuelis patruus. Inuecta virtute posteri retinebant: felicibus sæpe armis submouerant hostes, agris finitimis attulerant vastitatē. Arcillæ præfectus Ioannes Menesius cupidus nouo Regi suam industriam probandi multis circa



pagis consuetū vectigal pēdere recusantibus, cōmunicato cōsilio cum Tingitano Præfeto atque cum eo iunctis viribus in eos ducens, forte in Barraxam & Almandarinum in-  
 eurrat strenuos Afrorum magnique nominis duces. Non detrectauit certamen Menes-  
 us etsi numero vincebatur. Commissa pugna victi fugatique hostes sunt: virtuti cessit mul-  
 tudo. Lata ea victoria in præsens fuit, rerum maiorum initium. Interea ad Montem ma-  
 iorem conuentus celeberrimi, multis quamuis & magnis rebus nondum constitutis ne-  
 cessario sunt dissipati pestis ob luem in ea regione grassari incipientem. Ipse adeo rex di-  
 missis ordinibus raptim ex eo oppido discessit huius anni initio; atque sub ieiunio Chri-  
 stiani tempus Setubaliā sese contulit. Quæ profectio non incolumitati tantum est data  
 10 sed officio studioque duas sorores viduas inuiscendi Eleonoram Reginam, & Isabellam  
 Brigantino antea nuptram. Eo congressu nihil prius actū quam de Aluaro Brigantini Du-  
 cis occisi fratre ducisque filiis, qui in Castella profugi durum exilium tolerabant, patria  
 extorres in patriam, paternaque opes & pristinum dignitatis locum reponendis. Id Fer-  
 dinandus Rex Castellæ enixe contendebat; innoxios nihilque mali promeritos eriperet  
 supplicio: sorores tantundem cum lachrymis flagitabant, ardentius Isabella quam ex ca-  
 lamitates propius attingebant eodem momento orbata viro filiisque, familiæ vniuersæ  
 miserabili luctu. Ante omnes Beatrix Visei Dux precibus Regem filium fatigabat, eique  
 pro materno iure mandabat, vti sanguine & necessitudine coniunctos subleuaret. Non  
 tibi, inquit, solum, regnum cœlitus datum sed matri, sororibus, & propinquis; omnib. de-  
 20 nique qui in te spem emergendi iure collocarunt, partem aliquam imperii communicari  
 dam & felicitatis cogitare debes. Fructum ex nostro fundo nostraque ex arbore decer-  
 pere quis vetabit? Quæ si nos spes fefellerit animis nostris concepta, quo ibimus? ad cu-  
 ius opem confugiemus? An importuna feueritate committes vnde cunctos nos pigeat te  
 ad culmen dignitatis & gloriæ peruenisse? Cum eras priuatus, nostram sortem & miseri-  
 am deplorabamus: nunc ad eam acerbiter, iniuriam importuna feueritate factam ad-  
 iungere erit necesse. Quare si vlla tibi æquitatis, si vlla pietatis cura est, si labores eius quæ  
 re peperit, si amorem quo te sum perpetuo prosecuta memoria retines, matri filiam resti-  
 tue, sorori filios, auix nepotes, memet denique totam mihi redde, mea; membra disun-  
 cta locis & lacera & dissecta in vnum quasi corpus saluari ista manu compinge. Atque  
 30 cum acceptæ potestatis præcipuum fructū cogitato, hoc quasi initio accepti principatus  
 specimen dare cæteris ad bene sperandum hoc quasi salutari signo sublato. Cupiebat Rex  
 iustissimis matris & sororū votis satisfacere. Verū ne repente defuncti Regis censura mu-  
 tata in leuitatis suspicionem incurreret, verebatur: ac simul providendum erat ne eorum  
 animos irritaret qui bonorū exulib. ablatorum se attactu & longa possessione cōtamina-  
 uerant. Vicere tamen omnes difficultates pietatis respectus, matris & propinquorū postu-  
 lata. Quib. bona & honores exulū sunt ablata, eos aliis pro præsentī copia datis munerib.  
 pacauit. Nullus vt regiam clementiā accusaret, contra laudaret multi & perpetuo præco-  
 nio celebrarent, qui nollent etiam factū probantib. Regii cōiugii curā sollicitare, & prolis  
 in spē regni suscipiendæ. Ætas matura erat quippe sex & viginti annorū. Nulla conditio  
 40 Castellæ regū affinitate potior erat: neq; id gens Lusitana ignorabat. Ferdinādo & Isabel-  
 læ Regib. de eo coniugio appellatis placebat Emanuelē generum adoptare: ceterū vt ma-  
 iorem filiā coniugem darēt, non adducebantur. proxima in Belgas abierat. Catharina etiā  
 Arcturo Anglo pacta erat. Mariam omniū minimam coniugē Lusitano libenter destina-  
 bant. Abnuī Lusitanus: neq; aliū Principē sibi præferri in coniugio maioris filiæ ferebat  
 pro gentis ingenio nulli de dignitate concedens. Adamabat præterea Isabellā & forma &  
 indole oblectatus ex quo tēpore fuerat in Lusitania Alfonso Principi nupta. Agebatur de  
 eo coniugio: ea; ex re Ferdinandus Rex Catholicus occasione captata Lusitanū solici-  
 tabat, vt se ad Principem fœdus contra Galliæ opes & Regē adiungeret. Isabella quoque  
 Princeps inter coniugales leges Mauros & Iudeos Lusitani regni finib. deturbari iubebat  
 50 voti peruicax qui perfidā gentē tueretur à Christianis institutis abhorrentē, ei vt toro iun-  
 geretur adduci nō posse. Cupiebat Emanuel vtriq; postulato satisfacere puellē amore ar-  
 dēs impatiensq; morē. Verū ne Ferdinādo obtēperaret, amicitia cū Gallis à multis annis  
 stantē & mutuis officiis cultam excusauit. Hispaniæ finib. ab iniuria tuēdis vires & fœdus  
 libenter offerre: vt se externis bellis implicaret, alienum à suis rationib. putare. Ad Isabel-  
 læ gratiam promerendam ægre quidem, sed datum tamen, vt nouo edicto, quod sub hu-  
 ius anni finem promulgatum est, Mauri & Iudæi omnes iuberētur finibus Lusitaniæ ab-  
 cedere seruitutis metu proposito, si qui post designatum tempus restitissent. Solutum  
 antea pœna noua lege sanciri placuit. Mauri quidem in Africam continuo sine recusati-  
 one transmiserunt. Iudæis non eadem facultas extitit: quibus paulo post nouo edicto



filii sunt detracti quatuordecim annis minores, atque salutaribus aquis per vim adhibiti. Insolens decretum à legibus & institutis Christianis abhorrens maxime. Malo cogas homines Christiana sacra suscipere? libertate cælo data in re omnium grauissima spoliis, quos Deus sui arbitrii esse voluit? Graue id piaculum sit: ac ne filios quidem à parentibus eo studio abstrahere liceat. In utroque tamen gens Lusitana peccauit, pueris enim uero sine uoluntate parentum ad baptismum uolenter raptis, atque maioribus natu, ut Christo darent nomina, conuitiis & contumelia vexatis: ac nominatim discedendi facultate per fraudem sublata, cuius necessitas erat imposita. Ita plerique seruitutis metu dederunt manus, quidam sincera uoluntate, pars multo maxima tempore seruientes animo simulato: cuius rei deinde clara documenta extiterunt. multi ad patriam superstitionem, quam reie- 10 cisse, visi erant, cum ignominia Christiani nominis reuersi. Ergo Iudæi variis modis & indignis sunt in Lusitania vexati. Ab Alexandro Pontifice impetratum eis qui tribus ordinibus militaribus se deinceps in Lusitania adiungerent, perpetuæ castitatis uenia, indulgentia certe facultate coniugii: quo eatenus erant ueteri instituto prohibiti. Eius indulgentiæ grauissimas extitisse causas non dubito tempore accommodatas. Libidinis effrenatæ licentia, natalium macula iniusta proli ex iis militibus genitæ. Cæterum res ea obtreptatione non caruit, ut omnia noua, aliis moderationem laudantibus, alii maiorem cautionem requirebant & constantiam. Sæpe etiam quæ prudenter excogitata videbantur in perniciem uertuntur. Ea est humani ingenii imbecillitas. Ab hoc certe aditu opima eorum ordinum uestigalia non hominibus militaribus, ut antea, attribui, sed in aulicorum 20 delicias, qui castra nunquam uiderunt, conferri cœperunt. quanta peruersione & bonorum gemitu dicere non attinet. Præmiorum spe certa sublata quotusquisque non potius delicatam & amœnam uitam, quam militiæ labores & puluerem complectatur.

*Ferdinandus Rex Neapolitanus obiit.*

CAPVT XIV.

**M**OTUS Italiæ non quiescebant nondum in malaciam compositi. Anglus cum affinitate Hispanica ad commune fœdus contra Galli conatus adiecit animum: seq; cæteris Principibus adiunxit. Cæsar etiam venturum in Italiam profitebatur Galliæ Cisalpinæ & Hetruriæ cura ubi multa mouebantur. Sic Dux Mediolanensis à Gallico fœdere 30 discedere constituit. Cognita præsertim Delfini tum infantis morte, & Galli Regis eius patris ualitudine perpetua, ne res Gallicæ ad Aurelianensem iuratum hostem recideret, haud temere metuebat: atque ex ea re exitium, quoniam is princeps eius rationibus uel maxime erat infensus, in Mediolanensi principatu ab antiquo riuales. In Neapolitano regno Apuliæ partem Veneri obtinebant, Gonsalvus sui Regis nomine Rhegium, Amantiam, aliaque in Brutiis oppida & arces. Andegauensium in potestate non pauca, neque contemnendæ arces supererant, neglecta in eo icti nuper cum Gallis fœderis fide. Ad eas impugnandas Rex, Cæsarem patrum furto conceptum Tarentum amandauit. Urbinate, qui eo bello iuuerat, in Pelignis & Samnitibus curare iussit. Atque hic quidem breui omnibus circa oppidis ad ditionem regiam subiunctis cum Prospero Columna Ro- 40 mam abiit. Caietæ subiugandæ maior cura sollicitabat: quam mari Triuentius & cum eo Venetæ triremes acriter, sed irritò conatu impugnabant. Terra obsidere parabat Rex omnibus copiis, cum id cogitantem dysenteria in uilla apud Vesæuum, ac ex eo mors oppressit Nonis Octobris Neapoli, quo se deferendum curauit. Quid flos ætatis iuuat? quid gaudia & aliæ uitæ iucunditates? quid uictoriæ de hostibus partæ regnumq; receptum? omnia subiecit importuna mors & sæua. Vix degustato primi regni fructu est raptus. Miserabile iuxta & insigne exemplum humanæ felicitatis inconstantia. Luxere extinctum ciues uerissimis lachrymis: unum uirum ducemq; sprete aliorum segnitia laudibus ad cælum ferre. Accurrit Castellonio, ubi tum agebat, Fridericus patruus cognito regis periculo: atque ipso quo decessit die Neapoli Rex est proclamatus quippe proximus sanguine. Salerni & Bisiniani principes, Meliti & Lauriæ Comites, qui in ea urbe erant infensi maxime Aragonio nomini sibi per conditiones adiunxit, sed fide parum constanti. Intempestiuo quidem eius principis obitu, multorum animi ad nouas spes nouasq; molitiones excitati sunt; ac nominatim Neapoli & Romæ ad Regem Catholicum res Neapolitanas recidisse quidam prolatis de scripto uetustis iuribus & tabulis confirmabant. Eæ uoces Pontifici & aliis Italiæ principibus accidebant ingrata, iis etiam qui uera dici iudicabant. Sua cuiq; tuendi præcipua cura erat, graue Hispanorum Regis potentiam noui & magni principatus accessiōe augeri. Imbecillū Regē uicinū habere potius uolebāt. Gōsaluus qui aliorū conatib. obsistere unus poterat, arce Cōsentina impugnāda districtus, ea capta & Obenigno



& Obenigno in Galliam pulso, vniuersaque adeo Brutiorum prouincia breui subdita.  
 Nolam abiit: atque in ea vrbe relicto milite, Neapoli Reginas matrem & filiam inuifit,  
 luctum & mœrorem, quo erant oppressæ, sua præsentia & accommodatis officiis leua-  
 turus. Vrgebat contractis copiis nouus Rex Caietam obsidione, atque omnibus viribus  
 impugnabat: quo tempore Obenignus pedestri itinere Romam petens forte an consilio  
 in ea loca peruenit. Is Regis concessu in urbem ingressus obsessis auctor extitit deditio-  
 nes per conditiones maturandæ. Defensionis spem nullam superesse Gallia longinqua  
 suo Rege aliis curis districto. Satis molestiarum diuturna obsidione tolerasse. Non videri  
 amplius laborandum. Ita vrbe dedita Galli rostrata naui & duabus onerariis discesserunt  
 10 in Galliam. Miraculo est habitum è duabus nauibus alteram mari haustam ad littus alte-  
 ram Terracinæ eiectam fregisse. A templorum spoliatoribus dona auro & argento gra-  
 uia & sacrorum instrumenta reliquumq; apparatus nulla religionis cura vehentibus eas  
 pœnas scilicet habuerunt locorum præfides tutelaresq; diui. Sic opes male partæ pereunt,  
 perduntque possessores. Cæsar, vt erat pollicitus transcens Alpibus in Insubres arma-  
 tus irrupit. Mille equites, pedes quinque millia sequebantur nomen magis quam robur  
 exercitus. Præcipua spes in Italicis copiis. Itaque Mediolanensis Dux se cum illo coniun-  
 xit. Sabaudus & Monferratus imperii beneficiarii, quamuis Asta euocati venire negle-  
 xerunt. inane sine viribus maiestatis nomen spreuerunt. Idem fecit Ferrariensis Dux tam-  
 et si Mutinam & Rhegium Imperatorum beneficium obtinebat. Genuam tueri erat pro-  
 20 positum aduersus Galli conatus missa classe & ope Roteri Sancti Petri Cardinalis alio-  
 rumque ciuium eam redigere in potestatem contendentis. Pisanos præterea tegere ani-  
 mus erat aduersus Florentinos omnibus viribus conantes eos ad pristinum ius ditionem-  
 que reuocare oppressa quam à Gallo acceperant libertate. Illi quoniam pares viribus non  
 erant, vt arreptam libertatem retinerent, ad aliorum Principum opes supplices confuge-  
 rant. Ac Venetos nominatim ad vires communicandas sollicitarant quiduis perpeti ob-  
 stinantes, ne iugum seruitutis grauissimum atq; intolerandum à Florentinis reponeretur,  
 extremum malorum. Eam prædam Dux Mediolanensis Venetis eripere cupidus ac vero  
 eius vrbe possessionem ad suum principatum adiungere, auctor Cæsari extitit vt Pisano-  
 rum patrocinium suscipere. Quod ille libenter fecit: ac Liburnum ultra Arni fauces po-  
 30 situm oppidum nobile portu circumfedit præfens. Conatus inanis fuit; obsidione soluta  
 cum ignominia discessit. Pudenda actionum inconstantia agebatur: neq; satis principi-  
 bus fidebat, à quibus erat euocatus. Ita de reditu in Germaniam cogitare coepit nulla de-  
 coris cura. De ea re Ticini deliberatione suscepta, cui conuentui cum aliis Dux Medio-  
 lanensis interfuit, Bernardinus Caruaialius Cardinalis à Pontifice legatus, vt Principum  
 fœdus promoueret, accommodata oratione persuasit, vt dilata tantisper profectio re-  
 bus Genuensibus opem ferret, quæ in periculum veniebant propter Galli conatus eam  
 urbem suæ ditionis facere cupientis. Cū ex Hispania est allatum inducias enimvero Re-  
 ges Gallum inter & Hispanum pactas spe haud dubia pacis porro perpetuæ inter se fan-  
 ciendæ. Id Italicæ rationes vehementer conturbauit: ac Cæsar vt ardentius in disceden-  
 40 di voluntatem incumberet effecit. Induciæ ab Hispano hac occasione sunt cōcessæ. Quo  
 tempore bellum ad Neapolim maiori impetu gerebatur. Hispanis noui ex Gallia terrores  
 ostentati. Irruptionibus quæ per Ruscinonenses identidem fiebant irritata ea gens vindi-  
 care haud dubium parabat. Delectus militares in Gallia ingentes ac reliqui bellici appa-  
 ratus, imminere Hispanis finibus tempestatem manifeste indicabant. Ea cura Ferdinan-  
 dus Rex Catholicus eo propius accedens Gerundiæ aliquandiu substitit cum delectis co-  
 piis, quæ ex omni parte ad periculum confluerant gentis in arma promptæ. Verum au-  
 tumno præcipiti cum nihil ex Gallia moueretur, dimissis Rex copiis & plerisque militib.  
 alio atque alio dilapsis in Castellam redire atque Burgos festinare constituit: quo Regi-  
 nam occurrere mandauerat filii principis nuptias cum Margarita sponfa celebratum. Ea  
 50 profectio cognita Rex Gallus Ruscinonenses idoneo præsidio nudatos atq; opportu-  
 nos iniuriæ cōtracto raptim exercitu, decem & octo millia milites ductore Carolo Albo-  
 nio Sanctanderii regulo pro duce Borbonio Narbonensi limiti ea parte præfecto in Hi-  
 spaniæ fines irrumpere mandat. Sic ad quintum decimum Kalendas Nouembris qui di-  
 es Veneris fuit, Salsulæ in aditu Hispaniæ posita arx iis copiis est circumfessa. Murus erat  
 veteris structura, neq; idoneus tormentorum ictib. sustinendis, quæ pestis igneo vomitu  
 & globis ferreis obuia quæq; prostermit. Militum qui erant in præsidio virtus hostilē im-  
 petum diu sustinere nō potuit. Die proximo oppido per vim expugnato, arx etiā ad dedi-  
 tionis cōditiones redacta est. Aduolauit Hēricus Comes ad præsidium, & cū iis copiis, quas  
 contrahere potuit, ad Ribasaltas constitit quatuor passuum millibus distitum oppidum.



1497 Serus opitulator arce iam amissa. Quod erat proximum ad nominis existimationem tuendam, hostem, qui deserta arce quam tueri non sperabat, se ad vicinos montes receperat locorum asperitate magis confusus quam viribus infecutus est pugnandi si copia esset, certa voluntate. Constiterunt ferme in conspectu utraque castra dies aliquot. Ventum ad manus non est: actum tamen per internuncios de fœdere. Sanxere itaque uti ea parte quidem positis armis induciæ essent usque ad octauum decimum diem mensis Ianuarii anni proximi Millesimi quadringentesimi nonagesimi septimi. Nihil est in bello tam leue quod maiorum rerum momentum non sit. Itali principes ex iis induciis suspicati Regem Hispanum communi causa & fœdere deserto sibi priuatim consulere. Quæ suspicio manauit latissime. Cæsaremque iam dudum de reditu cogitantem impulit, Italia deserta nullo tantæ molitionis pretio in Germaniam extemplo ut festinaret præceps & pavidus.

*Dux Gandia occisus.* CAPVT XV.

Simul Virginius & Iordanus Vrsini ad Neapolim vincti sunt magna multorum inuidia, & vinculorum suorum auctorque Alexander Pontifex in eius familiæ oppida & ditio- nem inuolauit, quam obtinebant amplissimam in agro Romano. Præcipui duces ei bello designati Gadiæ Dux, Urbinas, atque Fabricius Columna aliquot initio oppidis captis Bracianum obsidebant situ & ope firmissimam arcem. Carolus Vrsinus & Vitelocius pecunia ex Gallia aduecta, delectibusque militaribus institutis equitum peditumque, ob- fessis opem ferre decreuerunt. trecentos grauis armaturæ equites, leuis armaturæ quadringentos, pedites bis mille & quingentos sub signis habebant. Cum his copiis Vasanum Pontificiæ ditioris oppidum impugnare statuunt. Validum municipium auferre Pontificiis è re fama- que videbatur. Certe Pontificios auxilio venturos soluta Braciani obsidione haud inepte cogitarunt: futuramque pugnae copiam ex æquo. Non fefellit coniectura. hostes quamuis minori numero Vrsinis obuiam procedunt pugnandi destinata voluntate. in victore exercitu amissi eius oppidi ignominiam hædere graue existimantes atque intolerandum. Ventum ad manus ad nonum Kalendas Februarii. Motæ loco initio Vrsinorum acies in vicino colle constiterunt loci munitione magis quam armis fretæ. Fabricius Columna cum copiarum parte æquioribus tramitibus circuire collem, hostesque adoriri à tergo parabat: cum illi Pontificiorum paucitate qui in acie perstabant, confiderata in eos præcipientes feruntur eo impetu, quem illi imminuti numero nihilque minus expectantes non tulerunt. Cæsi omnes versique in fugam. Gandiæ Dux vulnere in facie accepto euasit, Urbinas captus est. Nobilis victoria ad famam, usu salutaris fuit. Oppida quæ erant ablata ad victores ferme redierunt. Ipse quoque Alexander Pontifex maioris mali metu & re necessaria magis quam sincera voluntate Vrsinos recepit in gratiâ. Gonsaluus quamuis bello Neapolitano nondum confecto Romam cum militari manu profectus Pontifici adiutor, eius concordie constituendæ præcipuus auctor extitit: eoque merito Vrsinorum familiam viris armisque præualidam Regi suo conciliauit. Quibus rebus constitutis Pontificis hortatu eiusque in gratiam Ostiam abiit, quæ vrbs Gallico usque dum præsidio tenebatur. Menaute Guerri Præfecto, tanta ex eo molestia vrbs Romanæ, ut non secus ac si hostis pro portis esset & circum mœnia, annonæ angustia laborarent. Magnæ difficultates opponebantur, ardua arcis mœnia, munitiones adiectæ validum præsidium, in multos dies comparatus cômensus. Virtuti cessere difficultates. intra octauum diem ab Hispanis admotis scalis capta per vim: & Præfecto tamen se tandem dediti vitæ multa- que blandimenta in fidem accepto data sunt. Multum ad eam urbem capiendam Garfias Lassi pro Rege catholico legati apud Pontificem industria virtus que contulit, atque ea prudentia qua nemini sua ætate concessisse visus est. Gonsaluus cupiebat ea expeditione confecta in regnum Neapolitanum redire arces impugnatum, quæ à Cardinali Sancti Petri Iuliano Ruuereo Gallicis partibus addictissimo ad fines eius prouinciæ obtinebantur. Adit Pontificem, discedendi facultatem petit, sermone longius producto Reges Ferdinandum & Isabellam in eius ære esse Pontifex ait, neque in officio respondere tamen, ut erat opus, & collata beneficia postulabant. Ingenium eorum nemini æque ac sibi esse notum. Credo equidem, Gonsaluus subdit, tibi esse notos quorum in ditione es natus. Quod vero addis nulla eorum in te officia extare: nimirum oblitus es eorum Regum ope & auctoritate stare tibi pôtificatum, in tanta quamuis licentia actionum aulæque vniuersæ morum peruersitate. Ergo quæ collapsa sunt, seueriori censura in pristinum statum restituas moneo priusquam meus Rex religione prohibeatur ei fauere qui suis moribus vniuersum orbem Christianum fœdere, prauoque vitæ exemplo multis exitio esse videatur.



videatur. Adiecit alia quæ ira dedit: recensuitque sigillatim beneficia collata à suis Regibus multa & magna. Pontifex victus conscientia scilicet & audacia hominis militaris perterritus, cui loquendi fiduciam misera temporum & morum conditio dabat, mutire non est ultra ausus. Malorum etiam colluuias, quæ ex eo fonte orbis Christianus premebatur, Castellæ & Lusitanix reges impulit repetitis legationibus Gonsalvi exëplo tantundem à Pontifice vt postularent. Verum frustra omnis opera sumebatur frænanda impotentis ingenii prauitate, ita formatis auribus vt acerba quæ utilia, & nihil nisi iucundum & nocuum acciperent. Quin paulo post in Cardinalium cætu vbi de regno Neapolitano Friderico confirmando actum est, Beneuentum Pontificiæ ditionis urbem Gandiæ duci, vt  
10 traderetur, serio agitauit. Præterea destinatum habebat iis Regibus tributis, quod annuatim ecclesiæ Romanæ pendere iure fundi consueuerant, gratiam facere, mutare principatu, quem Gandiæ Duci dari volebat in ditione centum aureorū millia valore exæquantem. Restitit coram Gaspar Lasius effræni cupiditati augendi suos: ac disertis verbis denunciavit suo id Regi curæ fore si seceus esset decretum: neque passurum vt Beneuentum in cuiusquam gratiam ecclesiæ detraheretur quocumque tandem prætextu, rationeue. Parum ea diligentia fuisset profectum, nisi quem neque ratio à furore neque pudor à prauitate continere poterat, eius rationes conturbasset Ducis Gandiæ repentina sæuaque mors. Id qua ratione contigerit explicandum est. Nocte quadam ad octauum decimum  
20 Kalendas Iulias ex hortis, vbi cænati erant, dux & duo Cardinales Valentinus & Borgia se domum referebant. Diuertit de via dux cum vnico à pedibus famulo: quem etiam à se dimisit arma quæsitū. Fecit ille vt erat imperatum: verum in reditu herum non inuenit: neque vero die proximo omnino intelligi potuit vbi esset. Mula tantum qua vehebatur ad Flaminiam portam Urbis est inuenta indicium aduersi alicuius casus. Maiori diligentia & inquisitione cognitum è nauiculario est de media nocte è cymba in qua pernoctabat, vidisse hominem è mula qua portabatur ab alio in clunibus insidente & duobus ab utroque latere ad extremum pontem vbi ventum esset, in subiectum flumen præcipitem datum. Rogasse qui in mula sedebat, an mergeretur: ac duobus affirmantibus, discessisse omnes. Loco à nauiculario designato vrinantes ad imum vsque flumen quæsitum diligenter corpus inuenere nouem foedatum vulneribus cum vestibus ac reliquo omni ornatu. Autor cædis qui esset, explorari non potuit. Multi suspicionibus exagitati. Quidam  
30 ab Vrsinis occisum putarunt, iram in patrem conceptam in filium expromentibus scilicet. Alii Ascanium Sfortiam Cardinalem sugillare haud minori odio incensum in Borgias. Cæsaris Valentini Cardinalis fraus suspecta erat aliis, & paulatim in plures cœpit manare suspicio. Quæ fama præualuit, quasi inuidia stimulatus, quod in Gandiæ principatu minor ætate frater ipsi esset antea prælatus, dolorem ea cæde vindicasset. Verum quis statuere possit? quis vulgi linguam & pronunciandi temeritatem frænare? odium in Pontificem conceptum efficiebat, vt procliui in deterius persuasione populos sinistra interpretatione cuncta acciperet. Nempe infensum semel principem alienæ sæpe culpæ grauant. Ex Duce filius item Ioannes nomine relictus est paterni principatus hæres diu superstes  
40 atque ex duobus coniugiis numerosæ deinde prolis pater.

## Ioannis Principis Hispania nuptiæ. CAPVT XVI.

Qua classe Ioanna princeps in Belgas nauigauit, Margarita Archiducis soror ex aliquanto interuallo in Hispaniam vecta est, ad Ioannis Principis nuptias permutatione alterna inter fratres sororesque pacta. Mense Martio ad Santanderii portum appulit. Rex socer & sponsus obuiam sunt progressi. Ad Reinosam in manus conuenerunt nuptiæ Burgis initio mensis Aprilis celebratæ apparatu & lætitia post hominum memoriam singulari. Nuptialia sacra Toletanus antistes peregit, auspices adhibiti Fridericus maris Præfectus & mater Maria Velasca. vt in aula Margaritæ, ministeria mutarentur Rex nō permisit: ac dedit potius vt suo arbitratu retineret eos aulicos, qui gratissimi ob communem originem, linguam, moresque essent. De pace inter Regem Catholicum & Gallum per conditiones constituenda agebatur. Ferdinando Stradæ in Galliam pro legato ire iussorei perficiendæ imprimis demandata cura. Pacis sanciedæ facultas nondum erat, neque tempus opportunum. Lugduni huius anni initio induciæ generales sunt pactæ cum Hispanis quidem ducto principio à quinto Martii die, cum aliis autem foederatis principibus si vti vellent, septimum Kalendas Maii. Earum finis esset Kalendis Nouembris omnibus sine discrimine. ea enim uero causa Gonsaluo extitit discessus ab vrbe Roma maturandi, ne ob pactas à suo Rege inducias cogeretur arma ponere prius quam arces quæ à Cardi-



nali Sancti Petri in regno Neapolitano tenebantur, in potestatem venirent. Quod præ-  
 stare tamen non potuit militari seditione intempestive excitata. Pactis induciis agebatur  
 inter duos Reges nihilominus de pace, ne ad arma redire esset necesse. Fridericum Re-  
 gem Neapolitanum Galli propter paternos natales vitiosos iniuria id regnum occupare  
 priores accusarunt. Eo excluso ius regnandi ad Gallum necessario, aut Hispanum perti-  
 nere. Præstare positis armis illud inter se per conditiones partiri. Non displicebat ea con-  
 ditio Ferdinando, neque dubitabat totam cōtrouersiam Cæsaris arbitrio permittere. Re-  
 cusabat Gallus ius suum minime dubium, ut ipse videbatur, ad iudicium examen vocare.  
 Ferdinando tamen si regnum id sibi cederet, æquam compensationem offerre aut in pe-  
 cunia, aut alia quapiam ratione: usque eo ut Vasconum regnum se daturum polliceretur: 10  
 quorum reges habere Ferdinandus suspectos cœperat, Labretis & Fuxensibus, uti natu-  
 ra cogebat, ad Gallos nimium propensis. Ad Medinam Campestrum quo Galli legati ve-  
 nerant, de re tanta disceptatio erat instituta. Studio ii prouecti sui Regis nomine Brutios  
 & magnam Græciam in extrema Italia pacis pretium promittebant; ea tamen exceptio-  
 ne, ut si reliquo regno subdito victor Gallus eam etiam prouinciam suæ ditionis facere  
 vellet, Vasconum regno mutare liceret: additis tamen triginta aureorum millibus annu-  
 is exæquarentur cum eius prouinciæ, minora Vasconum regni vectigalia. Gallicis polli-  
 citis ita mouebatur Ferdinandus, ut belli potius odio mallet Friderico regnum confirma-  
 ri tantum pecuniæ daturus Gallis quantum delecti arbitri pro factis in superiori bello sum-  
 ptibus iudicassent, annuo quinetiam tributo adiecto, quod in omne tempus penderetur. 20  
 Quo fœdus esset stabile, Ferdinandus Dux Calabriae Friderici filius natu maior Borbo-  
 nii Ducis filiam ex Regis Galli sorore natam duceret, dotis nomine veniam & pacem in  
 eam regiam illaturam. Honestæ conditio. Sic Gallici legati sunt dimissi. Et quoniam indu-  
 ciarum tempore decurso metus suberat redituros ad arma Gallos Rex Catholicus nihil  
 de sua comparatione remittere a multo usu cautus attentusq;. Vascones imprimis fræna-  
 re erat propositum, unde bellici terrores vel maxime ostentabantur. Ita ab iis Regibus ar-  
 ces in suam potestatem contradi fidei pignora volebat, certe arcium præfectos nouo in  
 eius verba sacramento fidem astringere. Ad hæc Bernardinum Velasum equitum in Ca-  
 stella magistrum limiti ea parte præfecit, ne se Vascones possent commouere. Non minor  
 de Ruscinonensibus cura erat, ne per eos fines Galli in Hispaniam irrumperent duce de- 30  
 stitutos. Quoniam in populari tumultu inter milites & ciues forte Perpiniani concitato  
 Henricus Comes ad sedandas iras egressus lapide ex solario temere iacto ictus perierat.  
 Ergo in eius locum Fridericus Albanus Dux Gallorum conatus ea parte reprimendi cu-  
 ram suscepit. Classis etiam Hispanica ad ea littora accurrere iussa est. ductor Enecus  
 Manricus. Atque hi bellici apparatus in Hispania erant neque nulli neque maximi. In  
 Italia Fridericus Rex de suis rebus sollicitus delectus habere auxiliaque vndique conqui-  
 rere. Ducem Mediolanensem imprimis in partes attrahere satagens geminis nuptiis ob-  
 latis eius, quoniam Hippolyta vxor superiori anno decesserat, cum Carlota sua ex priori  
 vxore, sorore Sabaudi Ducis, filia. Maximiliano Ducis maiori filio Isabellam Arago-  
 niam coniugem destinabat, sibi item ex Isabella natam Principis Altamuræ filia super- 40  
 stite coniuge. Honestæ conditiones neque repudiandæ prorsus præcipiti vtriusque fa-  
 milia casu caruerunt effectum. Simul à Romano Pontifice ut sibi regni eius possessio-  
 nem suo diplomate confirmaret enixe contendebat, aduersus imminentes tempestates  
 non leue stabilimentum. Id ut assequantur Borgiis se multa largituros pollicitus. Ita ex-  
 orato Pontifice non multo post Valentinus Cardinalis missus Neapolim iurato in ponti-  
 ficis verba quasi beneficiario coronam capiti imposuit. Affuit toti cæremonia Archiepi-  
 scopus Consentinus. Populus non secus ac si pacata prouincia esset prompta adulatione  
 gratia haud diuturna, eius diei lætitiā ludis, conuiuīis, & exquisito apparatu, ac sumptu  
 celebravit. Rex etiam se in eos munificum exhibuit, quorum præclara opera extiterat. I-  
 taque peractis sacris voce præconis Prosperum Columnam Traiecti Ducem Fundanum 50  
 Comitem esse iussit, Fabricium Columnam Talliacozi ducem, Gargani Magnum Gon-  
 saluum. Piscarii Marchionis extincti fratrem Enecum Daualum Vasti Marchionem de-  
 nunciavit. Plura alia multis è nobilitate largitus est. his debita dimittere, aliis dare immu-  
 nitates nulla in posterum cura regnum lacerare. Omnium voluntates ea beneficentia  
 promereri erat propositum, quia popularium animi maxime capiuntur. Munificentiam  
 celebrabat vulgus, quidam etiam pecuniis mercabantur. Sapientes irrita iudica-  
 bant, quæ neque dari neque accipi poterant incolumi imperii maiestate. Antonelus  
 Sanseuerinus Salerni Princeps celebritati non interfuit. vocata quamuis per edi-  
 ctum



etum vniuersa nobilitate venire renuit. Nouorum motuum ea fundamenta erant: præsertim ad eam noxam munitis arcibus denuo atque armis & commeatu comparato. quæ noua culpa erat, alienatæ voluntatis argumentum haud dubium.

*Lusitani in Indiam penetrant.*

CAPVT XVII.

VNo tempore Europæ quidem prouinciæ ac præsertim Italia præsentī malorum pondere, maiori impendentium metu fatifcebat, extrema autem ad Solis occasum Lusitania diuturnæ pacis bonis omnibus & felicitate florebat domi; foris conspicua imperii fines ad remotissimas gentes proferre, Euangeliiq; lucem ad postremos orbis terrarum fines accendere, ad ipsosq; adeo Indos penetrare cogitabat. Consiliū ausu temerariū visum, euentu salutare extitit ingentemq; deinde gloriā genti peperit paresq; opes. Henricus Eduardi Regis frater ingenti spiritu vir primus omnium in eam cogitationem incubuit nouas orbis regiones inuestigandi: anniuersariisq; classib. Australem cœli plagam explorare iussis ad extrema Africæ littora, qua inflatis immensum Oceani fluctib. quatitur, nouas insulas, gentes incognitas inuenit. Præclaros eius conatus abruptit mors: quæ incidit in salutis humanæ annum millesimum quadringentesimum sexagesimum ætatis septimum & sexagesimum. Clarissimum Principem immortalī gloriā, tum ob alias virtutes & castitatis cultum nullo per totam vitam fœmineo contactu fœdata, tū præsertim propter eam nauigationem ingenti ausu tentatam. Per se parum (etenim non multum processit) magni momenti locum obtinuit tēpore consequenti. Destitit Alfonsus Rex Eduardi filius incepto non voluntate certaq; sententia, sed motu temporū impeditus & continuis calamitatib. aliis super alias ad vitæ exitum exercitus. Eius filius Ioānes eo nomine secundus, ardenti ingenio princeps eo repetito conatu dimissis identidem classib. Africæ & Æthiopix littora longe lateq; aperuit ultra mediam cœli plagam antiquis incognitam inaccessamq;. Neq; cessauit in opere priusquam immensa Africæ littora in promontorium desinere cognitum est flexu terrarum in Orientem facto, cui à cōtinuis maris tempestatibus Procelloso nomen fecere nautæ. Rex ipse omnis causa Bonæ spei nuncupauit, & quoniam eo circumflexo sperabat ad Asiæ & Indiæ Orientalis oras posse nauigando penetrari, inconcessam laudem vlli antea mortalium; Orientisq; opes immensas & copias in Lusitaniam auertere. Sic promontorio, id est nomen loquentium vsu confirmatum. De iis regionibus certiora allaturos terra prius Petrum Couillaniū & Alfonsum Paiuam Asiæ atq; Africæ penitiores recessus exploratum misit, vti competenti loco explicatū est. Couillanius quidem Asiæ littorib. emensis Cairum Ægypti vrbē primariam rediit. Inde Paiuæ obitu cognito, quē initio mors oppressit magnis sæpe aduersa conatibus, in intimam Æthiopiam, qua late Presto Ioannis imperium patet, penetrare porro institit. Ab eo principe reditu in patriam prohibitus ad suum Regem tamen visa explorataq; de scripto concepta explicataq; sigillatim cunctorum ratione misit: nullaq; deinde dandi litteras facultate pro mortuo habitus est: donēc consequenti tempore, quid illi acciderit Lusitani aduentu suo in Indiam cognouere. Interea post Ioannis Regis fata Emanuel rerum cura suscepta continuo animum ad eam maturandam expeditionem retulit. De re tamen tanta in consilio prius deliberatione suscepta, variæ, vt sit, dictæ sententiæ. Pars longinquā adeo nauigationē auersari. Ingētia pericula, exigua cōmoda, parum spei. Si gloriā si vtilitatē sequeretur, ex Africano cōmercio & Æthiopico mari satis magnos fructus suppetere. Quid maiora viribus captarent? quid præcipiti temeritate in certum exitum ruerent? Præstare gentem Lusitanix campis desertisq; latissimis colendis exercere, quam maioris lucri spe otio & desidia prouinciales corrumpi, mores patrios inuerti. Quod deinde malum emendari non posset. Alii procedendum in opere contendebant. Neq; enim eatenus esse cur incepti pœniteret: vti aucta ex eo commercio vectigalia regia argumento erant. Magnis conatib. aditus primos arduos semper à generosis animis vinci, iisdem difficultatib. ignauos homines obrui. Si cauti nimium esse velimus, quis ingentia facinora vnquam aggreditur? Nihil gratis mortalibus natura dat. Timidos fortuna seu Deus destituit, fortibus adest. Modum quibusdam placebat nauigationi præscribere. Africæ littora explorari vniuersa, neq; ultra procedere. Honestum & commodum certis finibus includi: cupiditati nisi franos iniicias, immensum efferri: neq; cessare nisi in præceps dato eo, qui obtemperandum duxerit. Lusitanix viribus & copiis si extensas immensum Africæ regiones aperirent, fore satis. Suo se quemq; metiri pede esse verum. Inter variantes sentētiās, in qua plus dignitatis erat, ea vicit in concilio; & secundum eam Rex incepto progrediendi destituta voluntate, quatuor naues instrui omnib. rebus mādāt. iis Vascus Gama præficitur



magnorum spirituum vir, eoque vel maxime idoneus ad nouum iter nouamque nauiga-  
 tionem tentandam, qualem ab vlla memoria aggredi nemo ausus fuerat. Socii adiuncti  
 Paulus Gama frater & Nicolaus Cœlius, alique viri præstantes, ad hæc centum & sexa-  
 ginta pars nautæ pars milites. Exigua manus, ingens incœptum. Regium vexillum sacra  
 precatione lustratum de more in Diuæ virginis templo ab Henrico olim Principe primo  
 totius nauigationis auctore in littorē Olisiponenſi extructo: quibus deinde vesti-  
 gis, auctis Indico commercio vectigalibus Emanuel Rex nobile monasterium Bethleem di-  
 ctum Hieronymiano ordini constituit. Ex eo loco conscensis nauibus soluerunt ad se-  
 ptimum idus Iulii, inter multorum qui abeuntes ad littus proſequiebantur lachrymas &  
 lamenta, vt non felicem nauigationem præcari, sed funus efferre viderentur, quos nun- 10  
 quam viſuros certo ſibi perſuadebant. Illi tamen læta fronte, anxiiſ animis explicatis velis  
 Fortunatas inſulas petiuerunt: inde Viridis promontorii inſulas: quas antiqui Heſperidas  
 dixerē. Eas inſulas præteruecti, atque quæ in eo numero eſt præcipua & a diuo Iacobo  
 nomen habet relicta, directis ad ortum proris ſinu vaſtiſſimo enauigando multis procel-  
 lis obnoxio tres menſes conſumpſerunt, priuſquam terram e Charcheſiſ intueri omni-  
 no poſſent. Cœlum vndique tantum & inare. Donec vltra mediam cœli plagam decem  
 gradibus viſa terra ad amœni fluminis oſtium applicuere naues multis opacum arborib.  
 aquandi neceſſitate, & vt ſe a iactatione maris reficerent. Gens erat colore fuſco, capillo  
 criſpo & breui, nudis corporibus, tiguria e paleis & ramalib. piſcibus ſole duratis, pomis,  
 & herbis quas ſponte terra fundit, vitam tolerant, nullo in mutuos vſus ne cum finitimis 20  
 quidem commercio. Cum iis per nutus, quoniam lingua prorſus erat ignota, inito com-  
 mercio, vilibus ſerutis regionis fructus & pecora mutarunt, commeatum reliquæ nauig-  
 ationi. Sinui ſanctæ Helenæ flumini diui Iacobi indita ex eo tempore nomina. Repetita  
 nauigatione Bonæ ſpei promontorium ſuperare conantes, continuis atq; ſæuiſſimis tem-  
 peſtatibus iactati identidem de ſalute deſperabant. Prorſus vt ſocii ducē circumſiſterēt  
 obteſtarenturq; ne præcipiti temeritate rueret in exitiū, quid cū maris ſcſuitia, quid cū cœ-  
 lo luſtaretur? quid negatā omnib. viā temerario conatu tentaret? De reditu cogitaret po-  
 tius, eam ſalutis vnam ſpem eſſe ſcilicet reliquā, tenuem quamuis & exiguā. Inuiſto Ga-  
 ma poſtulabat animo, neque ſociorū lachrymis & obteſtatione mouebatur. Contra hor-  
 tari fortibus animis inanes ponerent metus. Adeſſe finem omnibus votis expeditū, iam 30  
 nihil gloriæ deeſſe, nihil obſtare virtuti, labore non maximo incognita niſi immortalibus  
 eſſe viſuros. Salutaria monēti metus obſtruxerat aures. In necem eius conſpirant, vnus  
 capite aliorum omnium ſalutem redimere cogitantes. Indicata a Paulo fratre coniuratio  
 ne naucleros in vincla ferrumque dat: ipſe nauis qua vehebatur gubernandæ curam ar-  
 repto clauo ſuſcipit. Summa contentione ad extremum promontorium tandem luſtan-  
 do cum fluctibus peruenit. Frequentes & amœni agri viſebantur, ſyluæ præcipua viridi-  
 tate, præceris & opacis arboribus veſtita littora. Eo promontorio circumducto ad duo-  
 decim. Kalendas Decembris, quo tempore ſolis ad Auſtrum inclinantis vicinitate maxi-  
 mi æſtus in iis regionibus vident emenſiſque porro quinquaginta circiter leucis ſinus  
 occurrit, cui a ſancto Blaſio nomen eſt factum. In medio ſinu inſula iacet ſpatiis an- 40  
 guſta vitulis marinis referta. Ad eam inſulam applicuerunt naues aquandi neceſſita-  
 te. Incolæ ea parte ſimiles iis erant qui aduerſa littora Africæ late tenent, fuſco colore,  
 nudo corpore, genitalibus modo in ligneam vaginam conditis. Elephantos terra alit,  
 & boues quib. pro iumentis vtuntur ſarcinariis. Aues viſuntur implumes anſerum ma-  
 gnitudine aliſ membranaceis veſpertilionum in modum. iis non ad volatum vtuntur,  
 ſed ad curſus velocitatem incitandam. Ex iis locis proſecti lenta quamuis nauigatione  
 propter maris rapidi & reciprocantis fluctus aduerſos, ad regionem tandem peruene-  
 runt, quam incolæ quidem Zanguebarem dixerē, noſtri a Chriſti natali nominarunt  
 a die quo eo applicuerunt, indita ſinui appellatione fluuiui, qui ea parte in mare mit-  
 tit Regum dixerē, quoniam quo die Magorum ad Chriſtum aduentus memoria anni 50  
 uerſaria celebratur egreſſi aquatū e nauibus in littus ſunt. Maris æſtus nihil remittebat,  
 neque aduerſæ & fœdæ tempeſtates. Ergo vitata terra in altum progreſſi, Zoſala non viſa  
 tunc, quod præcipuum in iis littoribus oppidum occurrit, venis auri imprimis nobile, vl-  
 tra illud prouecti gentem conſiderarūt, minus quam priores coloratā, cultu aliquanto ele-  
 gantiorē, quantū ex geſtibus & ſignis licebat conicere, maiori humanitate & moribus  
 cultioribus. Aneas armillas in brachiis geſtabant: viri inſuper pugiones ſtācis capulis.  
 Lingua erat prorſus ignota, niſi quod inter alios quidam Arabice noſtris ſecundam ſalu-  
 tem renūciauit: nō procul verſari in cōmercio naues Luſitanis haud abſimiles tum forma  
 tum magnitudine. in iis homines colore candido negociari. Ea denunciatio gratiſſima  
 accidit,



accidit; quod quivis ex suo sensu æstimare potest. Indiam enim ex iis notis à barbaris ignaris designari intellectum est. Itaque in vota precesque conuersi Deo gratias immortales egerunt concinentes hymnum, vt tantis muneribus cumulum, tantis laboribus felicem exitum adderet cum lachrymis postularunt. Simul ex eo flumini vicino Bonorum signorum indidere nomen tantæ lætitiæ posteris monimentum. ad hæc columnam in litore erexerunt Raphaelis archangeli indita appellatione, quod ad eum terrarum & maris tractum nomen ex eo deriuauit: atque è decem hominibus, quos capitalia in Lusitania promeritos morteque in exilium mutata secum adduxerant ea causa, duos ibi reliquerunt, qui gentis linguam addiscerent, & totius regionis ingenium, mores & naturam explorarent. lætitiā ex ea spe conceptam maximam haud dubium, multorum aduersa valetudo obscurauit. Gingiuis intumescantibus multi absumpti sunt. Grauitatem cœli quidam accusabant; alii falsamenta, quibus tandiu sustentarant vitam. Insalubrium ciborum insolentes succi, itineris labor, animi ægritudo, nouumque cœlum morbos vulgarunt. Mensem integrum iis in locis traxere moram non minori periculo quam molestia. Inde Mosambicum itum est urbem in insula exigua positum è quatuor continenti proximis quinto decimo vltra æquatorē gradu, vigesimo à Bonæ spei promōtorio commercio nobilem propter confluentes vndique magno numero ex iis regionibus mercatores. Incolæ religione Mahumetani erant colore subnigro, bombycinas vestes distinguente auro, tegumenta capitum è linteo in spiram complicato præcipua magnitudine. Ex humeris pendebant acinaces, læua gestabant scuta. In eo habitu consensu myoparonibus ad visendas nostras naues venerunt. Accepti benigne atque habiti. Ex iis sciscitando cognitum est urbem eam Abrahami Regis Quiloæ ditione teneri vrbis in iis littoribus nobilis vltteriusque positæ. Rebus ab eo gerendis præfectum Prætorem, quem Arabice Xequem vocant, & alioqui proprio nomine tunc Zacoeya nuncupabatur. In eius Prætoris gratiam datis muneribus insinuatī nostri impetrarunt duos naucleros maris peritos, qui nauium cursum in Indiam dirigerent ne in vada aut scopulos inciderent. Atq; initio quidem incolæ nostros Sarracenos occiduos persuasi eos humaniter acceperunt: ea vero initæ amicitia causa. deinde cognito Christianæ religionis esse cultores benignitatem odio mutarunt: ipsi quinetiam nauigationis duces natatu fugientes naues in alto destitutas deseruerunt. Tormentis Lusitani in urbem directis versantes in litore quosdam peremere magno reliquorum omnium terrore: quorum ad oculos & aures ea fulgura & tonitrua insolita prorsus accidebant. Prætor imprimis ad imas preces descendens placare iram quacumque ratione cupiebat. Ergo condonata noxa nauclerum accepisse iñeris ducem satis habuerunt haud minori perfidia quam priores. Omnino eos Quiloæ Regi in potestatem tradere satagens gentem Christianam ea loca tenere prædicabat, ex iis quos Abissinos vocant. Si ad eam urbem appellerent hospitii ius commeatusq; omne genus fore facultatem. Blandis verbis & pollicitis deceptos & periculo proximos diuinum numen eripuit. Inflato repente mari eum portum tenere non potuere. Alioqui in apertum discrimen venissent, vrbe præualida, Regeque ob ea quæ ad Mosambicum gesta audierat vehementer infenso atque in vindictam prono. Non destitit tamen Sarracenus nauclerus nostris continuata perfidia dolos necere. Ergo suasit vti Mombazam peterent urbem rupi impositam mari circumfluo ferme omni ex parte, portuque ex eo commodissimo insignem. Ex ea vrbe multi nostros studio visendi processere obuiam: cū quibus arcano conceptam perfidiam perfidus communicauit haud dissimili hominibus ingenio. Vis numinis quanta esset eo etiam loco apparuit in Lusitanos benigni hostibus infensi. Vascus Gama in ipso portus aditu, ne in proxima breuia incideret, repente demitti vela, ancoras iaci præcepit. Ibi nauclerus ex repentino nautarum discursu & ex conscientia perfidiam detectam veritus se in mare deiecit proxima terra. Idem eius exemplo fecerunt quidam eius vrbis ciues qui è nauibus nondum abierant. Naues tres tantummodo erant: nam quarta commeatibus destinata, iis consumptis & propter nautarum paucitatem iam dudum fuerat incensa. Gratias nostri egere superis, quod manifesto eos periculo eripuisset: præterea nauclerum nauigationis ducem commodiorem breui nacti sunt. Sublatis inde velis continuato itinere gemina Sarracenorum nauigia ceperunt, atque in iis captiuos omnino tredecim, nam alii in mare omnes profiluerunt. Ab iis cognitum Melindem urbem haud procul abesse ferme æquatori subiectam. Regem insigni humanitate esse, beneficium atque in aduenas hospitalem. Ea denunciatione animati nostri eo contendere decreuerunt. Vera esse quæ à captiuis audierant, deprehēdunt. Regi, eorum aduentus gratus extitit: & quoniam senio ipse prohibebatur naues inuisere, filium pro se vicarium misit: cum quo omni comitatis & benignitatis genere à nostris certatum



est. Secundum salutem & munera vtrinq; data gratissimos sermones miscuere. Dedit is princeps nauclerum nostris. Gama contra tredecim, quos paulo ante ceperat, Sarracenos donauit gratissimum ei principi donum. Sic comparato com meatu nauibusque refectis, Lusitani discesserunt fide data in reditu eodem se venturos benignitatis regis memores, & ut facultas esset oratorem in Lusitaniam mittendi per causam Emanuelis Regis amicitiam expetendi. Lenta nauigatio eatenus fuerat. Christi in vitam reducis memoria sacri solemnesq; dies transacti. Melinde tamen soluentes secundis prouecti flatib. vno & viginti diebus in Indiam laborum metam diu optatam peruenerunt septingentis ferme leucis inde distitam. Ad tertium decimum Kalendas Iunias terra ab speculatoribus visa paulo post duobus à Calecutio millibus iactis ancoris consistere. Caret ea vrbs quam-  
 10  
 uis totius Orientis celeberrima portu, & tempus erat minime tutum, quippe iis in regionibus hyems vel maxime sæuire cæperat, magnum naturæ miraculum, in quo mens humana considerando fatiscat. Malabaris regionem, vbi Calecutium est, erecti in nubes perpetua iuga montis interfecant, in promontorium desinentis quod Cori dixit antiquitas, nunc Comorinū vocatur. Ab vtraque parte pari altitudine cœli cardo surgit, media cœli plaga pari ab vtrisque distantia, & citra montes tamen mense Maio continuis imbribus hyems incipit marique fluctus intumescunt, vltra montes æstatis ardorib. torrentur campi & oppida, pelagus in malaciam componitur. Rem plane mirabilem, atque sine exemplo. Rationem eius discriminis reddere, diuinæ sapientiæ pelagus scrutari mente, explicare oratione num quis possit? Acutissima ingenia hac discutienda quæstione cæcutiant  
 20  
 plane atq; hallucinentur, mentis oculis velum sæpe natura prætendit, ne possit recondita & arcana eius mortalitas assequi.

*Quid Vascus Gama Calecutii gesserit.* CAPVT XVIII.

**P**riusquam quid à Vasco Gama Calecutii sit gestum explicamus, operæpretiū erit, earum Asiæ prouinciarum amplitudinem compendio designatā ob oculos ponere. India omnis ab occasu Arachosia & Gedrosia, & Paropomisadaram finibus terminatur, ad ortū extremos Sinas attingit, ad Septentriones Imao monte, qui est pars Caucaſi clauditur. Ab Austro Indico mari alluitur Oceani parte. In duas vniuersa diuiditur, partes,  
 30  
 quæ citra, quæq; est vltra Gangem. tametsi nostri India nomine angustius vsurpato appellant Indiam regiones modo Indo & Gange fluminib. comprehensas. nam & indigenæ eum terrarum tractum Indestam vulgo vocant, & quæ vltra Gāgem vastis terrarū spatiis extenduntur, alia nomina habent. Inter hæc duo flumina montes eriguntur perpetuis iugis tendentes ad Oceanum, desinuntq; ad Austrum Comorino promontorio constituto. Ad ea littora multæ gentes fusæ sunt. Præcipuæ inter alias, Cambaia ab ostio Indi fluminis latissima prouincia, mox Malabares. In medio inter has gentes spatium exigua insula iacet, mare à fronte tergum & latera fluius claudit in gemina diductus brachia. In ea nobilissima vrbs Goa regni Decani pars nūc Lusitani in iis regionib. sedes imperii. Malabares gens ineptis deorum superstitionib. miserrime seruiens in quatuor genera hominum  
 40  
 tributi sunt. nobiles quos Caymales vocant; Sacerdotes, qui & Brachmanæ sunt, præcipua auctoritate homines: milites Nayres dictos; postremo plebem ex agricolis & opificibus constantē. Mercatores ferme sunt externi. Fusco colore omnes, vmbilico tenus nudi incedunt, cætera vsque ad tibias bombycina aut gossipina veste contegunt, acinaces ex humero pendent spectaculum nostris insolens. Ritus & mores gentis insolentiores plane sunt & feri. Ex vno cætera coniice. Fœminæ multis pro libidine viris nubūt. Ita patres testamento filios quippe incertos hæredes non instituunt sed sororum liberos. Multos in Reges diuisa gens erat. Regi Calecutii tanquam domino parebant cæteri, ex eo Zamorinum vocabant hoc est imperatorem. Opes & à maioribus relictas habebat, & ipse lōga imperii possessione ingentes cumulauerat. Lautæ imprimis ciuitas & ampla Calecutium  
 50  
 est, mercatorum ex locis omnibus confluentium frequentia & mercatu aromatum præ cæteris celeberrimum Orientis emporium. In media regione ad mare posita. Latissima spatiis quoniam domus inter se coniunctæ non sunt. Sed late spatiantibus syluis & viridariis diuisæ. Regia tantum & deorum templa è lapide extruuntur: priuatorum ædes è materia palmarum foliis & ramalibus contextæ: neq; plurib. sublatæ tabulatis sed humiles. Sumptuosius ædificare nobilib. iuxta ac plebi est vetitum. Is erat Calecutii rerum status, ii gentis ritus & mores: quo tempore Vascus Gama ad eas regiones applicuit. Accurrunt continuo multæ cymbæ ad naues studio visendi gentem insolenti vultu, habitu cultuque corporis. Gama è damnatis vnum in terram eiecit, mirabile spectaculum genti. Itaque ex  
 omni



omni parte magno numero circumstant: neq; satiantur aspectu. Aderant inter alios duo  
 mercatores Mauri Tuncti nati. iis ex habitu cognito Hispanum eum hominem esse, alter  
 eorum nomine Monzayda Hispanice rogat, ex qua Hispaniæ regione esset? Respondet  
 ille e Lusitania. Tunc Maurus domum deductum aduentus causam & totius nauigationis  
 ordinem rogat: edoctusq; omnia ad naues ducem salutaturus accedit. Acceptus benigne  
 exponit, quo tempore Ioanes Lusitanus Rex Tunctum mittere solitus erat, qui arma telaq;  
 compararent, se fidelem & assiduam operam in negotio præstitisse. Ad hæc de regione v-  
 niuersa quæ scire opus erat, cuncta sigillatim exposuit. Diuinitus datum interpretem di-  
 ceres. Postremo opem & industriam, si vti vellet, ultro obtulit. Die proximo Gama duos  
 nuncios cum Monzayda in urbem misit, qui regi venisse se in eas oras renunciarent, nisi  
 eius venia in terram nolle descendere. Impetrata facultate sui ad eum Regis litteras perla-  
 turum, & mandata quæ coram communicanda de reb. magnis deq; iungenda amicitia ac-  
 ceperat. Agebat tunc Rex Pandarane oppido duob. ab vrbe millib. passuum. Eo in oppi-  
 do Gamæ nunciis facta conueniendi potestate dicendi quæ vellent, respondit nauium ad  
 ea littora appulsum gratum accidisse. Ad se Dux Lusitanus porro veniret: colloquiū fore  
 gratissimum. Missurū qui ad se deduceret. Interim ex loco vbi in ancoris stabat, propter  
 hibernum anni tempus procellis obnoxium ad Pandaranis commodiorem stationē ap-  
 pelleret naues. Sic factum. Post aliquot dies venit vrbs Prætor (Catualetem ipsi dicunt) vbi  
 Gamam in Regiam deduceret. Ille fratre suo pro se in nauib. vicario relicto cum manda-  
 tis, quando Regis colloquium detrectare non licebat supremo quamuis salutis discrimi-  
 ne, si quid aduersi contingeret, reb. aliis neglectis in Lusitaniā sublati velis rediret quam  
 primum Emanueli Regi totius expeditionis rationem nunciatum: & nihilominus ad o-  
 mnes casus nauium scaphæ ad littus sibi præsto essent. His datis præceptis ex omni copia  
 duodecim sibi socios adiunxit splendenti omnes cultu formaq; & corporum habitu præ-  
 cæteris præstantes. Nullus ea tempestate inter Indos equorum aliorumve iumentorum  
 vsus facultasve erat. Ita Gamam designati ad id baiuli ad regiam vsque portarunt humeris  
 sellaque sublatum. Accedentem honoris causa obuiam facti nonnulli Caymales excepe-  
 runt; & cum iis Brachmanorum antistes more gentis linteatus. Is hospitem manu appre-  
 hensum per multas cænationes induxit, quarum in vno quoq; ostio decem milites custo-  
 diæ adhibiti scilicet excubabant. Ventum tandem ad conclauē spatiosum eteromallo vi-  
 ridi & bombycino stratum. parietes aulae vestiebant fericum distinguente auro visendo  
 contextu. Gradus in theatri formam dispositi circum conclauē surgebant, procerib. desti-  
 nata sedes. Rex in strato ornatissimo decumbebat gossipina veste indutus candoris exi-  
 mii aureis distincta rosis. In capite pileus aureus tiaræ similitudine, brachia & crura de  
 more gentis nuda ornabant armillæ aureæ annuliq; manuum & pedum digitis inserti iun-  
 ctis gemmis aliisq; pari splendore pretiosis lapillis. Color erat subniger, corpus procerum,  
 habitu & gestibus dignitatem regiam & maiestatem haud dubie representans. Gama se-  
 cundum salutem sedere vna cum sociis iussus facta dicendi potestate in hunc modum lo-  
 cutus fertur. Emanuel Lusitaniæ Rex inclytus magnusq; princeps in studiū incitatus no-  
 ua inauditaq; inuestigandi, cum principib. longinquis amicitiam fœdusq; iungendi, qui  
 præ cæteris fama ab animi magnitudine & potentia celebrantur, ac nominatim cōmotus  
 iis quæ de huius regni nobilitate tuaq; præstanti virtute toto orbe terrarum prædicantur;  
 ex vltimis cœli oris ad Solis occasum, nos misit eius te nomine salutatum tuamq; amicitia-  
 m expetitur. Nihil ad voluntates conciliandas morum similitudine pariq; animorum  
 præstantia potentius est in Regib. maxime, quorum maiestas proxime ad diuinam condi-  
 tionem accedit; & quo ipsi maiores sunt, eo plures amicitia & beneuolentia complecti e-  
 quum arbitror. Sit ergo pretium primos in expetenda tua amicitia extitisse. in amore re-  
 spondere à quibus fueris prouocatus generosi animi est. Quam coniunctionem, si utili-  
 tas spectatur fore vtrisque commodissimam arbitror commercio duarum gentium tan-  
 tis maris & terrarum spatiis distitarum. Erit certe honorificū per omnes terras vulgari fa-  
 ma ex postremis cœli plagis venisse ius commercii vobiscum pacemq; rogatum. Secun-  
 dum hæc verba litteras quas afferebat, obtulit Lusitanice Arabiceq; conscriptas, cū mu-  
 nerib. quæ ex præsentī copia parauerat, neq; nullius pretii neq; magni, sed sua nouitate spe-  
 ctanda. Lætus ea legatione Rex barbarus paucis: fratris sui Emanuelis Regis voluntatem  
 gratam extitisse ait: placere commercium fœdusq; inter vtramq; gentem stare. Deinde  
 multa tum de tota nauigatione tum de Lusitaniæ reb. sciscitatus ducem & socios hospi-  
 tio splendido accipi mandat. His rebus, vt fit, continuo fama & populari rumore vulgatis  
 Sarraceni iustiores, quorum erat in vrbe magnus numerus, veriti non sine causa ne à Lu-  
 sitanis quæstus spes maximi interciperetur, & ab infito odio in Christianorum nationem



vniuersam, re inter se communicata Regem & aulicos adeunt, mendaciis & fictionibus inuidiam Lusitanis conflare. Piratas eos esse, immanesque latrones humani generis hostes. Iis Calecutium admissis nouas sibi sedes necessario alia domicilia quærenda. Viderent an paucis prædonibus & toto cælo disiectis hominibus, deberent veteres amicos certissimis compendiis rem Malabaricam augere solitos posthabere nulla præsertim sua noxa. Malabares ingenio mobili sunt, parumque in fide data constantes, leui momento in varias partes versantur. Sarracenorum verbis & fraude decepti, Lusitanis inferre necem parant. Indicatis à Monzayda insidiis, occultis Gama itineribus ægre quamuis se se ad naues refert. Molitur actutum ancoras. progressus in altum Indo cuidam litteras ad Regem perferendas dat ex postulationum plenas aduersus Catualem imprimis: quem in beneuolentiæ significatione hospitii iura violasse accusabat per summam perfidiam. Præterea Lusitanos quosdam & merces quæ præ festinatione in terra manserant, ad se mitti postulabat. Purgare se ad eas querimonias Zamorinus. culpam veteri Regum instituto in ministros conferre. daturus noxæ pœnas. Verbis pulchris quia facta non respõdebant, Gama ad vim conuersus nauim, quæ prima se obrulit, facto in eam impetu cepit, atque in ea sex homines primarios cum famulis aliquanto numero. Eos vt liberaret Rex Lusitanus & merces ad Gamã misit, tum ad Emanuelis Regis litteras breue responsum. Cum eo responso Lusitani in patriam redire constituunt aditæ Indiæ confectæque navigationis longissimæ lætitiâ nunciaturi. Malabares restituti non sunt, idonei utique quos in Lusitaniam deferrent gentis specimen & primitias, instituta certe prouinciæ, insolentes mores & ritus cæteraque omnia ex iis cognoscere fore promptum munus Emanueli Regi Lusitanæque vniuersæ oculis spectaculum ipsa nouitate gratum.

*Vasus Gama redit in Lusitaniam.* CAPVT XIX.

**P**riusquam Lusitani sublatis velis ex hostili regione discederent, Monzayda se in naues recepit, veritus ne fraudi esset cum externa & inimica gente commercium: nam capiti eius insidias quoque parari certum erat. Ea hospitii & initæ cum Lusitanis amicitiae merces. Et est omnis malitia suspicax. Præ festinatione bona in ea vrbe reliquit in Lusitaniam nauigare constituens: vbi sacro deinde fonte ablutus Christiani hominis officium reliqua vita constanter impleuit. Vindicare iniurias Zamorinus non potuit classe propter anni tempus in terram subducta: id vero ad audendum Lusitanis animos fecit. Sexaginta modo myoparones, quos instruere armatis potuit, in naues nostras inuecti coorta sæua tempestate disiecti sunt: nostris è contrario, qui lente nauigabant ea ventorum vi data facultas est celerius se subducendi à Calecutii cõspectu. Ad insulas paruas delati quæ ea vasti maris parte occurrunt, octo biremes piratæ nomine Timoiæ inuentas forte inuadunt, atque vna earum capta cæteras in fugam agunt. Anchediūam inde prouecti sunt sexaginta leucis inde distitam insulam continenti vicinam. In ea insula dum armamenta componunt, multi ex vicino littore visendi studio ad naues traiciunt. Inter cæteros quidam Gamam Italicis verbis & more cum salutasset, secundum salutem Goam urbem propinquam esse nunciauit. Zabaïum eius urbis dominum, cum quo ipse vsum haberet, eius amicitiam percipere. Roganti Gamæ vnde domo esset? ex Italia respondit. Qui in eas regiones venisset tam procul à patria? nauigantem in Græciam in piratarum manus incidisse. Sic variis mutatis dominis ei Sarraceno principi in seruitutem datum. Ex vultu Gama, & quoniam responsa non satis consentiebant, dolum & fraudem suspicatus illum quæstioni subiecit. Expressa tormentis veritas. Iudæum religione, natione Sarmatam esse, atq; à Zabaïo principe speculatorem missum. Mox recognita cum classe impugnatum esse venturum. Ea denunciatione Gama discessum ex iis locis quanta potuit festinatione maturauit. Iudæus in Lusitaniam porro abductus, & salutaribus aquis expiatus Gasparis nomine sumpto, vt erat acuto ingenio magnique vsus, fidelem & diligentem operam Emanueli Regi in magnis rebus exhibuit. Lenta nauigatio erat, incommodum anni tempus. Obtinendo tamen tempestatibus & mari Africæ promontorium quod primum redeuntibus occurrit & Guardafui vocatur, ægre quamuis superarunt. Hinc Magadaxo, quæ proximâ vrbs est, quoniam ciues Sarraceni erant deuitata, ac tormentis modo è nauibus diuerberata, aliquotque nauibus in portu iaculando demersis, vltcriusque octo Sarracenorum nauigiis, in quæ forte inciderunt, fugatis, Melindem, vti erant in discessu polliciti, incolumes appulerunt. Ab eo Rege benigne accepti recreatis ex maris iactatione corporibus comparatoque comœatu, legatum secum abduxerunt in Lusitaniam ab eo principe per causam fœderis amicitiaeque cum



cum Lusitano Rege fanciendæ. Nauis cui Paulus Gama præerat, præ aliis situ confecta quassataque erat, nautæ præterea deerant & armamenta; eam incendere visum est Paulo Gama in Prætoriam transuecto. Iter prosecuti Zansibarem appulerunt insulam cum cætera amœnitate præcipuam, tum arboribus aromata omnium generum ferentibus salutarem à littore Africæ sex tantum leucis disiunctam. Melindem, & Quiloam inter Mombaza vicina. Ultra ea loca Mosambicū delati erecta ibi columna ex iis quas secum deferebant, insigni tum ad Sancti Blasii littus aquatum lignatumque egressi. Bonæ spei promontorium ad sextum Kalendas Maias transmisere. Hesperidas demum & vasto circuitu Tertias insulas appulsum: vbi Paulus Gama decessit laboribus fractus & morbo, quo multis diebus fuerat conflictatus. Ex iis insulis soluentes Olisiponem tenuerūt mense Septembri biennio iam exacto ex quo primum in Indiam discesserant. Gratissimus eorum aduentus tum Regi extitit, tum ciuitati vniuersæ. Egressos in terram circumfusa vndique turba quasi à morte reuocatos; de rebus Indicis ac de tota itineris ratione sine fine perquirere, nobiles conatus, felicem exitum laudibus ad cælum ferre, pericula & tempestates, quas erant passi libenter audire: neque satiare oculos aspectu earum rerum quas ad ostentationem mercium & copiarum Indicarum secum quasi specimen attulerant. Neque minori miraculo erant homines ex iis regionibus vecti ab insolenti vultu, lingua & corporum cultu. Gamam sociosque quasi delapsos è cælo heroes maiores conditione mortali intueri, venerarique. Tamen si è quatuor nauibus duæ tantum supererant, è sociis tertia pars paulo amplius. Quæ clades & pericula nihil mouerunt gentem in arma & labores promptam, quominus plerique priorum exemplo suam operam certatim & industriam ad progrediendum vltius in cæpta nauigatione deferrent. Honoris spes blandiebatur; leuiore ut viderentur difficultates lucri cupiditas efficiebat, quæ nihil est acrius.

*Nauigatio qua hodie in Orientalem Indiam itur.*

## CAPVT XX.

AD hunc modum Vascus Gama iter in Indiam aperuit nauigatione cōfecta omnium quæ à condito orbe celebratæ sunt, absque controuersia nobilissima, siue longitudinem spectes, vastumque mare ad vtrumque cœli axem porrectum, siue difficultates & pericula, eo maiora, quod via prorsus ignota, neque exploratis eatenus alternantis amplissimi maris agitationibus hallucinari initio atque offendere sæpe necesse fuit. Dies & vltus & maior rerum cognitio, eam nauigationem multo faciliorem effecit, atque ita ut quo ad tempus, quo inchoari conuenit, & quibus cœli & maris regionibus progrediendum sit multa fuerint obseruata immutataque, quæ hoc loco si attingerem operepretium me facturum existimabam; quo lector, si quis in hæc inciderit, tantæ rei leuem certe cognitionem accipiat. Verum antequam id explico, vastissima ea littora describenda stylo sunt, atque ob oculos ponendæ regiones tum numero multæ, tum amplitudine mirabiles. Freti Gaditani faucibus transmissis ad læuam Africæ littora latissime excurrunt magno leucarum numero Atlantici maris sæuis verberata fluctibus citra & vltra mediam cœli regionem. Ac primum Atlas mons nobilissimus perpetuis, ac in cœlum erectis iugis magnam Africæ partem dirimit in mare Oceanum è tribus primum promontoriū Ampelusium mittens. Deinde occurrit quod Lusitani promontorium Non dixere, quippe persuasi, qui præcipiti temeritate illud traiceret, eum haudquaquam ad suos redire amplius. Succedit Boiadoris promontorium viginti octo graduum altitudine insulæ Palmæ obiectum è Fortunatarum numero. Atque hæc duo posteriora promontoria Atlantis montis extremæ quoque sunt partes. Sequitur in eodem littore Album promontorium vnius & viginti graduum altitudine, atque prope illud exigua insula Argina dicta, vnde & totus is sinus nomen accepit: nam Argini sinus dicitur. Inde ad Viride promontorium proceditur, vicinæque insulas decem numero, quarum præcipua à D. Iacobo appellationem habet, vniuersas antiqui vocarūt Hesperides fabulosis poetarum carminibus inclytas. Non desunt tamen qui eo nomine comprehendi etiam contendant omnes insulas ad solis occasum recenti memoria ab Hispanis inuentas. Distat promontorium Viride sedecim gradibus à media cœli & orbis plaga. citra illud Sanaga fluuius in mare mittit, vltra alter amnis decurrit quem à latitudine Magnum fluuium dixere. Suspicio est (pro certo ponere neutrum licet) vnius fluminis duo ea brachia esse. Addunt Nigir fluuium esse ab antiquis celebratum, quod cum Nilo communes habeat scaturigines. Sane iisdem temporibus augentur exundantque atque in iis quod in Nilo, Crocodilli & equi marini visuntur ad originis indicium & naturæ haud



abſimilis. Traiecto Magni fluminis oſtio, quod vndecim graduū altitudine iacet, octauo gradu Serraleona ſurgit immenſum, ſic dicta quod propter ſublimitatem tonitruis peritrepit, & fulguribus perpetuo coruſcet. Et quoniam incolæ propter locorū perpetuum æſtum noctu ad opus accēſis facibus egredientes faciūt, (quod alio loco dictum eſt) campi & colles ardere vtique flammis videantur. Hunc montem à Ptolemæo Currum deorum dictum putant, quinque quamuis graduum per errorem altitudine ab eo designata, quod mirum non eſt, Æquatori ſubiecta. D. Thomæ inſula non procul à continenti tenditur diues ſacchari prouentu, quantum cœli grauitate fœda & infamis. Sexto vltra eam inſulam gradu aurifodina ad continētis littus occurrit, vnde aurum eruitur puriſſimum. Mina hoc eſt ſectura ex eo ab Hiſpanis vocata. D. Iacobi flumen poſt hæc in mare deuoluitur, & ſanctę Helenę ſinus late extenditur: quo Vaſcus Gama vt dictum eſt, naues appulit aquandi neceſſitate. Sunt alia peculiaria flumina, variaque promontoria, vt in tanto interuallo terrarum maris & littorum eſt neceſſe: nos nobiliora tantum attigimus. Bonę ſpei promontorium, quod extenuata in metæ formam Africę littora extremum faciunt vltra æquatorem triginta quinque gradibus porrigitur. Quo circumducto aduerſa littora excurrunt latiſſime, promontoriis multis & fluminibus diſtincta. Inter quę ſancti Blaſii, Nauitatis, & Bonorum ſignorum fluuii præ cæteris maxime nobiles ſunt, quouſque Zofalam perueniatur venis auri præcipuum in iis littoribus oppidum. Zofalam quidam Tharſis eſſe diſputant urbem diuinis litteris celebratam: quo Salomon Rex per mare rubrum claſſes mittere ſolitus erat aurum aliasque natiuas copias aſportatum Hieroſoly-  
mam. Ipi etiam indigenę libris ſuis & monimentis ære priſco atque ſaxis antiquis expreſſum id eſſe confirmant. Alii malunt eſſe Præſſium promontorium, quod Ptolemæus vltra medium cœli quindecim gradibus designat modo. Zofala ſupra viginti gradus Australem cœli cardinem à terra ſurgentem videt. Vltra Zofalam ad dextram D. Laurentii latiſſima inſula iacet, quam indigenę Madagaſcarum dixere. Ad læuam Mozambique nobile Africę vltioris emporium propter portus commoditatem altitudine graduum quindecim Australium. Eo tranſuecto portu paribus ferme interuallis Quiloa & Mombaffa Zanzibare inſula coniuncta, tum Melinde ad ipſam mediã cœli regionem occurrunt. Tuta nauibus ad Mombazam ſtatio eſt: Melindis littora importuoſa plane & aſpera. Magadaxum quinto inde gradu ad ſeptētrionem pertinet, decimo poſtremum Africę promontorium ad ſinus Arabici fauces, quod Guardafu hodie nautarum vulgus vocat, Ptolemæus Aromata dixit. Propinqua Socotora quam à Chriſtianis habitatam inſulam inuenere ſterilem tamen omnis vitæ cultioris & amœnæ commoditatis indigam locorum natura immitia quoque efferauit ingenia. Hanc à Ptolemæo Dioſcoridis inſulam vocari quidam putant. Succedunt haud magno interuallo ſinus Arabici fauces, intra quas ad Africę littus Ercofus portus panditur regni quidem Barnagaſſi pars imperio tamen latiſſimo Preſto Ioannis contributi. Exterius in Arabiæ ora Ademum ſita eſt munitiſſima vrbs iis faucibus imminens. Sinum Arabicum inter & Perſicum Arabia felix poſita eſt, atque in medio eius dorſo qua parte Oceani vndis alluitur promontorium. Siagrū, quod Eſcafalla tum dixere, ſeu Fartaquem atque in extremolittore qua parte ſinus Perſici fauces ſunt promontorium Corodamum, quod vulgo Roſalgate nominatur. Intra ſinus Perſici fauces Ormutia inſula (cuius nominis in nauigatione Nearchi apud Arrianum mentionem inuenio) viſitur ſpaciis anguſta, macro ſolo, cæterum commercio eo conſluentium mercatorum copioſa cum primis & beata. Sexto & vigeſimo gradu ab æquinoctiali circulo diſſita quidem eſt: parique altitudine vltius ad oſtium Indi fluminis Dium inſula arxque ſuccedit celebri fama ob ea quę à Luſitanis fortiſſima edita ſunt facinora eam arcem defendendō primum contra Sulthanos Aegypti, deinde etiam contra Turcarum vires & conatus. Dio tranſuecta & Bazaino non procul diſſita Luſitanorum arce, Ciaulum & Dabulum occurrunt & ipſę Cambaię vrbes portubus inſignes exiguo inter ſe interuallo. Inde littora multum ad Australem plagam excurrunt, vique ad promontorium Comorinum ſeu Cori pertinentia. In iis littoribus ad occaſum Goa vrbs nobiliſſima poſita eſt ad ſextum decimum gradum ab æquatore, ad duodecimum Calecutium, quas inter Cananor vrbs iacet & ad promontorium Cocinum Coulanumque Malabar ſciuitates, commercio omnes aromatum piperis quoque prouentu fama celebratę & inſignes. Malabarium è regione Maldiuari inſulę ſunt, ſic dictę à nomine eius quę inter cæteras principatū tenet. Mille amplius numerantur exiguę ſpaciis ſæpeque ita inter ſe coniunctę vt vix ex anguſtiæ euripique nauigatibus ſint peruii. Præcipuus prouentus è palmis nuces ferentibus, quas Cocos vocamus, mirabili arboris commoditate, quę genti victū neceſſarium cultumque, in naues & arma menta materiam funes & vela vna ſuppeditat.



suppeditat. Ad ortum Comorino promontorio Zeilanum insula adiacet angusto freto à continenti dirempta, Cinamomi prouentu vna maxime celebrata & diues. Suecedunt Narfingua & Pegu regna vastissima: iisque interiectum Bengalæ regnum, vnde sinus amplissimus nomen habet ad urbem Malacam pertinens & ipsam nobilissimam: cui Somatra insula vicina est æquinoctiali subiecta. Eruditorum plerique Somatram à Ptolemæo Tapobranam vocari contendunt, Malacam Auream Chersonesum. neque desunt qui persuadeant Malacam in diuinis libris Ophir dici: quo Salomon Rex classes mittere erat solitus auro argentoque vehendo magnagloria pari compendio: quin Peguenses haud dissiti se ab iis Iudæis progenitos ferunt: quos Salomon ad aurum Ophir effodiendum in eas regiones dimiserat. Quod si minus hodie iis locis ea metalla eruuntur, fiebat olim, quod ipsum Aureæ Chersonesi nomen indicat. In itu & reditu Salomonis naues triennium ponebant, quod certe de Tharsis nauigatione explicant diuini libri. Magnetis vsu nondum ad nauigandi eximiam commoditatem inuento legebant littora: neque se alto permittere nauigantes audebant. Ea vero longæ moræ tardæque nauigationis causa extitit. Malacæ ad ortum dextramque ex intervallo obiectæ sunt Moluecæ insulæ Caryophilli prouentu maxime celebres, quod vna omnium ferunt alioqui ita steriles vt cuncta pene ad victum & cultum aliunde petanti. Sic bona sua diuina prouidentia dispensat, præcipue quinque numero sunt. Arbor Caryophilli trunco & foliis lauri speciem reddit flore imprimis odorato. Is duratus fructus est mensis maxime expetitus. Ad læuam septentrionesque Malaca in Sinas itur gentem late fusam copiis opibusque præualidam. In aditu eius prouinciæ Macanum insula est Lusitanorum mercatorum hospitium, quoniam in continentem penetrare gentis instituto nulli aduenæ datur. Distant ab ea insula Iaponii gens extrema, quo Lusitanorum arma peruenerunt, trecentis circiter leucis septentriones versus. diuisi Iaponi sunt in tres maiores insulas pluribus aliis minoribus circumfusus interfluo euripo disiectas, ortum præter septentrionesque à trigesimo altitudinis gradu usque ad quadragesimum porrecti. Summa longitudo leucarum bis centum, latitudine, qua se maxime pandunt, octoginta leucas non excedunt ab ortu Nouæ Hispaniæ obiecti, a septentrione Scythas, ab occasu Sinas aspiciunt. Tributi in multa regna pluribus regibus feruiunt, litterarum alioqui ingenio capaci bello dediti gloriæ si qua gens auidissimi. Indicæ nauigationis ratio hoc pacto nostro tempore instituitur. Olisipone mense Martio nauigaturi soluunt certe Aprili ineunte. Insulam Maderam primum petunt centum quinquaginta leucis satis lato ab Hispania mari periculosoque disiectam, deinde Canarias trecentis leucis nihilominus remotas Olisipone. Ad promontorium Album ex iis insulis proceditur atque insulas Hesperides. Recta ulterius progredi continuis ab Austro flatibus prohibiti relictis Africæ littoribus magno circuitu parique nisu occasum inter & Austrum directis prorsus in Brasiliæ sæpe conspectum partem haud dubium noui orbis procedunt. In iis littoribus diui Augustini promontorium imprimis celebre decimo vltra æquatorem gradu positum est. Id promontorium quæ naui ventorum violentia aut propter anni tempus superare non finitur, relictæ nauigatione, quoniam frustra conatus omnis esset, vnde soluerat necessario reuertitur. Quibus superare id promontorium cælo contingit, ii nouo circuitu prorsus Austrum inter & solis ortum directis Bonæ Spei promontorium transmittere contendunt, ad quadragesimum gradum ad Austrum declinantes ad vitandas procellas, quæ ad extremam Africæ cuspidem excitantur perpetuo sæuissimæ, immanes aquarum moles illis reciproco toto littore franguntur. Transuecto eo promontorio Zofalam aut Mozambicum tenent. Quibus locis, nisi nauigatio sit prospera hyemare coguntur. Alioqui enauigato eo mari atque æquatore denuo transmissio haud multis diebus Goam laborum & nauigationis vniuersæ metam peruenitur. Graues plerumque casus in ea nauigatione interueniunt, Malaciæ longissima tædia, reflantes venti, sæuæ & frequentes procellæ, ex nausea cibi fastidium, ex immodica æstus & frigoris vicissitudine, vitiatu cibo & potu, sentinæ tètèrrimo halitu varia morborum genera, Lethargi, abscessus, tumores, oris vlcera, affectæ tabo gingiue. Quinque menses si in tota nauigatione ponantur felicissimam putant, sæpius anno amplius consumitur. Goa Malacam ad aliasque regiones magis Orientales statim nauigatur temporibus. Hispaniam repetituri mensis Decembris finem expectant. ventorum vices continuis ab ortu flatibus ac dudum explorata nauigandi ratio idoneum maxime id tempus esse docuerunt. Mensibus Martio aut Aprili



Bonæ spei promontorium transmittitur. Ad sanctæ Helenæ in reditu insulam appellant iis locis non deuiam, quam in vastissimo mari tanquam diuerforium diuina prouidentia disposuit reficiendis nauigantibus fessiq; recreandis corporibus arborum fructibus, venatu, piscatu, quibus bonis abundat, nullo quamuis cultore propter locorum angustias & quoniam procul à continenti disiuncta est. Per Tertias tandem insulas magno circuitu propter ventorum vicissitudines confecta nauigatione longissima, vnde discesserant, Olisiponem appellant plurimum mensibus Augusto & Septembri.

*Libri vigesimi sexti Finis.*

10

---

IO. MARIANÆ HISPANI  
E SOCIETATE IESV,  
HISTORIÆ DE REBUS  
HISPANIÆ,  
LIBER XXVII.

*Ioannis Hispaniæ Principis obitus.* CAPVT I.



Es Hispanorum vno tempore in Italia quidem prosperum cursum tenebant, in Hispania autem, vt est fere conditio mortalium inter dulcia & dubia variabant. Gemina Ferdinandi Regis filiarum coniugia sunt pacta. Catharinæ profecto cum Arcturo Vualix principe Hérici septimi Regis Angli filio maiori. Isabellæ autem principis connubium cum Emanuele Lusitano Rege post multas & graues difficultates & moras non stipulatum modo sed & tandem coniunctum est. Nouis affinitatibus tantos Principes habere deuinctos & ad Austriacos adiungere magnum, gloriosumq; Regi Hispano, rebus intus forisque præcipuum ab alterna ope præsidium. Catharinæ sponsalia in Anglia assumptæ in cælum Virginis memoria sacro die in palatio Vuodestochio data sunt Ioanne Puebla quo agēte con-  
nubiales conditiones constituerant, pro sponsa absenti vicario ritu & more inter Principes solenni. Affuerunt cæremonix Rex & Regina, splendidusque procerum cætus. Ad Lusitanum connubium paciscendum missus in Castellam est Ioannes Emanuel magna apud eum Regem gratia quippe ipsius collactaneus. Eius aduentu atque opera sancitum tandem, vti Ferdinandus & Isabella Reges filiam deducerent ad Lusitanix fines. Eo veniret Emanuel Rex pridie Kalendas Octobris ad ineundum coniugium. Regum conuentui nuptiarumque celebritati primum Ceclaminum oppidum designare placuit: deinde propter regionis sterilitatem annonæ angustiam nullo circa florēti lautoque oppido, vnde pararetur commeatus tantæ multitudini, Valentia Alcantaræ delecta. Vbi triduū Reges moratos vniuersamq; nuptialem lætitiā conturbauit nuncius de Ioannis Principis graui valetudine intempestiue scilicet allatus. Tercio die postquam Salmanticam cum vxore venerat in febrim incidisse: qua diebus tredecim est extinctus. Accurrit Valentia citato itinere Rex pater, Salmanticamq; peruenit, ægroto agente animam sed integris sensibus. Ita agnito patre obiit tamen ad quartum Nonas Octobris. magno atque miserabili non parentum modo sed & totius gentis luctu. Quantas spes, quanta gaudia dies vnus abstulit Hispaniæ? Ferebat vterum vxor exiguum mœroris concepti solamen & improuise calamitatis præsertim immaturo partu intra paucos dies. Extincti corpus Abulæ tumulto est compositum in Dominicano celeberrimo cœnobio, Diui Thomæ nomine in ea vrbe constituto patris Regis impensa. Tristis nuncius Valentiam peruenit nuptiarum lætitia



læritia nondum peracta, quæ post discessum porro Ferdinando Regis celebratæ sunt. Rogauit socrum Emanuel Rex mœrore tantisper dissimulato atque vultu ad læritiam composito, monitisque aulicis vt tantumdem facerent, ne quid ad nouam nuptiam iam Lusitanie Reginam manaret. Erat difficile in tanto luctu publico priuatoque dissimulare diu. Ita quamprimum in Lusitaniam abducta Eboræ tandem fratris obitu nunciato ingentem animo molestiam accepit eo intempestiue sublato quem diligebat vnice. Hispaniam vniuersam tanto Principe orbatam, in quâ acquiescebat spe, dolebat scilicet impense. Parentes singulari constantia patientiaque eam plagam tulerunt: in quo excelsi atque inuicti animi præbuerunt argumenta non minus illustria, quam victoriis multis & clarissimis eatenus & in posterum partis ex quanto motum animi tenere, quam hostes subiugare est præstantius. Et est natura fixum, vt caduca pereant, fragilia quæ sunt facta conterantur: æquissimum vt Deo nostrarum rerum, aut suarum verius arbitrium mortali conditione homines permittamus. Neapolitanæ res haud satis tranquillæ erant. Salernitanus nunquam satis fidus cum cæteris eius sectæ proceribus non quiescebat: ac necessabat quidem suæ ditionis oppida & arces diligenter munire. Alienatæ voluntatis primum argumentum exitit abfuisse Neapoli quo die Fridericus Rex solenni cæremonia de manu Pontificii legati coronam & regni insulas suscepit. Et erant per edictum proceres ad solennitatem euocati nequa esset excusatio, ipseque Salernitanus antea affuerat quo primum is tempore ciuium consensu Rex fuit renunciatus. Nunc ob factos superiori tempore sumptus pecuniæ inopiam excusabat: neque sine idoneo cultu, & comitatu venire par fuisse. Verior interpretatio ea specie tegi infensum animum rerum nouarum studium. Accurrit quidem die postero Bisinianus sui facti rationem redditurus. Ad Salernitanum quin etiam sanandum & ad Regem perducendum pro ea gratia & auctoritate qua valebat maxime quippe secundum eum factionis princeps Regi operam obtulit. Nihil tamen ea diligentia profectum, an ludibrium erat & composita inter duos præuaricatio & fabula. Vim parari & arma placuit, vt metu cederet, cuius perfidia & contumacia vinci benignitate non poterat. Collectis copiis à Rege intra Dianum circumfessus est præcipuam arcem è multis quas firmissimas ditione is obtinebat. Gonsalvus reditum in Hispaniam adornabat, quasi bello Neapolitano peracto moræ idonea causa non esset amplioris. Eo maturando discessu in Brutios iuerat, atque in Siciliam. Inde rebus constitutis hoc tempore neapolim reducem per causam nouum Regem & Reginas salutandi priusquam se in iter daret, rogarunt enixe vt correptis denuo armis Diani obsidioni interesset, multis impeditæ difficultatibus, multis intus defensoribus, infidis Regi prouincialibus. Ea de eius virtute opinio suscepta erat, vt victoriam & felicitatem secum ferre crederetur. Annuit ille Principum feminarum votis & precibus. Collectis Hispanis quingentis parique Germanorum numero abs æge dato propius muro succedens eo loco statione delecta, non sine suo periculo obsessos dies noctesque fatigatos ad deditionem compulit his legibus. Salernitanus, quique eum comitari vellent, regni finibus abscedunt. Iis omnibus incolumitas esto facultasque sua cuique efferendi. Salernitani principatus arces omnes regi traduntur commeatus & tormenta bellica ac reliquum bellicum apparatus idoneo pretio compensaturo. Sic ad quintum kalendas Ianuarii instante salutis anno M.cccc.xcvi. Salernitanus legitima dedentium arces verba nuncupauit. 1498. Eius Senogaliam Piceni urbem Ioannis Rouerei Præfecti in ditione Gallicis partibus addicti deducendi cura Amalfitano Principi demandata est, è necessariis Conciæ & Lauriæ Comites eum in exilium sunt secuti. Capacius graui ætate impeditus cautioreque annis & vsu Regis fidei se suaque permittere satius duxit venia parata. Huius anni autumno à Ioanne Assidoniæ Duce classis in Africam missa & Melillam occupatum Almeriæ obiectum oppidum à Mauris quibusdam de causis desertum. Facti in ea expeditione sumptus compensati sunt, eo oppido Regis beneficio Duci & successoribus perpetuo iure contradito. Gerbis item seu Meningis insulæ regulus (Xequem incolæ vocant) quo nostrorum viribus eum principatum tueretur à Regis Tunetani imperio detractum in fidem Ioannis nuçæ Proregis Siculi & clientelam concessit incolumi religione maiorum & arrepta libertate, Regis adeo Catholici factus stipendiarius. Cum præsidio ergo Hispanico Margaritus dux curare ibi iussus est insulæ imperium à Mauro-rum iniuria tuendo & aduersus eius Regis arma. Hoc initium magna rerum moles annis sequentibus est subsecuta.



Regibus Gallie & Hispanie federe vincendis conatus adhiberi ante ceptus erat, neque usque dum intermittebatur. De conditionibus disceptatum: qua causa honestissima legatio ex Gallia ad Regem Catholicum venit tunc temporis Compluti morantem. Legationis princeps Claruis regulus dato senatu accommodatam tempori orationem habuit. Eius summa erat: ut iunctis inter se viribus Gallus Hispanusque bellum Italie inferrent. E Neapolitano regno Brutii & Magna Græcia Hispano cederent, ea tamen lege ut eam provinciam cum Vasconum regno mutandi facultas Gallo relinqueretur, adiectis annuis triginta millibus auri ad exequandum ablatis principatus cum dato scilicet vectigalia. E reliquis urbibus Mediolanum & Cenavam cum contributa utrique ditione obtineret Gallus: cetera ex æquo inter se partirentur bona fide. Hæc ille. Et de Neapolitano quidem regno quod proponebatur Hispano non displicebat: alias tamen urbes inuadere non inducebat in animum præsertim Cæsare inconsulto: cuius in iure res Italie patrociniisque erant. Responsum ergo legaturum se in Galliam viros idoneos qui de conditionibus agerent & concordia, qua nihil esset antiquius. Agebantur hæc. Simul Regi Catholico mores gentis collapsos acriori censura astringere curæ erat: ac præcipue monasteria quorum perturbatione temporum vita laxior & seueris iudicibus parum probata, ab eoque Claustralia vulgo vocabantur, ad seueriorem disciplinam & veteris moris normam reuocare satagebat. Grauiissimus est morbus qui à viris sacris tanquam à capite in cetera membra defluit. Eo maior ad id hominum genus curandum diligentia adhibeatur opus est. Paruere Regie voluntati præsertim æquissimæ adiutæque Pontificis decreto Castellæ monachi continuo & facile Dominicani, Augustiniani, Carmelitæ: Franciscani deinde egre quamuis cum reliquis consensere. Præclarum enim uero facinus dignam Rege Catholico curam. Compluti, uti constitutum erat, delecti qui in Galliam irerent Ferdinandus Strada & duo socii eo appulerunt: quo tempore Ruscinonenses inuadere Gallis destinatum erat, Perpignanumque occupare positis iuxta castris. Verum eos metus & conatus Galli mors interceptit. Ambo esse extincti ad septimum Idus Aprilis. Pila ludentes è superiori pergula prospectantem repentina atque lethalis vis apoplexis oppressit annos natum septem & viginti. Nulla ex eo prole relicta res gallicæ in Ducem Aurelianensem iure sanguinis per viros ducto stemmate reciderunt, Ludouicum duodecimum dictum inter Gallie reges. Anna Borbonii ducis uxor defuncti soror natu maior regnum sibi quippe propinquiore debere disputabat. Parum proficiebat tamen intempestiua disceptatione populo & proceribus legi Salicæ nimium addictis regni hæreditatem in foeminas transferri vetanti. Non destitit tamen neque se in causa deseruit: ut regno excluderetur, contendebat nihilominus quæ regibus aduenticia hæreditate obuenerant, ea certe sibi debere. Profecto provinciam Phocæensem atque Andegauos recenti memoria ad reliquos principatus adiuncta. quo enim iure qua legem detraherent. Ne id quidem impetratum, iure an iniuria disputare non est necesse. Regis Catholici legati Blesis, ubi nouus rex erat, eo salutato gaudioque functi ob nouum regnum in ea urbe atque Aureliæ de iungendo fædere summa contentione adbibita, præter verba, gratam fore concordiam, retulere nihil aliud. Erat ei Principi deliberatum e comitate & benignitate cunctos se adeuntes complecti, nihil denegare cuiquam, dum regnum, quod nouitate nutabat, ut omnes principatus, tempore confirmaret. Simul prouidebatur ne diuortio, quod cum uxore adornabat aliquis impedimentum afferret, coniugiumque disturbaret quod inire cum Regina vidua parabat profectionem in Britanniam adornanti nobili principatu dotali: Ea summa votorum erat & destinata voluntas. Neque fefellit spes. Diuortii gemina causa afferebatur. A Rege socero de sacro fonte susceptum, neque venia Pontificis sacre ex eo propinquitatis legem sublatam. Deinde non sponte sed terroribus propositis priorem uxorem duxisse. Sic veteri coniugio dirempto Britanna coniux in regium torum est ascita. Unde dux tantum filie sunt nata. Maior Claudia nomine Francisco Valesio nupsit soceri successoris; minor Denata duci Ferrariensi nupta, viro defuncto diu superuixit in Gallia Calvinianæ sectæ patrociniis suscepto maiori fama quam laude. Carolo Rege superstiti, ut Cæsar Borgia ad exitum Italie natus veste mutata relictaque purpura nouas spes sequeretur castris quam sacre purpure aptior agebatur. Nouum damnatumque exemplum, & ad turbandam Italiam ac vero totius orbis pacem comparatum. Eæ molitiones haud ingratæ ei Regi accidebant quippe iuueni. Quin ad promerendum Pontificem idoneum principatum in Gallia ei daturum pollicebatur. De Auenione etiam in eius gratiam pontificiæ ditioni subtrahenda est agiturum vincente pudorem tetra cupiditate. Carotam etiam coniugem offerebat Friderici Regis ex priori uxore



vxore filiam, consobrinam suam & tunc in Gallia morantem. Verum pater virginitatis con-  
 sultus postulati fœditate offensus adduci non potuit ut coniugio male coherenti Arago-  
 nium sanguinem & stemma generis sugillaret præsertim Tarētī Principatu dotali, quod  
 expetebant, vnde haud obscure ad regnum Neapolitanum occupandum gradum face-  
 rent. Mediolanensis Dux eiusque frater Afcanius Cardinalis conuitio monebant, ne in  
 eo articulo discrimineq; rerum suarū Pontificem sibi infensum redderet repulsa, digni-  
 tatis speciem non esse tanti, ut propterea Gallos iterum induceret in Italiā in eius cer-  
 tam perniciem. Qui terrores vani non extiterē. Regi Catholico hos conatus non proba-  
 bant, etsi ad aucupandam eius gratiam Pompelonensem Valentinumque episcopatus ex  
 10 eius voluntate quibus nominaret daturum Pontificē pollicebāntur Cæsaris Borgiæ ab-  
 dicatione. Pompelonensem ecclesiam Innocentius octauus regendam commiserat. Va-  
 lentinam pater in eundem transtulerat Pontifex factus. Offendebatur orbis Christianus  
 iis molitionibus, eaq; fœditate recenti memoria Alerix Cardinali meminerāt facultatem  
 ab Innocentio Pontifice denegatam purpura eiurata monachum induendi. Num eo ho-  
 nore abdicatione Cardinali & Diacono turpe non videbatur continentia lege soluto, vxor-  
 is porro ducendæ facere potestatem. Enimvero Romæ ea morū turpitudine vigeat (an  
 Romæ tantum & non etiam intra Pontificis regiam?) ut cuiusque peruerſitati locus  
 esse videretur. Piis viris occasio data palā Pontificia instituta, mores & tempora accusan-  
 di. In eo numero Hieronymus Sauaranola patria Ferraria ex Dominicano ordine cele-  
 20 bris concionator, qui Florentiæ rebus gerendis multum annis superioribus auctoritate  
 potuerat, quod ē suggestu magna dicēdi libertate sæpe in Pontificem esset inuectus, eius  
 iussu cum duobus sociis in foro eius vr̄bis publice fuit combustus die Palmarum Domi-  
 nico, nempe postridie obitus Regis Galli iure an iniuriā sit tunc quidem cognosci peni-  
 tus potuit. Multi ad hanc diem extinctum in martyrum numero habent. Ab aliis teme-  
 ritatis accusatur, quorum sententia magis placet. Neq; Florentiæ tantum mores Pontifi-  
 cis accusati sunt: sed coram Garſias Lassus Vega pro Rege Catholico Romæ legatus eum  
 libera voce increpuit ex sui Regis litteris obtestatus nisi mutaret, si homines cessarent,  
 grauiæ cælitus imminere piacula propter grauē offensionem totius orbis Christiani, quā  
 late Romanæ prauitatis fama manarat. Verum quid iuuat sanare velle, quem diuina vl-  
 30 tio in præceps agit, luceque subtracta suarum cupiditatum carnificinæ tradit? Commo-  
 tus ea increpatione Pontifex vehementer in verba contumeliosa minasq; prorupit nullo  
 porro maiori fructu. Pectus in peius indurauit vsque eo ut paulo post Cæsar Borgia in  
 conuentu Patrum publice excusans Diaconum se non sponte neque libera voluntate fa-  
 ctum, petierit continentia legis ex eo sibi fieri gratiam, atque purpuram & sacerdotia  
 abdicandi esse potestatem. Multi ē Patrum numero non expectandū existimabant, dum  
 homo impotens sacros honores abdicaret, quod honorificū ipsi erat, sed iudicio potius  
 spoliandū, siue quod malis rationibus eos honores ac præsertim purpurā esset cōsecutus,  
 siue propter morum prauitatem & libidinis licentiā vix etiam in profano homine tolera-  
 bilē, uti legatus Hispanus dicere erat solitus. Nemo tamen mutire est ausus: ea erat Ponti-  
 40 ficis impotentia & temporum conditio misera prorsus & profligata. Itaque collegium ea  
 postulata rata habuit contra fas, contra auspicia, cōtra omnia equitatis iura: Nouus Gal-  
 liæ rex Valentia in Allobrogibus dedit Ducis nomine: quæ vr̄bs Auenioni vicina & ali-  
 quando Pontificiæ ditionis ad regum Gallia ius ab annis superioribus trāſierat. Eo prin-  
 cipatu prouocatus & spe facta promissi cum Carlota coniugii veste mutata, morū prau-  
 itate haud deposita in Galliam maturauit flagitiorū omnium vitiūq; princeps. Magni  
 honores aduenæ habiti, coniugii tamen concepta animo spes euauit regia virgine eam  
 fœditatem constanter auersanti. tanta ex eo indignatione Ducis, ut de Gallia deferenda  
 cogitaret. Leniuit irati animū Rex Carlota Fuxensi Labreti filia sorore regis Vasconum  
 coniuge data, haud iniqua permutatione neq; nobilitate minori. Adiecta ampla dōs, atq;  
 50 ex ærario regio annua vectigalia. Tanti fuit impotentem hominem eo tempore prome-  
 reri: quippe industria quamuis flagitioso inerat, & ut virtutibus boni, sic ille e contrario  
 vitiis valebat. Ex eo coniugio filia nata est, quæ annis consequentibus extincto patre in a-  
 uunculi regis potestate patrociniūq; māsit. Ipso anno præcipiti æstate Gōſaluus Magnus  
 dux instructa classe Neapoli soluit in Hispaniā. Ingens gentis decus & gloria propter a-  
 nimi magnitudinem, industriam, bellicas artes, victoriasque nobilissimas, Neapolitani  
 regni felicitatem fundatam pulsas Gallis, res cæteras ex sententia compositas.

*Isabella Lusitania Regina obitus.* CAPVT III.

Defuncto Ioanne Castelle Principe, ut dictum est, magna eius parentes de stabilienda  
 successione sollicitudo inuaserat haud ignaros nisi heres certus sit, procellam in re-



publica concitari Regum morte esse propemodum necesse: Margaritæ vterus morâ-  
batur quorsum ea spes euaderet. Dolor curaq; ingeminata foetu fæmineo immaturo Cõ-  
pluti excusso, vbi Reges hyemarunt. Continuo ergo Emanuele Regē monuerunt ad  
Castellæ sceptrâ hereditatēq; vxoris iure vocari: rumperent porro moras, quod felix  
faustumque esset venirent in Castellam. In eorum verba populos ordinesq; more maio-  
rum sacramentum dicturos post parentum fata non alios Reges fore. id præcipuum suc-  
cessionis inter Hispanos stabilimentum. Simul in Belgas miserunt, qui Philippū generum  
& vxorem monerent, vti inani Principum Castellæ appellatione, quam nescio quid se-  
cuti an quodam veluti præfagio vsurparant, deinde abstinerent. Gentis instituto eum ti-  
tulum Regum maioribus filiis hæredibus porro dari, neq; communicari cum aliis. Ergo  
Lusitani Reges ea denunciatione Pacem Augustam petiuere Castellæ urbem ad vtriusq;  
regni fines. Præsto affuerunt Medinæ Assidonie Albæque duces alique proceres qui eos  
exciperent deducerentq; ad parētes destinati. Christi cruciatuū memoria sacros dies ad  
Guadalupeum Virginis fanū morati Toletum tandem peruenerunt ad sextum kalendas  
Maias, vbi eos Reges Catholici expectabant. Tertio post die, qui dies Dominicus fuit, vti  
erat constitutum solemni ritu & more iureiurando confirmata Regibus Lusitanis Ca-  
stellæ regni hereditas: moxque Castellæ Principes dicti sunt. Aragoniis non eadem vo-  
luntas erat, neq; par tranquillitatis studium. Henricus Segorbii dux Regis Catholici pa-  
truelis gentis instituto & legibus fæminas ab Aragoniis sceptris arceri disputabat. Sibi pro-  
inde & Alfonso filio, regis hereditatis ius post Ferdinandum relinqui, genus à Ferdinan- 20  
do Rege auo per viros continuato stemmate deducuntibus, Henrico patre vno è Ferdi-  
nandi filiis. Vt sanarent gentis voluntates, vincerentque eas difficultates & moras Castel-  
læ & Lusitaniæ Reges Cæsaraugustâ abierunt. In ea vrbe ad octauum decimum kal. Iulii-  
as in contuentu gentis referente Rege Catholico de ea cõtrouersia variæ sunt dictæ sen-  
tentia. Plerique nouum induci in Aragoniam exemplum confirmabant, exhorrebantq;  
nulli vnquam fæminæ quasi heredi futuræ dicto sacramento, multorum etiam Regum le-  
ge à successionem eum sexum exclusum penitus & amotum. Quod si id antiquatū, aut con-  
traria lege abrogatum contenderent, postremo Ioannis postremi Aragonii Regis testa-  
mento starent filias & neptes sancientis ad sceptrâ tū demū vocandas, si filius Ferdināus  
Rex sine filiis sineq; nepotibus decederet masculis ex filio filiaue natis. Eius rei nondum 30  
venisse tempus, neq; futuros euentus esse exploratos: q; intempestiue diuinarent: quid  
festinatione præpropera futuri spem rescinderent, recens instituta mutarent, ac Emanue-  
lem Regem Aragoniæ principem dici non ferebant exemplo calamitatum castigati, quæ  
recenti memoria in Vasconibus extitere, quod Ioannem Aragonium Blancæ coniugio  
eius regni hæredis, Vasconum principem præpostera facilitate iussissent. Alii contra ten-  
dere ac fæminis concessum disputare ius regni: neque Aragoniis legibus in successionem  
regni sexum distingui. Cuius rei Petronillæ exemplum proferebatur idoneum Ramiri  
Regis filia cognomento Monachi. Deinde Alfonso ex ea nati testamentum, qui matris,  
quæ secus sanxerat, in eo voluntate repudiata, lege in omne tempus lata regnū obtinendi  
fæminis facultatem sanxit, ius dedit. Gōsaluus Garfia à sancta Maria nobilis ea tempestate 40  
in Aragonia iureconsultus disputationem erudite in eam sententiam de scripto cõceptâ  
Regi Catholico in manus dedit. Tempori seruire adulariq; voluisse interpretabantur  
multi: adeo nihil motū ex antiquo probabile est inter Aragonios præsertim gētis institu-  
ta mordicus tueri solitos iura libertatis. Tempus altercationib; trahi Isabellæ Reginæ mo-  
lestum accidebat Castellæ gentis obsequio assuetæ: atq; adeo vt die quodā dicere nō du-  
bitaret. Satius fore armis eam gentem maloq; subigere, quam prouincialium cõuentuum  
insolentiam, gentisq; vniuersæ irreuerentiam tolerare. Aderat forte sermoni Alfonso  
Fonseca. Is Reginæ oratione offensus libera voce. Non arbitror, inquit Aragonios pecca-  
re tuendo libertatē & priuilegia quæ à maioribus acceperunt, qui pollicitis cauti sacra-  
mentoq;, in fide semel suscepta sunt apprimē constantes, Regumq; suorum obsequio 50  
imprimis dediti. Hactenus nulli regum filie regni hereditate publico consensu decreta,  
vituperandi non sunt si nouum exemplum inducere detrectant veriti ab eo principio ne  
ius imminuatur patriæ libertatis. Controuersia finem habuit Isabellæ Principis obitu ad  
decimum kal. Septembris subsecuto die Iouis in ea vrbe ex partu extinctæ vix hora de-  
cursa ex quo filium pepererat, cui Michaeli nomen fuit, vita breuis, gaudio luctus maior.  
Toletanus Archiepiscopus regē iter profectus labenti animæ pacem & veniā precatu  
accommodata etiam prudentiq; oratione rerum humanarum contemptum, & celestis  
felicitatis morienti spem ingessit. Rex Lusitanus vxore lectissima repente spoliatus conti-  
nuo in patriam rediit. Defunctæ corpus translaticio funere in diui Francisci sepultum,  
deinde



deinde Toletum delatum in cænobio virginum composuerunt quod Isabellæ nomine pater constituerat auiæ maternæ ædibus in monasterium conformatis. Iustis persolutis Aragonii sine mora regiæ voluntati obsecuti sunt, recētis calamitatis misericordia animos ad obsequium flexerat, & difficultates prius propositas magna ex parte sublatas videbant. Ita ad decimum kal. Octobris infanti sacramentum est dictū, ea modo exceptione, si Ferdinandus Rex mascula prole careret: alioqui iusiurandum ex eo irritum & inane fore pronunciarunt. Eo temperamento libertati gentis consultum, cuius cura maxime solici-  
 10 rabat. Oceanæ idem paulo post Castellæ princeps hæresq; solenni ritu pronunciatu est. Verum priusquam Rex Cæsaraugusta discederet Alfonso Siluam Calatrauæ Clauigerum in Galliam legauit, qui nouo Regi de suscepto regno gaudium nunciaret, & aliis legatis iunctus de concordie legibus disceptaret, statueretq;. Magna ii contentione adhibita rem ex voto confecerunt. Philippus quoq; Belga priuatim patre & socero inconsultis cum Gallo æquis conditionibus pepigit. Multum his constituendis fæderibus Georgius Ambœsa Rhotomagensis Archiepiscopus iuuat pro ea gratia & auctoritate, qua apud suum principem valebat maxime omnium arcanorum non particeps modo, sed pene moderator & arbiter. Accessit mense Septembri purpura Pontificis dono crescenti gratiæ & sed & propriis virtutibus datus honos. Rex quoq; Gallus iuncta cum vicinis principibus amicitia oppido cupiebat in Italiam transire Mediolanensem principatū sed & Neapolitanum regnum armis occupaturus iure, vti existimabat sua, iniuria ab aliis occupata. Cæsaraugusta item Enecus Corduba Comitis Egabri frater & Philippus Pontius  
 20 iureconsultus Romam amandati sunt, vt sui Regis verbis Pontifici denuntiarent Beneuentum ne ecclesiæ Romanæ imperio detraheret, curiæ Romanæ vitia acriori censura castigaret, domesticam licentiam frenaret quæ maxima erat cum magna verè pietatis labe. Idem soceri hortatu Lusitanus fecit. In patriam reuersus Rodericum Castriū & Henricum Coutinum Romam legauit cum mandatis monendi Pontificem tantundemque obtestandi consilio prius cum soceri legatis communicato. Fecerunt illi diligenter quod erat mandatum. Pontificem quæ erant iussi hortati, eo prouecti sunt, die quadam vt remotis arbitris obtestationē in tabulas referret Garfias ipse Lassus notarii Apostolici munere fungens. Tulit ægerrime Pontifex audax facinus: secundum minas eos ausus impune non fore, supplicio vindicaturum, subiecit tamē Beneuentum Pontificio imperio detractam non esse, ne velle quidem, tamen si Patrum collegium cōsenserat vt Gandiæ Duci daretur iure fundi penes ecclesiā Romanā retento. De curiæ & palatii castigandis quod præscriberent, multum sibi Reges in eo sumere dixit, aliaq; subiecit stomacho plena, quæ furor dabat. Intra paucos tamē dies, iussu, vt interpretabantur Pontificis, filii Gotifredus & Lucretia cum coniugibus rege Neapolitano natis è palatio romaq; discesserunt. Horum vero atq; Cæsaris Borgiæ morum licentia, & sedæ libidines magnam inuidiæ partē Pontifici conciliarant, offensis ea dissimulatione ciuitate atq; adeo orbe Christiano vniuerso. Odiū quidē in Garfiā Lassum conceptū altius in Pontificis pectus descendit, q̄ vt sedari possit. Itaq; Roma discedere necesse habuit. Subsecuti sunt Lusitani legati initio  
 30 anni M.cccc.xcix. palā offensi parū ea diligētia fuisse profectū, contra in peius cuncta rueret. Romana vitia omnē medicinam respuere. Alii Castellæ legati restiterunt in ea vrbe  
 40 dum Laurentius Suarius Figueroa Venetiis, vbi oratorem agebat vir exacta prudentia Romam veniret in locum Garfiæ Lassi fratris legati ordinarii munere imposito.

*Ludouicus Mediolanensis dux eo principatu spoliatur.* CAPVT IIII.

INuictum regis Catholici animū curæ non obruunt multæ quāuis & graues, p̄sudet in speculis, indeq; late p̄spicit in omnes partes. Res Italicæ proximè periculo Rege Gallo vetera eadēq; minime dubia, vt ipsi videbatur, iura armis repetenti quoniā certare legib. & causa longum erat. Satis ex se inflammato ad maturandā expeditionē subdebāt faces. Pontifex arcano Friderici Regis vliscendi præcipiti cupiditate, à quo se lēsum putabat  
 50 filiæ nuptiis denegatis. Præterea augendi suos spes ostendebatur ac præsertim ducē Valērinum ambitioso virum ingenio prauoq; Veneti apertius Duci Mediolanensi irati erāt pro Pisani prius sociū, deinde hostē fædere cum Florentinis factō. Pacta ergo cū eo Rege amicitia & societate mille ducentos equites obtulerūt sex millia Heluetios Germanosve contra ducē Mediolanensem ea tamen lege vt pretium opere, impenſe cōpensatio, Cremona & Geradada essent ei principatui detractæ & ad Venetā ditionem subiunctæ post victoriā. Dux cognito periculo rerum suarum, parum opis in Christianis Principib. fore, quos infensos alios alia causa suspicabatur extremum malorum Turcis suasit, vt instructa classe Venetorum ditionem inuaderent; si bello p̄prio implicarentur, aduersus Gallum vires aliunde nō defuturas. Magna piis omnib. sollicitudo iniecta: plus inuidiæ ex eo Duci



quam virium accessit. Antonellus Salernitanus in Urbini Ducis ditione propinqui & necessarii decessit Roberto filio successore nō tā nominis & fortunarū q̄ odii in Aragonios perpetui, q̄ illi odiū male tandē fuit Cēsaraugustę Gonfaluō Garfię iureconsulto celeberrimo irrogata atrox iniuria mense Iulio. Facinoris auctor cognosci nō potuit certo. Multi suspicionibus subiecti prę cæteris Ebuli Vicecomes magnis argumentis vindicta nulla. Vasconum Reges q̄dam à Rege Catholico extorquere veteris ditionis oppida ipso tēpore moliebantur. Ludouicus vndecimus Gallię Rex quo tēpore ad Baionā in Tarbellis cum Henrico quarto Castellę Rege est collocutus tum alia p̄stitit, tū in controuersia q̄ ipsum inter & Vascones erat, consensu partiū arbit̄er factus, sententia pronunciata sanxit, vt dū sumptus cōpensarentur q̄ Carolo Vianę principe tuendo à Ioanne Castellę Rege ipsoq; Henrico facti erant, seq; eā pecuniam soluturū, Carolus obstrinxerat, Stella vrbs eū cōtributis oppidis Henrico cederet. Vrbs quidē nunquā est tradita, alia tantū oppida: & ea ipsa à Vasconibus, vt sese offerebat occasio, erant recepta pleraq; & ad veterē ditionem imperiumq; subiuncta. Castellę tunc præsidiis Arcus modo, Guardia & Vincentii fanum tenebantur. Hęc enim uero oppida restitui Vascones postulabāt, vitiosā Galli sententiā extitisse accusantes, pręterea affirmantes Regē Catholicū superiorib. annis pollicitū se ea oppida redditurū. Si minus æquitate postulati moueretur, certe regiā fidē ea restitutione liberaret. Ne res ab altercatione ad arma deduceretur & vim erat piculū, turbidamq; cōciret ē Gallia tēpestatē. Verū Italicę expeditionis apparatu districtus gallus aliena curare q̄ posset: & vtq; numerosus exercitus superatis Alpiū iugis Astā peruenit urbē à Philippo Vicecomite Mediolanensi Duce datā olim Carolo Aurelianensi eius Regis patri, ea lege vt contra Venetos sociaret arma, opē ferret, bello eū sub vitæ finē fatigantes. Pręcipui gallicarum Duces Stuardus Obenignus & Ioannes Iacobus Triuultius Astā mēse Augusto motis castris omnia opinione faciliora inuenere. Alexandria, Ticinum, Placentia breui ad ditionē subiuncta. accessere minora oppida magno numero. Veneti quoq; haud minori felicitate Cremonā, Geradadā, Laudē & quidquid Mediolanēsis principatus eo tractu erat victricibus armis præsidiisq; occuparūt. Tantis vno tēpore cladib. Mediolanenses ciues conterriti correptis repēte armis magnisq; clamoribus Ludouico abdicato per vrbis plateas gallica signa sustulerunt. Ad tumultum popularem sedandum Dux neque virium neque animi satis habens, neque iubendi vetandive potens non tam princeps iam quam belli causa ad arcem necessario cum confugisset rebus desperatis Ascanium Cardinalē & sui serinij Præfectum cum filiis thesaurisq; in Germaniā præmisit: eodem ipse paulo post postridie kalen. Septembris de nocte ne appellatis quidē militibus est subsecutus. Exilii atq; itineris socii Atestinus Cardinalis & Galeacius Sanseuerinus eius gener & copiarum dux præcipuus. Sic imperium malis artibus quæsitum non fuit stabile; ambitionem, inhumanitatem cupiditatemq; superi vindicarunt. Ipse principatu deturbatus, amissis amicis, quorū plerosq; p̄posteris actionib. alienarat, vagus incertusq; agebatur, non magis virium inops quam consilii. Princeps alioqui eximie sagax, neq; illi res vlla, neq; quisquam hominum satis placebat. Tertio post mense in partē victoriæ genua concessit vltro ne tentata quidem defensione. Restiterat gallus Lugduni quorsum res euaderent expectans. Inde nobilissimæ victorię fructum percepturus & vt parti principatus rationes cōponeret, in Italiam maturauit. Mediolanum ineunti triumphī perfimili pompa populus obuiā portis est fusus magna significatione lætitię fausta omnia, vitam longæuam, felicitatē perpetuam cōprecari tantundē facturū pro aduersario si vicisset, quę mobilitas plebis est. Dux Valentinus Regis iter profecutus Flaminia vr̄bibus ad veterem ditionem Pontificiam reuocandis trecētos grauis armaturę equites regiis stipendiis dari impetrauit Iuone Alegrio duce, pręterea quatuor millia Heluetios impensa Pontificis & auspiciis militaturos. Decreta etiam gallica auxilia Florentinis aduersus Pisanos libertatem tuentes. Mediolanensi bello confecto ex sententia, continuo gallus ad Neapolitanum regnum animum adiecit, sua sponte currentē Pontifex subditis stimulis certaq; victoriæ spē concitabat. Placuit tamen reficere copias priusquam in eam expeditionem se daret, eoq; in Galliam redire. genuę Philippum Rauastainum, Mediolano Ioannem Iacobum Triuultium spectata virtute fideq; viros præfecit alterum germanici generis Italici alterum. Franciscum Ioannis Galeacii Mediolanēsi principatu à patruo spoliati filium, ne quid turbatum ea occasione existeret, secum in Galliam abduxit: vbi in sacerdotis morem detonsus annis sequentibus ex equi casu inter venandum in Heduis periit, nulla neq; vitæ neq; mortis laude. Italia motus Regē Catholicū sollicitū habebant, ne velut ex continentibus tectis diffusa flāma inuolui & ipsum necesse esset. Itaq; Frederici Regis nomine honestissimas condiciones gallo offerre, ad pacem hortari. Recusabat ille



Ille partem, vniuersas regni florentis opes spe vasta & cupiditate complexus. Ad eas ergo conditiones recursum, quæ à Gallis dudum propositæ, fuerant ab Hispano repudiare. Fridericum propter parentis natales iniustum Regem esse Gallus & Hispanus certiori iure iunctis viribus Neapolitanum regnum expugnatum inter se per conditiones partirentur. In eius fœderis maturandi curam intentus agebat tunc rex Catholicus Granatæ, quo Ioanna soror Neapolitana Regina ex Italia in Hispaniam redux appulit. Margarita simul princeps ex ea vrbe profecta in patriam abiit, deducente Alfonso Fonseca Còpostellano præfide ad galliæ fines, qua iter erat. Simul ex aula affeculis quidam cuius nomen non proditur, in Galliam amandatur iussus cum Michaelè Ioanne Gralla apud Regem Gallum legato consiliis communicatis suo ipsorum nomine ad eam pacis conditionem recurrere, si forte eadem mens Gallo esset, quæ antea, an victoria ferocior esset factus. Fecit ille quod erat mandatum. Rhotomagensi Cardinali, ex cuius arbitrio cuncta belli & pacis consilia prodibant, eæ molitiones haudquaquã displicebant: ne Clario quidem regulo proximum auctoritatis & gratiæ locum in ea aula occupanti. Accedebat vtilitas huic quidem facta Crotonis obtinendæ Magnæ Græciæ maritimæ vrbis: cuius se Marchionem dicebat. Iis adiutoribus fœdus breui coiturum dubitabat nemo. Fridericus Rex aduersus ex Gallia imminentem tempestatem, an harum etiam molitionum non ignarus, si armis peteretur, aduocaturum Turcarum classem in Italiam minari. Tentauit etiam Pontificem placare Theani principatu & Sueffa, quæ vrbes in Gandiæ ducis ditione fuerant. Valentino vltro oblati ingenti pecunia adiecta, præterea Alfonso Aragonio fratris filio, cui nupserat Lucretia Borgia, Salerni & Sanseuerini principatum pollicitus, largus in periculo, & nimius quæ retractaret parta pace. Ea est timoris natura. Honestissimas Pontificis conditiones Valentini litteræ disturbarunt ex Gallia, vbi tunc erat, renunciantis eius concordie in tempestiua mentione Gallorum animos vehementer esse turbatos: proinde eo commercio prorsus absterent. Huius anni fine in Belgis Cleonora est nata Archiducis filia maior annis sequentibus Regina prius Lusitaniæ, deinde Galliæ priori coniugio quam posteriori felicior, in vtraque fortuna salua probitatis fama.

*Montani ad Granatam Mauri rebellant.* CAPVT V.

QVo tempore Rex & Regina Granatam abierunt, Archiepiscopus Toletanus Compluti hæsit schola in eo oppido cõstituenda intentus ad exemplar Parisiensis in gallia modicis tunc initiis deinde præclarum literarum domiciliũ. Collegii præcipui & maximi, cui à Diuo Illesonso est nomen, fundamenta primum sunt iacta pridie Idus Martii. Architectus Petrus gumiel in ea arte apprime versatus & nobilis, formacei initio parietes frontem è candido lapide pulcherrimam tempus adiunxit. Nouum granatæ regnũ stabiliendi Regibus cura erat. Si Mauri, quorum magna multitudo supererat, Christiana sacra susci-perent, fore consultum videbatur ne à ceteris ciuibz in religionis placitis discreparent. Quippe in religionis dissidio concordia animorum inter ciues constare non potest. Euocato in eam rē Toletano præfule & quid factò opus esset monito, Reges Hispalim disceserunt. Archiepiscopi Toletanus & granatensis communicatò consilio parique ardore in opus ingressi viræ probitate similes & promouendæ religionis studio incensi ex æquo ad Mauros sanandos diligentē nauare operã statuunt. Mauros quosdã Elches vulgo dictos, qui Christi sacra, quæ prius susceperant, eiurarāt, inquisitorũ permissu, quorũ ea cura erat, malo cogere visum est: ac præsertim teneros filios per vim auulsos sacris fontibus eluēdos adhibere. Id vero turbarum initium exitit. Etsi gentis sacerdotes præterea, quos Alfaquinos dicunt, multa Præfulum benignitate, donisq; victi è promiscua Maurorũ multitudine plerosq; , vt se Christo adiungerēt, auctoritate & exemplo effecere. Intelligebantur artes, offendeabantq; Maurorũ vulgus. Ergo promoti animis & in rabiem acti Albaicini Mauri, q̃ magno numero erant, correptis armis, q̃ abscondita tenebant, plateas transuersis trabib. vicoq; muniere. Toletanũ quoq; intra edes suas p noctē obsederūt perimere destinantes. Ingēs ea nocte trepidatio, & ciuitatis permixtio pauidæ tumultuantisq;. Cũ luce Tendilliẽ Comes, quippe belli dux arcisq; Alhambre Præfectus, militib. in vrbe euocatis neutri vt nocerent inter se auctoritate & minis effecit. Missæ ad Reges litteræ periculũ renunciatũ. In quo accidit exigua quidē sed memoria digna res. Litteras Toletanus ad Reges Aethiopi perferendas dedit, viginti leucas pedibus conficere die vno solito nihilominus. In quo peccatũ fuisse grauissime euentus docuit. Ad primũ enim aut alterũ diuersoriũ tantũ vini miser haurit (& est ea gēs in ebrietatē effusa) vt emota mēte diē integrũ indormire crapule opus habuerit. Fama aliq; sup alios de re tãta rumores nũtiq; vti necesse erat Hispalim



præcurrerant. Mirabantur reges nihil à Toletano literarū venire. Reginā negligentē pū-  
 debat, plerosq; sermones in eius nomen erumpere, qui ea auctore in sublimem dignitatis  
 locum conscenderat. Rex quoq; ad superiorē molestiam, quoniam eum honorē Alfonso  
 Aragonio filio suo destinarat antea, & tunc nouo tēdio concepto haud obscuris verborum  
 aculeis Reginā perstringens, En, inquit, tuum Antistitē præclarum scilicet & magnum. Ap-  
 pulit tandem Aethiops: Toletanusq; ex ea mora pudore suffusus Frāciscum Ruiciū ex eo-  
 dem ordine socium suum misit: qui factum excusaret, & totius rei ordinem regi-  
 bus explicaret, calumniamque detergeret, quæ multi eius imprudentia accusa- 10  
 bant Mauros fuisse concitatos in furorem. Præterea accusare quā mutare facilius est. Sed  
 Granatæ tamen & Toleti anniuerfariis sacris ad quintum decimum kal. Ian. eius diei me-  
 moria renouatur omnibus annis, quo tria Maurorum millia sacro fonte abluta fuerunt.  
 Ad quæstiones habendas puniendāq; quorū noxa in eo tumultu grauior extitisset, missus  
 cū potestate iudex, vocē pconis veniā edixit tamen omnibus, qui Christiana sacra syncera  
 mente susciperēt. Supplicio de quibusdā sumpto, aliis in vincula traditis, tū hi, tum eorum  
 exemplo ceteri Mauri, qui Albaicinum incolebant, se Christi religionem velle profi-  
 teri renunciarunt supplices in timore animo peruicaces atque insaniam repetituri, v-  
 bi facultas esset, tantundem fecerunt alii qui per Granatam reliquam sparsis domiciliis  
 habitabant, quippe in villis suburbanis vitam terræ cultu tolerabant, omnes ad quin- 20  
 quaginta millia capitum. Tempia simul superstitione Maurica fēda, ex ritu Christia-  
 no sacrata sunt. Simulatio, haud potest esse diuturna: neque metus officii ma-  
 gister fatis idoneus. Montani ad Granatam Mauri locorum natura freti simulantes au-  
 vero persuasi reliquos per vim nostros fuisse factos, tumultus passim cōcitare cōspiratio-  
 ne inter se facta consilio cōmunicato. Initium rebellandi Huegariis incolæ fecerunt mu-  
 nitione magis quam viribus confisi: quippe locis asperrimis est oppidū. Accurrunt magna  
 celeritate Tendillæ Comes & Magnus Gonsaluus, forte eo tēpore agens Granatæ, ne pri-  
 ma negligendo serperet malū. Capto per vim oppido in plerosq; rebelles ferro est sēuitū.  
 Cæteros vicina mōtium iuga syluēq; texere. Eodem impetu alia circum Maurorū oppida  
 capta: neq; sisti tamen malū potuit fatali defectione quasi pestis lue per late parentes mō- 30  
 tes diffusa grassanteq;. Atq; ita vt non modo sua tueri parati essent, sed de finitimis prædas  
 agere, vastare agros, carpere quoq; oppida, cades facere. Marxenam imprimis obfederūt  
 quod oppidum in Promagistri Castellē ditione erat. Aduersus hos conatus Petrus Fagiardus,  
 qui Almeriæ cum exigua manu militari tunc erat, Alhamillam vicinum Maxenæ op-  
 pidum de Mauris cum arce cepit: eoq; terrore Marxenæ obsidio soluta est, hostes dissipati.  
 1500. Salutis anno Millef. quingentesimo auspicante hæc gerebantur. Ipso tempore Regina  
 Hispali relicta rex Granatam rediit in vnam comprimendi eos motus curam intentus,  
 metu ne ex Africa quæ vicina est, & vnde auxilia rebelles petere decreuerant, graui ali-  
 quo bello implicaretur Hispania vix è superioribus cladibus recreata: ipseq; intestini bel-  
 li mole impeditus cogeretur ab Italiæ cogitatione cessare: quod eius rationes vehemen-  
 ter conturbaret. Itaq; Beticæ ciuitatibus & nobilitate vniuersa ad arma signaq; euocatis, 40  
 numerosum exercitum magis quam validum conflauit. Cum iis copiis ipse met kalendis  
 Martii Granata profectus Langiaronem versus contendit locis præruptis situm oppidum.  
 Obstinatis Mauri animis nihil voluntate facturi videbantur. Vi admota captum dire-  
 ptumq; est oppidum. Lerini Comes aliiq; proceres copiis in plures diductis manus ac  
 per eos montes dissipati multas ea parte arces & oppida pari felicitate expugnarunt. Sæua  
 ac deformis eo tractu vniuerso rerū facies. Victa malis ferocia Mauri rebelles se dedere  
 decreuerunt. Imprudenti impetu cēpta; initiis valida, mora languescunt. Data omnibus  
 venia modo pacatis ea lege vt intra dies quatuor Castellū ferreum, Adram, Bugnoliumq;  
 restituerent, q̄ oppida motuū initio de nostris ceperant, & quamuis infirma ante iniuriæq;  
 opportuna diligenter ipsi ad omnes casus vimq; arcendam munierant. Armataq; omne 50  
 genus traderent. Præterea quinquaginta millia auri duabus pensionibus. Obsidesq; fidei,  
 ita facturos in Magni Ducis potestātē triginta quatuor è præcipuis Mauris. Mōtib. ad hūc  
 modum cōpositis rex Granatæ substitit ea gente ad Christum adiungendā abluenda sa-  
 lutarib. aquis ditricus. Ea diligentia paulo post montani Mauri, quique Almeriæ, Bastæ, &  
 Guidixii habitabant aliisq; locis nostra sacra populariter susceperunt. Missi ad eos cōfirman-  
 dos, sanandos ceteros pii in omnes partes concionatores sunt adiuncti militari præsidio.  
 Dignitatis specie ne violarentur impune agebatur, si qui male cogitarent. Et est gēs Mau-  
 rica mobili ingenio, fluxa fide. Quod prudenter ad salutem comparatum videba-  
 tur in contrarium vertit, sic humana consilia sæpe deluduntur. improuidas ho-  
 minum mentes. Vulgatum rursus fama ex eo apparatu vim & metum Mauris  
 nouo



nouo conatu intentari. Incolę Belesichi & Nixarii, quę oppida iugis montium asperrimis  
 sita sunt, arma hyeme proxima corripuerunt patrię superstitionis libertatem supremo co-  
 natu, tueri destinantes. Horum exemplum pleraq; eo tractu oppida montana sunt secuta:  
 signumq; sublatum, quo confluerent ceteri Mauri. Qua spe quibus viribus? cęcus animi  
 impetus miseram gentem in furorę agebat patrię superstitionis amore qua nihil est po-  
 tentius. A Rege qui vsq; dum Granatę morabatur bello dux designatus regię aulicorũ  
 cohorti Pręfectus cōtinuo collectas copias Belesichum admouit: Impugnatum oppidum  
 omnibus virib. & machinis. Obsessis tamen strenue tuentibus a mœnib. repulsi sunt no-  
 stri non sine multorum strage. Inter quos vtri genere factisve clari cecidere. Ducebatur  
 10 obsidio tamen. Mauri sola desperatione sustentabant, pro nostris causa erat, & parta sepe  
 victoria. Obsessi tãdem siti victi positis armis, iisq; & reliquo apparatu bellico victori tra-  
 ditis oppidum arcemq; dediderunt vnã incolumitatę pacti. Bona & libertatę arbitrio vi-  
 ctoris permiscere de regia clementia confisi: Eo terrore Nixarii incolę iisdem conditioni-  
 bus venere in potestatę, ea tantũ exceptione, vt libertatę publice redimędi viginti quinq;  
 aureorũ millib. facultas esset. Festinatę deditionis id pręmiũ fuit. Ad Regę pręterea pla-  
 candum Mauri supra decem millia Seronis Tiiolę aliorumq; eo tractu pagorum incolę  
 sacris fontibus sunt admoti. Magnus numerus, ad pacandã gentem rei; summam emo-  
 lumentum parũ. Nam eodę tempore in Arundę & Villalongę cōfragosis montib. Mauricĩ  
 tumultus publice sunt concitati. Cōmotus, vt par erat, noua rebellione Rex voce quidem  
 20 pręconis edictiq; denunciari mandauit omnib. Mauris qui in iis montibus, vbi motus e-  
 rãt, habitarent, vt in Castellã discederent. parando discessu dies non amplius decę dati, cũ  
 eo tamen arcano concessit, si qui nostrã religionę susciperent, iis manędi in patria suaq;  
 cuiq; retinendi venia esset. Deinde Vrenię Comiti & Alfonso Aquilario Magni ducis  
 fratri maiori, pręterea Ioanni Siluę Cifontano Comiti tunc Hispalęsi Prætori belli cura  
 est demandata. Mauros indigenas eo terrore proposito facile animos ad sanitatę reuocã-  
 tes Gandules gens Africana quę auxilio rebellib. venerat, ab ea mēte deducere conabã-  
 tur. quibus in temeritate & in contumacia spes, nihil pręcipuũ in Hispania. Saniores tamę  
 Arundam peditis armis vltro magnoq; numero venerunt Christianę religionis amorę si-  
 mulantes. Maior pars in incæpto perstitit: & qui immunita loca tenebãt in montę Rubrũ  
 30 pręcipua asperitate se suos suaq; contulerunt loci ardui natura confisi magis q̃ vera vir-  
 tute. Iisdę vestigiis regię copię prosecutę prope Monardam ad radices eius montis po-  
 suerunt castra. Mauri ad mōtis latus in armis se ostentare ascensu prohibere hostes para-  
 bant. Cōmoti eo spectaculo pauci è piorũ numero cupiditate prędę ducũ iniussu subla-  
 to raptim vexillo transmissosq; torrēte, qui ea parte decurrebat pręceps inter saxa niti per  
 ardua cæperunt. Secuti sunt alii ne primis desertis in periculo ignominia aliqua eladesq;  
 acciperetur. Vrgebant de superiori loco Mauri, nostrosq; ascensu magnavirtute prohibe-  
 bant. Si premebantur turpe nō ducebant loco cedere, seq; in altiora iuga recipere quę ex  
 interuallo exęquata munitaq; quasi propugnacula habebant. Instantib. nostris ad plani-  
 cię latam peruentũ tandę est summumq; fastigium montis vbi Maurorum vxores filiiq;  
 40 erant atq; impedimenta, incitamentũ vtrisque: vt supremo conatu alii tuerentur, alii cona-  
 rētur prędam rapere. Nostros cupiditas arcebat, aduersarios desperatio, si victi essent, in  
 rabię agebat. Cessit tamę virtuti sine viribus furor. Mauri qua parte nostri impressiōnē fe-  
 cērunt, terga verterunt. Institere in primo agmine Alfonso Aquilarius & Vrenię Comes  
 cũ duob. filiis. Ne victoria integra esset, praua cupiditas obstitit importunũq; inter ipsos  
 certamę hoste neglecto spolia consecrandi. Maior pars quasi victoria parta ad prędam  
 versi sunt turbatis ordinib. militaris discipline nulla cura. Multis horis in ascęsu pugnaq;  
 consumptis nox superueniens victos texit locorum peritos, nostris temeritas exitio fuit.  
 Ductor Maurorum Feruis Benastepar collectis ex fuga suorum reliquiis vir strenuus &  
 sagax, hostium perturbatione ratus rei bene gerendę opportunitatę oblatam, circumfu-  
 50 sos milites pro tempore hac sententia oratione acuit. Quo milites ruitis, quę causa fugi-  
 endi, Bona, vxores & filios quo loco relinquitis? Nisi vestrę vos manus texerint & ar-  
 ma, quis nam malis medeatur, quis erit pręsidio? An quo vos fugietis, eodem rabidi ho-  
 stes non poterunt penetrare? Furor est in pedibus spem ponere, quorum dextrę ferro  
 sunt armatę. Quę ignauos terrent, & timidis videntur ardua, virtuti peruia sunt. Hostium  
 perturbationem considerate (forte sulphurei pulueris cado incenso late diffusa flamma  
 dispalatos prędantesque monstrauit.) Ergo pensato agmine in hostes dissipatos irruite  
 vestris spoliis graues impeditosque. Pręcedam ipse, ferroque secuturis iter pandam. Vo-  
 bis nisi exemplum milites dederō, verbis meis ne amplius fidem adiungatis. Ducis ver-  
 bis inflāmati Mauri pugnã magnis animis repetunt. Non audacia sed temeritas videba-  
 tur victores nouo conatu laceffere. Ignauos tamę necessitas acuit, & desperatio, q̃ sæpe spei



causa extitit. Dux Maurus forte an consilio in Alfonso Aquilariū delatus, qui usque dum cum paucis pugnam sustentabat, ut erat thorace propter æstum diloricato, eius pectus graui vulnere sauciauit. Ingeminarunt alii ictu eo vulnertum numero, ut deformatum corpus in hostis potestate relictum vix postea dignosci a domesticis potuerit. Perierunt cum eo plures ducentis, atque in eo numero Franciscus Ramirus Madriti ciuis dux magnus virtute fama pari toto bello Granatenſi parſa. Petrus Corduba Alfonsi Aquilarij filius periculo ægre ereptus ad Vrenium euaſit cum globo militum hostis ſucceſſu ferocientis impetum comprimere paratum. Cifontanus paulo inferius in montis latere cum Hispalenſi vexillo reſiſtens multis ex fuga ad eius præſidium ſe recipientibus ſaluti fuit, ſuique agminis & fugientium armis hoſtium vim uſque ad auroram ſuſtentauit. Cum luce Mauri fracti metu an pugnando defatigati montis ſaſtigium conuerſis ſignis repererunt. Sic Alſonſus periit genere & factis inter Hiſpanos nobiliſſimus heros. Hoſtes eripere vitam: de eius laudibus nunquam bona poſteritas conticeſcet quādiu Hiſpanicę res ſtabunt. Arundæ Rex tunc erat commotus, ut par erat ea clade, Gentis perſidiam vlcifci correptis armis deſtinabat. Placuit tamen Anagari ducem Daydinum impugnare oppidum non ſatis validum, neque ſatis munitum. Vrenio & Cifontano mandatum uti infauſtos montes nouo conatu ſuperandi, qua parte ante aſcenderant, ſpecie præberent. Hoſtes nouo terrore propoſito deſperata victoria de compoſitione vltro appellare conſtituunt, veniam poſitis armis fore non deſperantes. Datum ab Rege ut in Africā diſcedere volentibus libera facultas eſſet nauibus etiam ad Aſtapę portum ad traiciendum integra fide paratis, per capita tantum denos aureos ſinguli traiecturi penderent libertatis pretium: qui patria carere nolent Chriſto ii ſyncerę nomina darent. Firmato iis conditionibus federe multi in Africam abiere: multo plures reſtiterunt in Hiſpania inſimulata Chriſtianę religionis ſpecie nihilo abeuntibus ſaniores ingenio peruicaci. Sic diuturni motus qui Hiſpaniam ſolicitam habebant, & mala quę ex iis impendere grauiffima videbantur, faciliorem opinione exitum habuere. Verum Alſonſi Aquilarij mors in proximum annum incidit. Ad ſuperiora rationemq; temporum reuertamur.

*Res Mediolanenſes.* CAPVT VI.

Montani Mauri ad Granatam tumultuabantur, ſimul à Rege Catholico inſtructa claſſe Gonſaluus deſtinabatur Veneris auxilium aduerſus Turcas eorum ditionem inuadentes armis, imminentes reliquę Italia ſpei occupandę accitu, ut ferebat fama tum Mediolanenſis Ducis tū Regis Neapolitani ſua ut tueretur à iuratis aduerſariis inclinatis rebus grande momentum, ſic illi putabant. De Sicilia quoque cura erat, cui illa procella quippe è vicino minabatur maxime. Simul à Valentino Põtificis nomine, Gallicis armis bello ad Flaminiam illato de variis tyrannis eo tractu vrbes & oppida capiebantur, nullo relictõ innoxio qui reſiſteret. Ita forum Cornelii occupauit, atq; Forliuium, cuius vrbis Comitẽ principem feminam cepit. In Piſauri regulũ ardentior ira: cui antea ſoror Lucretia nupta fuerat. Grauiſſimũ eſt odiũ, quod inter propinquos & neceſſarios excitatur. Prouiſo ille periculo vrbe, ut tempus dabat munita fuga euaſerat, quam vrbe obſidere Valentinus inſtitit. Magnorum motuũ ſciz̃ tempeſtatis hæc initia erant: Magnum Italię malum parabatur: Ac præſertim Ludouicus Sfortia ad principatum recuperandũ ab Imperatore & Germanis Principibus aliis auxilia patrociniũq; implorare non deſiſtebat. Ea diligentia Helueticorum & Griſonum conflato idoneo exercitu Aſcanium Cardinale fratrem Ianuario menſe præmiſit in Inſubres: vbi faciliora omnia opinione ſunt inuenta, priorẽ inuidiã miſericordia mitigarat. Erga eiectũ & exulẽ ſucceſſerat humanitas. Arces & vrbes certatim venienti ſe dedere, feſtinatione fidem ſtadiumque approbare cupientes. Ipſa etiam vrbs Comum & oppida lacui Lario adiacentia vltro portas aperuere. Ad eam famam Mediolanenſes ciues arreptis pro Ludouico armis Triuulcium in arcem ſe compingere compulerunt. Vnde die tertio cum equitatu Ticinum verſus diſceſſit. Ipſo die Aſcanius Cardinalis quaſi victoria de hoſtibus parſa triumphĩ ſimili pompa vrbe iniiuit. Subſecutus eſt Ludouicus frater, arce quamuis Gallico præſidio detenta. Ticinum, Lauſ, Dertona, Placentia ad vetus imperium aliarum vrbiũ exemplo ſponte redierunt: alię pulſis Gallicis præſidiis ſe dedere duci ſatagebant. Clandeſtinis hæc agitata conſiliis alto ſilentio premebantur, dum votis opportuna ſe daret occaſio. Gallici exercitus robur Nouariam ex condiçto confluit, ſi auctis viribus poſſent ducis conatibus obſiſtere, prodire in aciem. Gallicę etiam copiæ, quę in Flaminia curabant eodem conuenere cõmeatu petito. Quæ cauſa extitit Duci Valentino id bellũ inter-



intermittendi Pisauro quamvis nondum expugnata, Romam repetendi, quo fratres porro redierant cum Pontifice redintegrata gratia videlicet. Romæ Valentinus apparatu, incessu, excubiis, vindicandis hominibus vim Principis complexus, nomen imperii Pontifici modo relinquere usque eo obnoxio ut nihil magnæ rei nisi eo arbitro gereretur. Rerum conditio miserabilis fædaque. Gandavi, ubi Ioanna Princeps agebat, Carolus Archiduci natus maior filius est natus felici sorte ipso Matthiæ Apostoli memoria sacro die: cui amplissima imperia, immensæ copiarum victoriæ de hostibus multæ & præclaræ celo destinatae erant. Octauo ab ortu die Margarita amita in eam urbem appulsa infantem de sacro fonte suscepit una cum Margarita altera posteriori Caroli Audacis coniuge usque dum superstiti. Ducem Lucemburgium vocari infantem placuit veteri more mutato: nam ante Ducem Burgundiæ maiores filii Carolesii Comites vocari moris erat. Impleuit ea res Hispaniam noua lætitia. ipsa Isabella Regina die natali nuntiatio, subdidit ex diuinis litteris: Cecidit fors super Mathiam. vaticinium vanum non extitit, neque coniectura falsa. Enimuero de incolumitate Michaelis Principis ob eius imbecillitatem exigua spes erat: ac paulo post Granatæ obiit. Eius plane obitu Philippus Archidux & vxor Castellæ & Aragoniæ Principes dici capere, haud dubio hæreditatis iure indicioque. E Lusitania post Vascei Game reditum classe tredecim nauium Petrus Aluarus Capralis Indiam iussus repetere, profectus, Olisipone ad octauum Idus Martii ex itinere Brasiliam primus mortalium inuenit, tametsi eam laudem alii ad Americum Vesputium Florentinum natione ablegat, litem dirimere non est tanti. Inde magno flexu Calecutium delatus, atque in ea urbe benigne primum acceptus, deinde quæ est gentis perfidia & leuitas, violatus iniuria, necessario ad vim & manus venit. Hæc in India. In Lusitania Iacobi Vascei ducis filius ex impari matre ab Emanuele Rege patruo Magister equitum in Lusitania constitutus hoc tempore, annis consequentibus filia vnica relicta decessit: quæ Villeregalis Comiti vxor data est postmodum. Bellum in Insulribus ducebatur meliori sorte ducis Mediolanensis multa denuo carpentis oppida & ad reliqua aspirantis. Alexandria ultro in eius potestatem concessit. Nouariam eo admotis copiis ex deditioe cepit, arcem in Gallica fide perstantem impugnabat. Haud diuturna felicitas fuit. Cum aduersariis, qui non procul ea urbe tendebant, iusto prælio decernere parans unaqueque victoria molesto bello finem imponere, copias foras urbem produxit sane sedecim millia quæ Germanos quæ Heluetios. Instructa acie datoque pugnae signo Heluetii contra morem gentis contraque spem detrectarunt contra Gallos & qui ex sua natione ab illis stabant, ferro dimicare suorum iniussu magistratuum. Ea species est proditioe quaesita. Dux necessario sese in urbem copiasque retulit ab ea mente Heluetios si posset deducturus. Fefellit eum spes, & est omnis incauta securitas. Ingenti pecunia venditum prodiderunt Gallis infensis importunisque hostibus. Delatus mox in Galliam atque in arctam custodiam datus vitæ & vinculorum eundem finem habuit egregius alioqui Princeps, nisi a scelere principatum esset auspicatus: quod super ea calamitate vindicarunt. Ascanius Cardinalis fratris miseria grauique casu nunciato continuo arcis Mediolanensis, quam impugnabat obsidione soluta, Placentiam versus discessit, quingenti equites sequebantur ad reparandam domum ruinam exigua manus, spei tamen aliquantum euadendi, metus amplior. A Carolo Ursino Venetorum, qui eo tractu militabant, duce ex itinere victis suisque ceteris Cardinalis ipse captus, atque in Galliam quoque missus est gratum Gallo Regi munus ruinæ fraternæ socius. Eius iussu Biturigum in urbe aliquandiu detentus ex aliquanto interuallo libertatem obtinuit. Is honor purpuræ sacre habitus est & Rhotomagensis Cardinalis gratiæ: cuius ad arbitrium cunctæ in Gallia res vertebantur. Ducis filii Maximilianus Franciscusque, ne se qua domus suæ ruina una opprimerentur, in Cæsaris curia relictæ a patre, diu apud Germanos morati sunt inopes, exules, sine lare familiari vagi. Post victoriæ Mediolanensis principatus haud egre quidem Gallo cessit vniversus. Ciuitates eæ, quæ Duci aduenienti sine mora deditioem fecerant, ingenti singulæ in stipendium pecunia sunt mulctatæ. Sic Italia suis copis & viribus in sua viscera vertebat arma, suo quin etiam sanguine vincebatur. Venerat in Italiam Rhotomagensis Cardinalis bello antea a Gallo dux cum aliis destinatus. Parta victoriæ Mediolani agebat, rerum Italicarum bello paceque arbiter habebatur. Eo promerendo datum expectanti a Pontifice est, ut totius galliæ una excepta Britannia, legatus esset annuo & semestri spatio tunc: quod deinde tempus est additionibus sepe amplificatum, ac proprium redditum dum vita mansit. De Vasconum regibus multa Rex Catholicus suspicari accipiendis delationibus pronus in eos principes maxime. Amicitia cum Gallo multis officiis culta, magneque cum ea gente necessitudines vereri cogebant, ne monstri aliquid Hispaniæ parerent. Ita annis superioribus præter sacramentum ab arcium Præfectis in



verba Regis Catholici vniuersa ditione factum, Sanguessam & Vianam quasi fidei pignora penes sequestrum esse constitutum fuerat designato quinque annorum spatio. Eo decurso tempore Vascones ea oppida repetebant: neque restituebat Hispanus aliam ex alia moræ causam obtendens. Vt controuersias componeret Rex Vasconum Hispalim adiit mense Aprili, vbi reges Catholici morabantur. Ea diligentia Magdalenaque filia vnica fidei pignore in Castellam amandata, vt in aula Regine cresceret, litibus tunc quidem finis est impositus, eaque oppida restituta, de quibus erat disceptatio. Contra Lerini Comiti in Castella exuli à Vascone venia data, ademptique principatus pars multo maior reddita est. Equitum adeo magisterium restitutum non sine inuidia Alfonsi Peralte sancti Stephani Comitis, cui graue erat honorem antea delatum nullo suo merito in gratiam inquieti & factiosi hominis detrahi. Vnde noui motus & molestiæ metuebantur extitereque.

*Gonsalvus Magnus dux in Italiam redit.* CAP. VII.

SEcularem annum more maiorum Pontifex clausit, venia peccatorum inuitati innumerari mortales ex omnibus prouinciis Romam confluxerunt finitimi & longinqui pietatis studiis certantes plenam maiestate & numine urbem inuisere, religionis arcem, veritatis magistram. Morum licentia vigeat inter viros sacros vt si qua in parte orbis maxime. Eam turpitudinem vindicare Deus visus est euentu mirabili Pontifice castigato ceteris territis exemplo. Apostolorum Petri & Pauli sacro die hora quarta post meridiem violentus turbo extitit imbris & grandinis, qualem non meminerant. Ventorum vehementi procella tubus vaporarius euersus supra cænationem cui à Pontificibus est nomen, vbi forte Pontifex tunc agebat familiari sermone tempus fallens. Supra eam cænationem Valentini domicilium erat. Procidentis tubi pondus tabulatum primum traxit, atque è tribus Florentinis ciuibus, qui expectabant dum à Valentino debita pecunie summa redderetur, secundo tabulato confrecto duos ad pedes Pontificis exanimatos & occisos proiecit, tertium quoque spirantem, sed graui vulnere faucium. Multi cum lateres tum tabule ne Pontificis caput comminuerent superstantis umbellæ regmine factum est. Eadem inuoluto capite ne puluere suffocaretur, valuit. Accurrunt aulici. exanimatum Pontificem inter rudera repertum capite & manu grauius fauciatis, expiranti similem nec satis compotem mentis in strato componunt. Caput Cardinalis, & quidam alius, qui soli cum Pontifice erant sub fenestrarum absidibus & recessibus vitam seruauerunt. Multi apud populum coniectandi superstitioni ad insaniam deditum, Romæ præsertim rumores sunt sparsi. Variæ significationes & prodigia captata lingua procaci. Septuagesimum annum impleuerat Pontifex, tractata vulnera recrudescere videbantur. Vulgi sermonibus multi successores in Pontificatu senatus principes designabantur. Valentinus ipse auxilia Gallica conquirere, alia præsidia ab aliis, ad eum constituendum Pontificem, quem priuatis quisque rationibus opportunum maxime iudicabat, nulla reip. cura. Verum eas omnes molitiones restituta breui Pontificis valetudo frænauit. Ipso tempore Gonsalvus instructa idonea classe nauium supra triginta adiunctisque aliquot triremibus, biremibus, Malacæ è portu soluit. Vehementibus ea classe pedites quatuor millia, equites grauis armaturæ trecenti. Viri inter cæteros nobilitate factisque præstantes. In eo numero Dieghus Lupus Mendoza Hispaniæ Cardinali natus, Alfonsus Silua Calatraux Clauiger. Lenta nauigatio fuit. Secundo prouecti flatu ad Balearem maiorem atque Sardiniam appulsi impeditique multis malaciis, tandem Messanæ in Sicilia portum tenuerunt ad quintum decimum kalendas Augusti. Eo Hispani milites per Italiam dispersi atque ex bellis superioribus relictis magno viri animo pugnandi scientia præstantes confluxerunt, naues quoque aliæ conuenere seque adiungere ad Hispanicam classem. A Turcis mari terraque vrbs in Peloponneso præclara Methone obsidione premebatur. Veneti, quorum in ditione erat, Gonsaluum, vt se cum eorum classe coniungeret, conuitio sollicitabant. Cupiebat is obsequi iustissimis postulatis. Magnis tamen impeditus difficultatibus non ante quintum kalendas Octobris vrbe iam à Turcis capta soluit Messana, serum rebus perditis auxilium. Inter alias moræ causas illa præcipua. Gerbis regulus noua militum subsidia postulabat mitti, insulanos frenare cupiens noua ope, Margariti ducis & militum, qui sub eo erant, licentia, rapinis & iniuriis exacerbatos, ac in ipsum Africa vniuersa commota quasi rebus nostris faueret, Maurus nomine tenus esset. Mauro satisfacere integrum non erat alio properantibus. Spe depulsus Margaritum & suos arte in potestatem redactos deinde dimisit liberos arce tamen & vniuersa insula prohibitos. Hispanica classis



classis Corcyram maris Ionii Venetæ ditionis insulam tenuit postridie Kalendas Octobris. Eius aduentus salutaris fuit insulani. Turcæ inuadendi eos mutata voluntate Naupliam Peloponnesi urbem & nauale cum primis olim nobile admota eo classe impugnare decreuerunt. In gallia per idem tempus magna legatorum contentione pax tandem inter Reges gallum & Catholicum facta est. Conditiones aliæ honestæ fuerunt. De Neapolitano regno sancitum, vt facta diuisione Apuli & Brutii Hispano cederent. Reliqua obtineret callus. Vectigalia modo ex pecoribus in Apulia colligi solita ex æquo partirentur: ac vero regni prouentus vniuersos ita vt neutris amplius cederet quam alteris. omnino ex æquari redditus vtriusque partis bona fide volebant. Fœdus lubricum neque futurum stabile. Species facta prætenta præter vetusta vtriusque Regis iura Turcis pro religione bellum illaturos. Fridericum, cui cum ea gente fœdus erat & iuncta amicitia, quamque auxilio euocare decreuerat, ne pro religione susceptos conatus impediret, ditione spoliare visum est. Idonea species scilicet magis quam vera causa consona iuri & æquitati. Clandestinis primum hæc agitata consiliis alto silentio tegebantur. Pontifici dein significata gratissima ei extiterunt, quin vtrique Regi Pontificia auctoritate partis decretæ imperium suo diplomate quasi beneficiariis Romanæ Ecclesiæ confirmauit. Gallo Neapolitani & Hierosolymitani Regi Hispano Apuliæ Ducis titulos. Friderici Regis odium incitabat: spesque ex communi præda suos nouis augendi principatibus, haud obscure à gallo & Hispano facta. Cælestis vindicta quos

20 premere cœpit, in præceps agit. Veteres domini non magis viribus quam consilio destituti vagi, incerti, virtuti an fidei popularium minus crederent dubitabant sæpe in fuga ac paulo post in armis spem habentes. Hispana classis è Corcyra profecta Zazynthum appulit Nonis Octobris. Eo porro Veneta classis se cum Hispana coniunxit, duxque onerariæ ex gallia venere cum militibus octingentis auxilium à Gallo Rege promissum pretiumque Ascanii Cardinalis in eius potestatem antea contraditi. Turcæ soluta Naupliæ obsidione siue propter anni tempus in hyemem vergentis, seu nostris classibus vt parës essent, veriti, qui in sinu Corinthiaco classem hiberno tempore continere consueuerant ad Venetorum ditionem ipsamque Italiam ex propinquo vexandas, circumducto Peloponneso ad Euripum & Chalcidis littora constiterunt. Ad

30 Zazynthum de belli ratione à nostris disputatum est, non vna sed varia ducum sententia. Magno consaluo Methonem tentare placebat expugnatu facilem priusquam operibus muniretur assuesceretque Turcico imperio. Plerique Cephaloniam peti maluerent centum & quinquaginta millium ambitu, tutissimo ad occasum portu cum optimis totius orbis comparando Corcyram inter & Zazynthum positam insulam Sinus Corinthiaci faucibus obiectam. Eo consilio probato Gallisque Zazyntho ab euntibus specie quasi non solueretur stipendium, cæteri Georgii fanum petiuerunt præcipuum Cephaloniæ oppidum. Neque mora: ipso die positis iuxta castris, tormentisque mœnium parte strata nostri irrumpere per strages & rudera intra oppidum conantur. Trecenti Turcæ præsidarii milites eximie fortes magno animo eum impetum

40 sustinuerunt. E nostris vulnerati aliquot, cæteri à mœnibus sunt repulsi. Tempus erat minime idoneum, imbribus continuis & frigoribus impediti milites dies tamen aliquot sustentarunt pro ingenio gentis aduersus mala peruicaces. Ipso tandem peruiiglio diei Christi ortu celeberrimi supremo conatu adhibito admotisque scalis periculi omnis immemores intra horæ spatium in oppidum penetrarunt. Periere in conflictu Turcæ centum septuaginta. Alii quinquaginta qui se in turrim receperant desperata defensione Magni Consalui arbitrio salutem & libertatem permiserunt de clementia confisi. Primus in oppidum Martinus Gometius centurio vulnere quamuis accepto irrupit, Turcis etiam ex aditu quem obseperant deiectis. Ea insula superiori tempore in Leonardi Tocci græci reguli ditione fuerat. Huius fratri Veneti detractam

50 tradiderunt Turcis. De illis nunc captam Magnus consalvus Venetis restituit, magnum ea moderatione ab animi magnitudine decus omnium prædicatione & fama consecutus. Et alioqui commodissima Venetis classibus ea statio erat præsertim post Methonem amissam, Hispanico imperio ob longitudinem parum commoda possessio. Sic classis Hispanica ex ea insula dubio cœlo profecta sæuaque tempestate disiecta, incolumis tamen Syracusas tenuit extremam Siciliæ ad ortum urbem gemino portu & vetusta imprimis nobilitate præclaram. In Siciliam Veneti Magno Consaluo miserunt, qui sitæ ciuitatis ius darent, dona que offerrent vasa argento grauiam vestemque pretiosam nauatæ operæ & impensi beneficii monumentum. Ille Veneti modo cuius honore



contentus cætera ad suum Regem in Hispaniam remisit cum elegantibus litteris; & erat natura acutus & falsus. Hæc omnia ipso tempore gerebantur, quo Valentinus Dux post cæsum immaniter Viselium sororium suum Romæ repetito bello Flaminie vrbes carpere non desisteat. Pisaurum & Ariminum ne tentata quidem defensione portas aperuerunt. Impotentis hominis iracundia timebatur. Fauentia tamen diu resistit ope Ioannis Bentiuolii freta Bononiam ditone obtinentis. Hostem præualidum externo bello distingere pars consilii quietisque erat. Præterea ipso anno pontificia sententia diuortium confirmatum est: quo Ladislaus Hungarus Rex Beatricem Aragoniam thoro expulerat uxorem quondam Matthiæ decessoris Regis inclyti, Ferdinandi senioris Neapolitani Regis filiam, eoque Catholici Regis propinquam. Secundum Pontificis sententiam Ladislao iuncta connubio est Anna gastonis Fuxensis Candalæ reguli filia, neptis Eleonoræ Vasconum Reginæ: quæ Ferdinandi Catholici soror extitit. Sic Hispano notæ nuptæ maiori auunculo ad aliorum principum affinitates Hungarica porro iis nuptiis accessit.

*Lusitani Regis coniugium.*

## CAPVT VIII.

**Q**uatuor Regi Catholico filia fuerant. Isabella natu maior decesserat ex partu, Ioanna & Catharina Austriaco & Anglico Principibus nupserant. Supererat Maria natu minima magnis & ipsa expetita connubiis. Fridericus filio suo Duci Calabriae coniugem dari cupiebat, regni, quod nutare tempestate videbatur, ab ea affinitate stabilitum. Lusitano par votum erat, post vxoris decessum thoro cœlibe, maiores nempe e propinquo ad obtinendum vires. Itaque ea præferēbatur conditio, lege propinquitatis soluere id coniugium primoque affinitatis gradu vt iustum esset, ardua plane res erat, neque probabilis exempli. Ipse etiam Pontifex alioqui minime superstitiosus ea venia concedenda sese oppido præbebat difficilem Galli Regis intercessione præcise negans nisi futura ex eo incommoda præstarentur, minæque intentatæ, se vnquam quod petebatur facturum. Multi dies in ea altercatione consumpti. Vt Calabriae Duci Ioanna Regina, quæ Ferdinando secundo Neapolitano Regi fuerat iuncta vxor daretur, Rex Catholicus curabat, in ea prouincia relicta quadringentis aureorum millibus patris testamenti dotalibus. Non displicebat ea conditio Friderico Regi, graue ducenti eam pecuniæ summam sorori viduæ numerare. Cupiebat tamen inter connubiales leges pacisci vt Rex Catholicus res Neapolitanas in clientelam fusciperet in sponsæ gratiam ex sorore natæ. Quod ille detrectabat facere molitionum conscius & particeps id regnū per conditiones diuidendi cum Gallo. Ac vero eo fœdere maturato Friderico quamuis ad id quod ante offerebatur, propenso, simpliciter, coniugiū coire non est passus. Prouisa quæ imminebat tempestate. Fridericus Rex Gallum omni ratione pacare contendebat. Recusabat ille pacem veniamque dare, nisi Caietana arce fidei pignore, filioque Calabriae Duce in galliam amandato, iunctaque eidem connubio germana Narbonensis reguli & Mariæ suæ sororis filia; si conditio non placeret, certe Engolismensis sororem duceret. Præterea decies centum aureorum millia exigebat in præsentī, deinde annua viginti quinque millia lege perpetua. Grande gallicæ amicitia pretium videlicet ac graue Fridericus recusauit. Atque aliis conditionibus reiectis decies centum millia aureos se daturum tamen recipiebat. Sic neque fœdus coitit, neque vllum eorum coniugiorum coealit. Pontifex quoque Lusitano sublata mora, affinitatis cum noua sponsa gratiam fecit. Ita Granatæ mense Augusto id coniugium confecit Aluarus Portugalensis pro Lusitano vicarius. Nullis ludis neque illo principali apparatu ea lætitia celebrata tunc est. gemina filiorum Ioannis & Isabellæ funera recurrebant animis. Pridie Idus Septembris in ea quidem vrbe concessum, vt qua patera Reges biberent. Diuæ Luciæ memoria festo die omnibus annis, ea caderet Moia Marchionibus fidei cultæ difficillimis temporibus monumentum insigne posteritati, quoniam eo die meminerant ab Andrea Cabre ra regiam ipsis supellectilem thesaurosque traditos in arcibus Segobien-sibus asseruatos, grande momentum bello ex sententia conficiendo, obtinendo regno vniuerso, de qua possessione cum Lusitanis certabant. Nouam nuptam vsque ad Lusitaniæ fines profecuti sunt, princeps Dieghus Furtadus Mendoza Hispalensis præsul idem Alexandria Patriarcha Tēdillia Comitē frater, cui tūc purpuræ honos accessit, nomenque Cardinalis Hispaniæ patrui item Petri Cardinalis exemplo. præterea Villenæ Marchio, alique viri principes haud exiguo numero. Accurrit ad Lusitaniæ fines Brigantinus haud



haud obscure quamuis offensus honoribus quos Emanuel Rex in Georgium Ioannis Regis filium cumulabat supra merita supraque ætatem. Duci quin etiam Conimbricensi renunciato uti pater sub mortem mandarat, uxorem Beatricem dedit Aluaro Portugaliensi & Philippa Melo natam. Brigantium plerique nobiles Lusitani comitabantur. Ab iis noua nupta excepta est ad tertium decimum Kalendas Nouembris. Rex Salaciæ eius aduentum morabatur, eoque in oppido decimo deinde die nuptiæ celebratæ sunt, ludis omne genus, conuiuiis, ac reliquo omni principali apparatu. Prole numerosa fœcundum id coniugium fuit felixq; multis ex eo filiis susceptis, uti suis locis indicabitur. Haud magno interuallo Margarita Austriaca Philiberto Allobrogi iuncta est coniugio haud felici-  
10 ciori quam antea, hoc quoque viro breui extincto Ægypti Sulthanus Regi Catholico iratus erat ex quo tempore Mauros, Granatenses bello oppressit. Ex eo periculū ne in Christianos eius imperio subditos Sarracenis confusos conceptam iram effunderet: neque nostris libera facultas esset, ut antea, adeundi Hierosolymā Christi Dei vita & obitu sanctissimam ciuitatem plenam præsentī numine. Lenire animum barbari visum est legato ad eum qui facti causas & ordinem coram explicaret. In eam rem Petrus Martyr Angleria domo Mediolanensis à regis sacris perspecta prudentia vir deligitur. præclare officio functus, expositisque mandatis, quæcumque voluit, agendi dexteritate ab eo Principe impetrauit. tum iisdem vestigiis se se retulit in Hispaniam anno in ea legatione integro consumpto. Obsequii merces fuit Granatensis decanatus sacerdotium donūque hone-  
20 stum magis quam opimum. In ea vrbe consequentibus annis defunctum, uti ipse testamento sanxerat, in sella amici & familiares composuerunt veste pretiosa indutum, quam Sulthanus dono dederat, sed in sacrae modum conformata. Id virtutis monumentum esto eruditionis, Decades quas de bello Granatensi, de legatione sua, de noui orbis inuentione confecit maiori aliquanto diligentia & fide quam styli felicitate.

*Bello Neapolitano designati duces.* CAPVT IX.

SVspensis mortales animis toto orbe Christiano expectabant, quid bellici apparatus tanti parituri tandem essent. Aduersus Fridericum Regem, galliæ atque Hispaniæ vi-  
30 res atque in eius perniciem consensu conferri plerique mirabantur, alii non credebant. granata tamen Kalēdis Martii anno Millesimo quingentesimo primo, missi qui magno  
Gonsaluo sui Regis verbis renunciarent uti ad nouum bellum inchoandum Turcico dimisso continuo se se Messanam referret cum classe. ibi certiora mandata expectaret: & ut maior esset auctoritas paulo post regius vicarius in Apulia & Calabria nōdum domitis est dictus. Aduersus Turcarum conatus tum à Rege Lusitano tum à gallo impetratum Ferdinandi suafu, ut suis classibus Orientis oras tuerentur ab iniuria, ferocienti barbaro frænos iniicerent, ab Italia arcerent. Obtemperauit Lusitanus tum æquitate postulati intuitatus, tum ut focero gratificaretur. Instructæ classi Ioannes Menesius regiæ Magister Tarrocæque Comes delectus, ex itinere Masalquiurum portum in Africæ littore Ora-  
40 no vicinum expugnare tentauit, commercio opportunam & Hispaniæ littorum securitati possessionem. Inde irritō conatu repulsus Corcyramque delatus nullo nauigationis longinquæ pretio se se tandem in Lusitaniam retulit. gallo etsi suam & ipse classem misit Turcici conatus curæ admodum non erant præ studio belli Neapolitani maturandi. Satis per se ad id incitato acres addebant stimulos plerique Neapolitani proceres quod domo extorres, qua infecti partibus. Ludouicus Armeniacus Namursii dux Armeniaci guisæque Comes bello dux à gallo præficitur, Ludouico Lucemburgio Lignio Comite repudiato, qui eum honorem ambiebat obtinēdi Altamuræ principatus spe, quoniam Pyrrhi Baucii neptim ex Gisota filia uxorem habebat: cui Ferdinandus senior bello procerum detractum eum principatum Friderico filio dederat quasi Isabellæ minoris Pyrrhi  
50 filia, quam illi iunxit, dotalem. Metus suberat ne ea contentio in prouincia aliquid turbare daret. Namursius belli quamuis cura suscepta diu substitit in gallia. Festinantibus omnis cunctatio grauis erat. Obenignus Magister equitum dono galli Regis Neapoli antea dictus ex Insucribus ubi erat, cum copiis omnibus mouit, & cum eo gaiaci Comes vir nobilis patria exul. Dum noui belli apparatus sollicitam habent Italiam in Laurentii Suarii locum missus ex Hispania est Franciscus Rogius, qui pro Rege Catholico oratoris partes Romæ implet, vir eximie sagax & callidus, ad versandos hominum animos arte præditus & ingenio. Apud Imperatorem ab annis superioribus eodem munere legati fungebatur Ioannes Emanuel ardenti vir ingenio & inquieto, alioqui magnis animi & corporis dotibus, facetus natura acutus & perspicax. In gallia Ioannes Michael gralla,



Ioannes Clauerus Neapoli. Acceptis Gonsaluus sui Regis mandatis continuo Messanam accurrit: vnde Panormum cum Ioanne Nula Sicilia Prorege de noui belli ratione deliberatum, pecuniam in sumptus & militem in supplementum eo adiutore conquistum subsidia omne genus. Intempestiua de potestate inter duos contentio excitata agendi oportunitatem ferme corrumpit. Et est superioris non modo sed etiam consortis impatiens dira dominandi ambitio. Valuit tamen obsequendi regis mandatis studium. Magnusque Gonsaluus delectu ut tempus dedit, instituto redactaque pecunia aliquanta, Messanam breui recurrit, ubi bellici præcipue apparatus & copiarum erant. Obtinebat is in Apulie parte Garganum Friderici Regis dono operæ præmium datum cum inaugurationis die multos principatus inter belli duces distribuit numerum magnitudine potius quam morum constantia amicos meritis magis quam nactus. Ergo Gonsaluus Focio centurione Neapolim legato necessitatem parendi excusauit, eoque principatu ultro abdicato iurifurandi gratiam fieri sibi postulauit, & fidei qua ea de causa Friderico erat obstrictus. Dedit Rex quam petebat veniam relicto etiam quem abdicabat principatu cum multo verborum honore, cupere se multo ampliori munere eius præmerita compensasse, porro excusationem accipere: tantum ne ex iis arcibus bellum regis finibus inferret, aut de finitimis prædas ageret, quod erat æquissimum postulatam. Ex hac tamen Gonsalui denunciatione intellexit plane rebus suis exitum instare. Legati præterea ex Hispania monere nullam in Rege Catholico opem rebus fore: Hispaniam in armis esse, bellicis apparatibus, equis, militibus omnia perstrepere: quo ii conatus eaque molitiones pertinerent, dubitare neminem. Tum demum quasi ex alto sopore excitatus in omnes partes circumspicere, neque illi consilium vllum, aut quemquam hominum placere. Sic miseri solent. Quid certe faceret? quod captaret consilium infidis provincialibus, modicis viribus, nulla in externis spe filium Ferdinandum Tarentum ablegauit urbem in extrema Apulia atque Italia ad mare sitam firmam imprimis & validam. Quin & in Apolloniam exaduersum Italiae misisse fama prædicabat, qui Turcarum auxilia aduersus eam tempestatem excitarent, nulla in timore honesti cura. Delectu item habito quantas maximas copias contrahit, octingentos grauis armaturæ equites, pedites quatuor millia. Sed quantum id erat præsidii ad sustentandum Galliarum atque Hispaniarum vires. Imminens cœlo clades nulla diligentia moueri potuit. Capuam munire decreuit quasi belli arcem futuram. tuendæ cura Fabricio Columnæ & Hugoni Cardonio cum ducentis cataphractis mille & sexcentis peditibus commendatur. Gonsaluus ut erat sagaci ingenio atque eximie cautus intelligebat plane foederis nuper icti inter duos Reges condiciones haud fore stabiles. Gallorum ingenium nullis finibus resistere, ne pati quidem consortium regnandi ambitionis malum sæuum & impotens: diuidenda præda magnas futuras difficultates, noua iurgia prouidebat animo. Proinde nihil festinatione salutaris arbitratus, ad id omnes industriæ nervos intendit, ut Gallorum conatus occuparet, efficeretque celeritate ne sibi impedimento esse possent, quo minus partem certe attributam obtineret, de reliquo facturum ut se res darent. Ac primum classis multo maximam partem Apulie littora misit Diegho Mendoza ductore Turcas, si id tentarent, Italiae aditu prohibitum. Classis Lusitana ut erat constitutum lenta navigatione prohibita in eam usus non fuit, uti est antea indicatum. Cum classis parte misit Enecum Lupum Aialam Neapolim, qui Ioannam Reginam Neapolitanam in Siciliam abductam belli periculis eximeret. Dedit Fridericus discedendi facultatem non inuitus tamen antea recusarat, eo retento pignore auunculum Regem sibi obstringere scilicet fatagens. Hispanorum copiarum secundum hæc transmissio freto in Italiae littore constituerunt. Erant trecenti cataphracti, totidem leuis armaturæ equites, pedites tria millia octingenti. Ad eum numerum sexcenti Hispani milites accessere, quos Franciscus Rogius legatus Roma subsidio misit, ex iis qui in Flaminia Valentino militabant magno armorum usu. Ex Sicilia præterea quadringenti grauis armaturæ equites indigenæ adiuncti sunt ex vniuersa insula lectissima pubes. His copiis Brutii & Magna Græcia breui in potestatem concesserunt. Præter Giracium & Agathæ fanum firmissimas arces, reliqua Gonsaluo ditionem fecerunt. Messanensi freto superato Hispanicarum copiarum in Italiam traiecerunt postridie Kalendas Iulias, Gallicæ Roma obita ad fines Neapolitanos alia parte tertio post die peruenerunt. Omnia iis etiam opinione speque faciliora. Quacumque iter erat oppida & vrbes cupidissime aperiebant portas paratæ comœatu, pecunia, & rebus aliis iuuare. Pari animorum consternatione Aprutium, parte Gallici exercitus eo dimissa, in ditionem venit nullo repugnante Gallici imperii iugum subire. Capua præsidii fiducia resistens, quamuis admotis castris



castris obseffa Gallorum impetum diu frænare potuit: nisi Palenæ Comes eius vrbis ci-  
 uis Gallis murata repente fide patefecisset aditum. Ingressi in urbem victores implaca-  
 bili odio ciues confectari, diripere opes publicas priuatasque, nihil vsquam secretum aut  
 clausum pati: plenæ cædibus plateæ foraque. Fabricium Columnam, Hugonem, aliosque  
 duces, qui erant in præsidio, viuos ceperunt. Rei gestæ nuncio ad quartum Kalendas Au-  
 gusti Nicastrî accepto Gonsaluius excitus Consentia arcem expugnat magna velocitate;  
 eique vrbi Ludouicum Mudarram præficit, Aieli Comitem fidum expertus prouinciæ  
 vniuersæ pro se vicarium magno rerum vsu virum industriaque. Ipse in Apulos profici-  
 sci destinabat cupiens ea quoque prouincia potiri priusquam à Gallis Neapolis esset cap-  
 10 pra. Eo ventum & imperata cæteræ vrbes & arces eo tractu continuo fecerunt deditionis  
 celeritate certantes Regis Catholici ac Hispani ducis gratiam aucupari per eum modum  
 satagentes. Tarentum restitit ducis Calabriae præsentia & præsidii virtute, suaque muni-  
 tione confisa. Admotis copiis obsidere & vim admouere visum est. Interea Galli vrbi  
 Neapoli imminere tum suis viribus tum Valentini ope: qui Fauentia in Flaminia atque in  
 Heturia Plombino captis Regi Gallo operâ in eo bello nauaturus citus aduenerat, tum  
 propensa in eam gentem voluntate vt se Cæsarem Borgiam è Gallia diceret, gentilicii  
 clypei præcipuam partem lilia, Gallorum Regum insignia distinguarent, concepti in Hi-  
 spanos odii clarum ab vtraque re argumentum. Sic mores erant: vnde flatus aliquis fauo-  
 ris ostendebatur, eo vela dandi destinata voluntas. Neapolis defensione desperata in tan-  
 20 tagentis consternatione tam lubrica fide, Fridericus non iam præsidium rebus, sed belli  
 causa cum Gallis ducibus pepigit Iulio mense extremo, vt vrbe cum arcibus dedita & sex-  
 aginta aureorum millibus in belli sumptus numeratis, ipsi in Ænariam discedendi cum  
 thesauris reliquis, regiæ cultu & familia vniuersa facultas esset, intra sex menses inde quo-  
 cumque gentium vellet ituro. Facto fœdere discessit pullo amictu mœsta circum familia  
 in eam insulam cum vxore & filiis. Regina Hungariæ, Isabellaque Ioanni Galeacio ve-  
 ro duci Mediolanensi nupta secutæ sunt. Neque erat quisquam adeo saxeus quem non  
 commoueret ille aspectus. Opulenti regni dominum, relicta fortunæ suæ sede, per medi-  
 os populares exire de vrbe in exilium. Eodem confluxerunt tum Prosper Columna tum  
 Fabricius pecunia iam liber quem stantem secuti erant, eidem deiecto adhærere decre-  
 30 uere, rerum commutationem breui futuram suspicantes. Deseruere alii procures. Rebus  
 prosperis certaturi ad obsequium prostrati fortunam detrectabant. Neapoli subdita ac  
 vero reliquis prouinciis in fœdere designatis momento domitis, Galli ad reliqua & non  
 concessa aspirare. Militares animos frænare quis possit? imperandi ambitionem quæuis  
 intra modestiæ fines coerceat? In Castella Mariam Paciecam Beneuenti Comitem inter  
 & Alfonso Pimentelium eius filium magnæ controuersiæ extiterant de tutela & con-  
 iugio neptis Mariæ Comitio, cui Villafrancæ iure paterno principatus obuenerat. Id con-  
 iugium Infantatus & Albæ Duces ambiebant filiis suis opima illecti dote, tum Alfonso  
 ipse virginis auunculus Beneuenti Comes sibi. Vicit in contentione tandem Albanus. Si  
 Beatrix virginis eius matertera Garfiæ Ducis maiori filio nuberet, datum vt ea virgo Pe-  
 40 tro Toletio iungeretur Garfiæ minori fratri sic est factum. Petrum nostra ætas vidit exi-  
 mium bello paceque virum, sanguinem cum magnis Principibus miscuisse, posteris ex eo  
 coniugio tum Villafrancæ Marchionibus tum Florentiæ Ducibus.

*Neapolitani regni descriptio. CAPVT X.*

Capta Neapoli continuo nouæ cōtrouersiæ inter victores extiterunt, aliæ ex aliis ne-  
 xæ: vti erat necesse inter Gallos & Hispanos moribus, ingenio, & institutis discrepan-  
 tes vel maxime nationes, & tunc ob recentem victoriam maiori quam antea insolentia.  
 De summa initio nulla exitit controuersia. De quibusdam modo parti regni prouinciis  
 50 disceptatio suscepta non expressis in superiori fœdere, quæ quib. attribui deberent. Eæ e-  
 rant Basilicata veterib. Lucania, Capitanata atque Principatus tū Citerior tum Vltior.  
 Galli pro innata ingeniis confidentia ne appellatis quidem confœderatis Capacii filium  
 miserunt, qui in ditione, Lucaniæ parte populares in Galli Regis verba sacramēto adige-  
 ret. De Amalfitano principatu, qui in eadem prouincia est, cum eo principe trāssegere in-  
 scio Gonsaluo. ab ipso quin etiam Rege Gallo Ioāni Iacobo Triuultio ante donata ea di-  
 tio fuerat anticipata quasi de suo munificētia, vnde noua iurgia exarent. Ad hæc nonnulli  
 procures, quos Reges Neapolitani iunctos tenebant, libertati redditi, atque in eo numero  
 Ioannes Baptista Martianus quadraginta ferme annorum vinculis non domita, sed irri-  
 tata ferocia, Rosanum in Magna Græcia occupare tētavit paternæ olim ditionis opimum



principatum. Simili exemplo Ludouicus Arsius è præcipuis Gallorum ducibus, Ludouici Lucemburgi nomine & auctoritate Altamuram in Apulia armis præfidiisque occupauit. Quod quid erat aliud quam cuncta sibi arrogare, vna summis miscere, socios contemnere, vnde nouorum bellorum occasio & materia existeret? Nondum tamē tantis quamuis iniuriis violato scedere ab Hispano expediebantur arma. Concordiæ viam prius tentare placuit. Appellati de ea re primum Obenignus, deinde Mamursius qui cōfecto tandem bello captaque Neapoli in prouinciā appulerat belli & pacis de cætero arbiter. Ne in prouinciis iuris minime controuersi alterutri quidquam in alteros mouerent, neq; sibi auctoritatem arrogarent consensu decretum. De quibus lis erat, donec consulti Reges quid placeret, certe delecti consensu arbitri pronunciarent, quæcumque oppida Gallica vexilla explicarent, iis Hispanica porro adiungerent, tantundem è contrario facerēt Hispani, commodum temperamentum, si verbis & pollicitis responderent facta; & quod de vectigalib. annuis & forma regiminis in eam sententiam pari moderatione sanxerūt, diu tenuisset. Verum maior lux erit rebus, faciliusq; intelligetur vtra partium certiori iure niteretur, si hoc loco Neapolitani regni forma partesque eius summa explicata ob oculos fuerint posita. Extremam Italiam, quæ à saltu Terracinenfi Pontinisq; paludib. per Volscorum fines Sabinorum & Marforum montes per Fureconenses & Ferentanos in Pice-num ad ostia Truenti pertinet, supero atq; infero mari circumfluis diu Neapolitani Reges imperio tenuerunt. Perpetuis iugis sicuti reliqua Italia Apenini montes vniuersa prouincia dirimitur: qui mons ab Alpib. diductus progreditur arduus plerumq; mollior ali-quando, vsq; ad Magnæ Græciæ finem: desinitq; in Armorum promontorium. Ambitus totius regni mariterraq; milliaria numerat mille quingenta sexaginta octo. Adeuntib. eā prouinciā ad eius montis dextram Campania primum occurrit à Leboriis olim populis habitatus tractus, vnde nomen hodie quoq;. Præcipuæ ea parte vrbes Caietā, Nola, Capua, ipsaq; Neapolis regni caput. Vetus quidem Cāpania olim præterea continebat quidquid terrarum à Terracinenfi saltu ad Tiberim pertinet Pontificiæ nunc ditionis regionem gemina appellatione: nam quæ pars ad mare vergit Maritima seu Maremma dicitur, interiora Prænestinum post agrum vsq; ad Aquinates fines Campaniæ vsq; dum nomen retinent. Ad sinistram Aprutium est multos ex antiquis populis complexu coercens, nempe Sabinos vbi Asculum erat Piceni etiam pars. Marrucinos, vbi Theate nunc cernitur. In Vestinis Aquila numeratur, in Pelignis Sulmo vetustior. In Marfis Talliacotium & lacus Fucinus, Samnitum etiam pars: ad eandem prouinciā pertinet vsq; ad Campaniæ fines, ad quam pars altera Samnitum spectat inter Austrum & occasum fusa, ac fere quib. nunc locis Beneuentum cernitur. Recentiori memoria Aprutium in ceteris vltimusque Aterno amne seu Piscaria interfluente dirimitur. Atq; hæ duæ prouinciæ Campania & Aprutium in scedere, Gallis sunt contributæ. Vtra Aprutium in eodem latere Apulia iacet trifariam vulgo diuisa in Capitinatam, vbi mons Garganus assurgit, & Barensem tractum Trano & Monopoli quæ ex veteris Egnatiæ ruinis creuit, vrbibus insignem: atq; Hidrun-tis territorium Brundisio Tarentum pertinens urbē in extrema Italia mari imminentem loco & operib. munitam ad Magnæ Græciæ fines austrum inter & ortum sitā. Supra Neapolim exaduersum Apuliæ principatus consequitur olim Picētini Salerno prouinciæ capite. Basilicata deinde quæ magna ex parte Lucania veterib. fuit, montes tenet, quib. ab Apulis dirimuntur. Brutii ad mare inferum vergentes Cosentia vrbe primaria & ad Messanenise fretum Rhegium vrbs sua antiquitate quam ciuium frequentia aut elegātia operum hac certe tempestate nobilior. Interiora Magna Græcia tenet Rosano & Catanciano aliisq; oppidis insignis. Brutios & Magnā Græciam vno Calabriæ nomine vulgus loquē-tium comprehendit. Et Calabria quidem Apuliaq; absq; controuersia Hispaniæ ditioni relinquebantur. De principatu dubitari poterat ad vtros iure pertineret. Nam qui Calabriæ finib. eum tractum comprehendebant, passim refellebantur. Tantundem de Basilicata statui potest: tamen si non deerant, qui quod in montib. sita sit, negarent seiungi ab aliis prouinciis debere, sed qua parte ortum spectat ad Apuliæ qua occasum ad Brutiorum seu Calabriæ fines pertinere: Itaq; à Regib. vt duas eas prouincias rursus ex æquo diuiderent facile admittebatur. Maior de Capitinata supererat lis quippe prouentu præ cætoris celebri. A Frentone ea pars, quod nunc flumen Fertorium est, Aprutii finis, ad Aufidum extenditur. In ea Manfredonia olim Sipontus dicta, Garganus & Troia visuntur. Atq; id Capitinatæ nomen tractui adhæsit, ex quo tempore Græcis ea Italiæ pars subdita erat, ad hanc ætatem retentum. A Præfecto, qui Catapan vocabatur, regio Catapaniata primū dicta est. Inde vero Capitinatæ nomen paucis commutatis litteris, tum Capitanei vox fluxit prætorem urbanum vulgo in Italia, sed & ordinum in bello ductorem significans. Et quidem



dem Apuliae finibus eam regionem comprehendi, satis indicat mons Garganus in Apulia à Ptolemaeo quidem collocatus. Frenoque fluuius à plerisque Aprutii & Apuliae communis terminus designatus. Recentiores quoque Capitinatam Apulis annumerant. certe ea parte vectigal è pecoribus Apuliae exigere solet magni prouentus ac quo nullum est opimum magis iis Regibus vectigal. Furor erat tantis praesidiis fultam munitamque settlementiam velle contumacia euertere. Verum de re tota cuique liberum esto iudicium. Quod ad rem praesentem attinet, ex eo plane arrepta occasione Hispani Gallique inter se distingere arma, Marte arbitro dirimere litem destinantes, quando Reges quamuis de ea re saepe appellati statuere quid certi eatenus noluerant, viribus credo pro se quisque confisi aduersus æmuli potentiam. Propius vero parte contempta vniuersum regnum vterque spe & cupiditate erat complexus. Et sordent concessa, cum noua speramus. vitium id mortalitatis. Verum ad hæc loco competenti oratio recurreret. Nunc Fridericus Rex ex Ænaria insula, in quam per conditiones traiecerat, Regi Catholico infensus maxime à quo se euersum videbat, nullo propinquitatis respectu, in Galliam concedere constituit triginta annua Francorum millia ab eo Rege in alimenta pactus, vnde vitam calamitosam toleraret in exilio. Ergo cum vxore & liberis eo contendit. Beatrix soror Hungariae Regina restitit in ea insula: vnde breui in Siciliam discessit. Isabella fratris filia Ioannis Galeacii antea coniux & ipsa Barim se contulit Apuliae urbem. Miserum Aragoniae familiae naufragium & ruina regiae in varias partes & quasi fragmenta dissiliens. Galli se fidei

20 Fridericus credebat: simul cum Philippo Austriaco magna contentione agebatur, vt quam primum in Hispaniam ipse & vxor venirent sacramentum, vt sit, a populis accepturi tantorum regnorum hæredes post facta parentum fore. Noua prole hoc anno autum, cui Isabella nomen, prouidus focer in Hispaniam abstrahere cupiebat prouinciae moribus, lingua institutisque imbuendum, vitia correcturum, quæ ætatis imprudentia, & aulicorum præpostero obsequio & adulatione generosam alioqui indolem deprauasse cognouerat. Illis Belgica licentia assuetis & principis facilitate ad sua commoda aburentibus graue erat in Hispaniam venire, focer cautus & callidus verentibus ne principis liberati suisque cupiditatibus agendi dexteritate & auctoritate paterna frænos iniiceret. Ioannes quidem Fonseca Cordubensis Episcopus Regi à sacris notæ prudentiæ vir

30 in Belgas propterea legatus profectionem virgere non desistebat importunus exactor. Rex item Gallus quod erat futurum prouidens, vt per Galliam iter faceret omnino suadere institit. Quod factum est tandem. Sed & ex Hispania classe ad Brigantinum portum parata Catharina regiae puella in Angliam ad pactas antea nuptias discessit. Grana-ta, vbi tum parentes agebant, profecta multis iter prosequentibus ad octauum Kalendas Septembris è portu soluit. Alfonso Fonseca Compostellanus præsul, Egabri Comes cum vxore & pleraque nobilitate sponsam in Angliam ægre quamuis deduxere. Tranquillo profectos mari repente exorta vis ventorum tempestasque distulit. Pars nauium ad Angliæ littora appulerunt; plurimæ in Lauretanum se portum intulere. Inde sedata procella postridie Kalendas Septembris explicatis de nouo velis in Angliam secunda nauigatione peruenerunt. Nuptiæ virginis & Arturi sponsi continuo principali apparatu celebratæ sunt, lætitia haud diuturna. Quanta te miseriæ manent innocens puella vnus ob vœcordiam impotentis viri sui minime compotis? Ipso mense agente Regina Isabella Beatrix Castria Lemosii Comitis filia & hæres futura nupsit Dionysio Iacobi Brigantini filio à Ioanne Lusitano Rege perempti. Puellæ Patri Sarria, Castrum, atque Oterum iuris controuersi oppida abs Regib. dono data quasi in partem dotis, atque in coniugii gratiam. Tridenti vrbe in faucibus Alpium sita, qua montes inter se coeunt, Casarem inter praesentem & Gallum Regem misso ea causa legato pax facta ea potissimum lege est, vt Carolo Philippi Belgæ filio Claudia nuberet Galli maior filia: quod saepe coniugium retractatum nunquam coaluit.

50 *Philippi Belgæ aduentus in Hispaniam.*

## CAPVT XI.

CLasses è Lusitania & Gallia auctore Rege Catholico Venetis contra Turcas auxiliares missæ nullo operæpretio sese retro retulerunt, vti paulo ante est indicatum de Lusitania quid gesserit. Gallica Chium delata Genuensis tum ditionis insulam spatiis angustam, prouentu mastice celebrem, impedito tantum vectigali, quod Turcis pendere consueuerant, cætera peste, tempestatibus, hostium incurfu



consumpta, milites vix mille superstites in Apuliam vicinam appulsi Gonfalui iussu benigne accepti atque habiti sunt. Erga afflictos misericordia valuit, & societatis nondum plane disturbata memoria. Veneti quoque in hiberna receperunt quinque & viginti triremes haud satis instructi bello defendendo aduersus Tūrcarum arma. Rem periculo proximam cœlites sunt tutati nulla Tūrcica classe hoc anno è naualibus in piorum perniciem educta. Alioqui aduersus eam potentiam parum presidii in piorum viribus bello inter se districtis nostrorumque comparatione fuisset. In Castella à Regibus edicto sancitum Mauros tota prouincia ac in Bética præsertim cum piis confuso nullo non commercii genere Mudegiares vulgo dictos nisi Christo darent nomina Christiana religione suscepta, finibus certe intra diem certum discederent. Belli præterea ciuilis metus ostentati magno prouincialium motu, nisi mature esset occursum nascenti malo. Ludouicus Cerda Medinæ Celinæ dux sub mortem concubinam duxit, Ioānem filium ex ea susceptum stupro iure legitimo hæredem principatus destinans. Ægre id tulit Enecus Cerda ducis fratris post fata eam hæreditatem spe & cupiditate complexus. Eneci filio Ludouico nupsit filia ducis Infantatus. Obstinatus est animus quem ingentes spes deuouerunt. Generi iuraret armis tueretur focer opibus & clientelis validus, collectis raptim copiis Cogolludium obsedit, id oppidum & vero reliquam defuncti Ducis ditionem armis præsidisque occupaturus, quoniam legibus non fidebat. Verum à Rege monitus ne regnum importune turbaret, neque vim potius quam iuris certamen quæreret, necessaria re atque si pergeret, maioris mali metu militares copias dimisit. Sic Ioannes absque controuersia paterno principatu potitus est, propriumque posteris reliquit. Iis sedatis motibus ac vniuersa prouincia graui sollicitudine erepta, nunciatum est Philippum Belgam & uxorem itinere per Galliam arrepto festinare: prope diemque ad fines Hispaniæ affore. Magni honores toto itinere venientibus sunt habiti, festi vbique dies omni iucunditate agitati. Ac Lutetiæ præsertim ludi omne genus & spectacula ad eorum Principum aduentum Galli iussu sunt instituta. In ea vrbe sancita antea ad Tridentum pax inter eos Principes, ab vtroque noua sacramenti religione & execrationibus confirmata est. Ac Belga omnibus actionibus & caeremoniis se Flandriæ nomine Galli beneficiarium gentis instituto exhibere non recusauit. Vxor cautior patriæ dignitatis memor nulla re priores Gallo partes concedere visa est. Ex ea vrbe digressi per Aurelianenses, Pictones & Aquitaniam, Fonterrabiam tandem in extrema Hispania peruenerunt ad quartum Kalendas Februarii salutis anno Millesimo quingentesimo secundo. In eo oppido præsto fuere à Regibus destinati Magister equitum Castellæ Anagari dux cum filio Treuigni Comite, præterea Castellæ Promagister Guterrius Cardenas. Quo maior lætitia esset soluti cultus antea præscripti legibus prouinciales, vt bombycina veste vterentur ac vero versicolore, sunt vltro nouo edicto inuitati. Veteris gentis modestiæ id argumentum esto, & quantum ab antiquo mores in Hispania mutarint. Huius anni principio Lucretia Borgia Alfonso Atestino nupsit Herculis ducis Ferrariensis filio maiori. Dos dicta centū millia auri, & aliquot oppida in agro Bononiensi, præterea tributū annui, quod ii Duces quasi beneficiarii pendere consueuerant ecclesiæ Romanæ in dotis partem, gratia facta est. Vnde nouæ controuersiæ extarent. E Fonterrabia Principes Burgis Vallisoleto, Medinaque Campestris obitis superatisque Segobiensibus montibus, qua vtraque Castella dirimitur, Madritum tandem peruenere. Reges Granata obuiam genero & filiæ profecti per Vectones Guadalupeum fanum petiuerunt. Eo loco duci Valentino Adriam urbem principis nomine aliaque oppida Neapolitanæ ditionis dederunt. Nihil immodicum videbatur tunc homine vasto & immodico promerendo. Actum porro vt à Catholico Galloque Regibus idonea vectigalia designarentur, vnde Fridericus Rex & filius vitam & aulæ cultum sustentarent in exilio. Secundum hæc Toletum ventum ad decimum Kalendas Maias. Eodem Principes appulerunt ineunte eo mense serius aliquanto quam vellent propter valetudinem Philippi Principis ad Oliam vicum aliquot dies decumbentis. insolitum cœlum, noui ciborum succi, potus indulgentia conciliauerat morbum. Magno in eam urbem excepti sunt plausu apparatuque incredibili: mox rebus ex sententia constitutis sacramentum in eorum verba Rege coram & Regina sine mora atque difficultate dixere ad vndecimum Kalendas Iunii, primi Dieghus Mendoza Cardinalis, Toletanus Archiepiscopus, multi alii antistites. Inde Bernardinus Velascus Magister equitum. Alburquerque Infantatus, Albæ, Begiarisque duces, Villenæ Marchio, magno numero procures luxu & familiæ splendore certantes. Cautum vt hæreditate suscepta genti ex suis legibus iura darent, mutandi ex antiquo nulla facultas esset. Aduentu tantorum principum Hispania læta, vrbes & oppida ludis & festa hilaritate personabant: cū in Anglia verissimis lachrymis Ar-



his Arturi principis obitus lugebatur in flore ætatis extincti, vix delibatis primis coniugii recentis gaudiis vxore virgine quamuis quinto ante mense confectis nuptiis. Sic fama vulgavit, & idonei auctores testantur; ob Principis ætatem probabilis, nati quatuordecim tantum annos, ea imbecillitate corporis ut libidinis magis avidus esse videretur quam potens. Continuo tamen abs Regibus Catholicis missus est in Angliam, qui luctu eum Regem ob amissum filium leuaret. Simul de Catharina principe vidua superstiti filio iungenda ageretur. Verum Rex ille neque dotem restituere, neque expedire quod expetebatur coniugium infelix scilicet & infaustum. Nec bonis æternis fruitur, nec malis perpetuo ingemiscit natura mortalium, tristibus læta miscentur. Molestiam quidem ex iis rebus conceptam mitigauit, tum Philippi Principis præsentia, tum partus Mariæ Reginae Lusitanæ filium in spem paterni regni enixæ Olisipone pridie Nonas Iulii, cui Ioanni nomen fuit accedentibus annis studio religionis amplificandæ, cultuque bonarum artium atque imperii moderatione eximium Principem sua ætate, atque præstantem in paucis Regem futurum.

*Dux Calabria in Hispaniam missus.*

## CAPUT XII.

Assidebat Tarento Gonsalvus cum copiis, ut dictum est, in magna spe Ferdinandi Ducis Calabriae, qui intra eam urbem erat, ad pacis condiciones perducendi. Ita quod die ad eam urbem Hispanorum castra sunt posita de fœdere continuo agi cœpit. Dum conueniunt de conditionibus, interprete Octauiano Sanctio inducias duorum mensium sanciri placuit; nouari interea nihil donec Fridericus Rex per legatos consultus, quid suæ esset voluntatis significaret. Ad designatum tempus nullum ab eo Rege responsum venit. Rebus desperatis mens quoque & consilium miseros destituit. Inducias tamen iisdem conditionibus ad finem superioris anni ampliari datum est. Exiuit annus, neque a Friderico certi quidquam in rem afferebatur. In duos denique menses induciæ sunt prorogatae, vrbe penes sequestrum Bindum Ptolemaeum Regis Catholici subditum multis in rebus spectatae fidei virum, ealege uti eo decurso tempore eam in potestatem Gonsalvi traderet. Duci tamen Calabriae discedendi quo vellet, libera esset, regiae cultum & familiam secum efferendi potestas. Sic Tarenti res erant. Giracii arx duodecim à littore millibus deditionem Hispano fecit. Simul Salernitanus ad Gonsaluum venit præcipua belli vniuersi fax, ut sibi ex Bisiniano paterni principatus restituerentur offensas priores nouis officiis compensaturis postulabat in timore largus promissis. Petebat præterea Lauriae ditionem adici & quinque aureorum millia annua, quæ maioribus suis priores Reges honorarii nomine pendere consueuerant, ingens videlicet nouæ amicitiae, pretium animi non satis pacati domitque malis haud dubium argumentum. Itaque re infecta discessit. Meliori fide proceres plerique Fridericum Regem in Ænariam secuti quasi diminutione capitis sacramenti religione soluti sese ad Gonsaluum contulere, grande momentum ad bellum ex sententia conficiendum. Ille benigne acceptos in præcipuo etiam honore apud se habuit, eos maxime quos rebus gerendis belloque defendendo idoneos maxime arbitratus est: ac imprimis Columnios Prosperum ac Fabricium omni comitate est complexus ne ad Venetos se conferrent, a quibus magnis præmiis annuoque stipendio inuitari habebat exploratum. Magnarum rerum fundamenta ponebantur. Nam Diego Mendoza atque Enecus Aiala Manfredoniam seu Sipontum urbem assidendo in potestatem redegerunt. Præfectus quoque arcis Friderici Regis nomine, ad deditionem perductus est, tametsi Alegrius Iuo cum copiis obsessis opitulatum accurrerat. Ad extremum vrbs Tarentum uti constituerant, dedita Gonsaluo est, deditæ arces. Dux Calabriae concessa eundi quo vellet facultate, Barim urbem migravit in fide quidem paterna eatenus perstantem, haud firmam tamen aut mœnibus aut arce, neque diu, si vis admoueretur, sustentaturam. In ea vrbe tamen fera licet mandata à patre expectare voluit, à cuius voluntate discedere, atque priuatim pacisci cum Hispano nefas iudicabat. Gonsalvus cupiebat apprimè facili & minime mala iuuenem indole cum Rege suo conciliare, ne in Galliam patris exemplo profecto in posterum aliquid turbarum existeret ea causa, haud ignarus sæpe ex parua scintilla magnum excitari incendium, nihil in bello negligendum. Agebatur de fœdere triginta aureorum millia annua qua in regno Neapolitano, qua in Hispania oblata sunt ditione data unde ea summa proueniret, eiectio haud contemnenda conditio. Neque illi displicebat, si modo patri probaret, & verbis responderent facta. Isabella patruelis ne cum amita Hungaria Regina in Siciliam, quo inuitabatur iret, in eam Apuliae urbem delata monendo suasset, ut litteras sua manu conscriptas ad Gonsaluum daret.



quibus rogabat, ut nullo libertatis pactæ respectu, quando pater quod ipsi erat commodum negligere, alioque tendere videretur, eum ad Regem Catholicum amandare non dubitaret. Hanc sui animi destinatam sententiam esse patris quamvis reuerentia id nollet in vulgus prodire. Quæ si vera fama fuit siue conficta, certe non videtur diu in eo proposito perstitisse, ætatis inconstantia, mentis imbecillitas varia & sibi contraria subiiciebat menti. Et quis est cuius animus in rebus asperis non vacillet? Friderici patris voluntas eum ad se euocantis retardabat, Gonsaluum adeo conuitio monentis uti memor fidei datæ, memor nobilitatis eum liberum, uti erat pollicitus, dimitteret. Verum is custodiis circumdederat ne iniussu quoquam discederet, ea diligentia, ut liber quamvis per Apuliam oppida discursus esset, vix sine arbitris daretur ad venationem egredi. Eum tamē promerendi cura Regis Catholici nomine denuo coniugium offerebatur, cum Ioāna Neapolitana vidua ex Regis Catholici forore nata, aut cum filia eius Catharina Artūri Vualliæ principis item vidua, conditiones honestissimæ, voto speque maiores: quando rebus perditis dabatur, quod integris vix speraret. An ludus erat iuuenem vanis promissis lactabant. Ioannes Gueuara Potentiæ Comes pro ea gratia & auctoritate, qua valebat maxime, incauti Principis animum in quam volebat partem versabat. Summā. Duci persuasum tandem effectumque prorsus uti Tarentum rediret. Inde in Hispaniam mitti consultum fore visum est. Ad id delecta triremis: ac Ioannes Concillius qui præesset missus cum mandatis daret operam ne qua arte is Princeps euaderet, quā celerrime navigationem conficeret. Coram facilius de re tota & conuentionis conditionibus conuenturos disputabant. Accommodatis blandimētis rati iuuenis animum victum in fide atque officio erga Catholicos Reges propinquos & necessarios fore constantē. Id velamen obtendebatur, ea species pollicitis haud satis syncera fide seruatis. In bello promissorum constantiam quis requirat? an in re militari tantum & non etiam inter Principes in pace, præsertim cum de imperio proferendo aut conseruando quacumque ratione agitur? Quæ magna peruersitas est: sed tanti libido dominandi.

*Belli Neapolitani initia.* CAPVT XIII.

**N**ondum de regno Neapolitano Galli & Hispani inter se mouebant arma. Duces tantum vtriusque gentis cum suis Regibus de ratione componendi controuersias consultabant. Vtrique inter metum & spem variabant. Fidentiores Galli læta bello gens. Sed est nemo tam promptus ad arma, qui non quietem pari pretio potius amet. A Rege Gallo Corconius ea de re legatus in Hispaniam paulo ante quam Philippo Belgæ sacramentum diceretur, Toletum appulit. Legationis summa erat. Prouinciæ Gallo in Neapolitano regno attributas annuis vectigalibus inferiores esse iis quas Hispanus occupauit. Prouentu, uti æquum erat, & initæ amicitia leges postulabant, exequando Capitinata Gallis relinqueretur. Ad hæc Rex Catholicus: si factæ diuisionis Gallum pœniteret permutatio, nem se prouinciarum minime recusare, copiis quas prædicabat maiores esse, se volente frueretur. Si ea conditio non placeret, certe diuisis principatu & Lucania aqua fieret compensatio. Capitinatam Apuliam opimum tractum intercipere neque ius neque fas esse. Nisi hæc placerent, pacis studio tamen controuersiam omnem Pontificis & Cardinalium arbitrio se libenter permissurum. Harum conditionum nulla placebat Gallo: multo minus prouinciarum commutationem fieri, ne vrbe Neapoli decederet regioque titulo eius vrbis atque Hierosolymæ per cōditiones fœderis dato, in quo dignitas erat prouentu potior. Ventum ad minas, facturos Hispanos vi quod voluntate recusarent. Itaque die quodam Hispanis legatis coram Gallo affirmantibus à Rege suo nullam sanciti fœderis conditionem violatam integra fide minuta quæque religiose seruasse: Gallus respondit tantundem præstitisse se: si quis contra affirmaret nō recusare cum Rege Catholico singulari certamine ac ne cum Rege quidem Romanorum tueri dignitatem. Ad hæc Gralla suum Regem iustissimum principem esse ait ut si quis in toto vrbe terrarum, si res exigeret, non recusaturum martis arbitrio litem permittere armisque tueri innocentiam à cuiuscumque calumnia. Verum subdit Gallus, Rex Hispanus me maior esse non debet. Ne ipse quidem meo Rege priores tibi arrogare Gralla addidit. Neque dubium est Regis Catholici animum ad pacem quam ad arma procliuem magis fuisse, Gonsaluum per litteras monuisse ac vero pro imperio mandasse, uti in vnam curam pacis incumberet, ne ue arma sumeret nisi necessario. Gratius id fore, quam si bello vniuersum regnum subditum daret. Belli prima fundamenta præter alia minora Alegrius posuit, quo tempore Manfredoniam seu Sipontum Hispanorum obsidione liberare aggressus est, uti est superior



fius indicatum. Et quo minor excusatio esset, notius quo tenderent, Gonsaluo ad Tarenti moenia assidente districtoque ea obsidione, Galli Troiam Capitinatæ urbem aliaque circum oppida armis occuparunt. Missi, qui iure faciali ablata repeterent, obtestarenturque ne importuno conatu pacta conuenta disturbarent, cuius è vestigio poeniteret. Nihil tamen ea diligentia est impetratum. Tantum ne ulterius armatis progredi esset necesse duo duces uti colloqueretur est decretum. Sic Gonsalvus rebus Tarenti constitutis Atellam venit Amalfim Namursius Lucaniæ oppida. Medio intervallo Antonii nomine sacellum est: quod colloquio idoneum utrique iudicarunt. In eo sacello de controuersis Leguleii ab utraq; parte delecti multis verbis ac clamore prope concionali disceptarunt, non argumentis & ratione, sed conuitio & lingue perulantia, fructu præterea nullo. Conquerebantur Galli Hispanis attributas prouincias septuaginta millia aureos quotannis red dere amplius quam Gallicæ. Compensationem vectigalium fieri æquum videri. Restitue re Hispani ac restitui Capitinatam, qua erant iniuria pulsi imprimis postulare, id iure communi sanctum esse, priuato haud aduersum: ubi in eo satis factum esset, de exæqua tione vectigaliū minime recusare. Re infecta è colloquio discessum. Duces tamē inter se verborum honore certarunt, quanto magis falsa erant, quæ fiebant, quæque dicebantur omnia, dissimulatione maiori, & accuratiore comitate. Desperata ex eo concordia ad arma vimque ventum est. Quo in statu res essent, utrique suis regibus significarunt per litteras. Necessaria resumī arma. si bellum ex sententia confici vellent, milite & pecunia iuuarent. Simul Gonsalvus propter annonæ difficultatem iis locis graue, copiarum partem in Principatus oppida dimisit. Dux Scalada cum cohorte peculiari Atripaldam, pulsus Gallis qui in eo oppido erant in eo tractu occupauit triginta millibus ab vrbe Neapoli. Tantundem de aliis oppidis finitimis fecerunt alii Hispani cēturiones. Ad hæc Galli fremere, Hispanorum vācordiam accusare in circulis, & per litteras ad Regem suū. Com motus ille eo nuncio quæcumque Hispanorum in Gallia bona & merces repente fisco addici mandauit. Erat iniquum neque denunciato voce præconis bello, neque præfinito, ut sit, ad discessum ex prouincia die raptim inuolare in hospites, rem familiarem detrahē. Sed tanti iracundia fuit consilio inimica atque æquitati. Rex Catholicus contra monere suos ut Gallos quacumque ratione placarent relictis etiam oppidis quæ in Capitinata ii cœperant, prouinciæ profecto maiorem partem. Pacis enim uero studio flagrabat, exhorrebat arma. Rursus ergo duces si qua se via pacis daret, in D. Antonii sacellum cōuenere. Designati ab utraque parte viri diuisione instaurata prorsus ex Gal lorum commodo & voluntate Lucanos, Principatum & quod erat caput, Capitinatam ex æquo partiti sunt. Gallos modo pacarent & promerentur, nihil tunc nimium vi debatur. Venere interea ex gallia mille Heluetii, ducenti grauis armaturæ equites pec unia in stipendium affatim. Eo subsidio Galli confirmati rupere moras. Venusiam in Apulia occuparunt, urbem dedente Petro Nauarro militum qui in præsidio erant, sua si & obtestatione quoniam sustentare posse non sperabant. Quaratam eodem impe tu ceperūt Camilli item Carraccioli deditione. Vtrumque oppidum duodecim passuum 40 millibus Barletta distat, ubi forte Gonsalvus statua tunc habebat cum multo maxima co piarum parte. Viselis, Altamura principatus nobile oppidum ad Gallos defecit ultro. At que nostrarum triremium accursu receptum breui superuenientes Galli pulsus Hispanis suæ ditionis rursus fecerunt. Grauis ignominia visa est neque dissimulanda contu melia. Æstas erat in præcipiti, Gallicque qui Quaratæ morabantur aquæ penuria, annonæ difficultate laborabant infestis itinerib; à nostro equitatu. Ergo relicto ii oppido qua iue rant regredi decreuerunt. Ad Aufidi ripam castra habentibus Gallis Augusti fine, Gon saluus Barletta egressus pugnae copiam fecit. Detrectarunt illi certamen, institutoque iti nere Amalfim versus sunt progressi. Nostri equites aliquanto numero abeuntes vrgerē ac postremo præsertim agmini molesti & graues cadere dispalatos: neque cessare 50 nisi magna impedimentorum hostilium parte capta. Namursius etiam atque Obe nignus præcipui copiarum duces priuatæ supellectilis haud exiguam partem in tu multu amiserunt. Mille alios Heluetios Neapolim iam appullos, & quadringentos equites qui Florentiam peruenerant, Galli prope diem expectabant. Sine eo supplemen to summam certaminis sortem periclitari recusabant. Gonsalvus quoque à suo Re ge classem submitti postulabat, atque in ea in supplementum quadringentos leuis ar maturæ equites, bis mille Calæcos Asturesque gentem locorum asperitate & tenui à primis annis propter locorum sterilitatem victu duratam, ex eo bello idoneam. Ad Ioannem Emanuele scripsit, uti duo millia Germanos ære conduceret quos Hi spanis mitteret, & in pugna Heluetiis opponeret. Ad eos excipiendos & mari



supero transmittendos Malferitum notæ industriæ virum Anconam Piceni urbem destinavit. Rex Catholicus quando pacis consilia non processerant, ad bellum conuerso animo, triremium instructa classe cui Bernardum Villamarinum præfecit, ducetos grauis, totidem leuis armaturæ equites, adiunctis peditibus & pecunia in Italiam mittere statuit. Simul Cæsarem monebat, uti pro imperii iure Italiæ finibus arma inferret. Mediolani in possessionem mitteret, è duobus Ludouici pulsi eo principatu filiis alterum: qui inopes, exules, sine lare familiari in Germania viscebantur. Ac quod mirum videri possit, Florentiam Hetruriæ caput Valentino duci dari volebat Regis nomine & iure sed quasi imperii beneficiario. Pontificem aliena munificentia promereri erat destinatum, quem in partes attrahere fœdusque nisi spe emolumenti maximi & honoris specie non sperabat bello Neapolitano ex sententia conficiendo magnum momentum allaturum.

*Philippus Princeps in Belgas abiit.* CAPVT XIII.

**T**Oleti Rex Catholicus aliquandiu Principum aduentum ludis & omni hilaritate celebravit: iis dein cum Regina in ea vrbe relictis Cæsaraugustam discessit ad octauum Idus Iulii. In eam urbem conuentus indictos ad quartum decimum Kalendas Augusti, ex itinere in longius tempus sustentari placuit. Gentis promerendæ prima cura erat, ne Principibus sacramentum dicere detrectarent libertatis à maioribus susceptæ in studium imprimis incitati. Sub initium Septembris quo iam tempore Rex Cæsaraugustam peruenerat, Magni consalvi precib. & importunitati classem submitti expetenti datum est, ut noua instructa diligenter classe, cum parte Emanuel Benauidius quadringentos equites pari numero cataphractus & leuis armaturæ, præterea pedites trecentos auxilio veheret, cum reliquis nauibus consequeretur Ludouicus Portocarrerius Palmæ regulus, bello granatensi spectatæ virtutis. Quo maior honor esset, exæquatæ cum consaluo potestate bellum curare placuit. Dati trecenti cataphracti, quadringenti expediti equites, pedites ad tria millia. Rebus in arcto positis præsertim in Brutiis & Magna græcia haud minori subsidio opus erat. Venetos præterea in partes attrahere cupiebat, ad Hispanum fœdus ut videbatur propensos. In eam rem missus denuo Venetias Laurentius Suárez Figueroa, ut pro ea gratia & auctoritate, quam superioris legationis tempore apud eos ciues natus erat, rem conficeret, faceret quin etiam spem vires communicandi opemque ad Mediolanensem principatum, aut Aprutios ad ditionem adiungendos quibus prouinciis cupiditate imminebat. Die constituto cōuentus gentis Aragoniæ inchoatur. In eis Rex petiit Michaelē principe extincto in Ioāne Principis nēpe maioris filiæ inq; Philippi eius viri, quæquū erat, verba iuraret, eius regni hæredes fore. Additū præterea ut bello Neapolitano, quod ad eā gentē proprie spectabat, auxilia decernerent. Vtrumque & tunc propitiis auribus auditū, & postmodum obediēter factū est. Dum de subsidio tamen in bellum Neapolitanū deliberatur in cōuentu, à Rege Catholico princeps Philippus & vxor sunt moniti, quam primum ut eo festinarent: agendi opportunitatem non esse prætermittendam. Fecerunt illi quod imperabat. Appulsi acceptisque in eam urbem splendido regioque apparatu, ad sextum Kalendas Nouembris sacramentum est à cunctis ordinibus dictum more maiorum ea caeremonia, iisque cautionibus, quæ in eā celebritate adhiberi in ea gente sunt solitæ. Ita nouo exemplo sceminæ nondum extinctis parentibus regni hæreditas Aragoniæ iuramento ordinum est confirmata. Neque enim Petronilla quamuis in Reginam susceptæ simili caeremonia scepra sunt data, ac ne tunc quidem is sacramenti ritus in usu erat. Sub hæc Philippus Madritum discessit, iisdem vestigiis paulo post subsecutam vxorem Rex pater comitatus est, relictæ soror Regina Neapolitana quæ cōuentui Aragonio ad finem præffet. Nam Granata diebus superioribus, ubi Rex & Regina erant, profecta in ea loca venerat voluntate destinata traiciendi in Italiam filiæ solamen atque præsidium vnicæ viduæque. Dum ea profectio maturatur, datum ut Aragoniæ gentis reip. procuraret pro fratre vicaria in locum Alfonsi Aragonii Regis filii Cæsaraugustani antistitis eatenus Aragoniis rebus præfecti. Philippo principi mora in Hispania molesta erat, aulicis graues Hispanorum mores multum à Belgica facilitate discrepantes. Ille incauti iuuenis ætatem pro voluntate versabant obsequio & gratia hieri potentes. Præ cæteris præstabant Bissuntinus Archiepiscopus qui eum Principem in Hispaniam comitatus, in ea diebus superioribus obierat: & secundum eum Verius regulus proximum auctoritatis locum occupabat, vterque Gallicis partibus, nec mirum, plus satis additus. Hæc profectio species quæ sita est, visa optima. Belgas eius discessu præsidio nudatos ut in nullo tali metu, bello inter Gallos & Hispanos repente concitato, ne aliquod incommodum



dum acciperetur, eius præsentia indigere. Reges ab ea mente ægrum Principis animum abducere, vxorem vtero graui relinquere ac partui vicinam videri inhumanum. Salutaria monētibz obturata aures erant: obduratus animus. ne impetratum quidem, vt Gallicum iter vitaret, rebz adeo turbatis se in hostis potestatem vltro ne daret. Excusabat ille se potius arbitro cum ea gente conuenturam concordiam: ad quam Gallus propensius tunc quidem videbatur, siue Friderico consensu in regnum paternum restituto, siue translato ab Hispano quidem in Carolum Austriacum nepotem, a Gallo autem in Claudiam filiam pacti inter eos exante condito coniugii eo regno dotali. Verum hæc molitiones inanes visæ sunt, atque eo pertinere vt Rex Catholicus fœderis fiducia curam belli remitteret, Hispanique adeo duces non satis à milite & pecunia parati facilius opprimerentur. Intelligebantur artes: sed pars prudentiæ erat tantisper dissimulare. Ergo Philippus Madrito tandem discessit vxore cum parentibus relicta. In Aragoniam & Catalaunos itum, atque Perpinianum. Eo à Ludouico Gallo fides publica venit iter fore tutum. Ita in Gallia fines ingressus continuato itinere Lugdunum appulit, vbi Gallus morabatur & Rhomagenſis Cardinalis Pontificis nomine in gallia legatus. Verum hæc sine huius anni & subsequētis principio gesta sunt: ad bellum Neapolitanum narratio recurrat celeberrimum præ cæteris ea ætate.

*An Regem Catholicum in Italiam abire fuisset consultum.*

## CAPVT XV.

**B**ellum Neapolitanum interea ducebatur flamma per omnes partes excitata. vis maior in Apuliam Brutios & Magnam græciam incubuit vbi Salernitanus, Bisinianus, & Rosanius, atque Meliti Comes gallicas palam partes inueterato studio sectabantur. gallis consilium fuit eo cum robore copiarum accurrere: atq; vt id expeditius esset nullo à tergo damno, Alegrum cum trecentis equitibus in Capitinata relinquerē cum pari equitatu & mille equitibus Palicium tueri, quæ in Barenſi tractu per vim occupant. Lucania præsidio Ludouicum Arſium designarunt attributis quadringentis equitibus & idoneo peditatu. Namursius in Brutios ducere volebat grauis armaturæ equites ducētos peditēs mille. Obenignum ad Spinasolam subsistere cum reliquis copiis Barlettæ obiectum, vbi erat Hispani robur exercitus, ad viginti quatuor inde passuum millia. Restitit Obenignus magnam græciam & Brutios sibi prouinciam deposcens. Terranovæ principatum occupandi spe, dono Regis Catholici consaluo attributum, ipsi detractum. Decretum vt eo ambo contenderent coniunctis viribus gesturi bellum. Prius tamen quam eo mouerent castra, Obenignus Barim versus abiit cum centum & quinquaginta equitibus peditibz mille. Namursius specie famaue quasi in Brutios duceret, Tarentum versus flexo itinere, Materam & Castellanetam occupauit haud firma oppida. Materæ Comitem & Mazaræ Episcopum, qui Materæ erant, acie vicit. Parta victoria exigua quamuis elatus vlteriūque progressus ad Tarentum castra posuit, ibi Calabriae ducem esse ratus. Verū ille com-  
modum ante nouem dies in Siciliam abierat. Hispani milites eam urbem præsidio obtinentes facta eruptione & impetu hostium castra incurrerunt, quem aduersarii non tulerunt. Cum ignominia se retro referre compulsi ad arcem viginti duobus millibus Tarento distitam castra posuerunt, ad Barensem agrum contendere destinantes, vbi iunctis cum Obenigno viribus Bitontum occupare cogitabant, si minus id contingeret, certe in Brutios vim vertere. Accidit interea vt Galli qui in Lucanis erant, robur exercitus Gallici litteras ad Dieghum Mendozam testato descriptas per fœcialem mitterent, quibus vndecim Galli equites, Hispanos pari numero ad certamen prouocarunt die proximo, hora post meridiem tertia designato. Locum certamini Barlettam inter & Viselim campum medio spatium in omnes patentem partes ipsorum fide ab insidiis vique tutum. Addita lex vt victi victorum captiui essent, darent & caperent opima spolia equos & arma neque facerent inter se amplius. Breue tempus Hispanis visum est ad se comparandum, tuendum tamen, quod virtute pepererant dignitatis ac famæ decus iudicans Gonsalvus certamini annuit. Delecti ex omni copia notæ virtutis vndecim viri, quorum nomina vt prodantur non est necesse. Sed in eo numero tamē Dieghus Garsias Paredius toto hoc bello in paucis fama præstans. Is belli initio in Brutios transmiserat sexcentis peditibus dux. Die proximo cum luce certamini necessaria singuli compararunt, equos, arma, splendidas vestes. Profecturos seq; mutuis cohortationibus ad depromendam virtutem incitantes, gonsalvus item Columniis Fabricio & Prospero, coram, Termestino duce aliisque proceribus multis, his verbis ad certamen acuit. Quicumque singulari certamine experiri parant, iis



„ prima cura esse debet æquitatis causæ, quam tuendam suscipiunt, alioqui ne pro victoria  
 „ luctum & ignominiam referant numine vindice, verendum est. Hæc non vestrum pri-  
 „ uata paucorum est, sed cum gente vniuersa & Rege nostro communis totius orbis con-  
 „ sensu & approbatione probabilis, iuri consona causæ æquitatem certa cōsequetur victo-  
 „ ria, adeste milites animis. Proinde diuina humanaq; spe pleni, quo soletis impetu in pu-  
 „ gnam irruite, præsidio inter vos estote, memores in huius pugnae euentu totius gentis di-  
 „ gnitatem verti, patriæ decus, Regum nostrorum gloriam, cunctorum lætitiā & cōmo-  
 „ da, pro quibus singulis sanguinem vitamque profundere si fortes viri estis, æquissimum  
 „ est. Nisi victoria pacta milites, quo vultu redibitis in castra? quibus vos oculis socii aspici-  
 „ ent: vel in morte victoriam, vel in victoria salutem, famam & præmia constituta putate. 10  
 „ Ad hæc milites paucis, mori se posse dixerunt: officio tamen non deesse, neque ignauia  
 „ notam suscipere fixum habere. Secundū hæc verba itur in arma. Quatuor tibicines præ-  
 „ cedebant, quemq; comitabatur suis armiger. Ingens ad rei famam tum militum tum in-  
 „ digenarum cōuenerat multitudo. Ad locum certamini designatū Hispani vna hora prius  
 „ quam aduersarii accesserunt. Illorum aduentu magno animorum ardore pugna inchoa-  
 „ tur. A neutris victoria aperte stetit. E gallis tamen cæsus vnus, alter deditus, nouem vulne-  
 „ rati, totidem equi occisi sunt. Ex Hispanis nemo cecidit, vnus deditionem fecit, duobus  
 „ impositæ plagæ, tres equi perierunt. Ad noctem pugna tenuit, neque gallos tamen tanto  
 „ quamuis incommodo accepto potuerunt Hispani ad deditionem cogere, in pedes desti-  
 „ tutos equorum iacentium corpora texerunt. Hispanorum equi ad eum aspectum exhor- 20  
 „ rentes propius vt accederent, adigi non poterant, si premerentur, domitis frænis retro  
 „ vertebantur, aut cum fremitu in pedes erigebantur. Is finis certaminis fuit neutris igno-  
 „ miniosi. Quod Gonsalvus tulit ægerrime Hispanos milites pugnam non sustentasse, dum  
 „ aduersarios penitus frangerent, victoriæ integrum decus auferrent. Interea Rex gallus  
 „ in Italiam maturare constituit e propinquo in belli apparatus incumbere volens: Ex re-  
 „ motis locis sæpe remedia post morbum venire non ignarus: In Insucribus tamen substitit.  
 „ Regi Catholico eodem traiciendi voluntas erat: eoque consilio Cæsaraugustam abierat.  
 „ Maiorum exempla ad audendum incitabant: qui sua præsentia in Sardinia, Sicilia, & ad  
 „ Neapolim ea perfecerunt, quæ per alios ægre aut nullo modo potuissent. Maximi mo-  
 „ menti res visa est, digna consultatione. Magnis viris adhibitis in cōsiliū de ea profectio- 30  
 „ ne Rege referente disceptatur. Variæ, vt fit, sententiæ fuerunt. Guterrius Cardenas Castel-  
 „ læ Promagister prouecta ætate vir, ex eo multo vsu rerum cautus in conuentu hac sen-  
 „ tentia orationem habuit. In re grauissima audire potius quam loqui esset satius. iussus ta-  
 „ men consilium dabo vtinam tam felix quam fidele. Quicumque magnum facinus aggre-  
 „ di vult in primis prouentus spem cum periculo quod proponitur, debet comparare vbi  
 „ paria sunt periculum & præmium, & prosperis rebus vberior fructus est, & aduersis sola-  
 „ tium maius. Obnoxii enim animi est rerum difficultate terreri sed non minoris temerita-  
 „ tis exigui spe fructus in maiora incommoda certamque perniciem incurrere. In præsen-  
 „ ti deliberatione si nominis existimationi consultum volumus, qua fere bellorum euen-  
 „ tus constant, (magna esse famæ momenta quis neget in bello magis?) maiorem fore con 40  
 „ sidero à ducibus victoria parta, victis minorem ignominiam, vtrumque è contrario Re-  
 „ ge præsentente. Ac illud considerandum: ante nostrum appulsum si bellum confectum sit,  
 „ quod fieri posse quis dubitet? redire inglorios necesse erit labore frustra suscepto. nam  
 „ à nostris victoria parta confecti belli laus penes alios erit, nostra in casum molestia cedit.  
 „ Si ab aduersariis steterit, ad bellum instaurandum nullæ vires satis erunt, ne totius qui-  
 „ dem Hispaniæ in vnum collatæ. Italiæ principes suspensis hætenus animis bellicque spe-  
 „ ctatores tantum, si conceperint animis vires gentis nostræ imbecillas esse, neque bello  
 „ profligando idoneas nisi Rex adsit, vt sunt ingenio mobili nouas fortasse spes captabunt.  
 „ Non ea sum mente vt Reges velim in otio vitam consumere & quasi in lustris ignauia  
 „ animalia solent consenescere, seque iucunditatibus dare: sed neque eorum salutem in 50  
 „ periculum voco nisi re necessaria. Quis in longinqua adeo navigatione maris sæuitiam,  
 „ ventorum vices non metuat. Quis Genuensium vires & arrogantiam non cōsiderat præ-  
 „ sertim si gallicæ classēs adiungantur, vt est verisimile, ad nostrā classē certe impugnan-  
 „ dam: Quis vitam & salutem Regis prælio nauali committat in quo fors plerunque domi-  
 „ natur virtute potentior in mari. Documento sit Alfonso patruus à paucis Genuensium  
 „ nauibus victus captusque vna cum fratribus. De offensione procerū nihil dicam facul-  
 „ tateque turbandi res, absentia eius cuius prudentia intra modestiæ fines cōtinentur qua-  
 „ si asperioribus frænis domita contumacia. Vt cætera absint, qui possis Reginam relin-  
 „ quere valetudine ægra grauiorem morte eam profectionem haud dubium habituram?  
 „ Si qui



Si qui Aragonii Reges mare transmiserunt, temporum conditio enataque occasiones ex-  
 eularunt: ne maiores quidem semper saniora consilia sectati sunt. Arma bellumque de-  
 poscere in castris à primis annis versatum non miror, non vitupero, sed si tanta cupidita-  
 tas induendi arma sollicitat, ut bello Gallia fines è propinquo laceffamus statuo: quo ho-  
 stium viribus ad defensionem patrii soli conuersis Neapolitani conatus debilitentur &  
 de imperio Mediolanensi porro decedere contingat. Hæc mea sententia est si commo-  
 da vtimini, si contra sincera voluntati detur venia. Quod placebit Rex consilium, id o-  
 ptimum iudicabo. Si tratiçedi in Italiam sententia stat, hac quamuis ætate, esse comes non  
 recusabo. primus me itineri accingam, certus vitam & fortunas periculo potius quamuis  
 10 graui obficere, quam ut videar officio defuisse. Verum consultoris libera voces esse de-  
 bet, Principis ad audiendum patientes aures, libera diiudicatio. Magna assensione astan-  
 rium Guterrii oratio excepta est, valida argumenta visa, dignaque ea prudentiæ opinio-  
 ne viro. Ea vulgata tamen, Episcopus quidam, cuius nomen non exprimitur, quamuis  
 minime rogatus codicillum Regi ultro in manus dedit, hac ferme sententia verbisque.  
 Quod nullo rogante consilium iniussus do, hæc siue temeritas siue licentia veniam me-  
 retur. De re communi loquendi nulli, sit ille quicumque, facultas merito denegatur. In-  
 commoda & pericula si sigillatim cuncta, ut Promagister fecit, siue examinanda, nemo  
 rem arduam aggredietur. Neque agricola cultura & sationis labores arripiat, neque nau-  
 clerus procelloso mari nauim committat, ac ne miles quidem cum tanto salutis discrimi-  
 20 ne induat arma, procedat in aciem. Nullus denique erit, qui si in difficultates omnes re-  
 spexerit, suo muneri satisfaciat. Hec est humanæ imbecillitatis cōditio, hac lege viuimus.  
 Nihil magnum Deus aut natura mortalibus dat sine multo labore & sudore. Primam Re-  
 gibus rei militaris curam esse nemini est dubium, militum delectus habere, exercitus re-  
 gere, siue bellum defendendum sit siue hostis laceffendus. Ecquid aliud gladius quo es  
 præinctus significat, quam patriæ tutorem esse, quod sine bello non contingat. Ac ne id  
 quidem quæstitionis est, commodius bella à Regibus quam per duces sint illi quicumq;  
 geri. Regem ad bellum euntem prosequuntur ciues. summi, medii, infimi turpe ducunt  
 domi resistere, deliciis incubare, quorum Princeps in acie & in puluere atque in periculo  
 pro communi salute, pro imperii dignitate versatur. Nemo quantauis dignitate tali du-  
 30 ctore arma sumere recusat, cum plerique proceres æquali, aut fortassis minori obtempe-  
 rare turpe ducant, atque eius ad arbitrium verti. Documento sit præsens tempus. Quis  
 enim è numero procerum, rogo, ad bellum Neapolitanum est profectus excellēti quam-  
 uis eximiis dotibus duci data belli cura? Deinde pecuniam in stipendium, bellicos com-  
 meatus, ac cætera necessaria Rege præsentē expedire pròptum est. Enatis difficultatibus  
 facilius prudentiusque occurritur, absente consilia post res afferuntur inepta sæpe: quo-  
 niam auribus fideiiores sunt oculi, & in horas agendi occasiones mutantur. Beneuolen-  
 tia militum, qua nihil est in bello potentius, cognitione conciliatur & vsu: quippe homi-  
 nes militares canibus similes, ut Plato ait, domesticis blandiuntur, externis allatrant. In  
 oculis principis, à quo præmia virtutis expectant, viri fortes leonibus pares euadunt, i-  
 40 gnauos ad audendum pudor sollicitat, metusque ignominia. Homerus quidem deos  
 ipsos in pugnam inducit inflammare pugnaces iuuenum animos. Agamēnonem fingit  
 etiam gregarios milites nomine compellantem. Alexander, credo, & Cæsar nunquam  
 quib; iugum imperii imposuissent, si domi deliciis indulgentes res bellicas per vicarios  
 administrassent. Quæ res imperium Romanum è culmine ad terram afflixit? sane princi-  
 pes belli tempore domi desides, ducum virtute confisi. Sed mittantur vetera. Mauri haud  
 dubium hodie in Hispania viuerent, nisi ipse bello Granatensi interfuisses copiarum du-  
 ctor actotius expeditionis particeps. Carolus Gallia Rex quanta celeritate suo in I-  
 taliam traiectu Neapolitanos domuit: eius discessu, quæ fuerant breui parata, ad veteres  
 dominos redierunt. Regium corpus ut labore frangatur, verendum non est, si assuescas,  
 50 emollitur molestia. Aula præterea obsequia, & ministeria, atque alia vitæ principalis  
 commoditates nunquam desunt. Plausus quin etiam cunctorum, molestiam minuunt,  
 armato atque inermi circumfusa omni ex parte multitudo theatri instar est omnium ocu-  
 lis in ipsum coniectis, laudibus celebrans quæcumque facit, laude vegetatur animus  
 corpusque. Multo minus maris pericula moueant. quem enim Regem submersum vi-  
 dimus? Quod si Alfonso Rex, quo nos exemplo tantopere terrent, naualem pugnam re-  
 cusare voluisset, nemo pugnandi necessitatem imposeret. Sui fiducia hostium contem-  
 ptus vtrumq; exitiale malum, in ea præcipitarunt incommoda. Vnde tamen regia cum  
 maiestas in maiorem gloriam euexit, viresque contra aduersarios nouas adiunxit. Quod  
 si durum tamen videtur Regem interesse bello, incertæ præliorum sorti caput & sal-



uum obicere, quid prohibeat Siciliam finitimam adire rebus eius insulæ compositis, res-  
 gio aspectu ea gente recreata in belli Neapolitani apparatus diligentius incumbere?  
 Hæc nostra sententia est verior fortasse quam grata multorum auribus. Verum ea re-  
 media sæpe salubria existunt quæ acerbiora ægrotorum palato: neque vtilia semper quæ  
 dulcia. Episcopi libertas plerisque placebat, vera dicere videbatur. ii etiam qui contra  
 tendebant magis nolebant quam non probabant sententiam. Vicit tamen Promagister,  
 quippe cunctorum auribus gratiora locutus cautiorque. Accessere Henricus regis a-  
 uunculus, Aluarus Portugalensis, regio senatui Præfectus, Gasias Lassus, Antonius Fon-  
 seca, Ferdinandus Vegha magna auctoritate magnaue prudentiæ opinione proceres  
 idem cum Promagistro iudicantes. Accessit per litteras Gonfalu in eam sententiam suf- 10  
 fragium victoriam haud dubiam suo ductu de hostibus pollicentis. Quæ asseueratio in  
 magnis ducibus vituperatione carere non solet. Belli successu nihil incertius. Metus  
 profecto ex gallia finitima ostentati frequentes Regem ex Hispania abire tum quidem  
 non sunt passi.

*Rursus Galli ab Hispanis ad pugnam prouocantur.*

#### C A P V T X V I.

Cæsar Augusta Aragonii in Philippi & vxoris verba iurabant, res Hispanorum in Bru-  
 tiis & magna Græcia in præcipiti erant. Siciliæ Prorex eo periculo permotus Mes-  
 sanam accurrit angusto ab Italiæ ora diremptam freto. In ea vrbe militum externorum 20  
 numerum legit, rebus inclinatis præsidium. Roma etiam Golisani Comitis duo fratres  
 Cardonii Hugo Ioannesque relicta honestissima conditione, quam apud Valentinum  
 obtinebant, suasu Francisci Rogii legati eodem appulerunt cum ducentis & quadragin-  
 ta delectis militibus. Nec mora: cum ea manu aliisque militibus, quos legere potuerunt  
 e portu Messanenſi fretum in tempore transmissere. Nam Meliti Comes Bisiniani fra-  
 ter Terranoua, quæ Thurium veteribus fuit, capta, arcem impugnabat supremo conatu.  
 Hugo eo profectus Comitem, qui obuiam processerat, acie superatum obsidionem sol-  
 uere compulit. Simul Salernitanum & Bisinianum Consentia obsidione raptim dimissa  
 refarciendo detrimento in planiciem Terranouæ dilabi. Cõmissa ea pugna fuit quarto 30  
 die priusquam Emanuel Benauidius copias, quas ex Hispania vehebat quindecim naui-  
 bus, in Messanenſem portum inferret. Ea classe inter alios duces Antonius Leiuia in Ita-  
 liam venit strenuus imprimis miles, ac deinde eximius copiarum dux prudentiæ & vir-  
 tutis opinione maxima. Eæ copię breui transmissio freto se cum Hugone Cardonio &  
 cæteris coniunxerunt. Contra Salernitanus & Bisinianus Melito, quo se receperant, ut is  
 Comes cum septingentis Helueticis aliquanto equitatu, & maiori prouincialium nume-  
 ro Consentia obsidionem repeteret, consensu decreuerunt. Suscepta is demandata cura  
 ad Motam Calameræ castra promouit Rosano dissitum oppidum tribus modo milli-  
 bus passuum, vbi Hispanici exercitus multo maxima pars statiuia habebat. Ii rati opprimi  
 aduersarios posse noctu strenue facto itinere improuisi superuenere. dubia luce in oppi-  
 dum inuadunt, & quoniam clausum mœnibus non erat, momento temporis capiunt. 40  
 Repentino in terrore hostes pars fugere, pars cædi. cum Comite pars maior se se in  
 arcem eius oppidi receperunt. Vim arcis admouere non licuit cognito Obenignum  
 cum omnibus copiis in ea loca delatum forte, an consilio ad ferendam opem Comiti  
 festinare propediemque affore. Hæ Hispanicæ copię Rosanum reductæ sunt haud  
 maiori operæ pretio facto. Alia parte Fabricius gesualdus Consæ Comitis filius, idem  
 Amalfitani Principis gener Tarentino limiti pro Gallis præfectus cum manu militari  
 ad vastandos eius vrbs agros progressus, Ludouici Ferreræ & Petri Nauarri, qui  
 Tarentum præsidio obtinebant, accursu iniquis ad transitum locis cæsis militibus  
 omnibus, vix ut tres tantum euaserint, captus Comes ipse venit in potestatem. In A-  
 pulia reliqua eo maiori ardore bellum gerebatur, quod vtrique pars vectigal ex pe- 50  
 coribus, quo præcipui eius regni redditus constant, exigere à pastores festinabat.  
 Nec deerat egentissimus quisque ex plebe spe prædæ fingere studia partium. Conflictus  
 peculiare varios & multos recensere longum esset. Prouincialium ingens damnum,  
 quando à Gallis & Hispanis certatim gentis miseræ pecora diripiebantur. Rapiendi  
 licentia misericordiam non recipit. Duces partium accendendo bello acres, frændis  
 iniuriis impares. His malis ut occurreret Namursius Canusii, vbi erat, cum vniuersis  
 copiis decreuit Aufido impositum pōtem euertere ad quartum à Barletta lapidem: quo  
 sublata Hispanis libera commeandi facultate, prædandi in Apulia modus esset, præser-  
 tim hibernis pluuiis inflato amne difficili vado. Obenignus item cum primum in Brutios  
 peruenit,



peruenit, Terranouam urbem occupare constituit. Mœnia erant infirma, neq; commeatus affatim ex ante conuecto comparati. Hispanorum copiae, qui in ea vrbe erant, desperata defensione per montes ad aduersi atque Orientalis maris littora se recipere constitunt. Prudenter destinata Gallorum celeritas occupatis confragosis locis, qua iter erat, importune disturbarunt. Repentino in terrore Hispani pedites se in pedes dant: ex equitibus ad quinquaginta capti sunt qua grauis armaturæ qua leuis ac fere ex Antonii Leinae ala, qui in eis angustis omnium prædicatione & fama eximii bellatoris laudem tulit. His rudimentis ad summum decus contendebat. E nostris plerique Giracium se atque in finitimas eo tractu arces expauore recepere. Secundum eam victoriam magna rerum commutatio facta est: ac fere Magna Græcia & Brutii Obenigno deditionem fecerunt mobili ingenio gens, fideque sæpe ex fortuna suspensa. Pugnatum est ad septimum Kalendas Ianuarii. Quarto post die Namursius vti erat constitutum, cum copiis ex statuis egressus pontis Aufido impositi tormentorum ictibus mediam fornitem euerit, turrimque ex quo illac transierat semidirutam, qua pontis aditus claudebatur. Gonsaluus hostium consilio cognito, milites Andria haud exiguo numero euocauit. grauis festinanti eorum militum mora fuit. Sed iis tamen ad alias copias adiunctis celeritate correxit tarditatem. Itaque in hostium conspectum venit, retro conuersis vestigiis, vnde venerant, redire destinantium. Misso tubicine Gonsaluus Namursio renunciauit festinare se. proinde eius aduentum expectaret, si causæ confideret, se martis arbitrium non recusare. Respondit ille tum demum fore pugnandi copiam, si Gonsaluus Fernandus Canusium accederet, quam prope ipse Barlettam. Sic in Italia res erant, quo tempore Illicim appulsus Calabriae dux inde Madritum abiit, vbi reges erant. Captiuo quamuis honores habiti non secus ac Regis filio, excipiendoque in urbem principalis apparatus decretus. Exilii molestiam ablatis regni dolorem iis blandimentis mitigare æquum erat. In Flaminia bellum Valentinus instaurat pari conatu feliciore euentu quam ante. Kalendis enim Ianuarii salutis anno Millef. quingentes. tertio Senogallia vrbs detracta 1503. Praefecti filio ex deditione venit in potestatem. In ea vrbe Franciscum Vrsinum Grauinæ ducem ad se ultro venientem, venturi securum cepit, vna cum Paulo Vrsino Vitellocio, & Oliuero Firmentis viris primariis eximiis bello ducibus. Eo nuncio lætus Pontifex Romæ Vrsino Cardinali manus iniicit. Hæc molitiones eo pertinebāt, vt Columnensium exemplo, qui vitam calamitosam in exilio propagabant fortunis euerfi, Vrsinorum porro familia opprimeretur, ditioque eius familiae omnis in agro Romano Pontifici cederet, nulla memoria icti paulo ante cum ea gente foederis, religionis in eo violatæ nulla cura. Perusiam paulo post Valentinus felicibus armis Pontificiæ ditioni restituit, Tiferinumque. His successibus spe vasta & cupiditate elatus. Senenses præterea, Lucenses, Pisanosque liberas & validas ciuitates ad deditionem adiungere parabat. Galli tantum Regis metus frænabat ingentes spiritus superbiamque, earum urbium patrocínio suscepto nati opportunitatem copias militares à Gallia Neapolim vsque transmittendi, nullo qui transitum impediret, quod ad alendum bellum quod erat in manibus commodissimum putabat. Tamen si Florentinos inter & Pisanos bellum ducebatur. Pisanique Hispaniæ viribus cupientes arreptam libertatem tueri, superiori tempore se libertati incolumi in Regis Catholici obtulerant clientelam. Abnuitt ille tunc, ne importuno tempore nouum ordiri bellum esset necesse, quod Galliam & Italiam in partes traheret, cū vtrisque committeret Hispaniam. Mutata deinde sententia cū ad spreta paulo ante consilia recurrere destinaret, occasio iam abierat, quæ momento temporis irreuocabilis labitur, populari voluntate nihil leuius, paulo momento in contrarias partes circūagitur. E Lusitania duo patruales Alfonso Franciscus Alburquerque cum ternis quisque nauibus in Orientis oras missi sunt. Quanta rerum moles exigua hæc initia consequetur? Ab hoc tenui principio rudimentisque Alfonso maxime in quantum ducem euadet?

*Palicius ab Hispanis capitur.* CAPVT XVII.

Barlettæ Magnus Gonsaluus rebus suis in arcto positis, varia atque contraria consilia in animo versare. Hinc in aciem prodire nisi Germanorum aduentu & auxiliis Hispanicis, quæ in horas expectabat confirmatus, certa vincendi spe recusabat. Inde annonæ angustia sollicitabat, compellebatque iis locis relictis pugnae discrimen periclitari. Monobini enim, vbi Namursius, Canusii atq; Cirinolæ statua habebat maior commeatus copia suppetebat. In ea cogitationū anxietate, vitatis extremis mediā tenere viam placuit. Diuisis enim uero copiis varias manus ad prædandum finitimos agros dimisit, consilium



salutare ad tuendam nominis existimationem militem exercendum, alendasque præda copias. Sed quantulum opis id erat in angustia? Sic ad octauum decimum Kalendas Februarii Barletta digressus Diegho Mendoza duce cum trecentis expeditis equitibus præmissis, qui vicinos agros Labelum usque viginti quinque inde passuum millibus percurreret, ubi portorii Apuli bona pars redigitur, ipse ad quartum à Monorbino milliare castra posuit Gallis prohibendis si Mendoza obuiam prodire tentarent. Haud incommode irruptio cecidit. Prædæ actæ latissime. supra quadraginta ouium millia domum auersa præcipuo agrestium damno luctuque. Ciriniola egressi ducenti equites cataphracti, sagittarii totidem, iuncti pari numero militum, qui Canusii erant, re cognita prædam Hispanis ablatum abierunt. Gonsalui copiarum occur-  
runt ex aduerso, intercipere iter Gallorum cupientes. Ne maius operæ pretium existeret imprudentia militum factum est. locum aduersariis relinquerunt se se Canusium referendi paucis modo ex suo numero desideratis. Namursius neque priori incommodo neque noua iniuria irritatus in aciem prodire noluit. quo consilio exploratum non est, Hispanis certe cum præda se ad suos recipiendi facultas data. Post quatuor dies nunciato Palicius cum quingentis equitibus Barlettæ fines vastare acceptæ ignominie vindicta solamen. Gonsalvus & Dieghus Mendoza diuisis bifariam copiis locorum angustias infederunt: quibus Gallis necessario transitus erat. Equi casu in ipso egressu ad terram prostratus Palicius ulterius non est progressus. Vicarius tamen Mota nomine cum septuaginta qua equitibus, qua sagittariis prædatum porro pergens in insidias præcipitauit. Socii omnes præter duos qua cæsi, qua capti sunt. Mota dux viuis in Dieghi Mendoza venit potestatem. Is in familiari sermone quamuis captiuus ingenio arroganti. lingua procaci in Italorum nationem probra conuitiaque iactare. Enecus Lupus Aiala contra idoneis argumentis Italos tueri, Galli conuitiis aduersari. Disputandi calore incensus Mota, si decem Itali cum Gallis totidem pugna decernere auderent, vna se cum aliis, vera esse quæ dixerat Marte arbitro confirmatum edixit. Vagatus is sermo in castris (neque Gallus occultauit, neque sine arbitris fuit) prouocauit Italos, qui Hispanorum castra fortunamque sequebantur, uti Gonsaluum frequentes adirent. Iniuriam genti factam vniuersæ conqueruntur, vindicandi petunt facultatem. Idem flagitare Hispani quamuis nullo suo incommodo in sociorum iniuria se despectos tamen cogitantes. Annuit ille libenter decoris apprime tenax de virtute confusus Italorum. De loco certaminis, deque militum ab vtraque parte numero disceptatio fuit. Consensu Andriam inter & Quadratam septum pugnae designatum, decretumque ut tredecim ab vtraque parte non amplius equites dimicarent. Idibus Februarii ad certamen est progressum. Prospectus in omnes partes erat, neque opportunus insidiis. locus Gonsalvus tamen cum copiis omnibus prope Andriam substitit iniuriam, sicunde existeret prohibere paratus. Iam Hispani, Galli, Itali ad spectaculum pugnae eius frequentes exierant, incolæ studio visendi proximos campos & colles repleuerant. A delectis iudicibus vtrisque loca designata. Vehemens ventus flare cæperat Gallis aduersus propitius Italis quippe à tergo. Ut locorum mutatione ex æquationeque ex obliquo ab vtrisque flatus exci-  
peretur, postularunt Galli. Nihil impetratum tamen. Ergo infensis hastis concurritur, quas etsi venti impotentia Gallis omnibus excussit de manibus, nihil tamen aduersi accidit, nemo ad terram prostratus ne vllus quidem equus occisus. Ad gladios clauasque perducta pugna Gallis Itali longe superiores extiterunt, tum agilitate equorum obedi-  
entium, tum pugnandi dexteritate. Horæ spatio vno cæso, atque altero grauiter fauciato, Galli reliqui è loco certaminis pulsi victique sunt. Ex Italis vni tantum leue vulnus est inflictum. Victoria parta clari lætique victores Barlettam ea nocte redierunt duodecim captiuos præ se agentes, defensa gentis dignitate, vindicata procacis hominis contumelia nobilissimi. Excepti ab omnibus insigni plausu, à magno Gonsaluo ad cænam etiam adhibiti. virtuti atque felicitati debitus honos. Is euentus pugnae fuit in paucis eo tempore celebrata, nomina pugnantium ut sigillatim referantur operæ non est. Interea Ludouicus Ferrera & Petrus Nauarrus Tarento eductis copiis Castellanetam ex deditioe, aliaque circum oppida vi aut voluntate occuparunt. Cum maioris rei oblata opportunitas est. Palicius qui se Aprutii Proregem ferebat & cum eo Amadeus Curtionus Sabaudi ducis vicarius Rubi morabantur decem & octo passuum millibus Barletta: cum iis supra quingentos pars equites grauis armaturæ pars sagittarii. Eos inuadere Gonsalvus oppido cupiebat, hostium aliorum vicinitas metusque ex eo retardabat. Commodum Namursium cognouit abiisse spe Castellanetæ recuperandæ. Amalfitanum cum robore exercitus gallici Canusii substitisse. Rubum denuo centum quinquaginta



ginta equites missos augendo eius oppidi praesidio. Aduolat Gonsaluus cum mille equibus peditum tribus millibus, & aliquot igneis tormentis sub noctem profectus ad octauum kalendas Martii, qui dies Mercurii fuit. Continuato strenue tota nocte itinere sub auroram Rubum improuisus accedit. Nec mora tormentis murus quassatur. Longum erat militibus expectare dum aditus prorsus patefieret globis ignitis strato muro. Iniussum scalis superare moenia contendunt. Nullo ductore sibi quisque auctor incitatorque erat. Defendunt aduersarii acriter. Hispanos subeuntes contis saxisque deturbant: ac retro redire compellunt praeter ignominiam tamen nulla alia clade. Tormentorum rursus continua iaculatione muri magna parte prostrata, ignominiae prioris demendae studio ardentiores milites feliciori quam ante conatu per ruinas & rudera in oppidum irrumperere parant. Defendunt rursus eximia virtute aduersarii. Pugnatur acerrime: multum effunditur sanguinis. Ad extremum victa defensorum constantia in oppidum penetratur. Recens iracundia sanguine expletur. caedes per vias aedesque factae nullo militum & populi discrimine. E Gallis ducenti ceciderunt: multo plures vulnerati. Palicius quamuis capite fauciato fugam meditatus per auersam portam in limite captus est. Sabaudi Ducis vicarius se in arcem recepit sustentaturus dum maiora e propinquo auxilia aduentarent. Directis tamen eo tormentis maioris mali metu deditionem fecit sine exceptione ad victoris arbitrium. Capti sunt item multi alii viri praestantes cum magno rei Gallicae detrimento inclinationeque. Ex Hispanis pauci desiderati, neque quisquam magni nominis. Diego tantum Mendozae in oppidi ingressu lapidis ictu concussa galea sensum excussit nullo praeterea maiori nocumento. Victoria parva direptoque oppido continuo se victores retulerunt in pacata, priusquam ad rei gestae famam ex vicinis locis Gallicae copiae ad vindictam confluerent. Festinatio salutaris fuit. Namursius enim Gonsalui consilio indicato dimissa Castellanea reuertebatur, ut iunctis cum Amalfitano viribus Rubi ad praesidium accederet. Rebus perditis serus opitulator variatis consiliis neutri parti opportunus aduenit. Ex hoc plane tempore res Gallicae aperte inclinare coeperunt exitio proximae. Ac Praeanes quidem miles Hospitalarius in prouincia Phocaeensi natus, qui e Rhodo cum quatuor triremibus, duabus biremibus Gallis auxilio venerat, impeditoque Hispanis comaeatu, captisque quibusdam nauibus Apuliae littora infesta habere pergebat, victus est. Lezcanus rei nauticae apprime callens cum quatuor triremibus Apuliae littora ab hostili iniuria tueri iussus quingentis militibus in triremes impositis Gallum impugnaturus Brundisium versus nauigauit. Eius aduentu hostis territus consilio detrectandi certaminis in Hydruntis portum se intulit Venerorum, in quorum ea vrbs ditione erat, praesidio confisus sustentare posse. Nihil ea re moratus Lezcanus duas naues quae extra portum in ancoris stabant, aliaque minora nauigia cepit, maiora moliebatur, in portum irrumperere. Creuit ex eo hosti terror. Ita ne tentata quidem defensione per noctem nautis & militibus expositis in terram atque nautica suppellectile sublata, triremes biremesque cum tormentis submersit, ne Hispanus iis potiretur; quae magna desperatio fuit. Villamarinus cui Praefecti maris nomen erat datum, in portu Messanensi cum aliquot triremibus ea littora tuebatur, quasi ex specula in omnes partes despectu quocumque vocaret necessitas paratus accurrere. Ad supplendum militum & nauium numerum Portocarrerii aduentum expectabat aude dudum ex Hispania profecti. Gonsaluus tamen ut continuo Apuliae portum aliquem teneret, hortabatur. Emanuelis Benavidii exemplo veritus scilicet ne in Brutiis subsisteret, contra quam ipse mandaratur, ut quam primum ad se festinaret viresque secum conferret. Ea parte bello profligato, ubi de summa certabatur, caetera in victoriae partem facile accessura. Ludouico item Ferrerae & Petro Nauarro, qui Tarentum obtinebant, ut vires & ipsi conferrent mandatum est, tum Lezcane qui hoste profligato continuo quingentos milites in terram exposuerat, praeterea Mazarae Episcopo Calipoli curanti, profecto, ut cum sua quisque manu Barlettam aduolarent. Auctis ea diligentia viribus Hispanus cum hoste minus iam feroci signis collatis dimicare, vnoque praelio finem molestiis imponere & bello destinabat certa victoriae spe.

*Vasti Marchio Hispanorum partes amplectitur.*

## CAPVT XVIII.

EAdem cura noua conquirendi auxilia Namursium Canusii sollicitum habebat, eo amplius quod passim Galli milites ab Hispanis caedebantur magno rei Gallicae detrimento



pari ignominia. Ad fanum Ioannis Rotundi Arriaran dux Manfredonia profectos ducentos Gallos nihilominus cæciderat. Patem hostium numerum acie fudere Ludouicus Ferrera & Petrus Nauarrus Tarento, vti erant iussi, digressi prope Grutallas transitu prohibere conatos, quinquaginta insuper captiuis. Iidem vltius progressi adiunctoq; Lezcano, Bitonti Marchionem quingentos tum equites tum pedites ad Namursium, vt vires conferret, ducentem in conflictu victum ceperunt, cæsis Marchionis patruo Antonio Aquauia eiusque filio. Præterea Oliua Centurio gallorum manum nactus pugna commissa trigintaque ex numero cæsis, cæteros fudit. Adhæc quinquaginta equites pedites septuaginta Viseli egressos vt Hispanorum pabulatores impeterent. Dieghus Mendoza, qui suis præsidio iuerat, momento in fugam compulit male multatos. Atque equites Viselim præ metu redierunt equorum velocitate adiuti, pedites intra turrim, ad quam se receperant impugnati cæsiq; sunt. His incommodis commotus Namursius monet Obenignum vnaque Salernitanum & Bisinianum si rem Gallicam saluam cuperent, vt Brutiorum & Magnæ Græciæ oppidis pro præsentī copia munitis, statiq; regionis compositis, ad se quam primum venirent. Cum hoste feroci exultante successibus vniuersis viribus dimicandum videri. Ducis mandatis obtemperare non est visum spem subiugandi penitus eam prouinciam, quæ se offerebat, prætermittendam non putabant. Non minori cupiditate Gonsalvus dimicandi cum hostibus ardebat haud ignarus annonæ difficultate crescente indies, diutius in iis locis sustentare non posse. Receptum fugæ similem. magna in bello famæ momenta audaciam pro munimento fore. Veneta tamen nauis frumento onusta Tranum appulit, qua Hispani sunt potiti, exiguum leuamen. Sed ex Sicilia item quinque nauibus non vno tempore frumenti tria millia medimni allati subsidium famis maius, præsertim pecorum adiuncta frequenti præda ex vicinis agris. Aprutii vrbes ac nominatim Aquila gentis caput ad fœdus Hispanum iam dudum erant propensæ. Arcano hæc agitata dum maturum esset, tegebantur. Capua quinetiam, Atella, Salernumque à Gallis defecturas se pollicebantur, tracturæ in defectionis societatem finitimos. Constitutum, vt quam primum Hispanorum copiæ in apertum progredierentur, omnes ex vrbes Gallica insignia transitionis argumento Hispanicis vexillis mutarent. Muri Comiti venia est data merito quamuis graui supplicia, qui primus in Lucanis vbi ditionem obtinebat gallicas partes palam fouisset multis, vt idem facerent, auctor exemplo voceque. Salernitano parum fidebatur ad Hispanos transitionem pollicenti, expetentique adeo in coniugium Gonsalui Magni filiam sanioris mentis indicio. Explorata multis & magnis in rebus viri inconstantia dictis detrahebat fidem. De Amalfitano haud certior spes, facturum quæ pollicebatur, velle ad Hispanos transire. Maiori rei Hispanicæ commodo certiori fide Enecus Daualus Ænariam suæ ditionis insulam, seque Regis Catholici palam obsequiis adiunxit haud leui ad victoriam adiumento. Origo illi ex Hispania fuit. Enecus Daualus Roderico Daualo equitum in Castella Magistro natus præcipua apud Reges Neapolitanos gratia & auctoritate Antolenam Aquinatam duxit Bernardi Gasparis Aquinatis Piscariæ Marchionis & Montedorisi Comitis filiam & hæredem paternæ ditionis. Ex hoc coniugio Alfonsus Daualus natus est Piscariæ Marchio, quem per fidem colloquii Maurus in obsidione arcis Neapolitanæ peremit infante relicto, cui Ferdinando nomen fuit. Alteri Eneci filio (quem Zurita Martinum vocat) Montedorisi principatus obuenit nulla præterea laude. Minor duobus Enecus Daualus extitit, cui Fridericus Rex accedentibus annis operæ impensæ præmium vastum dedit Marchionis nomine iure hæreditario Ænariæ imperium dum viueret, insulæque prouentus omnes, secturas aluminis, atque arcis prefecturam. Horum procerum duo alii fratres fuerunt Rodericus, Emundusque vt alio loco dictum est, tum soror Constantia nomine Serræ Comes primum, deinde Francauillæ dux lectissima scæmina. Ergo Marchione promerendo datum, vt ad omnia quæ Regum priorum dono possidebat, Prochyta insulam adiiceret, cataphractis centum, leuis armaturæ equitibus ducentis sub ea stipendia regia darentur. Ferdinando item fratris filio Piscariæ principatus est confirmatus, nomenque Regii cubicularii quo antea patrique à prioribus regibus datus honos. Cautum præterea, si Hispani eo regno pellerentur, idonea opum compensatio in Hispania esset. Honestissimæ conditiones, sed maiorum Enecique ipsius virtuti & meritis consentaneæ. Iis rebus constitutendis non pauci menses sunt consumpti. Ea vero causa extitit non ante professi studii in Hispanos quo alioqui erat ardenti, à Gallis penitus auersus. Eneci filius Alfonsus, Piscariam tandem Ferdinandi patruelis sine prole in flore



in flore ætatis atque in medio felicitatis cursu importuna morte extincti ad Vasti principatum adiunxit. Nepotem eiusdem Ferdinandum Piscariæ Marchionem annis superioribus Proregem Siciliae vidimus, quo tempore in ea insula versabamur, ducta Mantuanæ sorore nobilissima, amplissima dote. Verum quo tempore Vasti Marchio se suaque Regis Catholici fidei permisit, Aquilera miles sacer vir impiger & bellicæ compos laudis, trecentos milites in Crotonis portum intulit auxilium à Francisco Rogio legato Roma opportunè destinatum. Gometius item Solisus Consentiæ arcem obsidione liberauit urbemque vi cepit, pulso Meliti Comite numero quamuis militum vinceretur ac vix quartam hostium partem exæquaret. Eo maior gloria, dedecus hosti, de Gallis ad Rubum captis disceptatio tenuit magno animorum motu diu vtrinque agitata. Conuenerat inter utrosque ut bello modeste gesto quippe inter Christianos, equiti capto equo & armis detractis libertatem redimere fas esset annui stipendii quarta. Ceperant Galli diebus superioribus Theodorum Bocalum Epirotarum equitum ducem, Dieghum Veram rei tormentariæ magistrum, atque Escaladam centuriæ Hispanorum præfectum, aliosque ad triginta. Et cæteros quidem missos fecerunt qua lege & pretio erat constitutum; retinuerunt modo causati duces eos esse, neque debere communi lege comprehendere: quorum esset dignitas maior eximendos à vulgi conditione videri. Nunc quasi sui obliti postulabant tamen Gallos ad Rubum captos pacto prius pretio dimitti, scilicet non considerantes viros primarios esse, plerosque etiam ordinum ductores. Præterea Gonsaluo renunciatum, legem eam militiæ Neapolitanæ, quarta stipendii equitem captum redimi, non extendi ad eos qui in iusto prælio, aut oppido per vim capto venissent in potestatem. Consulti milites veterani nobilesque provinciæ prouectæ ætatis consensu, non aliter provinciæ moribus esse obseruatum vero an ad gratiam curiose inquirendum non arbitror, sed responderunt tamen. In eam certe sententiam Gallis responsum est datum: captiui uti de libertatis pretio cum iis constituerent, in quorum potestate erant: neque communi cæterorum priuilegio se tegerent. In quo non lucro paucorum consultum arbitror: sed ea excusatione cautum ne prælio viri pugnaces apprime interessent, quod ut res se dabant breui de summa rerum futurum videbatur.

*Pax a Philippo Principe in Gallia pacta.*

## CAPVT XIX.

Philippus Princeps discedendi ex Hispania certus ex Rege socero enixe cupiebat cognoscere, vellet per conditiones arma ponere cum Gallis instaurato fœdere: sibi quæ potestatem esse paciscendi si forte Rex Gallus æqua videretur appetere. Regus autem initio Rex Catholicus vtrumque siue genero non satis fidens, multo minus eius aulicis, quos ad Gallos esse propensos multa indicabant, siue amicorum in Italia animos debilitare metuebat, si se conscio & volente generum principem per Galliam iter habere vulgaretur. Dedit tamen in eam rem angusta certe mandata, quæ transilire nefas esset. Profecto tamen eo Bernardum Buillium Abbatem iisdem vestigiis sequi iussit, testatoque descriptam paciscendi formulam ad eum perferre, qua ampla potestas continebatur finiendi pace facta controuersias. cum eo ne delegatæ potestatis exemplum communicaret cuiquam præter principem ipsum iuratum arcani fidem: ac ne Principi quidem Schedam crederet, si præscriptæ formulæ fines transgrederetur. Quo in Apulia tempore & magna Græcia arma mouebantur ardore quo vnquam maximo, Compluti ex Ioanna principe paulo post discessum viri filius est natus ad sextum Idus Martii, cui fuit Ferdinandus nomen, imperium & ampla regna annis accedentibus. Abluit infantem sacro fonte aquis salutaribus Toletanus susceptoribus Anagari Duce, & Villenio. Lugduni Rex Gallus & Rhotomagensis Cardinalis in Gallia Pontificis legatus aduentu Philippi principis continuo de fœdere fanciendo consilia agitarunt. De conditionibus disceptatio erat. Datæ potestatis fines & paciscendi formam ex Hispania missam negligi videbatur. Buillius Philippum Principem mouet, ne suo Rege inscio quidquam nouaret, cassâ fore contra eius decretum inita pacta. Ea monita vociferas mutatis ad celeritatem equis, quæ agebantur. Mirabilis confidentia. coegerunt etiam minis atque terroribus conceditæ potestatis exemplum ut publicaret. Principi ipsi iniecta necessitudo est paciscendi, quoniam in Galli potestate erat. Aulici quoque homines Belgæ fœdus maturari cupiebant moræ impatientia, Regis in eo Catholici voluntate neglecta. Pecunia gallica corruptos fama vulgavit in deterius semper prona hominū



persuasione. Iniri foederis summa duarum rerum optione continebatur. Rex Catholicus Carolo nepoti attributam regni Neapolitani partem cederet, Gallus Claudia filia quasi pacti coniugii dotem inter infantes ineundi maiori utriusque ætate. Cum eo ut Catholicus pars penes sequestrum esset Philippum generum, aut quos ipse nominasset: Gallus retineret sua. Audax negotium dicerem impudens conatus. Neque magis æquum quod sequitur. Si ea conditio minus placeret, uterque Rex attributas prouincias in priori foedere possideret, Capitinata de qua præcipua lis erat, sequestro daretur consensu designando. Foederis utraque pars Gallis erat propitia. Hispano aspera, quando in altera Gallo sua retinente Ferdinando detrahebatur, quod obtinebat, Hispanis præsertim ex ea prouincia deturbatis, quod ea gens imprimis cupiebat, si id contingeret reliqua prouincia fore persuasi, altera conditione suscepta lis in eodem statu perstabat, nulla maiori ex eo tranquillitate: ne spe quidem ut in vnum sequestrum conuenirent. Quis enim aut unde neutri partium addictus? Interea Rex Catholicus Casaraugustam redierat ad dissoluendum gentis conuentum qui eatenus tenuerat. In ea vrbe ineunte Aprili mense Regi præsentia decreta auxilia sunt in bellum Neapolitanum ducenti grauis trecenti leuis armaturæ equites triennii spatio: adiecta lege, ut duces & milites ex ea gente legerentur. Breui ergo delectu habito mandatum omnibus, ut ad fines Ruscinonenses accederent, propter belli terrores ea parte ex Gallia ostentatos. Britannia enim Marefcalus & Dunensis Comes cum ordinariis Gallia militibus Carcasonem confluebant, quo loco ex aliis gentibus copiarum concursus erat futurus. Tanti apparatus quo pertinerent, dubitabat nemo. Tuendo limite Rex Catholicus copiis suis ut ad Figueras oppidum præstos essent limiti vicinum edixit: simul Sanctius Castella Ruscinonensi tractui Præfectus vir eximie fortis & cautus oppida & arces ad vim hostium sustinendam muniebat, metu ne impendens tempestas imparatum opprimeret. Rex ipse eodem accedendi voluntate Populetum delatus, in eo monasterio Buillii, Abbatis litteras accepit renunciantis quod erat ipse veritus, viam Philippo Principi minasque intentari, nisi in foedus consentiret, quamuis contra formam ab ipso præscriptam iniquum & graue. Rescripsit Rex quid facto opus esset. Nihil profectum tamen ea diligentia. Voce præconis Lugduni euulgato foedere Philippus Princeps Ioannem Hedinum aule metatorem, Gallus Eduardum Bullorum in Italiam dimiserunt, ut pro se uterque Gonsaluo & Namursio confectæ pacis gaudium; ingens videlicet nunciarent: & quod erat consequens suorum Principum nomine mandarent positis armis ne in bello ultra procederetur. Sic Philippus in Allobroges abiit cum Margarita sorore & Sabauda Duce eorum inuitatu Christi in vitam reducis memorie dicatos dies celebraturus. Hedinus & Eduardus festinato per Romam itinere, locisque omnibus factam pacem euulgantes Barlettam peruenere in ipso procinctu prælii: cuius forti duo duces rerum summam permittere decreuerant. Gonsalvus imprimis aduentu ex Germania militum quingentorum supra duo millia lætus, victoriae spe certa, iis supra Venetias ad Tergestum conscensa classe emensoque nullo prohibente mari supero ad quartum idus Aprilis Manfredoniam appulere. Dedit Hedinus Gonsaluo litteras, quibus Philippus Princeps Regis Catholici nomine arma ut ponerentur, mandabat, pacem factam ne bello importuno violaret obtestatus. Respondit (à suo Rege per litteras monitus Philippum per Galliam iter facere, si quid forte de pace induciisue præscriberet, iniussu suo ne quidquam mutaret) res in eo esse statu ut Principis mandatis obtemperare integrum non esset, nisi Rege prius consulto quid in eo rerum articulo facto opus esset. Consilia res magis hominibus dare, quæ in horas variantur, quam homines rebus. Gallos priores sumpsisse arma: nunc re Gallica inclinata nefas esse importuno foederi dare aures. Scire quod consilium captare ipse deberet: Ac vero Namursio coram conueniens daturum responsum. Sic factum. Rex quoque Catholicus ab eo foedere auersus animo, ut satisfacere oranium votis videretur, de restituendo in Neapolitanum regnum Friderico exule Rege per legatum rursus egit. Verum Gallus ne facta quidem de ea re conueniendi potestate, legatum cum ignominia repulit. pactæ concordia Hispanos non stare tulit ægerrime, gnarus modicas vires esse sibi, aduersarium præualidum.

*obenignus victus & captus.*

C A P V T XX.

**C**Lasse instructa Ludouicus Portocarrerius è portu Carthaginis nouæ soluerat dimidiato mense Februario. Minime idonea tempestate profectos gemina procella disiecit, prius ad Narbonensem sinu, deinde in Panormitano littore. Velox tamen nauigatio fuit,



fuit, viginti diebus nulla desiderata naui Messanenſem portū tenuerunt, magnis quamuis laboribus toleratis incolumes. Qua parte copias exponerent, diſceptatum in ea vrbe eſt. Quidam Gonſalui præceptis obtemperandum dicere, neque conſiſtendum priuſquam ad Apuliæ oram ventum eſſet, viresque conferrent cum reliquo exercitu. Ludouico Portocarrerio importuna nauigatio viſa eſt præſertim milite aduerſa & lōga nauigatione iactato. Rhegium ergo traiecit, bellum ea parte geſturus, vt in Hiſpania miſſum erat. Obenignus poſt victoriam de Benauidio & Hugone Cardonio partem ad Motam Bubalinam cum copiis conſiſtebat, ſpe Giracium ſine vulnere obtinendi Hiſpanis fame ad deditio-  
 10 dium receperant. Biſinianus in ditionem abierat: Salernitanus & Meliti Comes Neapolim. Decreuerat Portocarrerius copias in aciem producere: eoque conſilio milites re-  
 cenſuit cum lethali febris importuno tempore correptus eſt. Viſ mali augebatur in dies, vt medici deſperarent. Ante obitum duces partium aliquot egregios Terranouam occu-  
 paſſe cognouit, urbem cū multis aliis oppidis claſſis aduentu nunciato à Gallis deſertam. Obenignum cognito eius morbo cum copiis continuo accuriſſe grauique obſidione  
 premere mœnibus haud firmis ſalutem tuentes exigua ſpe niſi aliunde venirent auxilia, quoniam vincebantur numero, premebat inopia. Eo motus periculo Portocarrerius  
 Fernando Andradio pro ſe ſubſtituto equitatum peditatumque mittit obſeſſis auxilium. Præſecto item maris Villamarino, vt triremes Gioiam admo-  
 20 ueret præceptum eſt, quaſi mari terraque copiarum obſeſſis opitulatum mitterentur; ſi territi ea ſpecie aduerſarii deſi-  
 ſterent. Feſtinarunt noſtri cognito obſeſſos annonæ inopiæ laborare ſuprema. Semenariam promota caſtra. Obenignus Terranouæ ſuburbiiſ relictis ad vicinos pagos abſceſ-  
 ſit. Sic Andradius ſoluta obſidione ſatis ſe profeciſſe ratus Semenariæ cum copiis ſubſti-  
 tit. Noui eo milites confluxere ac imprimis Benauidius, Antonius Leuia, Gonſalvus Da-  
 uialis, Hugo & Ioannes Cardonii, quiſque cum ſua peculiari manu operæpretium factu-  
 ri. Ex iis omnibus idoneo exercitu quamuis conſlato, Melitum tamen redire deſtinantes,  
 Hugo ne pulcherrimam occaſionem, quæ momento præteruolat, ignauia prætermitte-  
 rent hoſtis delendi auctor erat. Prudentes duces oblatam opportunitatem auide arripe-  
 re, neque inuili cautione certam victoriæ ſpem corrumpere: cuius negligentia eſt veſti-  
 30 gio ſera pœnitentia ſubſequatur. Cunctatione rem Gallicam creſcere, aduentare auxi-  
 lia vndique: nec collectitium militem, ſed veterem & aſſuetum armis. Excusauit tamen  
 Andradius prælii committendi denegatam expreſſe facultatem. Quod voluntate tamen  
 facere reſuſauit, caſus paulo in neceſſitatem vertit. Obiit interim Portocarrerius. Cor-  
 pus Meſſanæ in æde maxima amplo funere tumulatum exaduerſum Alſonſi Neapolita-  
 ni Regis eo loco ſepulti. Eius obitu inter duces nonnulla diſceptatio extitit, quis deſuncti  
 in locum cæteris omnibus imperaret. In ſuis meritis æſtimandis nimium ſibi fauet ambi-  
 tio mortalium. Arbitrio Proregis Siculi controuerſiam finire placuit. Ille deſuncti volun-  
 tatem ſecutus denuo Andradium ſummum ducem nominauit. Cardoniſ fratrib. ea no-  
 minatio moleſta accidit imprimis: neque moderari linguam viri alioqui modeſti, nimis  
 40 molliter pati dolorem; exiguo vſu iuuenem præferri ſibi neque generis nobilitate præſtan-  
 tem, & minori multo armorum vſu, nulla gloria militari. Vicit tamen in generoſis animis  
 dolorem de ſuo Rege benemerendi voluntas, officiique ratio, vt cum cæteris conſentiret.  
 Ardebant Hiſpani cupiditate cum hoſtibus iuſto prælio conſigendi. Vtraque caſtra vi-  
 cina erāt, modico dirempta interuallo. Non minus ſe pugnae cupidum Obenignus oſten-  
 dere memor ſuæ dignitatis & Gallicæ gloriæ. Miſſo tubicine aduerſarios prouocat ad cer-  
 tamen. Excusauit Andradius accepti mādati memor. Metum interpretatus hoſtis & quo-  
 niam Hiſpanos milites ægre ferre cognouerat ſtipendia non ſolui, in ſuperbiā elatus Ro-  
 ſano & Gioia eductis copiis propius Hiſpanorum ſtatiua promouit caſtra; ne dubitauit  
 quidem ſe in Semenariæ conſpectum dare. Vadato flumine longius æquo per eam plani-  
 50 ciem proceſſit magna Hiſpanorum ignominia probroque. Calæcos paulo ante tumultu-  
 antes quoniam ſtipendia nō ſoluebantur, breui duces placarant gemmis priuatim ac re-  
 liquo cultu diuenditis, pretioque inter milites diſtributo. In gallico exercitu trecenti gra-  
 uis, ſexcenti leuis armaturæ equites erant, mille & quingenti pedites, ſupra tria millia vi-  
 cāni numerus magis quam robur. Hiſpanorum copiarum competenti inſtructæ ordine Se-  
 menariæ egreſſæ octingenti equites pedites ad quatuor millia exultanti hoſti proceſſere  
 obuiam certa pugnandi voluntate. Detrectato Obenignus contra opinionem certamine  
 gioiā copias reduxit. Inſtitere eſt veſtigio aduerſarii oppidum impugnare, aut ſi Gallus in  
 aciem prodiret, ſigna conferre deſtinantes, certe percuſſos virgere, quoniam metus con-  
 feſſionē expreſſerāt. Leuia fuere certamina haud memorabili in alterutrā partē euentū.



Irritatis tantum animis sibiq; fidentes vtriq; ad vndecimum Kalen. Maii, qui dies Veneris fuit, quasi ex composito atque antecondito copias in aciem produxere. Obenignus suos ad pugnam inflammabat, ad memoriam reuocata victoria quam iis locis se duce annis superioribus obtinuerant de Ferdinando Rege Neapolitano Gonsaluoque. Qui numerosum exercitum & validum iis ductoribus, milites, virtute profligastis; quantumque Gallica gens aliis nationibus præster vigore animorum, scientiaque pugnandi, documento fuistis: an æquum videatur paucos inermes, seminudos Hispanos, neque satis inter se consentientes metuere? laudi & gloriæ partæ imponere maculam? Auertat numina tantum nefas, neque patimini milites dedecus graue morte ipsa & sanguine procurandum. Is in pugna potius animus esto, qui victoribus esse debet, excelsus & magnus. Ergo in hostes impetum date memores nobilitatis vestræ, memores gloriæ & nominis Gallici. Hæc Obenignus dixit. Agmina per planiciem progrediebantur. Pars vtrique auerso sole inchoare pugnam satagebat, ne eius radiis oculorum acies obtunderetur scilicet. Hispani hac mente paulo superius traicere fluuium. Galli metum fugamque interpretati perturbatis ordinibus in pugnam inuadunt. Neque magis ex disciplina tormentis globos displo-  
dunt nullo fructu nullo hostiū detrimento, non minus fortuna Hispanis sæpe in hoc bello quam ratio affuit. Hispanæ acies in hunc modum instructæ erant. Leuum cornu tenebant. Hispani pedites Italique, dextrum equites expediti, mediam aciem cataphracti. Ab his ea impressio facta est quæ Gallos fere omnes infensis auulsos hastis ex equis deturbauerunt. Secundum Gallorum agmen, vbi pedites curabant, eo spectaculo territi ne tentata quidem pugna verterent terga. Nostri fugientibus insistere vsque ad Gioiæ portas, quo se maior pars ex fuga receperunt. Capti pleriq; omnes Galli duces. Intra Gioiam Honoratus & Alfonsus Sanseuerini, hic patruelis ille frater Bisiniani, deditionem compulsi fecerunt. Obenigni fortuna eadem fuit. Intra Angiti arcem, quo se receperat, impugnatus acerrime in victorum potestatem viuis venit. eius captiuitate nihil de victoriæ gloria aut communi Hispanorum lætitia diminutum, si hostis maxime infensus & importunus fuga euassisset. Victoria in paucis ea ætate celebris fregit gallorum animos. Brutii & magna græcia vniuersa momento temporis ad Hispanos inclinauerunt, eiusq; imperii iugum volentes nolentes susceperunt. Nihil præterea deditis grauius imperatum.

*Magnum ad Ciriniolam prælium.*

CAPVT XXI.

**A**Nnonæ difficultate anxius consalui animus in diuersa & contraria trahebatur. Tribus amplius diebus iis locis sustentare non licebat: neque facultas ostendebatur aliunde rei frumentariæ. Ne eo tractu oppida ad hostes auerteret verebatur scilicet, famis malum cunctos ex æquo premens. Hostes ad pugnam elicere fore optimum visum est: vnoque prælio si minus victoria certe morte ex iis difficultatibus euadere. Eo consilio Ciriniolam, seu Gerionem mauis, ducere oppidum haud satis firmum, sed multis in arce militibus præfidiariis munitum: quod caput erat à Gallicis castris sed modo passuum millibus positum. Ex eo pugnae copiam fore suspicabatur; impugnati in oculis oppidi ignominiam Gallos non laturos. Sub discessum equitibus geminos aureos per capita distribuit, peditibus aureum dimidiatum, exiguum inopiæ leuamen. Sed tanta inerat pugnandi cupiditas, tantus animorum ardor, vt debita multorum mensuræ stipendia nemo flagitaret, nulla seditiosa vox audiretur totis castris. Die primo sub Cannis clade olim Romanorum nobili vico secundum Aufidi fluminis ripam Hispani constiterunt. Aberant hostium castra tribus modo passuum millibus. Cum luce proxima instituto itinere Ciriniolam pergere porro instructa acie propter hostium propinquitatem. Fabricius Columna & Ludouicus Ferrera cum præcursoribus præcedebant. In prima acie Dièghus Mendoza curabat duobus Hispanorum peditum millibus attributis ferox. Medium agmen Dux Termenstinus ducebat ducentis cataphractis & duobus aliis Hispanorum peditum millibus constans. Cum Germanis cataphractis aliquanto numero, & leuis armaturæ equitibus in postrema acie substitit. Magnus Gonsalvus vim hostium, si à tergo premerent, propulsare paratus. Regio arida erat imprimis, diei æstus maximus, longius opinione iter. Militum defatigatio tanta, vt firi è cataphractis nonnulli exanimati perierint repente vi ardoris interclusa anima, è Germanis item non pauci Hispanisque peditibus. Cognita Galli nostrorum lassitudine angustiam alienam suam occasionem facere destinantes hærare in terga ac vero vniuerso prælio dimicare statuerunt. Eo consilio ex statuiis egressi quingenti grauis armaturæ equites, leuis ad duo millia erant, quatuor millia qua Heluetii qua Vascones ex Gallia. Acies hoc ordine instructæ. Salernitanus in prima acie ducentos cataphractos ductabat pedites bis mille. Postremum agmen Amalfitano tributum est: in quo equitum turma erat, mille vicani



vicani prouinciales paucissimi Vasconum numeri. Cum reliquis copiis mediam aciem obtinebat Namursius in scius nimirum ad exitium festinare. Nostri peditatu superiores erant, nisi sitis & estus fatigarent. Hostium equitatus potior videbatur armis equisque validior. Ad hunc modum instructis ordinibus Galli postremum nostrorum agmen la- cessere, instare atque urgere locis omnibus nullo ad respirandum spatio dato. Nostris cum molestia itineris & cum hostibus luctandum erat. Fessi estu passim sternunt corpora & infrequentia relinquunt signa. Ciriniolam ubi castra munita nostri habebant, peruenire nisi amissis impedimentis, magnaue peditum clade fas non erat, multis toto itinere ad terram proiectis praesiti aestuque. In iis angustiis Gonsaluus nihil perturbatus, ingens animus, equitibus mandat ut equorum clunibus pedites exciperent, qui maxime laborarent, exemplo ipse excitat alios, potum quin etiam deficientibus porrigit propria nonnunquam manu. Ducis constantia caeteri animati ad castrorum tandem locum peruenere. Nulla eatenus insignis accepta clades. Dies in noctem praecipitabat vix duabus horis reliquis ad solis occasum. Cum se Gallicus equitatus prope ostendit, integris formidabilis, quid estu, siti, labore debilitatis? Ex metu audacia orta est. Intra munimenta acies momento instructa certa pugnandi voluntate. Ad circumfusas legiones priusquam pugnae signum daretur, Gonsaluus hac sententia orationem habuit. Militaris gloria, viri nobiles, ex victis paratur hostibus. Victoria sine labore & periculo non contingat. Molestiis multis & magnis assuetos an mutare aequum sit? Suscepti antea laboris & miseriae fructus vberimus ostentatur. Adeste milites animis, omnis faceat ignavia. Causa, quam tuemur, aequitate, si maxime viribus hostes vincerent, de victoria tamen non differem. Nunc rebus omnibus praestatis numero, scientia pugnandi, animorum vigore, vincendi consuetudine. Galli quid aliud quam praeda victoribus? & tamen quod roboris sit, Itali nobiscum palam aut voto stant. Auide deposcebatis hostem: an pugnandi necessitudine iniecta cessatis, exhorretis certamen? Tantam superi ignominiam auertere. Hic dies, si viri estis, diuturnis molestiis finem afferet. In dextris opes, gloriam, superioris temporis fructum, instantis laetitiam, futuri felicitatem portatis. His dictis pugnae signum datur. Namursius propter diei tempus in proximam lucem sustentare voluit. Iuo Alegrius ut continuo pugnaretur euicit ferox rapidusque in consiliis ac lingua immodicus. Blanditur sibi humanus saepe concepta temere spe. Victus ea importunitate Namursius, Huc, inquit, arma puer. Quam vereor ne hic noster incitator maiorem in equi pedibus spem, quam in dextra ponat. Praesagium vanum non fuit. Tredecim ab utraque parte tormenta maiora erant. Disposita prius Gallica maiori fragore quam commodo. Hispanica late stragem quippe ex superiori loco librata in Gallorum agmine fecerunt. Verum ne maior esset clades Itali militis errore factum est: qui victos Hispanos imprudentia ratus pulueris sulphurei cados duobus curribus gestatos raptim incendit. Magna militum turbatio fuit. Latissime diffusa flamma plerique putarunt Hispanorum res esse perditas. In eo discrimine Gonsaluus praesenti animo hilari facie ad circumstantes. Bono, inquit, estote animo, datur caelo clara victoria, praeclearum flamma omen quasi incensis ad eam celebrandam facibus. Namursius clade incitatus, quam nostra tormenta intulerat, sine mora in aduersarios incurrit, cum octingentis cataphractis. Hispanorum pedites in fronte erant dispositi, grauis armaturae equites ab utroque latere, obiecta fossa. Quae res Gallos equites fefellit non satis discusso tormentarii pulueris fumo, qui velut atranebula celum absconderat, coegitque nullo operae pretio retro se in gyrum referre. Nullum in conflictu leue peccatum est. Exiguae saepe offensiones reliqua in praecipua trahunt. Receptus multis equitibus exitium attulit. Germani milites ex propinquo plumbeis eiacularis igne globis multos ex Gallico equitatu prostrarunt ipsumque adeo summum ducem. Sequebantur cataphractis proximi Heluetii & Vascones in hos ex munimentis egressi Hispani pedites eum impetum tulerunt: cui pares hostes non fuerunt, cessi fusique passim. Salernitanus & Amalitanus, qui eo die in postrema acie curabant, promouerunt agmina si turbatis suis praesidio essent. Occurrit magnus Gonsaluus qua virtute quoque vigore erat solitus. Singuli in sui ducis oculis strenue pugnabant, ne ignatis quidem cessandi locum daret. Omnibus partibus sternebantur Gallicae copiae cedere promiscua, multum locis omnibus effunditur sanguinis. Hispano urgente breui fusa hostium agmina haerent in terga victores, insequunturque victos cum magna fugientium strage usque ad castra sex millibus diffusa. Quae & ipsa momento temporis capta sunt cum epulis ad coenam paratis opipare, quibus Hispani opus habebant, continuo eius diei labore fracti, & annonae ante penuria pressi. Copiosa spolia fuere aurum, argentum, multaque pretiosa vestis, scyphi sigillati, annuli gemmati, baccata monilia muliebrem cultum aemulantia.



Italię opes rapinis longo tempore accumulatę. Cędes minor quam pro victoria. nox & vicinę sylvę effugium percussis pręstiterunt. Pugna hęc nobilissima ad quartum kalendas Maii commissa est die Veneris. Cecidit inter alios in primo incurſu Namurſius ipſe dux; quem Gonſaluus Barlettę ad D. Franciſci inſigni funere ſepeliri curavit, honos extincto debitus leue ſuperſtitibus ſolamen. Cecidere item Morconis Comes, Chandiufque Heluetiis pręfectus cum omnibus fere eius gentis centurionibus. Salernitanus Amalfitanusque & Lochiti Marchio acceptis in pugna vulneribus euafere tamen fuga: Alegrius quoque, vti Namurſius erat vaticinatus. Metus pudore potentior. Gallica tormenta capta omnia & pleraque militaria ſigna. Quieuerunt ea nocte victores læti exultantesque. Die proximo Ciriniola portas aperuit pręſidio ſe dedente ad victoris arbitrium. Idem trecenti milites fecerunt, qui ex fuga eius oppidi arcem tenuerant. Canuſium item infulas & velamenta ſupplicum prętendit inſignibus diſtincta Hiſpanicis. Pręcipuam in ea pugna laudem omnium conſeſſione tulerunt Hiſpani pedites; nam Germani pręter grandinem globorum in cataphractos Gallos intio eiaculatam, in nullo deinde uſu fuerunt, alienę pugnę ſpectatores otioſi. Ante omnes ex Italis Dux Termenſtinus excelluit. Ex Hiſpanis Dieghus Mendoza, de quo magnus Gonſaluus, eod die, inquit, operatum vt ſuorum auorum ex ſanguine. Cęſis ſepultura data. inuentum ę Gallorum copiis tria millia & trecentos cecidiſſe nihilominus. Ex Hiſpanis in pugna nouem tantum deſideratos, neque vllum magni nominis. Plures in itinere ſitis extinxit. Mille quin etiam & quingenti ad aquã in puteis quibuſdam forte repertam ſine mente fuſi ac ſine vlllo ſenſu iacentes ad ordines vt redirent, adduci nulla arte potuerunt.

Quo ambiguo magis euentu pugnantibus inter ſe vtriſque copiis, lætior victoria inſigniorque extitit, victoribus fructus & gloria maior.

*Libri vigefimi ſeptimi Finis.*

# IO. MARIANÆ HISPANIÆ E SOCIETATE IESV, HISTORIÆ DE REBUS HISPANIÆ,

LIBER XXVIII.

*Vrbs Neapolis Hiſpano deditur.* CAPVT I.



**D**ATA ad Ciriniolam victoria magna rerum immutatio facta est: ac fere yniuerſa prouincia ad victores inclinauit. Magnus Gonſaluus neq; victoria ſocors neq; inſolens factus haudquaquam remittere animum gnarus rebus ſecundis ſecuritatem ſuccedere: ex ea ruina ſæpe infelicitatemque. Proſpera difficilius quam aduerſa tolerari. Ventis à puppi flantibus vigilantibus gubernatore opus eſſe, neq; laborem curamq; remittēti, priuſquam conſecta nauigatione in optatū portum nauim incolumem inferat. Eo amplius excitandam diligentiam ac fortunę inſtandū iudicare, quod die poſtero partę ad Semenariã victorię captiq; Obenigni nuncium accepit, ſerius quidem aliquanto quam fuiſſet opus, quoniam ſe Ferdinandus Andradius Gonſalui imperio immunem exemptumq; ferebat, quippe Portocarrerii ſucceſſor. Quod dignitatis memor, oſor inſolentię Gonſaluus tulit agerrime: atq; ita vt per litteras reditus in Hiſpaniã peteret à Rege facultatem. Sibi Andradium poteſtate exæquari non paſſurū. imperii conditionem natura incōmunicabilem. Breui tamē venere mandata Andrudio vt deſiſteret, Gonſaluo vti eius opera ad reliquam prouinciã ſubigendam bellum conſiciendum vteretur: alæ cataphractorum pręficeret. Sic intempeſtiuę contentioni finis eſt impoſitus, & ad belli tamē reliquias ex ſententia finiēdas geminę victorię fama multū contulit: ex qua ſæpe bellorum ſucceſſus pendent. Proceres quoq; vt quiſque gratia & aucto-



auctoritate valebat plurimum. in varias partes dimissi Gallico studio rebelles docuerunt temeritatem fore exitialem, suo quemque furere malo, inanem sine viribus fore contumaciam. Ita breui Caputinata & Lucania ferme vniuersa sub imperium Hispanicum adiunctæ sunt. Multa quinetiam oppida & procures in Salernitano principatu in partes palam transierunt eadem fide consecrantes Hispanum, qua fauerant Gallos. Eorum, qui è prælio euaserunt fuga, plerique in Campaniâ concessere, Caietæ munitissimæ urbis præsidio sustentare destinantes, dum auxilia è Gallia aduenirent, & cætera bello instaurando necessaria, de reliquis urbibus diffusi. Insecutus iisdem vestigiis cum numero equitum Petrus Pacius, effecit, ut Capua non deuia sublati Hispanicis vexillis victoris fortunâ sequeretur, & ut esset transitionis pretium, eorū ciuiū parte ad reliquam copiam adiuncta Galli cataphracti quinquaginta, quos nancisci potuerunt priusquam Caietam tenerent, obruncati omnes sunt. Lochiti Marchio cum primum domum appulit, redacta quantam potuit ex re familiari pecunia, curatisque vulneribus in pugna acceptis cum vxore Romanam abiit ad auunculum Senensem Cardinalem in exilio toleraturus, dum melior spes affulgeret. Alii se procures in varias vrbes receperunt: ac nominatim Alegrius & Salernitanus Amalfim initio tenuerunt: verum oppidi munitione parū confisi, inde die proximo Neapolim festinarunt. Montelæ Comes, per cuius ditionem iter erat, victoribus fidem approbare cupiens euntes male mulctauit ex quingentis equitibus, quos secum ducebant, ducentis amplius quā cæsis quā captis. Ludouicus Arsius ex fuga

10 Venusiam petiit oppidi arce confusus sustentare posse, quæ erat firmissima. Locus propinquus. Itā cum copiis Gonsaluus actutum accurrit facturum operæpretium priusquā ducibus auctoritas militi fiducia rediret metu sedato. Ad Leonisam posuit castra oppidum Venusiæ & Amalfi finitimum. cum Amalfitano principe actum de deditione. Conuenit tandem, uti Amalfim victori traderet, in alio quopiam principatus oppido sustentare liberum esset, dum à Rege Catholico in gratiam reciperetur, iis legibus, quas inter se sanxerant, superiores offensas melioribus officiis compensaturus. Sic ille pollicebatur, tametsi suspicio erat pro ingenii varietate, quorsum res Gallicæ euaderet, expectare etiā velle, ex euentu cōsiliū sumere, quippe Gallicis studiis inueteratus. Fabricius Columna, populiq; & Montorii Comites in Aprutium ire iussi sunt amicæ factioni præsidium, terror

30 aduersariis, omnibus auctores uti Gallicæ amicitie præferrent Hispanicam. Villamarino maris præfecto cum triremibus aliisque nauibus, quascumque posset contrahere, Neapolim versus nauigare mandatum est, quo Gonsaluus festinare decreuerat. Itā consilio ipsum regni caput petendi prudenter suscepto, Beneuentum cum copiis abiit, inde Gaudelum. Ex eo oppido litteras ad Neapolitanos dedit insigni molestia humanitateque. Omnia benignitatis & comitatis à se officia expectarent. Modo per ipsos liceret, daturum operam ut omnis militaris vis, omnis insolentia ab eorum finibus amoueretur. Incruentam immunemque à malis nobilissimam urbem conseruare, id vero votorum summam esse. Materæ Comes & senatus princeps urbe egressi de fœdere agere cæperunt. Eorū diligentia conscriptæ honestæ conditiones, atque urbs dedita est magno militum dolore, qui præ-

40 dam ex capta maluissent. Interea Venetiæ regulus urbis in Armonicis sitæ idē minor Labreti filius, cognita Galbrum clade Valentini Ducis, cui aduersus Vrsinos in agro Romano militabat, consensu, cum ducentis equitibus, peditum aliquanto numero Neapolim abiit rebus inclinatis subsidio futurus, Gallorum copiis adiunctus quæ ex Apulia, Brutiis Aprutioque confluentibus gentis reliquiis ad Lirim amnem statiuā habebant, neque numero valide neque animis. Iis ne se commiouerent, quadringenti à Gonsaluo grauis armaturæ equites Capuam ad Sueßam obiecti erant. Nunc reliquas copias eo mittere decretum erat, mille modo retentis militibus, quem numerū arcibus Neapolitanis impugnantis idoneum fore existimabat. Restitere Hispani in spem erecti Neapolis diripiendæ si qua se occasio daret. Facto species prætenta Gonsaluus pollicitum Neapoli debita stipendia daturum: ut se amplius ludibrio haberet, non passuros. Motus militaris instar torrentis inflati est, obuia subuertit. Commotæ multitudini tantisper cedendum iudicans Gonsaluus Hispanos pedites secum Neapolim ducere commutato consilio edixit, equitibus modo & germanis cohortibus iussu Sueßam præcedere propediem iisdem vestigiis secuturum. Pacato ad hunc modum militari tumultu Neapolim est inuectus ad septimum decimum kalendas Iunii triumpho persimili specie. Præibant Hispani milites sublati Hispanicæ vexillis feroces in suas turmas distributi visendo ordine, vestium pretio cultuque certantes. Procures, urbanaque nobilitas processit obuiam læto cultu vniuersi. Populus per agros & vias cum filiis & coniugibus effusus plausu & vocibus faustis personare. Sacerdotes cum infulis intrantem ac diu ipsi prope exciti sedibus suis exce-



perunt. Fortissimi ducis habitum vultumque cuncti cum admiratione notare: victos fusosque toties hostes sine fine prædicare: victorias præsentibus cū superioribus comparare Ferdinando & Friderico Neapolitanis Regibus eo adiutore & ductore partis: de cælo lapsum videri maiorem conditione mortali. Pompa per plateas ducta, quibus Reges procedere moris erat cum regium insigne infulasque susceperet, neque minori apparatu plausuque. Parietes peristromata vestiebant auro purpuraque fulgentia, pavimentum floribus stratum, odorum ubique suauitas: vrbe vniuersa gratulatio festaque lætitia. Ii etiam, qui Gallicis partibus studuerant præ aliis, vultu, qui maxime simulationi seruit, ad lætitiā composito, obsequii promptitudine cæteros superare certabant, nouis officiis offensas priores inducere. Vrbs Neapolis, vnde vniuerso regno nomen, inter præcipuas Italiæ ciuitates numeratur copiis, amplitudine, numero ciuium & cultu, amœnitatis maritimæ terrestrisque cōmodis. Ad inferi maris littus sita in montis latere septentriones inter & ortum sensim assurgentis. Plateæ insigni longitudine ad lineam directæ magnificis ædificiis regiarum adinstar distinctæ. prouinciæ procures magno numero in ea vrbe assueti maiorem anni partem traducere, certatim magnifica palatia construunt structuræ genere superbo præcipua Salernitani Principis Grauinæque ducis. Sic factum vt nulla in vrbe plures procures Comites Marchiones ducesque quam Neapoli numerentur. Cæli temperies inuitat. fertilissimus ager late spatiantibus campis ferendis frugibus & vineis & alendo pecori bonus, affluensque rerum omnium copia, horti irrigui præcipua gratia, quorum ex omni parte magnus numerus est in quincuncem dispositis arboribus, herbarumque omne genus confitis areis viridantes insigni amœnitate. Vniuersa ciuitas in quinque regiones tribuitur publicæ in singulis domus, quas sedes vocant conuentibus ciuium seruientes de republica statis temporibus consultantium deque annonæ copia. Templâ, monasteria, Xenodochia numerosa præcipuaque tota vrbe visuntur magnifico singula structuræ genere: in quibus quod ab Annuntiata Virgine nomen præfert pauperibus destinata domus maxime celebratur, quippe indies corrogata stipe supra quinquaginta millia aureorum expensa fert quotannis. Mœnia firma cingunt urbem distincta ex ordine turribus aspectu minacia, quatuorque nihilominus munita arcibus. In quibus principem locum obtinet, quod vulgo Castellum nouum vocatur, latum spatiis, munitum operibus prope molem in mare magnis cæmentis iactam portus adinstar. Ad septentriones Porta Capuana posita est olim firmissima arx, nunc regis iudiciis & tribunalibus designata sedes. Castellum ab Ovo rupi est impositum angustum quidem spatiis sed mari omni ex parte circumfluo inaccessum. Postremo quæ à sancto Anhelmo nomen habet arx cæteris eminet, nouis hodie operibus munita præcipua elegantia. Ex his arcibus duæ in Gallarum potestate manebant dedita quamuis vrbe Castellum Nouum tum ab Ovo dictum. Et hoc quidem natura loci munitum à paucis militibus tenebatur, Castellum Nouum quingenti Galli nihilominus tuebantur: Gonsalvus peracta pompa continuo adiuncto Ioanne Clauerio aliisque nobilibus arcium earum situm cōsideraturus domo processit, qua parte admoueri opera & impugnari possent. Neque mora Castello Nouo vis admota. tormentorum ictibus quassati muri: actis cuniculis subruti. Propugnabant obsessi pro extrema spe strenue dimicantes ex omni Gallia lecta pubes. Cum classe Villamarinus septimo die post Gonsaluum ad eā urbem appulsus, in ancoris stetit commeatum ne ad obsessos inferretur prohibere contendens. Inter hæc Romæ Pontifex pridie kalendas Iunii nouis Cardinalibus senatum suppleuit. Atque nouem quos vna creatione donauit purpura, quinque omnino Valentini homines erant, pro virtutibus cōmunis patriæ. Ab Hispanis obsessi intra arces Galli premebantur mari terraque: ac post varios incurfus vi tandem capta arx atque à militibus direpta est pridie Idus Iunii. Ioannes Pelagius Berrius ciuis Giennensis idem è familia Gonsalui primus irrupit. id vero propius: tametsi multi deinde eam sibi laudem arrogarunt, torpor quidam aduersarios occupauit ni supremo conatu irrumpentibus resisterent. Impugnata arcis præcipua laus penes duos duces stetit. Petrum Nauarrū agendi ex arce cuniculos dexteritate mirabili, & Numium Ocampum cui nauaræ operæ merces fuit captae arcis præfectura. ne alii quidem sua laude præmiis fraudati. Inter alios vinctos in ea arce repertus est Hugo Rugerius Palladius Comes Regi Catholico & Ioanni eius patri supra quadraginta annos rebellis infensusque. Is in Hispaniam missus Sedabi in agro Valentino lege maiestatis vinculorum & vitæ eundem finem habuit. Gallicæ & Genuenses naues Caieta opitulatum missæ fuerant obsessis Neapoli arcibus serum rebus perditis auxilium: tametsi obsidio supra vnum & viginti dies tenuerat. Maior terror à Gallica classe instabat, quinque triremes, sex onerarias, minora nauigia multo plura aduentare fama erat, in vindictam



dictam ardenti studio, quando tueri arces integrum non fuerat. Villamarinus ut par esset tanto apparatui veritus in A Enarię portum suam intulit classem. Ea obiecta munitione hostilis classis impetum elusit ad impugnandum festinantis. In quo Vasti Marchionis in ea insula usque dum morantis fides & virtus enituit vna maxime, tum classe tum vniuersa insula egregie defensa. Oui castellum supererat quod dum caperetur Gonsaluo expectare longum erat. Ergo ea cura Petto Nauarro & Numio Ocampo demandata ex vrbe discessit. Illi in proximo littore tormentis dispositis, cymbis arci succedunt. Coniectos superius ignes & lapides ab obsessis coria, quib. tegebantur cymbæ; respuebant, tormentorum vsum propinquitas ademerat. Vectibus perforata rupe & sulphurei pulueris cadis iniecto igne euerſa turris est, tormentis è terra maior præsidii pars cæsa. Viginti, qui supererant, vnam salutem pacti dederunt arces solennia verba nuncuparunt. Captę arcis custodia Lupo Arriarano concredita est impigro viro in reliqua vita, sed & in ea obsidione industriæ & virtutis notæ. Sic vrbs Neapolis vniuersa nulla eius parte à Gallis retenta in Hispanorum potestatem venit magna in præſenti lætitia, maiori in futurum spe. A Fabricio quoque Columna septingentorum militum ope, quos Roma Franciscus Røgius subsidio miserat, Aquila vrbs vi capta est in Pelignis Aprutii caput atque eo exemplo metuque reliqua prouincia mox victoribus cessit. Fracassus Sanſeuerinus & Hieronymus Golioſus Andegauenſium in ciuitate princeps euaserunt in Pontificiæ ditionis proximos fines dilapſi fuga felici, quippe hostis aduersus pericula ferox vigiliis parum erat intentus.

## Caietæ obsidio. CAPVT II.

**D**iscessit Neapoli Gonsaluus ad quartum decimum kalendas Iulii Germani fanum versus, Gallis obsistere cogitans ultra Lirim statua habentibus neque magna neque nulla spe pristinæ fortunæ: simul oppida quedam eo tractu subigere cupiebat Gallicarum profecto partium. Atellam seu Auerſam ex itinere Capuamque ciuium rogatu adiit. Omnibus officiis venientem colere Hispano nomini quantopere essent addicti ostendere ciues cupiebant scilicet ex animo an tempori seruiantes. Sed maiora tamen, quam erant polliciti præstiterunt susceptæ beneuolentiæ argumenta. Garſias Paredius & Christophorus Zamudius eximii copiarum ductores cum mille & quingentis militibus præmissi sancti Germani oppidum arcemque impugnare pergebant. Aduentu Gonsalui incolæ deditionem fecere. Cassinatem arcem locis finitimam obtinens Petrus Mediceus cum valida Gallorum manu obsessis opitulari ausus non est. quin desperata defensione, si eo Hispani ire pergerent raptim profectus tuendi oppidi & monasterii celeberrimi famam curam ducentis militibus reliquit. Illi Hispanis Gonsaluoque vim veriti intra dies duodecim eam arcem tradituros, nisi à Gallis idonea eo spatio auxilia venirent sunt polliciti longum erat tandiu assidere obsessis. Ita illi violata pactione tantisper in Gallica fide perſistere. Alia parte à Magno Gonsaluo Roca guillelma, & Traiectum Liri præterfluente oppidum; aliæque circum arces ad ditionem subiunctæ sunt: præterea Castellonium & Mola Caietæ vicina oppida, quorum alterum Ciceronis Formianum fuisse olim eruditi persuadent. Caietæ supererat & sua munitione vrbs & militum numero expugnata plane difficilis. Sed nihil est virtuti constantique inaccessum. Ad eam Gonsaluus ipsis kalendis Iulii copias admouit positis iuxta castris impugnaturus scilicet. Ea vrbs circulo ferme vniuersa alluitur mari, eoque firmissima vno tantum à terra aditu angusto atque arduo relicto. Mons Orlandus imminet vrbis edificiis arduus item ascensu & gallicis in eo tormentis constitutis ignes obsidentibus exitiales euomebat, propius ut accedere sine periculo non liceret. Quatuor millia & quingenti intus milites erant: in hoc numero equites mille quingenti qui ex omnibus partibus ad sustentandum extremam spem eo confluxerant, si qua se via daret recuperandi opes amissas. Quod præcipuum erat, maris imperiū tenebāt Hispanica classe gallicę impari. Sic neque auxiliis obsessi neque comæatu prohiberi poterant. Villamarinus quidē ad ea littora cū triremibus accurrit, si existeret occasio rei bene gerendæ, sed viribus impar parū profecit. Gonsaluus bellica maiora tormenta, quę Neapoli reliquerat, deuehi iussit. Orlandi montem impugnare votum erat, unde in subiecta nostrorum castra, ex propinquo apertoque displodebantur globi cum multorum sæpe strage miserabili. Periit in eo numero Hugo Cardonius dux impiger, neque nobilitate maior quam scientia pugnandi. Annona angustia obsessos premebat, farinæ maxima nullis molis frumentariis. Ad octauum Idus Augusti commeatus affatim mille & quingentos auxiliares milites duæ



onerariæ, rostratæ maiores quatuor intulerunt, præterea triremes aliquot quibus Salus  
 eius Marchio vehebatur in locum Namursii summus copiarum à Gallo dux designatus.  
 Ingens obsessis gaudium, neque levis spes posserem Gallicam iis opibus restitui. Ita  
 displois eodem die ex Orlando monte tormentis Rabastenus Germanorum tribunus  
 globo haudquaquam in spem tantæ rei misso perit. Nouo incommodo inductus Gon-  
 saluus die postero copias Castellonium reduxit amæno salubrique cælo oppidum, atque  
 extra globi iactum. Multis diebus consumptis nullum tamen operæ pretium extitit. ne-  
 que enim urbem inuadere licebat, quamuis magna muri parte ab Hispanicis tormentis  
 strata: quoniam obsessi diruta magna diligentia munierant. Neque præfidiarii erum-  
 pebant ad conferendum manus. Quo die tamen nostræ copię reducebantur Castello- 10  
 nium duo millia & quingenti milites portis egressi postremum discedentium agmen  
 carpere, ubi Germani erant. Cessere illi sensim, astu Gallos ex angustis locis in apertum  
 pellicere cupientes. In delusos fraude exultantesque quadringenti Hispani repente  
 conuersi eo impetu, quem illi non tulerunt, tergis fugientium hæserunt, neque cesserunt  
 priusquam ad Caietæ portas ventum est. ducentos è Gallorum numero in fuga cæsos  
 Hispani victores in reditu nullo prohibente spoliarunt armis indumentisque. Caietæ  
 obsidio ducebatur: simul vtrique gens in bellicos apparatus vndique conquirendos pro  
 virili districta erat. Ac præsertim à Rege Gallo Caietanis auxilia decreta Tramullio  
 duce, sexcenti cataphracti equites, Heluetii ad octo millia, præter Gallorum millia  
 quatuor mari ad varios Liguriæ & Hetruriæ portus appulsa. Parma vrbs designata, quo  
 copię omnes conuenirent. Ferrariæ dux, Mantuanus Marchio, alique Itali proce-  
 res præsto fuerunt in studium rei Gallicæ subleuandæ vehementer inflammati. Regii 20  
 præterea in Gallia Scrinii magister Ambianensisque Præfectus, qui prælio ad Cirinio-  
 lam facto interfuit Caietæ Romam profecti expeditionem vrgere non cessabant belli  
 duces vt festinarent vrgentes. Mantuano persuadere plerique nitebantur, vt Tramul-  
 lio socius eius belli curam susciperet. Abnuere is initio Laurentii Suarii diligentia &  
 auctoritate cautior: qui Mantuano per litteras & Venetis assiduus, vt Hispanorum po-  
 tius partes vtrique in eo discrimine palam amplecterentur; auctor erat incitatorque  
 priuatis id rationibus salutare fore vniuersæ Italiæ commodum si pro virili parte Galli-  
 cos spiritus frænarent. Cunctabantur Veneti, fluctuabat Mantuanus. Cognito ta-  
 men Tramullium valetudine impediri ne ulterius progrediretur, quasi riuali subla-  
 to regi Gallo obsequium detulit. E contrario à Rege Catholico sex triremes, & in iis 30  
 aliquanta pecunia in stipendium missæ duce eius classis Raymundo Cardonio. Sed  
 neque iis quamuis triremibus ad alias Hispanicas adiunctis vniuersa classis Gallicæ par  
 erat triginta maiora minoraque nauigia nihilominus numeranti. Gonsaluus item omni  
 ope Vrsinos Romæ factiosam familiam viris & armis validam in partes trahere satage-  
 bat. Conatus inanis non fuit. Gentis princeps Pitilianus Comes vltro offerebat, ho-  
 nestis modo conditionibus transiitione facta cum quadringentis equitibus in castra  
 venturum. Conuenit tandem pactione facta vt Bartholomæus Liuianus Vrsinorum  
 dux esset ardenti ingenio vir inquieto tamen, ipsaque fortunæ inter aduersa & prospera 40  
 consequenti tempore in bellis Italiæ, quibus interfuit alterantis varietate mirabilis, ma-  
 nu quam consilio melior. Vt Cæsar in Insubres irrueret Gallorum audacia frænanda a-  
 gebatur serio in bellicos sumptus ingenti oblata pecunia scilicet. Simul à Pontifice  
 contendebant rei Hispanicæ patrociniū susciperet eo tempore ad neutros aperte in-  
 clinante, memoria personæ quam gerebat, an ex euentu consilium sumpturus. Va-  
 lentini ingenium id erat, vt haud tuto eius constantiæ fideretur in omnes se partes ver-  
 tere soliti, vnde melior affulgeret spes nulla famæ nulla equitatis cura. Verum has o-  
 mnes molitiones Pontificis mors inopina disturbauit ad quintum decimum kalendas  
 Septembris subsecuta noxio veneno corruptis vitalibus; eo quod Valentinus in hortis  
 apud Hadrianum Cornetum Cardinalem cum Pontifice cænaturus diluerat in exitium 50  
 quorundam Cardinalium quos ad cænam inuitarat. Deus scelerum vindex quam para-  
 bat fraudem, in eius caput & exitium conuertit. Mutatis per imprudentiam à ministro  
 lagenis epotum auide propter æstus graues vinum medicatum, atque venis intimis dif-  
 fusum Pontificem & Hadrianum Cardinalem propter ætatem extinxit quamuis omni-  
 bus frustra tentatis remediis. Valentinus felicior iuuetæ vigore adiutus & opportunis  
 medicamentis euasit. recens exenteratæ mulæ vtero inclusum calor imprimis iuuisset fer-  
 tur. Morbus tamen ex eo diuturnus importunusque rationes eius vehementer affli-  
 xit, euerit male fundatas spes. Is exitus fuit Alexandri Pontificis paulo ante vniuer-  
 sum orbem terrentis, an verius morum prauitate & vitæ licentia offendentis, tutelam  
 care-



cæremoniæ gesserat annis vndecim. Multa de eius vita tum fama quæ nulli pareat, tum de scripto prodite sunt, vero an ex inuidia haud facile dixerim, omnia conficta temere fuisse non arbitror. Pontificis certe obitu multi ad nouas spes erecti, variæ molitiones extitere, in quibus maiorem fiduciam adipiscendi honoris supremi quam in virtutibus eo loco idoneis reposuere quidam. Sic erant tempora moresque. iisdem diebus in Heduis ad Matiseonem Fridericus Rex cum Gallo est collocutus. Benigne accepto restitutionis iniecta est spes. Eo maior quod à Rege Catholico eadem pacis faciendæ via tentabatur: verba pulchra rebus ad extremum vacua, collusio visa, & vterque princeps præuaricator. Sic miseris vbique deluditur. Friderici à commentariis Actius Syncrius Sanazarius insignis vates fuit exilii indiuiduus comes. Hic & Iouianus Pontanus superioribus Regibus Neapolitanis item à secretis multa in Alexandrum Pontificem fortassis supra verum effudere certe stomachi plena conuitia. Abs Rege Gallo Sanazarii ingenio & eruditioni multi honores habiti sunt: eoque agente exuli in patriam restituto bona post malum reddita sunt satis ampla, ne datam hero fidem falleret relictæ, eo indignior calamitate maloque.

*Salsula arx à Gallis obsessa.*

## CAPVT III.

20 **B**ellici terrores ex Gallia ostentati, atroxque tempestas imminere visa est. Copiis ex vniuerso Gallico imperio Narbonem confluentibus finitimi Ruscinonenses ne vexarentur belli flamma eo tractu excitata scilicet verebantur nostri. Ea cura Rex Catholicus Barcinonem accessit, ex propinquo, quæ bello defendendo necessaria erant comparatum. Simul ingenti delectu ex vniuerso imperio colligebat copias. Fridericus Albanus dux iis limitibus eum potestate præfectus. Non deerant qui consulerent, ut ultro Gallicis finibus illato bello hostiles conatus occuparet, ad tuendam nominis existimationem id maxime pertinere, si audaciæ & virium tantum suppetere crederetur, ut hostes ultro lacefferet. De Vasconibus non minor quam antea cura erat, iis Regibus nomini Gallico vehementer addictis, atque ita ut Regis eius minor frater Venetiæ in  
30 Armoricis regulus ad Neapolim Gallicas partes palam sequeretur, Lubrétum vtriusque patrem Aquitanie præficerent ad Hispaniæ nimirum limites ea parte inuadendos idoneum opibus & auctoritate. Ad hæc Lussæ regulus ex Gallia in Ansi vallem Aragoniæ ditionis partem irrumpere parabat: atque in ea Virduni arcem occupare: irrita molitio nisi per Vasconum fines Roncalensesque adeo daretur transitus. His suspicionibus detergendis ii Reges intenti Magdalenam filiam quasi fidei obsidem in aula Isabellæ Reginæ educandam dederant, uti est superius indicatum. Minoris iam pretii id pignus erat prole mascula nuper iis regibus nata in spem paterni regni, cui Henrico nomen fuit, vita molestis obnoxia, ac ne longæua quidem. Isabella  
40 Regina de bello sollicita Madriti, vbi morabatur, equitum Magistro, ducique Anagari mandauit ad ipsorum subditos propriosque milites adiunctis quingentis equitibus quos ipsa misit, ad Vasconum fines accederent. Ioannes item ribera ei limiti à superiori tempore præfectus nihil de sua comparatione omittere, certus ex Gallia imminere Hispaniæ finibus tempestatem. Vanæ superstitiones non fuerunt. Gallis enim infans delectu omnibus regni amplissimi viribus contractis in ruscinonenses irrumpere decreuit ferox oppidis, agris, hominibus vastitatē parans, Hispanos haud pares futuros ratus validis copiis in quibus viginti millia milites numerabatur, quatuor tyrones, quatuor veterani, præcipuū robur decem peditum millia, mille equites, numerus alii ad terrorem comparatus. Multi proceres aderant genere & factis nobilissimi. Militaris imperii ac  
50 totius expeditionis summa penes Britannia Marefcalum erat, qui Latine Castorum metator dicitur: Collectis iis copiis Augusti fine ad Palmam agri ruscinonensis pagum castra promouit. Eo in loco aliquot diebus consumptis dum vires omnes & impedimenta conueniunt ad Salsulas arcem progressi sunt per montes pedites, equites per plana, locis idoneis ex intervallo præsidia toto itinere relictæ, ne commeatu ex Gallia facultas ab Hispano interciperetur. Sabbatho ad sextum decimum kalendas Octobris ad Salsulas munierunt castra eam arcem impugnandi certa voluntate. Albanus Perpinianum vicinum municipium peruenerat mille expeditos, quingentos grauis armaturæ equites, pedites ad sex millia sub signis trahens. Quantulæ vires ex erant cū Gallicis comparatæ? Albani tamen aduentu Sanctius Castellæ ruscinonensi limiti



antea præfectus Salsulas est ingressus obsidionis fortunam cum cæteris subire paratus. Egressi Hispani milites ducis iussu sunt hostium castra speculatum, & si qua se daret occasio pugnandi voluntate. Cum robore exercitus dux ipse Perpiniano relicta supra Salsulas supraque Gallica castra ad Ribas altas constitit ab hostium incursum tutum locorum asperitate accessum prohibente & in omnem occasionem intentus aut inuadendi hostes, aut obseffos subleuandi. Quin Gallos ad pugnam protocare non est veritus missio feciali: audax facinus in ea militum paucitate, nisi loci, in quo erat munitio animos fecisset, & ab iniuria tutum præstaret. Quo tempore Galli ad Salsulas castra propius promouerunt aggere & fossa circumdata in apparatus eius arcis impugnandæ incumbentes, Romæ Cardinales intra conclaue more instituto clausi de sufficiendo in Alexandri locum Pontifice disceptabant. Multi honorem expetebant, maiorem in ambitu spem quàm in vitæ probitate & modestia reponentes. Præ cæteris Rhotomagensis Cardinalis se ostentabat, Gallici exercitus fauore fretus Romam contendens: opeque Aragonii & Ascanii Cardinalium, quos secum ex Gallia adduxerat ambitionis adiutores scilicet præclaros. Resistebat Iulianus Ruuereus Cardinalis alioqui Gallico nomini ad insaniam addictus, sed in Pontificatus petitione neminem præferri sibi patiens. Bernardinum profecto Caruialium Magnus Gonsalvus subleuabat parva de gallis victoria multisque ex eo adiunctis amicis validus in quamcunque se partem dedisset: quo studio ut Ioannes Columna Cardinalis ex Sicilia, ubi Alexandri Pontificis metu in familiam grassantis se eatenus tenuerat, ad comitia festinaret gratia & auctoritate & ope effecit. Simul Romanam cum militari manu e castris Prosperum Columnam & Dieghum Mendozam dimisit. Facto species prætexta ne vis afferretur Patribus aliqua gallorum aduentu: unde noui motus existerent maioraque mala. Importunis contentionebus trahebatur tempus: magnique erant comitiorum æstus. Nihil tamen tres candidati sua diligentia profecerunt, Neapolitanus quidem Cardinalis spe ambitione tribus sed ex interuallo proximus. Decretum à Patribus consensu ante electionem, ut quicumque confectis suffragiis Pontifex renunciaretur, intra biennium proximum Episcopos in conuentum generalem cogeret: quod repeteretur deinde institutum singulis tribus annis lege in omne tempus lata. Superioris temporis licentiam frænare, sanare reip. vulnera erat Patribus propositum; orbi vniuerso id expetenti satisfacere. In eam sententiam cunctis, qui aderant, sacramento adactis post quinque & triginta dies maior collegii pars Senensem Cardinalem Franciscum Picolomineum Pontificem iussit vitæ innocentia & inculpatis moribus promeritum ut cæteris præesset, idoneum visum, per quem proximi Pontificatus vitia & vulnera multa & fæda sanarentur. Ad decimum kalendas Octobris ea nominatio facta est. In ipso nihil tumidum, arrogans, aut in rebus nouis nouum fuit, ea erat modestia. Pii tertii nomen desumpsit, Pii secundi auunculi grati Pontificatus instaurata in eo memoria. Ardebat cupiditate ecclesiæ mores astringendi acriori censura, ac præsertim vrbs Romæ & curiæ totius tetrum odorem amouendi: idque consilium in quodam Patrum conuentu priusquam susceperet diadema palam exposuit, ac vero Episcopos ex toto orbe in conuentum ut cogeret nolle biennium expectare, sed rumpere continuo moras fixum animo esse. Numina orbis Christiani sceleribus irritata talem ac tantum Pontificem inuiderunt, fæta & importuna mors præclaros noui Pontificis conatus disturbauit sexto & vigesimo die ex quo fuerat in Petri sede collocatus. Admixtus gaudio mæror electione atque obitu non vna omnibus via. Saniores lapsum de cælo Pontificem iudicare, atque in eo numero Rex Catholicus. quidam secus existimare, pars superioris temporis licentiam amantes, cautiore verebantur ne Italiam turbaret, gallorum patrocinio suscepto, quibus Lochiti Marchio erat cum primis addictus eius ex sorore natus. Id cum multis Magnus Gonsalvus quoque metuebat à multo rerum usu cautior, mentis humanæ altos esse recessus cogitans, mores sæpe in suprema rerum omnium potestate mutari raro in melius neminem cupiditate vacare, paucos sibi acriter imperare. seque etate præsertim præcipiti retexere. Patrum in his comitiis Valentinus præstitit, quippe ex aduersa epti veneni valetudine lecto affixus. Quæ res Romanæ quoque nobilitati bonis euerse iniuria prioris temporis opportunitatem præbuit ablata recipiendi. Veneti rebus turbatis promiscuam odorati prædam accurrentesque vrbes aliquot in Flaminia occuparunt ex alienis incommodis utique crescere soliti, ex finitimorum calamitate & iniuria fines imperii proferre. Sic in Valentini fide Forliui & Arimini arces fere còtractu tantum perstiterunt: momentoque temporis dilapsa sunt, quæ male quæsitæ fuerant; ludibrio habitus qui paulo ante terror vniuersæ Italiæ erat. Hos



Hos ludos fortuna seu vis superior facit, has vices mutat. Ipsa quin oppida & vrbes talem indignatae dominum extemplo abrupte frangit: maleque cohaerentis compages imperii multas repente in partes ac veluti in fragmenta diffiluit.

*Salutarum obsidio soluitur.* C A P. IIII.

Galli supremo conatu actis occulte cuniculis, tormentorumque ictibus quassatis Salutarum mœnibus præcipue turris partem. Propugnaculumque strauerunt recentis structurae neque plane perfectum opus. Eo patefacto aditu muro succedere non dubitarunt musculis tecti vectibus conuellere lapides quibus fundamenta continebantur. Magnum in periculum res erat adducta. In ea angustia obsessi propugnaculum illud, quoniam defendere non licebat, deferere decreuerunt, in subterraneis tamen cameris supposito tormentario puluere; quo incenso concipienteque flammis superstantis area in sublime sublata diffiluit magna cum Gallorum strage, qui magno numero conscenderant per rudera quasi victoria explorata. Quadringenti amplius periire quidam ambusti flammis, aut disceptis membris ex alto præcipites, aut ruinis accumulati, pars ab iis cæsi, qui ex arce repente eruperunt. Confluentibus in dies militibus Albani augebatur exercitus: atque ita ut quadringenti cataphracti essent, mille & quingenti expediti equites, pedites ad decem millia. His fretus copiis ad quintum Nonas Octobris die Veneris ad Gallica castra successit propius: neque reduxit militem ante solis occasum. Pugnam detrectarunt Galli, quos tamen se intra munimenta tenentes displotis nostri tormentis nonnullo illato damno maiori aliquanto ignominia mulctarunt. Ferdināus Rex ad Gerundā auxiliares copias à Castella festinantes morabatur, haud minori numero, quam quæ ad Perpinianum erant, & melius armatas. His adiunctis copiis Gallos si pugnam recusarent, intra castra vallumque impugnare certum erat. Classis quæ tutaretur ea littora comparata duce Stopignano nondum appulerat turbato mari aduersis ventorum flatibus prohibita. Hispanicis triremibus in bellum Gallicum intentis decem & nouem biremes Mauricæ Valentiniæ & Granatensium oram igne & direptionibus vexarant. Impune fore licentiam credebant. Martinus tamen Galindus Granatensibus littoribus tutandis præfectus cum iis ad Carthaginem nouam commissa pugna piraticas omnes biremes aut cepit aut submersit: prorsus ut ne vna quidem eam cladem euaserit. Eo nuncio lætus Rex quasi præclaro omine ad belli totius summam gerunda cum Castellæ copiis profectus Perpinianum appulit ad quartum decimum kalendas Nouembris die Iouis. In magnum discrimen obsessorum salus venerat, nisi continuo operæpretium existeret. Missa manu militari, quæ ab hostium tergo itinera versus galliam locis idoneis insideret: cum cæteris copiis continuo gallica impetere statim visum est. Id ut cum maiori fructu certiorque victoriæ spe fieret, quo die Rex castra contulit castris ligneam turrin ab hostibus in vicina palude multis sublatam tabulatis, ne videlicet commeatus ex gallia facultas interciperetur, impugnare sine mora est aggressus. Capta turris, Regis aduentus, pugnandi decretum terruit vehementer gallos. Ipsa nocte ne conclamatis quidem vasis quo profectio occultior esset, tormentis via militari Narbonem præmissis relictaque præ festinatione impedimentorum bellicorumque instrumenti parte silentio mouerunt castra. Et quidem initio in planiciem flexo itinere quasi pugnam appeterent, continuo quasi mutato consilio Narbonem versus discesserunt. Aragonii & Catalauni equites abeuntium hælere tergis postremo agmini graues imprimis. Quem hostes impetum non ferentes tormentorum, belli partem apparatus, tentoriaque non pauca, quæ deferere secum deferere sunt coacti, fugientibus quam cedentibus propiores, quamuis seruatis ordinibus. Cum robore exercitus subsequebatur Rex pugnae audax. Magnam eo die cladem galli acceperant, nisi itineris festinatione propinquoque perfugio hostium aduentum & conatus occupassent. Rex quoniam abeuntes insequi non licuit, in galliæ fines vastabundus irrumpit, hominum & pecudum actum prædæ: Leucata aliaque ignobilia oppida eo tractu de hostibus capta. Inter hæc Olisipone Rege Lusitano Isabella filia nata est ad nonum kalendas Nouembris: cui cælum orbis Christiani imperium destinabat cum Caroli quinti coniugio, filium Philippum adiecta Lusitania matris iure Hispaniæ vniuersæ Regem. Venere paulo post ex Gallia oratores: quorum opera induciæ quinque mensium inter duos Reges atque vtramque gentem pactæ sunt, excepto Neapolitano tantum bello. Is finis nobilissimæ expeditionis fuit: ad cuius famam orbis Christianus vniuersus suspensus tenebatur quædam



successum habitura esset. Limiti præfectus tamen Bernardus Rogius Dianii Marchio, adiunctis mille cataphractis, bis mille expeditis equitibus, tribus peditum millibus ad omnes casus paratum præsidium. Obsessæ item arcis cura Dimæ Requesenio est concredita. Rebus ad hunc modum compositis Barcinonem Rex rediit. Inde Michaellem Ioannem Grallam & Antonium Augustinum legauit ad Gallum, uti in federe recens ictio erat cautum. addita mandata ut controuersias de regno Neapolitano pactione aliqua finirent. Catholicum Regem ea contentio sollicitum habebat, tum propter Gallicas copias eo festinantes, tum maxime Pii tertii Pontificis morte nunciata electioneque in eius locum Iuliani Ruuerei Cardinalis qui in Pontificatu Iulii secundi nomen edidit. ardens eius ingenium timebatur Gallicis addictum partibus. Ad conciliandas Patrum voluntates, eorum quos legerat in senatum Alexander Pontifex multum Valentinus contulit, odio enim uero Bernardini Caruaialii, cui collegii partem fauere erat exploratum. Iisdem diebus Philippus Princeps ex Allobrogibus, ubi eatenus hæserat, in Germaniam discessit patrem inuisurus. Filio is auctor extitit, ne pacem cum Gallo paulo ante pactam violari à socero ægre ferret multis obnoxiam incommodis docens. Pollicebatur quinetiam si pecunia suppeditaretur ab Hispano, irrupturum se in Italiam qua parte Insuæ late fusi sunt. Quod Ioannes Emanuel, & Guterrius Fuenfaldia pro Rege Catholico in germania legati persuadere enixe conabantur. Rex Ferdinandus magnificis promissis quantum esset credendum non satis statuebat Cæsaris ingenium varium & inconstans expertus; ad omnem fortunæ cursum ut erat cautus & sagax maius in pecunia sua quam in alienis viribus præsidium certiore spem collocans. Tempus his molitionibus nullo emolumento extrahebatur. In Ioanna filia turbata mentis certe per interualla vacillantis haud obscura argumenta viscebantur, quod parentibus ut par erat, molestissimum accidit: ac vero ea res felicitatis reliquæ lucem vel maxime obscurauit. Sic sunt res humane: ea conditione viuimus, nulli sincera lætitia datur. Ad virum festinare cupienti mora omnis grauis erat. Mulcebat prudens mater ægrum filia animum, aliam ex alia moræ causam excusare, clausum mare aduerso anni tempore sæuis procellis. Nullis consiliis ardor animi placabatur. Sic die quodam in rabiem acta è Medinæ Campestris arce, ubi se tenebat, pedibus proficisci in Belgas tentauit; quibus comitibus? quo viæ subsidio? furor agebat præcipitem. Furenti quamuis minus iniicere maiestas vetabat. Sublicium tantum pontem sustulere custodes. Ita egrediendi facultate prohibita ad arcis portas substitit, in vicina culina cibum somnumque capiens neque frigoris, quod sæuebat in ea regione eoque anni tempore maxime, neque aeris nocturni iniuriis cedens. Ac ne vinci quidem potuit Ioannis Fonsece Cordubensis Episcopi, qui ei assiduus erat, precibus, ne auctoritate quidem Toletani Archiepiscopi qui ad rei famam superuenerat, uti ad priora cubacula rediret, saluti consuleret in periculum adductæ. Regina mater ad eius rei famam quamuis afflictæ vehementer valetudine Segobia accurrens filia ut resisteret pro auctoritate materna persuasit. Simul ut eam placaret classem ad Laurretanum portum instrui mandauit, qua cum primum se anni tempus vernum aperuisset ad virum nauigaret in Belgas tandem reducem multis mensibus in gallia & apud Allobroges consumptis exigua vxoris cura.

*Bis ad Lirim victi Galli.* CAPUT V.

IN Italia gallicæ copię Neapolim versus contendebant. Lentum iter erat neque solita militum alacritas quasi tacita diuinatio imminentis mali. Florentiam Senamque nullo prohibente tenuerunt ductore Mantuano. Tramullius febris quartana impeditus retro substitit, cum copiarum tamen parte ex interuallo secuturus. Iactatione itineris & propter anni tempus ingrauescente valetudine Romæ hæsit belli cura abiecta. Aditu eius urbis prohibitus gallicus exercitus per pontem Miluium duum modo millium spatio dissitum, Tiberim traicere permissus ad Neapolitanos fines prope accedebat. Comotus ea re cōsaluus ancipiti cura anxius erat. Caietā obsidione vrgere pseueraret; iretve potius obuiam gallicis copiis in obsessorum auxilium festinantibus. Multa apud animum suum cogitanti Roma magnum in periculo ad victoriam momentum, duo millia pedites venerunt centum expediti equites: quos Franciscus Rogius suprema diligentia ex Hispanis germanis Italisque tumultuario delectu collegerat, præter ducentos alios germanos & quingentos Italos, quos propediem se subsidio missurum, ac iam in procinctu esse significabat. Ductor Hugo Moncada studio in iis angustiis operam fidemque suo Regi probandi honestam conditionē reliquerat, quā à Valentino centum cata-



cataphractis praefectus obtinebat. Commodissime id auxilium accidit : atque eo amplius quod Salsularum obsidio impediēbat, ne ex Hispania milite aut pecunia partes iuuantur. Nouis copiis auctus Gonsaluus cum hoste configere statuit. Ergo cum primum Gallos Romam praeteruectos esse, atque ad fines Neapolitanos accedere cognouit, Castellonio continuo cum copiis omnibus mouit, si hostes praelio superasset ratus Caietam haud dubie in victoriae partem accessuram. Primis castris ad Liris ripam peruentum. Eo loco Petro Pacio relicto, qui transitu fluminis Gallos prohiberet, ponti lapideo impositus custos cum valida militum manu, ipse ulterius progressus ad Germani fanum castrapofuit. Gallicae copiae ad Pontecoruum erant ditionis Pontificiae oppidum ad

10 Liris ripam patentibus campis sex modo inde passuum millibus. Mille cataphractos bis mille expeditos equites, nouem millia pedites maiori ex parte Italos habere Gallos fama nuntiabat. Maiora minoraque tormenta ignea triginta sex. Praecessit cum Hispani exercitus parte Petrus Nauarrus Cassinatē arcem occupatam usque dum Gallico praesidio nomineque detentam. Nec mora arx illa vi expugnata Hispano cessit ferme in oculis Gallici exercitus, suis opem ferre non valentis, quae magna ignominia fuit. Multum fama in bello potest. Eo maius dedecus extitit quod rumore vulgatum erat, Mantuanum linguae intemperantia iactare solitum : cupere se cum ea colluione Maranorum ( sic Hispanos per contumeliam vocant ) pugna experiri. Gonsaluus castra promouit posuitque in hostium conspectu mille passuum modo interuallo distita. Inde

20 de misso feciali ad pugnam prouocauit hostem, quando tanta animi confidentia esset, tantus alienae virtutis despectus. Respondit Mantuanus ad Lirim fore pugnandi copiam; eo inuito traiecturum. Ex Aprutii montibus ortus is fluuius Germani fanum praeter & Pontificiae ditionis agros labitur altissimis ripis castigatus angustusque alueo profundo, vix ut vadari possit: neque alio ea parte iunctus ponte nisi qui ad Pontecoruum est. Placido cursu multisque mæandris Caietam quamuis citra flumen positam Roma adire nisi bis traiecto flumine instituto itinere ac breuissimo non licet. Alegrius Caieta profectus ad tria millia hominum ducebat Gallico exercitui supplementum. Is ut traiecto flumine continuo pugna experirentur, auctor erat oblitus scilicet cladis ignominiaeque eius festinatione importunitateque ad Ciriniolam acceptae. Dimidiato Octobri die Dominico Galli ad Ceperani vada traiecere. Hispanae ditionis oppidum Rocaficca mille ducentis militibus tenebatur. Duces impigri Villalua, Pizarrus, Zamudius facta ex eo oppido eruptione in primum gallorum agmen nullo ordine quasi per pacata tendentium inuecti amplius trecentis ex eo numero qua caesis qua captis ad suos leti ouantesque redierunt. Accurrere reliquae gallicae copiae socios vindicare destinantes oppidi ruina praesidii caede. Fefellit eos spes temere concepta. Obsessi non modo vim omnem a moenibus arcuere, sed erumpentes oppido rursus plus ducentis ex hostibus in pugna caesis reliquos intra munimenta compulere. Cessit virtuti numerus. Die postero tria militum millia obsessis auxilio praesto fuerunt, ductores Prosper Columna & Petrus Nauarrus. Simul cum copiis omnibus Gonsaluus festinabat, initio

30 iudicans spem metumve gigni: prout prima cessissent fore reliqua. Galli quamuis specie repetendae impugnationis, veriti tamen si quid sinistri accideret, ne tormenta caperentur; & alioqui tempore exclusi multis imbribus impedito motis copiis ultra flumen retulere castra. Post biduum transmissio iterum fluuius in Aquinatē agrum deflexere sex millibus passuum a Germani fano, quo Gonsaluus in statua redierat. Imbriū tempestas ne pugna decerneretur impediuit. Inflatō amne Galli ad Pontecorui pontem retro conuersi interiectum fluuium pro munimento hosti obicere destinabant. Institit iisdem vestigiis Hispanus ultra Aquinates procedens ubi gallos ad pugnam elicere tentauit. Cautiores illi loco idoneo delecto obiectisque tormentis in detrectandi certaminis sententia perstiterunt. Sic Gonsaluus & milites necessario solita statua repetierunt pleni de cetero bona spe quoniam metum aduersariis posita, cum qua venerant, ferocia expresserant. Galli quoque trans flumen reduxere castra Nouembri mēse auspicante. Quo Romae mense Vrsini cum Columniis proceribus in obsequium Hispani Regis consensere legatorum tum Hispani tum Veneti opera & auctoritate facto federe. Venetis gallorum felicitas grauis erat: ac ne libenter quidem ferebant preualidi Principis vicinitatem. Quingentos grauis armaturae equites Vrsini in id bellū obtulerunt si a Rege Catholico sexaginta aureorum millia annua pederentur. Ac sigillatim Bartholomeus Lituanus, cuius eo bello p̄clara extitit opera se ducturū tria millia qua equites qua pedites obtulit inter praecipuos eius familiae sed & vniuersae Italiae ea quidem erate duces habitus. A Fabricio Columna Rocauandra capta vi est in oculis hostium auxilio accurrere impugnatīs non

40

50



audentium. Sic res Gallica in præceps ire visa est. Quin secundum fluminis ripam mota Gallorum castra Germani fanum inter & Caietam medio ferme intervallo constitere. Ponte lapideo cui Petrus Pacius custodiendo erat impositus traicere flumen destinabant. Mille & ducenti Hispani pedites præsidio relictæ, & aliquot equites expediti vim vniuersi exercitus Gallici sustinuerunt, triduum diurno nocturnū pugnae laborem continuantes. Sic Gallis transitu prohibitis cum robore exercitus Gonsalvus accessit suorum periculo commotus: & de rerum summa sollicitus, si hostes voti cōpotes euasissent. Eius aduentu parti pontis quæ lignea erat, subiecti ignes: Castraque ad pontis caput locata sunt. Eo loco maius ab intestina discordia periculum extitit. hyemis sæuitia Hispani milites & stipendii inopia in rabiem acti tumultuari, per vicina oppida & agros dispersi præ- 10 das agere præcipuo rusticorum damno, tum equites tum pedites frequētes signa deferere. Infanum quanta extitit animorum consternatio, quantum in discrimen venere res. Præcipui quin etiam duces militem in statua reducendi auctores erant. cum locorū & temporis iniquitate vnaq; cum hostibus pugnare non audaciam videri sed temeritatem. Regrediendum in munita, & excedendum potius quam pellerentur specie prudentiæ admonebant ignauī. Eo processum, ut die quodam hastam miles quidam Magni Gonsalui pectori admoueret minas intentans, nisi pareret necessitati. Verum is alta dissimulatione magnoque animo militares mulcebat iras. Corrogata quin etiam vndique pecunia binos aureos militibus per capita distribuit. Ducibus in consilio contra tendentibus suadentibusq; copias in aliud tempus seruaret. Probe, inquit, noui quo loco res nostræ sint, 20 quanti referat cum hoste configere. Ad sepulturam potius vel vno passu vterius promoto procedere certum habeo: quam si retro tantundem conuerso pede centum annis sit propaganda. Hic meta laborum esto aut vitæ finis, si superis ea sententia stabit. Diuersum mihi nemo suadeat. Columnios procures præcipuos discedendi ex iis locis suafores, erant qui suspicionibus incescerent tanquam inuidia & æmulatione Hispaniæ incrementa ægre ferrent, Gallos subleuari cuperent. Ex eo sane inter Columnios & Gonsaluum offensiones diuturnæq; similitates extiterunt. Ducis diligentia & auctoritate quamuis sedato ægre tumultu militari contineri milites non potuerunt quin pleriq; castra signaq; deferrent. Imminuto Hispanorum numero hostibus facile fuit triremibus quibusdam & cymbis valido nexu vinctis ligneum pontem silentio noctis imponere nullo prohibere. 30 Mille & quingenti Galli ea arte traiecto flumine in nostrorum qui nihil minus cogitabāt, stationes facto repente impetu, quoddam veluti propugnaculum pulso inde Hispanico præsidio ceperunt. Eo metu in castris Hispani ad arma vndique concurrere paucissimi equitum numeri pedites ad quinque millia. In discrimine Gonsalvus se ipso maior confenso equo acies primū instruxit, ut tempus dabat: mox in pedes destitutus arrepta militari securi inter primos in hostes ferox incurrit. Quinq; gallorum millia flumen traicerant, sequebantur alii, ad hæc tormenta in aduersa ripa disposita in Hispanas acies displodere non cessabant. Maior terror quam clades. Tantis quamuis præsidiis muniti hostes Hispanorum peditum incurrentium impetum & alacritatem pugnandi sustinere nō valuerunt. Ac versi in fugam continuo pontem qua transierant repetierunt. Transseundi 40 festinatione cum inter se prementes alii super alios ruerent, ad mille & quadringentos ex gallorum numero pars ferro trucidati pars subiecti fluminis vorticibus merfi fēde perierunt. Gonsalvus nullo tormentorum metu ad pontis caput accessit: signa quin etiam & militum centuriæ quædam hostib; permixtæ in aduersam ripam vrgendo cædendoq; aduersarios euaserunt. In receptu tamen ex eo numero quidam tormentorū globis sunt discerpti, atque inter eos viri præstantes nonnulli: alii vulnerati ac nominatim Lamudius qualis ac quantus dux. Ante alios vexilliferi virtus enituit, qui globi ictu amissa dextra vexillum sinistra arripuit: & ea quoque nouo ictu ablata utroq; brachio vexillum complexus vestigio tam diu immobilis constitit, donec Galli sunt pulsi. De viri nomine scriptores variant in facto non discrepantes, a plerisque Fernandus Illesca vocatur, vir- 50 tute profecto promeritus ut præclara virtus viri famæ inferatur, iisque beneficiis dignus, quæ a suo Rege accepit ampla Gonsalvi prædicatione auctoritateque adiutus. Pugne huius euentus gallorum animos fregit: prorsus ut ne interdicto quidem flumine se tutos arbitrati pontē valido p̄sidio munirent non tã traiciēdi victoriæve spe, sed ne nostris in aduersam ripam transeundi facultas esset, ipsorum castra impugnandi. Adhæc Mantuanum inter & Alegrium contentiones suspensionesq; exortæ sunt minime idoneo tempore. Res prosperas cuncti sibi vendicant, aduersas imputant aliis. Sic Mantuanus desertis castris recto redire constituit. Species discessui prætentæ quasi gallorum arrogantiam ferre non posset linguæ procacitatem tantam ut Cynedum appellere non dubitarent graui-



grauissimam contumeliam. Verior interpretatio: cum perditis fortunas suas miscere noluisse. In eius locum dum abs Rege Gallo veniant mandata summa belli administrandi militari consensu ad Salucium defertur. Is ferox ingenio & viribus odioq; Hispani nominis à primis annis imbutus paulo ante Caietam appulerat, vti paulo ante dictum est, Proregis autoritate & nomine. Mantuani discessu Gonsaluus, quamuis militum numero inferior certiori victoriæ spe traiecto flumine prælio cum hoste decernere statuit. Difficilis conatus Gallis aduersam ripam obtinentibus. Supra eorum tamen pontem septem passuum millibus ponte carris cymbisq; sustentato flumen iungendi curam Liuiano demandat. Alto silentio hæc molitiones tectæ, ne hostis præsentiret disturbaretq; conatum. Iactato ponte Sueffa vbi statua Gonsaluus habebat, profectus cum bis mille Hispanis peditibus, Germanis mille & quingentis non amplius die Iouis ad quintum Kalen. Ianuarii flumen traiecit. Diegho Mendoza & Fernão Andradio demandata cura equitibus ea nocte ex hibernaculis excitis, cum iis postera luce ad auroram præsto adeste. Id vbi Galli senserunt Hispanos transisse flumen motis continuo castris vicini montis iuga occuparunt loco magis quam armis confisi. Metum interpretata ignobilia aliquot oppida ad eam ripam Gallicarum partium ad Hispanos ultro transierunt. Ea nocte in agro nostri tolerata cum luce secundum ripam fluminis in hostes pergere. Qui in consilio detrectandi certaminis perstantes maiora tormenta ne, si terra traheretur, limo profundo haustis rotis hæreret, cymbis imposita Petro Mediceo secundo flumine Caietam deuenienda commendarunt. Fecit ille quod iuebatur: verum ad ostium fluminis turbato quamuis sæuèque mari festinare porro contendens haustis cymbis tormentisq; ipse etiam est mersus. Reliquæ copiæ deserto ponte atq; tormentis maioribus, quæ supererant, tentoriis & impedimentorum partem, vna hora ante lucem è castris egressæ Molam haud longinquam Caietæq; vicinam festinare decernunt eius mœnibus salutem tueri sperantes. Gonsaluus itinere hostium consilioq; explorato Prosperum Columnam cum expeditis equitibus præmisit, qui hostes à tergo premendo distineret, dum peditatus subsequeretur. Pleno passu cum primum ad Molæ pontem peruenit, qua Gallo transitus erat, pugna signum datur: Impetum & alacritatem nostrorum diu hostes non tulerunt. Versos in fugam, vsq; ad Molæ & Caietæ portas, quo victi non pauci confugerunt, victores in tergis hærentes sunt insecuti. Multi toto itinere ceciderunt, tormenta duo & triginta capta milleq; & quingenti equi. Clara victoria fuit confecto secundum eam bello reliquis maior. Gallorum pars Fundos versus dilapsa, quiq; eo tractu in præsidiis erant Romam appetentes rusticorum ex vicinis agtis spe prædæ facto cursu iniquis ad transitum locis magno numero interiere: pauci vt stragem euaserint forte magis quam consilio aut virtute. Præcipuam à fortitudine militariq; scientia utroq; conflictu, sed & vniuersa expeditione omnium confessione ex Italis Liuianus ex Hispanis Hugo Moncada laudem tulerunt.

## Caieta dedita. CAPVT VI.

40 **C**vpiebat Gonsaluus Gallorum turbationem ad occasionem vertere Orlandi montem eodem impetu occupandi Caietæ vrbi imminentem. Prudenter destinata fœda tempestas imbresq; toto eo die molesti disturbarunt. Et miles labore continenti fameque nullo neq; eo die neq; superiori nocte cibo sumpto fatigatus vix arma portabat. Vigor animi mori cadendiq; cupiditas fessa corpora sustentauit eatenus. Sic coactus destitit, copiasq; Castellonium reduxit ad priora statua. Gallis ad Molam se munire decretum erat, mino-  
rib. tormentis quæ supererant, locis idoneis obiectis: nam primum impetum in id oppidum futurum non dubitabant. Verum Gonsaluo curatis militum corporibus atq; ex labore recreatis commodius visum est antequam ducibus auctoritas, militi obsequium utrisq; fiducia rediret, metu sublato ipsum caput Caietam petere vimq; ad mouere voluntate nihil facturis. Faciliior opinione expugnatio fuit. Aditu quem muri parte prostrata mensibus superioribus tormenta patefecerant, haud ægrè Orlandi montem occuparunt, qui eum præsidio tenebant vix spatium nacti sunt in urbem euadendi. Sic quæ ex superiori pugna supererant, amissa sunt spolia mille equi capti geminaq; tormenta, quibus in priori obsidione Hispanorum castris fecerant. Ad hæc debilitatis hostes animis præsertim Hispanorum castris ad vrbis mœnia promotis quinquaginta primum è Gallia Cisalpina cataphracti ductore Miradulano Comite portis egressi supplicum habitu venerunt in castra supinas manus tendentes, veniam orantibus darent, iram in obstinatos seruarent. Subsecuti sunt nocte proxima tres viri primarii à Salucio de pace & deditioe legati. Petebant iusta dicendi potestate, vti captiuos pecunia redimere cōcederetur. Ea reiecta petitione



ad maiora porro procedentes, si captiui tum Galli tum Italici generis redderentur, Caietam urbem dedituros & arcem polliceri, Mondragonem quoque Sinuessæ antiquæ & rudem: constitutam arcem. Præterea Hispanis & Italis, qui Hispanorum partes erant secuti captiuis libertatem sine pretio daturos. Honestæ conditiones, neque Gonfalui auribus ingratae. Italos modo captiuos dimittere graue erat ac nominatim Mathæum Aquauuiam Bitonti Marchionem, & Alonsum Sanseuerinum Bisiniani patruelem, quorum noxa maiores erant, vindicta ipsi digniores iraque. Ita eorum causam de cæteris annuens ad Regem Catholicum ablegabat, neque ad suum arbitrium reuocabat, quid de illis statuendum esset. Post multam disceptationem internunciis ab utraque parte committentibus. Galli de Italis captiuis  
1504. remiserunt tandem. Summa ipsis Ianuarii Kal. principio anni Mill. quingentes. quarti consensu hæ conditiones scriptæ. Obenigno ac reliquis Gallis captiuis daretur libertas. De Italici captiuis supplicium sumere, ac ne in eorum causa quidquam decernere fas esset, priusquam à Gallo legati pro iis deprecatores mitterentur in Hispaniam. Militibus cum armis & impedimentis ac reliquo apparatu abscedere liceret. Caietani ciues sua omnia retinerent, quæ ante bellum libertate iureque. Reliquis tota ditione urbibus cautum ne unquam fraudi esset Gallis adhæsisse partibus. Fœdere ad hunc modum sancito continuo, qui mari ituri essent, naues conscendere cœperunt. Theodorus Triuulcius cum Italis Gallisque militibus. pedestri itinere in pacata discessurus pari celeritate urbe est egressus. His rebus celeriter confectis tertio Nonas Ianuarii die Mercurii urbi & arci deditis Ludouicus Ferrera est præfectus præmiis laboribus virtutisque debitum. Tarenti quam urbem obtinebat, cura Petro Nicusæ demandata. Captiuis quicumque præsto fuerunt reddita extemplo libertas est. eodem post biduum appulit Obenignus & cum eo Galli captiui ad mille & ducentos. Et Obenignus quidem continuo naues conscendit: alii fide publica accepta terra abierunt. Plerique tamen in reditu perire laboribus fracto corpore tentata valetudine: ipse etiam Salucius summus copiarum dux Genue decessit, nihil imperio militari affecutus nisi molestiam ignominiamque. Palicius è numero Gallorum captiuorum antea euaserat Antonii Cardonii permutatione quem Hugonis fratrem Galli superioribus mensibus in conflictu ceperant. Fidei difficilis reip. temporibus eximie ab Antonio & fratribus cultæ laborumque ipsi priuatim præmium Padula fuit Capacio detractum municipium Marchionis nomine, adiecto, quo gratius honestiusque donum esset à Rege Catholico concessum. Non deerant qui Gonfaluum consilii præcipitis in eare incusarent. Tanti ciuitatem unam alioqui breui in potestate venturam non fuisse, ut tot captiuis libertate reddita redimi equum videretur viris genere & factis nobilissimis. Placere omnibus, qui posset iudicia singulorum linguarumque frenare. Patientia prædicabant quando hostes moribus clausos teneret subdi eam urbem cum cæteris liquisse: neque committendum ut rursus de rerum summa periclitarentur, si iis ducibus ea peritia bellum esset instauratum. Ad eas voces Gonfaluus plaris esse quod in sulphureum puluerem & globos ferreos insumeretur dicere, quam quod iactabant periculum. Supremam vulneris curationem omnibus plagis præstare, quas Obenignus alique captiui ferro facturi essent. Denique canem mortuum non latrare, neque militem in fugam compulsam nocere. Horum alterum captiuis necessario euerum. Magnorum ducum consilia haud merito temeritatis accusari debent, aut imprudentie, ut rationes maxime lateant ignaris, ubi calceus premat. Si licet coniecturam facere, suspicari possumus pecuniarum in stipendium suprema difficultate laborasse, neque minori annonæ inopia alendo exercitui. Ex eo tumultus militaris ne existeret metuere, paruis sæpe momentis in bello magnas conuersiones fieri non ignarum. Ad hæc fama vulgatum ad ciuitatem veterem duas onerarias comætu & instrumento bellico onustas Caietam destinari præter alias duas ad Fossas Marianas in Narbonensi littore rebus omnibus instructas paratasque eodem nauigare. Ac illud sollicitare maxime, quod Pontificem facere Andegauensibus exploratum erat, ac nouo vinculo uti astringeretur amicitia, Finarii Marchionem in Galliam misisse filiarum coniugium ut pacisceretur cum Lotaringii filio. Regno Neapolitano quasi dotali armis sua ope subactis Hispanisque depulsis repetito maiorum suorum iure haud dubio uti ipsi prædicabant. Si id ex voto non succederet vasta animi cupiditate Franciscum Mariam Præfecti fratris filium cogitabat iungere coniugio cum filia Friderici Regis, facta patri puellæ ipse regnum, unde erat eiectus recuperandi. Sic Principum voluntates ut vehementes, uno sæpe tempore tendunt in contraria. Denique ignorabat nemo ad consilium Friderici in maiorum opes restituendi à Regibus Hispano Galloque agitatam, accessisse Pontificem adiutorem. Eius molitionis famam aduersarios erexisse ad nouas spes, amicorum animos debilitasse imperium negligentibus cunctis, quod fore diuturnum non putabant. Ita importuni conatus confecto bello occupandi videbatur. Et utique in ea cura, maxime omnium urebat, quod urbes & quaestores regii pecuniam maligne suppeditarent in sumptus bellicos, mutatione imperii cupientes  
cam



eam pecuniam Friderico reduci donum seruare & sibi in posterum gratiam. vnde indies inopia crescere rerum quæ ex belli vsu essent, suprema annonæ angustia premi, neque in stipendium militare pecuniam suppetere. Ergo Caieta ad deditionis cōditiones redacta, priusquā noui aliquid incideret, q̄ instituta præclare consilia peruerteret: continuo Termentinum Ducem in Aprutium amandauit eius prouinciæ moderatorem, simul vt Bionti Marchionis arces eo tractu iugum detrectâtes ad imperium adiungeret. Liuiano cura data est Ludouicum Arsum impugnandi se Venusiæ tenentem maiori aliquanto arcis munitæ fiducia quā viriū. Aduersus Cōuersanum regulū Materē Comes & Petrus Pacius abierunt. Capacium itē intra Laurinum obsederunt Egidius Nepos & Petrus Nauartus.

10 Obsessio huic ac de salute libertateq; sollicito permissum Tranium discedere Veneræ ditionis in Apulia urbem cum vxore filiis & domestica supellectile, relictis modo pecoribus, tormentis, & reliquo bellico apparatu. In magna Græcia à Gomefio Solisio Rosanius magna principatus parte adempta ægramq; spem seq; sustentans Sanseuerina tantum & Rosano urbib. retentis: intra Rosanum ab eodem obsessus tenebatur. Erat præterea Gōsaluo destinatum Præfecti Ruuerei oppida, quæ in ditione Neapolitana obtinebat, admota vt carpere patru Pontificis nulla cura. Sanior ille Hispanorum partes amplexus aut simulās continuo tota ditione sublati Regis Catholici insignib. nomen Hispanū inclamari mandauit. Fides vt syncera videretur, vltro ad victorem venire ipse constituit. Accepit venientē Gōsaluus benignē venia data eorum quæ secus gesserat: tametsi non ignorabat animo

20 alieno esse: ac tandiu perstiturum in fide, quandiu foret ex vsu non amplius. Sed Pontifici tamen placando data ea dissimulatio est, ne aperte aliquid turbarum daret, vt erat ardentis ingenio à primis annis atq; à maioribus hostis Hispani nominis.

*Inducie Gallos inter & Hispanos pactæ. CAPVT VII.*

Caietæ captæ, vt impensæ parceretur, ea tuenda maximē haud dubium futuræ, & grauissimæ in ea ærarii calamitate, custodia Hispanis credita est eo in coloniæ formā deductis, è veteranis delectu habito. Mox Gōsaluus Neapolim aduolauit: vbi eō plausu eaq; lætitiæ publicæ veræ, an simulatæ significatione inuectus est, qua Regem è priorib. vnum ciuib. gratum ac de hostib. parto triumpho redeuntem maiori excipere non possent. Ad eam urbē proceres priuatim, ciuitates publice edicto vocauit, vt qui eatenus nō fecissent,

30 sacramento in Regis victoris verba suscepto fidem astringerent amplius. In eo conuentu eos qui bello industriā operamq; probarant, laudib. præmiisq; vt cuiusq; merita erāt, honestauit. Liuiano nominatim annuos octo millia aureos designauit lege perpetua ex Bissiniano principatu detractos. Propinquis eius duo millia & trecētos tribuit, quo maior esset gratia præmio singulorū virtuti & præclaris factis exæquato. Ea in Vrsinos munificētia Columnii utebantur, priuatas inimicitias publicæ causæ importune miscētes. inuidia in præceps agebat, qua plures sæpe inimici quā iniuria parantur, quæ pessima cōditio humanæ mortalitatis est. Perturbatus semel animus nunquā in vno gradu resistit. Prosper Columna in Hispaniā nauigare constituit, querelis aduersus præsentē rerum statū armatus, efficiendi spe vt Gōsaluo, cui maxime iratus erat, succederetur. Odii causæ acriores quia

40 iniquæ. Fabricius Roma, quo iuerat, facultatem petiit Florentinis militādī: quam veniam Gōsaluus dedit re necessaria, ne iniussu sumpta vindicandi necessitatem imposeret. De constituēdis iudiciis serio in conuentu actum est: quæ vehemēter labefactarat bellorum iniuria, tēporum conditio; rapinæ, cædes omneq; genus flagitia impune exercebātur nullo vindice, ne ipsi quidē consanguinei inter se à mutuis iniuriis & cædib. tēperabant, tetra malorū collauies. Quies prouinciæ sine armis, arma sine stipendiis, stipendia sine tributis non contingant. Curatum ergo, vt populis volentib. pecuniæ redigeretur quantum satis videretur impensis factis instantibusq; alendisq; stipendio militibus: quos retinere omni ratione destinabat, atq; in oppida tribuere, vbi molestiæ foret minus annonæ copia maior. Hispanorum modo centurias aliquot, quoniā inutiles erāt, quippe ex perditissimis hominib. conflata data aliquanta pecunia & cōmeatu procul in Hispaniā duab. nauib. amādauit, ea sentina exhausta cōmodiores fore reliquos milites ratus. Simul belli mala maiori diligētia refarcire instauratis mœnibus, munitis arcib. præcipue Neapolitanis Caietanaq; Capuā adhibitis propugnaculis adiunctisq; aliis munimentis ita firmavit, vt munitior videretur, quā si perpetuo muro cinxisset. Hæc omnia eo pertinebant, vt si quid denuo ab hoste moueretur, prouinciā ad defendendū paratā inueniret, atq; omnib. præsidiiis septā. Ac præsertim ciuium adiuncta beneuolentia; quæ præcipua cura fuit, omnes difficultates vicit cunctis ad obsequium paratis, quæcumq; postulasset, nihilq; omniū, q̄ placeret denegantib. Et est longe potentior amor ad obtinendum q̄ velis quam timor. Ac vero tota Italia eam nominis existimationē erat consecutus, vt pleræq; vrbes certatim studia defer-



rent transitumq; ad Hispanorum partes. Genus imprimis Adornii & Fregosii, quamvis inter se aduersæ factiones, consensu polliciti sunt, si duo militum millia mitteret, graue galorum imperii iugum de ceruicibus continuo excussuros. Iulianus Medicus Petri frater eius, qui ad Lirim merfus est, centum millia aureos annua ipsum ac propinquos daturos modo Hispaniæ viribus in patriam Florentiã, vnde exulabat, restitueretur. Pisani retinendæ libertatis, quam auide arripuerant, studio inflammati aduersus Florentinos non dubitabant vrbs patrociniũ, aut si id malet imperium Hispano deferre. Tantumdem Aretini detulere Florentinorum imperio defessi, rerum nouarũ cupiditate immemores videlicet humanæ fortis, imperium vix nisi in peius mutari. Plombini sane regulo volenti expetente datum vt sub vmbra Hispanicæ protectionis delitesceret, vrbs modicæ quidẽ, cæterum regno retinendo percomodæ ad excipiendas ex Hispania classes idoneæ, propter egregium portum tutasque circa stationes, & aliam opportunitatem maritimam terrestremque. Pandulfus Petrucius Senensis suo & suæ vrbs homine Paulusque Ballionius Perusinus sibi Perusiæque veniam & pacem à Gonsaluo expetiere. Ex ipsa Mediolano vrbe sexcenti ciues clam cõmunicato inter se consilio studia & opes offerebant, si induceret in animum arma in eam partem conuertere, Galliæque Cisalpinæ bellum inferre belli & pacis ea tempestate arbiter in vniuersa Italia. Verũ hæ omnes molitiones disturbatæ sunt induciis à Gralla & Antonio Augustino trium annorũ in gallia pactis comprehenso etiam in eo fœdere regno Neapolitano. Rex Catholicus Meioradæ sub finẽ mensis Ianuarii eam pactionem iureiurando firmavit. Sancitũ inter alias condiciones vt Neapoli voce præconis id fœdus enunciaretur Februarii die vigesimo quinto. Distulit Gonsalvus euulgare prius dictitans rebellibus contestandam videri. Rosanius eo vt beneficio noluit: ac potius Solisio cognita Regis voluntate oppugnationẽ remittente neq; vigiliis intentis ex vrbe copiis eductis Cherintiam obsedit, vastatis circum agris igne ferroq;. Ludouicus Arsius quauis inducias amplexus Andriæ & Barlettæ pecora deprædatus, captiuos etiã incolas egit. Hispani in violatores fœderis posse animaduerti ex cõcepta in eo verborum formula rati vtrumq; male mulctare destinabãt. Et Venusiæ quidẽ arcem facile ceperunt haud satis munita ab Arsio relictam, quib. diebus paulo ante Trani abscissit, inde in Galliam iturus mari. Quod ad ostentationẽ audaciæ fecit, milites signis sublatis pulsatis tympanis per hosticũ quasi per pacata ducens, acceptæ ignominia leue solamẽ. Rosanũ vrbs tandem per cõditiones à ciuib. est dedita. Infra eam Rosanius & multi alii è nobilitate Neapolitana viri præstantes sunt capti. Rosani exemplo Sanseuerina quoque breui in partes accessit. Conuersanũ Petrus Pacius vi cepit. His captis vrbibus Brutii & Magna Græcia Hispano prorsus cesserunt. Prouinciæ illi vniuersæ in locum Aeli Comititis propter longæuam eius ætatẽ, rerum molis impares vires, Hugo Moncada est præfectus cum summa bello paceq; decernendi potestate. Secundum hæc sex tantum oppida eaq; procul à mari in vniuerso Neapolitano regno gallis relictæ sunt. Magna Regis Galli offensione oppida contendẽs post diem induciis euulgandis præfixũ ab Hispanis capta restitui æquum esse: ac vero initi fœderis euulgatione dilata fraudẽ susceptam interpreta batur, quæ noxa patrocinari non deberet. Itaq; omnib. persuasum non diutius in fide data permanens quã ex vsu esset: ac fœderis simulatione agere vt Hispanos imparatos inueniret. Confirmauit eam opinionẽ eodem tẽpore, quo induciæ sunt pactæ, summa imperii militaris per Italiam Ioanni Iacobo Triulcio delegata viro nihil minus quam quietẽ concordiamq; patienti, ardentis ingenii, factiosq;, neque tam præmiis periculorum quam ipsis periculis læto. Quinq; etiam Heluetiorum millia exspectabantur ventura propediẽ, ex Gallia quingenti grauis armaturæ equites Obenigno Alegrioq; ductoribus. A Mátuano & Ferrariẽsi ingẽtes delectus instituti. tãti apparatus quo exspectarẽt dubitabat nemo. Decumbebat Gõsaluus Neapoli salute ferme desperata. Ex ea re & quoniam fama rursus nunciabatur Fridericũ in pristinas opes restitutum iri, ac vero à Põtifice agi, vt gallicis copiis summus dux designaretur multis sermonibus materia exitit. In fœcunda gignẽdis inimiciis ciuitate & ex otio ferendis rumorib. apta multorũ odia eruperunt, quæ aduersus Gõsaluum eatenus pectoribus tecta tenebantur. In quo Columnii proceres longius prouecti linguę licẽtia multa in eum intẽperanter effuderunt. Verum eã procellam, quæ maiora incõmoda minabatur, ægroti valetudo breui recreata ac plane destituta disiecit. Ipse cõtinuo in bellicos apparatus diligẽter incubuit ad defendendum q; omnium grauissimum imminere bellum videbatur de Neapolitano regno. Vbi & per vniuersam Italiã atq; Hispaniã maligna sideris in frugib. corruptis & satis, annonæ angustia maxima laboratum est. Nonis Apr. die Veneris sancto horrẽdi terræ motus extitere cũ magna edificiorum strage: vis maior labesq; in oppida quẽdam incubuit secundum Bëtis ripam sita. His



His malis territi mortales votis & suppliciis irata placare numina ad omnia templa instauratis. Olisipone valida classe instructa Lupus Suarius cognomento Aluarenga soluit Orientis regiones versus Indosq;. Prima Lusitani imperii in iis oris latissimi fundamēta ab iis exiguis initiis ponebantur: quibus magnæ structuræ moles brevī ex intervallo accessit.

*Valentinus dux captus, missusque in Hispaniam. CAPUT VIII.*

**O**btinebant in Flaminia Veneti vrbes, quas extincto Alexandro Pōtifice occupant armis: & ad alias aspirabant nihilo meliori iure. Valentinus Pontificiis opib. repente nudatus, foelis infidis, ab amicis destitutus, imparq; Venetorū virib. Iulium novū Pōtificē ultro inuitavit ad capeſſēdas arces, quæ eo tractu illius imperio parebāt. Facto sic fœdere  
 10 Petrus Ouetus Pōtifici à cubiculo, & antea è familia Valētini ipsius cōsensu missus est, vt eas arces obtineret. Dux vt erat ingenio vario atq; inconstanti, subeunte inlti cōsiliī pœnitentia aliud atq; aliud subiiciente animo, vti peruersa ingenia facere solēt, ad Dieghum Quignoniū eius nomine Cæsænæ præfectum litteras dat cū mandatis Ouetū necaret laqueo fracta ceruice. Fecit ille q; imperabatur diligenter. Pōtifex grauē, vt erat, ignominia neq; dissimulandū iudicans auctorē necis intra Pontificiam aulam detineri iussit, dum eę arces redditæ essent: ac nominatim Cæsæna, Forliuū atq; Bertinorum. Cōmeantib. tamē internuntiis constitutum est, vt capto redderetur libertas cum primum eæ vrbes & arces Pōtificiis legatis essent cōtraditæ. Interim vinctus Ostiæ custodiretur Bernardini Caru-  
 20 ialii Cardinalis curā fideq;. Ita ipsemet petierat alibi se tutū fore non sperans multis & validis circūfusiis inimicis. In quo numero principes erant Guido Montefeltritis Urbini dux ipseq; præfectus vrbis Pōtificis ex fratre natus. Additū, vt traditis arcib. facultas capto esset geminis Pontificiis triremib. in galliā concedere: nisi dedērentur in Pontificis rediret potestare. Cognitis iis molitionib. Gonsalvus acre ducis ingeniū, reb. turbandis idoneum veritus Neapoli Lescanū Ostiam dimisit, qui Cardinali eius verbis suaderet, vt vincto auctor existeret Neapolim potius quā in galliā abeundi. si quietē amaret, pecuniā & secreta Campaniæ offerret: si bellū, honestam conditionē, opima stipendia; tantum se & sua Ferdinādi Regis fidei permitteret. Ne incēdio scilicet late excitato malorū orbis rediret metuebant q; sopita videbantur. Sane Valentino melius, quā vlli hominum Italica ingenia & conatus quorsum tenderent exploratū erat. Metuebatur ab omnib. militum beneuolentiā sibi ad-  
 30 iunxerat, ac eorū maxime qui habebantur audacissimi, temeritate prōptiores. Voluntas praua nō nisi scelere querebatur. Obtulit Cardinalis opetā & industriā, quanti id referret nō ignarus fidēq; publicā à Gonsaluo missam accepit tutū apud se fore ab iniuria. Interea Cæsæna & Bertinorū legatis Pōtificis traditæ sunt. Idē vt faceret Gonsalvus Mirafontius domo Vasco Forliuio Præfectus adduci non potuit nisi prius quindēcim aureorū millia numerarēt, q; in munitiones & stipendia expēsa ferebat. Dux libertatis cupidus & quoniā inimicos eius vitæ insidiari cognouerat. Venetis mensariis eam summā repræsentandam edixit datis nominib. Decreta ea pecunia neq; de solutione, neq; de Præfecti Forliuiensis fide dubitabatur. Sic Dux libertati redditus Cardinalis diligētia, multoq; suasu relicta gallia Neapolim flexit iter. vrgens diuina ultio versutū alioq; hominē excæcauit. Dextram  
 40 venienti Gonsalvus obtulit fidei amorisq; pignus. Cōmiter acceptum dein omnib. officiis coluit. Ille tamē vt erat ardenti ingenio quietis impatiens cōtinuo milite & pecunia Forliuensem arcē iuuandi cōsilia agitare institit Pontificiis nōdum deditā: vasto simul animo Plōbinum, Perusiā, atq; Pisas occupandi varias rationes tentare audax, callidus & in quācumq; se partem dedisset industrius aut prauus. neq; pensi habēs Pisas sub patrocinio Hispano delitescere, eamq; ad tuendā vrbe in clientelā Hispaniæ susceptā missos Neapoli peditū equitūq; numeros. Subornare quin etiā tū germanorū tum Hispanorū cohortes, q; in regno Neapolitano erāt iniectā maioris spē stipēdii: Importunę molitiōes laterē equi possent inter infensos circūfusiis vndiq; obseruatorib. Gonsalvus tamē ne hospitii iura datāq; fidē violasse videretur, cauere satis initio habuit: custodiis dissimulāter circūdarē,  
 50 ne impotentis hominis conatus vltius procederēt. Offensus ea re Valentinus dispositis ex intervallo ad cursū equis è Neapolitanis finib. fugere cogitabat. Suscepti cōsiliī Neapolim eundi pœnitētia subierat sera iam: præsertim ex quo certior fuerat factus biduo postquā Ostia ipse discesserat, Romā peruenisse Finarii Marchionē cū galli Regis mādatis honestissimas cōditiones offerentis, si eius auspicia quā Hispani sequi mallet. His conatibus, vnde magna incōmoda nisi occurreretur tēpestiue, extitissent, cōmotus Gonsalvus in arcē noua ducem detineri mandauit, noua & diligenti custodia adhibita ne fuga posset elabi. Tāetsi Pōtifex quoniā arx Forliuiensis nō reddebatur Ostiā referri, aut sibi tradi, vt antea decreuerāt enixe postulabat. Vt placaretur Pōtifex Gonsalvus vincto persuasit ea arce tradita data se fide liberaret. Missiq; ad id Artes quidā è familia Ducis & Ioannes Cardonius



Romā ad Frācisum Rogiū legatum, cū notis & tessera, per q̄ arcis præfectus haud dubiū intelligeret heri ea esse mādāta. Sic Forliuiensis arx tandē in Pontificis venit potestatem. Artes Ducis quāuis vincti timebantur. Ea anxius cura Gonsalvus postquā se in oēs cogitationes versasset, fore consultū iudicauit si procul ab Italia amādaretur. Fidei violatē elui maculā, quoniam cōmisisse videbatur, vt pacta non seruarētur. Ergo Antonio Cardonio & Lescano eū vt in Hispaniā abducerent, cura data est, Italię, ac vero Christiani orbis facē in vltimos fines amouerēt, ne nouis incendiis cuncta rursus flagrarent. De Valentini vinctulis & in Hispaniā missione varii sermones extiterunt. A plerisq; Gonsalvi fides & cōstantia sugillata est. Ipsi etiā Regi Catholico initio displicuit ancipitis fortunę susceptus conatus. Verum eo erat progressū, vt retractare nō liceret. Gonsalvus quoq; officii maiori cura 10 quā famę, damnis, quę eius libertate fugaq; si facultas cōtingeret, impendebant cōsideratis inanes rumores, & qd alii iudicaturi essent, contēnendos putauit. Magnis Principib. præceptum exemplumq; salutare: officium rumore iudiciisq; hominum antiquius arbitrari. Præ aliis Regi Gallo graue extitit ducem vinctū teneri, a quo reb. suis certissimum in Italia præsidium expectabat. Ad nuncium vero fuisse in Hispaniā abductum, dixisse fertur. Deinceps pro fide Punica merito substituamus Hispaniam. nihilo illa constātor. Interea Vasconum Rex & Regina missa honestissima legatione in Castellam Hérico Labreto filio & hæredi Isabellam Philippi Principis filiam minorem, coniugem expetiere. Benignis aurib. ea legatio initio accepta est. Cōmodum videbatur eo vinculo fidē eorū Principum & gentis nūritatem astringere amplius: ne ea parte procella aliqua existeret. Quam curam 20 hætenus grauem auxerat recens Magdalenę obitus ad Medinam Campestrē extinctę, q̄ obsidis loco a Regib. parentib. fuerat missa annis superiorib. Ioānes Emanuel in exiguo quamuis corpore, vt se res dedissent, industria mirabili acris ingenii sed ambigui apud Cęsarem in Germania legati partes implebat Ferdinandi Regis nomine. Nūc Philippi Principis accitu iuit in Belgas, præcipua deinde gratia & auctoritate in ea aula futurus, in præsentia reb. omnibus, quę Hispaniam attingerent præcipuus consultor & arbiter Principis voluntate constitutus: maiori aliquanto ex eo gaudio Cęsar per eum sperantis finē controuersis, q̄ cum filio erant, fore; quam Ferdinandi sibi ab eius ingenio metuentis ne pro innata calliditate instituta apud generū cōsilia & conatus disturbaret. Quippe Carolum nepotem cupiebat in Hispaniam attrahere a primis annis imbuendum Hispanicis mori- 30 bus, mutua gentis beneuolentia qua maius quam in armis præsidium continetur. Cæsari & filio cōmodius videbatur Carolum detinere spe coniugii cum Claudia, vt erat ante agitatū, idonei maxime ad lites cōponendas q̄ Hispaniam inter Galliam atq; Burgundiam tot annorū spatio extiterant. Ac amplissima præsertim dos inuitabat, Aurelię, Britannię, Mediolani, & Burgundię, quos principatus Rex Gallus sponsis se hæreditarios relicturū pollicebatur, in id populis continuo sacramento adactis. Largus promissis & quę natura cupiditatis ardētis est, immodicus. Puellę matri Regiņe consultius videbatur eam Francisco Valesio Engolismorum duci, cui proxima regni spes destinabatur; connubio collocare. Omnino passurum eum nemo existimabat regno suscepto nobilissimos principatus detrahi seiungiq; a reliqua ditione: ne futurū quidē cauere satis posse, nisi viuus parētibus, 40 puellę de manu traderētur; præsidii in eius verba iuratis, q̄ quis auderet sperare: postulare quidem nefas.

*Gonsalvi potestas circumcisa.* CAPVT IX.

**I**N medio felicitatis cursu tantaq; gloria parta obrectatorum linguas, fortunę incursus vitare Magnus Gonsalvus nō potuit. Et est natura datum vt prosperis dubia succedant, post serenum atrox ventorum tempestas consequatur. Ab externa vi nō modo tutus sed inuictus intestinis calumniis petebatur instantis periculi ignarus. Inuisi suspectiq; dominantib. sunt, quos altius virtus euexit, quia meritis æquam cōpensationem facere nō possunt, malignis eos oculis intuentur. Minorum calumniis iidem obnoxii sunt grauius ferentium gloria & opib. præstare, quos paulo ante in æquo viderunt. Omnino æmulatio nascitur inter æquales, alitur contentione, exardescit inuidia, cuius finis est odiū. Verum 50 hæc mortalitatis humanę vitia sunt. ad quę noua & validior accessit causa virū præclarū exagitandi. Omnibus, qui in superiori bello strenuam operam nauarant satisfacere non potuit ne dum ignauis, qui enim liceret, præsertim, vt est hominum ingenium vnoquoq; sibi blandienti, plurisq; quam erant propria merita æstimanti, aliena contemnenti, pari vtrumq; vitio? Sic aliis collata præmia non minus vrebant, quam sibi detracta, quę deberi existimabant. Ex fonte tetro fœdoq; plenę expostulationum voces prodierunt. Et tamen ægritudo priuata suusq; cuiusq; dolor honesta boni cōmunis specie velabatur. Eas querelas in Hispaniam pertulere quidē eo profecti, plures missis codicillis: exceperere multi patulis auribus, eorum qui in aulis Principum magno numero viuunt vaniloq; ignaui, nulla propria



propria virtute, sed Principum offensione perspecta, viros preclaros criminando, quod pessimum obsequii genus est, crescere opibus & potentia & gratia assueti. Capita accusationis multa erant. Hæc præcipua: Iulianum Ruuereum Cardinalem (qualem hominem & quanto Hispani nominis odio?) In Pontificatus petitione subleuasse. quo id argumento, quibus testimoniiis? Certe conatus eius peruertere debuisset accusabant ex interceptis litteris inter regni tempore cognitos & priuatim ex syngrapha nuda ipsiusmet manu, qua in Hispanos studia pollicitus, scilicet mente priori mutata, de se Gonsaluum summa sperare iubebat pontificatum adeptum. Verum id ludibrium erat: neque calumnia prudentibus probata. Nam Bernardino Caruaialio Gonsaluum fauuisse dubium non erat nullo prauo ambitu, sed modesta voluntatis significatione: Franciscum Rogium legatum Neapolitano Cardinali, quamuis Galli eo nomini addicto, ut si quis alius, spe purpuræ, ut ferebatur iniecta. Vtriusque conatus inanis extitit, pontificatum adeptum, quem minime vellent. Communis molestia occasionem præbuit innoxium prorsus in eo facto criminandi. Hæc prima accusatio erat. Ex militari licentia sumebatur altera maiori specie veri. Milites belli tempore laxius vivere assuetos quippe, rapto, rei familiaris angustias in pace ægre ferentes per vrbes & oppida spoliare, rapere, vi & stupris cuncta pollueri, non sacro non profano abstinere. Aliene culpæ Gonsaluus reus agebatur sed cum sua implicata, quasi militibus omnia cōcederet, neque feruente legum eorum cupiditates frænaret, castigaret flagitia. Ex eo magnam inuidiam Hispanæ genti vniuersæ cōflari. Irritatis prouincialibus, ne noui motus extarent, verendum esse. Sic illi disputabant. Ad hæc Gonsaluus. Neque milites à religione & modestia cōmendare, neque eorum eleuare crimina, quando ob flagitia ne natali quidem solo eorum licentiam tolerante patriis finibus discedere compulsi arma induerant obærat, exules, capitalia ausi plerique. Ac vero præcipuam licentiæ causam regios quæstores præbere negatis diu stipendiis, ut miraculi instar esset inter tot labores tantaque fame & nuditate corporum tandiam sustentasse sequi obediens præstitisse, præsertim ad Lirim atque Caietam annuis & bimestribus stipendiis debitum nullum tumultum cōcitasse, aut secessionem fecisse. Neque tamē vllum crimen, vllamue iniuriam impune esse, quin ex legis præscripto vindicaretur. Crimina omnia impediri nulla diligentia posse, ne frænari quidem linguas in tanta colluione nationum, diuersarumque indole hominum. Accusabatur deinde eius incuria ærariū publicum cum esse exhaustum, pudenda vectigalium calamitate, regiarum pecuniarum peculatu multiplici. Eo neque eius regni redditus, qui erant amplissimi, neque perduellium, ex bonis redactam pecuniā bellicis sumptibus fuisse satis. Quod caput erat, pecuniarum ex Hispania aduectarum nullas rationes extare accepti expensique. Verum ille Francisci Sancti Regii opsonatoris, id quidquid esset, culpa factum excusabat, aliorumque quæstorum, quos regiarum pecuniarum attractu se contaminasse videri poterat. quid alienam culpam ad se deriuarent? Vectigalia Neapolitana detractis oneribus ordinariis quadringenta & quinquaginta millia auri annua non excedere. Cum in militaria stipendia sumptusque alios necessarios supra octingenta millia vno anno facta impensa creuisset. Ex bonis additis fisco haud magnam pecuniā extitisse propter præmia necessario data viris nobilissimis: qui magno numero Hispanorum auspicia secuti erant. Idonea criminis depulsio: sed ex qua noua atque omnium grauissima accusatio conflata est. Donare eum oppida, principatus, præfecturas quasi ex proprio, non fiduciaria potestate. Peti à Pontifice ipsius nominatione episcopatus, quibus ipse veller, inscio inconsultoque Rege, cuius eque partes manifeste erant. E contrario regia beneficia retractare, haud minori offensa temeritateque, non se sua conditione metiri sed regia. Ac nominatim Ioāni Clauerio Alfonso Sanseuerini oppida regiarum munificentiæ donum denegasse, aliis præterea Regis mandatis sæpe non obtēperasse incredibili contumacia. Quod si rerum status secus videbatur postulare, qua fronte tantum sibi sumeret, ut ne rationem quidem facti reddendam per litteras iudicaret? Principum sæpe patientia seruos insolentes reddi alienoque regnare nomine, peccare adeo, quod vindicaretur malo. Sic illi prædicabant. Nec dubium hac in parte offensis Gonsaluum per incuriam corruptum animum in viro summa fide interpretari quis audeat? Sed cum iudicio excellenti esset, cōscientia securus fortassis ulterius progressus est quam vicarii cōditio pateretur, Principumque ingenium de minutissimis quoque rationem reddi expectantium. Nullus vtrique sine culpa viuit, in hoc ille, is in re alia sibi indulget. Columnii procures præ cæteris accusando Gonsaluo præcipuam curam impendebant: ac nominatim Prosper Columna in Hispaniam profectus est apud Regem de acceptis iniuriis expostulatū esse. et diligentia ut Gonsaluo in prouincia succederetur multis argumentis, quibus aduersarium prostrernere cogitabat, ex aliena inuidia & infamia gloriam & honores captas. Ex arcano tamē nihil vrebat magis quam honores Liuiano habiti pluriū equitum præfectura data, quam ipsi Fabricioque patrueli. Id vero grauius ipsa morte ducebat auctoris ruina vindicandum.



Gonsalvus parum agitudine hominis offensaq; commoueri: tantum monere regem per litteras obtestariq; Prosperum ut omni benignitate complecteretur, munerum magnitudine mulceret iras, cum eo tamen ne Vrsini imminuto ipsorum honore alienarentur. Re ferre tãti duas eas familias deuinctas obsequentesq; habere. Salutaria monita inuidia potentior euerit. Quotidianis expostulationib; & querelis commotus animo Rex haud uana prorsus esse quæ à tam multis dicebatur, legato Neapolim ex familia Reginae viro nobili Alfonso Deza de quibus postulabatur omnib; admonuit. Ac vero diserte mandauit, daret operam ut regia vectigalia maiori in posterum diligentia fideq; procurarent. Militum licentiam frænaret, quorum bonam partem ex ea prouincia deduci mittiq; in Hispaniam bello quod in Africam transferre volebat auxilium. Iudicia constitueret temporum iniuria labefactata, ex legum priorum moreq; præscripto. Ioannes Spinelus Conseruatoris nomine abstinere genti vehementer inuidioso. Deniq; Proregis potestate contentus, iis finib; auctoritatem contineret maiora sibi relinqueret. Graue hoc postremum mandatum Gonsaluo extitit: regni eius conditor cum tanta Hispani nominis gloria questuq; in aliorum præfectorum ordinem redigi, angustis cancellis circumscribi potestatem, eam videlicet gratiam effusi sanguinis esse, præmiumq; toties victoriæ de hostibus partæ. In reliqua tamen molestia arcis Nouæ præfectura, quam ipse Nunnio Ocampo crediderat, in Ludouicum Peixum translata à Rege, ne ipso quidam appellato, vrebatur maxime scilicet insignis contumelia, argumentum regii animi sine causa alienati. In Gallia de induciis pace mutandis agebatur, Friderico in regnum Neapolitanum restituto, quod Rex Catholicus probabat cum eo si Ferdinandus eius filius Ioannam Neapolitanam Reginam viduam uxorem duceret Gallus restituto Friderico, filio eius Germanam Fuxensem & sorore natam uxorem omnino destinabat. Coniugium tamen Caroli cum Claudia filia potius existimabat, si modo Hispanis deductis ex Italia regnum Neapolitanum penes sequestrum esset Philippum Caroli patrem. His conditionibus agitandis aliquot menses consumpti sunt haud magno fructu. Gallo placebat eas controuersias arbitrio Pontificis finire permissi. Hispanus adiungebat collegium Cardinalium. Ratio excogitari nulla poterat quæ ab utroq; probaretur. Qui enim posset Andegauensem restitutio imprimis opponebatur ardua prorsus rebus multum ab antiquo mutatis. Gallus enim Salernitano Bisiano, Amalfitanosq; cum primum patria extorres se in Galliam receperunt, per publicas tabulas fuerat pollicitus nunquam cum Hispano facturum foedus, nisi prius in detractos principatus illi reponerentur. Promissi fidem fallere graue erat. Multis disceptationib; parum proficiebatur. Ea re quoniam vexilla Hispanica Pisis fuisse sublata nuntiatur erat offenso Gallus animo Hispanos legatos ex vniuersa Gallia discedere mandauit Grallam & Antonium Augustinum. Importunis actionibus belli pacisq; commercia sublata. Iis acceptis mandatis Regina legatq; Cardinali salutatis, ac postero die Friderico Rege inuiso Regem suum propensa in eum voluntate esse monent. Per quæ staret, quo minus restitueretur in regnum dies superiores & conatus ab utraq; parte documento fuisse. His defuncti officiis itineri se dederunt ad septimum Kalendas Septembris ex ea curia digressi recta petentes Hispaniam.

*Fœdus contra Venetos factum.* CAPVT X.

**D**imittendi è Gallia Hispanos legatos superior causa palam iactata est, maior tamen ex arcano cura sollicitabat ne foedus præsentia disturbarent scilicet, quod Cæsar & Philippus filius cum Gallo inire cupiebant. Sic fama vulgauit, quam vanam non fuisse mox rerum euentus confirmauit. Simul enim atque ii discessere Blesis, eodem Cæsaris & Philippi Principis legati superuenere. Eorum opera ad decimum kalendas Octobris suorum Principum nomine cum Gallo foedus sancitum est, quod veram atque indiuiduam amicitiam vocari placuit. Præcipua pactionis capita. Ne Cæsar Insubribus arma inferret, neque alios Italiae regulos Galli confederatos impugnaret. Eorum ne cuiquam fraudi esset, si quid in imperii maiestatem commisissent ex quo Carolus octauus galliæ Rex transcentis Alpibus in Italiam irruerat. Si quid in posterum deliquissent, vindicandi fas esset nullo in contrarium Gallico patrocínio. Publicis tabulis Mediolani principatus possessio Gallo iure hæreditario confirmaretur intra tres menses, pro ea indulgentia ducenta milia Francorum præsentia numeraturo. De regno Neapolitano ne Gallus pacisceretur cum Hispano nisi Cæsaris consensu. Si concordiam inire honestis conditionibus Hispanus recusaret, Cæsar Gallum copiis & armis iuuaret ad regnum recuperandum. Ludouici Sfortiæ postremi Mediolanensis Ducis filii in Gallia oppida & vectigalia designarentur, quotiescumque eam prouinciam domicilio deligerent, unde vitam sustentarent. Exulibus Mediolanensibus venia daretur, bonaque quibus fuerant enersi iure belli. Quatuor menses designati, intra quod tempus Hispano liberum esset, se ad

eam



eam societatem adiungere, ea tamē exceptione si Carolo nepoti traderet Neapolitanum imperium iis conditionibus, quæ antea fuerant præscriptæ. Intra tres menses singuli amicos nominarent, quos hoc fœdere vellent cōprehendi. In quo mirum videri potuit, neq; à Cæsare neq; à Philippo Regē Catholicum inter amicos fuisse numeratū. Quæ res multis sermonē dedit, Regis animo molestiam. Atq; hoc quidem fœdus palam agitatū fancitumq; quo totius Europæ arma mouebantur importuno conatu. Occulte enim eodē die noua armorum societas à trib. Principib. adiuncto ad fœdus Pontifice sancita est. Vires iungendi pro Christiana religione aduersus Turcas species factō prætexta. Venetos impugnare destinatum cunctis erat, animusq; vniciq; iniustis possessorib. detrahendi quæ  
10 superiori tempore singulis ablata iniuria occupare interpretabantur. Pontificio imperio Alexandri Pontificis post obitū & Valentini Ducis vincula Rhauennam, Seruiā, Fauentiam, Ariminum, Cæsennā cum subdito cuiq; agro, Imolæ, quæ olim Forum Cornelii fuit, ditionis magnam partem detraxerant. Cæsar Roboretum, Veronam, Patauium, Vicentiam, Taruissium, & Forum Iulii quasi ad imperii & Austriacæ familiæ ius spectâtes capere destinabat. Ad Mediolanensem principatum Bressam, Cremā, Bergomum, Cremonam & Geradadam cum suo quamq; agro à Venetis possessas Gallo reuocare certum erat. Sæua tempestas in nobilissimam ciuitatem, quasi increbrescente vento ex omnib. plagis & maiores volente fluctus cōcitabatur, minori multorum cōmiseratione propter perpetuam eorum ciuium in prolatando imperii fines quacumq; ratione constantem cupiditatem.  
20 Monuit Laurentius Suarius harum molitionum Venetum Senatū spe inter eos & Regem Catholicum societate armorum constituta Neapolitanas res sustentandi, quæ in periculum veniebant hoste præualido Hispanis thesauris exhaustis vsq; eo, vt ex rationario regio cōstaret, posteriori eo bello vsq; ad tertium Idus Octobris supra decies centum aureorum millia in nominib. aut pecunia ex Hispania missa in Italiam. Ingens ea tempestate summa, nunc leuis impēsa: vsq; adeo res ab antiquo mutarunt paucis annis. Veneti nō facile verbis legati fidem adiungere: atq; more & instituto suo belli spectatores esse malle quam pars, ex euentu consilium captare destinantes quod è re ipsorum futurum maxime iudicassent. An Veneti tantum hoc sequuntur & non etiam Principes alii? Quin ipso tempore Ægypti Sulthanum sollicitasse scribunt, vt Indici maris imperium Lusitanis eriperet,  
30 Orientis commercio prohiberet, quod illi suis classibus occupant magno Venetæ reip. incommodo Aromatibus quæ Alexandriam deuehi solita erant, in Lusitaniam auersis. Id vt facilius impetrarent legatum Cairum miserunt urbem Ægypti primariam: cum eo ingens æris pondus, tormenta conflandi scientia, nauesq; more nostro fabricandi peritos artifices, Regi Calecutii, quod nobilissimum Orientis emporium est, subsidium quo Lusitani pellerentur Indici oris. Egerunt præterea cum Rege Catholico vt eas cōtrouersias componeret, pro ea auctoritate quam apud Lusitanos paterna gratia necessitudo & ius propinquitatis dabat. Lucri cupiditas maximi aures Lusitanorum obturat ne pacē fœdusq; orantes audirent. Ita Laurentii Suarii legati consilio dissimulare constituit, neq; in ea re mouere quidquam nulla proficiēdi spe. Enimuero magnis Principib. multa aggreganda non sunt ne dignitatis iacturam afferat irritus conatus, quia magna famæ momenta in vtramque partem sunt.

*Fridericus Rex & Isabella Regina decessere.*

## CAPVT XI.

Parum iucunditatis modestiæ plurimum plerisque horum Principum aderat, acerbæ vitæ conditio, & mortalitatis nostræ; quo plura suppetunt, pluribus eget. Cæsare premebat inopia vectigalium filiiq; contumacia paternis consiliis repugnantis. Philippi principis vxor mente vacillabat. Matrem eius Reginam sub vitæ finem morb<sup>9</sup> prolixus & fœda ne redirent & tumultus, prudentes merito verebantur, certe rerum & reip. moderandæ forma ne ab antiquo mutaretur. Regi Gallo quæ poterat esse tranquillitas præter alia spoliato amplissimi regni opibus, iniuria, vti ille putabat. Fridericus Rex anxio pectore nō cessabat apud animū suū agitare rationes in pristinas opes patriaq; redeundi. Obtestari Reges vt memores rerū humanarū, & fortunā suam moderarentur, & alienā miseriam ne vrgerent. Desertus tamen ab omnibus, ac inani tantū spē lactatus diu, eam atq; bilis vim toto corpore suscepit venis diffusā vt labefactata valetudine in febrim quartanā incidit. quo pressus morbo Blessis post legatorum discessum Turones rediit, ordinario domicilio delectā urbem propter cæli & agri præcipuā temperiē & amoenitatē. Rei familiaris angustia premebat, propinquorū fides fluxa, inter hostes infensissimos diuturnū exilium.



Fieri non posse considerabat, ut duo Reges in vnam sententiam conspirarent. Quod de sua restitutione proponebatur merum esse ludibrium ad orbem fallendum se distindum ea dissimulatione. Neque in eo decipiebatur, quando ab utroque ex conditiones proponebantur, quas alterum non probaturum minime dubitabant. His anxium curis maior ex arcano dolor urebat. Filium Calabriae Ducem cui proxima regni spes destinabatur, non ea esse magnitudine animi, industria, virtutibus quibus ad emergendum ex iis angustiis opus erat, ac se defuncto cogitabat facile obtemperaturum praesenti rerum statui, haud magno ad superiora conamine. In quam sententiam sub vitae finem litteras ad filium dedit, multis prudentiae luminibus illitas, praecipisque saluberrimis distinctas. Debere se cum ita rebus praesentibus accommodare ut ad maiora niteretur, neque praeposteris voluptatibus 10  
extinguere vigorem animi, frangi corpus, neque terri difficultatibus quavis maximis oportere. Se fortem & munificum ut praesens fortuna daret, cunctis exhiberet, corpus idoneis laboribus virile efficeret ac militare, modestia animi firmaret. Ex quo intelligitur huic principi non consilium non prudentiam defuisse. Fortuna aut vis maior virtuti obstitit, contra quam non est satis cauta mortalitas. Haec eius se conatibus perpetuo adversam exhibuit. Atque ita ut nocte quadam aedes, ubi habitabat, improviso igne concepto, lateque fuso incendio conflagraret, vix ut cum vxore & filiis nudis nudus euaserit. Eo casu recrudescente auctoque vehementer morbo in ea urbe decessit ad quintum Idus Nouembris, morte quam vita felicius nihil delato regno assecutus nisi labores curasque graues. Duas vxores habuit. Ex priori Carlottam filiam reliquit eo iam tempore in Gallia nuptam, ex poste- 20  
riori filios quinque. Isabellam, Iuliam, Alphonsum, Caesarem, & qui ceteros aetate praestabat Ferdinandum Calabriae ducem. Medinae is Campestris se tenebat, Regibus affiduus cum de patris obitu nuncius aduenit. Prospero Columnae id denunciandi, doloreque leniendi abs rege Catholico cura data est. Tamen & ipsum proprius dolor urebat ob Reginae afflictam ac plane desperatam valetudinem. Proximo illa interitu Philippi principis & vxoris aduentum in Hispaniam sollicitare morae omnis impatiens metu ne motus existerent, idemque aegrotae verbis exposcebat Guterrius Gometius Fuenfalida apud Belgas regius legatus. Excusabat princeps bellum a Gheldriae duce finibus illatum. Ea species praetensa auersae voluntati veniendi, imperii Hispanici quod deferabatur, contemptui, uti praese ferre videbatur. Inter has molitiones ingrauescente morbo in 30  
eo municipio decessit ad sextum Kalendas Decembris magno atque incredibili prouinciae totius luctu, principem amisisse dolentium ea animi magnitudine & prudentia, ut virtutibus ut inter laudes eius minima sit, superasse longo intervallo Reginae alias quascunque Hispania vidit ab omni memoria, ac vero totius orbis a multis profecto seculis. Granata sepulcro delegit. ibi quoniam regium sacellum nondum extructum plane erat, translatio funere in Alhambrae arce composita est. In funere atque exequiis sago indui prouinciales vetuit, atque ex eo tempore lugubris amictus insolentia tunc usitata, mitiori luctu mutata est. Donationes vi magis quam voluntate sui regni initio expressas, fore iniustas testamento sanxit. A quo numero exemit tamen Moiam, quam ultro datam ob eximia merita affirmavit Andreae Cabrerae eiusque vxoris. proinde ratum beneficium in omne tempus propriumque fore voluit. Haeredem ex 40  
asse Ioannam filiam scripsit, vnaque Philippum eius virum. Addito tamen iuxta ea quae ante bienium regni conuentus postularant, si valetudine absentiae aut aliam quacunque ob causam Ioanna impediretur, aut omnino nollet regni curam suscipere: uti eius loco & nomine Ferdinandus Rex remp. procuraret, dum Carolus nepos viginti nihilominus annos esset natus. Praeterea ultra militarium ordinum magisteria Regi a Pontifice commendata, prouentuum omnium dimidium ex insulis & continenti noui orbis viro legauit. praeterea viginti quinque aureorum millia ex aliis vectigalibus regibus item annua. Testamenti curatores Regem nominauit. Toletanum praesulem, Dieghum Dezam Palentinum episcopum, Antonium Fonseca, & Ioannem Velasquiū rationum regiarum magistros, praeter hos ab epistolis Ioannem Lupum Lezarragam fidos & industrios experta. Non deerant tamen viri alioqui 50  
praestantes, qui stolidam temeritate Reginae testamento contempto Ferdinando Regi suaderet uti continuo in Regis Castellae nomen inuaderet, quippe e Castellae regibus genus ducenti per viros stemmate ducto serie continua. Ad tuendam auctoritatem id fore commodius quam vicarii administratoris nomen. Populorum studiis & antea adiunctis, & nunc sublati quibusdam tributis & edictis, quae subditos male haberet, aucta gratia, de successu verendum nil esse. Surdis auribus haec accipiebantur, mirabili animi constantia spernentis, quae ab aliis per ferrum & ignes petuntur. Ita ipso die, quo Regina obiit post praedium luctu in laetum vultum mutato, egressus regia e suggestu in foro excitato regia vexilla explicari, Ioannae filiae & Philippi viri nominibus gentis instituto inelamatis curauit. Fridericus Toletus Albanus



Albanus Dux vexilliferi partes impleuit. Eo exemplo per vrbes & oppida, quib. ea prærogatiua data est, similis caeremonia est perfecta, sed in clamato tantum Ioannæ Regina nomine, Philippi viri mentione nulla, tantumdem in regis diplomatis, atq; edictis publicis, quæ voce præconis euulgantur, obseruatum est. Enimvero sacramento veteres tabulas, priuilegia & leges regni confirmari à Philippo prius volebant, ne aliquid ab antiquo moueretur quod ciues improbarent, turbas conciret. Assuetis homines stari malunt, nisi quæ vsus manifeste arguit, ac nominatim ne externos in iudicum senatum legeret, neq; iis vrbes aut arces crederet, vti ab Isabella Regina testamento inter alia cautum expresse erat. Hoc mense & Decembri proximo vis ingens pluuiarum extitit, mira aquarum proluuius, atque ita vt agris superfusi amnes, corruptis satis famē grauissimam attulerint quæ vt hoc anno sic proximo in Hispania laboratum est: famē excepit pestis lues per omnes partes diffusa cum magna multorum clade.

*Controuersia de Castella administratione. CAPVT XII.*

Isabellæ Regina morte contentiones molestæ extiterunt. Concordia & potentia vix vno vestigio consistunt. Ferdinando Regi & vxoris testamento Castellæ regnum administrationem retinere erat destinatum, haud dubio impedimento Ioannæ filia, quam in Belgis inclusam teneri vulgatum erat, sublata decernendi, atque quodquam egrediendi libertate. Id vt assequeretur, primum genero Regi per litteras renunciavit, ne sine vxore omnino in Hispaniam veniret. Cupere prouinciales, quod fama ferebatur, de eius valetudine certius cognoscere, idonea esset an secus rebus in Castella gerendis. Deinde ex vniuerso regno proceres, & procuratores vrbium Taurū euocauit ad conuētus generales. In iis conuētibus tertio Idus Ianuarii salutis anno Mil. quingent. quinto Garcias Lassus Vega Legionis promagister. Præses cæteris datus ac vero reliqui procuratores vrbium lecto Regina testamēti capite de regni hærede eiusq; ad administrationem, defunctæ volūtate approbata secundū eam consensu sacramentū Ioannæ dixere quasi Castellæ Regina, matris hæredi, ac Philippo viro coniugis iure, præterea Regi Catholico administratoris nomine. Ac paucis inde dieb. in conuentu pronunciatum nouæ Regina valetudinē esse exploratā. Idoneis id testib. fama vulgarat, quæ nihil occulti esse patitur inter Principes maxime. arcana quoque populo proponit atque explicat. Proinde orare Regē omnibus precibus, vt vxoris carissimæ volūtati obtemperaret, rempublicā capefferet, neque desereret in sinum confugientē. Simul in Belgas nuncios misere cum litteris tertio Idus Februarii datis, quib. nouo Regi rerum à se gestarum rationē reddidere. Ab his initiis conceptā animi tranquillitatis spem multa turbant. Plerique rectoris mutationem expetebant humani ingenii initio futura præsentib. potiora fore putantes. quæ sæpe fefellit spes. Ac proceres præsertim iniquo animo ferebant Ferdinandum Regem rebus præesse. quemque suis vrebat dolor an spes incitabat. pars oppida Hærici Regis dōmo possessa diu, noua certura detracta moleste ferebant, alii quod postulati alicuius & voti cōpotes non euassissent, dolere scilicet impense. Illud vero cūctos male habebat, quod iudiciis cōstitutis, legibusque reddita vi potētiorem insolentia frænabatur, ne impune in tenuiores intolarent, vti facere antea impune consueuerant. In eo numero Petrus Manricus Anagari Dux cæteris ardentior suis & suorum opibus palam Ferdinandi conatibus obsistebat. Secundum cum Dieghus Lupus Paciecus Villenæ Marchio se ostētare offensus eius principatus oppidis priuilegiis ablatis, nisi rebus turbatis nulla recipiendi spe. Aliis proceribus idem animi erat, & si temporis seruire ac tantisper dissimulare decreuerant, eo daturi vela, vnde melior spes ostenderetur priuati commodi, quæ potissima cura erat. Vnus Fridericus Albanus Dux perpetuo à Ferdinandi partibus immotus stetit, viri fidem prædicandam si reip. amor tranquillitatis & nō potius propinquitatis respectus detinuit, ne cū cæteris sentiret. Hac domestica erat. Atrocior à Belgis imminere tēpestas videbatur. Philippus & amicorum principes offensos se putare importuno Ferdinandi Regis conatu. Quod Regis nomen adiungerent, & ad veniendum in Hispaniam inuitarent, id contumeliam interpretabantur. Quæ apud concordēs vincula caritatis, apud infensos irarum incitamentum erant. Quorsum venturum dicebant? Regem cur vocaret? Quid enim nisi ludibriū contineret, Regis nomē dare, & Regiā potestatem adimere? Quid in Castellam veniret: an vt acceptæ ignominia deformis testis videretur? inani vmbra regia maiestatis, fructus penes alterum esset? Agri cunctorum animis faces subdebat Ioannes Emanuel in exiguo corpore ardenti prorsus ingenio, multo in dicendo sale. Id veritus Ferdinandus conatus erat illum à Philippo genero abstrahere, ne latius incendium importuno afflatus



funderetur. Ac primum in Germaniam redire iussit iniunctas oratoris apud Cæsare partes implere mandans. Philippus socii arte perspecta discedere non permisit amica vi parata nisi obtemperaret: ac vero maiori deinde in gratia fuit omnium arcanorum particeps ac pene arbiter factus. Quia id non successerat, magnis pollicitis eius vxorē Catharinam Castellam non minoris animi foeminam tentare visum est, si benignitate præfractus viri animus expugnaretur. Multa & magna ipsi & filiis promissa. Parum tamen est ea noua diligentia profectum. Vir enim apprime sagax maiore in principe & iuvene & munifico spem reponebat, quam in sene & callido & parco. Non restiterunt offensiones in vno gradu locoq; sed in Italiam transgressæ effecerunt, vt Ferdinando Gonsalui fides esset suspecta, ne ad generum & Cæsarem inclinaret, regnumq; ex eo Neapolitanum eriperetur. Augebat suspiciones dissimulanter eoq; validius Prosper Columna suo in Hispaniam aduentu, quamuis sibi & propinquis ex aliena inuidia captans emolumentum, & consecutus adeo quæcumq; voluit. Ac nominatim datum, vt ala quadringentorum equitum Liuiano credita, ad ducentos redigeretur. Iussit præterea Ferdinandus, vt mille & ducentis cataphractis, sexcentis equitibus expeditis, ac tribus peditum Hispanorum millib. Neapolitani regni retentis præsidio, duo millia pedites Hispani mitterentur in Hispaniam in belli Africani apparatus, germanis missio esset. Quæ omnia eo pertinebant, vt impensa minueretur, ac vero debilitatis Gonsalui viribus nocere ex Italia nemo posset, si res deduceretur ad bellum. Rebus enim uero Neapolitanis & litibus diiudicandis nouum in curia regiatribunal est constitutum, iudicibus designatis Thoma Malferito, Ludouico Sapata, Ludouico Sanctio Ærarii præfecto, Ioanne Baptista Spindo, deniq; Michaelē Perefio Almasanio qui esset à commentariis, actaq; & decreta testato describeret, & actionum formulas diceret. E Vasconibus Latio Mauleonius legatus Regum suorum nomine pacem & veniam petiit à Ferdinando, inter vtramque gentem constitutam confirmari amplius Philippi Regis filia iuncta connubio Henrico Vianæ principi, cui proxime post parentes regnum destinabatur Vasconum. Adiunxit postulatis Valentino libertatem reddi in arce Medinæ Campestris iuncto. Quod Cardinales item magno numero exposcebant in Alexandri Sexti ære, quippe ab eo in senatū allekti purpura data memores beneficii. Ad hæc Ferdinadus pacem fœdusq; probare; ac ne reiicere coniugium quod expetebat. De Valentini libertate præcise negare tunc quidem opportunum fore. Hæc palam respondit ex arcano anxius, & de fide Gonsalui suspitione suscepta, sæpe in animo voluens; expediret Valentini opera vt in rebus Italia. Fidelis tantum obsequii pignus requirebat: ne accepta libertate ad hostes transiret pro ingenii varietate, & vinculorum diuturnitate amplius patientia irritata amplius noceret. Eo descensum vt Alfonso Atestinus Ferrariensis Dux, patre per hæc tempora defuncto non dubitaret pro leuiro se vadē offerre; & est grauior & difficilior animi & sententiæ pro alio, sit ille quicumq; quam pecuniæ obligatio. Ab Emanuele Lusitano Rege Romam legati Dieghus Sofa Portuësis Episcopus & Dieghus Paciechus, qui gaudio ob delatum pontificatum funderentur, & more maiorū obsequium debitum deferrent. Simul ad retinendum Indici maris imperium post varias classes annis superioribus missas in Orientis oras, placuit Prætoris nomine virum idoneum mittere, cui ceteri Lusitani obtemperarent, & cuius imperio deuincti, maiori animorum concordia in negotio versarentur. Franciscus Almeida delectus perspecta prudentia & virtute vir est, qui valida instructa classe quam primum eam prouinciā susciperet, multis impeditam difficultatibus. Nam & Veneti obstabant conatui, vt antea dictum est, & Ægypti Sulthanus siue vltro, siue iis incitatoribus, Lusitanos Indica nauigatione prohibendi negotium in se quasi proprium susceperat. Francisci monasterio Hierosolymitano Præfectus nomine Maurus vir Sanctus cum litteris ad Romanum Pontificem legatur in Ferdinandum contumeliosis, iniuria occupasse Granatæ regnum, maloq; Mauros compulisse ad Christiana sacra. Ia Lusitanum minacibus propter Orientis commercium interceptum, regionum vectigalium & singulorum privati commodi incredibili calamitate. Nisi Pontificia auctoritate audaces conatus asperioribus frænis & censura ipse castigaret, excidium Hierosolymitani sepulcri, cum ignominia religionis Christianæ, ac vero piis omnibus, qui in eius ditione erant minitari. Ea legatione denunciationeq; minarum commotus animo Pontifex eundem Maurum misit in Hispaniam cum earum litterarum exemplo, vt iis consideratis Reges quid barbaro respondendum, quid faciendum videretur mature perspicerent. De Ferdinandi responso nihil traditur mainas, vt erat magno animo, contempsisse credam. Lusitanus quidem ad quem maxime eæ voces molitionesque spectabant, litteras ad Pontificem hac sententia dedit. Ex earum litterarum exemplo quas à Sulthano datas ad nos misisti, cognoui accusationes in Regem socerum meque

constatas



conflatas laudes verius quam vituperationes. Quid enim gloriosius Principi Christiano contingat, quam impietati odio esse? Minæ quas adiungit, eo spectant, ut à Christiani nominis amplificatione desistamus. Quid Rex socrer ad hæc responsurus sit, nō est nostrum statuere, ipse pro sua prudentia obiectis calumniis satisfaciet. De me illud plane affirmare possum, cupere oppido maiorem Sulthano expostulandi datam occasionem. Ac vero Indica nauigatione suscepta, nihil æque cordi fuisse, fateor, quam Meccæ Mahometis sepulchro vrbs & ædis famosæ euerfionem. Quod eum Deo futurum aliquando speramus. Tunc Sulthano licebit maledicta in nos effundere maiori stomacho. Exiguo nūc incommodo allato quid latrat? Interfecturum Christianos euerfurumq; sacrum Hierosolymæ sepulcrum, quod minatur non arbitror tam fore præcipitem ac temerarium, ut vectigalibus carere velit, quæ ex ea natione ingentia rediguntur: ne commissurum quidem ut vniuersum orbem Christianum excitet in vindictam iunctis cunctorum viribus. Quod ut contingat, vestrum erit, Pater beatissime, curare ac vero præstare. Principum animos & vires in vnum consensum sociare euellendi ab stirpe gentem sectamq; nefariam. Hanc laudem ab Alexandro Pontifice, frustra expetitam expectatamq;, fortassis in vestra tempora cœleste numē seruauit. Quod responsum Sulthani litteris dari par sit, statuent sacri istius collegii Patres vestræ administri potestatis, neq; enim tantæ sapietiae quanta in Romanis sedibus versatur, quidquam perscribere nostræ modestiæ esset. Quid anxi mi geram, quo tendant nostri conatus breui epistola explicasse satis habeam.

*Offensiones inter duos Reges socrer & generum continuata.* CAPUT XIII.

IN Tauri conuētibus leges promulgatæ sunt, quæ Isabella superstitæ sancitæ vulgò à loco leges Tauri vocantur, reip. imprimis salutare. Soluta conuentu Ferdinādus tamen in ea vrbe restitit vsq; ad Aprilis finem ex propinquo explorare cupiens Lusitani Regis animum, in quam partem se daret, in suscepta cum genero de Castellæ administratione controuersia. Proceres odio incitati eam moram in peius interpretari, Ioannam Henrici Regis filiam velle sibi connubio iungere, eius repetito iure, quod armis ante impugnatat inuitis genero & filia non Castellæ administrationem retinere, sed etiam regiam maiestatem. Infanum quantum ii rumores multorum animos alienarunt. Rebus turbatis multa finguntur libere, creduntur impune prona semper in deterius hominū persuasione. Omnino Alfonso Caualleria regio scrinio præfectus suadere institit, ut rectoris nomine posito, tutoris & usufructuarii nomina sumeret, patribus iure data in filiorum bona eorum, qui nondum in suam tutelam venerunt. Ioannam Reginam in eo numero esse si minus propter valetudinem sensu imbecillo, & quoniam erepta libertate quidquam statuendi, procul à patria detinebatur. Adiungebat præterea regium nomē tum usufructuarii iure, tum prioris coniugii quamuis vxore defuncta, exemplo Ioānis patris, qui defuncta quamuis priori coniuge filiisq; adeo ex eo coniugio relictis ad mortem nomen & potestatem Regis Vasconum retinuit regno dotali. Rectoris moderatorisque titulos esse imbecillos, obnoxios mutationi, Regiam maiestatem & nomen rebus gerendis, prouincialibus frenari dis fore salutare. Henricum Trastamaræ Comitem parum initio profecisse, paucosque eius auspiciis secutos: postquam Regis nomen attripuit, rerum continuo magnā conuersionem factam. Hæc ille. Castellæ proceres quique Philippo à consiliis erant, longe alia insistentes via, regni administrationem vniuersam ad nouum Regem ablegabant, quippe iustæ Reginæ virum cuius potiores quam parentis sunt partes, arctius vinculum caritatis. Reges si venirent rerum spectatores tantum sublata decernendi potestate fore tum ipsi tum gēti ignominiosum. Duos supremos rerum moderatores quis ferret? quis inter ipsos conciliaret? Prudenter facturum Ferdinandum, si quod erat necesse, sponte sua aliena procuratione relicta, in Aragoniam concederet: inde filios iuuaret pro virili atque ex eorum voluntate. Vi extorquere gubernacula fore noxium. De regnis Neapolitano & Granatensi non minus sententiæ discrepabant. Ferdinandus enim Granatensis imperii partem sibi tribuebat quippe coniugii tempore partum profectitum incrementum à Neapolitano consortium omne excluderat, nempe ex Aragoniæ gentis antiquo iure occupatum. Ita moleste tulit à genero in Gallico sœdere, de ea ditione, quasi de re sua fuisse statutum, ne appellato quidem se, cuius in iure mancipioque esset. Eo etiam Gonçalui fides suspecta erat quasi homo in Castella natus Castellæ incrementis faueret. Aucta suspicio misso Neapolim ex Germania, qui Cæsaris nomine rogaret ecquid animi gereret, si res ad arma deduceretur. Pontifex quoque quærere ex eo porro institit, si cum Cæsare & Gallo Rege armorum ipse constitueret societatem contra Ferdinandum, vtri partium adhæsurus esset. Et Cæsarem quidem ambiguo responso suspenderat haud satis apertis verbis negata ope. Ad Pontificem plane: ignorare profecto eum quibus maioribus



esset natus, quantis ipse priuatim astrictus vinculis, ne Regi suo fidem datam falleret, ac vero ne turpitudine aliqua suscepta familiæ nobilitatem fœderet. Sic in Italia res erant. Ferdinandus Tauro discedens per Areualum Segobiam in æstiuā abiit. Ex ea vrbe Ioannem Fonseca tunc Palentinum episcopum in Belgas legauit, vt filiæ assiduus eius imbecillitatem consilio regeret, Lupum quoque Concillū Michaelis Peresi Almasani propinquum, vt esset ab epistolis. Contra ad Regem Catholicum a Cæsare & Philippo filio legati venerunt, Andreas Burgius Cremonensis patria, & Philibertus, cui familiaris vsus cum Philippo erat, & Castellæ rerum ampla cognitio. Ferdinandus idoneum hominem nactus, querimonias in generum, in eius sinum effudit. rursusque Ioannem Emanuelem præcipuam discordiæ faciem ab eo abducere tentauit. Excusauit ille discessum, palamque datam Regi Catholico fidem obsequiumque confectis tabulis renunciauit. Noua offensionum tela per hunc modum ordiebatur, præsertim Lupo Concillo in ferrū & vincula tradito: vbi diu grauiā incommoda tolerauit squalorem carceris aliasque graues miseras, quales infesto principe præsidio longinquo aduenā pertulisse fides sit. litteras ad Ferdinandum scripsisse crimen erat: quibus filia significabat, suæ esse voluntatis vt res in Castella ipse procuraret ex matris testamēto. In intestina discordia nihil occulti esse potest. ita interceptis iis litteris lectisque Philippus iram vertit in eum qui minime noxius erat, quin & cæteris Hispanis vxoris ex familia eam alloquendi facultas sublata. Ex iis rebus aucta Regina molestia afflictaque amplius valetudine concussa mentis, publico prohibere fuit necesse. Gonsalvus interim in Italia de sua comparatione nihil omittere haud ignarus suspicionum Regis, sed officiorum offensa certare constituens, obsequio fidem probare. Cum mille Hispanis peditibus, quos dimittere iussus erat, Nunnum Ocampum amandauit Plombino atque Pisis auxiliarem. Suscepta ille prouincia Plombino, quo primum appulit, Pisas profectus suo aduentu Florentinorum audaciam fregit, eripuitque urbem e faucibus hostium soluta obsidione quam multis diebus perrulerat, ac amissa defensionis spe vix suis viribus sustentabat. Vt Lusitano creditus equitum numerus minueretur ex præscripto Ferdinandi Regis Columnii æmuli flagitare non desistebant. Dissimulabat Gonsalvus veritus hominis ingenium non laturi iniuriā dignitatis fœdata. Cognito tamen cum Pontifice in Hispaniæ perniciem occulte conspirare, ac nominatim suscepto Mediceorum patrocinio Florentinis bellum inferre velle imminuto equitum numero stipendique militaris parte dimidia detracta continuo ille quasi persona posita Plombini occupandi improuisa vi consilia agitauit. Viribus maior conatus, præsertim Nunnio Ocampo in eam urbem reuerso. Ita conuerso itinere Pisas ingredi cōstituit, quasi præsidio aduersus hostes futurus. Ex molitiones vno tempore tum Gonsaluo tum Florentinis indicatæ sunt. Ac Gonsalvus quidem reliqui stipendii multatam, atque vectigalium, quæ dono Ferdinandi obtinebat in Neapolitano regno indixit, si ulterius procederet. Florentini etiam ductore Hercule Bentiuolio obuiam profecti angustis obsessis prope Turrim sancti Vincentii quinque millibus Campilla diffitam Plombini ditionis oppido collatis vexillis profligarunt. Victus in ea pugna atque vulneratus, præterea Neapoli, vt indictum erat demptis bonis omnibus deformis iratusque palam desertis Hispaniæ aliena auspicia est secutus. Vulgi opinioni euentus respondit. cuncti ardenti ingenio & inquieto hominem non diutius in fide permanfurum existimabant quam aliunde maioris spes commodi non ostenderetur. Milites, quos dimitti iussus erat, quamuis spe facta non ad otium sed ad bellum Africanum Gerbisque insulam occupandam amandari, tumultu concitato seditioneque facta magnam Gonsaluo iniecere curam, ne maior inde rerum moles exurgeret. Eam tamen diligentiam adhibuit mulcendis animis militibus, quā arte plurimum valuit, vt breui contumacia deposita, ac imperata facere parati in Hispaniam nauigarint.

*Variacuræ Rege Gallo fœdera.* CAPVT XIV.

Cvpiebat Philippus Belga fœdus Blesis cum Gallo Rege sancitum patris Cæsaris consensu ratum esse. Colloqui visum ad Haguenauum imperii urbem. Conuenere eo ad diem dictum tum Cæsar tum Philippus. Accessit Georgius Ambeosa Rhotomagensis Cardinalis cum ampla decernendi potestate quam Gallus dedit, ex eius cōsiliis rempublicam bello paceque regere solitus. Vt Mediolanensis principatus Cæsaris consensu Gallo confirmaretur, vt erat ante decretum, iure hæreditario concessū, si mascula proles esset, sin minus Claudæ & Carolo eius sponso dotis profectitiæ nomine cederet: cū eo tamen vt si Galli culpa id coniugium non constitisset, ab eo in Austriacam familiā datum beneficium



beneficium transiret. Additum præterea, ne ea indulgentia cuiquam præiudicio esset. Hac exceptione Ludouici Sfortiæ filii causam tutati sunt, in paterhas opes restituti postmodum. Priori conditione Carolus iam Augustus obitu Sfortiarum eum principatum ad se iure deuolutum occupauit, posterisque proprium reliquit. Sed vtrique eo euentu Gallo restitui mandatum ducenta Francorum millia concessæ veniæ pretium in præsentī. Cardinalis Rhotomagensis sui Regis nomine in verba Cæsaris sacramentum dixit fidei debitæ pignus, quoniam is principatus imperii beneficium est potiori dominio semper penes Augustos, retento: De Neapolitano regno in hoc colloquio nullum verbum, sed Caroli & Claudię coniugio decreto id imperium vltro in dotis partem accedebat. Egredulit. Ferdinandus se incio de rebus tantis constitui, fœdusq; haud obscure se aduersum fieri grauissimis verbis exposulauit, in generi consultores inuectus potissimum, simplicem Principis animum fraudibus circumuenire, idoneum ducere quem ludibrio haberent. Ac illud vrebatur maxime Gallo Regi Mediolanensia iura confirmari, nulla Burgundiæ aut Neapolitani regni facta mentione, neq; aliunde compensatione pudenda siue incuria siue ignauia. Ita Austriacis inferis nulla affinitatis cū iis initæ memoria, ad Galli Regis occupandam gratiam adiecit animum, suis rebus ex eo præsidium parans, quemcumq; cursū cœptæ offensiones tenerent. Has cogitationes versanti, aliud atq; aliud subiciente animo, fore optimum visum est cum Germana Fuxensi coniugium, quoniam eius Regis ex sorore nata erat caritate filiæ instar. Eo consilio Ioannem Enguerram e Cisterciensi ordine Inquisitorem in Catalaunis, quo occultior esset conatus, ablegauit in Galliam cum mandatis & in eam sententiam litteris. Gratum imprimis id postulatum Gallo accidit: atque ita ut iura regni Neapolitani in Germanam eiusq; filios trāsferret quasi dotalia, addita tantum lege, ut nulla suscepta prole ex eo connubio, id imperium, absq; controuersia ad se & hæredes rediret; quingenta præterea aureorum millia decem annorum spatio æquis pensionib. Ferdinandus numeraret pro impensa in superiorib. bellis facta. Andegauenfib. bona fide redderentur ablati maiorum principatus, q̄ erat plane difficillimum. Captiuus Gonsalvus redderet libertatem ac nominatim Rosanio, & Bitonti Marchioni. Dux tantum Valentinus & Palladius Comes ab hoc numero excepti, ne vinculis eximerentur. His legib. Gallus fidem obstrinxit adiutorem fore Ferdinando aduersus Cæsarem eiusq; filium, si Castellæ procuracionē extorquere tentarent. Guiuardinus addit à Ferdinando Gastoni leuiro promissam item opem ad Vasconum regnum occupandum iure suo uti ipse existimabat. Magnarum rerum fundamenta ponebantur: quibus conditionibus sancendis vere exacto, adultaq; ætate, tandem ad octauum Kalendas Sept. Segobia missi sunt Ioannes Silua Cifontanus Comes, Thomas Malferitus, ipseque Ioannes Enguerra cum ampla statuendi facultate, & publicis tabulis, quib. Neapolitanis captiuis libertas, exulib. patria bonaq; pristina reddi mandatum. Atq; ut maior esset fides, actū de coniugio est Roberti Salernitani cum Marina Aragonia, Alfonsi Aragonii Villæformosæ Ducis Ripagorsæ Comitissæ filia. Tanta ex his reb. Galli lætitia ut Philippum Belgā Hispaniæ aditu prohibere conaretur misso idoneo homine, qui eius homine denunciaret, ne prius se itineri daret, quam componeret cum focero controuersias. Verbis adiungit facta Gheldriæ Duce persuaso, uti maiori quam antea mole & copiis Belgam lacefferet. bello in ditione implicatum ab Hispaniæ cogitatione abducere erat destinatum. Hoc euulgato fœdere magni animorum motus extitere in Italia atq; per vniuersam Hispaniā. Exulum oppida qui possidebant inter se conspirare, sanguinis pretium tueri armis destinantes inter se præsidio fore. In eo numero Prosper Colūna offensus maxime, Neapolitanis finib. abscedens Pontifici polliceri non dubitauit, si callus iure eius regni decederet, suis & suorum virib. ad ius ecclesiæ reuocaturum. Castellæ item procures nouo coniugio cōmoti, eo amplius quod fama vulgabat, ab Isabella Regina Ferdinando rerum in Castella procuracionem demandatam iurato prius cœlibem vitam, Cifontano suadere conuitio, ne in Galliam de iis reb. legatus proficisceretur, nisi vellent gentis vniuersæ inuidia deflagrare quasi saluti communi aduersus. Quidam etiam Gonsaluum accusare, quod tandiu cūctaretur Philippi Regis partes palam profiteri. Nouo coniugio id regnum Carolo Principi detrahi siue fœcundum extitisset filiis, siue nulla suscepta prole. Philippo quidem ipsi grauem molestiam attulit, non Regno Neapolitano per eas condiciones cadere, sed de vniuerso Aragonio imperio periclitari si proles mascula focero esset ex noua coniuge nata. Generi animo leniendo Petrum Aialam, qui legati munus obierat in Anglia, Rex Catholicus misit in Belgas, ut vna cum Fuenzalida ordinario oratore fœderis initi generum admoneret: atq; suo nomine postularet Concilio libertatem, qui ad Villabordam arcta custodia vinctus tenebatur. Fecerunt illi diligenter q̄ iussum erat. Responsum tamē placere



coniugium, neq; suæ modestiæ esse quidquam in eo præscribere, focero sui iuris, eaquæ prudentia & rerum usu quam veller vxorem ducere fas esse. Quod de Consilio postularent vnum è familia esse annuo designato salario, vincto ob crimina dari libertatem fas non videri nisi ex legum præscripto vindicata prauitate. Veneti inter hæc quasi ludi spectatores procellam ipsis imminentem non considerare. Pontifici tantum in speciem placato retentis in Flaminia Fauentia modo & Arimino, Fori Cornelii & Cæsena, quæ obtinebant oppida ex fœdere reddidere, suscepto præterea patrocínio Ducis Urbini Urbis Romæ Præfecti quem Pontificis fratre natum, in eius gratiâ Urbinas adoptarat heredem data coniuge Mantuani ex sorore sua filia. Gonsaluo missus qui pacem cum Gallo pactam nunciaret, cum mandatis quam primum in Hispaniam maturaret. Consilio eius & 10 auctoritate ad res magnas componendas egere rempublicam. Ex arcano Cæsaraugustinus præsul erat designatus successor in regni Neapolitani procuratione. lætatus Gonsalvus eo nuncio pacis fœdera voce præconis euulgari, publica que lætitia celebrari iussit ludis conuiuisque. Commissa spectacula. concurrere milites ad simulacrum pugne. Quod de discessu iubebatur præsto se esse respondit, breuiq; facturû. Ex animo an simulate ne tunc quidem cognosci potuit. Sane aduersis quandoq; tempestatibus sæuaque ventorum vi, aliquando vario rerû euentu prohibitus, diu profectioe sustetata maleuolis occasionem præbuit in deterius interpretandi, variis sermonibus materiam. Ioânem quidem Lupum Vergaram, qui ei à secretis erat, miserat in Hispaniam synceræ ipsius voluntatis fideique rebus omnibus cultæ testem idoneum. modica dictis fides, quoniam verbis facta non 20 respondebant.

*Mazalquiurum in Africa captum de Mauris.* CAPVT XV.

**N**on discedebat à Catholici Regis latere Toletanus Antistes, eius dignitatis in omnibus controuersis acerrimus fautor, multos etiam auctoritate retinuit, ne studia verterent in contrarium. Ingenti præterea animo vit gloriæ cupidior, quam pro humili conditione in qua natus educatusque fuerat, Regi crebris sermonibus etiam tum superstite Regina suadere institit, vt confecto Neapolitano bello in Africam arma verteret maiori gloria minori inuidia, neque contemnendo fructu. Quantum terræ parari potuit, eo, quem inter se Galli & Hispani fuderant, sanguine. Eo ventum vt Rex non exiguum militum numerum redire in Hispaniam iusserit, effecitque ad eam expeditionem 30 nem penitus conuerso animo. Tendillæ quoque Comes si centum aureorum millia ex regio fisco numerarentur, Oranum & vicinum portum Mazalquiurum aliaque oppida finitima se Mauris erepturum pollicebatur, reddito etiâ quidquid ex ea summa superesset impensæ, quod deesset suppleturus de suo. Pactionem propemodum confectam Regi importunus obitus disturbauit. Verum ne is conatus inanis prorsus euaderet, neq; milites Neapoli aduecti otio marcerent, Toleranus in eius belli sumptus mutua dedit ad triginta aureorû millia. Hoc subsidio in Beticæ litorib. classis instructa primû ad Tedeli- ciû fraude occupandum: q; oppidû Bugiâ inter & Algeriû ad mare nostrû sitû est. Deinde quoniam tanti nō erat, neq; cōmode retineri oppidum poterat longinquis auxiliis nulla prope fida statione mutata sententia placuit classe Mazalquiurum inuadere. Ea voce A- 40 rabice Portus Magnus significatur, quo nomine à Ptolemæo olim quoq; vocatus est Orano vrbi vicinus exaduersû Almeriæ aliquanta tamē ad Orientē inclinatione. Instructa classe, in qua sex triremes maiora alia minoraque nauigia multo plura numerabantur, quinq; militû millia, Dieghus Fernandus Corduba regiæ aulicorû cohorti præfectus, de lectusq; eius expeditionis Dux, ad quē summa imperii rediret, Raymûdo Cardonio rei maritimæ cura demandata, rebus omnib. comparatis è Malacensi littore soluit ad quartum kalendas Septembris. Dubio cælo profectos aduersæ tēpestates coegerunt ad Almeriam subsistere aliquot dies. Ita ex eo portu sublatis denuo velis idoneis tempestatib. classem incolumē ad tertiû Idus eius mensis Mazalquiurum intulerunt. tamen in aditu portus propugnaculû erat ex disciplina militari prudenter ædificatum multis horridum tormentis. Exponere in terram milites difficile erat ad vada cæca & meandros quibus litus impeditur, tempus aduersum accedebat, marini fluctus inflati, ad hæc centû & quinquaginta Mauri equites pedites tria millia prohibere descensum parati. Virtuti impedimēta cesserunt. Alacres nostri mutua adhortatione in terram defilierunt. Primus Petrus Lupus Zagalius præcipua audacia miles. Secuti eius exemplo cæteri conferta pugna hostes Oranum reiicere. Quadringenti milites præfidiarii in Mazalquiuri arce relictî occiso tormenti ictu præfecto & plerisque arcis tormentis, nostrorum globis disturbatis atque diffractis die tertio pro mœnibus supinas manus tendentes veniam orarunt. Irâ in contumaces verteret supplicib. & se dedentib. parceret. In quo duo cōmodissime accidisse notabant.



bant. Nostrorum enim è Malaca discessu cognito, ingens Maurorum multitudo in armis ad littus concurrerat excensionem prohibitori. Sed exiguo cōteatu, & quoniā ex mora suspicabātur, alio hostes diuertisse, post octo dies diuersi domos rediere. Sic nauigationis tarditas cōmode accidit. Neq; minus salutaris deditiois factæ celeritas extitit. Alioqui Mauri ingenti numero accurrētes auxilio seq; in armis per vicina montiū iuga ostentantes, multo difficiliorem expugnationem reddidissent: nisi ipso die arcem præfidiarii dedidissent. Enimuero quib. Deus fauet hos subleuat excæcat aduersarios. Sed ad Orani tamen copias ii Mauri adiuncti in aciem prodierunt, quasi pugnandi voluntate. Nostris tamen obuiam progressis totius certaminis sortem subire detrectarunt. Leues modo dimi-  
 10 cationes extitere a Mauris in lignatores nostros & pabulatores impressiōe facta haud memorabili in alterutram partem euentu. Arcis custodia aulicorum cohortis Præfecto credita est; quo honor amplior esset, ducis summi nomē adiunctum expeditionis Africanæ. Parta victoria & reb. aliis compōsitis Raymundus Cardonius ad octauum Kalend. Octobris ex ea quidem ora profectus incolumē victtricemq; classē Malacam retulit. Mazalquiuiarii præfidiariis militib. induciæ ab Orani ciuib. sunt concessæ & ius cōmerciū vtriusq; commodum Mauris necessarium ad Orientis continuandum commercium, vnde certissima vectigalia genti quæstusq; constabant. Venetæ enim triremes aromata & merces ex India aduehi solita Alexandriam Ægypti urbem, redempta, atq; in naues imposita ad  
 20 Africa, Hispaniæ, Galliæ, Belgarū, Angliæ, Daniæq; oras & portus magno suo & illarum gentium commodo anniuerfariis nauigationib. deuehere solitæ erant. Hac expeditione confecta magna nominis existimatio omnium prædicatione Ferdinando accessit, quādo parta Neapolitano bello laude non contentus ad noua & illustriora bella retulerat animum Africæ expeditionis ac Christiani nominis amplificationē haud vano conatu. Præua sunt hominum ingenia & varia. Maleuoli ex eo ipso sinistre suspicandi occasionē capere, specie impugnandi Mauros vires collatas aduersus Philippi generi conatus si venire in Hispaniam & datam procurationem extorquere vi tentaret. Toletanus quidem Archiepiscopus à pulchro initio erectus studio promouendi expeditionem Africanam in eo bello magnam vectigalium suorum partem impendere cogitauit: ac ne dubitare quidem  
 30 ducē se sacro bello dare, in Africamq; traicere, vti postea factū est, vir acer iuxta ac pius animi magnitudine ad miraculum præstans. Hoc mense dimidiato ex Ioāna Regina filia nata est Brusselis in Belgis, cui Maria nomen fuit, Hungariæ regnum Ludouico, Hungaro iactæ coniugio consequentib. tempore atq; annis. Arripuit eam occasionem Ferdinandus de felici partu filix gratulatum Carolum Alagonium è familia in Belgas mittendi cum mandatis ad Philippum generum ac monitis concordiam cum securitate potiorem vtriq; fore quam cum periculo contumaciam. Pestis lue quæ Olisipone grassari cœperat, territus Emanuel Rex Almerinum concessit. Ea contagione per Hispaniam diffusa  
 40 foedum annum, nobilem superior victoria de Mauris parta effecit, insigniuit etiā conuentus regius iuridicundo è ciuitate regia, vbi diu hæserat, Granatā translatus. Urbis de Mauris non ita pridem captæ nouis incrementis nobilitandæ amplificandæque cura suberat. conuētus Præses designatus est Asturicēsis Episcopus vir præclarus ea ætate celebri fama.

*Fædus inter duos Reges socerum & generum factum.*

## CAPVT XVI.

Segobiæ & in Balsaino regiæ venationi destinato nemore aliquot menses substitit Ferdinandus. Inde ad tertium decimum Kalendas Nouem. Salmanticam abiit. In ea vrbe pax cum gallo voce præconis per plateas euulgata est, minori aliquanto Castellæ quā Aragoniæ gentis lætitia plausuq;. Diuelli imperii Hispanici compagem, quæ post lōga tempora coaluerat, regio coniugio, si mascula proles extaret, molestum aliis, gratū erat Aragoniæ genti Regem peculiarem atq; ex sua gente habere cupientib. Sic sunt res humanæ q;  
 50 vni iucundum existit ex eo alteri mœstitia nascitur, nihil est q; æquo omnib. placeat. Ad frænandos Philippi conatus hæc omnia spectabant, tanta importunitate circūacti vt datis Brusselis litteris proceres Castellæ ad arma pro se & aduersus socerum concitaret, ac nominatim Villenium, Anagari ducem, Garfiam Lassum, Assidonium Vreniæ Comitem studio vel maxime incensos rerum nouarum. Ipsi etiā maris Præfectus & Magister equitum quamuis arcto propinquitatis gradu cum Ferdinando coniuncti nutabant. Ioannes Emanuel per litteras ægris animis discordiæ subdere facies importunus & audax; acutus iuxta & sagax. Tametsi omnib. sermonib. pacis studium præferebat coituræ facile, modo, q; æquitas postulabat, Ferdinandus suo regno contentus, Castellæ tum possessione tum procuratione decederet, si id fecisset cætera conuentura. Alioqui amissis, quæ in Castella



obtenebat, Aragoniū imperium in discrimen venturum, si cæptę offensiones in aperta o-  
 dia prorupissent, ventumq; esset ad manus. Propinquorum sanguine illita arma nō facile  
 elui. Philippum Regem haud dubie venturum idq; breui siue volente focero siue repu-  
 gnante. Monuit Rex Gallus semel & secundo missis ad Philippum legatis ne se in id iter  
 daret nisi controuersis prius cum focero compositis. Id utriq; honestum salutareq; fore.  
 nouę necessitudini id datum: si bellum esset caritate in Philippū pronior. Iis monitis pa-  
 rere integrum non erat multis ē Castella euocantibus, sexagintaq; nauib. nihilominus in  
 Belgico littore paratis, conuenturis propediem plurib. Ita sexto Idus Nouemb. Brusselis  
 cum vxore ad classem iturus discessit. Lentum iter fuit: atq; ita ut plerisq; persuasum esset,  
 expectare ipsum, dum qui partib. studebant, palam arriperent arma. Villenius factionis  
 caput ipso tempore Toletū ingressus in suspicionem venit, accepta à Philippo potestate  
 eam urbem velle in partes traducere. Ea suspicione suscepta Siluę factio præpotens inter  
 eos ciues Ferdinandiq; in studium incitati Prætōri adiuncti vim propulsare parabant. Id  
 veritus Villenius ne pars ciuium cum parte confligeret, suspicionib. de se fortasse temero  
 conceptis anxius ex vrbe discessit. Præter Siluas, Albanum & Toletanum Ferdinādo præ-  
 cæteris studebant Bernardus Rogius Dianii Marchio, Guterrius Lupus Calatrauæ Pro-  
 magister, Antonius Fonseca & Ferdinandus Vegha, hic præter vsum familiarem, eidem  
 à consiliis. Vna omnium erat sententia: omnib. virib. impediendum omniq; ope ne Phi-  
 lippus in Hispania pedem poneret, nisi prius controuersis diiudicatis. Id etiam placebat  
 Ferdinando, & tamen vim intentare, armaq; aduersus filios sumere graue erat: ac ne satis  
 fidebat id probaturum genti Reges legitimos prouincię aditu prohiberi. Varii rerū mo-  
 tus, multiplices hominum conatus, temporum conditio misera; qualē fuisse fides sit duo-  
 bus ea propinquitate de regno contēdentib. Anxios metu prouincialium animos litteræ  
 à Philippo in breue tamen tempus recrearunt: cupere vero cum focero concordia cōsti-  
 tuti. His eius legati mandatis ampla paciscendi potestate data consensu. Salmanticæ ad o-  
 ctauum Kal. Decemb. subiectas condiciones societatis & amicitia inter duos Reges scri-  
 psere. Duo Reges & Regina rerum in Castella moderatores sunt: trium pari potestate.  
 Eorum syngraphis leges edicta diplomata, actionū formulæ rata sunt: certe singulorum  
 nomina in actis omnib. exprimuntor. Cum primum Philippus & vxor in prouinciā ve-  
 nerint, sacramentum à populis dicitur eis tanquam Regibus, Ferdinando quasi modera-  
 tori, Carolo ut principi & successori in imperio Castellę, Legionis atq; Granatę. Regia ve-  
 stigalia ex æquo inter duos Reges diuiduntor deductis ordinariis & extraordinariis im-  
 pēsis: ne exceptis tum quidem ordinum militarium redditibus, quāuis Pontificum venia  
 Ferdinando addictis. Arcium præfectos, urbium Prætores ac reliquos magistratus legerēt  
 sorte scilicet pari utriq; Regi numero designato. His conditionib. fœdus factum qui tue-  
 rentur designati Pontifex, Cæsar, Anglię & Lusitanię Reges. Additum præterea, ut si Ro-  
 gina rerum particeps esse recusaret, in diplomatis tamen trium nomina exprimerentur,  
 duorum modo Regū syngraphæ. alterius in absentia qui præsens esset solus subscriberet;  
 q̄ is decreuisset, id ius fasq; esset. Huius fœderis exemplum cum fide descriptū in Belgas  
 missum, Philippo & suis, quib. omne potestatis consortium ingratum erat, vehemēter dis-  
 plicuit. Iureiurando tamen confirmare visum est. Regis Galli opes timebātur Ferdinādo  
 deuincti, magnarum reb. momentum in vtramq; partem. Et alioqui vbi pedē in Hispania  
 posuissent omnia ex sententia cessura existimabāt. Lupo quoq; Concillo victo eatenus  
 atq; horridi carceris malis vexato vehementer, libertatem reddidere. Fœdus Salmantin.  
 1506. per plateas octauo Idus Ian. ineunte anno Mill. quingent. sexto voce præconis euulgatum  
 est maiori in præsentī lætitiā q̄ in posterū fructu. Philippus, uti postea cognitū est, vxorq;  
 biduo post soluere ē littore Belgico in Hispaniam ituri. Tēpore anni minime idoneo pro-  
 fectos atrox ventorum tempestas disiecit. Aliquot nauib. submersis procellæ sæuitia, reli-  
 qua classis necessario Anglicum portum tenuit, cui Vuey manrico nomē est. loci oppor-  
 tunitate inuitati Philippus Anglusq; ad Vuindessorium inter se viderūt. Cōgressus inanis  
 non fuit. Sancita inter eos Principes amicitia, ut Margarita Allobrogum Ducis vidua An-  
 glo denuo nuberet, pactum, Maria Angli filia Carolo Austriaco; neutrum tamen coniu-  
 gium coaluit, initi tantum fœderis & colloquii pretium fuit Suffolcius Dux Anglo hosti  
 ad non dubiam perniciem traditus contra fidem exuli à Philippo datam, tutum in Belgis  
 fore. His reb. proficiendis, ludisq; & omni hilaritate is mēsis & proximus abiere. Sub exi-  
 tum Februarii ad Falamux portum nauesq; redierunt in Hispaniam traiecturi haud lon-  
 gissimo traiectu. Ioannis Emanuelis acre ingenium offensus animus timebatur. Sic Fer-  
 dinandus fœdere Salmanticæ euulgato ad eum litteras dedit humanissimas. Obluioni  
 traditis superiorib. offensionib. curaret, ad id q̄ erat æquum, & propinquitatis iura postu-  
 labant;



labant, suscepta beneuolentia Philippi animum reuocari. Sibi stare sententiam beneficiis vincere maleuolos, officio cum offensis & benignitate certare. Ad hæc quid Emanuel responderit hoc loco subiicere commodum fore arbitror, ut ex responso viri libertas ingeniumque haud infusum dignoscatur. Accepti tuas litteras. iis obsequi certum habeo, neque vlla in parte deesse muneri mihi imposito, offensiones pro virili parte amouendi stabiliedi concordiam. Certus Regum ætate tuis præceptis & institutione informata magna commoda publice & priuatim fore. Quod mihi semper fuisse antiquissimum Deus & conscientia idonei testes sunt. Et si nonnulli, forsitan & inter alios ipse coniectura ex iis quæ sum per iniuriam passus, diuersum sibi persuaferunt. Enimuero linguas frenare qui possim, qui iudicia hominum varia in deterius prona? Syncera quidem voluntatis præmium neque expecto neque requiro. Ac satis habeam si superiores labores & merita deleta est memoria tua prorsus non essent. Itaque senectutem meam reputanti altamque nostri obliuionem pro præmiis, quæ in hac vita expectabam amplissima, credam potius velle te preces mutare: inferiasque extincto dare. Quam ego laborum compensationem nolim, qui audierim Principes sæpe ministris suis exitium conciliaisse: pro obsequio æterna supplicia reddita. Ab eorum nemine, ne si Christianissimus sit quantum Rex Galliarum, subditum aliquem purgatoriis ereptum flammis fuisse aliquando. Ego tamen officio mihi necessario tibi debito nunquam deero ac ne cessabo quidem tuam monere benignitatem, ut si quæ supersunt explicanda in fœdere, eam modestiam & prudentiam adhibeas concordiae amore quam æquum est & concueuisti tenere in omni actione omnique vitæ parte.

*Rex Catholicus denuo duxit uxorem.* CAPUT XVII.

**A** Rege Catholico ad principes recentis fœderis vindices consensu designatos missi sunt legati, qui gaudium nunciarent, confectam pacem, controuersis inter se ac generum finem allatum. Ac nominatim de Lusitano Rege cognoscere cupiebat, si fœderis conditionibus non staretur, quam ab ipso opem sperare posset. Responsum anceps fuit & frigidum, verba generalia. Et utriusque Philippum inter & Lusitanum iuncta multisque officiis firmata amicitia stabat. Atque adeo ut ad eum excipendum quoniam Baticam iturus dicebatur, Lusitania non deuia ingens facti argenti aurique pondus pararet, conflaretque, siue ad ostentationem opum, seu ut hospiti pretiosa dona darent vasa auro & argento visenda gemmis & arte. Tamen pestis lues sollicitabat per vniuersam se ditionem diffundentis atque Scalabiam grassantis. Quo metu Almerino, ubi substiterat, Abrantes abiit oppidum in colle situm, eoque salubriori, puriori que aura. In eo oppido ex Regina ad quintum Nonas Martii filius natus est, cui Ludouico nomen fuit, animi celsitudo præcipua, insignis animi pietas præsertim accedente ætate, quæ longæua non fuit. Junior ex humili loco fœmina filium suscepit Antonium consequentibus annis Ocrati Priorem facem patriæ futurum, cum defuncto patre Henrico & Rege & Cardinali, nihil veritus natalium vitium, se Lusitaniam Regem dixit factiosorum & perduellium, atque plebis fœce hominum ope confusus. Infans octauo die fontibus salutaribus est ad mortis susceptorem. Brigantino Duce cum matre & Abrantis Comite. Eam lætitiæ tumultus Olisipone haud magna occasione concitatus vehementer conturbauit. In diui dominici Christi Dei ex cruce pendentis effigies sculptilis viscebatur sinistri lateris vulnus vitro regente. Die quodam qui sacris operabantur, vitri splendorem forte animaduersum per errorem miraculum putarunt cœlo editum. Repugnauit vnus quidam ex adstantium numero procacioribus verbis, quam eius conditio pateretur, quippe ex Iudæorum genere & sanguine. Populus malitiam interpretatus, ferox ut solet in eiusmodi rebus, & rapidus iniectis in miserum hominem manibus, temploque abstractum interimunt ac repente subdito igne pyra excitata comburunt. Quidam ex eo monasterio monachus vœcordi oratione furenti populo flammam addidit, ut Christo ab ea gente illatas omni tempore iniurias vindicarent ex loco superiori hortatur. Hæc singuli, hæc vniuersi inconditis clamoribus vociferantur. Nulla res vehementius multitudinem inflamat quam religionis species quamuis simulata & inanis. Vbi superstitione capta est non ratione agitur sed furore, alioqui impotens, sæua vœcordaque. Acti amplius in furem populares quasi signo dato in eius nationis ædes irruunt feroces formidabilesque, sibi quisque adhortator & dux. Crucem duo eius ordinis monachi præferabant vexilli adinstar. Rabies in miserorum cæde bacchantis populi tribus diebus omnino tenuit: ex quanto tempore supra duo millia homines sunt occisi plerique innoxii, aliqui etiam ex diuerso genere per errorem aut ex similitudine. Rebus turbatis cum omnes omnia audeant, minus insignia sunt quæ singuli faciunt, cuncta pari violentia voluntur. Belgæ & Germani ex nanibus, quæ in portu erant, concurrunt ad prædam participes futuri, aut manu sua direptis domibus, aut à promiscua plebe paruo



redemptis spoliis. Rex ex eo cōmotus, vt par erat, animo, ac vindicare certus. Dieghum Almeidam, & Dieghum Lupum, qui quæstiones exercerēt destinat. Duo monachi multitudinis concitatores dicta causa mandati lege de sicariis, ignis supplicium extinctis fuit. De plerisq; fontib; sumpta vindicta sed carptim & singulis, in multitudinis motu salutare remedium. Externi sublatis velis euaserunt cum nauib; copia miseræ gentis onustis. Sic frequenti ac numerosæ ciuitati tranquillitas rediit. tumultus popularis id remedium extitit, mali causis nibilo maius. Philippi & vxoris aduentum in Castellam indies singulos expectabant prouinciales non vno omnes animo: simul Ferdinandi cum Germana nuptiæ festinata. Obuii sponsæ Salmantica Fonterrabiam in extrema Hispania tuere Cæsaraugustanus Præsul officio in patrem incitatus, & cum eo nobiles tū viri tum matronæ. Contra Reginæ Neapolitanæ mater & filia, tum Calabriæ dux atq; splēdidus procerum comitatus Regem Vallisoletum profecuti, inde Donnias abierunt. In eo oppido ad quintum decimum Kalend. Aprilis nuptiæ celebratæ sunt neq; nullo neq; celeberrimo apparatu. Ferdinandus arcto propinquitatis gradu sponsam attingebat, quippe eius auunculus maior Eleonoræ Reginæ Vasconum, quæ auia puellæ fuit, frater. Soluit ea lege Pōtifex Romanus ægre tamen Cæsare & filio connubio intercedentib; Reginam ex Gallia profecuti erant Ludeuicus Amboesa Albigenis Episcopus, Hector Pignatelus & Petrus Sāctanderius à Gallo legati. Eminebant in cætero comitatu Salernitanus Amalfitanusque & alii Andegauenses proceres ea profectioe sperantes malis & exilio finem composita pace. Proximo post nuptias die, noui coniuges ac cæteri Principes conuerso itinere Vallisole-  
tum redierunt. In eo municipio Rex nouo sacramento suo & successorum nomine initi nuper cū Gallia fœderis capita omnia rata fore cōfirmavit, si falleret dira omnia in suum caput precatus. Paucis post diebus Andegauenses proceres in coniugium verba quasi Regum Neapolitanorum iusiurandum dixerunt. Peracta nuptiarum lætitia Ferdinādus Burgos abiit, per causam excipiendi Regem generum, quem existimabat ad Lauretanū portum, aut è vicinis aliquem propediem affuturum. Sequebantur Præsules Toletanus Hispalensisq; Albanus, Magister equitum, maris Præfectus Comes Cifontanus, in studium, vt videbatur, incitati curandi, vt regno administrando Isabellæ Reginæ testamēto explicata voluntas rata esset, nulla in contrarium exceptione. Peruenerat Turrecrematā: cum nunciatum est Reges filios ad Brigantinum portum appulso omnino ad quartū Kalend. Maii. Lenta nauigatio longa; mora vt esset, Regum in Anglia congressus effecit ludis & spectaculis celebratus in hospitum gratiam. Ad Falamux quoq; portum dum idonea ad traiciendum tempestas expectatur, multi dies abierunt. Ad Brigantinum portum appellendi classem causa extitit Philippo iniecta à malitiosis persuasio, in Castellam ingredi fore commodum quam longissime à socero liceret. Eius absentia si quid à procerib; moueretur, & in quam partem se populi darent facile cogniturum, ex euentu consilium sumeret, certus Salmantini fœderis conditionib; non stare nisi necessario. Totius machinationis auctor Emanuel Principis simplicitati & ingenuo candori illudens: vsq; eo vt in Baticæ oram ducturus diceretur, Nerio promontorio classe circumducto, nisi aduersi ventorum flatus vetuissent. Sub hoc tēpus consalius Marignus Assidonii nomine Melillæ Præfectus Casalam oppidū viginti inde millib; in Phuthēsi regno sitū cum idoneo portu, improuisus ocepauit. Operę & impēsæ ab Assidonio factę merces fuit id oppidum in eius, vt par erat, relictum iure hæreditario.

*Ferdinandus generum cupit inuisere.* CAPVT XVIII.

**P**hilippi Regis aduentus, quo publicā felicitatem fundari, reb; tranquillitatē reddi par erat, ne contra reip; statum pacemq; penitus conuelleret, vt se initia dabāt, Ferdinādus prudentia, atq; animi magnitudo effecit. Qui reb; aduersis se maior, dissimulatione, comitate, agendi dexteritate in bonū vertit, quæ incendiū exitiumq; reb; minitari videbantur. Non idē vtriq; animus erat, neq; vna agendi ratio sed prorsus contraria. Philippus, quasi vis pararetur Beneuenti & Lemosi Comites ac reliquā Calaciæ nobilitatē, præterea Castellæ proceres singulos per litteras de cōmunicanda opē appellare, eiusq; vt partes palam profiterentur hortari. Hoc quid aliud erat quā pro pace discordias serere, cōcitare tumultus temere imprudenterq; Ab eo initio, quoniā conatus ex sentētia processerat, speq; maior procerū ad eū cōcursus fiebat ex omnib; partib; vltērī progressus palā profiteri cœpit Salmātini fœderis legib; haudquaquā obtemperaturū, ignarus videlicet rerū humanarū inconstantię. Soceri aulicos & ministros infensos habere, malignis intueri oculis, vsq; eo vt die quodā Petrū Aialā monuerit: multa in Belgis & Anglia se aduersum agitata scire: dissimulasse tamē in soceri gratiā; si pergeret haud impune conatus fore. quando vnus esset è subditorū numero atq; in suo ære, attēte consideraret, quid facto opus esset. nisi obtēperaret



raret malo vindicaturū. Miserat Rex Catholicus quatuor viros in curia rerū capitalium,  
 apparitores, ac reliquum forense ministerium, vt penes nouum Regem suas quiq; præ-  
 starent partes, munera exercerent. Honori datū contumeliam interpretatus focerū tan-  
 tū sibi sumere, vt ministros & famulos daret, q; nullo pacto ferre habebat præiudicatum  
 fixumq; animo, neq; tutorem pati neq; patruum, vti Ioannes Emanuel dicere solitus erat,  
 eos vnde venerant, continuo remisit. Sic est. Multa quæ apud concordēs vincula carita-  
 tis argumentaq; sunt, inter infensos iras concitant. Philippi aulici & amicorū princeps  
 multa in Ferdinando accusabant, nouo maxime coniugio irritati cū Germana: quo filius  
 & nepotibus atrocem factam iniuriam scilicet interpretabantur regno Neapolitano de-  
 tracto. In quo iure ac merito reprehendi poterat, nisi præpostera ipsorum ratio coegisset  
 ad patrociniū galli Regis, vt dignitatē tueretur, quacūq; conditione confugere, artem-  
 que eludere arte. Alioqui lōge alia mēte Rex Catholicus erat, quā æmuli accusabāt. Nam  
 filiorū aduentu nunciato continuo Raymundum Cardoniū & Ferdinandū Vegham mi-  
 sit de aduentu gratulatū. Ipse etiam conuerso itinere flexoq; legionem maturare con-  
 stituit eos inuisurus. Substituit tamen Asturicę de eorum voluntate dū certiora cognosce-  
 ret. Præterea Villeniū cum amplissimo comitatu Burgos appulsum, atq; Anagari ducem  
 propinquis accitis & cum manu militari ad novos Reges ire parantem, monuit, vt muta-  
 to consilio non plures comites solito secum ferrent. Eas molitiones delectusq; legib; ve-  
 titas, ne tūc quidē fore impune, quippe minime necessarias, quādo nulla belli suspicio es-  
 set, cūctis amica pax. Generū interprete Petro Aiala vt duo millia Germanos, quos seōū  
 duxerat, dimitteret hortari porro, ne apparatu non necessario prouincialium animi offen-  
 derentur: q; omni cura externo Principi prouidēdū iudicabat. Michaelē Almasanum  
 profecto, cui multum fidebat arcanorum participi, legauit vt Raymundo Cardonio Fer-  
 nando Veghe, Petro Aiala, & Guterrio Fuenfaldā iunctus efficeret vt colloquio mutuo  
 locus & tempus designaretur, cupere se oppido videre & amplecti filios carissimos. Fecit  
 ille quod iussum erat. Primum vt Sarriæ congregarentur, deinde ad Pontem ferratum  
 agitatum. Philippi intimis nullus locus placebat, metu, vt erat sagaci ingenio Ferdinan-  
 dus Philippus facili ingenuoque, ne colloquio inter se susceptas suspiciones detergerēt,  
 quod naturæ iuri & propinquitatis legib; consonum priuatis aulici rationibus aduersum  
 30 omni conatu vitabant. Ita Emanuel, penes quem rerum omnium erat arbitriū Petro Aiala  
 die quodam de colloquio Principum sermone instituto, palam edixit, Errare Ferdinan-  
 dum inani fundamento magnæ, vt videbatur, molis iacto. idq; trifariam. Neque enim  
 passuros in cōgressu de aliquo negocio fieri mētionē, hoc primū sibi persuaderet. Deinde  
 colloquiū in agro fore non pari vtrinq; comitatu sed Philippi multo maiori. Postremo  
 falli si in filia beneuolentia spem aliquā reponeret inanem haud dubiū futurā. Hæc Ema-  
 nuel præ arrogātia & fastu ingentibus promissis contēptis, quib; tum filiis factis eū rursus  
 expugnare tentarunt, quippe Principis gratia vecors atq; se ipso insolentior. Quo tēpore  
 hæc agebantur Vallisoleti Christophorus Columbus obiit mēse Maio immortalī laude  
 vir primus noui orbis inuentor: vt alio loco dictum est. Villenius Beneuetanus, & Ana-  
 40 gari Dux ad nouū Regē venere festinatione fidem obsequiumq; probare certātes. Acces-  
 sere indies alii proceres in iis Begiaris Dux, Asturicæ & Aquilarii Marchiones, ipseque  
 Garfias Lassus, postremo Infantatus Dux eodē appulit. Tantis præfidiis munita factio ad  
 maiora aspirabat præsentium tædio nulla fœderis memoria. Ferdināndus Asturica, vbi hæ-  
 ferat ad Idus Maii, Rauanalium discessit, Compostellā eūdi voluntate eā urbem colloquio,  
 de quo agebatur, oportunā fore ratus. Ex intimis quidā ne festinaret, monebāt. Incōsul-  
 ti impetus cœpta initiis valida mora cōfensescere, ac prauos conatus debilitari. Quod præ-  
 ua ambitio solet, breui inter proceres & noui principis aulicos enatis odiis, quādo singu-  
 li sibi rerū arbitriū arrogarent, eas fore difficultates, quib; Philippus suo malo admone-  
 retur, intelligeretq; quantopere soceri ope & cōsilio propterea indigeret. In eo statu res  
 50 Castellę erant, vt si apertū bellū demas, peior esse nō posset. Italia Principes aliaq; natio-  
 nes aduentu Philippi quid futurum esset auide expectare: ac cunctis erat persuasū Ferdi-  
 nandū, qui eatenus terrori fuerat, dēptis virib; & potētia deinceps fore ludibrio. Ex eius  
 calamitate & ignominia pleriq; neciter nouas spes. Eā opinionē vulgo susceptā vehemē-  
 ter cōfirmabat cūctatione sua cōsaluus, cōtra quā iussū erat, resistens Neapoli. Virū pru-  
 dentē & magnū profecto nō sine causa regis mādatis nō obtēperare. Ille tamē iis suspicio-  
 nib; cognitīs equos & domesticā supellectilē præmisit quasi mox subsequaturus. Deinde  
 Petrum Nauarrum legauit in Hispaniam equis citatis moram excusatum veris rationib;  
 redditus sui facti. Dum præsidia locis competentibus disponit, militibus satisfaciē  
 pecuniæ in stipendium ob inopiam tumultuantibus re necessaria aliquot menses ex-  
 tractos. Verum Ioannes Baptista Spinelus vna in Hispaniam profectus cōsaluo infensus



tum priuatim sibi factas iniurias cōqueri, tum praua interpretatione accusare quæcumq; ab eo quamuis fideliter & prudenter gesta erant. Regiis & aulicorum aurib. ad eas voces & criminationes patulis innocentiam accusare facile erat. Sæpe etiam calumnia veritatē valentior, acres certe primos impetus habet. Itaq; Cæsaraugustano Præsuli mandauit vt Neapolim profectus curam rerum ipse desumeret in Gonsalui locum confectis in eā sententiam tabulis. Consilium iutare arte visum est. Ioanni Lupo Vergaræ Gonsalui à secretis data abs Rege scheda, quæ iureiurando pollicebatur Diui Iacobi magisteriū se illi cessurum, cum primura in Hispaniam esset appulsus. Vere atq; ex animo id promitti, vt crederetur, ingentia Gonsalui merita faciebant: falso & fraude euentus docuit: & quoniam simul Petro Nauarro, quem Oliuiti Comitem dixerat, cuiq; multum credebat, vt filium Cæsaraugustanum præsulē secutus Gonsaluo in arce noua manus iniiceret, arcano mandauit: metu se suspecti hominis liberaret: q; eius dexteritate & audacia successurum confidebat. Decretum insolens prorsus & immane numina disturbauit, ne ea iniuria obscuraretur æternum Hispaniæ decus clarissimum orbis fidus. Et forte litteræ à Gonsaluo ipso tempore ad Regem allatæ, accurata oratione, & accommodatis argumentis (& est magna veritatis vis) solis instar depulsa mendacii & suspicionum nebula lucem aperuerunt. In iis fidei constantiam sacramentō nouo, & execratione firmavit: & in quancumq; partem se res darent ei perpetuo adhæsurum, neq; cuiquam præter ipsum regnum Neapolitanum traditurum, & alioqui propediem in Hispaniam affore reb. cæteris prætermisiss. His litteris tunc quidem sedata tempestas: vnde magna extitissent incommoda, ingēs Hispaniæ dedecus vniuersæ.

*Ferdinandus ad filiam Reginam liberandam delectus haberi mandat.* CAPVT XIX.

Vix procures & reguli ad Brigantinum portum appulerant, cum inter ipsos & aduersus Belgas contentioſum & inuidiæ ingens exarsit flamma. Ad Principem gratiæ & auctoritatis locum in ea aula singuli nitebantur ambitione væcordi, modestiæ nulla cura. Villenius ante alios sibi primas arrogare, cum sacris Princeps operabatur cortinæ regiæ proximus ex vno latere quippe regiæ Castellę procurator, ex altero Verius regulus, & ipse in Belgis aulæ magister proximum occupabat locum. De Regum colloquio sententiis inter se discrepabant. Hispani impedire pro virib. satagebant: ne mutuo congressu offensionē detergerentur scilicet. Belgæ simpliciores non abnuere à vulgi existimatione multum referre si colloquerentur rati, periculi parum ostendi. Quid variis imaginib. locum darent? Verio regulo præ aliis id placebat consilium, ex inuidia & æmulatione vti malitiosi interpretabantur, Ioannis Emanuelis crescentis gratia auctoritateq;. Sed vtique hoc tempore plura molestiæ signa quam lætitiæ visebantur in vultu, & cōcursu tot procerum quasi concussa mente vereri videbatur, ne alio prælato ipse è fastigio felicitatis caderet, in omni consilio circumscriptus & cautus. Cunctis tamen vna mens & oratio erat, Ferdinandi actiones accusare linguarum intemperantia. Quidam graue ducebāt, vectigalium regionum illi dimidium attribui, neq; ordinum magisteria amplissimis redditib. venire in diuisionis partem. Aliis mirabile videbatur neq; tolerandum, tres in Castella Reges esse. Ioannes item Emanuel diploma proferebat in Gallia descriptū, quo se Ferdinandus Regem Castellæ dicebat. id ad faciendam inuidiam pertinebat. Accusabant nonnulli, arces & præsidia teneri Ferdinandi Regis nomine, nullo Philippo loco relicto præfectum aliquem nominandi, ne Prætores quidē ciuitatum, quādo eam quoq; auctoritatē sibi Ferdinandus sumeret. Quod præcipuum & maximum accusationis caput erat, delectus eum militares habere specie filię liberandæ: quæ propter valetudinem sensu turbato inclusa teneretur sublata eā visēdi omnib. promiscue facultate. Cōficta prorsus ea criminatione nō erat vtrumq; Principē perstringens. Vere enim à Philippo Regina tenebatur inclusa. Ferdinandus cura anxius se tuendi, si res ad bellū deduceretur, datis in omnes partes litteris delectus haberi militares mandauit. Honestæ species molitioni prætexta grataq; popularibus liberandi filiam iis viribus & copiis. Dux quin etiam Albanus militum numerum haud exiguum conscripserat in Legionensi ditione Ferdinandi in fide solus inter dynastas perstans, in ea temporū atrocitate quamuis non ignarus quanto in discrimine versaretur si perseueraret cunctis obniti. Nam equitum Magister Ferdinandi gener & maris Præfectus eiusdem amitinus consultius fore iudicarunt tempori cedere, Philippumque amplecti ei que præsto esse, quam inutili cunctatione se suosque in præceptis dare. In ea procerum alienatione Ferdinandus haudquaquā abiicit animum. Cōstabatur exercitus: simul Iacobum Albionē in Aragonia nobili loco natū in galliā legauit, qui rerū cōditione explicata



explicata pro iure initæ amicitia à Gallo postularer, daret operam bellū in Belgis maiori mole Gheldria Dux & Leodiensis Episcopus concitarent. Quo Philippus periculo frænatus ad æquiores pacis conditiones deduceretur. Hæc arcano parabatur præsidia, & de colloquio tamen non intermittebatur. Tempus altercationibus tractum. Moræ tædio Philippus Brigantino è portu digressus Compostellam abiit. Præcedebant germanorum cohortes in armis & cum bellicis tormētis non secus ac si per hosticum iter esset, prouinciā vi expugnare pararent. Ipso die nempe quinto Kalend. Iunii Ferdinandus & vxor Betansos Compostella abierunt. Alfonsus Fōseca Compostellæ Præsul Catholici Regis partes palam fouebat eo studio quo qui maximo, Philippi aulici id non ignorantes eam urbem colloquio propterea idoneam non iudicabant, ac ne moræ quidē diuturnæ, fano quāuis præsentis numine sanctitatis opinione & religione celeberrimo: sed Orenes versus discesserunt. Ferdinandus substitit ad Villafrancam. locorū propinquitate inuitatus Philippus misit ad socerum, qui diceret, si ad se Toletanus mitteretur cum ampla decernendi potestate, fore controuersis haud dubium finem optatum. Factum est ita. Verum Toletani diligentia atq; labore parum proficiebatur, procerum artib. concordia impedita, reb. turbatis cogitantium maiori in gratia, tranquillis auctoritatis & compendii minus fore. Ferdinandus Villafranca Bagniezam abiit, inde Matillam. Quo tempore pleriq; Episcopi & nobiles eius iter prosecuti procerū suasu, qui aduersas partes sequebantur, ad Philippum abiire senem Principem florenti ætate iuvene mutantes. Ea sollicitudine eaq; animorum consternatione Ferdinandus admonitus si ad arma ventum esset, parem genero nō fore; quacumq; conditione pacisci decreuit. In rationem necessitas versa est. Id vt assequeretur, litteras ad generum dedit: quib. rogauit vt cunctatione omni & disceptatione sublata sui omnino copiam faceret. Colloquium vtriusq; salutare ne defugeret. Quid vereretur? quid fraudib. & malignitati aures præberet: cur orbi inutiles cunctatione sermonem daret? Rescripsit Philippus multis se iniuriis violatum. Delectus contra ipsum haberi. Rumores fraude sparsos, vinctam se Reginam tenere. Inquisitorum, quorum est in Hispania potestas tremenda summæ proxima, auctoritati aduersari, ac verō propinquis eorum fauere, quos violatæ religionis reos in vincla illi & ferrum tradidissent. Quæ omnia ad faciendam inuidiam pertinere, prouinciales fraude alienandos. Interea efficiebatur nihil. Philippi affecit Ferdinandi animum explorare, antequam in colloquium veniretur, vehementer cupiebant, an in foederis conditionibus quæ Salmanticæ sancitæ erant, immutari aliquid pateretur. An Castellæ procurationem eiurare. Hic vero difficultatis & moræ nodus & cardo. In quō cautior Ferdināus consilia detegere non inducebat in animū priusquam cum genero esset congressus, integra consultatione in id tempus seruata, ratus coram omnia facilius quam per interpretes conuentura.

## Colloquium inter duos Reges. CAPVT XX.

Magna quamuis diligentia Toletani parum de colloquio & cōcordia proficiebatur tamen. Vilæ regulus & Ioannes Emanuel negotio, à Philippo præpositi opponebantur. Toletan⁹ simplicius rē gerebat, vt personæ grauitatē decuit, illi calliditate & fraudib. armati. Ex cōmodo pacisci satagebant deceptis fessisue aduersariis: si id non cōtingeret, certe tēpus extrahere. Eum ad Philippū vndiq; fieri cōcursum vt breui magna penes socerū solitudine coactus Castella deserta in Aragoniā abiturus videretur. Id supremum & maximum tum duob. tum sociis votum erat. Ipse quoq; Toletanus concordia nulla spe certe tenui Ferdinando consilium dabat, vt tēpori cedens in Carpetanos sese referret retro conuerso itinere: arcib. & oppidis, quæ multā & firma Toletanus eo tractu obtinebat, tantisper sustentaret dum animorum æstus remitteret. Daret malōrum pœnitētia, daret bonorum consensui spatium. Praua consilia initiis valida morā languescere, bona è contrario confirmari. Multa quæ natura impedita sunt, morā expediri. Dum eo perueniretur multa posse intercedere, præsertim tam lento itinere, eo anni tempore, victus, vt erat gēs, intēperantia, q; caput erat, multis inter Hispanos & Belgas enātis suspicionib. haud fore prouinciales tam vācordes, vt ex comparatione temporis præteriti cum præsentī errasse se non faterentur, cuperentq; emendare. Hæc Toletanus prudenter, vt euentus docuit, eo ipso iam Ferdinando suspectior: quasi tempori inferuaret, & ad Philippi gratiam cum cæteris niteretur se deserto: ex heri damno & ignominia cōpendium captaret. Nimirum vera monentibus is fructus esse solet, assentatio sine periculo peragitur. Verino, quo Philippus peruenerat, Dieghum Gueuaram miserat ad socerum cum mandatis, ne festinaret, cunctationem veriusque fore commodiorem. Non destitit tamen Ferdinandus



filios videndi certus, quid graue ducerent dictitans si inermis alloqueretur armatum. Quæ matorum spectra fingerent animis? Vilæ regulus & Ioannes Emanuel, quando de-  
 tractare colloquium non poterant, Nellasa, quo Philippus venerat, ad Ferdinandum ire  
 pergunt diem & locum congressui designaturi, missio tamen prius Albano specie nego-  
 cium peragendi, sed re vt pro Ioanne Emanuel pignus esset, violatum fore. Interim Phi-  
 lippus Sanabrie vicum, Ferdinandus Asturianos concesserant, octo millium modo inter-  
 uallo. Eo in oppido Ioannes Emanuel & Vilæ regulus accepti à Ferdinādo benigne sunt  
 nulla offensus mentione. Quin blandis eos verbis compellans ea dixit, per quæ intel-  
 ligeretur, nullam se moram facturum concordie ex generi voluntate, mutatis, quæ vide-  
 rentur, in superioris fœderis conditionibus. Iter ea oppida medio ferme interuallo villa  
 est sita Remessal dicta. Ei villæ propinquum roboretum colloquio delectum. Die poste-  
 ro, vt erat constitutum, Reges duo ex hospitibus sunt profecti nō pari sed lōge diuerso co-  
 mitatu. Regem Catholicum ducenti sequebantur, mulis vecti atque inermes pacis habi-  
 tu & cultu, Philippus milite & armatis stipatus. Prope Sanabrie vicum duo millia hasta-  
 ti dispositi erant præter indigenas, qui ex omni parte cōfluxerant visendi auidi & studio  
 in nouū Regem suis sedibus exciti, equitum præterea valida manus, eorum qui proceres  
 secuti fuerant. Præcessere mille Germani quasi locorum exploratores, aulicis subsecutis  
 Philippus ipse clausit agmē in equo atq; sub veste tectus armis. Dextram Toletanus stipa-  
 bat sinistram Emanuel. Ferdinandus occupato podio prætereūtes spectare animo sereno  
 si ex vultu coniceres. Accessere proceres ex ordine dextram gētis instituto osculatum,  
 quos ille festiue excepit. Beneuētano complexū ferens sensit armatum. Cū risu, Comes,  
 ait, qui solito obefiores factus? sensit ille aculeum dicti, responditq; sane id tempore est fa-  
 ctū. carisæ Lasso, tu etiam, inquit, & ille. Enimuero cū omnib. aliis. Secutus est astantium  
 risus. Accessit Philippus haud læto vultu ex equo in pedes desilire volentē aliorū exēplo  
 foceri dextrā osculatū, occupauit ille cōplexu, & osculo læta renidētq; facie. Ad vitādā  
 multitudinem, quæ circū fluxerat verba habitūq; notātes, aliquo concedere placuit. Pro-  
 pe erat facellū: in quod duo Reges secundum salutationem sunt ingressi: & cum eis Tole-  
 tanus & Emanuel. Toletanus quia in cæteris libertate, ad Emanuelē. Nō decet, inquit, pri-  
 uatos Principum suorū sermonib. interesse. Faceſſamus ergo. Non auso repugnare socio  
 cum prope ianuā essent, egredere Toletanus addit, ego ianitoris implebo munus. Sic illo  
 egresso clausaq; ianuā in viciniō podio assedit. Reges postquā inter se solita salutantiū ver-  
 ba diixere, Ferdinandus prior aduersum vti flecteret, aut pacis cupidum vt vehementius  
 accēderet, hac sentētia locutus fertur. Si nostræ tranquillitatis & iucunditatis, quā com-  
 modi & honestatis rationē potius habuissē, susceptas hætenus contumelias & probra  
 nunquam pertulissē. Verū amoris vis magna est paterni maior, multa patitur, multa dis-  
 simulat. Huic studio parē gratiam redditam nō esse, tua pariter ac nostra causa dolemus.  
 Vt mihi Regina vxor rerum procurationē demandaret, ipse obsequeretur iustæ voluntati,  
 nulla praua ambitione factum est, ac ne plura quidē habendi cupiditate, multo minus  
 cuiusquam dignitatem eleuandi voluntate. Satis diuitiarum diuino beneficio suppetit.  
 Filiorum porro contemptus, quid aliud quam dedecus nobis pareret? Vestræ ætati, præ-  
 fertim rerum vsu non magno, neq; probe cognitis gentis Ingeniis, ne imponeretur vestræ  
 que illuderetur ingenuitati non sine causa verebamur. Astuti homines cōmoda sua suo-  
 rumq; ex vestra ignominia publica, adeo calamitate captarent. Inde existerent dissidia  
 & tumultus iis pares, quos Regum facilitas, aulicorum prauitas peperit superiori tempore  
 quibus vulneribus vix nunc est cicatrix obducta. Verum quando nostra voluntas non  
 ea mente, qua par erat, accipitur: quod alioqui rebus compositis facturum eram, continuo  
 rerum procurationem abdicare certum habeo. Pluris enim animorum cōcordia, quam  
 quid quam aliud esse debet præsertim alio vocantibus reb. magnis, quæ nostram absen-  
 tiam gemunt, præsentia curabit. Omnia in te sunt, quæ aut fortuna hominibus aut natura  
 largitur, ætas, opes, ingenium: neque studia gentis desunt: vt sint propria faxint superi. Il-  
 lud monere non desinam, videndum, quibus fidere debeatis, quib. administris partem  
 aliquam potestatis credere. Quam nisi tempestiue cautionem ac diligentiam adhibueris  
 quod auertant numina, neq; ipse velim, magnæ difficultates & egestas implicabūt. Hunc  
 Archiepiscopum sum expertus magno animo esse ac minime malo. Illi & similibus tuto  
 fidas. Auri splendorem alia metalla imitantur, mentiuntur fūco probitatis illita vitia sæ-  
 peque loca virtuti debita per simulationem prauī homines occuparunt. Philippus Rex  
 paucis respondit, vt erat ab intimis edoctus. Ea consilia magnum apud se pondus habitu-  
 ra: pro eo ac par erat obsequiū deferre ac perpetuam voluntatē obtēperandi præceptis ex  
 amore profectō paterno profectis. Verba vocesq; non audiebantur. vultus præcū visen-  
 tibus



ribus notabantur Philippi proiectus & mœstus Ferdinandi non insultans sed grauis & lætitiæ propior. Sic è colloquio discessum nulla duabus quamuis horis inter colloquendum consumptis mētionē Reginæ neq; à patre facta ad vitandā offensionis occasionem, neq; à genero oblata eam videndi facultate. Quod certe fuit inhumanū vulgo sed & proceribus sermonū ac vituperandi materiam præbuit. Maiori plane animorum offensione quam cum qua venerāt, digressi in oppida vnde discesserant cōtinuo redierūt ipso die ad memoriam insigni Sabbatho ad duodecimum kalendas Iulias.

*Alterum Regum colloquium. CAPVT XXI.*

Continuato Reges itinere duodecim aut summum sedecim inter se milliū interuallo  
 10 Philippus ipso D. Ioannis peruigilio Beneuentum tenuit. Ferdinandus sollicitare non cessabat, concordia vt sanciretur quibus id negotii datum erat, consensu Ferdinādo denunciarunt Castellæ procuratione in generum translata, vti in Aragoniam abiret, ordinum militarium tamen retenta præfectura, aliisque Isabellæ Reginæ testamento legatis integris. Hac lege fœdus sancitū eisdē amicos inimicosq; futuros nemine excepto. Hoc pactū à Ferdinando Villafafilæ sacramento confirmatū est astantib. Toletano, Emanuele & Villæ regulo ad quintum Kalendas Iulii. tantundem die proximo Philippus Beneuenti præstitit, victoria de socero parra per eum modum, cuius ex tēplo auctores & gentem pœniteret, lætus eo amplius quod ex arcāno tabulis confectis Reginæ valetudinem reb.  
 20 gerendis inutilem iidem contestati sunt. Quod erat nihil aliud quam rerum summam ad se trahere & sine rivali regnare. Contestatus est etiam Ferdinandus secreto coram Thoma Malferito, Ioanne Cabrero, & Michaelē Almasanio, qui erat à secretis necessitate coactum in eas condiciones venisse, quippe inermem aduersus militum legionib. cinctum: cum liceret reuocaturum. Rebus ad hunc modum cōstitutis Ferdinandus Tordefillam abiit. Ex eo oppido litteras in omnes partes dedit kalendis Iulii conscriptas: quibus sibi destinatum affirmabat Castellæ procuratione cedere, cum primum filii applicuissēt. Eius voluntatis argumento Castella relicta velle suarum rerum curam arripere, suisque subditis prospicere diuturnam absentiam sui Regis ægre ferentibus, cum publico haud dubium multorum detrimēto coniunctam. Priusquam Tordefilla discederet, misit ad eum Philippus qui denunciaret Reginæ contumaciam & iurgia Beneuenti extitisse. Orare  
 30 proinde paterna auctoritate remedium. Huic legationi, quoniam inuidiosa res erat & Philippo certum vxorem includere, nihil certi respondere voluit. Rem modo omnem eius probitati & conscientiæ permittere. Se quidem parentem esse, ipsum tamen virum, eam vtriusque filiorum matrem, sperare nihil tanta necessitudine indignum facturum: suæque prudentia saniora secuturum consilia. Quod vt faceret, rogare enixe. Tordefilla Tudelam itum est, nomen id vico non procul Vallisoletō. Philippus Muzientes accessit ex itinere in suam sententiam pertractis proceribus syngraphasque extorquens, quibus Reginam includi probarent. Præfectus maris consensum cum cæteris rogatus respondit: priusquam missæ ad se in eam sententiam descriptæ schedæ subscriberet, cupere Regis voluntate causam explorato eius deliberationis cognoscere Reginā, si liceret, visa & con  
 40 uenta. Placuit postulatū fieri. Sic accepta venia Præfectus maris & Beneuetanus in eius oppidi arcem admissi Reginam in cœnatione inuenerūt maligna luce, in veste nigra obsoletaq; cucullo capiti imposito, quo faciem fere velaret, ex iis credo, quib. in Gallia fœminis capiti imponere, & oris partem velare familiaris est vsus. Ad ianuam Garfias Lassus erat, intus Toletanus præsul. Assurrexit illa viso maris Præfecto, excepitque eo honore & ritu quo mater posset, nisi q; pedibus stetit. Rogauit num à patre veniret: & qua illum valetudine reliquisset. Respondit Præfectus pridie se Tudelæ lætum valentemq; reliquisse. discessum in Aragoniam parantem, ac iam in procinctu esse. Tum illa incolumitatem orare: atq; oppido libenter visuram dicere. Aliis institutis ex professo sermonibus, nihil tamen absconū excidit. Vrgebat Philippus includi cōtinuo. Præfectus vidēdū, inquit, quid  
 50 facto opus sit. sine Regina Vallisoletum eundum nō arbitror: alioqui incommoda & animorum motum denuncio. Cōmota plebe & ad tantæ rei expectationem erecta caue ne proceribus male sentientibus detur occasio rerum nouarum Reginæ liberandæ specie popularibus grata. Me quidē auctore vxorem nunquam à te seiungēs: & quādo præcipua valetudinis causa Zelotypia continetur, non arbitror committendum, quo mēte amplius eo facto concussa morbus simul augeatur. Digna res visa est, quæ ad consilium deferretur. Collatis sententiis placuit Vallisoletum deduci. Prius tamen quā ex iis locis discessum esset, rursus Reges inter se videre. Renedum vicus medio ferme spatio Tudelæ propinquior colloquio delectus. Re cōstituta Ferdinandus generū monuit maiori quam antea beneuolentiæ significatione accederet. Vtriusq; interesse verū intelligi concordēs vel



maxime discessisse. Quid darent sermonē orbi nouis offensionib. susceptis neq; deterfis prioribus? Tertio Nonas Iulii post prandium profecti sunt Reges. Prior Ferdināus accedens in pagi templo expectauit dum gener accederet. Venienti obuiā progreditur, vt inter se viderunt, dextrā iunctā, in complexum itum, magna vtrinq; comitate certatum. In templi facello remotis arbitris horam & dimidiam subistere. Monuit generū Ferdināus quid facto opus esset, quid vitandum vt sine offensione rempublicam gereret. Fine colloquii Toletano ad se euocato verba inter se dixerunt magnā amoris significationem exprimentia. Quod si tam facile suorum mentes Philippus flexisset, quam ipse cesserat, cōcordia inter duos facile potuit stare. Ergo ē colloquio est discessū. Ac Ferdināus nulla prāterea negotii alieuius mētionē, ne filiā quidē, cuius visendē haud dubiū studio flagrabat, Renedo discedēs in Aragoniā iter intēdit. Albano veniā eius iter prosequēdi Neapolim vsq; quo breui erat iturus, roganti negauit prācise multis quāuis precib. fatigatus, gratius facturū excusans si in Castella maneret prēpositus iis quib. suarū rerū procuracionem delegarat. Hi erant Guterrius Lupus Padillia Calatrauæ Promagister, & Fernāus Vegha ordinum militarium iudiciis prāfecti, tū Ludouicus Ferrerius, qui oratoris partes apud generum impleret. His mandatum vt Albani voluntati non secus ac suā cuncti obsequerentur, imperium respicerent. Discessum, qui vniuerso orbi vehementer ignominiosus est visus, ea ipse magnitudine animi pertulit, quō cēteros antea fortunē sequentes fluctus, eo indignior iniuria quo eam æquiori animo pertulit. Proceres se adeuntes benigne accepit nulla molestiā vel leui significatione. Gentis ingratos animos forte accusauit quīquam aduersus eum cui omnia deberent: magnis se potius obsequiis deuinctum dixit: daturum operam, quantum liceret, vt memori contulisse videretur. Ita demum discessit eo vultu habituq; quasi breui se rediturum, & in maiori gloria fore prāfagiret animus. Et quidem cognita Principis indole, vtriusq; gentis ingenio haud diu res eodem loco mansuras, breuiq; ex comparatione instantis temporis cum prāterito, quantum senilis prudentia rerumq; vñs maximus iuuenis facilitati prāstaret non sine gemitu & reuocandi voluntate intellecturos prouinciales, diuinare promptum erat.

*Res nouæ in Castella.* CAPVT XXII.

ET vtiq; vix Ferdinando digressio magna rerum immutatio facta est. E capite in corpus reip. salus labesq; diffunditur. Rex Regi quantum prāstat? Indixerat Philippus regni conuentus Vallisolerum lautum & amplū municipium, q; de Reginæ captiuitate cogitabat, ordinum consensu confirmari cupiens. Honeſta ſcilicet ſpecies parum mente valere neq; idoneam rebus gerendis videri. Subornatis proceribus Toletanus etiam accedens, vt in eius potestatem custodienda traderetur quibſdam vrbium procuratoribus auctoritate perſuaſit. Vnus maris Præfectus ex omnibus qui aderant, appellatus de consensu præcise se paſſurum negauit: nouum atq; inſolens exemplū induci. Neq; in eo reſtitit, ſed vrbium procuratores allocutus ne rei turpiſſimæ aſſentirentur palā monuit, q; ſine fidei Reginæ debitæ ſugillatione non contingeret. Vera iis prædicare videbatur, animorum tamen imbecillitati Principis obſiſtere voluntati nō auſi per ſe, profeſſi ſunt tamē ſi quis procerum conatui faueret, aperte repugnaturus. Tum ille commune periculum fore ſacramento confirmauit in cauſa iuſtiſſima, quemcumq; exitū haberet. neq; ſibi priuatim conſulturum, tantum viros ſe prāſtarent. His verbis animata maior ſuffragiorū pars crudele decretum abiecit, ac quæ in Tauri conuentibus ſanxerant, nouo iureiurando confirmari modo placuit in Ioannæ verba quaſi iuſtæ Reginæ & Philippi Regis eius mariti, tum Caroli Principis poſt matris fata non alium regni hæredem fore. Regium ærarium exhaustum erat factis ſumptibus geminæ aulæ & militariſ. ſtipēdiis multiplici præterea peculatu. In bellum Mauricum pecunia decreta, aureorum millia ducenta & quinquaginta duobus annis à populis redigenda. Graue ſubſidiū fuit fame grauiffima prouincia laborante, vsq; adeo vt aduectitio ex Sicilia frumento mediterranea quoq; vitam tolerarent. Carpetani & Celtiberi ē Carthaginis nouæ portu petebāt, ē Malacēſi Batica vniuerſa inaudita ad hæc tēpora rei frumentariæ inopia caritate mirabili longinquæ vecturæ impenſa aucta, & tanquā in ſumma abundantia pecuniæ illudebatur tamen paſſim ſine iudicio donatæ, in ludis & conuiuiis intemperanter conſumptæ. nouus quoq; Rex domeſticis præda erat. Excepit noua calamitas cū magno religionis dedecore. Regii conſultores & miniſtri Inquiſitorum iudicia & auctoritatem labefactare cœperant, iis ſe immiſcentes cauſis temere promercali homines ingenio atque profani. Ac nominatim aures præbere Cordubenſis Inquiſitoris Dieghi Luceri aſtiones præpoſteris accuſantib. quaſi indigna atrociaq; tū ipſe tū ceteri adminiſtri pro potestate geſſiſſent, neq; quieturis niſi mouerentur & ordine & munere. Vinctis ea cauſa fauebant inter alios Egabri Comes, & Prieghi



Prieghi Marchio validissimo conatu. Populares correptis armis quosdam ex Inquisitoris ministris in vincula rapuerūt, viq; in arcē irrupere Inq̃storum domiciliū. Accusabāt p̃terea summū Inquisitorē Dieghū Dezá eundē Hispalensem quoq; præsulē, quiq; ei a supremis conciliis erant, Rodericū Mercadū, Azpeitiā, Fernandū Montemaiorē, Ioannē Tauerā, Sofamq; viros quāuis integerrimos. Tauri ii ea tēpestate maiora de religione iudicia exercebant, vinctis multis ex eo numero, qui ad Iudaicam perfidiam, quam eiurarant ante, redierant viri alioqui copiis & clientelis præstantes. cum iis mitius agi Philippi aulici cupiebant. Deinde q̃ non minus gentem perturbauit, neq; minora attulit incōmoda, vno tempore abdicatis omnibus vrbium Prætoribus, arciumq; Præfectis, ipsiq; adeo limiti designatis custodibus, repente in eorum locum alii sunt substituti. In quo trifariam atque grauissime peccatum est. primum enim Belgis magno numero iis honoribus conceditis indigenæ sunt vehementer offensi, non alienigenarum modo multitudine onerari prouinciam, sed honores debitos ciuib; occupare. Deinde tam multis procuracionibus vacuis idoneos homines deligere qui licuisset? temerario delectu plerosq; suffici nullā prudentia, tenui probitate necesse fuit, quæ magna labe exitit ac pudēda socordia. Non paucis aulicorū fauor pro virtutib; erat, aut pecunia qua honores & magistratus licebantur apud Belgas præsertim venales homines, pretioq; nihil denegare, solitos ē calamitate reip. opes & potentiam aucupari. Postremo quibus ii honores sunt detracti, præmia suæ & maiorum virtuti data iniuria & præcipitanter detrahi conquerebantur scilicet. Vnde veluti ex vitiato fonte expostulationes innumeræ extitere, odiaq; breui eruptura in apertas simultates. Harum rerū fama vero fortassis maior diffusa in omnes partes honores & magistratus esse venales, tū prouincialib; tum Regina factam iniuriam, popularium aucter animos, atq; ita vt inter se conspirarēt arcano, malis præsentib; quæ magna erant, maiora impendebāt, & atrociorā mederi satagētes. Alios proceres crederes alium populum. Addebat alimenta rumoribus Belgarū ingenium nihil dissimulantū sed omnia consilia & actiones in populi oculis proponentium. Ferdinandum deseruisse dolebāt scilicet suspirabantq; tā incenso eius desiderio, vt si conuerso itinere retro rediret, passim secuturos prouinciales apparet nouo Rege deserto. Nihil est in populo modicum: nunquam in vno gradu resistit. Ex eo nouus Rex contemptui esse cœpit, prorsus vt Garciam Lassum, cum maxime vellet, neq; regio cōsilio præficere, neq; Ferdinando filio institorē adhibere potuerit procerum intercessione eo conatu impedito. Sic Ioannes Emanuel Præsidis vicarias partes implebat donec aliū in eo munere proprie succederet. In Batia Afidonia Dux, Vreniē Comes, Prieghi Marchio atq; Egabri Comes ex antēcondicto inter se arcano conuenere. Male eoercitam famam supprimentes augere solent. De Regina liberranda consilia communicasse vulgo iactatū. Ex his nubibus ne sæua existeret tēpestas prudentes verebantur. Mense Augusto Rex & Regina Vallisoleto Segobiā discesserunt; quoniam Moia Marchio, vt erat iussu, eam arcem Emanueli tradere recusaret, vim adhibitori si amplius cunctaretur. Verū is cautiore cognito delectus militares haberi ad eam arcem impugnandam tandem obsequium contumaciæ prætulit; haud ignarus Regū iras mora actiores existere, æquū atq; iniquū Regis imperium ferendū. Sic Rex priusquam Segobiam ventum esset, flexo itinere Tudelam abiit Durio præterfluente nobile munitum, inde Burgos atq; Victoriā iturus Gallicis copiis obuiam, quas ea parte irrumperere in Hispaniam velle fama vulgabat. Per Vasconum fines ne aliquid moueretur, pro Ioanne ribera ei limiti Anagari Dux est substitutus. Deinde cū iis Regib; fœdus factum Castellæ & Legionis regnis comprehensis, de socero Aragoniaue nulla mentio, q̃ vulgo homines accusarent passim, atq; mirarētur, in eo fœderis leges ad Villafafillam cū socero constituti, ac vero in vno factō humanitatis & naturæ iura perueriti, quibus Deus parentibus obnoxios filios fore sanxit.

## Obitus Philippi Regis. CAPVT XXIII.

Ferdinandus rex per Montacutum ē Castella digressus & Garizam, quæ Arci veterib; fuit, in Aragoniæ finibus oppidum, Casaraugustam vrbē regni caput contēdit. Prior Regina deinde subsecutus rex excepti in ea vrbe sunt plausu & lætitia gentis eo cumulatione, q̃ ex eo coniugio Regem peculiarem habituros se confidebant æquo cum cæteris iure à primis annis viuere assuetum, iusto moderatoq; imperio, vti leges & instituta gētis postularunt superiorum Regum exempla. Priusquam ē Castella discederet ex itinere à Rege genero magna contentione petiit, Valentinum Borgiam sibi dedi iure captiuum suum. Velle eū in aliqua Aragoniæ arce diligēter custodire, certe Neapolim deferre quippe rebus Italiæ ex sententia componendis virum apprime idoneū. Nā propediē eo ire cogitabat. cōque classē Barcinone instrui mandaret. Philippum Regem socero obsequi



volentem (neq; enim tanti id erat) amici deterruerunt consilio communicato prius statuendum disputantes, ad quem captiuus spectaret victus & missus in Hispaniam à Gonsaluo, superstite tum Isabella Regina. Ex paruis sepe magnarum rerum momēta pendere. Importunis altercationibus extracto tempore nihil tandem impetratum quæ noua contumelia fuit, nouæ offensionis occasio. De magno Gonsaluo crescere cura: ex moræ diuturnitate alienum animū suspicari, ab æmulis præsertim & maleuolis varii rumores spargi quidam Cæsaris aduentum expectare affirmabant per mare superum parantis cum octo Germanorum millibus regnum Neapolitanum occupare. Accusabāt alii ad Gallum transire velle, conditiones transitionis nuncupare Rhotomagensem Cardinalem. Quibusdam erat persuasū interprete Ticinensi Cardinali fœdus cum Pontifice agitare. Om-  
 nino imperium militare suscepturum bello aduersus Ioannem Bentiuolum Bononiam ecclesiæ Romanæ antea imperii, tyrannide prementem. Neq; deerant sermones prædicantium Prospero Columna sibi adiuncto filia adeo coniugio cū illius filio pacto monstri profecto aliquid alere, certe eius familiæ præsidio aduersus omnes fortunæ ictus se tutum velle præstare. Nemo dubitabat quantum is poterat, velle tantundem, singulis vt fit, ex se alienum animum metientib. coniectura fallaci. Nunnium Ocampum mutatis equis ad celeritatem ire ipse in Hispaniam iusserat, suæ sincerae voluntatis testem, celeris aduētus vadem. Aduersus vulgi rumores tales ac tantos non satis fidei Nunnii affirmationi adiunctum, quoniam dictis facta contraria videbantur. Calumniæ aperta aures erant malum innocentia aduersum. Sic Rex quam primum proficisci cōstituens Aragoniæ Proregem  
 Archiepiscopum Cæsaraugustanum designauit, Catalauniæ Calabriæ Ducem detractis tamen è familia Italis, quorum partem se Neapolim comitari iussit. Gallū quin etiā sollicitauit vt Reginā Ducis matrem cum filiis reliquis ad se mitteret, vt in superiori fœdere cautum erat. Rebus securitas quærebatur. Negauit illa venturam, ac potius in Mantuani agri oppidum abiit comite Ludouico Gonzaga ex sorore Antonia Baucia nato, decē aureorum millia in familiæ alimenta à Gallo Rege pacta. Rebus ad profectiōē paratis præmissus Neapolim est Carolus Alagonius regii aduentus nuncius, ac Columniis procerib. qui rebus suis timere videbantur, verbis Regis testatum nihil eos per iniuriam passuros. His rebus perfectis pridie Nonas Septembris Ferdinandus Barcinone soluit, & cum eo germana vxor Regina Neapolitanæ mater & filia: præterea splendidus procerum comi-  
 tatus tum è Castella, tum præsertim ex Aragonia amplior. Catalauniæ triremium dux Raymundus Cardonius, Sicularum Tristanus Dolcius. Sequebantur plura alia nauigia maiora minoraq; in speciem validæ & numerosæ classis. Neapolitanæ triremes in eo litore substitere à Gonsaluo retentæ, vt iis venienti Regi obuiā procederet. Quo consilio Neapoli biduo postquā Rex Barcinone discessit, quoniam mare magnū erat, ventus aduersus pedestri itinere Caietam abiit. In ea vrbe ad duodecesimum kalendas Octobris triremium aduentum sustentauit. Dux Termestinus aliq; Italici generis proceres euntem honoris causa profecuti, è captiuis adiuncti Rosanius, Bitōti Marchio, Alfonsus Sanseuerinus, Fabricius Gesualdus: alios aduersa valetudo detinuit Neapoli. Interea Philippus Rex cum primum Burgos peruenit Magistri equitum quamuis ædib. hospitio delectis, Ioan-  
 nam Aragoniam eius vxorem aula expuit: ne scilicet esset cū qua Regina suas molestias communicaret & cuius in sermone acquiesceret. De Albano maiestatis quæstiones haberi cæptæ. Fidei constantia erga Ferdinandum crimen erat ea tempestate grauissimum. Maris Præfecto minori iam gratia mandatum, vt fidei pignus è suis arcem aliquam traderet. Quod ille cum Villenio, Anagari Duce, & Beneuentano consilio communicato facere detrectauit. Magnum malum q; ab his iniitiis reip. parabatur, atrocemq; tempestatem multorum capitibus & fortunis minitantem Philippi Regis improuisa valetudo, & mors importuna discussit. Febris pestilens nihil minus cogitatem inuasit, atq; intra paucos dies extinxit. Veneno corrupta vitalia sensim venis illapso exitiabili tarditate, suspicio quibusdam fuit inanis tamen, vt eius medici sunt testati, atq; in eo numero Ludouicus Marlia-  
 nus, qui deinde Tudenſi episcopatu donatus est in Calēcia, nimiam defatigationem veritus intemperantiam exitio fuisse inter obsequia fortunæ minus quam ante suis cupiditatibus imperanti. Decubenti semper Regina astitit: ac ne ab extincti quidē corpore diuelli potuit vlla procerum diligentia ac precibus, quāuis præter ordinariam valetudinē vtero graui ad septimum Kalēdas Octobris decessit prima hora post meridiē ætatis anno octauo & vigesimo. Granatæ corpus sepeliri mādauit. Dum id fieret, trāslatitio funere ad Miraflores Carthusianorum Burgenſe monasterium tumulo compositum est. Eo fine vitam clausit Philippus Rex vix regni inchoati primis fructib. delibatis. Ætatis breuitas effecit ne diuitalem Principem præstaret, qualem eximia indoles polliceri videbatur. Quid nobilitas



bilitas profuit? quid ætatis flos, eximia totius corporis orisq; dignitas? Quid opes & potentia, quib. cæteros Principes Christianos facile superauit? Quid regia & splēdidus aulicorum numerus? cuncta peruertit mors importuna præcepſq;. Tantum sibi in reb. humanis sumit. Sola virtus non interit, cuius certa merces est aliis fundata radicib. Diuina consilia explorare quis ausit? Quis humanæ felicitatis incōstantiam pro dignitate admirari accusareq;? Multorum spes sunt euerſæ, aliorum ad nouos conatus nihilominus erecti animi. Statura corporis iusta fuit, facies candida rubraq; barba rara breuiſq;, labiū inferius porrectum cum gratia, oculi mediocres, promissa cæsaries. vniuerſi corporis habitus cum venustate decorus atq; amabilis. Animus ingens, sed facilis: q; nisi cautio adſit & modus, in perniciem vertitur aulicorum abusu prauitateq;. Otio luxurioso oblectabatur, à negotiis abhorrens, eoq; intorum libidini & imperio ſemper obnoxius. Id vnum fama accusauit, quæ nullum Principem innoxium patitur, ſi libido abeſſet, auaritiā ſæuitiamq; non timeres. Menſe Auguſto crinitum aſtrum extitit octo diebus, cauda flammata porrectaq; occaſum inter & aſtrum. Poſt fata creditum eſt huius Principis capiti minari: cuiſq; obitu magnam rerum mutationem fore motuſq; graues.

*Libri vigefimi octauī Finis.*

IO. MARIANÆ HISPANI  
E SOCIETATE IESV,  
HISTORIÆ DE REBUS  
HISPANIÆ,  
LIBER XXIX.

*Ferdinando Regi obitus Philippi generi nunciatur. CAPVT I.*

**B**ITV Philippi Regis magna rerum maior animorum immutatio facta eſt conuulſa penitus rep. maiori, quam meminerant periculo. Fluxa & inconstans humanæ vitæ cōditio. Quis Castellæ felicitatem tantis munitā præſidiis, lōgo tempore fundatā, multorum annorum pacem, iuſtitie cultum, quib. bonis à nulla gente vincebatur, puncto temporis crederet, in præcepſ itura: deſitura in tyrannidē & rerum omnium permixtionē miſerabilem ni cōtinuo ſuccurreretur? Magnam rerum ſub cœlo inconstantiā, noſtrę imbecillitatis clarum argumentū. Hora vna aufert, q; multis annis quaſitū erat: quōq; nauis maior, eo ſua mole amplius laborat, & proprio mergitur pōdere, ſi nauclero deſtituatur & clauo. Vti in præſenti Castellæ accidit. Proceres inter ſe diſſidebāt, nullo cōmuni conſenſu paucis iudiciū aut reip. amor: pleriq; pſens rerum ſtatus diſplicebat; pari dolore aliena cōmoda ac ſuas iniurias metiebātur. Immēſæ ambitioni ſatisfacere quis poſſet, qſ hiantē cupiditatē ſatiare ea multitudine hominum? Purimæ pſecturæ & honores prouinciæ penes Belgas erant. Obſequii patriæq; deſertæ ca ſcilicet merces. Hi redigēdæ pecunię vias omnes inueſtigare, quāuis cum prouincialiū gemitu: p̄dæ habere repub. pretio non æquitate iura deſcribere, impotēs dominatus ac ſæuus. Omnino in Hiſpania diu hærere non cogitantes, nulla famæ cura cuncta vānalia habere honores, magiſtrat⁹ præmia virtuti debita: ex iis pecuniā captare quaſi breui principatu feſtinantes. Accēſas aulicorum cupiditates ipſa Principis facilitas acuebat, minori metu, maiori q̄ſtu apud iuuenem & credulum. Prouinciales ea offenſi peruerſitate tantis malis aut finem aut modū optabant: atq; procerū exemplo ſciſſi in partes, pleriq; ſupiora tempora tædio præſentium ſuſpirare: quidā etiam à Ferdinando præpropere ſe deſertos atq; inhumaniter accuſare: cum ipſi priores eum deſeruiffent, atq; ignominioſi diſceſſus culpā porro ſuſtinerent. Hoſ tamen animorū motus, offenſionesq; graues Princeps præſentia auctoritateq; quamuis iuuenis: ac erroris cōmiſſi tradito reipub. clauo, cui minime cōueniebat, detractōq; ei, cui omnes amplius quā ſuis ſinguli parētib. debebāt, prouincia p̄ tot annos opimæ pacis cōmodis florente, ac multis acceſſionib. amplificata eo duce rectorēq; memoria frēnabat maxime: ne noui motus exiſterent. Leuius. n. ferunt homines, q̄ ſua culpa accerſierunt mala. Deſuncto tamē Philippo Rege cōtinuo erumpentib. odiis quaſi frēno domito multorū turbidi conatus extitere, maioris mali metus, nullo q̄ prohi-

*Tomus II.*



bere posset, contumaciamq; castigare, malis impendentib. remediū afferre. Regina, q̄ reā  
 ea maxime attingebat, ob valetudinē & ingeniū cura omnis grauis atq; intolerāda vide-  
 batur. Carolus filius imbecilla ætate, externis morib. & institutione, si pro matre suscep-  
 set, rerū procuratiōē alieno imperio obnoxius futurus erat. periculū ne externi eius no-  
 mine regnarent cū magna prouincialiū inuidia motuq;. E duob. Caroli auis Maximilian⁹  
 Cæsar procul aberat. Si curā rerū susciperet non minor suspicio: penes eos rerū summam  
 fore, q̄ morū Hispaniæ essent prorsus ignari reip. magno atq; incredibili incōmodo gen-  
 tisq; offensione, ex recēti memoria metus probabilis. Supererat Ferdinādus idoneus ma-  
 xime ob exactā prudentiā & animi magnitudinē eorum ēt qui nolebāt cōfessione. Verū  
 is ex Hispania aberat suscepta ignominia irritatus. Ad hæc ex consciētia qui deliquerant, 10  
 ne eius reditu meritas pœnas exoluerent, & arrepta potestate, vt sunt hominū ingenia, vl-  
 cisci dolorem vellet verebatur. Hac anxii cura varias cogitationes, abhorrētia cōsilia ver-  
 sabāt, fœdas rerū imagines, aliud atq; aliud subiiciēte animo, vt sit, cū prima quæq; dāna-  
 mus, pridie obitus Philippi, salute iam à medicis desperata inter proceres tumultus extitit  
 grauis belli ciuilib. suspicio, nisi opportuno remedio occursū esset. His malis, q̄ multorum  
 capitib. minabatur cōmoti Magister equitū, maris Præfectus, & Infantatus Dux hi studio  
 in Ferdinandū palā incitati cū Anagari Duce & Villenio q̄ aduersę partis capita erāt apud  
 Toletanū Archiepiscopū cōuenere de reb. omnib. disceptaturi. Grauiore cōtrouersia e-  
 rāt, maiores conatus q̄ vt cōponi sedariq; facile possent. Cōsensu definitū, vt cū Toletano 20  
 sex alii viri ab vtraq; parte iudices designati de litib. statuerēt: q̄ esset sancitū ius fasq; habe-  
 retur: nullus cōtra repugnaret. Ab iis Kal. Oct. fœdus percussū atq; procerum sacramento  
 confirmatū est in tres menses anniq; finē his prorsus legib. Nulli militares delectus habē-  
 tor. Proceres ne salutē aut fortunā inter se infidiātor: neue omnino lēdūto. Nemo Regiñā  
 q̄ Burgis erat, neq; Ferdinandū filiū, qui Septimācis educabatur, in suā potestātē redigito.  
 Qui secus faxit, reliqui pœres vindicāto. Petrus Nūnius Gufmanius Calatraue Clauiger,  
 cui Ferdinādi instituēdi cura data erat, procerū conatus veritus ne infante p vim detractō  
 turbarū occasio existeret (nā Philippo nondū extincto Dieghus cueuara & Philippus Ala-  
 id facere tentarāt litteris patris nomine, vt creditū est cōfictis (Vallisoletani cōuentus iu-  
 dices eorumq; Præsidiē instātis periculi admonuit, nisi opē ipsi tulissent. Ea denūciatione 30  
 illi Septimācas haud procul sitū oppidū profecti puerū Vallisoletū deductū ad D. Gregoriū  
 custodiendū curarunt, collegiū ab Alfonso Burgēsi Palētino Episcopo Dominicanis, quē  
 ipse ordinē professus erat, regia impēsa cōstitutū. Ea diligētia quorundā p̄p̄steri conatus  
 elusi sunt, cautumq; publicæ trāquillitati. Sic res in Castella erat. Ferdinādus Catholicus,  
 quo die inter proceres sancita cōcordia est, Genuæ portū tenuit. Lēta nauigatio fuit, ad-  
 uersis tempestatib. prohibiti in varios Hispaniæ & Galliæ portus necessario clāse intule-  
 runt. Antequā Genuam ventū esset, cōsaluus obuiam Regi profectus. suas secū triremes  
 ad reliquam clāsem adiunxit. Veniētem rex accepit humanissime ingentiq; lētitia, qua-  
 si leuata superiori sollicitudine sincero gaudio mens tum primū vacaret, deterisq; suspi-  
 cionib. eximiā viri fidē plane perspexisset. Additus verborū honor publicū priuatūq; p̄-  
 coniu. Neq; n. fas erat quidquā de merita laude sinistris rumorib. detrahi obscurari iniu- 40  
 ria gloriā tantis virtutib. partā. Vulgo homines ac p̄sertim Italici generis nunquā sibi p̄sua-  
 serant ea prudētia heroē abiectis cōditionibus, q̄ multæ & honestissimæ offerebantur, se-  
 suaq; vnquā Regis potestati permissurū callidi imprimis parciq; viroꝝ insigniū prome-  
 ritis æstimādis cōpensandisq;. Noluit Rex eam ciuitatē inuisere, ne in terrā quidē descen-  
 dere, quāuis ab iis ciuib. publice & priuatim magnis p̄missis munerib. ad hospitium inuitat⁹.  
 Primores tantū ciuitatis se adeuntes monuit vt populares cōtinerent, quos nunciatū erat  
 Gallici imperii grauitate fessos vim & arma parare. Alioqui Regi Gallo fratri suo deesse  
 studio & opera nequaquā posse, si secus factū esset. Ea admonitione frænati tātisper ciues  
 metu Hispanicę clāsis aliquandiu irā continuerūt in Gallicā nationē conceptā diu, q̄ ali-  
 quanto post tñ effuderunt, ea cōtumacia correptis armis, vt Gallū in Italiā ii motus neces- 50  
 sario reuocarint. E portu Genuēsi digressus Hispanus vētis nihilominus reflātib. ad portū  
 Delphini substitit aliquandiu. Eo loco tertio Nonas Oct. de Philippi obitu tandē cognō-  
 uit, ex Toletani litteris aliorumq; eius nomini studentium. Ii cōsensu flagitabāt oblitis vt  
 priorib. offensionibus, q̄ primum in Castellā sese referret. Trāquilla omnia inuenturum,  
 neq; minora gētis studia q̄ in Aragonia futura. Festinaret modo beneuolētiæ memor po-  
 tius q̄ iniuriæ, neq; inutili cūctatione reb. nouis locū daret difficili deinde remedio seraq;  
 moræ pœnitētia. Eam ab ipso opē vniuersam gentē prætolari cū gemitu & lacrymis. Nō  
 fore tā inexorabilē, vt iis vocib. & precib. non moueretur. Tantundē Aluarus Oforius fla-  
 gitauit a Philippo Rege adiunctus socero comes oratoris munere. Has Ferdinādus preces  
 excelso animo repulit, & si nemo eo melius cognoscebat vera esse, quę de Castellę piculo



predicabāt: nihilq; optatius cōtingere poterat ad Castellæ procuratiōē, vnde erat eiectus, reditu. Ergo in cōsilio perstans cōceptū iter prosequendi, litteras ad Episcopos, & proceres, & ciuitates dedit: quib. molestū Philippi generi obitū extitisse significauit. Rogare enixe vt fidei memores perpetuo erga suos Reges ab vniuersa gēte cultæ, Reginæ obsequiū deferrent. Se quidem deesse illis non posse: ac vero compositis Neapolitanis reb. breui, non moraturum spem vota; gentis deesse optime metita. Cōuerso retro itinere rediturum, voluntate certa cunctis gratificandi, vt eorum merita & obsequia perpetua suo iure postularent.

*Rex Catholicus Neapolim inuit.*

C A P. II.

**E** portu Delphini solūēs Ferdinandus, quāuis aduersis tempestatib. in Caietæ portum  
 10 **t**andē intulit clasē. Ea in vrbe & Puteolis dies aliquot substitit, dum Neapolitani (qui nunquā sibi persuaserāt eo Regē peruenturū, præsertim ex quo de obitu Philippi cognitū est) sese ad eū excipiendū cōparant. Maximus post memoriā hominum apparatus, lætitiæ publicæ & priuatæ significatio præcipua extitit. Eo lōgior aliquāto mora. Sed Puteolis ad Oui arcē abiit mari circumfusā omni ex parte. Ac Kal. Nou. reb. omnib. paratis ex Neapolitana mole portus adinstar viginti triremes egressæ insigni ornatu vexillis & flāmulis explicatis visendo spectaculo atq; ordine ad Regē accessere. Eo prætoriā ingresso displosere tormēta de more primū triremes, arces deinceps & naues, q̄ in portu & ancoris stabāt. In-  
 20 **g**ēs fumus fragorq; auriū & oculorū vsū aliquāto spatio diē quoq; ipsū atra diffusā nebula abstulere. Discussa nebula redditaq; luce sensim triremes se ad molē retulere remis. Pontē ligneū ad mare tibieinib. sustētarum cōtabulatumq; asserib. arcus ex eadē materia erectus claudebat. Eo loco Regi & Reginē ex cēsuris Magnus Gōsaluus & vniuersa Neapolitana nobilitas præsto fuere intertextis auro vestib. luxu sumptuq; certātes. luctū amissi Philippi splēdenti cultu cūcti mutarāt, misti fœminis mares, ætatis teneræ maiorib. effusi obuiā omni ex parte. Rex ipse bōbycinā trabeā coccino colore gestabat. Regina aureo rigentē cycladē circū humeros breue palliū, viridi colore laqueis eximio decore distinctū. Eā manu Gōsaluus vsq; ad pōtis frontē arcumq; pduxit. Quo loco Rex eius vrbis tabulis & priuilegiis sacramēto more maiorum cōfirmatis, in equum albū cōscendit in mannum æque cādūm Regina. Umbellā ciuitatis primores gestabāt: vexillū Fabricius Columna de manu Regis acceptum, vexilliferi regii ēt honore addito. eius latera stipabāt gemini de  
 30 **m**ore feciales. Subsequebatur Magnus Gōsaluus in veste exterius serica coloris purpurei, subtus aurēā, ad dextrā Prosp. Columna: mox alii proceres & Principum legati lōgo ordine. Pōpæ vniuersæ lætitiā præ cæteris captiui auxere iā libertate donati diuturni carceris squalore deterso, meliori in posterum spe læti ouātesq; Agmē vniuersum clausere Borgiā Sorretiq; Cardinales post regiā umbellā proximi. Hoc ordine p plateas p̄cipuas circūducta pōpā, sedesq; vrbanas quinq; vbi ciues & matronæ expectabāt visēdo ornatu cū vocū & instrumētorum cōcētū locis singulis mirabili, in tēplum maximum tandē puenit. Quo loco varii monachorum ordines ac reliq. viri sacriati eum ferculis & velamētis lētitię, collegiorum signis, dictorum insignib. veniētes excepere deo cōcinētes hymnū. Quacumq; incedebat agmē, multa p̄tiosa vestis tegēs parietes, multa erāt odoramēta disposita. Ad ar-  
 40 **cē** Nouā, vbi pōpæ finis fuit, duæ Reginę Neapolitanę, & Hungarię Regina obuiā procefere & ipsæ pristinæ felicitatis cum subsecutis ærumnis cōparatione nō exigua spectaculi pars. Die postero Rex cunctis procerib. ac nobilitate prosequēte post vniuersā vrbē obambulatā in gōsalui hospitium diuertit, ea popularitate nō Gōsaluo modo cōhonestato, sed & plebis gratiam promeritus: q̄ morum & actionum maxime facilitate capitur. Mox de reb. cōmunib. actum est ac imprimis de procerib. Neapolitanis in pristinum locum restituendis, vt erat in fœdere sanctum. De magnis & multis præterea reb. deliberatio futura erat. Ergo ad generales regni conuentus Neapolim edicto omnes regni ordines euocantur. In iis conuentib. Ferdinandi & Ioannæ filiæ atq; successorum sacramētum, a cunctis, qui intererant est susceptum nō alios Reges fore. Germanæ Reginę nulla mentio magno  
 50 **m**ultorum miraculo, fœderis nuper cum Gallo iēti in eo legib. non stari. Germanę tamen valetudo excusata, & iam Vallisoleti Reginam Neapolitanam fuisse proclamata. Honesta videlicet species, sed q̄ non omnib. probaret. Interea Castella diffidiis æstuabat ex arcano in partes scissa, palam nōdum arma mouebantur. Neq; mirum sublato capite omnia reip. membra laborare. Proceres inter se dissidebant discordes ante, & tunc contemptu regentium minus coercitis odiis. Regina neq; idonea ad res gerendas erat, neque volens. Regii cōsiliū mandatis pauci obtēperabant, iuuuitus nemo: cogendi malo auctoritatis parū & viriū. Et est fluxa potētia nō sua vi nixa. Nusquā imperium, nusquā obsequium, omnia soluta & turbata atq; etiam in deterius versa. Quidā regni conuentus indicendos iudicabant; atq; ordinū cōmuni sententia regni rectores designādos. Eius cōsiliū principes au-



dores Toletanus, Magister equitū & maris Præfectus extiteret. Intercessit Albanus cōsiliū,  
 q̄ non ipse dedisset, inimicus, an quia ita sentiebat, Regum tantū esse conuentus indicere  
 iudicans. Interregni tēpore nihil nouarent. Mediā viā tentare visū est. conatui suscepto re-  
 gii adiungere nominis vmbra. Regina de ea re appellata adduci nulla arte potuit vt edita,  
 quib. euocabātur ordines, sua subscriptione probaret. Irrito eo conatu, q̄ erat proximum  
 tamen, q̄ Reginæ a cōsiliis erant, cōuentus Burgos indixere. Reginę prius valetudine pu-  
 blico testimonio cōprobata ne lege maiestatis teneretur. Reb. controuersis pauci vrbium  
 procuratores cōuenerunt editis obtēperantes: neq; quidquā ii præstiterunt tandē irritō  
 conatu. Varii animorū motus, multiplices conatus, rerū conditio misera. veterū malorum  
 ne orbis recurreret prouinciales verebātur. Proceres nō vna sententia, pleriq; tamen rerū  
 arbitrium Ferdinādo deferebāt, in hoc numero Toletanus, Magister equitū, maris Præfe-  
 ctus, duces Alburquerqueii & Begiaris. Non eadē tamen ne iis quidē mens omnib. neque  
 cōsentiens oratio. q̄dam eius præsentia requirebant, alii absenti ēt reip. curam delegabāt.  
 id Toletanus securus suspicionē p̄buit rerum arbitrium ad se velle reuocare. vsq; eo vt vi-  
 caria fieri potestātē petierit regnum administrandi qualē habuit, cū ad cōtrouersias cum  
 Philippo cōponēdas ante fuerat a Ferdinādo missus. Id fama vulgauit vero an falso, haud  
 facile dixerim. Reb. turbatis, multa temere finguntur, dicuntur impune. Sed simul de ea re  
 Reginā appellare nō dubitasse affirmatur. Anagari Dux, Alfonsus Tellus Villenii frater,  
 & Ioānes Emanuel cōtratendētes Ioānæ Reginæ regni procuratione propter valetudinē  
 detracta, pro mortua habendā conuētus regni pronunciare volebāt. Eo decreto haud du  
 biū in Carolū filiū sceptrā & ius imperii transferri. Verum neq; his plane consentiens sen-  
 tentia erat. Duci. n. placebat venire ipsum in Hispaniā. reip. eius nomine moderatores or-  
 dinū cōsensu designari. Alfonsus Cæsari potestātē delegabat quippe Principis auo pater-  
 nō, cui leges eius tutelā manifeste darent. Ea plerisq; opinio magis q̄ Ducis probata. Ipseq;  
 Cæsar oppido cupiebat eā procurationē arripere: atq; ita vt cæteris contēptis in Hispaniā  
 propediē venturū se significaret. Nō deerant, q̄ Lusitanie Regē Castellę moderatōrē dari  
 vellēt, in Isabellā filiā & Ferdinandum infantes iunctos cōiugio regno trās lato: quo iure?  
 quib. virib. ? Nimirū cæcus animorū impetus agebat in p̄ceps, odiumq; externi imperii,  
 cuius recēs documentū extiterat. Turpius alii ad Regū Vasconie præsidium cōfugere, Via-  
 ne itē Principis, de quo actū erat cū Philippi filia coniugio. Priuatas singuli cupiditates vt  
 fieri solet, spesq; sequebātur, publicę vtilitatis exigua, si ab iis discreparet, cura. quo morbo  
 laborasse ēt Toletanū rumor erat, sibi præterea purpurā, socio Frācisco Ruicio episcopatū  
 aliquē destinare. Infantatus Dux filiū suū Palentinis Præsulē dari. Alburquerqueius Sego-  
 biensē arcē Moia Marchioni, cū quo amicitia erat, restitui. Anagari Ducē male habebat  
 Magistri equitū, Villeniū Albani gratia & reb. omnib. auctoritas penes Ferdinandū. Nul-  
 lū sine æmulo aulæ fauor esse patitur: neq; minus q̄ iniuria propria, vrit inimici felicitas.  
 Beneuētanus Villalonio suæ ditionis oppido nundinarū ius a Philippo datū quāuis Medi-  
 næ Cæpestris detrimētō ratū esse cupiebat. Sic singulos proprius dolor vrebāt, aut incita-  
 bat cupiditas, eo vela daturōs, vnde certior spes affulgeret assequēdi, q̄ animo destinassēt  
 omni alia cura soluti. Malis, q̄ ex eo fonte impēdebāt, procurādis Toletanus & delecti cū  
 eo arbitri in p̄cerū cōtrouersis, nouo eos sacramēto adegere, neminē præsidio & ad reip.  
 gubernacula euocaturū Principē aliquē externū, neq; cum eo facturū fœdus. Rex quoq;  
 Catholicus piculo cognito litteris ad plerosq; proceres pollicitus est se daturū vltro, quæ-  
 cumq; ipsi expetiissent: si obsequiū cū securitate quā contumaciā cū periculo mallēt. Ac  
 nominatim Villenio Villenā Almanfamq; q̄tis pretiū promissit. Anagari Duci rerū vana  
 liū decumā, q̄ in Anagari ditione pēdi cōsueuerat. Nulla diligētia mala impendētia vitan-  
 tur. Seu quia q̄ cælō manēt, moueri nō possunt, seu quia turbidas hominum mētes sanare  
 difficile est. Procerū dissidio factū vt scelerū impune grassaretur licētia, multa præpostere  
 fierēt, nullo qui vindicaret. Ac primū quib. dieb. Ferdinandus Neapolim ingredi parabat,  
 Valētinus Medinę Cæpestris arce fune demissus euasit. Sētere qui intus erāt fugę strepitū.  
 Sed ad prohibendū pares nō erāt. Parta libertate ad Beneuētanum abiit fugę adiutorem,  
 deinde in Vascones magno periculo rerū Italiae vbi præcipuā obtinebat auctoritatem in-  
 genio prauo & malis artib. validus. Præterea Ioannes Gusmanus Assidonie Dux filium  
 Henricū cū copiis misit, vt Heracleā freto Gaditano impositā vrbē occuparet, superiorib.  
 annis sibi dono datā ab Henrico Rege. deinde a Ferdinādo detractā iniuria, sic ille conq̄-  
 rebatur, reb. turbatis absenteq; Rege impunitatē facto fore ratus. Arci Præfectus Garfiae  
 Lassi vicarius vim prohibere paratus, Tendillie Comes Granata, aliiq; Bætica vrbē iū con-  
 uentus ad periculū aduolātes effecerunt, vt obsidio solueretur præsertim Hispalēsi præsule  
 admonēte legib. q̄ armis causa quā vi disceptare honestius tutiusq; fore: q̄ se abs Regina  
 & Rege patre impetraturū est pollicitus vt cum eo de iure certarēt. Importunos conatus



forte exitiales auctori maxime. Sic ab armis est discessum. Maior aliunde tempestas ostentata. Hi duo Alfidonius & Hispalensis Vreniæ & Egabri Comites, Prieghi Marchio quales & quâti reguli ad Toccinam Bætiæ oppidum conuenere. Ibi fœdere inter se factotabulis cōfectis iureiurâdo decreuerūt Reginę debitum obsequium ac totius regni comoda. Obtemperaturos se mandatis Reginæ atq; eorum qui a regiis consiliis erāt. De regni conuentib., quos adornabāt, contestari, si quid in iis esset cōstitutum, q̄ Dei legibus Reginæ mandatis, aut publicæ vtilitati esset aduersum nequaquam ratum habituros. Sic in Bætica res erant honesta specie turbidi conatus. Plerisq; licentia placebat sed honesta conatibus prætedebāt nomina. In alia parte Rodericus Mēdoza Cenetī Marchio Mari-  
10 am Fōsecam sibi toro iungere cupiebat. Exorta de eo coniugio lite, dum a sacro iudice in causa esset pronunciatum, Reges Catholici sponsam in variis monasteriis custodiri mandarant, ne qua vis interim afferretur. Marchio vt erat ardenti animo audax & præceps, rebus turbatis ex Olgarum Vallisoletano monasterio, vbi postremo erat, vi admota detraxit, & amore & scelere male sanus: q̄ noua prouinciæ turbatio gentisq; fuit. Toletī tumultus hac occasione extitit, Fuēsalidæ Comes apparitoris munere, quo Regum ab antiquo munere ea familia in illa vrbe fungitur, cōfusus Petrum Castellam Prætorē loco mouere est aggressus. Insignem confidentiam virib. maiore conatum milites Ocania a Ferdinando Vegha missi cōtinuo repressere, aduersaq; Comiti Siluarum factio Prætori adhærens. Per eum modum motæ vrbi tranquillitas rediit. Madriti nō minor turbatio dissidiumq;  
20 extitit inter Sapatas & Petrum Lassum Ferdinandi partes sectantes, aduersus Ioannem Ariam eidem infensum. Segobiæ item Moie Marchio portas & templum maximum armatis occupauit, arcis præfecturā iniuria detractam obtinendi spei imminens. Dissidiorum flammam tumultumq; grauem vniuersa prouincia multis cōcitantib. extinguebat nemo. Colluies malorum qualem a multis annis Castella non viderat, quasi cōuulsa suis sedibus nutans atq; ruitura supra suo pondere, etiam si nullus impelleret.

*Ioanna Regina Burgis discessit.* CAPVT III.

**C**astellę Regina impedita valetudine malorum occasio magis quam leuamen, fluctuanti reip. opitulari non poterat, medicas prohibere a rep. manus poterat. Omnium sanctorum anniuersaria memoria festum diem ad Miraflores monasteriū celebrauit. Ibi  
30 sacris operata post prandium sepulcrum aperiri mandauit, vbi viri corpus erat. Ingressa intro & loculo a Burgenfi Episcopo referato cadauer attente considerauit oculis, contrectauit etiam manu sine gemitu tamen millisq; effusis lacrymis ac prorsus nihil, vt videbatur, animo commota. Sic eodem die sese in vrbem retulit. Suspiciatam crediderunt, in Belgas extinctum fuisse, ablatum ab ea natione hominibus, in familiam Principis adscriptis. Verum illi cupidi in patriam quam primum redeundi mercedes potius annuas, & si quæ heri testamento debebantur legata, magna contentione exigere moræ impatientia vendita, si opus esset, defuncti supellectile, ne diu sustentare necesse esset in Hispania nulla iam melioris fortunæ spe. Regina de ea re appellata, iustissimo postulato nil respondit aliud, quam viri manes expiandi precibus curam se, vti par erat, non neglecturam.  
40 Burgis vt discederet sæpe agitatū vrbe diuisa in factiones. Magistrū equitū, in cuius illa ædib. morabatur, maior ciuium pars sequebatur. Ioanni Emanueli æmulo neq; ciuium studia deerant neq; voluntas Reginæ in suam potestatem redigendæ arcis fiducia: cuius præfectura cum multis aliis tota prouincia a Philippo Rege fuerat donatus. Pestis lues in ea vrbe grassari incipientis discessum vt maturarent effecit. Villenius etiam Escalonam suæditionis oppidum cupiebat deduci. Conatus omnes disturbabat Reginæ ingenium consilio repudiato nisi q̄, insedisset animo Ioannam Aragoniam sororem cōtinuo a viri obitu reuocarat in regiam. Eam & Dianii Marchionis vxorem Salinarum Comitem cum nuru Maria Villosa in primis gratas habere ceperat atq; cū iis libeter sermones familiares miscere. His auctori. ad suburbanā domū egressa, graui vtero, ac proximo partu, relicta ea vrbe  
50 cōstituit Turrecrematā discedere viri caduere secū asportato, quasi ex eo oppido misfura Granatā funere sepulcroq; stabili. Eo consilio pridie discessus nepe ad quartū decimum kalēdas Ianuarii Ioāni Lupo Lazarragæ a secretis mādauit, diplomā cōficeret, quo donationis a Philippo viro post mortē Isabellæ Reginæ factas abrogabat. Ea res quoniam ad multos pertinebat, grauissimos animorū motus cōcitatura videbatur. Cūctatē proinde Lazarraga atq; aliam ex alia morę causā excusanti, quatuor e regiis cōsiliariis ad se Regina vocati quā primū tabulas in eā sententiā conficeret, præcise iussit. præterea ex suorū cōsultorum albo eradi quoscūq; post matris Reginæ obitū ad eū numerū adiunxisset Philippus vir, atq; ita denunciari, quorum intererat. Die postero, priusquā se in iter daret, vrbī procuratores salutatū accedentes post varios sermones rogarūt, vellet ne ex ipsorum numero binos ad Ferdinandū patrē ablegari oratū, vt quam primū veniret in Hispaniam



adiutor reb. gerendis. Aduentum respondit patris cupere: solatio æque ac voluptati fore. De regni procuratione nullum verbum. Ac iussit potius pro se quisq; in hospitia discederent: neq; iniussu conuentus agerent. Quod erat nil aliud quam cōuentus soluere, prohibere incommoda q̄ multorum iudicio ex illis ne extaret timebatur. Reb. ita constitutis Regina Miraflores abiit die Dominico tertio decimo Kal. Ian. A prandio Philippi Regis corpus è tumulo detractum atq; lecto funebri impositum præmisit. Comites adiuncti Episcopi Giennensis & Mindoniensis, & cum illis Malacensis Præsul Dieghus Ramirus à Villascusa. Paulo post egressa Regina est neq; splendido neq; modico comitatu stipante: Villenius tamen aderat, & Ludouicus Ferrerius legatus Ferdinandi. Accessit mox Magister equitum multiq; alii in officium incitati nihil sentientis, sed maiestati datū officium. 10 Nocturnum iter erat accensis facibus. Ad mediam noctem Patuiam ventum, inde Turrecrematam, vbi Regina diu substitit. Burgis manserunt regii consiliarii, Toletanus, maris Præfectus, Anagari Dux. Tempus exibat, procerum in pacto fœdere & concordia designatum. Actum de eo prorogando. Non vna mens erat omnibus, neq; par cunctis oratio. Magister equitum abnuebat, eo fœdere causatus reginæ maiestatem imminui. Maris Præfecto, ampliari placebat. Toletanus ad hanc sententiā adiciebat de suo: regis consiliariis auctoritatem imperandi faciendam videri. aut eam viam aut nullā ostendi gerendæ reipublicæ sustentandæq; sine noxa vsq; ad Ferdinandi Regis aduentum. Multis grauis erat Ferdinandus, neq; rerum procuratorē volebant. Ergo vt id impedirent, de Reginæ coniugio actum est. Villenius Calabriæ Ducem coniugem destinabat, pari nobilitate quāuis 20 è paterno regno magna fortunæ iniquitate deturbatum. Præferebāt alii Alfonsum Henrici Aragonii filiū ex Aragoniæ & Castellæ regio sanguine solū superstite stemate quidem per viros cōtinuato. Eo ventū vt Mariæ Villoæ, cui cū Regina familiaris vsus erat, opimus principatus promitteretur operæ merces si eius animū exploraret. Fecit illa q̄ iussu erat molli occasione captata. Tū Regina apage, inquit, tantū nefas: nouo me cōiugio implicari vis? Nec deerāt q̄ Anglo iungi vellent, prouecta quāuis ætate eius cōnubii percupido. Incertis p̄ter hæc rumorib. fama vulgavit, vt paulo post mōstrabitur, Gastoni Fuxensi Narbonis Principi à Ferdinando eius magno auunculo & sororio, Reginā filiam vxorē destinari. Insanum quantū is rumor quamuis confictus multorū ab eo auertit animos, aliorum studia debilitauit alioqui in Ferdinandū Regem accēsa. Quod falso creditū est, sæpe veri 30 vicem obtinuit.

*Neapolitanis exulibus Principatus restituti.* CAP. IV.

**R**egis Catholici Italica profectioe multorū animi ad nouas spes sūt erecti. Ex omnib. Italiæ partib. legati Neapolim confluxere gratulatū de aduētū, simulq; de reb. magnis. Inter alias molitiones opera Galli Regis curatū est, ne Belgici principatus procuratio Cæsari ab ea gente demandaretur. Ea re neq; Carolū Principem, neq; Cæsare vēturos in Hispaniā prouidebatur, q̄ potissima cura erat. Principe ea procuratione impedito Cæsare longinquo. Contra Rex Gallus Ferdinandū sollicitare vt ad Venetos impugnādos, detrahendosq; vrbes, quas iniuria de finitimis & lōginquis ceperant, secū & cū Pontifice vires iungeret. His Ferdinandus molitionib. libēter accōmodabat aures ardēs cupiditate recuperandi eas vrbes, quas in Apuliæ ora & ditione Neapolitana Veneti obtinebāt à superiorib. 40 annis impēsē in bello cōtra Gallos factæ pignus. Nouo tamen bello implicari exhortebat priusquā fluctus Castellæ essent in malaciā cōpositi. Ac interim consultius fore iudicabat in amicitia perstare cū iis ciuib. constituta industria potissimū atq; auctoritate Laurentii Suarii sui in ea vrbe legati. Quem dieb. superiorib. extinctū vniuersā ciuitas doloris arguimento funere amplo & exequiis celeberrimis honestandū curauit, filio consaluo Ruizio Figueroa pro patre substituto, dū à suo Rege venirent mādāta. Satagebat Pōtifex Ioanne Bentiuolo pulso Bononiā calliæ Cisalpinæ vrbe primariam & opulentā ditioni pōtificiæ restituere. Præcipua rei ex sententia perficiendæ spes in gallo erat equitū & peditū copias in eam expeditionē pollicito missurū se. Ipse quinetiam Pōtifex ad eā vrbe subigendam proficisci parabat. Ad ea p̄sidia Hispanici nominis vmbrā sin minus auxilia, adiūgere visū 50 est. De ea re appellatus Ferdināus misit q̄ suis verbis moneret. Bentiuolū se quidē Pontifici æqua p̄sertim petēti deesse studio & ope nō posse. Copiis omnib. & virib. curaturum vt Ecclesiæ Rom. suum patrimoniū sartum tectumq; esset, sua Pontificib. dignitas. His ille acceptis mādatis tātis virib. impar Pontifici per cōditiones vrbe obtulit imperium. Foro Cornelii, vbi Pōtifex erat ad ciuiū Bononiensiu animos versādos missus est Archiepiscopus Manfredoniæ, q̄ Sipōtus olim fuit, adiuncto Frācisco Rogio Ferdinādi legato. Iis agētib. tyrāno vrbe egresso, ciues cōtumacia posita suæ vrbe imperiū Pontifici detulerunt elatis per cōpita eius vexillis, arcib. & propugnaculis in eius potestate cōtraditis. Antonius Acunius Neapoli missus est ad Pontificē qui verbis Ferdinandi de victoria successuq; gaudio fungeretur.



10 funderetur. Maior ex arcano cura suberat tēpestiuis officiis regni Neapolitani iura prome-  
 rendi expressis à Pōtifice tabulis, quib. sibi & posteris eā possessionem confirmaret, nulla  
 fōderis cū gallo iēti memoria. In summa potestate id æquius, q̄ validius. Regib. p̄ vtilitatē  
 nulla honestatis cura est, neq; qd̄ de ipsis fama loquatur tanti habent. Arcano hæc agitata  
 cōsilia accurate tegebantur. Fine quidem huius anni Egidiū Viterbiensem Augustinianō  
 ordini Præfctum generalē, concionatorem ea etate eximium, Bononiā vbi Pōtifex erat,  
 legauit cum mandatis. Paratum se esse pro eius incolumitate & Pontificia dignitate non  
 virib. iuuare, sed sanguinē vitamq; profundere. Experiretur cū vellet, siue ecclesiæ patri-  
 monium tyrannis eripi vellet, siue bello peti Turcas, quō iam pridē animus ardētī studio  
 20 ferebatur. Hæc agebantur. Simul de Andegauensib. in maiōrū opes & principatus repo-  
 nēdis serio Neapoli disputabatur. ardua res & multis implicita difficultatib., q̄ ea oppida  
 contributa essent iis, qui superiorib. bellis industriā & operā nauarant. Sanguinis ii p̄tium  
 auferri quī æquis animis ferrēt? Quæ impedita, p̄fecto erant, Regis prudētia & auctoritas  
 expediuit. Quædam oppida possessorib. detracta, alia ditione aut annuis vectigalib. æqua  
 cōpensatione mutauit. Integros etiā principatus de suo pecunia redemit, quos recēs spo-  
 liatis donaret. Sed quantulū id erat? multa oppida ē regia ditione detrahēre, & nouis ad-  
 dicere dominis necesse fuit. Alioqui omnib. satisfacere nō potuisset, neq; motus animorū  
 frænare palā regiā munificentiam laudantiū, si contingeret tamen sine virorū fortīū iniu-  
 ria. In exilū numero præcipui extiterunt Salernitanus, Amalfitanus & Bisinianus, Cōsæ,  
 30 Morchonis, & Monteleonis, Comites; præter hos Alfonsus Sāseuerinus. Sueffa redempta  
 pecunia Magno Gonsaluo ducis nomine data meritis ingentib. minor omniū cōfessionē  
 gratia. Theani principatus, Ciriniola, Mōtefosculum, & Flumē empta itē pretio pro aliis  
 oppidis permutata sunt. Quæ omnia in Ducis Gadiensis iure erant amplissimā ditionē &  
 principatus in regno Neapolitano obtinentis dono superiorū Regū, atq; in grātiā aui Ale-  
 xandri Pōtificis. Inter eos, quib. oppida ante dono data, nunc sunt abs Rege ablata, multi  
 tū Italici generis tū Hispanici numerātur. Præcipui tamē erant Petrus Pacius, Antonius  
 Leiuā, Fernandus Alarconius, Gomecius Solisius, Dieghus garcias Paredius. Atq; hi oēs  
 æquissimis animis tulerunt, pro cuius dignitatē sanguinē sæpe profuderāt, fortunas & vi-  
 tā in discrimē vocarant, à suo Rege repeti præmia virtutib. data. Eo amplius q̄ de reditu in  
 40 patriā cogitantes, quamuis minorē compensationē in Hispania pluris fecerēt q̄ maiores in  
 Italia copias, hoc est, in exilio, vti illi interpretabātur certe tā procul à patria atq; inter in-  
 fensos. Colūnios & Vrsinos principes Romæ familias benignitate alliciendi, vinciendiq;  
 beneficiis præcipua cura fuit propriis inter se quāuis diffidiis discrepātes magno ad rerū  
 summā adiūmēto. Senenses præterea publicē, & Plōbini regulū priuatim. Ad imperiū  
 Neapolitanū tuendū præsidia vndiq; q̄rebantur. Ipso tēpore Lubianē Episcopus, & Lucas  
 Reginaldus Neapolim appulerūt à Cæsare legati de Castellē cōtrouersis, ad vtrū ea pro-  
 curatio spectaret. Hi Regē cōueniēdi facta potestate postquā gaudio functi sūt ob felicē  
 faustumq; aduentū in Italiā & res alias ex sentētia fluentes, Castellē reb. fore saluberrimū  
 verbis Cæsaris significarūt, si eā procuratiōē retinerent, qui fuissent ante regni modera-  
 50 tores à gēte designati. Deinde ne Andegauēses in maiōrū opes restituerentur, enixe con-  
 tendere. tantum hostium domi alere fore procul dubio exitiale. In nouo & lōginq̄o im-  
 perio nō defuturā occasionem res nouandi, quib. animus non deesset. Actum præterea de  
 coniugio Caroli Principis cū Claudia Galli filia, q̄ probari Ferdinando cupiebāt, ac vero  
 vi perficeretur, pro sua parte dare diligentē operam. De reb. tantis per interpretes consti-  
 tuere fore longum & difficile aliis conditiones ferentib. Si Cæsar & Ferdinandus inter se  
 viderent, facile omnia, atq; ex sentētia conuentura. Et erat Cæsari deliberatum in Italiam  
 transire, specie coronā imperij de manu Pontificis more maiōrum suscipiendi: re vt Gallū  
 conatib. obuiā iret: de quo fama nunciabat velle Romā proficisci, sibiq; imperium, Rho-  
 60 tomagēsi Cardinali Pontificatum destinare. Rumores eos foras inanes, quasi veros ex-  
 ploratosq; Cæsar Cōstantiæ in imperij conuentib. graui oratione accusarat. falsum sæpe  
 verilocum habet. Auditis legatis Ferdinādus nullo petito ad integrā consultationē spatio,  
 continuo ad Reginā filiam Castellæ procuratiōē pertinere respondit. Quid aliena curā  
 sollicitaret? Ea impedita aut nolente res gerere, se quippe patrem vicarium substitui tum  
 superstiti tum defunctæ. Eatenus nullos in Castella regni rectores à gēte fuisse designa-  
 tos. De Andegauensib. restituendis fidem astrinxisse, q̄ violare seq; mendacii religione a-  
 stringere nefas esset. Quod de Caroli coniugio dicerent, Regem gallum admonuisse re-  
 gni ordines repugnare cōsilio. Mediolanum & Armoricos diuelli à reliquo imperio non  
 laturos. Orare potius vt filiam Engolismorum Duci coniugē daret: cui regnādi post eum  
 proxima spes destinabatur. Deniq; cōgressū Cæsaris fore gratū cū se eius rei opportunitas  
 daret, nihil aliud. Tēpus colloq̄o nō dare, neq; alia polliceri, magnā cōcordiæ despationē



afferebat. Non destitit tamen legati: rursus dato senatu eo sunt post multa progressi, ut Cæsari dicerent stare sententiam cum eo & ius & nomen imperii communicare. Italiae certe imperio in ipso translato ad eamque ditionem subiugandam viribus iuuare. Promissis speciosis sed inanibus nihil motus Ferdinandus, ut erat excelsus animo, se passurum negavit, de imperii auctoritate quidquam diminui: neque de Italia velle nisi quod iure suum erat. Actum præterea de armorum societate cum Cæsare, Gallo atque Pontifice aduersus Venetos. Ad id postulatum, modo cæteri inter se consentirent, moram foederi non facturum respondit. Ad hæc Iacobum Concillum Giracii Pontificem ad Cæsarem legauit cum mandatis palam, diuersa ex arcano cura votisque, daret operam, ut Belgæ rerum suarum procuracionem ad Cæsarem deferrent nempe Caroli Principis auum eoque legibus iubentibus tutorem eiusdem in minori ætate.

*Ioanna Regina partus. CAPVT V.*

1507. **I**oanna Regina Turrecrematæ erat ineunte salutis anno Mille. quingentes. sept. mente vacillans nulla reip. cura. In eo oppido postridie Idus Ianua. die Iouis filiam enixa est cui Catharina nomen, regnum accedentibus annis Lusitania fuit. Partu de vita periclitata Regina est nulla obstetrice: quod officium illi præstare Maria Villosa cubiculo Præfecta præ cæteris gratiosa & familiaris necesse habuit maiori animo quam peritia artis. Valetudo officiebat, consilio & medicinæ remediis iuxta inimica. Aderant Toletanus, Magister equitum, alique proceres officio incitati erga nihil sentientem imperantemue. Regii consilarii cum ipsorum Præfide Giennensi Episcopo Burgis substiterant. Atque illi quidem oppido cupiebant flammam dissidiorum inter proceres maiores indies fumentem vires sedare. Auctoritatis parum erat: eorum mandatis atque edictis pauci obtemperabant, nemo qui nollet. Scelerum adeo licentia volitabat, colluuius malorum iniuriarumque, pudendus rerum status. Tumultus Cordubæ contra Inquisitores pridem concitatus nondum cessabat. Præcipua irarum occasio, de vinctis quaestione habita, plerisque è nobilitate urbana in tormentis fuisse delatos quasi criminum socios. Et est maligna calamitas: supplicio multorum acquiescit: an multis indicatis & scelerum infamia ambustis veniam cunctis fore sperabant. Populus tamen in eo fraudem Inquisitorum & dolos interpretatus prona semper erga Præfectos in deterius fide vim & arma parare. Tolero Siluæ & Aialæ antiquæ aduersæque factio nes corripuerunt inter se arma. Aialæ recuperatori ad quaestiones habendas misso à regio consilio fauētes. Siluæ Prætori, recuperatore urbis aditu prohibere destinanti. Viribus quauis præstantes Siluas quippe urbis portas & portus obtinebant, vicerunt Aialæ populi concursu adiuti. Sic Prætor Petrus Castella ex urbe est pulsus cædes tamē & vulnera extitere. Sæuitia mutuis odiis sanguine imbuta, deinde in auaritiā desiit. Nihil secretum aut clausum sinere quasi aduersarios occultaret. inde direptiones prædeque. Madritum turbare pergebant Petrus Lassus studio in Regem Catholicum incitatus, & Ioānes Arias aduersæ factionis caput. ubique lamēta & turbæ, in quibus pessimo cuique plurima vis. Urbanum Conchæ senatum opprimebat. Philippus Acunius Prætor, ne Regine auctoritate sequerentur. Dieghus Furtatus Médoza correptis armis pulso Prætore effecit, ut à senatu duumviri Regine nomine designati consensu popularibus iura darent. Segobiz Moiz Marchio arce obsessa aduersæ factionis ciues urbe expulsi, eo usque studio prouectus, ut D. Romani ædi ignes iniiceret, nihil motus loci sanctitate, per studio hostes vindicandi, quoniam eo se quidam ex aduersariis receperat. Regine fluxa auctoritas erat tantis malis prohibēdis, medicinæ impedimentum magis quam tutamē. In Batrica ad prohibēdas iniurias fræmandamque audaciā Prieghi Marchio & Egabri Comes, cum Tendillie Comite Granatensis militie summo duce, & Murcia Antelato vires & consilia sociarunt ex Regine auctoritate & nomine res geri dum Ferdinandus pater in Hispaniam rediret. Vrenie Comes in curiam venerat, cupidus componendi procerum dissidia. Et ipsum tamen proprius dolor urebat suisque adeo cupiditatibus agitabatur. Votorum summam finiebat sibi quidem Carmonensis arcis prefectura, quam abstulerant, Roderico autem filio sacra militie alia quapiam prefectura: quam illi commēdari exposcebat. Proceres expediebant arma. Maris Prefectus delectis copiis Villadadæ & Villauincetio minari, oppidis, ut ipse prædicabat, ab Albano iniuria occupatis. Anagari Dux multis stipatus armatis in curia agens eo audacię probasset, ut die quodam hospitia regio consilio ad Villamedianam metata occuparet: qua illi necessitate Palentiā diuertere nulla audaciā vindicandi facultate. Ioānes Emanuel sexaginta grauis armaturę eques nihilominus Turrecrematam aduexit, nullam iam spem nisi turbatis rebus & in audacia ponens. Villenius itē & Magister equitum delectus habere, militum presidium coquirere. Non publicum consilium vigeat, sed vis & immanitas dominabatur, unoquoque tantum sibi auctoritatis sumēte, quātæ vires inerāt. Aduersus hanc tempestatē Toleranus non nisi satellitibus stipatus in publicum procedere certus, ne in ea colluuiōe dignitas ludibrio esset, ceterum equites pedites trecentos cōduxit pecunia. Præterea stipendio equitibus regni custo-



gni custodiæ designatis de suo persoluto, eos Regina sibi que nouo iureiurando astrinxit facturos quæ imperaret. Ad frænandum procerum licentiam hæc omnia præsidia referebantur: simul, ne à regio consilio responsa aliqua, mandataue prodirent, turbatæ tempestati non satis consentanea. Hac diligentia commotus Anagari Dux maiori numero milites è ditione euocauit. Periculum erat ne pars cum parte confligeret: ac vero nocte quadam nihil propius est factum quam ut inter se Ducis & Toletani milites venirent ad manus. Id ne aliquando contingeret cautum, ne vlli milites Turrecrematæ versarentur præterquam Regine solius & Toletani. Ea denunciatione Dux raptim atq; iratus è curia discessit. Priusquam Ioannes Emanuel idem faceret, colloquio ad Grigiotam instituto, ipse & maris Præfectus, Villenius, & Beneuetanus, atq; Andreas Burgius pro Cæsare legatus consensu decreuerunt, Ferdinandum Regem aditu Castellæ prohibere, nisi prius eorum postulatis & querelis esset satisfactum. Magna rerū moles ab his initiis sæua procella imminere videbatur. Toletani prudentia potentiaque importunis conatibus opponebatur. Quem viribus superare non sperabant, fraude euertere aggrediuntur. Eorum quidam Donniis conuenientes rumores spargere in vulgus constituunt, quasi Reginam Toletanus & Magister equitum vincitam tenerent. Præterea Villaloniu profecti delectus militares habent, specie Segobiensem arcem defendendi aduersus intempestiuos Andree Cabreræ conatus. Villenium inter & Lusitanum Regem consilia agitata Ferdinandum reditu in Castellam prohibendi: Cæsarque ut aduecto Carolo nepote rerum procuracionem tutelæ iure & nomine arriperet, pro virili curandi. Roma ipso tempore venit Antonius Acunius inter alia reip. mala Zamoræ Episcopus renunciatus. Venienti Ferdinandus Rex dedit mandata, ut pro ea propinquitate qua Villenium complectebatur, eo sanando pacandoque operam daret; pollicereturque eius verbis. Villenam & Almanfam, quas tantopere expetiisset, si idem quietis quam periculi pretium referre malet. Nihil ea diligentia profectum. Ne Aluarus quidem Oforius Anagari Duce & Emanuele conuentis, ac de sanitate appellatis meliora tulit. Inuictus est animus, quæ ardens studium ingentes spes deuouerunt. Antonio Acunio delatus episcopatus bifariam genti molestus extitit, atque iis penes quos rerum potestas erat. Equitum Magister inimicorum præcipuo data præmia, se nullis honoribus cohonestari conquerebatur scilicet. Deinde graue visum est, nulla Reginae aut patris Ferdinandi, uti moris erat, nominatione Antonio eum honorem fuisse delatum. Nouo insolentique exemplo si dissimularent, de iure dignitateque regia multum decedere. Itaque regii consultores Decano & canonicis eius ecclesiæ per litteras mandarunt, Antonio eius ecclesiæ possessionem ne darent, si data esset impedirent vsum, vectigaliaq; interciperent. Sera diligentia inanisque fuit, illo iam nullo prohibente possessionem honoris adepto. Quatuor uiri rerum capitalium in curia regia versantur legibus & fauore Principis armati, auctoritate summæ proxima. Ex eo numero audacem maxime & promptum Ronquillum nomine Zamoram misere, ut consilii exequeretur mandata. Illum Antonius cum manu militari intempesta nocte veniens captum in hospitio, in arcem Fer-moselam perduxit. Grauis contumelia extitit, metus ne dissimulatione confirmaretur audacia. Salmanticensis Prætor & Albanus Dux consilii iussu cum manu militari impotentis hominis impetum, quasi equum tenacem & turbidum asperioribus frænis compescere aggressi nihil præstitere tamen. rebus turbatis cum omnes omnia audeant, pleraque facinora sunt impune. In pace bonæ artes vigent, rebus commotis prauī homines maiorem vim habent. Itaque Antonio collatus honos incolumis extitit & proprius, magno deinde suo malo si consequentia tempora spectes, eiusdem enim Ronquilli, quem vinxerat, manu periit, cum factiosorum dux factus remp. turbaret, vitæ par exitus. Tumultibus plena omnia erant, varia consilia, conatus, querelæ, fædum vere ac miserandum spectaculum. Meliores quoque fidem & operam carissime veditare, sibi, propinquis, & necessariis præmia extorquere, id singuli habituros rati, quod in ea rerum turbatione datum esset. Ferdinando regi gladium in fontes distringere non placebat, ne vindicta inuidiæ esset. Sed neque honestum videbatur largitione & donis redimere, quod iura legesque darent. Prudens consilium, æquum tamen & salutare omnes iudicabant, iniuria oppressos subleuare, frænare legibus prauorum hominum impotentiam. Ipso tempore regis consultoribus visum est regni conuentus in quatuor menses sustentari. Ea prorogatione vrbium procuratores Burgis, vbi hæserant, domos quinque redierunt nulla rursus conuentus agitandi spe, nisi in commodiorem formam rebus mutatis.



Sic res in Castella erant. Inter Vascones noui extitere motus hac occasione. Ioannes in  
 ea gente Rex Ferdinandi, cuius metu frænabatur, absentiam opportunam conatui ra-  
 tus Lerini Comitem in Vasconibus Magistrum equitum inquietum hominem & au-  
 dacem vindicare constituit. Id cogitanti commode cecidit Valentini fuga: quem ad se  
 dilapsum continuo bello, quod meditabatur, summum ducem præfecit idoneum ho-  
 minem arbitratus per quem Lerini Comitem maiorum ditione spoliatum ex omni-  
 bus regni finibus deturbaret, haud innoxium. Eo consilio magnis pro præsentī copia  
 delectibus exercitum contraxit velites ducentos centum & quinquaginta cataphractos, 10  
 pedites ad quinque millia. Cum iis copiis ad sextum Idus Martii die Mercurii Vianæ  
 arcem infedit Magistri equitum custodiæ creditam ante, & tunc Ludouico Beamon-  
 tio vicario pro patre: q. Anagari Ducis gener erat magnæ spei iuuenis par opib. & nobili-  
 tate. Non latuere ii conatus Magistrum equitum. Filii & arcis periculo iuxta commo-  
 tus ex Mendauia ditionis municipio duodecim milliū spatio, ad præsidium die altero ob-  
 sidionis accurrit. Et erat nox opportuna conatui imbribus & ventis, horrida tempestas,  
 deiecti nubibus turbines. Ducentos modo equites secum deduxit, pedites sexcentos  
 in loco cauo terreo tumulo tectos reliquit. Munita arce, vti tempus dabat, sub auroram  
 redeuntem sensere aduersarii. Totis castris regiis ad arma couclamatum est, septuaginta  
 equites Valentini sequuntur præ festinatione non satis armatum: Rex cum reliquis 20  
 copiis subsequēbatur lente tamen & ex interuallo, neque acie competenter instructa  
 ne seruatis quidem ordinibus venturi securus. Dux, vt erat audax, impressione in ce-  
 dentes facta captis ex eo numero quindecim, studioq; prouectus equitem porro quen-  
 dam insectandi, in insidias præcepit fertur. Conuersi tunc quatuor ex hostibus equi-  
 tes in eum irruerunt. Ex iis vhus hausta latus suprailia hausit, ictuque ex eo equo de-  
 turbauit. Accurrere qui in insidiis erant. Pedibus eximie quamuis pugnantem lancea  
 gemino præfixa ferro, plures tamen vnum peremerunt. Prostrato pleraque vulnera feri-  
 tate & sequitia sunt imposita, arma vestesque puncto detracta ne relicto quidem indusio.  
 Duce cadente reliqui mæsti sese retulerunt in castra. Magister quoque equitum, quo  
 securior esset, Mendauia Lerinum abiit loci munitione vim hostium propulsare con- 30  
 stituens. Sic periit, vniuersæ Italiæ paulo ante terror: ad cuius arbitrium belli & pacis in  
 ea leges & fœdera vertebantur, ingentis vir haud dubium animi, strenuus manu, ser-  
 mone promptus, ferendæ inuidiæ, & seditionum artifex, raptor, largitor, in pace pessi-  
 mus, in bello maiori fama quam laude. Secunda sæpe fortuna vsum aduersa ad extre-  
 mum exercuit. Superi præsentī interitu superioris vitæ & scelerum iusta exegere pia-  
 cula. Notatum à curiosis hominibus intra diocesium Pompelonensem occisum, quo pri-  
 mum episcopatu fuerat donatus, atque ipso quo eius possessionem iniit nempe magni  
 Gregorii festo die. Vnicam filiam reliquit penes matrem atque auunculum Vasconum  
 Regem. Eo quamuis incommodo accepto mæstus premebat obsessos rex certus do-  
 lorem, rebellium malo vindicare & suis copiis & iis auxiliis equitum peditumque, quos 40  
 è Castella Magister equitum miserat. Contra Anagari Dux cum manu militari ad Vasco-  
 num fines accessit Lerini Comiti pro necessitudine laturus opem. Ipse quin etiam Cæsar-  
 augustanus Præful delectus habere instiuit certa voluntate eundē tuēdi, qui in Ferdinandi  
 patris clientela erat, porro sororis regiæ coniux. Verum hæc omnia vt in alieno periculo  
 lente administrata. Sic Vianæ arx obsidionis fessā malis necessario factō fœdere deditio-  
 nem fecit. Rex quoq; cum copiis quæ ad sexcentos equites octo millia pedites excreue-  
 rant, ragam impugnatum inde abiit. regio Castellæ consilio Vasconū motus curæ erant.  
 Iis pacandis missus Lupus Cōcillus arcanorum reginæ particeps eius verbis Vasconum  
 regem obtestatum vt legibus potius cum Lerini Comite disceptaret, quam vi & armis.  
 Trimēstrēs si essent induciæ, eo spatio controuersias omnes præsertim Ferdinando  
 rege appulso & disceptatore pacatū iri. Clementiæ laus tunc maior, cum iræ causæ iustif- 50  
 simæ. Quid pacem importuno conatu turbaret, & cum Vasconibus Castellæ vires cōmit-  
 teret iniuriam non dissimulaturæ? Negauit rex passurum se amplius vt vnius hominis  
 importunitate vniuersa gens turbaretur scissa in partes. Neque fas esse neq; honestum  
 prauos conatus, vllius Principis ope tegi, impunitate audaciam & scelerum confirmari  
 licentiam. Daturum quidē fonti & extrema merito veniam, si modo coram peteret sup-  
 plex, Lerinoque tradito & filiis vt in eius obsequiis versarentur, ipse vniuersi regni fini-  
 bus in omne tempus abscederet: in vltimas terras diras secum & furias portaret.  
 Hæc agebantur; neque is rex tamen cessabat Comitis ditionem occupare. Dedita  
 raga



Raga aliaque circum oppida sunt. Intra Lerinum quod vnum oppidum supererat cum filius & clientibus extremam iam spem Comes sustentabat, quibus viribus? qua fiducia? animi obstinatio rapiebat in præceptis. Breui enim id quoque oppidum ad cætera accessit facta deditione. Comesque bonis omnibus euersus ne pago quidem exiguo relicto, profugus in Castella primum deinde in Aragonia sine lare familiari vagari necesse habuit aliena ex misericordia inopem vitam sustentans, quasi in patria tranquillam & beatam ætatem exigere potuit. Is fuit contumaciæ fructus. Ducis Anagari patrociniū non parum obfuit, quoniam multorum inuidia flagrabat, ut ab equitum in Castella Magistro ac cæteris Ferdinandi nomini additis in periculo defereretur, adiuto quin etiā Vascone.

10 Sic vnde opem sperabat pernicies certa exitit. Commode tamen cecidit Castellæ rebus Anagari Ducem bello Vasconum distentū à turbanda provinciae tranquillitate tantisper quiescisse. Eo amplius quod Beneuentanus ad Ferdinandi partes accessit militiæ sacræ præfectura quadam commendata & quingentorum aureorum vectigali annuo è regio fisco concessa. Præterea Villalonio gentilitio municipio nundinas cōcedendi, quod præ cæteris expetebat, facta porro spe. Begiatis quoque Dux expugnatus est, quæcūque exoptabat promissis. His duobus proceribus adiunctis ad reliquos, pars quæ Ferdinando studebat, eiusque reditum optabat, validior esse cœpit: aduersa debilitari penitusque concidere in causa quam superi hominesque improbarent. Pestis lues Turrecremata inualuit: quod

20 malum late diffusum hoc anno vehementer afflixit vniuersam Hispaniam. Superior anno nonæ angustia famesque effecerat ut herbis plerique & fœdis carnibus victitarent. Ciborum insalubrium noui succi morbos vulgauerant, qua tæbe mortales innumeri perierunt. Nullis idoneis remediis campi, plateæ & domus strata cadaveribus erant, nullo qui efferret; metus & periculum animos efferauerant. Ac ne erant qui ægrotis affiderent: notis ignotisque imminenti facies mali misericordiam abstulerat. Fœdus annus atque ad memoriam insignis. Eo periculo Regina Fornellos abiit pagum exiguum, neque ab eo municipio distitum amplius quatuor passuum millibus. Ex iis locis non discedere deliberatum erat, antequam pater veniret. In regium consilium redire qui matre superstitie eo fungebantur munere iusserat: qui deinde accesserant viri nominatione amoueri. Sic Giennensis Episcopus domum abiit. Noui consiliarii quorum hæc sunt nomina, Aguirre, Guerrerus, Abula, atque Alfonso Castella id mutari mandatum con-

30 tendentes, summa diligentia nihil præstitere tamen. Sic Angulus, Vargas, & Sapata pristinum dignitatis locum, vnde erant deiectioni, recuperarunt. Arcis Segobiensis obsidionem Moix Marchio vrgere non destitit. Propugnabant milites præsidarii supremo conatu. Verum continuo sex mensium labore fracti & cuniculis subterraneis parte arcis euerfa Idibus tandem Maii supplicum velamentis pro muro explicatis ex pacto venia data, verba dedentium arcem pronunciarunt. Sic Marchio arcem iniuria ablatam recepit & suis viribus & ope primum Alburquerquei Ducis, qui obsidioni interesse voluit, deinde Magistri equitum, Albani, Antonii Fonseca missa à singulis militari manu. Ac fere qui Ferdinando Regi studebant, ii Ioanni Emanueli infensi Marchionis con-

40 tus subleuarunt.

*Cæsar & Ferdinandus de Castella procuratore disceptant.* C A P. VII.

CÆsar legati Neapoli restiterant. Ab iis magno studio curatum ut Cæsar & Ferdinandus inter se viderent. Venturum Nicæam Cæsarem urbem in ora Liguriæ, aut Ferdinandus Romam accederet, de qua ille cogitabat profectio ad imperii coronam. Die vno coram facilius conuenturos, quam multo tempore si per alios conditiones ferantur. Regi Catholico stabat sententia colloquium detrectandi. Eam voluntatem ut specie aliqua honestatis velaret. Illud præcipuum Castellæ res fluctuantes eam moram non pati,

50 quæ aliquot mensium necessario futura erat. Hoc accepto responso legati coram contestati sunt, ne in Castellam rediret, nisi prius iis controuersis compositis. Alioquin Cæsarem quoque venturum. Si quid ex eo incommodi existeret, penes eum culpam futuram, qui auctor extitisset, mali causa præcipua. Ea denunciatione etsi belli potius minæ quam pacis voluntas exprimebatur: visum est tamen ut cum legatis Gonsaluis, adiunctis qui à cubiculo regio, & qui ab epistolis erat de iure vtriusque Principis disceptaret: si qua via se daret concordie faciendæ. Eo instituto colloquio multa ab utraque parte dicta sunt ut in lite omnium grauissima. Præcipua fundamenta, quibus Ferdinandi causa incumbebat, ad tria capita reuocantur. Patrem esse ac proinde Regine tutorē ex legum omnium præscripto. Id ipsum Regine placere: cuius voluntatis multa extaret documēta. Præterea



Isabellæ Reginæ testamēto & volūtate nō aliter fuisse sancitū. Quid nouis decretis certifi-  
 ma iura mutarēt: qd in re minime dubia lites importune mouerēt? Hæc pro Ferdinando  
 valida haud dubiū & illustria argumenta. Sed & Cæsari nō minora suppētebāt neq; infir-  
 miora præsidia. Regina valetudine impedita res in Carolū filiū translata: in cuius tutela  
 nemo auo paterno potior erat, omnib. ipse inito posteriori cōiugio Ferdinandū tutelā iu-  
 re decidisse p̄sertim fide Isabellæ cōiugi perpetui cēlibatus data. Quod vt negaret, cōstare  
 plane nunquam ipsam Castellæ procuratiōē fore delegaturam testamento, si nouis nū-  
 ptis se implicaturum putasset. Denique proceribus, vt ipse rebus imponeretur rector nō  
 placere: neque verum esse eo conatu nullo gentis consensu turbare remp. dare male co-  
 gitantibus arma. Plura alia in vtramque partem præsidia sunt producta: his tamen præ-  
 cipue vtriusq; causa continebatur. Ventum ad conditiones concordia. Cæsaris legati  
 quatuor & viginti hominibus rerū Castellæ curam delegabant. ita tamen vt ex eo nume-  
 ro Cæsar sedecim nominaret nihilominus, octo Ferdinandus sacerdotiorum, quæ ad re-  
 gium ius spectant, & magistratuum pars tertia arbitrio Ferdinandi Regis relinqueretur  
 reliqua gubernatorum delectui. Vectigalium regionum quarta eidē cederet, tres quar-  
 tæ Reginæ. Præterea Caroli Principis ad stabiliendam successionem, regni arces omnes  
 Cæsaris nomīne & sacramento tenerentur. Grauiissimæ conditiones rebus turbandis op-  
 portunē magis quam constituenda pace: Additum, vt procerum nonnulli filii atq; e re-  
 liqua nobilitate principes in Belgas missi in Caroli obsequiis & aula versarentur, vna  
 crescerent, mutua inter ipsos & cum Principe beneuolentiæ alimentū. Ne cuiquā Phi-  
 lippi Regis partes esse secutum in posterū fraudi esset. Iura Neapolitani regni ita a Ponti-  
 fice confirmarentur, ne Caroli Principis in eo imperio turbaretur successio. Horū qdam  
 tolerari poterant: alia neq; concedi fas fuisset, ac ne multis quidē annis cōsensu partium  
 cōponi. Ita Ferdinandus concordia spe abiecta, se ad profectiōem cōparare, nihil ter-  
 ritus nouo Cæsaris conatu denunciationeq; Missus Neapoli in Germaniā Bartholomæus  
 Samperius paulo ante ingenium & industriā in regia probarat. Cæsar idoneum hominem  
 nactus qui sua mandata perferret, Ferdinandum suis verbis obtestari iussit ne in Castel-  
 lam rediret nondum controuersis inter ambos diiudicatis, si secus faceret minax. Ve-  
 rum Rex in consilio perstans abeundi, misit prius Romam qui eius nomine obsequium  
 Pontifici deferrent. Ii fuere Bernardus Dezpuchius Montesiæ Magister, Antonius Au-  
 gustinus, & e Valentina nobilitate Hieronymus Viquius, cui præterea legati ordina-  
 rii in eacuria partes implere mandatum est, in locum Francisci Rogii eatenus eo functi  
 munere cum dignitate. Dato legatis senatu pridie kalendas Maii Antonius Augustinus  
 eleganti & accurata oratione eius officii moram excusauit multis enatis impedimen-  
 tis susceptā necessario. Deinde obsequium obtulit viresq; vniuersas sui regis ad proflig-  
 andā nequitiam sacrosanctæ ecclesiæ dignitatē tuendam aduersus omnium hominum  
 conatus. Benigne Pontifex, si animus vultu æstimeretur, ad hæc respondit lata & placi-  
 da fronte. Beneuolentiæ argumento rosam auream nocte Christi Dei natali prece ex li-  
 bris pontificalibus sacrari solitam de manu tradidit Regi ipsorum perferendam amoris  
 sui pignus. Ex arcano quoq; Gonsaluum inuitabat, si ecclesiæ copiarum Dux esse vellet  
 bello quod aduersus Venetos meditabatur, gratiam meritis fore parem. Eundem hono-  
 rem deferebant Veneti, si eorum auspicia sequi malet. Ea enim suscepta de eius virtute &  
 felicitate opinio erat, vt secum ferre victoriam persuasum omnibus esset, in quamcunq;  
 partem inclinaret. Honestissimas conditiones arte occupauit Ferdinandus promisso ei  
 rursus Diui Iacobi magisterio. Et ne verba viderentur inania rebus vacua, Antonio  
 Augustino, cum Romam est missus, mandauit, vt a Pontifice impetraret potestatem  
 Archiepiscopis Toletano & Hispalensi, atq; Palentino Episcopo esse, ipsius cessione eū ho-  
 norem in Gonsaluum transferendi cum primum in Castellam ventum esset. Id ne con-  
 tinuo faceret multa impedire: ac præsertim tumultus se absente ne propterea existerent  
 non sine causa vereri. Pontifex vt continuo regis cessione Magisterium Gonsaluo da-  
 ret, facile adducebatur, vt aliis antistitib. vicariam ad id delegaret potestatem persua-  
 deri non potuit. Sic in præsentī dilatus honor est non sine suspitione Regis artibus vi-  
 rum insignem ludibrio habitum, quo ex Italia ea fraude deduceretur. Opinione vulgo  
 susceptam confirmauit euentus nunquā eo dato honore, ac ne aliis quidē p̄miis. An su-  
 mus in timore benigni, post victoriā parci: quod virū late patet, & est in multis. Tameñ  
 iam Sueffiæ & Terranouæ Dux erat, ac Magister equitum Neapoli amplissimi honores si  
 ex se considerentur, si cum virtute & meritis tanti viri cōferantur tenues prorsus & mo-  
 dici. Fædere cum Gallo icto Ferdinandi animus sollicitus erat, verentis nulla ex Germa-  
 na cōiuge prole ne per conditiones imperium Neapolitanū ad Gallos rediret. Ea cura  
 Rho-



Rhotomagensē Cardinalem expugnare est aggressus in pontificatus maximi petitione opem omnem pollicitus, si id esset eius opera & auctoritate mutatum. Et erat cōmodius iure & legibus cū Gallo disceptare quando Caroli Principis & Claudiæ retractato cōiugio, contra superiora pacta Mediolanum & Armoricos puellæ dotales principatus ablatos compensari equum videretur inducta conditione de regni Neapolitani successionē, præsertim dubia neque tanti. Controuersiarum potius fontem posteris perpetuum meliori censura adimendum videri. Verum his postulatis surdas aures Rex Gallus præbebat, offensus sacramento quod Ioannæ Reginæ & posteris Neapoli dictum erat, nulla Germanæ ex sorore natæ mentione contra quam in superiori fædere cauerant, haud dubium  
 10 mutatæ voluntatis & fidei argumentum.

*Ferdinandus discessit Neapoli.* CAP. VIII.

Cvpiebat Ferdinandus quam primum se in iter dare, gnarus ad res Castellæ pacandas, prauos multorum conatus frænandos quanti si adesset futurum. Festinanti omnis mora erat grauis. Verum Neapolitanæ rationes retardabant nondum plane compositæ. Regni eius iura possessionemq; diplomate à Pontifice, vt moris erat, impetrato stabilien-  
 20 di prima & maxima cura erat. Agebat id diligenter Hieronymus Viquius legatus: magno tamen labore & diligentia parum promouebatur. Annuebat quidem Pontifex Regis postulatis, sed cum eo si Hispaniæ viribus & copiis Fauentia & Ariminum Venetis eriperentur in Flaminia iniustis plane ac violentis possessoribus. longæ eē molitiones erant, res ardua. Cum Castellæ res nullam paterentur moram, eo festinare quacunque ratione decernit. Sub protectionem tamen fidei atque innocentia Gonfaluio testimonium dedit tabulis publice in eam sententiam confectis: maiores prædicatione hominum fama-  
 30 que res ab eo perfectas fuisse, integra semper fide. Earum tabularum exempla testatio descripta in omnes partes missa sunt: si qui secus fuerant temere suspicati, ea præclara testificatione omnem dubitationem animis eximerent. Venerat Neapolim Ioannes Nucæus Siciliæ Prorex. Hunc propter eximiam fidem excellentesque virtutes Neapolitanum Proregem designarat Gonfalui in locum. Verum eo ante Regis protectionem & filio eiusdē nominis, qui iam Aragoniæ Iustitia erat, intēpestiue defunctis, locum tenuit  
 40 Ioannes Aragonius Ripagorsæ Comes: quem Regis propinquitas quippe ex eius fratre genitum magis quam alię virtutes subleuabat. In Siciliam Raymundus Cardonius est missus, qui remp. gereret vicarii generalis indito nomine. Proregi consilarii de rebus supremis bello paceque adhibiti Andreas Caraffa Sanseuerinæ Comes, nobile illi genus & bello paceque clara origo: tum Hector Pignatellus, Monteleonis item Comes, & Ioannes Baptista Spinelus detracto conseruatoris nomine, quod dederat, in eā gente inuidioso cum primis & graui. Adiecit mandata Columnios & Vrsinos proceres omni cura complecterentur. Bartholomæo Liuiano ditio restitueretur annuaque vectigalia ad obsequium modo retracto. Ad reliquas militares copias ducenti è nobilitate delecti equi-  
 50 tes, qui Continūorum nomine versarentur in Proregis curia centum & quinquaginta aureorum annuo singulis stipendio. Venetos pacare supererat, quoniam de Regis voluntate dubitabant. Missus est eo studio Philippus Ferrerius qui ordinarii legati nomine & munere in ea vrbe fungeretur. Rebus ad hunc modum compositis pridie Nonas Iunii die Veneris cum sedecim triremium classe è littore Neapolitano Rex soluit, abducto secum Magno Gonfaluio, vt fama tulit, propter affectati regni suspensionē. Onerariæ plures in speciem numerosę classis ante dies octo discesserant ductore Petro Nauarro. Lusitania opima pace, opibus & fama florebat immortale decus vniuerso orbe consecuta. Cælo datum beneficium eo Rege sceptrā tenente, quo nullus præstantior esset prudentia atque animi magnitudine, præterea felix numerosa pulchraque prole. Regina  
 60 quoq; Nonis Iunii filium Olisipone peperit, cui Ferdinando nomen fuit, brevis ætas: in adolescentiæ flore raptus diu præstantium virtutum specimen præbere non potuit, quas eximia indoles & litterarum amor polliceri videbatur. Lusitano Regi Castellę proceres nonnulli ac nominatim Villenius rerum in ea gente procurationem deferebant. Ad disturbandum Ferdinandi Regis aduentum is conatus pertinebat. multorumq; mentes is morbus inuaserat, nec deerant sermones passim Ferdinandi senium & auaritiā increpantium. Verum Lusitanus cum suarum rerum periculo quantum iis procerum promissis fidendum esset non satis statuebat superioris temporis memoria & exemplis cauti-  
 70 or. Ex arcano tamen Castellę rebus ad mouere manus oppido cupiebat: mutuo filiorum cum Reginæ filiis coniugio, tutelā Caroli generi rerumq; procurationem obuenturam



vitro cogitans. Et erat commodissimum Indico commercio Africanisq; expeditionibus. Castellę opibus tenui censu Principem subleuari, ea cura potestateque suscepta. Si id non contingeret Cæsarem in Castellam euocare quasi iure concessum ac legibus sanctum, fixum animo deliberatumq; habebat. Ad quod Rex quoque Vasconum inuitabat, usque dum transitum per prouinciam offerret magno itineris compendio. Sane ambos Reges Ferdinandi felicitas perpetuo vrebat, perpetuum Principum malum. potentissimi Regis vicinitas molesta atq; intoleranda videbatur. Sed & Vasconem metus proprie sollicitabat, non quieturum Ferdinandum nisi eo regno occupato. Seu prælagit animus vrgentem calamitatem atque instantem, seu ex conscientia iram veritus. Sed & à Castellę proceribus factiosis Cæsarem ad capeßendam remp. prouocatum se in viam dare, atque in Hispaniam traicere deliberatum habuisse litterę argumento sunt, quas ad Emanuelem dedit Constantia, vbi imperii conuentus erant, hac sententia. Aliis litteris significauit fixum mihi esse in Hispaniam proficisci, Carolumque nepotem mecum ducere. Equidem Reginaę filię maiestatem tueri aduersus prauos hominum conatus, Principis imbecillam etatem tegere, eiusque successionem consulere meo labore æquum arbitror. Eo festinatio maior erit, quod quædam in ista prouincia nouari nunciatum est. Intra quatuordecim aut quindecim dies in Belgas ipse discedam, vbi nepos Carolus agit. Interim parabuntur iussu meo, quę ex vsu Hispanicę profectionis erunt. Itaque, vt communicatis consiliis cum oratore nostro, aliisque proceribus qui Principis partes sectantur, quod hætenus fecistis mea causa diligentius curetis hortor & mando, detis operam ne in Reginaę libertatem, aut Principis successionem quidquam insolenter committatur. Certe id mihi fore curę credite ac vero nostro aduentu ne sine fructu vester labor contingat effecturum ac potius vt cultę fidei ea gratia sit, quam extincti filii in vos perspecta beneuolentia, vestraque obsequia videntur postulare. Vale Constantia nostri imperii. vrbe pridie Idus Iunii anni milē. quingentesi. septimi.

*Regum Galli & Catholici colloquium. CAPVT IX.*

**R**EX Gallus in Italia agebat Alpium fauces ante aliquot menses cum validis copiis transgressus. Genuensium motus pristinę libertatis spe Gallici imperii odio graues & incitati, veniendi necessitatem imposuere. Anni enim superioris sine plebs in nobilitatem incitata correptis armis lilia Gallię insigne ex locis omnibus erasere. Commoti populares nunquam in vno gradu resistunt. Ducem ex infima plebe Paulum Nonum ex lanas inficiendi arte ad rerum fastigium enexere. Iis motibus incitatus Gallus numerofo exercitu præmisso, ipse paulo post præcedentium vestigia subsecutus tumultuantes compescuit. Locorum vicinitas inuitauit vt Reges inter se consilio communicato videre vellent. Sauona in ora Liguriaę vrbs, colloquio idonea visa est, Regis Catholici nauigatio lenta fuit. Aduersa tempestates Caietę in Romano littore atq; in Hetrurię ora aliquandiu detinuerunt. Genuam tandem ad sextum kal. Iulii peruenit incolumi classe. Gallo Fuxensis Regem auunculum atq; sororium excepit cum quatuor triremibus obuiam factus eximia indole formaque adolescens. Hospitis aduētum Gallus Sauonę morabatur. Petri Apostoli peruigilio sublati ē portu Genuensi ancoris, egressus est Ferdinandus. Genuę Sauona finitima est exiguo distita interuallo. Ita eodem die accedentes Regem & Reginam ad littus progressus Gallus splendido accepit apparatu. In mutuos complexus itum, iunctę dextrę, salutatio facta ingenti tum vtriusq; Principis tū omnium, qui insigni spectaculo aderant, lætitia. Sub vmbella duo Reges & Regina in vrbis arcem deducti sunt hospitio Hispani designatam. Maior vt honor esset Gallus relicta arce ad Episcopi ædes diuertit. Die postero qui diuo Petro sacer erat, vna operati sacris sunt insigni apparatu. Aulici vtrique splendenti cultu & vestium pretio superbi Hispani præsertim spoliis Neapolitanis insigni elegantia. militum phalerę torquesque splendebant, militari habitu ferociam cuncti spirabant. Ea nocte Regina apud Regem auunculū cōtinue excepta est, cum Ferdinādo Rege Cardinales duo cēnarunt. Diuę Praxedis à Pontifice ad Reges de rebus magnis legatus, & Rhotomagensis in Gallia item ab antiquo legatus. Die proximo duo Reges cænę Magnum Gonsaluum tertium adhibuere. multo præterea verborum honore & benignitate gallus est cōplexus, virtutem, felicitatē, bellicas artes etiam in hoste miratus, clarissima victoriarum monumenta vbiq; relicta. Tantundē cum Obenigno Ferdinandus præstitit. atq; ita vt Venafram oppidum, qd Comitiss nomine in regno Neapolitano initio belli obtinuerat, sibi is ex tanta benignitate polliceretur spe præpropera falsus. In eo congressu multa sunt agitata, illud præcipuū. Aduersus



Venetos, de quo antea actū erat, arma viresque sociare arcano omnia ne prodita in vulgus vim perderent. Soluta conuentu repetitaque nauigatione Ferdinandus in Hispaniā discessit. Prolixa rursus inde nauigatio fuit aduersa atque importuna tempestates. Ita non ante quartum Idus Iulias ad Cadaquium portum in ora Catalauniæ classē intulit. Pestis lues contractu grassabatur. Vitando periculo non prius cessatum, quam ad littus Valentinum ventum est omnino ad tertium decimum kalendas Augusti, quo cum cæteris nauibus ante decem dies appulerat Petrus Nauarrus. Magni honores in ea vrbe aduenientibus Regibus sunt habiti commorantibusque. Regina sub vmbella excepta deductaque in arcem. Qui honos veteri instituto Regibus primum eam urbem adeuntibus haberi consuevit. Ferdinandi reditu nunciato Castellæ motus quierunt. Metus nonnunquam quam gratia potentior est. Ipse quoque Villenius posita contumacia obsequium detulit. promissa ipsi compensatione, ac vero restitutione omnium quæ iniuria fuisse ablata dati in causa iudices pronunciaſſent. Necessitate expressum officium quamuis, gratum tamen in primis extitit. Vreniæque Comes operæ Villenio patrueli sanando nauatæ præmium tulit Carmonæ arcis præfecturam, quam sui iuris esse & superiori tempore iniuria detractam conquerebatur. Affidonio item pro vrbe Heraclea, quam sui iuris putabat, spes compensationis iniecta est interprete Magistro equitum data in præſenti pecunia aut in posterum annuo è fisco regio vectigali in omne tempus designato. Toletanus rebus omnibus pro virili parte iuuabat lætus ad alia quæ Ferdinando dono antea acceperat, honore purpuræ à Pontifice eo annitente concessæ, præterea Inquisitoris generalis in Castella & Legione cura data Hispalensis cessione: vti indicio sunt litteræ a Ferdinando priusquam Neapoli discederet, ad Toletanum in eam sententiam datæ: quarum exemplar autographum Compluti seruetur in Diui Illeſonſi collegio eius opera & impensa in eo municipio constructo magnifice. In Aragonia Inquisitoris generalis munus & nomen Ioannes Enguerra retinuit regis conscientiam per confessionē solitus expiare. Iis proceribus in partes attractis cæteri fere ac vero prouinciales vniuerſi quieuerūt. Offensionis & tumultus sæpe causis remedia nihilo maiora sunt. Illud aduerso rumore fuit, ac passim improbatū. quod Alfonso Fonſeca Compoſtellanæ ecclesiæ est præfectus iuuenis ardenti ingenio moribus non satis probatis fauor Principis pro eruditione & virtutibus fuit. Eo maior fæditas quod in patris locum successit, ea causa Alexandrini Patriarchæ tunc renunciati, inanis vmbra dignitatis & sine prouentu nomen. Nouum exemplum & prauum amplissimam ecclesiam à patre in filiū quasi hæreditate transferri eumque spurium, contra omnes honestatis leges. Verum patris in Regem merita eximia extiterant; rebusque turbatis multa præpostere fiunt, ipseque Alfonso iunior regis iter in Italiam proſecutus eius gratiam promeruerat actionum elegantia ingenij dexteritate apparatuque & impensa principali. Sic iuuat facti insolentiam ex parte aliqua excusare, ac præſertim Regis pœnitentia subsecuta ac per totam vitam conscientiam sollicitate. Et quis est regum in tanta rerum varietate, tanta licentia, qui non peccet in aliquo? In aliquo tantum & non potius in multis labatur. Dux Anagari & Ioannes Emanuel supererant noxa maiori, nulla veniæ spe, eoque maiori contumacia. Accessit recens ad eum numerum Lemossii Comes noua offensa irritato rege. Occupauerat in Calacis Ponferratum regiæ ditionis municipium, & Villafrancæ contributos pagos & agrum magna ex parte. Ad ipsius ius ea pertinere disputabat. Quod legibus petere debuisset, alata vi in crimen maiestatis vertit. Fornellis, vbi regina tunc agebat, de frænanda Comitibus audacia actum. Consilii regii decreto atque ex Toletani & aliorum procerū sententia Albano & Beneuentano ea cura est demandata. Delectu illi habito, bis mille equites, pedites tria millia contraxere facinus vindicandi voluntate. Brigantinus opem Comiti laturus videbatur Dionysii fratris suasu, cui Comitibus filia & hæres iuncta coniugio erat. Destitit tamen à rege Lusitano monitus pro imperio: Toletano quoque suauis ut iuris certamen expetente Comite discederetur ab armis. Comes ab omnibus desertus præſertim ex quo Ferdinandum appulisse Valentiam cognitum est, metuque maioris mali, Ponferrato aliisque oppidis quæ occupauerat, restitutis arma posuit obsequium cum securitate, arrogantique cum periculo præferens. Ioannes Emanuel eius factionis facile princeps destinata voluntate in Germaniam abeundi, & in Belgas, quo præcesserant Vile Veriusque reguli alique ex ea gente Philippi regis antea afflectæ, Burgenſem arcem Anagari Duci, Genenſem Egabri Comiti custodiendas cōmendauit. Appulso Valentiam rege hæc gerebatur: simul ex Africa nuncius venit, regiæ aulicorum cohorti Præfectum Mazalquiuero cum ceterum equitibus peditibus ad tria millia maiori ex parte ex eorum numero, qui Neapoli venerat, in fines Tremesenios irrupisse: vastatusque latissime hostiū agris cum ingenti abacta præda



hominum pecorumque rediret, non procul Orano à Tremesenio Rege & innumera Maurorum multitudine, qui abeuntium vestigiis insisterant, facta pugna fuisse victum. Cessit virtus numero. E nostris præda omni ablata plerique in pugna ceciderunt versi omnes in hostes. Ea cura etiam morientibus honesti exitus fuit. Præfectus cum septuaginta equitibus cuneo facto per medios hostes erupit Masalquiurumq; abiit. Quadringenti tantum fuga euaserunt nocte & vicinis syluis tecti, captiuorum par numerus. Conturbauit ea strages Hispaniæ gentis animos. Ferdinandus quoque eo percitus nuncio aliquot actutum triremes misit Masalquiuiro auxiliares, si opus esset & vim Mauri pararent. Neapolitani interea milites otii impatientia per prouinciam dispersi vi & stupris, & rixis cuncta polluerent. Plerique ad rapinas conuersi. In eo numero Dieghus Garfias Paredius, ut erat vasto animo, audax & promptus piraticam exercere constituit largus priuatim, quod rapinis suppleret. Idem fecere Dieghus Aguaius & Melgarégus. Habendi cupiditas idonea iniuriæ faciendæ causa videbatur: Hoc discrimen inter utrosque: quod Paredius ad Orientis oras profectus de hostibus Christiani nominis prædas agere institit, minor ea noxa. Duo alii ad AEnariam insulam statione delecta promiscue, quicunque iniuriæ opportuni erant, eos spoliare fortune & vita, ex aliena calamitate opes captantes propria & totius gentis inuidia. Missus à Prorege cum militum numero Michalorus Prateus domo Catalaunus rei bellicæ & nauticæ imprimis peritus piratas ob Beluederium nactus oppidum Bisiniano contributum captis biremibus interiora prouinciæ fuga petere coegit. Victoriæ lætitiâ inopinus casus conturbauit. Subita ventorum vi naui, quæ vehabatur oppressa periit, nullo qui morti eriperet quamuis multis è vicino littore cladem prospicientibus. Magnum rerum ludibrium conuersionemque. Violentia fluctuum compage laxata asseres interfluens vnda submersit nauim. Ipso tempore Alfonso Alburquerqueius superiori anno cum Tristano Acunio missus è Lusitania ad Orientis oras Francisco Almeida successor, virtutis specimen præbere cupiens, ratus ut prima cessissent secutura alia, ex itinere Ormutium occupauit. Insula nobilissima ea est ad sinus Persici fauces, angusta quidem spatiis ac sedecim modo millium ambitu, tenui gleba, nulla aqua, æstu vehementi, frugum egens ac omnis amcenitatis: germino tamen portu Orientis commercio idonea, atque ex eo omnibus quæ ad victum cultumq; necessaria sunt, quod caput est diuitiis auro, & argento gemmisque beata, & cum primis Orientis celebritate & mercatorum frequentia comparandum emporium. In Africæ item littore, quod Oceanus alluit Lusitani Maturis abstulerunt Saphinum urbem copiosam, latam spatiis, incolarum numero frequentem, quondam Regi Marrocio subditam, tunc in iure & mancipio reguli peculiatis.

*Rex Catholicus Reginam filiam inuisit.* CAPUT X.

Germania Regina Valentie substitit rebus gerendis pro viro vicaria, breui tamen in Castellam itura. Petrus Nauarrus cum militum cohortibus, eorum qui in classe venerant, præmissus est Almasanum versus ad Castellæ fines situm oppidum. Subsecutus est Rex ad tertium Idus Augusti. Processere obuiam Cæsaraugustanus Præsul officio in patrem incitatus, Medinæ Celinæ & Alburquerquii Duces. Eo comitatu ad reliquam aula cohortem adiecto Montacutum primum Castellæ municipium peruenit ad duodecimum kalendas Septembris. Inde Almasanum Arandamq; itum est. Toto itinere procures & Episcopi visendi studio & officio in Principem incitati salutatum accedebant, quidam metu, multi per adulationem, plerique ne aliis euntibus ipsi subsisterent festinationi studentes offensas priores tegere: il quanto magis ficta erant obsequia, tanto magis plura beneuolentiæ argumenta præbere. Regina Fornellis hærebat incommodo satis hospitio: neque ut abscederet induci potuit, quamuis templi contignatione fortuito igne incensa: atque ita ut Philippi viri corpus necessario in regiam fuerit inde translatum. Nunciato tamen patris aduentu ex eo pago tandem digressa Tortoles abiit vicum Arandæ vicinum. Rex quoque Villaelam discessit duorum milliū à filia intervallo. Sic Sabbatho quinto kalendas Septembris precibus vespertinis operatus Tortoles petiit. Processere obuiam Magister equitum & Villenius alique procures è reginæ comitatu: præterea Toletanus, Pontificius nuncius cum aliis Episcopis cuncti ex ordine vultu ad lætitiâ composito dextram osculis more gentis appetere. Ventum ad paratum hospitium, ubi Regina patris aduentum expectabat. Ad eius aspectum cucullo, quo tegebat caput detracto se ad eius pedes osculatura deiecit. Rex detecto capite genu ad terrā flexo prostratam erexit. Amplexati inter se aliquanto spatio in domus cœnationem cōcessere. Dua-



Duabus amplius horts in colloquio decursis Regina reuerſa in Regiam eſt, quo Rex pa-  
 ter die poſtero illam inuiſit. Remotis arbitris qui inter eos ſermoneſ extiterint cognoſci  
 certo non potuit. Ex Regiſ tamen in diſceſſu hilari & placido vultu ſuſpicari homineſ  
 ſunt de Regine valerudine melius quam antea, regniſque procurationem illi demandaf-  
 ſe. Eam opinionem euentuſ cōprobauit rebus continuo ad arbitriū compoſitiſ, creatiſ  
 vti viſum eſt magiſtratib꿿 atq; miniſtriſ aliis. Septem dieſ in eo pago morati octauo ad  
 Diuę Marię Campeſtriſ fanū proceſſere. In eo oppido ne purpurę honor haberetur To-  
 letano à Pontifice datę Regine interceſſione factum eſt, neſaſ fore negantiſ quo ipſa lo-  
 co eſſet viduata viro, oppreſſa luctu, lætitiã vllam celebrari. Sic Mahamudii cæremonia  
 10 peracta eſt, oppido exiguo apparatu principali ac celeberrimo. Auſtuſ honor nomine,  
 nã Cardinaliſ Hiſpaniæ dictuſ eſt: quic D. Balbinę tituluſ Romę fuerat adſcriptuſ. Ade-  
 rat in curia Andreas Burgiuſ pro Cęſare legatuſ ſagax, calliduſ, promptuſ ad ſimulanda  
 negocia altitudine ingeni꿿 mirabili, ea audacia vt poſt Ferdinãdi aduentū non dubitaret  
 tamen ſolicitare, prehẽſare ſinguloſ proceres, quos idoneoſ gratia aut offeſa putabat, vt  
 Cęſari reru arbitriuſ deferret. In quo etſi dignuſ ſupplicio facinuſ cōmiſiſſe viſuſ e-  
 rat, iuſ tamen gentiuſ valuſ vt inuiolatuſ eſ curia diſmitteretur. Specieſ præterea factuſ re-  
 ferendi in Germaniã datuſ ipſi mandatiſ reſponſuſ. Adiunctuſ itineriſ ſociuſ Ioanneſ  
 Albion cum nouiſ Regiſ & Regine nomine ad Cęſarem mandatiſ precantiuſ, eum  
 deinde legatuſ mitteret, qui publicę tranquillitati magiſ ſtuderet: reip. turbationem  
 vtriſque fore noxiã, importunaſ molitioneſ periculo non vacare. Simul magiſtruſ  
 20 equituſ, maris Præſectum, atque Albanū inter ſe conciliare ſublatis mutuſ offeſio-  
 nib꿿 aggreſſuſ eſt. Ingenuſ conatuſ neque fructuſ poenitenduſ, quando vna opera ſibi  
 eoſ proceres ea auctoritate & opibuſ obnoxioſ præſtare commoduſ erat; reip. vni-  
 uerſę ſalutare in vnam proceres ſententiã conſpirare priuatiſ diſſidioruſ cauſiſ amo-  
 tiſ. Præterea ad Batiçæ motuſ animuſ retulit, vbi non minora diſſidia vigeabant. Ac  
 Cordubę Prieghi Marchio Dieghi Oforii Prætoriſ apparitoribuſ & miniſtriſ faſceſ per  
 vim ademeraſ. Vbedę factioſi ciueſ Molinę dicti multa turbare Antonii Manrici fa-  
 uore ſuperbi, qui Anagari Ducis propinquuſ ei꿿 parteſ ſequebatur, Hiſpalis quieta ni-  
 hilo magiſ erat. Obituſ Ioanniſ Aſſidonię Ducis Petruſ Gironiuſ Vrenię Comitiſ fi-  
 liuſ amoto Henrico deſuncti filio Mariam vxorem ſubſtituebat opimi principatuſ  
 hæredem & ipſam extincti filiam neque ex alia matre. Ad tantoſ motuſ pacandoſ vi-  
 30 ro & gubernatore opuſ erat. Cantabrię & Calæcię portuſ muniti magna cura ſunt  
 aduerſuſ omneſ caſuſ. Aczemofi Comiti, & Fernando Andradi magniſ in Calæ-  
 cia opibuſ & clienteliſ turbidoſ ex vniuerſę prouincię finibuſ diſcedere mandatuſ  
 eſt. Par cura adhibita Gaditano Heracleę & Malacę portuſ muniendiſ, ac quoniam  
 Mauriſ indigeniſ diſſidebatur, effectum vt oppida omnia octo à mari millibuſ vacua  
 incoliſ relinqueretur Heraclea Almeriam vſque. Pulſiſ eo littore Mauriſ vetereſ Chri-  
 ſtianoſ ſubſtituere animuſ erat, prohibere ei꿿 gentiſ ſcelera, quoruſ propter Afri-  
 cę vicinitatem magna ea parte licentia erat, ſæpeque Chriſtianoſ captiuoſ in eaſ oraſ  
 40 abducebant. Verum iſtandem conatuſ effectū caruit. Obtinebat Ioanneſ Emanuel  
 Philippi Regiſ beneficio Burgenſem, Giennenſem, Placentiã & Miraueti ar-  
 ceſ. Præſectiſ mandatuſ vt Regi eaſ ſine mora darent. Burgenſi arcu Præſectuſ  
 Franciſcuſ Tamaiuſ de ea re appellatuſ tempore extrahendo præter ſpecioſa verba  
 nihil præſtabat. Digna temeritaſ vindicta & malo viſa eſt. Rex Burgoſ ire conſtituit, ſimul  
 Petro Nauarro cura data cum militariſ. copiis, quaſ ducebat, & tormentiſ belliciſ eſ Me-  
 dina Campeſtriſ arce detractiſ, eam arcem impugnandi. Periculo conſiderato Præſectuſ  
 arcem dedere decreuit: quod exemplum alię continuo arceſ imitateſ ſunt. Sic Ioanneſ  
 Emanuel omni præſidio deſtitutuſ propinquuſ lōginquiſq; inſenſiſ, rege irato p̄ Vaſcones  
 in Galliam euaiſit, inde in Germaniã ituruſ ad Cęſariſ præſidiū. Vnuſ Anagari Dux ex  
 50 ea factione ſupereraſ, ſed quibuſ viribuſ? qua fiducia? quibuſ adiutorib꿿. intra Anagaruſ  
 ſuſtentare cogitabat, munita vrbe & militibuſ, quos potuit, contractiſ: Cæcuſ animi im-  
 petuſ in præceps egit. Et alioqui erat perſuaſuſ Cęſarem propediem cum exercitu &  
 Carolo nepote in Hiſpaniã venturuſ. Hac ſpe Iſabellę regineſ teſtamento, qua parte  
 certe de regni procuratione ſtatuit, aſſenſuſ præbere, quo tempore conuentuſ Tauri  
 habituſ ſunt, noluit: conſequenti tempore cōſilii regii edictiſ non obtemperauiſ, ne qua-  
 tuoruiris quidẽ reru capitaliũ aliſq; miniſtriſ curię vt regia mādada in ei꿿 ditione  
 exequerentur cōceſſit. Ad ea crimina delectuſ militareſ habere inſtitit, tumultuſq; cōci-  
 tauit. Studio quin etiã vteriuſ, pgreſſuſ, quaſi Caroli Principiſ vicari꿿 ſe Proregẽ dixit: &  
 pro arrepta temere poteſtate, Prætoriſ. mādauit vti ſuo nomine tabulaſ edictaq; euulga-  
 ret: q. Vbedę certe factū eſt Antonio Manrico Prætoriſ patrui volūtatē obſequēti, parteſ



secuto. Impotentes conatus, priusquam altiores malum radices ageret, frenandi erant. Eo consilio quaestiones maiestatis de eo in curia sunt habitæ. Simul è D. Mariæ Campes-  
 tris fano Burgos ire Rex constituit. Arcos peruentum: quo ex oppido Fernandum  
 Stradam regiis epulis præfectum ad Ducem misit arces vt traderet expetitum fidei pi-  
 gnus. videret ne noua offensa si recusaret ad priores addita, maioris seueritatis necessi-  
 tatem imposeret. Detrectauit ille facere quod iussum erat incommodis & molestus.  
 Rex in eo oppido relicta Regina quoniam Burgos ire noluit extincti in ea vrbe viri me-  
 mor, ipse in eam urbem abiit in vindictam intentus. Petro etiam Nauarro cū copiis quas  
 ducebat, & regni ordinariis equitibus bellicisque tormentis vniuersam Ducis ditionem  
 eumque capere mandauit. Intercessere proceres ac nominatim Magister equitū, Alba-  
 nusque vt seueritati modus esset precantes meliora de Duce polliciti. Dux ipse metu  
 proposito cessit, qui benignitate vinci non potuerat. Nauarreti, Treuigni, Oconis, rede-  
 cillæ, Dauallili, Ribæque arces tradidit, vti erat iussum: præterea Balmasedæ arcis regie  
 datam antea præfecturam restituit. Albanus earum arcium sequester consensu designa-  
 tus, atque ii Præfecti quos ipse singulis daret. Ita rex mitigato animo eorum quæ prius  
 commiserat supplicii veniam dedit. Neq; multo post Antonio Manrico Treuigni Comi-  
 ti Ducis filio sensim eas arces reddidit atq; dissimulanter. Clementia sæpius quam seue-  
 ritate reip. sanantur vulnera. Dissidiorum certe nebula opportuna benignitate, quasi so-  
 lis radiis depulsis vnde sæua tempestas instabat, lux rebus reddita est & oprata tranquil-  
 litas. Errant, qui in populi & procerum beneuolentia nihil opis repositum putant, omnia  
 regis metus. Itaque ad Ducem Alburquerquium amplius promerendum de Ioannæ A-  
 ragoniæ neptis ex filio Cæsaraugustano Præsule coniugio cum eius maiori filio consilia  
 agitata. Quod tamen connubium non coaluit: ac puella Ioanni Borgiæ Gandiensi Du-  
 ci postmodum data coniux est.

*De variis coniugiis actum.* CAPVT XI.

CÆsar vno tempore regibus Gallo & Ferdinando infensus Ferdinandum accusa-  
 bat in Castellæ rerum procuracionem præcipitanter inuasisse controuersis cum ipso  
 nondum compositis, neque lite diiudicata. Grauis ignominia visa est armisque vindi-  
 canda iniuria. Tria millia Germanorum vti ferebat fama, in Neapolitanos fines immitte-  
 re cogitabat, quo gentem ad rerum nouarum studium concitaret. Simul vt Aragonii  
 Cardinalis conatus iuuaret Calabriæ Duci in Italiam pertracto paternum regnum resti-  
 tuere parantis, præsidii vndique ad id obtinendum petitis præ vindictæ studio nulla  
 nepotis cura. Neq; deerant rumores suspicioni subiicientes Magnum Gonsaluum quasi  
 præsentium rerum tædio quietis impatientia consilii eius particeps esset filia etiã maiori  
 nupta Calabriæ Duci. Destinare præterea Põtifici obsequi, copiarū eius & noui cõtra Vene-  
 tos belli cura suscepta. Mèdacio habita fides, quoniã ad id inuitabatur annuo stipendio au-  
 reorum sexaginta millium. Quia honestissima cõditio erat, famæ credebatur passim. Ve-  
 rum hæ suspitionis erant: inane prorsus quod de Cæsare ferebatur. Breui enim est intel-  
 lectum vires illas, vnde rumores alebantur, velle in Mediolanenses fines & contra Vene-  
 tos conuertere: vtrisque inferre bellum. Rex tamen Catholicus ex eo cautior, acriores  
 custodias circumdedit Duci Calabriæ, ne è curia se incio posset elabi. Simul & ipagor-  
 fæ Comiti mandauit, vti Cardinalem Neapoli & omam prorsus amandaret. Facto quidem  
 alia prætenta species est, sed rumoribus plane nulla fides habita ad id vt recurreretur, ef-  
 fecit. Galliæ regem expostulabat Cæsar Gheldriæ ducem subleuare eo bello, quod Bel-  
 gicis finibus importunus diu intulit. Præterea Burgundiæ fines armis vexasse, quo tem-  
 pore in Italia Ferdinandus agebat, eius consilii particeps, vti ille accusabat. Ad hæc  
 colloquium inter duos Reges Saionæ institutum ante, suspectum monstri profecto si-  
 mile aliquid allaturum credere. Coniugium Claudiam inter & Carolum toties pa-  
 ctum disturbari: ac ipso tempore agi de nuptiis regie puellæ cum Engolismorum Duce  
 dolebat dolebat scilicet impense: vbi rescuit impedire conatus Cardinalis Rhotoma-  
 gensis opera. Cæsaris votis multa patrocinebantur. ceteris omnibus validius fundamen-  
 tū, in fœdere ad Hagenaū factō Mediolanensis principatus iura Gallo simul & Philippo  
 Principi Cæsareo diplomate confirmata filiorum connubii inter eos spe certa fideque  
 data. Coniugio disturbato indulgentiam concessam fore irritam. Ferdinando ea res cu-  
 ræ admodum non erat, quippe Mediolani principatus iacturam regni Neapolitani suc-  
 cessore Carolo nepoti relicto satagebat compensare fœdus violatum, alterius fœderis  
 mota fide. Galli aures Cæsaris postulatis surde erant. Sic ille animum in Angliam reuoca-  
 uit



bit Mariam eius Regis filiam Carolo iungi cupiens. In quo eo usque progressum est, ut in puellæ dotem designarent ducenta & quinquaginta aureorum millia: diem & locum celebritati nuptiarum præfigerent. Additum etiam ut Ferdinandi & Ioannæ Regum consensus exposceretur, ac renuentibus nihilominus connubium constaret. Cupiebat Anglus hoc coniugium, in quo tantæ commoditates inerant coire. Maior tamen & propior cura sollicitabat Ferdinandi voluntate sibi toro Castellæ Reginam iungendi; quod sperare non temeritas sed amentia erat. Dissimulabat tamen Ferdinandus spe inani senem lactans: ne se auersum coniugio præberet Catharinæ filia & Vualia Principis pacto. Anglus tempus extrahere aliam ex alia moræ causamnectere, ea cunctatione extorquere parans quod maxime optabat. Fraus vtrinque eludebatur fraude, ac veluti contrariarum in vno corpore ægritudinum complicatio utrosque male habebat. quo morbo fere Principes magni laborant, expugnantibus inter se studiis vita componitur haud leui molestia labeque eorum felicitatis. Mors Angli breui subsecuta intempestiuos intercepit conatus. Plerique vulgo Ferdinandum accusabant, quasi Gastoni Fuxensi leuiro suo Reginam filiam coniugem destinaret suis & Galli auunculi viribus regnum Vasconum adepturo: quod illi iniuria ereptum prædicabant. Sed & Hispanum peculiaris dolor incitabat, & studium eos Reges vindicandi ob auersum penitus à se animum: nullam prætermissam occasionem susceptam simultatem testandi. Recensque apertum odii documentum extiterat Lerini Comite ditione spoliato nulla sui absentis cura, quamvis signari sororii iniurias ac in eius præsertim patrocínio delitescens, pro suis habiturum. Eo maiori offensione quod legibus disceptare, uti post suum aduentum experierat, profugo ditione restituta recusarant, parato quamvis multam subire, quam delicti consensu iudices iuxta leges indicerent. In Germaniam peruenerat Ioannes Emanuel minori iam apud Cæsarem gratia & auctoritate quam antea. Miseros cuncti destituunt: neque mala in vno gradu resistunt. Delusus ergo spe sua ac suscepti frustra itineris pertæsus reuocare cupiebat, atque in Hispaniam redire. Eo consilio petiit a Ferdinando è duobus alterum. Ut eius venia reduci bona pristina reponeret, atque eo loco haberet, quem generis nobilitas & priora merita postularent. certe cum vxore & liberis in Lusitaniam ire concederet. Quod si iustissimis postulatis non moueretur, facturum haud dubium quod solent homines desperati. Nullam esse potentiam cui non sit periculum etiam ab inualido, præsertim si ad vires furor accedat. Nullum responsum datum: maiores noxæ erant, quam ut veniam speraret. Ita è patria exul miseris coopertus ac profugus minori quamvis Principis fauore ingenii tamen acumine dexterateque agendi, dissidiorum inter eos Principes sementem facere impedire concordiam nunquam destitit egregius dissidiorum artifex. Iuuabat conatus Bernardinus Caruaialis Pontificis ad Cæsarem legatus. Sic vulgo suspicati sunt homines. coniecturæ accommodata fides propter turbidum vtriusque ingenium parem actionum varietatem. Et quoniam Cardinalis propinqui, à rebus Ferdinandi auersi regni procuratorem esse constitutum ægre neque dissimulanter ferebant. Suscepta sinistra aduersus Cardinalem suspicione Ferdinandus à Pontifice porro petiit Legati munere detracto eum actutum Romam reuocaret: acerrimam discordiarum facem amoueret. Quod ægre quidem sed impetratum est tandem.

*De Caroli Principis in Hispaniam aduentu actum.*

## CAPUT XII.

Bellicos apparatus à Cæsare institutos declarauit euentus non ad occupandum Neapolitanum imperium, uti erant homines suspicati & fama ferebat, pertinere: sed aduersus Gallum Regem pro Mediolanensi principatu & Venetorum ditione. Ferdinandus rex & Pontifex, ne ex eo initio veniretur ad arma, sollicitare non desistebant, si in minus pace facta certe pactis induciis viam aliquam concordie inirent. Id Cæsari non placebat pactum fieri nisi magno suo commodo adiunctis conditionibus quas Gallus non probare dignitatis memor, insolentia omnis impatiens. Ommissa igitur pacis mentione, Cæsar Margaritæ filia Belgarum procuratore delegata se in iter dedit Italiam versus mense Ianuario salutis anno millesimo quingentesimo octauo auspicante. Proximo mense Tridentum 1508. peruenit modicam urbem in Alpium faucibus sitam. In ea solenni cæremonia more maiorum, cum in Italiam ad imperii coronam contenderent, selectum Imperatorem dixit, nam antea regis romanorum nomen tantum prætulerat. Brandenburgensi Marchioni imperii militaris summam detulerat ad iter profecuto. Copia exigua



erant, neque magnis conatibus idoneæ vires. A Erarii inopia premebat magnis semper molitionibus aduersa. Regi tamen non poterat generosus ardor animi quin viribus maiora captaret. Bellum ad Cadore vallem ditionis Venetæ inchoatum est, cum repente nuncius Heluetiorum quinque millia Gallicis stipendiis in Italiam festinare, Cæsarem in Sueuiam reuocauit, si conuentus Sueuici auctoritate disturbaret eas copias. Nihil ea diligentia profectum. Nouo tamen nuncio, Gallicas copias in Luxemburgenses fines irrumpere eo continuo quasi belli Italici oblitus accurrit. Pudenda inconstantia ac cōsili-  
orum varietate circumactus irritō sæpe conatu cogebatur in medio cursu deficere: mo-  
liri multa, nihil ad exitum perducere cum ignominia labeque. Eius discessu maior Ger-  
manorum pars, qui in Cadore valle manserant, signa deseruere castraq;. Duo millia qui  
supererant, à Venetis copiis maiori numero somno meroque sepultos ante lucem im-  
pressionē facta improviso aduentu conciderunt. Longe alia Ferdinandi Regis ratio e-  
rat agendi. Arrepta quamuis atque certis præfidiis Castellæ procuratione stabilita, me-  
mor tamen rerum humanarum, quæ fluxæ & instabiles, sæpe in contrarium migrant, neq;  
ignarus non paucos obstinata mente rerum nouarum consilia agitare, nullo loco de-  
esse, vigilare, quosdam terrere metu, aliorum inuidiam beneficiis expugnare. In eo nu-  
mero præcipue se ostentabant Alfonsus Manricus, Roderici Manrici Magistri D. Ia-  
cobi filius idem Pacis Augustæ præsul, & Cataniæ in Sicilia Episcopus Petri Nunnii  
Gusmani Calatrauæ Clauigeri frater. Il postquam deserto Ferdinando Philippo regi  
adhæserant, sublata emergendi spe dum is rerum potiretur, ex desperatione animos ob-  
stinauerant, priorem errorem nouo & grauiore cumulantes. Pontifex de ea re appella-  
tus, Toletano & Burgenfi Præsulibus inquirendi in eos Episcopos potestatem fecit. Ad-  
uersus Regem tantis offensis irritatum tueri innocentiam qui possent? Alfonsus Manri-  
cus fuga in Belgas concedere tentauit. Captus tamen non procul Santanderio in Astu-  
ribus à Francisco Luxano Trasmieræ seu Ultramontanorum tunc Prætorē, aliquandiu  
in Atienfæ arce detentus, demum in Toletani potestatem, iuxta Pontificis mandata est  
contraditus. In Germania Iacobus Concillus Giracii Episcopus à Ferdinando legatus  
Cæsarem, vti erat mandatum, monere non desisteat: Carolum Principem in Hispa-  
niam mitteret. prouinciæ moribus à prima ætate imbuti ad stabiliendam successionē &  
studia gentis confirmanda, quæ res alia fore salutarius. Ferdinando ipso superstite ausurum  
neminem ea iura mutare: eo sublato quin procures Ferdinandum Infantem nota proba-  
taque indole natum educatumque in Hispauia fratri præferrent, neminem posse  
vlla arte aut viribus præstare. rebus in Hispania turbatis, quæ Italiæ imperium staret?  
Perspicaci & cauto Ferdinandus ingenio auertere mala cupiebat, quæ repudiato eius  
consilio in Hispania paulo post sunt subsecuta. Nunquam enim Cæsar adduci po-  
tuit, vt Carolum concederet in Hispaniam venire nisi rerum secum procuratione  
participata, regionum vectigalium parte concessa, vnde inopiam suppleret subsidia-  
que parata haberet variis & arduis conatibus sæpe supra vires susceptis. Quibus pro-  
mouendis præter alia mille & quingentos milites, Gallo à Ferdinando auxiliares  
datos ad se traduci postulauit. Verum Franciscus Omedes ad id à Ferdinando mis-  
sus effecit vt in Galli fide & obsequio perstarent, nulla cura Brandenburgensis, qui  
eos quasi Cæsaris subditos neque iussis obsequentes neque respondentes ad nomina,  
maiestatis reos pronunciarat. Enimvero Cæsar rerum in Castella arbitrium arroga-  
bat sibi: irritatis amplius voluntatibus, quod Andreæ Burgium rursus à Cæsare le-  
gatum Hispaniæ aditu prohibuissent. In quo grauissimam contumeliam contineri  
ille quidem interpretabatur malo vindicandam iniuriam, si vires voluntati pares sup-  
peterent. rex Lusitanus his contentionibus liber nominis famam per omnes Ori-  
entis oras latissime propagari, anniuersariis nauigationibus struere opes, nouis iden-  
tidem victoriis maris Indici imperium occupare, inuicta virtute ducum pariter &  
milium, neque minori felicitate. Calecutii & Cambaiæ reges maxime infensos  
Lusitanorum conatibus, eoque Cocini aliosque minutos reges vexatos bello, quasi  
Lusitanos portubus exciperent, commercioque subleuarent victos sæpe acie multis-  
que illatis cladibus castigarunt, quasi frænâ asperioribus domita contumacia,  
pauci innumeros, indigenas aduenæ ex vltimis  
orbis partibus.



**B**AETICI proceres ægre tulerant nullam eorum rationem à Ferdinando Rege fuisse habitam, cum primum rediit in Hispaniam: & qui Castellæ procerum voluntates magno redemerat, nihil ipsis, qui neque potentia neque opibus illis concederent, à se pareo esse datum. Inuidia in præceps dabat alienis semper incrementis anxia: dignitatis tamen species obtendebatur. Cunctos ea molestia premebat. præ cæteris tamē Petrus Fernandus Corduba Prieghi Marchio & Egabri Comes de iniuria expostulare, parati dolorem vindicare, si qua se occasio obtulisset. Accidit ut in rixa populari temere Cordubæ concitata, regii ministri è fontibus vnum in vincla raperent. Ioannis Ariæ Cordubensis Episcopi aulici correptis armis captum per vim eripuerunt ne in custodiam daretur. Commotus ea temeritate Rex Burgis, ubi erat, misit Fernandum Gometium Ferreram quatuoruirum in curia rerum capitalium, ut quæstione habita noxam eam vindicaret legibus. Inchoata, ut erat mandatum, cognitione Prieghi Marchio monet, ne ulterius progrediatur priusquam abs Rege noua veniant mandata: esse quæ cum illo comunicanda videantur, interim tamen vrbe discederet. Non audacia sed temeritas erat, regia auctoritate armato iudici obistere. leuius crimen grauiore cumulatū. Negat ille facturum quæ Marchio volebat, ac potius illi & fratri verbis Regis mandauit, continuo ex vrbe discesum. Grauis ea contumelia visa est, neque dissimulanda iniuria. Contracta militari manu, reque cum vrbano senatu communicata, captum iudicem in Montilliæ arcem suæ ditioris custodiendū misit: ac deinde paulo post libertati reddidit iussu Corduba abstinere, malū indicto pareret minatus. Insolens facinus maiori Regē impleuit ira, tempore minime idoneo turbari Marchionis importunitate rēp. Eo festinare cōstituit certus vindicare ne prauum exemplum dissimulatione in plures diffunderetur. Mensis Iulii fine Burgis profectus Arcos, ubi Regia erat peruenit. Tunc Ferdinandum Infantem viæ comitem esse voluit, specie quidem valetudinis tuendæ, re à matre abstrahere erat destinatum, ægre quamuis ferente filii absentiam. Dies aliquot Vallisoleti consumpti. In eo municipio Ioanni Riberæ limiti Vasconum præfecto mandatum est ut eum suis cohortibus circū Arcos tenderet Regina præsidio fururus. Si qua vis existeret Magistri equitum maris Præfecti, Albanique in eo tractu morantium, opem si opus foret adiungeret. Militari delectu contractas copias se comitari Rex voluit vlciisci iniuriam constituens: qua violata regia auctoritate, nisi esset occursum saluari seueritate periculum erat ne respublica tempore importunissimo turbaretur. Hispali quoque Enecus Velascus Vrbanus Prætor voce præconis denūciauit, ciuēs ut sexaginta annis minores, maiores viginti, parati essent Regē prosequi cum armis, aut quæ ille iussisset, Marchionis insolentiā vindicatum. Gonsaluus cognita Regis ira, iræque causa de euentu sollicitus his omnino verbis ad Marchionem litteras dedit. Super errore commissō id possum tantum scribere: fore salutare consilium si continuo ad Regem supplex venias in eius potestate futurus. Quod si feceris, vindictam denuncio sed tolerabilem, si renuis, exitium. Anxius ancipiti periculo Marchio patrum monitis obtemperare tamen decreuit. proceres etiam lenire Regis animum, gnari id exemplū ad omnes pertinere seu seueritatis seu clemētiæ. in vnius causa cunctorum fortunas & dignitatem disceptare. Gonsaluus præ cæteris querebatur acerbiorē, quā par esset, vindictam parari. Pœnitentiæ argumento ad Regem ultro venire, quid amplius sequi vellet? Imprudentis Iuuenis noxam Alfonsi Aquilarii patris meritis donari num æquum videretur, in bello non ita pridē occisi, ut maxime recētes ipsius labores & molestiæ graues de memoria excidissent? Regi certū erat, nullis precib. moueri, gratiæ inexpugnabilē se p̄stare. Ita Marchio omni alia spe destitutus Toletū, quo rex p̄cesserat, veniens se suaque eius clementiæ permittit. Iussus ad vigesimum lapidē à curia abesse arcesque tradere fidei obsequiique pignora continuo obtemperauit. Cordubam ubi ventum est, regem prosequentibus equitibus mille, peditibus triplicato numero, Marchio è vinculis more gentis causam dicere est compulsus. Postulatus lege maiestatis à Fiscī procuratore, nullum criminis responsum dedit, precatus tātummodo regem si nō veniam certe vindictę modum. Maiorum meritis eam gratiam daret, noxamque condonaret, in posterum meliora polliceri. Peracta cognitione nonnulli e Cordubensi nobilitate, quorum maior noxa extiterat, capitis damnati sunt, aliis e plebe laqueus vitæ finis fuit. Alfonsi Carcamī & Bernardini Bucanigię in tecta edesque sequitum est: quo supplicio perduelles gentis instituto vindicari solent, ut sint reliquis documento, & supplicii magnitudine perterriti. Duorum noxa præcipua, cum quatuoruito iniectæ sunt manus affuisse, Marchionem familiæ nobilitas tutata est, ultroque ad Regem venisse culpę deprecatur.



torem, ut leuior vindicta esset & tolerabilior. Exilii tamen indicta poena ab ea vrbe perpetui, ex vniuersæ Baticæ finibus dum Regi placeret. Præterea arces omnes demptæ sunt, Montillæ ædes arcis ad instar à fundamentis euersæ. Maius id tamen supplicium quibusdam visum est quam pro delicti modo. Ac Gonsalvus Regis seueritatem sæuitiæ proximam detestabatur: quem neque defunctorum, neque superstitum præclara facinora flecterent: opes maiorum sanguine fundatas euerti impense dolebat scilicet. Occultis hæc sermonibus & inter fidos agitata ne infensus animus irritaretur amplius. Magister equitum apertius dolere, ac duo in causa accusare potissimum. Contra morem maiorum institutam contra Marchionem cognitionem, nunquam Magnatum seu Dynastarum causam aliis delegari iudicibus consueuisse. Regi soli in eos animaduertendi fuisse facultatem. Eum semper honorem ordinis dignitati habitum. Deinde se auctore Marchionem ad Regem venisse: sic in eius supplicio violatam fidem suam expostulare. Periculum erat ne alienato tanti viri animo, regniue finibus digresso noui ac turbulenti motus existerent, Ferdinandi nondum auctoritate satis firmata, multis in prouincia ex arcano æmulis. Corduba Henricus Toletus & Ferdinandus Tellijs Iureconsultus Romam legati sunt verbis Reginæ obsequium Pontifici delatum, quod eatenus officium præstitum non erat temporum multa varietate. Iisdem diebus Bernardinus Caruaialis Cardinalis detractio legati munere, quo in Germaniaungebatur Romam euocatus est. Ferdinandi id Regis votis ad amouendam suspicionem eum ad Cæsarem inclinare, datum. Neapoli Hungariæ Regina decessit ea inopia ut funeri exequiisq; Prorex de publico pecuniam suppeditaret. Sepulta est in ea vrbe ad Petri Martyris: qua in æde reginæ etiam matris tumulus extat. Corduba Ferdinandus præcipiti autumnis discedens Hispalim iniit insigni ciuium apparatu, pompa, plausuque. Aderant Ferdinandus Infans, & Germana regina præcipua spectacula pars. Henricus Assidonius minor ætate à patre relictus in coniugium pacta Maria Gironia in Petri Gironii (puellæ is frater erat Comitis Vreniæ filius maior ardenti iuuenis animo) tutela ex patris testamento acquiescebat. Petrus & suis opibus & sororii viribus concitare in prouincia motus: ipsi quin etiam Prieghi Marchioni opem ferre tentauit. Feruor ætatis agebat in præceptis. Assidonius neque iuuare eos conatus, neq; repugnare alieno imperio obnoxius propter ætatem & imbecillitatem sensus. Regi destinatum erat, conatus coercere, Assidoni arces in potestatem redigere. Eius iram, quo tempore Baticam petens Vallisoleti substitit, Vreniæ Comes veritus filium in potestate futurum recepit, arcesq; adeo traditurum regi. Magister item equitum pro Assidonio sororis filio se vadem obtulit officio non defuturum. Promissis non responderunt facta. Rege Hispalim appulso tum Petrus tum Assidonius resistere Assidoniæ: neque Regem, uti par erat, salutatum accessere: ne euocati quidem nisi necessario cunctanterque. Hispalim tandem ubi venere, Petrum Gironium ea tutela moueri, atque Hispali & Assidoniæ finibus discedere iussu est. Contumaciæ merces exilium. Assidonio quoque mandatum arces, uti ante conuenerat, traderet. Graue mandatum est iussu: neque morem gerendum. Nocte quadam in Lusitaniam uterque discessere regia seueritate commoti: at præcipue suscepta suspitione Assidonio nouam sponsam destinari, priori pacto rescisso, filiam Cæsaraugustani Præfulis, atque ex eo Regis neptim: mutatis equis festinantes retinere non licuit: quod erat vindictæ proximum, Præfectis, uti artes dederent iussu est, malum nisi obtemperarent passuros. Nieblæ & Triguerei Præfecti parere recusarunt. Mercado quin etiam quatuoruiro rerum capitalium ad id misso, ac de deditioe appellanti Nieblæ incolæ portas clausere. Graue facinus missæ abs rege copiæ breui vindicarunt oppido per vim capto direptoque. Crudele exemplum, paucorum culpam etiam innoxios luere: sed quo commoti ceteri mox imperata fecerunt. Hispalensi Præfuli aliis viris primariis quasi sequestris arces sunt traditæ: ac regio consilio in Petrum Gironium cognitio permessa. Offensis noua seueritate proceribus Magister equitum litteras expostulationum plenas ad Regem dedit, qua in ceteris libertate fiduciaq; Regi tamen deliberatū erat procerum contumaciam frænare fastumque contundere. Id dū assequeretur quid homines loquerentur, pensi non habere. Toletanus qui Tordesillæ substiterat, regios conatus consilio & opera iuuare, malis medendi prouinciamque pacandi eam tutissimam esse viam, ac vestigio sæpe calcandam omnibus sermonibus dictitans.



**D**um Bæticæ fluctus in malaciam componuntur autumnus abiit. Belli Africani cura sollicitabat: Lusitanisq; auxilia sunt missa in ea prouincia periculo proximis. Ferdinandus Rex quasi ex altissima specula in omnes partes despicere non cessabat, vniuersam Christianam rempublicam animo & prouidentia complexus. Ea tempestate spes atque opes cunctorum in eo sitæ erant. Phutense regnum cognitum est in partes diductum tumultuari, à Rege Mauro duobus eius fratribus diffidētibus. Opportunam ex eo occasionē oblatam rei Christianæ noua expeditione in Africa promouēdæ, Mauros impugnandi. Valida classis in Malacæ portu instructa. prædatoriarum Veleſii Gomeræ biremes nostris nimium assuetæ littoribus Granatensem oram nudatam præsidio nautico late depredatæ sunt. Accurrit Petrus Nauarrus, cui expeditionis Africanæ summa permissa erat. Aliquot biremibus captis nostris spoliis graues, cæteras est infecutus ad insulam Veleſio obiectam commune piratarum perfugium. Arci eius insulæ, cui Penonio est nomē, impositi præsidio ducenti milites, visis nostrorum triremibus suspicati urbem Veleſiū petere, relicta arce in continentem traicere ciuibus præsidio futuri. Arripuit occasionē Petrus Nauarrus arceq; continuo capta, quoniam portui imminet & ex aduersum urbis sita est excussæ inde tormentis pilæ nihil ciuibus tutum reliquere, prorsus ut in subterraneis specubus conditi salutem tutari necesse haberent. Capta est arx ad decimum kal. Augusti. Comoda imprimis ea possessio visa est de Africa cogitantibus, munitæ operibus militare præsidium decernitur. Lusitanis ad oram Oceani maris cum Mauris bellum erat. Proferendi fines opportuna videbatur occasio oblata. Zeianus, Phutensis Regis patruelis, si se duce confiderent, Azamorem nobilem eo tractu urbem venturam in potestatem pollicebatur. Maurica fides plerisq; suspecta erat: sæpe antea pacta conuenta ludibrio fuisse. Rex tamen Emanuel Mauri verbis confusus parata classe quadringentos equites pedites supra duo millia mittere in eam rem constituit ductore Ioanne Menesio magno rei militaris aduersus Mauros usu, magna peritia viro. Olisipone ad septimum kal. Augusti profecti, idoneisq; tempestatibus ad littus Africæ prouecti opinione se falsos inuenerunt Maurica fraude delusos. Ciues enim, qui magno numero erant, urbem eximie tutati sunt. Zeianus tamen impostor eo terrore à ciuibus quas voluit conditiones expressit, sicque Lusitanis desertis, quod fuerat initio propositum, ad hostes transiit. Irrito Lusitani conatu metuque maioris mali naues repetiere. Sæuiebat ventis mare: cæca & humilia vada prope usu tantum indigenis nota, minori præterea estu, quod luna senesceret. Sic naues aliquot in iis vadis hæserunt vnaque triremis. Reliqua classis quia cursum tenere non potuit, ad fretum Gaditanum deflexit. Necessitate factum vertit in bonum. Phutensis enim Rex Lusitanorum audacia irritatus, an nominis famam extendendi cupidus contractis numerosis copiis equitum peditumque Arcillam circumſedit ad quartum decimum kal. Nouembris die Iouis urbis præsidio præfectus Vascus Coutignus Borbæ Comes primo die hostium impetum magna virtute sustinuit. Verum die proximo muri parte strata ruinis adituq; patefacto Mauri in urbē vi irrupere. Pugnatum est in plateis acriter multis cadentibus, Comes brachio sagitta icto in arcem se suosque, quos potuit in ea trepidatione, recepit, haud satis munitam instructamque commeatu, bellicoq; instrumento ut in nullo tali metu. Impugnata arx tormentis bellicis cuniculisq; vndiq; sub terra excauatis. Quanto in periculo obsessi versaretur, Tingi ubi Ioannes Menesius agebat, & Hispali, quo Ferdinandus venerat, breui nunciatum est. Menesius classe ad ea loca delatus instituto biduū cum hostibus certamine, pulsisque arcis propugnaculo, quod ceperant, obsessos supremo exitii periculo eripuit commeatu & milite in arcem illato. Petrus quoq; Nauarrus Heraclea, ubi cum sua classe erat, iussus à Rege est eodē festinare. Præcessit Ramirus Gusmanius Cæsariani Prætor naui trecentos pedites, aliquotq; urbanos equites auxilio secum ferens. Cum spe defensionis obsessis animus etiam accessit. Menesio & Ramiro in arcem ingressis non tueri mœnia, sed eruptione facta cominus cum hoste pugnari ausi procul Mauros à fossa remouerunt. Aduentus Petri Nauarri eo delati tertio kal. Nouemb. fluctuantes inter spem & metū Lusitanorum animos porro confirmauit certa victoriæ spe. Continua enim globorum procella classis displosis tormentis quassatos afflictosq; ex aperto latere Mauros deferere castra coegit: ipsumq; Phutensem Regem incensa vrbe Alcaſarquiurum cum copiis redire. Clara in præſenti victoria, in posterum vsui fuit territa eo exemplo Maurica gente, ne eodē impetu alias Lusitanorum eo tractu arces inuaderent, quasi ex vicina Hispania ad vim arceſdam auxiliis paratis. Eduardi Menesii pro patre Ioanne Menesio Tarocæ Comite, Tingi Præ-



fecti, & Roderici Sose Alcafarum obrinentis animi sunt à metu confirmati, quem si Arcilla esset amissa ingentem conceperant diu & ipsos sustentare non posse. Misere duces in Lusitaniâ & Castellam litteras de victoria laureatas læti successu. Emanuel Rex cognita victoria tum Petrum Nauarrum & Cæsariani Prætorem amplissimis verbis laudatos, sex cuique aureorum millibus muneratus est: quod illi manus accipere recusarunt contenti præclarique operis conscientia & de regis sui munificentia maiora præmia sperantes; tum Regi Catholico ita gratias opportuni auxilii egit, ut non obscure se læsum significaret Penonio arcem à Nauarro occupata, quippe regni Phutensis parte, quod illi impugnandum iure finium erat per conditiones antea attributum. Excusauit Ferdinandus Velesum cum contributis arcibus sui iuris esse, neq; Phutensi Regi obnoxiam sed Regi proprio seruire. Vires tunc erant oneri potius Lusitanis quam lucro; magna necessario impensa eam arcem retinendam fore, ne Granatensi littori ex ea profecto piratæ imminerent. Et alioqui si ad Phutense regnum pertinere esset exploratum, libenter ea possessione cessurum cum primum ea ipse parte Africa bellum inferre fixum haberet. Interim alieno sumptu quid vexaretur? In Aragonia Lerini Comes mense Nouembri Arandæ oppido annis quidē grauis, maiori tamen animi ægritudine cōsumptus, propter exiguam opem à Rege leuiro rebus allatam decessit, filius Ludouicus Beamontius prioris aduersus Vasconum Regem simultatis non minus quam fortunarum iurium & actionum defuncti heres.

*Fadus Cameraci ictum.*

C A P. XV.

**I**N maxima hyemis sæuitia, qualem non viderant Ferdinandus Rex Hispali relicta in Castellam redire necesse habuit. Festinationis gemina causa extitit. Petrus Guevara Dieghi frater ex Germania indissimulato habitu vesteque plebeia per fines Cantabriz in Hispaniam ingressus, atque ad Pancorum captus fuerat. De eo Septimancis, quod deductus est, quæstione tormentis habita cognitum, multa proceres arcano cū Cæsare consilia agitare reip. exitialia. In eo numero atq; indicio principes erant Magnus Gonzalvus, Anagari Dux, Vreniæ Comes. Quia probabilia, vera dixisse index creditus est. Sæpe etiam falsum quæstione expressum veri vicem obtinuit. Deinde Infantatus Dux cum aliis proceribus conspirare nunciabatur aduersus Ferdinandum Regem: quodq; vehementius vrebatur Hispani Cardinali conscio atq; particeps, ita tamen ut neq; flammam inuidiæ accenderet, neq; pro auctoritate penitus restingeret. Grauis plerisque seueritas Ferdinandi erat, suum quisq; dolorem quasi ignem reip. ruina lenire non dubitabat. Suspecta imprimis Gonzalui & Magistri equitum familiaritas erat, atq; rebus omnibus animorum coniunctio. Offensus utriusq; animus ingentesq; spiritus timebantur, oblatam doloris vindicandi occasionem non prætermitturos. Infantatus Duce placando sanandoq; Tendillie Comitissæ prudentia multum iuuuit, pro ea propinquitate monentis eū monentis necessarios lubricæ viæ ne insisterent, væcordiâ multis exitiale paucis commodo fuisse, si quid offenderet in rep. meliora in voto haberent, qualiacunq; tolerarent. Reliquos Rex ingenii dexteritate qua metu, qua blandimentis & beneficiis sedauit. Ac nominatim cum primum per Vectones Salmanticam appulsus est Villenium sibi deuinxit pro Villena & Almanza, quæ ille expetebat, oppida, annuo vectigali designato, quantum ex iis oppidis percipere esset solitus additis insuper, quo gratus esset donum, in Granatensi regno oppidis Toloxio & Monda. Honestæ æquaq; compensatio ipsi etiam Villenio visa est. Cæsari propositum erat cum Gallo Rege pacisci: æquum se omnib. controuersis præbere si Ferdinandi amicitia renunciata, acceptas potius ab illo iniurias ferro & alienis viribus vindicaret, dolores vlcisceretur tum veteres multos, tum recētes Andrea Burgio legato suo finibus prohibito & capto Petro Guevara internuncio, digna videlicet supplicio contumelia. Vti in colloquium de pace veniretur cōstitutum erat. Margarita Princeps pro patre vicaria, Rhotomagensis Cardinalis Pontificis & Galli regis nomine de conditionibus disceptarent Cameraci vrbe ad confines Gallicæ & Belgicæ ditionis primaria. Accessit vltro an inuitatus Iacobus Albion pro Ferdinando rege in Gallia orator, Gallum inter & Cæsarem fædere facto Ferdinandū excludere destinarat. Summa tamen Pontificis cōtentione commutata repente voluntate, ut tres Principes inter se & cum Pontifice, de quo sæpe actum erat, armorum societatem constituerent, impetratum aduersus Venetos iniustos multarum vrbiū possessores: quas superiore tempore aliā alia de causa veris dominis detraxerant, Pontificū quoq; violata maiestate diuinę proxima. Initi fæderis hæc leges fuerunt. Sociis bellum cū Venetis esto donec singuli ereptas sibi vrbes & oppida recipiant. Qui prior sua obtinuerit, alios nihilominus socios iuuato, dum & ipsi



ipſi ſuæ ſint partis & voti compotes facti. Cæſar & Gallus per ſe ipſos bellū adminiſtrāto: neq; id munus ducibus deleganto. Bello inchoando Aprilis kalendæ designatę ſunt proximi anni. Quo tempore Cæſar pollicitus eſt Gallō Mediolanenſia iura nouo diplomate confirmaturum, numeranti modo in præſenti centum aureorum millia in poſterum fide data opem ferendi, dum Cæſar ſui iuris vrbes Venetis auferret, neq; propterea ipſe cogeretur Gallum iuuare in pari conatu detrahendi Venetis, quæcunq; ad Mediolanenſem principatū ſpectarent. Controuerſiæ inter Cæſarem & Regem Catholicū ne fædus diſturbarent, cautum vt continuo conſenſu iudices designarentur qui ex æquo & bono eam litem dirimerent, cum primum bello Veneto finis eſſet. Additum præterea vt  
10 Allobrogum Ducem ad commune fædus inuitarent Cypri inſulæ, quam Veneti occupant iniecta ſpe. Item Ferrarienſem Ducem & Mantuanū erepta quoque ipſis oppida ſi communibus armis extorquere vellent. Rapitur in præceps animus cupiditate inflammatus, neq; in mediocritate conſiſtit. Gallus & Ferdinandus quorum arbitrio Florentini & Piſani ſuās controuerſias permiſerant præ ſtudio promouendi pactum bellum Piſanos Florentinis hoſtibus tradiderunt ſententia pronunciata, nulla famę memoria. Sed honeſta facti ſpecies præterita eſt: Italiæ pacem aliter conſtare non poſſe, cuius prima cura erat ſcilicet noua bella & internecina meditantibus. Suspicio fuit Florentinorum viribus vti voluiſſe aduerſus Venetos: ac centum aureorum millibus, quæ Florentini ſi ſecundum ipſos cauſa data eſſet, polliciti erant Piſanorum libertatem, qui ſe eorum fidei permiſerant, turpi mercatu vendidiſſe, magno tantorum Principum dedecore in-  
20 famiaq; maiori Ferdinandi, cuius clientelę & patrociniſe ſe ſuaq; Piſani permiſerant. Verum quid attinet horum Principum peccata accuſare? familiare eſt cunctis præ ſtudio habendi plura, nihil præterea curare. Aut quis oblata imperii amplificandi occasione leges honeſtatis & pudoris reſpiciat? tetra libido dominandi cæteris affectibus maior. Cameracenſe fædus ad quartū Idus Decembris ſancitū eſt. Margarita Princeps pace facta in Heduos diſceſſit oppida quædam à Gallo acceptura, quæ ex pacto fædere erat Belgarū imperio redditurus. Hoc ipſo menſe Robertus Salerni Princeps extinctus Neapoli eſt, Ferdinando filio in tenera ætate relicto hærede non magis principatus, quam perpetui atque exitialis in Aragonios odii: quod conſequentibus annis tandem malo fuit. Pueri mater Alphonſi Ducis Villeſormoſę ſoror Marina Aragonia nuplit paulo poſt Plombini  
30 regulo ex Regis patrui voluntate. principio is anni proximi Valliſoleti corā Pontificis Nuncio Cæſaris & Galli Regis legatis initi fæderis conditiones iureiurando ſanxit.

*Clasſis a Sulthano in Indiam miſſa contra Luſitanos. CAP. XVI.*

**A**Rdebat magnus Aegypti Sulthanus Campſon nomine, incredibili cupiditate exturbandi Luſitanos ex vniuerſis Indiæ oris. Multa vt in eum conatum ingrederetur barbarum incitabant. Ac præſertim Calecutii & Cambaiæ Reges in eam rem opem omnem & vires polliciti. Acceſſere in partes Veneti, vt ſuperius indicatum eſt. Mercēs Indicas  
40 & aromata poſt Luſitanorum in eas oras aduentum auerſas in occaſum, quę antea Alexandriam deuehi ſolitæ erant magno regiōrum veſtigialium incremento totius provincię & vicinatum gentium fructu, dolebat ſcilicet impenſe Sulthanus, dolebant Veneti, propinqui longinque. Quid faceret: quam rationem incommodo medendi inſtitueret? Bellum inferret? At multa ab eo conatu retardabant. Incerti bellorum exitus, clasſis edificandę difficultas nulla in Aegypto cædua materia, pecuniæ in ſtipendium ſublata ab hoſte facultas. Tentare Pontificem viſum eſt, ſi minis propositis excindendæ in ſuo imperio Chriſtianę gentis à ſtirpe Luſitani deſiſterent. Ita Maurus Franciſcanis Hieroſolymę præfectus in Italiam atque Hiſpaniam legatus in eam rem fuit, vt ſuperius commemorauimus. Parum ſpei retulit facturos Hiſpanios quę cuperet. Vim adhibere &  
50 metum placuit. Materia aliunde aduecta & ad Cairū elaborata ac tandem Sueciū Rubri maris emporium, quę ciuitas heroum fuit tridui itinere camelis deuecta conſtructa clasſis triremium ſex oneriarum quinq;. Octingenti Mameluci in eam clasſem impoſiti (ſic milites vocant Chriſtianiſ parentib. natos eius imperii robur apprime bellaces.) Vniuerſæ adminiſtrationi Mirocemus præſicitur natione quidem Perſa, cæterum rei militaris & nauticæ peritus in paucis. Suſcepta iſ maritimæ expeditionis cura quamprimum è portu ſoluit, atq; rubri ſinus fauces egreſſus præter littus Arabicū ſuperato ſinu Perſico Dium appulit Cambaię inſulam & urbem nobilem fama & commercio eo confluentium mercatorum. Franciſcus Almeida Prætor eius molitionis ignarus Laurentium filium cū octo nauibus miſerat ad tuendū Indici maris imperiū, ſimul vt nauibus, quę onuſtę mercibus



Cocino in Lusitaniam ibant, præsidio esset, ne qua vis extaret. In eo itinere multis Maurorum nauibus in variis portubus incensis, ad Ciaulum in ancoris stabat expositis in terram eopiis periculi securus. Eo loco de aduentu AEgyptiacæ classis est cognitum, sequi Melichiacum pro Cambaie Rege Dio Præfectum cum triginta quatuor prædatoriis biremibus Persæ adiunxisse. Priusquam moliri ancoras posset, aut se ad pugnam comparare, hostium legentes littora quinque tantum naues conspexere. Parum eo spectaculo Lusitani commoueri, quippe ex numero suspicati Alonsum Alburquerqueum, quem venturum propediem expectabant, iis nauibus vehi. Dum suspensis animis hærent, percussa paulo acriore vento vela naues hostiles in portum intulere. Tunc Lusitani sua se opinionione deceptos dolere: improviso metu cõsternati, arma tamẽ expedire. Atq; eo die eminus tantum pugnatum est tormentis igneis vtrinq; displois maiori fragore quam dano. Die proximo Laurentius suorum virtute confusus si cominus ventum esset ad manus impetu facto, in Mirocemi prætoriam transilire tentauit. Frustra is conatus fuit, iniicere harpagones ferreos in hostilem nauem non potuit, grauior nauis sua ne in vadis hæreret veritus, maris præsertim æstu remittente aquisq; in suum recurrentibus fretum reciproca vicissitudine. Sagittis quoq; & globis ex hostili naui nempe altiori afflicti pleriq; è militum & nautarum numero: ipse gemina sagitta ictus est grauius. Accepti incommodi leuamen aliquod extitit quod Pelagius Sosa & Dieghus Peresius cum sua quisq; triremi inuecti in singulas naues hostium, vtramq; ceperunt. Is finis eo die pugnae fuit haud satis comoda. Die tertio Melichiacus qui in subsidiis manserat retro, cum suis biremibus in portum inuehitur. Eius aduentu desperata Lusitani victoria nouoq; metu proposito in altum cedere, suosq; certo periculo eripere tentant. Ergo de media nocte sublati velis e portu egredi contendunt. Non latuit ea res hostes quippe propinquos neque desides: ac miseros plerumq; cuncta præsidia destituunt, cadunt præpostere q̃ prudenter erant cogitata. Cedentes vrgent barbari, atq; impetu in prætoriam facto q̃ postrema ibat, vnam multaq; circumstantes premunt. Crebris tormentorum ictibus verberatis lateribus, laxataq; afferum cõpage vnda accipit: nouoq; aqua pondere grauata hæret in vadis. Triremes opem ferre conantes recedens magno impetu æstus impedit. id quoq; incommode accidit. Destitutam tamen hærentemq; nauim accedere prope hostes non audent. Tormentis eminus verberant, resistunt acriter Lusitani, vt tempus dabat quamuis exitio proximi virtutis memores. Acuit desperatio animos, certum in periculo præsidium, sæpe ex metu fiducia orta. Laurentio famur graui vulnere ictum est, globus alter paulo post in pectus impactum misere discerptum perimit. Cadente duce nauis tandem capta est: è centum epibatis, octoginta nihilominus cæsis, viginti tantum in hostium potestatem venere plerique vulneribus fædi. Prætoriam missa naues alia in altum prouecta se in Cananoris portum intulere: inde Cocinum misere, qui Francisco Almeida tristem nuncium afferret, casum filium, prætoriam captam reliquas naues vix fuga seruatas, hostili classe Indicum mare constratum. Ille quamq; acri doloris sensu perstrictus lugeri filium vetuit. Eo virtutis extremo documento edito, vt parato ad euadendum lembo, sociis fugam suadentibus, vitam sanguinemq; profundere maluerit, q̃ suos in periculo deferere, laudibus potius celebrandum dictitans. Mortem omnibus à natura propositam laude vituperationeq; distinguui. Si cunctis par exitus manet, nobilioris animi esse merito perire. Pugnatum est fine anni. Prætor Cananorem abiit in vindictam toto pectore intetus classisq; apparatus. Accessit paulo post Alonsum Alburquerqueus. Is suo aduentu ex regis litteris continuo tradi sibi prouinciã volebat. Excusauit Almeida, sustentandum tantisper dictitans dum Sulthani classem e mari Indico ipse depelleret. Priusquam noui Prætoris auctoritas coalesceret, multaq; nollent, fortassis ventura. Hæc palam: ex arcano autem Alburquerquii ingenium timebatur impotens ac temerarium, vti fama vulgabat. Ventum ad iurgia & rixæ initium. Almeida in suscepto consilio perstans captum Alburquerqueum Cocinum amouet. Mox instructa classe in mare egressus in Onoris portu aliquot Calecutii Regis naues nactus incendit. Inde in Dabulis portum prouectus, multis in eo nauibus ignes iniecit, eamq; vrbem captam diripuit. Discessum ex eo portu Nonis Ianuarii salutis anno millesimo quingentesimo nono. Dium versus directis prorsus vbi aduersaria classis stabat in ancoris. Mirocemus cognito nostrorum consilio in mare est egressus pugnandi voluntate. Substitit tamen in vadis, quoniam planiores carinae erant, vrbe à tergo tormentis in pugna iuuatura, si nostrae naues propius accederent. Aduersaria classis tres magnas onerarias numerabat, tres rostratas maiores, sex triremes, & quatuor alias Cambaie naues, præter Melichiaci biremes. Almeida decem & nouem naues qua triremes qua alias ducebat: in iis Lusitanos mille trecentos, socios Malabares quadringentos incredibili omnes ardore pugnandi ad non dubium



dubium victoriæ omen si ad manus ventum esset. Accessere classes ad tormenti iētū, sed repente cadente vento & noctis tenebris impediti à pugna destiterunt. Die proximo repetitum certamen. Præcedebat Nunnius Vascus Pereira in prætoriam Miroceni facturus impetum, à tergo aliis nauibus competenti ordine instructis. Almeida in subsidiis restitit ad omnem occasionem intentus iuuandi suos si qua parte laborarent. Magno animo pari vtrinque clamore in pugnam inuaditur. Diu acriter dimicatur. primum tormentis deinde gladiis & contis res geritur. Anceps victoria primum, deinde à Lusitanis stetit. Ex hostibus quatuor millia cecidere. in eo numero ex octingentis Mamelucis vix duo & viginti euaserunt. tanta pugnandi rabies fuit decoris studiū. Tres onerariæ submersæ sunt, præter biremium lemborumque magnum numerum. Duæ rostratæ, totidē triremes, quatuor onerariæ captæ in potestatem venerunt. Duces Mirocemum & Melichiacium fugā seruauit proximo perfugio. Miraculo fuit è Lusitanis duo tantum & triginta cecidisse, vulnerati maiori numero circiter trecenti, nulla desiderata nauis. Insignis victoria pars omnibus, quæ in India sunt partæ nobilitate fructuque. Peracta pugna triumphus per similes specie Prætor Cocinum cum classe rediit. In ea vrbe ne controuersie inter Almeidam & Alburquerquium in aperta odia prorumperent, & pars gentis cum parte confligeret in ambos diducte studiis, per opportunum Ferdinandi Coutigni aduentus effecit. Is enim è Lusitania hoc anno missus cum mandatis Almeidam ex India dimittendi in eius locum Alburquerquo substituto, vti erat ante decretum, id tempestiue executus importunos Indicos motus pacauit, vnde maiora timebantur mala. Ferdinandus Rex Salmantica Vallisoletum inde Arcos discessit. vbi Regina filia substiterat hospitio minime cōmodo: atque ita vt superiori mense Decembri præ frigore in morbum inciderit, aduersus salutaria monētes obstinato prorsus animo. Solus pater (tantū reuerentia valuit à teneris suscepta) vt locum vestemque mutaret, blandis verbis obtinuit. Mense eam Februario Tordefillam deducit: & cum ea viri corpus ex eius oppidi templo detractum: quod annis cōsequentibus Caroli Augusti filii iussu Granatam delatum tumulo stabili conqueuit. Regina ad vitæ exitum in eo municipio restitit, nunquam ne ex interuallo quidem remittente valitudine, ne voluntate quidem capeflendi legibus quamuis debitum à cunctisq; vltro delatum gentis imperium.

Angli Regis obitus. CAPVT XVII.

30 Sic Ioannē Regine res erant, cum mortuis verius quam viuentibus & spirantibus numerandæ: Si cultum respiceret serua quam Regine propior videri potuit, si victus rationem miserabilis, aulicorum exiguus numerus, procul omnis lætitia. Duarum eius sororum dispar fors. Lusitaniæ Regina bonis omnibus, quæ prima ad felicitatem vulgus putat; opibus, delitiis, honestisq; solatiis affluebat. Ad hæc numerosa prole felix, hoc ipso anno filiū Eboræ peperit cui Alfonso nomen fuit, purpuræ honos, vita brevis in flore ætatis extincto. Vualix Princeps Catharina in Anglia morabatur neq; cælebs prorsus neq; cōiux fœderis asperitatem & rebus omnibus duritiem equo animo dissimulans, per eum mo-  
40 dum satagentis extorquere sibi & filia coniugia magnopere ab ipso expetita cum Ioanna Regina & Carolo eius filio. Ratio præpostera & Regibus prorsus indigna: quod accommodatis officiis & blandimētis deberet, velle malo & inconditis actionibus obtinere. Deuorauit illa omnes eas molestias magno & excelsō animo: vt quæ patientiæ sibi legem indixerat, & facie & morbus atq; animi magnitudine, præ cæteris sororibus matris expressam imaginem repræsentaret. Ne ea incōmoda diuturna tūc essent, eius Regis breui subsecuta mors effecit sabbatho extincti ad vndecimum kal. Maii. Eius obitu non multo post pactum iam coniugium cum Vualix Principe, qui regno à morte patris suscepto Henricus Octauus fuit tandem coaluit haud felix faustumque; sed multis potius miseriis obnoxiiū. Atq; illi quidē secūdo in Anglia nubere non placebat, quasi tacita diuinatione  
50 imminentes ex eo calamitates præfagiret animus. Sic ad patrē scripsit. Orare obtestariq; ne eo paciscendo coniugio priuatam ipsius commoditatem vota; respiceret: sed quod e re sua modo futurum iudicaret. Et erat Regi patri commodum imprimis eum Principem noua affinitate iunctum tenere propter florentes Angliæ opes viresque Principis indolem, si ex facie considerares, non incommodam. Nequaquam tamen ad spem euentus respondit; ac contra breui ea lætitia luxuriauit. Henrico etiam promptum non erat eo loco uxorem alibi inuenire, præter restitutionem dotis necessario futuram eo disrempo coniugio. Aetate inter ipsos discrepabant, sponsa aliquot annis maiori, magna sæpe beneuolentiæ inter coniuges labe, frequenter quauis contēpta ratio præsertim inter Principes. Hærici corp⁹ & facies eximia elegantiā fuit, incōditi mores accedentib. annis in



Venerem vita soluta. Enimuero ingenio indulgere quam imperare maluit, seq; frangere, plurium Principū exemplo, vsque dum ab ecclesiæ imperio & placitis propterea descuerit, patefacto in ea prouincia hæresibus pestilentibus aditu, quibus misere hodieq; conflictatur. Ita homo amentissimus consiliis omnibus præceptis & deuus superstitie dum Catharina coniuge, specie quasi fratri maiori antea coniunctæ Pontifex sibi nubendi veniam dare non potuisset, ea dimissa, ex qua tamen Mariam filiam susceperat post patris & fratris fata Angliæ deinde Reginam, duxit palam Annam Bolenam, quam lege de adulteriis conuictam securi subiecit Isabellæ matrem quo hæc scribitur tempore Anglica sceptrā obtinentis. Anna occisa Ioannam Semeram sibi iunxit toro, quæ ex partu breui perijt. proli tamen incolumi post patrem proxime Angliæ Regi Eduardo sexto nomen fuit. Sic in regiā quartis nuptiis vacuam accessit Anna Ducis Cleuensis soror. Hanc dimittere constituens quam ob offensam incertum, sed volens abdicare, vt factum honestatis specie velaret, legem promiscue tulit diuinæ aduersam de soluendis coniugiis. Quinta Henrici vxor Anna Hauarda fuit & ipsa de adulterio conuicta, eoque supplicio subiecta, & quoniam delibato antea virginitatis flore ad Registorum accesserat. Postremo Catharinā Parram viduam duxit. Hoc coniugium vt stabile esset nulla ex eo proles, mors Regis breui consecuta præstitit: quæ prauos conatus, impotentis libidinis licentiam rumpens, gaudium voluere & pestiferum perpetua ignominia & infamia mutauit. Luxuriæ pestis blanda quantas strages facis? Verum ad priora redeamus. Catharinæ ob coniugium susceptam lætitiā Ferdinandus Rex Vallisoleti celebrauit Ioannis Baptiste festo die, quo in Anglia confectum est. Militare ludicrum institutum ex Maurorum imitatione. Qua alterius agminis pars primum procurrit in aduersarios, missisque arundinibus iaculorum imaginē, rētro conuersis equis cedunt prementibus aduersariis, quos excipit pars altera agminis quasi in subsidiis relicta; hanc ex aduersa parte alii ludo continuato. Sic equites inuicem insequentes refugientesque nunc premunt aduersos, nunc terga dant. Ludum per se gratum vt celebrius videretur, Rex effecit ea quamuis ætate in aciem progressus dux alterius agminis cultu splendenti & vario, vt alii omnes qui interfuerunt certamini. Maioris præterea lætitiæ argumento, vt Carolus nepos Angliæ sorori iungeretur concessit, mandauitque Guterrio suo in Angliā legato vt puellæ dextram quasi futuræ domine osculo peteret. Quod Hispanorum more honori & obsequio ducitur. Eo in municipio ineunte mense Maio ex Germana Regina filius est Ferdinando natus, cui Ioanni nomen fuit, magna parentū lætitiā & vniuersæ Aragoniæ gentis, si vita longior contigisset. Verum intra paucas ab ortu horas expirauit. Corpus ad D. Pauli in eo oppido compositum, deinde Populeti sepulchrum stabile habuit monasterio Regum Aragoniæ tumultis destinato. Belli aduersus Venetos comparandi prima cura erat. Arma necessario sumi Rex videri volebat. Vrbes Apuliæ maritimas olim a Ferdinādo iuniore Neapolitano Rege Venetis oppigneratas extorquere destinabat iniustis possessorib. bifariam. Quando neq; tunc pignoris legibus sterissent, & deinde pecunia oblata de redditione appellati surdas aures præberent, ac vero cōtumeliæ inuitar ducerent id postulātū. Deinde maiore pecuniæ Hispanicæ summam insumptā, siue cum bello aduersus Turcas captam Cephaloniam de manu Venetis victor Gonisaluus tradidit, siue cum per Hispaniæ fines Rex ipse Galliæ bellum intulit eorum suasu fideque annua quinquaginta millia numeraturos in bellicos sumptus. Quos nunquam soluisse accusabat, quamuis de facta promissione & solutione sæpe appellati fuerant.

*Cardinalis Hispaniæ in Africam transmittit.*

CAPVT XVIII.

Interea vniuersa Castella belli Africani ardebat apparatu. Milites, arma cōmeatus, naues conquiri magna diligentia concursationeque. Incitator præcipuus Hispaniæ Cardinalis maiori quam pro ortus conditione, neq; fortunis minori animo. Et interest parum qualis sit quisque parente modo ingenuus. Is ad promouendam expeditionem, non pecuniam modo large suppeditauit, sed ducem bello se præbuit, tantus ardor erat Christi hostes extirpandi. Bellici commeatus Malacam collati. Militares copię Carthaginem octingenti grauis armaturę equites regni custodiæ destinati, alii præterea pedites equitesque, pars voluntarii alii ære conducti. Omnino in eo exercitu quatuordecim millia homines numerabantur militaribus omnes armis instructi, plerique Neapolitanis bellis magnam virtutis opinionem nacti vincere assueti. Curam rei tormentariæ tenebat Dieghus Vera; negotio maritimo Hieronymus Viannellus



bellus destinatur dux, summa expeditionis Petro Nauarro permissa. Mense superiori Carthaginis in portum classis vniuersa conuenerat triremium decem, maiorum præterea minorumque nauigiorum ad octoginta. Priusquã ancoras molirentur soluerentq; militum seditio exarsit stipendia exposcentium. Nauarrus inconditis moribus vir fraudibus & rapinis assuetus, ingenio militari magis quam commodo cuncta miscere. Vicit tamen prudẽtia & patientia Cardinalis, ne præclaros conatus importuna discordia turbaret. Nauarrum male habebat motis quos ipse designarat, quosdam centuriones e familia Cardinalis fuisse substitutos, locaq; virtuti debita inertes aulicos gratia occupare. Annitentibus viris primariis dissidio pacato Nauarrus nouo iureiurando in Cardinalis  
10 verba est adactus facturũ quæcunq; imperasset. Compositis controuersis ad septimum decimum kal. Iunii die Mercurii e portu Carthaginensi vela fecerunt bona spe pleni lætiq;. Die proximo, qui ascendenti in cœlum Christo sacer erat, secundo a puppi flatus classẽ in Masalquiuri portum intulere. Eo loco cognitum est aduersus Oranum eam expeditionem suscipi. Vrbs ea Tremesenio regno contributa ciuium sex millia ea tempestate numerabat. ad mare sitam validi omni ex parte muri additis ex interuallo propugnaculis cingebant. ædificia partim planiciem occupant, partim in collis latus assurgunt. Plateæ & vici enormes nulla distinctione sed passim erectę domus, neque dimensis ad lineam directis & latis viarum spatiis, vt solet gens Maurica ædificandi minime curiosa, neque dedita elegantis. Tremesenio dissita est centum & quadraginta millium  
20 spatio Carthagini Hispanicæ exaduersum obiecta. Nobile quondam in iis oris emporium frequentia mercatorum Genuensium & Catalaunorum eo propter commoditatem portus confluentium celebre imprimis & frequens: tantis ex eo copiis vt prædatorias biremes magno numero lembosque alerent ordinariis stipendiis magno incõmodo Beticę littorum, quibus importuni imminebant grauesq;. Noctu nostri in portum inuecti, luce proxima copias in terrã exposuere. In eo acieq; instruenda multę horę abierunt. In quatuor quadrata agmina gens vniuersa est tributa, in singulis bis mille & quingenti pedites constituti, vtraque latera equites muniebant. Cardinalis in templo arcis interea castissimis precibus dederat operam. prius tamen quam instructæ acies in Mauros mouerent vrbs aditu nostros prohibere paratos, & iugis proximis se in armis ostentantes, vt nostros ascẽsu utiq; montis arcerẽt, mula ad milites est egressus. multi sacerdotes & monachi prosequiebantur, crucem dignitatis insigne præferebat Ferdinandus super sui ordinis Franciscana veste gladio accinctus reliquorum exemplo Cardinalis iussu. Insolens spectaculum multis quippe militari ingenio lingua procaci inter metum, risum excussit. Tum Præsul ad circumfusas legiones hac sententia locutus fertur. Si meis  
30 verbis cogitarem, milites ad vestros animos inflammandos opus fore: vt ducum aliquis in hoc genere præstas accomodata oratione ad pugna accēderet, effecissem. nã neq; ego militare facundiam exercui, & victoriæ spẽ precibus potius firmaui ad Deum fufis. Intelligere quidem vos arbitror pro religione & communi salute esse certamen. pro ea si res feret, sanguinẽ vitamq; profundere esse paratos, neq; incitatore indigere vlllo vestræ  
40 virtutis sed frano. Ita vestræ alacritatis conceptiq; animi ardoris ex fronte oculisque emicantis victoriæ omen haud dubium, testis tantum spectatorq; veni. Audaciam, animorumque vigorem inuictum quem tot bellis milites præstitistis, an æquum sit contra Christiani nominis hostes abiicere? eos inquam hostes qui Hispaniæ littora igne ferroque depopulati sunt, pecora abegere, diripere oppida & agros, matres, vxores, filios, fratresque in captiuitatem egerunt duriorẽ ipsa morte: siue ferro oneratos, inculta tenebris, odore terra ergastula detineant, siue fædis aliis obsequiis ex dominorum libidine mancipientur. Vestrũ ex Hispania discessum contemplatę matres vestra opera  
50 filios expectant, filii parentes: eoque proiecti ante aras ad omnia templa diuinam clementiam cum lachrymis & gemitu implorare non cessant, nulla piacula cælestibus placandis omittunt. An æquum videatur tantę multitudinis spes & vota irrita cadere? paratę glorię inuri maculam? Apage tantum nefas, faceßat dedecus ignauiaq;. Abscedant inanes metus fortibus animis. Ego ego ipse, si cessatis, in medios hostes irruam crucemq; illam Christianę gentis vexillum & spem inter hostium agmina collocare certum habeo. An erit qui sui Præsulis exemplum non sequatur? qui euntem in hostes deserat? Et sane vbi nam vita paulo post interitura sanguisq; maiori fructu ponatur, quam pro religione, pro patria, pro communi salute, gloriaq; vniuersę gentis Hispanę. Tueri omnibus viribus, quod a maioribus accepimus patrimonium dignitatis ac famę, patrię religionis dignitatẽ tueri, & sanctitatem. Id vero fixum est animo. Hæc ille dixit, ardentibus oculis, vultuq;, voce contenta, quo latius exaudiretur. Circumfusi omni ex parte milites



ducesque enixe obtestari, in templum rediret, pro cunctorum salute vota continuaret & preces; sibi cum diuina ope destinatum esse sin minus victoria, vti confidebant, certe morte operam industriamque probare nisi victis hostibus non redituros in patriam. Cessit Cardinalis suorum votis reuersus in arcem. in D. Michaelis facello preces cum gemitu & lachrymis fundere non cessauit, dum pugna commissa est. Dies inclinabat in vespertum. Ancipiti Nauarrus sententia an pugnam sustentaret in diem proximum, quid factu opus esset Cardinalē consuluit. Censuit ille non expectandum, dū mora, militum ardor remitteret pugne signum expectantium. Quid maiorem hostium multitudinem confluere cessatione paterentur? Nocte interposita multos incidere saepe casus. Secundum hæc verba continuo signum datur. In montem milites magno nisu & alacritate conscendunt. Neque locorum iniquitas, neque Mauri ad duodecim millia equites peditesque fastigio occupato proiicientes tela, prouoluentesq; in subeuntes taxa & quæcunque ad manum erant, deterruere nostros, quo minus in summum iugum euaderent. Væcordia militari quidam milites Caracæ vrbis ciues iniussu desertis ordinibus impressioneque in hostes facta, non agmine sed turmatim amisso Ludouico Contrerio ceteri necessario retulere pedem pudorem vincente metu. Cæsi caput in urbem delatum per plateas à pueris rotabatur cum clamore, cæsum Alfaquinum. Sic Arabica lingua Cardinalem vocabant. Commotus eo rumore è captiuis quidam aliquando in Cardinalis familiam adscriptus capite considerato diligenter, altero orbatum oculis, oris lineamentis longe aliis, negauit profecto id caput Alfaquini Christianorum esse, sed potius alicuius militis gregarii. Sed inter inconditos plebis clamores captiuo nulla fides. Dum pedites in montem euadunt, equites longiori circuitu per latus montis ad summum euecti cum hostibus dimicare cœperunt, tormentis quoq; displosis cæsi non pauci. In confertos & temere se offerentes non frustra cadebant tela. Pedites tandem addere gradum, impressione in aduersarios facta, arduo ascensu quamuis fessi montis partem occuparunt, cedentibus Mauris quousque ad aquæductus quosdam est ventum. Nouo conatu tormentis in summum iugum magno labore traductis, præterea districtis gladiis alius alium adhortati hostes ex vniuerso monte depulso in fugam compulere. Hærentes fugientium tergis, quoniam vrbis portæ clausæ erant, victores iuxta ac victi solutis ordinibus hi in pedibus salutis spem ponentes, illi sanguine nondum expleti ultra urbem processere. Arabes qui erant intra mœnia rei benegerendæ occasionem ex nostrorum perturbatione venisse rati portis egressi duce vrbano Prætoro pleno gradu in victores feruntur. A tergo adoriti pergētes nouus detinuit terror. Pars nostrorū ad motis scalis in muros cōscendere tentabant. Dum hi in se vim ciuiū Arabumq; auertunt, socii militesque nauales à mari, nullo repugnante succedentes muro ea parte imbecilliori neglectis custodiis turres quasdam occuparunt arcemque Alcabam dictam. Accessere manus aliæ militares. Captam urbem momento diripiunt. Maurorum e pugna reliquie, quāuis Hispaniæ vexillis pro mœnibus explicatis cæco furore urbē conantur repetere. Vana est sine viribus temeritas. Nostri victoria superbi per auersam portam egressi hostes à tergo & à fronte circumuentos magno numero cæciderunt. Occisi eo die Mauri quatuor millia, capti ad quinque millia. Victoriæ nobilissimæ lætitiā auxere miracula diuinis non absimilia considerantibus propter nostrorum militum perturbationem nullam eo die militarem disciplinam, nullū imperium obsequiumve extitisse. dein vix vrbe capta Tremesenus Prætor cum numeroso exercitu aduenit certissimum vrbi præsidium, nisi nostri celeritate forte magis quam consilio eius aduentum occupassent. Cardinalis cuius feruentissimis precibus & sincere religioni non temere vulgo accepta victoria fertur, lætus successu ouansque in urbem ingressus templum maximum ex ritu Christiano solenni cæremonia Mariæ victricis nomine Mahumetanis sordibus expiatis sacrauit. Die postero profecisse se satis vrbe illa capta, inchoata feliciter Africano bello siue ad nominis existimationem siue ad fructum arbitratus, conscensis triremibus Carthaginem nauigauit, captæ vrbis moderatore relicto Petro Nauarro dum à Rege noua venirent mandata. Carthaginem delatus misit qui Ferdinando Regi gaudium ingens, partam victoriam, urbem captam, se reducem nunciaret. Sic Complutum profectus, id municipium inquit quinto decimo die ex quo Oranum ceperat nullo principali apparatu, priuato quam victori propior. quippe victoriæ laudem non industriæ humanæ sed diuino patrocinio tribuens an humanæ gloriæ contemptu, modestiæque animi. Et Cardinali quidem fixum erat opimis templi maximi Toletani sacerdotiis Orani Abbatem recens institutum adiungere, partæ victoriæ posteris monumentum. Restitit minutus ac solo ferme nomine Episcopus Auriensis ex indita à Pontifice sorte appellatione



latione contendens eam urbem sui iuris fore designati episcopatus sedem haud dubiam. Peritiores Oranum negabant olim proprio Episcopo fuisse attributam. Auriam ad solis ortum non modico intervallo disitam, quippe prouinciæ Carthaginensis urbem, quod certis monumentis monstrabatur. Oranum & finitimos Tingitanæ potius prouinciæ finibus contineri. Quod lite contestata tandem valuit: & Cardinalis causæ iis opibus ea laude parta passim fauebatur. Non minor Ferdinando Regi eius urbis munienti & nouis opibus firmandæ cura erat. Diui Iacobi militibus Vallisoletum ad generales eius ordinis conuentus euocatis, consensu decreuit Orani monasterium ei ordini constituere, eo nobiles crucem insigne eius militiæ sumerent, operamque nauarent in bello Africano aduersus Mauros Christiani nominis hostes. Atque ut esset vnde noui monasterii sacerdotes & milites vitam tolerarent, à Pontifice Romano impetratum est, duorum monasteriorum Villarii, & D. Martini, quæ ei ordini in Compostellæ & Oueti diocesisibus sita sunt redditus Oranum transferri. Salutare consilium, ut in rebus magnis, enatæ difficultates neque conspirantes sententiæ disturbarunt magnis semper conatibus aduersæ. Ne nouum quidem decretum magis valuit, Bugiæ & Tripoli, quas vrbes Nauarrus proximo anno de Mauris cepit, Calatrauæ & Alcantaræ militibus simili exemplo collegia instituendi. Quod ne fieret, tum alia, tum Italica bella maiori quam antea mole renata inter alia reip. mala & labes salutare consilium plane disturbarunt.

## Bellum contra Venetos. CAP. XIX.

IN fædere Cameracensi decretum erat, ut singuli confederati bello Venetos lacefferent per partes, cuncti tamen ne ultra kal. Aprilis bellandi principium sustentarent. Ferdinandus Rex fidei datæ memor instructa in Hispania classe Zamudium tribunum misit cū duobus peditum millib. notæ virtutis, ut adiuncti iis militibus, qui ad Neapolim erant, quinque millium numerum impleant. lente is apparatus processit, tum Proregis ingenio parum rebus bello præsertim sed & in pace administrandis idoneo; ac tunc suspicanti Neapolitanos proceres inter se conspirare nouarum rerum studio, tū Fabricii Columnæ consilio bellum moueri detrectantis aduersus Apuliæ vrbes, priusquam classis instructa esset ad prohibendam iis littoribus Veneram venturam haud dubium obsessis opitulatum. Fraus quibusdam visa est, & in communi causa præuaricatio. Benignior & verior interpretatio, sic per errorem iudicasse. Et quis est qui non aliquando fallatur? Primus Rex Gallus arma Venetis intulit. Tramullium miserat cum pecunia ad conducendos idoneo numero Heluetios, reliquas copias Alpes superare iussit, cum primum se anni tempus aperuit. Ipse vestigiis iisdem subsecutus kalendis Maii Mediolanum iniit. Carolus Amboesa in gratiam patruum Rhotomagensis Cardinalis, ei vrbi præfectus erat vniuersæque Insulæ ditioni bello paceque moderator. Regis iter profecutus est Antonius Dux Lotaringius. Vniuersæ copię hominum ad quadraginta millia in Venetorum ditionem facto impetu, facile oppida quæ ad Abduam fluuium obtinebant, Gallicis præsidis occuparunt. Veneti in sano delectu exercitum constarant militum quinquaginta millium. Summi duces Pitiliani Comes & Bartholomæus Liuianus vterque ex Vrsinorum familia, Regi Catholico obnoxii, ob ea oppida & vectigalia quæ in regno Neapolitano obtinebant, nauatæ superioribus bellis operæ præmium. Ad ripam vltiorem Abduæ non procul Laude vrbe, Riuelta oppidum situm est paulo ante de Venetis captum. Ad id oppidum utraq; acies in conspectum venire. Par vtrisque pugnandi cupiditas. Ardentiores Veneti in aduersarios impetum priores fecere. Ancipiti diu Marte pugnatum nihil strenuus ab ignauo, sapiens à prudenti, consilia à casu differre. cuncta pari violentia voluebantur. Italici pedites Gallico peditatu tantisper loco moto meliora ferre visi sunt. Plerunque parue res maximas trahunt, in bello præsertim sæpe ex minimis maxima momenta existunt. Gallica tormenta inter vepreta disposita, atque in inopinantes Venetos repente displosa cum magna ipsorum strage peperere victoriam. Venetorum pedites turbatis ordinibus, Gallici equitatus recens in pugnam inducti seque superfundentis ex omnibus partibus impetum non tulere. versi omnes in fugam casique magno numero sunt. E ducibus Pitilianus cum paucis euasit fuga, Liuianus cum multis in hostium potestatem venit. Nobilis victoria fuit in paucis. loco pugne iussu Galli Regis sacellum constructum est Mariæ victricis nomine rei gestæ posteritati monumentum. Ingens utilitas, quando eius pugnae euentu nobilissimæ ciuitates missis legatis pacem & veniam à victore petierunt. Hæ fuerunt Crema, Cremona, Bergomum, & Brixia, enimvero omnes quæ Gallo in fædere de-



signatę fuerant. Eodem tempore Franciscus Maria Ruvereus Pontificis ex fratre natus, iamque Dux Urbini in locum atunculi Guidonis Vualdi bello in Flaminia contra Venetos cum copiis Pontificiis concitato Salarolum oppidum Fauentini agri primum de Venetis cepit, deinde Fauentiam ipsam & Ariminum. Rhauennam postremo atque Seruiam, quales & quantas ciuitates? certe quidquid de Pontificia ditione occupauerant. Prorex Neapolitanus quamuis lente cunctanterque exercitum tamen fine mensis Maii paratum habuit ad inuadendas Apulię vrbes ditionis tunc Venetę. Prosper & Fabricius Columnę, Amalfitanus, Hadrię Dux, Morconis & Nolę Comites Proregę ad id bellum sunt profecuti. Pitiliano Nolani auo, atque Liuiano ante pugnam cum Gallis cõmissam denunciatum fuerat ne suo Regi deessent in bello, alioqui vindictam expectarent, aduersus beneficiarios parere recusantes legibus constitutam. Nihil illi ea denunciatione moti à Venetis stare maluerunt. Curam equitum Sanseuerinę Comes tenuit, commeatus Baptista Spinelus Cariati Comes. Villamarinus maris Præfectus idem Comes Capaci in portu Messanensi duodecim triremes instructas habebat decem onerarias. Simul atque amica Gallica classis accessisset ductoribus Albanıæ Duce & Præiane viro industrio in Apuliam iturus ad ea tutanda littora arcendam Venetam classẽ. Ingentes apparatus ne diu essent necessarii, Venetorum prudentia effecit. Tranum obsidebat Prorex in magna spe vrbs obtinendę, occulta ciuium machinatione: cum Venetiis legati venerunt arcanis instructi notis per quas intelligeretur haud dubium senatus esse mandata, Brundisium, Hidruntum, Tranum, Molam, Polignanum continuo vtı deditiõnem 20 facerent ne defensione quidem tentata. Ferrariensis item & Mantuanus quędam oppida Venetis detraxerunt, sua olim, vtı videri volebant, & ex vetusta memoria, & tabulis demonstrabant. Aduersus prostratos obsoleta quoque iura solent valere. Cuncta elementa in perniciem nobilissimę vrbs conspirasse visa sunt, atrox ex omni parte ventorum procella instare, vt miraculo simile videatur penitus non concidisse. Ea est humanę vitę conditio, neque bona propria sunt, neque mala perpetua, in orbem aduersis succedunt prospera, tristia secundis. Tanta certe in præsentı Venetorum consternatio fuit, vt de vrbe dedenda Ladislao Regi Hungaro cogitasse fama sit, eius viribus sperantes afflictis rebus ac desperatis propemodum, leuamen. Per tot ætates inuiolatam libertatem illius primum fidei ditionique permissuros. Cedit interdum generosus spiritus necessitati, & fauientis procellę viribus succumbit. Pisani etiam Florentinis tandem 30 cesserunt amissa libertate. Ad superiora mala, quę si fuissent extrema, intoleranda videbantur; atrocior Venetis certe ex Germania pestis accessit. Cæsar & sua sponte & sociorum exemplo excitatus cum copiis ineunte mense Iunio Oenipontum venerat in Alpium iugis sitam vrbe, Venetorum finibus ea parte bellum illatum. Italicis equitibus grauis armaturę ducem destinarat Constantinum Cominatum Macedonię Principem. Ludouicus Gonzaga Mantuani patruelis, & Mirandulę Comes, alique ex Italica nobilitate in ea expeditione Cæsari militabant. Italię viribus impugnabatur Italia. Accessere mille & quingenti Hispani, qui Gallo Rege tandem relicto ad Cæsarem se contulerant. Non se deseruere tamen Veneti ad alia mala nouo exagitati periculo. cum primum Esteranum Cæsar peruenit, eum de pace interpellare decreuerunt, 40 iis conditionibus quas vellet imponere. Eius rei argumento ad eum chartam candidam misere præter subscriptiones senatus nullis impressam notis. Sic fama tulit. tueretur modo miseros, atque in ea rerum omnium desperatione nobilissime vrbs patrocinium susciperet. Repulit ille preces, quocunque ibat deditis oppidis primum quę Benaco lacu alluuntur, deinde vrbus Verona, Vicentia, & Patauio, ferme vt in Italia nihil Venetis superesset, superbus rerum humanarum inconstantię immemor, nisi vrbe ipsa Venetiis capta non videbatur quieturus. Et vtique eam mari terraque vrgeri parabat tum Hispanica & Gallica classibus, tum terrestribus suis & Galli copiis secundo Meduaco obsessos fatigare, commeatuque prohibere. Expugnatam iis viribus vrbe diuisam quadrifariam totidemque impositis arcibus inter socios di- 50 uidebat cuique parte attributa: si pares somnio euentus contingerent, certa victorię spe præsumpra. vnus vrbs in quatuor partes diuisa totidem inter socios imperium diuidi. Ingenium varium, inconstans, multiplex, præposterę cogitationes, vana consilia, vani conatus. Non displicuit Ferdinando Regi Cæsaris consilium initio, Apulię quamuis vrbus receptis, dimitti Hispanos omnes, præter quingentos quos Zamudium in Hispaniam referre iussit, classe modo in Italia relicta. Paulo post tamen reputat. Ne ipsi quidem neque Pontifici visum est, è reipublica fore eius vrbs excidium. Attentius enim re considerata præter vanitatem eius molitionis prouidebatur, quidquid ultra



ultra præscriptos in fœdere fines progressum esset, id totum ex Galli commodo fore. Pro-  
 pinquo Mediolanensi principatu, sociis longinquis, non dubitaturum pace facta, vniuer-  
 sam eam urbem primo quoque tempore pulsus sociis armis occupare. Ex eo ne ad Italiæ  
 totius imperium aspiraret, ac vero romanæ ecclesiæ de manu dare Pontificem tentaret,  
 verendum erat. Qui metus Iulium Pontificem sollicitum habuit, ne se viuo faceret validus  
 opibus & ingenio. Usque eo ut Cardinalem Rhodomagensem antea riualem, Tridenti  
 cum Cæsare collocutum fuisse, curasse etiam ut Cæsar & Gallus inter se viderent ægetri-  
 me antea tulerit. Certe monstri simile aliquid versare eos Principes animis in suam ac  
 ecclesiæ perniciem. Fluxa est potētia & solita opinione magis hominum quam suis viri-  
 10 bus nitens, qualis sacerdotum est. Itaque eorum Principum colloquium impedire omni  
 ope contendit: idemque Ferdinandus rex curauit, per legatū suum Iacobum Concillum  
 tum Episcopum Catanzæ Cæsare persuaso in gallicæ amicitiae specie insidias latere:

*A Venetis Patauium receptum.* CAPVT XX.

COnfecto Rex Gallus bello magna atque incredibili celeritate neq; gloria fructuque  
 minori Mediolanum rediit, indeque in Galliam abiit quo regni curæ vocabant. Mil-  
 le quingentos grauis armaturæ equites per vrbes recens partas distributos præsidio reli-  
 quit rerum moderatore Carolo Amboesa Chaumantio regulo, magno Galliæ Magistro.  
 20 gētis instituto maior quam Magistri equitū is honor & auctoritas est. Cæsarei exercitus  
 pars multo maxima in Taruifinos & Friuolēses seu Foroiuliēses fines incubuit: quoniam  
 imperata facere aliarumq; vrbiū exemplū sequi detrectabant contumacia. Eo maior im-  
 petus festinatioque & spes, quod continenti Italiæ certe nihil præterea Venetis erat ex  
 ampla ante ditione relictum. Nouus conatus, vnde periculum maius timebatur, victis re-  
 surgendi opportunitatem attulit. Patauī ciues Germanorum imperium, relictumque a-  
 deo in vrbe præsidium graue ducētes defectionem meditabantur. Eam Veneti occasio-  
 nem arripientes, & quoniam hostiū copiarū procul aberant, consilio cum iis ciuib. occulte  
 cōmunicato, rebusq; omnibus comparatis, eam urbē recuperarunt. Andreas Gritus cum  
 mille equitibus grauis armaturæ & aliquanto peditum numero portis occupatis, accu-  
 30 su præterea ciuium veteri imperio fauentium, cæsos Germanos compulit in arcem se re-  
 cipere: quam die quoque postero ad deditionis condiciones adegit. Sic dies duos & qua-  
 draginta postquam ea vrbs fuerat amissa, in Venetorū potestatem venit. Melioris spei in-  
 itium id fuit, miseriarum finis. Leui momento surgunt res humanæ caduntque. Amissæ  
 eius vrbis nuncio Cæsar ad Marosticam accepto oppidum in Alpium faucibus situm vi-  
 ginti quatuor millibus Patauio distitum, ne circumfusus hostibus transitus impediretur,  
 Scalam abiit ad Oenipōti Austriacæ ditionis fines. Continuato Veneti impetu Assulā ce-  
 perunt, centū & quinquaginta Hispanis, qui in eo oppido erant, trucidatis. Simile exem-  
 plum in ducentos alios Hispanos editum est Castelfrancum præsidio obtinentes: vbi &  
 centurio Aluaradus est captus. Tanta erat vindictæ rabies, ut ex mille & quingentis Hi-  
 40 spanis, qui a Gallo ad Cæsare transierant, & licentia militari incolas irritarant rapere, spo-  
 liare vi & stupris cūcta polluere per agros & oppida assueti pauci euaserint, quin cæsi aut  
 capti fuerint. Inuidiosum Hispanorum nomen auaritia eorum ac libido indigenis fece-  
 rat. Veroriam ad Venetos & ipsam propensam Patauique exemplo defectionem medi-  
 tantem Palicius accurrens cum copiis frænauit, dum a Cæsare idoneum imponeretur  
 præsidium, copiarum è Belgis atque è Germania aduentum ad Alpium fauces susten-  
 tante, atque ab Italiæ finibus abstinente, ne maiestas ludibrio esset si in tanta alienatio-  
 ne Italicæ nationis exiguis viribus bellum repeteret. Ergo iis copiis appulsis conflatoque  
 exercitu hominum ad triginta millia, missis præterea à gallo mille & trecentis equitibus  
 auxilio, à Pontifice trecētis, nouo conatu in Italiam irrumpens Patauium obsedit Nonis  
 50 Septembris. Pitilianus ac præcipui Venetorum duces præsidio accurrentes in urbem in-  
 gressi sunt, quiduis perpeti parati ne in hostis rediret potestatem. In duobus millib. equi-  
 tum Epirotarum præcipua vis. ii frequenter eruptione facta ex vrbe nihil Cæsareis tutum  
 relinquebant, ne respirandi quidem spatium. Dispositis tormentis hostes magnam par-  
 tem muri ad terram strauere, per ruinas tamen in urbem euadere supremo conatu ten-  
 tantes ab obsessis sunt repulsi pertinaci contentione, nouis identidem per Meduacum  
 auxiliis confirmatis, prorsus ut ad viginti quinque millia defensores in vrbe essent ido-  
 neus numerus non ad tuenda modo mœnia, sed ad confligendum æquo Marte patenti-  
 bus campis. In primo impetu multi Hispani propugnaculo capto, tormentarii pulueris  
 cadis, quos sub terra condiderant incensis discerpti sunt Hispanicæ militiæ flos, quippe



ex Magni Gōsalui disciplina pleriq; Fregit hoc incommodū hostium animos, vsq; eo vt honestam aliquam occasionem dari cuperent discedendi sine ignominia, nulla iam victoriæ spe. Itaque discessere tandem Octobris initio, nulla famæ cura, quoniam metus periculi iuxta & moræ tædium fatigabat. Magna famæ vis, in bello maior. Intempestiuus discessus effecit, vt magna repente rerum conuersione facta multorum auerterentur animi. Cum spe vinci Germanos posse, accessit pugnandi animus. Vicentini primi correptis armis & à Patauio euocatis auxiliis in Gasparem Salseuerinum & tria Germanorum millia præsidio Cæsaris nomine eam urbem obtinentes impressione facta se dedere & urbem relinquere coegerunt. Alia parte Venetorum copiæ non quiescebant, sed instandum fortunæ quæ conuerſi videbatur ratæ, oppida prope Patauium à Ferrariensi dudum occupata inuasere. Ex iis Ateste, Monsilice, & Montagnana continuo imperata fecerunt. Vnde suspicio ac vero certa fides inuitatu incolarum excitari bellum, neq; Venetorum vi aut inertia hostium, sed fraude tot victorias constare. Ab his quidem initiis Veneti elati aduerso Pado classem miserunt Ferrariam urbem obsessum. Terra eodem missæ copiæ ex itinere Polesium, & Robigum de Ferrariensi sine sanguine receperunt. Resurgentibus passim fauebatur à gente hostibus infensa. Ad Ferrariam non eadem fortuna fuit. Dux & Cardinalis frater auxiliis à Pontifice & Gallo Rege missis in aciem progressi tormentisque in ripa Padi collocatis scienter, classem Venetorum quassatam mersere, atque ita vt è triremib. decem & septem, amissis omnino quindecim soluere obsidionem non sine ignominia fuerint cæteri coacti. Prius tamen quam id contingeret Franciscus Mantuanus cum equitū numero in suam urbē pergens infestis itinerib. ab Andrea Gritto captus fuerat. Idoneus quem cum Liuiano permutarent à Gallis eatenus detento. Grande pretium: sed ea erat virtutis opinione Liuianus, vt nihil Veneto senatui nimium videretur. Quamuis plerique accusabant cladem ad Riuoltam eius temeritate & festinatione fuisse acceptam, eoque præceptis ingenium vitandum, ne resurgentes Venetorum spes noua imprudentia euerteret. Verona inter spem & metum fluctuabat, metus pro Cæsare suadebat, libido pro Venetis. Præsidio impositus Ioannes Emanuel cum duobus Hispanorum millibus, & Galli auxilio superuenientes ad defectionem procliues retinuerunt. Gallici auxilii dux erat Obenignus, eius Obenigni ex fratre an sorore nat⁹, quem in Neapolitano bello inter Gallicos duces à virtutis opinione inter primos celebrant iure historici Galli. Carolus Amboesa cum robore Gallici exercitus Brixiam inter & Cremonam statua habere in omnem occasionem intentus rei bene gerendæ, socios subleuandi. Triuulcio Brixie custodia concredita. Veronæ in locum Ioannis Emanuelis ipso missionem flagitante, Ludouicus Beamontius, qui ab annis superioribus gallica stipendia faciebat, tuendæ curam suscepit magnus nobilitate, neq; minor industria virtuteq; domo Vasco.

*Controuersie inter Cæsarem & Ferdinandum compositæ.*

#### C A P V T XXI.

L Erini Comitis obitu magna Ferdinandum Regem cupiditas inceserat efficiendi vt Ludouicus Beamontius in maiorū opes & locū restitueretur defuncti filius, atque ex Ferdinandi ipsius sorore vsq; dum superstite natus. Maiori ardore in eū conatū incubuit, quo tempore bellū in Insulib. magna contentione gerebatur: si agēdi dexteritate offensus animus flecteretur. Nihil neq; eius auctoritas, neq; diligentia valuit: ne insontem quidem esse filiū in iis quæ pater peccauerat. Iniquum videri parentum peccata filiorū pœnis lui. Vim adhiberi & metum placuit. Ac præsertim noua iniuria irritarant Sanguessæ incolæ in Aragoniæ vicinos fines inuecti. Facto species prætenta, oppida Vlim & Fileram ad vetus eius municipii ius reuocandi. Aragonii conatum intempestiuū vindicarāt in Sanguessæ agros irruptione facta, atq; in oppidanorū oculis planiciem subiectam municipio longe lateq; vastantes, segetibus, arboribus, tectis ignes iniecti. Maioris belli fundamenta ab his initiis iacta: sed quoniam priuatæ controuersie erāt nondum publice arma mouebantur. Ac Ludouicus quidem Beamontius precibus, patientia, & modestia impetrare satagebat, priusquā ad vim procederetur, paternam ditionem honoresq; alios. Sic in Vasconib. res erant periculo proximæ. De cōtrouersis Cæsare inter & Ferdinandū Regem, fanciendaq; per cōditiones cōcordia serio agebatur. Castellæ procurationē vtroq; ad ius suū reuocāte Ferdinandus quamuis possessione potior liti finē imponere oppido cupiebat: proceribus quibusdam, qui rebus nouis studebant, sanandis remedium aut hoc aut nullum fore idoneum ratus. Sed cum eo tamen si Isabellæ vxoris voluntate ex parte



parte mutata, dum Regina filia viueret rerum sibi administratio relinqueretur tute-  
 læ iure à legibus haud dubium patri dato, quod Regina vxor neque voluit neque  
 potuit immutare. Ea demum defuncta facile adducebatur Carolo nepoti sceptrum de ma-  
 nu tradere, modo annos viginti nato, vti Regina sanxerat testamento. Ita suo tantum com-  
 modo defunctæ voluntati statui volebat, mutari contraria. Et est humanus animus insatia-  
 bilis, cupiditas imperandi aliis affectibus maior. Iudices in causa consensu designati Gal-  
 liæ Rex & Rhotomagensis Cardinalis blandimento accommodato eorum beneuolen-  
 tiam amplius promereri destinabant scilicet: alioqui facturi quod inter se è re vtriusque  
 fore præiudicassent. Vt condiciones nuncuparet Andreas Burgius in Hispaniam remis-  
 10 sus, benigne acceptus atque habitus est. Apud Cæsarem Catanæ Episcopus de eadem  
 re disceptauit Ferdinandi legatus. Duorum opera subiectæ leges scriptæ sunt. Castellæ  
 procutatio penes Ferdinandum dum vixerit, propria esto, qua ratione ante est explica-  
 tum. Mascula proles si forte ex germana Regina sit nata, certæ nihilominus in Castellæ  
 regno successionis Carolo nepoti satis dato. Quo pignore, quibus vadibus? Nouo, si ita  
 contingeret, sacramento in gentis conuentu adigi populos placuit, in Caroli verba eius  
 regni hæredem fore. Ferdinandus Rex in primis Castellæ conuentibus rectam rerum  
 administrationem iuraret. Vt Asturum principatus vectigalia Carolo cederent, Cæsar  
 perebat, ne nomen principis esset inane. Negabat Ferdinandus vlli id Regum filio datum  
 cælibi. Concessit tamen annua triginta aureorum millia, aucta quoque ea summa cum  
 20 vxorem duceret, quantum iudicatum esset æquitati consonum, & ærarii tenuitas pate-  
 retur. Centum aureorum millia destinabat sibi Cæsar, inopiam sic supplere è Castellæ  
 vectigalibus concordie haud magnum pretium. Excusauit Ferdinandus exhausto æ-  
 rario reddenda necessario creditoribus quingenta aureorum millia mutua à mensariis  
 sumpta & spatiis funebrib. aucta. Dare tamen quinquaginta aureorum millia à Floren-  
 tinis ciuib. debita Pisane libertatis proditiæ pretium. Missurum præterea bello aduer-  
 sus Venetos trecentos cataphractos quadrimestri aut quinquemestri stipendio de  
 suo. Additum præterea, vt quocunque tempore Carolus Princeps in Hispaniam ven-  
 turus esset, instructa classis ad eum vehendum mitteretur. Eadem vbi venisset con-  
 tinuo Ferdinandus frater veheretur in Belgas. Tantarum molitionum ignari Io-  
 30 annes Emanuel aliique ex Hispania nobiles in Germania versantes cum primum fœ-  
 dus pactum rescuerunt, disturbare conati nihil profecere tamen. Ac potius vt importu-  
 nos eorum conatus eluderent, res integra ad Margaritam Principem ablegata cum am-  
 pla patris nomine paciscendi facultate. Eius diligentia finis controuersis est impositus:  
 ac superiores conditiones sancitæ sunt. Ad hæc quadam simulatione ad Regem Gallum  
 concordie capita, quasi re integra deferri visum est, vt adiuncto Rhotomagensi Cardi-  
 nali, q. æquitati videretur consonum, id sententia pronūciata statueretur. Blesis vbi Gal-  
 lus morabatur, disceptatores præsto fuere pro Cæsare Mercurinus Gatinaria Burgundiæ  
 Præses, & Andreas Burgius eius ordinarius legatus deinceps in Gallia futurus: pro Ferdi-  
 nando Iacobus Albiō eius itēm peries Gallum orator, & Hieronymus Cabanillas in eius  
 40 locum in posterum destinatus. Iis agentibus instituta cognitione litæque contestata per-  
 rogataque, atque sententia pronūciata pridie Idus Decembris fœderis cōditiones om-  
 nes comprobatae sunt de quibus inter partes conuenerat. Ac secundum eas, iis qui Cæsa-  
 ris aut Caroli Principis partes secuti erant, bona paterna sunt restituta facultasq. concessa  
 in patriam postliminio redeundi. Petro quoque Gueuarae eatenus vinculo reddita liber-  
 tas. Hunc exitum diuturnæ controuersie habuerunt, quæ sollicitam tenuerāt Hispaniam.  
 Inita concordia quidam è nobilitate quasi in Caroli Principis obsequiis aulaque versari  
 vellent in Belgas discessere. quietis impatientia agitabat. In eo numero Alfonsus Manri-  
 cus Pacis Augustæ Episcopus inquieti ingenii vir, alieno semper à Ferdinandi rebus ani-  
 mo, tædio præsentium exilium tranquillitati prætulit. Hoc tempore Pitiliarius Veneti ex-  
 50 ercitus imperator ad Lonigū agri Vicentini oppidum ex morbo decessit eo maiori stu-  
 dio Liuiani libertas expetita. De Lemosio Comite, quoniam turbulenta consilia cū Bel-  
 gis & Lusitanis agitare erat perspectum, nouo decreto statutum vt fidei pignus Sarria &  
 Monfortii arces Pozæ regulo traderet ea tempestate Colæciæ rebus Præfecto Raymun-  
 dus Cardonius in locū Ripagorsæ Comitis è Sicilia, vbi res gerebat euocatus Neapolim  
 regendam suscepit. Siculos Hugo Moncada, vterque Proregis nomine potestateq. De  
 abdicatione Ripagorsæ Comitis multa in vulgus iactata sunt. Pleriq. eius ingenium ac-  
 cusabant tantarum rerum procuratori non satis idoneū. Excitat quosdam rerū magnitu-  
 do, obtundit alios. Vrsinorum delationibus quidam de culmine deturbatū suspicati sunt.  
 Verum statuere quis audeat? quis plebis linguas frænare? Principū offensionis & gratiæ



causas rimari, leui momento in contrarias partes circumactæ? Nullius enim uero tanta claritas est, quæ malignitatis dentes fortunæ vicissitudines possit vitare.

*Bugia & Tripolis de Mauris capta.* CAPVT XXII.

**A**Rdebat Ferdinandus incredibili cupiditate vertēdi arma in hostes Christinani nominis, maiori laude certiori fructu bellum quam quod tanta contentione cōtra Venetos gerebatur. Ita confecto eo bello, vti breui fore confidebant, & à quoque sociorum vrbib. sui iuris receptis nunquam placuit Venetorum comp. funditus euerri, sed stare potius incolumi libertate: suis viuere legibus & imperio. Ac in partem potius fœderis societatisque recipi Venetos volebat, vt communibus armis terra marique inuaderetur Turca communis atque infensus hostis piorum nationis. Discrepantes in eo voluntates diffidentia inter se vota in vnam sententiam pertrahere res ardua erat. Quod proximum videbatur, ad suas vires adiuncta ope quam pro se singuli Principes sponte cōmunicarent id bellum suscipere atque in Orientem proficisci sacræ expeditionis dux in animo fixum habuit, laudauit Pontifex eos tanti regis pro pietate conatus, seque pro virili iuuaturum est professus. Neapolitanæ & Siculæ opes commodissimæ erant in bellum vicinis auxiliis parato comœatu. Hæc Rex ille præ se ferebat: rerum statum attente considerantes ablonum prorsus & alienum ab eius prudentia iudicabant, prouecta Principem ætate gentisque in Castella animis non satis pacatis tam procul ipsum à finibus discedere, cum bellum Africanum esset in manibus, longinqua & difficiliora meditari. Ergo eo conatu in præsentem reiecto, ad expeditionem Africanam, optimo principio, ad omen certissimum felicitis exitus, antea inchoatum maiori mole promouendum retulere animos. Petrus Nauarrus in Masalquiuiro portu tredecim naues habebat lecto limite, & armamentis & rebus omnibus instructas. Ea conscensa classe in Ebusum insulam nauigauit: vbi Vianellus cum classis parte eius aduentum expectabat. Restitere vnâ dies aliquot, dum hyemis sæuitia & maris tempestates remitterent. Bugiam, quæ olim Thabraca fuit, petere consilium erat, eo loco inter milites vulgatum. Longa omnis mora ad prædam festinantibus, vrbis nobilissimæ in Numidiæ quidem littore sitæ non procul tamen Mauritaniæ Cæsariensis finibus, inter Tunetanos & Tremesenios Reges ex interuallo alternantis: donec Abuffericius Tunetanus Rex ad suum imperium stabili possessione adiunxit Abdulhazis à patre relictam regio nomine obtinuit ab imperio Tunetano liberam posterisque iure quo potuit optimo hæreditariam reliquit. Abdurrahmel ex illius posteritate eam in præsentem obtinebat pulso Muleio Abdalla, qui meliori iure niti videbatur, quippe ex ipsius fratre maiori natus. Odii causæ, quia iniustæ acerbiores, inter alias ambitio dominandi sænum & impotens malum. Ad latus ardui mōtis sita erat, perpetuoque muro cincta veteri quidem sed valido. Arx satis firma in superiori vrbis parte eminebat. Supra octo familiarum millia eo tempore numerabat. publicis philosophiæ scholis, auditorum frequentia præter cæteras Africæ vrbes celeberrima. Ager inequalis rupibusque impeditus, eoque ferendis arboribus quàm segetibus commodior, aliunde aduecto frumento vitam tolerabat. Kalēdis Ianuarii principio anni millesimi quingentesimi decimi Hispani ex Ebuso, soluētes quinque diebus littus Africæ tenuerunt. Copias eo die in terram exponere aduersi flatus vetuerunt. E iugis montis se Rex Maurus ostentare decem millia pedites, & aliquot equitum turmas secum trahens. Eos ad littus appropinquantes, nostros vt excensione prohiberent, tormentis classicis excussæ pilæ procul arcuere. In terram expositas copias nullo prohibente in quatuor agmina Nauarrus distribuit. Eo ordine magno nisu superato monte ad pugnam festinabat, quam Mauri detrectarūt, præ metu in urbem regressi mœnibus magis fidentes quàm armis. Fefellit ea quoque spes, nostrorum pars per latus vrbis veteris desertæ à ciuib. alii per superiora muro succedentes admotis scalis breui in urbem irruerunt. insolitus pauor ciuium mentes occuparat. Ita intra urbem nullo resistente in prædam auersi milites. Rex cum copiis deferta mox vrbe per auersam portam se foras proripuit. Terruit ea victoria vniuersam Africam, eo latior quod Muleius Abdalla rebus turbatis è custodia elapsus, qua detinebatur à patruo ad nostros perfugit. Superi quos premere instituunt, in præceps dant. Nostri & virtute potiores & successu lati, vrbe egressi tyrannum ad trigessimum lapidem castra habentem denuo facto impetu compulere in fugam. Nihil neque apud se remissum, neque apud illum tutum pati. Ea diligentia successuque præteritæ finitimæ ciuitates certatim obsequium detulere Ferdinandi fidem patrociniūque implorantes, veniam & pacem oratum misere legatos. Princeps inter alias Algerium, quæ Cirta olim Masinissæ regia à quibusdam



quibusdam fuisse creditur, certe Arabū lingua Gezer hoc est insula vocatur, ab ea quam in mari vicinam littori & obiectam habet, tunc modica viribus & ignobilis, hoc tempore Hispaniæ terror nostris spoliis extructa, superbaque iuxta ac clara. Algerii exemplum Tenecius Rex & vrbs Tedeliciū secuti sunt. ipsi adeo Mostagani incolæ & Tremese-  
 10 nius Rex nostros de pace & se dedendo appellarunt cuncta virtuti peruia fore territi bar-  
 bari iudicabant, nihil Nauarri præsertim duce arduum. Leges omnibus impositæ, qui-  
 bus in amicitiam fœdusque venirent. Præcipuæ erant, vt captiuis Christianis sine pretio  
 libertas esset, & vectigal honorarium singulis annis cum fide repræsentarent. His rebus  
 quamuis districtus Petrus Nauarrus bello interim maiori conatu apparando curam im-  
 20 pendere, gnarus modicas esse vires sibi & instandum famæ, antequam consternatis ho-  
 stibus fiducia rediret. Fama bella geri magis quam viribus. Quò tempore in Orientis o-  
 ris Alfonso Alburquerquius susceptam procurationem à præclaro initio auspicari cupi-  
 ens, in Decanò Indiæ littore quam urbem occupauit, sedem deinde imperii Lusitani in  
 iis regionibus nobilissimam. Insula eiusdem nominis sita est, quam fluuiis neque tenui  
 neque multa aqua duobus ostiis in mare mittens efficit angustam quidem spatiis ac vix  
 viginti millium ambitu, cæterum commodissimam Orientis commercio, propter maris  
 & multarum gentium vicinitatem, quarum ad fines iacet. Rei bene gerendæ opportuni-  
 tatem Zabaimus Idalcantis obrulit imperium tunc obtinens eius vrbs: beila enim lon-  
 20 ginquā defendendi necessitate milite vacuam reliquerat venturi securus. Timorā pira-  
 ta cum quatuordecim biremibus de finitimis prædas agere solitus, re cognita Alburquer-  
 quium monuit opportunæ vrbs capiendæ occasionem non videri prætermittendam.  
 Ille cognito piratam verā prædicare, salutaria monere cum classe in portū inuectus haud  
 ægre urbem occupauit ad quartum decimum kalendas Martii. Longe alia Francisci Al-  
 meidæ decessoris fors fuit. Ad Bonæ spei promontorium epibatas & socios inter in littus  
 aquatum & com meatum quærendum egressos & Æthiopes, quos Cafres vocant, con-  
 citata forte rixa, cum præsidio suis è nauib. accurrisset, in pugna periit durata præusta-  
 igne sude traiecto gutture. Crudelitas fati tanto viro non debita. Qui maiora sæpe pericu-  
 la mari terraque euaserat, inuicta virtute magnam nominis celebritatem consecutus fue-  
 rat, gentis vilissimæ manu corruit. ipsa morte tristius mortis genus. Periit ipsis Kalendis  
 30 Martii. Garciam Toletum Albani Ducis maiorem filium expeditioni Africanæ ducem  
 Ferdinandus destinarat, propter viri nobilitatem maiori auctoritate fore bellum prou-  
 debat. Et quoniam Nauarri opera necessaria videbatur in Italiæ bellis, quæ maiori mole  
 renascebantur. Aliquot menses abiire priusquam is ex Hispania discederet. Moræ impa-  
 tientia Nauarrus & quia insueti cœli æstus & grauitas morbos inter milites vulgauerat,  
 ad septimum Idus Iunii Bugia soluens Fauignanam abiit: quæ insula Lilybæo Siciliæ pro-  
 montorio vicina Cosyra veteribus fuit. Eo Neapolitanæ & Siculæ triremes adiunctis plu-  
 rib. aliis nauigiis ex antecondictis appulere. Ad octo millia militum quæ Bugia vene-  
 rant, nouæ classis appulsu accessere alia sex millia. His omnibus copiis apparatuque ex  
 ea insula sublati velis intra paucos dies in Tripolis conspectum se dedere vrbs ultra Nu-  
 40 midiam inter duas syrtes sita in prouincia, quam peculiari nomine dixerunt Africam, Tu-  
 netario antea Regi subdita, nunc eo excusso imperio peculiari regulo seruientis, quæ Xe-  
 quem vocant. Circumfluo plurima ex parte mari, non ita latum à terra additum turrato  
 muro & fossam permeante aqua munitum habet. Inierant milites & prouisi antea com-  
 meatus. Numidæ quoque equites, aliiq; Mauri ad præsidium accurrere, prorsus vt par nostris  
 numerus militum in vrbe esset. Nauarrus tamē expositas in terrā copias, bifariamque diuisas,  
 partē cū Mauris pugnare iussit, qui ad littus prodierat nostros vt excensione prohiberent,  
 reliquis data cura urbem impugnandi. Præterea à mari militum & nautarum manus e-  
 gressa cum scalis ea parte in urbem transcendere tentarunt. Acris pugna extitit, duabus  
 50 horis magna contentione pugnatum victis tandem fulisque Mauris, in urbem admotis  
 scalis, qua parte Victorix porta cernitur ferro est penetratū. Ioannes Ramirus gēte Ara-  
 gonius nobilis genere inter primos muros scandit secuti cæteri noua intra urbem pugna  
 instituta, difficiliora omnia opinione inuenerunt. Acuebat Mauros desperatio haudqua-  
 quā iam de victoria sollicitos sed ne inulti caderent decori exitus cura. Cessit virtuti rabi-  
 es furorq; Occisi ex Mauris ad quinq; hominum millia sunt, capti plurimi, atq; inter eos  
 vrbs regulus. Neq; nostris incruenta victoria fuit. præter gregarios milites non paucos,  
 nonnulli genere aut factis nobilissimi ceciderunt. In hoc numero è Cabreris alter patruo  
 regio cubiculario & propria virtute promeritus, vt memoriæ inferatur. Rodericus item  
 Porres tribunus militum periit, & Christophorus Arriarā maris Præfectus, magnus animo,  
 prudētia par. Vrbs diripiēda militib. est tradita, id nauatæ operæ præmiū extitit, profun-



do ventre cum cæteris victarum gentium spoliis eam quoque copiam merfuris, futuri temporis nulla cura. Classis præsidio relictis captiui dati sunt, mercesque intra urbem inuentæ. Eo temperamento Nauarrus quando militum sitim opulentæ quamuis urbis spolia non sedarunt (qui enim possent) tumultum & rixas compescere satis habuit.

*In bello Italico parum promouebatur. CAP. XXIII.*

**B**ellum contra Venetos ducebatur, minori ardore quam antea. Conatus initio validi mora languerant. Rex Gallus receptis sui iuris urbibus se festinus in Galliam receperat: in Germaniam Cæsar bello inchoato neque finito, quando Taruifini & Foroiulien-  
 10 ses atque Aquileia subiugandi supererant, Padua impositum iugum excusserat. Veronam cum subiecto agro Galli obtinebant, oppigneratam, dum sexaginta aureorum millia redderentur à Gallo Rege in belli sumptus mutua Cæsari data, adiecta lege ut nisi intra annum ea summa esset reddita, urbis imperium suo iure retineret. Pecuniæ in stipendium difficultas maxima Cæsaris conatus retardabat. Socios uti in Cameracensi fœdere sanctum præscriptumque erat, de communicanda ope appellare, dum communibus armis eas urbes sui iuris efficeret, Venetis ereptas ad imperium adiungeret. Cæsarei exercitus dux summus Analthi Princeps nulla auctoritate, exiguo numero militum, quæ debita stipendia non soluerentur. Æqua petere visum est. Ita Carolus Amboesa magnus Galliæ Magister  
 20 valida auxilia communicauit: eaq; ope Vicentia recepta est ciuium deditione ad Cæsaris voluntatem. Neapoli Vincentium Capuanum Termenstinum ducem militari scientia præstantem multis in rebus fidum antea expertus Ferdinandus Rex & cum eo quadringentos cataphractos misit auxilio lectissimam manum ex eorum Hispanorum numero qui Neapolitana stipendia faciebant. A Pontifice nulli venere milites, nulla se lege teneri, ut auxilia mitteret, persuaso, siue in Gallum Regem ira Ducem Ferrariensem hostem suum palam tegentem. Quod magis suspicor Venetorum calamitate flexus ad misericordiam, nobilissimam urbem malis castigatam perire penitus non ferebat. Itaq; solutos anathemate quo erant impliciti, in gratiam fœdusq; accepit. Quod erat præcipuum, eorum ope uti volebat aduersus Ferrariensem Ducem quasi gallici patrocinii fiducia rebellis imperio. Odium acrius quam pro noxæ modo. Iis littoribus elluue maris arefcente vnda sal con-  
 30 crescit. Ergo salem Comacii ditionis oppido conficere crimen erat, cum incommodo vectigalium quæ ex Pontificiis salinis ad Seruiam proueniebant. Præterea è mercibus quæ secundo Pado Venetias vehebantur, noua exigere portoria. Ab his initiis irritabili ingenio Pontifex euocatum Romam ad dicendam causam, ac venire recusantem lege maiestatis damnauit, principatus, quem beneficio ecclesiæ romanæ obtinebat, iure decidisse. Ægre seueritatem Pontificis tulit Gallus Rex. vindicandi ardore Gallicos Cardinales & qui sacerdotia obtinebant in Gallia, continuo Roma discedere per edictum mandauit, nisi parerent atq; suas singuli ecclesias inuiserent, ac per se regerent, annuorum vectigalium multam comminatus. Ex his initiis magna diffidiorum moles cōsecuta breui est. Et tunc Pontifex Venetis triremibus genuam misit Octauianum Campofregosum,  
 40 aliosq; Genuenses exules, ut eorum opera, suaq; auctoritate quæ in ea urbe obtinebat, quippe Saonæ urbe vicina natus, ciues sub imperio gallico quiescentes ad mutandam fidem impelleret. Simul si quid ea diligentia in urbe moueretur, Marcum Antonium Columnam Luca, ubi agebat, cum equitum & peditum manu propius accedere, præstoq; esse ad omnem rei bene gerendæ occasionem mandauit. Conatui successus defuit. A Venetis tamen Mantuanum dimitti è vinculis & captiuitate liberum impetrauit, idoneum hominem ratus quem Gallico, quæ meditabatur, bello ducem præficeret, fidei obside eius filio, quem tradi sibi voluit à patre belli Ferrariensis cura Francisco Vrbinati Ioannis fratris filio demandata est. Vniuersam eam ditionem occupare armis ipsamq; urbem Ferrariam Pontificibus Romanis quippe directis dominis restituere destinarat, Galli nulla cura in  
 50 cuius tutela erat, & Dux eius auspiciis bello districtus. Belli initia læta fuerunt, tristis exitus. A Pontificiis enim breui quæcumq; oppida & arces Ferrariensis in Aemilia ultra Padum obtinebat, armis præsidiiq; sunt occupata. Lucus circumfessa accurrit præsidio ex Insu-  
 bribus Chatillonius cum trecentis Gallis cataphractis ad quartum Kalendas Augusti. Eius aduentu Pontificii veriti ut pares essent, Lucensis arcis obsidione soluta raptim Forum Cornelii abiire manum & munitionis fiducia. Præsidio destituta oppida præsertim veteri imperio, incolis studentibus. facile ad ditionem Ferrariensis rediere: sed belli fortuna alternante rursus amisit. Cardinalis Ticinensis Mutinam ciuium quorundam fraude porro occupauit Pontificis nomine. Rhegium finitimam urbem ne pari arte caperetur ad idoneam militum manum à Ferrariensi



Ferrariensi missam, accessere à Carolo Amboesa summo Gallorū duce & rectore in Insu-  
bribus, ducenti grauis armaturæ equites. Sic in præsentia periculum vitatum. Urbinas  
Bononia munienda nauare operam, metu ne Gallici exercitus robur in eius perniciem  
incumberet, repentina vi aut positis iuxta castris. Aduersus Gallorum conatus bellumq;  
vt in Insu-bribus excitaret Heluetiorum duodecim millia in Italiam attrahere visum est  
gentem ferocem virtute militari præstantem, octo millia stipendiis Pontificiis conductâ  
quatuor alia Venetorum ære. Gallos ex Insu-bribus deturbare, ac vero ex vniuersa Italia,  
Maximilianumque Sfortiam in Germania exulem & vagum in maiorum opes repone-  
re destinatum erat. Heluetios deducendi cura data est Episcopo Sedunensi & ipsi gentē  
10 Heluetio, quo maior diligentia esset, iniecta etiam purpuræ spe. Maiores viribus Ponti-  
ficis conatus erant, sed ingenio ipsius consentanei suapte natura turbido, inquieto, ardē-  
ti, cuius rei per totam vitam multa & magna documenta extiterant Sixti auunculi pon-  
tificatu magnus dissidiorum artifex architectusque Innocentio Pontifice Neapolitanis  
proceribus auctor arma in suum Regem sumendi, vt fama tulit, Alexandro Pontifica-  
tum adepto Gallis, vt venirent in Italiam, & publicā pacem turbarent præfens persuasit.  
Sic omni tempore pacis se impatientem ostendit, turbarum amantem, quietis tædio no-  
uas belli causas circumspiciens Pontificis consilia nō latuere Carolū Amboesam. Me-  
diolanum copias retulit, si quid moueretur, eius certe vrbs & Genuæ imperio con-  
sulere parans. ea incolumi ditione reditura alia. Discessus tamen alia species erat. Cæsare  
20 absente nullum operæ pretium extare, tantis laboribus & sumptu profici parum, neque  
conatibus euentum respondere præsertim Venetorum viribus identidem auctis nouis  
ex AEmilia aliisque regionibus supplementis militaribus. Restitit tamen Triuultius  
cum valida cataphractorum manu, ne sine eo præsidio Cæsarei impares hostibus essent:  
ac ne durare quidem in castris & campis patentib. possent, quippe aduersariis inferiores.  
Mutata fortuna belli rebusque inclinatis is metus Germanos inuaserat, vt Vicentiæ mu-  
nitione diffusi tormenta bellica ex ea vrbe eiusque arce Veronam comportanda iudica-  
uerint, maiori salutis cura quā laudis. consalvi vxor Maria Manrica eatenus gentē resti-  
terat. Suspecta gallis eius mora esse cœperat, quoniam virum Pontifex non cessabat in  
Italiam euocare, honestissima conditione oblata imperii militaris suarū copiarū. Vt eam  
30 amoueret suspicionem, per hoc tempus mari discessit in Hispaniam. Ad cuius provinciæ  
fines, qua Aquitaniā ad Oceanū attingunt, Fonterrabiæ municipes cum Hōdaiz Aquita-  
ni oppidi incolis de Vedasi fluuii virosq; agros interfluentis galliāq; dirimentis ab Hi-  
spania, possessione disceptabant vtrius oppidi iuris esset, non parum sæpe armis. In contro-  
uersia à Regibus dati iudices ripa sua cuiq; oppido attributa fluuium communem fore  
pronunciarunt. salutare temperamento quievere tandem ii motus.

*Pontifex Ferdinando Regi Neapolitanum regnum attribuit.* CAPUT XXIV.

Ferdinandus Rex Aragonios, Valentinos & Catalaunos Montionē ad generales con-  
uentus euocarat, duodecimo Kal. Maii in edictis adscripto, quo die præsto cuncti es-  
sent. In subsidium Africani belli, cuius cura proprie eam gentē attingebat, pecuniam or-  
dinum voluntate redigere, erat propositum propter inopiam ærarii tot bellis exhausti.  
40 Ineunte vere ne occasione definitoq; tempori deesset, Madrito discessit. In eo municipio  
Ferdinandus nepos & Hispaniæ Cardinalis subistere, præterea regium consilium. Re-  
gem prosecuti sunt Assidonius & Petrus Gironius, eorum quæ iuuenili errore delique-  
rant, venia iam impetrata, & Sálucari tamen Nieblæ, & Huduæ arces quasi fidei pignora  
retentæ. Duobus adiuncti sunt Magister equitū Prieghi Marchio, atq; Vreniæ Comes of-  
ficio in Principē incitati, an prosequi eūte iussi ne turbas cōcitarēt. Hoc comitatu Cæsar-  
augustā appulsus Montionē inde abiit. Magna gētis frequētia conuenit, q; ii primum ge-  
nerales conuētus Ferdinādo Rege in ea gente haberētur. Antea enim singulæ ptouinciæ  
Aragoniis Regib. subditæ, per se suos conuentus agitarāt. His reb. districtus quamuis rex  
50 belli Africani atque Italici curā animo cōplexus à Rege Gallo imprimis cōtendebat, vt  
sancita ante annos aliquot in fœdere lex de regni Neapolitani successione, nulla ex Ger-  
mana Regina, ple noua cēsura immutaretur. His postulatis gallus aures nō accōmodabat  
spe cōcepta id regnū obtinendi nisi iure & causa certe armis. Sic Ferdinādi conat⁹ inanes  
extitere, præsertim Rhotomagēsi Cardinali per hoc tēpus defuncto, cuius penes Gallum  
præcipua gratia erat & reb. omnibus auctoritas, studium haud obscurum Ferdinando  
gratificandi, in iis quæ publicæ pacis interessent. Hac cura Ferdinando anxio ac dies no-  
ctesque varias cogitationes animo versanti optimū fore visum est, odium Pontificis in  
Gallum conceptum in suum commodum conuvertere, atque occasionem suā facere. Pru-  
dēs Princeps, qui quamcūq; rē è publica utilitate fore prouidet, ea vititur modo honesta.



Vt Pontificia auctoritate ipsi & posteris regnum Neapolitanum quasi Romanæ ecclesiæ beneficium confirmaret, postulat. Graue id initio Pontifici visum est, neque ea indulgentia præiudicatum Gallo Regi quamuis infenso volebat. Deinde auctis odiis, bellis quæ erant in manibus & maiora meditabatur, ope ex Hispania iuuari expetens animum flexit: atq; vt indulgentiæ maior gratia esset, ita postulatis annuit vt amplius nihil desiderari posset, ne si Ferdinandus arbitrio suo diploma fingeret. Ab Alexandro Pontifice Gallus parte eius regni concessa fuerat Neapolitanus & Hierosolymitanus Rex dictus, vt superius est indicatum. Id decretum mouere præsertim Rege inaudito erat plane difficile, neque exemplum satis probabile. Ad artes conuerso animo pronunciare visum est, Pontificium beneficium irritum videri redditum dupliciter honorario vectigali ab eo Rege, vt erat 10 iussum, nunquam repræsentato, præterea absq; Pontificis venia, cuius ex partes erant, de regno Neapolitano superiori fœdere cum Ferdinando facto. Dignum videlicet abdicatione facinus. Hac pronunciata Pontifex sententia, quod erat consequens, regnum Neapolitanum Ferdinando & successoribus confirmauit vniuersum, ea lege vt Petri & Pauli festo die annuas octo millia auri vncias in Pontificium ærarium inferret, quolibet triennio equum candidum daret, in præsentem quinquaginta millia aureos. Tantundem successores cum primum Reges essent à Pontificibus dicti. Enimvero repetitæ in Ferdinando ex leges sunt nihilo mutata, quibus Carolo eius nominis primo id regnum fuerat olim à Pontificibus delatum. Sed & ex leges ineunte mense Iulio impositæ à Pontifice & Cardinalium collegio, paulo post mitiori censura castigata sunt omnino ad septimum Id. Au- 20 gusti. Remisso enim annuo vectigali & quinquaginta aureorum millibus, equum candidum quolibet triennio repræsentari satis habuere, ac quoties in Pontificia ditione bellum esset auxiliares mitti trecentos grauis armaturæ equites: qua vna è pactis antea conditionibus decedere non placuit, quoniam ea ope in bello Ferrariensi vt destinabant. Sic in præsentem decidere. Annis consequentibus à Leone Pontifice imperatum, vt ii Reges annua septem aureorum millia penderent, veniæ pretium Carolo Augusto concessæ imperii Romani nomen cum eo regno iungendi, contra quam leges olim Andegauensibus & Aragoniis Neapolitanis Regibus impositæ ferrent. Gallo Regi graue accidit, Neapolitana iura ea indulgentia à se in Hispanum translata. Ferdinandi se fraude delusum, Pontificis iracundia violatum accusare: vindicaturum ferro nisi esset id decretum abrogatum. 30 De quo eius legatus coram Ferdinando Rege grauissime exposulauit Montione: vbi Aragonii conuentus erant diras minasq; detestatus. Inani verborum sonitu nostri parum mouebantur. In iis conuentibus Idib. Augusti ordinum voluntate in bellum Africanum quingenta aureorum millia decreta sunt, ingens summa siue tēpora consideres, siue gentis immunitatem. Sed tanti erat impiam gētem bello opprimere. Auxit studium animorumque ardorem nuncius iis dieb. de capta Tripoli allatus. Additum nouo decreto, si Regem priusquam conuēsus esset solutus, alio aut belli cura aut Castellæ rerum procuratio euocaret, vt Germanam Reginam pro se conuentui præficeret. Facta etiam eidem copia denuo, si res ferrent, gentes ad conuentus euocandi, modo eam Rex pro se vicariam reb. in eo regno gerendis nominaret. Sancitum præterea vt in ea gente collegia soluerentur 40 ciuium ante annos aliquot instituta latrocinii & cædibus vindicandis. Ab nullo non genere periculum non est, si cætus & consilia & secretas cōsultationes agitare permittatur. Sæpe etiam quæ salubriter instituta erant, abusu hominum & ipso tempore deprauantur. Affuere conuentibus, vt erat necesse, Antonius Augustinus Vicecancellarius & Ioannes Nuza Aragonum Iustitia. Prima vox Alfonsi Aragonii Cæsaraugustani Præfulis fuit. In procerum ordine primi assederunt Belchiti & Arandæ Comites. Inter nobiles Michael Gurrea, & Michael Peresius Almasanius. Accessere procuratores Aragoniæ Valentiaq;, atq; earum vrbium & municipiorum, quibus ius suffragii gentis instituto in conuentib. dari solet. Legati Principum atq; è Castella, Neapoli, & Sicilia proceres magno numero Montione versabantur, conuentus quidem expertes, familiæ apparatu & splendore ve- 50 stium elegantiaq; inter se certantes clari nobilitate opibus magni.

*Garfias Toletus in Gerbis insula occisus.*

C A P V T XXV.

**A**D Malacam Bæticæ urbem instructa classe vt Garfias Toletus in Africam transmitteret bello dux vrgebat Ferdinandus Rex. cunctabatur ille metu pestis Bugiæ grassantis. Ita non ante adultam ætatem conscendit classē, qua septem hominum millia vehabantur, validum supplementum. Mollior. tempestatib. Bugiam vêtum breui, ibi classis partem & tria militum millia reliquit vrbi præsidium. Dieghus quoq; Vera rebus vrbis composi-



compositis, ex eo portu soluit comes nauigationis, vnaque in Tripolis portum sedecim intulere naues. Opportunus eorum aduentus extitisse videbatur. Petro Nauarro octo hominum millibus in suam classem iam impositis propediem petituro Gerbim Tripoli ad occasum disitam trecentis circiter millibus insulam præcipuam & maximam earum, quæ Africæ littoribus adiacent. Veteres Menyngem, Girbamque dixere. Iouius Girapolim, vnde? Campi plani atque arenosi, palmetis & oliuetis impediti grata oculis viriditate. Continenti proxima est adeo, vt ponte cum Africano littore iungatur. Circuitu sedecim amplius millia collegit, aquæ penuria, nullis fontibus, oppidum nullum villæ tantum & ad mare arx Principis domicilium. Tunetano olim Regi subdita, tunc peculia

10 ri regulo seruiebat, quem lingua gentis Xequem dicunt. Nauarri consilio probato breui cum copiis, quæ ad Tripolim erant, & classe eo discessere. Venere in conspectum ad quintum Kalendas Septembris die Iouis, Augustini memoria sacro. Milites nullo repugnante in terram defiliere insulam inter & continentem ad locum cui Pötisfracto est nomen. Copiis omnibus in septem agmina tributis, Garcias Toletus quamuis summam imperii militaris obtinebat, in prima acie cum peculiari nobilium manu ipsum secuta curare voluit. Quidam repugnante Nauarro defendunt, fama frequentior consensisse damnat fortassis, vt sine æmulo imperaret, aut potius ne ardenti iuueni repugnando rixam concitaret. Maurus sub signis habebat equites centum & quinquaginta pedites ad duo millia, plerosque tamen inermes sudibus & cõtis armatos, debilitatos metu, prorsus vt ne

20 veniretur ad manus fœdus appeterent oblati honestissimis conditionibus, quas nostri gentis contemptu spe certa victoriæ repudiarent. Post meridiem mouere agmina ardenti iam solè, pene vt flammæ excitari in nudo & arenoso solo viderentur. Ab imperitis hæc ad nomen infelicis exitus vertebantur. Quod in pace fors & natura, in periculo prodigium & ira Dei esse creditur. Æstus & pulueris impatientia laborare omnes sine sensu & sine mente, in terram abiecti non pauci præ sati periere. Aliquanto spatio progressum erat, cum primum agmen ad palmeta quædam peruenit. Ibi cõspicati milites parietinas, atque ex eo suspicati eo loco puteos esse retineri non potuerunt quin desertis ordinibus relictisque signis ad explendam sitim frequentes concurrerēt. Mauri è propinquo conspicati nostrorum turbationem, suamque occasionem rati in vagos & palantes dedere

30 impetum. Garcias & cæteri equites in pedes destituti arma expedire. Animaduerso periculo quidam vt desisteret, seque retrò referret monere. Apage tantum nefas, ait, Inferte milites gradum. An huc processimus vt terga vertamus: Vitam eripere fors aduersa poterit, nos tamen non comitemus vt nostræ nobilitati macula inusta, officii obliti videamur. Illud cauete socii ne inulti ponamus animam, nemo nisi in hostem versus cadat. Ea

suprema cura esto. Hæc flagrans oculis, væcordi voce dixit simul de Aragonio quodam nobili, arrepta militari hasta in Mauros ingruentes inuasit. Neque ducis verba, neque virtutis exemplum mouere milites. Auerſi in fugâ ferme omnes continuo terga dederunt. sensum excusserat metus, proximo exitio pudore validior. Mauri cuneo facto in nostros inuecti primo impetu ex promptissimis quatuor peremerunt, Garciam Toletum, Garciam Sarmentum, Loaysam, & Christophorum Velasquium præcipua omnes nobilitate

40 ordinum ductores. Fugientium consternatio tanta extitit, vt agmina integra, quæ retrò sequebantur, trepidatione turbarent, densi & conglobati perfringerent ordines, prorsus vt omnes fugam arriperent. In eo periculo Nauarrus, quoniam nihil aliud supererat, præsidium à prudentia petens, agmina Dieghi Paciechi, & Egidii Nepotis quæ in subsidiis secum reliquerat, locis idoneis inſessis, qua nostri fugiebant, hostes transitu prohibere mandauit. Salutare consilium ne cuncti simul perirent. Alioqui inopinato casu turbata Nauarrus mente tanti quamuis vsus dux, quasi officii & virtutis oblitus inter primos classem conscendit. Mollior interpretatio, & fortasse verior, triremes, quæ propius litus in alto erant, vt milites acciperent pro imperio efficere voluisse. Multi enim deficientibus scaphis ad natantes quoniam metus misericordiam non recipit, consensione in naues prohibiti inter fluctus peribant, in rabiem desperatione versi talesque nautis & militib. in periculo socios & commilitones præcantes. E nostris quatuor millia desiderati sunt qua cæsi qua capti. Nobiles maxime præter superiores perierunt Alfonso Andrada, Santangelus, Melchior Gonsaluus Aragoniæ Conseruatoris filius, aliiq; genere & factis eximii. Garciæ corpus victor ad se delatum aliquanto post, quoniam intelligeret è præcipua Hispaniæ nobilitate ac Regis esse propinquum in ligneo loculo seruari: facturumque quod placuisset, ad Hugonem Moncadam Siciliæ Proregem scripsit. Garciæ filius Fernandus Aluarus Toletus in tenera à patre ætate relictus accedentibus annis in eximium bellatorem euasit, atque ita vt nulli

50



duci nostra & parentum ætate priores concessisse videatur magnus animo par prudentia felicitateque. ingenium paulo asperius & morum seueritas nocuit, ne cum quolibet antiquorum ducum conferatur. Garfias pater Fridericus Ferdinandi Regis consobrinus fuit. Auus Garfias primus ex ea familia Ducis nomen & honorem promeritus. cuius pater Fernandus Aluarus Toletus patruui Guterrii Toleti Archiepiscopi Toletani dono Albani municipium non procul Salmantica accepit, Comitum nomen Regis beneficio. Nauarrus priusquam ex hostili littore solueret Egidium Nepotem & Alonsum Aquilarium ad Regem ablegauit nuncios & testes cladis acceptæ. Ducem occisum, plerosque milites periisse, grauiorem clade ignominiam. Dein triremibus Neapolim amandatis, uti erat iussum, cum reliqua classe aduersis quamuis tempestatibus per octo iactata dies, Tripolim tenuit ad tertium decimum Kalendas Octobris. Ad eius urbis præsidium tria militum millia reliquit duce Diegho Vera. Parem numerum ætate aut vulneribus graues plerosque etiam integros missos fecit. Cum classe & quatuor millibus ex omni copia delectis ad vexanda Africæ littora processit Gerbim inter & Tunetum. Idoneum navigationi tempus non erat: continuis procellis sæuienti mari, ad Lampedosam seu Lopadusam dum hyemis sæuitia remitteret, classem & militem continere necesse habuit, vnam ex insulis, quæ Africam inter & Siciliam obiacent. Sabinum in ora Africæ Lusitanis subditam urbem finis huius anni innumera Maurorum impugnabat multitudo. Venerunt ex Madera insula militum numeri. Opportuno auxilio confirmatus Ataydius præsidio præfectus vrbe acerrime defensa Mauros conatu abscedere compulit. Soluta obfidione in vicinos Maurorum agros irruptione facta, Almedinam usque prædabundus processit triginta duobus millibus nihilominus distitum oppidum. Variæ pugnae cum Mauris factæ. magnam hominum pecorumque post collectam prædam tamen in reditu hostibus magno numero circumfusus amiserunt. Magna alioqui virtute dux consequenti tempore sæpe Mauris molestus & grauis exitit; aliquando ad ipsas Marroccii urbis portas prouectus maiori aliquanto audacia quam fructu, facinus quod laudarent multi, cautiore accusarent. Sic sunt hominum tum facta tum iudicia. Pari studio in opere versabantur Ioannes Coutignus Arcillæ Præfectus pro patre Vasco Coutigno Borbæ Comite: Item Petrus Sofa cui Azamoris credita custodia erat. Duces apprimè pugnae Lusitaniæ ditionis fines & laudem gentis extendere in Africa non cessabant, latissima prouincia in multa diuisa imperia nulla imperantium concordia, eoque prona in exitium, neque par Hispaniæ futura, si pace Principes facta iunctisque viribus in eam curam incumberent impiæ gentis extirpandæ.



*Libri vigesimi noni Finis.*



IO. MARIANÆ HISPANI  
E SOCIETATE IESV,  
HISTORIÆ DE REBVS  
HISPANIÆ,  
LIBER XXX.

*Quidam Cardinales ab auctoritate Pontificis discesserunt.*

CAPVT I.



No ferme tempore Ferdinandus Rex solutis Montione Aragoniis conuentibus per Cæsaraugustā sese in Castellam retulit, & Iulius Pontifex Roma digressus Bononiam festinauit Galliæ Cisalpinæ urbem primariam vterq; re necessaria. Regi deliberatum erat Castellæ conuentibus interesse, ad quos per edictum Madritum gētem antea euocarat. Maior tamen cura belli Africani suberat: quo se iturum videri voluit acceptæ vtiq; ad Menyngem insulam cladis in vindictam inflammatus. Bellum Italicum animo porro & cogitatione versabat: quo singuli Principes vocabant eius opem flagitantes certa victoriæ spe in quamcumque se partem dedisset præcipua auctoritate par opibus. Vni se respública to-

tam tradiderat temporib. coacta & intestinis dissidiis, quam late Christianorum nomen patebat. Pontifex Bononia, quo Septembris fine peruenit in bellum Ferrariense maiori conatu incumbere destinabat: in quo Urbini Dux copiis Pōtificiis Præfectus parum eatenus promouerat. Hostis & suo apparatu diligentiaq; confusus, & Galliæ opib. superbus & contumax, Pontificios vrgendo coegerat, sese prope Mutinam munitis castris tenere. Spe aliquantum sustentare posse, metus amplior. Madriti Ferdinandus pridie Nonas Octobris coram Cæsaris & Caroli Principis legatis atq; Pontificis Nuncio, vti Blesis in fœdere sancitum erat, cōceptis verbis Castellæ commoda pro eo ac par erat, procuratorisq; munus exigebat, curaturū se iurauit. De Pontifice & gallo cura anxius, qua ratione vtriq; satisfaceret sine alterius offensione mediā personam sustinere statuit. Ita Fabricio Colūne mandat vt ē Neapolitano equitatu trecentos grauis armaturæ equites ad Pontificias copias adiungat, cum eo tamen ne Gallicis finib. inferatur bellum, contra Ferrariensem iuuare satis habeat. Ea ope quāuis necessario præstita quippe debita Neapolitani regni causa & iure, ne Gallus offēderetur, quasi exæquata lāce Villamarino maris Italici Præfecto cura data vndecim triremes recens à Nauarro ex Africa missas in Ligurię oram ducendi, eoq; præsidio Genuenses ciues frænandi, ne Gallici imperii iugum excuterent: q; moliri videbantur. Termenstinus Veronæ agebat cum quadringentis equitib. eius curæ cōmissis, Hispani Regis stipendio Cæsaris ex commodo bellum gerēs. Eam urbem positis iuxta castris acri conatu impugnantes Venetorum copias numerosas quamuis & validas soluta obsidione in pacata sese referre tum præsidii virtus compulit, tū Caroli Amboesæ cum quadringentis cataphractis obsessis opitulatum festinantis metus, ne à tergo & à fronte circūuenti pares vtriusq; nō essent. Maior aliunde atq; atrocior tēpestas extitit. In discessu Pontifex Romæ Cardinalib. edixerat se vt cuncti sequerētur nulla excusatione accepta. Eorum quidam ingenii Pontificii asperitate offensi, an consiliis occulte cum Gallo comunicatis, atque in rerum nouarum studium incitati Neapolim abire cogitarunt. Appellatus de ea re Prorex Cardinales finib. accipere detrectauit molitiones fortassis odoratus. Sic mutato consilio & re necessaria Florētiam processere. In ea vrbe Bernardini Carualii tentata valetudo ipsi & sociis subsistendi opportunam occasionem præbuit. Nō cessabat tamen Pōtifex vt ad se cōtinuo venirent, in dies flagitare, ipsa flagitationis importunitate suspectior, subesse profecto fraudē aut consilia vulgata. Eo metu alias ex aliis nexas moræ causas excusare, quē cursū cōmotæ res habiturq; essent expectātes. Nā quo tēpore Pōtifex



Bononiæ erat, eius copiæ Mutinæ, magnus Galliæ Magister facinus aggressus est magis ad nominis famam celebre, quam ad laudem. Cum quadringentis equitibus, quos Veronam duxerat, ea soluta obsidione, flexo repente itinere adiunctisq; aliis ducentis equitibus, qui Rubiæ erant, Bononiam improvisus accessit urbem occupare satagens. Vi-  
res conatui impares Bentiuoli ex ea vrbe profugi subleuabant expeditionis comites atq; factionis opibus polliciti continuo venienti portas patefactum iri. spei euentus non respondit. Pontifici tamen & Cardinalibus vt in tali periculo, ingentem metum incussum opportunus Fabricii Columnæ aduentus depulit, ciues in officio confirmavit, Gallorumque spiritus fregit penitus: atque ita vt obsidione soluta retro cōtinuo redierint. Ab-  
euntes & trepidos virgere Fabricius noluit in tergis hærens memor regii mandati, Gal-  
los non esse laceßendos, neque eorum conatus ad gratiam cuiusquam vindicandos. No-  
uæ subinde spes, fœdi conatus exceperere, vix priori metu sedato. grauis repente morb. in  
ea vrbe Pontificem inuasit. Sanitate à medicis desperata turpi Patres ambitu prehenfare inter se, nulla decoris memoria nulla probitatis & modestiæ, præ cupiditate assequen-  
di q; animis destinarant, summum honoris fastigium. Recreata Pontifex valetudine in-  
dicatas molitiones agere, pro eo ac par erat, tulit. quin Patres ad se ad quartum Idus eius  
mensis euocatos graui increpatione castigauit. Se superstite de successore agitasse. di-  
gnum vindicta commississe facinus. Et sunt inuisi suspectique dominantibus qui succe-  
dendi spem importuno tempore præsumunt. In posterum ergo se uero edicto simoniaca  
labes coercita in electione Pontificum: q; edictum initio pontificatus perscriptum eate-  
nus promulgare varias ob causas distulerat. De Patribus cura crescere, qui ad Florētiam  
substitierant, neque iussis obtemperare voluerant. monstri simile aliquid profecto versa-  
re animo neque cessaturos priusquam orbis Christiani pacem turbarent. Itaque, q; ipsi  
expetierant, facile dabat, vt Neapolim migrarent in metu benignus & placidus. Recusa-  
runt illi vltius progressi, quam vt reuocare gradum facile esset. Duo quin etiam ex eo  
numero Bernardinus & Cosentinus Ticinum abiire certa sententia generalem Episco-  
porum conuentum indicendi. Insolēti facto species obiecta honesta scilicet ecclesiæ mo-  
ribus, qui nimium prolapsi erant, castigandi acriori censura, ipsoque Pontifice si opus es-  
set abdicando non minori præsidio opus esse. Præclari quidem conatus, ratio præposte-  
ra magnisq; incommodis obnoxia Gallus & Cæsar iis se consiliis miscuere paucorum te-  
meritas patroni Ferdinando etiam Rege tentato si posset in eam fraudem induci. Blesis  
sane nouo Cæsarem inter & Gallum fœdere per idem tempus constituto opera Matthæi  
Langi Gursensis Episcopi, qui Cæsari a secretis erat graciosus & familiaris, accessit etiam  
in partem Cabanillas Ferdinandi legatus, sed cum mandatis, ne quid in Pontificis digni-  
tatem decerni pateretur. Parum tamen ea cautione præstitum est. Inter cætera eius fœ-  
deris capita, expressum debere quidem reliquos socios virib. iuuare Cæsarem dum di-  
tionis Venetæ partem sui iuris, obtineret armis: sic Cameracensi in fœdere præscriptum  
fuisse. hætenus non male. Additum tamen vt Pōtifex iure potius quam armis cum Fer-  
rariēsi disceptaret. Si parere salutaria monentibus obtestantibusq; recusaret, à Cæsare in  
germania eius nationis Episcoporum cōuentus agerentur nationales, idemq; in Aragonia  
& Castella fieret ad ea constituenda q; paulo ante gallicana ecclesia sanxerat Aureliæ pri-  
mum deinde ad Turones conuentu gentis habito. Miseram temporum labem à profanis  
Christi Vicario leges imperandi præscribi. In vno peccato quot & quanta extitere pec-  
cata? sed præcipua capita erant, quibus pontificatus propemodum redigebatur in ordi-  
nem vt Gallici sacerdotes, ne exceptis quidem Cardinalibus aut in Pontificis familiam  
adscriptas suas singuli ecclesias regerent, in Galliam reduces. Si repugnarent intercepti  
annui redditus in templorum alios vsus & commoda verterentur. Exitiale decretum ec-  
clesiæ paci inimicum, dissidiorum fons. Pontifici vsq; adeo graue, vt diris & anathemate  
detestatus fuerit, quicumq; impio decreto obtēperassent. Ac nominatim magnum Gal-  
liæ Magistrum atque Triuultium cæterosq; duces Gallica in Italia stipendia facientes, ad  
hæc quicumq; ecclesiæ Gallicanæ conuentibus interessent. Ne Ferdinando quidē Regi,  
Blesis recens ictum fœdus placuit: neque Gallicanæ ecclesiæ damnatum exemplum, ne  
importuni quidem Cardinalium conatus. Ac potius Cæsarem pro necessitudinis iure ab  
ea mente deductum Pontifici conciliare & cum Venetis in pace ponere tentauit. Quo  
tēpore de Ioanna Neapolitana Regina Carolo Sabaudoduci iungenda actum est. Ferdi-  
nandus Regiæ auunculus coniugii conciliator præcipuus ducentis aureorum millib. in  
puellæ dotem cultumq; designatis. Ita quasi re confecta se illam Sabaudie Ducem dixisse  
huius temporis tabulæ indicio sunt. Neque tamē id coniugium coaluit, qua causa incer-  
tum suspicor Regiæ ætatem displicuisse annis prouectæ: ac consequentib. certe annis  
Beatricem



Beatricem Lusitani Regis filiam Carolo iunctam constat. Neapoli anni fine tumultus ex-  
 titere plebe ad arma consternata offensaue vehementer aduersus Inquisitores qui mo-  
 re ex Hispania translato caperant in ea vrbe iudicia de religione exercere, maiori scieri-  
 tate quam mores gentis reciperent. Ierant Andreas Palacius Inquisitor, & illi adiunctus  
 Archiepiscopi Vicarius. Malo commotos populares frænare non licebat. Sæuiente indi-  
 ces motu Prorex per edictum Iudæos omnes quique ex ea gente Christianis sacris abdic-  
 tis ex Hispania non ita pridem venerant, quorum erat magnus numerus, eius regni fini-  
 bus arcuit. Exilio parando proximus mensis Martius designatus. Ea colluione pulsa ci-  
 uium ac vero totius prouinciæ in veræ religionis constantia & animorū pietate satis per-  
 10 specta Inquisitionis & rem & nomen minus videri necessaria: proinde cessare & amoue-  
 ri sancitum. Et utiq; periti sæpe naucleri sæuientis pelagi fluctibus quandoq; obniti non  
 audent, ventorum violentiæ cediunt. Pontifex ipse, cuius maxime dignitati Inquisitores  
 feruiunt, ne incommodo tempore eo constituto tribunali turbarent tranquillitatē gen-  
 tis, auctor erat. Sic populus conquieuit.

*A Gallis Bononia occupatur.* CAPVT II.

**C**allus Rex Ferdinandum suspectum habere caperat, ne Pontificis partes subleuaret  
 cum eo nouo fœdere facto. Heluetiis magno numero Pontificis auro cōductis ne in  
 Mediolanenses fines bellum verteretur, porro metuebat. Ea cura Pontificē placare con-  
 stituit sibiq; adiungere interprete atque annitente Francisco Alidosio Ticinensi Cardi-  
 20 nali, qui multum apud eum gratia & auctoritate poterat. In bellum Turcicum equitum  
 peditumq; validis copiis oblati, Ferrariensem præterea pollebatur redditurū Pontifici  
 Centū Plebemq; agri Bononiensis oppida; annuaq; quatuor aureorū millia repræsentatu-  
 rum vectigal pendi antea solitum. ceterum quo ab Alexandro Pontifice fuerat liberatus,  
 eaq; oppida acceperat, dotis nomine vtrumq; cū vxore Lucretia Borgia. Adiecit decessu  
 rum omnibus oppidis, quæcumq; in Flaminia obtinebat. Honestæ conditiones, nisi Pon-  
 tifex animo speque vniuersam Ferrariensis ditionem cōplexus esset. Obfirmatur animus  
 quem ingens spes percellit. Mutina occupata Rhegium Lepidi & Rubieram haud lon-  
 ginquā oppida adicere cogitabat propediem. Pontificis conatus grauis Cæsari extitit Mu-  
 tinam & illi contributa oppida imperii beneficiū Ferrariensi datum quasi stipendiario de-  
 30 trahi se incio, ne dum auctore. Monuit ne vltius progrediretur, ac Mutinā potius sibi  
 redderet. alioqui iniuriam curæ fore. Monuit ea denunciatio Pontificem facileq; addu-  
 cebatur Mutinā Cæsari dare, sed cum eo si retineret sibi, certe ne eā Ferrariensi traderet,  
 multo minus Regi gallo. Ferdinandum belli Africani cura imprimis sollicitabat: neque  
 Italiæ motus negligebat quasi ex specula in omnes dispiciens partes. Ita Termestino quo-  
 niam Cæsare absente, nullos idoneo exercitu parum ad Veronam proficiebatur, vt Nea-  
 polim rediret cum suis equitibus mandat. Fecit ille q; iussu erat, ex itinere a Pontifice  
 quem ad Bononiam inuisit, benigne acceptus cultusq;. Madrito Rex reb. aliis omnibus  
 prætermiſſis Hispalim abiit ineūte salutis anno mill. quingentesi. vndecimo in apparatus  
 plane Africanos intentus. Cladē ad Menyngem acceptam vindicare destinatē nouum  
 40 præterea incommodum amplius irritarat, Vilanello tribuno ad Querquensiam it. sulam  
 cum quadringentis militibus, qui aquatum egressi erant, obtruncato a Mauris: qui no-  
 tis silentio & tenebris tecti inopinantes & somno sepultos oppresserunt ipso Matthiæ A-  
 postoli festo die. Pontifex quoque media hyeme, quæ fuit præter morem sæuissima, bel-  
 lo Ferrariensem ditionem fatigabat. Et quoniam eius & Venetorum copiarum parum profi-  
 ciebant, vt erat ardens animus, mora omnis grauis, ipsemet nulla valetudinis memoria  
 Bononia digressus Mirandulam impugnatum abiit. In qua obsidione accidit vt Pontifi-  
 cis de belli ratione cum aliis Patribus deliberantis tentorium euerteret globus tormēto  
 ex arce eiacularus sed citra cuiusquam nōxam, eorum qui aderant Patrum. Rei gesta &  
 diuinæ indulgentiæ monumentum pila ipsa in templo Lauretano celeberrimo appensa ca-  
 50 pitis humani magnitudinem exæquans in hunc diem coram beatę Virginis signo visitur,  
 cui salutem acceptam Pontifex tulit. Intra id utique oppidum Ludouici Pici Comitissæ v-  
 xor viro defuncto verita animum Pontificis irati irritati periculo, & vt viribus par esset,  
 quamuis mœnibus armisque munita commeatuque instructa, id dedere tamen consti-  
 tuit. Ab eo initio obfirmato amplius Pontifex animo quasi certa victoria Bononiam i-  
 pse discessit, ad obsidendam tamen Ferrariam militem amandauit. Accessit Andreas Gri-  
 tus cum Venetorum auxiliis. Conatus inanis fuit. Ferrariensis validis copiis & omni bel-  
 lico apparatu instructus, atq; magno Galliæ Magistro cum equitatu, quem ad Veronam  
 habebat, se se ad Padi ripam ostentante, dimicandi decreto, si opus esset, effecit vt Ponti-  
 ficis se se necessario retro referrent vtriusque viribus impares futuri si ad manus ventum



esset. Eo depulso periculo Galli flexo itinere Rhegium abiire: vbi Gasto Fuxensis curare urbemque tueri iussus erat, præclara indole iuuenis regia nobilitate. Mutina ne eodem impetu caperetur, quamuis supremo à Gallis conatu impugnata Marci Antonii Columnæ virtute & diligentia factum est, eam urbem præsidio Pontificis nomine obtinentis quamuis deditam iam expetenti Cæsari auctore Ferdinando Rege. Pontifex quoniam priores conatus non successerant, denuo in ditionem Ferrariensis incurrere statuit. Rhauenna vrbs commoda visa est, per cuius fines Pontificiæ copiæ progredierentur, certiori (quippe mare proximum est) Venetæ classis ope, commeatu parato. Hoc consilio Bononia cum copiis rursus discessit. Euentus priori nihilo melior. Victi quin etiam Pontificii repulsi que, neque classis Veneta aduerso Pado in hosticū penetrare est ausa: 10 hostilibus tormentis in ripa eius fluminis dispositis memoria superioris temporis cautiore, ne insignis aliqua clades rursus acciperetur verebantur. Quo tempore Carolus Amboesæ Chaumontius regulus, magnus Galliæ Magister ex morbo Rhegii decessit ad tertium Idus Februarias. Mense proximo Pontifex Rhauennæ nouem creatis Cardinalibus senatum supplēuit. In eo numero Sedunensis Episcopus lectus est, natione Heluetius, tum Gursensis antistes à Cæsare tunc in Italiam legatus de controuersis, quæ illi cum Venetis, cum Gallo, & cum Pontifice erant. Vtrumque purpuræ honore dato promereri placuit, atque in partes traducere. In Chaumontii locum substitutus Triuultius militari prærogatiua, dū noua à Gallo venirēt mandata & sua spōte & Mirādulæ Comitissæ, quippe ex sorore natæ, iniuria prouocatus dolorē vindicare cōstituit. Præclara occasio se se dedit 20 Bononiā urbē occupādi discessu Pontificis præsidio vacuā, certe neq; valido neq; vigilantī munitā, ac potius in socordiam resoluta. Aduolauit cū milite Triuultius urbemq; nulla difficultate obtinuit. Vrbinate præsidii pro Pontifice Præfecto cum militib. ac reliquis ducibus raptim profecto quoniam in repentino metu parem se hosti præsertim à parte ciuium adiuto fore non putabat. Discessit etiam Ticinensis Cardinalis Rhauennamque abiit, vbi apud Pontificem patruū Vrbinate accusare acerrime nō dubitauit. Tantum gratia potest; quæ leui momento circumagitur apud Principes maxime. Eius culpa amissam Bononiā affirmare: ac vero consilia in Pontificem cōmunicasse cū Ferrariensi: cui ex arcano bene cupiebat, Eleonora vxore ex Isabella Ferrariensis sorore nata quæ Francisco Mantuano nupserat. Non latuit ea siue calumnia siue accusatio Vrbinate. Sic fert 30 aulæ consuetudo, vt nihil occultum esse patiat plena delatoribus. Inuidia eo nocentior quo magis ex occulto grassatur. Ergo in vindictam præceps die quodam in Cardinalem ad Pontificem euntem, quamuis multis affecis atque in iis aliquot centurionibus stipatum, in platea cum armatis irruit, adactoque in viscera gladio peremit. Quid Pontificis beneuolētia profuit: quid purpuræ sacræ pares opes? Insignis audacia, sed tanti iracundia fuit. Ne impii partidii pænas daret, patruus Pontifex valuit: neque defuere sermones existimantium, vt sunt hominum varia iudicia, prona in deterius hominum persuasio, id facinus conscio profecto, atque auctore Pontifice fuisse factum, simulata fuga compositam inter duos atque peractam fabulam.

*Ab aliquot Cardinalibus Episcopi ad concilium euocati. CAP. III.*

**S**Vperioribus comitiis pontificiis clausi intra cōclauē Patres consensu pro se quisq; sacramento sunt polliciti, quicumq; eorū esset Pontifex renunciatus intra bienniu Episcoporum è toto orbe conuentū habiturū: si falleret graui caput suū obtestatiōe deuinciēs. Sanandis reip. malis aut eam aut nullam spem superesse. Ab vniuerso ope expetitur remedium quid amplius morarentur? piorum vota diutius quid frustrari sinerent? Cōfectis suffragiis Iulius pontificatum adeptus, promissi immemor præsentī potentia viuorum odium restingui posteritatisque inuidiam existimabat præceps in consiliis & rapidus. Ne Constantiense quidem & Basiliense decretū tanti fuit quolibet decennio ea haberi concilia mandans, graui multa proposita, si quis saluberrimæ institutioni morā afferret. Accessere noua & multa dedecora romanæ curiæ & aulæ pōtificiæ Alexādro p̄sertim & Iulio Pontificib. rerū Romæ porientibus, q̄ p̄sens ætas accusaret & annaliū scriptores nobis vituperandum traderent. Pudet tēporis & fœditatis. Pleriq; modestia & probitate cōspiciui tātis malis finē remediumq; optabāt. Medicinā facere quī posset desperata ferme sanitate? peccādi cōsuetudo in morē trāsierat. metu omni pudoreq; sublato maiora nequitia præmia q̄ probitas & virt<sup>o</sup> habuit. Miseram temporum conditionē. Et est morbi grauis simus, qui diffunditur à capite. Ad eam indignationem vota que multorum, adiuncta Cæsaris & Galli à Pontifice alienatio occasionem præbuit duobus Cardinalibus, qui Ticinum



cinum se contulerant, in partes attracto Narbonensi itē Cardinali, ut suo & sex aliorum Patrum nomine Episcopos ad generale conciliū euocarent. Ad terrendos Pontifices coercedamq; Romanam licentiam ea via inuenta erat magnis alioqui incommodis obnoxia: quod semper accusabitur, & saepe recurret tamen. Et est nihil tam validum cui non sit periculum à multitudine, si in cœtus coire permittatur. Itaque Mediolani, quo Ticino abierunt, in eam rem edicta euulgarunt in ipso belli Ferrariensis ardore; quib. causas explicarunt, cur iure Christiano liceret, ac vero necessariū videretur, ad illud extremum atque vltimum decurrere, ut conuentus generales agitare curarent. Argumenta deesse qui poterant & causæ in tanta eius seculi prauitate tam corruptis moribus tum plebis tum

10 ordinis sacriati? Accessere Parisiensis Episcopus aliiq; excitati ad edictum ex Gallia Præsules. Legati à Cæsare Hieronymus Nogarolus Comes & alii duo viri primarii à Gallo Rege totidem, qui suorum Principum nomine turbidos conatus adiuuarent. Ab his nouo exemplo edicta porro euulgata sunt: quibus Cæsaribus & Gallis Regibus ecclesiæ Romanæ dignitatem curæ semper fuisse explicarunt. Malorum ad tyrannidē vindicandam ac publicam totius orbis ex eo fonte offensionem amouendam, remediū salutare exco-  
gitalse Episcoporum ex toto orbe conuentum. In his omnib. edictis cōcilio vrbs Pisæ designata & Sept. Kalen. quo loco & tempore cuncti Episcopi præsto essent. Ac Cæsari qui dem alia omnia placebant. Italiam tantum Germania mutabat, Constantia nominatim prælata, Pisis vrbi longinquæ, neq; tranquillæ satis, rerum indigæ, quippe bello superiori,

20 quod diu cum Florentinis de libertate & imperio gessit, exhaustæ. His rebus cognitis Ferdinandus Rex Catholicus alienum se ab iis molitionibus ostendit, eo maiori studio, q. in edictis in eam voluntatem, ipsum conspirasse significabatur. Cum Cæsare quin etiā agit, ut eo conatu desisteret. superioris tēporis calamitatum exempla & vulnera recentia vix cicatrice obducta satis indicare, ea consilia conatusq; præposteros infelicitate cadere. Qui res nouari cupiunt, & imperia mutari, quid aliud quam sibi & aliis exitiū parant? Quid ea ratione eoq; itinere quæri, q. dissidiorum & tetri schismatis materiam? Præterea Cabanilla suo in Gallia legato mandauit, blandis quidem verbis testato tamen Gallum Regem moneret, uti Bononiam cum subiecto agro Pontifici restitueret: neq; pateretur alia Pontificiæ ditionis oppida à suis occupari, ac multo minus ecclesiæ pacem turbari consilio

30 conuocato: si secus faxit, ne quid propterea resp. detrimenti capiat, curæ fore. Excusauit Gallus à Pontifice motam fœderis fidem neque pactis eum conditionibus steterisse. Bello rum euentus esse varios, victoriam cælo dari auferriq;: cuius voluntati nullus præscriberet. Pacem non recusare tamen modo æquam honestamq;: sin bellum malent, neq; id timere. Ac nominatim petebat Cameracensis fœderis conditionibus stari. Cardinales, qui à Pontifice discesserant in pristinum dignitatis gradū redire. Mantuano summo Veneti exercitus ductori iurisiurandi gratiam fieri, qua se religione in eam militiā obstrinxerat, restituto etiam filio, qui obsidis loco pro patre penes Pontificem detinebatur. Ferrariensi veniā & pacem esse abrogatis sententiis, quæ in eum fuerant pronunciata, neque propterea tamē oppidis decederet, quæ vltra Padū obtinebat, ne Cæto quidē & Plebe, quando dotis nomine erant data, uti paulo ante dictum est. Hæc ipsa Cæsar etiam per legatos

40 flagitare. Quæ omnia grauius Pontifex iudicabat, & ut erat erecto animo, nō ferebat à subditis ut obtemperarent, imperandi leges dici. Ferdinandus nulla spe reliqua instantibus futurisque malis auctoritate medendi, dolensq; salutaria ipsius præcepta respui, vim adhibere ac metum statuit. Ita deposita media persona palam ad Pontificem transiit tanto studio eius dignitatem ab iniuria tuendi, ut Africano bello neglecto, quo ire cogitarat, in vnā belli Italici curā toto pectore incumberet. Eoq; mille sagittarios persoluto tamen stipendio dimisit, qui Gadeis peruenerant Iunio mense ab Anglo genero missi in bellum Africanum auxiliares. Ad hæc cum eo Rege sanxit, ut nisi Gallus Bononiam restitueret Pontifici, neque à conatu conciliū agitando desisteret, ac potius finibus Hispaniæ arma inferret, Ferdinādus dū bello Italico districtus esset, occuparet ipse conatus, atq; ne nocere posset bello Aquitaniam implicaret. His reb. cōstitutis Hispali Rex Burgos est profectus. Vtū ad Guadalupeum fanum loci religione ac præsertim Virginis matris numine celeberrimum. Ex eo loco Petro Nauarro mandauit, ut cum copiis eius curæ concreditis Neapolim actutum nauigaret, vbi Cardonius belli Africani specie instructas paratasque habebat lectissimas equitū turmas ex vniuersa ditione in vnū collatas. Sancitū præterea ut Tripolis nuper de Mauris capta Siciliæ contributa esset propter locorum vicinitatem auxilio atq; com meatu faciliiori. Ad eam quoq; urbem tuendā cū idonea classe missus ex Hispania est Iacobus Requesenius Diegho Veræ successor. Cuius opera Rex in bello Italico uti cogitabat tormentorum cura restituta propter insignem collimandi, ac vniuersi



tormentarii apparatus & fabricationis scientiam. Non diu Requesenius Tripoli substitit, nempe militari tumultu in ea vrbe forte cōcitato, Prorex Siciliæ eo profectus motu composito, iisque militibus cum duce in Siciliam abductis Tripolis præsidio Guillelmū fratrem maioriq; ex eo auctoritate ad frānandos milites, in eius locū Præfectū, vrbiq; rectorem dedit.

*Nouum à Pontifice conciliū Lateranum conuocatur.* CAP. IIII.

**C**Vpiebat Ferdinandus Cæsarem ab amicitia galli Regis distrahere eius rationibus & nominis existimationi parum consentanea. In eam rem & vt Catanēsi Episcopo succederet, Petrus Vrra legat' est cum mādatis Venetos Cæsari cōciliare facto fœdere curaret, Cæsare Pōtifici. Ingenio Cæsar mobili & vario, vt in reliqua ætate nō satis statuebat animo, quid facto opus esset, in q̄ se daret partem anxius. Inter multiplices tamen cogitationes fluctuātī visum est, Gursensem quidē ad Pontificē legare, si eius opera cōtrouersia inter ipsos facta pace cōponerentur, ad Venetos Petrum Vrrā, vt sancito cū vrbe fœdere discederetur ab armis Venetorum nomine Pōtifex dabat vt Cæsar Veronam & Vicentiā ditione stabili retineret, aliqua Venetis cederet de iis capta quasi beneficiariis imperii, ducēta & quinquaginta auri millia numeraturis pro ea cōcessione, annuaq; adeo triginta millia. Cætera cum iis cōtrouersia ipsius & Ferdinādi Regis arbitrio finirentur. Honestissimæ conditiones: sed quas Gursensis vasto animo maiora cōplexus repudiavit immemor scilicet rerū humanarū varietatis & inconstantia præsentī potētia inflatus. Ne Petrus quidē Vrra quidquam apud Venetos Patres profecit erectos quippe in spē, vt res se dabant, breui Italia turbata ex aliena calamitate respiraturos. Ex longo rerum vſu haud inane vaticinium extitisse breui euētus cōprobauit. A Ferdinando Rege Cæsar & Margarita importuna efflagitatione expetebāt, virib. & pecunia iuuaret ad bellū defendendū q; Gheldriæ Dux Gallico patrociniō cōfusus Belgicis finib. inferre pergebat porro, molestus imprimis & grauis. Verum id incōmodum tanti non erat Hispano p̄ cura atq; studio rerū Italicarū. ne Cæsari quidem vsq; adeo, ne contra Gheldriæ Ducē motis armis in calli offensionē incurreret ad priores necessitudines specie religionis, tūc qua nihil fallacius magis q̄ antea amicitia deuincti. Ætate iā adulta ea moles rerū mouebatur. Quo tēpore ad oriētis solis extremas oras Lusitanica arma prosperū cursum tenebant; atq; ita nihil vt amplius desiderari posset. Cognouerat Emanuel Rex annis superiorib. vltra Goā vltraq; Calecutiū Malacā esse forum rerum venalium cum primis totius Indiæ nobile: vbi & incolere & mercari cōsueuerant ex omnib. nationib. innumeri mortales. Maris vicinitas & multarum circa gentium, quarum ad fines iacet, mutui vſus dedere celebritatem. Diegho Lupo Siqueiræ, ante annos Olisipone soluerat, negocium datum ea vrbe obita, visa explorataque Regi suo renunciandi. Fecit ille quod iussum erat, in reliquo comitatu Garſia Sofa & Fernando Magallane prosequentibus ad Somatram prius appulit insulam ex aduersum Malacā equatori subiectam, latam spatiis in multa imperia diductam à Mahumetanis & inani gentium superstitione detentis hominibus cultam per partes, pingue solum bifero triferoque singulis annis prouentu. Cum ea gente instituto commercio iunctaque amicitia, Malacā haud procul distitam cognouit, olim Siami Regi subditam tunc peculiari Regi seruientem nomine Mahomadi. Siqueira vbi traiecit, cum eo Rege pace facta, atq; fœdere sancito per conditiones Rodericum Aracium cum Lusitanorum numero intra urbem designatis ædibus habitare voluit, vtriusque gentis commercio id commodum fore ratus. Mahumetanus & suo ingenio suspicax, & à Lusitanis mali aliquid imminere arbitratus, naues occupare conatur. Ea spe irrita Lusitanos, qui in vrbe erant, nihil minus cogitantes in ferrum; & vincula rapit. Et est leuissimum genus hominum seruituti natum, ad omnem auram spei mobilis infidaque gens. longum erat iniuriam vindicare, neque vires idoneæ conatui in frequenti ciuitate, inimicis multis, Rege infenso. Ita dux Lusitanus cum mercibus, quas potuit auhere Cocinum retro nauigās, inde in Lusitaniam ire perrexit. Alburquerqueius iam rerum Lusitanarum cura suscepta rei indignitate commotus collata in vnum classe iniuriam vleisci constituit, ne neglecta animos cæteris barbaris faceret. Goa profectus, atque in Somatræ vicinæ portum inuectus Malacā tandem appulit. In eo itinere obuiam nauim cepit: in quam transgressi Lusitani, quasi certa victoria, ingenti repente flamma excitata territi conatu destiterunt. Inanem fuisse metum deinde ex captiuis cognitum: ac innoxiam flām artificio quodam ad terrorem à barbaris excitari. Paulo post in nauim alteram inuecti eam ceperunt, tametsi Mahumetanus quidā Nahodabeguiā Lusitano nomini maxime infensus, ac Regi Malacitano capiēdi Lusitanos præcipuus auctor, venia desperata si captus esset, enixe nauim est tutatus, donec multis cōfossus vulnerib. tādē occubuit. Miraculo res cōparanda; tot acceptis vulnerib. nullū tamē effundi sanguinē. Verū spoliato corpore atq; in reliquo



quo conatu detracta armilla vno impetu sanguinis riui quasi amoto obice per oēs partes latissime effluxere. Causam suscitati intellexere in ea armilla vinctum lapidem admirandæ potestatis sistendi sanguinis, in Siam regno ex animantib. erui; quas Cabrisias vulgo vocant, an commentum est, rumore certe res maior facta. Peruenere Lusitani Malacā Iulii Kal. Cum ciuib. enixe pro extrema spe dimicantib. varia extitere certamina. Vrbs tādē nobilis capta & ad Lusitanorum imperium adiuncta, patriam superstitionē vera religionē mutauit. Sic Christianæ religionis cultus & nomen ad extremos orbis fines proferebatur. In Italia Pontificia maiestas diuinæ proxima nutare videbatur terri schismatis metu, q; nisi exorata numina auerterent, importuni conatus profecto minabātur. Ea cura Pontifex anxius omisso bello Romam redire constituit: si posset ingenii dexteritate vrgētem tempestatem sedare. Cogitationem in omnes partes versanti fore optimū visum est, præposteris inimicorum molitiones occupare, temporis cedere. Ita ad quintum decimū Kal. Augusti edicto promulgato, Episcopos toto orbe, quiq; more maiorum cōcilio interesse deberent, ad generales conuentus. Lateranum euocauit auspicandos instituendosq; anno proximo tertio decimo Kal. Maii. Infanum quantum ea denunciatio aduersariorum spiritus fregit, causam debilitauit. Supra bonum atq; honestum perculsus tamen Pōtifex parum à procacib. verbis temperabat, alioqui ardenti ingenio in iracundiam procliuius. In eo conuentu Galliæ Reginam non iustam eius Regis vxorem esse pronuntiandū minari. Aquitanos & Nortmannos iniuria occupatos sacramenti religionē exoluendos, quo Gallo fidem obstrinxerant, & ad Anglicum imperium restituendos. Hæc omnia qua ad dolorem vliscendum pertinebant, qua ad Gallum terrendum frænandūq;. Verum ira quæ tegitur nocet, professa vim perdit. Gallus quidem eo proposito metu æquiorē se concordie sciendæ præbere, velleq; adeo cum Venetis pacisci modo darent ipsi, quæ Cæsari erant oblata. Non diu tamen in eo perstitit; aliud atq; aliud subiiciente animo. cōcilio Pisano fauere vt cæperat, consultius fore visum est: q; Cæsar nouo conatu Veronam aut Tridentum transferebat. Neutro Gallus eius machinationis architectus præcipuus actionum moderator & arbiter, quod Veronæ graui cælo grassarentur morbi; Tridentū exigua ciuitas esset; neq; idonea tantæ multitudini, quantam conuenturam existimabāt. Ac potius Cardinalib. auctor erat, vti quam primum moras rumperent, actiones concilii inchoarent, neq; amplius suspensum orbem tenerent. Florentinis etiā suasit, vti Pisas vrbe, dum conuentus essent Cardinalium potestati permitterent, quo maior esset auctoritas. Cautiores illi vrbi neq; validæ neq; frequenti salutem permittere detrectabant, nisi Galli & Cæsaris legati prius conuenirent, idoneusq; ex vtraq; gente Episcoporum numerus, communi multorum periculo fore se tutiores rati. Neq; interim tamen de concordia appellati audire recusabant, modo tuto liceret ad Pōtificem redire idoneo loco attributo, in quem sese reciperent fide Pontificis tuti. Hæc omnia ludus erant, & in cōmuni causa præuaricatio tēpore extrahendo dum inchoata stabilirent: an quemcumq; cursum res tenerent ad vtrosq; receptum parantes. Romæ quidem instituta in eos cognitione cōtestataq; atq; perrogata causa quatuor ex eo numero Cardinales pronuntiata sententia sacerdotiis omnib. & purpura sunt spoliati Caruaialius, Cosentinus, Santhalus, atq; Baius. Idem de Sanseuerino & Labrito locis coniturationis vt statueretur, maturum nō erat, & iam tamen temptis appropinquabat. Intercessere huic decreto initio maior collegii pars. Quidam etiā factiosos Cardinales excusant: Nihil eos aduersus leges cōmisisse conuentus vt haberētur expetentes ad castigandos mores sciendam disciplinam vetērem tum in membris tum in capite: Neq; deerant sermones increpantium, Pontificem tum ob sacramenti suscepti religionem motam, tum eo conatu impedito posse iure clauium interdici, iuxta decreta Basiliensia sessione vndecimā promulgata.

*Fœdus à Ferdinando cum Pontifice & Venetis factum.* CAP. V.

**M**agna contentione de armorum societate Pontificem inter & Ferdinādum regem agebatur. Ventum ad conditiones. Rex pecunia in stipendiū iuuari expetebat. Graue Pōtifici videbatur spe incerta euentus, nudari eo tuēdæ dignitatis præsidio certissimo. Ea anxius cura nonnunquam ad Gallicum fœdus reuocare animū æquis propositis conditionib. Id quoniā ex animi sentētia nō successit, necessario ad Hispanū præsidium recurrit quippe certius atq; fide magis stabili. Ita re propemodum cōstituta Ferdinādus magnam exercitus partem in Africam parati, Neapolim actutum ire mandauit. Ergo quingēti cataphracti, velites sexcēti, pedites duo millia Malacæ ē portu in Italiā soluerunt. Peditū cura Zamudio tribuno demandata est: omnib. copiis præfectus Alfonsus Caruaialius Xodaris dominus, ad hunc militaris imperiū summa redibat dum Neapolim accessissent. Africani belli ad fallendū hostē species obiecta. Male cohærens cōmentum dissimulari qui posset?



quando ipso tēpore, quo ii milites discessere Malaca Augusti certe principio, Petrus Nauarrus vti iussum erat, Neapolim detulerat mille quingētos milites squalidā quamuis & pannosam aciem sed bellis Africanis tamen exercitos & superiorem eladium reliquias. Apparatu belli districtis omnibus, nonidum mouebātur arma. Arte seu ex animo Gallus minorem filiam Ferdinādo infanti vxorem obtulit, id si coiret coniugium decessurum se regni Neapolitani virib. Non abnuebat Ferdinandus oblatam vltro conditionē: sed cum eo si Bononiam Pontifici restitueret moram paci non facturum. Eam summam votorum esse. Excusauit Gallus rationes deesse, qui poterant possidenti, tenentiq; arma? His molitionibus extrahebatur tempus neq; belli initium erat, appetebat tamē omniū, quæ erant gesta grauissimi. Gallus cum Bentiuolis inito fædere urbem Bononiam eamq; familiam<sup>10</sup> in clientelam accepit. Gastoni quin etiam Fuxēsi Namursio duci, quē Mediolano præfecerat, bello Italico ducem summum vt in eius vrbis præsidium mitteret quadringentos equites gratis armaturæ mādauit, si res exigerent, ipse cum omnib. copiis iisdē vestigiis subsequeretur. eā omnino urbē ab iniuria tueretur, retineret impio. E cōtrario ab Anglo ea causa in Galliā legatū ei; adiunctus Cabanillas Ferdinādi orator Gallum contestati sunt palā, vt Bononiam Pontifici redderet. Si recusaret pontificiam dignitatē & opes suis Principib. curæ fore. Belli haud obscura denunciatione cōmotus animo Gallus destinātū sibi respondit Bononiam tueri, nō secus atq; Mediolanum; neq; terreri minis, moram bello non facere, cum vellēt experirentur. Accidit vt Pontifex ægrotaret salute ferme a medicis desperata. Cæsar quoq; mense Sept. Tridentū accesserat vnde Catanensis Epi-<sup>20</sup> scopus cōmeatu impetrato, se se retulit in Hispaniā. Vasto is Princeps animo Pōtificatum erat cōplexus Iulii obitu, an etiā eo superstitē. Sic fama tulit & annales testātur. Nō deerāt qui cupiditati fauerent vani assentatoresq; quales in aulis Principum multi viuunt. Præ cæteris Sanseuerinus Cardinalis ei assiduus non Pontificatum modo pollicebatur, sed & Neapolitanū impērium in partem accessurum, familiæ ope sed & totius Italiæ virib. odio nominis Hispani. Iret tantū, sui; in cōuentu Pisano copiam faceret, vbi cæteri factiosi Cardinales morabātur. Inanes molitiones, spēs vanæ, multumq; à Ferdinādi Regis rationib. & consiliis discrepantes. Ergo ad quartū Nonas Oct. societas tandē instituta est Hispanum inter Pontificē & Venetos, quam dixere sanctissimā Bononiam recuperandi de ereo ac reliquam Pontificiā ditionem. Præterea tuendi Pontificū dignitatem aduersus<sup>30</sup> factiosos Pisanumq; adeo consiliū. Legēs scriptæ, vt intra viginti dies ex quo fœdus euulgatum esset, Ferdinandus Rex mitteret in eā expeditionem mille & ducentos grauis armaturæ equites, velites mille, Hispanos pedites decē millia. Pontifex sexcentos cataphractos ductore Termestino. Ad eas copias à Venetis conscriptus exercitus adiungeretur: maris imperiū tueretur peculiaris Veneta classis cū vndecim regiis triremib. collata. In stipendiū regii exercitus Pontifex & Veneti singulis mensib. quadraginta auri millia numerarēt, dum bellū esset. Ac die quo fœdus euulgatū esset, duplicatam eam summam in duorū mensium stipendia. Vniuersi exercitus socialis imperator & ductor Regis nominatione præficeretur. Ita summā expeditionis Cardonio Neapolitano Proregi demādauit. Veneti in hoc fœdere quācumq; pecuniæ summā Neapolitanis Regib. ex Aragonia<sup>40</sup> gente, mutuā olim dedissent, missam facere contestati sunt in defunctos nulla recipiendi iam spe munifici. Cæsar societatis particeps esse noluit: expressum tamen in fœderis tabulis eo factā conscio, ac vero fauente Anglo. Pontifici graues cōditiones extitere ac molestæ, ac q; de pecunia sancitū est, grauissimū: re tamen necessaria consensit. Primum quia eo ex morbo decūbente nobilitas populusque Romanus arreptis armis tumultuati erāt. Urbana priuilegia in fringi, ipsos tyrannica seruitute opprimi, ac iustū singulos seruitium pati palā conquerebantur. Dein Florentinis Gallico nomine addictis verendū erat: ne is Rex Romā vsq; armatus nullo prohibēte procederet: ac vero Petri cathedræ Pōtificem cū vellet de manu daret. Quod præcipuū erat. Pisanus conuentus sollicitū habebat, ne q; fama vulgarat, eo deiecto, quasi iure suo neq; sine exēplo nouū Pontificem crearet; malo<sup>50</sup> rumq; superiorū elluuius recurreret. Ipso tēpore Dieghus Garfias Paredius notū periculis & vācordi audacia nomē, de quo supra memoratum est, cōfecto Neapolitano bello piraticā exercuisse: delicti venia desperata se ad Cæsarem trāstulerat bello Veneto nauaturus operā. In eo semel & iterū captus est prius ad Veronam Epirotas inter & Cæsareos tumultuario instituto certamine: deinde Vicentiæ ex morbo lecto affixus cū ad ius Venetorū ea vrbs rediit. Villamarinus maris Præfectus ex Hispania, quo iussus cum triremibus ierat, Neapolim se se retulit bello sociali & ipse destinatus dux classiarius. Berēgarius Olmius cum aliquot triremib. ad custodiā Granatēsis orę mansit in Hispania. Rodericus quoq; Basanius aliq; duces & milites lēbos piraticos, quos ad Tetuani fluminis ostium se recipere



se recipere cognitū erat, incensum ire pergebant. Cum nunciatū est Regē Phuthensem cum numerosis copiis septam ire obsessum. Accurrere vtriq; continuo ad præsidium. locorum vicinitas inuitauit, & studiū barbarum impugnādi, atq; in eo operā & industriam cunctis probandi. Septam vbi venere, Mauros Tingim processisse cognouere, q̄ urbem præsidio obtinebat Eduardus Menesius præcipua nobilitate Lusitanus pari virtute & industria. Spei aliquantū posse hostium impetū aliquādiu audacia sustentari, metus amplior ob exiguum defensorum numerum. Eo traiecere nostri sabbato ad quintū decimum Kal. Nou. Obsessos premi ab hoste inuenere, tormentis bellicis multos perēptos, quassatum murum late ruinā fecisse. In cuniculis maiori barbari spe propius urbē promouere  
10 castra ex propinquo quoq; acrius impugnaturi oppidum sub testudine parantes muri lapides vectib. conuellere. In ea angustia nouo auxilio confirmati obsessi à virtute petere præsidium constituunt. Fortes numina iuuant, ignauos destituunt. Ac primū Rodericus Bassanius & focii ex oppido egressi in quandā hostium stationē irruere eo impetu, quem illi nō tulerunt. Multis ē præcipuis casis cæteri deferuere locū. Successū dein læti Lusitani equites die proximo cum Mauris dimicatum processerunt. Leue certamē fuit, rari disperiq; pugnarunt nō acie instructa sed magno impetu procurentes, si premerentur cedere nō turpe rati. Sic est mos gētis Africanæ. cæterum Lusitani equites cum Mauris pugnare longo vsu edocti ea dexteritate pressere aduersarios, vt Barbarus amissā spe expugnandi oppidum soluta obsidione die tertio castra retro mouenda duxerit. Castellæ duces se & suos Heracleam retulere ē faucibus potentissimi hostis erepta ea vrbe subleuatis  
20 Lusitanis læti ouantesque bellicæ virtutis laudem Africanis spoliis potiorē existimantes.

## Bellum in Italia inchoatur. CAP. VI.

**P**rorex Neapolitanus copias in aciem producere, iterq; institutū arripere parabat. Cū peditib. Petrus Nauarrus Caietæ & vicinis locis tēdebat. Equitatus in procinctu erat, cunctiq; ad profectiōē expediti. Prosper Columna ire in eam expeditionē excusauit, in dignū ratus nisi se digna procuratione cōcredita signa aliena sequi. Contentione honoris suscepta magnæ sæpe in bello opportunitates corrumpuntur. Eo Fabricio Columnæ generalis in bello nomen & munus impositum est, ne & ipse patruelis exemplo militiā detestaret. Andreas quoque Caraffa Comes sanctæ Seuerinæ ire recusauit quamuis Gallico  
30 odio à maiorib. hereditario. Notatum præ cæteris promptiores maioriq; alacritate ad induenda arma proceres Andegauenses extitisse. Superiores offensas nouis officiis cōpensare destinabant, mutato domino non minorē quam antea fecissent, constantiā præstare. Ardentiores præ cæteris Bitonti Marchio Adriæ Ducis filius, Atelæ itē Marchio Amalfitani filius vnicus, Traiecti Dux, filii Comitū Matalonis & Aliani. Ne Bisinianus quidē sua gloria fraudandus; etsi tentata valetudine destitit. Certæ tamē voluntatis argumento quoniam bellum contra Gallum erat Sancti Michaelis torquem Gallicæ militiæ & amicitiae symbolum ad eum Regem remisit quasi renunciata fide & amicitia. Tantundem Amalfitanus, Adriēsis, & Matalonius præstitere. Nauarrus cū suis legionariis versus Pontecuruum signa mouit. Paulo post omnino postridie kalendas Nouembris cum Prorege  
40 Neapoli equites processere, splendido cultu & fulgentibus armis conspicua acies. Ipso tempore Cæsaris animus variis cogitationibus fluctuabat, curisq; sæpe inter se cōtrariis circumactus. Hinc à Cardinali Sanseuerino inani spe lætatur. Inde Petrus Vrrea si se cōfederatis Principib. adiungeret, causamq; susciperet, in qua salus publica vertebatur communib. armis sumptuq; pollicebatur Mediolani principatū, sed & Gheldriæ Ducem ne bello amplius lacefferet impugnatum iri. Hęc illi via magis placēbat quippe certior & tutior pro ingenio quamuis non satis quid factururus esset statuens. Ad fœdus Venetū reuocabat animū iis conditionib. quas Gursensi Pontifex antea obtulit. Optima videbantur quorū tempus effugerat. Sic solent homines inconstantes infelicesq;. Veneti. n. præter sociale exercitum, cui satis pfidebant, mille equites cataphractos suis stipēdiis alebant  
50 quib. alii ducenti accessere à Paulo Ballionio adducti suo delectu illorū stipendio supra tria millia equites expediti maiori ex parte Epirotæ: ad hæc nouē millia pedites. Sic res Venetorū erant virib. satis & cōsilio pollentes: Magna tamē contentione Hieronymi Visiquii pro Ferdinādo apud Pontificē legati, Cæsarem inter & Venetos induciē pactē sunt. Quæ etsi in præsenti ex vsu socialis belli nō fuerūt, neq; enim Venetorū copiæ ad reliquū exercitū, q̄ agebatur sese adiungere, in posterū tamen salutates imprimis extitere. Interea Gallus Rex nihil de sua cōparatione remittere ac Namursū diligēter monere q̄ primū v cū hoste decerneret ad eas copias, quas numerosas habebat, nouis ex Gallia supplemētis adiūctis validus. In Heluetiis etiā ingētes delectus habere statuit gentēq; ferocē adduce-  
re, ne Pōtificis patrociniū susceperet societatis cū hostib. virib. cōtra Cardinalis Sedunēsis



conatus & diligentia nouo purpuræ honore in studium Pōtifici gratificādi magis quam antea incensi. Simul ut Cæsare distineret Andrea Burgio interprete pontificatum illi, si id cuperet, sin minus ex eius voluntate daturū pollicebatur scilicet de alieno munificus. An fraus & ludibrium erat. Addebat quæcumq; Pōtīfices de imperio detraxissent, ut recuperaret, effecturū. Demum è regno Neapolitano eam partē quā ipse expetiisset, Mediolanenses & Genuenses quoties bellū esset, lege perpetua cetera Imperatorib. missuros auxilia quasi tributi honorarii nomine. Magnifica promissa, eoq; minus fidei. Inter hæc Sanseuerinus Cardinalis à Cæsare impetrata venia discessit parū latus exiguo tantarum molitionū prouentu. Cardonio Protegi deliberatum erat per Florentiā iter habere, nihil à tergo hostile relinquere: quoniam ea vrbs Gallo & factiosis Cardinalib. erat addicta. 10 Restitit Pontifex, quā causā incertum, sed per Aprutii fines mādauit ut in Flaminiā contenderet, inde Bononiā. Anni tēpus aduersum erat, sæua hyems, loca aspera impedita itinera niuem glacies astrinxerat. Multorum è militum numero tentata valetudine pauci tamen periire. Cum copiis omnibus Forū Cornelii peruentū est. In ea vrbe necessario dies aliquot sustentatum, dum milites mora recrearet, tormenta veherentur. Quæ Manfredonia mari missa in Arimini portū intulere ipso natali Christi die principio anni mil- 15 12 lesimi quingentesimi duodecimi. Inde Forum Cornelii delata. Nauarrus cum legionariis vltius progressus ad Lucum & Bagnacaballum continebat suos. Atq; ne tēpus frustra tereretur & ut operæpretio facto terrorem aduersariis incuteret Bastidā impugnare constituit Ferrariensis arcem Pado impositam ducētis quamuis & quinquaginta Italici 20 militibus munitam. Placuit Cardonio id consilium. Admotis copiis pridie Kal. Ianuarii impugnari capta est arx. Obstructas consilio obsessorum mentes, ne exitiū quidē imminens aperuit. Pugnatum acriter ab utraq; parte: ac tertio tandem impetu vi Hispani intra arcē irruerūt. Magna pro numero cades fuit. Omnes ferme defensores & puberes cum duce Vestitelo ceciderunt. Eo exemplo metus finitimos inuasit considerātes nihil arduum fore gēti, quæ intra quintum diem munitissimam arcem expugnasset. spes erat metu domari gentem posse: q; pulcherrimum est victoriæ genus. Ioāni Mediceo Cardinali in eo bello Legato Pontificio oppidum cecidit, spolia militibus militaria magis quam ampla. Alfonso Aragonium Friderici Regis secundum filiū expetenti magnopere Gallo Regi mater permisit quamuis duodecim non amplius annos natū. Ex eo Galli conicere, præ- 30 dicareq; profecto destinatum cum Gallica puerum classe Neapolim amādare populūque & gentem vniuersam ad arma per eum modum concire nouo Rege quem cuperent de manu dato. Fides rumori eo maior fuit, quoniam id credunt homines q; cupiunt: & in vrbe militibus nudata gens vniuersa summi, medii, infimi, uti antea habere consueuere, Regem peculiarem dari, expectabant, vitio humani ingenii præterita præsentibus potiora fore putantes: Hispanorum præterea militum licentia vniuersæ gentis inuidiosum nomen fecerat.

*Bononia obsessa.*

C A P. VII.

**B**astidæ captæ Nauarrus laude superbus se se Forum Cornelii retulit. Ex ea vrbe Butrium promotis castris, eo loco de ratione belli referente Cardonio consultatum est. Fabricius Columna, ut ad Centum & Plebem, quæ oppida Petrus Pacius cum expeditis 40 equitibus per eos dies de hostibus ceperat, promotis castris Castellum francum impugnatum irent, auctor erat, commodissimum munitione situque, quippe Carpim inter, vbi Gallicæ copię statua habebant, & Bononiam, quo ipsi erant ituri, positum oppidum. Indè diuisis in partes copiis agri Bononiensis pagos & oppida carperent priusquam vrbe obsessa de rerum summa periclitarentur. Eam esse conditionem bellorum ut facilibus confectis, ad maiora & difficiliora procedatur. Nūciari præterea Namursum cum firmis copiis equitum peditumque auxilio festinare: intra urbem Borbonium nothum, Alegrium, Robertum Marchiam cum trecentis cataphractis morari, ciues magno numero atq; bellaces. Quid certā victoriæ spē moræ impatientia euerterēt? quid in pericula nō necessaria intēpestiua festinatione irruerent? Fabricii sententia aliis fere ducib. proba 50 batur, satis gloriosa cōsilia esse quæ cauta reputantib. nō minus esse strenui ducis consilio quā armis vincere. Vnus Petrus Nauarrus vēcōrdi contētiōne Bononiā cōtinuo eūdum disputabat quindecim nō amplius millib. distitā. Fama bella confici. si alio recesserint aut eūctati fuerint, met⁹ & imbecillitatis infamiā subituros. Breui ac facile ea vrbe expugnata (sic videri voluit ex sua audacia de sūma iudicans) quasi dēpto capite minora oppida in victoriæ partē accessura. Ea valuit sententia propter viri auctoritatē inter milites maximā, & quoniā segnē operā præstare erat solitus, si ab eius iudicio recederetur, quo vitio ferme capitosi homines & p̄fracti laborāt. Termēstinus cū copiis pōtīficiis roma ea tēpestate p̄fectus quoniā in itinere obiit: neq; Vrbinas eā tūc curā suscipere voluit (& paulo post tamē

mutata



mutata sententia pro se misit in defuncti locum vicarium ) Pontificiis militibus & ducibus à Pontifice mandatū, ut Cardinali suo in eo bello Legato obtēperarēt, ac vero Cardonio summo duci copias traderēt, eiusq; cūcti imperiū respicerent, quē ut ampli⁹ promeretur, excitaretq; nouo honore, pileū gladiūque misit munera magnis Principib. dari solita, p̄terea vexilla inter sacra natalitia ab ipso met prece ex Romano ritu lustrata. Veneti neque pecunia, ut erat sancitum, neq; milite cōmunem causam iuuerunt, ac nomen magis quam vires ad sociorū p̄sidium attulere, suarū rerū anxii cura, an ex aliena industria fructū captātes. Enimuero socialis exercitus vmbra tecti suæ ditionis vrbes à Cēsare occupatas recipere, & si possēt viresq; suppeterēt, tandundē de Gallo facere destinabāt. Ergo Butrio egressus Cardonius ad quartū à Bononia lapidē castra, p̄mouit subiectos inde agros contēplatus cognouit loca aspera esse, acieq; explicāda incōmoda irriguo agro eoq; multis impedito riuis, atq; emissariis multoq; adeo luto hyemis maxime tēpore. Die proximo ad sept. decimū Kal. Feb. cū copiis vltius progressus locū castris idoneū cōsiderauit. Intra urbem quingenti iā cataphracti erant, pedites ad duo millia. dux p̄cipuus Iuo Alegrius superioris belli memoria haudquāq; fracto animo. Accidit quo die Butrio Cardonius discessit, ut Ferrariēsis cū copiis Bastidā repeteret. Impugnatio acris fuit: intra horas viginti vi captā à fundamētis euertit credo in ea hostiū vicinitate sustētari posse diffusus. Prætorium Bononiæ vicinum ad tormenti iactum Belpogii nomine Bentiuolæ familiæ gentilitium metandis castris à Cardonio est delectum. Vltius cum peditatus parte Padulæ Marchio & Comes Populi monasterium stationi delegere cui à Diuo Michaelē in saltu nomen est, extinctis ignib. quos ciues, quoniā vrbi imminet, quasi hostili loco, iniecerant. Sic bellum iura in contrariū mutat. Eo loco tormenta aliquot constituere reliqua in colle, qui vltra id monasterium molliter assurgit, ea parte impressionē in vrbis mænia facere cogitātes. Namursius interim Parmā, vbi erat, copias in vnū cōferre: in quib. octingenti cataphracti, mille expediti equites, tria millia pedites numerabat. Præter eū numerum ad Finariū viginti à Bononia passuum millib. Ferrariensis auxilia præsto esse Vasconum duo millia cū aliquāto equitatu. Cum iis omnib. copiis Bononiæ obsidionem diffipare certe summā certaminis periclitari cogitabat ferox iuuenta opib. & nobilitate magnus. Fabricius Columna exercitus partē ad Centū & Plebē cōtinebat, quoniam ea iter erat si Gallos trāsitu prohibere posset. Destitit tamē à Cardonio iussus se cū cæteris copiis iūgere atq; in aduersum vrbis partē trāsferre, qua mōtes eriguntur ex Apenini iugis diducti. Traducere in eā partem muralia tormenta destinabant: atq; ea propter mæniū imbecillitatem patefacto aditu per ruinas & lapidū stragem in vrberē ferro penetrare. Verum paulo post nouo decreto, ut omnes copię intra vna castra coirent, visū est, ad bellica tormenta tuenda, & transitu prohibendū Gallica auxilia in consiliū pertinebat. Michaelis inter ædem & Florētiæ portā disposita tormenta ad quintū Kal. Feb. excussis ignitis globis late fecere stragē. Muri parte strata, per ruinas quidā milites turri vicina occupata vexilla in ea victoriæ argumēto erexerūt. Ingēs vtrinq; clamor sed dissonus disparq; victoriā hi ingeminare, arma illi arma. Periculo exciti obsessi magna vi eos milites tandē è turri capta deturbarūt. Erectā ex eo ad meliorē spē diui tutelares & superueniens tempestas sæuissima vrbe ab excidio seruauit. Triduū continuatē noctu atq; per diem niues astrictis præ frigore mēbris ac milite vix tenēti arma, opportunæ conatui, Namursum inuitarunt ut in urbem nocte cū validis auxiliis penetraret. Quod fecit nō tantū nemine prohibente, quoniam castra procul aberant, sed ne à vigiliis quidem conatu perspecto. Ex eo mutata plane belli fortuna est, atq; in contrariū cōuersa. Cardonius propter hyemis sæuitiam veritus ne aliquod insigne detrimentū extaret: & alioqui minori iam spe vrbis nouis copiis firmata potiundē, retro cum copiis & tormentis ad Lazari fanum duobus à Bononia millibus se recepit. Pontificiæ copię vltius metu prouectæ non prius cōstiterunt, quam Forū Cornelii ditionis Pontificiæ urbem ventū est. Cardonius ad Petri fanū castra promouit, reliqui duces per vicina circa oppida distributi, dum frigora remitterent & cœli sequentis rigor mitesceret. Is fuit exitus Bononiensis obsidionis maiori apparatu quā fructu fama quā laude. A plerisq; ut fit, Cardonius accusabatur inertię, quasi rigidissimo tēpore elabi octo dies passus esset, priusquā aliquod operæ pretiū cōstaret, castra imperitē metata procul vnde debuissent. Cuniculis & aggerib. agendis nō minus fuisse peccatum. Deniq; eam negligentia atq; incuriā extitisse, ut hostis in vrbe nullo providente euaserit. Sic sunt militū ingenia prospera omnes sibi arrogant, tristia imputātur ducibus. Tempus enim uero conatui importunum prorsus extitit. id præ cæteris in Cardonio fama accusauit, quæ pretium reb. & nomen dat. Ne Heluetii quidem cōtra quā sperabatur & erāt polliciti ad obsidionē accessere: ac ne à Venetis vlla auxilia venire uti ex fœdere debuissēt.



Sic inuat rei male gestæ culpam ex parte cum aliis communicari. Huic obsidioni præter cæteros Antonius Leiuæ, Aluaradusque interfuere atq; Ferdinandus Daualus Piscariæ Marchio ab his rudimentis quantus & qualis dux in Italica breui futurus? Diuersa in parte nihilo commodiori successu Henricus Angliæ Rex, cum primum se anni tempus aperiret, in Aquitaniam irrumpere parabat & sua sponte incitatus veterum de ea prouincia contentionum memoria, & Ludouici Carrocii à Ferdinando legati accurata diligentia, ut pollicitis staret, neq; comuni causæ deesset sedulo obtestantis. Delectus in id bellum dux Thomas Grauis. Orseti Marchio gratia & auctoritate in paucis pollens, quippe Regem arcto propinquitatis gradu contingens. lente tamen conatus procedebat. Ferdinandus Rex ut intermisso interim bello Africano, copiæ porro Orano deducerentur statuit, 10  
iis tantum relictis militibus, qui ad tuendam urbem opportuni & necessarii videbantur. Minor ut numerus esset sumptus leuior prouisum, suburbano agro & urbanis domibus inter milites distributis ita ut ducenti equites pedites quadringenti ex iis prouentibus præfidiarii alerentur. Quo libentius ea domicilia transferrent, data nouis ciuib. tributorum omnium immunitas etiã decimæ rerum venaliũ: singulis præterea addita ex regio fisco ordinaria stipendia, dupliciariis maiora. Sub idẽ tempus Olisipone pridie Kal. Februarii ex Regina filius est natus, cui Henrico nomen fuit, mores castissimi; cõsequenti tempore accessit purpuræ honor, ac postrema ætate mirabile seu ludo seu sorte extinctis propinquieribus magno numero Lusitanæ regnum obuēnit Sebastiani Lusitani Regis infelici casu. Miraculo habitum quo die natus est infans niuem copiosam decidisse insolitum in 20  
ea vrbe & rarum propter aeris calique magnam temperiem. Niuis candorem affirmant quidam portendisse vitæ sanctitatem, castimonię laudem ad mortem sine vlla labe retentæ cultæq; nullis ad mortem illecebris voluptatum victa constantia. Vultu inter omnes fratres & totius corporis habitu paternam imaginem proxime representauit, animi magnitudine & constantia nõ impar. cum regno q̃ annuũ & septimestre fuit, nihil affectus præter molestias & curas graues integræ semper probitatis fama nõ ita pridem decessit. Burgis Ferdinandus agebat. Ibi ad quintum decimum Kal. Martii extincto Bernardino Velasco Magistro equitum, ut Iuliana defuncti filia regia neptis nuberet Petro Fernando Velasco perfecit filio maiori Enesci Velasçi, cui ad fratris defuncti opes dono Regis & nominatione Magistri quoque equitum honos & dignitas accessit. 30

*A Pontifice Vasconum Rex anathemate deninctus. CAPVT VIII.*

NAmursii absentia Brixia & Bergomi ciuib. occasionem præbuit, quam illi arripere auide, excusso Gallico imperio ad ius Venetorum vetus redeundi. arces tantum in fide perstiterere præfidiis defensæ. Eo maior audacia visa est. Ne id exemplum ad alias ciuitates manaret, quæ Venetis ereptæ Gallo parebant, ac omnino ne dissimulatione latius serperet defectionis malum prouidendum videbatur. Ita Namursius Bononia liberata obsidione munitaq; competenter, eo continuo accurrere statuit Alegrio secũ deducto, atq; in eius locum substituto Fulleta Gallo, qui Bononiam cum idoneis copiis tueretur. 40  
Eæ erant trecenti cataphracti & tria millia pedites, idonea rebus maioribus manus. Accedenti propius Namursio grittus obuiam processit cum Venetorum copiis & Brixianorum proletariis incondita multitudo in speciem iusti exercitus. Patrati facinoris conscientia, venieq; desperatio ciues reddebat audaces. Detrectauit Namursius certamẽ. cur enim etiam secundo prælio aliquos ex suis amitteret? cur fortunam periclitaretur? Ergo flexo ad montes itinere, nocte concubia in arcem ingressus, ea parte in urbem vi irrupit. Vrbe capta in vicina Venetorum castra extemplo impetum dat. Acerrima pugna fuit, feruente cæde, & pugna alternante fortuna multi ab vtraque parte cecidere: victoria tamen penes Gallos stetit. Capti Grittus ipse copiarum dux, & Antonius Iustinianus ei vrbi Prætor à senatu datus, Paulusq; Manfronius. De Ludouico Bogaro Comite quoniam 50  
urbem Venetis prodiderat, quippe in ea natus multum apud ciues poterat, capto cum aliis in pugna, causa è vinculis dicta, quæ bona esse non poterat, lege maiestatis supplicium sumplere. Eo exemplo seueritatis Bergomates moniti ad deditionem flexere animos. Namursius magnus antea & clarus, clarior & nobilior haberi cepit, qui Bononia defensa, fugatis Hispanis, duas opimas vrbes ad imperium ea celeritate reuocasset. Reliqua consentanea non fuere. Obenigno cum valida manu Brixia curare iusso, ac reliquis copiis circum Veronam distributis, ut fructus aliquis victoriæ per otium esset, Mediolanum ad uolauit, ludis & cõuiuiis, ad q̃ ætas vocabat, dies celebraturus, quos ante ieiunium anniuersariũ vulgo homines cū lætitia agitare solent. Molestè id tulit Gallus Rex in eo rerum articulo



articulo intēpestiue sane cessasse, vt cōtinuo in aciē copias producat, districtē mādāt, Cardōio & fociis obuiā. Imminuto hostes suorū numero, reb. in arcto positīs, ex recēti incōmodo nominis gloria obscurata, anteq̃ sublato metu fiducia rediret, pfecto in p̄ceps impelli posse, tātū ne bene agēdi occasiōi deesset. Cōuētus Pisani Patres ex Hispanorū ignominia angustiaq; & Gallorū felicitate cōfirmatis amplius animis, ex suo numero duos Cardinales designarunt Sanseuerinū, qui Bononiā in Italia, & Baiū, qui Auēnionē in Gallia p̄fessent vterq; legati nomine & potestate. Vt Venetos cū Cēsare in fœdus conciliaret magna quāuis Pontifex cōtentione, iis conditionib. quas pridē obtulerat, repetitis parū profecit tamen ne à Cēsare quidē impetratum, vt se ad pactā nuper armorū societate adiungeret, labantib. Hispanorū reb. grāde momentū allaturus. cautiōr ille belli socialis spectatōr esse mallebat quā particeps, consiliū sumpturus vt res darent. Interim quidquid viriū erat, aduersus Venetos cōferre decreuerat vindictā audius. Industria tamē & diligētia Hieronymi Viquii legati, induciē in tēpus sunt pactā certis cōditionibus: in quib. Veneti pecuniā summam haud exiguā repræsentare Cēsari iussi sunt, inopia tamen minorē, neq; quantilitem ipse æstimaret Regi Gallo præcipua cura erat secundum bellū Italicū Nortmāniæ primū, deinde Aquitaniæ littora & arces muniendi: in quæ Angli primum impetū futurum prouidebat: ne dum longinqua captat, proxima amitteret. Simul Vasconum Regem sibi omnibus officiis deuincire studebat: ex arcano in Gastonem Fuxēsē Namursum Ducē in controuersia de Vasconum regno pronior, atq; eā ditionē confecto bello Italico

20 se illi de manu daturum pollicitus. Galli amicitia Vasconi exitialis extitit. Id quā ratione cōtigerit, paulo plurib. explicandū est. Cognito Pontifex eū Regē ecclesiæ hostib. fauere, ac vero Pisani conuentus Patres, suos hostes complecti ex animo, re cū Cardinaliū senatu cōmunicata ad illud extremū atq; vltimum decurrit, q̃ aduersus rebelles Principes sanitate desperata remediū vsurpari consuevit. Senatus cōsulto Rex & Regina Vasconum execratione ritu Christiano deuincti ditione omni spoliātur, ad cōmunem prædā eō decreto aliis Principib. inuitatis. Hæc sententia ad duodecimū Kal. Martii est Romæ pronuntiata. Suspecta Ferdinādi Regis fraus erat, & paulatim in plures cæpit manare rumor, eo annitēte seuerū decretū & graue prodissse, coniectura probabilis, quoniā diu penes se arcano id diploma Pontificiū occultauit, dū variæ cogitationes recurrunt animo scilicet,

30 quid fama locutura esset, sanandiq; eos Principes rationē mitiorem instituere satagit. Sic sub Martii finē Petrū Hontanoniū legauit, qui eos Reges officii admoneret, si saperēt, ne cum Gallo rationes miscerent, neq; suis atq; ecclesiæ hostibus porro fauerent neq; per fines transitū darent. Vtriusq; rei pignus Henricus filius esset in Castellam ablegatus certa coniugii spe ac fide cū Isabella aut Catharina Ferdinandi neptib. Honestissima postulata feroci Vasco animo repulit gallicis credo fretus opibus, si quid incideret aduersū. Quin Ferdinādo studentib. molestus esse, nouos in ditione habere delect<sup>9</sup>. Neq; cessare quamuis à Ioāne Ribera limitis Præfecto monitus. res gallorū in Italia prosperæ, cōtra Hispanorū afflictæ animos faciebant: quæ pleniora & vberiora pleriq; ad suos scribebāt, multa etiā afficta rumorib. supra verū. Cardonius in agro Bononiēsi cōtinebat copias, neq; re-

40 tro redire, gnarus quātū scilicet in bello fama possit & nominis existimatio, neq; vltius progredi ausus, etsi Pōtifex monebat, vt in Mediolanēses fines irrūperet. hostes in ditione bello lacefferet. Verū ne cōmeatus interciperētur, prouidēdū erat, dignitatis specie ne incurreretur in maiora mala. Rhauēna lōginqua vnde annona deferebatur in castra, hoste virib. & fiducia præualido. Hyemis sæuitia imminutæ numero copiæ, multis extinctis plures alii signa deferuerāt atq; infrequētia reliquerant. Præterea hoste prope constituto sexcenti equites Pontificii cum Vrbinatis legato ē castris vno impetu discesserant specie quasi nō soluerentur stipēdia, & ab Hispanis extarēt insidiæ. Omnino Urbini Dux occulta cū Gallo cōsilia agitare nō est veritus: & cōstat qua nouos delectus haberet pecuniam ipsi à Gallo decretā in nominib. apud Florentinū mensariū. Has ob causas sociali exerci-

50 tu vehemēter imminuto, Cardonio & Legato Pōtificio visū quatuor millia Italici generis in supplementū cēturiare. Pōtifex octo millia iubebat, si fieret, pecuniā cōtinuo oblata. Nouo supplemento cōfirmatis viribus q̃ primum vt cum hoste confligeretur, auctor erat, ager mora & spei impatiens. Cautiōr Ferdinādu gnarus Gallorū vires initio validas mora languescere, bellū duci iussit dum Venetorū copiæ aduenirēt; q̃ pactis cum Cēsare induciis facile erat modo volentib. Heluetiorū præterea numerum adiungi, si eius rei facultas nō esset, certe Germanorū. Satis gloriosa cōsilia, quæ tuta, patiētia nisi vires iuuarēt in præceptu ituros. Id vt suaderet, Ferdinandum Valdesium cohorti prætorix Præfectum in Italiam amandauit, qui Pontifice Romæ de ea re conuento in castra delatus eadem Cardonio eius verbis denuntiaret. Fecit ille mandata diligenter. Ad Cardonium venit ad quartum Kalendas Aprilis quo iam tempore vtraque castra in conspectu erant: vt vix



videretur posse detrectari certamen citra grauem nominis ignominiam iacturamq; partibus quæ recusaret. *Nobilis pugna ad Rhauennam facta.* CAPVT IX.

**A**D Petri fanum, Butrium, Cærum & Plebem agri Bononiensis oppida socialis exercitus statua habebat. Cardonius iis locis Gallos expectare constituit, si vellēt prælio vniuerso decernere locorum natura nostris propitia faciebat animos; & incredibilis in milite ardor pugnandi. Superior ignominia incitabat & partæ toties de Gallis antea victoriæ. Promouere Galli castra, eisq; adiunctus Ferrariensis cum valida & numerosa militum manu cultu fulgenti & armis conspicua. Triduo utræq; acies in conspectu constitere; neque tamen ad manus est ventum; dum Galli locorum iniquitatem perhorrescunt, Cardonius regis sui mandatis à Valdesio allatis obsequi cupit, neque vniuersi certaminis sortē subire nisi re necessaria, certe de suo loco pugna commissa ad non dubiam victoriæ spem. Ergo Galli detrectata pugna, in cuius euentu rerum & imperii Italici summa vertebatur; pridie Kal. Aprilis mouere castra. Rhauennam petere destinatum erat. Ea vrbe capta, quoniam ex eo copioso rerum venalium mercatu in hostium castra annonæ affatim in dies deferabatur, rei frumentariæ angustiam fore putabant. Eo metu Cardonius diebus superioribus Petrum Castrum cum centum equitibus expeditis & Ludouicum Dentichium Neapolitanum ciuem cum mille peditibus. Italis præmiserat ad vrbs præsidium. Parum spei erat diu eos sustentaturos aduersus vniuersas Gallicas copias; vrbs ea tanti, vt continuo iisdem vestigiis hostem subsequi constitueret. Trium non amplius millium spatio inter utraque agmina. Et de Rhauenna tamen sollicitus Marcum Antonium Columnam cum centum suis cataphractis & quingentis Hispanis peditibus iubet præcedere; urbemque ingressus tueri. Mari Adriatico Rhauenna adiacet inter duos amnes sita facili ambos vado. Vno Ronco nomen, Montoni alteri. Aluei ita propinqui vt vrbs incenia stringant, ad laeuam Monto, Roncus dexter, inter duos petentibus urbem, olim Vitis dictus. Ad eam urbem inter fluuios castra posuerunt Galli die Iouis Christi cruciatuum memoria sacro ad sextum Idus Aprilis. Die proximo muro succedentes impugnant conatu acerrimo. Defendunt præsidarii milites magna virtute. Inprimis Ludouicus Dentichius, qui inter pugnandum amisso fratre, ea & ipse vulnera accepit ex quibus breui decessit. Cardonius secundum Roncum amnem gemina dirimentem castra exercitusq; ad urbem propius accedere pergit. Sabbatho duobus ab hoste millibus confedit ad molas frumentarias, fossa ducta, saepeq; labro interiori prætentata. Disceptatur in consilio, deberent ultra procedere. Variæ extiterunt sententiæ & contrariæ. Fabricio resistere placebat eo loco. commeatus ipsis facultatem hostibus inopiam breui futuram dicere. Præterea ex eo loco urbem tueri promptum, aut si hostes occupare ausu temerario tentarent, à tergo urgentibus certam victoriam. Nauarrus contra differuit homo sui capitis, & inimicus consilio etiam saniori; q; non ipse dedisset. Magnam is pugnandi cupiditatem semper præ se tulit confusus maxime Hispanorum virtute, quos aduersus omnes hostium copias parabat obicere. Non audacia ea sed temeritas sed furor erat. Cautiori sententiæ prælata ea in qua plus dignitatis inesse videbatur, promotæ nostrorum acies. leue certamen extitit, equitum gallicorum numero in primum nostrorum agmen inuecto. Nihil tamen ad memoriā eo die incidit insigne. Hostibus tantum in sua castra reuersis, nostri ea nocte ferme in conspectu constitere, diurno nocturnum laborem continuantes subitanea munitione castra einxere. Die proximo Dominico, qui Christi ad vitam reducis memoria celeberrimus fuit: tertio Id. Aprilis utræq; acies quasi ex condito ad pugnam sunt explicatæ. Galli viginti quatuor millia pedites numerabant, Gallos Vascones, Germanos, & Italici generis, duo millia cataphractos, equites expeditos pari numero belligena tormenta quinquaginta. In primo agmine Ferrariensis & Palicius currare iussi sunt. Medium agmen Nortmanniæ Senescalus & Sæseuerinus Cardinalis conuentus Pisani legatus tenuere. Fridericus Rozolius aciem postremā. Namursius cum lecta equitum turma ad subita mansit in subsidii in eam partem daturus impetum, vbi maxime sui laboraret. In sociali exercitu ementiente fama ad decem & octo millia pedites contineri, vero Hispani octo millium numerum non efficiebant. Italicorum millia quatuor; mille & duceti equites grauis armaturæ, leuis duo millia. Tormenta quatuor & viginti non amplius. Debuerat Cardonius ante aurore mouere silentio agmina neq; cōclamatis vasis, vt transitu hostes amnis aciesq; instruere ex disciplina in aduersa ripa prohiberet. In eo quoq; contra Fabricii monita Nauarrum aut suum iudiciū secutus. Sic hostibus facultas data ponte transmissis copias omnes loco patenti explicandi. Primum in sociali exercitu agmē ductabat. Fabricius octingentis cataphractis, sexcentis equitibus expeditis, peditum quatuor millibus constans. Reliquæ copiarum omnes in gemina agmina tributarum ductoribus. alterius Cardonio, alterius Petro Nauarro. Hoc ordine promouerunt acies. Duces pro se quisq; suos milites per turmas



mas & manipulos ad pugnam hortari, victoriam polliceri, inanes metus decederent fortibus animis. Namursius imprimis ad circumfusas legiones hac sententia locutus fertur. Quod diu milites, expetiistis cum hoste patentibus campis certamen fortuna seu vis maior, benignæ instar matris tot antea largita victorias, in præsentī annuit: offertque vobis opportunitatē illustrioris victoriæ, quā quæ ab omni memoria ab vlla gente sit parata. Equidem vocem sæpe vestram audiui, Quando dabitur hostis, quando acies instruētur? En vota virtusq; in aperto, omnia vobis prona eademq; hostibus aduersa. Adeste animis, nihil in nostra oratione vanitatis est. Non Rhauenna, vniuersaq; AEmilia atq; Flaminia vestræ virtuti cedent: sed quantula pars erunt præmii ex parata victoria partī? Nullo qui resistat in Italia reliquo, quis Romā vobis eripiat, urbē & curiam Christianorū toto urbē spoliis superbā? Is copiis aturo, argēto, gemmis, vesteq; pretiosa multos per annos structis ditari ad miraculū an vllus veter? Roma Neapolim an pferre arma pigeat, atq; superioris tēporis iniurias multas & graues hostiū, qui fecerunt, exitio vindicare? quanta cū gloria & fructu dicere non attinet. Tantā felicitatē eripiat nemo: proxima victoria semper sequentis erit instrumentum. Quod virtus vestra pollicetur, fortuna, victoriæ frequentes, vultus alacritas & ferocia. Aduersarii ii sunt, qui turpi fuga Bononia discesserunt noctis tenebris tecti, qui fori Cornelii & Fauentia moenibus asperis vē locis salutē tueri quā dextris maluerunt. Is igitur vobis & illis animus erit qui fugacibus & victorib. esse solet, humilis illis & abiectus, vobis erectus & ferox. Nunq̃ hæc colluuiēs cum nostra gente de Neapolitano regno æquo Marte pugnavit, sed fossis, aggeribus, aut fluminibus obiectis. Ne hos quidē eos esse milites credite, qui in bellis Neapolitanis inueterarūt, sed aut ex eo numero fugacissimi, ideoq; tandiu superstites, aut tyrones nullo vsu: certe cū Maurorum modo iaculis & retulis hastis pugnare soliti, atq; ab iis ipsis anno superiori victi fusiq; ad Mænyrgis insulā corporib. imbecillitatē animis ignominiam in acie protulere. Iam pridē Hispanorū acerrimi ceciderunt: ignaui & metuentes supersunt. Nauarrus quoq; tanti scilicet nominis dux ea prudentia, suo malo didicit quantum inter se differant ignitis globis actisq; sub terra cuniculis subruere mœnia, & hostē propius ferirē. Nulla illis in vera virtute fiducia posita est sed in fraude. An hac etiam nocte non aduertitis se subitarii operis fossa, obiectisq; carris inclusisse, leui munimento scilicet, neq; intelligentes longe aliter q̃ fortassis cogitant, certamen fore. Igneq; pilæ tormentis excusse, mihi credite, è cauernis & latebris in apertū producerit. Ibi quantum Gallorum alacritas, Germanorum ferocitas, Italarum generosus ardor Hispanorū fraudib. præstet, facile dignoscetur. Illud vereor modo, ne aliquid ex vestra gloria decerpāt numerus q̃ hostiū ferme duplo maior. Sed oblatā tamen celitus vincendi securitatē arripere, quis iure intetpretetur ignauia, & iure non potius temeritatē & insaniam hostium accuset? Quos ad pugna non virtus non spes trahit, sed Fabricii Columnæ auctoritas alieno periculo satagentis Marco Antonio propinquo, vti est pollicitus, opitulari. Aut potius excecāt animos diuina vindicta, cū vim suā refringi non vult, Iulii falsi Pontificis superbia & sceleribus irritata, fraudib. Aragonii Regis & perfidia, nostri Regis simplicitati sæpe illudentis. Verum quid attinet nō necessariā orationem longius producere? Quid fortissimorum militum victoriā prolixo sermone morari? Reo auspice in hostes irruite. Hic diēs meo Regi imperiū, vobis ditissima Italiae spolia præstabit. Ego dux vester nulla salutis cura, vti facere sum solitus, omnibus partib. adero virtutis cuiusq; testis spectatorq;, adiutor in periculo, omnium ducum felicissimus maiorib. ex victoria diuitiis paratis q̃ vlli à trecentis annis milites in Italia retulerint. Excussæ mox tormentis pilæ stragem late in Gallorum prima acie fluitiū transiente fecerunt: multo maiora damina intulerunt nostris cataphractis Gallica vicissim displosa tormenta q̃ppe duplicato numero q̃ socialia, locoq; aperto scienter disposita, adhuc nullis obiectis exaduersum munimentis. In eo discrimine Piscarius cum expeditis equitib. impetū in hostes facit: vt pugna comin' cœpta miscerētur agmina. Cataphracti ab vtraq; parte subsecuti sunt haud satis seruatis ordinibus. Prælitum varium, atrox, anceps fit, his rursusq; illis exitiabile. multi in vestigio pleriq; non inulti cadunt aduersis omnes vulneribus. Gallorū equitum numerus maior erat, alacritas conspicua. Multitudine hostium, nostri constantia victa loco tantisper moueri cœperunt. In eo conflictu Piscarius equo vulnerato viuus in hostiū potestatem venit, cecidit Petrus Pacius præstanti virtute Dux in bello Neapolitano ingenti laude parata. Tum Petrus Nauarrus cupidus victoriæ gloriā vniuersam ad se trahere equitum turbatione conspecta Hispanos pedites recenter in pugna inducit trecentis à tergo equitibus, quos potuit colligere, firmatā aciem. Anteq̃ in Germanorum peditatū impressio fieret, Zamudius Tribunus animaduertit è Germanis centurionib. quendā Iacobum Empserum nomine prouectum à reliquis, eum quippe



fulgentibus armis conspicuum ad singulare certamen vocare. Correpta is atq; concussa militari hasta, ô rex, inquit, quanti tua hoc die constant beneficia, leue profecto pretium hodierni periculi atq; ambigua sorte certaminis. His dictis in Germanum irruit, vastoq; hostem corpore primo ictu ad terram strauit. Reliqui eo spectaculo cōmoti, cēci furore in ferrum ac vulnera vēcordi audacia ruunt. Momentoq; tēporis fufis cāsisq; Germanis eodē impetu in Vascones & Italos inuecti cāsos in fugā auertunt. Maior aliorum fuga q̄ cādes, Germanis infita constantia exitio fuit. E duodecim eius gentis centurionib. nouē cecidere nihilominus, aliorum militum cādes par. Neq; destitire Hispani priusq̄ ad tormenta ventum est: capta etiam eodē impetu quidā scriptores affirmant, Gallici negant: atq; a Lenolaco Galeoto rei tormētariæ Magistro egregie fuisse defensa aiūt. Illud cōuenit, 10 Gallicum equitatum ea strage & periculo perspecto conuersis in Hispanos signis eam impressionē fecisse cui pares illi non fuere: q̄uis aliquandiu fortiter pugnarunt, quippe diuturna pugna fessi, nullo equitatu defensi. Tunc Zamudius periit. crudele fatum tanti viri virtuti non debitum, periire plures alii duces. Petrus quoq; Nauarrus captus est. Reliqui atq; iis adiuncti qui ex prima acie superfuerant cladi, seruatis ordinib. se recipere cāperunt ex vno latere clausi amne, ex altero viā publicā aggerem pro munimento habentes. Cupiebat Namursius eo cēso agmine victoria integra potiri, neq; de publica lētitia quicq̄ diminui, si maior hostilis peditatus pars incolumis euasisset. Palicius satis eo die esse profectum disputare neq; cōmittendum vnde irritabile hominū genus amplius efferuesce- 20 ret. sēpe ex desperatione spē ortam. Ille nihil his monitis est deterritus. cum paucis prouectū ac molestum esse porro pergentem conuersi Hispani ex equo præcipitem dedere, peremit miles gregarius nihil prostrati verbis motus, captiuum se habere reginæ Aragoniæ fratrem. Incensus furore animus misericordiam nō recipit, an Gallica verba Hispanus non intellexit. Periere itē Allegrius & filius, Lautrechius pro mortuo inter iacentes relictus est. Sic secundo flumine ad tria millia milites abire sunt permissi. Fabricius interim cum suis & quos ex reliquo numero colligere potuit pugna alia parte sustentabat, neque prius destitit quam duob. vulnerib. acceptis & cum equo prolapsus venit in potestatem Ferrariensis militum. Capto Fabricio nullo amplius repugnante victoria à Gallis aperte stetit tanta tamen strage afflictis, vt neq; ad insequendum hostem satis animi fuerit, neq; 30 ad novos conatus. De cāsorum numero nihil certi statui potest propter magnam inter scriptores varietatem, vulgato gentium affectui vno quoq; vt videtur, seruiēte. Illud cōstat quinq; horas pugnam tenuisse aliquanto maiori quam hostium vinctiū clade, siue Namursii summi ducis cāde Germanorum ferme omnium strage occisisq; ex vniuerso exercitu nobilissimis præter Ferrariensem Paliciūmq; siue socialis equitatus incolumitate, prorsus vt ea nocte ad tria millia equites versus Ariminum & Anconā sese receperint qua grauis armaturæ qua velites, ad hęc pedites Hispani sup quatuor millia euasere. Cardonius ex fuga Pisaurium primum, deinde Anconā abiit fugientes fusi exercitus reliquias collecturus. Factis & genere viri præstantes seruati sunt Traiecti Dux, Populi Comes, Rodericus Diacius Ceron, Alfonso Caruaialis, Antonius Leiuā quamuis duob. equis in pugna tormentis occisis. Fernandus Valdesius qui pugna interesse voluit, Iulius 40 Medicus miles Hospitalarius. Capti præter superiores, legatus, & Ioānes Cardonius Padulæ Marchionis frater, q̄ ex vulnerib. decessit, Fernadus Alarconius, Marchiones Ateleq; atq; Bitonti, alii præterea quorum inire numerum longum esset. Captiui Mediolanū sunt deducti, Fabricius tantum, Alarconius & Ioannes Cardonius Ferrariæ mansere. Victori- bus secundum prælium continuo Rhauenna portas aperuit. Obstructas antea consilio se dedēdi mentes metus aperuit. Pactis tamē in deditione conditionib. Galli non steterē rebus secundis feroces & accepta clade irritati. Egressis Marco Antonio Colūna atq; Petro Castrio Cēsānā versus, urbē milites diripuerē, sēuitia & cupiditas instigabāt, vbiq; lamē- 50 ta & vlulatus & fēda captæ urbis imago, nihil vsq̄ secretum & clausum, aut si resisteretur certa cēdes. Adeo vt Hispani militis inuidiosa antea petulantia desideraretur. ne tēplorū quidē thesauris aut monasteriis pepercere. Gallici scriptores Iaquinū centurionē eius vēcordiē auctorē extitisse, accusant: q̄ ex spoliis Brixie sacris, auro intertexta veste superbus. Simili cōpendio ductus, q̄ capitale extitit, militib. suasisit vt par impietatis exēplum Rhauennæ etiā constituerēt. plures certe opinione intra urbē copiē omne genus sunt inuēte. Forum item Cornelii, Forum Liuii, Cēsānā, Ariminum, ac fere omnes Flaminie arces in victoria partem vltro concesserunt. Quas Sanseuerinus Legatus, Pisani conuentus nomine in fidē & tutelam accepit. Prælii huius q̄ inter Italica in paucis nobilissimum fuit, fama in omnes partes diffusa, Pontifex quidem non abiecit animū quamuis Romano populo ad arma consternato defectionemq; Ac p̄cipue confirmauit Urbinas delato extrēplo studio



studio cupiens priora errata emendare, ad patrii Pontificis redire gratiam: atq; Iulius Mediceus qui facultate impetrata visendi legatum patriuē req; cum eo cōmunicata Romā delatus, quo in statu res esset, anxio Pontifici renunciauit, suisq; & legati verbis bono animo esse iussit, maiore eladē illatam Gallis q̄ acceptam: rerūq; breui conuersionē fore. Ferdinando Regi persuasum minore multo stragem verō extitisse. Quādo ex eius litteris affirmatum inuenio, equites pedesq; e suis copiis nō amplius mille & quingentis ratione inita desideratos. Magnū tamen Gonsalū in Italiā remittere statuit idoneum virum, qui sua præsētia ea vulnera maiorib. commodis sanaret. Sic litteris in omnes partes esse deliberatū sibi & fixum significatū. Solisio itē militi sacro duo millia Hispanos attribuit Neapolim continuo auhendos in supplementum, melioris spei initium. Rex Gallus pugnae euentu nunciato, Vtinam inquit, Italiæ vniuersæ iactura mei Namurfi vitā redimerē. Similes victoriæ inimicis contingant. De iis enim scite vulgo dicitur. Qui victus est, superatur quidē, sed victoris tamen ruina. Venetis hac victoria erat persuasum, Gallis nō Neapolim tantū cessurā, sed vniuersæ Italię imperio spe & cupiditate imminere, iugumq; imposituros. Fluctuantes atq; de transiitione cogitantes Spinelus Cariati Comes pro Ferdinando in ea vrbe legatus erexit oratione tēpori accommodata, docens minora opinione damna extitisse: effecitq; ne ad nouū fadus respicerent reiecto veteri. Sorrenti Cardinalis pro Cardonio rebus Neapoli Præfectus, dum bellū esset, Hugonē Moncadā e Sicilia aduocare in præsidium, ad inonereq; pro imposito munere Neapolis atq; Siciliæ summi ducis ne cunctaretur rebus asperis succurrere. Quod ille libenter præstitit, Tripoli deductos milites, equitūq; numerum secum Neapolim deuehēs. Eandem Cardonius Ancona profectus, urbem iniit ad quartum Nonas Maii in vnam curam reparandi exercitum intentus, ac cætera bello necessaria conquirendi vt tempus & facultas darent.

*Conuentus Lateranensis inchoatur. CAP. X.*

**P**riusquam id præliū committeretur, Pontifex Romæ in conuentus Lateranēsis, quem indixerat, apparatus cura districtus octo designauit Cardinales in senatu qui mature considerarent: q̄ comparare opus esset, ac vero diligentem operam nauarent morib. tum Romani populi, tum præcipue curiæ aulæq; Pontificiæ acriori censura castigandis. Neq; enim decebat vbi domicilium sanctitatis & pudicitæ esse deber, vnde leges prodeūt probitatis, a quib. iura sacraq; petuntur, ibi vigere prauitatē altis nixā radicibus: q̄ oculos & animos offenderet Episcoporū e toto vrbe cōfluentiū. Enimuero summus Pontificatus sanctos vel accipiat vel faciat æquū est. Siculos & Neapolitanos p̄sules priorib. edictis parere excusantes maiori q̄ alios cura euocare. Ex Hispania quoq; ac nominatim Toletanū Hispalensemq; vt veniret, vrgeri nobiles præ ceteris Antistites & graues. Eorū præsentia honestare conuentum cupiebat actionib. auctoritatem maiore conciliare, vsq; eo studio prouectus vt Hispalensi purpuræ honorē modo veniēti deferret. Pisani conuentus existimationē per eū modo obscurare cupiebat, a factiosis Cardinalib. indicti & haberi cœpti. Ii per hosce dies Mediolanū delati conuentu in eā urbem translato, victorię superbi supra verū celebri fama, eo sunt audacię progressi, vt edicta euulgarint in Pontificē cōtumeliosa & graua. In iis præfati sepe obfestatos hortatosq; Pontificem, vti sui in concilio copiā faceret, certe e decem vrbib. vnam conuentui idoneā ipse deligeret, libertate Patrib. decernendi data (quid enim si vox libera non sit, liberum esse?) nihil profecisse. ac vero eius improbitate infinitā vim sanguinis effusam esse mutandi nulla spe. Ob ea flagitia clauū iure spoliatum ex præscripta sanctione Basilienis sessione vndecima, quarta & quinta Synodi Constantiensis, eoq; in synodum Pontificiā omnē potestātē decernere trāslatā. Sententiæ exempla pro forib. templorum Mediolani, Florentiæ, Genuę, Veronę, atq; Bononiæ sunt affixa. Proiectā audaciā probrūq; ingemuit orbis Christianus: Pontifici stimulos addidit vt in cœptis festinaret. Ergo ad sextū Idus Maii Lateranensis conuentus inchoationi Pontifex affuit actionū præses & moderator, affuere Cardinales atq; Episcopi magno numero ex variis regionib. in studium iuuandi ecclesiā Pisanorū Patrū audaciā frændi incitati. In primo conuentu Egidius Viterbius Augustiniano ordini Generalis Præfectus excellēs ea etate atq; p̄ ceteris clar⁹ in Italia cōcionator, iussus e suggestu dicere subiecta sentētia elegantē ad Patres orationē habuit. Anni fluxere aliquot, ex quo p̄ vniuersā Italiā ex Ioānis Apostoli Apocalypsi dicendi sumpta occasione, magnas ecclesiæ calamitates instare sum vaticinatus: certam tamen ex iis malis emergendi aliquando spē promitti, Lætor, Patres, atq; ex animo gaudeo nostrū vaticiniū inane nō extitisse. Rebus enimvero in extremū discrimen adductis, & in terrā malorū caliginē, quasi post obscure noctis tenebras melioris spei lumen ostenditur, serenū post squam ventorum & turbinū tempestatem. Hoc discerpant inter cætera a cœlestib. terrena, q̄ illa instauratione nō indigent quippe æterna natura;



„res humanæ propter innatam inconstantiam & varietatem remediis opportunis ne penitus  
 „intereant soluanturq; reparari identidem opus habent. Quod victus animantibus, q; cul-  
 „tura irrigatioq; plantis est, id in vita & morib. accurata disciplina, ne noxiis vitiorum sentib.  
 „siluecant atq; vastetur instar neglecti agri. Bonus agricola arbores vel ad miniculis erigit,  
 „vel circumcidendo castigat, sub aliena latentib. umbra cælum aperit, ramorum densitate  
 „impeditas interlucet, telluris vitio laborantib. mutat locum: neq; rectas tantum & fertiles colit,  
 „sed deprauatas corrigit & minus fructuosas: neq; sudori parcat, modo prædia horti; nitecant.  
 „Tantundem de pastoribus dici potest, sed locum videtis. Ergo doctrina & exemplis  
 „excolantur animi; quæ in populi moribus delapsa fluxere seueriorib. legibus astringantur.  
 „ea cultura esto. Vos omnes cælestis pater huius agri custodes & cultores dedit, sui gregis  
 „curatores. An æquum videatur inertiam se dare? alium stertere? & non potius cui omnia debemus  
 „pro ea vitam sanguinemq; profundere? Possunt quidem eam diligentiam pastores in suis singuli  
 „caulis præstare, tantum ne exitialis somnus inuadat, verum a tempore Magni Constantini  
 „usu perpetuo edocti sumus multo id commodius contingere, maiori efficacia; cum Anti-  
 „stites in unum locum conuenientes, diuinoq; afflatu adiuti inter se conspirantes de salute pu-  
 „blica in comune consultant. Repetite Patres veteres historias, euoluite antiqua scriptorum  
 „monumenta, reuocate in memoriam superiores ærumnas & mala. Quis hæreses antiquas  
 „& sectas nefarias a stirpe conuulsit? concilia. Quis Principum insolentiam frænauit, terro-  
 „rem improbitati ne se efferret grauis & importuna quis incussit? an non id concilia præ-  
 „stitere? longum esset explicare singula; sed certe quid ecclesiæ vniuersæ maiestatem tuetur,  
 „cultum religionis & sanctissimas caeremonias illustrat, populi prauitatem coercet, fouet pie-  
 „tatem & legib. ut obtemperetur facit? An non hæc omnia a conciliis præstantur? Quod si labori  
 „& industriæ fructus non respondet, si vitiorum pestes in multorum perniciem & reip. dedecus  
 „maiori quam opus esset, licentia grassantur: videte Patres, ne forte salutaris instituti intermissio  
 „eam conscuerit labem. Magna vis horum conuentuum existit, saluberrima operatio, ita tamen  
 „si accedat innocentiam in nostris morib. & probitatis exemplum. Certissimum subsidium a  
 „vita rectorum reliquæ diligentiam paratur, nostri capitis imitatione, & doctoris, qui ut diuinæ  
 „perhibent litteræ, cœpit facere & docere. Salutaris doctrina est, sed si docentis exemplis  
 „iuuetur. Displicet hominibus imperata correctio, actione facillime iubetur, exemplo fa-  
 „cillime obtemperatur. mouent enim magis exempla quam verba, atq; utinam o utinam tam multi  
 „bene operarentur, quam multi præcipiunt bene. Verum in re certissima hærendum non est.  
 „Sed quis tamen non videat, non gemat huius æui ærumnas continuas & graues: mores po-  
 „puli in omnem licentiam solutos. Imperitiam, ambitionem, impudicitiam, ubi minus de-  
 „cebat grassari? Intemperantiam & rapinas Principum an militum an vtrorumq;. Dicam au-  
 „dacter fortasse, sed ut arbitror vere, siccis oculis quis aspiciat Italiæ campos humano ma-  
 „dentes sanguine magis quam de cælo imbribus, undantes per vrbes, & oppida gladios, in-  
 „nocentiam oppressam? Hæc aliaq; multa mala vestram opem, Patres expectant, ea sublata  
 „spe unde remedium nostris miseriis petatur? Magnam prouinciã, Pater sancte, suscepisti:  
 „multa aggressus es & perfecisti præclare. Sublata latrocinia, aperta itinera, plures ad sacrum  
 „imperium vrbes restituta, quam a quoquam alio ab omni memoria Pontificum. Magna  
 „hæc sunt atq; præclara, quis neget? quis non videat? Omnium tamen maximam a tua pru-  
 „dentia cuncti præstolamur opem Principibus Christianis pacatis in communem hostem  
 „omnium opes viresq; conuerte. Id ut facilius contingat, positis absonis armis ea arripiamus  
 „quam nostræ militiæ sunt cõsentanea. Iis vitia omne genus scelera multa quibus & fæda, sunt im-  
 „pugnada. Quando n. vita solutio: quando ambitio magis effrenis? Quando maior de diuinis  
 „rebus loquendi sentiendiq; ut cuiq; placet, licentia? laniena seuior an villo tempore accidit,  
 „quam quæ Brixie prius, deinde ad Rhauennam extitit? cruoris riuis nondum exsiccatis? Quæ o-  
 „mnia quid aliud quam voces cælestes sunt denunciantes quantopere ad hæc suprema re-  
 „media sacramq; ancoram recurrere esset necesse. fructus ut cumulatior existat, modestiæ  
 „studio, clamores amoueantur & iurgia. Sed cum eo tamen si loquendi decernendiq; li-  
 „bertas sit omnibus ut maxime quidam dolorem facere videatur. Magna Deo a vobis Patres  
 „debetur gratia, quos lingua, moribus & genere discrepantes in hunc locum perduxit; ma-  
 „gna laus vobis ab omnibus bonis, qui tantos labores sumpstis pro studio iuuandi ecclesiæ.  
 „Magna sapientia in his augustissimis sedib. versatur, auctoritas par. Aderit Christus suo nu-  
 „mine, cuius agitur causa, ciuesq; cælestes omnes; vos imprimis Petre & Paule clara inter  
 „cælestes lumina, ecclesiæ sanctæ atq; huius vrbis tutelares, clamores nostri & singultus ad  
 „misericordiam flebant. Ecclesiam vestram iuuat, vestro, inquam, sudore consista cultamq;  
 „vineam, diuinam Christi & vestro sanguine irriguam hæreditatem & quam a tyrannorum  
 „sæuitia liberaastis, ne eorum manibus extirpetur & pereat, qui se filios eius & familiares  
 pro-



profidentur, benigne facite. Cunctos hos Patres & sanctos Presules confirmare celesti opem, ut mentis oculis in Deum solum coniectis, ac nihil preterea captantes, quam nostra vulnera postulant & tantæ miseriæ exigunt, ea adhibere remedia ne metuant.

*Bellum Vasconum incipitur.* CAP. XI.

**T** Ranquillæ tunc res in Hispania quidem erant finitimis Regibus partim affinitate de-  
uinctis, partim iuncto fœdere in amicitiam & societatem ascitis. Italiæ Principibus & mili-  
tibus magis vires deerant bello fessis & fractis, quam voluntas repetendi arma: cum repente in  
vtrâque gente bellum exarsit atrox & graue euentu vtrôque Gallis exitiali. Id quæ ratione  
contigerit explicamus. Cæsarem inter & Venetos pacte induciæ ad Sedunensium diligen-  
tiam adiunctæ, præterea prælii ad Rhauennam fama Heluetiis iniecere voluntatem in I-  
taliâ transeundi Pontificiæ causæ patrocinio suscepto. Quod alios terruisset gentis fero-  
cis animos ad festinandum incitauit; atque ita ut ad quartum decimum kal. Iunii ad Valca-  
monicam essent agri Brixienis oppidum ad sedecim hominum millia cum tormentis cam-  
pestribus decem & octo, præter alia sex millia milites per Mediolanenses fines Nouariam  
versus contendentes, aliaque duo millia Bergomum: incredibilis multitudo, per angustæ regionis  
modum. Præerat his copiis Altosaxus militari laude præstans, illique adiunctus Sedunensis  
Cardinalis. Galli siue studio Aquitaniam tuendi ab Anglorum iniuria, sui Regis iussu, ut  
excusant scriptores Gallici, seu metu ne Heluetiis, Italibus, Hispanis in Italia in eorum per-  
niciem consternatis tantisque apparatus pares essent, deserta Italia in patriam frequentes  
rediire. Restitit Palicius in Insucribus cum modicis copiis, e quibus tamen indies milites  
dilapsi signa infrequentia reliquere. Veronâ supra viginti Heluetiorum millia peruenere  
ad sextum kal. Iunii. Vrbs ea cum arce Gallis deferentibus sine sanguine venit in hostium po-  
statem. Eo Veneti ut Paulus Capellus eius vrbs copias ad Heluetios adiungeret, senatus-  
consulto decreuere. Ea erant septingenti cataphracti, velites octingenti, pedites quatuor  
millia: Heluetii recentibus auxiliis aucti & Verona capta læti Valesium progrediuntur,  
quo se Verona deserta Galli receperant. Idem successus fuit, ne tentata quidam defensione lo-  
cum deseruere; ne prohibitis quidam transitu hostibus quæ erat promptum Mincio flumine  
interiecto, impeditis ripis difficili vado. Iisdem vestigiis victores subsecuti, cedentibus nihil  
ut tutum esset, effecerunt Cremonâ usque. Vi quadam abdita Galli in paucos & fugam age-  
bantur. Et Cæsaris industria Germani, qui in Gallico exercitu supererant, comætu petito  
discesserunt, tanta ex eo Palicii consternatione ut non prius constiterit, quâ Astam ventum  
esset Mediolanensis principatus ad fines extremos sitam, neque procul Alpibus, Italiâ de-  
ferendi certa voluntate, quæ magnâ desperationis significationem continebat. Sic vrbes aliæ  
Gallico imperio repudiato deteris Galliarum insignibus defecere passim. Cremona Sedunensi  
imperii nomine se subdidit. Mediolanum ac ferme aliæ ipsi contributæ vrbes ad victores  
accessere. Cuncta elementa in Gallos conspirasse visa sunt, impios in Pontificiam maiestatem  
ausus eorum qui fecerant, perniciem vindicare. Ut belli aduersus Gallos iustior causa esset,  
ardentius gentis studium, lætior successus, victoria facilius; Gursensis & Petrus Vrræ ea  
castra secuti Maximilianum Sfortiam in Italiâ euocandum iudicabant. Factioni Cardinales  
in tam repentina rerum conuersione Mediolano diffusi in Galliam discessere. Vrbes Pla-  
centia & Parma in eo rerum motu ultro se Pontifici subdiderunt. Arripuit ille occasionem  
libenter imperii proferendi, ad suum ius pertinere contendens Rhauennæ quondam ex-  
archatui contributæ, quo tempore Græci Augusti Italiæ partem obtinere. Obsoleta ni-  
mirum iura ex vetustis deprompta tabulis mouebantur, nunquam nisi armis valida. In  
Hispania Ferdinandus belli causas aduersus Vasconem querere videbatur, satis sibi dari  
damna ea parte illati, si qua vis ex Gallia ingrueret, postulans, Henricum filium quia dare  
fidei obsidem Vasco recusauit: certe sex arces traderet pignoris loco facturum quæ oport-  
teret. Eas obtinerent Vascones quidem, Ferdinandi tamen nominatione sacramentoque.  
Durum id quoque videbatur. Latio Mauleonius Burgos à Vascone legatur nulla tamen  
idonea paciscendi facultate. A Vasconum regno tutos Hispaniæ fines fore pollicitus, ut  
tantundem de aliis principatibus, quos ii Reges in Gallia obtinebant, & Hispaniæ limites  
atingunt, in fœdere caueretur, non satis adducebatur. Responsum ergo Vasconi post mul-  
tas disceptationes, e duobus alterum eligeret. A neutra parte staret, sed medium se gereret  
inter disceptantes. certe si viribus Gallicis Regem Gallum iuuaret Vasconum opes in auxi-  
lium Hispani & socialis exercitus conferret. Vasconi Ferdinandi felicitas erat suspecta, ne  
Namursum sublato, Germanique extincti sororis, iure repetito, regnum illud quasi dotale oc-  
cuparet. Aduersus eas suspensiones Orbalis Galli apud Vasconem orator, si id cõtingeret,  
Galliæ vires vniuersas venturas auxilio polliceri, ut plerique, qui in aulis Principum viuunt,  
vaniloquus maria terras inani sonitu verborum complens. Quin Henrico Vasconis filio



adiecit nupturam minorem Galli filiam. Inanes pollicitationes rebus vacuæ, credulum Principem egere præcipientem, ut Hispani ea propinquitate contempta, contra diuinas leges & humanas se Gallo socium adiungeret. Inter hæc Orseti Marchio ad finem Cantabrię appulit ad sextum Idus Iunii cum classe, in qua quinque millia sagittarios vehebat, exiguum numerum, delectam tamen Anglię pubem. Ad Sebastiani fanum Fredericus Portugalia Seguntinus Episcopus expectabat, classi & militib. necessaria præbiturus Regis iussu. Delectu in Castella habito idoneus exercitus cõflabatur Albano ductore summo. Ferdinando Regi fore commodum videbatur, Vascones primum impetere: nullo à tergo hoste in Aquitaniam demum inuadere: si ita esset factum, maiorem commeatus fore facultatem, cuncta faciliora. In eam expeditionem intētus gentis Aragoniæ conuentus agitare decernit actionum Præside Germana Regina, milites scribere ex ea gente plerosq; capite censos in subsidium eius belli, quod per se gesturum dictitabat. Decreta in eo conuentu auxilia in biennium & octo menses, equites grauis armaturæ ducenti, leuis trecenti. Prouisa tēpestas Vasco Petrum Nauarrum Marefcalum ad Ferdinandū de pace legauit. Arces quasdam fidei obsides daturum, demptis tamen Stellæ & sancti Ioannis arcibus, quas expetierat imprimis, & erant præcipuæ: vitio mortalitatis ad ea recurrebatur consilia quę ante repudiarat, utrūq; intempestiue. Ut Pompelo primū peteretur visum est. capite dempto reliqua prona fore. Idem ut Anglus faceret quamuis de ea re appellatus adduci non potuit. Sine sui Regis mādatis bellū Vasconi inferre nefas putare. Ac vero Ferdinandum conquerebatur ad inuadendam Aquitaniam copias paratas non habere. Occasionem præteruolasse, certe in aditu prouinciæ Baionam occupandi tunc præsidio nudatam urbē: mora effecisse ut milite & rebus omnib. instructa, difficilior impugnatio foret. Sic ex suo commodo Hispanum bella gerere: ad sociorum præsidij præter nomen nihil opis afferre solitum: ac ludibrio potius præ fastu habere ceteros, vilia arbitrari capita.

*Vasconum regnum occupatur.* CAP. XII.

**A**D Victoriā Albanus sui Regis mādata morabatur, in q̄ partē cū copiis ituruseffet, p̄ vicina Cātabriæ & Riuogię oppida eo tēpore distributis; Ex erāt mille cataphracti mille & quingenti velites, peditū sex millia, eorum tribuni Rengifus & Villalba militari laude & longo militię vsū p̄stantes, viginti tormenta bellica Præfecto Diegho Vera. Ut Pōpelonem duceret Vasconum regni caput Albano duci mandata venire. Ille nihil cunctatus collecto exercitu, motisq; continuo castris ad Vasconum fines peruenit die Mercurii ad tertium decimum kal. Augusti. In primo agmine Ludouicus Beamontius longo exilio irritatus, atq; doloris vlciscendi cupidus curabat. Periculo cognito Vasco Regina vxore cū filiis in Bearnē amandatis, ipse Pompelone restitit eam urbē tueri constituens. Imbecillæ vires erant, neq; hostibus potentia par iter expeditum nullo repugnāte: opinione faciliora omnia extitere. Ita Vascone Lumbierrem oppidum profecto, accedenti ad mania Albano ciues supplicum velamenta explicarunt, supinas manus tendentes, verteret in noxios irā, se deditib. parceret. Nuncupatis conditionibus vrbs dedita est ad octauum kal. Augusti ipso Iacobi Apostoli memoria sacro die. Cætera eo regno oppida Pōpelonis exemplo incitata, metuq; hostium securura videbantur. Vasco in ea suorum consternatione consilii inops tres viros idoneos ad Albanum mittit cum mandatis, facturum se quęcunq; essent imperata. Responsum, uti Ferdinandi voluntas expectaretur, ab ea nō discederet. Missi de tota re legati acerbas conditiones retulere. Vasconū regnum traderet vniuersum, in potestate Ferdinandi futurū. dū bellū sociale esset & ecclesiæ dissidia cōponerentur: ac deinde quandiu esset visum. Fidei pignus esset Henricus filius in Castella educandus. Erat iniquū filium & regnum postulare, neq; definire ante quē diē redditurus esset, ut si in omne tempus retineret, nulla tamen mēdacii religione obstringeretur. Ergo ea seueritate imperandi irritatus Vasco & alioqui de rerū summa in Hispania diffusus in Galliam trāscendit. Regis discessu, Vasconum oppida de deditiōe appellata, missis procuratoribus sine mora iussa fecerunt. Stellæ tantum arx & Escuæ vallis incolę illa munitione, hi locorum asperitate confisi in fide veteri perstiterunt. Roncaleses quamuis & ipsi montium iugis & syluis contra irrupentes defensi, accessere ad reliquos cum ea exceptione si Aragoniæ legibus & institutis viuere daretur. Interim ex Gallia missa copię ad tuendum Vasconē Bearnem peruenere. Maior expectatio fama; quā successus. Monitus tamen periculo Ferdinandus Burgis Lugruniū ad fines Vasconū abiit, ē propinquo sua ope cōsilio iuuaturus. Accessere cū copiis viri nobilissimi, Emanuel Benauidius, Ludouicus Gueua, Enecus itē Velascus equitū in Castella Magister cupidi operam in eo bello Regi nauandi. Antonius Acunia Zamore Episcopus superioribus diebus Pompelonē iuerat Pontificis verbis obtestatū, ne Vasco cū factiosis ac pacem ecclesiæ turbātibus res suas misceret: si secus esset factū diras



in caput eius minas & extrema exempla detestari. Parum ea tunc diligentia profectū. Hoc tamen tempore Ferdinandus idoneum hominē ratus, per quē Vasconi pacis conditiones recēs impositas denunciaret, eū in Bearnem destinauit. Accedenti Saluaterrā iniectæ sunt manus: ac quo minor excusatio esset, iussu eius Regis Longauillæ Duci est traditus Aquitanix præfecto, Gallici item exercitus, qui opitulatum venerat, ductori. Neq; personæ dignitas valuit, neq; legati nomen etiam inter barbaros sanctum. Etsi alia species captiuitatis prætenfa est: ac inter alias accusationes obiectum, nuper prælio ad Rhauennam cōmisso interfuisse, dignum videlicet vinctulis maloq; crimini. Paulo post tamen idem siue succedente pœnitentia, seu quia commodum erat, mittitur ad Ferdinandum internuncius de pace, tribus fratris filiis pro se relictis obsidibus, rediturum quotiescunq; iussus esset. Miraculo fuit ea facilitate celeritateq; vniuersum regnum Vasconum Hispano cecidisse. Ex eo Galli coitionem & dolum profecto subesse suspicari. Sponte Vasconis excitari bellū, cunctaq; quæ acciderant nō gentis ignauia aut hostium virtute sed cōposita fraude euenire. Suspicionem late fusam vt detergeret Vasco ad Gallum contendit rei gestę ordinem explicatum. Præterea Gallis Saluaterram dedit fidei pignus: & vt id oppidū maiori præsidio munitum ab iniuria tuerentur, Gallo Regi destinatum erat vires vniuersas in Aquitaniam mittere. Delfino etiam copiarum Duce adiunctis militibus & ducibus præcipuis, qui ex Italia redierāt, pleriq; in Regis familiā adscripti & claris orti natalibus. Cōtra Ferdinandus imperio recens capto stabiliendo dabat operam diligentem: ac nominatim à Pompelonis ciuib; sacramentū exegit, non iam quasi sequester, sed Regis nomine. Facto species prætentata Ioannem Regem pactis conditionibus non sterisse. Sic regnum victori cedere belli iure, quo quē optimo. Cum Petro Nauarra Marefcalo, & cum sancti Stephani Comite, vt ad Ferdinandi partes accederent posita contumacia per internuncios agebatur. Comes, quem paulo post Falcis Marchionem dixere, facile adductus est vt tempori seruiret. Marefcalus causæ sui Regis acerrimus propugnator, re communicata cū propinquis, facturū negauit, quod sine dedecore & fidei datæ sugillatione non posset. Tudela vrbs, etsi inter primas obsequium victori detulerat, sacramento fidem vt obstringeret adduci non poterat. Aragoniis legibus viuere cupientes ii ciues, hoc est vitę conditione libertati proxima, non ante destiterunt, q̄ Cæsaraugustanus Præsul collectis cōpiis ad ea mænia accessit vim admo-  
30 uerere paratus & metum. Obseratas cōsilio mentes timor aperuit, effecitq; vt qua cæteri conditione imperata facerent: neq; in cōmuni causā sibi priuatim consulerent. Aditū in Galliam patefacere Castellæ copiis erat destinatum. Hoc consilio ab Albano duce missus Villalba tribunus cum sua legione peditem ad tria millia & trecentis cataphractis sancti Ioannis municipium ad radices Pyrenæi montis Galliam prospectans occupauit. Eodem paulo post cum robore exercitus accessit Albanus. superuenere Fernandus Vegha Promagister Castellæ, & Dieghus Lupus Aiala, quibus Ferdinandus ob perspectam prudentiam & agendi dexteritatem multum credebat. Albani in ea loca discessus dupliciter commodus extitit, Gallis Hispaniæ aditu prohibitis, ne res in Vasconibus turbarent, tunc ad Aquitaniam inuadendam itinere patefacto. Orseti Marchio sollicitatus denuo, vt suis co-  
40 piis ad Hispanias adiunctis in Aquitanix saltem fines irrumperet, redditus quibus multis & magnis causis ob quas necesse fuit prius bello Vasconum finem imponere, præcise se facturū negauit, incommodum tēpus excusans autumno p̄cipiti, præterea ardorem cū quo milites venerant extinctum, numerum imminutum, morbis inter milites ex cæli insolentia vulgaris. Hæc palam ex arcano atq; inter suos Ferdinādo inensus, ludibrio gentē habuisse, atq; dum Vascones imperio adiceret, de Aquitania nihil curare, omnibus sermonibus accusabat. Ex actionibus de mente coniectari facile esse. Fine, in Angliam maturare constituit quippe propinqua iā hyeme, nulloq; moræ in Hispania pretio, p̄ter sumptus inanes & militū interitu numerū imminutū. Sic ille cōquerebatur, hasq; discessus causas extitisse iactauit. non defuerunt tamen qui suspicarentur, Nebrissenfis in proprio cōmentario, quē confecit de hoc bello affirmatione probabile, auro eum Gallico emptū excusationes in-  
50 nes ineptasq; quasi velamen prætendisse cupiditati.

*Res Italia. CAPVT XIII.*

**M**agna rerum conuersio in Italia post pugnam ad Rhauennam factā extitit: Galli q; victores non secus ac si victi fuissent, locis omnibus vexati. Sic repente aduersis prospera commutantur. Vrbinas cum copiis Pontificiis in fines Bononienses inuectus depopulatus agros ciues suarū rerum cura incēso in oculis agro inter primos Italię feraci, pulsus Bentiuolis compulsi mutati imperii argumento Pontificia vexilla pro muro & per plateas explicare, demptis Gallicis. Sic vrbs nobilissima ad vetus imperiū rediit. Cardinalis Strigonii Nannentēsisq; in Gallia erant: accessit recēs Finarii Cardinalis. Ab his vt Gallus cū



Pontificē conciliaretur superioribus offensionibus deterfis dabatur opera nōnulla initio proficiendi spe, irritō deinde succēssu. Seueritas Pontificia salutare abruptit conatus. Diplomate euulgato Regē Gallum furiali carmine deuouet, & iure Pontificio maledicit: gentē vniuersā sacris interdicit. Subditorū sēpe malo Principes peccāt. Elatus studio sacramenti religione quō fidē Gallo obstrinxerant, Nortmannos, & Aquitanos soluit. Lugduno, quoniam factiosos Cardinales intra mēnia acceperat, nundinatum ius Genēuam, vbi olim agi consueuerant, transfert urbem ad lacum Lemani sitā, nobilem olim, nunc hērēsum colluuiē fādā. Contra ab Hieronymo Viquio, vt venia Ferrariensi esset & pax, diligenter est curatum. Fabricii Columnæ gratia & auctoritas ad emolliendū Pontificis animū multum iuuat. Constitutum vt captiuis ipse libertate data, Romā supplex veniret. Sic factum. Fabricio ipso & Alarconio prosequētibz Romā abiit. In toga bōbycina etc.<sup>10</sup> romalla detecto capite, in Patruū senatum ingressum humillimo corporis habitu contumeliosis quibz verbis Pontifex acceptum, q̄ p̄ceps iracundia dedit & ferox ingeniū, soluit quidem anathemate; Rhegiū tamen urbem, contra q̄ conuenerat, non restituit. Ac potius in vincula rapere statuit (cogitasse satis constat) maloq; Ferrariam extorquere voluisse. Neq; destitisset, vt erat ardenti obfirmatoq; animo, nisi impotuos ille conatus celeri discessū occupasset. Sic ars arte victa est. Cardonius breui reparato exercitu Neapoli versus Aprutium discessit. Recensitis eo copiis, peditum septem millia sunt inuenta duobz adiūctis millibus, qui regens ex Hispania venerant. Horum cura Padulē Marchioni desti-<sup>20</sup> nata est, & quoniam ad Aquilam in rixa quadam sibi ipse manū vulnerauit, eius locum tenuit Solisus magno vir animo. Cataphracti mille ducēti erant, leuis armaturæ equites quingenti & quinquaginta. Præter hunc numerum Prosper Columna cū quadringentis equitibus propediem venturus in castra expectabatur. Huic prima acies est data. In medio agminē Gollani Comes Traiecti Dux & Antonius Leiuā curabant. Postremam aciem Alfonso Caruaialius Xodaris regulus ductabat, illiq; adiūcti nobiles alii duces. In centurionum numero Ioannes Urbinas fuit bellis deinde Italicis magnam consecutus laudem. Has Cardonius copias sub signis habuit, cum à Pontifice subeunte belli suscepti pœnitentia venire mādāta, ne vltius progredēretur, ac se potius finibus cōtineret. Insu-<sup>30</sup> brum bello confecto, quid nouo exercitu prouincias fatigaret, vexarēt agros & oppida? Hōesta scilicet species digna Pōtifice cura. Altior tamē cogitatio pectori infederat, trās alpinos omnes ex vniuersa Italia pellendi. Gallos quidē Hispanica ope & Heluetiorū viribus deturbarat: nunc Italia Principum copiis & armis tantundem de Hispanis fore confidebat. Cardonius tamen ea denuntiatione nihil territus cum omnibus copiis Aprutium transgressus, Firmum tenuit Pīceni urbem ad superū mare. Inde p̄ter Forliuū & Fauentiā continuato itinere in agrū Bononiensem irruit. Ad sancti Petri oppidum in eo tractu positis castris legati ab Heluetiis venerunt contestatum, q̄ iusserat Pontifex, ne procederet amplius. Si negligeret, obuiam ituros. Gallos ex Insu-<sup>40</sup> bribus pullos, arcibus, q̄ in fide perstabāt, subiugandis idoneas ipsi vires suppetere. Quid se suosq; frustra importuno labore vexaret? Cardonius se sociali bello summū delectum ducem dicere: nisi Principum confederatorum iussu cessare nō posse. Ita motis castris Bononiam primum, deinde Mu-<sup>50</sup> tinā abiit, cum Gursensi coram belligerendi consilia Mantuæ, vt conuenerat inter eos, communicare constitutus. Accessere Cariaci Comes & Petrus Vrrea dimidiato circiter Augusto mense. Collatis sententiis, quid opus facto esset decernere promptum non erat. Ad priores difficultates accessere Veneti cum cæteris Cardonium aditu Insu-<sup>60</sup> brum palam arcētes. Erat præterea illis destinatum Brixiam Cenomanorum impugnare Gallicarum tum partium urbem, Venetæ ditioni detractā Obenigno custode cum tribus amplius militum millibus. Cæsaris & Ferdinandi legatis alia mens erat; eam urbem sociali exercitu occupari, sociorumq; adeo nomine obtineri. Vicit tamen sententia non esse eā possessionē tanti, vt Venetostunc quidē propterea irritarent. Ac potius Cardoniū Mediceorū patrociniū suscepto Florentiā ducere visum est; exulesq; adeo in patriā, vnde fuerant<sup>70</sup> iniuria pulsi, armis Hispaniæ restituere. Soluta Mātuanō cōuentu, eoq; approbato cōsilio Cardonius Mutinam rediit, vbi reliquerat copias. Iulianus Medicus iter prosequēbatur. Ioānes Cardinalis Iuliani frater iam ē Gallica captiuitate forte magis quam consilio liber, Bononiæ cum tormentis operiebatur. Maius momentum in Prospero Columna, qui tandem se suosq; reliquis copiis adiunxit. Moræ causa Pontifex extitit transitu per Picenum prohibito, reque necessaria longiori itinere facto. Sub idē tempus vt Maximilianus Sfortia, qui iam se in Germania Mediolanensem Ducem dixerat proxima paterni principatus spe, in Italiam veniret decretum erat, præsentia Insu-<sup>80</sup> bres pacatum, si qui præterea Gallica maiestate tenerentur. Pontifici Placentiam & Parmam præsidis in ea ditione occu-



occuparant, vti paulo ante dictum est, quasi antiquis temporib. iuris Pōtificii extitissent. Romæ Paschalis Burgenfis Episcopus decessit ex Dominicano ordine solitus quotannis Romana templa religionis ergo, plena maiestatis & numinis venerabundus inuifere. Et tunc Lateranensis conuentus pari pietate inter paucos conspicuus; si vera memorantur, clarus miraculis ante & post obitam mortem. Decessere præterea Archiepiscopi Auennionensis & Rhegienfis viri & ipsi præstantes. Vulgati inter patres morbi ad alias causas adiuncti effecerunt, vt post primam & secundā actiones cōuentu ampliato, reliquæ actiones in proximi Decembris initium consensu reiicerentur. Pontifici erat destinatum Patrum ope bellum in Turcas decernere, quasi classico excitis ad arma toto orbe Principibus. Baiazetis filiorum inter ipsos dissidia conatui opportuna videbantur, ea contentione vt Selimus minor Baiazetis filius ope prætorianorū militum imperio patri detracto, paulo post maiores fratres Achomatē & Corcutum obtinuerit. Oblatam cælo occasionem ferocem impugnandi, arripere Pontifex cupiebat oppido, cupiebant omnes boni. Non deerant tamen sermones suspicantium ea arte Hispanos ex Italia deducere destinasse. nihil syncere geri prauo homines ingenio credunt. Sinistro rumori fides adiuncta passim est, quoniam Pontifici haud dubium votorum ea summa erat.

*Magni Gonsalui profectio in Italiam impedita.* CAP. XIII.

Cardonius Neapolitanus Prorex, vti erat decretum, versus Florentiam cum copiis omnibus mouit. Fama erat eam urbem in libertatem asserere destinasse quorundā libidine & impotenti dominatu oppressam, atq; efficere vt pace cum Pontifice conciliata factiosis ne amplius faueret. Nemine repugnante Pratum appulit ab ea vrbe decē modo passuum millibus distitum oppidum. Inerant milites magno numero, & conuecti antea com meatus. Ita de deditioe appellati facere recusarunt. Vim ad mouere & metum placuit. Dispositis tormentis atq; dispolis quassata mœnia late stragē fecere. Aditu patefacto vi in oppidum per ruinas irrumpitur. In captos & miseros incolas militaris sæuitiæ auaritiæ & libidinis multa exempla extiterūt; cum omnia profana spoliassent, ne à sacris quidem abstinerunt, constupratæ virgines, certa si quis resisteret cædes. Terruit ea res Florētinos vehementer; atq; ita vt ad fœdus faciendū sine mora animos flexerint, alioqui peruicaci ingenio & obstinata aduersus mala gens. Id quo liberius contingeret Vexilliferi munus, superempe potestatis bello paceq; nomen, Petro Soderino, quippe Gallis ad insaniam addicto detraxere. Mox delecti viri primarii, qui de conditionibus cum Hispano disceptarent. Ii à Cardonio benigne accepti atq; habiti pepigere fœdus, cuius summa capita erant. Vt Medicei & Pacii exules in patriam & bona paterna, vnde euerfi erant, inducto priori decreto restituerentur. Florentini publice ad fœdus Principum accederent pro ecclesiæ dignitate antea sancitum. Gallicum patrocinium mutarent Hispanico, Ferdinandi Regis in clientelam accepti. Firmato illi in eas leges fœdere beneuolentiæ maioris argumento suarum copiarum summum ductorem dixerē Padulæ Marchionem. Pecunia etiam, cuius penuria erat, in stipendium militāre Cardonium iuuerunt. Tantundem Senenses, Lucēsesque fecere in Ferdinandi Regis fidem & tutelam & ipsi accepti. Per idem tempus Ianus Maria Campostregosus factionis opibus Genuā ingressus eius vrbs in gratiam Pontificis dictus est dux. Sic contributa Genuæ oppida passim ab imperio Gallico defecere, auide plerisq; quasi ex diuturna siti arripiantibus libertatem. Id vt esset stabile & ex sententiā cōtigeret, prouisum vt Berengarius Olmius cum suis t'remibus ad Liguriæ oram accederet. Ex eo cuncta Hispano in Italia prospere fluere, nihil vt amplius desideraret, etiamsi ex suo arbitratu fingere successus daretur. Magni Gonsalui ex eo profectio in Italiam dilata primum, deinde penitus disturbata est. Quod qua ratione cōtigerit, explicemus. Postq̃ ad Rhauennam Hispani male pugnarunt, omniū oculi in Gonsaluū sunt coniecti certa spe, eius virtute & prudentia tantis malis fore ignominiaq; leuamen, quippe ea tempestate spes & opes cunctorum in illo sitæ videbantur. Salus in vltimas angustias deducta nullum ambitioni nullum inuidiæ locum reliquerat. A plerisq; Cardonii imperitia Nauarri temeritate accusabatur, in eam cladem fuisse præcipitatum. Gonsaluum hominē de cælo lapsum maiorem conditione mortali multo vsu & magnitudine animi cunctis haud dubiū præstare bellica scientia, industria, felicitate. Ferdinandus ipse Rex, licet de tanti viri voluntate parū fidebat, multis a se iniuriis exacerbati, & conceptum potius odium expromere cupiebat, re tamen necessaria cum in Italiam mittere decreuit rebus profligatis salutare præsidium. Burgos, vbi Rex erat, euocato profectio denunciatur. Otiū ille inimicus, quo diu marcescere videbatur, iuuādī rēp. libēter oblatā cælo occasione arripuit. Et erat gloriosum vni se rēp. tradere tēporib. coactā & malis. In profectiōe & apparatū intērus Malacā abiit. Mirabile dictū q̃ multi Italica expeditione euulgata ex omnib. partib. confluxerint, vt in eā militiā



nomina darēt, cupidissimi eo duce induendi arma, pleriq; sua virtute nobiles & claro ex genere orti. Regi tantus concursus molestus extitit, & Gōtali inuidia & quoniā de bello Vasconū cogitabat. Et fere Regib. boni q̄ mali suspectiores sunt, semperq; alienæ virtutis plausus formidinē facit, præsertim si modū excessit. Ita definito numero mādāt, quingentos grauis armaturæ equites duceret, pedites duo millia non amplius. Nihilo tamē magis ardore remisso in eum numerum viri nobilissimi legi ambiunt: multi ex prætoria cohorte Regis aut alioqui eius in Hispania stipendia faciētes missione impetrata, non deserta militia sed mutata in Italiam abire festinant, eius ducis auspicia sequi cupiētes, qui suæ fortunæ esse videretur artifex, opes, victoriam, felicitatem secum ferre in quamcunq; se dedisset partē. E Castella atq; Bætica ingens numerus in eam expeditionē volūtarii, suaq; impensa militaturi ire parabāt, satis magnum operæ pretiū fore rati si tali magistro prima militiæ tyrocinia posuissent. Rex quo maior ardor erat, eo cūctari amplius, moræ causas alias ex aliis nexas excusare, spe Cardonium præclaro aliquo successu superioris ignominia memoriā deleturum. Quem ea beneuolentia complecti visus est, vt opinionem vulgo fortassis temere sed susceptā tamē confirmaret, ex eo genitum. Ergo rebus in Italia prosperum cursum tenentibus maiori indies incremento, Ferdinandus Rex posita tandem persona Gonsaluo denuntiavit, profectiōem vsq; ad hyemis exitum sustentaret: interim extraordinarios sumptus excusaret: daret porro operam, vt aulici & milites regis stipendiis conducti ad bellum Vasconum proficiscerentur. Hæc mandata initio Septembris Cordubam ad Gonsaluum delata, pro eo ac par erat molesta extiterunt tam ipsi quam militibus vniuersis: prorsus vt è cataphractorum ducibus nullus ad bellum Vasconum iuerit præter Gutierrezum Quixadam. Gonsalvus litteris expostulationum plenis tum ad Regem tum ad amicos datis aulæ fraudes conquestus est: cuius insidias vitare quis possit? accusare fortunā fluxam inconstantemq;, inuidiam alienam, quæ nihil aliud scit quam obrectare melioribus, corrumpere honores, & præmia eorum. Superiora merita qualia & quanta, ea scilicet mercede pensari. Vincitur interdum generosus spiritus, & iracundia viribus succūbit. In dolore tamen maximo duo præcipue extitisse molesta. Nominis existimationi labē inuri prona hominum in deterius suspitione, profecto nisi magna de causa grauem ob aliquam offensam superius decretum haudquaquam iri mutatum. Populi rumores tolerare durū, necessariū tamen. Deinde, iis qui vt se prosequerentur, magnos sumptus tolerarant, nullam compensatiōem abs Rege esse, nullam gratiam: id vero grauissimum videri atq; intolerandum, sua causa insignem iacturam passos. Duriorem ipsa morte vitæ conditionem deinde exilio mutare constituens è familia misit, qui à Rege facultatem peteret Terranouam suæ ditionis oppidum in extrema Italia discedendi, amoeni secessus, & ab arbitris remoti. id summi beneficii loco futurum. Ad hæc rex longo vsu edoctus fallaci vultu verbisq; blandis sedare iras, respondit: eius operam minime fore necessariam Gallis ex Italia pulsis: neq; opportunum nouas ex Hispania copias mittere, quo tempore de Hispanis vniuersa Italia pellendis consilia Pontifex seriō agigaret. Profectiōni quam optabat duriorem se ostendit, ac consultius iudicabat tantis defuncto honorib. ea ætate Loxæ domi suæ conuiescere, magnorum virorum exemplo vacatione impetrata. Leges maiorem annis otio reddere, quid negotia non necessaria captaret: gloriæ meritæ & partæ quid vltra periculum faceret? Præclara verba, si cætera responderēt. Sed alienati animi atq; offensi multa deinde argumenta extitere. Præter suspiciones superiores, reus in secreto ab aulicis agebatur nulla facultate calumnias detergendi. Inuidia eo nocentior, quo magis ex occulto grassatur. Ita in Garfiae Lassi defuncti locum Legionis Promagister fieri cum cuperet atq; peteret, repulsam tulit Ferdinando Toletō prælato. Par euētus alterius petitionis fuit, qua Hornachos diui Iacobi militiæ oppidum vectigalq; honorarium ex eo commendari per idē tempus postulauit. grauem ignominiam clarum auersi animi signum. Offensionis susceptæ præter alia duplicem causam inuenio. Altera propria. Enimuero Ferdinando regi Gonsalui voluntas semper suspecta fuit: & constat sæpe conquestū apud amicos, consilia eum aliena agitasse. dissimulatum tamen superiorū meritorum memoria, haud dubiū ingenti numero moleq;. Cōmunis fere magnis Principibus altera: ac potius cūctis hominibus, beneficia eo vsq; grata ducentibus, dum videntur exolui posse, vbi modum excessere quos quasi creditores aspiciamus, iis pro gratia odium redditur. Et est procluius iniuriæ q̄ beneficio vicē repēdere, q̄a vltio placet, gratia plerūq; est oneri. Vtiq; si meritis paria p̄mia reddi non poterant, æquū profecto videbatur tali viro nihil denegari q̄ dono dignū esset. Verū præterita accusare quis iuuat? Quis regū offensas præceptis salutarib. frēnabit? Suspiciones amouebit aulicorū præsertim calumniis & fraudib. confirmatas, meliores criminando allatrandq; eorum magnitudini, q̄ facillimū factū est, ex aliena iniuria & malo splendere volentium.



**A**D ſancti Ioannis oppidum Albanus morabatur neq; magno neq; vilo moræ pretio. Gallis tamen Hiſpaniæ aditu ea parte prohibitis variæ militares manus prædatum in vicinos agros progreſſæ pecora abigere, agreſtium eadẽ facere, villas vicoſq; incẽdere nulla præterea re memorabili. Bellica tormenta deerant. Ea Dieghus Vera magno labore niſuq; propter locorum aſperitatẽ ſuperatis montib. trochleis ergaſtiſq; ſepe in ſummas rupes ſublata pariq; induſtria in ſubiectas valles demiffa tandẽ id in oppidũ intulit. Borbonius, Longauilla, Mompenerius, Palicius atq; Lautrechius ad Saluaterram & finitima Bearnẽ loca ſtatiua habebãt, atq; in iis octingẽtos cataphractos, pedites octo millia, Hiſpanicis copiis obiecti haud magno diffiti interuallo. Præterea Delfinus ad Garriciũ validã continebat manum, paratus quocunq; res vocaſſent, in eam partẽ impetũ dare. Vaſconis tantum aduentum cum ſuis peculiarib. copiis ſuſtentabant, vt in Hiſpaniã irrumperent maiorum regnum recuperandi ſpe. Ea vulgata fama Sanazariæ & Roncalenſis vallium incolæ veteris imperii amore nouum excutere tentarunt correptis armis. Mareſcalus quoq; Vaſconum Petrus Nauarra, qui eatenus medium ſe geſſerat, palam Gallicas partes amplexus eſt, Tudela vrbe raptim ad Gallos proſectus ſub aduentum Ferdinandi Regis eo delati ad excipiẽdam Germanam coniugẽ ſolutis Aragoniis conuentib. reuertentem. Ea res Vaſconem excitauit, vt maiori feſtinatione renaſcentia ſuorum ſtudia foueret, fugacia eſſe occaſionum momenta non ignarus. E Vaſconibus in Galliam atq; Bearnem  
20 gemina vallis pertinet in fauces deſinens, quib. neceſſario tráſitus & iter eſt; altera Roncalis dicitur vulgo, vallis altera Roncarum. Roncali ſancti Ioannis oppidum ſubiectum eſt ad montis radices qua in Galliam proſpectat. In eo Albanus tendebat cũ copiis. Vaſco in Vaſcones parte altera armatus Palicio adiũcto irrupit, mẽſe Octobri dimidiato. Hiſpanis minores vires erant, q̃ vt in vnius pugnæ ſorte de ſumma rerum auderent periclitari. Variæ tantum manus iniquis ad tráſitum locis, quacunq; montes in anguſtias coeunt, ſe oſtentare, diſtinere hoſtem. Fernandus Valdeſius in eo numero Burgium ingreſſus, id oppidum tueri tentauit. Leui imbecillaq; munitione inuitati hoſtes impetu factõ, quamuis quadringentis è ſuo numero amiſſis intra munimẽta irrupere. Ex obſeſſis cecidere nõ pauci, atq; inter alios dux ipſe Valdeſius egregie q̃uis pugnans. Indignatione in ea pericula irruiſſe fama fuit ex regis verbis concepta, redeunti ex prælio ad Rhauennã factõ dicentis, Boni vbi manẽt? Altius id verbũ hæſit quaſi vibratũ telũ, q̃ vt euelli niſi morte poſſet. Albanus Põpelonis piculo p̃motus relicto in ſancti Ioãnis oppido Diegho Vera, vnaq; octingentis Legionariis ducentiſq; cataphractis, & viginti bellicis tormẽtis, cũ reliquis copiis ſuperare montes, & rebus Vaſconũ opitulari conſtituit. Tráſitu redeuntes prohibere facile Vaſconi fuit, quod facere omnino debuiffet. Excæcauit nimirũ diuina vrgens vltio, Principes & gentem peruertere volens. Ac ne continuo quidẽ, vti opus erat, Pompelonem copias admouit præſidio infirmo fluxa regentium, vti in nouo imperio, auctoritate, opportuna iniuriæ. Vtroq; errore factum, vt omnia in contrarium verterentur, accedentib. ſubinde ad præſidium nouis cohortibus, Albanoq; adeo cum exercitus robore  
40 in vrbe inuecto. Sic cũ ſpe deſenſionis ciuib. animus etiã acceſſit. Ceſarauguſtanus quoq; Præſul ſub idẽ tempus Exeã duxit ad ſex militũ millia equites peditesq; opportunũ in ea difficultate rebus præſidium. Inter cætera oppida, q̃ correptis armis à nouo imperio deſecere, arcis munitione cõfiſa Stella ampla vrbs rebellarat. Franciſcus Nauarra eo delatus, ope quorundam ciuium, quibus noua deſectio diſplicuerat, intra mænia admiſſus, oppidanorum copias militum ſuorum prædã fecit direpta vrbe. Arx impugnari niſi maiorib. viribus non poterat. Acceſſit cum copiis aulicorum cohorti Præfectus. metus ſæpe officii magiſter obſeſſorum mentes aperuit, vt ferocia depoſita ſupplicum velamenta præferrent pacem petentes & veniam, arce dedita. Id exemplum Cabrega, Mongiardinũ, & Tafallæ arces cũ primis munitæ, ſunt ſecutæ facta item deditione. Vaſconi omnia aſpera  
50 erant, prona hoſtibus. Nã per Broti quoq; vallẽ & fauces quas coeuntes Lacetani montes efficiunt, Bigorræ Senecalus cum manu militari in Aragonios fines irrupit. Ager & frugũ vacuus præſertim eo tempore anni. Torlam aggreſſus inter montium iuga ſitũ oppidum vi admota cepit. Indigenæ eo tráctu inter ſe inuitantes facta manu, atq; iis adiunctis qui ex oppidanis ſupererant, montani homines frigore & laboribus durati in hoſtes prædæ & direptioni intentos factõ repente impetu, priuſquam ſe colligerent, duobus amplius millib. ex eo numero cæſis, cæteros in fugã cõpulerunt, amiſſis impedimentis & aliquot minorib. tormentis, q̃ ſecum detulerant. Vaſco ſero quãuis octo tamẽ à Põpelone millib. ad Virociũ pagum caſtra promouit. In ciuiũ beneuolentia p̃cipua ſpes victoriæ, quos ſub eius aduentũ aliquid p̃fecto moturos intra vrbe cõfidebat. Cõcepta haud temere fiducia



fefellit. Ducentis ciuib. ab Albano ea vrbe antea pulsus, quos suspectos maxime credidit, ceteri eorum exemplo poenæ cautiore conqueuerunt. Simul ad Reginæ pontem haud dissitum oppidum nouæ militares manus confluebant Pompelonē tuendi, sed & prælio decernendi, si res ferrent, voluntate. Mille & quingenti pedites Vaccæorum è Capania atq; ex Ultramontanis venire, Bugia nongenti duce Lupo Arriano Barcinonem paulo ante appulsi. Accessere eodem Aragoniæ copiae. Summa imperii Anagari Duci erat permissa. Alfonsi Peraltæ sancti Stephani Comitis inter Vascones præcipua rebus omnibus fides studiumq; Amplius deuinciendo eius animo Marefcali Vasconum nomen tunc est adiunctum in locum Petri Nauarræ lege maiestatis damnati, nec multo post aucta indulgentia Marchionis Falcis titulus & honos accessit. Hæc agebantur, neq; tamen ob- 10  
 fidione Pompelonem hostes cingebant. Dum noua à Delphino Gallorum auxilia expectantur, tēpus est extractum maiori vrbis cōmodo q̄ hostium. Palicius moleste ferebat nihil ex voto speq; succedere: ac contra omnia in contrariū verti. Vt aliquod opere præ-  
 tium extaret, Vasconis castra eo loco posita, vnde ciues cōmeatus facultate prohiberent. Aliæ interim Gallorum manus eorum qui ultra montes tendebant, in Cantabriæ fines irruerūt. Hispanicas vires in plures partes diducere consiliū erat. Lautrechius iis copiis præfectus per Fonterrabiæ fines ad Sebastiani fanū castra promouit, oppidi modici quidē sed validi potiundi spe, ad mare positi Hispaniæq; fines extremos. Forte Ioannes Aragonius Cæsaraugustani Præfulis filius in eo oppido morabatur, dum in Belgas proficisceretur fidei pignus ab auo Ferdinādo regnum illi Neapolitanum nequaquā destinari, cōtra 20  
 q̄ Cæsar suspicabatur: Ioannes Nucæus Comes itineris ibat legati munere imposito in curia Caroli Principis. Eorū præsentia saluti fuit. Oppidani quousque pauci pro ingenita audacia, & eo inflāmati præsidio magna virtute tutati oppidum hostes à mœnibus repulso Renteriā reiecere: inde ite concursu provincialium reditu prohiberentur, Aquitaniā festinato repetiere. Ad vires adiunctæ artes, q̄ incōmode Gallis cecidere: Ferdinandus Aragonius Calabriæ Dux sub idem tempus Gallicis promissis lactatus, Neapolitanum regnum tradituros iure suum possessione alienum, Lugrunio, vbi cum Ferdinādo rege erat, in Gallica castra dilabi deliberatum habuit. Res tanta sine consensu & adiutoribus peragi nō poterat. Indicio facto vincula iniecta tum ipsi sunt, tū quatuor infelicitis consilii interpretib. administrisq; Miseros omnia p̄sidia, mens quoq; sepe destituit. Ducis custo- 30  
 diæ Atiensæ primum arx, deinde Serabis in Valentino tractu designata est. Sociis maiestatis lege postulatis conuictisq; per plateas tractis vncus & laqueus vitæ finis fuit. Extinctorum cadauera mēbratim dissecta. Conatus temere suscepti is exitus extitit. Anni tempus incōmodum erat, præceps in hyemē. Galli cōmunicato cōsilio festinaue decernunt, moramq; superiorem maiori conatu & ardore corrigere. Gemina virginum sacrarum monasteria extra vrbe sita sunt, alterum Diuæ Engratiæ nomine, Claræ alterū. Hæc Galli collegia diripere nulla locorum sanctitatis memoria metue. Quidā quin etiam centurio Germanicus aperto sacrario, pixidem argenteā prædādi auidus Eucharistiam, q̄ in ea continebatur, in altare impius iuxta & temerarius proiecit. Virgo templi cōditua eo  
 „ spectaculo cōmota. Apage inquit, tātum nefas: Christiana sacra impiis attectare mani- 40  
 „ bus non metuis? nō te pudet? cælo vindictā exspecta. Adest in limine, quē violasti, testis  
 „ idē & vltor Deus. Ad q̄ ille renidenti vultu. Hic ait, Hispaniorum Deus est nō Germano-  
 rū. Ab his initiis tetri de religione dissidii paulo post in iis regionib. subsecuti fundamēta nō obscura ponebantur. Suscepta impietas impune non fuit. Iudæ instar proditoris disruptis effusisq; viscerib. periit. Hæc Nebrissenfis fide probabilia, interest publice vt vera credatur. Disploris moxtormētis excussæ igneæ pilæ strauere late muros. Per ruinas & strages lapidum semel & secundo magno impetu ingruentes Gallos repulere Hispani insigni virtute felicitateq;. Cæsi ab vtraq; parte multi, plura ruinis obruta cadauera. Defensæ vtraq; impugnatione vrbis præcipuā latidē tulere Villalba tribunus militū, Fernandus Toletus, Fernandus Vegha, Antonius Fonseca, multiq; alii viri nobilissimi. Ioannes Albion periit Aragoniis maiorib. clarus suaq; præstans virtute. Anagari Dux p̄ iuga montis, 50  
 quē Reniegā dicunt, se ostentare, sex millia pedites sub signis habens, equitumq; turmas paratus hostiū castra inuadere, cum vrbe ipsi impugnarent, cete cōmeatus intercipere, grauare annonā Segorbii & Villæformosæ Duces prosequerentur, Aquilariū Marchio, Montacuti & Ripagorsæ Comites, ipseq; regiæ aulicorū cohorti Præfectus magnus nobilitate generis, & reb. gestis clarus. Galli tāto apparatusi vt pares essent veriti tātis copiis, soluta obsidione per Maiæ mōtis angustias faucesq; Galliā repetere decreuerūt. Pridie kal. Decemb. mouere castra. Secuti abeūtes iisdē vestigiis Ludouicus Beamōrius in Vasconib. equitū Magister auunculi regis beneficio, & Villalba tribunus è postremo agmine  
 cæsis



cæsis aliquanto numero hostibus, tredecim etiam tormenta bellica cedentibus extorserunt. Is finis belli fuit de Vasconum regno nobilis in paucis, is tantorum apparatus exiit. Agramonteses abiecta defensionis spe arces quas retinebant, victori dederunt, obsequium cum securitate contumaciæ cum periculo præferentes. Pompelonis mœnia, quæ erant quassata, resecta diligenter: areaque excitanda arci designata est, quo munitior vrbs esset aduersus externam vim, ciues à defectione quasi iniecto freno in posterum detinerentur. Aulicorum cohorti Præfectus, genti rector designatur Proregis nomine, in Comaribus Marchionem honoris causa mutato nomine, quo maior esset auctoritas, præsentibus & superioribus meritis gratia, incitamentum ad maiores conatus. Dum is prouinciæ demandata domesticis rebus compositis capefferet, ab Albano Petrus Toletus filius est substitutus, Villæfrancæ Marchio, qui cum cæteris urbem defendit præstanti iuuenis indole. accedentibus annis Neapoli multo tempore Prorex, prudentia ac animi magnitudine in paucis parentum & nostra ætate conspicuus, claris maioribus & bonis artibus præditus.

*Cardonius Brixiam urbem cepit.* CAPVT XVI.

Hunc cursum habuit bellum in Hispaniæ parte concitatum. In Italia confecto bello Hetrusco Cardonius, quæ felicitate dictum est, compositisq; Florentiæ ex sententia rebus, prioriq; adeo ignominia in laudē versa, ducere porro in Insubres pergit. Mutinæ, 20 ditionis tunc Cæsareæ cum ipso Gursensis, Petrus Vrræa, atque Andreas Burgius conuenerunt de belli ratione rursus in comune deliberatum. Brixiam Gallico usque dum præsidio munitam obsidebant Veneti ad suum imperium reuocandi spe. Cæsar sui esse iuris disputabat, neq; passurum ut ab alio quocumq; eriperetur. Heluetii ad Maximiliani Sfortiæ ditionem, cuius patrociniū susceperant adiungi cupiebant, vim adhibitori nisi esset obtēperatum. Trifariam in diuersa se intendentibus studiis ne graue incommodum extaret, verendum. Consensu Mutinæ decretum est, ut Cardonius occupatis disceptantium conatibus, eam urbem ad motis copiis captam de Gallis confederatorum nomine obtineret, ei redditurus cui iure & legibus deberetur. Eo probato decreto Gursensis quidem Mutinæ substituit, Vrræa, Burgiusq; Romam abierunt Pontificis de eare voluntatem mentemq; exploratum, simul pactam ex fœderis legibus in stipendiū pecuniā extorquendi spe, quoniam 30 ab aliquot mensibus reddita non erat. Abnuuit Pontifex, ex quo ad Rhauennā erat dimicatum, excusans nullam pecuniam deberi quasi motis societatis legibus antiquato fœdere. Daturum tamen sponte, si Cardonius Mediolanensem expeditionē Ferrariensi mutaret, quam urbem occupandi nondum neq; spem neq; voluntatē deposuerat, mora feruentior & aduersus difficultates animo peruicaci. Omnino Urbinas copias in aciem produxerat non alia spe: ac præter Italos Heluetiorum duo millia ad Lucum & Bagnacaballum continebat. Minores conatu vires nisi aliud esset adiutus. ac præsertim pecuniæ in stipendiū ob inopiam passim dilapsi milites signa indies deferebant. Vrræa & Burgius præter speciosa verba facturos q; Pontifici placeret, nihil præstitere. Missus Bernardus Bibiena, cui purpuræ deinde 40 honos accessit, Cardonium edoctum, quid Pontifex postularet & veller. Commodum Piscarius pecunia redempta à Gallis libertate, Mutinam delatus cataphractorum alæ continuo præficitur inter Hispanas lectissimæ, cui Gaspar Pomarius dux fuerat in tumultu quodam Mediolani nuper occisus. Ergo Kalendis Octobris Cardonius Mutina versus Mirandulam mouit, quo tempore bellum in Vasconibus. vigeat maxime ardore præcipuo. Ad Ostiam Padum transmisit. Ibi recessitis copiis pedites nouem millia sunt inuenti Padulio summo ductore. Prosper Columna in dies expectabatur quadringentos amplius grauis armaturæ equites mille pedites in supplementum adducens. Moræ occasio, transitu prohibere Pontifex per ditionem frustra conatus. Non destitit præterea Sedunensem mone- 50 re, efficeret ne Heluetii sinerent Cardonium in Insubres penetrare. Hispanos dictitabat ad imperium vniuersæ Italiæ aspirare. Quid gallis eiectis profecissent, si Hispanis seruituri erant inopia, auaritia, peruicacia maiori? Non imperium externum excussum, sed peiori seruitute, si id contingeret, mutatum iri. Veronam tamen Cardonius nullo prohibente peruenit, ubi Rocandulfus ad reliquas copias duo millia Germanorum, equites expeditos quadringentos adiunxit, præterea tormenta bellica sex maiora, culebrinam unā, minora atq; campestria viginti. Eo apparatu Brixiam versus mouere signa. Ob benignum Vnetorum obsidione fatigatus, & metu noui aduentantis exercitus commotus, ut par erat, Cæsaris vexilla è muro prætendit deditionis indicio. Tū Bibiena in Hispanorum castra delatus Pontificis mandata, ut erat iussu, explicuit. Respondit verbis blandis Cardonius, cupere vero Pontificis iussis obtēperare, facturumq; adeo fuisse, si antequam Padum traiceret in castra ipse



venisset nunc vltius esse progressum, quā vt sine ignominia & dedecore reuocare liceret. Bello confecto facturum q̄ Patri & Pontifici placuisset. Digressus Verona Cardonius Piscariam ex itinere vna cum arce Gallicā tū ditionis subegit. Ad Venetos & Paulum Ballionium summum Veneti exercitus ducem antequam Hispanorū copiae Brixiam peruenirent, qui suis verbis denunciarēt legatos misit se quidē socialis exercitus summum ducem, ne deesset officio, venire, daturum operam vt cuiq; sociorum sua iura cōstarent. Proinde suos conatus iuaret, viresq; coniungerēt: in amore & officio vinci turpissimum ducerent. Verbis ludebatur. alioqui discrepantib. voluntatib. vel maxime atq; in diuersa tendentibus, q̄ poterant inter se cōuenire? Octo ab ea vrbe millibus Hispanorum castra erant, cum Galli ad deditionem flexere animos honestis modo conditionib. Datum vt gallicae copiae, quadringenti cataphracti, pedites ad duo millia, cum equis, armis & impedimentis omnib. relicta vrbe irent quocumq; voluntas aut commoditas ferret. Mediolanensem modo arcem aliasve Gallicis praesidiis detentas vitarent. Pro magno habitum duobus exercitibus vallatos quāuis Gallos, nullaq; auxiliorum spe id expressisse. Verum hostium inter ipsos suspiciones afflictos iuuerunt, annitēte praesertim Gursenā, cuius erat praecipua reb. omnibus auctoritas. Eadem conditiones praesidiariis arcis militib. sunt concessae pactis deditionem arcis cum tormentis & reliquo instrumēto bellico, nisi intra vnum & viginti dies idoneae copiae auxilio superuenirēt. Pacta Brixiae deditione ad octauum kalendas Nouembriis ipso die Cardonius ad Castanetolam non procul ea vrbe lustrato & recensito vniuerso exercitu, inuenit supra octo millia peditum in castris habere iis adiunctis, qui tunc cum Prospero Columna in subsidium accesserunt. Solisio impigro viro deditae ciuitatis cura cōmendata est, militibus mille circiter in tutelā attributis. Reliquae copiae Bergomi arcem impugnatam, dedita interim ea etiam vrbe, abierunt. Villamarinus maris per Italiam Praefectus Neapoli cum septem triremibus discesserat Pontificiis triremibus, quae ad Urbem veterem paratae erant adiunctis Genuam iturus Lanterna arcem obsessum Gallico praesidio imperioq; eatenus detentam. In eo portu tres alias Venetas triemes inuenit senatus decreto rogatu Pontificis in id missas, praeterea quatuor alias Genuensis ducis, sed milite, turba nauali, & tormētis parum instructas. Lente omnia procedebāt, obsidioq; in lōgum ducebatur. exigua proficiendi spes. gallica classis multo minor sociali, sese ad Massiliam continebat sex non amplius triremium, & vnus rostratus maioris nauis, nihil nisi ex suo commodo ausura. Cardinales factiosi Lugduni institutos conuentus agitare porro pergebant, magnificis promissis Principes singulos lactantes prehensantesq; de alieno iure munifici. Hugo Mōcada Siciliae Prorex validā classē in Tripolis portum intulit. eam vrbe arcesq; munire destinabat, bello Africano repetendo cōmodissimam possessionem. Vrbinas in Emilia Rhatiennam inter & Bononiam quingentos grauis armaturae equites continebat, Heluetios mille. Italorum maior numerus, minor vsus licētia maior. E castris enim digressi ducum iniussu, rapere, spoliare, vi & stupris cuncta polluere, in omne fas nefasq; auidi atq; venales praecipuo agrestium damno. Belli aduersus Ferrariēsē haud magno conatu ex intervallo repetiti is fructus extitit praeterea nullus.

*Maximilianus Sfortia Mediolanum ingreditur.* CAPVT XVII.

**M**aximilianus Sfortia Tridēti atq; Veronae aliquādiu morā traxit. Vt galli ex omni ditione pellerētur, ac Mediolani & Cremonae arces reciperētur dum auide expectat, aliquot abire menses. Simul Heluetiis vt pretiū suscepti laboris esset, atq; in eā rem ciues Mediolanenses pecuniae affatim volētes decernerēt, sedulo agebatur. Ii. n. in studium noui Principis tuendi quāuis incitati; neq; Principatus partem aliquā detrahi cōcedentes, ne Parmā quidem & Placentiā a Pontifice occupatas, nō Astā, q̄ penes gallos erat, ac ne Cremonā quidem & Geradadā Venetis ante aliquot annos ex foedere datas cum Gallis icto; in partē tamen pdae venire cōstituerant de alieno munifici, de suo parci vitio vtrumq; humanae mortalitatis. Cōuenit vt Mediolanenses duob. annis centum & quinquaginta millia auri illis numerarent, annua quadraginta millia in omne tēpus tributū honorarii nomine. Fidei pignus tres in ditione arces essent penes eos relictae. Principum aliorum non vna mens erat, neq; cōsentiētes voluntates. Caesar vni ex nepotib. Mediolanum potius q̄ Sfortiis destinabat. Pares conatui vires nō erant, Gallia infensa vniuersaq; Italia ex veteri stirpe Principē Mediolano dari expetēte; si morarentur spēm vi parata atq; armis: Gentis cōmunia vota vocēsq; Laudis Pōpeiae Episcopo occasionem pbuere de eo Principatu cogitadi, quoniam caleacii Mediolanensis Ducis fili⁹ erat sed stupro susceptus. Nō displicuere ii conatus Sedunēsi Cardinali rerū in ea gente pcuracionem, q̄ obtinebat, retinēdi alieno nōe regnadi spe in aēs Principis titulos penes Episc. fore impiū penes se quo minores vires essēt, eo amplius aliena ope sustētari op⁹ fore. Ne Pontif. qdē auersū se iis molitionib. pbere visus est ob suspiciōes susceptas in Maximilianū parū propēsus. Cesari & Ferdinādo regi



obstrictum maxime minus sperabat fidum & obsequentem futurum. Ad hos conatus occupandos Brixia capta ut Maximilianus Sfortia quamprimum Mediolanum iniret curatum præstitumque est. Urbem iniiit ad quartum Kalendas Ianuarii ineunte salutis anno millesimo quingentesimo decimo tertio prosequētib. Sedunensi Gursensiq; Cardonio<sup>1513</sup> & Petro Virea. Venienti obuiam vniuersa ciuitas effusa portis est, quasi ex diuturna siti cuncti auide suum Principem expectabant. Heluetiorū legati solenni cæremonia in manus dedere clauis, cunctaque quondā veterib. Principib. exhiberi solita cōtinuo decreuit senatus. Peracta latitia superosq; precati ut suis beneficiis fauerent, & tantis muneribus perpetuitatē adderent, ad bellum retulere animos. Gallis eripere quæcumq; retinebant<sup>10</sup> necesse erat. Padulius cum peditatu Trezum arcem impugnatū iuit ad Abdurā ripam operibus militeq; firmatam, breui tamen dedita est. Nouariæ arcē simili exēplo Ducis copię Gallico præsidio pulso ceperunt, non minus quamuis munitam, neq; minoris momenti possessionem. De induciis quæ Cæsare inter & Venetos erant, pace mutandis agebatur, & quoniam pactum induciarum tempus cum mense Ianuario exibat, mensis Februarii primū deinde Martius est adiectus, utrumq; Cariatii Comititis diligētia auctoritateq; Conditiones à Pontifice anno superiori oblatas Gursensis æquior iā factus probabat. Veneti ad nullum fœdus veniebant nisi restituta Verona. Vim adhibere visum est, Cæsaribus, Hispaniæ, & Mediolanēsis. copiis in vnū corpus collatis. Heluetiorū nulla mentio, quoniā Tramullii ad eos legati opera breui ad fœdus Gallicū transituros suspicio erat<sup>20</sup> haud inanis euentu, & tunc magnis coniecturis fundata. Cardonio priusquā in Venetos expedirent arma, Mediolanensem principatū stabilire in primis placebat Gallis possessione deturbatis vrbiū & arcium quæ magno numero vsq; dum in prouincia obtinebāt. Triuulcius quoq; quinque peditum millib. nouo delectu collectis ac plurib. indies in castra confluentibus, denuo bellum reparare cogitabat, virtutis & prudentię dux opinione singulari. Eo Prosper Columnia cum valida manu Astam urbem tenere iussus est, transituq; Gallos arcere, quoniā in aditu Insubrum sita est, Subalpinis & mox Gallia propinqua. Ferdinādus rex ut bello in patriā implicaret Gallos distineretq; Anglo genero auctor extitit. Anglicæ gētis infociabile ingenium est. Haud facile in cuiusquā alterius nationis cōsortium veniunt, cuius rei anno superiori satis clarum documētum extitit. Curatum ergo ut<sup>30</sup> Calitium ditionis Anglicæ urbē traducto milite Nortmānos lacefferent. Aquitaniam accessuram in victoriæ partem, Angli commodo copiis Hispaniæ sumptuq; q; facturum se Ferdinandus prolixè pollicebatur. Hostiæ conditio, si verbis responderent facta. Ea spe incitatus Anglus classe quinquaginta vacuum nouem millia milites delectā ex vniuersa Anglia pubem, cultu & fulgentibus armis visendā aciem transmittere in Galliā constituit. Eo ardore ut à Rege focero alias quinquaginta naues in vsum eius belli mitti flagitaret. Tot vno tempore bella conatusq; graues cura complecti, atq; ope qui posset Ferdinādus præsertim valetudine afflicta, Bæticaq; dissidiis æstuante. Morbum cōciliauit poculum noxio medicamine fœdum, q; Regina diluit Medinæ Cæpestis, spe prolem ex Rege concipiendi. Id Caruaialius & Petrus Martyr in propriis commentariis quasi exploratū pro<sup>40</sup> certo posuerunt, nominatis etiam amatorię potōnis administris fœminis principibus: quarum nomina ne hoc loco exprimantur, earum tum maioribus tum posteris tribuendum putabam. Nausea ex eo Regem inuasit cibi nulla appetentia: ut ad molestiā letandam per sylvas & saltus erraret, venationis specie congressu hominū deuitato. Accessere frequentia deliquia, & aquæ intercutis hæud obscura signa morbi lethalis. Sic in contrarium vertuntur, quæ imprudenter alio & temere destinātur. Bæticæ motus extitere Henrici obitu Assidonii Ducis. Soror defuncto Germania erat Mencia Petro Gironio nupta. Præterea frater ex nouerca Alfonsus Pereſius Gusmanius. Testamento is heredem ex asse sororem nominauit, posteriori patris coniugio vitii damnato. Petrus Gironius leui eo præsidio munitus opimū principatū urbemq; Assidoniā ditionis caput occupare tentauit. Eleonora Stunica Hærici & Mencię nouerca iuris certamē querere pro filio sollicita,<sup>50</sup> potiori iure omnium iudicio, parata Regis ope, quippe in eam caritate pronior erat, præter æquitatē causæ spe atq; studio nouo Duci iungendi Annam ex filio Cæsaraugustano Præsule neptim. Suas utraq; pars clientelas habebat suosq; fautores viros Principes prouinciæ in ambos diductæ causis diuersis studio pari. Periculū erat ne in bellum apertum eæ contentiones erumperent. Petri Gironii ardens ingeniū timebatur omnis insolentiæ impatiens, consilio inimicum q; non ipse probasset. Vbi animorum motus conquievere, ius valuit regio præsertim fauore munitum & gratia: principatusq; cessit defuncti fratri. Bugiæ consalius Marignus erat Præfectus, Orano Martinus Argote pro Comaris Marchione legatus. Leuia prælia cōmissa cum Mauris, excursionēq; in vicinos agros factæ,



nullo præterea euentu ad memoriam insigni. Muleius tantum Abdala iis iniuriis prouocatus se cum copiis in Bugiæ conspectum dedit. Nihil est tam firmum, cui non sit periculum etiam ab inualido. Vrbe mœnib. & præsidio defensa in suburbii tecta sequitū est igne ferroq; nihil vt integrum manserit, præter turrim, quo se Iudæi receperunt. Marignum temeritate accusatur eam accersuissē cladem: quippe pactæ cum Mauris pacis conditionibus non steterat finitimis importunus & grauis. Ad gentem pacandam Marigno in ea vigilia & procuratione Raymundus Carrocius successor datus est virtutis & prudentiæ opinione præstantior.

*Iulii Pontificis obitus.*

CAPVT XVIII.

**I**ulii quoq; Pontificis imbecillam diu valetudinem continuæ curæ grauabant. In affecto corpore quamlibet leuis causa maior existit. Senem septuagenarium lethifero oppressum morbo diu non posse superuiuere vulgatum erat, tenaci febricula fluenteq; sensim aluo. Metus suberat, ne eo defuncto factiosi Cardinales Pontificatum sui muneris facere aggredieretur quasi Synodi auctoritate ad ipsos electionis ius recidisset, certe comitiis Pontificiis Romæ interesse vellent. Mediolanensi Duci, Florentinis, Senensibus, Lucensibus vt itinera diligenter obsideant, mandatum à Cardinalium collegio est. Decessit Pontifex ad decimum Kal. Martii: corpus amplo funere ad Petri vincula illatū sepulcro. Inter alia præclara opera curasq; graues Vaticanum tēplum iisdē vestigiis mutata forma superbo structuræ genere primus instaurare est aggressus Bramantes architectus. Subsequentibus Pontifices in opere processere longius. Pius quartus & Gregorius tertius decimus maiori festinatione & sumptu quam alii. Absoluti & dedicati operis laudem Xistus quintus ante paucos omnino annos tulit. Pontificis obitu Romanus populus ad arma consternatus, tumultus concitare cœpit. Sic solent vacuo Pontificatu, tunc acrius maiorique impetu extincti Pontificis seueritate irritati, Columnis etiam, quibus infensum se Iulius præbuerat, & Vrsinis quibus fauerat, inter se mutua æmulatione in vindictam inflammatis. Diui Pauli monasterium Benedictini ordinis furentis populi concursu diripitur. rapinæ aliæ & cædes factæ. Hieronymi Viquii diligentia & auctoritate vrbis tumultibus magna ex parte compositis, Patres dimisso prius Mantuani filio, qui pro patre obses erat, in comitia conuenere ad quartum Nonas Martii. Septimo post die Ioannes Mediceus Cardinalis Pontifex est salutatus. Iuniorum suffragia in petitione subleuarunt. maior numerus minorem vicit: neq; enim suffragia ponderantur sed numerantur. In pontificatu se Leonem decimum dixit, ipsoque die testatus est velle se pactam armorum societatem tueri: ac verò vt Cæsar & Anglus ad id fœdus accederent, daturum operam. Cardinales Caruaialius Sanseuerinusq; Lugduno, vbi minori quam vnquam fiducia existimationeque partes tuebantur, in Italiam discesserant comitiis Pontificiis interesse destinantes & suo iure & Prosperi Columnæ ope: qui & ipse Romam proficisci parabat, Pontificem de manu daturus orbi, sic pollicebatur maius fortuna & viribus facinus. Imminentem ex eo tempestatem vis altior discussit. Prosperum discedere vetuit Cardonius metu ne eius aduentu motus Romæ existerent prompta in arma plebe: neu libertas decernendi Patrib. eriperetur extremum malorum fonsque. Duo Cardinales ad Arni fluminis fauces rostrata excelsa navi appulso custodiæ destinati milites captos Pisas inde abduxere. Rei gestæ nuncium Iulius Mediceus ad Pontificem patruelem misit. Viterbium ille captos deduci primum iussit, deinde ciuitatem Castellanam eius vrbis arce satis firma custodię designata, dum è vinculis causam dicerent. Magni honores habiti, multaue blandimenta data abs Iulio sunt, tum duobus Cardinalibus, tum Solerio regulo, qui cum eis à Gallo Romam legatus ibat. operam fidemque Gallis probandi studio tenebatur. Hinc vero consequentibus annis in maiora incommoda præcipitatum. Mortuo priore Pontifice, noui auctoritate nondum fundata facile Mediolanensi fuit Placentiam occupare, tentare Parmam. Cardonius in eam partem cum copiis accurrit metu noui à Gallis belli, neque idoneo tempore ad inuadendum Venetos, vti erat destinatum. Pecuniæ in stipendium suprema inopia premebat: neque eius redigendæ via alicunde ostendebatur. Proxima quoque spes retinebat, Venetos cum Cæsare pace facta conciliandi. profectiq; ea de causa erant in Germaniam Gursensis primū, deinde subsecuti Vrrea & Cariati Comes. De conditionib. pacis non consentiebant. Cæsar Brixiā & Veronā tueri destinabat. Veneti ad nullum accedebāt fœdus, nisi veteri penitus imperio restituto. Accessit Gallus in ea altercatione aliorū dissidia suā fore occasionem ratus. Andreas Gritus iā vna cū Liuiano recepta libertate beneficii memor & gallicis partib. inueteratus calli conatus subleuauit, Cæsaris evertit. Itaq; fœdere festinato Venetis quæcūq; ante bellum possidebant, concessa à Gallo sunt Cremona & Geradada modo exceptis, quæ Mediolanensi ditioni, vti redde-



redderentur, expressit. In id bellum, quod opinione grauius futurū erat, quippe de Mediolanensi principatu Gallus certabat, de ablatiis antea urbibus. Veneti, hi quidem mille grauius armaturæ equites peditum millia sex copiarum duce Liuiano polliciti sunt: Gallus autem mille & ducentos cataphractos, pedites duodecim millia. cura peditū Roberto Marchiæ concredita, expeditionis summa Tramullio, adiuncto tamē Triultio propter summam Italiæ rerum peritiam, paremque rei militaris scientiā. Is cū continuo copiis, quas paratas habebat, Astam urbem tenuit. Liuianus ad Venetorum exercitum abiit Veronā occupare parans, si id non cōtingeret, cum Gallicis certe copiis vires conferre. Nouo euulgato fœdere magna rerum & animorum conuersio facta est: multæ Insubrum ciuitates à Maximiliano Sfortia nouo Duce defecere: gens ad omnem auram spei metusque umbram mobilis neque satis constans in fide. Felicitatis humanæ quanta est inconstantia, quanta labes: facili momento in contrariū vertitur. Vix noui principatus primis gaudiis degustatis nouus Princeps in præcepis ire cœpit. Festinati cum Venetis fœderis Gallo causam præcipuam extitisse inueniebam, alterius pactiōis conficiendæ proxima spes auctore Carualio Cardinali. Enimvero à Ferdinādo Rege inducias esse cupiebat citra Alpes quidem. Commodum id vtriusque Principis rationibus; Ferdinādi quidē mora satagentis Vasconū regnum firmare, quod nouitate mutabat, Galli autē Insubribus imperii iugum, quod excusserāt, reponere. Ea cura præcipua summaque votorum. Regis Vasconū & Maximiliani Sfortiæ nulla, ac ne famæ quidem memoria præ cupiditate assequendi quod animo destinarāt. ut hostes vlciscerentur, amicos inutuo inter se & confœderatos donarunt: scilicet potentiā supbia, & superbiam affinis imbecilliorum contēptus sequitur. Induciis sancientiis Iacobus Concillus Catanæ ad Ilerdæ episcopatum ipso tempore translatus, in Galliā legatus Baionem cum Odeto Fuxensi Lautrechii regulo, qui Aquitaniæ erat Præfectus, de conditionibus disceptauit. Ex colloquio nullo fructu cum discessissent, ad Ortuuiam arcem, mense Martio dimidiato rursus conuenere ditionis quidem Gallicæ, cæterum Fonterrabiæ disitam sex tantum millibus passuum. In ea arce consensu hæc conditiones sancitæ sunt Kal. Aprilis. Ferdinando atque eius confœderatis Anglo & Carolo Austriaco cum Gallo, Scotto Rege & Gheldriæ Duce ab eo die induciæ annuæ essent. Eo interuallo inter vtrāque gentē commercii ius facultasque citra Alpes quidem, quā parte ponebantur arma. Rex Vasconum in fœdere à Gallo neque nominatus neque comprehensus est, quod perinde videbatur, atque in prædā hosti dari nulla amplius emergendi spe. De Anglo & Cæsare statutum, ut nisi intra duos menses eas inducias raras haberent, ne postmodum ad fœdus admitterentur. Molestum id fœdus Cæsari extitit se præsertim inscio festinatum. Ferdinandi artes accusabat. An id esset, quod omnibus sermonibus usurpabat, communem secum fortunam habere, seiunctum nihil: iis pactis induciis intra octo dies Gallo Mediolanensem principatum cessurum; mox Italiæ Principibus victoris fortunam haud dubium secuturis. Neapolitanum regnum victoriæ partem fore & quasi corollarium ac vero reliquam Italiā nullo repugnante daturam manus. Italia domita conuersis in vtrumque armis, qui veri hostes existerent, vindicaturum scilicet iniurias pro voluntate arbitraturus. In reliqua molestia accusabat maxime, Carualii Cardinalis multis modis inuisi insensique consilia. de re tanta audita Galli præcipuo cōmodo, cui ille esset addictus, originis immemor & patriæ caritatis. Si verum fateri conuenit acutissime is, ut erat ingenio perspicaci & callido, viam solus considerauit eos Principes inter se conciliandi, nisi vtrique obiecta propria vtilitate nunquam in vnum fœdus coituros. eam ut assequerentur, reliqua neglecturos vincula necessitudinum & honestatis. Sic erat horum Principum ingenium. Neque erat dubium vrbes Venetiæ à Cæsare nuper detractas pactis iis induciis continuo ad vetus imperium nouo depulso reituras. Id vero eius animum vrebatur maxime, tametsi diuersa dolori species prætendebatur.

*De bello Vasconum.*

CAPVT XIX.

ANTE pactas cum Gallo inducias Lautrechius Baionæ in Tarbellis veteres copias instruere, nouas conscribere, æneas balistas cōflare. Sancti Ioannis oppidū Vasconum intrudere parabat neque operibus. neque militibus. satis firmū. Eo improvisa vi occupato municipio, vti confidebat, neque erat difficile, transcensis montibus in Vascones citramontanos irrumpere cogitabat. Eo metu Comarius per idoneos homines Roncaleses finitimos pacare est aggressus nunquam satis fidos, & tunc rerum nouarū spe proxima Gallis transitum per fines daturus, si obfisteretur ferro viam inuēturis, nisi prouideretur. pedites item equitesque Diegho Verē misit oppidi eius Præfecto, quo ipse numero postularat. Verum has omnes ab vtraque parte molitiones, conatusque pactæ, ut dictum est, induciæ distur-



barunt. Ferdinando præterea Regi occasio extitit, non modo imperium recens partum confirmandi, sed & nouis accessionibus amplificandi. Ioannes Rex Vasconum quinque hominum millia sub signis habebat, si spes aliqua melioris fortunæ affulgeret auersæ eatenus, hostibus propitiæ. Simul Zamoræ Episcopum monuit, ut fidei datæ memor ad captiuitatem rediret. Disceptata tamen causâ Ferdinandus liberum eum, neque promissi reditus fide teneri pronunciauit, quod iure gentium violato captus fuisset legatus præsertim de iis, quæ ad tuendam Pontificiam dignitatem pertinebant, deinde Longauillæ obitu; cui fidem dederat, quasi capitis diminutione, promisso fuisse exemptum. Urgebat alia parte Marefcalus Vasconum, quem Cortesium quoque Marchionem dixere, cū duobus aliis militum millibus in vicinos Santabriæ fines inuectus. Incolæ Ludouici Cueuræ iussu, qui Fonterrabiæ pro patre vicarius res gerebat, durum in armis genus in vnum agmen coeuntes, hostium conatib. restitere. Rediere illi Maiam Vasconum arcem in Gallia latere, qua parte in Aquitaniam est transitus. Inde de finitimis prædas agere, rapere, spoliare, si promerentur perfugio parato. Vrsuæ haud longinqui oppidi regulus Hispano addictus, Præfecti eius arcis absentiam opportunam fore conatui ratus, cum manu militari impugnatum aduolat. Minor numerus erat quam pro molitione, & forte an consilio Præfectus arcis superuenit. Ita spe irrita discessit. Ne Comarii quidē conatus initio meliorem exitum habuere. Dieghus Vera & Valensola cū maiori numero eius iussu ad impugnamdam eam arcem profecti nihil præstiterē amplius. Cognito quin etiam tum Marefcalum, tum Vasconum Regem auxilio obsessis propediem venturos, raptim soluta obsidione retro sese retulere tormentis præ festinatione Azpileuetæ relictis loco minime tuto. Paucorum militum perfugium excindere, quoniam latronum in morē vicinos montes infestos reddebant igne ferro, prædisq; abactis, oppido cupiebant nostri. Comarius ipse cū duob. amplius militum millibus & tormentis maioribus, quam quæ ante detulerant, impugnatum accessit. Obsessi nulla ex Gallia auxilii spe & Regis sui virib. hosti imparib. intra dies paucos supplicum vexillis prætentis deditere arcem. Lata in præsentī victoriā fuit, in posterum vsui Vasconum deinde omni tractu pacato, qui ultra montes ad Gallia fines pertinet. Comites Fuxeses ab antiquo in Catalaunis Andorræ vallem & Castelbouū prope Vrgeliam urbem in Pyrenæi montis oomplexu possederant. Vtraque Catharinæ Reginæ Vasconū à maiorib. relictā iure quoque optimo, ad cætera mala victori accesserunt, armis erepta. Iisdem dieb. Neapoli Sorrenti Cardinali ad comitia Pōtificia profecto, Villamarinus maris Præfectus res gerebat minori q̃ opus esset auctoritate. Brutii & Apuli, præfectis earum prouincialium Ferdinando Alarconio & Padulæ Marchione Cardoniū ad bellum secutis, ad hæc exiguo numero militum relicto quasi domitis frānis motus cōcitarunt. Maiori peruicacia in regulos, eorum subditi sunt debacchati quasi indigna seruitute, impotēti dominatu premerentur. Integra oppida corripuere arma vitæ acerbissimæ conditionem si minus victoria certe morte excutere destinātes. Nihil in vulgo modicum aut timent aut terrent, renuioreq; opprimunt. multæ cædes, atrocia flagitia exitire, non sacro non profano abstinere manus. Neq; erat, qui tumultuantes compesceret. Deinde fama vulgabatur Turcam validam instruere classem ad euertēdas piorū opes. Incertum erat in quam partem seua tempestas irrueret. Rhodum plerique insulam designabāt, non pauci de Sicilia, Apuliaue metuebant, iniuriæ opportunis neq; longinquis. Veneti quoq; ex quo ad Gallicum accessere fœdus, vrbes antea in Apulia possessas, vnde fuerūt eiekti, imperio reddere cum cæteris cogitabant si votis pares vires suppeterēt. Omnia hæc iura cōplecti arduum Ferdinando quidem, sed necessarium erat. Iis littorib. muniendis data est opera, terra dispositis per vrbes præfidiis, à mari Villamarini classe ad omnes casus instructa parataq;. Berengarius Olmius, qui initio Aprilis cum quatuor triremib. milite & reb. omnib. satis instructis Hispali discesserat, improviso occupaturus piraticas biremes nonnullas quas ad Tituani flumen in aduerso Africæ littore se recepisse. Lusitanus Tingi Præfectus nunciarat, iussus est reb. aliis prætermisiss in Italiā vela dare, reliquæ classi subsidium. Sub idem tempus Genuæ grauissimi exitire motus. Adurnii patria pulsī, quamuis hætenus Aragonio nomini cumprimis addicti diuturno fessi exilio ad Gallicū fœdus versi eius ope sunt polliciti pulsī Fregosis ad Gallicum imperium Genuenses redituros. Tantę molitiones latere non poterant, quamuis arcano agitatz. Cognitum Fliscum & fratres cum exulibus cōspirasse. Ducis fratres conatu occupato, eum intra palatium peremere, quasi lege maiestatis conuictum. Occisi fratres felici fuga vitata cæde, se Adurniis adiūxere: delectuq; militari habito ad vrbis mœnia accessere vindicare parati hostis exitio. tantundem Gallica classis mari fecit. Dux cum suis triremibus, Gallicis obuiam egressus cedentes metu an dolo dum longius insequitur, Adurnii Fliscique urbem à terra occupa-



occuparunt. Sic lætis miscetur aduersa. Duce Plombinū delato classis eius Lunæ portum tenuit. In eiectionem Octavianum Fregosium consensu ciues Ducem dixere, quippe gratum vniuerso populo vrbis tutelæ idoneū fratre Salernitano Archiepiscopo, ipsoque Romano Pontifice propinquitate deuincto. Læticia Adurniis diuturna non fuit Fregosii omni alio præsidio destituti Cardonio supplices sunt polliciti, si eius ope in patriam restituerentur, urbem eam in Hispani clientela fore. Nuncupatis fœderis initi conditionib. missus cum copiis Piscarius vrbis imperium Adurniis ademptum amicæ factioni reddidit. De vrbis duce mutari nihil est visum: quando gēte Fregosius, beneuolentia etiā Adurni-  
 10 nios quoq; cōplectebatur. Verū hæc aliquanto post acciderūt: ad prætermissa redeamus.

*Galli ab Heluetiis ad Nouariam victi.*

CAPVT XX.

**A**D Astam & Taurinos Gallicæ copiarum coibant: neque Tramullius de sua comparatione aliquid remittebat ardenti ingenio vir, gloriæ cupidior quā pecuniæ aut voluptatū. Accessere ex Gallia expediti equites quadringenti circiter. Italici generis Triuulcius focius & Sacromorus Vicecomes, hic deserto Maximiliano Duce cuius eatenus auspicia fuerat secutus perfidiam breui superi eius capite vindicarunt. Liuianus cum Venetorum copiis Veronam obsidere porro parabat haud ignarus primis euentibus metum aut fiduciam gigni: pro ut initia cessissent fore alia. Mirum dictu præter hos duos exercitus Venetorum & Gallicū, tres alios in Gallicæ Cisalpinæ atq; adeo Insuorum variis partibus vno tempore ali potuisse: tanta hominum militarium colluie prouinciam haud latam spatiis  
 20 fuisse parem. Intra Veronam Germani quinque millia tendentes, equites expediti sexcenti Vicentiā usq; agris, pagis, oppidis, importuni instabant nemine repugnante. Prope Placentiam Cardonius Prorex metatis castris mille & quadringentos cataphractos, equites expeditos octingentos pedites ad septem millia cōtinebat. Italiæ spoliis splendidā aciem, & sua virtute præstantem. Heluetiis Maximilianus dux stipatus erat, quibus multum fidebat quasi externis & quibus opes & principatum debebat. Octo millium ii numerum explebant, & quinque alia millia propediem transiens Alpibus ventura expectabatur. Tantis quamuis paratis præfidiis metu Gallici apparatus vrgentisq; belli, pleræque Insuorum ciuitates Duce deserto Gallica vexilla explicarunt, mutati imperii argumento, neq; fidei tenaces neq; constantes in perfidia. Dux ipse ancipitis pugnae aleam subire reformidans,  
 30 patentibus campis non ausus sustentare, Nouariam se cum copiis compegit pridie Kal. Iunii, in ea vrbe ab ea gente patrem Gallis fuisse veditum, oblitus ominis scilicet, aut quæfortuito accidunt, parum curans. Cupere Cardonius significabat se cum Duce coniungere. Inopia pecuniæ retardauit Roma à Viquio legato promissæ, neque allatæ tamen, & ex Hispania iussum erat, ut Neapolim copias referret: neq; Gallos irritaret. Sic Cardonii cunctatione historiarum nostrates excusant. Quod in ancipitibus deterrimum est, mediam tenere viam placuit, atq; iisdem locis sustentare nulla neq; Ducis neq; Gallorum gratia. Perditum curam Solisio cōmendauit in Padulii locum Florentini exercitus ducis antea designati. Pro Solisio Ludouicus Huardus Brixie præsidio & custodiæ est Præfectus. Cremonæ Pontificias copias sustentare voluit: & quo maius esset præsidium deinde Ferramoscā eodē dimisit adiunctis quadraginta equitibus. cataphractis, pedibus trecētis Hispanis, Italici quincentis. Parum ea diligentia est profectum. Cum primum Liuianus cum copiis omnibus eo accessit, urbem quamuis munitam vi occupauit: cæsisque equitibus omnibus ad ducentos, Hispani pedibus hastas detraxit, gentem ferocem ea ignominia ultus. Rei gestæ nuncio Galli amplius confirmati Nouariā copias ad mouere. enimvero octingētos equites grauis armaturæ, pedites octo millia: ex iis tria millia germanos, reliquos temere collectos, quibus neque ex victoria gloria neq; ex fuga ignominia metus. Impugnandi urbem specie modo præbita destitute tamen, seque ad priora statua retulerunt Gaiam inter & Nouariam fossa & vallo diligenter munita. Discessus præter opinionem causa nunciū extitit auxilio obsessis aduentare Heluetios numero ad duodecim  
 50 millia, præter alia quinque millia ductore Altosaxo iisdem vestigiis sequentes. Priorum aduentu obsessi in victoria certam spem erecti, ne expectato quidē Altosaxo vrbe egressi continuo in hostes sunt pugnandi certa voluntate, victoria spe, quoniā aduentu metum expresserant hosti. Galli detrectare certamen gnari modicas sibi vires: neque ita iuuari loco, ut non plus hosti in virtute esset. Re tamen necessaria & decoris cura in aciem produxere copias. Gallis equitibus pugnandi voluntas aut animus non fuit. Inter pedites acerrime duabus horis dimicatum. Germani feroces hostium impetum magno animo sustentarunt: iis victis victoria penes Heluetios stetit. Cædes quam pro numero maior. Supra septem hominum millia ceciderunt, atq; in iis omnes Germani, viri quoq; nobilitate factisq; clari Coriolanus, Triuulcius, atq; Ludouicus Beamontius Nobilis victoria



in paucis fuit & cum veterib. comparāda. Secundum eam, quæ ad octauum Idus Iunias est parata. Altosaxus serus opitulatur accessit sibi præreptam laudem frendens. Præterea Mediolanum ac Ticinum ac vero reliquæ Insubrum vrbes ad victoris imperium vltro rediere, nullo iam Gallorum metu: quorū numerosas equitum peditumq; copias ab Heluetiis peditib. concisas considerabant. A Cardonio quadringenti grauis armaturæ equites ad Ducē submissi auxilio post victoriā quoniā equitatu carebat, hostiū equites perstiterāt incolumes. Reliquæ Hispaniæ copię ad Trebiam non procul Placentia, vti instituerant, in statuiis perstiterunt. Multū ex iis locis tamē Cardonius partes iuuuit. Liuiano prohibito ne copias suas cum Gallicis conferret, victoriā certam reddidit si conaretur procedere, hæsurus in tergo, & opprimi poterat si Hispani & Heluetii mediū clausissent. Cautior ille 10 pugna ad Nouariā euentu cognito copias in pacata reduxit. cæ erant mille cataphracti, trecenti velites peditum quinque millia neq; virtute neq; cultu & armis cōspicua acies, sed ex plebis face. Diuturnis bellis Venetorum ærario exhausto pecuniæ in stipendium suprema inopia laborabatur vt a ciuib. cogereñtū reddituum decimam rerū venalium centesimam exigere magno popularium gemitu, graue onus neq; imponi solitum. Liuianus ex itinere Lignanū cepit, q; oppidū Villada & ei adiuncti milites obtinebāt præsidio. Inde Veronā duxit impugnandi voluntate. Egressi tamen ex vrbe præfidiarii milites cæso ex iis copiis aliquanto numero, vt absisteret tamē conatu efficere non potuerunt. Sic in Insubrib. res erant, inter metū & spē vtriusq; partis animi & vires alternantes. Romæ factiosi Cardinales posita contentione, atq; palā eiurata secta pœnitentiam professi, in gra- 20 tiam Pōtificis restituti sunt. Malis castigati & damnis cum ecclesia conciliati sacerdotia priora & pristinum purpuræ honorē recepere ad septimū Kal. Iulii. Hūc exitū superiora diffidia habuerunt grauiā & diuturna, vnde sæua tempestas aliquādo instare visa est. Vt Cardonius copias conferret, Maximilianus Dux sollicitare non desisteat, ne reparatis Gallorum virib. de fortunis rursus periclitari cogereñtū. Equissimis postularis ille obtemperare constituens trinis castris Sarasinam peruenit. Ex eo loco Piscario Genuam ablegato, vti iam est dictum, ipse cum copiarum robore Veronam ire perrexit, Liuiani obsidione fatigatam, exitio proximam. In eo itinere cum primum Brixianum agrum attingit, Pontenicus & Vrsouuū, omniaq; oppida quæ Salo flumine alluuntur, ex deditione in potestatem redegit. Bergomū quin etiam accedenti propius portas aperuit, pecuniæ 30 etiam aliquanta summa iuuuit in stipendium militare. Arx tantū in fide Venetorū perstitit. Vim adhibere longū erat festinanti. In ea vrbe Puchio relicto pecuniā ex fœderē pactam vt redigeret Pesqueriā abiit. Rencius pro Venetis Cremæ præsidio impositus dux impiger, audax, callidus re cognita, cum Bergomi non procul distat ciuib. consilio cōmunicato clam, noctu in vrbem admissus capta pecuniā ē Puchii focis quosdam etiā viuos cepit, ipso vix duce munitæ domus præsidio sese tuente. Pesqueriā contra Cardonius occupauit, validū quamuis oppidum opera milesq; firmauerāt. Inde Pataviū cōtendit adiuncto ex itinere cursu cū auxiliis recens & Germania in ea loca delato. Copiis omnib. in eius vrbs conspectum est ventum sub initiū mēsis Augusti. Maior virib. conatus propter amplitudinē vrbs Liuianq; virtutē soluta raptim Veronēsi obsidione eo delati. Ita 40 breui re infecta necessario discessere nostri maiori detrimento accepto q̄ illato. Leui. n. certamine cum Epirotis equitibus commissio Alfonso Caruaialius strenuus dux & cum eo Cardenas & Espinosa centuriones capti sunt. Equites expeditos cū Piscario Genuam amandasse nocuit, ad arcendos Epirotarū incursus frangendamq; audaciā idoneos maxime. Hunc cursum res in Italia tenebant. In Hispania Ferdinandus Rex annis grauis, imbecilla valetudine, curis fatigatus de pace Gallum vltro appellauit, vtriq; cōcordiam q̄ bellum magis salutarem fore. De Ferdinadi Infantis & Renatæ minoris Galli filiæ cōnubio actum est, fœderis stabile vinculū quærebatur. Gallus in puellæ dotem cultumq; Mediolanenses & Genuenses daret, Ferdinandus nepoti Neapolitanum regnū concederet lege perpetua, non incōmoda ratio, nisi mera ludibria essent votis verba contraria inani 50 spe aduersariis ne nocerent, distinendis. Ac Gallum maxime tempestatis ex Anglia cura sollicitabat. Nam rex Anglus cum quadraginta millibus peditum mille & quingentis equitib. Caletū traiecerat suæ ditionis in cōtinenti vrbem præualidam. Ex ea vrbe in Morinos finitimos irruens Teruannam obsedit mense Augusto, Abeuillā haud procul distitam Delfinus cum copiis accessit ad omnem occasionem attentus. Alia parte raptim collectæ Gallorū maiores copię obsessis opem laturæ venerunt. Iusto prælio dimicatū cum esset, victis cæsisq; Gallis Longauillæ Dux aliique procures Galli in hostium potestatem capti venerūt. In victoriæ partem oppidum eam accessit & ipsum vi captū. Eueris arce, turrib. propugnaculoq; eius oppidi Anglicæ copię Tornacū vrbem sunt admotæ quo tempore



tempore in Anglia Sorris Comes Scottū Regem, qui in Galli gratiā in Anglicos fines ir-  
ruperat, commisso praelio ad quintū Idus Septembris victis fufisque copiis occidit. Ea victo-  
ria nunciata Tornacēses nulla amplius spe ad deditionē flexere animos. Ad eā urbē Cēsār  
accessit Anglū inuisurus, tū Margarita Princeps, deinde Carolus Auftriacus. Insulas mox  
inde concessere de rebus magnis colloquio instituto. Mora molesta erat Anglo, neque fa-  
cile de tantis rebus breui constituere. Delegata potestate Cēsaris, Angli, & Ferdinandi  
Regum legati cōsilio inter se communicato, consensu sanxere, ut quisque triū Principum,  
cum primū induciarum tempus exiisset, per suos fines Galliam inuaderet: ac nominatim  
Aquitanos impugnandi Hispano cura est imposita suo sumptu & periculo, Angli com-  
pendio. An id erat pacem facere cum Gallo? Ferdinandum Regem neque id foedus pro-  
basse, neque factum sua voluntate aut iussu fuisse euentus rerum satis indicat. Coniugi-  
um Carolum Auftriacum inter & Mariam sororem Angli saepe retractatum, nouo de-  
creto confirmari placuit, proximo etiam anno celebrationi perfectionique designato.  
Autumnus in hyemem iam praecepibat. Bello ergo in Morinis intermisso praesidiis tan-  
tum dispositis, ut res & tempus monuit, cum copiis Anglus mare rursus transmisit. Vix  
vnumquam res Gallicae in maiori angustia fuere, exitio viciniore. Heluetii praesertim au-  
ctore Cæsare in Heduarum fines inuecti grauissimum terrorem vniuersae genti immise-  
re, ne malorum colluies rediret, quae quondam ab Anglis pertulerant. Tramullius  
eo periculo ex Italia euocatus etsi ferocem gentem acie superauit à victis tamen, non se-  
cus ac si vicissent, leges grauissimae hosti impositae sunt. Eae fuere ne Gallus amplius Pisa-  
ni conuentus, ut fecerat, auctoritatem sequeretur, sed posita contumacia mutaret. Ex ar-  
cibus Mediolani & Cremonae praesidia militaria deduceret. Et quod ignominiosum pla-  
ne fuit, certis pensionibus quadringenta aureorum millia genti representaret, ingens pa-  
cis pretium. Quid amplius victores exigere potuissent? sed tanti fuit eam tempestatem à  
finibus arcere, ut praemetu parum ignominia moueret. Vi sane expressa stabilia non fue-  
runt. praeter gratiam cum Pontifice conciliatam, aliis conditionibus Gallus non stetit, pol-  
licitis in periculo benignus, rebus post tempestatem parcus.

*Ad Vicentiam Cardonius Venetos vicit.* CAPVT XXI.

30 **D**VM alii Christiani Principes mutuis odiis inter se digladiantur, viresque & opes fru-  
stra consumunt, Emanuel Rex Lusitaniae bonis omnibus florebat. domi otium atque  
diuitiae, quae prima ad felicitatem mortales habent, foris autem in Africa atque in extremis  
Orientis oris secundo victoriarum cursu Christianae religionis gloriam & cultum longe late  
que proferebat maioribus indies incrementis. Egressis Gaditani freti fauces ad laeuam in Afri-  
cae litoribus, qua parte Oceanus orbem terrarum amplexu finit, urbs Azamor sita est Phuthēsis  
regni pars ciuium numero ampla copiosaque, diuite & feraci gleba. Rigat ea arua moeniaque  
alluit fluuius, quem indigenae Omirabihū vocant: antiquis Asamā fuisse quidam putant con-  
iectura neque certa neque prorsus inani. Eam urbem annis superioribus Emanuel Rex occu-  
pare tentauit, uti antea dictum est. Zeiami Mauri fraude & vanis promissis delusi Lusitani  
destitit conatu. Maurus, qui erat initio propositum, iis digressis urbem imperium arripuit.  
Grauem iniuriam, atque hactenus dissimulatam vindicandi occasionem commotae in ty-  
rannum ciuium voluntates, auersa studia praebuerunt. Regum irae mora acriores existunt. Clas-  
se instructa numerosa peditum viginti millia equites mille & septingentos in eam rem mit-  
tere constituit. Ioannes Menesius ac plerique praecipua nobilitate secuti sunt. Summa ex-  
peditionis Iacobo Brigantino permessa regia nobilitate Duci quippe ex Regis sorore na-  
to. Rebus omnibus comparatis Olisipone soluere prouecta iam aetate viginti aestu. Prolixa  
nauigatio extitit: maliciae detinere naues. Ventum tamen Azamore sub initium autum-  
ni. Cum ciuib. qui multi erant, & iis qui auxilio venerant leuia commissa certamina. Deinde  
50 dispositis tormētis excussae pilae strauere muros, ad haec praecipuis Mauris aliquot pere-  
mere. Eius procellae metu reliqui Mauri ne expectata quidem impugnatione altera porta  
egressi noctu, qua parte minus acris custodia erat, frequentes in pacata abierunt. Deserta  
urbs sub initium Sept. venit in potestatem. Accessere, ut sit post insignem victoriam alia eo tra-  
ctu oppida ac nominatim urbes Tite & Almedina. Brigatinus valida manu ad urbis tutelam  
relicta ductoribus. Roderico Barreto & Ioanne Menesio classe incolumem in Lusitaniā redu-  
xit. Marrociū urbem impugnandam multi disputabant victoria feroces vecordi audacia in fer-  
rū & vulnera proprii praedae spe Dux cui cauta consilia cum ratione temeritate potiora erant, fidu-  
ciariam se operam obtinere excusauit; neque incerto rege rem tantam aggrediendam videri. Prospe-  
ro euentu erectus animo Emanuel eam Africae oram armis peragrarare certus, Pinonii arcis



iure eatenus controuerso cum Castella abscessit, ea lege tamen si Castella Reges illi permitterent, quidquid à fine Phutensis regni ad Boiadoris promotorium pertinet olim attributum iis regibus, quippe Velefi regni partem vtriusq; maris littora fusa ditione complexi. Bellum in Italia ducebatur. Cardonius Prorex Albareto, quo se receperat soluta Patauii obsidione, ad vastanda Venetorum oppida & agros est egressus. Auctor suaforce Gursensis Cardinalis. Ac primum Montagnanz itinere arrepto Buuolentam accessit ad ripam Bachilionis, quem Meduacum minorem dixerunt quidam, situm oppidum, cymbas & carros magno numero domestica multorum suppellectile vesteque onustas, metu belli Venetias se suaque recipere contendendum, militum prædam fecit. Grauem iis spoliis exercitum Plebem duxit Venetorum delicias, prætoris ciuium splendidum oppidum, gratum oculis ab amoenitate & copiis spectaculum. Direptis ædibus iniecere ignes in Venetæ urbis oculis magno ciuium dolore prædiis singulorum ædificiisque fumantibus. Meduacum imposito ponte traiectis copiis Mestrem est itum suburbii instar Venetiarum quinque millibus. nihilo amplius ab urbe distans pagum. Capto similis quæ cæteris fortuna fuit. Ad proximum mare domus quædam rustico opere sunt, palisq; & aggere littus statu minatum, ne terram fluctus exedant scilicet, ab antiquo prouisum. Inde quoniam ad tormenti iectum ab urbe distat excussis ignitis globis urbana ædificia petita, non secus ac si obsidione premerentur. Ad Diui Secundi monasterium peruenere pilæ magno ciuium dolore non damnum, quod magnum esse non potuit, sed ignominiam, supra quam dici possit, moleste ferentium, hostes tam prope accessisse nullo qui dedecus vindicaret. Id imprimis v-  
rebat ciues dignitatis apprime tenaces. Liuianus sero quamuis, cum copiis tamē occurrit prælio ut dimicaret. Cardonius commotis periculo præsertim ex omni parte circumfusus hostibus, satisq; ad laudem & fructum profecisse ratus conuerso itinere Vicentiam repetere decreuit. Profecti Mestre primo die quatuordecim millia confecerunt, longum iter expedito agmini. Ipsi impedimenta & spolia direptæ gentis quingentis amplius carris vehabant. Ballionius Taruisio, tum Patauini milites accurrere viribus cum Liuiano iunctis, cedentes Hispanos inuasuri magna victoriæ fiducia, quippe maiori numero & recentes aduersus fessos & præda graues pugnaturi. Septem millia pedites vniuersi erant, mille & ducenti equites. Præterea vicani ad decem millia se ostentantes è vicinis montium iugis: sed  
quota pars militaribus armis instructi, ceteri sparis & cõtis ut quemque casus armauerat. Me-  
duaci transitu prohibere nostros destinarant ex aduersum positis castris. Noctu illi silentio  
superius ad sex millia passuum vado transmisere copias. Quod erat reliquum Liuianus re  
cognita Vicentiam inter, quo iter erat, & nostrorum agmina idoneas conatui coeuntium  
inter se collium angustias obsedit positus castris prope Vlmum vicum. Intercepto itinere  
Hispani in supremum discrimen venerant. Neque ulterius procedere licebat in ea locorum  
iniquitate, neque regredi tutum hostili omni à tergo tractu. In ancipiti periculo optimum  
fore visum est simulato receptu ac retro conuersis repente signis, hostem in patentes campos  
eliceret. Ita factum. Hostes fugam ex intempestiua festinatione interpretati, ne mora è ma-  
nibus hostis elaboraretur, pleni fiducia desertis viarum angustis, gradum inferunt præ festinatione,  
turbatis ordinibus. Cardonius rei bene gerendæ ex eo opportunitate perspecta cum Piscario,  
qui peditibus Hispanis Præfectus in postremo agmine eo die curabat, quid faciendum vide-  
retur comunicat. Pugnandum ille ait, neque committendum cunctatione ut victoria elaba-  
tur de manibus. idem Prosper Columna consultus censet grauis armaturæ equitum dux in me-  
dio agmine constitutus. Primam aciem tenebant Germani in singulos dies cum Hispanis lo-  
cum commutantes. Ii ductum voluntate decretoque cognito versi in hostem continuo eum  
impetum in Venetos dedere, quem illi non tulerunt. Auerſi momento in fugam sunt herente  
in tergis Piscario usque ad urbis portas. Ciues eas præ metu clauſerant, ne cum suis confusus  
hostis irrumperet. Sic plerique fugientes fluminis vorticebus rapti perierunt: atque inter alios  
Sacromorus Vicecomes intempestiuarum proditiõnis ultore numine cum aliis merſus. Cardo-  
nius interim collecto milite cum Germanis & quibusdam Hispanorum cohortibus, in pe-  
ditatus equitatusque hostilis partem inuasit. vicino colle cum quinque tormetis se tenentes. Pari  
facilitate ii quoque deturbati è loco sese in pedes dedere vulnera tergis, animis ignominiam  
metumque ferentes. Nonis Octob. pugnatum est. Cecidere è Venetorum copiis grauis arma-  
turæ equites septingenti, peditum maior strages cæsis, nisi quos fuga seruauit. Captus Paulus  
Ballionius cum multis, duo & viginti tormeta bellica in prædæ parte cesserunt. E primoribus  
euaſere Liuianus ex fuga Patauium delatus, Grittusque non ante consistens, quam Taruisium  
est ventum. Præcipuam eo die laudem è victoribus tulerunt Fernadus Alarconius, Garſias Pa-  
redius, Garſias Manricus, alii quorum inire numerum longum esset. molestum sua singulos  
laude fraudare sed necessarium. Antonius Leiu prælio non interfuit cum manu militari  
sub id



sub id tempus Cremae vrbi obiectus. Magna clades ea fuit, magnisq; laudib; victoria celebrata: ad cuius famā cuncta pene victorib; cesserunt. Vicentiae Cardonius copias aliquot dierum quiete recreauit. Bergomi arx eatenus in fide Veneta perstans venit in potestatem vi capta. Paulus Ballionius ē captiuitate est dimissus, iuratus modo reditum nisi Veneti eius permutatione Alfonso Caruaialium redderent libertati. Pacti eius euentus is fuit. Caruaialius in vinculis obiit: neq; Ballionius tamen rediit, quasi nulla mēdacii religionē obstrictus. fidem seruare nolentib; argumenta nunquam desunt, honestatis specie prauitatem velante. An Caruaialii morte se sacramento liberum credidit? Alioqui nostris ad votum fluebant cætera. Mediolanensis arx graui & diuturna obsidione fessa ad deditiōis conditiones tandem venit, sane ad duodecimum Kal. Decemb. Tantundem Cremonae arx fecit. Sic Galli ex vniuersæ Galliae Cisalpinæ finib; & Mediolanensi imperio deturbati. Lanternam tantum arcem retinere Genuæ vrbs ceruicib; imminente, durum iis ciuib; frænum. Nouus Dux collectis virib; eam arcem obsidere institit, aduersam Gallorum fortunam porro vrgeret. Adurnii & Flisci exules præsto fuere auxilio, factionis opib; confisi patefacto aditu penetraturos in urbem. Aduersa factio cum de vigilantia cura; nihil remitteret, nullo intra urbem motu qui venerat, retro se cum ignominia & iactura retulere. necessario, tormentorum etiam parte amissa. Lucas Alagonius iussu Ferdinandi Regis in ea vrbe subsistens conseruatae vrbs atq; defensæ magna pars fuit, quingentorum Hispanorum præsidio à mœnib; depulso hoste. Lateranenses conuentus habebatur Romæ. Ad eos Galli oratores sūt admissi factionorū patrociniō abdicato, Gallicaq; ecclesia Romanę subdita. quod palam testati sunt. De Bonæ Ioannis Galeacii Mediolanensis Ducis filia Iuliano Mediceo Pontificis fratri connubio iungenda agebatur. Ferdinando Regi ea conditio non displicebat. Villamarino etiam negotium dedit id curadi. Appellata de cōsensu Isabella Aragonia virginis mater. Apage, inquit, tantum nefas, non patiar me viua non erit, dignitatis scilicet in aduersa quamuis fortuna & ingenitæ nobilitatis memor, alioqui in Maximilianum Sfortiam pronior: quo genere adoptato Mediolanensis principatus iniuria detracti iura ad posteros reuocabantur. Venetis ex arcano fauebat Pontifex. Nobilissimæ vrbs proximum exitium dolebat impense. Monuit Cardonium ne bello præcipitantes vrgeret amplius. Viam aliquā sciendę concordie prius quærendam videri. Quo tempore Aragonia mouebatur Comitum Ripagorsæ & Aradæ dissidio prouincia studiis in ambos diducta. Ferdināus Rex ne à paruis initiis latius serperet malum, ex parua scintilla magnum sæpe excitari incēdium, positis armis pro imperio, iure vt disceptaret, mandauit, paratus vindicare si quis nō obtemperasset. lite contestata dictaq; causa Ripagorsæ Comitem iniuriam fecisse pronunciauit, multaq; nomine Aragoniæ finib; iussit abstinere, quandiu Regi placuisset. Eo pulso conquievere prouinciales. Brutii & Magna Græcia grauius atq; atrocius quā bello afflictabantur: sed & aliis tota Neapolitana ditione regionib; multa oppida & incolæ dominorū iniuriis irritati corripuere arma, miseriis modum aut finem vel ipsa morte quæretes. Præcipua in eo numero sancta Seuerina olim Sibere-na, Policastrum, Maturanumq; Missus in Brutios Petrus Castrius pacata gente reb; tranquillitatem reddidit ægre quamuis & tempore infumpto. Muri Comiti Apuliā demandatam prouinciam vt præfens gereret, mandatum est. Michaeli Aierui in Aprucium abire, cura & diligentia ē saltib; latrociniiis sublatis effecturo vt magistratib; sua constaret auctoritas temporum vitio collapsa penitus, nulla in e agente facultate vindicandi flagitia. leges naturæ & humanitatis iura belli tempore in contrarium mutantur.

*Inducia Hispanum inter & Gallum prorogata.*

C A P. XXII.

Galliae Regina decessit ad quintum Idus Ian. salutis anno mill. quing. decimo quarto. 1514  
 Lectissimæ foeminæ obitum luxit gens vniuersa. Rex maxime eius vir neruis Blesis tunc æger molestissime tulit tum eius desiderio, tum veritus ne in Britānia Armorica motus existerent imperii Gallici odio. Varii Principes qui eum inuiserent luctumq; leuaret legatos misere. In eo numero Germana Regina Bernardum Mesā Episcopum Trinopolitanum legauit cum mādatis, secundum officium tēpori & propinquitati debitum leuato Regis luctu, de quo antea erat actum, Namursium & Narbonē reddi postularet aliaq; à castone fratre possessa sorori atq; hæredi legitimæ. In Italiā profecto Ramirus Nunnius gusmanius dimissus à Ferdinādo Rege est, vt Romæ oratoris regii partes impleret, iussus ex itinere cum genuesib; publice fœdus sancire. Fecit ille diligēter mādata. Pactionis summa duob; cōprehēsa capitib; Rex vrbs eius & Octauiani Fregosii Ducis patrociniū suscipet. Genueses ē cōtrario vires cōferret certo vt militū numero Regis impiū & dignitatē



tuerentur. Confectæ in eam sententiam tabulæ ad tertium Nonas Martii: quo tempore Adurnii Heluetiorum ope moliebantur eius vr̄bis statum commutare pulcherrime tunc vt videbatur, stantem. In gallia Trinopolitani Episcopi industria tum alia agitata sed inani conatu sunt, tum denuo de Ferdinandi Infantis & Renatæ minoris Galli filiæ coniugio actum. Astringi eo vinculo Gallum & Hispanum in vnam stabilis pacis voluntatem commodū videbatur, ambos bello fessos tenui valetudine. Ea re propemodū confecta, vt Regi viduo de nouo coniugio meditati masculæ prolis spe, Eleonora Caroli Austriaci soror nuberet. Serio agitatū est. Simul Venetis cū Cæsare conciliandis dabatur opera. Pontificis arbitratu cōtrouersias finire placuit. Cōpromissi exemplū cursensis Romæ detulit: in quo erat expressum ne in alterutram partem quidquam definiretur nisi ex Ferdinandi Regis consensu & voluntate. Suscepta Pōtifex ea cura, institutaque cognitione ad quintum decimum Kalendas Februarii pronunciata sententia, vt Cæsari Verona & Vicentia Venetis Brixia & Bergomum cederent sanxit. Præterea in præsentia à Venetis Cæsari ducenta quinquaginta millia auri penderentur, annua in omne tempus millia triginta. Irritus labor extitit. Dum Ferdinandus consulitur de re tota, Veneti decreto Pontificis palam se obtemperaturos negarunt iniquum causati. Nondum optata pax Italiæ coalescere poterat quamuis bello omnibus fessis exhaustisque. Induciarum Galliam inter & Hispaniam pactum tempus exibat. Vtrisque incommodum iuxta ac graue erat ad arma redire. Quintanæ Regi Hispano à secretis, eius nomine in Gallia res gerentis diligentia sancitum, vt dum pax componeretur induciæ in annum alterum prorogarentur conditionibus antea pactis nihilo commutatis. Nihil est tam sanctum, quod place re omnibus possit. Delfino quidem ea prorogatio grauis accidit verito ne in pacem defineret: qua ipse Mediolanensis Principatus spe & hæreditate caderet. Cæsar parum curauit in belli Veneti cogitationem & apparatus incumbens: ac potius cupiebat inducias pace mutari. Angli modo impediti conatus sunt bello Morinos & Aquitanos armis præfidiisque obtinendi. Inter propinquos violata caritate acris sequitur indignatio. Ita Anglus quia vindicare dolorem ex ea re susceptum non licebat focieri molitionibus occupatis Gallum in fœdus prior attraxit Maria sorore in coniugium illi pacta. Londini vr̄be Angliæ primaria conuentu de tota re habito, pro Anglo Thomas Volsæus tūc Archiepiscopus Eboracensis & paulo post Cardinalis, Angliæ Marescalus, & tertius Episcopus Vintoniensis, Galli nomine Longauillæ Dux, & Nortmanni conuentus Præses disceptarunt corā. Fœdere factō ad septimū Idus Augusti inter alia expressum est, vt certo militū numero inter se iuuarent, si quis alterutrum bello lacefferet, mox festinata nuptiæ ferales sunt luctu ob amissā non ita pridem vxorē in lætum cultū mutato. Notatū, ab Anglo in fœderis tabulis inter suos confœderatos ne nominatum quidem Ferdinandum focerum esse. Conceptam animo irā placare Ludouicus Carrocus Ferdinandi legatus hætenus in Angliā conatus: conata & Regina pro ea gratia quam apud gētem vniuersam obtinebat maximā viro a se nondū penitus alienato nihil vterq; diligētia perfecit. Paulo post Ludouico Carrocio in Hispaniā reuerso, in eius locū suffectus in Angliam Trinopolis Episcopus abiit. In Italia bellū ducebatur alternāte fortuna dubio exitu. Sed à Cardonio tamen cū copiis Citadela duob. à Meduaco amne millib. Patauū inter & Taruisiū, oppidū situ, operib. & præsidio firmissimū vi captum est. Prosper Columna cū Mediolanensis copiis Cremam impugnabat. Defendit Rētius pro Venetis vr̄bis præsidio præfectus. Itaq; expugnari nō potuit. Garfias Manricus cum aliquot equitū ad Robigum tendebat vt in nullo tali metu securus. Liuianus vindictæ audius superiora incōmoda resarciendi, ignominiam leuandi, atq; vt id assequeretur in omnem occasionē intentus, cognita nostrorū fordia, vt fit ex reb. lætis nata, nocturna vi repente in oppidum irruit. Defendere Hispani vt locus & tempus dabat, vbi plurimum periculi, & laboris ostendebatur, ibi maiore vi resistentes. Viribus tamen impares deditione facta saluti consuluerunt. Manricus & alii cum eo centuriones capti Vicentiam sunt abducti: rentius rei bene gestæ fama per motus noctu in Mediolanensis exercitus stationem Crema egressus incurrit, qui Siluio Sabello duce nil minus cogitabant, iis improuisa vi fufis momento Bergomum festinato itinere nullo prohibente cepit. Hispani qui in ea vr̄be erant, ancipiti periculo & repentina vi territi in arcem confugerunt. Cardonius periculo nunciato cōtinuo auxilio accurrat ip̄s kal. Nouembrīs. Victricibus copiis par virib. Rentius non erat. Tormentis quoq; icta pars muri corruens cum fragore late stragem fecit. Itaque vr̄bem per conditiones restituit tantisper ex victoria lætatus. tristibus sæpe prospera bellum commutat secundis aspera. Et est prudentis ducis eas vicissitudines præmeditatas habere neq; si quid aduersi accidit frangi animo, sed contra potius niti. Lanternæ porro arx Genuæ vehementer



vehementer molesta in Octauiani Fregosii ducis potestatem tandem longa obsidione fatigata concessit. Ad intermissa stylum referamus.

## Lusitania res.

## CAPVT XXIII.

**T**urcarum imperator bello liber, quod cum fratribus gesserat & Ismaele Persa qui eorum partes adiuuarat grauissimum, centum & quinquaginta triremium classem instruebat, vti fama ferebat, in Italiam Christianæ religionis caput arcemque. Primum impetum in Piceni littora oramque fore vulgo suspicabantur laud longinquam & Pontificiæ ditionis prouinciam. Metus externus ciues conciliare solet, ut potius mutuis odiis, detestis offensionibus in vnam communis salutis tuendæ conspicerent voluntatem. Verum gladii sanguine ciuium & propinquorum delibuti non facile eluuntur. Ita efferati Principum animi videbantur, ut præ cupiditate inter se vindicandi, communi periculo parum mouerentur. Non abiecit tamen Pontifex animum. Cæsarem & Hispanum ad sociandas fecum vires sollicitauit: ne imparatos ferex hostis occuparet. Mediolanensi Duce & Genuensibus ad commune foedus attractis, ceteros Principes accessuros confidebat, ac præsertim Reges Gallum Anglum Lusitanum. Conditiones foederis scriptæ: quarum ea summa fuere capita. Ut quicumque, è sociis aliquem bello laceggeret, quasi communem hostem cuncti vindicarent armis. Piorum prouinciis à Turcarum vi tuendis singuli socii equitum certum numerum in commune conferrent: pecuniæ quantum designatum est delectibus militum habendis & in eorum stipendium. Ne pauciores sedecim Heluetiorum millibus ad signa euocarent. Prudenter & pie excogitata priuata Principum cupiditates euertunt. Saluti fuit aliis bellis Turcas distictos in piorum exitium arma vertere, tunc quidem non potuisse. Rempublicam sine viribus, sine consilio, sine capite fluctuantem texere numina. In vna Lusitania domi industria vigeat, foris arma prosperum cursum tenebat. Latus Rex copiis quæ ex Indico commercio proueniebant ingentes & belli Africani successibus, Romam honestissimam legationem sine superioris anni decreuit. Pontifici more maiorum obsequium delatum. Adiunxit ad ostentationem amplitudinis pretiosa dona. Sacrorum instrumenta, vestes Pontificales auro rigentes, eo splendore qui ex clarissimis gemmis esse debuit, ea varietate ut ars cum copia certaret. Specie, pretio, atque elegantia maiori quam vidissent homines in Pontificia aula, vasa auro & argento graui artibus plena. E Perside pantheram miræ pernicitatis priscis Romanorum ludis exhiberi solitum animal equi clunibus strati eleganter insidens. Indi rectoris ad signum syluas peterrare ferasque capere edocta. Accessit aureo strato turritus elephas assuetus inter alia flexo poplite venerari. Principem tybia sonum pedibus: vastique mole corporis motu quamuis incondito modulari proboscide haustam copiosam aquam in circumfusam turbam effundere. Denique Rhinoceros vehebatur, non visum in Italia à multis seculis animal ferum truculentumque, ut cum elephanto commissus natura inimicissimo, veteris magnificentiae spectaculum Romanorum oculis repræsentaret. Verum qui ab ultimis oris aduectus, Oceani tremendos fluctus euaserat, ad Genuenses scopulos fracta nauis perit in vectorum procella. catenis impeditus neque enare potuit, neque à vectoribus eripi naufragio. Eius legationis Princeps Tristianus Acunia rerum Indicarum longo usu callens Romam inijt ad quartum Idus Martii. Paulo post dato senatu hac sententia oratione habuit è duobus legatis collegis alter Iacobus Paciecus Iureconsultus ad tredecimum Kalendas Aprilis. Rex Emanuel ab extrema Lusitania, Pater sancte, huc nos venire iussit de Pontificatu delato gratulatum: quod felix diuturnumque magnoque adeo ecclesiæ commodo fore auguramur, optamusque: simul ad deferendum obsequium debitum quidem sed libentissime tamen oblatum. Moram re necessaria susceptam hætenus excusare debet prompta voluntas. Officio preces adiungit honestissimas atque tempore necessarias. Paterna cura protidendum videri, ut superiores orbis Christiani iacturæ reparentur facta pace. Id fiet, si Principes Christiani priuatis singulorum dissidiis sublatis, vires in commune contulerint aduersus hostem communem infensumque, in nostris ruinis exultantem nostraque ex calamitate & spoliis superbum & magnum nouis indies incrementis. Quæ enim si gloria queritur, honestior causa, si utilitas fructuosior hac cogitatione esse potest? Facessat superior amentia: poenarum satis est datum. Amentes prorsus & furiosi, qui in se ipsos ferrum stringunt vacordes & rabidi. Proderit Episcoporum conuentus continuari, neque solui priusquam omnia ex sententia componantur. Patrum auctoritate diuinæ in terris æmula, id curari atque præstari summopere exoptat, petitque quoad vires tulerint, communi cause non defuturus, paratus etiam, si res ferent, pro communi salute & ecclesiæ dignitate



„ vitam sanguinemque profundere. Nihil in nostra oratione vanitatis est. Sed quid  
 „ non expectare fas sit ab eo qui omnes cogitationes consumit in conatum religionis Chri-  
 „ stianæ amplificandæ, siue in vltimis Orientis solis oris, vbi vexillum crucis inter natio-  
 „ nes feras & barbaras intulit atque erexit, vsque ad extremos orbis fines, quanto fructu  
 „ & laude dicere non est necesse: siue in Africanis expeditionib. ærario consumpto & re-  
 „ gni virib. exhaustis. Ex Indiæ spoliis & copiis primitias specimēq; offert, Pater beatissime,  
 „ munera ex regionū lōginitate vnde aduecta sunt, & ex pietate Principis magis quā ex  
 „ p̄tio æstimāda spēq; adeo certa fore aliquādo, vt latissimæ regiōes & gētes innumere ante  
 „ vestros pedes p̄strata Christo se subdāt. Pro Africanis spoliis minus gratiæ habituris, quo  
 „ vltiora sunt postulatū offerimus honestum prorsus & sanctū. Id est. Vt quoniā bello 10  
 „ Africano gerendo pares regni vires & opes regiæ nō sunt, susceptos conatus primum  
 „ concessa peccatorum venia ex ecclesiæ thesauris iuues benigna manu; deinde concedas  
 „ vt pars aliqua in Lusitania sacrorum vectigalium ad id bellum conferatur. Vbi enim  
 „ melius ponantur, atque eorum qui eas opes templis legarunt voluntati magis consenta-  
 „ neæ? Cum quibus fructus & gloria communicatur, an iniquum videatur vt oneris par-  
 „ tem ferant? Non arbitramur vestram benignitatem in re omnium æquissima denegatu-  
 „ ram, quod aliis Principibus variis temporibus est datum. Læto vultu & placido Pontifex  
 legati orationem audiuit. Breue responsum. Emanuelem Regem pro eo ac par erat ma-  
 gni facere: allata munera grata extitisse. Quod postularent curæ fore. piissimos tanti Prin-  
 cipis conatus pro viribus iuuaturum. Confectis mox tabulis Cruciatæ veniā in opē belli 20  
 Africani concessit. Adiecit decumarum ecclesiasticarum tertias in templorum fabrica-  
 tiones & facta tecta cultumque consumi solitas. Præterea aliorum sacrorum vectigaliū  
 in vniuersa Lusitania decimam. In vsu harum concessionum graues difficultates extite-  
 re. ministri & collectores simulatione religionis inertix alimenta quærere; multas con-  
 cipere fraudes. Et alioqui ex publicis vectigalibus quantum peculatus auertit. Iis incom-  
 modis commotus sacer ordo centum & quinquaginta aureorum millibus pristinam re-  
 demere immunitatem, ac non vltra triennium molestæ exactiones extitere. Populo gra-  
 ue videbatur eas copias in victum sacerdotum & templorum cultum destinatas alio con-  
 uerti, vnde in aulicorum delicias tandem desinerent rebus à prima origine mutatis. O-  
 ptima sæpe instituta exitiali exitu terminantur, & fere mala exempla ex sano initio ortū 30  
 habent. Castellæ recens documentum redderet cautiore. vbi postquam in sacros tem-  
 plorum redditus Reges inuolarunt, maiori quam antea premebantur inopia. Enimvero  
 qui exiguis olim vectigalibus, Maurorū imperio conuulso, externas inuicta virtute gen-  
 tes ad ditionem adiunxere, eos nouis indies tributis plebe fessa, & sacrorum vectigalium  
 parte magna occupata, nullo idoneo operæ pretio sua mole ruere, & proprio laborare  
 pondere. Priuatorum testamenta legibus sancta esse conquerebantur: eorum moueri,  
 qui Christum hæredem scripsere. Dotem multis alioqui fulcitam prærogatiuis Christi  
 sponsæ detrahi, ipsa inuita & qui dederunt repugnantibus. Regii ministri siue assentan-  
 di studio, seu quia ita sentiebant, facto honestatis speciem prætere. Cuius in ope &  
 patrociniō nō profana magis vectigalia quam templorum sacri redditus delitescerent, ab 40  
 vtrisque partem aliquam decerpi & ad reip. præsidium conferri æquum omnino videri.  
 Et constat Ambrosii ætate templorum prædia Augustis tributum soluisse. Equidem de  
 re tanta statuere non ausim, neque ad meum arbitrium reuoco inrer disceptantes quid  
 sentiendum sit, pronuntiare consentaneum tamen putarim vt à viris sacris in com-  
 mune aliquid concedatur, ita tamen si non maius subsidium sit, quam pro copiarum  
 modo rataq; portione. Itaq; si reddituum prouinciæ aut prædiorū quartā aut quintam ob-  
 tinent, non maiorem neq; annui census partē neq; regionum vectigalium in ærariū con-  
 ferant. Quod caput est, ne sua auctoritate id Principes faciāt, sed eius venia, vnde iura &  
 leges sacre petuntur, Romani certe Pōtificis. Accedat etiā, quorū interest, Episcoporum 50  
 prouinciæ consensus & sacrati ordinis vt aliquādo factū scimus. Nā ordo sacratus peiori  
 cōditione esse nō debet, q̄ populi, quib. volentib. tributa à Regib. imperātur. Verū hæc in  
 medio relinquiātur, ne in lubrico loco vestigiū fallat. Is sane legationis Lusitanæ successus  
 fuit. A Præstoioāne magno Æthiopix Imperatore Olisiponē legatus venit gente Arme-  
 nus, professione monastica, Mathæus nomine. Princeps gētis David dictus Regis Lusi-  
 tani, ex quo Petrus Couillanius in eas regiones penetravit, fama cōmotus, deinde Lusi-  
 tanorum in India parta gloria amplius erectus in studium mutuo commercio vires cum  
 ea gente iungendi, idoneum hominem nactus in Lusitaniam extremam ablegare con-  
 stituit. Is ab Alfonso Alburquerque benigne acceptus atq; habitus, quæ prima se dedit  
 occasio, ad Lusitanum est missus. Vectores impostorem arbitrati, multis tota nauigatio-  
 ne contumeliis vexarūt. Iis Olisipone iniecta vincula; ne maior vindicta esset, Mathæus



intercessit, impetrauitque. Regis conueniendi facta potestate binas litteras protulit vna sententia diuerso idiomate & charactere Æthiopico Persicoque. Adiecit ex auro crucem veræ crucis parte inclusa Æthiopum Imperatoris donum. Grata legatio extitit, lectæque litteræ coram, adhibitis earum linguarum peritis. Matthæo hospiti honores habiti laudatque publice data. Ab eo ritus gentis & de diuinis rebus placita cognita sunt à Christiana pietate non parum sæpe abhorrèntia: prorsus vt Christianæ religionis præter nomen vix aliquid retinuisse videatur. Omnia explicare longum esset. Pauca proferte exempla satis arbitròr. Octauo die verenda circumcidunt mares iuxta & fœminæ. Quadragésimo abluuntur baptismate. In partu Iudaico instituto fœminæ expiantur. Lege veteri dominatis cibis abstinent. Ad obeuntem solem ieiunia produciunt. Eucharistiæ diuinæ vtramque partem populus quoque sumit. Presbyteri vxores ducunt: monachi cælibes, & Episcopi quos ex monasteriis legunt sacra & ideo deuota iam capita. Peccata confessione expiare cōtendunt, cælestesque venerantur cultu religioso. Sūma in eorum moribus & institutis, quædam merentur laudem, pleraque sunt absona. Rhegium Lepidi Pontifex obtinebat. Mutinam haud remotam à Cæsare accepit oppigneratam dum redderet mutua, quæ dedit, quadraginta aureorū millia. Eas vrbes ad Parmam & Placentiam adiunctas Iuliano fratri destinasse fama fuit, vero an falso haud facile dixerim, sed daturum rumor erat iure fundi Pontificibus relicto, adiuncta quin etiam Ferraria, si vires voluntati pares suppeteret: eidem paulo post Filibertam vxorem Caroli Allobrogum Ducis sororem lectissimam in puellæ dotem & cultum de suo centum aureorum millia dedit.

Vascones Castellæ contributi. CAP. XXIV.

Anglicum coniugium Gallo Regi exitiale extitit breui consecuto obitu. Sic solent senes complexibus impestiui indulgentes præsertim discrepante nuptæ nouæ, ætate, ipsorum imbecilla valetudine. Gaudium breui mærore mutatur. Anno nouo millesimo quingentesimo decimo quinto decessit. Supremus honor defuncto habitus corporisque in maiorum sepulcra illatum tumulo è candido marmore, superbo structuræ genere atque eleganti. Infantiam ne magnis quidem imperiis tolerabilem æmulati proximi Reges effecere vt nouis sepulchris templi spatia non sufficiant alioqui vasti. Eius morte in generum Franciscum Valesium Engolismorum Ducem imperium Gallicum est translatum ardenti iuuenem ingenio, magnis animi & corporis dotibus, quas secum ipsa certas natura cōgeffit. Vulgo persuasum erat nō cessaturū nisi Mediolano recepta, regnoque adeo Vasconū, quæ spoliatis Regibus pollicitus erat. Rerum tamē Italiæ maior cura, eo bello districtū ne aliq̃s à tergo terror reuocaret in galliā verebatur. Ab Anglia metuebat nihil pace cum ea gente pulcherrime stāte. Carolum Austriacum, ne ex Belgis tempestas existeret, Renatæ gloti iungere tentauit. Honestā conditio videbatur, neque repudianda prorsus. Nasai Comes & Michael Croius Principis cubiculo Præfecti ideo Lutetiam appulsi coniugium stipulati sunt nono Kal. Aprilis. Dos dicta sexcenta auri millia, ducenta in presenti pecunia, pro quadringentis millibus Bituriges pignori dari decretum. Carolus Princeps in suam tutelam abierat, ab auo Cæsare & amita Margarita Belgarum procuratione permessa. His pacatis Principibus Ferdinandus supererat maiori prudentiā, Rex quæ vt arte caperetur. Lautrechius Aquitanix Præfectus negotio dato Comarum de induciis in tertium annum prorogandis ultro appellauit. Abnuuit Ferdinandus cognita haud dubium Galli destinatione in omni consilio circūscriptus & sagax, nisi Italia porro comprehensa arma citra Alpes nequaquam positurum. Sic ars arte delusa. Quin etiā ad omnes casus ope parata, fœdus institutum vt nouo decreto firmaretur curauit, aduersus Turcas & ad singulorum sociorum ditionem communibus armis tuendam, Gallicos impetus retardatum iri, si id assecutus esset, animo neque inepte prospiciens simul ad fœdus alterum inclinauit à Leone Pontifice expeditum Bernardo Bibiena Cardinali sanctæ Mariæ in porticu ad Cæsarem propterea legato. Eius fœderis leges. Vt Cæsar Veronā Vicentiam, Forum Iulii, & Taruisiū teneret. Duci Mediolanensi cederent Brixia, Bergomum Crema. Harum trium urbium permutatione Parmam & Placentiam Pontifici relinqueret Iuliano fratri Principatum. Eo temperamento Ducis Mediolanensis imperio firmato facile Ferdinandus adducebatur, vt ei è Caroli Austriaci sororibus coniux daretur certe Margarita Princeps aut Neapolitana Regina, arcta omnes deuinctæ necessitudine, quippe neptis prima, nurus altera, tertia sororis filia: Sfortiana nobilitate maiora cōiugia. Dies cruciatuum Christi Dei memoria sacros & lugubres Ferdinandus ad Meioradam transegit, in curā intentus vtriusque gentis conuentus quā primum agitandi, Castellæ qui-



dem Burgis, Aragoniæ autem Calataiubæ lauto municipio. Olmedi edicta promulgata sunt pridie Idus Aprilis. Et Aragoniis quidem conuentibus inchoandis Maii mensis dies vndecimus designatus. Vt actionib. pro se vicaria præflet ex superioris gētis cōcessione, Reginam coniugē in Aragoniā amandauit, iussam iis solutis conuentib. Ilerdæ Calatau-  
 norum conuentus agitare, Valentinus postremo Valentia. Ipse Burgos festinauit ne desi-  
 gnato tempore occasione deesset ordinū voluntate redigendæ pecuniæ, cuius prima cura  
 erat, magna inopia, maiorque quam ex Aragonia spes. Belli metus multiplicis impende-  
 bat: cui omnino occurrendum erat, nouo militum delectu supplendi exercitus, firmāda  
 præsidia. Actum de ea re Burgis. consensu decretum est quadringentis aureorum milli-  
 bus ærarii tenuitatem regios conatus iuuare. Magnum vectigal & graue vt exhaustis po-  
 pulis imperaretur Ferdinandi Regis beneficium euicit, vmbra quamuis dignitatis ma-  
 gis quam prouentus. Vasconum regnum in iis conuentib. Castellæ cōtribuit olim quam-  
 uis Aragoniis obnoxium, recensque ab Aragonio rege, & Aragoniis viribus ex parte au-  
 xilioque partum. Verum Regi, ne Vascones Aragoniæ institutis & legib. libertatē arripe-  
 rent, prouidendum omnino videbatur, ab omni memoria inuidiosam seruiēdi rationem  
 vnde magni motus extiterant, alioqui in suam gentē caritate propensior. Accessere sum-  
 ptus Castellæ maiores in bello Vasconum tolerati maior multo militum numerus ex ea  
 gente, ad defendendam in posterum prouinciā validiores multo vires. Sed ex eo tamen  
 constat Ferdinando destinatum prorsus animo fuisse, eam ditionem nunquam abdicare,  
 quasi sui iuris non secus ac alios principatus, neq; vlla religione moueri, vt ab ea senten-  
 tia decederet. Sic variis sermonib. præ se tulit. Viribus potiori argumenta nunquā defunt  
 ad retinendū quæcumq; armis occupauit. An Principatum aliquem vltro veteri domino  
 redditū docere quis possit? Si verū fateri licet, nōnullis Ferdinādī causa præsidii fulcieba-  
 tur neq; contemnēdis neq; prorsus inanibus. Primum Pontificis sententiā Reges veteres  
 fuisse ditione spoliatos: quos more maiorum extrema meritos exempla furiali carmine  
 deuouit, & iure Pontificio maledixit. Deinde in Reges Castellæ translātū ius Claræ vx-  
 ris prioris Henrici Castellæ deinde Regis eo nomine quarti ipsius voluntate & donatio-  
 ne, quo tempore à patre sæuo ad non dubium exitium data est in Gastonis Fuxensis foro-  
 rii potestatem, eius nece oppido cupientis, quæ iure potior erat, quippe maior natu, Va-  
 sconum imperium ad se trahere. Ita per omnes patrati parricidii affines & eorum posteros  
 peruagata ira cælestis haud longo tempore pœnas à singulis improbæ cupiditatis exegit,  
 manesq; innocentis puellæ mortuæ vindicta quā viuæ regiis opib., felicioris nullo inimi-  
 corū innoxio relicto tandem quieuerunt. Accessit ad cætera Ferdinandi præsidia Germa-  
 næ Reginæ ius Gastonis Namursii fratris in locum. Quod si eo iure contendas Castellæ  
 Vascones contribui non potuisse. Suspiciari licet quid enim vetat? cum prole careret fa-  
 ctum eius consensu certa; voluntate: quando post tres annos in conuentu Cæsaraugusta-  
 no Vasconum regnum in Carolum Austriacum transtulit Castellæ iam & Aragoniæ Re-  
 gem. Certior interpretatio Deum esse qui tempora sæcla; commutat, euertit regna ful-  
 citq; quos numen subleuat, his dare imperia, vt gere quos decreuit premere. Neq; tan-  
 tum propter iniustitias & iniurias transfertur regnum de gente in gentem, sed propter  
 contumelias & dolos: vt diuini libri testantur. Cōuentus Aragonii Calataiubæ habeban-  
 tur. Vt à populis pecunia in stipendium redigeretur postulatum. Id proceres & nobiles  
 facere, nisi subditis populis præcisa facultate regiam opem per appellationem imploran-  
 di recusarunt, tanta obstinatione vt conuentus aliquot menses impediri necesse fuerit.  
 Afflicta Regis valetudo contemnebatur. Cæsaraugustanus Præsul magno quamuis labo-  
 re promouebant parū. Nulla spe in conuentu irritatos Proceres quidquam pro sano factu-  
 ros, singulas ciuitates appellare placuit de subsidio priuatim concedendo. His difficulta-  
 tibus commotus Rex quamuis extrema valetudine atq; ita vt nocte quadam pro mortuo  
 habitus fuerit, Burgis in Aragoniā festinare statuit, spe Proceres præsentī nihil denegatu-  
 ros. Ex itinere Antoniū Augultinū regio Aragoniæ scrinio Præfectū ad se citato venire  
 mādāt. cōsilia de reb. magnis cōmunicaturū. Aduenienti ad Arandā Durio alluēte nobile  
 oppidū, quo rex processerat, cōtinuo iniecta in hospitio vincula sunt. Gometi<sup>9</sup> Ferreria in  
 curia regia rerū capitaliū iudex captū in Septimācēsē deduxit custodiē designatā arcē. de  
 vinculo rū causa multa sūt dicta, vt in reb. nouis & præter opinionē, cōtingit. Quidam cum  
 Carolo Austriaco consilia Regi ingrata aduersaq; communicasse interpretabantur. Alii  
 petulātes oculos in Germanam Reginam coniecisse, ac vero de stupro appellasse. Verior  
 opinio: cum Aragoniis Proceribus consensisse in conuentu: eiusq; malo voluisse regem  
 cæteros officii admonere magis vsurpandi iuris causa, quā quod vnius culpa esset. Segob-  
 iæ cum Regio consilio Hispaniæ Cardinalis substitit. Rex adiuncto Ferdinando nepo-  
 te Calataiubam festinauit. Frustra is labor fuit. Proceribus nulla diligentia persuaderi



potuit, neque vnus vincula tanti erant, vt desisterent nisi libertate quam petierant concessa & quitati prorsus aduersa iniuriarum fonte. Regis morbus recrudescerebat labore molestiaque auctus. Vililla quoq; nobili campana instare finem significatum, magnorum euentuum nuntia Regumq; obitus. Sic fama tulit, Aragoniæ gentis communi persuasione confirmata. Verum diiudicare quis possit? In eiusmodi rebus quanta sæpe existit vanitas. Ergo re necessaria, autumnii tempore nullo publice pecuniæ subsidio in conuentu impetrato sese Rex in Castellam retulit. Regina Calataiubæ conuentibus solutis Ilerdam processit. Sic in Castella & Aragonia res erant. quo tempore ad Viennam Austriæ, Cæsar & duo fratres Sigismundus Poloniæ & Ladislaus Hungariæ Reges conuenere ad sextū decimum Kalendas Augusti. Colloquii præcipua causa coniugia exstiterunt Ferdinandum & Mariam Austriacos fratres inter & Annam atque Ludouicum iam Bohemiæ Regem Hungari filios inita ipso Magdalene memoria sacro die. auspex & antistes totius cæmonia Thomas Cardinalis Strigoniæ Pontificis legatus. Læticia ludis, cōuiuiis & omne genus spectaculis atque Principum numero lato cultu, gemmis auro & purpura distinctis vestibibus plures dies continuata est. Interfuere ex sponsis Ludouicus & Anna patrem Regem secuti; præterea Maria Austriaca. absentiam Ferdinandi Cæsar eius auus suppleuit quasi procurator sponsalibus stipulandis. Notatum à curiosis non modo Ferdinandum & Mariam sororem Ferdinandi Regis ex sanguine fuisse eius nepotes, sed & Ludouicum & Annam pronepotes Eleonoræ extitisse Valconū Regiæ, quæ soror Ferdinandi fuit, Catharinæ nimirum nepotes, quæ Gastoni nupsit Candalæ regulo. Gastonis enim filia Anna nomine Ladislao Hungaro nupta Ludouicum & Annam novos sponfos peperit. Ita Ioannis Aragonii Regis Ferdinādo filio quam sua virtute & rebus gestis nobilioris, sanguis omnium fere gentium regis insertus latissime est propagatus.

*Alfonsi Alburquerquei obitus.*

CAPVT XXV.

Magna & præclara ab Alfonso Alburquerqueo Indiæ Præture toto suæ Præture tempore opera sunt perfecta. Immortalem à gente Lusitana laudem habeat, necesse est, quippe imperii Lusitani in extremis orbis oris conditor princeps. Annis grauem imbecilla valetudo vexare cœperat. Multi præterea æmuli (omnibus satisfacere qui posset? certe virtutem inuidia premit) in Lusitaniam delati criminabantur, virtutibus vicina vitiorum nomina affingentes calumnia & mendacio armati. Reus in absentia agebatur criminationum iuxta ac criminantium ignarus, securitateque quam conscientia dabat incautus. Et quidem aperta odia depelli possunt fraus & dolus obscura, eoque inuitabilia. Emanueli Regi, vt ei succederetur tandem persuasere. Delectus è nobilitate Lusitana Lupus Suarius, Aluarenga magnæ spei vir, qui res in India gereret. Comites adiuncti Matthæus Legatus Abassini Regis & Eduardus Galuanus vna in Æthiopiam iturus. Verum eam legationem obire importuna mors prohibuit. Atque in eius locum consequentibus annis substitutus Rodericus Lima in ipso Æthiopiarum aditu Matthæo extincto ad eum Regem legatus peruenit. Franciscus Aluarus presbyter prosecutus euntem legatum de tota ratione itineris & regionis natura gentisque institutis commetaria patria lingua accurate descripta in lucem edidit. Notus Prætor nauigatione vix quinquemestri præter morem à celeritate felicissima Olisipone Goam peruenit, omnino postfridie Kalendas Septembris. Sub id tempus quinto post die ex Lusitaniæ regina filius est natus, Eduardus nomine, miti Princeps ingenio, modestia & comitate insignis studiis venationis & musicæ imprimis deditus. In florenti ætate raptus, ex vxore tamen filium eiusdem nominis breuis & ipsum æui & duas filias reliquit. Maior Maria dicta Alexandro Farnesio nupsit Principi tunc, deinde Parmensi Duci, Catharina hodieque superstes Brigantino Duci est iuncta. Quibus diebus Lupus Suarius Goam appulit, Alfonso Alburquerqueus Ormutii ex diuturnis laboribus fluentis alui morbo lætali oppressus eius insula rebus compositis regeque persuaso, vt amicitiam Lusitanam constanter coleret, in ea fortunis suis certissimum præsidium repositum putaret; cupidus Goam delicias suas ante obitum inuisendi, nauim conscendit. In itinere de successoris aduentu cognouit. Eo nuncio supra æquum & honestum perculsus vir alioqui egregius neque dissimulare dolorem, neque tenere linguam. Proh Christe Sancte, inquit, quantæ me molestiæ circumuallant? Si regi pareo, in hominum calumnias incurro, si respicio homines, regem offendo. Ad aras, nullum alibi perfugium. Hæc truci voce ardentique vultu vt procul exaudiretur, agstantibus commouerant lachrymas. Commoti animi ipse non ambitionem imperandi putabam. Quid enim alienius eo tempore? Sed morbi molestia victum, quæ omnia



reddidit ingrata, aut excelsa animo ægre tulisse interpretabar calumnias supra virtutem fuisse. Nam, ut ad se collecto tantisper animo rediit. Certe subdit, Regum corda Deus sua sapientia regit. Quid futurum putatis. Si me mortuo idoneus rector esset à Lusitania expectandus? quantum periculum rebus in India immineret? His dictis quieuit. Morbus navigatione inualefcebat minori in horas spe. E Goa propinqua euocari presbyterum mandat, cui erat solitus conscientie vulnera per confessionem detegere. Cum eo rebus omnibus communicatis, poenitentiaque & oleo sacro ex ritu Christiano expiatus, die quodam ante lucem efflauit animam. Vir haud dubium insigni cum primis virtute, felicitate & pugnandi scientia comparandus eorum, quos ab vlla memoria Hispania genuit. Magnitudine animi, benignitate, prudentia, iustitie cultu maior fuerit in ambiguo est. Ex æquo hæ virtutes in eius moribus & vita colluxere: nulli earum ut palmam concedere fas sit. Corpus labore inuictum, animus expeditus in consulendo perficiendoque quidquid factu optimum iudicasset. Suis carus, hostibus formidabilis. Multum rei Lusitanie fauere numina duobus primis Prætoribus datis excellenti virtutum omnium indole, pari conatu, audacia, successu eorum quæ aggrediebantur felicissimis. In vna tamen voluntate Christi nomen amplificandi, & quodcumque periculum subeundi pro officio Regi suo debito & gentis gloria illustranda sententiis vel maxime discrepabant. Almeida primus Indię Prætor nolebat vires & classes Lusitanie ad expugnandas vrbes & arces conferri in illis oris, modicas esse vires Lusitanorum dictitans, auxilia longinqua; si in plures distraherentur partes, fore iniurie opportunos, neque pares tantis conatibus. Maris imperium tenerent modo, cætera in iis regionibus prona fore. Alburquerqueus contra ex ipsa auxiliorum longinquitate & virium exiguitate contendebat pluribus coloniis ea littora occupanda videri. unde quasi ex seminariis supplementa suppeterent, cõmeatus facultas, cæduaue materia ad extruendas naues, armamenta comparanda. Alioqui neque maris imperium diu stare posse, neque commercii facultatem: quando siue maris tempestatibus seu hostium in classes aliquando dissiçi vincique necesse foret. Itaque fore commodum si portibus & arcibus, quam possent latissime vasta littora amplecterentur, ad omnes casus parato perfugio. Alburquerquei rationem fuisse commodiorem tempus indicauit, iudex testisque syncerus, & rerum euentus, qui consiliis fere pretium famamque constituit. Vxorem nunquam habuit: ex ancilla tamen susceptum filium reliquit. De eo sollicitus sub mortem his verbis ad Regem scripsit. Inter frequentes singulatus, & mortis instantis signa certissima has postremas litteras do. Filium vnicum habeo. eum tua benignitate complectare precor. Paternis meritis ea gratia esto. Quæ qualia sint, me silente opera ipsa testantur. Corpus amplo funere ac vere regio in diuæ Mariæ ædiculam ab ipso Goæ constructam illatum est. Omnis ordo & ætas obuiam effusa in veste sordida verissimis lachrymis gentis gloriam, salutare præsidium vna occubuisse atque eodem tumulo sepeliri sine fine dolebant scilicet: atque ita ut singulorum parentes aut fratres lugeri, omnes crederes vnus spiritu vixisse extincto perituros. Corpus occidit, & vita præsens ablata est multis obnoxia miseriis. Merces in cælo certa virtuti, inter homines nominis gloria non inanis sed solida perpetuo vigeat nullis seculis interitura. Rex ex interuallo cognito Alburquerqueum obiisse, doluit impense. Filio ad se vocato benigneque accepto Blasii nomen à prima ætate inditum, Alfonsi appellatione mutauit in patris memoriam & gratiam; prædia & vectigalia dedit ampla vnde vitam sustentaret. quam ducta vxore lectissima deinde in multos annos propagauit non ita pridem extinctus; suaque impensa Diuæ Mariæ ædiculam Goensem, vbi pater sepultus fuerat, noua structura & spatiis in iusti templi formam amplificandam curauit. In Africa ad ostium Mamoræ fluminis, quod antiquis Subur fuit, Emanuel Rex arcem imponere cogitauit vltra Arcillam centum non amplius millibus passuum. Classe ducentarum nauium maiorum minorumque octo millia hominum in eam rem mitti placuit. Ductor Antonius Norogna, Olisipone digressi Idibus Aprilis ad ostium fluminis appulere nono Kalendas Maii. Infelix conatus extitit. Cœptam continuo ædificari arcem innumera Maurorum multitudo sub signis sese circumfundens ex omnibus partibus, disturbauit, amissisq; tormentis, quæ in noua arce erant posita, & è Lusitanis media parte desiderata, classis coacta est cum ignominia & iactura sese in Lusitaniam referre.

*Rex Gallus Mediolanum abiit.*

C A P. XXVI.

**F**RANCISCUS eo nomine primus Gallie Rex simul ac regium insigne desumpsit, nobile regnum viris, armis, copiis & gloria florens post fata loceri adeptus, collecto numeroso exer-



10 fo exercitu ad Mediolanum repetendum animum retulit. Non deerant Maximiliano Duci sua præsidia fautoresq;. Quindecim Heluetiorum millia ad periculi famam accurrere, tueri destinantes cuius patrocinium susceperant, atque datum beneficium. Belli initia aduersa extiterunt ad omen summæ vniuersæ. Prosper Columna cum equitibus cataphractis transitu Gallos prohibere idoneo loco infesso constituens, occupato ab hostibus conatu improuisa vi inter cænanandum ad Villafrancam est captus à Palicii militibus. Rex ipse Gallus cum validis copiis in Insubres irruens prope Mediolanum castra promouit, ea vrbe capta cætera prona fore ratus. Cardonius ad Abduæ ripam castra habebat. cum Pontificiis copiis Placentiæ morabatur Laurentius Mediceus Petri filius eius, qui  
 20 ad Liris ostium est merfus. Vtræque copię si cum Heluetiis iungerentur, magnum ad victoriam momentum. Id prouidens Dux Mediolanensis fieri ita oppido cupiebat, curabatq; eo maiori studio quod prope metum erat, Galli ad nutum rebus fluere incipientib. Alexandria quidem ultro in partes accessit. Nouaria capta est cum arce Petri Nauatri maxime industria. Nam is Hispano lente admodum de eo liberando consilia explicanti infensus, ad gallum trāsīit viginti aureorum millib. ex regio ærario persolutis libertatis pretio. Missi à Ferdinando Rege, qui magnis propositis præmiis ad officium reuocarent & pristinæ fidei cultum, præstare nihil. Serum remedium animo penitus alienato. Quin fidei & amicitia renuntiata argumento Oliuitum in Neapolitano regno Comitibus nomine datum ultro remisit confectis de ea abdicatione tabulis. Magni viri concedunt sæpe i-  
 30 racundia & vindictæ studio in maiora mala præcipitant. Cardonius Heluetiis non satis fidebat ferocis hominib. ingenii, & ambigui. & erat suspicio arcano ad gallum respicere. Ne Pontificiis quidem multum credebatur, Parmam & Placentiam retinendi studio speq;, si affulgeret, quas vrbes eripere Heluetii contendebant, ad Gallos facile transituris. Ergo Marco Antonio Columna Veronæ, Brixia Ludouico Hicardo curare iussis ipse ponte è cymbis confecto cum exercitus robore Pado transmissio constituit in agro Placentino ad Trebia ripam munitis castris se tenere. nihil eo itinere hostile exitit oppidis circum amicis. Displicuere ea consilia eaq; cunctatio Heluetiis, haud dubium improuida exitiali q; uti euentus docuit. Vim numinis quis auerāt? Sed vnde suspicio sponte Hispani excitari bellum, cunctaq; quæ accidere non ignauia militum neq; hostium virtute sed fraude ducum euenisse. Cardonii aduentus spe sublata Heluetii tamen paucis adiunctis Italis Mediolano egressi cum vniuersis gallicis copiis configere constituunt. non audacia id sed temeritas erat. Dux neq; iubendi neq; vetandi potens, non iam Princeps, sed belli causa. Furore militari cuncta agebantur. Castra galli ad Marignanum & sanctum Donatum ad sextum ab vrbe lapidem munierant, spe ciues voluntate in potestatem vêturos. Liuianus præterea festinabat ut cum Gallicis suas copias conferret. enimvero equites grauis armaturæ nongentos expeditos mille & quadringentos, pedites ad nouem millia. Heluetiis festinandi ea causa exitit, ut Liuiani aduentum occuparent pugna facta, si utræq; copię iungerentur de victoria diffusi. Instructa acie foras vrbis portas erumpūt ipsa conatus magnitudine & mortis contemptu formidabiles. nullo duce sibi quisq; auctor erat, incitatorq;. Galli contra iis excipiendis in aciem & ipsi copias producunt. Primū agmen Carolo Borbonio datum, postremum Palicio Rex in media acie curabat. Gallica tormenta multa & præstantia in subeuntes munimenta Heluetios displosa late fecere stragē. Iuniores ex eo numero facto agmine rabie & furore cæci nouo impetu in munitiones facto, quauis aduersariis egregie resistentibus, fossa tamen profunda transcensa & vallo tormentorū partem occupant. Feruēte vtrinq; cæde ac fortuna victoriam alternante, ne nox quidem superueniens pugnam diremit, quandiu luna sublustris fuit ad mediam fere noctem: tanta erat vincendi rabies. Heluetii prosperis feroces, Gallos pudor irritauerat & sui Regis præsentia accenderat. pugna varia, atrox, anceps, his atq; illis rursus exitiabilis. Rex ad primam aciem prouectus & inter primos iuuenili impetū pugnans in armis reliquum noctis sustentare necesse habuit, ne galea quidem detracta neque somno capto nisi quantum corpore in tormenti currum tantisper inclinato licuit, ne gustato quidem cibo septem & viginti horarum spatio. Ingens animi & corporis vigor: cum luce pugna redintegratur non minori quam antea rabie. A Ienolaco Galeoto tormenta perite disposita librataque, ab aperto latere multam Heluetiorum cædem stragemque fecerunt. Accidit in medio pugna ardore ut Liuianus è propinquo audito tormentorum fragore cum aliquot equitum turmis superueniret apprimere pugnax dux. Heluetii cum omnibus copiis accessisse rati, ea opinione late per agmina vagata fractis animis desperataque victoria Mediolanum versus sese recepere, sed sensim atque seruatis ordinibus. Ex ea vrbe extemplo sublati signis Larium lacum versus



discessere. In Idus Septembris & diem posterum in paucis memorabilis pugna incidit. Victori continuo cessere omnia. Mediolanenses eum intra mœnia accepere. Arx quo se Dux cum manu militari recepit acriter impugnata tormentis, atque cuniculis à Nauarro scienter actis intra trigessimum obsidionis diem deditiorem fecit. Dux in Galliam amandatur in alimenta annuis triginta sex aureorum millibus decretis in exilio vitam calamitosam propagaturus ex pacto inter hostes tam procul à patria. Breuia ac fluxa mortalium gaudia, vix delibato suscepti principatus primo fructu, in quas ærumnas præcipitauit: si fructus & gaudium dici debent continuæ curæ, & terrores quibus is Princeps ex quo rerum summam obtinuit cruciatus est, alieno semper obnoxius arbitrio & imperio eorum, qui publicis vectigalibus occupatis, ac ingenti identidem pecunia imperata pacis legibus & belli ex commodo rogatis abrogatisque misero Principi præter umbram nominis, nihil nisi seruitium sordes & egestatem reliquerant, ne gemitus quidem liberam facultatem. Cæteræ vrbes & arces Duce sublato eiusque exemplo in victoriæ partem sine sanguine concesserunt. Cardonius extemplo Neapolim copias reduxit cura Neapolitanarum rerum nouarum cupiditate arripere arma volebant nisi metus maioris mali frænaret. Mænyngem quidem insulam petere distinendis copiis iussus erat, an timori ea species prætendebatur. Pontifex tempori inferuire constituens ex con<sup>1</sup>o Bononiæ victorem conuenit. In eo conuentu Rex quæcumque voluit facile imperauit armæ: nenti nihil denegare fas erat. Dedit etiam quasi mutua permutatione facta, vt Pragmatica sanctio abrogaretur sacriati in Gallia ordinis magno gemitu. Gentis voces liberæ fuerunt & plenæ expostulationum, nihil amplius. Sic solet populus sine capite. In Hispania Ferdinandum Regem nouæ porro curæ sollicitabant. Magnum Gonsaluum in Belgas nauigaturum vulgatum est, adiunctis Egabri & Vreniæ Comitibus & Prieghi Marchione. Grandem pecuniam comparatam, vt cum res exegissent, nec facultas fugam nec inopia moraretur. Ea opinio cum late mansisset Manigiareffius missus est abs Rege cum mandatis discessum prohibendi, & si foret opus in Gonsalutum iniiciendi manus. Tantum Hispaniæ dedecus auertere numina de cœlo. Mense Octobri Gonsaluus febri quartana laborare cœpit Loxe, vbi morabatur. Simulata valetudine ludere suspicio erat: neque minor proinde cura custodiaque. Angli animo suscepta indignatio mora inualescebat. Ad eum placandum ne hostium conatus importuno maxime tempore iuuaret munera decreta vestis, vasa gemmis distinguentibus aurum, equique generosi auro strati. legatus in id Ludouicus Gilabertus miles facer in Angliam appulit Regiæ vtero prægnanti lætam. Quo diutius expectarant in exigua spe, eo maiorem voluptatem vniuersæ gēti commouit. Thomæ quoque Volsæo purpura Roma delata ludis & conuiujs celebrata. Ex infimo is loco ad primum dignitatis gradum in Anglia ascendit, vt ex rerum fastigio grauiori casu præcipitaret. Gratia Principis, cui fuit intimus, & praua obsequia pro virtutibus fuere. Superbia atque ambitio exitium ipsi & vniuersæ genti attulerunt. Is ergo & Ferdinandi legatus mutuo aliquot dierum congressu, ad quintum decimum Kalendas Nouembris fœdus & amicitiam stabilem inter duos illos Principes sanxere. Ludouicus Requesenius nouem triremium dux ad Cossyram insulam, vulgo Pantalaream, tredecim piraticas triremes Siciliæ spoliis & præda onustas nactus commissa pugna vicit per æstatem. Aliquanto post Bugiam obsedit Omichus Turca cognomento Barbarossa, cum sua peculiari classe eo delatus. Multi præterea Mauri è vicino tractu Turcæ conatus subleuatum terra accurrerunt. In arcto res positas Raymundus Carrocus vrbi Præfectus supremo conatu defendit Michael Gurra in Balearibus Prorex obsessis auxilio opportune superuenit. Ducebatur tamen obsidio, in aliquot menses cōtinuata. Obsessi annonæ inopia laborare cœperant. Cogitantes de facienda deditiōe nauis recreauit à Sardinia Prorege missa cum comœtu & bellico instrumento. Qua ope tam diu sustentatum est, donec Turca abiecta spe urbem occupandi soluta obsidione fine anni discessit.

*Ferdinandi Regis Catholici obitus. CAPVT XXVII.*

**V**Alentudine Ferdinandus Regis Catholici tum Magni Gonsalvi recrudescere ma-  
iorem in dies sauitiam inani medentium cura, utriusque exitus urgebat, Gonsalvus mor-  
tis angustiis exaestuans lecticariorum humeris Loxa Granatam abiit, si cœli mutatione  
melius haberet. Nihil ea diligentia est profectum. Altero Decembris die in ea vrbe de-  
cessit vir plane admirabilis animi magnitudine & perpetuo victoriarum cursu clarior  
omnibus dux, quos à multis annis Hispana terra tulit, alioqui magnorum virorum  
ferax. Extrema ætate magnis procellis iactatus numquam indignum quidquam est lo-  
cutus.



cutus, & quamquam rebus aduersis integra semper virtutis & constantiæ fama. quippe solitus non minus in secundis tristitia, quam in asperis secunda cogitare. Aulicorum ex inuidia minor meritis Principis gratia, gloriam non minuit, sed auxit: effecit certe ne postremis annis offenderet. Multos longæua ætas vestræ fortunæ tribuit: magnique sæpe viri quietis impatientia & rerum varietate superiorem gloriam obscurarunt: cum sit arduum mare frequenter sulcantem, nunquam fluctibus tempestateq; sæuiente iactari. Tempus vitam abstulit: virtutum memoria vigeat quoad mundus stabit. Eius obitu in Eliuram filiam maiorem natu domesticæ fortunæ translata sunt: equitum Magisterium Neapoli vacuum Fabricio Columnæ cessit Regis dono in posteris porro ad hanc diem stabili, inanis vmbra & sine prouentu nomen. Ferdinandus Rex Hispalim ire constituens per hyemem mitioris cæli urbem, Placentiam haud deuia se contulerat & ipsam amœnitate præcipua. Ibi quamuis afflictæ magis indies valetudine splendide à ciuibus acceptus, atque habitus ludis frequentibus & grata hilaritate, diebus aliquot ei ciuitati datis, Ferdinandum nepotem ad Guadalupeum oppidum ire iussit templumque sanctitate & miraculis celeberrimum, propter quod municipium inuisitur: nam alia visendi causa nulla est. Prosecuti sunt euntem Petrus Nunnius Gusmanius Calatrauæ Clauiger eius moribus formandis adhibitis & litterarius magister Aluarus Osorius Asturicæ Episcopus. Rex in Vectonum eam partem discessit, quam Serenam dicimus, ardearum volatu, quarum est eo tractu magnus numerus (& eo aucupii genere præ cæteris oblectabatur) animû curis & ægritudine grauem tantisper leuaturus. Maris Præfectus, Dux Albanus & Burgensis Episcopus sequebantur, è regis consultoribus tres Laurentius Caruaialius, cuius extat de rebus hoc tempore gestis diarium. Sapata & Franciscus Vargas rationibus Præfectus ex Agnete Caruaialia vxore, Guterrii Caruaialii Episcopi Placentini non ita pridem extincti pater. Eodem Hadrianus Belga Louanienfis Decanus, Caroli Principis magister apulit è Belgis missus de reb. magnis ad auum legatus. Vt Carolo annua quinquaginta auri millia darentur eo annitente constitutum est. Concessum etiam vt Castellæ procurationem Ferdinandus Rex, vt ipse expetierat, dum viueret propriam retineret, etiam post Reginæ mortem. Id ultro adiectum. Insignis munificentia sed vitæ exitu proximo, cuius rei manifesta signa perspiciebantur, leuis gratia. Per dies Christi Dei è virgine nati memoria celebres hæc agitata decretaq; sunt. Ad castra Iulia vicus Madrigalegium est ei urbi contributus. In eo pago Regis ægritudo ipsa itineris agitatione grauior est effecta, prorsus vt medici diu victurum desperarent. Accurrit cognito periculo Decanus Louanienfis. Eius aduentus Regi molestus accidit. Vt Guadalupeum, quo iuerat Ferdinandum Infantem inuisum sese referret, atque ibi iussit suum aduentum sustentare. Mox testamentum confecit. Peccata Thomæ Matienso è Dominicano ordine sibi ante à confessionibus, aperuit. Regina Ilerdæ Regis periculo nunciato itinere festinato pridie quam testamentum nuncuparet, mœsta iuxta ac sollicita accessit. Proximo die Mercurii post mediam noctem vna amplius hora animam placide efflauit decimo Kalendas Februarii auspicante salutis anno millesimo quingentesimo decimo sexto. Princeps iustitiæ cultu, prudentiæ laude, animique præstantia excellentior omnibus, qui vnquam in Hispania extiterunt. Vitia deesse nunquam possunt. ea est humanæ vitæ conditio. ex inuidia quoque & malitia multa magnis viris immeritis affingi peccata procliue est. Imperii modestia religionis amore, bonarum artium studio, forma haud dubium iusti, mitis, benefici, ac vere Christiani Regis, ac speculum in quod omnes Hispani Principes intueantur, aureæ pacis in Hispania & publicæ securitatis atque elegantiae & amplitudinis conditor.

Tria testamenta memor mortalitatis confecit. Primum Burgis ante tres annos. Alterum Arandæ ad Durii ripam anno superiori. Tertium sub mortem. In iis omnibus Ioannam Reginam hæredem, Carolum eius filium rerum procuratorem scripsit. Carolo absente in primo testamento, Ferdinando Caroli fratri regni procurationem demandauit. In duobus postremis eo capite mutato, rebus Aragoniis Cæsaraugustanum Præfulem præfecit eo euentu, Castellæ, Hispaniæ Cardinalem. Id valuit decretum. Decanus tamen Louanienfis productis in eam sententiam Caroli Principis mandatis & tabulis, Cardinali rebus gerendis consors accessit. Ferdinando nepoti in Neapolitano regno, vrbes Tarentum, Crotonem, Tropeam, Amantiam & Galipolim legauit, præterea annua quinquaginta auro millia ex eius prouinciæ regis vectigalibus, dum a Carolo fratre Principatus aliquis in eo tractu daretur eam summam reddens quotannis. Vt Calabria Dux offensa quamuis multipliciter graui, redderetur libertati, mandauit, addito etiam Caroli munificentia idoneo principatu & vectigalibus vnde vitam principalem



sustentaret. Quod tamen decretum non ante annum millesimum quingentesimum tertium obtinuit. variæ causæ excusata, promptæ semper aduersus prostratos & paratæ. De Antonio Augustino Scrinii Magistro mentio nulla. Oblitus fuerit offensam, aut aliis placendam relinquere maluerit etiam recenti memoria dubitatū est. Cardinalis certe Hispaniæ rerum arbiter factus paulo post vinctum in Belgas misit: vbi dicta causa pro eius innocentia dati iudices pronunciarunt proximo mense Septembri. Testamento curatores adhibiti Regina, Carolus nepos, Cæsaraugustanus Præsul, Cardonæ Dux lectissima scæmina, Albanus, Prorex Neapolitanus, Thomas Mariensis à confessionibus ab epistolis Michael Clemens, quo excipiente testamentum confecerat, extincti corpus Granatam delatum templi maximi sacello regio composuere, vnaque Isabellæ Reginæ ossa eatenus ad Alhambræ arcem extemporario tumultu coniecta. Ex eorum numero qui agenti animam affuerunt, plerisque dilapsis, vt est mortuorum obliuio parata, soli Ferdinandus Aragonius, & Bernardus Dianii Marchio, paucique familia nobiles funus prosecuti sunt. Toto itinere populi obuiam progressi in sordida veste luctuque fædati cum ferculis & velamentis veniam & pacem extincti animæ precari. Cordubæ celebrior pompa extitit Prieghi Marchione, Egabri Comite vniuersaque vrbana nobilitate curantib. Ciuitas omnis obuiam effusa cum coniugib. & liberis, sacerdotes cum insignibus, ac diui ipsi prope exciti sedibus suis exceperunt. Quem viuum infensum experti erant, erga mortuum in generosis animis successit humanitas. Granatæ tandem sacratus ordo, vrbani senatus, regnisque iudicum conuentus certatim funus honestarunt. Lecto funebri nobilissimi quique humeros supposuere. Iusta apparatu celeberrimo facta sunt, dataque extincto inferiæ, vti opus erat, expugnatori atque conditori vrbis eiusque atque adeo vniuersi Granatensis regni bonorum, felicitatisque optimo patrono, atque præclaro.

F I N I S.

INDEX



# INDEX GENERALIS HORVM DE- CEM LIBRORVM POSTERIORVM IO. MARIANÆ, IN QVO

PRIMVS NVMERVS PAGINAM, SECVN-  
dus versum indicat.

**A.**  
**Abarracinus** Huelamanum oppid. cel-  
dibetorum capit. 37.12  
**Albobacegus** Granatæ Rex inducias  
cum contestanis violat 103.38: lega-  
tos Hispani inducias repetiturus  
mittit 106.3. pellitur Granatæ. 117.  
50  
**Alcantaræ** Magistri oppida publican-  
tur. 8.12  
**Alcassarum** oppidum de Mauris captū  
57.38  
**Alexander** sextus Pōtifex eligitur 144.  
25. confirmat Valentiam Metropo-  
litano iure donatam 144.58. in di-  
tiones Vrsinorum inuolat 168.15.  
Eos in gratiam recipit. ib.36  
**Alfonsi** Alburquerqui obitus. 34.125  
**Alfonsus** Arguello Cæsaraugustanus  
Præsul in vincula conicitur. 150. in  
flumen præcipitatur. ib.52. ei succe-  
dit Franciscus Clemens Barcinonis  
Episcopus. ibid.6  
**Alfonsus** Aragoniæ Rex in Hispaniam  
reuertitur. 9.8. Simplicii Ant. Vrsini  
litteris excitatus. Africam tentat. ib.  
52. in Siciliam appulit. ib.58. Gerbē  
Insulam oppugnat. 10.1. cum Boffer-  
ricio dimicat. ib.10. Ipse & fratres ca-  
pti 15.15. libertati reddit. 16.25.  
Neapolim petit 18.58.21.10. disce-  
dit vires reparaturus.21.52. Neapo-  
lim capit 27.10.50. splendide trium-  
phatur de Neapoli 30.8. fœdus cum  
Eugenio Pontifice init. 16.16. bellū  
repetit.33.24. Roca Bernarda & Bel-  
licastrum capit.33.40. nuptias Perdi-  
nandi filii celebrat. ib.50. Plumbi-  
nū obsedit.36.33. eius in Ouo Arce  
obitus 14.32. Apopthegma. ib.48.  
Testamentum. ib.57. Sepulchrum.  
56.1. successor Ioannes frater Rex  
Vasconum. ib.51  
**Alfonsus** Biuerus misere obruncatus.  
46.45  
**Alfonsus** Carillius Toleranus Archie-  
piscopus obiit.112.33  
**Alfonsus** Carillius Cardinalis Basileæ  
discessit.11.45. cui succedit Alfonsus  
Caril. iunior. ibid.11.47.  
**Alfonsus** Carthagena Burgenfis Epi-  
scopus obiit.56.4. Ei succedit Ludo-  
uicus Acunia. ib.  
**Alfonsus** Henrici regis frater Castellæ  
Rex renunciat 68.50. obiit 72.40.  
73.57  
**Alfonsi** Regis Neapolitani coronatio  
15.2.8. oratio de Imperio se abdican-  
do 155.40. Obitus 156.20  
**Alfonsus** Lorca ad Tunetium Regē  
legatus. 5.34  
**Alfonsi** Lusitani Principis nuptiæ.135.  
30. Inopinatus obitus. 136.8  
**Alhama** à Mauris obsidetur 118.36. à  
Ferdinando munitur. 123.34  
**Almunecar** de Mauris capta. 135.  
16  
**Aluarus** Luna, in Castella dissidia con-  
citatur 1.25. Eius consilium de pellen-  
dis aula procerib. aula proceribus.  
ibid. ei commendata est ditio Ma-  
gistri D. Iacobi 4.14. Eius vxor pri-  
ma Eluira porto carreria. 6.4. secū-  
da: Ioanna Beneuentani filia. ib. nu-  
ptiæ ad Valentiam celebratæ. ib.5  
Granatæ planicie depopulatur. 6.36  
**Aluari** euertendi consilia communi-  
cantur.22.20. literę eius rei causa ad  
Regem supplices mittuntur. 22.32  
**Aluarus** Luna Sepuluegum abire ius-  
sus.23.20. Eius casus 24.40.47.50.  
48.12. Scalona latet 28.35. Aluari  
restituendi consilia communican-  
tur 31.6. D. Iacobi Magister crea-  
tur 34.22  
**Alfonsus** Biuerus misere obruncat  
46.45. capitur 45.54.46.58. Suppli-  
cio afficitur 47.55.48.20. Codicil-  
los regi offert 47.10. bona eius æ-  
quis partib. inter regem & vxorem  
ipsius partita 48.34  
**Amadeus** Dux Sabaudus, Pontifex in  
in Concilio Basileensi salatur sub  
Felicis V. nomine 23.32  
**Americus** Vespucius primus Bresiliæ  
explorator 146.43  
**Angli** Regis obitus 283.30  
**Antonius** Pathormita Alfonso Arago-  
nio Regi familiaris 55.43  
**Aragonii** Ciriam & Borouiam arces  
in potestatem redigunt 3.40  
**Aragonii** principum fœdus contra Ca-  
rolum Regem Gallum 157.20  
**Aragonium** bellum 1.10. Eius finis 3.  
30  
**Aragonia** bella 67.30  
in Aragonia ciuitatum societates insti-  
tuta 131.1  
**Aragonios** inter & Gallos induciæ 96.  
49  
**Aragonii** motus 126.30  
**Aragonie** res 43.1  
**Arandæ** concilium 86.2  
**B.**  
**Basiliense** concilium 11.2.20.28  
**Barrientus** Abidæ Pontifex Alua-  
rum restituere conatur 30.35  
**Bartholomæus** Faccius Alfonso Regi  
Aragonio familiaris 55.43. obiit.  
ibid.  
**Basta** opp. de Mauris captum 135.4  
**Bellum** Aragonium 1.10. Eius finis.3.  
30  
**Bellum** inter reges Aragoniæ Vasco-  
num & Castellæ 1.20.2.32.  
**Bellum** Florentinum 35.45  
**Bellum** Granatense 5.22. Eius exitus.7  
38.  
**Belli** Granatenfis initium 115.10  
**Bellum** inter Ioannem Andegauen-  
sem & Ferdinandum Neap. Regem  
60.25  
**Bellum** in Italia inchoatur 307.22  
in Bello Italico parum promouebatur  
294.5  
**Bellum** Mauricum 14.2. Eius ratio  
129.15  
**Bellum** Mauricum repetitur 132.27  
134.15

**Bellum** Neapolitanum 98  
aliud Bellum Neapolitanum 149.10  
Eius caussa 150.25  
**Belli** Neapolitani initia 202.30  
**Bello** Neapolitano designati duces  
122.1  
**Bellum** in Sardinia 105.35  
**Bellum** ciuile inter Vascones 44.25  
**Bellum** Vasconum inchoatur 317.4.  
perficitur 329.50  
**Bellum** contra Venetos 287.20  
**Bætica** pacatur 104.10  
**Bononia** à Gallis occupatur 301.15  
**Bononia** obsessa 308.38  
**Bononia** ab Aragoniis capta 3.40  
**Brixia** à Cardonio capta 325.15. Pisca-  
ria vna cum arce subacta 326.3  
**Bugia** de Mauris capta 292.5  
**C.**

**Cæsaraugustana** cædes 1.53  
**Cæsaraugustæ** regni conuentus  
habetur 36.53.37.5. & 34  
**Cæsar** & Ferdinandus de Castellæ pro-  
curatione disceptant 267.43. Inter  
se conueniunt 290.45  
**Caia** flumen Pacem Augustam Helbes  
que interfluens 135.56  
**Caicta** à Gallis deficit 159.11. à Ferdi-  
nando Rege Neapol. obsidetur 162.  
7. post a Friderico patruo 167.4. ite-  
rum a Gonsaluo obsessa 221.20. de-  
dita 229.40  
**Calæci** cæduntur 129.40  
**Calataiubæ** Aragonius conuentus ha-  
betur 63.10. Regnum Neapolita-  
num sibi adferere conatur 56.32.  
moritur ib.51. ei succedit Aeneas  
Sylvius Pii secundi appellatione ib.  
54  
**Canariæ** insulæ inuentæ 147.18  
**In** Cantabria tumultus 80.56  
**Canta** lapetra arx recepta 103.47  
**Cardinales** quidam Episcopos ad Con-  
cilium euocant 302.40  
**Cardinalis** Hispaniæ in Africam trans-  
mittit 284.50  
**Cardonius** Brixiam urbem cepit 325.  
15 Venetos ad Vicentiam vicit 33.  
30  
**Carolus** Andegauensis Massiliæ obiit  
112.28. Gallum Regem heredem  
scripsit 112.30  
**Carolus** Aquitanus defunctus 81.38  
**Carolus** Burgundus ad Nancium ce-  
cidit 102.41  
**Carolus** Bituricum dux Ioannæ Prin-  
cipis coniugium expetit 77.52.79.  
30. a Gasto Fuxensi in ludicro mili-  
tari vulneratus extinctus est 80.5  
**Carolus**7. Gallus rex obiit 62.58. suc-  
cessit Carolus 8. Rex Galliæ 148 fœ-  
dus cum Maximiliano Rom. Rege  
facit 149.10. Neapolitanū regnum  
occupare conatur 150.25.152.22.  
Astam peruenit 153.1. Ticinum ca-  
stra mouit ib.20. Romæ cum plau-  
su excipitur 154.24. Neapolim in-  
greditur 155.35. a finibus regni de-  
pellitur 162.5. obiit 182.1  
**Carolus** Vianæ Princeps 53.22. Rex  
Neap. proclamatur 54.57. legatos  
ad patrem mittit 57.42. Nuptias cū  
Catharina Lusitani Regis sorore a-  
gitat 61.11. eius obitus 61.46  
ff 6



# INDEX.

Caroli Principis in Hispaniam aduētus 275.46  
 Castaneda comes a Mauris captus 55.31  
 de Castellæ administratione controuersia 239.15  
 Castellæ Regis in planicie Araucina clades 358.4.1  
 Castellæ Rex Petrum Manricum regerendis præfecit 6.19. capitur 25.4 eius custodia Comiti Castri imponitur 31.17. obiit 49.35. ei in regno succedit Henricus ib.40  
 Castellæ & Aragoniæ pax 63.38  
 Castellam inter & Lusitaniam pax facta 109.40  
 Castellæ inquisitores dantur 107.40  
 Castellæ motus 22.16. Noui motus 23.46  
 in Castella noui principatus 4.18  
 in Castella omnium rerum perturbatio 70.46.72.45  
 Castellæ procerum sacramentum & votum 2.14. iurantium nomina 2.20  
 Castellæ proceres fœdus contra Aluarum ineunt 23.15. multiplicati 36.44  
 Castellæ procerum noui conspirationes 41.50  
 in Castella prodigia 58.2  
 Castellæ regnum Isbellæ oblatum 75.15  
 in Castella res nouæ 254.28  
 Castellæ conuentus 299.21  
 Castrum Nunnium receptum 103.48  
 Castri Comes maiestatis lege damnatur 8.11. in pugna ad Olmedum captus 33.9. Castellæ redditur 18.49  
 Catalauni morus 63.10  
 Catalaunica gentis conuentus 96.30  
 Catharina Ferdinandi filia 125.7  
 Christophorus columbus primus noui orbis inuentor 145.57. obiit 146.37  
 Ciria arx capta 3.40  
 Cogolludum Carpetaniæ oppidum 2.32  
 Colloquium inter Henricum & Manricum 2.51. inter Castellæ Regem & filium, Medinæ campestris habitum 37.20  
 Colloquium Regum Ioannis Arrag. & Ludouici XI. Gallorum 63.48. Regum Castellæ & Galliæ 64.25. inter Ferdinandum & Philippum socerum & generum Reges 251.38. inter eisdem Alterum colloquium 253.10. Aliud Regum Galli & Catholicorum 270.28  
 Comes Castri in pugna ad Olmedum captus 33.9  
 Complutum vetus urbs 32.15  
 Concilium Basiliense 11.2.20.28. in eo damnatur Eugenius 23.30. Amadeus Dux Sabaudus Pontifex salutatur 23.32  
 Concilium a Pio secundo Mantuam indictum 56.56. habitum 59.17.59.20.60.34  
 de Coniugii variis actum 274.28  
 Coniuratio in Lusitanum regem 113.10  
 Coniuratio procerum Castellæ ad euertendum Aluarum 22.24.23.15  
 Constantinopolis a Turcis capta 47.30.51.15. & 45  
 Controuersia de Castellæ administratione 239.15  
 Controuersia inter duos Reges Ferdinandum & Philippum socerum & generum continuata 241.20  
 Controuersia inter Cæsarem & Ferdinandum composita 290.40  
 Conuentus Lateranensis inchoatur 315.25

ad Criniolam magnum prælium 216.30  
 Cuellar captum 34.25  
 Cuiar oppidum de Mauris captum 134.22

## D.

**D**avid Trapezuntis imperator 59.23  
 Desia oppidum captum 3.40  
 Dieghus Lupus Paciecus Villenæ Marchio 239.44  
 Dieghus Mendoza Casorlæ Antelatus 135.7. Sanctillanus Marchio 57.32  
 Dieghus Ribera Antelatus sagitta perit 14.15. ei filius sufficitur ib.18  
 Dominicus Ilerdæ Episcopus legationis in Castellam princeps 4.40. Orationem habet ib.50  
 Durangi fratricellorum festa 28.24

## E.

**E**duardi Lusitanæ Regis numerosa proles 11.27. Parentatio marium parentis ib.28  
 Eleonora Aragoniæ regina 4.22. In D. Claræ Virginum collegio includitur ib.23  
 Eleonora Vasconum regina 108.34  
 Emanuel Rex Lusitanus 160.47. generales conuentus indicit 164.36. ludæis libertatem restitui iussit 167.10. Monasterium Bethlechem dictum, Hieronymitano ordini constituit 175.10. Nuptias cum Isabella Ferdinandi Catholici Regis filia habet 180.48. Eius vxor ex partu obiit 183.58. eius cum Maria Isbellæ sorore coniugium secundum 194.20  
 Encus Mendoza Fizeæ regulus acie victus 4.1  
 Encus Mendoza Tendillæ Comes 8.123. Maricus classis Hispanici ductor 18.18. Daualus Vasti Marchio denunciatur 179.12  
 Episcopi ab aliquot Cardinalibus ad Concilium euocati 302.40  
 Eugenius Pontifex in Concilio Basil. damnatus 23.30. obiit 36.4. Thomas Sarzana Lucæ in eius locum cooptatus Nicolai 5. nomine 36.5

## F.

**F**erdinandus & Isabella Castellæ Reges 91.35  
 Ferdinandi Alfonsi Aragonii regis filii nuptiæ 33.20. & 50. obiicitur ei quod sit ex concubinato conceptus 56.7. Neapolis ei legatur 55.53. eius ingenium 56.10. cum Carolo Vianæ Principi dissidium ib.16. ad Calixtum Pontif. literæ ib.36. rex Sicilia renunciat 74.10. Nuptias cum Isabella celebrat 76.35. Barcinonem abiit 89.40. In Lusitaniam irrumpere conatur 107.40. pacem cum Gallo init. 108.4. Catharina ei nascitur, 125.7. Ioannes ei filius nascitur. 106.10. cum Anglis & Austriis principib. fœdus inaurat 134.8. Bastam obsidet ib.24. Granatæ planiciem vastat 137.3. fœdus init 138.50. militarium ordinum magisteria ei dantur 149.34. obiit 151.5. succedit Alfonsus filius ib.8  
 Ferdinandus Alfonsi filius Rex Neapolitanus 156.26. Neapolim est ingressus 158.55. Caietam obsedit 162.8. obiit 166.25. ei succedit Fridericus patruus ib.50  
 Ferdinandus Rex Catholicus 167.44. pacem cum Gallo init 169.52  
 an Ferdinandum Regem Catholicum in Italiam abire fuisset consultum 205.20. inter eum & Philippum generum controuersia continuata 241.20. fœdus inter eos factum 245.42. Ferdinandus Catholicus colloquium cum Rege Gallo habet 270.

28. Regiam filiam inuiscit 272.36  
 in Baticam abiit 277.1. Venetis arma infert 287.30. cum iisdem fœdus facit 305.48. obitus Philippi generi ei nunciatur 257.30. Neapolim init 259.8. cum Cæsare de Castellæ procuratore disceptat 267.42. discessit Neapoli 269.11. Neapolitanum regnum a Pontifice ei attribuitur 295.36. cum Iulio Pontif. & Venetis fœdus facit 305.49. obiit 344.50. tria testamenta cõecit 345.46  
 Ferdinandus Toletus quod contra Aluarum conspirasse diceretur in custodiam datur 8.13  
 Ferdinandus Quignonius ad Olmedum captus 33.10  
 Ferdinandus Castriotus manu Francisci Regis Galli cæsus 61.6  
 Ferdinandus Megalianus Canariis primum insulas inuenit 147.18  
 Ferdinandus dux Calabriæ in Hispaniam missus 201.20  
 Ferrerius Marefcalus Semena Municipium expugnat 55.56  
 Florentinum bellum 31.45  
 Fœdus inter Aragonium & Castellæ Regem tentatum 4.56  
 Fœdus inter Alfonsum Aragonium & Eugenium Pontificem 30.16  
 Fœdus principum contra Carolum Regem Gallum 151.20  
 Fœdus contra Venetos factum 236.40  
 Fœdus Gallum inter & Cæsarem Cameracicum 280.20  
 Fœdus Ferdinandi Regis Catholici cum Pontif. & Venetis 305.48  
 Fœdus inter Ioannem Aragoniæ Regem & Ludouicum XI. Regem Gallum 63.44  
 Franciscus eo nomine I. Galliæ rex Mediolanum abiit 342.57  
 Franciscus Rex Gall. Vasconum Rex proclamatus 112.48  
 Fridericus maris præfectus 2.19. Aragonia littora infestat 4.37  
 Fridericus Arionæ dux Traстамaræ Comes in vincula ducitur 39. obiit in arce Pennasiliis 3.10. sepultus in Monasterio Beneuere ib.14  
 Friderici Lunæ Comitis dictio publicatur 4.11  
 Fridericus Lunæ Comes Hispaniam dirigit 12.12. captus a Castellæ rege 12.20. obiit in carcere 12.25. eius sepulchrum ligneum cordubæ ib.27  
 Fridericus Rex Neapolitanus 166.50. Caietam obsidet 162.4  
 Fridericus Rex & Isabella Regina discessere 237.42

## G.

**G**aleatus Mediolanensis occisus ad aram D. Stephani 102.39  
 Gallor. & Neapolitanor. studia contraria 9.37  
 Galli à finibus regni Neapolitani depelluntur 162.5  
 Galli ab Hispanis rursus ad pugnam prouocantur 208.15  
 Galli Salsulam arcem obsident 223.20. relinquunt 225.5. bis ad Litrim vincuntur 226.40  
 Gallum inter & Cæsarem fœdus cameracicum 280.20  
 Galli Bononiam occupant 301.15  
 Galli ab Heluetis ad Nouariam victi 331.10  
 Gundia dux occisus 168.12  
 Gasias Lassus D. Iacobi miles occubuit 55.10  
 Gasias Toletus in Gerbis insula occisus 296.51  
 Genuense bellum 55.35  
 Geor-



# INDEX.

Georgius Trapezuntius Alfonso Aragoni regi familiaris 55,44  
 Gerbis insula ab Alfonso Rege Aragonio petitur 10,1  
 Gonzalvus Magnus dux in Italiam redit 192,15 eius potestas circumcisa 234,43 caietam obsidet 221,20 Otlandi montem occupat 229,52 vrbe potitur 230,10 Neapoli cum plausu exceptus 231,27 eius profectio in Italiam impedita 321,18  
 Granata terra mouit 6,25  
 Granata planities vastata 136,30 descriptio 137,46,138 tumultus 139,6 obsidio 137,25. Quis Granatam edificauerit 138,7 capitur 140,8  
 Guterrius Toletus in custodiam traditur 8,13  
 Guterrius Sotomaior petrum Aragonium in Lecto cepit 8,55 patrueli Ioannem gradu moto ipsius honorem adeptus est 9,2  
 H.  
 Henricus Aragonius calataiuba extinctus 33,15  
 Henricus Rex castellae renunciat 49  
 50 caroli Viani Principi fauet 53,27 eius nuptiae cum Ioanna Lusitani Regis sorore ib.35. Pax cum Valconum Rege 55,2. Granatensem agrum vastat ib.8 Menam opp. capit ib.12 ense & galero a Pontifice calixto donatur ib.30 inter nouos homines honores distribuit 57,4 amori dat operam 58,3 in Valconum fines irrumpit 62,40 Vianam obsidet ib.42 cum Ludouico Gallo Rege colloquitur 64,25 obiit 70,18  
 Henricus Lusitani Regis patruus, primus in Africam nauigandum putauit 49,6  
 Hispalis tumultu aestuat 65,37  
 Hispalim oratores a Granate rege mittuntur 106,8  
 Hispanorum res in Italia florent 29,54  
 Hispaniae status 29,50  
 Hispaniola & cuba insulae inuentae 146,27  
 Hispanor. ad Malacae montes strages 118,55  
 Hispanos inter & Gallos induciae rogatae 335,45  
 Huelamanum celiberorum oppidum captum 37,12  
 I.  
 Inducia quinquennes inter Aragonium & castellae Reges 5,1 ipso festo D. Iacobi prouulgantur 5,10  
 Inducia Gallos inter & Hispanos patet 131,23  
 Inducia inter Regem catholicum & Gallum 225,58  
 Inducia Hispanum inter & Gallum rogatae 335,45  
 Inducia inter Regem catholicum & Gallum 169,58  
 Innocentius Pontifex discessit 144,30, successit Borgia Alexandri sexti nomine ib.38  
 Inquisitores castellae dati 107,40  
 Ioannes Sotomaior gradu motus 9,1. eius auunculo honoratus ib.2  
 Ioan. caracciolus perimitur 10,16  
 Ioannes Lusitaniae Rex obiit 11,15. successit patri Eduardus 11,20  
 Ioan. contrerius Toletanus Archiepiscopus discessit 13,8 Toleti sepultus ib.10 ei succedit Ioan. curesola  
 Hispanensis Episcopus ib.14  
 Ioanna Regina Andegauensis obiit 13,36  
 Ioan. castellae regis cum Isabella Lusitanae nuptiae 36,22. pugna cum Mauris 37,50. obitus 48,50

Ioannes Andegauensis victus 60,54  
 Ioannes Aragoniae Rex 55,53.56,27 cum Ludouico XI. rege Gallo foedus facit 63,44 obiit 107,35. regni heredes nepotes ex Ferdinando filio instituit 108,30  
 Ioannes Rex Lusitanus 175,6 obiit 136,19.160,25 successit Emanuel eius patruelis ib.47  
 Ioannae Lusitaniae Reginae partus 262,11  
 Ioanna Aragonii filia Neapolitano desponsata 102,8  
 Ioanna Regina castellae Burgis discessit 261,28  
 Ioannes Luna apud cuiar cadit 134,36  
 Ioannes canamarius Ferdinandum Regem Aragonium vulnerat 148,44 crematur ib.52  
 Ioannes Mediceus Pontifex salutaris 328,30 Galeatius dux Mediolanensis obiit 253,25. Menesius Arcillae praefectus Afros vincit 165,20  
 Ioannis Principis Hispaniae nuptiae 169,42. obitus 180,28  
 Iosephus Abenarraxius victus & occisus est 8,22 in locum eius Adilbaris praetor Granatae constitutus 8,41  
 Italiae pax 50,45 Sublata Alfonso Arag. Regis obitu 56,8  
 Italia nouo bello concussa 56,10  
 Iudaei ex Hispania pulsi 142,8.144,10 a Ioanne secundo Portugalliae Rege suscepti ib.11. ex Lusitania pulsi 166,8  
 Iulianus Caesarinus cardinalis Martini Pontif. legatus 11,36  
 Iulianus Ruereus cardinalis 152,28  
 Iulius Pontifex Ferdinando Regi catholico Regnum Neapolitanum attribuit 295,36 ab eius autoritate quidam Cardinales discedunt 299,15 Vasconum Regem anathemate deuincit 310,31 obiit 328,10 ei successit Ioannes Mediceus sub nomine Leonis X. ib.30  
 L.  
 Lateralensis conuentus inchoatur 315,26  
 Laurentius Valla Alfonso regi Aragonio familiaris 55,43  
 Leo decimus Pontifex creatus 328,30  
 Ludouicus Andegauensis in Calabria ablegatur 9,40 obiit 12,6.13,31 successit in regno frater Renatus 13,44  
 Ludouicus XI. Galliarum rex 51,10.62,58 cum Ioanne Rege Aragoniae foedus facit 63,42 cum Henrico castellae Rege colloquium habet 64,25  
 Ludouicus Mediolanensis Dux eo principatu spoliatur 185,45  
 Lupus Mendoza compostellanus praefectus obiit 32,10 in eius locum transfertur Aluarius Isorna concha ib.  
 Lusitani suorum principum studiosissimi 31,35  
 Lusitanis in Africa memorabilis clades illata 19,2  
 Lusitaniae regis nuptiae 38,40  
 Lusitanus Ioannae causam suscipit 92,55 se Regem castellae dicit 93,55 Zamoram capit 95,20 in patriam rediit 98,50 discedit in Galliam 100,4. Taurum capit 101,46 obiit 111,12  
 Ioannes eo nomine secundus in imperio succedit 112,15  
 Lusitanis proceres in regem conspirant 113,10  
 Lusitaniae Rex Ioannes obiit 136,19 successit Emanuel extincti patruelis ibid.20

Lusitani Reges 164,36  
 Lusitani nauigationes in Africam tentant 49,3  
 contra Lusitanos a Sulthano classis mittitur 281,35  
 Lusitani in Italiam penetrant 171,4  
 Lusitaniae res 337,2  
 M.  
 Madriti regni conuentus habitus 11,8. nec non ludi militares ib.12. alius ibidem conuentus generallis habetur 105,60  
 Mahometes Turcarum Imperator Rhodum impugnat 111,24. obiit ibid.40  
 Mahomad Boabdiles capitur 120,15  
 Malaca capitur 129,20  
 Mantuanum concilium 59,18  
 Maria castellae Regina obiit 32,3  
 Martinus Pontifex concilium Episcoporum Basiliense indicit 11,34. Eugenius eius successor in Italiam episcopos transferre conatur 11,38.20,28  
 Martinus Pontifex obiit 6,8 ei succedit Gabriel condemerius cardinalis Eugenii 4. nomine ib.13  
 Mauri iudicias a castellae Rege petunt 5,32. nihil proficiunt ib.  
 Mauri caduntur 5,50 iterum vincuntur 7,30 tertium victi 10,9  
 Mauricum bellum 14,2  
 Maurorum strages & fuga 14,20,36  
 Mauricum bellum aliud 53,45.57,40  
 Mauri contestanos inuadunt 103,38  
 Mauri Alhamae obsidionem repetunt 118,36  
 Mauri multa oppida capiunt 127,50  
 Maurorum agri vastantur 134,35  
 Maximilianus Sfortia Mediolanum ingreditur 326,40  
 Mazalquiuirum de Mauris captum 244,2.  
 Medinae campestris castellae conuentus habetur 338,4,4  
 Mediolanenses res 190,28  
 Mena opp. Maur. ab Henrico cast. Rege captum 51,12  
 Mendozius caluus castellam fundit 360  
 Montani ad Granatam Mauri rebellant 187,30  
 Montione Aragonii conuentus habentur 295,36,296,31,299,16 motus Aragonii 126,30 catalauni 63,10  
 N.  
 Nauigatio ad Indos occiduos inchoatur 145,45  
 Nauigatio qua hodie in Orientalem Indiam itur 177,25  
 Neapolitanum bellum 9,8  
 Neapolitani a Gallis studiis & moribus dissident 9,37  
 Neapolis ab Alfonso Aragonio capta 27,10  
 Neapolitani motus 60,22  
 Neapolitano bello designati duces 122,1.  
 Neapolitani regni descriptio 197,45  
 Neapolis vrbs Hispano deditur 218,40  
 Neapolitanis litibus diiudicandis iudices constituti 240,20  
 Neapolitanis exilibus principatus restituti 262,31  
 Nicolai 5. Pontificis diploma 40,30. obitus 52,58. In huius defuncti locum coopatur Alfonso Borgia calixti nomine 53,3  
 Nives in Vasconibus & Aragonia 40. dies continuatae 11,6  
 ad Nouariam Galli victi 331,10  
 Nunnus Pereira Barcellosi comes fit carne-




# I N D E X.

carmelita 7. 46. plurima templa  
 ædificat ib. 50. obiit ib. 53 Funus in  
 signe rex ipse Lusitanus parat ibid.  
 57  
 O.  
**O** Benignus victus & captus 314.  
 55. libertate datus 230, 22  
 Olisipone graui peste infestata 11, 14  
 ad Olmedum pugnatur 31, 50. 32, 52  
 alia ad Olmedum pugna 70, 45  
 Orlandus mons prope Caietam 229,  
 40  
 Osca municipium captum 14, 16  
 Osca de Mauris capta 103, 1  
 P.  
**P** alicius ab Hispanis capitur 209,  
 50  
 Paulus secundus Pontifex obiit 81, 24  
 successit Franciscus Ruuereus Car-  
 dinalis Sixti IV. nomine ib. 27  
 Pax inter Reges Castellæ & Lusitanæ  
 7, 42. promulgatur 8, 10 inter Re-  
 ges Castellæ & Aragoniæ 17, 35  
 Pax Italiæ 50, 45 sublata 56, 8  
 Pax inter Castellæ & Vasconum reges  
 55, 2 inter Castellam & Aragoniam  
 63, 38 inter Regem Catholicum &  
 Gallum 169, 52  
 Pennaficelis obsidetur 2, 28  
 Perpiniani obsidio 84, 42  
 Petrus Aragonius Medina Campestri  
 aduocatus Pennaficelam venit 2, 10  
 Petrus Aragonius a Gutierrio Sotoma-  
 iore vi captus est 8, 55  
 Petrus Aragonius ad Neapolim occu-  
 buit 21, 40 Tumulus eius ad Ouir-  
 cem ib. 45  
 Petrus Manricus Antelatus Aluari cō-  
 filio captus 19, 23 solutus 22, 17 a  
 Castellæ rege reb. gerendis præfe-  
 ctus 6, 19  
 Petrus Lusitanus a catalaunis euoca-  
 tur 65, 24, 67, 30  
 Petrus Lusitanus Rex Aragonius pro-  
 clamatur 65, 48  
 Petrus Suarius Talaueram capit 28,  
 43  
 Pimentelius Calatrauæ & Alcantaræ  
 Magister aula discedit 1, 31  
 pius secundus Pontifex max. 56, 8. &  
 54. Concilium Mantuam indicit ib.  
 & 59, 20  
 Philippo Principi pax in Gallia pacta  
 213, 30  
 Philippi Belgæ aduentus in Hispaniā  
 199, 50 in Belgas abiit 204, 12 Phi-  
 lippi Castellæ regis obitus 255, 50

Ferdinando nunciatur 257, 30. eius  
 vxoris obitus 261, 28  
 Piscaria a Cardonio subacta 326, 3  
 Pompelo obsessa 323, 1  
 Prælium ad Olmedum factum 70, 45  
 Procerum Castellæ conspiratio 66, 15  
 Prodigia in castella visa 58, 2  
 Pugna ad Olmedum 31, 50. 32, 53. ad  
 Taurum urbem 97, 30 ad crinio-  
 lum magna 216, 30  
 R.  
**R** eges Lusitani 164, 36 Neapolim  
 defendit 27, 25 in Galliā con-  
 cedit 28, 1 oblatum a catalaunis  
 principatum arripit 74, 10 res A-  
 fricæ 279, 1 Aragoniæ 43, 1  
 Res nouæ in castella 254, 28 Italiæ  
 319, 51 Lusitanæ 337, 2 Mediola-  
 nenses 190, 28 Vasconum 122, 1  
 Roderici Lunæ compositellani Episco-  
 pi ingens scelus 58, 36 episcopatu  
 mouetur ib. Alfonso Fonseca ei suc-  
 cedit 60, 12  
 Rodericus Manricus Paredius comes  
 D. lac. Mag. discessit 103, 1  
 Ruscinonenses & ceretani Regi Ara-  
 gonio restituti 148, 16  
 S.  
**S** alobrena de Mauris capta 135, 16  
 Salsulæ arx a Gallis obsessa 223, 20  
 obsidione soluitur 225, 5  
 Sandoualio castri comes Pennaficelis  
 municipium præsidio munit 2, 10  
 Sanguessa inundatione euersa 5, 60  
 Scanderberchius in Italiam transmit-  
 tit 60, 20. 68, 30  
 Seguntia Vrcesiam abit. 3, 2  
 Sigismundus cæsar Basileæ conuocan-  
 dos episcopos contendit 11, 38  
 Stunica calatrauæ & Alcant. Mag. dis-  
 cedit 1, 31  
 a Sulthano classis in Indiam cōtra Lu-  
 sitanos missa 281, 35  
 T.  
**T** alauera capta 28, 43  
 ad Taurum urbem pugna 97, 30  
 Taurus de Lusitanis capta 101, 46  
 Terræmotu Neapoli multa oppida &  
 homines ad sexaginta millia inter-  
 iere 54, 27  
 Tolerum Vrbs Regia 6, 23 terræmotu  
 concussa ib. 24  
 Toletum tumultus 39, 35. 81, 10 genera-  
 les conuentus agitati 111, 2  
 Tonitru vltra triginta millia passuum  
 auditum 11, 4  
 Tripolis de Mauris capta 292, 5. 296, 36

Tumultus in cantabria 80, 56  
 Tumultus Hispalensis 65, 37. alter 81,  
 10  
 Turpia Brutior. arx ab Andegauensib.  
 obsessa 9, 58. dedita 10, 1  
 Turuli colloquium habitum inter A-  
 ragonium & Henricum fratrem 2,  
 1.  
 V.  
**V** alencia metropolitano iure do-  
 nata 144, 58  
 Valentinus Dux 226, 11. captus in Hi-  
 spaniam missus 233, 5 occisus 266, 1  
 Vallisolei cōuentus regni celebratur  
 1, 40  
 Vasconum bellum inchoatur 317, 4  
 Vasconum regnum inchoatur 318,  
 25.  
 aliud Vasconum bellum 329, 50  
 Vascones Castellæ contributi 339, 21  
 Vascones campesum oppidum capi-  
 unt 37, 11 bellum ciuile mouent  
 44, 25  
 Vasconum res 122, 1. tumultus 53, 20  
 54, 34  
 Vascus Gama quid. calecutii gesserit  
 174, 21. Redit in Lusitaniam 176, 25  
 Vasco regno dignus iudicatur 1, 33. in  
 auguratur 2, 3  
 Valconis nuptiæ 30, 56. copiar contra  
 Castellæ Regem 31, 16  
 Vasti Marchio Hispanorum partes am-  
 plectitur 211, 55  
 Velasus calatrauæ & Alcant. Magi-  
 ster aula discedit 1, 31. in custodiam  
 traditur 8, 13  
 Veneti bello petuntur 287, 20. Pataui-  
 um recipiunt 289, 15 Ferrariam ob-  
 sident 290, 15 in bello italico parum  
 promouent 294, 5  
 Vincentii fanum vi expugnatur incen-  
 diturque 3, 22  
 Violantes Aragon. Regina grandæua  
 obiit 6, 32  
 Virgilius & Iordanus Vrsini ad Neapo-  
 lim victi 108, 13 ditionibus ab A-  
 lexandro Pontif. spoliati ib. 14  
 Viri insignes 28, 35  
 X.  
**X** auam mensis 68 18  
 Z.  
**Z** amora a Lusitano capta 95, 20. a  
 Ferdinando recepta 96, 30  
 Zoroira Albohaceni Granatæ regis  
 vxor ad christianismum conuersa,  
 Isabellæ nomine accepto 68,  
 24







81-22  
P. J. Remond  
1810





F603

= H6731

3

7







F603  
HG73;  
2-SIZE  
V.3



